


ጌሻ ማጻፋ



Gamo: ጌሻ ማጻፋ Bible of Ethiopia, Ethiopic script

ጌሻ ማጻፋ

Gamo: ጌሻ ማጻፋ Bible of Ethiopia, Ethiopic script

copyright © 2024 The Word for the World International

Language: Gamotso (Gamo)

Contributor: The Word for the World Northern Africa

This translation is made available to you under the terms of the Creative Commons Attribution Share-Alike license 4.0. You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 11 Mar 2026 from source files dated 3 May 2025
d0ee6825-f93e-584e-8c8f-567d8d068e4b

Contents

ሜዴቴላ	1
ኬሳ	43
ሌዌታ	78
ታይቦ	103
ዛሪላ	138
ኢያሶ ማጻፋ	169
ዳናታ ማጻፋ	188
ኡሩቲ ማጻፋ	209
1ሳሜላ ማጻፋ	212
2ሳሜላ ማጻፋ	238
1ካዎታ ማጻፋ	261
2ካዎታ ማጻፋ	287
1ታሪኬ ማጻፋ	312
2ታሪኬ ማጻፋ	339
ኢዘራ ማጻፋ	367
ናሂሚያ ማጻፋ	376
አሰቴሪ ማጻፋ	390
ኢዮቤ ማጻፋ	397
ዬላ ማጻፋ	435
ሌሚሶ ማጻፋ	529
ኤራንቻታ ማጻፋ	559
ሲቆ ሳባ	569
ኢሳያሳ ቲንቢቲ	576
ኤርማሳ ቲንቢቲ	645
ኤርማሳ ዚላስ	703
ሂዚቄላ ቲንቢቲ	710
ዳኔላ ቲንቢቲ	753
ሆሴኤ ቲንቢቲ	766
አዩኤሌ ቲንቢቲ	778
አዎጾ ቲንቢቲ	783
አብዲዩ ቲንቢቲ	791
ዮናሳ ቲንቢቲ	793
ሚኪያሳ ቲንቢቲ	795
ናሆሜ ቲንቢቲ	800
አምባቆ ቲንቢቲ	803
ሶፎናሳ ቲንቢቲ	806
ሃጌ ቲንቢቲ	810
ዛካራሳ ቲንቢቲ	812
ሚልካሳ ቲንቢቲ	820
ማቶሳ ሚሺራቾ	823
ማርቆሳ ሚሺራቾ	853
ሉቃሳ ሚሺራቾ	872
ዮሃንሳ ሚሺራቾ	903
ሃዋሬታ ኦሶ	926
ኦሮሜ አሳስ	956
1ቆሮንቶሴ አሳስ	969
2ቆሮንቶሴ አሳስ	981
ጋላቲያ አሳስ	989
ኤፌሶኔ አሳስ	994

NT

ፕሊ.ጲ.ሲ.ዮሴ አሳስ	999
ቆላሲያሴ አሳስ	1003
1ታሶሎንቄ አሳስ	1007
2ታሶሎንቄ አሳስ	1010
1ጸምቶሳስ	1012
2ጸምቶሳስ	1016
ቲቶሳስ	1019
ፕልሞናስ	1021
ኢብራዌ አሳስ	1022
ያቆቤ ከታ	1032
1ጴጵሮሳ ከታ	1036
2ጴጵሮሳ ከታ	1040
1ዮሃንሳ ከታ	1043
2ዮሃንሳ ከታ	1047
3ዮሃንሳ ከታ	1048
ዩሁዳ ከታ	1049
ዮሃንሳ አጁታ	1050

ሜዴቲላ ማጻፋ ጊደ ቆፋ

ሜዴቲላ ማጻፋ ጊቲቲዛ ሃ ማጻፋይ ሳሎቲኔ ሳኦይ ሜዴቲላ ማዴታ ጊሻሰ፡ ኣሳ ዜሬሌ ዩዳ ዩሳ ጊሻሰ፡ ናጋራይኔ ዋዬ ዴኦይ ደሚቲዳ ደሚላ ጊሻሰ፡ ጸሳራኔ ኣሳ ዜሬላራ ዲዛ ጋይቶቲላ ጊሻሰ ዮቲሰ። ሜዴቲላ ጊሻሰ ናምኡ ዋና ዋና ሶሆታን ሻኬቲ ጸሌታናሰ ዳንዳዩሰ።

1. ሸምፖ ኢሲነፔ ቢዲ ታማኔ ኢሲኖ ጋካናሰ ዲዛ ሶሆይ ሳሎቲኔ ሳኦይ ሜዴቲላ ሜዴቲላ ጊሻሰኔ ኣሳ ዜሬላሰ ኮይሮ ታሪኬ ዮቲሰ። ኣዳሚኔ ሄዋኒ ታሪኬይ፣ ቃዬሌኔ ኣቤሌ ታሪኬይ፣ ኖሄኔ ጳይሳ ሃላ ታሪኬይ፣ ሄሳሳካ ባቢሎኔ ገምቤ ታሪኬይ ዴኢዛይሲ ሃይሳና።
2. ሸምፖ ታማኔ ናምኣፌ ቢዲ ኢቻሽ ታሙ ጋካናሰ ዲዛ ሶሆይ ኢሰራኤሌ ኣሳሰ ቤኒ ኣዋታ ታሪኬዛ ዮቲሰ፤ ኢሰታ ጊደን ኮይሮይ ባ ኣማኖኒኔ ጸሳሰ ኣዛዜቲዛ ሃኖታን ኤሬቲዳ ኣብራሃሚ፣ ሄሳፌ ቃሴ ኢዛ ና ዩሳቃ፣ ኢዛ ናዛ ና ያቆቤኔ ያቆቤ ናይታ ታማኔ ናምኣታ ታሪኬይ ካሌሰ፤ ሃይቲ ያቆቤ ናይቲ ታማኔ ናምኣቲ፣ ታማኔ ናምኡ ኢሰራኤሌ ዛሬታሰ ኣኖ ጊዲዳይታ፤ ሄይታ ሄ ታማኔ ናምኡ ኢሰራኤሌ ናይታ ጊደንካ ዮሴፌ ዲማሲዲ፣ ሄሳሳካ ቃሴ ያቆቤኔ ኢዛ ናይታ ሃንኮ ኣቲዳ ኢሰታ ኬላ ኣሳራ ጊብጾ ቢታ ኤፊዳ ሃኖታ ሚንላ ጸሌሰ።

ሃ ማጻፋይ ኣሳ ታሪኬ ዮቲዛይሳ ጊዲኮካ፣ ኡባፌ ኣሌዲ ኢዚ ዮቲዛይሲ ጸሲ ኣሌዳ ኦሶ ጊሻሳ። ጸሲ ሳሎታኔ ሳኦ ሜዲዳ ታሪኬዛ ዮኦ ደሚዲ፣ ጸሲ ባ ኣሳሰ ቆፒዛ ቆፋ ኣጎንታይሳ ሂደታን ቆንጨሲሽ ፖሌሰ፤ ሃ ማጻፋ ጊደን ሃ ጋጻፕ ሄ ጋጻ ጋካናሰ ዮቲቲዛ ታሪኬዛ ጎዳይ፣ ናጋራንቻታ ፐርዲዛይኔ ቃጸዩዛይ፣ ባ ኣሳ ካሌላዛይኔ ማዲዛይ፣ ኢሰታ ታሪኬዛ ሃኖታካ ጊገሲዛይ ባ ሁኡን ጸሳ። ሃይሲ ቤኒ ማጻፋይ ጸፊቲዳይሲ ኣሳ ኣማኖ ታሪኬዛ ማዘጋቢዲ ኦይካናሲኔ ሄ ኣማኖይካ ሚኒ ዴኣና ማላ ኦላናሳ።

ሃ ማጻፋይ ኦይኪዳ ኩሚላ ቆፋ

- ሜዴቲላ 1:1—2:25
- ናጋራኔ ሜቶ ደሚላ 3:1-24
- ኣዳሚፕ ቢዲ ኖሄ ጋካናሰ ዲዛ ሃኖታ 4:1—5:32
- ኖሄኔ ባሻ ሃላ 6:1—10:32
- ባቢሎኔ ገምቤ 11:1-9
- ሴሚፕ ቢዲ ኣብራሃሚ ጋካናሰ ዲዛ ሃኖታ 11:10-32
- ቤኒ ኣዋታ ኣብራሃሚ፣ ዩሳቃኔ ያቆቤ ዋዴ 12:1—35:29
- ኤሳዌ ዩሌታ 36:1-43
- ዮሴፌኔ ኢዛ ኢቻታ 37:1—45:28
- ኢሰራኤሌ ኣሳይ ጊብጻን 46:1—50:26

ሜዴቲላ ጊሻሰ
1 ጸሲ ኮይሮ ሳሎኔ ሳኦ ሜዲዳ።

2 ሄ ዋዴ ሳኦይ ሎኢ ጊጊቤናኔ ኣይኮይካ ባይንዳ ሚላ ዴሰ፤ ጨማሶሆታ ጳማይ ጎዚ ኦይኪዳሰ፤ ጸሳ ኣያናይ ሃላፌ ቦላራ ማይኢ ኡቲዳሰ።

3 ሄሳፌ ጉዬ ጸሲ፣ «ፖኦ ጊደ» ጊን ፖኦ ጊዲዳሰ።

4 ፖኦይ ሎኦ ጊዲዳይሳ ጸሲ ቤኢዲ ፖኦ ጳማፕ ሻኪዳሰ።

5 ጸሲ ፖኦዛ፣ «ጋላሰ»፣ ጳማዛ፣ «ኦማርሰ» ጊ ሱንላዴሰ። ጋዴይ ቃሚዳሰኔ ዋንቲዳሰ፤ ሄሲካ ኮይሮ ጋላሳ።

6-7 ሄሳፌ ጉዬ ጸሲ፣ «ቦላራ ዲዛ ሃላ ጋርሳራ ዲዛ ሃላፌ ሻኪዛ ሳሎ ጉፋንሳይ ሃኖ» ጊን ሃኒዳሰ። ጸሲ ሳሎ ጉፋንሳ ጊገሲዲ፣ ሳሎ ጉፋንሳፌ ቦላራ ዲዛ ሃላ ጋርሳራ ዲዛ ሃላፌ ሻኪዳሰ።

8 ጸሲ ሄ ጉፋንሳዛ፣ «ሳሎ» ጊ ሱንላዴሰ። ጋዴይ ቃሚዳሰኔ ዋንቲዳሰ፤ ሄሲካ ናምኣንሳ ጋላሳ።

9 ሄሳፌ ጉዬ ጸሲ፣ «ሳሎፕ ጋርሳራ ዲዛ ሃላ ኢሲሶን ሸቂ ኤሊኮ ሚላ ቢታይ ቆንጮ» ጊን ሃኒዳሰ።

10 ጸሲ ሄ ሚላ ሶሆዛ፣ «ቢታ» ጊ ሱንላዴሰ፤ ቃሴ ኢሲሶን ኤሊዳ ሃላ፣ «ኣባ» ጊ ሱንላዴሰ፤ ሄሰቲዲ ጸሲ ሄሲ ሎኦ ጊዲዳይሳ ቤኢዳሰ።

11 ሄሳፌ ሲሚን ጸሲ፣ «ቢታይ ሚላኔ ማታ ሞኪሶ፤ ዜሬላ ኣይፌራ ዲዛ ሚላኔ ዜሬላ ኣይፌራ ዲዛ ቲሪዛ ሚላ ዲማ ዲማ ቆሞ ሞኪሶ» ጊን ሃኒዳሰ።

12 ሄሳ ጊሻሰ ቢታይ ሚላኔ ማታ ዲማ ዲማ ቆሞን ሞኪሶን ጸሲ ሄሲ ሎኦ ጊዲዳይሳ ቤኢዳሰ።

13 ጋዴይ ቃሚዳሰኔ ዋንቲዳሰ፤ ሄሲካ ሄሻንሳ ጋላሳ።

14 ሄሳፌ ጉዬ ጸሲ፣ «ጋላሰ ቃሚፌ ሻካናሰ ፖኦቲ ሳሎ ጉፋንሳን ጊዴቶ፤ ኢሰቲ ጋላሰ፣ ዋዴኔ ላይላ ኤሪሴቶ፤

15 ቢታ ቦላን ፖኢሳና ማላ ኢሰቲ ሳሎ ጉፋንሳን ፖኦቶ» ጊን ሃኒዳሰ።

16 ጸሲ ናምኡ ጊታ ፖኦታ፣ ጊታቲዛይሲ ጋላሰ ፖኦና ማላኔ ጉጺዛይሲ ኦማርሰ ፖኦና ማላ ሜዲዳሰ፤ ጸሊንቲታካ ሜዲዳሰ።

17-18 ጸሲ ኢሰታ ሃ ቢታ ቦላን ፖኢሳና ማላ፣ ጋላሰኔ ቃማ ሃራና ማላኔ ፖኦዛ ጳማፕ ሻካና ማላ፣ ሳሎ ጉፋንሳን ኢሰታ ዋላዳሰ። ሄሰቲዲ ጸሲ ሄሲ ሎኦ ጊዲዳይሳ ቤኢዳሰ።

19 ጋዴይ ቃሚዳሰኔ ዋንቲዳሰ፤ ሄሲካ ኦይዳንሳ ጋላሳ።

20 ሄሳፌ ጉዬ ጸሲ፣ «ሸምፖራ ዲዛ ዲማ ዲማ ሜዴቲላቲ ሃላ ጊደን ዳሪቶ፤ ካፎቲካ ቢታፌ ቦላራኔ ሳሎ ጉፋንሳፌ ጋርሳራ ፕራዴቶ» ጊዳሰ።

21 ሄሰቲዲ ጸሲ ኣባን ዲዛ ጊታ ደኣታ፣ ሃላ ጊደን ዋዲ ቃዲዛ ሜዴቲላታ ኡባ፣ ካፎ ኡባ ዲማ ዲማ ቆሞን ሜዲዳሰ። ሄሲካ ሎኦ ጊዲዳይሳ ጸሲ ቤኢዳሰ።

22 ጸሲ ኢሰታሰ፣ «ዩሌቲቲ፤ ዳሪቲ፤ ኣባ ሃላ ኩሚቲ፤ ካፎይካ ቢታ ቦላን ጮራቶ» ጊ ኣንጂዳሰ።

23 ጋዴይ ቃሚዳሰኔ ዋንቲዳሰ፤ ሄሲካ ኢቻሻንሳ ጋላሳ።

24 ሄሳፌ ጉዬ ጸሲ፣ «ሸምፖራ ዲዛ ሜዴቲላቲ ባ ቆሞን ቆሞን ሚሃቲ፣ ቢታራ ጎሹቲዛ ሜዴቲላቲኔ ደኣቲ ባ ቆሞን ቆሞን ቢታ ቦላ ኬዜቶ» ጊን ሃኒዳሰ።

25 ጸሲ ደኣታ ኢስታ ቆሞን ቆሞን፣ ማህታካ ኢስታ ቆሞን ቆሞን፤ ቢታራ ጎሼቲዛ ማዴታታካ ኡባ ኢስታ ቆሞን ቆሞን ማዴዳስ፤ ሄሲካ ሎኦ ጊዲዳይሳ ጸሲ ቤኢዳስ።

26 ሃሳፌ ሲሚን ጸሲ፣ «ኣኔ ኣሰ ኑ ለሚሶን ኑና ሚሳቲሲዲ ማዴዳስ፤ ኢስቲ ኣባ ሞሌታ፣ ሳሎ ካፎታ፣ ማህታ፣ ቢታ ቦላ ዋጺ ቃጺዛ ማዴታታ ኡባ ሃሪቶ» ጊዳስ።

27 ሃሳላ ጸሲ ኣሰ ባ ለሚሶን ባና ሚሳቲሲዲ ማዴዳስ፤ ኢዚ ኢስታ ኣዳኔ ማጫ ኦሊ ማዴዳስ።

28 ጸሲ ኢስታስ፣ «ዩሌቲቲ፤ ጮራቲቲ፤ ሃይሳ ቢታ ኩሚቲኔ ሃሪቲ፤ ኣባ ሞሌ፣ ሳሎ ካፎታኔ ቢታ ቦላ ዋጺ ቃጺዛ፣ ሽምጉራ ዲዛ ማዴታታ ኡባ ሃሪቲ» ጊ ኣንጂዳስ።

29 ሃሳፌ ሲሚን ጸሲ፣ «ቤኢቲ! ታኒ ሃ ቢታ ኡባ ቦላን ዜሪላ ኣይፊራ ዲዛ ሚሊኔ ዜሪላ ኣይፊራ ዲዛ ቲሪዛ ሚላ ኡባ ኣንቲስ ኢማዲስ፤ ኢስቲካ ኢንቲስ ሚዛ ቁማ ጊዳቶ።

30 ቃሴካ ሃ ቢታ ቦላ ዲዛ ማህኔ ደኣ ኡባስ፣ ሳሎ ካፎታስ ኡባስ፣ ቢታራ ጎሼቲዛ ማዴታታ ኡባስ፤ ሽምጉራ ገጻ ዲዛ ማዴታታ ኡባስ ሚዛ ሚሽ ጊዳና ማላ፣ ጨለላ ሚሊኔ ማታ ኩሚላ ኢማዲስ» ጊን ሃኒዳስ።

31 ጸሲ ባ ማዴዳይሳ ኡባካ ጸሊዲ ዳር ሎኦ ጊዲዳይሳ ቤኢዳስ። ጋዴይ ቃሚዳሲኔ ዋንቲዳስ፤ ሄሲካ ኡሱቸንላ ጋላሳ።

2

1 ሳሎ ቦላኔ ሳኣ ቦላ ዲዛይ ወሪ ሃይሳላ ኦሴቲ ፖሌቲዳስ።

2 ጸሲ ባ ኦሊዳ ኦሶ ኡሱቸንላ ጋላስ ፖሊዲ ባ ኦሊዳ ኦሶ ኡባፌ ላቸንላ ጋላስ ሽምጉዳስ።

3 ቃሴ ጸሲ ላቸንላ ጋላሳ ኣንጂዳሲኔ ዲማ ጋላስ ኦሊዳስ፤ ኣይስ ጊኮ ጸሲ ባ ኦሊዳ ኦሶ ወርሲዲ ሽምጉዳይ ሄ ጋላሳና።

4 ሳሎይኔ ሳኣይ ማዴቲዳይ ሄሳ ማላና።

ኤዳኔ ጋናቲ

ጎዳይ ሳኣኔ ሳሎ ማዴዳ ዋዳ።

5 ሳኣ ቦላን ማታይ፣ ሚሊ፣ ኣይ ሚሽካ ሞኪቤና፤ ኣይስ ጊኮ ጎዳይ ኢራ ቡኪሲቤና፤ ቃሴ ቢታ ኦሊዳ ኣሲካ ማዴቲቤና።

6 ጊዲኮካ ሃላ ቢታፌ ዩዳ ማጮቲ ኬዚዲ ቢታ ኡባ ኢርጸሲስ።

7 ሃሳፌ ጉዬ ጎዳይ ቢታፌ ኢሲ ኣሰ ማዴዲ ኢዛ ሲዴን ዳኦ ሽምጉ ፑኒን ኣዳዚ ሽምጉራ ዲዛዳ ጊዲዳስ። *

8 ካሴ ጎዳይ ኣርሼይ ሞኪዛ ባጋራ ኤዳኔ ጌቲቲዛሶን ሎኦ ጊግሲዲ ባ ማዴዳ ኣዳዛ ሄን ዋላዳስ።

9 ጎዳይ ጸላናስ ሎኢዛ፣ ማናሰካ ማልኢዛ ዲማ ዲማ ቆሞ ሚላ ቢታፌ ሞኪሲዳስ፤ ኤዳኔ ጊዳን ዳኦ ኢሚዛ ሚሊ ዳስ፤ ሄሳሳካ ሎኦ ኢታ ኤሪሲዛ ሚላ ዋላዳስ።

10 ጋናቲ ኡሺዛ ሻፋ ሃላ ኤዳኔ፤ ጎሼስ። ኤዳኔ፤ ኬዚዳ፤ ጉዬ፣ ኦይዲ ሻፋ ጊዲ ሻኬቲስ።

11 ኮይር ሻፋ ሱንላ ፒሶኔ፤ ፒሶኔይ ዋርቃይ ዲዛ ሃዋላ ጌቲቲዛ ቢታ ዩሾ ኡባን ጎሼስ።

12 ሄ ቢታ ዋርቃይ ጌሻ ዋርቃይ፣ ቃሴ ኣልኦ ሺቶይኔ ኬሂ ሎኢዛ ሹቺ ሄን ዳስ።

13 ናሞኣንላ ሻፋ ሱንላ ጊዮኔ፤ ጊዮኔይ ቶጽያ † ቢታ ዩሾ ኡባን ጎሼስ።

14 ሄሻንላ ሻፋ ሱንላ ጸግርሴ፤ ጸግርሴይ ኣሶሬ፤ ኣርሼይ ሞኪዛ ባጋራ ጎሼስ፤ ቃሴ ኦይዳንላ ሻፋይ ኤፊራዲሴ ጌቲቲስ።

15 ኣዳዚ ኤዳኔን ኦላና ማላኔ ናጋና ማላ ጎዳ ዳሳይ ኢዛ ኤፊ ዋላዳስ።

16 ሂስቲዲ ጎዳ ዳሳይ ኣዳዛ፣ «ኤዳኔ ሚላ ቲራ ኡባፌ ኔኒ ማና ጊኮ ማ፤

17 ጊዳ ኣቲን ሎኦ ኢታ ኤሪሲዛ ሚላይ ቲራ፤ ሞጋ፤ ኣይስ ጊኮ ኔኒ ኢዚ፤ ሚዳ ጋላስ ቱሙ ሃይቃና» ጊ ኣዛዚዳስ።

18 ሃሳፌ ጉዬ ጎዳ ዳሳይ፣ «ኣዳዚ ባርካ ዲዛይሲ ሎኦ ዳና፤ ታኒ ኢዛስ ኣንጂቲዛ ማዳ ኣሰ ማዳና» ጊዳስ።

19 ጎዳ ዳሳይ ካሴ ማህታ ደኣታ ሳሎ ካፎታ ኡባ ቢታፌ ማዴዳስ፤ ቃሴ ኣዳዚ ኢስታ ኣይ ጊዲ ሱንላናኮ ሲያናስ ኢዛኮ ኤሂን ኣዳዚ ሽምጉራ ዲዛ ማዴታታ ኡባ ሱንላዳ ሱንላይ ኢስታስ ሱንላ ጊዲ ኣቲዳስ።

20 ሃሳላ ኣዳዚ ማህታ፣ ሳሎ ካፎታኔ፣ ደኣታ ኡባ ሱንላዳስ፤ ጊዳ ኣቲን ኣዳሚስ ኣንጂቲዛ ማዳ ኣሲ ቤቲቤና።

21 ሃሳ ጊሻሰ ጎዳ ዳሳይ ኣዳዛ ዲሶኮ ዲሶኪሲዲ፣ ኢዚ ዲሶኮን ዲሺን ኢዛ ሚሊ ማቄላታ፤ ኢሳ ኤኪዲ ሄ ሶሆዛን ኣሾ ኩንላዳስ።

22 ጎዳ ዳሳይ ኣዳዛ፤ ኤኪዳ ማቄላ ማጫሰ ማዴዲ ኢዛ ኣዳዛኮ ኤሂዳስ።

23 ኤሂን ኣዳዚ፣ «ሄኮ! ሃ ማቄላያ ታ ማቄላፌ፣ ሃ ኣሾያካ ታ ኣሾ፤ ኤኪቲዳር፤ ኢዛካ ኣቲማሳ፤ ኤኪቲዳ ጊሻሰ፣ ማጫሰ ጌቲቲ» ጊዳስ። †

24 ሃሳ ጊሻሰ ኣሲ ባ ኣዋኔ ባ ኣዮ ኣጌሰ፤ ባ ማቄይራ ኢሲፌ ዳስ፤ ኢስቲ ናሞኣይ ኢሲ ኣሾ።

25 ኣዳዚኔ ኢዛ ማቄያ ናሞኣይካ ገጻ ካሎ ዳቲስ፤ ጊዳ ኣቲን ኢሳይ ኢሳስ ዩላቲ ኤሬቲና።

3

ኣሲ ኣዛዜቶንታ ኢጸ

1 ሸሻይ ጎዳ ዳሳይ ማዴዳ ደኣ ኡባፌ ኣዲዳ ጌናንቻ፤ ኢሲ ጋላስ ሸሻይ ሄ ማጫሳዮ፣ «ጸሲ ቱሙ ኣንቲና፣ ሎኦኔን ዲዛ ሚላ ኣይፌ ኡባፌካ ሞጊቲ» ጊዳ?» ጊ ኣይቺዳስ።

2-3 ማጫሳያ ሸሻሰ ዘራዳ፣ «ጊዳና! ጸሲ ሃሳላ ጊቤና፤ ኑኒ ኤዳኔን ዲዛ ሚላታ ኣይፌ ማናስ ዳንዳዮስ፤ ጊዳ ኣቲን ጸሲ ኑና፣ ሎኦኔ ጊዳን ዲዛ

1:26 1ቆር 11:7 1:27 ማቶ 19:4፤ ማር 10:6 1:28 ሜዴ 5:1-2 2:2 ኢብ 4:4፤10 2:3 ኬሳ 20:11 2:7 1ቆር 15:45

* 2:7 ኣሰ ጉሲ ኢብራዊታ ቃላን፣ «ኣዳሚ» ጌቲቲስ፤ «ኣዳሚ» ጉሲ፣ «ቢታ» ጌቲቲስ፤ ሄ ናሞኦ ቃላቲ ኢሶይ ኣሳ ሚሳቲቲስ። 2:9 ኣጂ 2:7፤ 22:2፤14 † 2:13 ቶጽያ፣ ቶጽያ ጊዛይሳ ኢብራዊ ማጻፋይ ኩሻ ጌሰ። ‡ 2:23 ኣዳ ጉሲ ኢብራዊታ ቃላን፣ «ኣሻ» ጌቲቲስ፤ «ማጫሰ» ጉሲ፣ «ኣሻ» ጌቲቲስ፤ ሄ ናሞኦ ቃላቲ ኢሶይ ኣሳ ሚሳቲቲስ። 2:24 ማቶ 19:5፤ ማር 10:7-8፤ 1ቆር 6:16፤ ኤፌ 5:31 3:1 ኣጂ 12:9፤ 20:2

ሚላ ኣይፊ ሞፐቲ፤ ቦቾፍቲ፤ ሂሰቶንታ ኣገኮ ኣንቴ ሃይቃና ገዴሰ» ገዴሰ።

4 ሸቫይ ማጫሳዮ፡ «ገዴና! ኣንቴ ቱማ ሃይቁኬታ፤

5 ጸሲ ሃሳ ገዴይ ሃ ሚላይ ኣይፊ ኣንቴ ሚኮ ኣንቴ ኣይፊይ ደዮቲን፡ ጸሳ ማላ ኣንቴ ሎኦኔ ኢታ ሻኪ ኤራናይሳ ኢዚ ኤሪዛ ገሻሳ» ገዴሰ።

6 ማጫሳያ ሃ ሚላ ኣይፊይ ማናሰ ማልኢዛይሳ፡ ጸላናሰ ሎኢዛይሳ፡ ቃሴ ኣሲ ኣቋ ኤራቴሳ ዳማናሰ ኣሞሲዛዝ ገዴዲይሳ ቤያዳ ሃ ሚላ ኣይፊይ ኤካዳ ማዲሰ፤ ቃሴ ባናራ ዲዛ ባ ኣዚናሰካ ሃሳፊ ኢሚን ኢዚካ ሚዴሰ።

7 ሚዳ ዎዴ ኢሰታ ናሞኣ ኣይፊይካ ደዮቲን ኢሰቲ ፓጻ ካሎ ዲዛይሳ ኤሪዲ ባላሴ * ጌቲቲዛ ሚላ ሃይሳ ሲኪዲ ባ ጸሳን ገዴዳ።

8 ኣማርሳ ዎዴ፡ ኤዴኔ ገዴን ጎዳ ጸሳይ ሃሚቲሺን፡ ኢዛ ጩንጉርሳ ኣዳዚኔ ኢዛ ማቼያ ሲዱዲ ጎዳ ጸሳፊ ኤዴኔ ሚላ ገዴን ቆቲቲዳ።

9 ገዴ ኣቲን ጎዳ ጸሳይ ኣዳዘ ዳይገዲ፡ «ኣዳሚ ኣዎን ዳይ?» ገዴሰ።

10 ኣዳዚካ፡ «ኤዴኔ ገዴን ኔ ጩንጉርሳ ሲያዳ ታኒ ካሎ ዲዛ ገሻሰ ባባዳ ቆቲታዲሰ» ገዴሰ።

11 ጎዳ ጸሳይ ኢዛ፡ «ኔኒ ካሎ ዳሳ ገዴ ኔሰ ዮቲዳይ ኦኔ? ታኒ ኔና፡ (ሞፓ) ገዳ ኣዛዚዳ ሚላ ኣይፊይ ማዲ?» ገዴ ኦይቺዳሰ።

12 ኢዚካ፡ «ታናራ ዳና ማላ ኔ ኢሚዳ ማጫሳያ ሃ ሚላ ኣይፊይ ታሰ ኢሚን ማዲሰ» ገዴሰ።

13 ጎዳ ጸሳይ ሃሳፊ ጉዬ ማጫሳዮ፡ «ኔኒ ሃሳ ኣይሰ ኦላዲ?» ገዴ ኦይቺዳሰ።

ማጫሳያካ፡ «ታና ሸቫይ ባሌሊን ማዲሰ» ገዴሰ።

ጸሳ ፒርዳ

14 ጎዳ ጸሳይ ሃሳፊ ጉዬ ሸቫ፡

«ኔኒ ሃይሳ ኦሊዳ ገሻሰ፡

ሚሃ ኡባኔ

ደኣ ኡባ ጋርሳን

ኔ ጸላይ ቃንጌቲዳዘ!

ኔኒ ኔ ኡሎን ቢታራ ጎሹታና፤

ኔ ዴኦ ላይሳ ኡባንካ

ቢታ ጉዲላ ላጫ።

15 ታኒ ኔሲኔ ማጫሳይሰ፡

ኔ ዜሪላሲኔ

ኢዚ ዜሪላሰ ገዴን

ሞርኬቲሳ ሜሳና፤

ኢዚ ኔ ሁኤ ቆጻና፤

ኔኒካ ኢዛ ቁርጾ

ዲካና» ገዴሰ።

16 ማጫሳዮካ ጎዳ ጸሳይ፡

«ኔ ሻሪዛ † ኣገናን

ኔኒ ዳር ቱጋታና፤

ቃሴ ኔኒ ዎልቃማ ሚጸን

ናይታ ዬላና።

ገዴኮካ ኔኒ ኔ ኣዚናራ

ኣቃናሰ ኣሞታና፤

ኢዚካ ኔና ሃራና» ገዴሰ።

* 3:7 ባላሴ ጌቲቲዛ ሚላይ ቶጵያን ኢሲ ኢሲ ሲሆን ኤሬቲዛ ማላ ኤሳ ሚሳቲዛ ኢዛሰ ሃይላይ ኣጉንላ ባይንዳዝ ገዴ ኡቲዲ ኢዛሰ ኣይፊዚ ማልኢዛ ሚላ። 3:13 2ቆር 11:3፤ 1ጸም 2:14 3:15 እጁ 12:17 † 3:16 ሻሪዛ፡ ሻሪዛ ገዛይሳ ኢሲ ኢሲ ባጋ ጋሞላ ቃላን ኣቤ ኢጵታ፡ ቃንላ ገሰ። 3:18 ኢብ 6:8 ‡ 3:20 ሃሞና፡ ሃሞና ጉሲ ፓጻ ዲሰ ጉሳ። 3:22 እጁ 22:14 * 4:2 ቃዬሌ፡ ቃዬሌ ጉሲ ኢብራቂታ ቃላን፡ «ቃዬን» ጌቲቲሰ። ቢርሺላይካ፡ «ዳማዲሰ» ጉሳ። 4:8 ማቶ 23:35፤ ሉቃ 11:51፤ 1ዮሃ 3:12፤ 4:10፤ ኢብ 12:24

17 ኣዳሚካ ጎዳ ጸሳይ፡ «ኔኒ ኔ ማቼይ ቃላ ሲዱዳ ገሻሰ ታኒ ኔና፡ «ሃ ሚላ ኣይፊ ሞፓ» ገዳ ኣዛዚዳ ሚላ ኣይፊይ ኔኒ ሚዳ ገሻሰ፡

«ኔ ጌዴን ቢታይ

ቃንጌቲዳዘ ገዴ!

ኔኒ ኔ ዴኦ ላይሳ ኡባን

ገታ ዳቡራን

ቢታ ኦላዳ ማና።

18 ቢታይ ኔሰ ኣጉንላኔ

ኪንዲቾ ሞኪሳና፤

ኔኒ ቢታፊ ሞኪዳይሳ ማና።

19 ኔኒ ቢታን ሲማና ጋካናሰ

ዳቡራን ኔ ጫዎ ጉሳ

ኦላዳ ማና፤

ኔኒ ቢታፊ ሜዴቲዳ ገሻሰ

ቢታን ሲማንዳሳ» ገዴሰ።

20 ኣዳሚይ ባ ማቼዮ ሃሞና ‡ ገዴ ሱንላዴሰ፤ ኣይሰ ገኮ ኢዛ ኣሳ ኡባሰ ኣዮ።

21 ጎዳ ጸሳይ ኣዳሚሲኔ ኢዛ ማቼይሰ ኢቲ

ገገሲዲ ኢሰታ ማይዚዴሰ።

22 ሃሳፊ ጉዬ ጎዳ ጸሳይ፡ «ሂሰቲን ኣሲ ኦፔ ኢሳዴ ማላ ሎኦኔ ኢታ ኤሪዛዴ ገዴዴሰ፤ ኢዚ ባ ኩሼ ዬዲዲ ዴኦ ኢሚዛ ሚላፊ ኤኪዲ ቃሴ ሞንታ ማላኔ ሚርናሰ ፓጻ ዴኦንታ ማላ ቲቁታናሰ ኮሼሰ» ገዴሰ።

23 ሃሳ ገሻሰ ኢዚ ባ ሜዴቲዳ ቢታ ኦላና ማላ፡ ጎዳ ጸሳይ ኤዴኔፔ ኢዛ ኬሲዴሰ።

24 ኢዛ ኬሲዲ፡ ዴኦ ሚላኮ ኤፊዛ ኦጌ ናጋና ማላ፡ ኪሩቤ ጌቲቲዛ ኪታንቻታኔ ፖፖልኤ ገዴ ኣጂ ኣጂ ዎጂዛ ታማ ላጮ ሚሳቲዛ ገላ ማሻ ኤዴኔፔ ኣርሼይ ሞኪዛ ባጋራ ዎሊዴሰ።

4

ቃዬሌኔ ኣቤሌ

1 ኣዳሚይ ባ ማቾ ሃሞኒራ ኣቁን ኢዛ ሻራዳ ኣቲማ ና ዬላዲሰ፤ «ጎዳይ ታና ማዲን ኣቲማ ና ዳማዲሰ» ጋሼ ኢዛ ቃዬሌ ጋ ሱንላዲሰ።

2 ቃሴ ኢዛ ኢሻ ኣቤሌካ ዬላዲሰ። *

ኣቤሌ ደርሳ ሃንላንቻ፤ ቃዬሌይ ቢታ ጎሻንቻ።

3 ኡንዴና ዎዴፔ ጉዬ ቃዬሌይ ባ ገዴን ሞኪዳ

ካላፊ ጎዳሰ ያርሾ ሺሺዴሰ።

4 ገዴ ኣቲን ኣቤሌ ባ ደርሳታ ገዴን ኮይር

ዬሌቲዳ ላቃታፔ ኢሳ ኤኪ ሹኪዲ ኣሾዛፔ ሃንዳዘ

ያርሺዴሰ፤ ጎዳይ ኣቤሌኔ ኢዛ ያርሾካ ኤኪዴሰ።

5 ቃዬሌኔ ኢዛ ያርሾ ኤኪቤና፤ ሃሳ ገሻሰ ቃዬሌይ

ኬሃ ዬሎቲዴሰ፤ ባ ኣይፊሶካ ኢሲዴሰ።

6 ሂሰቲን ጎዳይ ቃዬሌ፡ «ኣይሰ ዬሎታይ? ኔ

ኣይፊሶይ ኣይሰ ጁሚዴ?»

7 ኔ ሎኦ ኦሊዳ ገዴዲኮ ጸሲ ኔ ያርሾ ኤኬኔሺን?

ኔኒ ሎኦ ኦላንታ ኢዲኮ ናጋራይ ኔ ካሬን ኔና ናጌሰ፤

ናጋራይ ኔና ሃራና ኮዬሰ፤ ኔኒ ኢዛ ጸናና ቤሴሰ»

ገዴሰ።

8 ሃሳፊ ጉዬ ቃዬሌይ ባ አሻ ኣቤሌ፡ «ኣኔ ጌዳ ዳምባሶ ቦስ» ጊዳስ። ቢዲ ኢስቲ ዳምባን ዲሺን ቃዬሌይ ባ አሻ ኣቤሌ ቦላ ዳንዲዲ ዋዲዳስ።

9 ጎዳይ ቃዬሌ፡ «ኔ አሻይ ኣቤሌ ኣዋን ዲዜ?» ጊ ኦይቸዳስ።

ቃዬሌይ ዛሪዲ፡ «ታ ኤሪኬ፤ ታ አሻ ናጊዛይ ታኔዬ?» ጊዳስ።

10 ጎዳይ ቃዬሌ፡ «ሃሳ ኣይስ ኦላዲ? ቤያ፤ ኔ አሻ ሱሌ ቢታፊ ፑዳ ታኮ ዋሴስ።

11 ኔ ኩሼፕ ኔ አሻ ሱላ ኤኪዲ ሚታናስ ዶና ዶይዳ ቢታ ቦላ ሃኢ ኔኒ ቃንጌታዳሳ።

12 ኔኒ ኦሊንካ ቢታይ ኔስ ካላ ኢሜና፤ ቤቴ ኣሳ ማላ ኔኒ ቢታ ቦላን ቶይላታና» ጊዳስ።

13 ቃዬሌይ ጎዳ፡ «ኔ ታና ቃዳዩዛ ቁጻቴ ታኒ ሙሉካ ዳንዳይኬ።

14 ሃኮ ኔኒ ታና ሃኛ ሃ ቢታፊ ዩዳላሳ፤ ታኒ ኔ ሲንሳፊ ቆቴታና፤ ቤቴ ኣሳ ማላ ታኒ ቢታ ቦላ ቶይላታና፤ ታና ዳሚዳይ ኦኒካ ዋዳና» ጊዳስ።

15 ጎዳይ ኢዛ፡ «ኔና ኦኒካ ዋዳና፤ ዋዳኮ ኔ ሃሎ ታኒ ላፑን ኩሼ ኬሳና» ጊዳስ፤ ሃሳ ጊሻስ ዳሚዳይ ኦኒካ ኢዛ ዋዳንታ ማላ ጎዳይ ኢዛ ቦላ ማላታ ዋላዳስ።

16 ቃዬሌይ ጎዳ ሲንሳፊ ኬዚዲ ኤዳይ ባጋፊ ኣርሼይ ሞኪዛ ባጋራ ዲዛ ሞዳ † ጌቴቲዛ ቢታን ዳኢዳስ።

ቃዬሌ ዩሌታ

17 ቃዬሌይ ባ ማቸይራ ኣቁን ኢዛ ሻራዳ ሃኖኬ ዩላዲስ፤ ሄ ዋዳ ቃዬሌይ ካታማ ጊግሲዲ ሄ ካታማ ባ ናዛ ሱንሳን፡ «ሃኖኬ» ጊ ሱንሳዳስ።

18 ሃኖኬይ ኢራዳ ዩሊዳስ፤ ኢራዳይ ማሁያኤሌ ዩሊዳስ፤ ማሁያኤሌይ ማቸሳኤሌ ዩሊዳስ፤ ማቸሳኤሌይ ላሜኬ ዩሊዳስ።

19 ላሜኬይ ኣዳይ ጸሎ ጌቴቲዛ ናምኡ ማቸታ ዳዉላ ኤኪዳስ።

20 ኣዳይ ያባሌ ዩላዲስ፤ ያባሌይ ሜሄ ሃሪሼ ዩዩ ዩዩ ዳንካኔን ዲዛ ኣሳታ ኣዋ።

21 ኢዛ አሻ ሱንሳ ዩባሌ፤ ዩባሌይ ቃሴ ዲላ ዲዲዛኔ ሱሱልኤ ፑኒዛ ኣሳታ ኡባታ ኣዋ፤

22 ጸላይ ቃሴ ቱባሊቃይኔ ጌቴቲዛ ና ዩላዲስ፤ ቱባሊቃይኔይ ጸርቁማላፕኔ ቢራታፕ ዲማ ዲማ ሚሻታ ቆጸዛዳ። ቱባሊቃይኔ ሚቸያ ናኢዋ ጌቴታዉስ።

23 ኢሲ ጋላስ ላሜኬይ ባ ማቸታ፡ «ታ ማቸቶ ኣዳ፡ ጸሌ ሲዩቴ! ኣኔ ታኒ ዮቴዛይሳ ኤዝጊቴ። ኢሲ ኣሲ ታና ዋዳ ማዲንሳዲ ጊሻስ ታኒ ኢዛ ዋዳዲስ፤ ኤ፡ ታኒ ሄ ታና ማዲንሳዲ ዋዳላዛ ዋዳዲስ።

24 ቃዬሌ ሃሎ ኬሳናስ ላፑን ታማኔ ላፑን ኩሼ ኮሼስ» ጊዳስ።

ሴቴኔ ሃኖሴ

25 ኣዳሚይ ባ ማቸይራ ኣቁን ሃራ ና ዩላዲስ። ዩላዳ፡ «ቃዬሌይ ዋዳዳ ኣቤሌ ጊሻስ ጸሲ ታስ ሃራ ና ኢሚዳስ» ጋሼ ኢዛ ሴቴ † ጋዳ ሱንሳዲስ።

26 ሴቴይካ ኣቱማ ና ዩሊዲ ኢዛ፡ «ሃኖሴ» ጊ ሱንሳዳስ። ኣሳይ ሄ ዋዳ ጎዳ ሱንሳ ጸይጊዲ ጎይና ኦይኪዳስ።

5

ኣዳሚ ዜራላ

1 ኣዳሚ ዜራላ ሃይሳፊ ካሊዲ ጸፊቲዳስ፤ ጸሲ ኣስ ሜዲዳ ጋላስ ባና ሚሳቲሲዲ ሜዲዳስ።

2 ኣዳይ ማጫስ ኦሊ ሜዲዳ ኢስታ ኣንጂዳስ። ኢስታ ሜዲዳ ኣስ ጊ ሱንሳዳስ።

3 ኣዳሚይ 130 ላይላ ዳኢዲ ባና ሚሳቲዛ ኣቱማ ና ዩሊዲ ኢዛ፡ «ሴቴ» ጊ ሱንሳዳስ።

4 ኣዳሚይ ሴቴ ዩሊዳፕ ጉዬ 800 ላይላ ዳኢዳስ፤ ሃራ ኣቱማ ናይታኔ ማጫ ናይታ ዩሊዳስ።

5 ኣዳሚይ ሙሌራ 930 ላይላ ዳኢዲ ሃይቂዳስ።

6 ሴቴይ 105 ላይላ ዳኢዲ ሃኖሴ ዩሊዳስ፤

7 ሴቴይ ሃኖሴ ዩሊዳፕ ጉዬ 807 ላይላ ዳኢዳስ፤ ሃራ ኣቱማ ናይታኔ ማጫ ናይታ ዩሊዳስ።

8 ሴቴይ ሙሌራ 912 ላይላ ዳኢዲ ሃይቂዳስ።

9 ሃኖሴይ 90 ላይላ ዳኢዲ ቃይናኔ ዩሊዳስ፤

10 ሃኖሴይ ቃይናኔ ዩሊዳፕ ጉዬ 815 ላይላ ዳኢዳስ፤ ሃራ ኣቱማ ናይታኔ ማጫ ናይታ ዩሊዳስ።

11 ሃኖሴይ ሙሌራ 905 ላይላ ዳኢዲ ሃይቂዳስ።

12 ቃይናኔይ 70 ላይላ ዳኢዲ ማላልኤሌ ዩሊዳስ፤

13 ቃይናኔይ ማላልኤሌ ዩሊዳፕ ጉዬ 840 ላይላ ዳኢዳስ፤ ሃራ ኣቱማ ናይታኔ ማጫ ናይታ ዩሊዳስ።

14 ቃይናኔይ ሙሌራ 910 ላይላ ዳኢዲ ሃይቂዳስ።

15 ማላልኤሌይ 65 ላይላ ዳኢዲ ያራዳ ዩሊዳስ፤

16 ማላልኤሌይ ያራዳ ዩሊዳፕ ጉዬ 830 ላይላ ዳኢዳስ፤ ሃራ ኣቱማ ናይታኔ ማጫ ናይታ ዩሊዳስ።

17 ማላልኤሌይ ሙሌራ 895 ላይላ ዳኢዲ ሃይቂዳስ።

18 ያራዳይ 162 ላይላ ዳኢዲ ሃኖኬ ዩሊዳስ፤

19 ያራዳይ ሃኖኬ ዩሊዳፕ ጉዬ 800 ላይላ ዳኢዳስ፤ ሃራ ኣቱማ ናይታኔ ማጫ ናይታ ዩሊዳስ።

20 ያራዳይ ሙሌራ 962 ላይላ ዳኢዲ ሃይቂዳስ።

21 ሃኖኬይ 65 ላይላ ዳኢዲ ማቸሳላ ዩሊዳስ፤

22 ማቸሳላ ዩሊዳፕ ጉዬ ሃኖኬይ 300 ላይላ ጸሳ ኡፋይሲሼ ዳኢዳስ፤ ሃራ ኣቱማ ናይታኔ ማጫ ናይታ ዩሊዳስ።

23 ሃኖኬይ ሙሌራ 365 ላይላ ዳኢዳስ፤

24 ኢዚ ጸሳ ኡፋይሲሼ ዲን ጸሲ ኢዛ ኤኪዳ ጊሻስ ቤቶንታ ዳይዳስ።

25 ማቸሳላይ 187 ላይላ ዳኢዲ ላሜኬ ዩሊዳስ፤

26 ማቸሳላይ ላሜኬ ዩሊዳፕ ጉዬ፡ 782 ላይላ ዳኢዳስ፤ ሃራ ኣቱማ ናይታኔ ማጫ ናይታ ዩሊዳስ።

27 ማቸሳላይ ሙሌራ 969 ላይላ ዳኢዲ ሃይቂዳስ።

28 ላሜኬይ 182 ላይላ ዳኢዲ ኣቱማ ና ዩሊዲ፡

29 «ሃ ናዚ ጎዳይ ቃንጊዳ ቢታ ቦላን ኦና ኦ ዳቡራፕ ሽምፒሳና» ጊዲ ኖሄ ጊ ሱንሳዳስ።*

30 ላሜኬይ ኖሄ ዩሊዳፕ ጉዬ 595 ላይላ ዳኢዳስ፤ ሃራ ኣቱማ ናይታኔ ማጫ ናይታ ዩሊዳስ።

31 ላሜኬይ ሙሌራ 777 ላይላ ዳኢዲ ሃይቂዳስ።

† 4:16 ናዳ፡ ናዳ ጉሲ ቶይላቴስ ጉሳ። 4:24 ማቶ 18:22 † 4:25 ሴቴ፡ ሴቴ ጉሲ ኢብራዌታ ቃላራ ኢሚዳስ ጉሳ 5:1 ሜዴ 1:27-28 5:2 ማቶ 19:4፤ ማር 10:6 5:24 ኢብ 11:5፤ ዩሁ 14 * 5:29 ኖሄ ጉሲ ኢብራዌታ ቃላራ ሽምፖ ጉሳ።

32 ኖሄይ 500 ላይሳ ዳኢዲ ሴሜ፣ ካሜኔ ያፌቲ ዩሊዳስ።

6

አሳ ኢታቲላ

1 አሳ ሲታ ሶላ ዳሪዳ ዎዴ አሳሰ ማጫ ናይቲ ዩሊቲዳ፤

2 «ጸሳ ናይታ» ጌቲቲዛ ሜዴቲላቲ አሳ ማጫ ናይቲ ሜዶ ሎኦ ጊዲዳይሳ ሴኢዲ ኢስታፊ ባ ዳሪዳይታ ማቾ ኤኪዳ። *

3 ጎዳይ፣ «አሲ ሃይቁዛዛ፤ ኢዛ ላይላይካ 120 ላይላፊ ዳሪና፤ ሃሳ ገሻሰ ታ ኣያናይ አሳ ና ሶላ ሜርናሰ ዳና» ገዴሰ።

4 ሄ ዎዴኔ ሃሳፊ ጉዬ ጸሳ ናይቲ አሳ ማጫ ናይታ ማቾ ኤኪን ናይቲ ዩሊቲዳ ዎዴ ዎጋ ዎልቃማ አሳቲ ቢታ ሶላን ዳቲሰ። ኢስቲካ ሴኒ ዎዴ ኦላሰ ሚኖኔ ኤሪቲዳ አሳ። †

5 ጎዳይ ሄ ዎዴ ቢታ ሶላን ዳዛ አሳ ኢታቲላ ዳሪዳይሳኔ ኢስቲ ባ ዎዘናን ቆጠዛይሲ ወሪ ኡባ ዎዳካ ኢታ ጸላላ ገዲዳይሳ ሴኢዳስ፤

6 ጎዳይ አሰ ሃ ቢታ ሶላን ሜዳዳ ገሻሰ ዎዴቲዳሰ፤ ባ ዎዘናን ኬሂ ሴሊቲዳሰ።

7 ሃሳ ገሻሰ ጎዳይ፣ «ታኒ ሜዳዳ አሳ ሃ ቢታ ሶላፊ ኡባ ዳይሳና፤ አሳ፣ ሜሃ፣ ዶኣ፣ ቢታራ ጎሼቲዛ ሜዴቲላታኔ ካፎታ ዳይሳና፤ አይሰ ገቡ ታኒ ኢስታ ሜዳዳ ገሻሰ ሚሽታዲሰ» ገዴሰ።

8 ገዴ ኣቲን ኖሄይ ጎዳ ሲንላን ሳቤቲዳሰ።

ኖሄ

9 ኖሄይ ሃኒዳይሲ ሃይሳፊ ካሊዲ ጸፊቲዳሰ። ኖሄይ ጸሎ አሳ፤ ኢዚ ባ ዎዴን ዲዛ አሳ ገዴን ሱሪ አሳ፤ ኖሄይ ጸሳራ ገጋ ዲሰ ዳኢዳሰ።

10 ኖሄይ ሴሜ፣ ካሜኔ ያፌቲ ጌቲቲዛ ሃቡ ኣቲማ ናይታ ዩሊዳሰ።

11 ሄ ዎዴ ቢታ ሶላ ዳዛ አሲ ወሪ ጸሳ ሲንላን ቱኒዳሰ፤ ቢታይ ወሪ ማካላን ኩሚዳሰ።

12 ጸሲ ዲጌ ቢታ ጸሊሺን ቢታ ሶላ ዳዛ አሳይ ወሪ ቱኒዳይሳ ሴኢዳሰ።

13 ሃሳ ገሻሰ ጸሲ ኖሄ፣ «ታኒ አሳ ኡባ ዳይሳና ገይሰ፤ አሳ ገሰን ቢታይ ማካላን ኩሚዳ ገሻሰ ታኒ ቱማፕ አሳኔ ቢታ ሶላ ዳዛዝ ኡባ ዳይሳና።

14 ሃሳ ገሻሰ ሚኖ ሚላፊ ኔሰ ማርካቤ ኬጸ፤ ሄ ማርካቤ ገዴን ኪፊሌ ኦላ፤ ሂስታዳ ሶ ባጋራኔ ካሪ ባጋራ ሺዳን ሚሻ።

15 ማርካቤ ኬጸሾ ኢዛ ኣዲሳቲላ 300 ዎዳ፣ ጎምፓይ 50 ዎዳ፣ ፑዴ ዶቃቲላ 133 ዎዳ ሂስታ ኦላ።

16 ማርካቤዛሰ ካራ ሚዳ፤ ካራፔኔ ጎዳፔ ገዴን ኢሲ ዎዳ ገዲዛሰ ዶያ ኣጋ፤ ፔንጌዛ ማርካቤዛሰ ሚሌራ ኬሳ፤ ማርካቤዛ ሃቡ ፖቄ ኬሳ ኬጸ።

17 «ታኒ ሳሎፔ ጋርሳን ሽምፖራ ዲዛ ሜዴቲላ ኡባ ዳይሳናሰ ሃ ቢታ ሶላን ዳይሳ ሃላ ዩዲኮ ቢታን ዲዛይሲ ወሪ ዳያና።

18 ገዴ ኣቲን ታኒ ኔናራ ጫቁታና። ኔኒ፣ ኔ ማቼያ፣ ኔ ናይቲኔ ኔ ናይታ ማቼቲ ኔናራ ማርካቤዛን ጌላንዳታ።

19 ኢስቲ ኔናራ ፓጸ ዳና ማላ ሽምፖራ ዲዛ ሜዴቲላ ኡባፊ ቆሞን ቆሞን ኣዳኔ ማጫ ናምኡ ናምኡ ሂስታዳ ማርካቤዛ ገዴ ጌልላ።

20 ዲማ ዲማ ቆሞ ካፎታፔ፣ ዲማ ዲማ ቆሞ ማህታፔኔ ቢታራ ጎሼቲዛ ዲማ ዲማ ቆሞ ሜዴቲላታፔ ኡባፊ ናምኡ ናምኡ ገዲዲ ሽምፖራ ፓጸ ኣታና ማላ ኔኮ ያና።

21 ቃሴ ኔኒኔ ኔናራ ዲዛይቲ ማና ማላ ዲማ ዲማ ቆሞ ካላ ኤፋዳ ማርካቤዛ ገዴ ጌልላ» ገ ኣዛዚዳሰ።

22 ኖሄይ ኡባካ ጸሲ ኣዛዚዳ ማላ ኦሊዳሰ።

7

1 ሃሳፊ ጉዬ ጎዳይ ኖሄ፣ «ኔኒ ሃይሳ ሃ ዎዴ ዩሊታ ገዴን ጸሎ ገዲዳይሳ ታ ሴኢዳ ገሻሰ ኔኒ ኔሶ አሳ ኡባራ ማርካቤዛ ገዴ ጌላ።

2-3 ኔኒ ጌሽ ገዲዳ ሜሃኔ ዶኣ ኡባፊ ኢዛ ቆሞፊ ቆሞፊ ኣዳኔ ማጫ ላፑን ላፑን፣ ጌሽ ገዴንታ ሜሃኔ ዶኣ ኡባፊ ኢዛ ቆሞፊ ቆሞፊ ኢሲ ኣዳኔ ኢሲ ማጫ ቃሴ ካፎታፔ ኢዛ ቆሞፊ ቆሞፊ ኣዳኔ ማጫ ላፑን ላፑን፣ ቢታ ኡባ ሶላን ዲማ ዲማ ዜሬላይ ፓጸ ዳና ማላ ኔናራ ኤካ ጌላ።

4 አይሰ ገቡ ላፑን ጋላሳፊ ጉዬ ታኒ ኦይዲ ታሙ ጋላሲኔ ኦይዲ ታሙ ቃማ ቢታ ሶላን ኢራ ቡኪሳና፤ ሂስታዳ ታኒ ሜዳዳ ሜዴታ ኡባ ቢታ ሶላፊ ዳይሳና» ገዴሰ።

5 ኖሄይ ጎዳይ ኢዛ ኣዛዚዳይሳ ኡባ ኦሊዳሰ።

6 ዳይሳ ሃላ ቢታ ሶላ ዩዛ ዎዴ ኖሄሰ ላይላይ ኡሱፑን ጾታ።

7 ኖሄ፣ ኢዛ ኣቲማ ናይቲ፣ ኢዛ ማቼያኔ ኢዛ ናይታ ማቼቲ ዳይሳ ሃላፊ ኣታናሰ ማርካቤዛ ገዴ ጌሊዳ።

8 ጌሻ ሜሃፔኔ ዶኣፔ፣ ጌሽ ገዴንታ ሜሃፔኔ ዶኣፔ፣ ካፎፔኔ ቢታራ ጎሼቲዛ ኡባፊ።

9 ጸሲ ኖሄ ኣዛዚዳ ማላካ ኣዳኔ ማጫ ናምኡ ናምኡ ገዲዲ ኖሄኮ ማርካቤዛ ገዴ ጌሊን፣

10 ላፑን ጋላሳፊ ጉዬ ዳይሳ ሃላ ቢታ ሶላ ዩዳሰ።

11 ኖሄሰ ኡሱፑን ጾቱ ላይላ ገዲሺን ናምኣንላ ኣገናን ታማኔ ላፑንላ ጋላሳን ሄ ጋላሳንካ ቢታ ገዴን ዲዛ ገታ ጠማ ፑልቶይ ወሪ ዳቁዳሰ፤ ሳሎን ዲዛ ሃላ ማስኮቲቲካ ዶቶቲ ዎዳዳ።

12 ኢራይ ቢታ ሶላን ኦይዲ ታሙ ጋላሲኔ ኦይዲ ታሙ ኦማርሰ ቡኪዳሰ።

13 ሄ ጋላሳን ኖሄይኔ ኢዛ ኣቲማ ናይቲ፣ ሴሜይ፣ ካሜይኔ ያፊቲይ፣ ኖሄ ማቼያኔ ኢዛ ናይታ ሃቡታ ማቼቲ ኢሲፊ ማርካቤዛ ገዴ ጌሊዳ።

14 ኢስታኔ ዶኣ ኡባፊ ባ ቆሞን ቆሞን፣ ሜሃ ኡባፊካ ባ ቆሞን ቆሞን፣ ቢታራ ጎሼቲዛያታ ኡባፊ ባ ቆሞን ቆሞን፣ ካፎ ኡባፊ ባ ቆሞን ቆሞን ኢስታራ ኢሲፊ ጌሊዳ።

15 ሽምፖራ ፓጸ ዲዛይቲ ወሪ ናምኡ ናምኡ ገዲዲ ኖሄኮ ማርካቤዛን ጌሊዳ፤

16 ጸሳይ ኖሄ ኣዛዚዳ ማላ ሜዴታ ኡባፊ ኣዳኔ ማጫ ገዲዲ ማርካቤዛ ገዴ ጌሊን ኖሄይ ገዴን ዲሺን ጎዳይ ማርካቤዛ ፔንጌ ጎርዲዳሰ።

6:1 እዮ 1:6፤ 2:1 * 6:2 ጸሳ ናይታ ገዛይሳ ኢሲ ኢሲ ቢርሽላ ማጸፋቲ ኪታንቻታ ጌቲሰ † 6:4 ታይ 13:33 6:5 ማቶ 24:37፤ ሉቃ 17:26፤ 1ጴጽ 3:20 6:9 2ጴጽ 2:5 6:22 ኢብ 11:7 7:7 ማቶ 24:38-39፤ ሉቃ 17:27 7:11 2ጴጽ 3:6

17 ዳይሳ ሃላ ኦይዲ ታሙ ጋላስ ቢታ ቦላ ቡኪሽ ጋሞኢዳስ፤ ሃላ ዳሪዲ፣ ማርካቤዛ ቢታፊ ዮዴ ዳንሲዳስ።
 18 ሃላይ ቢታ ቦላን ኬሂ ዳሪን ማርካቤዛ ሃላ ቦላን ቶኩቲዳስ።
 19 ሳሎፕ ጋርሳራ ዲዛ ዶቃ ዙማቲ ወሪ ሚቲታና ጋካናስ ሃላይ ቢታ ቦላን ኬሂ ዋልቃፊ ዳሪዳስ።
 20 ሃላይ ዙማታ ጸራፔ አዲዲ 15 ዋቆ ጋካናስ ዶቁ ገዴስ።
 21 ሂስቲን ቢታ ቦላን ሸምፖራ ፓጻ ቃጸዛ ሜዴታቲ ወሪ፣ ካፎይ፣ ሜሃይ፣ ደአይ፣ ቢታ ቦላን ዋጺ ቃጸዛይኔ ኣሲ ወሪ ሃይቂዳስ።
 22 ቢታ ቦላን ዲዛ ሲዴራ ሸምፕዛይ ወሪካ ሃይቂዳስ።
 23 ሃ ቢታን ፓጻ ዲዛይ ወሪ ኣሲ፣ ሜሃይኔ ደአይ፣ ቢታራ ጎሽቲዛ ሜዴታሴኔ ሳሎ ካፎቲ ወሪካ ቢታፊ ፕቲቲ ዳዩን ሮሃይኔ ኢዛራ ማርካቤ ገደን ዲዛይቲ ጸላ ኣቲዳ።
 24 ሃላይካ 150 ጋላስ ጋካናስ ቢታ ቦላን ጋሞኢዳስ።

8

ዳይሳ ሃላ ወርሴል

1 ገደ ኣቲን ጸሲ ሮሃ፣ ኢዛራ ማርካቤዛ ገደን ዲዛ ደአይ ሜሃ ኡባ ቆፕዲ ቢታ ቦላን ጫርኮ ጫርኪሲን ሃላይ ዋቆ ዋቆ ቢዳስ።
 2 ቃሴ ቢታ ገደን ዲዛ ጪማ ፑልቶይኔ ሳሎን ዲዛ ሃላ ማሰኮቲቲ ጎርዳቲዳ፤ ኢራይካ ሳሎን ቲቲቲዳስ።
 3 ሂስቲን ሃላይ ዋቆ ዋቆ ቢዳስ፤ ሄ 150 ጋላሳፊ ጉዬ ሃላይ ዋቆዳስ።
 4 ሃላይ ዋቆን ማርካቤዛ ላፑንላ ኣገናን ታማኔ ላፑንላ ጋላሳን ኣራራቲ ጌቲቲዛ ዙማ ቦላ ሸምፕዳስ።
 5 ሃላይ ታማንላ ኣገና ጋካናስካ ዋቆ ዋቆ ቢዳስ፤ ታማንላ ኣገናን ኮይሮ ጋላስ ዙማታሰ ሁኤይ ቤቲዳስ።
 6 ኦይዲ ታሙ ጋላሳፊ ጉዬ ሮሃይ ባ ኬጲዲ ማርካቤዛ ማሰኮቲዛ ደይዲ፣
 7 ኢሲ ቁሮ ካሪ ኬሲ ዬዲን ቁርዚ ሃላ ቢታ ቦላፊ ሜላና ጋካናስ ያኔ ሃ ፕራዲሽ ጋሞኢዳስ።
 8 ቃሴ ሮሃይ ሃላ ቢታ ቦላፊ ዋቆ ወሪዳኮ ቤያናስ ኢሲ ሃራጶ ካሪ ዬዲዳስ።
 9 ገደ ኣቲን ሄ ሃራጶ ሃላ ቢታ ኡባ ቦላን ሃኢካ ዲዛ ገሻስ ሸምፕዛሶ ዳማቤኩ፤ ሄሳ ገሻስ ሲማዳ ማርካቤዛ ገደን ዲዛ ሮሃኮ ዩን ኢዚ ባ ኩሽ ዬዲዲ ባኮ ማርካቤዛ ገደ ኤኪዳስ።
 10 ቃሴካ ሃራ ላፑን ጋላስ ጋሞኢዲ ሃኢካ ሃራጶዮ ማርካቤዛ ገደፊ ኬሲ ዬዲዳስ።
 11 ሄ ሃራጶያ ጉይይ ቃሚሽን ኢዛኮ ሲማ ያሽ ዋጋራ ጸራፔ ጪሊላ ሃይላ ዳላዳ ደናን ሳጻ ኤካ ዩዳ ገሻስ ሃላ ቢታ ቦላፊ ዋቆዳይሳ ሮሃይ ኤሪዳስ።
 12 ቃሴ ሮሃይ ሃራ ላፑን ጋላስ ጋሞኢዲ ሄ ሃራጶዮ ዛሪ ዬዲዳስ፤ ገደ ኣቲን ሄ ሃራጶያ ኢዛኮ ሲማ ያሽኩ።
 13 ሮሃይ 601 ላይላ ዳኢን ኮይሮ ኣገናን ኮይሮ ጋላስ ሃላ ቢታ ቦላፊ ጸሰኪዳስ፤ ሮሃይ ማርካቤዛ ካራ ቃሪ ጸሊዲ ጋይይ ጸሰኪዳይሳ ቤኢዳስ።

14 ናምኣንላ ኣገናን ናምኡ ታማኔ ላፑንላ ጋላሳን ቢታይ ሙሌራ ሜሊዳስ።
 15 ሄ ዋዴ ጸሲ ሮሃ ሂዘገ ኣዛዚዳስ።
 16 «ኔኔ ኔ ማቸ፣ ኔ ናይታኔ ኔ ናይታ ማቸታ ኤካዳ ማርካቤዛፕ ኬዛ።
 17 ኢስቲ ዬሌቲ ዳሪዲ ጮራታና ማላ ሸምፖራ ዲዛ ሜዴታላ ኡባፊ ኔናራ ዲዛይታ፣ ካፎታ፣ ሜሃታ፣ ደአታኔ ቢታራ ጎሽቲዛይታ ኡባ ኔናራ ኬሳ» ገዴስ።
 18 ሮሃይ ባ ናይታራ፣ ባ ማቸይራኔ ባ ናይታ ማቸታራ ማርካቤዛ ገደፊ ኬዚዳስ።
 19 ሜሃይ፣ ደአይ፣ ቢታራ ጎሽቲዛ ሜዴታላ፣ ካፎይኔ ቢታ ቦላን ዋጺ ቃጸዛ ሚሽ ወሪ ባ ቆሞን ቆሞን ማርካቤዛ ገደፊ ኬዚዳስ።
 20 ሄሳፊ ጉዬ ሮሃይ ጎዳስ ያርሽዛሶ ኬሊዲ ጌሻ ሜሃ ኡባፊ፤ ጌሻ ካፎ ኡባፊ ኤኪዲ ያርሽዛሶን ጸገዲ ያርሽዳስ።
 21 ሂስቲን ጎዳይ ያርሽዛ ፔሮ ሳዊዛይሳ ሲንገዲ ባ ዋዚናን፣ «ዬላጋቲላፊ ደሚን ኣሲ ዋዚናን ቆፕዛይሲ ወሪ ኢታ ገዲኮካ ታኒ ኣሳ ገሻስ ጋዳ ናምኣንላ ሙሌካ ሃ ቢታ ቃንጊኬ። ቃሴ ታኒ ሃኢ ኦሊዳ ማላ ፓጻ ዲዛ ሜዴታላ ኡባ ናምኣንላ ሙሌካ ዳይሲኬ።
 22 ሃ ቢታይ ዲዛ ዋዴ ኡባን ዜሪላ ዋዴይኔ ማጻ ዋዴይ ሞጩይኔ ሆምቤይ፣ ቦኔይኔ ባልጎይ፣ ጋላሲኔ ቃማይ ኡባ ዋዴካ ፓጩና» ገዴስ።

9

ጸሲ ሮሃራ ጌሊዳ ጫቆ ቃላ

1 ጸሲ ሮሃኔ ኢዛ ናይታ፣ «ዬሌቲቲ፣ ጮራቲቲ፣ ቢታ ኡባ ኩሚቲ።
 2 ቢታ ደአቲ፣ ካፎቲ፣ ቢታን ዋጺ ቃጸዛ ሚሻቲኔ ኣባ ገደን ዲዛ ሞሌቲ ወሪ ኢንቲስ ያዬቶኔ ዳጋሜቶ፤ ኢስቲ ኢንቲ ሽኔን ዳቶ።
 3 ታ ኢንቲስ ቢታፊ ሞኪዛ ዳማ ዳማ ካላታ ኢሚዳ ማላካ ሸምፖራ ፓጻ ዲዛ ሜዴታቲ ወሪ ኢንቲስ ቁማ ገደና።
 4 ሸምፖይ ሱላ ገደን ዲዛ ገሻስ ሱላ ኢዛፕ ጉኮንታ ኣሾ ሞፕቲ።
 5 ታኒ ኢንቲ ሸምፖይ ኢዛን ዲዛ ኢንቲ ሱላ ሜሃፕኔ ደአ ኡባፊ ቲሙ ታ ኦይቻና፣ ቃሴ ኣሳ ኡባፊካ ኢዛ ማላ ኣሳ ሱላ ኦይቻና።
 6 ጸሲ ኣስ ባና ሚሳቲሲዲ ሜዲዳ ገሻስ ኣሳ ሱላ ጉሲዛ ኦናካ ገዲኮ ኢዛ ሱላካ ኣሳ ኩሽን ጉካና።
 7 ኢንቲ ዬሌቲቲ፣ ጮራቲቲኔ ቢታ ቦላ ኬሂ ዳሪቲ» ገ ኣንጂዳስ።
 8 ሃሳፊ ጉዬ ጸሲ ሮሃኔ ኢዛራ ዲዛ ኢዛ ናይታ ሂዘገዴስ፤
 9-10 «ሂስቲን ሃኢ ታኒ ታ ጫቆ ኢንቲናራ፣ ኢንቲፊ ጉዬ ኢንቲ ዜሪላራኔ ኔናራ ሸምፖራ ዲዛ ሜዴታላታራ ጫቂታዲስ፤ ኤ! ታኒ ታ ጫቆ ካፎራ፣ ሜሃራ፣ ቢታ ደአ ኡባራኔ ማርካቤፕ ኢንቲናራ ኬዚዳ ፓጻ ዲዛ ሜዴታላ ኡባራ ጫቂታዲስ።
 11 ታኒ ኢንቲናራ ጫቂታዲስ፤ ሃይሳፊ ሲንላን ፓጻ ዲዛይ ወሪ ዳይሲዛ ሃላን ሙሊካ ዳዬና፤ ሃ ቢታ ዳይሲዛ ሃላ ሃይሳፊ ጉዬ ሙሊካ ዳና» ገዴስ።

12 ቃሴካ ጸሲ፡ «ታኒ ታፔኔ ኢንቴፊ፡ ኢንቴናራ ዲዛ ፓጻ ሜዴታታሰ ኡባፊ ጊደን ያና ዩሌታ ኡባራ ጫቁቲዛ ጫቆዛሰ ማላታይ ሃይሳ፤

13 ታኒ ታ ዙላ ሳሎ ቦላ ኤሳና፤ ኢዚ ታፔኔ ሃ ቢታ ቦላ ዲዛ ሜዴታታሰ ጊደን ዲዛ ጫቆዛሰ ማላታ ጊደና።

14 ታኒ ቢታፊ ቦላን ሻራ ኤሂዳ ዎዴኔ ሻራ ቦላን ዙላይ ቤቲዳ ዎዴ፡

15 «ፓጻ ዲዛ ሜዴታታ ኡባ ጳይሳናሰ ሃይሳፊ ሲንግላን ሙሌካ ጳይሳ ሃሊ ዩና» ጋዳ ታፔኔ ኢንቴፊ ፓጻ ዲዛ ዲማ ዲማ ቆሞ ሜዴታታ ኡባፊ ጊደን ጫቁዳ ታ ቃላ ታ ቆፓና።

16 ዙላይ ሻራ ቦላ ቤቲዳ ዎዴ ኣይዳካ ታኒ ኢዛ ቤያዳ ታፔ ጸሳፊኔ ሃ ቢታ ቦላን ፓጻ ዲዛ ዲማ ዲማ ቆሞ ሜዴታታ ኡባፊ ጊደን ጫቆ ጌሊዳ ሜርና ጫቆ ቃላ ታ ሃሳኣና» ጊደሰ።

17 ጸሲ ኖሄ፡ «ታኒ ታፔኔ ሃ ቢታ ቦላን ፓጻ ዲዛ ኡባፊ ጊደን ጫቁዳ ጫቆዛሰ ማላታይ ሃይሳ» ጊደሰ።

ኖሄኔ ኢዛ ናይታ

18 ማርካቤዛፔ ኬዚዳ ኖሄ ናይቲ ሴሜ፡ ካሜኔ ያፊቴ፤ ካሜይ ካናኔ ኣዎ።

19 ሃይቲ ሄዳይካ ኖሄ ናይታ፤ ቢታ ኡባን ዲዛ ኣሳይ ኢሰታፊ ዩሌቲዳ።

20 ኖሄይ ጎሻንቻ፤ ኢዚ ዎይኔ ሚላ ቶኬል ኣይኪዳ።

21 ኢሲ ጋላሰ ኢዚ ዎይኔ ኦሴቲዳ ጫጃ ኡዩ ማላቲዳ ባ ዲንካኔዛ ጊደን ፓጻ ካሎ ኢቺዳ።

22 ካናኔ ኣዎ ካሜይ ባ ኣዎ ካሎቴል ቤኢዳ ካሬ ኬዚዳ ባ ኢሻታ ናምኣታሰ ዮቲዳ።

23 ጊደ ኣቲን ሴሜይኔ ያፊቴይ ማይኦ ኤኪዳ ናምኣይካ ባ ሃሼ ሃሼ ቦላ ጋሊ ኣይኪዳ ፕንዲፓል ሄሜቲ ጌሊዳ ባ ኣዎ ካሎቴል ካሚዳ፤ ኢሰቲ ባ ኣዎ ካሎቴል ቤኦንታ ማላ ባ ኣይፊሶ ጉዩ ዛሬዳ።

24 ኖሄይ ማላይ ኣጳን ቤጊዳ ኡባፊ ካሎ ናዚ ባ ቦላ ኦሊዳይሳ ኤሪዳ፡

25 «ካናኔይ ቃንጌቲዳዝ ጊደ!

ኢዚ ባ ኢሻታ ኣይሌታሰ ኣይሌ ጊደ!» ጊደሰ።

26 ቃሴካ ኖሄይ፡

«ጎዳይ፡ ሴሜ ጸሲ ጋላቲቶ! ካናኔይ ሴሜ ኣይሌ ጊደ!

27 ጸሲ ያፊቴ ቢታ ኣሶ!

ያፊቴ* ዜሬላቲ ሴሜ ዜሬላታራ ዴቶ!

ካናኔይ ያፊቴ ኣይሌ ጊደ!» ጊደሰ።

28 ጳይሳ ሃላፊ ጉዩ ኖሄይ 350 ላይል ዳኢዳ።

29 ኖሄይ ሙሊራ 950 ላይል ዳዩዳ ሃይቁዳ።

10

ኖሄ ናይታ ዜሬላታ

1 ኖሄ ናይታ፡ ሴሜ፡ ካሜኔ ያፊቴ ዩሌታይ ሃይሳፊ ካሊ ጸፊቲዳይሳ፤ ጳይሳ ሃላፊ ጉዩ ኢሰታሰ ኣቲማ ናይቲ ዩሌቲዳ።

2 ያፊቴ ኣቲማ ናይቲ ጎሜሬ፡ ማጎጌ፡ ማዳዩ፡ ያዎን፡ ቱባሌ፡ ሚሼኬኔ ቲራሴ

3 ጎሜሬ ኣቲማ ናይቲ ኣሽኬናዜ፡ ኢራፋቲኔ ቶጋርማ።

4 ያዎን ኣቲማ ናይቲ ኤሊሹ፡ ታርሴሴ፡ ኪቲሜኔ ኤርዳ። *

5 ሃይታጎታፊ ኣባ ደናን ዲዛ ኣሳይ ዉሪ ባ ቢታን ቢታን፡ ባ ቃላን ቃላን፡ ባ ቆሞን ቆሞን፤ ባ ካዎቴላን ካዎቴላን ሻኬቲዳ።

6 ካሜ ኣቲማ ናይቲ ኩሹ፡ ጊብጾ፡ ፑጾኔ ካናኔ። †

7 ኩሹ ኣቲማ ናይቲ ሴባ፡ ሃዊላ፡ ሳቢቲ፡ ኤራኢሜኔ ሳቢቲካ።

ኤራኢሜ ኣቲማ ናይቲ ሳባኔ ዳዳ።

8 ኩሹይ ናሙሩዳ ዩሊዳሰ፤ ናሙሩዳይ ቢታ ቦላን ኮይር ዎልቃማ ኣላንቻ ጊዲዳሰ፤

9 ጎዳ ሲንግላንካ ኢዚ ዎልቃማ ሻንካንቻ ጊዲዳሰ፤ ሄሳ ጊሻሰ፡ «ናሙሩዳ ማላ ጎዳ ሲንግላን ዎልቃማ ሻንካንቻ ጊዳ» ጌቲቲሰ።

10 ኢዛ ካዎቴላን ኮይር ካታማቲ ሳናኦሪ ቢታን ዲዛ ባቢሎኔ፡ ኤሬኬ፡ ኣካዳኔ ካላናሄ።

11-12 ኢዚ ሄ ቢታፊ ኣሶሪ ቢዲ ናናዊ፡ ኤራሆቦቲኔ ካላሄ ካታማታ ኦሊዳሰ፤ ቃሴ ናናዊ፤ ካላሄ፤ ጊደን ዲዛ ኤሬሴኔ ጌቲቲዛ ጊታ ካታማካ ኦሊዳሰ።

13-14 ጊብጾይ ሉዲሜታ፡ ኣናሜታ፡ ላሃቤታ፡ ናፍቲሃታ፡ ጳዲርሴታ፡ ካሲሉሃታኔ ፊሊሰጾሜታ ዩሊዳ ካፍቶሬታ ኣዎ።

15-16 ካናኔይ ባ ባይራ ናዛ ሲደና፡ ኬዶታ፡ ያቡሴታ፡ ኣሞሬታ፡ ጌርጌሴታ ኣዎ፤

17 ቃሴካ ሃዊታ፡ ኣርቁታ፡ ሲኔታ፡

18 ኣርዎዳታ፡ ጳማሬታኔ ሃማቲታ ኣዎ። ሄሳፊ ጉዩ ካናኔ ዜሬላቲ ቢታ ቦላ ላሊቲዳ።

19 ካናኔ ቢታ ዛዎይ ሲደና፤ ደሚዳ ጌራሬኔ ጋዛራ ካንሊዳ፡ ሶደሜኔ ጋሞራ፡ ኣዳማኔ ጳቦይሜ ካንሊ ቢዲ ላሻኤሪ ጋኬሰ።

20 ካሜ ኣቲማ ናይቲ ባ ቆሞን ቆሞን፡ ባ ቃላን ቃላን፡ ባ ቢታን ቢታኒኔ ባ ካዎቴላን ካዎቴላን ጳፊቲዳይቲ ሃይታንታ።

21 ሴሜሰ ናይቲ ዩሌቲዳ፤ ኢዚ ያፊቴሰ ባይራ ኢሻኔ ኤቦሪ ናይታ ኡባሰ ማይዛ።

22 ሴሜ ኣቲማ ናይቲ ኤላሜ፡ ኣሶሬ፡ ኣርፋኪሲዳ፡ ሉዳኔ ኣራሜ።

23 ኣራሜ ኣቲማ ናይቲ ኡዳ፡ ሁሌ፡ ጌቲሬኔ ሜሹ።

24 ኣርፋኪሲዳይ ሹላሄ ዩሊዳሰ፡ ሹላሄይ ኤቦሪ ዩሊዳሰ።

25 ኤቦሪሰ ናምኡ ኣቲማ ናይቲ ዩሌቲዳ፤ ቢታን ዲዛ ኣሳይ ኢዛ ዎዴን ሻኬቲዳ ጊሻሰ ኢሳ ሱንሊ ፔሊጌ † ጌቲቲዳሰ፤ ኢዛ ኢሻዛ ሱንሊ ዮቁጻኔ ጌቲቲሰ።

26 ዮቁጻኔይ ናይታ ዩሊዳሰ፤ ኢሰቲካ ኣልሞዳዳ፡ ሹሌፊ፡ ሃጻርማዊቲ፡ ዩራሄ፡

27 ሃደራሜ፡ ኡዛሌ፡ ዲቁሌ፡

28 ኦባሌ፡ ኣቢማኤሌ፡ ሳባ፡

* 9:27 ያፊቴ፡ ያፊቴ ጉሲ ኣሶ ጉሳ ሚሳቲሰ። * 10:4 ታርሴሴ ጌቲቲዛራ ሃኢ ዎዴ ኢሰፔኔ ጌቲታወሰ፤ ኪቲሜ ጌቲቲዛራ ሃኢ ዎዴ ቆጶርሴ ጌቲታወሰ፤ ኤርዳ ጌቲቲዛራ ሃኢ ዎዴ ኤርዳ ጌቲቲዛ ሃራርታ ዳሬኮ † 10:6 ፑጾ ጌቲቲዛራ ሃኢ ዎዴ ሊቢያ ጌቲታወሰ ‡ 10:25 ፔሊጌ ጉሲ ኢብራዊታ ቃላራ ሻኬታል ጉሳ

29 ኦፊሪ፡ ሃዋላኔ ዮባቤ፤ ሃይታንቲ ወሪካ ዮቁጸኔ ኦቱማ ናይታ።
 30 ኢስቲ ዳኢዳ ቢታይ ኦርሼይ ሞኪዛ ባጋራ ዲዛ ዙማ ሜሼፔ ቢዲ ሳፋሪ ጋኬስ።
 31 ሴሜ ኦቱማ ናይቲ ባ ቆሞን ቆሞን፡ ባ ቃላን ቃላን፡ ባ ቢታን ቢታኒኔ ባ ካዎቱላን ካዎቱላን ጸፊቲዳይቲ ሃይታንታ።
 32 ሃይታንቲ ባ ቆሞን ቆሞኒኔ ባ ካዎቱላን ካዎቱላን ጸፊቲዳ ኖሄ ኦቱማ ናይታ ዜራሳታ፤ ጳይሳ ሃላፊ ሲሚን ካዎቱላቲ ሃይታንታፊ ቢታ ኡባ ቦላ ላሌቲዳ።

11

ባቢሎኔ ገምቤ

1 ቢታ ቦላን ዲዛ ኦሲ ወሪ ኮይሮ ኢሲ ዶናኔ ኢሲ ቃላ ሃሳዬስ።
 2 ኦሳይ ኦርሼይ ሞኪዛ ባጋ ሲሚዲ ቢሼ ሳናኦሬ ጌቲቲዛ ቢታን ኢሲ ዳምባሶ ዳሚዲ ሄን ኡቲዳስ።
 3 ኢስቲ ኢሶይ ኢሳ፡ «ሃ ዩቲ፤ ጹቤ ሜዲዲ ኦኔ ታማን ጸሳስ» ጊዲ ኢስታ ሹቻ ጊሻስ ጹቤ፡ ኡርቃ ጊሻስ ሹዳ
 4 ኤኪዲ፡ «ሃ ዩቲ! ኑ ሱንሳ ጸይጊሳናሲኔ ቃሴ ኩሂ ሃ ቢታ ኡባ ቦላን ላሌቶንታ ማላ ኢሲ ጊታ ካታማኔ ጸራይ ፑዳ ሳሎ ጋኪዛ ኢሲ ገምቤ ኦኔ ኬጸስ» ጊዳ።
 5 ጊዶ ኦቲን ጎዳይ ኦሳይ ኬጸዲ ጊታ ካታማዛኔ ገምቤዛ ቤያናስ ዲጌ ዎዲዲ።
 6 «ሄኮ ኢስቲ ኢሲ ኦሳ! ቃሴ ኢስቲ ወሪካ ኢሲ ቃላን ሃሳዬቲስ፤ ኢስቲ ሃኢ ሃይሳ ኦሶ ኦይኪዳፔ ጉዬ፡ ኢስቲ ባስ ኦላናስ ቆፒዳይሳ ኢስታ ዲጋናይ ዳና።
 7 ሃ ዩቲ! ኦኔ ኑ ዲጌ ዎዲዲ ኢስቲ ኢሶይ ኢሳ ቃላ ኤርንታ ማላ ኢስታ ቃላ ዋላኮስ» ጊዳስ።
 8 ሄሳ ጊሻስ ጎዳይ ኢስታ ሃሳፊ ቢታ ኡባ ቦላን ላሊን ኢስቲ ሄ ጊታ ካታማ ኦሊዛይሳ ኦጋጊዳ።
 9 ጎዳይ ቢታ ኦሳ ቃላ ሄን ዋላኪዳ ጊሻስ ሄ ካታማያ ባቢሌ * ጌቲታዲስ። ጎዳይ ኢስታ ሃሳፊ ቢታ ኡባ ቦላን ላሊዳስ።

ሴሜ ዜራሳ (1ታሪ 1:24-27)

10 ሴሜ ዜራሳ ሃይሳፊ ካሊዲ ጸፊቲዳይሳ፤ ጳይሳ ሃላ ሲሚን ናምኡ ላይላፊ ጉዬ ሴሜስ ላይላይ 100 ጊዲን ሴሜይ ኦርፋኪሲዳ ዩሊዳስ።
 11 ሴሜይ ኦርፋኪሲዳ ዩሊዳፔ ጉዬ 500 ላይላ ዳኢዳስ፤ ሃራ ኦቱማ ናይታካ ማጫ ናይታካ ዩሊዳስ።
 12 ኦርፋኪሲዳይ 35† ላይላ ዳኢዲ ሹላሄ ዩሊዳስ፤
 13 ኦርፋኪሲዳይ ሹላሄ ዩሊዳፔ ጉዬ 403 ላይላ ዳኢዳስ፤ ሃራ ኦቱማ ናይታኔ ማጫ ናይታካ ዩሊዳስ።
 14 ሹላሄይ 30‡ ላይላ ዳኢዲ ኤቦሪ ዩሊዳስ፤
 15 ሹላሄይ ኤቦሪ ዩሊዳፔ ጉዬ 403 ላይላ ዳኢዳስ፤ ሃራ ኦቱማ ናይታኔ ማጫ ናይታ ዩሊዳስ።

* 11:9 ባቢሌ፡ ባቢሌ ጉሲ ኢብራዊታ ቃላራ ቢርሹላ ባይንዳ ሃሳያ። † 11:12 35 ጊዛይሳ ኢብራዊታ ማጻፋን ላፑን ታሙ ኤራንቻቲ 135 ጌቲስ። ‡ 11:14 30 ጊዛይሳ ኢብራዊታ ማጻፋን ላፑን ታሙ ኤራንቻቲ 130 ጌቲስ።

16 ኤቦሪ ሄዙ ታማኔ ኦይዲ § ላይላ ዳኢዲ ፔሌጌ ዩሊዳስ፤
 17 ኤቦሪይ ፔሌጌ ዩሊዳፔ ጉዬ 430 ላይላ ዳኢዳስ፤ ሃራ ኦቱማ ናይታኔ ማጫ ናይታ ዩሊዳስ።
 18 ፔሌጌይ 30 ላይላ ዳኢዲ ኤራኤ ዩሊዳስ፤
 19 ፔሌጌይ ኤራኤ ዩሊዳፔ ጉዬ 209 ላይላ ዳኢዳስ፤ ሃራ ኦቱማ ናይታኔ ማጫ ናይታ ዩሊዳስ።
 20 ኤራኤይ 32 ላይላ ዳኢዲ ሳሩጌ ዩሊዳስ፤
 21 ኤራኤይ ሳሩጌ ዩሊዳፔ ጉዬ 207 ላይላ ዳኢዳስ፤ ሃራ ኦቱማ ናይታኔ ማጫ ናይታ ዩሊዳስ።
 22 ሳሩጌይ 30 ላይላ ዳኢዲ ናኮሪ ዩሊዳስ፤
 23 ሳሩጌይ ናኮሪ ዩሊዳፔ ጉዬ 200 ላይላ ዳኢዳስ፤ ሃራ ኦቱማ ናይታኔ ማጫ ናይታ ዩሊዳስ።
 24 ናኮሪይ 29* ላይላ ዳኢዲ ታራ ዩሊዳስ።
 25 ናኮሪይ ታራ ዩሊዳፔ ጉዬ 119 ላይላ ዳኢዳስ፤ ሃራ ኦቱማ ናይታኔ ማጫ ናይታ ዩሊዳስ።
 26 ታራይ 70 ላይላ ዳኢዲ ኦብራሜ፡ ናኮሪኔ ሃራኔ ዩሊዳስ።

ታራ ዜራሳ

27 ታራ ዩሌታይ ሃይሳፊ ካሊዲ ጸፊቲዳይሳ፤ ታራይ ኦብራሜ፡ ናኮሪኔ ሃራኔ ዩሊን ሃራኔይ ሎጾ ዩሊዳስ።
 28 ሃራኔይ ባ ኦዋይ ታራይ ፓጻ ዲሺን ባ ዩሌቲዳ ካላዳዊታ ቢታን ኡሬ ጌቲቲዛ ጊታ ካታማን ሃይቁዳስ።
 29 ኦብራሜይ ናኮሪይ ናምኦይካ ማቸዳ፤ ኦብራሜ ማቸይ ሱንሳ ሶራ፤ ቃሴ ናኮሪ ማቸይ ሱንሳ ሚልካ፤ ሚልካይ ሃራኔ ና፤ ሃራኔይ ሚልኪሲኔ ዩሰካኒሲ ኦዋ።
 30 ሶራይ ማይኔ፤ ኢዚስ ናይ ባዋ።
 31 ታራይ ባ ና ኦብራሜ፡ ባ ናዛ ሃራኔ ና ሎጾኔ ባ ና ኦብራሜ ማቸ ሶራ ኤኪዲ ኬዚን ኢስቲ ኢሲፊ ካናኔ ቢታ ባናስ ኡሬ ጌቲቲዛ ካላዳዊታ ካታማፔ ዳንዲዳ፤ ጊዶ ኦቲን ኢስቲ ካራኔ ጌቲቲዛ ካታማ ጋካናስ ቢዲ ሄን ዳኢዳ።
 32 ታራይ 205 ላይላ ዳኢዲ ካራኔን ሃይቁዳስ።

12

ኦብራሜ ጸይጌቲሳ

1 ጎዳይ ኦብራሜ፡ «ኔ ዳሬፔ፡ ኔ ዳቦታፔኔ ኔ ኦዋ ኬላ ኦሳፔ ሻኬታዳ ታኒ ኔና ቤሲዛ ቢታ ባ።
 2 «ታኒ ኔና ጊታ ካዎቲሳ ኦላና፤ ቃሴካ ኦንጀና፤ ኔ ሱንሳ ጊታሳና፤ ኔካ ሃራታስ ኦንጀ ጊዳና።
 3 ኔና ኦንጀዛይታ ታ ኦንጀና፤ ኔና ቃንጊዛይታካ ታ ቃንጋና፤ ቢታ ቦላ ዲዛ ኦሲ ወሪ ኔ ባጋራ ኦንጃታና» ጊዳስ።
 4 ኦብራሜይ ጎዳይ ኢዛስ ዮቲዳ ማላ ዳንዲ ቢዳስ፤ ሎጾይካ ኢዛራ ቢዳስ፤ ኦብራሜይ ካራኔ ዳሬፔ ቢሺን ኢዛስ ላይላይ ላፑን ታማኔ ኢቻሻ።

† 11:12 35 ጊዛይሳ ኢብራዊታ ማጻፋን ላፑን ታሙ ኤራንቻቲ 135 ጌቲስ። § 11:16 ሄዙ ታማኔ ኦይዲ ጊዛይሳ ኢብራዊታ ማጻፋን ላፑን ታሙ ኤራንቻቲ 134 ጌቲስ። * 11:24 29 ጊዛይሳ ኢብራዊታ ማጻፋን ላፑን ታሙ ኤራንቻቲ 109 ጌቲስ። ‡ 12:1 ሃዋ 7:2-3፤ ኢብ 11:8 12:3 ጋላ 3:8

5 አብራሚያ ባ ማቸዮ ሶራ፣ ባ አሻ ና ሎጾ፣ ካራኔን ኢስቲ ዳሚዳ አይሌታኔ ሄን ሺሺዳ ባንታ አቆታ ኡባ ኤኪዲ ካናኔ ቢታ ቢዳስ።

6 አብራሚያ ሄ ቢታን ሴኬሜን ሞሬ ጌቲቲዛሶን ዲዛ ጌታ ሚላኮ ጋካናሰ ቢዳስ፤ ሄ ዎዳ ካናኔ አሳቲ ሄ ቢታን ዳቲስ።

7 ጎዳይ አብራሚስ ቆንጫዲ፣ «ሃ ቢታ ታኒ ኔ ዜሬላሰ አማና» ጌዳስ፤ ኢዚ ባሰ ቆንጫዲ ጎዳሰ ሄ ሶሆን ያርሾ ያርሺዛሶ ኬዲዲ ጎይኒዳስ።

8 ሃሳፌ ዳንዲዲ ቤቴሌፔ አርሼይ ሞኪዛ ባጋራ ዲዛ ዙማቲዛሶ ቢዲ ሄን ቤቴሌ አርሼይ ወሊዛ ባጋን አጊዲ ቃሴ አዬ ጌቲቲዛ ካታማ አርሼይ ሞኪዛ ባጋ አጊዲ ጌዳን ባ ዳንካኔ ቶሊዳስ፤ ሄንካ ጎዳሰ ያርሾ ያርሺዛሶ ኬዲዲ ጎዳ ሱንላ ጾይጊዳስ።

9 ሃሳፌ ጉዬ አብራሚያ ሄፔ ዳንዲ ቢዲ ኔጌቤ * ጌቲቲዛ ባዘ ጋኪዳስ።

ጌብጾ አብራሚ ቡስ

10 ሄ ዎዳ ካናኔ ቢታን ኮሻይ ዳንዲን ኮሻዚ ኬሂ ኢታ ጌዲዳ ጌሻሰ አብራሚያ ኮሻ ዎዳ አላናሰ ዲጌ ጌብጾ ዎዲዳስ።

11 ጌብጾ ጌላና ሃኒሺን አብራሚያ ባ ማቸዮ ሶራ፣ «ሲያ! ኔ ዳሮ ማላ ሎኦ ማጫሰ ጌዲዳይሳ ታ ኤራይስ።

12 ጌብጾ አሳይ ኔና ቤኢዛ ዎዳ ኢስታሰ፣ «ሃና ኢዛ ማቸ» ጌዲ ኔና አጊዲ ታና ዎዳና።

13 ሃሳ ጌሻሰ ኢስቲ ታሰ ኔ ጋሶን ኪያና ማላኔ ቃሴ ኔ ጋሶን ታ ሃይቆንታ አታና ማላ ኔኒ፣ «ታ ኢዛሰ ማቸ» ጋ» ጌዳስ።

14 አብራሚያ ጌብጾ ቢታ ጌሊዳ ዎዳ ጌብጾ አሳቲ ሄ ማጫሳያ ዳሮ ማላ ሎኦ ማጫሰ ጌዲዳይሳ ቤኢዳ።

15 ቃሴ ጌብጾ ካዎሰ ኦሊዛ ሃላቃቲካ ኢዘ ቤኢዲ ካዎ ሲንላን ኢዘ ናሺዳ፤ ሂስቲዲ ኢዘ ካዎሶ ኤፊዳ።

16 ሂስቲን ኢዚ ጌዳን ካዎይ አብራሚ ሎኦ አይፊን ጾሊዲ አብራሚስ ደርሳታኔ ቦራታ፣ አዳ ሃራታኔ ማጫ ሃራታ፣ አዳ አይሌታኔ ማጫ አይሌታ፣ ጋሜላታካ አሚዳስ።

17 ጌዳ ኣቲን ጎዳይ አብራሚ ማቸዮ ሶራ ጌዳን ጌብጾ ካዎ ቦላኔ ኢዛሶ አሳ ቦላ ቦሻ ዬዲዳስ።

18 ሂስቲን ካዎዚ አብራሚ ጾይጊዲ፣ «ኔኒ ሃይሳ አይሰ ታ ቦላ ኦላዳ? ኢዛ ኔ ማቸ ጌዲዳይሳ አይሰ ታሰ ዮታቤኪ?»

19 ታ ኢዘ ማቸ ኤካና ማላ፣ «ኢዛ ታ ማቸ» ጋዳ አዛሰ ዎርዶታዲ? ሄኮ ሃና ኔ ማቸዮ ኤካዳ ባ!» ጌዳስ።

20 ካዎዚካ ባ አይሌታ አብራሚ ኢዛ ማቸይራኔ ኢዛሰ ዲዛዝ ኡባ ኬሲዲ ዬዳና ማላ አዛዚን አይሌቲ ኢስታ ዳሬፔ ኬሲ ዬዲዳ።

13

አብራሚኔ ሎጾ ሻኬቲላ

1 ሃሳ ጌሻሰ አብራሚያ ባ ማቸይራኔ ባሰ ዲዛዝ ኡባራ ጌብጾፔ ኔጌቤ ባዘ ቢዳስ፤ ሎጾይካ ኢዛራ ቢዳስ።

12:7 ሃዋ 7:5፤ ጋላ 3:16 * 12:9 ኔጌቤ ጌቲቲዛይሲ አብራሚ ቃላራ ዳንሃ ባጋ ዳሬ ጉሳ 12:13 ሜዴ 20:2፤ 26:7 13:10 ሜዴ 2:10 13:15 ሃዋ 7:5

2 አብራሚያ ሄ ዎዳ ሜሃን፣ ቢራኒኔ ዎርቃን ዳሮ ዳሬቲዳስ።

3 ኢዚ ኔጌቤፔ ዳንዲዲ ቤቴሌ ጋካናሰ ቢዳስ፤ ቤቴሌፔኔ አዬፔ ጌዳን ዲዛ ዳሬ ቢዳስ፤ ሄሶይካ ኢዚ ኮይሮ ባ ዳንካኔ ቶሊዲ።

4 ያርሾ ሺሻናሰ ኬዲዳሶ፤ ሄንካ አብራሚያ ጎዳ ሱንላ ጾይጊዳስ።

5 አብራሚራ ዩዩዛ ሎጾሰካ ዳሮ ሚዚ፣ ደርሲ፣ ዳይሺኔ ዳንካኔይ ዳስ።

6 ጌዳ ኣቲን ኢስታሰ ዳሮ ሜሃይ ዲዛ ጌሻሰኔ ኢስቲ ኢሲፌ ዳናሰ ኢስታሰ ቢታይ ጾሚዳ ጌሻሰ ኢሲፌ ዳናሰ ዳንዳይቤቴና።

7 ሃሳ ጌዳን አብራሚ ወዳ ሄሚዛይታ ጌዳኒኔ ሎጾ ወዳ ሄሚዛይታ ጌዳን ኦሺ ሜዴቲዳስ፤ ሄ ዎዳ ካናኔቲኔ ፓሪዜቲ ሄ ቢታን ዳቲስ።

8 ሂስቲን አብራሚያ ሎጾሰ፣ «ኔኒ አሻንታ ጌዲዳ ጌሻሰ፣ ኦ ጌዳን፣ ታ ሜሃ ሄሚዛይታ ጌዳኒኔ ኔ ሜሃ ሄሚዛይታ ጌዳን ኦሺ ሜዳ።።

9 ቢታይ ወሪ ኔ ሲንላን ዳኔ? አኔ ኦኒ ሻኬቶሰ፤ ኔኒ ሃዲርሳ ባጋ ቢኮ፣ ታኒ ኡሻቻ ባጋ ባና፤ ኔኒ ኡሻቻ ባጋ ቢኮ ታኒ ሃዲርሳ ባጋ ባና» ጌዳስ።

10 ሎጾይ ዩዩ አዲ ጾሊዲ ዮርዳኖሴ ሾባይ ቢዲ ዘአሬ ጋካናሰ ጎዳ ጋናቲ ዎይኮ ጌብጾ ቢታ ማላ ዳሮ ሃላ ዲዛይሳ ቤኢዳስ። (ሂሲካ ጎዳይ ሶዶሜኔ ጋሞራ ጌቲቲዛ ካታማታ ዳይሳናፔ ካሴ።)

11 ሃሳ ጌሻሰ ሎጾይ ባሰ ዮርዳኖሴ ሾባ ኡባ ደሪዲ አርሼይ ሞኪዛ ባጋራ ቢዳ ጌሻሰ ኢስቲ ባ ጋርሳን ሻኬቲዳ።

12 አብራሚያ ካናኔ ቢታን ዳኢዳስ፤ ሎጾይ ጌዲኮ ሾባን ዲዛ ጌታ ካታማታ ጌዳን ኡቲዲ ሶዶሜ ካታማ ማታን ባ ዳንካኔዛ ቶሊዳስ።

13 ሄ ዎዳ ሶዶሜ አሳይ ኢታኔ ጎዳ ሲንላን ፓላ ናጋራ ኦሊዛይታ።

14 ሎጾይ አብራሚፔ ሻኬቲዳፔ ጉዬ ጎዳይ አብራሚ፣ «ዶቁ ጋዳ ኔኒ ዲዛሶፔ አርሼይ ሞኪዛ ባጋኔ ጌሊዛ ባጋ ቃሴ ዲጌሃ ባጋኔ ፑዳሃ ባጋ ጾላ።

15 ሃይሳ ኔኒ ጾሊዛ ቢታ ኡባ ታ ኔሲኔ ኔ ዜሬላሰ ማርናሰ አማና።

16 ታኒ ኔ ዜሬላ ቢታ አጩ ማላ ዳርሳና፤ አኒካ ቢታ አጩ ታይባና ዳንዳይኮ ኔ ዜሬላካ ታይቤታና።

17 ዳንዳዳ ቢታ ቦላ ፑዳኔ ዲጌ፣ ያኔ ሃ ዩያ ጾላ፤ ጋሶይካ ታኒ ሃይሳ ቢታ ኔሰ አማና» ጌዳስ።

18 ሂስቲን አብራሚያ ባ ዳንካኔዛ ሾዲዲ፣ ኬብርኔን ማሚሬ ጌቲቲዛሶን ዲዛ ጌታ ሚላ አቻን ዳኣናሰ ቢዳስ። ሄንካ ጎዳሰ ያርሾ ያርሺዛሶ ኬዲዳስ።

14

አብራሚያ ሎጾ ዎላ ኤኮ

1 ሄ ዎዳ ሳናኦሬ ካዎይ አሚራፌሌይ፣ ኤላሳሬ ካዎይ አርዮኬይ፣ ኤላሚ ካዎይ ካደርላኦሚሬይኔ አይዛቤ ካዎ ቲዲአሌይ ኦይዳቲ።

2 ሶዶሜ ካዎ ቤራኤራ፣ ጋሞራ ካዎ ቢርሻራ፣ አዳማ ካዎ ሺንኣቤራ፣ ጸቦይሜ ካዎ ሸሚቤሬይኔ (ዘአሬ ጌቲቲዛ) ቤላ ካዎራ ኦሊታናሰ ቢዳ።

3 ሃ ኢቻሹ ካዎቲ ጋጊዲ ኢሲ ባጋ ጊዲዲ፡ (ሃይቆ ኣባ ጌቲቲዛ) ሲዲሜ ሾባን ሸቆዳ።

4 ኢስቲ ካሴ ታማኔ ናምኡ ላይላ ካደርላኦሜሬስ ሃሪቲዲ፤ ጊዶ ኣቲን ታማኔ ሄቫንላ ላይላን ኢዛ ቦላ ማካሊዲ።

5 ታማኔ ኦይዳንላ ላይላን ካደርላኦሜሬይ ኢዛራ ዙፔቲዳ ካዎቲ ባ ኦላንቻታ ኤኪ ቢዲ፡ ኣስታሮቲ-ቃርናይሜን ዲዛ ኤራፋይሜታ፡ ሃማን ዲዛ ዙፔታኔ ሻዌ-ቁሪያታይሜን ዲዛ ኤሚሜ ጌቲቲዛ ዴሬታ ኦሊዲ ጸኒዳ።

6 ሆሪ ቢታ ኣሳታካ ሴይሬ ዙማ ቦላ ኦሊዲ ባዙ ኣቻን ዲዛ ኤልፓራኔ ጌቲቲዛሶ ጋካናስ ጎዲዳ።

7 ሃሳፌ ጉዬ ሲሚዲ ኤን-ሚሺፓጾ ዩዳ። (ሃኢ ሄ ዴሬይ ቃዴሴ ጌቲቲሱ።) ኢስቲ ኣማሌቁታ ቢታ ቃሴ ሃጸጸኔ ታማሬ ጌቲቲዛሶን ዲዛ ኣሞሪ ኣሳ ኡባ ኦሊዲ ጸኒዳ።

8 ሃሳፌ ሲሚን፡ ሶዶሜ ካዎይ፡ ጋሞራ ካዎይ፡ ኣዳማ ካዎይ፡ ጸቦይሜ ካዎይ (ዘኣሬ ጌቲቲዛ) ቤላ ካዎይ ዴንዲዲ ሲዲሜ ሾባን ኦላስ ሳልፊዳ።

9 ሃይቲ ዉሪ ኤላሜ ካዎራ፡ ኣይዛቤታ ካዎራ፡ ሳናኦሪ ካዎራ፡ ኤላሳሪ ካዎራ (ሃ ኢቻሹ ካዎቲ ኦይዲ ካዎታራ) ኦሊቲዳ።

10 ሃ ዎዴ ሲዲሜ ሾባን፡ ሺዳ ኦይኪዛ ዳር ኦላይ ዴስ። ሶዶሜ ካዎይን ጋሞራ ካዎይ ባ ኦላ ኣሳራ ኦላፕ ባቃቲሺን፡ ኢስታፌ ጉላቲ ሄ ኦላታን ኩንዲዳ፤ ጊዶ ኣቲን ኣቲዳይቲ ፑዴ ዙማ ቦላ ባቃቲዳ።

11 ኦይዲ ካዎታ ሶዶሜን ጋሞራ ካታማታ ኣቆታኔ ሚዛ ካሳ ኡባ ቦንቁ ኤኪ ቢዳ።

12 ኣብራሚ ኢሻ ናይ ሎጶይ፡ ሶዶሜን ዲዛ ጊሻስ ኢዛካ ኢዛ ኣቆታካ ኡባ ኤኪ ቢዳ።

13 ሃሳፌ ጉዬ ኢሲ ኣሲ ኬሲ ኤኪዲ ባቃቲ ዩዲ ኢብራዌ ኣብራሚስ ሃሳ ፍቲዴስ፤ ኣብራሚይ ሄ ዎዴ ኤሽኮሌኔ ኣኔሬ ኢሻ ኣሞሪ ዴሬ ኣስ ማሚሬ ዎላ ኣቻን ዴስ፤ ኢስቲ ዉሪካ ኦላ ዛራናስ ኣብራሚራ ጫቁቲዳ።

14 ኣብራሚይ ባ ዳቦይ ዲኤቲዳይሳ ሲዩዳ ዎዴ ኦላ ኤሪዛ ባሶን ዩሌቲዳ ሄቭ ጶታኔ ታማኔ ኦስፑን ኣሳ ዴንሊዴስ፤ ሄ ኦይዲ ካዎታ ካሊዲ ዳኔ ጌቲቲዛ ካታማ ጋካናስ ቢዴስ።

15 ሄን ኦማርሳን ባ ኣሳ ጩጋን ጩጋን ሻኪዲ፡ ባ ሞርኬታራ ኦሊቲዳ ጸኒዴስ፤ ሂስቲዲ ዳማሰቆፌ ቦላ ባጋራ ዲዛ ሆሶ ጌቲቲዛሶ ጋካናስ ጎዲዴስ።

16 ኣብራሚይካ ባ ዳቦ ሎጶኔ ኢዛ ኣቆታ ኡባ ካሴ ዲኤቲዳ ማጫሳኔ ሃራ ኣሳካ ዎሊ ኤኪዴስ።

17 ኣብራሚይ ካደርላኦሜሬኔ ኢዛራ ዙፔቲዳ ካዎታ ጸኒዲ ሲሚዳፕ ጉዬ፡ ሶዶሜ ካዎይ፡ (ካዎታ ሾባ ጌቲቲዛ) ሻዌሃ ሾባን ኢዛ ሞካናስ ኬዚዴስ።

ማልኬዴቄ ኣንጅ

18 ሄ ዎዴ፡ ሳሌሜ ካዎይ ማልኬዴቄይ ኡኬሊኔ ዎይኔ ኡሹ ኤኪ ዩዴስ፤ ኢዚካ ኡባሬ ቆቃ ጸሳ ቄሴ።

19 ኢዚ ኣብራሚ ሃዘጊ ኣንጅዴስ፤ «ኡባሬ ቆቃ ጸሲ ሳሎኔ ሳኣ ሜዲዳይሲ

ኣብራሚ ኣንጅ።

20 ቃሴ ኡባሬ ቆቃ ጸሲ፡ ኔ ሞርኬታ ኔ ኩሺን

ኣሉ ኢሚዳይሲ ጋላቲቶ» ጊዴስ።

ኣብራሚይ ኡባሬ ታማሬ ኢሲ ኩሹ ኬሲዲ ማልኬዴቄይ ሲሚዴስ።

21 ሶዶሜ ካዎይ ኣብራሚ፡ «ታ ኣሳ ታስ ዛራዳ ኔ ዲኤዳ ሜሃዛ ኡባ ኔስ ኤካ» ጊዴስ።

22 ጊዶ ኣቲን ኣብራሚይ ሶዶሜ ካዎ፡ «ታኒ ጎዲስ፡ ኡባሬ ቆቃ ጸሳስ፡ ሳሎኔ ሳኣ ሜዲዳይሳስ፡ ታ ኩሹ ዴንላዳ ጫቃይቻዲስ።

23-24 ታ ኣሳይ ሚዳይሳፌኔ ታናራ ቢዳ ኣኔሬ፡ ኤሽኮሌኔ ማሚሬ ጋኪዛይሳፌ ኣቲን ኔኒ፡ (ኣብራሚ ታኒ ዴሪሳዲስ ጎንታ ማላ ታኒ ኔይሳፌ ሃራይ ኣቶ ኢሲ ሚሽ ዎይኮ ጫማ ኪሪካ ታ ኤኪኬ፤ ኢስቲ ባና ጋኪዛይሳ ኤኬቶን ጌስ» ጊዴስ።

15

ጸሳይ ኣብራሚስ ጌሊዳ ጫቆ ቃላ

1 ሃሳፌ ጉዬ ጎዳ ቃላይ ኣጅታን ኣብራሚኮ ዩዲ፡ «ኣብራሚ፡ ባቦፋ! ታኒ ኔስ ጎንዳሌ፤ ኔ ኣንጅይ ኬሂ ጌታ» ጊዴስ።

2 ኣብራሚይ፡ «ኣቤት ኡባ ሃሪዛ ጎዳዉ! ታስ ሙሌካ ናይ ባይንዳ ጊሻስ ኔኒ ኢሚዛ ኢሞታይ ታስ ኣይሴ? ዳማሰቆ ዴሬ ኣስ ኤልኤዜሬይ ታና ላታና» ጊዴስ።

3 ቃሴካ ኣብራሚይ፡ «ኔኒ ታስ ኣይኮ ና ኢማቤካ፤ ሃሳ ጊሻስ ታሶን ዲዛ ኣይሌይ ታና ላታናስ ዴስ» ጊዴስ።

4 ጎዳ ቃላይ ኢዛኮ ዩዲ፡ «ሃይሲ ኣይሌይ ኔና ላቲና፤ ኔፕ ዩሌቲዳይ ኔና ላታና» ጊዴስ።

5 ሃሳፌ ጉዬ ጎዳይ ኣብራሚ ካሬ ኬሲዲ፡ «ፑዴ ሳሎ ጶላ፤ ኔኒ ጸሊንቲታ ታይባናስ ዳንዳይኮ ታይባ፤ ኔ ዜሬላይካ ሃይሳ ማላ ጊዳና» ጊዴስ።

6 ኣብራሚይካ ጎዳ ኣማኒዴስ፤ ኢዛ ኣማኖይካ ጸሎቲላን ቆይቲዴስ።

7 ቃሴካ ጎዳይ ኢዛ፡ «ኔ ሃይሳ ቢታ ላታና ማላ ታ ኔስ ኢማናስ ኡሬ ጌቲቲዛ ካላዳዌታ ካታማፕ ኔና ኬሳ ኤሂዳ ጎዳይ ታና ዲኪና?» ጊዴስ።

8 ጊዶ ኣቲን ኣብራሚይ ኢዛ፡ «ኣቤት ኡባ ሃሪዛ ጎዳዉ! ታኒ ሃይሳ ቢታ ላታናይሳ ኣዛን ኤር?» ጊዴስ።

9 ጎዳይካ ኢዛ፡ «ሄቭ ላይላ ኡስ፡ ሄቭ ላይላ ዳይሽ፡ ሄቭ ላይላ ደርሳ ላቃኔ ናምኡ ቆሞ ሃራጶታ ታስ ኤካ ያ» ጊዴስ።

10 ኢዚ ሃይታ ኡባታ ኢዛስ ኤኪ ኤፊ ሹኪዲ ጊዶን ናምኡ ናምኡ ኬሲ ሻኪዲ ኢሳ ኢሳ ጊናን ዎሊዴስ፤ ጊዶ ኣቲን ካፎታ ናምኡ ኬሲቤና።

11 ሄ ዎዴ ኣንኮ ካፎቲ ሄ ኣሾዛ ቦላ ኡቲን ኣብራሚይ ኢስታ ጎዲዴስ።

12 ኣርሺይ ዉሊዛ ዎዴ ኣብራሚ ዎልቃማ ዲስኮይ ኦይኪን ዳጋንሊዛ ጊርዲ ጊዳ ቆማይ ኢዛ ቦላ ቆሚዴስ።

13 ሂስቲን ጎዳይ ኢዛስ፡ «ኔ ዜሬላይ ሃራ ቢታን ቤቲ ጊዲ ዳናይሳ ኔኒ ቱማፕ ኤራ፤ ኢስቲ ኣይሌቲዲ 400 ላይላ ዩዴቲ ሃሪታና።

14:20 ኢብ 7:1-10 15:5 ኦር 4:18፤ ኢብ 11:12 15:6 ኦር 4:3፤ ጋላ 3:6፤ ያቆ 2:23 15:12 ኢዮ 4:13-14 15:13 ኬሳ 1:1-14፤ ሃዎ 7:6 15:14 ኬሳ 12:40-41፤ ሃዎ 7:7

14 አይሌሲዲ ኢስታ ሃሪዛ ካዎቲታ ታ ቃጸገና፤ ሃሳፌ ጉዬ ኢስቲ ዳሮ አቆራ ሄ ቢታፌ ኬዛና።

15 ኔኒ ገዲኮ ኔ አዎታኮ ሳሮን ባና፤ ኔ ኬሃ ጨማዳ ሃይቃናኔ ሞጌታና።

16 ኢይዳንጥ ዩሌታን ኔ ዜሪላይ ሃ ቢታ ሰማና፤ አይሰ ገኮ አሞሬ ዳሬ አሳ ናጋራይ ቡሮ ኩሞንታ ገሻሳ» ገደሰ።

17 አርሼይ ወሊን ጋዳይ ጳሚዳፔ ጉዬ ጮጮ ታማ ላጮይኔ ጮጭይ ቤቲዲ ሄ ናሞኡ ናሞኡ ኬዚ ሻኬቲዳ አሾታ ገደራ ካንሊደሰ።

18 ሄ ጋላሰ ጎዳይ አብራሜሰ፡ «ገብጼ ሻፋፔ ደሚዲ ኤፊራዲሴ ጌቲቲዛ ጌታ ሻፋ ጋካናሰ ሃ ቢታ ታኒ ኔ ዜሪላሰ ኢማዲሰ።

19-21 ሄይቲካ ቁናዎታ፣ ቁናዜታ፣ ቃዲሞኔታ፣ ሃቲታ፣ ፓሪዜታ፣ ኤራፋይሜታ፣ አሞሬታ፣ ካናኔታ፣ ጌርጌሴታኔ ያቡሴታ ቢታ» ገ ጫቂደሰ።

16

አጋሮኔ ኢስማኤሌ

1 አብራሜ ማቼያ ሶራይ ኢዛሰ ሃኢካ ና ዩላቤኩ፤ ገደ አቲን ኢዚሰ ገብጾፔ ዩዳ አጋሮ ጌቲቲዛ ኢሲ አይሌያ ዳወሰ።

2 ሃሳ ገሻሰ ሶራይ አብራሜ ጸይጋዳ፡ «ቤያ! ጎዳይ ታና ዩሎ ዲገደሰ። ኔኒ ባዳ፣ ታ አይሌይራ አቃ፤ እኔ ኤሪዛይ፣ ታኒ ኢዚ ባጋራ ና አዮ ገዳናኮኔ» ጋዲሰ፤ ሂሰቲን አብራሜይ ሶራ ቃላ ሲዩደሰ።

3 አብራሜይ ካናኔ ቢታን ታሙ ላይላ ኡቲዳፔ ጉዬ አብራሜ ማቼያ ሶራይ ገብጾፔ ኤሃዳ ባ አይሌዮ አጋሮ፣ ባ አዚና አብራሜሰ ማቸ ሂሰታ ኢማዲሰ።

4 አብራሜይካ አጋሮ ኤኪን ኢዛ ቃንጎታዲሰ፤ ኢዛ ባሰ ሻራይ አቲዳይሳ ኤሪዳ ዎዴ ባ ጎዳቲዮ ሌቃዲሰ።

5 ሄ ዎዴ ሶራይ አብራሜ፡ «ታ ቆሃቲዛ ቆሆይ ኔና ጋኮ፤ ታኒ ታ አይሌዮ ኔሰ አሚን ኢዛ ሃኢ ባሰ ሻራይ አቲዳይሳ ኤሪዳ ታና ሌቃወሰ። ኔሰኔ ታሰ ጸሲ ፒርደ» ጋዲሰ።

6 አብራሜይካ ሶራ፡ «ሃኖ ቤያ! ኔ አይሌያ ኔ ኩሼን ዳወሰ፤ ኔኒ ኢዞ ኔና ሎኢዳዝ ኦላ» ገደሰ፤ ሃሳፌ ጉዬ ሶራይ አጋሮ ቆሃን ኢዛ ኬዛዳ ኢዚፔ ቤታዲሰ።

7 ጎዳ ኪታንቻይ አጋሮ ባዘን ፑልቶ ሃላ አቻን ዳሚደሰ፤ ሄ ፑልቶይ ሹራ ጌቲቲዛ ቢታ ኤፊዛ ኦጌ ማታን ደሰ።

8 ኢዚካ አጋሮ፡ «ሃኔ ሶራ አይሌ አጋሬ! አዎፔ ያዲ? ቃሴ አዎ ባይ?» ገ ኦይቺደሰ።

ኢዛ፡ «ታኒ ታ ጎዳቲዮ ሶራፔ ቤቲ ባይሰ» ጋዲሰ።

9 ጎዳ ኪታንቻይካ ኢዚሰ፡ «ኔኒ ኔ ጎዳቲይኮ ጉዬ ሲማ ባዳ ኢዚሰ ሃሬታ» ገደሰ

10 ቃሴካ ጸሳ ኪታንቻይ ኢዞ፡ «ኔ ዜሪላ ታይባናሰ ዳንዳዬቶንታይሳ ኬና ታኒ ዳርሳና» ገደሰ።

11 ቃሴካ ጎዳ ኪታንቻይ ኢዞ፡ «ሃኢ ኔኒ ቃንጎታዳሳ፤ ኔኒ አቲማ ና ዩላና፤ ዩላዳ ኢዛ ኢስማኤሌ * ጋዳ ሱንጎና፤

ጋሶይካ ጸሲ ኔ ዎሳ ሲዩደሰ።

12 ኢዚ ባዘን ዩዳ ዲዛ ሃሬ ማላ ገዳና፤

አሳ ኡባራ ኢዚ ኤቁታና፤ ቃሴ ኢሲ ወሪካ ኢዛራ ኤቁታና፤

ኢዚ ባ አሻታ ኡባራ ኢጾቲ ዳና» ገደሰ።

13 አጋራካ፡ «ታኒ ታና ቤኢዛይሳ ቤአዳ ፓጸ አታኔ?» ጋዳ ኢዛ ባሰ ሃሳይዳ ጎዳ፡ «ኔኒ ታና ቤኢዛ ጸሳ» ጋ ሱንጎዳዲሰ።

14 ሃሳ ገሻሰ ሄ ፑልቶ ኦላይ፡ «ታና ቤኢዛ ዳኦ ጸሳ ፑልቶ» ጌቲቲዳሰ፤ ሄ ኦላይ ሃኢ ጋካናሰ

ቃዳሴፔኔ ባሬዳፔ ገደን ደሰ።

15 አጋራ አብራሜሰ አቲማ ና ዩላዲሰ፤ አብራሜይ አጋራ ዩሊዳ ናዛ ኢስማኤሌ ገ ሱንጎዳዲሰ።

16 አጋራ ኢስማኤሌ አብራሜሰ ዩሊዳ ዎዴ አብራሜ ላይሳይ 86።

17

ቃጸራ ዎጋ

1 አብራሜ ላይላ ኡዱፋን ታማኔ ኡዱፋን ገዲሺን ጎዳይ ኢዛሰ ቆንጨዲ፡ «ታኒ ኡባ ዳንዳይዛ ጸሳ፤ ኔ ታ ሲንጎን ሱራ ሄሜታ።

2 ታኒ ታፔኔ ኔፔ ገደን ዲዛ ጫቆ ቃላ ሚንጎና፤ ታኒ ኔ ዜሪላ ኬሃ ዳርሳና!» ገደሰ።

3 አብራሜይ ቢታን ዳጌ ጉፋኒዲ ሁኤይ ቢታ ቦቺን ኢዚ ጸሳሰ ዘገን ጸሲ ኢዛሰ።

4 «ሃኢ ታ ኔናራ ጫቁዛ ጫቆይ ሃይሳ፤ ኔኒ ዳር ካዎቲታሰ አዎ ገዳና።

5 ሃቺፌ ጉዬ ኔ ሱንጎሊ አብራሜ ጌቲቲና፤ ገደ አቲን ኔ ሱንጎሊ አብራሃሜ * ጌቲታና፤ አዛሰ ገኮ ታኒ ኔና ዳር ካዎቲታሰ አዎ አላዲሰ።

6 ታኒ ኔና ኬሃ ዳርሳና፤ ታኒ ኔና ዳር ካዎቲላ ሂሰታና፤ ካዎቲካ ኔፔ ኬዛና።

7 ታኒ ታፔኔ ኔፔ፡ ኔፔ ጉዬ ኔ ዜሪላ ገደን፣ ዩሌታፔ ዩሌታ ጋካናሰ ታ ጌሊዳ ጫቆ ቃላ ሚንጎና፤ ሃ ጫቆይካ ታኒ ኔሰኔ ኔፔ ጉዬ ኔ ዜሪላሰ ጸሰ ገደና።

8 ሃኢ ኔኒ ቤቲ ገዳዳ ዲዛ ካናኔ ዳሬይ ወሪ ኔሰኔ ኔፔ ጉዬ ኔ ዜሪላሰ ሜርናሰ ላታ ቢታ ገዳና ማላ ታኒ ኢማና፤ ቃሴ ታኒ ኢስታ ጸሰ ገደና» ገደሰ።

9 ቃሴካ ጸሲ አብራሃሜ፡ «ኔካ ኔፔ ጉዬ ኔ ዜሪላይካ፡ ዩሌታፔ ዩሌታ ጋካናሰ ታ ጫቆ ቃላ ናጌቲ።

10 ታፔኔ ኔፔ፡ ኔፔ ጉዬ ኔ ዜሪላ ገደን አንቲ ናጋና ታ ጫቆ ቃላይ ሃይሳ፤ አንቲ ገደን ዲዛ አቲማሰ ኡባይ ቃጸራቶ።

11 አንቲ ሹርቲ ቃጸራቲታ፤ ሃይሲ ታሰኔ አንቲሰ ገደን ዲዛ ጫቆ ቃላሰ ማላታ ገዳና።

12 አንቲ ገደን ሲንጎላፌ ዩሌታና አዳ ናይቲ ወሪ ዩሌቲዳ ኦሰፑንጎላ ጋላሰ ቃጸራታናሰ ኮሼሰ፤ ኔሶን ዩሌቲዳይታ ገደን፣ ዎይኮ አላጋፔ ሚሻን ሻሚቲዳ አይሌታ ገደን ኔ ዜሪላ ገደንታ አዳታካ ቃጸራናሰ ኮሼሰ።

15:18 ሃዎ 7:5 * 16:11 አብራሜታ ቃላራ ኢስማኤሌ ጉሲ፡ «ጸሲ ሲዩሰ» ጉሳ። 16:15 ጋላ 4:22 * 17:5 አብራሜታ ቃላራ አብራሃሜ ጉሲ፡ «ዳር አሳ አዎ» ጉሳ። 17:5 ኦር 4:17 17:7 ሉቃ 1:55 17:8 ሃዎ 7:5 17:10 ሃዎ 7:8፤ ኦር 4:11

13 ኔሶን ዩሌቲዳይቲኔ ኔ ሚሻን ሻሚቲዳይቲ ቃጻራቲቶ፤ ሃይሲ ኢንቴ ኣሾን ዲዛ ታ ጫቆይ ማርና ጫቆ ገዳና።

14 ቃጻራቶን ታ ኣቲማሲ ወሪ ባ ኣሳፕ ሻኬቲዲ ቆዮ፤ ጋሶይካ ኢዚ ታ ጫቆ ቃላ ናገቤና» ገዳሰ።

15 ቃሶካ ጸሲ ኣብራሃሚ፡ «ኔ ማቼይ ሱንጎ ሶራ ጎፓ፤ ሃይሳፌ ጉዬ ኢዚ ሱንጎ ሳራ ተ ጌቲቶ።

16 ታኒ ኢዞ ኣንጃና፤ ታኒ ኢዚፕ ኔሰ ቱማፕ ኣቲማ ና ኢማና፤ ኢዞ ታኒ ኣንጃና፤ ኢዛ ካዎቲታታሰ ኣዮ ገዳና፤ ካዎቲ ኢዚፕ ዩሌታና» ገዳሰ።

17 ኣብራሃሚይ ቢታ ቦላ ጉፋኒዲ ባ ዎዚናን ሚጨሽ፡ «100 ላይሳ ኣሲ ቱሙ ና ዩላኔ? ቃሶ ኢዚሰ ላይሳይ ኡዲፋን ታሙ ገዲዳ ሳራይ ቡር ና ዩላኔ?» ገ ቆፒዳሰ።

18 ኣብራሃሚይ ጸሳሰ፡ «ኔ ኢሰማኤሌ ታሰ ኣንጃዳኮ ኣይ ማላ ሎኦሽን!» ገዳሰ።

19 ጸሳይካ ኢዛሰ፡ «ሃኔና! ኔ ማቼያ ሳራይ ኔሰ ኣቲማ ና ቱማፕ ዩላና፤ ኔኒ ኢዛ ዩሳቃ ተ ጋዳ ሱንጎና፤ ኢዛፕ ጉዬ ኢዛ ዜራሳሰ ማርና ጫቆ ገዳና ማላ ታ ኢዛራ ጫቆ ቃላ ጌላና።

20 ኢሰማኤሌሰ ገዲኮ ኔ ኦይቹዳይሳ ታ ሲያዲሰ፤ ታኒ ኢዛካ ኣንጃና፤ ታኒ ኢዛ ዳርሳና፤ ኢዛ ዜራሳ ከሃ ዳርሳና፤ ኢዚ ታማኔ ናምኡ ካዎታ ዩላና፤ ታኒ ኢዛ ዜራሳ ጌታ ካዎቲላ ከሳና።

21 ገደ ኣቲን ታኒ ታ ጫቆ ቃላ ላይሳ ሃኒ ዎዳ ሳራይ ኔሰ ዩላና ናዛ ዩሳቃራ ጫቆታና» ገዳሰ።

22 ጸሲ ኣብራሃሚራ ሃሳይዲ ወርሲዳፕ ጉዬ፡ ኣብራሃሚፕ ሻኬቲዲ ፑዳ ቢዳሰ።

23 ሃ ጋላሳንካ ኣብራሃሚይ ባ ና ኢሰማኤሌ ባሶን ዩሌቲዳይታ ኡባ፡ ባ ሚሻን ሻሚዳይታ ኡባኔ ባሶን ዲዛ ኣቲማሰ ኡባ፡ ጸሲ ኢዛሰ ዮቲዳ ማላ ቃጻራይሰ።

24 ኣብራሃሚይ ቃጻራቲሽን ኢዛሰ ላይሳይ ኡዲፋን ታማኔ ኡዲፑና።

25 ኢዛ ና ኢሰማኤሌይ ቃጻራቲሽን ኢዛሰ ላይሳይ ታማኔ ሄቫ።

26 ኣብራሃሚይ ኢዛ ና ኢሰማኤሌይ ናምኣቲካ ኢሲ ጋላሰ ቃጻራቲዳ።

27 ኣብራሃሚሶን ዲዛ ኣቲማሳይ ወሪ ኢዛ ሶን ዩሌቲዳይቲኔ ሚሻን ሻሚቲዳይቲ ወሪካ ኢዛራ ቃጻራቲዳ።

18

ሄቩ ኢማላታ

1 ሴታ ጋላሰ ኣብራሃሚይ ማሚሬን ዲዛ ጌታ ሚላታ ጋርሳን ባ ዲንካኔ ፔንጌን ኡቲ ዲሺን ጎዳይ ኢዛሰ ቆንጨዳሰ።

2 ኣብራሃሚይ ቆቁ ገ ደሊዲ ሄቩ ኣሳቲ ኤቁዳይታ ቤኢዲ ኢሰታ ዎኪ ኤካናሰ ባ ዲንካኔዛ ፔንጌፌ ዳንዲዲ ዎጺ ቢዳሰ፤ ሃ ጋኪ ቢታን ሆኪዲ ኢሰታ ስንጎን ዘገዳሰ።

3 ዘገ ሰሚዲ፡ «ኣቤታ ታ ጎደ! ኔ ታና ኔ ኣይሌዛ ቦንቹዛ ገዲኮ ታሶ ጌሎንታ ኣቆ ቦፓ።

4 ሃኢ ኢንቴ ቶሆ ሚጨና ቶሆ ሃሊ ዩኮ ኢንቴ ቶሆ ሚጨቲዲ ሃይሳ ሚላ ኩዋን ሽምፒ ኤኪቲ።

5 ኢንቴ ሃኢ ታኮ ኢንቴ ኣይሌዛኮ ዩዳ ገሻሰ ሽምፒ ኤኪዲ ኢንቴ ቢዛሶ ባና ማላ ታኒ ኢንቴሰ ሚዛ ሚሽ ኣኔ ኤሃይሰ» ገዳሰ።

ኢሰቲ፡ «ዳር ሎኦ፤ ኔኒ ገዛ ማላ ኦላ» ገዳ።

6 ኣብራሃሚይ ዲንካኔዛ ገደ ሳራኮ ኤሶቲ ቢዲ፡ «ኤሶታዳ ሊቆ ቆሌዛፕ ሄቩ ከሬ ገዲዛይሳ ኤካ ሙኦቃዳ ኡኩላ ኡካ» ገዳሰ።

7 ቃሶ ኣብራሃሚይ ባ ወዳዛኮ ዎጺ ቢዲ ሎኦ ኣንቃራ ማር ዶሪዲ ኢሲ ኣይሌሰ ኢሚን ኢዚ ኤሶን ሹኪዲ ገገሲዳሰ።

8 ሂሰቲን ኣብራሃሚይ ሚቆ ማሊኔ ገገሲዳ ማራ ኣሾዛ ኢማላታ ሲንላ ኣሊዳሰ፤ ኢሰቲ ሚሽን ኢዚ ሃ ሚላ ጋርሳን ኢሰታ ኣታን ኤቁዳሰ።

9 ኢሰቲ ኢዛ፡ «ኔ ማቼያ ሳራይ ኣዎኔ?» ገ ኦይቹን ኢዚ፡ «ሃኒን ዲንካኔ ገደን ዳወሰ» ገዳሰ።

10 ጎዳይ ኢዛሰ፡ «ታኒ ዩዛ ላይሳ ሃኒ ዎዳ ቱሙ ኔኮ ሲማና፤ ሃ ዎዳ ኔ ማቼያ ሳራይ ኣቲማ ና ኔሰ ዩላና» ገዳሰ። ሳራይካ ኢዛፕ ጉዬ ባጋራ ዲንካኔዛ ሲንጎን ዳሼ ሃሳ ሲያዲሰ።

11 ኣብራሃሚይ ኣራይ ከሃ ጨሚዳ፤ ሳራሰካ ማጨሳታሰ ዩዛ ዎጋይ ኣገዳሰ።

12 ሃሳ ገሻሰ ሳራይ ባ ዎዚናን፡ «ታኒ ሃኢ ጨሚዳፕ ጉዬ፡ ታ ኣዚናይካ ጨሚዳፕ ጉዬ ሃይሲ ኡፋይሳይ ታሰ ሃናኔ?» ጋዳ ሚጨዲሰ።

13 ሃ ዎዳ ጎዳይ ኣብራሃሚ፡ « ታኒ ጨሚዳፕ ጉዬ ቱሙ ና ዩላኔ?» ጋዳ ሳራይ ኣዛሰ ሚጨዳ?

14 ጎዳሰ ዳንዳዩቶንታ ሚሽ ቱሙ ዲዜ? ታ ገደ ማላ ዩዛ ላይሳ ሃኒ ዎዳ ታ ኔኮ ያና፤ ሃ ዎዳ ሳራይ ኣቲማ ና ዩላና» ገዳሰ።

15 ሳራይ ከሃ ባቢዳ ገሻሰ፡ «ታኒ ሚጨቤኬ» ጋዳ ላሆታዲሰ። ገደ ኣቲን ኢዚ፡ «ኤ፡ ኔኒ ቱማ ሚጨዳሳ» ገዳሰ።

ሶደሚስ ኣብራሃሚ ጋናቲላ

16 ሃሳፌ ጉዬ ኣሳቲ ባና ዳንዲሼ ሶደሚ ካታማ ዲጌ ዛሪ ጸሊዳ፤ ኣብራሃሚይካ ኢሰታ ዎይዚሽ ኢሰታራ ቢዳሰ።

17 ሃ ዎዳ ጎዳይ፡ «ታኒ ታ ኦላና ገዛይሳ ኣብራሃሚፕ ቆታኔ?»

18 ኣብራሃሚይ ቱማፕ ጌታኔ ዎልቃማ ካዎቲላ ገዳና፤ ሃ ቢታ ኣሲ ወሪ ኢዛ ባጋራ ኣንጃታና።

19 ጸሎቲላኔ ሱሬ ኦሶ ኦሊዲ ጎዳ ኦጌ ናጋና ማላ ባ ናይታኔ ባፕ ጉዬ ባ ሶ ኣሳ ኢዚ ዘራና ማላ ታኒ ኢዛ ዶራዲሰ፤ ሃሲካ ጎዳይ ኣብራሃሚሰ ኢማና ገዳይሳ ኡባ ፖላናሳ» ገዳሰ።

20-21 ጎዳይ ኣብራሃሚ፡ «ሶደሚኔ ጋዎራ ዋሶይ ከሃ ዳሪዳ ገሻሰኔ ኢሰታ ናጋራይ ከሃ ዳዲዳ ገሻሰ ኢሰቲ ኦሊዳይሲ ታኮ ጋኪዳ ዋሶ ማላ ኢታኮኔ ኢታ ገደንታኮ ኣኔ ታኒ ዲጌ ዎቆ ቤያይሰ» ገዳሰ።

22 ሃሳፌ ጉዬ ናምኡ ኣሳቲ ሶደሚ ሲሚ ቢዳ፤ ገደ ኣቲን ኣብራሃሚይ ጎዳ ስንጎን ኤቁዳ ማላ ዳሰ።

23 ሃ ዎዳ ኣብራሃሚይ ኢዛኮ ሽቁዲ፡ «ቱሙ ኔኒ ጸሎታ ኢታታራ ጋላ ቆይሳኔ?»

24 ሃ ጌታ ካታማን 50 ጸሎቲ ዲኮ ኔኒ ኢሰታ ቆይሳኔ? ኔኒ ኢዛን ዲዛ 50 ጸሎታ ገሻሰ ሃ ካታማ ማርኪ?

† 17:15 ሳራ፡ ሳራ ጉሲ ኣብራሚታ ቃላራ፡ «ጎዳቲዮ ዎይኮ ካዎ ቢዮ» ጉሳ። ‡ 17:19 ዩሳቃ፡ ዩሳቃ ጉሲ ኣብራሚታ ቃላራ፡ «ኢዚ ሚጨ።ሰ» ጉሳ። 18:2 ኢብ 13:2 18:10 ኦር 9:9 18:12 1ጴጽ 3:6 18:14 ሉቃ 1:37

25 ጸሎታ ዋርዶታራ ጋላ ዋዲዛይሲኔ ጸሎታኔ ዋርዶታ ኢሲ ኣይፊን ጸሊዛይሲ ሄሲ ኔፕ ሃኮ፤ ሃ ቢታ ኡባ ቦላ ፕርዲዛ ኔኒ ጸሎ ፕርዲኪ?» ገዴሰ።

26 ጎዳይካ፡ «ሄ ሶዶሜ ካታማን 50 ጸሎቲ ዲኮ ሄ ካታማ ኡባ ኢሰታ ገሻሰ ታኒ ኡባ ማራና» ገዴሰ።

27 ሃሳፌ ጉዬ ኣብራሃሚይ፡ «ታኒ ቢታኔ ቢዲንግሎሽን ታ ጎዳራ ጸላዳ ሃሳያ ኣይካዲሰ።

28 ኢቻሹ ታሙ ጸሎታፕ ኢቻሻቲ ፓጩኮ ኔኒ ሄ ፓጩዳ ኢቻሻታ ገሻሰ ሄ ካታማ ኡባ ዳይሳኔ?» ገዴሰ።

ጎዳይካ፡ «ታኒ ሄን ኣይዱ ታማኔ ኢቻሽ ጸሎታ ዳሚኮ ሄ ካታማ ዳይሲኬ» ገዴሰ።

29 ኣብራሃሚይ ዛሬሳዲካ፡ «ሄን 40 ጸሎቲ ጸላ ቤተኮቹ?» ገዴሰ።

ኢዚካ፡ «ታኒ ሄ ኣይዱ ታማታ ገሻሰ ሄ ካታማ ዳይሲኬ» ገዴሰ።

30 ሃሳፌ ጉዬ ኢዚ፡ «ታ ጎዳ! ኔ ታ ቦላ ሃንቁቶፋ፤ ታኒ ጉጃዳካ ኣይቻይሰ፤ ሄን 30 ጸሎቲ ጸላ ቤተኮቹ?» ገዴሰ።

ጎዳይ፡ «ታኒ ሄን 30 ጸሎ ኣሰ ዳሚኮ ሄ ካታማ ዳይሲኬ» ገዴሰ።

31 ቃሴካ ኣብራሃሚይ፡ «ታኒ ጎዳራ ጸላቴላን ሃሳያ ዳሚዲሰ፤ ሄን 20 ጸሎቲ ጸላ ቤተኮቹ?» ገዴሰ።

ጎዳይ፡ «ሄ ናምኡ ታማታ ገሻሰ ዳይሲኬ» ገዴሰ።

32 ሃሳፌ ጉዬ ኣብራሃሚይ፡ «ታ ጎዳ! ኔ ታ ቦላ ሃንቁቶፋ፤ ታኒ ሜጺ ኢሲቶ ሃሳያይሰ፤ ሄን 10 ጸሎቲ ቤተኮቹ?» ገዴሰ።

ጎዳይ፡ «ሄ ታማታ ገሻሰ ታኒ ሄ ካታማ ዳይሲኬ» ገዴሰ።

33 ጎዳይ ኣብራሃሚይ ሃሳያ ወርሲዳፕ ጉዬ ቢዴሰ፤ ኣብራሃሚይካ ባሶ ሲሚዴሰ።

19

ሶዶሜ ናጋራ

1 ሄ ናምኡ ኪታንቻቲ ኦማርሰ ሶዶሜ ካታማ ጋኪዛ ዋዴ ሎጾይ ሄ ካታማ ፔንጌን ኡቲዴሰ። ሎጾይ ኢሰታ ቤኢዲ ኢሰታራ ጋጋናሰ ዴንዲ ቢዲ ባ ሁኤ ዲፔ ቢታ ጋሊ ዚዲዲ።

2 «ታ ጎዳቶ! ኢንቲ ኣይሌ ታሶ ሃ ዬርኬቲ፤ ኢንቲ ቶሆ ሜጩቲ ኣቁዲ ዋንቶ ማላዶራ ዴንዲዲ ኢንቲ ቢዛሶ ቤታ» ገዴሰ።

ኢሰቲካ፡ «ኣካይ ቦኮ፤ ኦኒ ሃይሳ ካታማ ዲቡሻን ኣቃና» ገዴ።

3 ገዴ ኣቲን ኢዚ ኢሰታ ኬሂ ሾቢዳ ገሻሰ ኢዛራ ቢዲ ኢዛ ሶ ጌሊዳ፤ ኢዚካ ኢሰታሰ ኡኬላ ኡኪዲ ካዋ ኣሊን ኢሰቲ ሚዳ።

4 ኢሰቲ ኢቸንታ ዲሺን ሶዶሜ ካታማ ኣቲማሳይ ወሪ ናይታፕ ጩማ ጋካናሰ ኢሳዴይካ ኣቶንታ ዩዲ ኬላ ዩዩ ኣዲዳ።

5 ኢሰቲካ ሎጾ ዴይጊዲ፡ «ሃቶ ኦማርሰ ኔሶ ዩዳ ኣሳቲ ኣዋን ዲዛ? ኦኒ ኢሰታራ ኣቃና ማላ ኢሰታ ኦኮ ካሬ ኬሳ» ገዴ።

6 ሎጾይ ኢሰታራ ጋጋናሰ ካሬ ኬዚዲ ሶሆን ዲዛ ኣሳታ ቦላ ካሬዛ ጉዬ ዛሬ ጎርዲዲ።

7 ኢሰታሰ፡ «ታ ኢሻቶ! ሃይሳ ኢታ ኦሶ ኦላፍቲ።

8 ታሰ ኣዴ ጌሎንታ ናምኡ ጌላኦ ማጫ ናይቲ ዳቴሰ፤ ታኒ ኢሰታ ኢንቲሰ ካሬ ኬሲኮ ኢንቲ ኢሰታ ኢንቲና ሎኢዳ ማላ ኦላና ዳንዳይታ፤ ገዴ ኣቲን ሃይታ ኣሳታ ቦላ ኣይኮካ ኦላፍቲ፤ ኣይሰ ገኮ ኢሰቲ ታ ኬላ ጌሊዲ ታ ኢማሳ ገዲዳ» ገዴሰ።

9 ኣሳቲ ኢዛ፡ «ኦ ሲንጻፊ ኪቻ!»፤ ቃሴካ፡ «ሃይሲ ኣዴዚ ሃ ቢታን ቤቲ ኣሰ ገዲ ኡቲዲ ሃኢ ኦ ቦላ ፕርዳናሰ ካጃሌሰ፤ ሃኢ ኦኒ ኢሰታ ቦላ ኦላና ቆፕዳ ኢታፕ ኣዲዳ ኢታ ኔ ቦላ ኦላና» ገዴ። ሎጾካ ጉዬ ሱጊ ዩጊዲ ፔንጌዛ ሚንጻናሰ ማቲዳ።

10 ገዴ ኣቲን ሄ ናምኡ ኣሳቲ ባ ኩሼ ካሬ ዩዲዲ ሎጾ ሶ ጎቹ ጌልሊዲ ካሬዛ ዛሬ ጎርዲዲ።

11 ሃሳፌ ጉዬ ኢሰቲ ኬላ ፔንጌን ዲዛ ኣሳ ጉላፊ ገታ ጋካናሰ ቆቂሲን ኢሰቲ ፔንጌዛ ዳማናሰ ኮዩሼ ዳቡርዳ።

ሶዶሜ ሎጾ ኬሰ

12 ሄ ናምኡ ኣሳቲ ሎጾ፡ «ኔሰ ሃይሳ ካታማ ጋርሳን ዲዛ ኣቲማ ና ዋይኮ ማጫ ና ገዲን ኔ ናይታ ኤካናሰ ገገሲዳይቲካ ዲኮ ዋይኮ ሃራ ዳቦይ ዲኮ ኢሰታ ሃይሳፊ ኬሳ።

13 ኣይሰ ገኮ ኦኒ ሃይሳ ካታማ ዳይሳና ጎሰ፤ ሃ ዳራ ናጋራይ ኬሂ ዳር ገዲዲይሳ ጎዳይ ቤኢዳ ገሻሰ ሃይሳ ካታማ ዳይሳናሰ ኦና ኪቲዴሰ» ገዴ።

14 ሃሳ ገሻሰ ሎጾይ ባ ማጫ ናይታ ኤካናሰ ገገሲዳይታኮ ቢዲ ኢሰታሰ፡ «ጎዳይ ሃ ካታማ ዳይሳና ገዛ ገሻሰ ኤሌሊ ዳንዲዲ ሃይሳፊ ኬዚ ኪቹቲ» ገዴሰ፤ ገዴ ኣቲን ኢዛ ማጫ ናይታ ገገሲዳይቲ ኢዚ ቁዴ ጌሰ ገ ቆፕዳ።

15 ጋዴይ ዋንታና ገሺን ሄ ኪታንቻቲ ሎጾ፡ «ዴንዲ! ኔ ማቸዮን ሃይሳን ዲዛ ኔ ናምኡ ማጫ ናይታ ኤካዳ ኤሶን ኬዛ! ኬዘንታ ኢጸኮ፡ ሃና ካታማን ፕርዴቲዛ ዋዴ ኔኒካ ዳያና» ገዴ ኤሶሲዳ።

16 ገዴ ኣቲን ሎጾይ ሺኒን ጎዳይ ኢሰታሰ ቃዴቲዳ ገሻሰ ኪታንቻቲ ኢዛ ኩሼ፡ ኢዛ ማቸይ ኩሼኔ ማጫ ናይታ ናምኣታ ኩሼ ኦይኪዲ ሄ ካታማፕ ኢሰታ ኬሲዳ።

17 ኪታንቻቲ ኢሰታ ካታማፕ ኬሲዳ ማላካ ኪታንቻታፕ ኢሳይ፡ «ኢንቲ ሹምፕ ኤኪዲ ባቃቲቲ! ጉዬ ጾሎፍቲ! ቃሴ ሃይሳ ሾባን ኣዋንካ ኤቆፍቲ! ዙማኮ ዋጸቲ! ሂሰቶንታ ኢጸኮ ኢንቲ ዳያና» ገዴሰ።

18 ገዴ ኣቲን ሎጾይ ኢሰታሰ፡ «ታ ጎዳቶ! ሃሳላ ገደፕ!

19 ታኒ ኢንቲ ኣይሌይ ኢንቲ ሲንጻን ሳቤቲዳ ገሻሰ ታና ኣሻናሰ ታሰ ዳር ቃዴቲዳታ፤ ገዲኮካ ሃይሲ ባሻይ ታና ጋኪዲ ዳይሲኮ ሃይቃና ገሻሰ ታኒ ፑዴ ዙማኮ ባቃታናሰ ዳንዳይኬ።

20 ቤኢቲ! ባቃቲ ቢዲ ኣታናሰ ማታን ኢሲ ጉላ ካታማይ ዳወሰ፤ ታ ሹምፕ ኣሻናሰ ሄ ባቃቶ? ኢዛ ቄሪ ካታማ ዴኬ?» ገዴሰ።

21 ገዴ ኣቲን ኪታንቻቲ፡ «ኤ ገደ! ታኒ ኔ ዋሳ ሲያዲሰ፤ ታኒ ኔኒ ገዛ ካታማዮ ዳይሲኬ።

22 ሃሳ ገሻሰ ጌዴ ኤሶን ባቃታ፤ ኔኒ ጌዴ ጋካናሰ ታኒ ኣይኮካ ኦላናሰ ዳንዳይኬ» ገዴሰ፤ ሂሰቲን ሄ ካታማይ ሱንሊ ዞኣሬ * ጌቲቲዴሰ።

ሶዶሜን ጋምራ ካታማታ ዳይሰ

19:8 ዳና 19:22-24 19:11 2ካዋ 6:18 19:16 2ጾጽ 2:7

* 19:22 ዞኣሬ፡ ዞኣሬ ጉሲ ኣብራዌታ ቃላራ፡ «ጉላ» ጉሳ።

23 ሎጴይ ዘአሬ ጋዘሽን ቡሮ ጸልቂይ ጫሪዳስ።
 24 ሃ ወደ ጎዳይ ታማኔ ጸጊዛ ዲኔ ሶዶሜ ቦላኔ ጋሞሮ ቦላ ሳሎፔ ቡኪሲዳስ።
 25 ሃሳሉ ኦሊዲ ጎዳይ ሃ ዙሌን ዲዛ ካታማታኔ ዙሌን ዲዛዝ ኡባ ሃ ካታማታ ጊደን ዲዛ አሳ ኡባኔ ሃ ቢታን ዲዛ ሚሊኔ ማታ ኡባ ጸጊ ጳይሲዳስ።
 26 ጊደ አቲን ሎጴ ማቲያ ጉዬ ጸላዳ ማጸኔ ሹቕ ጊዳዲስ።
 27 ዋንቴላ ጋላስ አብራሃሜይ ማላደ ዋንታራ ዳንዲዲ ጎዳ ሲንላን ካሴ ኢዚ ኤቂዳሶ ሲሚ ቢዳስ።
 28 ኢዚ ሶዶሜኔ ጋሞሮ ሃ ሸባን ዲዛ ቢታ ኡባ ዲጌ ጸሊዛ ዋዴ ዋልቃማ ጩዋይ ጸላ ታማ ማላ ሃ ቢታፊ ቱሉ ጊዛይሳ ቤኢዳስ።
 29 ጸሲ ሃ ሸባን ዲዛ ካታማታ ጳይሲዳ ዋዴ፣ አብራሃሜ ቆፒዲ ሎጴይ ካሴ ዲዛ ካታማታ ጳይሲዳ ዋዴ ሎጴ ጳይሳፊ አሺዳስ።

ሎጴ ዩሌታ

30 ሎጴይ ዘአሬን ዳኣናስ ባቢዳ ጊሻስ ባ ማጫ ናይታ ናምኣታራ ዙማ ቦላ ኬዚዲ ጎንጎሎ ጊደን ዳኢዳስ።
 31 ኢሲ ጋላስ ባይራ ናያ ካሎዮ፣ «ኑ አዋይ ጩሚዳስ፤ ቢታ ቦላ ዲዛ ዋጋ ማላ ኑናራ ዚንአናስ ሃይሳ ቢታን ሙሉካ አቱማይ ዳና።
 32 ሃሳ ጊሻስ ሃ ያ፤ ዋይኔ ኡሹ ኑ አዋ ኡሹ ማሶሶስ፤ ሂሳቲዲ ኢዛራ አቂዲ ኣኔ ኑ አዋፔ ኑስ ዜሬላ ኤሶስ» ጋዲስ።
 33 ሃ ጋላሳ ኦማርሲካ ባ አዋ ዋይኔ ኡሹ ኡሹዳፔ ጉዬ ባይራያ ጌላዳ ኢዛራ ዚንአዲስ፤ ኢዛ ኢዛራ ዚንአዛ ዋዴካ ዳንዲዛ ዋዴካ ኢዚ ኤሪቤና።
 34 ዋንቴላ ጋላስ ባይራያ ካሎዮ፣ «ሲያ! ቃማ ታኒ ኑ አዋራ አቃዲስ፤ ሃቕ ኦማርሲ ቃሴ ዋይኔ ኡሹ ኡሹኩ ኔኒ ጌላዳ ኢዛራ አቃ፤ ሂሳቲዲ ኑኒ ኑ አዋፔ ኑስ ዜሬላ ኤሶስ» ጋዲስ።
 35 ሃ ጋላስ ቃማ ቃሴካ ዋይኔ ኡሹ ኢዛ ኡሹዳፔ ጉዬ ካሎያ ጌላዳ ኢዛራ አቃዲስ፤ ኢዛ ኢዛራ አቃዳ ዳንዳ ቢዛ ዋዴ ኢዚ ኤሪቤና።
 36 ሂሳቲዲ ሎጴ ማጫ ናይቲ ናምኣቲካ ባ አዋስ ቃንሳቲዳ።
 37 ባይራያ አቱማ ና ዩላዲስ፤ ሱንሳካ ሞኣኤ ተ ጋዳ ሱንሳዲስ፤ ኢዚካ ሃቕ ጋካናስ ሞኣኤታስ አዋ።
 38 ቃሴ ካሎያካ አቱማ ና ዩላዲስ፤ ሱንሳካ ቤኒ-አሜ፣ ጋዳ ሱንሳዲስ፤ ኢዚካ ሃቕ ጋካናስ አሞኔታስ አዋ።

20

አብራሃሜኔ አቢሜሌኬ

1 አብራሃሜይ ማሚሬፔ ዳንዲዲ ኔጌቤ ጌቲቲዛ ቢታ ቢዲ ቃዳሴኔ ሹራ ጌቲቲዛ ካታማታፔ ጊደን ዳኢዳስ፤ ጌራራ ቢታን ጉላ ዋዴ ጋሞኢዳስ።
 2 ሃን አብራሃሜይ ባ ማቲዮ ሳራ፣ «ኢዛ ታስ ሚቕ» ጊን ጌራራ ካዋ አቢሜሌኬይ ከቲዲ ሳራ ባሶ ኤፊዳስ።

19:25 ማቕ 10:15፤ 11:23-24፤ ሉቃ 17:29፤ 2ጴጾ 2:6፤ ዩሁ 7 19:26 ሉቃ 17:32 ተ 19:37 ሞኣኤ፣ ሞኣኤ ጉሲ አብራሜታ ቃላራ፣ «ታ አዋፔ ዩሌቲዳይሳ» ጉሳ ተ 19:38 ቤኒ-አሜ፣ ቤኒ-አሜ ጉሲ አብራሜታ ቃላራ፣ «ታ ባጋ ዋይኩ ታ ዳቦ ና» ጉሳ 20:2 ሜጴ 12:13፤ 26:7 * 20:16 ኢሲ ሺ ሳቂሌ ቢራ፣ ኢሲ ሺ ሳቂሌ ቢራ ጉሲ ታማኔ ኢሲኖኔ ባጋ ከሎ ጌራሜ ዳጺዛዛ ጉሳ። 21:2 ኢብ 11:11

3 ጊደ አቲን ጸሲ ኢሲ ጋላሳ ኦማርሲ አጉሞን አቢሜሌኬኮ ዩዲ፣ «ኔኒ ኤሂዳ ማጫሳይ ጌደን ኔ ሃይቃና፤ ኢዛ አሳ ማቕ» ጊዳስ።
 4 ጊደ አቲን አቢሜሌኬይ ኢዚራ አቂቤና፤ ሃሳ ጊሻስ፣ «ታ ጎደ! ኔኒ፣ ታኒ፣ ታ ካዋቴላይካ ኔና ቆሆንታ ዲሺን ኑና ጮ ጳይሳኔ?»
 5 ኢዚ፣ «ኢዛ ታ ሚቕ? ጊቤኔ? ቃሴ ኢዛ፣ «ኢዚ ታ አሻ» ጋቤኬ? ታኒ ሃይሳ ቱሙ ዋዚናፔ ኦላዲስ» ጊዳስ።
 6 ሃሳፊ ጉዬ ጸሲ አጉሞን ኢዛስ፣ «ኤ፣ ኔኒ ኔ ዋዚና ጌሻቴላን ኦሊዳይሳ ታኒ ኤራዳ ኔኒ ኢዛ ቦቕንታ ማላኔ ታ ሲንላን ናጋራ ኦላንታ ማላ ኔና ታኒ ቲቃዲስ።
 7 ሃኢ ሃኖ ማጫሳዮ ኢዚ አዚናስ ዛራ፤ ጋሶይካ ኢዚ ናቤ ጊዲዳ ጊሻስ ኢዚ ኔስ ጸሳ ዋሲኮ ኔኒ ፓጻና፤ ጊደ አቲን ኔ ኢዛ ዛርንታ ኢጸኮ ኔኒ ኔስ ዲዛዚ ዉሪ ሃይቃናይሳ ቱማፔ ኔ ኤራ» ጊዳስ።
 8 አቢሜሌኬይ ዋንቴላ ጋላስ ማላደ ባ ካዋቴላን ዲዛ ሹሜታ ኡባ ጸይጊዲ ሃ ዮኦዛ ኡባ ኢሰታስ ዮቲን ኢሰቲ ኬሂ ባቢዳ።
 9 ሂሳቲን አቢሜሌኬይ አብራሃሜ ዳይጊዲ፣ «ኔኒ ኑ ቦላ አይ ኦላዲ? ኔኒ ታ ቦላኔ ታ ካዋቴላ ቦላ ሃይሳ ማላ ቆሆ ኤሃናስ ታኒ ኔስ አይ ኢታ ሚሸ ኦላዲና? ኔኒ ታ ቦላ ኦሴታናስ ቤሶንታ ኢታ ኦላዲሳ» ጊዳስ።
 10 ቃሴካ አቢሜሌኬይ አብራሃሜ፣ «ኔና ሃይሳ ኦሲሲዳይ አዜ?» ጊ አይቲን።
 11 አብራሃሜይ፣ « ሳሳስ ባቢዛ ኢሲ አሲካ ሃ ዳራን ባዋ፤ ቃሴካ ታ ማቲይ ጌደን ኢሰቲ ታና ዋዳና» ጋዳ ቆፒዳ ጊሻሳ።
 12 ኢዛካ ታ አዋ ና ጊዲዳ ጊሻስ ታስ ሚቕ፤ ታስ አዩ ና ጊደንታ ጊሻስ ታ ኢዛ ማቕ ኤካዲስ።
 13 ጸሲ ታና ታ አዋ ኬላፊ ኬሲዳ ዋዴ ታኒ ኢዚስ ኑኒ ቢዳ ቢታን ኡባን ኔኒ ታስ ኦላና ኪያቴላ፣ «ኢዚ ታስ አሻ» ጋዳ ዮታ ጋዲስ» ጊዳስ።
 14 ሃሳፊ ጉዬ አቢሜሌኬይ ደርስ፣ ሚዝ፣ ማጫ አይሌታኔ አቱማ አይሌታ ኤሂዲ አብራሃሜስ ኢሚዳስ፤ ቃሴ ኢዛ ማቲዮ ሳራካ ኢዛስ ዛሪዳስ።
 15 አቢሜሌኬይ፣ «ሃኮ ታ ቢታይ ኔ ሲንላን ዳስ፤ ኔና ሎኢዛሶን ዳ» ጊዳስ።
 16 ሳራሰካ፣ «ታኒ ኔ ኢሻስ ኢሲ ሺ ሳቂሌ ቢራ * ኢማዲስ፤ ሃይሲ ሃኮ ኔናራ ዲዛይታ ኡባ ሲንላን ኔኒ ጸሎ ጊዲዳይሳ ኤሪሳና» ጊዳስ።
 17-18 ጎዳይ አብራሃሜ ማቲዮ ሳራ ጌደን አቢሜሌኬ ኬላ አሳ ኡባ ዩሊዛ ኡሎ ማካርሲዳ ጊሻስ አብራሃሜይ ጸሳ ዋሲን አቢሜሌኬይ ኢዛ ማቲያኔ ኢዛ ማጫ አይሌቲ ና ዩላና ማላ ጸሲ ኢሰታ ፓላዳስ።

21

ዩሳቃ ዩሌቴላ

1 ጎዳይ ሳራ ቆፒዳስ፤ ካሴ ኢዚስ ዮቲዳ ማላካ ኦሊዳስ።

2 ሳራይ ሻራዳ ጨማቴላን አብራሃምን ጸሲ ገዳ ዋዳይ ጋኪን አቱማ ና ዩላዲስ።
 3 ሳራይ ኢዛስ ዩላዲ ናዛ ሱንጎ አብራሃምይ፡ «ዩሳቃ» ገ ሱንጎይ።
 4 አብራሃምይ ናዛ ዩሳቃ ጸሲ ባና አዛዚዳ ማላ ዩላዲጥጥ ኦሰፕንጎ ጋላስ ቃጸሪዳ።
 5 ኢዛ ና ዩሳቃ ኢዛስ ዩላዲ ዋዳ አብራሃምን ላይላይ ጸታ።
 6 ሳራይ፡ «ጸሲ ታና ሚቹዳስ፤ ቃሴ ሃይሳ ሲዩዛይ ወሪ ታናራ ሚጫና» ጋዲስ።
 7 ቃሴን ሳራይ፡ «አብራሃምን ሳራይ ና ዩላናኔ ቋንጥና ገዲ ቆፐዳይ ኦኔ? ገዲኮካ ታኒ ሃኢ ኢዛስ ኢዚ ጨሚዳ ዋዳን ና ዩላዲስ» ጋዲስ።

አጋሮኔ ኢስማኤሌ ጎዴታ

8 ጉላ ናዚ ዲጨዲ ቋንጥ ዲዲዳስ፤ ዩሳቃ ቋንጥፊ ዲዲዳ ጋላስ አብራሃምይ ገታ ዲገሳ ዲገሲዳ።
 9 ገብጾፔ ዩዳ አጋራ አብራሃምን ዩላዲ ናዚ ኢስማኤሌይ ዩሳቃ ለቁዛይሳ ሳራይ ቤኣዳ።
 10 አብራሃም፡ «ሃሮ አይሌይ ናዚ ታ ና ዩሳቃራ ሙሌካ ላቶንታ ገሻስ አይሌዮኔ ኢዚ ናዛ ኬሳ ጎዳ» ጋዲስ።

11 ሃ ዮኦዚ ባ ናዛ ቦቹዛ ገሻስ አብራሃምይ ዳሮፔ ማቶቲቲዳ።
 12 ገደ አቲን ጸሲ አብራሃም፡ «ኔ ዜሬላይ ዩሳቃ ባጋራ ጸይጌታናይሳ ገሻስ አይሌይ ገሻሲኔ ኢዚ ናዛ ገሻስ ዳሮ ማቶቶፓ፤ ሳራይ ኔስ ዮቲዛይሳ ኡባ ሲያ።
 13 ቃሴ ታኒ ኢዚ ኔ ዜሬላ ገዲዳ ገሻስ አይሌይ ናዛ ካዎቴላ ሂስታና» ገደስ።

14 አብራሃምይ ማላደ ዋንታራ ዳንዲዲ ጉላ ካላኔ ኮዳን ሃላ ኡኪዲ አጋሮ ሃሼን ቶሲዲ ኢዚ ናዛካ ኢዚስ አሚዲ ኬሲ ዩዲዳስ፤ ኢዛ ባዳ ቤርሳቤሂ ጌቲቲዛ ባዘን ቶይላታዲስ።

15-16 ሃላይካ ኮዳፊ ወሪን ኢዛ፡ «ታ ናዚ ሃይቁሺን ኡታዳ ታ ኢዛ ቤኢኬ» ጋዳ ናዛ ቡራ ጋርሳን ዋላዳ 200 ዋቋ ገዲዛሶ ማላ ባዳ ሃን ኡታዲስ፤ ሃንካ ኢዛኮ ሲማ ኡታዳ ባ ቃላ ቶቁ ሂስታ ዩካዲስ።

17 ጸሲ ናዛ ዋሶ ሲዩዳስ፤ ሳሎፔ ጸሳ ከታንቻይ አጋሮ ጸይጌዲ፡ «አጋሪ! ዋናዲ? ጸሲ ናዚ ኢቹዳሶን ዩኪዛይሳ ሲዩዳ ገሻስ ባቦፋ፤

18 ዳንዳ ኤቃ፤ ናዛ ዳንጎዳ ኔ ኩሼን ኦይካ፤ ታኒ ኢዛ ገታ ካዎቴላ ሂስታና» ገደስ።

19 ጸሲ ኢዚስ ሃላ ኦላ ቤሲን ባዳ ኮዳን ሃላ ኩንጎዲስ፤ ናዛካ ኡሻዲስ።

20 ጸሲ ናዛራ ዳስ፤ ናዚካ ዲጨዲ ባዘ ቢታን ዋንዳፊ ዲኪዛ አስ ገዲዳስ።

21 ኢዚ ፓራኔ ባዘን ዳኢሺን ኢዛ ኣያ ኢዛስ ማቾ ገብጾፔ ኤካዲስ።

አብራሃምኔ ኣቢሚሌኬ ጫቆ

22 ሃ ዋዳ ኣቢሚሌኬይ ባ ዋታዳራታ ሃላቃ ፒኮሌራ አብራሃምኮ ቢዲ፡ «ኔኒ ኦላዚ ኡባን ጸሲ ኔናራ ዳስ።

23 ኔኒ ታ ቦላ ዋይኮ ታ ናይታ ቦላ ዋይኮ ታ ዜሬላ ቦላ ባሌላን ጌኔ ኦላንታ ማላ ሃኢ ሃይሳን ጸሳ ሲንጎን

ታስ ጫቃ፤ ታኒ ኔስ ኔ ኪዩዳይሳ ኔኒካ ታሲኔ ኔኒ ኢማላቴላን ዲዛ ሃይሳ ቢታዛስ ሎኦ ኦላ» ገደስ።

24 አብራሃምይ፡ «ታኒ ጫቃይስ» ገደስ።

25 ሃ ዋዳ አብራሃምይ ኣቢሚሌኬ አይሌቲ ኤኪዳ ሃላ ኦላ ገሻስ ኣቢሚሌኬስ ማጋኒዳስ።

26 ገደ አቲን ኣቢሚሌኬይ፡ «ሃሳ ኦኒ ኦላዲኮ ታኒ ኤሪኬ፤ ኔኒካ ቃሴ ታስ ዮታቤካ፤ ታኒ ሃቾ ጋካናስ ሃሳ ሲያቤኬ» ገደስ።

27 ሃሳፊ ጉዩ አብራሃምይ ደርሳታኔ ሚዛታ ኤሂዲ ኣቢሚሌኬስ ኢሚን ኢስቲ ናምኣይ ጫቁቲዳ።

28 አብራሃምይ ማህታ ገደፊ ላፑን ኡዚ ደርሳታ ሻኪዳስ።

29 ኣቢሚሌኬይ አብራሃም፡ «ሃ ኔኒ ሻኪዳ ላፑን ኡዛታ አይስ ሻካዲ?» ገ ኦይቹዳስ።

30 አብራሃምይ፡ «ታኒ ሃይሳ ሃላ ኦላ ቦኪዳይሳስ ማርካ ገዳና ማላ ሃይታ ላፑን ኡዛታ ታፔ ኤካ» ገደስ።

31 ሃን ሃ ናምኡ ኣሳቲ ጫቁቲዳ ገሻስ ሃ ሶሆይ ቤርሳቤሂ * ጌቲቲዳስ።

32 ቤርሳቤሂን ጫቆ ጫቁቲዳይሳፊ ጉዩ ኣቢሚሌኬይኔ ኢዛ ዋታዳራታ ሃላቃ ፒኮሌይ ዳንዲዲ ፊሊስጾም ቢታ ሲሚዳ።

33 አብራሃምይ ቤርሳቤሂን ታማርሲኬ ጌቲቲዛ ሚላ ቶኪዲ ሃን ጎዳ ሚርና ጸሳ ጸይጌዲ ጎይኒዳስ።

† 34 አብራሃምይ ፊሊስጾም ቢታን ዳሮ ዋዳ ኢማላቴላን ዳኢዳስ።

22

አብራሃም ፓጨቲላ

1 ሃሳፊ ጉዩ ጸሲ አብራሃም ፓጨዳስ፤ ጸሲ፡ «አብራሃም!» ገ ጸይጌን አብራሃምይ፡ «ዩ!» ገ ኮዩዳስ።

2 ጸሲ፡ «ኔኒ ሲቁዛ ኔ ማጸ ኢሲ ናዛ ዩሳቃ ኤካዳ ሞሪያ ጌቲቲዛ ቢታ ባ፤ ባዳ ሃን ታኒ ኔስ ቤሲዛ ኢሲ ዙማ ቦላን ኢዛ ጸጌቲዛ ያርሾ ኦላዳ ታስ ያርሻ» ገደስ።

3 ዋንቲላ ጋላስ አብራሃምይ ማላደ ዋንታራ ዳንዲዲ ሃሪ ጫኒዳስ፤ ባ አይሌታፔ ናምኣታኔ ባ ና ዩሳቃ ባናራ ኤኪዲ ጸጊዛ ያርሾስ ገዲዛ ሚላ ቁሪ ኤኪዲ ጸሲ ኢዛስ ዮቲዳሶ ባናስ ዳንዲዳስ።

4 ቢሼ ሃሻንጎ ጋላስ አብራሃምይ ቶቁ ገዲ ያርሾ ያርሻናሶዛ ሃሆን ቤኢዳስ።

5 አብራሃምይ ባ አይሌታ፡ «ኢንቲ ሃሪዛራ ሃይሳን ዲሺቲ፤ ታኒኔ ታ ናዚ ጌዳ ቢዲ ጸሳስ ጎይኒዲ ኢንቲኮ ሃ ሲማና» ገደስ።

6 አብራሃምይ ያርሾ ሚላ ዳንጎዲ ናዛ ዩሳቃ ቶሲዲ ባስ ታማኔ ሹካ ማሻ ኦይኪዳስ፤ ኢስቲ ናምኣይ ኢሲፊ ቢሺን።

7 ዩሳቃ ባ አዋ አብራሃም፡ «አቦ!» ገደስ። አብራሃምይካ፡ «ዩ! ታ ናዘ!» ገን ዩሳቃ፡ «ታማይኔ ሚላ ዳስ ሺን ያርሼታና ደርሳይ ኣዎኔ?» ገደስ።

21:4 ሜዴ 17:12፤ ሃዋ 7:8 21:10 ጋላ 4:29-30 21:12 ኦሮ 9:7፤ ኢብ 11:18 21:22 ሜዴ 26:26 * 21:31 ቤርሳቤሂ፡ ቤርሳቤሂ ጉሲ አብራሃም ቃላራ፡ «ጫቆ ሃላ ኦላ ዋይኮ ላፑን ሃላ ኦላ» ጉሳ። † 21:33 ታማርሲኬ ጌቲቲዛ ሚላይ ኢዛስ ጎሳይ ቃንጎ ገዲሺን ዛምባፊ ዲማቲዛ ሚላ 22:1 ኢብ 11:17-19 22:2 2ታሪ 3:1

8 አብራሃምም፡ «ታ ናዛ! ያርሼታና ዶርሳ ጸሲ ገብሳና» ገደሰ፤ ሂሳብን ኢሰቲ ናምኣይ ኢሲፊ ቢዳ።

9 ኢሰቲ ጸሲ ኢዛሰ ዮቲዳሶ ጋኪዳ ዋዳ አብራሃምም ያርሾ ያርሼዛሶ ሄን ገግሲዲ ሚላ ኮሪዳሰ፤ ባ ና ዩሳቃ ቃቺዲ ሄ ሚላ ቦላን ሹካናሰ ኢሺሲዳሰ።

10 አብራሃምም ባ ናዛ ሹካናሰ ኩሼ ዩዲዲ ማሻ ኤኪዳሰ።

11 ገደ ኣቲን ጎዳ ኪታንቻይ ሳሎፔ ኢዛ፡ «አብራሃምም! አብራሃምም!» ገ ዴይገን ኢዛ፡ «ዩ!» ገ ኮዩን።

12 «ናዛ ቦላ ኔ ኩሼ ዋላ፤ ኢዛ ኣይኮካ ኦላ፤ ኔ ኔ ማዲ ኢሲ ናዛካ ታና ዲጎንታ ገሻሰ ኔ ኔ ጸሳሰ ያዩዛ ኣሰ ገዲዳይሳ ታኒ ሃኢ ኤራዲሰ» ገደሰ።

13 አብራሃምም ዶቁ ገዲ ዴሊሺን ካጩይ ቱራን ኦይኬቲዳ ጳርሾ ቤኢዳሰ፤ አብራሃምም ቢዲ ሄ ጳርሾዛ ኤኪዲ ጸጌቲዛ ያርሾ ያርሼዳሰ።

14 ሄሳ ገሻሰ አብራሃምም ሄ ሶሆዛ፡ «ጎዳይ ኢሚዛሶ» ገ ሰንሳዳሰ፤ ሃቶ ጋካናሰካ ሄ ሶሆዛ፡ «ጎዳይ ዙማ ቦላን ኢሚና» ጌቲቲሰ። *

15 ጎዳ ኪታንቻይ ሳሎፔ ናምኣንላ አብራሃምም ዴይገዲ።

16 «ታኒ ኔሰ ታናን ጫቃይሰ፤ ኔ ኔ ሃይሳ ኦሊዳ ገሻሰ ኔ ማዲ ኢሲ ናዛካ ታና ዲጎንታ ገሻሰ።

17 ታኒ ኔና ቱሙ ኣንጃና፤ ኔ ዜሬላካ ታኒ ሳሎ ጸለንቲ ማላኔ ኣባ ዶናን ዲዛ ኣጩ ማላ ኦላዳ ዳርሳና፤ ኔ ዜሬላቲ ባ ሞርኬታ ካታማታ ላታና።

18 ኔ ኔ ታሰ ኣዛዜቲዳ ገሻሰ ሃ ካዎቲላይ ወሪ ኔ ዜሬላ ባጋራ ኣንጃታና» ገደሰ።

19 ሄሳፊ ጉዩ አብራሃምም ባ ኣይሌታኮ ሰሚን ኢሰቲ ወሪ ኢሲፊ ቤርሳቤሄ ዴንዲ ቢዳ። አብራሃምም ቤርሳቤሄን ዴኢዳሰ።

ናኮሪ ዩሌታ

20 ሄሳፊ ሰሚን አብራሃምም፡ «ሚልካይ ኔ ኢሻ ናኮሪሰ ናይታ ዩላዳሰ።

21 ኢሰቲካ፡ ባይራ ና ኡዴ፡ ኡዴ ኢሻታ ቡዜ፡ 22 ኣራሜ ኣዎ ቃሙኤሌ፡ ኬሳዳ፡ ሃዞ፡ ፒልዳሰ፡ ዩዲላፊ፡ ባቱኤሌ ጌቲቲቲሰ።

23 ሄይታ ሄ ኦሰቱን ናይታካ ሚልካ አብራሃምም ኢሻ ናኮሪሰ ዩላዳሰ፤ ባቱኤሌ ኢርቢቃ ዩሌዳሰ።

24 ኤሪሃሞ ጌቲቲዛ ኢዛ ጋራዴያ ቃሴ ጸባሃ፡ ገሃም፡ ቱሃሻኔ ማኪሳ ዩላዳሰ» ገ ዮቲዳ።

23

ሳራ ሃይቆ

- 1 ሳራይ 127 ላይሳ ዴኢዳፔ ጉዩ፡
- 2 ኢዛ ካናኔ ቢታን ዲዛ (ኩብርኔ ጌቲቲዛ) ቂሪያቲ-ኣርባኤ ካታማን ሃይቂን አብራሃምም ሳራሰ ዩኪዳሰኔ ካዮቲዳሰ።
- 3 አብራሃምም ባ ማቼይ ኣሃ ኣቻፊ ሂቲታኮ ቢዲ፡
- 4 «ታኒ ኢንቲ ገደን ኢሚላ፤ ታ ማቼዮ ሞጋናሰ ታሰ ኢንቲ ጋዴፔ ሞጎሶ ባይዜርኬቲ!» ገደሰ።

22:9 ያቆ 2:21 * 22:14 ጎዳይ ኢሚዛሶ ገዛይሰ አብራሞታ ቃላራ ያሃዌ ዩርኣ ገዲሺን ቢርሼላይ፡ «ጎዳይ ቤዩሰ» ጉሳ 22:16 ኢብ 6:13-14 22:17 ኢብ 11:12 22:18 ሃዎ 3:25 23:4 ኢብ 11:9፤ 13፤ ሃዎ 7:16 * 24:2 ኔ ኩሼ ታ ጉልባቲ ቦላ ዋላ፤ ጫቃ ዋይኮ ታ ዋዲፔ ጋርሳራ ገዛይሰ አብራሞታ ዋጋን ላሚቶንታ ጫቆ ገዲዳይሳ ቤሲሰ

5-6 ሂቲቲ ኢዛሰ፡ «ጎዳ! ኔ ኔና ዮቲዛይሳ ሲያ፤ ኔ ኔ ገደን ገታ ኣሳ፤ ኔ ኔ ማቼይ ኣሃ ኔ ዱፎፔ ኔና ሎኢዳሶን ሞጋ፤ ኔ ኔ ማቼይ ኣሃ ሞጋናሰ ባ ዱፎ ኦኒካ ኔና ዲጌና» ገ ዛሪዳ።

7 አብራሃምም ዴንዲ ኤቂዲ ሂቲታ ሃላቃታ ሲንላን ዘገደሰ።

8-9 ኢዛ ኢሰታሰ፡ «ኢንቲ ታና፡ ሳ ማቼይ ኣሃ ሞጋ» ገኮ ሲዩቲ፤ ጸሃሪ ና ኤፍሮኔሰ ኢዛ ጋዴዛ ጋጸን ዲዛ ማኪዴሌ ጌቲቲዛ ጎንጎሎዛ ታሰ ዱፎሰ ባይዛና ማላ ኩሚላ ዋጋን ኦና ዛልኢሴርኬቲ» ገደሰ።

10 ሄ ዋዳ ኤፍሮኔይ ካታማ ፔንጌን ሸቂዳ ባ ኣሳ ሂቲታ ገደን ዳሰ፤ ሄሳ ገሻሰ ሂቲቲ ወሪ ሲዩሺን አብራሃምም።

11 «ሄሳ ማላ ገደና፤ ታ ጎዳ! ታ ዮቲዛይሳ ሲያ፤ ታኒ ጋዴዛካ ኢዛ ገደን ዲዛ ጎንጎሎዛካ ታ ኔሰ ሃይሳ ኣሳ ሲንላን ኢሚዳሰ፤ ኔ ኔ ማቼይ ኣሃ ሞጋ» ገደሰ።

12 አብራሃምም ሃላቃታ ሲንላን ቃሴካ ዘገደዳ፡

13 ኣሳይ ሲዩሺን ኤፍሮኔ፡ «ታ ዮቲዛይሳ ሲያርኪ! ታኒ ሄ ጋዴዛሰ ዋጋ ቃንጸና፤ ኔ ታፔ ኤካርኪ! ሄን ታኒ ታ ማቼይ ኣሃ ሞጋና» ገደሰ።

14-15 ኤፍሮኔይ አብራሃምም ዛሪዳ፡ «ታ ጎዳ! ታኒ ዮቲዛይሳ ሲያ፤ ጋዴዚ 400 ሳቂሌ ቢራ ጸላ ኬሲዛ ጋዴ ገዲዳ ገሻሰ ሃይሲ ኔ ገደኒኔ ታ ገደን ኣይኮካ ገደና፤ ኔ ማቼይ ኣሃ ኢዛን ሞጋ» ገደሰ።

16 አብራሃምም ሂቲ ኣሳይ ሲዩሺን ኤፍሮኔይ ገዳ ዋጋ 400 ሳቂሌ ቢራ ኤፍሮኔሰ ኢሚዳሰ።

17 ማሚሪ ካታማ ኣቻን ማኪዴሌን ዲዛ ኤፍሮኔ ጋዴን ዲዛ ጎንጎሎይኔ ሄ ጋዴን ዲዛ ሚላይ ወሪ።

18 ካታማ ፔንጌን ሸቂዳ ሂቲ ኣሳ ኡባ ሲንላን ዋጋን አብራሃምም ጋዴ ገዲዳሰ።

19 ሄሳፊ ጉዩ አብራሃምም ባ ማቾ ሳራ ኣሃ ካናኔ ቢታን (ኩብርኔ ጌቲቲዛ) ማሚሪ ካታማ ኣቻን ዲዛ ጎንጎሎን ሞገደሰ።

20 ሄሳ ገሻሰ ሄ ጋዴዚኔ ጋዴዛን ዲዛ ጎንጎሎዚ ሂቲታ ሲንላን ዋጋን አብራሃምም ገዲዳሰ።

24

ዩሳቃኔ ኢርቢቃ ጌሎኔ ኢኮ

1 አብራሃምም ዳር ጨሚዳሰ፤ ጎዳይ ኢዛ ኡባንካ ኣንጂዳሰ።

2 አብራሃምም ባሶ ኣሰ ኡባሰ ሃላቃቲዛይሳኔ ኢዛፔ ጋርሳራ ኢዛ ኣቆታ ኡባ ኣይሲዛ ኣይሌዛ፡ «ኔ ኩሼ ታ ጉልባቲ ቦላ ዋላ፤ ጫቃ። *

3 ታኒ ኢሰታ ገደን ዲዛ ካናኔ ማጫ ናይታፔ ኔ ታ ናሰ ማቾ ኦይቾንታ ማላ ሳሎ ሳኣ ሜዲዳ ጸሳን ታ ኔሰ ጫቃይሰ፤

4 ገደ ኣቲን ታ ዩሌቲዳ ቢታ ታ ዳቦታኮ ባዳ፡ ታ ና ዩሳቃሰ ማቾ ኦይቻ» ገደሰ።

5 ኢዛ ኦሳንቻዚ፡ «ማጫሳያ ታናራ ያናሰ ዶሶንታ ኢዲኮ ናዛ ኔ ኔ ዩዳ ቢታ ጉዩ ዛራ ኤፎ?» ገ ኦይቻዳሰ።

22:9 ያቆ 2:21 * 22:14 ጎዳይ ኢሚዛሶ ገዛይሰ አብራሞታ ቃላራ ያሃዌ ዩርኣ ገዲሺን ቢርሼላይ፡ «ጎዳይ ቤዩሰ» ጉሳ 22:16 ኢብ 6:13-14 22:17 ኢብ 11:12 22:18 ሃዎ 3:25 23:4 ኢብ 11:9፤ 13፤ ሃዎ 7:16 * 24:2 ኔ ኩሼ ታ ጉልባቲ ቦላ ዋላ፤ ጫቃ ዋይኮ ታ ዋዲፔ ጋርሳራ ገዛይሰ አብራሞታ ዋጋን ላሚቶንታ ጫቆ ገዲዳይሳ ቤሲሰ

6 ኣብራሃሚይ፡ «ታ ናዛ ጌዴ ጉዬ ዛራ ኤፎንታ ማላ ናጌታ!

7 ጎዳ ሳሎ ጸሳይ ታና ታ ኣዋ ሰሆፔኔ ታ ዩሌቲዳ ቢታፌ ኬሲዳይሲ ታሰ፡ ሩኔ ዜሬላሰ ታኒ ሃይሳ ቢታ ኢማና ገ ጫቂዳይሲ ኔኒ ታ ናሰ ሄፔ ማቕ ዳማና ማላ ኢዚ ባ ኪታንቻ ኔፔ ሲንሌ ኪታና።

8 ማጫሳያ ኔናራ ጉዬ ያናሰ ዶሶንታ ኢጲኮ ሃይሲ ታኒ ኔና ጫቂዳይሲ ጫቆይ ኔሰ ጎሜቶፖ፤ ናዛ ጉዬ ሙሉካ ኤፎፓ» ገዴሰ።

9 ሃሳ ገሻሰ ኦሳንቻዚ ባ ጎዳ ኣብራሃሚ ዋዲራ ቦላ ባ ኩሼ ዋሊ ጫቂዳይሲ።

10 ሃሳፌ ጉዬ ኦሳንቻዚ ባ ጎዳ ጋሚላታፔ ታማታ ኤኪዲ ባ ጎዳ ሚሻፊካ ሙሩታ ሙሩታ ኤኪዲ ቢዳሰ፤ ሚሰጶጶሚያ ጌቴቲዛ ቢታን ዲዛ ናኮሬ ካታማ ጋኪዳሰ።

11 ኦማርሳ ዋዴ ማጫሲ ሃላ ዲቃናሰ ዩሺን ካታማፔ ጋጸን ሃላ ኦላ ኣቻን ባ ጋሚላታ ጉልባቲሲዲ።

12 «ጎዳዉ! ታ ጎዳ ኣብራሃሚ ጸሶ! ሃቕ ታኒ ቆፓዳ ዩዳይሳ ታሰ ኢንጃሳ፤ ቃሴ ታ ጎዳ ኣብራሃሚሰ ኪያ ኦላ።

13 ቤያ! ታኒ ሃይሳ ፑልቶ ሃላ ኣቻን ኤቃዲሰ፤ ሃ ካታማ ኣሳ ማጫ ናይቲ ሃላ ዲቃናሰ ሃ ዩቴሰ።

14 ታኒ፡ «ኣኔ ኦቶዛ ዘቂ ሂሰታዳ ታና ሃላ ኡሻ» ገዛ ዋዴ፡ ኢዛካ፡ «ሄኮ ኡያ! ቃሴ ኔ ጋሚላታካ ታኒ ኡሻና» ገዛራ ሂና ኔ ኣይሌ፤ ዩሳቃሰ ኔኒ ዶሪዳር ገዴ፤ ኔኒ ታ ጎዳሰ ኪያ ኦላዳይሳ ታኒ ሃሳን ኤራና» ገ ዋሲዳሰ።

15 ቡር ኢዚ ዋሳ ወርሶንታ ዲሺን ኢርቢቃይ ሃላ ኦቶ ቶካ ኤካዳ ፑቱ ጋዲሰ፤ ኢዞ ባቱኤሊ ዩሊዳሰ፤ ባቱኤሊ ሚልካ ና፤ ሚልካይ ኣብራሃሚ ኢሻ ናኮሬ ማቕ።

16 ኢርቢቃይ ዳር ማላ ሎኦኔ ጌሎንታ ጌላኦ። ዲጌ ዋዳዳ ፑልቶዛፔ ባ ኦቶ ሃላ ኩንፋዳ ኬዛዲሰ።

17 ሄ ኣይሌይ ኢዚኮ ዋጺ ቢዲ ኢዞ፡ «ኔ ኦቶዛፔ ታና ጉላ ሃላ ኡሻርኪ!» ገዴሰ።

18 ኢዞ፡ «ኤር ታ ጎዳ! ኡያ» ጋዲሰ። ኤሶታዳ ኦቶዛ ባ ሃሺፔ ዋላዳ ጌዲ ሂሰታ ኦይካዳ ኢዞ ኡሻዲሰ።

19 ኢዞ ኡሻዲይሳፌ ጉዬ፡ «ኔ ጋሚላቲካ ኣላና ጋካናሰ ታኒ ኢሰታሰ ሃላ ዲቃና» ጋዲሰ።

20 ኣቲዳ ሃላ ኤሶን ሃላ ጎንጌን ቲጋዳ ዲቃናሰ ሃላ ኦላይ ዲዛሶ ዋጺዲሰ፤ ጋሚላቲ ወሪ ኣላና ጋካናሰ ሃላ ኦላፌ ዲቃ ዲቃ ኤሃዳ ሃላ ጎንጌን ቲጋዳ ኡሻዲሰ።

21 ኢዚ ቆፒዲ ዩዳ ቆፋ ጎዳይ ኢንጃሲዳኮ ኤራና ማላ ኣዳዚ ጮኡ ገዲ ኢዞ ጸሌሰ።

22 ጋሚላቲ ሃላ ኡዩ ሲሚን ኣዳዚ ኢቻሽ ገራሚ ባጋ ገዲዛ ዋርቃ ሳጋዮታኔ 100 ገራሚ ገዲዛ ናሞኡ ዋርቃ ሳጋዮታ።

23 ኬሲዲ ኢዞ፡ «ኔኒ ኦና ና? ኣኔ ታሰ ዮታ፤ ኔ ኣዋ ሶን ኦሰ ኣቁዛሶይ ዳኔ?» ገዴሰ።

24 ኢዞ፡ «ታኒ ሚልካይ ናኮሬሰ ዩሊዳ ባቱኤሊ ና።

25 ኦሶን ገዲዛ ሃፓይኔ ባሶይ ዳሰ፤ ቃሴ ኢንቴሰካ ኣቁዛሶይ ዳሰ» ጋዲሰ።

26 ኣዳዚ ጉልባቲዲ ጎዳሰ ጎይኒሹ።

27 «ባ ኪያቲላኔ ባ ቱማ ታ ጎዳፔ ሃሶንታ ታ ጎዳ ኣብራሃሚ ጎዳ ጸሳይ ጋላቲቶ! ታኒ ዩሺን ጎዳ ጸሳይ ታና ታ ጎዳ ዳሶታሶ ካሌሊዳሰ» ገዴሰ።

28 ናያ ዋጺ ባዳ፡ ባ ኣዩይሶን ዲዛ ኣሳሰ ሃኒዳይሳ ዮታዲሰ።

29 ኢርቢቃሰ ላባ ጌቴቲዛ ኢሻይ ዳሰ፤ ላባይ ካሬ ኬዚዲ ሃላ ፑልቶ ኣቻን ዲዛ ኣዳዛኮ ዋጺዳሰ።

30 ቃላባቲኔ ባ ሚቹይ ኩሼን ዲዛ ሳጋዮታ ቤኢዳ ማላኔ ኢርቢቃይ ኣዳዚ ባና ገዳይሳ ዮቲን ሲዩዳ ማላ ኬዚ ቢዲ ኣዳዚ ጋሚላታራ ፑልቶዛ ኣቻን ኤቂዳይሳ ዳሚዳሰ።

31 ኢዞ፡ «ሃይሶ ጎዳይ ኔና ኣንጂዳይሶ ሃያ! ኔኒ ሃይሳን ካሬን ኣይሰ ኤቃዲ? ታኒ ኔሰ ኬሊኔ ጋሚላታሰካ ሶ ገሊሳዲሰ» ገዴሰ።

32 ሃሳ ገሻሰ ኣዳዚ ሶ ጌሊዳሰ፤ ላባይ ጋሚላታ ጫና ቢርሺዲ ሃፓኔ ባሶ ጋሚላታሰ ዩገዴሰ። ኢዛሰኔ ኢዛራ ዲዛ ኣሳታሰ ቶሆ ሃላ ኤሂዳሰ።

33 ቁማካ ኢዞ ሲንሌ ኣሊዳሰ፤ ኢዞ፡ «ታና ኤሂዳ ጉዳ ኢንቴሰ ዮቶንታ ዳሼ ካል ሚኬ» ገዴሰ። ላባይ፡ «ሂሰቲኮ ዮታ» ገዴሰ።

34 ሃሳ ገሻሰ ኢዞ፡ «ታኒ ኣብራሃሚ ኣይሌ።

35 ጎዳይ ታ ጎዳ ኣብራሃሚ ኬሂ ኣንጂን ኢዞ ዲራቲዳሰ፤ ዶርሰ፡ ሚዝ፡ ቢራ፡ ዋርቃ፡ ኣቱማ ኣይሌታ፡ ማጫ ኣይሌታ፡ ጋሚላታኔ፡ ሃሬታ ኢዛሰ ኢሚዳሰ።

36 ታ ጎዳ ማቹያ ሳራይ ባ ጨማቲላ ላይላን ኢዛሰ ኣቱማ ና ዩሊን ኢዞ ባሰ ዲዛዝ ኡባ ኢዛሰ ኢሚዳሰ።

37 ታ ጎዳይ ታና ሃይሳላ ጫቂሲዳሰ፤ ታኒ ዲዛ ካናኔ ቢታ ማጫ ናይታፔ ታ ናዛሰ ማቕ ኦይቾፋ፤

38 ታ ኣዋ ኣሳኮ ታ ዜሬላኮ ባዳ ታ ናዛሰ ማቕ ኦይቾ» ገዴሰ።

39 ታኒካ ታ ጎዳዉ፡ «ናያ ታናራ ያናሰ ዶሶንታ ኢጲኮቹ?» ጋዲሰ።

40 ኢዞ፡ «ጎዳይ ታኒ ኢዞ ሲንፋን ሱሬ ሄሚቲዳ ጸሲ ኔናራ ባ ኪታንቻ ኪታና፤ ኔኒ ታ ኔሰ ታ ኣዋ ኣሳፔ፡ ታ ዛሬታፔ ማቕ ዳማና ማላ፡ ኔ ቢዛ ኦጌ ኡባ ሎኡላና።

41 ኔኒ ታ ዛሬታኮ ቢን ኢሰቲ ኔሰ ኢዞ ኢሞንታ ኢጲኮ ሄ ዋዴ ኔሰ ጫቆይ ጎሚቲና» ገዴሰ።

42 «ታኒ ሃቕ ሃይሳ ፑልቶዛኮ ዩዳ ዋዴ ጎዳዉ! ታ ጎዳ ኣብራሃሚ ጸሶ! ኔ ሸኔ ገዲኮ ታኒ ቢዛ ቆፋዛ ኢንጃሳ።

43 ቤኣ፤ ታኒ ሃ ፑልቶዛ ኣቻን ኤቃዲሰ፤ ጌላኦ ኢሲኒያ ሃላ ዲቃናሰ ዩኮ ታኒ ኢዞ፡ «ታና ኔ ኦቶዛፔ ጉላ ሃላ ኡሻርኪ!» ጋና።

44 ሂሰቲኮ ኢዞ ታና፡ «ኤር ኡያ» ቃሴ፡ «ኔ ጋሚላታሰካ ታኒ ሃላ ዲቃና» ገዛራ ጸሲ ታ ጎዳይ ኔሰ ዶሪዳር ገዴ።

45 «ታኒ ታ ዋዚናን ዋሲዳይሳ ወርሶንታ ዲሺን ኢርቢቃይ ባ ኦቶ ሃሺን ቶካ ኤካዳ ፑቱ ጋዲሰ፤ ዲጌ ፑልታኮ ዋዳዳ ሃላ ዲቃዲሰ፤ ታኒ ኢዞ፡ «ታና ሃላ ኡሻርኪ!» ጋዲሰ።

46 «ኢዞ ኤሶን ባ ሃሺፔ ኦቶዛ ዋላዳ፡ «ሄኮ ኡያ! ቃሴ ታኒ ኔ ጋሚላታ ኡሻና» ጋዲሰ፤ ታኒካ ኡያዲሰ፤ ቃሴ ታ ጋሚላታካ ኡሻዲሰ።

47 «ታኒ ኢዞ፡ «ኔኒ ኦና ና?» ጋ ኦይቾዲሰ።

«ኢዞ፡ «ታኒ ሚልካይ ናኮሬሰ ዩሊዳ ባቱኤሊ ና» ጋዲሰ።

«ታኒካ ኢዞ ኩሼን ቃላባቲ ኣላዲሰ።

48 ሃሳፌ ጉዬ ታኒ ጉልባታዳ ጎዳሰ ጎይናዲሰ፤ ታኒ ጎዳ ታ ጎዳ ኣብራሃሚ ጸሳ፣ ታ ጎዳ ኣሻ ናዮ ኢዛ ኔሰ ኤካናሰ ታና ሊኬ ኦጌ ካሌሉዳይሳ ጋላታይሰ።

49 ሃኢካ ኢንቲ ታ ጎዳሰ ኪያና ማላኔ ኣማኔታና ገዲኮ ታሰ ዮተቲ፤ ሃሲ ሃኔና ገኮካ ታሰ ዮተቲ፤ ሃሳፌ ጉዬ ታኒ ሃናናይሳ ታ ኤራይሰ» ገደሰ።

50 ላባይኔ ባቲኤሊ፣ «ሃ ቆፋዚ ጎዳፔ ዩዳሰ፤ ኦኒ ኔሰ ገደ ሃ ጋናሰ ዳንዳዮ።

51 ኢርቢቃ ሃና ቤያ፤ ኤካዳ ባ! ጎዳይ ገዳ ማላ ኔ ጎዳ ናዛሰ ማቾ ገዲ» ገደ።

52 ኣብራሃሚ ኣይሌይ ኢሰቲ ገዛይሳ ሲዱዳ ማላ ቢታን ጉልባቲዲ ጸሳሰ ጎይኒዳሰ።

53 ኣሸካራዚ ቢራ ኣሌቆኔ ዋርቃ ኣሌቆ፣ ማይኦካ ኬሲዲ ኢርቢቃሰ ኢሚዳሰ፤ ቃሴ ኣልኦ ሚሻታ ኢዚ ኣሻሲኔ ኢዚ ኣይይሰ ኢሚዳሰ።

54 ሃሳፌ ጉዬ ኢዚካ ኢዛራ ዲዛይቲ ሚዳኔ ኡዩዳ፤ ሂሰቲዲ ሃን ኣቋዳ፤ ኢሰቲ ማላዶ ዋንታራ ዳንዳን፣ «ታና ታ ጎዳኮ ሞይዚቲ» ገደሰ።

55 ገደ ኣቲን ኢዚ ኣሻይኔ ኢዚ ኣያ፣ «ናያ ኢሲ ታሙ ጋላሳ ማላ ኦናራ ታኩ፤ ሃሳፌ ጉዬ ኢዛ ባና» ገደ።

56 ኢዚ ገዲኮ፣ «ጎዳይ ታኒ ዩዳይሳ ኢንጃሲን ኢንቲ ታና ጋምኢሰቲቲ፤ ታኒ ታ ጎዳኮ ባና ማላ ታና ሞይዚቲ» ገደሰ።

57 ኢሰቲካ፣ «ናዮ ዳይገዲ ኣኔ ኦ ኢዛ ኦይቾሰ» ገደ።

58 ሃሳ ገሻሰ ኢርቢቃ ዳይገዲ፣ «ሃ ኣዳዛራ ባኔ?» ገደ ኦይቹዳ።

ኢዛካ፣ «ኤ፤ ታኒ ባና» ገደሰ።

59 ሂሰቲን ኢሰቲ ባ ሚቹዮ ኢርቢቃ ኢዛ ዲቹዛራራ፣ ኣብራሃሚ ኣይሌዛራኔ ኢዛ ኣሳታራ ሞይዚዳ።

60 ኢሰቲ ኢርቢቃ፣

«ኦ ሚቹዩ ኢርቢቃ!
ጮራታ ቢታ ኩማ፤
ኔ ዜሬሊ ባ ሞርኬታ ካታማታ ላቲቶ» ገደ ኢንጃዳ።

61 ሃሳፌ ጉዬ ኢርቢቃይኔ ኢዚ ጋራዳቲ ዳንዲዲ ጋሚላታ ቶገዲ ኣዳዛራ ቢዳ፤ ሂሰቲን ኣይሌዚ ኢርቢቃ ኤኪዲ ቢዳሰ።

62 ሃ ዋዳ ዩሳቁ፣ «ታና ቤኢዛ ዳኦ ጸሳ ፑልቶ» ገዛ ፑልቶዛ ማታ ቢዳ፣ ኔጌቤ ባዘን ዳሰ።

63 ኢሲ ጋላሳ ኦማርሰ ዩሳቁ ባ ዋዚናን ቆፒዲ ዳምባ ኬዚዲ ዩዩሼ ኢዚ ቶቁ ገ ዳሊዛ ዋዳ ጋሚላቲ ዩዛይታ ቤኢዳሰ።

64 ኢርቢቃይካ ቶቁ ሂሰታ ዳላዳ ዩሳቃ ቤያዳ ጋሚላ ቦላፌ ዋቋዲሰ።

65 ዋቋዳ ኣይሌዛ፣ «ኦናራ ጋጋናሰ ሴኪ ዳምባራ ሃ ዩዛ ኣዳይ ኦኔ?» ገደሰ።

ኣሸካራዚ፣ «ኢዚ ታ ጎዳ ዳኔ» ገደሰ፤ ኢዛ ባ ሻሼዛ ኤካዳ ጉሉንታዲሰ።

66 ቃሴ ኣይሌዚ ባ ኣሉዳይሳ ኡባ ዩሳቃሰ ዮተዳሰ።

67 ዩሳቁ ኢርቢቃ ባ ኣይይ ሳራ ዲንካኔን ኤፊዲ ኢዛ ማቾ ኤኪዳሰ፤ ኢዛካ ኢዛሰ ማቾ ገዲዲሰ፤ ሂሰቲን ኢዚ ኢዛ ሰቋዳሰኔ ባ ኣይይ ሃይቆን ካዮተዛይሳፌ ሚኔቲዳሰ።

25

ኣብራሃሚሰ ዩሌቲዳ ሃራ ናይታ (1ታሪ 1:32-33)

1 ቃሴ ኣብራሃሚይ ኬጹራ ጌቲቲዛ ሃራ ማቾ ኤኪዳሰ።

2 ኢዛ ዚሚራኔ፣ ዮቁሻኔ፣ ሚዳኔ፣ ሚዲያኔ፣ ዩሸባቁኔ ሹሃ ኢዛሰ ዩላዲሰ።

3 ዮቁሻኔይ ሳባኔ ዳዳኔ ዩሊዳሰ፤ ዳዳኔይ ኣሶሬታ፣ ሌጹሴታኔ ሌኣሚታ ዩሊዳሰ።

4 ሚዲያኔ ናይቲ ኤፋ፣ ኤፊሬ፣ ሃናኬ፣ ኣቢዳኤኔ ኤልዳኤ። ሃይቲ ዉሪካ ኬጹራ ናይታ።

5 ኣብራሃሚይ ባ ሃር ኡባ ዩሳቃ ላቲሲዳሰ።

6 ገደ ኣቲን ኢዚ ቡር ፓጻ ዲሼ ባ ጋራዳታፔ ዩሊዳ ናይታሰ ባሰ ዲዛይሳፌ ዋይቲዳሰ። ዋይቲዲ ባ ና ዩሳቃፔ ኢሰታ ሻኪዲ ኣርሼይ ሞኪዛ ባጋራ ዲዛ ዳሬ ዩዲዳሰ።

ኣብራሃሚ ሃይቆ

7 ኣብራሃሚይ ሙሌራ 175 ላይሳ ዳኢዳሰ።

8 ኣብራሃሚይ ዳር ዋዳ ዳኢዲ ሎኦ ጨማ ጨሚዲ ሃይቁዳሰ።

9 ኢዛ ናይቲ ዩሳቁኔ ኢሰማኤሌይ ኢዛ ማኪጶሌ ጌቲቲዛ ጎንጎሎ ዲፎን ሞገዲ፤ ሃ ጎንጎሎዚ ማሚራ ኣቻን ሂቲ ጸሃራ ና ኤፍሮኔ ጋዳን ዳሰ።

10 ሃሲካ ኣብራሃሚይ ሂቲታፔ ሻሚዳ ጋዳ።

ኣብራሃሚይ ባ ማቹያ ሳራይ ሞጌቲዳሰን ሞጌቲዳሰ።

11 ኣብራሃሚይ ሃይቁዳፔ ጉዬ ጸሲ ኢዛ ና ዩሳቃ ኣንጂዳሰ። ሃ ዋዳ ዩሳቁ፣ «ታና ቤኢዛ ዳኦ ጸሳ ፑልቶ» ጌቲቲዛ ፑልቶ ኣቻን ዳሰ።

ኢሰማኤሌ ዩሌታ (1ታሪ 1:28-31)

12 ሳራ ኣይሌያ ገብጾፔ ዩዳ ኣጋራ ኣብራሃሚሰ ዩሊዳ ናዛ ኢሰማኤሌ ዩሌታይ ሃይሳፌ ካሊ ጸፊቲዳይሳ።

13 ኢሰማኤሌ ናይቲ ባ ሱንሳኒኔ ባ ዩሌታ ማራን ሃይታንታ፤ ሃይታንቲካ ኔባዮቲ፣ ቁዳራ፣ ኣዲቢኤሌ፣ ሚቢሳሚ።

14 ሚሺማኤ፣ ዲማ፣ ማሴ፣

15 ሃዳዳ፣ ቲማ፣ ዩዱራ፣ ናፊሻኔኔ ቁዳሚ።

16 ኢሰማኤሌ ናይቲ ሃይታንታ፤ ኢሰታ ሱንሳ ኢሰታ ሞላኒኔ ዲዛሰን ዲዛሰን ሃይሳ፤ ኢሰታሰ 12 ዛርኬ ሃላቃቲ ዳቲሰ።

17 ኢሰማኤሌይ ሙሌራ 137 ላይሳ ዳኢዲ ሃይቁዳሰ፤ ሃይቁዲ ባ ኣዋታን ጋገዳሰ።

18 ኢሰማኤሌ ዜሬሊ ገብጾፔ ኣርሼይ ሞኪዛ ባጋን ዲዛ ሃዋላፔኔ ሹራፔ ገደን ኣሶራ ኤፊዛ ኦጌ ኣቻን ዳኢዳ። ኢሰቲ ባ ኣሻታ ኡባታራ ሞርኬቲላን ዳኢዳ።

ዩሳቃ ዩሌታ

19 ኣብራሃሚ ና ዩሳቃ ዩሌታይ ሃይሳፌ ካሊ ጸፊቲዳይሳ። ኣብራሃሚይ ዩሳቃ ዩሊዳሰ።

20 ዩሳቃሰ ላይሳይ 40 ገዲዳ ዋዳ ኢርቢቃ ኤኪዳሰ፤ ኢዛ ሚሰጶጶሚያን ዲዛ ኣራሚ ባቲኤሌ ናዮኔ ኣራሚ ዳሬ ኣሰ ላባ ሚቾ።

21 ዩሳፂቅ ባ ማቸኛ ማይኔ ገዲዳ ገሻሰ አዚሰ ጎዳ ዋሲን ጎዳይ አዛ ዋሳ ሲዩዳስ፤ ሂሰቲን አዛ ማቸኛ አርቢቃይካ ቃንሳታዲስ።

22 ገደ ኣቲን አዚ ኡሎ ገደን ዲዛ ናይቲ ሜንቲ ገዲዳ ገሻሰ አሰይ አሳራ ሱጌቲዳ፤ ሂሰቲን አዛ። «ሃይሲ ታ ቦላ ኣይሰ ሃኒዜ?» ገዲስ። ሃሳ ገሻሰ ጸሳ ኣይቻና ቢን።

23 ጎዳይ አዚሰ። «ኔ ኡሎን ናምኡ ካዎቲሊ ዳስ፤ ቃሴ ኔ ኡሎን ዲዛ ናምኡ ዳሬ ኣሳቲ አሰይ አሳፊ ሻኬታና፤ አሲ ዳሬ ኣሳይ ሃንኮይታ፤ ማናና፤ ቃሴ ባይራይ ካሎዛሰ ሃራታና» ገዲስ።

24 አዚሰ ዩሎ ዋዳይ ጋኪን አዛ 2 ኣቲማ ናይታ ሜንቲ ዩሳዲስ።

25 ኮይሮ ዩሎቲዳይሲ ኣሪሳ፤ አዛ ቦላይካ ወሪ አሰኪ ጸላ፤ ሃሳ ገሻሰ አሰቲ አዛ ኡሳዌ * ገ ሱንሳዲ።

26 ሃሳፊ ጉዩ። አዛ አሻይ ዩሎቲሽ ኡሳዌ ቶሆ ኦይኪ ዩሎቲዳስ፤ ሃሳ ገሻሰ አዛ ያቆቤ † ገ ሱንሳዲ። አርቢቃይ አሰታ ዩሎዳ ዋዳ፤ ዩሳቃሰ ላይላይ ኡሱፑን ታሙ ላይሊ ገዲዳስ።

27 ናይቲ ዲጨዳ፤ ኡሳዌይ ሻንካ ኤሪዛ ባዛ ኣሰ ገዲዳስ፤ ገደ ኣቲን ያቆቤይ ዲንካኔን ዲዛ ኣሻኪ ኣሰ ገዲዳስ።

28 ዩሳቂ ኡሳዌ ሲቂዳስ፤ ኣይሰ ገኮ አዚ ሻንካቲዳይሳፊ ማናሰ ደሲዳስ፤ ገደ ኣቲን አርቢቃይ ያቆቤ ሲቃዲስ።

29 አሲ ዋዳ ያቆቤይ ዋዳ ካሊሽን ኡሳዌ ጋፋይ ዋዲሽን። ባዛፊ ዩዳስ።

30 ኡሳዌይ ያቆቤ። «ታና ሃይሳ ዞኦ ዋዳዛ፤ ሚዛ፤ ታና ጋፋይ ዋዲስ» ገዲስ። (ሃሳ ገሻሰ ቃሴ አዛ ሱንሳዲ ኤዶሜ † ጌቲቲዳስ።)

31 ያቆቤይ አዛ። «ኮይሮ ታሰ ኔ ባይራቲላ ባይዛ» ገዲስ።

32 ሂሰቲን ኡሳዌይ። «ሂኮ! ታ ሃይቃና ጋይሰ ሃና ታ ባይራቲላያ ታና ኣይ ማዳኔ?» ገዲስ።

33 ያቆቤይ ዛሪዲ። «ኣኔ ታሰ ኮይሮ ኔይ ጫቃ» ገዲስ፤ ሂዘሽን አዚ ጫቂዳስ፤ ባ ባይራቲላካ ያቆቤሰ ባይዚዳስ።

34 ሃሳፊ ሲሚን ያቆቤይ ኡሳዌሰ ቡዳናኔ ሚሲራ ዋዳ አሚን አዚ ሚዳሲኔ ኡዩዳስ፤ ሃሳፊ ጉዩ ዳንዲዲ ቢዳስ፤ ኡሳዌይ ባ ባይራቲላ ካዲዳስ።

26

ዩሳቃኔ ኣቢሜሌኪ

1 ሃ ቢታን ካሴ ኣብራሃሜ ዋዳን ዲዛ ኮሻፔ ሃራ ኮሻይ ዳንዲዳስ፤ ሂሰቲን ዩሳቂ ፊሊሰዳሜ ካዎ ኣቢሜሌኪኮ ጌራሪ ቢዳስ።

2 ጎዳይ ዩሳቃሰ ቆንጨዲ። «ገብጾ ቢታ ዲጌ ቦፓ፤ ታኒ ኔሰ ዮቲዛ ቢታን ዳኣ።

3 ሃ ቢታን ጉላ ዋዳ ኡታሻ፤ ታኒ ኔናራ ገዳና፤ ኔና ኣንጃና፤ ኣይሰ ገኮ ሃይሳ ቢታ ኡባ ታኒ ኔሲኔ ኔ

ዜራሳሰ አሚና፤ ታኒ ኔ ኣዎ ኣብራሃሜሰ ጫቆ ጌሊዳ ኡፋይሳ ቃላ ሚንሳና።

4 ኔ ዜራላ ታኒ ሳሎ ጸለንቲ ማላ ዳርሳና፤ ሃይሳ ቢታ ኡባ ታ ኢሰታሰ አሚና፤ ቢታ ኣሳይ ኡባይ ኔ ዜራላ ባጋሪ ኣንጃታና።

5 ጋሶይካ ኣብራሃሜይ ታ ቃላ ሲዩዲ ኣዛዜቲዳስ፤ ታ አዛሰ ዮቲዳይሳ አዚ ኡባ ናገዳ ገሻሳ» ገዲስ።

6 ሃሳ ገሻሰ ዩሳቂ ጌራሪን ዳኢዳስ።

7 ሃ ቢታ ኣሳይ አርቢቃ ገሻሰ ዳንሳዲ ዩሳቃ። «ሃና ኔሰ ኣዜ?» ገ ኣይቸዳ።

አዚካ አርቢቃይ ኬሃ ማላ ሎኦ ገዲዳ ገሻሰ። «ታኒ አዛ ታ ማቸ ገኮ ሃ ኣሳይ አዚ ጌዶን ታና ዋዳናኮኔ» ገ ባቢዳ ገሻሰ። «ሃና ታሰ ሚቸ» ገዲስ።

8 ዩሳቂ ሃን ዳሮ ዋዳ ዲዳ፤ ጉዩ ፊሊሰዳሜ ካዎ ኣቢሜሌኪይ ማሰኮቲራ ዲጌ ዳሊዲ ዩሳቂ ባ ማቸ አርቢቃራ ኢዲሜቲሽ ካኢሽን * ቤኢዳስ።

9 ሃሳ ገሻሰ ኣቢሜሌኪይ ዩሳቃ ዳይገሲዲ። «ሂኮ አዛ ኔሰ ማቸ! ኔኒ ኣይሰ አዛ ታ ሚቸ ጋዲ?» ገ ኦይቸዳስ።

አዚካ። «አዛ ታ ማቸ ገኮ አዚ ጋሶን ኣሳይ ታና ዋዳና ጋዳ ባቢዳ ገሻሰ ጋዲስ» ገዲስ።

10 ሂሰቲን ኣቢሜሌኪይ። «ሃይሲ ኔኒ ኦ ቦላ ኦሊዳይሲ ኣዜ? ታ ኣሳፔ አሲ ኣሲ ኔ ማቸይራ ኣቂዳኮ ኦ ቦላ ጎሜ ኤሃሽ ኣጋዳሳ» ገዲስ።

11 ሃሳ ገሻሰ ኣቢሜሌኪይ ባ ኣሳ ኡባ። «ሃ ኣዳዛ ዋይኮ አዛ ማቸ ቦቸዛይ ኦኒካ ቱሙ ሃይቆ» ገ ኣዛዚዳስ።

12 ዩሳቂ ሃ ቢታን ካላ ዜሪን ጎዳይ አዛ ኣንጂዳ ገሻሰ ሃ ላይላን ጾቱ ኩሽ ሽሽዳስ።

13 አዛሰ ኣቆታይ ዳሪ ዳሪ ቢዳ ገሻሰ ኬሃ ዲራቲዳስ።

14 ዩሳቃሰ ደርሲ። ሚዛ ወዳይኔ ኣይሌቲ ኬሃ ዳሪዳ ገሻሰ ፊሊሰዳሜ ኣሳይ አዛ ሚቃይኒዳስ።

15 ሃሳ ገሻሰ አዛ ኣዎ ኣብራሃሜ ዋዳን አዛ ኣዎ ኣይሌቲ ቦኪዳ ሃላ ኦላ ኡባ ፊሊሰዳሜ ኣሳይ ቢታ ዛሪዲ ኩንሳዲዳስ።

16 ሃ ዋዳ ኣቢሜሌኪይ ዩሳቃ። «ኦፔ ሻኬታዳ ባ፤ ኔኒ ኦፔ ኣዳ ሚናዳሳ» ገዲስ።

17 ሂዘሽን ዩሳቂ ሃፔ ዳንዲዲ ጌራሪ ሾባ ቢዲ ዲንካኔ ቶኪዲ ሃን ዳኢዳስ።

18 ኣብራሃሜይ ፓጻ ዲሽ ቦኪሲዳ ሃላ ኦላታ ኣብራሃሜይ ሃይቂዳ፤ ጉዩ ፊሊሰዳሜ ኣሳይ ቱጨዳ ሃላ ኦላታ ዩሳቂ ቃሴካ ቦካና ማላ ኦሊዲ ካሴ አዛ ኣዎይ ሱንሳዲ ሱንሳን ዳይገዳስ።

19 ዩሳቃ ኣይሌቲ ሾባን ሃላ ኦላ ቦኪሽ ቦኪዛ ኦላፊ ፑልቲዛ ሃላ ዳሚዳ።

20 ገደ ኣቲን ጌራሪን ሜህ ሃሚዛይቲ ዩሳቃ ሜህ ሃሚዛይታራ። «ሃላይ ኦይሳ» ገ ኦዩቲዳ። አሰቲ አዛራ ፓላሚቲዳ ገሻሰ ዩሳቂ ሃ ሃላ ኦላ። «ኤሴቁ» † ገ ሱንሳዲዳስ።

25:23 እር 9:12 * 25:25 ኡሳዌ፡ ኡሳዌ ጉሲ ኣብራዌታ ቃላራ። «አሰካማ» ጉሳ። † 25:26 ያቆቤ፡ ያቆቤ ጉሲ ኣብራዌታ ቃላራ። «ቂርጶ ኦይከዛይሳ» ጉሳ። ‡ 25:30 ኤዶሜ፡ ኤዶሜ ጉሲ ኣብራዌታ ቃላራ። «ዞኦ» ጉሳ። 25:33 ኢብ 12:16 26:4 ሜጴ 22:16-18 26:7 ሜጴ 12:13 * 26:8 ኢዲሜቲሽ ካኢሽን፡ ቃቃቲሽ ካኢሽን ገዛይሰ አዚራ ጋይታናሰ ዚቲዛይሳ ቤሰሰ። † 26:20 ኤሴቁ፡ ኤሴቁ ጉሲ ኣብራዌታ ቃላራ። «ፓላማ» ጉሳ። ‡ 26:21 ሲጸና፡ ሲጸና ጉሲ ኣብራዌታ ቃላራ። «ሞርኪቲላ» ጉሳ።

21 ሃሳፌ ጉዬ ኢስቲ ሃራ ሃላ ኦላካ ቦኪዳ፤ ጊዶ ኣቲን ኢስቲ ሃ ሃላ ኦላ ጌደንካ ኦዩቲዳ፤ ሃሳ ገሻሽ ኢዚ ሃ ሃላ ኦላ። «ሲጸና»፤ ገ ሱንሊዳ።

22 ሃሳፌ ጉላ ሃራሱ ኣጂ ሃራ ሃላ ኦላ ቦኪሲዳ፤ ኢዛ ጋሶን ኦኒካ ኦዩቲቤና፤ «ጸሲ ሃኢ ኩስ ኣሲዳ፤ ኩኒ ሃ ቢታን ዳራና» ጊዶ ኢዛ። «ኦርቦቴ»፤ ገ ሱንሊዳ።

23 ሃሳፌ ጉዬ ዩሳቂ ፑዴ ቤርሳቤሄ ጌቴቲዛሶ ኩዚዳ።

24 ሃ ቢዳ ጋላስ ቃማራ ጎዳይ ኢዛስ ቆንጨዲ። «ታኒ ኔ ኣዋ ኣብራሃሚ ጸሳ፤ ታኒ ኔናራ ዲዛ ገሻሽ ባቦ፤ ታኒ ኔና ኣንጃና፤ ታ ኣይሌ ኣብራሃሚ ገሻሽ ኔ ዜሬላ ታ ዳርሳና» ጊዳ።

25 ዩሳቂ ሃን ያርሺዛሶ ኩጸዲ ጎዳ ሱንላ ጸይገዳ፤ ሃን ኢዚ ባ ዲንካኔዛ ቶኪዳ፤ ቃሴ ሃን ኢዛ ኣይሌቲ ሃላ ኦላ ቦኪዳ።

26 ሃሳፌ ጉዬ ኣብሚሌኬይ ባና ዘሪዛ ኣሁዛታኔ ባ ዋታዳራታ ሃላ ቃ ፒሶሌ ኤኪዲ ጌራሬፕ ዩሳቃኮ ዩዳ።

27 ዩሳቂ ኢስታስ። «ኣንቲ ካሴ ታና ኢጸዲ ኣንቲ ቢታፌ ኩሲ ዩዲዲ ሃኢ ቃሴ ታኮ ኣይ ኤካና ዩዳቲ?» ጊዳ።

28 ኢስቲ ኢዛ። «ጎዳይ ኔናራ ዲዛይሳ ቱሙ ኩኒ ቆንጨን ቤኢዳ፤ ሃሳ ገሻሽ ኩሲ ኔስ ጊደን ጫቆ ቃላይ ዳኣና ኮሺሰ ጎሰ።

29 ጊዶ ኣቲን ኩኒ ኔስ ኪያቴላ ጸላ ኦላዲ ኔና ሳርቴላን ሞይዚደስ፤ ሃሳባካ ኔኒ ኩ ቦላ ኢታ ሚሽ ኦላንታ ማላ ኣኔ ኔናራ ጫቆ ጫቆቶስ፤ ሃኢ ኔና ጎዳይ ኣንጂዳይሲ ቆንጨዳ።» ጊዳ።

30 ሃ ዋዴ ዩሳቂ ኢስታስ ገቢራ ገግሲን ሚዳኔ ኦዩዳ።

31 ዋንቴላ ጋላስ ማላዶ ዋንታራ ዳንዲዲ ኢስቲ ኢሳይ ኣሳራ ጫቆቲዳ። ዩሳቂ ኢስታ ሞይዚን ኢስቲ ኢዛ፤ ሳርን ሻኬቲዲ ቢዳ።

32 ሃ ጋላስ ዩሳቂ ኣይሌቲ ዩዲ ባ ቦኪዳ ሃላ ኦላ ገሻሽ። «ኩኒ ሃላ ዳሚደስ» ገ ኢዛስ ዮቲዳ።

33 ኢዚ ሃ ሃላ ኦላ። «ሳቤሄ»* ገ ሱንሊዳ፤ ሃሳ ገሻሽ ሃ ካታማ ሱንሊ ሃቶ ጋካናሰ ቤርሳቤሄ † ጌቴቲስ።

ኤሳቂይ ኤኪዳ ዳወላ ማቸታ

34 ኤሳቂ ላይሌ 40 ጊዲዳ ዋዴ ቢኤሬ ና ዮዲቶኔ ኤሎኔ ና ባሴማቶ ማቸ ኤኪዳ፤ ኢስቲ ናምኣይካ ሂቴ ቢታ ኣሳ።

35 ኢስቲካ ዩሳቂ ኢርቢቃ ሚሺሲሺ ዳኢዳ።

27

ያቆቤ ኣንጃቴላ

1 ዩሳቂ ጨሚን ኢዛ ኣይፌይ ጸሎ ኢጸዲ ዋዴ ባሰ ባይራ ናዛ ኤሳቂ ጸይገዲ ኢዛ። «ታ ናዘ!» ጊዳ።

2 ሂስቲን ኢዛ። «ዩ!» ገ ኮዩዳ።

3 ኢዚካ። «ቤያ! ሃኢ ታኒ ጨሚዲ፤ ታኒ ኣይዳ ሃይቃናኮኔ ታ ሃይቃና ጋላስ ኤሪኬ።

4 ሃሳ ገሻሽ ሃኢ ኔ ኢዛራ ሻንካቲዛ ቶራ ኤካዳ ባዘ ባዳ ዶኣ ሻንካታዳ ታስ ኣሾ ኤካዳ ያ።

4 ታ ዶሲዛ ማልኦ ቁማ ካላዳ ታስ ኣላ፤ ሄሲካ ታኒ ሃይቃና፤ ካሴ ኔና ኣንጃና» ጊዳ።

5 ኢርቢቃይ ዩሳቂ ባ ና ኤሳቂሰ ዮቲዛይሳ ሃ ዋዴ ሲያዲስ፤ ኤሳቂይ ዶኣ ሻንካቲዲ ኤሃናሰ ባዘ ቢን።

6 ኢርቢቃይ ባ ናዛ ያቆቤ። «ኔ ኣዋይ ኔ ኣሻ ኤሳቂ።

7 «ዶኣ ሻንካታ ኤሃዳ ታ ማና ማላ ታስ ማልኦ ቁማ ካላ፤ ሂስቲኮ ታ ሃይቆንታ ዳሼ ጎዳ ሲንላን ኔና ኣንጃና» ገሺን ታኒ ሲያዲስ።

8 ታ ናዘ! ሃኢ ታኒ ኔና ኣዛዚዛይሳ ሎኤላዳ ሲያ።

9 ወዴዛ ጋርሰ ባዳ ናምኡ ኣንቃራ ዳይሻ ላቃታ ታስ ኤካዳ ያ፤ ኔ ኤሂኮ ታኒ ኔ ኣዋሰ ማልኦ ቁማ ኢዚ ዶሲዛ ማላ ካላና።

10 ኔ ኣዋይ ሃይቆንታ ዲሼ ሚዲ ኔና ኣንጃና ማላ ኤሃዳ ሚዛ» ጋዲስ።

11 ጊዶ ኣቲን ያቆቤይ ባ ኣዮ ኢርቢቃስ። «ታ ኣሻ ኤሳቂ ቦላን ኢስኬይ ዳስ፤ ጊዶ ኣቲን ታ ቦላይ ሊቆ።

12 ታ ኣዋይ ታና ኦይኪ ቤይኮቹ? ታኒ ኢዛ ጨሚዛ ኢዛስ ሚሳቲኮ ታኒ ኣንጃ ኣጋዳ ቃንጌላ ታ ቦላ ኤሃናኮ» ጊዳ።

13 ኢዛ ኣይያ ኢዛ። «ታ ናዘ! ሃ ቃንጌላይ ታና ጋኮ። ታኒ ኔስ ዮቲዛይሳ ኔ ኦላ፤ ባዳ ዳይሻ ላቃታ ታስ ኤካ ያ» ጋዲስ።

14 ኢዚ ኤሂዲ ባ ኣይይሰ ኣሚን ኣይያ ማልኦ ቁማ ኢዛ ኣዋይ ዶሲዳ ማላ ማልኤላ ካላዳ።

15 ሃሳፌ ጉዬ ኢርቢቃይ ሶን ባ ኣቻን ዲዛ ባ ባይራ ና ኤሳቂ ሎኦ ማይኦ ኤሃዳ ካሎ ናዛ ያቆቤ ማይዛዲስ።

16 ቃሴ ሃ ዳይሻታ ኢቲ ኢዛ ኩሺኔ ኢዛ ቆዴን ማይዛዲስ።

17 ሂስታዳ ባ ካላዳ ማልኦ ቁማኔ ኡኩላ ባ ና ያቆቤ ኩሺን ዋላዲስ።

18 ሂስቲን ኢዚ ባ ኣዋኮ ቢ ጌሊዲ። «ታ ኣዋወ!» ጊዳ።

ኢዚካ። «ዩ! ታ ናዘ! ኔኒ ኦኔ?» ጊዳ።

19 ያቆቤይ ባ ኣዋሰ። «ታኒ ኔ ባይራ ና ኤሳቂ፤ ኔኒ ታና ኣዛዚዳ ማላ ታኒ ኦላዲስ፤ ሱራዳ። ታኒ ሻንካታ ኤሂዳይሳ ማ፤ ሂስታዳ ታና ኣንጃ» ጊዳ።

20 ዩሳቂ ያቆቤ። «ታ ናዘ! ዋሰታ ኤሶን ዳማዲ?» ገ ኦይቹዳ።

ኢዚካ። «ጎዳይ ኔ ጸሲ ታና ማዲና» ጊዳ።

21 ዩሳቂ ያቆቤ። «ታ ናዘ! ኔኒ ቱሙ ታ ና ኤሳቂኮኔ ታኒ ኔና ኦይካ ቤኣናሰ ኣኔ ታኮ ሃ ሺቃ» ጊዳ።

22 ያቆቤይ ባ ኣዋ ዩሳቃኮ ሺቂን ኦይኪ ቤኢዲ። «ሃይሲ ቃላይ ያቆቤ ቃላ ሺን ኩሺይ ኤሳቂ ኩሺ» ጊዳ።

23 ኢዛ ኩሺይ ኢዛ ኣሻ ኤሳቂ ኩሺሶ ኢስኬራ ዲዛ ገሻሽ ኤርንታ ኢዛ ኣንጂዳ።

24 ኢዛ። «ቱሙ ኔኒ ታ ና ኤሳቂ?» ገ ኦይቹዳ።

ኢዚካ። «ኤ ታናኮ!» ጊዳ።

25 ኢዚካ። «ታ ናዘ! ታኒ ኔኒ ሻንካቲዳይሳ ማናሰ ሃ ኣላ፤ ማዳ ታኒ ኔና ኣንጃና» ጊዳ። ያቆቤይ ኣላን ኢዚ ሚዳስ፤ ዋይኔ ኡሻካ ኤሂን ኡዩዳ።

26 ሃሳፌ ጉዬ ኢዛ ኣዋ ዩሳቂ። «ታ ናዘ! ሃ ሺቃዳ ታና ዩራ» ጊዳ።

§ 26:22 ኦርቦቴ፡ ኦርቦቴ ጉሲ ኣብራቂታ ቃላራ፡ «ኣሆሶ» ጉሳ።
 † 26:33 ቤርሳቤሄ፡ ቤርሳቤሄ ጉሲ ጫቆ ሃላ ኦላ ጉሳ።

26:26 ሜጴ 21:22 * 26:33 ሳቤሄ፡ ሳቤሄ ጉሲ ጫቆ ጉሳ።

27 ያቆቤይ ሸቂዲ ኢዛ ዩሪዳስ፤ ዩሳቂ ኢዛ ማይኦ ሲንገ ሲዩዲ። «ታ ናዛ ፔሮይ ጎዳይ ኣንጂዲ ጎሻ ማላ ሳቂስ።

28 ጸሲ ሳሎ ኢራኔ ሳኣ ኣንጅ። ካሌኔ ኦራላ ዋይኔ ኡሹ ፓላሂሲዲ ነስ ኢሞ።

29 ካዋቴላቲ ነስ ሃሪቴቶ፤ ኣሲ ዉሪ ነስ ጉልባቶ፤ ኔኒ ኔ ኢሻታስ ጎዳ ጊዳ፤ ኔ ኣዩይ ዜሬላ ነስ ጉልባቶ፤ ኔና ቃንገዛይ ቃንገቴዳዝ ጊዳ፤ ኔና ኣንጂዛይ ኣንጅቲዳይሳ ጊዳ» ጊዳስ።

30 ዩሳቂ ያቆቤ ኣንጂ ዉርሲዳፔ ጉዬ ያቆቤይ ባ ኣዋ ዩሳቃ ሲንጎሬ ኬዚዳ ማላ ኤሳቂይ ሻንካሬ ፑቱ ጊዳስ።

31 ኢዛካ ቃሴ ማልኦ ቁማ ካሊዲ ባ ኣዋስ ኣሊዳስ፤ ኣሊዲ ኢዛ። «ታ ኣዋዉ! ሱራዳ ሃይሳ ታኒ ሻንካቲዳይሳሬ ማ፤ ሂስታዳ ታና ኣንጅ» ጊዳስ።

32 ሂስቲን ኣዋይ ዩሳቂ ኢዛ። «ኔ ኦኔ?» ጊ ኦይቹዳስ። ኢዚ። «ታኒ ነስ ባይራ ናዛ ኤሳቂ» ጊዳስ።

33 ዩሳቂ ዳጋሚዲ ኮኮሪሹ። «ሂስቲን ዶኣ ሻንካቲዳይሳ ኤኪዲ ታስ ኣሊዳይ ኦኔ? ታኒ ሃኢ ኔኒ ያናፔ ሲንጎሬ ማዳ ኢዛ ኣንጅዲስ፤ ቱሙካ ኢዚ ኣንጅቲዳይሳ ጊዳና» ጊዳስ።

34 ኤሳቂይ ባ ኣዋ ቃላ ሲዩዲ ማላ ባ ቃላ ቶቁ ሂስታዲ ዳሮ ጫሞ ዬሆ ዩኪዲ ባ ኣዋ። «ታና ኣንጅ፤ ታ ኣዋዉ ታናካ ኣንጅ!» ጊዳስ።

35 ጊዳ ኣቲን ኢዚ። «ኔ ኢሻይ ዩዲ ታና ጨሚዲ ኔ ኣንጅ ኤኪቹዳስ» ጊዳስ።

36 ኤሳቂይ። «ኢዛ ኤሪዲ ያቆቤ * ጊ ሱንጎዲዳስ፤ ኢዚ ታና ጨሚሽን ሃይሲ ናሞኣን፤ ኢዚ ታ ባይራቲላ ኤኪዳስ፤ ቃሴ ሃኢካ ታ ኣንጅ ኤኪዳስ» ጊዳስ፤ ቃሴ ዛሪዲ ባ ኣዋ። «ኔኒ ታስ ኣንጅሬ ኣይኮካ ኣሻቤኪ?» ጊ ኦይቹዳስ።

37 ዩሳቂ ኤሳቂይ። «ታኒ ኢዛ ኔ ቦላ ጎዳታና ማላ። ኢዛ ኢሻቲ ኢዛስ ኦላና ማላ። ካሌኔ ዋይኔ ኡሹ ፓላሃና ማላ ኣንጅዲስ፤ ሂስቲን ታ ናዛ ታ ነስ ሃኢ ኣይ ኦላና ዳንዳያዘና?» ጊዳስ።

38 ኤሳቂይ ባ ኣዋ። «ታ ኣዋዉ ነስ ዲዛይ ኢሲ ኣንጅ ጸላ? ታ ኣዋዉ! ታናካ ኣንጅርኪ!» ጊዳስ። ሂሳሬ ጉዬ ኤሳቂይ ባ ቃላ ቶቁ ሂስቲዲ ዩኪዳስ።

39 ኢዛ ኣዋ ዩሳቂ ዛሪዲ። «ኔ ዲዛሶይ ሃ ሳኣ ዲሬቲላሬ ሃካና፤ ሳሎ ኢራይካ ነስ ቡኬና።

40 ኔኒ ኔ ጊላ ማሻን ኣቃና፤ ኔኒ ኔ ኢሻስ ሃሪታና፤ ጊዳ ኣቲን ኔኒ ኢዛራ ኤቁቲኮ ኢዛ ቃሞባራ ኔ ሞርጌሬ ዲጋና» ጊዳስ።

41 ኣዋይ ያቆቤ ኣንጂዲ ጊሻስ ኤሳቂይ ያቆቤ ኬሂ ኢዲዳስ፤ ኢዚ ባ ዋዚራ። «ታ ኣዋይ ሃይቃና ማቲዳስ፤ ኢዚ ሃይቁዳ ማላ ታ ኢሻ ያቆቤ ታ ዋቆና» ጊዳስ።

ያቆቤ ቤቴላ

42 ጊዳቲን ኢርቢቃይ ሃይሳ ባ ባይራ ናዛ ኤሳቂ ቃላ ሲዩዲ ጊሻስ ባ ካሎ ና ያቆቤ ጸይጊሳ ኤሃዳ። «ኔ ኢሻይ ኤሳቂይ ኔና ዋቂዲ ሃሎ ኬሳናስ ኮዩስ።

43 ሃኢካ ታ ናዛ። ታኒ ነስ ዮቲዛይሳ ኦላ። ዳንዳ! ዳንዳዳ ካራኔን ዲዛ ታ ኢሻ ላባኮ ባቃታ!

44 ሂስታዳ ኔ ኢሻ ሃንቆይ ዶቻና ጋካናስ ኢማላቴላን ኢዛራ ዳሻ።

45 ኔ ኢሻይ ነስ ሃንቁቲዛይሳ ኢዚ ኣገዛ ዋዴኔ ኔ ኢዛ ቦላ ኦሊዳይሳ ኢዚ ባሊዛ ዋዴ ታኒ ኪታዳ ኔና ሃፔ ኤሂሳና፤ ታኒ ኢሲ ጋላስ ኢንቴሬ ናሞኣታፔ ማላ ኣታና ማላ ኮይኬ» ጊዳስ።

46 ሃሳሬ ጉዬ ኢርቢቃይ ዩሳቃ። «ኤሳቂይ ኤኪዳ ሂቲታ ማጫ ናይታ ጌዳን ዱሳይ ታና ኢቲስ፤ ቃሴ ያቆቤይካ ሃይታ ማላ ሂቲታ ማጫ ናይታፔ ማቾ ኤኪኮ ታኒ ሄኮ ሃይቃናስ ኮይይሰ» ጊዳስ።

28

1 ሃሳ ጊሻስ ዩሳቂ ያቆቤ ጸይጊዲ። «ካናኔ ኣሳ ማጫ ናይታፔ ነስ ማቾ ኤኮፋ።

2 ዳንዳዳ ኔ ኣዩይ ኣዋ ባቱኤሌኮ። ሜሰጴጶሚያ ቢታ ባዳ ሃፔ ኔ ኣዩይ ኢሻ ላባ ማጫ ናይታፔ ኢሲኒዮ ነስ ማቾ ኤካ።

3 ኡባ ዳንዳይዛ ጸሲ ኔና ኣንጅ፤ ኢዚ ነስ ዳሮ ናይታ ኢሞ፤ ኔና ዳሮ ዳሪዳስ ኣዋ ሂስቶ።

4 ኣብራሃሚ ኣንጂዲ ማላ ኔና ኔ ዜሬላ ጸሲ ኣንጅ፤ ሃይሳ ኣብራሃሚይ ኢሚዳ ቢታኔ ኔካ ኢማላቴላን ዳኢዳ ቢታ ነስ ኢሞ» ኣዛዚዳስ።

5 ሂስቲን ዩሳቂ ያቆቤ ዩዲን ያቆቤይ ሜሰጴጶሚያ ቢታ ላባኮ ቢዳስ። ላባይ ያቆቤኔ ኤሳቂ ዩሊዳ ኢርቢቃስ ኢሻኔ ኣራሜ ቢታ ኣስ ባቱኤሌ ና።

ኤሳቂይ ኤኪዳ ሃራ ማቹዮ

6 ዩሳቂ ያቆቤ ኣንጂዳይሳ ሃፔ ማቾ ኤካናስ ሜሰጴጶሚያ ቢታ ኢዛ ዩዲዳይሳ ቃሴካ ኢዚ ያቆቤ ኣንጂዲ ዋዴ። «ካናኔ ማጫስ ኤኮፋ» ጊ ኣዛዚዳይሳ ሲዩዳስ፤

7 ያቆቤይካ ባ ኣዋሲኔ ባ ኣዩይሰ ኣዛዜቲዲ ሜሰጴጶሚያ ቢታ ቢዳይሳ ኤሳቂይ ኤሪዳስ።

8 ኤሳቂይ ኢዛ ኣዋ ዩሳቃይ ካናኔ ማጫ ናይታ ኣይ ማላ ኢዲዛኮኔ ሃሳን ኤሪዳስ።

9 ሃሳ ጊሻስ ኤሳቂይ ኣብራሃሚ ና ኢሰማኤሌኮ ቢዲ ኢዛ ናዮ ማሂላቶ ባ ማቹይ ቦላ ጉጂ ኤኪዳስ። ኢዛካ ኔባዮቲ ሚቾ።

ያቆቤ ኣጉሞ

10 ያቆቤይ ቤርሳቤሃፔ ካራኔ ባናስ ዳንዲዳስ።

11 ኢዚ ኢሲ ሶ ጋኪሽን ኣርሼይ ዉሊን ሂን ኣቁዳስ፤ ሂ ሶን ዲዛ ሹቻታፔ ኢሲ ሹቾ ኤኪ ቦርኮቲዲ ሂን ቂስኪዳስ።

12 ኣጉሞዛን ቢታን ኤቁዲ ጸራይ ፑዳ ሳሎ ጋኪዛ ያንጋሪ ቤኢዳስ፤ ያንጋሪዛ ቦላ ጸሳ ኪታንቻቲ ዲጌ ዋቂሽኒኔ ፑዳ ኬዚሽን ቤኢዳስ።

13 ያንጋሪዛስ ቦላ ጸራን ጎዳይ ኤቁዲ ኢዛ። «ታኒ ጎዳ ኔ ኣዋ ኣብራሃሚ ጸሳ። ዩሳቃ ጸሳ። ሃ ኔ ኢቹዳ ቢታ ታ ኔሲኔ ኔ ዜሬላስ ኢማና።

27:27 ኢብ 11:20 27:29 ጫጫ 12:3 * 27:36 ያቆቤ፡ ያቆቤ ጉሲ ኢብራዊታ ቃላራ። «ጨሚዳስ ዋይኮ ባሌዲዳስ» ጉሳ። 27:36 ጫጫ 25:29-34 27:38 ኢብ 12:17 27:39 ኢብ 11:20 27:40 ጫጫ 36:8፤ 2ካዋ 8:20 28:4 ጫጫ 17:4-8 28:12 ዮሃ 1:51 28:13 ጫጫ 13:14-15

14 ኔ ዜሬላይ ቢታ ኣጩ ማላ ዳራና፤ ኢስቲካ ኦይዲ ባጋ ጋካና፤ ቢታ ቦላን ዲዛ ኣሲ ዉሪ ኔ ባጋራ ኔ ዜሬላ ባጋራ ኣንጃታና።

15 ታኒ ኔናራ ዳይሰ፤ ኔኒ ቢዛሶ ኡባን ታኒ ኔና ናጋና፤ ቃሴ ታኒ ኔና ሃ ቢታ ጉዬ ዛራዳ ኤሃና፤ ታኒ ኔሰ ኦላና ገዲይሳ ኦላና፤ ኔናካ ዬገኬ» ገደሰ።

16 ያቆቤይ ጳሰኮሬ ቤጊዲ፡ «ታኒ ኤራቤኬሬ ኣቲን ጎዳይ ቱሙ ሃይሳን ደሰ» ገደሰ።

17 ኢዚ ባቢዲ፡ «ሃይሲ ኣይ ማላ ባቢሲዛሶ! ሃይሲ ጸሳ ኬላሬ ኣቲን ሃራሶ ዳና፤ ሃይሲ ሳሎ ፔንገ» ገደሰ።

18 ያቆቤይ ዋንቴላ ጋላሰ ማላዶ ዋንታራ ዳንዲዲ ባ ቦርኮተዳ ሹቻ ኤኪዲ ቱሳ ማላ ኤሲዲ ጸሳሰ ዳማሳናሰ ኢዛ ቦላ ዛይቲ ጉሲደሰ።

19 ያቆቤይ ሄ ሶሆዛ ቤቴሌ * ገ ሱንሊደሰ፤ ሄ ካታማያ ሃሳሬ ካሴ ሎዛ ጌቲታዉሰ።

20-21 ያቆቤይ፡ «ኔ ታናራ ገዳዳ ታ ቢዛ ኦገን ኔ ታና ናገኮ ታሰ ሚዛ ቁማኔ ማይኦ ኔ ኢሚኮ ታ ኣዋ ሶ ሳሮን ኔ ታና ዛሪኮ ኔኒ ጎዳይ ታ ጸሳ ገዳና።

22 ታኒ ቱሳ ማላ ኤሲዳ ሃ ሹቻይ ጸሳ ኬላ ገዳና፤ ኔኒ ታሰ ኢሚዛ ኡባሬ ታማሬ ኢሲ ኩሹ ታኒ ኔሰ ኢማና» ገ ኣዲኔተደሰ።

29

ያቆቤይ ላባ ሶን

1 ሃሳሬ ጉዬ ያቆቤይ ዳንዲ ቢዲ ኣርሼይ ሞኪዛ ባጋራ ዲዛ ኣሳታ ዳሪ ጋኪደሰ።

2 ሂሰቲዲ ኢሲ ዳምባን ሃላ ኦላይ ዲዛይሳ ቤኢደሰ፤ ሄቩ ጩጋ ደርሲ ቃሴ ሄ ሃላ ኦላ ኣቻን ኢቸደሰ፤ ኣይሰ ገኮ ዉዳይ ዉሪ ሃላ ኡዩዛይ ሄ ኦላዛ፤ ሄ ሃላ ኦላ ደና ቱቻ ሹቻይካ ገታ።

3 ደርሳ ዉዳይ ዉሪ ሃን ሺቁዳ ዋዳ ዉዳዛ ሄሚዛይቲ ሃላ ኦላ ደና፤ ሄ ሹቻ ገንዳሪሲዲ ደርሳ ኡሹቲሰ። ኡሹዲ ሄ ሹቻ ሃላ ኦላን ዛሪዲ ቱጩቲሰ።

4 ያቆቤይ ኢሰታሰ፡ «ሃይቶ! ኢንቲ ኣዋፔ ዩዳቲ?» ገ ኦይቸደሰ።

ኢሰቲካ፡ «ኔኒ ካራኔፔ ዩደሰ» ገ ዮቲን።

5 ኢዚ፡ «ናኮሪሰ ናዛ ና ላባ ኤሪቲ?» ገደሰ።

ኢሰቲካ፡ «ኤ፡ ኢዛ ኑ ኤርሰ» ገደሰ።

6 ያቆቤይ ኢሰታሰ፡ «ኢዚ ሎኦ ዲዜ?» ገ ኦይቸን፡ «ኤ፡ ሎኦኮ፤ ኢዛ ና ኤራሄሎ ደርሰ ኤካ ዩዛር ሃኖ ቤያ» ገደሰ።

7 ሂሰቲን ያቆቤይ ኢሰታሰ፡ «ቤኢቲ! ኣርሼይ ሃኢ ጳቃን ደሰ፤ ማሄ ሶ ሺሺዛ ዋዳይ ቡር ጋኪቤና፤ ደርሳታ ሃላ ኡሹዲ ኤሬ ሄሚሺቲ» ገደሰ።

8 ገደ ኣቲን ኢሰታሰ፡ «ማሄይ ዉሪ ሺቃና ጋካናሰ፤ ሹቻ ሃላ ኦላዛ ደና፤ ገንዳሪሳን ጋካናሰ ኔኒ ኡሻናሰ ዳንዳዮኮ፤ ሃሳሬ ጉዬ ኔኒ ማሃ ኡሻና» ገደሰ።

9 ኢዚ ቡር ሃሳያን ዲሺን ደርሳታ ሄሚዛይ ኢዛ ገዲዳ ገሻሰ ላባ ናያ ኤራሄላ ባ ኣዋ ደርሳታ ላጋ ኤካዳ ጋካ ዋዳዲሰ።

10 ያቆቤይ ባ ኣዬይ ኢሻ ላባ ና ኤራሄላ ደርሳታ ቤኢዳ ዋዳ ቢዲ ኦላ ደና፤ ሹቻ ገንዳሪሲዲ ባ ኣዬይ ኢሻ ደርሳታ ሃላ ኡሹደሰ።

* 28:19 ቤቴሌ፡ ቤቴሌ ጉሲ ኢብራዊታ ቃላራ፡ «ጸሳ ኬላ» ጉሳ። ማቶ ቤኢደሰ» ጉሳ።

11 ያቆቤይ ኤራሄሎ ዩሪዲ ኡፋይሳሬ ዳንዲዳይሳን ባ ቃላ ቶቂሲዲ ዩኪደሰ።

12 ያቆቤይ ኢዚሰ ኣዋ ዳቦኔ ኢርቢቃ ና ገዲዳይሳ ኤራሄሊሰ ዮቲን ኢዛ ዋጻ ባዳ ባ ኣዋሰ ዮታደሰ።

13 ላባይ ባ ሚቹይ ና ያቆቤ ዋሪ ሲዩዳ ማላ ኢዛራ ጋጋናሰ ዋጺደሰ፤ ዋጺ ጋኪዲ ኢዛ ኢዲሚ ዩሪ ኤኪዲ ባ ሶ ኤሬደሰ፤ ሄን ያቆቤይ ባ ሃኒዳይሳ ኡባ ላባሰ ዮቲደሰ።

14 ላባይ ኢዛ፡ «ኔኒ ቱሙ ታ ኣሾኔ ታ ሱላ» ገደሰ። ያቆቤይ ኢዛራ ኢሲ ኣገና ኩማላ ኡቲደሰ።

ያቆቤ ኡኔቴላ

15 ሃሳሬ ጉዬ ላባይ ኢዛ፡ «ኔኒ ታሰ ዳቦ ገዲዳ ገሻሰ ታሰ ጩ ማላ ኦላኔ? ኣኔ ኔሰ ኣይ ቃንጻናሰ ቤሲዛኮ ታሰ ዮታ» ገደሰ።

16 ላባሰ ናምኡ ማጫ ናይቲ ዳይሰ፤ ባይራይ ሱንሊ ሊያ፡ ካሎያ ኤራሄሎ።

17 ሊያ ኣይሬይ ሹላ፤ ኤራሄላ ኣይሬይ ገዲኮ ሎኦ።

18 ያቆቤይ ኤራሄሎ ሲቁዳ ገሻሰ፡ «ታኒ ኔሰ ካሎ ናዮ ኤራሄላ ገሻሰ ኔሰ ላቸን ላይላ ኦላና» ገደሰ።

19 ላባይ፡ «ኢዛ ሃራ ኣሳሰ ኢማና፤ ኔሰ ኢሚዛይሲ ሎኦ፤ ኔኒ ታናራ ሃይሳን ደያ» ገደሰ።

20 ሃሳ ገሻሰ ያቆቤይ ኤራሄሎ ኤካናሰ ላቸን ላይላ ኦላደሰ፤ ገደ ኣቲን ኢዚ ኢዞ ሲቁዛ ገሻሰ ኢዛሰ ዋዳዚ ኬሂ ቃንላ ሚሳቲደሰ።

21 ሃሳሬ ጉዬ ያቆቤይ ላባ፡ «ታ ማቾ ታሰ ኢማ፤ ታ ዋዳይ ዉሪደሰ፤ ታኒ ኢዞ ኤካና ኮያይሰ» ገደሰ።

22 ሃሳ ገሻሰ ላባይ ሄን ዲዛ ኡባ ኣሳ ጳይገ ሺሺዲ፡ ቡላቻ ኬሲደሰ።

23 ገደ ኣቲን ጋዳይ ቃሚን ኢዚ ባ ና ሊያ ኤሬዲ ያቆቤሰ ኢሚደሰ፤ ያቆቤይካ ኢዞ ኤኪደሰ።

24 ቃሴ ላባይ ባ ኣይሌዮ ዚልፎ ባ ና ሊያሰ ኣይሌ ገደና ማላ ኢሚደሰ።

25 ጋዳይ ዋንቲን ጳሊዞ ዋዳ ሄኮ ሊያ ገደዲሰ! ሂሰቲን ያቆቤይ ላባ፡ «ሃይሲ ኔኒ ታ ቦላ ኦላዲይሲ ኣዜ? ታኒ ኔሰ ኦላዲይ ኤራሄላ ገሻሰ ዳኔ? ታና ኣይሰ ጩማዲ?» ገደሰ።

26 ላባይ ኢዛ፡ «ኑ ቢታን ባይራያ ዲሺን ካሎዮ ኣዚናሰ ኢሚዛይሲ ዋጋ ደና።

27 ሄ ሚሺራቴላ ሳሚንታ ኡባ ዉርሳ፤ ቃሴ ካሎቲዛርካ ኔኒ ኔሰ ኢማና፤ ሃሳሬ ጉዬ ሃራ ላቸን ላይላ ታሰ ኦላሳ» ገደሰ።

28 ያቆቤይ ሃሳሶ ሃኒዲ ሄ ሳሚንታ ዉርሲደሰ፤ ሃሳሬ ጉዬ ላባይ ባ ናዮ ኤራሄሎ ኢዛሰ ኢሚደሰ።

29 ቃሴ ላባይ ባ ኣይሌዮ ቢሊሃ ባ ና ኤራሄሊሰ ኣይሌ ገደና ማላ ኢሚደሰ።

30 ያቆቤይ ኤራሄሎካ ኤኪደሰ፤ ኤራሄሎ ሊያፔ ኣላ ሲቁደሰ፤ ሃራ ላቸን ላይላ ላባሰ ኦላደሰ።

ያቆቤ ናይታ ዩሌቴላ

31 ያቆቤይ ሊያ ኤራሄላ ማላ ሲቆንታይሳ ቤኢዲ ጎዳይ ኢዚሰ ዩሊዛ ኡሎዛ ደይደሰ፤ ገደ ኣቲን ኤራሄሊሰ ናይ ባ።

32 ሊያይ ሻራዳ ኣቱማ ና ዩላዲሰ፤ ኢዛ ሱንላካ ኦርቤሌ ጋ ሱንላዲሰ፤ ኣይሰ ገኮ ኢዛ፡ «ጎዳይ ታ

* 29:32 ኦርቤሌ ጉሲ ኢብራዊታ ቃላራ፡ «ሃሹ ኣቱማ ና!» ዋይኮ፡ «ታ ማቶ ቤኢደሰ» ጉሳ።

ሜቶ በኢዳሰ፤ ሃኢ ቱሙ ታና ታ ኣዚናይ ሲቃና»
ጋዲስ። *

33 ኢዛ ቃሴካ ሻራዳ ሃኢካ ኣቱማ ና ዩላዲስ፤
ኢዛ፡ «ጎዳይ ታኒ ዶሴቶንታይሳ በኢዳ ገሻሰ ታሰ
ሃይሳካ ጉጂዳስ» ጋዲ ኢዛ ሲሞና ጋ ሱንጎዳዲስ።†

34 ኢዛ ቃሴካ ሻራዳ ኣቱማ ና ዩላዲስ፤ ኢዛ፡
«ታኒ ኢዛሰ ሃቡ ኣቱማ ናይታ ዩሊዳ ገሻሰ ታ ኣዚናይ
ባ ዎዚና ታኮ ዛራና» ጋዲ ኢዛ ሊዌ ጋ ሱንጎዳዲስ።‡

35 ኢዛ ቃሴካ ቃንጎታዳ ኣቱማ ና ዩላዳ ኢዛ፡
«ሃኦ ታኒ ጎዳ ጋላታና» ጋዲስ፤ ሃሳ ገሻሰ ኢዛ ዩሁዳ
ጋ ሱንጎዳዲስ፤ ሃሳፌ ጉዬ ዩሎ ኤሳዲስ። §

30

1 ኤራሃላ ያቆቤስ ናይ ኢዚፔ ዩሎቶንታይሳ ኤራዳ
ባ ሚቹይ ቦላ ቃናታዲስ፤ ሃሳ ገሻሰ ኢዛ ያቆቤ፡
«ታሰ ና ኢማ፤ ኢዲስ ገኮ ታ ሃይቃና» ጋዲስ።

2 ያቆቤይ ኤራሃላ ቦላ ሃንቁቲዲ፡ «ታና ኔሰ ዩሎ
ዲጋናሰ ጸሳ ጋዲ?» ገደስ።

3 ኢዛካ፡ «ታ ኣይሌዮ ቢሊሃ ሃኖ በኣ፤ ኢዛ ታ
ገሻሰ ዩላና ማላ ኔኒ ኢዛ ኤካ፤ ሂሰቲኮ ኢዚ ባጋራ
ታኒካ ና ኣዮ ገዳና» ጋዲስ።

4 ኤራሃላ ባ ኣይሌዮ ቢሊሃ ማቾ ሂሰቲ ኤካና
ማላ ኢዛሰ ኢሚን ያቆቤይ ኢዛ ኤኪዳስ።

5 ቢሊሃ ሻራዳ ኣቱማ ና ያቆቤስ ዩላዲስ።

6 ሂሰቲን ኤራሃላ፡ «ጸሲ ታሰ ፐርዲዳስ፤ ታ ዋሳካ
ሲዩዲ ታሰ ኣቱማ ና ኢሚዳስ» ጋዲስ፤ ሃሳ ገሻሰ
ዩሎቲዳ ናዛ፡ «ዳኔ» ጋ ሱንጎዳዲስ።*

7 ኤራሃላ ኣይሌያ ቢሊሃይ ቃሴካ ሻራዳ ያቆቤስ
ናሞኣንጎ ኣቱማ ና ዩላዲስ።

8 ኤራሃላካ፡ «ታኒ ታ ሚቹይራ ዎልቃማ ባጼ
ባጼታዳ ጸናዲስ» ጋሼ ናዛ ኒፍታሌሜ ጋ ሱንጎዳዲስ።†

9 ሊያይ ባሰ ዩሎይ ኤቁዳይሳ በያዳ ባ ኣይሌዮ
ዚልፎ ኤፋዳ ያቆቤስ ማቾ ሂሰታ ኢማዲስ።

10 ሊያ ኣይሌ ዚልፋ ያቆቤስ ኣቱማ ና ዩላዲስ።

11 ሊያይካ፡ «ሃይሲ ኣይ ማላ ሎኦ ቃዳ!» ጋሼ
ናዛ ጋዴ ‡ ጋዲ ሱንጎዳዲስ።

12 ሊያ ኣይሌያ ዚልፋይ ያቆቤስ ናሞኣንጎ ኣቱማ
ና ዩላዲስ።

13 ሊያይካ፡ «ታኒ ከሃ ኡፋዬታዲስ! ማጫሳይካ
ታና ኡፋዬቲዛር ጋና» ጋዲስ፤ ሃሳ ገሻሰ ኢዛ ናዛ
ኣሴሬ § ጋ ሱንጎዳዲስ።

14 ገሰቲ ማጸ ኣገናን ኦርቤሌይ ጋዴ ገደ ቢዲ
ኢንኮዬ ቱራ ዳሚዲ ባ ኣዮ ሊያሰ ኤሂዳስ፤ ኤራሃላ
ሊያ፡ «ኔ ናይ ኤሂዳ ኢንኮዬዛፔ ኣኔ ታሰ ኢማ»
ጋዲስ።

15 ገደ ኣቲን፡ «ኔ ታ ኣዚናዛ ታፔ ዋሳ ኤኪዳይሲ
ገደንታ ኢዲን ቃሴ ታ ናዛ ኢንኮዬዛ ኤካኔ?» ጋዲስ።

ኤራሃላካ፡ «ሂሰቲኮ ኔ ናዛ ኢንኮዬዛ ገሻሰ ያቆቤይ
ሃቾ ቃማ ኔናራ ኣቆ» ጋዲስ።

16 ሃ ጋላሳ ኦማርሰ ያቆቤይ ኦሶሶፔ ሲሚሺን ሊያይ
ኢዛ ሞካናሰ ኬዛዳ፡ «ኔኒ ታናራ ኣቃና ኮሼሰ፤ ኣይሰ
ገኮ ታኒ ታ ና ኢንኮዬዛን ኔና ኪራሰ ኤካይቻዲስ»
ገን ኢዚ ሃ ጋላሳ ኦማርሰ ኢዚራ ኣቁዳስ።

17 ጸሲ ሊያ ዋሳ ሲዩዳስ፤ ሃሳ ገሻሰ ኢዛ
ቃንጎታዳ ኢቻሻንጎ ኣቱማ ና ያቆቤስ ዩላዲስ።

18 ሊያይካ፡ «ታኒ ታ ኣይሌዮ ታ ኣዚናሰ ኢሚዳ
ገሻሰ ጸሲ ሃሳ ኪራ ታሰ ቃንጎዲዳስ» ጋሼ ናዛ
ዩሳኮሬ * ጋዲ ሱንጎዳዲስ።

19 ሊያይ ቃሴካ ሻራዳ ኡሱፑንጎ ኣቱማ ና ያቆቤስ
ዩላዲስ።

20 ሊያይ፡ «ጸሲ ታሰ ኣልኦ ኢሞታ ኢሚዳስ፤ ታኒ
ታ ኣዚናሰ ኡሱፑን ናይታ ዩሊዳ ገሻሰ ሃኢ ኢዚ ታና
ቦንቻና» ጋዲስ። ሃሳ ገሻሰ ኢዛ ናዛ ዛቢሎኔ † ጋ
ሱንጎዳዲስ።

21 ሃሳፌ ጉዬ ኢሲ ማጫ ና ዩላዳ ኢዛ ዲና ‡ ጋ
ሱንጎዳዲስ።

22 ጸሲ ኤራሃሎ ቆፐዳስ፤ ኢዚ ዋሳካ ሲዩዲ
ኢዚሰ ዩሊዛ ኡሎ ደይዳስ።

23 ኢዛካ ሻራዳ ኣቱማ ና ዩላዲስ፤ «ጸሲ ታ ዩላ
ታፔ ዳንጎዲዳስ፤

24 ጎዳይ ታሰ ሃራ ኣቱማ ናዛ ጉጂሬኔ!» ጋሼ ናዛ
ዮሴፌ § ጋ ሱንጎዳዲስ።

ያቆቤይን ላባ ፓላሚቴል

25 ኤራሃላ ዮሴፌ ዩሊዳፔ ጉዬ ያቆቤይ ላባ፡
«ታኒ ታ ኣዋ ቢታ ሲማና ማላ ታና ሞይዛ።

26 ታኒ ኢሰታ ገሻሰ ኔሰ ኦሊዳ ታ ማቹታኔ ታ
ናይታ ታሰ ኢማ፤ ታኒ ባና፤ ኣይሰ ገኮ ታኒ ኔሰ ኣይ
ማላ ኦሊዳኮ ኔ ኤራሳ» ገደስ።

27 ቃሴ ላባይ ኢዛሰ፡ «ታኒ ኔሰ ኢሲ ሚሽ
ዮታይሰ፤ ጎዳይ ኔ ገደን ታና ኣንጂዳይሳ ታ በያዲስ።

28 ኔ ኤካና ዳሞዛ ታሰ ዮታ፤ ታኒ ኔሰ ኢዛ
ቃንጎና» ገደስ።

29 ያቆቤይ፡ «ታኒ ኔሰ ዋሰታ ኦሊዳኮ ኔ ሜሃይካ
ዋኒ ዩሎቲዳኮ ኔኒ ኤራሳ።

30 ታኒ ያናፔ ካሴ ኔሰ ዲዛ ጉላይ ሃኢ ከሃ
ዳሪዳስ፤ ታ ኣዲዳ ኡባሶን ጎዳይ ኔና ኣንጂዳስ፤ ገደ
ኣቲን ሃኢ ታኒ ታሰ ኣሳሰ ኣይዳ ኦሎ?» ገደስ።

31 ላባይ፡ «ታኒ ኔሰ ኣይ ኢሞ?» ገ ኢዛ ኦይቹን፡
ያቆቤይ፡ «ታሰ ኣይኮካ ኢሞፋ፤ ገደ ኣቲን ኔኒ ታሰ
ኢሲ ሚሽ ኦሊኮ ታኒ ኔ ዉዳዛ ቃሴካ ሃማናኔ ናጋና።

32 ታኒ ሃቾ ኔ ሜሃ ኡባ ገደራ ኣፋና፤ ሃን ኔ
ደርሳፌ ማሳራ ዎይኮ ፑንጫራ ኡባ፡ ደርሳ ላቃ
ካራባታ ኡባ፡ ዳይሻፌ ፑንጫራኔ ማሳራ ገዲዳይታ
ኡባ ታ ሻካና፤ ሃይታንቲ ታ ዳሞዛ ገደቶ።

33 ሃሳ ገሻሰ ታ ጸሎቴል ኔኒ ታሰ ቃንጎዲዳ ዳሞዛ
ታይባናሰ ሲንጎፌ ኔ ዩዛ ዎዳ ኤራራታና፤ ታ ዳይሻፌ
ጸላቃ ገደንታይ ዎይኮ ካራል ገደንታ ኢሲ ላቃይ ታ
ኣቻን ቤቲኮ ካይሶቲዳ ማላ ቆዳቶ» ገደስ።

34 ላባይ፡ «ኔ ገደ ማላ ገደ» ገደስ።

† 29:33 ሲሞና ጉሲ ኢብራዌታ ቃላራ፡ «ሲዩዳስ» ጉሳ። ‡ 29:34 ሊዌ ጉሲ ኢብራዌታ ቃላራ፡ «ባ ዎዚና ታኮ ዛራና ዎይኮ ሲቆን ኣይኬታና»
ጉሳ። § 29:35 ዩሁዳ ጉሲ ኢብራዌታ ቃላራ፡ «ጋላታ» ጉሳ። * 30:6 ዳኔ ጉሲ ኢብራዌታ ቃላራ፡ «ታሰ ፐርዲዳስ» ጉሳ። † 30:8
ኒፍታሌሜ ጉሲ ኢብራዌታ ቃላራ፡ «ባጼ» ጉሳ። ‡ 30:11 ጋዴ፡ ጋዴ ጉሲ ኢብራዌታ ቃላራ፡ «ሎኦ ቃዳ» ጉሳ። § 30:13 ኣሴሬ፡ ኣሴሬ
ጉሲ ኢብራዌታ ቃላራ፡ «ኡፋይሳ» ጉሳ። * 30:18 ዩሳኮሬ፡ ዩሳኮሬ ጉሲ ኢብራዌታ ቃላራ፡ «ኦሶ ዋጋ» ጉሳ። † 30:20 ዛቢሎኔ፡ ዛቢሎኔ
ጉሲ ኢብራዌታ ቃላራ፡ «ቦንቻና» ጉሳ። ‡ 30:21 ዲና፡ ዲና ጉሲ ኢብራዌታ ቃላራ፡ «ፐርዲዳስ» ጉሳ። § 30:24 ዮሴፌ፡ ዮሴፌ ጉሲ
ኢብራዌታ ቃላራ፡ «ታሰ ጉጂ ዎይኮ ቁጫዳስ» ጉሳ።

35 ሃ ጋላሲካ ላባይ ጸላቃ ገዲዳ ኦርገታ ኡባ፡ ጸላቃ ገዲዳ ማጫ ዳይሼታኔ ካሬላ ድርሳ ላቃታ ኡባ ኬሲዲ ሄማና ማላ ባ ኣቱማ ናይታሰ ኢሚዳስ።

36 ሂሰቲዲ ሄ ማህዛራ ሄሹ ጋላሳ ኦጌ ያቆቤፔ ሃኪ ቢዳስ፤ ገደ ኣቲን ያቆቤይ ኣቲዳ ላባ ማህታ ሄንሳ ጌሊዳስ።

37 ያቆቤይ ማላፌ ቃዬ ጉፊ ኬሲዲ ባጋ ፖቂዲ ባጋ ፖቆንታ ኣገዲ ጉፊዛ ባጋ ካሬላ፡ ባጋ ቦላ ሂሰቲዲ ዋራርዳስ። *

38 ማህይ ሃሌ ኡያና ዪዛ ኡባ ዎዴ ማህቲ ሃላ ኡዪዛ ጎንጌ ገደን ጉፊታ ዎሊዳስ፤ ማህቴላ ኬዚዳ ማህቲ ሃላ ኡያናሰ ዪዛ ዎዴ፡

39 ሄ ጉፊታ ሲንላን ማህቲዳ፤ ኢሰቲካ ማሳራ፡ ጸላቃኔ ባታካ ላቃታ ዩሊዳ።

40 ያቆቤይ ላቃታ ማህታፔ ሻኪዲ ዲማ ዎሊዳስ፤ ኣቲዳ ማህታ ማሳራኔ ጸላቃ ገዲዳይታ ላባ ማህ ሲንሳ ዛሬዳስ፤ ሃሳዎ ያቆቤይ ባ ማህ ላባ ማህራ ዎላኩቶንታ ማላ ዲማ ሻኪ ዎሊዳስ።

41 ጎባ ሚኖ ማጫ ድርሳቲኔ ዳይሻቲ ማህቴላ ኬዚዛ ዎዴ ኣይዴ ገዲንካ ኢሰቲ ሄ ጉፊታ ኣታን ማህታና ማላ ያቆቤይ ሄ ጉፊታ ሃላ ጎንጌ ገደን ማህታ ሲንላን ዎሊዳስ።

42 ጉፊዛ ላፋ ማህታ ሲንላን ዎሊዳ፤ ሃሳ ገሻሰ ላፋ ላፋ ማህቲ ላባሰ ገደን ጎቢዛይቲ ያቆቤሰ ገዲዳ።

43 ሃሳዎ ሃኒዲ ያቆቤይ ኬሄ ዲሬቲዳ፡ ዳር ማህ ወዴ፡ ማጫ ኣይሌታኔ ኣቱማ ኣይሌታ፡ ዳር ጋማላታኔ ሃሬታ ሃራዳስ።

31

ላባፔ ያቆቤ ባቃታ

1 ላባ ኣቱማ ናይቲ ባ ገደን፡ «ያቆቤይ ኦ ኣዎ ሃር ኡባ ኤኪዳስ፤ ሃይሲ ኡባይ ኢዚ ሺሺዳ ኣቆታይ ኦ ኣዎፔ ቤቲዳዛ» ገ ሃሳይሺን ያቆቤይ ሲዪዳስ።

2 ያቆቤይ ላባ ኣይፊሶይ ኢዛሰ ካሴ ማላ ገደንታይሳ ቤኢዳስ።

3 ሄ ዎዴ ጎዳይ ያቆቤ፡ «ኔኒ ኔ ኣዎታ ቢታ ኔ ዳቦታኮ ጉዬ ሰማ፤ ታኒ ኔናራ ገደና» ገደስ።

4 ሃሳ ገሻሰ ያቆቤይ ኤራሄሎኔ ሊያ ባ ማህይ ዲዛሶ ያና ማላ ከቲዲ ዳይረሲዳስ።

5 ኢዚ ኢሰታሰ፡ «ኢንቲ ኣዎ ኣይፊሶይ ታሰ ካሴይሳ ማላ ገደንታይሳ ታኒ ቤኣዲሰ፤ ገደ ኣቲን ታ ኣዎ ጸሲ ታናራ ዳስ።

6 ታኒ ታ ኩማላ ዎልቃፊ ኢንቲ ኣዎሰ ኦሊዳይሳ ኢንቲ ኤሬታ።

7 ገደ ኣቲን ኢንቲ ኣዎይ ታና ጨሚዲ ታ ዳዎዛ ታሙቶ ላሚ ላሚ ዩገዳስ፤ ገዲኮካ ኢዚ ታና ቆሆንታ ማላ ጸሲ ኢዛ ዲገዳስ።

8 ኢዚ፡ «ማሳራ ድርሳቲኔ ዳይሻቲ ኔ ዳዎዛ ገደና» ገን ወዴ ማህቲ ወራ ማሳራ ጸላ ዩሊዳ፤ ቃሴ ኢዚ፡ «ጸላቃ ድርሳቲኔ ዳይሻቲካ ኔ ዳዎዛ ገደና» ገን ማህይ ወራ ጸላቃ ዩሊዳስ።

9 ጸሲ ሃይሳላ ኢንቲ ኣዎፔ ዎሊ ኤኪዲ ኢንቲ ኣዎ ማህ ታሰ ኢሚዳስ።

10 «ማህቲ ማህቴላ ኬዚዛ ኣገናን ኣጉሞራ ማህታ ማህሲዛ ዳይሻ ኦርገቲ ማሳራ፡ ጸላቃኔ ባታካ ገዲዳይሳ ቤያዲስ።

11 ጸሳ ኪታንቻይ ኣጉሞን ታና፡ «ያቆቤ!» ገ ዳይረን ታኒ፡ «ዩ!» ገዳ ኮያዲስ።

12 ኢዚካ ታና፡ «ቆቁ ገዳ ማህታ ማህቲሲዛ ዳይሻ ኦርገቲ ወራ ማሳራኔ ጸላቃ ገዲዳይሳ ቤያ፤ ገሰይካ ላባይ ኔ ቦላ ኦሊዳይሳ ኡባ ታ ቤያዲስ።

13 ኔኒ ሹቶ ኤሳዳ ዛይቲ ኢዛ ቦላ ቲጋዳ ኣዲኒዳ ቤቴሌ ጸሲ ታና፤ ሃኢ ዳንዲዳ ሃ ቢታፊ ኬዛዳ ኤሌላዳ ጉዬ ኔ ዩሌቲዳ ቢታ ሰማ» ገደስ።

14 ሃሳፊ ጉዬ ኤራሄላኔ ሊያይ ኢዛሰ፡ «ኦ ኣዎይሳፊ ኦና ጋካናይ ኣዜ?»

15 ኢዚ ኦና ኣላጋ ማላ ዳሌሰ ዴ፤ ኢዚ ኦና ባይዚ ኤኪዳስ፤ ባይዚዲ ኤኪዳ ሚሻካ ባሰ ሚ ጳይሲዳስ።

16 ጸሲ ኦ ኣዎፔ ዎሊ ኤኪዲ ኔሰ ኢሚዳ ማህይ ወራ ቲሙካ ኦሳኔ ኦ ናይታይሳ፤ ሃሳ ገሻሰ ጸሲ ኔሰ ዮቲዳይሳ ኡባ ኦላ» ገደ።

17-18 ሂሰቲን ያቆቤይ ካናኔ ቢታን ዲዛ ባ ኣዎ ዩሳቃኮ ባናሰ ዳንዲዳስ፤ ኢዚ ባ ናይታኔ ባ ማቼታ ጋማላ ቶገሲዳስ፤ ባሰ ዲዛ ማህ ኡባ ሲንሳ ኣላ ላገዲ ማሰጶጶሚያን ዲሼ ኢዚ ሺሺዳ ሃር ኡባ ኤኪ ቢዳስ።

19 ላባይ ባ ድርሳታ ኢሰኬዛ ቃንጸናሰ ቢቹዳሼ ኤራሄላ ባ ኣዎ ኤቃ ሚሰሌታ ካይሳዲስ።

20 ያቆቤይካ ባ ባቃቲዛይሳ ኣራማ ዴሬ ኣሲ ገዲዳ ላባሰ ዮቶንታ ባሌላ ቢዳስ።

21 ኢዚ ባሰ ዲዛዝ ኡባ ሺሺ ኤኪ ባቃቲዳ ኤፊራጶቤ ሻፋ ፒኒዲ ጋላኣዴ ጌቴቲዛ ጌዜ ቢታ ቢዳስ።

ያቆቤ ኣይካናሰ ላባ ካሌቲላ

22 ያቆቤይ ባቃቲ ቢዳይሳ ላባይ ሄሻንላ ጋላሰ ሲዪዳስ።

23 ባ ዳቦታ ባናራ ኤኪዲ ላፑን ጋላሳ ኦጌ ያቆቤ ጉዬ ካሊዲ ካሊዲ ጋላኣዴ ጌቴቲዛ ጌዜ ቢታን ኢዛ ጋኪ ኦይኪዳስ።

24 ሄ ጋላሳ ኦማርሰ ጸሲ ኣራማ ላባኮ ኣጉሞራ ዩዲ፡ «ኔኒ ያቆቤ ቦላ ኢታ ገዲን ኪያ ገዲንካ ሃሳዮንታ ማላ ናጌታ!» ገደስ።

25 ላባይ ጋኪዛ ዎዴ ያቆቤይ ጋላኣዴ ጌዜን ዲንካኒ ኡቲዳስ፤ ቃሴ ላባይኔ ኢዛ ዳቦቲ ሃን ዲንካኔ ቶኪዳ።

26 ሃሳፊ ጉዬ ላባይ ያቆቤ፡ «ኔኒ ሃይሳላ ኣይሰ ኦላዳ? ኔኒ ታና ጨማዳ ታ ማጫ ናይታ ኦላን ዲኤቲዳ ማላ ላጋዳ ኬሳዳ።

27 ኔኒ ኣይሰ ቆታን ታፔ ኬሳ ኤካዳ ታና ጨማዳ? ታኒ ካራቤኒኔ ዲላን ኡፋይሳ ዩላን ኔና ሞይዛና ማላ ታሰ ኣይሰ ዮታቤኪ?»

28 ኔኒ ሃራይ ኣቶ ታ ናይታ ናይታኔ ታ ማጫ ናይታ ታኒ ዩራ ኤኮንታ ማላ ዲጋዳሳ፤ ኔኒ ባላ ኦሶ ኣላዳሳ።

29 ታኒ ኔና ቆሃናሰ ታሰ ዎልቃይ ዳስ፤ ገደ ኣቲን ኔ ኣዎ ጸሲ ቃማ ኦማርሰ ታና፡ «ያቆቤ ቦላ ኢታ ገዲን ኪያ ገዲንካ ኢሲ ሚሽ ኔ ሃሳዮንታ ማላ ናጌታ!» ገዲ ታሰ ዮቲዳስ።

30 ሃኢ ገዲኮካ ኔኒ ኔ ኣዎ ሶ ባናሰ ኬሃ ላሞቲዳ ገሻሰ ኬኣዳሳ፤ ገደ ኣቲን ታሶ ኤቃ ሚሰሌታ ኣዛሰ ካይሳዲ?» ገደስ።

31 ያቆቤይ ላባ፡ «ኔኒ ኔ ናይታ ታፔ ዎልቃን ዎላ ኤካናኮ ጋዳ ባቢዳ ገሻሰ ሃይሳላ ኦላዲስ።

* 30:37 ዋራርዳስ፡ ዋራርዳስ ገዛይሳ ኢሲ ኢሲ ባጋ ጋሞላ ቃላን ዋራንኪዳስ ጌቴቲሰ። 31:13 ሜጴ 28:18-22

32 ገደ አቲን ኔ ሚሰሌታ ኮይኪዳ አሰ ኦናካ ኔኒ ዳሚኮ ሄ ኡራይ ሃይቆ! ኔሰ ገደዱ ዳሚኸ ታ አቻን ቤተኮ ኑ ዳቦቲ ቤዩሺን ኮያዳ ዳሚኮ ኔሰ ኤካ» ገደሰ፤ ጋሶይካ ያቆቤይ ኤራሄላ ኤቃ ሚሰሌታ ካይሰዳይሳ ኤሪቤና።

33 ሄሳ ገሻሰ ላባይ ያቆቤ ዳንካኔ ገደ፣ ሊያ ዳንካኔ ገደኔ ናምኡ አይሌታ ዳንካኔ ገደ ገሊዳሰ፤ ገደ አቲን አይኮካ ዳሚቤና፤ ሊያ ዳንካናፔ ከዚዳ ኤራሄላ ዳንካኔ ገደ ገሊዳሰ።

34 ኤራሄላ ባ አቀ ኤቃ ሚሰሌታ ኤካዳ ጋሚላ ኮራ ጋርሳን ቆታዳ፣ ኢዛ ቦላ ኡታዲሰ። ላባይ ዳንካናን ዳዛይሳ ኡባ ፒልገዲ ኮዩዳሰ፤ ገደ አቲን አይኮካ ዳሚቤና።

35 ኤራሄላ ባ አቀ፣ «ታ አቀዉ! ታና ሃንቁቶፋ፤ ታኒ ኔሰ ኤቃና ዳንዳይኬ፤ ታሰ ማጫሳ ዋጋይ ዩዳሰ። ጋዲሰ። ኢዚ ኡባሰን ኮዩዳሰ፤ ገደ አቲን ኤቃ ሚሰሌታ ዳሚቤና።

36 ያቆቤይ ላባ ቦላ ሃንቁቲዲ፣ «ታኒ አይ ሞራዲና? ሄሳ ሰሬ ኔ ታና ካላናሰ ታኒ ኦሊዳ ናጋራይ አዜ?»

37 ሃኢ ኔኒ ታ ሚሻ ኡባ ፒልጋዳ ኮያዳሳ ሺን አይ ዳማዲ? ኢሰቲ ኔፔኔ ታፔ ኦኒ ዋርዶኮ ፒርዳና ማላ ሃ ዮኦዛ ታ ዳቦታ ሲንሳኒ ኔ ዳቦታ ሲንሳን ዋላ።

38 «ታኒ ኔናራ ናምኡ ታሙ ላይላ ኩሚላ ዳኦዲሰ፤ ኔ ደርሰኔ ዳይሻ ገደን አዉጫይቤና፤ ዋይኮ ኔ ሚሄፔ ጋልላ ማቤኬ።

39 ደአይ ዋዲዳይሳካ ኡባ ታ ቦላ ቆዳዲሰ አቲን ኔሰ ኤሃቤኬ፤ ጋላሰ ገደን አማርሰ ካይሶይ ኤኪዳይሳ ታና ቃንጸሳዳሳ።

40 ጋላሰ አቀ ስላይ፣ አማርሰ ኬንቾይ ታና ቆሃዳሰ፤ ዲሰኮይካ ታ አይፊፔ ዳይዳሰ።

41 ታኒ ሃይሳላ ኔ ሶን ናምኡ ታሙ ላይላ ዳኦዲሰ፤ ኔ ማጫ ና ናምኦታ ገሻሰ 14 ላይላ፣ አቲዳ ኡሱፑን ላይላ ኔ አሚዳ ሚሄታ ገሻሰ ኔሰ ኦላሾ ዳኦዲሰ፤ ገደ አቲን ኔኒ ታ ዳቀዛ ታሙቶ ላማ ላማ ዩጋዳሳ።

42 ታ አቀቲ አብራሃሚይኔ ዩሳቂ ጎይኒዳ ጸሲ ታናራ ገደንታኮ ኔ ታና ሚላ ኩሼ ኬሳ ዩዳናኮሺን ጸሲ ታ ዋይኔ ታ ዳቡራ ቤኢዲ ቃማ አማርሰ ኔና ሃንቁዳሰ» ገደሰ።

ያቆቤይ ላባይ ገሊዳ ጫቆ ቃላ

43 ላባይ ያቆቤ፣ «ኔ ማቼቲ ታ ማጫ ናይታ፤ ኢሰቲ ዩሊዳ ናይቲካ ታ ናይታ፤ ሚሄዚካ ታ ሚሄ፤ ኔሰ ዳዛዚ ዉሪካ ታይሳ፤ ሃቾ ሃ ማጫ ናይታ ታይታ ቦላኔ ኢሰቲ ዩሊዳ ናይታ ቦላ አይ ኦላናሰ ዳንዳያዚና?»

44 አኔ ሃኢ ሃ ያ፤ ኔኒኔ ታኒ ጫቆቶሰ፤ ሃይሲ ኔፔኔ ታፔ ገደን ማርካ ገደ» ገደሰ።

45 ሄሳ ገሻሰ ያቆቤይ ኢሲ ሹቾ ኤኪዳ ቱሳ ማላ ኤሲዳሰ።

46 ኢዚ ባ ዳቦታካ፣ «ሹቾ ሺሺቲ» ገደሰ፤ ሂሰቲን ኢሰቲ ሹቾ ሺሺዲ ኮራዳ፤ ሄ ሹቾ ኮራ አቻንካ ካላ ሚዳ።

47 ላባይ ሄ ሹቾ ኮራ፣ ዩጋር-ሳሃዲታ ገ ሱንላዳሰ፤ ቃሴ ያቆቤይ ኢዛ ጋልኤዳ ገ ሱንላዳሰ።*

48 ላባይ፣ «ሃ ከላይ ኔፔኔ ታፔ ገደን ሃቾ ማርካ» ገደሰ፤ ሄሳ ገሻሰ ኢዛ ሱንላይ ጋልኤዳ ገቴቲዳሰ።

49 ቃሴ ኢዚ ሄ ሹቾ ቱሳ ሚጸጸ † ገ ሱንላዳሰ፤ አይሰ ገኮ ላባይ፣ «ኦኒ ኢሳይ ኢሳፊ ሃኪዲ ዲዛ ዋዴ ጎዳይ ኔ ገደኒኔ ታ ገደን ገደዲ ናጎ።

50 ኔኒ ታ ማጫ ናይታ ቆሂኮ፣ ዋይኮ ኔኒ ታ ማጫ ናይታ ቦላ ሃራ ማጫሳታ ኤኪኮ ኦናራ ሃኢ ኦኒካ ባይንዳ አገኮካ ኔ ገደኒኔ ታ ገደን ጸሳይ ማርካ ገደዲዳሳ ኤራ» ገደሰ።

51 ላባይ ቃሴካ ያቆቤሰ፣ «ከሌቲዳ ሹቾ ሃይሳ ቤያ፤ ቃሴ ታኒ ኔፔኔ ታፔ ገደን ኤሲዳ ሹቾ ቱሳ ሃይሳ ቤያ።

52 ታኒ ኔ ቦላ ጌኔ ኦላናሰ ሃ ከላፔ ኔኮ ካንሶንታ ማላ ኔኒካ ታ ቦላ ጌኔ ኦላናሰ ሃ ከላፔኔ ሃ ሹቾ ቱሳፊ ካንሶንታ ማላ ሃ ሹቾ ኮራይኔ ሃ ሹቾ ቱሳይ ማርካ።

53 አብራሃሚ ጸሲ፣ ናኮሪ ጸሲ፣ ኢሰታ አቀ ጸሲ፣ ኢዚ ኑ ገደን ፒርደ» ገደሰ። ያቆቤይ ባ አቀ ዩሳቂ ጎይኒዳ ጸሳ ሱንሳን ጫቁዳሰ።

54 ያቆቤይ ዙማ ቦላን ያርሾ ያርሺዳሰ፤ ባ ዳቦታካ ቁማ ማናሰ ጸይገደሰ፤ ኢሰቲ ሚዲ ሄን ዙማ ቦላን አቁዳ።

55 ዋንቴላ ጋላሰ ማላዳ ዋንታራ ላባይ ዳንዲዲ ባ ናይታ ናይታኔ ባ ማጫ ናይታ አንጂዲኔ ዩሪ ኤኪዳ ጉዬ ባ ሶ ሲሚዳሰ።

32

ኤሳቄራ ጋጋናሰ ያቆቤ ገጌቲላ

1 ያቆቤይ ዳንዲዲ ሲንላ ቢሺን ጸሳ ኪታንቻቲ ኢዛራ ጋገዳ።

2 ያቆቤይ ኢሰታ ቤኢዲ፣ «ሃይሲ ጸሲ አቁዛሶ» ገሺ ሄ ሶሆዛ ማሃናይሚ ገ ሱንላዳሰ።*

3 ያቆቤይ ሴይሬ ጌቲቲዛሶን ኤዶሚ ቢታን ዲዛ ባ ኢሻ ኤሳቄኮ ባፔ ሲንላ ኪታ ዩዲዳሰ።

4 ኢዚ ኢሰታ ቦላ ኪታ፣ «አንቲ ታ ጎዳ ኤሳቄሰ ጋና ሚሺ ሃይሳ፤ ኔ አይሌ ያቆቤይ፣ ታኒ ላባ አቻን ሃና ጋካናሰ ጋምአዲሰ።

5 ታሰ ሚዚ፣ ሃሪይ፣ ደርሰ፣ ዳይሺ፣ አዳ አይሌቲኔ ማጫ አይሌቲ ዳቲሰ፤ ሃኢ ታኒ ሃ ኪታ ታ ጎዳሰ ኪቲዛይ ታሰ ሎኦ ቆጋና ማላ ጋ ኪታዲሰ» ገደሰ።

6 ኪቲቲዳይቲ ያቆቤኮ ሲሚዲ ኢዛሰ፣ «ኦኒ ኔ ኢሻ ኤሳቄኮ ቢደሰ፤ ሃኢ ኢዚ ቃሴ ኔናራ ጋጋናሰ ዩሰ፤ ኢዛራካ 400 ኦሲ ዳሰ» ገደ።

7 ያቆቤይ ባቢዲ ሾቢዳሰ፤ ባናራ ዲዛ አሳ 2 ጩጋን ጩጋን ሻኪዲ ባ ደርሳ፣ ዳይሻ፣ ሚዛኔ ጋሚላ 2 ጩጋን ጩጋን ሻኪዳሰ።

8 ኢዚ፣ «ኤሳቄይ ዩዲ ኢሲ ጩጋ ኦላ ኤኪዛ ገደኮ አቲዳ ጩጋይ ኬሲ ኤካናኮ» ገ ቆፒዳሰ።

9 ሄ ዋዴ ያቆቤይ፣ «አቤት ጸሳዉ! ታ አቀ አብራሃሚ ጸሳዉ፣ ታ አቀ ዩሳቂ ጸሳዉ፣ ታና፣ ኔ ዳቦታኮ ኔ ዳሪ ሲማ፤ ታኒ ኔሰ ሎኦ ኦላና» ገደሰ።

10 ኔኒ ኔ አይሌዛሰ ኦሊዳ ኪያቴላሲኔ አማኔቲላሰ ኡባሰ ታኒ ቤሶንታ አሳ። ታኒ ሃ ዮርዳናሴ ሻፋ ፒኒዛ ዋዴ ታሰ ኢሲ ጉፊይፔ አቲን ኩሺን ሃራይ ዳና፤ ገደ አቲን ሃኢ ታኒ ናምኡ ጩጋ ዳሪ ገደዲሰ።

* 31:47 ዩጋር-ሳሃዲታኔ ጋልኤዳ ጉሲ አራማይኬ ቃላኒኔ አብራቄ ቃላን ቢርሺሺን፣ «ማርካቴላ ከላ» ጉሳ። † 31:49 ሚጸጸ፣ ሚጸጸ ጉሲ አብራቄታ ቃላራ፣ «ናጌሶ» ጉሳ። * 32:2 ማሃናይሚ፣ ማሃናይሚ ጉሲ አብራቄታ ቃላራ፣ «ናምኡ ጩጋይ አቁዛሶ ዋይኮ ጉታታ» ጉሳ።

11 ታ ኔና ዋሳይሰ፤ ታ አሻ ኤሳዌ ኩሼፔ ታና አሻ፤ ጋሶይካ ኢዚ ዩዲ ታና፤ ታ ናይታ አዩታ ኢሰታ ናይታ ጳይሳናኮ ጋዳ ባባዲሰ።

12 ጊዶ አቲን ኔ፤ ታና፤ «ታ ኔሰ ቱሙ ሎኦ ኦላና፤ ታ ኔ ከሬላይ ታይቤታናሰ ዳንዳዩቶንታ አባ ሻሚንታ ማላ ኦላና ጊዳይሳ ቆፓ» ጊ ዋሲደሰ።

13 ሄ ጋላሳ ኦማርሰ ኢዚ ሄን አቁዳይ ባሰ ዲዛ ኡባፌ ባ አሻ ኤሳዌሰ አማና።

14-15 ኢዚካ 200 ማጫ ዳይሻታኔ ናምኡ ታሙ ዳይሻ ኦርጌታ፡ 200 ማጫ ደርሳታኔ 200 ቆርሾታ፡ 300 ቆንጫዛ ጋሚላታኔ ኢሰታ ማራታራ፡ 40 ሚዛታ፡ 10 ኮርማ ቦራታ፡ 20 ማጫ ሃራታኔ 10 ዋዳላ ሃራታ ቆሪ ኬሲደሰ።

16 ሃይታ ወዴን ወዴን ሻኪ ሻኪ ባ አይሌታ ኩሼን ዋሲዲ አይሌታሰ፡ «ታፔ ሲንሳቲ ቤቴ፤ ወዴዛ ኢሳ አሳፌ ሃሲ ሃሲ ላጊቴ» ጊደሰ።

17 ኡባፌ ሲንሳን ቢዛይሳ፡ «ታ አሻ ኤሳዌይ ኔናራ ጋጊዲ ኔና፡ ሩኔ ኦኔ? አዋ ባይ? ኔ ሲንሳን ዲዛ ማሄይ ወሪ ኦናሴ?» ጊ ኦይቸዛ ጊዲኮ።

18 ሩኔ ኢዛሰ ሃይቲ ኔ አይሌ ያቆቤሳ፤ ኢዚ ሃይታ ዩዲዳይካ ታ ጎዳ ኤሳዌሰ አማናሳ፤ ቃሴ ኢዚካ ኑፔ ጉዩራ ዩሰ» ጊ ኣዛዚደሰ።

19 ቃሴካ ናምኣንላ፤ ሃሻንላ ጩጋታሲኔ ወዴዛ ካሊዛ ሃራ ኡባታሰ ሃይሳላ፡ «አንቴ ኤሳዌራ ጋጊዛ ዋዳ ሃይሳላካ ጌታ፤

20 ሩኔ አይሌ ያቆቤይ ኑፔ ጉዩራ ዩሰ» ጎንታ አጎፍቴ» ጊደሰ፤ ኢዚ ሃሳላ ጊዳይ፡ «ታኔ ታፔ ሲንላ አማናሰ ከቲዳይሳን ኢዛ ሃንቆ ደሺሳና፤ ሃሳፌ ጉዩ ታኔ ኢዛራ ጋጊዛ ዋዳ ኢዚ ታና ሞኪ ኤካናኮ ኦኔ ኤሪዛይ» ጊ ቆፐደሰ።

21 ሃሳ ጊሻሰ ባ አሚዛይሳ ባፔ ሲንሳሲ ዩዲደሰ፤ ጊዶ አቲን ኢዚ ባ ሁኤሰ ሄ ጋላሳ ኦማርሰ ሄን ባ ዲዛሶን አቁደሰ።

ጸሓፊ ያቆቤ ባጽቴላ

22-23 ሄ ጋላሳ ኦማርሰ ያቆቤይ ዳንዲዲ፡ ባ ናምኡ ማቸታ፡ ባ ናምኡ አይሌታ ባ ናይታ ታማኔ ኢሲኔታ ኤኪዲ ያቦቁ ጌቴተዛ ሻፋ ጋኪደሰ፤ ኢዚ ኢሰታኔ ባሰ ዲዛይታ ኡባ ፒንላ ዩዲደሰ፤

24 ጊዶ አቲን ያቆቤይ ባርካ ሄን አቲደሰ።

ሄ ዋዳ ኢሲ አሲ ጋዳይ ዋንታና ጋካናሰ ኢዛራ ባጽቴሰ።

25 ሄ አዳዚ ኢዛ ጸናናሰ ዳንዳዩቶንታይሳ ቤኢዲ ያቆቤሰ ዋዲራ ቦቸን ኢዛ ዋዲራይ ደጨደሰ።

26 ሃሰቲን ሄ አዳዚ ኢዛ፡ «ጋዳይ ዋንታና ጌሰ ታና ዩዳ» ጊደሰ።

ጊዶ አቲን ያቆቤይ ኢዛ፡ «ኔ ታና አንጅንታ ዩዲኬ» ጊደሰ።

27 አዳዚካ ኢዛ፡ «ኔ ሱንላ ኦኔ?» ጊ ኦይቸን ኢዚ፡ «ያቆቤ» ጊ ዛሪደሰ።

28 አዳዚካ ኢዛ፡ «ሃይሳፌ ሲንሳን ኔ ሱንላ ኢሰራኤል † ጌቴቶ አቲን ያቆቤ ጌቴቶፎ፤ አይሰ ጊኮ ኔ፤ ጸሓፊ ኣሳራ ባጽታዳ ጸናዳሳ» ጊደሰ።

29 ያቆቤይ ኢዛ፡ «ኔ ሱንላ ኦኔ?» ጊ ኦይቸደሰ።

አዳዚካ፡ «ኔ፤ ታ ሱንላ አይሰ ኦይቸይ?» ጊ ሲሚዲ ኢዛ ሄን አንጅደሰ።

30 ሃሳ ጊሻሰ ያቆቤይ ሄ ሶሆዛ ጸንኤሌ † ጊ ሱንላደሰ፤ አይሰ ጊኮ ኢዚ፡ «ታኔ ጸሳ ታ አይፌራ ቤኢዳ ሃይቆንታ አታዲሰ» ጊደሰ።

31 ኢዚ ፓኑኤሌፔ ዳንዲዛ ዋዳ ኢዛ ቦላ ጸልቁይ ኮዚደሰ፤ ኢዚ ባ ዋዲራ ጊሻሰ ዋሲደሰ።

32 ያቆቤ ዋዲራይ ዳሼቲዳ ጊሻሰ ኢሰራኤሌ አሳይ ሃቶ ጋካናሰካ ጌዳ ጊዶን ዲዛ ፓሻ አሾ ሚ ኤሬቴና።

33

ኤሳዌራ ያቆቤ ጋይቴላ

1 ያቆቤይ ቶቁ ጊ ጸሊዲ ኤሳዌይ 400 አሰ ባናራ ኤኪ ዩዛይሳ ቤኢደሰ፤ ሃሳ ጊሻሰ ናይታ ሊያሰ፡ ኤራሃሊሲኔ ናምኡ አይሌታሰ ሻኪ ሻኪ አሚደሰ።

2 አሽካራታኔ ኢሰታ ናይታ ሲንሳን ሊያኔ ኢዚ ናይታ ኢሰታፌ ጉዩን ኤራሃሊኔ ዮሴፌ ወርሴሳን ዋሲደሰ።

3 ጊዶ አቲን ኢዚ ባ ባጋራ ኡባፌ ሲንላ አቲዲ ባ አሻኮ ማቲዳ ዋዳ ላፑንቶ ዘጊደሰ።

4 ኤሳዌይ ጊዲኮ ኢዛራ ጋጋናሰ ዋዲዲ ኢዛ ቆዴ ቦላ ጸጽቲዲ ዩሪደሰ፤ ናምኣቲካ ዩኪዳ።

5 ሃሳፌ ጉዩ ኤሳዌይ ቶቁ ጊ ጸሊዲ ማጫሳታኔ ናይታ ቤኢዲ፡ «ሃ ኔናራ ዲዛይቲ ኦናንቴ?» ጊ ኦይቸደሰ።

ያቆቤይ ኢዛሰ፡ «ሃይቲ ጸሲ ኔ አይሌሰ ታሰ ባ ኪያቴሳን አሚዳ ናይታ» ጊደሰ።

6 ሃሳፌ ጉዩ አይሌቲ ባ ናይታራ ሸቁዲ ኢዛ ሲንሳን ዘጊደ።

7 ካሊዲ ሊያይኔ ኢዚ ናይቲ ዩዲ ዘጊደ፤ ወርሴሳን ዮሴፌይኔ ኤራሃላ ዩዲ ዘጊደ።

8 ኤሳዌይ፡ «ሲንሳን ታናራ ጋጊዳ ማሄይ ወሪ አዛ ማሄ?» ጊ ኦይቸደሰ።

ኢዚካ፡ «ታ ጎዶ! ሃይሲ ኔ ታና ኡፋይሳን ሞካ ኤካናሳ» ጊደሰ።

9 ኤሳዌይ፡ «ታ አሾ! ታሰ ዳር ሃርይ ደሰ፤ ኔ ሚሺ ኔሰ ጊዶ» ጊደሰ።

10 ያቆቤይ፡ «አካይ፡ ሃኢ ኔ ታና ሞካ ኤካና ጊዲኮ ታ ኔሰ አሚዛይሳ ኤካ፤ ኔ ታና ሲቆን ሞካ ኤኪሺን ታ ቤኢዳይሳ ጸሳ አይፌሶ ቤኢዳ ማላ ቆዳይሰ።

11 ጸሲ ባ ኪያቴሳን ኡባ ኩንላ ታሰ አሚዳ ጊሻሰ ኮሺዛዚ ኡባይ ታሰ ደሰ፤ ታ ኔሰ አሚዛይሳ ኤካርኪ» ጊዲ ያቆቤይ ሚንላ ሾቢዳ ጊሻሰ ኤሳዌይ ኢዚ ጊዳይሳ ኤኪደሰ።

12 ሃሳፌ ጉዩ ኤሳዌይ፡ «ዳንዳ ኦኔ ቦሰ፤ ታኒካ አንቴናራ ኢሲፌ ባና» ጊደሰ።

13 ጊዶ አቲን ያቆቤይ ኢዛ፡ «ታ ጎዶ! ኔ ቤኢዛ ማላ ናይቲ ሹጎ ጊዲዳይሳ ኔ ኤራሳ፤ ቃሴ ታኔ ጋሎ ማራታኔ ጉላ ላቃታ ቆንጫዛ ደርሳታኔ ሚዛታ ናጋና ኮሼሰ፤ ኢሰቲ ኤሌ ኤሌ ላጊኮ ማሄቲ ወሪ ኢሲ ጋላሰ ሃይቁ ወራና።

14 ሃሳ ጊሻሰ ታ ጎዶ ኔ፤ ታፔ ሲንሳታዳ ባ፤ ታ ሲንሳን ዲዛ ማሄይኔ ናይቲ ሃሜታና ዳንዳይዛ ኮና ሃሚቲዲ ኔናራ ቤይሬን ጋይታና» ጊደሰ።

15 ኤሳዌይ ኢዛ፡ «ሃሰቲኮ ታኔ ታ አሳፔ ጉላታ ኔሰ አሻይሰ» ጊደሰ።

32:12 ሜጴ 12:17 32:26 ሆሴ 12:3-4 † 32:28 ኢሰራኤሌ፡ ኢሰራኤሌ ጉሲ ኢብራዊታ ቃላራ፡ «ባጽቴሰ» ጉሳ። 32:29 ዳና 13:7-18 † 32:30 ጸንኤሌ፡ ጸንኤሌ ጉሲ ኢብራዊታ ቃላራ፡ «ጸሳ አይፌሶ» ጉሳ።

ገደ ኣቲን ያቆቤይ ኢዛ፡ «ሄሲ ኣይሴ? ታኒ ታ ጎዳ ሲንፋን ቦንቹቲዳይሲ ታሰ ገደና» ገደሰ።

16 ሄሳ ገሻሰ ኤሳዌይ ሄ ጋላሰ ሴይሬ ሲሚ ቢደሰ።

17 ገደ ኣቲን ያቆቤይ ሱኮቲ ቢደሰ፤ ሄን ባሰ ኬላ ኬዲደሰ፤ ባ ማሄታሰካ ኣቁዛሶ ገግሲደሰ፤ ሄሳ ገሻሰ ሄ ሶሆዛ ሱኮቲ * ገ ሱንጲደሰ።

18 ያቆቤይ ማሰጳጳሚያፕ ሲሚዳ ዎዴ ካናኔ ቢታን ዲዛ ሴኬሜ ገዛ ካታማ ሳርን ጋኪደሰ፤ ካታማይሰ ሲንፋ ባጋራ ዲዛ ዴምባን ዲንካኒ ኡቲደሰ።

19 ባ ዲንካኔዛ ቶሊዳ ጋዴዛ ሴኬሜ ኣዎ ኤሞሬ ናይታፕ 100 ሳቂሊ ቢራን ሻሚደሰ።

20 ሄን ያርሾሶሆ ኬዲዳ ኢዛ፡ «ጸሲ ኢሰራኤሌ ጸሳ» ገ ሱንጲደሰ።

34

ዲናኔ ሴኬሜ ዴሬ ኣሳ

1 ሊያይ ያቆቤሰ ዩሊዳ ናያ ዲናይ ሄ ዎዴ ሴኬሜ ዴሬ ማጫሳ ቤያናሰ ኬዛዲሰ።

2 ሄ ቢታ ሃሪዛ ሃቂይ ኤሞሬ ና ሴኬሜይ ኢዛ ዎልቃራ ኦይኪዲ ላይማቲደሰ።

3 ሄሳፌ ጉዬ ኢዛ ዎዘናይ ኢዚን ኤኬቲደሰ፤ ኢዚን ናዮ ኬሂ ደሲዳ ገሻሰ ሲቆ ቃላን ባሌላደሰ።

4 ሴኬሜይ ባ ኣዎ ኤሞሬ፡ «ታሰ ሃኖ ናዮ ማቾ ኦይቻርኪ!» ገደሰ።

5 ያቆቤይ ባ ና ዲናይ ሞሬቲዳይሳ ሲዩዳ ዎዴ ኢዛ ኣቱማ ናይቲ ማሄራ ባዘን ዲዛ ገሻሰ ኢሰቲ ያና ጋካናሰ ጮኡ ገደሰ።

6 ሄሳፌ ጉዬ ሴኬሜ ኣዎ ኤሞሬይ ያቆቤራ ሃሳያናሰ ዩደሰ።

7 ያቆቤ ኣቱማ ናይቲ ሄ ሃኒዳይሳ ሲዩዳ ማላ ባ ዲዛሶፕ ዩዲ ጩጩዳኔ ሸኔቲዳ፤ ኣይሰ ገኮ ሴኬሜይ ኢሰራኤሌ ና ቦላ ኦላናሰ ቤሶንታ ኦሶ ኦሊዳ ገሻሰ ዳር ሃንቁቲዳ።

8 ገደ ኣቲን ኤሞሬይ ኢሰታሰ፡ «ታ ና ሴኬሜይ ኢንቲ ናዮ ዲና ዳር ሲቁዛ ገሻሰ ሃያና ኢዛ ኢዛሰ ማቾ ኢሜርኬቲ!

9 ኦናራ ኤኬቲቲኔ ጌሌቲቲ፤ ኢንቲ ማጫ ናይታ ኦሰ ኢሚቲ፤ ኦ ማጫ ናይታካ ኢንቲሰ ኤኪቲ።

10 ኢንቲ ኦ ገደን ኡታና ዳንዳይታ፤ ዴሬይ ኬሂ ኣሆ፤ ኢዛን ዴኢቲ፤ ዛልኢቲ፤ ኢዛን ኣቆ ኬሰቲ» ገደሰ።

11 ሄ ዎዴ ሴኬሜይ ዲና ኣዎኔ ኢዚ ኢሻታ፡ «ታኒ ኢንቲ ታ ገዛይሳ ኩንጲዛ ገዲኮ ኢንቲ ኦይቹዛይሳ ኣይ ገዲኮካ ታ ኢማና።

12 ኢንቲ ኮይታ * ኮይኮ ኢማና፤ ኢሞታ ኮይኮ ኢንቲ ኮይዳይሳ ኬና ታ ኢማና ሺን ናዮ ታ ኤካና ማላ ኤር ገቲ» ገደሰ።

13 ባ ሚቹዮ ዲና ሴኬሜይ ቱኒሲዳ ገሻሰ ያቆቤ ኣቱማ ናይቲ ሴኬሜሲኔ ኢዛ ኣዎ ኤሞሬሰ ዎርዶ ዮቲዳ፤

14 ኢሰቲካ ኢሰታሰ፡ «ኦኒ ሄሳ ማላ ሚሽ ኦላና ዳንዳዮኮ፤ ኦኒ ኦ ሚቹዮ ቃጸሬቶንታ ኣሳሰ ኢሚኮ ሃይሲ ኦና ካዉሺዛ ሚሻ።

15 ኦኒ ኢንቲ ኢሲ ሚሽ ኦሊኮ ኢንቲሰ፡ «ኤር» ጋና፤ ሄሲካ ኣዜ ገኮ ኢንቲ ቢታ ኣቱማ ኣሳይ ዉሪ ኦ ማላ ቃጸሬቲኮ።

16 ኦኒ ኦ ማጫ ናይታ ኢንቲሰ ኢማና ኢንቲ ማጫ ናይታካ ኦሰ ኤካና፤ ኦ ኢንቲ ገደን ኡቲዳ ኢንቲናራ ኢሲ ዴሬ ገደና።

17 ኢንቲ ቃጸሬታናሰ ኮዮንታ ገዲኮ ኦኒ ኦ ሚቹዮ ኤኪዲ ባና» ገደ።

18 ሂሰቲን ኢሰቲ ገደይሲ ኤሞሬሲኔ ኢዛ ና ሴኬሜሰ ሎኦ ሚሳቲደሰ።

19 ባ ኣዎ ኬላን ዲዛ ኡባፌ ኣጂ ቦንቹቲዳ ሴኬሜይ ያቆቤ ናዩን ኡፋዬቲዳ ገሻሰ ኢሰቲ ገደይሳ ኦላናሰ ጋሞኢቤና።

20 ሄ ዎዴ ኤሞሬይኔ ኢዛ ና ሴኬሜይ ባ ኣሳሰ ዮታናሰ ባ ዲዛ ካታማ ሲሚ ቢደ፤

21 «ሃ ኣሳቲ ኦናራ ሲጋ፤ ኢሰቲ ኦ ቢታን ዴቶኔ ዛልኤቶ፤ ኦ ዴሬይ ኬሂ ኣሆ፤ ኢሰታ ማጫ ናይታ ኦኒ ኤካና፤ ኢሰቲካ ኦ ማጫ ናይታ ኤኬቶ።

22 ገደ ኣቲን ኦናራ ኢሰቲ ኢሲ ኣሳ ማላ ዴኣናሰ ኦኒ ኢሲ ሚሽ ኦላናሰ ኮሽሴ፤ ሄሲካ ኢሰቲ ቃጸሬቲዳ ማላ ኦ ኣቱማ ኣሳይ ዉሪ ቃጸሬቲኮ ሃናና።

23 ኦኒ ሄሳሶ ኦሊኮ ኢሰታ ሚዛይ፡ ኢሰታ ኣቆይኔ ኢሰታ ማሄይ ዉሪ ኦሰ ዴኔ? ሄሳ ገሻሰ ኣኔ ኦኒ ኢሰቲ ጎይሳ ኤር ጎሰ፤ ኢሰቲካ ኦናራ ዳና» ገደ።

24 ካታማ ዲቡሻን ሸቂዳ ኣሳይ ዉሪ ኤሞሬሲኔ ኢዛ ና ሴኬሜሰ፡ «ኤር» ገደ። ሂሰቲን ሄ ካታማ ኣቱማሳይ ዉሪ ቃጸሬቲደሰ።

25 ሄቫንሶ ጋላሰ ኢሰቲ ዉሪ ባ ቃጸራ ማዲንፋ ሳኬቲሺን፡ ያቆቤ ኣቱማ ናይታፕ ዲና ኢሻቲ፡ ሲሞኒኔ ሌዌይ ገላ ማሻ ኤኪዲ ኦኒካ ኤርንታ ካታማ ጌሊዲ፡ ኣዴ ገዲዳይታ ኡባ ዎጂዳ።

26 ኤሞሬኔ ኢዛ ና ሴኬሜ ገላ ማሻን ዎጂዲ ባ ሚቹዮ ዲና ሴኬሜ ሶፕ ኬሲ ኤኪዲ ቢደ።

27 ያቆቤ ኣቱማ ናይቲካ ኣሃታ ቦላራ ዩጴቲ ኣጂዲ ባ ሚቹዮ ዲና ቱኒሲዳ ካታማ ቦንቁዳ።

28 ኢሰታ ዶርሰ፡ ዴይሽ፡ ሚዝ፡ ሃሬ፡ ቃሴካ ካታማ ገደን ዲዛይሳኔ ጋጸን ዲዛይሳ ኡባ ኤኪዳ።

29 ኢሰታ ማሄታኔ ኢሰታ ማቹታ ጉላ ናይታራ ኡባ ዲኢ ኤኪ ቢደ፤ ኬላን ዲዛይሳካ ኡባ ቦንቁዳ።

30 ያቆቤይ ሲሞናኔ ሌዌ፡ «ኢንቲ ታ ቦላ ማቶ ኤሂቹዳታ፤ ሃ ቢታን ዲዛ ካናቲኔ ፓርዘቲ ታና ኢዳና፤ ኦኒ ቆዳን ጉላ፤ ኢሰቲ ኢሲፌ ገዲዲ ታ ቦላ ዎራጂኮ ታኒኔ ታሶ ኣሳይ ጳያና» ገደሰ።

31 ገደ ኣቲን ኢሰታሰ፡ «ሂሰቲን ኢዚ ኦ ሚቹዮ ላይማ ማጫሳ ማላ ኦላናሰ ቤሲዜ?» ገደ።

35

ቤቲሌን ያቆቤ ኣንጃቲላ

1 ሄሳፌ ጉዬ ጸሲ ያቆቤ፡ «ዴንዳዳ ፑዴ ቤቲሌ ባዳ ሄን ዴኣ፤ ኦኒ ኔ ኢሻ ኤሳዌፕ ባቃቲዛ ዎዴ ኔሰ ቆንጩዳ ጸሳሰ ሄን ያርሾ ያርሾዛሶ ገገሳ» ገደሰ።

2 ያቆቤይካ ባሶ ኣሳኔ ባናራ ዲዛ ኣሳ ኡባ፡ «ኢንቲ ገደን ዲዛ ኣላጋ ኤቃ ሚሰሌታ ዲጊቲ፤ ኢንቲ ቦላ ጌሺቲ፤ ኢንቲ ማይኦካ ላሚቲ።

* 33:17 ሱኮቲ፡ ሱኮቲ ጉሲ ኢብራዌታ ቃላራ፡ «ዳሴ ዎይኮ ኣቆሶ» ጉሳ። 33:19 ኢያ 24:32፤ ዮሃ 4:5 * 34:12 ኮይታ፡ ኮይታ ጉሲ ማቹ ኣሳሰ ኢሚቲዛ ሚሽ ጉሳ። 35:1 ሜዴ 28:11-17

3 እኔ ዳንዲዲ ፑዳ ቤቴሌ ቦስ፤ ታ ማቶቲዳ ጋላስ ታኒ ገዛ ሲዱዲ ታኒ ቢዳ ኡባሶን ታናራ ጊዲዳ ጸሳስ ታኒ ሄን ያርሾ ያርሺዛሶ ገረሳና» ጊዳስ።

4 ሄሳ ገሻስ ኢስቲ ባ አቻን ዲዛ ሃራ ዳሬ አሳ ኤቃ ሚሰሌታ ኡባኔ ባ ሃይላን ዲዛ ጉቲቻ ኡባ ኬሲዲ ያቆቤስ አሚን ያቆቤይ ሄይታ ሴኬሜን ዲዛ ዋላ ጋርሳን ሞጊዳስ።

5 ሄሳፊ ጉዬ ኢስታ ዩሾን ዲዛ ካታማ ኡባ አሳ ቦላ ጸሳፊ ዳጋማይኔ ያሻቴሌ ዋዲዳ ገሻስ ያቆቤይኔ ኢዛ አቱማ ናይቲ ዳንዲዲ ቢሺን ኦኒካ ኢስታ ኦይካናስ ካሊቤና።

6 ያቆቤይኔ ኢዛራ ዲዛ አሳይ ወሪ ካናኔ ቢታን ዲዛ ቤቴሌ ጌቲቲዛ ሎዛ ጋኪዳ።

7 ሄን ኢዚ ያርሾ ያርሺዛሶ ኬጺዲ ሄ ሶሆዛ ኤሊ-ቤቴሌ* ገ ሱንላዲግ፤ አይስ ገኮ ኢዚ ባ አሻፕ ባቃቲዲ ቢዛ ዋዳ ጸሲ ኢዛስ ቆንጨዳ ሶሆ ጊዲዳ ገሻሳ።

8 ኢርቢቃ ዲቺዳ ዲቦራይ ሄን ሃይቃዳ ቤቴሌፕ ዲጌ ባጋራ ዲዛ ዋላ ጋርሳን ኢዛ ሞጌታዲስ፤ ሄሳ ገሻስ ሄ ሚላ ሱንላ አሌም-ባኩቲ† ጌቲቲዳስ።

9 ያቆቤይ ሚሰጶጸምያፕ ሰሚዳፕ ጉዬ ጸሲ ኢዛስ ቃሴካ ቆንጨዳ ኢዛ አንጂዳዲ፤

10 ጸሲ ኢዛ፣ «ሃኢ ጋካናስ ኔ ሱንላ ያቆቤ፤ ጊዳ አቲን ሃይሳፊ ጉዬ ሙሌካ ያቆቤ ጌቲታካ፤ ኔ ሱንላ ኢሰራኤሌ ጌቲታና» ጊዲ ኢዚ ኢዛ ኢሰራኤሌ ገ ሱንላዲግ።

11 ቃሴ ጸሲ ያቆቤ፣ «ታኒ ኡባ ዳንዲይዛ ጸሳ፤ ኔኒ ዩሌታ፤ ጮራታ፤ ዳሪይኔ ዳሪ ማባራይ ኔፕ ኬዛና፤ ካዋቲካ ኔ ጉልባቴፕ ኬዛና።

12 ታኒ አብራሃሜሴኔ ዩሳቃስ አሚዳ ቢታ ቃሴ ኔስ አማና፤ ኔፕ ጉዬካ ታኒ ሃ ቢታ ኔ ዜሬላስ አማና» ጊዳስ።

13 ሄሳፊ ጉዬ ጸሲ ኢዛራ ሃሳይዳ ሶሆፕ ፑዳ ቢዳስ።

14 ያቆቤይ ጸሲ ባናራ ሃሳይዳ ሶሆን ሹቾ ኤሲዲ ኢዛ ቦላ ኡሻ ያርሾ ጉሲዳስ፤ ዛይቲካ ኢዛ ቦላ ቲጊዳስ።

15 ያቆቤይ ጸሲ ባናራ ሃሳይዳ ሶሆዛ፣ «ቤቴሌ» ገ ሱንላዲግ።

ኤራሄሊ ሃይቆኔ ዩሳቃ ሃይቆ

16 ኢስቲ ሄሳፊ ጉዬ ቤቴሌፕ ዳንዲ ኤፍራታ ጋካናስ ጉሐ አሺዳ ማላ ኤራሄሎ ዋልቃማ ሚጸይ ኦይኪዳስ።

17 ሚጸይ ኢዛ ዋዩሲን ኢዛ ዩሊሲዛራ፣ «ባቦፋ፤ ሃይሲካ አቱማ ና» ጋዲስ።

18 ጊዳ አቲን ኢዛ ሃይቃ ሹምፕ ኬዚሺን ባ ና ቤኒ-ኦኔ‡ ጋ ሱንላዲግ፤ ያቆቤይ ኢዛ ቢኒያሜ § ገ ሱንላዲግ።

19 ሄሳፊ ጉዬ ኤራሄላ ሃይቃዳ ቤቴሊሃሜ ገዛ ኤፍራታ ኤፊዛ ኦጌ ደናን ሞጌታዲስ።

20 ያቆቤይ ኢዚ ዳፎን ሃወልቲ ሹቾ ኤሲዳስ፤ ሄ ሃወልቲ ሹቻይ ሃቾ ጋካናስካ ኤራሄሊ ዳፎ ማላታ ጊዲ ዳስ።

21 ኢሰራኤሌይ ሄፕ ዳንዲዲ ኤዳራ ገምቤፊ ሄ ፒንላን ባ ዳንካኔዛ ቶኪዳስ።

ያቆቤ ናይታ (1ታሪ 2:1-2)

22 ኢሰራኤሌይ ሄ ቢታን ዲሺን ኦርቤሌይ ቢዲ ባ አዋስ ዩሊዳ አይሌ ቢሊሃራ ዚንኢዳስ፤ ኢሰራኤሌይካ ሃ ዮኦዛ ሲዩዳስ።

ያቆቤ አቱማ ናይቲ ታማኔ ናምኦ። ኢስቲካ፣

23 ሊያ ናይቲ ያቆቤ ባይራ ና ኦርቤሌ፣ ሲሞና፣

ሌዌ፣ ዩሁዳ፣ ዩሳኮሬኔ ዛቢሎኔ።

24 ኤራሄሊ አቱማ ናይቲ ዮሴፊኔ ቢኒያሜ።

25 ኤራሄሊ አይሌ ቢሊሃ አቱማ ናይቲ ዳኔኔ ኒፍታሌሜ።

26 ሊያ ኦሳንቻ ዚልፊ አቱማ ናይቲ ጋዴኔ አሴሬ። ሃይቲ ማሶጶጸምያን ያቆቤስ ዩሌቲዳ ኢዛ አቱማ ናይታ።

27 ያቆቤይ ባ አዋይ ዲዛሶ ማሚሪ ጌቲቲዛሶ ዩዳስ፤ ሄሲካ አብራሃሜይኔ ዩሳቂ ካሴ ዳዩዳ ቂሪያቴ-ኦርባኤ ዋይኮ ኬብርኔ ጌቲቲዛሶ።

28 ዩሳቂ 180 ላይሐ ዳኢዳስ፤

29 ኢዚ ዳር ዋዳ ዳኢዲ ኬሂ ጨሚ ሃይቂዲ ባ አዋታን ጋጊዳስ፤ ኢዛ ናይቲ ኤሳዌይኔ ያቆቤይ ኢዛ ሞጊዳ።

36

ኤሳዌ ዩሌታ (1ታሪ 1:34-37)

1 ኤዶሜ ጌቲቲዛ ኤሳዌ ዩሌታይ ሃይሳፊ ካሊ ጸፊቲዳይሳ።

2 ኤሳዌይ ካናኔ ቢታ ማጫ ናይታፕ ባስ ማቾ ኤኪዳስ፤ ኢስቲካ ሂቲ ኤሎኔ ና አዳ፣ ሃዌያ ጸባኦኔ ና አናይ ዩሊዳ ኦሆሊባሜኔ

3 ኢስማኤሌ ና ኔባዮቲ ሚቺዮ ባሴማቶ።

4 አዳይ ኤሳዌስ ኤልፋዜ ዩላዲስ፤ ባሴማታያካ ኤራኤሌ ዩላዲስ፤

5 ኦሆሊባሜ ያኡሼ፣ ያኢላሜኔ ቆሬ ዩላዲስ፤ ካናኔ ቢታን ኤሳዌስ ዩሌቲዳ አቱማ ናይቲ ሃይታንታ።

6 ኤሳዌይ ባ ማቺታ፣ ባ አቱማ ናይታኔ ማጫ ናይታ፣ ባሶ አስ ኡባ ባ ሚዛታኔ ባ ሜሄ ኡባ ካናኔ ቢታን ኢዚ ሃራዳይሳ ኡባ ኤኪዲ ባ አሻ ያቆቤፕ ሃኪ ቢዳስ።

7 ኢስታ ሃርይ ዳሪዳ ገሻስ ኢስቲ ኢሲፊ ዳኦናስ ዳንዲይቤቴና፤ ሜሄይ ኢስታስ ዳሪዳ ገሻስ ኢስቲ ዲዛ ዳሪይ ኢስታ ናምኦታስ ጊዳናስ ዳንዲይቤና።

8 ሂሰቲን ኤዶሜ ጌቲቲዛ ኤሳዌይ ሴይሬ ጌቲቲዛ ጌዜን ኡቲዳስ።

9 ሴይሬ ጌቲቲዛ ጌዜ ቢታን ዲዛ ኤዶሜታ አዋ ኤሳዌ ዩሌታይ ሃይሳፊ ካሊ ጸፊቲዳይሳ።

* 35:7 ኤሊ-ቤቴሌ፣ ኤሊ-ቤቴሌ ጉሲ ኢብራዌታ ቃላራ፣ «ቤቴሌ ጸሳ» ጉሳ። † 35:8 አሌም-ባኩቲ፣ አሌም-ባኩቲ ጉሲ ኢብራዌታ ቃላራ፣ «ዩሆ ዋላ» ጉሳ። 35:10 ሜጵ 32:28 35:12 ሜጵ 17:4-8 35:15 ሜጵ 28:18-19 ‡ 35:18 ቤኒ-ኦኔ፣ ቤንኦኔ ጉሲ ኢብራዌታ ቃላራ፣ «ሜቶ ና ዋይኮ ታ ጨጨ ና» ጉሳ። § 35:18 ቢኒያሜ፣ ቢኒያሜ ጉሲ ኢብራዌታ ቃላራ፣ «ታ ኡሻቻ ኩሹ» ጊዲሺን ቢርሼላይ፣ «ቃዳ ሎኦ ና» ጉሳ። 35:22 ሜጵ 49:4 35:27 ሜጵ 13:18 36:2 ሜጵ 26:34 36:3 ሜጵ 28:9

10 ኤሳይ ኣቱማ ናይታ ሱንላ ሃይሳፌ ካሊ ጻፊቲዳይሳ፤ ሄሳቲካ ኤሳይ ማቸ ኣዳ ና ኤልፋዜኔ ኤሳይ ማቸ ባሴማቲ ና ኤሪኤኤሌ።

11 ኤልፋዜ ናይቲ ቲማኔ፥ ኦማሬ፥ ጾፎ፥ ጋኢታሜኔ ቁናዜ።

12 ቃሴ ኤሳይ ና ኤልፋዜሰ ቲሚናኤ ጌቲቲዛ ኣይሌይ ዳዉስ፤ ኢዛካ ኤልፋዜሰ ኣማለቁ ዩላዲስ፤ ሃይቲ ኤሳይ ማቸ ኣዲስ ና ናይታ።

13 ኤሪኤኤሌ ኣቱማ ናይቲ ናሃቲ፥ ዛራሄ፥ ሻማሃኔ ሚዛሄ፤ ሃይቲ ኤሳይ ማቸዮ ባሴማቲስ ና ናይታ።

14 ጸባኦኔስ ናዛ ና ኣናይ ዩሊዳ ኦሆሊባሚ ኣቱማ ናይቲ ሃይታ፤ ኢዛ ኤሳይስ ያኡሽ፥ ያኢላሜኔ ቆሬ ዩላዲስ።

15 ኤሳይ ዩሌታ ዜሬፋ ሃላቃቲ ሃይሳፌ ካሊ ጻፊቲዳይታ። ኤሳይስ ባይራ ና ኤልፋዜ ኣቱማ ናይታስ ሃላቃ ጌዲዳይቲ ቲማኔ፥ ኦማሬ፥ ጾፎ፥ ቁናዜ።

16 ቆሬ፥ ጋኢታሜኔ ኣማለቁ፤ ኤዶሚ ቢታን ኤልፋዜይ ዩሊዳ ሃላቃቲ ሃይታ፤ ሃይቲ ወሪ ኣዲስ ና ናይታ።

17 ኤሳይ ና ኤሪኤኤሌ ኣቱማ ናይታስ ሃላቃ ጌዲዳይቲ ናሃቲ፥ ዛራሄ፥ ሻማሃኔ ሚዛሄ፤ ኤዶሚ ቢታን ኤሪኤኤሌይ ዩሊዳ ሃላቃቲ ሃይታ፤ ኢሰቲ ኤሳይ ማቸ ባሴማቲስ ና ናይታ።

18 ኤሳይ ማቸዮ ኦሆሊባሚ ኣቱማ ናይታስ ሃላቃ ጌዲዳይቲ ያኡሽ፥ ያኢላሜኔ ቆሬ፤ ኢሰቲ ኣና ና፥ ኤሳይ ማቸዮ ኦሆሊባሚ፤ ዩሌቲዳ ሃላቃታ።

19 ሃይቲ ኤዶሚ ጌቲቲዛ ኤሳይ ኣቱማ ናይታስኔ ኢሰታ ዜሬፋታስ ሃላቃታ።

ሴይሬ ዩሌታ (1ታሪ 1:38-42)

20 ኤዶሚ ቢታን ዲዛ ሆሬ ሴይሬ ኣቱማ ናይቲ ሃይሳፌ ካሊ ጻፊቲዳይታ፤ ሄይቲካ ሎጻኔ፥ ሾባሌ፥ ጸባኦኔ፥ ኣና፥

21 ዲሾኔ፥ ኤጼሬኔ ዲሻኔ፤ ኢሰቲካ ኤዶሚ ቢታን ዲዛ ሴይሬ ኣቱማ ናይቲ፥ ሆሬታ ሃላቃታ።

22 ሎጻኔ ኣቱማ ናይቲ ሆሬኔ ሄማኔ፤ ሎጻኔ ሚቸያ ቲሚናኤ።

23 ሾባሌ ኣቱማ ናይቲ ኣሊዋኔ፥ ማናሃቲ፥ ኤባሌ፥ ሹፋኔ ኦናሜ።

24 ጸባኦኔ ኣቱማ ናይቲ ኣያኔ ኣና፤ ኣናይካ ባዘን ባ ኣዋ ጸባኦኔ ሃሬታ ሄሚሹ ጸባላ ሃላ ጸሚዳይሳ።

25 ኣና ናይ ዲሾኔ፤ ናያ ቃሴ ኦሆሊባሞ።

26 ዲሾኔ ኣቱማ ናይቲ ሄምዳኔ፥ ኤሽባኔ፥ ዩቲራኔ ካራኔ።

27 ኤጼሬ ኣቱማ ናይቲ ቢሊሃኔ፥ ዛኢዋኔኔ ኣቃኔ።

28 ዲሻኔ ኣቱማ ናይቲ ኡጾኔ ኣራኔ።

29 ሆሬታ ሃላቃቲ ሃይታንታ፤ ሎጻኔ፥ ሾባሌ፥ ጸባኦኔ፥ ኣና፥

30 ዲሾኔ፥ ኤጼሬኔ ዲሻኔ። ሃይቲ ሴይሬ ቢታን ባ ቆሞን ቆሞን ሻኬቲዳ ሆሬታ ሃላቃታ።

ኤዶሚ ካዋታ (1ታሪ 1:43-54)

31 ኢሰራኤሌን ካዋይ ካዋታና፤ ካሴ ኤዶሚ ቢታን ካዋቲዳ ካዋቲ ሃይሳፌ ካሊ ጻፊቲዳይታ።

32 ቢኦሬ ና ቤላይ ኤዶሚን ካዋቲዳስ፤ ኢዛ ካታማ ሱንላ ዲናቤ ጌቲቲስ።

33 ቤላይ ሃይቁን ቦጺራ፤ ዩዳ ዛራሄ ናይ ዮባቤይ ካዋቲዳስ።

34 ዮባቤይ ሃይቁን ቲማኔ ቢታፌ ዩዳ ሁሻሜይ ካዋቲዳስ።

35 ሁሻሜይ ሃይቁን ሚዲያሚ ኣሳታ ሞኣቤ ቢታን ጸኒዳ ባዳይ ና ሃዲዳይ፥ ካዋቲዳስ፤ ኢዛ ካታማ ሱንላ ኣዋቲ ጌቲቲዳስ።

36 ሃዲዳይ ሃይቁን ማሲሬቁ፤ ዩዳ ሳሚላይ ካዋቲዳስ።

37 ሳሚላይ ሃይቁን ሻፋ ኣቻን ዲዛ ኤራሆባ፤ ዩዳ ሻኡሌይ ካዋቲዳስ።

38 ሻኡሌይ ሃይቁን ኣኪቦሬ ና ባኣሊ-ሃናይይ ካዋቲዳስ።

39 ኣኪቦሬ ና ባኣሊ-ሃናይይ ሃይቁን ሃዳሬይ ካዋቲዳስ፤ ኢዛ ካታማ ሱንላ ፓኡ ጌቲቲስ፤ ኢዛ ማቸያ ሚዛሃቤ ናዮ ማጺሬዳ ዩሊዳ ማሄጸቢኤሎ ጌቲታዉስ።

40 ኤሳይ ዩሌታ ሃላቃቲ ባ ቆሞን ቆሞን ባ ሱንላን ሱንላን ሃይታንታ፤ ቲሚናኤ፥ ኣሊዋ፥ ዩቲቲ።

41 ኦሆሊባሜ፥ ኤላ፥ ፒኖኔ፥

42 ቁናዜ፥ ቲማኔ፥ ሚቢዛሬ፥

43 ማጌዲኤሌኔ ኢራሜ። ሃይታንቲ ባ ሃሪዛ ቢታን፤ ባ ዲዛሶን ኤዶሚ ሃላቃታ። ሃይሲ ኤሳይ ኤዶሚታ ኣዋ።

37

ዮሴፌኔ ኢዛ ኣሻታ

1 ያቆቤ ካሴ ባ ኣዋይ ዳዩዳ ካናኔ ቢታን ኡቲዳስ።

2 ያቆቤ ናይቲ ሃኒዳይሲ ሃይሳፌ ካሊዲ ጻፊቲዳይሳ።

ዮሴፌይ 17 ላይፋ ና ጌዲዳ ዎዴ ባ ኣዋ ኣይሌታ፤ ቢሊሃ፤ ዚልፊፊ ዩሌቲዳ ባ ኣሻታራ ባ ኣዋ ሜሃታ ሄሚስ፤ ሄ ዎዴ ኢዚ ባ ኣዋስ ኢሰቲ ኦሊዳ ኢታ ሚሽ ኤሂ ዮቲስ።

3 ኢሰራኤሌይ ዮሴፌ ጪማቲ፣ ዩሊዳ ጊሻሰ ሃንቡ ኣቱማ ናይታ ኡባሬ ኣሉ ሰቆስ፤ ኢዚ ኢዛስ ኣሌቆ ማይኦ ጊሻሰዳስ።

4 ኢዛ ኣሻቲ ኢሰታ ኣዋይ ኢዛ ኢሰታፊ ኣሉ ሰቆዛይሳ ቤኢዲ ኢሰቲ ኢዛ ኢዲዲ ሎኦ ቃላን ኢዛራ ሃሳያናስ ዳንዳይቤ፤

5 ዮሴፌይ ኣጉሞ ኣጉሚቲዲ ባ ኣሻታስ ዮቲዳስ፤ ኢሰቲካ ኢዛ ጌዴ ጉጂ ኢዲዳ።

6 ኢዚ ኢሰታስ፥ «ታኒ ኣጉሚቲዳ ኣጉሞ ሰዩቲ።

7 ኮኒ ጋዴ ጊዶን ካፋ ሚርቁ ሚርቁሽን ታ ሚርቁያ ዳንዳይ ሰቲ ጋ ኤቃዲስ፤ ኣንቲ ሚርቁቲ ጊዲኮ ዩዩ ኣቋዲ ታ ሚርቁይሲ ዘጊዳ» ጊዳስ።

8 ኢዛ ኣሻቲ ኢዛ፥ «ኔኒ ኮ ቦላ ካዋታና ሃናይ? ዎይኮ ኮና ቲሙ ሃራና ሃናይ?» ጊዳ፤ ኢሰቲ ኢዛ ኣጉሞዛ ጊሻሰኔ ኢዚ ኢሰታስ ዮቲዳ ቃላ ጊሻሰ ካሴ፤ ኢዛ ኣሉ ኢዲዳ።

9 ቃሴካ ዮሴፌይ ሃራ ኣጉሞ ኣጉሚቲዳ ባ ኣሻንታስ ዮቲዳስ፤ «ሰዩቲ፤ ታኒ ሃራ ኣጉሞካ ኣጉሚታዲስ፤ ሄ ኣጉሞዛን ኣርሼይ፥ ኣገናይ፤ 11 ጸሊንቲቲ ታስ ዘጊሽን ቤኣዲስ» ጊዳስ።

10 ሄ ኢዚ ቤኣዲ ኣጉሞዛ ባ ኣዋሲኔ ባ ኣሻታስ ዮቲን ኢዛ ኣዋይ ኢዛ፥ «ሃይሲ ኔኒ ኣጉሚቲዳይሲ

አይ አገሞ? ቱሙ ታኒ፣ ኔ አዩያኔ ኔ አሻቲ ዩዲ ኔ ሲንፋን ሳኦን ጉፋኒዲ ኔሰ ዚጋኔ?» ጊ ሃንቁቲዳሰ።

11 ኢዛ አሻቲ ኢዛ ሚቃይኒዳ፤ ጊዶ አቲን ኢዛ አዋይ ሃ ዮኦዛ ባ ዋዚናን ዋሊዲ ናጊዳሰ።

ዮሴፌ ባይዙታ

12 ኢሲ ጋላሰ ኢዛ አሻቲ ሴኬሜ አቻን ባ አዋ ማሄታ ሄማናሰ ቢን።

13 ኢሰራኤሌይ ዮሴፌ፣ «ኔ አሻቲ ሴኬሜን ማሄ ሄማዳይሳ ኔ ኤራሳ፤ ሃ ያ፤ ታ ኔና ኢሰታኮ ኪታና» ጊዳሰ።

ዮሴፌይካ፣ «ኤር» ጊዳሰ።

14 ያቆቤይካ፣ «ባዳ ኔ አሻቲኔ ማሄይ ሳር ዲዛኮ ቤኦ ያዳ ኢሰታ ሃኖታ ታሰ ዮታ» ጊዳሰ ኢዛ ኬብርኔ ሸባ ኪቲን ኢዚ ሴኬሜ ቢዳሰ።

15 ሄን ዳምባ ጊዶን ኢዚ ጌዳ ሃ ሲሜሬቲሺን ኢሲ ኣሲ ኢዛ ዳሚዳ፣ «ናዘ! አይ ኮያይ?» ጊ አይቺዳሰ።

16 ኢዚካ፣ «ታ አሻታ ኮያይሰ፤ ኢሰቲ ማሄ ሄማዳሰሆይ አዋኮ ታሰ ዮታርኪ!» ጊዳሰ።

17 ሂሰቲን አዳዚ፣ «ሃሳፌ ዳንዲቺዳ፤ ኢሰታሰ፣ ሓኒ ዶታኔ ቦሰ» ጊሺን ሲያዲሰ» ጊዳሰ፤ ሄሳ ጊሻሰ ዮሴፌይ ባ አሻታ ጉዬ ቢዲ ኢሰታ ዶታኔን ዳሚዳሰ።

18 ጊዶ አቲን ኢዚ ሃሆን ዲሺን ኢሰቲ ኢዛ ቤኢዳ፤ ኢዚ ኢሰታኮ ጋኮንታ ዲሺን ኢሰቲ ኢዛ ዋጳናሰ ማቁቲዳ።

19 ኢሶይ አሳሰ፣ «ቤአቲ! አገሞ ጎዳይ ዬሰ።

20 ሃ ዩቲ! ኢዛ ዋጳዲ ሃ ኦላታፔ ኢሳ ጊዶ ዬሳሰ። ሄሳፌ ጉዬ፣ «ኢታ ዶኦይ ኢዛ ሚዳሰ» ጋና፤ ሂሰቲዲ ኢዛ አገሞይ ፖሌቲን አኔ ቤኦና» ጊዳ።

21 ኦርቤሌይ ሄሳ ሲዩዲ ኢሰታ ኩሾፔ ኢዛ አሻናሰ ኮዩዲ፣ «ኢዛ ዋጳ ዋጳኮ፤

22 ሱሉ ጉሶፍቲ፤ ኢዛ አንቲ ባዘን ዲዛ ሃ ኦላ ጊዶ ዬጊቲ፤ ኢዛ ቦላ ኩሾ ዋጳፍቲ» ጊዳሰ። ኦርቤሌይ ኢዛ ኢሰታ ኩሾፔ ኣሺዲ ጉዬ ኢዛ አዋኮ ዬዳናሰ ቆጊዳሰ።

23 ዮሴፌይ ባ አሻታኮ ጋኪዳ ዋዴ ኢዚ ማይኢዳ አሌቆ ማይኦ አዛፔ ቃሪ ኤኪዳ፤

24 ኢዛ ኤፊዲ ሃሊ ባይንዳ ማላ ኦላን ዬጊዳ።

25 ኢሰቲ ባ ቁማ ማናሰ ኡቲዳሾ ኢሰማኤሌ ዳሬ አሳቲ ጊብጼ ባናሰ ጋላኦፔ ዩዛይታ ቶቁ ጊዲ ቤኢዳ፤ ኢሰቲ ባ ጋሚላን ሳዋ፣ ባላሳኔ ጌቲቲዛ ጳሌኔ ካርቤ ጫኒ ዋሊዳ።

26 ዩሁዳይ ባ አሻታ፣ «ኦኒ ኦ አሻ ዋጳዲ ኢዛ ሱላ ቆቲኮ ኦና አይ ማዳኔ?»

27 ሃ ዩቲ፤ ኢዛ ኢሰማኤሌታሰ ባይዘሰ፤ ኢዛ ቦላ ኦ ኩሾ ዋጳኮ፤ ጋሶይካ ኢዚ ኦ አሻኔ ኦ አሾ።» ሂሰቲን ኢዛ አሻቲ ወሪካ ኤር ጊዳ።

28 ሄሳ ጊሻሰ ሚዲያሚ ቢታ ዛልኣንቻቲ ሄሳራ አጳሺን ኢዛ አሻቲ ዮሴፌ ኦላፌ ኬሲዲ ኢሰማኤሌ አሳታሰ 20 ቢራሰ ባይዚን ኢሰቲ ዮሴፌ ጊብጼ ቢታ ኤፊዳ።

29 ኦርቤሌይ ኦላኮ ሲሚዲ ዮሴፌይ ሄን ባይንዳይሳ ቤኢዳ ዋዴ ጩጩዲ ባ ማይኦ ዳኪዳሰ

30 ኢዚ ጉዬ ባ አሻታኮ ቢዲ፣ «ናዚ ሄን ባዋ፤ ሃኢ ታ አዋ ሲማ ቦ!» ጊዳሰ።

31 ሄሳፌ ጉዬ ኢሰቲ ኢሲ ዳይሽ ኤኪ ሹኪዲ ዮሴፌ ማይኦ ሱላን ማጳዲ።

32 ኢዛ አሌቆ ማይኦዛ አዋኮ ኤፊዲ አዋሰ፣ «ኦኒ ሃይሳ ዳሚ ኤኪዳሰ፤ ሃይሲ ኔ ናዘ ማይኦኦኔ ሃራኮ አኔ ዳላ» ጊዳ።

33 አዋይካ ማይኦዚ ዮሴፌይሳ ጊዲዳይሳ ኤሪዳ፣ «ኤ ሃይሲ ታ ናዘ ማይኦ! ኢታ ዶኦይ ኢዛ ሚቺዳሰ፤ ቱሙካ ዮሴፌ ዶኦይ ፑዜሬሊ ዋንታ አጌና» ጊዳሰ።

34 ያቆቤይካ ሚሾቲዲ ባ ማይኦ ፔጳ ዬጊዳሰ፤ ማቃ ማይኢዲ ዳር ዋዴ ጋካናሰ ባ ናዛሰ ዬኪዳሰ።

35 ኢዛ አቱማ ናይቲኔ ማጫ ናይቲ ወሪ ኢዛ ሚንሌላናሰ ኢዛኮ ዩዳ፤ ጊዶ አቲን ኢዚ ሚኔቶንታ ኢጲዲ፣ «ሃኔና! ታኒ ዬካዳ ታ ናኮ ባዳ ዲፎን ጌላና» ጊዲ ኢዛ አዋይ ኢዛሰ ዬኪዳሰ።

36 ሄ ዋዴ ሚዲያሚ ቢታ አሳቲ ዮሴፌ ጊብጼ ካዋ ኦሳንቻ ጲጲፋራሰ ጊብጼን ባይዚዳ፤ ጲጲፋራይካ ዛቤታ ሃላቃ።

38

የሁዳይ ቲአማር

1 ሄ ዋዴ የሁዳይ ባ አሻታፔ ሻኬቲዲ አዲላሚ ጌቲቲዛ ካታማን ዲዛ ሂራ ጌቲቲዛ አዳዛሪ ዳኦና ቢዳሰ።

2 ሄን የሁዳይ ሹኦ ጌቲቲዛ ካናኔ ዳሬ ማጫ ና ቤኢዳሰ። ኢዚካ ኢዞ ማቾ ኤኪዲ ኢዚራ ዳኢዳሰ።

3 ኢዛ ኢዛሰ ሻራዳ አቱማ ና ዬላዳ ኤሪ ጋ ሱንፋዲሰ።

4 ቃሴካ ሻራዳ አቱማ ና ዬላዳ ኦናኔ ጋ ሱንፋዲሰ።

5 ቃሴ ጉጃዳካ አቱማ ና ዬላዳ ኢዛ ሴላ ጋ ሱንፋዲሰ።

6 ኢዛካ ኢዛ ኣኪዛቤ ጌቲቲዛ ቢታን ዬላዲሰ።

7 የሁዳይ ባ ባይራ ናዘ ኤራ ቲአማር ማቾ ኤኪሲዳሰ።

8 የሁዳይ ባይራ ና ኤራይ ጎዳ ሲንፋን ኢታ ኣሰ ጊዲዳ ጊሻሰ ጎዳይ ኢዛ ዋጳዳሰ።

9 የሁዳይ ኦናኔ፣ «ኔ አሻዛ ማቾ ላታዳ ኢዛሰ ላታ ና ዬላዳ ኢዛ ሱንፋ ዳይጊሳ» ጊዳሰ።

10 ጊዶ አቲን ኦናኔይ ዬሌቲዛ ናይቲ ባሰ ጊዶንታይሳ ኤሪዳ ባ አሻ ማቻይራ አቁዛ ዋዴ አይዳካ ባ አሻሰ ናይ ዬሌቶንታ ማላ ባ ዜሬላ ቢታን ጉሴሰ።

11 ኢዚ ኦሊዳይሲ ጎዳ ሲንፋን ጋራ ጊዲዳ ጊሻሰ ጎዳይ ኢዛካ ዋጳዳሰ።

12 ሄሳፌ ጉዬ የሁዳይ ባ ና ማቾ ቲአማር፣ «ታ ናዬ ሴላይ ዲጫና ጋካናሰ ኔ አዋ ሱ ባዳ አምኤቲላን ዳሻ» ጊዳሰ። ሄሳ ኢዚ ኣዛሰ ጊዳ? ጊኮ፣ «ሴላይ ባ አሻታ ማላ ሃይቃናኮ» ጊዲ ሂርጊዳ ጊሻሳ። ሄሳ ጊሻሰ ቲአማር ባዳ ባ አዋ ሱን ዳኦዲሰ።

13 ዳር ዋዴ ጉዬ ሹኦ ናዳ፣ የሁዳ ማቻያ ሃይቃዲሰ። የሁዳይ ካዮቲ ኣሊዳፔ ጉዬ ባ ላጌ ኣዲላሚ ዳሬ ኣሰ ሂራ ጌቲቲዛይሳራ ባ ዶርሳ ኢሰኬ ቃንጸዛ አሳቲ ዲዛሰ ቱሚና ቢዳሰ።

14 ኣሳይ ቲአማሪሰ፣ «ቤያ፤ ኔ ቦሎይ የሁዳይ ባ ዶርሳታ ኢሰኬ ቃንጸናሰ ቱሚና ቤሰ» ጊ ዮቲዳሰ።

15 ኢዛ ባ አምኤቲላ ማይኦዛ ቃራዳ ባና ባሌላናሰ ጎሰ ኤካ ጉሉንታዳ ቱሚና ኤፊዛ ኦጌ ዶናን ዲዛ ኤናይሜ ካታማ ፔንጌን ኡታዲሰ። ሄሳ ኢዛ ኦሊዳይ

ሴላይ ዲጪዲ ጋኪንካ ኢዛ ኢዛሰ ማቸ ገዳናሰ ኤኮንታይሳ ኤሪዳ ገሻሳ።

15 ኢዛ ባ ኣይፊሶ ጉሉንታ ኡተዳ ገሻሰ የሁዳይ ኢዛ ቤኢዲ ላይማ ማጫሰ ገዲ ቆጥደሰ።

16 ባ ና ማቸ ገዲዳይሳ ኤሮንታ ዲሼ ኦጌ ጋጸ ኢዚኮ ሸቂዲ ኢዛ፡ «ታናራ ዚንኣርኪ!» ገደሰ።

ሂሰቲን ኢዛ፡ «ታኒ ኔናራ ዚንኣርኪ ኔኒ ታሰ ኣይ ኣማኔ?» ጋ ኦይቻዲሰ።

17 ኢዚካ፡ «ታኒ ታ ማሄፕ ኢሲ ዳይሻ ላቃ ኔሰ ዩዳና» ገደሰ።

ኢዛካ፡ «ኔኒ ሄሳ ታሰ ዩዳና ጋካናሰ ኣይ ኦይላኔ?» ጋዲሰ።

18 ኢዚ፡ «ኣይ ኦይላ?» ገ ኢዛ ኦይቸደሰ።

ኢዛካ፡ «ኔ ማታሜ ቃላባቲዛ ኢዛ ቃቸዛይሳራኔ ኔ ኩሼን ዲዛ ጉፊዛ ኦይላ» ገን ኢዚ ሄይታ ኣሚዲ ኢዚራ ዚንኣን ኢዛ ኢዛሰ ሻራዲሰ።

19 ኢዛ ሄሳፊ ዴንዲዳ ቢዳፕ ጉዬ ባ ጉሉንታዳ ጎሳዛ ቃራዳ ባ ኣምኤቲላ ማይኦ ማይኣዲሰ።

20 የሁዳይ ባ ኦይላዳይሳ ኢዚፕ ዛሪ ኤካናሰ ዳይሻ ላቃ ባ ላጌ ኣዲላሚ ቦላ ኢዚሰ ዩዲዳሰ፤ ገደ ኣቲን ኢዚ ኢዛ ዳሚቤና።

21 ኢዚ ሄ ቢታ ኣሳ፡ «ኤናይሜ ካታማን ኦጌ ደናን ኡተዳ ላይማ ማጫሳያ ኣዎ ባዴ?» ገ ኦይቸደሰ።

ኣሳይ፡ «ላይማ ማጫሲ ሃይሳን ሙሌካ ባዎ» ገደሰ።

22 ኢዚካ የሁዳኮ ሰሚዲ ኢዛ፡ «ታኒ ኢዛ ዳማቤኬ፤ ሄሳፊካ ቦላራ ሄ ቢታ ኣሳይ፡ ላይማ ማጫሲ ሃይሳን ሙሌካ ዲ ኤሬና» ገደ» ገደሰ።

23 ሂሰቲን የሁዳይ፡ «ባ ኦይኪዳይሳ ባሰ ኤኩ፤ ሂሰቲንታ ኣገኮ ኣሲ ኦና ሚጫና። ሂሰቲን ታኒ ኢዚሰ ዳይሻ ላቃ ዩዳዲሰ፤ ገደ ኣቲን ኔኒ ኢዛ ዳማቤካ» ገደሰ።

24 ሄቡ ኣገናፕ ጉዬ ኣሳይ፡ «ኔ ና ማቸዳ ቲኣማራ ላይማታዳ ሻራዲሰ» ገዲ የሁዳሰ ዮቲደሰ።

የሁዳይካ፡ «ኢዛ ካሬ ኬሲዲ ታማን ጸገቲ» ገደሰ።

25 ኢዛ ካሬ ኬሲዛ ዎዴ፡ «ታኒ ሻሪዳይ ሃ ሚሻታ ጎዳሳ፤ ቤያ፤ ሃይሳ ማታሜ ቃላባቲዛ ኢዛ ቃቸዛይሳኔ ሃይሲ ጉፊዚ ኦናይሳኮ ኤራና ዳንዳይኮ ኤራ» ገዳ ባ ቦሎሰ ኪታ ዩዳዲሰ።

26 የሁዳይ ሄ ሚሻታ ኤሪዲ፡ «ታፕ ኢዛ ጸሎ፤ ጋሶይካ ታኒ ኢዛ ታ ና ሴላሰ ኤካቤኬ» ገደሰ። ሄሳፊ ጉዬ ኢዚ ኢዚራ ናምኣንላ ዚንኢቤና።

27 ኢዛ ዩላና ሃኒዛ ዎዴ ኢዚ ኡሎን ሜንቴ ኣቲማ ናይቲ ዳቲሰ።

28 ኢዛ ማሪቲሺን ኢሰታፊ ኣሳይ ባ ኩሼ ኬሲን ዩሊሲዛራ፡ «ቤኢቲ፤ ሃይሲ ኮይሮ ኬዜሰ» ገዳ ዞኦ ቃጪና ኢዛ ኩሼን ቃቻዲሰ።

29 ገደ ኣቲን ኢዚ ባ ኩሼ ጉዬ ኤኪዳ ዎዴ ኢዛ ኣሻይ ዩሊቲን ኢዛ፡ «ኔኒ ዋና ሲንሳታ ኬዛዲ!» ገደሰ። ሄሳ ገሻሰ ኢዛ ፓሬሴ * ጋ ሱንሳዲሰ።

30 ሄሳፊ ጉዬ ኢዛ ኩሼን ዞኦ ቃጪናይ ቃሸቲ ዲዛ ፓሬሴ ኣሻይ ዩሊቲን ሱንሳይ ዛራሄ † ጌቲቲደሰ።

39

ዮሴፊኔ ጲጲፋራ ማቸ

1 ኢሰማኤሌ ኣሳቲ ዮሴፊ ገብጼ ኤፊን ገብጼ ካዎ ኦሳንቻታፕ ጲጲፋራ ጌቲቲዛ ዛቤታ ሃላቃይ ዮሴፊ ኢሰማኤሌታፕ ሻሚደሰ።

2 ጎዳይ ዮሴፊራ ዲዛ ገሻሰ ኢዚ ኦላዛይሳ ኡባ ኢዛሰ ኢንጃሲዳሰ፤ ኢዚካ ባ ጎዳ ሶን ገብጸን ዳኢዳሰ።

3 ጎዳይካ ኢዛራ ዳኢዛይሳኔ ጎዳይ ኢዚ ኦላዳይሳ ኡባ ኢዛሰ ኢንጃሲዳይሳ ጲጲፋራይ ቤኢዲ።

4 ዮሴፊ ደሲደሰ። ዮሴፊይካ ኢዛ ኦሳንቻ ገዲደሰ። ጲጲፋራይ ኢዛ ባ ኬላ ኣሳ ቦላ ሱንሳዲ ባሰ ዲዛዝ ኡባ ኢዛ ኩሼን ዎላደሰ።

5 ጲጲፋራይ ባ ኬላን ዲዛይሳ ኡባ ቦላኔ ባ ኣቆታ ኡባ ቦላ ሱንሳዲ ዎዴፕ ደሚን ጎዳይ ገብጼ ኣዴዛ ኬላ ዮሴፊ ጌዶን ኣንጂደሰ። ጎዳ ኣንጅይ ጲጲፋራ ሶን ገዲን ካሬን ዲዛ ሚሽ ኡባ ቦላ ዎዴደሰ።

6 ሄሳ ገሻሰ ባሰ ዲዛ ኡባ ዮሴፊሰ ሼዲደሰ፤ ኢዚ ባ ሚዛ ካላፊ ኣቲን ሃራ ዮሴፊ ኩሼን ዩገደሰ። ዮሴፊይ ዩጋላይ ማላ ሎኦ ኣሳ።

7 ጉላ ዎዴፕ ጉዬ ኢዛ ጎዳ ማቸዳ ዮሴፊ ጫዳ ጸላዳ፡ «ሃ ያ፤ ታናራ ዚንኣ» ጋዲሰ።

8 ገደ ኣቲን ኢዚ ኢዲደሰ፤ ባ ጎዳ ማቸይሰ፡ «ቤያ! ታ ጎዳይ ባሶን ዲዛ ኡባ ታሰ ሼዲዲ ኣዛሰካ ሂርጌና፤ ባሰ ዲዛይሳ ኡባ ታ ኩሼን ዎላደሰ።

9 ሃሶን ታፕ ኣዲዛይ ደና፤ ኔኒ ኢዛ ማቸ ገዲዳ ገሻሰ ኔና ጸላ ኣቲን ታ ጎዳይ ታሰ ኣምንታ ሚሽ ባዎ። ሂሰቲን ታኒ ሃይሳ ማላ ኢታ ሚሽ ጸላ ሲንሳን ዎሰታ ኦላ?» ገደሰ።

10 ኢዛ ኡባ ዎዴ ዮሴፊ ሳሌሊንካ ኢዚ ኤዎ ኣሚቤና፤ ኢዚራ ኢሼቾ ኣቲን ኢዚኮ ሸቃናወካ ኮዩቤና።

11 ኢሲ ጋላሰ ኢዚ ባ ኦሶ ኦላናሰ ሶ ጌሊሺን ሶ ኣይሌታፕ ኦኒካ ሶን ባዎ።

12 ኢዛካ ዮሴፊ ማይኦ ሸቾ ኦይካዳ፡ «ታናራ ዚንኣ» ጋዲሰ። ገደ ኣቲን ኢዚ ባ ማይኦ ኢዚ ኩሼን ዩገዲ ሶፕ ካሬ ዎጺ ኬዚደሰ።

13 ዮሴፊይ ባ ማይኦ ኢዚ ኩሼን ዩገዲ ሶፕ ካሬ ዎጺ ኬዚደይሳ ኢዛ ቤኣዳ።

14 ባ ሶ ኣይሌታ ጸይጋዳ ኢሰታሰ፡ «ቤኢቲ! ታ ኣዚናይ ኤሂዳ ኢብራዎ ኣዴዚ ታና ካወሺሼ ኣገደሰ፤ ኢዚ ታናራ ዚንኣናሰ ሃ ሶ ጌሊደሰ፤ ገደ ኣቲን ታኒ ታ ቃላ ጶቂሳዳ ዋሳዲሰ።

15 ሂሰቲን ኢዚ ባ ማይኦ ታ ኣቻን ዩገዲ ሶፕ ካሬ ዎጺ ኬዚደሰ» ጋዲሰ።

16 ኬላ ኣዎይ ያና ጋካናሰ ኢዛ ዮሴፊ ማይኦካ ባ ኣቻን ዎላዲሰ።

17 ሄሳፊ ጉዬ ኢዛ ኢዛሰ፡ «ሄሲ ኔኒ ኦሰ ኤሂዳ ኢብራዎ ኣይሌይ ታናራ ዚንኣናሰ ታኮ ጌሊደሰ፤

18 ገደ ኣቲን ታኒ ታ ቃላ ጶቂሳዳ ዋሰን ኢዚ ባ ማይኦ ታ ኣቻን ዩገዲ ሶፕ ካሬ ዎጺ ኬዚደሰ» ጋዲሰ።

19 ኬላ ኣዎይ ማቸዮ፡ «ኔ ኣይሌይ ታና ሃይሳላ ኦላደሰ» ጋዳ ዮቲዳ ቃላ ሲዩዲ ዳሮ ሃንቁቲደሰ።

* 38:29 ፓሬሴ፡ ፓሬሴ ገዛይሲ ኢብራዊታ ቃላራ፡ «ፓሬጾ» ገዲሺን ቢርሽላይ፡ «ሲንሳቲ ኬዚደሰ ዎይኮ ሞሪደሰ» ጉሳ። † 38:30 ዛራሄ፡ ዛራሄ ጉሲ ኢብራዊታ ቃላራ፡ «ጉኦ ዎይኮ ዎላቃንላ» ጉሳ። 39:2 ሃዎ 7:9

20 ኢዚካ የሴፌ ኤፌዲ ካዎ ቃሾ ኣሳይ ዲዛ ቃሾ ኮላን ዩጊደስ።
 21 ጊዶ ኣቲን የሴፌይ ሃን ቃሾ ኮላን ዲዛ ዎዳ ጎዳይ ኢዛራ ደስ። ጸሲ ቃሾ ኮላን ኢዛራ ዲዛ ባ ኪያቴላ ኢዛሰ ደርሲደስ። ቃሴካ ቃሾ ኮላ ሃላቃዛ ሲንላን ኢዛሰ ቦንቾ ኢሚደስ።
 22 ሂሰቲን ቃሾ ኮላ ሃላቃይ ቃሾ ኣሳ ኡባ የሴፌ ኩሼን ዎላደስ፤ ሃን ኦሴቲዛይሳ ኡባ ቦላ ኣዎቲዛይ ኢዛ።
 23 ጎዳይ የሴፌራ ጊዲዲ ኢዚ ኦላዚ ኡባ ፖሊሲዛ ገሻሰ ዎይኔ ኮላ ኣላፊይ የሴፌ ኣላፊቴላን ዲዛ ኣይ ሚሻሰካ ዎናንዴሻ ጊዲ ሂርጊ ኤሬና።

40

የሴፌይ ቢርሺዳ ኣጉዎ

1 ጉላ ዎዳፔ ጉዬ ጊብጾ ካዎ ኡሹ ዲቁዛይታ ኣላፊይኔ ቁማ ካሊዛይታ ኣላፊይ ባ ጎዳ ጊብጾ ካዎ ቆሂዳ።
 2 ካዎይ ኡሹ ዲቁዛይታ ሃላቃኔ ቁማ ካሊዛይታ ሃላቃታ ናምኣታ ቦላ ኮሂ ሃንቁቲደስ።
 3 ሃሳ ገሻሰ ዛቤታ ሃላቃዛ ኮላን የሴፌይ ቃሹቲዳ ዎይኔ ኮላን ዩጊደስ።
 4 ዛቤታ ሃላቃይ ኢሰታ የሴፌሰ ሹጲን ኢዚ ኢሰታሰ ኮሺዛ ሚሻን ሚዲደስ፤ ኢሰቲካ ቃሾ ኮላ ጌሊዲ ጉላ ጋምኢዳ ማላ።
 5 ጊብጾ ካዎስ ኡሹ ዲቁዛይታ ሃላቃይኔ ቁማ ካሊዛይታ ሃላቃይ፣ ናምኣይካ ቃሾ ኮላን ዲሼ ኢሲ ቃማ ኦማርሰ ባሰ ባሰ ኣጉዎ ኣጉማቲዳ። ናምኣታ ኣጉዎ ቢርሺዳካ ዲማ ዲማ።
 6 የሴፌይ ማላደ ኢሰታኮ ጌሊዳ ዎዳ ኢሰቲ ሙዙቲ ኡቲዲይታ ቤኢደስ።
 7 ሃሳ ገሻሰ ባ ጎዳ ቃሾ ኮላን ባናራ ዲዛ ካዎ ኦሳንታታ፣ «ሃኛ ኢንቴ ኣይፊሶይ ኣዛሰ ቆሚዳ?» ጊ ኦይቺደስ።
 8 ኢሰቲካ ኢዛሰ፣ «ኑኒ ናምኣይ ኣጉዎ ኣጉማቲደስ፤ ጊዶ ኣቲን ኑሰ ቢርሺዛ ኣሲ ቆይደስ» ጊዳ።
 የሴፌይካ ኢሰታሰ፣ «ኣጉዎ ቢርሺዛይ ጸሳ ጊደኔ? ኢንቴ ኣጉዎዛ ኣኔ ታሰ የቲቲ» ጊደስ።
 9 ሂሰቲን ኡሹ ዲቁዛይታ ሃላቃይ ባ ኣጉዎ የሴፌሰ፣ «ታኒ ታ ኣጉዎን ኢሲ ዎይኔ ሚላ ታ ሲንላን ዲዛይሳ ቤኣዲስ።
 10 ቃሴ ሄ ዎይኔ ሚላሰ ሄሹ ሃጋይ ደስ። ሄራካ ኣጫዳ ጨያዲስ፤ ሎኡላ ዉርጫዳ ኣይፋዲስ።
 11 ሄ ዎዳ ፓርኔ ኡሻ ጸኣይ ታ ኩሼን ደስ፤ ታኒካ ዎይኔዛ ኣይፊ ማጸዳ ጸኣዛ ጊደን ጉምኣዳ ኡሻ ፓርኔሰ ኣማዲስ» ጊ የቲደስ።
 12 ሂሰቲን የሴፌይካ ዛሪዲ፣ «ሃሳ ቢርሺዳ ሃይሳ፤ ሄሹ ሃጋቲ ሄሹ ጋላሳታ።
 13 ሄሹ ጋላሳታ ጊደን ካዎይ ኔና ዴንሊዲ ኢዚ ኔና ካሴ ኔ ዲዛ ኣላፊቴላን ዎላና፤ ካሴ ኔኒ ኡሹ ዲቁዛ ዎዳ ኦላዲ ማላ ኔኒ ካዎ ዎንጫ ኢዛ ኩሼን ዎላና።
 14 ጊዶ ኣቲን ኔሰ ዎዳይ ሎኢዳ ዎዳ ታና ባሎፓ፤ ታሰካ ኪያ፤ ታ ገሻሰ ካዎስ የታዳ ሃ ቃሾ ኮላፊ ታና ኬሲሳ፤

15 ጋሶይካ ታና ኢብራዌታ ቢታፊ ዎልቃራ ሻሚ ኤሂዳ፤ ጊዶ ኣቲን ሃይሳሉ ታና ቃሾሰ ጋሊዛ ሚሽ ኣይኮካ ኦላቤኬ» ጊደስ።
 16 ካላ ካሊዛይታ ሃላቃይ የሴፌይ ኡሹ ዲቁዛይታ ኣጉዎ ሎኢሊ ቢርሺዳይሳ ቤኢዲ የሴፌሰ፣ «ታኒካ ኣጉዎ ኣጉማታዲሰ፤ ሂሰካ፣ ታ ሁኤን ሄሹ ማሶቤ ቶካ ኦይካዲስ።
 17 ቦላ ባጋ ማሶቤን ጊብጾ ካዎስ ኡኬቲዳ ዲማ ዲማ ቁማይ ደስ። ጊዶ ኣቲን ካፎቲ ሃሳ ታ ሁኤን ዲዛ ማሶቤዛፔ ሚዳ» ጊ የቲደስ።
 18 ሂሰቲን የሴፌይ፣ «ሃሳ ቢርሺዳይ ሃይሳ፤ ሄሹ ማሶቤቲ ሄሹ ጋላሳታ።
 19 ሄሹ ጋላሳታ ጊደን ካዎይ ኔና ዴንሊዲ ኔ ቆጶ ሙጪዲ ሚላ ቦላ ካቂሳና፤ ኔ ኣሾካ ካፎቲ ማና» ጊደስ።
 20 ሄሹንሉ ጋላሰ ጊብጾ ካዎይ ባ ዩሎቲዳ ጋላሰ ባ ካዎቲላን ዲዛ ሹሚታ ኡባሰ ጊቢራ ገባሲደስ። ኡሹ ዲቁዛይታ ሃላቃኔ ካላ ካሊዛይታ ሃላቃ ቃሾ ኮላፊ ኬሲዲ ባ ሹሚታ ሲንላን ኤሲደስ።
 21 ኡሹ ዲቁዛይታ ሃላቃዛ ካሴ ኢዛ ሹሚቲላን ዛሪን ኢዚ ካዎ ኩሼን ዎንጫ ዎላደስ።
 22 ጊዶ ኣቲን ካዎዚ ካላ ካሊዛይታ ሃላቃ የሴፌይ ኢዛ ኣጉዎ ቢርሺዳ ማላ ኢዛ ካቂሲደስ።
 23 ኡሹ ዲቁዛይታ ሃላቃይ ጊዲኮ የሴፌ ቆፖንታ ደጊ ኣጊደስ።

41

ፓርኔ ኣጉዎዛ ቢርሺዳ

1 ናምኡ ላይላ ኩሚላ ኣጲዳ ዎዳ ጊብጾ ካዎይ ኣጉዎ ኣጉማቲደስ፤ ኣጉዎራ ኢዚ ኣባዬ ሻፋ ደናን ኤቂ ዲሺን።
 2 ላፑን ኦርዴኔ ዎዳ ሚዛቲ ኣባዬ ሻፋፔ ኬዚዲ ሻፋ ኣታን ማታ ሚሺን ቤኢደስ።
 3 ኢሰታፊ ካሊዲ ሃራ ላፑን ማላ ኢታኔ ገለቃ ሚዛቲ ኣባዬ ሻፋፔ ኬዚዲ ሻፋዛ ደናን ዲዛ ዎዳ ሚዛታ ኣታን ኤቂዳ።
 4 ሄ ሚዳ ኢታኔ ገለቃ ሚዛቲ ላፑን ኦርዴኔ ዎዳ ሚዛታ ሚቲሺን ቤኢደስ። ሃሳፊ ጉዬ ካዎይ ጲሰኮፊ ቤጊደስ።
 5 ኢዚ ቃሴካ ጲሰኪዲ ናምኣንሉ ኣጉማቲዳ ላፑን ሎኦኔ ሙሩታ ቲያቲ ኢሲ ማቃ ቦላ ዲጪዳይሳ ቤኢደስ።
 6 ኢሰታፊ ካሊዲ ኣይፊ ላፋኔ ጫርኮን ሹሊዲ ሚሊዳ ላፑን ቲያቲ ኬዚዲ።
 7 ሄ ላፋ ኣይፊ ቲያቲ ሎኦኔ ሙሩታ ቲያታ ሚቲዳ። ሃሳፊ ጉዬ ካዎዚ ቤጊዲ ኣጉዎ ጊዲዳይሳ ኤሪደስ።
 8 ጋይይ ዎንቲሺን ኢዛ ዎዛናይ ሺርቲደስ፤ ሃሳ ገሻሰ ጊብጾን ዲዛ ቢታንታሲኔ ኤራ ኣሳታ ኡባሰ ኪቲዲ ጴይጊሲደስ፤ ካዎይ ኢሰታሰ ባ ኣጉዎዛ የቲደስ፤ ጊዶ ኣቲን ኢዛሰ ሄ ኣጉዎዛ ቢርሻናሰ ዲንዲይዛ ኣሲ ቤቲቤና።
 9 ሄ ዎዳ ኡሹ ዲቁዛይታ ሃላቃይ ጊብጾ ካዎስ፣ «ታኒ ታ ዎር ሃኛ ቆፓይስ።
 10 ኢሲቶ ካዎይ ባ ኣይሌሰ ሃንቁቲዳ ታናኔ ካላ ካሊዛይታ ሃላቃዛ ቃሾ ኮላን ዩጊደስ።

11 ኮኒ ሃን ዲሼ ኮስ ኮስ አጉሞ አጉሜተደስ፤ አጉሞዛስካ ዲማ ዲማ ቢርሼላ ደስ።

12 ሃ ዎዴ ዛቤታ ሃላቃዛ አይሌ ገዲዳ ኢሲ ኢብራዌ ፓንሌ ኮናራ ቃሾ ኬላን ደስ። ኮኒ ኮ አጉሞ ኢዛስ የተን ኢዚ ኮስ ሁኔን ሁኔን ኮ አጉሞ ቢርሼደስ።

13 ሂሰተን ሃ የኦተ ኢዚ ኮስ ቢርሼዳ ማላ ሃኒዳ። ሄሲ አዜ ገረ ታኒ ካሴ ታ አላፊቴላን ሲማዲስ፤ ሃንኮይሲ ገዲኮ ካቁተደስ» ገደስ።

14 ሂሰተን ገብጾ ካዎይ የሴፊ ከተዲ ደይገሲደስ። ኢሰተ ኢዛ ቃሾ ኬላፊ ኤሶን ኤኪ ዪን ባ ሁኔ ሜዳተዲ ማይኦ ላሚዲ ካዎዛኮ ገሌደስ።

15 ካዎይ የሴፊ፣ «ታ አጉሜተዳ አጉሞዛ ቢርሻናሰ ኦኒካ ዳንዳይቤና። ገደ ኦተን ታኒ፣ «የሴፊይ አጉሞ ሲዪኮ ቢርሻናሰ ዳንዳይሰ» ገደስ።

16 ሂሰተን የሴፊይ፣ «ታኒ ሃሳ ዳንዳይኬ፤ ገደ ኦተን ጸሳይ ካዎስ ሎኦ ቢርሼላ ኢማና» ገደስ።

17 ካዎይካ፣ «ታኒ ታ አጉሞን ኣባዬ ሃላ ሻፋ ደናን ኤቁዲሺን።

18 ላፑን ገታኔ ሞጶ ሚዛተ ኣባዬ ሻፋፔ ኬዚዲ ሃላ ደናን ማታ ሚሺን።

19 ቃሴካ ኢሰታፊ ሃራ ላፑን ሜጳ ኢታ፣ ገልቃኔ ላፋ ሚዛተ ሻፋፔ ኬዚዳ፤ ታኒ ሃሳ ማላ ሜጳ ኢታ ሚዝ ገብጾ ቢታን ሙሉካ ቤኦ ኤሪኬ።

20 ሜጳ ኢታኔ ላፋ ሚዛተ ኮይሮይታ ላፑን ሞጶ ሚዛታ ሚተ ኣገደ።

21 ገደ ኦተን ኢሰተ ሚተዳፔ ጉዬካ ኢሰታ ሚጳይ ካሴ ማላካ ኢተ ኡተዳ ገሻሰ ኢሰተ ሚተዳይሳ ኣሲ ኤራናሰ ዳንዳይቤና። ሃሳፊ ጉዬ ታኒ ዲሰኮፊ ቤጋዲስ።

22 «ቃሴካ አጉሞራ ላፑን ሎኦኔ ሙሩታ ቲያተ ኢሲ ማቃ ቦላ ዲጨዳይታ ቤኦዲስ።

23 ቃሴካ ኢሰታፊ ሃራ ኣይፊ ላፋኔ ጨርኮን ሹሊዳ ላፑን ቲያተ ኬዚዳ።

24 ሃ ሹሊ ኡተዳ ቲያተ ላፑን ሎኦ ቲያታ ሚተዳ። ታኒ ሃ አጉሞዛ ማርታሰ የታዲስ፤ ገደ ኦተን ታሰ አጉሞዛ ቢርሼዛ ኣሲ ቤተቤና» ገደስ።

25 ሃሳፊ ጉዬ የሴፊይ ገብጾ ካዎዛ፣ «ናምኣይካ ኔ ቤኢዳ አጉሞታ ቢርሼላይካ ኢሲኖ። ጸሲ ባ ኦላና ሃኒዛይሳ ካዎስ ቆንጨሲደስ።

26 ሃ ላፑን ሎኦ ሚዛተ ላፑን ላይላታ፤ ቃሴ ላፑን ሎኦ ቲያተ ላፑን ላይላታ፤ ናምኣይካ ኢሲ ማላ።

27 ሃ ላፑን ሜጳ ኢታኔ ላፋ ሚዛተ ላፑን ላይላታ፤ ቃሴ ጨርኮን ሹሊዳ ፓላንታ ላፑን ቲያተ ላፑን ኮሻ ላይላታ።

28 «ታኒ ካዎስ የተዳ ማላካ ጸሲ ባ ኦላና ሃኒዛይሳ ካዎስ ቤሲደስ።

29 ላፑን ዳር ካሎ ላይላታ ገብጾ ቢታሰ ኡባሰ ያና፤

30 ገደ ኦተን ላፑን ኮሻ ላይላታ ኢዛፔ ካሊዲ ያና። ሃ ዎዴ ገብጾ ካሎይ ዉሪ ደጌታና፤ ቢታይ ኮሻን ሹጨታና።

31 ካሎ ላይላታፔ ጉዬ ዪዛ ጋፋ ላይላታ ኬሂ ኢታ ገዲዳ ገሻሰ ካሴ ካሎይ ሙሉካ ቆፊቶንታ ኣታና።

32 ናምኡቶ ካዎስ ሃ አጉሞይ ቤተዳይ ኣዛሴ ገረ ሃይሳ የኦዛ ጸሲ ሚንሉዲ ኩዪዳ ገሻሳ፤ ጸሲ ሃሳ ኤሶን ኦላና።

33 «ሃኢ ሃኮ ኤሶን ካዎይ ኣጶ ኤራቴሌኔ ኣኬካይ ዲዛ ኣሰ ኮዪዲ ገብጾ ቢታን ሱንላ።

34 ሃሳላካ ላፑን ካሎ ላይላታፔ ኢቻሻንላ ኩሼ ሺሺዛ ኣላፊታ ካዎይ ሹሞ።

35 ኢሰተ ዪዛ ካሎ ላይላታን ካላ ሺሺዲ ካዎ ኣዎቴላን ሚንጃቶ፤ ሃ ካላካ ካታማታን ናጌቶ።

36 ቢታይ ኮሻን ቆሃቶንታ ማላ ሃ ካላይ ገብጾ ቢታን ላፑን ላይላታን ዳንዳና ኮሻሰ ሚንጃቲዲ ደኦ» ገደስ።

የሴፊ ሹሜታ

37 ሂሰተን ሃ የኦዚ ገብጾ ካዎሲኔ ኢዛ ኦሳንቻታሰ ሎኦ ገዲዲ ቤተደስ።

38 ሃሳ ገሻሰ ካዎይ ኢሰታሰ፣ «ኮኒ ጸሳ ኣያናራ ዲዛ ሃይሳ ማላ ሃራ ኣሰ ኦና ዳማኔ?» ገ ኣይቺደስ።

39 ሃሳፊ ጉዬ ካዎይ የሴፊ፣ «ጸሲ ሃይሳ ኡባ ኔና ኤሪሲዳ ገሻሰ ኔ ማላ ኣጶ ኤራቴሌኔ ኣኬካይ ዲዛ ኣሲ ኦኒካ ባዎ።

40 ታኒ ኔና ታ ኬላን ሹማይሰ፤ ታ ኣሳይ ዉሪ ኔሰ ኣዛዜታና፤ ታኒ ኔፔ ኣጳናይ ታ ካዎቴላ ኣልጋን ጸላ ገደና» ገደስ።

41 ሃሳ ገሻሰ ካዎይ የሴፊ፣ «ቤያ! ታኒ ኔና ገብጾ ቢታ ኡባ ቦላን ሹማዲስ» ገደስ።

42 ሃሳፊ ጉዬ ካዎይ ባ ካዎቴላ ቃላባቲ ባ ቢራጼፊ ኬሲዲ የሴፊ ቢራጼን ኣሊደስ፤ ቃሴካ ላይኖፔ ዳዳተዳ ማይኦ ማይዚዲ ኢዛ ቆጴንካ ዎርቃ ሎታ * ኣሊደስ።

43 ካዎይ ባ ናምኣንላ ፓራ-ጋሬዛ የሴፊ ቶገሲደስ፤ ኣይሌተካ፣ «ዘገቲ! ዘገቲ!» ገዲ ኢዛፔ ሲንላራ ቢዳ። ሃሳላ ኦሊዲ ካዎይ ኢዛ ገብጾ ቢታ ኡባ ቦላ ሹሚደስ።

44 ሃሳፊ ጉዬ ካዎይ የሴፊ፣ «ታኒ ካዎ! ገደ ኦተን ኔኒ ቃጸ ጎንታ ገብጾ ቢታ ኡባን ኦኒካ ኩሼ ዎይኮ ቶሆ ቃጴና» ገደስ።

45 ካዎይ የሴፊ፣ «ጳናፎ-ፓኢናሃ» ገ ሱንሊደስ፤ ኢዚ ኢዛሰ ኦና ጌቴቲዛ ካታማ ቄሴ ጲጲፋራ ናዮ ኣሲናቶ ማቾ ኢሚደስ። ሂሰተን የሴፊይ ኩሜላ ገብጾ ቢታ ዩዩ ጸሊደስ።

46 የሴፊይ ገብጾ ካዎስ ኦላናሰ ደሚዛ ዎዴ ኢዛሰ ላይላይ ሃቩ ታማ። ቃሴ የሴፊይ ካዎ ሲንላፊ ኬዚዲ ገብጾ ቢታ ኡባ ዩዩ ጸሊደስ።

47 ሃ ላፑን ካሎ ላይላታን ቢታይ ኬሂ ዳር ካላ ኢሚደስ።

48 የሴፊይ ገብጾ ቢታን ሃ ላፑን ካሎ ላይላ ካላ ኡባ ሺሺዲ ካታማታን ሚንጃደስ። ኢሲ ኢሲ ካታማታ ዩሻን ካጲዳ ካላ ኡባ ሃ ካታማን ካታማን ሚንጃደስ።

49 የሴፊይ ኣባ ሻሚንታ ተ ማላ ዳር ካላ ሚንጃደስ፤ ካላይ ዎጋፔ ዳሪን ማካናሰ ዳንዳይቤና ገሻሰ ማኪ ማኪ ቆሊዛይሳ ኣጋገደስ።

41:40 ሃዎ 7:10 * 41:42 ሎታ፣ ሎታይ ቆጴን ኣሊዛ ኣሊፍ ሚሽ። 41:42 ዳኔ 5:29 † 41:49 ኣባ ሻሚንታ፣ ኣባ ሻሚንታ ኢሲ ኢሲ ባጋ ጋሞላ ቃላን ኣባ ሻይታ ዎይኮ ኣባ ኣጩ ጌቴቲ ደይጌቴስ።

50 ላጥን ኮሻ ላይላይ ያናፔ ካሴ ኦና ጌቴቴዛ ካታማ ቁሴ ጸጸፋራ ናዮ አሲናቴፔ ዮሴፌይ ናሞኡ ኦቱማ ናይታ ዩሊደሰ።

51 ዮሴፌይ፡ «ጸሲ ታና ታ ማቶኔ ታ አዋ ሶ አሳ ኡባ ደጊሲደሰ» ጊሼ ባ ኮይሮ ናዛ ሚናሴ ጊ ሱንሳዲደሰ።

52 ናሞእንላ ናዛካ፡ «ጸሲ ታሰ ታ ቱጋቲዳ ቢታን ታና አይፊሲደሰ» ጊሼ ኤፍሬሚ ጊ ሱንሳዲደሰ።

53 ጊብጼ ቢታን ዲዛ ሄ ላጥን ካሎ ላይላቲ ወሪዳ።

54 ቃሴ ዮሴፌይ ካሴቴ ዮቲዳ ማላ ላጥን ኮሻ ላይላቲ ደሚዳ። ሃራ ቢታ ኡባን ኮሻይ ዴንዲደሰ፤ ጊዶ ኦቲን ጊብጼ ቢታ ኡባን ካላ ደሰ።

55 ጊብጼ ዴሬይ ወሪ ኮሻቲዳ ዋዴ አሳይ፡ «ካል አማ» ጊ ካዎሰ ዋሲን ካዋዚ ጊብጼ አሳ ኡባ፡ «ዮሴፌይ ከዲ ኤዚ ዮቲዳይሳ አላቲ» ጊደሰ።

56 ኮሻይ ጊብጼ ቢታ ኡባ ጋኪዳ ዋዴ ዮሴፌይ ካል ሚንጂዳ ኬላታ ኡባ ደይዲ ካል ጊብጼ አሳሰ ባይዚሲደሰ፤ ጋሶይ ኮሻይ ኩሜላ ጊብጼን ሚኒደሰ።

57 ሳኦ ኡባን ኮሻይ ሱሊዳ ጊሻሰ ቢታን ዲዛ አሳይ ወሪ ካል ዮሴፌይ ሻማናሰ ጊብጼ ዩደሰ።

42

ጊብጼ ያቆቤ ቡሰ

1 ያቆቤይ ጊብጼን ካላ ዲዛይሳ ሲዩዲ ባ አቱማ ናይታ፡ «ኢንቴ ኢሶይ አሳራ አዛሰ ጸላቴቲ?»

2 ቤኦቴ! ጊብጼን ካላ ዲዛይሳ ታኒ ሲያዲሰ፤ ዲጌ ጊብጼ ቢዲ ኑ ሃይቆንታ ፓጸ ዳና ማላ ሄፔ ካል ኑሰ ሻሚ ኤሃቴ» ጊደሰ።

3 ሃሳ ጊሻሰ ዮሴፌ አሻቲ ታማቲ ካል ሻማናሰ ዴጌ ጊብጼ ቢዳ።

4 ጊዶ ኦቲን ያቆቤይ ዮሴፌ አሻ ቢኒያሚ ኤዚ ቆሃታናኮ ጊዲ ቆፒዳ ጊሻሰ ኤዛ አሻታራ ዩዲቤና።

5 ካና ቢታን ዋልቃማ ኮሻይ ዲዛ ጊሻሰ ካል ሻማና ቢዛይታራ ኢሰራኤሌ አቱማ ናይቲ ጊብጼ ቢዳ።

6 ሄ ዋዴ ዮሴፌይ ሄ ቢታ አይሲዛዴኔ ቢታን ዲዛ አሳ ኡባሰ ካል ባይዚሲዛይ ኤዛ ጊዲዳ ጊሻሰ ዮሴፌ አሻቲ ጋኪዳ ማላ፡ ባ ሁኤ ቢታን ጋላዲ ኤዛሰ ዘጊዳ።

7 ዮሴፌይ ባ አሻታ ቤኤዳ ማላ ኤሪደሰ ሸን ኤዚ ኢሰታ ኤሮንታ አሳ ማላ ሃንቆ ቃላን ኢሰታ፡ «ኢንቴ አዋፔ ዩደቲ?» ጊ ዶይቹደሰ።

ኢሰቲካ፡ «ካል ሻማናሰ፡ ካና ቢታፊ ዩደሰ» ጊዳ።

8 ዮሴፌይ ባ አሻታ ኤሪደሰ፤ ኢሰቲ ጊዲኮ ኤዛ ኤሪቤቴና።

9 ሄራካ ዮሴፌይ ኢሰታ ጊሻሰ አጉሚቲዳ አጉሞዛ ቆፒዳ ኢሰታ፡ «ኢንቴ ዴሬ ጸሞሲዛ አሳ፤ ኢንቴ ኑ ቢታን ናጌ ለፒዛ ባጋይ አዋይሳኮ ጸላናሰ ዩደታ» ጊደሰ።

10 ሂሰቲን ኢሰቲ፡ «ኑ ጎደ! ኑኒ ዴሬ ጸሞሲዛ አሰ ጊደኮ፤ ኑኒ ኔ አይላቲ ካል ሻማናሰ ዩደሰ።

11 ኑ ወሪካ ኢሲ አዋ ናይታ፡ ኑኒ ኔ አይላቲ አማኔቲዛ አሳ» ጊዳ።

12 ሂሰቲን ዮሴፌይ ኢሰታ፡ «ጊዳኬታ! ኢንቴ ኑ ቢታን ናጎይ ለፒዛ ባጋይ አዋይሳኮ ጸሞሲ ጸላና ዩደታ» ጊደሰ።

13 ጊዶ ኦቲን ኢሰቲ፡ «ኑኒ ኔ አይላቲ ታማኔ ናሞኡ አሻታኔ ካና ቢታን ዲዛ ኢሲ አዋ ናይታ። ወርሴላ ካሎይ ሃኢ ኑ አዋራ ዴሰ፤ ኢሶይ ጊዲኮ ቆይደሰ» ጊዳ።

14 ዮሴፌይ ኢሰታ፡ «ታኒ ኢንቴሰ ዮቲዳ ማላካ ኢንቴ ቢታ ጸሞሲዛይታ።

15 ቃሴ ኢንቴ ፓጩታናይ ሃይሳና፤ ቱሙፔ ካዋይ ቤዩን! ኢንቴ ወርሴላ ካሎ አሻይ ሃ ዮንታ ኤዲኮ ኢንቴ ሃይሳፊ ቤኬታ።

16 ኢንቴ ዮቲዳይሲ ቱሙኮኔ ፓጩናሰ፡ ኢንቴፊ ኢሳይ ከቲቲ፤ ኤዚ ኢንቴ አሻ ኤኪ ዮ፤ አቲዳይቲ ቃሾ ኬላን ጋሞኤታ። ሃሳ ማላ ጊደንታ አጊኮ ካዋይ ቤዩን! ኢንቴ ዩዩ ዩዩ ዴሬ ጸሞሲዛ አሳ»

17 ጊዲ ኢሰታ ሄቸ ጋላሳሰ ቃሾ ኬላን ዩጊደሰ።

18 ሄቸንላ ጋላሳን ዮሴፌይ ኢሰታ፡ «ታኒ ጸሳሰ ባቢዛ አሳ፤ ኢንቴ ኢሲ ሚሽ ኦሊኮ ኢንቴ ሹሞፖ አሽታ።

19 ኢንቴ ቱሙካ አማኔቲዛ አሰ ጊዲኮ ኢንቴ አሻታፔ ኢሶይ ሃይሳን ቃሾ ኬላን ደ፤ አቲዳይቲ ጋፊዳ ኢንቴሶ አሳሰ ካል ኤኪ ቢቲ፤

20 ጊዶ ኦቲን ኢንቴ ቃላይ ቱሙ ጊዳና ማላኔ ኢንቴ ሃይቆንታ ማላ ኢንቴ ኢንቴ ወርሴላ ካሎ አሻ ታኮ ኤኪ ያናሰ ኮሼሰ» ጊደሰ። ኢሰቲካ ሃ ዮኦዛን ኤሮ ጊዳ።

21 ኢሰቲ ኢሶይ አሳ፡ «ቱሙ ኑ ኦሊዳ ጌኔይ ኑና ጋኪደሰ። ኤዚ ባ ሹሞፖሰ ሃኒዛዚ ኢዲን ኑና ሾቢዛ ዋዴ ኑኒ ሲዩሼ ኢዲደሰ፤ ሃ ዋይይ ኑና ጋኪዳይ ሄሳ ጊሻሳ» ጊዳ።

22 ኦርቤሌይ፡ «ታኒ ኢንቴና፡ ናዛ ቦላ ናጋራ ኦላፍቴ» ጋዳ ዮታዲሰ፤ ጊዶ ኦቲን ኢንቴ ሲዮንታ ኢዲደታ። ሂሰቲን ሃኢ ኤዛ ሱላ ጎሜይ ኑና ሞቲሰ» ጊደሰ።

23 ኢሰቲ ጊዛይሳ ዮሴፌይ ኤሪዛይሳ ኢሰቲ አኩኪቤቴና፤ አይሰ ጊኮ ኤዚ ኢሰታራ ዋካሌን ሃሳዩሰ።

24 ኤዚ ኢሰታፊ ሻኬቲ ጉዬ ሲሚዲ ዩኪደሰ፤ ጊዶ ኦቲን ቃሴ ኢሰታኮ ሲሚዲ ኢሰታ ሃሳይሲደሰ። ኤዚ ሲሞና ኢሰታፊ ዲላ አሻዲ ኢሰቲ ቤኤሽን ኤዛ ቃቸደሰ።

ካና ዮሴፌ አሻታ ሲሞ

25 ዮሴፌይ ባ አይላታ፡ «ካል ኢሰታ ኦጎሮ ኩንላቴ፤ ኢሰታ ቢራካ ዛሪዲ ኢሰታ ኦጎሮን ኦጎሮን ዩጊቲ፤ ቃሴ ኢሰታሰ ኦጌ ሸንቁ አሚቲ» ጊ ኣዛዚደሰ።

26 ኢሰቲ ኤዚ ጊዳ ማላ ኦሊዳፔ ጉዬ ዮሴፌ አሻቲ ካላ ባ ሃሪታን ጫኒዲ ዴንዲ ቢዳ።

27 ኢሰቲ ኦጌ ቦላ አቃናሰ ሹሞፒዳሶን ኢሰታፊ ኢሳይ ባ ሃሪዛሰ ካላፊ ዩጋናሰ ባ ኦጎሮ ቢርሺዲ፡ ኦጎሮዛ ደናን ዲዛ ባ ቢራ ዴሚደሰ።

28 ኤዚ ባ አሻታ፡ «ታ ቢራይ ታሰ ሲሚደሰ፤ ቱማ ሃይሳ ቤኤቲ! ታ ኦጎሮን ዴሰ» ጊደሰ።

ኢሰቲ ዳጋሚዲ ኮኮሪሼ ኢሶይ ኢሳኮ ሲሚዲ፡ «ጸሲ ኣዛሰ ኑ ቦላ ሃይሳ ኦሊዳ?» ጊዳ።

29 ኢስቲ ካናኔ ቢታን ዲዛ ባ አዋ ያቆቤኮ ሶ ሲሚ ዪዲ ባ ቦላ ጋኪዲይሳ ኡባ ኢዛሰ ዮቲዳ።

30 ኢስቲ ኢዛሰ፡ «ሄ ቢታይሰ ጎዳ ጊዲዳ አዳዚ ኑና ባቢሲዳሰ፤ ሄሳፊ ጉዬ ኢዚ ኑና ሄ ቢታ ዩዩ ዩዩ ጸሞሲ ጸሊዛ አሳ ማላ ኦላ ጎዳቲዳሰ።

31 ጊዳ አቲን ኑኒ ኢዛሰ፡ ሱ አማኔቲዛ አሳ፤ ዳሬ ጸሞሲ ጸሊዛ አሰ ጊዳኮ።

32 ኑኒ ታማኔ ናሞኡ አሻቲ ኢሲ አዋ ናይታ፤ ኢሶይ ቆይዳሰ፤ ወርሴላ ካሎይ ካናኔ ቢታን ሃኢ ኑ አዋራ ዳሰ» ጊ ዮቲዳሰ።

33 ሂሰቲን ሄ ቢታይሰ ጎዳ ጊዲዳ አዳዚ ኑና፡ ለኢት አማኔቲዛ አሰ ጊዲዳይሳ ታኒ ሃይሳን ኤራና፤ አንቲ አሻታ፤ ኢሳ ሃን ታ አቻን ዩጊዲ ጋፊዳ አንቲ ሶ አሳሰ ካላ ኤኪ ቢቲ።

34 አንቲ ዳሬ ዩዩ ዩዩ ጸሞሲዛይ ጊዳንታ፡ አማኔቲዛ አሰ ጊዲዳይሳ ታኒ ኤራና ማላ፡ አንቲ ወርሴላ ካሎ አሻ ታኮ ኤኪ ዩቲ። ሂሰቲኮ ታኒ ሃን አቲዳ አንቲ አሻ አንቲሰ ዛራ አማና፤ አንቲካ ሃ ቢታን ዛልአና ዳንዳዬታ» ጊዳሰ።

35 ኢስቲ ባ ኦጎሮ፤ ኦጎሮ፤ ካላ ቆሊዲ ባ ኦጎሮን ኦጎሮን ቢራይ ቃሾራ ኡቲዳይሳ ዳሚዳ። ኢስቲኔ ኢስታ አዋይ ሄ ቃሾራ ዲዛ ቢራ ቤኢዲ ባቢዳ።

36 ኢስታ አዋ ያቆቤይ ኢስታሰ፡ «አንቲ ታና ታ ናይታ፤ ማላ ኬሲዳታ፤ ዮሴፊይ ባዋ፡ ሲሞኒ ባዋ፤ ቃሴ አንቲ ቢኒያሜ ኤፋና ኮዬታ። ወሪ ታሰ ቆማ ገርዲ ጊዳሰ» ጊዳሰ።

37 ሄሳፊ ጉዬ ኦርቤሌይ ባ አዋ፡ «ታኒ ቢኒያሜ ኔሰ ዛራ ኤሆንታ አገኮ ታ አቲማ ናይታ ናሞኦታካ ዋቆ፤ ታና አማኔታዳ ኢዛ ታ ኩሼን አማ፤ ቃሴ ታኒ ኢዛ ዛራዳ ኤሃና» ጊዳሰ።

38 ጊዳ አቲን ያቆቤይ ኢስታሰ፡ «ታ ናዚ አንቲናራ ዳጌ ቤና፤ ኢዛ አሻይ ሃይቂን አቲዳይ ኢዛ ጸላ፤ አንቲ ኤፊሽን ኦጌን ኢታ ሚሽ ኢዛ ጋኪዛ ጊዲኮ አንቲ ታና ዩሆራኔ ሙዞራ ዲሮን ኤፋና» ጊዳሰ።

43

ዮሴፊ አሻቲ ቢኒያሜ ኤኪዲ ገብጾ ቡሰ

1 ሃኢካ ኮሻይ ካናኔ ቢታን ሚኒዳሰ።

2 ሂሰቲን ኢስቲ ገብጾ፤ ኤሂዳ ካላይ ሙሌራ ወሪን ኢስታ አዋይ፡ «ቃሴካ ጉዬ ቢዲ ኑሰ ጉላ ካላ ሻሚቲ» ጊዳሰ።

3 ጊዳ አቲን ዩሁዳይ ኢዛሰ፡ «ሄ አዳዚ ኑና፡ ለኢት አሻ አንቲናራ ኤኪ ዮንታ አገኮ ታ አይፊሶ ናሞኦታ ቤኤኬታ» ጊዲ ሎኤላ ዮቲዳሰ።

4 ኑኒ ኑ አሻ ኑናራ ዩዲኮ ኑኒ ዳጌ ቢዲ ኔሰ ካላ ሻማና።

5 ጊዳ አቲን ኑኒ ኢዛ ዩዳንታ ኢጲኮ ኑኒ ዳጌ ቦኮ፤ አይሰ ገኮ ሄ አዳዚ ኑና፡ ለኢት አሻ አንቲናራ ኤሆንታ አገኮ አንቲ ታ አይፊሶ ናሞኦታ ቤኤኬታ» ጊዳሰ።

6 ኢሰራኤሌይካ፡ «አንቲ፡ ሱሰ ሃራ አሻይ ዳሰ» ጊ ዮቲዳ ሃይሳ ሃ ማቶዛ ታ ቦላ አይሰ ኤሂዳቲ?» ጊዳሰ።

7 ኢሰቲካ ኢዛሰ፡ «ሄ አዳዚ ኑ ገሻሲኔ ኑሶ አሳ ገሻሰ ሎኤላ ኦይቺዳሰ። ኢዚ ኑና፡ ለኢት አዋይ ሃኢካ ገጸ ዲዜ? አንቲሰ ሃራ አሻይ ዲዜ?» ጊ ኦይቺን ኑኒ ኢዚ ኦይቺዳ ኦይቺዳሰ ዛሮ አሚዳሰ።

ኢዚካ ኑና፡ ለኢት አሻ ዳጌ ሃ ኤኪ ዩቲ» ጋናይሳ ኑኒ አዛን ኤሪና?» ጊዳ።

8 ዩሁዳይ ባ አዋ ኢሰራኤሌ፡ «ኑኒካ፡ ኑኒካ፡ ኑ ናይቲካ ሃይቆንታ ገጸ ዳና ማላ ናዛ ታናራ ዩዳ፤ ኑኒ ሃኢ ኤሌሊዲ ባና።

9 ናዛ ኑሰ ታ ዋሴቲላን አማ፤ ኢዛ ገሻሰ ታና ኦይቻ፤ ታኒ ኢዛ ኔሰ ሎኦራ ዛራ ኤሆንታ አገኮ ታ ዲዛ ዋዴ ኡባን ታ ኦይቺታና።

10 ኑኒ ሃን ጋሞኦንታኮ ሃኒ ዋዴ ናሞኦታ ጌዴ ጋኪዲ ሃ ሰማና ሸን» ጊዳሰ።

11 ሃሳፊ ጉዬ ኢስታ አዋ ኢሰራኤሌይ ኢስታሰ፡ «ሃሳ ጊዲኮ ሂሰቲ፤ ሄ አዳዛሰ ኩሼ ጌንላ ሚሽ ኑ ቢታን ሞኪዛ ሚሽ ኡባፊ ሎኤዛይሳ ዳሪቲ፤ ሄሲካ ሸቶ፡ ኤሰ፡ ሳዋ፡ ካርቤ፡ ሚላ አይፊታ አንቲ ኦጎሮን ዩጊ ኤኪ ቢቲ።

12 አንቲ ኦጎሮ ዳናን ሲሚዳ ቢራዚ ባሌታን ሲሚዳዝ ጊዳና ዳንዳይዛ ገሻሰ ቢራካ ናሞኡ ኩሼ ሂሰቲ ኤኪ ቢቲ።

13 ቃሴ አንቲ አሻካ ኤኪዲ ሄ አዳዛኮ ኤሶን ጉዬ ቢቲ።

14 ኢዚ ሃንኮ አንቲ አሻ ዩዳና ማላ ቢኒያሜይካ አንቲናራ ሲሚ ያና ማላ ኡባ ዳንዳይዛ ጸሳይ ሄ አዳዚ አንቲሰ ቃቆታና ማላ ኦላ፤ ታኒ ጊዲኮ ታ ናይታ፤ ማላ አቲኮኔ አታይሰ» ጊዳሰ።

15 ሃሳ ገሻሰ ሄ አሳቲ ኩሼ ጌንላ ካሴ ቢራሰ ናሞኡ ኩሼ ቃሴ ቢኒያሜ ኤኪዲ ዳጌ ገብጾ ቢዲ ዮሴፊ ሲንላ ሸቂዳ።

16 ዮሴፊይ ባ አሻታራ ቢኒያሜ ቤኢዲ ባ ኬላ ሃላቃዛ፡ «ሃ አሳታ ታሶ ኤካዳ ባ፤ ሃቻ ጋላሰ ኢስቲ ታናራ ቁማ ማና ማላ ማሄ ሹካዳ ገገሳ» ጊ አዛዚዳሰ።

17 ሂሰቲን ኢዚ ዮሴፊይ ኢዛሰ ዮቲዳ ማላ ሄ አሳታ ዮሴፊሶ ኤፊዳሰ።

18 አሳቲ ዮሴፊ ሶ ቢዳ ገሻሰ ባቢዳ፤ ኢስታሰ፡ «ኢስቲ ኑና ሃይሳ ኤሂዳይ ኮይሮ ኑ ኦጎሮ ሲሚ ቢዳ ቢራ ገሻሰ ጊዳንታ አገና፤ ኢዚ ኑና ቆሃናሰ አይሌቲላን ሃራናሲኔ ኑ ሃራታ ኤካናሰ ሃኔሰ» ጊ ቆጊዳ።

19 ሃሳ ገሻሰ ኢስቲ ዮሴፊ ኬላ ፔንጌ ጋኪዲ ኬላ ሃላቃዛ።

20 «ኑ ጎዳ! ኑኒ ኮይሮ ካላ ሻማናሰ ሃ ዩዳሰ፤

21 ሲሚዲ ቢሼ ኑ አቁዛሶን ኦማርሰ ኑ ኦጎሮ ኦጎሮ ኑ ቢርሺን ኑ ቢራይ ገጭንታ ኑ ኦጎሮ ኦጎሮ ዳናን ዲዛይሳ ዳሚዳሰ፤ ሃሳ ገሻሰ ሃኢ ኑኒ ኢዛ ጉዬ ኤኪ ዩዳሰ።

22 ቃሴ ኑኒ ካላ ሻማናሰ ሃራ ቢራካ ኤኪ ዩዳሰ። ኑ ቢራ ኑ ኦጎሮ ኦጎሮ ዳናን ኦኒ ዋላዳኮ ኑ ኤርኮ» ጊ ሃሳይሲዳ።

23 ሂሰቲን ኢዚ ኢስታሰ፡ «አይኮይ ባ ሃሳሰ ባቦፍቲ! አንቲ ጸሲ አንቲ አዋ ጸሲ አንቲ ኦጎሮ ጊዳን አንቲሰ ቢራ አሚዳሰ፤ ታኒ አንቲ ቢራ ኤካዲሰ» ጊዳሰ። ሃሳፊ ጉዬ ሲሞና ኢስታኮ ኬሲዳሰ።

24 ሄ አዳዚ ሄ አሳታ ዮሴፊ ሶ ኤፊዲ ኢስታ ቶሆሰ ሃላ ኤሂን ባ ቶሆ ማጮቲዳ። ኢስታ ሃራታሰካ ሃርቆ አሚዳሰ።

25 ዮሴፊራ ቁማ ማና ማላ ኢስታሰ ዮቲቲዳ ገሻሰ ዮሴፊይ ያና ጋካናሰ ኢዛሰ አማና ኩሼ ጌንላ ገገሲዳ።

26 የሴፌይ ባሶ ጌሊዳ ማላ ኢስቲ ባ ገገሲዳ ኩሼ ገንገላ ኢዛሰ አሚዳ ኢዛ ሲንገላን ባ ሁኔ ዳጌ ቢታን ጋላ ዘገዳ።

27 ኢዛ ኢስታ ሳርቴል ኦይቺ ሲሚዳ፡ «ኢንቲ ታሰ የቲዳ ኢንቲ ጪማ ኦይ ሎኢ ዳዜ? ሃኢካ ኢዛ ፓጻ ዳዜ?» ገዴሰ።

28 ሂሰቲን ኢስቲ፡ «ኤ፣ ኔ ኦይሌይ ኑ ኦይሌይ ሃኢካ ፓጻ ዳሰ፤ ኢዛ ሎኦኮ» ገ ሆኪ ኢዛሰ ዘገዳ።

29 ኢዛ ባ ኦይይ ና ቢኒያሜ ቤኢዳ ኢስታሰ፡ «ኢንቲ የቲዳ ኢንቲ ወርሴላ ካሎ ኢሻይ ሃይሴ?» ገዴሰ። ቃሴ ኢዛ ቢኒያሜ፡ «ታ ናዞ ጸሲ ኔና ኣንጆ» ገዴሰ።

30 የሴፌይ ባ ኢሻ ቤኢን ኢዛሰ ዩሆይ ዳንዳዩቶንታ ኢዲን ዩካናሰ ኢሲፌ ኢሲሶ ፖቁዳሰ። ኢዛ ባ ዳማ ቆልኣ ጌሊዳ ሄን ዩኪዳሰ።

31 ኢዛ ባ ኦይፌሶ ሜጮቲ ሲሚ ኬዚዳ ባርካ ባና ሚንጮላዳ፡ «ቁማ ሃ ኣላቴ!» ገዴሰ።

32 ሂሰቲን ኢስቲ ኢዛሰ ዳማ፡ ኢዛ ኢሻታሰ ዳማ፡ ሄን ኢዛሪ ሚዛ ገብጹ ኣሳታሰ ዳማ ኣላዳ፤ ኣይሰ ገብ ገብጹ ኣሳይ ኢብራዌ ኣሳራ ኢሲፌ ሚ ኤሬቴና። ሄሲካ ገብጹ ቢታ ኣሳሰ ቱናቴ።

33 ኢስቲ የሴፌይ ሲንገላን ባይራይ ባ ባይራይ ማላ ካሎይ ባ ካሎቴላ ማላ ማራን ኡቲዳ። ኢስቲ ኢሶይ ኢሳ ያሊዳ ኢስታ ዋሰቲ ኡቲሲዳኮ ቤኢዳ ማላሌቲዳ።

34 የሴፌይ ባ ገሻጽ ኢስታሰ ቁማ ገሺዛ ዋዳ፡ ቢኒያሜ ጋኪዳይሲ ሃራታይሳፌ ኢቻሹ ኩሼ ዳሬሰ፤ ሂሰቲን ኢስቲ ኡፋዬቲሼ ኢዛሪ ሚዳኔ ኡዩዳ።

44

ቢራፔ ኦሴቲዳ የሴፌ ዋንጫ

1 የሴፌይ ባ ኬላ ሃላቀዛሰ፡ «ኔኒ ሃ ኣሳታ ኦጎርይ ኤኪዛ ኬና ካል ኢስታሰ ኩንገላ፤ ኢስታ ቢራ ኡባ ኢስታ ኦጎር ኦጎር ዶናን ዋላ፤

2 ሂሰታዳ ወርሴላ ካሎዛ ኦጎር ዶናን ታ ቢራ ዋንጫኔ ኢዛ ካላ ቢራ ዋላ» ገ ኣዛዚን ኢዛ የሴፌይ ገዳ ማላ ኦላዳሰ።

3 ጋዴይ ዋንቲሺን ሄ ኣሳቲ ባ ሃሬታ ኤኪዳ ባና ማላ ዋይዚዳ።

4 ኢስቲ ሄ ካታማፔ ኬዚዳ ሃኪ ቢቸንታ ዳሺን የሴፌይ ባ ኬላ ሃላቀሰ፡ «ዳንዳ! ሃ ኣሳታ ጉዬ ካላ፤ ኔኒ ባ ኢስታ ጋካዳ፡ «ኢንቲ ኣይሰ ኪያ ገሻሰ ኢታ ዛሪዳቲ?»

5 «ኣይሰ ታ ጎዳ ቢራ ዋንጫ ካይሲዳቲ? ሃይሲ ታ ጎዳይ ኡዩዛይሳኔ ቃሴ ጸራ ሚሽ ዳሚዛ ዋንጫ ገዴኔ? ሃይሲ ኢንቲ ኦላዳይሲ ገታ ቆሆ» ጋ» ገዴሰ። ሄ ዋዳ ገብጹ ቢታ ኣሳቲ ዋንጫ ጋርሳን ዳዛ ኢሻ ቤኢዳ ሲንገላፌ ኣዚ ሃናናኮ ኤሬቴሰ።

6 ሂሰቲን ኢዛ ኢስታ ጉዬራ ጋኪዳ ኢዛ ገዳ ማላካ ኢስታሰ የቲዳሰ።

7 ገዳ ኣቲን ኢስቲ፡ «ኑ ጎዳይ ኣዛሰ ሃይሳ ማላ ቃላ ኑ ቦላ ሃሳይዜ? ሃሳ ማላ ሚሽ ኦሶይ ኑፔ ኔ ኣይሌታፔ ሃኮ!

8 ሃራይ ኣቶሺን ሃይሳፌ ካሴ ኑ ኦጎር ዶናፔ ዳሚዳ ቢራ ካናኔ ቢታፌ ጉዬ ኔሰ ኑ ዛሪ ኤሂዳይሳ ኔ ኤራሳ። ሂሰቲን ሃኢ ኑኒ ኔ ጎዳ ሶፔ ዋሰቲዳ ቢራ ዋይኮ ዋርቃ ካይሲዚን?

9 ኔ ኣይሌታ ኑ ገዳፌ ሄ ዋንጫይ ኢዛኮን ቤቲዳዳይ ሃይቆ፤ ቃሴ ኣቲዳ ኑኒ ኑ ጎዳሰ ኣይሌ ገዳና» ገዳ።

10 ኢዛ ኢስታሰ፡ «ሃሳ ማላ ገዳኮ ሎኦ፤ ኢንቲ ገዳ ማላ ገዳ፤ ዋንጫዛ ኤኪዳ ኡራይ ኦኒካ ታ ኣይሌ ገዳና፤ ሃንኮ ኣቲዳ ኢንቲ ገዳኮ ሳርራ ባና» ገዴሰ።

11 ሃሳፌ ጉዬ ኢስቲ ኤሶን ባ ኦጎር ኦጎር ዋላ ቢርሺዳ።

12 ሃላቀዚካ ኡባፌ ባይራቲዛይሳ ኦጎርፔ ዶሚዳ ወርሴላ ካሎዛይሳ ጋካናሰ ኮዩዳሰ፤ ሄ ዋንጫዛካ ቢኒያሜ ኦጎር ገዳፌ ዳሚዳሰ።

13 ሂሰቲን ኢስቲ ሙዘቲዳ ባ ማይኦ ዳኪዳ፤ ባ ኦጎር ኦጎር ባ ሃሬታን ጫኒዳ ጉዬ ካታማ ሲሚዳ።

14 ዩሁዳይ ባ ኢሻታራ የሴፌኮ ጌሊዛ ዋዳ የሴፌይ ሶን ዳዛይሳ ዳሚዳ ኢስቲ ኢዛ ሲንገላን ጉፋኒዳ።

15 የሴፌይ ኢስታሰ፡ «ኢንቲ ኣይ ፓላ ሚሽ ኦላዳቲ? ታ ማላ ኣሲ ጸራ ሚሽ ሃሳዳ ዳሚዛይሳ ኤሬኬቴዩ?» ገዴሰ።

16 ሂሰቲን ዩሁዳይ፡ «ኑ ጎዳሰ ኑ ኣይ ጋኔ? ኑኒ ኣይ ሃሳይ? ዋይኮ ኑኒ ጸሎቴል ዋሰቲ ቤሳኔ? ጸሲ ኔ ኣይሌታ ዋር ቆንጨሲዳሰ። ሂሰቲን ኑናካ ገዳን ሄ ዋንጫይ ኢዛፔ ቤቲዳይሲካ ገዳን ታ ጎዳሰ ኣይሌ ገዳና» ገዴሰ።

17 ገዳ ኣቲን የሴፌይ፡ «ሃሳ ማላ ሚሽ ኦሶይ ታፔ ሃኮ፤ ታ ቢራ ዋንጫዚ ኢዛፔ ቤቲዳ ኣዳዚ ጸላ ታ ኣይሌ ገዳና። ሂሰቲኮ ኢንቲ ኢንቲ ኣዋኮ ጉዬ ሳርን ሲሚቴ» ገዴሰ።

18 ሂሰቲን ዩሁዳይ ኢዛኮ ሸቁዳ ኢዛ፡ «ታ ጎዳ! ታኒ ኢሲ ቃላ ሃሳያና ማላ ኔና ዋሳይሰ፤ ኔ ካዋ ፓርኔ ማላ ገዳኮካ ታና ኔ ኣይሌዛ ቦላ ሃንቁቶ።

19 ኔኒ ታ ጎዳይ ኑና ኔ ኣይሌታ፡ «ኢንቲሰ ኣዋይ ዳዜ ዋይኮ ኢሻይ ዳዜ?» ጋ ኦይቻዳሳ።

20 ኑኒካ፡ «ኑሰ ጪሚዳ ኣዋይ ዳሰ፤ ኢዛ ጪሚዳ ዩሊዳ ካሎ ናይካ ዳሰ፤ ሄ ናዛ ኢሻይ ሃይቁዳሰ፤ ባ ኣይሰ ኢሲ ኢዛ ጸላይ ኣቲዳሰ፤ ኣዋይካ ኢዛ ኬሂ ሲቁሰ» ገ ኔሰ የቲዳሰ።

21 «ኔካ ኔ ኣይሌታሰ ኑሰ፡ «ታኒ ኢዛ ቤያና ማላ ታሰ ኤኪ ዩቴ» ጋዳሳ።

22 ኑኒ ኑ ጎዳሰ ኔሰ፡ «ኤ ናዚ ባ ኣዋፔ ሻኬታናሰ ዳንዳዩና፤ ሻኬቲኮ ኢዛ ኣዋይ ሃይቃና» ገዴሰ።

23 ገዳ ኣቲን ኔኒ ኔ ኣይሌታ፡ «ኢንቲ ካሎ ኢሻይ ኢንቲናራ ዳጌ የንታ ኢዲኮ ናምኣንጎ ታ ኣይፌሶ ቤዬኬታ» ጋዳሳ።

24 ኑኒ ኔ ኣይሌቲ ኑ ኣዋኮ ሲሚ ቢዳ ዋዳ ኔ ኑ ጎዳይ ኑሰ ገዳይሳ ኢዛሰ የቲዳሰ።

25 «ኑ ኣዋይ፡ «ሃኢካ ሲሚ ጉዬ ቢዳ ጉላ ካል ጉጂ ሻሚቴ» ገን።

26 ኑኒ ኢዛሰ፡ «ኑሰ ካሎ ኢሻይ ኑናራ ቢኮፌ ኣቲን ጉዬ ባናሰ ዳንዳዩኮ፤ ኣይሰ ገብ ኑ ካሎ ኢሻይ ኑናራ ቦንታ ገዳኮ ኑኒ ሄ ኣዳዛ ኣይፌሶ ቤያናሰ ዳንዳዩኮ» ገዴሰ።

27 «ሂሰቲን ኑ ኣዋይ ኔ ኣይሌታ ኑና፡ «ታ ማቻ ኤራሃላ ታሰ ናምኡ ኣቲማ ናይታ ዩሊዳይሳ ኢንቲ ኤሬታ፤

28 ኢስታፌ ኢሶይ ታፔ ሻኬቲ ቢን ቱሙ ኢዛ ዶኣይ ፑዜሬላ ሚዳሰ፤ ሃቻ ጋካናሰካ ታኒ ኢዛ ቤያቤኬ።

29 ሃይሳ ቃሴ አንቲ ታፔ ሻኪ ኤፊን ኢታ ሚሺ ኢዛ ጋኪኮ አንቲ ጨማቴላን ታ ቦላ ኤሂዛ ሚሻይ ታና ዋጳና» ገዴሰ።

30-31 «ሃሳ ገሻሰ ሃኢ ታ ኔ አይሌይ ጉዬ ታ አዋኮ ቢዛ ዋዴ ታ አዋይ ናዛ ባ ሼምፖ ማላ ሰቂዛይሲ፣ ናዚ ኑናራ ደንታይሳ ቤይኮ ሃይቃና። ኑኒ ኔ አይሌቲ ኑ አዋ ጨማቴላ ካዮራ ዲፎን ዬጋና።

32 ታኒ ኔ አይሌይ ናዛ ታ ዋሴቴላን ኤካ ያዲሲ፤ ታኒ ኢዛ፣ ሳሳ፣ ታኒ ኢዛ ኔሰ ሳርን ዛራዳ ኤሆንታ አገኮ ታ ላይላ ኩሜላን ታ ኦይሼታና!። ጋ ዮታ ዋሳዲሰ።

33 «ሃሳ ገሻሰ ታኒ ኔ አይሌይ ታ ጎዳሰ ናዛ ገሻሰ አይሌታዳ ሃን ኣቲን ናዚ ባ ኢሻታራ ጉዬ ሲሞ።

34 ናዚ ባይንዳ ታኒ ዋናዳ ጉዬ ታ አዋኮ ሲማ ቦ? ሃኔና፤ ታ አዋይ ሚሼታና ሚሻ ታና ቤሶፋ» ገዴሰ።

45

የሴፊይ ባና ባ አሻታሰ ቆንጨሴላ

1 ሄ ዋዴ የሴፊይ ሄ አሳ ኡባ ሲንላን ጌንጫና ደንዳዮንታ ገሻሰ። «አሳ ኡባ ታ ሲንላፊ ኬሲቲ» ገ ዋሲዴሰ። ሃሳ ገሻሰ የሴፊይ ባና ባ አሻታሰ ኤሪሲሺን አሻታፔ ኣቲን ሃራይ ኢዛራ ኦኒካ ዴና።

2 ኢዚ ባ ቃላ ቶቂሲዲ ገብጾ አሳይ ኢዛ ሲያና ጋካናሰ ዋሲ ዩኪዴሰ። ካዋዛ ሶ አሳይካ ሄ ዋሪዛ ሲዩዴሰ።

3 የሴፊይ ባ አሻታሰ። «ታኒ የሴፊኮ! ታ አዋይ ሃና ጋካናሰ ፓጾ ዲዜ?» ገ ኦይቺዴሰ። ገዴ ኣቲን ኢዛ አሻቲ ዳር ዳጋሚዳ ገሻሰ ኢዛሰ ማልፍ ዛራናሰ ደንዳይቤቲና።

4 ሂሰቲን የሴፊይ ባ አሻታሰ። «ታኮ ሃ ሸቂቲ» ገዴሰ። ኢሰቲካ ኢዛኮ ሸቂን ኢዚ ኢሰታሰ። «ታኒ አንቲ ገብጾ ቢታሰ ባይዚዳ አንቲ አሻ የሴፊኮ።

5 ጸሲ ታና አንቲፊ ሰንሐ ከቲዳይ አሳ ሼምፖ አሻናሰ ገዲዳ ገሻሰ አንቲ ታና ሃ ባይዚዳይሳሰ ዚልኤቶፍቲ።

6 ኮሻይ ሃ ቢታ ጌሊን ሃይሲ ናምኣንላ ላይላ፤ ቃሴ ሲንላፊ ዩዛ ኢቻሹ ላይላታ ገዴን አሳይ ቢታ ጎዩዲ ካላ ሸሻናሰ ደንዳይና።

7 ገዴ ኣቲን ታኒ አንቲሰ ዜሬላ ቢታ ቦላ አሻና ማላኔ አንቲ ሼምፖ ሃይሳ ማላ ገታ ኣቶቴላን አሻና ማላ፣ ጸሲ ታና አንቲፊ ሰንሐ ሃ ከቲዴሰ።

8 ሃሳ ገሻሰ ታና ሃ ከቲዳይ ጸሳ ኣቲን አንቲና ዴኬታ። ጸሲ ታና ገብጾ ካዋሰ አዋ፣ ኢዛ አቆ ኡባሰ ጎዳኔ ገብጾ ቢታ ሃሪዛይ ኦላዴሰ» ገዴሰ።

9 «ሃኢ ኤሶን ጉዬ ታ አዋኮ ቢዲ ኢዛሰ ኔ ና የሴፊይ፣ ጸሲ ታና ገብጾ ቢታ ኡባ ቦላ ጎዳ ኬሲዴሰ፤ ሃሳ ገሻሰ ጋምኣንታ ታኮ ሃያ።

10 ኔኒ ታ ማታን ጌሴሜ ቢታን ኔ ናይታራ፣ ናይታ ናይታራ፣ ዶርሳታራ፣ ሜሄታራ፣ ኔሰ ዲዛ ኡባራ ሃን ዳንዴታ።

11 ቡርፔ ኢቻሹ ኮሻ ላይላቲ ዴቲሰ፤ ኔና ኔሶ አሳኔ ኔ ሜሄ ኮሻይ ጋኮንታ ማላ ታኒ ኔና ሚዛና፣ ጌሰ ገቲ» ገዴሰ።

12 ቃሴካ የሴፊይ ኢሰታሰ። «ሃ አንቲናራ ሃሳይዛይሲ ቱሙ ታኒ የሴፊ ገዲዳይሳ አንቲካ፣ ታ አሻ ቢኒያሜይካ አንቲ ኣይፊን ቤኤታ።

13 ታሰ ገብጾ ቢታን ዲዛ ቦንቾ አንቲ ቤኢዳይሳ ኡባ ታ አዋሰ የቲቲ፤ ኤሶንካ ሃ ዲጌ ኤኪ ዩቲ» ገዴሰ።

14 ሂሰቲዲ ባ አሻ ቢኒያሜ ኢዲሚ ኦይኪዲ ዩኪዴሰ፤ ቢኒያሜይካ ባ አሻ ኢዲሚ ኦይኪዲ ዩኪዴሰ።

15 የሴፊይካ ዩኪሼ ባ አሻታ ኡባ ዬሪ ዬሪ ኤኪዴሰ። ሃሳፊ ጉዬ ኢዛ አሻቲ ኢዛራ ሃሳያ ኦይኪዳ።

16 የሴፊ አሻታ ዩሳ ዋሪይ ካዋ ፓርኔ ኬላ ጋኪዳ ዋዴ ካዋይኔ ኢዛ ኦሳንቻቲ ኡፋዬቲዳ።

17 ካዋይ የሴፊ፣ «ኔኒ ኔ አሻታ፣ ሳኒቲ ሜሄ ጫኒዲ ካናኔ ቢታ ሲሚቲ፤

18 ሂሰቲዲ አንቲ ኣዋኔ አንቲ ሶ አሳ ኤኪዲ ጉዬ ታኮ ሃ ኤሂቲ። ታኒ አንቲሰ ገብጾ ቢታን ኡባሶፔ ሎኢዛሶ ኢማና፤ ኢሰቲካ ሃ ቢታ ዋጶ ካቻና፣ ጋ።

19 ቃሴካ ኔኒ ኔ አሻታ፣ ፓራ-ጋሪዛ አንቲ ናይታሲኔ አንቲ ማጫሳታሰ ገብጾፔ ኤኪ ቢዲ አንቲ ኣዋካ ኤኪ ዩቲ።

20 ገብጾ ቢታን ዲዛ ኡባፊ ኣጲ ሎኢዛ ሚሻ አንቲሰ ገዴና ገሻሰ አንቲሰ ዲዛ ሃር ኤኪ ያና ቆፖፍቲ» ጋ ዮታ» ገዴሰ።

21 ሂሰቲን ያቆቤ ናይቲ ገዴ ማላ ኦላዲ። የሴፊይካ ካዋይ ኣዛዚዳ ማላ ፓራ-ጋሪታኔ ኦኔሰ ገዲዛ ሸንቄ ኢሰታሰ ኢሚዴሰ።

22 ኢሰታሰ ኡባሲካ ሁኤን ሁኤን ኦራላ ማይኦ ኢሚዴሰ፤ ገዴ ኣቲን ቢኒያሜሰ ሄቹ ጾቲ ሳቂሌ ቢራኔ ኢቻሹ ኩሜላ ማይኦ ኢሚዴሰ።

23 ኢዚካ ባ ኣዋሰ ገብጾን ዲዛ ኡባፊ ሎኢዛይሳ ታሙ ሃሪን ጫኒዲ፣ ቃሴ ኦኔሰ ካላ፣ ኡኬላኔ ሃራ ሸንቄ ታሙ ማጫ ሃሪታን ጫኒዲ ዩዲዴሰ።

24 የሴፊይ ባ አሻታ ዋይዚዴሰ። ኢሰቲ ቢሺን ኢዚ ኢሰታሰ። «ቢሼ ኦኔን አንቲ ጋርሳን ኦዬቶፍቲ» ገዴሰ።

25 ኢሰቲ ገብጾፔ ኬዚዲ ቢዳ፤ ካናኔ ቢታ ቢዲ ባ ኣዋ ያቆቤኮ ጋኪዳ።

26 ኢሰቲ ኢዛሰ። «የሴፊይ ፓጾ ዴሰ! ቃሴካ ኢዚ ገብጾ ቢታ ኡባ ሃሪሰ» ጌን ያቆቤ ዋዚናይ ዳጋሚዳ ገሻሰ ኢሰታ ኣማኒቤና።

27 ገዴ ኣቲን ኢሰቲ የሴፊይ ባሰ የቲዳይሳ ኡባ ኢዛሰ የቲኒኔ ኢዛ ኤኪ ኤሃና ማላ የሴፊይ ከቲዳ ፓራ-ጋሪታ ኢዚ ቤዩን፣ ኢሰታ ኣዋ ያቆቤሰ ሼምፖይ ሲሚዴሰ።

28 ያቆቤይካ፣ «ሃሲ ታሰ ገዴና፤ ታ ናዚ የሴፊይ ሃና ጋካናሰ ፓጾ ዴሰ! ታኒ ሃይቃናፔ ሲንላን ባዳ ኢዛ ቤያና» ገዴሰ።

46

ያቆቤይ ባሶ አሳራ ገብጾ ቡሰ

1 ኢሰራኤሌይ ባሰ ዲዛይሳ ኡባ ኤኪ ዴንዲዲ ቤርሳቤሄ ጋኪዴሰ። ሃንካ ኢዚ ባ ኣዋ ዩሳቃ ጸሳሰ ያርሾ ሸሸዴሰ።

2 ጸሲ ኦማርሰ ኣጉሞራ ኢዛ፣ «ያቆቤ፣ ያቆቤ» ገ ጾይጊን ኢዚ፣ «ዬ!» ገ ኮዩዴሰ።

3 «ታኒ ጸሳይ ኔ አዋ ጸሳይ ኔኒ ዲጌ ገብጾ ባናሰ ባቦፋ፤ አይሰ ገብ ታኒ ኔና ሄን ገታ ካዋቴላ ከሳና።
 4 ታኒ ኔናራ ኢሰፊ ገብጾ ባና፤ ቃሴ ታኒ ኔ ዜሬላ ሄፔ ከሳና። ዮሴፊይ ባ ኩሹራ ኔ ሃይቂሺን ኔና ሺሻና» ገዳሰ።
 5 ሃሳፊ ጉዬ ያቆቤይ ቤርሳባሄፔ ዳንዲዳሰ፤ ያቆቤ አቱማ ናይቲ ባ አዋ ያቆቤ፣ ባ ናይታኒ ባ ማቼታ ገብጾ ካዋይ ኢሰታሰ ከቲዳ ፓራ-ጋሬ ቸገሲ ኤኪ ቢዳ።
 6 ኢሰቲ ካና ኔ ቢታን ሃሪዳ አቆኔ ማሄ ኡባ ኤኪ ቢዳ። ያቆቤይ ኢዛ ዜሬላ ወሪ ኢዛራ ገብጾ ቢዳሰ።
 7 ኢዛካ ባ ዜሬላ ኡባ ባ አቱማ ናይታ፣ ባ ማጫ ናይታኒ ናይታ ናይታ ኡባ ባናራ ገብጾ ኤኪ ቢዳሰ።

ያቆቤ ዜሬላ

8 ያቆቤራ ገብጾ ቢታ ቢዳ ኢሰራኤል ናይታ ሱንላ ሃይሳፊ ካሊ ጸፊቲዳይሳ።
 ያቆቤ ባይራ ናይ ኦርቤሌ፤
 9 ኦርቤሌ አቱማ ናይቲ ሄኖኬ፣ ፓሉ፣ ሄጸርማኔ ካርማ።
 10 ሲሞና አቱማ ናይቲ ዪሙኤሌ፣ ያሚኔ፣ ኦሃዳ፣ ያኪኔ፣ ጸሃሬኔ ካናኔ ማጫሳይ ና ሳኦሌ።
 11 ለዌ አቱማ ናይቲ ጌርሸኔ፣ ቃአቴኔ ማራራ።
 12 ዪሁዳ አቱማ ናይቲ ኤራ፣ ኦናኔ፣ ሴላ፣ ፓሬሴኔ ዛራሄ፤ ገዶ አቲን ኤራይኔ ኦናይይ ካናኔ ቢታን ሃይቂዳ። ፓሬሴ አቱማ ናይቲ ሄጸርማኔ ሃሙሌ።
 13 ዪሳኩራ አቱማ ናይቲ ቶላ፣ ፑዋ፣ ያሹቤኔ ሸሚርኔ።

14 ዛቢሎኔ አቱማ ናይቲ ሴሬዳ፣ ኤሎኔኔ ያሂሌኤሌ።
 15 ሃይቲ ሊያይ ማሰጸጸማን ያቆቤሰ ዩሊዳ አቱማ ናይታ፤ ኢዚ ማጫ ናያ ዲኖ። ሃይቲ ኢዛ ናይቲኔ ናይታ ናይቲ ሙሌራ ሄሹ ታማኔ ሄሹ።
 16 ጋዳ አቱማ ናይቲ ጸፎ፣ ሃጌ፣ ሹኔ፣ ኤጸቦኔ፣ ኤሬ፣ አርዳኔ አርኤሌ።
 17 አሴሬ አቱማ ናይቲ ዪሚኔ፣ ዪሺዋ፣ ዪሺዌኔ ባሪሄ፤ ኢሰታ ሚቼያካ ሴራሆ። ባሪሄ አቱማ ናይቲ ሄቤሬኔ ማልኪኤሌ።
 18 ላባይ ባ ና ሊያሰ ኢሚዳ ዚልፋይ ያቆቤሰ ዩሊዳ ናይቲ ናይታ ናይቲ ሃይታ፤ ኢሰቲ ሙሌራ ታማኔ ኡሱፑና።

19 ያቆቤ ማቼዮ ኤራሄሊ አቱማ ናይቲ ዮሴፊይ ቢያማ።
 20 ኦና ጌቲቲዛ ካታማ ቄሴ ጸጸፋራ ናያ አሲናታ ዮሴፊሰ ገብጾን ሚናሴኔ ኤፍሬማ ዩላዲሰ።
 21 ቢያማ ናይቲ ቤላ፣ ቤኬሬ፣ ኦሺቤሌ፣ ጌራ፣ ናኢማኔ፣ ኤሄ፣ ኦርሸ፣ ሙፒማ፣ ሁፒማኔ አራዳ።
 22 ያቆቤሰ ዩሊቲዳ ኤራሄሊ አቱማ ናይቲኔ ናይታ ናይቲ ሃይታ፤ ኢሰቲ ሙሌራ ታማኔ ኦይዳ።
 23 ዳኔ አቱማ ናይ ሁሺማ።
 24 ኒፍታሌማ አቱማ ናይቲ ያሂሌ፣ ጉኔ፣ ዩሲሬኔ ሽሌማ
 25 ላባይ ባ ና ኤራሄሊሰ ኢሚዳ ቢሊሃይ ያቆቤሰ ዩሊዳ ናይቲኔ ናይታ ናይቲ ሃይታ፤ ኢሰቲ ሙሌራ ላፑና።
 26 ያቆቤራ ገብጾ ቢዳ ናይቲኔ ናይታ ናይቲ፣ ኢዛ ናይታ ማቼታ ጉጃንታ ሙሌራ ኡሱፑን ታማኔ ኡሱፑና።

27 ገብጾን ዮሴፊሰ ዩሊቲዳ ናሞኡ ናይታ ጉጃን ገብጾ ቢዳ ያቆቤ ሶ አሳይ ሙሌራ ላፑን ታማ።

ገብጾ ቢታን ያቆቤኔ ኢዛሰ አሳ

28 ሲንሳቲ ቢዲ ጌሴማ ቢታን ባና ሞካና ማላ ያቆቤይ ዪሁዳ ባፔ ሲንሳ ዮሴፊሰ ዩሊቲዳ፤ ኢሰቲ ጌሴማ ጋኪዳ ዋዳ።
 29 ዮሴፊይ ባ ፓራ-ጋሬዛ ገገሲዲ ባ አዋ ያቆቤራ ጋጋናሰ ጌሴማ ቢዳሰ። ዮሴፊይ ባ አዋ ዳሚዳ ማላ ኢዲማ ኦይኪዲ ዳር ሳቲ ዩኪዳሰ።
 30 ኢሰራኤሌይ ዮሴፊ፣ «ኔኒ ፓጸ ዲሺን ታኒ ኔ አይፊሶ ቤኢዳ ገሻሰ ሂኦ ታኒ ሃይቂኮ ማቴና» ገዳሰ።
 31 ሃሳፊ ጉዬ ዮሴፊይ ባ ኢሻታሲኔ ባ አዋ ሶ አሳታሰ። «ታኒ ገብጾ ካዋዛኮ ባዳ ኢዛሰ፣ ሳናኔ ቢታን ዲዛ ታ ኢሻቲኔ ታ አዋ ሶ አሳይ ታኮ ዩዳ።
 32 ኢሰቲ ሚዚኔ ደርሳ ሃሪዛይታ፤ ኢሰቲ ባናራ ባ ደርሳታ፣ ባ ሚዛታኔ ባሰ ዲዛይሳ ኡባ ኤኪ ዩዳ» ጋና።
 33 ካዋይ ኢንቴና ጸይገዲ፣ «ኢንቴ ኦሶይ ኦዜ?» ገ ኦይቸኮ።
 34 ኢንቴ ኢዛሰ፣ «ኩ ኔ አይሌቲ ናቴላፊ ደሚዲ ኦ አዋታ ማላካ ማሄ ሃሞሰ» ገቲ። ሂሰቲኮ ኢዚ ኢንቴና ጌሴማ ቢታን ዋላና፤ አይሰ ገብ ደርሳ ሃንሳንቻይ ወሪ ገብጾ አሳ አቻን ካዲቲዳይታ» ገዳሰ።

47

1 ዮሴፊይ ጌሊዲ ገብጾ ካዋሰ፣ «ታ አዋይኔ ታ ኢሻቲ ባ ደርሳታራ፣ ባ ሚዛታራ ባሰ ዲዛዛከ ኡባ ኤኪዲ ካናኔ ቢታፊ ዩዳ፣ ሃኢ ጌሴማ ቢታን ዳቴሰ» ገ ዮቲዳሰ።
 2 ኢዚ ባ ኢሻታፔ ኢቻሻታ ደሪዲ ካዋዛ ሲንሳ አላዳሰ።
 3 ካዋይ ሄ ኢሻታ፣ «ኢንቴ ኦሶይ ኦዜ?» ገ ኦይቸኮ ኢሰቲ ካዋዛሰ፣ «ኩ ኔ አይሌቲ ኦ አዋታ ደርሳ ሃሞሰ» ገ ዮቲዳ።
 4 ቃሴ ኢሰቲ ኢዛሰ፣ «ካናኔ ቢታን ኮሻይ ደሪዳ ገሻሰ ኦሰ ኔ አይሌታ ማሄታሰ ሚዛ ሚሺ አይኮካ ባይንዳ ገሻሰ፣ ኩ ሃይሳን ኢማላቴላን ዳና ዩዳሰ፤ ሸቤ ኦና ኔ አይሌታ ጌሴማን ዋላርኪ!» ገዳ።
 5 ካዋይ ዮሴፊ፣ «ኔ አዋይኔ ኔ ኢሻቲ ኦኮ ዩዳ።
 6 ሂሰቲን ገብጾ ዳሬይ ኔ ኩሹን ዳሰ ገዳኔ፤ ሃ ቢታን ኡባፊ አዲዲ ሎኢዛሰን ኔ አዋኔ ኔ ኢሻታ ዋላ፤ ኢሰቲ ጌሴማ ቢታን ዳቶ። ኢሰታ ገደፊ ዲማ ኤራቲላ ዲዛይታ ኔ ኤሪዛ ገዲኮ ሃይታ ታ ማሄታ ቦላ ሹማ» ገዳሰ።
 7 ሃሳፊ ጉዬ ዮሴፊይ ባ አዋ ያቆቤ ጌልላዲ ካዋ ሲንሳ አላዳሰ። ያቆቤይ ገብጾ ካዋ ኢንጂዳሰ።
 8 ካዋይካ ያቆቤ፣ «ኔሰ አፑን ላይሌ?» ገ ኦይቸዳሰ።
 9 ያቆቤይ ካዋዛሰ፣ «ታኒ ዩያ ዩያ ዳዩዳ ላይላይ 130፤ ታ ላይላይ ቤኒ ታ አዋቲ ዩዩ ዩዩ ዳዩዳ ላይላታፔ ጉላኔ ማቶይ ደሪዳ ላይላ» ገዳሰ።
 10 ሃሳፊ ጉዬ ያቆቤይ ካዋዛ ኢንጂዲ ኢዛ ሲንሳፊ ካሪ ከዚዳሰ።
 11 ዮሴፊይ ባ አዋኔ ባ ኢሻታ ገብጾ ቢታን ዋላዳሰ፤ ካዋይ ኢዛዚዳ ማላ ገብጾ ቢታን ኤራሚሴ

አቻን ዲዛ ኡባሶፔ አዲሲ ሎኢዛ ጋዴ ኢስታስ ኢሚዴስ።
 12 የሱፊይ ቃሴ ባ አዋስ፡ ባ ኢሻታሲኔ ባ አዋ ሶ አሳ ኡባሶ ኢስታ ናይታ ቆዳ ማላ ካል ኢሚዴስ።

ጊብጾ ኮሻ ሚኖቴል

13 ጊዲኮካ ኮሻይ ዳሪዳ ጊሻስ ቢታ ኡባ ቦላ ካል ዳይዴስ። ሄ ኮሻን ጊብጾ ዳሪይኔ ካናኔ ዳሪይ ናምኢይካ ቆሃቲዳ።

14 የሱፊይ ጊብጾ ካል ባይዲዲ ጊብጾኒኔ ካናኔ ቢታን ዲዛ ሚሽ ኡባ ሺሺዲ ጊብጾ ካዋ ኬል ጌልዲዴስ።

15 ጊብጾ ሚሻይኔ ካናኔ ሚሻይ ኡባይ ወሪን ጊብጾ አሳይ ወሪ የሱፊይ ዩዲ ኢዛ፡ «ኑስ ካል አማ፤ ኑ ሚሻይ ወሪዳ ጊሻስ ኑኒ ኔ ዲሺን አይሰ ሃይቁዘኒ?» ጊዳ።

16 ሂሰቲን የሱፊይ ኢስታስ፡ «ኢንቴ ሜሄ ኤኪ ዩቴ፤ ኢንቴ ሚሻይ ወሪዳ ጊዲኮ ታኒ ካል ኢንቴሰ ሜሄራ ለማና» ጊዴስ።

17 ሃሳ ጊሻስ ኢስቲ ባ ሜሄ የሱፊስ ኤሂን የሱፊይ ኢስታ ፓራ፡ ዶርሳ፡ ዳይሼ፡ ሚዚኔ ሃሪ ካላራ ለሚዴስ፤ ኢዚ ሄ ላይል ኢስታ ሜሄ ኡባራ ካል ለሚ ለሚ ሚዚ ሻቸዴስ።

18 ሄ ላይላይ ወሪን ናምኢንላ ላይላን ኢስቲ ኢዛኮ ዩዲ ኢዛስ፡ «ኑኒ ኑ ጎዳፔ ቆቲዛ ሚሺ ዳና፤ ኑ ሚሻይ ወሪዴስ፤ ኑስ ዲዛ ሜሄካ ኡባ ኔስ ሺዲደስ፤ ኑ ጎዳስ ኔስ ኑናቴላፊኔ ኑ ጋዴፔ አቲን ኑ አማና ሚሺ ሃራይ ዳና።

19 ኔ ዲሺን ኑ አይሰ ሃይቁዘኒ? ኑ ጋዴይካ አይሰ ዳይዴ? ኑናካ ኑ ጋዴዛካ ካላራ ለማ፤ ኑኒ ካዋስ አይሌታና፤ ኑ ጋዴይካ ኢዛስ ጊዳ፤ ኑኒ ሃይቆንታ ዳኑን ዳና ማላኔ ኑ ጋዴይካ ኦጾንታ ማላ ዜሬል ኑስ አማ» ጊዳ።

20 የሱፊይ ጊብጾ ቢታ ኡባ ካዋስ ሻሚዴስ። ጊብጾቲ ወሪ ኮሻይ ሚኒዳ ጊሻስ ባ ጋዴዛ ባይዚን ጋዴዚ ካዋስ ጊዲዴስ።

21 የሱፊይ ጊብጾ አሳ ኡባ ሃ ጋጾፔ ደሚዲ ሄ ጋጾ ጋካናስ ካዋስ አይሌ ኬሲዴስ።

22 ጊዲኮካ ካዋይ ቁሴታስ ካል አሚዛ ጊሻስ ቁሴታ ጋዴ ሻሚቤና። ሃሳ ጊሻስ ቁሴቲ ባ ጋዴ ባይዚቤቴና።

23 የሱፊይ አሳ፡ «ሂሰቲን ሃኙ ታኒ ኢንቴናኔ ኢንቴ ጋዴ ካዋስ ሻሚዳ ጊሻስ ዜሬል ኤኪዲ ኢንቴ ጋዴን ጋዴን ዜሪቴ።

24 ጊዳ አቲን ካል ማጺ ጌልዲዛ ዋዴ ካላፊ ኢቻሹ ኩሼፔ ኢሲ ኩሼ ካዋስ አሚቴ። ኢቻሽ ኩሼፔ አቲዳ ኦይዱ ኩሼዚ ኢንቴ ጋዴስ ዜሬል፡ ኢንቴሶ አሳሲኔ ኢንቴ ናይታስ ቁማ ጊዳ» ጊዴስ።

25 ሂሰቲን ኢስቲ፡ «ኔኒ ኑና አሻዳሳ! ኑ ጎዳ ሲንላን ኑኒ ናሼቴዳ ጊዲኮ ኑ ካዋስ አይሌ ጊዳና» ጊዳ።

26 ሃሳ ጊሻስ የሱፊይ ጊብጾ ቢታን ካዲዳ ካላስ ኢቻሽ ኩሼፔ ኢሲ ኩሼ ካዋስ አሚዛይሲ ዋጋ ጊዳና ማላ አሊዴስ። ሄ ዋጋዚካ ሃኙ ጋካናስ ኤቁ ዴስ። ካዋስ ጊዳንታ ጋዴይ ቁሴታ ጋዴ ጸላ።

27 ኢስራኤሌቲ ጊብጾ ቢታን ጌሴሜ ጌቴቲዛሶን ኡቲዳ፤ ኢስቲ ሃን አቆታ ዳሚዳ፤ ኢስቲ ዩሌቲዳኔ ዳር ጮራቲዳ።

28 ያቆቤይ ጊብጾ ቢታን 17 ላይል ዳኢዴስ። ያቆቤይ ዳኢዳ ላይላይ ኢሲ ጾታኔ ኦይዱ ታማኔ ላቸና።

29 ያቆቤስ ሃይቆ ዋዴይ ማቲን ባ ና የሱፊ ዳይጊሲዲ፡ «ታኒ ኔ ሲንላን ሳቤቲዳ ጊዲኮ ኔ ኩሼ ታ ጉልባቴ ቦላ ዋላዳ ኔኒ ታስ ኪያታናሲኔ አማኔታናስ አኔ ጫቃ። ታና ጊብጾን ሞጎ።

30 ጊዳ አቲን ታኒ ታ አዋታን ጋጊዛ ዋዴ ታና ጊብጾፔ ኤፋዳ ኢስቲ ሞጌቲዳሶን ሞጋ» ጊዴስ። ሂሰቲን የሱፊይ፡ «ታኒ ኔና ኔኒ ጊዳ ማላ ኦላና» ጊዴስ።

31 ያቆቤይ ኢዛ፡ «አኔ ታስ ጫቃ» ጊዴስ። የሱፊይካ ኢዛስ ጫቁዴስ፤ ሃሳፊ ጉዬ ያቆቤይ ባ ሃጸን ጉፋኒዲ ጸሳስ ጎይኒዴስ።

48

ሚናሴኔ ኤፍሪሚ

1 ሃሳፊ ጉዬ አሳይ የሱፊስ፡ «ኔ አዋይ ሳኬቴስ» ጊ ዮቲን ኢዚ ባ ናምኡ አቲማ ናይታ ሚናሴኔ ኤፍሪሚ ኤኪ ቢዴስ።

2 አሳይ ያቆቤ፡ «ቤያ! ኔ ናይ የሱፊይ ኔኮ ዩዴስ» ጊን ኢስራኤሌይ ሚኔቲዲ ባ ሃጸ ቦላ ዳንዲ ኡቲዴስ።

3 ያቆቤይ የሱፊ፡ «ኡባ ዳንዲዛ ጸሲ ካናኔ ቢታን ሎዛ ጌቴቲዛሶን ታስ ቆንጫዲ ሃን ታና አንጂዴስ።

4 ኢዚ ታና፡ «ታ ኔስ ዩሎ አማና ኔ ዩሎታካ ዳርሳና፤ ታኒ ኔና ዳር ዳሪ ሂሰታና። ሃ ቢታ ታኒ ኔፔ ጉዬ ኔ ዜሬላስ ሜርናስ ላታ ቢታ ሂሰታ አማና» ጊዴስ።

5 «ሂሰቲን ሃኢ ኔ ናምኡ አቲማ ናይቲ ታኒ ኔኮ ሃይሳ ያናፔ ካሴ ጊብጾን ኔስ ዩሌቲዳይቲ ታይታ፤ ኤፍሪሚይኔ ሚናሴይ ታስ ኦርቤሌኔ ሲሞና ማላ።

6 ኢስታፊ ጉዬ ኔስ ዩሌቲዳይቲ ኔ ናይታ፤ ኢስቲ ላታና ዳሪይ ኤፍሪሚይ ሚናሴ ሱንላን ሱሞ።

7 ታኒ ሜሰጾጾሚያፔ ሲሚሺን ኤፍራታ ጌቴቲዛ ዳሪ ጋካና ጊሺን ኤራሃላ ካናኔ ቢታን ሃይቁን ታኒ ኢዛ ቤቴሊሃሚ ጌቴቲዛ ኤፍራታ ኤፊዛ ኦፔ ደናን ሞጋዲስ» ጊዴስ።

8 ኢስራኤሌይ የሱፊ አቲማ ናይታ ናምኢታ ቤኢዲ፡ «ሃይቲ ኦኔ?» ጊ ኦይቸዴስ።

9 የሱፊይካ ባ አዋስ፡ «ሃይቲ ጸሲ ታስ ሃን ሃይሳን አሚዳ ታ ናይታ» ጊዴስ።

ሂሰቲን ኢስራኤሌይ፡ «ታ ኢስታ አንጃና ማላ ታኮ ሃ ሺሻ» ጊዴስ።

10 ያቆቤይ ጨሚን ኢዛ አይፊይ ዳቡርዳ ጊሻስ ዳማናስ ዳንዲይቤና። ሃሳ ጊሻስ የሱፊይ ባ አቲማ ናይታ ኢዛኮ ሺሺን ኢዛ አዋይ ኢስታ ኢዲሚዲ ዩሪዴስ።

11 ያቆቤይ የሱፊ፡ «ታኒ ኔ አይፊሶ ቤያና ጋዳ ቆፓቤኬ፤ ጊዳ አቲን ጸሲ ሃኮ ኔ ናይታካ ታና ቤሲዴስ» ጊዴስ።

12 የሱፊይ ኢስታ ያቆቤ ጉልባቴ ቦላፊ ዳንሊዲ ባ ሁኤ ቢታ ጋል ዚጊዴስ።

13 የሴፌይ ባ ናምኤ አቱማ ናይታ ኤኪዲ ኤፍሬሜ ባ ኡሻቻ ባጋን ያቆቤስ ሃዲርሳ ባጋራ፥ ሚናሴ ባ ሃዲርሳ ባጋን ያቆቤስ ኡሻቻ ባጋራ ኢዛኮ ሺሺዳስ።

14 ጊዶ አቲን ያቆቤይ ባ ኩሼ ያኔ ሃ ቃሴላ አሊዲ ባ ኡሻቻ ኩሼ ካሎ ናዛ ኤፍሬሜ ሁኤ ቦላ፥ ባ ሃዲርሳ ኩሼ ባይራ ናዛ ሚናሴ ሁኤ ቦላ ዋሊዳስ።

15 ሃሳፌ ጉዬ ያቆቤይ የሴፌ፥
«ታ አዋቲ አብራሃሜይኔ ዪሳቂ
ኢዛ ሲንላን
ሱሬን ዳኢዳ ጸሲ፥
ታ ዳኑ ኡባን ሃቶ ጋካናስ
ታና ሃሚዳ ጸሲ፥

16 ኢታ ሚሻ ኡባፌ
ታና አሺዳ ኪታንቻይ፥
ሃ ናይታ አንጅ።

ታ ሱንላይኔ
ታ አዋታ አብራሃሜይ
ዪሳቂ ሱንላይ ኢስታን ጸይጌቶ።
ኢስቲ ቢታ ቦላን
ጮራቴቶ» ጊ አንጂዳስ።

17 የሴፌይ ባ አዋይ ባ ኡሻቻ ኩሼ ኤፍሬሜ ሁኤ ቦላ ዋሊዳይሳ ደሲቤና። ሃሳ ጊሻስ ኤፍሬሜ ሁኤ ቦላፌ ዳንሊዲ ሚናሴ ሁኤ ቦላ ዋላናስ ባ አዋ ኩሼ ኦይኪዳስ።

18 የሴፌይ ባ አዋስ፥ «አቦ ሃሳሶ ዳና! ባይራይ ሃይሳ ጊዶንታ ጊሻስ ኔ ኡሻቻ ኩሼ ሃይሳ ቦላ ዋላ» ጊዳስ።

19 ጊዶ አቲን ኢዛ አዋይ ኢዲዲ ኢዛስ፥ «ታ ናዘ! ታ ኤራይስ፤ ኢዚካ ጊታ ዳሬ ጊዳና። ጊዲኮካ ካሎ አሻይ ኢዛፔ አዲ ጊታታና፤ ኢዛ ዜሬላይካ ዳር ጊታ ካዎቴሳ ጊዳና» ጊዳስ።

20 ኢዚ ሃ ጋላስ ኢስታ አንጂዳ፥
«ኢሰራኤሌ ናይቲ አንጅ አንጂዛ ዋዳ፥
(ጸሲ ኢንቴና ኤፍሬሜ ማላኔ
ሚናሴ ማላ ኦሶ) ጊዲ
ኢንቴ ሱንላን አንጅና» ጊዳስ።
ሂስቲዲ ኤፍሬሜ ሚናሴፔ
ሲንላ አሊዳስ።

21 ሃሳፌ ጉዬ ያቆቤይ የሴፌ፥ «ታ ሃይቃና ጋይስ፤ ጊዶ አቲን ጸሲ ኢንቴናራ ጊዳና፤ ቃሴ ኢዚ ኢንቴ አዋታ ቢታ ኢንቴና ጉዬ ዛራና።

22 ቃሴ ኔና ኔ አሻታራ ጋዘዛ ቢታፌ ጊሻ ዳርሳዳ ኔስ ኢማይስ፤ ሂሲካ ታኒ አዋሬታፔ ታ ማሻኒኔ ቶራን ኦላ ኤኪዳ ቢታ» ጊዳስ።

49

ያቆቤይ ባ ናይታስ የቲዳ ባሳ ቃላ

1 ሃሳፌ ጉዬ ያቆቤይ ባ አቱማ ናይታ ጸይጊዲ፥ «ሲንላፌ ኢንቴስ ሃናናይሳ ታኒ ኢንቴስ የታና ማላ ሃ ሺቂቲ።

2 «ኢንቴና ያቆቤ ናይቶ!
ኢሲፌ ሃ ሺቂዲ ሲዪቴ፤
ኢንቴ አዋይ ኢሰራኤሌይ
ኢንቴስ የቲዳይሳ ኤዘጊቲ።

3 «ኦርቤሌ ታ ና ባይራዘ፥

ኔኒ ታ ዋልቃ፤
ታ ሚናቴሳስ ኮይር፤
ኔኒ ቦንቸንካ ዋልቃንካ
ኡባፌ አዳሳ።

4 ኔኒ ቢጸላይ ባይንዳ
ፓራ ማላ፤
ኔ ደሲዳ ሃናሳ፤
ኔኒ ኔ አዋ ሂላ ኬዛዳሳ፤
ኔ አዋ ሂላካ ቲሳዳሳ።
ሃሳ ጊሻስ ሃላቃቴላ
ኔስ ቤሴና።

5 «ሲሞኒኔ ለዌይ አሻንታ፤
ኢስቲ ኢታ ኦላናስ
ማሻኔ ቶራ ኤኬቴስ።

6 ታኒ ኢስታ
ዘሬቴላን ጌሊኬ፤
ታኒ ኢስታ
ሺቆሶንካ ኡቲኬ።
አይስ ጊኮ ኢስቲ
ባ ሃንቆን አስ ዋዲዳኔ
ባና ኤካ ኤካ ጊን
ቦራታ ጊልዳዪ ቃንጺዳ።

7 ኢስታ ኢታ ሃንቆይኔ
ኢስታ ሜቄሳ ኢታቴላ
ቃንጌቲዳዘ ጊዶ!
ታኒ ኢስታ
ያቆቤ አሳ ጊዶን ላላና፤
ኢሰራኤሌ ቢታን ዳርጫና።

8 «የሁዳ ኔ ኢሻቲ
ኔና ጋላታና፤
ኔኒ ኔ ሞርኬታ ሞርጌ
ናቃ ኦይካና፤
ኔ አዋ ናይቲ
ኔስ ሆኪዲ ዚጋና።

9 የሁዳ ኔኒ
ዋዳላ ጋሞ ማላ፤
ታ ናዘ!
ኔኒ ሻንካቲ ኦይኪዲ፥
ጮሳቲ ኢቸዳ ጋሞ ማላ።
ኔኒ አሲ ባና ቦሽላናስ
ኮዮንታ ማጫ ጋሞ ማላ።

10 ዳሬ ሃሪዛዳይ
ያና ጋካናሽ፥
ካዎቴላ አልጋይ የሁዳፔ፥
ሃላቃቴላ ጉፊይ
ኢዛ ኬላፌ ሻኬቴና።
ቃሴ ዳሬ አሳይ
ኢዛስ አዛዜታና።

11 ኢዚ ባ ሃሪ ካላ ጊዶን
ባ ሃሪ ጉቲካ
ደሬቲዳ ካላን ቃቻና።
ኢዚ ባ ሃላ
ዋይኔ ኡሻን፥
ባ ማይኦ ቃሴ
ዋይኔ ማዳን ሜጫና።

12 ኢዛ አይፊይ ዋይኔ ኡሻፌ

አጁ ዘኣና፤
ኢዛ አቻይካ
ማላፌ አጁ ቦታና።

13 «ዘቢሎኔይ
አባ ደናን ዳና፤
ኢዛ ቢታይ
ዳሮ ማርካቤታስ
ሼምፖሶ ጊዳና፤
ኢዛ ዛዋይ ሲደና ጋካና።

14 «ዩሳኮሬይ ናምኡ ጎዳይ
ጎኤቲዛ ሚኖ ሃሬ ማላ።

15 ኢዚ ባ ሼምፕዛሶይ
ሎኦ ጊዲዳይሳኔ
ባ ዳሬይ ኡፋይሲዛዘ
ጊዲዳይሳ ቤኢዲ፥
ቶሆ ቶካናሰ ባ ዘኮ
ዘቂ ሂሰቲዲ፥
አይሌቴላ ኦሶ ኦላና።

16 «ዳኔይ ኢሰራኤሌ
ቆሞታፔ ኢሳስ
ፒርዲዛ ዳና ጊዳና።

17 ዳኔይ ፓራ ቶጊዳይይ
ጉዬ ኩንዳና ማላ
ፓራ ቁርጾ ዱኪዛ
ኦጌ ደናን ዲዛ ሃሶ ሸሻ።

18 «አቤት ጎደ!
ታ ኔ ማዶ ናጋይሰ።

19 «ጋዳይ ቦንቁዛይታን
ዳሼታና፤
ጊደ አቲን ኢዚካ
ኢሰታ ጌዶ ካሊዲ
ኢሰታ ቦንቃና።

20 «አሴሬ ማዳይ አካና፤
ካዋታስ ኢዚ
ሎኦ ቁማ ኢማና።

21 «ኒፍታሌሜይ ቃሼቶንታ
ዬዳ ዲዛ፥
ሎኦ ላቃታ ዬሊዛ ጌኔሳ።

22 «ዮሴፌይ ሜሎንታ ፑልቶ
ሃላ አቻን ቶኬታዳ፥
ኢዚ አይፌይ ላሻ ቦላራ
አላሌታና ጋካናሰ
አይፌ ኢሚዛ ሚላይ ማላ።

23 ዋንዳፌዛ ዱኪዛይቲ
ኢዛ ቦላ ዋራጂዳ፤
ባ ዋንዳፌንካ
ጎዲ ጎዲ ጫዳቴሰ።

24 ጊደ አቲን ያቆቤ
ጎዳ ጸሳ ዋልቃን

ኢዛ ሄሚዛ ኢሰራኤሌ ዛላን
ኢዛ ዋንዳፌይ ሚኒዳሰ፤
ኢዛ ሚኖ ቁሴይካ
ፒላቲዳሰ።

25 ኔና ማዲዛ ኔ አዋ ጸሳን
ኡባ ዳንዳይዛይሳኔኔ
ኔና አንጂዛ ጸሳን
ፑዴ ቦላፌ ቤቲዛ ማዶኔኔ
ጋርሳ ቢታፌ ቤቲዛ አንጅን
ቃሴካ አዪ ኡሎፔኔ
ቆንላፌ ቤቲዛ አንጅን
ኔና አንጅና።

26 ኔ አዋ አንጅይ ቤኔ ዋዴፔ
ሃኖ ጋካናሰ
ሚኒ ዲዛ ዙማታፔኔ
ሚርና ዙማታ
ኡባፌ አጼሰ።
ሃሳ ጊሻሰ ሃይሲ
ሃ አንጅይ ዉሪካ
ዮሴፌ ጋኮ።
ባ ኢሻታ ቦላ ሃላቃ ጊዲዳ
ዮሴፌ ቦላ ዋዶ።

27 «ቢኒያሜይ ቦንቁዛ
ካና ሱይቲ ማላ።

ባ ሻንካቲዳይሳ
ማላዶ ሜሰ፤
ባ ዲኢዳይሳ
አማርሰ ጊሼሬሌሰ» ጊዳሰ።

28 ሃይቲ ታማኔ ናምኡ ኢሰራኤሌ ቆሞታ፤ ቃሴ
ኢሰታ አዋይ ኢሰታ ኢሳ ኢሳ ኢሰታ ሃኖ ማላ ኢሰታሰ
ቤሲዛ አንጅ ሃሳሉ አንጂዳሰ።

ያቆቤ ሃይቆ

29 ሃሳፌ ጉዬ ኢዚ ኢሰታሰ፥ «ታኒ ታ አዋታን ጋጋና
ጋይሰ፤ ታና ሂቲ አሰ ኤፍሮኔ ጋዴን ዲዛ ጎንጎሎን፥ ታ
አዋታራ ሞጊቲ።

30 ሄሲካ ካናኔ ቢታን፥ ማሚሬ አቻን ዲዛ
ማኪዶሌ ጌቲቲዛ ጎንጎሎ፤ ሃይሲካ አብራሃሜይ
ሞጎሰ ሂቲ አሰ ኤፍሮኔፔ ጋዳራ ጋሌ ሻሚዳ ጎንጎሎ።

31 አብራሃሜይኔ ኢዛ ማቼያ ሳራይ ሄን ሞጌቲዳ፤
ዩሳቂኔ ኢዛ ማቼያ ኢርቢቃይካ ሄን ሞጌቲዳ፤ ታኒ
ቃሴ ሊያ ሄን ሞጋዲሰ።

32 ሄ ጋዴዚኔ ኢዛን ዲዛ ጎንጎሎይ ሂቲታፔ
ሻሚቲዳይሳ» ጊ አዛዚዳሰ።

33 ያቆቤይ ባ ናይታሰ አዛዘ ዉርሲዳፔ ጉዬ ባ
ቶሆ ፑዴ ባ ሂጸን ሺሺ ኤኪዲ ሃይቁዲ ባ አዋታን
ጋጊዳሰ።

50

1 ዮሴፌይ ባ አዋ አሃ ቦላ ኩንዲዲ ዬኪዳሲኔ
ኢዛ ዬሪዳሰ።

2 ሃሳፌ ጉዬ ዮሴፌይ ቆሌ ሺሺዛ ባ ኦሳንቻታ ባ
አዋ ኢሰራኤሌ አሃ ሳዊዘ ሺቶ ቲይዲ ሜሊሳና ማላ
አዛዘን ኢሰቲ ቲይዲ ሜሊሲዳ።

3 ሺቶ ቲዮይ ጸላ 40 ጋላሰ ኩሚሳ ዉርሲዳሰ፤
አይሰ ጊኮ ሃይሲ ቲዮይ ዋናካ ኦይዲ ታሙ ጋላሰ

ኤኬስ። ጊብጾ አሳቲ ኢዛስ ላፑን ታሙ ጋላስ ዩኪዳ።

4 ዩሆ ጋላሳቲ ኣጂን ዮሴፌይ ጊብጾ ካዎ ኬፋ አሳታ። «ታኒ ኢንቴ ሲንገላን ሳቤቲዳ ጊዲኮ ካዎስ ሂዝጊ ዮቲቲ፤

5 ታ አዋይ ታና ኢሲ ጫቆ ጫቂሲዳስ፤ ኢዚ ታና። ታኒ ሃይቃና ሃናይስ፤ ታኒ ታስ ካናኔ ቢታን ዎጪዳ ጎንጎሎ ዲፎን ታና ዎጋ» ጊዳስ። ሃሳ ጊሻስ። «ሃኢ ታኒ ፑዳ ባዳ ታ አዎ ዎጋና ማላ ዩዳርኪ! ሃሳፌ ጉዬ ታኒ ሲማና» ጊዳስ።

6 ሂሰቲን ካዎይ። «ኢዚ ኔና ጫቂሲዳ ማላ ፑዳ ባዳ ኔ አዎ ዎጋ» ጊዳስ።

7 ዮሴፌይ ባ አዎ ዎጋናስ ፑዳ ቢዳስ። ካዎዛ አሳንቻቲ ዉሪ። ኢዛ ካዎቴላ ኬላን ዲዛ ጊታ አሳይ ዉሪ ጊብጾ ቢታን ዲዛ ጊታ አሳይ ዉሪ ዮሴፌ ካሊዲ ቢዳስ።

8 ቃሴ ዮሴፌ ሶ አሳይ ዉሪ ኢዛ አሻቲኔ ኢዛ አዎ ሶ አሳይ ኢዛራ ቢን፤ ኢስታ ናይቲኔ ሜሃይ ጸላ ጌሴሚን አቲዳ።

9 ፓራ-ጋሪቲካ ቶጋ አሳይካ ኢዛራ ፑዳ ቢዳስ፤ ኢዛ ካሊዲ ቢዳ አሳይ ኬሂ ዳሮ።

10 ኢስቲ ዮርዳኖሴ ሻፋ አቻን ዲዛ አጻዴ ጌቲቲዛ ባሌ ጋኪዲ ባ ቃላ ጾቁ ሂሰቲዲ ኢዛስ ዚላሊዳኔ ዩኪዳ፤ ሄን ዮሴፌይ ባ አዎ ዩሆን ላፑን ጋላስ ኡቲዳስ።

11 ሄ ቢታን ዲዛ ካናኔ አሳቲ አጻዴ ጌቲቲዛ ዩሆ ባሌን ሄ ዩሆዛ ቤኢዲ። «ጊብጾ አሳይ አይ ሚሻ ዩሆ ዩኪዛ!» ጊዳ። ሃሳ ጊሻስ ዮርዳኖሴ አቻን ዲዛ ሄ ሶይ። ጊብጾታ ዩሆ ጌቲቲዳስ።

12 ያቆቤ ናይቲ ባ አዎይ ኢስታ ኣዛዚዳ ማላ ኦሊዳ፤

13 ኢዛ አሃ ካናኔ ቢታ ኤፊዲ ማሚሪ አቻን ዲዛ ማኪጶሌ ጌቲቲዛ ጎንጎሎን። ኣብራሃሜይ ሂቲ አስ ኤፍሮኔፔ ሞጎስ ሻሚዳ ጋዴን ኢዛ ሞጊዳ።

14 ዮሴፌይ ባ አዎ ሞጊዳፔ ጉዬ። ባ አሻታኔ ኢዛ አዎ ዎጋናስ ኢዛራ ቢዳ ሃራ አሳታ ኡባራ ጊብጾ ሲሚዳስ።

ዮሴፌይ ባ አሻታ ዎፒሲዳስ

15 ኢስታ አዎይ ሃይቂዳይሳ ቤኢዲ። ዮሴፌ አሻቲ ባ ጋርሳን። «ኮኒ ኤሪዜ ዮሴፌይ ኑና ባ ኡሎን ሞርኪዲ ኮኒ ኢዛስ ኦሊዳ ኢታ ሚሻ ኡባስ ሃሎ ኬሳና ኮይኮ። ኮኒ ዋናኔ?» ጊዳ።

16 ሃሳ ጊሻስ ዮሴፌኮ ኪታ። «ኔ አዎይ ሃይቃናፔ ካሴ፤

17 ኢንቴ ዮሴፌ። «ኔ ኔ አሻታ ናጋራኔ ኢስቲ ኔና ቆሃዳ ኢታ ቆሆዛ ሃያና አቶ ጋ» ጊዲ ዮቲቲ ጊዳስ። ሃሳ ጊሻስ ሃኢ ሃያና። ኑ ናጋራ። ኔ አዎ ጸሳ አይሌታ ናጋራ አቶ ጋ» ጊዳ። ሄ ኪታይ ኢዛኮ ጋኪን። ዮሴፌይ ዩኪዳስ።

18 ሃሳፌ ጉዬ ኢዛ አሻቲ ባርካ ኢዛኮ ቢዲ ኢዛ ሲንገላን ጉፋኒዲ። «ኮኒ ኔ አይሌታ» ጊዳ።

19 ጊዳ አቲን ዮሴፌይ ኢስታስ። «ባባፍቲ፤ ታና ኢንቴስ ጸሳ ጊዳቲዬ?»

20 ኢንቴ ታስ ኢታናስ ኦሊዳታ ሸን ሃይሲ ዳር አሳይ ሃይቆንታ አታና ማላ ጸሲ ሎኦስ ሃይሳ ኦሊዳስ።

21 ሃሳ ጊሻስ ሄኮ ኢንቴ ባባፍቲ፤ ታኒ ኢንቴናኔ ኢንቴ ናይታ ሚዛና» ጊዲ። ኢዚ ኢስታ ሚንጫዲ ሎኦ ቃላን ሃሳዩዳስ።

ዮሴፌ ሃይቆ

22 ዮሴፌይ ባ አዎ ሶ አሳ ኡባራ ጊብጾን ጋሞኢዳስ፤ ኢዚ 110 ላይላ ዴኢዳስ።

23 ኤፍሪሜ ናይታ። ሄሻንላ ዩሌታ ጋካናስ ቤኢዳስ፤ ቃሴ ሚናሴ ና ማኪሪ ናይታካ ኢዚ ባ ና ማላ ሂሰቲዳስ።

24 ሃሳፌ ጉዬ ዮሴፌይ ባ አሻታ። «ታኒ ሃይቃና ጋይስ፤ ጊዳ አቲን ጸሲ ኢንቴና ማዳናስ ቱሙ ዎቻና፤ ኢዚ ኢንቴና ሃ ቢታፌ ኬሲዲ ኣብራሃሜስ። ዩሳቃሲኔ ያቆቤስ ኢማና ጊዲ ጫቂዳ ቢታ ዛሪ ኤፋና» ጊዳስ።

25 ዮሴፌይ ኢስራኤሌ ናይታ። «ጸሲ ኢንቴና ማዳናስ ቱሙ ጸሞሲዛ ዎዴ። ኢንቴ ታ ሜቄላ ሃ ቢታፌ ፑዳ ኤኪ ቢቲ» ጊዲ ጫቂቲዳስ።

26 ዮሴፌይ 110 ላይላ ዴኢዲ ሃይቂን። ኢስቲ ሸቶን ኢዛ አሃ ቲይዲ ሚሊሲዳፔ ጉዬ ጊብጾ ቢታን ዎንጊሪ ጊዳን ዎሊዳ።

ከሳ ማጻፋ ጊደ ቆፋ

ከሳ ማጻፋይ የተዘይሲ ኢሰራኤል አሳይ አይሌቴላን ዳኢዳ ገብጾ ቢታፊ ከዚዳ ሃኖታ ገሻሳ። ሃይሳ ማጻፋስ ሄቹ ዋና ዋና ቆፋቲ ዳቲስ።

1. ኢብራዊቲ አይሌቴላፊ ከዚዳይሳኔ ሲና ዙማ ኢሰቲ ቢዳ ቡሳ ገሻሰ የቲስ። (1-13)
 2. ጸሲ ባ አሳራ ጫቆ ጫቁቲዳይሳ፣ ኢታኔ ሎኦ ሻኪዲ ኤሪሲዛ ዋጋታ፣ አሳይ አቁዛ ዋጋታኔ አማኖ ዋጋታ ኢዚ ኢሰታስ አሚዳይሳ የቲስ። (14-18)
 3. ኢሰራኤል አሳሰ፣ ቄሴታ ኦሶሲኔ ጸሳሰ ጎይኒዛ ጎይኖስ አሚቲዳ ዋጋታ ገሻሰ የቲስ። (19-40)
- ኩሳፊ አሉዲ ሃይሲ ማጻፋይ ጸሲ አይሌቴላን ዲዛ ባ አሳ ከሲ ሲሚዲ፣ ኢሰቲ ሲንሳፊ ያና ዩሌታስ ሂደታይ ዲዛ አሳ ገዳና ማላ ኢዚ ኢሰታ ዋሰቲ አሉዳኮ የቲስ።

ሃ ማጻፋን ዳሪዛ ባጋ ታሪከዛ ጎዳ ገዲዲ ሺቁዳ አሲ ባ አሳ ገብጾ፤ ከሳና ማላ፣ ጸሲ ደሪዳ ሙሴ ማጻፋ ገደን ዳርፔ ኤሪቲዳ ሹምፖይ ታሙ አዛዙቲ ጸፊቲዳ ናምኦ ታማንሶ ሹምፖዛ።

ሃ ማጻፋይ ኦይኪዳ ኩሚሳ ቆፋ

- ኢሰራኤል አሳይ ገብጾ አይሌቴላፊ ላኦ ከሰ 1:1—15:21
- ገብጾን አይሌቴላ 1:1-22
- ሙሴ ዩሌቴላኔ ኢዛ ዲቾ 2:1—4:31
- ሙሴይኔ ኦርኔይ ፓርኔ ሲንሳን 5:1—11:10
- ፓዚጋኔ ገብጾ፤ ከሰ 12:1—15:21
- ዘኦ አሳፊ ቢዳ ሲና ዙማ ጋካናሰ ዲዛ ሃኖታ 15:22—18:27
- ዋጋኔ ጫቆ ቃላ 19:1—24:18
- ዲማቲዳ ጋይቶቲሳ ዲንካኔኔ ጎይኖ ዋጋታ 25:1—40:38

ገብጾ ቢታን ኢሰራኤል ናይታ ቦላ ጋኪዳ ናቆኔ ቆሆ

- 1 ባሶ አሳ ኡባ ኤኪ ያቆቤራ ገብጾ ቢዳ ያቆቤ ናይታ ሱንላ ሃይሳፊ ካሊ ጸፊቲዳስ።
- 2 ኢሰቲካ ኦርቤሌ፣ ሲሞና፣ ሌዌ፣ ዩሁዳ፣
- 3 ዩሳኮራ፣ ዛቢሎኔ፣ ቢኒያሚ፣
- 4 ዳኔ፣ ኒፍታሌሚ፣ ጋዳኔ አሴራ።
- 5 ያቆቤ ዜሪላቲ ሙሌራ ላፑን ታማ፤ የሱፊይ ካሴቲዲ ገብጾ ቢዲ ሄን ዳስ። *
- 6 የሱፊይ፣ ኢዛ አሻቲኔ ሄ ዩሌታይ ዉሪካ ሃይቁዳስ፤
- 7 ገደ አቲን ኢሰራኤል ዜሪላቲ ዩሌቴዲ ከሄ ዳሪዳ፤ ሄ ቢታ ኩማና ጋካናሰ ኢሰቲ ከሄ ጮራቲዳ።
- 8 ሃሳፊ ጉዬ የሱፊይ ኤርንታ ኦራሳ ካዋይ ገብጾ ቢታን ዳንዲዳስ።
- 9 ኢዚ ባ አሳ፣ «በኢቲ፤ ሃይቲ ኢሰራኤል አሳይ ኑፔ ከሄ ዳሪዳኔ ዋልቃሚዳ።
- 10 ሃ ዩቲ፣ ኦኔ ኦኒ ኢሰታ ሃላን ኦይኮስ፤ ሂሰቶንታ አገኮ ኢሰቲ ካሴፔ ጌዳ ዳሪ ዳሪ ባና። ጌሊ ገዳ

1:1 ሜዴ 46:8-27 * 1:5 ላፑን ታማ (ሜዴ 46:26-27) ገዛይሳ ሃይቆ አሳን ቤቲዳ ማጻፋኒኔ ላፑን ታሙ ኤሪንቻታ ቢርሼላን፣ «ላፑን ታማኔ ኢቻሻ» ጌስ። (ሃዋ 7:14 ቤኦ) 1:7 ሃዋ 7:17 1:8 ሃዋ 7:18 1:10 ሃዋ 7:19 1:22 ሃዋ 7:19 2:2 ሃዋ 7:20፤ ኢብ 11:23 * 2:3 ዳራሳ፣ ዳራሳ ጌቲቲዳይሲ ኢሲ ኢሲ ባጋ ጋሞላ ቃላን ሃልካሻ ጌቲቲስ።

ኦላይ ዳንዲኮ ኢሰቲ ኑ ሞርኬታራ ጋገዲ ኑና ኦላናኔ ቢታ ዩጊዲ ባና» ገደሰ።

- 11 ሃሳ ገሻሰ ዳጾ ኦሶን ኢሰታ ቱጋሳና ማላ ኢሰታ ቦላ ሃላቃታ ደሪዳ። ኢሰቲካ ካዋሰ ፒቶሚኔ ኤሪሚሴ ጌቲቲዛ ዲማ ዲማ ሚንጃ ሚሻታ ዋሊዛ ካታማታ ከጸዲዳ።
- 12 ገደ አቲን ገብጾ አሳይ ኢሰታ ከሄ ዋዩሲዳ ዋዳ ኢሰቲ ጉጃቲ ጉጃቲ ዩሌቴዳኔ ቢታ ጋኪዳ። ሃሳ ገሻሰ ገብጾ አሳይ ኢሰራኤል ናይታ ኢዲዳስ።
- 13 ሃሳ ገሻሰ ኢሰታ ዳር ዳቡርሲዛ ኦሶን ዋዩሲዳ።
- 14 ዋልቃማ ኦሶን፣ ሲሚንቶኒኔ ጸብ ሜዶን፣ ቃሴ ጎሼ ጎይሶን፣ ኢሰታ ዳሳን ኡንኤሊዳ፤ ዳቡርሲዛ ኦሶ ኡባ ቃዴታይ ባይንዳ ኢሰታ ኦሲሲዳ።
- 15 ገብጾ ካዋይ ኢብራዊ ማጫሳታ ዩሊሲዛ ሲፖርኔ ፑሆ ጌቲቲዛ ናምኦ ማጫሳታስ።
- 16 «ኢብራዊ ማጫሳቲ ዩሊዛ ዋዳ አንቲ ዩሊሲሺን ዩሌቴዳይሲ አቲማ ና ገዲኮ ዋዴቲ፤ ገደ አቲን ማጫ ና ገዲኮ ዋዴቲ።»
- 17 ገደ አቲን ዩሊሲዛይቲ ጸሳሰ ባቢዲ ገብጾ ካዋይ ኢሰታ አዛዚዳ ማላ ኦሊቤቴና፤ ዋዴንታ አቲማ ናይታ ፓጾ አገዳ።
- 18 ሃሳፊ ጉዬ ገብጾ ካዋይ ሄ ዩሊሲዛይታ ጸይጊዲ፣ «አንቲ አይሰ ሃይሳላ ኦሊዳቲ? አቲማ ናይታ አይሰ ፓጾ አገዳቲ?» ገ ዩይቸዳስ።
- 19 ዩሊሲዛይቲ ዛሪዲ፣ «ኢብራዊ ማጫሳቲ ገብጾ ማጫሳታ ማላ ገደቲና፤ ኢሰቲ ሚኖ ገዲዳ ገሻሰ ዩሊሲዛይቲ ጋካናፔ ሲንሳቲዲ ዩሊቼቲስ» ገዳ።
- 20 ሃሳ ገሻሰ ጸሲ ዩሊሲዛይታስ ከዩዳስ። አሳ ቆዳይካ ጉጃቲ ጉጃቲ ቢዲ ካሴይሳፊ ጌዳ ዳሪዳሲኔ ሚኒዳስ።
- 21 ቃሴ ዩሊሲዛይቲ ጸሳሰ ባቢዳ ገሻሰ ጸሲ ኢሰታስ ዩሎ አሚ አንጃዳስ።
- 22 ሃሳፊ ጉዬ ካዋይ ባ አሳ ኡባ፣ «ኢብራዊታፔ ዩሌቴዛ አዳ ና ኡባ ናይሌ ጌቲቲዛ ሻፋ ሃላን ኦሊቲ፤ ገደ አቲን ማጫ ናይ ዩሌቴኮ ፓጾ አገቲ» ገዲ አዛዚዳስ።

2

ሙሴ ዩሌቴላ

- 1 ሄ ዋዳ ኢሲ ሌዌ ቆሞ ገዲዳ አዳይ ሌዌ ማጫ ናዮ ማቾ ኤኪዳስ፤
- 2 ኢዛ ቃንሳታዳ አዳ ና ዩላዲስ። ናዚካ ማላ ሎኦ ና ገዲዳይሳ ቤያዳ ሄቹ አገና ቆታዲስ።
- 3 ገደ አቲን ኢዛ ሃሳፊ ዳር ቆታናሰ ዳንዳዮንታይሳ ኤራዳ፣ ሻጫፊ ከሼ ኢዛሰ ዳዳዳ ሺዳን ሚሻዳ፣ ናዛ ኢዛ ገደን ዋላዳ ናይሌ ሻፋ ዳናን ዳራሪ * ጌቲቲዛ ማታ ገደን ዋላዲስ።
- 4 ኢዛ ሚቹያ ኢዛ ቦላ አዚ ሃናናኮ ቤያናሰ ሃሆን ኤቃዳ ጸላዉሰ።
- 5 ገብጾ ካዋ ናያ ቦላ ሚጩታናሰ ናይሌ ሻፋ ዋዳዲስ፤ ኢዚ ማጫ አይሌቴካ ሃላ ዳናን ያኔ ሃ

ሃሜቲቲስ፤ እዛ ኬሼዛ ዱሬሳ ጌቲቲዛ ማታ ጊደን ቤያዳ፣ ባዳ ኤካዳ ያና ማላ ባ አይሌዮ ኪታዲስ፤
 6 ኬሼዛ ደያዳ ሄ ጉላ ናዛ ቤያዲስ። እዚ ዩኪዛ ጊሻስ እዛስ ቃዲታዳ፣ «ሃይሲ ኢብራዊታ ጉላ ናይታፕ ኢሳ ጊደንታ ኣጌና» ጋዲስ።
 7 ሄ ዎዴ እዛ ሚቹያ ካዎ ናዮ፣ «ኔስ ሃ ናዛ ቆንላናስ ኢብራዊታፕ ኢሲ ማጫስ ኤሃናስ ቦ?» ጋዳ ኦይቻዲስ።
 8 ሂስቲን እዛ፣ «ኤ፣ ባ» ጋዲስ። ናዮ ባዳ ሄ ናዛ አዮ ኤሃዲስ።
 9 ካዎዛ ናዮ ሄ ማጫሳዮ፣ «ሃይሳ ናዛ ኤፋዳ ታስ ቆንላሻ፤ ታኒ ኔስ ዳሞዛ ቃንጸና» ጋዲስ። ማጫሳዮ ናዛ ኤፋዳ ቆንላ ዲቻዲስ።
 10 ናዚ ዲጪን ካዎ ናይኮ እዛ ኤሂን እዚ ኢዚስ ና ጊዲዳስ፤ «ታኒ እዛ ሃላፊ ኬሳዲስ» ጋዳ እዛ ሙሴ ጋ ሱንሳዲስ።†

ሙሴይ ሚዲያሚ ቢታ ቤቲ ቡሳ (ሃዎ 7:21)

11 ሙሴይ ዲጪዲ ጊታ ጊዲዲ ኢሲ ጋላስ ባ አሳይ ዲዛሶ ቢዲ ኢስቲ ዳጾ ኦሶ ኦላሺን ቤኢዳስ። ኢሲ ጊብጾ ቢታ ኢሲ እዛ አሳታ ኢብራዊታፕ ኢሳ ዎዲሺን ቤኢዳስ።
 12 እዚ ያኔ ሃ ጸሊን ኦኒካ ባይንዲሳ ቤኢዲ ሄ ጊብጾ አዳዘ ዎዲዲ አጩ ጊደን ካሺ ቆቲዳስ።
 13 ዎንቲላ ጋላስ ኬዚዲ ናሞኡ ኢብራዊቲ ባ ጋርሳን ዎዲቲዛይታ ቤኢዳስ። ቆሂዛይሳ እዚ፣ «ኔኒ ኔ አስ ጊዲዳ ኢብራዊታ አይስ ዎዲይ?» ጊ ኦይቹዳስ።
 14 ሄ አዳዚካ፣ «ኔና ኦ ቦላ ጎዳኔ ዳና ሂስቲዲይ ኦኔ? ኔኒ ጊብጾ አዳዘ ዎዲዲሳ ማላ ታናካ ዎዲቻ ቆፓይ?» ጊን ሙሴይ፣ «ታኒ ኦላዲሲ ኤሬቲቹዳስ» ጊ ባቢዳስ።
 15 ካዎዚ ሄሳ ሲዩዲ ሙሴ ዎዲናስ ኮዩዳስ፤ ጊደ አቲን ሙሴይ ካዎፕ ቤቲዲ ሚዲያሚ ቢታን ዳናስ ቢዲ ኢሲ ሃላ ኦላ ደናን ኡቲዳስ።
 16 ሄ ዎዴ ኢሲ ሚዲያሚ ቄሴስ ላፑን ማጫ ናይቲ ዳቲስ፤ ኢስቲ ሄ ሃላ ኦላኮ ባ አዎ ደርሳታ ሃላ ኡሻናስ ዩዲ ጎንጌን ሃላ ዱቁ ኩንላዲ።
 17 ሃሚዛይቲ ዩዲ ማጫ ናይታ ጎዲዳ፤ ጊደ አቲን ሙሴይ ዳንዲ ኤቁዲ ኢስታ ኦሺዳሲኔ ኢስታ ደርሳታ ሃላ ኡሺዳስ።
 18 ኢስቲ ባ አዎ ዮቶሬኮ ፥ ቢን እዚ፣ «ሃኙ ዎኒ ኤሶን ዩዳቲ?» ጊ ኦይቹዳስ።
 19 ኢስቲ ዛሬዲ፣ «ኢሲ ጊብጾ ቢታ አዳ ዳይሲ ኦና ማሄ ሃሚዛይታፕ ኦሺዳስ፤ ቃሴካ ኦስ ሃሌካ ዱቁዲ ኦ ደርሳታካ ኡሺዳስ» ጊዳ።
 20 ሂስቲን እዚ ባ ማጫ ናይታ፣ «ሃኢ እዚ አዎን ዲዜ? አንቲ ሄ አዳዘ አይስ ሄን ኣጌዳቲ? ኣኔ እዛ ጳይጌቲ፤ ዩዲ ካላ ሞ» ጊዳስ።
 21 ሙሴይካ ሄ አዳዘራ ሄን ዳናስ ደሲዳስ፤ አዳዘካ ባ ናዮ ጸፖሮ ሙሴስ ማኛ ሂስቲ ኡሚዳስ።
 22 ጸፖራ አዳ ና ዩሊን ሙሴይ ናዛ፣ «ታኒ አሳ ቢታን ቤቲ አሳ» ጊሼ ጌርሾሚ ጊ ሱንላዲስ።§

23 ሙሴይ ሚዲያሚ ቢታን ዲዛ ዳሮ ላይላታ ጋርሳን ጊብጾ ካዎይ ሃይቁዳስ። ኢስራኤሌ አሳይ ባ አይሌቲላፊ ዳንዲዲይሳን ኦሊዳኔ ዎሲዳ፤ አይሌቲላ ዎይይ ዳሪን ኢስቲ ዎሲዳ ዎሶይ ፑዴ ጸሳኮ ጋኪዳስ።
 24 ጸሲ ኢስታ ኦሊዳኔ ኢስታ ዎሶዛ ሲዩዲ እዚ ኢብራሃሚራ፣ ዩሳቃራኔ ያቆቤራ ጫቁዳ ጫቆ ቃላ ዩሺ ቆፕዳስ።
 25 ሄሳ ጊሻስ ጸሲ ኢስራኤሌ ናይታ ጸሊዲ ኢስታ ሃኖቲላ ቆፕዳስ።

3

ሙሴ ዳይጌቲላ

1 ሙሴይ ሚዲያሚ ቢታ ቄሴ፣ ባ ቦሎ ዮቶሬ ደርሳታ ሃሚስ፤ እዚ ደርሳታ ላጊ ኤኪ ቢዲ ባዘ ቢታ ጋጸ ጋካናስ ኤፊዲ ሲና ጌቲቲዛ ጸሳ ዙማኮ ጋኪዳስ። *
 2 ሄን ጸሳ ኪታንቻይ ቄሪ ዎራ ጊደን ኤጸዛ ታማ ላጮ ጊደን ኢዛስ ቤቲዳስ፤ ዎራ ጊደን ታማ ላጮይ ዲኮካ ታማይ ዎራ ሞንታይሳ ሙሴይ ቤኢዳስ።
 3 ሄሳ ጊሻስ ሙሴይ፣ «ታኒ ጌዴ ባዳ አይስ ዎራይ ታማን ማቲቶንታኮ ሃይሳ ኦራላ ሚሽ ኣኔ ቤያይስ» ጊ ቆፕዳስ።
 4 እዚ ቤያናስ ጌዴ ቢሺን ጸሲ ቤኢዲ ዎራ ጊደን ዲሼ እዛ፣ «ሙሴ! ሙሴ!» ጊ ዳይጌዳስ። ሙሴይካ፣ «ዬ!» ጊ ኮዩዳስ።
 5 ጸሲ እዛ፣ «ሃ ሺቆፓ፤ ኔኒ ኤቁዳሶይ ጌሽ ጊዲዳ ጊሻስ ኔ ቶሆን ዲዛ ጫማ ኬሳ» ጊዳስ።
 6 ቃሴካ ጸሳይ እዛ፣ «ታኒ ኔ አዎታ ኢብራሃሚ፣ ዩሳቃኔ ያቆቤ ጸሳ» ጊዳስ። ሂስቲን ሙሴይ ጸሳ ጸላናስ ባቢዳ ጊሻስ ባ አይፊሶ ካሚዳስ።
 7 ቃሴካ ጎዳይ፣ «ታኒ ጊብጾ ቢታን ታ አሳይ ዎዩዛ ዎዩ ሎኤላ ቤያዳ፣ ኢስቲ ባ ጎዳታፕ ዳንዲዲይሳን ዎሲዛ ዎሶ ሲያዲሲኔ ኢስታ ዎዩ ኤራዲስ።
 8 ሄሳ ጊሻስ ታኒ ኢስታ ጊብጾ ቢታ አሳታ ኩሼፕ አሻናሲኔ ሄ ቢታፊ ኢስታ ኬሳዳ፣ አሆኔ ሎኦ ቢታ ኤፋናስ ሃ ዱጌ ዎዲዲስ። ሄ ቢታይ ማሊኔ ኤሲ ጎጊዛ ቢታ፤ ሃኢ ሄ ቢታን ካናኔቲ፣ ሂቲቲ፣ አዎራቲ፣ ፓሪዘቲ፣ ሂዌቲኔ ያቡሴታ ጌቲቲዛ አሳቲ ዳቲስ።
 9 ሃኢ ኢስራኤሌ ናይታ ዎሶይ ታኮ ጋኪዳስ፤ ጊብጾ ቢታ አሳቲ ኢስታ ቆሂዛ ቆሆካ ታ ቤያዲስ፤
 10 ሄሳ ጊሻስ ሃኢ ባ፤ ታ አሳታ፣ ኢስራኤሌ ናይታ ጊብጾፕ ኬሳና ማላ፣ ጊብጾ ካዎዛኮ ታኒ ኔና ኪታይስ» ጊዳስ።
 11 ጊደ አቲን ሙሴይ ጸሳስ፣ «ካዎዛኮ ባናሲኔ ኢስራኤሌ ናይታ ጊብጾፕ ኬሳናስ ታኒ ኦኔ?» ጊዳስ።
 12 ጸሲካ እዛ፣ «ታኒ ኔናራ ጊዳና፤ ቃሴ ታኒ ኔና ኪቲዳይሳስ ማላታይ ሃይሳ፤ ኔኒ ሄ አሳ ጊብጾፕ ኬሲዳ ዎዴ ሃይሳ ዙማ ቦላን ኣንቲ ታስ ጸሳስ ጎይናና» ጊዳስ።
 13 ሙሴይ ጸሳስ፣ «ጊደ አቲን ታኒ ኢስራኤሌ ናይታኮ ባዳ ኢስታስ፣ «አንቲ አዎታ ጸሲ ታና አንቲኮ ኪቲዳስ» ጊኮ፣ ኢስቲ ታና፣ «እዛ ሱንላ ኦኔ?» ጊ ኦይቹኮ ሄ ዎዴ ታኒ ኢስታስ አይ ጋ ዮታኔ?» ጊዳስ።

† 2:10 ሙሴ ጉሲ ኢብራዊታ ቃላራ፣ «ኬሶ» ጉሳ። 2:11 ኢብ 11:24 2:14 ሃዎ 7:23-28 2:15 ሃዎ 7:29፤ ኢብ 11:27 † 2:18 ኤራፕሌሌይ ሙሴ ቦሎ ጊዲሺን ኢዛስ ሃራ ሱንላይ ዮቶሬ ጌቲቲስ። § 2:22 ጌርሾሚ ጉሲ ኢብራዊታ ቃላራ፣ «ቤቲ አስ» ጉሳ። 2:24 ሚዳ 15:13-14 * 3:1 ሲና ጌቲቲዛይሲ ሃራሶሆን ኮሬቤ ጌቲቲ ዳይጌቲስ። 3:13 ኩሳ 6:2-3 3:14 ዮሃ 8:58፤ ኢብ 13:8፤ እጁ 1:4፣8

14 ጸሲካ ሙሴስ፡ « ታኒ ታናኮ፤ ሃሳ ገሻሰ ካሲካ ሃኢካ ዲዛ ጸሲ ታና ኢንቴኮ ከቲዴሰ» ጋዳ ዮታ» ገዴሰ።

15 ቃሴ ጸሲ ሙሴስ፡ «ኔኒ ኢሰራኤሌ ናይታሰ፡ ሳዳይ ኢንቴ ኣቀታ ኣብራሃሜ፡ ዩሳቃኔ፡ ያቆቤ ጸሲ ኢዚ ታና ኢንቴኮ ከቲዴሰ» ጋ ዮታ፤ ሃይሲ ዩሌታፕ ዩሌታ ጋካናሰ ታኒ ኤራቴዛ ታ ሱንላ።

16 «ሄ ባዳ ኢሰራኤሌ ጨማታ ሸሻዳ ጎዳ ኢንቴ ኣቀታ ኣብራሃሜ፡ ዩሳቃኔ ያቆቤ ጸሲ ታሰ ቆንጨዲ፡ ታኒ ኢንቴኮ ያዲሰ፤ ገብጾን ኢንቴ ቦላ ኣዚ ኦሴቲዳኮ ታኒ ቤያዲሰ።

17 ታኒ ኢንቴና ገብጾ ቢታ ዋዬፕ ኬሳዳ ፑዴ ማላኔ ኤሲ ጎጊዛ ካናኔታ፡ ሂቲታ፡ ኣሞሪታ፡ ፓሪዘታ፡ ሃዋታ፡ ያቡሴታ ቢታ ኤፋና ጋዲሰ» ገዴሰ» ጋዳ ዮታ።

18 «ኢሰራኤሌ ጨማቲ ኔ ቃላ ሲያና፤ ሃሳፌ ጉዬ ኔኔኔ ሃ ጨማቲ ገብጾ ካዋዛኮ ቢዲ ኢዛሰ፡ ሳዳ ኢብራዊታ ጸሳይ ኮሰ ቆንጨዴሰ። ሃኢ ኮኒ ሃቸ ጋላሳ ኦጌ ባዞ ቢዲ ጎዳሰ ኦ ጸሳሰ ያርሾ ያርሻና ማላ ኦና ዩዳ» ገቲ።

19 ገዴ ኣቲን ታ ዋልቃራ ዩዲሶንታ ዲሺን ገብጾ ካዋይ ኢንቴና ዩዲንታይሳ ታኒ ኤራይሰ።

20 ሃሳ ገሻሰ ታኒ ታ ኩሼ ዩዳዳ ኢሰታ ገዴን ታኒ ኦሊዛ ታ ማላታታ ኡባን ገብጾ ኣሳ ሾጫና። ሃሳፌ ጉዬ ኢዚ ኢንቴና ዩዳና።

21 «ኢንቴ ኬኢዛ ዋዴ ገብጾ ኣሳይ ኢንቴሰ ከያና ማላ ታ ኦላና ገሻሰ ኬኢሼ ማላ ኩሼ ኬኢኬታ።

22 ኢብራዊ ማጫሳቲ ወሪ ባ ጉታ ገብጾ ማጫሳታ ካ ሶን ዲዛ ገብጾ ማጫሳታ ኦናኮካ ገዴን ቢዲ ቢራ፡ ዋርቃኔ ኣዴ ናይቲኔ ማጫ ናይቲ ማይኣና ማይኦታ፡ ሳሚቲ» ገ ኦይቻና። ሃሳላ ኦሊዲ ኢንቴ ገብጾ ኣሳ ኣቆ ኡባ ቡሪ ኤኪዲ ኬዛና» ገዴሰ።

4

ጸሲ ሙሴስ ኢሚዳ ገታ ዋልቃ

1 ሙሴይካ ጎዳሰ፡ «ኢሰቲ ታና ኣማኖንታ ኢጲኮ ዋይኮ ታኒ ዮቲዛይሳ ሲዮንታ ኢጲዲ፡ ሳዳይ ኔሰ ቆንጨቤና) ገኮ ታ ዋና?» ገዴሰ።

2 ጎዳይ ኢዛ፡ «ሃሲ ኔ ኩሼን ዲዛይ ኣዜ?» ገ ኦይቸዴሰ። ኢዚካ፡ «ጉፊኮ» ገዴሰ።

3 ጎዳይካ ኢዛ፡ «ኣኔ ኢዛ ጋዴን ዩጋ» ገዴሰ። ሙሴይ ሃ ጉፊዛ ጋዴን ዩጊን ሾሽ ገዲዴሰ፤ ሂሰቲን ሙሴይ ኢዛፕ ዋጺ ከቸዴሰ።

4 ሃሳፌ ጉዬ ጎዳይ ኢዛ፡ «ኔ ኩሼ ዩዳዳ ሾሻ ጎይና ኦይካ» ገዴሰ። ሙሴይ ዩዲዲ ሾሻ ጎይና ኦይኪን ሾሻዚ ኢዛ ኩሼን ሲሚዲ ጉፊ ገዲዴሰ።

5 ጎዳይ፡ «ሃይሲ ሃኒዳይሲ ኔ ኣቀታ ኣብራሃሜ፡ ዩሳቃኔ ያቆቤ ጸሲ ኔሰ ቆንጨዲይሳ ኢሰቲ ኣማናና ማላሳ» ገዴሰ።

6 ቃሴካ ጎዳይ ኢዛ፡ «ኔ ኩሼ ኔ ሾጳ ገዴ ጌልላ» ገን ሙሴይ ባ ኩሼ ባ ሾጳ ገዴ ጌልላዴሰ፤ ኢዚ ባ ኩሼዛ ሾጳፌ ኬሲዛ ዋዴ ኩሼዚ ቃራቲዲ ሻቻ ማላ ቦጺዴሰ።

7 ጎዳይ ኢዛ፡ «ኔ ኩሼ ኔ ሾጳ ገዴ ዛራ ጌልላ» ገዴሰ። ሂሰቲን ሙሴይ ባ ኩሼ ባ ሾጳ ገዴ ዛራ ጌልላ ኬሲዛ ዋዴ ኢዛ ኩሼይ ሲሚዲ ሃንኮ ቦላ ማላ ገዲዴሰ።

8 ቃሴካ ጎዳይ ኢዛሰ፡ «ኢሰቲ ኔና ኣማኖንታ ኣጊኮ ኮይሮ ማላታ ኣማኖንታ ኢጲኮ፡ ናሞኣንሳዞ ኣማናና።

9 ገዴ ኣቲን ኢሰቲ ጸሲ ኦሊዛ ሃ ናሞኡ ማላታታ ኣማኖንታ ኣጊኮ ዋይኮ ኔኒ ዮቲዛይሳ ሲዮንታ ኢጲኮ፡ ናይሌ ሻፋፕ ሃላ ዱቃ ኤካዳ ቢታ ቦላ ጉሳ፤ ኔኒ ሻፋፕ ኤኪዳ ሃላ ቢታ ቦላ ሱላ ገዳና» ገዴሰ።

10 ገዴ ኣቲን ሙሴይ ጎዳሰ፡ «ኣቤት ጎዳ! ታኒ ሃይሳፌ ካሴካ፡ ዋይኮ ኔኒ ኔ ኣይሌዛሰ ታሰ ዮቶሶፕ ሃ ሲሚንካ ታኒ ሎኤላ ሃሳናሰ ዳንዳዮንታ ኣሰ ገዲኪና?» ገዴሰ።

11 ጎዳይ ኢዛሰ፡ «ኣሳሰ ዶና ሚዲዳይ ኦኔ? ኣሰ ዱዴ፡ ዋይኮ ቱሌ ኦሊዛይ ኦኔ? ጸላኔ ቆቄ ኦሊዛይ ኦኔ? ታና ጎዳ ገዲኪና?»

12 ኔኒ ሃኢ ባ፤ ኔ ሃሳናና ማላ ታ ኔናራ ገዳና ኔና ማዳና፤ ኔኒ ዮታናይሳካ ታ ኔና ታማርሳና» ገዴሰ።

13 ገዴ ኣቲን ሙሴይ ጎዳ፡ «ኣቤት ጎዳ! ሃይሳ ኦላናሰ ሃራ ኣሰ ከታርኪ!» ገዴሰ።

14 ሃሳፌ ጉዬ ጎዳይ ሙሴ ቦላ ኬሂ ሃንቁቲዲ ኢዛ፡ «ሌዌ ባጋፌ ገዲዳ ኔ ኣሻ ኣርኔይ ዴሰ ገዴኔ? ኢዚ ሎኦ ሃሳናና ዳንዳይዛይሳ ታኒ ኤራይሰ፤ ሃኢ ኢዚ ኔናራ ጋጋናሰ ዩሼ ኦጌ ቦላን ዴሰ፤ ኢዚ ኔና ቤኢዲ ኡፋዬታና።

15 ኔኒ ኢዛሰ ዮታ፤ ኢዚ ዮታና ቃላካ ኔ ኢዛ ኤሪሳ፤ ታኒ ኢንቴና ናሞኣታካ ሃሳያን ማዳና ኢንቴ ኦላናይሳ ታማርሳና።

16 ኢዚ ኣሳሰ ኔ ገሻሰ ዮታና፤ ሃሲካ ኢዚ ኔሰ ኔ ዶና ማላ ገዲን ኔ ኢዛሰ ሃሳይዛ ጸሳ ማላ ገዳና ጉሳ።

17 ማላታታ ኢዛን ኦላናሰ ኔኒ ሃይሳ ጉፊዛ ኤካ» ገዴሰ።

ገብጾ ሙሴ ሲሞ

18 ሃሳፌ ጉዬ ሙሴይ ባ ቦሎ፡ ዮቶሪኮ ሲሚ ቢዲ፡ «ሃኖ ጋካናሰ ኣሳይ ፓጳ ዲዛኮ ቤያናሰ ታኒ ጉዬ ታ ኣሳኮ ገብጾ ቦ?» ገዴሰ። ዮቶሪይካ ሙሴ፡ «ኤ ባ፤ ሳርን ጋካ» ገዴሰ።

19 ሙሴይ ሚዲያሜ ቢታን ዲሺን ጎዳይ ኢዛ፡ «ኔና ዋዳናሰ ኮዩዳ ኣሳቲ ወሪ ሃይቄዳ ገሻሰ ጉዬ ገብጾ ቢታ ሲማ ባ» ገዴሰ።

20 ሙሴይ ባ ማቸዮኔ ባ ኣቲማ ናይታ ሃሪ ቶጊሲ ኤኪዲ ጉዬ ገብጾ ሲሚሼ ጸሳ ጉፊ ኦይኪ ቢዴሰ።

21 ጎዳይ ሙሴ፡ «ኔኒ ገብጾ ሲማዳ ቢዛ ዋዴ ታኒ ኔሰ ኢሚዳ ዋልቃን ኔኒ ኦላና ማላታታ ኡባ ገብጾ ካዋ ፓርኔ ሲንሳን ኔኒ ኦላናይሳ ባሎፓ። ሂሰቲንካ ኢዚ ኣሳ ዩዲንታ ማላ ታኒ ኢዛ ዋዚና ሙሚሳና።

22 ሃ ዋዴ ታኒ ጎዳይ ገዛይሳ ካዋሰ፡ ኢሰራኤሌይ ታሰ ባይራ ና፤

23 ታ ናዚ ታሰ ጎይናናሰ ኔ ዩዳና ማላ ታኒ ኔሰ ዮታዲሰ ሺን ኔኒ ኢዛ ዩዲንታ ኢጲዳሳ፤ ሃሳ ገሻሰ፡ ታኒ ኔሰ ባይራ ናዛ ዋዳና» ገዴሰ ጋዳ ዮታ» ገዴሰ።

24 ኦጌ ቦላ ኢማሊ ሸሞፕዛሶን ጎዳይ ሙሴራ ጋጊዲ ኢዛ ዋዳናሰ ኮዩዴሰ።

3:21 ከሳ 12:35-36 * 4:25 ሱሳ ሚሺራ ገዛይሲ ሙሴ ማቻ ሙሴይ ሃይቆንታ ማላ ናዛ ቃጻራዳ ሱሳን ሙሴ ቦቸን ሙሴይ ሃይቆፕ ኣቲዳይሳ ቤሴሰ።

25 እዛ ማቸኛ ጸገራዎቼ ቃራ ሹቶ ኤካዳ ባ ናዛ ቃጸራዳሰ። ቃጸራዳ ሄ ሹርቴዛ ሙሴ ቶሆ ቦቻዳ ሙሴ፡ «ኔኒ ታሰ ቱሙ ሱላ ሚሸራ» ጋዳሰ። *

26 ሄሳ ገሻሰ ጎዳይ እዛ ዋዳንታ ኣገዴሰ። ሄ ዋዳ ቃጸራ ጋሶን እዛሰ፡ «ኔኒ ታሰ ሱላ ሚሸራ» ጋዳሰ።

27 ጎዳይ ኣሮኔ፡ «ኔኒ ሙሴራ ጋጋናሰ ባዘ ባ» ገን እዚ ቢዲ ሙሴራ ጸሳ ዙማ ቦላ ጋገዲ እዛ ዩሪዴሰ።

28 ሄሳፊ ጉዬ ሙሴይ ጎዳይ ባ ቦላ ከቲዳ ቃላ ኡባ ቃሴካ ኦላና ማላ ባና ኣዛዚዳ ማላታታ ኡባ ኣሮኔሰ ዮቲዴሰ።

29 ሙሴይን ኣሮኔይ ቢዲ ኢሰራኤል ጨማታ ኡባ ኢሰ ቦላ ሸሸዳ።

30 ኣሮኔይ ጎዳይ ሙሴሰ ዮቲዳ ቃላ ኡባ ኢሰታሰ ዮቲዴሰን ማላታታ ሄ ኣሳ ሰንሳን ኦላዴሰ።

31 ኢሰቲካ ኣማኒዳ። ጎዳይ ኢሰታኮ ዩዳይሳን ኢሰታ ዋዬ ቤኢዳይሳ ሲዩዳ ማላ ቢታ ቦላ ጉፋኒ ጎይኒዳ።

5

ገብጾ ካዎ ሲንላ ሙሴን ኣሮኔ ሸቆ

1 ሄሳፊ ጉዬ ሙሴይን ኣሮኔይ ገብጾ ካዎዛኮ ቢዲ ኢዛሰ፡ «ጎዳይ፡ ኢሰራኤል ጸሰ፡ ታ ኣሳይ ታሰ ባዘን ባኣሌ ቦንቻና ማላ ዩዳ» ገዴ።

2 ሂሰቲን ካዎዚ፡ «ታኒ ኢዛሰ ኣዛዘታዳ ኢሰራኤል ዩዳናሰ ሄ ጎዳይ እዚ ኦኔ? ታኒ ጎዳ ኤሪኔ፤ ኢሰራኤላካ ዩዳኤ» ገዴሰ።

3 ሄሳፊ ጉዬ ሙሴይን ኣሮኔይ፡ «ኢብራዊታ ጸሰ ኦናራ ጋገዴሰ። ሃኢ ኦኒ ጎዳሰ፡ ኦ ጸሳሰ ያርሾ ያርሻናሰ ሃዘ። ጋላሳ ኦኔ ባዘ ገዴ ባናሰ ኦና ዩዳርኪ! ሂሰቲንታ ኣገኮ እዚ ኦና ኢታ ሃርጌን ዋይኮ ኦላን ዋዳና» ገዴ።

4 ገዴ ኣቲን ገብጾ ካዎይ፡ «ኢንቴና! ሙሴ! ኣሮኔ! ኣሳ ኣይሰ ኦሶ ዲጌቲ? ሲሚዲ ኢንቴ ኦሶሰ ቢቲ» ገዴሰ።

5 ካዎዚካ፡ «ሄኮ ቤኢቲ፡ ሃ ቢታን ኣሳይ ጮራቲዴሰ፤ ቃሴ ኢንቴ ኣሳ ኦሶ ዲጌታ» ገዴሰ።

6 ሄ ጋላሰ ካዎይ ኢሰራኤል ኣሳ ጋርሳፊ ኣሳ ኦሲሲዛይታኒ ኢሰታፊ ቦላራ ዲዛ ገብጾ ሃላቃታ ሂዘገ ኣዛዚዴሰ።

7 «ሃራ ዋዳይሳ ማላ ጸቤ ኦላዛ ኡቲላ ኣሳሰ ኤሃ ኢሞፍቲ፤ ኢሰቲ ኡቲላ ባፔ ኮዩዲ ሸሸቶ፤

8 ገዴ ኣቲን ኢሰቲ ቆዳን ካሴይሳ ገና ጸቤ ማዳዲ ሸቆና ማላ ኣዛዘቲ፤ ካሴ ቆዳፔ ፓጩሶፔቲ፤ ኣይሰ ገኮ ኢሰቲ ኣዛላ፤ ኢሰታሰ፡ ሓኒ ኦ ጸሳሰ ያርሾ ያርሻና ማላ ኦና ዩዳ» ገዴ ዋሲዛይ ሄሳሳ።

9 ኢሰቲ ኦሶን ሸካና ማላን ዋርዶ ሃሳያ ሲዮንታ ኣጋና ማላ ኢሰታሰ ኦሶ ዴጶላቲ» ገዴሰ።

10 ሄሳፊ ጉዬ ኢሰራኤል ኣሳ ጋርሳፊ ኣሳ ኦሲሲዛይቲኒ ኢሰታፊ ቦላራ ዲዛ ገብጾ ሃላቃቲ ኬዚዲ ኣሳሰ፡ «ካዎዚ፡ ሃይሳፊ ጉዬ ታ ኢንቴሰ ኡቲላ ሙላካ ኢሚኤ።

11 ኢንቴ ኡቲላ ዴማና ዳንዳይዛሶፔ ኢንቴ ባጋራ ኮዩ ኤሂቲ ሸን ኢንቴ ካሴ ሸቆዛ ጸቤ ቆዳይ ሙላካ ፓጮፎ» ገዴሰ።

12 ሂሰቲን ኣሳይ ኡቲላ ሸሻናሰ ገብጾ ቢታ ኡባን ላሊቲዴሰ።

13 ገብጾ ሃላቃቲ ኢሰታሰ፡ «ካሴ ኢንቴሰ ኡቲላ ኢሚዛ ዋዳ ኢንቴ ሃቶ ሃቶ ኦላዛይሳ ማላ ኦላቲ» ገዴ ኢሰታ ቦላ ጎዳቲዳ።

14 ኢሰራኤል ናይታ ኦሲሲዛይታሰ ዋና ሃላቃቲ፡ «ኢንቴ ካሴ ኦላዛይሳ ማላ ጸቤ ቃማ ዋይኮ ሃቶ ኣይሰ ኦላ ወርሲቤኬቲ?» ገዴ ኢሚዳ ዋዳዳ

15 ሄሳፊ ጉዬ ኢሰራኤል ናይታፔ ዶሪቲዲ ኣሳ ኦሲሲዛይቲ ቢዲ ካዎዛሰ ዋሲዳ፤ ኢሰቲ ኢዛሰ፡ «ኦኒ ኔ ኣይሌታ ገዴሸን ኦ ቦላ ሃይሳላ ኣዛሰ ኦላይ?»

16 ኔ ኣይሌታሰ ኦሰ ኡቲላ ኢሚቴና፤ ገዴ ኣቲን፡ «ጸቤዛ ማዳቲ» ገዴ ኦና ኔ ኣይሌታ ዋዳቲሰ ሸን ባላይ ኔ ኣሳ ቦላ ዴሰ» ገዴ።

17 ገዴ ኣቲን ካዎዚ ኢሰታ፡ «ሃ ኣዛላቲ! ኢንቴ ኣዛላታ! ሄሳ ገሻሳ ኢንቴ ዛሪ ዛሪዳ፡ ሓኒ ጎዳሰ ያርሻናሰ ባና ኦና ዩዳ» ገዴ።

18 ሃኢ ቢዲ ኦላቲ፤ ኢሰቲ ኢንቴሰ ኣይኮ ጋላባካ ኢሚቴና፤ ገዴ ኣቲን ኢንቴ ካሴይሳፊ ፓጩሶንታ ጸቤዛ ማዳቲ» ገዴሰ።

19 ኢሰራኤል ናይታፔ ዶሪቲዲ ኣሳ ኦሲሲዛይቲ፡ «ኢንቴ ሃቶ ሃቶ ማዳዛ ጸቤ ቆዳ ካሴይሳፊ ፓጩሶፔቲ» ገዴ ገን ኢሰቲ ማቶን ገሊዳይሳ ኤሪዳ።

20 ኢሰቲ ካዎዚ ሲንላፊ ኬዚዲ ሙሴይን ኣሮኔይ ኢሰታራ ጋጋናሰ ናገዛይታ ዴሚዳ።

21 ኢሰቲ፡ «ጸሰ ኢንቴና ጸሎ! ኢንቴ ቦላ ኢዚ ፐርዶ! ኢንቴ ኦና ካዎኒኔ ኢዛ ኦሳንቻታን ኢዲሲዳታ፤ ቃሴ ኢሰቲ ኦና ዋዳና ማላ፡ ማሻ ኢሰታሰ ኢሚዳታ» ገዴ።

ጸሳሰ ሙሴ ማጋና

22 ሙሴይ ጎዳኮ ሲሚዲ፡ «ጎዳ፡ ኔኒ ሃ ኣሳ ቦላ ማቶ ኣይሰ ኤሃዲ? ኔኒ ታና ከቲዳይ ሃይሳሴ?»

23 ታኒ ኔ ሰንሳን ካዎሰ ሃሳያናሰ ቢዲ ዋዳፔ ዶሚን ኢዚ ሃ ኣሳ ቦላ ማቶ ኤሂዴሰ። ቃሴ ኔኒካ ኔ ኣሳ ሙላ ኣሻቤካ» ገዴሰ።

6

1 ሄሳፊ ጉዬ ጎዳይ ሙሴሰ፡ «ታኒ ገብጾ ካዎ ቦላ ኦላናይሳ ኔኒ ሃኢ ቤያና፤ ታ ዋልቃማ ቄሴ ጋሶን ኢዚ ኢሰታ ዩዳና፤ ታ ዋልቃማ ቄሴፔ ዴንዲዳይሳን ኢዚ ኢሰታ ባ ቢታፊ ኬሲ ጎዳና» ገዴሰ።

ሙሴ ጸይጌቲላ

2 ጸሰ ቃሴካ ሙሴሰ፡ «ታኒ ጎዳ፤

3 ታኒ ኡባ ዳንዳይዛ ጸሳ ገዳዳ ኣብራሃሚሰ፡ ዩሳቃሲኔ ያቆቤሰ ቆንጫዲሰ ሸን ታኒ፡ ሳዳ) ጌቲቲዛ ታ ሱንሳን ታናቲሳ ኢሰታ ኤሪሳቤኬ።

4 ቃሴ ታኒ ኢሰታሰ ኢሰቲ ቤቲ ገዴዲ ዴኢዳ ካና ከታ ኢሰታሰ ኢሚናሰ ታ ኢሰታራ ጫቂታዲሰ።

5 ቃሴካ ገብጾ ኣሳይ ኣይሌ ሂሰቲ ዋዩሲዳ ኢሰራኤል ናይታ ዋሶ ሲያዳ ታ ገሊዳ ጫቆ ቃላ ቆፓዲሰ።

6 «ሄሳ ገሻሰ ኔኒ ኢሰራኤል ናይታሰ፡ ታኒ ጎዳ፤ ታኒ ኢንቴና ገብጾ ኣሳ ቆሆፔ ኬሳና፤ ታኒ ኢንቴና ኢሰታ ኣይሌቲላፊካ ጎቻ ኬሳና፤ ቃሴ ታኒ ኢንቴና ታ ገታ ዋልቃኒኔ ዴማ ዴማ ፐርዳን ዋዛና።

7 ታኒ ኢንቴና ታ ዳሬ ሂሰታና፤ ታኒ ኢንቴ ጸጎ ገዳና። ሄ ዎዳ ታ ኢንቴና ገብጾ ኣጎ ኣይሌቴፋፊ ኬሲዳ ኢንቴ ጎዳ ማርና ጸጎ ገዳዲይጎ ኢንቴ ኤራና።

8 ቃሴ ታኒ ኢንቴና ኣብራሃሜሰ፤ ዩጎቃሲኔ ያቆቤሰ ኢማና ጋዳ ታ ኩሼ ዳንፋዳ ጫቂዳ ቢታ ኤሃና፤ ሄ ቢታ ታኒ ኢንቴሰ ኢንቴ ጋዳ ሂሰታ ኢማና፤ ታኒ ጎዳ ጋ» ገዳሰ።

9 ሙሴይ ሄጎ ኢሰራኤሌ ናይታሰ ዮተዳሰ ሸን ኢሰቲ ኡፋይሰ ቃንጺዳ ገሻሲኔ ኢታ ኣይሌቴፋፊ ዳንዲዳይጎን ኢሰታ ዎዚናይ ማቂዳ ገሻሰ ኢሰቲ ኢዛ ቃጎ ሲዩቤቴና።

10 ሄጎፊ ጉዬ ጎዳይ ሙሴ፤

11 «ሄ ባዳ ገብጾ ካዎሰ፤ «ኢሰራኤሌ ናይታ ኔ ቢታፊ ኬጎ ዩዳ» ጋዳ ዮታ» ገዳሰ።

12 ገዳ ኣቲን ሙሴይ ጎዳሰ፤ «ኢሰራኤሌ ናይታ ታይጎ ሲዮንታ ኢጺዳ ሸን ታኒ ዶናይ ቢርሾንታ ኣሰ ገዳሸን ካዎይ ታ ገዛይጎ ዎስቲ ሲያኔ?» ገዳሰ።

13 ጎዳይ ሙሴኔ ኣርኔ፤ «ቢዲ ኢንቴ ኢሰራኤሌ ኣጎ ገብጾ፤ ኬጎና ማላ ታኒ ኢንቴና ዩዲዳይጎ ኢሰራኤሌ ኣጎሲኔ ገብጾ ካዎሰ ዮተቴ» ገ ኣዛዚዳሰ።

ሙሴኔ ኣርኔ ዜሬጎታ

14 ሃይጎፊ ካሊ ዲዛይቲ ኢሰታ ኬፋ ኬፋ ሃላቃታ። ኢሰራኤሌሰ ባይራ ና ኦርቤሌ ኣቲማ ናይቲ፤ ሄኖኬ፤ ፓሉ፤ ሄጺርሜኔ ካርሜ፤ ሃይታንቲ ኦርቤሌ ቆዎታ። ኢሰታ ሶ ኣጎታ ሃላቃቲ ሃይታ።

15 ቃሴ ሲዎና ኣቲማ ናይቲ፤ ዩሙኤሌ፤ ያሚኔ፤ ኦሃዴ፤ ያኪኔ፤ ጸሃሬኔ ካናኔ ቢታ ማጫጎታ፤ ዩሌቲዳ ጎኦሌ፤ ሃይቲ ሲዎና ቆዎታ።

16 ለዌ ባገቲ ባ ዩሌታ ማራ ማላ ገርሾኔ፤ ቃኣቴኔ ማራራ። ለዌይ 137 ላይላ ዳኢዳሰ።

17 ገርሾኔ ኣቲማ ናይቲ ባ ቆዎን ቆዎን ሊቢናኔ ሸዎኤ ገቴቴቲሰ።

18 ቃሃቴ ኣቲማ ናይቲ ኣሚራሚ፤ ዩጺሃሬ፤ ኬብሮኔ ኡዚኤሌ። ቃኣቴይ 133 ላይላ ዳኢዳሰ።

19 ማራራ ኣቲማ ናይቲ ማሃሌኔ ሙሼ ገቴቴዛይታ። ባ ዩሌታ ማራን ለዌ ዛሬቲ ሃይታንታ።

20 ኣሚራሚይ ባ ኣዎ ማቼዮ ዮካቤዶ ማቾ ኤኪዳሰ። ኢዛካ ኢዛሰ ኣርኔኔ ሙሴ ዩላዲሰ። ኣሚራሚይ 137 ላይላ ዳኢዳሰ።

21 ዩጺሃሬ ኣቲማ ናይቲ፤ ቆሬ፤ ኔፊጌኔ ዚኪሬ።

22 ኡዚኤሌ ኣቲማ ናይቲ፤ ሚሻኤሌ፤ ኤልጸፋኔኔ ሲቲሬ።

23 ኣርኔይ ኣሚናዳቤ ናዮ፤ ኔኣሶኔ ሚቼዮ ኤሊሸቦ ማቾ ኤኪዳሰ። ሂሰቲን ኢዛ ኢዛሰ ናዳቤ፤ ኣቢሁ፤ ኤልኤዜሬኔ ኢታማሬ ዩላዲሰ።

24 ቆሬ ኣቲማ ናይቲ፤ ኣሲሬ፤ ሂልቃናኔ ኣቢያጎፊ፤ ሃይታንቲ ቆሬ ቆዎታሰ ኣዎታ።

25 ኣርኔ ና ኤልኤዜሬይ ፑቲኤሌ ናይታ፤ ኢሲኒዮ ማቾ ኤኪዳሰ። ኢዛካ ኢዛሰ ፊኒሃሴ ዩላዲሰ።

ሃይታንቲ ባ ቆዎን ቆዎን ለዌ ኬፋ ኣጎ ሃላቃታ።

26 ጎዳይ፤ «ገብጾ ቢታፊ ኢሰራኤሌ ናይታ ኢሰታ ጩጋን ጩጋን ኬሰቲ» ገዲ ኣዛዚዳይ ሃይታ ሙሴኔ ኣርኔ።

27 ኢሰራኤሌ ናይታ ገብጾ ቢታፊ ኬሲዛይጎ ገብጾ ካዎሰ ዮተዳይቲ ሙሴኔ ኣርኔ።

28 ጎዳይ ገብጾን ሙሴሰ ዮተዛ ዎዳ ኢዛሰ፤

29 «ታኒ ጎዳ፤ ታኒ ኔሰ ዮተዛይጎ ኡባ ኔኒ ገብጾ ካዎሰ ዮታ» ገዳሰ።

30 ሙሴይ ቃሴ ጎዳሰ፤ «ታኒ ዶናይ ቢርሾንታ ኣሰ ገዳዲ ገሻሰ ካዎይ ታኒ ዮተዛይጎ ዎስቲ ሲያኔ?» ገዳሰ።

7

1 ሄጎፊ ጉዬ ጎዳይ ሙሴሰ፤ «ቤያ፤ ታኒ ኔና ገብጾ ካዎሰ ጸጎ ማላ ኦፋዲሰ፤ ኔ ኢሻ ኣርኔይ ኔ ዶና ገዲዲ ኔ ገሻሰ ሃጎያና፤

2 ታኒ ኔና ኣዛዚዳይጎ ኡባ ኔ ኢሻ ኣርኔሰ ዮታንዳጎ፤ ካዎዚ ኢሰራኤሌ ናይታ ባ ቢታፊ ኬሲ ዩዳና ማላ ኢዚ ዮታና።

3 ገዳ ኣቲን ታኒ ካዎዛ ዎዚና ሚንፋና፤ ታኒ ገብጾ ቢታን ታ ማላታኔ ማላሊሲዛ ሚሽ ዳርጎ ኦሊኮካ፤

4 ኢዚ ኢንቴ ዮተዛይጎ ሲዩና። ሄ ዎዳ ታኒ ታ ኩሼ ገብጾ ኣጎ ቦላ ዳንፋና፤ ታኒ ታ ዳሬታ ኢሰራኤሌ ናይታ ዎልቃማ ፐርዳን ገብጾ፤ ኬጎና።

5 ቃሴ ገብጾቲ ታኒ ታ ቁሴ ገብጾ ኣጎ ቦላ ዳንፋዳ ኢሰራኤሌ ናይታ ኢሰታ ገዳፊ ኬሲዛ ዎዳ ታኒ ጎዳ ገዲዳይጎ ኢሰቲ ኤራና» ገዳሰ።

6 ሙሴይኔ ኣርኔይ ጎዳይ ኢሰታ ኣዛዚዳ ማላ ኦሊዳ።

7 ኢሰቲ ካዎዛሰ ዮተዛ ዎዳ ሙሴሰ ላይላይ ኦሰፑን ታማ፤ ኣርኔይ ቃሴ 83 ላይላ ኣጎ።

ኣርኔ ጉፊይ ሾሽ ገዳሰ

8 ጎዳይ ሙሴኔ ኣርኔ፤

9 «ካዎይ ኢንቴና፤ «ኣኔ ማላታ ታና ቤሲቴ» ገኮ ኔኒ ኣርኔ፤ «ኔ ጉፋ ኤካዳ ካዎዛ ሲንፋን ዩጋ» ጋ፤ ሂሰቲኮ ኢዚ ሾሽ ገዳና» ገዳሰ።

10 ሂሰቲን ሙሴይኔ ኣርኔይ ካዎዛኮ ገሊዲ ጎዳይ ኢሰታ ኣዛዚዳ ማላ ኦሊዳ፤ ኣርኔይ ባ ጉፊ ካዎዛ ሲንፋኒኔ ዳናታ ሲንፋን ዩገን ጉፊዚ ሾሽ ገዲዳሰ።

11 ሄጎፊ ጉዬ ካዎዚ ዳር ኤራንቻታኔ ቢተዛይታ ዳይገሲን ገብጾ ዳሬ ማርቲካ ባ ዳሬን ሄጎፋ ኦሊዳ።

12 ኢሰቲ ወሪካ ባ ጉፊ ጉፊ ጋዳን ዩገን ጉፊቲ ወሪካ ሾሽ ገዲዳ ሸን ኣርኔ ጉፊያ ኢሰታ ጉፊታ ኡባ ሚታዲሰ።

13 ገዲኮካ ጎዳይ ዮተዳ ማላ ካዎዛ ዎዚናይ ሚኒዳ ገሻሰ ኢዚ ኢሰታ ዮኦ ሲዮንታ ኢጺዳሰ።

ሃላይ ሱፋን ላሚቴላ

14 ጎዳይ ሙሴሰ፤ «ካዎዛ ዎዚናይ ሙሚን ኣጎ ኢዚ ዩዶንታ ኢጺዳ ገሻሰ፤

15 ካዎዚ ሻፋ ቢዛ ዎዳ ማላዶራ ኔኒ ኢዛኮ ባዳ ኢዛራ ጋጋና ማላ ኣባዬ ሻፋ ዶናን ኤቃ፤ ሄ ባሽ ሾሻን ላሚቴዳ ጉፊዛ ኦይካ ኤካዳ ባ።

16 ኔኒ ኢዛ፤ «ጎዳ ኢብራዌታ ጸጎይ ኔና፤ «ባዘን ታሰ ጎይናና ማላ ታ ኣጎ ዩዳ» ገዲ ታና ኔኮ ከቲዳሰ ሸን ሃኖ ጋካናሰ ኔኒ ኤር ጋቤካ።

17 ጎዳይ፤ «ታኒ ጎዳ ገዲዳይጎ ኔኒ ሃይጎን ኤራና» ገዳሰ። ታኒ ኣባዬ ሻፋ ሃላ ታ ኩሼን ዲዛ ጉፊዛን ሾጩኮ ሃላይ ሱፋን ላሚታና።

18 አባዬ ሻፋ ሞሌይካ ሃይቃና፤ ሻፋይካ ጸንቃና፤ ገብጾቲ ሄ ሻፋ ሃላ ኡያናሰ ዳንዳዬቴና፤ ጋዳ ዮታ» ገዴሰ።

19 ጎዳይ ሙሴስ፡ «ኔኒ አርኔስ፡ ሳ ጉፊ ኦይካዳ ገብጾ ሃላታ ሰላ፡ ሻፋታ ሰላ፡ ዛራ ሃላታ ሰላ፤ ኤሊ ዳ ሃላ ዲዛሶ ኡባ ሰላ ኔ ኩሼ ፒዲሳ፤ ጋ፤ ኤዚ ባ ኩሼ ፒዲሲኮ ሃላ ወሪ ሱላን ላሜታና፤ ገብጾ ቢታ ኡባን፡ ሃራይ አቶሺን፡ ሚላፊኔ ሹቻፊ ዎጪ ከሲዳ ሃላ ቲጊዛ ሚሻታ ኡባን ሱላ ኩማና» ገዴሰ።

20 ሙሴይኔ አርኔይ ጎዳይ አዛዚዳ ማላ አሊዳ። ካዎዛ ሲንሳኒኔ ዳናታ ሲንሳን አርኔይ ባ ጉፊዛ ዳንሊዲ ሻፋ ሃላ ሾጪን ሃላ ወሪ ሱላን ላሜቲዳሰ።

21 ሄ ሻፋ ሃላ ገደን ዲዛ ሞሊቲ ሃይቃዳ፤ ሻፋ ሃላ ኬሂ ጸንቃዳ ገሻሰ ገብጾ አሳይ ኡያናሰ ዳንዳይቤና። ገብጾ ቢታይ ኩሜላ ሱላ ጸላ ገዲዳሰ።

22 ገደ አቲን ገብጾ ማርቲ ባ ቢታን ኤዛሶካ አሊዳ፤ ጎዳይ ዮቲዳ ማላካ ካዎዛ ዎዚናይ ሚኒዳ ገሻሰ ሙሴይኔ አርኔይ ዮቲዳይሳ ሲዮንታ ኢጲዳሰ።

23 ሄሳፊ ጉዬ ካዎዚ ሄሳሰ አይኮ ባቦንታ ዲሼ ባ ሶ ሲሚ ቢዳሰ።

24 ገብጾ አሳይ ወሪ አባዬ ሻፋ ሃላ ኡያናሰ ዳንዳዮንታ ገሻሰ፡ ኡዪዛ ሃላ ዳማናሰ አባዬ ሻፋ አቻን ኦላ ቦኪዳ።

25 ጎዳይ ሃላ ሱላን ላሚን ላፑን ጋላሰ ገዲዳሰ።

8

አቃርሴ

1 ሄሳፊ ጉዬ ጎዳይ ሙሴ፡ «ገብጾ ካዎኮ ባዳ፡ ሳይይ ኔና ሂዘጌሰ ጋ፤ ታሰ ጎይናና ማላ ታ አሳ ዬዳ፤

2 ኔኒ ኢሰታ ዬዳንታ ኢጲኮ ታኒ ኔ ቢታ ኡባ ሞሪዛ አቃርሰ ዬዳና።

3 አባዬ ሻፋን አቃርሴ ኩሚ አጲዲ ኔ ሶ፡ ኔ አቁዛ ሶ፡ ኔ አርሳ ሰላ፡ ዳናታ ኩላ ገደ ጌላና፤ ኔ አሳ ሰላ ኬዛና፤ ኔ ጮጮን ኔ ሙኑቃ ጎንጌታንካ ጌላና።

4 አቃርሳቲ ኔ ሰላ፡ ኔ አሳ ሰላኔ ዳናታ ኡባ ሰላ ኬዛና፤ ጋዳ ዮታ» ገዴሰ።

5 ሄሳፊ ጉዬ ጎዳይ ሙሴ፡ «ኔኒ አርኔ፡ ሳ ጉፊዛ ኤካዳ፡ ሻፋታ ሰላ፡ ዛራ ሃላታ ሰላኔ ኤሊዳ ሃላታ ሰላ ኔ ኩሼ ፒዲሳዳ አቃርሴ ገብጾ ቢታ ሰላ ኬዛና ማላ አላ፤ ጋዳ ዮታ» ገዴሰ።

6 ሂሰቲን አርኔይ ገብጾ ሃላታ ሰላ ባ ኩሼ ፒዲሲን አቃርሴ ኬዚዲ ገብጾ ቢታ ማይኢዳሰ።

7 ገደ አቲን ማርቲካ ባንታ ቢታን ገብጾን አቃርሴ ኬዛና ማላ ኢዛሶካ አሊዳ።

8 ካዎዚ ሙሴኔ አርኔ ጸይጊሲዲ፡ «ሃይሳ አቃርሳ ታፔኔ ታ አሳ ሰላፊ ዲጋና ማላ ጎዳ ኢንቴ ዎሲቴ፤ ሂሰቲኮ ጎዳሰ ያርሻና ማላ ታኒ አሳ ዬዳና» ገዴሰ።

9 ሂሰቲን ሙሴይ ካዎዛ፡ «ካዎ ኔሰ ቶ! አቃርሴ ኔፔኔ ኔ ሶፔ ጳይዲ አባዬ ሻፋን ጸላ አታና ማላ ታኒ ኔሰ፡ ዳናታሰኔ ኔ አሳሰ ዎሳና ጋላሰ ኔ ዮታ» ገዴሰ።

10 ሂሰቲን ካዎዚ፡ «ዎንቶ ገደ» ገዴሰ። ሙሴይካ፡ «ጎዳ ኑ ጸሳ ማላይ ኦኒካ ባይንዳይሳ ኔኒ ኤራና ማላ ኔ ገዳ ማላ ኦላና።

11 ሄ አቃርሳይ ኔፔ፡ ኔ ኬላፊ፡ ዳናታፔኔ ኔ አሳፔ ጳያና፤ ኢሰቲ አባዬ ሻፋን ጸላ አታና» ገዴሰ።

12 ሙሴይኔ አርኔይ ካዎ አቻፊ ኬዚዲ ካዎዛ ሰላ ኢዚ ኤሂዳ አቃርሳታ ገሻሰ ሙሴይ ጎዳኮ ዎሲዳሰ።

13 ጎዳይካ ሙሴይ አይቸዳ ማላ አሊዳሰ፤ አቃርሴ ሶን፡ ካሬኒኔ ዳምባን ዲዛይሲ ወሪ ሃይቃዳሰ።

14 ገብጾ አሳይ አቃርሳ ሺሺ ሺሺዲ ኮሪዳሰ፤ ቢታይካ ጸንቆን ዜቁዳሰ።

15 ገደ አቲን ካዎዚ ጉላ ፔቃ ዳሚዳ ዎዳ ባ ዎዚና ሚንሊዳሰ፤ ጎዳይ ዮቲዳ ማላካ ኢዚ ሙሴይኔ አርኔይ ዮቲዳ ዮኦዛ ሲዮንታ ኢጲዳሰ።

ጩቹ

16 ሄሳፊ ጉዬ ጎዳይ ሙሴ፡ «ኔኒ አርኔስ፡ ሳ ጉፊዛራ፡ ቢታ ጉዳላ ሾጪ» ጋ፤ ኢዚ ሾጪኮ ገብጾ ቢታ ኡባን ጉዳላይ ጩቹ ገዳና» ገዴሰ።

17 ሂሰቲን ኢሰቲ ሄሳሳ አሊዳ፤ አርኔይ ባ ጉፊ ኤኪዲ ጉፊዛራ ቢታ ጉዳላ ሾጪን አሳኔ ሜሂ ኡባ ሰላ ጩቹ * ኬዚዳሰ። ገብጾ ቢታን ሃ ጋጸፔ ሄኒ ጋጸ ጋካናሰ ጉዳላይ ወሪ ጩቹ ገዲዳሰ።

18 ማርቲካ ባ ቢታን ኢዛሶ አላናሰ ፓጪን ኢሰታሰ ዳንዳይቲቤና። ጩቻይ አሳ ሰላኔ ሜሂ ሰላ ኩሚዳሰ።

19 ማርቲካ ካዎዛሰ፡ «ሃይሲ ጸሳ ኦሶኮ!» ገዴ። ገደ አቲን ካዎዛ ዎዚናይ ሚኒዳሰ፤ ጎዳይ ገዳ ማላካ ኢዚ ኢሰቲ ዮቲዳይሳ ሲዮንታ ኢጲዳሰ።

ቦጾ

20 ጎዳይ ሙሴስ፡ «ዎንታ ማላደራ ዳንዳዳ፡ ካዎዚ ሻፋ ቢሺን ኢዛራ ጋጋዳ ኔኒ ኢዛ፡ ሳይይ ታሰ ጎይናና ማላ ታ አሳ ዬዳ፤

21 ኔኒ ታ አሳ ዬዳንታ ኢጲኮ፡ ታኒ ኔ ሰላ፡ ዳናታ ሰላ፡ ኔ አሳ ሰላኔ ኔ ኬላታ ገደ ዎልቃማ ቦጾ ዬዳና፤ ገብጾ አሳ ኬላኒኔ ኢሰቲ ዲዛ ቢታ ኡባን ቦጾይ ኩማና።

22 ገደ አቲን ታኒ ጎዳይ ሃ ቢታን ዲዛይሳ ኔኒ ኤራና ማላ ሄ ጋላሰ ታ አሳይ ዲዛ ጌሴሜ ቢታን ቦጾይ ጋኮንታ ማላ ታኒ ቴቃዳ ኢሰታ ቢታ ናጋና።

23 ታኒ ኔ አሳፔ ታ አሳ ዳማ ሻካና፤ ሃይሳን ማላታ ዎንቶ አላና፤ ገዴሰ ጋዳ ዮታ» ገዴሰ።

24 ሄሳፊ ጉዬ ጎዳይ ገዳ ማላ አሊዳሰ፤ ካዎዛ ሶኒኔ ኢዛ ዳናታ ሶን ዳር ዎልቃማ ቦጾይ ኩሚዳሰ፤ ኩሜላ ገብጾ ቢታ ኡባ ኢሲዳሰ።

25 ሄ ዎዳ ካዎዚ ሙሴኔ አርኔ ጸይጊሲዲ፡ «ቢቴ፤ ሃይሳ ሃ ቢታን ኢንቴ ጸሳሰ ያርሻቴ» ገዴሰ።

26 ገደ አቲን ሙሴይ፡ «ሃሲ ሎኦ ዳና፤ ኦኒ ጎዳ ኑ ጸሳሰ ሺሺዛ ያርሾቲ ገብጾ አሳሰ ቴና ሚሽ ገዳና፤ ኦኒ ኢሰታ ቴኒሲዛ ያርሾታ ኢሰቲ ጸሊሺን ያርሻኮ፡ ኢሰቲ ኦና ሹቻን ጫዴቴኔ?»

27 ኦኒ ጎዳ ኑ ጸሳሰ ያርሾታ ሺሻናሰ ኢዚ ኦና አዛዚዳ ማላ ሃቹ ጋላሳ ኦጌ ባዞ ባናሰ ኮሼሰ» ገዴሰ።

28 ሂሰቲን ካዎዚ፡ «ጎዳ ኢንቴ ጸሳሰ ኢንቴ ባዞ ቢዲ ያርሻና ማላ ታኒ ኢንቴና ዬዳና ሺን ኢንቴ ሃኪ ቦፒቴ፤ ሃኒ ታሰ ዎሲቴ» ገዴሰ።

29 ሙሴይ፡ «ታኒ ኔ አቻፊ ኬዚዳ ማላ ጎዳ ዎሳና፤ ሃ ዎልቃማ ቦጾይ ዎንቶ ካዎዛፔ፡ ዳናታፔኔ ኢዛ

7:19 ሉቃ 11:20 * 8:17 ጩቹ ጌቲቲዳይሲ ሃራ ሃራ ቢርሼላታን ሳጸዛ ኤኔ ጌቲቲዳሰ።

አሳፔ ኪቻና። ገደ አቲን ጎዳሰ ያርሻናሰ አሳ ዬደንታ ኢጻናሰ ካዎይ ኑና ዛሪ ጨጥንታ ማላ ቆፖ» ገደሰ።

30 ሃሳፌ ጉዬ ሙሴይ ካዎዛ አቻፌ ኬዚዲ ጎዳ ዋሲዳሰ።

31 ሙሴይ እይቹዳ ማላ ጎዳይ አሊዳሰ፤ ቦጶይ ካዎዛ፤ ዳናታፔኔ ኢዛ አሳፔ ኢሲናካ አቶንታ ኪቹዳሰ።

32 ገደ አቲን ሃኢካ ካዎ ዋዚናይ ሚኒዳ ገሻሰ ኢዚ አሳ ዬደንታ ኢጻዳሰ።

9

ሜህ ቦላ ጋኪዳ ቦሻ

1 ጎዳይ ሙሴ፣ «ገብጶ ካዎዛኮ ባዳ ጎዳ ኢብራዌታ ጸሳይ ኔና፣ ታሰ ጎይናና ማላ ታ አሳ ዬዳ፤

2 ኔኒ ዬደንታ ኢጻዳ ገዲኮ፣

3 ሃሚቲዛሶን ዲዛ ኔ ሜህታ ቦላ፣ ፓራታ ቦላ፣ ሃራታ ቦላ፣ ጋሜላታ ቦላ፣ ሚዛታ ቦላ፣ ደርሳታ ቦላ፣ ዳይሻታ ቦላ ዋልቃማ ሃርጌ ዬዳና።

4 ገደ አቲን ታኒ ጎዳይ ኢሰራኤል ሜህታ ገደኒኔ ገብጶ አሳ ሚህታ ገደን ሻኮቴላ ሜቆና። ኢሰራኤል አሳ ሚህታፔ ኢሰይካ ሃይቄና) ጋ» ገደሰ።

5 ጎዳይ ዋዳ ባሪዲ፣ «ታኒ ዋንቶ ሃይሳ ሃ ቢታ ቦላ ኦላና» ገደሰ።

6 ዋንቴላ ጋላሰ ጎዳይ ሃሳ ኦሊዳሰ። ገብጶ አሳ ሜህይ ወሪ ሃይቄዳሰ ሺን ኢሰራኤል አሳ ሜህፔ ኢሲናካ ሃይቃቤኮ።

7 ካዎዚ ሃ ዮኦዛ ፓጫናሰ አሰ ኪቲዲ ኢሰራኤል ናይታ ሜህፔ፣ ሃራይ አቶሺን ፔጺ ኢሲናካ ሃይቆንታይሳ ኤሪዳሰ። ገዲኮካ ካዎዛ ዋዚናይ ሚኒዳሶፔ ሲጥንታ ኢጻዳ ገሻሰ አሳ ዬደንታ ኢጻዳሰ።

ኪጻ ሃርጌ

8 ሃሳፌ ጉዬ ጎዳይ፣ ሙሴኔ ኦርኔ፣ «ኩሼ ኩንሊዲ ጮጮፔ ቢዲንላ ኩጪ ኤኪዲ ሙሴይ ካዎዚ ጶሊሺን ሃሳ ፑዳ ጫርኮ ቦላ ላሎ፤

9 ሃይሲ ገብጶ ቢታ ኡባ ቦላ ጉዳላ ገደና፤ ገብጶ ቢታ ኡባን አሳ ቦላኔ ሜህ ቦላ ኪጻይ ዋቆና» ገደሰ።

10 ሂሰቲን ኢሰቲ ጮጮፔ ቢዲንላ ኤኪዲ ካዎዛ ሲንላን ኤቄዳ፤ ሙሴይ ሃሳ ፑዳ ጫርኮን ላሊን አሳ ቦላኔ ሚህ ቦላ ገዲዛ ኪጻይ ኬዚዳሰ።

11 ማሮቲካ ኢሰታ ቦላኔ ገብጶ አሳ ኡባ ቦላ ዋቆዳ ኪጻይ ኤቆ ዲጊን ሙሴ ሲንላን ኤቃናሰ ዳንዳይቤቴና።

12 ገደ አቲን ጎዳይ ሙሴሰ ገደ ማላካ ካዎዛ ዋዚና ሚንሊዳ ገሻሰ ሙሴይኔ ኦርኔይ ዮቲዛይሳ ካዎዚ ሲዮንታ ኢጻዳሰ።

ሻቻ ኢራ

13 ሃሳፌ ጉዬ ጎዳይ ሙሴሰ፣ «ዋንቶ ዋንታ ማላዶራ ዳንዳ ባዳ ካዎዛራ ጋጋዳ ኢዛ ኢብራዌታ ጎዳይ ኔና፣ ታሰ ጎይናና ማላ ታ አሳ ዬዳ።

14 ኔ ዬደንታ ኢጻኮ ኔ ቦላ፣ ዳናታ ቦላኔ ኔ አሳ ቦላ ታ ዋልቃማ ሃንቆ ሃኢ ዬዳና፤ ሃሳንካ ቢታ ቦላን ታ ማላይ ባይንዳይሳ ኔኒ ኤራና።

15 ታኒ ሃኖ ጋካናሰ ታ ኩሼ ዬዳዳ ኔናኔ ኔ አሳ ኢታ ሃርጌን ቆሂዳኮ ሃ ቢታ ቦላፌ ፒታ ቆይሳናኮሺን።

16 ታኒ ኔና ፓጻ ዋሊዳይ ኔና ታ ዋልቃ ቤሳናሲኔ ታ ሱንሊ ቢታ ኡባ ቦላን ጸይጌታና ማላሳ።

17 ኔኒ ሃኢካ ኦቶሬታዳ ታ አሳ ዬደንታ ኢጻዳሳ።

18 ሃሳ ገሻሰ ታኒ ዋንቶ ሃኒ ዋዳ ገብጶይ ገብጶ ገደሶፔ ሃኖ ጋካናሰ ቡኪ ኤርንታ ዋልቃማ ሻቻ ቡኪሳና።

19 ሃኢ ኔኒ ኔ ሜህኔ ጋዳን ኔሰ ዲዛዝ ኡባ ሶ ጌልላና ማላ አዛዛ፤ አይሰ ገኮ ሶ ጌሎንታ ቡር ጋዳን ዲዛ አሳ ኡባ ቦላኔ ሚህ ኡባ ቦላ ሻቹ ቡኪዲ ዋቆና) ገደሰ ጋ» ገደሰ።

20 ካዎዚ ሱንሊዳ ዳናታፔ ጎዳ ቃላሰ ባቢዳይቲ ባ አይሌታኔ ባ ሚህ ኤሶቲዲ ሶ ጌልሊዳ።

21 ገደ አቲን ጎዳ ቃላ ካቋዳይቲ ባ አይሌታኔ ባ ሚህ ካራን አጋገዲ።

22 ሃሳፌ ጉዬ ጎዳይ ሙሴሰ፣ «ገብጶ ቢታ ኡባ ቦላን፣ አሳ ቦላ፣ ሚህ ቦላኔ ቢታፌ ሞኪዛ ኡባ ቦላ ሻቹ ቡካና ማላ ኔ ኩሼ ሳሎ ዳንላ» ገደሰ።

23 ሙሴይ ባ ጉፌ ፑዳ ሳሎ ዳንሊዳ ማላ፣ ጎዳይ ዳዳኔ ሻቹ ዬዲዳሰ፤ ዋልቃንሊካ ዲጌ ቢታ ቦላ ዋልቃሚዳሰ። ጎዳይ ገብጶ ቢታን ሻቹ ቡኪሲዳሰ።

24 ሻቻይ ቡኪዳሰ፤ ዋልቃንሊካ ዋልቃሚዳሰ፤ ገብጶ ዳሪይ ዳሪ ገደሶፔ ሃ ሲሚን ገብጶ ቢታ ኡባ ቦላ ዋቆዳ ሻቻ ኡባፌ ሃይሲ አቋዛ ኢታ ሻቻ።

25 ህ ሻቻይ ገብጶ ቢታ ኡባን ጋዳን ዲዛ ኡባ፣ አሳካ ሚህካ ሾጪዳሰ፤ ቢታፌ ሞኪዳዝ ኡባ ዲጌ ዛሪዲ ሾጪዳሰ፤ ሚሊካ ኡባ ሚንሌሬሊዳሰ።

26 ኢሰራኤል ናይቲ ዲዛ ጌሴሜ ቢታይ ጸላ ሻቹ ቡኮንታ አቲዳሰ።

27 ካዎይካ ሙሴኔ ኦርኔ ጸይጊሲዲ፣ «ሃኢ ሃኮ፣ ታኒ ናጋራ ኦላዲሰ፤ ጎዳይ ጸሎ፤ ታኒኔ ታ አሳይ ዋርድ።

28 ዳዳይኔ ሻቹ ኑ ቦላ ዳሪዳ ገሻሰ ኑሰ ጎዳ ዋሲቴ። ታኒ ኢንቴና ዬዳና፤ ሃኮ ሃይሳፌ ሲንላን ኢንቴ ሃይሳን ጋሞኤኬታ» ገደሰ።

29 ሙሴይካ ኢዛሰ፣ «ታኒ ሃ ካታማፔ ኬዛ ባዳ ዋሳናሰ ታ ኩሼ ጎዳኮ ሚጫና፤ ሂሰቲኮ ዳዳይ አጋና፤ ቃሴ ሻቻይካ ቡኬና፤ ሃሳንካ ቢታይ ጎዳሰ ገዲዳይሳ ኔኒ ኤራና።

30 ገደ አቲን ኔኒኔ ዳናቲ ጎዳ ጸሳሰ ሃኢካ ባቦንታይሳ ታኒ ኤራይሰ» ገደሰ።

31-32 ጨዳዳ ካላይኔ ቲያቲዳ ካላይ ወሪ ቆይዳሰ፤ ገደ አቲን ጨዮንታኔ ቲያቶንታ ቡር ጋኪዛ ካላ ሻቻይ ቆሂቤና።

33 ሃሳፌ ጉዬ ሙሴይ ካዎዛ አቻፌ ዳንዲዲ ካታማፔ ጋጻ ኬዚዲ ባ ኩሼ ጎዳኮ ሚጫዳሰ፤ ሂሰቲን ዳዳይኔ ሻቻይ ኤቄዳሰ፤ ኢራይካ ቢታ ቦላ ቡኪዛይሳ አገደሰ።

34 ገደ አቲን ካዎዚ ኢራይ፣ ሻቻይኔ ዳዳይ አገዳይሳ ቤኢዳ ዋዳ ቃሴካ ናጋራ ኦሊዳሰ፤ ኢዚኔ ዳናቲካ ባንታ ዋዚና ሚንሊዳ።

35 ጎዳይ ሙሴ ዳናራ ሃሳይዳ ማላካ ካዎ ዋዚናይ ሚኒን ኢሰራኤል ናይታ ዬደንታ ኢጻዳሰ።

10

ቦሊ

1-2 ሃሳፊ ጉዬ ጎዳይ ሙሴስ፡ «ጊብጾ ካዋኮ ጉዬ ሲማ ባ፤ አይሰ ጊኮ ታኒ ጊብጾ አሳ ዋሰታ ቃጸይዳኮኔ ማላታ አሰታ ጊደን ዋሰታ ኦሲዳኮ አንቲ አንቲ ናይታሲኔ አንቲ ናይታ ናይታሰ ዮታና ማላ፡ ቃሴ አንቲካ ታኒ ጎዳ ጊዲዳይሳ ኤራና ማላ፡ ታ ማላታ አሰታ ጊደን ኦላናሰ አዛ ዋዚናኔ ዳናታ ዋዚና ሚንላ ዋላዲስ» ጊዳስ።

3 ሂሰቲን ሙሴይኔ አርኔይ ካዋዛኮ ጌሊዲ፡ «ጎዳ አብራዊታ ጸሲ ኔና፡ ሩ ኔናቴላ ታ ሲንላን ካወሾንታ አጲዛይ አወዳ ጋካናሴ? ሃኢ ታሰ ጎይናና ማላ ታ አሳ ዩዳ።

4 ኔኒ አሰታ ዩዳንታ አጲኮ ዋንቶ ታ ኔ ቢታ ቦላ ቦሌ ዩዳና።

5 ቦሌዚ ኦኒካ ቤኦንታ ማላ ቢታ ማይኦና። አንቲሰ ሻቻፊ አቲዳ ጉላ ሚሺ፡ ጋዳን ዲጨዛ ሚሊካ ኡባ ማና።

6 ኔ ኬላታን፡ ዳናታ ኬላኒኔ ጊብጾ አሳ ኡባ ኬላን ኩማና፤ ሃይሲ ኔ አዋቲ፡ ዋይኮ ኔ ማይዛቲ ሃ ቢታ ቦላ ዶሶፔ ሃና ጋካናሰ ሙሊካ ቤዪ ኤርንታ ሚሻ) ጊዳስ» ጊዳ። ሃሳፊ ጉዬ ሙሴይ ካዋዛ ሲንላፊ ኬዚ ቢዳስ።

7 ካዋዚ ሱንሊዳ ዳናቲካ ካዋዛ፡ «ሃይሲ አዳዚ ኑስ አይዳ ጋካናሰ ጳጴ ጊዳኔ? አሰቲ ጎዳ ባ ጸሳሰ ጎይናና ማላ ኔኒ አሳ ዩዳ፤ ጊብጾ ዳሬይ ጳይዳይሳ ኔኒ ሃኢካ ዩሻ ቆፒኪ?» ጊዳ።

8 ሃሳ ጊሻሰ ካዋዚ ሙሴኔ አርኔ ዳይጊሲ ጉዬ ዛሪዲ፡ «ቢቲ፤ ጎዳ አንቲ ጸሳሰ ጎይኒቲ ሺን ቢዛይቲ ኦናንቲ?» ጊዳስ።

9 ሂሰቲን ሙሴይ፡ «ኑኒ ኑ ቀሪ ናይታራ ጨማታራ፡ ኑ አቲማ ናይታራ ማጫ ናይታራ፡ ኑ ሚሃራኔ ሚዛ ወዳታራ አሲፊ ባና፤ አይሰ ጊኮ ኑኒ ቢዛሶን ጎዳሰ ባኣሌ ቦንቻናሰ ኮሼስ» ጊዳስ።

10 ካዋዚ፡ «አንቲ ማጫሳታራኔ አንቲ ናይታራ ባና ማላ ታ አንቲና ዩዳና፤ ጎዳይ አንቲናራ ጊዳ፤ ጊዳ አቲን አንቲ አንቲ ዋዚናን ጌኔ ቆፒዳታ።

11 ሃሳ ጊሻሰ ሃኔና፤ አንቲ፡ ሩ ቢዲ ጎዳሰ ጎይናና ማላ ኑና ዩዳ) ጊሼ ጋምኢዳ ጊሻሰ አቲማሳይ ጸላ ቢዲ ጎዳሰ ጎይኒቲ» ጊዳስ። ሃሳፊ ጉዬ ሙሴኔ አርኔ ካዋዛ ሲንላፊ ኬሲ ጎዳዳ።

12 ጎዳይ ሙሴስ፡ «ቦሌይ ጊብጾ ቢታ ቦላ ያና ማላ ሻቻፊ አቲዲ ዲጨዛ ኡባ ለምኢ ሂሰቲ ወርሳና ማላ፡ ኔ ኩሼ ጊብጾ ቢታ ቦላ ፒዲሳ» ጊዳስ።

13 ሙሴይ ባ ኦይኪዳ ጉፋ ጊብጾ ቢታ ቦላ ጶቁ ሂሰቲ ዳንሊን፡ ሄ ዋዳ ጋላሰኔ ቃማ ጎዳይ አርሼይ ሞኪዛ ባጋሬ ዋልቃማ ጫርኮ ቢታ ኡባ ቦላ ዩዲዳስ፤ ጋዳይ ዋንቲሺን ሄ ጫርኮይ ቦሌ ኤኪ ዩዳስ።

14 ቦሌይ ጊብጾ ቢታ ኩሚሊ ማይኢዳስ። ሃይሳ ላጌ ቦሌ ቦሻይ ሄ ቢታን ሃይሳፊ ካሴ ሃኒቤና፤ ሃይሳፊ ሲንላንካ አዛ ማላይ ሃኔና።

15 ቢታይ ካሪዳና ጋካናሰ ቦሌዚ ቢታ ኡባ ማይኢዳስ። ሻቻፊ አቲዲ ቢታ ቦላ ዲጨዛዛኔ ሚላ ቦላን ዲዛ አይፊ ኡባ ለምኢ ሂሰቲ ሚዳስ። ሃሳ ጊሻሰ ሚላ ሃይሊ ዋይኮ ጋዳን ዲዛ ጨለላ ሚሺ ወሪ ጊብጾ ቢታ ኡባሶን አይኮይካ አቲቤና።

16 ካዋዚካ ሙሴኔ አርኔ ኤሶን ዳይጊሲዲ፡ «ጎዳ አንቲ ጸሳኔ አንቲና ታኒ ቆሃዲሰ።

17 ሃኮ አንቲ ታና ወርሴላ ማር ማሪቲ። ሃ አታ ቦሻ ታፔ ዲጋና ማላ ጎዳ አንቲ ጸሳ ዋሰቲ» ጊዳስ።

18 ሙሴይ ካዋዛ አቻፊ ኬዚዲ ጎዳ ዋሰዳስ።

19 ጎዳይካ አርሼይ ሞኪዛ ባጋራ ዩዳ ጫርኮዛ አርሼይ ወሊዛ ባጋራ ዩዳ ዋልቃማ ጫርኮን ላሚን ቦሌዛ ቶኪ ኤኪ ኤፊዲ፡ ዘኑ አባን ዩጊዳስ። ጊብጾ ቢታ ኩሚላን አሲ ቦሌይካ አቲቤና።

20 ጊዲኮካ ጎዳይ ካዋዛ ዋዚና ሚንሊዳ ጊሻሰ አሲራኤሌ ናይታ ዩዳንታ አጲዳስ።

ጊርዲ ጊዳ ጳማ

21 ሃሳፊ ጉዬ ጎዳይ ሙሴስ፡ «ጊብጾ ቢታን ጊርዲ ጊዳ ጳማይ ጳማና ማላ ኔ ኩሼ ፑዳ ሳሎ ዳንላ» ጊዳስ።

22 ሙሴይ ባ ኩሼ ፑዳ ሳሎ ዳንሊን ጊብጾ ቢታ ኡባን ሄሹ ጋላሰ ኩሚላ ጊርዲ ጊዳ ጳማይ ጳማዳስ።

23 ሄ ሄሹ ጋላሳታን አሲ ኦኒካ አሲይ አሳ ቤኦንታ፡ ዋይኮ ሶፔ ካሬ ኬዛንታ ጋምኢዳስ። ጊዳ አቲን አሲራኤሌ ናይቲ ዲዛሶ ኡባን አሰታሰ ፖኦይ ዳስ።

24 ካዋዚ ሙሴ ዳይጊሲዲ፡ «ቢቲ፤ ቢዲ ጎዳሰ ጎይኒቲ፤ አንቲ ማጫሳይካ አንቲ ናይቲካ አንቲናራ ባና ዳንዳዬቲስ። አንቲ ሚሃታ ጊዲኮ ሃን አጊ ቢቲ» ጊዳስ።

25 ጊዳ አቲን ሙሴይ አዛሰ፡ «ኑኒ ጸጊዲ ያርሺዛ ያርሾ ጎዳ ኑ ጸሳሰ ሺሻና ማላ ሚሃ አሚዳ ዩዳናሰ ኮሼስ።

26 አሲ ጸጊኩሊካ አቶንታ ዲሺን ኑ ሚሃይ ወሪካ ኑና ባናሰ ቤሴስ። ኑኒ ጌዳ ጋኮንታ ዲሼ ሚሃፔ አዋይሳ አዋይሳ ያርሻናኮ ሃኢ ኤራናሰ ዳንዳዮኮ። ጎዳ ኑ ጸሳሰ፡ ያርሾሰ ሄ ሚሃፔ ዶሪዲ ኤካናሰ ኮሼስ» ጊዳስ።

27 ጊዳ አቲን ጎዳይ ካዋዛ ዋዚና ሚንሊዳ ጊሻሰ አዚ አሰታ ዩዳናሰ ኮዩቤና።

28 ሃሳፊ ጉዬ ካዋዚ ሙሴ፡ «ታ አቻፊ ኪቻ! ናምኣንሶ ታ ሲንላን ቤታሼ ኔና ኤራ! ናምኣንሶ ታ አይፊሶ ኔ ቤኢዳ ጋላሰ ኔ ሃይቃና» ጊዳስ።

29 ሂሰቲን ሙሴይ አዛሰ፡ «ቱሙካ፤ ኔኒ ጊዳ ማላ ታኒ ኔና ናምኣንሶ ሙሊካ ቤይኬ» ጊዳስ።

11

ባይራታ ቦላ ዩዳ ቦሻ

1 ጎዳይ ሙሴስ፡ «ታኒ ጊብጾ ካዋ ቦላኔ አዛ አሳ ቦላ አሲ ሃራ ቦሻ ዩዳና፤ ሃሳፊ ጉዬ አዚ አንቲና ሃ ቢታፊ ኬሲ ዩዳና፤ ኬሲዲ አዚ አንቲና አሳዳ አሾንታ ኡባ ጎዳ ኬሳና።

2 አሲራኤሌ አሳይ ማጫይ አዳይ ባ ሾርታፔ ቢራፔኔ ዋርቃፊ ኦሴቲዳ ሚሻታ ኦይቹ ኤካና ማላ አሰታሰ ዮታ» ጊዳስ።

3 ጎዳይካ ጊብጾ አሳይ አሲራኤሌ አሳሰ ኪያቴላ ኦላና ማላ ኦሊዳስ። ቃሴ ሙሴይ ባ ባጋራ ጊብጾ ቢታን ካዋይ ሱንሊዳ ዳናታኒኔ አሳን ኬሂ ዳር ቦንቹቲዳ አሳ ማላ ጸሌቲዳስ።

4 ሙሴይ ካዋዛሰ፡ «ጎዳይ፡ ረጊዲ ጊዳላ ታኒ ጊብጾ ቢታን ሄሚታና፤

5 ጊብጾ ቢታን ዲዛ አቲማ ናይ፡ ካዋቴላ አልጋን ኡቲዳ ካዋሰ ባይራ ናፔ ዶሚዲ፡ ዋጸን ጋጨዛ

አይሌይ ባይራ ና ጋካናሰካ ባይራ ዩሌቲዳ ሜሄይካ አቶንታ ወሪ ሃይቃና።

6 ጊብጼ ቢታ ኡባን ሃይሳፌ ካሴ ጊዲን ዋይኮ ሲንጻፊካ ሃናንታ ዩሆይ ዩኬታና።

7 ጊደ አቲን ኢሰራኤል ናይታ ጊደን አሳ ቦላ ዋይኮ ሜሄ ቦላ እሲ አቶሽን ካናይካ ቦጩና፤ ጊደሰ። ሄ ዋዴ ጎዳይ ጊብጼሲኔ ኢሰራኤል ናይታሰ ጊደን ሻኮቲል ሜቃናይሳ አንቲ ኤራና።

8 ኔ ሱንጹዳ ዳናቲ ወሪ ታኮ ዩዲ፣ ታ ሲንጻን ጉፋኒ ዘጊዲ፣ «ኬዛዳ ባርኪ! ኔና ካሊዛ አሳይ ወሪካ ቦ!» ጋና። ሃሳፌ ጉዬ ታኒ ባና» ጊደሰ። ሙሴይ ዳር ሃንቁቲዲ ኢዛ ሲንጻፊ ኬዚዲ ቢደሰ።

9 ጎዳይ ሙሴሰ። «ታ ማላሊሲዛ ሚሽ ጊብጼ ቢታን ጉጃ ጉጃ ኦፋና ማላ ካዋይ አንቲ ዮቲዛይሳ ሲዬና» ጊ ካሴ ዮቲ ዋሊደሰ።

10 ሙሴይኔ እርኔይ ሃይታ ማላታታ ኡባ ካዋዛ ሲንጻን ኦሊኮካ ጎዳይ ካዋዛ ዋዚና ሚንጹዳ ጊሻሰ ኢዚ ኢሰራኤል ናይታ ባ ዴሪፔ ዩደንታ ኢዲደሰ።

12

ቦሻ ሃይቆይ ዋዶንታ ዩጊ አዴል

1 ጊብጼ ቢታን ጎዳይ ሙሴኔ እርኔ ሃዘጊደሰ፤

2 «ሃ አገናይ አንቲሰ ላይሳሰ ኮይሮ አገና ጊደ፤

3 ኢሰራኤል አሳ ኡባሰ ሃይሳ ሃ ዋጋዛ ዮቲቲ፤

ሃይሲ አገናይ ጌሊዳ ታማንሳ ጋላሰ፣ ኢሲ ኢሲ አሲ ባ ሶ አሳሰ ኢሲ ላቃ ደሪ ኤኮ።

4 ሄ ኬላ አሳ ቆዳይ ላቃዛ ኡባ ማናሰ ጉጸዛ ጊዲኮ ኢዛዳይ ባሰ ማታቲዛ ጉታ ባ ሶ አሳ ማላ ቆዳዲ ኢሳዳይ ኢሳዳይ ሚ ወርሳናይሳ ሻኪ ኤራቶ።

5 አንቲ ደሪ ኤካና ላቃይ ዩሌቲን ኢሲ ላይሳ ጊዲዲ ኢዛ ቦላ አይኮ ቦሬይ ባይንዳ ኦዴ ላቃ ጊደ። አንቲ ላቃዛ ደርሳፌ ዋይኮ ዴይሻፌ ኤካናሰ ዳንዳይታ።

6 ሃ አገናይ ታማኔ ኦይዳንሶ ጋላሰ ጊዳና ጋካናሰ ኢሰታ ናገቲ፤ ሄ ጋላሰ አርሼይ ወሊሽን ኢሰራኤል ማባራ አሳይ ወሪ ኢሰታ ሹካናሰ ኮሼሰ።

7 ሹኪዲ ሱላፌ ኤኪዲ ኢሰታ አሾዛ ሚዛ ኬላሰ ቆሲላላኔ ቆሬዛ ቦላ ቲዬቶ። * 8 አሾዛ ሄ ጋላሰ ቃማካ ታማን ጸዲዲ፣ ጫሚዛ ቦንጮራኔ ኢርሾይ ባይንዳ ኡኬቲዳ ኡኬላራ ሜቶ።

9 አሾዛ ቃዬ ዋይኮ ደይሲዲ ሞገቲ፤ ሁኤዛ፤ ጌዳታ፤ ቃንሳ አሾዛካ ኡባ ጸዲዲ ሚቲ።

10 ሄ አሾዛፔ ጋዴይ ዋንታና ጋካናሰ አይኮካ አሾፍቲ። ዋንታና ጋካናሰ አቲዳዚ ዲኮ ታማን ጸጋና ኮሼሰ።

11 ሚሽ፣ ኦጌሰ ጊዲዛ ማይኦ ማይኢዲ፣ አንቲ ጫማ ቶሆን አሊዲ አንቲ ጉፌ አንቲ ኩሼን ኦይኪዲ ኤሶን ሚቲ፤ ሃይሲ ታና ጎዳ አንቲ ቦንቸዛ ፓዚጋ ያርሾ።

12 «ታኒ ሄ ጋላሰ ቃማራ ጊብጼ ቢታራ ሃሚታሽ ባይራ ዩሌቲዳ፣ አሴካ ማሄካ ኡባ ዋቃና። ጊብጼ ኤቃታ ኡባ ቦላካ ታኒ ፐርዳና፤ ታኒ ጎዳ ጊዲኪና? ጊደና። ታኒ ሄ ሱላ ቤኢዛ ዋዴ አንቲና ኦጋ አቃና፤ ታኒ

ጊብጼ ቢታ ቦሻን ሾጪዛ ዋዴ አንቲ ቦላ አይኮ ቦሻይካ ጋኬና።

14 «ሄ ጋላሳይ ታኒ ጎዳይ አንቲሰ ኦሊዳይሳ ቆፐ ቆፐ ቦንቸዛ ጋላሰ ጊደ፤ አንቲ ዜሬሊ ወሪ ጎዳ ባኣሌ ቦንቸ፤ ሃይሳ አንቲሰ ዋጋ ሂሰቲዲ ሜርናሰ ቦንቸቲ።

ኡኬላ ባኣሌ

15 «ላቸን ጋላሰ ጋካናሰ ኢርሾይ ጌሎንታ ኡኬላ ሚቲ፤ ኮይሮ ጋላሰ አንቲ ሶፔ ኢርሾ ዲጊቲ። ሄ ኮይሮ ጋላሳፌ ደሚዲ ላቸንሳ ጋላሰ ጋካናሰ፣ ኢርሾራ ዲዛ ኡኬላ ሚዛ እሲ ኦኒካ ኢሰራኤል አሳ ጊደፌ ሻኬቲ ቃዮ።

16 ኮይሮ ጋላሰ ጌሻ ዲላታ ሸቁቲ፤ ሃራ ጌሻ ዲላታ ቃሴ ላቸንሳ ጋላሰ ሸቁቲ፤ አሳይ ወሪ ማናሰ ቁማ ካሶፌ አቲን ሄ ጋላሳታ ኡባን አይኮካ ኦሶፍቲ፤ አንቲ ኦፋና ሚሽ ሄሳ ጸላ።

17 «ታኒ አንቲና ኢሰራኤል ናይታ ጊብጼ ቢታፌ ኬሲዳይ ሄ ጋላሰ ጊዲዳ ጊሻሰ ኡኬላ ባኣሌ ቦንቸቲ። ሄ ጋላሳ ባኣሌዛ ና ናሰ አቶንታ ዋጋ ሂሰቲ ቦንቸቲ።

18 ኮይሮ አገናን ሄ አገናሰ ታማኔ ኦይዳንሳ ጋላሳ ኦማርሳፌ ደሚዲ ናምኡ ታማኔ ኢሲንሳ ጋላሳ ኦማርሳ ጋካናሰ ኢርሾይ ጌሎንታ ኡኬላ ሚቲ።

19 ላቸን ጋላሰ ጋካናሰ ኢርሾይ አንቲ ሶን ቤቶፎ፤ ኢርሾይ ጌሊዳ ካል ሚዛ እሲ ቤቲ እሲ ጊዲን ዋይኮ ሄ ዴሬ አሰ ኦናካ ጊዲን ሃሳዳይ ኢሰራኤል ማባራ ጊደፌ ቃዮ።

20 ኢርሾይ ጌሊዳዛ አይኮካ ሞገቲ፤ አንቲ ዲዛሶን አዋንካ ኢርሾይ ጌሎንታ ኡኬላ ማናሰ ቤሴሰ።»

21 ሃሳፌ ጉዬ ሙሴይ ኢሰራኤል ጪማታ ኡባ ጸይጊሲዲ፣ «አንቲ ቢዲ አንቲ ሶ አሳሰ ፓዚጋ ያርሾሰ ላቃ ኤኪ ሹኪቲ።

22 ሂሶጶ ጌቲቲዛ ማታ ሃይሳፌ ዳንኪ ኤኪዲ ኬሬን ዲዛ ሱላን ጌልሊ ኬሲዲ፣ ሄ ሱላ ናምኡ ቆሲላላታኒኔ ቆሬታ ቦላ ቲዬቲ፤ አንቲፌ ኢሲ አሲካ ጋዴይ ዋንታና ጋካናሰ ባ ኬላፌ ካሬ ኬዘፖ።

23 ጎዳይ ጊብጼ ባይራ ናይታ ዋቃናሰ ሄ ቢታራ ሃሚቲዛ ዋዴ ሱላ ኬላ ቆሲላላታኒኔ ቆሬታ ቦላ ቤኢዲ ካሬራ አቋ ባና፤ ዋቃዛይሲ አንቲ ሶ ጌሊዲ አንቲና ዋዶንታ ማላ ኢዛ ጎዳይ ዲጋና።

24 «አንቲ ሃይሳ ኣዛዘዛ አንቲሴኔ አንቲ ዜሬላሰ ሚርናሰ ዋጋ ሂሰቲዲ ኣዛዘቲቲ።

25 ጎዳይ ካሴ ኢማና ጊዲ ጫቂዳ ቃላ ማላ ኢዚ ኢሚዛ ቢታ አንቲ ጌሊዛ ዋዴ ሃ ዋጋ ናገቲ።

26 አንቲ ናይቲ አንቲና፣ «ሃይሳ ሃ ዋጋዛሰ ቢርሼሊ ኣዜ?» ጊ ኦይቸኮ።

27 አንቲ ኢሰታሰ፣ «ሃይሲ ጎዳ ቦንቻናሰ ያርሼዛ ፓዚጋ ያርሾ፤ አይሰ ገኮ ጎዳይ ጊብጼ ቢታን ኢሰራኤል አሳ ኬላ ኦጊ አቋዲ ጊብጼ አሳ ዋቃዲ ኦና አሼዳ ጊሻሳ ገቲ» ጊደሰ።

ሃሳፌ ጉዬ አሳይ ቢታ ቦላ ጉፋኒ ጎይኒደሰ።

28 ኢሰራኤል አሳይ ቢዲ ጎዳይ ሙሴኔ እርኔ ኣዛዚዳ ማላ ኦሊደሰ።

ጊብጼ አሳ ባይራቲ ሃይቂ ወር

* 12:7 ቆሬ ጌቲቲዛይሲ ኢሲ ኢሲ ባጋ ጋዋሶ ቃላን ዳርማቻ፣ ሃራሶን ቃሴ ማርጋቻ ጌቲቲሰ። 12:13 ለዌ 23:5፤ ዛሬ 16:3-8 12:23 ኢብ 11:28

29 ገዲ ገደላን ጎዳይ ገብጸን ባይራ ዩሌተዳ ኡባ ካዎቲላ አልጋን ኡቲዛ ካዎ ባይራ ናፔ ደሚዳ፣ ቃሾ ከላን ዲዛ ዲኤተዳ አሳ ባይራ ና ጋካናሰ፣ ቃሴ ባይራ ዩሌተዳ ማሄ ኡባ ዲፒ ሂሰተዳሰ።

30 ካዎይ፣ ኢዚ ሱጉሊዳ ዳናቲኔ ገብጸ ቢታ አሳይ ወሪ ቃማራ ቤጊዳሰ። ገብጸ ቢታን አሲ ሃይቆንታ ከሌ ሙሉካ ባይንዳ ገሻሰ አሳይ ቃላ ቶቁ ሂሰተዳ ዳር ዋሲ ዩኪዳሰ።

31 ሃ ጋላሳ ኦማርሰ ካዎዚ ሙሴኔ አርኔ ጸይጊሲዳ፣ «ዳንዲቲ! ኢንቲካ ኢንቲ አሳይካ ታ አሳ ገደፊ ኬዚቲ! ቢዲ ኢንቲ ኦይቶዳ ማላካ ጎዳሰ ጎይኒቲ!

32 ኢንቲ ገዳ ማላካ ኢንቲ ማሄ፤ ኢንቲ ዳይሺኔ ደርሰ ኡባ ኤኪዳ ቢቲ! ቃሴ ታናካ አንጂቲ» ገዳሰ።

33 ኢሰራኤሌ አሳይ ባ ቢታፊ ኤሶን ኬዛና ማላ ገብጸ አሳይ ዲርባሲዳሰ። አይሰ ገቡ ኢሰቲ፣ «ኬዘንታ ኢጲኮ ኑኒ ወሪካ ወራና» ገዳ።

34 ሃሳ ገሻሰ ኢሰራኤሌ አሳይ ኢርሾይ ጌሎንታ ሙኑቃ ኬሪን ኩጎሊ ማይኦን ጸጺዲ ሃሼን ቶኪዳሰ።

35 ኢሰራኤሌ አሳይ ሙሴይ ኢሰታ አዛዚዳ ማላ፣ ገብጸ አሳ ቢራ፣ ዋርቃኔ ማይኦ፣ «አሚቲ» ገ ኦይቶዳሰ።

36 ጎዳይ ገብጸ አሳ ሲንላን ኢሰራኤሌ አሳይ ሳቤታና ማላ ኦሊዳ ገሻሰ ገብጸ አሳይ ኢሰታ ኦይቶዳይሳ ኡባ አሚዳ። ሃሳሶ ሂሰተዳ ኢሰታ ገብጸ አሳታ አቆ ቡሪ ኤኪ ቢዳ።

ገብጸፔ ኢሰራኤሌ አሳ ከሰ

37 ኢሰራኤሌ አሳይ ኤራሚሴ ጌቲቲዛ ካታማፔ ዳንዲዲ ሱኮቲ ጌቲቲዛሶ ጋካናሰ ቢዳሰ። አሳይ ናይታኔ ማጫሳ ጉጃንታ ቆዲን ቶሆን ሃማቲዛ አቲማ አሳይ 600,000 ገዲዳሰ።

38 ቃሴ ኢሰታራ ዳር ሃራ ዳሬ አሳይ፣ ኬሂ ዳር ማሄ፣ ደርሲኔ ዳይሽ ኤኪ ኬዚዳሰ።

39 ገብጸፔ ኢሰቲ ኤኪ ኬዚዳ ኢርሾይ ጌሎንታ ሙኑቃፔ ኡኬሌ ኡኪዳ፤ አይሰ ገቡ ኢሰታ ገብጸፔ ኤሶን ኬሲዳ ገሻሰ ባሰ ሸንቁ ካፋናሲኔ ሙኑቃይ ዳንዲን ኡካና ዋዴ ኢሰታ ጋሊቤና።

40 ኢሰራኤሌ አሳይ ገብጸ ቢታን ዳዩዳ ላይላይ ወሪ ኦይዲ ጸታኔ ሃሹ ታማ።

41 ሃ ኦይዲ ጸታኔ ሃሹ ታሙ ላይላይ ወሪዛ ሄ ወርሴላ ጋላሳን ጎዳ አሳይ ወሪ ገብጸ ቢታፊ ኬዚዳሰ።

42 ገብጸ ቢታፊ ኦማርሳ ዋዴ ጎዳይ ባ አሳ ኬሲሺ ናገዳ ገሻሰ ሄ ቃማይ ና ና ጋካናሰ፣ ኢሰራኤሌ አሳይ ወሪ ቤጊ ናገዲ አቁዛ ጎዳሰ ዳማቲዳ ቃማ።

ፓዚጋ ቦንቸዛ ዋጋ

43 ጎዳይ ሙሴኔ አርኔ፣ «ፓዚጋ ቦንቸዛ ዋጋይ ሃይሳ፤ ሃራ ዳሬ አሲ ኢዛፔ ኦኒካ ሙሌራ ዋፖ።

44 ኢንቲ ሚሻን ሻሚዳ አይሌይ ኦኒካ ኢንቲ ኢዛ ቃጸሪዳፔ ጉዬ ኢዛፔ ማናሰ ኮሼሰ።

45 ገደ አቲን ጉላ ዋዳሰ ኢንቲናራ አማላቲላን ጋምኢዳይኔ ኡኔ ኦሊዛ ሃራ ዳሬ አሲ ኢዛፔ ዋፖ።

46 «ሃ ፓዚጋ ያርሾዛ ኢንቲ ኢሲ ኬላን ሚቲ፤ ኢንቲ ሄ አሾዛፔ አይኮካ ካሬ ኬሶፍፔ። ማቁላታፔ ኢሲኖካ ማንሶፍፔ።

47 ኢሰራኤሌ ማባራይ ወሪ ፓዚጋ ያርሾ ቦንቸናሰ ኮሼሰ።

48 «ቤቲ ዩዲ ኢንቲ ገደን ዲዛ አሲ ጎዳ ፓዚጋ ያርሾ ቦንቸናሰ ኮይኮ ባ ሶን አዴ ገዲዳ አሳ ኡባ ቃጸር። ሃሳፊ ጉዬ ኢዚ ሄ ቢታን ዩሌተዳ አሳ ማላ ሸቆዲ ፓዚጋ ያርሾ ቦንቸናሰ ቤሴሰ። ገደ አቲን ቃጸራቶንታ አሲ ሙሉካ ኢዛፔ ዋፖ።

49 ኢንቲ ቢታን ዩሌተዳይሳሰካ ገዲን ኢንቲ ገደን ቤቲ ገዲዲ ዲዛይሳሰካ ገዲን ሃይሲ ዋጋይ ኡባሰ ኢሲኖ» ገዳሰ።

50 ሂሰቲን ኢሰራኤሌ አሳይ ወሪ ጎዳይ ሙሴኔ አርኔ አዛዚዳ ማላካ ኦሊዳሰ።

51 ሃ ጋላሳንካ ጎዳይ ኢሰራኤሌ ናይታ ኢሰታ ጩጋን ጩጋን ገብጸ ቢታፊ ኬሲዳሰ።

13

ኮይር ዩሌተዳ አዳይ ወሪ ጎዳሰ ዳማቲላ

1 ጎዳይ ሙሴ ሂዝጊዳሰ፣

2 «አዴ ገዲ ኮይር ዩሌተዳ ኡባ ታሰ ዳማሳ። ኢሰራኤሌ አሳ ገደን ኮይር ዩሌተዳ ባይራይ ወሪ ማሄ ገዲን አሰ ገዲን ወሪካ ታሳ።»

3 ሃሳፊ ጉዬ ሙሴይ አሳ፣ «ገብጸፔ፣ አይሌቲላ ቢታፊ ኢንቲ ኬዚዳ ጋላሳያ ሃና ጋላሳዮ ገዲዳይሳ ዩሺ ቆፒቲ፤ አይሰ ገቡ ጎዳይ ባ ዋልቃማ ቁሴን ኢንቲና ኬሲዳሰ፤ ሃሳ ገሻሰ ኢርሾይ ጌሊዳ ካላ አይኮካ ዋፒቲ።

4 ኢንቲ ሃ ጋላሳይን አቢቤ ጌቲቲዛ አገናን ኬዚዳ።

5 ጎዳይ ካናኔታ፣ ሂቲታ፣ አሞሬታ፣ ሂዊታኔ ያቡሴታ ጌቲቲዛ ዳሬታ ቢታ ኢንቲና ጋሊዛ ዋዴ ኢንቲ ሃ ቦንቸ ጋላሳ ሃ አገናን ቦንቸታ። ሄ ቢታይ ጎዳይ ኢንቲሰ አማና ማላ ካሴ ኢንቲ አዋታሰ ጫቁ ዋሊዳ ቢታ። ሄ ቢታይ ማላኔ ኤሲ ጎጊዛ ቢታ።

6 ኢንቲ ላፑን ጋላሰ ኢርሾይ ጌሎንታ ኡኬላ ማና፤ ላፑንላ ጋላሰ ጎዳሰ ባኣሌ ሂሰቲ ቦንቸታ።

7 ሄ ላፑን ጋላሳታን ኢርሾይ ጌሎንታ ኡኬላ ኢንቲ ማና፤ ኢንቲ ገደን ኢርሾራ ዲዛይ አይኮይካ ቤቶፎ፤ ኔ ቢታ ዛዋን አዋንካ ኢርሾይ ሙሉካ ደፖ።

8 «ሄ ጋላሰ ኔኒ ኔ ናይታሰ፣ ታኒ ሃይሳ ኦሊዛይ ታኒ ገብጸፔ ኬዚዛ ዋዴ ጎዳይ ታሰ ኦሊዳይሳ ዛሪ ቆፓናሳ» ጋ ዮታ።

9 ጎዳይ ኢንቲና ባ ዋልቃማ ኩሼን ገብጸፔ ኬሲዳ ገሻሰ፣ ጎዳ ዋጋይ ኢንቲ ደናፔ ሻኬቶንታ ማላ፣ ሃይሲ ባኣሌዚ ኢንቲ ኩሼ ቦላ ቃሼቲዳኔ ኢንቲ ሊጸን ዋሊን ቆፍሲዛ ሚሻ ማላ ገዳና።

10 ሃሳ ገሻሰ ኢንቲ ሃ ዋጋ ዋሊዳ ላይላን ላይላን ሃ ጋላሳን ቦንቸቲ።

11 «ጎዳይ ኢንቲሲኔ ካሴ ኢንቲ አዋታሰ አማናሰ ጫቁዳ ማላ፣ ኢዚ ኢንቲና ካናኔታ ቢታ ጌላሊዳ፣ ሄ ቢታ ኢንቲሰ አሚዛ ዋዴ።

12 አቱማ ጊዲ ዩሌተዳ ባይራ ኡባ ጎዳሰ ደማሲቲ፤ ኔ ማህ ጋርሳን አዳ ጊዲዲ ባይራ ዩሌተዳ ወሪ ጎዳሳ።
 13 ባይራ ዩሌተዳ ሃሪ ማር ኡባ ላቃራ ላማዳ ዋዛ፤ ላማዳ ዋዛንታ ኢጲኮ ኢዛ ሞርጌን ሾጫ ዋቋ። ኔ ናይታ ጊዳን አቱማ ጊዲ ባይራ ዩሌተዳይታ ኡባ ዋዛ።
 14 ዋዳፔ ኔ ናይ ኔና፣ <ሃይሲ አዛ ዋጋ?> ጊ ኦይቸኮ፣ ኔኒ ኢዛሰ፣ ሳዳይ ኦና ባ ዋልቃማ ቄሴን አይሌቲሳ ቢታ ጊብጾፔ ኬሲዳሰ፤
 15 ጊብጾ ካዋይ ባ ዋዚና ማንሊዲ ኦና ዩደንታ ኢጲን ጎዳይ ጊብጾ ቢታን ዲዛ ባይራ ኡባ፣ አሳፔ ደሚዲ ማህ ባይራ ጋካናሰ ዋቋዳሰ። ታኒ አዩ ኡሎፔ ኮይሮ ዩሌተዳ አዳ ማህ ኡባ ጎዳሰ ያርሺዛይሲኔ ባይራ ጊዲዳ አቱማ ናይታ ኡባ ዋዚዛይሲ ህሳሳ? ጋ።
 16 ጎዳይ ኦና ባ ዋልቃማ ቄሴን ጊብጾፔ ኬሲዳይሳሰ፣ ሃይሲ ኢንቲሰ ኩሼን ቃቸዳ ማላታኔ ሊጾ ቦላ ዋሉዳ ማላታ ማላ ጊዳና» ጊዳሰ።

ጎዳይ ባ አሳ ካሌሌሰ

17 ካዋይ አሳ ዩዲዳ ዋዳ ጸሲ ኢሰታ ፊሊሰጾማ ቢታራ ካንሊሲዛ ኦጌይ ማታ ሺን ሄ ኦጌዛራ ኤፊቤና፤ ጋሶይካ ጸሲ፣ «አሳይ ኦላ ቤይኮ ባ ቆፋ ላሚዲ ጉዩ ጊብጾ ሰማናኮ» ጊዲ ቆፒዳሰ።
 18 ህሳ ጊሻሰ ጸሲ አሳ ባዘ ኦጌራ ዩሺዲ፣ ዘኦ አባኮ ካሌሊዳሰ። ኢሰራኤሌ አሳይ ጊብጾ ቢታፊ አላሰ ጊጌቲዳ አሳ ማላ ጊጌቲዲ ጊብጾፔ ኬዚዳሰ።
 19 ዮሴፌይ ኢሰራኤሌ አሳ፣ «ጸሲ ቱማፔ ኢንቲና ማዳና ያና፤ ሄ ዋዳ ኢንቲ ታ ማቆሳ ሃይሳፊ ኢንቲናራ ኤኪ ቤቱ» ጊዲ ጫቆላ ዋሉዳ ጊሻሰ ሙሴይ ኢዛ ማቆሳ ባናራ ኤኪ ቢዳሰ።
 20 ኢሰቲ ሱኮቲፔ ዳንዲዲ ባዘ ደናን ዲዛ ኤታማ ጌቲቲዛሰን ኡቲዳ።
 21 ኢሰቲ ጋላሲካ ቃማካ ሃማታና ማላ ጎዳይ ኢሰታ ኦጌ ቤሳናሰ ቱሳ ማላ ኤቁዳ ሻራን ጋላሰ፣ ቱሳ ማላ ኤቁዳ ታማን ኦማርሰ ኢሰታ ካሌሊዳሰ።
 22 ጋላሰ ቱሳ ማላ ኤቁዳ ሻራይ፣ ኦማርሰ ቱሳ ማላ ኤቁዳ ታማይ አሳ ሲንሳፊ ኡባ ዋዳ ሻኬቲቤና።

14

ኢሰራኤሌ አሳይ ዘኦ አባ ፒኔላ

1-2 ህሳፊ ጉዩ ጎዳይ ሙሴሰ፣ «ኢሰቲ ጉዩ ሰሚዲ ማጊዳሌፔኔ አባፊ ጊዳን፣ ፕሃሃሮቲ አቻን ኡታና ማላ ዴራሰ ዮታ፤ ኢሰቲ አባ አቻን ባኣሊ-ጻፎኔ ሲንሳን ባዘን ኡቲቶ።
 3 ጊብጾ ካዋይ፣ <ባዘን ኦጌይ ጎርዳቲ ቆዩን ኢሰራኤሌ አሳይ ቢዛሶ ቆይዲ ጮ ቶይላቲሰ» ጊዲ ቆፓና።
 4 ታኒ ካዋዛ ዋዚና ማንላና፤ ኢዚ ኢሰታ ጎዳና፤ ታኒ ካዋዛ ባጋራ ኢዛ ኦላንቻታ ኡባ ባጋራ ቦንቹታና፤ ጊብጾ አሳይካ ታኒ ጎዳ ጊዲዳይሳ ኤራና» ጊዳሰ። ሂሰቲን ኢሰራኤሌ አሳይ ኢዚ ዮቲዳ ማላ ኦላዳሰ።
 5 አሳይ ኬሲ ኤኪ ቢዳይሳ ጊብጾ ካዋሰ ዮቲን፣ ኢዚካ ዳናታ ኢሰራኤሌ ናይታ ጊሻሰ ቆፒዳ ባ ቆፋ ላሚዲ፣ «ኦኒ ሃይሳሶ አዛሰ ኦላዳይ? ኦኒ ኢሰራኤሌ ናይታ ዩዲዲ ኢሰቲ ኦሰ ኦላዛ ዋልቃፊ ማላ አቲዳሰ» ጊዳ።

6 ህሳ ጊሻሰ ካዋዚ ባ ፓራ-ጋሬዛ ኮሪዲ ኦላንቻታ ባናራ ኤኪ ቢዳሰ።
 7 ኢዚ ኡባፊ አቋዛ 600 ፓራ-ጋሬታ፣ ቃሴ ጊብጾ ቢታን ዲዛ ፓራ-ጋሬታ ኡባ ቦላካ ኦላ ሃላቃታ ዋሉ ኤኪ ቢዳሰ።
 8 ጎዳይ ጊብጾ ቢታ ካዋ ዋዚና ማንሊን ማኖቴላራ ቡሮ ቡሳ ቦላ ዲዛ ኢሰራኤሌ አሳ ጎዳዳሰ።
 9 ጊብጾ አሳይ ካዋ ፓራ-ጋሬቲ ወሪ ፓራ አሳቲኔ ኦላንቻቲ ኢሰራኤሌ ናይታ ካሊ ጎዳዳ። አባ ደናን ባኣሊ-ጻፎኔ ሲንሳን ዲዛ ፕሃሃሮቲ አቻን ኢሰቲ ኡቲ ዲሺን ዳሚዳ።
 10 ካዋዚ ማቲግዲን ኢሰራኤሌ አሳይ ጉዩ ጾሊዛ ዋዳ፣ ጊብጾ አሳይ ኢሰታ ጉዩራ ካሊ ዩዛይሳ ቤኤዲኔ ዳሮፔ ባቢዲ ጎዳሰ ዋሲዳ።
 11 ኢሰቲ ሙሴሰ፣ «ኦኒ ኦና ጊብጾ ቢታን ኦሰ ዳፎይ ቆዩን ባዘን ሃይቃና ማላ ኬሳዲ? ኦና ጊብጾፔ አዛሰ ኤሃዲ?
 12 ኦኒ ጊብጾን ዲሼ፣ ሳና አጋ፤ ኦኒ ጊብጾ አሳሰ ሃራታና» ጊዲ ኔሰ ዮቲቤኮኒ? ባዘን ሃይቃናፔ ኢሰታሰ ሃራቲዛይሲ ኦሰ ሎኦኮሺን» ጊዳ።
 13 ሙሴይ አሳ፣ «ባቦፍቲ፤ ማኒ ኤቁቲ፤ ጎዳይ ሃቶ ኢንቲና አሻናይሳ ኢንቲ ቤያና። ሃቶ ኢንቲ ቤኢዛ ጊብጾ አሳ ናምኣንሶ ሙሎካ ቤኤኬታ።
 14 ኢንቲ ጊሻሰ ጎዳይ ኦላታና፤ ኢንቲፊ ኮዩቲዛይ ጮኡ ጉሰ ጸላላ» ጊዳሰ።
 15 ጎዳይ ሙሴ፣ «ኦኒ ታኮ አይሰ ዋሳይ? ኢሰራኤሌ አሳይ ጌዳ ሲንሌ ባና ማላ ዮታ።
 16 ኢሰራኤሌ አሳይ ማላ ቢታ ቦላራ አባ ፒኒ ባና ማላ ኔ ጉፊ ዳንሳዳኔ ኔ ኩሼ አባ ቦላ ፒዲሳዳ ሃላ ናምኡ ኬሳ ሻካ።
 17 ታኒ ጊብጾ አሳ ዋዚና ማንሊኮ ኢሰቲ ኢንቲ ጉዩ ካሊዲ አባን ጌላና። ታኒ ካዋዛኔ ኢዛ ኦላንቻታ ኡባ ቦላ፣ ኢዛ ፓራ-ጋሬታኔ ቶጋ አሳታ ቦላ ታሰ ቦንቹ ዳማና።
 18 ታኒ ካዋዛ ባጋራ ኢዛ ፓራ-ጋሬታ ባጋራኔ ኢዛ ቶጋ አሳታ ባጋራ ታሰ ቦንቹ ዳሚዳ ዋዳ ታኒ ጎዳ ጊዲዳይሳ ጊብጾ አሳይ ኤራና» ጊዳሰ።
 19 ህሳፊ ጉዩ ካሴ ኢሰራኤሌ አሳ ሲንሳራ ቢዛ ጸሳ ኪታንቻይ አሳፔ ጉዩ አቋ ኤቁዳሰ። ቱሳ ማላ ሻራይካ ኢሰታ ሲንሳፊ ጉዩ ባጋ ዩዩዲ፣
 20 ጊብጾ አሳሰኔ ኢሰራኤሌ ናይታሰ ጊዳን አቋ ኤቁዳሰ። ሄ ሻራይ ኦማርሰ ኢሲ ባጋራ ቆሚሲዲ ሃንኮ ባጋራ ፖኢሲዳሰ፤ ሂሰቲን ኦማርሰ ኩሜሳ ኢሶይ ኢሳኮ ሺቃና ዳንዳይቤቴና።
 21 ህሳፊ ጉዩ ሙሴይ አባ ቦላን ባ ኩሼ ፕዲሲዳሰ፤ ጎዳይ ሄ ጋላሳ ኦማርሰ ኩሜሳ ኣርሼይ ሞኪዛ ባጋፊ ዋልቃማ ጫርኮ ዩዲዲ፣ አባ ሻኪ ሻኪዲ ማላ ቢታ ኬሲዳሰ። ሃላይካ ናምኣን ሻኪቲዳሰ።
 22 ኢሰራኤሌ አሳይ አባ ጊዳን ማላ ቢታራ ሃማቲዳ ሃላ ኢሰታሰ ኡሻቻራኔ ሃዲርሳራ ጎዳ ማላ ኤቁን ቢዳ።
 23 ጊብጾ አሳይ ካዋ ፓራቲ ወሪ፣ ፓራ-ጋሬቲኔ ቶጋ አሳይ ኢሰታ ጎዳ ኤኪዲ አባ ጊዳ ጌሊዳ።

24 ቡር ባዘይ ዘኣናፕ ካሴቲዲ * ጎዳይ ታማኒኔ ቱሳ ማላ ሻራን ገዲዲ፣ ገብጾ ኦላንቻታ ጸሊዲ ዋዴ ኢስታ ዋዚናይ ጳይዴስ።

25 ጎዳይ ኢስታ ፓራ-ጋሬታ ቶሆ ቃቺ ኦይኪዳ ገሻሰ ላጎይ ባና ዋዩሲን ገብጾ ኣሳይ፣ «ጎዳይ ኢስታ ማዲዲ ገብጾ ኦሊዛ ገሻሰ ኣኔ ኮኒ ኢስራኤሌ ኣሳፕ ባቃቶስ» ገዲ።

26 ጎዳይ ሙሴ፣ «ሃላይ ገብጾ ኣሳ ቦላ፣ ኢስታ ፓራ-ጋሬታ ቦላኔ ቶጋ ኣሳታ ቦላ ጉዬ ጎጋና ማላ ኔ ኩሼ ኣባ ቦላ ፒዲሳ» ገዲ።

27 ሙሴይ ባ ኩሼ ኣባ ቦላ ፒዲሲዴስ፤ ጋዴይ ዋንቲሺን ኣባይ ካሴ ባ ዲዛ ሶሆ ጉዬ ሲሚዴስ፤ ገብጾ ኣሳይ ጌዴ ኢዛ ገደ ባቃቲሺን ጎዳይ ገብጾ ኣሳ ሄን ኣባ ገደን ዩገዴስ።

28 ሃላይ ጉዬ ሲሚዲ ፓራ-ጋሬታ ቶጋ ኣሳታኔ ኢስራኤሌ ናይታ ካሊዲ ኣባን ጌሊዲ ካዋ ኦላንቻታ ሙሌ ሚቲ ኣገዴስ፤ ኢስታፊ ኢሳዴይካ ኣቲቤና።

29 ገደ ኣቲን ኢስራኤሌ ኣሳይ ሃላ ኢስታሰ ኡሻቻራኔ ሃዲርሳራ ጎዳ ማላ ኤቁ ዲሺን ኣባ ገደራ ማላ ቢታ ቦላራ ሄሜቲ ቢዴስ።

30 ጎዳይ ሄ ጋላሰ ኢስራኤሌ ኣሳ ገብጾ ኣሳ ኩሼፕ ሃይሳላ ኣሺዴስ። ቃሴ ኢስራኤሌ ኣሳይ ገብጾ ኣሳ ኣሃ ኣባ ደናን ቤኢዴስ።

31 ጎዳይ ገብጾ ኣሳ ቦላ ቤሲዳ ገታ ዋልቃ ቤኢዲ ኢስራኤሌ ኣሳይ ጎዳሰ ባቢዴሲኔ ኢዛኔ ኢዛ ኣይሌ ሙሴካ ኣማኒዴስ።

15

ሙሴ ዩላ

1 ሄ ዋዴ ሙሴይኔ ኢስራኤሌ ኣሳይ ሃይሳ ዩላዛ ጎዳሰ ዩጸዴስ፤

«ቦንቾን ኢዚ ከሄ
 ጶቁ ጶቁ ገደ ገሻሰ፣
 ታኒ ጎዳሰ ዩላ
 ዩጸና።

ፓራኔ ፓራ ቶገዲ ኣሳ
 ኣባ ገደን ዩገዴስ።

2 ጎዳይ ታሰ
 ዋልቃኔ ዩላ፤
 ኢዚ ታና ኣሺዴስ።
 ኢዚ ታ ጸሳ፤
 ታኒ ኢዛ ሳባና።
 ኢዚ ታ ኣዋ ጸሳ፤
 ታኒ ኢዛ
 ጶቁ ጶቁ ሂሰታና።

3 ጎዳይ ኦላንቻ፤
 ኢዛ ሱንላካ ጎዳ።

4 ገብጾ ካዋ ፓራ-ጋሬታኔ
 ኢዛ ኦላንቻታ
 ኣባን ወርሲዴስ፤
 ኡባፊ ኣጲ ደሬቲዳ
 ገብጾ ካዋ ሃላቃቲ፣
 ዘኦ ኣባን ሚቲቲዳ።

5 ጨማ ሃላ
 ኢስታ ካሚዴስ፤

ኢስቲ ሹቻላ
 ጨማን ሚቲቲዳ።

6 «ኣቤት ጎዳዉ!
 ኔ ኡሻቻ ኩሼይ
 ዋልቃን ጎቢዴስ፤
 ጎዳዉ ኔ ዋልቃማ
 ኡሻቻ
 ኩሼይ ሞርኬ
 ሜንሴሬሲዴስ።

7 ኔ ገታ ዋልቃን
 ኔናራ ኤቁቲዳይታ
 ኩንዲሳዳሳ።
 ኤጸዛ ኔ ሃንቆ ኔ ዩዳዳሳ፣
 ኢዚካ ኢስታ
 ጋፊ ማላ ሚዴስ።

8 ኔ ፔናይ
 ሃላ ፑዴ ኤሲ ደሪዴስ።
 ጎጊዛ ሃላካ ጎዳ ማላ
 ሚኒ ኤቁዴስ፤
 ጨማ ገደን ዲዛ ሃላ
 ኣባ ገደን ኢርኪዴስ።

9 «ሞርኬይ ጨቁቲሼ፣
 ታኒ ኢስታ ዩዳላ ኦይካና።
 ታኒ ኢስታ ሃር ሻካዳ፣
 ታ ኮዩዳይሳ ኡባ ኤካና።
 ታኒ ታ ገላ
 ማሻ ሾዳዳ፣
 ኢስታ ጳይሳና ገዴስ።

10 ገደ ኣቲን ኔኒ ኢስታ
 ኔ ፔናን ፑኒን፣
 ኣባይ ኢስታ ካሚዴስ።
 ኢስቲ ዋልቃማ ሃላን
 ቢራታይ ሚቲቲዛ ማላ
 ሚቲቲዳ።

11 «ኣቤት ጎዳዉ!
 ኤቃ ጸሳታ ገደን
 ኔ ማላይ ኦኔ?
 ጌሻቲላን
 ቦንቾቲዛይ፣
 ቦንቾን ባቢሲዛይኔ፣
 ማላሊሲዛ ሚሽ ኦላዛይ
 ኔ ማላይ ኦኔ?

12 ኔኒ ኔ ኡሻቻ
 ኩሼ ፒዲሳዳሳ፣
 ቢታይካ ኢስታ ሚቲቲዳ።

13 «ኔ ዋዚዳ ኔ ኣሳ
 ወርንታ ኔ ሲቆን
 ካሌላዳሳ።

ኔኒ ኔ ዋልቃን
 ኢስታ ኔ ኣቁዛ
 ጌሻ ሶ ጌልላዳሳ።

14 ዴሬ ኣሳይ

* 14:24 ባዘይ ዘኣናፕ ካሴቲዲ፣ ባዘይ ዘኣናፕ ካሴቲዲ ገዛይሳ ኢሲ ኢሲ ባጋ ጋሞላ ቃላራ ዘርይ፣ ሶሴይ ዘኣናፕ ካሴቲዲ ጌቲቲስ። 15:1 ኣጂ 15:3 15:2 ማዛ 118:14፤ ኣሳ 12:2

- ሄሳ ሲዩዲ ኮኮሪዳስ።
 ፊሊሰጾሜ ቢታ አሳታካ
 ሂርጋ ሚጻይ ኦይኪዳስ።
- 15 ሄ ዎዴ ኤደሜ ቢታ
 ሃለቃቲ ዳጋሚዳ።
 ሞአቤ ቢታ ሃሪዳይቲ
 ሂርጋን ኮኮሪዳ።
 ካናኔ ዳሪ አሳይ
 ወሪ ሴሪዳስ።
- 16 አቤት ጎዳወ!
 ዳጋማይኔ ሂርጋይ
 ኢስታ ኦይካና።
 ኢስቲ ኔ ዎልቃ
 ገታቲል ቤኢዲ፣
 ኔ አሳይ አቆና ጋካናስ፣
 ኔኒ ዎዲዳ አሳይ
 አቆና ጋካናስ፣
 ሹቻ ማላ ቶሌቲ ኤቃና።
- 17 ኔኒ ኢስታ ኤሃዳ፣
 ኔስ ቡዞ ቢታን ዲዛ
 ዙማ ሁኔን ቶካና።
 አቤት ሜርና ጎዳ፣
 ሄ ሶሆይ
 ኔኒ ኔስ ዳያናስ
 አሊዳ ሶሆኮ።
 አቤት ጎዳወ! ሄ ጌሻ ሶሆይ
 ኔኒ ኔ ኮሼን
 ሚንላ ኤሲዳ ሶሆኮ።
- 18 ጎዳይ ሜርናፕ
 ሜርና ጋካናስ ካዎታና።»
- 19 ገብጾ ካዎ ፓራቲ ወሪ፣ ፓራ-ጋሪቲኔ ቶጋ አሳቲ
 አባን ገሊዳ ዎዴ ጎዳይ ኢስታ ቦላ አባ ሃላ ጉዬ ዛሪ
 ኤሂዳስ፤ ገዳ ኦቲን ኢሰራኤል አሳይ አባ ገደራ ማላ
 ቢታ ቦላራ ሄሜቲዲ ፒኒዳስ።

ማራሚ ዬላ

- 20 አርኔ ሚቹያ፣ ናቤ ማራማ ካራቤ ኤካዲስ፤
 ማጫሳይ ወሪ ካራቤ ባቀዲ ዬጸሹኔ ጉፕሼ ኢዞ
 ካሊዳስ።
- 21 ማራማ ኢስታስ ዬላዛ ዬጸሹ፣
 «ጎዳይ ከሂ ቆቁ ቆቁ
 ገዳ ገሻስ ኢዛስ ዬጸቲ።
 ፓራኔ ፓራ ቶገዳይታ
 ኢዚ አባን ኦሊዳስ»
 ጋ ዬጸዲስ።

ጫሞ ሃላ

- 22 ሃሳፌ ጉዬ ሙሴይ ኢሰራኤል አሳ ዞኔ አባፌ
 ፒንሱን ኢስቲ ሹራ ጌቲቲዛ ባዞ ቢዳ። ሄ ባዞን
 ኢስቲ ሃላ ዳሞንታ ሄሹ ጋላስ ሄሜቲዳ።
- 23 ኢስቲ ማራ ጌቲቲዛሶ ጋኪዳ ዎዴ ማራ ሃሊ
 ጫሞ ገዲዳ ገሻስ ኡያና ዳንዳይቤቴና፤ ሃሳ ገሻስ
 ሄ ሶሆይ ማራ ጌቲቲዳስ።
- 24 አሳይካ፣ «ኔኒ አይ ኡያኔ?» ገዲ ሙሴ ቦላ
 ዙሙሚዳስ።
- 25 ሙሴይ ጎዳስ ዋሲን ጎዳይ ኢዛ ኢሲ ሚላ
 ቤሲዳስ፤ ሙሴይ ሄ ሚላ ሃላን ዩጊን ሃላይ
 ማልኢዳስ።

ሄን ጎዳይ ኢስታስ ዎጋኔ ማራ ኬሲዳሲኔ ኢስታ
 ፓጫዳስ።

26 ኢዚ ኢስታስ፣ «ጎዳ ኢንቲ ጸሳይ ዮቲዛይሳ
 ኢንቲ ሎኤል ሲዩኮ፣ ኢዛ አይፌ ሲንላን ሎኦ ኦሊኮ፣
 ኢንቲ ኢዛ አዛዞ ዎዚናን ዎሊ ናጊኮ፣ ኢዛ ዎጋካ ኡባ
 ናጊኮ፣ ታኒ ገብጾ አሳ ቦላ ኤሂዳ ሃርጌፌ አሳካ
 ኢንቲ ቦላ ኤሂኮ፤ ጋሶይካ ታኒ ኢንቲና ፓሊዛ ጎዳ»
 ገደሰ።

27 ሃሳፌ ኢስቲ ታማኔ ናሞኡ ሃላ ፑልቶቲኔ ላፑን
 ታሙ ዛምባ ሚላቲ ዲዛሶ ኤላሜ ዩዲ ሄን ሃላ ዶናን
 ኡቲዳ።

16

ማናኔ ኩራቾታ

- 1 ገብጾፕ ኬዚዳ ናሞአንላ አገና፣ ታማኔ
 ኢቻሻንላ ጋላሳን ኢሰራኤል አሳ ማባራይ ኩሜል
 ኤላሜፕ ዳንዲ ቢዲ ኤላሜፕኔ ሲናፕ ገደን ዲዛ
 ሲኔ ጌቲቲዛ ባዞ ዩዳ።
- 2 ኢሰራኤል አሳ ማባራይ ወሪ ባዞን ሙሴ ቦላኔ
 አርኔ ቦላ ዙሙሚዳስ፤
- 3 «ጎዳይ ኦና ገብጾ ቢታን ባ ኩሼን ዎዲዳኮ
 ሎኦኮሽን! ሄን ኦኒ አሾ ሚዛ ኬሬዛ * ዩዩ አዲ
 ኡቲዲ ኦኒ ኮዩዳ ማላ ካል ካሊ ሚደሰ፤ ገደ ኦቲን
 ኢንቲ ኦና ሄፕ ኬሲዲ ሃይሳ ዳራ ኡባ ጋፋን ዎቆናስ
 ሃ ባዞ ኤሂዳታ» ገዳ።
- 4 ሂሰቲን ጎዳይ ሙሴስ፣ «ታኒ ኢንቲስ ሳሎፕ ሚዛ
 ካል ቡኪሳና፤ አሳይ ኡባ ጋላሲካ ኬዚዲ ሃቺስ ሃቺስ
 ገደናዝ ጸላላ ማጻና ኮሼስ። አሳይ ታ አዛዞ
 ካሊዛኮኔ ካሎንታኮ ታኒ ኢስታ ሃሳን ፓጫ ጸላና።
- 5 ኡሱፑንላ ጋላስ ኢስቲ ሃራ ዎዴ ማጸዛይሳስ
 ናሞኡ ኩሼ ማጸዲዲ ካፍቶ» ገደሰ።
- 6 ሃሳ ገሻስ ሙሴይኔ አርኔይ ኢሰራኤል አሳ
 ኡባስ፣ «ኢንቲና ገብጾ ቢታፌ ኬሲዳይ ጎዳ
 ገዲዳይሳ ሃቾ ኦማርስ ኢንቲ ኤራና።
- 7 ቃሴ ኢዛ ቦላ ኢንቲ ዙሙሚዳይሳ ኢዚ ሲዩዳ
 ገሻስ ማላዶ ኢንቲ ጎዳ ቦንቾ ቤያና። ኢንቲ ኦ ቦላ
 ዙዙማናስ ኦኒ ኦኔ?» ገዳ።
- 8 ሃሳፌ ጉዬ ሙሴይ፣ «ኢንቲ ኢዛ ቦላ
 ዙሙሚዳይሳ ኢዚ ሲዩዳ ገሻስ ኢዚ ኢንቲስ ማናስ
 ኦማርስ አሾ ኢሚኮ ኢንቲ ኮዩዳ ማላ ሚዛ ኡኮላካ
 ኡባ ኢንቲስ ማላዶ ኢማና። ኦ ኦኔ? ኢንቲ ጎዳ ቦላ
 ዙሙሚዳታ ኦቲን ኦ ቦላ ዙሙሚቤኮታ» ገዳ።
- 9 ሙሴይ አርኔስ፣ «ኔኒ ኢሰራኤል አሳ ማባራ
 ኡባ፣ ጎዳይ ኢንቲ ዙዙንላ ሲዩዳ ገሻስ ጎዳ ሲንላ
 ሽቂቲ» ጋ ዮታ» ገደሰ።
- 10 አርኔይ ኢሰራኤል አሳ ማባራ ኡባስ ዮቲዳ ማላ
 አሳይ ባዞ ሲሚ ጸሊሽን ሄን ጎዳ ቦንቾይ ሻራራ
 ቆንጫዳይሳ ቤኢዳ።
- 11-12 ጎዳይ ሙሴስ፣ «ታኒ ኢሰራኤል ናይታ
 ዙዙንላ ሲያዲስ፤ ኔኒ ኢስታስ፣ «ኢንቲ ኦማርሳ ዎዴ
 አሾ ማና፤ ማላዶ ኡኮል ካላና፤ ሄ ዎዴ ታኒ ጎዳ ኢንቲ
 ጸሳ ገዲዳይሳ ኢንቲ ኤራና» ጋዳ ዮታ» ገደሰ።
- 13 ሄ ጋላሳ ኦማርሳ ዎዴ ኩራቾቲ ዩዲ ኢሰራኤል
 አሳይ ዲዛሶን ኩሚዳ፤ ቃሴ ማላዶ ኢስቲ ዲዛሶ
 ዩሾን ጸዛይ ማይኢ ኡቲዳስ።

* 16:3 ኬሬዛ፣ ኬሬዛ ጌቲቲዳይሲ ኢሲ ኢሲ ባጋ ጋሞላ ቃላራ አሾ ኢዛ ቦላ ዎሊ ሚዛ ሚሽ ጉሳ። 16:4 ዮሃ 6:31

14 ጸዛይ ጸስኪሺን ቢታ ቦላን ቦላ ሻች ሚሳቲዛ ሊቆ ሚሺ ቤቲዳስ።

15 ኢሰራኤል አሳይ ሄሳ ቤኢዲ ባ ጋርሳን ኢሶይ ኢሳ፡ «ሃይሲ አዜ?» ገዳ። አይሰ ጊኮ ኢሰቲ ኢዚ አዛኮ ኤሪቤቲና።

ሂሰቲን ሙሴይ ኢሰታሰ፡ «አንቲስ ማናስ ጎዳይ ኢሚዳ ካላ ሃይሳኮ።

16 ጎዳይ፡ ሳሳይ ኢሶይ ኢሶይ ባስ ማናስ ኮሺዛ ማላ ሺሾ፤ አንቲ ሶ አሳስ ሁኤን ሁኤን ኢሲ ኢሲ ከሎኔ ባጋ ኤኪቲ ገ አዛዚዳስ» ገዳስ።

17 ኢሰራኤል አሳይ ሙሴይ ኢሰታሰ ዮቲዳ ማላ ኦሊዳስ፤ ባጋይ ዳርሲዲ ባጋይ ቃሴ ጉሊዲ ሺሺዳ።

18 ሺሺዲ ኢሰቲ ማኪን ዳርሲዲ ሺሺዳይሳስ ፓላሂቤና፤ ጉላ ሺሺዳይሳሰካ ፓጪቤና፤ ወሪካ ኢሶይ ኢሶይ ባስ ገዲዛ ማላ ሺሺዳስ።

19 ሃሳፌ ጉዬ ሙሴይ ኢሰታሰ፡ «አኒካ ኢዛፕ ዋንቶስ አሾፎ» ገዳስ።

20 ገዲኮካ ኢሰታፌ ባጋይ ሙሴይ ዮቲዳይሳ ኤኮንታ አገዲ አቲዳይሳ ዋንቶ ማላዶ ጋካናስ ዋሊዳ፤ ዋሊዳይሲካ ጉዳኒዲ ጸንቁዳስ። ሄሳ ገሻስ ሙሴይ ኢሰታ ሃንቁቲዳስ።

21 ማላዶ ማላዶ አሳይ ወሪ ባስ ኮሺዳይሳ ላጌ ሺሺዳስ፤ አርሼይ ሚቺዛ ዋዴ ቢታን አቲዳይሲ ማዴዳስ።

22 ኡሱቸንላ ጋላሳን ኢሰቲ ካሴይሳስ ናምኡ ኩሼ ኢሲ ኢሲ አሳስ ሄቸ ከሎ ሺሺዳ። ሂሰቲን ማባራ ሃላቃቲ ወሪ ዪዲ ሄሳ ሙሴስ ዮቲዳ።

23 ኢዚ ኢሰታሰ፡ «ጎዳይ አዛዚዳይሲ ሃይሳ፤ ዋንቶይ ሸምፖ ጋላሳ፡ ጎዳስ ጌሻ ሳምባታ። ሄሳ ገሻስ አንቲ ኡካናይሳ ኡኪቲ፤ አንቲ ዶይሳናይሳካ ዶይሲቲ፤ ፓላሂዳይሳ ዋንቶስ አሾቲ» ገዳስ።

24 ሄሳ ገሻስ ኢሰቲ ሙሴይ አዛዚዳ ማላ ዋንቶስ ዋሊን ጸንቁቤና ዋይኮ ጉዳኒቤና።

25 ዋንቲላ ጋላስ ሙሴይ ኢሰታሰ፡ «ሃይሳ ሃች ሚ ወርሲቲ፤ አይሰ ጊኮ ሃች ጎዳ ሳምባታ፤ አንቲ ኢዛ ሃች ዳምባን ዳሚኬታ።

26 አንቲ ኡሱቸን ጋላሳን ኢዛ ሺሺቲ፤ ገዶ አቲን ላቸንላ ጋላሳይ ሳምባታ ገዲዳ ገሻስ አይኮይካ ዳና» ገዳስ።

27 ገዶ አቲን ኢሲ ኢሲ አሳቲ ላቸንላ ጋላሳን ሺሻናስ ኬዚዳ ሺን አይኮካ ዳሚቤቲና።

28 ጎዳይ ሙሴስ፡ «አንቲ ታ አዛዘታኔ ታ ዋጋታ ናኅዛ አይዴ ጋካናስ ኢጸኔ?

29 ታ አንቲስ ሳምባታ ኢሚዳይሳ አኬኪቲ፤ ኡሱቸንላ ጋላሳን ታ አንቲስ ናምኡ ጋላሳስ ካላ ኢሚዳይሲ ሄሳ ገሻሳ፡ ላቸንላ ጋላስ ወሪካ ባ ዲዛሶን ዲዛሶን ታኮ፤ አኒካ አዋካ ቦፖ» ገዳስ።

30 ሄሳ ገሻስ አሳይ ላቸንላ ጋላሳን ሸምፕዳስ።

31 ኢሰራኤል አሳይ ሄ ካላዛ ማና ተ ገ ሱንላዳስ። ኢዚካ ዳቦ አይፌ ማላ ገዲዲ ቦላ፤ ኤሳራ ኡኬቲዳ ኡኬላ ማላ ማልኤስ።

32 ሙሴይ ኢሰራኤል አሳስ፡ «ጎዳይ አዛዚዳይሲ ሃይሳ፡ ታኒ አንቲና ገብጾ ቢታፌ ኬሲዳ ዋዴ፡ ባዘን ሚዚዳ ካላ ኢሰቲ ቤያና ማላ፡ ማናፌ ኢሲ ኢሲ

ኪሎኔ ባጋ አንቲ ሲንላፌ ያና ዬሌታታስ አሺ ዋሊቲ ገ አዛዚዳስ» ገዳስ።

33 ሂሰቲን ሙሴይ አርኔ፡ «ኢሲ ጸር ኤካዳ ኢሲ ኪሎኔ ባጋ ገዲዛ ማና ኢዛን ቆላ፤ ሂሰታዳ ያና ዬሌታታስ ሚንጃና ማላ ጎዳ ሲንላን ዋላ» ገዳስ።

34 ጎዳይ ሙሴ አዛዚዳ ማላ ሚንጃናስ፡ አርኔይ ማና ጎዳ ማርካ ታቦታ ሲንላን ዋሊዳስ።

35 ኢሰራኤል አሳይ ባ ዳና ቢታ ቢ ጋካናስ አይዲ ታሙ ላይላ ኩሚላ ማና ሚዳ፤ ኢሰቲ ካናኔ ቢታ ዛዋ ጋካናስ ማና ሚሼ ዳኢዳ።

36 ኢሲ ኪሎኔይ ባጋይ ሄ ዋዴ ማኪዛ ገታ ማካ ሚሻስ ታማፌ ኢሲ ኩሼኮ።

17

ዛላ ሹቻፌ ሃላ ኬስ (ዛሪ 20:1-13)

1 ኢሰራኤል ማባራይ ወሪ ጎዳይ አዛዚዳ ማላ ሲና ጌቲቲዛ ባዘፌ ዳንዲ ቢዲ ኤራፊዲሚ ጌቲቲዛሶን ኡቲዳስ፤ ገዶ አቲን አሳስ ኡያናስ ሃላ ሄን ቤቲቤና።

2 ሄሳ ገሻስ ኢሰቲ ሙሴራ ኦዩቲዲ ኢዛ፡ «ኑስ ኡያና ሃላ አማ» ገዳ።

ሙሴይ ዛሪዲ፡ «አንቲ ታናራ አይሰ ኦዩቲቲ? ጎዳ አንቲ አይሰ ፓጩቲ?» ገዳስ።

3 ገዶ አቲን አሳይ ሄን ሳሚቲዲ ሙሴ ቦላ ዙዙሚዳስ። ኢሰቲ፡ «ኔኒ ኑና፡ ኑ ናይታኔ ኑ ሜሃ ሳሞን ዋቆናስ ገብጾፕ አይሰ ኬሳዲ?» ገዲ ሙሴ ቦላ ጉጉሚዳ።

4 ሂሰቲን ሙሴይ፡ «ታኒ ሃ አሳ ዋሰቶ? ኢሰቲ ታና ሹቻን ጫዳና ጌቲስ» ገዲ ጎዳኮ ዋሲዳስ።

5 ጎዳይ ሙሴ፡ «ኢሰራኤል አሳ ጨማታፕ ኔናራ ኤካዳ፡ ካሴ ኔኒ አባዬ ሻፋ ሃላ ኢዛራ ሾጪዳ ጉፊዛ ኔ ኩሼን ኦይካዳ አሳፕ ሲንላ ባ።

6 ታኒ ሲና ዙማን ዲዛ ዛላ ቦላ ሄን ኔ ሲንላን ኤቃዳ ናጋና፤ ኔኒ ሄ ዛላ ሾጫ፤ አሳይ ኡያና ማላ ሃላ ኢዛ፤ ኬዛና» ገን ሙሴይ ኢሰራኤል ጨማታ ሲንላን ኢዚ ገዲ ማላ ኦሊዳስ።

7 ኢሰራኤል አሳይ፡ «ጎዳይ ኑ ገደን ዲዜዬ? ዳኔ?» ገ ጎዳ ፓጪዲ ኦዩቲዳ ገሻስ ሄ ሶሆዛ ሙሴይ ማሳኔ * ማሪባ † ገ ሱንላዳስ።

አማሌቂታ ጸኔቲላ

8 አማሌቂ አሳይ ዪዲ ኤራፊዲሚን ኢሰራኤል ናይታ ኦሊዳስ።

9 ሙሴይ ኢያሶ፡ «ኔኒ ኑስ አሳ ጋርሳፌ ኢሲ ኢሲ አሰ ዶራ ኤካዳ ዋንቶ አማሌቂታራ ኦሌታና ኬዛ፤ ታኒካ ጸሳ ጉፊ ኦይካዳ ቶቃሶሆን ኤቃና» ገዳስ።

10 ኢያሶይ ሙሴይ ገዲ ማላ፡ አማሌቂታራ ኦሌቲዳስ። ሙሴይ፡ አርኔይኔ ሁሬይ ቶቃሶ ኬዚዳ።

11 ሙሴይ ባ ኩሼ ፑዴ ዳንላሺን ኢሰራኤል አሳይ ጸኔስ ሺን ኢዚ ባ ኩሼ ዚቁሲሺን አማሌቂ አሳይ ጸኔስ።

12 ሙሴ ኩሼይ ኢጾቲሺን አርኔይኔ ሁሬይ ሹች ኤኪ ኤሂዲ ሙሴ ኢዛ ቦላ ኡቲሲዳ። ኢሰቲ ኢሶይ ኢሲ ባጋራ ኡሻቻ ኩሻ ኢሶይ ኢሲ ባጋራ ሃዲርሳ

16:15 1ቆር 10:3 16:18 2ቆር 8:15 16:23 ከሳ 20:8-11 † 16:31 ማና፡ ማና ጉሲ ኢብራቂታ ቃላራ፡ «ሃይሲ አዜ?» ጉሳ።
16:31 ታይ 11:7-8 16:33 ኢብ 9:4 * 17:7 ማሳ፡ ማሳ ጉሲ ኢብራቂታ ቃላራ፡ «ፓጩቲላ» ጉሳ። † 17:7 ማሪባ፡ ማሪባ ጉሲ ኢብራቂታ ቃላራ፡ «ዙዙንላ» ዋይኮ፡ «ፓጩቲላ» ጉሳ።

ኩሻ ጾቁ ሂሰቲ ኦይኪዳ። ሂሰቲን ኦርሼይ ወላና ጋካናሰ ኢዛ ኩሼይ ጾቁ ገ ጋምኢዳሰ።

13 ሃሳ ገሻሰ ኢያሶይ ኣማሌቄ ኦላንቻታኔ ኣማሌቄ ኣሳ ገላ ማሻን ጸኒዳሰ።

14 ሃሳፊ ጉዬ ጎዳይ ሙሴስ፡ «ታኒ ኣማሌቄ ኣሳይ ቆፊቶንታ ማላ ኢሰታ ቢታ ቦላፊ ኩሜላ ጳይሳና። ሃይሲ ኡባ ዋዴ ቆፊታና ማላ ማጻፋን ጻፋዳ ኢያሶሰ ናባባ ሲሶንታ ኣጎፋ» ገዴሰ።

15 ሙሴይካ ያርሾ ያርሼዛሶ ኦሊዳ፡ «ጎዳይ ታ ባንዲራ» ገ ሱንላዳሰ።

16 ቃሴካ፡ «ቱማፕ ጎዳይ ባ ኩሼ ዴንላዳዲ ዩሌታፕ ዩሌታ ጋካናሰ ኣማሌቄታራ ኦሌታናሰ ጫቂዳሰ» ገዴሰ።

18

ሙሴ ቤኣና ዮቶሬ ማዛሙራ

1 ሚዲያማ ቢታ ቄሴ፡ ሙሴ ቦሎ ዮቶሬይ፡ ጸሳይ ሙሴሲኔ ኢዛ ኣሳ ኢሰራኤሌ ናይታሰ ኦሊዳይሳ ሂሰካ ጎዳይ ኢሰታ ገብጾ ቢታፊ ኬሲዳይሳ ኡባ ሲዩዳሰ።

2-3 ሄ ዋዴ ሙሴ ቦሎ ዮቶሬይ፡ ሙሴይ ጉዬ ዛሪ ሞይዚዳ ሙሴ ማቼዮ ጸፓርኔ ኢዚ ናምኡ ናይታ ባናራ ኤኪ ዩዳሰ። ሙሴይካ፡ «ታኒ ኣሳ ቢታን ቤቲ ኣሰ ገዳዲሰ» ገሼ ባይራ ናዛ ገርሾማ ገ ሱንላዳሰ።

4 ቃሴካ፡ «ታ ኣዋ ጸሲ ታና ማዲዳሰ፤ ኢዚ ታና ገብጾ ካዎ ቶራፕ ኣሺዳሰ» ገሼ ናምኣንላ ናዛ ኤልኤዜሬ ገ ሱንላዳሰ።*

5 ሙሴ ቦሎ ዮቶሬይ ሙሴ ኣቱማ ናይታራኔ ሙሴ ማቼይራ ገዲዲ ባዘን ጸሳ ዙማ ኣቻን ዲዛ ሙሴኮ ዩዳሰ።

6 ኢዚ፡ «ታኒ ኔ ቦሎ ዮቶሬይ፡ ኔ ማቼይራኔ ኢዚ ናይታ ናምኣታራ ኔኮ ሄ ቦሰ» ገዲ ኪታ ሙሴኮ ዩዲዳሰ።

7 ሃሳ ገሻሰ ሙሴይ ባ ቦሎዛራ ጋጋናሰ ኬዚዲ ሆኪዲ ኢዛ ዩሪዳሰ። ኢሰቲ ኢሶይ ኢሳ ሳርሊዳፕ ጉዬ ሙሴ ዲንካኔ ገደ ገሊዳ።

8 ጎዳይ ኢሰራኤሌ ኣሳ ገሻሰ ገብጾ ካዎ ቦላኔ ገብጾ ኣሳ ቦላ ኦሊዳይሳ፡ ኦኔ ቦላ ኢሰታ ጋኪዳ ዳቡራኔ ጎዳይ ኢሰታ ኣሺዳይሳ ኡባ ሙሴይ ባ ቦሎዛሰ ዮቲዳሰ።

9 ኢሰራኤሌ ኣሳ፡ ገብጾ ኣሳ ኩሼፕ ኣሻናሰ ጎዳይ ኦሊዳ ሎኦ ኦሶ ኡባ ሲዩዲ ዮቶሬይ ኡፋዩቲዳሰ።

10 «ኢንቴና ገብጾ ኣሳ ኩሼፕ ካዎ ፓርኔ ኩሼፕ ኣሺዳ ጎዳይ ባ ኣሳ ገብጾ ኣሳ ኩሼፕ ኬሲ ኤኪዳይሲ ኢዚ ጋላቲቶ።

11 ኢዚ ኢሰራኤሌ ኣሳ ቦላ ኦቶሬቲዳይታሰ ሃይሳ ኦሊዳ ገሻሰ ጎዳይ ሃራ ኤቃ ጸሳታ ኡባፊ ጎባ ገዲዳይሳ ታኒ ሃኢ ኤራዲሰ» ገዴሰ።

12 ሃሳፊ ጉዬ ሙሴ ቦሎ ዮቶሬይ ጸጌቲዛ ያርሾ ቃሴካ ሃራ ያርሾታ ጸሳሰ ሺሺዳሰ። ኣርኔይኔ ኢሰራኤሌ ጨማቲ ወሪ ጸሳ ሲንላን ሙሴ ቦሎዛራ ካሳ ማናሰ ዩዳ።

ዳሪሰ ፐርዲዛ ኣሳቲ ዶሬቲዳ (ዛሬ 1:9-18)

13 ዋንቴላ ጋላሰ ሙሴይ ኣሳሰ ፐርዳናሰ ኡቲን ኣሳይ ኢዛ ሲንላን ዩዲ ዩዲ ኤቁዛ ገሻሰ ሙሴይ ማላደፕ ኦማርሳ ዋዴ ጋካናሰ ኡቲዳሰ።

14 ሙሴ ቦሎይ ሙሴይ ኣሳሰ ኦሊዳይሳ ኡባ ቤኢዲ፡ «ኔኒ ሃ ኣሳሰ ኦሊዳይሲ ሃይሲ ኣዜ? ሃይሲ ኣሳይ ወሪ ማላደፕ ዶሚዲ ኦማርሳ ዋዴ ጋካናሰ ኔ ሲንላን ዩዲ ዩዲ ኤቁሺን፡ ማዶይ ባይንዳ ኣሳ ማላ ኔኒ ኔርካ ኣይሰ ፐርዳሰ ኡታዲ?» ገዴሰ።

15 ሂሰቲን ሙሴይ ባ ቦሎዛሰ፡ «ኣሳይ ጸሳ ሼኔ ኦይቻናሰ ታኮ ዩዛ ገሻሳ።

16 ኢሰታ ገደን ዮኦይ ዲኮ ታኮ ዩቲሰ፤ ታኒካ ኢሰታ ገደን ዲዛ ዮኦ ፐርዳይሰ፤ ጸሳ ማራኔ ዋጋ ኢሰታ ኤሪሳይሰ» ገዴሰ።

17 ዮቶሬይካ፡ «ሃይሲ ኔኒ ኦሊዳይሲ ሎኦ ዳና።

18 ኔኒኔ ኔናራ ዲዛ ኣሳይ ዳቡራ ጸሳላ ዳቡራፓ፤ ሃይሲ ኦሶዚ ኔሰ ዳር ዳጾ፤ ኔኒ ሃይሳ ኔርካ ኦላናሰ ዳንዲያካ።

19 ኣኔ ሃኢ ታ ኔና ዙሪይሰ! ታ ዮቲዳይሳ ሲያ፤ ጸሲ ኔናራ ገደ። ኔኒ ሃ ኣሳ ገሻሰ ጸሳ ሲንላን ኤቃ፤ ኣሳዛ ዮኦካ ጸሳኮ ሺሻ።

20 ጸሳ ማራኔ ዋጋ ኢሰታ ኔኒ ታማርሳ፤ ኢሰቲ ዋኒ ዳናኮ ኢሰቲ ኦላና ኦሶ ኢሰታ ቤሳ።

21 ቃሴ ኣሳ ኡባ ገደፊ ኤራ ኣሳታ፡ ጸሳሰ ባቢዳይታ፡ ኣማኔቲዳይታኔ ማታኤ ኢዲዳይታ ዶራዳ ኢሰታፊ ኣሳሰ ሻላቃታ፡ ማቶ ሃላቃታ፡ ሃምሳ ሃላቃታኔ ኣሲራ ሃላቃታ ሂሰታ ሱንላ።

22 ኢሰቲ ኡባ ዋዴ ኣሳሰ ፐርዳቶ፤ ገደ ኣቲን ዳጾ ዮኦ ኡባ ኔኮ ኤሄቶ፤ ዋዩሶንታ ዮኦ ኡባ ኢሰቲ ሄን ወርሴቶ፡ ኢሰቲ ኔናራ ገሼቲዛ ገሻሰ ቶሆይ ኔሰ ካወያና።

23 ኔኒ ሃሳላ ኦሊኮ ሃይሲ ጸሳ ሼኔ ገዲኮ ኔኒ ዳር ዳቡራካ፡ ቃሴ ሃ ኣሳይ ወሪካ ባ ዮኦይ ፖሌቲን ኡፋይሳን ባ ሶ ባ ሶ ባና» ገዴሰ።

24 ሙሴይ ባ ቦሎዛ ቃላ ሲዩዳሰ፤ ኢዚ ገዳይሳ ኡባካ ኦሊዳሰ።

25 ሙሴይ ኢሰራኤሌ ኡባ ገደፊ ኤራ ኣሳታ ዶሪዲ ኣሳ ካሌሊዛ ሻላቃታ፡ ማቶ ሃላቃታ፡ ሃምሳ ሃላቃታኔ ኣሲራ ሃላቃታ ሂሰቲ ሱንላዳሰ።

26 ኢሰቲካ ኣሳሰ ኡባ ዋዴ ፐርዲዳ፤ ባና ዳጾዳ ዮኦዛ ሙሴኮ ኤሂዳ ሺን ዳጾንታ ዮኦዛ ኡባ ባርካ ወርሲዳ።

27 ሃሳፊ ጉዬ ሙሴይ ባ ቦሎ ዮቶሬ ሞይዚን ዮቶሬይ ጉዬ ባ ዳሪ ሲሚዳሰ።

19

ጎዳይ ሲና ዙማ ቦላ ኢሰራኤሌ ኣሳሰ ቆንጩላ

1 ኢሰራኤሌ ኣሳይ ገብጾፕ ኬዚዳ ሄቫንላ ኣገናን ኮይሮ ጋላሰ ሲና ባዘ ጋኪዳሰ።

2 ኢሰቲ ኤራፊዲማፕ ዳንዲዲ ሲና ባዘ ቢዲ ባዘን ዲዛ ዙማ ሲንላን ኡቲዳ።

3 ሙሴይካ ጸሳኮ ፑዴ ዙማ ቦላ ኬዚን ጎዳይ ዙማ ቦላ ዲሼ ኢዛ ጸይገዲ፡ «ኔኒ ያቆቤ ኬላ ኣሰ ገዲዳ ኢሰራኤሌ ናይታሰ ሂዘጋ ዮታ፤

4 ታኒ ገብጾ ኣሳ ቦላ ኣይ ኦሊዳኮ ቃሴ ጎሌ ካፎይ ባ ና ባ ቁፊን ቶኪዛ ማላ ታኒ ኢንቴና ዋሰታ ቶካዳ ታኮ ኤሂዳኮ ኢንቴ ኢንቴ ኣይፊራ ቤዩዳታ።

17:14 ዛሬ 25:17-19፤ 1ሳሜ 15:2-9 18:2-3 ኩሳ 2:21-22 18:2-3 ሃዋ 7:29 * 18:4 ኤልኤዜሬ ጉሲ ኢብራዌታ ቃላራ፡ «ጸሳይ ማዲዳሰ» ጉሳ። 19:5 ዛሬ 4:20፤ 7:6፤ 14:2፤ 26:18፤ ቲቶ 2:14፤ 1ጴጵ 2:9

5 ሂሰቲን ሃኢ አንቲ ታሰ ኩሜል አዛዘቲኮ፣ አንቲ ታ ጫቆ ቃላ ናጊኮ፣ ኩሜላ ዳራ ጋርሳን አንቲ ታሰ ቡዞ ዳራ ጊዳና። ቢታይ ወሪ ታሰ ጊዳኮካ።

6 አንቲ ታ ካዎቲሳሰ ዳማ ሻኬቲዳ ቄሴታኔ ዳማ ዳራ ጊዳና፤ ነኒ ኢሰራኤል ናይታሰ የታና ቃላይ ሃይሳ» ጊዳሰ።

7 ሂሰቲን ሙሴይ ዙማ ቦላፌ ዳጌ አሳኮ ዎዲዳ ዳራ ጨማታ ዳይጊ ሺሺዳ ጎዳይ የታ ጊዳ ቃላታ ኡባ ኢሰታሰ የቲዳሰ።

8 አሳይ ወሪ ኢሲ ቃላን ጊዳዳ፣ «ጎዳይ ጊዳይሳ ኡባ ኑ ኦፋና» ጊን ሙሴይ ኢሰቲ ጊዳይሳ ጎዳኮ ኤኪ ቢዳሰ።

9 ጎዳይ ሙሴ፣ «ታኒ ኔናራ ሃሳይሺን አሳይ ሲያና ማላኔ ኢሰቲ ኔናን ኡባ ዎዳካ አማኔታና ማላ፣ ታኒ ኔኮ ዎልቃማ ሻራራ ያና» ጊዳሰ። ሃሳፌ ጉዬ ሙሴይ አሳይ ጊዳይሳ ጎዳሰ የቲዳሰ።

10 ጎዳይ ሙሴሰ፣ «ኔኒ አሳኮ ባዳ ሃቺኔ ዎንቶ ኢሰታ ጌሻ። ኢሰቲ ባ ማይኦ ሜጪዳ።

11 ሃሻንላ ጋላሳሰ ጊጌቲቶ። ጋሶይካ ሃሻንላ ጋላሳን አሳይ ወሪ ቤዪሺን ታኒ ጎዳይ ሲና ዙማ ቦላ ዎዳና።

12 ኔኒ አሳይ ዳዛሶ የሸን አሳሰ ዛዎ ዎላዳ ኢሰታሰ፣ «ዙማ ቦላ ጉዳ ኬዘንታ ማላ ዎይኮ ዙማ ጸጸ ቦቸንታ ማላ አንቲና ኤሪቲ። ዙማ ቦቸዳይ ኦኒካ ቱማፔ ሃይቃናሰ ቤሴሰ።

13 አሰ ዎይኮ ሜሂ ጊዳን ዛዎ ፒኒ አዲኮ ኦኒካ ባ ኩሼን ኢዛ ቦቸንታ ሸቸን ጫዳዳ ዎይኮ ዎንዳሬን ዳኪዳ ዎዳ» ጊሰ። ዛዬ ጎቺ ፑኒኮ ኢሰቲ ጉዳ ዙማ ቦላ ኬዛና ዳንዳዬቲሰ» ጊዳሰ።

14 ሙሴይ ዙማፔ አሳኮ ዳጌ ዎዲዳፔ ጉዬ አሳ ጌሺን አሳይ ባ ማይኦ ሜጪዳሰ።

15 አሳካ፣ «ሃሻንላ ጋላሳሰ ጊጌቲቲ፤ ማጫሳራ አቆፒቲ» ጊዳሰ።

16 ሃሻንላ ጋላሰ ማላዶ ዳዳ ጊሪሲ ሲዬቲዳሰ። ዎልቃንላ ፖኦይኔ ዎልቃማ ሻራይ ዙማ ቦላ ቤቲዳሰ፤ ዛዬይ ፑኔቲዛ ዳር ዎልቃማ ጊሪሲ ሲዬቲዳሰ። ሃሳ ጊሻሰ አሳይ ወሪ ባ ዳዛሶን ባቢዳ ኮኮሪዳሰ።

17 ሙሴይካ አሳ ጸሳራ ጋላናሰ አሳይ ዳዛሶፔ ኬሲን አሳይ ዙማ አቸን ኤቁዳሰ።

18 ጎዳይ ሲና ዙማ ቦላ ታማራ ዎዲዳ ጊሻሰ ጊታ ጮጮፔ ኬዚዛ ማላ ጩዎይ ቱሉ ጊ ኬዚዳ ዙማ ኩሜል ካሚዳሰ፤ ዙማዚ ኩሜል ኬሂ ቃዲዳሰ።

19 ዛዬዛ ጊሪሳይካ ኬሂ ዳሪ ዳሪ ቢዳ ዎዳ ሙሴይ ሃሳዪን ሃሳዪን ጸሲ ኢዛሰ ዛሪ ዛሪዳ ቃላን ሃሳይዳሰ።

20 ጎዳይ ካሴ ሲና ዙማ ቦላ ዎዲዳ ዎዳ ሙሴ ጉዳ ዙማ ሁኔ ዳይጊን ሙሴይ ጉዳ ኬዚዳሰ።

21 ጎዳይ ኢዛ፣ «ኔኒ ዳጌ ባዳ አሳይ ቤያና ጊዳ ሃ ታኮ ዛዎ አዲንታ ማላኔ ኢሰታፌ ዳርቲ ሃይቆንታ ማላ አሳ ሃንቃ።

22 ሃራይ አቶሺን ታ ማታ ሸቁዛ ቄሴቲካ ኡባ ዎዳ ባና ጌሻናሰ ኮሼሰ፤ ሂሰቶንታ ኢዲኮ ጎዳይ ኢሰታ ቃጸያና» ጊዳሰ።

23 ሙሴይ ጎዳሰ፣ «አሳይ ዙማ ቦላ ጉዳ ያናሰ ዳንዳዬና፤ አይሰ ጊኮ ኔኒ ኔ ሁኔን፣ «ሃ ሲሆዛ ጌሻ ማላ ዳማሳዳ፣ ሃ ዙማ አቸን ዛዎ ዎሊቲ» ጋዳ ኦሰ የታ ዎላዳሳ» ጊዳሰ።

24 ሂሰቲን ጎዳይ ኢዛ፣ «ኔኒ ዳጌ ሃኢ ኤሌ ዎዳዳ ጉዳ ኬዛ። አርኔይካ ኔናራ የ። ቄሴታኔ አሳ ታ ቃጸየንታ ማላ ኢሰቲ ዛዎ ፒኒዳ ጉዳ ታኮ የፔቶ» ጊዳሰ።

25 ሃሳ ጊሻሰ ሙሴይ ዳጌ አሳኮ ዎዲዳ ጎዳይ ጊዳይሳ ኢሰታሰ የቲዳሰ።

20

ታሙ አዛዘታ (ዛሬ 5:1-21)

1 ጎዳይ ሃሳይዳ ቃላቲ ኡባይ ሃይሳፌ ካሊዛይታ፤
2 «ኔና ጊብጾፔ አይሌቲላ ቢታፌ ኬሲዳ ጎዳ ኔ ጸሳይ ታና።

3 «ታፔ አቲን ሃራ ኤቃ ጸሳሰ ጎይኖፋ።

4 «ቦላ ሳሎን ዳዛ ሚሽ ጊዳን፣ ዎይኮ ጋርሳ ሳኦን ዳዛ ሚሽ ጊዳን፣ ዎይኮ ቢታፌ ጋርሳን ሃላ ጊዳን ዳዛ ሚሽ ጊዳን አይኮካ ሚሳቲሳዳ ኔሰ ሚሰሌ ሂሰታዳ ሜዶፋ።

5 ኢሰታሰ ሆኮፋኔ ኢሰታሰ ጎይኖፋ። አይሰ ጊኮ ታኒ ጎዳ ኔ ጸሳይ ቃናቲዛ ጸሳኮ፤ ታና ኢዲዛይታ አዎታ ናጋራ ጊሻሰ ናይታ ሃሻንላ ዬሌታኔ ኦይዳንላ ዬሌታ ጋካናሰ ቃጸያይሰ።

6 ቃሴ ታኒ ታና ሲቁዛይታሴ ታ አዛዘ ናጊዛይታሰ ዳር ሺ ዬሌቲላ ጋካናሰ ታኒ ታ ሲቆ ቤሲዛ ጸሳ።

7 «ጎዳ ኔ ጸሳ ሱንላ ሃዳን ዳንላፋ፤ አይሰ ጊኮ ጎዳ ኔ ጸሳይ ባ ሱንላ ሃዳን ዳንላዛይታ ቃጸያና።

8 «ሳምባታ ጋላሳ ሃራ ጋላሳታፔ ዳማሳዳ ናጋ።

9 ኔ ኦሊዛ ኦሶ ኡባ ኡሱፑን ጋላሳታን ኦላ።

10 ጊዳ አቲን ላፑንላ ጋላሳይ ጎዳ ኔ ጸሳሰ ሳዎባታ። ሃ ጋላሰ አይኮ ኦሶካ አላፋ፤ ኔኒ ዎይኮ ኔ አቲማ ናይ፣ ዎይኮ ኔ ማጫ ናይ፣ ዎይኮ ኔ አቲማ አይሌይ፣ ዎይኮ ኔ ማጫ አይሌይ፣ ዎይኮ ኔ ሚዛይ፣ ዎይኮ ኔ ዳሬን ዳዳ ኔሰ ኦሊዛ ሃራ ዳሪ አሰ ጊዳን ሃ ጋላሳን አይ ኦሶካ አላፍቲ።

11 አይሰ ጊኮ ኡሱፑን ጋላሳን ጎዳይ ሳሎ፣ ሳኦ፣ አባኔ ኢሰታ ጊዳን ዳዛ ኡባ ሜዲዳ ላፑንላ ጋላሰ ሸምፒዳሰ። ሃሳ ጊሻሰ ጎዳይ ሳምባታ ጋላሳ አንጂዳሴኔ ዳማሲዳሰ።

12 «ጎዳ ኔ ጸሳይ ኔሰ አሚዛ ቢታን ኔ ዳር ላይላ ዳና ማላ፣ ኔ አዎኔ ኔ አዮ ቦንቻ።

13 «አሰ ዎዳፓ።

14 «ላይማቶፓ።

15 «ካይሶቶፓ።

16 «ኦና ቦላካ ዎርዶ ማርካቶፋ።

17 «አሳ ኬላ አዎቶፋ፤ አሳ ማቾ ዎይኮ ኢዛ አይሌ ዎይኮ ኢዛ አይሌዮ ዎይኮ ኢዛ ቦራ ዎይኮ ኢዛ ሃራ ዎይኮ ኢዛሰ ዳዛ አይ ሚሸካ አዎቶፋ» ጊዳሰ።

19:6 እጁ 1:6፤ 5:10 19:13 ኢሳ 12:18-20 19:16 እጁ 4:5 19:18 ዛሬ 4:11-12 20:5 ከሳ 34:17፤ ለዌ 19:4፤ 26:1፤ ዛሬ 4:15-18፤ 27:15 20:6 ከሳ 34:6-7፤ ታይ 14:18፤ ዛሬ 7:9-10 20:7 ለዌ 19:12 20:8 ከሳ 16:23-30 20:10 ከሳ 23:12፤ 31:15፤ 34:21፤ 35:2፤ ለዌ 23:3 20:11 ሜዶ 2:1-3፤ ከሳ 31:17 20:12 ዛሬ 27:16፤ ማቶ 15:4፤ 19:19፤ ማር 7:10፤ 10:19፤ ሉቃ 18:20፤ ኤፌ 6:2-3 20:14 ለዌ 20:10፤ ማቶ 5:27፤ 19:18፤ ማር 10:19፤ ሉቃ 18:20፤ ኦር 13:9፤ ያቆ 2:11 20:15 ለዌ 19:11፤ ማቶ 19:18፤ ማር 10:19፤ ሉቃ 18:20፤ ኦር 13:9 20:16 ከሳ 23:1፤ ማቶ 19:18፤ ማር 10:19፤ ሉቃ 18:20 20:17 ኦር 7:7፤ 13:9

18 አሳይ ወራ ዳዳይ ገሪዛይሳኔ ዛዬይ ዛዬተዛይሳ ሲዱዲ ቃሴ ዋልቃንሳ ዋልቃሚዛይሳኔ ዙማይ ጨዋተዛይሳ ቤኢዲ ኮኮሪሽ ሃሆን ኤቁዳሰ።

19 አሳይ ሙሴሰ፡ «ኮኔ ሃይቆንታ ማላ ጸሲ ኮናራ ሃሳዮ፡ ኔኒ ኮሰ ዮታ፤ ኮኔ ሲያና» ገዳ።

20 ሙሴይ አሳሰ፡ «ጸሲ አንቴና ፓጫናሰ፡ ኢዛ ያሽ አንቴ ዋዚናን ኩሚን አንቴ ናጋራ አላንታ ማላ ዱዳ ገሻሰ ባቦፍቴ» ገዳሰ።

21 አሳይ ሃሆን ኤቁ ዲሺን ሙሴይ ጸሲ ዲዛሶ ዋልቃማ ሻራ ቆማኮ ሸቁዳሰ።

ያርሾ ያርሺዛ ሶሆ ገሻሰ አሜተዳ ዋጋታ

22 ሃሳፌ ጉዬ ጎዳይ ሙሴ፡ «ኢሰራኤል አሳሰ፡ ታኒ ሳሎፕ አንቴሰ ሃሳይሺን አንቴ አንቴ አይፌራ ቤኢዳታ።

23 ታፔ አቲን ሃራ ጸሲ አንቴሰ ደፖ፤ ቢራፔ ዋይኮ ዋርቃፌ አንቴሰ ኤቃ ጸሳታ ሜዲዲ ጎይኖፍቴ።

24 « ኮኔ ታሰ ያርሾ ያርሺዛሶ ኡርቃፌ ሜዳዳ ጸጌቲዛ ያርሾታ፡ ኢሲፌቲላ ያርሾታ፡ ኔ ደርሳታ፤ ኔ ዳይሻታ፤ ኔ ሜሃታ፤ ኢዛ ቦላ ያርሻ። ታ ሱንሳ። ቆፊታና ማላ፡ አንቴ ኦሊዳሶ ኡባ ሶሆ ያዳ ታ አንቴና አንጃና።

25 ኔኒ ታሰ ያርሾ ያርሺዛሶ ሹቻፌ ኦሊዛ ገዲኮ ማሴቲዳ ሹቻፌ ኦላፋ፤ አይሰ ገኮ ኔኒ ማሲዛ ቢራታን ኢዛ ቦቺኮ ኔ ኢዛ ቱኒሳሳ።

26 ታሰ ያርሾ ያርሺዛሶ ፑዴ ኬዛናሰ ያንጋሬ ሜዳዳ ኢዛ ቦላ ኬዛ፤ ጋሶይካ ኔኒ ኬዚዛ ዋዴ ኔ ካሎቴላ ቤታና ጋዳ ዮታ» ገዳሰ።

21

አይሌታ አይሶ ዋጋ (ዛሬ 15:12-18)

1 «ኔኒ ኢሰራኤል ናይታሰ አማና ዋጋይ ሃይሳ።

2 ኔኒ ኢሰራኤል ናይታ ጋርሳፌ አይሌ ሻሚኮ ኢዚ ኔሰ ኡሱፑን ላይሌ ኦላ፤ ገደ አቲን ላፑንላ ላይላን ኢዚ አይኮካ ቃንጸንታ አይሌቴላፌ ጮ ማላ ዬዴቶ።

3 ኢዚ ባርካ ዱዳ ገዲኮ ባርካ ቦ፤ ባ ማቼይራ ዱዳ ገዲኮ ኢዛ ማቼያካ ኢዛራ ቡ።

4 ኢዛ ጎዳይ ኢዛሰ ማቸ ኤኪዳ ገዲኮ ማቼያ ኢዛሰ አዳ ናይታ ዋይኮ ማጫ ናይታ ዬሊዳ ገዲኮ፡ ሄ ማጫሳያኔ ኢዚ ናይቲ ኢዛ ጎዳሰ አቲኮ ኢዚ ባርካ ኬዚ ቦ።

5 ገደ አቲን ሄ አይሌይ፡ ታኒ ታ ጎዳ፡ ታ ማቸዮኔ ታ ናይታ ሲቃይሰ፤ ታኒ አይሌቴላፌ ኬዚኬን ገኮ።

6 ኢዛ ጎዳይ ኢዛ ፐርዲዛ አሳ ሲንሳ ኦላ፤ ሄሳፌ ጉዬ ኬላ ፔንጌ ዋይኮ ፔንጌ ቆሲላላኮ ኢዛ ኤፊዲ ኢዛ ሃይሌ ጎንላን ሉኮ። ሃሰቲኮ ኢዚ ባ ዴኦ ላይሌ ኡባን ኢዛሰ አይሌ ገዳና።

7 «አሲ ባ ማጫ ናዮ አይሌቴላሰ ባይዚኮ አዳ አይሌቴ አይሌቴላፌ ኬዚዛ ማላ ኢዛ ኬዙፑ።

8 ኢዛ ባና ደሪዲ ኤፊዳ ጎዳ ኡፋይሶንታ ኢጲኮ ኢዚ ጎዳይ ኢዛ ዋዚሳናሰ ኮሽሰ። ኢዚ ኢዚሰ አማኔቶንታ ኣገዳ ገሻሰ ኢዛ አላጋሰ ባይዛና ቤሴና።

9 ኢዚ ኢዛ ባ ናሰ ኤካናሰ ኮይኮ ባ ማጫ ናሰ ኦሊዛ ማላ ኢዚሰ ቤሲዛይሳ ኦላ።

10 ኢዚ ባሰ ሃራ ማቸ ኤኪኮ ኮይር ማቼይሰ ቁማ ዋይኮ ማይኦ ፓጫሶ፡ ቃሴ ኢዚራ አቆ ኣጎፎ።

11 ኢዚ ሃይታ ሃቻታ ኢዚሰ አሞንታ ኢጲኮ አይኮ ሚሽይካ ቃንጸቶንታ አይሌቴላፌ ኬዛዳ ቡ።

ኢታ ኦሊዳ አሳቲ ቃጸዬቲዛ ዋጋ

12 «አሰ ዋዲዳ አሲ ሃይቃናሰ ቤሴሰ።

13 ጸሳ ሽኔ ገዲ ኡቲን ቆፖንታ ዲሼ አሰ ዋዲዳይ ታኒ ገግሲዳሶ ቤቲ ቦ።

14 ገደ አቲን አሰ ዋዳና ቆፐዲ ኤሪሽ ሃራ አሰ ዋዲኮ ሃሳዳይ አታናሰ ገዲ ሄ ታ ገግሲዳ ታሰ ያርሾ ሽሽዛሶ ዱኮ ያርሺዛሶሆዛፔ ሃራሶ ኤፋዳ ዋዳ።

15 «ባ አዋ ዋይኮ ባ አዮ ዋዲዛ አሲ ኦኒካ ሃይቆ።

16 «አሳ ዋልቃን አይኪዲ ባይዚዛይ ዋይኮ ዋልቃን ኦይኪን አሲ ኢዛ ኩሽን ቤቲዳይ ሃይቃናሰ ቤሴሰ።

17 «ባ አዋ ዋይኮ ባ አዮ ጫዩዛይ ሃይቆ።

18 «ናሞኡ አሳቲ ባ ጋርሳን ኦይቲኮ፡ ኢሶይ ኢሳ ሹቻራ ጫዲኮ ዋይኮ ኩሽራ ኢጫኮ ሄ ቆሃቲዳዳዚ ሃይቆንታ ሃርገዲ ሃጸን አቺኮ።

19 ሃሳፌ ዴንዲዲ ጉፊራ ካሬ ገደን ሃሜቲኮ፡ ሄ ቆሃዳይሲ ቃጸዬቶንታ አቲሰ፤ ገዲኮካ ኢዚ ኢዛ ኦሶ ቴቁዳ ገሻሰ ሚሽ ቃንጸናሲኔ ኢዚ ፓጸና ጋካናሰ ኢዛ ጸላናሰ ኮሽሰ።

20 «አሲ ባ አቲማ አይሌ ዋይኮ ማጫ አይሌዮ ጉፊን ሾጪኮ ሄ ሾቻ ገደን ሃራካ ኢዛ ኩሽን ሃይቁኮ ሾጪዳይሲ ቃጸዬታናሰ ቤሴሰ።

21 ገደ አቲን ሄ ቆሃቲዳይሲ ኢሲ ጋላሰ ዋይኮ ናሞኡ ጋላሰ ጋካናሰ ሃይቆንታ ኣገኮ ሄ አይሌዚ ኢዛ ሚሽ ገዲዳ ገሻሰ ኢዚ ቃጸዬቴና።

22 «ናሞኡ አሳቲ ባ ጋርሳን ኢሶይ ኢሳራ ኦይቲሽ ቃንላራ ዲዛ ማጫሳዮ ቦሻሰ ጋሊኮ፡ ሃሳፌ ሃራ ኢታ ሚሽ ኢዚ ቦላ ጋላንታ ኣገኮ፡ ኢዚ ቦላ ቆሆ ጋሊዳይ ሄ ማጫሳይ ኣዚናይ ኦይቺዳይሳ ዳናቲ ፐርዲኮ አይ ሚሽካ ቃንጸ።

23 ገደ አቲን ኢዚሰ ቦሻይ ዳሪኮ ሽሞፖ ገሻሰ ሽሞፖ።

24 አይፌ ገሻሰ አይፌ፡ አቻ ገሻሰ አቻ፡ ኩሽ ገሻሰ ኩሽ፡ ቶሆ ገሻሰ ቶሆ።

25 ጸሳ ገሻሰ ጸሰ፡ ማዲንላ ገሻሰ ማዲንላ፡ ቆኦ ገሻሰ ቆኦ ኤካናሰ ቤሴሰ።

26 «ኢሲ አሲ አቲማ ዋይኮ ማጫ አይሌ አይፌ ሾጪ ቶይሲኮ ሄ አይፌዛ ገሻሰ አይሌቴላፌ ኬሲ ዬዴ።

27 ሃሳላካ ባ አይሌይ ዋይኮ ባ አይሌዛ አቻ ማንሊኮ ሄ አቻ ገሻሰ አይሌቴላፌ ኬሲ ዬዴ።

28 «ቦራይ ማጫሰ ዋይኮ አቲማሰ ኢጫ ዋዲኮ፡ ሄ ቦራይ ሹቻን ጫዴቲ ሃይቆ፤ ኢዛ አሾይ ሜቲቶፎ። ገደ አቲን ቦራ ጎዳይ ቃጸዬቶፎ።

29 ገደ አቲን ቦራይ ካሴካ ኢጫዛ ቦራ ገዲኮ፡ አሳይ ቦራዛ ጎዳሰ ዮቲዲሺን ቦራ ጎዳይ ቦራ ቃቸንታ

20:19 ኢሰ 12:18-19 20:25 ዛሬ 27:5-7፤ ኢያ 8:31 21:6 ለዌ 25:39-46 21:12 ለዌ 24:17 21:13 ታይ 35:10-34፤ ዛሬ 19:1-13፤ ኢያ 20:1-9 21:16 ዛሬ 24:7 21:17 ለዌ 20:9፤ ማቶ 15:4፤ ማር 7:10 21:24 ለዌ 24:19-20፤ ዛሬ 19:21፤ ማቶ 5:38

አገሪቱ፡ ቦራይ አዳድ ወይን ማጫ አሰ ወዲኑ ሄ ቦራይ ሹቻን ጫዳቲ ሃይቆ፤ ቃሴ ቦራዛ ጎዳይካ ሃይቆ።

30 ገደ አቲን ኢዚ ጨጎ ቃንጻና ማላ ኦይሼቲኮ ኢሰቲ ኦይቸዳይሳ አይ ገዲኮካ ቃንጻዲ ባ ሹሞፕ ዋዞ።

31 ቦራይ አቲማ ና ወይኮ ማጫ ና ኢጨ ወዲኑ ፐርዳይ ኢሲ ማላ ገደ።

32 ቦራይ አቲማ አይሌ ወይኮ ማጫ አይሌዮ ኢጨ ወዲኑ ቦራ ጎዳይ አይሌዛ ጎዳሰ ሄዡ ታሙ ቢራ ጨጎ፤ ቦራይካ ሹቻን ጫዳቲዲ ሃይቆ።

33 «ኢሲ አሲ አላ ካማ ቃሪኮ ወይኮ አላ ቦኪዲ ካሞንታ አገሪቱ፡ ቦራይ ወይኮ ሃራይ ሄ አላን ወሊኮ።

34 ሄ አላዛ ጎዳይ ማሄዛ ዋጋ ቃንጻ። ኢዚ ማሄዛ ጎዳሰ ዋጋ ቃንጻዲ ሃይቆላ ባሰ ኤኮ።

35 «ኢሲ አሳ ቦራይ ሃራ አሳ ቦራ ኢጨ ወዲኑ፡ ኢጨ ወዲኑ ፓጻ ቦራ ባይዚዲ ኢዛ ማሻኔ ሃይቆዳ ቦራዛ አሻዛ ገደን ገና ሻኪ ኤኮቶ።

36 ገደ አቲን ሄ ቦራይ ኢጨዛ ቦራ ገዲዳይሲ ካሰቲ ኤሬቲሺን፡ ኢዛ ጎዳይ ኢዛ ቃቸንታ አገሪቱ፡ ኢዛ ጎዳይ ቦራ ገሻሰ ቦራ ቃንጻዲ ሄ ሃይቆዳይሳ ባሰ ኤኮ።

22

አሲ ባ ሃር ናገዛ ዋጋ

1 «ኢሲ አሲ ቦራ ወይኮ ደርሳ ካይሶቲ ኤኪዲ ሹኪኮ፡ ወይኮ ባይዚ ኤኪኮ፡ ኢሲ ቦራ ገሻሰ ኢቻሹ ቦራ፡ ኢሲ ደርሳ ገሻሰ አይዲ ደርሰ ቃንጻ።

2 «ካይሶይ ከሌ ቦኪሹ አይከቲዲ ሹጩቲ ሃይቁኮ ሹጩዳይሲ ሱሌ ጉሲዳ ገሻሰ አይቸቲና።

3 ገደ አቲን ሄሲ ጋዳይ ዋንቲ ገደን ሃኒዛ ገዲኮ ኢዚ ሄ ጉኪዳ ሱላ አጫን አይሹቲሰ። ካይሶዚ ካይሶቲዳይሳ ቃንጻ፤ ገደ አቲን ኢዛሰ አይኮይካ ባይንዳ ገዲኮ ካይሶቲዳይሳ ቃንጻናሰ ኢዚ ባይዜቶ።

4 ኢዚ ካይሶቲዳ ማሄይ ፓጻ ዲሼ ኢዛ ኩሼን ቤቲኮ፡ ቦራ ወይኮ ሃራ ወይኮ ደርሳ ገዲኮካ ኢዚ ባ ካይሶቲዳይሳሰ ናሞኡ ኩሼ ቃንጻ።

5 «ኢሲ አሲ ባ ማሄ ዳምባን ወይኮ አይፊይ ማቲቲዛ ማላ ገደን ሃሚሹ፡ ማሄታ ሃራ አሳ ካላን ላአ ዩዲ ሃሚኮ፡ ኢዚ ባ ካላፊ ወይኮ አይፊይ ማቲቲዛ ባ ማላ ኡባፊ ሎኢዛይሳ አፊላማ ቃንጻ።

6 «ኢሲ አሲ ቡራ ጸገኮ ታማይ ዳንዲዲ ቡራዛ ወርሲዲ ደሬን ዲዛ ካሌ ወይኮ ኤቆን ዲዛ ካላ ሙሌራ ማዛ ገዲኮ ኮይሮ ታማ አይሌዳ አዳዚ አፊላማ ቃንጻ።

7 «ኢሲ አሲ ቢራ ወይኮ ሃራ ማሻ ናገሳናሰ ባ ሹርሰ ሃዳራ አሚኮ፡ ሹርዛሶፔ ሄ ማሻ ካይሶቲዳ ካይሶዚ አይከቲኮ፡ ካይሶዚ ሄ ማሻሰ ናሞኡ ኩሼ ቃንጻ።

8 ገደ አቲን ካይሶዚ ቤቶንታ ኢጸኮ፡ ሃዳራ ኤኪዳ አዳዚ ፐርዲዛይታኮ ሹቁዲ ሃዳራ ማሻ ኢዚ ሞንታይሳሰ ጫቆ።

9 «አሲ አይ ሞቶንካ ቦራ ገደን፡ ወይኮ ሃራ ገደን፡ ወይኮ ደርሳ ገደን፡ ወይኮ ማይኦ ገደን፡

ወይኮ ሃራ ዳይዳ ማሻ ገደን፡ «ሃይሲ ታይሳ» ገዲ ሞቲቲኮ፡ ናሞኡ ባጋይካ ባ ዮኦዛ ፐርዲዛይታ ሲንሌ አሌቶ፤ ፐርዲዛይቲ ዋርደሲዳ አሲ ሃንኮይሳሰ ናሞኡ ኩሼ ቃንጻ።

10 «አሲ ባ ሹርሰ ሃራ፡ ወይኮ ቦራ፡ ወይኮ ደርሳ፡ ወይኮ ሃራ አይ ማሄካ ሃዳራ አሚን ኦኒካ ቤኦንታ ሃይቁኮ፡ ወይኮ ቆሃቲኮ፡ ወይኮ አሲ ቦንቁ ኤፊኮ።

11 ሃዳራይ ባ ሹር ማሄዛ ቦቸንታይሳሰ ጎዳ ሲንላን ጫቁኮ፡ ኢሰታ ገደን ዲዛ ዮኦዚ ወራሰ። ሄ ማሄዛ ጎዳይ ጫቆዛ ኤኮ፤ ቃንጻሳናሰ ቤሴና።

12 ገደ አቲን ማሄዚ ሃዳራዳፊ ካይሶቲዳ ገዲኮ ማሃዳሰ ቃንጻ።

13 ሄ ማሄዛ ደአይ ማዳ ገዲኮ፡ ማርካ ገዳና ማላ ደአይ ማሻን አቲዳይሳፊ ኤኪ ኤሂ ቤሶ፤ ሂሰቲዲ ማቲቲዳ ማሄዛ ገሻሰ ቃንጻ።

14 «አሲ ባ ሹርፔ ማሄ ጋርጺ ኤኪኮ ኢዛ ጎዳይ ባይንዳሶን ሄ ማሄይ ቆሃቲኮ ወይኮ ሃይቁኮ ሄ ማሄዛ ገሻሰ ቃንጻ።

15 ገደ አቲን ኢዛ ጎዳይ ኢዛራ ዲኮ፡ ጋርጺዳይሲ ቃንጻ፤ ኪራሰ ኤኪዳ ገዲኮ ኪራሰ ጨገዛ ማሻይ አጮዛሰ ቃንጻ ገደ።

ገሻ ዳኦኔ አማኖ ዋጋ

16 «ኢሲ አሲ አዚናሰ ገሻንታ ገላኦዮ ባሌሌዲ ኢዚራ ዘንኢዛ ገዲኮ ኢዛ ጨሎሺዲ ባሰ ማቸ ኤኮ።

17 ኢዚ አዋይ ኢዛ ኢዛሰ አሞንታ ኢጸኮ፡ ገላኦዮ ኤኪዛ አሲ ጨሎሻሰ አሚቲዛ ማሻ ከና ቢራ ኢዚ አዋሰ አሞ።

18 «ቢታ ቢቲዛ ማጫሰ ፓጻ ዋላ።።

19 «ማሄራ ጋገዛ አሲ ኦኒካ ሃይቆ።

20 «ጎዳሰ ጸላላፔ አቲን ሃራ ጸሳሰ ሹኪ ያርሺዛ አሲ ኦኒካ ሃይቁ ዳዮ።

21 «ቤቲዲ ዩዳ አሰ ቆሆፐቲ፡ ወይኮ ዋዩሶፐቲ፤ ጋሶይካ አንቲካ ገላጸ ቢታን ቤቲ ገዲዲ ዳኢዳታ።

22 አዚናይ ሃይቁዳ አሞኤዮኔ አዋይ ወይኮ አያ ሃይቁዳ ና ዋዩሶፐቲ።

23 አንቲ ኢሰታ ዋዩሲን ኢሰቲ ታኮ ዋሲኮ ታኒ ኢሰታ ዋሶ ቱማፔ ሲያና፤

24 ሄ ዋይ ታ ሃንቆይ አንቲ ቦላ ዳንዳና፤ ታኒ አንቲና ማሻን ወርሳና፤ አንቲ ማቸቲ አሞኤታ አንቲ ናይቲካ አዋይ ባይንዳ ዩኦ ናይታ ገዳና።

25 «አንቲ ገደን ዲዛ ታ አሳሰ ኢሲ ማንቆ አሳሰ ማሹ ታልኢኮ፡ ባ ማሻ ዲቻሰ አሚዛ አሳ ማላ ሃኖፐቲ፤ ኔኒ ዩሎ ኢዛ አይቸፋ።

26 ኔኒ ኢሲ ማሻ ገሻሰ ኔ ላጌ ማይኦ አይኪኮ አርሼይ ወሎንታ ዲሺን ኢዛሰ ዛራ።

27 አዛሰ ገሶ ኢዚ ባ ካሎ ካሚዛይ ኢዚን ጸላ፤ ሃራ አይ ማይኢዲ አቃናሰ ዳንዳይዜ? ኢዚ ታሰ ዋሲኮ ታ ማሹቲዛ ገሻሰ ኢዛሰ ሲያናኔ ኢዛ ማዳና።

28 «ጸሳ ቦላ ጫሻ ቃላ ሃሳዮፓ፡ ወይኮ ዳሬ አይሲዛዳ ቃንጎፋ። *

22:17 ዛሬ 22:28-29 22:18 ዛሬ 18:10-11 22:21 ኩሳ 23:9፤ ለዋ 19:33-34፤ ዛሬ 24:17-18፤ 27:19 22:25 ለዋ 25:35-38፤ ዛሬ 15:7-11፤ 23:19-20 22:27 ዛሬ 24:10-13 22:28 ሃዋ 23:5 * 22:28 ጸሳን ገዛይሳ ፐርዲዛይታን ጋና ዳንዳዬቲሰ። † 22:29 ዋጋራ፡ ዋጋራ ገዛይሳ ኢሲ ኢሲ ባጋ ጋሞላ ቃላን ወይኮ ወይኮ ሻማሆ ወይኮ ጉልታ ጌቲሰ።

29 «ኔ ካላ ጸራ፣ ወይን ሚላ አይፈ ጸራኔ ወጋራ ተ ዛይቲ ታሰ ያርሾ ሸሻ። ኔኒ ኔ አቲማ ናይታ ጊደን ባይራቲዛ ና ታሰ አማናሰ ቤሴሰ።

30 ቦራፔ፣ ዳይሻፊኔ ዶርሳፊካ ሃሳላ ኦላ። ኢሰቲ ላፑን ጋላሳይ ጋካናሰ፣ ባ አዪራ አዪራ ጋሞኤቶ፤ ኦሰፑንላ ጋላሰ ኢሰታ ታሰ አማ።

31 «አንቲ ታሰ ጌሻ አሰ ጊደናሰ ኮሼሰ፤ ሃሳ ጊሻሰ ደአይ ዳሞባን ዎጲዳ ወይኮ ዳፊ ዳኪዳ ማሄ አሾ ካናሰ ዩጊቲ አቲን ሞፒቲ።

23

ቱማ ፒርዳ

1 «ዋርዶ ዮኦ ላሎፋ፤ ዋርዶ ማርካታዳ ኢታ አሰ ማዶፋ።

2 «ኢታ ሚሽ ኦላናሰ ዳሮ አሳ ካሎፋ፤ ፒርዳ ሚርቃናሰ ዳሮ አሳራ ጊዳዳ ማርካቶፋ።

3 ማንቆ አሰ ፒርዳሶ ሸቁኮ ኢዛ ማንቆቴላ ቤኣዳ ማዳ ፒርዶፋ።

4 «ኔ ሞርኬ ቦራይ ወይኮ ሃሬይ ቆይዳይሳ ዳሚኮ ኢዛዳሰ ዛራ አማ።

5 ኔና ኢጸዛ አሳሰ ሃሬይ ጫናራ ኩንዲ ዲሺን ቤኢኮ ኢዛራ ማዶታዳ ዳንላ አቲን ሄን አጋገፓ።

6 «ፒርዳሰ ዲቡሻን ሸቃዳ፣ ማንቆ አሳ ፒርዳ ዋቢሶፓ።

7 ዋርዶ ሞቶ ሲዮፓ፤ ጌሽ ወይኮ ጸሎ አሰ ሃይቆሰ አላ አሞፋ፤ አይሰ ጊኮ ሞሮ ኦሲዳዳ ታኒ ማላ ዬዲኬ።

8 «ማታኤ ኤኮፋ፤ አዛሰ ጊኮ ማታኤ ጸሊዛይታ አይፊ ቆቁሴሴኔ ጸሎታ ቃላ ሚርቆሰ።

9 «ሃራ ዳሬፔ ዪዳ ቤቲ አሰ ቆሆፒቲ፤ ቤቲ አሰ ጊዳሌ አይ ማላ ዳጸዛኮ ኢንቲ ኤሬታ፤ አይሰ ጊኮ ኢንቲ ኢንቲ ሁኤን ቤቲ ጊዲዲ ጊብጾ ቢታን ዳኢዳታ።

ላፑንላ ላይሌኔ ላፑንላ ጋላሰ

10 «ኡሱፑን ላይሌ ጋካናሰ ኔ ጎዳዳ ዜሪዳ ካላ ማጸ ሸሻ።

11 ላፑንላ ላይላን ጋዳዛ ጎዮንታ ሻቻ፤ ሂሰቲኮ ኔ ዳሬ ጋርሳን ዲዛ ማንቆቲ ሃሳፊ ማና ካላ ዳማና፤ ቃሴ ኢሰታፊ አቲዛይሳ ደአቲ ማና። ኔኒ ኔ ወይኔ ቶኪዛ ጋዳ ቦላኔ ዛይቲ አሚዛ ወጋራ ሚላ ጋዳ ቦላካ ሃሳላ ኦላ።

12 «ኡሱፑን ጋላሰ ኔ ኦሶ ኦላ፤ ኔ ቦራይኔ ኔ ሃሬይ ሸምፓና ማላኔ ኔሶን ዬሌቲዳ አይሌይኔ ቤቲ አሲ፣ ሸምፓና ማላ፣ ላፑንላ ጋላሰ ኦሶ ኦላ።

13 «ታኒ ኢንቲና ጊዳይሳ ኡባ ሚንሲዲ ኦሊቴ፤ ሃራ ጸሳታ ሱንላ ጸይጎፒቲኔ ኢሰታ ዋሶፍቲ።

ጊታ ባኣሌታ

14 «ላይላን ሄሹቶ ኢንቲ ታሰ ባኣሌ ቦንቸቲ።

15 ኣቢቤ ጌቲቲዛ ኣገናን ባሬቲዳ ጋላሳን ኡኬላ ባኣሌ ቦንቸቲ፤ አይሰ ጊኮ ኢንቲ ጊብጾፔ ኬዚዳይ ሄ ኣገናና። ታኒ ኢንቲና አዛዚዳ ማላ ላፑን ጋላሰ ኢርሾይ ጌሎንታ ኡኬላ ሚቲ።

«አንቲፊ ኢሳዳይካ ታ ሲንላን ሚላ ኩሼ ቤቶፎ።

16 «ቃሴ ኢንቲ ኢንቲ ጋዳን ዜሪን፣ ኮይሮ ጋኪዳ ካላ ማጸዛ ወይ፣ ካላ ጸራ ሺሺዛ ባኣሌ ቦንቸቲ።

«ቃሴካ ላይላ ወርሴላን፣ ካላ ኡባ ሺሺ ወርሴዛ ወይ፣ ካላ ሺሾ ባኣሌ ቦንቸቲ።

17 አዳቲ ወሪ ኡባ ሃሪዛ ጎዳ ታ ሲንላ ላይላን ሄሹቶ ዬቶ።

18 «ኔኒ ያርሾ ሱላ ታሰ ሸሻሽ ኢርሾራ ኡኬቲዳ ኡኬላራ ሸሾፋ። ሄ ባኣሌዛ ቦንቸዛ ጋላሰ ያርሾቲዳ ሞጴፔ ማላዶሰ አይኮይካ አቶፎ።

19 ኔ ጋዳን ባይራ ካጸዳ ካላ ኡባፊ ሎኢዛይሳ ጎዳ ኔ ጸሳ ሶ ኤካ ያ። ዳይሻ ላቃ ኢዛ አይይ ማላን ደይሶፋ።

ሂደታ ቃላታኔ ካሊዛ ወጋታ

20 «ኔ ኦጌን ኔና ናጋና ማላኔ ታኒ ኔሰ ጊግሲዳሶ ኔና ኤፋና ማላ፣ ታኒ ኪታንቻ ኔ ሲንላራ ዬዳና።

21 ኢዚ ዮቲዛይሳ ኤር ጋዳ ኢዛሰ አዛዜታ፤ ኢዛ ቦላ ማካሎፋ፤ ታ ኢዛ ኪቲዳ ጊሻሰ ኢንቲ ናጋራ ኦሊኮ ኢንቲሰ ኢዚ አቶ ጌና።

22 ኢዚ ዮቲዛይሳ ኢንቲ ሎኤሊ ሲዪኮ፣ ታኒ ዮቲዛይሳ ኡባ ኦሊኮ ኢንቲ ሞርኬታ ኡባ ታኒ ሞርካና፤ ኢንቲናራ ኤቁቲዛይታራ ታኒካ ኤቁታና።

23 ታ ኪታንቻይ ኢንቲፊ ሲንሌ ቢዲ፣ ኢንቲና አሞሬታ ቢታ፣ ሂቲታ ቢታ፣ ፓሪዜታ ቢታ፣ ካናኔታ ቢታ፣ ሂዌታ ቢታ፣ ያቡሴታ ቢታ ኤፋና። ታኒ ኢሰታ ሙሌራ ቆይሳና።

24 ኢሰታ ኤቃታ ሲንላን ሆኮፍቲ፣ ወይኮ ጎይኖፍቲ፣ ወይኮ ኢሰታ ሃኖ ቁሎፍቲ። ኢንቲ ኢሰታ ቆይሳናሲኔ ቲሳ ማላ ኤቁ ዲዛ ኢሰታ ሹቻ ኤቃታ ሚንሌራላናሰ ቤሴሰ።

25 ጎዳ ኢንቲ ጸሳሰ ጎይኒቲ፤ ሂሰቲኮ፣ ኢዚ ኢንቲና ካላኒኔ ሃላን አንጃና፤ ታ ኢንቲ ጊዶፊ ሃርጌ ዲጋና።

26 ኢንቲ ቢታን አይ ማጫሲካ ቦሼቴናኔ ማይኔና። ታኒ ኢንቲ ዳና ላይሌ አዲሳና።

27 «ኢንቲናራ ጋጊዛ ዳሬታ ኡባ ዳጋንላና ማላ ታኒ ታ ያሻቴላ ኢንቲ ሲንላራ ዬዳና፤ ኢንቲ ሞርኬቲ ወሪ ኢንቲሰ ዘኮ ዛሪዲ፣ ባቃታና ማላ ታ ኦላና።

28 ታኒ ኢንቲፊ ሲንላራ ካጌ ዬዳዳ ሂዌታ፣ ካናኔታኔ ሂቲታ ጎዳ ኬሳና።

29 ጊዶ አቲን ቢታይ ካሎ አቶንታ ማላኔ ደአይ ዳርንታ ማላ፣ ታ ኢሰታ ኢሲ ላይላ ጋርሳን ጎዲኬ።

30 ጊዶ አቲን ኢንቲ ቆዳን ዳሪዲ፣ ሄ ቢታ ላታና ጋካናሰ፣ ታኒ ኢሰታ ጉላ ጉላ ጎዳ ኬሳና።

31 ታኒ ኢንቲ ዛዋ ዘኦ አባፊ ሚዲቲራኔ አባ ጋካናሰ፣ ባዞፊ ኤፊራዲሴ ሻፋ ጋላና። ሄ ቢታን ዲዛዛ ኡባ ታኒ ኢንቲ ኩሼን አላ አማና፤ ኢንቲካ ኢሰታ ኢንቲ ሲንላፊ ጎዲ ኬሳና።

32 ኢሰታራ ወይኮ ኢሰታ ኤቃ ጸሳታራ ጫቆን ጌሎፒቲ።

33 ኢሰታ ኢንቲ ቢታን ዋሶፍቲ፤ ኢንቲ ሂሰቶንታ አጊኮ ኢሰቲ ኢንቲና ታ ቦላ ናጋራ ኦሲሳና፤ አይሰ ጊኮ ኢሰታ ኤቃታሰ ጎይኒዛይሲ ቱማፔ ኢንቲሰ ናርጸ ጊዳና» ጊዳሰ።

22:31 ለዌ 17:15 23:1 ከ.ሳ 20:16፤ ለዌ 19:11-12፤ ዛሬ 5:20 23:3 ለዌ 19:15 23:5 ዛሬ 22:1-4 23:8 ለዌ 19:15፤ ዛሬ 16:19፤ 23:9፤ ከ.ሳ 22:21፤ ለዌ 19:33-34፤ ዛሬ 24:17-18፤ 27:19 23:11 ለዌ 25:1-7 23:12 ከ.ሳ 20:9-11፤ 31:15፤ 34:21፤ 35:2፤ ለዌ 23:3፤ ዛሬ 5:13-14 23:15 ከ.ሳ 12:14-20፤ ለዌ 23:6-8፤ ታይ 28:17-25 23:16 ለዌ 23:15-21፤ 39-43፤ ታይ 28:26-31 23:19 ዛሬ 14:21፤ 26:2

24

ጸሲ ባ አሳሰ ጌሊዳ ጫቆ ቃላ ሚንጢዳስ

1 ጎዳይ ሙሴ፣ «ኔ፤ ኦርኔይ፣ ናዳቤይ፣ አቢሁይኔ ኢሰራኤሌ፣ ላፑን ታሙ ዳሬ ሃላቃቲ ጎዳኮ ዙማ ቦላ ፑዳ ኬዚዳ ሃሆን ኤቁዳ ታሰ ጎይነቲ።

2 ጊዶ ኣቲን ኔ፤ ኔርካ ታኮ ሺቃ፤ ሃራቲ ታ ማታ ሸቆፕቶ። ቃሴ አሳይካ ኔናራ ፑዳ ኬዘፖ» ጊዳስ።

3 ሙሴይ ዪዲ ጎዳ ቃላኔ ኢዛ ዋጋ ኡባ አሳሰ ዮቲን አሳይ ወሪ ኢሲ ቃላን፣ «ጎዳይ ዮቲዳይሳ ኡባ ኑኔ አላና» ጊዳስ።

4 ሙሴይ ጎዳይ ዮቲዳይሳ ኡባ ጸፊዳስ።
ዋንቴላ ጋላሰ ማላዶ ዋንታራ ዳንዲዲ ዙማ ጋርሳን ያርሺዛሶ ገገሲዲ ኢሰራኤሌ አሳ ታማኔ ናምኡ ቆዋታ ሱንጻን ታማኔ ናምኡ ሹቕ ቲሳ ማላ ኤሲዳስ።

5 ኢዚ ኢሰራኤሌ አሳፔ ናቴላ ኣቲማ ናይታ ከቲን፣ ኢሰቲ ቢዲ ጎዳሰ ሚርጎታ ጸጌቲዛ ያርሸኔ ኢሲፊቴላ ያርሸ ሂሰቲ ያርሺዳ።

6 ሙሴይ ሱላፊ ባጋ ኤኪዲ ኬሬታን ቆሊዳስ፤ ኣቲዳ ሱላ ያርሸ ያርሺዛ ሶሆዛን ጫጫፊዳስ።

7 ሂሳፊ ጉዬ ጫቆ ቃላ ማጸፋ ኤኪዲ አሳሰ ቶቁ ሂሰቲዲ ናባቢን አሳይ፣ «ጎዳይ ዮቲዳይሳ ኡባ ኑኔ አላና ኣዛዜታና» ጊዳስ።

8 ሙሴይካ ኬሬታን ኣቲዳ ሱላ ኤኪዲ አሳ ቦላ ወዲዲ አሳ፣ «ቤኢቲ፣ ሃይሲ ጎዳይ ሃይታ ቃላታ ኢንቴሰ አሚሹ ኢንቴናራ ዋሊዳ ጫቆ ሱላ» ጊዳስ።

9 ሂሳፊ ጉዬ ሙሴይ፣ ኦርኔይ፣ ናዳቤይ፣ አቢሁይኔ ኢሰራኤሌ ሃላቃቲ ላፑን ታማቲ ፑዳ ኬዚዳ።

10 ኢሰራኤሌ ጸሳ በኢዳ፤ ኢሰቲ በኦይሲካ ኢዛ ቶሆፕ ጋርሳራ ሳሎ ማላ ጌዬ ኡቲዳ ሰምፔራ ጌቲቲዛ ሹቕፊ ኦሴቲዳ ሚሽ ሚሳቲዛ ወይጌ ዲዛይሳኮ።

11 ጊዶ ኣቲን ጸሲ ኢሰራኤሌ አሳ ሃላቃታ ዋዲቤና፤ ኢሰቲ ጸሳ በኢዳ፤ ኢዛ ሲንጻን ሚዳኔ ኡዪዳ።

ሲና ዙማ ቦላ ሙሴ ኬሰ

12 ጎዳይ ሙሴስ፣ «ኔ፤ ታኮ ዙማ ቦላ ፑዳ ሃያ፤ ሃ ታኮ ኬዛዳ ሃን ጋምኣ፤ ሂሰቲኮ ኔ፤ ዋጋ ታማርሳና ማላ ታኔ ዋጋኔ ኣዛዘ ኢዛ ቦላ ጸፊዳ ሎቻ ሹቕታ ኔሰ አማና» ጊዳስ።

13 ሂሳፊ ጉዬ ሙሴይ ባ ኣይሌ ኢያሶራ ባና ኬዘን ሙሴይ ፑዳ ጸሳ ዙማ ቦላ ኬዚዳስ።

14 ኢሰራኤሌ አሳ ሃላቃታ ኢዚ፣ «ኑኔ ኢንቴኮ ሲማናሽ ጋካናሰ ሃይሳን ዲሺቴ፤ ኦርኔይኔ ሁሬይ ሃን ኢንቴናራ ዳቲሰ፤ ዮኦይ ዲዛ አሲ ኦኒካ ኢሰታኮ ቦ» ጊዳስ።

15 ሙሴይ ዙማ ቦላ ፑዳ ኬዘን ጸሳ ሻራይ ዙማ ካሚዳስ።

16 ጎዳ ቦንቾይካ ሲና ዙማ ቦላ ዋዲ ጋምኢዳስ፤ ኡሱፑን ጋላሰ ጋካናሰ ሻራዚ ዙማ ጎዚ ኦይኪዳስ፤ ላፑንጻ ጋላሳን ሻራ ጊዶራ ጎዳይ ሙሴ ጸይጊዳስ።

17 ኢሰራኤሌ ናይታሰ ጎዳ ቦንቾይ ዙማ ጸራን ኤጲዛ ታማ ሚሳቲዲ በቴዳስ።

18 ሂሳፊ ጉዬ ሙሴይ ሂ ሻራ ጊዶ ጌሊዲ ፑዳ ዙማ ቦላ ኬዚዳ ሃን ኦይዲ ታሙ ጋላሰኔ ኦይዲ ታሙ ቃማ ጋምኢዳስ።

25

ጸሳ ዲንካኔ ኦላናሰ አሚቲዳ አምታ

1 ጎዳይ ሙሴስ ሂዝጊዳስ።

2 «ታሰ አምታ ኤሃና ማላ ኔ፤ ኢሰራኤሌ ናይታሰ ዮታ፤ ታሰ አማናሰ ኢዛ ዋዚናይ ኢዛ አማ አማ ጊን አሚዛ አሳ አምታ ኡባ ኔ ታሰ ኡካ።

3 ኢንቴ ኢሰታፊ ኤካና አምታይ ሃይታንታ፤ ዋርቃ፣ ቢራ፣ ጸርቁማላ።

4 ሳሎ ሚሳቲዛ ቃጪና፣ ኦቻ ቴራ ሚሳቲዛ ቃጪና፣ ጸቃ ዘኦ ቃጪናኔ ቦላ ሊቆ ላይና፣ ዳይሻ ኢሰኬ።

5 ቆርሾ ኢቲ ዘኦ ቃላሚን ዩጊ ኬሲዳይሳ፣ አባ ጊዶን ዲዛ ኢሲ ዶኣ ጋልባ፣ ኦዶር ሚላ።

6 ጸምፔሰ ዋጋራ ዛይቴ፣ ቲዬቲዛ ዛይቴሲኔ ኤጸኔሰ ሳዊሲዛ ቁማማ።

7 ኤፋዲኔ፤ ቲራ ቦላን ዲዛ ከሴታ ጊዶን ዋሊዛ ማርጊዳ ጌቲቲዛ ሹቕታኔ ሃራ ኣልኦ ሹቕታ።

8 «ሂሰቲዲ ታኔ ኢሰታ ጊዶን ኣቃና ማላ ኢሰቲ ታሰ ዲማ ጎይኒዛ ሶ ጊጊሴቶ።

9 ጸሳ ዲንካኔዛኔ ኢዛ ጊዶን ዲዛ ሚሻታ ታኔ ኔና ቤሲዛ ሎሚሶዛ ማላ ኦሊቲ።

ጫቆ ቃላ ታቦታ (ኩሳ 37:1-9)

10 «ኢሰቲ ኦዶር ሚላፊ ኣዲሳቴላይ ናምኡ ዋዳኔ ባጋ፣ ጎምፓይ ኢሲ ዋዳኔ ባጋ፣ ቶቃቴላይ ቃሴ ኢሲ ዋዳኔ ባጋ ጊዲዛ ታቦታ ኦሊቶ።

11 ሶ ባጋኔ ካሬ ባጋ ዋላካይ ባይንዳ ዋርቃን ሚሻ፤ ኢዛ ዩዪ ኣቆናሰ ቦላ ባጋ ጸንጸ ዋርቃራ ዩሻ ኣላ ኦላ።

12 ታቦታሰ ኦይዲ ዋርቃ ሳጋዮታ ኦላዳ ኦይዲ ቶሆታን ኢሲ ባጋራ ናምኡ ሳጋዮታ፣ ቃሴ ሃንኮ ባጋራ ናምኡ ሳጋዮታ ኣላ።

13 ሂሳፊ ጉዬ ኦዶር ሚላፊ ቶሆ ሚላታ ኬሳዳ ዋርቃ ቲያ።

14 ታቦታ ቶካና ማላ ታቦታዛ ሚሌን ዲዛ ሳጋዮታን ቶሆ ሚላታ ጌልላ።

15 ቶሆ ሚላቲ ታቦታ ሳጋዮታ ጊዶን ዳቶ፤ ኢሰቲ ሃፔ ሙሊካ ኬዘፔቶ።

16 ታኔ ኔሰ አሚዛ ጫቆ ቃላ ማርካ ታቦታ ጊዶን ዋላ።

17 «ሃራራ ዋላኬቶንታ ዋርቃፊ ጸላላ ናምኡ ዋዳኔ ባጋ ኣዲቁዛ፣ ኢሲ ዋዳኔ ባጋ ኣኪዛ ማርቴላ ካማ ኦላ።

18 ካማዛ ጸራ ናምኡ ባጋራ ቆጸዳ ናምኡ ከሩቤታ ዋርቃፊ ኦላ።

19 ኢሲ ከሩቤዛ ኢሲ ባጋ ጋጸን፣ ናምኣንሎ ከሩቤዛ ሃንኮ ባጋ ጋጸን ናምኣታካ ማርቴላ ካማዛራ ጋላ ኦላ።

20 ከሩቤቲ ባ ቁፊ ዳንጢዲ ማርቴላ ካማ ቦላራ ካማቶ፤ ቃሴ ኢሶይ ኢሳኮ ሲሚ ኡቲዲ ካማዛኮ ጸሌቶ።

21 ታኔ ኔሰ አሚዛ ጫቆ ቃላ ማርካ ታቦታ ጊዶን ዋላ፤ ቃሴ ካማዛ ታቦታሰ ቦላ ባጋራ ዋላ።

22 ጫቆ ቃላ ማርካይ ኢዛን ዲዛ ታቦታ ካማ ቦላ ዲዛ ናምኡ ከሩቤታፔ ጊዶን ታኔ ኔናራ ጋጋዳ ኢሰራኤሌ አሳሰ አሚዛ ኣዛዘ ኡባ ሃን ታ ኔሰ አማና።

ጸሳሰ ሸቁዛ ኡኬሳ ኢዛን ዋሊዛ ጸራጳዛ (ኩሳ 37:10-16)

23 «ኦደሮ ሚላፌ አዲሳቴላይ ናምኡ ዋቆ፣ ጎምፓይ ኢሲ ዋቆ፣ ደቃቴላይ ቃሴ ኢሲ ዋቆኔ ባጋ ገዲዛ ኢሲ ጸራጴዛ ኦላ።

24 ሂሰታዳ ዋላካይ ባይንዳ ዋርቃን ቲያ፤ ቃሴ ኢዛ ዩሾን ዋርቃ ጸንጸ ዩሻ ኦላ።

25 ሂሰታዳ ቃሴ አሆቴላ ታቆኮ ገዲዛ ጸንጸ ኢዛ ቦላ ዩሻ ኦላ። ሂሰታዳ ኢዛ ቦላ ዋርቃ ባልጸንሰ ዩሻ ኦላ።

26 ጸራጴዛዛሰ ኦይዱ ዋርቃ ሳጋዮታ ሜቆዳ፣ ጸራጴዛ ቶሆቲ ዲዛ ኦይዱ ባጋራ ኦይላ።

27 ጸራጴዛ ቶካናሰ ቶሆ ሚላ ኢዛ ገዲራ አሊዛ ሳጋዮቲ ጸራጴዛዛሰ ጸንጸ ማታን ዴቶ።

28 ሄ ቶኪዛ ሚላታ ኦደሮ ሚላፌ ኬሳዳ፣ ዋርቃ ቲያዳ ኢሰታራ ጸራጴዛዛ ቶካ።

29 ሂሰታዳ ቃሴ ሳኔታኔ ፒልኦታ፣ ዱቃና ጸርታኔ ኬሬታ ዋላካይ ባይንዳ ዋርቃፌ ኦላ።

30 ታ ሲንሰ አጂዛ ጌሻ ኡኬላይ ኡባ ዋዳካ ጸራጴዛ ቦላፌ ቆዮፖ።

ጸምፔ ኢሰታ ቦላ ዋሊዛ ባላታ (ኬሳ 37:17-24)

31 «ዋርቃፌ ጸላ ቆጸዳ ጸምፔ ኢሰታ ቦላ ዋሊዛ ባላታ ኬሳ፤ ቃሴካ ኢዛ ቆጸዳ ጸምፔዚ ኢዛን ኤቁዛ ቶሆ፣ ገደ ቶማኔ ቶማዛ ኩሬታ፣ ዴሞታኔ ጨሻታ ኡባ ኦላ። 32 ኢሲ ሚሊራ ሄቩ ባላቲ፣ ኢሲ ሚሊራ ቃሴካ ሄቩ ባላቲ ኢሲ ቦላ ኡሱፑን ሃጋቲ ኢዛሰ ዴቶ።

33 ኡሱፑን ባላታሰካ ኢሳሰ ኢሳሰ ዴሞይኔ ጨሻይ ኢዛን ዲዛ ኦቾሎኔ ጌቲቲዛ ሚላ ጨሽ ሚሳቲዛ ሄቩ ኩሬቲ ዴቶ።

34 ጸምፔዛ ገደ ቶማይ፣ ዴሞቲኔ ጨሻቲ ኢዛን ዲዛ ኦቾሎኔ ጌቲቲዛ ሚላ ጨሽ ሚሳቲዛ ኦይዱ ኩሬቲ ዴቶ።

35 ናምኦይ ናምኦይ ኢሲፌ ዋላን ዲዛ ሄቩ ባላታፔ ጋርሳራ ኢሲ ኢሲ ዴሞይ ዴኦ።

36 ዴሞቲኔ ባላቲ ወሪ ገደ ቶማዛፔ ቆጶቲዲ ዋላካይ ባይንዳ ዋርቃፌ ኦሴቲቶ።

37 «ሄሳፌ ጉዬ ጸምፔ ዋሊዛሰዛሰ ላፑን ኤጲዛሰ ገሊሳዳ ጸምፔቲ ሲንሳ ባጋ ፖኦና ማላ ኦይላ።

38 ጸምፔዛ ቦላ ኤጲሼ ቃሚዳ ሻሎታ ኬሲዛ ቃጶታኔ ጲጸ ዋሊዛ ሳኔታ ዋላካይ ባይንዳ ዋርቃፌ ኦላ።

39 ጸምፔዚኔ ኢዛ ሚሻቲ ወሪ ሄቩ ታማኔ ኢቻሹ ኪሎ ገራሜ ገዲዛ ዋላካይ ባይንዳ ዋርቃፌ ኦሴቲቶ።

40 ታኒ ኔና ዙማ ቦላ ቤሲዳ ሌሚሰዛ ካላዳ አኬካን ኦላ።

26

ጸሳ ዲንካኔ (ኬሳ 36:8-38)

1 «ቃሴ ሎኤላ ሱቁቲዳ ቦላ ላይኖፔ ዳዴቲዳ ታሙ ማጋላሻታ ዲንካኔዛ ገደን ገሊሳ። ቃሴካ ሳሎ ሚሳቲዛ፣ ኦቻ ቴራ ሚሳቲዛኔ ጶቃ ዞኦ ቃጨናራ ሄ ማጋላሻታ ቦላ ኢሲ ሂላን ኪሩቤታ ሚሰሌ ኦሲሳ።

2 ማጋላሻቲ ወሪ ኢሲ ገና ገዴቶ፤ ኢሳ ኢሳ አዲሳቴላይ ናምኡ ታማኔ ኦሰፑን ዋቆ፤ ጎምፓይ ቃሴ ኦይዱ ዋቆ ገደ።

3 ኢቻሹ ማጋላሻታ ኢሲፌ ጋላ ሲካ፤ ሃንኮ ኦቲዳ ኢቻሹ ማጋላሻታካ ኢሰታላካ ኦላ።

4 ኢሲፌ ጋሊ ሲኬቲዳ ማጋላሻታፔ ጋጸን ዲዛ ማጋላሻሰ ባልጸንሳ ቦላ ሳሎ ሚሳቲዛ ጨርቃፌ ሲጴ ኦላ፤ ቃሴ ኢሲፌ ጋሊ ሲኬቲዳ ሃንኮ ማጋላሻካ ሂሳላ ኦላ።

5 ኢሲፌ ጋሊዳ ኢሲ ማጋላሻ ቦላ ኢቻሹ ታሙ ሲጴ ሚሳቲዛ ሚሽ፣ ቃሴ ኢሲፌ ጋሊዳ ሃንኮ ማጋላሻ ቦላካ ኢቻሽ ታሙ ሲጴ ሚሳቲዛ ሚሽ ኦላ፤ ሄ ሲጴ ሚሳቲዛ ሚሻቲ ወሪካ ሄ ባጋራኔ ሃ ባጋራ ኢሳይ ኢሳራ ገናን ዴቶ።

6 ሄሳፌ ጉዬ ዋርቃፌ ኢቻሽ ታሙ ቃጶታ ሜቆዳ ገደ ዲንካኔዚ ኢሲኖ ገደና ማላ፣ ሄ ማጋላሻታ ማንጸኮታን ኢሳ ኢሳራ ኦይሴላ።

7 «ገደ ዲንካኔዛ ቦላራ ሃራ ዲንካኔ ኦላናሰ ታማኔ ኢሲ ማጋላሻታ ዴይሻ ኢሰኬፌ ዳዳ።

8 ታማኔ ኢሲ ማጋላሻቲካ ኢሲ ገና ገዴቶ፤ ኢሲ ኢሲ ማጋላሻ አዲሳቴላይ ሄቩ ታሙ ዋቆ፣ ጎምፓይ ቃሴ ኦይዱ ዋቆ ገደ።

9 ኢቻሹ ማጋላሻታ ኢሲ ባጋራ ኡሱፑን ማጋላሻታ ቃሴ ሃንኮ ባጋራ ጋላ ሲካ። ኡሱፑንሳ ማጋላሻይ ሲንሚ ሶ ባጋ ሲሚ ቃላምኡቶ።

10 ጋሊ ሲኪዳ ማጋላሻታፔ ኢሲ ማጋላሻ ጋጸን ኢቻሽ ታሙ ሲጴ ሚሳቲዛ ሚሻታ ኦላ፤ ቃሴ ጋሊ ሲኪዳ ሃንኮ ማጋላሻታፔ ወርሴላ ማጋላሻ ባልጸንሳ ቦላ ኢቻሽ ታሙ ሲጴ ሚሳቲዛ ሚሻታ ኦላ።

11 ጸርቁማላፔ ኢቻሹ ታሙ ቃጶታ ኦላዳ፣ ቃንሳ ሚሳቲዛ ሚሻታ ገደ ጌልላ፤ ሂሰታዳ ቦላ ዲንካኔዛ ኢሲፌ ጋላ ኦይላ። ሂሰቲኮ ሃ ናምኡ ኦይኬቲዳ ካማቲ ኢሲኖ ገደና።

12 ቦላ ዲንካኔዛ ማጋላሻታፔ ፓላሂዳ ባጋ ማጋላሻይ ገደ ዲንካኔዛሰ ጉዬራ አላሌቶ።

13 ቦላ ዲንካኔዛ ማጋላሻቲ ናምኡ ባጋራካ ኢሲ ኢሲ ዋቆ ማላ ፓላሂዲ ሃራ ሃራ አላሌቲዲ ገደ ዲንካኔዛ ካማና ማላ ናምኡ ባጋ ሚሊራ አላሌቶ።

14 «ቦላ ባጋ ዲንካኔዛ ቦላራ ካማናሰ ዞኦ ቃላሜን ጌሊ ኬዚዳ ቆርሾ አቲ ገሊሳ፤ ቃሴ ኢዛ ቦላራ ካማናሰ ሃላ ገደ ደኦ ጋልባፌ ሃራ ካማ ገሊሳ።

15 «ገደ ዲንካኔዛ ቶሌ ሚላታ ኦደሮ ሚላፌ ኦላ።

16 ኢሲ ኢሲ ቶሌ ሚላሰ አዲሳቴላይ ታሙ ዋቆ፣ ጎምፓይ ኢሲ ዋቆኔ ባጋ ገደ።

17 ኢሲ ቶሌ ሚላሰ ኢሲ ቦላ ኦይኬቲ ኡቲዳ ናምኡ ቶሆታ ኦላ። ገደ ዲንካኔዛ ቶሌ ሚላታ ኡባካ ሂሳላ ኦላ፤

18 ገደ ዲንካኔዛሰ ዲጌ ባጋራ ናምኡ ታሙ ቶሌ ሚላታ ኬሳዳ፣

19 ኢሲ ኢሲ ቶሌ ሚላሰ ናምኡ ኤቆሶ፣ ሙሌራ ኦይዱ ታሙ ኤቆሶ ቢራፔ ገሊሳ።

20 ገደ ዲንካኔዛሰ ፑዴሃ ባጋራ፣ ናምኡ ታሙ ቶሌ ሚላታ ኬሳዳ፣

21 ኢሲ ኢሲ ቶሌ ሚላሰ ናምኡ ኤቆሶ፣ ሙሌራ ኦይዱ ታሙ ኤቆሶ ቢራፔ ገሊሳ።

22 ቃሴ ጊደ ዲንካኔዛሰ ጉዬራ ኣርሼይ ወሊዛ ባጋራ ኡሱፑን ቶሌ ሚላታ ኬሳዳ፤

23 ጉዬ ባጋራ ዲዛ ዘዘታሰ ናምኡ ቶሌ ሚላታ ገቢሳ።

24 ጉዬ ባጋራ ዲዛ ቶሌ ሚላታ ወሪ ጸጸፔ ጸራ ጋካናሰ ኢሲ ቦላ ጋገ ኦይኬቲዲ፤ ጸራን ኢሲይ ኢሳራ ሳጋዮን ኦይኬቲቶ፤ ሃሳሶካ ናምኡ ዘዘታ ቦላ ዲዛ ናምኡ ቶሌ ሚላታካ ሃራ ቶሌ ሚላታራ ኦይኬቲቶ።

25 ኢሲ ኢሲ ቶሌ ሚላታ ጋርሳራ ናምኡ ናምኡ ቶሌ ኤቆሶይ ዳኦ፤ ሙሌራ ኦሰፑን ቶሌ ሚላታኔ ቢራፔ ኦሰቲዳ ታማኔ ኡሱፑን ኤቆሶይ ዳዮ።

26 «ቃሴ ሜጋ ሚላታ ኦዶሮ ሚላፌ ኬሳ። ጊደ ዲንካኔዛሰ ኢሲ ባጋ ሚሊን ዲዛ ቶሌ ሚላታሰ ኢቻሹ ሜጋ ሚላታ።

27 ቃሴ ሃንኮ ባጋ ሚሊን ዲዛ ቶሌ ሚላታሰ ሃኢካ ኢቻሹ ሜጋ ሚላታ ገቢሳ። ሃሳሶካ ጊደ ዲንካኔዛሰ ጉዬራ ኣርሼይ ወሊዛ ባጋራ ዲዛ ቶሌ ሚላታሰ ኢቻሹ ሜጋ ሚላታ ገቢሳ።

28 ጊደ ሜጋ ሚላታ ቶሌ ሚላታሰ ጊደራ ሃ ጋጸፕ ሄ ጋጸ ጋካናሰ ካንሳ ኬዛናሰ ቤሴሰ።

29 «ቶሌ ሚላታ ዋርቃን ቲያዳ ሜጋ ሚላታ ኢሰታ ጊደራ ኣጲዛ ሳጋዮታ ዋርቃፌ ኦላ፤ ቃሴ ሜጋ ሚላታካ ዋርቃን ቲያ።

30 ጊደ ዲንካኔዛ ታኒ ኔና ዙማ ቦላን ቤሲዳ ለሚሶዛ ማላ ቶካ።

31 «ሳሎ ሚሳቲዛ፣ ኦቻ ቲራ ሚሳቲዛ ቃጪናፔኔ ጸቃ ዘኦ ቃጪናፔኔ ሎኢ ሱቄቲዳ ሊቆ ላይኖፔ ኢሲ ማጋላሻ ኦላ፤ ሄ ማጋላሻዛ ቦላ ኪሩቤታ ሚሰሌ ሲኪ ሜጲዛ ሂላን ኦሲሳ።

32 ሂሰታዳ ኦዶሮ ሚላፌ ኦሰቲዳ ዋርቃን ቲያቲዳ ኦይዱ ኤቆ ሚላታ ቦላ ዲዛ ዋርቃፌ ኦሰቲዳ ካቆታን ካቃ። ሄ ኦይዱ ኤቆ ሚላታ ቢራፔ ኦሰቲዳ ኤቆሶታን ጌሌቶ።

33 ሄ ማጋላሻዛ ጊደ ዲንካኔዛ ካራን ዲዛ ቃጸታፔ ጋርሳራ ካቃዳ፣ ጫቆ ቃላሰ ማርካ ጊዲዳ ታቦታ ማጋላሻዛ፣ ጋላ ባጋራ ዋላ፤ ሂሰቲኮ ሄ ማጋላሻዚ ጌሽ ጌቲቲዛ ሶሆዛ ኡባፌ ዲማቲዛ ቆልኣፌ ጊደን ሻካና።

34 ማሮቲላ ካማ ኡባፌ ዲማቲዳ ቆልኣን ዲዛ ጫቆ ቃላሰ ማርካ ጊዲዳ ታቦታ ቦላ ዋላ።

35 ጸራጸዛዛ ማጋላሻፔ ካሬራ ፑዴ ባጋራ ዋላ፤ ጸምፔ ዋሊዛ ባላ ቃሴ ኢዛ ገናን ዲጌ ባጋራ ዋላ።

36 «ዲንካኔዛን ጌሊዛ ፔንጌዛሰ ሳሎ ሚሳቲዛ ቃጪናፔ፣ ኦቻ ቲራ ሚሳቲዛ ቃጪናፔ፣ ጸቃ ዘኦ ቃጪናፔኔ ሎኢ ሱቄቲዳ ሊቆ ላይኖፔ ጸልፔን ኣሌቂሲ ኦሰቲዳ ማጋላሻ ገቢሳ።

37 ማጋላሻዛሰ ኢቻሹ ኤቆ ሚላታ ኦዶሮ ሚላፌ ኬሳዳ፣ ዋርቃን ቲያ፤ ኢሰታ ካቆቲካ ዋርቃፌ ኦሰቲዳ ጊዳቶ፤ ኤቆ ሚላታሰ ጸርቂማላፔ ኦሰቲዳ ኢቻሹ ኤቆሶ ገቢሳ።

27

ጸርቂማላፔ ኦሰቲዳ ያርሾሶሆ (ኬሳ 38:1-7)

1 «ኦዶሮ ሚላፌ ያርሾዛሶ ኦላ። ሄ ያርሾዛሶዛ ጸቃቲላይ ሄሹ ዋላ፤ ጎምፓይኔ ኣዲሳቲላይ ኢሲ ማላ፣ ኢቻሹ ኢቻሹ ዋላ ጊዲዳ ኦይዱ ዘዘራ ዳዮ።

2 ኦይዱ ዘዘታ ወርሴላ ጋጸን ጋጸን ኢሲ ኢሲ ካጪ፣ ሚላ፤ ካጪ፣ ያርሾሶዛፔ ኦሰቲቶ። ሂሰታዳ ያርሾዛሶዛ ጸርቂማላ ቲያ።

3 ኢዛን ጎኤቲዛ ሚሻታ፣ ቢዲንሳ ካሺዛ ሚሻታ፣ ካሺቲዳ ቢዲንሳ ኬሲዛ ሚሻታ፣ ኬሬታ፣ ኣሾ ጸዲዛ ኮንጪፎታኔ ታማ ካቲዛኔ ኬሲዛ ሚሻታ ኡባ ጸርቂማላፔ ኦላ።

4 ሂሰታዳ ኢዛሰ ጸርቂማላፔ ዛይዛሬ ማላ ሚሺኔ ኦይዱ ጉላታ ቦላን ኦይዱ ሳጋዮታ ኦላ።

5 ሂሰታዳ ያርሾዛሶዛሰ ዳባ ቦላ ዋላ።

6 ኦዶሮ ሚላፌ ያርሾዛሶዛሰ ቶሆ ሚላታ ኬሳዳ ጸርቂማላ ቲያ።

7 ያርሾዛሶዛ ቶኪዛ ዋዴ ማዳና ማላ ሄ ቶሆ ሚላታሰ ናምኡ ሚሌራ ዲዛ ሳጋዮታን ኦላ።

8 ታኒ ኔና ዙማ ቦላን ቤሲዳ ማላ ያርሾዛሶዛ ሳንቃፌ ኦላዳ ጊደዛ ደያ ኣጋ።

ጸሳ ዲንካኔዛ ገቤ (ኬሳ 38:9-20)

9 «ጸሳ ዲንካኔዛ ገቤ ሎኢ ዳዴቲዳ ሊቆ ላይኖፔ ማጋላሻታ ገቢሳ። ዲጌ ባጋራ ዲዛ ማጋላሻታ ኣዲሳቲላይ ጸቲ ዋላ ጊደ።

10 ኢዛሰ ናምኡ ታሙ ኤቆ ሚላታኔ ኤቆ ሚላታ ኢሰታን ኤቁዛ ናምኡ ታሙ ኤቆሶታ ጸርቂማላፔ ኦላ፤ ኢሰታ ሁኤን ቃሴ ካቆታኔ ቶሬ ሚላታ ሁኤ ቦላ ጌታ ሳጋዮታ ቢራፔ ኦላ።

11 ሃሳሶካ ፑዴ ባጋ ኣዲሳቲላይ ጸቲ ዋላ፤ ቃሴ ናምኡ ታሙ ቶሬ ሚላታኔ ኤቆ ሚላታሰ ናምኡ ታሙ ጸርቂማላፔ ኦሰቲዳ ኤቆሶቲ ዳቶ። ሂሰታዳ ቢራፔ ኦሰቲዳ ካቆታኔ ኤቆ ሚላታሰ ሁኤ ቦላ ጌታ ሳጋዮታ ዋላ።

12 ኣርሼይ ወሊዛ ባጋራ ኣኮቲላይ ኢቻሹ ታሙ ዋላ ጊደ፤ ታሙ ቶሬ ሚላታኔ ቶሬ ሚላታሰ ታሙ ኤቆሶቲ ዲዛ ማጋላሻቲ ኢዛሰ ዳቶ።

13 ቃሴ ኣርሼይ ሞኪዛ ባጋራ ኣኮቲላይ ኢቻሹ ታሙ ዋላ ጊዲዳ።

14 ፔንጌዛፔ ኢሲ ባጋራ ታማኔ ኢቻሹ ዋላ ኣዲቁዛ ማጋላሻቲ ዳቶ፤ ኢሰታሰ ሄሹ ኤቆ ሚላታኔ ኢሰታን ኤቁዛ ሄሹ ኤቆሶቲ ዳቶ።

15 ሃሳሶካ ሃንኮ ባጋራ ታማኔ ኢቻሹ ዋላ ኣዲቁዛ ማጋላሻቲ ዳቶ፤ ኢሰታሰ ሄሹ ኤቆ ሚላታኔ ኢሰታን ኤቁዛ ሄሹ ኤቆሶቲ ዳቶ።

16 «ፔንጌዛሰ ናምኡ ታሙ ዋላ ኣዲቁዛ ማጋላሻ ሳሎ ሚሳቲዛ፣ ኦቻ ቲራ ሚሳቲዛኔ ጸቃ ዘኦ ቃጪናፔኔ ሎኢ ሱቄቲዳ ላይኖፔ ዳዴቲዳ፣ ጸልፔን ሎኢዳ ማጋላሻ ገቢሳ። ኢዛ ቲቂ ኦይካናሰ ኦይዱ ኤቆ ሚላታኔ ቶሬ ሚላታ ኢሰታን ኤቁዛ ኦይዱ ኤቆሶታ ገቢሳ።

17 «ገቤዛ ዩዩ ኣዳናሰ ዲዛ ኤቆ ሚላታ ኡባሰ ቢራፔ ኦሰቲዳ ጌታ ሳጋዮቲ፣ ካቆቲኔ ጸርቂማላፔ ኦሰቲዳ ኤቆሶቲ ዳቶ።

18 ገቤዛ ኣዲሳቲላይ ጸቲ ዋላ፣ ኣኮቲላይ ኢቻሽ ታሙ ዋላ ጊደ፤ ጸቃቲላይ ኢቻሹ ዋላ ጊዲዳ ሎኢ ሱቄቲ ዳዴቲዳ ላይኖፔ ኦሰቲዳ ማጋላሻቲ ዳቶ፤ ቃሴካ ጸርቂማላፔ ኦሰቲዳ ኤቆሶቲ ዳቶ።

19 «ጸሳ ዲንካኔዛ ኦሶስ ጎኔቲዛ ሚሻቲ፣ ዲንካኔዛኔ ጊቤዛ ቶሌ ጲሽኬቲ ዉሪካ ጸርቁማላፕ ኦሴቲቶ።

ጸምፔ ዛይቲ (ሊዌ 24:1-4)

20 «ጸምፔይ ቶኦንታ ኤጲሼ ዳና ማላ ኢዛስ ኮሽዛ ዛይቲ ዋጋራ ሚላ ኣይፌ ጤዲ ጉምኢዲ ጲሎ ዛይቲ ኔስ ኤሃና ማላ ኢሰራኤሌ ናይታ ኣዛዛ።
21 ኣሮኔይኔ ኢዛ ኣቱማ ናይቲ ጸምፔይ ጎዳ ሲንሳጎ ቃሚዳ ጋዴይ ዋንታና ጋካናስ ፖኣና ማላ፣ ጸሳ ዲንካኔዛ ጊደን፣ ጫቆ ቃላስ ማርካይ ኢዛ ጊደን ዲዛ ታቦታ ሲንሳጎ ዲዛ ማጋላሻፕ ካራራ ኤፊቶ። ሃይሲ ኢሰራኤሌ ኣሳስ ሚርናስ ዋጋ ጊዲ ዳኦ።

28

ቄሴታ ማይኦ (ኬሳ 39:1-7)

1 «ኔ ኢሻ ኣሮኔኔ ኢዛ ኣቱማ ናይታ ናዳቤ፣ ኣቢሁ፣ ኤልኤዜሬኔ ኢታማራ ኔኮ ኤካ ያ፣ ኢስቲ ቄሴ ጊዲዲ ታስ ኦላና ማላ ኢሰራኤሌ ኣሳ ጊደፌ ኢስታ ዲማሳ።
2 ኢዛስ ቦንቾኔ ሎኦቲል ኢማና ማላ ኔ ኢሻ ኣሮኔስ ዲማ ማይኦ ጊሊሳ።
3 ታኒ ዲማ ዲማ ኤራቲል ኢሚዳ ኩሼ ሃላ ኤሪዛ ኣስ ኡባ ጸይጋዳ ኣሮኔስ ማይኦ ጊሊሳና ማላ ዮታ፣ ኢዚካ ቄሴ ጊዲዲ ታስ ኦላናስ ዲማቶ።
4 ኢስቲ ጊሊሳና ማይኦቲካ ሃይታንታኮ፣ ቲራ ኪሴ፣ ኤፋዳ፣ ኤፋዳፕ ጋርሳራ ማይኢዛ ሃራ ማይኦ፣ ቃሴካ ኡባፌ ጋርሳራ ማይኢዛ ኣዲሳ ማይኦ፣ ጎሴኔ ዳንጮ። ኔ ኢሻይ ኣሮኔይኔ ኢዛ ኣቱማ ናይቲ ቄሴ ጊዲዲ ታስ ኦሊሼ ዲማ ማይኦታ ማይኦና ማላ፣ ማይኦ ጊሊሴቶ።
5 ኩሼ ሃላቲል ኤሪዛይቲካ ሃ ማይኦታ ጊሊሳናስ፣ ዋርቃ፣ ሳሎ ሚሳቲዛ፣ ኦቻ ቲራ ሚሳቲዛኔ ጸቃ ዞኦ ቃጪናኔ ሊቆ ላይኖ ኤኪ ኦፊቶ።

ኤፋዳ

6 «ኤፋዳ ጌቲቲዛ ማይኦ ዋርቃፌ፣ ሳሎ ሚሳቲዛ፣ ኦቻ ቲራ ሚሳቲዛ፣ ጸቃ ዞኦ ቃጪናኔ ሎኢ ሱቁቲዳ ሊቆ ላይኖፕ ኩሼ ሃላቲ ኣሌቁሲ ጊሊሴቶ።
7 ኢዛስ ሃሼራ ዲጌ ዋጂዛ ናምኡ ካቆቲ ዳቶ፣ ኢስቲካ ቢዲ ኤፋዳ ማይኦዛራ ኢሲፌ ሃራ ኦይሊዛ ሚሻራ ዳባ ቦላ ኦይኬቲዲ ኢሲኖ ጊዳቶ።
8 ሃላይ ሎኤሊዲ ዳዲዳ ዳንጮይካ ኤፋዳዛ ማላ ዋርቃፌ፣ ሳሎ ሚሳቲዛ ኦቻ ቲራ ሚሳቲዛ፣ ጸቃ ዞኦ ቃጪናኔ ሎኢ ባቁቲዳ ላይኖፕ ኤፋዳዛራ ኢሲፌ ኦይኬቲ ዳዳቶ።
9 «ማርጊዳ ጌቲቲዛ ናምኡ ሹቻታ ኤካዳ ኢሰራኤሌ ናይታ ሱንሳ ኢስታ ቦላ ዋጫ ዳፋ።
10 ኢስታ ዩሌታ ማራ ማላ ኢሲ ሹቻ ቦላ ኡሱፑን ሱንሳ፣ ሃንኮ ሹቻ ቦላ ቃሴ ኣቲዳ ኡሱፑናታ ሱንሳ ዋጫ ዳፋ።
11 ሃላንቻይ ማታሚ ቦላ ሱንሳ ዋጪ ዳፊዛ ማላ፣ ሃ ናምኡ ሹቻታ ቦላ ኢሰራኤሌ ናይታ ሱንሳ ዋጫ ዳፋዳ ዩዩ ኣፋናስ ዋርቃፌ ጊጌቲዳ ሚሻ ጊደን ዋላ።
12 ሂሰታዳ ታሚኔ ናምኡ ኢሰራኤሌ ዜሬላታ ቆፍሲዛዝ ጊደና ማላ ሃ ናምኡ ሹቻታ ኤፋዳዛራ ኦይላዳ ሃሼ ቦላ ዋላ፣ ሂሰቲኮ ጎዳ ሲንሳጎ ኡባ ዋዳ ቆፊታና ማላ ሃ ሱንሳታ ኣሮኔይ ባ ሃሼ ቦላ ቶኮ።

13 ሹቻታ ዋላናስ ዋርቃፌ ደቁቲ ጊሊዳ ማጫራታ ኦላ።
14 ቃሴ ዋላካይ ባይንዳ ዋርቃፌ ዋደር ማላ ደቁቲዳ ናምኡ ኦርዳ ሳንሳላታታ ጊሊሳዳ፣ ሹቻታ ዋላናስ ዋርቃፌ ደቁቲ ጊጌቲዳ ማጫራታራ ጋላ ኦይሴላ።

ቲራ ኪሴ (ኬሳ 39:8-21)

15 «ጎዳ ሼኔይ ኣዛኮኔ ኢዛ ኦይቺዲ ኤሪዛ ቲራ ኪሴ ኩሼ ሃላንቻን ኦሲሳ። ሃ ቲራ ኪሴ ኤፋዳ ዳዲዳ ማላ፣ ዋርቃፌ፣ ሳሎ ሚሳቲዛ፣ ኦቻ ቲራ ሚሳቲዛኔ ጸቃ ዞኦ ቃጪናኔ ሎኢ ሱቁቲዳ ላይኖፕ ዳዳ።
16 ኢዛስ ኣዲሳቲላይኔ ኣሆቲላይ ዳኮቲ ቃላምኤቲዲ ኢሲ ታቆኮ ጊደ።
17 ሃሳፌ ጉዩ ኢዛ ቦላ ኦይዱ ማራን ኣልኦ ሹቻታ ዋላ፣ ኮይር ማራን ሳርዲዮኔ፣ ቶጻዚዮኔኔ ጸሊዛ ኢንቁ።
18 ናምኣንላ ማራን ባሎ፣ ሲምፔሬኔ ኣልማዜ ጌቲቲዛ ኣልኦ ሹቻታ፣
19 ሃሻንላ ማራን ያኪንቲ፣ ኬልቁዶኔኔ ኣማቴሰጲኖሴ፣
20 ኦይዳንላ ማራን ቢሪሌ፣ ማርጊዳ፣ ያሰጲዳ። ሃይታንቲ ዉሪ ሹቻታ ዋላናስ ዋርቃፌ ደቁቲ ጊሊዳ ማጫራታ ቦላ ኡቲቶ።
21 ኢሰራኤሌ ቆምታ ሱንሳ ቆዳ ማላ፣ ሹቻታ ቆዳይካ ታሚኔ ናምኡ ጊደ፣ ኢሳ ኢሳ ቦላ ማታሚ ማላ ዋጪቲዲ ታሚኔ ናምኡ ዜሬላታ ሱንሳ ሃ ሹቻታን ዳፊቶ።
22 «ቲራ ኪሴስ ዋላካይ ባይንዳ ዋርቃፌ ዋደር ማላ ደቁቲዳ ኦርዳ ሳንሳላታታ ኦላ።
23 ናምኡ ዩቻ ዋርቃፌ ጊሊሳዳ ቲራ ኪሴስ ቆም ጋጸ ጸራራ ጋላዳ ኦይላ ዋላ።
24 ሃ ናምኡ ዋርቃ ሳንሳላታታ ቲራ ኪሴታስ ጸራታን ዲዛ ሳጋዮታራ ጋላ ኦይላ።
25 ሃ ሳንሳላታታስ ሃንኮ ባጋ ጸራ ቃሴ ኤፋዳዛስ ሲንሳ ባጋራ፣ ሃሼ ቦላ ዲዛ ሹቻታ ዋላናስ ዋርቃፌ ደቁቲ ጊሊዳ ማጫራታራ ጋላ ኦይሴላ።
26 ቃሴካ ናምኡ ዋርቃ ዩቻታ ጊሊሳዳ፣ ኤፋዳፕ ካሊ ዲዛ ቲራ ኪሴታስ ጋላ ባጋራ ዲዛ ናምኡ ጸራታን ኣላ።
27 ሃሳላካ ዋርቃፌ ሃራ ናምኡ ዩቻታ ጊሊሳዳ ኤፋዳዛስ ሲንሳ ባጋራ፣ ሃሼ ቦላ ዲዛ ካቆዛፕ ጋርሳ ባጋራ፣ ኤፋዳ ዳንጪዛሶፕ ቆምራ ሲኮይ ጋጊዛሶ ኣቻን ኢስታ ኦይላ።
28 ቲራ ኪሴን ዲዛ ሳጋዮታ ኤፋዳዛን ዲዛ ሳጋዮታራ ጋሊዲ ሳሎ ሚሳቲዛ ሱቁላን ዳንጮዛራ ጋላ ቃቻ፣ ሂሰቲኮ ቲራ ኪሴዚ ጸሳፌ ቦላራ ዲዛ ጊሻስ ቃሾይ ለፔና።
29 «ኣሮኔይ ኡባፌ ዲማ ቆልኣ ጌሊዛ ዋዳ ሃ ቲራ ኪሴን ዲዛ ኢሰራኤሌ ቆምታ ሱንሳታ ቶኮ። ሂሰቲኮ ሃይሲ ጎዳ ሲንሳጎ ኡባ ዋዳ ሃሳኤታና።
30 ቃሴ ኡሪሜኔ ቱሚሜ ጌቲቲዛይታ ቲራ ኪሴታን ዩጋ። ኣሮኔይ ጎዳ ሲንሳ ኣጲሼ ባ ቲራን ዋላ ኤኪ ጌሎ። ጎዳ ሼኔይ ኣዛኮኔ ኢሰራኤሌ ኣሳ ኤሪሳና

ማላ፡ ኢዚ ጎዳ ሲንላን ኦላናሰ ጌሊዛ ኡባ ዎዴ ቲራ ኪሴፔ ዳይሶፎ።*

ቄሴቲ ማይኢዛ ሃራ ማይኦታ (ከሳ 39:22-31)

31 «ኤፋዳዛፔ ቦላራ ማይኤቲዛ አዲሳ ማይኦ ሳሎ ማሳቲዛ ጫርቃፌ ጸላ ገቢሳ።

32 ሃ አዲሳ ማይኦዛሰ ሁኤይ ጌሊዛሶ ገቢሳ። ሁኤይ ከዚዛሰዚ ዳኬቶንታ ማላ ሶ ባጋ ቃላምአዳ ዩሻ አላ ሲካ።

33 አዲሳ ማይኦዛሰ ጋርሳ ባጋ ማጫራ ዩሻን ሳሎ ማሳቲዛ፡ ኦቻ ቲራ ማሳቲዛኔ ጸቃ ዘኦ ቃጫናፔ፡ ኦሮማኔ ጌቲቲዛ ማላ አይፌ ማሰሌታ ሜቆ። ሂሰታዳ ኢሰታ ገደን ዎርቃፌ ኦሴቲዳ ዳላታ ዋላካን ዎላ።

34 ዎርቃ ዳላቲኔ ኦሮማኔ ማላ አይፌ ማሰሌቲ ሄ አዲሳ ማይኦ ጋርሳ ባጋ ጸራን ዩዩ አዳናሰ ዋላካን ዩቶ።

35 አርኔይ ቄሴቲላን ኦሊዛ ዎዴ ሃ አዲሳ ማይኦዛ ማይኦ፤ ጎዳ ሲንላ ኡባፌ ዲማ ቆልኦ ጌሊዛ ዎዴኔ ከዚዛ ዎዴ ዳላይ ገራና። ኢዚ ሄ ማይኦዛ ማይኢኮ ሃይቄና።

36 ዋላካይ ባይንዳ ዎርቃፌ ኢሲ አሌቆ ገቢሳዳ ማታሜ ዎጪ ከሲዛ ማላ ኢዛ ቦላ ዎጫዳ፡ ሳዳሰ ጌሽ ገዲ ዲማቲዳሰን ጋዳ ጸፋ።

37 ሂሰታዳ ሁኤን ጎሳ ቦላ ሳሎ ማሳቲዛ ቃጫናን ጎሳዛሰ ሲንላ ባጋራ ኦይላ ካቃ።

38 ሂሰታዳ አርኔይ ኢዛ ባ ሊጸን ዎላ፤ ሄን ኢሰራኤል አሳይ ጎዳሰ አምታ አሚሼ ሞሪዳ ሚሽ ዲኮካ ሄ ዎሮዛ አርኔይ ቶኮ። አሳይ ኤሃዘይሳ ጎዳይ ኤካና ማላ ኢዚ ሄ ጸፊቲዳይሳ ኡባ ዎዴካ ባ ሊጸን ዎላናሰ ኮሼሰ።

39 «አርኔ ሻሚዜ ሌኤ ላይኖፔ ዳዳ፤ ሁኤን ጸጺዛ ጎሳካ ላይኖፔ ገቢሳ። ቃሴ ዳንጮዛካ ጸልፔን አሌቂሳዳ ሲኪሳ።

40 አርኔ ናይታሰ ቦንቾኔ አሌቆ ገዳና ማላ፡ ሻሚዜታ፡ ዳንጮታኔ ሁኤን ጸጺዛ ጎሳታ ገቢሳ።

41 ኔኒ ሃ ማይኦታ ኔ አሻ አርኔኔ ኢዛ ናይታ ማይዚዳፔ ጉዬ፡ ኢሰቲ ቄሴቲላን ታሰ ኦላና ማላ ኢሰታ ዎጋራ ዛይቲ ቲያ፤ ቲያዳ ኢሰቲ ቄሴ ገዲዲ ታሰ ኦላና ማላ ኢሰታ ዲማሳ።

42 ኢሰታ ካሎይ ካሚታና ማላ ጋርሳራ ገዲዛ ገላ፡ ጸሳፌ ቢዲ ዎዲራ ጋካናሰ ካሚዛዛ፡ ሊቆ ላይኖ ቃጫናፔ ገቢሳ።

43 አርኔይኔ ኢዛ ናይቲ ጸሳ ዲንካኔ ገደ ጌሊዛ ዎዴ ዎይኮ ገቢ ገደን ቄሴቲላን ኦላናሰ ያርሾ ያርሽዛሶ ሽቂዛ ዎዴ ሃይታ ማይኦታ ማይኦቶ። ሄሳላ ሃንኮ ኢሰቲ ባንታ ቦላ ቆሆኔ ሃይቆ ኤሂቲና። ሃይሲ አርኔሲኔ ኢዛ ዜሬላታሰ ሜርናሰ ዎጋ ገደ።

29

ቄሴቲላ ኦሶ ገሻሰ አርኔሲኔ ኢዛ ናይታሰ አሜቲዳ ዎጋታ

1 «አርኔይኔ ኢዛ ናይቲ ቄሴ ገዲዲ ታሰ ኦላና ማላ ኔኒ ኢሰታ ዲማሳናሰ ኦላ፤ ዎሶይ ባይንዳ ኢሲ ማርሳኔ ናምኡ ቆርሾታ ኤካ።

2 ሎኦ ገሰቲ ጳሌ ኤካዳ ኢርሾ ዩሳንታ ኡኩላ ኡካ፤ ቃሴካ ኢርሾ ዩሳንታ ዛይቲን ጉላ ኡኩላ ኡካ፤ ሄሳላካ ኢርሾ ዩሳንታ ቄሪ ኡኩላ ኡካዳ ዛይቲ ቲያ።

3 ኔኒ ሄይታ ለማቲን ዎላዳ፡ ሚርጎዛ ናምኡ ቆርሾታራ ኢሲፌ ታሰ ሽሻ።

4 «ሂሰታዳ አርኔኔ ኢዛ ናይታ ጸሳ ዲንካኔዛ ፔንጌ ኤሃዳ ሃላን ማጫ።

5 ሄሳፌ ጉዬ ማይኦታ ኤካዳ፡ ሻሚዜ፡ ኤፋዳፔ ቦላራ ማይኢዛ አዲሳ ማይኦ፡ ኤፋዳኔ ቲራ ኪሴ አርኔ ማይዛዳ ኤፋዳዛ ሂላን ዳዳቲዳ ዳንጮን ዳንጪሳ።

6 ጎሳዛ ኢዛ ሁኤን ጎዚሳዳ፡ ሳዳሰ ጌሽ ገዲ ዲማቲዳሰን ጌቲቲ ጸፊቲዳ አሌቆዛ ጎሳ ቦላ ዎላ።

7 ቲዩዛ ዛይቲካ ኤካዳ ኢዛ ሁኤን ቲጋዳ ቲያ።

8 ኢዛ ናይታካ ኤሃዳ ሻሚዜታ ማይዛ።

9 ጎሳካ ኢሰታ ሁኤን ጎዚሳ። ሄሳፌ ጉዬ አርኔኔ ኢዛ ናይታ ዳንጮ ዳንጪሳ። ቄሴቲላይ ኢሰታሰ ሜርና ኦሶ ዎጋ ገደ፤ ሄሳላ ሂሰታዳ አርኔኔ ኢዛ ናይታ ቄሴ ሂሰታ።

10 «ኔ ታሰ ሚርጎ ጸሳ ዲንካኔ ሲንላ ኤሂኮ አርኔይኔ ኢዛ ናይቲ ኢዛ ሁኤ ቦላ ባ ኩሼ ዎሊኮ።

11 ዎፋኖዛ ሄን ጎዳ ሲንላን ሹካ።

12 ዎፋኖዛ ሱላን ኔ ቢራጴ ጌልላ ከሳዳ፡ ያርሽዛሶዛ ቦላን ዲዛ ካጩታ ቲያ፤ ቲዩሽን ኦቲዳ ሱላ ያርሽዛሶዛፔ ጋርሳ ባጋራ ጉሳ።

13 ሄሳፌ ጉዬ ማራጩ ካሚዳ ሞዴ፡ ቲሬዛራ ኦይኬቲ ዲዛ አሾ፡ ናምኡ ከላሆታኔ ኢሰታ ካሚዳ ሃንዳ ኤካዳ፡ ያርሽዛሶዛ ቦላ ዎላዳ ጸጋ።

14 ገደ ኦቲን ሚርጎዛ አሾ፡ ጋልባኔ ማራጩዛ፡ ሜቲቶንታ አሾታ አሲ ዲዛሶሆፔ ሃራሶ ኤፋዳ ናጋራ ያርሾ ገዳና ማላ ጸጋ፤

15 «ናምኡ ቆርሾታፔ ኢሳ ኔ ኤኪኮ አርኔይኔ ኢዛ ናይቲ ባ ኩሼ ኢዛ ሁኤ ቦላ ዎሊቶ።

16 ሹካዳ ሱላ ያርሽዛሶዛ ሚሌ ቦላ ኡባ ባጋራ ወጸ።

17 ቆርሾዛ አሾ ቃንጾሬላዳ፡ ቃንላ አሾኔ ቶሆታ ማጫዳ ሁኤዛራኔ ሃንኮ ኦቲዳ አሻራ ኢሲ ቦላ ዎላ።

18 ሄሳፌ ጉዬ ቆርሾዛ ሙሌራ ያርሽዛሶዛ ቦላ ጸጋ፤ ሄሲ ጎዳሰ ታማን ጸጌቲዛ ሳዎ ቲኦ ገዛ ያርሾኮ።

19 «ቃሴ ሃንኮ ቆርሾዛ ኔ ኤኪኮ አርኔይኔ ኢዛ ናይቲ ባ ኩሼ ኢዛ ሁኤ ቦላ ዎሊቶ።

20 ሄ ቆርሾዛ ሹካዳ ኢዛ ሱላፌ ጉላራ ኤካዳ፡ አርኔሲኔ ኢዛ ናይታሰ ኡሻቻ ሃይላታ ጸራ፡ ኡሻቻ ኩሼ ማንላ ቢራጴታኔ ኡሻቻ ቶሆ ማንላ ቢራጴታ ቲያ፤ ሄሳፌ ጉዬ ኦቲዳ ሱላ ያርሽዛሶ ሚሌ ቦላ ኡባሶ ወጸ።

21 ያርሽዛሶን ዲዛ ሱላፌኔ ቲዬቲዛ ዛይቲዛፔ ገናራ ኤካዳ፡ አርኔ ቦላኔ ኢዛ ማይኦ ቦላ፡ ኢዛ ናይታ ቦላኔ ኢሰታ ማይኦ ቦላ ወጸ፤ ሂሰቲኮ ኢዚ ኢዛ ናይቲኔ፡ ኢሰታ ማይኦይ ጎዳ ኦሶሰ ዲማታና።

22 «ሃ ቆርሾዛፔ ጎይናዛኔ ኢዛን ዲዛ ቶልላዛ፡ ማራጩ ቦላን ዲዛ ሞዴ፡ ቲሬዛራ ኦይኬቲ ዲዛ አሾ፡ ናምኡ ከላሆታ፡ ኢሰታ ካሚ ኦይኪዳ ሃንዳራኔ ኡሻቻ ጌዳራ ኔኒ ኤካ፤ ሃይሲ ቄሴቲላ ሱንላ አሚዛ ዎዴ ሹኬቲዛ ደርሳ።

* 28:30 ኡሪሜይኔ ቱሚሜይ አይሁዳ ቄሴቲ ማይኢዛ ኤፋዳ ጌቲቲዛ ማይኦሰ ቲራ ኪሴን ዎሊዛ ጸሳ ሹኔ ኦይቻናሰ ጎኤቲዛ ናምኡ ሚሻታ፤ ገደ ኦቲን ኢሰቲ ዎኒዲ ዎይኮ አዛፔ ኦሶቲዳኮ ኤሬቲና። 29:18 ኤፌ 5:2፤ ጠላ 4:18

23 ጎዳ ሲንላን ዋሊዳ ኢርሾይ ጌሎንታ ኡኩላፌ ኢሲኖ፣ ዛይቲይ ዋላኩቶንታ ኡኩላፌ ኢሲኖ፣ ዛይቲይ ኡኩላፍ ኢሲ ኮምፖኔ ኢሲ ቁሪ ኮምፓ ኤካ።

24 ኔኒ ሃ ካላ ኡባ ኣርኔ ኩሼኒኔ ኢዛ ናይታ ኩሼን ዋሊኮ ኢሰቲ ያኔ ሃ ቃሴሊዛ ያርሾ ሂሰቲዲ ጎዳ ሲንላን ሺሹቶ።

25 ሃሳፌ ጉዬ ኔኒ ኢሰታ ኩሼፔ ሂይታ ኤካዳ፣ ያርሺዛሶዛ ቦላ ዋላዳ፣ ጸጌቲዛ ያርሾራ ኢሲፌ ጋላዳ፣ ጎዳሰ ሳዎ ቱኑ ጋና ማላ፣ ያርሺዛሶዛ ቦላ ታማን ጸጋ።

26 ኣርኔይ ቁሴ ጊዲዲ ሱሚዛ ዎዴ ሹኪዳ ጳርሾዛ ኣንጋሶ ኤካዳ ጎዳ ሲንላን ያኔ ሃ ቃሴሊዛ ያርሾ ሂሰታ ቃሴላ፤ ሃይሲ ኢንቴና ጋኪዛ ገሻ ጊዳና።

27 «ሃ ሹኩቲዳ ጳርሾዛ ኣሾፔ ያርሾ ኦሊዲ ያኔ ሃ ቃሴሊዳ ኣንጋሶዛኔ ጎዳ ሲንላ ሺቆዳ ጌዳ ዲማሳ። ሄሲካ ኣርኔ ገሻኔ ኢዛ ናይታ ገሻ ጊዳና።

28 ኢሰራኤል ኣሳይ ጎዳሰ ሺሺዛ ኢሲፌቲላ ያርሾዛፔ ኣንጋሶዛኔ ጌዳዛ ኡባ ዎዴካ ኣርኔሲኔ ኢዛ ኣቲማ ናይታ ጋኪዛ ገሻ ጊዳ። ኣይሰ ጊኮ ሃይሲ ኢሰራኤል ኣሳይ ጎዳሰ ሺሺዛ ኣሞታ።

29 «ኣርኔ ቁሴቲላ ዲማ ማይኦይ ኢዛፔ ጉዬ ኢዛ ዜሬላሰ ጊዳ፤ ኢሰቲ ቲዬቲዲ ቁሴ ጊዲዛ ዎዴ ሄ ማይኦዛ ማይኦቶ።

30 ኢዛ ናይታፔ ኢዛሶሆን ቁሴ ጊዲዲ ዲማቲዳ ሶሆዛን ኦላናሰ ጸሳ ዲንካኔ ዪዳ ኣቲማ ናይ ሄ ማይኦዛ ላፑን ጋላሰ ጋካናሰ ማይኦ።

31 «ኣርኔይ ኢዛ ናይቲ ቁሴቲላን ሱንላናሰ ሹኩቲዳ ጳርሻ ኣሾ ኤካዳ ዲማ ሶሆዛን ደይሳ።

32 ኣርኔይ ኢዛ ናይቲ ጳርሾዛ ኣሻ ለማቴን ዲዛ ኡኩላፍ ጸሳ ዲንካኔ ፔንጌን ማቶ።

33 ኢሰቲ ቁሴ ጊዲዲ ሱሚዛ ዎዴ ዲማቲዛ ዎዴ ኢሰታ ናጋራይ ኣቶ ጌቲታና ማላ ያርሾቲዳ ሄ ያርሾታ ሚቶ። ጊዳ ኣቲን ሄ ያርሾቲ ጌሽ ጊዲዳ ገሻሰ ሃራ ኣሲ ኦኒካ ሞፖ።

34 ቁሴቲላን ሱንላናሰ ሹኪዳ ጳርሾዛ ኣሾፔ ዎይኮ ኡኩላፌ ማላደ ጋካናሰ ፓላሂዲ ኣቆኮ ዲማ ጊዲዳ ገሻሰ ታማን ጸጌቶ ኣቲን ማቴቶፎ።

35 «ሃሳላ ሂሰታዳ ላፑን ጋላሰ ጋካናሰ ታኒ ኔና ኣዛዚዳ ማላ ኣርኔ ኢዛ ናይታ ቁሴ ሂሰታዳ ሱንላ።

36 «ናጋራይ ኣቶ ጌቲታና ማላ ሃኙ ሃኙ ናጋራ ገሻሰ ኢሲ ሚርሳ ያርሻ። ሃሳንካ ያርሺዛሶዛ ገሻ፤ ሂሰታዳ ያርሺዛሶዛ ዲማላናሰ ዛይቲ ቲያ።

37 ያርሺዛሶዛ ናጋራ ጌሾ ዎጋ ላፑን ጋላሰ ጋካናሰ ወርሳዳ ኢዛ ዲማላ። ሂሰቲኮ ያርሺዛሶዚ ዲማ ጌሻሶሆ ጊዳና። ኢዛ ቦቹዛዴይ ኡባይ ጌሽ ጊዳና ቤሴሰ።

38 «ያርሺዛሶን ኔኒ ሃኙ ሃኙ ሺሻና ያርሾይ ሃይሳ፤ ዬሌቲን ኢሲ ላይላ ኩሞንታ ናሞኡ ኣዴ ላቃ ያርሻ።

39 ኣዴ ላቃታፔ ኢሳ ማላደ፣ ቃሴ ናሞኣንሎዛ ኦማርሳ ዎዴ ያርሻ።

40 ኮይር ጳርሾ ላቃ ኢሲ ኪሎኔ ባጋ ሎኦ ገሰቲ ጳሌ ኢሲ ሊቲር ጉሞኤቲዳ ዛይቲን ሙኑቃዳ ያርሻ፤ ኢሲ ሊቲር ዎይኔ ኡሹ ኡሻ ያርሾ ሂሰታዳ ያርሻ።

41 ናሞኣንሎ ጳርሾ ላቃዛ ኦማርሳ ዎዴ ያርሻ። ማላደይሳ ጊና ጳሌ፣ ዛይቲኔ ዎይኔ ኡሹ ሺሻ። ሄሲካ ጎዳሰ ታማን ጸጌቲዲ ሳዎ ቱኑ ጊዛ ያርሾ ጊዳና።

42 «ሃ ጸጌቲዛ ያርሾይ ዪዛ ዬሌታ ኡባን ጸሳ ዲንካኔዛ ፔንጌን ጎዳ ሲንላን ፓጮይ ባይንዳ ያርሾታናሰ ኮሹሰ። ታኒ ኢንቴናራ ጋጋናይኔ ኔሰ ሃሳያናይ ሄንኮ።

43 ቃሴ ሄን ታኒ ኢሰራኤል ናይታራ ጋጋናኔ ታ ቦንቾይካ ሄ ሶሆዛ ዲማ ሶሆ ሂሰታና።

44 «ሃሳ ገሻሰ ታኒ ጸሳ ዲንካኔዛኔ ያርሺዛሶዛ ዲማሳና፤ ኣርኔይ ኢዛ ናይቲ ታሰ ቁሴ ጊዲዲ ኦላና ማላ ታኒ ኢሰታ ዲማሳና።

45 ሂሰታዳ ታኒ ኢሰራኤል ናይታ ጊደን ዴኣና፤ ቃሴ ታኒ ኢሰታ ጸሳ ጊዳና።

46 ታኒ ኢሰታ ጊደን ዴኣና ማላ ጊብጾፔ ኢሰታ ኬሴዳ ጎዳ ኢሰታ ጸሳ ጊዲዳይሳ ኢሰቲ ኤራና። ኤ፣ ታኒ ጎዳ ኢሰታ ጸሳ።

30

ኤጳኔ ጩዋሲ ያርሺዛሶ (ኬሳ 37:25-28)

1 «ኤጳኔ ጩዋሲ ያርሺዛሶ ኦይር ሚላፌ ገጊሳ፤ 2 ኢዛሰ ኦይዲ ዘዜይ ዴዮ፤ ኣዲሳቲላይ ኢሲ ዎቆ፣ ኣሆቲላይ ኢሲ ዎቆ፣ ጳቃቲላይ ቃሴ ናሞኡ ዎቆ ጊደ፤ ካጮቲካ ኢዛራ ኢሲ ቦላ ኦይኬቲ ኦይቲቶ።

3 ኢዛሰ ቦላ ባጋ፣ ኦይዲ ሚሊታኔ ካጮታ ኡባ ዋላካይ ባይንዳ ዎርቃን ቲያ፤ ኢዛ ዩሾንካ ዎርቃ ባልጸንላ ዩሻ ኣላ።

4 ሄ ባልጸንላፌ ጋርሳራ ኤጳኔ ጩዋሲ ያርሺዛሶዛሰ ዎርቃፌ ናሞኡ ቃንጎታ ኦላዳ ሄ ባጋራኔ ሃ ባጋራ ኦይሴላ። ሄይቲ ቶኪዛ ዎዴ ቶሆ ሚላታ ጌልላናሳ።

5 ቶሆ ሚላታ ኦይር ሚላፌ ኬሳዳ ዎርቃን ቲያ።

6 ሃ ያርሺዛሶዛ ጫቆ ቃላ ማርካይ ኢዛን ዲዛ ታቦታ ሲንላን ካቂቲዳ ማጋላሻፔ ካሬ ባጋራ፣ ጫቆ ቃላ ማርካ ቦላን ዲዛ ኣቶ ጌቲቲዛ ሶሆዛ ካማ ጊናራ ዎላ። ሄሲካ ታኒ ኔናራ ጋጊዛሶ።

7 «ኣርኔይ ማላደ ማላደ ጸሞፔታ ገጊሳናሰ ዪዛ ዎዴ ሳዊዛ ኤጳኔ ያርሺዛሶዛን ጩዋሶ።

8 ኣርኔይ ኦማርሳ ዎዴ ጸሞፔታ ፖኢሲዛ ዎዴ፣ ዛሬሊዲካ ኤጳኔ ጩዋሶ፤ ሂሰቲኮ ኤጳኔይ ጎዳ ሲንላን ዪዛ ዬሌታሰ ኡባ ዎዴ ጩዋታና።

9 ሃ ያርሺዛሶዛን ሃራ ዲጌቲዳ ኤጳኔካ፣ ዎይኮ ጸጌቲዛ ያርሾ፣ ዎይኮ ካላ ያርሾ ያርሾፋ፤ ኡሻ ያርሾካ ኢዛ ቦላ ቲጎ።

10 ኣርኔይ ላይላን ኢሲቶ ናጋራፔ ማሬታናሰ ሹኪዛ ማሄ ሱላ ኤኪዲ ሄ ያርሺዛሶዛ ቦላ ዲዛ ካጮታ ቦላ ቲዮ። ሂሰቲዲ ጌሾ ዎጋ ፖሎ። ሃ ዎጋይ ሲንላራ ያና ዎዴታ ኡባን ላይላን ላይላን ኦሌቶ። ሃሳላ ሃ ያርሺዛሶዚ ጎዳሰ ዲማ ጌዬዳሶ ጊደ» ጊዴሰ።

ሹምፖ ኣሻናሰ ቃንጸዛ ሚሹ

11 ሃሳፌ ጉዬ ጎዳይ ሙሴ ሃዘገጊዴሰ።

12 «ኔኒ ኢሰራኤል ኣቲማ ኣሳ ታይቤዛ ዎዴ፣ ኢሲ ኢሲ ኣሰ ታይቤቲዲ ባ ሹምፖ ኣሻናሰ ጎዳሰ ሚሹ ኣሞ፤ ሂሰቲኮ ኔኒ ኢሰታ ታይቤዛ ዎዴ ኣሳ ቦላ ቦሻይ ዬና።

13 ታይቤቲዳ ኣቲማ ኣሳይ ሁኤን ሁኤን ጸሳ ዲንካኔን ኤሬቲዳ ማካ ሚሻ ማላ ኮሺዛ ሚሻ ቃንጸ። ኢሲ ኢሲ ኣሰ ባሰ ዲዛ ማላ ኣሞ።

14 ቆዳን ጌሊዛ አቱማ አሳ ላይላይ ናምኑ ታሙ ኩሚዳይኔ ሃሳፌ ቦላይ ወሪ ጎዳሰ አምታ ኤሆ።

15 አንቱ አንቱ ሽምፖ አሻናሰ ጎዳሰ አምታ አሚሺን፣ ዱሬይካ ማንቆይካ ኢሲ ማላ አማናፔ አቲን፣ ዱሬይ ዳርሲዲ ዎይኮ ማንቆይ ጉሊዲ አምፎ።

16 ባ ሽምፖ አሻናሰ አሚዛ ሚሼ ኢሰራኤል አሳፔ ኤካዳ ጸሳ ዱንካኔዛ ኦሶስ ፔይሻ። ሃ ሚሻይ አንቱ ሽምፖ ዋዛናሰ፣ ጎዳ ሲንላን ኢሰራኤል አሳ ገሻሰ ሃሳኢሲዛዝ ገዳና» ገዳሰ።

ሜቻ ኬሪ

17 ሃሳፌ ጉዬ ጎዳይ ሙሴስ ሂዝጊዳሰ።

18 «ሜቻ ኬሬዛኔ ኬሬዛ ኢዛ ቦላ ዎሊዛ ሚሽ ጸርቁማላፔ ሜቆ። ጸሳ ዱንካኔዛፔኔ ያርሺዛሶዛፔ ገደን ዎላዳ ኢዛን ሃላ ቲጋ።

19 ሃ ሃላን አርኔይኔ ኢዛ ናይቲ ባ ኩሼኔ ባ ቶሆ ሜጩቴቶ።

20 ኢሰቲ ሃይቆንታ ማላ ጸሳ ዱንካኔዛን ጌልሽ አይዳካ ሃ ሃላን ሜጩቴቶ። ቃሴ ጎዳሰ ታማን ያርሾ ያርሻናሰ ያርሺዛሶ ማታ ሸቁዛ ዎይ።

21 ኢሰቲ ሃይቆንታ ማላ ባ ኩሼኔ ባ ቶሆ ሜጩቴቶ። ሃይሲ አርኔሲኔ ኢዛ ዜሬላታሰ፣ ዪዛ ዬሌታ ኡባሰ ሜርና ዎጋ ገዳ» ገዳሰ።

ቲዬቲዛ ዛይቲ

22 ጎዳይ ሙሴ ሂዝጊዳሰ።

23 «ሎኦ ቁማሜታ፣ ሃይቲካ ኡሱፑን ኪሎ ጎጊዛ ካርቤ፣ ሃሹ ኪሎ ሳዊዛ ቃራፋ፣ ሃሹ ኪሎ ሳዊዛ ጉጫቻ ማታኔ

24 ኡሱፑን ኪሎ ቡርጉዳ ኤካ። ሃይሲ ወሪካ ጸሳ ዱንካኔን ኤሬቲዳ ሜዛኔን ሜዛኔቲዳ ገደ። ሃሳ ቦላካ ኦይዱ ለቲር ዎጋራ ዛይቲ ጉጃ ኤካ።

25 ሃይታንታ ሸቶ ኦሊዛ ማላ ዋላካዳ ሳዊዛ ገሻቲላሰ ቲዬቲዛ ዲማ ዛይቲ ገገሳ።

26 ሃሰታዳ ጸሳ ዱንካኔዛ፣ ጫቆ ቃላ ማርካይ ኢዛን ዲዛ ታሶታ።

27 ጸራጳዛኔ ኢዛን ጎኤቲዛ ሚሻታ ኡባ፣ ጸምፔ ዎሊዛ ባላኔ ኢዛ ሚሻታ፣ ኤጸኔ ጨዋሲ ያርሺዛሶዛ።

28 ጸጌቲዛ ያርሾ ያርሺዛሶዛኔ ኢዛን ጎኤቲዛ ሚሻታ ኡባ፣ ሜቻ ኬሬኔ ኢዛ ዎሊዛሶዛ ኡባ ቲያ።

29 ኢሰቲ ኮሂ ጌሽ ገዳና ማላ ኔኔ ኢሰታ ዲማሳ፤ ኢሰታ ቦቹዛይ ወሪካ ጌሽ ገዳናሰ ቤሴሰ።

30 «ቃሴካ አርኔይኔ ኢዛ ናይቲ ቁሴ ገዲዲ ታሰ አላና ማላ ኢሰታ ቲያዳ ዲማሳ፤

31 ኢሰራኤል አሳሰ፣ ሃይሲ ቡር ያና ዬሌታሰካ ቲዬቲዛ ጌሻ ዛይቲ ገደ።

32 ሃ ዛይቲዛ ሃራ አሰ ቲዮፓ፤ ቃሴ ሃራ ዛይቲ ሃሳሶ ገገሶፋ። ኢዚ ዲማ ገዲዳ ገሻሰ አንቲካ ኢዛ ዲማቴላ ኤሪቲ።

33 ሃይሳ ማላ ሸቶ ገገሲዛ አሲኔ ቲዬታናሰ ቤሶንታ ሃራ አሰ ቲዬዛ አሲ ኦኒካ ባ አሳ ጋርሳፌ ቆዮ» ጋ» ገዳሰ።

ኤጸኔ

34 ሃሳፌ ጉዬ ጎዳይ ሙሴስ፣ «ሳዊዛ ቁማሜታ፣ ሚላ ኡዛሰ፣ ሃሌሎን ዲዛ ሸቶ፣ ሳዊዛ ሸዳኔ ሃራራ

ዋላኩቶንታ ኤጸኔ ኤካ፤ ኢሰታ ኡባ ሜዛኔይካ ኢሲ ገና ገደ።

35 ሸቶ ማላ ዋላኩቲዳ ኤጸኔ ኦላዳ ኢሰታን ጎኤታ፤ ዋላካይ ባይንዳ ጌሽኔ ዲማ ገዳና ማላ ኢዛን ማጸኔ ዬጋ።

36 ኢዛፔ ኤካዳ ለቁሳ ጫዳ፤ ሃሰታዳ ታኒ ኔናራ ጋጊዛ ጸሳ ዱንካኔዛ ገደን ጫቆ ቃላ ማርካይ ኢዛን ዲዛ ታሶታ ሲንላን ኤጸኔ ጨዋሲ ያርሺዛሶዛ ቦላ ዎላ። ኢዚ ኔሰ ኡባፌ አቋዳ ጌሽ ገዳና።

37 ሃይሳ ገገሲዳይሳላ ሃራ ኤጸኔ ገገሶፍቴ። ሃሲ ታሰ ዲማ ጌሽ ገዲዳይሳ ኔ ኤራ።

38 ሃሳ ሚሳቲዛዝ ገገሲዲ ኢዛ ሳዎ ሲንገዲ ኡፋዬታናሰ ኮይዛ አሲ ዲኮ ኢዚ ባ አሳ ጋርሳፌ ቆዮ» ገዳሰ።

31

ባሰሊኤሌኔ ኤልያቤ (ኬሳ 35:30—36:1)

1 ቃሴካ ጎዳይ ሙሴስ ሂዝጊዳሰ።

2 «ቤያ፤ ታኒ ዩሁዳ ዜሬላ ገዲዳ ሁሬሰ ናዛ ና፣ ኡሬይ ና፣ ባሰሊኤሌ ዶራዲሰ።

3 ኢዛ ታኒ ታ አያና፤ ሃላቴላን፣ አኮካኒኔ ኦሶ ኡባ ኦሊዛ ኤራቴላን ኩንሳዲሰ።

4 ሃሲካ ኢዚ ቆፒ ቆፒዲ ሃላቴላን፣ ዎርቃፌ፣

ቢርፔኔ ጸርቁማላፔ ዲማ ዲማ ሚሽ አላናሳ።

5 ሃሳሶካ አልኦ ሹቶ ማሰ ማሲዲ ገገሳናሰ፣ ሚላ ማሳናሰኔ ሃይታንታ ኡባ አላናሳ።

6 «ሃሳ ቦላካ ቃሴ ኢዛ ማዳና ማላ፣ ዳኔ ዜሬላ ገዲዳ አሃሳሜኮ ና ኤሳቤ ዶራዲሰ። ታኒ ኔና አዛዚዳይሳ ኡባ ኢሰቲ አላና ማላ፣ ኩሼ ሃላቴላ ኤሪዛይታ ኡባሰ ኤራቴላ አማዲሰ።

7 ኢሰቲ አላናይሲ ጸሳ ዱንካኔ፣ ጫቆ ቃላይ ኢዛን ዲዛ ታሶታኔ ታሶታዛ ቦላ ዎሊዛ አቶቴላ ካማ፣ ጸሳ ዱንካኔዛ አላናሰ ጎኤቲዛ ሚሻታ ኡባ።

8 ጸራጳዛኔ ኢዛ ሚሻታ፣ ዋላካይ ባይንዳ ዎርቃፌ ኦሴቲዳ ጸምፔ ኢዛ ቦላ ዎሊዛ ሚሽ ኡባራ፣ ኤጸኔ ጨዋሲ ያርሺዛሶዛ።

9 ጸጌቲዛ ያርሾ ያርሺዛሶዛኔ ኢዛ ሚሻታ ኡባራ፣ ሜጩቴዛ ኬሬኔ ኬራ ኢዛ ቦላ ዎሊዛ ሚሻራ።

10 ዳዴቲ ኦሴቲዳ ጫርቃታ፣ ቁሴ አርኔይ ማይኢዛ ዲማ ማይኦ፣ ኢዛ አቱማ ናይቲ ቁሴቴላ ኦሶ ኦሊሽ ማይኦና ማይኦ።

11 ቃሴ ቲዬቲዛ ዛይቲኔ ጌሻ ሶዛሰ ሳዎ ቱኑ ጊዛ ኤጸኔ። ኢሰቲ ሃይሳ ኡባ ታኒ ኔና አዛዚዳ ማላ አላና» ገዳሰ።

ሳምባታ

12 ሃሳፌ ጉዬ ጎዳይ ሙሴ።

13 «ኔኒ ኢሰራኤል አሳሰ፣ ቲላ ሳምባታ ሎኤሊ ናገቲ። ሃሲ ታኒ ጎዳይ አንቲና ታሰ ዲማ ሃሰታዳ ዶሪዳይሳ ቤሲዛዝ ገዲዲ ያና ዬሌታ ኡባሰ ታፔኔ አንቲፌ ገደን ማላታ ገዳና።

14 አንቲሰ ሃ ጋላሳይ ዲማ ገዲዳ ገሻሰ ሳምባታ ናገቲ። ኢዛ ቱኒሲዛ አሲ ሙሌ ሃይቃናሰ ቤሴሰ፤ ሃ ጋላሳን ኦሶ ኦሊዛይ ኦኒካ ባ አሳ ጋርሳፌ ቆዮ።

15 ኡሱቸን ጋላሳታን አንቴ ኦሶ ኦሊቴ፤ ገደ ኦቲን ላቸን ጋላሳይ ታሰ ጎዳሰ ደማቲዳ ሾምፖ ሳምባታ፤ ሄ ጋላሳን ኦሊዛዳይ ኦኒካ ሙሉራ ሃይቃናሰ ቤሴስ።

16 ኢሰራኤል አሳይ ሄ ሳምባታ ጋላሳ ና ናሰ ሜርናሰ ማላታ ሂሰቲዳ ናጎ።

17 ታኒ ኡሱቸን ጋላሳታን ሳሎኔ ሳኦ ሜዳዳ ላቸን ጋላሳን ኦሶ አጋዳ ሾምፖዳ ገሻሰ። ታሰኔ ኢሰራኤል ናይታሰ ገደን ሃይሲ ሜርናሰ ጫቆ ገዳና ጋ» ገደሰ።

18 ጎዳይ ሙሴራ ሲና ዙማ ቦላ ሃሳይዛይሳ ወርሲዳ ማላ ኢዚ ባ ቢራዴን ጸፊዳ ታሙ ኦዛዘታ ኦይኪዳ ናምኡ ማሴቲዳ ሹቻታ ሙሴሰ አሚዳሰ።

32

ዋርቃፊ ኦሴቲዳ ማራ ሚሰሌ (ዛሬ 9:6-29)

1 ሙሴይ ዙማፔ ዋዳንታ ኬሂ ጋምኢዳይሳ ቤኢዳ አሳይ አሮኔ ዩሾን ሸቀዳ። «ኣኔ ሃያ፤ ኔኒ ኦና ካሌሊዛ ኤቃ ጸሳታ ኦሰ ሜዳ። ገብጾ ቢታፊ ኦና ኬሲዳ ሙሴይ ገደኮ ኢዚ ዋኒዳኮ ኦ ኤርኮ!» ገደ።

2 ሂሰቲን አሮኔይ ኢሰታሰ። «አንቴ ማቼታ ሃይላን፣ አንቴ ኣቱማ ናይታ ሃይላንኔ ማጫ ናይታ ሃይላን ዲዛ ዋርቃ ኬሲዳ ታሰ ሃ ኤኪ ዩቲ» ገደሰ።

3 ሃሳፊ ጉዬ አሳይ ወሪ ባ ሃይላ ዋርቃ ኬሲዳ አሮኔሰ ኤሂዳሰ።

4 ኢዚ ሃሳ ኢሰታ ኩሼፔ ኤኪዳ ታማን ሴሪሲዳፔ ጉዬ ቆጸዛ ሚሻን ቆጸዳ ማራ ሚሰሌ ሜዳዳሰ።

5 ሃሳፊ ጉዬ አሳይካ። «ኢሰራኤል አሳወ! ኦና ገብጾ ቢታፊ ኬሲዳ ኦ ጸሳቲ ሃይታንታ» ገደሰ

6 አሮኔይ ሃሳ ቤኢዳ ማራ ሚሰሌዛ ሰንላን ያርሺዛሰ ገግሲዳ። «ዋንቶ ጎዳሰ ባኣሌ ጋላሰ ገዳና» ገ አዋጁዳሰ።

7 ሃሳ ገሻሰ ዋንቲላ ጋላሰ አሳይ ዋንታራ ዴንዲዳ ደገቲዛ ያርሾታኔ ኢሰፊቲላ ያርሾታ ያርሺዳሰ። ሂሰቲዳ አሳይ ማናሲኔ ኡያናሰ ኡቲዳሰ። ሚ ኡዩ ሰሚዳ ቃሴ ዲራናሲኔ ጉፓናሰ ዴንዲዳሰ።

8 ሃሰቲን ጎዳይ ሙሴሰ። «ኔ ገብጾፔ ኬሳ ኤሂዳ ኔ አሳይ ናጋራ ኦሊዳ ባናቲላ ቲሲዳ ገሻሰ ኤሶን ዲጌ ዋዳ።

9 ታኒ ኢሰታ ኦዛዘዳ ኦፔፔ ኢሰቲ ኤሶን ሾርኢ ገቼዳ። ዋርቃ ሴሪሲዳይሳ ማራ ሚሳቲሲዳ። ባሰ ኤቃ ጸሳታ ሜዳዳ ኢዛሰ ጎይኒዳኔ ያርሾዳ። ቃሴካ። «ኢሰራኤል አሳወ! ኦና ገብጾ ቢታፊ ኬሲዳ ኦ ጸሳቲ ሃይታንታ» ገደ።

10 «ታኒ ሃ አሳ ቤያዲሰ፤ ኢሰቲ ባንታ ዋዚና ሙሚዳ አሳ።

11 ሃኢ ታ ሃንቆይ ኢሰታ ቦላ ኤጺ ኬዘን ታኒ ኢሰታ ዳይሳናይሳ ኔኒ ታና ዲጎፋ። ሃሳፊ ቃሴ ታ ኔና ገታ ካዋቲላ ሂሰታና» ገደሰ።

12 ገደ ኣቲን ሙሴይ ጎዳ ባ ጸሳ። «ኣቤት ጎደ! ኔኒ ኔ ገታ ዋልቃኒኔ ኔ ሚኖ ቄሴን ገብጾፔ ኬሳዳ ኤሂዳ ኔ አሳ ቦላ ሃሳላ ኣዛሰ ሃንቁታይ?

13 ገብጾ አሳይ። «ኢዚ ኢሰታ ዙማታ ቦላን ዋዳናሲኔ ቢታፊ ፒቲ ዳይሳናሰ ኢታ ቆፋን ኬሲዳሰ» ኣይሰ ጌቲታይ? ኔኒ ኔ ዋልቃማ ሃንቆፊ ሲማ፤ አሳ ዳይሳናሰ ቆፒዳይሳ አጋ።

13 ኔ ኣይሌታ ኣብራሃሚ። ዩሳቃኔ ያቆቤ ቆፓ፤ ኔኒ ኢሰታሰ። «ታኒ አንቴ ዜሬላ ሳሎ ጸለንቴ ማላ ዳርሳና፤ ታኒ አንቴሰ አማና ገዳ ቢታ ኡባካ አንቴ ዜሬላታሰ አማና፤ ኢሰቲ ሄ ቢታ ሜርናሰ ላታና» ገዳ ኔኒ ኔ ሱንላን ጫቁዳ ቃላ ዩሻ ቆፓ» ገዲ ጋናቲዳሰ።

14 ሃሳ ገሻሰ ጎዳይ ባ አሳ ቦላ ኢታ ሚሽ ኤሃናሰ ቆፒዳይሳ ኣገደሰ።

15 ሃሳፊ ጉዬ ሙሴይ ዙማ ቦላፊ ዲጌ ዋዳሹ ታሙ ኣዛዘቲ ኢሰታ ቦላ ናምኡ ባጋራ ጸፊቲ ኡቲዳ ናምኡ ማሴላ ሹቻታ ባ ኩሼን ኦይኪ ኤኪ ዩዳሰ።

16 ሄ ማሴቲዳ ሹቻታ ገግሲዳይ ጸሳ፤ ሹቻታ ቦላ ዋጪዳ ደፊዳይካ ጸሳ።

17 ኢያሰይ አሳይ ዋጫሚዛይሳ ሲዩዳ ሙሴሰ። «አሳይ ዲዛሰን ኦላ ዋሶይ ሲዩቲሰ» ገደሰ።

18 ሙሴይካ ዛሪዳ። «ታኒ ሲዩዛይሲ ሃይሲ ዩሳፊ ኣቲን። ኦላን ጸኒዳይታ ቃላ ዋይኮ ጸኔቲዳይታ ቃላ ዳና» ገደሰ።

19 ሙሴይ ዳሬዚ ዲዛሰ ማቲሹ ማራ ሚሰሌዛ ሰንላን አሳይ ዲሪሽኒኔ ፑፒሽን ቤኢዳ ኬሂ ሃንቁቲዳ ማሴቲዳ ሹቻታ ዙማ ጋርሳን ቦላፊ ዩገዲ ማንሴራሊዳሰ።

20 አሳይ ሜዳዳ ማራካ ኤኪዳ ታማን ጸገደሰ፤ ሃሳፊ ጉዬ ለቁሲ ጋጪ ሃላን ማዳዲ ኢሰራኤል አሳይ ኡያና ማላ ኦሊዳሰ።

21 ሃሳፊ ጉዬ። ሙሴይ አሮኔ። «ሃ አሳይ ኔና ዋሰቲን ኔኒ ኢሰታ ሃይሳ ማላ ገታ ናጋራ ኦላና ማላ ካሊላዲ?» ገደሰ።

22 አሮኔይካ ዛሪዳ። «ታ ጎደ። ሃንቁቶፋ! ሃይሲ አሳይ ኢታ ኦላናሰ ኣይ ማላ ኮይዘኮ ኔ ኤራሳ።

23 ኢሰቲ ታና። «ኦና ካሌሊዛ ኤቃ ጸሳታ ኦሰ ሜዳ። ኣይሰ ገኮ ኦና ገብጾፔ ኬሲ ኤሂዳ ሙሴይ ኢዚ ዋኒዳኮ ኦ ኤርኮ!» ገደ።

24 ሂሰቲን ታኒ ኢሰታሰ። «አንቴ ቦላ ዲዛ ዋርቃ ኬሲዳ ሃሚቲ» ገደሰ፤ ሃሳፊ ጉዬ ኢሰቲ ታሰ አሚዳ ዋርቃ ታኒ ታማን ዩገን ሃይሲ ማራይ ኬዚዳሰ» ገደሰ።

25 አሮኔይ አሳ ላኣ ዩዳ ኣገን አሳይ ባ ሞርኬታ ሰንላን ካወዩዳ ካዳታናይሳ ሙሴይ ቤኢዳሰ።

26 ሃሳ ገሻሰ ሙሴይ አሳይ ዲንካኒዳ ዲዛሰ ገሊዛ ፔንጌን ኤቁዳ። «ጎዳ ባጋ ገዲዳ ኣሲ ኦኒካ ታኮ ሃ ዮ!» ገን ለዌ ቆሞቲ ወሪ ኢዘኮ ሸቀዳ።

27 ሃሳፊ ጉዬ ኢዚ ኢሰታሰ። «ጎዳ ኢሰራኤል ጸሳይ። «አሳይ ወሪ ባ ገላ ማሻ ባ ጸሳን ጸሳን ገደዲ አሳይ ዲንካኒዳሰን ጋጸፔ ጋጸ ጋካናሰ። አሳ ገደን ያኔ ሃ ሲሜሬቲዳ ባ አሻ። ባ ላጌኔ ባ ሾር ዋዳ» ገደሰ።

28 ለዌ ቆሞቲ ሙሴይ ኣዛዘዳ ማላ ኦሊዳ፤ ሄ ጋላሰ ኣሳፔ ሃቹ ሺ ገዲዛ ኣሲ ሃይቁዳሰ።

29 ሃሳፊ ጉዬ ሙሴይ ለዌ ቆሞታ። «ሃኛ አንቴ ጎዳሰ ዲማቲዳታ፤ ኣይሰ ገኮ አንቴ አንቴ ናይታኔ አንቴ አሻታ ዋዳናሰ ኣዛዘቲዳ ዋዳዳታ፤ ሃኛ ጎዳይ አንቴና ኣንጂዳሰ» ገደሰ።

ኢሰራኤል አሳ ገሻሰ ሙሴ ዋሳ

30 ዋንቲላ ጋላሰ ሙሴይ አሳ። «አንቴ ገታ ናጋራ ኦሊዳታ ሽን ሃኢ ታኒ ጎዳኮ ፑዳ ዙማ ቦላ ኬዛና፤ ታ ኢንቴ ናጋራ ኣቶ ገሳናኮ ኦኔ ኤሪዛይ» ገደሰ።

31 ሂሰቲን ሙሴይ ጎዳኮ ሲሚ ቢዲ፣ «ሃይሲ አሳይ ገታ ናጋራ ኦሊዳስ፤ ኢስቲ ባሰ ዋርቃፊ ኤቃ ጸሰ ሜዲዳ።»

32 ገደ አቲን አቤት ጎደ! ሃኢ ኢስታ ናጋራ አቶ ጋ፤ አካይ ገኮ ኔ፤ ጸፊዳ ማዘጋገፎ ታ ሱንሳ ቁጫ ዲጋ» ገደሰ።

33 ሂሰቲን ጎዳይ ዛሪዲ ሙሴስ፣ «ታኒ ታ ማዘጋገፎ ታ ቦላ ናጋራ ኦሊዳ አሳታ ሱንሳ ቁጫ።»

34 ሃኢ ባዳ ሃ አሳ ታኒ ኔሰ ዮቲዳ ሶ ካሌላ፤ ታ ከታንቻይካ ኔና ካሌላ፤ ገደ አቲን ቃጸያና ዋይይ ጋኪሽን ኢስታ ናጋራ ገሻሰ ታ ኢስታ ቃጸያና» ገደሰ።

35 አርኔይ ዋርቃፊ ማሪ ሚሰሌ ሜዳና ማላ አሳይ ኢዛ ዋዩሲዳ ገሻሰኔ ኢዚ ሜዲዳ ገሻሰ ጎዳይ ኢስታ ቦላ ቦሻ ዩዲዳስ።

33

ኢስራኤል አሳይ ሲና ዙማ አቻፊ ዴንዲ ባና ማላ ሙሴስ ጎዳ አዘዘ

1 ሃሳፊ ጉዬ ጎዳይ ሙሴስ፣ «ኔኔ ኔ ገብጸፎ ኬሲዳ አሳይ ሃይሳፊ ዴንዲዲ፣ ታኒ ኢንቲ ዜሬላታሰ አማና» ጋ ዋሊዳ ቢታ ቢቲ። ሄ ቢታይ ታኒ አብራሃሚስ፣ ዩሳቃሲኔ ያቆቤሰ አማና ጋዳ ካሴ ጫቃ ዋሊዳይሳ።

2 ታኒ ኢንቲፊ ሲንሳራ ከታንቻ ከታዳ፣ ካናኔታ፣ አሞሪታ፣ ሂቲታ፣ ፓሪዜታ፣ ሂዊታኔ ያቡሴታ ጎዳና።

3 ማሊኔ ኤሲ ጎረዛ ሄ ቢታ ቢቲ። ገደ አቲን ኢንቲ ዋዚና ሙሜ አሰ ገዲዳ ገሻሰ ታኒ ኢንቲና ኦጌን ዳይሶንታ ማላ ታ ኢንቲናራ ቢኬ» ገደሰ።

4 አሳይ ሃሳ ኢታ ዮኦዛ ሲዩዲ ኬሂ ዩኪዳስ። ሄ ዋደፎ ዶሚዲ አሳይ ዉሪካ አሌቆሰ አሊዛይሳ አገደሰ።

5 ጋሶይካ ጎዳይ ሙሴስ፣ «ኢስራኤል አሳስ፣ ሳኒቲ ዋዚና ሙሚዳ አሳ። ሃራይ አቶሽን ጉላ ዋደ ታ ኢንቲናራ ኢሲፊ ቢዛኮ ታኒ ኢንቲና ዳይሳና። ሃኢ ኢንቲ አሌቆ ኬሲቸቲ፤ ሂሰቲኮ ታኒ ኢንቲ ቦላ አይ አላናኮ ኢንቲ ቤያና» ጋ» ገ ዮቲ ዋሊዳስ።

6 ኢስራኤል አሳይ ሲና ዙማፎ ዶሚዲ ባ አሌቆ ሚሻ ኬሲ ዋሊዳስ።

ጋይቶቲላ ዲንካኔ

7 ሙሴይ ዲንካኔዛ ኤኪ ኤፊዲ አሳይ ዲንካኒዳሶፎ ሃሲ ቶሊዳስ። ዲንካኔዚ፣ «ጋይቶቲላ ዲንካኔ» ጌቲቲ ሱሚዳስ። ጎዳ አይቻናሰ ኮይዛይ ዉሪ ሄ ጋይቲላ ዲንካኔይ ዲዛሶ ቤሰ።

8 ሙሴይ ሄ ዲንካኔዛኮ ቢዳ ዋደ አይዴካ አሳይ ዉሪ ባ ዲንካኔዛ ፔንጌን ፔንጌን ኤቁዲ ሙሴይ ዲንካኔዛን ጌላና ጋካናሰ ኢዛ ጸሌሰ።

9 ሙሴይ ጋይቲላ ዲንካኔዛ ገደ ጌሊዳ ዋደ ቱሳ ማላ ሻራይ ዲጌ ዋዲን ጎዳይ ሙሴራ ሃሳይሽ ዲንካኔዛ ፔንጌን ጋምኤሰ።

10 ቱሳ ማላ ሻራዛ ዲንካኔዛ ፔንጌን ቤኢዳ ኡባ ዋደ፣ አሳይ ዉሪ ባ ፔንጌን ፔንጌን ኤቁዲ ዲዛሶሆን ዲሽ ጎዳሰ ጎይኔሰ።

11 አሲ ባ ሳጌራ ሃሳይዛ ማላ ጎዳይ ሙሴራ ሲንሳን ኤቁዲ ሃሳዩሰ። ሃሳፊ ጉዬ ሙሴይ ዲንካኔይ ዲዛሶ ጉዬ ሰሚሰ ሽን ኢዛ ሚዲዛ ናቲላ ና፣ ናዌ ና ኢያሶይ ጋይቶቲላ ዲንካኔዛፎ ሻኬቲና።

ሙሴይ ጎዳራ ሃሳይዳሰ

12 ሙሴይ ጎዳሰ፣ «ኔኒ ታና፣ «ሃይሳ አሳ ካሌላ» ጋዳሳሽን ታናራ ኔኒ ኦና ከቲዛኮ ታና ኤሪሳቤካ። ኔኒ፣ ታኒ ኔና ኔ ሱንሳን ኤራይሰ፤ ኔኒ ታ ሲንሳን ሳቤቲዳ አሳ» ጋዳሳ።

13 ኔ ሲንሳን ታ ሳቤቲዳ ገዲኮ ታኒ ኔና ኤራና ማላኔ ሲንሳፊካ ኔ ሲንሳን ሳቤታሽ ዳና ማላ፣ ኔ ኦጌ ታና ታማርሳ። ሃ አሳይ ኔ አሳ ገዲዲይሳ ቆፓ» ገደሰ።

14 ሂሰቲን ጎዳይ ዛሪዲ፣ «ታኒ ኔናራ ባና፤ ታኒ ኔና ሽምፕሳና» ገደሰ።

15 ሂሰቲን ሙሴይ ኢዛ፣ «ኔኒ ኦናራ ቦንታ ገዲኮ ሃይሳፊ ኦና ኬሶፋ።»

16 ኔኒ ኦናራ ቦንታ ኢጸኮ ታናኒኔ ኔ አሳን ኔኒ ሳቤቲዳይሳ አሳይ ዉሪ ዋሰቲ ኤራኔ? ቢታ ቦላ ዲዛ ሃራ አሳ ኡባፊ ታናኔ ኔ አሳ ዲማሲዛይ ሃራ ሚሽ አኬ?» ገደሰ።

17 ሂሰቲን ጎዳይ ሙሴ፣ «ታ ኔናን ሳቤቲዳ ገሻሰኔ ኔና ኔ ሱንሳን ኤሪዛ ገሻሰ ኔኒ ታና ኦይቸዲይሳ ቃሴካ ታኒ አላና» ገደሰ።

18 ሂሰቲን ሙሴይ፣ «ሂሰቲኮ ኔ ገታ ቦንቸዛ ታና ቤሳርኪ?» ገደሰ።

19 ጎዳይ፣ «ታኒ ታ ሎኤቲላ ኡባ ኔ ሲንሳራ አላና፤ ታ ጌሻ ሱንሳካ ኔ አቻን አዋጃና። ታኒ ጎዳ፤ ታኒ ማራናሰ ኮይዛይታ ማራና፤ ቃሴ ሚሽታናሰ ኮይዛይታሰካ ሚሽታና።»

20 ገደ አቲን ኔኒ ታ አይፊሶ ቤያካ፤ አይሰ ገኮ ኦኒካ ታና ቤኢዲ ፓጸ አቲና» ገደሰ።

21 ሃሳፊ ጉዬ ጎዳይ፣ «ኔኒ ታ አቻን ኤቃናሰ ዛላ ቦላ ኤቃናሶይ ሃይሳን ዳሰ።»

22 ታ ቦንቸይ አዲ ቢዛ ዋደ ታኒ ኔና ዛላ ዛኣ ገደን ዋላና። አዳና ጋካናሰ ታ ኩሽን ኔና ካማና።

23 ሃሳፊ ጉዬ ታኒ ታ ኩሽ ዲገኮ ኔኒ ታ ዙኮ ቤያናሽን ታ አይፊሶይ ቤታናሰ ቤሴና» ገደሰ።

34

ናምኦንሎ ማሴቲዳ ሹቻታ (ዛሬ 10:1-5)

1 ጎዳይ ሙሴስ፣ «ኮይሮይታ ሚሳቲዛ ናምኤ ሹቻታ ማሳ ገሊሳ፤ ሂሰቲኮ ታኒ ሄ ማሴቲዳ ሹቻታ ቦላ ካሴ ኔኒ ሜንሊዳ ሹቻታ ቦላን ዲዛ ቃላታ ጸፋና።»

2 ዋንቶ ማላዶ ፑዴ ሲና ዙማ ቦላ ኬዛናሰ ገጌታ፤ ሂሰታዳ ታናራ ሄን ዙማ ቦላን ጋጋ።

3 ኔናራ ኦኒካ ኬዘፖ፤ ዋይኮ ዙማ ቦላ አዋንካ ቤቶፎ፤ ሃራይ አቶሽን ዶርሲ ዋይኮ ሜሄ ዉዴይካ ዙማ ሲንሳን ሄሜቶፎ» ገደሰ።

4 ሃሳ ገሻሰ ሙሴይ ኮይሮ ሹቻታ ሚሳቲዛ ናምኤ ሹቻታ ማሲዲ ጎዳይ አዛዚዳ ማላ፣ ሹቻታ ባ ኩሽን ኦይኪ ኤኪዲ፣ ማላዶ ዋንታራ ፑዴ ሲና ዙማ ቦላ ኬዚዳሰ።

5 ኬዚን ጎዳይ ሻራራ ዲጌ ዋዲ ኢዛራ ሄን ኤቁዲ ባ ሱንሳ፣ «ጎዳ» ገ ኤሪሰዳስ።

6 ጎዳይ ሙሴ ሲንሳራ፣ «ታኒ ጎዳይ ቃዴታይኔ ማሮታይ ኩሚዳ ጸሳ፣ ሃንቁታናሰ ጋምኤዛ፣ ሜርናሰ ሲቁዛኔ አማኔቲላይ ዳሪዳ ጸሳ።»

7 ታኒ ታ ማርና ሲቆዛ ሺ ዩሌታ ጋካናሰ ናጋይሰ፤ ኢታቲል፤ ማካላኔ ናጋራ አቶ ጋይሰ። ጊዲኮካ ሞሪዛዴ ቃጸኖንታ አጊኬ፤ አዋታ ናጋራ ገሻሰ ናይታኔ ናይታ ናይታ። ሃዥሳ ዩሌታኔ ኦይዳንሳ ዩሌታ ጋካናሰ ቃጸያይሰ» ጊ አዋጂሽ አጂዴሰ።

8 ሂሰቲን ሙሴይ ሄራካ ቢታ ቦላ ጉፋኒ ጎይኒዲ፤
9 «አቤት ጎዳ! ኔኒ ታናን ኡፋዬቲዳ ጊዲኮ ኔ ኑናራ ኢሲፌ ባና ማላ ታ ኔና ሞሳይሰ። ሃይሲ አሳይ ሞዚና ሙሜ ጊዲኮካ ኔ ኢታቲላኔ ኔ ናጋራ አቶ ጋዳ ኑና ኔ አሰ ሂሰታ» ጊዴሰ።

ጫቆ ቃላ ኦራላቲል
(ከሳ 23:14-19፤ ዛሬ 7:1-5፤ 16:1-17)

10 ሂሰቲን ጎዳይ። «ታኒ ኢንቴናራ ጫቆ ጌላዲሰ፤ ሃይሳፌ ካሴ ቢታ ቦላ ዲዛ ካዎቲል ኡባን ሃኒ ኢርንታ ማላሊሲዛ ሚሽ ኔ አሳ ኡባ ሲንላን ኦላና፤ ታኒ ጎዳይ ኢንቴሰ አሊዛ አሰይ አይ ማላ ማላሊሲዛዛኮ ኔኒ ኢሰታ ጊደን ዲዛ አሳይ ቤያና።

11 ሃቶ ታኒ ኢንቴና አዛዚዛ አዛዛ ናገቴ፤ ኢንቴ ሲንላፌ አዋሪታ። ካናኔታ። ሂቴታ። ፓሪዜታ። ሂዋታኔ ያሱሴታ ታኒ ጎዳና።

12 ኢሰቲ ኢንቴሰ ናርጸ ጊደንታ ማላ ኢንቴ ቢዛ ቢታን ዲዛ አሳራ ጫቆ ጫቆቶቴ።

13 ኢሰቲ ያርሺዛሰሆታ ላሊቲ፤ ኢሰቲ ጎይኒዛ ሹታታካ ማንጫሬላቲ፤ ቃሴ አሽሮ ጌቴቲዛ ኢሰታ ማጫ ኤቃ ጸሳይ ሚሰሌታካ ማንጫሬላ ዩጌቴ።

14 ታኒ ጎዳይ ቃናቲዛ ጸሳ ጊዲዛ ገሻሰ ታፔ አቲን ሃራ ኤቃ ጸሳታሰ ጎይናፍቴ።

15 «ሂ ቢታን ዲዛ አሳታራ አይ ጫቆካ ጫቆቶቴ፤ አይሰ ጊኮ ኢሰቲ ታናን አማኔቶንታ ኢዲዲ ባ ኤቃታ ካሊዛ ዋዴ ኢሰታሰ ያርሺዛ ዋዴ ኢሰቲ ኢንቴና ዴይጊኮ ኢንቴ ኢሰታ ያርሾ ማና።

16 ቃሴ ኢንቴ ኢሰታ ማጫ ናይታፔ ደሪዲ ኢንቴ አቲማ ናይታሰ ኤካና፤ ሄ ዋዴ ሄ ማጫ ናይቲ ታናን አማኔቶንታ ኢዲዲ ባ ኤቃ ጸሳ ካሊዲ ኢንቴ አቲማ ናይቲ ኢሰታ ካላና ማላ ኦላና።

17 «ኢንቴሰ ጎይናና ኤቃ ጸሳታ አዛፔካ ሴሪሲዲ ማጶፍቴ።

18 «ኡኤላ ባኣሌ ቦንቸቴ፤ ታኒ ኢንቴና አዛዚዳ ማላ ላፑን ጋላሳሰ ኢርሾይ ጌሎንታ ኡኤቲዳ ኡኤል ሚቴ፤ ሄሳካ ኢንቴ ጊብጸፔ ኬዚዳ አቢቤ አገናን ኦሊቴ።

19 «ኡሎፔ ባይራ ዩሌቲዛ አቲማ ናይ ወሪ ታሳ፤ ኢንቴ ማሄ ኡባፌካ ቦራ ጊዲን፤ ዋይኮ ደርሳ ጊዲን ባይራይ ታሳ፤

20 ኮይሮ ዩሌቲዳ ሃሪ ማር፤ ደርሳ ላቃራ ላማዳ ዋዛ፤ ዋዛንታ ኢዲኮ ኢዛ ቆጴ ሚርቃ ዋቋ። ኔ ናይታፔ ባይራ ዩሌቲዳ አቲማ ና ኡባ ዋዛ።

«ኦኒካ ኢሚዛ ሚሽ ኦይኮንታ ማላ ኩሼ ታ ሲንላን ቤቶፎ።

21 «ኡሱፑን ጋላሰ ኦሊቴ ሺን ላፑንላ ጋላሰ ሽምፕቴ፤ ጎሻ ዋዴ ጊዲን ዋይኮ ማጸ ዋዴንካ ላፑንላ ጋላሳን ሽምፕቴ።

22 «ጊሰቲ ጸራ ኢንቴ ማጸዚ ዋዴ ካላ ሺሾ ባኣሌ ቦንቸቴ፤ ሄ ላይላ ወርሴላ ካል ሺሺዛ ዋዴካ ዳሴ ባኣሌ ቦንቸቴ።

23 ኢሰራኤሌ አቲማ አሳይ ወሪ ጎዳ ኡባ ሃሪዛ ኢሰራኤሌ ጸሳ ሲንላን ላይላን ሃዥቶ ቤቴቶ።

24 ዲማ ዲማ ዴሬታ ታኒ ኢንቴ ሲንላፌ ዩዴላ ኬሳና፤ ሂሰታዳ ኢንቴ ዛዋ ታኒ አሳና። ጎዳ ኢንቴ ጸሳ ሲንላን ኢንቴ ላይላን ሃዥ ቤታናሰ ፑዴ ኬዚዛ ዋዴ ኦኒካ ኢንቴ ቢታ አሞቴና።

25 «ኢንቴ ታሰ ሱላ ያርሾ ያርሺዛ ዋዴ ኢርሾ ዩጊዲ ኡኪዳ ኡኤላራ ያርሾፍቴ። ፓዚጋ ቦንቸዛ ጋላሳሰ ያርሺዳ ያርሾፌ ማላደሰ አይኮይካ አቶፎ።

26 «ኢንቴ ጋዴን ባይራ ካጸዳ ካላፌ ኮይሮ ጸራ ጎዳ ኢንቴ ጸሳ ኬል ኤሂቴ።

«ዴይሻ ላቃ ኢዛ አይይ ማላን ደይሶፍቴ» ጊዴሰ።

27 ጎዳይ ሙሴሰ። «ታኒ ኔናራኔ ኢሰራኤሌ አሳራ ጫቆ ጫቆቲዛይ ሃ ቃላቲ ጊዛ ማላ ጊዲዳ ገሻሰ ሃ ቃላታ ጸፋ» ጊዴሰ።

28 ሙሴይ ካል ሞንታኔ ሃጼ ኡኖንታ ኦይዲ ታሙ ጋላሲኔ ኦይዲ ታሙ ቃማ ጎዳራ ሄን ጋምኢዲ ጫቆ ቃላ ጊዲዳ ታሙ አዛዘታ ማሴቲዳ ሹቻ ቦላ ጸፊዴሰ።

ሙሴ አይፌሶ ጸልቁቴል

29 ሙሴይ ናምኡ ማሴቲዳ ሹቻታ ባ ኩሼን ኦይኪዲ ሲና ዙማፔ ዲጌ ዋጲዳ ዋዴ፤ ኢዚ ጎዳራ ሃሳይሼ ጋምኢዳ ገሻሰ ኢዛ አይፌሶይ ጸልቁዴሰ፤ ጊደ አቲን ኢዚ ሃሳ ኤሪቤና።

30 አርኔይኔ ኢሰራኤሌ አሳይ ወሪ ሙሴ ዴሊዲ ኢዛ አይፌሶይ ጸልቁዴሳ ቤኢዲ ኢዛኮ ሺቃናሰ ባቢዳ።

31 ጊደ አቲን ሙሴይ ኢሰታ ዴይጊን አርኔይኔ ዴሪዛ ካሌላዛ ሃላቃቲ ወሪ ኢዛኮ ዩን ኢዚ ኢሰታ ሃሳይሲዴሰ።

32 ሃሳፌ ጉዩ ኢሰራኤሌ አሳይ ወሪ ኢዛኮ ሸቁን ጎዳይ ኢዛሰ ሲና ዙማ ቦላ ኢሚዳ አዛዘታ ኡባ ኢዚ ኢሰታሰ ኢሚዴሰ።

33 ሙሴይ ኢሰታሰ ዮቲ ወርሲዲ ባ አይፌሶ ናጸላን ካሚዴሰ።

34 ጊደ አቲን ሙሴይ ጎዳ ሲንል ኢዛራ ሃሳያናሰ ጋይቶቲላ ዲንካኔ ጊደ ጌሊዛ ዋዴ ናጸላ ባ አይፌሶቲ ቃሪሰ። ሄፔ ኬዚዲ ጎዳይ አዛዚዳይሳ ኢሰራኤሌ አሳሰ ዮቴሰ።

35 ሙሴይ ዮቲዛ ዋዴ ኢሰራኤሌ አሳይ ኢዛ አይፌሶይ ጸልቁዴሳ ቤኢዴሰ። ሃሳ ገሻሰ ሙሴይ ጎዳራ ሃሳያና ባና ጋካናሰ ባ አይፌሶ ዛሬሊዲካ ናጸላን ካሚሰ።

35

ሳምባታ ቦንቸዛ ዋጋ

1 ሙሴይ ኢሰራኤሌ አሳ ኡባ ሺሺዲ፤ «ኢንቴ ኦላና ማላ ጎዳይ አዛዚዳይሲ ሃይሳፌ ካሊ ዲዛይሳ።

2 ሳሚንታ ጊደን ኡሱፑን ጋላሰ ጸላላ ኦሶ ኦሊቴ፤ ጊደ አቲን ላፑንላ ጋላሳይ ኢንቴሰ ዲማ ጋላሳ፤

34:7 ከሳ 20:5-6፤ ታይ 14:18፤ ዛሬ 5:9-10፤ 7:9-10 34:13 ዛሬ 16:21 34:17 ከሳ 20:4፤ ሌዌ 19:4፤ ዛሬ 5:8፤ 27:15
34:18 ከሳ 12:14-20፤ ሌዌ 23:6-8፤ ታይ 28:16-25 34:19 ከሳ 13:2 34:20 ከሳ 13:13 34:21 ከሳ 20:9-10፤ 23:12፤
31:15፤ 35:2፤ ሌዌ 23:3፤ ዛሬ 5:13-14 34:22 ሌዌ 23:15-21፤ ታይ 28:26-31 34:25 ከሳ 12:10 34:26 ዛሬ 24:21፤ 26:2
34:29 2ቆር 3:7-16 35:2 ከሳ 20:8-11፤ 23:12፤ 31:15፤ 34:21፤ ሌዌ 23:3፤ ዛሬ 5:12-14

ጎዳሰካ ሸምፖ ሳምባታ። ሄ ጋላስ አይ ኦሶካ ኦሴዛ
 ኣሲ ኦኒካ ሃይቃናሰ ቤሴሰ።
 3 ሳምባታ ጋላሳን ኢንቴ ሶን ሶን ታማ ኤላፍቴ»
 ገደሰ።

ጸሓድንካኔ ኦሶስ ኮሺዛ ሚሻታ
 (ኩሳ 25:1-9)

4 ሙሴይ ኢሰራኤል ማባራሰ ኩሜላሰ፡ «ጎዳይ
 ኢንቴና ሂዝጊ ኣዛዚደሰ።
 5 ኢንቴሰ ዲዛይሳፌ ጎዳሰ ኢሞታ ኤሂቴ፤ ጎዳሰ
 ኢሞታ ኤሃናሰ ኮይዛይ ኦኒካ ዋርቃ፡ ቢራ፡ ጸርቁማላ፡
 6 ሳሎ ሚሳቲዛ ቃጩና፡ ኦቻ ቴራ ሚሳቲዛ ቃጩና፡
 ጾቃ ዘኦ ቃጩናን ሊቆ ላይኖ፡ ዳይሻ ኣንታሻ፡
 7 ዘኦ ቃላሚን ጌሊ ኬዚዳ ጳርሾ ኢቴ፡ ቃጩቴዳ
 ጋልባ፡ ኦደሮ ሚሳ፡
 8 ጸምፔሰ ዋጋራ ዛይቴ፡ ቴዩቴዛ ዛይቴኔ ኤጻኔ
 ሳዊዛ ቁማማ፡
 9 ኤፋዴኔ ቴራ ኪሴን ዋሊዛ ማርጊዴ ጌቴቴዛ
 ሹቻታኔ ሃራ ጸልቁዛ ኣልኦ ሹቻታ ኤሆ።
 10 «ኢንቴ ገደን ዲዛ ኩሼ ሂላንቻይ ኡባይ ዩዲ
 ጎዳይ ኣዛዚዳይሳ ኡባ ኦሎ።
 11 ጸሓድንካኔዛ፡ ዲንካኔዛሰ ሶ ባጋራኔ ካሬ ባጋራ
 ካሚዛ ዲንካኔ፡ ቃጾታ፡ ቶሌ ሚሳታ፡ ጎርዴ ሚሳታ፡
 ቱሳታኔ ኢሰቲ ኢሰታን ኤቁዛ ቶሆታ፡
 12 ታቦታኔ ኢዛ ቶኪዛ ቶሆ ሚሳታ፡ ኣቶ ጌቴቴዛ
 ካማኔ ታቦታ ካሚዛ ማጋላሻ፡
 13 ጸራጳዛዛ፡ ኢዛ ቶኪዛ ቶሆ ሚሳታራኔ ኢዛሰ
 ኮሺዛ ሚሻታ ኡባ፡ ጎዳ ሲንላን ዋሊዛ ዲማ ኡኩላ፤
 14 ጸምፔ ኢዛ ቦላ ዋሊዛ ሚሻ ኢዛሰ ኮሺዛ
 ሚሻታራ፡ ጸምፔታ፡ ጸምፔ ዛይቴ፡
 15 ኤጻኔ ጩዋሲዛሰዛኔ ኢዛ ቶኪዛ ቶሆ ሚሳታ፡
 ቴዩቴዛ ዛይቴኔ ሳዊዛ ኤጻኔ፡ ጸሓድንካኔዛ ፔንጌ
 ማጋላሻ፡
 16 ጸጌቴዛ ያርሾ ያርሺዛሶኔ ጸርቁማላፔ ኦሴቴዳ
 ዛይዛሬዛ፡ ኢዛ ቶኪዛ ቶሆ ሚሳታኔ ኢዛሰ ኮሺዛ
 ሚሻታ ኡባ፡ ጸርቁማላፔ ኦሴቴዳ ሜቻ ኬሬኔ ኢዛ
 ዋሊዛሰ፡
 17 ዲንካናሰ ካሬ ባጋ ወይጌ ማጋላሻታ፡ ቱሳታኔ
 ኢሰታ ቶሆታ፡ ዲንካናሰ ካሬ ባጋ ወይጌ ጌሊዛ
 ፔንጌዛ ማጋላሻ፡
 18 ጸሓድንካኔዛ ቶሊዛ ጳሽኬታ፡ ዲንካናሰ ካሬ
 ባጋ ወይጌ ጳሽኬታኔ ኢሰታ ዋደሮታ፡
 19 ቁሴቴ ዲማሶዛን ኦሴሽ ማይኣናሰ ዳዴቴዳ
 ማይኦታ፡ ቁሴ ኣሮኔይኔ ኢዛ ናይቴ ቁሴቴላ ኦሶ ኦሴሽ
 ማይኢዛ ማይኦታ ኦሳና» ገደሰ።

ጸሓድንካኔ ኦሴዛ ኩሼ ሂላንቻታ
 (ኩሳ 31:1-11)

4 ሙሴይ ኢሰራኤል ኣሳሰ፡ «ቤኢቴ፤ ጎዳይ ዩሁዳ
 ቆሞፌ ሁሬሰ ናዛ ና፡ ኡሬይ ና ባሰሊኤሌ ደራደሰ።
 31 ጎዳይ ኢዛ ጸሓድንካኔ፡ ኣቶ ኤራን፡ ኣኮካኒኔ
 ኦሶ ኡባ ኦሴዛ ኤራቴላን ኩንሊደሰ።
 32 ሄሲካ ሂላን ኦሶ ቆፒ ኬሲዲ ዋርቃፌ፡ ቢራቴኔ
 ጸርቁማላፔ ዲማ ዲማ ሚሽ ኣላናሳ።
 33 ሄሳላካ ኣልኦ ሹቻ ማሲ ጊጊሳናሳ፤ ቃሴካ ሚሳ
 ማሳናሲኔ ዲማ ዲማ ኦሶ ሂላን ኣላናሳ።
 34 ሄሳ ቦላካ ቃሴ ኢዛሰኔ ዳኔ ቆሞፌ ኣሂሳሚኬ ና
 ኤላቤሰ፡ ሃራ ኣሰ ታማርሲዛ ኤራቴላ ኢሚደሰ።
 35 ኢሰቲ ኡባ ቆሞ ኦሶ ኦሳና ማላ፡ ሂላን
 ኦሴዛይታ፡ ኦሶ ቆፋ ኬሲዛይታ፡ ሳሎ ሚሳቲዛ
 ቃጩናን፡ ኦቻ ቴራ ሚሳቲዛ ቃጩናን፡ ጾቃ ዘኦ
 ቃጩናን ላይኖ ቃጩናን ኣሌቁሲ ዳዲዛይታ ገደና
 ማላ፡ ጎዳይ ኢሰታ ኤራቴላን ኩንሊደሰ። ኢሰቲ
 ወሪካ ኡባ ቆሞ ኦሶ ኤሪዛ ኤራንቻ ገደዳ።

36

1 «ሂሳ ጊሻሰ ባሰሊኤሌይ፡ ኤላቤይኔ ጸሓድንካኔ
 ኦሳና ማላ ጎዳይ ኤራቴላ ኢሚዳ ኣሳይ ወሪ ጎዳይ
 ኣዛዚዳ ማላ ኢሰቲ ኦሳና» ገደሰ።

ኣሳይ ዳር ኢሞታ ኢሚደሰ

2 ሂሳፌ ጉዬ ሙሴይ ባሰሊኤሌ፡ ኤላቤይኔ ጎዳይ
 ዲማ ኤራቴላ ኢሚዳይታ ኦሶ ኦሳናሰ ያና ኮይዛይታ
 ኡባ ጾይጊዲ ሺሺደሰ።
 3 ሸቁዳይቴ ኢሰራኤሌ ኣሳይ ጸሓድንካኔ ኦሳናሰ
 ኤሂዳ ኢሞታ ኡባ ሙሴፔ ኤኪዳ። ቃሴ ኣሳይ ባ
 ደሳን ጮ ኢሚዛ ኢሞታ ማላደ ማላደ ጉጂ ጉጂዲ
 ኤሆ ኣጊቤና።
 4 ሂሰቲን ጸሓድንካኔዛ ኦሴዛ ኤራቴላ ኩሚዳ
 ኣሳይ ወሪ ባ ኦሴዛይሳ ኣጊ ሙሴኮ ቢዲ፡
 5 «ኣሳይ ጎዳይ ኣዛዚዳ ኦሶስ ኮሺዛይሳፌ ቦላራ
 ዳር ኤሆን ደሰ» ገደ።

* 35:22 ጸንጋላታ ጊዛይሲ ማጫሳሰ ቆዴን ኣሊዛ ቢራቴ ኦሴቴዳ ኣሌቆ።

6 ሂሰቲን ሙሴይ ባ ዲንካኔን ዲንካኔን ዲዛ አሳሰ፡ «ናምኣንሎ ኦናካ ጊዲን ጸሳ ዲንካኔ ኦሶሰ ኢሚዛ ኢሞታ ኤሆፖ» ጊ ዮቲን ኣሳይ ኤሂዛይሳ ኣጋገደሰ።

7 ጋሶይካ ኢሰቲ ኤሂዳ ኢሞታይ ኦሶ ኡባ ኦላናሰ ጊዲ ፓላሃና።

ጸሳ ዲንካኔ ኦሶ (ኩሳ 26:1-37)

8 ኦሶዛ ኦሴዛይታ ጊደፌ ሂላ ዳርዛይቲ ወሪ ሊቆ ላይኖፔኔ ሳሎ ሚሳቲዛ፡ ኦቻ ቴራ ሚሳቲዛኔ ጸቃ ዘኦ ቃጨናፔ ዳዴቲዳ ታሙ ማጋላሻታፔ ጸሳ ዲንካኔዛ ገግሲዳ። ሄ ማጋላሻታ ቦላ ቦላራ ኢሲ ሂላንቻይ ኪሩቤታ ሚሰሌ ሲኪዳሰ።

9 ማጋላሻቲ ወሪ ኢሲ ገና ጊዲዲ ኣዲሳቲላይ ናምኡ ታማኔ ኦሶቲን ዋቋ፤ ኣሆቴላይ ኦይዲ ዋቋ።

10 ኢቻሹ ማጋላሻታ ኢሲፌ ጋሴ ሲኪዳ፤ ቃሴ ሃንኮ ኦቲዳ ኢቻሹ ማጋላሻታካ ኢዛላካ ኦሴዳ።

11 ኢሲፌ ጋሴ ሲኪዳ ማጋላሻታፔ ኢሲ ማጋላሻሰ ወርሴላ ጋጸን ሳሎ ሚሳቲዛ ጨርቃፌ ሲዴ ሜዲዳ። ቃሴ ኢሲፌ ጋገ ሲኬቲዳ ሃንኮ ማጋላሻታካ ሃሳላካ ኦሴዳ።

12 ኢሰቲ ኢሲፌ ጋገዳ ኢሲ ማጋላሻ ቦላ ኢቻሹ ታሙ ሲዴታ፡ ቃሴ ኢሲፌ ጋገዳ ሃንኮ ማጋላሻታ ቦላካ ኢቻሹ ታሙ ሲዴታ ሜዲዳ። ሄ ሲዴቲ ወሪካ ኢሶይ ኢሳራ ገናን ዳቲሰ።

13 ሂሳፌ ጉዬ ዋርቃፌ ኢቻሹ ታሙ ቃዴታ ሜዲዳ ዲንካኔዚ ኢሲኖ ገዳና ማላ፡ ሄ ማጋላሻታ ጋጸ ጋጸ ሄ ቃዴታን ጋሴ ኦይሴሴዳ።

14 ጸሳ ዲንካኔዛ ቦላራ ካሚዛ ዲንካኔዛሰ ታማኔ ኢሲ ማጋላሻታ ዳይሻ ኣንታሻፔ ዳዲዳ።

15 ታማኔ ኢሲ ማጋላሻቲካ ኢሲ ገና፤ ኢሲ ኢሲ ማጋላሻሰ ኣዲሳቲላይ ሄቹ ታሙ ዋቋ፡ ኣሆቴላ ኦይዲ ዋቋ።

16 ኢቻሹ ማጋላሻታ ኢሲ ባጋራ፡ ኡሶቲን ማጋላሻታ ቃሴ ሃንኮ ባጋራ ጋሴዲ ሲኪዳ።

17 ሂሳፌ ጉዬ ጋሴ ሲኪዳ ማጋላሻታፔ ኢሲ ማጋላሻ ጋጸን ኢቻሹ ታሙ ሲዴታ ሜዲዳ። ቃሴካ ጋሴ ሲኪዳ ሃንኮ ማጋላሻታፔ ወርሴላ ማጋላሻዛ ጋጸን ኢቻሹ ታሙ ሲዴታ ሜዲዳ።

18 ናምኡ ባጋራ ዲዛ ማጋላሻታ ጋሴ ኢሲ ካማ ኦላናሰ ጸርቁማላፔ ኢቻሹ ታሙ ቃዴታ ሜዲዳ።

19 ሂሳፌ ጉዬ ዲንካኔዛ ካማናሰ ዘኦ ቃላሚን ዩጊ ኬሲዳ ቋርሾ ኢቲ ገግሲዳ፤ ቃሴ ኢዛ ቦላራ ካማናሰ ቃጨቲዳ ጋላባ ገግሲዳ።

20 ጸሳ ዲንካኔ ቶሌ ሚላታ ሉሌ ገዲዳ ኦዶር ሚላፌ ኬሲዳ።

21 ኢሲ ኢሲ ቶሌ ሚላሰ ኣዲሳቲላይ ታሙ ዋቋ፤ ኣሆቴላይ ኢሲ ዋቋ፤ ባጋ።

22 ኢሲ ኢሲ ቶሌ ኢሳ ኢሳራ ጋሴ ኦይሴሴዛ ናምኡ ቶሌ ሜዲዳ። ጸሳ ዲንካኔዛ ቶሌ ሚላታ ወርሴካ ሃሳላ ኦሴዳ።

23 ጸሳ ዲንካኔዛሰ ቶሆሶ ባጋራ ናምኡ ታሙ ቶሌ ሚላታ ሜዲዳ።

24 ኢሲ ኢሲ ቶሌ ሚላሰ ናምኡ ቶሆ፡ ሙሌራ ኦይዲ ታሙ ቶሆ ቢራፔ ገግሲዳ።

25 ጸሳ ዲንካኔዛሰ ሁኤሶ ባጋራ ናምኡ ታሙ ቶሌ ሚላታ ሜዲዳ።

26 ኢሲ ኢሲ ቶሌ ሚላሰ ናምኡ ቶሆ፡ ሙሌራ ኦይዲ ታሙ ቶሆ ቢራፔ ገግሲዳ።

27 ጸሳ ዲንካኔዛሰ ጉዬ ጋጸን ዲጌ ባጋራ ኡሶቲን ቶሌ ሚላታ ሜዲዳ።

28 ጸሳ ዲንካኔዛ ጉዬ ጋጸን ዲዛ ዘዜታሰ ናምኡ ቶሌ ሚላታ ገግሲዳ።

29 ሃ ናምኡ ዘዜታን ዲዛ ቶሌቲ ጸጸፔ ጸራ ጋካናሹ ናምኡ ገዲ ቢዲ ጸራን ኢሲ ሳጋዮን ጌሊ ኦይኬቲዳ። ኢሰቲ ናምኣይካ ሃሳላ ኦሶቲዳ።

30 ሂሳ ገሻሰ ኢሲ ኢሲ ቶሌ ሚላሰ ጋርሳራ ናምኡ ናምኡ ቶሆቲ ዳቲሰ፤ ሙሌራ ኦሶቲን ጸጋጋቲኔ ቢራፔ ኦሶቲዳ ታማኔ ኡሶቲን ቶሆቲ ዳቲሰ።

31 ቃሴ ኢሰቲ ኦዶር ሚላፌ ታማኔ ኢቻሹ ካሪ ጎርዲዛ ሚላ ኬሲዳ፤ ኢሰታፌ ጸሳ ዲንካኔዛሰ ኢሲ ባጋ ሚሊን ዲዛ ቶሌ ሚላታሰ ኢቻሹ ጎርዲዛ ሚላታ፡

32 ቃሴ ሃንኮ ባጋ ሚሊን ዲዛ ቶሌ ሚላታሰ ኢቻሹ ጎርዲዛ ሚላታ ገግሲዳ። ሃሳላካ ጸሳ ዲንካኔዛሰ ጉዬ ባጋራ ኣርሼይ ወሊዛ ባጋራ ወርሴላ ጋጸን ዲዛ ቶሌ ሚላታሰ ኢቻሹ ጎርዲዛ ሚላታ ሜዲዳ።

33 ገደራ ጎርዲዛ ሚላቲ ጸጋጋታሰ ገደ ገናራ፡ ሃ ጋጸፔ ሄ ጋጸ ጋካናሰ ካንሴ ኬዛና ማላ ኦሴዳ።

34 ቶሌ ሚላ ዋርቃን ቲይዲ ጎርዲዛ ሚላቲ ኣዲዛ ሳጋዮታ ዋርቃፌ ሜዲዳ፤ ቃሴ ጎርዲዛ ሚላታ ዋርቃን ቲይዳ።

35 ሳሎ ሚሳቲዛ ቃጨናፔ፡ ኦቻ ቴራ ሚሳቲዛ ቃጨናፔ፡ ጸቃ ዘኦ ቃጨናፔኔ ሊቆ ላይኖፔ ኢሲ ማጋላሻ ኦሴዳ። ሄ ማጋላሻዛ ቦላ ኢሲ ሂላይ ኪሩቤታ ሚሰሌ ሲኪዳሰ።

36 ማጋላሻሰ ኦይዲ ቱሳታ ኦዶር ሚላፌ ገግሲዲ ዋርቃን ቲይዳ። ሂሰቲዲ ዋርቃፌ ካቆታ ኢሰታሰ ገግሲዳ። ቃሴ ቱሳታ ኤሲዛ ኦይዲ ቶሆታ ቢራፔ ሜዲዳ።

37 ጸሳ ዲንካኔ ጌሊዛ ፔንጌዛሰ ሳሎ ሚሳቲዛ፡ ኦቻ ቴራ ሚሳቲዛኔ ጸቃ ዘኦ ቃጨናፔኔ ሊቆ ላይኖፔ ዳዴቲዳ፡ ጸልፔን ኣሌቁቲዳ ማጋላሻ ገግሲዳ።

38 ቃሴ ኢሰታሰ ኢቻሹ ካቆታራ ዲዛ ኢቻሹ ቱሳታ ኦሴዳ። ቱሳታ ጸራኔ ጨር ቃቲዛይታ ዋርቃን ቲይዳ። ቃሴ ቱሳቲ ኤቃና ማላ ኢቻሹ ቶሆ ጸርቁማላፔ ሜዲዳ።

37

ታቦታ ኦሶ (ኩሳ 25:10-22)

1 ባሰሊኤሌይ ኦዶር ሚላፌ ታቦታ ገግሲዳሰ። ታቦታሰ ኣዲሳቲላይ ናምኡ ዋቋ፤ ባጋ፤ ኣሆቴላይ ኢሲ ዋቋ፤ ባጋ፤ ቋቃቲላይ ኢሲ ዋቋ፤ ባጋ።

2 ታቦታ ገግሲዲ ሶ ባጋኔ ካሪ ባጋ ዋላካይ ባይንዳ ዋርቃን ሜሺዳሰ፤ ኢዛ ዩዩ ኣቋናሰ ዳንጮ ዋርቃራ ዩሺ ኣሴዳሰ።

3 ቃሴ ኦይዲ ዋርቃ ሳጋዮታ ሴሪሲዲ ታቦታሰ ኦይዲ ቶሆታን፡ ኢሲ ባጋራ ናምኡ ሳጋዮታ፡ ቃሴ ሃንኮ ባጋራ ናምኡ ሳጋዮታ ኣሴዳሰ።

4 ሂሰቲዲ ኦዶር ሚላፌ ቶሆ ሚላታ ኬሲዲ ኢሰታካ ዋርቃን ሜሺዳሰ።

5 ታቦታ ቶካናሰ ታቦታ ሚሊን ዲዛ ሳጋዮታን ቶሆ ሚላታ ኣሴዳሰ።

6 ዋላካይ ባይንዳ ዋርቃፌ ናምኡ ዋዳኔ ባጋ ኣዲቁዛ፣ ኢሲ ዋዳኔ ባጋ ኣኪዛ ኣቶ ጌቴቴዛ ሶሆዛ ካማ ሜዲዳስ።

7 ካማታሰ ወርሴላ ናምኡ ባጋ ጋጸን ናምኡ ከሩቤታ ቆጶቴዳ ዋርቃፌ ሜዲዳስ።

8 ኢሲ ከሩቤዛ ኢሲ ባጋ ጋጸን፣ ናምኣንላ ከሩቤዛ ሃንኮ ባጋ ጋጸን፣ ናምኣታካ ካማዛራ ጋላ ኦይሴላ ሜዲዳስ።

9 ከሩቤቲ ባ ቄፌ ዴንላዲ ኣቶ ጌቴቴዛ ሶሆዛ ካማዛ ካማ ባ ቄፌን ካማ ዋላዳ፣ ቃሴ ኢሶይ ኢሳራ ጸሌታና ማላ ኦላዳስ።

ጸራጳዛ (ከሳ 25:23-30)

10 ቃሴ ኣዲሳቴላይ ናምኡ ዋዳ፣ ኣሆቴላይ ኢሲ ዋዳ፣ ጶቃቴላይ ኢሲ ዋዳኔ ባጋ ጊዲዳ ጸራጳዛ ኦዶሮ ማላፌ ሜዲዳስ።

11 ዋላካይ ባይንዳ ዋርቃን ሜሺዳስ። ኢዛ ዩዩ ኣዳናሰ ዋርቃ ከፋፌ ዩሺ ኣላዳስ።

12 ሃሳላካ ኣሆቴላይ ታዳኮ ጊዲዛ ከፋፌ ኢዛ ቦላ ዩሺ ኣላዳስ። ሂሰቴዲ ኢዛ ዩዩ ኣዳናሰ ዋርቃ ዳንጮ ዩሺ ኣላዳስ።

13 ሂሰቴዲ ታቦታ ቶካናሰ ገጊዛ ኦይዱ ዋርቃ ሳጋዮታ ሜዲዳስ ኦይዱ ቶሆቴ ቶኬቴዳ ኦይዱ ዘዜታራ ኦይሴላዳስ።

14 ጸራጳዛዛ ቶካናሰ ቶሆ ማላታ ኢሰታ ጊደራ ኣላዛ ሳጋዮቲ ጸራጳዛዛ ጸንጸ ቦላ ሜዲዳስ።

15 ጸራጳዛዛ ቶኪዛ ቶሆ ማላ ኦዶሮ ማላፌ ኬሲዲ ዋርቃን ሜሺዳስ።

16 ሃሳላካ ጸራጳዛ ቦላ ዋላዛ ዲማ ዲማ ሚሻታ ዋላካይ ባይንዳ ዋርቃፌ ሜዲዳስ፤ ሃይቴካ ሳኔታኔ ጨልፋታ፣ ቃሴ ኡሻ ያርሾ ኢሰታን ሴሪሲዛ ኬሬታኔ ጸኣታ።

ጸምፔ ዋሶሶ (ከሳ 25:31-40)

17 ሃሳፌ ጉዬ ባሰሊኤሌይ ጸምፔ ዋላዛሶዛ ቆጶቴዳ ዋላካይ ባይንዳ ዋርቃፌ ሜዲዳስ፤ ጸምፔዚ ኢዛን ኤቁዛ ቶሆ፣ ቃሴ ጊደ ቶማካ ኡባ ቆጶቴዳ ዋርቃፌ ሜዲዳስ። ኢዛ ኩሬታ፣ ኢዛ ጴሞታኔ ኢዛ ጨሻታ ኡባ ኢዛራ ኢሲፌ ኦይሴላ ሜዲዳስ።

18 ሚሌራ ኡሱፑን ባላታ ሜዲዳስ፤ ሃሹ ሃጋታ ኢሲ ባጋራ፣ ቃሴ ሃሹ ሃጋታ ሃንኮ ባጋራ ኬሲዳስ።

19 ኡሱፑን ሃጋታሰካ ሁኣን ሁኣን ኢሲ ኢሲ ጴሞቴኔ ጨሻቲ ዲዛ፣ ኦሻሎኔ ጨሽ ሚሳቴዛ ዋንጫ ሜዲዳስ፤

20 ጸምፔ ዋላዛሶዛ ጊደ ቶማይ፣ ጴሞቴኔ ጨሻቲ ዲዛ ኦሻሎኔ ጨሽ ሚሳቴዛ ኦይዱ ዋንጫን ኣሌቁቲ ኡቴዳስ።

21 ናምኣይ ናምኣይ ኢሲፌ ዋላን ዲዛ ሃሹ ባላታኔ ጋርሳራ ኢሲ ኢሲ ጴሞይ ዳስ።

22 ጴሞቴኔ ሃጋቲ ወሪ ጸምፔ ዋላዛሶዛ ኢሲፌ ኦይኬቲ ኢሲኖ ጊዲዳ ዋላካይ ባይንዳ ዋርቃፌ ቆጶቴ ሜዲዳስ።

23 ኢዚ ቃሴ ጸምፔ ዋላዛሶዛ ላፑን ጸምፔታ፣ ጸምፔ ቶይሲዛ ቃጶታኔ ቃጶታ ዋላዛሶ ዋላካይ ባይንዳ ዋርቃፌ ሜዲዳስ።

24 ጸምፔዛ ዋላዛሶዛ ኢዛን ጎኤቴዛ ሚሽ ኡባ ሚዳናሰ ሃሹ ታማኔ ኢቻሽ ኪሎ ጊዲዛ ዋላካይ ባይንዳ ዋርቃ ወርሲዳስ።

ኤጸኔ ጨዋሲዛሶ (ከሳ 30:1-5)

25 ሃሳላካ ቃሴ ኤጸኔ ጨዋሲዛሶዛ ኦዶሮ ማላፌ ሜዲዳስ። ኢዛሰ ኦይዱ ጉላይ ዳስ፤ ኣዲሳቴላይ ኢሲ ዋዳ፤ ኣሆቴላይ ኢሲ ዋዳ፣ ጶቃቴላይ ናምኡ ዋዳ፣ ኢዛ ካጮቴካ ኢዛራ ኢሲኖ ጊዲዳ ኦይኬቲ ሜዲዳስ።*

26 ኢዛሰ ቦላ ባጋዛ፣ ኦይዱ ሚሌታኔ ኢዛ ካጮታ ዋላካይ ባይንዳ ዋርቃን ሜሺዳስ ኢዛ ዩሺ ኣላናሰ ጸንጸዛ ዋርቃፌ ኦላዳስ።

27 ሃ ዋርቃ ጸንጸፌ ጋርሳራ ኤጸኔ ጨዋሲዛሶዛሰ ዋርቃፌ ናምኡ ሳጋዮታ ሜዲዳስ፤ ሂሰቴዲ ሃ ባጋራኔ ሃ ባጋራ ናምኡ ናምኡ ኦይሴዳስ። ሃይቴ ቶኪዛ ዋዳ ቶሆ ማላታ ኣላናሰ ማዳናሰ።

28 ቶሆ ማላታ ኦዶሮ ማላፌ ኬሲዲ ኢሰታ ዋርቃን ሜሺዳስ።

29 ቃሴ ዲማቴዳ ቴዬቴዛ ዛይቴኔ ሳዎ ቴኑ ገዛ ሎኦ ኤጸኔ ሺቶ ማላ ገግሲዳስ።

38

ጸጌቴዛ ያርሾ ያርሺዛሶዛ ኦሶ (ከሳ 27:1-8)

1 ኦዶሮ ማላፌ ጸጌቴዛ ያርሾ ያርሺዛሶ ኦላዳስ። ሃ ያርሺዛሶዛ ጶቃቴላይ ሃሹ ዋዳ፣ ኣሆቴላይ ኣዲሳቴላይ ኢሲ ጊና፣ ኢቻሹ ኢቻሹ ዋዳ ጊዲዳ ኦይዱ ጉላይ ዲዛይሳ ኦላዳስ።

2 ኦይዱ ጉላታ ወርሴላ ጶራን ጶራን ኢሲ ኢሲ ካጮ ሜዲዳስ። ሃ ካጮቴ ያርሺዛሶዛራ ኢሲፌ ኦይኬቲዳ ኦይቴዳ። ሂሰቴዲ ያርሺዛሶዛ ጸርቂማላራ ሜሺዳስ።

3 ኢዛን ጎኤቴዛ ሚሻታ፣ ቢዲንላ ኬሲዛ ሳኔታ፣ ኣካፋታ፣ ኬሬታ፣ ኣሾ ኮንጮታኔ ቦንቆ ታማ ኦይኪዛ ኮንኣ ኡባ ጸርቂማላፔ ሜዲዳስ።

4 ሂሰቴዲ ጸርቂማላፔ ዛይዛሬ ያርሺዛሶዛሰ ገግሲዳ ያርሺዛሶዛሰ ዳጌ ጊደ ጊናን ዲዛ ጸንጸዛሰ ጋርሳ ባጋራ ዋላዳስ።

5 ጸርቂማላፔ ሜዲዳ ዛይዛሬዛሰ ኦይዱ ጉላን ቶሆ ማላታ ኣላናሰ ኦይዱ ቃንጎታ ሜዲዳስ።

6 ኦዶሮ ማላፌ ያርሺዛሶዛ ቶሆ ማላታ ኬሲዲ ጸርቂማላን ሜሺዳስ።

7 ያርሺዛሶዛ ቶኪዛ ዋዳ ማዳና ማላ ቶሆ ማላታ ናምኡ ሚሌራ ዲዛ ቃንጎታን ኣላዳስ። ያርሺዛሶዛ ጊደ ደይኣ ኣጊዲ ሳንቃፌ ሜዲዳስ።

ሚቻ ኬሬ (ከሳ 30:18)

8 ጸርቂማላፔ ሚቻ ኬሬኔ ኬሬዛ ዋላዛሶ ሜዲዳስ፤ ሃ ጸርቂማላዚካ ጸሳ ዲንካኔዛ ፔንጌን ኦላዛ ማጫሳቲ ኤሂዳ ጸርቂማላ ማሰቶቴፔ ኤኬቴዳስ።

ጸሳ ዲንካኔዛሰ ካሬ ባጋ ወይጌ ኦሶ (ከሳ 27:9-19)

* 37:25 ጉላ ጊዛይሳ ኢሲ ኢሲ ባጋ ጋሞላ ቃላን ዘዜ ዎይኮ ዳንቄሽ ጌቴሰ።

9 ሃሳፌ ጉዬ ዱቡሻሶዛ ገግሲዳሰ። ዱንካኔዛስ ካሬ ባጋ ወይጌስ ቶሆሶ ባጋ አዳሳቴላ ጾቹ ዋቆ ኦሊዳ። ሊቆ ላይኖፔ ዳዳቴዳ ማጋላሻ ገግሲዳሰ።

10 ኢዛስ ጸርቁማላፔ ናምኡ ታሙ ቱሳታኔ ቱሳታ ኢዛን ኤቁዛ ጸርቁማላ ቶሆ ኦሊዳሰ፤ ኢስታ ሁኔን ቃሴ ቢራፔ ሜዴቲዳ ኢስታ ቦላ ካቁዛይታኔ ቱሳታ ሁኔን ቃቸዛይታ ኦሊዳሰ።

11 ዱንካኔዛስ ካሬ ባጋ ወይጌዛስ ሁኔሶ ባጋ አዳሳቴላይ ጾቹ ዋቆ፤ ቃሴ ናምኡ ታሙ ቱሳታኔ ሄ ቱሳታሰ ናምኡ ታሙ ጸርቁማላ ቶሆቲ ዳቴሰ። ቃሴካ ቢራፔ ኦሴቲዳ ኢስታ ቦላ ካቁዛይታኔ ቱሳታ ሁኔን ቃቸዛይቲ ዳቴሰ።

12 ኦርሼይ ወሊዛሶ ባጋራ ዲዛ ዱቡሻ ኦሆቴሊ ኢቻሹ ታሙ ዋቆ ገዲዲ ታሙ ቱሳታኔ ቱሳታሰ ታሙ ቶሆቲ ዲዛ ማጋላሻታ ገግሲዳሰ፤ ሄ ቱሳታ ሁኔን ቢራፔ ሜዴቲዳ ኢስታ ቦላ ካቆታኔ ቱሳታሰ ሁኔን ቃቸዛይታ ኦሊዳሰ።

13 ቃሴ ኦርሼይ ሞኪዛ ባጋራ ዲዛ ዱቡሻሶ ኦሆቴሊ ኢቻሽ ታሙ ዋቆ።

14 ዱንካኔዛስ ካሬ ባጋ ወይጌዛ ጌሊዛሶፔ ኢሲ ባጋራ ታማኔ ኢቻሽ ዋቆ አዳቁዛ ማጋላሻቲ። ኢስታሰ ሄዙ ቱሳታኔ ቱሳታሰ ሄዙ ቶሆቲ ዳቴሰ።

15 ሃሳሶካ ዱንካኔዛስ ካሬ ባጋ ወይጌዛ ጌሊዛሶፔ ሃንኮ ባጋራ ታማኔ ኢቻሹ ዋቆ አዳቁዛ ማጋላሻቲ። ኢስታሰ ሄዙ ቱሳታኔ ቱሳታሰ ሄዙ ቶሆቲ ዳቴሰ።

16 ዱንካኔዛስ ካሬ ባጋ ወይጌዛ ዩሾን ዲዛ ማጋላሻቲ ወሪ ሊቆ ላይኖፔ ዳዳቴዳ።

17 ሄ ቱሳታሰ ቶሆይ ጸርቁማላፔ፣ ካቆቲኔ ቱሳታሰ ሁኔን ቃቸዛይቲ ቢራፔ ኦሴቲዳ፤ ኢስታ ሁኔይ ቢራን ሜሼቲዳሰ። ሃሳ ገሻሰ ዱቡሻሶዛ ዩሾን ዲዛ ቱሳታ ኡባ ሁኔን ቢራፔ ኦሴቲዳ ቃቸዛ ሚሻቲ ዳቴሰ።

18 ዱንካኔዛስ ካሬ ባጋ ወይጌዛ ጌሊዛሶን ካቁዛ ማጋላሻይ ሳሎ ሚሳቲዛ፣ ኦቻ ቴራ ሚሳቲዛኔ ጾቃ ዘኦ ቃጪናፔኔ ሊቆ ላይኖፔ ዳዳቴዳ ጸልፔን አሌቁሲ ገግሲዳዛ። ኢዛስ አዳሳቴላይ ናምኡ ታሙ ዋቆ፤ ቆቃቴላይ ዱንካኔዛስ ካሬ ባጋ ወይጌዛ ማጋላሻታ ማላ ኢቻሹ ዋቆ።

19 ኢዛሰካ ጸርቁማላፔ ኦሴቲዳ ኦይዳ ቱሳታኔ ቱሳታሰ ኦይዳ ቶሆቲ ዳቴሰ። ኢስታ ካቆቲኔ ቱሳታሰ ሁኔን ቃቸዛ ሚሻቲ ቢራፔ ኦሴቲዳ፤ ኢስታ ጸራቲካ ቢራን ሜሼቲዳ።

20 ጸሳ ዱንካኔዛ ጲሽኬቲኔ ኢዛ ዩሾን ዲዛ ዱንካኔዛስ ካሬ ባጋ ወይጌዛ ጲሽኬቲ ወሪ ጸርቁማላፔ ኦሴቲዳይታ።

ጸሳ ዱንካኔን ጎኔቲዛ ሚሻታ

21 ጸሳ ዱንካኔዛስ ጎኔቲዳ ሚሻታ ሌዌ ቆሞቲ ማዘጋባን ጸፊዳ። ሄ ሚሻታ ቁሴ ኦርኔ ና ኢታማሬ ዳናቴላ ጋርሳን ዲዛ ሌዌቲ ማዘጋባን ጸፋና ማላ ሙሴይ አዛዚዳሰ።

22 ቢኒያሜ ዜሬሐ ገዲዳ ኡሬሰ ናዛ ና፣ ኡሬ ና፣ ባሰሊኤሌይ ጎዳይ ሙሴ አዛዚዳይሳ ኡባ ኦሊዳሰ።

23 ዳኔ ዜሬሐ ገዲዳ አሃሳሜኔ ና ኤላቤይ ኢዛራ ዳሰ፤ ኢዚ ኩሼ ሃላንቻኔ ኦሶሰ ኮይሮ ቆፋ ኬሲዛዳኮ፤ ቃሴ ሳሎ ሚሳቲዛ፣ ኦቻ ቴራ ሚሳቲዛኔ ጾቃ ዘኦ ቃጪናፔኔ ሊቆ ላይኖን ዳዳቴዳ ጸልፔን አሌቁሲዛ አሳ።

24 ጸሳ ዱንካኔዛ ኦሶሰ ጎዳሰ ያኔ ሃ ቃሴሊ ሺሺዛ ያርሾስ አሜቲዳ ዋርቃይ ጸሳ ዱንካኔን ኤሬቲዳ ሜዛኔን ዋሊን 1,000 ኪሎ ገዲዳሰ።

25 ታይቦን ዲዛ ማባራ አሳፔ ቤቲዳ ቢራይ ጸሳ ዱንካኔን ኤሬቲዳ ሜዛኔን ዋሊን 3,430 ኪሎ ገዲዳሰ።

26 አሳ ታይቦዛ ዋዴ ታይቤቲዳ አቲማሳይ ወሪ ኢሳይይ ሁኔን ሁኔን አሚዳይሲ ጸሳ ዱንካኔን ኤሬቲዳ ሜዛኔን ዋሊን ኡሱፑን ገራሚ ማላ ገዲዳሰ። ታይቤቲዳ አሳይ ናምኡ ታሙ ላይሐ ኩሚዳይኔ ናምኡ ታማሬ ቦላራ ዲዛይ ሙሌራ 603,550።

27 ጸሳ ዱንካኔዛ ማጋላሻታ ኤሲዳ ጾቹ ቶሆቲ 3,400 ኪሎ ገዲዛ ቢራን ኦሴቲዳ። ሄሲካ ኢሲ ኢሲ ቶሆሰ 34 ኪሎ ቲጌቲዛ ቢራ።

28 አቲዳ ሄዙ ታሙ ኪሎ ቢራ ቱሳታ ቦላ ካቆሶ ሜቆሰ፣ ቱሳታሰ ሁኔ ቦላ ሜሻናሲኔ ኢስታ ሁኔን ቃቸዛ ሚሻታ ሜቆሰ ጎኔቲዳ።

29 ሃሳሶካ አሳይ ጎዳሰ ያኔ ሃ ቃሴሊ ሺሻናሰ ኤሂዳ ጸርቁማላ ያርሾይ 2,425 ኪሎ ገዲዳሰ።

30 ሄ ጸርቁማላፔ ጸሳ ዱንካኔዛ ጌሊዛሶን ኤቁዛ ቱሳታሰ ቶሆይ፣ ጸርቁማላፔ ኦሴቲዳ ያርሺዛሶ ጌቲቲዛ ያርሺዛሶዚ፣ ኢዛ ገደን ዋሊዳ ጸርቁማላ ዛይዛሬይኔ ኢዛ ገደን ጎኔቲዛ ዲማ ዲማ ሚሻይ ወሪ ሜዴቲዳሰ።

31 ሃሳሶካ ቃሴ ዱንካኔዛስ ካሬ ባጋ ወይጌ ዩሾን ዲዛ ዲርሳ ገደ ጌሊዛሶ ፔንጌን ኤቁዳ ቶሆይ፣ ቃሴ ጸሳ ዱንካኔዛኔ ኢዛ ዩሾን ዲዛ ዱንካኔዛስ ካሬ ባጋ ወይጌ ዲርሳይ ቶሌቲዳ ጲሽኬቲ ወሪ ሄ ጸርቁማላፔ ሜዴቲዳ።

39

ቁሴታ ማይኦ (ኩሳ 28:1-14)

1 ቁሴቲ ጸሳ ዱንካኔን ኦሊዛ ዋዴ ማይኦና ማይኦ፣ ሳሎ ሚሳቲዛ፣ ኦቻ ቴራ ሚሳቲዛኔ ጾቃ ዘኦ ቃጪናፔ ዳዳቴዳ። ኦርኔ ቁሴቲላ ማይኦካ ጎዳይ ሙሴ አዛዚዳ ማላ ኦሊዳ።

2 ቃሴ ኢሰቲ ኤፋዴ ዋርቃሬ፣ ሳሎ ሚሳቲዛ፣ ኦቻ ቴራ ሚሳቲዛኔ ጾቃ ዘኦ ቃጪናፔኔ ሊቆ ላይኖፔ ዳዳቴዳ።

3 ኢሰቲ ዋርቃ ቆጶ ሌኢሲዳ፣ ኢዛፔ ቃራሪ ቃራሪዳ ቃጪና ኬሲዳ። ሂሰቲዳ ሳሎ ሚሳቲዛ፣ ኦቻ ቴራ ሚሳቲዛኔ ጾቃ ዘኦ ቃጪናፔኔ ሊቆ ላይኖ ጋሊዳ ኩሼ ሃላንቻቲ ዳዳቴዳ።

4 ናምኡ ባጋይ ጋገዲ ኢሲኖ ገደና ማላ ናምኡ ሃሼ ቦላ ጋሊዳ ኦይሊዛ ጫርቃ ገግሲዳ።

5 ጎዳይ ሙሴ አዛዚዳ ማላ ሃሳይ አሌቁሲዳ ዳዳቴዳ ዳንጮይካ ኤፋዴራ ኢሲሬ ገዲዳ፣ ዋርቃሬ ሳሎ ሚሳቲዛ፣ ኦቻ ቴራ ሚሳቲዛኔ ጾቃ ዘኦ ቃጪናፔኔ ሊቆ ላይኖፔ ዳዳቴዳሰ።

6 ኢሰቲ ማርገዴ ጌቲቲዛ ናምኡ ሹቻታ ገግሲዳ ዋርቃሬ ሜቆዳ ሹቹ ኦይኪዛይሳ ቦላ ማራራ ዋሊዳ። ማታፋ ቦላ ሱንሐ ዋጪ ጸፊዛ ማላ ሄ ሹቻታ ቦላ ኢሰራኤሌ ናይታ ሱንሐ ዋጪዳ ጸፊዳ።

7 ጎዳይ ሙሴ አዛዚዳ ማላ ታማኔ ናምኡ ኢሰራኤሌ ቆሞታ ሃሳኢሲዛዝ ገደና ማላ፣ ሃ ታማኔ

ናምኑ ሹቻታ ኤፋዴዛሪ ኦይሊዲ ሃሼ ካቆዞ ቦላ ዋሊዲ።

ቲራ ቦላ ዲዛ ኪሴ (ኬሳ 28:15-30)

8 ኢስቲ ቲራን ዋሊዛ ኪሴ ኩሼ ሂላን ኦሊዲ። ሄ ቲራን ዋሊዛ ኪሴዛ ኤፋዴ ዋርቃፌ ዲዲዲ ማላ። ሳሎ ሚሳቲዛ፣ ኦቻ ቲራ ሚሳቲዛን ይቃ ዘኦ ቃጩናፔን ሊቆ ላይኖፔ ዲዲዲ።

9 ኢዛሰ ኦይዲ ዴራይ ዴሰ፤ ጾቃቲላይን ኢሆቴላይ ኢሲ ኢሲ ታቆ።

10 ሄሳፌ ጉዬ ኢዛ ቦላ ኦይዲ ማራን ኣልኦ ሹቻታ ዋሊዲ፤ ኮይር ማራን ዋሊዲ ሹቻይ ሳርዲዮን፣ ቶጳዚዮንን ጸልቁዛ ኢንቁ፤

11 ናምኣንሶ ማራን ባሎ፡ ሲምፔሬ ኣልማዜ ጌቲቲዛ ኣልኦ ሹቻታ፤

12 ሄቫንሶ ማራን ያኪንቲ፡ ኬልቄዶንን ኣሜቴሰጸኖሴ፤

13 ኦይዲንሶ ማራን ቢራሌ፡ ማርጊዴን ያሰጲዴ። ሄይታ ኡባ ዋርቃፌ ኦሴቲዲ ሹቹ ኦይኪዛይሳ ቦላ ዋሊዲ።

14 ኢሰራኤሌ ናይታ ሱንሳ ቆዳ ማላ፡ ሹቻታ ቆዳይካ ታማን ናምኣ፤ ኢሳይ ኢሳይ ማታሜ ማላ ዋጩቲዲ ታማን ናምኡ ቆምታ ሱንሳ ሄ ሹቻታ ቦላ ጸፌቲዴሰ።

15 ቲራን ዲዛ ኪሴዛሰ ዋደር ማላ ዶቄቲዳ ሳንሳላታ ዋላካይ ባይንዳ ዋርቃፌ ሜዲዲ።

16 ናምኡ ዋርቃፌ ሜዲዲ ሹቹ ኦይኪዛይታን ናምኡ ዋርቃ ሚጊደታ ሜዲዲ ቲራን ዋሊዛ ኪሴዛሰ ቆሞ ጋጸ ጸራታ ጋሊ ኦይሊዲ።

17 ሄ ናምኡ ዋርቃ ሳንሳላታ ቲራን ዋሊዛ ኪሴዛሰ ጸራን ዲዛ ሚጊደታ ጋሊ ኦይሴሊዲ።

18 ሄ ሳንሳላታታሰ ሃንገ ባጋ ጸራ ቃሴ ኤፋዴዛሰ ሲንሳ ባጋራ፡ ሃሼ ካቆ ቦላ ዲዛ ሹቹ ኦይኪዛይታ ጋሊ ቃቸዲ።

19 ቃሴካ ናምኡ ዋርቃ ሚዲጋታ ሜዲዲ ኤፋዴፔ ካሊ ዲዛ ቲራ ኪሴዛሰ ሶ ባጋራ ዲዛ ናምኡ ጸራታን ኣሊዲ።*

20 ሄሳላካ ዋርቃፌ ሃራ ናምኡ ሚጊደታ ሜዲዲ፡ ኤፋዴዛሰ ሲንሳ ባጋራ፡ ሃሼ ካቆዛፔ ጋርሳ ባጋራ ኤፋዴ ጸሳን ቃቸዛይሳፌ ቆሞራ፡ ሲኮይ ጋጊዛሶ ኣቻን ኢስታ ኦይሊዲ።

21 ጎዳይ ሙሴ ኣዛዚዳ ማላ ቲራ ኪሴን ዲዛ ሚጊደታ ኤፋዴዛን ዲዛ ሚጊደታ ጋሊዲ፡ ሳሎ ሚሳቲዛ ሱቁላን ቃቸዲ ገሻሰ ቲራ ኪሴዚ ጸሳፌ ቦላራ ዲዛ ገሻሰ ቃቸይ ደልኤና።

ቄሴቲ ማይዛ ሃራ ማይኦታ (ኬሳ 28:31-43)

22 ኤፋዴዛፔ ቦላራ ማይኢዛ ቃሚሳ ኢስቲ ሙሌራ ሳሎ ሚሳቲዛ ጩርቃፌ ገግሲዲ፤ ሄሲካ ሹማን ኦሶኮ።

23 ሄ ቃሚሳዛሰ ቆዴ ኣሊዛሶ ሜዲዲ፤ ቆዴሶይ ዳኬቶንታ ማላ፡ ሶ ባጋ ቃላምኢዲ ዩሺ ኣሊ ሲኪዲ።

24 ኢስታ ቃሚሳዛሰ ዲጌ ባጋ ማጫራ ዩሾን ሳሎ ሚሳቲዛ፣ ኦቻ ቲራ ሚሳቲዛን ይቃ ዘኦ ቃጩናፔን ሊቆ ላይኖፔ ኦርማን ጌቲቲዛ ሚሳ ኣይፌ ቲራ ሚሰሌታ ሜዲዲ።

25 ቃሴካ ዋርቃፌ ዳላታ ሜዲዲ ቃሚሳታሰ ዲጌ ባጋ ጸራ ዩሺ ኣሊዲ ኦርማን ሚሰሌታ ገደን ኣሊ ኣሊ ዋላኪዲ።

26 ጎዳይ ሙሴሰ ኣዛዚዳ ማላ ኢስቲ ጸሳ ዲንካን ኦሶ ኣሊሹ ማይኣና ማላ ቃሚሳዛሰ ዲጌ ባጋ ማጫራ ዩሺ ኣሊዲ ዳላን ኦርማን ቲራ ሚሰሌ ዋላኪ ኣሊዲ።

27 ጎዳይ ሙሴ ኣዛዚዳ ማላ ኢስቲ ኣርኔሴን ኢዛ ናይታሰ ሹማንይ ዲዲዳ ሊቆ ላይኖፔ ቆሌታ ገግሲዲ።

28 ቃሴ ሁኤን ጸጸዛ ሻሹታ፡ ቆቤታን ጋርሳራ ማይኢዛ ማይኦታ ሊቆ ላይኖፔ ዲዲዲ ገግሲዲ።

29 ሄሳላካ ቃሴ ኢስቲ ሳሎ ሚሳቲዛ፣ ኦቻ ቲራ ሚሳቲዛን ይቃ ዘኦ ቃጩናፔን ሊቆ ላይኖፔ ዲዲዲ ኩሼ ሂላን ኣሌቁሲዲ ዳንጮ ገግሲዲ።

30 ኢስቲ ኣኪሊሌ ሚሰሌ ዋላካይ ባይንዳ ዋርቃፌ ሜዲዲ ማታሜ ቦላ ዋጩዛ ማላ ኢዛ ቦላ፡ «ጎዳሰ ጌሽ ገዲዲ ዲማቲዴሰ» ገዛይሳ ዋጩ ጸፊዲ።

31 ሄሳፌ ጉዬ ሁኤ ጎሳ ቦላ ካቃና ማላ፡ ጎዳይ ሙሴ ኣዛዚዳ ማላ ሳሎ ሚሳቲዛ ባቄላ ኢዛን ኣሊዲ ቃቸዲ።

ሙሴይ ኦሶዛ ኡባ ጸሞሲዴሰ (ኬሳ 35:10-19)

32 ጸሳ ዲንካንዛ ኦሶይ ዉሪ ሙሌራ ፖሊቲዴሰ። ኢሰራኤሌ ኣሳይ ኡባ ጎዳይ ሙሴ ኣዛዚዳ ማላ ኦሊዲ።

33 ሄሳፌ ጉዬ ኢስቲ ጸሳ ዲንካንዛ ሙሌራ ኤኪዲ ሙሴኮ ኤሂዲ፤ ሄሲካ ዲንካንዛን ኢዛ ሚሻዛ ኡባ፡ ቃጳታ፡ ቶሌ ሚሳታ፡ ፔንጌ ጎርዲዛ ሚሳታ፡ ቱሳታን ኢስቲ ኤቁዛ ቶሆታ።

34 ቦላራ ካማናሰ ጳርሾዛ ኢቲ ዘኦ ቃላሚን ዩጌ ኬሲዲይሳ፡ ቃጩቲዲ ጋልባ፡ ጌንሊዛ ማጋላሻ፡

35 ጫቆ ቃላ ታቦታ፡ ኢዛ ቶኪዛ ቶሆ ሚሳታ፡ ኣቶ ጌቲቲዛ ካማ፡

36 ጸራጳዛን ኢዛ ሚሹ ኡባ ጎዳ ሲንሳን ዋሊዛ ጌሻ ኡኬሳ፡

37 ዋላካይ ባይንዳ ዋርቃፌ ኦሴቲዳ ጸምፔ ዋሊዛሰዛን ኢዛን ማራን ዲዛ ጸምፔታ፡ ኢስታ ሚሻታ ኡባን ጸምፔ ዛይቲ፡

38 ዋርቃፌ ኦሴቲዳ ኤጸን ጩዋሲዛሰዛ፡ ቲዬቲዛ ዛይቲ፡ ሳዋዛ ኤጸን፡ ጸሳ ዲንካን ፔንጌ ማጋላሻ፡

39 ጸርቁማላፔ ኦሊዲ ያርሺዛሰዛ፡ ጸርቁማላ ዛይዛሬዛ፡ ኢዛ ቶኪዛ ቶሆ ሚሳ፡ ኢዛ ሚሻታ ኡባ፡ ሜቻ ኬሬን ኬሬዛ ኢዛ ቦላ ዋሊዛ ሚሻታ፡

40 ዲንካንዛሰ ካሬ ባጋ ዉይጌ ጎዳ ጌንሊዛ ማጋላሻታ፡ ኢዛ ቱሳታ፡ ኢስቲ ኤቁዛ ቶሆታ፡ ዲንካንዛሰ ካሬ ባጋ ዉይጌ ጌሊዛ ፔንጌታ ማጋላሻታ፡ ዲንካንዛሰ ካሬ ባጋ ዉይጌ ዋደርታን

ጳሽኬታ፡ ጸሳ ዲንካንዛሰ ኮሺዛ ሚሻታ ኡባ፤

41 ቄሴቲ ጌሻ ሶን ኦሊዲ ማይኣናሰ ዳዴቲዳ ማይኦታ፡ ኣርኔይን ኢዛ ናይቲ ቄሴቲላን ኣሊሹ ማይኢዛ ማይኦታ።

42 ኢሰራኤሌ ኣሳይ ኦሶዛ ኡባ ጎዳይ ሙሴ ኣዛዚዳ ማላ ኦሊዲ።

43 ሙሴይ ኦሶዛ ጸሞሲ ዴሊዲ ኢስታ ጎዳይ ኣዛዚዳ ማላ ኦሊዲይሳ ቤዩዴሰ። ሄሳ ገሻሰ ሙሴይ ኢስታ ኣንጂዴሰ።

* 39:19 ሚዲጋ ገዛይሳ ኢሲ ኢሲ ባጋ ጋሞላ ቃላን ሚጊደ ዋይኮ ጩጾ ጌቲቲሰ።

40

ጸሓዊ ዲንካኔ ቶሎ

1 ሃሳፌ ጉዬ ጎዳይ ሙሴ፡፡
 2 «ኮይሮ ኣገናን ኮይሮ ጋላሰ፡ ኔኒ ጸሓዊ ዲንካኔ ቶሎ፡፡
 3 ጫቆ ቃላ ታቦታ ኢዛ ገደን ዋሓዳ ታቦታዛ ማጋላሻን ገንፋ፡፡
 4 ጸራጳዛ ጌልላዳ ኢዛ ቦላ ዋቆናሰ ኮሺዛ ሚሻታ ኡባ ኢዛ ቦላ ዋሓ፡፡ ሂሰታዳ ጸምጌታ ኢዛ ቦላ ዋሓዛ ሚሻዛ ሶ ጌልላዳ ኢዛ ቦላ ጸምጌታ ዋሓ፡፡
 5 ዋርቃፌ ኦሴቲዳ ኤጻኔ ጨዋሲዛሶዛ ጫቆ ቃላ ታቦታ ሲንፋን ዋሓዳ፡ ጸሓዊ ዲንካኔዛ ገደ ጌሊዛ ፔንጌ ማጋላሻዛ ካቃ፡፡
 6 «ጸጌቲዛ ያርሾ ያርሺዛሶዛ ጸሓዊ ዲንካኔዚ ጌሊዛ ፔንጌ ሲንፋን ዋሓ፡፡
 7 ኢዛን ሜጨቲዛ ኬሬዛ ጸሓዊ ዲንካኔዛፔኔ ያርሺዛሶዛፔ ገደን ዋሓዳ ሃጼ ኢዛን ቲጋ፡፡
 8 ጸሓዊ ዲንካኔዛፔ ካሬራ ዩሻ ኣላዳ ዲንካኔዛሰ ካሬ ባጋ ወይጌ ገጊሳዳ ዲቡሻ ጌሊዛሶን ማጋላሻ ካቃ፡፡
 9 «ቲዩቲዛ ዛይቲዛ ኤካዳ ጸሓዊ ዲንካኔዛኔ ኢዛ ገደን ዲዛይሳ ኡባ ቲያ፤ ኢዛኔ ኢዛ ገደን ጎሌቲዛ ሚሻታ ኡባ ዲማሳ፤ ሂሰቲኮ ኢዚ ጌሽ ገዳና፡፡
 10 ሃሳፌ ጉዬ ጸጌቲዛ ያርሾ ያርሺዛሶን ኢዛሰ ጎሌቲዛ ሚሻ ኡባ ቲያ፤ ያርሺዛሶዛ ዲማሳ፤ ሂሰቲኮ ኢዚ ኡባፌ ኣጳዳ ጌሽ ገዳና፡፡
 11 ሚቻ ኬሬዛኔ ኬሬዛ ኢዛ ቦላ ዋሓዛ ሚሻታ ቲያዳ ኢሰታ ዲማሳ፡፡
 12 «ኔኒ ኣርኔኔ ኢዛ ናይታ ጸሓዊ ዲንካኔዚ ጌሊዛ ፔንጌ ኤሃዳ ሃላን ሚጨ፡፡
 13 ሃሳፌ ጉዬ ቁሴቲላ ማይእዛ ኣርኔ ማይዛዳ ኢዚ ታሰ ቁሴቲላን ኣላና ማላ ኢዛ ቲያዳ ዲማሳ፡፡
 14 ኢዛ ኣቲማ ናይታካ ኢሃዳ ቆሌ ማይዛ፡፡
 15 ኢሰቲ ታሰ ቁሴቲላን ኣላና ማላ፡ ኢሰታ ኣዋ ቲያዳ ማላ፡ ኢሰታካ ቲያ፡ ኢሰታ ቲዩቲላንካ ኢሰታን ኢሰታ ዩሌታይ ወሬ ቁሴ ገዲዲ ኣላና ማላ ታ ኣላና» ገደሰ፡፡
 16 ሙሴይ ኡባካ ጎዳይ ባና ኣዛዚዳ ማላ ኣሊደሰ፡፡
 17 ሃሳ ገሻሰ ገብጾፔ ኢሰቲ ኬዚዳ ናምኣንፉ ላይላን፡ ኮይሮ ኣገናን ኮይሮ ጋላሳን ጸሓዊ ዲንካኔይ ቶሎቲደሰ፡፡
 18 ሙሴይ ጸሓዊ ዲንካኔዛ ኤሲዛ ዋዴ ዲንካኔዛ ቶሆ ኢሰታ ሶሆን ሶሆን ዋሓደሰ፤ ቶሎ ሚላታኔ ቱሳ ኣሊደሰ፤ ጎርዲዛ ሚላታካ ጌልሊደሰ፡፡
 19 ሃሳፌ ጉዬ ሙሴይ ጎዳይ ኣዛዚዳ ማላ ዲንካኔዛ ቶሊዲ ኢዛ ቦላራ ካማ ካሚደሰ፡፡
 20 ሂሰቲዲ ታሙ ኣዛዘቲ ጸፊቲዳ ማሴቲዳ ሹቻታ ኤፊዲ ታቦታዛ ገደን ዋሓደሰ፤ ቶኪዛ ቶሆ ሚላታ ታቦታን ኣሊደሰ፤ ማርቲላ ካማካ ታቦታ ቦላ ዋሓደሰ፡፡
 21 ሃሳፌ ጉዬ ታቦታዛ ጸሓዊ ዲንካኔዛ ገደ ጌልሊደሰ፤ ጌንሊዛ ማጋላሻ ካቂዲ፡ ጎዳይ ኣዛዚዳ ማላ ጫቆ ቃላ ታቦታዛ ካሚደሰ፡፡
 22 ጎዳይ ሙሴ ኣዛዚዳ ማላ፡ ሙሴይ ጸራጳዛዛ ጸሓዊ ዲንካኔዛን ጌልሊዲ፡ ማጋላሻፔ ካሬራ ሁኤሶራ ዋሓዲ፡፡

23 ኢዛ ቦላ ጎዳ ሲንፋን ዋሓዛ ጌሻ ኡኬሳ ገገሲደሰ፡፡
 24 ጎዳይ ሙሴ ኣዛዚዳ ማላ፡ ጸምጌ ዋሓደሰዛ ጸሓዊ ዲንካኔ ገደ ጌልሊዲ፡ ጸራጳዛሰ ሲንፋ ባጋራ፡ ጸሓዊ ዲንካኔዛሰ ቶሆሶራ ዋሓደሰ፤
 25 ቃሴ ጸምጌታ ጎዳ ሲንፋን ኣይሊደሰ፡፡
 26 ጎዳይ ኣዛዚዳ ማላ፡ ዋርቃፌ ኦሴቲዳ ኤጻኔ ጨዋሲዛሶዛ ጸሓዊ ዲንካኔዛ ገደ ጌልሊዲ ማጋላሻዛሰ ሲንፋ ባጋራ ዋሓዲ፡፡
 27 ኢዛ ቦላ ሳዊዛ ኤጻኔ ጨዋሲደሰ፡፡
 28 ሃሳፌ ጉዬ ጸሓዊ ዲንካኔዛ ፔንጌን ማጋላሻ ካቂደሰ፡፡
 29 ጸጌቲዛ ያርሾ ያርሺዛሶዛ ጸሓዊ ዲንካኔ ጌሊዛሰ ፔንጌ ኣቻን ዋሓደሰ፤ ኢዛ ቦላ ጸጌቲዛ ያርሾኔ ካላ ያርሾ ጎዳይ ኣዛዚዳ ማላ ያርሺደሰ፡፡
 30 ሚቻ ኬሬዛ ጸሓዊ ዲንካኔዛፔኔ ያርሺዛሶዛፔ ገደን ዋሓደሰ፡፡ ሂሰቲዲ ሚጨታናሰ ሃጼ ኢዛን ቲገደሰ፡፡
 31 ሙሴይ፡ ኣርኔይኔ ኢዛ ናይቲ ባ ኩሼኔ ባ ቶሆ ኢዛን ሚጨቲዳ፡፡
 32 ጎዳይ ሙሴ ኣዛዚዳ ማላ፡ ኢሰቲ ጸሓዊ ዲንካኔን ጌሊዛ ዋዴ ዋይኮ ያርሺዛሰ ሸቂዛ ዋዴ ኣይዳካ ሚጨቲቲሰ፡፡
 33 ጸሓዊ ዲንካኔን ያርሺዛሰ ዩሻ ኣሊዲ ዲቡሻ ገገሲደሰ፤ ሂ ዲቡሻ ፔንጌን ማጋላሻ ካቂደሰ፡፡ ሃሳላ ሂሰቲዲ ሙሴይ ኦሶዛ ፖሊደሰ፡፡
ጸሓዊ ዲንካኔዛን ጎዳ ቦንቾ ኩዋ
 (ታይ 9:15-23)
 34 ሃሳፌ ጉዬ ሻራይ ጸሓዊ ዲንካኔዛ ካሚደሰ፤ ጎዳ ቦንቾይካ ኢዛ ኩሚደሰ፡፡
 35 ሻራይ ጸሓዊ ዲንካኔዛ ቦላ ኡቲዳ ገሻሰኔ ጎዳ ቦንቾይ ኢዛ ገደን ኩሚዳ ገሻሰ ሙሴይ ኢዛ ገደ ጌላናሰ ዳንዳይቤና፡፡
 36 ኢሰራኤሌ ኣሳይ ባ ኦጌ ኡባን፡ ሂ ሻራይ ጸሓዊ ዲንካኔዛፔ ዳንዲዛ ዋዴ ኣይዳካ ኢዛ ካሊዲ ቤቲሰ፡፡
 37 ገደ ኣቲን ሂ ሻራይ ዳንደንታ ኢጲኮ ኢዚ ዳንዳና ጋላሳይ ጋካናሰ ኢሰቲካ ቃጾቲና፡፡
 38 ኢሰታ ኦጌ ኡባን ጎዳ ሻራይ ኢሰራኤሌ ኣሳይ ወሬ ቤኢሺን፡ ጋላሰ ጋላሰ ጸሓዊ ዲንካኔ ካሚሲኔ ቃማ ቃማ ቃሴ ታማይ ሂ ሻራ ገደን ኤጾሰ፡፡

ሌዌታ ማጻፋት ጊደ ቆፋ

ሌዌታ ማጻፋቱ በኔ አሰራሌ አሳሰ ዲዛ ጸሳሰ ጎይኖ ዋጋ ገሻሲኔ አሰታ አማኖ ዋጋጋ ገሻሰ ሃሳዳካ ሄ ዋጋጋ ኦሎን ፖላና አላፊቴሌ አሰታሰ ዲዛ ቁሴታ ገሻሰ ዮቴሰ። ሄ ማጻፋሰ ዋና ቆፋይ ጸሳ ገሻቴላ ገሻሰ ዮቶኔ ሃሳዳካ ጸሳ ዳሬይ ሃይሳ ገሻሰ አሰራሌ ጎዳራ ማታ ጋይቶቴሌ ዳና ማላ አሰቲ ኢዛሰ ዋሰቲ ዋሰቲ ጎይናናኮ አሰታሰ ቢርሺ ዮቴሰ። ማጻፋዛ ጋርሳን ኬሂ ኤሬቲዳ አዛዘታቴ አሰይ፣ ዩሱሲ ኦራላ ጫቆ ማጻፋን፣ «ናምአንሉ ባይራ አዛዘ» ገ ሱንሉዳይሲ ሾምፖ 19:18 ቦላ ዲዛይሳ፤ ሄሲካ፣ «ኔኔ አሳ ኡባ ኔ ሁኤ ማላ ሲቃ» ገዛይሳ።

ሃ ማጻፋይ ኦይኪዳ ኩሜላ ቆፋ

- ሙጽዋታኔ ያርሾ ዋጋ 1:1—7:38
- ቁሴቲላን ኦርኔኔ ኢዛ ናይታ ሹሜቲላ 8:1—10:20
- ጌሺኔ ቱና ሚሽ ቃሴ ጌሾ ዋጋ 11:1—15:33
- ናጋራ ዲጎ ጋላሰ 16:1-34
- ዲማቲሌኔ ጎይኖ ዋጋ 17:1—27:34

ጸጌቲዛ ያርሾ

- 1 ጎዳይ ጋይቶቴላ ዲንካኔዛ ገደን ዲሼ ሙሴ ጾይጊዲ ሂዘጊ አዛዘዳሰ።
- 2 «አሰራሌ አሳይ ጎዳሰ ያርሾ ሺሺዛ ዋዳ አሰቲ ናጋና ዋጋይ ሃይሳፊ ካሊዛይሳ፤ አሲ አሲ አሲ ሚዛቴ ገደን ደርሳፊ ዋይኮ ዳይሻፊ ገደን አይ ቆሞ ያርሾካ ሺሺዛ ዋዳ።
- 3 ሄሲካ ሚዛቴ አሳ ጸጌቲዛ ያርሾሰ ሺሻናሰ ኮይኮ አሲ ቦሬይካ ኢዛ ቦላ ባይንዳ ሚርጎ ቦራ ደሪዲ ኤሆ፤ ሂሰቲኮ ኢዘ ጎዳ ኡፋይሲዛ ያርሾ ገደና ማላ ጋይቶቴላ ዲንካኔዛ ፔንጌን ሺሾ።
- 4 ጸጌቲዛ ያርሾ ሺሺዛይይ ባ ሺሺዛ ቦራ ሁኤ ቦላ ባ ኩሼ ዋላ፤ ሄ ያርሾዚካ ኢዛ ናጋራ ወርሳናሰ ጎዳይ ኤኪዛ ሎኦ ያርሾ ገደና።
- 5 ሄሳይይ ሚርጎዛ ሄን ጎዳ ሲንላን* ሹኮ፤ ሂሰቲኮ ኦርኔ ዜሬላታቴ ገደዳ ቁሴቲ ቦራዛ ሱላ ጎዳሰ ሺሼቶ፤ ጋይቶቴላ ዲንካኔን ጌሊዛ ፔንጌ ባጋራ ዲዛ ያርሾ ያርሺዛሶዛ ቦላ ላንቁራ ዩዩ አጻናሰ ሱላ ወጾቶ።
- 6 ሄሳፊ ጉዩ ሄ ያርሾዛ ሺሺዛይሲ ሄ ሹኩቲዳ ሚሃዛ ጋልባ ሾቁዲ ኬሶ፤ አሾዛ ቆሞን ቆሞን ቃንጾሬላ።
- 7 ቁሴ ኦርኔ ዜሬላ ገደዳ ቁሴቲ ያርሾ ያርሺዛሶዛ ቦላ ሚላ ጎጂዲ ታማ ኤሌቶ።
- 8 ቁሴዛ ኦርኔ ዜሬላ ገደዳ ቁሴቲ ሄ ሚሃዛ አሾዛ ቆሞን ቆሞን ሻኪዲ ሁኤዛኔ ሃንዳዛ ጉጂዲ ያርሾ ሺሺዛሶን ኮሬቲዳ ሚላ ቦላ ዋሌቶ።
- 9 ሄ ያርሾዛ ሺሺዛይሲ ሄ ሚሃዛ ቃንላ አሾዛኔ ጉዩ ጌዳታ ሃላን ሚጮ፤ ቁሴዚ ያርሾዛ ኡባ ያርሺዛሶዛ ቦላ ጸጎ፤ ሃይሳ ማላ ታማን ጸጌቲዛ ያርሾ ሳዋይ ጎዳ ኡፋይሲሰ።

* 1:5 ጎዳ ሲንላን ጌቲቲዛይሲ ጋይቶቴላ ዲንካኔን ጉሳ።

- 10 «ኢዛይይ ባ ደርሳፊ ዋይኮ ባ ዳይሻፊ አሳ ጸጌቲዛ ያርሾሰ ሺሻና ኮይኮ አሲ ቦሬይ ኢዛ ቦላ ባይንዳ ጻርሾ ዋይኮ ኦርጌ ገደ።
- 11 ሄሳካ ያርሾ ሺሺዛሶዛቴ ፑዳሃ ባጋራ ጸሳ ሲንላን ሹኮ፤ ኦርኔ ዜሬላ ገደዳ ቁሴቲ ሱላ ኤኪዲ ያርሾ ያርሺዛሶዛ ቦላ ዩዩ አጻናሰ ወጾቶ።
- 12 ሄ ያርሾ ሺሺዛይይ ሄ ሹኪዳ አሾዛ ቆሞን ቆሞን ቃንጾ ኬሲዳቴ ጉዩ ሄ ኦሶዛሰ ደሬቲዳ ቁሴይ ሄ ኬሲዳ አሾዛ ኡባ ሁኤዛኔ ሃንዳዛካ አሲፊ ያርሾ ያርሺዛሶን ጎጾቲዲ ታማን ኤጸዛ ሚላ ቦላ ዋላ፤
- 13 አዳዚ ሄ ሚሃዛሰ ቃንላ አሾዛ ናምኡ ጌዳታ ሃላን ሚጮ፤ ቁሴዚካ ሃሳ ኡባ ጎዳሰ ያርሾ አላ ሺሺዲ ያርሾ ሺሺዛሶዛ ቦላ ኡባ ጸጎ፤ ሃሳ ማላ ታማን ጸጌቲዛ ያርሾ ሳዋይ ጸሳ ኡፋይሲሰ።
- 14 «ኢሳይይ ጎዳሰ ጸጌቲዛ ያርሾ ካፎቴ ሺሻና ኮይኮ ሃራጼ ጩዬ ዋይኮ ዋናሴ ጌቲቲዛ ካፎቴ ገደናሰ ዳንዳይሰ።
- 15 ቁሴዚካ ሄ ካፎዛ ኤኪዲ ጌዳ ያርሾዛሶ ሺሺዲ ካፎዛ ቆጵ ሚርቆ፤ ያርሾዛ ሺሺዲ ታማን ኢዛ ጸጎ፤ ሱሊካ ያርሾይ ኢዛ ቦላ ሺቁዛይሳ ሚሌራ ዲጌ ጸኬቶ።
- 16 ባሌዛኔ ቃንላ አሾዛ ዲማ ሻኪዲ ያርሾ ኢዛ ቦላ ሺሺዛሶዛቴ ኦርሺይ ሞኪዛ ባጋራ ቢዲንሉ ቆሌቲዛሶን ዩጌቶ።
- 17 ቁሬታ ኦይኪዲ ናምኡ ኬሲ ጸልቂዲ አሾዛ ሙሌራ ሻኪ ዩጎንታ ዲሼ ያርሾ ሺሺዛሶዛ ቦላ ዲዛ ታማን ሙሌራ ጸጎ፤ ሃሳ ማላ ታማን ጸጌቲዛ ያርሾ ሳዋይ ጎዳ ኡፋይሲሰ።

2

ካላ ያርሾ

- 1 «አይ አሲካ ጸሳሰ ካላ ያርሾ ሺሺዛ ዋዳ ሊቆ ጳሌ ሺሻና ቤሴሰ፤ ሄ ጳሌዛ ቦላ ዋጋራ ዛይቴኔ ኤጸኔ ጉጃ፤
- 2 ኦርኔ ዜሬላፊ ገደዳ ቁሴታኮ ኤኪ ዮ፤ ሄ ዋዳ ኢዛ ኦሶ ታራይ ጋኪዳ ቁሴይ ሄ ጳሌዛቴ ባ ኩጳ ኩሜላ ዛይቴዛኔ ኤጸኔዛ ኤኪዲ ወሪካ ጸሳሰ ሺቁዳይሳ ኤሪሳናሰ ያርሾ ሺሺዛይሳ ቦላ ታማን ጸጎ፤ ሃሳ ማላ ካላ ያርሾ ሳዋይ ጸሳ ኡፋይሲሰ።
- 3 ካላ ያርሾፊ ኦቲዳ ጳሌይ ኦርኔ ዜሬላፊ ገደዳ ቁሴታሰ ኢሜቶ፤ ሄሲካ ጸሳሰ ሺቁዳ ያርሾፊ ሻኬቲ ኤኬቲዳ ገሻሰ ሃራታቴ ኬሂ ዲማቴሰ።
- 4 «ያርሾዚ ኡኬላ ኡኬቲዛ ባሾን ኡኬቲዳ ገደዳካ ኢርሾይ ቦቾንታዝ ገደ፤ ኢዘካ ዋጋራ ሚላ ዛይቴራ ዋላኬቲዲ ሊቆ ጳሌራ ኡኬቲዳ ቁሪ ኡኬላ ዋይኮ ዛይቴን ጌንዳቲ ኡኬቲዳ ኡኬላ ገደናሰ ቤሴሰ።
- 5 «ያርሾዚ ታማ ጮጮን ኮምቴቲዳዝ * ገደኮ ኢርሾይ ቦቾንታ ዋጋራ ሚላ ዛይቴይ ጉጃቲዲ ሊቆ ጳሌፊ ጌጌቲዳዝ ገደ።
- 6 ኔ ኡኬላዛ ባሴሬላዳ ኢዛ ቦላ ዋጋራ ሚላ ዛይቴ ጉሳዳ ካላ ያርሾ ሺሻ።

* 2:5 ኮምፓ፡ ኮምፓ ጌቲቲዛይሲ ታማ ጮጮን ዋይኮ ቦንቆ ታማ ጋርሳን ካሊዛ ኡኬላ።

7 «ያርሾዚ ቁሪ ባሽን ኡኩቲዳ ኡኩፋ ማላ ገዲኮ ዋጋራ ማላ ዛይቲይ ኢዛን ጉጃቲ ሙኑቁቲዳ ሊቆ ጳሌፌ ገሊዳዝ ገደ።

8 ካላ ያርሾ ጸሳስ ኢሜቲዛ ያርሾ ሂሰታ ቁሴዛስ ኢማ፤ ቁሴዚካ ያርሾ ያርሺዛሶን ያርሾ።

9 ቁሴዚ ሄሳ ሄ ያርሾዛፔ ባጋ ኤኪዲ ኡባ ጎዳይ ኢዚ ሺሺዳይሳ ዩሺ ቆጋና ማላ ያርሾ ያርሺዛሶን ዲዛ ታማን ጸጎ፤ ሃይሳ ማላ ታማን ጸጌቲዛ ያርሾ ሳዎይ ጎዳ ኡፋይሴሰ።

10 ያርሺሺን ኣቲዳይሴ ቃሴ ቁሴታሰ ኢሜቶ፤ ሄሰካ ጎዳስ ሸቆዳ ያርሾፌ ሻኬቲ ኤኩቲዳ ገሻሰ ሃራታፔ ኬሂ ዲማቲሰ።

11 «ጎዳስ ጸጌቲ ያርሾቲዛ ካላ ያርሾራ ሸቆዛ ኢርሾ ገዲን ዎይኮ ኤስ ገዲኮካ ኔ ታማን ጸጋናሰ ቤሶንታ ገሻሰ ኔ ጎዳስ ሺሺዛ ካላ ያርሾን ኡባን ኣይኮ ኢርሾይካ ኢዛን ጌሎ።

12 ላይላን ላይላን ካላ ሺሺዛ ዎዴ ኮይሮ ማጽቲዳ ካላፌ ጸራ ያርሾ ኦሊዲ ጎዳስ ኤኪ ዩቲ፤ ሄ ያርሾዚ ያርሾ ያርሺዛሶዛን ታማን ጸጌቶፎ።

13 ኣይ ቆዎ ካላ ያርሾንካ ማጸኔይ ጳዮፖ፤ ሄሰ ኔኒ ኔ ጸሳራ ጫቁቲዳ ጫቆ ቃላሰ ማላታ፤ ሄሳ ገሻሰ ኔ ሺሺዛ ካላ ያርሾ ኡባ ማጸኔራ ማልኢንላ ኦላ።

14 ካላ ሺሺዛ ኮይሮ ኣገናን ካላ ጸራ ኔ ሺሺዛ ዎዴ ጫጮቲዲ ሸጌቹቲዳ ቲያ ገደ።

15 ሃይሴ ካላ ያርሾ ገዲዳ ገሻሰ ኢዛ ቦላ ዎጋራ ማላ ዛይቲይ ኤጸኔ ጉጃ።

16 ቁሴዚካ ሄ ያርሾዛፔ ባጋ ኤኪዲ ኢዚ ጎዳስ ሸቆዳዝ ገዲዳይሳ ኣኩኪሳና ማላ ዛይቲዛካ፤ ኤጸኔዛካ ኡባ ካላራ ኢሰፌ ጸጎ።

3

ኢሰፊቲላ ያርሾ

1 «ኣይ ኣሲካ ሳሮቲላ ገሻሰ ባ ማሄፔ ጎዳስ ኢሰፊቲላ ያርሾ ሺሺዛ ዎዴ ኢዛ ቦላ ዎሶይ ባይንዳ ሚርጎ ዎይኮ ማጫ ሚዝ ደሪዲ ኤሆ።

2 ያርሾ ኤሃዛዴይ ያርሾስ ኢዚ ሺሺዛ ማሄዛ ቦላ ባ ኩሼ ዎሊዲ ጋይቶቲላ ዲንካኔ ፔንጌ ማታን ሹኮ፤ ኣርኔ ዜሬላ ገዲዳ ቁሴቲ ሱላ ኢዛፔ ኤኪዲ ያርሾይ ያርሾቲዛሶዛ ሚሌዛ ቦላ ዩዩ ኣጳናሰ ወጾቶ።

3 ኢሰፊቲላ ያርሾስ ሸቆዛ ያርሾዛፔ ጎዳስ ታማን ጸጌቲዛ ያርሾ ገዲ ሺቃናይቲ ቃንላ ኣሾታ ጎዚ ኦይኪዳ ሃንዳ ኩሜላ።

4 ከላሆታኔ ኢሰታ ቦላ ዲዛ ሃንዳ ሄሳላካ ቲሬ ጎዚ ኦይኪዳ ሃንዳታፔ ደሬቲዳይታ።

5 ቁሴቲ ሄሳ ኡባ ሃራ ጸጌቲዛ ያርሾራ ጋሊ ያርሾ ያርሺዛሶን ጸጌቶ፤ ሄሳ ማላ ታማን ጸጌቲዛ ያርሾ ሳዎይ ጎዳ ኡፋይሴሰ።

6 «ኢሰፊቲላስ ሸቆዛ ያርሾይ ደርሳፌ ዎይኮ ደይሻፌ ገዲኮ ኣዴ ዎይኮ ማጫ ገዲዲ ኢሰታ ቦላ ዎሶይ ባይንዳይታ ገዴቶ።

7 ኢሰ ኣሲ ጎዳስ ሺሺዛ ያርሾይ ደርሳ ላቃ ገዲኮ።

8 ባ ኩሼዛ ላቃ ሁኤ ቦላ ዎሊዲ ዲንካኔዛ ፔንጌ ቦላ ሹኮ፤ ቁሴቲ ሱላ ኢዛፔ ኤኪዲ ያርሾ ያርሺዛሶዛ ቦላ ሚሌዛ ዩዩ ኣጳናሰ ወጾቶ።

9 ኢሰፊቲላ ያርሾስ ሸቆዛ ያርሾዛፔ ጎዳስ ታማን ጸጌቲዛ ያርሾ ገዲ ሺቃናይቲ ሃንዳዛኔ ዘኮ ሚቁላ ጋርሳፌ ቃንጾቲዳ ጎይና ኡባ፤ ቃንላ ኣሾ ጎዚ ኦይኪዳ ሃንዳ ኡባ።

10 ከላሆታኔ ኢሰታ ጎዚ ኦይኪዳ ሃንዳ ኡባ ቃሴ ቲሬ ካሚ ኦይኪዳ ሎኦ ሃንዳ ኡባ።

11 ቁሴዚካ ሄሳ ኡባ ጎዳስ ካላ ያርሾ ሂሰቲ ሺሺዲ ያርሾ ያርሺዛሶዛ ቦላ ጸጎ።

12 «ኢሰ ኣሲ ጎዳስ ያርሾ ደይሹ ሺሺዛ ገዲኮ።

13 ባ ኩሼ ደይሻዛ ሁኤ ቦላ ዎሊዲ ዲንካኔዛ ሰንላን ሹኮ፤ ቁሴቲ ሱላ ኢዛፔ ኤኪዲ ያርሾይ ያርሾቲዛሶዛ ቦላ ሚሌዛ ዩዩ ኣጳናሰ ወጾቶ።

14 ሄ ሹኩቲዳ ኣሾዛፔ ሃይሳፌ ካሊዛ ኣሾ ቆዎታ ካላ ያርሾ ኦሊዲ ጎዳስ ሺሹቶ፤ ሄይቲካ ቃንላ ኣሾ ካሚዛ ሃንዳ ኡባ።

15 ከላሆታኔ ኢሰታ ጎዚ ኦይኪዳ ሃንዳ፤ ቃሴካ ቲሬ ካሚ ኦይኪዳ ሎኦ ሃንዳዛፔ ኤኩቶ።

16 ቁሴዚካ ሄሳ ታማን ጸጌቲ ሳዊዛ ያርሾ ኦሊዲ ያርሾ ያርሺዛሶን ጸጎ፤ ሃንዳይ ወሪ ጎዳስ ሻኬቲዲ ዲማቶ።

17 ኢሰራኤሌ ናይታፔ ሃንዳ ሚዛዴይ ዎይኮ ሚሃ ሱላ ኡዩዛዴይ ደፖ፤ ሄሰ ወሪ ኢሰራኤሌ ናይቲ ዲዛሶኒኔ ኢሰቲ ዲዛ ዎዴ ኡባን ሚርናሰ ኤቂ ዲዛ ዎጋ ገደ።»

4

ኤርንታ ኦሊዳ ናጋራ ገሻሰ ሸቆዛ ያርሾ

1 ጸሲ ሙሴ ሂዘገ ኣዛዚዴሰ፤

2 «ኔኒ ኢሰራኤሌ ናይታሰ ዮታናይሴ ሃይሳ፤ ኢኒካ ኤርንታ ባሌቲላን ናጋራ ኦሊኮ ዎይኮ ኤርንታ ጎዳ ኣዛዘታፔ ኢሳ ዋሪኮ ሃይሳፌ ካሊዛ ዎጋ ናን!

3 «ሄ ዎዴ ቲዩቲዳ ቁሴይ ናጋራ ኦሊዲ ዴሬዚ ናጋራ ኦሊዳ ሚሳቲሲ ቤቲኮ ኢዛ ቦላ ኢሲ ዎሶይካ ባይንዳ ኢሲ ሚርጎ ቦራ ኤሂዲ ባ ናጋራ ገሻሰ ጎዳስ ያርሾ ሸሾ።

4 ኮርማዛ ዲንካኔዛ ፔንጌ ኤሂዲ ባ ኩሼ ኢዛ ሁኤ ቦላ ዎሊዲ ጎዳ ሰንላን ሹኮ።

5 ሃሳፌ ጉዩ ቁሴታ ሃላቃይ ሄ ቦራዛ ሱላፌ ጉላራ ኤኪዲ ጌዴ ዲንካኔዛ ገደ ጌሎ፤

6 ጎዳ ኩላ ማጋላሻሰ ሰንላ ባጋራ ኤቂዲ ባ ቢራዴ ሱላን ጌልላ ጌልላ ኬሲዲ ላፑንቶ ጋካናሰ ወጾ።

7 ኢዛፔ ጉላ ሱላ ኤኪዲ ዲንካኔዛ ገደን ኤጸኔ ያርሺዛሶዛን ኦይዲ ባጋራ ዲዛ ዴዎታ ቦላ ዎላ፤ ሃንኮ ኣቲዳ ሱላ ዲንካኔዛን ጌሊዛ ፔንጌ ባጋራ ጸጌቲዛ ያርሾይ ያርሾቲዛሶ ጋርሳን ጉሶ።

8 ሄ ሚርጎዛ ሃንዳዛ ኡባ፤ ቃንላ ኣሾ ካሚ ኦይኪዳ ሃንዳዛካ።

9 ከላሆታካ ኢሰታ ጎዚ ኦይኪዳ ሃንዳዛኔ ሃሳላካ ቲሬ ካሚ ኦይኪዳ ዎዴዛፔ ደሬቲዳይሳ ኤኮ።

10 ቁሴታ ሃላቃይ ሄሳ ኡባ ኤኪዲ ጸጌቲዛ ያርሾይ ሸቆዛ ያርሾሶዛ ቦላ ጸጎ፤ ኦሶዚካ ኢሰፊቲላስ ያርሾይ ሸቆዛ ማሄዛ ሃንዳፌ ኤኪዲ ጸጌቲዛ ያርሾስ ሸቆዛ ማላ ሃኖ።

11 ገደ ኣቲን ጋልባዛ፤ ኣሾዛ፤ ሁኤዛኔ ቶሆታ፤ ማራጩዛራኔ ቃንላ ኣሾ።

12 ሄራፔ ጌዴ ካሬ ኬሶ፤ ጌዴ ቢዲንላ ኬሲ ቆሊዛሶ፤ ቱናንታሶ ኤፊዲ ሚላ ሺሺዲ ታማን ጸጎ።

13 «ኢሰራኤል አሳይ ኤርንታ ባላ ኦሊኮ ዋይኮ ኤርንታ ጎዳ አዛዘፕ ኢሲኖ ሞሪዳ ገዲኮ ሄ ናጋራይካ አሳፕ ጌሚኮ።

14 ሄ ኦሊኮተዳ ናጋራይ ኤሪቲዳ ማላ ሄራካ ዳሬዚ ሄ ናጋራ ገሻሰ ያርሾስ ኢሲ ሚርጎ ኤሆ፤ ኢዛካ አሳይ ጋይቶቴላ ዳንካኔ ሲንሐ ሺሾ።

15 ዳሪ ሃላቃቲ ባንታ ኩሼ ሚርጎዛ ሁኤ ቦላ ዋሊን ሄን ቦራዚ ጎዳ ሲንላን ሹኬቶ።

16 ቲዬቲዳ ቁሴይ ሄ ሚርጎዛ ሱላፌ ጉላሪ ኤኪዲ ጌዴ ዳንካኔዛን ጌሎ፤

17 ጎዳ ኩላ ማጋላሻሰ ሲንላ ባጋሪ ገዲዲ ባ ኩሼ ቢራዴታ ላፑንቶ ሱላን ጌልላ ጌልላ ኬሲዲ ጸሳ ሲንላን ወጸ።

18 ቃሴካ ጉላ ሱላ ኤኪዲ ዳንካኔ ገደን ዲዛ ኤጸኔ ኢዛ ቦላ ያርሹዛሶዛስ ኦይዱ ባጋሪ ዲዛ ዴሞታ ቦላ ዋላ፤ አቲዳ ሱላ ቃሴ ጌዴ ዳንካኔን ጌሊዛሶን ጸጌቲዛ ያርሾይ ያርሹቲዛሶዛ ጋርሳን ጉሶ።

19 ሃሳፌ ቃሴ ሄ ሚርጎ ሞዴዛ ኡባ ኤኪዲ ያርሾ ያርሹዛሶዛ ቦላ ጸጎ።

20 ኦሶዚ ወሪካ ናጋራ ገሻሰ ሸቂዛ ሚርጎ ያርሹዛይሳላ ኦሌቶ፤ ቲዬቲዳ ቁሴዚ ዳራፕ ናጋራ ዲጋና፤ ዳራሲካ አቶ ጌቲታና።

21 ሃሳፌ ጉዬ ሚርጎዛ አሳይ ዲዛሶፕ ጌዴ ካሪ ኬሲዲ ባ ናጋራ ገሻሰ ሸሹዳ ሚርጎዛ ካሴ ጸጎይሳላ ጸጎ፤ ሄሲካ ዳሬዛ ናጋራፕ ጌሺዛ ያርሾ ገዳና።

22 «ናጋራ ኦሊዳዳይኔ ኤርንታ ዲሼ ባሌቴላን ጎዳ ባ ጸሳ አዛዘታፕ ኢሲኒኖ ሞሪዳዳይ ኢዚ ዳሪ ካሌላዳ ገዲኮ።

23 ባ ኦሊዳ ናጋራ ኢዚ ኤሪዳ ማላ ሄራካ ኢሲ ቦሬይ ኢዛ ቦላ ባይንዳ ዳይሻ ኦርጌ ባ ናጋራፕ ማሬታናሰ ያርሾ ሺሾ።

24 ባ ኩሼ ዳይሻ ሁኤ ቦላ ዋሊዲ ያርሾ ያርሹዛሶዛፕ ፑዳሃ ባጋራ ጸጌቲዛ ያርሾስ ሸቂዛ ማሄቲ ሹኬቲዛሶን ጎዳ ሲንላን ሹኮ። ሄሲካ ናጋራ ዲጊዛ ያርሾ ገዳና።

25 ቁሴዚ ሄ ሹኬቲዳ ማሄዛ ሱላን ባ ቢራዴታ ጌልላ ጌልላ ኬሲዲ ኦይዱ ባጋራ ዲዛ ዴሞታ ቲዮ፤ ኢዛፕ አቲዳ ሱላ ያርሾይ ያርሹቲዛሶዛ ጋርሳን ጉሶ።

26 ሃንዳዛ ኡባ ያርሾ ያርሹዛሶዛ ቦላ ጸጎ፤ ሄ ኦሶይ ካሴ ኢሲፌቲላ ያርሾስ ሸሹዳ ማሄታ ሃንዳ ጸጎይሳላ ኦሌቶ፤ ሄሳላ ቁሴዚ ዳሬዛ ካሌላዳ ናጋራ ወርሳናሰ ያርሾ ሺሾ፤ ኢዛሰካ አቶ ጌቲታና።

27 «ናጋራ ኦሊዳዳይኔ ኤርንታ ዲሼ ባሌቴላን ጎዳ አዛዘታፕ ኢሲኒኖ ሞሪዳዳይ ሃንኮ ዳሪ ገደፌ ገዲኮ።

28 ባ ኦሊዳ ናጋራ ኢዚ ኤሪዳ ማላ ሄራካ ኢዚ ቦላ ኢሲ ቦሬይካ ባይንዳ ማጫ ዳይሽ ባ ናጋራ ገሻሰ ሺሾ።

29 ባ ኩሼ ሄ ዳይሻይ ሁኤ ቦላ ዋላ፤ ያርሾ ያርሹዛሶፕ ፑዳሃ ባጋራ ጸጌቲዛ ያርሾስ ሸቂዛ ማሄቲ ሹኬቲዛሶን ሹኮ።

30 ቁሴዚካ ሄ ሹኬቲዳ ዳይሻይ ሱላን ባ ቢራዴታ ጌልላ ጌልላ ኬሲዲ ኦይዱ ባጋራ ዲዛ ዴሞታ ቲዮ፤ ኢዛፕ አቲዳ ሱላ ያርሾይ ያርሹቲዛሶዛ ጋርሳን ጉሶ።

31 ኢሲፌቲላሰ ሸቂዛ ያርሾስ ሸቂዛ ማሄታ ሞዴ ቦላራ ሾቂ ኬሲዛይሳላ ሃይሳ ሃ ማሄዛ ሞዴካ ኡባ

ቦላራ ሾቂ ዳጎ፤ ሳዋዚ ጎዳ ኡፋይሲዛ ያርሾ ኦሊዲ ያርሹዛሶዛ ቦላ ጸጎ፤ ሄሳላ ቁሴዚ ሄ ኦይዛ ናጋራ ኢዛፕ ዲጋናሰ ያርሾ ሺሾ፤ ኢዛዳሰካ አቶ ጌቲታና።

32 «ሄ ኦይዚ ባ ናጋራፕ ማሬታናሰ ያርሾስ ደርሰ ሸሻና ኮይኮ ኢዚ ቦላ ኦይኮ ቦሬይ ባይንዳ ማጫ ደርሰ ሺሾ።

33 ኢዛዳይካ ደርሳይ ሁኤ ቦላ ባ ኩሼ ዋላ፤ ያርሾ ያርሹዛሶፕ ፑዳሃ ባጋን ጸጌቲዛ ያርሾስ ሸቂዛ ማሄቲ ሹኬቲዛሶን ሹኮ።

34 ቁሴዚ ቃሴ ደርሳይ ሱላን ባ ቢራዴ ጌልላ ጌልላ ኬሲዲ ያርሾ ያርሹዛሶዛስ ኦይዱ ባጋራ ዲዛ ዴሞታ ሱላራ ቲዮ፤ ኢዛፕ አቲዳ ሱላ ያርሾ ያርሹዛሶ ጋርሳን ጉሶ።

35 ሃሳፌ ካሊዲ ኢሲፌቲላ ያርሾስ ሸቂዛ ማሄታ ሞዴ ሾቂ ኤኪዛይሳ ማላ ሃ ደርሳይ ሞዴካ ኡባ ሾቂ ዳጎ፤ ሄሳካ ጎዳሰ ሸቂዛ ካላ ያርሾስ ሸሹዛሶዛ ቦላ ጸጎ፤ ሄሳላ ቁሴዚ ሄ ኦይዛ ናጋራ ኢዛፕ ዲጋናሰ ያርሾ ሺሾ፤ ኢዛዳሰካ አቶ ጌቲታና።

5

ቆሆ ያርሾይ ሸቂዛ ጋሶታ

1 «ኢሳዳይ ባ ቤኢዳ ሚሼ ማርካታና ማላ ፐርዳ ፐርዲዛሶ ጸይጌቲዲ ባ ቤኢዳይሳ ዋይኮ ባ ኤሪዛይሳ ማርካቶንታ ኢጲኮ ሄሲ ኢዛሰ ናጋራ ገዳና፤ ሃሳ ገሻሰ ኢዛዳይ ኦይሹታና።

2 «አይ አሲካ ኤርንታ ዲሼ ዋጋን ዲጌቲዳ ደኣታ ባወታ፤ ማሄታ ባወታ ዋይኮ ቲራን ቢታራ ጎሹቲዛ ሚዴቲላታ ባወታ ቦቹዳዳይ ቱኔሰ፤ ሄሲካ ኢዛዳሰ ናጋራ ገዳሰ።

3 «አይ አሲካ ኤርንታ ዲሼን አሳፕ ጎጊ ኬዚዲ ቱኒሲዛ ሚሽ ቦቹኮ ኢዛዳይ ሃሳ ኤሪዳ ጋላሳፌ ደሚዲ ኢዛሰ ናጋራ ገዳሰ።

4 «አይ አሲካ ኢታሰ ገዲን ኪያሰ ገዲን ዩሺ ቆፖንታ ጮ ማላ አዲና አዲኔቲኮ ኢዛዳይ ኦሊዳ ሞርዛ ዛሪ ኦኬኪዳ ዋይፕ ደሚዲ ኢዛዳሰ ናጋራ ገዳና።

5 «አይ አሲካ ሃይታ ሃ ሚሻታፕ ኢሳን ቆሂ ቤቲኮ ባ ናጋራ ቆንጨሲ ፓጸናሰ ቤሴሰ።

6 ኢዛዳይ ባ ናጋራ ገሻሰ ማጫ ደርሰ ዋይኮ ማጫ ዳይሽ ያርሻናሰ ኤሆ፤ ቁሴይካ ኢዛፕ ኤኪዲ ኢዛዳ ናጋራ ወርሳናሰ ጎዳ ሲንላን ያርሾ።

7 «አይ አሲካ ባ ኦሊዳ ናጋራ ገሻሰ ደርሰ ዋይኮ ዳይሼ ሸሻናሰ ዳንዳዮንታዝ ገዲኮ ናሞኡ ሃራጾታ ዋይኮ ሃራጾ ጨዋታ ኤሂዲ ኢሲኒኖ ናጋራ ያርሾስ ናሞኦንላዮካ ጸጌቲዛ ያርሾስ ጸሳ ሲንሐ ሺሾ።

8 ኤሂዲ ቁሴዛሰ ኢሞ፤ ቁሴዚካ ቆሆ ያርሾስ ሸቂዛ ካፎይ ቆዴ ቃንጸንታ ሚርቂዲ ቆሆ ያርሾስ ሺሾ።

9 ሱላፌ ጉላራ ኤኪዲ ያርሾ ያርሹዛሶዛ ቦላ ዩዩ አሳናሰ ወጸ፤ አቲዳ ሱላ ያርሾ ያርሹዛሶ ጋርሳን ወጸ፤ ሄሲካ ናጋራ ወርሶ ያርሾ ገዳና።

10 ሃንኮ አቲዳ ካፎዮ ዲዛ ዋጋ ማላ ጸጌቲዛ ያርሾ ሂሰቲ ሺሾ፤ ሄሳላ ኦሊዲ ቁሴዚ ኢዛዳ ናጋራ ወርሳናሰ ያርሾ፤ ኢታ ኦሊዳዳሰ ኢዛ ናጋራይ አቶ ጌቲታና።

11 እዛዳይ ናሞኑ ሃራጵታ ሽሻናሰ ዳንዳዮንታይሳ ገዲኮ ባ ናጋራ ገሻሰ ኢሲ ከሎ ሊቆ ጳሌ ኤሆ፤ ሄሲካ ናጋራ ያርሾሰ ገዲዛ ገሻሰ ዋጋራ ዛይቲይ ዋይኮ ኤጸኔይ እዛን ጉጃቶ።

12 እዛካ ኤሂዲ ቁሴዛሰ እሞ፤ ቁሴዚካ ሄ ጳሌዛፔ ባ ኩሼን ኩጳቲ ኤኪዲ ጎዳሰ ሸቁዛ ካላ ያርሾራ ኢሲፌ ጋላ ሃሳእሳናሰ ያርሾ ያርሼዛሶዛ ቦላ ጸጎ፤ ሄሲካ ናጋራ ገሻሰ ሸቁዛ ያርሾ።

13 እይ እሲካ ሃይታንታ ማላ ናጋራታፔ እሳ ኦሊኮ ቁሴዚ ሃሳ ማላ ኦሊዲ እዛዳይ ኦሊዲ ናጋራ ወርሳናሰ ያርሾ ሸቾ፤ ሃሳዳሰካ እቶ ጌቲታና፤ ሃንኮ ኦቲዳ ጳሌይ ካላ ያርሾይ ቁሴዛሰ ኦቲዛ ማላ ኢዛሰ ገደ።»

ቆሆ ገሻሰ ሸቁዛ ያርሾ ሸቾ ማራ

14 ጎዳይ ሙሴስ ሂዝገዴሰ፤
15 «እይ እሲካ ጎዳሰ እማናሰ ቤሲዛይሳ ኤርንታ ኦገዲ እሞንታ ኦገኮ ኢዛሰ ናጋራ ገዲዳ ገሻሰ ኢሲ ዋሶይ እዛ ቦላ ባይንዳ ጳርሾ ቆሆሰ ገዲዛ ያርሾ ጎዳሰ ሸቾ፤ እዛ ዋጋ ሄራጋይካ ካሴ ጸሳ ኩላን ኤሬቲዳ ሄራጋ ማላ ገደ፤ ሄሲካ ቆሆ ገሻሰ ሸቁዛ ያርሾ።

16 ጎዳሰ እማናሰ ቤሲሻን እዛዳይ እሞንታ ኦገዲይሳ ጨጎ፤ ሃሳፊካ ቦላራ ሃይሳ ሃ ሄራጋሰ ኢቻሻፔ ኢሲ ኩሼ ጉጃዲ ቁሴዚካ ኢዚ ኤሂዳ ጳርሻራ ጋገዲ ናጋራ ያርሾ ኦሊዲ ኤሂዳዴ ናጋራ ወርሳና፤ ሄ ሞሮ ኦሊዲይሲ እቶ ጌቲታና።

17 «እይ እሲካ ኤርንታ ዲሼ ጎዳይ ኦላፍቲ ገዳ ኣዛዘታፔ ኢሲኒዮ ሞሪኮ ኢዛዳሰ ናጋራ፤ ሄ ናጋራ ገሻሰ እዛዳይ ኦይሼታና።

18 እዛዳይካ ባ ሞሪዳ ሞሮዛ ገሻሰ ባ ማሄታ ገደፌ እዛ ቦላ ኢሲ ዋሶይ ባይንዳ ጳርሾ ቁሴዛኮ ኤሆ፤ ኢዚ ኤሂዳይሳ ዋጋይ ካሴ ቆሆ ያርሾሰ ጨገዛ ዋጋ ኬሲዛዝ ገደ፤ ቁሴዚካ ሃሳዳ ኢሲ ኤርንታ ኦሊዲ ሞሮዛ ጌሾ፤ እዛዳይካ ማሬታና።

19 ሄሲካ ቆሆ ገሻሰ ሸቁዛ ያርሾ፤ እዛዳይካ ጎዳ ሲንላን ሞሮ ኦሊዲ ገሻሰ ናጋራንቻ።»

6

1 ጎዳይ ሙሴስ ሂዝገዴሰ፤
2 «ኦኒካ ኢሲ ኢዛሰ ሃዳራ ዋይኮ ታልኤ እሚዳ ሚሽ ካዲዲ ባ ላጌ ባሌሶን ናጋራ ኦሊዲ ሃሳን ጎዳ ሚሽሲኮ ዋይኮ ኣሳ ሚሼ ቦንቁ ኤኪኮ ዋይኮ ባሌሊኮ፤
3 ዋይኮ ኣሳፔ ዋጳ ጳይዳ ሚሼ ዳሚ ኤኪዲ ታ ቤያቤኬ ገ ዋርዶራ ጫቁኮ ኢሲ ኦሊዛ ሃ ሞርታ ኡባፌ ኢሲኔይን ቆሂኮ፤
4 እይ እሲካ ሃይሳ ማላ ናጋራ ኦሊኮ ኢዚ ካይሶን ኤኪዳይሳ ኢዛሰ ሃዳራ እሚቲዳይሳ ዋይኮ ጳይን ዳሚ ኤኪዳይሳ ዛር።
5 ዋርዶራ ጫቁ ኤኪዳይሳ ኡባ ቆሆ ያርሾ ሸቾዛ ዋዴ ካሴ ባ ኤኮይሳ ቦላ ኢቻሻፔ ኢሲ ኩሼ ጉጃዲ ዛር።
6 ባ ቆሂዳይሳሰ ኤዳ ገዳና ማላ ኢዛ ቦላ ኢሲ ዋሶይ ባይንዳ ጳርሾ ጎዳሰ ያርሻና ማላ ቁሴኮ ኤሆ፤

እዛ ዋጋይካ ካሴ ቆሆ ያርሾሰ ጨገቲዛ ዋጋ ኬሲዛዝ ገደ።

7 ቁሴዚካ ሄ ኣዳዛ ናጋራ ዲጋና ማላ ጎዳ ሲንላን ያርሾ፤ እዛዳይሰካ እቶ ጌቲታና።»

ጸጌቲዛ ያርሾ

8 ጎዳይ ሙሴ ሂዝገዴሰ፤
9 «ኔኒ ኣርኔሲኔ እዛ ናይታሰ ኢሰቲ ናጋና ማላ ኔ ኢሰታሰ እማና ኣዛዘይ ሃይሳፌ ካሊዛይሳ፤ ጸጌቲዛ ያርሾይ ፓጩይ ባይንዳ ጋይይ ዋንታና ጋካናሰ ያርሼዛሶዛ ቦላ ኡባ ዋዴ ታማይ ኤጲሼ ኣቆ።

10 ቁሴዚ ላይኖፔ ዳዳቲዳ ቃሚሳኔ ሱሬ ማይኢዲ ጸጌቲዛ ያርሾዛ ታማይ ሚዳይሳፌ ጉዬ ኣቲዳ ቢዲንላ ሃፔ ያርሾ ያርሼዛሶዛፔ ሚሌ ባጋራ ቆሎ።

11 ሃሳፌ ጉዬ ባ ማይኢዳ ማይኦ ላሚዲ ቢዲንላዛ ቶኪ ኤኪዲ ኢሲ ዲዛሶፔ ጌዴ ካሬ ኬሲዲ ማራራ ሎኦሶን ቆሎ።

12 ያርሼዛሶ ቦላ ዲዛ ታማይ ቶኦንታ ኡባ ዋዴ ኤጲሼ ደ፤ እይዴካ ቶኦፖ፤ ቁሴዚካ ዋንታ ዋንታ ታማን ሚላ ጉጃ፤ እዛ ቦላ ጸጌቲዛ ያርሾ ኡባ ዋዴ ገግሲ ዋላዲ ኢሲፌቲላ ያርሾሰ ሸቁዛ ሃንዳ ጸጎ።

13 ያርሾ ያርሼዛሶዛ ቦላ ዲዛ ታማይ ኡባ ዋዴ ቶኦንታ ኤጸናሰ ቤሴሰ።

ካላ ያርሾ

14 «ካላ ያርሾ ሸቾ ገሻሰ ዋላዳ ዋጋቲ ሃይሳፌ ካሊዛይታ፤ ኣርኔ ባጋፌ ገዲዳ ቁሴዚ ካላ ያርሾ ያርሼዛሶ ሲንላ ባጋራ ጸሳሰ ያርሾ።

15 ካሌሊዲ ዛይቲራ ዲዛ ሊቆ ጳሌ ኩጳቲ ኤኪዲኔ ካላ ያርሾ ቦላ ዲዛ ኤጸኔዛ ኡባ ዳንሊዲ ጎዳሰ ሸቾዳይሳ ኤሬሳና ማላ ያርሾ ሸቾዛሶ ቦላ ጸጎ፤ ሃሳ ሳዎይካ ጎዳ ኡፋይሲዛ ያርሾ ገዳና።

16 ሃሳፌ ኣቲዳይሳ ቁሴቲ ሜቶ፤ እዛካን ኢርሾይ ጌሎንታ ዲሼን ኤኪዲ ጎዳይ ዋሶቲዛ ጌሻ ዲንካናሲ ሲንላ ባጋራ ዲዛ ዳምባ ቦላ ሚቶ።

17 ሄሲካ እዛን ኢርሾይ ጌሎንታ ኡኬታናሰ ቤሴሰ፤ ታኒ ጎዳይ ታማን ጸጌቲዛ ካላ ያርሾፌ ሃይሳ ኢሰታ ገሻ ሃሰታ እማዲሰ፤ ሄሲካ ናጋራ ገሻሲኔ ቆሆ ገሻሰ ሸቾዛ ያርሾ ማላ ወሪካ ኬሃ ዳማቲዳዛ።

18 ዋዴ ዋዳናሰ ኣርኔ ዜሬላፌ ኣቲማ ገዲ ዬሌቲዳይ ወሪ ጎዳሰ ሸቁዛ ያርሾፌ ሻኬቲዲ ዳማ ኢዛሰ ገሻ ኢሚቲዳይሲ ሄሲ ኢዛሰ ገሻ ገዲዳ ገሻሰ ኢዚ ባ ገሻ ማናሰ ዳንዳዬሰ፤ ኦኒካ ሃሳ ሄ ያርሾዛ ቦቹዳይይ ጎዳሰ ዳማቲዳዴ ገዳና ቤሴሰ።»

19 ጎዳይ ሙሴስ ሂዝገዴሰ፤

20 «ኣርኔይ ዋይኮ ኢዛ ዜሬላቲ ቁሴቲላን ሹማቲዛ ጋላሰ ኢሰቲ ጸሳሰ ሸቻና ካላ ያርሾይ ኡባ ዋዴ ኢሲ ኪሎ ገዲዛ ሊቆ ጳሌ ካላ ያርሾ ኦሊዲ ጎዳሰ ሸቾቶ፤ ሃሳፌ ባጋ ማላደ፣ ባጋ ኦማርሰ ያርሾቶ።

21 ዛይቲን ሎኤሊ ሙኑቁቲዲ ባሼን ኡኬቶ። ሃሳፌ ጉዬ ካላ ያርሾዛ ባሴሬሊዲ ሳዋዚ ጎዳ ኡፋይሲዛ ሳዋ ገዳና ማላ ጸሳሰ ሸቆ።

22 ሃይሳፌ ያና ላይላታን ቁሴ ገዲዲ ኦሊዛ ኣርኔ ዜሬሊ ወሪካ ሃይሳ ሃ ዋጋ ፖሎ፤ ሃይሲ ጸሳሰ ሸቁዛ ያርሾ ገዲዲ ሙሊራ ጸጌቶ።

23 ቁሴዚ ሸቾዛ ካላ ያርሾዚ ኩሚላ ጸጌቶ ኣቲን ኢሲ ኢዛፔ ሞፖ።»

ናጋራ ገሻሰ ሸቂዛ ያርሾ

24 ጎዳይ ሙሴ ሂዘገ ኣዛዚዳሰ።
 25 «ኣርኔሲኔ ኢዛ ናይታሰ ኔ ሂዘጋ ዮታ። ሩጋራ ገሻሰ ያርሾቲዛ ያርሾ ዋጋይ ሃይሳፊ ካሊዛይሳ። ጸጌቲዛ ያርሾ ማሄይ ሹኩቲዛሰን ናጋራ ገሻሰ ያርሾቲዛ ያርሾ ማሄይካ ሄን ጎዳ ሲንፋን ሹኩቶ፤ ሄሲካ ከሂ ዲማ ያርሾ።
 26 ሄ ያርሾዛካ ሺሺዛ ቁሴዚ ዲማቲዳሰን ጋይቶቲፋ ዲንካኔዚ ዲዛ ገቤዛ ገደን ዲዛ ዳምባን ኣሾዛ ሞ።
 27 ኣሰ ገዲን ሃራ ኣይ ሚሺካ ሄ ኣሾዛ ቦቹኮ ዲማታና፤ ሄ ማሄዛ ሱሉ ኢዛ ቦላ ፒንጺዳ ኣይ ማይኦይካ ጸሳሰ ዲማቲዳሰን ማጮቶ።
 28 ሄ ኣሾይ ኢዛን ደይሴቲዳ ማና ሚሺ ማቆ፤ ኣሾይ ጸርቁማላ ቢራታን ደይሴቲኮ ሄ ጸርቁማላ ቢራታዚ ቁጮቲዲ ሃፋን ማጮቶ።
 29 ቁሴታ ዜሬላፊ ገዲዳ ኣቱማ ና ኡባይ ሄሳ ሄ ያርሾዛ፤ ሄሲካ ከሂ ዲማ ያርሾ።
 30 ገደ ኣቲን ናጋራ ገሻሰ ኣሴቲዛ ዋጋን ሱላይ ጋይቶቲፋ ዲንካኔ ገደ ገሊዳ ገዲኮ ሄ ማሄዛ ኣሾዚ ታማን ጸጌቶ ኣቲን ማቴቶ።

7

ቆሆ ገሻሰ ሸቂዛ ያርሾ

1 « ሳኔሂ ዲማ ገዲዳ ገሻሰ ቆሆ ጋሶን ሸቂዛ ያርሾ ዋጋይ ሃይሳፊ ካሊዛይሳ።
 2 ቆሆ ያርሾሰ ሸቂዳ ማሄይ ጸጌቲዛ ያርሾሰ ሸቂዛ ማሄቲ ሹኩቲዛሰን ሄን ሹኩቶ፤ ሱላካ ያርሾ ያርሾዚዛሰዛ ቦላ ዩዩ ኣቆናሰ ወጺቶ።
 3 ሞጴ ኡባ ሸሾ፤ ሄሲካ ጎይና ሃንዳ። ቃንፋ ኣሾ ጎዚ ኦይኪዳ ሞጴይ።
 4 ኪላሆታ። ኢሰታ ካሚ ኦይኪዳ ሞጴታኔ ሄሳላካ ቲሬ ካሚ ኦይኪዳ ሞጴታ ኢሲ ቦላ ያርሾቶ።
 5 ያርሾ ያርሾዚዛሰን ዲዛ ሞጴ ኡባ ቁሴዚ ጸሳሰ ታማን ጸጌ ያርሾ፤ ሄሲካ ቆሆ ገሻሰ ሸቂዛ ያርሾ።
 6 ቁሴታ ዜሬላ ገዲዳ ኣቱማ ኣሲ ኡባይ ሄ ያርሾዛ ኣሾ ሞ፤ ገደ ኣቲን ሄ ያርሾዚ ዲማ ገዲዳ ገሻሰ ኢዛሰ ዲማ ገጌቲዳሰን ሞ።
 7 « ሩጋራ ወርሳናሰ ሸቂዛ ያርሾሲኔ ቆሆሰ ሸቂዛ ያርሾ ገደን ናምኣታሰካ ኦላዚ ኢሲ ዋጋይ ዳሰ፤ ሄሲካ ሄ ሹኩቲዛ ማሄዛ ኣሾይ ያርሾዛ ሺሺዛ ቁሴዛሰ ማና ማላ ኢዛሰ ኣሚቴሰ።
 8 ጸጌቲዛ ያርሾሰ ሸቂዛ ማሄዛ ጋልባይ ሾቁቲዲ ያርሾዛ ያርሾዲ ቁሴዛሰ ኣሚቴሰ።
 9 ታማ ጮጮን ኮምፕቲዳ ካፋ ያርሾይ ወሪ ዋይኮ ደይሲዛ ሚሻን ደይሴቲዳዚኔ ባሽን ኡኩቲዳ ካፋ ያርሾ ኡባይ ያርሾ ሺሺዛ ቁሴዛሰ ኣሚቴሰ።
 10 ዛይቲን ሙኩቁቲዳዘ ገዲኮ ዋይኮ ጮ ሙኩቁቶንታ ካፋ ያርሾ ኡባይ ኣርኔ ዜሬላታ፤ ገዲዳ ቁሴታሰ ኡባሰ ኣሚቴ፤ ኢሰቲካ ኢዛ ባ ጋርሳን ኢሲ ገና ገሸቲ ኤኩቶ።

ኢሲፊቲፋ ገሻሰ ሸቂዛ ያርሾ

11 « ሳሲ ጎዳሰ ሺሺዛ ኢሲፊቲፋ ያርሾ ዋጋይ ሃይሳፊ ካሊዛይሳ፤

12 ኢሲ ኣሲ ጎዳሰ ጋላታ ያርሾ ሸሻና ኮይኮ ባ ኤሂዛ ጋላታ ያርሾዛራ ኢርሾይ ኢዛን ጌሎንታ ዛይቲን ሙኩቁቲ ኡኩቲዳ ኡኩታ። ኢርሾይ ኢዛን ጌሎንታ ሌኤን ኡኩቲዲ ዛይቲን ቲዩቲዳ ኡኩታ። ሊቆ ጴሌፊ ዛይቲን ሙኩቁቲዳ ኡኩታ ያርሾ።
 13 ጋላታሰ ሸቂዛ ኢሲፊቲፋ ያርሾዛራ ጋላ ኣምታሰ ገዲና ማላ ኢርሾን ሙኩቁቲ ኡኩቲዳ ኡኩታ ሸሾ።
 14 ኡኩቲዳ ዲማ ዲማ ቆሞ ኡኩታታ፤ ኢሲ ኢሲ ኡኩታ ጎዳሰ ዲማ ያርሾ ሂሰቲ ሸሾ፤ ሄ ኢሲፊቲፋ ያርሾሰ ሸቂዛ ሱላ ኤኪዲ ያርሾ ሺሺዛሰዛ ዩዩ ኣቆናሰ ወጺዛ ቁሴዛሰ ገሻ ገደ።
 15 ጋላታሰ ሸቂዛ ኢሲፊቲፋ ያርሾዛሰ ሸቂዛ ኣሾይ ሄ ያርሾቲዛ ጋላሰ ማቴቶ ኣቲን ሃራ ጋላሳሰ ኣቶ።
 16 ኢሲ ኣሲ ሸሺዛ ያርሾይ ኣዲና ጋሶ ዋይኮ ባ ደሳን ጮ ኣሚዛ ኢሲፊቲፋ ያርሾ ገዲኮ ሄ ያርሾዚ ሸቂዳ ጋላሰ ማቴቶ፤ ኢዛ፤ ኣቲዳ ኡባይ ዋንቴፋ ጋላሰ ማቴቶ።
 17 ሃሳፊካ ቲርፒዲ ሄሻንፋ ጋላሰ ጋካናሰ ኣቲዳ ኣሾይ ታማን ጸጌቶ፤
 18 ሄሻንፋ ጋላሰ ጋካናሰ ኣቲዳ ኣይ ኣሾይካ ማቴቲዛ ገዲኮ ሄ ያርሾዛ ሸሺዲዳ ያርሾዚ ኤኩቲና፤ ያርሾዚ ያርሾቲዳ ማላ ቆይቲና፤ ሄ ያርሾይካ ቱና ገዲ ቆይታና፤ ሄ ኣሾዛ ሚዳይይ ባ ናጋራን ኦይሾታና።
 19 « ሳቱና ገዲዳዛራ ቦሽቲዳ ኣሾይ ታማን ጸጌቶ ኣቲን ማቴቶ፤ ሃንኮ ቱናንታ ኣቲዳ ኣሾዛ ዋጋ ማላ ባና ገሻቲፋን ናገዳይይ ሞ።
 20 ገደ ኣቲን ጌሽ ገደንታ ኣይ ኣሲካ ጸሳሰ ሸቂዛ ኢሲፊቲፋ ያርሾ ኣሾዛ ሚኮ ጎዳ ዳራ ገደፊ ሻኬቲ ኪቶ።
 21 ኣይ ኣሲካ ጌሽ ገደንታ ሚሽ ዋይኮ ማደሳታኔ ጎጊዛ ቱና ሚሽ ቦቹዲ ኢሲፊቲፋሰ ሸቂዛ ያርሾ ኣሾ ሚኮ ሃሳይይ ጎዳ ዳራ ገደፊ ሻኬቲ ቆሎ። » *
 22 ጎዳይ ሙሴሰ።
 23 «ኔኒ ኢሰራኤሌ ኣሳሰ። ሳራ ዋይኮ ሚዛ ሞጴ። ደርሳ ሞጴ ዋይኮ ዳይሻ ሞጴ ሞፒቲ።
 24 ባወታ ሃይቁዳ ማሄዛ ሞጴይ ዋይኮ ደኣይ ዋጲዳ ማሄዛ ሞጴይ ሃራ ኦሶሰ ኤኩቶ ኣቲን ኣይ ኣሲካ ኢዛ ሞፖ።
 25 ጸጌቲ ጎዳሰ ያርሾ ሸቂዛ ማሄዛ ሞጴ ሚዛይይ ኦኒካ ጸሳ ዳራ ገደፊ ሻኬቲ ቆሎ።
 26 ኢንቴ ኣሞን ዲኮካ ኢንቴ ዲዛሰን ካሬ ሱላ ዋይኮ ማሄ ሱላ ኡኮፒቲ፤
 27 ሱላ ኡዩዛይይ ኦኒካ ጸሳ ዳራ ገደፊ ሻኬቲ ቆሎ ገ ዮቲዳሰ» ገደሰ።

ቁሴታ ጋኪዛ ገሻ

28 ጎዳይ ሙሴሰ።
 29 «ኔኒ ኢሰራኤሌ ኣሳሰ። ሳይ ኣሲካ ኢሲፊቲፋ ያርሾ ሸሺዛ ገዲኮ ኢዛ፤ ባጋ ሻኪዲ ጎዳሰ ዲማ ያርሾ ሂሰቲ ኤሆ።
 30 ሄ ኢዚ ኤሆይሳካ ጎዳሰ ጸጌቲዛ ያርሾ ሂሰቲ ሸሾ፤ ሞጴዛካ ኣንጋሶዛራ ጎዳ ሲንፋን ያኔ ሃ ቃሴላ ሸሺዛ ያርሾ ሂሰቲ ሸሾ።
 31 ቁሴዚ ቃሴ ሞጴዛ ያርሾ ያርሾዚዛሰዛ ቦላ ጸጎ፤ ኣንጋሶዚ ገዲኮ ቁሴታሰ ኣሚቴ።

* 7:21 ማደሳታ ገዛይሳሰ ቢርሾላይ ማሄታ። ደኣታኔ ኣሳታ ጉሳ። 7:27 ማጴ 9:4፤ ሉዊ 17:10-14፤ 19:26፤ ዛሬ 12:16፤ 23:16፤ 23

32 እንጥ ኢሲፌቴላ ያርሾዛፔ ኡሻቻ ሚሳ ቄሴዛሰ ገሻ ሂሰቲ ኢሚቴ፤

33 ኢሲፌቴላ ያርሾዛ ሱላኔ ሞጴዛ ሺሺዛ ቄሴዛ ኡሻቻ ሚሳ ባ ገሻ ሂሰቲ ኡኮ።

34 ኢሰራኤሌ ኣሳ ኢሲፌቴላ ያርሾፌ ያኔ ሃ ቃሴሌዳ ኣንገሶዛኔ ያርሾሰ ሺሺዳ ሚሳ ኤካዳ ቄሴ ኣሮኔሲኔ ኢዛ ኣቱማ ናይታሰ ኢሚዲሰ፤ ሄሲካ ኡባ ዎዴ ኢሰራኤሌ ኣሳፔ ኢሰታሰ ገሻ ገዳና ማላ ኢሚዲሰ፤ ጋዳ ዮታ» ገዳሰ።

35 ሃይሲካ ጎዳይ ኣሮኔኔ ኢዛ ናይታ ቄሴ ሂሰቲ ሹሚዳ ጋላሰ ጎዳሰ ሸቂዲ ጸጌቲዛ ያርሾፌ ቄሴታ ገሻ ገዳና ማላ ሻኪዳዛ።

36 ሄ ጋላሲካ ኢሰቲ ቲዬቲዳ፤ ጎዳይ ሄሳ ሄ ያርሾቲዛይሳፌ ቄሴታሰ ኢማና ማላ ኢሰራኤሌ ኣሳ ኣዛዚዳሰ፤ ሄሲካ ጉዬፔ ያና ዎዴ ኡባን ኢሰራኤሌ ናይታሰ ኢሰታ ገሻ ሂሰቲ ኢማና ማላ ኦሊዳሰ።

37 ሄሳ ገሻሰ ጸጌቲዛ ያርሾ ገሻሲኔ ካላ ያርሾ ገሻሰ፣ ናጋራፔ ማሮቲላሰ ሸቂዛ ያርሾ ገሻሲኔ ቆሆ ገሻሰ፣ ኤዳ ያርሾ ገሻሰ፣ ቄሴቲላ ገሻሰ ሸቂዛ ያርሾኔ ኢሲፌቴላ ያርሾ ፖላናሰ ዎሊዳ ዎጋቲ ሃይታንጎታ።

38 ሄይቲካ ባዞን ሰና ዙማ ቦላ ኢሰራኤሌ ናይቲ ያርሾ ሸሻና ማላ ኣዛዚዳ ዎዴ ሄ ጋላሰ ጎዳይ ሙሴሰ ሃይታ ኣዛዞታ ኢሚዳሰ።

8

ኣሮኔይኔ ኢዛ ናይቲ ቄሴቲላ ኦሶሰ ሱሚሳ (ኬሳ 29:1-37)

1 ጎዳይ ሙሴሰ፣

2 «ኣሮኔኔ ኢዛ ኣቱማ ናይታ፣ ቄሴቲላ ማይኦዛካ፣ ቲዬቲዛ ዛይቲዛ፣ ናጋራ ጌሾሰ ሸቂዛ ኮርማ ቦራ፣ ናሞኡ ጳርሾኔ ኢርሾይ ጌሎንጎታ ኡኩቲዳ ኡኩሌ ኢዛን ዲዛ ሌማቴዛ ኢሰታራ ኤካ ያ።

3 ኩሚላ ኢሰራኤሌ ናይታ ዴይጋዳ ጋይቶቲላ ዲንካኔዛ ፔንጌን ሸሻ» ገዳሰ።

4 ሙሴይካ ጎዳይ ኢዛሰ ዮቲዳ ማላ ኦሊዳሰ፤ ዳሪይካ ጋይቶቲላ ዲንካኔ ፔንጌን ሸቂዳሰ።

5 ሙሴይካ ዳሪሰ፣ «ኦሴታና ማላ ጎዳይ ኣዛዞይሲ ሃይሳኮ!» ገዳሰ።

6 ሙሴይካ ኣሮኔኔ ኢዛ ኣቱማ ናይታ ዳራ ሲንሳ ሺሺዳ ሃላን ሚጨዳሰ።

7 ኣሮኔ ቃሚሳ ማላ ኣዳሳ ማይኦ ማይዚዲ፣ ካቦርቲካ ኢዛ ቦላ ጎጲ ማይዚዲ ዳንጮ ዳንጨሲዳሰ፤ ሄሳ ቦላካ ኤፋዴ ጌቲቲዛ ማይኦ ማይዚዲ ኢዛካ ዲማ ሂላቲላን ኦሴቲዳ ቃባቶን ኦሴሴሊዲ ዳንጨዳሰ።

8 ኤፋዴ ጌቲቲዛ ማይኦዛሰ ቲራ ቦላ ኪሴይ ሲኩቲዳ ኡሪሚኔ ቱሚሚ ጌቲቲዛይታ ኢዛ ገደን ዎሊዳሰ።

9 ኢዛ ሁኤ ቦላካ ጎሴ ጸጲ ዎሊዲ ሄ ጸላ ጎሳ ቦላ ሲንላ ባጋራ ጎዳይ ሙሴሰ ዮቲዳ ማላ ዎርቃፌ ኦሴቲዳ ሴሎይ ጌሻቲላሰ ማላታ ገዳና ማላ ካላቻ ኢዛ ቦላ ዎሊዳሰ።

10 ሄሳፌ ጉዬ ሙሴይ ቲዬቲዛ ዛይቲዛ ኤኪዲ ጋይቶቲላ ዲንካኔዛኔ ኢዛን ዲዛ ኡባ ቲይዲ ጎዳ ኦሶሰ ዲማሲዳሰ።

11 ዛይቲዛፔ ጉላራ ኤኪዲ ያርሾ ያርሾዛሶዛ ቦላ ላፑንቶ ወጲዳሰ፤ ቃሴካ ጎዳ ኦሶሰ ዲማታና ማላ ያርሾ ያርሾዛሶዛኔ ኢዛ ኦሶሰ ጊጌቲዳ ሚሻታ ኩሚላ ቦላ ሄሳታካ ኢዛን ሚጨቲቲዛ ሳኔዛኔ ሳኔዛ ኢዛ ቦላ ዎሊዳሰ ቦላካ ወጲዳሰ።

12 ቲዬቲዛ ዛይቲዛ ኣሮኔ ሁኤን ጉሲዲ ጎዳ ኦሶሰ ኢዛ ዲማሲዳሰ።

13 ካሌሊዲካ ሙሴይ ጎዳይ ኢዛ ኣዛዚዳ ማላ ኣሮኔ ኣቱማ ናይታ ሲንሳ ሺሺዲ ኣዳሳ ማይኦ ማይዚዳሰ፤ ጸሳን ቃባቶ ዳንጨሲዲ ኢሰታ ሁኤን ቆሴ ዎሊዳሰ።

14 ሄሳፌ ጉዬ ሙሴይ ናጋራ ገሻሰ ያርሻናሰ ኮርማ ቦራ ኤሂዳሰ፤ ኣሮኔይኔ ኢዛ ናይቲ ኮርማ ቦራዛ ቦላ ባ ኩሼ ዎሊዳ።

15 ሙሴይካ ቦራዛ ሹኪዳሰ፤ ቦራ ሱላን ባ ቢራዴ ጌልሊዲ ያርሾ ያርሾዛሶዛሰ ኦይዲ ባጋን ዲዛ ዴሞታ ቲይዲ ጌሺዳሰ፤ ሄሳፌ ኣቲዳ ሱላ ያርሾ ያርሾዛሶዛ ጋርሳን ጉሲዳሰ፤ ሄሳ ማላን ያርሾ ያርሾዛሶዛ ጎዳሰ ሻኪ ዲማሲዳሰ።

16 ሙሴይ ሹኩቲዳ ሚሃዛ ቃንላ ኣሾዛ ቦላ ዲዛ ሞጴዛ ኡባ፣ ቲሪ ካሚ ኦይኪዳ ሞጴዛ፣ ኪላሆታኔ ኢሰታ ካሚ ኦይኪዳ ሞጴዛ ኡባ ኤኪዲ ያርሾ ያርሾዛሶዛ ቦላ ጸጊዳሰ።

17 ኮርማዛ ኣሾፔ ኣቲዳይሳኔ ማራጨዛ ኤኪዲ ጎዳይ ኢዛ ኣዛዚዳ ማላ ኣሳይ ዲዛሶፔ ጌዴ ሃሲዲ ጸጊዳሰ።

18 ሄሳፌ ጉዬ ሙሴይ ጸጌቲዛ ያርሾሰ ሸቂዛ ደርሳ ጳርሾ ኤሂን ኣሮኔይኔ ኢዛ ናይቲ ጳርሾዛ ሁኤ ቦላ ባ ኩሼ ዎሊዳ።

19 ሙሴይካ ጳርሻ ሹኪዳሰ፤ ሱላካ ያርሾ ያርሾዛሶዛ ቦላ ዩዩ ኣጳናሰ ወጲዳሰ።

20 ጳርሾዛ ኣሻ ቆሞን ቆሞን ቃንጲዲ ኬሲዳሰ፤ ሁኤዛ፣ ቆሞን ቆሞን ቃንጴቲዳ ኣሾታኔ ሞጴዛ ጸጊዳሰ።

21 ጎዳይ ኢዛ ኣዛዚዳ ማላ ሙሴይ ቃንላ ኣሾታኔ ቶሆታ ሃላን ሚጨዳሰ፤ ሄ ጳርሾዛ ኣሾ ኡባ ጎዳሰ ታማን ጸጌቲ ሳዊዛ ያርሾ ኦሊዲ ያርሾ ያርሾዛሶዛ ቦላ ጸጊዳሰ።

22 ሄሳፌ ካሊዲ ሙሴይ ቄሴቲላ ሱንላሰ ናሞኣንሳ ጳርሾዛ ኤሂዳሰ፤ ኣሮኔይኔ ኢዛ ኣቱማ ናይቲ ባ ኩሼ ጳርሻ ሁኤ ቦላ ዎሊዳ።

23 ሙሴይ ጳርሻ ሹኪዳሰ፤ ሱላፌ ጉላራ ኤኪዲ ኣሮኔሰ ኡሻቻ ሃይላ ጸራ፣ ኡሻቻ ማንላ ቢራዴኔ ኡሻቻ ቶሆ ማንላ ቢራዴ * ቲይዳሰ።

24 ቃሴካ ኣሮኔ ናይታ ዳራ ሲንሳ ሺሺዲ ኢሰታ ኡሻቻ ሃይላታ ጸራኔ ኡሻቻ ኩሼ ማንላ ቢራዴታኔ ኡሻቻ ቶሆታ ማንላ ቢራዴታ ቲይዳሰ፤ ሄሳፌ ቲርፒዳ ሱላ ያርሾ ያርሾዛሶዛ ቦላ ዩዩ ኣጳናሰ ወጲዳሰ።

25 ሃንዳ፣ ጎይና፣ ቃንላ ኣሾ ካሚ ኦይኪዳ ሞጴ ኡባ፣ ቲሪ ካሚ ኦይኪዳ ሞጴ፣ ኪላሆታካ፣ ኪላሆታ ቦላ ዲዛ ሞጴዛኔ ኡሻቻ ሚሴዛ ኤኪዳሰ።

26 ኢርሾይ ቦቾንጎታ ጎዳሰ ዲማ ኡኩሊ ኢዛን ዲዛ ሌማቴዛፔ ኢሲ ዳቦ ኤኪዳሰ፤ ሄሳታካ ዛይቲን ሙኑቄቲ ኡኩቲዳ ዳቦይ ኢዛን ዲዛ ሌማቴዛፔ ኢሲ

* 8:23 ማንላ ቢራዴ፣ ማንላ ቢራዴ ጊዛይሳ ኢሲ ኢሲ ባጋ ጋሞላ ቃላን ኣዴ ቢራዴ ጌቲቲሰ።

ዳቦን ሌኤ ኡኩል ኤኪዲ ሞዴዛ ቦላኔ ኡሻቻ ሚሳ ቦላ ዋሊደሰ።

27 ሃ ካላ ኡባ ኤኪዲ ኣሮኔ ኩሼኒኔ ኢዛ ናይታ ኩሼን ኦይሊደሰ፤ ኢሰቲካ ኦይኪዲ ያኔ ሃ ቃሴሊዲ ጎዳሰ ያርሾ ሺሺዳ።

28 ሃሳፌ ቃሴ ሙሴይ ኢሰታ ኩሼፔ ኤኪዲ ቁሴቲላ ያርሾ ገዳና ማላ ሸቂዲ ጸጌቲዛ ያርሾፌ ቦላራ ዋሊዲ ያርሾ ያርሺዛሶዛ ቦላ ዋሊዲ ጸጌደሰ፤ ሄሲካ ኢዛ ሳዎይ ጎዳ ኡፋይሲዛ ካላ ያርሾ።

29 ሙሴይ ቃሴካ ኣንጋሶዛ ኤኪዲ ያኔ ሃ ቃሴሊዲ ጎዳሰ ሺሺደሰ፤ ሙሴይ ኡባካ ጎዳይ ኢዛ ኣዛዚዳ ማላ ቁሴቲላ ሱገል ሱማናሰ ሺሺዛ ጳርሾፌ ሙሴ ገሻይ ሄሳ።

30 ሙሴይ ቲዬቲዛ ዛይቲፔኔ ያርሾ ያርሺዛሶዛን ዲዛ ሱላፌ ጉላራ ኤኪዲ ኣሮኔ ቦላ፡ ኣሮኔ ናይታ ቦላኔ ቃሴካ ኢሰታ ማይኦ ቦላ ወጺደሰ፤ ሄሳ ማላን ሙሴይ ኢሰታኔ ኢሰታ ማይኦ ኡባ ጎዳሰ ዲማሲደሰ።

31 ሙሴይ ኣሮኔኔ ኢዛ ኣቱማ ናይታሰ፡ «ኣሾዛ ጋይቶቲላ ዲንካኔ ፔንጌን ደይሲቲ፤ ኣሮኔይኔ ኢዛ ናይቲ ማና ማላ ጎዳይ ኣዛዚዳይሳ ቁሴቲላ ሱገል ሱሚዛ ዋዴ ያርሾ ኢዛራ ሺሺዛ ለማቲን ዲዛ ኡኩላራ ሄን ሚቲ።

32 ኣሾዛፔ ዋይኮ ኡኩላዛፔ ቲርፒኮ ታማን ጸጊቲ።

33 ኢንቲ ቁሴቲላ ሱገል ሱሚዛ ዋጋይ ፖሊታናሰ ላፑን ጋላሰ ኤኪዛ ገሻሰ ሄ ላፑን ጋላሳይ ወራና ጋካናሰ ጋይቶቲላ ዲንካኔዛ ፔንጌፌ ኪሾፍቲ።

34 ኢንቲና ናጋራፔ ጌሻናሰ ሃይሳ ሃቶ ኑ ኦሊዳ ዋጋ ፖላ ማላ ጸሳይ ኑና ኣዛዚደሰ።

35 ሄሳ ገሻሰ ጎዳይ ኣዛዚዳይሳ ፖላናሰ ላፑን ጋላሰ ኩሚል ጋላሲኔ ኦማርሰ ጋይቶቲላ ዲንካኔዛ ፔንጌፌ ኪሾፍቲ፤ ጎዳ ዋጋካ ናጊቲ፤ ሂሰቶንታ ኣጊኮ ኢንቲ ሃይቃና፤ ታና ጎዳይ ኣዛዚዳ ዋጋይ ሃይሳ» ገደሰ።

36 ኣሮኔይኔ ኢዛ ናይቲ ሙሴ ባጋራ ጎዳይ ኣዛዚዳይሳ ኡባ ፖሊዳ።

9

ኣሮኔይ ጎዳሰ ሺሺዳ ያርሾ

1 ኦሰፑንላ ጋላሳን ሙሴይ ኣሮኔ፡ ኢዛ ኣቱማ ናይታኔ ኢሰራኤሌ ኣሳ ካሊሊዛ ጨማታ ጸይጊደሰ፤

2 ኣሮኔካ፡ «ኢሲ ዋሶይካ ኢሰታ ቦላ ባይንዳ ኢሲ ሚርጎኔ ኢሲ ጳርሾ ኤካዳ ሚርጎዛ ናጋራ ገሻሰ ያርሺዛ ያርሾ ጳርሾዛ ጸጌቲዛ ያርሾ ሂሰታ ጎዳሰ ያርሻ።

3 ሃሳፌ ጉዬ ኢሰራኤሌ ናይታ ናጋራ ገሻሰ ሸቂዛ ያርሾሰ ዴይሻ ኦርጌኔ ኢሰታ ቦላ ኣይኮ ዋሶይ ባይንዳ ኢሲ ላይላ ማራራኔ ኢሲ ላይላ ደርሳ ላቃ ጸጌቲዛ ያርሾሰ ኤሃና ማላ ዮታ።

4 ቃሴካ ኢሲ ኮርማኔ ኢሲ ደርሳ ላቃ ኢሲፌቲላ ያርሾሰ ኤሃቶ፤ ሃይታንታ ዛይቲን ጊንዴቲዳ ካላ ያርሾራ ጎዳሰ ያርሾ ሺሹቶ፤ ሄሳ ኡባ ኦሌቶ፤ ጋሶይካ ጸሲ ኢሰታሰ ሃቶ ቆንጫና» ገደሰ።

5 ኢሰቲካ ሙሴይ ኢሰታ ኣዛዚዳይሳ ኡባ ዲንካኔዛ ፔንጌ ኤሂዳ፤ ኣሳይ ወሪካ ጎዳ ሲንላን ሸቂ ኤቁደሰ።

6 ሙሴይ ኢሰታሰ፡ «ጎዳ ቦንቾይ ኢንቲሰ ቆንጫና ማላ ኢንቲ ኦላናሰ ጎዳይ ኢንቲና ኣዛዚዳ ኣዛዘይ ሃይሳ» ገደሰ።

7 ቃሴካ ሙሴይ ኣሮኔሰ፡ «ጌዳ ያርሾይ ያርሾቲዛሶ ሺቃዳ ኔ ናጋራኔ ዴሬዛ ናጋራ ወርሳናሰ ሸቂዛ ያርሾኔ ጸጌቲዛ ያርሾ ያርሻ፤ ሄሳ ኡባ ጎዳይ ዴሬዛ ናጋራ ወርሳና ማላ ኢዚ ኔና ኣዛዚዳ ማላ ሸሻ» ገደሰ።

8 ኣሮኔይካ ያርሾ ያርሺዛሶ ቢዲ ኮይር ባ ናጋራ ገሻሰ ሸቂዛ ያርሾሰ ሸቂዛ ሚርጎዛ ሹኪደሰ።

9 ኢዛ ናይቲ ሱላ ኢዛሰ ኤሂዳ፤ ኢዚካ ሱላን ባ ቢራዴ ጌልሊ ኬሲዲ ያርሾ ያርሺዛሶዛ ቦላ ዲዛ ዴሞታ ሱላ ቲይደሰ፤ ኣቲዳ ሱላ ያርሾ ያርሺዛሶ ጋርሳን ጉሲደሰ።

10 ሃሳፌ ካሊሊዲ ሞዴዛ፡ ኪላሆታኔ ቲሬ ካሚ ኦይኪዳ ሞዴታ ኤኪዲ ጎዳይ ሙሴ ኣዛዚዳ ማላ ያርሾ ያርሺዛሶዛ ቦላ ጸጊደሰ።

11 ኣሾዛኔ ጋልባዛ ቃሴ ኣሳይ ዲዛሶፔ ጌዴ ሃራሶ ሃሲዲ ጸጊደሰ።

12 ሃሳፌ ጉዬ ኣሮኔይ ጸጌቲዛ ያርሾሰ ሹኪደሰ፤ ሂሰቲን ኢዛ ናይቲ ሱላ ኢዛሰ ኤሂዳ፤ ኢዚካ ሱላዛ ኤኪዲ ያርሾ ያርሺዛሶዛ ቦላ ዩዩ ኣጳናሰ ወጺደሰ።

13 ኢዛ ናይቲ ጸጌቲዛ ያርሾሰ ሹኪቲዳ ኣሾዛ ቆሞን ቆሞን ሁኤዛራ ጋሊ ኢዛሰ ኤሂ ኢሚዳ፤ ኢዚካ ሄሳ ኡባ ያርሾ ያርሺዛሶዛ ቦላ ጸጊደሰ።

14 ሃሳፌ ቃሴካ ቃንላ ኣሾዛኔ ጉዬ ቶሆታ ሃላን ሚጫዲ ያርሾ ያርሺዛሶዛ ቦላ ጸጌቲዛ ያርሾዛራ ኢሲፌ ጋሊ ጸጌቲዛሶን ጸጊደሰ።

15 ሃሳፌ ካሊሊዲ ኣሮኔይ ዴሬዛ ናጋራ ገሻሰ ሹኪቲዛ ዴይሻ ኦርጌ ኤኪ ሹኪዲ ባ ናጋራ ገሻሰ ያርሺዳይሳላ ያርሺደሰ።

16 ጸጌቲዛ ያርሾዛ ኤሂዲ ካሴ ዲዛ ዋጋ ማላ ያርሺደሰ።

17 ካላ ያርሾዛካ ሺሺደሰ፤ ጳሌዛፔ ኩጳ ኩሚል ኤኪዲ ያርሾ ያርሺዛሶዛ ቦላ ጸጊደሰ፤ ሄሲካ ጸጌቲዛ ያርሾሰ ማላዶ ማላዶ ሸቂዛ ያርሾዛ ቦላ ጉጃቲዲ ሸቂደሰ።

18 ኮርማ ቦራኔ ጳርሾዛ ሹኪዲ ዴሬዛ ገሻሰ ኢሲፌቲላ ያርሾ ሺሺደሰ፤ ኢዛ ናይቲካ ሱላ ኢዛሰ ኤሂዳ፤ ኢዚካ ሱላ ኤኪዲ ያርሾ ያርሺዛሶዛ ዩዩ ኣጳናሰ ወጺደሰ።

19 ኣሮኔይካ ኮርማ ቦራ ሞዴዛ፡ ጳርሻ ሞዴዛ፡ ኡባካ ጎይና ቶልላዛ፡ ቃንላ ኣሾ ካሚ ኦይኪዳ ሞዴዛኔ ቲሬ ካሚ ኦይኪዳ ሞዴዛ ደሬቲዳይሳ ቲሬታኔ ኢሰታ ቦላ ዲዛ ሞዴዛ ኤኪዲ፡

20 ሄ ሚሃታ ኣንጋሶ ጴራ ቦላ ዋሊዳ፤ ኣሮኔይ ሞዴዛ ኡባካ ያርሾ ያርሺዛሶዛ ቦላ ጸጊደሰ።

21 ኣንጋሶታኔ ኡሻቻ ጌዳ ኣሾታ ሙሴይ ኣዛዚዳ ማላ ያኔ ሃ ቃሴሊዲ ጎዳሰ ዲማ ያርሾ ሂሰቲ ሺሺደሰ።

22 ኣሮኔይ ናጋራ ገሻሰ ሸቂዛ ያርሾ፡ ጸጌቲዛ ያርሾኔ ኢሲፌቲላ ገሻሰ ሸቂዛ ያርሾ ያርሺዳፔ ጉዬ ባ ኩሼ ጶቁ ሂሰቲዲ ዴራ ኣንጂዲ ዋዴደሰ።

23 ሙሴይኔ ኣሮኔይ ጋይቶቲላ ዲንካኔ ጊዶ ጌሊዳ፤ ሃፔ ኬዚሹ ዴሬዛ ኣንጂዳ፤ ጎዳ ቦንቾይ ኣሳ ኡባሰ ቆንጫደሰ።

24 አሳይ ቆጥንታ ዲቪን ጎዳ አቻፊ ከቴቲዳ ታማይ ዩዲ ያርሾ ያርሺዛሶዛ ቦላ ዲዛ ያርሾስ ሸቂዳ ሃንዳዛ ኡባ ሚዳስ፤ ዳሬዚካ ወሪ ሃሳ ቤኢዲ ኢሊሊ ገደሴኔ ወሪካ ሆኪ ጎይኒዳስ።

10

ናዳቤይኔ አብዮይ ኦሊዳ ሞሮ

1 ናዳቤይኔ አብሁ ጌቲቲዛ ኦሮኔ ና ናምአቲ ኢሶይ ኢሶይ ባስ ባስ ኤጳኔ ጩዋሲዛ ጸና ኤኪዲ ቦንቆ ታማ ኢዛን ጉጂዳ፤ ቃሴካ ኤጳኔካ ኢዛን ጉጂዲ ጎዳስ ሺሺዳ፤ ሄ ኢሰቲ ኤኪዳ ታማይ ጎዳስ ዲማቲዳ ታማ ገደንታ ገሻስ ኢሰቲ ሃሳ ማላ ታማ ሺሻና ማላ ጎዳይ ኢሰታ አዛዚቤና።

2 ኢሰቲ ቆጥንታ ጸሳ አቻፊ ዩዳ ታማይ ኢሰታ ሚዳ ገሻስ ኢሰቲ ጎዳ ሲንላን ሃይቂዳ።

3 ሙሴይ ቃሴ ኦሮኔስ፡ «ጎዳይ፡ ናታ ሲንላ ሸቂዲ ታስ ኦሊዛይታስ ታኒ ታ ጌሻቲላ ቆንጩሳና፤ ታኒካ ታ ዳሬዛ አቻን ቦንቆቲዳዳ ገደና፤ ገዲ ኢዚ አሳ ካሴ ቆፍሲዳይሲ ሃይሳ» ገደሰ። ኦሮኔይካ አይ ዛርካ አምንታ ጮኡ ገደሰ።

4 ሙሴይካ ኦሮኔስ አዋ አሻ ኡዚኤሌ ናይታ ሚሻኤሌኔ ኤልጳፋኔ ጸይገዲ፡ «ሃ ዩቲ! ሃይሳ ኢንቲ አሻታ አሃ ጌሻ ዲንካኔ፤ ዳንላዲ አሲ ዲዛሶፕ ጌዳ ሃራሶ ኤፍቲ» ገደሰ።

5 ኢሰቲካ ቁሴቲላ ማይአዛ ሃይቂዳይታ አሃ ቦላፊ ኬሶንታ ዲሼ ቢዳ ሙሴይ አዛዚዳ ማላ አሳታ አሃ አሳይ ዲዛሶፕ ጌዳ ሃራሶ ኤፊዳ።

6 ሃሳፊ ካሊዲ ሙሴይ ኦሮኔስ፡ ኢዛ ና ኤልኤዜሬሲኔ ኢታማሬስ፡ «ኢንቲ ሃይቆንታ ማላኔ ጎዳ ሃንቆይ ዳራ ቦላ ዮንታ ማላ ሃይቂዳይታስ ሚሹቲዲ ኢንቲ ሁኤ ቡጮፍቲ፤ ኢንቲ ማይአዛ ዳኮፍቲ፤ ገደ አቲን ሃንኮ ኢሰራኤሌ ናይቲ ጎዳ አቻፊ ዩዳ ታማን ሃይቂዳይታስ ዩካና ዳንዳዬቲስ።

7 ኢንቲ ጎዳይ አዛዚን ቲዬቲዛ ቲዮ ዛይቲን ቲዬቲዳ ገሻስ ኢንቲ ሃይቆንታ ማላ ጋይቶቲላ ዲንካኔ ፔንጌፊ ካሬ ኬዛፕቲ» ገደሰ። ኢሰቲካ ሙሴይ አዛዚዳ ማላ ሃኒዳ።

ቁሴታስ ዋዲዳ ዋጋ

8 ጎዳይ ኦሮኔስ ሃዝገደሰ፡

9 «ኔኒኔ ኔ ናይቲ ዋይኔ፤ ኦሴቲዳ ኡሹ ዋይኮ ሃራ ማሶሲዛ ኡሹ ኡዩዲ ጋይቶቲላ ዲንካኔዛን ኢንቲ ጌሎንታ ማላ ናጌቲቲ፤ ሂሰቶንታ አገኮ ኢንቲ ሃይቃና፤ ሃይሲ ሃ ዋጋዚ ኢንቲፊካ ጉዬን ያና ዬሌታ ኡባ ማታንካ ሚርናስ ናጌታናስ ቤሴስ።

10 ኢንቲ ዲማቲዳይታኔ ዲማቶንታይታ፡ ጌሺኔ ቱና ገዲዳይታ ገደን ዲዛ ዲማቲላ ሻኪ ኤራናስ ቤሴስ።

11 ታ ኢንቲስ ሙሴ ባጋራ አሚዳ ዋጋ ኡባ ኢሰራኤሌ ናይታ ታማርሲቲ።»

12 ሙሴይካ ኦሮኔኔ አቲዳ ኢዛ ና ናምአታ ኤልኤዜሬኔ ኢታማሬስ፡ «ጎዳስ ታማን ጸጌቲ ሸቂዳ ካላፊ ኤኪዲ ኢርሾይ ቦቻንታ ኡኬላ ኡከቲ፤ ኢዚካ ኬሂ ዲማቲዳ ያርሾ ገዲዳ ገሻስ ያርሾ ያርሺዛሶዛ አቻን ሚቲ።

13 ጎዳስ ታማን ጸጌቲ ሸቂዛ ካላ ያርሾፊ ሻኬቲዲ ኢንቲሴኔ ኢንቲ ናይታስ አሚቲዳ ገሻ ገዲዳ ገሻስ ኢንቲ ኢዛ ጎዳስ ዲማቲዳሶን ሚቲ፤ ኢንቲ ሃሳላ ሂሰታና ማላ ጸሲ ታና አዛዚዳስ።

14 ገደ አቲን ያኔ ሃ ቃሴሶን ዲማ ያርሾ ገዲዲ ጎዳስ ሸቂዳ፤ ጉዬ ቁሴታ ገሻ ገደና ማላ ጌቲቲዳ ገሻስ አንጋሶዛኔ ሚሴዛ ኔኒኔ ኔ ኬላን ዲዛ ኔ ማጫ ናይቲ ማንዴታ፤ ሃሳ ሄ ዋጋካ ጎዳስ ዲማቲዳሶን ማንዴታ፤ ሃሲካ ኢሰራኤሌ አሳይ ኢሲፊቲላ ገሻስ ሺሺዛ ያርሾ ኡባፊ ሻኬቲ ኔሲኔ ኔ ናይታስ አሚቲዳስ።

15 ሸቂዳ ሚሴዛኔ አንጋሶዛ ጎዳ ሲንላን ያኔ ሃ ቃሴላ ሺሺዛ ያርሾዛ ማላ ቃሴላናስ ኤሄቶ፤ ሃሲካ ጎዳይ አዛዚዳ ማላ ሚርናስ ኔሲኔ ኔ ናይታስ ገሻ ገደ» ገደሰ።

16 ሙሴይ ናጋራ ገሻስ ሸቂዳ ያርሾስ ሸቂዳ ዳይሻ ኦይቺ ሲዩዲ ኢዚ ጸጌቲዳይሳ ኤሪዳስ፤ ሃሳ ገሻስ ሙሴይ ኤልኤዜሬ ቦላኔ ኢታማሬ ቦላ ሃንቁቲዳ፡

17 «ኢንቲ ናጋራ ገሻስ ሸቂዳ ያርሾዛ ጸሳስ ዲማቲዳሶን አዛስ ሚሴኬቲ? ያርሾዚ ጎዳስ ኬሂ ዲማ፤ ኢዚ ዳሬዛ፤ ናጋራኔ ቆሆ ወርሳና ማላ ጎዳይ ሃሳ ኢንቲስ አሚዳዛ።

18 ሱላዚ ጌዳ ጎዳስ ዲማቲዳ ዲንካኔዛን ጌሎንታ ገሻሲኔ ታ ኢንቲና አዛዚዳ ማላ ኢንቲ ሄ ዲማቲዳሶን ሸቂዳ ያርሾዛ ኢንቲ ማናስ ቤሴስ» ገደሰ።

19 ኦሮኔይካ ሙሴስ፡ «ናጋራ ገሻስ ሸቂዛ ጸጌቲዛ ያርሾ ሄኮ ሃቻ አሳይ ጸሳ ሲንላ ኤኪ ዩዳስ፤ ታናካ ሃይሳ ማላ ሜቶይ ጋኪዳስ፤ ሂሰቲን ሃቻ ናጋራ ገሻስ ሸቂዛ ያርሾዛ ታ ሚዳኮ ጎዳይ ኡፋይታናሺን አቲዳ?» ገደሰ።

20 ሙሴይካ ሃሳ ሲዩዲ ኢዚ ዛሪዳ ቃላን ኡፋይቲዳስ።

11

ሜቲቲዛኔ ሜቲቶንታ ሜሄታኔ ደኣታ (ዛሬ 14:3-21)

1 ጎዳይ ሙሴሲኔ ኦሮኔስ ሃዝገደሰ፡

2 «ሃይሳ ኢሰራኤሌ ናይታስ ዮቲቲ፡ «ቢታ ቦላ ዲዛ ደኣታ፤ ሜሄታ፤ ኢንቲ ማናይቲ ሃይሳፊ ካሊ ዲዛይታ፡

3 ቶሆ ቁንጩፊሌይ ጳልቁላታኔ ባንቺኪዛይታ ሚቲ።

4 « ሲደ አቲን ባንቺኪዛይታ ገዲ ኡቲዲ ቁንጩፊሌይ ጳልቁቶንታይታ ዋይኮ ባንቺኮንታይታ ገዲ ኡቲዲ ቁንጩፊሌይ ጳልቁቲዳይታ ሞፕቲ፤ ጋሚላይ ባንቺኬስ ሺን ቁንጩፊሌይ ጳልቁቶንታ ገሻስ ኢዚ ኢንቲስ ቱና ገደ።

5 ጉፓሌይ ባንቺኬስ ሺን ቁንጩፊሌይ ጳልቁቶንታ ገሻስ ኢዚ ኢንቲስ ቱና ገደ።

6 ሃርባይሮይ* ባንቺኬሲሺን ቁንጩፊሌይ ጳልቁቶንታ ገሻስ ኢዚ ኢንቲስ ቱና ገደ።

7 ጉዲንላካ ሞፕቲ፤ ኢዛ ቁንጩፊሌይ ጳልቁላ ገዲኮካ ኢዚ ባንቺኮንታ ገሻስ ኢንቲስ ቱና ገዲ ቆዴቶ።

10:13 ለዌ 6:14-18 * 11:6 ሃርባይሮይ፡ ሃርባይሮይ እሲ እሲ ባጋ ጋሞላ ቃላን ኤቺ ጌቲቲስ።

8 ሃይታንቲ ቱና ጊዲዳ ገሻሰ ኢስታ አሾ ሞጥቲ፤ ሃራይ አቶሺን ኢስታ አሃካ ቦቾፍቲ።

9 « ሰባ ጊዲኒኔ ሻፋ ሃላታ ጊዲን ዲዛ ሜዴቲላታ አባ ጊዲፊ ቁፊይኔ ፖቆ ማላ ጋልባይ ዲዛ ኡባ ሚቲ።

10 አባ ጊዲኒኔ ሻፋ ሃላ ጊዲን ዲዛ ሜዴቲላታ፤ ሸምፖራ ፓጻ ዲዛ ሃራ ሜዴቲላታ ኡባ ጊዲፊ ቁፊይኔ ፖቆቲዛ ጋልባይ ባይንዳ ኡባይ ኢንቴሰ ቱና ጊዲዳ ገሻሰ ሞጥቲ።

11 ሃይታንቲ ቱና ጊዲዳ ገሻሰ ኢስታ አሾ ሞጥቲ፤ ሃራይ አቶሺን ኢስታ አሃካ ቦቾፍቲ።

12 ሃሳ ገሻሰ ሃላ ጊዲን ዲዛ ቁፊይኔ ፖቆቲዛ ጋልባይ ኢስታ ቦላ ባይንዳ ሜዴቲላቲ ወሪካ ኢንቴ አቻን ኢጾቲዳይታ ጊዴቶ።

13 « ሰባታ፤ ሃይታንቲ ሃይሳፊ ካሊዛይቲ ቱና ጊዲዳ ገሻሰ ሞጥቲ። ሃይታንቲካ ጎሌ፣ ቆሎ፣ ዋሌ †

14 ጸሎ፣ ዲማ ዲማ ቆሞ ጸርጮታ።

15 ዲማ ዲማ ቆርታ

16 ያንቻ፣ ጫንጮ ጉቶ፣ ሃላ ካፎ፣ ጋጮ ዛሬ ኡባ፤

17 ጉቶ፣ ቢያ፣ ዪንዳሬ ‡

18 ዋይና፣ ሃላ ካፎ፣ አንኮ።

19 ዚሊሌ፣ ሳቢሳ ካፎ ዛሬ ኡባ፣ ጂንጂላቲ ጌቲቲዛ ካፎኔ ወርካወርኮ።

20 « ሰባታ፤ ዲሺን ኦይዱ ቶሆራ ቃጸዛ ሜዴቲላቲ ወሪካ ቲናታ፤

21 ሃይታንታ ጊዲፊ ጉፓናሰ ማዲዛ ጌዳይ ዲዛ ሜዴቲላታ ሚቲ፤

22 ሃይቲካ ቦሌ ዛሬታ፣ ጸንጎታ ዛሬታኔ ጉምባር ዛሬ ኡባ።

23 ሃንኮ ቁፊይ ዲሺን ኦይዱ ቶሆራ ሃሜቲዛ ሜዴቲላታ ኢንቴ ቱና ማላ ቆዲቲ።

24 « ሰባታ፤ ሃይሳፊ ካሊ ዲዛይታ ቦቾዳይ ወሪ ኦማርሰ ጋካናሰ ቱና ጊዲና።

25 « ሃይታንታ አሃ ዳንጉዳይ ወሪካ ባ ማይኦ ሃላን ሜጮ፤ ሜጪኮካ ኦማርሰ ጋካናሰ ኢዛይይ ቱና ጊዲ።

26 « ሰባታ፤ ሃይሳፊ ካሊ ዲዛይታ ቦቾዳይ ወሪ ኦማርሰ ጋካናሰ ቱና ጊዲና።

27 ኦይዱ ቶሆራ ዲዛይታ፤ ቁንጫፊሌይ ባይንዳ ካንቴን ሃሜቲዛይቲ ወሪካ ኢንቴ አቻን ቲናታ ጊዴቶ፤ ኢስታ አሃ ቦቾዳይ ኦማርሰ ጋካናሰ ቱና ጊዲ፤

28 ሃይታንታ አሃ ዳንጉዳይ ወሪካ ባ ማይኦ ሃላን ሜጮ፤ ሜጪኮካ ኦማርሰ ጋካናሰ ኢዛይይ ቱና ጊዲ፤ ኢስቲካ ኢንቴ አቻን ቲና።

29-30 « ሰባታ፤ ሃይሳፊ ካሊ ዲዛይታ ኢንቴሰ ቱና ጊዴቶ፤ ገርይ፣ ኤጮሬይ፣ ዛሬይ፣ ኮርቼይ፣ ሃይላቮይ፣ ጌይ፣ ዋካላይ፣ § ሻቃንቻይ ኢንቴሰ ቱና ጊዴቶ።

31 ቢታራ ጎሹቲዛ ኡባታ፤ ቱና ጊዲዳይቲ ሃይታንታ፤ ኢስታ ጊዲን ዋይኮ ኢስታ አሃ ቦቾዳይ ወሪ ኦማርሰ ጋካናሰ ቱና ጊዲ።

32 ኢስታ አሃይ ኢዛ ቦላ ዋዲዳ ሚሺ ወሪካ ቲኔሰ፤ ሃሳካ ሚሳፊ ኦሴቲዳ ሚሻቲ፣ ማይኦቲ፣ ጋልባ፣ ካራጸቲ፣ ኦጎርኔ ሃይታንታ ሚሳቲዛ ሃራታካ ጉጃሰ፤

ኢስታ አሃ ቦቾዳ ሚሺ ወሪካ ሃላን ጌሊዲ ጋምኦ፤ ኦማርሰ ጋካናሰ ቱና ጊዲዳ ሃሳፊ ጉዬ ጌሽ ጊዲ።

33 ሃይታንታ አሃይ ማና ሚሻ ጊዲን ጌሊኮ ሃ ሚሻ ጊዲን ዲዛ ሚሺ ወሪካ ቲኒዛ ገሻሰ ሃ ማና ሚሻዛ ዋዲቲ።

34 ሃ ማና ሚሻፊ ሃላ ኢዛ ቦላ ጸኬቲዳ ካላ ወሪካ ቱና ጊዴሰ፤ ኢዛን ዲዛ ኡዬቲዛ ሚሺካ ቱና ጊዴሰ።

35 አይ አሃይካ ቦቾዳ ሚሺ ወሪካ ቱና ጊዲዳ ገሻሰ ኢዛ ኢጸቲ፤ ማኒ ሜዲዳ ጮጮ ጊዲን ኦቶይ ሜቆ።

36 ሃይታንታ አሃይ ሃራ ኡባ ቲኒሲዛዛ ጊዲኮካ ፑልቶ ሃሌኔ ሃላ ዲዛ ኦላ ቲኒሲና።

37 ዜሬላሰ ኡቲዳ ካላ ቦላ ዋዲኮ ዜሬላይ ቲኒና።

38 ጊዲኮካ ዜሬላ ቦላ ሃላ ጉኪ ሲሚን አሃይ ቦቾኮ ሃ ዜሬላይ ሃሳፊ ጉዬ ቱና ጊዴሰ።

39 « ሰባታ፤ ሚሪቲዛ ሚሃ ጋርሳፊ አዋይሲካ ሃይቁን ሃ ሃይቁላ ቦቾዳይ ኦማርሰ ጋካናሰ ቱና።

40 አይ ኢሲካ ሃ ሃይቁላፊ ሚኮ ባ ማይኦ ሜጮ፤ ኦማርሰ ጋካናሰ ቱና ጊዲ፤ አይ ኢሲካ ሃ ሃይቁላ አሃ ቶኪኮ ባ ማይኦ ሜጮ፤ ጊዲኮካ ኦማርሰ ጋካናሰ ኢዛይይ ቱና ጊዲ።

41 « ሰባታ፤ ጎሹቲዛ አይ ሜዴቲላቲ ወሪካ ኢንቴ አቻን ሜቲቶንታዚኔ ኢጾቲዳዝ ጊዴቶ።

42 ቲራን ጎሹቲዛ፣ ኦይዱ ቶሆራ ቢዛይታ፣ ዋይኮ ዳር ቶሆይ ዲዛይታ ኡባካ ሞጥቲ፤ ኢስቲ ኢንቴ ማታንካ ኢጾቲዳይታ ጊዴቶ።

43 ሃይታንታፊ አዋይሳካ ሚዲ ኢንቴና ቲኒሶጥቲ።

44 ታኒ ጎዳ ኢንቴ ጸሳ፤ ታኒ ሃራ፤ ዲማ ጊዲዳ ገሻሰ ኢንቴካ ዲማ ጊዲቲ፤ ባ ቲራን ጎሹቲዛይታ ሚዲ ኢንቴርካ ኢንቴና ቲኒሶጥቲ።

45 ኢንቴሰ ጎዳ ጊዲናሰ ገብጾ፤ ኢንቴና ካሌላ ኬሲዳይ ኢንቴ ጸሳይ ታና፤ ሃሳ ገሻሰ ታኒ ዲማ ጊዲዳ ማላ ኢንቴካ ዲማ ጊዲቲ።

46 « ሰባታ፤ ዳኣታ፣ ካፎታ፣ ሃላ ጊዲኒኔ ቢታ ቦላ ቲራን ጎሹቲዛ ሜዴቲላታ ኡባ ገሻሰ ኢሜቲዳ ዋጋይ ሃይሳ፤

47 ዋዲዳ ዋጋ ማላ ጌሻታኔ ጌሽ ጊዲንታይታ ጊዲን ዲዛ ዲማቲላ ሻኪ ኤራናሰ ሃሲካ ሜቲቲዛይታኔ ሜቲቶንታይታ ጊዲን ዲዛ ዲማቲላ ሻኪ ኤራናሰ ኢንቴ ሎኤላ ናጌቲቲ። »

12

ማጫሳይ ዩሊዳፕ ጉዬ ጌሾ ዋጋ

1 ጎዳይ ሙሴሰ ሂዝጊዴሰ፤

2 «ኢስራኤል አሳሰ፣ ማጫሲ ሻራዳ አቲማ ና ዩሊኮ ካሴ ማጫሳ ዋጋይ ኢዚ ቦላ ቤቲዳ ዋዲ ሃኒዛይሳላ ላፑን ጋላሰ ጋካናሰ ኢዛ ቱና ጊዳወሰ።

3 ዩሊኮ ዳና ዩሊ ኦሰፑንጎ ጋላሰ ቃጸሬታናሰ ቤሴሰ።

4 ሃሳፊ ጉዬ ጋጪኖ ሱላይ ኢዚ፤ ኤቃና ጋካናሲኔ ኢዛ ዩሊኮፊ 33 ጋላሰ ጋካናሰ ጸሳሰ ዲማቲዳ አይ ሚሺካ ቦቾናሰ ቤሴና፤ ሃሲካ ኢዛ ጌይዛ ዋዲ ወርንታ ዲሺን ጋይቶቲላ ዲንካኔ ጊዲ ጌላፑ።

† 11:13 ዋሌ፣ ዋሌይ ኢሲ ኢሲ ባጋ ጋሞላ ቃላን ዋዲ ዋይኮ ወኮ ጌቲቲሰ። ‡ 11:17 ዪንዳሬ፣ ዪንዳሬይ ኢሲ ኢሲ ባጋ ጋሞላ ቃላን ሃዘ ዋይኮ ኦይኦ ዋይኮ ሆቃ ጌቲቲሰ። § 11:29-30 ዋካላ፣ ዋካላይ ኢሲ ኢሲ ባጋ ጋሞላ ቃላን ያር ጌቲቲሰ። 11:44 ለዊ 19:2፤ 1ጳጵ 1:16 12:3 ሜዴ 17:12፤ ሉቃ 2:21

5 « ሩሃሳዎካ ኢሲ ማጫሲ ማጫ ና ዩሊኮ ካሴ ቦላ ቁታይ ኢዚ ቦላ ቤተዳ ዎዴ ሃኒዛይሳሶ 14 ጋላሰ ጋካናሰ ቱና ጊዳወሰ፤ ሃሳፌ ጉዬ ሱላይ ኢዚ፤ ሲሚን ኢዛ ዩሎሶፌ 66 ጋላሰ ጋካናሰ ጋምኡ።

6 « ሩኢዛ ጌይዛ ጋላሳቲ ዉሪዛ ዎዴ ኣቱማ ና ጊሻሰ ጊዲን ዎይኮ ማጫ ና ጊሻሰ ጸጌቲዛ ያርሾሰ ኢሲ ላይላ ላቃኔ ናጋራፔ ጌያናሰ ሺቁዛ ያርሾሰ ሃራጵ ዎይኮ ሃራጵ ጪዬ ጋይቶቲላ ዲንካኔ ፔንጌ ኤሃዳ ሃን ኦላዛ ቁሴሰ ኢሙ።

7 ቁሴዚካ ኢዛ ኢሚዛይሳ ኢዚ፤ ኤኪዲ ጎዳሰ ያርሾ ሺሾ፤ ማጫሳያካ ኢዛ ዩሊሺን ኢዚ፤ ጉኪዳ ሱላፌ ጌያወሰ፤ ሃይሲ ኣቱማ ና ዎይኮ ማጫ ና ዩሊዛ ማጫሳሰ ዎዳዳ ዎጋ።

8 ዩሊዳ ማጫሳያ ደርሳ ላቃ ኤሃናሰ ዳንዳዮንታር ጊዲኮ ናምኡ ሃራጵታ ዎይኮ ናምኡ ዋናሴታ ኤሁ፤ ናምኣታፔ ኢሶይ ጸጌቲዛ ያርሾሰ፡ ሃንኮይሲ ናጋራ ጌሾሰ ያርሾ ሺቆ፤ ቁሴዚካ ኢዛ ናጋራፔ ጌሾ፤ ሃሳፌ ጉዬ ኢዛ ጌሽ ጊዳና ጌሰ።»

13

ኣሳሰ ጋልባ ቦላ ኬዚዛ ሃርጌ ጊሻሰ ኢሜቲዳ ዎጋ

1 ጎዳይ ሙሴሲኔ ኣርኔሰ ሂዘጊዳሰ፡

2 «ኣይ ኣሲካ ኢዛዳ ቦላ ኪጻይ ዎይኮ ሸምፔይ ዎይኮ ኢሊዎይ ኢዛዳ ቦላ ቤተዳ ቃቻ ሃርጌ ማላ ካሴፔ ጌዴ ዳሪ ዳሪ ቢኮ ኢዛዳ ጌዴ ቁሴ ኣርኔኮ ዎይኮ ቁሴ ጊዲዳ ኢዛ ናይታፔ ኣሳኮ ኤፌቶ።

3 ቁሴዚካ ሂ ማዲንላ ሎኤላ ጸሎ፤ ሂ ማዲንላ ሃራን ዲዛ ኢሰኬይ ቦጺዛዝ ጊዲኮኔ ማዲንላዚ ዲጌ ኦላቲ ቤቲኮ ሃሲ ዳር ኢታ ሃራ ኣሳ ቦላ ኣዲዛ ጋልባ ሃርጌ፤ ቁሴዚ ካሴ ዎጋ ማላ ኢዛዳይ ቱና ጊዲዳይሳ ኣሳሰ ኤሪሶ።

4 ጊደ ኣቲን ማዲንላዚ ቦጺዳ ዲጌ ኦላቶንታ ኣጊኮኔ ኢዛ ሃራን ዲዛ ኢሰኬዚካ ቦጺንታ ኣጊኮ ቁሴዚ ሃሳዴ ላቸን ጋላሰ ጋካናሰ ሶን ካሬ ባ ቦላ ጎርዲ ባርካ ጋምኣና ማላ ኦሎ።

5 ላቸንሶ ጋላሰ ቁሴዚ ኢዛ ቃሴካ ፓጪ ጸሎ፤ ኢዚ ኢዛ ፓጪሺን ማዲንላይ ካሴፔ ኣይኮካ ዲማቲላ ቤሶንታ ኣጊኮ ሃኢካ ሃራ ላቸን ጋላሰ ኢዚ ባ ኬላን ካሬ ባ ቦላ ጎርዲ ኡታና ማላ ኦሎ።

6 ላቸን ጋላሳፌ ጉዬ ቁሴዚ ኢዛ ቃሴካ ፓጪ ጸሎ፤ ኢዚ ፓጪ ጸሎሺን ማዲንላይ ጌዴ ዲቻ ኣጊዲ ካሴፔ ጉጺ ቤቲኮ ሂ ማዲንላይ ዳጸ ጊደንታይሳ ኢዛሰ ዮቲዲ ዎጋን ዲዛይሳ ማላ ኢዚ ጌሽ ጊዲዳይሳ ኢዛ ኤሪሶ፤ ኢዛዳይካ ዎጋይ ጊዛ ማላ ጌያናሰ ባ ማይኦዛ ሃላን ማጮ።

7 ሃሲካ ቁሴዚ ኢዚ ጌሽ ጊዲዳይሳ ፓጪዲ ኢዛዳሰ ኤሪሶዳፔ ጉዬ ቃሴካ ማዲንላይ ካሴፔ ኣኪ ኣኪ ቢኮ ሃሳዴይ ቃሴካ ቁሴዛኮ ሺቆ።

8 ቁሴዚ ቃሴካ ፓጮ፤ ማዲንላይ ካሴፔ ኣኪኮ ኢታ ጋልባ ሃርጌ ጊዲዳ ጊሻሰ ዎጋን ዲዛ ማላ ኢዛዳይ ኢታ ጋልባ ሃርጋንቻ ጊዲዳይሳ ኤሪሶ።

9 «ኦኒካ ኢዛዳ ኣሾዛ ጋልባ ቦላ ኬዚዛ ሃርጌይ ኦይኪኮ ሃሳዴ ቁሴኮ ኤሃቶ።

10 ቁሴዚካ ሂ ኢዛዳ ቦላይ ኡዛዚዛኮ ሎኤላ ጸሎዲ ኢዛዳ ኣሳቲላ ቦላ ዲዛ ኢሰኬታ ቦላዛ ኪጻ

ጊዲኮ ኪጻዚ ኡዛዚዲኔ ሂ ኡዛሳይ ዲዛሶን ዲዛ ጊዲኮ።

11 ሃሲ ኢታ ቦላ ጋልባ ሃርጌ ጊዲዛ ጊሻሰ ቁሴይ ሂ ሃርጋንቻዚ ቱና ጊዲዳይሳ ኢዛሰ ዮቶ፤ ኢዚ ቱኒዳይሲ ኤሬቲዳ ጊሻሰ ሃሳ ማላ ኣሲ ካሬይ ጎርዴቲን ኬላን ጋምኣናሰ ቤሴና።

12 ሂ ጋልባ ሃርጌዚ ኢዛዳ ቦላ ቶሆ ጸጉንላፌ ቢዲ ሁኤ ኢሰኬ ጋካናሰ ኡባ ጋኪኮ።

13 ቁሴዚ ቃሴካ ፓጪ ጸሎዲ ሃርጌዚ ኢዛዳሰ ኩሜላ ኣሳቲላ ጋኪ ማይኢዳ ጊዲኮ ቁሴዚ ሃሳዴ ዎጋ ማላ ጌሽ ጊዲዳይሳ ኤሪሶ፤ ጋሶይካ ኢዛ ቦላይ ኩሜላ ላሜቲዲ ቦላ ጊዲዳ ጊሻሰ ኢዛዳይ ጌሻ።

14 ጊደ ኣቲን ማዲንላይ ዛሪ ኡዛዚዲ ዞኦ ኣሾ ጊደፌ ቤሲኮ ሃሳዴይ ቱና ጊዳሰ።

15 ቁሴይ ቃሴካ ዛሪ ፓጪ ጸሎሺን ማዲንላይ ኡዛዚሺን ዞኦ ኣሾ ቤይኮ ኢዛዳይ ቱና፤ ኢዚ ቱና ጊዲዳይሳ ኢዛሰ ኤሪሶ፤ ጋሶይካ ሃርጌዚ ሃራ ኣሳ ቦላ ኣዲዛ ሃርጌ ጊዲዳ ጊሻሰ ሃሳዴይ ቱና።

16 ማዲንላይ ፓጺዲ ቦቲዛዝ ጊዲኮ ሃሳዴይ ቃሴካ ቁሴኮ ቦ።

17 ቁሴይካ ፓጪ ጸሎዲ ማዲንላይ ቦጺ ቤሲኮ ቁሴይካ ሃሳዴይ ጌሽ ጊዲዳይሳ ኢዛሰ ዮቶ፤ ኢዛዳይካ ጌሽ ጊዳና።

18 «ኣሳዴይ ካሴ ኪጻይ ኢዛ ቦላ ኬዚዲ ፓጺኮ።

19 ቃሴ ጋምኢሽ ካሴ ማዲንላይ ዲዛሶን ቦላ ኪጻይ ዎይኮ ዞኦ ኢሊዎይ ኬዚኮ ኢዛዳይ ቁሴኮ ቦ።

20 ቁሴዚ ሎኤላ ጸሎዲ ማዲንላይ ዲጌ ኣሾ ጊደ ጌሊ ቤቲኮ ኢዛ ሃራን ዲዛ ኢሰኬይ ቦጺ ቤሲኮ ሃሳዴይ ቱና ጊዲዳይሳ ኢዛ ኤሪሶ፤ ጋሶይካ ሃሲ ኪጻ ኦይኪዳይሲ ባ ባጋራ ኢታ ጋልባ ሃርጌ።

21 ጊዲኮካ ቁሴዚ ፓጪ ጸሎሺን ጋልባ ቦላ ዲዛ ኢሰኬይ ቦቶንታ ኣጊኮኔ ሃንኮ ኣሳቲላ ጋልባፌ ኦላቲ ቤሶንታዝ ጊዲኮ ቃላሚ ዲማቲላ ጊሻሰ ቁሴይ ሃሳዴይ ላቸን ጋላሰ ጋካናሰ ካሬይ ጎርዴቲን ኬላን ጋምኣና ማላ ኦሎ።

22 ማዲንላይ ዲዛሶይ ካሴፔ ኣኪ ኣኪ ቢኮ ሃሳዴይ ኣሳ ቦላ ኣዲዛ ኢታ ሃርጌን ኦይኬቲዳ ጊሻሰ ኢዚ ቱና ጊዲዳይሳ ኢዛሰ ቁሴዚ ዮቶ።

23 ጊደ ኣቲን ኢሊዎይ ካሴፔ ኣኪ ኣኪ ቦንታ ኣጊዲ ካሴ ባ ዲዛሶን ዲኮ ካሴ ኪጻይ ፓጺዳሶ ኣቲን ሃርጌ ዳና፤ ቁሴዚ ኢዚ ጌሽ ጊዲዳይሳ ኤሪሶ።

24 ካሴ ኢዛ ታማይ ሚዳይይ ዲኮ ሂ ኢዚ ታማን ሜቲቲዳሶይ ቦላ ኢሊዎ ዎይኮ ዞኦኣናን ሃኒ ቤሲኮ።

25 ቁሴዚ ኢዛ ፓጪ ጸሎ፤ ሂ ኢሊዎይ ዲዛሶን ሞኪዳ ኢሰኬይ ቦላ ጊዲኮኔ ሃንኮ ኢዛ ኣቻን ዲዛ ጋልባፌ ዲጌ ኣሾን ጌሊኮ ሃሲ ታማን ጸጌቲላ ጋሶን ኣሳፔ ኣሳን ኣዲዛ ኢታ ጋልባ ሃርጌ፤ ሃሳ ጊሻሰ ቁሴይ ሃሳዴይ ቱኒዳይሳ ኢዛሰ ኤሪሶ።

26 ኢዛ ቦላ ሞኪዳ ኢሰኬዚ ቦላ ኢሰኬን ላሜቶንታ ኣጊኮኔ ማዲንላዚ ዲጌ ኣሾን ጌሎንታ ኣጊዲ ሾሎቲ ሾሎቲ ቢኮ ቁሴዚ ሎኤላ ቤኢዲ ላቸን ጋላሰ ጋካናሰ ካሬ ኢዛ ቦላ ጎርዲ ዎሎ።

27 ቃሴካ ላቸንላ ጋላሰ ፓጪ ጸሎ፤ ኢዚ ካሴፔ ኣኪ ኣኪ ቢኮ ሃሲ ኢታ ጋልባ ሃርጌ፤ ሃሳ ጊሻሰ ሃሳዴይ ቱና ጊዲዳይሳ ቁሴዚ ኢዛ ኤሪሶ።

28 ማዲንላይ ዲዛሶይ ቃሴ ካሴፔ ኣይኮካ ኣኮንታ ኣጊኮኔ ፓጺ ፓጺ ቢኮ ኢዚ ታማይ ሚዳሶ ኣቲን ሃራ

ገዳና፤ ሃሳ ገሻሽ ሃሳዳይ ዋጋ ማላ ገሽ ገዲዳይሳ ቁሴይ ኢዛ ኤሪሶ።

29 «አዳ ገዲን ማጫሰ ገዲን ሁኔ ቦላ ዋይኮ ሻጋላ ቦላ ማዲንላ ዲኮ።

30 ቁሴዚ ሃ ማዲንላ ገጪ ዴሊሽን ማዲንላይ ዲጌ አሾን ጌሊኮ ኢዛ ቦላ ዲዛ ኢሰኬይ ጋላልኦ ማላ ገዲዲ ለኢ ቤሲኮ ሃሲ ሁኔ ዋይኮ ቡቻ ቃጪሲ ጎኢሲዛ ዳር ኢታ ጋልባ ሃርጌ ገዲዳ ገሻሽ ሃሳዳይ ቱና ገዲዳይሳ ቁሴዚ ኢዛ ኤሪሶ።

31 ቃሴካ ቁሴይ ገጪ ዴሊሽን ማዲንላይ ሃንኮ ኢዛ አቻን ዲዛ ጋልባፊ ዲኮ ኦላቲ ቤሶንታ አገኮ፤ ኢዛ ቦላ ዲዛ ኢሰኬይ ሎኦ ገዲንታ አገኮ ሃሳዳ ላፑን ጋላሰ ጋካናሰ ካሪ ጎርዲዲ ኬላን ዋላ።

32 ላፑንላ ጋላሰ ቃሴካ ቁሴዚ ኢዛዳ ገጪ ዴሊሽን ካሴፔ አኪ አኪ ቦንታ አገኮ ቆሩማ ሚሳቲዛ ኢሰኬይካ ባይካ አገኮኔ ማዲንላዚ ዲጌ አሾን ጌሊኮንታ አገኮ።

33 ሃሳዳይ ማዲንላ ዩዩ አጂ ዲዛ ኢሰኬዛ ኡባ ማዳቶ፤ ቁሴይካ ኢዛ ቃሴካ ላፑን ጋላሰ ጋካናሰ ካሪይ ኢዛ ቦላ ጎርዲቲን ጋምኦና ማላ ኦላ።

34 ላፑንላ ጋላሰ ቁሴዚ ቃሴካ ሃ ማዲንላ ገጪ ዴሊሽን ማዲንላይ ካሴፔ አኪ አኪ ቦንታ አገኮኔ አሾ ሚ ኦላሶንታ አገኮ ሃሳዳይ ዲዛ ዋጋ ማላ ገዲዳይሳ ኢዛ ኤሪሶ፤ ኢዛዳይካ ባ ማይኦ ማጪዲ ገሽ ገዲ።

35 ገዲ ኣቲን ኢዚ ገሽ ገዲዳይሳ ቆንጪሲዳፔ ጉዬ ማዲንላይ ካሴፔ አኪ አኪ ቢኮ።

36 ቁሴዚ ቃሴካ ገጪ ዴሊሽን ማዲንላይ አዳካ ካሴፔ አኪዳ ገዲኮ ኢሰኬይ ቆሩሚኮ ዋይኮ ቆሩሞንታ አገኮካ ኢዛዳይ ቱና።

37 ገዲ ኣቲን ቁሴዚ ቤዩሽን ማዲንላይ ካሴፔ አኪ አኪ ቦንታ አገኮኔ ሎኦ ኢሰኬይ ሞኪኮ ማዲንላይ ገዲዳይሳኔ ኢዛዳይ ጌዩዳይሳ ቁሴዚ ኢዛ ኤሪሶ።

38 «ማጫሰ ገዲን ዋይኮ አዳ ገዲን ኢሳዳ ቦላ ኢሊዋይ ኬዚኮ።

39 ቁሴዚ ሃ ኢሊዋይ ዲዛዳዛ ገጪ ዴሊሽን ማዲንላይ ዲዛሶይ ጮ ሚላ ፑቃ ቦላ ገዲንታ አገኮ ኢዛ ዳር ቆሆንታ ጮ ሚላ ቦላራ ጋልባ ቦላ ኬዚዳ ሸምፔ ገዲዳ ገሻሽ ሃሳዳይ ዲዛ ዋጋ ማላ ኢዚ ገሻ።

40-41 «ኢሳዳሰ ሁኔ ኢሰኬይ ጉዬ ባጋራ ዋይኮ ሲንላ ባጋራ ቦኣቲኮ ሃሳዳ ቦኣይ ኢዛ ቱኪሴና።

42 ገዲ ኣቲን ኢዛ ቦኣ ቦላ ዋይኮ ሊጴ ቦላ ዞኢ ቤሲዛ ቦላ ማዲንላ ቤቲኮ ሃሲ ኢታ ሃራ ኣሳ ቦላ ኣጂዛ ጋልባ ሃርጌ።

43 ቁሴዚ ሃሳዳ ገጪ ዴሊሽን ሃሲ ሃራ ኣሳ ቦላ ኣጂዛ ጋልባ ሃርጌ ሚሳቲዲ ዞኢ ቤሲዛ ቦላ ማዲንላ ገዲኮ።

44 ሃሳዳይ ሃራ ኣሳ ቦላ ኣጂዛ ኢታ ሃርጌን ኦይኬቲዳ ገሻሽ ኢዛዳይ ቱና ገዲዳይሳ ቁሴዚ ኢዛዳ ኤሪሶ።

45 ሃሳ ማላ ሃርጌይ ኢዛ ቦላ ዲዛዳይ ዳኬላ ማይኦ ማይኦ፤ ባ ሁኔካ ፒጸፖ፤ ባ ደና ካሚዲ፣ ታኒ ቱናኮ! ታኒ ቱናኮ!» ገሽ ዋሶ።

46 ሃ ሃርጌዚ ኢዛ ቦላ ዲዛ ዋዴ ኡባን ኢዚ ቱና፤ ሃሳ ገሻሽ ኢዚ ኣሲ ዲዛሶፔ ጌዴ ሃራሶ ሃኪዲ ባርካ ዴኦ።

ኣሳ ቦላ ሃርጌ ጋሊዛ ቡቃ

47-48 «ኣሳ ቦላ ሃርጌ ጋሊዛ ቡቃይ ደርሳ ኢሰኬፊ ኦሴቲዳ ማይኦ ቦላ ዋይኮ ኣይ ቆሞ ማይኦ ቦላካ ሃርጌን ዳዴቲዳ ማይኦ ቦላ ዋይኮ ኩሽን ኦሴቲዳ ጋልባ ማይኦ ዋይኮ ጋልባፊ ኦሴቲዳ ማይኦ ቦላ ቤቲኮ።

49 ሃ ሃርጌዛሰ ማላይ ማታ ማላ ጨሊሊ ቤሲኮ ዋይኮ ዞኢ ቤሲኮ ሃሲ ኢሳፊ ኢሳን ኣጂዛ ሃርጌ ገዲዳ ገሻሽ ቁሴዚ ኢዛ ቤዮ።

50 ቁሴዚ ሃ ሃርጌዛ ሎኤላ ዴሊዲ ሃ ማይኦታ ኡባካ ላፑን ጋላሰ ጋካናሰ ኢሲ ኬላን ጌልላ ዲማ ዋላ።

51 ላፑንላ ጋላሰ ቃሴካ ገጪ ዴሊሽን ኣሳ ቦላ ሃርጌ ጋሊዛ ቡቃዚ ካሴይሳፊ ዳሪ ቤቲኮ ሃሳ ማላ ማይኦዚ ቱና።

52 ሃሳ ማላ ማይኦ ቡቃይ ኣሳ ቦላ ሃርጌ ጋሊዛ ገሻሽ ቁሴዚ ሽሽዲ ሃ ቡቃ ማይኦታ ታማን ጸን።

53-54 «ቁሴዚ ዛሪ ገጪ ዴሊሽን ቡቃዚ ካሴፔ ሃ ዳርንታ አገኮ ማይኦዚ ሃላን ማጫና ማላ ኣዛዞ፤ ሃ ማጫቲዳ ማይኦዚ ላፑን ጋላሰ ጋካናሰ ሻኪ ዋላ።

55 ሃሳፊ ቃሴካ ዴሊሽን ካሴፔ ቡቃይ ጉጃቶንታ አገኮኔ ቡቃዚ ማዳይ ካሴፔ ላማቶንታ አገኮ ሃኢካ ኢዚ ቱና፤ ካሴይሳ ቦላ ገደራ፣ ካሪራ ቡቃዚ ጉጃቲኮ ሃ ማይኦዚ ታማን ጸጌቶ።

56 ገደ ኣቲን ማይኦዚ ማጪ ሲሚዳፔ ቁሴዚ ቃሴካ ዛሪ ቤኢዛ ዋዴ ቡቃዚ ካሴፔ ዲጌ ጉጲኮ ቡቃዚ ዲዛሶዮ ጸላ ኢታ ማይኦፊ ገዲን ዋይኮ ኣፋላ ገዲን ዳኪ ኬሶ።

57 ቡቃዚ ቃሴካ ቤቲኮ ሃሲ ጌዴ ዳሪ ዳሪ ቢዛ ገሻሽ ሃ ማይኦዚ ጸጌቶ።

58 ኣይ ማይኦኔ ጋልባፊ ኦሴቲዳ ኣይ ሚሽ ማጪሽን ቡቃዚ ኢዛፔ ጳይኮ ቃሴካ ማጫ፤ ሃሳፊ ጉዬ ዋጋይ ገዛ ማላ ማይኦዚ ገሽ ገዲና።»

59 ሃይሲ ደርሳ ኢሰኬፊ ኦሴቲዳ ማይኦ ቦላ ዋይኮ ኣይ ቆሞ ማይኦ ቦላ ዋይኮ ሃርጌን ዳዴቲዳ ዋይኮ ኩሽን ኦሴቲዳ ማይኦ ቦላ፣ ጋልባ ዋይኮ ጋልባፊ ኦሴቲዳ ማይኦ ቦላ ኣሳ ቦላ ሃርጌ ጋሊዛ ቡቃይ ቤቲኮ ሃ ማይኦዚ ገሽ ዋይኮ ቱና ገዲዳይሳ ኤሪሰዚ ዋጋይ ሃይሳፊ ቦላን ዲዛይሳ።

14

ጋልባ ቦላ ኬዚዛ ኢታ ሃርጌፊ ጌይዛ ዋጋ

1 ጎዳይ ሙሴሰ ሂዝጊዳሰ።

2 «ኢሳዳይ ኣሳቲላ ቦላ ዲዛ ኢታ ጋልባ ሃርጌፊ ገዲዳፔ ጉዬ ገሽ ዋጋይ ሃይሳፊ ካሊዛይሳ፤ ኢዚ ገሽ ገዲዳይሳ ኢዛዳሰ ዮቲቲዛ ጋላሰ ሃሳዳይ ቁሴኮ ባና ማላ ኢዛሰ ዮቲቶ።

3 ሃ ኢዛሰ ዮቲቲዳ ቁሴዚ ኣሲ ዲዛሶፔ ጌዴ ሃራሶ ኬሲዲ ባኮ ዩዳይሳ ሎኤላ ዴሊዲ ኢዛዳይ ሃርጌዛፔ ገዲዳ ገዲኮ።

4 ቁሴዚ ገጸ ዲዛ ናምኡ ገሻ ካፎታኔ ዚጋ ሚላ፣ ዞኦ ጸላታ፣ ሃሶጴ ሚላ ሃይላ ጉጂ ኤኪ ያና ማላ ኣዛዞ።

5 ሃሳፊ ጉዬ ቁሴዚ ካፎታፔ ኢሳ ፑልቶ ሃላ ኢዛን ዲዛ ጉቃ ኬሬ ቦላ ሹኬታና ማላ ኣዛዞ።

6 ሃንኮ ፓጻ ዲዛ ካፎዛ ኤፊዲ ዚጋ ሚላራ፡ ዙኑ ጸላታራኔ ሂሶጾ ሚላ ሰንጮራ ኢሲፊ ጋሊ ካሴ ሹኬቲዳ ካፎዛ ሱላን ጌልሊ ኬሶ።

7 ሱላካ አሳቲላ ሰላ ዲዛ ጋልባ ሃርጌፊ ፓጸዛዳ ሰላ ላፑንቶ ወጸ፤ ሂሳፊ ጉዬ ኢዚ ጌሽ ጊዲዳይሳ ኢዛ ኤሪሶ፤ ሃንኮ ፓጻ ዲዛ ካፎዛካ ጌዳ ሃራሶ ኬሲዲ ዳምባን ፒራጳና ማላ ዩዶ።

8 «ኢታ ጋልባ ሃርጌፊ ፓጸዳዳይ ባ ማይኦ ማጮ፤ ባ ሰላ ዲዛ ኢሰኬ ኡባ ማይቶ፤ ባ ሰላካ ማጮቶ፤ ማይ ጊዛ ማላ ኢዚ ጌሽ ጊዳና፤ ሂሳፊ ጉዬ አሲ ዲዛሰ ጌላናሰ ዳንዳዬሰ፤ ጊዶ ኣቲን ላፑን ጋላሰ ጋካሰን ኢዚ ባ ዲንካናፕ ካሬን ዳኦ።

9 ላፑንጻ ጋላሰ ቃሴካ ባ ሁኤ፡ ባ ቡቲን ባ ዳም፡ ሃራ ኣዋንካ ባ አሳቲላ ሰላ ዲዛ ኢሰኬ ኡባ ማይቶ፤ ባ ማይኦ ሃላን ማጮ፤ ባ ሰላካ ማጮቶ፤ ሂሳፊ ጉዬ ኢዚ ጌሽ ጊዳና።

10 «ኦሰፑንጻ ጋላሰ ኢሲ ዋሶይካ ኢሰታ ሰላ ባይንዳ ናምኡ ዶርሳ ላቃታኔ ኢሲ ላይላ ኡዞ ኤሆ፤ ካላ ያርሾ ጊሻሰ ማይ ሚላ ዛይቲን ሙኑቄቲዳ ሃቹ ኪሎ ጳሌኔ ኢሲ ሊቲሮ ዛይቲሰ ሃቹንጻ ኩሼ ማይ ሚላ ዛይቲ ኤሆ።

11 ቄሴዚካ ኣዳዚ ኢዚ ኤሂዳ ኡባራ ኢሲ ሰላ ጋይቶቲላ ዲንካኔዛ ፔንጌን ጎዳ ሲንሳ ሺሾ።

12 «ሃሳፊ ጉዬ ናምኡ ቄሪ ጳርሾታፕ ኢሳ ኤኪዲ ኢሲ ሊቲሮሰ ሃቹንጻ ኩሼ ጊዲዛ ማይ ሚላ ዛይቲ ኢሲፊ ጋሊ ኤኪዲ ቆሆ ጊሻሰ ሸቂዛ ያርሾ ሂሰቲ ሺሾ፤ ቄሴዚ ሂ ያርሾዛካ ያኔ ሃ ቃሴሊዛ ያርሾ ሂሰቲ ጎዳ ሲንጻን ቃሴሊ ሺሾ።

13 ላቃዛካ ናጋራ ያርሾሲኔ ጸጌቲዛ ያርሾሰ ሹኪዛ ጌሻሶሆን ሹኩ፤ ጋሶይካ ቆሆ ጊሻሰ ያርሾይ ናጋራ ወርሳናሰ ሸቂዛ ያርሾ ማላ ቄሴዛሰ ጊሻ ጊዳና፤ ኢዚካ ኬሂ ዲማ።

14 ቄሴዚ ቆሆ ያርሾሰ ሸቂዛ ሱላፊ ጉላራ ኤኪዲ ሂ ጌይዛዳሰ ኡሻቻ ሃይላ ጸራ ኢዛሰ ኡሻቻ ኩሼ ማንጻ ቢራጼኔ ኡሻቻ ቶሆ ማንጻ ቢራጼ ቲዮ።

15 ቄሴዚ ማይ ሚላ ዛይቲዛፕ ጉላራ ኤኪዲ ባ ሃዲርሳ ኩሼ ቃኣን ቲጎ።

16 ባ ኡሻቻ ኩሼ ጸራን ጉላራ ኤኪዲ ጸሳ ሲንጻን ላፑንቶ ወጸ።

17 ባ ኩሼ ቃኣን ኣቲዳ ዛይቲዛፕ ጉላራ ኤኪዲ ጌይዛዳሰ ኡሻቻ ሃይላ ጸራ፡ ኡሻቻ ኩሼ ማንጻ ቢራጼኔ ኡሻቻ ቶሆ ማንጻ ቢራጼ ቲዮ።

18 ባ ኩሼ ቃኣን ኣቲዳ ዛይቲዛካ ጌይዛዳ ሁኤን ጉሶ፤ ቄሴይ ኢዛዳ ናጋራ ጌሾ።

19 «ሃሳፊ ጉዬ ቄሴዚ ባ ቱናቲላፊ ጌይዛዳ ናጋራ ወርሳናሰ ሸቂዳ ማሂ ሹኩ።

20 ቃሴካ ቄሴዚ ሂ ጸጌቲዛ ያርሾዛ ካላ ያርሾዛራ ኢሲፊ ያርሾ ያርሾዛሰዛ ሰላ ዋሊዲ ጸሳ፤ ሃሳ ማላ ኦሶን ኢዛዳ ናጋራፕ ማሪሴሰ፤ ኢዛዳይካ ጌሽ ጊዳሰ።

21 «ኢዛዳይ ሃሳ ኡባ ኤሃናሰ ዳንዳዮንታ ማንቆ ጊዲኮ ጎዳ ሲንጻን ያኔ ሃ ቃሴሊዲ ባ ናጋራ ወርሳናሰ ኢሲ ጳርሾ ላቃ ኤሂዲ ቆሆ ያርሾ ጊሻሰ ሺሾ፤ ቃሴ ካላ ያርሾዛሰካ ማይ ሚላ ዛይቲን ሙኑቄቲዳ ኢሲ ኪሎ ሊቆ ጳሌ ካላ ያርሾሰ ኤሆ፤ ሃሳካ ኢሲ ሊቲሮሰ ሃቹንጻ ኩሼ ጊዲዛ ዛይቲ ኤሆ።

22 ቃሴካ ኢዛ ዋልቃይ ዳንዳይዳ ማላ ናምኡ ሃራጾታ ዋይኮ ናምኡ ዋናሴታፕ ኢሳ ናጋራ ጊሻሰ ያርሾሰ፤ ናምኣንጻዛ ቃሴ ጸጌቲዛ ያርሾሰ ኤሆ።

23 «ጌሾ ማይ ጊሻሰ ጌቂዛ ኦሰፑንጻ ጋላሰ ሂይታ ኡባ ኤሂዲ ጋይቶቲላ ዲንካኔ ፔንጌን ጎዳ ሲንጻን ቄሴሰ ኢሆ።

24 ቄሴዚካ ቆሆ ያርሾሰ ሸቂዛ ዶርሳ ላቃኔ ማይ ሚላ ዛይቲዛ ኤኪዲ ያኔ ሃ ቃሴሊዛ ያርሾ ኦሊ ጎዳ ሲንጻን ያርሾ።

25 ቆሆ ጊሻሰ ሸቂዛ ያርሾሰ ሸቂዳ ዶርሳ ላቃ ሹኩ፤ ሱላፊ ጉላራ ኤኪዲ ጌይዛዳሰ ኡሻቻ ኩሼ ማንጻ ቢራጼ፡ ኡሻቻ ቶሆ ማንጻ ቢራጼ ኡሻቻ ሃይላ ጸራ ቲዮ።

26 ቄሴዚ ዛይቲዛፕ ጉላራ ባ ሃዲርሳ ኩሼ ቃኣን ቲጎ።

27 ባ ኡሻቻ ኩሼ ቢራጼን ጉላራ ቦቲዲ ጸሳ ሲንጻን ላፑንቶ ወጸ።

28 ባ ኩሼ ቃኣን ቲጊዳ ዛይቲፕ ጉላራ ኤኪዲ ቆሆ ያርሾ ሱላን ቦቲዳሶን ሃሲካ ጌይዛዳሰ ኡሻቻ ሃይላ ጸራ፡ ኡሻቻ ኩሼ ማንጻ ቢራጼ ጸራ፡ ኡሻቻ ቶሆ ማንጻ ቢራጼ ጸራ ቦሺሶ።

29 ቄሴዚ ባ ኩሼን ኣቲዳ ዛይቲዛ ኣዳዛ ሁኤን ጉሶ፤ ሃሳዳ ኦሊዲ ጌሾ ማይ ጊሻሰ ሲንጻን ፖሎ።

30 ሃሳፊ ጉዬ ሃራጾታ ዋይኮ ዋናሴታ ጌይዛዳ ዋልቃይ ጋሊዳ ኬና ቄሴዚ ያርሾ።

31 ሃይታንታፊ ኢሳ ናጋራሰ ሸቂዛ ያርሾሰ ናምኣንጻዛ ቃሴ ጸጌቲዛ ያርሾሰ ካላ ያርሾራ ጋሊ ሺሾ፤ ቄሴዚ ኡባካ ሃይላ ማላን ጌይዛዳ ናጋራፕ ጌሾ።

32 ኣሳፕ ጌዳ ሃራ ኣሳን ኣጳዛ ኢታ ጋልባ ሃርጌፊ ጌያናሰ ኮሺዛ ማይ ፖላናሰ ዳንዳዮንታ ማንቆ ኣሳሰ ዲዛ ማይ ሃይላ» ጊዳሰ።

ቡቃይ ቤቲዳ ኬላ ጌሾ ማይ

33 ጎዳይ ሙሴሲኔ ኣርኔሰ ሂዘጊዳሰ፡

34 «ታኒ ኢንቲሰ ኢሚዛ ካናኔ ቢታ ኢንቲ ጌሊዛ ዋዳ ኢሲ ኬላን ታኒ ቡቃ ዩጊኮ፡

35 ሂ ኬላዳይ ቢዲ ቄሴዛ፡ «ታሶን ኣይ ኢታ ሃርጌይ ዲዛኮ» ጊዲ ዮቶ።

36 ሶን ዲዛ ሚሽ ኡባይ ቱና ጌቲቶንታ ማላ ቄሴዚ ሂ ኢታ ሃርጋ ቤያናሰ ጌላናፕ ካሴቲዲ ሶን ዲዛ ሚሽ ኡባ ካሬ ኬሳና ማላ ኣዛዘ፤ ሃሳፊ ጉዬ ቄሴዚ ጸላናሰ ኬላ ጊዶ ጌሎ።

37 ሃርጌዛ ሎኤሊ ፓጪ ጸሊዛ ዋዳ ኬላ ሉኪ ሉኪ ሚዛ ሃርጌዛሰ ሚጳይ ማታ ማላ ጨሊላ ዋይኮ ዙኦ ዋይኮ ፑንጫርካ ሚሳቲ ቤቲኮ፡

38 ቄሴዚ ሂ ኬላፊ ኬዚዲ ኬላይ ላፑን ጋላሰ ጋካናሰ ጎርዳታና ማላ ኦሶ።

39 ቄሴዚ ላፑንጻ ጋላሰ ሲሚዲ ቃሴካ ጸሎ፤ ሃርጌዚ ካሴፕ ጌዳ ዳሪ ዳሪ ቢኮ፡

40 ሃርጌይ ኢሰታ ሰላ ቤቲዳ ሹቻቲ ኬላፊ ዋጮቲ ኬዚዲ ካታማፕ ጌዳ ካሬን ዲዛ ቱና ሚሽ ዩጌቲዛሰን ዩጌታና ማላ ኣዛዘ።

41 ሃሳፊ ጉዬ ኬላሰ ሶ ባጋ ጊሪዲ ሂ ጊሪላዛ ካታማፕ ካሬ ባጋራ ቱና ሚሽ ዩጊዛሰን ዩጋና ማላ ኣዛዘ።

42 ሃሳፊ ጉዬ ካሴ ሹቻታ ሶሆን ሃራ ኦራላ ሹቹ ጌሊን ሂ ኬላን ሃራ ኦራላ ኡርቃይ ሚሹቶ።

43 «ሹቻተ ዲጌትን ቃሴካ ኡርቃካ ቆቆዕዲ ሃራ ኡርቃን ማሽ ኦራሊዳፕ ጉዬ ሃ ሃርጌዛ ማላታይ ቃሴካ ሲሚ ቤተኮ።

44 ቁሴዚ ሲሚ ቢዲ ቤዮ፤ ሃርጌዚ ካሴፕ ጌዴ እኪ እኪ ቢዛ ማላ ጌዲኮ ሃ ሃርጌይ ኢሳፊ ኢሳን አጂዛ ኢታ ሃርጌ ጌዲዳ ገሻሰ ሃ ኬላይ ቱና።

45 ሃሳ ገሻሰ ሃ ኬላይ ላሌታናሰ ቤሴሰ፤ ሃ ኬላ ሹቻይ፡ ማላይኔ ማሽ፡ ኡርቃይ ወሪካ ካታማፕ ጌዴ ካሬ ቱና ማሽ ዩጌተዛሶን ዩጌቶ።

46 ጎርዴቲዳፕ ጉዬ ሃ ኬላን ጌሊዳ አሲ ወሪካ አማርሰ ጋካናሰ ቱና ጌዴሰ።

47 ሃ ኬላን ኢቸዳዴይ ዋይኮ ካላ ሚዳዴይ ባ ማይኦ ማጮ።

48 «ኬላይ ቃሴካ ኦራዲዲ ማሽቲዳፕ ጉዬ ቁሴዚ ዩዲ ዴሊሽን ሃርጌዚ ካሴፕ እኪ እኪ ቦንታ አገኮ፡ ሃርጌዛ ማላታይ ዳይዳ ገሻሰ፡ ሃ ኬላይ ጌሽ ጌዲዳ ገሻሰ ቁሴዚ ኬላ አዋ ኤሪሶ።

49 ሃ ኬላ ጌሻናሰ ናምኡ ካፎ፡ ለባኖሴ ዚጋ፡ ዘኦ ጸላታኔ ሂሶጴ ጌቲቲዛ ሚላ ሃይላ ኤሆ።

50 ካፎታፕ ኢሳ ፑልቶ ሃሊ ኢዛን ዲዛ ጉቃ ኬሬን ሹኮ፤

51 ሃሳፊ ጉዬ ዚጋ ሚላ፡ ሂሶጴ ሚላ ሃይላ፡ ዘኦ ጸላታኔ ፓጻ ዲዛ ካፎዛ ኢሲፊ ጋሊ ኤኪዲ ጉቃ ኬሬን ዲዛ ፑልቶ ሃላኒኔ ሃንኮ ሹኬቲዳ ካፎዛ ሱላን ጌልሊ ኬሲዲ ኬላዛ ላፑንቶ አራጮ።

52 ቁሴዚ ሃሳላ ሂሶቲዲ ሃ ኬላ ካፎዛ ሱላን፡ ፑልቶ ሃላን፡ ፓጻ ዲዛ ካፎን፡ ዚጋ ሚላን፡ ሂሶጴ ሚላ ሃይላኒኔ ዘኦ ጸላታን ጌሹ።

53 ሃሳፊ ጉዬ ፓጻ ዲዛ ካፎዛ ኢዚ ፒራጂ ባና ማላ ጌዴ ዴምባ ኬሲ ዩዳ፤ ሃሳላ ኦሊዲ ኬላ ጌሺዛ ዋጋ ፖሊኮ ኬላይካ ጌሽ ጌዴሰ።»

54 ሃይሲ ሃ ዋጋዚ ኢሳፊ ኢሳን አጂዛ ጋልባ ቦላ ኬዚዛ እይ ሃርጌሰ፡ ቃቻ ሃርጌሰ፡

55 ማይኦ ቦላኔ ኬላ ቦላ ኢሳፊ ኢሳን አጂ አጂ ዩዛ ሃርጌሰ፡

56 ኪጻ ሃርጌሰ፡ ባጂንቴሴኔ ኢሊዋ ሃርጌሰ፡

57 ሃይሲ እይ ማሽካ ቱና ዋይኮ ጌሽ ጌዲዳይሳ ሻኪ ኤሪሳናሴኔ ኢሳፊ ኢሳን አጂዛ ኢታ ሃርጌ ዋይኮ ቡቃ ጌሻናሰ ዲዛ ዋጋ።

15

አሳፕ ጎጊ ኬዚዲ አሰ ቱኒሲዛ ማሽ

1 ጎዳይ ሙሴሴኔ አርኔሰ ሂዘጊዴሰ፡

2 «እይ አሳሰካ ኢዛዴ አሳቲላፊ ጎጊዛ ማሽ ዲኮ ሃሳዴይ ቱና ጋዳ ኢሰራኤሌ አሳሰ ዮታ።

3 አሳቲላፊ ጎጊ ኬዚዛይሲ አጎንታ ኢጲኮ ዋይኮ ጎጌላ አገኮካ ሃሳዴይ ቱና።

4 «ሃሳዴይ ኢዛ ቦላ ኢቸዳ ሃላ፡ ኡቲዳ እይ ማሽካ ቱና ጌዴሰ።

5 ሂጻዛ ቦቸዳ እይ አሲካ ባ ማይኦኔ ባ ቦላ ሃላን ማጮ፤ ጌዲኮካ ሃሳዴይ አማርሰ ጋካናሰ ቱና ጌዴ።

6 አሳቲላፊ ቱኒሲዛ ማሽ ጎጊ ኬዚዛ አሲ ኡቲዳሶሆን ኡቲዳ እይ አሲካ ባ ማይኦኔ ባ ቦላ ሃላን ማጮ፤ ጌዲኮካ ሃሳዴይ አማርሰ ጋካናሰ ቱና ጌዴ።

7 «አሳቲላፊ ቱኒሲዛ ማሽ ጎጊ ኬዚዛ አሲ ቦቸዳይ እይ አሲካ ባ ማይኦኔ ባ ቦላ ሃላን ማጮ፤ ጌዲኮካ አማርሰ ጋካናሰ ቱና ጌዴ።

8 «አሳቲላፊ ቱኒሲዛ ማሽ ጎጊ ኬዚዛ አሲ ሃንኮ ፓጻ ዲዛ አሳ ቦላ ጩቶ ጩቲኮ ሃ ጩቻይ ኢዛ ቦቸዳ አሲ ባ ማይኦኔ ባ ቦላ ሃላን ማጮ፤ ጌዲኮካ ሃሳዴይ አማርሰ ጋካናሰ ቱና ጌዴ።

9 «አሳቲላፊ ቱኒሲዛ ማሽ ጎጊ ኬዚዛ አሲ ኡቲዳ ኮራ ኡባይ ቱና፤

10 ሃሳዴይ ኢዛ ቦላ ኡቲዳ ማሽ ቦቸዳ አሲ ኡባይ አማርሰ ጋካናሰ ቱና፤ ጌዴ አቲን ሃ ቱኒዳ አሲ ማሻታፕ ኢሳ ዴንሊዳ እይ አሲካ ባ ማይኦኔ ባ ቦላ ማጮ፤ ጌዲኮካ ኢዚ አማርሰ ጋካናሰ ቱና ጌዴ።

11 «አሳቲላፊ ቱኒሲዛ ማሽ ጎጊ ኬዚዛ አሲ ባ ኩሹ ማጮቶንታ ዲሹ ሃራ ቦቸኮ ሃ ቦቸቲዳዴይ ባ ማይኦኔ ባ ቦላ ሃላን ማጮ፤ ጌዲኮካ አማርሰ ጋካናሰ ቱና ጌዴ።

12 አሳቲላፊ ቱኒሲዛ ማሽ ጎጊ ኬዚዛ አሲ ቦቸዳ ማና ማሽ ማቆ፤ ሚላፊ ኦሴቲዳ ማሽ ወሪካ ሃላን ማጮቶ።

13 «አሳቲላፊ ቱኒሲዛ ማሽ ጎጊ ኬዚዛ አሲ ሃ ሃርጌዛፕ ፓጻኮ ካሴ ዲዛ ማላ ባ ፓጻዳይሳ ኤሪሳናሰ ላፑን ጋላሰ ጋካናሰ ጋምኢሹ፤ ሃሳፊ ጉዬ ባ ማይኦ ማጮ፤ ቃሴካ ባ ቦላ ጲሎ ጌዲዳ ፑልቶ ሃላን ማጮቶ፤ ሂሶቲዲ ጌሽ ጌዴ።

14 ኦሰፑንጎ ጋላሰ ናምኡ ሃራጴታ ዋይኮ ናምኡ ሃራጴ ጨዋታ ጋይቶቲላ ዴንካኔ ፔንጌ ኤፊዲ ጎዳ ሲንላን ቁሴዛሰ አሞ።

15 ቁሴዚካ ሃራጴታ ኤኪዲ ኢሳ ናጋራ ወርሶሰ ያርሾ፡ ሃንኮይሳ ቃሴ ጸጌቲዛ ያርሾ ሂሶቲ ያርሾ፤ ሃሳላ ሂሶቲዲ ቁሴዚ ሃሳዴ ጎጊ ኬዚዛ ማሻሰ ጌይዛ ዋጋ ጎዳ ሲንላን ፖሎ።

16 «እይ አሲካ ኢዛ አቲማቲላፊ ዜሬሊ ጉኪኮ ኢዚ ባ ቦላ ማጮቶ፤ ጌዲኮካ አማርሰ ጋካናሰ ቱና ጌዴ።

17 ዜሬላይ ኢዛ ቦላ ጉኪዳ እይ ማይኦ ጌዲን ዋይኮ ጋልባ ጌዲኮ ሃላን ማጮቶ፤ ጌዲኮካ አማርሰ ጋካናሰ ቱና ጌዴ።

18 እዳይ ማጮሳራ ዚንኢ ዴንዲዳፕ ጉዬ ናምኢይካ ባንታ ቦላ ሃላን ማጮቶ፤ ጌዲኮካ አማርሰ ጋካናሰ ቱና ጌዴቶ።

19 «ማጮሳሰ አገናን አገናን ዩዛ ዋጋይ ቤቲኮ ላፑን ጋላሰ ጋካናሰ ኢዛ ቱና ጌዴ፤ ኢዛ ቦቸዛ እይ አሲካ አማርሰ ጋካናሰ ቱና ጌዴ።

20 ማጮሳሰ አገናን አገናን ዲዛ ዋጋይ ዩዛ ዋይ ኢዛ ኡቲዛሶይኔ ኢቸዳሶይ ኡባይ ቱና ጌዴ።

21 ኢዛ ኢቸዳ ሂጻ ቦቸዳ እይ አሲካ ባ ማይኦኔ ባ ቦላ ማጮ፤ ጌዲኮካ አማርሰ ጋካናሰ ቱና ጌዴ፤

22 ኢዛ ኡቲዳ እይ ማሽካ ቦቸዳዴይ ባ ማይኦኔ ባ ቦላ ማጮ፤ ጌዲኮካ አማርሰ ጋካናሰ ቱና ጌዴ።

23 ኢዛ ኢቸዳሶ ዋይኮ ኡቲዳሶ ማሽ ቦቸዳ እይ አሲካ አማርሰ ጋካናሰ ቱና ጌዴ።

24 አገናን አገናን ቤቲዛ ማጮሳ ዋጋይ ዩዛ ዋይ ኢዚራ ዚንኢዛ እይ እዳይካ ኢዚ ማላ ቱና ጌዲዛ ገሻሰ ላፑን ጋላሰ ጋካናሰ ቱና ጌዴ፤ ኢዚ ኢቸዛ ሂጻይ ቱና ጌዴሰ።

25 ኢሲ ማጮሳሰ አገናን አገናን ቤቲዛ ማጮሳ ዋጋይ ጉኪዛ ዋይፕ ዳር ጋላሰ ጉኪኮ ዋይኮ አገናን አገናን ቤቲዛ ዋይዛፕ ቦላራ አጎንታ ሱላ ጉኪኮ ሃ ሱላይ ኤቃና ጋካናሰ ኢዛ ቱና ጌዴወሰ።

26 ሃ ዎዴ ኢዛ ኢቺዳ ሂጸ ጊዲን ዎይኮ ኢዛ ኢዛ ቦላ ኡቲዳ ሚሺ ኣገናን ኣገናን ቤቲዛ ማጫሳ ዎጋይ ዲዛ ዎዴ ሃሂዛ ማላ ኡባ ዎዴ ቱና።

27 ሃይታ ቦቺዳ ኣይ ኣሲካ ቱኒዳ ገሻሰ ባ ማይኦኔ ባ ቦላ ሚጮ፤ ጊዲኮካ ኦማርሰ ጋካናሰ ቱና ጊድ።

28 «ኢዚፔ ጉኪዛ ሱላይ ኤቁኮ ሄ ሱላይ ኤቆ ጋላሳፌ ቢዲ ላቸን ጋላሰ ጋካናሰ ጋምኣዳ ሄሳፌ ጉዬ ዎጋይ ጊዛ ማላ ጌዩ።

29 ኦሰቸንላ ጋላሰ ናምኡ ሃራጴታ ዎይኮ ናምኡ ዋናሴታ ጋይቶቱላ ዲንካኔ ፔንጌ ኤካ ያዳ ቁሴዛሰ ኢሙ።

30 ቁሴዚካ ኣሳ ናጋራፔ ጌሺዛ ያርሾሰ ናምኣንላዛካ ጸጌቲዛ ያርሾሰ ሺሾ፤ ሂሰቲዲ ሄ ማጫሳዮ ቱናቲላፌ ጌሺዛ ዎጋ ፖሎ።

31 «ሃን ኢሰታ ጊድን ዲዛ ጋይቶቱላ ዲንካኔ ቱኒሲዲ ሃይቆንታ ማላ ኢሰራኤሌ ናይታ ቱኒሲዛ ሚሻፌ ናገቲ።»

32 ቱኒሲዛ ሚሺ ኢዛ ኣሳቲላፌ ጎጊ ኬዚዛዳሴኔ ኢዛ ኣቱማቲላፌ ዜሬላ ጉኪዛዳሰ።

33 ቃሴካ ኣገናን ኣገናን ቤቲዛ ማጫሳ ዎጋይ ቤቲዛ ማጫሳሰ ዎይኮ ኣዴ ጊዲን ማጫ ጊዲን ቱኒሲዛ ሚሺ ኢሰታ ኣሳቲላፌ ጎጊዛ ዎዴ ዎይኮ ጌዮንታ ማጫሳራ ዚንኢዛ ኣቱማሳሰ ዎዲዳ ዎጋይ ሄሳ።

16

ጌሾ ጋላሰ

1 ኣርኔ ኣቱማ ና ናምኣቲ ቤሶንታ ታማ ጎዳ ሲንላ ኤኪ ሸቁዳ ገሻሰ ሃይቁዳ፤ ሄሳፌ ጉዬ ጎዳይ ሙሴሰሰ ሂዘጊዳሰ።

2 «ኔ ኢሻ ኣርኔይ ታቦታ ቦላን ዲዛ ኣቶ ጊዛሶዛ ካሚዛይሳ ሲንላን ማጋላሻፔ ጉዬ ባጋራ ዲዛ ኬሂ ዲማ ጌቲቲዛሶዛ ባ ሸኔ ማላ ኡባ ዎዴ ጌሎንታ ማላ ኢዛሰ ዮታ፤ ኢዚ ኡባ ዎዴ ባ ሸኔን ጌሊዛ ጊዲኮ ሃይቃና፤ ጋሶይካ ታኒ ሻራ ጊዶራ ኣቶ ጊዛሶዛ ካማ ቦላ ቆንጫይሰ።

3 «ኣርኔይ ናጋራፔ ማሬላዛ ያርሾሰ ኢሲ ሚርጎ ቦራኔ ቃሴ ጸጌቲዛ ያርሾሰ ኢሲ ጳርሾ ኤኪዲ ኬሂ ዲማ ጌቲቲዛሶዛ ጌሎ።

4 ኣርኔይ ኬሂ ዲማ ጌቲቲዛሶ ጌላናፔ ካሴ ማይኦቲ ዲማ ጊዲዳ ገሻሰ ባ ቦላ ሚጮቲዲ ቁሴቲላ ማይኦ ማይኦ፤ ሄሲካ ላይናፔ ኦሴቲዳ ቃሚሳኔ ሱሬ ማይኦ፤ ሄሳሶካ ላይናፔ ኦሴቲዳ ቃባቶን ጊጸ፤ ላይናፔ ኦሴቲዳ ጎሴካ ጎዞ።

5 «ኢሰራኤሌ ናይታ ማባራይ ናጋራ ገሻሰ ሺሺዛ ያርሾሰ ናምኡ ዳይሻ ኦርጌኔ ጸጌቲዛ ያርሾሰ ኢሲ ጳርሾ ኣርኔሰ ኤሄቶ።

6 ኣርኔይ ባሲኔ ባሶ ኣሳ ናጋራ ዉርሳናሰ ኢሲ ኮርማ ቦራ ያርሾሰ ሺሾ።

7 ሄሳፌ ጉዬ ሄ ናምኡ ዳይሻ ኦርጌታ ጌዴ ጋይቶቱላ ዲንካኔዛ ፔንጌን ጎዳ ሲንላ ኤፎ።

8 ሂሰቲዲ ሄ ናምኡ ኦርጌታ ቦላ ኢዚ ሳማ ዬጎ፤ ሄይታፔ ኢሶይ፣ ሳዳ) ናምኣንላዛ፣ ሳዛዜሌ)* ጊዛ ማላታይ ዲዛ ሹቻታ ኦርጌታ ቦላ ዬጎ።

9 ጎዳሰ ጊዛ ማላታይ ኢዛ ቦላ ዎዲዳ ዳይሻዛ ናጋራፔ ጌሺዛ ያርሾሰ ሹኮ።

10 ኣዛዜሌሰ ጊዛ ማላታይ ኢዛ ቦላ ዎዲዳ ዳይሻዚ ሹኬቶንታ ፓጸ ጎዳሰ ሺቆ፤ ዳሬዛ ናጋራ ቶኪዲ ዲጌ ባዞ ዬዴቶ።

11 «ኣርኔይካ ኮርማ ቦራዛ ባ ናጋራ ዉርሳናሰኔ ባሶ ኣሳ ናጋራ ዉርሳናሰ ያርሾ ሹኮ።

12 ቃሴ ጎዳ ሲንላን ዲዛ ያርሾ ያርሺዛሶፔ ኤጻኔ ጨዋሲዛ ሚሻ ፊ ስሚላ ቦንቆኔ ለቁ ጋጩቲዳ ናምኡ ዘሌ ሳዋዛ ኤጻኔ ኤኪዲ ማጋላሻ ጊድን ዲዛ ኬሂ ዲማ ጊዲዳ ኪፊሌ ኤሆ።

13 ኤጻኔዛ ሄን ጎዳ ሲንላን ታማን ዬጎ፤ ኢዚ ኢዛ ቤኢዲ ሃይቆንታ ማላ ኤጻኔዛ ጨዋይ ታቦታ ካሚዛይሳ ኡባ ጌንሎ።

14 ኮርማዛ ሱላፌ ጉላራ ኤኪዲ ኢዛን ባ ቢራዴ ጌልላ ጌልላዲ ታቦታ ካማዛ ቦላ ሲንላ ባጋራ ኣራጮ፤ ሄሳሶካ ኢዛፔ ጉላራ ጫቆ ቃላ ታቦታ ሲንላን ላቸንቶ ዉጸ።

15 «ሄሳፌ ጉዬ ሃንኮ ዳሬዛ ናጋራ ገሻሰ ሹኬቲዛ ዳይሻ ሹኮ፤ ኢዛ ሱላ ኬሂ ዲማ ጌቲቲዛ ኪፊሌዛ ጌልላዲ ካሴ ኮርማዛ ሱላ ኦሶይሳሶ ኣቶ ጊዛሶ ታቦታ ካማዛ ቦላኒኔ ኢዛሰ ሲንላ ባጋራ ላቸንቶ ዉጸ።

16 ሄሳሶካ ኦሶዲ ኬሂ ዲማ ጊዲዳ ኪፊሌዛ ኢሰራኤሌ ናይታ ቱናቲላፌ ኢሰታ ናጋራ ኡባፌ ጌሻናሰ ጌሾ ዎጋ ፖሎ፤ ካሴ ኢሰቲ ቱና ሚሽ ኦሶሺን ኢሰታ ጊድን ዲዛ ጋይቶቱላ ዲንካኔዛካ ሄሳሶ ጌሾ።

17 ጌሾ ዎጋ ፖላናሰ ኣርኔይ ኬሂ ዲማ ጌቲቲዛ ኪፊሌዛ ጌሊዲ ባ ናጋራ ገሻሰ፣ ባሶ ኣሳ ናጋራ ገሻሰኔ ኢሰራኤሌ ዳሬ ናጋራ ገሻሰ ያርሾ ሺሺ ማሪሲዲ ኬዛና ጋካናሰ ኣይ ኣሲካ ጋይቶቱላ ዲንካኔዛ ጊድን ደፖ።

18 ሄሳፌ ካሊዲ ኢዚ ጎዳ ሲንላን ያርሾ ያርሺዛሶ ኬዚዲ ጌሾ፤ ኮርማ ሱላፌኔ ዳይሻ ሱላፌ ጉላራ ኤኪዲ ያርሾ ያርሺዛሶዛን ዩዩ ኣጳናሰ ዲዛ ዴሞታ ቲዮ።

19 ቃሴ ኢሰራኤሌ ናይታ ቱናቲላፌ ያርሾ ያርሺዛሶዛ ጌሻናሰኔ ዲማሳናሰ ሱላፌ ጉላራ ኤኪዲ ባ ቢራዴ ጸራን ያርሾ ያርሺዛሶዛ ቦላ ላቸንቶ ዉጸ።

ባዞ ጎዳቲዛ ዳይሻ

20 «ኣርኔይ ኬሂ ዲማ ጌቲቲዛሶ፣ ጋይቶቱላ ዲንካኔኔ ያርሾ ያርሺዛሶዛ ጌሾ ዎጋ ፖሊዳፔ ጉዬ ሹኬቶንታ ኣቲዳ ባቃ ዳይሻ ኤኪዲ ጎዳሰ ሺሾ።

21 ባ ኩሼ ናምኣታ ዳይሻ ሁኤ ቦላ ዎሊዲ ዳሬዛ ናጋራ፣ ኢታቲላኔ ማካላቲላ ኡባ ፓጸ፤ ዳይሻዛ ሁኤ ቦላ ዩሺ ፒቲሼ ዳራ ናጋራ ኢዛ ቦላ ዎላ፤ ሄሳፌ ጉዬ ካሴ ዳይሻዛ ኤፋናሰ ጊጌቲ ኡቲዳዳ ቦላ ዲጌ ባዞ ዬዴቶ።

22 ሄሲካ ዳይሻይ ኣሳ ኡባ ናጋራ ኡባ ቶኪዲ ኣይ ኣሲካ ባይንዳሶ ዲጌ ባዞ ሃሲ ዬዴ።

23 «ኣርኔይካ ጋይቶቱላ ዲንካና ጊድ ጌሎ፤ ጌዴ ኬሂ ዲማ ጌቲቲዛ ኪፊሌዛ ጌላናፔ ካሴቲዲ ኢዚ ካሴ ማይኢዳ ቁሴቲላ ማይኦዛ ሄን ቃሪ ዎላ።

16:2 ኢብ 6:19 16:3 ኢብ 9:7 * 16:8 ኣዛዜሌ፣ ኣዛዜሌ ጊዛይሳሰ ኢብራዌ ቃላራ ቢርሽላ ኤሬቲና፤ ባዞን ዲዛ ጸላኤ ጊድንታ ኣገና ጌቲሰ። † 16:12 ኤጻኔ ጨዋሲዛ ሚሻ፣ ኤጻኔ ጨዋሲዛ ሚሻ ጊዛይሲ ኣማራላ ቃላራ ጸና ጌቲቲሰ። 16:15 ኢብ 9:12 16:23 ሂዚ 44:19

24 ባ ሰላ ሄን ገሻሶሆን ማጠቃለያ ዓ ላሳ ማይኢዛ ማይኢ፤ ሄፔ ከዚዲ ባ ናጋራ ወርሳናሲኔ ዳራ ናጋራ ወርሳናሲ ጸጌቲዛ ያርሾ ሺሾ።

25 ናጋራ ወርሳናሲ ሸቂዳ ማሄዛ ሞጴ ያርሾ ያርሺዛሶዛ ሰላ ጸጎ።

26 «ባዛ ዬዳቲዛ ዳይሻ ዲጌ ባዛ ላጊ ኤፊዳይይ ጉዬ አሳይ ዲዛሶ ሲሚ ጌላናፔ ካሴቲዲ ባ ማይኦ ማጮ፤ ባ ሰላካ ማጮቶ፤ ሄሳፌ ጉዬ አሳይ ዲዛሶ ጌሎ።

27 ናጋራ ገሻሶ ያርሺታና ሸቂዳይታኔ ናጋራ ገሻናሲ ኢሰታ ሱሉ ከሂ ዲማ ከፊሬሌ ጌቲቲዛሶ ጌሊዳ ኮርማዛኔ ዳይሻዛ አሾይ፣ ጋልባዚኔ ቶጮይ አቶንታ አሲ ዲዛሶፔ ጌዴ ሃራሶ ቢዲ ጸጌቶ።

28 ሄሳ ኡባ ጸጊዛዳይ ጸጊዲ አሲ ዲዛሶ ሲሚ ጌላናፔ ካሴቲዲ ባ ማይኦ ሃላን ማጮ፤ ባ ሰላካ ማጮቶ።

ጌሾ ጋላሰ ሰንቻናሰ አሜቲዳ ዎጋ

29 «ሃይሳፌ ካሊዲ አንቴሰ አሜቲዛ ዎጋታ ሃይሳፌ ጉዬ ያና ላይላታን ኡባን ላሚቶንታ ኤቂ ዲዛ ዎጋ ሂሰቲዲ ናጊቲ፤ ላይሳፌ ላፑንላ አጊናይ ጌሊዳ ታማንሶ ጋላሰ ኢሰራኤሌ ዳሬ አሳይኔ ኢሰታ ጋርሳን ዲዛ ሃራ ዳሬ አሳይ ጸማ ጸማናሰ ቤሴሰ፤ ሄ ጋላሰ አይ ኦሶይካ ኦሴቶ።

30 ሄ ጋላሰ አንቴ ናጋራይ ከቻና ማላኔ አንቴ ጌያና ማላ ጌሾ ዎጋይ ፖሌቲዛ ገሻሰ አንቴ ጎዳ ሲንላን አንቴ ናጋራ ኡባፌ ጌዩዳይታ ጊዳና።

31 ሄ ጋላሳይ ጸማ ጋላሲኔ ሸምፖ ሸምፒዛ ሳምባታ ጋላሰ ጊዳ፤ ሄሲካ ማርና ዎጋ ጊዳ፤

32 ባ አዎ ሶሆን ቁሴታ ሃላቃ ጊዳናሰ ቲዬቲዳኔ ሹሜቲዳ ቁሴይ ናጋራ ኡባ ዎጋ ፖላናሰ ባ ቁሴቲላ ማይኢዛ ማይኢዲ ፖሎ።

33 ኢዚካ ከሂ ዲማ ከፊሬሌዛ፣ ያርሾ ያርሺዛሶዛ፣ ጋይቶቲላ ዲንካኔዛ፤ ቁሴታኔ ኢሰራኤሌ አሳ ኡባ ናጋራ ወርሶ።

34 ኢሰራኤሌ አሳ ናጋራ ኡባ ዎጋ አንቴ ላይላን ላይላን ኢሰቶ ፖላና ማላ ሄሲ አንቴሰ ማርናሰ ላሚቶንታ ዎጋ ጊዳ።»

ሄሳሶ ጎዳይ ኢዛ አዛዚዳ ማላ ሙሴይ ኦሊዳ።

17

ሱሉ ኡዬቶንታ ማላ አሜቲዳ ዎጋ

1 ጎዳይ ሙሴሰ ሂዘጊዳ።

2 « ጎዳይ አዛዚዳ አዛዘይ ሃይሳ) ጋዳ አሮኔሰ፣ ኢዛ ናይታሲኔ ኢሰራኤሌ አሲ ኡባይ ዲዛ ሄራን ዮታ፤

3 ዎይኮ ባ ዲዛ ሄራፔ ካሬን ቦራ ዎይኮ ደርሰ ዎይኮ ዳይሾ ያርሾ ሹኪዲ፣

4 ጎዳሰ ዲማቲዳሶን ጸሳሰ ያርሻናሰ ጋይቶቲላ ዲንካኔ ፔንጌ ኡሆንታ አጊኮ ሄሳይይ ሱላ ጮ ሃዳ ጉሲዳ ማላ ቆይቲዲ ዳሬ ጊዳፌ ሻኬቲ ጎዳቶ።

5 ሄሳ ገሻሰ ኢሰራኤሌ ናይቲ አይ ማሄ ጊዲን ጮ ዳምባን ሹኮንታ ጎዳ ሲንላ ጋይቶቲላ ዲንካኔ ፔንጌ ኤሄቶ፤ ማሄታ ዲንካኔ ፔንጌ ኤሄዲ ቁሴዛሰ አሜቶ፤ ቁሴዚካ ኢሲፌቲላ ያርሾ ሂሰቲ ሹኮ።

6 ቁሴዚካ ሱላ ጋይቶቲላ ዲንካኔ ፔንጌን ዲዛ ጎዳሰ ያርሾ ያርሺዛሶዛ ሰላ ወጸ፤ ጎዳ ኡፋይሲዛ ሎኦ ሳዎ ጊዳና ማላ ሞጴዛ ታማን ጸጎ።

7 ኢሰራኤሌ ናይቲ ኢሰታ አማኖፔ ሃሲዛ ዳይዳንሳታሰ ያርሾ ኦሊዲ ባ ማሄ ቤቶሶን ቤቶሶን ያርሾሰ ሹካናሰ ቤሴና፤ ሄሲካ ኢሰታሲኔ ኢሰታፌ ጉዬ ዬሌታ ኡባሰ ማርና ዎጋ ጊዲ ዳኦ።

8-9 «ኔ ኢሰታሰ፣ (ኢሰራኤሌ ናይታፔ ጊዲን ዎይኮ ኢሰታራ ዲዛ ሃራ ዳሬ አሰ ጊዲን ዲንካኔዛ ፔንጌፌ አቲን ሃራሶን አዎንካ ጎዳሰ ጸጌቲዛ ያርሾ ዎይኮ ሃራ ያርሾ ያርሺኮ ሄሳይይ ጎዳ ዳሬታራ ቆይታናሰ ቤሴና) ጋ ዮታ።

10 «ኢሰራኤሌ አሰ ጊዲዳይ ኦኒካ ዎይኮ ኢሰራኤሌ ናይታራ ኢሲፌ ዲዛ ሃራ ዳሬ አሲ ሱላ ኡዩኮ ሄሳይይ ታ አቻን ኢጾቲዳይ ጊዳሰ፤ ታኒ ሄሳይ ኢዛ ዳሬ ጋርሳፌ ሻካ ጳይሳና።

11 ሸምፖራ ፓጻ ዲዛ ማጴቲላ ኡባሰ ሸምፖይ ሱላ ጊዲን ዳሰ፤ ሄሳ ገሻሰ አሳ ናጋራ ወርሳናሰ ጉኪዛ ሱሉ ወሪካ ያርሾ ያርሺዛሶዛ ሰላ ጉካና ማላ አማዲሰ፤ አሳ ሸምፖ ናጋራፔ ማሪሲዳይ ሱላ።

12 ሄሳ ገሻሰ ኢሰራኤሌ አሳ፣ (አንቴፌ ዎይኮ አንቴ ጊዲን ዲዛ ሃራ ዳሬ አሳፔ ኦኒካ ሱላ ኡዮፖ) ጋይሰ።

13 «ኢሰራኤሌ ናይታፔ ዎይኮ ኢሰታራ ዲዛ ሃራ ዳሬ አሳፔ ኦኒካ አሾይ ማቴታና ማላ አሜቲዳ ማሄ ጊዲን ዎይኮ ዎራ ዳይ ዎይኮ ካፎ ሻንካቲ ኦይኪዲ ኢዛ ሱላ ቢታ ሰላ ጉሲዲ ቢታ ኢዛ ሰላ ካሞ።

14 ጋሶይካ አሾ ማይኢዳ ኡባ ሸምፖይ ሱላ ጊዲን ዳሰ፤ ሄሳ ገሻሰ ታኒ ኢሰራኤሌ አሳ፣ (አሾ ማይኢዳ ማጴታ ኡባ ሸምፖይ ኢዛ ሱላ ጊዲን ዲዛ ገሻሰ ሱላ ሞፒቲ፤ ሚዳዳይ ኦኒካ ባ ዳሬ ጊዳፌ ሻኬቲ ጳዮ) ጋይሰ።

15 «ኢሰራኤሌ ናይታፔ ዎይኮ ሃራ ዳሬ አሳፔ ኦኒካ ባወቲ ሃይቂዳዘ ዎይኮ ዳይ ዎጴዳ ማሄ አሾ ሚኮ ባ ማይኦ ማጮ፤ ባ ሰላ ማጮቶ፤ ጊዲኮካ ኦማርሰ ጋካናሰ ቲና ጊዳ፤ ሄሳፌ ጉዬ ጌሽ ጊዳ።

16 ባ ማይኦ ማጮንታ አጊኮኔ ባ ሰላ ማጮቶንታ አጊኮ ሄሳይይ ናጋራ ኦሊዳ ገሻሰ ባ ናጋራን ኦይሹታና።»

18

ዎጋን ዲጌቲዳ ዘንኦ

1 ጎዳይ ሙሴሰ ሂዘጊ ዮቲዳሰ፤

2 «ኢሰራኤሌ ናይታሰ፣ ታኒ ጎዳ አንቴ ጸሳ፤

3 ካሴ አንቴ ሄን ዳኢዳ ጊብጾ ቢታ አሳይ ዎይኮ ቡር ታ አንቴና ጌልላና ካናኔ ቢታን ዲዛ ዳሬ አሳይ ኦሊዛ ሻቲዛ ኦሶ አንቴ ኦላፍቲኔ ኢሰታ ሃኖ ካሎፍቲ።

4 ታ ዎጋታ ናጊቲ፤ ታ አዛዘታካ ፖሊቲ፤ ታኒ ጎዳ አንቴ ጸሳ።

5 ታ አዛዘታኔ ዎጋታ ናጊቲ፤ ሄሳንታ ናጊዛ አሲ ባ ሸምፖ አሻና፤ ታኒ ጎዳ) ጋ ዮታ።

6 «አንቴፌ ኦኒካ ባሰ አሾ ዳቦራ ላይማቶ፤ ታኒ ጎዳ።

7 «ኔ አዬይራ ላይማታዳ ኔ አዎ ካወሾፋ፤ ኔሰ አዮ ጊዲዳ ገሻሰ ኢዚራ ላይማቶ።

8 «ኔ አዋሰ ሃራ ማቼታራካ ላይማታዳ ኔ አዋ ዬላቸፋ።

9 «ኔ ሚቼይራ ላይማቸፓ፤ ሃሳቡካ ኔናራ ኢሲፌ ዲጪዳሮ ገዲን ዋይኮ ሃራሶን ዲጪዳሮ ገዲን ኔ አዋይ ዬሊዳ ሃራ ማቸ ና ዋይኮ ኔ አያ ሃራ አዚናሰ ዬሊዳ ማጫ ናይራ ላይማቸ።

10 «ኔሰ ዬላ ገደንታ ማላ ኔሰ ናዛ ናይራ፥ ዋይኮ ኔሰ ናይ ናይራ ላይማቸ።

11 «ኔ አዋሰ ሃራ ማቸ ዬሊዳ ኔ ሚቼይራ ዚንኦፋ፤ ጋሶይካ ኢዛ ኔሰ ሚቸ።

12 «ኔ አዋ ሚቼይራ ዚንኦፋ፤ ጋሶይካ ኢዛ ኔሰ ሚቸ።

13 ኔ አይይ ሚቼይራካ ዚንኦፋ፤ ጋሶይካ ኢዛ ኔ አይይሰ አሾ ዳሶ።

14 «ኔ አዋ አሻ ማቸራ ዚንኦፋ፤ ጋሶይካ ኢዛ ኔሰ አዋ ማቸ ማላ።

15 «ኔ ናዛ ማቼይራ ዚንኦፋ፤ ኢዛ ኔሰ ናዛ ማቸ ገዲዳ ገሻሰ ኢዚራ ዚንኦፋ።

16 ኔ አሻ ማቼይራ ዚንኦፋ፤ ጋሶይካ ኢዛ ኔሰ አሻ ማቸ፤ ሄሲ ኔ አሻ ካወሸዛ ሚቸ።

17 «አይይራ ኔ ናይራ ዚንኦፋ፤ ኢዚሰ ናይ ናዛ ናይራ ኔ ናይሰ ናይ ናይራ ዚንኦፋ፤ ኢሰቲካ ኢዛሰ ማቸ ዳሶ ገዲዳ ገሻሰ ሃሳብ ሃናይ ካወሻቱ።

18 «ኔ ማቸያ ፓጸ ዲሸን ኢዚ ሚቸዮ ዳወላ ኤኮፋ፤ ኢዚራካ ላይማቸ።

19 «አገናን አገናን ቤቲዛ ማጫሳ ዋጋይ ዪዛ ዋዴ ማጫሳራ ዚንኦፋ።

20 «ሃራ አሳ ማቸራ ዚንኦፋ ኔርካ ኔና ቱሲሶ።

21 «ኔ ናይታፔ ኦናካ ሞሎኬ ጌቲቲዛ ኤቃሰ ጸጌቲዛ ያርሾ ኦፋ አሞፋ፤ ጋሶይካ ኔ ጸሳ ሱንላ ቱሲሶ፤ ታኒ ጎዳ።

22 «ጎዳ ሲንላን ኢጾቲዳ ሚሽ ገዲዳ ገሻሰ ማጫሳራ ዚንኦፋ ማላ አይራ ዚንኦፋ።

23 «አዴ ገዲን ዋይኮ ማጫሲ ማሃራ ፓራቲዲ ባናቲፋ ቱሲሶ፤ ሃሳ ማላ ሃናይ ካወሻቱ።

24 «ጎዳይ ኔና ኢሰታ ዴሬ ጌልፋናሰ ኔ ሲንላፌ ዲጋና፤ ሃንኮ አሳይ ባርካ ባ ኦሶን ባና ቱሲሲዳይሳ ማላ ኢሰቲ ኦሊዛ ኢታ ኦሶታፔ ኢሲኔይንካ ኢንቴና ቱሲሶ፤ ታኒ ጎዳ።

25 ኢሰታ ኦሶይ ቢታ ቱሲሲዳ ገሻሰ ታኒ ሄ ቢታዮ ኢዚ ናጋራ ገሻሰ ቃጸያዲሰ፤ ቢታያካ ባ ገደን ዲዛ አሳ ኬሳ ጩታዲሰ።

26 ኢንቴ ገዲኮ ታ አዛዘታኔ ታ ዋጋ ናጌቲ፤ ኢሰራኤሌ አሳፔ ዋይኮ ኢንቴ ገደን ዲዛ ሃራ ቢታ አሳፔ ኦኒካ ሃይሳ ማላ አይ ኦሶካ ኦላፍቲ።

27 ኢንቴፌ ካሴ ሄ ቢታይን ዲዛ አሳቲ ሃይታ ማላ ሃራሲዛ ሚሽ ኦሊዳ ገሻሰ ቢታያ ቱናዲሰ።

28 ኢንቴ ሃሳብ ኦሊኮ ቢታያ ካሴ ኢንቴፌ ሲንላን ዲዛ ካዋቲፋታ ጩቲዳይሳ፤ ኢንቴናካ ጩታና።

29 «ሃይታ ሃራሲዛ ኢታ ኦሶታፔ ኢሲኔዮካ ኦሊዛይይ ባ ዴሬ አሳ ገደፌ ሻኬቲ ቆዮ።

30 ሃሳ ገሻሰ ኢንቴፌ ካሴ ሲንላን ቢታ ቦላ ዲዛ አሳቲ ኦሊዳ ቱና ኦሶታ ኡባ ኦሊዳ ኢንቴ ቱኖንታ ማላ ታ አዛዘታ ናጌቲ፤ ታኒ ጎዳ ኢንቴ ጸሳ።»

19

ዲማ ዲማ ዋጋታ

1 ጎዳይ ሙሴ ሂዘጊዴሰ፤

2 «ሃይሳ ኢሰራኤሌ ናይታሰ ዮታ፥ ሓኒ ጎዳይ ኢንቴ ጸሳይ ዲማ ገዲዳ ማላ ኢንቴካ ዲማ ገዲቲ።

3 « ሐንቴፌ ኦኒካ አቶንታ ባ አዋኔ ባ አዮ ቦንቸ፤ ታ ኢንቴና አዛዚዳ ማላ ሳሞባታ ጋላሳታ ቦንቸ፤ ታኒ ጎዳ ኢንቴ ጸሳ።

4 « ሓና ኦጊዲ ኤቃታሰ ጎይኖፍቲ፤ ዋይኮ ኤቃ ጸሳታ ቢራታፔ ሴሪሲዲ ኢንቴሰ ሜጶፍቲ፤ ታኒ ጎዳ ኢንቴ ጸሳ።

5 « ሐንቴ ኢሲፌቲፋ ያርሾ ጎዳሰ ሸሽዛ ዋዴ ሄ ያርሾይ ኢንቴ ገሻሰ ኤኬታና ቤሲዛ ማላ ያርሾ፤

6 ያርሾዛ ሸሽዳ ጋላሰ ዋይኮ ዋንቴፋ ጋላሰ ሜቲታናሰ ቤሴሰ፤ ሄሸንላ ጋላሰ ጋካናሰ ጋሞኢዳ ያርሾይ ወሪካ ታማን ጸጌቶ።

7 ሄሸንላ ጋላሳን ኢዛ ሚኮ ሄሲ ቱና፤ ሃሳ ገሻሰ ታኒ ሄ ያርሾዛ ኤኬኬ።

8 ኢዛፔ ሚዳይይ ኦኒካ ታሰ ዲማቲዳይሳ ሃዳ ሚሻ ማላ ቆዲዳ ገሻሰ ኢዚ ባ ናጋራን ኦይሽታና፤ ሃሳይይ ባ ዴሬ አሳ ገደፌ ሻኬቲ ቆዮ።

9 « ሐንቴ ማጸ ዋዴ ኢንቴ ካላ ማጸሺን ጋጸ ቦላ ዲዛ ካላ ማጸፒቲ፤ ኢንቴ ማጸሺን ጌደን አቲዳ ፑሽቸ ማጸናሰ ጉዬ ሲሞፍቲ።

10 ኦኒ ኔ ዋይኔ ሚሳ አይፌ ማጸሺን ሃጋ ገደን ቆቲቲ አቲዳይሳ ዋይኮ ጋዴን ቆቆፌቲዳይሳ ቆራ ኤካናሰ ጉዬ ሲሞፋ፤ ሃይታንታ ኡባ ማንቆታሲኔ ቤቲ ዩዳይታሰ አጋጋ፤ ታኒ ጎዳ ኢንቴ ጸሳ።

11 « ሐይሶቶፒቲ፤ አሰ ባሌላፍቲ፤ ዋርዶ ሃሳፒቲ፤

12 « ሓታ ሱንላን ዋርዶራ ጫቆፍቲ፤ ዋርዶ ጫቂዲ ኢንቴ ጸሳ ሱንላ ቱሲሶ፤ ታኒ ጎዳ ኢንቴ ጸሳ።

13 « ሐሰ ባሌላፋ፤ ዋይኮ አሳ ሚሽ ቦንቃ ኤኮፋ፤ ሚሽ ኢማና ጋዳ ኔ ኦሶ ኦሲሲዳይሰ ሚሻ ኢሞንታ ዳሽ ኔ አቸን ኢሲ ቃማካ አይሶፋ።

14 « ሲዬና ጋዳ ቱሌ ጫዮ፤ ቆቄይ ቆጶቲዲ ኩንዳና ማላ ኢዛ ሲንላን ቆጶዲዛዘ ዋላ፤ ኔ ጸሳሰ ያያ፤ ታኒ ጎዳ ኔ ጸሳ።

15 « ሐኒ ፒርዳ ፒርዲዛ ዋዴ ፒርዳ ጌላሶ፤ ማንቆ ኢዛ ማንቆቲፋ ገሻሰ ማዳ ፒርዳ፤ ጌታ አሳታሰ ዲማ ቦንቸ ኢሞፋ፤ ዴሬ አሳካ ዲማ ማዳ ፒርዳ፤ አሳ ኡባሰ ቱሙ ፒርዳ ፒርዳ።

16 « ሐኒ አሳ ገደን ዘገርሰ ኤካዳ ዩዮ፤ ኔ ሾርዛ ሃይቆሰ ጋሊዛ አይ ሚሽካ ኦላፋ፤ ታኒ ኔ ጎዳ።

17 « ሐኒ ኢሻ ኔ ዋዚናን ኢጸፋ፤ ኢዛ ጋሶን ኔሰ ናጋራ ገደንታ ማላ ኔ ሾርዛ ሃንቃ።

18:9 ለዌ 20:17፤ ዛሬ 27:22 18:14 ለዌ 20:19-20 18:15 ለዌ 20:1 18:16 ለዌ 20:21 18:17 ለዌ 20:14፤ ዛሬ 27:23 18:20 ለዌ 20:10 18:21 ለዌ 20:1-5 18:22 ለዌ 20:13 18:23 ኬሳ 22:19፤ ለዌ 20:15-16፤ ዛሬ 27:21 19:2 ለዌ 11:44-45፤ 1ጴጵ 1:16 19:3 ኬሳ 20:8፤12፤ ዛሬ 5:12፤16 19:4 ለዌ 20:15-16፤ ዛሬ 5:19-20 19:12 ኬሳ 20:7፤ ዛሬ 5:11፤ ማቶ 5:33 19:13 ዛሬ 24:14-15 19:14 ዛሬ 27:18 19:17 ማቶ 18:15 19:18 ማቶ 5:43፤ 19:19፤ 22:39፤ ማር 12:31፤ ሉቃ 10:27፤ ኦር 13:9፤ ጋላ 5:14፤ ያቆ 2:8

18 « ሐሰት ከባ ኔ ኔና ሲቁዘ ማላ ሲቃ አቲን አይ አሳ ቦላካ ኔ ኡሎን ላንጨፍ ኦይካዳ ሃሎ ከሶፋ፤ ታኒ ጎዳ።

19 « ታ አዛዘታ ናጊቲ፤ ዲማ ዲማ ቆሞ ማህታ ኢሲ ቦላ ጋሊ ማህተሶፍቲ፤ ናሞኡ ቆሞ ካላ ዜሬላ ዋላኪዲ ኢሲ ቦላ ዜርጊቲ፤ ናሞኡ ቆሞ ሚሻፊ ዲዳቲዳ ማይኦ ማይኦፍቲ።

20 « ሐሳዳይ ሃራ አሳራ ጊጌታ ኡቲዳ አይሌይራ ላይማቲኮ ኢዛካ ባ አይሌቲላፊ ዋዜቶንታር ጊዲኮ ኢዛዳይ ቃጸዬቶ፤ ጊዲኮካ ኢዛ ዋዜቶንታ ጊሻሰ ናሞአይካ ሃይቆፊቶ።

21 ህሳ ማላ ቆሆ ጋሊዳዳይ ቆሆ ጊሻሰ ሸቁዛ ያርሾሰ ኢሲ ጳርሾ ጋይቶቲላ ዲንካኔ ፔንጌ ጎዳ ሲንሳ ኤሆ።

22 ቁሴዚካ ህሳዳ ናጋራ ወርሳናሰ ጸሳ ሲንሳን ቆሆ ያርሾሰ አሜቲዳ ጳርሾዛ ሸሾ፤ ኢዛዳ ናጋራይካ አቶ ጌቲታና።

23 « ሐንቲ ካና ኔሊዲ አይፊ አይፊዛ ሚሳ ቶኪኮ ህ አይፊ አይፊዛ ሚሳያ አይፊ ደሞሶፊ ቢዲ ሂቹ ላይላ ጋካናሰ አሚዛ አይፊይ ሚቲቶንታ ዲጌቲዳይሳ ኤሪቲ፤ ህ ላይላታን ህ ሚላታ አይፊ ሞጊቲ።

24 አይዳንላ ላይላ ቦላ ህ ሚላ አይፊይ ኡባይ ጎዳሰ ጋላታሰ ሸሺዛ ያርሾ ጊደ።

25 ኢቻሻንላ ላይላን ቃሴ ሚላ አይፊዛ ኢንቲሰ ሚቲ፤ ኢንቲ ህሳላ ሂሰቲኮ አይፊ አይፊዛ ኢንቲ ሚላይ ዋዳን ዋዳን ኢንቲሰ አሚዛ አይፊይ ካሴፔ ጌዳ ጉጃቲ ጉጃቲ ባና፤ ታኒ ጎዳ ኢንቲ ጸሳ።

26 « ሐሳራ ዲዛ አይ አሸካ ሞጊቲ፤ ማርላፍቲኔ ቢታ ቢቶጊቲ።

27 « ሐንቲ ሁኤ ቢናና ጋርሳራ ዩሺ አሊዲ ቃንጸፍቲ፤ ኢንቲ ቡቻካ ቃንላን ቃንጸፍቲ።

28 « ሐንቲ አሳቲላ ቦላ ኒቅሴ ጫቻ ጫደፍቲ፤ ዋይኮ አሲ ሃይቁኮ ኢዛሰ ሚሼቲዲ ኢንቲ ቦላ ቃንጸ ማዲንላፍቲ፤ ታኒ ጎዳ።

29 « ሐሳታ ላይማኒኔ ቲናቲላን ኩሞንታ ማላ ኔ ናዮ ላይማቲላ ኦሶሰ አላ አሚዳ ካወሾፋ።

30 ታ ሳሞባታ ጋላሳታ ናጊቲ፤ ታ ከላ ቦንቲ፤ ታኒ ጎዳ።

31 « ሐሞይቲሌ ሃሳይሲዛይታ ዋይኮ ኢታ አያናታ ሃሳይሲዛይታ ዞሬ ኦይቻፋ፤ ኢንቲ ቲናንታ ማላ ኢሰታ ኮዮጊቲ፤ ታኒ ጎዳይ ኢንቲ ጸሳ።

32 « ሐፔ ጨሚዳዳ ቤይኮ ኔ ኡቲዳሶሆፔ ዴንዳ ኤቃዳ ቦንቻ፤ ታሰ ጸሳሰ ያሻቲላን አዛዘታ፤ ታኒ ጎዳ።

33 « ሐሃራ ቢታፊ ዩዲ ኢንቲ ጊደን ዲዛ አሳታ ቆሆጊቲ።

34 ኢንቲ ኢንቲ ዳሬ አሳሰ ኦሊዛ ማላ ኢሰታሰካ ሎኦ ኦሊቲ፤ ኢንቲ ኢንቲና ሲቁዘ ማላ ኢሰታካ ሲቁቲ፤ ካሴ ኢንቲካ ጊብጾ ቢታን ቤቲታ ጊዲዳይሳ ዩሺ ቆጊቲ፤ ታኒ ጎዳ ኢንቲ ጸሳ።

35 « ሐሚካ ሚሸን ጊዲን ዋይኮ ሚዛኔን ዋይኮ ዋቋ ሚሻን አሰ ጨሞፍቲ።

36 አሰ ጨሞንታ ቲሙ ሚዛኔይ፤ ማካ ሚሸኔ ሚጾ ሚሸ ኢንቲሰ ዳኦ፤ ታኒ ኢንቲና ጊብጾፔ ከሲዳ ጎዳ ኢንቲ ጸሳ።

37 « ታ ኢንቲሰ አሚዳ ታ አዛዘታኔ ታ ዋጋታ ኡባ ናጊቲኔ ኦሊቲ፤ ታኒ ኢንቲ ጎዳ። »

20

አዛዘቶንታይሳ ቦላ ጋኪዛ ቁጻቲ

1 ጎዳይ ሙሴ ሂዘጊዳሰ፤

2 «ኢሰራኤሌ ናይታ፤ ሐንቲና ጊዲኮኔ ኢንቲ ጊደን ዲዛ ሃራ ዳሬ አሳታፔ ኦኒካ ሞሎኬ ጌቲቲ ደይጌቲዛ ኤቃ ጸሳሰ ባ ናይታፔ ኢሳ አሊ አሚ ቤቲኮ ኩሚላ ኢሰራኤሌ ዳሬ አሳይ ህሳዳ ሹቻን ጫዲ ዋዳ።

3 ኦኒካ ባ ናይታፔ ኢሳዳ ሞሎኬሰ አሊ አሚዲ ታ ከላ ቲኒሲዳ ጊሻሲኔ ጌሻ ሰንላ ታይሳ ካወሸዳ ጊሻሰ ታ ህሳዳ ቦላ ቁጻቲ ዬዳና፤ ህሳፊ ጉዬ ታ ኢዛዳሰ ሞርኬ ጊዳዳ ዳሬ ጊደፊ ኢዛ ሻካ ቆይሳና።

4 ኢዛ ዳሬ አሳይ ኢዛዳይ ኦላይሳ ኡባካ ወዳቶንታ ቤሲ ኢንቲኔ ዋዳንታ ኢንቲ፤

5 ታኒ ታ ባጋራ ህሳዳኔ ኢዛዳሶ አሳ ቃሴካ ታሰ አሚኦቶንታ ሞሎኬሰ ጎይኖን ኢዛራ ኢሲፊ ጊዲዳይታ ኡባ ቦላ ኢታ ሃንቆ ዬዳና፤ ህሳፊ ጉዬ ህይታንታ ታኒ ኢሰታ ኢሰታ ዳሬዛ ጊደፊ ሻካ ቆይሳና።

6 « ሐኒካ ኢሰታፊ ዞሬ ኦይቻናሰ ሞይቲሌ ጸይጊዛይታኮኔ ማርታኮ ቢኮ ህሳዳ ቦላ ታ ኢታ ሃንቆ ዬዳና፤ ህሳፊ ጉዬ ህሳዳ ታኒ ኢዛ ዳሬ ጊደፊ ሻካ ቆይሳና።

7 « ሐንቲ አሳቲላ ኡባ ጌሺቲ፤ ዲማቲ፤ ጋሶይካ ታኒ ጎዳ ኢንቲ ጸሳ።

8 ታ አዛዘዮ ናጊቲኔ ፖሊቲ፤ ጋሶይካ ታኒ ኢንቲና ታሰ ዲማሲዳ ኢንቲ ጎዳ።

9 « ባ አዋ ዋይኮ ባ አዮ ጫዩዛዳይ ሃይቆን ቃጸዬቶ፤ ኢዚ ሃይቆን ቃጸዬቲዛይ ባ ሞርና።

10 « ሐሲ አሲ ሃራ አሳ ማቺራ ላይማቲኮ ህ ላይማቲዳ አዳዛራኔ ማጫሳይራ ናሞአይካ ሃይቆን ቃጸዬቲቶ።

11 ኢሲ አሲ ባ አዋ ማቺራ ላይማቲኮ ባ አዋ ካወሸዳ ጊሻሰ ህ ላይማቲዳይቲ ናሞአይካ ሃይቆን ቃጸዬቲቶ፤ ኢሰቲ ሃይቆን ቃጸዬቲዛይ ባ ሞሪዳ ሞርና።

12 ኢሲ አሲ ባሰ ናዛ ማቺራ ላይማቲኮ ህ ላይማቲዳይቲ ናሞአይካ ሃይቆን ቃጸዬቲቶ፤ አሾ ዳቦቲላ ላይማን ቲኒሲዳ ጊሻሰ ኢሰቲ ሃይቆን ቃጸዬቲዛይ ባ ሞሪዳ ሞርና።

13 « ሐሲ አሲ ማጫራ ዚንኢዛ ማላ አዳይ አዳራ ዚንኢኮ ናሞአይካ ዬላቺዛ ሚሸ ኦሊዳ ጊሻሰ ሃይቆን ቃጸዬቲቶ፤ ኢሰቲ ሃይቆን ቃጸዬቲዛይ ባ ሞሪዳ ሞርና።

14 « ሐሲ አሲ አዩዮኔ ናዮ ማቻ ኤኪኮ ህይታንቲ ኦሊዳ ሃራሲዛ ሃናዛ ጊሻሰ ህቫይካ ታማን ጸጌቲ ሃይቆቶ፤ ህይታንታ ማላ ኢታ ሃናይ ኢንቲ ጊደን ፖሊታናሰ ቤሴና።

19:19 ዛሬ 22:9-11 19:26 ሜዴ 9:4፤ ሌዌ 7:26-27፤ 17:10-14፤ ዛሬ 12:16፤23፤ 15:23፤ 18:10 19:28 ሌዌ 21:5፤ ዛሬ 14:1 19:29 ዛሬ 23:17 19:30 ሌዌ 26:2 19:31 ዛሬ 18:11፤ 1ሳሚ 28:3፤ 2ካዋ 23:4፤ ኢሳ 8:19 19:34 ከሳ 22:21፤ ዛሬ 24:17-18፤ 27:19 19:36 ዛሬ 25:13፤16፤ ሉሚ 20:10፤ ሄዚ 45:10 20:9 ዛሬ 21:17፤ ማቶ 15:4፤ ማር 7:10 20:10 ከሳ 20:14፤ ሌዌ 18:20፤ ዛሬ 5:18 20:14 ሌዌ 18:17፤ ዛሬ 27:23

15 « ላይ አሲካ ማህራ ፓራቲኮ ኢዛዴይኔ ሄ ማህዚ ናምኣይ ሃይቁቶ።

16 « ላሲ ማጫሲ ማህራ ፓራቲኮ ኢዛኔ ሄ ኢዛ ፓራቲካ ማህይ ናምኣይ ሃይቁቶ፤ ኢሰቲ ሃይቁዛይ ባ ሞሪዳ ሞርና።

17 « ላሲ አሲ ባ ሚቸዮ፣ ባሰ ኣዪ ናዮ ዎይኮ ኣዎ ናዮ ማቸ ኤኪኮ ሄሲ ዬላቸዛዛ፤ ሄሳ ገሻሰ ኢሰቲ ባንታ ዴሬ ገደሬ ሻኬቲ ጳዬቶ፤ ባ ኦሊዳ ሞር ገሻሰ ባ ቁጻቲ ኤኬቶ።

18 « ላሲ አሲ ኣገናን ኣገናን ቤቲዛ ማጫሳ ዎጋይ ቤቲዳ ማጫሳራ ዚንኢኮ ኢዛዴይ ኢዚ ካሎቲል ቃሪዳ ገሻሲኔ ኢዛካ ባ ካሎቲል ቃሪ ቤሲዳ ገሻሰ ናምኣይካ ባንታ ዴሬ ገደሬ ሻኬቲ ጳዬቶ።

19 « ላይ አሲካ ባ ኣዎ ሚቸራ ዎይኮ ባ ኣዪ ሚቸራ ዚንኣይ፤ ሄሳዳ ኦሊዛ ገዲኮ ናምኣይካ ባንታ ደቦቲል ካወሺዛ ገሻሰ ባ ሞሪዳ ሞርን ኣይሼታና።

20 « ላይ አሲካ ባ ኣዎ ኣሻ ማቸራ ዎይኮ ባ ኣይይ ኣሻ ማቸራ ላይማቲኮ ባ ኣዎ ኣሻ ማቸ ዎይኮ ባ ኣዪ ኣሻ ዬላሲዳ ገሻሰ ላይማቲዳይቲ ናምኣይካ ኣይሼታና ኤሎይ ባይንዳ ኣታና።

21 ኣይ አሲካ ባ ኣሻ ማቸ ኤኪዛ ገዲኮ ሄሲ ቱና ኦሊሰ፤ ባ ኣሻዛ ቦንቸ ካወሺዳ ገሻሰ ናምኣይካ ና ዬሎንታ ኣታና።

22 « ታ ኢንቴና ኢዚን ጌልፋና ካና ኢታያ ኢንቴና ጩታ ዲጎንታ ማላ ኢንቴ ታ ኣዛዞታኔ ታ ዎጋታ ናገቲኔ ፖሊቲ።

23 ታኒ ኢንቴ ሲንፋሬ ጳይሲዛ ካዎቲልታ ሎሴ ዎጋ ካሎፍቲ፤ ኢሰቲ ሄይታንታ ኡባ ኦሊዳ ገሻሰ ታ ኢሰታ ሻቲታዲሰ።

24 ታ ቃሴ ኢዚፕ ማላኔ ኤሲ ጎጊዛ ሄ ጩሊላ ቢታዮ ኢንቴና ጌልፋናሰ ጫቃዲሰ፤ ኢዞካ ታ ኢንቴሰ ኢማና፤ ሃንኮ ዴሬፕ ኢንቴ ታሰ ሻኬቲዳይታ ገደና ማላ ኦሊዳይ ታና ጎዳ ኢንቴ ጸሳ።

25 « ሃሳ ገሻሰ ኢንቴ ጌሽ ገዲዳ ማህታኔ ካፎታ ቱና ገዲዳይታፕ ሎኤሊዳ ሻኪ ኤሪቲ፤ ታኒ ሃይታንቲ ኢንቴሰ ቱና ጋ ዎሊዳ ማህታን፣ ካፎታኒኔ ቢታ ቦላ ቃጸዛ ኣይ ሚሻንካ ኢንቴና ቱኒሶፕቲ።

26 ኢንቴ ታሰ ዲማ ሻኬቲዳይታ ገዲቲ፤ ጋሶይካ ታኒ ጎዳይ ዲማ ጸሳ፤ ኢንቴ ታ ዴሬታ ገደና ማላ ኣይዛቤታ ገደሬ ታኒ ኢንቴና ታሰ ዲማሳ ሻካዲሰ።

27 « ላይ አሲካ ኢንቴ ገደሬ ሞይቲሌ ጴይጊዛ ዎይኮ ማርቲዛይ ገዲኮ ኢዚ ሹቻን ጫዴቲ ሃይቆ፤ ሄሳዳ ኦሊዛዴይ ኣይ አሲካ ሃይቆን ቃጻዬቲዛይ ባ ኦሊዳ ሞርና) ጋ ዮታ።»

21

ቁሴቲ ካላና ማላ ኢማቲዳ ዎጋ

1 ጎዳይ ሙሴሰ፣ «ኣሮኔ ናይታሰ ቁሴታሰ፣ ላንቴሬ ኦኒካ ባ ዳቦታ ጋርሳሬ ኣሲ ሃይቁኮ ኢዛዴ ኣሃ ቦቹዲ ባና ቱኒሶፕ።

2 ማታ ዳቦታፕ ኣያ ዎይኮ ኣዎይ ዎይኮ ባ ናይ ዎይኮ ባ ኣሻይ ሃይቁኮ።

3 ሃሳዳካ ኣዚና ጌሎንታ ኢጸዳ ዲዛ ሚቸያ ሃይቁኮ ኢሰታ ኣሃ ቦቻናሰ ዳንዳዬሰ።

4 ገደ ኣቲን ጌሎኒኔ ኤኮን ዳቦቲዳይቲ ኣሃ ቦቹዲ ባና ቱኒሶፕ።

5 « ቁሴታፕ ኦኒካ ሃይቁዳዴሰ ሚሹቲዲ ባ ሁኤ ቢናና ቡጮፖ፤ ባ ቡቹካ ቡጮፖ፤ ባ ቦላካ ቃጩ ማዲንሳ።

6 ቁሴይ ዉሪካ ታሰ ዲማ ገደ፤ ባንታ ጸሳ ሱንፋ ቱኒሶፕቲ፤ ጋሶይካ ኢሰቲ ጸሳሰ ታማን ጸጌቲዛ ያርሾኔ ጎዳሰ ካላ ያርሾ ሺሺዛይታ ገዲዳ ገሻሰ ኢሰቲ ጌሽ ገደቶ።

7 « ቁሴ ገዲዳዴይ ላይማ ማጫሰ ዎይኮ ጌላኦቲል ኤኬቲዳ ጌላኦ ዎይኮ ጌላ ኬዚዳ ማጫሰ ማቸ ኤኮፎ፤ ጋሶይካ ቁሴቲ ጸሳሰ ዲማቲዳይታ፤

8 ቁሴይ ኢንቴ ጸሳሰ ካላ ያርሾ ሺሺዛይሳ ገዲዳ ገሻሰ ኢዚ ሃራ ኣሳፕ ዲማ ገደ፤ ታኒ ኢንቴና ጌሺዛ ኢንቴ ጎዳይ ጌሻ፤ ኢዚካ ጌሽ ገደ።

9 ቁሴ ማጫ ናይ ላይማቲኮ ኢዛ ባ ኣዎ ካወሺዳ ገሻሰ ታማን ጸጌታ ሃይቁ።

10 « ቁሴታ ሃላቃይ ኢዚ ባ ሁኤ ቲዬቲዛ ዛይቲይ ቲዬቲዳ ገሻሲኔ ቁሴቲል ማይኦ ማይኣና ማላ ዲማቲዳዴ ገዲዳ ገሻሰ ኣሲ ሃይቁኮ ሃይቁዳዴሰ ኢዚ ሚሹቲዛይሳ ኤሪሳናሰ ባ ሁኤ ቢናና ቡጮፖ፤ ባ ማይኣካ ዳኮ።

11 ኣሃይ ዲዛሶካ ኢዚ ጌሎፖ፤ ሃራይ ኣቶሺን ባ ኣዎ ዎይኮ ባ ኣይይ ኣሃካ ቦቹዲ ባና ቱኒሶፕ።

12 ኢዛ ዲማሳናሰ ቲይዳ ጸሳ ዛይቲይ ኢዛ ቦላ ዲዛ ገሻሰ ቁሴይ ጸሳ ኬላሬ ኬዚ ቢዲ ጸሳ ኬላ ቱኒሶፕ።

13 « ቁሴይ ኤካና ማቻ ጌላኦ ገዲ።

14 ኣዚናይ ሃይቁዳር ዎይኮ ጌላ ኬዚዳር ዎይኮ ላይማ ማጫሰ ኤኮፎ፤ ጌሎንታ ጌላኦ ጸሳ ባ ዴሬ ኣሳ ገደሬ ደሪ ኤኮ።

15 ሃሳዳ ሂሰቶንታ ኣጊኮ ኢዚ ባ ዴሬ ገደን ባ ናይታ ቱኒሳና፤ ኢዛ ዲማ ሻኪዳ ጎዳይ ታና ጸሳ) ጋ ዮታ» ገዴሰ።

16 ጎዳይ ሙሴ ሂዘጊ ኣዛዚዴሰ፤

17 «ኣሮኔሰ፣ ሳ ቆሞታፕ ኢዛ ኣሳቲል ቦላ ዎሶይ ዲዛዴይ ኦኒካ ታሰ ያርሾ ሺሹፎ፤ ሃይሲ ሃ ዎጋይ ቡር ሲንፋሬ ያና ዬሌታን ኡባን ናጌቲ ዴኦ።

18 ፓጩ ኣሳቲል ዲዛዴይ ኦኒካ ሃሲካ ቆቁይ ዎይኮ ዎቤይ ዎይኮ ማጶ ኢታይ ዎይኮ ኣሳቲል ቦርሲዛዴይ።

19 ኩሼይ ዎይኮ ቶሆይ ሲሊዳዴይ።

20 ዘኮ ቁናይ ዎይኮ ዲንኬይ፣ ኣይሬይ ሳኪዛዴይ ዎይኮ ኢዛ ቦላ ኡዛዚዛዚ ዲዛዴይ ዎይኮ ሹፋይ ካላ ያርሾ ታሰ ሺሻናሰ ቤሴና።

21 ኣሮኔ ዜሬል ኩማላ ገደሬ ኣሳቲል ቦላ ዎሶይ ዲዛ ኣሲ ኦኒካ ጸጌቲዛ ያርሾኔ ያርሾ ባ ጎዳሰ ያርሻናሰ ዮፖ።

22 ሃሳ ማላ ኣሲ ናምኤ ቆሞ ካላ ያርሾታ ማናሰ ዳንዳዴሰ፤ ሃይቲካ ዲማቲዳ ካላኔ ኬሂ ዲማቲዳ ያርሾ ካላ።

23 ገዲኮካ ኢዛ ኣሳቲልን ቦሬይ ዲዛ ገሻሰ ታ ኬላ ቱኒሶንታ ማላ ኢዛዴይ ጌዴ ያርሾ ያርሺዛሶ ዎይኮ ጌዴ ማጋላሻኮ ሺቆፖ፤ ጋሶይካ ኢሰታ ዲማ ኣላ ሻኪዳይ ታና ጸሳ) ጋዳ ዮታ።»

20:16 ኬሳ 22:19፤ ሉዊ 18:23፤ ዛሬ 27:21 20:17 ሉዊ 18:9፤ ዛሬ 27:22 20:18 ሉዊ 18:19 20:20 ሉዊ 18:12-14
20:21 ሉዊ 18:16 21:5 ሉዊ 19:27-28፤ ዛሬ 14:1

24 ሙሴይካ ሄሳ ኡባ ኣርኔሲኔ ኣርኔ ናይታሰ ኩሜላ ኢሰራኤሌ ዳሬ ኣሳሰ ዮተዳሰ።

22

1 ጎዳይ ሙሴ ሂዘጊደሰ።

2 «ኣርኔሲኔ ኢዛ ናይታሰ፡ ኣኢንቴ ሃራፔ ዲማ ጊዲዳ ታ ሰንሳ ቱኒሶንታ ማላ ኢሰራኤሌ ናይቲ ታሰ ዲማሲዲ ሺሺዛ ያርሾ ኡባ ቦንቸራ ኤኪዲ ጌሻቴላን ናጊቴ፤ ታኒ ጎዳ።

3 « ኣኢንቴ ዜሬላፊ ቱኒዳዳይ ኢሰራኤሌ ናይቲ ታሰ ዲማ ሻኪ ኢሚዳ ሚሽ ጸላቴላን ቦቹዳዳይ ታ ሲንሳፊ ጳያና፤ ሃይሲ ሃ ዋጋይ ሃይሳፊ ጉዬ ሲንሳራ ያና ዩሌታ ኡባን ናጊቶ፤ ታኒ ጎዳ።

4 « ኣርኔ ዜሬላታፔ ኣይ ኣሲካ ኢዛ ቦላ ኣሳፔ ኣሳን ኣጲዛ ጋልባ ሃርጌይ ዲዛዳይ ዋይኮ ኢዛ ኣሳቴላፊ ጎጊ ኬዚዛ ሚሺ ዲዛዳይ ኦኒካ ጌያና ጋካናሰ ጸሳሰ ዲማቲዳ ሚሽ ሞፖ፤ ኣሃይ ቦቹን ቱኒዳ ሚሽ ቦቹዳዳይ ዋይኮ ኢዛ ቦላፊ ዜሬላ ሃሊ ጸኬቲዛዳ ቦቹዳዳይ።

5 ሃሳላካ ቢታራ ጎሼቲዛይታኔ ኣይ ሚሻንካ ቱኒዳ ኣሰ ቦቹዳዳይ።

6 ሃሳ ማላ ኣይ ቱና ሚሸካ ቦቹዳዳይ ኣማርሰ ጋካናሰ ቱና ጊደሰ፤ ሃሳፊ ጉዬ ኢዚ ባ ቦላ ሃሳን ማጩቶንታ ዲሼ ጸሳሰ ዲማቲዳ ካል ሞፖ።

7 ኣርሼይ ዉሊዳፔ ጉዬ ቃሴ ኢዚ ጌሽ ጊደሰ፤ ሃሳፊ ጉዬ ዲማ ጊዲዳ ካላ ያርሾዛ ኢዛሰ ቁማ ጊዲዳ ጊሻሰ ማናሰ ዳንዳዬሰ።

8 ባዉቲ ሃይቁዳዚኔ ዶኣይ ዋጲዳ ማሃ ኣሾ ሞፖ፤ ኢዚ ሃሳ ሚዛዝ ጊዲኮ ቱኔሰ፤ ታኒ ጎዳ።

9 « ቁሴቲ ታኒ ኢሰታሰ ኢሚዳ ዋጋ ናጊቶ፤ ኢሰቲ ናንታ ኣጊኮ ጌሽ ጊዲዳ ታ ኣዛዘታሰ ኣዛዜቶንታ ኢዲዳ ጊሻሰ ኢሰታሰ ቆሆ ጊዲን ኢሰቲ ሃይቃና፤ ኢሰታ ዲማሳ ሻኪዳይ ታና ጎዳ።

10 « ታሰ ዲማቲዳ ያርሾፊ ማናሰ ዳንዳይዛይ ቁሴታኔ ኢሰታሰ ኣሰ ጸላ ኣቲን ሃራ ኣሲ ኢዛፔ ሞፖ፤ ቁሴራ ኢማሊ ዋይኮ ኦሶሰ ቃጸሬቲዲ ኢዛራ ዲዛዳይካ ሞፖ።

11 ጊዶ ኣቲን ቁሴይ ባ ሚሻን ሻሚዳ ኣይሌይ ዋይኮ ሶን ዩሌቲዳ ኣይሌይ ቁሴዛ ጊሻፔ ሞ።

12 ቁሴ ጊደንታ ሃራ ኣሰ ጌሊዳ ቁሴዛ ናያ ጸሳሰ ዲማቲዳ ያርሾፊ ሙፑ።

13 ጊዶ ኣቲን ና ዩሎንታ ዲሺን ኢዚ ኣዚናይ ሃይቁዳራ ዋይኮ ባ ኣዚናፔ ኣንጃታዳ ባ ኣዋ ሶ ሰማዳ ዲዛ ቁሴ ናያ ካሴ ኢዛ ናቴቲላ ዋዳ ኦሊዛ ማላ ባ ኣዋ ጊሻፔ ሙ፤ ጊዲኮካ ቁሴሶ ኣሳፔ ኣቲን ሃራ ኣሲ ዲማቲዳ ያርሾ ካላፊ ሞፖ።

14 « ቁሴሶ ኣሰ ጊደንታዳይ ኦኒካ ኤርንታ ዲሼ ጎዳሰ ዲማቲዳ ኢሚቲዳ ሚሽ ሚኮ ሄ ኢዚ ሚዳይሳ ኩሜላ ዋጋ ጸታፔ ናምኡ ኩሼ ጉጂዲ ቁሴዛሰ ቃንጸ።

15 ኢሰራኤሌ ናይቲ ጸሳሰ ኢሚዛ ዲማ ያርሾታ ቁሴቲ ቱኒሳናሰ ቤሴና።

16 ሄሲካ ኢዛፔ ማናሰ ቤሶንታዳሰ ቁሴቲ ኢሚኮ ሄ ሚዳዳሰ ሞሮ ጊዲዲ ኢዛዳ ቦላ ሃንቆ ጋላና፤ ኣሞታታ ኡባ ታሰ ዲማሲዳይ ታና ጎዳ፤ ጋ ዮታ።»

ጎዳሰ ሺቃናሰ ቤሶንታ ያርሾ

17 ጎዳይ ሙሴ ሂዘጊደሰ።

18 «ኣርኔሰ ኢዛ ናይታሰኔ ኢሰራኤሌ ዳሬ ኡባሰ፡ ኣሰራኤሌ ኣሰ ጊዲዳይ ዋይኮ ኢሰራኤሌ ናይታ ጊደን ዲዛ ኢማላ ኣሰ ኣዲና ጋላናሰ ዋይኮ ኢዚ ጮ ኡፋይሳን ማላ ኢሚዛ ጸጌቲዛ ያርሾ ሺሺኮ።

19 ኢዛ ያርሾይ ኤኬታና ማላ ኢሲ ቦሬይ ኢዛ ቦላ ባይንዳ ኮርማ ቦራፔ፡ ጳርሾፊኔ ዳይሻ ኦርጌፊ ጊዶ።

20 ኢዛ ቦላ ዋሶይ ዲዛ ማሃ ኢንቴ ሺሺኮ ጎዳይ ሃሳ ኤኬና።

21 « ቃሴ ኦና ጊዲኮካ ባ ኣዲና ጋላናሰ ኢሲፊቲላ ያርሾ ጎዳሰ ያርሺዛ ዋዳ ዋይኮ ባ ደሳን ባ ማሃታፔ ኪያቴላ ኢሞታ ኢሚዛ ጊዲኮ ሄ ኢሞታ ኤካና ማላ ኢዚ ኢሚዛ ማሃዛ ቦላ ኣይኮ ዋሶይ ባይንዳዝ ጊዶ።

22 ቆቁ ዋይኮ ማቆ ዋይኮ ቁሻ ዋይኮ ጊይዛ ማዳንላራ ዲዛ ዋይኮ ጋራንዳ ዋይኮ ሻቶራ ዲዛ ማሃ ጎዳሰ ያርሾ ሺሾፋ፤ ሃሳንታ ማላ ማሃ ያርሾ ያርሺዛሶዛን ጸጌቲዛ ያርሾ ሂሰታ ያርሾፋ።

23 ኢዛሰ ሚጴቲሊ ዋጋይ ባይንዳ ኣዲሳ ዋይኮ ቃንላ ጊዲዳ ማሃ ባ ደሳን ኢሚዛ ኪያቴላ ኢሞታ ጊዲዲ ሺቃናሰ ዳንዳዬሰ፤ ጊዶ ኣቲን ኣዲና ጋሶሰ ሺሻናሰ ዳንዳዬሰ።

24 ሳንጌቲዳ ዋይኮ ጳቂቲዳ ማሃ ጎዳሰ ያርሾ ሺሾፍቲ፤ ኢንቴ ቢታን ሄይታንታ ማላ ያርሾፍቲ።

25 ኣላጋ ኣሳፔ ኢሚቲዳ ማሃ ጸሳሰ ያርሾ ሺሾፍቲ፤ ሃይታንታ ማላ ማሃቲ ቦሬይ ዲዛ ማላ ቆዴቲዛ ጊሻሰ ኢሰቲ ኤኬቴቲና፤ ጋ ዮታ።»

26 ጎዳይ ሙሴሰ ሂዘጊደሰ።

27 «ሚዛ ማሪ ዋይኮ ዶርሳ ላቃይ ዋይኮ ዳይሻ ላቃይ ዩሌቲኮ ላፑን ጋላሰ ጋካናሰ ባ ኣይፔ ሻኬቶፎ፤ ጊዶ ኣቲን ኦሶፑንላ ጋላሳፊ ኦይኪዲ ጸጌቲዛ ያርሾሰ ሺቃናሰ ዳንዳዬሰ።

28 ሚዛ ኢዚ ማራራ፡ ዶርሰ ኢዚ ላቃራ ኢሲ ጋላሰ ያርሾሰ ሹኮፍቲ።

29 «ኢንቴ ጎዳሰ ጋላታ ያርሾ ያርሺዛ ዋዳ ኢንቴ ሺሺዛ ጋላታዚ ኤኬታና ማላ ኦሊ ሺሺቴ።

30 ኢንቴ ሺሺዳይሳፊ ኣይኮካ ዋንቶሰ ኣሾንታ ሄ ጋላሰ ኡባ ሚቹቴ፤ ታኒ ጎዳ።

31 «ኢንቴ ታ ኣዛዘታ ናጊቴኔ ኦሊቴ፤ ታኒ ጎዳ።

32 ታ ጌሻ ሰንሳ ቱኒሶፐቴ፤ ታ ጌሻቴላ ኩሜላ ኢሰራኤሌ ኣሳይ ኤሪዲ ታና ቦንቸ፤ ኢንቴና ዲማሲዳይ ታና ጎዳ።

33 ኢንቴ ጸሳ ጊዳናሰ ኢንቴና ጊብጼ ቢታፊ ኬሲዳይ ታና፤ ታኒ ጎዳ ኢንቴ ጸሳ።»

23

ኣይሁዳቲ ቦንቸዛ ባኣሌ

1 ጎዳይ ሙሴ ሂዘጊደሰ።

2 «ኢሰራኤሌ ኣሳሰ ዲማ ሺቆ ጊ ኣዋጂዲ ኢንቴ ቦንቸናሰ ቤሲዛ ዶሬቲዳ ባኣሌቲ ሃይሳፊ ካሊ ዲዛይታ፤

ሳሞባታ

3 «ኢንቴ ኢንቴሰ ኦላናሰ ኡሶፑን ጋላሳቲ ዳቴሰ፤ ላፑንላ ጋላሳይ ጊዲኮ ኢንቴሰ ሺሞፐዛ ሳሞባታ

ጋላሳ፤ ሄ ጋላስ አንቱ ጸሳ ጎይናናሰ ሸቂቱ ኣቲን ኣይ ኦሶካ ኦሶፍቲ፤ አንቱ ዲዛሶ ኡባን ሄሲ አንቱ ጸሳ ቦንቻና ሳምባታ ጋላሳ።

ፓዚጋ ባኣሌ ኡኩላ ባኣሌ
(ታይ 28:16-25)

4 «ኢሰታሰ ዋዲ ዋዲን ጌሻ ሸቆ ኣሉ ኣዋጂዲ አንቱ ቦንቻናሰ ቤሲዛ ጎዳ ባኣሌቲ ሃይሳፊ ካሊዛይታ።

5 ጎዳይ ኢዛን ቦንቹቲዛ ፓዚጋ ባኣሌይ ኮይር ኣገናይ ጌሊዳ ታማኔ ኦይዳንሶ ጋላስ ኣርሼይ ወሊን ጋይይ ለምኢ ለምኢሺን ኦይኮቲሰ።

6 ሄ ኣገናዛን ታማኔ ኢቻሻንሶ ጋላስ ኡኩላ ባኣሌይ ኦይኮቲሰ፤ ሄሳፊ ጉዬ ላቸን ጋላስ ጋካናሰ ኢርሾይ ጌሎንታ ኡኩላ ሚቲ።

7 ሄ ጋላሳታፔ ኮይር ጋላስ ጸሳ ጎይናናሰ ሸቂቲ፤ ሄ ጋላስ አንቱ ኦሶ ኦሶፍቲ።

8 ላቸን ጋላስ ጋካናሰ ጸጌቲዛ ያርሾ ጎዳሰ ሸቂቲ፤ አንቱ ኦሶ ኣገዲ ላቸንሳ ጋላስ ጎዳ ጎይናናሰ ሸቂቲ።»

ካላ ጸራ ባኣሌ ጋላስ

9 ጎዳይ ሙሴ ሂዘገዴሰ።

10 «ኢሰራኤል ኣሳሰ ታኒ አንቲሰ ኢሚዛ ቢታ ጌሊዲ አንቱ ካላ ሸቂዛ ዋዴ ካላ ጸራ ቁሴኮ ኤሂቲ።

11 ጎዳ ሲንሳን አንቱ ሸቂዛይሲ ኤኮታና ማላ ቁሴዚ ቃሴ ካላ ጸራ ኤኪዲ ያኔ ሃ ቃሊዛ ያርሾ ሂሰቲ ጸሳሰ ሸቂቲ፤ ቁሴዚ ሄ ጸራ ካላ ያኔ ሃ ቃሴዚዛ ያርሾ ሂሰቲ ሸቂቲናሰ ቤሲዛይ ሳምባታ ጋላሳፊ ዋንቲላ ጋላስ ገደ።

12 አንቱ ሄ ያርሾ ሸቂዛ ጋላስ ኢዛ ቦላ ቦሬይ ባይንዳ ኢሲ ላይላ ጳርሾ ላቃ ጸጌቲዛ ያርሾ ኦሊዲ ኢሲ ቦላ ጸሳሰ ሸቂቲ።

13 ኢዛራ ኢሲፊ ዋጋራ ሚላ ዛይቲን ሙኑቂቲዳ ናምኡ ኪሎ ገዲዛ ሊቆ ጳሌ ካላ ያርሾ ሂሰቲ ሸቂቲ፤ ሂሲካ ኢዛ ሳዎይ ጎዳ ኡፋይሲዛ ጸጌቲዛ ያርሾ ገዳና፤ ኢዛራ ኢሲፊ ኢሲ ለቲሮ ገዲዛ ዋይኔ ኡሹ ኣምታ ሸቂቲ።

14 አንቱ ሄይታ ጎዳሰ ኣማናፔ ኮይር ጋኪዳ ካላ ኣይፊ ቃዬ ገዲን ዋይኮ ሻሽ ዋይኮ ኡኩላ ኡኪዲ ሞፐቲ፤ ሃይሳ ሃ ዋጋዛ አንቱ ዲዛሶ ኡባን ጉዬፔ ያና አንቱ ዩሌታሰ ኤቂ ዲዛ ሜርና ዋጋ ገደ።

ካላ ሸቂቲ ባኣሌ

(ታይ 28:26-31)

15 «አንቱ ጎዳሰ ያኔ ሃ ቃሴላ ሸቂዛ ያርሾ ያርሼዳ ሳምባታ ጋላሳ ዋንቲላፊ ደሚዲ ላቸን ሳምባታ ቆዲቲ፤

16 ላቸንሳ ሳምባታፔ ጉዬ ኢቻሻ ታማንሶ ጋላስ ቃሴካ ሃራ ኦራላ ካላ ያርሾ ጎዳሰ ሸቂቲ።

17 ናምኡ ኪሎ ገዲዛ ሊቆ ጳሌ አንቱ ሶፔ ኢርሾን ሙኑቂቲ ኡኩቲዳ ናምኡ ኡኩላ ያኔ ሃ ቃሴላዛ ያርሾ ሂሰቲ ኤኪ ዩቲ፤ ሂሲካ ኦራላ ሸቂዛ ካላ ገሻሰ ጸሳሰ ሸቂዛ ካላ ያርሾ ገደ።

18 ሄ ኡኩላራካ ኢሲፊ ኢሰታ ቦላ ዋሶይ ባይንዳ ኢሲ ላይላ ገዲዛ ላቸን ጳርሾ ላቃታ ኢሲ ኮርማ

ቦራራ ናምኡ ጳርሾታ ሸቂቲ፤ ካላ ያርሾዛራይ ዋይኔ ኡሻ ያርሾዛራ ኢሲፊ ጎዳሰ ጸጌቲዛ ያርሾኔ ሳዎ ቲኑ ገዛ ያርሾ ሂሰቲ ሸቂቲ።

19 ቃሴካ ናጋራ ገሻሰ ሸቂዛ ያርሾሰ ኢሲ ዴይሻ ኦርጌ፤ ኢሲፊቲላ ያርሾሰ ኢሲ ላይላ ጳርሾ ላቃ ናምኣታ ያርሾሰ ሸቂቲ።

20 ቁሴይ ኡኩላ ናምኡ ላቃታራ ያኔ ሃ ቃሴላዲ ጎዳሰ ዲማ ያርሾ ሂሰቲ ሸቂቲ፤ ሂሲካ ቁሴታ ገሻ ገደ፤ ሄይቲ ሄ ኣምታቲ ሃራፔ ዲማ ኣምታ።

21 ሄ ጋላስ ኣዋጂ ኣዋጂዲ ጎዳ ጎይናናሰ ኢሲ ቦላ ሸቂቲ ኣቲን ሃራ ኦሶ ኦሶፍቲ፤ ሃይሲ አንቱ ዲዛሶ ኡባን አንቲፊ ጉዬራ ዩዛ ዩሌታሰ ሜርናሰ ኤቂ ዲዛ ዋጋ ገደ።

22 አንቱ አንቱ ቢታን ካላ ሸቂዛ ዋዴ ጳሳ ቦላ ዲዛ ካላ ማጸፐቲ፤ ማጸሊሽን ጉዬን ኣቲዳይሳ ማጸናሰ ጉዬ ሲሞፍቲ፤ ጉዬን ኣቲዳይሲ ማንቆታሲኔ ሃራ ቢታፊ ቤቲ ዩዳ ኣሳታሰ ኣቶ፤ ታኒ ጎዳ አንቱ ጸሳ።»

ዛዬይ ፑኔቲዛ ባኣሌ

(ታይ 29:1-6)

23 ጎዳይ ሙሴሰ ሂዘገዴሰ።

24 «ኢሰራኤል ኣሳሰ ላቸንሳ ኣገናይ ጌሊዳ ኮይር ጋላሳይ አንቲሰ ሸምፖ ጋላስ ገደ፤ ሄ ዋዴ ዛዬይ ፑኔቲሽን አንቱ ጎዳ ጎይናናሰ ሸቂዛ ዲማ ሸቆ ገደ።

25 ሄ ጋላስ ጎዳሰ ታማን ጸጌቲዛ ካላ ያርሾ ሸቂቲ ኣቲን ሄ ጋላስ ኣይኮካ ኦሶፍቲ።»

ናጋራ ወርሶ ጋላስ

(ታይ 29:7-11)

26 ጎዳይ ሙሴሰ ሂዘገዴሰ።

27 «ላቸንሳ ኣገናይ ጌሊዳፔ ጉዬ ታማንሳ ጋላሳይ ናጋራፔ ማሬቲላ ጋላሳ፤ ሄ ጋላስ ኣይ ካሊካ ሞፐቲ፤ ጎዳ ጎይናናሰ ሸቂቲ፤ ጸሳሰ ታማን ጸጌቲዛ ያርሾ ሸቂቲ።

28 ሄ ጋላሳይ ጎዳ አንቱ ጸሳ ሲንሳን ኣሳ ናጋራ ወርሶ ጋላስ ገዲዳ ገሻሰ ሄ ጋላስ ኣይኮካ ኦሶፍቲ።

29 ሄ ጋላስ ባናቲላ ካወሺዲ ማሬቶንታ ኣይ ኣሲካ ዴራ ገደፊ ሻኬቲ ጳዮ።

30 ሄ ጋላስ ኣይ ኦሶ ገዲን ኦሊዛዴ ታኒ ኢዛ ኢዛ ዴራ ገደፊ ሻካ ጳይሳና፤

31 ሃሳ ገሻሰ ሄ ጋላስ አንቱ ኣይ ኦሶካ ኦሶፍቲ፤ ሃይሲ ሃ ዋጋዚ አንቱ ዲዛሶ ኡባን አንቲፊ ጉዬ ያና አንቱ ዩሌታሰ ኤቂ ዲዛ ሜርና ዋጋ ገደ።

32 ሄ ኣገናይ ጌሊዳ ኡዲፋንሶ ጋላሳ ኦማርሳፊ ቢዲ ታማንሶ ጋላሳ ኦማርሰ ጋካናሰ አንቲናቲላ ካወሺዲ ሄ ጋላሳ ሳምባታ ሂሰቲ ቦንቹቲ።»

ዳሴ ባኣሌ

(ታይ 29:12-40)

33 ጎዳይ ሙሴሰ ሂዘገዴሰ።

34 «ጎዳሰ ዳሴ ባኣሌይ ላቸንሳ ኣገናይ ጌሊዳ ታማኔ ኢቻሻንሶ ጋላሳፊ ደሚዲ ላቸን ጋላስ ጋካናሰ ቦንቹቶ።

35 ሄ ጋላሳታፔ ኮይር ጋላስ ጎዳ ጎይናናሰ ሸቂቲ ኣቲን ኣይ ኦሶካ ኦሶፍቲ።

23:3 ኬሳ 20:8-10፤ 23:12፤ 31:15፤ 34:21፤ 35:2፤ ዛሬ 5:12-14 23:5 ኬሳ 12:1-13፤ ዛሬ 16:1-2 23:8 ኬሳ 12:14-20፤ 23:15፤ 34:18፤ ዛሬ 16:3-8 23:18 ኬሳ 23:16፤ 34:22፤ ዛሬ 16:9-12 23:22 ለዌ 19:9-10፤ ዛሬ 24:19-22 23:32 ለዌ 16:29-34

36 ለፑን ጋላሳታን ኢሳን ኢሳን ጎዳስ ጸጌቲዛ ያርሾ ሺሺቲ፤ ኦሰፑንጎ ጋላስ ቃሴካ ጎዳ ጎይናናስ ሺቁቲ፤ ጎዳስ ጸጌቲዛ ካላ ያርሾ ያርሺቲ፤ ሄ ጋላሳይ ኢንቲ ሺቆዛ ዉርሲዛ ጋላስ ጊዲዳ ጊሻስ ሄ ጋላስ ኣይኮካ ኦሶፍቲ።

37 «ኢንቲ ታማን ጸጌቲዛ ያርሾኔ ካላ ያርሾ ቃሴ ሃራ ያርሾታ ኡባኔ ኡሻ ያርሾ ኮሺዛ ከና ዋሊዳ ጋላሳን ጎዳስ ሺሻናስ ኢንቲ ጌሻ ሺቆ ኦሊዲ ኣዋጃናስ ቤሲዛ ጎዳስ ዶሬቲዳ ባኣሌቲ ሃይታንታ።

38 ሃይቲ ሃ ያርሾቲ ጎዳ ሳምባታ ጋላሳታን ኢንቲ ሺሺዛይታ፤ ጸሳስ ኢሚዛ ኢሞታታ፤ ኣዲና ጋሊዛይታ፤ ኢንቲ ኢንቲ ዶሳን ጮ ኢሚዛይታ፤ ቦላራ ጉጂዲ ኢንቲ ኢሚዛ ኢሞታታ።

39 «ኢንቲ ካላ ሺሺዳ፤ ጉዬ ላፑንጎ ኣገናይ ጌሊዳ ታማኔ ኢቻሻንጎ ጋላስ ኮይሮራ ሃይሳ ኡፋይሳ ባኣሌዛ ጎዳ ሲንጎን ላፑን ጋላስ ጋካናስ ቦንቸቲ፤ ኮይሮ ጋላሲኔ ኦሰፑንጎ ጋላሳይ ኢንቲስ ዲማ ሺምፖ ጋላስ ጊዲ።

40 ሄ ኮይሮ ጋላስ ኢንቲ ቢታን ካጺዛ ሎኦ ሚላ ኣይፊ፤ ዛምባ ሃይላ፤ ጨሊላ ሚላ ሃጋኔ ሃሊናጌ* ሚላ ሃጋ ኦይኪዲ ጎዳ ኢንቲ ጸሳ ሲንጎን ኡፋይቲሽ ላፑን ጋላስ ጋካናስ ባኣሌ ኦሊቲ።

41 ሃይሳካ ላይላን ላይላን ላፑንጎ ኣገናን ላፑን ጋላስ ጋካናስ ጎዳ ሲንጎን ቦንቸቲ፤ ሃይሲ ሃ ዋጋይ ኢንቲስ ና ና ጋካናስ ሜርና ዋጋ ጊዲ ቦንቸቶ።

42 ኩሚላ ኢሰራኤሌ ዳሬይ ላፑን ጋላስ ጋካናስ ዳሴን ኡቶ።

43 ሃይሳንካ ታኒ ኢሰራኤሌ ናይታ ጊብጾ ቢታፊ ኬሲዳ ዋዴ ኢሰቲ ዳሴን ኡታና ማላ ታ ኦሊዲይሳ ኢንቲፊ ጉዬ ዪዛ ዬሌታይ ኡራና። ታኒ ጎዳ ኢንቲ ጸሳ።»

44 ሙሴይ ሃይሳላ ኦሊዲ ጎዳ ባኣሌታ ቦንቸዛ ዋጋ ኢሰራኤሌ ኣሳ ኤሰሲዳስ።

24

ጸምፔታ ጊሻስ ናጌቲላ (ኬሳ 27:20-21)

- 1 ጎዳይ ሙሴስ ሂዝጊዳስ፤
- 2 «ዲንካኔዛን ፓጩይ ባይንዳ ፖኣና ማላ ኦላናስ ዋጋራ ሚላፊ ጉምኢ ጸሊሲ ኬሲዳ ዛይቲ ኢሰራኤሌ ዳሬ ኣሳይ ኔስ ኤሃና ማላ ኣዛዛ።
- 3 ኣርኔይ ኦማርስ ኦማርስ ጸምፔዛ ኦይሴላ፤ ሂሲካ ጋይቶቲላ ዲንካኔዛ ጊዲን ዲዛ ጫቆ ቃላ ታቦታዛ፤ ሲንጎ ሳጋራ ዲዛ ማጋላሻ፤ ካሬ ሳጋራ ጎዳ ሲንጎን ጋይይ ዋንታና ጋካናስ ፖኣሽ ኣቆ፤ ሃይሲ ሃ ዋጋዚ ሲንጎፊ፤ ያና ዬሌታስ ሚርና ዋጋ ጊዲ።
- 4 ኣርኔይ ሄ ጸምፔታ ዋሊዛ ዋላካይ ባይንዳ ዋርቃፊ ኦሴቲዳ ባላዛ ቦላ ዲዛ ጸምፔቲ ፓጩይ ባይንዳ ጎዳ ሲንጎን ፖኣና ማላ ና።

ጸሳስ ሺቁዛ ካላ ያርሾ

5 «ታማኔ ናምኡ ኪሎ ጊዲዛ ሊቆ ጳሌ ኤካዳ ታማኔ ናምኡ ኡኬላ ኡካ።

6 ኡኬላታ፤ ኡሱፑናታ ቦላራ ዋላካይ ባይንዳ ዋርቃን ቲዬቲዳ ጸራጸዛ ቦላ ኢሲ ባጋራ ዋላ፤ ቃሴ ሃንኮ ኡሱፑናታ ሃንኮ ባጋራ ዲዛ ማዳ ቦላ ማራን ማራን ዋላ።

7 ጎዳስ ታማን ጸጌቲ ያርሾቲዛ ካላ ያርሾ ጊዲዳይሳ ቆፍሳናስ ሙሩታ ኤጸኔ ናምኡ ባጋራካ ዋላ።

8 ሃይሳ ሃ ኡኬላዛ ሳምባታን ሳምባታን ኡባ ዋዴ ኣርኔይ ጎዳ ሲንጎን ኢሰራኤሌ ኣሳ ጊሻስ ዋላ፤ ሃይሲ ኢሰራኤሌ ኣሳይ ፓጩይ ባይንዳ ኦላና ማላ ቤሲዛ ጫቆ ቃላ።

9 ኡኬላይ ኣርኔሲኔ ኢዛ ዜሬላታስ ጊሻ ጊዲ፤ ኢሰቲ ኡኬላ ጎዳስ ዲማቲዳሶን ሜቶ፤ ሂሲካ ጎዳስ ታማን ጸጌቲ ሺቁዛ ያርሾታ፤ ከሄ ዲማቲዳ ኣርኔሲኔ ኢዛ ዜሬላታስ ኢሚቲዳ ጊሻ ጊዲ።»

ቆሆ ጋሶን ጋኪዛ ቁጻቲ

10 ኣዪ ባጋራ ኢሰራኤሌ፤ ኣዋ ባጋራ ጊብጾ ዳሬ ኣስ ጊዲዳ ኢሳይይ ዳሰ፤ ኢዚካ ኢሲ ጋላስ ባ ዲዛ ሄራን ዲዛ ኢሲ ኢሰራኤሌ ኣስ ጊዲዳሪራ ኦዬቲዳስ።

11 ሄ ኣዬይ ባጋራ ኢሰራኤሌ ኣስ ጊዲዳይሲ ኦዬቲሽ ጎዳ ስንጎል ጫዪዳስ፤ ሂሰቲን ኢዛዳ ሙሴኮ ኤሂዳ፤ ሄ ኣዳዛ ኣሳይ ዳኔ ባጋፊ ጊዲዳ ዲብራዬ ና ሻሎሚቶ ጌቲታዉስ።

12 ኢሰቲ ኢዛ ቦላ ኣይ ቁጻቲ ዬጋናስ ቤሲዛኮ ጎዳይ ኢሰታስ ዮታና ጋካናስ ኢዛ ቃሾ ኬላን ዬጊዳ።

13 ጎዳይ ሙሴስ ሂዝጊዳስ፤

14 «ሄ ኣዳዛ ኣሳይ ዲዛሶፔ ጌዴ ሃራሶ ኬሳ፤ ኢዚ ጸሳ ጫዪሽን ሲዩዳ ኡባይ ሃሳይይ ዋር ኦሊዲይሳ ማርካታናስ ኢሶይ ኢሶይ ባ ኩሽ ሄ ኣዳዛ ሁኤ ቦላ ዋላ፤ ሃሳፊ ካሊዲ ኩሚላ ኢሰራኤሌ ዳሬይ ኢዛ ሹቻን ጫዲ ዋዶ።

15 ታና ጸሳ ጫዪዳ ኣይ ኣሲካ ሃሳላካ ባ ቁጻቲ ኤኮ።

16 ጎዳ ጫዪዳ ኣይ ኣስ ጊዲንካ ዳሬይ ኡባይ ኢዛ ሹቻን ጫዲ ዋዶ፤ ኢሰራኤሌ ኣስ ጊዲን ዋይኮ ኢሰራኤሌ ዳሬ ጋርሳን ዲዛ ሃራ ዳሬ ኣስ ጊዲን ጎዳ ጫዪዳይይ ሹቻን ጫዳቲ ሃይቆ።

17 «ኣሴ ዋዲዳይይ ኦኒካ ሃይቆን ቃጻዬቶ።

18 ኣሳ ማህ ዋዲዳይይ ኢዛ ማላ ማህ ቃንጾ፤ ሃሲ ሄ ዋጋዚ ሺምፖ ጊሻስ ሺምፖ ቃንጾዛ ዋጋ።

19 «ኣይ ኣሲካ ሃራ ኣሳ ቦላ ቆሆ ጋሊኮ ኢዛይይ ቆሆ ጋሊዲይሳ ማላ ቆሆይ ሄ ጋሊዳይ ቦላ ጋኮ።

20 ሚቁላ ሚንሊዳዳስ ሚቁላ ሚቆ፤ ኣይፊ ቶይሲዳዳስ ኣይፊይ ቶኦ፤ ኣቶ ሚንሊዳዳስ ኣቶ ሚቆ፤ ሃራ ኣሳ ቦላ ኣይ ቆሆካ ጋሊዳዳስ ኢዚ ጋሊዳ ቆሆዛ ማላይ ኢዛ ቦላ ጋኮ።

21 ማህ ዋዲዳይይ ማህ ቃንጾ፤ ኣሴ ዋዲዳይይ ጊዲኮ ሃይቆን ቃጻዬቶ።

22 ሃይሲ ዋጋዚ ኢንቲስ ኢሰራኤሌ ናይታስ ጊዲን ዋይኮ ኢንቲ ጊዲን ዲዛ ሃራ ዳሬ ኣሳ ኡባሳ፤ ጋሶይካ ታኒ ጎዳ ኢንቲ ጸሳ።»

23 ሙሴይ ሃሳ ኡባ ዳሬዛስ ዮቲ ፖሊዳ፤ ጉዬ ሄ ጸሳ ጫዪዳ ኣዳዛ ኣሲ ዲዛሶፔ ሃራሶ ኬሲዲ ሹቻራ ጫዲ ዋዲዳ፤ ሃሳላካ ኢሰራኤሌ ኣሳይ ጎዳይ ሙሴ ኣዛዚዳ ማላ ኦሊዳ።

23:36 ዛሬ 16:13-15 * 23:40 ሃሊናጌ፡ ሃሊናጌ ጊዛይሳ ኢሲ ኢሲ ባጋ ጋምላ ቃላን ሃሊናጎ ጌቲቲስ። 24:6 ኬሳ 25:30 24:9 ማቶ 12:4፤ ማር 2:26፤ ሉቃ 6:4 24:17 ኬሳ 21:12 24:20 ኬሳ 21:23-25፤ ዛሬ 19:21፤ ማቶ 5:38 24:22 ታይ 15:16

25

ላፑንላ ላይላ ሾምፖ (ዛሬ 15:1-15)

1 ጎዳይ ሲና ዙማ ቦላን ሙሴ ሂዘጊ አዛዚደሰ።
 2 «ኔ ኢሰራኤል አሳሰ። ታኒ ኢንቴሰ ኢሚዛ ቢታ ኢንቴ ጌሊዛ ዋዴ ላፑንላ ላፑንላ ላይላን ቢታ ጎዮንታ ሻቺ ሾምፖሶን ጸሳ ቦንቺቴ።
 3 ኡሱፑን ላያሰ ኩሜላ ጎዩቴኔ ዜሪቴ፤ ዋይኔ ሚላይ ሎኤላ አይፋና ማላ ቁርጺቴ፤ አይፊካ ማጺ ሺሺቴ።
 4 ጊዶ ኣቲን ላፑንላ ላይላይ ታሰ ጸሳሰ ዲማ ጊዲን ቢታይ ሾምፖ ዴሚዛ ላይላ ጊዶ፤ ሄ ላይላ ቢታ ጎዮፕቴ፤ ዋይኔ ሚላይካ አይፋና ማላ ቁርጺፍቴ።
 5 ኢንቴ ዜርንታ አዛባ ጫሪዳ ካላ ኢንቴሰ ማጺ ሺሻፍቴ፤ ሄ ላይላይ ቢታያ ሙሌራ ሾምፕዛ ላይላ።
 6 ሄ ላይላ ኢዛ አይኮካ ጎዮንታ ኣጊኮካ ቢታያ ኢንቴሰ ኢንቴ አይሌታሲኔ ኢንቴሰ ሚሻራ ኦላዚይታሰ፤ ቃሲካ ሃራ ዴሬፕ ዩዲ ኢንቴናራ ዲዛ ሃራ ዩሌታታሰ ሚዛዝ ጊዶ።
 7 ኢንቴ ሜሃታሲኔ ኢንቴ ቢታ ቦላ ዲዛ ደአታሳራ ሜቴቲዛዝ ቢታያ ኢማና፤ ሄ ኢዛ ኢሚዛይሲ ኡባይ ኢሰታሰ ሜቴቲዛዝ ጊዶ።

ዋዛ ላይላ

8 « ላፑንቶ ላፑን ላይላ ቆዳ፤ ሄ ላይላታ ቆዳይ ኦይዲ ታማኔ ኡዲፋን ላይላ ጊደሰ፤
 9 ላፑንላ ኣጊናይ ጌሊዳፕ ታማንላ ጋላሰ ቦንቺቴዛ ርጋራፕ ማሬቴላ ጋላሰ ኩሜላ ቢታ ቦላ ዛዬ ዛያናዴ ዩዲቴ።
 10 ሃሳላካ ኢቻሽ ታማንላ ላይላ ዲማሲ ሻኪዲ ቢታይ ቦላ ዲዛይታሰ ኡባሰ ዋዜቴላ አዋጂቴ፤ ሃይሳፊ ካሴ ባይዜቴዳ ጋዴይ ካሴ ባይዚዳዴሰ ዋይኮ ኢዛዴ ቆሞሰ ሲሞ፤ አይሌቴላን ባይዜቴዳ አይሌይካ ካሴ ባ አሳኮ ሲሞ።
 11 ሄ ላይላ ጎሼ ጎዩዲ ዜሬላ ዜርፕቴ፤ ዜሬላ ዜርንታ ጮ አዛባ ካጺዳ ካላ ዋይኮ ቁርጺቶንታ አይፊዳ ዋይኔ ሚላ አይፊ ማጺ ሺሻፍቴ።
 12 ሄ ላይላይ ኩሜላ ኢንቴሰ ዲማ ሻኬቴዳ ላይላ ጊዶ፤ ካሴ ኢንቴ ዜርንታ ጮ ባርካ ካጺዳ ካላ ጸላ ሚቴ።
 13 « ላይሳፊ ካሴ ባይዜቴዳ ጋዴይ ኡባይ ሄ ዋዛ ላይላን ጋዴዴሰ ሲሞ።
 14 ሃሳ ጊሻሰ ኔ አሾ ጊዲዳ ኢሰራኤል አሳ ኔጊ ጋዴ ባይዚዳዝ ጊዲኮ ዋይኮ ኔ ሃ ኔሰ ሻሚዳዝ ጊዲኮ ጌኔ ኦሶ አላፋ።
 15 ጋዴዛ ዋጋይ ሄሪጌታናሰ ቤሲዛይ ሲንላፊ ቢታይ ሲሚዛ ላይላይ ጋካናፕ ካሴ ሄ ጋዴይ ኢማና ዳንዳይዛ ካላ ቆፕ ሄሪጋናሰ ቤሴሰ።
 16 ላይላይ ዳር ጊዲኮ ሄሪጋይካ ዳር ጊዶ፤ ላይላይ ጉላ ጊዲኮ ሄሪጋይካ ጉላ ጊዶ፤ ጋዴይ ባይዜቴዛ ዋጋይ ጋዴዚ ኢሚዛ ካላ ማላ ጊዶ።
 17 ኢሲ ኢሰራኤል ኢሲ ሃራ ኢሰራኤል ኢሰ ቆሆፖ፤ ኢንቴ ኢንቴ ጸሳሰ ያዩቴ፤ ታኒ ጎዳ ኢንቴ ጸሳ።

ላፑንላ ላይላን ያና ሜቶ

18 « ለኢንቴ ኢንቴ ቢታ ቦላ ሳርን ዴናና ማላ ጸሳ ዋጋ ኡባ ቦንቺቴ።

19 ቢታያ ኢንቴሰ ጊዳና ካላ ኢማና፤ ኢንቴካ ኢዚፕ ካላና ጋካናሰ ማና፤ ሳርቴላንካ ዴኣና።
 20 « ሲዶ ኣቲን ላፑንላ ላይላን ጎሼ ጎዮንታኔ ካላ ዜርንታ ማጸንታ ኣይ ማኔ? ጊዲ ኦይቺዛ ኢሲ ደንታ ኣጌና።
 21 ኡሱፑንላ ላይላታን ቢታዮ ኣንጃና፤ ሂሰቲኮ ኢዛ ኢንቴሰ ሄቩ ላይላሰ ጊዳና ካላ ኢማና።
 22 ኡሱፑንላ ላይላንካ ጎሼ ጎዩሼ ኢንቴ ካሴ ሺሺዳ ካላ ማና፤ ሄሳ ሄ ካላ ኡዲፋንላ ላይላን ቦኔ ካላ ኢንቴ ሺሻና ጋካናሰ ኢዛፕ ማና።

ባይዜቴዳ ኣቆታ ዋዛ

23 « ስጋይ ዋዜቶንታ ማላ ባይዛናሰ ቤሴና፤ ጋሶይካ ቢታይ ታሳ ኣቲን ኢዛ ኢንቴሰ ጊዲኮ፤ ኢንቴ ኢማላታኔ ቤቴ ኣሳታ ማላ።
 24 « ቢታይ ባይዜቴኮ ሄ ባይዚዛዴይ ሄ ቢታ ዛሪ ዋዛናይሲ ኤሬቴዳዝ ጊዶ።
 25 ኢሰራኤል ኣሳፕ ኢሳዴይ ሜቶፕ ኣታናሰ ባ ጋዴ ባይዚኮ ኢዛሰ ማቴዛ ዳቦይ ሄ ባይዜቴዳ ጋዳ ዋዛ።
 26 ኢዛሰ ዋዚዛ ማታ ዳቦይ ደንታ ኣጊኮ ኢዛዴይ ጋምኢሼ ሚሼ ዴሚዲ ዛሪ ዋዛናሰ ዳንዳይሰ።
 27 ሃሳ ዋዛናሰ ኢዚ ዳንዳይዛ ዋዴ ባ ባይዚዳ ዋዴዛፕ ደሚዲ ዲዛ ላይላ ቆዲዲ ኣቲዳ ላይላታ ሚሻ ሻሚዳዴሰ ዛር፤ ሄሳፊ ጉዬ ካሴ ባ ጋዴዛ ዛሪ ኤኮ።
 28 ቃሴካ ጋዴዛ ዋዛናሰ ጊዲዛ ሚሼ ኢዛሰ ደንታ ኣጊኮ ኢዚ ባይዚዳ ጋዴይ ዋዜቴዛ ላይላይ ጋካናሰ ሻሚዳዴ ኩሼን ዴኣ፤ ዋዜቴዛ ላይላይ ጋኪሽን ጋዴይ ጋዳዴሰ ሲሞ፤ ጋዳዴይካ ጌዴ ባ ጋዴን ሲሞ።
 29 « ሲሲ ኢሲ ጊምቤይ ጊምቤቴዳ ካታማ ጊዶን ዲዛ ኬላ ባይዚዳ ጊዲኮ ኢዚ ባይዚዳፕ ኢሲ ላይላ ጋርሳን ዛሪ ዋዛናሰ ዳንዳይሰ፤ ኢዚ ዛሪ ዋዛና ዳንዳይዛይ ኢሲ ላይላ ጋርሳን ጸላ።
 30 ጊዲኮካ ኢሲ ላይላ ጋርሳን ዛሪ ዋዛናሰ ዳንዳይንታ ኣጊኮ ሃራ ዋዴ ዛሪ ዋዚሲዛ ዋጋይ ኢዛሰ ዴና፤ ኬላይ ሻሚዳዴሰ ዋይኮ ኢዛ ና ናሰ ሃር ጊዲ ኣቴሰ፤ ባይዜቴዳ ሚሻይ ዋዜቴዛ ላይላንካ ባይዚዳዴሰ ኬላይ ሲሜና።
 31 ጊምቤይ ጊምቤቶንታ ጮ ዴሬ ጋርሳን ዲዛ ኬላቲ ባይዜቴዳፕ ጉዬ ጎሻ ቢታ ማላ ቆዴቴዲ ኬላ ጎዳይ ዛሪ ዋዛናሰ ዳንዳይሰ።
 32 « ሲዶ ኣቲን ለዌ ናይቴ ባሰ ኢሜቴዳ ካታማታን ዲዛ ባ ኬላታ ባ ኮዩዳ ኣይ ዋዴካ ዋዛናሰ ዳንዳይቴሰ።
 33 ሃይቴ ካታማታን ኢሲ ለዌ ቆሞይ ኬላ ባይዚኮ ቃሴ ዛሪ ዋዛናሰ ኢዚ ዳንዳይንታ ኣጊኮ ባይዜቴዳ ሚሻ ዋዛ ላይላን ኢዛሰ ሲሞ፤ ጋሶይካ ለዌ ቆሞቲ ባ ካታማታን ኬዲዳ ኬላቲ ኢሰራኤል ናይታ ጊዶን ኣይ ዋዴ ጋካናሰካ ኢሰታሳ።
 34 ቃሴካ ኢሰቲ ካታማታ ዩሾን ዲዛ ሜሃይ ሃሚቴዛ ቢታይ ሙሌካ ባይዜቶፍ፤ ሄ ቢታይ ኣይ ዋዴካ ኢሰታሳ።

36 ኔ ባጋ ጊዲዳ ኢሰራኤል አሲ ኔናራ ዳና ማላ ኢዛፔ ዲቻ ሞፓ፤ ኔ ጸሳሰ ያያ።

37 ኔ ኢዛሰ ታልኤ እሚኮ ኢዛፔ ዲቻ ኦይቸፋ፤ ኔ ካል ኢዛሰ ዋዴራ ባይዘፓ።

38 ኔና ካና ኔ ቢታ ላቲሳናስ ኔስ ጎዳ ጊዳናስ ጊብጾ ቢታፊ ኬሲዳ ጸሳይ ታና።

አይሌቴላፊ ዋዜቴል

39 « ኔ ባጋ ጊዲዳ ኢሰራኤል አሳፔ ኢሳዳይ ማንቆቴላፊ ዳንዲዳይሳን አይሌ ማላ ኔስ ሃሬታናስ ባና ባይዘኮ ኔ ኢዛ አይሌ ማላ ኦሲሶፓ።

40 ኔ ኢዛ ኔ ማታን ዲዛ እሚላ ማላ ዋይኮ ሚሻስ ኦሊዛ ኦሳንቻ ማላ ቆዳ፤ ኢዚካ ኢቻሹ ታሙ ላይል ጋካናስ ኔስ ኦላ።

41 ሃሳፊ ጉዬ ባ ናይታራ ኔፔ ሻኬቲ ጌዴ ባሶ አሳኮ ና ዲሳሶ ሰሞ።

42 ኢሰራኤል አሳ ታ ጊብጾ ቢታፊ ኬሲዳ ታ ኦሳንቻታ ጊዲዳ ጊሻስ ኢሰቲ አይሌ ማላ ባይዘቶፊቶ።

43 ኔ ኢሰታ ዋልቃራ ሃርፓ፤ ኔ ጸሳሰ ያያ።

44 « ኔስ አቱማኔ ማጫ አይሌቴ ዳኣና ማላ ኮይኮ ኔ ዩሾን ዲዛ አይዛቤታ ጊዳፊ ሻማ ኤካ።

45 ቃሴካ ኢንቲ ቢታን ዲዛ ቤቲ አሳታፔኔ ኢንቲ ቢታን ዩሌቲዳ አሳታፔ ሻማናስ ዳንዳዬታ፤ ኢሰቲ ኢንቲስ ሃር ጊዳቶ።

46 ሃይታን ኢንቲ ኢንቲ ናይታ ላቲሳናስ ዳንዳዬታ፤ ኢሰቲ ዳኢዛ ላይላ ኡባን ኢንቲ ናይታስ ኦሊዛይታ ጊዳና፤ ኢንቲ ቆሞ ጊዲዳ ኢሰራኤል አሰ ዋልቃራ ሃርፓ።

47 « ኢንቲ ጊዳን ዲዛ ሃራ ዴሬ አሳፔ ኢሳዳይ ዲሬ ጊዲኮ ኢንቲ ባጋ ጊዲዳ ኢሰራኤል ናይታፔ ማንቆ ጊዲዳይ ባና ሃራ ዴሬ ዳሬስ ዋይኮ ኢዛሶ አሳፔ ኢሳዳስ ባና አይሌቴላሰ አሊ እሚኮ።

48 ኢዚ ባይዘቲዳፔ ጉዬ ሰሚዲ ናሞአንሎ ዋዜታናስ ዳንዳዬስ፤ ሃሳ ጊሻስ ኢዛ ኢሻታፔ ኢሳዳይ ኢዛ ዋዜ።

49 ኢዛ አዋ ኢሻይ ዋይኮ ኢዛ አዋ ኢሻ ናይ ዋይኮ ኢዛሰ ማታ ዳሶታፔ ኢሳዳይ ኢዛ ዛሪ ዋዛናስ ዳንዳዬስ፤ ኢዛዳይ ባስ ጊዲዛ ሚሹ ሺሺዳ ጊዲኮ ባ ሚሻራ ዋዜታናስ ዳንዳዬስ።

50 ኢዚ ባና ሃሪዳዳራ ኢሲፊ ጊዲዳ ኢዚ ባና ባርካ ባይዘዳ ላይላፊ ደሚዲ ዋዜቴላ ላይላ ጋካናስ ዲዛ ላይላ ቆዳ፤ ኢዛ ዋዜሲዛ ሚሻይ ሃ ላይላታ ቆዳ ጊዳ፤ ኢዚ ባና ሃሪዳይሳራ ጋሞኢዳ ዋዳ ዋጋይ ኢሲ አሲ ኦሊዲ ዳሚዛ ኪራ ሚሻ ከና ጊዳ።

51 ዋዜ ላይላይ ጋካናስ ቡር ዳር ላይላቲ አቲዳ ጊዲኮ ባ ባይዘቲዳ ዋጋፔ ሃ አቲዳ ላይላ ቆዳን ባና ዋዜዛ ዋጋ ቃንጾ።

52 ሃ አቲዳ ላይላቲ ጉል ጊዲኮ ባ ሃራቲን አቲዳ ላይላ ቆዳዲ ባና ዋዜዛ ዋጋ ቃንጾ።

53 ኢዚ ላይላፊ ላይላ ጋካናስ ኡኔ * ኦሊዛ አሳ ማላ ባና ሃሪዳዳራ ዳኦፔ አቲን ኢዛ ዋልቃራ ሃራናስ ቤሴና።

54 « ኔሃሳላ ሃኒዲ ዋዜታናስ ዳንዳዮንታ አኒኮ ሲንሳፊ ያና አይሌቴላፊ ዋዜቴዛ ላይላን ኢዚኔ ኢዛ ናይቲ ሚላ ዩዴቴቶ።

55 ኢሰራኤል አሳይ ታስ አይሌታኔ ታኒ ጊብጾ ቢታፊ ኬሲዳ ታ ኦሳንቻታ፤ ታኒ ጎዳ ኢንቲ ጸሳ።

26

አዛዜቴላን ቤቲዛ ኣንጃ

(ዛሬ 7:12-24፤ 28:1-14)

1 « ኢንቲ ኢዛሰ ጎይናና ማላ ኢንቲስ አይኮካ ኤቃ ሜቶፍቴ፤ ሃሳሶካ ሚሰሌ ዋይኮ ሃወልቲ ዋይኮ ሹቻፊ ማሰቲ ኬዚዳ ቱስ ኤሶፍቴ፤ ታኒ ጎዳ ኢንቲ ጸሳ።

2 « ኣሞባታ ጋላሳታ ናጊቴ፤ ታ ኬላ ቦንቲቴ፤ ታኒ ጎዳ።

3 « ኢንቲ ታ ዋጋን ዲኮኔ ታ አዛዘታካ ናጊኮ።

4 ታኒ ኢንቲስ ኢራ ዋዴራ ቡኪሳና፤ ቢታያካ ካል ዳርሳ እሚና፤ አይፊ እሚዛ ሚላቲካ ዳርሲ አይፋና።

5 ኢንቲ ካላይ ኬሃ ዳር ጊዲዳ ጊሻስ ኢንቲ ቡር ሺሾ ቦላ ዲሺን ዋይኔ ሚላ አይፊ ቃንጾዲ ሺሺ ጋካና፤ ኢንቲ ዋይኔ ሚላ አይፊ ቃንጾዲ ሺሺ ወርሶንታ ዲሺን ካል ዜሪዛ ዋዴይ ጋካና፤ ኢንቲ ካል ካሊ ማና፤ ኢንቲ ቢታንካ ሳርቴላን ዳና።

6 « ኢንቲ ቢታስ ሳርቴል እሚና፤ ኦሳሰካ ባቦንታ ኢንቲ ዋፑ ጊ አቃና፤ ኢታ ደአታ ኢንቲ ዴሬፔ ታ ዲጋና፤ ሃይሳፊ ጉዬ ኢንቲ ዴሬን ኦላይ ዳና።

7 ኢንቲ ኢንቲ ሞርኬታ ጎዳና፤ ኢሰቲካ ኢንቲ ሲንላን ማሻን ሃይቃና።

8 ኢንቲፊ ኢቻሽ አሲ ጾቲ አሰ። ጾታይ ቃሴ 10,000 አሰ ጎዳና፤ ኢንቲ ሞርኬይ ኢንቲ ሲንላን ማሻን ወራና።

9 « ታኒ ታ ሲንላ ኢንቲኮ ዛራና፤ ሂሰታዳ ኢንቲና ዳርሳና፤ ታ ኢንቲስ ጌሊዳ ጫቆ ቃላ ናጋና።

10 ካላይ ኢንቲስ ላይላፊ ላይላ ጋላና፤ ሃሳፊ ዳንዲዳይሳን ኦራል ጋኪዳ ካል ጌልላናስ ዚላይላ ካላፊ አቲዳይሳ ሃራሶ ኬሴታ።

11 ታኒ ኢንቲ ጊዳን ዳያና፤ ታ ኢንቲና ሻቲቲኬ።

12 ታኒ ኡባ ዋዴ ኢንቲ ጊዳን ሲሜሬታና፤ ታኒ ኢንቲ ጸሰ ጊዳና፤ ኢንቲካ ታ ዴሬታ ጊዳና።

13 ኢንቲ አይሌቴላን ሃራቶንታ ማላ ጊብጾ ቢታፊ ኢንቲና ኬሲዳይ ታኒ ጎዳ ኢንቲ ጸሳ፤ ታኒ ኢንቲ አይሌቴላ ቃሞባራ ሜንላዳ ኢንቲ ቶቁ ጊዲ ባና ማላ ኦላዲሰ።

አዛዜቶንታ ኢጾይ ጋሊዛ ሜቶ

(ዛሬ 28:15-28)

14 « ናጊዳ አቲን ኢንቲ ታ ጊዛዝ ሲዮንታ ኢጾኮ ሃ አዛዘታ ኡባ ኦላንታ አኒኮ።

15 ታ ዋጋኔ ታ አዛዘታ ኢንቲ ካቲዛ ጊዲኮ ታ ኢንቲናራ ጫቁቲዳ ጫቆዛ ኢንቲ ላሊኮ።

16 ሃ ዋዴ ታኒ ኢንቲ ቦላ ሃይሳ ኤሃና፤ ጊታ ዳጋማ፤ ጊልቃቴል፤ አይፊ ቦልጄሲዛዝ፤ አሳቴላ ጊልቁሲዛዝ ቆጾ ሃርጌ ታ ኢንቲ ቦላ ኤሃና፤ ኢንቲ ዜሬል ዜራናሽን ጮ ሚላ ሃዳ ጊዳና፤ ጋሶይካ ኢንቲ ዜራዳይሳ ኢንቲ ሞርኬቲ ማና።

17 ታኒ ኢንቲ ቦላ ሃንቆን ዳንዲዛ ጊሻስ ኢንቲ ጸኔታና፤ ኢንቲ ኢጾዛ ኢንቲ ሞርኬቲ ኢንቲና ሃራና፤ ኦኒካ ኢንቲና ጎዳንታ ኢንቲ ኢንቲርካ ባቃታና።

25:46 ከሳ 21:2-6፤ ዛሬ 15:12-18 * 25:53 ኡኔ ኡኔ ጊዛይሳ ኪራ ጊ ጎኤታና ዳንዳዬቲስ። 26:1 ከሳ 20:4፤ ሉዊ 19:4፤ ዛሬ 5:8፤ 16:21-22፤ 27:1 26:5 ዛሬ 11:13-15፤ 28:1-14 26:12 2ቆር 6:16

18 « ሩሲ ወሪካ አንቲ ቦላ ጋኪዳፔ ጉዬካ አንቲ ታሰ አዛዜቶንታ ኢጲኮ ታ አንቲ ቦላ ይጋና ቁጻቴዛ ላፑን ኩሼ ዳርሳና።

19 አንቲ ኦቶሮቴላ ዋልቃ ታ ሚንላና፤ አንቲፌ ቦላራ ሳሎዛ ቢራታ ማላ ኦላና፤ አንቲ ቢታካ ጸርቁማላላ ኦላና።

20 አንቲ ዋልቃይ ጮ ሃዳ ወራና፤ ጋሶይካ አንቲ ቢታይ ካል አሜና፤ ሚላቲካ ኣይፌቴና።

21 « ሩሲካ አንቲ ታሰ ኢጲሰ ገዲ አዛዜቶንታ ኣገኮ ታኒ አንቲ ቦላ አንቲ ናጋራ ከና ቁጻቴዛ ላፑን ኩሼ ዳርሳና።

22 ኢታ ደኣታ ታ አንቲ ገደ ዩዳና፤ ሄ ደኣቲ አንቲ ናይታ ዋቆና፤ አንቲ ሚዛታካ ኡባ ቆይሳና፤ አንቲፌ ጉላ ኣሳቲ ጸላ ኣታና፤ ካሴ አንቲ ሄሜቲዛ ኦጌይ ሳማና።

23 « ሩሲ ሃ ቁጻቴዚ አንቲ ቦላ ጋኪዳፔ ጉዬካ አንቲ ታ ገዛይሳ ሲዮንታ ኢጲዲ ታ ቦላ አንቲ ኤቁቴላ ዳርሲኮ።

24 ሄ ዋዴ ታኒካ አንቲሰ ሞርኬ ገዳና፤ አንቲ ናጋራ ገሻሰ ታ አንቲና ላፑን ዳኮ ቃጸያና።

25 አንቲ ታናራ ጫቂዳ ቃላ ላሊዳ ገሻሰ ታ አንቲና ቃጸያናሰ አንቲ ቦላ ኦላ ዩዳና፤ አንቲ አንቲ ካታማታን ሸቂዛ ዋዴ ታ አንቲ ገደን ኢታ ሃርጌ ኪታና፤ አንቲ ሞርኬታሰ አንቲ ኣቋ አሜታና።

26 አንቲ ካላ ታኒ ቆይሲዛ ዋዴ ታሙ ማጫሳቲ ወሪ ኢሲ ባሽን ኡካና፤ ኢዞካ ማካ ሚሻን ጌዳሪ ጌዳሪ ኤካና፤ አንቲካ ሚዲ ካሌኬታ።

27 « ሩሲ ኡባይ አንቲ ቦላ ጋኪን አንቲ ታሰ አዛዜቶንታ ኢጲዲ ታ ቦላ ማካሊ ማካሊ ቢኮ።

28 ታ አንቲ ቦላ ሃንቆን ዴንዳና፤ አንቲ ናጋራ ገሻሰ ታ አንቲና ላፑን ዳኮ ቃጸያና።

29 አንቲ ኮሻ ዳርፔ ዴንዲዳይሳን አንቲ ናይታ ኣሾ ማና።

30 ቶቃሶሆን ዲዛ አንቲ ጎይኒዛ ኤቃ ጸሳታ ታኒ ቆይሳና፤ አንቲ ኤጻኔ ያርሾ ኢዞን ሸሺዛሶዛ ታ ላላና፤ አንቲ ኣሃ አንቲ ኤቃታ ቦላ ታ ዩጋና፤ ታ ሸምፒያ አንቲና ሻቴታና።

31 ታ አንቲ ካታማታ ላላና፤ አንቲ ጎይኒዛሶታ ታ ካይሰ ሂሰታና፤ ሳቂዛ አንቲ ያርሾዛ ታ ኤኪኬ።

32 አንቲ ቢታ ሙሌራ ታ ቆይሳና፤ ሄን ዲዛ አንቲ ሞርኬቴ ማላሌታና ጋካናሰ ቢታዮ ታ ኣሲ ባይንዳሶ ሂሰታና።

33 ታ አንቲ ቦላ ኦላ ኤሃዳ አንቲና ኣይዛቤታ ገደን ላላና፤ ታኒ ታ ማሻ ኬሳዳ አንቲና ጎዳና፤ አንቲ ካዋቴላይ ኣሲ ባይንዳ ቢታ ገዳና፤ አንቲ ካታማቲካ ላሌታና።

34 አንቲ አንቲ ሞርኬታ ቢታን ዲዛ ዋዴ አንቲ ቢታይ ካይሰ ገዲዛ ገሻሰ ሸምፖ ዴማዳ ሳምባታ ላይላታን ኡፋይታና።

35 አንቲ ቢታያ ካሴ አንቲ ኢዞን ዲሺን ሳምባታ ዴምንታራ ኣሳይ ቆይዳ ዋዴ ኢዛ ሸምፖ ዴማና።

36 « ሩሲቲ ቤቴ ቢታን ዲዛይቲ ወሪካ ጫርኮይ ቃሊዛ ቆናሽ ጌሪሰ ሲዩዲ ዳጋማን ፒራቋ ባቃታና ማላ ታ ኦላና፤ ሞርኬይ ኦላሶን ጎዲን ዋጺዛ ማላ አንቲ ዋጻና፤ ኣይ ሞርኬይካ አንቲ ኣቻን ባይንዳ አንቲ ቆጶቲ ኩንዳና።

37 ኦኒካ አንቲና ጎደንታ አንቲ አንቲርካ ኢሶይ ኢሳራ ቃጶቲ ኩንዳና፤ አንቲ አንቲ ሞርኬታራ ኤቁቲ ኦሌታናሰ ዳንዳይኬታ።

38 አንቲ ቤቴ ቢዲ ሄ ዴሬን ሃይቃና፤ አንቲ አንቲ ሞርኬታ ካዋቴላን ሚቲቲ ኣታና።

39 አንቲ ሞርኬታ ዴሬን ሃይቆንታ ኣቲዳይቲ ቃሴ አንቲ ናጋራኒኔ ካሴ አንቲ ኣዋታ ናጋራ ጌዶን ሄን ገልቂ ኣታና።

40 « ሩገደ ኣቲን አንቲ ታሰ ኣማኔቶንታ ኣገዳይሳኔ ታ ቦላ ማካሊዳ አንቲ ናጋራኔ አንቲ ኣዋታ ናጋራ አንቲ ፓጺኮ።

41 ታኒ አንቲሰ ሞርኬ ገዳዳ አንቲና ጌዴ አንቲ ሞርኬታ ቢታ ዩዳና ማላ ታና ኦሲሲዳ አንቲ ናጋራ አንቲ ፓጺኮ ሙሚዳ አንቲ ዋዚና አንቲ ካወሺዲ አንቲ ናጋራፔ አንቲ ሲሚኮ።

42 ኣብራሃሚራ፣ ዩሳቃራኔ ያቆቤራ ታ ጫቂዳ ጫቆ ቃላ ቆፓና፤ ቢታዮካ ታ ቆፓና።

43 ኢሰቲ ዩጌ ቢዳ ገሻሰ ቢታያ ኣሲ ባይንዳ ባዞ ገዳዴሰ፤ ሄ ዋዴ ኢዞን ኣሲ ባይንዳ ባዞ ገዳዳ ባ ሳምባታ ኡፋይሳን ቦንቻና፤ ኢሰቲ ታ ዋጋኔ ታ ኣዛዘዛ ካወሺዲ ገሻሰ ኢሰቲ ኦሊዳ ናጋራ ገሻሰ ቃጸይታና።

44 ገዲኮካ ኢሰቲ ባ ሞርኬታ ዴሬን ዲዛ ዋዴ ኢሰታ ሙሊራ ቆይሲኬ ጋዳ ታ ጫቂዳ ቃላ ማቤኬ፤ ታ አንቲና ኣጋገኬ፤ ታ አንቲና ሃራሴቲኬ፤ ታኒ ጎዳ አንቲ ጸሳ።

45 ታኒ ኢሰታ ጸሳ ገዳና ጋዳ ኣይዛቤ ኣሳይ ቤዩሽን ገብጾ ቢታፌ ኬሲዳ ኢሰታ ኣዋታራ ጫቂዳ ጫቆዛ ታ ቆፓና፤ ታኒ ጎዳ ጌሰ።»

46 ኢሰራኤሌ ዴራሰ ዮታና ማላ ሙሴይ ሲና ዙማ ቦላ ዲሺን ጸሲ ኢዛሰ አሚዳ ዋጋቲ፣ ማራቲኔ ኣዛዘቲ ሃይታንታ።

27

ኢሞታታ ገሻሰ ዋቂዳ ዋጋ

- 1 ጎዳይ ሙሴሰ ሃዘገዴሰ፡
- 2 «ኢሰራኤሌ ኣሳሰ፡ ሳይ ኢሲካ ጎዳሰ ኣሰ አሚናሰ ኣዲኔቲን ሄ ኣዲናይ ፖሌቲኮ ሄ አሚና ገ ኣዲኔቲዳይሳ ዋዛናሰ ኣዲና ዋጋይ፡
- 3 ሄሳይ ላይላይ ናምኡ ታማፌ ቢዲ ኡሱፑን ታሙ ኩሚዳ ኣቲማ ኣሰ ገዲኮ ጎዳ ኬላን ኤሬቲዳ ሚዛኔን ሚዛኔቲዲ ኢቻሽ ታሙ ገዲዛ ሳቂሌ * ቢራ ቃንጾ።
- 4 ማጫ ገዲኮ ሄቩ ታሙ ሳቂሌ ቢራ ገደ፤
- 5 ቃሴካ ኢቻሽ ላይላይ ቢዲ ናምኡ ታሙ ላይላ ጋካናሰ ዲዛ ኣቲማ ና ገዲኮ ናምኡ ታሙ ሳቂሌ ቢራ፡ ማጫ ና ገዲኮ ታሙ ሳቂሌ ቢራ ቃንጾ፤
- 6 ኢሲ ኣገናፔ ቢዲ ኢቻሽ ላይላ ጋካናሰ ዲዛ ኣቲማ ና ገዲኮ ኢቻሽ ሳቂሌ ቢራ ቃንጾ፤ ሄ ላይላታ ገደን ዲዛ ማጫ ናሰ ገዲኮ ሄቩ ሳቂሌ ቢራ ቃንጾ።
- 7 ሄሳላካ ላይላይ ኡሱፑን ታማፌ ቦላራ ዲዛ ኣቲማ ኣሰ ገዲኮ ታማኔ ኢቻሽ ሳቂሌ ቢራ፡ ማጫ ገዲኮ ታሙ ሳቂሌ ቢራ ቃንጾ።
- 8 ኣዲና ኣዲኔቲዳይሌ ሃይሳ ሃ ሄሬጌቶይሳ ቃንጾናሰ ዳንዳዮንታ ኬሂ ማንቆ ገዲኮ ኢዚ ባ አሚና ገ ኣዲኒዳይሳ ቁሴዛ ሲንላ ኤኪ ዮ፤ ቁሴዛካ ኣዲኔቲዳይ ጸሊ ቤኢዲ ኢዛዴ ዋልቃ ኬና ሄሬጎ።

26:42 ሜዴ 17:7-8፤ 26:3-4፤ 28:13-14 * 27:3 ሳቂሌ፡ ኢሲ ሳቂሌይ ታማኔ ኢሲናኔ ባጋ ጌራሜ ቢራ ኦይኬሰ።

9 « ለአዲና አዲነትዳይሲ ጸላሳ ስርሻናሰ ቤሲዛ ማህ ገዲኮ ሄሳ ማላ ማህሄይ ጸላሰ ዲማ ገዲዳ ገሻሰ ዋዜቱና።

10 አዲና አዲነትዳይይ ባ አዲነትዳ ማህዛ ሃራ ማህን ለሞፎ፤ ገዳ እትን ኢታዛካ ሎኦ ማህን ለሚዛ ገዲኮ ኢዚ ካሴ ኤሆይሳራ ናምኣይካ ጸላሰ ዲማተዳይታ ገዳቶ።

11 ኢዛዳይ አሚዛይሲ ጸላሰ ስርሻታናሰ ቤሲንታ ማህ ገዲኮ ሄ ማህዛ ኤሂዳይይ ማህዛ ቁሴኮ ኤሆ።

12 ቁሴዚ ሄ ማህዛ ኢታቴላኔ ኢዛ ሎኤቴላ ጫዲ ጸሊዲ ኢዚ ኬሳና ዋጋ ዮቶ፤ ሄ ኢዚ ገዳ ዋጋይ ኢዚ ገዳ ማላ ሃኖ።

13 ሄ ማህዛ ጎዳይ ማህዛ ዛሪ ሚሻራ ሻማና ኮይኮ ሄ ማህዛ ዋጋ ቦላ ጸታፔ ናምኡ ታሙ ኩሼ ጉጂዲ ሻሞ።

14 « ለአሳዳይ ባ ኬላ ጎዳሰ ዲማ አሞታ አሚኮ ቁሴታ ሃላቃይ ኬላይ ኢታኮኔ ሎኦኮ ኢዛ ሃኖቴላ ጫዲ ጸሊ ሄሪገዲ ዋጋ ዮቶ፤ ሄ ቁሴዚ ሄሪገዳ ዋጋይ ኬላሰ ሄሪጋ ገዳ።

15 ካሴ ኬላ ጎዳይ ሄ ኬላ ዛሪ ዋዛና ኮይኮ ሄሪገቴዳ ዋጋ ጸታፔ ናምኡ ታሙ ኩሼ ቦላራ ጉጂዲ ኬላ ባሰ ኤኮ።

16 « ለአሳዳይ ባ ጋዴፔ ሻኪ ጎዳሰ ዲማ አሞታ አሚኮ ቢታይ አሚዛ ካላ ማላ ሄሪገቴቶ፤ ሄሲካ ኢሲ ኪሎ ባንጋ ገሻሰ ኢቻሽ ታሙ ሳቂሌ ቢራይ ቃንጾቶ።

17 ጋዴዛ ጎዳይ ካሴ ጋዴዛ አሚዳይ ዋዛ ላይላ ባኣሌፔ ጉዬ ገዲኮ ጋዴሰ ካሴ ዋዳዳ ዋጋይ ለሚቴና።

18 ኢዛዳይ ጋዳ አሚዳይ ኢቻሽ ታማንላ ላይላፊ ጉዬ ገዲኮ ቁሴዚ ሄሪጋናይ ዪዛ ኢቻሽ ታማንላ ላይላ ጋካናሰ ዲዛ እትዳ ላይላ ቆዲዲ ሄሪሳ፤ ሚሻፊ እሽ ጪጎ።

19 ጋዴዛ አሚዳይ ዛሪ ዋዛና ኮይኮ ካሴ ጋዴዚ ሄሪገቴዳ ዋጋ ቦላ ጸታፔ ናምኡ ኩሼ ጉጂዲ ዛሪ ዋዛ።

20 ካሴ ጋዴይ ባ ጋዳ ጸላፊ ሚሻን ዋዛናፔ ሲንላን ሃራ እሳሰ ባይዚዳ ገዲኮ ቃሴ ሄ ጋዴዛ ናምኣንላ ዛሪ ዋዛና ዋጋይ ኢዛሰ ዳና።

21 ዋዛ ላይላን ጋዴይ ሰሚዛ ዋዳ ሄ ጋዴዚ ገዲኮ ጎዳሰ ዲማተዲ ቁሴታ ላታ ጋዴ ገዲ እቶ።

22 « ለአሳዳይ ሃራ እሳፔ ሻሚ ኤኪዳ ጋዴ ጸላሰ አማና ኮይኮ።

23 ካሊ ዪዛ ዋዛ ላይላ ጋካናሰ ጋዴዚ ኬሳና ዋጋ ቁሴዚ ሄሪሳ፤ ሄ ጋላሰ ሄ ሄሪገቴዳ ሚሽ ጋዳዳይ ቃንጾ፤ ሄ ሚሻይካ ጸላ ኦሶሰ ዲማተዳዝ ገዳና።

24 ዋዛ ላይላ ባኣሌይ ጋኪዛ ዋዳ ሄ ጋዴዛ ኮይሮ ላታን ኤኪዲ ባይዚዳዴሰ ጋዴዚ ሲሞ።

25 ሄ ሄሪጋዛ ዋጋይ ጎዳ ኬላን ኤሪቴዳ ማዛኔን ማዛኔቴዲ ናምኡ ታሙ ሳቂሌ ገዳ።

26 « ኮይሮ ባይራ ዬሌተዳ ማህይ ኢዚ ካሴካ ጎዳሰ ገዲዳ ገሻሰ ኦኒካ ኢዛ ጸላሰ ማላ ኪያቴላ አማናሰ ዳንዳዬና፤ ጋሎ ማር ገዲን ዋይኮ ደርሳኔ ዳይሻ ላቃቴ ካሴቴዲ ጸላሰ ዲማተዳይታ።

27 ኢዛ ቦላ ዋሶይ ዲዛ ማህኔ ስርሻ ሽሻናሰ ቤሲንታ ማህ ገዲኮ ሄ ማህዛ ጎዳይ ኢዛ ሄሪገቴዳ ዋጋ ቦላ ጸታፔ ናምኡ ታሙ ኩሼ ጉጂዲ ዛሪ ዋዛ

ኤካናሰ ዳንዳዬሰ፤ ኢዛ ጎዳይ ዋዚ ኤካናሰ ኮዮንታ ኢጲኮ ሄ ሄሪገቴዳ ዋጋን ሃራ እሳሰ ባይዜቶ።

28 « ለአሳዳይ ባ ጎዳሰ ባሰ ዲዛይሳፊ እሰ ገዲን ዋይኮ ማህ፤ ገዲን ዋይኮ ጋዴ ገዲን ኩሚላራ ዲማ ሻኪዳፔ ጉዬ ሙሉካ ባይዛናሲኔ ዛሪ ዋዛናሰ ቤሴና።

29 « ለሳ ገዳፊ ሻኪቴዲ ዳያና ማላ ፐርዳቴዳይይ ዋዜቶፎ፤ ኢዛዳይ ሃይቃናሰ ቤሴሰ።

30 « ለቢታፊ ሞኪዛ ካላ ገዲን ዋይኮ ሚላ እይፊ ገዲን ታማፊ ኢሶይ ጸላሰ ዲማተዳ አሰራታ።

31 ሄሳፊ አዋይሳካ ባሰ ዋዚ ኤካናሰ ኮይዛዳይ ሄ ሚሻይ ባይዜቴዛ ዋጋሰ ጸታፔ ናምኡ ታሙ ኩሼ ጉጂዲ ሻማናሰ ዳንዳዬሰ።

32 ስ ማህታፔ ታማፊ ኢሳይ ጸላ ገሻ፤ ማህይ ታይቤቴሽን ታማንላይ ታማንላይ ጎዳሰ ዲማ ሻኪቴዳዛ።

33 ታማንላ ማህይ ኢታ ገዲን ዋይኮ ሎኦ ገዲን ደርፖ፤ ዋይኮ ሃራራ ለሞፎ፤ ለሚዛ ገዲኮ ኮይሮይሰኔ ለሚ አሚተዳይሳራ ናምኣይካ ጎዳሰ ዲማተዳዝ ገዳቴሰ እትን ዛሪ ዋዛናሰ ዳንዳዬና ጋ ዮታ።»

34 ሲና ዙማ ቦላ ጎዳይ ሙሴ ባጋራ ኢሰራኤሌ እሳ ኣዛዚዳ ኣዛዘቴ ሃይታንታ።

ታይቦ ማጻፋ ጊደ ቆፋ

ታይቦ ማጻፋይ ኢስራኤል አሳይ ሲና ዙማፔ ቦሶፔ ደሚዲ ጸሲ ኢስታሰን እማናሰ ጫቂዳ ማላ አርሼይ ሞከዛ ባጋራ ዲዛ ቆሳኮ ማታና ጋካናሰ ሃኒዳ 40 ላይላ ሃኖ ዮቴሰ። ሃ ማጻፋዛ ሱጎል ማጻፋዛ ጊደን ጸፊቲዳ አይፊ ዮኦ ቤሴሰ። ሃ ማጻፋይ ሄቩ አይፊ ዮኦታን ሻኬቴሰ፤ ኮይርዚ ኢስራኤል አሳይ ሲና ዙማ ዬዲ ባናፔ ካሴ ሄሳቆካ ኢሲ ዬሌታፔ ጉዬ ዮርዳኖሴ ሻፋፔ አርሼይ ሞከዛ ባጋራ ዲዛ ሞኦቤን ሙሴይ ዳሬዛ ቆዲዳይሳ ቤሴሰ (1:1—10:10)። ናምኦንገላ ዳሬይ ናምኦቶ ቆዳቲዳይሳ ጋርሳን ኢስራኤል አሳይ ዲጌሃ ባጋራ ዲዛ ካናኔ ቆሳ ጊዲዳ ቃዳሴ ባሬን ጋከዳሰ፤ ጊደ ኦቲን ኢስታሰ ሂደታይ ኢማቲዳ ዳሬዮ ጌላናሰ ዳንዳይቤቴና፤ ሄሳ ጊሻሰ ኢስቲ ሄን ዳር ላይላ ጋምኢዳፔ ጉዬ ዮርዳኖሴ ሻፋፔ አርሼይ ሞከዛ ባጋራ ዲዛ ዳሬ ቢዳይሳ ቤሴሰ (10:11—21:20)። ሄቩገላ ባጋ ዳሬዚ ሄን ዳናሰ ቃቺን ሃንኮ ኦቲዳ ዳሬይ ዮርዳኖሴ ሻፋፔ ጌዴ ፒኒዲ ካናኔ ባናሰ ጊፔቲዳይሳ ቤሴሰ (21:21—36:13)። ታይቦ ማጻፋይ ዮቲዛይ ዳር ዋዴ ማቶይ ኢስታ ቦላ ጋከሺን ባቢዛይታኔ ሂደታ ቃንጸዛይታ፣ ጸሳ ቦላኔ ኢስታ ካሌላናሰ ጸሲ ኢስታሰ ደሪዳ ሙሴ ቦላ ማካሊዛ ዳሬታ ጊሻሳ፤ ዳሬዚ ኣዛላኔ ማካላ ጊዲኮካ ጸሲ አሳ ሎኤላ ኣልኢሰን ኦይኪዳይሲ ታሪኬዛን ቆንጨዳሰ፤ ሄሳቆካ ኢሲ ኢሲቶ ሙሴሰ ዳንዳይይ ቆይኮካ ኢዛሰ ሚኖ ኣማኖይ ዲዛ ጊሻሰ ኢዚ ጸሳሲኔ ዳሬዛሰ ኣማኔቴሳን ኦላዳይሲ ቆንጨዳሰ።

ሃ ማጻፋይ ኦይኪዳ ኩሚላ ቆፋ

ሲና ዙማፔ ዳንዲዲ ባናሰ ኢስራኤል አሳ ጊፔታ 1:1—9:23
 ዳሬዚ ዳንዳናፔ ሲንሳን ቆዳቲዳሰ 1:1—4:49
 ዲማ ዲማ ዋጋታኔ ማራታ 5:1—8:26
 ፓዚጋ ባኣሌ ናምኦንገላ ቦንቾ 9:1-23
 ሲና ዙማፔ ሞኦቤ ዳሬ ቡሰ 10:1—21:35
 ሞኦቤ ዳሬን ፖሊቲዳ ሃኖታ 22:1—32:42
 ጊብጾፔ ሞኦቤ ዳሬ ጋካናሰ ቡሰ 33:1-49
 ዮርዳኖሴ ሻፋ ፒናፔ ካሴ ኢማቲዳ ኣዛዘታ 33:50—36:13

ኢስራኤል አሳሰ ኮይር ቆዳቴላ

1 ኢስራኤል አሳይ ጊብጾፔ ከዚዳ ናምኦንገላ ላይላን ናምኦንገላ ኣገናይ ደሚዳ ኮይር ጋላሰ ኢስቲ ሲና ባዘን ዲሺን ጎዳይ ጋይቶቴላ ዲንካኔ ጊደን ሙሴራ ጋይቲዳ።
 2 «ኣቲማሳ ኢሳ ኢሳ ሱንሳን ሱንሳን ጸፋዳ ኢስራኤል አሳ ቆሞን ቆሞኒኔ ዛርኬን ዛርኬን ቆዳ።
 3 ኔኒኔ ኣርኔይ ኢስታሰ ላይላይ ናምኦ ታሙኔ ኢዛፔ ቦላራ ዲዛ ኦሊቲ ዳንዳይና ኣቲማሳታ ኢስታ ማራን ማራን ቆዲቲ።
 4 ዲማ ዲማ ዛርኬታፔ ኢስታ ካሌላዛ ኢስታሰ ኣዋቲዛ ኮራፒኔቲ ኢንቴናራ ጊዳቶ።
 5 ኢንቴና ማዳናይታ ሱንሳ ሃይሳፊ ካሊ ዲዛይታ፣ ኦርቤሌ ዛርኬፊ ሻዲሬ ና ኤልዱሬ።

6 ሲሞና ዛርኬፊ ጸርሻዳዬ ና ሳሉሞኤሌ።
 7 ዩሁዳ ዛርኬፊ ኣሚናዳቤ ና ኔኣሶኔ።
 8 ዪሳኮሬ ዛርኬፊ ጸኣሬ ና ናቲናኤሌ።
 9 ዛቢሎኔ ዛርኬፊ ሄሎኔ ና ኤልያቤ።
 10 ዮሴፊ ናይታፔ ኤፍሬሚ ቆሞቲ ኣሚሁዴ ና ኤልሻማ ሚናሴ ናይታፔ ፔዳዱሬ ና ጋማልኤሌ።
 11 ቢኒያሚ ዛርኬፊ ጊዲኦኔ ና ኣቢዳኔ።
 12 ዳኔ ዛርኬፊ ኣሚሻዳዬ ና ኣሂኤዜሬ።
 13 ኣሴሬ ዛርኬፊ ኦክራ ና ፋጉኤሌ።
 14 ጋዴ ዛርኬፊ ዳኤኤሌ ና ኤልያሳፊ።
 15 ኒፍታሌሚ ዛርኬፊ ኤናኔ ና ኣሂሬ» ጊ ዮቲዳሰ።
 16 ማባራ ጋርሳፊ ዛርኬፊ ዛርኬፊ ኢስራኤል አሳ ካሌላናሰ ደሬቲዳ ኮራፒኔቲ ሃይታንታ።
 17 ሙሴይኔ ኣርኔይ ሃይታ ባንታ ሱንሳን ጸፊቲዳይታ ኤኪዳ።
 18 ናምኦንገላ ኣገናይ ደሚዳ ኮይር ጋላሰ ማባራዛ ኩሚላ ኢሲ ቦላ ሺሺዲ ዛርኬን ዛርኬኒኔ ዳቦን ዳቦን ሺሺዳፔ ጉዬ ዳሬዛ ቆዲዳ፤ ዬሌቲን ላይላይ ናምኦ ታሙ ኩሚዳይታኔ ሃሳፊካ ቦላራ ጊዲዳ ኣቲማሳ ኢስታ ሱንሳን ሱንሳን ማዘጋቢ ቆዲዳ።
 19 ሄሳቆካ ሙሴይ ጎዳይ ኣዛዚዳ ማላ ሲና ባዘን ዳሬዛ ቆዲዳሰ።
 20 ኦላ ኦሊታናሰ ዳንዳይዛይታ ላይላይ ናምኦ ታማኔ ሃሳፊካ ቦላራ ዲዛይቲ ባንታ ዛርኬፊ ዛርኬፊ ቆዳቲዳ፤ ኣዳታ ቆዳይ ሃይሳፊ ካሊዛይሳ፤
 21 ኦርቤሌ ዛርኬፊ 46,500።
 22-23 ሲሞና ዛርኬፊ 59,300።
 24-25 ጋዴ ዛርኬፊ 45,650።
 26-27 ዩሁዳ ዛርኬፊ 74,600።
 28-29 ዪሳኮሬ ዛርኬፊ 54,400።
 30-31 ዛቢሎኔ ዛርኬፊ 57,400።
 32-33 ዮሴፊ ና ኤፍሬሚ ዛርኬፊ 40,500።
 34-35 ዮሴፊ ና ሚናሴ ዛርኬፊ 32,200።
 36-37 ቢኒያሚ ዛርኬፊ 35,400።
 38-39 ዳኔ ዛርኬፊ 62,700።
 40-41 ኣሴሬ ዛርኬፊ 41,500።
 42-43 ኒፍታሌሚ ዛርኬፊ 53,400።
 44 ሙሴይ፣ ኣርኔይኔ ታማኔ ናምኦ ኢስራኤል ዛርኬታ ኮራፒኔቲ ቆዲዳ ኣቲማ አሳይ ሃይታንታ፤
 45 ኦላሰ ባና ዳንዳይዛ ኣዳቲ ኡባይ ኢስታሰ ላይላይ ናምኦ ታማኔ ሃሳፊካ ቦላራ ዲዛይቲ ባ ዛርኬን ዛርኬን ቆዳቲዳ።
 46 ሃይታ ቆዳይ ኢሲ ቦላ 603,550 ጊዲዳሰ።
 47 ጊደ ኦቲን ሃንኮ ዛርኬታራ ሌዌ ዛርኬቲ ቆዳቲቤቴና።
 48 ካሴ ጎዳይ ሙሴሰ።
 49 «ኔ ኢስራኤል ኣቲማ አሳ ቆዳሽ ሌዌ ዛርኬታ ኢስታራ ጋላ ቆዳፓ።
 50 ሌዌ ዛርኬቲ ጊዲኮ ጋይቶቴላ ዳንካኔኔ ኢዛ ጊደን ጎኤቲዛ ሚሻ ቦላ ኣላፊቴላ ኢማ፤ ኢስቲ ዳንካኔዛኔ ኢዛ ጊደን ጎኤቲዛ ሚሻታ ኡባ ቶኩቶ፤ ዳንካና ጊደን ኦሌቶ፤ ኢዛ ዩሾን ዳንካኒ ኡቲቶ።
 51 ኢንቴ ካሴ ዳንካኒ ዲዛሰፔ ዳንዲ ቢዛ ዋዴ ሌዌ ዛርኬቲ ጸላላ ዳንካኔዛ ሾዲ ላሊዲ ኢስቲ ሽምፒዛ ኦራላሶን ኢስታካ ቶኩቶ፤ ኢስታፊ ኣቲን ዳንካናኮ ሸቂዛ ኣይ ኣሲካ ሃይቆን ቃጸዬቶ።

52 ሃንኮ ኣቲዳ ኢሰራኤል ኣሳይ ባ ቡቴን ቡቴኒኔ ባ ዲዛ ጉታን ጉታን ባ ባንዲራ ባንዲራ ቶኩቶ።
 53 ጊዶ ኣቲን ኣይ ኣሲካ ዲንካናኮ ሸቆዲ ታና ሃንቁላዲ ኢሰራኤል ዴራ ቆይሲሶንታ ማላ ለቐ ዛርኬቲ ሃ ዲንካኔዛ ዩሾን ዲንካኒዲ ናጌቶ» ጊዴሰ።
 54 ሃሳ ጊሻሰ ኢሰራኤል ኣሳይ ጎዳይ ሙሴ ኣዛዚዳ ማላ ኡባካ ኦሊዳ።

2

ዛርኬታ ቡቴን ቡቴን ሻኬሬላ

1 ጎዳይ ሙሴሲኔ ኣርኔሰ ሂዝጊዴሰ።
 2 «ኢሰራኤል ኣሳይ ባ ባጋ ባጋ ኣሳ ኤሪሲዛ ማላታኔ ባንታ ዛርኬ ዛርኬ ኤሪሲዛ ባንዲራ ካሊዲ ጋይቶቴላ ዲንካኔዛፎ ጉላራ ሃኪዲ ኢዛ ዩሾን ዲንካና።»
 3 ኣርሼይ ሞኪዛ ባጋራ ዩሁዳ ዛርኬቲ ኡቴቶ፤ ዩሁዳ ዛርኬ ካሊላናይ ኣሚናዳቤ ና ኔኣሶኔ።
 4 ኢዚ ካሊላዛ ኣሳ ቆዳይ 74,600።
 5 ዩሁዳ ዛርኬታፎ ካሊዲ ዩሳኮሬ ቆሞቲ ኢሰታ ማታን ዲንካኒ ኡቴቶ፤ ዩሳኮሬ ዛርኬታ ካሊላናይ ጸኣሬ ና ናቴናኤሌ።
 6 ሃ ኢዛፎ ጋርሳራ ዲዛ ኣሳ ቆዳይ 54,400።
 7 ዩሳኮሬ ዛርኬታፎ ካሊዲ ዛርኬቲ ዲንካኒ ኡቴቶ፤ ዛርኬታ ካሊላናይ ሃሎኔ ና ኤልያቤ።
 8 ኢዛሰ ዲዛ ኣሳ ቆዳይ 57,400።
 9 ባ ዛርኬን ዛርኬን ጊዲዲ ዩሁዳ ዛርኬቲ ዲንካኒዳ ባጋራ ኡቴቶ ኣሳ ቆዳይ ኩሜላ 186,400፤ ኣሳፎ ሰንላ ቢዛይ ሃይሳ ሃ ቡቴዛን ዲዛ ኣሳ።
 10 ዲጌሃ ባጋራ ኦርቤሌ ዛርኬቲ ባ ባጋታ ኤሪሲዛ ማላታ ጋርሳን ዲንካኒ ኡቴቶ፤ ኦርቤሌ ዛርኬታ ካሊላዛይ ሻዲሬ ና ኤልጸሬ።
 11 ኢሰታ ቆዳይ 46,500።
 12 ኦርቤሌ ዛርኬታፎ ካሊዲ ሰሞና ዛርኬቲ ዲንካኒ ኡቴቶ፤ ኢሰታ ካሊላናይ ጸርሻዳዬ ና ሳሉሞኤሌ።
 13 ኢሰታ ቆዳይ 59,300።
 14 ኢሰታሬ ካሊዲ ጋዴ ዛርኬቲ ዲንካኒ ኡቴቶ፤ ጋዴ ዛርኬታ ካሊላናይ ኤራኤሌ ና ኤልያሳ።
 15 ሃይታንታ ቆዳይ 45,650።
 16 ኢሰቲ ባ ዛርኬን ዛርኬን ጊዲዲ ኦርቤሌይ ዲንካኒ ኡቴቶ ባጋራ ዲንካኒዳ ኣሳ ቆዳይ ኩሜላ 151,450 ጊዲዴሰ፤ ዩሁዳ ቡቴዛፎ ካሊዲ ናሞኣንጶራ ቢዛይ ኦርቤሌ ቡቴዛ።
 17 ኮይር ናሞኡ ቡቴታፎ ወርሴላ ናሞኡ ቡቴታፎ ጊዶን ለቐ ባጋቲ ጋይቶቴላ ዲንካኔዛ ቶኪዲ ቤቶ፤ ኢሲ ኢሲ ቡቴይ ባ ቆሞይ ሻኬቲ ኤሬታና ማላ ዲማ ማላታ ጋርሳን ባንታ ታራ ታራ ናጊዲ ቤቶ።
 18 ኣርሼይ ወሊዛ ባጋራ ኤፍሬሚ ዛርኬቲ ባ ባጋታ ኤሪሲዛ ማላ ጋርሳን ዲንካኒ ኡቴቶ፤ ኤፍሬሚ ዛርኬ ካሊላናይ ኣሚሁዳ ና ኤልሻማ።
 19 ኢሰታሰ ቆዳይ 40,500።
 20 ኤፍሬሚ ዛርኬታፎ ካሊዲ ሚናሴ ዛርኬቲ ዲንካኔቶ፤ ሚናሴ ዛርኬታ ካሊላናይ ፔዳጶራ ና ጋማልኤሌ።
 21 ኢሰታ ቆዳይ 32,200።

22 ኢሰታሬ ካሊዲ ቢያሚ ዛርኬቲ ዲንካኒ ኡቴቶ፤ ቢያሚ ዛርኬታ ካሊላናይ ጊዲኦኔ ና ኣቢዳኔ።
 23 ሃ ኢሰታ ቆዳይ 35,400።
 24 ኢሰቲ ባ ዛርኬን ዛርኬን ጊዲዲ ኤፍሬሚ ዛርኬቲ ዲንካኒ ኡቴቶ ባጋራ ዲንካኒዳ ኣሳ ቆዳይ 108,100 ጊዲዴሰ፤ ኦርቤሌ ቡቴዛ ካሊዲ ሃሻንጶን ኤፍሬሚ ቡቴይ ቦ።
 25 ፑዳሃ ባጋራ ዳኔ ዛርኬቲ ባ ባጋታ ኤሪሲዛ ማላታ ጋርሳን ዲንካኒ ኡቴቶ፤ ዳኔ ቆሞታ ካሊላና ሃላቃይ ኣሚሻዳዬ ና ኣሂኤዜሬ።
 26 ኢሰታ ቆዳይ 62,700።
 27 ዳኔ ዛርኬታፎ ካሊዲ ኣሴሬ ዛርኬቲ ዲንካኒ ኡቴቶ፤ ኣሴሬ ዛርኬታ ካሊላና ሃላቃይ ኦክራ ና ፋጉኤሌ።
 28 ኢሰታ ቆዳይ 41,500።
 29 ኢሰታሬ ካሊዲ ኒፍታሌሚ ዛርኬቲ ዲንካኒ ኡቴቶ፤ ኒፍታሌሚ ዛርኬታ ካሊላና ሃላቃይ ኤናኔ ና ኣሂሬ።
 30 ሃይታንታ ቆዳይ 53,400።
 31 ኢሰቲ ባ ዛርኬን ዛርኬን ጊዲዲ ዳኔ ዛርኬቲ ዲንካኒ ኡቴቶ ባጋራ ዲንካኒዳ ኣሳ ቆዳይ ኩሜላ 157,600 ጊዲዴሰ። ሃሳካ ዳኔ ዛርኬቲ ወርሴላን ኦይዳንጶ ማራን ቤቶ።
 32 ኢሰራኤል ኣሳይ ባሶን ባሶኒኔ ባ ዛርኬን ዛርኬን ማዘጋቤቲዳይታ ቆዳይ ኢሲ ቦላ 603,550 ጊዲዴሰ።
 33 ለቐ ዛርኬቲ ጊዲኮ ጎዳይ ካሴ ሙሴ ኣዛዚዳ ማላ ሃንኮ ኢሰራኤል ኣሳራ ቆይቲቤቴና።
 34 ሃሳ ማላን ኢሰራኤል ኣሳይ ጎዳይ ካሴ ሙሴ ኣዛዚዳ ማላ ኦሊዳ፤ ኢሰታ ዛርኬታፎ ኢሶይ ኢሶይ ባ ባንዲራ ባንዲራ ካሊ ካሊ ዲንካኒ ኡቴዴሰ፤ ኢሶይ ኢሶይ ባ ሶ ኣሳራ ኢሲሬ ሃሜቴሰ።

3

ኣርኔ ኣቲማ ናይታ

1 ጎዳይ ሙሴ ሲና ዙማ ቦላ ሃሳይሲዛ ዎዴ ኣርኔ ዩሌታይኔ ሙሴ ዩሌታይ ሃይሳሬ ካሊ ዲዛይሳ፤
 2 ኣርኔሰ ኦይዲ ኣቲማ ናይቲ ዳቴሰ፤ ሃይቲካ ባይራዚ ናዳቤ ጊዲሺን ሃንኮይቲ ኣቢሁ፣ ኤልኤዜሬኔ ኢታማሬ።
 3 ሃይቲ ቁሴቴላን ኦላና ማላ ቲዩቴዳኔ ሱሚዳ።
 4 ጊዶ ኣቲን ኢሰታ ጋርሳሬ ናዳቤይኔ ኣቢሁይ ሲና ባዘን ጎዳ ሲንላን ቤሶንታ ታማ ኤሂዲ ኤሊዳ ጊሻሰ ጎዳ ሃንቆን ቦሼቲ ሃይቁዳ፤ ኢሰታሰ ናይ ባይንዳ ጊሻሰ ኤልኤዜሬይኔ ኢታማሬይ ጸላ ኢሰታ ኣዎ ኣርኔይ ሸሞፖራ ፓጻ ዲዛ ዎዴ ኡባን ቁሴቴላን ኦሊዳ።
 ለቐታ ኦሶ
 5 ጎዳይ ሙሴሰ ሂዝጊዴሰ።
 6 «ኔኒ ለቐ ዛርኬታ ሺሻዳ ኢሰቲ ቁሴ ኣርኔ ኦሶን ማዳና ማላ ዎላ።
 7 ኢሰቲ ኣርኔኔ ኩሜላ ማባራ ጋይቶቴላ ዲንካኔዛ ጊዶን ኦሊ ማዶን ባ ኦሶዛ ኦሊ ፖሊቶ።

8 ጋይቶቴላ ዲንካኔዛ ጊደን ዲዛ ኦሶ ሚሻታሰ ኢሰታ ኣላፊ ጊዳቶ፤ ዲንካኔዛ ጊደን ኢሰራኤሌ ኣሳሰ ኦሶቲዛ ኦሶ ኦሊ ፖሌቶ።

9 ኢሰራኤሌ ኣሳ ኡባፊ ኢሰቲ ሻኬቲዲ ኣሮኔኔ ኢዛ ናይታ ኦሶን ማዳና ማላ ሌዌ ዛርኬታ ዋላ።

10 ቄሴቴላ ኦሶዛ ኢሰቲ ፖላና ማላ ኣሮኔኔ ኢዛ ናይታ ኔ ሱንላ፤ ኢሰታፊ ኣቲን ሃራ ኣሲ ሃይሳ ሃ ኦሶዛ ኦላናሰ ጋይቶቴላ ዲንካኔዛኮ ሸቂዛ ጊዲኮ ኢዛዳይ ሃይቆን ቃጸዩቶ።»

11 ጎዳይ ሙሴስ ሂዝጊዳስ፡

12-13 «ሄኮ ሌዌ ቆሞቲ ታሰ ሃጋዚዛይታ፤ ታኒ ጊብጹ ዳሬ ኣሳ ባይራ ዉርሳ ዋጂዳ ዋዴ ኢሰራኤሌ ኣሳፕ ኢሳፊ ኢሳፊ ዩሌቲዳ ባይራኔ ኢሰታ ሜህታ ባይራታ ኩሚላ ታሰ ዲማሳዲሰ፤ ጊደ ኣቲን ሃኢ ቃሴ ባይራ ጊዲ ዩሌቲዳ ኣቲማ ናይታ ሶሆን ሌዌ ዛርኬታ ታኒ ታሰ ደራዲሰ፤ ኢሰቲ ታሰ ኦሊዛይታ ጊዳና፤ ታኒ ጎዳ።»

ሌዌታ ቆዴቴላ

14 ጎዳይ ሙሴስ ሲና ዙማ ቦላ ሂዝጊዳስ፡

15 «ሌዌ ዛሬታ ኢሰታ ኢሰታ ዛርኬን ዛርኬኔኔ ኢሰታ ቆሞን ቆሞን ቆዳ፤ ዩሌቲን ኢዛሰ ኢሲ ኣገና ኩሚዳይሳኔ ሃሳፊ ቦላራ ዲዛ ኣቲማ ና ዉርሳካ ቆዳ።»

16 ሙሴይካ ጎዳይ ኢዛ ኣዛዚዳ ማላ ቆዲዳስ።

17 ሌዌስ ሃቭ ኣቲማ ናይቲ ዳቲሰ፤ ሃይቲካ ጌርሾኔ፡ ቃኣቴኔ ሜራሬ ጌቴቴሰ።

18 ጌርሾኔ ዛርኬቲ ሊቢናኔ ሸምኤ ጌቴቴሰ።

19 ቃኣቴ ዛርኬቲ ኣሚራሚ ዩጲሃራ፡ ኬብሮኔኔ ኡዚኤሌ ጌቴቴሰ

20 ሜራሬ ዛርኬቲ ማሂሌኔ ሙሹ ጌቴቴሰ፤ ሃይታንጌቲ ባ ሱንላን ሱንላን ባ ኬላ ኣሳሰ ኣዋቲዛይታ።

21 ሊቢናኔ ሸምኤ ኬላ ኣሳይ ጌርሾኔ ዛርኬን ቆዴቲዳ።

22 ዩሌቲን ኢሲ ኣገና ጊዲዳ ናፕ ደሚዲ ማዘጋቤቲዳ ኣቲማሳ ቆዳይ 7,500።

23 ጌርሾኔ ባጋቲ ዲንካኔዛፕ ጉዩ ባጋራ ኣርሼይ ዉሊዛ ባጋራ ዲንካኒዳ።

24 ጌርሾኔ ባጋታ ካሌላዛይ ላኤሌ ና ኤልያሳፊ።

25 ጋይቶቴላ ዲንካኔን ጌርሾኔ ዛርኬታ ኣላፊቴላ፡ ጋይቶቴላ ዲንካኔዛ ካማታኔ ፔንጌ ቦላ ቃጸቲዛ ማጋላሻታ፡

26 ጊቤዛ ጊደ ማጋላሻታ፡ ዲንካኔዛኔ ያርሾ ያርሺዛሰዛ ዩዩ ኣጲዳ ጊቤዛ ፔንጋ ማጋላሻ ቶሌታኔ ሃሳላካ ሃይታንታሰ ጊዲዛ ሚሻታ ኡባታ ናጎ።

27 ኣሚራሚ፡ ዩጲሃራ፡ ኬብሮኔኔ ኡዚኤሌ ሶ ኣሳይ ቃኣቴ ዛርኬን ቆዴቲዳ።

28 ዩሌቲን ኢሲ ኣገናኔ ሃሳፊ ቦላራ ጊዲዳ ኣቲማሳ ቆዳይ 8,600፤ ሃይታንጌቲ ጋይቶቴላ ዲንካኔዛ ናጌቴሰ።

29 ቃኣቴ ዛርኬቲ ጋይቶቴላ ዲንካኔዛፕ ጉዩራ ዲጌሃ ባጋራ ዲንካኒዳ።

30 ቃኣቴ ቆሞታ ካሌላዛ ኮራፒኔይ ኡዚኤሌ ና ኤልጻፋኔ።

31 ኢሰታ ኣላፊቴላ ጫቆ ቃላ ታቦታ ቦላ፡ ማዳ ኢዛ ቦላ ዋሊዛ ጸራጸዛ ቦላ፡ ጸምፔ ኢዛ ቦላ ዋሊዛይሳ ቦላ፡ ያርሾ ኢዛ ቦላ ያርሺዛይሳ ቦላ፡ ቂሴቲ ዲማ ቆልኣካን ጎኤቲዛ ሚሻታ ቦላ፡ ጌዴ

ዲንካኔዛሰ ኡባፊ ዲማቲዳ ጊደ ቆልኣ ጌሊዛሶ ባጋራ ዲዛ ማጋላሻ ጊዲሺን ኩሚላ ሃይታ ሃ ሚሻታ ቦላ ኢሰታሰ ናጋና ኣላፊቴላ ዳሰ።

32 ሌዌ ዛርኬ ኡባ ሃላቃይ ቂሴ ኣሮኔ ና ኤልኤዜሬ፤ ኢዚ ዲማቲዳ ቆልኣን ኦሊዛይታ ኡባ ቦላ ኣላፊ።

33 ማሂሌ ሶ ኣሳይኔ ሙሹ ሶ ኣሳይ ሜራሬ ዛርኬራ ኢሲኖ ጊዲዳ፤ ሃይቲ ሜራሬ ዛርኬን ቆዴቲዳ።

34 ዩሌቲን ኢሲ ኣገና ጊዲዳ ጉላ ናፕ ደሚዲ ቆዴቲዳ ኣቲማሳ ቆዳይ ኡሱፕን ታማኔ ናምኡ ጸታ።

35 ሜራሬ ዛርኬታ ካሌላዛይ ጸራኤሌ ና ኣቢኤሌ፤ ኢሰቲ ጋይቶቴላ ዲንካኔዛፕ ፑዳሃ ባጋራ ዲንካኒ ኡቲዳ።

36 ኢሰታ ኣላፊቴላ ዲንካኔዛ ቶሌታ፡ ኮላታታ፡ ቲሳታኔ ቲሳታ ኢሰታን ኤሲዛ ቶሆታ፡ ሃሳላካ ሃራ ኦሶስ ጎኤቲዛ ሚሻታ ቦላኔ ሃይታንታሰ ቤሲዛ ኦሶታ ኦላና ኣላፊቴላ ዳሰ።

37 ሃሳላካ ጊቤዛ ዩሾን ዲዛ ቲሳታ፡ ዲንካኔዛ ቶሌታ፡ ጲሽኬታኔ ቶሌ ዋደርታ ቦላ ኣላፊቴላ ዳሰ።

38 ጋይቶቴላ ዲንካኔዛፕ ኣርሼይ ሞኪዛ ባጋራ ዲንካኒ ኡታናይቲ ሙሴ፡ ኣሮኔኔ ኢዛ ናይታ፤ ጋይቶቴላ ዲንካኔ ጊደን ኢሰራኤሌ ኣሳ ጊሻሰ ኦሶቲዛ ኣይ ኦሶ ጊዲኮካ ሃ ኦሶዛ ዋጋ ፖሊሲዛ ኣላፊይ ኢሰታ ጊዳቶ፤ ሃራይ ኦኒካ ጌዴ ጋይቶቴላ ዲንካኔ ኬላዛኮ ሸቂኮ ሃይቆን ቃጸዩቶ።

39 ጎዳይ ኢሰታ ኣዛዚዳ ማላ ሙሴይኔ ኣሮኔይ ዩሌቲን ኢሲ ኣገና ጊዲዳ ናፕ ደሚዲ ኣሳይ ባ ኬላን ኬላን ማዘጋቢዳ ሌዌ ቆሞታፕ ኣቲማ ናይቲ ኩሚላ 22,000 ጊዲዳ።

ሌዌ ዛርኬታ ደሬቴላ

40 ጎዳይ ሙሴስ፡ «ኢሰራኤሌን ባይራ ጊዲ ዩሌቲዳ ኣቲማ ናይታሰ ላይላይ ኢሲ ኣገናኔ ሃሳፊ ቦላራ ጊዲዳይታ ቆዳዳ ኢሰታ ሱንላ ጻፋ።

41 ኢሰራኤሌ ኣሳ ባይራ ናይታ ኡባ ሳማ ሌዌ ናይታ፡ ሃሳላካ ኢሰራኤሌ ኣሳ ሜህ ባይራ ኡባ ሳማ ሌዌ ቆሞታ ሜህ ኤካ፤ ታኒ ጎዳ። ጊዳሰ።

42 ሙሴይካ ባና ጎዳይ ኣዛዚዳ ማላ ኢሰራኤሌ ኣሳ ጋርሳን ባይራ ጊዲ ዩሌቲዳይታ ኡባ ቆዲዳሰ።

43 ኢሰቲ ዩሌቲን ኢሲ ኣገናኔ ሃሳፊ ቦላራ ጊዲዳ ባይራ ኣቲማ ናይታ ኡባ ኢሰታ ሱንላን ሱንላን ቆዳን ኢሰታ ቆዳይ 22,273 ጊዲዳሰ።

44 ጎዳይ ሙሴስ ሂዝጊዳስ፡

45 «ሃሳ ጊሻሰ ባይራ ጊዲ ዩሌቲዳ ኢሰራኤሌ ኣሳ ኣቲማ ናይታ ሶሆን ሌዌታ ኔ ታሰ ሻካ፤ ሃሳላካ ኢሰራኤሌ ኣሳ ሜህ ባይራ ሶሆን ሌዌታ ሜህ ታሰ ዲማሳ፤ ታኒ ጎዳ።

46 ኢሰራኤሌ ኣሳይ ዩሊዳ ባይራ ናይታ ቆዳይ ሌዌ ቆሞታፕ 273 ጊዲ ዳሪዛ ጊሻሰ ሃይታ ቲርፓ ኣቲማ ናይታ ሚሻን ዋዛ።

47 ኢሳ ኢሳ ዋዛናሰ ጋይቶቴላ ዲንካኔ ሜዛኔዛ ማላ ኢቻሹ ሳቂሌ ቢራ ኤካ፤

48 ሃ ኣቲዳ ዋዛ ሚሻ ኣሮኔሲኔ ኢዛ ናይታሰ ኣማ።»

49 ሙሴይካ ሌዌ ቆሞታን ዋዛቲዳይታፕ ቦላራ ቲርፕዳ 273 ኣሳታ ጊሻሰ ሸቂዳ ዋዛ ሚሻ ኤኪዳሰ።

50 ኢሰራኤሌ ኣሳ ባይራታፕ ጋይቶቴላ ዲንካኔ ሜዛኔዛ ማላ ሚሻ 1,365 ሳቂሌ ቢራ ኤኪዳሰ።

51 ጎዳይ አዛዚዳ ማላ ሙሴይ ዋዘ ሚሻ አርኔሲኔ ኢዛ ናይታሰ አሚዳሰ።

4

ቃእቴ ዛርኬታ ኦሶ

- 1 ጎዳይ ሙሴሲኔ አርኔሲኔ ሂዘጊዳሰ።
- 2 «ለዌ ናይታ ጊደፊ ቃእቴ ዛሬታ ኢሰታ ሶ ኣሳን ኣሳን ኢሰታ ማታ ዳሶን ዳሶን ቆዳ።
- 3 ጋይቶቴላ ዲንካኔዛን ኦላናሰ ዳንዳይዛይታ። ኢሰታ ላይሊ ሄዡ ታማፊ ቢዲ ኢቻሹ ታሙ ጋካናሰ ዲዛ ኣቱማሳታ ኡባ ማዘጋባ።
- 4 ኢሰቲ ኦላና ኦሶይ ጋይቶቴላ ዲንካኔዛ ጊደን ዲዛ ኡባፊ ዲማ ጌሻ ሚሻታ ናሳ ጊደና።
- 5 ኣሳይ ባ ዲዛሶፔ ዳንዲ ቢሺን ኣርኔይኔ ኢዛ ናይቲ ዲንካኔዛን ጌሊዲ ጫቆ ቃላ ታሶታዛ ሰንፋን ዲዛ ማጋላሻ ዲጌ ዋሊዲ ጫቆ ቃላ ታሶታዛ ኢዛን ጸጺቶ።
- 6 ኢዛ ካማናሰ ቃጩቲዳ ጋልባ ማጋላሻዛ ቦላራ ዋሊዲ ሄሳ ቦላ ሙሌራ ሳሎ ሚሳቲዛ ካሬላ ማይኦ ኢዛ ቦላ ሚጪዲ ማይዜቶ፤ ሂሰቲዲ ቶሆ ሚሳታ ቃላባቴ ሉኮዛን ጌልሌቶ።
- 7 «ሳናሰ ሸቂዛ ዲማ ኡኩላ ኢዛ ቦላ ዋሊዛ ጋባቴዛ ሳሎ ሚሳቲዛ ካሬላ ጫርቃን ካሜቶ፤ ጋባቴዛ ቦላ ሸልኤታ። ጨልፋታ። ጸኣታኔ ዋይኔ ኡሹ ዲቂዛ ሚሻታኔ ኡኩላ ኡባ ዋዳ ፓጩይ ባይንዳ ኢዛ ቦላ ዋሌቶ።
- 8 ሄሳ ኡባ ዘኦ ጫርቃን ካሚዲ ቦላራ ቃጩቲዳ ጋልባ ማይዜቶ፤ ኢሰታን ቶኪዛ ቶሆ ሚሳታ ቃላባቴ ሉኮዛን ጌልሌቶ።
- 9 «ሳሎ ሚሳቲዛ ካሬላ ጫርቃዛ ኤኪዲ ጸምፔ ኢዛ ቦላ ዋሊዛይሳኔ ጸምፔታ። ቃጸታኔ ቢዲንሕ ዋሊዛ ኮንኣታ። ሄሳሶዛ ዛይቴ ዋሊዛ ሚሻታ ኡባ ኢሲ ቦላ ካሜቶ።
- 10 ጸምፔዛኔ ጸምፔዛሰ ኮሺዛ ሚሻታ ኡባካ ኢዛ ካሚዛ ጋልባን ጸጺዲ ኢዛራ ቶኪዛ ሃላ ቦላ ዋሌቶ።
- 11 «ካሊሊዲ ዋርቃፊ ኦሴቲዳ ያርሾ ያርሺዛይሳ ቦላ ሳሎ ሚሳቲዛ ጫርቃን ካሚዲ ቃጩቲዳ ጋልባ ቦላራ ማይዜዲ ቶሆ ሚሳታ ኢዛን ጌልሌቶ።
- 12 ጋይቶቴላ ዲንካኔን ጎኤቲዛ ሚሻታ ኡባ ኤኪዲ ሳሎ ማላ ካሬላ ጫርቃን ካሜቶ፤ ቃጩቲዳ ሌኤ ጋልባ ኢዛ ቦላራ ካሚዲ ቶሆ ሚሳ ቦላ ዋሌቶ።
- 13 ቢዲንፋዛ ያርሾ ያርሺዛሶዛ ቦላፊ ፒቲዲ ያርሾ ያርሺዛሶዛ ኦቻ ቴራ ሚሳቲዛ ጫርቃን ካሜቶ።
- 14 ያርሾ ያርሺዛሶዛን ኦላናሰ ጎኤቲዛ ሚሻታ ሄይቲካ ሁላሊታ። ማንጸታ። ታማ ካሺዛ ሚሻታኔ ጉቃ ሳኔታ ኢዛ ቦላ ዋሌቶ፤ ቃጩቲዳ ሌኤ ጋልባ ኢዛ ቦላ ካሚዲ ቶሆ ሚሳታ ኢዛን ጌልሌቶ።
- 15 ኢሰቲ ባ ዲዛ ሄራፔ ዳንዲ ቢሺን ኣርኔይኔ ኢዛ ናይቲ ጌሻ ሚሻታኔ ሄ ሚሻቲ ኢሰታን ጎኤቲዛ ሚሻታ ኡባካ ካሚዳፔ ጉዬ ቃእቴ ናይቲ ዩዲ ቶኬቶ፤ ጊደ ኣቲን ኢሰቲ ሃይቆንታ ማላ ሄ ጌሻ ሚሻታ ኩሺን ቦቻናሰ ቤሴና፤ ሄሳ ጊሻሰ ጋይቶቴላ ዲንካኔዚ ዳንዲዛ ዋዳ ሄሲ ዉሪካ ቃእቴ ናይታ ኣላፊቴላ።
- 16 «ቁሴዛ ኣርኔ ና ኤልኤዜሬይ ጸምፔዛ ዛይቴ ሎኦ ሳዋ ሳዋዛ ኤጸኔ። ኡባ ዋዳ ሸቂዛ ካሳ ያርሾዛኔ ቲዬቲዛ ዛይቴዛ ቦላ ኢዛሰ ኣላፊቴላ

ዳኦ፤ ሄሳሶካ ጋይቶቴላ ዲንካኔዛኔ ኢዛ ጊደንካ ዲዛ ጌሻ ሚሻታ ኡባ ናሳ።»

- 17 ጎዳይ ሙሴኔ ኣርኔ ሂዘጊዳሰ።
- 18 «ቃእቴ ናይቲ ሌዌ ቆሞታ ጊደፊ ጳያና ማላ ኦላፍቴ።
- 19 ጌዬ ኡባፊ ዲማ ጌሻ ሚሻታኮ ሸቂዲ ኢሰቲ ሃይቆንታ ማላ ኢሰታ ኣርኔይኔ ኢዛ ናይቲ ጋይቶቴላ ዲንካኔን ጌሊዲ ኣሳሰ ኢሳሰ ኢሳሰ ኦሶኔ ኢዛዳ ቶሆ ሻኪ ኢሜቶ።
- 20 ጊደ ኣቲን ኢሰቲ ሃይቆንታ ማላ ቃእቴ ናይቲ ዲንካኔዛ ጊደ ጌሊዲ ቤያናሰ ጉላ ዋዳሰካ ጴሎፔቶ።»

ጌርሾኔ ዛርኬታ ኦሶ

- 21 ጎዳይ ሙሴሰ ሂዘጊዳሰ።
- 22 «ለዌ ዛርኬታ ጋርሳፊ ጌርሾኔ ናይታ ኢሰታ ዳሶን ዳሶኔ ኢሰታ ዩሌታን ዩሌታን ቆዳ።
- 23 ጋይቶቴላ ዲንካኔዛን ኦላናሰ ዳንዳይዛይታ ሄዡ ታሙ ላይላፊ ቢዲ ኢቻሹ ታሙ ላይላ ጋካናሰ ዲዛ ኣቱማሳታ ኡባ ቆዳ።
- 24 «ዲማ ዲማ ሚሻታ ቶካና ኣላፊቴላ ኢሰታሰ ዳሰ።
- 25 ጋይቶቴላ ዲንካኔዛ ሶ ባጋራኔ ካሬ ባጋራ ካሚዛ ቦላራካ ኢዛ ቦላ ካሚዛ ቃጩቲዳ ሌኤ ጋልባኔ ጌሎሶ ፔንጌዛካ ቶኬቶ።
- 26 ሄሳሶካ ዲንካኔዛኔ ያርሾ ያርሾሆ ጊቤዛ ዩዩ ኣጲዳ ማጋላሻታ። ቶሌ ዋደርታ። ጊቤ ጌሊዛሶ ፔንጌ ማጋላሻታኔ ሄይታንታ ኦላናሰ ጊጌቲዳ ሚሻታካ ኢሰቲ ቶኬቶ፤ ሄይታ ሄ ሚሻታሰ ጊዲዛ ኣይ ኦሶካ ኢሰቲ ፖሊቶ።
- 27 ጌርሾኔ ናይቲ ኦሊዛ ኦሶ ጊደን ዋይኮ ቶሆ ጊደን ኣርኔይኔ ኢዛ ናይቲ ኢሰታ ኣዛዚዳ ማላ ኦሌቶ፤ ኢሰቲ ቶካናሰ ቤሲዛ ሚሻ ኩሜሕ ኔ ኢሰታሰ ጊሻ ኣማ።
- 28 ጋይቶቴላ ዲንካኔዛ ጊደን ጌርሾኔ ናይታ ኦሶይ ሄሳ፤ ኢሰታ ኦሶ ቁሴ ኣርኔ ና ኢታማሬይ ጴሊ ኦሲሶ።

ሜራሬ ዛርኬታ ኦሶ

- 29 «ለዌ ዛርኬፊ ጊዲዳ ሜራሬ ናይታ ኢሰታ ዛርኬን ዛርኬኔ ኢሰታ ዩሌታን ዩሌታን ቆዳ።
- 30 ጋይቶቴላ ዲንካኔ ጊደን ኦላናሰ ዳንዳይዛይታ ኢሰታሰ ላይላይ 30 ላይላፊ ቢዲ 50 ላይላ ጋካናሰ ዲዛ ኣቱማሳታ ኡባ ቆዳ።
- 31 ኢሰቲ ቶካናሰ ቤሲዛይ ዲንካኔዛ ቶሌታኔ ቶሌታ ጊደራ ጌሊዛይታ። ቱሳታ፤ ዲንካኔዚ ኢዛን ቶሌቲዛ ሚሻታ።
- 32 ሄሳሶካ ዲንካኔዛ ዩሾን ዲዛ ዳምባን ኤቂዛ ቱሳታ ቶሆታ፤ ቶሌታ ዋደርታኔ ሄይታ ኡባታሰ ኮሺዛ ሚሻታ፤ ኢሲ ኢሲ ኣሲ ቶካናሰ ቤሲዛ ሚሻይ ኢዛ ሱንፋን ሱንፋን ኢዛሰ ኡቶ።
- 33 ቁሴ ኣርኔ ና ኢታማሬይ ኦሶዛ ናጌቲ ኦሲሳናሰ ጋይቶቴላ ዲንካኔ ጊደን ሜራሬ ናይታ ሶ ኣሳ ኦሶይ ሃይሳ።»

ለዌ ዛርኬታ ቆዳ

- 34 ሙሴይ፣ ኣርኔይኔ ዳሬዛ ሃላቃቲ ቃእቴ ዜሬላታ ኢሰታ ዛርኬን ዛርኬኔ ኢሰታ ዳሶን ዳሶን ቆዳዲ።
- 35 ጋይቶቴላ ዲንካኔዛ ጊደን ኦላናሰ ኦሶን ጌሊዲይታ ኩሜሕ 30 ላይላፊ ቢዲ 50 ላይላ ጊዲዲይታ ቆዳዲ።

- 36 ቆዳተዳ አሳይ 2,750 ጊዲዳስ።
- 37 ጎዳይ ካሴ ሙሴ አዛዚዳ ማላ ጋይቶቲላ ዲንካኔዛን ኦሊዳይቲ ሙሴይኔ ኦርኔይ ቆዲዳ ቃኦቲ ሶ አሳይ ሃይታንታ።
- 38 ባ ዛርኬን ዛርኬኒኔ ባ ዳቦን ዳቦን ቆዳተዳ ገርሾኔ ናይቲ።
- 39 ጋይቶቲላ ዲንካኔዛን ኦላና ጌላናሰ ዳንዳይዛይታሰ ላይላይ ሃቸ ታማፌ ቢዲ ኢቻሹ ታሙ ላይላ ጋካናሰ ዲዛይቲ ወሪካ።
- 40 ናምኡ ሺያኔ ኡሱቸን ጾታኔ ሃቸ ታማ።
- 41 ጎዳይ ሙሴ አዛዚዳ ማላ ጋይቶቲላ ዲንካኔዛን ኦሊዳይቲኔ ሙሴይኔ ኦርኔይ ቆዲዳ ገርሾኔ ናይቲ ሃይታንታ።
- 42 ባ ዛርኬን ዛርኬኒኔ ባ ዳቦን ዳቦን ቆዳተዳ ሜራሬ ናይቲ።
- 43 ጋይቶቲላ ዲንካኔዛን ኦላና ጌላናሰ ዳንዳይዛይታሰ ላይላይ ሃቸ ታማፌ ቢዲ ኢቻሹ ታሙ ላይላ ጋካናሰ ዲዛይቲ ወሪካ።
- 44 ሃቸ ሺያኔ ናምኡ ጾታ።
- 45 ጎዳይ ሙሴ አዛዚዳ ማላ ጋይቶቲላ ዲንካኔዛን ሃጋዚዛ ሙሴይኔ ኦርኔይ ቆዲዳ ሜራሬ ናይቲ ሃይታንታ።
- 46 ሙሴይ፣ ኦርኔይኔ ኢሰራኤሌ ሃላቃቲ ኢሰታ ቆሞን ቆሞኒኔ ኢሰታ ዛርኬን ዛርኬን ቆዲዳ ለዌ ናይቲ።
- 47 ሃቸ ታሙ ላይላፌ ደሚዲ 50 ላይላ ጋካናሰ ዲዛይቲ ጋይቶቲላ ዲንካኔዛ ገደን ኦሶዛ ኦላናሰ ኦሊዛ ሚሻታ ቶካናሰ ጌሊዳይቲ።
- 48 ሙሌራ ኢሰታ ቆዳይ 8,580።
- 49 ሃሳ ማላን ኢሲ ኢሲ አሲ ጎዳይ ሙሴ አዛዚዳ ማላ ቆዳተዳሰ፤ ሃሳላካ ጎዳይ ሙሴሰ ኢሚዳ አዛዘ ማላ ኢሲ ኢሲ አሲ ቶካናሰ ኦላፌቲላ ኤኪዳሰ።

5

ጌዮንታ አሳታ

- 1 ጎዳይ ሙሴሰ ሂዘጊዳሰ።
- 2 «ኢንቸራቻ ሃርጌይ ኢዛ ቦላ ዲዛይ ዋይኮ ኢዛ ቦላፌ ሃላ ማላይ ጎጊዛይ ዋይኮ ኢሃ ቦቸዲ ቲኒዳይ ኡባ ኢሰራኤሌ አሳይ ባ ዲዛ ጉታፔ ካሬ ኬሳና ማላ አዛዛ።
- 3 ታኒ ኢሰታራ ዲዛ ኢሰታ ጉታ ኢሰቲ ቲኒሶንታ ማላ ሃይታ ጌዮንታ አሳታ ኡባ አዳ ገደን ማጫ ገደን ኢንቲ ገደፌ ኬሲ ጎዲቲ።»
- 4 ጎዳይ ሙሴ አዛዚዳ ማላ ኢሰራኤሌ አሳይ ባ ጉታፔ ኢሰታ ኬሲ ጎዲዳሰ።

ቆሆ ገሻሰ ቃንጾ ኢሞ

- 5 ጎዳይ ሙሴሰ ሂዘጊዳሰ።
- 6 «ኔኒ ኢሰራኤሌ አሳሰ፣ ማጫፌ ገደን አቱሞሳፕ ኣይ አሲካ ጎዳሰ አማኔቶንታይ ገዲ ቤቲዲ ኣይ አሳ ቦላካ ቆሆ ጋሊኮ ሃሳይይ ቆሃንቻ።
- 7 ኢዚ ባ ናጋራ ፓጾ፤ ባ ቆሆዛ ገሻሰ ቃንጾቲዛ ሚሻ ቦላ ጾታፔ ናምኡ ታሙ ኩሼ ጉጂዲ ቆሃቲዳዳሰ ኤሆ።
- 8 ገደ አቲን ሃ ቆሃቲዳይ ሃይቁዳ ገዲኮኔ ኤዳ ኤካናሰ ኢዛሰ ማታ ዳቦይ ባይንዳ ገዲኮ ሃ ኤዳይ

- ጎዳሳ፤ ሃ ኤዳቲዛ ኤዳይ ቆሃዳዳ ናጋራ ወርሳና ሸቁዛ ያርሾሰ ኢሚዛ ጳርሾዛራ ኢሲፌ ቁሴዛሰ ኢሚቶ።
- 9 ሃሳ ማላን ኢሰራኤሌ አሳይ ጎዳሰ ኢሚዛ ዳማ ኢሞታይ ወሪካ ሃ ኢሞታ ኤኪዛ ቁሴዛሰ ገደ።
- 10 ኢሲ ኢሲ አሲ ጎዳሰ ኢሚዛ ዳማ ኢሞታይ ሃ ኢሞታ ኢሚዳዳሳ፤ ገደ አቲን ኢዚ ቁሴዛሰ ኢሚዛ ገዲኮ ሃ ሚሻይ ቁሴዛሳ።»

አማኔቶንታ ማቸታ

- 11 ሃሳፌ ጉዬ ጎዳይ ሙሴሰ ሂዘጊዳሰ።
- 12 «ኢሰራኤሌ አሳፔ ኢሳይ ማቻ ባ አዚናሰ አማኔቶንታ አጋዳ ካሬ ካሬ ገኮ።
- 13 ሃራ አዳራ ዚንኢኮ፣ ቃሴካ ኢዛ ኦሊዳ ቱና ኦሶይ ቆንጮንታ አዚናፔ ጌሚዳ ገዲኮ፣ ኢዚ ቦላ ማርካቲዛ አሲ ቤቶንታ ኣገን ኢዚ ቱናቴላይ ቆንጮንታ ኣገኮ።
- 14 ኢዛ ቲኒዳ ገሻሰ ኢዚ አዚናይ ኢዛ ሲቆናሰ ዳንዳይሰ፤ ዋይኮ ኢዛ ቱኖንታ ዲሺን ኢዚ ቃናቴን ኩሚዳ ገሻሰ ባ ማቻ ሲቆና ዳንዳይሰ።
- 15 ሃሳይይ ባ ማቸዮ ቁሴኮ ኤኪ ኤሆ፤ ሃ ማጫሳይ ገሻሰ ኮዬቲዛ ኢሲ ኪሎ ባንጋ ጂሌ ያርሾሰ ኤኪ ዮ፤ ሃይሲ ቃናቴሰ ሸቁዛ ካላ ያርሾይ ቆሆ ቆፍሲዛዘ ገዲዛ ገሻሰ ዛይቲ ኢዛ ቦላ ጉሶፎ፤ ኤጻኔካ ኢዛ ቦላ ዋላፎ።
- 16 «ቁሴዚ ማጫሳዮ ኤፊዲ ጎዳ ሲንላን ኤሶ።
- 17 ጌሻ ሃላ ጸርን ዳቁ ኤኮ፤ ጋይቶቲላ ዲንካኔ ወይጌፔ ጉላ ቢታ ኤኪዲ ሃ ሃላን ጉጅ።
- 18 ቁሴዚ ማጫሳዮ ጎዳ ሲንላን ኤሶ፤ ኢዚ ጎሴ ቢርሾ፤ ቃናቴሰ ሸቁዛ ካላ ያርሾዛ ኢዚ ኩሼን ዋላ፤ ቃሴ ሃ ቁሴዚ ቃንጌላ ኤሂዛ ጫሞ ሃላ ጸርራ ባ ኩሼን ኦይኮ።
- 19 ቁሴዚ ኢዛ ሂዘጊ ጫቁላ፤ ኔኒ ኔ አዚናራ ዲሺን ሃራ አዳይ ኔናራ አቆንታ ገዲኮኔ ኔኒ ኔና ቲኒሶንታ ገዲኮ ቃንጌላ ኤሂዛ ሃይሲ ጫሞ ሃላይ ኔሰ ጎሚቶ።
- 20 ገደ አቲን ኔኒ ኔ አዚናፔ ሃራ አዳራ ዚንኢዳ ቲኒዳ ገዲኮ።
- 21 ሳዳይ ኔሰ ዬላ ኡሎ ሚሊሶኔ ኔ ኡሎ ፑሪሶ! ኔ ዳሬዛ ጋርሳን ኔና ጫቆሲኔ ቃንጌላሰ ኬሶ።
- 22 ሃይሲ ሃላዚ ጌዳ ኔ ቦላ ገደ ጌሊዲ ኔ ኡሎዘ ፑሪሶ! ኔሰ ዬላ ኡሎዘ ጉንዲሶ! ማጫሳዳካ፣ «አሚን! ጎዳይ ታ ቦላ ሃሳላ ኦላ» ጋ ዛሩ።
- 23 «ሃሳፌ ጉዬ ቁሴዚ ሃሳ ሃ ቃንጌላ ቃላ ጸላ ማጻፋን ጸፎ፤ ሃ ጸፎይሳካ ጫሞ ሃላዚ ዲዛ ጸርዛን ዩጊ ማጫ።
- 24 ኢዚ ማጫሳዮ ኢታ ሳኮ ኦይሊዛ ጫሞ ሃላ ኢዘ ኡሻናፔ ሲንላን።
- 25 ቁሴዚ ማጫሳይፌ ያርሾ ጂሌዛ ኤኪዲ ጎዳሰ ያኔ ሃ ቃሴላ ሺሺዛ ዳማ ያርሾ ገዳና ማላ ያርሾ ያርሺዛሰዛ ቦላ ሺሾ።
- 26 ሃሳፌ ጉዬ ካላ ያርሾ ኢሲ ዘላ ጂሌ ኤኪዲ ቆፊሶ ያርሾ ገዳና ማላ ያርሾ ያርሺዛሰዛ ቦላ ጸጎ፤ ወርሴላን ሃ ማጫሳዮ ሃ ሃላ ኡሾ።
- 27 ማጫሳዳ ባና ቲኒሳዳ ባ አዚናሰ ዲዛ አማኔቲላ ፓጠንቸዳ ገዲኮ ቃንጌላ ኤሂዛ ሃላ ኢዛ ኡዩዛ ዋይ ኢዚ ቦላ ገደን ዋልቃማ ሳኮ ኤሃና፤ ሃሲካ ኢዚ ኡሎይ ፑራና፤ ኢዚሰ ዬላ ኡሎይ ጉንዳና፤ ኢዚ ሱንላ ኢዚ ዳሬዛ ገደን ቃንጌቲዳዘ ገዲ አታና።

28 ጊደ ኣቲን ኢዛ ኣይኮ ሞርካ ኦሎንታ ጊደኮ ኢዚ ቦላ ኣይኮ ቆሆይካ ጋኬና፤ ኢዛ ናይታካ ዮላና።
 29 «ኢሳይይ ባ ማቸ ላይማቴላን ሲዲዛ ዎዴ ኦላና ዎጋይ ሃይሳፌ ካሊዛይሳ፤ ኢዛ ካሬ ካሬ ጋዳ ሃራ ኣዴራ ዚንኣዳ ቱኒዳ ጊደኮ።
 30 ዎይኮ ኢሲ ኣሲ ባ ማቸ ጮ ማላ ሲዲዛ ጊደኮ ኢዛ ጎዳ ሲንሳን ኤቃና ማላ ኦሎ።
 31 ኢዚ ኣዚናዚካ ቆሆፔ ጌሽ ጊዳና፤ ማጫሳያ ላይማታ ቤቲዳ ጊደኮ ቃሴ ኢዛ ባ ቆሆዛ ጋሶን ባ ቦላ ጋኪዛ ፒርዳ ኤካና።»

6

ናዚራዌቲላ ዎጋ

1 ጎዳይ ሙሴስ ሂዝጊደስ።
 2 «ኢሰራኤል ኣሳስ፤ ማጫ ጊደን ዎይኮ ኣዴ ጊደን ኣይ ኣሲካ ባና ጎዳስ ዲማሳናስ ኣዲና ኣዲኔቲኮ።
 3 ሃሳይይ ዎይኮ ኡሹ ዎይኮ ሃራ ማላሲዛ ኡሹ ኡዮፖ፤ ዎይኮፔ ዎይኮ ሃራፔ ኦሴቲዳ ጫላ ዎይኮ ማላሲዛ ኡሹ ኢዚ ኡዮፖ፤ ዎይኮ ማላ ኣይፊፔ ቲያ ጊደን ዎይኮ ማላ ጊደን ሞፖ።
 4 ኢዚ ባና ዲማሲዲ ዲዛ ዎይኮ ዎይኮ ማላ ሃጋ ቦላ ዲዛ ኣይፊ ጊደን ዎይኮ ፖቆ ሞፖ።
 5 « ኢዚ ናዚራዌቲላስ ኣዲኔቲዳ ዎዴይ ወራና ጋካናስ ኢዛዴ ሁኤ ቢናና ማጋላይ ቦቸፎ፤ ኢዚ ባና ጎዳስ ዲማሲዲ ዎዴይ ፖሌታና ጋካናስ ኢዚ ዲማቲዳዴ ጊደዲ ባ ሁኤ ቢናና ዲቸ። *
 6 ኢዚ ናዚራዌ ጊደዲ ዲዛ ዎዴ ኡባን ሃይቂዳ ኣሃኮ ሽቆፖ።
 7 ኢዚ ባ ጎዳስ ባና ዲማሲዲ ማላታይ ኢዛ ሁኤ ቦላ ዲዛ ጊሻስ ኢዛስ ኣዎይ ዎይኮ ኣያ ዎይኮ ኢዛስ ኣሻይ ዎይኮ ማቻ ሃይቂኮ ኢስታ ኣሃ ቦቸዲ ኢዚ ባና ቱኒሶፖ።
 8 ኢዚ ባና ናዚራዌ ኦሎዳ ዎዴ ኡባን ኢዚ ጎዳስ ዲማቲዳ ኣሳ።
 9 « ኢዚ ቆፖንታ ዲሺን ኢሳይይ ኢዛ ኣቻን ሃይቂዲ ካሴ ዲማቲ ዲዛ ኢዛ ሁኤ ቢናና ቱኒሲኮ ኢዚ ላፑንሳ ጋላስ ባ ሁኤ ቢናና ሜዴቲ ቡሉሶ።
 10 ኦሰፑንሳ ጋላስ ናሞኡ ሃራጴታ ዎይኮ ሃራጴ ጪዬታ ጋይቶቲላ ዲንካኔዛ ፔንጌን ዲዛ ቁሴዛኮ ኤሆ።
 11 ቁሴዚካ ኢሲ ሃራጴዛ ናጋራ ያርሾስ ናሞኣንላዛ ቃሴ ጸጌቲዛ ያርሾስ ሺሾ፤ ጋሶይካ ኢዚ ኣሃ ማታ ሽቂዲ ቱኒዳ ጊሻስ ቁሴዚ ኢዛ ናጋራ ወርሳና፤ ሄ ጋላሲካ ናዚራዌይ ባ ሁኤ ኢሰኬዛ ናሞኣንላ ጎዳስ ዲማሶ።
 12 ኢዚ ናዚራዌቲላን ኦላናስ ባና ጎዳስ ናሞኣንላ ዲማሶ፤ ጎዳስ ዲማቲዳ ሄ ኢዛ ኢሰኬዚ ቱኒዳ ጊሻስ ሃሳፌ ካሴ ኢዚ ናዚራዌቲላን ጋሞኡዳ ዎዴይ ኢዛስ ቆዳን ጌሊና፤ ኢዚ ባ ቆሆዛ ጊሻስ ኢሲ ላይላ ጳርሾ ላቃ ኤሆ።
 13 « ኢሲ ናዚራዌይ ባ ናዚራዌቲላ ኣዲና ኡባ ዎዴ ኢዚ ፖላና ዎጋይ ሃይሳፌ ካሊ ዲዛይሳ፤ ኢዚ ጌዴ ጋይቶቲላ ዲንካኔን ጌሊዛ ፔንጌዛኮ ቢዲ።
 14 ሄን ባ ያርሾ ጎዳስ ሺሾ፤ ሄሲካ ጸጌቲዛ ያርሾስ ኢሲ ላይላ ኩሚዳ ጳርሾ ላቃ፤ ናጋራ ያርሾስ ኢሲ

ላይላ ኩሚዳ ኡዚ ደርሰ፤ ሃሳላካ ኢሲፊቴላ ያርሾስ ዎሶይ ባይንዳ ጳርሾ ሺሾ።
 15 ቃሴ ካላ ያርሾኔ ኡሻ ያርሾ ኢስታራ ኢሲፊ ያርሻናስ ኤሆ፤ ሄ ለማቴዛን ካላ ያርሾይ ኢርሾይ ኢዛን ጌሎንታይሳ ጊደ፤ ቃሴ ሊቆ ጴሌ ዛይቲን ሙኡቂ ኡኪዳ ኦርዴ ኡኬሌኔ ዛይቲን ቲዩቲዳ ለኤ ኡኬላ ኤሆ።
 16 « ነቁሴዚካ ሃሳ ኡባ ናጋራ ያርሾኔ ጸጌቲዛ ያርሾ ኦሎዲ ጎዳ ሲንሳ ሺሾ።
 17 ጳርሾዛኔ ለማቴራ ኢርሾይ ኢዛን ጌሎንታ ኡኬላታ ኢሲፊቴላ ያርሾ ኦሎዲ ጎዳስ ሺሾ፤ ቃሴ ሃሳራ ኢሲፊ ጋሊዲ ካላ ያርሾኔ ኡሻ ያርሾ ያርሾ።
 18 « ነሃሳፌ ጉዬ ጋይቶቲላ ዲንካኔዛን ጌሊዛ ፔንጌ ቦላ ሄ ናዚራዌዚ ጎዳስ ኣዲኔቲዳ ባ ሁኤ ቢናና ሜዴቲዲ ኢሲፊቴላ ያርሾይ ጸጌቲዛ ታማን ዩጎ።
 19 « ነባና ጎዳስ ዲማሲዲ ናዚራዌይ ባ ሁኤ ቢናና ሜዴቲዳፔ ጉዬ ቁሴዚ ደይሴቲዳ ጳርሾዛ ሚሳ ኣቸ፤ ኢርሾይ ጌሎንታ ኡኬቲዳ ኦርዴ ኡኬሌኔ ለኤ ኡኬላ ለማቴፔ ኡኪዲ ሄ ናዚራዌዛ ኩሹን ዎሎ።
 20 ሃሳፌ ጉዬ ቁሴዚ ኡባ ኡኪዲ ጎዳ ሲንሳን ያኔ ሃ ቃሴላዛ ያርሾ ሂሰቲ ሺሾ፤ ሄይቲካ ጎዳስ ዲማቲዳ ያርሾ፤ ሄ ቃሴላዳ ኣንጋሶይኔ ሚሳዚ ቁሴዛስ ጊደ፤ ሃሳፌ ጉዬ ናዚራዌዚ ዎይኮ ኡሹ ኡዮናስ ዲንዳዩሰ።
 21 « ነሃሳ ጊሻስ ጎዳስ ባና ዲማሳናስ ኣዲኒዳ ናዚራዌስ ዎዴዳ ዎጋይ ባና ጎዳስ ያርሻናስ ኮሺዛ ያርሾታፔ ቦላራ ኣሊ ጌፐኮ ኢዚ ቃላ ጌሊዳ ማላ ባ ኣዲና ፖላናስ ቤሴስ ጋ ዮታ። ጌሰ።»

ቁሴቲ ወርሴላን ኣንጅና ኣንጅ

22 ጎዳይ ሙሴስ ሂዝጊደስ፤
 23 «ኣርኔይኔ ኢዛ ናይቲ ኢሰራኤል ዴራ ኣንጂሼ ሂዝጊ ኣንጅቶ።
 24 ጎዳይ ኔና ኣንጅ፤
 ኢዚ ኔና ናጎ፤
 25 ጎዳይ ባ ኣይፊሶ ፖኦ ኔስ ቆንጨሶ፤
 ኢዚ ኔስ ቃዴቶ።
 26 ጎዳይ ኔና ባ ማርቲላ ኣይፊን ጸሎ፤
 ባ ሳርቲላካ ኢዚ ኔስ ኢሞ።
 ጋዳ ዮታ።»
 27 ቃሴካ ጎዳይ፡ «ኢሰቲ ኢሰራኤል ኣሳ ታ ሱንሳን ኣንጂዛ ዎዴ ታኒ ኢስታ ኣንጅና» ጊደሰ።

7

ሃላቃቲ ኢሚዳ ኢሞታ

1 ሙሴይ ጋይቶቲላ ዲንካኔዛ ቶሊ ጊጊዳ ዎዴ ዲንካኔዛኔ ኢዛን ጎኤቲዛ ሚሻታ ኡባ፡ ያርሾ ያርሺዛሶዛኔ ኢዛን ጎኤቲዛ ሚሻታ ቲይዲ ዲማሲዳሰ።
 2 ሃሳፌ ጉዬ ኢሰራኤል ኣሳ ካላሊዛይቲ፡ ዴራ ቆዲዛ ዎዴ ኢስታ ቦላ ኣላፊቴላ ዲዛ ኮራፕኔቲ ወሪ ባ ያርሾ ያርሾ ጎዳስ ሺሾዳ።
 3 ኢሰቲ ሺሾዳ ያርሾቲ ናሞኡ ናሞኡ ሃላቃታ ሱንሳን ኢሲ ፓራ-ጋራ፡ ሃሳላካ ኢሲ ኢሲ ሃላቃ

6:3 ሉቃ 1:15 * 6:5 ማጋላ ጉሲ ካሴ ዎዴ ኣሳይ ሁኤ ሜዲዛ ቁሪ ቢላማ። 6:21 ሃዎ 21:23-24

ሱንላን ኢሲ ኢሲ ቦራ፤ ሄ ኢሳቲ ሺሺዳ ያርሾቲ ኢሲ ቦላ ኡሱቸን ፓራ-ጋሬታኔ ታማን ናምኡ ቦራታ፤ ሄይታ ሄ ያርሾታካ ጋይቶቲላ ዲንካኔዛ ሲንላን ሺሺዳ።

4 ጎዳይ ሙሴስ ሂዘጊዳስ።

5 «ሃይቲ ሚሻቲ ጋይቶቲላ ዲንካኔዛን ዲማ ዲማ ኦሶስ ኢሳታን ጎኤታና ማላ ሃይታ ያርሾ ሚሻታ ኢሳታፊ ኤካዳ፣ ዲማ ዲማ ኦሶስ ኢሳታስ ኮሺዛ ማላ ሻካዳ ለዌታስ ኢማ።»

6 ሃሳ ገሻስ ሙሴይ ፓራ-ጋሬታኔ ቦራታ ኤኪዳ ለዌታስ ኢሚዳስ።

7 ጌርሾኔ ዛርኬታስ ኦሶስ ኮሺዛ ናምኡ ፓራ-ጋሬታኔ ኦይዳ ቦራታ ኢሚዳስ።

8 ቃሴካ ሚራሬ ዛርኬታስ ኦይዳ ፓራ-ጋሬታኔ ኦሶቸን ቦራታ ኢሚዳስ፤ ሄይታንታ ኦሶይ ፖሌታናይ ኦርኔ ና ኢታማሬ ኣላፊቲላና።

9 ኢሳታስ ዲዛ ኣላፊቲላ ጌሻ ሚሻታ ባ ሃሾን ቶኪዛ ገሻስ ሙሴይ ቃኦቲ ዛርኬታስ ፓራ-ጋሬታ ጊዲን ዋይኮ ቦራታካ ኢሚቤና።

10 ያርሾ ያርሺዛሶዛ ሙሴይ ቲይዲ ጌሺዳ ጋላስ ሃላቃቲ ያርሾ ያርሺዛሶዛ ኣንጂሳናስ ባንታ ኢሞታ ኤሂዲ ያርሾ ያርሺዛሶዛ ሲንላን ሺሺዳ።

11 ጎዳይ ሙሴስ፣ «ታማኔ ናምኡ ጋላሳታን ታማኔ ናምኡ ሃላቃቲ ፓጩይ ባይንዳ ኢሶይ ኢሶይ ኢሲ ኢሲ ጋላስ ኣንጂሶ ባኣሌስ ጊዲዛ ያርሾ ሁኤን ሁኤን ሺሻና ማላ ዮታ» ጊዳስ።

12 ኮይር ጋላስ ዩሁዳ ቆሞታ ጋርሳፊ ኣሚናዳቤ ና ኔኣሶኔይ ሺሺዳስ።

13 ኢዚ ሺሺዳ ያርሾቲካ ሃይሳፊ ካሊዛይታ፤ ኤሬቲዳ ሜዛኔን ዋሲን 130 ሳቂሌ * ቢራፔ ኦሴቲዳ ኢሲ ፒጫ ሳኔ 70 ሳቂሌ † ኢሲ ጉቃ ሳኔ፣ ናምኣይካ ካላ ያርሾ ሺሻናስ ሊቆ ጳሌፊ ዛይቲን ሙኑቁቲዳ ሙኑቃን ኩሚዳ።

14 ኢዛን ኤጳኔይ ኩሚ ኡቲዳ 10 ሳቂሌ ‡ ዋርቃፊ ኦሴቲዳ ጨልፋ።

15 ጹጌቲዛ ያርሾስ ኢሲ ሚርጎ፣ ኢሲ ጳርሾ፣ ኢሲ ላይላ ጳርሾ ላቃ።

16 ናጋራ ያርሾስ ኢሲ ዳይሻ ኦርጌ።

17 ኢሲፊቲላ ያርሾስ 2 ቦራታ፣ 5 ጳርሾታ፣ 5 ዳይሻ ኦርጌታኔ ላይላ ኩሚዳ 5 ጳርሾ ላቃታ፤ ሄይቲ ዉሪ ኣሚናዳቤ ና ኔኣሶኔይ ሺሺዳ ያርሾታ።

18 ናምኣንላ ጋላስ ዩሳኮሬ ዛርኬታ ጋርሳፊ ጸኣሬ ና ናቲናኤሌይ ሺሺዳስ።

19 ኢዚ ሺሺዳ ያርሾቲካ ሃይሳፊ ካሊዛይታ፣ ኤሬቲዳ ሜዛኔን ዋሲን ጾታኔ ሄቩ ታሙ ሳቂሌ ቢራፔ ኦሴቲዳ ኢሲ ፒጫ ሳኔ ላቸን ታሙ ሳቂሌ ጉቃ ሳኔ፣ ናምኣይካ ካላ ያርሾ ሺሻናስ ሊቆ ጳሌፊ ዛይቲን ሙኑቁቲዳ ሙኑቃን ኩሚ ኡቲዳ።

20 ኢዛን ኤጳኔይ ኩሚ ኡቲዳ ታሙ ሳቂሌ ዋርቃፊ ኦሴቲዳ ጨልፋ።

21 ጹጌቲዛ ያርሾስ ኢሲ ሚርጎ፣ ኢሲ ጳርሾ፣ ኢሲ ላይላ ጳርሾ ላቃ።

22 ናጋራ ያርሾስ ኢሲ ዳይሻ ኦርጌ።

23 ኢሲፊቲላ ያርሾስ 2 ቦራታ፣ 5 ጳርሾታ፣ 5 ዳይሻ ኦርጌታኔ ላይላ ኩሚዳ 5 ጳርሾ ላቃታ፤ ሄይቲ ዉሪ ጸኣሬ ና ናቲናኤሌይ ሺሺዳ ያርሾታ።

24 ሄቩንላ ጋላስ ዛቢሎኔ ዛርኬታ ጋርሳፊ ሄሎኔ ና ኤልያቤይ ሺሺዳስ።

25 ኢዚ ሺሺዳ ያርሾቲካ ሃይሳፊ ካሊዛይታ፣ ኤሬቲዳ ሜዛኔን ዋሲን ጾታኔ ሄቩ ታሙ ሳቂሌ ቢራፔ ኦሴቲዳ ኢሲ ፒጫ ሳኔ ላቸን ታሙ ሳቂሌ ጉቃ ሳኔ፣ ናምኣይካ ካላ ያርሾ ሺሻናስ ሊቆ ጳሌፊ ዛይቲን ሙኑቁቲዳ ሙኑቃን ኩሚዳ።

26 ኢዛን ኤጳኔይ ኩሚ ኡቲዳ ታሙ ሳቂሌ ዋርቃፊ ኦሴቲዳ ጨልፋ።

27 ጹጌቲዛ ያርሾስ ኢሲ ሚርጎ፣ ኢሲ ጳርሾ፣ ኢሲ ላይላ ጳርሾ ላቃ።

28 ናጋራ ያርሾስ ኢሲ ዳይሻ ኦርጌ።

29 ኢሲፊቲላ ያርሾስ 5 ቦራታ፣ 5 ጳርሾታ፣ 5 ዳይሻ ኦርጌታኔ ላይላ ኩሚዳ 5 ጳርሾ ላቃታ፤ ሄይቲ ዉሪ ሄሎኔ ና ኤልያቤይ ሺሺዳ ያርሾታ።

30 ኦይዳንላ ጋላስ ኦርቤሌ ቆሞታ ጋርሳፊ ሻዱሬ ና ኤልጹሬይ ሺሺዳስ።

31 ኢዚ ሺሺዳ ያርሾቲካ ሃይሳፊ ካሊዛይታ፣ ኤሬቲዳ ሜዛኔን ዋሲን 130 ሳቂሌ ቢራፔ ኦሴቲዳ ኢሲ ፒጫ ሳኔ 70 ሳቂሌ ኢሲ ጉቃ ሳኔ፣ ናምኣይካ ካላ ያርሾ ሺሻናስ ሊቆ ጳሌፊ ዛይቲን ሙኑቁቲዳ ሙኑቃይ ኩሚ ኡቲዳ።

32 ኢዛን ኤጳኔይ ኩሚ ኡቲዳ ኢሲ ታሙ ሳቂሌ ዋርቃፊ ኦሴቲዳ ጨልፋ።

33 ጹጌቲዛ ያርሾስ ኢሲ ሚርጎ፣ ኢሲ ጳርሾ፣ ኢሲ ላይላ ጳርሾ ላቃ።

34 ናጋራ ያርሾስ ኢሲ ዳይሻ ኦርጌ።

35 ኢሲፊቲላ ያርሾስ 2 ቦራታ፣ 5 ጳርሾታ፣ 5 ዳይሻ ኦርጌታኔ ላይላ ኩሚዳ 5 ጳርሾ ላቃታ፤ ሄይቲ ዉሪ ሻዱሬ ና ኤልጹሬይ ሺሺዳ ያርሾታ።

36 ኢቻሻንላ ጋላስ ሲሞና ቆሞታ ጋርሳፊ ጸርሻዳይ ና ሳሎሞኤሌይ ሺሺዳስ።

37 ኢዚ ሺሺዳ ያርሾቲካ ሃይሳፊ ካሊዛይታ፣ ኤሬቲዳ ሜዛኔን ዋሲን 130 ሳቂሌ ቢራፔ ኦሴቲዳ ኢሲ ፒጫ ሳኔ 70 ሳቂሌ ኢሲ ጉቃ ሳኔ፣ ናምኣይካ ካላ ያርሾ ሺሻናስ ሊቆ ጳሌፊ ዛይቲን ሙኑቁቲዳ ሙኑቃን ኩሚዳ።

38 ኢዛን ኤጳኔይ ኩሚ ኡቲዳ ኢሲ ታሙ ሳቂሌ ዋርቃፊ ኦሴቲዳ ጨልፋ።

39 ጹጌቲዛ ያርሾስ ኢሲ ሚርጎ፣ ኢሲ ጳርሾ፣ ኢሲ ላይላ ጳርሾ ላቃ።

40 ናጋራ ያርሾስ ኢሲ ዳይሻ ኦርጌ።

41 ኢሲፊቲላ ያርሾስ 2 ቦራታ፣ 5 ጳርሾታ፣ 5 ዳይሻ ኦርጌታኔ ላይላ ኩሚዳ ኢቻሻ ጳርሾ ላቃታ፤ ሄይቲ ዉሪ ጸርሻዳይ ና ሳሎሞኤሌይ ሺሺዳ ያርሾታ።

42 ኡሱቸንላ ጋላስ ጋዴ ዛርኬታ ጋርሳፊ ዳኤኤሌ ና ኤልያሳፊይ ሺሺዳስ።

43 ኢዚ ሺሺዳ ያርሾቲካ ሃይሳፊ ካሊዛይታ፣ ኤሬቲዳ ሜዛኔን ዋሲን 130 ሳቂሌ ቢራፔ ኦሴቲዳ ኢሲ ፒጫ ሳኔ 70 ሳቂሌ ኢሲ ጉቃ ሳኔ፣ ናምኣይካ

* 7:13 130 ሳቂሌይ 1.5 ኪሎ ጊራሜ ጊዳስ። † 7:13 70 ሳቂሌይ 0.8 ኪሎ ጊራሜ ጊዳስ። ‡ 7:14 10 ሳቂሌይ 110 ጊራሜ ጊዳስ።

ካላ ያርሾ ሽሻናው ሊቆ ጳሌፊ ዛይቲን ሙኑቁቲዳ ሙኑቃን ኩሚዳ።

44 ኢዛን ኤጳይይ ኩሚ ኡቲዳ ኢሲ ታሙ ሳቂሌ ዋርቃፊ ኦሴቲዳ ጨልፋታ።

45 ጸጌቲዛ ያርሾስ ኢሲ ሚርጎ፣ ኢሲ ጳርሾ፣ ኢሲ ላይላ ጳርሾ ላቃ።

46 ናጋራ ያርሾስ ኢሲ ዳይሻ ኦርጌ።

47 ኢሲፊቲላ ያርሾስ 2 ቦራታ፣ 5 ጳርሾታ፣ 5 ዳይሻ ኦርጌታኔ ላይላ ኩሚዳ 5 ጳርሾ ላቃታ፤ ሄይቲ ወሪ ዳኡኤሌ ና ኤልያሳፊይ ሺሺዳ ያርሾታ።

48 ላፑንላ ጋላስ ኤፍሬሚ ዛርኬታ ጋርሳፊ ኣሚሁዳ ና ኤልሻማይ ሺሺዳ።

49 ኢዛ ሺሺዳ ያርሾቲካ ሃይሳፊ ካሊዛይታ፣ ኤሬቲዳ ሜዛኔን ዋሊን 130 ሳቂሌ ቢራፔ ኦሴቲዳ ኢሲ ፒጫ ሳኔኔ 70 ሳቂሌ ኢሲ ጉቃ ሳኔ፣ ናምኣይካ ካላ ያርሾ ሽሻናስ ሊቆ ጳሌፊ ዛይቲን ሙኑቁቲዳ ሙኑቃን ኩሚዳ።

50 ኢዛን ኤጳይይ ኩሚ ኡቲዳ ኢሲ ታሙ ሳቂሌ ዋርቃፊ ኦሴቲዳ ጨልፋታ።

51 ጸጌቲዛ ያርሾስ ኢሲ ሚርጎ፣ ኢሲ ጳርሾ፣ ኢሲ ላይላ ጳርሾ ላቃ።

52 ናጋራ ያርሾስ ኢሲ ዳይሻ ኦርጌ።

53 ኢሲፊቲላ ያርሾስ 2 ቦራታ፣ 5 ጳርሾታ፣ 5 ዳይሻ ኦርጌታኔ ላይላ ኩሚዳ 5 ጳርሾ ላቃታ፤ ሄይቲ ወሪ ኣሚሁዳ ና ኤልሻማ ያርሾታ።

54 ኦሰፑንላ ጋላስ ሚናሴ ዛርኬታ ጋርሳፊ ፔዳጶሬ ና ጋማልኤሌይ ሺሺዳ።

55 ኢዛ ሺሺዳ ያርሾቲካ ሃይሳፊ ካሊዛይታ፣ ኤሬቲዳ ሜዛኔን ዋሊን 130 ሳቂሌ ቢራፔ ኦሴቲዳ ኢሲ ፒጫ ሳኔኔ 70 ሳቂሌ ኢሲ ጉቃ ሳኔ፣ ናምኣይካ ካላ ያርሾ ሽሻናስ ሊቆ ጳሌፊ ዛይቲን ሙኑቁቲዳ ሙኑቃን ኩሚዳ።

56 ኢዛን ኤጳይይ ኩሚ ኡቲዳ ኢሲ ታሙ ሳቂሌ ዋርቃፊ ኦሴቲዳ ጨልፋታ።

57 ጸጌቲዛ ያርሾስ ኢሲ ሚርጎ፣ ኢሲ ጳርሾ፣ ኢሲ ላይላ ጳርሾ ላቃ።

58 ናጋራ ያርሾስ ኢሲ ዳይሻ ኦርጌ።

59 ኢሲፊቲላ ያርሾስ 2 ቦራታ፣ 5 ጳርሾታ፣ 5 ዳይሻ ኦርጌታኔ ላይላ ኩሚዳ 5 ጳርሾ ላቃታ፤ ሄይቲ ወሪ ፔዳጶሬ ና ጋማልኤሌ ያርሾታ።

60 ኡዱፋንላ ጋላስ ቢያሚ ዛርኬታ ጋርሳፊ ጊዲኦኔ ና ኣቢዳኔይ ሺሺዳ።

61 ኢዛ ሺሺዳ ያርሾቲካ ሃይሳፊ ካሊዛይታ፣ ኤሬቲዳ ሜዛኔን ዋሊን 130 ሳቂሌ ቢራፔ ኦሴቲዳ ኢሲ ፒጫ ሳኔኔ 70 ሳቂሌ ኢሲ ጉቃ ሳኔ፣ ናምኣይካ ካላ ያርሾ ሽሻናስ ሊቆ ጳሌፊ ዛይቲን ሙኑቁቲዳ ሙኑቃን ኩሚዳ።

62 ኢዛን ኤጳይይ ኩሚ ኡቲዳ ኢሲ ታሙ ሳቂሌ ዋርቃፊ ኦሴቲዳ ጨልፋታ።

63 ጸጌቲዛ ያርሾስ ኢሲ ሚርጎ፣ ኢሲ ጳርሾ፣ ኢሲ ላይላ ጳርሾ ላቃ።

64 ናጋራ ያርሾስ ኢሲ ዳይሻ ኦርጌ።

65 ኢሲፊቲላ ያርሾስ 2 ቦራታ፣ 5 ጳርሾታ፣ 5 ዳይሻ ኦርጌታኔ ላይላ ኩሚዳ 5 ጳርሾ ላቃታ፤ ሄይቲ ወሪ ጊዲኦኔ ና ኣቢዳኔ ያርሾታ።

66 ታማንላ ጋላስ ዳኔ ቆሞታ ጋርሳፊ ኣሚሻዳዬ ና ኣሂኤዜሬይ ሺሺዳ።

67 ኢዛ ሺሺዳ ያርሾቲካ ሃይሳፊ ካሊዛይታ፣ ኤሬቲዳ ሜዛኔን ዋሊን 130 ሳቂሌ ቢራፔ ኦሴቲዳ ኢሲ ፒጫ ሳኔኔ 70 ሳቂሌ ኢሲ ጉቃ ሳኔ፣ ናምኣይካ ካላ ያርሾ ሽሻናስ ሊቆ ጳሌፊ ዛይቲን ሙኑቁቲዳ ሙኑቃን ኩሚዳ።

68 ኢዛን ኤጳይይ ኩሚ ኡቲዳ ኢሲ ታሙ ሳቂሌ ዋርቃፊ ኦሴቲዳ ጨልፋታ።

69 ጸጌቲዛ ያርሾስ ኢሲ ሚርጎ፣ ኢሲ ጳርሾ፣ ኢሲ ላይላ ጳርሾ ላቃ።

70 ናጋራ ያርሾስ ኢሲ ዳይሻ ኦርጌ።

71 ኢሲፊቲላ ያርሾስ 2 ቦራታ፣ 5 ጳርሾታ፣ 5 ዳይሻ ኦርጌታኔ ላይላ ኩሚዳ 5 ጳርሾ ላቃታ፤ ሄይቲ ወሪ ኣሚሻዳዬ ና ኣሂኤዜሬ ያርሾታ።

72 ታማኔ ኢሲንላ ጋላስ ኣሴሬ ቆሞታ ጋርሳፊ ኦክራ ና ፋጉኤሌይ ሺሺዳ።

73 ኢዛ ሺሺዳ ያርሾቲካ ሃይሳፊ ካሊዛይታ፣ ኤሬቲዳ ሜዛኔን ዋሊን 130 ሳቂሌ ቢራፔ ኦሴቲዳ ኢሲ ፒጫ ሳኔኔ 70 ሳቂሌ ኢሲ ጉቃ ሳኔ፣ ናምኣይካ ካላ ያርሾ ሽሻናስ ሊቆ ጳሌፊ ዛይቲን ሙኑቁቲዳ ሙኑቃን ኩሚዳ።

74 ኢዛን ኤጳይይ ኩሚ ኡቲዳ ኢሲ ታሙ ሳቂሌ ዋርቃፊ ኦሴቲዳ ጨልፋታ።

75 ጸጌቲዛ ያርሾስ ኢሲ ሚርጎ፣ ኢሲ ጳርሾ፣ ኢሲ ላይላ ጳርሾ ላቃ።

76 ናጋራ ያርሾስ ኢሲ ዳይሻ ኦርጌ።

77 ኢሲፊቲላ ያርሾስ 2 ቦራታ፣ 5 ጳርሾታ፣ 5 ዳይሻ ኦርጌታኔ ላይላ ኩሚዳ 5 ጳርሾ ላቃታ፤ ሄይቲ ወሪ ኦክራ ና ፋጉኤሌ ያርሾታ።

78 ታማኔ ናምኣንላ ጋላስ ኒፍታሌሚ ዛርኬታ ጋርሳፊ ኤናኔ ና ኣሂሬይ ሺሺዳ።

79 ኢዛ ሺሺዳ ያርሾቲካ ሃይሳፊ ካሊዛይታ፣ ኤሬቲዳ ሜዛኔን ዋሊን 130 ሳቂሌ ቢራፔ ኦሴቲዳ ኢሲ ፒጫ ሳኔኔ 70 ሳቂሌ ኢሲ ጉቃ ሳኔ፣ ናምኣይካ ካላ ያርሾ ሽሻናስ ሊቆ ጳሌፊ ዛይቲን ሙኑቁቲዳ ሙኑቃን ኩሚዳ።

80 ኢዛን ኤጳይይ ኩሚ ኡቲዳ ኢሲ ታሙ ሳቂሌ ዋርቃፊ ኦሴቲዳ ጨልፋታ።

81 ጸጌቲዛ ያርሾስ ኢሲ ሚርጎ፣ ኢሲ ጳርሾ፣ ኢሲ ላይላ ጳርሾ ላቃ።

82 ናጋራ ያርሾስ ኢሲ ዳይሻ ኦርጌ።

83 ኢሲፊቲላ ያርሾስ 2 ቦራታ፣ 5 ጳርሾታ፣ 5 ዳይሻ ኦርጌታኔ ላይላ ኩሚዳ 5 ጳርሾ ላቃታ፤ ሄይቲ ወሪ ኤናኔ ና ኣሂሬ ያርሾታ።

84 ያርሾ ያርሺዛሶዛ ቲይዲ ጌሺዳ ጋላስ ሃላቃቲ ያርሾሶዛ ኣንጂሶ ጋሶን ሺሺዳ ኣሞታይ ሃይታንታ፤ ቢራፔ ኦሴቲዳ 12 ፒጫ ሳኔታ፣ ቢራፔ ኦሴቲዳ 12 ጉቃ ሳኔታኔ ዋርቃፊ ኦሴቲዳ ኢሰታን ኤጳይ ዋሊዛ 12 ኬሬታ።

85 ቢራፔ ኦሴቲዳ ኢሲ ኢሲ ኬሬይ 130 ሳቂሌ ጊዲ ዳጶስ፤ ቢራፔ ኦሴቲዳ ኢሲ ኢሲ ቁሌ ማላ ሳኔይ 7 ሳቂሌ ጊዲ ዳጶስ፤ ቢራፔ ኦሴቲዳ ኬሬቲኔ ቁሌ ማላ ሳኔቲ ጳሳ ኬላ ሜዛኔን ዋሊዛ ዋዳ ኡባይ ኢሲ ቦላ 2,400 ሳቂሌ \$ ጊዲዳ።

§ 7:85 2,400 ሳቂሌይ 28 ኪሎ ጊራሜ ጊዳስ።

86 ዋርቃፌ ኦሴቲዳ ኤጳኔይ ኢስታ ኩሚ ኡቲዳ ታማኔ ናምኡ ሻቲቲ ጎዳ ኩላ ሜዛኔን ዋሊዛ ዋዴ ኢሶይ ኢሶይ 10 ሳቂሌ ጊዲሺን ኡባይ ኢሲ ቦላ 120 ሳቂሌ * ጊዲዳስ።

87 ካላ ያርሾራ ኢሲፌ ጸጌቲዛ ያርሾስ ሸቂዳ ሜሄ ቆዳይ 12 ቦራታ፣ 12 ጳርሾታኔ ላይላ ኩሚዳ 12 ጳርሾ ላቃታ፤ ቃሴ ኢስቲ ናጋራ ያርሾስ ሸሺዳይ 12 ዳይሻ ኦርጌታ።

88 ኢሲፌቲላ ያርሾስ ሸቂዳ ሜሄ ቆዳይ 24 ቦራ፣ 60 ጳርሾ፣ 60 ዳይሻ ኦርጌኔ ላይላ ኩሚዳ 60 ጳርሾ ላቃ፤ ያርሾ ያርሾዛሶዚ ቲዬቲ ጌዬዳ፤ ጌዬ ኣንጂሶ ባኣሌስ ኢሜቲዳ ኢሞታቲ ሃይታንታ።

89 ሙሴይ ጎዳራ ሃሳያናስ ጌዴ ጋይቶቲላ ዲንካኔዛን ጌሊን ኣቶቲላ ዳማናስ ሸቂዳሶን ታቦታ ካማ ቦላ ዲዛ ናምኡ ከሩቤታ ጊዳራ ጎዳይ ኢዛስ ሃሳይዛ ቃላ ሲዬዲ ኢዚካ ኢዛራ ሃሳዬቲዳስ።

8

ጸምፔታ ዋሶሶ

1 ጎዳይ ሙሴስ ሂዘጊዳስ።

2 « ሳኒ ኣሮኔስ ላፑን ጸምፔታ ኢስታ ቦላ ዋሊዛ ዋዴ ጸምፔቲ ጸምፔ ኢስታ ቦላ ዋሊዛ ባላታስ ሲንላ ባጋራ ዲዛሶ ፖኢሳና። ጋዳ ዮታ።»

3 ኣሮኔይካ ጎዳይ ሙሴ ኣዛዚዳ ማላ ኦሊዳስ፤ ጸምፔታ ኢስታ ቦላ ዋሊዛ ባላታ፤ ሲንላ ባጋራ ዲዛሶዛ ፖኢሳና ማላ ጊግሲ ዋሊዳስ።

4 ጸምፔታ ኢስታ ቦላ ዋሊዛ ባላቲ ጋርሳ ቶሆሶ፤ ደሚዲ ጨሽ ሚሳቲዛ ባላታ ጸራ ጋካናስ ቆጶቲዳ ዋርቃፌ ኦሴቲዳ፤ ሄይቲካ ጎዳይ ሙሴ ቤሲዳ ማላ ጸምፔ ኢስታ ቦላ ዋሊዛ ባላታ ለሚሶን ኦሴቲዳ።

ሌዌ ዛርኬቲ ጌዬዲ ዲማቲዛ ዋጋ

5 ጎዳይ ሙሴስ ሂዘጊዳስ።

6 «ሃንኮ ኣቲዳ ኢሰራኤሌ ዴራ ጋርሳፌ ሌዌ ቆሞታ ዲማ ሻካዳ ጌሻ።

7 ጌሾ ዋጋስ ጌቲዳ ሃላን ኢስታ ኣራጫ፤ ኢስቲ ባንታ ቦላ ዲዛ ኢስኬ ኡባ ሜዳታናሲኔ ባ ማይኦካ ሜጪዲ ባና ጌሻና ማላ ኦላ።

8 ሃሳፌ ካሊዲ ኢሲ ሚርጎኔ ካላ ያርሾስ ጊዲዛ ሊቆ ጳሌፌ ዛይቲን ሙኑቂቲዳ ሙኑቃ ኤቢ ቤቶ፤ ኔካ ናጋራ ያርሾስ ሸቂዛ ኢሲ ሚርጎ ኤካ ባ።

9 ሃሳፌ ጌዬ ኔ ኢሰራኤሌ ኣሳ ሸሻዳ ሌዌቲ ጋይቶቲላ ዲንካናስ ሲንላ ባጋራ ጎዳ ሲንላን ኤሳ።

10 ኢሰራኤሌ ኣሳይካ ሌዌታ ሁኔ ቦላ ባ ኩሽ ዋላ።

11 ኣሮኔይ ሌዌታ ጎዳ ኦሶ ኣላናስ ጌቲዳይታ ጊዳና ማላ ኢሰራኤሌ ኣሳ ጋርሳፌ ያኔ ሃ ቃሴላ ሸሺዛ ያርሾ ኦሊዲ ኢስታ ጎዳ ሲንላ ሸሾ።

12 «ሃሳፌ ጌዬ ሌዌቲ ባ ኩሽታ ሄ ናምኡ ሚርጎታ ሁኔ ቦላ ዋላቶ፤ ኣሳ ናጋራ ወርሶ ያርሾስ፣ ኣሳ ጸጌቲዛ ያርሾስ ኦላዳ ኢስታ ማሪሳናስ ጎዳ ሲንላን ያርሻ።

13 ሌዌታ ያኔ ሃ ቃሴላ ሸሺዛ ያርሾ ሂስታዳ ጎዳ ሲንላ ሸሻ፤ ኣሮኔይ ኢዛ ናይታካ ኢስታ ቦላ ሹማ።

14 ሃሳ ማላን ሌዌቲ ታይታ ጊዳና ማላ ሃንኮ ኣቲዳ ኢሰራኤሌ ኣሳ ጊዳፌ ኔ ታስ ኢስታ ሻካ።

15 «ኔኒ ሌዌታ ሻካ ጌሺዳ፤ ያኔ ሃ ቃሴላ ሸሺዛ ያርሾ ሂስቲዳ፤ ጌዬ ኢስቲ ጋይቶቲላ ዲንካኔዛ ጊዳን ኣላና ቤሲዛ ኦሶዛ ፖላናስ ዬቶ።

16 ታኒ ኢስታ ኮይሮ ባይራ ዬሌቲዛ ኢሰራኤሌ ኣሳ ኣቲማ ናይታ ኡባ ጊሻስ ታስ ደራዲስ፤ ኢሰራኤሌ ኣሳ ጊዳፌ ኢስቲ ታስ ሙሌራ ቡዞ ጊዳና።

17 ጌብጾ ቢታን ባይራ ዬሌቲዳ ኣሳ፤ ሜሄ ጋካናስ ዲዛይታ ታኒ ዋዲዳ ዋዴ ኢሰራኤሌ ኣሳ ኣሳ ኣሳ ኩላን ኣዴ ጊዲዲ ባይራ ዬሌቲዳ ኣሳ፤ ሜሄ ጋካናስ ዲዛይታ ኡባ ታስ ዲማሳ ሻካዲስ።

18 ሃኢ ቃሴ ኢሰራኤሌ ኣሳ ባይራ ኣቲማ ናይታ ጊሻስ ሌዌ ዛርኬታ ታስ ሻካዲስ።

19 ኢስቲ ኢሰራኤሌ ኣሳ ጊሻስ ጊዲዲ ጋይቶቲላ ዲንካኔዛ ጊዳን ታስ ኣላና ማላኔ ኢሰራኤሌ ኣሳይ ጌዴ ጌሻሶዛቲ ሸቂዲ ቦሻን ቦሽቶንታ ማላ ኢስታ ናጋና ማላ ሌዌታ ኢሰራኤሌ ኣሳ ጋርሳፌ ታስ ኢሞታ ማላ ኤካዳ ኣሮኔይ ኢዛ ናይታስ ኢማዲስ።»

20 ሃሳ ጊሻስ ጎዳይ ሙሴ ኣዛዚዳ ማላ ሙሴይ፣ ኣሮኔይ ኢሰራኤሌ ኣሳይ ኡባይ ሌዌታ ዲማሲ ሻኪዳ።

21 ሌዌቲ ሜጪቲ ጌዬዳ፤ ባ ማይኦካ ሜጪዳ፤ ኣሮኔይ ኢስታ ያኔ ሃ ቃሴላ ሸሺዛ ያርሾ ሂስቲ ጎዳ ሲንላ ሸሺዳስ፤ ጌሾ ዋጋካ ኢስታ ጊሻስ ፖሊዳስ።

22 ጎዳይ ሙሴስ ሌዌታ ጊሻስ ኢሚዳ ኣዛዘዛ ማላ ዳሬዚ ወሪካ ኦሊዳስ፤ ሃሳ ማላን ሌዌቲ ኣሮኔይ ኢዛ ናይታ ኣላፌቲላ ጋርሳን ጋይቶቲላ ዲንካኔዛ ጊዳን ኣላናስ ጌቲዳ።

23 ጎዳይ ሙሴስ ሂዘጊዳስ።

24-25 «ሌዌቲ ኦሶ ደማናስ ቤሲዛ ዋጋቲ ዬሌቲን ናምኡ ታማኔ ኢቻሹ ላይላፌ ቢዲ ኢቻሹ ታሙ ላይላ ጋካናስ ዲዛይቲ ወሪ ጋይቶቲላ ዲንካኔዛ ጊዳን ኦላቶ፤ ኢቻሹ ታሙ ላይላ ኩሚሺን ኦላፌቶ።

26 ሃሳፌ ጌዬ ኢስታ ኢሻቲ ጋይቶቲላ ዲንካኔዛ ጊዳን ኦሊዛ ዋዴ ማዳናስ ዲንዳዬቲስ ኣቲን ባርካ ጸላ ዲኮ ኣይ ኦሶካ ኦላፌቶ።»

9

ፓዚጋ ባኣሌ ቦንቾ ዋጋ

1 ኢሰራኤሌ ኣሳይ ጌብጾ፤ ኩዚዳ ናምኣንላ ላይላን ኮይሮ ኣገናን ጎዳይ ሙሴስ ሲና ባዘን ሂዘጊ ዮቲዳስ።

2 «ኢሰራኤሌ ኣሳይ ፓዚጋ ባኣሌዛ ኢዚ ቦንቾቲዛ ዋዴን ቦንቾ፤

3 ሃይሳ ሃ ኣገናዛን ታማኔ ኦይዳንላ ጋላሳ ኦማርስ ዋጋ ማላኔ ዲዛ ማራ ማላ ቦንቾ።»

4 ሃሳ ጊሻስ ሙሴይ ፓዚጋ ባኣሌዛ ኣሳይ ቦንቻና ማላ ዮቲዳስ።

5 ኢስቲካ ኮይሮ ኣገናይ ጌሊዳ ታማኔ ኦይዳንላ ጋላስ ጋይይ ቃሚሺን ሲና ባዘን ፓዚጋ ባኣሌዛ ቦንቾዳ፤ ኢሰራኤሌ ኣሳይ ጎዳይ ሙሴ ኣዛዚዳ ማላ ኡባ ኦሊዳ።

6 ጊዳ ኣቲን ኢስታ ጋርሳፌ ሃይቂዳ ኣሃ ቦቲዳ ጊሻስ ቲኒዳ ኣሳቲ ኢስታ ጊዳን ዲዛ ጊሻስ ሄ ጋላስ

* 7:86 120 ሳቂሌይ 1.4 ኪሎ ጊራሚ ጊዳስ። 8:4 ኩላ 25:31-40፤ 37:17-24 8:17 ኩላ 13:2 9:5 ኩላ 12:1-13

20 ጋዴ ዛርኬታ ካሌላዛይ ዳኡኤሌ ና ኤልያሳ።
 21 ሃሳፌ ጉዬ ለዌ ባጋ አሰ ጊዲዳ ቃኦቲ ዛርኬ ጊዲዳይቲ ጌሻ ሚሻታ ቶኪ ኤኪዲ ቢዳ፤ ኢሰቲ ባፔ ሲንሳ ባጋን ዲዛ ሄራዛ ጋካናፔ ካሴ ጸሳ ዲንካኔዚ ቶሌቲ ኡቲሰ።
 22 ሃሳፌ ካሊዲ ኤፍሬሜ ዛርኬታ ባንዲራ ጋርሳን ዲዛይቲ አሚሁዳ ና ኤልሻማይ ካሌላን ባ ታራ ናጊዲ ቢዳ።
 23 ሚናሴ ዛርኬታ ካሌላዛይ ፔዳጸሬ ና ጋማልኤሌ።
 24 ቢኒያሜ ዛርኬታ ካሌላዛይ ጊዲኦኔ ና አቢዳኔ።
 25 ወርሴላን ሃ ቡቲታ ጉዬ ቲቻን ናጊዛ ዳኔ ዛርኬታ ባንዲራ ጋርሳን ዲዛይቲ ባ ታራ ናጊዲ ቢዳ፤ ዳኔ ቆሞታ ካሌላዛይ አሚሻዳዬ ና አሂኤዜሬ።
 26 አሴሬ ዛርኬታ ካሌላዛይ ኦክራ ና ፋጉኤሌ፤
 27 ኒፍታሌሜ ዛርኬታ ካሌላዛይ ኤናኔ ና አሂሬ።
 28 ሃሳ ጊሻሰ ኢሰራኤሌ አሳይ ካሴ ባ ዲዛሶፔ ኬዚዲ ባ ቡቲን ቡቲን ቢዛ ቡሳ ማራይ ሃይሳ ማላ።
 29 ሙሴይ ባ ማቼይ አዋ ሚዲያሜ ዳሬ አሰ ኤራኤሌ ና ሆባቤሰ። «ሄኮ ኮኒ ጎዳይ ኮሰ ኢማናሰ ካሴ ጫቂዳ ዳሬ ባናሰ ጊጌቲዶሰ፤ ጎዳይ ኢሰራኤሌ አሳ ዳራሳናሰ ካሴ ኮሰ ጫቂ ዋሊዳሰ፤ ሃሳ ጊሻሰ ኔካ ኮናራ ሄቆ፤ ኮኒ ኔሰ ሎኦ ኦፋና» ጊዳሰ።
 30 ሆባቤይ። «አካይ! ካሴ ታኒ ዩሌቲዳ ዳሬኔ ታ ዳቦታኮ ሲማ ባና» ጊዳሰ።
 31 ሙሴይ ኢዛሰ። «ኔ ኮፔ ሻኬታ ባጋርኪ! ኮኒ ሃይሳ ባዘ ቢታን ቢሼ አዋን አዋን ሽምጋና ቤሲዛኮ ኔኒ ኤራሳ፤ ኔኒ ኮና ኦጌ ካሌላዛ አሰ ጊዳና።
 32 ኔኒ ኮናራ ቢኮ ጎዳይ ኮሰ አሚዛ ሎኦ ሚሻ ኡባሬ ኮ ኔሰ ሻኪ አሚና» ጊዳሰ።
 33 ዳሬዚ ጌሻ ዙማይ ዲዛ ሲና ባዘ ዩጊዲ ሄቆ ጋላሳ ኦጌ ቢዳሰ፤ ሄቆ ጋላሳታን ጎዳ ጫቆ ቃላ ታቦታዚ አሳይ ሽምጋናሶ ኮያናሰ አሳፔ ሲንሳቲ ቢዳሰ፤ ኢሰቲ ካሴ ባ ዲዛ ሄራ ዩዳናፔ ካሴቲዲ አሳይ ሽምጋናሶ ኮያናሰ ጫቆ ቃላ ታቦታዚ ኢሰታፊ ሲንሳን ሲንሳን ቢዳሰ።
 34 ኢሰቲ ባ ዲዛሶፔ ዳንዲ ዳንዲ ቢሺን ጎዳ ሻራይ ጋላሰ ጋላሰ ኢሰታ ካሚ ኦይኬሰ።
 35 ጫቆ ቃላ ታቦታይ ባና ዳንዲሺን ዳንዲሺን ሙሴይ። «ጎዳወ! ኔካ ዳንዳ፤ ኔ ሞርኬቲ ላሌቲቶ፤ ኔና ኢጲዛይቲ ወራካ ኔ ሲንሳፊ ኪቼቶ!» ጌሰ።
 36 ጫቆ ቃላ ታቦታዚ ኢሲሶ ጋኪ ኤቁዛ ዋዳ። «ታ ጎዳወ! ዳር ሺያን ቆዳቲዛ ኢሰራኤሌ አሳኮ ኔ አይፊሶ ሃ ዛራ» ጌሰ።

11

ጸሳ ታማ

1 ኢሰራኤሌ አሳይ ባ ቦላ ጋኪዳ ሜቶ ኡባ ጊሻሰ ጎዳ ቦላ ዙዙሚዳሰ፤ ጎዳይ አሳ ዙዙንሳ ዋሶዛ ሲዩዲ ኬሂ ሃንቁቲዳሰ፤ ኢሰታ ቦላካ ጸጊዛ ታማ ዩዲዳሰ፤ ሄ ጎዳ ታማይ አሳይ ዲንካኒ ኡቲዳሶሆፔ ጋጸራ አማርዳይሳ ሚዳሰ።
 2 አሳይካ ባና ጎዳራ ጊሳና ማላ ሙሴኮ ዋሲዳሰ፤ ሙሴይካ ጎዳ ዋሲን ታማዚ ቶኪዳሰ።

3 ጸሳ ታማይ ሄን ኢሰታ ጊዳን ኤጲዳ ጊሻሰ ሄ ሶሆይ። «ታቤሬ»* ጌቲቲዳሰ።

ጋፊዳ ጊሻሰ አሳ ዙዙንሳ

4 ኢሰራኤሌ አሳራ ዋላኬቲ ኬዚዲ ቢዛ ሃራ ዲማ ዲማ ዳሬ አሳይ አሾ ማናሰ ዳር አሞቲዳሰ፤ ኢሰራኤሌ አሳይካ። «ኮኒ ማና አሾ አዋፔ ዳሚና!
 5 ካሴ ኮ ጊብጸን ዲዛ ዋዳ አይኮ ሚሽ ቃንጸንታ ጮ ሚላ ሚዛ ሞሌ አሾይ። ሌሌሄይ። ሌሌሄ ሚሳቲዛ ሃቢሃቤይ። ዶኖ ሚሳቲዛ ኩራቲይ። ሱንኩርቶይኔ ቱሞይ ኮና ላሞሌሰ።
 6 ሃኢ ጊዲኮ ማና ጸላይ ኮና ሳሌሊዳሰ፤ ቆዴይካ ካላ ኢጲዳሰ፤ ማናፊ አቲን ሃራ ኮ ቤኢዛ ካሊ ባዋ» ጊ ዩኪዳሰ።
 7 ማናይ ዳቦ አይፊ ማላ ጉላ፤ ኢዛሰ ሜቆይ ቦጲ ኤኪዛ ሺዳ ማላ ጊዲዲ ጋላልኦ ሚሳቲሰ።
 8 አሳይ ሄሳ ዩዩ ዩዩ ማጾሰ፤ ኢዛ ዋጸን ጋጪዲ ዋይኮ ኡዲላን ጫዲዲ ጉላ ጸርን ሙኑቂዲ ኡኬሰ፤ ሚሺን ኢዚ ዶናን ዛይቲራ ጊንዳቲ ኡኬቲዳ ኡኬላ ማላ ማልኤሰ።
 9 አማርሰ አማርሰ ኢሰቲ ዲንካኒ ዲዛሶ ሄራን ጸዛይ ዋዲሺን ማናይ ኢዛራ ኢሲፊ ዋዴሰ።
 10 ዳሬዚ ወራካ ባ ዲንካኔ ፔንጌን ፔንጌን ባሶ አሳራ አሳራ ኤቁዲ ዩኪሺን ሙሴይ ሲዩዳሰ፤ ጸሲ ኢሰታ ቦላ ሃንቁቲዳ ጊሻሰ ሙሴይ ኬሂ ጩጩዳሰ።
 11 ኢዚ ጎዳ። «ሃይሳ ዳጾ ሜቶ ኔሰ አይሌ ጊዲዳ ታ ቦላ አይሰ ኤሃዲ? ኔኒ ሃይሳ ሃ ዳሬዛ ኡባ ዳጾ ቶሆ ታና ኔ ቶሳናሰ ታ ኔና አይ ሚሺሳዲና?
 12 ቡር ቆንሳ ቆሚዛ ና ዲቼዛ ሄ ጉላ ናዛ ኢዲሚዛ ማላ ታኒ ኢሰታ ኢዲማዳ ኔኒ ካሴ አዋታሰ ጫቂዳ ቢታ ጋላና ማላ ኔ ታና ኡሊዛይ ሃይታንታ ወርሳ ሻራዳይ ታኔ? ዋይኮ ኢሰታ ታ ዩላዲና?
 13 ኢሰቲ ታና። «ኮሰ አሾ አሚ» ጊዲ ታኮ ዩዲ ዩኪዛ ጊሻሰ ሃይሳ አሳ ኡባሰ ጊዳና አሾ ታ አዋፔ ኤሆ?
 14 ታኒ ታርካ ሃይሳ ዳራ ካሌላናሰ ዳንዳይኬ፤ ሃይሲ አላፊቲላዚ ታና ኬሂ ዳጲዳሰ።
 15 ኔ ታና ሃይሳላ ዋዩሳናፔ ታኒ ሜቶ ቤኦንታ ማላ ኔ ታሰ ሚሼቲዛ ጊዲኮ ኔ ታና ሃኢ ዋዲዳኮ ታሰ ሎኦ» ጊ ዋሲዳሰ።

ላፑን ታሙ ጨማታ ዳሬቲላ

16 ጎዳይ ሙሴሰ። «ዳሬዛ አይሳና ዳንዳይዛ ኤሬቲዳ ላፑን ታሙ ጨማታ ዳራ፤ ኔኒ ኢሰታ ሺሻዳ ጋይቶቲላ ዲንካኔዛኮ ኤሃዳ ኔ አቻን ኤሳ።
 17 ታኒካ ሄ ዋዲዳ ኔናራ ሃሳያና፤ ታኒ ኔሰ አሚዳ አያናፔ ኢሰታሰ ሻካ አሚና፤ ሃሳፌ ጉዬ ኢሰቲ ዳሬዛ ኔሰ ዲዛ አላፊቲላፊ ሻኪ ኤኪዲ ዳሬዛ ቶሆ ቶኪ ኔና ማዳና፤ ሃይሳፊ ጉዬ ሃይሳ አላፊቲላ ኔ ጸላ ቶካካ።
 18 ሃኢካ ዳሬዛሰ። «ዋንቶሰ ኢንቲና ጌሺቲ፤ ኢንቲሰ ማና አሾይ ዳና፤ ኢንቲ ኮኒ ማና አሾ ኮሰ ኮኒ አሚናይ ጊዲ ዩኪዳይሳኔ ኮሰ ጊብጾይ ሎኦ ጊዳይሳ ጎዳይ ሲዩዳሰ፤ ሄኮ ሃኢ ኢንቲሰ ጎዳይ አሾ አሚና፤ ኢንቲካ ኢዛ ማንዳታ።

10:35 ማዛ 68:1 * 11:3 ታቤሬ፡ ታቤሬ፡ ታቤሬ ጉሳ ቢርሽላይ፡ «ታማይ ኤጾሰ» ጉሳ። 11:8 ኬሳ 16:31 11:9 ኬሳ 16:13-15

19 እንቲ ኣሾ ማናይ ኢሲ ጋላስ ዋይኮ ናምኡ ጋላስ ዋይኮ ኢቻሹ ጋላስ ዋይኮ ታሙ ጋላስ ዋይኮ ናምኡ ታሙ ጋላስ ጸላ ጊዳና።

20 ኢዚ እንቲና ሳሌሊዲ እንቲሰ ሲዴራ ኬዛና ጋካናሰ ኣገና ኩሚል እንቲ ኢዛ ማና፤ ሄሲካ ሃናናይ እንቲ ሃይሳ እንቲ ገደን ዲዛ ጎዳ ካዲዳ ገሻሲኔ ኑኒ ገብጾፕ ካሴ ኬዘንታ ኣገዳኮ ኑስ ሎኦኮሺን ገዲ እንቲ ዩኩዳ ገሻሳ» ገደሰ።

21 ሙሴይ ጎዳሰ፡ «ሄኮ ሃኢ ታኒ ካሌሊዳይ ኡሱፑን ጸቱ ሺ ኣሳ፤ † ሳኒ ኣገናሰ ገደና ኣሾ ኢስታስ ኢማና» ገዳ ቃላ ገላዳሳ።

22 ሂሰቲን ሃይሳ ኣሳሰ ኣይ ኬና ማሃይ ሹኬቲን ገዳኔ? ኣባ ገደን ዲዛ ሞሌይ ኡባይ ኢሲ ቦላ ሸቁዳኮ ገዳንዳ?» ገ ኦይቸዳሰ።

23 ጎዳይ ሙሴሰ፡ «ታስ ጸሳሰ ዋልቃይ ጉፍ? ታ ቃላይ እንቲ ኣቻን ፖሌታናኮኔ ኣጋናኮ ኔ ሃኢ ቤኣና» ገ ዛሪዳሰ።

24 ሃሳ ገሻሰ ሙሴይ ኬዚዲ ጎዳይ ኢዛሰ ገዳይሳ ኡባ ዳሬዛሰ ዮቲዳሰ፤ ዳሬዛ ካሌሊዳይታፕ ላፑን ታሙ ኣሰ ኢሲሶ ሺሺዲ ዲንካኔዛ ዩሾን ኤሲዳሰ።

25 ጎዳይካ ሻራራ ዋዲዲ ኢዛሰ ዮቲዳሰ፤ ሙሴሰ ኢሚዳ ኣያናፕ ሻኪዲ ዳራ ካሌሊዳ ላፑን ታሙ ጨማታ ቦላ ዋሊዳሰ፤ ኣያናይ ኢስታ ቦላ ዋዲን ኢስቲ ባንታ ቃላ ቶቁ ሂሰቲዲ ናቤታ ማላ ቲንቢቲ ሃሳይዳ፤ ኢስቲ ሃሳ ናምኣንሊቤቲና።

26 ማዘጋቤቲዳ ላፑን ታሙ ዳራ ካሌሊዳይታ ገደፌ ናምኣቲ ኤልዳይኔ ማዳይ ጌቲቲዛይቲ ጌዴ ዲንካኔዛኮ ቦንታ ባንቲ ዲዛ ሄራን ጋምኢዳ፤ ኢስቲ ሃን ዲሺን ኣያናይ ኢስታ ቦላ ዋዲን ኢስቲካ ባ ቃላ ቶቁ ሂሰቲዲ ናቤታ ማላ ቲንቢቲ ሃሳይዳ።

27 ኢሲ ናቲላ ኣሲ ሙሴኮ ዋዲ ቢዲ፡ «ኤልዳይኔ ማዳይይ ሃን ባንታ ሄራን ዲሺ ቲንቢቲ ሃሳይቲሰ» ገ ዮቲዳሰ።

28 ናቲላፌ ደሚዲ ሙሴ ኦሊ ማዲዛ ናዋ ና ኢያሶይ፡ «ታ ጎዳ ሙሴ! ሃይታንቲ ቲንቢቲ ሃሳዮንታ ማላ ቲቃ!» ገደሰ።

29 ሙሴይካ ኢዛሰ፡ «ኔ ታስ ሚሽታዳ ሃሳ ጋይ? ታኒ ገዲኮ ጸሲ ሃይሳ ዳራ ኡባ ቦላ ባ ኣያና ዋሊኮኔ ኡባይካ ባ ቃላ ቶቁ ሂሰቲዲ ናቤታ ማላ ቲንቢቲ ሃሳይዳኮ ሃሲ ታስ ኡፋይሳ!» ገደሰ።

30 ሙሴይኔ ኢስራኤሌ ኣሳ ካሌሊዳ ላፑን ታሙ ኣሳይ ጌዴ ባ ዲዛሰ ሲሚዳሰ።

ጎዳይ ኩራቾ ሚሳቲዛ ካፎ ዩዲዳሰ

31 ሃሳፌ ጉዬ ጎዳይ ጫርኮ ዳንሊዲ ኣባ ገደፌ ኩራቾ ሚሳቲዛ ካፎ ኣሳይ ዲንካኒ ኡቲዳ ሄራ ኤሂዳሰ፤ ሂሰቲዲ ሃ ካፎታ ቢታፌ ፑዴ ናምኡ ዋዳ ኬና ቶቁ ገዲ ፒራዲ ዩዲ ኣሳይ ዲንካኒ ኡቲዳ ሄራ ዩሾን ኢሲ ጋላሳ ኦጌ ኬና ገዲዛሰን ቢታ ቦላ ማይኢ ኡቲዳ።

32 ሃሳ ገሻሰ ሃ ጋላሲኔ ኦማርሰ፡ ሃሳዳካ ዋንቴላ ጋላሲካ ዳሬዚ ሃ ካፎታ ኦይኪ ሺሺዳሰ፤ ኢሲ ኣሲካ ታሙ ኪሎፕ ፓጩ ኦይኪቤና፤ ኢዚካ ሜላና ማላ ባ ዲንካኒዳ ሄራ ዩሾ ኡባን ሚጫዳ።

33 ገደ ኣቲን ኢስቲ ቡሮ ጮሚ ሚቶንታ ዲሺን ጎዳይ ዳራ ቦላ ኬሂ ሃንቁቲዳሰ፤ ጎዳይ ገታ ቦሻካ ዳራ ቦላ ዩዲዳሰ።

34 ኣሾ ኣሞቲዲ ሃይቁዳ ኣሳ ሃን ጋዳን ሞገዳ ገሻሰ ሃ ጋዳዛ ሱንሊ፡ «ኪብሮቲ-ሃታኣቤ» † ጌቲቲዳሰ።

35 ኣሳይ ኪብሮቲ-ሃታኣቤ ጌዴ ሃጸሮቲ ቢዲ ሃን ዲንካኒ ኡቲዳሰ።

12

ሙሴ ቦላ ማራሚኔ ኣሮኔ ዳንደ

1 ሙሴይ ቶጵያፕ ማቾ ኤኪዳ ገሻሰ ማራማኔ ኣሮኔይ ዚገርሳን ኢዛ ሃዘገ ካዲዳ፡

2 «ጎዳይ ሙሴ ባጋራ ጸላ ሃሳይዳ? ኑ ባጋራ ሃሳይቤኔ?» ጎዳይ ኢስቲ ገዳይሳ ኡባካ ሲዩዳሰ።

3 ሙሴይ ገዲኮ ቢታ ቦላ ዲዛ ኣሳ ኡባፌ ኣዲዳ ኣሽኪ ኣሳ።

4 ሄራካ ጎዳይ ሙሴ፡ ኣሮኔይ ማራሞ፡ «እንቲ ሃዘይ ጋይቶቲላ ዲንካኔኮ ሃ ዩቲ!» ገደሰ፤ ኢስቲካ ቢዳ።

5 ሂሰቲን ጎዳይ ቱሰ ሚሳቲዛ ሻራ ገደራ ዋዲዲ ዲንካኔዛ ፔንጌን ኤቁዲ፡ «ሃይሶ ኣሮኔ! ሃኔ ማራሚ!» ገ ዴይገዳሰ፤ ናምኣቲካ ጌዴ ኢዛ ሲንሐ ሸቁዳ።

6 ጎዳይ ኢስታሰ፡ «ሄኮ ሃኢ ታ እንቲና ገዛይሳ ኣኬኪ ሲዩቲ!

«እንቲ ገደን ናቤቲ ዲኮ፡ ታኒ ታና ኢስታሰ ኣጂታን ቆንጫሳይሰ፤ ኣጉሞን ኢስታ ሃሳይሳይሰ።

7 ታኒ ታሰ ሃጋዚዛ ሙሴራ ገዲኮ ሃሳ ማላን ሃሳይኬ፤ ኢዚ ታ ኬላን ኣማኔቲዳ ኣሳ።

8 ሃሳ ገሻሰ ታኒ ኢዛራ ሲንላን ቆንጫራ ሃሳይሰ ኣቲን ጉዬራ ቆታን ሃሳይኬ፤ ኢዚ ታ ሜዳ ቤዩሰ፤ ሂሰቲን እንቲ ታ ኣሳንቻዛ ሙሴ ቦላ

ዋኒ ያዮንታ ካዴ ቃላ ሃሳይዳቲ?» ገደሰ።

9 ጎዳ ሃንቆይ ኢስታ ቦላ ታማ ማላ ኤጸ ኬዚዳሰ፤ ኢዚካ ኢስታ ሃን ኣገ ቢዳሰ።

10 ሻራዚ ዲንካኔዛ ቦላፌ ዳንዲ ቢን ማራማ ኢንቸራቻ ሃርጋንቻ ገዳዳሰ፤ ኢንቸራቻ ሃርጌዚካ ኢዚ ቦላ ሻቻ ማላ ቦሊዳሰ፤ ኣሮኔይ ማራሞ ቤዩሺን ኢዛ ኢዛሰ ኢንቸራቻ ሃርጋንቻ ገዳ ቤታዳሰ።

11 ኣሮኔይ ሙሴሰ፡ «ታ ጎዳ! ኑኒ ኔ ቦላ ኦሊዳ ናጋራ ጋሰን ሃይሲ ኢታ ቁጻቲይ ኑ ቦላ ፖሌታና ማላ ኦሶፋርኪ!»

12 ኢዛካ ባ ኣዩ ኡሎን ሃይቃዳ ኢዚሰ ባጋ ኣሳቲላይ ማቲቲቸን ዩሌቲዳ ኣጫጫያ ና ማላ ኦሶፋርኪ!» ገደሰ።

13 ሃሳ ገሻሰ ሙሴይ፡ «ጸሳዉ! ኢዛ ፓላርኪ!» ገዲ ፑዴ ጎዳኮ ዋሲዳሰ።

† 11:21 ኣሳ፡ ኣሳ ገዛይሲ ማጫሳታኔ ናይታ ጉጃና። † 11:34 ኪብሮቲ-ሃታኣቤ፡ ኪብሮቲ-ሃታኣቤ ጉሲ ኣሞ ዳፎ ጉሳ። 12:7 ኢብ 3:2

14 ጎዳይካ ሙሴስ፡ «ኢዚ አዋይ አይፊሶን ጩቶ ጩቲዳራካ ዩላታዳ ላቸን ገላስ ጋካናስ ጋምኦ ኤሬኤ? ሃሳ ገሻስ ኢዛ አሳይ ዲዛ ሃራፔ ኬዛዳ ላቸን ገላስ ጋካናስ ኣሲ ባይንዳሶን ታካቩ፤ ሃሳፊ ጉዩ አሳይ ዲዛሶ ገላናስ ዳንዳያወስ» ገ ዛሪዳስ።

15 ሃሳ ገሻስ ማራማ ኣሲ ዲዛ ጉታፔ ካሬ ኬዛዳ ላቸን ገላስ ጋካናስ ባና ገንፋዲስ፤ ኢዛ ሃፔ ሲማና ጋካናስ ዳሬዚ ባ ዲዛሶፔ ሃራሶ ቃጺቤና።

16 ሃሳፊ ጉዩ አሳይ ሃጺሮፔፔ ዳንዲዲ ፓራኔ ባዘን ዲንካኒ ኡቲዳስ።

13

ካናኔ ዳሬ ጸሞሲ ጸላናስ ቢዳ አሳታ (ዛሬ 1:19-33)

- 1 ጎዳይ ሙሴስ ሂዝጊዳስ፡
- 2 «ታማኔ ናምኡ ኢሰራኤል አሳ ጋርሳፊ ዳሬ ካሌላዛይታ ዶራዳ ታኒ ኢሰራኤል አሳስ ኢማና ጊዳ ካናኔ ቢታዮ ጸሞሲ ጸሊዲ ያና ማላ ዩዳ።»
- 3 ሙሴይካ ጎዳይ ኢዛ አዛዚዳ ማላ ኢሰራኤል አሳ ካሌላዛይታ ጊዳፊ ፓራኔ ባዘፊ ታማኔ ናምኡ አሳታ ዩዲዳስ።
- 4 ሃ አሳታ ሰንፋይካ ሃይሳፊ ካሊዛይሳ፤ ኦርቤሌ ዛርኬፊ ዛኩሪ ና ሻሙኤ፡
- 5 ሰሞና ዛርኬፊ ሆሪ ና ሳፋጾ
- 6 ዩሁዳ ዛርኬፊ ዮፊኔ ና ካሌቤ፡
- 7 ዩሳኮሪ ዛርኬፊ ዮሴፊ ና ዩጊኣሌ፡
- 8 ኤፍሬሚ ዛርኬፊ ናዌ ና ሆሴኤ፡
- 9 ቢኒያሚ ዛርኬፊ ኤራፎ ና ፓሊጾ፡
- 10 ዛቢሎኔ ዛርኬፊ ሳዳ ና ጋዲኤሌ፤
- 11 ዮሴፊ ዛርኬፊ ሚናሴ ባጋ ጊዲዳ ሱሴ ና ጋይዬ፡

- 12 ዳኔ ዛርኬፊ ጋማሌ ና አምኤሌ፡
- 13 አሴሪ ዛርኬፊ ሚካኤሌ ና ሳቱሪ፡
- 14 ኒፍታሌሚ ዛርኬፊ ዋፊሴ ና ናሂቤ፡
- 15 ጋይ ዛርኬፊ ማኮ ና ጋኡኤሌ።
- 16 ሃይቲ ዳሬዛ ሃናታ ጸሞሲ ጸሊዲ ያና ማላ ሙሴይ ከቲዳይታ፤ ናዌ ና ሆሴኤ፡ «ኢያሶ» ጊዲ ኢዛ ሰንፋ ሳሚዳስ።
- 17 ሙሴይ ኢስታ ከቲ ዩዲሼ፡ «ኢንቲ ቢሼ ኔጌቤ ባጋራ አጲዲ ፑዳ ጌዜ ቢታ ቢቲ።
- 18 ሃ ዳሬያ አይ ሚሳቲዛኮ፡ አይ ከና ኣሲ ኢዚን ዲዛኮ ቃሴካ አሳ ሚናቴላ አይ ማላኮ ጸሞሲ ጸሊዲ ዩቲ።
- 19 ሃ ቢታያ ኢታኮኔ ሎኦኮ አሳይ ዲዛ ካታማያ ገምቤታ ኡቲዳኮ ዋይኮ ገምቤቶንታ ጮ ሚላ ዲዛኮ ጸሞሲ ጸሊቲ።
- 20 ቢታያ ሞጶኮኔ ቃላኮ፡ ዋራኮኔ ጮ ዲዛኮ ጸሞሲ ጸሊቲ፤ ሚኒቲ! ሃ ቢታን ዲዛ ሚላ አይፊታፔ ኤኪ ዩቲ» ጊዳስ፤ ኢስቲ ሃ ቢዳ ዋዳይ ዋይኔ ሚላ አይፊሬ ቴሪዛ ዋዳ።
- 21 ሃሳ ገሻስ ሃ ዋዳ አሳይ ፑዳሃ ባጋ ዳሬ ቢዳስ፤ ሃ ዳሬዛን ዲዛ ጸኔ ባዘፊ ደሚዲ ጌዳ ሃማቲ አጲ ቢዛሶዛ ማታን ዲዛ ኤራሆቤ ጋካናስ ዩዩ ጸሊዳ።
- 22 ኮይሮ ጌዳ ኔጌቤ ቢዲ ሃራ ኬብሮኔ ጋኪዳ፤ ኬብሮኔይካ፡ «ኤናቄ» ጌቲቲዛ ጌሳኔ ጉባ ጌታ አሳታ ዜሬላ ጊዲዳ አሃማኔ፡ ሻሻዬኔ ታሊማዬ ጌቲቲዛ

ዛርኬቲ ዲዛ ቢታ። [ኬብሮኔይ ጊብጸን ዲዛ ጸናሴ ካታማይፔ ላቸን ላይላ ሲንፋታ ኤቃዲስ።]

23 ኢስቲ ሃራ አጲዲ ጌዳ ኤሽኮሌ ሸባ ጋኪዳ፤ ሃፔካ ዋይኔ ሚላ አይፊራ ዲዛ ሃጋ ቃንጺ ኤኪዲ ሃ ዋይኔ ሚላ አይፊፔ ኢሲ ወርጮ ኢሳዳይ ባርካ ቶካናስ ዳንዳዮንታ ዳጾ ጊዲዳ ገሻስ ናምኡ አሳቲ ሚላን አላ ቶኪዳ፤ ኢዛራ ኢሲፊ ኦርማኔ ሚላ አይፊኔ ባላሴ ሚላ አይፊ ኤኪ ዩዳ።

24 ሃሲ ሃ ሶሆዚ፡ «ኤሽኮሌ* ሸባ» ጌቲቲዳ ጋሶይካ ኢሰራኤል አሳይ ዋይኔ ሚላ ኢዛ አይፊ ወርጮዛራ ጋላ ቃንጺ ኤኪዲ ዩዳሶ ጊዲዳ ገሻሳ።

25 ኢስቲ ቢታዮ ኦይዲ ታሙ ጋላስ ጸሞሲ ጸሊዳፔ ጉዩ ኣጊ ሲሚዳ።

ካናኔ ዳሬ ጸሞሲ ጸላናስ ቢዳ አሳቲ ሺሺዳ ቆፋ

26 ፓራኔ ባዘን ቃዳሴን ዲዛ ሙሴኮ፡ ኣርኔኮኔ ኢሰራኤል ማባራ ኩሚላኮ ሲሚ ዩዲ ባንቲ ቤይዳይሳ ኡባ ቆንጫሲ ዮቲዳ፤ ባንቲ ኤኪ ዩዳ ሚላ አይፊዛካ ኢስታ ቤሲዳ።

27 ኢስቲ ሙሴስ፡ «ኑኒ ቢታዮ ጸሞሲ ቤኢዲ አዳፊካ ኢዛ ማሊኔ ኤሲ ኩሚዳ ዲሬ ዳሬ ጊዲዳር ሻኪ ኤሪዶስ፤ ሃ ቢታያ ኢሚዛ አይፊዛ ሃይሳ ቤያ።

28 ጊዳ አቲን ሃ ዳሬዩን ዲዛ አሳይ ዳር ሚና፤ ሃሳፊ ቦላራ ኢስታ ካታማቲካ ዳር ጌታታኔ ገምቤይ ዩዩ አጲዳይታ፤ ሃሲ ሃሳ ጊዲሺን አሳይ ቃሴ ጌሳኔ ጉባ ጌታ ጊዲዳ ኤናቄ ዜሬላታ ኑ ቤይዳስ።

29 አማሌቄ አሳይ ኔጌቤን ዲሺን፡ ሃቲ አሳይ፡ ያቡሴ አሳይኔ አሞሬ አሳይ ቦላ ጌዜ ቢታን ካናኔ አሳይ ቃሴ ዮርዳኖሴ ሃላ ጋጸኒኔ ሚዲቴራኔ አባ አቻን ዳቴስ» ጊ ዮቲዳ።

30 ካሌቤይ ቃሴ ሙሴ ሲንፋን አሳ ጮኡ ሂሰቲዲ፡ «ኑኒ ኢስታ ጸናናስ ኑስ ጊዲዛ ዋልቃይ ዲዛ ገሻስ ኑኒ ሃኢ ቢዲ ሃ ቢታዮ ኣኔ ኦይኮስ» ጊዳስ።

31 ካሌቤራ ቢዳ አሳቲ ቃሴ፡ «ኑኒ ኢስታ ቦላ ሚቶ ጋላናስ ሙሊካ ኑስ ዋልቃይ ባዋ፤ ሃ ዳራን ዲዛ አሳይ ኑፔ ዳር ሚና» ጊዳ።

32 ኢስቲ ጸሞሲ ጸላና ቢዳ ዳሬዛ ገሻስ ኢሰራኤል አሳስ ኤሂ ዮቲዳ ዮኦይ አሳስ ዲዛ ሂዳታ ቃንጺሲዛ ዮኦ፤ ኢስቲ ቃሴካ፡ «ኑኒ ኢዘ ጸሞሲ ጸሊዳ ቢታያ ኢዚን ዳናስ ቢዛ ኣስ ሚቲዛ ቢታ፤ ኑኒ ሃን ቤይዳ አሳይካ ጌሳኔ ጉባ ጌታ።

33 ኔፍሌሚ ባጋ ጊዲዳ ኤናቄ ናይታ ኑኒ ሃን ቤይዳስ፤ ኑኒ ኢስታ አቻን ቄሪ ጉምባር ሚሳቲዶስ፤ ኢስቲካ ኑና ሃሳሶ ጸሎንታ ኣጌቴና» ጊዳ።

14

ሙሴ ቦላ ዳሬዛ ዳንሳ

1 ዳሬዚ ሃ ጋላሳ ኦማርስ ኩሚላ ባ ቃላ ቶቄ ሂሰቲዲ ዋሲሼ አቄዳስ፤

2 ኩሚላ ኢሰራኤል ማባራይ ሙሴ ቦላኔ ኣርኔ ቦላ ዙዙሚሼ፡ «ኑኒ ካሴ ሃን ጊብጸን ዲሼ ዋይኮ ሃይሳ ሃ ባዘ ቢታን ሃይቄዳኮ ኑስ ሎኦኮሺን!

3 ጎዳይ ኑና ሂኖ ሃ ዳሬዮ ኣዛሰ ኤፊዜ? ኑኒ ወሪካ ኦላን ወራናስ ደስ፤ ኑ ማቸቲኔ ኑ ናይቲካ ዲኤታና፤ ሃሳፊ ኑኒ ዲጌ ጊብጸ ሲሚኮ ኑስ ሎኦኦ» ጊዳ።

12:14 ታይ 5:2-3 * 13:24 ኢብራዊታ ቃላራ ኤሽኮሌ ጉሲ፡ «ዋይኔ አይፊ ወርጮ» ጉሳ። 13:33 ሜዴ 6:4

4 ሃሳ ገሻሰ ኢስቲ ባ ጋርሳን ኢሶይ አሳራ፡ «ኣኔ ሃ ዩቴ! ኑና ካሌላና ኣሰ ደራዲ ኣኔ ኣገ ጉዬ ገብጹ ሲዋሰ» ገ ሃሳዮተዳ።

5 ሄ ዋዴ ሙሴይኔ ኣርኔይ ኩሜላ ዳራ ሲንላን ቢታ ቦላ ጉፋኒዳ።

6 ቢታዮ ጸሞሳናሰ ኪቲቲዳ ኣሳታፔ ናዋ ና ኢያሶይኔ ዮፊኔ ና ካሌቤይ ዮኦዛን ዳር ጨጨዲ ባንታ ማይኦዛ ዳኪዳ።

7 ኢስቲ ዳሬዛሰ፡ «ኔኒ ቢዲ ዩዩ ጸሞሲ ዴሊዳ ቢታያ ከሃ ሎኦ ቢታ።

8 ጎዳይ ኑናን ኡፋዮተዳ ገዲኮ ኢዚ ኑና ሄ ኤፋና፤ ኤሲኔ ማሊ ኢዚን ኩሚዳ ጋሳ ቢታዮ ኢዚ ኑስ ኢማና።

9 ኢንቲ ገዲኮ ጎዳ ቦላ ማካሎፍቲ! ሄን ዲዛ ዳሬዛሰካ ባቦፍቲ! ኔኒ ኢስታ ቁሶን ጸናና፤ ጎዳይ ኑናራ ዳሰ፤ ኢስታ ቦላፊ ኤሾይ ዳንዲቹዳ ገሻሰ ኢንቲ ኢስታሰ ሙሌካ ባቦፍቲ!» ገዳ።

10 ኢስታ ሹቻራ ጫዲ ዋዳናሰ ኩሜላ ማባራይ ኢስታ ቦላ ዳንዲዳሰ፤ ገዳ ኣቲን ጎዳ ቦንቾይ ኢሰራኤሌ ኣሳ ኩሜላሰ ጋይቶቴላ ዲንካኔዛን ቆንጨዳሰ።

ሙሴይ ዳሬዛሰ ዋሲዳ ዋሳ

11 ጎዳይ ሙሴሰ፡ «ሃይሲ ዳሬዚ ኣይዴ ጋካናሰ ታና ካዳኔ? ታኒ ዳሬዛ ሲንላን ዳር ማላታ ኦላዲሰ፤ ሂሰቲን ዳሬዚ ታናን ኣማኔቶንታ ኣይዴ ጋካናሰ ኢዳኔ?»

12 ሄኮ ሃኢ ታኒ ኢታ ሃርፔ ኢስታ ቦላ ኤሃዳ ኢስታ ኡባ ወርሳና፤ ኔና ገዲኮ ኢስታፊ ኣጲዛ ሚኖ ካዋቴላሰ ኣዋሳና» ገዳሰ።

13 ሙሴይ ገዲኮ ጎዳሰ፡ «ኔኒ ሃይሳ ዳሬዛ ኔ ዋልቃን ገብጹፔ ኬሳዳሳ፤ ኔኒ ሃይሳ ኔ ዳሬዛ ቦላ ኦሊዳይሳ ገብጹ ኣሳይ ሲዩዳ ዋዳ።

14 ሃሳ ሃኒዳ ዮኦ ኡባ ሃይሳ ዳሬዛን ዲዛ ኣሳ ኩሜላሰ ኢስቲ ዮታና፤ ሃይቲ ሃ ኣሳቲ ኔኒ ጎዳይ ኑናራ ዲዛይሳኔ ሻራይ ኑፔ ቦላራ ቆንጨን ቤቲዛ ማላ ኔኒ ጋላሰ ጋላሰ ሻራ ማላ ቱሳን ኦማርሰ ኦማርሰ ታማ ማላ ቱሳን ገዳዳ ኑፔ ሲንሌ ኣጳ ካሌሊዛይሳ ሲዩሾ ጋምኢዳ።

15 ሂሰቲን ኔ ሃኢ ኔ ኣሳ ወርሳ ዋዳኮ ኔ ጎባቴላ ሲዩዳ ካዋቴላ ኡባይ።

16 ኔና፡ «ኢዚ ባ ዳሬዛ ገልላና ገዲ ካሴ ጫቂዳ ጫቆዛ ፖላናሰ ዳንዲዮንታ ኣገዳ ገሻሰ ኢስታ ባዘን ዋዳ ጳይሲዳሰ» ጋና።

17-18 ጎዳ ሃይሳፊ ካሴ ኔኒ፡ «ጎዳይ ኤሌ ሃንቁቲ ኤሬና፤ ኢዛ ማርቴላይኔ ኢዛ ሲቆይ ዳር፤ ኢዚ ናጋራኔ ገላቴላ ኣቶ ጋና፤ ገዳ ኣቲን ናይታኔ ኢስታሰ ናይታ ናይታ ጋካናሰ ኢስቲ ዩሊዳይታ ናጋራ ገሻሰ ታ ኢስታ ቃጸያና» ገዳ ማላ ፖላዳ ኔ ዋልቃ ቤሳ።

19 ሃኢካ ጎዳ! ላማቶንታ ኔ ገታ ሲቆዛን ኢስቲ ገብጹፔ ኬዘሶፊ ሃኖ ጋካናሰ ኔ ኢስታ ማሪዳ ማላ ሃይሳ ዳራ ናጋራ ኔ ማራና ማላ ታ ኔና ዋሳይሰ» ገዳሰ።

20 ጎዳይካ ሙሴሰ፡ «ኔ ታና ኦይቹዳ ማላ ታ ኢስታ ማራዲሰ።

21 ገዳ ኣቲን ታኒ ዳኦን ዲዛ ማላኔ ታ ቦንቾይ ቢታ ኡባን ኩሚዳ ማላ።

22 ታኒ ኢስታሰ ገብጹኒኔ ሃይሳ ባዘ ቢታን ኦሊዳ ገታ ማላታኔ ታ ቦንቾዛ ቤኢዲ ታሰ ኣዛዜቶንታ ኢጲዳይታፔኔ ታሙቶ ታና ፓጨዳ ኣሳታፔ ኦኒካ።

23 ታኒ ካሴ ኢስታ ኣዋታሰ ኢማና ጋዳ ጫቂዳ ቢታዮ ኢስቲ ሙሌካ ገሌቴና፤ ታና ካጲዳይ ኦኒካ ኢዘ ሙሊራ ቤኤና።

24 ገዳ ኣቲን ታ ኦሳንቻ ካሌቤሰ ሃንኮይታፔ ዳማ ቆፋይ ኢዛሰ ዲዛ ገሻሰኔ ኢዚ ታና ኩሜላ ዋዛናፔ ካሊዳ ገሻሰ ኢዚ ቢዲ ካሴ ዩዩ ዴሊዳ ቢታዮ ታ ኢዛሰ ኢማና፤ ኢዛ ዜሬላቲካ ሄ ቢታዮ ላታና።

25 ኣማሌቁ ዳሬ ኣሳይኔ ካናኔ ዳሬ ኣሳይ ሾባ ገዳን ዲዛ ገሻሰ ኢንቲ ዋንቶ ጉዬ ሲሚዲ ዞኦ ኣባ ባጋራ ኤፊዛ ኦኒዛራ ገዳ ባዘ ሲሚ ቤቲ» ገዳሰ።

ዙዙሚዳይታ ቃጸዮቴላ

26 ጎዳይ ሙሴሲኔ ኣርኔሰ ሂዝገዳሰ፡

27 «ሃይቲ ኢታ ኣሳቲ ኣይዴ ጋካናሰ ታ ቦላ ዙዙሚኔ? ሃ ዙዙሚቲዛ ኢሰራኤሌ ኣሳይ ታ ቦላ ዙዙሚቲሺን ታ ሲያዲሰ።

28 ኔ ኢስታሰ፡ «ታኒ ታ ዳኦ ሱንላን ጫቃይሰ፤ ታኒ ኢንቲ ሃሳይሺን ታ ሃይላን ሲዩዳ ማላ ኢንቲ ቦላ ኦላና፤ ታኒ ጎዳይ ሃይሳ ዮታዲሰ።

29 ኢንቲ ታ ቦላ ዙዙሚቲዳ ገሻሰ ኢንቲ ጋርሳፊ ቆዳቲሺን ላይላይ ናምኡ ታሙኔ ኢዛፔ ቦላራ ገዲዳይታ ኡባ ኣሃይ ሃይሳ ባዘ ቢታን ኩንዲ ኣታና።

30 ኢንቲ ሄ ዳሬዮ ገሊዲ ዳኣና ማላ ካሴ ታ ኢንቲሰ ጫቃዲሰ፤ ገዳ ኣቲን ዮፊኔ ና ካሌቤፔኔ ናዋ ና ኢያሶፔ ኣቲን ኢንቲፊ ኢሳዴይካ ሄ ቢታዮ ገሌና።

31 ዲኤቲዲ ኣታና ጌቲቲዳ ኢንቲ ናይታ ኢንቲ ካጲዳ ቢታዮ ታ ገልላና፤ ሄ ቢታዮ ታ ኢስታ ላቲሳና።

32 ኢንቲ ኣሃይ ገዲኮ ሃይሳ ሃ ባዘዛን ኩንዲ ኣታና።

33 ኢንቲ ናይቲ ኢንቲ ኣማኖንታ ኢጲዳ ጋሶን ኢንቲፊ ወርሴላን ሃይቂዛዴ ኣሃይ ባዘ ቢታን ኩንዲ ኣታና ጋካናሰ 40 ላይላ ኩሜላ ገታ ሜቶ ኤኪሾ ሃይሳ ሃ ባዘዛን ቶይላታና።

34 ኢንቲ ሄ ቢታ ጸሞሲ ዴሊዳ 40 ጋላሳ ቆዳን ኢሲ ጋላሳዮ ኢሲ ላይላ፡ ሃሲካ ኦይዲ ታሙ ላይላ ኩሜላ ኢንቲ ኢንቲ ናጋራ ገሻሰ ዋዮታና፤ ታኒ ኢንቲ ቦላ ዳንዲዳይሳ ኢንቲ ሃሳን ኤራና።

35 ታ ቦላ ዳንዲዳ ኢታ ኣሳታ ቦላ ታኒ ሃይሳ ኡባ ኦላና፤ ሃይሳ ባዘዛን ኡባቲካ ወሪ ወራና፤ ኡባቲካ ሃይቃና፤ ታኒ ጎዳይ ሃይሳ ዮታዲሰ» ጋ ዮታ።

36 ሙሴይ ካናኔ ቢታዮ ጸሞሲ ዴሊናሰ ኪቲ ዩዲዳ ኣሳቲ ቢዲ ቢታዮ ቤዩ ሲሚዳፔ ጉዬ ሄ ቢታይ ገሻሰ ኢታ ዋሪ ኤሃዲ ዳሬዚ ባ ጋርሳን ዙዙሚታና ማላ ኦሊዳ።

37 ሄ ኣሳቲ ጎዳ ሲንላን ቦሻን ሾጮቲ ሃይቂዳ።

38 ሄ ቢታዮ ቢዲ ጸሞሲ ዴሊዳ ኣሳታ ገዳፊ ናዋ ና ኢያሶይኔ ዮፊኔ ና ካሌቤይ ጸላ ሹምፖራ ፓጸ ኣቲዳ።

ካናኔ ቢታ ቦላ ዳንዲዳ ኮይሮ ዋራጂ (ዛሬ 1:41-46)

39 ጎዳይ ገዲዳሳ ሙሴይ ኢሰራኤሌ ኣሳሰ ዮቲን ኣሳይ ጫሞ ዩሆ ዩኪዳሰ።

40 ዋንቱላ ጋላስ ዋንታ ማላዶራ ኢስቲ ዴንዲዲ ፑዴ ጌዘቲዛሶ ኮዛናስ ጊቤቲዲ። «ኮኒ ናጋራ ኦሎሳካ ዛሪ ኣኮኪደሰ፤ ሃኢ ጊዲኮ ኮኒ ካሴ ጸሲ ኮና ጌልላና ጊ ሃዶታ ኣሚዳ ዴሪዮ ባናስ ጊቤቲደሰ» ጊዳ።

41 ሙሴይ ጊዲኮ ኢስታሰ። «ሂሰቲን ኢንቲ ጎዳስ ሃኢካ ኣይሰ ኣዛዘቲኮቲ? ኢንቲ ቆፕዳይሲ ኢንቲሰ ሱሪና።

42 ሃሳ ጊሻስ ኢንቲ ሄ ቦፕቲ፤ ጎዳይ ኢንቲናራ ጊደንታ ጊሻስ ኢንቲ ሞርኬቲ ኢንቲና ጸናና።

43 ኣማሌቄ ኣሳይኔ ካናኔ ኣሳይ ኢንቲናራ ሃን ኦሌታና፤ ጊደ ኣቲን ኢንቲ ጎዳ ኣጊዳ ጊሻሲኔ ኢዚ ኢንቲናራ ባይንዳ ጊሻስ ኢንቲ ሄ ኦላን ሃይቃና» ጊዴሰ።

44 ሙሴ ጊዲን ጫቆ ቃላ ታቦታዚ ካሴ ባ ዲዛ ሄራፕ ዴንደንታ ዲሺን ኢስቲ ፑዴ ጌዘ ቢታዮ ኦላናስ ጸላቴላን ዴንዲዲ።

45 ሃሳፌ ጉዬ ሄ ዴሬን ዲዛ ኣማሌቄ ኣሳይኔ ካናኔ ኣሳይ ኢስታ ቦላ ማቶ ጋሊዲ ጸኒዳ ሆርማ ጋካናስ ጎዲ ዩዲዲ።

15

ያርሾ ጊሻስ ጉጃቲ ኢሚቲዳ ዋጋ

1 ጎዳይ ሙሴስ ሂዘጊዴሰ።

2 «ኮኒ ኢስራኤል ኣሳሰ። ሓ ኢንቲሰ ኢማና ቆፕዳ ቢታዮ ኢንቲ ጌሊዳ ዋዴ።

3 ጸጌቲዛ ያርሾስ ዋይኮ ኣዲና ጊሻስ ያርሾታና ያርሾስ ዋይኮ ኣሲ ባ ሎኦ ቆፋፔ ሺሺዛ ያርሾ ጊሻስ። ዋይኮ ሎሴ ባኣሌታ ዋዴ ሺቁዛ ያርሾታ ሚዛፔ ዋይኮ ደርሳፌ ጎዳስ ኢንቲ ሺሻንዴታ፤ ሃሳ ሚሳቲዛ ያርሾይ ጎዳ ሳቁዛ ያርሾ ጊዳና።

4 ሃሳ ጊሻስ ሃሳ ማላ ሺሺዛ ኣሲ ወሪ ኢሲ ሊቲሮ ጊዳና ዛይቲን ኢሲ ከሎ ጊዲዛ ሊቆ ጳሌፌ ሙኑቁቲዳ ካላ ያርሾ ሺሻናስ ቤሴስ።

5 ቃሴ ጸጌቲዛ ያርሾስ ዋይኮ ሃራ ያርሾስ ኤሂዛ ኢሲ ኢሲ ደርሳ ላቃራ ኢሲ ሊቲሮ ዋይኔ ኡሻ ያርሾ ሺሺቲ።

6 « ሳርሾ ያርሾስ ሺሺዛ ዋዴ ቃሴ ናምኡ ከሎ ጳሌ ኢሲ ሊቲሮኔ ሳይሶ ጊዲዛ ዋጋራ ዛይቲን ሙኑቁዲ ሺሺቲ።

7 ኡሻ ያርሾስ ኢሲ ሊቲሮኔ ሳይሶ ጊዲዛ ዋይኔ ኡሹ ሺሻ፤ ሃሲ ወሪካ ሎኦ ጎዳ ሳቁዛዚኔ ኡፋይሲዛዝ ጊዳና፤

8 « ኮኒ ኢሲ ሚርጎ ኣዲናስ። ዋይኮ ኢሲፌቲላ ያርሾስ። ዋይኮ ጸጌቲዛ ያርሾስ። ዋይኮ ሃራ ያርሾስ ሺሺዛ ዋዴ።

9 ሄ ሚርጎዛራ ሃዙ ከሎ ጊዲዛ ሊቆ ጳሌፌ ናምኡ ሊቲሮ ዛይቲን ሙኑቁቲዳ ካላ ያርሾ ሺሻ።

10 ሃሳላካ ኡሻ ያርሾስ ናምኡ ሊቲሮ ጊዲዛ ዋይኔ ኡሹ ሺሻ፤ ሃሲካ ጎዳ ኡፋይሲዛ። ሳቁዛዛኔ ጸጌቲዛ ያርሾ ጊዳና።

11 ሃሳ ጊሻስ ኢሲ ኢሲ ሚርጎ። ዋይኮ ኢሲ ኢሲ ጳርሾ ዋይኮ ጳርሾ ላቃ ዋይኮ ኮርቤ ላቃ ያርሾስ ሺሺዛ ዋዴ ኢሲፌ ሺቁዛ ካላ ያርሾይ ሃሳ።

12 ኢሲ ሚሃፕፕ ቦላራ ሺቁዛ ዋዴ ኢዛራ ኢሲፌ ሺቁዛ ካላ ያርሾይ ሃሳ ማላ ጉጃቲሰ።

13 ዴሬን ዩሌቲዳ ኢስራኤል ኣሳፕ ኢሶይ ኢሶይ ጸጌቲዛ ያርሾኔ ሳዋይ ጎዳ ኡፋይሲዛ ያርሾ ሺሺዛ ዋዴ ሃሳላ ኦላናስ ቤሴስ።

14 ሲንላፌ ያና ዩሌታን ኢንቲናራ ዲዛ ቤቲ ኣሲ ዋይኮ ኢንቲ ጋርሳን ዲዛ ሃራ ዴሬ ኣሲ ኦኒካ ጸጌቲዛ ያርሾ ዋይኮ ጎዳ ኡፋይሲዛ ካላ ያርሾ ጎዳስ ሺሻና ኮይኮ ኢዛዴይካ ኢንቲ ኦሊዛይሳ ማላ ኦላናስ ቤሴስ።

15 ኢንቲ ኡባቲካ ኢንቲ ጊደን ዲዛ ኣሳ ዴሬ ኣሳቲካ ሃይሳፌ ያና ላይላታን ኡባታን ሃይታ ዋጋታ ኢሲ ማላ ናጋናስ ኢንቲሰ ቤሴስ፤ ኢንቲኒኔ ኢስቲ ኡባቲ ጎዳ ሲንላን ኢሲኖ።

16 ኢንቲሴኔ ኢንቲናራ ዲዛ ሃራ ዴሬ ኣሳ ኡባስ ዲዛ ዋጋይኔ ማራይ ኢሲኖ ጊደን ጋ ዮታ።»

17 ጎዳይ ሙሴስ ሂዘጊዴሰ።

18 «ኮኒ ኢስራኤል ኣሳሰ። ሓ ኢንቲና ካሌሊዛ ቢታዮ ኢንቲ ጌሊዛ ዋዴ።

19 ሄ ቢታይን ካዲዛ ካላ ኡባ ሚዛ ዋዴ ሄ ካላፌ ጎዳስ ኢሞታ ኢሚቲ።

20 ሃሲካ ኮይሮ ጳሌዛፔ ኡኮላ ኡኪዲ ባሌፕ ኢሚቲዳ ያርሾ ኦሊዲ ሺሺቲ።

21 ቡሮፕ ያና ዩሌታ ኡባን ኮይሮ ጳሌዛፔ ኡኪዲ ጎዳስ ኢሞታ ሺሺቲ።

22 « ሳዳይ ሙሴስ ኢሚዳ ኣዛዘታፔ ኢሳ ኢንቲ ኡርንታ ዋሪዛ ጊዲኮ።

23 ዋይኮ ሲንላፌ ያና ዩሌታቲ ሙሴ ባጋራ ኢሚቲዳ ኣዛዘዛ ፖሎንታ ኣጊኮ።

24 ሃሳ ማላ ባላይ ማባራይ ኡርንታ ሃኒኮ ኢሲ ሚርጎ ኤሂዲ ጎዳ ሳቁዲ ኡፋይሲዛ ያርሾኔ ጸጌቲዛ ያርሾ ኢዛስ ሺሹቶ፤ ዋጋዚ ኣዛዘዛ ማላ ካላ ያርሾኔ ኡሻ ያርሾ ኢዛራ ኢሲ ቦላ ጋሊ ሺሹቶ፤ ሃሳፌካ ቦላራ ኢሲ ዴይሻ ኦርጌ ናጋራ ያርሾስ ሺሹቶ።

25 ቁሴዚ ኩሚላ ኢስራኤል ማባራ ናጋራ ወርሶ፤ ኢስቲ ኡርንታ ኦሊዳ ናጋራ ጋሶን ጸጌቲዛ ያርሾኔ ካላ ያርሾ ሺሹዳ ጊሻስ ኢስታ ናጋራይ ኣቶ ጌቲታና።

26 ኡባይካ ኡርንታ ዲሹ ናጋራ ኦሊዳ ጊሻስ ኢስራኤል ኣሳ ዋይኮ ኢስታ ጊደን ዲዛ ሃራ ዴሬ ኣሳ ናጋራይ ኣቶ ጌቲታና።

27 « ኣሲ ኣሲ ኡርንታ ናጋራ ኦሊኮ ኢሲ ላይላ ዴይሻ ላቃ ባ ናጋራ ጊሻስ ያርሾስ ሺሹ።

28 ኡርንታ ዲሹ ናጋራ ኦሊዳዴሰስ ኢዛ ናጋራይ ኣቶ ጌቲታና ማላ ቁሴዚ ጎዳ ሲንላን ኢዛ ናጋራ ወርሶ፤ ኢዛ ናጋራይካ ኣቶ ጌቲታና።

29 ኢስራኤል ዴሬን ዩሌቲዳ ኢስራኤል ኣሲ ዋይኮ ኢስታ ጊደን ዲዛ ኣሳ ዴሬ ኣሲ ኡርንታ ዲሹ ናጋራ ኦሊዳ ጊዲኮ ኡባስ ዲዛ ዋጋይ ኢሲ ማላ።

30 « ሳደ ኣቲን ኢስራኤል ዴሬ ኣሰ ዋይኮ ሃራ ዴሬፔ ቤቲ ኢስታ ጊደ ዩዳ ኣሲ ዋዘናይ ኡሪሺን ናጋራ ኦሊዳ ኣሲ ወሪካ ጎዳ ሌቁዳ ጊሻስ ዴሬዛፔ ሻኬቲ ጳዮ።

31 ኢዛዴይ ጎዳ ሌቁዳ ጊሻሴኔ ኢዛ ኣዛዘታ ኡሪሹ ዋሪዳ ጊሻስ ሙሌራ ጳዮ፤ ኢዛ ጎሚይ ኢዛራ ቦ ጋ ዮታ።»

ሳሞባታ ዋጋ ሚንሊዲ ቃጸዩቲዳ ኣሰ

32 ኢስራኤል ኣሳይ ባዘን ዲዛ ዋዴ ኢሲ ጋላስ ኢሳዴይ ሳሞባታ ጋላስ ሚላ ሚዲሹ ኦይኬቲዴሰ።

33 ሄ ኢዛ ኦይኪዳ አሳቲ ኢዛ ኦይኪ ኤኪዳ ሙሴኮ፡ ኦርኮኮኔ ኩሚላ ማባራይ ዲዛሶ ኤፊዳ።

34 ኢሰቲካ ኢዛ ዋሰታናኮኔ ኤፊቶንታ ኢዲን ጉላ ዋዴሰ ቃሹቲሻና ማላ ዛቤሰ ኢሚቲዴሰ።

35 ሃሳፌ ጉዬ ጎዳይ ሙሴሰ፡ «ሄ ኦይኪ ሃይቆ! ኩሚላ ማባራይ ዲዛሶ፤ ኢዛ ካሬ ኬሲዲ ሹቻራ ጫዲ ዋቋ» ገዴሰ።

36 ሃሳ ገሻሰ ኩሚላ ማባራይ ባንቲ ዲዛ ጉታፕ ሃራሶ ኤፊዳ ጎዳይ ኦዛዚዳ ማላ ሹቻራ ኩራኪ ዋቋዴሰ።

ማይኦ ማጫራ ገሻሰ ኢሚቲዳ ዋጋ

37 ጎዳይ ሙሴሰ ሂዘገዴሰ፡

38 «ኔኒ ኢሰራኤል አሳሰ፡ ለኢንቲ ማይኢዛ ማይኦሰ ማጫራ ኬሰቲ፤ ኢሲ ኢሲ ማጫራይ ሳሎ ሚሳቲዛ ጸላታ፤ ገዴ፤ ሃሳካ ኢንቲ ቡርፔ ያና ዬሌታ ኡባንካ አጎፍቲ።

39 ሄ ማጫራታ ኢንቲ ቤኢዛ ዋዴ ኡባን ታ ኦዛዘታ ሃሳኢ ኤኪዳ ፖሊቲ፤ ሂሰቲኮ ኢንቲ ኢንቲ ኦይፊን ቤኢዳይሳኔ ኢንቲ ዋዚናን ኦዋቲዳይሳ ካሊዲ ታፕ ሻኬቲኬታ።

40 ማይኦታ ጸራን ዲዛ ማጫራታ ኢንቲ ቤኢዛ ዋዴ ታ ኦዛዘታ ኡባ ፖላና ማላ ኢሰቲ ኢንቲና ቆፍሳና፤ ኢንቲካ ሙሌራ ታሰ ሃራቲዳይታ ገዴና።

41 ታኒ ኢንቲ ጎዳ፤ ኢንቲሰ ጎዳ ገዴናሰ ኢንቲና ገብጾ፤ ኬሲዳ ጸሳይ ታና ጋ ዮታ።»

16

ሙሴ ቦላ ዳንዲዳ አሳታ

1 ለዌ ዛርኬ ቃኦቲ ባጋፌ ዩጸሃሪ ና ቆሬይ፡ ኦርቤሌ ዛርኬ ኤልያቤ ናይቲ ዳታኔይኔ ኦብራሚይ ቃሴካ ፓሊቲ ና ኦናይ ሚቶ ሚቋዴ።

2 ኢሰራኤል አሳ ጋርሳን ኤፊቲዳ ዴሬዛ ካሌላናሰ ዴሬቲዳ 250 አሳታ ባንታ ቦላ ኤኪዳ ሙሴ ቦላ ዳንዲዳ።

3 ኢሰቲካ ሙሴ ሲንላኒ ኦርኮ ሲንላን ሸቋዲ ኢሰታሰ፡ «ኢንቲ ሙሊካ ዋጋ፤ ኦይታ! ሃይሲ ዴሬዚ ኡባይ ጎዳሰ ዴማቲዳ ዴሬ፤ ጎዳይካ ኢሰታራ ዴሰ፤ ሂሰቲን ኢንቲ ጎዳ ዴራ ቦላ ኦዛሰ ኢንቲና ቋቋ ቋ ሂሰቲቲ?» ገዴ።

4 ሙሴይካ ሃሳ ሲዩዳ ማላ ጉፋኒዲ ዋሲዴሰ።

5 ቆሬሲኔ ኢዛ ካሊዛይታሰ፡ «ዋንቶ ማላዶ ጎዳይ ኢዛሰ ዴማቲዳይቲ ኦናንታኮ ኢዚ ሻኪ ኦና ቤሳና፤ ሂሰካ ባሰ ገዴዛይታኔ ባ ዴሬዳይታ ባሰ ኦላና ማላ ባኮ ሸሺ ኤካና።

6 ዋንቶ ማላዶ ኔኒ ኔናራ ኢሲፌ ኦሊዛይቲ ወሪካ ኢንቲ ኢዛን ኤጸኔ ጩዋሲዛ ጸናዛ ኤኪ ዩቲ።

7 ኢሰታ ቦላ ቦንቆ ታማኔ ኤጸኔ ዋሊዲ ጌዴ ያርሾ ኢዛ ቦላ ያርሾዛሶ ሸሺቲ፤ ሃሳፌ ጉዬ ጎዳይ ኦፔ ኦና ባሰ ዴሬዳኮ ኦ ቤያና፤ ኢንቲ ለዌ ናይቲ ኬሂ ዋሪዳታ!» ገዴሰ።

8 ቃሴካ ሙሴይ ቆሬሰ፡ «ኢንቲ ለዌቲ ዋዚናን ዋሊ ሲዩቲ!

9 ኢንቲ ጌዴ ኢዛኮ ሸቋዲ ጋይቶቲላ ዳንካኔ ገዴን ኢንቲ ኢንቲ ኦሶ ፖላና ማላኔ ኢንቲ ኢሰራኤል አሳ ሲንላን ኤቋዲ ኢሰታሰ ኦላና ማላ ኢሰራኤል ጎዳይ ኢንቲና ሃንኮ ኢሰራኤል አሳ ጋርሳፌ ሻኪ ዴማሲዳይሳ ኢንቲ ጮ ሚላ ላፋ ኦይፊን ጸሊቲ!

10 ኢዚ ኢንቲናኔ ሃንኮ ለዌ ዛርኬታ ባኮ ሸሺዴሰ፤ ኢንቲ ገዴኮ ቁሴቲላ ኤካናሰ ቃቃቲታ፤

11 ሃሳ ገሻሰ ኔኒ ኔናራ ዙፔቲዛይቲ ወሪካ ጎዳ ቦላ ዳንዲዳታ፤ ኢንቲ ኦርኮ ቦላ ዙሙታናሰ ኢዚ ኦኔ?» ገዴሰ።

12 ሃሳፌ ጉዬ ሙሴይ ኤልያቤ ናይታ ዳታኔኔ ኦብራሚ ዴይገሲዴሰ፤ ኢሰቲ ገዴኮ፡ «ኦ ቦኮ!

13 ኦኒ ባዘን ሃይቃና ማላ ኔ ኦና ኤሲኔ ማሊ ኩሚዳ ቢታፌ ኬሲዳይሲ ኔሰ ጉዲን ሃኢ ቃሴ ኦ ቦላ ሃላቃ ገዴናሰ ኮያይ?

14 ኔኒ ኦና ሎኦ ካላ ኢሚዛ ጎሻ ጋዴ ኤሆንታይሲ ዋይኮ ኦታኪልቲራ ዲዛሶ ላቲሶንታይሲ ኤሬቲዳዛ፤ ሃኢ ቃሴ ኔ ኦና ባሌላናሰ ኮያሳ፤ ሃሳ ገሻሰ ሃኢ ኦ ኔኮ ቦኮ!» ገዴ።

15 ሙሴይካ ዳር ሃንቁቲዲ ጎዳሰ፡ «ሃይቲ አሳቲ ኔሰ ሸሺዛ ያርሾዛ ኔ ኤኮፋ፤ ታኒ ገዴኮ ኢሰታፌ ኢሳዴካ ቆሃቤኬ፤ ሃራይ ኦቶሺን ኢሲ ሃሪካ ኢሰታፌ ኤካቤኬ» ገዴሰ።

16 ሙሴይ ቆሬሰ፡ «ኔኒ ኔናራ ኢሲፌ ዲዛ 250 አሳይ ኦርኮይ ዲዛሶ ጋይቶቲላ ዳንካኔኮ ዩቲ።

17 ኢንቲፌ ኢሳዴይ ኢሳዴይ ኢንቲ ኢንቲ ጸና ኦይኪ ዩቲ፤ ጸናዛ ገዴን ኤጸኔ ጉጂቲ፤ 250 ጸናታራ ኢንቲ ኢንቲ ኤጸኔዛ ጎዳ ሲንላን ሸሻንዴታ፤ ኔኒ ኦርኮይካ ኢንቲ ኢንቲ ኤጸኔ ኤጸኔ ሸሺቲ» ገዴሰ።

18 ሃሳ ገሻሰ ኢሰቲ ወሪካ ኢሶይ ኢሶይ ባ ጸናን ጸናን ኤጸኔ ጉጂ ኤኪዳ ጋይቶቲላ ዳንካኔ ፔንጌን ሙሴራኔ ኦርኮይ ኢሲፌ ኤቋዴ።

19 ሃሳፌ ጉዬ ቆሬይ ኢሰታራ ኤቁቲዲ ባናራ ዙፔቲዛይታ ጋይቶቲላ ዳንካኔዛ ፔንጌ ሸሺዳ ዋዴ ጎዳ ቦንቆይ ኩሚላ ዴራሰ ቆንጩዴሰ።

20 ጎዳይካ ሙሴሲኔ ኦርኮኔ ሂዘገዴሰ፡

21 «ሃይሳ ዴራ ኦቻፌ ሃኪ ኤቁቲ፤ ታኒ ኢሰታ ኢሰቶ ኡባ ቋይሳና።»

22 ሙሴይኔ ኦርኮይ ሲንላ ጉላ ጉፋኒዲ፡ «ሸዋፖራ ዲዛ ሚቋታ ኡባሰ ጎዳ ገዴዳ ጸሶ! ኢሲ ኦሲ ኦሊዳ ናጋራ ገዴን ኔኒ ኩሚላ ዴራ ቋይሳና ጋይ?» ገዴ ጸሳኮ ዋሲዳ።

23-24 ጎዳይ ሙሴሰ፡ «ቆሬ ዳንካና፤ ዳታኔ ዳንካና፤ ኦብራሚ ዳንካና፤ ሃኪ ኤቃና ማላ ኔኒ ዴራሰ ዮታ» ገዴሰ።

25 ሃሳፌ ጉዬ ሙሴይ ኢሰራኤል አሳ ካሌሊዛይታ ካሌሊ ኤኪዳ ዳታኔኮኔ ኦብራሚኮ ቢዴሰ።

26 ዴሬዛሰካ፡ «ኢንቲ ሃይታ ማካላ አሳታ ዳንካኔታ፤ ሃኪ ኤቁቲ፤ ኢሰታ ሚሽ ገዴዳዘ ኦይካ ቦቾቲ፤ ሂሰቶንታ ኦኒኮ ኢሰታ ናጋራ ጋሶን ኢንቲ ወሪካ ኢሰታራ ኢሲፌ ፔቲቲ ቋያና» ገዴሰ።

27 ሃሳ ገሻሰ ዴሬዚ ቆሬ ዳንካኔዛ፤ ዳታኔ ዳንካኔዛ፤ ኦብራሚ ዳንካኔዛ፤ ሃኪ ኤቋዴሰ። ዳታኔይኔ ኦብራሚይካ ባ ማቼታራኔ ባ ናይታራ ባ ዳንካኔዛ፤ ካሬ ኬዚዲ ባ ፔንጌን ፔንጌን ኤቋዴ።

28 ሄ ዋዴ ሙሴይ ዴራሰ፡ «ሃይሳ ሃ ኦሶዛ ኦላናሰ ጎዳይ ታና ከቲዳይሳኔ ታኒካ ሃይሳ ኦሊዛይ ታ ሸኔን ገዴንታይሳ ኢንቲ ሃይሳን ኤራና።

29 ሃይቲ ሃ አሳቲ ኦሲ ሃይቁዛ ማላ ሃይቁዛ ገዴኮ ጎዳይ ታና ከቲቤና።

30 ገደ አቲን አሲ ሃይላን ሲዩ ኤርንታ ኦራላ ሚሽ ጎዳይ ኢሰታ ቦላ ኦሊን ኢሰቲ ሸምፖራ ፓጻ ዲሼ ዲጌ ሃይቁዳይቲ ዲዛሶ ዎቆና ማላ ቢታያ ደዩታዳ ኢሰታኔ ኢሰታሰ ዲዛዝ ኡባ ሚቲቦ ሃይቲ አሳቲ ጎዳራ ኤቁቲዳይሳ ኢንቲ ሃ ዎዴ ኤራና» ገደሰ።

31 ሙሴይ ሃሳ ዮቲዳ ማላ ዳታኔይኔ ኣብሮኔይ ኤቁ ዲዛ ቢታያ ደዩታዳ።

32 ኢሰታኔ ኢሰታ ሶ አሳ፣ ቆሬ፣ ኢዛራ ዙፔቲዛ አሳኔ ኢሰታሰ ዲዛዝ ኡባ ሚታዲሰ።

33 ሂሰቲን ኢሰቲ ሸምፖራ ፓጻ ዲሼ ባሰ ዲዛ ሚሻራ ዲጌ ዲፎን ጌሊዳ፤ ቢታያ ኢሰታ ካማዳ ዳራ ገደፌ ቆይሳዲሰ።

34 ሃ ሃራን ዲዛ ኢሰራኤሌ አሳይ ሃ አሳ ዋሶ ሲዩዲ፣ «ሃይሲ ቢታይ ኡናካ ሚቶንታ ኣጌና!» ገ ዋሲሼ ባቃቲዳሰ።

35 ቃሴካ ጎዳይ ሳሎፕ ታማ ዩዲዲ ኤጻኔ ጨዋሲዛ 250 አሳ ጸገደሰ።

36 ሃሳፌ ጉዬ ጎዳይ ሙሴሰ ሂዘገደሰ።

37 «አሮኔ ና ኤልኤዘሬይ ጸርቁማላፕ ቆጶቲዳ ጸናቲ ዲማ ገዲዳ ገሻሰ ጸጌቲዛ አሳታ ማታፕ ኢሰታ ገደን ዲዛ ቦንቆ ታማዛ ሃሆሶ ኤፊ ቆላና ማላ ኢዛሰ ዮታ፤

38 ሃ ጸናቲ ጎዳሰ ያርሾ ያርሽዛሶዛ ሸቁዳ ዎዴ ጌዩዳ፤ ሃሳ ገሻሰ ባ ናጋራ ፓሶን ሃይቁዳ አሳታ ጸና ኤካዳ ለኢሳ ቆጻ፤ ሂሰታዳ ያርሾ ያርሽዛሶዛሰ ካማ ኦላ፤ ሃይቲካ ኢሰራኤሌ አሳይ ናጌታና ማላ ኢሰታሰ ሴራ ማላታ ገዳና።»

39 ሃሳ ገሻሰ ኤልኤዘሬይ ጸናታ ኤኪዲ ያርሾ ያርሽዛሶዛሰ ካማ ገዳና ማላ ለኤን ቆጻ ኬሲዳሰ።

40 ሃሲ ሃ ሃናዚ ኦኒካ አሮኔ ዜሬል ገደንታ አሲ ጎዳሰ ኤጻኔ ጨዋሳናሰ ያርሾ ያርሽዛሶዛ ሸቆንታ ማላ ኢሰራኤሌ አሳይ ኡባይ ናጌታና ማላ ቆፍሲዛ ማላታ ገዳና፤ ሃሳሶ ገደንታ ኣጌኮ ሃሳ ማላ ኦሊዛ አሲ ኡባይካ ቆሬ ማላኔ ኢዛራ ዙፔቲዳይታ ማላ ቆጻና፤ ሃይሲ ወሪካ ካሴ ጎዳይ ሙሴ ባጋራ ኢሚዳ ኣዛዘዛ ማላ ፖሌቲዳሰ።

አሮኔይ ዳራ ቦሻፕ ኣሻዲ ኣሻ

41 ዎንቴላ ጋላሰ ኩሚላ ኢሰራኤሌ ማባራይ፣ «ጎዳ ዳራ ኢንቲ ዎቆይታ» ገዲ ሙሴ ቦላኔ አሮኔ ቦላ ጉጉሚዳሰ።

42 ዳሬይ ሙሴራኔ አሮኔራ ኤቁታናሰ ኢሲ ቦላ ሸቁቲዳ ዎዴ ጋይቶቴላ ዲንካኔዛ ሻራይ ካሚ ኦይኪን ጎዳ ቦንቶይ ኢዛን ቆንጨዳይሳ ጉዬ ሰሚ ቤኢዳሰ።

43 ሙሴይኔ አሮኔይ ዩዲ ጋይቶቴላ ዲንካናሰ ሲንላ ባጋራ ኤቁዳ።

44 ጎዳይ ሙሴሰ ሂዘገደሰ።

45 «ሃይታ ሃ አሳታፕ ፖቁ ኤቁቴ፤ ታኒ ኢሰታ ኢሲቶ ዲፕ ሂሰታ ቆይሳና!» ናምኣቲካ ዲጌ ቢታ ቦላ ጉፋኒዳ።

46 ሙሴይ አሮኔሰ፣ «ኔኒ ኔ ጸና ኤካዳ ያርሾ ያርሽዛሶዛፕ ቦንቆ ታማ ኢዛ ቦላ ጉጃ፤ ሃ ታማ ቦላ ኤጻኔ ዎላ፤ ሃሳፌ ጉዬ ኤሶን ዳራኮ ባዳ አሳ ናጋራ ወርሳ! ሂኮ ጸሳ ሃንቆይ ቆንጨዳ ገሻሰ ዳሬዛ ገደን ቦሻይ ደሚዳሰ» ገደሰ።

47 ሃሳ ገሻሰ አሮኔይ ሙሴይ ኣዛዚዳ ማላ ባ ጸና ኤኪዲ ሸቁቲ ዲዛ አሳ ገደ ኤሶን ቢዳሰ፤

ቦሻይ ዳራ ገደን ደሚዳይሳ ቤኢዲ ኤጻኔዛ ቦንቆ ታማ ቦላ ዎሊዲ አሳ ናጋራ ወርሲዳሰ።

48 አሮኔይ ፓጻ ዲዛ አሳሲኔ ሃይቁዳ አሳሰ ገደን ኤቁዳ ዳራ ቦላ ዩዛ ቦሻ ቴቁዳሰ።

49 ሃ ዎዴ ሃይቁዳ አሳ ቆዳይ ቆሬራ ኢሲፊ ጌላቴላን ሃይቁዳይቲ አቲን 14,700።

50 ቦሻዚ ኤቁን አሮኔይ ጋይቶቴላ ዲንካኔዛ ፔንጌን ዲዛ ሙሴኮ ሲሚ ቢዳሰ።

17

አሮኔ ጉሬ ፑርጫዳ

1 ጎዳይ ሙሴሰ ሂዘገደሰ።

2 «ኢሰራኤሌ አሳፕ ዛርኬፌ ዛርኬፌ ኮራፕኔይ ኢሲ ኢሲ ጉሬ ሸሽዲ ታማኔ ናምኡ ጉሬ ኢማና ማላ ኦይቻ፤ ሂሰታዳ ኢሳ ኢሳ ሱንላ ሃ ጉሬታ ቦላ ጸፋ።

3 ለዌ ዛርኬታፕ ሸቁዳ ጉሬታ ቦላ አሮኔ ሱንላ ጸፋ፤ ኢሲ ኢሲ ዛርኬ ካሌላዛዳሰ ኢሲ ጉሬይ ሸቆ።

4 ሃይታካ ጌዴ ጋይቶቴላ ዲንካኔዛን ኤፋዳ ታ ኔና ሃሳይሲዛሰን ታቦታዛፕ ሲንላ ባጋራ ዎላ።

5 ሃሳፌ ጉዬ ታኒ ዳሪዛዴ ጉሬይ ፑርጫዲ ጨሊላና፤ ሃሳን ኢሰራኤሌ አሳይ ኡባ ዎዴ ኔ ቦላ ዙዙዎንታ ማላ ታ ዲጋና።»

6 ሃሳ ገሻሰ ሙሴይ ሃሳ ኢሰራኤሌ አሳሰ ዮቲዳሰ፤ ዳሬዛ ካሊዛይቲ ኢሶይ ኢሶይ ባ ጉሬ ጉሬ ኤኪዲ ኢዛሰ ኢሚዳሰ፤ ኢሲ ዛርኬ ገሻሰ ኢሲ ኢሲ ጉሬ ገዲሺን ኡባይ ኢሲ ቦላ 12 ጉሬይ ሸቁዳሰ፤ ሃ ሸቁዳ ጉሬታ ገደን አሮኔ ጉሬይ ዳሰ።

7 ሙሴይ ጉሬታ ኡባ ኤኪዲ ጋይቶቴላ ዲንካኔዛ ገደን ጎዳ ጫቆ ቃላ ታቦታዛ ሲንላን ዎሊዳሰ።

8 ዎንቴላ ጋላሰ ሙሴይ ጌዴ ጋይቶቴላ ዲንካኔዛን ጌሊሽን ለዌ ቆዎ ሱንላን ሸቁዳ አሮኔ ጉሬዎ ጨሊሊዳር ቤኢዳሰ፤ ቃሴካ ጨዳዳ ካጸዳ ኦቾሎኔ ኣይፌ ኣይፊዳር ቤኢዳሰ።

9 ሙሴይካ ጉሬታ ኡባካ ኤኪ ኤፊዲ ኢሰራኤሌ አሳ ቤሲዳሰ፤ አሳይካ ሃሳ ኡባ ቤኢዲ ኢሲ ኢሲ ኮራፕኔቲ ባ ጉሬ ጉሬ ኤኪዳ።

10 ጎዳይ ሙሴሰ፣ «አሮኔ ጉሬዛ ዛራዳ ጫቆ ቃላ ታቦታፕ ሲንላ ባጋራ ዎላ፤ ማካሊዛ ኢሰራኤሌ አሳይ ታ ቦላ ዙዙሚዳይሳ ኣጎንታ ኢጸኮ ኢሰቲ ሃይቃናይሳ ቤሲዛ ማላታ ገዲ ኡቶ» ገደሰ።

11 ሙሴይካ ጎዳይ ኢዛ ኣዛዚዳ ማላ ኦሊዳሰ።

12 ኢሰራኤሌ አሳይ ሙሴሰ፣ «ሃይሳ ማላ ገዲኮ ኦኒ ወሪካ ወራናሰ ደሰ!

13 ጋይቶቴላ ዲንካኔዛኮ ሸቁዳ አሲ ኡባይ ሃይቁዛ ገዲኮ ኦኒካ ወሪ ሃይቃናሰ ደሰ ጉሴ?» ገደሰ።

18

ቁሴታ ኦሶኔ ለዌ ኦሶ

1 ጎዳይ አሮኔሰ፣ «ጋይቶቴላ ዲንካኔዛ ገደን ኦሶቲዛ ዎሮ ኡባ ገሻሰ ኔኒኔ ኔ ናይቲ፣ ለዌ ቆዎቲ ኣላፊቴላ ኤኪዳታ፤ ቁሴቴላ ኦሶን ፖሌቲዛ ዎሮ ገሻሰ ገዲኮ ሃሳ ኣላፊቴላ ኤካናይ ኔኒኔ ኔ ናይታ ጸላ።

2 ኔኒኔ ኔ ናይቲ ጋይቶቴላ ዲንካኔዛን ኦሊዛ ዎዴ ኢንቴና ኦሶን ማዳናሰ ለዌ ቆዎ ገዲዳ ኔ ባጋታ ኤካ።

3 ኢሰቲ ኔ ኣላፊቴላ ጋርሳን ዲሼ ጋይቶቴላ ዲንካኔዛ ኦሶ ኦሎቶ፤ ገደ አቲን ገሻሰዛን ጎኤቲዛ

ሚሻታኮ ያርሾ ያርሺዛሶ ሺቆቴቶ፤ ሄ ሸቁዛ ገዲኮ ኔኔ ኢሰቲካ ኢሲ ቦላ ሃይቃና።

4 ኢሰቲ ኡባ ዋዴ ኢንቴናራ ኢሲፌ ኦሶኔ ጋይቶቴላ ዲንካኔዛ ገዲን ኢሰታሰ ኢሚቲዳ ኦሶ ኡባ ባ አላፊቴላን ፖላናሰ ቤሴሰ፤ ገዲ ኣቲን ሌዌ ቆዋ ገደንታ ኣይ ኣሲካ ኦላናሰ ኢንቴኮ ሸቆፖ።

5 «ታ ሃንቆይ ቃሴካ ኢሰራኤል ኣሳ ቦላ ቆንጮንታ ማላ ገሻሶዛኒኔ ያርሾ ያርሺዛሶዛን ኦሴቲዛ ኦሶዛ አላፊቴላ ፖላናይቲ ኢንቴናኔ ኢንቴ ናይታ ጸላ።

6 ኢንቴ ባጋ ገዲዳ ሌዌ ዛርኬታ ኢሰራኤል ኣሳ ጋርሳፊ ኢንቴሰ ዶራዳ ኢዋታ ሂሰታ ኢሚዳይ ታና፤ ኢሰቲካ ጋይቶቴላ ዲንካኔዛ ገዲን ባሰ ኢሚቲዳ ኦሶ ኦላና ማላ ታሰ ዲማቲዳይታ።

7 ገዲ ኣቲን ያርሾ ያርሺዛሶዛኒኔ ማጋላሻፔ ጉዬ ባጋራ ኡባፊ ዲማቲዳ ገዲ ቆልኣን ኦሴቲዛ ቁሴቴላ ኦሶይ ኔሲኔ ኔ ናይታሰ ጸላ ቤሴሰ፤ ቁሴቴላ ኦሶዛካ ታ ኢንቴሰ ኢዋታ ሂሰታ ኢሚዳይ፤ ቁሴ ገደንታ ኣይ ኣሲካ ሄ ሸቁኮ ሃይቃና» ገደሰ።

ቁሴታሲኔ ሌዌታሰ ኢሚቲዛ ገሻ

8 ሃይሳፊ ጉዬ ጎዳይ ኣሮኔሰ፡ «ጸጌቶንታ ጮ ማላ ታሰ ሸቁዛ ያርሾ ኡባ ታ ኔሰ ኢሚዳይሳ ዩሻ ቆፓ፤ ሄሲካ ኔሲኔ ኔ ዛሬ ኡባሰ ገሻ ገደና ማላ ታኒ ኢሚዳይ።

9 ታሰ ዳሮ ዲማቲ ሸቁዛ ኢዋታታፔ ታማን ጸጌቶንታ ያርሾይ ኔሲኔ ኔ ናይታሰ ገሻ ገደና፤ ሄሲካ ካላ ያርሾ ኡባይ፡ ናጋራ ገሻሰ ዋይኮ ቆሆ ገሻሰ ሸቁዛ ያርሾ ኡባይ ኔሲኔ ኔ ናይታሰ ገሻ ገደ።

10 ኢንቴ ሄሳ ገሻሶዛን ዲሼ ሚቲ፤ ሄሳካ ኣቲማሳይ ኡባይ ዋ፤ ኢዚካ ኬሂ ዲማቲዳዛ።

11 «ቃሴካ ኢሰራኤል ኣሳይ ታ ሰንላን ያኔ ሃ ቃሴሌ ያርሺዛ ያርሾይ ኡባይ ኢንቴሰ ገደ፤ ሃይታንታ ታኒ ኔሰ፡ ኔ ማጫ ናይታሰ፡ ኔ ኣቲማ ናይታሲኔ ሰንላፊ ያና ዬሌታ ኡባሰ ኤቁ ዳና ማላ ኢንቴሰ ገሻ ሂሰታ ኢሚዳይ፤ ኔሶ ኣሳፔ ጌሽ ገዲዳይ ኦኒካ ማናሰ ዳንዳዬሰ።

12 «ኢሰራኤል ኣሳይ ታሰ ኢሚዛ ኦራላ ጋኪዛ ካላ ጸራፔ ዋጋራ ዛይቲ፡ ዋይኔ ኡሺኔ ካላ ቆዋ ኡባፊ ጸራ ታ ኢንቴሰ ኢሚዳይ።

13 ኢሰቲ ባ ጋዴፔ ታሰ ጎዳሰ ኢሚዛ ካላ ጸራይ ኢንቴሳ፤ ሄሳ ኢንቴሶ ኣሳን ጌሽ ገዲዳ ኣሲ ኦኒካ ማናሰ ዳንዳዬሰ።

14 «ኢሰራኤል ኣሳፔ ታሰ ኢሚቲዳ ሚሺ ኡባይ ኢንቴሳ።

15 ኢሰራኤል ኣሳይ ታሰ ሸቆዛ ሚሄፔ ዋይኮ ኣሳፔ ባይራ ገዲ ዬሌቲዳይ ኢንቴሳ፤ ገደ ኣቲን ኣሳፔ ባይራ ገዲ ዬሌቲዳይሳ ገዲኮ ኢሰታ ሚሻን ዋዛና ቤሴሰ፤ ሄሳላካ ጌሽ ገደንታ ሚሄታፔ ኮይሮ ዬሌቲዳይሳ ሚሻን ዋዛናሰ ዳንዳዬታ።

16 ኢሲ ኣገና ናይታ ዋዛናሰ ገሻሶዛን ኤሬቲዳ ሚዛኔ ሊኬን ኢቻሹ ሳቂሌ ቢራ ዋዞ ሚሽ ጨገዲ ዋዛናሰ ዳንዳዬቲሰ።

17 «ሚዛፔ ዋይኮ ደርሳፊ ዋይኮ ዳይሻፊ ባይራ ገዲ ዬሌቲዳይሳ ዋዛናፔ፤ ሄይቲ ሙሌካ ጌሽ ገዲዳ

ገሻሰ ታሰ ያርሾ ገዲ ሸቃናሰ ቤሴሰ፤ ኢሰታ ሱላ ያርሾ ያርሺዛሶዛ ቦላ ኣራጨቲ፤ * ሃንዳዛካ ታና ሎኦ ሳዋ ሳዋና ማላ ታማን ጸጌቲ።

18 ያኔ ሃ ቃሴሌ ሸቆዛ ያርሾ ገዲዳ ሸቁዛ ኣንጋሶ ማላኔ ኡሻቻ ሚሴ ማላ ኢሰታ ኣሾዚ ኔሰ ገደ።

19 ኢሰራኤል ኣሳይ ታሰ ሸቆዛ ዲማ ዲማ ኢዋታታ ዉርሳካ ታ ኢንቴሰ፤ ኢንቴ ኣቲማ ናይታሲኔ ኢንቴ ማጫ ናይታሰ ቡሮ ሰንላፊ ያና ዋይታን ኡባን ዋጋ ገዲዳ ኢንቴሰ ገሻ ገደና ማላ ታ ኢንቴሰ ኢሚዳይ፤ ሄሲካ ታኒ ኢንቴናራ ኢንቴ ዜሬላታራ ጫቁቲዛ ላሚቶንታ ማጸኔ ጫቆ † ማላ» ገደሰ።

20 ጎዳይ ኣሮኔሰ፡ «ኔኒ ኔ ዜሬላሰ ላቲሳናሰ ላታ ጋይይ ኔሰ ኢሚቲና፤ ኢሰታ ገደን ኔና ጋኪዛ ገሻይ ኣይኮይካ ዳና፤ ኔና ጋኪዛ ላታይ ታና ጸላ» ገደሰ።

21 ጎዳይ፡ «ኢሰራኤል ኣሳይ ታሰ ኤሂዛ ኣሰራታይ ዉሪ ሌዌ ዛርኬታሰ ገሻ ገደ ጋዳ ታ ኢሚዳይ፤ ሄሲካ ኢሰቲ ጋይቶቴላ ዲንካኔ ገደን ኦሌዛ ኦሶዛ ዳዋዛ ገደ።

22 ሃንኮ ኢሰራኤል ኣሳይ ገዲኮ ባ ቦላ ሃይቆ ቁጻፔ ጋላንታ ማላ ናምኣንላ ጌዴ ጋይቶቴላ ዲንካኔዛኮ ሸቃናሰ ቤሴና።

23 ሃይሳፊ ጉዬ ጋይቶቴላ ዲንካኔዛ ገደን ኣላፊቴላ ኤኪ ኦላናሰ ቤሴዛይ ሌዌ ዛርኬታ ጸላ ገደና፤ ሄን ኦሴቲዛ ሞሮሰካ ኢሰቲ ኣይሼታና፤ ሄሲካ ኢሰታሰ ና ና ጋካናሰ ላሚቶንታ ዋጋ ገደና፤ ሌዌታሰ ጸንጾይ ‡ ኢሰራኤል ዳሬን ዳና።

24 ኢሰራኤል ኣሳይ ታሰ ዲማ ያርሾ ኤሂዛ ኣሰራታ ታኒ ኢሰታሰ ገሻ ሂሰታ ኢሚዳይ፤ ሄሳ ገሻሰ ኢሰታሰ ኢሰራኤል ኣሳ ገደን ጸንጾይ ደንታ ማላ ዮታዲሰ» ገደሰ።

ሌዌታ ኣሰራታ

25 ጎዳይ ሙሴሰ ሂዝገደሰ፡

26 «ኔኒ ሌዌታሰ፡ ጎዳይ ኢንቴሰ ገሻ ሂሰቲ ኢሚዛ ኣሰራታ ኢንቴ ኢሰራኤል ኣሳ ኩሼፔ ኤኪሼ ኢንቴካ ኢንቴ ባጋራ ሄ ኢንቴ ኤኪዳይሳፊ ኣሰራታ ኬሲዲ ጎዳሰ ዲማ ያርሾ ሂሰቲ ሸቆፔ።

27 ሄሲ ሄ ዲማ ያርሾዚ ኢሲ ጎሻንቻይ ካላ ጸራ ዋይኮ ዋይኔ ኡሹ ኣሰራታ ኢሚዛ ማላ ገዲ ኢንቴሰ ቆይታና።

28 ሄሳ ማላን ኢንቴካ ኢሰራኤል ኣሳፔ ኤኪዛ ኣሰራታ ኡባፊ ጎዳሰ ዲማ ያርሾ ሂሰቲ ሸቆፔ፤ ኢንቴ ጎዳሰ ሸቆዛ ያርሾዛ ቁሴ ኣሮኔሰ ኢሚቲ።

29 ኢንቴ ሃ ኤኪዛ ሚሽ ኡባፊ ደሬቲዳይሳኔ ሎኦ ገዲዳይሳ ጎዳሰ ገሻ ሂሰቲ ኢሚቲ።

30 « ጎሻንቻይ ካላ ኣይፊፔኔ ዋይኔ ኡሻፊ ደሬቲዳይሳ ታሰ ኢሚዳ ኣቲዳይሳ ባሰ ኤኪዛ ማላ ኢንቴካ ደሬቲዳይሳ ታሰ ኢሚዳ ኣቲዳይሳ ኢንቴሰ ኤኪፔ።

31 ሄሲካ ኢንቴ ጋይቶቴላ ዲንካኔ ገደን ኦሌዛ ኦሶዛሰ ዋጋ ገዲዳ ገሻሰ ኣቲዳይሳ ኢንቴ ኢንቴሶ ኣሳራ ኣዋንካ ዲዲ ማናሰ ዳንዳዬታ።

32 ደሬቲዳዝ ኢንቴ ጎዳሰ ሸቆዳፔ ጉዬ ኣቲዳይሳ ኢንቴ ሚኮ ኢንቴሰ ናጋራ ገደና፤ ገደ ኣቲን

18:14 ሌዌ 27:28 * 18:17 ኣራጨቲ፡ ኣራጨቲ ገዛይሳ ኢሲ ኢሲ ባጋ ጋዋላ ቃላን ፒሰቶ ጌቲቲሰ። † 18:19 ማጸኔ ጫቆ፡ ማጸኔ ጫቆ ኢሰራኤል ቢታን ዲዛ ላሚቶንታ ጫቆታፔ ኢሳ ገዲሺን ኑ ቃላን ሱላ ጫቆ ገዛይሳ ማላ ዋይኮ ሚርናሰ ላሚቶንታ ጫቆ ማላ። 18:21 ሌዌ 27:30-33፤ ዛሬ 14:22-29 ‡ 18:23 ጸንጾ፡ ጸንጾ ጉሲ ቡዞ ጋዴ ጉሳ።

ደሬቲዳይሳ ኢዛፔ ሻኮንታ ሚዲ ዲማ ገዲዳ ኢሰራኤል አሳ አዎታ ቱኒሶንታ ማላ ናጌቲቲ፤ ቱኒሶዛ ገዲኮ ኢንቲ ሃይቃና ጋ» ገደሰ።

19

ጌሾ ሃሌ

- 1 ጎዳይ ሙሴሲኔ ኣርኔስ ሂዘገደሰ።
- 2 «ሃይሲ ታ ኣዛዚዳይሲ ዋጋስ ዲዛ ማራ፤ ኢሰራኤል አሳይ ኢዚ ሞርጌ ቦላ ቃምባራይ ዋጂ ኤርንታ ቦሬይ ባይንዳ ኢሲ ዘኦ ሚዛ ኡስ ኢሰራኤል አሳይ ኤሃና ማላ አሳሰ ዮታ።
- 3 ሄ ኡሳዮ ቁሴ ኤልኤዜሬስ አሚቲ፤ ሄ ኡሳዮ አሲ ዲዛሶፔ ጌዴ ካሬ ኬሲኮ ሂን ኢዛ ሲንሳን ሹኬቲ።
- 4 ቁሴ ኤልኤዜሬይ ኢዚ ሱላሬ ጉላራ ኤኪዲ ባ ቢራዴ ጸራን ላፑንቶ ጌዴ ጋይቶቲላ ዲንካኔዛስ ሲንሳ ባጋራ ፒሰቶ።
- 5 ሄ ኡሳይ ጋልባይ፣ አሾይ፣ ሱሊኔ ቃንላ አሾይ ወሪ ቁሴዛ ሲንሳን ጸጌቶ።
- 6 ቁሴዚ ለባናሴ ዚጋ፣ ሂሶጳኔ ዘኦ ቃጩና ኤኪዲ ኡሳያ ጸጌቲዛ ታማዛን ዩጎ።
- 7 ሃሳሬ ጉዬ ባ ማይኦ ሜጮ፤ ባ ቦላካ ሃሌን ሜጮቲዲ ካሴ ባ ዲዛሶ ሲሞ፤ ገደ አቲን ኦማርስ ጋካናስ ዋጋይ ገዛ ማላ ቱና ገዲ ጋምኦ።
- 8 ሄ ኡሳዮ ጸጌዳዳይካ ባ ማይኦ ሜጮ፤ ባ ቦላካ ሃላን ሜጮቶ፤ ኢዚካ ኦማርስ ጋካናስ ቱና ገዲ ጋምኦ።
- 9 «ሃሳሬ ጉዬ ጌሾ ገዲዳ ሃራ አሲ ሄ ቢዲንሳ ሺሺ ኤፊዲ አሳይ ዲዛሶፔ ጌዴ ኬሲዲ ጌሻሶሆን ዋጃ፤ ሃንካ ኢሰራኤል አሳይ ሜጮቲዲ ጌያናስ ጎኢዛ ሃላ ገሊሳናሳ፤ ሃይሲ ዋጋዚ ኦሴቲዛይ አሳ ናጋራ ወርሳናሳ።
- 10 ቢዲንሳ ሺሺዳይይ ባ ማይኦ ሜጮ፤ ገደ አቲን ኢዚ ኦማርሳ ዋዴ ጋካናስ ቱና ገዲ ጋምኦ፤ ሃይሲ ዋጋዚ ኢሰራኤል አሳሲኔ ቤቲ ዩዲ ኢሰታ ገደን ዲዛ አሳሰ ቡርፔ ያና ዩሌታ ኡባስ ላሜቶንታ ዋጋ ገደና።

አሃ ቦሾ ገሻሰ

- 11 «ሃይቁዳ አሳ አሃ ቦሾዳ አሲ ላፑን ጋላስ ጋካናስ ቱና ገዲ ጋምኦ።
- 12 ሃሻንላ ጋላሲኔ ላፑንላ ጋላሳን ጌያናስ ገጌቲ ዲዛ ሃላን ባና ጌሾ፤ ሃሳሬ ጉዬ ኢዚ ጌሾ ገደና፤ ሃሻንላ ጋላሲኔ ላፑንላ ጋላስ ባና ጌሾንታ ኣገኮ ኢዚ ጌያናስ ዳንዳዬና።
- 13 ጌሻናስ ዲዛ ሃሌ ኢዛ ቦላ ጉኮንታ ኣገዳ ገሻሰ አሃ ቦሾዲ ባና ጌሾንታ አሲ ቱኒዳ ማላ ጋምኦ፤ ሃሳ ማላ አሲ ጋይቶቲላ ዲንካኔዛ ቱኒሴሰ፤ ሃሳ ገሻሰ ኢዚ ኢሰራኤል አሳ ገደሬ ሻኬቲ ኪቾ።
- 14 «አሳዳይ ጋይቶቲላ ዲንካኔዛ ገደን ሃይቁኮ ፖሌታና ዋጋይ ሃይሳ። ኢዚ ሃይቁዳ ዋዴ ሄ ዋዴ ሃን ጋይቶቲላ ዲንካኔዛ ገደን ዲዛይይ ዋይኮ ሄ ጌዴ ጋይቶቲላ ዲንካኔዛን ጌሊዛይይ ላፑን ጋላስ ጋካናስ ቱና ገዲ ጋምኦ።
- 15 ሄ ጋይቶቲላ ዲንካኔዛ ገደን ቱቺ ባይንዳ ዲዛ ኦቶይ ወሪካ ጸርይካ ቱና ገደ።
- 16 አሲ ዋጂዳ አሳ አሃ ገዲን ዋይኮ ሃርጊ ሃይቁዳ አሳ አሃ ገዲን ካሬን ኩንዲ ዲዛ አሃ ቦሾዳይይ ዋይኮ አሳ ሜቁላ ቦሾዳይይ ላፑን ጋላስ ጋካናስ ቱና ገደ።

17 «ቱኒዳ አሰ ናጋራፔ ጌሻናስ ጸጌቲዛ ኡሳይ ቢዲንሳሬ ጉላራ ኦቶን ዩጌቶ፤ ጸሊ ኡቲዳ ፑልቶ ሃሌ ኢዛ ቦላ ጉጃቶ።

- 18 ካሊዲ ጌሾ ገዲዳ ሃራ አሲ ሂሶጳ ሚላ ሃጋ ኤኪዲ ሃላን ጌልላ ጌልላ ኬሲዲ ጋይቶቲላ ዲንካኔዛ ቦላ፣ ኢዛ ገደን ዲዛ ሚሻታ ቦላኔ አሳ ቦላ አራጮ፤ ሃሳሬ ጉዬ አሳ ሜቁላ ዋይኮ አሃ ዲፎ ቦሾዳይ ቦላ ሃሌ አራጮ።
- 19 ሃሻንላ ጋላሲኔ ላፑንላ ጋላስ ጌዩዳይይ ሃንኮ ጌዮንታይ ቦላ ሃሌ አራጮ፤ ላፑንላ ጋላስ ኢዛ ጌሾ፤ ሄ ጌይዛይይካ ባ ማይኦ ሜጮዳፔኔ ባ ቦላ ሜጮቲዳፔ ጉዬ ኣርሼይ ወሊሺን ኢዛይይ ጌሾ ገደና።
- 20 «ቱኒዳይይኔ ባና ጌሾንታይይ ጌሾ ሃላ ባ ቦላ ጉሶንታ ኣገዳ ገሻሰ ኢዚ ቱኒዳ ማላ ጋምኦ፤ ሃሳ ማላ አሲ ጌሻሶዛ ቱኒሶዛ ገሻሰ ማባራ ገደሬ ሻኬቲ ኪቾ።
- 21 ሃይሳ ሃ ዋጋ ቡርፔ ያና ዩሌታስ ኢንቲ ናጋናስ ቤሴሰ፤ ጌሾስ ጎኢዛ ሃላ ባ ቦላ ኣራጪዛ አሲ ባ ማይኦዛካ ሜጮናስ ቤሴሰ፤ ሄ ሃላ ቦሾዳይይ ኦማርስ ጋካናስ ቱና ገዲ ጋምኦ።
- 22 ጌዮንታ አሲ ቦሾዳ ሚሻ ኡባይ ቱና ገደ፤ ሄ ቱና ሚሻ ቦሾዳ አሲካ ኦማርስ ጋካናስ ቱና ገደ።»

20

ዛላሬ ፑልቲዳ ሃላ (ኬሳ 17:1-7)

- 1 ኮይር ኣገናን ኢሰራኤል አሳይ ኩሜላ ጸኔ ባዘን ቃዴሴ ጌቲቲዛሶን ዲንካኒ ኡቲዳሰ፤ ማራማ ሃይቁን ሃን ሞገዳ።
- 2 አሳይ ዲንካኒ ኡቲዳሶሆን ሃሌ ባይንዳ ገሻሰ ሙሴ ቦላኔ ኣርኔ ቦላ ዳንዲዳሰ።
- 3 ዴሬዚ፣ «ኑኒ ካሴ ጋይቶቲላ ዲንካኒ ሲንሳን ሃይቁዳ ኢሰራኤል አሳ ማላ ኢሰታላ ኑኒካ ሃይቁዳኮ ኑስ ሎኦ ገደናሺን፤
- 4 ኢንቲ ጎዳ ማባራ ሃይሳ ሃ ባዘ ቢታ ኤሂዳይ ኑኒኔ ኦ ሜሃይ ሃይሳን ወራና ማላ ኦላናሴ?
- 5 ኢንቲ ኑና ገብጸፔ ኬሲዲ ሃይሳ ኣይኮይ ሞኮንታ ኢታ ባዘ ኑና ኣዛስ ኤሂዳይቲ? ሃይሳን ካሌ፣ ባላሴይ፣ ዋይኔ ኣይፊይኔ ኦርማኔይ ደና፤ ሃራይ ኣቶሺን ጋንጺ ኤኪዛ ሃሌካ ዴና!» ገዲ ሙሴራ ኦቶቲዳ።
- 6 ሙሴይኔ ኣርኔይ አሳፔ ሻኬቲዲ ጌዴ ጋይቶቲላ ዲንካኒ ፔንጌ ቢዳ፤ ኢሰቲ ዲጌ ቢታን ጉፋኒ ዲሺን ጎዳ ቦንቾይ ኢሰታስ ቆንጨዳሰ።
- 7 ጎዳይ ሙሴሰ ሂዘገደሰ።
- 8 «ጫቆ ቃላ ታቦታ ሲንሳን ዲዛ ጉሬዛ ኤኪዳ ኔኒኔ ኣርኔይ ኩሜላ ማባራ ኢሲ ቦላ ሺሺቲ፤ ኔኒ ሃን ኩሜላ ዴራ ሲንሳን ዲዛ ዛላዚ ሃሌ ኣማና ማላ ዮታ፤ ኔኒ ሃሳዳ ኦላዳ ዛላዚ ኢሰታስ ሃሌ ኬሳ፤ ሂሶቲኮ ኢሰቲኔ ኢሰታ ሜሃይ ሃላ ኡዩዲ ኣላና።»
- 9 ሙሴይ ጎዳይ ኢዛ ኣዛዚዳ ማላ ቢዲ ጋይቶቲላ ዲንካኔዛፔ ባ ጉሬዛ ኤኪ ዩዳሰ።
- 10 ኢዚኔ ኣርኔይ ኩሜላ ማባራ ዛላዚ ሲንሳን ሺሺዳፔ ጉዬ ሙሴይ ዴሬዚ፣ «ኢንቲሮ ማካላንቻቶ! ሃይሳ ሃ ዛላዚ ኦ ኢንቲሰ ሃሌ ኬሳኔ!» ገደሰ።

11 ሃሳፌ ጉዬ ሙሴይ ባ ጉፊዛን ዛላዛ ናምእ ዛሪ ሾጩዳሰ፤ ዋልቃማ ሃላ ዛላፌ ፕልቲዳሰ፤ ዳሪዘኔ ማሄይ ሃላ ኡዩዳሰ።
 12 ጊዶ ኣቲን ጎዳይ ሙሴ ቦላኔ ኣርኔ ቦላ፡ «ኣንቲ ኢሰራኤል ኣሳ ሲንጎን ታ ዲማቲላ ማላ ታና ቦንቻናሰ ኣማኔቲቤኬታ፤ ሃሳ ጊሻሰ ታ ኢንቴና ላቲሳና ጋ ጫቂዳ ዳሪዘ ሃይሳ ዳራ ካሌላዲ ጌሌኬታ» ጊ ሃንቁቲዳሰ።
 13 ኢሰራኤል ኣሳይ ጎዳራ ኦዩቲዳሶይኔ ኢዚ ባ ዲማቲላ ቆንጩሲዳሶይ ማሪባ ጌቲቲዳ ጊሻሰ ሃላይካ ማሪባ ሃላ ጌቲቲ ሱሚዳሰ።

ኤዶሜ ኣሳኔ ኢሰራኤል ኣሳ

14 ሙሴይ ኤዶሜ ካዋሰ ከታ ጋላና ማላ ቃሰታኔ ኣሰ ቃዴሴፕ ዩዲዳሰ፤ «ኔ ኢሻ ኢሰራኤሌይ፡ ነ፡ ቦላ ጋኪዳ ማቶዛ ኡባ ኔኒ ሲያዳሳ፤
 15 ቤኒ ኑ ኣዋቲ ዋኒ ዲጌ ጊብጾ ዋዲዳኮኔ ኑኒካ ጊብጾን ዳር ላይላታ ዋኒ ዋኒ ዲዳኮ ኔ ኤራሳ፤ ጊብጾ ኣሳይ ካሴ ኑ ኣዋታ ጊዲን ኑናካ ዳር ዋዩሲዳሰ።
 16 ኑኒካ ኢዚ ኑና ማዳና ማላ ጎዳኮ ዋሲዳሰ፤ ኢዚካ ኑ ዋሶዛ ሲዩዲ ጊብጾፕ ኑና ኬሳናሰ ባ ከታንቻ ኑሰ ከቲዳሰ፤ ሄኮ ኑኒ ሃኢ ኔሰ ቆሳን ዲዛ ቃዴሴን ደሰ።

17 ሃሳ ጊሻሰ ኑኒ ኔ ቢታራ ኣዲ ባና ማላ ኑሰ ኤር ጋርኪ! ኑና ጊዲን ኑ ማሄይካ ኦጌፕ ካሪ ኬዘኮ፤ ካሳ ጊዶ ጊዲን ዋይኮ ዋይኔ ማላ ጊዶ ኑ ጌሎኮ፤ ኔ ሃላ ኦላፊካ ኡዮኮ፤ ኔ ዳሪፕ ኣቆና ጋካናሰ ኦጌፕ ካሪ ኬዘኮ» ጌሰ ጊ ከቲዳሰ።

18 ኤዶሜ ኣሳይ ጊዲኮ፡ «ኣንቲ ኑ ዳሪራ ኣዲ ባና ማላ ኮዮኮ፤ ኣንቲ ኑ ዳሪ ጌላናሰ ፓጩኮ ኑ ኣንቲ ቦላ ዋራጃና» ጊዳ።

19 ኢሰራኤል ኣሳይካ፡ «ኑኒ ዋና ኦጌዛፕ ኬዘኮ፤ ኑና ጊዲን ዋይኮ ኑ ማሄይ ኣንቲ ሃላፊ ኡዩኮ ኑ ኣንቲሰ ኢዛ ዋጋ ቃንጻና፤ ኑ ዋና ኮይዛይ ኣንቲ ዳሪዘራ ኣዲ ባናሳ» ጊዲ ኢሰታሰ ማልሌ ኢሚዳ።

20 ኤዶሜ ኣሳይ ጊዲኮ፡ «ሄሲ ሃኔና! ኑ ኣንቲና ኣላ ዩደኮ!» ጊዲ ሚኖ ኦላንቻታ ኤኪዲ ኢሰራኤል ኣሳ ኦላናሰ ኬዚዳ።

21 ኤዶሜ ዳሪ ኣሳይ ባ ቢታራ ኣላ ዩደንታይሳ ኤራዲ ኢሰራኤል ኣሳይ ባ ቢዛ ኦጌዛ ላሚዲ ሃራሶራ ቢዳሰ።

ኣርኔ ሃይቆ

22 ኩሜላ ኢሰራኤል ማባራይ ቃዴሴፕ ዳንዲ ሆሪ ዙማኮ ጋኪዳሰ።

23 ሄ ዙማዚ ኤዶሜ ቆሳን ዳሰ፤ ጎዳይ ሄን ሙሴሴኔ ኣርኔሰ።

24 «ታኒ ኢሰራኤል ኣሳሰ ኢማና ጋዳ ካሴ ጫቂዳ ዳሪዮ ኣርኔይ ጌሌና፤ ኣንቲ ወሪካ ማሪባ ሃላ ኣቻን ታ ኣዛዘዛ ቦላ ማካሊዳ ጊሻሰ ኣርኔይ ሃይቃና።

25 ኣርኔኔ ኢዛ ናዛ ኤልኤዜሬ ኔናራ ኤካዳ ፑዴ ሆሪ ዙማ ቦላ ኬዛ።

26 ኣርኔይ ቁሴቲላሰ ማይኢዳ ማይኦዛ ቃራ ኤካዳ ኤልኤዜሬ ማይዚ፤ ኣርኔይ ሄን ሃይቃና» ጊዳሰ።

27 ሙሴይካ ጎዳይ ኢዛሰ ጊዳይሳ ኡባካ ኦላዳሰ፤ ኩሜላ ማባራይ ኢሰታ ጸሊሺን ኢሰቲ ፑዴ ሆሪ ዙማ ቦላ ኬዚዳ።

28 ሙሴይካ ኣርኔ ቁሴቲላ ማይኦዛ ቃራ ኤኪዲ ኤልኤዜሬ ማይዚዳሰ፤ ኣርኔይ ሄን ዙማ ሆኤን ሃይቁዳሰ፤ ሙሴይኔ ኤልኤዜሬይ ዙማ ቦላፊ ዳጌ ሲሚ ዋዲዳ።

29 ኣርኔይ ሃይቁዳይሳ ኩሜላ ዳሪዘ ሲዩዲ 30 ጋላሰ ጋካናሰ ኢዛሰ ሚሼቲዲ ዩኪዳሰ።

21

ካናኔ ኣሳ ጸኔቲላ

1 ኢዛሰ ዲሳሶይ ኔጌቤ ጊዲዳ ካናኔ ዳሪ ካዋ ኣራዳይ ኢሰራኤል ኣሳይ ኣታራሚ ባጋራ ዩዛይሳ ሲዩዲ ኢሰታ ቦላ ኦላ ዳንላዲ ኢሰታፊ ኣማርዳይታ ዲኢዳሰ።

2 ሄ ዋዴ ኢሰራኤል ኣሳይ፡ «ኑኒ ሃይሳ ዳሪዘ ጸናና ማላ ኔ ኑና ማዲኮ ኢሰታ ጊዲን ዋይኮ ኢሰታ ካታማታ ናምኣንሳ ዳንደንታ ማላ ኦላዲ ኑ ኢሰታ ሙሌራ ዲፕ ሂሰታና» ጊዲ ጎዳሰ ኣዲኒዳ።

3 ጎዳይ ኢሰታ ዋሳ ሲዩዲ ማዲዳ ጊሻሰ ኢሰቲ ካናኔ ኣሳ ጸኔ ኦይኪዳ፤ ሃሳ ጊሻሰ ኢሰራኤል ኣሳይ ኢሰታኔ ኢሰታ ካታማ ሙሌራ ዲፕ ሂሰቲ ቆይሲዳ፤ ኢሰቲ ወሪ ወሪዳይሳ ኤራናሰ ሃሳ ሄ ጋዴዛ፡ «ሆርማ» ጊ ሱንላዲ።*

ጸርቁማላፕ ኦሴቲዳ ሾሽ

4 ኢሰራኤል ኣሳይ ኤዶሜ ዳሪ ዩዩ ኣዲዲ ባናሰ ቆፒዳ ሆሪ ዙማፕ ዳንዲዲ ጌዴ ዘኦ ኣባኮ ኤፊዛ ኦጌዛራ ቢዳ፤ ጊዶ ኣቲን ኢሰቲ ቡር ኦጌን ዲሺን ዳሪዘፕ ዳንዳይ ወሪዳሰ።

5 ጎዳ ቦላኔ ሙሴ ቦላ ኢታ ቃላ ኬሲዲ፡ «ሃላኔ ካላ ባይንዳሶ ሃይሳ ባዘ ቢታን ኑ ሃይቃና ማላ ኑና ጊብጾፕ ኣይሰ ኬሲዳቲ? ሃይሲ ሃ ኢታ ካላይ ኑና ሳሌላዳሰ» ጊዳ።

6 ሃሳፊ ጉዬ ጎዳይ ኢታ ማርዜራ ዲዛ ሾሽ ዳሪዘ ጊዶ ዩዲዳሰ፤ ሄ ሾሻይ ዳኪን ኢሰራኤል ኣሳፕ ዳርይ ሃይቁዳሰ።

7 ዳሪዘካ ሙሴኮ ቢዲ፡ «ጎዳ ቦላኔ ኔ ቦላ ኑ ኢታ ቃላ ሃሳይዳ ጊሻሰ ኑኒ ቆሃዳሰ፤ ሃኢካ ሃይቲ ዳኪዛ ሾሻቲ ኑፕ ከቻና ማላ ኔኒ ኑሰ ጎዳ ዋሳርኪ!» ጊዳ፤ ሙሴይካ ዳሪሰ ሆሲዳሰ።

8 ሄ ዋዴ ጎዳይ ሙሴሰ፡ «ኔኒ ጸርቁማላ ሾሽ ቆጶ ኬሳዳ ቲሳ ማላ ኣዳሳ ሚላ ቦላ ካቃ፤ ሾሽ ዳኪዳ ኣሲ ወሪካ ሃሳ ቤኢዲ ኣታና» ጊዳሰ።

9 ሙሴይካ ጸርቁማላፕ ሾሽ ሚዲዲ ቲሳ ማላ ኣዳሳ ሚላ ቦላ ቃጲዳሰ፤ ሾሽ ሳጲዳ ኣሲ ኡባይ ሄ ጸርቁማላ ሾሻ ቆቁ ጊ ጸሊዳይ ጸሊዳይ ፓጲዳሰ።

ኡሪፕ ዳንዲዲ ሞኣቤ ቡሰ

10 ኢሰራኤል ኣሳይ ባ ዲዛሶፕ ዳንዲ ቢዲ ኦቦፕ ዳንካኒ ኡቲዳሰ።

11 ሄፕ ዳንዲዲ ሞኣቤፕ ኣርሼይ ሞኪዛ ባጋራ ዲዛ ኢዩ-ኣባሪማ ባዘን ዳንካኒ ኡቲዳሰ።

12 ሄፕ ዳንዲ ቢዲ ዛራዳ ሾሻን ኡቲዳሰ።

13 ሄፕካ ዳንዲ ቢዲ ኣሞሪታ ዳሪራ ካንላ ቢዛ ባዘ ኣርኖኔ ሻፋፕ ሄ ፒንጎን ዲዛ ቢታን ዳንካኒ ኡቲዳ፤ ኣርኖኔ ሻፋዚ ሞኣቤ ዳሪሰኔ ኣሞሪ ዳሪዛሰ ጊዶ ቆሳን ዳሰ።

20:28 ኬሳ 29:29፤ ታይ 33:38፤ ዛሪ 10:6 21:1 ታይ 33:40 * 21:3 ሆርማ ጉሲ ኢብራዌታ ቃላራ፡ «ጎሚ ዋይኮ ቃንጌላ ዋይኮ ቲና ሚሽ» ጉሳ። 21:4 ዛሪ 2:1 21:6 1ቆር 10:9 21:9 2ካዎ 18:4፤ ዮሃ 3:14

14 ሃሳ ጋሶን ጎዳይ ካሌሊን ኦሌቲዳ ኦላ ገሻሰ የተዘ ታሪኬ ማጻፋዛን፣ «ሱፋ ሄራኒኔ ሾባታን ዲዛ ሞሃቤ ካታማን እርኖኔን ሃሊ ባይንዳ ሻፋን፣

15 ቢዲ ኤሪ ካታማኔ ሞኦቤ ጳሰ ጋካናሰ ካንሉ ቢዛ ዘዘታ» ጌቲቲዳሰ።

16 ሃፕ ዳንዲዲ ቢኤሪ ቢዳ፤ ሄሲካ ጎዳይ ሙሴሰ፣ «ዳራ ኢሲ ቦላ ሸሻ፤ ታኒ ኢሰታሰ ሃላ እማና» ገዲ የተዳ ሃላ ኦላ።

17 ሄ ዎዴ ኢሰራኤሌ አሳይ ሃይሳ፣ «ሃይሶ ፑልቶዘ ፑልታ፤

አንቲካ ኢዛሰ ዩጺቲ።

18 ካዎቲ ባ ካዎቲላ

ጉፊን ቦኪዳ፤

ዳናቲ ባ ጉፊን ዘቀሲዳ፤

ሃላ ኦላሰ ዩጺቲ» ገዲ።

ሄ ባዘዛፔ ዳንዲዲ ጌዴ ማታኔ ቢዳ።

19 ማታኔፔካ ጌዴ ናሃልኤሌራ ካንሉዲ ጌዴ ባሞቲ ቢዳ።

20 ባሞቲፔ ዳንዲዲ አሞኔ ዴሬን ዲዛ ሾባ ቢዳ፤ ሄ ሾባይካ ፒዝጋ ዙማፔ ዳንኤ ባጋራ ባዘዛ ገናን ዴሰ።

ካዎ ሲሆኔ ጸኔቲላ

(ዛሬ 2:26—3:11)

21 ሃሳፊ ጉዬ ኢሰራኤሌ አሳይ አሞሪ ዴሬ ካዎ ሲሆኔሰ ቃሰታኔ ዩዲዲ፤

22 «ኑኒ ኔ ቢታራ አጂ ባና ማላ ኑና አላ ዩዳርኪ! ኑኒኔ ኑ ማሃይ ኦጌፔ ካሬ ኬዘጉ፤ ጌዴ ኔ ካላ ገዶ ገዲን ዎይኮ ነ ዎይኔ ማላ ጋርሰ ኑ ጌሎኮ፤ ኔ ሃላ ኦላፊ ኦኪ ኡዮኮ፤ ኑኒ ኔ ዴሬራ አጂ ባና ጋካናሰ ኦጌፔ ሸርኢ ጎሮ» ገዴሰ።

23 ሲሆኔይ ገዲኮ ኢሰራኤሌ አሳይ ኢዛ ቢታራ አጂ ባና ማላ ኮዩቤና፤ ሃራፔካ ኢዚ ባሰ ዲዛ ኦላ አሳ ሸሸ ኤኪዲ ያሃጼ ባዘ ዎዲዳሰ፤ ኢሰራኤሌ አሳራካ ኦላ ኦይኬቲዳሰ።

24 ኢሰራኤሌ አሳይ ገዲኮ ኢሰታ ጸኒዳሰ፤ እርኖኔ ሻፋፔ ደሚዲ አሞኔ ዴሬ ጳሰ ገዲዳ ያቦቁ ሻፋ ጋካናሰ ዲዛሰዛ ኦይኪዳ፤ ገዶ አቲን አሞኔ አሳይ ባ ዛዎ ሚኒ ናጊዛ ገሻሰ ሄ ጌሊቤቴና።

25 ኢሰራኤሌ አሳይ ሂሰቲዲ አሞሪ ዴሬ ቢታን ዲዛ ካታማታ ሃሴቦኔ ሄ ሄራን ዲዛ ጉላ ካታማታካ ኦይኪዲ ዳንካኒ ኡቲዳ።

26 ሃሴቦኔይ አሞሪታ ካዎ ሲሆኔይ ካዎቲዳ ካታማ፤ ኢዚካ ካሴ ሞኦቤን ካዎቲዳ ካዎዛራ ኦሌቲዳ እርኖኔ ሻፋ ጋካናሰ ዲዛ ቢታ ኡባ ኢሰታፊ ዎሊ ኤኪዳሰ።

27 ገንጾ ገግሲዲ ዩጺዛይቲ ሃሳ ገሻሰ ዩጺሾ «ሃሴቦኔኮ ሃ ዩቲ!

ሃና ካታማያ ገሞቤቲ!

ሲሆኔ ካታማያ

ኦሶ ደሜቲ።

28 ሃሴቦኔፔ ታማይ ኬዚዳሰ፤

ላጮይካ ሲሆኔ

ካታማፔ ኬዚዳሰ፤

ሞኦቤ ዴሬን

ኤሪ ጌቲቲዛሰዛ ጳይሲዳሰ፤

እርኖኔ ቦላ ጌዜ ቢታን ዲዛ

ሃላቃታካ ዲፒ ሂሰቲዳሰ።

29 ሃኔ ሞኦቤ ኔሰ አዬ አና!

አንቲኖ ካሞሾሰ

ጎይኒዛይቶ!

አንቲ ዲፒ ገ ጳያና፤

አንቲ አቲማ

ናይታ ቤቲሰ፤

አንቲ ማጫ ናይታካ

ዲኤቲላሰ አሞሪ ካዎ

ሲሆኔሰ አሉ እሚዳሰ።

30 ሃሳ ገሻሰ ኢሰታ ዜሬላይ

ሙሊራ ጳይዳሰ፤

ሃሴቦኔፔ ቢዲ

ዲቦኔ ጋካናሰ

ኖፋፔ ቢዲ

ሚዳባ ጋካናሰ ዲዛ

ኡባ ፒሰኪ

ሂሰቲ ላሊዳሰ» ገዲ።

31 ሃሳ ገሻሰ ኢሰራኤሌ አሳይ አሞሪ ዴሬን ዳንካኒ ኡቲዳሰ።

32 ሙሴይካ ኢያዜሪ ቢዲ ጸሞሳና አሰ ዩዲዳሰ፤ ኢሰራኤሌ አሳይካ ሄ ካታማዮኔ ኢዚ ሄራን ዲዛ ቁሪ ካታማታ ኦሊ ኦይኪዳ፤ ካሴ ሃን ዲዛ አሞሪ አሳታ ጎዲዳ።

ካዎ አጌ ጸኔቲላ

33 ሃሳፊ ጉዬ ኢሰራኤሌ አሳይ ጉዬ ሲሚዲ ጌዴ ባሳኔ ኤፊዛ ኦጌዛራ ቢዳ፤ ባሳኔ ካዎ አጌይ ኤዲራኤን ኢሰታራ ኦላ ኦይኬታናሰ ባ ኦላንቻታ ኡባ ኤኪ ኬዚዳሰ።

34 ጎዳይ ሙሴሰ፣ «ሃይሳ አዳዘሰ ባቦፋ! ኢዛ አሳኔ ኢዛ ዴሬዛ ታ ኔሰ አላ እማና፤ ካሴ ሃሴቦኔን ዳኢሾ አሞሪታ ሃሪዛ ካዎ ሲሆኔ ቦላ ኔ ኦላይሳላ ሃይሳ ቦላካ ኦላ» ገዴሰ።

35 ሃሳ ገሻሰ ኢሰራኤሌ አሳይ አጌ፣ ኢዛ ናይታኔ ኢዛ ዴራ ኡባ ዲፒ ሂሰቲዲ ቢታ ባሰ ኤኪዳሰ።

22

ባላቁኔ ባላሜ

1 ሃሳፊ ጉዬ ኢሰራኤሌ አሳይ ዳንዲዲ ኢያርኮ ገናራ ዮርዳኖሴ ሻፋፔ እርሼይ ሞኪዛ ባጋራ ዲዛ ሞኦቤ ዳሞባን ዳንካኒ ኡቲዳሰ።

2 ኢሰራኤሌ አሳይ አሞሪታ ቦላ ኦላዳይሳ ኡባ ጸፖራ ና ባላቁይ ሲዩዳሰ።

3 ኢሰራኤሌ አሳይ ኬሂ ዳር ገዲዳ ገሻሰ ሞኦቤ አሳይ ኬሂፔ ባቢዳሰ።

4 ሞኦቤቲ ሚዲያሜ ጨማታሰ፣ «ቦራይ ማታ ሚ ጳይሲዛ ማላ ሃ ማቲ አሳይ ኑ ዩሾን ዲዛ ኡባ ዲፒ ሂሰቲ ጳይሳና» ገዲ።

ሄ ዎዴ ሞኦቤ ካዎ ጸፖራ ና ባላቁይ፣

5 አማዎ ቢታን ኤፊራጸሴ ሻፋ ማታን ፓቶሪ ካታማን ዲዛ ቢኦሪ ና ባላሚኮ ቃሰታኔ ኪቲዲ፣ «ቤያ! ገብጾ ቢታፊ ኬዚዳ ኢሲ ዴሬይ ቢታ ማይኢዳሰ፤ ሄ ዴሬዚ ኑ ማታን ዳንካኒ ኡቲዳሰ።

6 ኢሰቲ ኑፔ ኬሂ ዎልቃማ ገዲዳ ገሻሰ ዎዜ ኔና ሁ! ሃ ያዳ ታሰ ኢሰታ ቃንጋርኪ! ኔ ቃንጊዛ ገዲኮ ታ ኢሰታ ጸናዳ ቢታፊ ኬሳናኮ ኔኔ ኤሪዛይ? አይሰ ገብ ኔኒ ኢንጂዳዳይ ኢንጂቲዛይሳ፣ ኔ ቃንጊዳዳይ ቃንጊቲዛይሳ ታ ኤራይሰ» ገዴሰ።

7 ሂሰቲን ሞክሮ ጨማቲኔ ሚዲያሚ ጨማቲ ቃንገሳናስ ኤኪ ቢዳ ሚሻ ባላሚስ አሚዲ ባላቄ ከታ የቲዳ።

8 ባላሚይ ኢስታስ፡ «አንቲ ሃች ሃን አቁኮ ጎዳይ ታስ የቲዳይሳ ኡባ ታ አንቲስ ዋንቶ ማላዶ የታና» ገዴስ፤ ሂሰቲን ሞክሮ ጨማቲ ባላሚ ማታን አቁዳ።

9 ጸሲ ባላሚኮ ዪዲ፡ «ሃይቲ ኔናራ ዲዛ አሳቲ አይ አሴ?» ገዲ ኦይቺዳስ።

10 ባላሚይካ ጸሳስ፡ «ሞክሮ ካዎ ጸፖራ ና ባላቄይ።

11 ገሊብጾፔ ከዚዳ ዳሬይ ቢታ ዪ ማይኢዳስ፤ ኔኒ ያዳ ታስ ኢስታ ቃንገዛ ገዲኮ ታ ኢስታ ኦላ ጸናዳ ቢታፌ ከሳናኮ ኦኔ ኤሪዛይ!» ገ ከቲዳ አሳታ» ገ ዛሪዳስ።

12 ጸሲ ቃሴ ባላሚ፡ «ኔኒ ሃይታ ሃ አሳታራ ቦፓ፤ ኢስራኤሌ ዳሬይ አንጃቲዳ ዳሬ ገዲዳ ገሻስ ኔኒ ኢስታ ቃንጎፋ» ገዴስ።

13 ዋንቲፋ ጋላስ ማላዶራ ባላሚይ ዳንዲዲ ባላቄይ ከቲዳ ጨማታስ፡ «ታኒ አንቲናራ ቦንታ ማላ ጎዳይ ዲጊዳ ገሻስ አንቲ ቢታ ሰሚቲ» ገዴስ።

14 ሂሰቲን ሞክሮ ጨማቲ ባላቁኮ ሰሚዲ ባላሚይ ኢስታራ የንታ አጸዳይሳ ኢዛስ የቲዳ።

15 ሃሳፌ ጉዬ ዛሪዳካ ባላቄይ ካሴ ከቲቲዳይታፔ አጂ ቦንቲቲዳይ ቆዳን ዳሮ ጨማታ ባላሚኮ ከቲዳስ።

16 ኢስቲካ ባላሚኮ ቢዲ፡ «ጸፖራ ና ባላቄይ ኔና፡ ሳኔ ታኮ የንታ ማላ አይ ሚሻካ ኔና ቲቆፎ!

17 ታ ኔስ ኢዛ ኩሼ ዛራና፤ ኔ ታና ኦይቺዳ ኡባ ታ ኔስ አሚና፤ ሃሳ ገሻስ ሃ ዳሬዛ ያዳ ኔ ታስ ቃንጋና ማላ ታ ኔና ሾባይስ!» ገዴስ» ገ የቲዳ።

18 ገዲ አቲን ባላሚይ ኢስታስ፡ «ባላቄይ ባ ካዎቲፋ ከፋን ዲዛ ቢራኔ ዋርቃ ኡባ ኢዚ ታስ አሚዛኮካ ጎዳይ ታና አዛዚዳ አዛዘዛ ሚንፋዳ ታኒ ታፔ አይ ሚሻካ ጉጃናስ ዎይኮ ፓጨንቻናስ ዳንዳይኬ።

19 ጎዳይ ታስ የቲዳ ሃራ ሚሻ ዲኮ ታ ኤራናሾ ጋካናስ አንቲካ ካሴይታፉ ሃቻ ኦማርስ ሃን አቁቲ» ገዴስ።

20 ሃ ጋላሳ ኦማርስ ጸሲ ባላሚኮ ዪዲ፡ «ሃ አሳቲ ኔና ጸይጋና ዪዳ ገሻስ ዳንዳዳ ኢስታራ ባ፤ ገዲኮካ ታ ኔስ የቲዳዝ ጸላ ኦፋ» ገዴስ።

ባላሚይ ኢዛ ሃራዮ

21 ሂሰቲን ዋንቲፋ ጋላስ ባላሚይ ባ ሃራ ኮሪ ቶጊ ኤኪዲ ሞክሮ ሃላቃታራ ቢዳስ።

22 ባላሚይ ባ ሃራ ቶጊ ኤኪዲ ና ካይሌታፔ ናሞኦታ ካሌላዲ ቢሺን ጎዳ ሃንቆይ ኢዛ ቦላ ታማ ማላ ኤጲ ከዚዳስ፤ ሂሰቲን ጎዳ ከታንቻይ ኢዛ ቲቃናስ ኦጌ ቦላ አጂ ኤቁዳስ።

23 ሃራዮ ጎዳ ከታንቻይ ገላ ማሻ ኦይኪዲ ኤቁዳይሳ ቤያዳ ኦጌፔ ሃራሶ ከዛዲስ። ባላሚይ ሃራዮ ኦጌን ዛራናስ ኢታ ሾች ሾጨዳስ።

24 ሂሰቲን ጎዳ ከታንቻይ ናሞኦ ባጋራ ዎይኔይ ቶኬቲዛሶሆፔ ገደን ያ ባጋራ ነ ሃ ባጋራ ገምቤይ ገምቤቲ ኡቲዳ ኤንኦሶን ኤቁዳስ።

25 ሃራዮ ጎዳ ከታንቻዛ ቤኢዳ ማላ ገምቤዛኮ ሺቃዳ ባላሚ ቶሆዛ ገምቤዛራ ዳራጸዳስ፤ ሂሰቲን ባላሚይ ሃራዮ ናሞኦንፉ ቡካ ኦይኪዳስ።

26 ሃሳፌ ጉዬ ጎዳ ከታንቻይ ጌዳ ሲንፉ አጂ ቢዲ ናሞኦ ባጋራ አጂዛሶይ ባይንዳ ጸንፋ ኦጌን ኤቁዳስ።

27 ሃራዮ ጎዳ ከታንቻዛ ቤኢዳ ባላሚይ ቶጊ ዲሺን ቢታን ኢቻዲስ፤ ሃሳ ገሻስ ባላሚይ ባ ጉሬራ ኢዛ ቡኪዳስ።

28 ሃ ዎዳ ጎዳይ ሃራይስ ሃሳያናስ ዶና ዶዩን ኢዛ ባላሚስ፡ «ታ ኔስ አይ ኢታ ኦፋዲና? ሃሹቶ ኔ ታና አይስ ሾጫዲ?» ጋዲስ።

29 ባላሚይካ ኢዚስ፡ «ኔ ታና ከሃ ካኢዳ ገሻሳ! ታ ኩሼን ማሻይ ዲዛኮ ታ ኔና ዎጶ ዎጳናሺን!» ገዴስ።

30 ሃራዮካ ባላሚስ፡ «ሃኖ ጋካናስ ኔ ቶጊዛ ታ ኔ ሃራዮ ገዲኪና! ሃይሳፌ ካሴ ሃኒፉ ሃና ኤራዚና?» ጋዲስ።

ባላሚይ ኢዚስ ዛሪዲ፡ «ሙሌካ ሃይሳፉ ሃና ኤራካ» ገዴስ።

31 ሃ ዎዳ ጎዳይ ባላሚ አይፌታ ዶዩን ጎዳ ከታንቻይ ገላ ማሻ ሾዲ ኦይኪዲ ኦጌን ኤቁዳይሳ ቤኢዲ ባላሚይ ቢታ ቦላ ጉፋኒዳስ።

32 ጎዳ ከታንቻዚ ኢዛስ፡ «ኔ ሃራዮ አይስ ሃሹቶ ሾጫዲ? ታኒ ያዳ ኔ ኦጌ ጎርዲዳይ ኔ ቢዛ ኦጌዚ ጌላ ገዲዳ ገሻስ ኔና ዛራናሳ።

33 ኔ ሃራዮ ታና ቤኢዳ ሃሹቶ ታ ሲንፋፌ ባቃታዲስ፤ ኢዛ ባቃቶንታኮ ታ ኢዛ አጋዳ ኔና ዎጳይቻናኮሺን» ገዴስ።

34 ባላሚይ ጎዳ ከታንቻስ ዛሪዲ፡ «ቱሙካ ታ ናጋራ ኦፋዲስ፤ ኔ ታና ቲቃናስ ኦጌ ቦላ ኤቁዳይሳ ታ ኤራቤኬ፤ ሃኢካ ኔ ታ ቡሳ ዶሶንታ ገዲኮ ታኒ ጉዬ ታሶ ሰማና» ገዴስ።

35 ጎዳ ከታንቻይ ባላሚስ፡ «ኔ ሃ አሳታራ ባ ሺን ታኒ ኔስ የቲዳይሳ ጸላ የታ» ገዴስ፤ ሂሰቲን ባላሚይ ባላቄይ ከቲዳ ሃላቃታራ ቢዳስ።

ባላቄይ ባላሚ ሞኮ

36 ባላቄይ ባላሚይ ዪዛይሳ ሲዪዲ ኢዛ ሞካናስ ሞክሮ ባዘን አርኖ ካፋ አቻን ዲዛ ኤሬ ካታማ ቢዳስ።

37 ባላቄይ ባላሚ፡ «ኮይሮ ታ ኔኮ ከቲዳ አሳታራ አዛስ የንታ ኢጸዲ? ታ ኔና ቦንቻንታ አስ ሚሳቲኔ?» ገ ኢዛ ኦይቺዳስ።

38 ባላሚይካ ባላቄስ፡ «ገዲኮካ ሃኢ ታኒ ኔኮ ያዲስ፤ ሃኢካ ታስ አይ ዎልቃይ ዲዜ? ታ ሃሳያና ዳንዳይዛይ ጸሲ ታስ የቶሮ ጸላ» ገዴስ።

39 ሃሳ ገሻስ ባላሚይ ባላቄራ ጌዳ ቂሪያቲ ሁጾቲ ካታማ ቢዳስ።

40 ባላቄይ ሃን ሚሃ ሹኪሲዲ ሃ አሾዛፔ ጉላ ሃን ባናራ ዲዛ ዳሬ ካሌላዛይታሲኔ ባላሚስ አሚዳስ።

41 ዋንቲፋ ጋላስ ማላዶ ባላቄይ ባላሚ ኢስራኤሌ አሳፔ ባጋይ ቤቲዛሶ ፑዳ ባሞቲ ባኦሌ ጌቲቲዛ ዙማ ቦላ ኬሲዳስ።

23

ባላሚይ የቲዳ ኮይሮ ቲንቢቲ

1 ባላሚይ ባላቄ፡ «ኔ ታስ ሃይሳን ላፑን ያርሾ ያርሻናሶታ ኦፋ፤ ቃሴካ ላፑን ኮርማ ቦራታኔ ላፑን ዶርሳ ጳርሾታ ታስ ሃ ኤካ ያ» ገዴስ።

2 ባላቄይ ባላሜይ ኢዛስ የተዳ ማላ ኦሊዳስ፤ ኢስቲ ናሞኦይ ያርሾ ያርሺዛሶሆታ ቦላ ኢሲ ኢሲ ኮርማ ቦራኔ ኢሲ ኢሲ ጳርሾ ያርሾ ሺሺዳ።

3 ሃሳፌ ጉዬ ባላሜይ ባላቄስ፡ «ጸሲ ሃ ታኮ ያናኮኔ የንታኮ ታኒ ጌዳ ባዳ ኤራና ጋካናስ ኔኒ ሃይሳን ጸጌቲዛ ያርሾዛ ኣቻን ኤቃሻ፤ ጎዳይ ታስ ቆንጨሲኮ ሃሳ ታ ኔስ ዉርሳ የታና» ጌዳስ፤ ሃሳፌ ጉዬ ባላሜይ ባርካ ፑዳ ቆቃሶ ኬዚዳስ።

4 ሃን ጸሲ ኢዛራ ጋይቲዳስ፤ ባላሜይካ፡ «ታኒ ላፑን ያርሾ ያርሺዛሶሆታ ጊሊሳዲስ፤ ያርሾ ያርሺዛሶሆታ ኢሳ ኢሳ ቦላ ኢሲ ኢሲ ኮርማ ቦራኔ ኢሲ ኢሲ ጳርሾ ያርሻዲስ» ጌዳስ።

5 ጎዳይካ ባላሜይ ባላቄስ የታናስ ቤሲዛ ኪታ ኢዛስ የተዳፔ ጉዬ ባላቄኮ ሲሚ ባና ማላ የተዳስ።

6 ኢዚካ ጉዬ ሲሚ ቢሺን ባላቄይ ሞኣቤ ኣይሲዛ ዳናታ ኡባራ ኢሲፌ ሃ ጸጌቲዛ ያርሾዛ ኣቻን ኤቄዳ ማላ ዳሚዳስ።

7 ሃሳፌ ጉዬ ባላሜይ ሃሳያ ደሚዲ፡ «ሞኣቤ ካዎ ባላቄይ

እርሼይ ሞኪዛ ባጋራ ዲዛ
ዙማቲ ዲዛ እራሜፔ
ታና ጸይጊ ኤሂዳስ፤
ኢዚ ታና፡
«ሃ ያዳ ኢሰራኤሌ ኣሳ
ታስ ደቃርኪ!
ኢስቲ ጳያና ማላ
ታስ ኢስታ ቃንጋርኪ!» ጌዳስ።

8 ሂስቲን ታኒ ጸሲ
ቃንጎንታዳ ዋስታ ቃንጎ?
ጸሲ ሂሎንታዳ
ታኒ ዋስታ ሂሎ?

9 ታኒ ኢስታ ሃይታ
ጊታ ዛላታ ቦላ
ዳሼ ዳማይስ፤
ቆቃ ዙማታ ቦላ ዳሼ
ታ ኢስታ ጸላይስ፤
ኢስቲ ባርካ ዲዛ ካዎቴል፤
ኢስቲ ባና
ሃራ ካዎቴላራ ጋላ
ቆዳንታይሲ ታስ ቤቴስ።

10 ጉዳላ ማላ ጮሪዳ
ያቆቤ ዜሬላ
ቆዲ ዳንዳያናይ ኦኔ?
ዎይኮ ኢሰራኤሌስ ጨጎዛካ
ቆዲ ካንላናይ ኦኔ?
ጸሎ ኣሳታ ሃይቆ
ታ ሃይቆና፤
ታ ዉርሴሳይካ
ኢስታ ዉርሴሳ ማላ ጊደ» ጌዳስ።

11 ባላቄይ ባላሜስ፡ «ሃይሲ ኔ ታ ቦላ ኦሊዳይሲ ኣዜ? ታኒ ኔና ሃ ኤሂዳይ ኔ ታ ሞርኬታ ቃንጋናሳ፤ ኔኒ ጊዲኮ ኢስታ ኣንጅ ኣንጅዳሳ ኣቲን ቃንጋቤካ» ጌዳስ።

12 ባላሜይካ ዛሪዲ፡ «ጎዳይ ታስ ቆንጨሲዳይሳ ጸላ ታ የታናስ ቤሴኔ?» ጌዳስ።

ባላሜይ የተዳ ናሞኣንላ ቲንቢቲ

13 ባላቄይ ባላሜስ፡ «ኢሰራኤሌ ኣሳ ኩሜላ ጊደንታ ኢስታፌ ጉላቲ ኔስ ቤቴዛሶ ጌዳ ሃራሶ ታናራ ኢሲፌ ባዳ ኔ ኢስታ ሃን ታስ ቃንጋርኪ!» ጌዳስ።

14 ሃሳፌካ ፑዳ ፒዘጋ ዙማ ሀኤን ዲዛ ጸፊሜ ዳሞባ ኤፊዳስ፤ ሃንካ ላፑን ያርሾ ያርሺዛሶ ጊግሲዲ ኢሲ ኢሲ ያርሺዛሶዛ ቦላ ኢሲ ኢሲ ኮርማ ቦራኔ ጳርሾ ያርሺዳስ።

15 ባላሜይ ባላቄስ፡ «ኔኒ ሃይሳ ጸጌቲዛ ያርሾዛ ማታን ኤቃሻ፤ ታኒ ጎዳራ ጋይታና ጌዳ ባይስ» ጌዳስ።

16 ጎዳይካ ባላሜራ ሃን ጋይቲዳስ፤ ኢዚ የታና ኪታ ኢዛስ የተዳ ኔኒ ባላቄኮ ሲማ ባዳ ሃይሳ ሃ ኪታ ኢዛስ የታ።

17 ኢዚ ሲሚ ቢሺን ባላቄይ ሞኣቤ ዳሬዛ ካሌላዛይታራ ሃ ጸጌቲዛ ያርሾዛ ማታን ኤቄዳ ማላ ዳሚዳስ፤ ባላቄይካ ጎዳይ ኢዛስ ኣይ የተዳኮ ኢዛ ኦይቺዳስ።

18 ባላሜይካ ኢዛስ ሃሳያ ደሚሼ፡ «ጸጊራ ና ባላቄ!

ሃ ሺቃ!
ታኒ ኔስ የተዛይሳ ሲያ።

19 ጸሲ ኣሳ ማላ ዎርዶቴና፤
ኢዛ ቆፋይ
ኣሳ ቆፋ ማላ ላሜቴና፤
ኢዚ ባ ኢሚዳ ሂዶታ
ኡባ ፖሊስ፤
ኢዚ ባ የተዳ
ኡባ ኦሌስ።

20 ኢዚ ታስ
ታ ኣንጅና ማላ የተዳስ፤
ጸሲ ኣንጅዳ ቃላ
ታኒ ላማናስ ዳንዳይኬ።

21 ያቆቤ ዜሬላ ቦላ
ሜቶይ ጋኬና፤
ኢሰራኤሌ ኣሳ ቦላካ
ዋዬይ ጋኮንታይሲ
ታስ ቤቴስ፤
ጎዳይ ኢስታራ ዳስ፤
ጸሲ ካዎ ጊዲዳይሳ
ኢስቲ ቆንጨኛ የቴቴስ።

22 ጸሲ ኢስታ
ጊብጾፔ ኬሲዳስ፤
ኢዚ ኢስታስ
ሜንላ ማላ ቃይጫና።

23 ያቆቤ ናይታ ቦላ
ኣይ ቢታይ፡
ኢሰራኤሌ ቦላ
ኣይ ሙሬኖይካ ኦሌና፤
ሃኮ ሃኢ ያቆቤሲኔ
ኢሰራኤሌስ፡
«ጸሲ ኢስቲ ኣይ ኦሊዳኮ
ኣኔ ጸሊቲ!» ጌቴታና።

24 ኢሰራኤሌ ኣሳይ
ማጫ ጋሞ ማላ ዳንዳና፤
ባ ሻንካቲ ኤሂዳይሳ ሞንታ፡
ሱላካ ኡየንታ ዲሼ
ሼምፖንታ ጋሞ ማላ
ዳንዳና» ጊ የተዳስ።

25 ሃሳፌ ጉዬ ባላቄይ ባላሜስ፡ «ኔኒ ኢሰራኤሌ ኣሳ ቃንጎንታ ኢዲዳ ማላ ኢስታ ኣንጅካ ኣንጅፋ!» ጌዳስ።

26 ባላሜይካ፡ «ታኒ ካሴ ኔስ ጎዳይ ታስ የቶር ጸላ ታ ኦላና ጋዳ የታቤኪና?» ጌዳስ።

ባላሜይ የተዳ ሃዳንላ ተንቢቲ

27 ባላቄይካ፡ «ሃ ያ እኔ ሃይሳፊ ሃራሶ ቦስ፤ ኦኔ ኤሪዛይ ኔኒ ሃን ዳዳ ሃይሳ ደሪዛ ታስ ቃንጋና ማላ ጸሲ ኔስ ኤሮ ጎንታ ኣኔና» ገዴስ።

28 ሃሳ ገሻስ ባላቄይ ባላሜይ ጌዴ ባዘ ገናራ ዲዛ ፔኦሬ ዙማ ሁኤ ኤኪ ኬዚዴስ።

29 ባላሜይካ ኢዛ፡ «ሃይሳን ታስ ላፑን ያርሾ ያርሺዛሶ ገሊሳ፤ ላፑን ኮርማ ቦራታኔ ላፑን ቆርሾታ ሃ ታስ ኤካ ያ» ገዴስ።

30 ባላቄይካ ባላሜይ ኢዛስ የተዳ ማላ ኦሊዴስ፤ ያርሾ ያርሺዛሶዛ ቦላ ኢሲ ኢሲ ኮርማ ቦራኔ ኢሲ ኢሲ ቆርሾ ያርሾ ሺሺዴስ።

24

1 ባላሜይካ ጎዳይ ኢሰራኤል ኣሳ ኣንጃናስ ደሲዳይሳ ኤሪዳ ዎዴ ካሴ ኢዚ ኦሊዛይሳ ማላ ሙራኖ ኦሶ ኦላናስ ኮዩቤና፤ ባ ሲንሳካ ዲጌ ባዘ ዛሪዴስ።

2 ኢሰራኤል ኣሳይ ባ ቆሞን ቆሞን ማራራ ዲንካኒ ኡተዳይሳ ቤኢዴስ፤ ጸሳ ኣያናይ ኢዛ ቦላ ዎዴዴስ፤

3 ሂሰቲን ኢዚ ተንቢቲ ሃሳያ ደሚዲ፡

«ቢኦሪ ና ባላሜይ

ሃሳይዛ ተንቢቲ ቃላይ፡
ኢዛ ኣይፊቲካ ደዩተዳዴይ፡

4 ጸሳ ቃላ ሲዩዛዴይ
ኢዚ ኩንዲ ዲሺን
ኢዛ ኣይፊቲ ደዩተን
ኡባ ዳንዳይዛ ጸሳ ኣጂታ
ቤኢዛዴ ከታይ ሃይሳ።

5 ያቆቤ ኔ ዲንካኔቲ
ኢሰራኤል ኔ ዲዛሶቲ
ኣይ ማላ ሎኦ?

6 ኢሰቲካ ሚጨጭተዳ
ዙሌታ ማላ፤
ቃሴካ ሻፋ ደናን ዲዛ
ኣታኪልቲሶሆታ ማላ፤
ጎዳይ ቶኪዳ
ጎዳሬ ኡላ ማላ፤
ዎይኮ ሻፋ ደናን ዲዛ
ለባኖሴ ዚጋ ማላ።

7 ኢራይ ኡባ ዎዴ
ኢሰታስ ቡኪዛ ገሻስ
ኢሰታ ሃላ ኩሚ ፓላሃስ፤
ዜሪላ ዎዴ ኢሰታስ
ገዲዛ ሃላ ዴስ፤
ኢሰታ ካዎይ ኣጋገፔ
ኣዴላ ገዳና፤
ኢሰታ ካዎቲላ
ዶቁ ዶቁ ጋና።

8 ኢሰታ ገብጸፔ ኬሲዳ ጸሲ
ኢሰታስ ሜንላ ማላ ኦሊታና፤
ኢሰታ ሞርኬ ገዲዳ
ካዎቲላታ ኢዚ
ፑዜሪላ ዩጋና፤
ኢዚ ኢሰታ
ሚቁላታ ለቁሳና፤
ኢሰታ ዎንዳፊታካ
ሚንሴሪላ ዩጋና።

9 ሃይሲ ካዎቲላይ
ጋሞ ማላ ዛማዲ ኡተዴስ፤
ማጫ ጋሞ ማላካ
ዙጊ ኡተዴስ፤

ኢሰቲ ዛማዲ ኡተዳሶሆፔ
ኢሰታ ዴንላና
ዳንዳይዛይ ኦኔ?

ኔና ኣንጂዛዴይ ኣንጃቶ፤
ኔና ቃንገዛዴይካ
ቃንጌቶ» ገዴስ።

10 ባላቄይ ሃንቆን ባ ኩሺ ባቂዲ ባላሜስ፡ «ታኒ ኔና ታ ሞርኬታ ቃንጋናስ ጸይጋዲሰ፤ ገዴ ኣቲን ኔኒ ኢሰታ ሃዙቶ ኣንጃዳሳ።

11 ሃኢ ገዲኮ ኤሶን ጌዴ ኔሶ ባ! ታ ኔስ ዳሮ ሚሽ ኣማና ጋ ቃላ ጌላዲስ፤ ገዴ ኣቲን ኔ ሄ ሚሻ ዴሞንታ ማላ ጸሲ ጎርዲዴስ» ገዴስ።

12 ባላሜይ ባላቄስ ዛሪዲ፡ «ኔኒ ታኮ ኪቲዳ ኣሳታስ፡

13 ባላቄይ ባስ ዲዛ ቢራኔ ዎርቃ ኡባ ኢዚ ታስ ኢሚዛኮካ ታኒ ታ ሸኔን ኢታ ገዲን ዎይኮ ሎኦ ኦላናስ ጎዳ ቃላፔ ኣቆናስ ዳንዳይኬ፤ ታኒ የታናይ ጎዳይ ታስ የቶሮ ጸላ፤ ጋዳ ካሴ ታ ኢሰታስ የታኬኪና?» ገዴስ።

ባላሜይ የተዳ ኣይዳንላ ተንቢቲ

14 ዉርሴላን ባላሜይ ባላቄስ፡ «ሃኢ ታኒ ጌዴ ታ ዴሬ ሲማ ባይስ፤ ገዴ ኣቲን ታ ባናፔ ካሴታዳ ኢሰራኤል ኣሳይ ኔ ዴሬ ኣሳ ቦላ ጋላናይሳ ኔስ ቆንጨሳናስ ኮያይስ» ገዴስ።

15 ሃሳፊ ጉዬ ኢዛስ ተንቢቲ የቶ ደሚዲ፡ «ኢዛ ኣይፊይ ደዩተዳዴይ፡ ቢኦሪ ና ባላሜይ የተዛ ተንቢቲ ቃላይ ሃይሳ፤

16 ጸሳ ቃላ ሲዩዛዴይ፡
ኢዚ ኩንዲ ዲሺን
ኢዛ ኣይፊቲ ደዩተን
ዎልቃማ ጸሳፊ
ኤራቲላ ደሚዳዴ፡
ኡባ ዳንዳይዛ ጸሳ ኣጂታ
ቤኢዛዴ ከታይ ሃይሳ።

17 ታኒ ኢዛ ቤኣይስ፤
ገዴ ኣቲን ሃኢ ገዴና፤
ታ ኢዛ ጸላይስ፤
ገዲኮካ ሃኢ ማታን ገዴና፤
ጸላንቲይ ያቆቤፔ
ቤታና፤
ካዎቲላ ጉፊይ
ኢሰራኤሌፔ ኬዛና፤
ሞኣቤ ዜሪላኔ
ሴፔ ዜሪላታ ኡባ
ዲፕ ሂሰቲ ቆይሳና።

18 ኤደሚይ ጸኔታና፤
ኢዛ ሞርኬ ሴይሬይካ
ኢዛስ ሃሬታና፤

ኢሰራኤሌ ዴሬይ
ጸናይ ጸናሺን ዳና።

19 ያቆቤፔ ዴሬ ኣይሲዛዴይ ኬዛና፤
ኢዚ ካታማ ገዴን
ኣቲዳይታ ፒቲ ቆይሳና» ገዴስ።

ወርሱን ባላሜይ ሃሳይ ሃሳያ

20 ሃሳፌ ጉዬ ባላሜይ ጌዴ አማሌቄ ዛሬ ጸሊዲ፡

«አማሌቄይ ኡባሬ አጳዛ
ዎልቃማ ካዎተል፤
ጌዴ አትን ኢዚ ወርሱን
ሚርናሰ ጳያና» ጌ
ትንቢቲ ዮተደሰ።

21 ጌዴ ቁናዌ ዴሬ አሳኮ ሰሚ ጸሊዲ፡

«ኔ ዲሳሶይ
አማኔተዳሶ ሚሳቲኮካ፡
ኔ ኬሳይ ዛላፌ ዎጩቲ
ኬጸቲዳ ጌዲኮካ፡

22 አንቴኖ ቁናዌ ዴሬቶ!
አሶሬይ አንቴና ጸኒዲ
ዲኢ ኤፊዛ ዎዴ
አንቴ ወሪ ወራና» ጌ
ትንቢቲ ዮተደሰ።

23 ወርሱን ባላሜይ፡

«ጸሲ ሃይሳ ኦላሺን
ኦኔ ሸምፖራ ፓጻ ዳናይ?

24 ኦላሰ ዎራጂዛ አሳይ
ማርካቤራ ቆጶርሴፔ ያና፤
ኢሰቲካ አሶሬኔ
ኤቦሪ ጳይሳና፤
ኢሰቲካ ባ ሁኤሰ
ሚርናሰ ጳያና» ጌ
ትንቢቲ ዮተደሰ።

25 ሃሳፌ ጉዬ ባላሜይ ዳንዲዲ ጌዴ ባ ዴሬ
ቢዴሰ፤ ባላቁይካ ባሶ ሰሚደሰ።

25

ሞክሮ አሳ ባሌላ

1 ኢሰራኤል አሳይ ሸጸሜ ሸባን ዲዛ ዎዴ አዳቲ
ሄን ዲዛ ሞክሮ ዴሬ ማጫሳታራ ላይማቲዳ፤

2 ሄ ሞክሮ ማጫሳቲ ኤቃ ጸሳታሰ ያርሺዛ ያርሾ
ካሳፌ ማና ማላ ኢሰራኤል አሳ ጸይገን ኢሰቲካ ሄ
ካሳፌ ሚዲ ኤቃ ጸሳሰ ጎይኒዳ።

3 ኢሰራኤል አሳይ ባኣሊ-ፔኦሬ ጌቲቲዛ ኤቃ ጸሳሰ
ጎይኒዳ ጌሻሰ ጸሲ ኢሰታ ቦላ ሃንቁቲዳ።

4 ጎዳይ ሙሴስ፡ «ኢሰራኤል አሳ ቦላ ኤጲዳ ታ
ሃንቆይ ዶቻና ማላ ኢሰራኤል አሳ ካሌዲዳይታ ኡባ
ኤካዳ ሴታ ጋላሰ ሱሊዛ አዎን ዴሬዚ ቤኢሺን ካቃ
ዎጳ» ጌዴሰ።

5 ሙሴይካ ኢሰራኤል አሳ ቦላ ፐርዲዛ ዳናታሰ፡
«አንቴ ኢሶይ ኢሶይ አንቴ ዛርኬሬ ዛርኬሬ
ባኣሊ-ፔኦሬ ጌቲቲዛ ኤቃ ጸሳሰ ጎይኒዳ አሰ ኡባ
ዎጳቲ» ጌዲ አዛዚዳሰ።

6 ሙሴይኔ ኩሚሳ ማባራይ ጋይቶቲሳ ዲንካኔ
ፔንጌን ሸቁዲ ዩኪሺን ኢሰራኤል አሳ ጋርሳፌ
አሳዴይ ኢሰ ሚዲያሚ ማጫሳዮ ኤኪዲ ዴራ
ሲንሳራ አጳ ጌዴ ባሶ አሳኮ ቢዴሰ።

7 ቁሴ ኣርኔሰ ናዛ ናይ፡ ኤልኤዜሬ ና ፊኒሃሲ ሄሳ
ቤኢዲ ካሴ ባ ኡቲዳሶሆፔ ፑሱኩ ጌ ዳንዲዲ
ቶሆራ ኤኪዲ ዴሬዛ ጌዶሬ ኬዚ ቢዴሰ።

8 ሄ አዳዚኔ ማጫሳያ ኢዛን ዲዛ ዲንካኔን
ጌሊዳሰ፤ ናሞኦታካ ኢሰ ቦላ ቶራራ ጫዲ ዎጳዴሰ፤
ሂሰቲን ኢሰራኤል አሳ ቦላ ዱዳ ቦሻይ ሰሚደሰ።

9 ቦሻይ ሰማና ጋካናሰ ሲንሳን ሃይቁዳ አሳይ
24,000 ጌዲደሰ።

10 ጎዳይ ሙሴስ ሂዝጊደሰ፡

11 «ቁሴ ኣርኔሰ ናዛ ና፡ ኤልኤዜሬ ና ፊኒሃሲ
ኢሰራኤል አሳ ጌዳን ታኒ ታ ቦንቸሰ ኤቁቲዛ ማላ
ኢዚ ኤቁቲዳ ጌሻሰ ኢሰታ ቦላ ታ ሃንቁቲዳ ሃንቆይ
ዶቸዳሰ፤ ሄሳ ጌሻሰ ታኒ ታ ሃንቆዛን ኢሰራኤል አሳ
ጳይሳቤኩ።

12 ሄሳ ጋሶን ታኒ ኢዛሰ ሚርና ሳርቲሳ ጫቆ ቃላ
ጌሊዳይሳ ኔ ኢዛሰ ዮታ።

13 ኢዚ ባ ጎዳ ቦንቸሰ ኤቁዳ ጌሻሲኔ ዴራ ናጋራ
ኢዚ ወርሱዳ ጌሻሰ ኢዚኔ ኢዛ ዜሬላቲ ኡባይ
ሚርናሰ ቁሴ ጌዳና።»

14 ሄ ሚዲያሚ ማጫሳይራ ኢሰፌ ሃይቁዳ
ኢሰራኤል አዳዛ ሱንላ ሳሉ ና ዚሚሬ ጌቲቲሰ፤
ኢዚካ ሰሞና ዛርኬታሰ ኮራፒኔ።

15 ሄ ማጫሳያ ኮዜቦ ጌቲታወሰ፤ ኢዚ አዎይ ጸራ
ጌቲቲሰ፤ ኢዚካ ባናራ ኢሰፌ ዲዛ አማርዳ ሚዲያሚ
ቆሞታሰ ኮራፒኔ።

16 ጎዳይ ሙሴስ ሂዝጊደሰ፡

17 «አንቴ ሚዲያሚ አሳ ሞርኬ ማላ ቆዲዲ ዲፐ
ሂሰቲ ጳይሰቲ።

18 ጋሶይካ ኢሰቲ ፔኦሬን አንቴ ቦላ ጌኔ ኦሊዳ
ጌሻሲኔ ሄን ዎጳዳ ቦሻ ጌዳን ሃይቁዳ ኢሰታ ሃላቃ
ናዮ ኮዜቤ ባጋራ ባሌሊዲ አንቴ ቦላ ሞርኬቲሳ ኦሶ
ኦሊዳ ጌሻሳ።»

26

ኢሰራኤል አሳሰ ናሞኦንሎ ቆዳቲሳ

1 ሄ ቦሻዚ ኣጊዳፔ ጉዬ ጸሲ ሙሴሲኔ ቁሴ ኣርኔ
ና ኤልኤዜሬሰ፡

2 «ኩሚሳ ኢሰራኤል ማባራን አሳዴ ኬሳን ኬሳን
ኢሰታሰ ላይላ 20 ኩሚዳይታኔ ሃሳፊካ ቦላራ
ጌዲዲ ዎታዳሬቲሳን ኦሳናሰ ዳንዲዳይዛ አቲማ ናይታ
ኡባ ቆዳቲ» ጌዴሰ።

3 ሙሴይኔ ቁሴ ኤልኤዜሬይ ዮርዳናሴ ሻፋ ማታን
ኢያርኮ ገናራ ዲዛ ሞክሮ ዴሬዛ ሸሺዲ፡

4 «ጎዳይ ሙሴስ አዛዚዳ ማላ ናሞኦ ታሙ
ላይላኔ ሃሳፊካ ቦላራ ዲዛ አሳ ኡባ ቆዳቲ» ጌዴ።
ጌብጾ ዴሬፔ ኬዚዳ ኢሰራኤል አሳይ ሃይሳፌ
ካሊዛይታ፤

5 ያቆሴሰ ባይራ ናዛ ኦርቤሌ ዛርኬሬ ዩሌቲዳይቲ
ሄናኬኔ ኢዛ ዜሬላታ፡ ፓሉኔ ኢዛ ዜሬላታ፡

6 ሄጸርሚኔ ኢዛ ዜሬላታ፡ ካርሚኔ ኢዛ ዜሬላታ።

7 ኦርቤሌ ዛርኬሬ ቆዳቲዳይቲ 43,730።

8 ፓሉ ናይ ኤልያቤ፤

9 ኤልያቤ ናይቲ ናሙኤሌ፡ ዳታኔኔ ኣብራሚ፤
ዳታኔይኔ ኣብራሚይ ዴሬዛን ዴሬቲዳይታ ጌዲ ኡቲዲ
ቆራራኔ ኢዛ ካሊዛይታራ ዙፔቲዲ ጎዳ ቦላ
ማካሊዲ ሙሴኔ ኣርኔ ፓጪዲ።

10 ኢሰታካ ቢታያ ዶዩታዳ ቆራራ ኢሰ ቦላ ጋላ
ሚታዲሰ፤ ኢሰቲካ ሃይቁን ሳሎፔ ዎጳዳ ታማይ 250
አሳ ጸጊደሰ፤ ሂሰቲን ኢሰታ ቃጸዩቲላ ሃራ አሳሰ
ማላታ ጌዲደሰ።

11 ቆሬ ዜሬላቲ ጌዲኮ ሃይቁቤቲና።

12 ሰሞና ዛርኬሬ ዩሌቲዳይቲ ናሙኤሌኔ ኢዛ
ዜሬላታ፡ ያሚኔኔ ኢዛ ዜሬላታ፡ ያኪኔኔ ኢዛ ዜሬላታ፡

13 ዛራሄን ኢዛ ዜራላታ፡ ሳኦሌን ኢዛ ዜራላታ፡
 14 ሲሞና ዛርኬታ፡ ቆዳተዳይቲ 22,200 ኣዳታ፡
 15 ጋዴ ዛርኬፊ ዩሉተዳይቲ ጸፎን ኢዛ ዜራላታ፡
 ሃጌን ኢዛ ዜራላታ፡ ሹን ኢዛ ዜራላታ፡
 16 ኦሲናን ኢዛ ዜራላታ፡ ኤሬን ኢዛ ዜራላታ፡
 17 ኣርዴን ኢዛ ዜራላታ፡ ኣርኤሌን ኢዛ ዜራላታ፡
 18 ጋዴ ዛርኬታ፡ ቆዳተዳይቲ 40,500 ኣዳታ፡
 19 ዩሁዳ ዛርኬፊ ዩሉተዳይቲ፡ ኤራን ኦናን፤ ኢሰቲ ካናን ቢታን ሃይቁዳ፡
 20 ሃንኮ ኣተዳ ዩሁዳ ዛርኬፊ ዩሉተዳይቲ ሴሎሜን ኢዛ ዜራላታ፡ ፓሬሴን ኢዛ ዜራላታ፡ ዛራሄን ኢዛ ዜራላታ፡
 21 ፓሬሴ ዜራላቲ ሃዲሮሜን ኢዛ ባጋታ፡ ሃሙሌን ኢዛ ዜራላታ፡
 22 ዩሁዳ ዛርኬፊ ቆዳተዳይቲ 76,500 ኣዳታ፡
 23 ዩሳኮሬ ዛርኬፊ ዩሉተዳይቲ ቶላ ኢዛ ዜራላታ፡ ፑዋን ኢዛ ዜራላታ፡
 24 ያሹቤን ኢዛ ዜራላታ፡ ሸሚርን ኢዛ ዜራላታ፡
 25 ዩሳኮሬ ዛርኬታ፡ ቆዳተዳይቲ 64,300 ኣዳታ፡
 26 ዛቢሎን ዛርኬፊ ዩሉተዳይቲ፡ ሴሬዴን ኢዛ ዜራላታ፡ ኤሎን ኢዛ ዜራላታ፡ ያሂሌኤሌን ኢዛ ዜራላታ፡
 27 ዛቢሎን ዛርኬፊ ቆዳተዳይቲ 60,500 ኣዳታ፡
 28 ዮሴፊ ዛርኬፊ ዩሉተዳይቲ፡ ሚናሴን ኢዛ ዜራላታ፡ ኤፍሬሜን ኢዛ ዜራላታ፡
 29 ሚናሴ ናይታ ዜራላ ማኪሬይ ጋላኣዴ ዩሊዳሰ፤
 30 ጋላኣዴ ናይቲ ኤዜሬን ኢዛ ዜራላታ፡ ሃሌቄን ኢዛ ዜራላታ፡
 31 ኣሲራኤሌን ኢዛ ዜራላታ፡ ሴኬሜን ኢዛ ዜራላታ፡
 32 ሻሚዳን ኢዛ ዜራላታ፡ ሄፌሬን ኢዛ ዜራላታ፡
 33 ሄፌሬ ና ዲሎፋዳይ ማጫ ናይታ ጸላ ዩሊዳሰ፤ ሄይቲካ ማሂሎ፡ ኖኦ፡ ሆጊሎ፡ ሚልኮን ቲርጾ ጌቲቲሰ፡
 34 ሚናሴ ቆሞታ፡ ቆዳተዳይቲ 52,700 ኣዳታ፡
 35 ኤፍሬሜ ዛርኬፊ ዩሉተዳይቲ፡ ሹቱላን ኢዛ ዜራላታ፡ ቤኬሬን ኢዛ ዜራላታ፡ ታሃን ኢዛ ዜራላታ፡
 36 ሹቱላ ና ኤራን ኢዛ ዜራላታ፡
 37 ኤፍሬሜ ዛርኬታ፡ ቆዳተዳይቲ 32,500 ኣዳታ፤ ዮሴፊ ዛርኬፊ ባ ባጋን ባጋን ቆዳተዳይቲ ሃይታንታ፡
 38 ቢያሚ ዛርኬፊ ዩሉተዳይቲ፡ ቤላን ኢዛ ዜራላታ፡ ኣሺቤሌን ኢዛ ዜራላታ፡ ኣሂራሜን ኢዛ ዜራላታ፡
 39 ሻፋሜን ኢዛ ዜራላታ፡ ሁፋሜን ኢዛ ዜራላታ፡
 40 ቤላ ዛርኬፊ ኣራዴን ኢዛ ዜራላታ፤ ናኣሚን ኢዛ ዜራላታ፡
 41 ቢያሚ ዛርኬፊ ቆዳተዳይቲ 45,600 ኣዳታ፡
 42 ዳን ዛርኬታ፡ ዩሉተዳይቲ፡ ሹሃሜን ኢዛ ዜራላታ፡
 43 ሹሃሜ ዜራላታ ቆዳይ 64,400 ኣዳታ፡
 44 ኣሴሬ ዛርኬታ፡ ዩሉተዳይቲ ዩሚን ኢዛ ዜራላታ፡ ዩሹቄን ኢዛ ዜራላታ፡ ባሪሃን ኢዛ ዜራላታ፡
 45 ባሪሃ ናይታ ሄቤሬን ኢዛ ዜራላታ፡ ማልኪኤሌን ኢዛ ዜራላታ፡
 46 ኣሴሬሰ ሴሪሆ ጌቲቲሰ ማጫ ናይ ዳወሰ፡
 47 ኣሴሬ ዛርኬታ፡ ቆዳተዳይቲ 53,400 ኣዳታ፡

48 ኒፍታሎሜ ዛርኬፊ ዩሉተዳይቲ፡ ያሂዴሌን ኢዛ ዜራላታ፡ ጉን ኢዛ ዜራላታ፡
 49 ዩሲሬን ኢዛ ዜራላታ፡ ሹሎሜን ኢዛ ዜራላታ፡
 50 ኒፍታሎሜ ዛርኬታ፡ ቆዳተዳይቲ፡ 45,400 ኣዳታ፡
 51 ኩሜላ ቆዳተዳ ኢሰራኤሌ ኣቱማሳይ 601,730 ጊዲዳሰ፡
 52 ጎዳይ ሙሴሰ ሂዘጊዳሰ፡
 53 «ቢታዮ ኢሰታ ሰንሳ ሰንሳ ቆዳ ማላ ዛርኬታሰ ጸንጾ ጊዳና ማላ ሻካ ሻካዳ ኢማ፡
 54 ቆዳን ዳሪዛ ዛርኬታሰ ኣሳ ኢማ፤ ቆዳን ጉጸዛይታሰ ጸንሳ ኢማ፤ ቢታ ጊሾይ ኣሳ ቆዳ ጮራቲላ ማላ ጊዳ፡
 55 ጊዲኮካ ጊሾዚ ሳማን ጊዳ፤ ሳማዚካ ዩጌታናይ ኢዛዳ ዛርኬን ዛርኬና፡
 56 ሳማዚ ዩጌታናይ ቆዳን ዳር ዜራላታ ጊዳን፤ ቆዳን ጉላ ዜራላታ ጊዳን ጊዳ፡»
 57 ሌዌ ዛርኬፊ ዩሉተዳይቲ ጌርሾን ኢዛ ዜራላታ፡ ቃኣቲን ኢዛ ዜራላታ፡ ሚራሬን ኢዛ ዜራላታ፡
 58 ቃሴካ ሊቢና ዜራላታ፡ ኩብርን ዜራላታ፡ ማሂሎ ዜራላታ፡ ሙሹ ዜራላታ፡ ቆሬ ዜራላታ፡ ቃኣቲይ ኣሚራሚ ማኤ፡
 59 ኣሚራሚይ ጊብጸን ዩሉተዳ ሌዌ ናዮ ዮካቤዶ ማቕ ኤኪዳሰ፤ ኢዛካ ኣርን፤ ሙሴ ጌቲቲዛ ናሞኡ ኣቱማ ናይታይ ማራሞ ጌቲቲዛ ኢሲ ማጫ ና ዩላዲሰ፡
 60 ኣርን ናዲቤ፡ ኣቢሁ፡ ኤልኤዜሬን ኢታማሬ ጌቲቲዛ ኦይዲ ኣቱማ ናይቲ ዳቲሰ፡
 61 ናዲቤይን ኣቢሁይ ጸላ ሰንሳን ቤሶንታ ታማ ሺሺዳ ጊሻሰ ቦሻን ሃይቁዳ፡
 62 ኢሰታሰ ላይላይ ኢሲ ኣገናን ኢዛ፡ ገዲዳ ሌዌ ዛርኬፊ ኣዳታ ቆዳይ 23,000 ጊዲዳሰ፤ ሄይቲካ ሃንኮ ኢሰራኤሌ ኣሳ፡ ዳማ ማዘጋባን ጸፊቲ ኡቲዳ፤ ጋሶይካ ኢሰታሰ ኢሰራኤሌ ዳሬን ጸንጾሰ ጊዲዛ ኣይኮ ጋዴይ ኢሚቶንታይሳሳ፡
 63 ሙሴይን ኤልኤዜሬይ ኢያርኮ ገናራ ዮርዳኖሴ ሻፋ ማታን ዲዛ ሞኣቤ ዳሞባን ኢሰራኤሌ ኣሳ ቆዲዳ ዋዴ ኢሰቲ ጸፊ ኦይኪዳ ኢሰራኤሌ ኣሳ ቆዳይ ሃይሳፊ ቦላን ዲዛይታ፡
 64 ሙሴይን ኣርንይ ኮይር ሰና ባዘን ዳራ ቆዲዳ ዋዴ ቆዳተዳ ኣቱማሳ፤ ሸሞፖራ ፓጾ ኣቲዳይ ባሞ፡
 65 ሄሲ ሃሳላ ሃኒዳይ ጎዳይ ካሴ ኢሰታሰ፡ «ኢሰቲ ዉሪካ ባዘ ቢታን ሃይቃና!» ጊዳ ጊሻሳ፤ ጊዳ ኣቲን ዮፊን ና ካሌቤይን ናዌ ና ኢያሶይ ኣታፊ ኡባይካ ሃይቁዳ፡

27

ዲሎፋዳ ማጫ ናይታ

1 ዮሴፊይ ሚናሴ ዩሊዳሰ፤ ሚናሴይ ማኪሬ ዩሊዳሰ፤ ማኪሬይ ጋላኣዴ ዩሊዳሰ፤ ጋላኣዴይ ሄፌሬ ዩሊዳሰ፤ ሄፌሬይ ዲሎፋዳ ዩሊዳሰ፤ ዲሎፋዳሰ ማሂሎ፡ ኖኦ፡ ሆጊሎ፡ ሚልኮን ቲርጾ ጌቲቲሰ ማጫ ናይቲ ዳቲሰ፡
 2 ኢሰቲካ ጋይቶቲላ ዲንካይዛ ፔንጌኮ ቢዲ ኩሜላ ማባራን ዳሪዛ ካሌላዚይቲ ዲዛሶን ሙሴን ኤልኤዜሬ ሰንሳን ኣጲ ኤቁዲ፡

3 «ኑ አዋይ ኢሲ አቱማ ናካ ዩሎንታ ባዞ ቢታን ሃይቁደሰ፤ ኢዚ ጎዳ ቦላ ማካሊዳ ቆሪ ካሊዛይታራ ኢሰራኤል ዙፕቲቤና፤ ጊዳ ኣቲን ኢዚ ባ ናጋራ ጋሶን ሃይቁደሰ።

4 ሂሰቲን ኢዚ አቱማ ና ዩሎንታ ኣጊዳ ጋሶን ጸላ ኑ አዋ ሰጎሊ ኢሰራኤል ኣሳ ጊዳፊ ቁጩቲ ጳያናሰ ቤሲዜ? ሂሳ ጊሻሰ ኑሰ ቤሲዛ ጸንጾ ጋዴ ኑ አዋ ዳቦታ ጊዳን ኣሚቲ» ጊዳ።

5 ሙሴይ ኢሰታ ኦይሻ ጎዳ ሲንላ ሺሺደሰ።

6 ጎዳይካ ኢዛሰ ሂዝጊደሰ።

7 «ጸሎፋዴ ማጫ ናይቲ ኦይቸዳ ኦይሻይ ሊኬ፤ ሂሳ ጊሻሰ ኔ ኢሰታ አዋ ዳቦታ ጊዳን ኢሰታሰ ጸንጾ ጋዴ ኣሚ፤ ካሴ ኢሰታ አዋ ጋዴይ ጌዴ ኢሰታሰ ኣሚቶ።

8 አቱማ ና ዩሎንታ ሃይቁዳዴይ ዲኮ ኢዛ ማጫ ናይ ሂ ኢዛሰ ዲዛዝ ላታናሰ ዳንዳይዛይሳ ኢሰራኤል ኣሳ ኤሪሳ።

9 ኢዛሰ ማጫ ናይካ ባይንዳዝ ጊዲኮ ኢዛሰ ዲዛዝ ኢዛ ኣሻቲ ላቲቶ።

10 ኣሻይካ ደንታ ኣጊኮ ኢዛ አዋ ኣሻቲ ላቲቶ።

11 ኢዛሰ አዋ ኣሻይ ደንታ ኣጊኮ ኢዛሰ ማታቲዛ ዳቦይ ኢዛ አቆታ ላቲዲ ጎኤታናሰ ዳንዳይሰ፤ ታጊ ጎዳይ ኔና ኣዛዚዳ ማላ ኢሰራኤል ዴሪ ኣሳይ ሃይሳ ሃ ዋጋዝ ባሰ ኤቁ ዲዛ ዋጋ ሂሰቲ ናጎ።»

ኢያሶ ደሪቲል (ዛሬ 31:1-8)

12 ጎዳይ ሙሴስ፡ «ኔጊ ፑዴ ኣባሪሚ ዙማታ ቦላ ኬዛዳ ታኒ ኢሰራኤል ኣሳሰ ኣሚናሰ ቆፒዳ ቢታ ኡባ ዩሻ ጸላ።

13 ኔጊ ኢዛ ቤይዳፔ ጉዬ ኔ ኣሻ ኣርኔይ ሃይቆይሳሶ ኔካ ሃይቃና፤

14 ኢንቲ ናምኣቲካ ጸኔ ጌቲቲዛ ባዞን ታ ኣዛዞ ቦላ ማካሊዳታ፤ ኩሚላ ማባራይ ማሪባ ሃላ ኣቻን ዲሼ ታ ቦላ ማካሊዳ ዋዴ ኢንቲ ኢሰራኤል ኣሳ ሲንላን ታ ዲማቲላ ማላ ታና ቦንቻናሰ ኣማኔቲቤኬታ» ጊደሰ፤ [ማሪባይ ጸኔ ባዞን ቃዴሰን ዲዛ ፑልቶ ሃላ።]

15 ሙሴይካ ጎዳኮ ሂዝጊ ዋሲደሰ።

16 «ኣሰ ኡባሰ ዴኦ ኣሚዳ ጎዳወ! ሃይሳ ዴሪ ሃሚዛ ኣሰ ኔጊ ደሪ፤

17 ጋሪይካ ሃይሳ ኔ ዴሬዚ ሃሚዛይ ባይንዳ ወዴ ማላ ጊደንታ ማላ ኢዚ ዴሪ ኬሲዛዴኔ ጌልላዛዴ፤ ዴሬዛካ ካሌላዛዴ ጊዳና።»

18 ጎዳይካ ሙሴስ፡ «ሎኦ ኣያናይ ኢዛን ዲዛ ናዋ ና ኢያሶ ኔኮ ኤካዳ ኔ ኩሼ ኢዛ ቦላ ዋላ።

19 ቁሴዛ ኤልኤዜሬ ሲንላኔ ኩሚላ ኢሰራኤል ኣሳ ሲንላን ኔ ኢዛ ኤሳዳ ኢዚ ኔ ኦላ ደሪቲዳይሳ ኣሳ ኤሪሳ።

20 ኩሚላ ኢሰራኤል ማባራይ ኢዛሰ ኣዛዜታና ማላ ኔሰ ዲዛ ማታፔ ኢዛሰ ሻካ ኣሚ።

21 ቁሴ ኤልኤዜሬይ ኡሪሚን ጎዳ ሼኔ ሻኪ ኤሪዛ ጊሻሰ ኢዚ ኢያሶ ማዳና፤ ሂሳ ጊሻሰ ኢያሶይኔ ኩሚላ ኢሰራኤል ማባራይ ኤልኤዜሬ ኣዛዞን ኬዛና ኔ ጌላና» ጊደሰ።

22 ሙሴይካ ጎዳይ ኢዛ ኣዛዚዳ ማላ ኦሊደሰ፤ ኢያሶካ ኤፊዲ ቁሴ ኤልኤዜሬ ሲንላኔ ኩሚላ ኢሰራኤል ኣሳ ሲንላን ኤሲደሰ።

23 ጎዳይ ኢዛ ኣዛዚዳ ማላ ሙሴይ ባ ኩሼ ኢያሶ ቦላ ዋሊዲ ኢዛ ባሶሆዛን ደሪደሰ።

28

ጋላሰ ጋላሰ ሸቁዛ ያርሾ (ኬሳ 29:38-46)

1 ጎዳይ ሙሴስ፡

2 «ኔጊ ኢሰራኤል ኣሳሰ፡ «ኣዚ ሳዎይ ቲኑ ጊ ታና ኡፋይሳና ማላ ጸጌቲዛ ካላ ያርሾ ዋዴን ዋዴን ናጊዲ ኢሰቲ ታሰ ሸሻና ማላ ኔ ኢሰታ ኣዛዛ) ጋ ዮታ።

3 ቃሴካ ኢሰታሰ፡ «ታማን ጸጌቲዲ ታሰ ሸቃና ያርሾይ ሃይሳፊ ካሊዛይሳ፤ ኢሰታ ቦላ ዋሶይ ባይንዳ ላይላ ጊዲዛ ናምኡ ቆርሾ ላቃታ ጋላሰ ጋላሰ ሸቁ ጸጌቲዛ ያርሾሰ ሸሺቲ።

4 ኢሲ ላቃ ማላዳ ናምኣንላዛ ኦማርሳ ዋዴ ሸሺቲ።

5 ኢሲ ኢሲ ላቃራ ኢሲ ኪሎ ጊዲዛ ሊቆ ጳሌ ኢሲ ሊቲሮ ጊዲዛ ዋጋራ ዛይቲን ሙኑቁቲዲ ካላ ያርሾ ጊዲ ሸቆ።

6 ሂሰካ ጋላሰ ጋላሰ ሸቁዛ ጸጌቲዛ ያርሾ፤ ሂሳ ማላ ያርሾ ሳዎይ ታና ጎዳ ኡፋይሲዛ ያርሾ ጊዲዲ ኮይሮ ሲና ዙማ ቦላ ሸቃና ማላ ዋጋይ ዋዳደሰ።

7 ኮይሮ ላቃዛራ ሸቁዛ ኡሻ ያርሾይ ኢሲ ሊቲሮ ጊዲዛ ሚኖ ኡሹ ጌሻሶዛን ጎዳሰ ጉሲቲ።

8 ኦማርሳ ዋዴ ናምኣንላ ላቃዛ ኮይሮይሳዛ ኡሻ ያርሾዛ ጉጂዲ ሸሺቲ፤ ሂሳ ሳዎይካ ጎዳ ኡፋይሲዛ ካላ ያርሾ ጊዳና።

ሳምባታ ጋላሳ ያርሾ

9 « ሳምባታ ጋላሰ፡ ላይላ ጊዲዳ ዋሶይ ኢሰታ ቦላ ባይንዳ ናምኡ ቆርሾ ላቃታ፡ ኡሻ ያርሾራኔ ናምኡ ኪሎ ጊዲዛ ሊቆ ጳሌ ዋጋራ ዛይቲን ሙኑቁዲ ካላ ያርሾ ሂሰቲ ሸሺቲ።

10 ሃይሲ ሃ ያርሾዚ ኡሻ ያርሾዛፔ ና ጋላሰ ጋላሰ ጸጌቲዛ ያርሾዛፔ ሳምባታ ጋላሰ ጋላሰ ሸቁዛ ሃራ ጸጌቲዛ ያርሾ።

ኣጊናን ኣጊናን ሸቁዛ ያርሾ

11 « ሳጊናን ኣጊናን ኮይሮ ጋላሰ ጋላሰ ኢሰታ ቦላ ዋሶይ ባይንዳ ናምኡ ሚርጎታ፡ ኢሲ ቆርሾኔ ላይላ ኩሚላ ላፑን ቆርሾ ላቃታ ጎዳሰ ጸጌቲዛ ያርሾ ሂሰቲ ሸሺቲ።

12 ኢሲ ኢሲ ሚርጎራ ካላ ያርሾሰ ሃቡ ኪሎ ጊዲዛ ሊቆ ጳሌ ዋጋራ ዛይቲን ሙኑቁዲ ሸሺቲ፤ ቃሴ ቆርሾዛራ ካላ ያርሾሰ ናምኡ ኪሎ ጊዲዛ ሊቆ ጳሌ ዋጋራ ዛይቲን ሙኑቁ ሸሺቲ፤

13 ኢሲ ኢሲ ቆርሾ ላቃራ ካላ ያርሾሰ ኢሲ ኪሎ ጊዲዛ ሊቆ ጳሌ ዋጋራ ዛይቲን ሙኑቁ ሸሺቲ፤ ሂ ጸጌቲዛ ያርሾታ ኡባ ሳዎይ ጎዳ ኡፋይሲዛ ካላ ያርሾ ጊዲ ሸቆ።

14 ኢሲ ኢሲ ሚርጎራ ናምኡ ሊቲሮ ጊዲዛ ዋይኔ ኡሹ፡ ቆርሾዛራ ኢሲ ሊቲሮኔ ሳይሶ ጊዲዛ ዋይኔ ኡሹኔ ኢሲ ኢሲ ላቃራ ኢሲ ሊቲሮ ጊዲዛ ዋይኔ ኡሹ

27:7 ታይ 36:2 27:14 ዛሬ 3:23-27፤ 32:48-52 27:17 1ካዋ 22:17፤ ሂዘ 34:5፤ ማቶ 9:36፤ ማር 6:34 27:18 ኬሳ 24:13
27:21 ኬሳ 28:30፤ 1ሳሚ 14:41፤ 28:6 27:23 ዛሬ 31:23

ያርሾስ ሺሺቲ፤ ሄሲካ ኣገናን ኣገናን ላይሳ ኩሜል ሸቁዛ ጸጌቲዛ ያርሾ።

15 ጋላስ ጋላስ ጸጌቲዛ ያርሾኔ ኢዛራ ሸቁዛ ኡሻ ያርሾዛ ቦላ ዴይሻ ኦርጌ ናጋራ ገሻስ ያርሾ ገዳና ማላ ጎዳ ሲንሳ ሺሺቲ።

ፓዚጋ ባኣሌኔ ኡኬላ ባኣሌ
(ሌዌ 23:5-14)

16 « ሳዳስ ፓዚጋ ባኣሌ ኮይሮ ኣገናይ ጌሊዳ ታማኔ ኦይዳንሶ ጋላስ ቦንቸቲ።

17 ሃ ኣገናይ ጌሊዳ ታማኔ ኢቻሻንሶ ጋላሳፊ ደሚዲ ኡኬላ ባኣሌ ቦንቸቲ፤ ሄ ጋላሳፊ ቢዲ ላቸን ጋላስ ጋካናስ ኡኬላ ሚቲ።

18 ባኣሌዛስ ኮይሮ ጋላስ ጎይናናስ ሸቁቲ፤ ሄ ጋላስ ኣይ ኦሶካ ኦሶፍቲ።

19 ኢስታ ቦላ ዋሶይ ባይንዳ 2 ሚርጎታ፡ ኢሲ ጳርሾኔ ላይሳ ኩሚዳ ላቸን ጳርሾ ላቃታ ጸጌቲዛ ያርሾ ሂሰቲ ጎዳስ ሺሺቲ።

20 ኢሲ ኢሲ ሚርጎራ ካላ ያርሾስ ሄዡ ኪሎ ገዲዛ ሊቆ ጳሌ ዋጋራ ዛይቲን ሙኑቁዲ ሺሺቲ፤ ቃሴ ጳርሾዛራ ካላ ያርሾስ ናምኡ ኪሎ ገዲዛ ሊቆ ጳሌ ዋጋራ ዛይቲን ሙኑቁ ሺሺቲ።

21 ኢሲ ኢሲ ጳርሾ ላቃራ ካላ ያርሾስ ኢሲ ኪሎ ገዲዛ ሊቆ ጳሌ ዋጋራ ዛይቲን ሙኑቁ ሺሺቲ።

22 ቃሴካ ናጋራ ወርሳናስ ዴይሻ ኦርጌ ናጋራ ያርሾስ ሺሺቲ።

23 ሄይቲ ወሪካ ሸቃናይ ኡባ ዋዴ ማላዶ ማላዶ ጸጌቲ ሸቁዛ ያርሾራ ኢሲፊ ሸቁቶ።

24 ጎዳ ሳዋ ቲኑ ገዲ ኡፋይሲዛ ካላ ያርሾ ላቸን ጋላስ ኩሜል ኢሲ ማላን ሺሺቲ፤ ሄሳካ ጋላስ ጋላስ ሸቁዛ ጸጌቲዛ ያርሾ ቦላኔ ኡሻ ያርሾ ቦላ ጉጂዲ ሺሺቲ።

25 ላቸንሶ ጋላስ ጎይናናስ ሸቁቲ፤ ሄ ጋላስ ኣይ ኦሶካ ኦሶፍቲ።

ካላ ሺሾ ባኣሌ
(ሌዌ 23:15-22)

26 « ሳዳ ሺሾን ባኣሌ ቦንቸዛ ኮይሮ ጋላስ ኢንቲ ኦራሳ ጋኪዛ ካላፊ ጸራ ጎዳስ ሺሺዛ ጋላስ ጎይናና ሸቁቲ፤ ኣቲን ሃራ ኣይ ኦሶካ ኦሶፍቲ።

27 ናምኡ ሚርጎታ፡ ኢሲ ጳርሾኔ ላይሳ ኩሚዳ ላቸን ጳርሾ ላቃታ ሳዋ ቲኑ ገዲ ጎዳ ኡፋይሲዛ ጸጌቲዛ ያርሾ ሺሺቲ።

28 ኢሲ ኢሲ ሚርጎራ ካላ ያርሾስ ሄዡ ኪሎ ገዲዛ ሊቆ ጳሌ ዋጋራ ዛይቲን ሙኑቁዲ ሺሺቲ፤ ቃሴ ጳርሾዛራ ካላ ያርሾስ ናምኡ ኪሎ ገዲዛ ሊቆ ጳሌ ዋጋራ ዛይቲን ሙኑቁ ሺሺቲ።

29 ኢሲ ኢሲ ጳርሾ ላቃራ ካላ ያርሾስ ኢሲ ኪሎ ገዲዛ ሊቆ ጳሌ ዋጋራ ዛይቲን ሙኑቁ ሺሺቲ።

30 ቃሴካ ናጋራ ወርሳናስ ዴይሻ ኦርጌ ናጋራ ያርሾስ ሺሺቲ።

31 ሄሳ ሄ ያርሾዛ ኡባ ኡሻ ያርሾራ፡ ሄ ጋላስ ሸቁ ጸጌቲዛ ያርሾዛኔ ካላ ያርሾዛ ቦላ ጉጂዲ ሺሺቲ፤ ሄ ያርሾ ሜሄቲ ዋሶይ ባይንዳይታ ገዲዳይሳ ሻኪ ኤሪቲ።

29

ኦራሳ ላይሳ ጌሊሺን ቦንቸዛ ባኣሌ
(ሌዌ 23:23-25)

1 « ላቸንሶ ኣገናይ ጌሊዳ ኮይሮ ጋላስ ጎይናናስ ሸቁቲ፤ ሄ ጋላስ ኣይ ኦሶካ ኦሶፍቲ፤ ሄ ጋላሳይ ዛይቲ ፑኔቲዛ ጋላሳ።

2 ኢስታ ቦላ ዋሶይ ባይንዳ ኢሲ ሚርጎታ፡ ኢሲ ጳርሾኔ ላይሳ ኩሚዳ ላቸን ጳርሾ ላቃታ ሳዋ ቲኑ ገዲ ጎዳ ኡፋይሲዛ ጸጌቲዛ ያርሾ ያርሾቲ።

3 ኢሲ ሚርጎዛራ ካላ ያርሾስ ሄዡ ኪሎ ገዲዛ ሊቆ ጳሌ ዋጋራ ዛይቲን ሙኑቁዲ ሺሺቲ፤ ቃሴ ጳርሾዛራ ካላ ያርሾስ ናምኡ ኪሎ ገዲዛ ሊቆ ጳሌ ዋጋራ ዛይቲን ሙኑቁ ሺሺቲ።

4 ኢሲ ኢሲ ጳርሾ ላቃራ ካላ ያርሾስ ኢሲ ኪሎ ገዲዛ ሊቆ ጳሌ ዋጋራ ዛይቲን ሙኑቁ ሺሺቲ።

5 ቃሴካ ናጋራ ወርሳናስ ዴይሻ ኦርጌ ናጋራ ያርሾስ ሺሺቲ።

6 ኢንቲ ሃይሳ ሃ ያርሾዛ ጋላስ ጋላሲኔ ኣገናን ኣገናን ኮይሮ ጋላስ ሸቁ ጸጌቲዛ ያርሾዛ፡ ካላ ያርሾዛኔ ኡሻ ያርሾዛ ቦላ ጉጂዲ ሺሺቲ፤ ሄይታንቲካ ሳዋ ቲኑ ገዲ ጎዳ ኡፋይሲዛ ጸጌቲዛ ያርሾታ።

ናጋራ ወርሶ ባኣሌ
(ሌዌ 23:26-32)

7 « ላቸንሶ ኣገናይ ጌሊዳ ታማንሶ ጋላስ ጎይናናስ ሸቁቲ፤ ሄ ጋላስ ጸሚቲ፤ ኦሶካ ኦሶፍቲ።

8 ኢስታ ቦላ ዋሶይ ባይንዳ ኢሲ ሚርጎታ፡ ኢሲ ጳርሾኔ ላይሳ ኩሚዳ ላቸን ጳርሾ ላቃታ ሳዋ ቲኑ ገዲ ጎዳ ኡፋይሲዛ ጸጌቲዛ ያርሾ ያርሾቲ።

9 ኢሲ ሚርጎዛራ ካላ ያርሾስ ሄዡ ኪሎ ገዲዛ ሊቆ ጳሌ ዋጋራ ዛይቲን ሙኑቁዲ ሺሺቲ፤ ቃሴ ጳርሾዛራ ካላ ያርሾስ 2 ኪሎ ገዲዛ ሊቆ ጳሌ ዋጋራ ዛይቲን ሙኑቁ ሺሺቲ።

10 ኢሲ ኢሲ ጳርሾ ላቃራ ካላ ያርሾስ ኢሲ ኪሎ ገዲዛ ሊቆ ጳሌ ዋጋራ ዛይቲን ሙኑቁ ሺሺቲ።

11 ናጋራ ወርሳናስ ሸቁዛ ያርሾስ፡ ካላ ያርሾፊ፡ ኡሻ ያርሾፊኔ ጋላስ ጋላስ ሸቁ ጸጌቲዛ ያርሾፊ ሃራ ዴይሻ ኦርጌ ጉጂዲ ሺሺቲ።

ዳሴ ባኣሌ
(ሌዌ 23:33-44)

12 « ላቸንሶ ኣገናይ ጌሊዳ ታማኔ ኢቻሻንሶ ጋላስ ጎይናናስ ሸቁቲ፤ ሄ ጋላስ ኣይ ኦሶካ ኦሶፍቲ፤ ላቸን ጋላስ ጋካናስ ጎዳስ ዳሴ ባኣሌ ቦንቸቲ።

13 ሃ ኮይሮ ጋላስ ኢስታ ቦላ ዋሶይ ባይንዳ 13 ሚርጎታ፤ ናምኡ ጳርሾታኔ ላይሳ ኩሚዳ ታማኔ ኦይዳ ጳርሾ ላቃታ ሳዋ ቲኑ ገዲ ጎዳ ኡፋይሲዛ ጸጌቲዛ ያርሾ ሂሰቲ ሺሺቲ።

14 ኢሲ ኢሲ ሚርጎራ ካላ ያርሾስ 3 ኪሎ ገዲዛ ሊቆ ጳሌ ዋጋራ ዛይቲን ሙኑቁዲ ሺሺቲ፤ ቃሴ ኢሲ ኢሲ ጳርሾራ ካላ ያርሾስ 2 ኪሎ ገዲዛ ሊቆ ጳሌ ዋጋራ ዛይቲን ሙኑቁ ሺሺቲ።

15 ኢሲ ኢሲ ጳርሾ ላቃራ ካላ ያርሾስ ኢሲ ኪሎ ገዲዛ ሊቆ ጳሌ ዋጋራ ዛይቲን ሙኑቁ ሺሺቲ።

16 « ናጋራ ወርሳናሰ ሸቁዛ ያርሾሰ፣ ካላ ያርሾፊ፣ ኡሻ ያርሾፊኔ ጋላሰ ጋላሰ ሸቁ ጸጌቲዛ ያርሾፊ ሃራ ዳይሻ ኦርጌ ጉጂዲ ሺሺቲ።

17 « ናሞኣንሉ ጋላሰ ኢሰታ ቦላ ኣቦይ ባይንዳ ባይንዳ 12 ሚርጎታ፣ 2 ጳርሾታኔ ላይሉ ኩሚዳ 14 ጳርሾ ላቃታ ሺሺቲ።

18 ሚርጎታራ፣ ጳርሾታራኔ ጳርሾ ላቃታራ ኢሲፊ ሸቁዛ ካላ ያርሾዛኔ ኡሻ ያርሾዛ ካሴ ዎጋን ዎጲዳ ቆዳ ማላ ያርሺቲ።

19 ናጋራ ወርሳናሰ ሸቁዛ ያርሾሰ፣ ካላ ያርሾፊ፣ ኡሻ ያርሾፊኔ ጋላሰ ጋላሰ ሸቁ ጸጌቲዛ ያርሾፊ ሃራ ዳይሻ ኦርጌ ጉጂዲ ሺሺቲ።

20 « ነሃሻንሉ ጋላሰ ኢሰታ ቦላ ዎሶይ ባይንዳ ታማኔ ኢሲ ሚርጎታ፣ ናሞኡ ጳርሾታኔ ላይሉ ኩሚዳ ታማኔ ኦይዲ ጳርሾ ላቃታ ሺሺቲ።

21 ሚርጎታራ፣ ጳርሾታራኔ ጳርሾ ላቃታራ ኢሲፊ ሸቁዛ ካላ ያርሾዛኔ ኡሻ ያርሾዛ ካሴ ዎጋን ዎጲዳ ቆዳ ማላ ያርሺቲ።

22 ናጋራ ወርሳናሰ ሸቁዛ ያርሾሰ፣ ካላ ያርሾፊ፣ ኡሻ ያርሾፊኔ ጋላሰ ጋላሰ ሸቁ ጸጌቲዛ ያርሾፊ ሃራ ዳይሻ ኦርጌ ጉጂዲ ሺሺቲ።

23 « ነይዳንሉ ጋላሰ ኢሰታ ቦላ ዎሶይ ባይንዳ ታሙ ሚርጎታ፣ ናሞኡ ጳርሾታኔ ላይሉ ኩሚዳ ታማኔ ኦይዲ ጳርሾ ላቃታ ሺሺቲ።

24 ሚርጎታራ፣ ጳርሾታራኔ ጳርሾ ላቃታራ ኢሲፊ ሸቁዛ ካላ ያርሾዛኔ ኡሻ ያርሾዛ ካሴ ዎጋን ዎጲዳ ቆዳ ማላ ያርሺቲ።

25 ናጋራ ወርሳናሰ ሸቁዛ ያርሾሰ፣ ካላ ያርሾፊ፣ ኡሻ ያርሾፊኔ ጋላሰ ጋላሰ ሸቁ ጸጌቲዛ ያርሾፊ ሃራ ዳይሻ ኦርጌ ጉጂዲ ሺሺቲ።

26 « ነሃሻንሉ ጋላሰ ኢሰታ ቦላ ዎሶይ ባይንዳ ኡዲፋን ሚርጎታ፣ ናሞኡ ጳርሾታኔ ላይሉ ኩሚዳ ታማኔ ኦይዲ ጳርሾ ላቃታ ሺሺቲ።

27 ሚርጎታራ፣ ጳርሾታራኔ ጳርሾ ላቃታራ ኢሲፊ ሸቁዛ ካላ ያርሾዛኔ ኡሻ ያርሾዛ ካሴ ዎጋን ዎጲዳ ቆዳ ማላ ያርሺቲ።

28 ናጋራ ወርሳናሰ ሸቁዛ ያርሾሰ፣ ካላ ያርሾፊ፣ ኡሻ ያርሾፊኔ ጋላሰ ጋላሰ ሸቁ ጸጌቲዛ ያርሾፊ ሃራ ዳይሻ ኦርጌ ጉጂዲ ሺሺቲ።

29 « ነሱቲንሉ ጋላሰ ኢሰታ ቦላ ዎሶይ ባይንዳ ኦሰቲን ሚርጎታ፣ ናሞኡ ጳርሾታኔ ላይሉ ኩሚዳ ታማኔ ኦይዲ ጳርሾ ላቃታ ሺሺቲ።

30 ሚርጎታራ፣ ጳርሾታራኔ ጳርሾ ላቃታራ ኢሲፊ ሸቁዛ ካላ ያርሾዛኔ ኡሻ ያርሾዛ ካሴ ዎጋን ዎጲዳ ቆዳ ማላ ያርሺቲ።

31 ናጋራ ወርሳናሰ ሸቁዛ ያርሾሰ፣ ካላ ያርሾፊ፣ ኡሻ ያርሾፊኔ ጋላሰ ጋላሰ ሸቁ ጸጌቲዛ ያርሾፊ ሃራ ዳይሻ ኦርጌ ጉጂዲ ሺሺቲ።

32 « ነላቲንሉ ጋላሰ ኢሰታ ቦላ ዎሶይ ባይንዳ ላቲን ሚርጎታ፣ ናሞኡ ጳርሾታኔ ላይሉ ኩሚዳ ታማኔ ኦይዲ ጳርሾ ላቃታ ሺሺቲ።

33 ሚርጎታራ፣ ጳርሾታራኔ ጳርሾ ላቃታራ ኢሲፊ ሸቁዛ ካላ ያርሾዛኔ ኡሻ ያርሾዛ ካሴ ዎጋን ዎጲዳ ቆዳ ማላ ያርሺቲ።

34 ናጋራ ወርሳናሰ ሸቁዛ ያርሾሰ፣ ካላ ያርሾፊ፣ ኡሻ ያርሾፊኔ ጋላሰ ጋላሰ ሸቁ ጸጌቲዛ ያርሾፊ ሃራ ዳይሻ ኦርጌ ጉጂዲ ሺሺቲ።

35 « ነሱቲንሉ ጋላሰ ኢሲ ቦላ ጎይናሰ ሸቁቲ፣ ሃ ጋላሰ ኣይ ኦሶካ ኦሶፍቲ።

36 ኢሰታ ቦላ ዎሶይ ባይንዳ ኢሲ ሚርጎ፣ ኢሲ ጳርሾኔ ላይሉ ኩሚዳ ላቲን ጳርሾ ላቃታ ሳዎ ቲኑ ጌዲ ጎዳ ኡፋይሲዛ ጸጌቲዛ ያርሾ ሂሰቲ ሺሺቲ።

37 ሚርጎታራ፣ ጳርሾታራኔ ጳርሾ ላቃታራ ኢሲፊ ሸቁዛ ካላ ያርሾዛኔ ኡሻ ያርሾዛ ካሴ ዎጋን ዎጲዳ ቆዳ ማላ ያርሺቲ።

38 ናጋራ ወርሳናሰ ሸቁዛ ያርሾሰ፣ ካላ ያርሾፊ፣ ኡሻ ያርሾፊኔ ጋላሰ ጋላሰ ሸቁ ጸጌቲዛ ያርሾፊ ሃራ ዳይሻ ኦርጌ ጉጂዲ ሺሺቲ።

39 « ኢንቴሰ ዎጲዳ ባኣሌ ጋላሳታን ጎዳሰ ሺሺቲ፣ ሂሰካ ኢንቴ ኣዲኔቲዲ ሺሺዛ ያርሾፊኔ ኢንቴ ኢንቴ ደሳን ሺሺዛ ያርሾፊ ጸጌቲዛ ሃራ ያርሾ፣ ካላ ያርሾ፣ ኡሻ ያርሾኔ ኢሲፊፊቲ፣ ያርሾ ሺሺቲ» ጋ።»

40 ሙሴይካ ጎዳይ ኢዛ ኣዛዚዳ ማላ ኢሰራኤሌ ኣሳሰ ዮቲዴሰ።

30

ኣዲና ገሻሰ ኢሜቲዳ ዎጋ

1 ሙሴይ ኢሰራኤሌ ኣሳ ካሌሊዛ ኮራፒኔታሰ፣ «ጎዳይ ኣዛዚዳ ኣዛዘይ ሃይሳፊ ካሊዘይሳ፣

2 ኢሲ ኣሲ ጎዳሰ ኢሲ ሚሽ ኦላናሰ ኣዲኔቲኮ ዎይኮ ኢሳይይ ጫቁ ጌፒዲ ባና ባርካ ባ ቃላን ቃቺኮ ኢዚ ባ ጌሊዳ ቃላ ኡባ ፖላና ቤሴሰ ኣቲን ባ ጌዳይሳ ኣጋናሰ ቤሴና።

3 «ኢሲ ጌላኦያ ባ ኣዎ ሶን ዳሼ ጎዳሰ ኢሲ ሚሽ ኦላናሰ ኣዲኔቲኮ ዎይኮ ጫቃ ጌፓዳ ባና ባርካ ባ ቃላን ቃቺዛ ጌዲኮ።

4 ኢዚ ኣዎይ ሃሳ ሲዩዲ ኢዞ ዲጎንታ ኣገኮ ኢዛ ባ ኣዲኔቲዳይሳ ዎይኮ ባ ጫቃ ጌፒዳ ቃላዛ ፖላናሰ ቤሴሰ።

5 ኢዚ ኣዎይ ሃ ዮኦዛ ሲዩዲ ኢዞ ዲገዛ ጌዲኮ ኢዛ ኣዲኔቲዳ ኣዲናይ ዎይኮ ኢዛ ጫቃ ጌፒዳ ቃላይ ኢዚሰ ጎሜ ጌዴና፣ ጋሶይካ ኢዚ ኣዎይ ኢዞ ዲገዳ ገሻሰ ጎዳይ ኢዞ ማራና።

6 «ኣዚና ጌሎንታ ማጫሲ ኣኬካዳ ዎይኮ ኣኬኮንታ ኣዲና ኣዲኔታ ኡታዳ ዎይኮ ጫቃ ጌፓዳ ባና ባርካ ባ ቃላን ቃቺ ዎላዳ ኣዚና ጌሊኮ።

7 ኢዛ ጌሊዳ ኣዚናዚ ሃ ዮኦዛ ሲዩዲ ኢዞ ዲጎንታ ኣገኮ ኢዛ ባ ጌዳይሳ ኡባ ፖላናሰ ቤሴሰ።

8 ኢዚ ኣዚናይ ሃ ዮኦዛ ሲዩዲ ኢዞ ዲገዛ ጌዲኮ ኢዛ ኣዲኔቲዳ ኣዲናይ ዎይኮ ኢዛ ጫቃ ጌፒዳ ቃላይ ኢዚሰ ጎሜ ጌዴና፣ ጋሶይካ ኢዚ ኣዚናይ ኢዞ ዲገዳ ገሻሰ ጎዳይ ኢዞ ማራና።

9 «ኣዚናይ ሃይቁዳ ማጫሲ ዎይኮ ኣዚናይ ኣንጂ ዩዲዳ ማጫሲ ኢሲ ሚሽ ኦላናሰ ኣዲኔቲኮ ዎይኮ ጫቃ ጌፓዳ ባና ባርካ ባ ቃላን ቃቺዳ ጌዲኮ ኢዛ ባ ጌሊዳ ቃላ ፖላናሰ ቤሴሰ።

10 «ኣዚና ጌሊዳ ማጫሲ ኢሲ ሚሽ ኦላናሰ ኣዲኔቲኮ ዎይኮ ጫቃ ጌፓዳ ባና ባርካ ባ ቃላን ቃቺዳ ጌዲኮ።

11 እዚ ጌሊዳ አዘናዚ ሄ የኦዛ ሲዱዲ እዚ ደጎንታ አገረ እዚ ባ ገዳይሳ ኡባ ፖላናስ ቤሴስ።

12 እዚ አዘናይ ሄ የኦዛ ሲዱዲ እዚ ደገዛ ገዲኮ እዚ አዲኔተዳ አዲናይ ዋይኮ እዚ ጫቃ ገፒዳ ቃላይ እዚ ሳሜ ገዳና፤ ጋሶይካ እዚ አዘናይ እዚ ደገዳ ገሻስ ጎዳይ እዚ ማራና።

13 እዚ አዘናይ አይ አዲና ዋይኮ ጫቃ ገፒዳ ባና ባርካ ቃቸዳ ቃላ ደጋናስ ዋይኮ ፖሊናስ እዚ ሰማታይ ዳስ።

14 እዚ አዘናይ ሄ የኦዛ ሲዱዳ ማላ ዋንቴላ ጋላስ አይኮካ ቃቸንታ ጮኡ ገኮ እዚ ባ ገዳይሳ ኡባ ፖላናስ ቤሴስ፤ ሄ የኦዛ ሲዱዳ ማላ አይኮካ ቃቸንታ ጮኡ ገኮ ሄሲ እዚ ኤር ገዳይሳ ቆንጨሴስ።

15 ገደ አቲን እዚ አዘናይ ጋምኢዲ ሄ እዚ አዲናዛ ደገዛ ገዲኮ አላፊቴላን ኮይሹታናይ እዛ» ገደስ።

16 ጌላኦይ ጌሊዳ ማጫሲ አዲና አዲኔተኮ ዋይኮ ጫቃ ገፒዳ ባርካ ባና ባ ቃላን ቃቸዳ ገዲኮ እዚ አዋስ ዋይኮ እዚ አዘናስ ደዛ አላፊቴላኔ ማታ ገሻስ ጎዳይ ሙሴስ አሚዳ ዋጋይ ሃይሳ።

31

ሚዲያሜ ዳሬ ቦላ ዳንዲዳ ኦላ

1 ጎዳይ ሙሴስ፡

2 «ሚዲያሜ አሳይ አሰራኤሌ አሳ ቦላ ጋሊዳ ቆሆዛ ገሻስ ኔጊ ሚዲያሜ አሳ ሃሎ ኬሳ፤ ሄሳ ኦሊዳፔ ጉዬ ኔጊ ሃይቃና» ገደስ።

3 ሄሳ ገሻስ ሙሴይ ዳሬዛስ፡ «ሚዲያሜ አሳይ ጎዳ ቦላ ካሴ ኦሊዳ ቆሆዛ ገሻስ አንቴ ሃሎ ኬሳናስ ኦላስ ገጌቲቴ።

4 አሰራኤሌ አሳ ዛርኬፌ ዛርኬፌ አሲ አሲ ሺ አቱማስ ዶሪዲ ጌዳ ኦላስ ዩዲቴ» ገደስ።

5 ሄሳ ገሻስ አሰራኤሌ ዛርኬታፔ አሲ አሲ ሺ አስ ኬሲ አሚን 12,000 አሲ ኦላስ ገጸቲዲ ገጌቲዳስ።

6 ሙሴይካ አሲ አሲ ዛርኬፌ አሲ አሲ ሺ አሲ ቁሴ ኤልኤዜሬ ና ፊኒሃሴ ካሌሶን ኦላስ ዩዲዳስ፤ ፊኒሃሴካ ጌሻሶዛፔ ዲማ ሚሻታኔ ኦላስ ዳንጮሊዛ ዛዬታ ባ ኩሼን ኦይኪዲ ቢዳስ።

7 አሰቲካ ጎዳይ ሙሴ አዛዚዳ ማላ ሚዲያሜ አሳ ኦሊዲ አቱማሳ ሙሌራ ዋዲዳ።

8 ሃይቁዳይታ ገደን ሚዲያሜ ካዋ ኢቻሻቲ ኤዋይ፡ ኤሬቁሜይ፡ ጸሬይ፡ ኡሬይ ኤሬባኤይ ዳቴስ፤ ቢኦሬ ና ባላሜካ ማሻን ዋዲዳ።

9 አሰራኤሌ አሳይ ሚዲያሜ ማጫሳታኔ ጉላ ናይታ ዲኢዲ አሰታ ሜሄታኔ አሰታ አቆታ ኡባ ፒቲ ኤኪዳስ።

10 አሰቲ ዲዛ ካታማታኔ አሰቲ ዲዛ ጉታታ ኡባ ታማን ጸገዳ።

11 አሰታ አሳ፡ ሜሃኔ ዲኢዳ ሚሽ ኡባ ኤኪዳ።

12 ዮርዳናሴ ሻፋፔ ሄ ፒንላ ገናራ ዲዛ ሞኦቤ ዳምባን ዳንካኒ ኡቲዳ ሙሴኮ፡ ቁሴ ኤልኤዜሬኮኔ ኩሜላ አሰራኤሌ ማባራኮ ኤሂዳ።

13 ሙሴይ ቁሴ ኤልኤዜሬይ ማባራ ካሌሊዛይቲ ኦላ አሳ ሞካናስ ጌዳ ኬዚዳ።

14 ሙሴይ ገዲኮ ኦላሶፔ ሃ ሲሚዛ ኦላ አሳ አዛዚዛ ሻላቃታ ቦላኔ ማቶ ሃላቃታ ቦላ ሃንቁቲዳስ።

15 እዚካ አሰታስ፡ «ሃይሳ ማጫሰ ኡባ አዛስ ዋዲንታ ሼምፖራ ፓጻ አገዳቲ?»

16 ኦኒ ካሴ ፔኦሬን ዲሺን ሃይቲ ባላሜ ዞሬ ኤኪዲ አሰራኤሌ አሳይ ባ ጎዳፔ ሃካና ማላኔ ቦሻን ዉራና ማላ ኦሊዳይ አሰታ ገዳቴኔ!

17 ሄሳ ገሻስ አቱማ ናይታ ኡባኔ አዳራ ጋይቲዳ ማጫሳታ ኡባ ዋዲቴ።

18 ገደ አቲን አዳራ ጋይቲ ኤርንታ ጌላኦታ ዋዲንታ አንቴስ አሺቴ።

19 «አንቴ ጋርሳን አስ ዋዲዳይይ ዋይኮ አሃ ቦቸዳ አሲ ዉሪካ ላፑን ጋላስ ጋካናስ አሲ ዲዛሶፔ ሃራሶን ጋምኦ፤ ሄሻንላ ጋላሲኔ ላፑንላ ጋላስ አንቴናኔ አንቴ ዲኢ ኤሂዳ ማጫሳታ ጌሺቴ።

20 ሄሳላካ አይ ማይኦ ዋይኮ ጋልባፌ፡ ዳይሻ አሲከፊኔ ሚላፌ ኦሴቲዳ ሚሽ ኡባ ጌሺቴ» ገደስ።

21 ቁሴ ኤልኤዜሬይ ኦላፔ ሲሚዳ አቱማሳስ፡ «ጎዳይ ሙሴስ አሚዳ ዋጋቲ ሃይሳፌ ባሊዛይታ፤

22 ዋርቃይ፡ ቢራይ፡ ጸርቁማላይ፡ ቢራታይ፡ ቆርቆሮይ፡ አርሳሴይ፡

23 ሄሳላካ ታማይ አሰታ ቆሆንታይቲ ታማ ገደራ አዲዲ ጌናናስ ቤሴስ፤ ታማ ዳንዳዮንታ አይ ሚሸካ ካሴ ዋዲዳ ዋጋ ማላ ጌሾስ ገጌቲዳ ሃላን ጌሺቴ።

24 አንቴ አንቴ ማይኦ ላፑንላ ጋላስ ሚጨቲ፤ ሃሳፌ ጉዬ አንቴ ጌሽ ገዲዛ ገሻስ ሲሚዲ ካሴ አንቴ ዲንካኒ ዲዛሶ ጌላናስ ዳንዳይታ» ገደስ።

ዲኢ ኤሂዳይሳ ገሺቴላ

25 ጎዳይ ሙሴስ ሂዘገደስ፡

26 «ኔጊ ቁሴ ኤልኤዜሬይ ኤራ ካሌሊዛ ኮራፒኔታራ ገዲዲ ዲኤቲ ዩዳ አሳኔ ሚሃ ቆዲቴ።

27 ናምኡ ኬሲ ሻኪዲ ባጋ ኦላሶ ቢዳ ዋታዳራታስ አቶይሳ ሃንኮ ማባራስ አሚቴ።

28 ዋታዳራታ ገሻፔ ዲኤቲዳ አሳፔ፡ ሚዛታፔ፡ ሃራታፔ ዶርሳታፔ ኤይሻታፔ ኢቻሹ ጸታፔ አሲኖ ታስ ጎዳስ ዲማ አምታ ሂሰቲ ሻኪቴ።

29 ሄ አንቴ ታስ ጎዳስ ሻኪዳይሳ ታ ገሻዛ ቁሴ ኤልኤዜሬስ አሚቴ።

30 ሂንኮ ማባራስ አሚቴዳ ገሻፔ፡ አሳፔ፡ ሚዛፔ፡ ዶርሳታፔ፡ ዳይሻታፔ ነራታፔ ኢቻሽ ታማፌ አሲኖ ጋይቶቲላ ዲንካኔን አላፊቴላን ኦሊዛ ሊዌታስ አሚቴ።»

31 ሙሴይ ኤልኤዜሬይ ጎዳይ አሰታ አዛዚዳይሳ ኡባ ኦሊዳ።

32 ዋታዳራቲ ባንታስ ኤኪሺን አቲዳይሲ፡ 675,000 ዶርሳታኔ ዳይሻታ፡

33 ላፑን ታማኔ ናምኡ ሺ ሚዛታ፡

34 ኡሶፑን ታማኔ አሲ ሺ ሃራታ፡

35 ሄሹ ታማኔ ናምኡ ሺ አዳ ኤርንታ ጌላኦታ።

36 ዲኤቲ ዩዳይሳፌ ባጋይ ኦሊቲ ዩዳይታስ አሚቴዳስ፤ ሄሲካ 337,500 ዶርሳታ።

37 አሰታፌ 675 ጎዳስ ዲማ አምታ ጌቲቲ ሻኪቲዳይታ።

38 ሚዛቲ 36,000፤ አሰታፌ ጎዳስ ዲማ አምታ ገዲ ሻኪቲዳይቲ ላፑን ታማኔ ናምኡ።

39 ሃራቲ 30,500፤ አሰታፌ ጎዳስ ዲማ አምታ ገዲ ሻኪቲዳይቲ ኡሶፑና።

40 አዳ ኤሮንታ ጌላኦቲ 16,000፤ ኢስታፊ ጎዳሰ ዲማ አሞታ ገዲዲ ሻኬቲዳይቲ ሄቹ ታማኔ ናሞኣ።

41 ሄሳ ገሻሰ ሙሴይ ጎዳይ ኢዛ አዛዚዳ ማላ ጎዳሰ ዲማ አሞታ ሂሰቲ ሻኪዳይሳ ቄሴ ኤልኤዜሬስ አሟደሰ።

42 ሃንኮ ኢስራኤል ማባራ ገሻይ ኦላሰ ከቲቲዳ ዋታዳራታ ገሻራ ኢሲ ገሩ።

43 ሂሲካ 337,500 ዶርሳታኔ ዳይሻታ።

44 ሄቹ ታማኔ ኡሱቸን ሺ ሚዛታ።

45 ሄቹ ታሙ ሺያኔ ኢቻሹ ጾቱ ሃሪታ።

46 ታማኔ ኡሱቸን ሺ አዳ ኤሮንታ ጌላኦታ።

47 ሄሳ ገሻሰ ሙሴይ ኢቻሽ ታማሬ ኢሲኖ ጎዳይ ኢዛ አዛዚዳ ማላ ጋይቶቲላ ዲንካኔን አላፊቲላን ኦሊዛ ለዌ ዛርኬታሰ አሟደሰ።

48 ሄሳፊ ጉዬ ኦላ አሳ አዛዚዳይቲ ሻላቃቲኔ ማቶ ሃላቃቲ ሙሴኮ ሺቂዳ።

49 «ኮኒ ኔ ኦሳንቻቲ ኑፔ ጋርሳራ አዛዜቲዛ ዋታዳራታ ኡባ ቆዲዶስ፤ ኢስታፊ ኢሶይካ ፓጪቤና፤

50 ሄሳ ገሻሰ ኮኒ ኢሶይ ኢሶይ ኤኪዳ ዋርቃ አሌቆታ። ቶሆ ገሞታ። ኩሼ ሳጋዮታ። ቢራዴ ሚዲጋታ። ሃይላ ጉቲቻታ። ቆዴን አዲዛ ማጪፋራታ ኡባ ኑ ናጋራ ዉርሳናሰ ጎዳሰ ያርሾ አማናሰ ኤኪ ዪዶስ» ገዳ። *

51 ሙሴይኔ ቄሴ ኤልኤዜሬይ ዋርቃፊ ኦሴቲዳ አሌቆታ ኡባ ኤኪዳ።

52 ሻላቃታፔኔ ማቶ ሃላቃታፔ ኤኪዳ ሙሴይኔ ቄሴ ኤልኤዜሬይ ጎዳሰ አሞታ ሂሰቲ ሺሺዳ ዋርቃ አሌቆቲ 16,750 ሳቂሌ ገዲደሰ። †

53 ጋርሳራ ዲዛ ዋታዳራቲ ገዲኮ ባ ዲኢዳይሳ ባሰ ባሰ ኤኪ ቢዳ።

54 ሄሳ ገሻሰ ሙሴይኔ ቄሴ ኤልኤዜሬይ ሻላቃታፔኔ ማቶ ሃላቃታፔ ኤኪዳ ዋርቃ አሌቆታ ጎዳ ሲንሳን ኢስራኤል ዳራ ሃሳኢሳና ማላ ጌዴ ጋይቶቲላ ዲንካኔዛኮ ኤኪ ቢዳ።

32

ዮርዳኖሴ ሻፋፔ ኦርሼይ ሞኪዛ ባጋራ ዲዛ ዛርኬታ (ዛሬ 3:12-22)

1 ኦርሴሌ ዛርኬታሰኔ ጋዴ ዛርኬታሰ ከሂ ዳር ሜሄይ ዳሰ፤ ኢያዜሬ ዳሬይኔ ጋላኦ ዳሬይ ሜሄሰ ዳር ሎኦ ገዲዳይሳ ቤይዳ።

2 ሄሳ ገሻሰ ኢስቲ ሙሴኮ፣ ቄሴ ኤልኤዜሬኮኔ ሃንኮ ማባራ ካሌላዛይታኮ ቢዳ።

3-4 «ጎዳይ ኢስራኤል አሳን ጸኒሲዳ አጸርቲ ዳሬይ፣ ዲቦኔ ዳሬይ፣ ኢያዜሬ ዳሬይ፣ ኒሞራ ዳሬይ፣ ሃሴቦኔ ዳሬይ፣ ኤልኤሌ ዳሬይ፣ ሲቢማ ዳሬይ፣ ኔቦ ዳሬይኔ ባኦኔ ዳሬይ ሜሄሰ ሎኦ፤ ኩሰካ ዳር ሜሄይ ዳሰ።

5 አንቲ ኩሰ ሎኦ ቆፒኮ ሃይሳ ሃ ዳሬዛ ኩሰ አንቲ አሳንቻታሰ ዳናሶ ሂሰቲ አሚቲ ኦቲን ኮኒ ዮርዳኖሴ ፒናና ማላ አላፍቲ» ገዳ።

6 ሙሴይካ ኢስታሰ፣ «አንቲ አሻቲ ኦላሰ ቢሺን አንቲ ሃን አታናሰ ኮዬቲ?»

7 ኢስራኤል አሳይ ዮርዳኖሴ ፒኒዲ ጎዳይ ኢስታሰ አሚዳ ዳሬዛ ጌሎንታ ማላ አንቲ አሳ ሂዶታ ኦዛሰ ቃንጸሴቲ?

8 ሃኖ ቢታዮ ጸሞሳና ማላ ቃዴሴ ባሪኔፔ ታኒ ካሴ አንቲ አዋታ ዬዲን ሃይሳላካ ኦሊዳ።

9 ኢስቲ ኤሽኮሌ ሾባ ጋካናሰ ቢዲ ሄ ቢታዮ ጸሞሴ ጸሊዳ፤ ገዳ ኦቲን ሃፔ ሰሚዲ ኢስራኤል አሳይ ጎዳይ ኢስታሰ አሚዳ ዳሬዛ ጌሎንታ ማላ ሂዶታ ቃንጸሴዳ።

10-11 ሄ ጋላሰ ጎዳይ ከሂ ሃንቁቲዳ፣ ሩሲቲ ኩሜላ ዋዚናፔ ታና ካሎንታ ኢጲዳ ገሻሰ ገብጾፔ ከዚዳ አሳፔ ላይላይ ናሞኦ ታሙ ኩሚዳይቲኔ ሄሳፊ ቦላራ ገዲዳይቲ ኡባይ ታኒ አብራሃሜሰ፣ ዪሳቃሰኔ ያቆቤሰ አማና ጋዳ ካሴ ጫቂዳ ቢታ ኢስቲ ሙሌካ ጌሎንታ ማላ ጫቃዲሰን ገደሰ።

12 ሃይሲ ጎዳይ ጫቂ ቃቲዳ ቃላዚ ጎዳ ኩሜላ ዋዚናፔ ካሊዳ ቁናዜ ዳሬ አሰ ዮፊኔ ና ካሌቤፔኔ ናዋ ና ኢያሶፔ ኦቲን ሃንኮ አሳ ኡባካ ቦቼሰ።

13 ጎዳይ ኢስራኤል ዳሬዛ ቦላ ሃንቁቲዳ ገሻሰ ሄ ኢዛ ሃንቁላዳ ዬሌታቲ ኡባይ ዉራና ጋካናሰ ኢስቲ ባዛ ቢታን ኦይዱ ታሙ ላይላ ቶይላታና ማላ ኦሊዳሰ።

14 አንቲኖ ናጋራንቻ ዬሌታቶ! ጎዳይ ኢስራኤል ዳሬ ቦላ ጉጂ ሃንቁታና ማላ ሃኢካ አንቲ አንቲ አዋታላ ኦሊታ።

15 አንቲ ኦርሴሌ ዛርኬቲኔ ጋዴ ዛርኬቲ ጎዳ ካሎንታ ኢጲኮ ኢዚ ሃ ዳራ ኡባ ባዛን አጋጋና፤ ኢስታ ቦላ ጋኪዛ ሜቶ ኡባን አንቲ ኦይሼታና» ገደሰ።

16 ኢስቲካ ሙሴኮ ሺቂዳ፣ «ኮኒ ኑ ሜሄታሰ አቆሶ፣ ኑ ማቼታሰኔ ኑ ናይታሰ ዲሳሶ ኦላና ኮዮሰ።

17 ገዳ ኦቲን ኑ ባጋ ኢስራኤል አሳይ ባሰ ዲሳሶ ገዲዳ ቢታዮ ጌሊዲ ኡታና ጋካናሰ ኑ ኡባፊ ሲንሳቲ ኦላሰ ከዛናሰ ገቤቲ ኡቲዶሰ፤ ኮኒ ሄሳ ፖሊዲ ሰማና ጋካናሰ ኑ ናይቲኔ ኑ ማቼቲ ሃይሳ ሃ ዳሬዛን ዲዛ አሳፔ ኢስታ ቦላ ቆሆይ ጋኮንታ ማላ ገሞቤቲዳ ካታማን ሂርጋይ ባይንዳ ዲሼቶ።

18 ኢስራኤል አሳይ ኡባይ ባሰ ባሰ ገቤቲዳ ቢታ ኤካና ጋካናሰ ኮኒ ኩሰ ሲሞኮ።

19 ኮኒ ኑ ገሻ ዮርዳኖሴፔ ኦርሼይ ሞኪዛ ባጋራ ኤኪዳ ገሻሰ ፒንላፊ ኢስታ ጋኪዛ ገሻፔ ኑ አይኮካ ኤኮኮ» ገዳ።

20 ሙሴይካ ኢስታሰ፣ «ሃይሲ አንቲ ገዲይሲ ቱሙ ገዲኮ አንቲ ጎዳ ሲንሳን ኦላ ባናሰ አንቲ ገቤቲዳ ገዲኮ።

21 ቃሴካ ጎዳይ ባ ሞርኬታ ባ ሲንላፊ ዬዳላ ከሳና ጋካናሰ አንቲ ኡባቲካ ጎዳ ሲንሳን ኦላሰ ገቤቲዳይታ ገዲዲ ዮርዳኖሴ ሻፋ ፒኒኮ።

22 ቢታያካ ጎዳሰ ሃሪቲዳፔ ጉዬ አንቲ ሰማና ዳንደዬታ፤ ሄ ዋዴ አንቲ ጎዳሲኔ ኢስራኤል አሳሰ ኦላናሰ ቤሲዛ አላፊቲላ ፖሊዳፔ ጉዬ ሃራ አይኮካ ኦይሼቲኬታ፤ ሃሳፊ ጉዬ ሃ ቢታያ አንቲሰ ጸንጾ ገዳና።

23 «አንቲ አንቲ ገዳ ቃላ ናንጎታ አገኮ አንቲ ጎዳ ቆሄታ፤ አንቲ ናጋራ ገሻሰ ቁጻቲይ አንቲ ቦላ ጋካናይሳ ኤሪቲ።

* 31:50 ማጪፋራ ገቲቲዛይሲ ቤኒ ዋዴ ማጫሳቲ ሴሎሰ ቆዴን አሊ ማይኢዛ ቢራፔ፣ ዋርቃፊ፣ ጸርቁማላፔኔ ዲማ ዲማ ሚሻታፔ ኦሴቲዳ አሌቆ ሚሻ። † 31:52 16,750 ሳቂሌ ገዛይሲ ከሎን ሜዛኔቲሺን 200 ከሎ ገራሜ ገዳና። 32:9 ታይ 13:17-33 32:13 ታይ 14:26-35

24 ሃሳ ገሻሰ አንቱ ማቼታሲኔ አንቱ ናይታሰ ዲሳሶ፡ አንቱ ማህታሰካ አቆሶ ኦሊቲ፤ አንቱ ጫቆ ጌሊዳ ቃላካ ፖሊቲ» ገደሰ።

25 ጋዴ ዛርኬቲኔ ኦርቤሌ ዛርኬቲ ሙሴሰ፡ «ኑኒ ኔ ኦሳንቻቲ ኔኒ ኑ ጎዳይ ኑና አዛዚዳይሳ ኑ አላና።

26 ኑ ማቼቲ፡ ኑ ናይቲኔ ኑ ማህቲ ሃይሳን ጋላአዴ ካታማታን ጋምኤቶ።

27 ገደ አቲን ኑኒ ኔ ኦሳንቻቲ ኦላ ኦሌታናሰ ገደቲዳይቲ ዉሪካ ጎዳ ሰንላን ኦሌታናሰ ኑ ጎዳይ ኔኒ ኑና አዛዚዳ ማላ ጌዴ ሃ ፒንላ ኑ ፒናና» ገደ።

28 ሃሳ ገሻሰ ሙሴይ ቁሴ ኤልኤዜሪሰ፡ ናዋ ና ኢያሶሲኔ ኢሰራኤሌ ማባራ ካሌሌዛ ኮራፒኔታሰ ኢሰታ ገሻሰ።

29 «ጋዴ ዛርኬቲኔ ኦርቤሌ ዛርኬቲ ዮርዳኖሴ ፒኒዲ ጎዳ ሰንላን ኦላሰ ገቢቲዲ ኢሰቲ አንቲና ማዲን ቢታያ አንቲ ኩሼን ጌሊዛ ዎዴ ጋላአዴ አንቲ ኢሰታሰ ጸንጾ ሂሰቲ አሚቲ።

30 ኢሰቲ አንቲናራ ዮርዳኖሴ ሻፋ ፒኒ ቢዲ ኦሌቶንታ ኣገቡ ኢሰቲካ አንቲናራ ኢሲፊ ካናኔፕ ገሼቲ ኤኬቶ» ገደሰ።

31 ጋዴ ዛርኬቲኔ ኦርቤሌ ዛርኬቲ፡ «ኑኒ ኔ ኦሳንቻቲ ጎዳይ ኑና አዛዚዳይሳ ኡባ አላና።

32 ኑ ኦላሰ ጎዳ ሰንላ ጌዴ ካናኔ ፒናና፤ ኑ ላታና ቢታይ ገዲኮ ዮርዳኖሴ ሻፋፕ ሃ ፒንላን ኣርሼይ ሞኪዛ ባጋና» ገደሰ።

33 ሃሳ ገሻሰ ሙሴይ አዋሪ ዴሪ ካዎ ሲሆኔይ ሃሪዛ ዴሪታኔ ባሳኔ ዴሪ ካዎ ኣጌይ ሃሪዛ ዴሪን ዲዛ ካታማታ፡ ኢሰታ ዩሾን ዲዛ ካታማታኔ ዴሪታ ኡባ ኦርቤሌ ቆሞታሰ፡ ጋዴ ቆሞታሲኔ ሚናሴ ቆሞታፕ ባጋይታሰ አሚዳሰ።

34 ጋዴ ቆሞቲ፡ ዲቦኔ፡ አጸሮቲ፡ ኣሮኤሪ፡

35 አጸሮቲ-ሶፋኔ፡ ኢያዜሪ፡ ዮገባሃ፡

36 ቤቲ-ሂሚሪኔኔ ቤቲ-ሃራኔ ዩዩ አቆናሰ ገምቤ ገምቢዳ፤ ባ ማህታሰካ አቆሶ ኬጲዳ።

37 ኦርቤሌ ዛርኬቲ ሃሴቦኔ፡ ኤልኤሌ፡ ቂሪያታይማ ካታማታ ዛሪ ገምቢዳ።

38 ሃሳላካ ጉዩፕ ኢሰታሰ ሱንላይ ላማቲዳ ኔቦ፡ ባአሊ-ማኦኔኔ ሴባማ ካታማታ ዛሪ ገምቢዳ፤ ሃ ካታማታ ኡባታሰ ኦራፋ ሱንላ ሱንላዲ።

39 ሚናሴ ና ማኪሬ ዜሪፋቲ ጋላአዴ ኦሊ ኦይኪዲ ካሴ ሃን ዲዛ አዋሪ ኣሳታ ዩዴላ ኬሲዳ።

40 ሃሳ ገሻሰ ሙሴይ ጋላአዴ ዴሪ ሚናሴ ና ማኪሬ ዜሪፋታሰ አሚዳሰ፤ ኢሰቲካ ባንታሰ ሃን ዲሳሶ ኦሊዳ።

41 ሚናሴ ዛርኬሬ ገዲዳ ያኢሬይ ኢሲ ኢሲ ጉታታን ሜቶ ጋሊዲ ባሰ ኤኪዳሰ፤ ኢሰቲካ፡ «ሃሶት-ያኢሬ» * ገ ሱንላዲዳ።

42 ኖባሄይ ቃሴ ቁናቲኔ ኢዛ ዩሾን ዲዛ ጉታታ ኦሊ ኦይኪዲ ባ ሱንላን፡ «ኖባሄ» ገ ሱንላዲዳ።

33

ኢሰራኤሌ ኣሳይ ገብጾፕ ሞኣቤ ጋካናሰ ቢዳ ታሪኬ

1 ኢሰራኤሌ ኣሳይ ባ ዛርኬን ዛርኬን ሻኬቲ ሻኬቲ ሙሴይኔ ኣርኔይ ካሌሊን ገብጾፕ ኬዚዳፕ ጉዩ ዲማ ዲማ ዎዴ ኢሰቲ ዲንካኒ ኡቲዳሶሆቲ ሃይሳፊ ካሊዛይታ፤

2 ኢሰቲ ዲማ ዲማ ዎዴ ዲንካኒ ኡቲዳሶሆታ ሱንላ ጎዳይ ኣዛዚዳ ማላ ሙሴይ ጸፊዳሰ።

3 ኢሰራኤሌ ኣሳይ ኮይሮ ኣገናይ ጌሊዳ 15 ጋላሰ ፓዚጋ ባአሌፕ ዎንቲላ ገብጾ ኣሳይ ኡባይ ኢሰቲ ጸሊሺን ያዮንታ ኤራሚሴ ካታማ ዩጊ ኬዚዳሰ።

4 ሃ ዎዴ ገብጾ ኣሳይ ኢሰታ ገደፊ ጎዳ ቦሻን ሃይቂዳ ባይራታ ባይራታ ሞጎን ዴቲሰ፤ ሃ ዎዴ ጎዳይ ኢሰታ ኤቃ ጸሳታ ቦላካ ፐርዲዳሰ።

5 ኢሰራኤሌ ኣሳይ ኤራሚሴፕ ዴንዲ ቢዲ ሱኮቲን ዲንካኒ ኡቲዳሰ።

6 ሱኮቲፕ ዴንዲዲ ባዞ ጋጸ ቦላ ዲዛ ኤታማን ዲንካኒ ኡቲዳሰ።

7 ኤታማፕ ዴንዲዲ ባአሊ-ጸፎኔፕ ኣርሼይ ሞኪዛ ባጋራ ዲዛ ፕሃሂሮቲ ሰሚዲ ሚጊዳሌ ሄራን ዲንካኒ ኡቲዳሰ።

8 ፕሃሂሮቲፕ ዴንዲዲ ዞኦ ኣባ ፒኒዲ ኤታማ ባዞ ቢዳሰ፤ ኤታማ ባዞን ሃቡ ጋላሰ ጋካናሰ ቢዲ ማራ ጋኪ ዲንካኒዳሰ፤

9 ማራፕ ዴንዲዲ ታማኔ ናምኤ ሃላ ፑልቶቲኔ ላፑን ታሙ ታሚራ ሚፋቲ ዲዛሶ ኤላማ ጋኪ ዲንካኒ ኡቲዳሰ።

10 ኤላማፕ ዴንዲዲ ዞኦ ኣባ ማታን ዲንካኒ ኡቲዳሰ።

11 ዞኦ ኣባ ማታፕ ዴንዲዲ ሲና ባዞን ዲንካኒ ኡቲዳሰ።

12 ሲና ባዞፊ ዴንዲዲ ዲፊቃን ዴንካኒ ኡቲዳሰ።

13 ዲፊቃፕ ዴንዲዲ ኣሌሼን ዴንካኒ ኡቲዳሰ።

14 ኣሌሼፕ ዴንዲዲ ኡሻ ሃላ ባይንዳሶን ኤራፊዲማን ዴንካኒ ኡቲዳሰ።

15 ኤራፊዲማፕ ዴንዲዲ ሲና ባዞን ዴንካኒ ኡቲዳሰ።

16 ሲና ባዞፊ ዴንዲዲ ኪብሮቲ-ሃታኣቤን ዴንካኒ ኡቲዳሰ።

17 ኪብሮቲ-ሃታኣቤፕ ዴንዲዲ ሃጸሮቲን ዴንካኒ ኡቲዳሰ።

18 ሃጸሮቲፕ ዴንዲዲ ኤሪቲማን ዴንካኒ ኡቲዳሰ።

19 ኤሪቲማፕ ዴንዲዲ ኤሪሞን-ፔሬዜን ዴንካኒ ኡቲዳሰ።

20 ኤሪሞን-ፔሬዜፕ ዴንዲዲ ሊቢናን ዴንካኒ ኡቲዳሰ።

21 ሊቢናፕ ዴንዲዲ ኤሪሳን ዴንካኒ ኡቲዳሰ።

22 ኤርሳፕ ዴንዲዲ ቃሃላቲን ዴንካኒ ኡቲዳሰ።

23 ቃሃላቲፕ ዴንዲዲ ሼፊሬ ዙማን ዴንካኒ ኡቲዳሰ።

24 ሼፊሬ ዙማፕ ዴንዲዲ ሃራዳን ዴንካኒ ኡቲዳሰ።

25 ሃራዳፕ ዴንዲዲ ማቂሃሎቲን ዴንካኒ ኡቲዳሰ።

26 ማሃሎፕ ዴንዲዲ ታሃቲን ዴንካኒ ኡቲዳሰ።

27 ታሃቲፕ ዴንዲዲ ታራን ዴንካኒ ኡቲዳሰ።

28 ታራፕ ዴንዲዲ ሚቲቃን ዴንካኒ ኡቲዳሰ።

29 ሚቲቃፕ ዴንዲዲ ሃሼሞኔን ዴንካኒ ኡቲዳሰ።

30 ሃሼሞኔፕ ዴንዲዲ ሞሴሮቲን ዴንካኒ ኡቲዳሰ።

31 ሞሴሮቲፕ ዴንዲዲ ቤኒ ያቂኔን ዴንካኒ ኡቲዳሰ።

32 ቤኒ ያቂኔፕ ዴንዲዲ ሆራ-ሃጊዲጋን ዴንካኒ ኡቲዳሰ።

33 ሆራ-ሃጊዲጋፕ ዴንዲዲ ዮጽባቲን ዴንካኒ ኡቲዳሰ።

32:32 እያ 1:12-15 * 32:41 ሃሶት-ያኢሬ፡ ሃሶት-ያኢሬ ጉሲ ያኢሬ ጉታታ ጉሳ።

34 የጽባቱ፣ ዳንዲዲ አብሮኔን ዳንካኒ ኡቲዳስ።
 35 አብሮኔ፣ ዳንዲዲ ኤጲዮን-ጋቢሬን ዳንካኒ ኡቲዳስ።
 36 ኤጲዮን-ጋቢሬ፣ ዳንዲዲ ጸኔ ባዘን ዲዛ ቃዳሴን ዳንካኒ ኡቲዳስ።
 37 ቃዳሴ፣ ዳንዲዲ ኤዶሜ ዳሬ ቆላን ዲዛ ሆሬ ዙማን ዳንካኒ ኡቲዳስ።
 38 ቄሴ አሮኔይ ጎዳ አዛዘን ፑዳ ሆሬ ዙማ ቦላ ኬዚዳስ፤ ሄን ኢሰራኤል አሳይ ጊብጾ፣ ኬዚዳ አይዲ ታማን፣ ላይላን ኢቻሻን፣ አገሪድ ዳሪዳ ገይር ጋላሰ ሃይቂዳስ።
 39 አሮኔይ ሆሬ ዙማ ቦላ ሃይቂዳ ዋዳ ኢዛ ላይላይ ዳታኔ ናሞኡ ታማኔ ሄቸ።
 40 ካናኔ ቢታን ኔጌቤን ዲዛ ካናኔ አሰ አራዳ ካዋይ ኢሰራኤል አሳይ ዪዛይሳ ሲዪዳስ።
 41 ዳሬዚካ ሆሬ ዙማ፣ ዳንዲዲ ዳለሞናን ዳንካኒ ኡቲዳ።
 42 ዳለሞና፣ ዳንዲዲ ፓኖን ዳንካኒ ኡቲዳስ።
 43 ፓኖን፣ ዳንዲዲ ኦቦቲን ዳንካኒ ኡቲዳስ።
 44 ኦቦቲ፣ ዳንዲዲ ሞኦቤ ቆላን ዲዛ ኢዬ-አባሪሜን ዳንካኒ ኡቲዳስ።
 45 ኢዬ-አባሪሜ፣ ዳንዲዲ ዲቦን-ጋዴን ዳንካኒ ኡቲዳስ።
 46 ዲቦን-ጋዴ፣ ዳንዲዲ አልሞን-ዲቢላታዬን ዳንካኒ ኡቲዳስ።
 47 አልሞን-ዲቢላታዬ፣ ዳንዲዲ ኔቦ ማታን ዲዛ አባሪሜ ዙማታ ቦላ ዳንካኒ ኡቲዳስ።
 48 አባሪሜ ዙማታ፣ ዳንዲዲ ኢያርኮሬ ዮርዳኖሴ ፒንፋን ዲዛ ሞኦቤ ዳሞባን ዳንካኒ ኡቲዳስ።
 49 ሄን ዮርዳኖሴ ማታን ሞኦቤ ዳሞባን ቤቲ-ያሽሞቴ፣ ቢዲ አቤሊ-ሹቲሜ ጋካናሰ ዳንካኒ ኡቲዳስ።

ዮርዳኖሴ ፒኒዲ አላናሰ ቤሲዛ ዋጋ

50 ኢያርኮ ገናራ ዮርዳኖሴ ፒንፋን ሞኦቤ ዳሞባን ኢሰቲ ዲቪን ኢሰራኤል ዳሬዳሰ የታና ማላ ጎዳይ ሙሴስ ሃይሳፊ ካሊዛ ዋጋ አሟዳስ።
 51 ኔኒ ኢሰራኤል አሳሰ፡ «ኢንቲ ካናኔ ዳሬ ጌላናሰ ዮርዳኖሴ ፒኒዛ ዋዳ።
 52 ሄ ቢታን ዲዛ አሳ ኡባ ኢንቲ ሲንፋፊ ጎዳ ኬሰቲ፣ ሹቻፊኔ ቢራታ፣ ኦሴቲዳ ኢሰታ ኤቃ ጸሳታ ማንጤሬላ ዩጊቲ፣ ሄሳፋካ ቶቃሶሆታን ዲዛ ኢሰቲ ጎይኒዛሶታካ ላላቲ።
 53 ታኒ ሄ ቢታኖ ኢንቲሰ አሟዳ ጊሻሰ ላቲዲ ኢንቲ ኢዘን ዲቲ።
 54 ቢታኖ ኢንቲ ዛርኬን ዛርኬን ጊሹቲ ኤኪቲ፣ ቆዳን ዳሪዛ ዛርኬሰ ዳልጋ ጋዴ አሟቲ፣ ቆዳን ጉጺዛ ዛርኬታሰ ጸንፋ ጋዴ አሟቲ፣ ኢሶይ ኢሶይ ባ ዛርኬን ዛርኬን ቢታኖ አይ ጊዲንካ ሳማይ ጋሊዳ ማላ ባሰ ላታ ጋዴ ሂሰቲ ኡቲ።
 55 «ካሴ ሄ ቢታን ዲዛ አሳታ ኡባ ጎዳ ኬሶንታ ኢሰታፊ ሻኪ አሽቦ ኢሰቲ ኢንቲ አይፊ ጫዲ ቶይሲዛ ፒልቁ ማላ ጊዳና፣ ሚሌ ጫዲዛ አጉንፋ ማላ ጊዲዲ ኢሰቲ ኢንቲና ዋዩሳና፣ ኢንቲ ዲዛ ዳሬዛን ኢሰቲ ኡባ ዋዳ ኦላ ዳንፋ ዳንፋ ኢንቲና ማቶላና።
 56 ኢንቲ ሄሳፋ አላንታ አገቦ ታኒ ኢሰታ ቆይሳና ጋ ቆፖይሳ ኢንቲ ቦላ ዛር ፖላና» ጊዳስ።

34

ካናኔ ዳሬ የሾን ዲዛ ዳሬታ
 1 ጎዳይ ሙሴስ ሂዝጊዳስ።
 2 «ኢሰራኤል አሳ፣ ታኒ ኢንቲሰ አሟዳ ካናኔ ቢታኖ ኢንቲ ቢዲ ጌሊዛ ዋዳ ኢዚ የሾን ዲዛ ዳሬቲ ሃይሳፊ ካሊዛይታ፤
 3 ዲጌሃ ባጋራ ጸኔ ባዘፊ ዳንዲዲ ኤዶሜ ባዘ አቻራ ካንፋ ቢዲ አርሼይ ሞኪዛ ባጋራ ሃይቆ አባፊ ዲጌሃ ባጋ ዳራ ቦላራ ደሚዲ፤
 4 አቅራቢሜ ፑርዳራ ካንፋ አቋዲ ጸኔ ጋኪዲ ዲጌሃ ባጋራ ቃዳሴ ባሪኔ ጋኬሰ፤ ሄሳፊ ሃጸሬ-አዳሬ ካንፋዲ አጸሞኔ ጋኬሰ።
 5 አጸሞኔ፣ ደሚዲ ሃላ ባይንዳ ጊብጾ ሻፋታራ ዩዩ አቋዲ ማዲቲራኔ አባን ኤቄሰ።
 6 « አርሼይ ወሊዛ ባጋራ ማዲቲራኔ አባይ ዛዋ ጊዳና።
 7 « ሪፑሃ ባጋራ ዲዛ ዛዋይ ማዲቲራኔ አባፊ ቢዲ ኡሬ ዙማ ጋኬሰ።
 8 ኡሬ ዙማ፣ ቢዲ ሃማቲራ አቋ ቢዲ ዳዳዳ ጋኬሰ።
 9 ጌዳ ዘፒሮኔ ፒኒዲ ሃጸሬ-ኤናኔ ጋኪ ኤቄሰ፤ ሃይሲ ኡባይ ኢንቲሰ ፑዳሃ ባጋራ ዲዛ ዛዋ ጊዳና።
 10 « አርሼይ ሞኪዛ ባጋራ ሃጸሬ-ኤናኔ ቢዲ ሻፋሜ ጋካናሰ ማላታ ዋላቲ።
 11 ዛዋዚ ሻፋሜ፣ ደሚዲ አዩኔ፣ አርሼይ ሞኪዛ ባጋራ ኤሬቢላ ካንፋ አቋዲ ጋሊላ አባፊ አርሼይ ሞኪዛ ባጋራ ዲዛ ዘዘታራ ካንፋዲ፤
 12 ዮርዳኖሴ ሻፋ ዋዴሰ፤ ሄራ ቢዲ ወርሴላዚ ሃይቆ አባ * ጊዳና፣ ሃይቲ ኢንቲ ቢታኖ ዩዩ አቋዛ ዛዋታ ጊዳና) ጋዳ አዛዛ።»
 13 ሙሴይ ኢሰራኤል አሳ፣ «ሳማ ዩጊዲ ኢንቲ ላታና ማላ ኡዲፋን ዛርኬታሲኔ ሚናሴ ዛርኬፊ ባጋይታሰ ሄ ቢታይ አሟታና ማላ ጎዳይ አዛዚዳስ።
 14 አርሴሌ ዛርኬቲ ጋዳ ዛርኬቲኔ ሚናሴሰ ባጋ ዛርኬቲ ባሰ አሟቲዳ ቢታ ላቲዳ።
 15 ኢሰቲካ ዮርዳኖሴ ሄ ፒንፋን ኢያርኮ ገናራ አርሼይ ሞኪዛ ባጋራ ባና ጋኪዛ ጸንጾዛ ኤኪዳ» ጊ ዮቲዳስ።

ቢታ ጊሻናሰ ዳሬቲዳ አሳታ
 16 ጎዳይ ሙሴስ ሂዝጊዳስ።
 17 «ቄሴ ኤልኤዜሬይኔ ናዌ ና ኢያሶይ ጋዳዛ ዳሬዛሰ ጊሹቶ።
 18 ኢሰቲ ቢታ ጊሻዛ ዋዳ ኢሰታ ማዳናሰ ዛርኬፊ ዛርኬፊ ጦራፒኔ ኤካ።
 19 ሄ ኔ ኤካና አሳታ ሱንፋ ሃይሳፊ ካሊዛይሳ፤ ዩሁዳ ዛርኬፊ ዮፊኔ ና ካሌቤ።
 20 ሲሞና ዛርኬፊ አሟሁዳ ና ሳሚላ፤
 21 ቢኒያሜ ዛርኬፊ ኪሳሎኔ ና ኤልዳዳ፤
 22 ዳኔ ዛርኬፊ ዮጊሌ ና ቡቃ፤
 23 ዮሴፊ ዛርኬፊ ሚናሴ ባጋ ሱፊዳ ና ሃንኤሌ፤
 24 ዮሴፊ ዛርኬፊ ኤፍሬሜ ባጋ ሺፊጾ ና ቃሙኤሌ፤
 25 ዛቢሎኔ ዛርኬፊ ፔሪናኬ ና ኤልጸፋኔ፤
 26 ዩሳኮሬ ዛርኬፊ ሆዛ ና ፓልቲኤሌ፤
 27 አሴሬ ዛርኬፊ ሴሌሜ ና አሁዳ፤

33:38 ታይ 20:22-28፤ ዛሬ 10:6፤ 32:50 33:40 ታይ 21:1 33:54 ታይ 26:54-56 * 34:12 ሃይቆ አባ፡ ሃይቆ አባ ጊዛይሳ ኢሲ ኢሲ ጌሻ ማጸፋ ቢርሸላቲ ማጸኔ አባ ጌቲሰ። 34:15 ኢያ 14:1-5

28 ኒፍታሌሜ ዛርኬፌ አሚሁዳ ና ፔዳሄለ።»
 29 ሃይታጎቲ ኢሰራኤል አሳሰ ካናኔን ቢታ ጊሻ ኢማና ማላ ጎዳይ ደሪዳ አሳታ።

35

ለዌ ዛርኬታሰ አሜቲዳ ካታማታ

1 ኢያርኮ ገሩራ ዮርዳኖሴ ሻፋፔ ሄ ፒንላን ዲዛ ሞአቤ ዳምባ ቦላ ጎዳይ ሙሴስ ሂዝጊዳሰ።
 2 «ኢሰራኤል አሳይ ባ ጊሻፔ ጊሻፔ ለዌ ዛርኬቲ ዳና ካታማታኔ ሄ ካታማታ ዩሾን ኢሰቲ ባ ማሄ ኢዛን ሄማና ጋዴ አማና ማላ ዮታ።
 3 ሄ ካታማቲካ ለዌ ዛርኬታሰ ዱሳሶ ገዳና ገዳሰ፤ ማሄ ሄሚዛሶሆቲ ኢሰታ ማሄሄይ ፔኢዛሶ ገዳና።
 4 ካታማታ ዩሾን እንቲ ለዌ ዛርኬታሰ አማና ማሄ ሄንላ ጋዴዛ አኮቲላይ ካታማ ገምቤዛፔ ደሚዳ ኦይዱ ባጋራካ 1,000 ዋቶ ዋቶ ገደ።
 5 ሄሳ ማላን ካታማዛ ገደ አሊዱ ኦይዱ ባጋራካ ጉላፔ ቢዱ ጉላ ጋካናሰ 2,000 ዋቶ ገደ፤ ሄሳ ለዌ ቆሞቲ ባሰ ማሄ ሄንላሶሆ ሂሰቲቶ። *

ሼምፖ ዋቶዳይቲ ባቃቲ ኣቲዛ ካታማታ (ዛሬ 19:1-13፤ ኢያ 20:1-9)

6 «ለዌ ቆሞታሰ እንቲ አሚዛ ካታማታፔ ኡሱፑናቲ አሰ ዋቶዳ አሲ ባቃቲ ኣቲዛ ካታማታ ገደቶ፤ ሄይታፔ ሃራ 42 ካታማታ ጉጂ አሚቲ።
 7 ኢሰቲ ማሄ ሄሚዛሶሆታራ ጉጂን 48 ካታማቲ አሚቲቶ።
 8 ኢሰራኤል ዛርኬቲ ላቲዳ ጋዴፔ ኢሰታ ጋዴ ጋዴ ዳልጋቲላ ማላ ዳልጋ ጋዴ ኦይኪዳይታፔ ዳልጋ፤ ጸንላ ጋዴ ኦይኪዳይታፔ ጸንላ ኡኪዱ ለዌ ዛርኬታሰ አሚቲ።»
 9 ጎዳይ ሙሴስ ሂዝጊ ዮቲዳሰ።
 10 «ኔኒ ኢሰራኤል አሳሰ፤ ሳንቲ ካናኔ ዳሬ ገላናሰ ዮርዳኖሴ ሻፋ ፒኒዛ ዋዳ።
 11 ኢሲ አሲ ኤርንታ ዲሼ አሰ ዋቶዳ ሄሳዳይ ባቃቲ ቢዱ ኣታና ካታማታ ኔ ደራ።
 12 ሄ ካታማቲ ሼምፖ ዋቶዳይ ፐርዳሰ ሸቆንታ ዲሼን ሃይቆዳዳ ዳቦይ ኢዛ ዋቶንታ ማላ ኢዚ ባቃቲ ኣቲዛ ካታማታ ገደቶ።
 13 ሃይቲ እንቲ ለዌታሰ አሚዳ ኡሱፑን ካታማቲ ኤርንታ ሼምፖ ዋቶዳ አሲ ባቃቲ ኣቲዛ ካታማታ ገዳና።
 14 ሄ ካታማታፔ ሄሻቲ ዮርዳኖሴ ሻፋፔ ሄ ፒንላን ኣርሼይ ሞኪዛ ባጋራ ሃንኮ ሄሻቲ ቃሴ ካናኔ ቢታን ገደቶ።
 15 ሃ ኡሱፑን ካታማቲ ኤርንታ ዲሼ አሰ ዋቶዳ ኢሰራኤል አሳሰ፤ አማላቲኔ እንቲ ገደን ዲዛ ሃራ ዳሬ አሳቲ ባቃቲ ኣቲዛሶ ገደቶ።

ሱላ ኣዛሬላ

16 « ኢሲ አሲ ቢራታፔ ኦሴቲዳዛን አሰ ዋቶዳ ገዲኮ ሄ ሼምፖ ዋቶዳይ ኢዚካ አሳ ኩሼን ሃይቆ።
 17 ኢሲ አሲ ሹቻን ጫዲዱ አሰ ዋቶዳ ገዲኮ ሄ ሼምፖ ዋቶዳይ ኢዚካ አሳ ኩሼን ሃይቆ።

* 35:5 ጉላ ገቲተዛይሲ ኢሲ ኢሲ ባጋ ጋሞ ቃላን ዘዜ ዋይኮ ዳንቁሽ ገቲቲሰ። 35:8 ኢያ 21:1-42 † 35:20 ኦይዱ፣ ኦይዱ ገዛይሳ ኢሲ ኢሲ ባጋ ጋሞን ኤሪዳ ዋይኮ ኤሪሽ ገቲቲሰ። 35:30 ዛሬ 17:6፤ 19:15፤ ታይ 27:7

18 ኢሲ አሲ ሚላን ጫዲ አሰ ዋቶዳ ገዲኮ ሄ ሼምፖ ዋቶዳይካ አሳ ኩሼን ሃይቆ።
 19 ሄ ሃይቆዳይሳሰ ማታ ዳቦይ ሱላ ኣዛራናሰ ዳንዳይዛ ጊሻሰ ኣዋንካ ዳሚኮ ዋቶናሰ ዳንዳይሰ።
 20 « ኢሲ አሲ ኦይዱ አሰ ሱጊ ዩጊ ዋቶዳ ዋይኮ ገማሶን ኡቲዱ ኢሲ ሚሻን ጫዲ፤ †
 21 ዋቶዳ ሞርኬቲላን ዳንዲዱ ኢጨ ዋቶዳ ኢዚ ሼምፖ ዋቶዳ ጊሻሰ ኢዚካ አሳ ኩሼን ሃይቆናሰ ቤሴሰ፤ ሄ ሃይቆዳይሳሰ ማታ ዳቦይ ሱላ ኣጫናሰ ዳንዳይዛ ጊሻሰ ኣዋንካ ዳሚኮ ዋቶናሰ ዳንዳይሰ።
 22 « ሪደ ኣቲን ኢሲ አሲ ኤርንታ ዲሼ አሰ ሱጊ ዋቶዳ ዋይኮ ቆፖንታ ዲሼ ኢሲ ሚሻን ጫዲ ዋቶዳ።
 23 ዋይኮ ኤርንታ ዲሼ ሹቻ ኢዛ ቦላ ዩጊ ዋቶዳ ገዲኮ ሄሳዳይ ኢዛ ቆሃናሰ ኦይ ኦሎንታ ጊሻሰ።
 24 ዳሬዚ ሄ ዋቶዳይሳ ገደኒኔ ሃይቆዳይሳ ዳቦታ ገደን አሜታና ፐርዳይ ሃይሳፌ ካሊዛይሳ ገደ።
 25 ኤርንታ ዲሼ አሰ ዋቶዳይ ሱላ ኣጨዛ አሳ ኩሼፔ ዳሬዚ ኣሺዱ ኢዚ ባቃቲ ኣቲዳ ካታማ ዛር፤ ዛይቲን ቲዬቲዳ ቁሴታ ሃላቃይ ሃይቆና ጋካናሰ ኢዚ ሄን ጋምኦ።
 26 « ኣሰ ዋቶዳ ካሳሴቲዳይሲ ባቃቲ ኣቲዛ ካታማፔ ካሬ ከዚዛ ገዲኮ።
 27 ሱላ ኣጨዛይይ ዳሚዱ ኢዛ ዋቶዳ ሱላ ኣጫን ኦይሹቲና።
 28 አሰ ዋቶዳ ካሳሴቲዳይሲ ቁሴታ ሃላቃይ ሃይቆና ጋካናሰ ባቃቲ ኣቲዛ ካታማን ጋምኦ፤ ቁሴታ ሃላቃዚ ሃይቆዳፔ ጉዬ ኢዚ ባሶ ሲማና ዳንዳይሰ።
 29 « ሃይሲ ሃ ዋጋዚ እንቲ ዲዛ ዳሬ ኡባን እንቲሴኔ እንቲ ዜሬላታሰ ኤቆ ዲዛ ዋጋ ገደ።
 30 « ሼምፖ ዋቶዳ ኣይ አሲካ ሃይቆ ፐርዳ ፐርዳታናሰ ዳንዳይዛይ ኢዛ ቦላ ናምኡ ማርካይ ዋይኮ ኢዛፔ ቦላራ ማርካቲኮ ኣቲን ኢሲ ማርካን ጸላ ሃይቆ ቁጸቲ ኤከና።
 31 ሼምፖ ዋቶዳ ሃይቆ ፐርዳይ ኢዛ ቦላ ፐርዳቲዳ አሲ ሃይቆና ቤሴሰ ኣቲን ባ ዋቶዳ ሼምፖ ጊሻሰ ሚሼ ቃንጺ ኣታናሰ ዳንዳይና።
 32 ኢዛን ባቃቲ ኣቲዛ ካታማ ባቃቲዳ ኦናፔካ ቁሴታ ሃላቃይ ሃይቆናፔ ካሴ ኢዚ ጉዬ ሲሚዱ ባ ቢታን ዳኣና ማላ ገዲ ሱላ ቃንጸ ኤኮፍፔ።
 33 እንቲ ሄሳላ ኦሊዛ ገዲኮ እንቲ ቢታ ቲሲሴታ፤ ጋሶይካ አሳ ሱላ ጉሲዛይሲ ቢታ ቲሲሴሰ፤ ሄ ቢታይ ጌያናይ አሳ ሱላ ጉሲዳዳ ሱላይ ጉኪን ኣቲን ሃራን ጌያና።
 34 ታኒ እንቲ ጎዳ ገዲዳ ጊሻሲኔ እንቲናራ ኢሰራኤል ዳሬዛ ገደን ዲዛ ጊሻሰ ታኒ ኢዛን ዲዛ ቢታ ቲሲሶፔፔ ጋ ዮታ።»

36

ጺሎፋዳ ማጫ ናይታሰ አሜቲዳ ጸንጾ

1 ዮሴፌ ና ሚናሴይ ዬሊዳ ማኪሬ ና ጋላኣዳ ዛርኬታ ካሊሊዛ ሃላቃቲ ሙሴኮኔ ኢሰራኤል አሳ ካሊሊዛይታኮ ሸቆዱ።
 2 «ኔኒ ሃኖ ቢታዮ ኢሰራኤል ዳሬዛሰ ሳማን ጊሻና ማላ ጎዳይ ኔና ኑ ጎዳዛ ኣዛዚዳሰ፤ ሃሳላካ ኑ ኢሻ

ጸሎቱም ገሻ ኢዛ ማጫ ናይታሰ ኢማና ማላ ኔና ኣዛዚዳሰ።

3 ገደ ኣቲን ኢሰቲ ጌሊዛ ኣዚናቲ ሃራ ቆሞፊ ገደዮ ኢሰታ ገሻ ጋዴይ ኑ ዛርኬታ ጸንጾፊ ቃንጾቲዲ ሄ ኢሰቲ ጌሊዳ ኣዚናታ ዛርኬታሰ ጉጃቲዛ ገሻሰ ኑ ዛርኬታ ጸንጾዚ ካሴ ኤኬቶይሳፊ ፓጩ ገደሰ።

4 ዋዞ ላይላይ ጋኪዛ ዋዴ ኢሰታ ገሻዚ ኢሰቲ ጌሊዳ ዛርኬሰ ጉጃቲሰ፤ ሄሳ ገሻሰ ኢሰታ ጸንጾይ ኑ ዛርኬታ ጸንጾ ፓጩንቹሰ» ገደ።

5 ሄሳፊ ጉዬ ሙሴይ ጎዳይ ኢዛሰ ዮቲዳ ማላ ኢሰራኤሌ ኣሳሰ፡ «ሚናሴ ዛርኬቲ ገደይሲ ዉሪካ ሊኬ።

6 ሄሳ ገሻሰ ጎዳይ ጸሎቱም ማጫ ናይቲ ባ ዛርኬታ ገደፊ ባ ደሲዳዴ ጌላናሰ ዳንዳዬቲሰ።

7 ሄሳ ማላን ኢሰራኤሌ ኣሳ ጸንጾይ ኢሲ ዛርኬፊ ሃራ ዛርኬን ኣቶፎ፤ ኢሰራኤሌ ኣሳይ ካሴ ባ ኣዋታፔ ላቲዳ ቢታ ሚንሳ ኣይኮ።

8 ኢሰራኤሌ ኣሳ ዛርኬታ ገደን ባ ኣዋ ጋዴ ላቲዳ ማጫሲ ኦኒካ ባ ቆሞ ጌላናሰ ቤሴሰ፤ ሄሳ ማላን ኢሰራኤሌ ኣሳይ ኡባይ ባ ኣዋታ ጸንጾ ናጋናሰ ዳንዳዬሰ።

9 ሄሳ ገሻሰ ጋዴዚ ኢሲ ዛርኬ ኩሼፔ ሃራ ዛርኬ ኩሼን ኣቶናሰ ዳንዳዬና፤ ዉሪካ ባ ዛርኬን ዛርኬን ባ ቢታ ኦይኪ ናጎ» ገደሰ።

10 ጸሎቱም ማጫ ናይቲ ጎዳይ ሙሴ ኣዛዚዳ ማላ ኦሊዳ።

11 ጸሎቱም ማጫ ናይቲ ማሃሎ፡ ቲርጾ፡ ሆጊሎ፡ ሚልኮ፡ ኖኦ፤ ሄይታንቲ ባ ኣዋ ኢሻታ ናይታ ጌሊዳ።

12 ዮሴፊ ና ሚናሴ ዛርኬታ ገደን ኣዚና ጌሊዳ፤ ሄ ኢሰታ ቢታይ ኢሰታ ኣዋታ ዛርኬ ሰጎላን ሚኒ ኣቲዳሰ።

13 ኢሰራኤሌ ኣሳይ ኢያርኮ ገናራ ዮርዳኖሴ ሻፋፔ ሄ ፒንላን ሞኣቤ ዴሞባን ዲሺን ጎዳይ ሙሴ ባጋራ ኢሰታሰ ኢሚዳ ዋጋቲኔ ኣዛዘቲ ሃይታንታ።

ዛሬ ማጻፋ ጊደ ቆፋ

ዛሬ ማጻፋይ ኢስራኤል አሳይ ባዘ ቢታን ዳር ዎዴ ሃሜቲሽ ካናኔ ጌላናስ ጉል አሽዲ ሞክሮ ዳሬን ጋሞኢዳፔ ጉዬ ሙሴይ ኢስታስ ዛሬ ዛሬ የቲዳ የኦታ ኦይኪዳስ። ዛሬ ማጻፋን ጸፊቲ ዲዛይቲ ዳር ጎኢዛ ሚሻታ ጊደፊ ኢሲ ኢሲ ኦሶቲ ሃይሳፊ ካሊ ዲዛይታ። 1. ሙሴይ ካሴ አጁዳ ኦይዱ ታሙ ላይላታን ሃኒዳ ዳር ጊታ ሃናታ ዩሽ ቆፒዲ የቲስ። ጸሳይ ኢስታ ባዘ ቢታን ዎሶቲ ዎሶቲ ካሌሊዳኮ ዳሬዛ አኩከሶን አሳይ ጸሳስ አማኔቲዛ አስ ጊዳና ማላኔ ሱሬቴላን ኢዛስ አዛዜታና ማላ ቆፍሲዳስ። 2. ሙሴይ ታሙ አዛዘታ ዛሬ ዛሬ የቲሽ ሃራፔካ ኮይር አዛዘዛ ቢርሽላ ቢርሽ የቲዲ ዳሬዚ ጸሳስ ጸላ ጎይናና ማላ ቆፍሴስ፤ ሃሳራካ ጋላዲ ኢስራኤል አሳይ ኢስታስ ሂዶታን አሜቲዳ ዳሬዩን ዲሽ ኢስቲ ናጋናስ ቤሲዛ ዎጋታ ዲማ ዲማ ዎጋታ ቆንጨሲ የቲዳስ። 3. ሙሴይ ጸሲ ኢዛራ ጫቄቲዳ ቃላይ ኦይ ማላኮ ዳሬዛስ ቢርሽ የቲዲ ዳሬዚ ሃሳ ሂ ቃላስ ባ አማኔቲላ ኦራጸሳና ማላ ኢስታ ቆፍሲዳስ። 4. ኢያሶይ ሙሴሶሆን ጊዲዲ ጸሳ ዳራ ካሌላና ማላ ሹሚቲዳስ። ሙሴይ ጸሳ አማኔቲላ ጊሻስ ጊጊዳ ጊንጸ ዩዲዳፔ ጉዬ ኢስራኤል ዳራ ኡባ አንጂዳፔ ጉዬ የርዳናሴ ሻፋፔ አርሼይ ወሊዛ ባጋራ ዲዛ ሞክሮ ዳሬን ሃይቁዳስ። ሃ ማጻፋስ ኦይፊ የኦይ ጸሲ ባ ደሲዳይታኔ ደራቴዳ ባ ዳሬታ ኢዚ አሽዲይሳኔ አንጂዳይሳ የቲስ። ዳሬዚካ ጸሳ አንጂይ ኢዛፔ ሻኬቶንታ ሹምፖ ፓጸ ዳና ማላ ጸሲ አሳስ ኦሊዳ ኦሶ ኡባ ዎዴ አኩከዲ ኢስቲ ጸሲ ሲቃናሲኔ ኢዛስ አዛዜታናስ ቤሲዛይሳ አሳ ቆፍሲዳስ። ሃ ማጻፋስ ኦይፊ ቆፋታ ኦይኪዳ ጸቂሴቲ ሃ ማጻፋን ሹምፖ 6:4-6 ጋካናስ ዲዛይታ ጊዲሽን ሃይቲካ ዩሴሲ። «አዛዘታ ኡባታፔ አጁዛ ጊታ አዛዘታ» ጊዲ ኢስታስ የቲዳ ቃላታ ኦይኪዳይታ። ሃይቲካ። «ኔኒ ኔ ጎዳ ኩሜላ ዎዚናፔ። ኩሜላ ሹምፖፊ። ኩሜላ ዎላቃፊ ሲቃ» ጊዛይሳ።

ሃ ማጻፋይ ኦይኪዳ ኩሜላ ቆፋ

- ሙሴይ ኮይር ሃሳይዳ ሃሳያ 1:1—4:49
- ሙሴይ ናሞክሶ ሃሳይዳ ሃሳያ 5:1—26:19
- ታሙ አዛዘታ 5:1—10:22
- ዎጋታ። ማራታኔ ሱራታ 11:1—26:19
- ኢስቲ ካናኔ ጌላናፔ ካሴ ኢስታስ አሜቲዳ ካሌላ ዎጋታ 27:1—28:68
- ጫቆ ቃላ ኦራጸሶ 29:1—30:20
- ሙሴይ ወርሴላን ሃሳይዳ ቃላ 31:1—33:29
- ሙሴ ሃይቆ 34:1-12

ኢስራኤል አሳይ ሲና ዙማ ማታፔ ዳንዲ ባና ማላ አሜቲዳ አዛዘ
 1 ሃይሳ ሃ ማጻፋን ዲዛ ቃላይ ወሪካ የርዳናሴ ሻፋፔ ሄ ፒንላን አርሼይ ሞከዛ ባጋራ ዲዛ ባዘን ኢስቲ ዲሽን ሙሴይ ኢስራኤል ናይታስ የቲዳ ቃላ። ሙሴይካ ሃ ቃላ የቲዛ ዎዴ ኢስቲ ሱፊ ጌቲቲዛሶ ጊናራ ፓራኔ ካታማፔ ቃሴካ ሃራ ባጋራ ቶፔሌ። ላባ።

ሃዲሮቲኔ ዲዛሃቤ ጌቲቲዛ ካታማታ ጊደን ዲዛ የርዳናሴ ሸባን ዳቲስ።
 2 ሲና ዙማፔ ዳንዲዲ ቃዴሴ ባሪኔ ጋካናስ ኤዶሜ ዙማታ ቦላራ ኤፊዛ ቶሆ ኦጌራ ቢኮ ታማኔ ኢሲ ጋላስ ኤኬስ።
 3 ጌብጾፔ ኢስቲ ኬዚዳፔ ኦይዳ ታማንላ ላይላን ታማኔ ኢሲንላ አገናይ ጌሊዳ ኮይር ጋላስ ሙሴይ ዳሬዛስ ኤሪሳና ማላ ጎዳይ ኢዛስ የቲዳ ቃላ ኡባ ኢስታስ የቲዳስ።
 4 ሄሲካ ሃኒዳይ ሃሴቦኔ ካታማን ካዎቲ ሃሪዛ አዎሬ ዳሬ ካዎ ሲሆኔኔ አስታሮቲን። ኤዲራኤ ካታማን ኡቲዲ ሃሪዛ ባሳኔ ካዎ ኦጌ ጸኒዳፔ ጉዬና።
 5 አሳይ የርዳናሴፔ አርሼይ ሞከዛ ባጋራ ሞክሮ ዳሬን ዲሽን ሙሴይ ሃይሳፊ ካሊ ዲዛ ጎዳ ዎጋ ቆንጨሲላ ደሚዳስ፤
 6 «ኔኒ ሲና ዙማ ቦላ ዲዛ ዎዴ ጎዳ ኦ ጸሳይ ኦስ። ሳኦ ኢንቲ ሃይሳ ዙማ ቦላ ዳር ጋሞኢዳታ፤
 7 ሃይሳፊ ጉዬ ኢንቲ ዲዛሶፔ ዳንዲ ጌዴ ጌዜቲዛ አዎሬታ ዳሬ። ኢስታ ሄራን ዲዛ አራቤ ዳሬን ዲዛ ጌዜኔ ጋፉ። ኔጌቤ ዳሬ። ሜዲቲራኔ አባ ላንቄራ። ካናኔ ዳሬኔ ለባናሴ ባጋራ ካንላዲ ጊታ ሃላ ኤፊራጸሴ ሻፋ ጋካናስ ካንላ ቢቲ።
 8 ሄኮ ታኒ ሃ ቢታዮ ኢንቲሶ አሚዳስ፤ ኢንቲካ ቢዲ ኢንቲ አዎታስ አብራሃሜስ። ዩሳቃስ። ያቆቤሲኔ ኢስታፊ ጉዬን ያና ኢስታ ዜሬላታስ አሚናስ ጎዳይ ጫቄዳ ቢታዮ ላቲቲ» ጊዲ የቲዳስ።

ሙሴይ ዳሬ ካሌላዛይታ ሹሚዳስ (ኬሳ 18:13-27)

9 ሙሴይ ዳሬዛስ። «ሄ ዎዴ ታኒ ኢንቲስ። ሳኒ ታርካ ኢንቲና ካሌላናስ ዳንዳይኬ።
 10 ኢንቲ ጎዳይ ኢንቲ ቆዳ ሳሎ ጸለንቲ ማላ ዳርሲዳስ።
 11 ሃኢካ ኢንቲ አዎታ ጸሳይ ካሴ ኢንቲስ አሚዳ ሂዶታ ቃላ ማላ ሽ ዳኮ ጉጂዲ ኢንቲና አንጅ።
 12 ጊደ አቲን ሃኢ ኢንቲ ጋርሳን ዲዛ ፓላማ። ኦሻኔ ኢንቲ ሜቶዛ ታኒ ታርካ ዎስታ ቢርሻና ዳንዳይዚና?
 13 ኢንቲ ኢንቲ ቆሞፊ ቆሞፊ አኩካይ። አጁ ኤራቴላ ዲዛይታኔ ኦሊ ሎሲዳይታ ደሪቲ፤ ታኒካ ኢስታ ኢንቲ ቦላ ሹማና) ጋ የታዲስ።
 14 «ኢንቲካ። ሳኒ ሸሽዳ ቆፋይ ሎኦ» ጊ ኤኪዳታ።
 15 ሃሳ ጊሻስ ኢሲ ኢሲ ቆሞፊ ኢንቲ ደሪዳይታ ኦሶ ሎሲዳይታ። አጁ ኤራንቻታኔ አኩከዛይታ ኢንቲፊ ኤካዳ ባጋይታ ሻላቃታ። ባጋይታ ማቶ ሃላቃታ። ባጋይታ ሃሞሳ ሃላቃታኔ አሲራ ሃላቃታ። ባጋይታ ቆሞታ ካሌላዛ ሃላቃ ሂስታ ሹማዲስ።
 16 «ታ ሄ ዎዴ ኢስታስ። ሳኒቲ ዳራ ጋርሳን ዳንዲዛ ፓላማኔ ኦሽ ኤኪ ጌላይ ባይንዳ ሱሬ ፐርዳ ፐርዲቲ፤ ኢንቲ ዳራ ጊደን ዎይኮ ሃራ ዳሬፔ ዩዲ ኢንቲ ጊደን ዲዛ አሳስ ጌላይ ባይንዳ ሱሬ ፐርዳ ፐርዲቲ።
 17 ኢንቲ ጌላ ፐርዳ ፐርዳፍቲ፤ ጉል ጊዲን ጊታ ጊዲን ማዶ ፐርዳ ፐርዳፍቲ፤ ፐርዳይ ጸሳስ ጊዲዳ ጊሻስ ኦይ አሳስካ ባቦፍቲ፤ ኢንቲፊ ቦላ ጊዲዳይሳ ኡባ ታኮ ኤሂቲ፤ ሃሳ ታኒ ፐርዳና) ጋዲስ።
 18 ኢንቲ ኦላናስ ቤሲዛይሳ ታ ኢንቲስ ሄ ዎዴ ሎኤላ የታዲስ።

ቃዴሴ ባሪነፕ ዴሬዛ ዩዩ ዋቸዛይታ ኪቴቴል (ታይ 13:1-33)

19 «ሃሳፌ ጉዬ ኑ ጎዳይ ኑና አዛዚዳ ማላ ሲና ዙማፔ ዴንዲዲ ኢንቴ ቤኢዳ ኢታ ባዘዘራ ካንሱዲ አዋሪ ዴሬን ሻራ ማንሱራ አጂ ቢዲ ቃዴሴ ባሪነ ጋኪደሰ።

20 ታኒ ኢንቴሰ፣ ጸሳይ ኑና ላቲሳናሰ ቃላ ጌሊዳ ሻራ ማንሱ ጌዲዳ አዋሪ ዴሬ ሃኮ ጋኪደታ።

21 ሃ ዴሬዮ ሃኖ ቤኢቴ! ጎዳይ ኑ አዋታ ጸሳይ ቤኒ አዛዚዳ ማላ ኢንቴ ጌሊዳ ኢዘ ላቲቴ፤ ባቦፍቴኔ ሂደታ ቃንጸፍቴ» ጋ ዮታዲሰ።

22 «ኢንቴ ኡባቲካ ታኮ ዩዲ፣ ህ ቢታይን ዲዛ ካታማቲ አይ ማላኮ ቃሴ ኑና ህ ጋላና ኑጌይካ አይ ማላ ኦጌኮ ቢ ዋቸ ሲሚዲ ኑሰ ዮታና አሳታ ኑ ጋርሳፌ አኔ ዶሮሰ» ጌዲ ታና ኦይቸዴታ።

23 «ሃሳ ሂሰታናይሲ ታሰ ሎኦ ሚሳቲ ቤቲን ኢንቴ ጋርሳፌ ቆማፌ ቆማፌ ኢሲ ኢሲ አሰ ዶራዳ ታማኔ ናምኡ አሳታ ዩዳዲሰ።

24 ኢሰቲካ ሻራ ማንሱ ዴራራ ካንሱ ቢዲ ኤሽቦሌ ሸባ ጋካናሰ ዩዩ ጸዋሲ ዴሊዳ።

25 ኢሰቲካ ህን ባ ቤኢዳ ሚላ አይፊፔ አማርዳይሳ ኤኪ ዩዲ ጎዳ ኑ ጸሳይ ኑሰ አማና ቆፕዳ ቢታያ ኬሃ ሎኦ ቢታ ጌዲዳይሳ ኑሰ ቆንጨሲ ዮቲዳ።

26 «ጌዶ አቲን ጎዳ ኢንቴ ጸሳ አዛዘ ቦላ ማካሊዳ ጊሻሰ ህ ቢታዮ ጌላናሰ ኮዩቤኬታ።

27 ኢንቴ ኢንቴ ዲንካኔን፣ ጸሰ ኑና ኢዲዴሰ፤ ኢዚ ኑና ጌብጾፔ ኬሲዳይ ሃይታ አዋሪ አሳታን ኑና ዋቻሳናሲኔ ኢሰታ ኩሽን ኑና አሉ አማናሳ፤

28 ሂሰቲን ኑ ህ አዛሰ ቢዘን? ኑኒ ባቦሰ፤ ኑኒ ኪቲዳ አሳቲ ህን ዲዛ አሳይ ዉሪካ ሚኖኔ ኬሂ አዲሳታ ጌዲዳይሳ ቃሴካ ኢሰቲ ዲዛ ካታማታ ጊምቤይ ሳሎ ጋኪዳይሳ ኑሰ ዮቲዳ፤ ኬሂ አዲሰ ጌዲዳ ኤናቄ ናይታ ቤኢዳ» ጌዲ ዙዙሚዴታ።

29 «ጌዶ አቲን ታኒ ኢንቴሰ፣ ህይታ ሃ አሳታሰ ባቦፍቴኔ ዳጋዋፍቴ።

30 ኢንቴፌ ሲንሳራ ቢዛ ጎዳ ኢንቴ ጸሳይ ካሴ ኢንቴ አይፌን ቤኢሽን ጌብጾታ ቦላ ኦሎይሳ ማላ ሃኢካ ኢዚ ኢንቴ ጊሻሰ ኦሎታና።

31 አዋይ ባ ና አልኢሲዛ ማላ ኢንቴ ቢዛ ባዘ ቢታ ኡባን ኢዚ ኢንቴና ካሌሌሽ ኢንቴና ሳሮን ሃይሳ ዋሰቲ ጋሉዳኮ ኢንቴ ቤዩዴታ።

32-33 ሃ ኡባ ታ ዮቲንካ ኢንቴ ዲንካናና ሶሆዛ ቤሳናሲኔ ኢንቴ ባና ኦጌ ቤሳናሰ አማርሰ ቱሳ ታማን፣ ጋላሰ ቱሳ ማላ ሻራን ኢንቴና ካሌሌዳ ኢንቴ ጎዳን አማኔቲቤኬታ።

ጸሳይ ኢሰራኤሌ አሳሰ አሚዳ ቁጻቴ (ታይ 14:20-45)

34 «ኢንቴ ዙዙሚዳ ዙዙንላ ጸሰ ሲዩዲ ሃንቁቲዴሰ፤

35 ሃሳ ጊሻሰ፣ ህታኒ ካሴ ኢንቴ አዋታሰ አማና ጋዳ ጫቁዳ ህ ሎኦ ቢታዮ ሃ ኢታ ዩሌታፔ ኢሶይካ ጌሌና።

36 ዮፊኔ ና ካሌቤይ ጸላ ህ ቢታዮ ጌላና፤ ኢዚካ ኩሚላ ዋዘናፔ አማኔቲ ቤቲዳ ጊሻሰ ህ ኢዚ ቤኢዳ ቢታዮ ኢዛሲኔ ኢዛ ዜሬላታሰ ታ አማና» ጌ ጫቁዴሰ።

37 «ኢንቴ ጋሶን ጎዳይ ታና ሃንቁቲዳ፣ ሙሴ ኔኒካ ህ ዴሬዮ ጌላካ።

38 ጌዶ አቲን ኔና ማዲዛ ናዌ ና ኢያሶይ ህ ቢታዮ ጌላና፤ ህ ቢታዮካ ላታና ማላ ኢሰራኤሌ ናይታ ካሌላናይ ኢዛ ጌዲዳ ጊሻሰ ኔ ኢዛ ሚንሱላ» ጌዴሰ።

39 «ቃሴካ ጎዳይ ኢንቴሰ፣ ህኢንቴ ኑ ናይቲ ዲኤታና» ጌዲ ኢታኔ ኪያ ሻኪ ኤሮንታ ቁ ናይቲ ጸላ ህ ቢታዮ ጌላና፤ ታኒ ህ ቢታዮ ኢሰታሰ አማና፤ ኢሰቲካ ህ ቢታዮ ላታና።

40 ኢንቴ ጌዲኮ ሲሚዲ ዙኦ አባኮ ኤፊዛ ኦጌዛራ ዲጌ ባዘ ቢቴ» ጌዴሰ።

41 «ኢንቴካ፣ ሙሴ! ኑኒ ኑ ጎዳ ቆሃደሰ፤ ሃኢ ጎዳይ ኑ ጸሳይ ኑና አዛዚዳ ማላ ኑ ኦሌታና» ጌዴታ፤ ህ ሻራ ማንሱ ዴሬዮ ዋራጆይ ካወሻ ሚሽ ሚሳቲ ቤቲን ኢሶይ ኢሶይ ኦላሰ ጌኬቴዴታ» ጌዴሰ።

42 ጎዳይ ጌዲኮ፣ «ታ ኢንቴናራ ኬኦንታ ጊሻሰ ኦላሰ ኬዘፕቴ፤ ኢንቴ ኢጸሰ ጌ ኬዘኮ ኢንቴ ዋርኬቲ ኢንቴና ጸናና» ጌዲ ታሰ ዮቲዴሰ።

43 ታኒካ ጎዳይ ታሰ ዮቶይሳ ኢንቴሰ ዮታዲሰ ሽን ኢንቴ ኢዲዴታ። ኢዛ ቦላካ ማካሊዴታ፤ ኦቶሮ ዳሮፕ ዴንዲዳይሳን ኢንቴ ህ ሻራ ማንሱ ቢታዮ ኦላናሰ ቢዴታ።

44 ህ ዙዎቡላታ ቦላ ዲዛ አዋሪ ዴሬ አሳቲ ኢንቴናራ ኦላ ኦይኬቲዳ፤ ኢሰታ ኦላንቻቲ ማላ ማላ ኢንቴ ቦላ ዩዲ ሆርማ ጋካናሰ ኢንቴና ዩዴሌዳ፤ ዙዎቡላቲ ዳሪ ኡቲዳ ኤዶሜ ዴሬን ኢንቴና ጸኒዳ።

45 ሃሳ ጊሻሰ ኢንቴ ሲሚ ዩዲ ጎዳ ሲንላን ዩኪዴታ፤ ጌዶ አቲን ኢዚ ኢንቴ ዩሆዛኔ ዋሶዛ ሲዩዲ ኢንቴና ማዳናሰ ኮዩቤና።

46 ሂሰቲን ኢንቴ ቃዴሴን ዳሮ ዋዴ ጋምኢዴታ።

2

ኢሰራኤሌ ናይቲ ባዘ ቢታን ቶይላቲዳ ዋዴታ

1 ሃሳፌ ጉዬ ጸሰ አዛዚዳ ማላ ጌዴ ዙኦ አባኮ ኤፊዛ ኦጌዛራ ጉዬ ሲሚ ዲጌ ባዘ ቢታ ቢደሰ፤ ኑኒ ህን ቶይላቲሽ ሻራ ማንሱ ኤዶሜ ዴሬን ዳሮ ዋዴ ጋምኢደሰ።

2 ሃሳፌ ጉዬ ጎዳይ ታሰ ሂዘጊ ዮቲዴሰ።

3 «ኢንቴ ሃ ሻራ ማንሱ ዴሬታን ዳሮ ዋዴ ቶይላቲዴታ፤ ሃኢ ፑዴሃ ባጋ ሲሚ ቢቴ።

4 ዴራ፣ ህኢንቴ ዳቦ ኤሳዌ ዜሬላቲ ዲዛ ኤዶሜ ዴሬራ አጂ ባና፤ ኢሰቲ ኢንቴሰ ያያና፤ ጌዲኮካ ኢንቴ ኬሂ ናጌቲቴ።

5 ሻራ ማንሱን ዲዛ ኤዶሜ ቢታ ታ ኤሳዌሰ ጸንጾ ሂሰታ አሚዳ ጊሻሰ ኢሰታ ቢታፌ ቶሆይ ዩዲዛሶካ ታ ኢንቴሰ አሚዳ ኢሰታ ቦላ ኦላ ዴንሳፍቴ።

6 ኢንቴሰ ኮሺዛ ካል ጌዲን ሃል ሚሻን ሻሚ ኤኪቴ» ጋ አዛዛ» ጌዴሰ።

7 ጎዳ ኢንቴ ጸሳይ ኢንቴ ኦሌዳ ኡባ ኢንቴሰ ኬሂ ኢንጂዴሰ፤ ኢንቴ ሃይሳ ዋልቃማ ባዘዘራ ካንሱ ቢዛ ዋዴ ኢሻልሲ ኦይኪዴሰ፤ ሃ ኦይዱ ታሙ ላይል ኩሚላን ጎዳ ኢንቴ ጸሳይ ኢንቴናራ ዲዛ ጊሻሰ ኢይኮይካ ኢንቴሰ ፓጨቤና።

8 ሃሳ ጊሻሰ ኑኒ ኑ ኢሻ ኤሳዌ ዜሬላቲ ዲዛ ኤዶሜ ቢታራ ካንሱ ቢደሰ፤ ቃሴ ኤላቴፔኔ

ኤዲዮን-ጋቢሬ ካታማፔ ዩዛ ኦጌዛራ ኣራቤ ኦጌዛራ ሞኣቤ ባዞ ሲሚ ቢደስ።

9 ጸሓይካ ታስ፡ «ሎጾ ዜሬል ሞኣቤ ኣሳታ ሞዩሶፒቴ፤ ኢስታራ ኦሌታናስ ኢስታ ዴንጭፍቴ፤ ታኒ ኤሬ ካታማ ኢስታስ ዲሳሶ ሂስታ ኢሚዳ ገሻስ ኢስታ ዲንጾፊ ኣይኮካ ኢንቴስ ኢሚኮ» ገደስ።

10 [ኢሚሜ ጌቴቲዛ ሞልቃማ ዳሮ ዳሬይ ኤሬን ዳስ፤ ሃይቲካ ኤናቄ ዜሬል ማላ ጉባኒኔ ጌሳን ገታታ።

11 ኢስቲ ኤናቄ ኣሳታ ማላ ኤራፋይሜታ ጌቴቲ ዳይጌቴቲስ፤ ሞኣቤ ኣሳይ ቃሴ ኢስታ ኤሚሜታ ገ ዳይጌስ፤ ሃንገ ሞኣቤ ኣሳይ ቃሴ ኢስቲ ኢሚሜታ ገ ዳይጌቴስ።

12 ሆሬ ኣሳይ ካሴ ኤደሜ ቢታን ዳስ፤ ገደ ኣቲን ኢስራኤል ኣሳይ ላታና ማላ ጎዳይ ኢስታስ ኢሚዳ ቢታን ኢስቲ ኦሎሳላ ኤሳቄ ዜሬላቲ ኡሬ ኣሳ ጎዳ ዳይሲዲ ኢስታ ቢታን ኬጺ ኡቲዳ።]

13 ሃሳፌ ጉዬ ጎዳይ ኮስ ዮቲዳ ማላ ዛራዴ ጌቴቲዛ ሻፋ ፒኒደስ።

14 ኮኒ ቃዴሴ ባሪኔፔ ቢዲ ዛራዴ ሻፋ ፒናናስ ሃቡ ታማኔ ኦስፑን ላይሌ ኣጲደስ፤ ሃ ዎዴ ጎዳይ ኢስታ ገሻስ ካሴ ጫቂዳ ማላ ሃ ዩሌታፔ ኦላስ ጋኪዳ ኣቲማ ኣሳይ ኡባይ ወሪዳስ።

15 ኢስቲ ኡባይ ወራና ጋካናስ ጎዳ ኩሼይ ኢስታ ቦላ ዳዲዳስ።

16 ኦላስ ጋኪዳ ኣቲማ ኣሳይ ኡባይ ወሪዳፔ ጉዬ።

17 ጎዳይ ሃዘገደስ።

18 «ሞኣቤ ዳሬስ ቲጸ ቦላ ዲዛ ኤሬ ቢታራ ኢንቴ ሃቕ ካንሌ ባናስ ቤሴስ።

19 ሃሳፌ ካሊዲ ሎጾ ዜሬል ገዲዳ ኣሞኔ ኣሳታ ሞዩሶፒቴ፤ ኢስታራ ኦሌታናስ ኢስታ ዴንጭፍቴ፤ ታኒ ኣሞኔ ቢታ ኢስታስ ዲሳሶ ሂስታ ኢሚዳ ገሻስ ኢስታ ዲንጾፊ ኣይኮካ ኢንቴስ ኢሚኮ።»

20 [ሃ ቢታይ ካሴ ሃን ዲዛ ኣሳይ ዳይጊዛ ሱንላን ኤራፋይሜታ ቢታ ጌቴቲዲ ዳይጌቴስ፤ ቃሴ ኣሞኔ ኣሳይ ዛሚዙሜታ ገ ዳይጌስ።

21 ኢስቲካ ኤናቄ ዜሬል ማላ ጉባኒኔ ጌሳን ገታታ። ሞልቃማኔ ዳሮ ዳሬ፤ ገደ ኣቲን ጎዳይ ኢስታ ዳይሲን ኣሞኔቲ ኢስታ ቢታ ላቲዲ ሃን ኬጺ ኡቲዳ።

22 ጎዳይ ኤደሜን ዴኢዛ ኤሳቄ ዜሬላታስ ኦሊዳ ማላ ኢስታስካ ኦሊዳስ፤ ሃሲካ ኢዚ ሃ ቢታን ዴኢዛ ሆሬታ ዳይሲን ኤሳቄ ዜሬላቲ ኢስታ ቢታ ላቲዲ ሃቕ ጋካናስ ሃን ኬጺ ኡቲዳ።

23 ጋዛ ጋካናስ ዴኢዛ ሃራታን ዲዛ ኣዎ ዳሬ ኣሳታ ካፍቶሬ ጌቴቲዛ ቢታፊ ዩዳ ካፍቶሬ ኣሳቲ ኢስታ ዳይሲዲ ኢስታ ቢታን ኬጺ ኡቲዳ።]

24 ኮኒ ሞኣቤ ኣቻራ ኣጲዳፔ ጉዬ ጸሲ ኮስ፡ «ሃኢ ዴንዲዲ ኣርኖኔ ሻፋ ፒኒቴ፤ ሃሴቦኔን ኡቲዲ ሃሪዛ ኣሞሬታ ካዎ ሲሆኔኔ ኢዛ ዳራካ ታኒ ኢንቴስ ኣላ ኢሚዳስ፤ ኢንቴ ኢዛ ኦሊዲ ኢዛ ቢታ ላቲቴ።

25 ሃቻፊ ጉዬ ኣሞንካ ዲዛ ዳሬ ኣሳይ ኢንቴስ ባባና ማላ ታ ኦላና፤ ኦኒካ ኢንቴ ገሻስ ሲዩዲ ወሪካ ሂርጋን ኮኮራና» ገደስ።

ካዎ ሴዎኔ ጸኔቴል (ታይ 21:21-30)

26 ሃሳፌ ጉዬ ሳርካ ኪታ ኣሳ ቦላ ቂዲሞቴ ባዞፊ ጌዴ ሃሴቦኔ ካዎ ሲሆኔኮ ኪታዲስ።

27 «ኮ ኢንቴ ዳሬራ ኣጲ ባና ማላ ኮና ዲጎፋ፤ ኮ ኦጌፔ ካሬ ኬዘንታ ሲቲ ገ ባና።

28 ኮኒ ማና ካሌኔ ሃል ኮ ሚሻን ሻሚ ኤካና፤ ኮኒ ኔ ቢታራ ካንሌ ቢሺን ኔ ኮና ዲጎንታ ማላ ጸላ ገዮስ።

29 ኤደሜን ዲዛ ኤሳቄ ዜሬላቲኔ ኤሬን ዲዛ ሞኣቤ ዜሬላቲ ኮ ኢስታ ዳሬራ ኣጲና ማላ ኮስ ኤር ገዳ ማላካ ዮርዳኖሴ ሻፋ ፒኒዲ ጸሓይ ኮና ላቲሳና ቢታዮ ኮኒ ጋካናሼ ጋካናስ ኮኒ ኦጌራ ጸላ ኣጲ ባና ማላ ኮስ ኤር ጋርኪ!»

30 ካዎ ሲሆኔይ ቃሴ ኮኒ ኢዛ ዳሬራ ኣጲ ባና ማላ ኮዩቤና፤ ጋሶይካ ጎዳ ኢንቴ ጸሓይ ሃቕ ኢንቴ ቤኢዳይሳ ማላ ኢዛ ኢንቴ ኩሼን ኣሌ ኢሚናስ ኢዛ ዎዚና ሙሚሲዲ ኦቶራንቻ ኬሲዳስ።

31 ሃሳፌ ጉዬ ጎዳይ ታስ፡ «ኣኔ ጸላ፡ ታኒ ካዎ ሲሆኔኔ ኢዛ ቢታ ኔ ኩሼን ኣላ ኢሚዳስ፤ ኢንቴ ኢዛ ቢታ ላቲዲ ሃን ዴኢቴ» ገደስ።

32 ካዎ ሲሆኔይ ባስ ዲዛ ኦላንቻታ ኡባ ኤኪዲ ያሃዴ ካታማ ኣቻን ኮናራ ኦሌታናስ ዩዳስ።

33 ገደ ኣቲን ጎዳ ኮ ጸሓይ ኢዛ ኮ ኩሼን ኣሌ ኢሚዳ ገሻስ ኢዛ፡ ኢዛ ናይታኔ ኢዛስ ዲዛ ኦላንቻታ ኡባ ኮ ዲፒ ሂስቲደስ።

34 ሃ ዎዴ ኮኒ ኢዛ ካታማታ ኡባ ዎራጂ ኦይኪዲ ካታማታ ኡባ፡ ኢስታን ዲዛ ኣቲማሳታራ፡ ማጫሳታራኔ ናይታራ ኢሲፊ ዳይሲደስ፤ ኣይኮካ ኣሻንታ ኡባ ዲፒ ሂስቲደስ።

35 ኢስታ ማሃታኔ ኮ ዎራጂዳ ካታማታፔ ዲኢዳ ሚሻታ ኮስ ኤኪደስ።

36 ኮኒ ኣርኖኔ ሸባ ጋጸ ባጋራ ዲዛ ኣርኤሬ ካታማፔኔ ሃን ዙሌዛን ዲዛ ካታማፔ ደሚ ቢዲ ጋላኣዴ ጋካናስ ኮናራ ኤቄታና ዳንዳይዛ ኢሲ ካታማይካ ቤቲቤና። ጎዳ ኮ ጸሓይ ኡባ ኮስ ኣሌ ኢሚዳስ።

37 ገደ ኣቲን ኮኒ ኣሞኔ ዳሬ፡ ዎይኮ ያቦቄ ሻፋ ማታ፡ ሻራ ማንሉ ቦላ ዲዛ ካታማታኮኒ ጎዳ ኮ ጸሓይ ኮኒ ባና ማላ ኣዛዘንታ ሲሆ ኡባኮ ሸቂቦኮ።

3

ባሳኔ ካዎ ኣጌ ጸኔቴል (ታይ 21:31-35)

1 ሃሳፌ ጉዬ ኮኒ ሲሚዲ ባሳኔ ኤፊዛ ኦጌዛራ ኬዚደስ፤ ካዎ ኣጌይ ባ ኦላንቻታ ኡባ ኤኪዲ ኮናራ ኦሌታናስ ኤዲራኤ ካታማ ኬዚደስ።

2 ገደ ኣቲን ጎዳይ ታስ፡ «ካዎ ኣጌስ ባቦፋ! ታኒ ኢዛ፡ ኢዛ ዳራኔ ኢዛ ቢታ ኔ ኩሼን ኣላ ኢሚዳስ፤ ሃሴቦኔን ኡቲዲ ሃሪዛ ኣሞሬታ ካዎ ሲሆኔ ቦላ ኦሎሳ ማላ ኮኒ ኢዛ ቦላካ ኦላና» ገደስ።

3 ሃሳ ገሻስ ጎዳ ኮ ጸሓይ ካዎ ኣጌኔ ኢዛ ኦላንቻታ ኡባ ኮ ኩሼን ኣሌ ኢሚዳስ፤ ኮኒካ ኢስታፊ ኢሲ ኣሲካ ኣሻንታ ኡባ ዳይሲደስ።

4 ሃ ዎዴ ኢዛ ካታማታ ኡባ ኦይኪደስ፤ ኮ ኦይኮንታ ኣቲዳ ኢሲ ካታማይካ ዳና፤ ሃሳካ ባሳኔ ካዎ ኣጌይ ኣርጎባ ዳሬን ኣይሲዛ ኡሱፑን ታሙ ካታማታካ ኦይኪደስ።

5 ሃ ካታማቲ ወሪ ገምቤን ገምቤቲዳ፤ ፔንጌቲካ ኮላታታን ጎርዳቴቲስ፤ ኢስታ ዩሻን ዲርሳይ ባይንዳ ጮራ ማንዳራቲ ዳቴስ።

6 ሃሴቡኑ ካዎ ሲሆኑት ኑ ኤኪዳ ካታማታ ቦላ ኑ ኦሊዳይሳላ ሃ ካታማታካ ኡባ ጳይሲደሰ፤ አቱማ አሳ፣ ማጫሳኔ ናይታካ አሾንታ ኡባ ጳይሲደሰ።

7 ማሃታ ኡባ ዲኢደሰ፤ ካታማታን ዲዛ ሚሽ ኡባ ለምኢ ሂሰቲደሰ።

8 ሄ ዎዴ ኑኒ ዮርዳኖሴ ሻፋፔ ቢዲ ኣርሼይ ሞኪዛ ባጋራ፣ ኣርኖኔ ዙሌፌ ቢዲ ሄርሞኔ ዙማ ጋካናሰ ዲዛይሳ ኦይኪደሰ፤ ሃይታ ኣሞሬ ዴሬ ካዎታፕ ዎሊ ኤኪደሰ።

9 [ሄርሞኔ ዙማዛ ሲደና አሳይ፣ «ሲሪዮኔ» ጊዛይሳ ኣሞሬ አሳይ፣ «ሳኒሬ» ጊ ሱንሳዴሰ።]

10 ኑኒ ጌዜ ቢታን ዲዛ ካታማታ ኡባ፣ ጋላኣዴ ቢታ ኡባ፣ ባሳኔ ቢታ ኡባኔ ባሳኔ ቢታን ኣጌይ ሃሪዛ ሳላካኔ ኤዲራኤ ካታማታ ጋካናሰ ዲዛሶሆታ ኦይኪደሰ።

11 [ኤራፋይማታ ባጋሬ ካዎ ኣጌይ ወርሴላ ካዎ፤ ኢዚ ኢቸዛ ኣልጋይ ሚኖ ቢራታፕ ኦሴቲደሰ፤ ኣልጋሰ ኣዲሳቲላይ ኦሰፑን ዎጳ ጊዲሺን ጎምፓይ ኦይዲ ዎጳ፤ ሄ ኣልጋዚ ኤራባ ጌቲቲዛ ኣሞኔታ ካታማን ሃኢ ጋካናሰ ቤቴሰ።]

ዮርዳኖሴፕ ኣርሼይ ሞኪዛ ባጋራ ዲዛ ቆሞታ (ታይ 32:1-42)

12 ሄ ቢታዮ ኑኒ ላቲዳፕ ኣርኖኔ ሻፋ ኣቻን ዲዛ ኣርኤሬ ካታማፕ ደሚዲ ፑዴሃ ባጋን ዲዛ ዴሬዛኔ ጌዜ ቢታን ዲዛ ጋላኣዴ ዴራፕ ባጋ ሃን ዲዛ ካታማታራ ኦርቤሌ ዜሬላታሲኔ ጋዴ ዜሬላታሰ ኢማዲሰ።

13 ጋላኣዴ ዴሬፕ ኣቲዳ ቢታኔ ኣጌይ ሃሪዛ ባሳኔ ቢታ ኡባ፣ ሄሲካ ኣርጎባ ካዎቲላ ሚናሴ ዜሬላታፕ ባጋይታሰ ኢማዲሰ። (ሄ ባሳኔ ቢታ ኡባይ ኤራፋይማታ ቢታ ጌቲቲ ዴይጌቲሰ።)

14 ሚናሴ ቆሞ ጊዲዳ ያኢሬይ ኣርጎባ ዴሬ ኩሜላ ላቲደሰ፤ ሄሲካ ጌሹሬታኔ ማኢካቲ ዛዎ ጋካናሰ ዲዛ ባሳኔ፤ ሄ ቢታያካ ኢዛ ሱንሳን ዴይጌታዲሰ፤ ሄሳ ጋሶን ሃኢ ጋካናሰ ኢሰቲ ያኢሬ ካታማታ ጌቲቲቲሰ።)

15 ቃሴ ጋላኣዴ ቢታካ ሚናሴ ቆሞ ማኪሬ ዜሬላታሰ ኢማዲሰ።

16 ኦርቤሌ ቆሞታሲኔ ጋዴ ቆሞታሰ ጋላኣዴፕ ቢዲ ኣርኖኔ ሻፋ ኣቸ፣ ጋካናሰ ዲዛ ዴሬዛ ኢማዲሰ፤ ዲጌሃ ባጋራ ኢሰታ ዛዎይ ኣርኖኔ ሻፋ፤ ፑዴሃ ባጋ ዛዎይ ቃሴ ኣሞኔታ ዴሬን ዛዎ ቦላ ዲዛ ያቦቄ ሻፋዛ።

17 ኣርሼይ ወሊዛ ባጋራ ኢሰታ ዛዎይ ኣራቤን ዴኢዛ ዮርዳኖሴ ሻፋ ጋኪሰ፤ ሄሲካ ከኔሬቲ ኣባሬ ደሚዲ ፒዘጋ ዙማ ጋርሳን ዲዛ ማጺኔ ኣባ ጋካናሰ።

18 ሄ ዎዴ ኢሰታ ካሌላና ማላ ሃይሳሬ ካሊዛ ዎጋታ ታ ኢንቴሰ ኢማዲሰ፤ ጎዳ ኑ ጳሳይ ዮርዳኖሴፕ ኣርሼይ ሞኪዛ ባጋራ ዲዛ ቢታ ኢንቴ ላታና ማላ ኢንቴሰ ኢማዲሰ፤ ሄሲካ ጊሻሰ ኢንቴ ኢንቴ ኦላንቻታ ጊጺሲዲ ሃንኮ ኢሰራኤሌ ኣሳይ ባንታ ጸንጾ ላታና ጋካናሰ ኢሰታፌ ሲንሳቲ ኦሌታናሰ ኣቋቲ።

19 ኢንቴሰ ዳሮ ማሄይ ዲዛይሳ ታ ኤራደሰ፤ ሄሳ ጊሻሰ ኢንቴ ማቸቲ፣ ናይቲኔ ማሄቲ ጸላ ሃን ኣቲቶ፤ ኢሰቲ ታኒ ኢንቴሰ ኢማዲ ካታማታን ዴቶ።

20 ኢንቴ ጎዳይ ሃይሳን ኢንቴና ሹምፒሶይሳላ ኢንቴ ኢሻንታካ ዮርዳኖሴፕ ኣርሼይ ወሊዛ ባጋራ ጎዳይ ኢሰታሰ ኢሚዛ ቢታዮ ጌሊዲ ሳርቲላን ሹምፓና

ጋካናሰ ኢንቴ ኢሰታ ማዲቲ፤ ሄሳሬ ጉዬ ታኒ ኢንቴሰ ኢሚዳ ቢታዮ ሃ ሲማናሰ ዳንዳይታ።

21 ሃይሳሬ ጉዬ ታኒ ኢያሶ፣ «ጎዳ ኢንቴ ጳሳይ ሴዎኔኔ ኣጌ ጌቲቲ ዴይጌቲዛ ናምኡ ካዎታ ቦላ ኦላይሳ ኢንቴ ኢንቴ ኣይሬራ ቤኢዴታ፤ ኢንቴ ኢሰታ ቢታ ላቲዛ ዴሬ ኡባ ቦላ ሃይሳ ማላ ኦሶ ዛሪ ኦላና።

22 ኢንቴሰ ኦሌታናይ ጎዳ ኢንቴ ጳሳ ጊዲዳ ጊሻሰ ኢንቴ ኢሰታሰ ባቦፍቲ» ጋ ዙራዲሰ።

ሙሴይ ካናኔ ጌሎንታ ማላ ዲጌቲላ

23 ሄ ዎዴ ታኒ ከሃ ዎሳሽ።

24 «ኡባሬ ቋቃ ጎዳዉ! ኔ ጌታቲላኔ ኔ ሚኖ ቄሴዛ ታሰ ኔ ኣይሌዛሰ ቤሶ ደሚዳሳ፤ ኔኒ ኦሊዛ ጌታኔ ዎልቃማ ኦሶታ ኦሊዛ ሃራ ጎዳይ ሳሎንካ ሳኣንካ ዴና።

25 ጎዳ! ታኒ ዮርዳኖሴ ሻፋ ፒናዳ ሄ ፒንላን ዲዛ ሎኦኔ ሻራ ሚንሶሶን ዲዛ ጨለላ ቢታዮኔ ለባኖሴ ዙማ ታ ቤኣናይሳ ታና ዲጎፋርኪ!» ጋዲሰ።

26 ጊዳ ኣቲን ኢንቴ ጋሶን ጎዳይ ታ ቦላ ሃንቄቲዲ ታ ዎሳ ሲያናይሳ ኢዲዲ፣ «ሂኦ ኔሰ ጊዳና! ሃይሳ ናምኣንሶ ዴጎፋፋ!

27 ሄሳ ኣጋዳ ዴንዳዳ ፑዴ ፒዘጋ ዙማ ቦላ ከዛ፤ ሂሰታዳ ኔ ኣይሬይ ዴማናሰ ዳንዳይዛ ከና ዴሬይሲ ፑዴሃኔ ዲጌሃ ባጋ፣ ኣርሼ ሞኪዛ ባጋኔ ወሊዛ ባጋ ዩሻ ጸላ፤ ጋሶይካ ኔኒ ዮርዳኖሴ ፒና ባና ማላ ኔሰ ፒቃዴይ ኢሜቲቤና።

28 ጊዳ ኣቲን ኔኒ ኢያሶሰ ኣዛዙ ኢማ፤ ኢዛ ጸለሳኔ ሚንሌላ፤ ጋሶይካ ኢዚ ዴራ ካሌሊዲ ዮርዳኖሴ ሻፋ ፒንላና፤ ሃኖ ኔ ቤኢዛ ቢታዮ ኢዚ ኢሰታ ላቲሳና» ጊዴሰ።

29 ሄሳ ጋሶን ቤቲ-ፔኦሬ ካታማፕ ሲንላ ባጋራ ዲዛ ሾባን ጋምኢደሰ።

4

ኢሰራኤሌ ኣሳይ ጳሳሰ ኣዛዜታና ማላ ሙሴይ ኢሚዳ ኣዛዙ

1 ሃሳሬ ጉዬ ሙሴይ ኣሳሰ፣ «ሃኢካ ኢሰራኤሌ ኣሳዉ! ኢንቴ ዴኦን ዳና ማላኔ ጎዳ ኢንቴ ኣዎታ ጳሳይ ኢንቴሰ ኢሚዛ ቢታ ኢንቴ ላታና ማላ ታኒ ኢንቴና ታማርሲዛ ዎጋኔ ማራ ሲዬቲ! ቃሴካ ናጌቲ።

2 ታ ኢንቴሰ ኢሚዛ ዎጋ ቦላ ኣይኮካ ጉጅፍቲ፤ ኣይኮካ ኢዛፕ ፓጨንቸፍቲ፤ ጎዳ ኢንቴ ጳሳይ ኢንቴሰ ታ ባጋራ ኢሚዳ ዎጋሰ ኣዛዜቲዛይታ ጊዲቲ።

3 ጎዳይ ባኣሊ-ፔኦሬ ዙማ ቦላ ኦላይሳ ኡባካ ኢንቴ ኢንቴ ኣይሬራ ቤኢዴታ፤ ኢዚ ሄ ዙማ ቦላ ባኣሌ ጌቲቲዛ ኤቃ ጳሳሰ ገይኒዛይታ ኡባ ኢንቴ ጊዳሬ ጳይሲደሰ።

4 ኢንቴ ጊዲኮ ጎዳ ኢንቴ ጳሳሰ ኣማኔቲ ኤቁዳይታ ጊዲዳ ጊሻሰ ሃኙ ጋካናሰ ሹምፖራ ፓጾ ዴታ።

5 «ጎዳ ታ ጳሳይ ታ ኢንቴሰ ዮታና ማላ ታና ኣዛዚዳ ዎጋኔ ማራ ኡባ ኢንቴና ታማርሳዲሰ፤ ኢንቴ ጌሊዲ ላታና ቢታይን ሄ ኣዛዘታ ናጌቲ።

6 ኢንቴ ኢሰታ ናጌቲኔ ፖሊቲ፤ ኢንቴ ሃሳላ ኦሊዛ ጊዲኮ ኢንቴ ኣይ ከና ኣቋ ኤራንቻታኔ ኣኪኪዛይታ ሃራ ዴሬ ኣሳይ ኢንቴና ቤኣና፤ ኢሰቲ ሃ ኣዛዘታ ሲዩዛ ዎዴ፣ ቱሙካ ሃ ጌታ ካዎቲላይ ኣቋ ኤራንቻኔ ኣኪካንቻ ዴሬ» ጋና።

7 ጎዳ ኑ ጸሳይ ኑ ዋሲሽን ማታ ገዲዳ ማላ ኢዛ ጎዳይ ኢዛሰ ማታ ገዲዳ ሃራ ገታ ካዎቲሉ ኦኔ?

8 ታኒ ሃች ኢንቲ ሲንሳን ዋሊዛ ሃ ኣዛዞዛ ማላ ሱሬኔ ሊኬ ገዲዳ ዋጋይኔ ማራይ ዲዛ ሃራ ኣይ ገታ ካዎቲሉ ዲዜ?

9 «ሂሰቲኮ ኢንቲ ዲዛ ዎዳ ኡባን ሃይሳ ኢንቲ ኢንቲ ኣይፊራ ቤኢዳይሳ ኡባ ባሎንታ ማላኔ ኢንቲ ዎዚናፔ ጳዮንታ ማላ ናጌቲቲ፤ ኢንቲ ናይታኔ ኢንቲ ናይታ ናይታካ ታማርሲቲ።»

10 ሲና ዙማ ቦላ ጎዳ ኢንቲ ጸሳ ሲንሳን ኢንቲ ኤቁዳ ዎዳ ኢዚ ታና፡ ሳኒቲ ዳኢዛ ዎዳ ኡባን ኢሰቲ ታሰ ያሻቲሉ ታማራና ማላ፡ ባንታ ናይታካ ታማርሳና ማላኔ ታ ቃላ ሲያና ማላ ዳራ ታኮ ሺሻ ገዲይሳ ኣኩኪቲ።

11 «ሳሎ ጋኪዛ ታማ ላጮይኔ ጳፒ ገዳ ጩዎይኔ ሻራይ ኢዛ ጎዚ ኦይኪዳ ዙማ ጋርሳን ሸቂ ኤቁዳታ።»

12 ሃሳዎካ ጎዳይ ታማ ላጮ ገደን ዲሼ ኢንቲሰ ሃሳይዳሰ፤ ሂሰቲን ኢዚ ሃሳይዛ ቃላ ሲዩዳታ ኣቲን ኢዛ ሜጳ ሙሉካ ቤኢቤኪታ።

13 ኢንቲ ኦላናሰ ቤሲዛ ባ ጫቆ ቃላ ኢንቲሰ ቆንጨሲዳሰ፤ ሂሰካ ማሰቲዳ ናምኡ ሹቻታ ቦላ ጸፊቲዳ ታሙ ኣዛዞታ።

14 ኢንቲ ጌሊ ላታና ቢታይን ዲሼ ኢንቲ ኦላናሰ ቤሲዛ ዎጋታኔ ማራታ ታ ኢንቲና ታማርሳና ማላ ጎዳይ ታና ኣዛዚዳሰ።

ኤቃ ጸሳታሰ ጎይናፔ ሃካና ማላ ኢሜቲዳ ኣዛዞ

15 «ጎዳይ ሲና ዙማ ቦላን ታማ ላጮ ገደፊ ኢንቲሰ ሃሳይዛ ጋላሰ ኣይ ሜጳካ ቤኦንታ ገሻሰ ኬሂፔ ናጌቲቲ።»

16 ሂሰካ ኣዳ ዎይኮ ማጫ ሚሳቲሲ ኤቃ ሚሰሌ ሜጳዲ ኢዛን ኢንቲ ቱናንታ ማላሳ።

17 ቢታ ቦላ ዳኢዛ ሜሂኔ ዶኣ ሎሚሶ ዎይኮ ሳሎ ጉፋንሶን ፕራጲዛ ካፎ ገዲን፤

18 ዎይኮ ቢታ ቦላራ ቲራን ጎሹቲዛ ሜጳቲሳታኔ ዎሌ ሚሰሌታ ኢንቲሰ ኦሊዲ ጎይናፔ።

19 ቃሴ ሳሎ ፑዳ ዳሊዲ ኢንቲ ጎዳይ ኣሳ ኡባሰ ኢሚዳ ኣርሼ፡ ኣገና፡ ጸሊንቲኔ ሳሎ ሜጳታ ኡባ ቤኢዳ ኢንቲ ኢሰታሰ ጎይኒዲ ባሎንታ ማላ ናጌቲቲ።

20 ኢንቲ ገዲኮ ታማይ ኢዛን ኤጸዛ ቢራታ ጮጮ ሚሳቲዛ ገብጾፔ ኢንቲና ጎዳይ ሾዲ ኬሲዳይ ኢንቲ ኢዛሰ ዲማ ዳሬ ገዳና ማላሳ።

21 «ጎዳይ ኔ ጋሶን ታ ቦላ ሃንቁቲዲ ዮርዳናሴ ሻፋ ታ ፐና ቦንታ ማላኔ ኢዚ ኢንቲና ላቲሲዛ ሄ ጨሊላ ቢታዮ ታ ቤኦንታ ማላ ታሰ ጫቁ ዮቲዳሰ።»

22 ሃሳ ገሻሰ ታኒ ዮርዳናሴ ሻፋ ፕናንታ ሃኒን ሃይቃና ዳይሰ፤ ኢንቲ ገዲኮ ፕኒዲ ሄ ቢታዮ ላታና።

23 ሃሳ ገሻሰ ጸሳይ ኢንቲናራ ጌሊዳ ጫቆ ቃላ ኢንቲ ባሎንታ ማላ ሻኪ ኤሪቲ፤ ጎዳ ኢንቲ ጸሳይ ኢንቲና ኦላፍቲ ገዲ ኣዛዚዳ ኤቃ ሚሰሌታ ኣይ ሜጳንካ ሚሳቲሲ ኦሊ ኬሶፍቲ።

24 ጋሶይካ ጎዳ ኢንቲ ጸሳይ ጸጊዛ ታማኔ ቃናቲዛ ጸሳ።

25 «ኢንቲ ሄ ቢታይን ናይታኔ ናይታ ናይታ ዩሊዲ ኡፋይሳን ዳኢዛ ላይሰ ኡባን ኢንቲናቲላ ቲኒሲዲ ኣይ

ሜጳን ገዲኮካ ሚሰሌ ሚሳቲሲ ሜጳዲ ጎዳ ኢንቲ ጸሳ ሲንሳን ሃሳ ማላ ኢታ ኦሊዲ ኢዛ ሃንቁላፍቲ።»

26 ኢንቲ ሃሳ ኦሊኮ ዮርዳናሴ ሻፋ ፕኒዲ ላታና ቢታይን ዳሮ ላይሰ ጋምኦንታይሳኔ ኢንቲ ሙሉራ ጳያናይሳ ታኒ ሃች ኢንቲ ቦላ ሳሎኔ ሳኣ ማርካ ዎላ ዮታይሰ።

27 ጎዳይ ኢንቲና ሃራ ካዎቲሳታ ገደን ላላና፤ ኢንቲ ቢ ላሌቲዳሶን ኢንቲፊ ኣማርዳይቲ ጸላ ኣታና።

28 ሄን ኢንቲ ሚላፊኔ ሹቻፊ ኣሳ ኩሺን ኦሴቲዲ ዳሎንታ፡ ሲዮንታ፡ ሞንታኔ ሲንጎንታ ኤቃ ጸሳታሰ ጎይና።

29 ገደ ኣቲን ኢንቲ ሄን ዲሼ ጎዳ ኢንቲ ጸሳ ኩሚላ ዎዚናፔ ኩሚላ ሹምፖፊ ኮይኮ ኢንቲ ኢዛ ዳማና።

30 ሃ ኡባ ሜቶይ ኢንቲና ጋኪን ኢንቲ ሜቶቲሼ ወርሴላን ጎዳ ኢንቲ ጸሳኮ ሲሚዲ ቃሴካ ኢዛሰ ኣዛዞታና።

31 ጎዳ ኢንቲ ጸሳይ ማሪዛ ጸሳ ገዲዳ ገሻሰ ኢንቲና ሙሉራ ኣጌና፤ ኢንቲና ኡባካ ጳይሴና፤ ካሴ ኢንቲ ኣዎታራ ጌሊዳ ጫቆ ቃላ ሙሉካ ባሊና።

32 «ጸሳይ ኣሴ ቢታ ቦላ ሜጳሶፊ ዶሚዲ ኢንቲ ዩሌታናፔ ካሴ ኣጳዳ ዎዳታ ጸምሲቲ፤ ቢታ ጋጾፔ ጋጾ ጋካናሰ ፕሊ ዳሊቲ፤ ሃይሳፊ ካሴ ሃይሳ ማላ ገታ ሚሹ ሙሉካ ሃኒ ኤሪዜ? ዎይኮ ሲዩቲ ኤሪዜ?»

33 ታማ ላጮ ገደራ ጸሳይ ሃሳዩን ሲዩዲ ኢንቲ ጳዮንታ ሹምፖራ ፓጾ ዳኦን ዲዛ ማላ ጸሳይ ሃሳዩን ሲዩዲ ሹምፖራ ፓጾ ዳኦን ዲዛ ሃራ ኣሲ ዲዜ?»

34 ዎይኮ ጎዳ ኢንቲ ጸሳይ ኢንቲ ዳሊሺን ገብጾ ቢታን ኢንቲሰ ኦሊዳይሳላ ፓጮን፤ ማላታን፤

ማላሊሲዛ ሚሻን፤ ኦላን፤ ሚና ቄሴኒኔ ሚጮቲዳ ኩሹን፤ ቃሴ ያሺሲዛ ባ ዎልቃን ሃራ ካዎቲሳታ ገደ ጌሊዲ ኢሲ ካዎቲላ ባሰ ኤካናሰ ባጾቲዳ ሃራ ጸሲ ዲዜ?»

35 ጎዳይ ኢዛ ጸላ ገዲዳይሳ ኢንቲ ኤራና ማላ ሃይሳ ኢዚ ኢንቲና ቤሲዳሰ፤ ኢዛፔ ኣቲን ሃራ ጸሲ ዳና።

36 ኢዚ ኢንቲና ታማርሳናሰ ኮዩዳ ገሻሰ ባ ጩንጉርሳ ሳሎፔ ሲሲዳሰ፤ ቃሴካ ሳኣ ቦላ ያሺዛ ገታ ታማ ኢንቲና ቤሲዳሰ፤ ሄ ታማዛ ገደፊ ኢዛ ጩንጉርሳ ሲዩዳታ።

37 ኢዚ ሃሳ ኦሊዳይ ኢንቲ ኣዎታ ዶሲዳ ገሻሲኔ ኢሰታ ዜሪሳታ ዶሪዳ ገሻሰ ባ ገታ ዎልቃን ኢንቲና ገብጾፔ ኬሲዳሰ።

38 ሃች ኢንቲ ቤኢዛ ማላ ኢንቲና ጌልላናሰኔ ኢሰታ ቢታ ጸንጾ ኦሊ ኢንቲሰ ኢማናሰ ኢንቲፊ ዳሪዛይታኔ ዎልቃቲዛ ካዎቲሳታ ኢንቲ ሲንሳፊ ጎዲ ኬሲዳሰ።

39 «ሃሳ ገሻሰ ሳሎንካ ሳኣንካ ጎዳይ ኢዚ ጸላ ጸሰ ገዲዳይሳኔ ኢዛፔ ሃራ ጸሲ ባይንዳይሳ ኤሪቲ፤ ኢንቲ ዎዚናን ዎላ።።»

40 ኢንቲሲኔ ኢንቲፊ ጉዩን ያና ኢንቲ ዜሪላሰ ሎኦ ገዳና ማላ ቃሴ ጎዳ ኢንቲ ጸሳይ ሚርናሰ ኢንቲሰ ኢሚዛ ጸንጾይን ኢንቲ ላይሊ ኣዲቃና ማላ ታኒ ሃች ኢንቲና ኣዛዚዳ ዎጋኔ ማራ ናጌቲ» ገዳሰ።

ሹምፖ ዎጳዳይቲ ባቃቲ ኣታናሰ ኢሜቲዳ ካታማታ

41 ሃሳፊ ጉዬ ሙሴይ ዮርዳኖሴ ሻፋፔ ሄ ፒንላን ኦርሼይ ሞኪዛ ባጋራ ሄቸ ካታማታ ሻኪ ዋሊዳስ።
 42 ኢዚ ሃሳፊ ኦሊዳይ ካሴ ሞርኬቴላ ባይንዳ ኤርንታ ዲሼ አሰ ዎጲዳ አይ አሰካ ሄ ካታማታ። ኢሴይን ባቃቲ ቢዲ ባ ሼምፖ አሻና ማላሳ።
 43 ሃሳ ገሻሰ ኦርቤሌ ቆሞታሰ ዙሞቡላቲ ኡቲዳ ባዞን ዲዛ ባጸራ። ጋዴ ቆሞታሰ ጋላኦን ዲዛ ኤራሞቴኔ ሚናሴ ቆሞታሰ ባሳኔን ዲዛ ጎላኔ ካታማታ ሻኪ ሻኪ ዋሊዳስ።

ጸሓ ዎጋ ገሻሰ ኢሚቲዳ ቲሚርቲ

44 ሙሴይ ኢሰራኤሌ ዴራሰ ኢሚዳ ጎዳ ዎጋይ ሃይሳ።
 45 ገብጾፔ ኬዚዳ ዎዴ ሙሴይ ዴራሰ ዮቲዳ አዛዘይ፣ ዎጋይኔ ማራይ ሃይሳ ቦላን ጸፊቲዳይሳ።
 46 ሃይታንታ ኢዚ አዎጲዳይ ዮርዳኖሴ ሻፋፔ ኦርሼይ ሞኪዛ ባጋራ ቤቲ-ፔኦሬ ዙሌሰ ሲንላ ባጋራ ዲዛ አዎሬታ ካዎይ ዲዛ ሃሴቦኔ ዴሬን፣ ሙሴይኔ ኢሰራኤሌቲ ገብጾፔ ኬኢ ኦሊቲዳ ጸኒዳ ሲሆኔ ዴሬና።
 47 ሄ ዎዴ ኢሰቲ ኢዛ ቢታኔ ሃሳሳካ ዮርዳኖሴፔ ኦርሼይ ሞኪዛ ባጋራ ዲዛ ባሳኔ ዴሬ ሃሪዛ አዎሬ ካዎ ኣኚ ቢታ ላቲዳ።
 48 ሄ ቢታይ ኦርኖኔ ሻፋ ዶናን ዲዛ ኦርኤሬ ካታማፔ ቢዲ ሲሪዮኔ ዙማ ጋኬሰ፤ ሲሪዮኔ ጌቲቲዛ ዙማዚ ሄርሞኔ ዙማ።
 49 ሄ ቢታይካ ዮርዳኖሴ ሻፋፔ ኦርሼይ ሞኪዛ ባጋራ ዲዛ ኦሪቤ ዴሬ ኡባ ኤኪዲ ፒዝጋ ዙማ ጋርሳን ዲዛ ሃይቆ ኣባ ጋኬሰ።

5

ታሙ አዛዘታ (ኬሳ 20:1-17)

1 ሙሴይካ ኢሰራኤሌ ኣሳ ኡባ ኢሲ ቦላ ዴይገዲ፣ «ኢሰራኤሌ ኣሳወ! ታኒ ሃኛ ኢንቴሰ አሚዛ ዎጋኔ ማራ ኣኔ ዎዚናን ዋሊ ሲዩቴ፤ ኢሰታ ሎኤላ ታማርቲኔ ሚንላ ናጌቴ።
 2 ጎዳ ኑ ጸሓይ ሲና ዙማ ቦላ ኑናራ ጫቆ ቃላ ጌሊዳሰ።
 3 ኢዚ ኑ አዎታራ ጸላ ገደንታ ሃኢ ሼምፖራ ፓጻ ዲዛ ኑናራካ ጫቁቲዳሰ።
 4 ሄን ሄ ዙማ ቦላ ኤጸዛ ታማ ገደን ዲሼ ጎዳይ ኢንቴና ቆንጩራ ሃሳይሲዳሰ።
 5 ኢንቴ ታማዛሰ ባቢዲ ፑዴ ዙማ ቦላ ኬዛናሰ ያዩዳ ገሻሰ ታኒካ ሄ ዎዴ ጎዳይ ገዛይሳ ኡባ ኢንቴሰ ዮታናሰ ኢንቴሲኔ ጎዳሰ ገደን ኤቃዲሰ።
 «ኢዚካ ታሰ።
 6 ሳኔ ካሴ ኣይሌቴላን ሃሪታ ዲዛ ገብጾ ዴሬፔ ኔና ዎዛ ኤኪዳይ ታና ጎዳ ኔ ጸሓ።
 7 « ታፔ ኣቲን ሃራ ጸሲ ኔሰ ዶፖ።

8 « ሳሎን ገዲን ሳኣን፣ ዎይኮ ቢታ ጋርሳን ዲዛ ሃላ ገደን ዲዛይታፔ አዎይሳካ ኔሰ ሚሰሌ ሜዳዳ ጸሓ ማላ ጎይኖፋ።
 9 ታኒ ጎዳ ኔ ጸሓይ ኬሃ ቃናቲዛ ጸሓ፤ ሃሳ ገሻሰ ማሴቲ ኦሴቲዳ አይ ኤቃ ጸሓታሰካ ጎይኖፋኔ ዚጎፋ፤ ታኒ ታና ኢጸዛይታ ዉርሳ ቃጸያይሰ፤ ኢሰታ ዜሬላታካ ሃቸንሎ ኦይዳንሎ ዩሌታ ጋካናሰ ታኒ ቃጸያና።
 10 ታና ደሲዛይታሲኔ ታ አዛዘታ ናገዛይታሰ ገዲኮ ሺ ዩሌታ ጋካናሰ ታ ኪያቴላኔ ታ ሲቆ ታ ኢሰታ ቤሳና።
 11 « ታና ኔ ጎዳ ሱንላ ሃዳን ዴይጎፓ፤ ታ ሱንላ ሃዳን ዴይገዛይታ ታ ቃጸዮንታ ኣገኬ።
 12 « ታኒ ጎዳይ ኔ ጸሓይ ኔና አዛዚዳ ማላ ሳሞባታ ጋላሳ ዲማሳዳ ቦንቻ።
 13 ኔኒ ኢዚ ኦሪ ኡባ ኡሱፑን ጋላሳታን ኦላ።
 14 ላፑንሎ ጋላሳይ ገዲኮ ታሰ ኔ ጎዳሰ ዲማ ሼምፖ ጋላሳ፤ ሄ ጋላሰ አይ ኦሪካ ኦላፋ፤ ኔና ገዲን ዎይኮ ኔ ናይታ ገዲን ኔሰ ኢዛይቲካ፣ ኔ ሚሃይካ፣ ኔ ዴሬን ቤቲ ኣሳታ ገዲኮካ ሄ ጋላሰ አይኮካ ኦላፍቴ፤ ኔ ሼምፕዛይሳላ ኢሰቲካ ሼምፕቶ።
 15 ኔኒ ገብጾ ቢታን ዴኢዛ ዎዴ አይሌ ገዲዳ ዴኢዳይሳ ኣኬካ፤ ቃሴካ ጎዳ ኔ ጸሓይ ባ ሚኖ ቁሴኔኔ ባ ሚጩቲዳ ኩሼን ኔና ሄፔ ኬሲዳይሳ ዶጎፓ፤ ሳሞባታ ጋላሳ ኔ ቦንቻና ማላ ጎዳ ኔ ጸሓይ አዛዚዳይ ሃሳሳ።
 16 « ታኒ ጎዳ ኔ ጸሓይ ኔና አዛዚዳ ማላ ኔ አዎኔ ኔ ኣዮ ቦንቻ፤ ኔ ሃሳሎ ኦሊኮ ጎዳ ኔ ጸሓይ ኔሰ ኢሚዛ ቢታይን ኔ ላይላ ኣዲቃናኔ ኔሰ ኢንጃታና።
 17 « ሳሰ ዎጲፓ፤
 18 « ሳይማቶፓ፤
 19 « ሳይሶቶፓ፤
 20 « ሳና ቦላካ ዎርዶ ማርካቶፋ፤
 21 « ሳሳ ማቻ፣ ኣሳ ኬላ፣ ኣሳ ጸንጾ፣ ኣሳ ኦሳንቻታ፣ ኣሳ ሚሃ፣ ኣሳ ሃራ ገዲን ሃራ አይ አቆታካ ኡባ አዎቶፋ) ገዴሰ።
 22 «ኢንቴ ኢሲ ቦላ ሺቁዳሶን ጎዳይ ዙማ ቦላ ዲሼ ኢንቴሰ ኡባሰ ኢሚዳ አዛዘቲ ሃይታ፤ ታማን፣ ገርዲ ገዳ ቆማኒኔ ሻራ ገደን ዲሼ ጌታ ጩንጉርሳን ኢዚ ኢንቴሰ ዮቲዳ አዛዘቲ ሃይታ ጸላ፤ ኢዚ ሃይታካ ናሞኡ ሹቻታ ቦላ ዎጪ ጸፊዲ ታሰ ኢሚዳሰ።

ዴሬዛ ያሽ (ኬሳ 20:18-21)

23 «ዙማዚ ታማን ጸጌቲዛ ዎዴኔ ቆማ ገደፊ ጩንጉርሳ ኢንቴ ሲዩዳ ዎዴ ኢንቴና ካሌላዛይቲኔ ኢንቴ ኮራፒኔቲ ታኮ ዩዲ፣
 24 ሳሳ ኦኒ ጸሓ ጩንጉርሳ ታማ ገደፊ ሲዩዳ ዎዴ ጎዳ ኑ ጸሓይ ባ ጌታቴላኔ ባ ቦንቻ ኑና ቆንጩን ቤሲዳሰ፤ ጸሲ ኣሳራ ሃሳይዳፔ ጉዩን ኢሲ ሃይቆንታ ሼምፖራ ፓጻ ዴኣና ዳንዳይዛይሳ ኑ ሃኛ ቤይዶሰ።

4:43 ኢያ 20:8-9 5:9 ሉዌ 26:1፤ ዛሬ 4:15-18፤ 27:15 5:10 ኬሳ 34:6-7፤ ታይ 14:18፤ ዛሬ 7:9-10 5:11 ሉዌ 19:12
 5:12 ኬሳ 16:23-30፤ 31:12-14 5:14 ኬሳ 23:12፤ 31:15፤ 34:21፤ 35:2፤ ሉዌ 23:3 5:16 ዛሬ 27:16፤ ማቶ 15:4፤ 19:19፤ ማር 7:10፤ 10:19፤ ሉቃ 18:20፤ ኤፌ 6:2-3 5:17 ሜጴ 9:6፤ ሉዌ 24:17፤ ማቶ 5:21፤ 19:18፤ ማር 10:19፤ ሉቃ 18:20፤ ኦር 13:9፤ ያቆ 2:11 5:18 ሉዌ 20:10፤ ማቶ 5:27፤ 19:18፤ ማር 10:19፤ ሉቃ 18:20፤ ኦር 13:9፤ ያቆ 2:11 5:19 ሉዌ 19:11፤ ማቶ 19:18፤ ማር 10:19፤ ሉቃ 18:20፤ ኦር 13:9 5:20 ኬሳ 23:1፤ ማቶ 19:18፤ ማር 10:19፤ ሉቃ 18:20 5:21 ኦር 7:7፤ 13:9

25 ሃይሳፌ ጉዬ ጎዳ ኑ ጸሳ ጩንጉርሳ ኑ ሲዱዛ ጊዲኮ ኑ ሃይቃና፤ ሄ ዋልቃማ ታማይ ኑና ጳይሳና ዳንዳዬሰ፤ ሂሰቲን ኑኒ ኣይሰ ሃይቁዞኒ?

26 ዴኦ ጸሳይ ታማ ጊደን ዲሼ ዮቲን ኑ ሲዱዳ ማላ ኢዛ ጩንጉርሳ ሲዱዲ ሃይቆንታ ሸምፖራ ፓጾ ኣቲዳ ኣሲ ዳኔ?

27 ሃሳ ጊሻሰ ኔኒ ኢዛኮ ሸቃዳ ጎዳ ኑ ጸሳይ ጊዛይሳ ኡባ ሲያ፤ ሃሳፌ ጉዬ ኔ ሲዱዳይሳ ኡባ ኑሰ ያዳ ዮታ፤ ኑኒካ ኢዛ ሲዱዲ ኣዛዘታና፤ ጊዴታ።

28 «ጸሳይካ ኢንቴ ሃሳ ጊሸን ሲዱዲ ታሰ። ሳ ላሳቲ ኔሰ ዮቲዳይሳ ኡባ ታኒ ሲያዲሰ፤ ኢሰቲ ጊዳይሲ ኡባይ ሊኬ።

29 ኢሰታሲኔ ኢሰታ ዜሬገታሰ ማርናሰ ኡባ ሚሺ ሎኦ ጊዳና ማላ ኢሰቲ ታሰ ያያናሲኔ ታ ኣዛዘታ ኡባ ዋዴ ናጋናሰ ሃይሳ ማላ ዋዚናይ ዲዛኮ ኣይ ማላ ሎኦሻ!

30 ሃኢካ ኔኒ ባዳ ኢሰቲ ባ ዲንካኔን ዲንካኔን ሲማና ማላ ኢሰታሰ ዮታ።

31 ኔኒ ጊዲኮ ሃን ታ ኣቻን ኤቃ፤ ታኒ ታ ዋጋታ። ኣዛዘታኔ ማራታ ኡባ ኔሰ ኢማና፤ ታኒ ኢሰታሰ ኢሚዛ ዴሬዪን ኢሰቲ ሃ ኣዛዘታ። ዋጋታኔ ማራታ ናጋና ማላ ዴሬዛ ታማርሳ» ጊዴሰ።

32 «ኢሰራኤል ኣሳዉ! ጎዳ ኢንቴ ጸሳይ ኢንቴና ኣዛዚዳይሳ ኡባ ፖላናሰ ጊጌቲቴ፤ ኢሰታፌ ኢሲኖዮካ ማንሶፍቴ።

33 ኡባ ሚሺ ኢንቴሰ ሎኦ ጊዳና ማላኔ ኢንቴ ላታና ቢታይን ኢንቴሰ ላይላይ ኣዲቃና ማላ ጸሲ ኢንቴና ኣዛዚዳይሳ ኡባ ፖሊቴ» ጊዴሰ።

6

ጊታ ኣዛዘ

1 ኢንቴ ፒኒ ቢዲ ላታናሰ ቢዛ ቢታን ኢንቴ ኦፋና ማላኔ ታኒ ኢንቴና ታማርሳና ማላ ጎዳ ኢንቴ ጸሳይ ታና ኣዛዚዳ ኣዛዘቲ። ዋጋቲኔ ማራታ ሃይታ።

2 ኢንቴ ሄ ቢታይን ኣዲሳ ላይላ ዳና ማላ ኢንቴ። ኢንቴ ናይቲኔ ኢንቴ ናይታ ናይቲ ባንቲ ዲዛ ዋዴ ኡባን ጸሳሰ ያያናሲኔ ታ ኢሚዳ ኣዛዘታ። ማራታኔ ዋጋታ ኡባ ናጋናሰ ቤሴሰ።

3 ኢንቴኖ ኢሰራኤል ኣሳዉ! ኡባ ሚሺ ኢንቴሰ ሎኦ ጊዳና ማላ። ጎዳ ኢንቴ ኣዋታ ጸሳይ ኢንቴሰ ጊዳይሳሎ ማላኔ ኤሲ ጎሺዛ ቢታን ኢንቴ ኬሂ ጮራታና ማላ ሃ ኣዛዘታ ሲደቲኔ ሚኒ ኦሊቴ።

4 ኢሰራኤል ኣሳቶ! ኢንቴ ሃይሳ ኣኬከቴ! ጎዳ ኑ ጸሳይ ኢዚ ጸላ ጸሳ።

5 ጎዳ ኔ ጸሳ ኔ ኩሜላ ዋዚና፤ ኔ ኩሜላ ሸምፖራኔ ኔ ኩሜላ ዋልቃፌ ሲቃ።

6 ሃቶ ታ ኔና ኣዛዚዳ ኣዛዘታ ዋዚናን ዋላ።

7 ሃይታ ኣዛዘታ ኔ ናይታ ታማርሳ፤ ኔኒ ኔሶን ኡቲዛ ዋዴ ጊዲን ኦጌካ። ኢቸዛ ዋዴ ጊዲን ቤጊዛ ዋዴ ኡባን ሃይታንታ ኣኬከሽ ዩሻ ቆፓ።

8 ኔሰ ማላታ ጊዳና ማላ ኔ ኩሽ ቦላ ቃቻ ቃሴካ ኔ ፒዴ ቦላ ዋላ።

9 ኔ ኬላ ቆሲላላ ቦላኔ ጊቤ ፔንጌ ቦላ ጻፋ።

ኣዛዘታና ማላ ዋንዲ ዮቲዳ ኣዛዘ

10 ጎዳ ኢንቴ ጸሳይ ካሴ ኢንቴ ኣዋታሰ ኣብራሃሚሰ። ዩሳቃሲኔ ያቆቤሰካ ጫቂዳ ቃላ ማላ ኢንቴና ኢዚ ሄ ቢታዮ ጌልሊዛ ዋዴ ካሴ ኢንቴ ኬጸንታ ጊታኔ ሎኦኢዛ ካታማቲ ዲዛ ቢታዮ ላቲሳና።

11 ኢንቴ ላታናይ ኢንቴ ኬጸንታ ሎኦ ሚሻን ኩሚዳ ኬላታ። ኢንቴ ቦኮንታ ሃላ ኦላታ። ኢንቴ ቶኮንታ ዋይኔ ሚሳታኔ ዋጋራ ሚሳታ፤ ሃይታንታ ኢዚ ኢንቴሰ ኢሚዛ ዋዴ።

12 ካሴ ኢንቴ ኣይሌቲላን ዴዱዳ ጊብጾ ዴሬፔ ኢንቴና ዋዚ ኬሲዳ ጎዳ ኢንቴ ባሎንታ ማላ ናጌቲቴ።

13 ኢንቴ ጎዳ ጸሳሰ ያዩቲ፤ ኢዛሰ ጸላ ጎይኒቲኔ ኢዛ ሰጎላን ጸላ ጫቂቴ።

14 ኢንቴ ዩሻን ዲዛ ሃራ ዴሬ ኣሳይ ጎይኒዛ ኤቃ ጸሳታሰ ጎይኖፍቴ፤

15 ጋሶይካ ኢንቴ ጊደን ዴኢዛ ጎዳ ኢንቴ ጸሳይ ቃናቲዛ ጸሳ፤ ሃሳ ጊሻሰ ኢዛ ሃንቆይ ኢንቴ ቦላን ታማ ማላ ኤጲ ኬዛና፤ ኢዚካ ኢንቴና ቢታ ቦላፊካ ሙሌራ ዲፒ ሂሰቲ ጳይሳና።

16 ካሴ ኢንቴ ማሳን ኦሊዳይሳላ ጎዳ ኢንቴ ጸሳ ፓጮፍቴ።

17 ኢዚ ኢንቴና ኣዛዚዳ ኣዛዘታ። ዋጋታኔ ማራታ ኡባ ሎኦሊ ናጌቴ።

18 ኢንቴሰ ኡባ ሚሺ ሎኦ ጊዳና ማላ ጎዳ ሲንላን ኢንቴ ሱሬኔ ሎኦ ኦሊቴ፤ ሂሰቲኮ ኢንቴሰ ኢማናሰ ጎዳይ ኢንቴ ኣዋታሰ ቃላ ጌሊዳ ሄ ሎኦ ቢታዮ ኢንቴ ላታና።

19 ኢዚ ኢንቴሰ ሂደታ ቃላ ጌሊዳ ማላ ኢንቴ ኢንቴ ሞርኬታ ጎዳ ጳይሳና።

20 ጉዬፔ ያና ዋዴታን ኢንቴ ናይቲ። «ጎዳ ኑ ጸሳይ ሃይታ ኣዛዘታ። ዋጋታኔ ማራታ ቢርሼላይ ኣዜ?» ጊ ኦይቻና።

21 ሄ ዋዴ ኢንቴ ቃሴ ኢሰታሰ። «ካሴ ኑኒ ጊብጾ ካዋሰ ኣይሌቲደሰ ሸን ጸሳይ ኑና ባ ጊታ ዋልቃን ዋዚ ኬሲዴሰ።

22 ጊብጾ ኣሳ። ኢሰታ ካዋዛኔ ኢሰታ ሹሚታ ኬሂ ቆሂዛ ጊታ ማላታታ ኢዚ ኦሊዳይሳ ኑኒ ኑ ኣይፌፊ ቤኢደሰ።

23 ካሴ ኑ ኣዋታ ላቲሳናሰ ኢሚዳ ሂደታ ቃላ ማላ ኑና ሃ ቢታዮ ላቲሳናሰ ጊብጾፔ ዋዚ ኬሲዲ ሃ ኤሂደሰ።

24 ሃሳፌ ጉዬ ሃቶ ሃኒዳይሳላ ኑሰ ኡባ ዋዴካ ሎኦ ጊዳና ማላኔ ኑኒ ሸምፖራ ፓጾ ዴኣና ማላ። ኑኒ ኣዛዘታ። ዋጋታኔ ማራታ ናጋና ማላኔ ጎዳ ኑ ጸሳሰ ያያና ማላ ኣዛዚዴሰ።

25 ጎዳ ኑ ጸሳይ ኑና ኣዛዚዳ ማላ ኢዛ ኣዛዘታ ኡባ ኑ ናጊኮ ሃሲ ኑሰ ጲሎቴላ ጊዳና» ጊቴ።

7

ጸሳን ዴሬቲዳ ዴሬ (ኬሳ 34:11-16)

1 ጎዳ ኢንቴ ጸሳይ ኢንቴ ላታናሰ ቢዛ ቢታዮ ኢንቴና ጌልሊዛ ዋዴ ቃሴካ ኢንቴፌ ዋልቃሚዛኔ ሚኒዛ ላፑን ካዋቲላታ ሃይቲካ ሂቲታ። ጌርጌሴታ። ኣዋራታ። ካናኔታ። ፓሪዜታ። ሂዌታኔ ያቡሴታ ኢንቴ ሲንሳፌ ዶቃሊ ጳይሳና።

2 ጎዳ አንቲ ደሳይ ሄ ዳሬታ አንቲ ኩሼን አሊ አሚን አንቲ ኢሰታ ጸሊዛ ዎዳ ኢሰታ ኩሜል ሱቸ ሂሰቲ ዳይሲቲ ኦቲን ኢሰታራ ኣይ ቃላካ ጌሎፒቲኔ ኢሰታሰ ቃዴቶፍቲ።

3 ኢሰታራ ኤኮቶፍቲኔ ጌሎቶፍቲ፤ አንቲ ማጫ ናይታ ኢሰታ ኣቲማ ናይታሰ አሞፍቲ፤ ኢሰታ ማጫ ናይታካ አንቲ ኣቲማ ናይታሰ ኤኮፍቲ።

4 ጋሶይካ አንቲ ሄሳሶ ኦሎንታ ኣገኮ ኢሰቲ አንቲ ናይታ ጎዳ ካሊዛሶፔ ቤቲሲዲ ኤቃ ጸሳታ ካላና ማላ ኦላፍ፤ ሄ ዎዳ ጎዳ ሃንቆይ ኤጲ ኬዛናኔ ኢዚ አንቲና ሄራካ ኤሶን ዳይሳና።

5 ሄሳ ገሻሰ አንቲ ኢሰቲ ያርሾ ያርሽዛሶዛ ላላቲ፤ ኢሰቲ ጎይኒዛ ቲሳ ማላታ ሹታታ ኪንቲሬላ ዩጊቲ፤ ኣሽሮ ጌቲቲዛ ኤቃ ጸሳይ ሚሰሌዛ ቲንቲሬላ ዩጊቲ፤ ማሴቲ ገጊዳ ኤቃ ጸሳታ ሚሰሌታካ ታማን ጸጊቲ።

6 ጋሶይካ ጎዳ አንቲ ደሳይ አንቲና ባሰ ጊዳና ማላ ደሪዳ ዲማ ዳሬ፤ ቢታ ቦላ ዲዛ ዳሬ ኡባሬ አንቲ ኢዛሰ ዲማ ዳሬ ጊዳና ማላ ደሬቲዳታ።

7 ጎዳይ አንቲና ሲቁዳይኔ ደሪዳይ አንቲ ሃራ ኣሳፔ ቆዳን ዳሪዛ ገሻሰ ጊዳና፤ አንቲ ሃራ ዳራፔ ቆዳን ኬሂ ጉላታ።

8 ጊዳ ኣቲን ጎዳይ አንቲና ሲቁዳ ገሻሲኔ ካሴ አንቲ ኣዎታሰ ጌሊዳ ሂደታ ቃላ ናጋናሰ ኮዩዳ ገሻሰ ኢዚ አንቲና ጊብጼ ካዎሰ ኣይሌቲላን ዲዛ ጊብጼ ቢታሬ ባ ጊታ ዎልቃን ዎዚዲ ኬሲዳሰ።

9 ሄሳ ገሻሰ ጎዳ አንቲ ደሳይ ሙሌራ ኣማኔቲዳ ጸሳ ጊዳዳይሳ አንቲ ዩሺ ቆፒቲ፤ ኢዚ ባ ጫቁዳ ቃላ ናጌሰ፤ ኢዛ ደሲዛይታሲኔ ኢዛ ኣዛዘ ፖሊዛይታሰ ኡባሰ ሺ ዩሌታ ጋካናሰ ኢዚ ባ ሚርና ሲቆ ቤሳና።

10 ጊዳ ኣቲን ባና ኢጲዛይታ ባ ሃሎ ኬሳና፤ ኢሰታ ቦላ ባ ሃሎ ኬሳናሰ ጋምኤና።

11 ሄሳ ገሻሰ ታ ሃኙ አንቲና ኣዛዚዛ ኣዛዘታ፡ ዎጋታኔ ማራታ ሎኤላ ናጊቲ።

ኣዛዘቲላን ቤቲዛ ኣንጆ (ዛሬ 28:1-14)

12 አንቲ ሃ ኣዛዘታ፡ ዎጋታኔ ማራታ ሲዩዲ ሎኤላ ናጊኮ ጎዳ አንቲ ደሳይ ካሴ አንቲ ኣዎታሰ ጌሊዳ ጫቆ ቃላኔ ባ ሚርና ሲቆ አንቲሰካ ሚንላና።

13 ኢዚ አንቲና ሲቃና፤ ኣንጅናኔ ቆዳን ዳርሳና፤ ቃሴካ ኢዚ አንቲ ኣዎታሰ ጫቁዳ ቢታይን አንቲ ዩሎታ፡ አንቲ ቢታይ ኢሚዛ ኣይሬታ፡ ካላ፡ ዎይኔኔ ዎጋራ ዛይቲ፡ አንቲ ሜሄታኔ ደርሳ ዉዳታ ኡባ ዳርሲዲ ኣንጅና።

14 አንቲ ማላ ኣንጅቲዳ ዳሬይ ኣላሜ ቦላ ሙሌካ ዳና፤ አንቲ ጊዳሬ ማጫ ጊዳን ዎይኮ ኣቲማሰ ጊዳን ሄሳሶካ አንቲ ሜሄታ ጊዳን ማይኔይ ቤቲና።

15 ጎዳይ ሃርጌ ኡባሬ አንቲና ናጋና፤ አንቲ ካሴ ጊብጸን ዲሼ ቤኢዳ ኢታ ሃርጌታፔ ኣዎይሳካ አንቲ ቦላ ኤሄና፤ ጊዳ ኣቲን ኢዚ ባና ኢጲዛይታ ቦላ ሄ ሃርጌታ ኤሃና።

16 ጎዳ አንቲ ደሳይ አንቲ ኩሼን አሊ ኢሚዳ ዳሬታ ኡባሰካ ቃዴቶንታ ዳይሲቲ፤ አንቲሰ ዎጲማዳ ጊዳንታ ማላ ኢሰታ ኤቃ ጸሳታሰ ጎይኖፍቲ።

17 አንቲ አንቲ ዎዚናን፡ «ሃ ካዎቲላቲ ኑፔ ሚኔቴሰ፤ ሂሰቲን ኑ ኢሰታ ዎሰቲ ዳይሳኔ?» ጊዳ ቆፖንታ ኣጌኬታ።

18 ጊዳ ኣቲን አንቲ ኢሰታሰ ያኖፍቲ፤ ጎዳ አንቲ ደሳይ ጊብጼ ካዎ ቦላኔ ሄ ዳሬ ኣሳ ኡባ ቦላ ኦሊዳይሳ ዩሺ ቆፒቲ።

19 ጎዳ አንቲ ደሳይ አንቲና ጊብጸፔ ኬሲዛ ዎዳ ኦሊዳ ጊታ ቦሻታ፡ ማላታታ፡ ማላሊሲዛ ሚሻታ፡ ኢዛ ሚኖ ቁሴታኔ ሚጩቲዳ ኩሼታ አንቲ አንቲ ኣይሬጎ ቤኢዳታ፤ ሃኢ አንቲ ያዩዛ ኣሳ ኡባ ቦላንካ ጎዳ አንቲ ደሳይ ሄሳሶ ኦላና።

20 ጎዳ አንቲ ደሳይ ኢሰታ ጊዳን ሺሮ ዳንላና።* አንቲሬ ባቃቲዲ ቆቲቲዳይቲካ ሄራ ዳያና።

21 ሄሳ ገሻሰ ሄ ዳሬታሰ ባቦፍቲ፤ ጎዳ አንቲ ደሳይ አንቲናራ ዳሰ፤ ኢዚ ጊታኔ ያሺሲዛ ዳሳ።

22 ጎዳ አንቲ ደሳይ ሃይታ ካዎቲላታ ጉላራ ጉላራ ሾዲ ኬሳና፤ አንቲ ኢሰታ ኡባ ኢሲቶ ዳይሶፍቲ፤ አንቲ ኢሲቶ ዳይሲኮ ቢታ ቦላ ደኣይ ዳሪዲ አንቲና ዎዴሳና።

23 ጎዳ አንቲ ደሳይ አንቲ ሞርኬታ አንቲ ኩሼን አሊ ኢማና፤ ኢሰቲ ኡባይ ዉራና ጋካናሰ ኢዚ ኢሰታ ጋርሳን ሺሮ ዳንላና።

24 ቃሴካ ኢሰታ ካዎታ ኢዚ አንቲ ኩሼን አሊ ኢማና፤ አንቲ ኢሰታ ሱንላ ሙሌራ ቢታሬ ዳይሳና፤ አንቲ ኢሰታ ዳይሳና ጋካናሰ አንቲናራ ኤቁቲ ዳንዳያና ኣይ ኣሲካ ዳና።

25 ኢሰታ ኤቃ ጸሳታ ኡባ ታማን ጸጊቲ፤ ሄ ኤቃ ጸሳታ ቦላ ዲዛ ዎርቃኔ ቤራ ኣሞቲዲ አንቲሰ ኤኮፍቲ፤ ጎዳ አንቲ ደሳይ ኤቃ ጸሳታሰ ጎይኖ ኢጲዛ ገሻሰ አንቲ ኤኪኮ ኢዚ አንቲሰ ዎጲማዳ ጊዳና።

26 ሃ ቲኒዳ ኤቃ ጸሳታ አንቲሶ ጌልላፍቲ፤ አንቲ አንቲሶ ጌልሊኮ ኢሰቲ ዳይዛይሳላ አንቲካ ዳያና፤ ኢሰቲ ዳያናሰ ቤሲዛ ገሻሰ አንቲ ኢሰታ ኢጲቲኔ ሃራሴቲቲ።

8

ኡፋይሳ ቢታኖ ዎሰቲ ላታናኮ ኢሜቲዳ ዎጋ

1 አንቲ ሺሞፖራ ፓጻ ዳና ማላ፡ አንቲ ቆዳይ ዳራና ማላኔ ጎዳይ ካሴ አንቲ ኣዎታሰ ኢማናሰ ጫቁዳ ቢታኖ ላታናሰ አንቲ ዳንዳያና ማላ ሃኙ ታ አንቲሰ ኢሚዛ ኣዛዘኖ ኣማኔቲዲ ናጊቲ።

2 ጎዳ አንቲ ደሳይ አንቲሰ ኢሚዳ ኣዛዘታ አንቲ ናጊዛኮኔ ናንጎታኮ አንቲ ዎዚናን ዲዛ ቆፋ ኤራናሰ፡ አንቲና ፓጫናሲኔ አንቲና ኣሽኬሳናሰ ኦይዲ ታሙ ሳይሳ ኩሜል ሜቶ ጊዳራ ኣሊዲ ኢዚ አንቲና ዎሰቲ ዎሰቲ ካሌሊዳኮ ኣኔ ዩሺ ቆፒቲ።

3 ኣሲ ጸሳ ዳናፔ ኬዚዛ ቃላን ኣቲን ካላን ጸላ ሺሞፖራ ፓጻ ዳናሰ ዳንዳኖንታይሳ ታማርሳናሰ አንቲና ጋፊሲዳሰ፤ አንቲኔኔ አንቲ ኣዎቲ ኤርንታ ማና ሚዚዳሰ።

4 ሄ ኦይዲ ታሙ ላይላታ ጋርሳን አንቲ ማይኢዳ ማይኦይ ዉሪቤና፤ ሄሜሳ ዳርን አንቲ ቶሆይ ኪጲቤና።

5 ኣዎይ ባ ና ሴሪዛይሳሶ ጎዳ አንቲ ደሳይ አንቲና ሴሪዛይሳ ዩሺ ቆፒቲ።

7:5 ዛሬ 12:3 7:6 ኩሳ 19:5፤ ዛሬ 4:20፤ 14:2፤ 26:18፤ ቲቶ 2:14፤ 1ጴጵ 2:9 7:10 ኩሳ 20:5-6፤ 34:6-7፤ ታይ 14:18፤ ዛሬ 5:9-10 7:16 ዛሬ 11:13-17 * 7:20 ሺሮ ዳንላና ገዛይሳ ቦሻ ዩዳና ዎይኮ ሳጲዛ ኡዳንጼ ዩዳና ጋና ዳንዳይቲሰ። 8:3 ማቶ 4:4፤ ሉቃ 4:4

6 ኢዛ ካሊሼኔ ኢዛሰ ያዩሼ ጎዳ እንጥ ያሳ ኣዛዞታ ናጊጥ።

7 ጋሶይካ ጎዳ እንጥ ያሳይ እንጥና ሾባፌኔ ዙዎቡላታፕ ፑልቴ ገጊዛ ቁሪ ሻፋቴኔ ፑልቴዛ ፑልፋቴ ዲዛ ሎኦ ቢታ ጌልፋናሰ ኤሂዳሰ።

8 ሄ ቢታያ ገሰቴይን ባንጋይ፣ ዎይኔይን ባላሴይ፣ ኦሮማኔይን ዎጋራ ኣይፊይ፣ ቃሴካ ኤሲ ኩሚዳ ቢታ።

9 ሄ ቢታያካ እንጥ ፓጩይ ባይንዳ ካል ሚዛ ቢታኔ እንጥሰ ኣይኮይካ ፓጩንታ ቢታ፤ ሄ ቢታይን ዲዛ ሹቻታፕ ቢራታይ፣ ዙዎቡላፊ ጸርቁማላይ ቤቴሰ።

10 እንጥ ሚዲ ካላና፤ ሂሰቴዲ ኢዚ እንጥሰ ኢሚዳ ሎኦ ቢታይ ገሻሰ ጎዳ እንጥ ያሳ እንጥ ጋላታና።

ጸሓ ደጊዛይታሰ ኢሚቴዳ ሴራ

11 እንጥ ጎዳ እንጥ ያሳ ደጊዲ ታኒ ሃኙ እንጥሰ ኢሚዛ ኣዛዞታ፣ ዎጋታይ ማራታ ዎሮንታ ማላ ናጊጥጥ።

12 እንጥ ሚዲ ካሊዛ ዎይኔ ሎኦ ኬል ኬጺ ኡቴዛ ዎዴ።

13 ሚዚኔ ደርሳይ፣ ቢራይን ዎርቃይ ቃሴካ ሃራ ኣቆታቴ እንጥሰ ዳሪዛ ዎዴ።

14 እንጥ ዎዚናይ ኦቶፊቶንታ ማላኔ እንጥ ገብጾፕ ኣይሌቴላ ቢታፊ እንጥና ዎዚ ኬሲዳ ጎዳ እንጥ ያሳ ባሎንታ ማላ ናጊጥጥ።

15 ማርዜ ሾሻይን ማሰማሶይ ኩሚዳ ኬሂ ሂርጊሲዛ ባዞራ እንጥና ካሌሊዳሰ፤ ኢዚ እንጥሰ ሚላ ባዞን ሚኖ ዛላፊ ሃሌ ፑልቴሲዳሰ።

16 እንጥና ኣሽኬሳናሲኔ ፓጩናሰ ዉርሴላንካ ሎኦ ገዳና ማላ ካሴ እንጥ ኣዎቴ ሚ ኤሮንታ ማና ባዞ ቢታን እንጥሰ ኢሚዳሰ።

17 ሄሳ ገሻሰ፣ «ኮኒ ኑ ዎልቃኒኔ ኑ ሚኖቴላን ዱሬቴዶሰ» ጊ ቆፖፍቴ።

18 እንጥ ዱሬታና ማላ እንጥሰ ዎልቃኔ ሚኖቴል ኢሚዳይ ጎዳ እንጥ ያሳ ገዲዳይሳ ዩሺ ቆፒቴ፤ ኢዚ ሄሳሶ ኦሊዳይ ካሴ እንጥ ኣዎታሰ ጌሊዳ ጫቆ ቃላ ሚንፋናሳ።

19 ጎዳ እንጥ ያሳ እንጥ ደጊዲ ኤቃ ጸሓታሰ ጎይኒኮ፣ ኢሰታሰ ሃጋዛናሰ እንጥ ሲንል እንጥ ኢሰታኮ ዛሪኮ፣ ኣዳካ እንጥ ቆያናይሳ ሃኙ ታ እንጥና ሃራ ኤሪሳይሰ።

20 ጎዳ እንጥ ያሳሰ እንጥ ኣዛዜቶንታ ኢዲኮ እንጥ ጌዴ ሲንል ሲንል ቢሺን እንጥ ሲንፋን ዲዛ ካዎቴላታ ቆይሲዛይሳ ማላ እንጥናካ ቆቃሊ ቆይሳና።

9

ማካላቴላ ጋሶን ዪዛ ሚቶ

1 እንጥኖ ኢሰራኤሌ ዴሬ ኣሳዉ! ሲዪቴ፤ እንጥ እንጥፊ ገታቴዛኔ ዎልቃሚዛ ካዎቴላታ ቃሴ ኢሰታሰ ዲርሳ ገምቤይ ሳሎ ጋኪዳ ገታ ካታማታካ ላታናሰ ሃኙ ዮርዳኖሴ ፒኔታ።

2 ሄ ቢታን ዲዛ ኣሳይ ጌሳኔ ጉባ ገታታኔ ኬሂ ሚኖታ፤ ኢሰታሰ፣ «ኦኒኔ ኤናቄ ዜሬላታራ ኤቁታናሰ ዳንዳዬና» ገሺን እንጥ ሲዪዳታ።

3 ገደ ኣቴን ታማ ማላ ጸጊዛ ጎዳ እንጥ ያሳይ ኢዚ እንጥፊ ሲንፋራ ቢሺን እንጥ ሃኙ ቤኣና፤ እንጥ ጌዴ ሲንል ሲንል ጉጂሺን ኢዚ ኢሰታ ጸኒ ጸኒ ባና፤ ሄሳ ገሻሰ ኢዚ እንጥሰ ኢሚዳ ሂደታ ቃላ ማላ እንጥ ኢሰታ ቆቃሊዲ ኤሶን ጎዳ ቆይሳና።

4 ጎዳ እንጥ ያሳይ ኢሰታ እንጥ ሲንፋፊ ጎዲዳፕ ጉዬ እንጥ፣ «ጎዳይ ኑና ሃ ቢታ ኤሂዳይ ኑኒ ሎኦ ኦሶ ኦሊዳ ገሻሳ» ገዲ ቆፖፍቴ፤ ጎዳይ ኢሰታ እንጥ ሲንፋፊ ጎዲ ኬሲዛይ ኢሰታ ኢታቴላ ገሻሳ።

5 እንጥ ኢሰታ ቢታ ላታና ማላ ጎዳ እንጥ ያሳይ ኢሰታሰ ኣሌ ኢሚዳይ እንጥ ጸሎኔ ሱሬ ኦሊዳ ገሻሰ ገዴና፤ ኢሰቴ ኢታታ ገዲዳ ገሻሲኔ ጸሳይ ካሴ እንጥ ኣዎታሰ ኣብራሃሚሰ፣ ዩሳቃሲኔ ያቆቤሰ ኢሚዳ ሂደታ ቃላ ናጋናሰ ኮዪዳ ገሻሰ ኢሰታ ሾዲ ጎዳና።

6 ጎዳ እንጥ ያሳይ ሃ ሎኦ ቢታ እንጥና ላቴሲዛይ እንጥ ጸሎቴላ ገሻሰ ገዴና፤ ጋሶይካ እንጥ ዎዚናይ ሙሚ።

7 ጎዳ እንጥ ያሳ ባዞን እንጥ ዎሰቴ ሃንቁሊዳኮ ባሎፒቴ፤ እንጥ ገብጾፕ ኬዚዳ ጋላሳፊ ደሚዲ ሃኖ ጋካናሰ እንጥ ጎዳ እንጥ ያሳ ቦላ ማካሊዳታ።

8 ሲና ባዞን ኢዚ እንጥና ቆይሳናሰ ዴንዲና ጋካናሰ ጎዳ ኬሂ ሃንቁሊዳታ።

9 ጎዳይ እንጥናራ ጫቁቴዳ ቃላይ ኢሰታ ቦላ ጸፊቴዳ ሹቻታ ኤካናሰ ታኒ ፑዴ ዙማ ቦላ ኬዛዳ ሂን ኣይኮካ ዎንታኔ ኡዮንታ ኦይዲ ታሙ ጋላሲኔ ኦይዲ ታሙ ቃማ ጋማኣዲሰ።

10 ሄሳፊ ጉዬ እንጥ ሄ ዙማ ጋርሳን ሸቁን ጎዳይ ታማ ገደፊ ሃሳይሺን እንጥ ሲዪዳ ቃላ ኢዚ ባ ኩሼራ ኢሰታ ቦላ ጸፊዳ ናምኡ ሎቻ ሹቻታ ታሰ ኢሚዳሰ።

11 ኦይዲ ታሙ ጋላሳፊኔ ኦይዲ ታሙ ኦማርሳፊ ጉዬ ጎዳ ጫቆ ቃላይ ኢሰታ ቦላ ጸፊቴዳ ናምኡ ሎቻ ሹቻታ ታሰ ኢሚዳሰ።

12 ሄሳፊ ጉዬ ጎዳይ ታሰ፣ «ኔ ኤሶን ዙማ ቦላፊ ዲጌ ዎቆ፤ ኔኒ ገብጾፕ ካሌላ ኬሲዳ ኣሳይ ኢታ ሚሽ ኦሊዲ ቴኒዳሰ፤ ታ ኢሰታሰ ኢሚዳ ኣዛዞታፕ ኤሶን ካሬ ኬዚዲ ባንታሰ ጎይናሰ ኤቃ ጸሓታ ሜቆዳ» ገዴሰ።

13 ቃሴካ ጎዳይ ታሰ፣ «ሃይሲ ዴሬዚ ዎዚና ሙሚኔ ማካላ ገዲዳይሳ ታ ኤራይሰ።

14 ታኒ ኢሰታ ቆይሳናይሳኔ ኢሰታ ሱንፋካ ቢታ ቦላፊ ቁጫ ቆይሳናይሳ ታና ዲጎፋ፤ ኔና ኢሰታፊ ሚኒዛይሳኔ ጮራቴዛ ካዎቴል ኬሳና» ገዴሰ።

15 ሄሳ ገሻሰ ጫቆ ቃላዚ ጸፊቴዳ ናምኡ ሎቻ ሹቻታ ናምኡ ኩሼን ኦይኪዳ ማላ ዙማ ቦላፊ ሲማዳ ዲጌ ዎቆዲሰ፤ ሄ ዎዴ ታማ ላጮይ ዙማ ቦላ ላጩሰ።

16 እንጥካ ጎዳ እንጥ ያሳይ እንጥሰ ኢሚዳ ኣዛዞታ ሚንሊዲ ካሬ ኬዚዳታ፤ ዎርቃፊ ሴሪሲዲ ሚቆዳ ማራ ሚሰሌዛ እንጥሰ ኤቃ ጸሰ ኦሊዳታ፤ ሄሳን እንጥ እንጥ ጎዳ ቦላ ማካሊዳይሳ ታ ቤኣዲሰ።

17 ሄሳ ጋሶን ኣዛዞቴ ኢሰታ ቦላ ጸፊቴዳ ሎቻ ሹቻታ ታ እንጥ ሲንፋን ቦላፊ ዩጋዳ ሚንሌሬላዲሰ።

18 ሄሳፊ ጉዬ እንጥ ኬሂ ኢታ ናጋራ ኦሊዲ ጎዳ ሃንቁሊዳ ጋሶን ታኒ ኦይዲ ታሙ ጋላሲኔ ኦይዲ ታሙ ቃማ ጋካናሰ ኣይኮካ ዎንታኔ ኡዮንታ ጎዳ ሲንፋን ጉፋናዳ ጋምኣዲሰ።

19 ኢዚ እንጥና ኬሂ ሃንቁቴዲ ቆይሳናሰ ዴንዲዳ ገሻሰ ጎዳይ ሃንቁዛ ገታ ሃንቆዚ ታና ባቢሲዳሰ፤ ገዲኮካ ጎዳይ ዛራዲ ታ ዎሳ ሲዪዳሰ።

20 ጎዳይ ኣርኔካ ቆይሳናሰ ኢዛ ቦላ ኬሂ ሃንቁቴዳሰ፤ ሄሳ ገሻሰ ኢዛሰካ ዎሳዲሰ።

21 ታኒ አንቴ ሜዲ ያ ርገራን ኩሚዳ ማራ ሚሰሌዛ ኤካዳ ታማን ጸጋዲሰ፤ ኢዛካ ኪንቼሬላ ጉዲላ ማላ ለቀሳዳ ዙማ ቦላፌ ዲጌ ጎጊዛ ሃሳን ይጋዲሰ።

22 አንቴ ቃሴካ ታቤሬን፣ ማሳኒኔ ኪብርቴ-ሃታኦቤን አንቴ ጎዳ ሃንቁሊዳታ።

23 ጎዳይ አንቴና፣ «ቢቴ! ታ አንቴሰ አሚዳ ሂደታ ቢታዮ ላቲቴ» ጌዲ አንቴና ቃዳሴ ባሪኔፔ ኪቲዳ ዋዴ አንቴ ኢዛ ቦላ ማካሊዳታ ኣቲን ኢዛን ኣማኔቲቤኬታ፤ ኢዛ ቃላሰካ ኣዛዜቲቤኬታ።

24 ታ አንቴና ኤርሶፌ ሃኖ ጋካናሰ አንቴ ጎዳ ቦላ ማካሊዳ ማላ ዳታ።

25 ጎዳይ፣ «ታኒ ኢሰታ ጳይሳና» ጌዲ ዮቲዳ ገሻሰ ታኒ ሄ ኦይዲ ታሙ ጋሳሳታኔ ኦይዲ ታሙ ቃማታ ጎዳ ሰንሳን ጉፋናዳ ጋምኣዲሰ።

26 ታኒ ዋሳሽ፣ «ኡባሬ ጳቃ ጎዳዉ! ኔኒ ኔ ጌታ ዋልቃኒኔ ኔ ሚኖ ቁሴን ዋዛዳ ገብጾፔ ኬሲዳ ኔ ዴሬዛ ጳይሶፋርኪ!

27 ካሴ ኔ ኦሳንቻታ ኣብራሃማ፣ ዪሳቃኔ ያቆቤ ቆፓርኪ፤ ሃይሳ ዴር ዋዚና ሙሚቴላ፣ ኢታቴላ፤ ርገራ ኡባ ቆዶፓርኪ!» ጋ ዋሳዲሰ።

28 ኔ ሂሰቶንታ ኣኪኮ ኑና ሄ ዴሬ ኣሳይ፣ «ጎዳይ ኢሰታ ጌልላና ጌዲ ሂደታ አሚዳ ቢታዮ ጌልላናሰ ዳንዳዮንታ ገሻሰኔ ኢዚ ኢሰታ ኢጲዳ ገሻሰ ባዘ ቢታን ኢሰታ ዋሳናሰ ኬሲዳሰ» ጌዲ ሚጫና።

29 ጌዶ ኣቲን ሃ ኣሳይ ኔኒ ኔ ጌታ ዋልቃኒኔ ኔ ሚኖ ቁሴን ኔሰ ጌዳና ማላ ኔ ዶራ ኬሲዳ ዴሬ።

10

ሙሴይ ናምኣንላ ኤኪዳ ታሙ ኣዛዘታ (ኬሳ 34:1-10)

1 ሃሳፌ ጉዬ ጎዳይ ታና፣ «ሃይሳፌ ካሴ ሜቂዳ ሎቻ ሹቻታ ማላ ሃራ ናምኡ ሹቻ ማሳ ገጊሳ፤ ኢሰታ ዋሳናሰ ታቦታ ሚላፌ ሜቆ፤ ሂሰታዳ ፑዴ ሃ ዙማ ሁኤ ኬዛ።

2 ኔ ካሴ ሜንሊዳ ሎቻ ሹቻታ ቦላ ጸፊቲዳ ኣዛዘታ ቃሴካ ታኒ ኢዛራ ጸፋና፤ ኔኒካ ኢሰታ ታቦታዛ ጊደን ዋላ» ጌዴሰ።

3 ሃሳ ገሻሰ ታኒ ኦዶር ሚላፌ ታቦታ ገጊሳዲሰ፤ ካሴይታ ሚሳቲዛ ናምኡ ሎቻ ሹቻታ ማሳ ኤካዳ ፑዴ ዙማ ቦላ ኬዛዲሰ።

4 አንቴ ዙማ ጋርሳን ሸቂ ዲሺን ጎዳይ ታማ ጌደን ዲሸ አንቴሰ ቆንጨሲዳ ታሙ ኣዛዘታ ካሴይሳላካ ሃኤ ሎቻ ሹቻታ ቦላ ጸፊዲ ታሰ አሚዳሰ።

5 ሃሳፌ ጉዬ ታኒ ዙማ ቦላፌ ዲጌ ዋቆዳ ጎዳይ ታና ኣዛዘዳ ማላ ሄ ማሴቲዳ ሎቻ ሹቻታ ታ ገግሲዳ ታቦታ ጊደን ዋላዲሰ፤ ሄ ጋላሳፌ ሃኖ ጋካናሰ ሄን ኢዛ ጊደን ዴቲሰ።

6 [ኢሰራኤሌ ኣሳይ ቢኤርቴ-ቤኒ-ያቂኔ ኣሳታሰ ሃላ ኦላይ ዲዛሶፔ ሞሴሬ ቢዳ፤ ኣርኔይካ ሃይቂዲ ሄን ሞፔቲዳሰ፤ ኢዛሶሆን ኢዛ ና ኤልኤኤሬይ ቁሴ ጌዲዳሰ።

7 ኣሳይ ሃሳፌ ዴንዲዲ ጌዴ ጉዲጎዳ ቢዳሰ፤ ሄፔካ ዮጵባቲ ጌቲቲዛ ጎጊዛ ሃሊ ዲዛሶ ቢዳሰ።

9:22 ታይ 11:3:34፤ ኬሳ 17:7 9:23 ታይ 13:25—14:38፤ ዛሬ 1:21፤ ኢብ 3:16 10:6 ታይ 20:28፤ 33:38 10:8 ታይ 3:5-8 10:10 ኬሳ 34:28 10:17 1ጸም 6:15፤ ኣጂ 17:14፤ 19:16፤ ሃዋ 10:34፤ ኦር 2:11፤ ጋላ 2:6፤ ኤፌ 6:9 10:22 ሜዲ 15:5፤ 22:17፤ 46:27 11:3 ኬሳ 7:8-12

8 ሄ ዋዴ ሌዌ ቆሞቲ ጫቆ ቃላ ታቦታ ቶካና ማላ፣ ጎዳ ሰንሳን ኤቂዲ ኢዛሰ ኦላና ማላኔ ኣሳካ ጎዳ ሰንሳን ኣንጅና ማላ ሹሚዳሰ፤ ሃቻ ጋካናሰ ሌዌ ቆሞታ ኦይ ሄሳ።

9 ሃሳ ጋሶን ሌዌ ቆሞቲ ሃንኮ ቆሞታራ ገሸታናሰ ጸንጾይ አሚቶንታይሰ ሄሳሳ፤ አንቴ ጎዳይ ኢሰታሰ ዮቲዳ ማላካ ኢሰታ ጸንጾይ ጎዳ አንቴ ጸሳ።]

10 ታኒ ካሴይሳላ ዋሳሽ ኦይዲ ታሙ ጋላሰኔ ኦይዲ ታሙ ቃማ ጋካናሰ ጋምኣዲሰ፤ ጎዳይ ሃኤካ ታ ዋሳ ሰዪዲ አንቴና ጳይሶንታ ሸምፖራ ፓጸ ዋሊዳሰ።

11 ሃሳፌ ጉዬ ኢዚ ታና፣ «ሃኤ ኔ ባ! ታኒ ካሴ ኢሰታ ኣዋታሰ አሚዳ ሂደታ ቃላ ማላ ኢሰቲ ሄ ቢታዮ ላታና ማላ ዴራ ካሌላ» ጌዴሰ።

ጸሳሰ ቤሲዛ ያሻቴላ

12 ኢሰራኤሌ ኣሳዉ! ጎዳይ አንቴፌ ኮይዛይ ሃይሳፌ ካሊዛይሳ፤ ጎዳ አንቴ ጸሳ ያዩቲ፤ ኢዛ ኦጌ ካሊቲ፤ ኢዛ ሰቂቲ፤ ኩሚላ ዋዚናፔኔ ኩሚላ ሸምፖራ ኢዛሰ ኦላቲ።

13 አንቴሰ ሎኣና ማላ ታኒ ሃቻ አንቴሰ አሚዛ ጎዳ ኣዛዘታኔ ዋጋታ ናጌቴ።

14 ሳሎይኔ ሳሎፔ ቦላን ዲዛ ሳሎቲ፣ ቢታይኔ ቢታ ቦላ ዲዛ ኡባይ ጎዳሳ።

15 ጎዳይ ካሴ አንቴ ኣዋታ ኬሂ ሰቂዳ ጋሶን አንቴና ኣይዛቤታ ጌዶፌ ዶሪዳሰ፤ አንቴካ ሃቻ ጋካናሰ ኢዛሰ ዶሬቲዳ ዴሬ ጌዲዳታ።

16 ሃሳ ገሻሰ ኣኔ ሃይሳፌ ጉዬ አንቴ ዋዚና ሙሚሶፐቲኔ አንቴ ዋዚና ኢታቴላ ዲጊዲ ጎዳሰ ኣዛዘቲቴ።

17 ጎዳ አንቴ ጸሳይ ጸሳ ጌቲቲዛ ኡባፌ ቦላ፤ ጎዳታሰ ጎዳ፤ ኢዚ ጌታ፣ ሚኖኔ ያሽዛ ጸሳ፤ ኢዚ ማዲ ፐርዶንታ ጸሳኔ ማጋንጾ ኤኮንታ ጸሳ።

18 ኢዚ ዩኦታሲኔ ኣምኤታሰ ፐርዳሰ፤ ኢዚ ዴራ ጊደን ዲዛ ቤቲ ኣሳታ ዶሲዛ ገሻሰ ካሊኔ ማይኦ ኢሰታሰ አሚሰ።

19 ሃሳላካ አንቴ ካሴ ገብጾ ቢታን ቤቲ ኣሰ ጊዲዳ ገሻሰ አንቴካ አንቴ ጊደን ዲዛ ቤቲ ኣሳታ ሰቂቴ።

20 ጎዳ አንቴ ጸሳሰ ያዩቲ፤ ኢዛሰ ጸላ ጎይኒቲ፤ ኢዛን ኣማኔቲዲ ኢዛ ሰንሳን ጫቂቴ።

21 አንቴ ጸሳይ ኢዛ፤ ኢዚ አንቴሰ ኦላዳ ጌታኔ ማላሊሲዛ ሚሻታ ኡባ አንቴ አንቴ ኣይፌን ቤኤዳ ገሻሰ ኡባ ዋዴ ኢዛ ጋላቲቴ።

22 ቤኒ አንቴ ኣዋቲ ዲጌ ገብጾ ዋቆዛ ዋዴ ኢሰታሰ ቆዳይ ላፑን ታሙ ጸላ፤ ሃኤ ጊዲኮ ጎዳ አንቴ ጸሳይ አንቴ ቆዳ ሳሎ ጸሊንቴ ማላ ዳርሲዳሰ።

11

ኣዛዘቲላፌ ቤቲዛ ጎኣ

1 ሃሳ ገሻሰ ጎዳ አንቴ ጸሳ ሰቂቲ፤ ኢዚ አንቴፌ ኮይዛ ኢዛ ዋጋ፣ ማራኔ ኣዛዘታ ኡባ ዋዴ ፖሊቴ።

2 ጎዳ አንቴ ጸሳ ሴራዛ ሄሲካ ኢዛ ጌታቴላ፣ ኢዛ ዋልቃኔ ኢዛሰ ዲዛ ማታ ቤኤዳይኔ ኤሪዛይ አንቴ ናይታ ጊደንታ አንቴና ጊዲዳይሳ ዩሺ ቆፐቴ።

9:22 ታይ 11:3:34፤ ኬሳ 17:7 9:23 ታይ 13:25—14:38፤ ዛሬ 1:21፤ ኢብ 3:16 10:6 ታይ 20:28፤ 33:38 10:8 ታይ 3:5-8 10:10 ኬሳ 34:28 10:17 1ጸም 6:15፤ ኣጂ 17:14፤ 19:16፤ ሃዋ 10:34፤ ኦር 2:11፤ ጋላ 2:6፤ ኤፌ 6:9 10:22 ሜዲ 15:5፤ 22:17፤ 46:27 11:3 ኬሳ 7:8-12

3 ማላታታኔ ኢዚ ጊብጾ ካዎ ቦላኔ ኩሜላ ዳራ ቦላ ኦሊዳ ጊታ ኦሶታ ኢንቴ ኢንቴ ኣይፊራ ቤኢዳታ።

4 ቃሴ ኢሰቲ ኢንቴና ካሊዲ ዩዳዳዳ ዋዴ ጎዳይ ጊብጾ ቢታ ኦላንቻታ፡ ኢሰታ ፓራታኔ ፓራ-ጋሬታ ዞኦ ኣባን ሚቲሲዲ ሃኛ ጋካናሰ ኢሰታ ሙሎራ ቆይሲዳይሳ ቤኢዳታ።

5 ኢንቴ ባዘፊ ዳንዲዲ ሃ ሃይሳ ጋካናሰ ጎዳይ ኢንቴሰ ኣይ ኦሊዳዮ ኢንቴ ኤሬታ።

6 ኦርቤሌ ቆሞታፔ ኤልያቤ ና ዳታኔኔ ኣብራሚ ቦላ ኢዚ ኦላይሳ ዩሺ ቆፐፔ፤ ኢሰራኤሌ ናይቲ ቤዩሺን ቢታያ ዳይታዳ ኢሰታ፡ ኢሰታሶ ኣሳ፡ ኢሰታ ዳንካኔኔ ኢሰታ ሃሮ ኡባ ሚታዲሰ።

7 ጎዳይ ኦሊዳ ሃ ጊታ ኦሶታ ኡባ ኢንቴ ኢንቴ ኣይፊራ ቤኢዳታ።

8 ሂሰቲኮ ኢንቴ ፒኒዲ ላታና ቢታዮ ኦይካናሰ ኢንቴ ዋልቃ ዳማና ማላ ታኒ ሃኛ ኢንቴሰ ኢሚዛ ኣዛዞታ ኡባ ናጊቴ።

9 ኢንቴ ኢዛ ኣዛዞታ ናጊኮ ጎዳይ ካሴ ኢንቴ ኣዎታሲኔ ኢሰታ ዜሬላታሰ ኢማናሰ ጫቂዳ ኤሲኔ ማላ ኩሚዳ ሄ ሎኦ ቢታይን ኢንቴ ዳሮ ላይሳ ዳና።

10 ኢንቴ ላታናሰ ጌላና ቢታያ ኢንቴ ኬዚዲ ዩዳ ጊብጾ ቢታ ማላ ጊዲኩ፤ ጊብጾን ኢንቴ ካላ ዜሬዳፔ ጉዬ ሃላ ካላ ጊዳ ባና ማላ ዛራዛ ኢንቴ ቶሆን ዩዲ ዩዲ ቤሴታ።

11 ጊዳ ኣቲን ኢንቴ ዮርዳናሴ ሻፋ ፒኒዲ ላታና ቢታያ ኢዚን ዙማቴኔ ሾባቲ ዲዛ ጊሻሰ ኢዛ ኢራ ሃላ ኡዩዛ ቢታ።

12 ሃኖ ሃ ቢታዮ ሎኤላ ኦይኪዛይኔ ላይሳ ኩሜላ ናጊዛይ ጎዳ ኢንቴ ጸሳ።

13 ሃሳ ጊሻሰ ጎዳ ኢንቴ ጸሳ ሲቂቴ፤ ኩሜላ ዋዚናፔኔ ኩሜላ ሽምፖጌ ኢዛሰ ኦሊቴ፤ ታኒ ሃኛ ኢንቴሰ ኢሚዛ ኣዛዞታ ፖሊቴ።

14 ኢንቴ ሄሳላ ኦሊኮ ኢንቴ ካላ፡ ዋይኔኔ ዛይቲ ፓጩይ ባይንዳ ሺሻና ማላ ጎዳይ ኢንቴሰ ባዴሳ ኢራኔ ባልጎ ኢራ ዋዴን ዋዴን ቡኪሳና።

15 ጎዳይ ኢንቴ ሚሄታሰ ማታ ዳርሳና፤ ኢንቴሰ ኮሺዛ ካላ ኢሚን ኢንቴ ካላና።

16 ኢንቴ ጎዳፔ ሃኪዲ ኤቃ ጸሳታሰ ኦላናሲኔ ጎይናናሰ ጉዬ ሲሞንታ ማላ ናጊቴቴ።

17 ኢንቴ ናጊቶንታ ኣጊኮ ጎዳ ሃንቆይ ኢንቴ ቦላ ኤጺ ኬዛና፤ ኢራይ ቡኮንታ ማላኔ ቢታይ ካላ ኢሞንታ ማላ ኢዚ ሳሎ ጎርዳና፤ ኢንቴካ ጎዳይ ኢንቴሰ ኢሚዳ ሎኦ ቢታይፊ ኤሶን ቆያና።

18 ኢንቴ ሃ ኣዛዞታ ኡባ ዋዴ ኢንቴ ዋዚናኒኔ ኢንቴ ቆፋን ዋላቴ፤ ኢንቴሰ ማላታ ጊዳና ማላ ኢሰታ ኢንቴ ቄሴን ቃቺቴ፤ ቃሴካ ኢንቴሰ ሊጶ ቦላካ ኦይላቴ።

19 ኢንቴ ናይታ ታማርሲቴ፤ ኢንቴሶን ኡቲሾ ዋይኮ ኦፔን ሄሜቲሾካ ዋይኮ ሽምፐዛሶን ጊዲንካ ዋይኮ ኦሶ ኡባን ኢሰታ ጊሻሰ ሃሳዩቴቴ።

20 ኢንቴ ኬላ ፔንጌ ቆሲላላ ቦላኔ ኢንቴ ጊቤ ፔንጌ ቦላ ጸፊ ዋላቴ።

21 ኢንቴ ሄሳላ ኦሊኮ ኢንቴ ጎዳይ ካሴ ኢንቴ ኣዎታሰ ኢማናሰ ጫቂዳ ቢታይ ቦላ ኢንቴ ላይላይኔ ኢንቴ ናይታ ላይላይ ሳኣፔ ቢዲ ሳሎ ጋካና ኬና ኣዲቃና።

22 ጎዳ ኢንቴ ጸሳ ሲቃናሰ፡ ኢዛ ኦጌ ኡባ ካላናሲኔ ኢዛን ኣማኔታናሰ ታኒ ሃኛ ኢንቴሰ ኢሚዛ ኣዛዞታ ሚንሲዲ ናጊቴ።

23 ኢንቴ ሄሳላ ኦሊኮ ጎዳይ ሃይታ ኢንቴ ሲንላን ዲዛ ካዎቲላታ ኡባ ኬሲ ጎዳና፤ ኢንቴኒካ ጮራቴላኒኔ ዋልቃን ኢንቴፊ ሚኖ ጊዲዳ ዳሬታ ቢታ ላታና።

24 ኢንቴ ቶሆን ኢንቴ ዩዲዳ ቢታይ ዉሪካ ኢንቴሰ ጊዳና፤ ኢንቴ ዛዎይ ዲጌሃ ባጋራ ዲዛ ባዛፊ ቢዲ ፑዴሃ ባጋራ ዲዛ ለባናሴ ዙማ ጋካና፤ ቃሴካ ኣርሼይ ሞኪዛ ባጋራ ኤፊራዲሴ ሻፋፔ ቢዲ ኣርሼይ ዉሊዛ ባጋራ ዲዛ ሜዲቴራኔ ኣባ ጋካና።

25 ኢንቴናራ ኣይ ኣሲካ ኤቂታናሰ ዳንዳዬና፤ ጎዳ ኢንቴ ጸሳይ ኢንቴሰ ኢሚዳ ሂደታ ቃላ ማላ ኢንቴ ቢዛሶ ኡባን ኣሳይ ኢንቴና ቤኢዲ ዳጋማና ማላኔ ያያና ማላ ኦላና።

26 ሄኮ! ታኒ ሃኛ ኣንጀፊኔ ቃንጌላፊ ኢሳ ኢንቴ ደራና ማላ ኢንቴ ሲንላን ዋላዲሰ።

27 ታ ሃኛ ኢንቴሰ ኢሚዛ ጎዳ ኢንቴ ጸሳ ኣዛዞታ ናጊኮ ኢንቴ ኣንጄታና።

28 ጊዳ ኣቲን ታኒ ኢንቴና ሃኛ ኣዛዚዛ ጎዳ ኢንቴ ጸሳ ኣዛዞታ ናጎንታ ኢጺዲ ኢንቴ ኤርጎታ ሃራ ኤቃ ጸሳታ ጎይናናሰ ኢዛ ኦጌፔ ካሬ ኬኢዛ ጊዲኮ ኢንቴ ቃንጌታና።

29 ጎዳ ኢንቴ ጸሳይ ኢንቴ ላታና ቢዛ ቢታዮ ላቲሲዳ ዋዴ ኣንጀዛ ጋሪዛኔ ዙማ ቦላ ቃሴካ ቃንጌላ ኤባሌ ዙማ ቦላ ኣዎጀ።

30 ሄ ዙማቲ ዮርዳናሴ ሻፋፔ ኣርሼይ ዉሊዛ ባጋራ ኣራቤን ዲዛ ካናኔ ቢታን ጌልጌላ ካታማፔ ሲንላ ባጋራ ዲዛ ሞሬ ሚላ ኣታን ዳቴሰ።

31 ኢንቴ ሄን ዳና ማላ ጎዳ ኢንቴ ጸሳይ ኢንቴሰ ኢሚዳ ቢታዮ ላታናሰ ኢንቴ ዮርዳናሴ ሻፋ ፒኒዲ ላታካ ዋዴ።

32 ታ ኢንቴሰ ሃኛ ኢሚዛ ዋጋኔ ማራ ኡባ ሎኤላ ናጊቴ።

12

ጎይናናሰ ኢሜቲዳ ፔጺ ኢሲ ሶሆ

1 ጎዳ ኢንቴ ኣዎታ ጸሳይ ኢንቴሰ ኢሚዛ ቢታ ቦላ ዲዛ ዋዴ ኢንቴ ናጋና ዋጋቴኔ ማራቲ ሃይታንታ፤

2 ኢንቴ ላታና ቢታይን ዲዛ ካዎቲላይ ዙማታ ቦላ፡ ዙሞቡላታ ቦላኔ ዳሻ ሚላታ ጋርሳን ባንታ ኤቃ ጸሳታሰ ጎይኒዛሶታ ሙሎራ ቆይሲቴ።

3 ኢሰቲ ያርሾ ያርሺዛሶሆታ ላሊ ቆይሲቴ፤ ሹቻፊ ኦሴቲዲ ቲሳ ማላ ኤቂዳ ኤቃ ጸሳታ ኡባ ለቂሲቴ፤ ኣሼር ጌቲታ ጸይጌቲዛ ኤቃ ጸሳይ ሚሰሊታ ኡባ ታማን ጸጊቴ፤ ማሴቲ ጊጊዳ ኢሰታ ኤቃ ጸሳታ ኡባ ሚንጠሬላ ዩጊቴ፤ ኢሰታ ሱንላካ ቢታፊ ቆይሲቴ።

4 ኢንቴ ጎዳ ኢንቴ ጸሳሰ ኣይዛቤቲ ባንታ ኤቃ ጸሳታሰ ጎይኒዛይሳላ ጎይናፍቴ።

5 ጎዳ ኢንቴ ጸሳይ ዳናሲኔ ኢዛ ሱንላይ ሄን ጸይጌታና ማላ ኡባ ቆሞታ ጊዶን ኢዚ ደራዳሶዛ ኮዩዲ ሄ ቢቴ።

6 ጸጌጌቲ ያርሾታ፡ ሃራ ያርሾታ፡ ኢንቴ ኣሰራታ፡ ኢንቴ ሙጶዎታ፡ ኢንቴ ኣዲኔቲዳ ኣዲናታ፡ ኢንቴ ደሲዲ ኢሚዛ ኢሞታታኔ ኢንቴ ሚሃፔ ባይራታ ሄ ኤሂቴ።

7 ሃን ጎዳ አንቲ ያሳ ሲንገላን አንቲ ማና፤ ቃሴ አንቲ አንቲ ዋልቃን ኦሊ ከሲዳ ኡባኒኔ ጎዳ አንቲ ያሳይ አንቲና አንጂዳ ኡባን አንቲ አንቲሶ አሳራ ኡፋዬታና።

8 አንቲ ሃና ጋካናሰ አንቲ ሼኔ ማላ ኦሊሽ ጋምኢዳታ፤ ሄ ዋዴ ሄሳሶ ኦሊኬታ።

9 ጎዳ አንቲ ያሳይ አንቲሶ አሚን አንቲ ሼምፒዲ ዳና ቢታዮ ቡሮ ጌሊቤኬታ።

10 ጎዳ አንቲ ያሳይ አንቲሶ አሚና ቢታይን ዳናሰ አንቲ ዮርዳናሴ ሻፋ ፒናና፤ አንቲ ዩሾን ዶዲ ኡቲዳ ሞርኬታ፤ አንቲና ኢዚ ሼምፒሳና፤ አንቲካ ሄን ዋፑ ገ ዳና።

11 ሄ ዋዴ ጎዳ አንቲ ያሳይ ባ ሱንገላይ ዴይጌታና ማላ ዶሪዳሶ ታኒ አንቲና አዛዚዛ ኡባ፤ ጸጌቲዛ ያርሾታ፤ ሃራ ያርሾታ፤ አንቲ አሰራታ፤ አንቲ ሙጶዋታ፤ አንቲ አዲኔቲዳ አዲና ኡባ ኤሃንዳታ።

12 አንቲ ማጫ ናይታራኔ አንቲ ኣቱማ ናይታራ፤ አንቲሶ ኦሊዛ ማጫሳታራኔ ኣቱማሳታራ፤ አንቲናራ ዲንጾ ገሼቲ ኤኮንታ ባንታ ባንታ ካታማን ካታማን ዲዛ ለዌ ቆሞታራ ጎዳ አንቲ ያሳ ሲንገላን አንቲ ኡፋዬታና።

13 አንቲ ያሳሰ ጸጌ ያርሺዛ ያርሾ ቤቶሶን ጮ ያርሾንታ ማላ ናጌቲቲ።

14 አንቲ አንቲ ዜሬላቲ ዲዛሶ ኡባሬ አሳን ጎዳይ ዶሪዳሶን ጸላ ጸጌቲዛ ያርሾ ያርሺቲ፤ ታኒ አንቲና አዛዚዛ ሚሽ ኡባካ ሄን ኦሊቲ።

15 ገዲኮካ ጎዳ አንቲ ያሳይ አንቲና አንጂዳ ከና አንቲ ካታማታ፤ አዋይሳንካ አንቲ ሚሃ፤ ዋይኮ ጋራፔ ዋይኮ ጌኔሳሬ ሹኪዲ አንቲ ኮዩዳ ከና ማና ዳንዳዬታ፤ ሃ አሾዛፔ ዋጋይ ገዛ ማላ ገዩዳ አሲ ገዲን ዋይኮ ጌኮንታ አሲ ኡባይ ማና ዳንዳዬሰ።

16 ገደ ኣቲን ኢሰታ ሱሉ ሞፒቲ፤ ሱሉዛ ሃላ ማላ ዳጌ ጋዴን ጉሲቲ።

17 አንቲ አንቲ ካላሬ፤ ዋይኔ ኡሻሬኔ ዋጋራ ዛይቲ፤ አሚዛ አሰራታ፤ አንቲ ሚዛታ፤ ዶርሳታ፤ ዳይሻታ፤ ባይራ፤ ጎዳሰ አንቲ አሚናሰ አዲኔቲዳ አዲና ኡባኔ አንቲ አንቲ ዳሳን ሚሽ ኡባካ አንቲ ዲዛሶ አዋንካ ሞፒቲ።

18 ጎዳ አንቲ ያሳይ ዶሪዳሶን አንቲ ማጫ ናይታራኔ ኣቱማ ናይታራ፤ አንቲ ማጫ አይሌታራኔ ኣቱማ አይሌታራ፤ ሄሳሶካ አንቲ ካታማታን ዲዛ ለዌ ቆሞታራ ኢሲሬ ጎዳ አንቲ ያሳ ሲንገላን ሚቲ፤ አንቲ ዳቡርዲ ሺሺዳ ሚሽ ኡባን ጎዳ አንቲ ያሳ ሲንገላን ሄን ኡፋዬታና።

19 አንቲ አንቲ ቢታን ዲዛ ዋዴ ኡባን ለዌ ቆሞታ ዬጌ አጎንታ ማላ ናጌቲቲ።

20 ጎዳ አንቲ ያሳይ አንቲሶ ጫቂዳ ቃላ ማላ አንቲ ዛዋ አሲዛ ዋዴ አንቲና አሾ አሞሲኮ አንቲ ኮዩዳ ከና ማና ዳንዳዬታ።

21 ጎዳ አንቲ ያሳይ ባ ሱንገላይ ዴይጌታና ማላ ዶሪዳሶይ አንቲሬ ሃኮን ዲኮ አንቲና ኢዚ አዛዚዳ ማላ ሚዛታ፤ ዶርሳታ፤ ሹኪዲ አንቲ ዲዛ ካታማታን አንቲ ኮዩዳ ከና አሾዛ ማና ዳንዳዬታ።

22 ዋጋይ ገዛ ማላ ገሻ አሰ ገዲን ዋይኮ ጌኮንታ አሰ ገዲን ኦኒካ ጋራ አሾ ዋይኮ ጌኔሳ አሾ ሚዛ ማላ ሄ አሾዛ ማናሰ ዳንዳዬሰ።

23 ገደ ኣቲን ሼምፓይ ሱሉን ዲዛ ገሻሰ ሱሉራ ዲዛ አሾ ሞንታ ማላ ናጌቲቲ፤ ሄሳ ገሻሰ ሼምፓ ሱሉራ ጋሊ ሞፒቲ።

24 ሱሉ ጋዴን ጉሲቲ ኣቲን ሞፒቲ።

25 አንቲሴኔ አንቲ ናይታሰ ሎኦ ገዳና ማላ ሱሉ ሞፒቲ፤ አንቲ ሄሳሶ ኦሊኮ ጸሲ ኡፋዬታና።

26 ሄሳ ገሻሰ አንቲ ጎዳ አንቲ ያሳሰ አሚናሰ ዲማሲዳይሳኔ አዲኔቲዳይሳ ኤኪዲ ዶሬቲዳሶ ኤፍቲ።

27 ጸጌቲዛ ያርሾዛ፤ አሻኔ ሱሉ ኡባ ጎዳ አንቲ ያሳሰ ያርሾ ያርሺዛሶዛ ቦላ ሺሺቲ፤ ሱሉዛ ጎዳ አንቲ ያሳሰ ያርሾ ያርሺዛሶሆታ ቦላ ጉሲቲ፤ አሾዛ ገዲኮ አንቲ ሚቲ።

28 አንቲሴኔ አንቲ ናይታሰ ሚርናሰ ሎኦ ገዳና ማላ ኢዚ አንቲና አዛዚዛ አዛዘታ ሎኤሊ ናጌቲ፤ አንቲ ሄሳሶ ኦሊኮ ጎዳ አንቲ ያሳ ሲንገላን ሎኦኔ ሱሬ ገዲዳ ኦሶ ኦሊታ።

ኤቃ ያሳታ ሚሰሌሰ ጎይናንታ ማላ አሚቲዳ አዛዘ

29 አንቲ ላታናሰ ቢዛ ካዋቲላታ ጎዳ አንቲ ያሳይ አንቲ ሲንገላሬ ቆይሲዛ ዋዴኔ አንቲካ ኢሰታ ቢታ ላቲዲ ዴኢዛ ዋዴ።

30 ኢሰቲ አንቲ ሲንገላሬ ቆይዳ፤ ጉዬ፤ «ሃይቲ ሃ ካዋቲላቲ ባንታ ኤቃ ያሳታሰ ዋሰቲ ጎይኒዘ? ኮኒካ ኢሰታይሳሶ ኦላና» ገዲ ዋደማዴን ኦይኬቶንታ ማላ ናጌቲቲ።

31 አንቲ ጎዳ አንቲ ያሳሰ ጎይኒዛ ጎይኖይ አይዛቤቲ ጎይኒዛ ጎይኖ ማላ ገዳናሰ ቤሴና፤ ኢሰቲ ባ ኤቃ ያሳታሰ ጎይኒሽ ኦሊዛ ኦሶቲ ኡባይ ኮሂ ሻቲዛዚኔ ጎዳ ማታን ኢዴቲዳዛ፤ ጋሶይካ ኢሰቲ ባ ዬሊዳ ናይታካ ባንታ ኤቃ ያሳታሰ ያርሾ ኦሊዲ ታማን ጸጌቲሰ።

32 ሄሳ ገሻሰ ታ አንቲና አዛዚዳ አዛዘ ኡባ ኦሊቲ፤ ኢሰታ ቦላ አይኮካ ጉጃፍቲ፤ ቃሴካ ኢሰታሬ ኢሲኖካ ፓጩሶፒቲ።

13

1 አንቲ ገደሬ ካዩዛ አሲ ዋይኮ ኣጉሞ ኣጉሜቲዛ አሲ፤ «ታኒ ገታ ማላታ ዋይኮ ማላሊሲዛ ሚሽ ኦላና» ገኮ።

2 ኢዚ ዮቲዳ ገታ ማላታይኔ ማላሊሲዛ ሚሽ ኡባይ ቱሙካ ፖሌቲን ኢዚ አንቲና፤ «ኣኔ አንቲ ኤሮንታ ሃራ ያሳታሰ ጎይናሰ» ገኮ።

3 ጎዳ አንቲ ያሳይ አንቲ ኢዛ ኩሚላ ዋደና፤ ኩሚላ ሼምፓሬ ዶሲዛኮ ኤራናሰ ኮዩዲ ሄ ካዩዛይሳ ዬዲዳ ገሻሰ ኢዚ ገዛይሳ ሙሊካ ሲዮፒቲ።

4 ጎዳ አንቲ ያሳ ካሊቲ፤ ኢዛሰ ያሳ ያዩቲ፤ ኢዛ አዛዘታ ናጌቲ፤ ኢዛ ቃላ ሲዩቲ፤ ኢዛሰ ያሳ ጎይኒቲ፤ አንቲሰ ኢዛራ ዲዛ ኢሲሬቲሊ ሚኖ ገደ።

5 ካሴ አንቲ አይሌቲላን ዲዛ ገብጻፔ አንቲና ዋዘ ኬሲዲ አሽዳ ጎዳ አንቲ ያሳ ቦላ አንቲ ማካላና ማላ ኣጉሞ ዮቲዳ ዋይኮ ታ ናቤ ገዛ ኡባ ዋዲቲ፤ ሄሳ ማላ ኣሳቲ ጎዳ አንቲ ያሳይ አንቲና ሚኒ ኤቃና ማላ አዛዚዳ ኦጌፔ ካሬ ኬሳናሰ ቆፔቲሰ፤ ሄሳ ገሻሰ ሃይታ ኢታታ አንቲ ገደሬ ዲጌቲ።

6 አንቲ አዩ ና አሻይ፤ አንቲ ኣቱማ ናይቲኔ አንቲ ማጫ ናይቲ፤ አንቲ ሲቁዛ አንቲ ማቸቲ፤ አንቲ ሲቁዛ

አንቲ ላጌቲ አንቲና፡ «ካሴ አንቲኒኔ አንቲ አዋቲ ጎይኒ ኤርንታ ጸሳሰ ኣኔ ጎይናሰ» ጊኮ፡

7 ቢታሰ ሃ ጋጾፕ ሄ ጋጾ ጋካናሰ ዲዛ አንቲ ዩሾ ኡባን ማታኒኔ ሃኮን ዲዛ ኡባ አሳይ ጎይኒዛ ጸሳታሰ፡ «ቢዲ ኣኔ ኢሰታሰ ጎይናሰ» ጊዲ ባለሌኮ፡

8 አንቲ ሄሳ ማላ አሳታሰ ኤኖ ጎፕቴ፤ ኢሰቲ ጊዛይሳካ ሲዮፕቴ፤ ሄሳ ማላ አሳታሰ ቃዴቲዲ ኢሰታ አሻናሰ ዳፊቶፍቴ፡፡

9 ሲዳንታ ኢሰታ ዋዲቴ፤ ሄሳ ማላ አሰ ኮይርቲዲ አንቲ ጫዲቴ፤ ሃራቲ አንቲፊ ካሊዲ ሹቻራ ጫዴቶ፡፡

10 አንቲ ካሴ ጊብጾ ቢታን ኣይሌቴላን ዲዛሶፕ አንቲና ዋዚ ኬሲዲ ጎዳ አንቲ ጸሳፊ አንቲና ሃሳናሰ ኮዩዳ ጊሻሰ ሄሳይይ ሃይቃና ጋካናሰ ሹቻን ኩራከቴ፡፡

11 ሄሳፊ ጉዬ ኢሰራኤሌ አሳይ ኡባይ ሄሳ ሲዩዲ ባባና፤ ሄሳ ጊሻሰ ሄሳ ማላ ኢታ ኦሶ ናምኣንሶ ኦኒካ ኦሌና፡፡

12 ጎዳ አንቲ ጸሳይ አንቲ ዳና ማላ አንቲሰ አሚዛ ካታማታፕ ኢሳን አንቲ ዲዛ ዋዴ፡፡

13 አንቲ አሳ ጊዶፊ ኢታቲ ዴንዲዲ አሳ፡ «ኣኔ ቢዲ አንቲ ኤርንታ ጸሳታሰ ጎይናሰ» ጊዲ ባለሌሺን ሲዩኮ፡፡

14 አንቲ ሄሳ ሄ ዮኦዛ ኦይቸቴ፤ ሚንሊካ ቆሪቴ፤ ሃይሲ ኢታ ሃኖይ አንቲ ጊዶን ኦሴቲዳይሲ ቱሙ ጊዲኮ፡፡

15 ሄ ካታማይን ዲዛ አሳ ኡባ ማሻን ሲፊ ዳይሲቴ፤ ሄ ካታማዮኔ ኢዚን ዲዛ ማሃ ኩሚሳ አሻንታ ዳይሲቴ፡፡

16 ሄ ካታማይን ዲዛ አሳ አቆታ ኡባ ኤኪዲ ሄ ካታማይ ጊዶን ዲዛ ዲቡሻን ሺሺ ዶሪቴ፤ ሂሰቲዲ ጎዳ አንቲ ጸሳሰ ያርሾ ኦሌዲ ታማን ጸጊቴ፤ ሄ ካታማያ ናምኣንሶ ሲማ ኤቆንታ ማላ ሚርናሰ ላሌታ አቲ፡፡

17 ፒላ ሚሻፊ ኣይኮይካ አንቲ ኩሺን ቤቶፍ፤ ሂሰቲኮ ጎዳይ ባ ዋልቃማ ሃንቆፊ ሲሚዲ አንቲና ማራና፤ ኢዚ አንቲሰ ቃዴታና፤ ካሴ አንቲ አዋታሰ ጌሊዳ ቃላ ማላ አንቲ ቆዳ ዳርሳና፡፡

18 ጋሶይካ ታኒ ሃቶ አንቲና ኣዛዚዛ ኣዛዛ ኡባ አንቲ ናጊዲ ጎዳ አንቲ ጸሳሰ ኣዛዜቲኮ፡ ቃሴ ጎዳ አንቲ ጸሳ ሲንሳንካ ሱሬ ኦሶ ኦሌኮ ሄ ኢዚ ጌሊዳ ሂዶታ ቃላይ አንቲሰ ቱሙ ፖሌታና፡፡

14

ዲጌቲዳ ዬሆ ዋጋታ

1 አንቲ ጎዳ አንቲ ጸሳ ናይታ፤ ሄሳ ጊሻሰ ሃይቁዳ አሳሰ ሚሽቲዲ አንቲ ቦላ ቃጪ ማዲንሶፍቴ፤ አንቲ ሀኔ ቢናናካ ቡጮፍቴ፡፡

2 ጋሶይካ አንቲ፡ ጎዳ አንቲ ጸሳሰ ዲማ ዴሬ፤ ጎዳይ ቢታ ቦላ ዲዛ ዴሬ ኡባፊ አንቲ ኢዛሰ ዲማ ዴሬ ጊዳና ማላ ኢዚ አንቲና ባሰ ዶሪዴሰ፡፡

ሜቲቲዛኔ ሜቲቶንታ ሚዶሳታ (ሌዌ 11:1-47)

3 ቱና ጊዲዳዝ ኣይ ሚሽካ ሞፕቴ፡፡

4 ሄሳ ጊሻሰ ማና ማላ አንቲሰ አሚቲዳ ሚዶሳቲ ሄኮ ሃይሳፊ ካሊ ዲዛይታ፤ ካጩራ ዲዛይታፕ ሚዝ፡ ዶርሲኔ ዴይሽ፡፡

5 ጌኔሳ፡ ዶጌ፡ ወሻ፡ ዋራ ዴይሽ፡ ጮፎሾ፡ ጋራ፡ ጫጎኔ ቢሆሬ ሚቴ፡፡

6 ቁንጨፊሌይ ጳልቁቲዳይታኔ ባንቸኪዛይታ ኡባ ሚቴ፡፡

7 ጊዶ ኣቲን ቁንጨፊሌይ ጳልቁቶንታይታኔ ባንቸኮንታይታ ሞፕቴ፤ ሄይቲካ ጋሚላ፡ ሃርባይናኔ ጉፓሌ ሞፕቴ፤ ሄይታንታ ማላ ሚዶሳቲ ባንቸኪዛ ጊዲኮካ ኢሰታ ቁንጨፊሌይ ሙሜ ጊዲዳ ጊሻሰ ቱና ጊዲ ቆዴቴቴሰ፡፡

8 ጉዲንሳ ቁንጨፊሌይ ጳልቁሳ ጊዲኮካ ባንቸኮንታ ጊሻሰ ኢዚ ሃንኮ ቱናታራ ኢሲፊ ቆዴቴሰ፤ ሃይታንታ ማላ ሚዶሳታ ሞፕቴኔ ኢሰታሰ ኣሃካ ቦቾፍቴ፡፡

9 ሃላ ጊዶን ዲዛ ሚዴቲላ ኡባፊ ቁፊራ ዲዛይታኔ ፖቆይ ዲዛይታ ኡባ ሚቴ፡፡

10 ጊዶ ኣቲን ሃላ ጊዶን ሚዴቲላ ኡባፊ ቁፊሌኔ ፖቆይ ባይንዳይታ ሞፕቴ፤ ሄይቲ አንቲሰ ቱና ጊዴቶ፡፡

11 ካፎታፕ ጌሻታ ሚቴ፡፡

12 ሚቴታናሰ ቤሶንታይቲ ጎሌ፡ ቆሎ፡ ኣንኮ፡

13 ዲማ ዲማ ጸሊኦታኔ ዋሌታ፡

14 ዲማ ዲማ ቁርታ፡

15 ያንቻ፡ ጫንጩ ጉቶ፡ ሃላ ካፎ፡ ጋጩ ዛሬ ኡባ፡

16 ጉቶ፡ ሃዞ፡ ዋዩና

17 ባዞ ጉቶ፡ ኣንኮ፡ ቢያ፡

18 ዘጊሌ፡ ሳቢሳ ጌቲቲዛ ካፎ ዛሬ ኡባ፡

ጂንጂላቲ ጌቲቲዛ ካፎኔ ወርካወርኮ፡፡ *

19 ቁፊራ ዲዛ ቁሪ ሚዴቲላቲ ኡባይ አንቲሰ ቱና ጊዲዳ ጊሻሰ ኢሰታ ሞፕቴ፡፡

20 ጊዶ ኣቲን ኢሰታ ጊዶፊ ጌሻታ ሚቴ፡፡

21 ጎዳ አንቲ ጸሳሰ አንቲ ዲማቲዳ ዴሬ ጊዲዳ ጊሻሰ ባወቲ ሃይቁዳ ሚሄ ኣሾ ሞፕቴ፤ ሃራ ዴሬፕ ዩዲ አንቲ ጊዶን ዲዛይቲ ማና ጊኮ ዲጎፍቴ፤ ዋይኮ ሃራ ዴሬ አሳሰ ባይዛና ዳንዳይታ፡፡ ዴይሻ ላቃ ኢዛ ኣይይ ማላን ዶይሶፍቴ፡፡

አሰራታ ኬሶ ዋጋ

22 አንቲ ላይላን ላይላን ጎዩዲ ዴሚዛ ካላፊ ታማፊ ኢሲ ኩሼ ዲማ ሻኪ ዋላቴ፡፡

23 አንቲ ኡባ ዋዴ ጎዳ አንቲ ጸሳ ቦንቾ ታማራና ማላ ኢዚ ባ ሱንሊ ጴይጌታና ማላ ዶሪዳሶን አንቲ ካላ፡ ዋይኔ ኡሻኔ ዛይቲ አሰራታ፡ አንቲ ዶርሳታፕኔ ሚሃታፕ ኮይር ዬሌቲዳይታ ጎዳ አንቲ ጸሳ ሲንሳን ሚቴ፡፡

24 ጎዳ አንቲ ጸሳይ ባ ሱንሊ ጴይጌታና ማላ ዶሪዳሶዚ አንቲ ዲዛሶፕ ኬሄ ሃሆ ጊዲኮ ጎዳ ጸሳይ አንቲና ኣንጃፍ ማላ አንቲ አንቲ አሰራታ ሄ ቶኪ ኤኪዲ ባናሰ ዳንዳዮንታ ኢጸኮ፡፡

25 ሄ አንቲ ኬሲዳ አሰራታ ባይዚዲ ሚሽዛ ጎዳይ ዶሪዳሶዛ ኤኪዲ ቢቴ፡፡

26 ሂሰቲዲ ሃን ሄ አሰራታ ሚሻራ አንቲ ኮዩዳ ሚሽ፡ ሚዝ ጊዲን ዋይኮ ዶርሰ፡ ዋይኔ ኡሹ ጊዲን ዋይኮ ሎኦ ሚኖ ኡሹ አንቲ ኮዩዳ ማላ ሻሚዲ አንቲሶ አሳ ኡባራ ሚሽ ጎዳ አንቲ ጸሳ ሲንሳን ኡፋዬቲቴ፡፡

14:1 ሌዌ 19:28፤ 21:5 14:2 ኬሳ 19:5-6፤ ዛሬ 4:20፤ 7:6፤ 26:18፤ ቲቶ 2:14፤ 1ጴጵ 2:9 * 14:18 ሃይታንታ ኡባይ ሃራ ካፎታ ሚዛ ካፎታ፡፡ 14:21 ኬሳ 23:19፤ 34:26

27 ሃሳ እንገት ኦሊዛ ዋዴ እንገት ካታማን ዲዛ ሌዌ ቆዋታ ገሻን ጋኪዳ ጸንጾይ ባይንዳ ገሻሰ እንገት ኢሰታ ዩጊ አጎፍቴ።

28 ሃሻንላ ላይላን ላይላን ኡባ ዋዴ እንገት ካላፌ ኬሲዛ ዲማ አሰራታ እንገት ዲዛ ካታማታን ሺሺቴ።

29 ሃሳካ እንገት ካታማታን ዲዛ ጸንጾይ ባይንዳ ሌዌቴ፣ ቤቴቴ፣ አዋይ ባይንዳ ናይቴኔ አምኤቴ ዩዲ ሜቶ፤ እንገት ሃሳላ ኦሊዛ ገዲኮ ጎዳ እንገት ጸሳይ እንገት ኦሮ ኡባን እንገቴና አንጃፍ።

15

አጮ ቃንጾይ ኣቲዛ ላይላ (ሌዌ 25:1-7)

1 ላፑንላ ላፑንላ ላይላ ወርሴላን እንገቴፌ ታልኢዳይታሰ አጮዛ ኢሰታሰ አጋገገቴ።

2 አገሼ ሂሰቲ አገቴ፤ ባ ባጋ ኢሰራኤሌ አሳሰ ሚሼ ታልኢዳይይ ወሪ ባ ታልኢዳይሳ ኢዛዳሰ ማር፤ ጎዳይ አጮይ ማሪቴዛ ላይላ ገዲ አዋጁዳ ገሻሰ ባ ታልኢዳ ሚሻ ዛሪ ኤካናሰ ኮዮ።

3 ሃራ ካሬ ዳሬ አሳሰ እንገት ታልኢዳ ሚሼይ ዲኮ እንገቴሰ ዛሪና ማላ ኦይቻና ዳንዳዬታ፤ እንገቴሰ አሻ ኢሰራኤሌ አሳታፔ እንገቴፌ ሚሼ ታልኢዳይ ዲኮ ኢሰታሰ አጋገገቴ።

4-5 ሃቾ ታ እንገቴና አዛዚዛ አዛዘታ ኡባን ጎዳ እንገት ጸሳሰ እንገት አዛዘቴዛይታ ገዲኮ ጎዳ እንገት ጸሲ እንገቴና ኬሂ አንጃፍ ገሻሰ ኢዚ እንገቴሰ ጸንጾ ሂሰቲ አሚዛ ቢታይን እንገት ጋርሳን ማንቆይ ዴና።

6 ጎዳ እንገት ጸሳይ እንገቴሰ ሂደታ ቃላ ማላ እንገቴና አንጃፍ፤ እንገት ዳር ዳሬታሰ ታልኢናሺን ኢሰታፌ ኦናፔካ ታልኤ ሃ ኤኬታ፤ ቃሴካ እንገት ካዋቴላታ ሃራና ኣቲን ኦኒካ እንገቴና ሃሪና።

7 ጎዳ እንገት ጸሳይ እንገቴሰ አሚዛ ቢታን እንገት ዲዛ ካታማታ ኡባን ኢሰራኤሌ አሳፔ አሳዳይ ሜቶቴሺን ቤኢኮ ኢዚ እንገት ባጋ ገዲዳ ገሻሰ ኢዛሰ ሜቁላ ኢቶፕቴ፤ ቃሴ ኢዛ ማዳናፔ እንገት ኩሼ ጉዬ ኤኮፍቴ።

8 እንገት ኩሼ ሚጪዲ ኢዛሰ ኮሺዛዘ ኡባ ዋዴቶንታ ታልኢቴ።

9 «አጮ ቃንጾፌ ማሪዛ ላፑንላ ላይላይ ጋኪዳሰ» ገዲ ሜቶታንቻ እንገት አሻታ ታልኤ ዲጎፍቴ፤ ሃሳ ማላ ኢታ ቆፋይ እንገት ዋዚናን ጌሎፖ፤ ማንቆ ገዲዳ እንገት አሻታሰ እንገት ታልኢንታ ኢጸኮ ኢሰቲ ፑዴ ጸሳሰ ዋሲን እንገቴሰ ጎሜ ገደንታ ማላ ናጌቴቴ።

10 እንገት ኢዛሰ ጮ ኪያቴላ አሚቴ፤ እንገት ኢዛሰ አሚሼ እንገት ዋዚናን ዋዴቶንታ አሚቴ፤ ሂሰቲኮ እንገት ኦሮ ኡባኒኔ እንገት ኩሼይ ቦቺዳ ሚሻ ኡባን ጎዳ እንገት ጸሳይ እንገቴና አንጃፍ።

11 አይ ዋዴ ገዲንካ ቢታ ቦላ ሜቶታንቻይኔ ማንቆይ ዲዛ ገሻሰ እንገት ዳሬን ዲዛ ማንቆታሲኔ ሜቶታንቻታሰ እንገት ኪያቴላ ኦላና ማላ ታ አዛዛይሰ።

አይሌታ አይሶ ዋጋ (ኬሳ 21:1-11)

12 አዴ ገዲን ማጫ ገዲን ኔ ባጋ ገዲዳ ኢሰራኤሌ አሳፔ ኢሲ አሲ አይሌታናሰ ባና ኔሰ

ባይዚኮ ኢዚ ኔሰ ኡሱፑን ላይላ ኦሊዳፔ ጉዬ ላፑንላ ላይላን ኢዛ አይሌቴላፌ ኬሳ ዩዳ።

13 ኔኒ አይሌቴላፌ ኢዛ ኬሳ ዩዲዛ ዋዴ ሜላ ኩሼ ዩደፋ።

14 ጎዳ ኔ ጸሳይ ኔሰ አሚዳ አንጃፌ፣ ደርሳታፔ፣ ካላፌኔ ዋይኔ አይፌፔ ኢዛሰ ኪያቴላን አማዳ ዩዳ።

15 እንገቴካ ካሴ ገብጾ ቢታን አይሌ ገዲዳይሳኔ ጎዳ እንገት ጸሳይ እንገቴና ሃፔ ዋዚዳይሳ ደጎፕቴ፤ ታኒ እንገቴና ሃቾ አዛዚዛይ ሃሳሳ።

16 ገደ ኣቲን ሄ አይሌዚ ኔናኔ ኔሶ አሳ ደሲዳ ገሻሲኔ ኔናራ ዱሲ ኢዛሰ ሎኦ ገዲዳ ገሻሰ፣ «ታ ኔፔ ሻኬታና ኮይኬ» ገኮ።

17 ኔኒ ኢዛ ኔሶ ፔንጌ ኤፋዳ ኢዛ ሃይላ ኔ ፔንጌ ሳንቃ ቦላ ዋላዳ ዋሰፌራ ሎካ፤ ሃሳፌ ጉዬ ኢዚ ባ ዴኦ ላይላ ኡባን ኔሰ አይሌ ገደ፤ ቃሴካ አይሌ ገዲዛ ማጫሳሰካ ሃሳላ ኦላ።

18 ኔ ኢዛ አይሌቴላፌ ኬሳ ዩዲዛ ዋዴ፣ «ሃይሲ ታሰ ቆሆ» ጋዳ ቆፖፋ፤ ጋሶይካ ኢዚ ሃ ኡሱፑን ላይላን ሚሻሰ ኦሊዛ አሲ ኦሊዛ ኦሶፔ ዳኮ ዳርሲዲ ኔሰ ኦሊዳሰ፤ ሃሳ ገሻሰ ኔ ሃሳላ ኦሊኮ ጎዳ ኔ ጸሳይ ኔ ኦሊዛ ኦሶ ኡባን ኔና አንጃፍ።

ሜሃ ባይራ

19 ኔኒ ኔ ማሃፔኔ ኔ ደርሳ ወዳፔ ባይራ ዩሌቴዳ አዴ ኡባ ጎዳ ኔ ጸሳሰ ዲማሳ፤ ኢሰታ አይኮሰካ ጎኤቶፋ፤ ሃሳላካ ደርሳ ወዳፔ ባይራ ዩሌቴዳይታ ኢሰኬካ ቃንጾፋ።

20 ኔኒኔ ኔሶ አሳይ ጎዳ ኔ ጸሳይ ደሪዳሶሆን ጎዳ እንገት ጸሳ ሲንላን ላይላን ላይላን ሃይታ ሚቴ።

21 ገደ ኣቲን ኔ ያርሺዛ ሜሃታ ቦላ ዋሶይ ቤቴኮ፣ ሃሲካ ቶሆ ሲላ ዋይኮ ቆቁ፣ ቃሴካ ሃራ ኢታ ቦሪዛዚ ኢሰታ ቦላ ዲኮ ሃሳንታ ጎዳ ኔ ጸሳሰ ያርሾ ሺሾፋ።

22 ሃይታንታ ማላ ሜሃታ ሃን እንገቴሶን ማናሰ ዳንዳዬታ፤ ዋጋይ ገዛ ማላ ጌሻ አሰ ገዲን ዋይኮ ቴና አሰ ገዲን ጌኔሳ አሾኔ ጋራ አሾ ሚዛ ማላ ማና ዳንዳዬታ።

23 ገደ ኣቲን ኢሰታ ሱላ ሃላ ማላ ዋራ ጉሲቴ ኣቲን ሞፕቴ።

16

ፓዚጋ ባኣሌ (ኬሳ 12:1-20)

1 ጎዳ እንገት ጸሳይ እንገቴና አቢቤ አገናን ኦማርሳራ ገብጾፔ ኬሲዳሰ፤ ሃሳ ገሻሰ አቢቤ አገናን ጎዳ እንገት ጸሳ ፓዚጋ ባኣሌ ቦንቺቴ።

2 ጎዳ እንገት ጸሳይ ባ ሱንሒ ጳይጌታና ማላ ደሪዳሶን እንገት ኢዛ ቦንቻና ማላ እንገት ሜሃፔ፣ ዋይኮ ደርሳፌ አሳ ፓዚጋ ባኣሌን ያርሾ ሺሺቴ።

3 ሄ ያርሾ ካላ እንገት ሚዛ ዋዴ ኢርሾይ ኢዛን ጌሊዳ ካላ ሞፕቴ፤ ሃሳላካ ካሴ እንገት ኤሶን ገብጾፔ ኬዚዛ ዋዴ ኦላይሳ ማላ ላፑን ጋሳሰ ጋካናሰ ኢርሾይ ኢዛን ጌሎንታ ዋዴ ኡኬላ ሚቴ፤ ሃሲካ እንገት ዳር ሜቶ ቤኢዲ ገብጾ ቢታፌ ኬዚዳ ጋሳሳ እንገቴና ቆፍሳና።

14:29 ሌዌ 27:30-33፤ ታይ 18:21 15:8 ሌዌ 25:35 15:11 ማቶ 26:11፤ ማር 14:7፤ ዮሃ 12:8 15:18 ሌዌ 25:39-46 15:19 ኬሳ 13:12 15:23 ሜዴ 9:4፤ ሌዌ 7:26-27፤ 17:10-14፤ 19:26

4 ላቸን ጋላስ ጋካናስ አንቲ ዴሬን አይ አሳ ኬላንካ ኢርሾይ ዶፖ፤ አንቲ ኮይር ጋላሳ ኦማርስ ያርሾስ ቩኪዳ አሾ ኡባይ ሄ ጋላስ ማቴቲ ዉራና ቤሴስ።

5 አንቲ ፓዚጋ ያርሾ ጎዳ አንቲ ጸሳይ አንቲስ አሚዛ አይ ካታማታንካ ጮ ቩኮፍቴ።

6 ጊድ አቲን ጎዳ አንቲ ጸሳይ ባ ሱንላይ ጸይጌታና ማላ ዶሪዳሶን ጸላ ቩኪቲ፤ ቩኪቪ ኣርሼይ ዉሊዛ ዋዴ አንቲ ካሴ ጊብጾፔ ኬዚዳ ጋላሳዮኔ ሳቲዮ ናጊዲ ቩኪቲ።

7 ሄ ቩኪዳ አሾዛ ጎዳ አንቲ ጸሳይ ዶሪዳሶን ጸጺ ማቴ፤ ዋንቴላ ጋላስ ጌዴ አንቲ ዲንካኔን ዲንካኔን ሲማቴ።

8 ኡሱቸን ጋላስ ኢርሾይ ኢዛን ጌሎንታ ኡኬሳ ማቴ፤ ላቸንግ ጋላስ ጎዳ አንቲ ጸሳስ ጎይናናስ ኢሲሶ ቪቁቴ፤ ሄ ጋላስ አይ ኦሶካ ኦሶፍቴ።

ካላ ቪሾ ባኣሌ (ኬሳ 34:22፤ ለዌ 23:15-21)

9 አንቲ ካላ ቪሻናስ ኮይር ዶሚዳ ጋላሳፊ ቢዲ ላቸን ሳማንታ ኩሚላ ቆዲቴ።

10 ሄሳፊ ጉዬ ጎዳ አንቲ ጸሳይ አንቲና ኣንጂዳ ኬና አንቲ አንቲ ዶሳን አሞታ ኤሂዲ ጎዳ አንቲ ጸሳስ ካላ ቪሾ ባኣሌ ቦንቸቴ።

11 ሄሳን አንቲ አንቲ ኣቱማ ናይታራኔ አንቲ ማጫ ናይታራ፣ አንቲ ኣቱማ ኣይሌታራኔ ማጫ ኣይሌታራ፣ አንቲ ካታማን ዲዛ ለዌታራኔ ቤቴ ኣሳታራ፣ አንቲ ጊደን ዲዛ ዩኦታራኔ ኣሞኤታራ ኡባይ ጎዳ አንቲ ጸሲ ባ ሱንላይ ጸይጌታና ማላ ዶሪዳሶን ኡፋዬቴ።

12 ካሴ አንቲ ጊብጾን ኣይሌ ጊዲዳይሳ ዩቪ ቆፒዲ ሃይታ ዋጋታ ሎኤላ ናጊቴ።

ዳሴ ባኣሌ (ሌዌ 23:33-43)

13 አንቲ ካላ ባሌፔ ጌላላዳፔ ጉዬ ቃሴካ ዋይኔ ጉምኢዛሶሆፔ ኤኪዳፔ ጉዬ ላቸን ጋላስ ጋካናስ ዳሴ ባኣሌ ቦንቸቴ።

14 ሄሳን አንቲ፣ አንቲ ኣቱማ ናይታራኔ አንቲ ማጫ ናይታራ፣ አንቲ ኣቱማ ኣይሌታኔ ማጫ ኣይሌታራ፣ አንቲ ካታማን ዲዛ ለዌታራኔ ቤቴ ኣሳታራ፣ አንቲ ጊደን ዲዛ ዩኦታራኔ ኣሞኤታራ ኡባይ ኡፋዬቴ።

15 ጎዳ አንቲ ጸሳይ ዶሪዳሶን ላቸን ጋላስ ጋካናስ ኢዛስ ባኣሌ ቦንቸቴ፤ ጎዳ አንቲ ጸሳይ አንቲ ካላኔ አንቲ ኦላዛ ኦሶ ኡባን አንቲና ኣንጃና፤ ኢዛን አንቲ ኡፋዬታና።

16 አንቲ ቢታን ዲዛ ኣቱማ ኣስ ጊዲዳ ኡባይ ላይላን ሄቩቶ ፓዚጋ ባኣሌ ዋዴ፣ ካላ ቪሾ ባኣሌ ዋዴኔ ዳሴ ባኣሌ ዋዴ ጎዳ አንቲ ጸሳይ ኢዚ ዶሪዳሶ ኢዛ ሲንላ ቪቆ፤ ባኣሌዛ ቦንቻና ዩቪ ኦኒካ ጮ ማላ ኩቪ ጎዳ ሲንላ ዮፖ።

17 ኢሲ ኢሲ ኣሲ ኤኪ ያና አሞታይ ጎዳ አንቲ ጸሳይ ኢዛዴ ኣንጂዳ ኬና ጊድ።

ጸሎ ፐርዳ

18 አንቲ ዛሬቲ ኡባይ ጎዳ አንቲ ጸሳይ አሚዛ ካታማታን ኡባን አንቲ ዳናታኔ ሃላቃታ ሱንላቴ፤ አሰቲካ ኣሳስ ጸሎ ፐርዳ ፐርዳ።

19 ፐርዳ ጌላሶፓ፤ አሳ ኣይፌሶ ቤያዳ ማዳ ፐርዳፋ፤ ባሌላፋ፤ ማጋንጾ ሞፓ፤ ጋሪይካ ማጋንጾይ ኣቋ ኤራንቻታ ኣይፌ ቆቂሴስ፤ ጸሎታ ቃላካ ቦኪሴስ።

20 አንቲ ሸምፖራ ፓጻ ዳና ማላኔ ጎዳ አንቲ ጸሳይ አንቲስ አሚዛ ቢታ አንቲ ላታና ማላ ጸሎኔ ሱሬ ፐርዳ ፐርዲቴ።

ኤቃ ጸሳታስ ጎይናንታ ማላ አሚቲዳ ዋጋታ

21 ጎዳ አንቲ ጸሳስ አንቲ ያርሺዛሶ ኣቻን ሚላፊ ኦሴቲዳ ኣሸሪ ሚሰሌ ኤሶፍቴ።

22 ቃሴካ ጎዳ አንቲ ጸሳይ ኢዲዛ ጎይና ሹቕ ኤሶፍቴ።

17

1 አንቲ አንቲ ማሄ ጋርሳፊ ዋሶይ ዋይኮ ፓጩይ ዲዛዘ ቦራ ጊዲን ዋይኮ ዶርሳ ጎዳ አንቲ ጸሳስ ያርሾ ቪሾፍቴ፤ ሄሲ ጎዳ ኣቻን ኢጾቲዳ ሚሻ።

2 አንቲ ጎዳይ አንቲስ አሚዛ ካታማታፔ ኢሲኔይን ዲዛ ማጫ ጊዲን ኣዴ ጊዲን ጫቆ ቃላ ማንላዲ ጎዳ አንቲ ጸሳ ሲንላን ኢታ ሚሽ ኦላ ቤቲኮ።

3 ቃሴካ ታ ኣዛዘ ዬቋ ኣቋዲ ሃራ ጸሳታስ ጎይኒኮ ዋይኮ ኣርሼስ፣ ኣገናሲኔ ጸለንቲታስ ጎይኒኮ።

4 ሄይታንታ ማላ ሃናታ አንቲ ሲዩኮ ሄ ዮኦዛ ፐልጊ ቆሪቴ፤ ሄሳ ማላ ኢታ ዮኦቲ ኢሰራኤሌ ኣሳ ጊደን ኦሴቲዳይሲ ቱሙ ጊዲኮ።

5 ሄ ኢታ ኦላዳዴ ዋይኮ ኦላዳር ካታማ ጊደፊ ጌዴ ሃራሶ ኤፊዲ ቩቻን ኩራኪ ዋቋቴ።

6 ሄሲካ ናምኡ ማርካይ ዋይኮ ሄቩ ማርካይ ኢዛዴ ቦላ ማርካቲዳፔ ጉዬ ጊደ፤ ጊደ አቲን ኢሲ ኣሲ ጸላ ማርካቲዳ ማርካን ኣይ ኣሲካ ሃይቆፎ።

7 ማርካቲ ኮይርቲዲ ቩቻን ጫዴቶ፤ ሄሳፊ ጉዬ ሃንኮ ዴሬ ኡባይ ጫዴ፤ ሄሳሶ ኦላዲ አንቲ ጊደፊ ኢታ ኡባ ዲጊቴ።

ዴጾ ፐርዳ

8 አንቲ አንቲ ካታማታን ፐርዳናስ ኬሂ ዴዲዛ ሸምፖ ጊሻስ ቪቁዛ ሞቶ፣ ሾቻ ሞቶ፣ ቃሴ፣ «ታስ ቤሴስ» ጊዛ ኣቆታ ሞቶ ጊዲንካ ዴንዲኮ ሄ ዋዴ ጎዳ አንቲ ጸሳይ ዶሪዳሶ ኤሶን ኤሂቴ።

9 ለዌ ቆሞታፔ ቁሴ ጊዲዳይታሲኔ ሄ ዋዴ ዳና ጊዲዲ ፐርዲዛይሳስ ዮኦዛ ቪሹቴ፤ ሄ ዮኦዛ ኢሰቲ ፐርዴቶ።

10 ጎዳይ ዶሪዳሶን ጊዲዲ ኢሰቲ አንቲስ ፐርዲዛ ፐርዳ ማላ ኦላቴ፤ አንቲ ፖላና ማላ ኢሰቲ አሚዛ ኣዛዘታ ናጌቲ ፖሊቴ።

11 ኢሰቲ አንቲና ታማርሲዳ ዋጋኔ ፐርዳ ማላ ኦላቴ፤ ኢሰቲ ፐርዲዳ ፐርዳፊ ሃዲርሲኔ ኡሻቕ ጎፒቴ።

12 ጎዳ አንቲ ጸሳስ ኦላዛ ዳናስ ዋይኮ ቁሴስ ኣዛዘቶንታ ኢዲዲ ኦቶሬቲዛ ኣሲ ዲኮ ሃሳዴይ ሃይቆ፤ ሄሳሶ ኦላዲ ሄይታንታ ሚሳቲዛ ኢታ ሚሻታ ኡባ ኢሰራኤሌ ዴራ ጊደፊ ዲጊቴ።

13 ሄሳፊ ጉዬ ኣሲ ዉሪ ሃሳ ሲዩዲ ባባና፤ ናምኣንሶ ሃሳ ማላ ኢታ ኦሶ ኦላናስ ጸላና ኣሲ ዳና።

ካዋ ካዋፋና አሚቲዳ ዋጋ

16:8 ለዌ 23:5-8፤ ታይ 28:16-25 16:12 ታይ 28:26-31 16:15 ታይ 29:12-38 16:19 ኬሳ 23:6-8፤ ለዌ 19:15 16:21 ኬሳ 34:13 16:22 ለዌ 26:1 17:3 ኬሳ 22:20 17:6 ታይ 35:30፤ ዛሬ 19:15፤ ማቶ 18:16፤ 2ቆር 13:1፤ 1ጸም 5:19፤ ኢሳ 10:28 17:7 1ቆር 5:13

14 ጎዳ አንቲ ደሳይ አንቲስ አሚዛ ቢታዮ ጌሊ ላቲዲ ሄን ዲስ ደሚዛ ዋዴ፡ «ኑና ዩዩ አዲዳ ካዎቲላታስ ካዎይ ዲዛይሳላ ኑኒካ ኑስ ካዎ ካዎላና» ጊኮ፡

15 አንቲ ካዎላናይ ጎዳ አንቲ ደሳይ አንቲስ ደሪዳዳ ጊዲዳይሳ ኤሪቲ፤ ሄሲ አንቲ አሳ ጊደፌ ደሬቲዳይሳ ጊደፌ አቲን ሃራ ቢታ አስ አንቲ ቦላ ካዎሶፕቲ፡፡

16 ሄ ካዎዚ ዳር ፓራ ባስ ሺሻናስ ቤሴና፤ ጎዳይ አሳይ ጊብጾ ሲሞንታ ማላ አዛዚዳ ጊሻስ ሄፔ ፓራ ሻማናስ አሳ ዩደፎ፡፡

17 አዛ ዎዚና ባሌላንታ ማላ ካዎይ ጮራ ማቾ ኤኮፎ፤ ዎርቃኔ ቢራካ ዳርሲ ሺሾፎ፡፡

18 አዚ ባ ካዎቲላ አልጋን ኡቲዛ ዎዴ ደሳ ዎጋ ማጻፋ ለዌ ቆሞ ጊዲዳ ቄሴታ ማታፔ ባስ ዲቂ ኤኮ፡፡

19 ሄ ማጻፋዛ ባ ማታን ዎሲዲ ባ ዴኦ ላይሳ ኡባን ናባቦ፤ አዚ ሂሰቲኮ ጎዳ ባ ደሳ ቦንቾኔ ሄ ማጻፋን ጸፊቲዳ ዎጋታኔ ማራታ ኬሂ ናፔቲዲኔ አማኔቲዲ ፖሎ ታማራና፡፡

20 ሂሰቲኮ አዚ ባ ዎዚናን፡ «ታኒ ታ ላጌታፔ አዳይስ» ጊዲ አሰራኤሌ አሳ ቦላ ኡቶሬቲና፤ ጎዳ ባ ደሳ ዎጋፔ ሃዲርሲኔ ኡሻቾ ጌና፤ አዚ ዳር ላይሳ ካዎታና፤ አዚ ናይቲካ አሰራኤሌ ቢታን ዳር ላይሳ ካዎታና፡፡

18

ቄሴታኔ ለዌታ ጋኪዛ ጊሻ

1 ለዌታፔ ቄሴቲኔ ቃሴካ ኩሜላ ለዌ ቆሞቲ ሃንኮ አቲዳ አሰራኤሌ አሳራ ቢታ ጊሹቲዛ ዎጋይ አሰታስ ባይንዳ ጊሻስ አሰቲ ጎዳስ ያርሻናስ ሺሺዛ ያርሾፌ ሚዲ ዴቶ፡፡

2 አሰታ አሻታ አሰራኤሌ አሳ ጋርሳን አሰታስ ጸንጾ ጋይይ ደፖ፤ አዚ አሰታስ አሚዳ ሂደታ ቃላ ማላ ጎዳይ አሰታስ ጸንጾ፡፡

3 ዎፋኖ ጊዲን ዎይኮ ደርሳ ያርሾስ ሺሺዛ ዎዴ ቄሴቲ ሚሳታ፡ ባንቁላታኔ ጋንጄታ ኤኬቶ፡፡

4 አንቲ ካላፌ ዴራ፡ ዎይኔ ኡሻፌኔ ዎጋራ ዛይቲፔ ዴራ፡ ደርሳ አሰኬፌ ኮይሮ ቃንጾቲዳይሳ አሰታስ አሚቲ፡፡

5 ሚርናስ ቄሴቲላን አላና ማላ ሃራ ቆሞታ ጊደፌ ጎዳ አንቲ ደሳይ ለዌ ቆሞታ ባስ ደሪዳስ፡፡

6 ለዌ ቆሞታፔ አሲ አሲ ካሴ ባ ዲዛ አሰራኤሌ ካታማፔ ጎዳይ ደሪዳሶ ባናስ ዳር አሞይ አዛስ ዲኮ፡፡

7 ቢዲ ሄን ካሴ ሃጋዚዛ ለዌ ቆሞቲ ኦሲዛይሳላ አዚካ ጎዳ ሲንላን አሶ፡፡

8 ቃሴ ባ አዎ አቆ ባይዚን ባና ጋኪዳይሳ ኤኪዳ ጊዲኮካ ቄሴቲ ጎኤቲዛይሳ ኡባ አሰታራ ጊና ጊሹቲ ኤኮ፡፡

አይዛቤታ ዎጋፔ ናጌታና ማላ አሚቲዳ ሴራ

9 ጎዳ አንቲ ደሳይ አንቲስ አሚዛ ቢታ አንቲ ጌሊዛ ዎዴ ሄ ቢታን ዲዛ ካዎቲላይ ኦሲዛ ቲና ኦሶ አሶፍቲ፡፡

10 ባ አቲማ ና ዎይኮ ማጫ ና ያርሾስ ጊዲ ታማን ጸጊዛ አይ አሲካ አንቲ ጊደን ደፖ፤ ቢቲዛይ፡፡

ማራጮ ዴሊዛይ፡ ሙሬኒዛይኔ ማርይ አንቲ ጊደን ደፖ፡፡

11 ቃሴካ ዳጋሚዳይ (ጎጂዛይ)፡ ዎይኮ ሞይቲሌ ጸይጊዛይይ ዎይኮ ኢታ አያናታራ ሃሳይዛይይ፡ ዎይኮ ሃይቂዳ አሳታ አያናራ ሃሳይዛይይ አንቲ ጊደን ደፖ፡፡

12 ሄሳንታ ማላ ኦሲዛ አይ አሲካ ጎዳ ማታን ኢጾቲዳይ፤ አሰቲ ሃሳ ማላ ቲና ኦሲዳ ጊሻስ ጎዳ አንቲ ደሳይ ሄ ካዎቲላታ አንቲ ሲንላፌ ቶቃሊ ዳይሳና፡፡

13 ጎዳ አንቲ ደሳ ሲንላን ሙሌራ አንቲ አማኔቲዛይታ ጊዳናስ ቤሴስ፡፡

ሙሴ ማላ ሲንላፌ ዴንዳና ናቤ

14 ሃ አንቲ ላታናስ ቢዛ ቢታን ዲዛ ካዎቲላቲ ሙሬኒዛይቲኔ ማራጮ ዴሊዛይቲ ዮቲዛይሳ ሲዩዛይታ፡፡ አንቲ ጊዲኮ ሃሳላ ኦሶንታ ማላ ጎዳ አንቲ ደሳይ አንቲና ዲጊዴስ፡፡

15 ጎዳ አንቲ ደሳይ አንቲ ዛሬፔ ታ ማላ ናቤ ዴንላና፤ አንቲ አዚ አንቲስ ዮቲዛይሳ ሲዩዲ አዛዜቲቲ፡፡

16 አንቲ ሲና ዙማ ቦላ ሺቂዳ ዎዴ ጎዳ አንቲ ደሳ፡ «ኑኒ ሃይቆንታ ማላ ጎዳ ኑ ደሳ ጩንጉርሳ ዛሬ ሲዮኮ፤ ቃሴካ ሃ ዎልቃማ ታማካ ናሞኦንሶ ቤኦኮ» ጊዲ ኦይቹዴታ፡፡

17 ሃሳ ጊሻስ ጎዳይ ታስ፡ «አሰቲ ኦይቹዛ ኦይሻይ ሊኬ» ጊዴስ፡፡

18 ታኒ አሰታ ዛሬታ ጊደፌ አሰታስ ኔ ማላ ናቤ ዴንላና፤ አዚ ሃሳያና ቃላ ታ አዛስ አሚና፤ ታ አዛዚዛይሳ ኡባ አዚ አንቲስ ዮታና፡፡

19 ታ ሱንላን ዮቲዛ ሄ ናቤዛ ቃላ ሲዮንታ አስ ታ ቃጸያና፡፡

20 ጊደ አቲን ታ አዛ አዛዙንታ ጸላቲላን ታ ሱንላን ዮቲዛ ናቤይ ዎይኮ ኤቃ ደሳታ ሱንላን ዮቲዛ ናቤይ ሃይቆ፡፡

21 አንቲ፡ «ናቤይ ዮቲዛ ቲንቢቲ ቃላይ ጎዳፔ ጊደንታይሳ ታ አዛን ሻካ ኤራኔ?» ጊ ኦይቻና ዳንዳይታ፡፡

22 ሄ ናቤዚ ዮቲዳይ ጎዳ ሱንላን ዮቲን አዚ ዮቲዳ ቃላይ ፖሌቶንታ ኦጊኮ ሄሲ ጎዳይ ዮቶንታይሳ ጊዲዳይሳ ኤሬታ፤ ሄ ናቤዚ ዎርዶ ሃሳይዳ ጊሻስ አዛስ ያዮፍቲ፡፡

19

አሲ ባቃቲ አቲዛ ካታማታ (ታይ 35:9-28፤ ኢያ 20:1-9)

1 ጎዳ አንቲ ደሳይ አንቲስ አሚዛ ቢታን ዲዛ ካዎቲላታ ዳይሲዲ አንቲ አሰታ ካታማታኒኔ ኬላታን ዴኦ ደሚዛ ዎዴ፡፡

2 ጎዳ አንቲ ደሳይ አንቲስ ጸንጾ ኦሲዲ አሚዛ ቢታን ዲዛ ካታማታፔ ሄቩ ካታማታ አንቲስ ሻኪቲ፡፡

3 ጎዳ አንቲ ደሳይ አንቲስ ጸንጾ ኦሲዲ አሚዛ ቢታ ሄቩ ኬሲ ሻኪቲ፤ ሂሰቲዲ አሴ ዎዲዳ አሲ ኦኒካ ሄ ካታማታፔ አሳን ባቃቲ አታና ማላ ሄ ኤፊ ጋሲዛ ኦጌ ጊግሲቲ፡፡

4 ኢሲ አሲ ካሴ አዛራ ሞርኬቲል ባይንዳዳ ዋዳና ገ ቆፖንታ ዲንጋቴ አሰ ዋዳኮ ሄሳዳይ ካታማታፕ ኢሲኔይን ቢ ጌሊዲ ባ ሼምፖ አሾ።

5 ለሚሶስ ናምኡ አሳቲ ሚል ቃንጸና ቢዳሶን ኢሰቲ ሚል ቃንጸሺን ሚላ ቃንጸዛ ቤዩጸዛ ዋይኮ ካልታዘ ቱቲዛፕ ቆፖንታ ኮሌቲ ቢዲ አዛራ ዲዛዳዛ ዋዳኮ፣ ሄ ቤዩጸይ አዛ ኩሼፕ ኮሌቲ ቢ ዋዳዳዳዛ ሄ ሄቸ ካታማታፕ ኢሲ ካታማኖ ቢ ጌሊ ባ ሼምፖ አሾ።

6 ቆቴቲ አቲዛ ካታማይ ኤሶን ጋኬቶንታ ሃኮሶን ዲዛ ገዲኮ ኦጌይ አዳቁዳ ጋሶን ሱል አዛሪዛዳይ ኬሂ ሃንቁቲዲ ጎዲ ጋኪዲ ሃይቃናሰ ቤሶንታይሳ ዋዳናሰ ዳንዳዳሰ፤ ጋሶይካ አዚ ባ ሾር ዋዳዳይ ሞርኬቲል ዲዛ ገሻሰ ገዳና።

7 አንቴ ሄቸ ካታማታ ዲማ ሻካና ማላ ታ አንቴና አዛዚዛይ ሄሳ ገሻሳ።

8 ጎዳ አንቴ ጸሳይ ካሴ አንቴ አዋታሰ ጌሊዳ ሂዶታ ቃላ ማላ አዚ አንቴ ዛዋ አሲኮ።

9 ሃቸ ታ አንቴና አዛዚዳይሳ ኡባ አንቴ ፖሊኮ፣ ጎዳ አንቴ ጸሳካ ሰቁኮ ቃሴ አዛ ኦጌን ቢኮ አዚ አንቴሰ ሃኖ ቢታኖ አሚዛ ገሻሰ አሲ አሰታን ባቃቲ ቢዲ አታና ማላ ሃራ ሄቸ ካታማታ ጉጂ ግሰሲ።

10 አንቴ ሄሳላ ኦላዛ ጋሶይካ አንቴ አዚን ዳና ማላ ጎዳ አንቴ ጸሳይ አንቴሰ ጸንጾ ሂሰቲ አሚዛ ቢታይን ጸሎ ሱል ጉኮንታ ማላኔ አንቴካ ሱላ አጮን ኦይሼቶንታ ማላሳ።

11 ገዲኮካ ኢሲ አሲ ሞርኬቲላን ዳንዲዲ ጌማን ዛማዲ ኡቲዲ ቃዴታይ ባይንዳ አሰ ዋዳዳፕ ጉዬ ባ ሼምፖ አሻናሰ ሄ ካታማታፕ ኢሲኔይን ባቃቲ ቢኮ።

12 አዚ ዲዛ ካታማ ጨማቲ አዚ ባቃቲ ቢዳ ካታማፕ አሰ ከቲ አሂሲዲ ሃይቁዳይሳ ሱል አዛሪዛዳሰ አላ አሜቶ።

13 አዛሰ አይኮካ ቃዴቶፍቴ፤ አንቴሰ ኡባ ሚሺ ሎኦ ገዳና ማላ ሼምፖ ዋዳዳይታ ኢሰራኤሌ ገደፌ ዳይሲ።

ዳሰ ሾዳናሰ ቤሴና

14 ጎዳ አንቴ ጸሳይ አንቴሰ አሚዛ ጸንጸን ቤኒ አሳቲ አንቴሴኔ አንቴ ሾርሰ ገደን ኤሲዳ ዛዋ ሾዳፍቴ።

ማርካቲላሰ አሜቲዳ አዛዛ (ዛሬ 27:17)

15 አሲ ሞሪዳ ሞር ሻኪ ኤራናሰ አሲ ማርካይ ጸላ ገዳና፤ ናምኡ ዋይኮ ሄቸ ማርካይ ማርካታና ቤሴሰ።

16 አሲ አታ አሲ ሃራ አሰ ዋርዶራ ሞቲኮ።

17 ናምአቲካ ሄ ዋዳ ጎዳ ሲንላን ኦላዛ ቄሴታ ሲንላኒ ፐርዲዛ ዳናታ ሲንላን ኤቁቶ።

18 ሄ ፐርዲዛይቲካ ሄ ዮኦዛ ሎኤል ፐልገ ጸሎቶ፤ ሄ ማርካቲዛዳዚ ባ አሻዛ ቦላ ዋርዶራ ማርካቲዳይሲ ቱሙ ገዲኮ።

19 አዚ ሄ ሞቶዛ ባ አሻ ቃጸይሳናሰ ቆፒዳ ቁጸቲዛን ባ ሁኤሰ ቃጸዬቶ፤ ሂሰቲዲ ሄሳ ማላ አታ ኦላዛይሳ አንቴ ገደፌ ዲጊቴ።

20 ሂሰቲኮ ሃራ አሳይ ሄሳ ሲዩዲ ባባና፤ ሄሳ ማላ አታ ኦሶይ አንቴ ገደን ኦሴቴና።

21 ሄሳ ማላ አታ ኦላዛይታሰ ሙሌካ ቃዴቶፍቴ፤ ሼምፖ ዋዳዳዳ ዋዳቴ፤ አይፌ ቶይሲዳዳሰ አይፌ ቶይሲቴ፤ አቸ ማንሊዳዳሰ አቸ ማንሊቴ፤ ኩሼ ማንሊዳዳሰ ኩሼ ማንሊቴ፤ ቶሆ ማንሊዳዳሰ ቶሆ ማንሊቴ።

20

አላ አሳታሰ አሜቲዳ ዋጋ

1 አንቴ አንቴ ሞርኬታ ኦላና ቢሺን ፓራ-ጋሬቴኔ ቶጋ አሳቲ አንቴፌ ዳር ገዲኮ ሄሳ ቤኢዲ ዳጋሞፍቴ፤ ጋሶይካ አንቴና ገብጾፕ ኬሲዳ ጎዳ አንቴ ጸሳይ አንቴናራ ዲዛ ገሻሰ ባባፍቴ።

2 አንቴ ኦላ ደማናፕ ሲንላቲዲ ቄሴዚ ኦላ አሳኮ ሼቁዲ።

3 «ኢሰራኤሌ አሳዉ! ሃ ኤዘጊቴ! አንቴ ሃቸ አንቴ ሞርኬታራ ኦሌታናሰ ቤታ፤ አንቴ ዋዚናይ ዳጋሞፍቴ ባባፍ፤ ኢሰታ ሲንላን ኮኮርፐቴኔ ሼርቶፐቴ።

4 ጎዳ አንቴ ጸሳይ አንቴ ሞርኬታ ኦላናሰ አንቴናራ ቢዛ ገሻሰ አዚ አንቴና ጸኒሳና» ጎ።

5 ሄሳፌ ካሊዲ ኦላ አሳ ካሌላዛይቲ ኦላንቻታሰ። «ኦራላ ኬል ኬጸዲ ጌሎንታ አሲ አንቴ ጋርሳን ዲኮ አዚ ኦላሶ ቢ ሃይቁን ሃራ አሲ አዛ ኬላን ጌሎንታ ማላ ባሶ ጉዬ ሲሞ።

6 ዋይኮ ዋይኔ ቶኪዲ አዛ አይፌ ሺሾንታ አሲ ዲኮ አዚ ኦላን ሃይቁን ሃራ አሲ አዛ ዋይኔ አይፌ ባሰ ሺሺዲ ኡፋዬቶንታ ማላ አዚ ባሶ ሲሞ።

7 ማቸ ኤካና ገግሲ ዋሊዳ አሲ ኦላን ሃይቁን ሃራ አሲ አዛ ኤኮንታ ማላ አዚ ባሶ ሲሞ» ጌቶ።

8 ኦላ አሳ ካሌላዛይቲ። «ዋዚናይ ባባዛ አሲ አንቴ ጋርሳን ዲኮ ሃንኮ ኦላ አሳ ዋዚና ሂርገሶንታ ማላ አዚ ባሶ ሲሞ» ጌቶ።

9 ኦላ አሳ ካሌላዛይቲ ሄሳ ዮቲ ዉርሲዳፕ ጉዬ ኦላ አሳ ቡቴን ቡቴን ሻኪዲ አሲ አሲ ቡቴሰ ካሌላዛይታ ደሬቶ።

10 አሲ ካታማ ኦላናሰ ቢዲ አንቴ ኢሰታኮ ማቲዛ ዋዳ ኮይርቲዲ ሳርን ኢሰቲ ኩሼ አሚና ማላ ኦይቸቴ።

11 ኢሰቲ አንቴና ሳርን ሞኪ ኤኪዲ ባንታ ገምቤ ፔንጌ ደይዲ አንቴና ጌልሊኮ ሄ ካታማን ዲዛ አሳይ ኡባይ አንቴሰ ሃጋዞኔ ዴጾ ኦሶ ኦላ።

12 ገደ አቲን ሄ ካታማ አሳይ አንቴሰ ሳርን ባ ኩሼ አሞንታ አጸዲ አንቴናራ ኦሌታና ኮይኮ ኢሰታ ካታማ ደዲቴ።

13 ጎዳ አንቴ ጸሳይ ሄ ካታማኖ አንቴ ኩሼን አላ አሚዛ ዋዳ ሄ ካታማይን ዲዛ አቲማሳ ኡባ ዋዳቴ።

14 ገደ አቲን ማጫሳታኔ ጉላ ናይታ። ማሄኔ ሄ ካታማይን ዲዛ አቆታ ኡባ አንቴሰ ዲኢ ኤኪቴ፤ ቃሴ ጎዳ አንቴ ጸሳይ አንቴሰ አሚዛ አንቴ ሞርኬታ አቆታ አንቴሰ ጎኤቴቴ።

15 ቃሴካ አንቴ ዲዛሶፕ ሃኪ ዲዛ ካታማታካ አንቴ ኦይኪዛ ዋዳ ሃይሳፌ ካሊዛይሳ ኦላቴ።

16 ጎዳ አንቴ ጸሳይ አንቴሰ አላ አሚዳ ቢታ ቦላ አሳ አንቴ ኦሊ ኦይኪዛ ገዲኮ አሳ ኡባ ዋዳቴ።

17 ጎዳይ አንቲ ደሳይ አንቲና ኣዛዚዳ ማላ ሂቲታ፡ ኣሞሬታ፡ ካናኔታ፡ ፓሪዜታ፡ ሂዌታኔ ያቡሴታ ኡባ ዋዲቲ።

18 አንቲ ሂሰቶንታ ኣገረኮ ኢሰቲ ባንታ ኤቃ ደሳታሰ ጎይኒዛ ቱና ኦሶ አንቲ ኦላና ማላ አንቲና ታማርሳና፤ ሄሳን ጎዳ አንቲ ደሳ ቦላ ናጋራ ኦላና።

19 አንቲ ካታማ ኦይካናሰ ዶዲ ዳሮ ጋላሰ ኦሌቲሽ ጋሞኢዛ ዋዴ ኢዛን ዲዛ ኣይፌ ኢሚዛ ሚላታ ኣይፌ አንቲ ማና ዳንዳይዛ ገሻሰ ኢሰታ ቃንጾፍቲ፤ ኢሰቲ ኣይፌ ኣይፊዛ ሚላፌ ኣቲን ኣሳራ ኦሌቲዛ ኣሰ ገዴቲና፤ ሄ ዴምባን ዲዛ ሚላታ ቃንጾፍቲ።

20 ሃንኮ ኣይፌ ኣይፎንታ ሚላታ ገዲኮ ኢሰታ ቃንጾፊላ ዩገዲ ሄ ካታማያ ኩንዳና ጋካናሰ ገደላ ናጋና ዳንዳይታ።

21

አሰ ዋዲዲ ኤሬቶንታ ገሚዳዴ ዳፋ

1 አንቲ ላታና ማላ ጎዳ አንቲ ደሴ አንቲሰ አሚዛ ቢታይን ኦኒ ዋዲዳኮ ኤሬቶንታ ኣሳ ኣሃይ ጮ ዴምባን ኩንዲ ቤቲኮ።

2 አንቲ ዳናቲኔ አንቲ ጨማቲ ቢዲ ኣሃዚ ዲዛሶፕ ደሚዲ ሄ ሄራን ዲዛ ካታማታ ጋካናሰ ዲዛ ሃሆቴላ ዋዲቶ።

3 ሄሳፌ ጉዬ ኣሃዚ ዲዛሶሰ ማቲዛ ካታማይን ዲዛ ካሌላዛይቲ ኦሶሰ ጋኮንታ ቡሮ ቃሞባራይ ኢዚ ሞርጌ ቦላ ዋዲንታ ኢሰ ኡሶ ደሬቶ።

4 ሄ ኡሲዮ ሙሉካ ጎዬቲ ኤርንታሶ፡ ኣይ ኣታኪልቲይ ቶኬቲ ኤርንታሶኔ ጎጊዛ ሃላ ዲዛ ሸባ ኤፊዲ ሄን ኡሳይ ሞርጌ ሚርቂ ማንፊቶ።

5 ሂሰቲዲ ጎዳ አንቲ ደሳይ ባ ሲንላን ኦላና ማላ፡ ባ ሱንላን ኣንጃና ማላ፡ ሞቶኔ ሸምፖ ዳፋ ጌሊዲ ሻኪ ፐርዳና ማላ ጎዳ አንቲ ደሳይ ለዌ ናይታፕ ደራዳ ቁሴቲ ኣሃዚ ዲዛሶ ማታ ቤቶ።

6 ሄሳፌ ጉዬ ኣሃዚ ዲዛሶ ማታን ዲዛ ካታማዮ ካሌላዛ ጨማቲ ሞርጌ ሚርቂ ማንፊዳ ኡሳይ ቦላ ባንታ ኩሽ ማጨቲቶ።

7 ሂሰቲዲ፡ «ሃይሳ ኑ ዋዲቤኮ፤ ኦኒ ዋዲዳኮካ ኑ ቤዩቤኮ።

8 ጎዳዉ! ኔኒ ገብጾፕ ዋዛዳ ኬሲዳ ኔ ዴሬ ኢሰራኤሌ ናጋራ ዉርሳ፤ ኑናካ ማራ፤ ሃይሳ ጉኪዳ ጸሎ ሱላ ገሻሰ ኑና ኦይቸፋ» ጌቶ።

9 አንቲ ጎዳ ሲንላን ሱሬ ሚሽ ኦላዲ ጸሎ ሱላ ጉኪዳ ናጋራ አንቲ ገደፌ ዲጊቲ።

ዲኤቲ ዩዳ ማጨሳታፕ ማቸ ኤኮ ዋጋ

10 ኔ ሞርኬታራ ኔ ኦሌታናሰ ኬዚን ጎዳ ኔ ደሴ ኢሰታ ኔ ኩሽን ኣላ ኢሚን ኔ ኢሰታ ዲኢዳ ዋዴ፡

11 ሄ ዲኤቲዳይታ ገደን ማላ ሎኦ ማጨሰ ዴማዳ ኢዛ ኔሰ ማቸ ኤካናሰ ኮይኮ።

12 ኢዛ ኔኒ ኔሶ ኤሂኮ ኢዛ ባ ሁኤ ማዴቲ፤ ቃሴ ባ ጸጉንሳ ኢኒ።

13 ካሴ ኢዛ ዲኤታ ያሽ ማይኢዳ ማይኦ ላሙ፤ ኢሲ ኣገና ጋካናሰ ኔሶን ኡታዳ ኦላን ሃይቂዳ ባ ኣይሴኔ ባ ኣሞሰ ዩኩ፤ ሄሳፌ ጉዬ ኢዛ ኔሰ ማቸ ኤካ።

14 ጉዬፕ ኔኒ ኢዚን ኡፋዬቶንታ ኣገረኮ ኢዛ ኣንጃ ዩዳናሰ ዳንዳያሳ፤ ካሴ ኢዛ ዋልቃራ ኤኪዳይ ኔና

ገዲዳ ገሻሰ ዛራዳ ባይዛናሴኔ ኣይሌ ማላ ቆዳናሰ ቤሴና።

ባይራ ናሰ አሜቲዳ ላታና ዋጋ

15 ኢሲ ኣሲ ናምኡ ማቸ ኤኪዲ ኢሰታፌ ኢሲኔዮ ደሴዲ ኢሲኔዮ ኢጸኮ ሄ ናምኣቲካ ኢዛሰ ኣቲማ ናይታ ዩሊኮ ሄ ዩሌቲዳ ናይታፕ ባይራዚ ኢዚ ኢጸዛሪ ና ገዲኮ።

16 ኢዚ ባ ሃሮ ባ ናይታሰ ገሺዛ ዋዴ ኢዚ ኢጸዛሪፕ ዩሌቲዳ ባይራ ናዛ ባይራቴላ ካዲዲ ባ ደሴዛሪፕ ዩሌቲዳ ናዛሰ ማዲዲ ኣላ አማናሰ ቤሴና።

17 ባይራ ናዚ ኢዚ ሲቆንታ ማቸይፌ ዩሌቲኮካ ኢዚ ኢዛሰ ኮይሮ ዩሎ ገዲዳ ገሻሰ ሃንኮ ናይታፕ ናምኡ ኩሽ ኣላ አሚዲ ኢዚ ባይራ ገዲዳይሳ ኤሪሶ።

ኣዛዜቶንታ ናይታሰ አሜቲዳ ዋጋ

18 ኣሞሴኔ ኣዩሰ ኣዛዜቶንታ ኢጸዲ ኢሰቲ ሙራንካ ሲሞንታ ኢጸዳ ማካላንቻኔ ዋዚና ሙሚ ናይ ኢሰታሰ ዲኮ።

19 ኣያኔ ኣዋይ ባንቲ ዲዛ ካታማታ ጋርሳን ጨማቲ ፐርዲዛሶ ኤኪ ቤቶ።

20 «ሃይሴ ኑ ናዚ ዋዚና ሙሚ፤ ማካላንቻ፤ ኑሰ ኣዛዜቲና፤ ማላቴሴኔ ሚሽ ጮ ዳይሴሰ» ገ ጨማታሰ ዮቲቶ።

21 ሄ ካታማይን ዲዛ ኣቲማ ኣሳይ ኡባይ ኢዛ ሹቻን ጫዲ ዋዲቶ፤ አንቲ ሄሳሶ ሂሰቲኮ አንቲ ጋርሳፌ ኢታ ሚሽ ዳያና፤ ኢሰራኤሌ ዴሬን ዲዛይ ዉሪ ሄሳ ሲዩዲ ያያና።

ዲማ ዲማ ዋጋታ

22 ኢሲ ኣሲ ባ ኦላዳ ገታ ሞር ጋሶን ሚላ ቦላ ካቂቲ ሃይቃና ማላ ፐርዴቲኮ።

23 ሚላ ቦላ ካቂቲ ሃይቂዳ ኣሲ ደሴ ቃንገዲዳ ገዲዳ ገሻሰ ኢዛ ኣሃይ ሚላ ቦላ ካቂቲ ኣቆፖ፤ ጎዳ አንቲ ደሳይ አንቲሰ አሚዛ ቢታ ቲኒሶንታ ማላ ሃይቂዳ ኣሃዛ ሄ ጋላሰ ሞጊቲ።

22

1 ኢሰራኤሌ ኣሳ ቦራይ ዋይኮ ደርሲ ዳይዲ ዋራ ቢሺን አንቲ ዴሚኮ ጮኡ ገ ኣቆፍቲ፤ ኢዛ ጎዳሰ ላጋ ኤፋ ኢማ።

2 ገደ ኣቲን ማሃዴይ ዲዛሶይ ሃሆ ገዲኮ ዋይኮ ሄ ማሃዴይ ኣናኮ ኔ ኤርንታ ኣገረኮ ማሃዛ ኔሶ ኤካዳ ባ፤ ማሃዴይ ኮዩሽ ዩኮ ኢዛይሳ ኢዛሰ ዛራ።

3 ማይኦ ገዲን ዋይኮ ሃራ ገዲን ዋይኮ ሃራ ኣይ ሚሽካ ኔ ባጋ ኢሰራኤሌ ኣሳፕ ዳይን ኔ ዴሚዳ ገዲኮ ዛራዳ ኢዛዴሰ ኢማ።

4 ኔ ባጋ ኢሰራኤሌ ኣሳሰ ሃራይ ዋይኮ ቦራይ ኦጌን ኩንዲን ኔ ቤኢዳ ገዲኮ ማዳዳ ዴንላ ኣቲን ቤኣሽ ዩጋ ኣቆፋ።

5 ጎዳ አንቲ ደሳይ ሄሳሶ ኦላዛይታ ኢጸዛ ገሻሰ ማጨቲ ኣቲማሳታ ማይኦ፡ ኣቲማሳቲ ማጨሳታ ማይኦ ማይኦፊቶ።

6 ኔ ኦጌ ቢሺን ካፎይ ባ ኬላን ሚላ ቦላ ዋይኮ ቢታ ቦላ ዩሊዳ ጨዩታ ዋይኮ ጸጸሌ ሃጳ ዲዛ ካፎ ኔ ዴሚዳ ካፎዮ ጨዩታራ ጋላ ኔሶ ኤፎፓ።

7 ጨዳታ ኔሶ ኤካ ባናሰ ዳንዳያሳ፤ አዬዮ ገዲኮ ኢዛ ፒራጃ ባና ማላ ዬዳ፤ ኔኒ ሃሳላ ኦሊኮ ኔሰ ሎኦ ገዳናኔ ኔ ዳሮ ላይላ ዳና።

8 ኔ ኦራላ ከሌ ከዳሽ ሄ ከላ ካራፔ አሲ ኩንዲዲ ሱላ አጮን ኔና ኦይሺሶንታ ማላ ከላ ካራ ቦላ ቴቁ ዋላ።*

9 ኔኒ ዋይኔ ማላ ቶካሽ ኢዛ ገደን ሃራ ዜሬላ ዜርፓ፤ ኔ ሃራ ዜሪኮ ዋይኔ ማላ አይፊፔ ገዲን ዋይኮ ሃራ ኔ ዜሮ ካላፌ ጎኤታናሰ ዳንዳያካ።

10 ቦራኔ ሃራ ኢሲፌ ኢሲ ቃምባራን ዋጸ ጎዮፓ።

11 ሱፊፔኔ ፑቶፊ ዋላኬቲ ዳዳቲዳ ማይኦ ማይኦ።

12 ኔ ማይኦና ማይኦሰ ኦይዱ ባጋራካ ማጫራ ማጃ።

ገላኦቲላሰ አሜቲዳ ዋጋ ናጎ

13 ኢሲ አሲ ማቾ ኤኪዳ ማላ ኢዚራ ኣቁ ሰሚዲ ኢዛ ኢጸኮ።

14 «ሃኖ ማጫሳዮ ኤካዲሰ ሺን ኢዚሰ ገላኦቲላ ዋጋይ ባዋ» ገዲ ዋርዶራ ኢዚ ሱንሉ ሞሪኮ።

15 ሄ ናዮ ዬሊዳይቲ ናያ ገላኦ ገዲዳይሳሰ ማርካ ኤሂዲ ሄ ካታማን ዲዛ ጨማታ ቤሴቶ።

16 ናይ አዋይ ኢሰታሰ። «ታኒ ታ ናዮ ሃይሳ አዳዛሰ አማዲሰ ሺን ሃኢ ኢዚ ኢዛ ኢጸዳይሳ ቆንጨሲዳሰ።

17 ሳ ናይሰ ገላኦቲላ ባዋ ገዲ ታ ናይ ሱንሉ ሞሪዳሰ፤ ታ ናይሰ ገላኦቲላ ዲዛይሳሰ ሃይሲ ማርካ» ገዲ ሄ ዳሬ ካሌላዛይታ ሰንላን ኢዚ ኢዛ ኤኪሺን ማይኦ ቦላ ጉኪዳ ሱላራ ዲዛ ማላታ ጫርቃዛ ቤሶ።

18 ሄ ካታማዮ ካሌላዛይቲ አዳዛ ሾጪ ቃጸዬቶ።

19 ቃሴካ ኢዚ ኢሰራኤሌ ናይታፔ ገላኦቲላራ ዲዛ ኢሲኔይ ሱንሉ ሞሪዳ ገሻሰ ኢሲ ጸቱ ሳቁሌ ቢራ ናይ አዋሰ ማጋጫ ቃንጾ፤ ሃሳፌ ጉዬ ናያካ ኢዛሰ ማቾ ገዲ፤ ኢዚ ሽምጉራ ፓጸ ዲዛ ላይላ ኡባን ኢዛ አንጂ ዬዳናሰ ዳንዳዬና።

20 ገደ ኣቲን ኢዚ ገዳይሲ ቱሙ ገዲ ቤቲኮ ቃሴ ኢዛ ገላኦ ገዲዳይሳ ቆንጨሲዛ ማላታይ ባይንዳ ኣገኮ።

21 ኢዛ ባ አዋ ሶን ዳሼ ላይማታዳ ኢሰራኤሌ ኣሳ ዬላቸዛ ኦሶ ኦሊዳ ገሻሰ ኢዛ ኢዚ አዋ ከላ ካሬ ኤፊቶ፤ ሄ ካታማን ዲዛ ኣሳይ ኢዛ ሹቻራ ጫዲ ዋጾ፤ ሃሳላ ሂሰቲዲ ኢንቲ ገደፌ ኢታ ሚሽ ዲጊቲ።

22 ኢሲ አሲ ሃራ ኣሳ ማቸራ ዚንኢ ቤቲኮ ናምላይካ ሃይቁቶ፤ ሃሳላ ሂሰቲዲ ኢንቲ ገደፌ ኢታ ሚሽ ዲጊቲ።

23 አይ ኣሲካ ካታማ ገደን ኣዚና ገላና ገጋ ኡቲዳ ገላኦይራ ዚንኢዲ ቤቲኮ።

24 ናምኣታካ ሄ ካታማይፔ ካሬ ከሲዲ ሹቻን ጫዲ ዋጲቲ፤ ገላኦያ ካታማ ገደን ዳሼ። «ታና ኣሺቲ» ጋዳ ዋሶንታ ገሻሰ ሃይቃናሰ ቤሴሰ፤ ቃሴ አዳዚ ሃራ ኣሳራ ገጋ ዲዛሪራ ዚንኢዲ ዋጋ ማንላዳ ገሻሰ ሃይቃናሰ ቤሴሰ፤ ሃሳላ ሂሰቲዲ ኢንቲ ገደፌ ኢታ ሚሽ ዲጊቲ።

25 ኢሲ አሲ ሃራ ኣሳሰ ገጋ ኡቲዳ ገላኦዮ ኢዛ ዲዛ ካታማፔ ሃራሶን ዳሚ ዋልቃሊዲ ኢዚ ገላኦቲላ ኤኪዳ ገዲኮ ሃሳዳይ ጸላ ሃይቆ።

26 ናያ ሃይቆሰ ጋሊዛ ናጋራ ኦሶንታ ገሻሰ ኢዛ ቦቾፍቲ፤ ሃይሳ ማላ ኦሶይ ኢሲ ኣሲ ጌኔራ ባ ላጌዛ ሽምፖ ዋጲዛይሳራ ኢሲ ገና።

27 ሃሲካ ሄ አዳዚ ሃራ ኣሳሰ ገጌታ ኡቲዳ ገላኦያ ባ ዲዛ ካታማፔ ካሬን ዲሺን ዳሚዲ ኢዛ ኦይኪዳ ገሻሲኔ ኢዛ ዋሲዳኮካ ኢዛ ኣሻና ኣሲ ባይንዳ ገሻሳ።

28 አይ ኣሲካ ሃራ ኣሳራ ገጌቶንታ ገላኦይራ ዚንኢሺ ኦይኬቲኮ።

29 ናይ አዋሰ ኢቻሽ ታሙ ሳቁሌ ቢራ ቃንጾዲ ኢዛ ባሰ ማቾ ሂሰቶ፤ ዋልቃን ኢዚራ ዚንኢዳ ገሻሰ ሃይቃና ጋካናሰካ ኢዛ አንጂ ዬዳናሰ ዳንዳዬና።

30 ኦኒካ ባ አዋ ማቾ ኤኪዳ ዋይኮ ኢዚራ ዚንኢዲ ባ አዋ ዬላሶፖ።

23

ጸሳ ኣሳራ ዲዛ ኢሲፊቲላፊ ቫኪዛ ሃናታ

1 ሳንጌቲዳ ኣሲ ዋይኮ ቃራቲቲዳ ኣሲ ጎዳ ዳሬ ዲላታን ቤቶፎ።

2 ላጌሶን ዬሌቲዳይኔ ኢዛ ዜሬላ ቢዲ ታማንሶ ጋካናሰ ጎዳ ኣሳ ሺቆን ጌሎፖ።

3 አዋኔኔ ሞኣቤ ዜሬላቲ ዉሪካ ታማንላ ዬሌታ ጋካናሰ ጎዳ ኣሳ ዲላታን ጌሎፔቶ።

4 ጋሶይካ ኢንቲ ገብጾፔ ከዚዲ ዩሺን ኢሰቲ ኢንቲና ካሌኔ ሃላ ዲጊዳ፤ ቃሴ ማሰጸጸሚያ ቢታን ፓቶሬ ካታማን ዲዛ ቢኦሬ ና ባላማይ ኢንቲና ቃንጋና ማላ ሚሻን ሻሚዳ።

5 ገደ ኣቲን ጎዳ ኢንቲ ጸሳይ ኢንቲና ሲቁዛ ገሻሰ ባላማይ ቃንጊዛ ቃንጌላ ሲዩቤና፤ ኢዚ ቃንጊዳ ቃንጌላ አንጂን ላሚዳሰ።

6 ሄ ዳሬ ኣሳቲ ዱሬቲዲ ሳርን ዳና ማላ ኢሰታ ማዶፍቲ።

7 ኢሰቲ ኢንቲሰ ዳቦ ገዲዳ ገሻሰ ኤዶሚ ኣሳ ካጲዲ ኢጸፍቲ፤ ቃሴ ኢንቲ ገብጾ ቢታን ካሴ ቤቲ ገዲዲ ዳኢዳ ገሻሰ ገብጾ ኣሳታካ ኢጸፍቲ።

8 ኢሰታ ዜሬላ ሃቻንላ ዬሌታፔ ዶሚዲ ጎዳ ኣሳ ሺቆን ዋላኬታና ዳንዳዬሰ።

ኦላ ኣሳይ ዲንካኒ ኡቲዳሶ ገሻቲላን ናጎ

9 ኢንቲ ኦላሰ ከዚዲ ዲንካኒ ኡቲዳሶሆን ኢንቲና ቲኒሲዛ ሚሻፊ ናጌቲቲ።

10 ኢሲ አሲ ኦማርሰ ኣጉሞራ ማላይ ኢዛ ቦላ ጉኪኮ ኣሲ ዲዛ ሃራፔ ሃራሶ ቢዲ ሃን ታኮ።

11 ኦማርሳ ዋዴ ባ ቦላ ሜጬቲዲ ኣርሼይ ዉሊሺን ካሴ ባ ዲዛሶ ሲሞ።

12 ሹሽ ኡቲዳሶ ኢንቲ ዲዛሶ ሃራፔ ካሬን ገግሲቲ።

13 ኢንቲ ሹሽ ኡታናሶ ቦካናሲኔ ቢታ ዛሪ ካማናሰ ጎኢዛ ሚሽ ኢንቲ ኦላ ማሳራራ ጋሊ ኢሲፊ ኦይኪቲ።

14 ጋሶይካ ጎዳ ኢንቲ ጸሳይ ኢንቲና ናጋናሲኔ ኢንቲ ሞርኬታ ኢንቲ ኩሺን ኣሊ ኢማናሰ ኢንቲ ጉታ ገደን ሃማቲቲዛ ገሻሰ ኢዛ ሻቲዛ ሚሽ ቤኢዲ ጉዬ ሲሞንታ ማላ ኢንቲ ዲዛ ሃራይ ጌሽ ገዳና ቤሴሰ።

ዲማ ዲማ ዋጋታ

* 22:8 ከላ ካራ ቦላ ቴቁ ዋላ ገዛይሲ ኢሰራኤሌ ቢታን ከላ ከጸሺ ከላ ካራይ ቦላን ዳምባ ገዲዳ ገሻሰ ኣሲ ቦላፊ ኩንዳንታ ማላ ጋጾራ ቴቁ ዋላቲሰ። 22:9 ላዌ 19:19 22:12 ታይ 15:37-41 22:29 ከሳ 22:16-17 22:30 ላዌ 18:8፤ 20:11፤ ዛሬ 27:20 23:4 ታይ 22:1-6 23:5 ናሂ 13:1-2 23:5 ታይ 23:7—24:9

15 ባ ጎዳፔ ባቃቲዲ ኔኮ ዩዳ አይሌ ዛራዳ ኢዛ ጎዳሰ አሞፋ።

16 ኢዚ ኢንቲ ካታማታፔ ባ ኮዩዳሶን ኢንቲናራ ዳይ፤ ኢዛ ኢንኤላፍቲ።

17 ኢሰራኤል አሳፔ ኦኒኔ ኦቲማ ጊዲን ዎይኮ ማጫ ጊዲን ኤቃ ጸሳታሰ ጎይኒዛይቲ ኦሊዛይሳ ማላ ላይማቶፕቲ።

18 ጎዳ ኢንቲ ጸሳይ ላይማ ኢዲዛ ጊሻሰ አዴ ጊዲን ዎይኮ ማጫሲ ላይማቲላን ዳሚዳ ሚሽ አዲና ጋሶ ጊዲ ጎዳ ኢንቲ ጸሳ ከሌ ኤሆፕቲ።

19 ኔ ዛሬ ጊዲዳ ኢሰራኤል አሳሰ ሚሹ፣ ካላ ዎይኮ ሃራ ሚሽ ታልኣዳ ዛራሹ ዲቻ ኤኮፋ።

20 ሃራ ቢታ አሳፔ ዲቻ ኤካናሰ ዳንዳያሳ፤ ጊዳ ኦቲን ኔ ባጋ ጊዲዳ ኢሰራኤል አሳሰ ዲቻሰ ታልኣፋ፤ ሂሰቲኮ ኔ ባዳ ላታና ቢታይን ጎዳ ኔ ጸሳይ ኔና ኡባ ባጋራካ አንጃና።

21 ጎዳ ኔ ጸሳሰ ኔ አማና ጋዳ አዲኔቲዳ ሚሽ ጋላናሰ ጋሞኦፋ፤ ኔ ጊዳ ቃላ ኔ ፖላና ማላ ጎዳ ኔ ጸሰ ኮዩሰ፤ ኔ አዲኔቲዳ ቃላ ጋሶንታ ኢዲኮ ሂሲ ኔሰ ናጋራ ጊዳሰ።

22 ጎዳ ኔ ጸሳሰ ኔ አማና ጋዳ አዲኔቶንታ ኦጊኮ ሂሲ ኔሰ ናጋራ ጊዳና።

23 ጊዳ ኦቲን ጎዳ ኔ ጸሳሰ ኔ ዳሳን አማና ጋዳ ኔ ጌሊዳ ማላ ኔ ኢንጻርሳፊ ከዚዳይሳ ፖላ።

24 ኦሲ ቶኪዳ ዎይኔ ሚላ ጊዳራ ካንላ ባሽ ኔ ኮዩዳ ከና ኢዛፔ ማናሰ ዳንዳያሳ፤ ጊዳ ኦቲን አይ ሚሻንካ ዩጋዳ ኔሶ ኤፎፓ።

25 ኦሳ ካላ ጊዳራ ኦቻ ባሽ ቲያፔ ጸጳ ማና ዳንዳያሳ፤ ጊዳ ኦቲን ማጻ ኤካዳ ኔሶ ቦፓ።

24

ማቾ አንጂ ዩዲዲ ሃራ ኤኮ ጊሻሰ አሜቲዳ ዎጋ

1 ኢሲ አሲ ማቾ ኤኪ ሲሚዳፔ ጉዬ ኢዚ ቦላ ኢሲ ኢታ ሚሽ ዳሚዲ ኢዛ ኢዲኮ ኢዛ አንጂ ዩዲሽ ኢዚሰ ዋራቃታ ጸፊ አሚዲ ዩዳ።

2 ኢዛሶፔ ከዛዳ ሃራ አዚና ጌሊኮ።

3 ሄ ናሞኦንላ አዚናይካ ኢዛ ዳሶንታ አዲዲ ኢዚሰ ዋራቃታ ጸፊ አሚዲ ባ ሶፔ ኢዛ ከሲ ዩዲኮ፣ ዎይኮ ኢዛ ኤኪዳ ሄ ናሞኦንላ አዚናዚ ሃይቁኮ፤

4 ኢዛ ቱኒዳ ጊሻሰ ኮይሮ አንጂ ዩዲዳ አዚናዚ ናሞኦንላ ኢዛ ዛራዲ ኤኮፎ፤ ሂሲ ጎዳ ማታን ኢጾቲዳይሳ፤ ቃሴ ኢንቲካ ጎዳ ኢንቲ ጸሳይ ኢንቲሰ አሚዳ ቢታን ሃይሳ ማላ ናጋራ አላፍቲ።

ዲማ ዲማ ዎጋታ

5 ማታ ዎዴ ማቾ ኤኪዳ አሲ ኦላሰ ቦፖ፤ ሃራ ዳጾ ኦሶካ ኢዛ ኦሲሶፕቲ። ኢሲ ላይሌ ኦቻና ጋካናሰ ባሶን ጋሞኤዲ ባና ኔ ባ ኤኪዳ ማቾኮ ኡፋይሶ።

6 ኔኒ ኢሳዴሰ ሚሹ ታልኤ ታልኣሽ ካላ ጋጠዛ ዎጻ ዎይኮ ዎጻ ማይዳ ኢዛፔ ኦይሶ ኤኮፋ። ሃሳ ኦሶይ አሳ ሽሞፖ ኦይሶራ ጊና።

7 ባ አሻ ጊዲዳ ኢሰራኤል አሳ ጋርሳፊ ቶንካ ባርሲ ኤፊዲ ባሰ አይሌ ኦሊዛይ ዎይኮ ሃራ አሳሰ

አይሌቲላሰ አላ ባይዚዛይይ ኦኒካ ሃይቆ። ሃሳላ ሂሰቲዲ ኢታ ኦሶ ኢንቲ ጊዳፊ ዲጊቲ።

8 ኢሳፊ ኢሳን ኦቻዛ ጋልባ ሃርጌፊ ከሂ ናጌቲቲ፤ ታኒ ኢሰታ ኦዛዚዳ ማላ ለዌ ቆሞ ጊዲዳ ቁሴቲ ኢንቲሰ አሚዛ ዎጋታ ሎኤላ ናጊቲ።

9 ኢንቲ ጊብጾፔ ከዚ ዩሺን ጎዳ ኢንቲ ጸሲ ማራሚ ቦላ ኦሊዳይሳ ዩሺ ቆፕቲ።

10 ኔኒ ኢሳዴሰ ኢሲ ሚሹ ታልኤ አማሹ ኢዚ ኔና ኦይሌዛ ሚሽ ኤካናሰ ኢዛዳ ሶ ጌሎፓ።

11 ኔኒ ካሬን ዲሺን ኢዛዳይ ባ ኮሹራ ኔሰ ኦይሶ ኤሆ።

12 ኢዛዳይ ማንቆ ጊዲኮ ኔ ኦይሶ ኤካዳ ኢዛ አፋላ ኔ ሶን አይሶፋ።

13 ኢዚ ማይኤ አቃና ማላ አርሼይ ወሎንታ ዲሺን ኢዛሰ ዛራ፤ ኢዚካ ኔና ጋላታና፤ ሂሲ ኔሰ ጎዳ ኔ ጸሳ አቻን ጸሎቲላን ቆይታና።

14 ኔ ባጋ ጊዲዳ ኢሰራኤል አሳፔ ጊዲን ዎይኮ ሃራ ዳሬፔ ቤቲ ዩዲ ሚቶቲዳ ማንቆ አሲ ኔሰ ኦሊኮ፣ ኢዛዳ ዎልቃ ጮ ሚላ ኔሰ ጎኤቶፋ።

15 ኢዚ ሃቾ ኦሊዳይሳ ሃቾ ኤካናሰ ሚንላ ኮይዛ ጊሻሰ አርሼይ ወሎንታ ዲሺን ቃንጾ፤ ሂሰቶንታ ኦጊኮ ሚቶታንቻይ ኔፔ ዳንዳይሳን ጎዳሰ ዋሲኮ ኔሰ ናጋራ ጊዳና።

16 ናይቲ ሞሪዳ ሞሮን ዩሊዳይቲ፣ ቃሴ ዩሊዳይቲ ሞሪዳ ሞሮን ኢሰታ ናይቲ ሃይቆን ቃጻዬታናሰ ቤሴና፤ ኢሶይ ኢሶይ ባ ሞሪዳ ሞሮዛ ጊሻሰ ሃይቆን ቃጻዬቶ።

17 ሃራ ቢታ አሳታሲኔ ዩኦ ናይታሰ ፒርዳ ጌላሶፓ፤ አሞኤይ ማይኦ ኢዛ ታልኤ ኤኪዳ ሚሻ ጊሻሰ ጋዳ ኦይሶ ኤኮፋ።

18 ካሴ ኢንቲ ጊብጾ ቢታን አይሌቲላን ዳኢዳይሳኔ ኢንቲ ጎዳ ጸሳይ ኢንቲና ዎዚ ከሲዳይሳ ዩሺ ቆፕቲ፤ ታኒካ ሃይታ ሃ አዛዘታ ኢንቲሰ አሚዛይ ሃሳሳ።

19 ኔኒ ማጺዳ ካላ ሺሺን ባሌቲ ጉዬ ኦቲዳ ሚርቁይ ዲኮ ኢዛ ኤካናሰ ጉዬ ሲሞፋ፤ ሃሳ ሃራ ቢታፊ ዩዳ ቤቲ አሳታሰ፣ ዩኦታሲኔ አሞኤታሰ ሂን አጋጋ። ኔ ሃሳላ ኦሊኮ ኔ ኦሊዛ ኦሶ ኡባን ጎዳ ኔ ጸሳይ ኔና አንጃና።

20 ኔኒ ዎጋራ ሚላ አይፊ ኢሲቶ ማጺዳፔ ጉዬ ጌዶን ኦቲዳይሳ ኤካናሰ ናሞኦንላ ጉዬ ሲሞፋ። ሃሳ ሃራ ቢታፊ ቤቲ ዩዳይታሰ፣ ዩኦ ናይታሲኔ አሞኤታሰ አጋጋ።

21 ኔኒ ዎይኔ ሚላ አይፊ ኢሲቶ ማጺዳፔ ጉዬ ጌዶን ኦቲዳይሳ ኤካናሰ ናሞኦንላ ጉዬ ሲሞፋ፤ ሃሳ ሃራ ቢታፊ ቤቲ ዩዳይታሰ፣ ዩኦ ናይታሲኔ አሞኤታሰ አጋጋ።

22 ኔካ ካሴ ጊብጾ ቢታን አይሌ ጊዲዳይሳ ባሎፓ፤ ታኒካ ሃይታ ሃ አዛዘታ ኢንቲሰ አሚዛይ ሃሳሳ።

25

1 ናሞኤ አሳቲ ባ ጋርሳን ፓላሚቲዲ ፒርዳሶ ቢኮ ቆሂቲዳይሳ ኔ ጸሎ፤ ቆሂዳይሳ፣ «ኔ ዎርዶ» ጊዲ ፒርዲዛይቲ ፒርዳቶ።

23:17 ለዌ 19:29 23:20 ከሳ 22:25፤ ለዌ 25:36-37፤ ዛሬ 15:7-11 23:21 ታይ 30:1-16፤ ማቶ 5:33 24:1 ማቶ 5:31፤ 19:7፤ ማር 10:4 24:7 ከሳ 21:16 24:8 ለዌ 13:1-14:54 24:9 ታይ 12:10 24:13 ከሳ 22:26-27 24:15 ለዌ 19:13 24:16 2ካዎ 14:6፤ 2ታሪ 25:4፤ ሂዚ 18:20 24:18 ከሳ 23:9፤ ለዌ 19:33-34፤ ዛሬ 27:19 24:21 ለዌ 19:9-10፤ 23:22

2 ቆሃዳይሲ ጋራፊቲ ቃጸዩታናሰ ቤሲዛ ገዲኮ ፐርዲዛይቲ ኢዚ ዛቁሊዲ ጋራፊታና ማላ አዛዜቶ፤ ሃሳፊ ጉዩ ሞራንቻይ ፐርዲዛይታ ሲንፋን ባ ሞር ከና ጋራፊቶ።

3 ኢዚ ኦይዲ ታሙቶ ሸጮቶ ኣቲን ሃሳፊ ኣቶ ሸጮታናሰ ቤሲና፤ ሃሳፊ ቦላራ ጋራፊቲኮ ኔ ኣሻዚ ኔ ሲንፋን ካወያና።

4 ካል ቦራን ቡካሼ ቡካዛ ቦራ ዶና ቃቸፋ።

ና ዩሎንታ ሃይቁዳ ኢሻሰ ኣፋና ቤሲዛ ዋጋ

5 ኢሲፊ ዳኢዛ ኢሻንታፊ ኢሶይ ና ዩሎንታ ሃይቁኮ ኢዛ ማቻ ካሬ ባዳ ኣላጋ ኣሰ ጌሎቹ፤ ኢዚ ኣዚና ኢሻይ ኢዞ ላቲዲ ኢዚሰ ኮሺዛ ኡባ ኩን።

6 ቃሴካ ኢሰታፊ ዩሎቲዳ ኮይሮ ናይ ኢሰራኤሌ ቢታን ሃይቁዳዬ ሱንፋይ ቆዮንታ ማላ ካሴ ሃይቁዳ ኢሻሰ ና ገዲ።

7 ገዲ ኣቲን ኢዚ ባ ኢሻ ማቸዮ ኣይሳናሰ ኮዮንታ ኣገኮ ኢዛ ካታማ ፔንገን ኡቲዳ ጨማታኮ ባዳ፤ «ታ ኣዚና ኢሻይ ባ ኢሻ ሱንፋ ኢሰራኤሌን ዳኣና ማላ ኮይቤና፤ ታና ኤኪኬ ገዲ ታሰ ኮሺዛ ሚሽ ኩንፋንታ ኢዲዳሰ» ጋዳ ማጋኑ።

8 ሃሳፊ ጉዩ ሃ ካታማዮ ካሌሊዛ ጨማቲ ኣዳዛ ባኮ ዳይገዲ ኢዛ ኦይቸቶ። ኢዚ ሃኢካ ማጫሳዮ ኤኮንታ ኢዲኮ።

9 ሃ ሃይቁዳይሳ ማቸያ ሃ ካታማዮ ካሌሊዛ ጨማታ ሲንፋ ሸቃዳ ሃ ኣዳዛ ቶሆፔ ኢሲ ጫማ ሸዳዳ ኢዛ ኣይፊሶን ጩቶ ጩታዳ፤ «ባ ኢሻሰ ዜሬሊ ዳኣና ማላ ኮዮንታ ኣሳ ቦላ ሃይሳ ማላ ካወሻቲሊ ጋካናሰ ቤሲሰ» ጉ።

10 ሃ ኣዳዛ ዛሬይ ኢሰራኤሌ ኣሳ ገዲን፤ «ኢዛ ቶሆፔ ጫማይ ሸዳቲዳዬ ሶ ኣሳታ» ጌቲቲ ካወሻን ዳይጌቲሼ ዳኣና።

ሃራ ኣዛዘታ

11 ናምኡ ኣሳቲ ዋዴቲሺን ኢሰታፊ ኢሳ ማቸያ ያዳ ባ ኣዚና ኣሻናሰ ባ ኩሼ ዩዳዳ ሃንኮይሳ ኣቱማቴላ ኦይኪኮ።

12 ሃ ማጫሳይ ኩሼይ ማርይ ባይንዳ ቃንጾቶ።

13 ኣሰ ባሌፋናሰ ጌታኔ ጉል ገዲዳ ናምኡ ቆሞ ጌዳራ ሚሺ ኔ ማታን ዶፖ።

14 ኣሰ ባሌፋናሰ ኣዲሴኔ ቃንጻ ገዲዳ ናምኡ ቆሞ ዋዳ ሚሺ ኔ ሶን ዶፖ።

15 ጎዳ ኔ ጸሳይ ኔሰ ኢማና ቢታይን ኔኒ ኣዲሳ ዋዳ ዳኣና ማላ ኣማንጻዚኔ ሊኬ ገዲዳ ጌዳራ ሚሺኔ ዋዳ ሚሺ ኔሰ ዶ።

16 ጌዳራ ሚሻኒኔ ዋዳ ሚሻን ዋርዶራ ኣሰ ባሌሊዛ ኣሳታ ኡባ ጎዳ ኔ ጸሳይ ኢዳሰ።

ኣማሌቁታ ዋዳናሰ ኢማቲዳ ኣዛዘታ

17 ኢንቲ ገብጾ ቢታፊ ኬዚ ቢሺን ኣማሌቁ ኣሳይ ኢንቲ ቦላ ጋሊዳ ቆሆዛ ባሎፐቲ።

18 ኢሰቲ ጸሳሰ ያዮንታ ኣሳ፤ ኢንቲ ኦገን ኢንቲናራ ኡቁቲዳ፤ ኢንቲ ሃማቲሺን ዳቡርዲ ጉዩ ኣቲዳ ኣሳ ኡባ ዋዳዳ።

19 ሃሳ ገሻሰ ጎዳ ኢንቲ ጸሳይ ሃ ቢታዮ ኢንቲና ላቲሲዲ ኢንቲና ዩዩ ኣዲዳ ኢንቲ ሞርኬታ ኡባፊ

ሺምፐሲዛ ዋዳ ኣሲ ኢሰታ ቢታ ቦላ ዛሬ ቆፖንታ ማላ ኣማሌቁ ኣሳ ዉርሳ ቆይሳ፤ ሃሳ ሙሌካ ባሎፓ።

26

ኣሰራታኔ ጾራ

1 ጎዳ ኔ ጸሳይ ኔና ላቲሳና ቢታዮ ኔ ጌላ ኡቲዛ ዋዳ፤

2 ጎዳ ኔ ጸሳይ ኔሰ ኢማዛ ቢታን ሞኪዳ ካል ኡባፊ ጾራ ኬሼራ ጎዳ ኔ ጸሳይ ባ ሱንፋ ሃሳን ዳይጌታና ማላ ዶሪዳሶ ኤካ ባ።

3 ሂሰታዳ ሃ ዋዳን ኣዋቴላን ኦሊዛ ቁሴዛኮ ባዳ፤ «ጎዳ ኔ ጸሳይ ኔሰ ኢማና ገዲ ካሴ ኑ ኣዋታሰ ጫቁዳ ቢታዮ ታ ጌሊዳይሳ ኔ ጎዳ ሲንፋን ሃቶ ማርካታይሰ» ጋ።

4 ቁሴዚካ ካራራ ዲዛ ኬሼዛ ኤኪዲ ጎዳ ኔ ጸሳሰ ያርሾ ሸሸዛሶዛሰ ሲንፋ ባጋን ዋዳ።

5 ሃሳፊ ጉዩ ኔኒ ጎዳ ኔ ጸሳ ሲንፋን፤ «ታ ኣዋይ ካሴ ጮ ዩዩ ዩዩ ዲዛ ኣራሚ ዳሬ ኣሳ፤ ኢዚ ቆዳን ጉላ ኣሳታራ ገብጾ ዋዳዲ ዳኢሼ ሃን ጌታ ዋልቃማኔ ቆዳን ጮራ ካዋቴላ ገዲዳሰ።

6 ገብጾ ኣሳይ ገዲኮ ኩሰ ሜቁላ ኢቲዲ ኑና ኡንኤሊዳኔ ዳጾ ኦሶ ኑ ቦላ ጫኒዳ።

7 ሂሰቲን ኩኒ ጎዳ ኑ ኣዋታ ጸሳኮ ዋሲዳሰ፤ ኢዚካ ኑ ዋሶዛ ሲዩዲ ኑ ዋዩዛ፤ ኑ ዳቡራዛኔ ኩኒ ቆሃቲዳይሳ ቤኢዳሰ።

8 ሂሰቲዲ ጎዳይ ባ ዋልቃማ ቁሴኒኔ ባ ሚጮቲዳ ኩሼን፤ ጌታ ዳጋማን፤ ማላታኒኔ ማላሊሲዛ ኦራላ ሚሽ ኦሊዲ ገብጾ ቢታፊ ኑና ኬሲዳሰ።

9 ኑና ሃ ሃይሳ ኤሂዲ ሃኖ ማሊኔ ኤሲ ኢዚን ኩሚዳ ሞቶ ቢታዮ ላቲሲዳሰ።

10 ሃሳ ገሻሰ ሃኮ ታኒካ ኢዚ ታሰ ኢማዳ ጋዳን ካዲዳ ካላፊ ጾራ ኢዛሰ ኤካ ያዲሰ» ጋዳ ኬሼዛ ዋላዳ ጎዳ ኔ ጸሳ ሲንፋን ሆካ ጎይና።

11 ኔሲኔ ኔ ሶ ኣሳሰ ጎዳ ኔ ጸሳይ ኢማዳ ሎኦ ሚሻን ኡፋዬቲዲ ጎዳ ጋላቲቲ፤ ለዌቲኔ ኢንቲ ገዲን ዳኢዛ ቤቲ ኣሳቲ ኡባይካ ኢንቲናራ ኡፋዬቲቶ።

12 ኣሰራታ ኬሲዛ ሂሻንፋ ላይላን ላይላን ሞኪዳ ካል ኡባፊ ኣሰራታ ኬሳ ዉርሲዳፔ ጉዩ ኔ ካታማን ዳኢዛ ለዌታሰ፤ ቤቲ ኣሳታሰ፤ ዩኦታሰኔ ኣምኤታሰ ኔ ካታማን ኢሰቲ ካሊ ማና ማላ ኢማ።

13 ሃሳፊ ጉዩ ጎዳ ኔ ጸሳ ሲንፋን፤ «ኔ ኣዛዚዳ ማላ ታኒ ታሶፔ ኔሰ ዳማቲዳይሳ ለዌ ቆሞታሰ፤ ቤቲ ኣሳታሰ፤ ዩኦታሰኔ ኣምኤታሰ ኢማዲሰ፤ ታኒ ኔ ኣዛዘታፔ ኢሲኖካ ሚንፋቤኬ፤ ቃሴ ኢሲኖካ ዶጋ ኣጋቤኬ።

14 ኣሲ ሃይቁን ካዮታሼ ኢዛፔ ማቤኬ፤ ታኒ ጌዮንታ ዳሼ ኢዛፔ ኣይኮካ ማቤኬ፤ ሃይቁዳ ኣሳ ገሻሰ ሸቁዛ ያርሾሰካ ኢዛፔ ኣይኮካ ሸሻቤኬ። ታኒ ጎዳ ታ ጸሳሰ ኣዛዘታዲሰ፤ ቃሴ ኔኒ ታና ኣዛዚዳ ኡባ ፖላዲሰ።

15 ኔኒ ሳሎን ዳኢዛ ጌሻ ሶሆፔ ሃ ዶጌ ዳላ፤ ኔ ዳሬ ኢሰራኤሌኔ ካሴ ኑ ኣዋታሰ ኔ ኢማና ጋዳ ጫቁዳ ማላ ኩሰ ኢማዳ ሃ ማሊኔ ኤሲ ጎጊዛ ቢታዮ ኣንጃ» ጋ።

ጸሳሰ ዳማቲዳ ዳሬ

16 ጎዳ ኔ ጸሳ ዋጋታኔ ማራታ ኔ ናጋና ማላ ሄኮ ሃች ኔና አዛዚዳሰ፤ ሄሳ ገሻሰ ኔኒ ኩሜላ ሸምገሬኔ ኩሜላ ዋዚናፔ ናጋ።

17 ጎዳይ ኔሰ ጸሳ ገዲዳይሳ ኔ ኢዛ ኦጌን ባናይሳ፣ ኢዛ ዋጋ፣ ኢዛ አዛዘታኔ ኢዛ ማራ ኔኒ ፖላናይሳ ሃች ኤሪሳዳሳ።

18 ቃሴ ጎዳይካ ባ ጌሊዳ ቃላ ማላ ኔኒ ኢዛሰ ዲማ አሰ ገዲዳይሳ፣ ኢዛሰ ጸጎጸ ገዲዳይሳኔ ኔኒ ኢዛ አዛዘ ኡባ ናጋናይሳ ኤሪሳዳሰ።

19 ኔኒ ሄሳ ኦሊኮ ኢዚ ሜዲዳ አሳ ኡባሬ ቦላሪ ጋላታን፣ ሱንላኒኔ ቦንቸን ጌታ ካዎቴሳ ኦላና፤ ኢዚ ጌሊዳ ጫቆ ቃላ ማላ ኢዛሰ ዲማ ዴሬ ኦላናይሳ ኔሰ ኤሪሳዳሰ።

27

ሎቻ ሹቻታ ቦላ ጸፊቲዳ ጸሳ ዋጋታ

1 ሄሳሬ ጉዬ ሙሴይ ኢሰራኤሌ አሳ ካሌሊዛይታሪ ዴሬዛሰ፣ «ታኒ ኢንቴሰ ሃች ኢሚዛ አዛዘታ ኡባ ናገቴ።

2 ኢንቴ ዮርዳናሴ ሻፋ ፒኒዲ ጎዳ ኢንቴ ጸሳይ ኢንቴሰ ኢሚዛ ቢታዮ ጌሊዛ ዋዴ አማርዳ ጌታ ሹቻታ ኤሲዲ ኢሰታ ኖራ ቲዩቴ።

3 ካሴ ጎዳ ኢንቴ አዋታ ጸሳይ ኤሲኔ ማሊ ኩሚዳ ቢታዮ ኢንቴሰ ኢሚናሰ ጫቂዳ ቃላ ማላ ሄ ቢታዮ ኦይካናሰ ኢንቴ ፒኒዳ ዋዴ ሃ ዋጋ ቃላታ ሎቻ ሹቻታ ቦላ ጸፍቴ።

4 ኢንቴ ዮርዳናሴ ሻፋ ፒኒዲ ታ ኢንቴና ሃች አዛዚዳ ማላ ሄ ሹቻታ ኤባሌ ዙማ ቦላ ኤሲዲ ኢሰታ ቦላ ኖራ ቲዩቴ።

5 ሄን ጎዳ ኢንቴ ጸሳሰ ቢራታይ ቦቸንታ ሹቻታ ኤኪዲ ያርሾ ያርሾዛሶ ገግሲቴ።

6 ጎዳ ኢንቴ ጸሳሰ ያርሾ ያርሾዛሶ ማሴቶንታ ሹቻታ ኦሊዲ ኢዛ ቦላን ጎዳ ኢንቴ ጸሳሰ ጸጌቴ ሸቂዛ ያርሾ ሸሸቴ።

7 ኢሲፊቴላ ያርሾ ሸሸዲ ሄን ጎዳ ኢንቴ ጸሳ ሲንላን ኡፋዬቴሼ ማቴ።

8 ሄ ሹቻታ ቦላ ጸሳ ዋጋታ ኡባ ናባቤታና ማላ ቆንጨሲ ጸፍቴ» ጌ አዛዚዳሰ።

9 ሙሴይካ ሌዌ ቆሞታፔ ቁሴታራ ገዲዲ ኢሰራኤሌ አሳ ኡባሰ፣ «ኢሰራኤሌ አሳዉ ታኒ ገዛይሳ ዋዚናን ዋላ ሲያ፤ ሄኮ ሃች ኔኒ ጎዳ ኔ ጸሳ ዴሬ ገዲዳሳ።

10 ሄሳ ገሻሰ ታኒ ኔሰ ሃች ኢሚዛ አዛዘታኔ ዋጋታ ኔ ዉርሳ ናጋዳ ጎዳ ኔ ጸሳ ቃላሰ አዛዘታ» ጌዴሰ።

አዛዘቴላ ኢጶይ ኤሂዛ ቃንጌላ

11 ሄ ጋላሰ ሙሴይ ኢሰራኤሌ ዴራ ሂዘገ አዛዚዳሰ፣

12 «ኢንቴ ዮርዳናሴ ፒኒዳፔ ጉዬ ዴሬዛ አንጃናሰ ጋሪዛኔ ዙማ ቦላ ኤቃናሰ ቤሲዛይቴ ሲሞና፣ ሌዌ፣ ዩሁዳ፣ ዩሳኮሬ፣ ዮሴፊ ቆሞታኔ ቢኒያሜ ቆሞታ።

13 ዴሬዛ ቃንጋናሰ ኤባሌ ዙማ ቦላ ኤቃናሰ ቤሲዛይቴ ኦርቤሌ፣ ጋዴ፣ አሴሬ፣ ዛቢሎኔ፣ ዳኔ ቆሞታኔ ኒፍታሌሜ ቆሞታ።»

14 ሌዌ ቆሞቲ ባ ቃላ ቶቁ ሂሰቲዲ ሃይሳሬ ካሊዛ ቃላ ኢሰራኤሌ አሳ ኡባሰ ጌቶ።

15 «ጎዳይ ኤቃ ጸሳታሰ ጎይኖ ኢዲዛ ገሻሰ፣ ሚላሬ ማሲዲ ሹቻሬ ቆዲዲኔ ቢራታ ሴሪሲዲ ኤቃ ጸሰ ገግሲዲ ጌማን ጎይኒዛዴይ ኦኒካ ቃንጌቲዳዴ ገደ!» ዴሬዚ ዉሪካ፣ «አሚን!» ጎ።

16 «ባ አዋ ዋይኮ ባ አዮ ካዉሺዛዴይ ቃንጌቲዳዴ ገደ!» ዴሬዚ ዉሪካ፣ «አሚን!» ጎ።

17 «ቆሰ ሹዲዛዴይ ዉሪ ቃንጌቲዳዴ ገደ!» ዴሬዚ ዉሪካ፣ «አሚን!» ጎ።

18 «ቆቁ አሰ ሃዲርሳ ኦጌ ካሌሊዛ ኡባይ ቃንጌቲዳዴ ገደ!» ዴሬዚ ዉሪካ፣ «አሚን!» ጎ።

19 «ቤቴ አሳታ፣ ዩኦ ናይታኔ አሞኤታ ፐርዳ ጌላሲ ፐርዲዛ ኡባይ ቃንጌቲዳዴ ገደ!» ዴሬዚ ዉሪካ፣ «አሚን!» ጎ።

20 «ባ አዋ ማቺራ ዘንኢዲ ባ አዋ ቦንቸ ካዉሺዛ ኡባይ ቃንጌቲዳዴ ገደ!» ዴሬዚ ዉሪካ፣ «አሚን!» ጎ።

21 «አይ ሜሂራካ ፓራቲዛዴይ ቃንጌቲዳዴ ገደ!» ዴሬዚ ዉሪካ፣ «አሚን!» ጎ።

22 «ባ ሚቼይራ ዋይኮ ባ አዩ ናይራ ዋይኮ ባ አዋ ናይራ ዘንኢዛ ኡባይ ቃንጌቲዳዴ ገደ!» ዴሬዚ ዉሪካ፣ «አሚን!» ጎ።

23 «ባ ቦሎቴይራ ዘንኢዛ ኡባይ ቃንጌቲዳዴ ገደ!» ዴሬዚ ዉሪካ፣ «አሚን!» ጎ።

24 «ጌማሶን ዛማዲ ኡቲዲ አሴ ዋዲዛ ኡባይ ቃንጌቲዳዴ ገደ!» ዴሬዚ ዉሪካ፣ «አሚን!» ጎ።

25 «ሚሻን ሻሜቲዲ ጸሎ ሸምገ ዋዲዛ ኡባይ ቃንጌቲዳዴ ገደ!» ዴሬዚ ዉሪካ፣ «አሚን!» ጎ።

26 «ሃይታ ሃ ዋጋ ቃላታ ናጎንታ ኡባይ ቃንጌቲዳዴ ገደ!» ዴሬዚ ዉሪካ፣ «አሚን!» ጎ።

28

አዛዘቴላን ቤቲዛ አንጃ (ሌዌ 26:3-13፤ ዛሬ 7:12-24)

1 ኔኒ ጎዳ ኔ ጸሳሰ አዛዘቴኮ ሃች ታ ኔሰ ኢሚዛ አዛዘታ ኔ ኡባ አማኔታዳ ናገኮ ኢዚ ኔና ቢታ ቦላ ዲዛ ካዎቴላታ ኡባሬ ቦላራ ቶቁ ቶቁ ሂሰታና።

2 ኔኒ ጎዳ ኔ ጸሳሰ አዛዘቴኮ ሃይሳሬ ካሊዛ አንጃቲ ዉሪካ ኔይታ ገዳና።

3 ኔኒ ካታማኒኔ ጋጸሬን አንጃቲዳ አሰ ገዳና።

4 ኔ ናይቴ፣ ኔ ቢታን ዲዛ ካላ አይሬይ፣ ኔ ሚዛቲ፣ ደርሳቲኔ ዴይሻቲ ኡባይ አንጃታና።

5 ኔ ካላ ጎታራይኔ ማዳይ አንጃታና።

6 ኔኒ ጌላዳካ ኬዛዳካ አንጃታና።

7 ኔ ሞርኬቲ ኔ ቦላ ሜቶ ጋሊዛ ዋዴ ጎዳይ ኢሰታ ኔ ሲንላን ኩንዲሳና፤ ኢሰቲ ኔ ቦላ ኢሲ ባጋራ ያና፤ ገደ አቲን ላፑን ኦጌራ ኔፔ ባቃታና።

8 ጎዳይ ኔ ኩሼይ ኦይኪዳ ኡባኔ ኔ ጎታራ ኡባ አንጃና፤ ቃሴ ኢዚ ኔሰ ኢሚዳ ቢታንካ ኔና አንጃና።

9 ኔኒ ጎዳ ኔ ጸሳሰ አዛዘቴኮኔ ኔ ኢዛ አዛዘታ ኡባ ፖሊኮ ኢዚ ኔሰ ጫቂዳ ቃላ ማላ ኢዚ ኔና ባሰ ዲማ ሻኬቲዳ ዴሬ ሂሰታና።

26:18 ኬሳ 19:5፤ ዛሬ 4:20፤ 7:6፤ 14:2፤ ቲቶ 2:14፤ 2ጴጥ 2:9 27:2 ኢያ 8:30-32 27:6 ኬሳ 20:25 27:12 ዛሬ 11:29፤ ኢያ 8:33-35 27:15 ኬሳ 20:4፤ 34:17፤ ሌዌ 19:4፤26፤ ዛሬ 4:15-18፤ 5:8 27:16 ኬሳ 20:12፤ ዛሬ 5:16 27:17 ዛሬ 19:14 27:18 ሌዌ 19:14 27:19 ኬሳ 22:21፤ 23:9፤ ሌዌ 19:33-34፤ ዛሬ 24:17-18 27:20 ሌዌ 18:8፤ 20:11፤ ዛሬ 22:30

10 ሃሳፌ ጉዬ ቢታ ቦላ ዲዛ ዳሬይ ወሪካ ጎዳ ሱንላ ኔናን ጸይጌቲዛይሳ ቤኢዲ ኔሰ ያያና።
 11 ጎዳይ ኔሰ ኢማናሰ ካሴ ኔ ኣዋታሰ ጫቂዳ ቢታ ቦላ ኔሰ ዳር ናይታ፡ ዳር ማህኔ ኬሂ ዳር ካል ኢማና።
 12 ኔ ኩሹ ኦሶ ኡባ ኣንጃናሲኔ ጎዳይ ኔ ቢታሰ ኢራ ዋዳራ ቡኪሳናሰ ባ ሚንጃ ኬላ፡ ሳሎ ፔንጌ ኔሰ ደያና፤ ቃሴ ኔኒ ዳር ካዋቲላታሰ ታልኣናፔ ኣቲን ኦፔካ ሃ ታልኤ ኤካካ።
 13 ጎዳይ ኔና ሁኤ ሂሰታናፔ ኣቲን ጎይና ሂሰቲና፤ ሃቕ ታኒ ኔሰ ኢማዛ ኔ ጎዳ ኣዛዞ ሲያዳ ሃሳ ኔኒ ሚንላዳ ካሊኮ ኔኒ ኡባፌ ቦላ ገዳናፔ ኣቲን ጋርሴ ገዳካ።
 14 ታኒ ኔሰ ሃቕ ኢማዳ ሃ ኣዛዞታፔ ካሬ ኬዛዳ ኤቃ ጸሳታሰ ጎይናናሲኔ ኢሰታሰ ኦላናሰ ቤሴና።

ኣዛዜቶንታ ኢጸይ ኤሂዛ ቃንጌል (ሉዌ 26:14-46)

15 ቃሴ ኔኒ ጎዳ ኔ ጸሳሰ ኣዛዜቶንታ ኢጸኡ፡ ታኒ ኔሰ ኢማዛ ዋጋታኔ ኣዛዞታ ኔ ኣማኔታዳ ናጎንታ ኢጸኡ ሃይሳፌ ካሊዛ ቃንጌላቲ ኔ ቦላ ጋካና ኔና ኤኪ ባና።
 16 ኔኒ ካታማኒኔ ጋጾን ቃንጌቲዳዳ ገዳና።
 17 ኔ ካላ ጎታራይኔ ማዳይ ቃንጌቲዳዝ ገዳና።
 18 ኔ ናይቲ፡ ኔ ቢታን ዲዛ ካላ ኣይፌይ፡ ኔ ሚዛቲ፡ ዳርሳቲኔ ዳይቫቲ ኡባይ ቃንጌቲዳዝ ገዳና።
 19 ኔኒ ጌላዳካ ኬዛዳካ ቃንጌቲዳዳ ገዳና።
 20 ኔኒ ኢታ ኦሶን ጎዳ ኣገዳ ገሻሰ ኔ ኦላዛ ኦሶን ኡባን ኔ ሙሌራ ጳያና ጋካናሰ ቃንጌል፡ ሂርጋኔ ካወሻቲል ጎዳይ ኔ ቦላ ኤሃና።
 21 ኔኒ ላታናሰ ጌላና ቢታይፌ ኔና ሙሌራ ጳይሳና ጋካናሰ ኔፔ ከቸንታ ኢታ ሃርጌ ጎዳይ ኔ ቦላ ዬዳና።
 22 ጎዳይ ኔና ገልቃቲላን፡ ሚሾኒኔ ቆጶን፡ ማዲንላን፡ ጸ-ገዛ ኣዋኒኔ ኮሻን ጳይሳና፤ ኔ ካላ ጳይሳናሰ ኩቱልኤኔ ሎቤ ኔ ቦላ ዬዳና።
 23 ኔፔ ቦላራ ኔ ገናን ዴኢዛ ሳሎይ ጸርቂማላ ገዳና፤ ኔ ቢታይካ ቢራታ ማላ ገዳና።
 24 ጎዳይ ኔ ቢታን ቡኪዛ ኢራ ቡሂኔ ጉዲላ ኬሳና፤ ኔኒ ቢታፌ ጳያና ጋካናሰ ጉዲላይ ሳሎፔ ዲጌ ቡካና።
 25 ጎዳይ ኔ ሞርኬታ ሲንላን ኔኒ ጸኔታና ማላ ኦላና፤ ኔኒ ኢሰታ ቦላ ኢሲ ኦጌራ ባናሺን ኢሰታፌ ኣታናሰ ላፑናሶራ ባቃታና፤ ቢታ ቦላ ዲዛ ካዋቲላቲ ኡባይ ኔ ቦላ ጋኪዛይሳ ቤኢዲ ሂርጋን ኮኮራና።
 26 ኔ ኣሃይ ሳሎ ካፎታሲኔ ባዞ ደኣታሰ ቁማ ገዳና፤ ኢሰታ ጎዳና ኣሲካ ዴና።
 27 ጎዳይ ኔና ፓጸንታ ገብጾ ዳሬ ሃርጌን፡ ኪጸን፡ ገዲዛ ማዲንላንኔ ፑሶ ሃርጌን ሾጫና።
 28 ጎዳይ ኔና ጎሻን፡ ቆቂቲላንኔ ዳጋማን ዬጋና።
 29 ጋላሳ ሴታን ኔኒ ቆቂይ ታታፌቲዛ ማላ ታታፌታና፤ ኔ ኦላዛ ኡባይ ኔሰ ገሰንታ ኢጸና፤ ኔኒ ኔ ዴኦ ኡባን ኡንኤታሺኔ ቦንቂታሺ ዳና፤ ኔና ማዲዛ ኣሴካ ዴማካ።
 30 ኔኒ ማቕ ኤካናሰ ጌላኦ ገገሳና፤ ገዶ ኣቲን ሃራ ኣሲ ኢዞ ዳሬ ኤካና፤ ኔ ኬል ኬጸናሺን ኢዛን ዳካ፤ ኔኒ ዋይኔ ሚል ቶካናሺን ኢዛ ኣይፌ ጎኤታካ።
 31 ኔ ኣይፌይ ጸሊሺን ኔ ማሄ ሃራ ኣሲ ሹካና፤ ገዶ ኣቲን ሄ ኣሾዛፔ ኣይኮካ ማካ፤ ኔ ሃሪይ ኔፔ ቦንቂቲ ኤኬታና፤ ገዶ ኣቲን ኔሰ ጉዬ ሲማና፤ ኔ

ደርሳቲ ኔ ሞርኬሰ ኢማታና፤ ሃሳፌ ኣሻናሰ ኔና ማዳናይ ዴና።
 32 ኔ ኣይፌ ሲንላን ኔ ኣቲማ ናይቲኔ ማጫ ናይቲ ሃራ ካዋቲላሰ ኢማታና፤ ኢሰቲ ሲማን ቤኣና ጋዳ ኔ ጸሊሺን ኔ ኣይፌይ ደልጃማና፤ ሃሳ ዲጋናሰ ኔሰ ኣይ ዋልቃይካ ዴና።
 33 ኔ ቢታ ካላ ኣይፌኔ ኔ ዳቡራ ኬሲዳ ኡባ ሃራ ዳሬ ኣሲ ማና፤ ኔኒ ኔ ዴኦ ኡባን ኡንኤቲዳዴኔ ቆሂቲዳዳ ገዳና።
 34 ኔኒ ኣይፌን ቤኢዛ ኡባይ ኔና ጎሻና።
 35 ጎዳይ ኔሰ ቶሆ ጸጉንላፌ ቢዲ ሁኤ ቢናና ጋካናሰ ሚዛ ፓጸንታ ኢታ ማዲንላንኔ ኪጸን ኔ ሱሌኔ ኔ ዋዲራ ሾጫና።
 36 ጎዳይ ኔና ኔኒ ኔ ቦላ ካዋሳና ካዋዛ ሃ ቢታፌ ዴንላዲ ካሴ ኔኒኔ ኔ ኣዋቲ ኤሮንታ ሃራ ካዋቲል ኤፋና፤ ኢንቲ ሂን ሚላፌኔ ሹቻፌ ኦሴቲዳ ኤቃ ጸሳታሰ ጎይናና።
 37 ጎዳይ ኔኒ ላሌታ ቢዛ ካዋቲላታ ኡባ ገደን ኔና ቂልጫሰ፡ ሚቻሲኔ ካዴሰ ኬሳና።
 38 ኔ ጋዴን ኔ ዳር ካል ዜራና ሺን ቦሌይ ሚሺን ኣቲዳ ጉላ ካል ሺሻና።
 39 ኔኒ ዋይኔ ሚል ቶካናሺን ኢዛ ኣይፌዛ ጎኤታካ፤ ጋሶይካ ጉጸኔይ ኢዛ ማና።
 40 ኔ ዴሬን ኣዋንካ ዋጋራ ሚል ሞካናሺን ዋዴይ ጋኮንታ ዲሺን ኣይፌ ቆቆፋና፤ ሃሳ ገሻሰ ዋጋራ ዛይቲይ ኔሰ ዴና።
 41 ኔኒ ማጫ ናይታኔ ኣቲማ ናይታ ዬላናሺን ኢሰቲ ኦላን ዲኤቲ ቢኮ ኔ ማላ ኣታና።
 42 ኔ ጋዴን ዲዛ ሚላኔ ካላ ኡባ ቦሌይ ማና።
 43 ኔ ዋልቃይ ዳቡራ ዳቡራ ቢሺን ኔ ዴሬን ዲዛ ቤቲ ኣሳ ዋልቃይ ሚኒ ሚኒ ባና።
 44 ኔ ዴሬን ዲዛ ቤቲ ኣሳይ ኔሰ ታልኤ ኢማና ኣቲን ኔ ኢሰታሰ ታልኣካ፤ ኢሰቲ ኔሰ ሁኤ ገዳና፤ ኔኒ ገዲኮ ኢሰታሰ ጎይና ገዳና።
 45 ኔኒ ጎዳ ኔ ጸሳሰ ኣዛዜቶንታ ኢጸዲ ገሻሲኔ ኢዚ ኔሰ ኢማዳ ዋጋታኔ ኣዛዞታ ኔኒ ናጎንታ ኢጸዲ ገሻሰ ኔኒ ሙሌራ ጳያና ጋካናሰ ሃይቲ ሃ ቃንጌላቲ ኡባይ ኔ ቦላ ጋካና።
 46 ሃ ቃንጌላቲ ኡባይ ጸሲ ኔ ቦላኔ ኔ ዜሬላታ ቦላ ቂጻቲሰ ዬገዳ ሚርናሰ ማላታኔ ማላሊሲዛዝ ገዳና።
 47 ጎዳ ኔ ጸሳይ ኔና ዳር ባጋራ ኣንጂዴሰ፤ ገዶ ኣቲን ኔ ጋላታሺ ኡፋይሳን ኢዛሰ ኦላቤካ።
 48 ሃሳ ገሻሰ ኔኒ ጋፋን፡ ሳሞን፡ ካሎቲላንኔ ሚቶ ኡባን ጎዳይ ኔ ቦላ ዬዲዛ ኔ ሞርኬታሰ ኔ ሃሪታና፤ ጎዳይ ኔና ጳይሳና ጋካናሰ ኔ ሞርጌን ቢራታ ቃሞባራ ዋጸና።
 49 ጎዳይ ኔ ኢሰታ ቃላ ኤሮንታ ካዋቲል ሃኮ ዴሬፔ ኔ ቦላ ኤሃና፤ ኢሰቲካ ጎሌ ካፎ ማላ ኔ ቦላ ዋጳና።
 50 ኢሰቲ ሚንጾ ኢታታ፡ ጨሚዳ ኣሳ ቦንቸንታይታኔ ጉላ ናይታሰ ሚሹቶንታይታ ገዳና።
 51 ኢሰቲ ኔ ማህኔ ኔ ካል ኡባ ጥቲ ሚዛይታ ገዲዳ ገሻሰ ኔኒ ሃይቃና ጋካናሰ ኮሻን ዋያና፤ ኢሰቲ ኔ ጳያና ጋካናሰ ኔ ካላፌ ኢሲ ኣይፌ፡ ኔ ማሄፔ ጉላ ማሪ፡ ኔ ዳርሳፌ ጉላ ላቃ፡ ዋይኔፔኔ ዋጋራ ሚላ ኣይፌፔ ቂ ፓላካ ኣሹቲና።

52 ኔ ቢታን ዳኢዛ ኔኒ ኢሰታን አማኔቲዛ አዲሳኔ ሚኖ ዲርሳቲ ኡባሶራ ላሌታና ጋካናሰ ኔ ካታማታ ኡባ ዩሾን ደዲዲ ኔና ኡንኤላና። ጎዳ ኔ ጸሳይ ኔሰ አሚዳ ቢታ ኡባ ዩሾን ደዲ ኔ ሚጸታ ዲፒ ሂሰቲ ጳይሳና።

53 ኔ ሞርኬቲ ኔ ካታማታ ደዲዲ ኔና ኡንኤላን ኔሰ ሚዛዚ ጳይን ኔ ማቶቲዛ ዋዴ ጎዳ ኔ ጸሳይ ኔሰ አሚዳ ኔ ኡሎፕ ዩሌቲዳ ማጫ ናይታኔ አቱማ ናይታ አሾ ደሳይ ባይንዳ ኔ ማና።

54 ኔ ጊደን ሃራይ አቶ ካሴ ኪያኔ ኢንጃ ዲሲ ዴሰ ጌቲቲዛ አሰካ ባ አሻሰ፣ ባ ሲቁዛ ማቼይሲኔ ባ ዩሊዳ ናይታሰ ቃጴቲና።

55 ጉዬን ካታማ ደዲዲ ኡንኤላዳ ጋሶን ማና ሚሺ ሃራይ ባይንዳ ጊሻሰ ባ ሚዛ ባ ናይታ አሾፕ ሃራሰ ኦናሰካ አሚና።

56 ኔ ጊደን ካሴ ኢንጃን ዳኣወሰ ጌቲቲዳራ ባ ኢንጃ ዲሳፊ ዴንደይሳን ሳኣ ዩቆናሰ ሻቲቲዛ ማጫሳያካ ባ ሲቁዛ አዚናሲኔ ባ ናይታሰ ቃጴቲኩ።

57 ሞርኬይ ኢዛ ዳኢዛ ካታማ ደዲዲ ኢዛ ኡንኤላዳ ጊሻሲኔ ቲጋሲዳ ጊሻሰ ኢዚሰ ሚዛ ሚሺ ሃራይ አይኮይካ ዴና፣ ሄሳ ጊሻሰ ኢዛ ባ ዩሊዳ ዩቆኔ ደኣ ባ ሲቁዛ አዚናኔ ባ ናይታ ጋሶንታ ኡኬታዳ ጌማን ባርካ ማና።

58 ሃይሳ ሃ ማጻፋን ጸፊቲዳ ጸሳ ዋጋ ኢንቲ ሎኤላ ናንጎታ አገኮ ቃሴ ማላሊሲዛኔ ያሺሲዛ ጎዳ ኢንቲ ጸሳ ሱንጻ ኢንቲ ቦንቸንታ አገኮ።

59 ጎዳይ ኢንቲ ቦላኔ ኢንቲ ናይታ ቦላ ባቢሲዛ ቦሻ፣ ሲሞንታ ባሺኔ ፓጸንታ ዴጾ ሃርጌ ዩጋና።

60 ኔኒ ጊብጾ ቢታ ቦላ ዋጲን ቤያዳ ሃርጊዳ ሄ ኢታ ሃርጌዛ ኡባ ኢዚ ኔ ቦላ ዩዳና፣ ኔካ ሄ ሃርጌዛፕ ፓጸካ።

61 ጎዳ ዋጋቲ ጸፊቲዳ ሃ ማጻፋን ጸፊቶንታ ሃራ ቦሻታ ኢንቲና ኡባ ወርሳና ጋካናሰ ኢንቲ ቦላ ዩዳና።

62 ጎዳ ኢንቲ ጸሳሰ ኢንቲ ኣዛዜቶንታ ኢዲዳ ጊሻሰ ሳሎ ጸሊንቲ ማላ ዳሪዳ ኢንቲፊ ጉላቲ ጸላ አታና።

63 ጎዳይ ኢንቲና ዲሬሳናሲኔ ኢንቲ ቆዳ ዳርሳናሰ ደሲዳ ማላ ቃሴካ ኢንቲና ጉላሺኔ ቢታፊ ጳይሲሺ ኢዚ ኡፋዬታና፣ ኢንቲካ ላታናሰ ቢዛ ቢታይፊ ሾዴታና።

64 ጎዳይ ኔና ኩሚላ አላሚን ዲዛ አሳ ጊደን ቢታሰ ጋጸፕ ጋጸ ጋካናሰ ላላና፣ ሄን ኔኔ ኔ አዋቲ ካሴ ጎይኒ ኤርንታ ሚላፊኔ ሹቻፊ ኦሴቲዳ ኤቃ ጸሳታሰ ኢንቲ ጎይናና።

65 ሄ ካዋቲላታ ጊደን ኢንቲ ዋፓ ዳሚኬታ፣ ኢንቲ ቶሆ ጫማይ ዩቆዛ ሰሆ ከና ጋዴይካ ኢንቲሰ ዴና፣ ሄሳን ጎዳይ ኢንቲሰ ማቶ ቆፋን ጸላ ኩሚዳ ሁኤ፣ አሞን ጸላ ዳቡርዳ አይፊኔ ሂዳታ ቃንጺዛ ዋዚና አሚና።

66 ኢንቲሰ ዲሳይ ኡባ ዋዴ ዋዬ ጸላ ጊዳና፣ ዲሳይ አማንጸንታ ጊሻሰ ኢንቲ ቃማኔ ጋላሰ ሃርጊሺ ዳና።

67 ኢንቲ ዋዚናን ኩሚዳ ሃርጋፊኔ ኢንቲ አይፊን ቤኢዛ ፓላፕ ዴንዲዳይሳን ጋዴይ ዋንቲሺን ኢንቲ፣ «አይዴ ቃማኔሻ!» ቃሴ ጋዴይ ቃሚሺን፣ «አይዴ ዋንታኔሻ!» ጋና።

68 ታኒ ኢንቲና፣ «ናሞኣንላ ሃ ኦጌዛራ ቤኬታ» ጊዳ ኦጌዛራ ጎዳይ ኢንቲና ዛሪዲ ማርካቤን ጉዬ ጊብጾ ዩዳና። ሄን ኢንቲ አይሌ ጊዳናሰ ኢንቲ ሞርኬታሰ

ኢንቲና ባይዛናሰ ኮያና፣ ጊዳ አቲን ኢንቲና አይሌሳናሰ ሻሚዛ አሰ ዳሚኬታ።

29

ጎዳይ ኢሰራኤሌ አሳራ ሞኣቤ ዳሬን ጌሊዳ ጫቆ ቃላ

1 ጎዳይ ኮሬቤን ኢሰራኤሌ አሳራ ጫቁቲዳ ጫቆ ቃላፕ ሃራ ሞኣቤ ዳሬን ናሞኣንላ ጫቁታናሰ ሙሴ ኣዛዚዳ ጫቆ ቃላቲ ሃይሳፊ ካሊዛይታ።

2 ሙሴይ ኢሰራኤሌ አሳ ኡባ ጴይጊዲ፣ ጎዳይ ጊብጾ ካዋ ቦላ፣ ኢዛ ሹሚታ ቦላኔ ኡባ ዴራ ቦላ ኢዚ ኦሊዳይሳ፣

3 ሄ ኢታ ማቶታ፣ ጊታ ማላታታኔ ማላሊሲዛ ሚሻታ ኢንቲ ኢንቲ አይፊራ ቤኢዳታ።

4 ጊዳ አቲን ሃቶ ጋካናሰ ጎዳይ ኢንቲሰ ኣኬኪዛ ዋዚና፣ ጴሊዛ አይፊኔ ሰዩዛ ሃይላ አሚቤና።

5 ታኒ ኢንቲና ኦይዳ ታሙ ላይላ ኩሚላ ባዞን ካሌሊሺን ኢንቲ ማይኦይ ጩጌቤና፣ ኢንቲ ቶሆን አሊዳ ጫማይካ ወሪቤና።

6 ኢንቲ ኡኬላ ሚቤኬታ፣ ዋይኔ ኡሹ ጊዲን ዋይኮ ማሶሲዛ ኡሹ ኡዩቤኬታ። ታኒ ሄሳላ ኦሊዳይ ታኒ ጎዳ ኢንቲ ጸሳይ ኢንቲ ጸሳ ጊዲዳይሳ ኢንቲ ኤራናሳ።

7 ኢንቲ ሃይሳ ሃ ጋኪዳ ማላ ሃሴቤ ካዋ ሲሆኔይኔ ባሳኔ ካዋ ኣጌይ ኦና ኦላናሰ ዩን ኦኒ ኢሰታ ጸኒደሰ።

8 ኦኒ ኢሰታ ቢታ ኦሰ ኤኪደሰ፣ ኦርቤሌ ቆሞታሰ ጋዴ ቆሞታሲኔ ሚናሴ ቆሞታፕ ባጋይታሰ ሻኪ ሻኪ ኢሰታሰ ጸንጾ ጊዳና ማላ አሚዳሰ።

9 ሄሳ ጊሻሰ ኢንቲ ኦሊዛ ኦሶ ኡባይ ኢንቲሰ ኣንጃታና ማላ ሃይታ ጫቆ ቃላታ ኡባ ሚኒ ካሊቲ።

10 ኢንቲ ኡባቲ፣ ኢንቲና ካሌሊዛይቲኔ ኢንቲ ሃላቃቲ፣ ኢንቲ ጩማቲኔ ኢንቲ ሹሚቲ፣ ሄሳላካ ሃንኮ ኢሰራኤሌ አሳይ ኡባይካ ኢንቲ ሃቶ ጎዳ ኢንቲ ጸሳ ሱንጻን ኤቁዴታ።

11 ኢንቲ ናይቲኔ ኢንቲ ማቸቲ ኢንቲሰ ሚላ ቃንጺሺኔ ሃሌ ዳቂሺ ኢንቲናራ ዲዛ ቤቲ አሳታራ ኢሲፊ ኤቁዴታ።

12 ጎዳ ኢንቲ ጸሳራ ኢንቲ ጫቁቲዳ ቃላዛ ሚንላናሰ ሃቶ ሃይሳን ሸቁዴታ።

13 ጸሲ ኢንቲና ሃቶ ባ ዴሬ ሂሰቲ ሚንላና፣ ኢንቲሰኔ ቤኒ ኢንቲ አዋታሰ፣ ኣብራሃሚሰ፣ ዩሳቃሲኔ ያቆቤሰ ጌሊዳ ጫቆ ቃላ ማላ ኢዚ ኢንቲሰ ጸሰ ጊዳና።

14 ታኒ ሃይሳ ጫቆ ቃላ ጌሊዳይ ኢንቲናራ ጸላ ጊዳና።

15 ጎዳ ኦ ጸሳይ ሃይሳ ሃ ጫቆ ቃላ ጌሊዳይ ኢዛ ሱንጻን ኤቁዳ ኦናራ ጸላ ጊደንታ ሃቶ ሃይሳን ደንታ ቡር ያና ዩሌታ ኡባሳራ ጫቁሰ።

16 ኦኒ ጊብጾን ዋኒ ዳኢዳኮኔ ኦ ሃይሳ ሃ ዩሺ ኢሲ ኢሲ ካዋቲላራ ዋኒ ካንሊ ዩዳኮ ኢንቲ ኡባይካ ሄሳ ኤሬታ።

17 ኢሰታ ጊደን ዲዛ ሃራሲዛ ሚሻታ ሚላፊ፣ ሹቻፊ፣ ቢራፕኔ ዋርቃፊ ኦሴቲዳ ኤቃ ጸሳታ ኢንቲ ቤኢዳታ።

18 ሃ ኢንቲፊ ኦኒኔ አቱማ ጊዲን ዋይኮ ማጫ ጊዲን ኢሲ ኬላ አሰ ጊዲን ዋይኮ ቆሞ ጊዲን ጎዳ ኦ

ጸላፊ ሸርኪ ጊዲ ሃራ ካዎቱላታ ጸላጋታ ጎይኖንታ ማላ ናጌቲቲ፤ እንቲ ጋርሳን ሃሳ ማላ ጫሞኔ ማርዘ ጊዲዳ ሚሽ ኦሊዛ ኦሲ ደንታ ማላ ናጌቲቲ።

19 ሃ ጫቆ ቃላ ሲዱዲ ባ ዋዚናን፤ «ታኒ ታ ሼኔ ማላ ዲኮካ ታሰ ሳሮይ ዳሰ» ጊዲ ባና ጨሚኮ ሃሳ ማላ ኦሲ ሎታ ቦላኔ ኢታታ ቦላ ባሽ ኤሃና።

20 ሃሳ ማላ ኦሲ ጎዳይ ሙሉካ ማሪና፤ ጎዳ ሃንቆይ ኢዛይ ቦላ ታማ ማላ ኤጻና፤ ሃይሳ ሃ ማጻፋን ጻፊቲዳ ቃንጌሌ ኢዛይ ቦላ ዋጻና፤ ሳሎ ጋርሳፊ ኢዛ ሰንሳ ጎዳይ ቆይሳና።

21 ሃይሳ ዋጋ ማጻፋን ጻፊቲዳ ቃንጌላ ቃላ ማላ ጎዳይ ኢዛይ ኢሰራኤል ኣሳ ኡባ ጋርሳፊ ዲማ ሻኪ ቆይሳና።

22 ሲንሳፊ ያና ዩሌታይ፣ እንቲ ዛሬይኔ ሃሆ ዳሬፎ ያና ሃራ ቢታ ኣሳይ ጎዳይ እንቲ ቦላ ኤሂዳ ቦሻኔ ማቶዛ ቤኣና።

23 ሃ ቢታያ ሙሉራ ጸጌቲዳ ማጻኔኔ ዲኔ ጌቲቲዛ ቢዲንሳ ጊዳና፤ ኢሲ ሚሽካ ኢዚን ቶኬቲና፤ ኣይ ሚሽካ ኢዚን ሞኬና፤ ኢዚን ፑዴ ዲጨዛ ሚሽ ቤቲና፤ ኢዚ ቦላ ጋካና ኩንዳሌ ጎዳይ ኬሂ ሼኔቲዲ ሙሉራ ቆይሲዳ ሰዶሜ ማላኔ ጋሞራ ማላ፣ ኣዳማ ማላኔ ጸቦይሜ ማላ ጊዳና።

24 ካዎቱላቲ ኡባይ፣ «ጎዳይ ሃ ቢታ ቦላ ሃይሳ ኣዛሰ ጋሊዳ? ሃ ዋልቃማ ሃንቆዛሰ ጋሶ ጊዲዳይ ኣዜ?» ጊ ኦይቻና።

25 ኣሳይ ኢዛሰ ዛሬዲ፣ «ካሴ ኢሰታ ኣዎታ ጸሳይ ኢሰታ ጊብጸ ዳሬፎ ኬሲዳ ዋዴ ኢሰታራ ፓጨቲ ጫቆዛ ኣሳይ ኣጊዳ ጊሻሳ።

26 ቃሴ ኢሰቲ ቢዲ ካሴ ባ ኤርንታ ጸሳታሴ ኢዚ ኢሰታሰ ጎይኖቲ ጊዳ ኤቃ ጸሳታሰ ጎይኒዳ።

27 ሃሳ ጊሻሰ ጎዳይ ሃንቆቲዲ ሃ ማጻፋን ጻፊቲዳ ቃንጌላ ኡባ ኢሰታ ቦላ ኤሂዳሰ።

28 ጎዳይ ዋልቃማ ሃንቆኒኔ ኢታ ቦሻን ኢሰታ ኢሰታ ዳሬፎ ሾዲዳሰ፤ ሃሳ ጊሻሰ ኢሰቲ ሃች ጋካናሰ ሄን ዴቲሰ» ጋና።

29 ጸራ ዮኦቲ ጎዳ ኦ ጸሳሳ፤ ጊዶ ኣቲን ኦኒ ሃ ዋጋ ቃላ ናጋና ማላ ቆንጨዳ ዮኦቲ ማርናሰ ኦሲኔ ኦ ናይታሳ።

30

ጸሳኮ ሲሞን ቤቲዛ ኣንጅ

1 ናምኣታፎ ኢሳ እንቲ ዶራና ማላ ሃች ታ እንቲ ሲንሳን ኣንጅኔ ቃንጌላ ዋላዲሰ፤ ጎዳ እንቲ ጸሳይ እንቲና ካዎቱላታ ጊደን ዲሾ እንቲ ኢዛ ዩሺ ቆፒዛ ዋዴ።

2 እንቲኒኔ እንቲ ናይቲ ጎዳ እንቲ ጸሳኮ ሲሚዲ ኩሜላ ዋዚናፎ ኩሜላ ሸምፖሬ ታኒ ሃች እንቲና ኣዛዚዳ ቃላሰ ኣዛዜቲኮ።

3 ጎዳ እንቲ ጸሳይ እንቲሰ ቃጴታናኔ እንቲፊ ዲኤቲዳ እንቲ ሚሻ እንቲሰ ዛሬና፤ እንቲ ካሴ ላሊቲ ዲዛ ዳሬፎ ዛሬ ኤሂዲ ቃሴካ ዲሬሳና።

4 እንቲ ቢታ ጋጸ ጋካናሰ ላሊቲኮካ ሄፕ ጎዳ እንቲ ጸሳይ እንቲና ኢሲ ቦላ ሸሺዲ ዛሬ ኤሃና።

5 ሃሳ ሃኒዲ ካሴ እንቲ ኣዎታ ቢታ እንቲ ዛሬ ላታና፤ ኢዚካ እንቲና ካሴ እንቲ ኣዎታፎ ኣላ ዲሬሳናኔ እንቲ ቆዳ ዳርሳና።

6 እንቲ ዳኦን ዳና ማላኔ ጎዳ እንቲ ጸሳ እንቲ ኩሜላ ዋዚናፎ ኩሜላ ሸምፖሬ ሲቃና ማላ ኢዚ እንቲሰኔ እንቲ ናይታሰ ኣዛዜቲዛ ዋዚና * ኢማና።

7 ጎዳ እንቲ ጸሳይ ሃይታ ሃ ቃንጌላታ ኡባ እንቲ ሞርኬታ ቦላኔ እንቲና ኢጸዛይታ ቦላ ዛሬና።

8 እንቲካ ዛሬዲ እንቲ ጎዳሰ ኣዛዜታና፤ ታ እንቲሰ ሃች ኢሚዛ ኢዛ ኣዛዘታ እንቲ ናጋንዴታ።

9 ሃሳፊ ጉዩ እንቲ ኦሊዛ ኦሶ ኡባን ጎዳ እንቲ ጸሳይ እንቲና ዲሬሳና፤ ኢዚ እንቲሰ ናይታ፣ ሜሄ፣ ካሊኔ ሚላ ኣይፊ ዳርሳና፤ ጎዳ እንቲ ጸሳይ ካሴ እንቲ ኣዎታ ዲሬሲዲ ኡፋዬቲዳ ማላ እንቲናካ ዲሬሲዲ ኡፋዬታና።

10 ኢዚ ሃሳ ጸላናይካ ሃይሳ ዋጋ ማጻፋን ጻፊቲዳ ኣዛዘታኔ ዋጋታ እንቲ ኩሜላ ዋዚናፎ ኩሜላ ሸምፖሬ ናጊዲ ጎዳ እንቲ ጸሳኮ እንቲ ሲሚኮና።

ሃይቆፎ ኤጻፎ ኢሳ ዶር

11 ታኒ ሃች እንቲሰ ኢሚዛ ኣዛዘይ ኬሂ ዳጾ ዋይኮ እንቲፊ ሃኪዳዝ ጊዳና።

12 «ኦኒ ኢዛ ሲዱዲ ኣዛዜታና ማላ ፑዴ ሳሎ ቢ ኤሂዲ ኦሰ ዮታናይ ኦኒ?» ጊዲ እንቲ ኦይቸንታ ማላ ሃይሲ ዋጋዚ ቦላ ሳሎፎ ቤቲና።

13 «ኦኒ ኢዛ ሲዱዲ ኣዛዜታና ማላ ኣባ ፒኒ ቢ ኤሂዲ ኦሰ ዮታናይ ኦኒ?» ጊዲ እንቲ ኦይቸንታ ማላ ኢዚ ኣባ ፒንሳፊ ቤቲና።

14 ኢዛ ቃላይ እንቲ ማታን ዳሰ፤ እንቲ ኢዛ ናጋና ማላ ኢዚ እንቲ ዶናኒኔ እንቲ ዋዚናን ዳሰ።

15 ኔኒ ዶራና ማላ ታኒ ሃች ኔሰ ዳኦኔ ሎኤቲላ፣ ዋይኮ ሃይቆኔ ባሽ ኔ ሲንሳን ዋላዲሰ።

16 ጎዳ እንቲ ጸሳ ሲቃና ማላ፣ ኢዛ ኦጌን ሄሜታና ማላኔ ኢዛ ኣዛዘታ፣ ማራታኔ ኢዛ ዋጋታ ናጋና ማላ፣ ታኒ ሃች እንቲሰ ኢሚዛ ጎዳ እንቲ ጸሳ ኣዛዘታ እንቲ ናጊኮ እንቲ ሸምፖሬ ፓጸ ዳኦናኔ ጮራታና፤ ቃሴ እንቲ ላታናሰ ጌሊዛ ቢታን ጎዳ እንቲ ጸሳይ እንቲና ኣንጅና።

17 ጊዶ ኣቲን እንቲ እንቲ ዋዚና ጸሳፊ ሃሲዲ ኢዛ ቃላ ሲዮንታ ኢጸኮ፣ ሃራ ኤቃ ጸሳታሰ ጎይኒኮኔ ኢሰታሰ ኦሊኮ።

18 እንቲ ሙሉራ ቆያናይሳ ሃች ታ እንቲሰ ዮታይሰ፤ እንቲ ዮርዳኖሴ ሻፋ ፒኒዲ ላታና ቢታይን ዳር ላይላ ጋሞኤታ።

19 ታኒ እንቲ ሲንሳን ዳኦኔ ሃይቆ፣ ኣንጅኔ ቃንጌላ ዋላዲይሳሰ ሃች ሳሎኔ ሳኣ እንቲ ቦላ ማርካሳይሰ፤ ሃሳ ጊሻሰ እንቲኒኔ እንቲ ዛሬቲ ዳኦን ዳኦና ማላ ዳኦ ዶሪቲ።

20 ጎዳ እንቲ ጸሳ ሲቁቲ፤ ኢዛ ቃላ ሲዱቲ፤ ኢዘኮ ሸጺ ጊቲ፤ ሃሳ ሃኒኮ ጎዳይ ካሴ እንቲ ኣዎታሰ፣ ኣብራሃሚሰ፣ ዩሳቃሲኔ ያቆሴሰ ኢማናሰ ጫቂዳ ቢታን እንቲኒኔ እንቲ ናይቲ ኣዲሳ ላይላ ዳኦና።

31

ኢያሶይ ሙሴ ሶሆን ዶሬቲዳሰ

29:23 ሜዴ 19:24-25 * 30:6 ኣዛዜቲዛ ዋዚና፣ ኣዛዜቲዛ ዋዚና ጊዛይሳ ኢሲ ኢሲ ጌሻ ማጻፋቲ ቃጻሬቲዳ ዋዚና ጌቲሰ። 30:14 ኦር 10:6-8 30:20 ሜዴ 12:7፣ 26:3፣ 28:13

1 ሙሴይ ሃይሳ ቃላ ኡባ ኢሰራኤል አሳሰ የተደገገ ጉዞ፤

2 ኢስታስ፡ «ሄኮ ሃኢ ታስ 120 ላይላ ገዲዳ ገሻሽ ሃይሳፊ ጉዞን ታ ኢንቴና ካሌላናሰ ዳንዳይኬ፤ ሃሳፊካ ቦላራ ታኒ የርዳናሴ ሻፋ ፒናንታ ማላ ጎዳይ ታስ የተ ዋሊዳሰ።

3 ጎዳ ኢንቴ ጸሳይ ኢንቴፊ ሲንገላራ ቢሾ ኢንቴና ካሌላና፤ ሄን ዲዛ ካዎቴላታ ኡባ ኢዚ ጳይሲን ኢንቴ ኢስታ ቢታ ላታና፤ ጎዳይ የተደገገ ማላ ኢያሶይ ኢንቴና ካሌላና።

4 ጎዳይ አዎሬ ዳሬ ካዎታ ሲሆኔ ኣጌ ጸኒዲ ኢስታ ቢታ ጳይሲዳ ማላ ኢስታ ቦላካ ሃሳሶ ኦላና።

5 ጎዳይ ኢስታ ኢንቴሰ አሊ ኢማና፤ ኢንቴኒካ ታ ኢንቴና አዛዚዳ ማላ ኢስታ ቦላ ኦላና።

6 ኢንቴሰ ሙርታቴሊኔ ጸላቴሊ ዳኔ፤ ኢስታስ ሙሌካ ባቦፍቴኔ ዳጋዎፍቴ፤ ጎዳ ኢንቴ ጸሳይ ኢንቴናራ ዳሰ፤ ኢዚ ኢንቴና ዩጊ አጌና» ገዳሰ።

7 ሃሳፊ ጉዞ ሙሴይ ኢያሶ ባኮ ጳይጊዲ ኩሜላ ኢሰራኤል አሳ ሲንገላን፡ «ሚና፤ ባቦፋ፤ ጎዳይ ካሴ ኢስታ አዎታ ላተሳና ገዲ ጫቂዳ ቢታዮ ላታና ማላ ዳሬዛ ካሌላ ጌልላዳ ላተሳናይ ኔና።

8 ጎዳይ ኔናራ ገዲዲ ኢዚ ኔና ካሌላና፤ ኢዚ ኔና ዩጌና፤ ሙሌካ አጌና፤ ሃሳ ገሻሽ ባቦፋ፤ ሂደታካ ቃንጸፋ» ገዳሰ።

ዎጋይ ናባቤታናሰ ቤሲዛ ላይላታ

9 ሃሳፊ ጉዞ ሙሴይ ዎጋ ጸፊዲ ጫቆ ቃላ ታቦታ ቶኪዛ ቄሴ ገዲዳ ለዌ ናይታሲኔ ኢሰራኤል ጨማታ ኡባሰ ኢሚዳሰ።

10 ሙሴይካ ኢስታስ፡ «አጮ ኡባ ማሪዛ ላፑንጎ ላይላን ወርሴላ ቦላ ቦንቸቲዛ ዳሴ ባአሌዛን፤

11 ጎዳ ኢንቴ ጸሳ ሲንገላን ኢዚ ካሴ ደሪዳሶን ኢዛሰ ጎይናናሰ ኢሰራኤል አሳይ ኡባይ ሸቂዛ ዎዴ ሃይሳ ዎጋዛ ኢስታ ሲንገላን ናባቤታ።

12 ኢስቲ ኡባይካ ሃሳ ሲዩዲ ጎዳ ኢንቴ ጸሳሰ ያሻቴላ ታማራና ማላኔ ሃይሳ ዎጋ ቃላታ ኡባ ሎኤሊ ናጋና ማላ ማጫሳታ፡ አዳታ፡ ናይታኔ ኢንቴ ዳሬን ዲዛ ቤቲ አሳታ ኡባ ኢሲ ቦላ ሸሸቲ።

13 ሃሳ ማላን ጎዳ ኢንቴ ጸሳ ዎጋ ካሴ ሲዩ ኤርንታ ኢንቴ ዜሬላቲ ኡባይካ ሲዩቶ፤ ቃሴ ኢንቴ የርዳናሴ ሻፋ ፒኒዲ ላታና ቢታን ዲዛ ዎዴ ኡባን ኢስቲ ጸሳሰ አዛዜቲላ ታማራቶ» ገ አዛዚዳሰ።

ሙሴሲኔ ኢያሶሰ ኢሚዳ ዎጋታ

14 ሃሳፊ ጉዞ ጸሳይ ሙሴሰ፡ «ኔሰ ሃይቆ ዎዴይ ጋኪዳሰ፤ ኢዚ ካላና ዎጋታ ኢዛሰ ታ ኢማና ማላ ኢያሶ ጳይጋዳ ኢዛራ ጌዴ ጋይቶቴላ ዳንካኔዛኮ ሸቂቲ» ገዳሰ። ሙሴይኔ ኢያሶይ ኢሲፊ ጌዴ ጋይቶቴላ ዳንካኔዛኮ ሸቂቲ።

15 ጎዳይካ ኢስታስ ዳንካኔዛ ፔንጌን ቲሳ ማላ ኤቂዳ ሻራን ቆንጨዳሰ።

16 ጎዳይ ሙሴሰ፡ «ኔኒ ማታ ዎዴ ሃይቃዳ ኔ አዎታን ጋይታና፤ ሃሳፊ ጉዞ ሃይሲ አሳዚ ታ ኢዛራ ጫቂቲዳ ቃላ ላላና፤ ኢስቲ ታና አጋገዲ ላይማ ማጫሳ ማላ ሄ ኢስቲ ላታና ቢታን ዲዛ ኤቃ ጸሳታሰ ጎይናና።

17 ሃሳላ ሃኒዛ ዎዴ ታኒ ኢስታ ቦላ ሃንቂታዳ ኢስታፊ ሻኬታና፤ ታ ኢስታሰ ዘኮ ዛራና፤ ኢስቲካ

ኡባይ ጳያና፤ ኢስታ ቦላ ኢታ ሜቶይኔ ቦሻይ ያና፤ ሄ ዎዴ ኢስታሰ፡ «ሃይሲ ሜቶዚ ኑ ቦላ ጋኪዳይ ኑ ጸሳይ ኑ ገደን ደንታ ኣገን ገዴኔ?» ጋና።

18 ኢስቲ ኤቃ ጸሳታሰ ጎይኒዲ ኢስቲ አሊዳ ናጋራ ገሻሽ ታኒ ሄ ዎዴ ኢስታሰ ዘኮ ዛራና።

19 «ሃይሳ ዩላ ጸፋዳ ኢሰራኤል አሳ ታማርሳዳ ኢስቲካ ዩጸና ማላ ኦላ፤ ሃይሲ ዩላዚ ኢስታ ቦላ ታሰ ማርካ ገዳና።

20 ታኒ ቤኒ ኢስታ አዎታሰ ጫቂዳ ጫቆ ቃላ ማላ ኤሴኔ ማሊ ኩሚዳ ቢታዮ ታ ኢስታ ጌልላና፤ ኢስቲ ሃን ሚዲኔ አዩዲ ካሊዳፔኒ ዱራቲዳፔ ጉዞ ታና ዩጊ አጋና፤ ታ ጫቆ ቃላካ ዩጊ አጌዲ ኤቃ ጸሳታሰ ጎይናና።

21 ዳር ሜቶይኔ ባሺ ኢስታ ቦላ ጋኪዛ ዎዴ ሃ ዩላይ ኢስታ ናይታ ዳናፔ ኪቹና ገሻሽ ኢስታ ቦላ ማርካ ገዳና። ጋሶይካ ታኒ ጫቂዳ ቢታ ኢስታ ቡር ጌልላንታ ዳሼ ሃራካ ኢስቲ ቆፒዛ ቆፋ ኤራይቻዲሰ» ገዳሰ።

22 ሙሴይ ሄ ጋላሰ ዩላዛ ጸፊዲ ኢሰራኤል አሳ ታማርሲዳሰ።

23 ሃሳፊ ጉዞ ጸሳይ ናዌ ና ኢያሶ፡ «ሚና፤ ጸላ ገዳ፤ ኔኒ ኢሰራኤል አሳ ካሌላዳ ታ ካሴ ኢስታሰ ኢማና ጋ ጫቂዳ ቢታዮ ጌልላና፤ ታኒካ ኔናራ ገዳና» ገ አዛዚዳሰ።

24 ሙሴይካ ሃይሳ ዎጋ ቃላታ ኮይሮፔ ቢዲ ወርሴላ ጋካናሰ ኡባ ጸፊዳፔ ጉዞን፤

25 ጎዳ ጫቆ ቃላ ታቦታ ቶኪዛ ለዌ ቆዎታ ሂዘጊ አዛዚዳሰ፤

26 «ጎዳ ዎጋይ ኢዛን ጸፊቲዳ ማጸፋ ኤኪዲ ጎዳ ኢንቴ ጸሳ ጫቆ ቃላ ታቦታዛ አቻን ዎሊቴ፤ ሄን ኢዚ ባ ዲዛሶን ዲሼ ዳሬዛ ቦላ ማርካ ገዳና።

27 ኢሰራኤል አሳይ አይ ማላ ማካላንቻኮኔ ዎዚና ሙሜኮ ታ ኤራይሰ፤ ታኒ ሹዎግራ ፓጸ ኢስታራ ዲሺን ኢስቲ ጎዳ ቦላ ማካሊዛይቲ ታኒ ሃይቂዳፔ ጉዞ ኬሂ ማካላንቻታ ገዳና።

28 ሃሳ ገሻሽ ታ ኢስታሰ ሃይሳ ኡባ የታና ማላ ኮራፔኔታኔ ዳሬ ሃላቃታ ታሰ ሸሸቲ፤ ታኒ ኢስታ ቦላ ሳሎኔ ሳኦ ማርካ ገዳና ማላ ጳይጋና።

29 ታኒ ሃይቂዳፔ ጉዞ ታ ኢንቴና አዛዚዳ አዛዘፔ ካሬ ኬዚዲ ቲና ኦሶ ኢንቴ ኦላናይሳ ታ ኤራይሰ፤ ጎዳ ሲንገላን ኢታ ኦሶ አሊዲ ኢንቴ ኢዛ ሃንቂላኮ ኢዚ ኢንቴ ቦላ ቦሻ ዩዳና።»

ሙሴ ዩላ

30 ሃሳፊ ጉዞ ሙሴይ ኩሜላ ኢሰራኤል አሳ ሲንገላን ሃይታ ዩላ ቃላታ ኮይሮፔ ቢዲ ወርሴላ ጋካናሰ የተዳሰ።

32

1 ሳሎቶ! ታኒ የተዛይሳ ኤዘጊ ሲዩቲ፤

ሳኦዛ ታ ዳናፔ ኬዚዛ ቃላ ሲያ።

2 ታ ኢሚዛ ቲሚርቲይ ኢራ ማላ ቡኮ፤

ታ ሃሳይካ ጸዛ ማላ ጸኬቶ፤ ማታ ቦላ ሎዲ ገ ቡኪዛ

ኢራ ማላ ቡኮ፤
 ካላ ጫሬቻ ቦላ
 ፑሴ ማላ ዋጹ።
 3 ታኒ ጎዳ ሱንሳ አዋጃይሰ፤
 ኑ ጸሳ ገታቴሳ
 አንቴ ዮቴቴ።
 4 «ኢዚ ኑሰ ሚጸ፤
 ኢዛ ኦሶተካ ኩሚላ፤
 ኢዛ ኦጌቴ ወሪካ ሱሬ፤
 ኢዚ ባሌቶንታ
 አማኔቲዳ ጸሳ፤
 ኢዚ ሱሬኔ ጸሎ ጸሳ።

5 «ኢሰቲ ኢዛ ሲንላን
 ኢታ ኦሊዳ፤
 ኢሰቲ ባንታ ኢታቴላፌ
 ዳንዲዳይሳን
 ሃይሳፌ ጉዬ
 ኢዛ ናይታ ገዳቴና፤
 ኢሰቲ ቦካኔ ጌላ ዩሌታታ።

6 «አንቴና ኤያቶ!
 ቃሴካ ዋዚናይ ባይንዳይቶ!
 አንቴ ጎዳሰ
 አሚዛ ዛርይ ሃይሴ?
 አንቴና ሚጲዳ
 አንቴ አዋይ ኢዛ ገዳኔ?
 አንቴና ሚጲዳ ሃይሳሰ
 ጋሊዳይ ኢዛ ገዳኔ?

7 «ካሴ ቤኒ ዋዳዛ
 ዩሺ ቆጥቴ፤
 ዳር ዩሌታታ
 ላይላካ አኸከቴ፤
 አንቴ አዋታ ኦይቸቴ፤
 ኢሰቲ አንቴሰ ዮታና፤
 ካሴ ጨማታካ ኦይቸቴ፤
 ኢሰቲ አንቴሰ
 ቆንጨሲ ዮታና።

8 «ኡባፌ ጶቃ ጸሳይ
 ካዋቴላታሰ ቢታ
 ገሼቸዳ ዋዳ፤
 አሳ ናይታ ኢሰታ
 ዛሬን ዛሬን ሻኪዳ ዋዳ፤
 ኢሰራኤሌ አሳ ቆዳ ኮና
 ካዋቴላታሰ ጳሰ ዋሊዳሰ።

9 «ኢሰራኤሌይ ጎዳሰ ገሻ፤
 ያቆቤይካ
 ኢዛሰ ቡዞ ሚሻ።

10 «አይኮይካ ባይንዳ ባዞን
 ጫርኮይ ፑኒዛ ቢታን
 ኢዛ ዳሚዳሰ፤
 ኢዛሰ ጎንዳሌ ገዲዳሰ፤
 ባ አይፌ ጨር ማላ
 ኢዛ ናገዳሰ።

11 ጎሌ ካርይ ባ ጨዬታ
 ፒራጶ ታማርሲዛ ማላ፤
 ባ ቁፌ ሚጫዳ
 ጋካ ኦይካ አሺዛ ማላ፤
 ጎዳይ ባ ቁፌን ሃጵዲ
 ኢሰታ አሺዳሰ።

12 ሃራ ኤቃ ጸሳቲ
 ኢዛራ ባይንዳ ጎዳይ
 ኢዛ ባርካ ካሌሊዳሰ።

13 «ጶቃ ሶሆን
 ኢዛ ዋሊዳሰ፤
 ቢታፌ ሞኪዳ ካላ አይፌ
 ኢዛ ሚዚዳሰ፤
 ዛላፌ ቤቴዳ ኤሰ ኡሺዳሰ፤
 ሹቻ ቢታን ሞኪዳ
 ዋጋራ ዛይቴ ሚዚዳሰ።

14 ሚዛፔ ዶርሳፌኔ
 ዳይሻ ወዳፔ
 ቤቴዛ ማላኒኔ ኦይሰ
 ባሳኔ ዳሬፔ ቤቴዛ
 ኦሃላ ላቃታ፤
 ሞጶ ጳርሾታ፤
 ዋፋናታኔ ዳይሻታ፤
 ሎኦ ገሰቴ ዳቦራ
 ኢሰታ ሚዚዳሰ።

አንቴ ኢዛ ዳሬቴ
 ዞኦ ዋይኔ ሚላ አይፌፔ፤
 ገገዳ ዋይኔ
 ኡሹ ኡዩዳታ።

15 «ኢሰራኤሌ አሳይ
 ኦርዲዳሰኔ ማካሊዳሰ።
 ዳር ሚዲ ሞጲዳሰኔ
 ሞላቴዳሰ፤
 ባና ሚጲዳ ጸሳ አገዳሰ፤
 ባና አሺዳይሳካ
 ካወሺዳሰ።

16 ኢሰቲ ኤቃ ጸሳታሰ
 ጎይኒዲ ጸሳ ሚሺሲዳ፤
 ባንታ ኢታ ኦሶንካ
 ኢዛ ሃንቁሊዳ።

17 ሃይሳፌ ካሴ
 ባ ኤርንታይታሰ፤
 ጸሰ ገደንታ ዳይዳንላታሰ፤
 ማታ ዋዳ ዩዳ ጸሳታሰ፤
 ቤኒ ኢሰታ አዋቲ ኢሰታሰ
 ጎይኖንታ ኤቃታሰ፤
 ኢሰቲ ያርሾ ሺሺዳ።

18 ኢሰቲ ባሰ ዳኦ አሚዳ
 ዛላ ደገዳ፤
 ባና ሚጲዳ
 ጸሳካ ባሊዳ።

19 «ጎዳይ ሃሳ ቤኢዲ
 ኢሰታ ቦላ ሃንቁቲዳሰ፤
 ኢሰታ ማጫ ናይታኔ
 ኢሰታ አቱማ ናይታ ዲገዳሰ።

20 ታሲ ታ አይፊሶ
 ኢስታፊ ገንፋና፤
 ኢስቲ ገላኔ አማኔቶንታ
 ዳሬ ገዲዳ ገሻሰ
 ኢስታ ወርሴላ
 አይ ገዳናኮ
 ታ ጮኡ ጋ ቤያና።

21 ቱሙ ገደንታ ጸሳታን
 ታና ሚሺሲዳ፤
 ጎአይ ባይንዳ
 ባ ኤቃ ጸሳታን
 ታና ሃንቁሊዳ።

ታሲካ ኢስታ ካዴቲዳ
 ካዎቲላታ
 ኢስቲ ሚጌታና ማላ ኦፋና።
 ታ ኢስታ አኬኮንታ
 ዳሬታን ሃንቁላና።

22 ታ ሃንቆይ
 ታማ ማላ ኤጻና፤
 ቢታኔ ቢታ ቦላ ዲዛ
 ኡባ ጸጋና፤
 ሄ ታማይ ሰኦሌ
 ጨማ ጋካናሰ ኤጻና፤
 ታማዚ ዙማሰ
 ዮች ጋካናሰ ማና።

23 ታሲ ኢስታ ቦላ
 ዛሬላ ዛሬላ
 ቦሻ ኤሃና፤
 ታሰ ዲዛ ዎንዳፊ
 ታ ኢስታ ቦላ ወርሳና።

24 ታ ኡባ ወርሲዛ ኮሻ
 ኢስታ ቦላ ዬዳና፤
 አሳፊ አሳን አዲዛ
 ኢታ ሃርጌኒኔ
 ቦሻን ኢስቲ ወራና፤
 ማቶ ጋሊዛ ኢታ ደአታኔ
 ዲኪዛ ማርዜራ ዲዛ
 ሾሻታ
 ታ ኢስታ ቦላ ዬዳና።

25 ኦጌ ኡባን ኢስታ ናይታ
 ኦላይ ወርሳና፤
 ኢስታ ኬላ ገደንካ
 ሂርጋይ ኩማና፤
 ፓንሳቲኔ ጌላኦቲ፥
 ጉላ ናይቲኔ
 ጨማቲ ኡባይ ወራና።

26 ታሲ ኢስታ ኡባ ላላና፤
 ሄሳፊ ጉዬ ኢስታራ
 ሃሳኦና አሲ ዳና።

27 ገደ አቲን
 ኢስታ ሞርኬቲ፥
 ሱኒ ኑ ዎልቃን
 ኢስታ ጸኒደሰ አቲን
 ጸሴ ገደና ገዲ
 ኦቶሬቲላን ጨቁቲዲ
 ታና ሃንቁላናኮ
 ጋዳ ቆፓይሰ።

28 ኢሰራኤሌ አሳይ

ዩሺ ቆፖንታ ካዎቲላ፤
 ኢስታሰ አኬካይ ዳና።

29 ኢስቲ ኤራታ ገዲዳኮ
 ሃይሳ ኢስቲ
 ካሴቲዲ ቆፓና፤
 ባንታ ወርሴላንካ
 ሃናናይሳ ዩሺ
 ቆፓናሽን!

30 ኢስታ ሜዲዳይሲ
 ኢስታ አላ ኢሞንታኮ፥
 ጎዳይ ኢስታ
 ዩጌ አጎንታኮ፥
 አሳይይ 1,000 አሰ
 ዎሰቲ ጎዳንዴ?
 ዎይኮ ናሞአቲ 10,000 አሰ
 ዎሰቲ ጎዳኔ?

31 ሃራይ አቶሺን ኑ ሞርኬቲ
 ኢስታ ጸሳይ
 ላፋ ገዲዳይሳኔ
 ኢሰራኤሌ ጸሳ ማላ
 ገደንታይሳ ኤሬቲሰ።

32 ኑ ሞርኬቲ ሶዶማኔ
 ጋሞራ ዳሬ አሳ ማላ ቱና፤
 ኢስቲካ ጫሞኔ
 ማርዜራ ዲዛ
 አይፊ አይፊዛ
 ዎይኔ ሚላ ማላ።

33 ኢስታ ዎይኔ ኡሻይ
 ሾሻ ማርዜ ማላ፤
 ቃሴካ ሃሶ ሾሻ
 ማርዜ ማላ።

34 «ሃይሳ ታሲ ደጋዲና?
 ታ ማዘጋባን
 ጸፊቲ ኡቲዴሰ።

35 ኢስታ ሞርኬታ ቦላ
 ሃሎ ኬሳናይ ታና፤
 ኡባሲካ ታ ኢስታ
 ኦሶ ኦሶ ማላ ኢማና፤
 ኢስታሰ ቆዮ
 ጋላሲ ጋኪዳ ገሻሰ
 ኢስቲ ቆጶታና፤
 ኤሶንካ ቆያና።»

36 ኢስታሰ ዎልቃይ
 ዳቡርዳይሳኔ
 ኢስታካ ማዲዛይ
 ባይንዳይሳ ቤኢዲ፥
 ጎዳይ ባ አሳሰ ፐርዳና፤
 ባ አይሌታሰካ ቃዴታና።

37 ጎዳይ ባ አሳ፥
 «ኢስቲ አማኔቲዛ
 ኢስታ ጸሳቲ
 አዎን ዲዛ?
 ኢስቲ ባቃቲ አቲዛ ዛላቲ
 አዎን ዲዛ?» ገ ኦይቻና።

38 ኢስቲ ያርሾሰ

ሺሺዛ ቶልልዛ ሚዳይቲ፥
 ኢስታ ዎይኔ ኡሻ
 ያርሾዛ ኡዱዳ
 ኢስታ ኤቃ ጸሳቲ
 ኣኔ ሃኢ ኢንቴና
 ዴንዲ ማዴቶ፤
 ቃሴካ ኢንቴሰ
 ዱሳሶ ኢሜቶ።

- 39 «ታኒ ጸላ
 ጸሰ ገዲዳይሳ ኤሪቲ፤
 ታፔ ሃራ ጸሲ ዳና፤
 ዎዲዛይካ ፓጸ
 ዎሲዛይካ ታና፤
 ታኒ ማዲንሳይሴኔ
 ፓላይሰ፤
 ታ ኩሼፔ ኦኒካ
 ኢንቴና ኣሼና።
- 40 ታኒ ታ ኩሼ
 ፑዴ ሳሎ ዴንጎዳ፥
 ታ ሜርናሰ ዳኣይሰ።
- 41 ዎዎጪ ገዛ
 ታ ገላ ማሻ ሌፋና፤
 ታ ኩሼይ ፐርዳሰ ኦይካና፤
 ታ ዋርኬታ ቦላ
 ሃሎ ኬሳና፤
 ታና ኢጲዛይታሰ
 ታ ኢስታ ኦሶ ማላ
 ኢስታሰ ኢማና።
- 42 ዋርኬታ ሃላቃታ፥
 ማዲንጲዳይታኔ
 ዲኤቲዳይታ ሱላን
 ታ ዎንዳፊታ
 ታ ማላሳና፤
 ታ ገላ ማሻቲካ
 ታ ዋርኬታ ኣሽ ማና
 ጋ ጫቃና።

- 43 «ኢንቴኖ ካዎቲላቶ!
 ጎዳይ ባ ኦሳንቻታ
 ሱላ ኣጫና፤
 ዋርኬታ ቦላ ሃሎ ኬሳና፤
 ባና ኢጲዛይታ ቃጸያና፤
 ባ ዴሬዛ ናጋራ ዉርሳና፤
 ቢታዮካ ቱናቴላፊ ጌሻና፤
 ሄሳ ገሻሰ
 ኢንቴ ኢዛ ኣሳራ
 ኢሲፊ ኡፋዬቲቲ» ገዲ፥
- 44 ሙሴይኔ ናዌ ና ኢያሶይ ዴሬዚ ሲዱሺን ሃ
 ዩላዛ ዮቲዳ።

ዉርሴላን ሙሴይ ኢሚዳ ዞሬ
 45 ሙሴይ ሃይታ ሃ ቃላታ ኩሜላ ኢሰራኤል ኣሳ
 ሲሲዳፔ ጉዬ፥
 46 ኢዚ፥ «ሃይሳ ዎጋ ቃላ ኡባ ኢንቴ ናይቲ ሎኤሊ
 ናጋና ማላ፥ ኢሰቲ ኦላና ማላኔ ኢንቴ ናይታ ኢንቴ
 ኣዛዛና ማላ ሃኛ ታ ኢንቴሰ ማርካቲዛ ቃላ ኡባ ኢንቴ
 ዎዚናን ዎላቴ።

47 ሃ ቃላይ ኢንቴሰ ዴኦፔ ኣቲን ጮ ማላ ቃላ
 ገዲና፤ ሃ ቃላ ናገኮ ኢንቴ ዮርዳኖሴ ፒኒዲ ላታና
 ቢታንካ ኣዲሳ ላይላ ኢንቴ ዴኣና» ገዲሰ።

- ሙሴ ሃይቆ ገሻሰ ዮቲቲዳ ቲንቢቲ**
 48 ሄ ጋላሰ ጎዳይ ሙሴሰ ሂዝገዲሰ፥
 49 «ዎኣቤ ዴሬን ኢያርኮ ካታማ ገናራ ዲዛ
 ኣባሪሜ ዙማታ ገዲፊ ኔቦ ዙማ ቦላ ኬዛ፤ ሂሰታዳ
 ታኒ ኢሰራኤል ኣሳሰ ኢማና ገዲ ካናኔ ቢታ ሄ ፒንላን
 ዴላ።
 50 ኔ ኢሻ ኣርኔይ ሆሬ ዙማ ቦላ ሃይቁዲ ካሴ
 ሃይቁዳ ባ ኣሳታን ጋይቲዳ ማላ ኔካ ሄ ዙማ ቦላ
 ሃይቁዳ ኔ ኣሳታን ጋይታና።
 51 ኢንቴ ናዎኣይካ ኢሰራኤል ኣሳ ሲንላን ታሰ
 ኣማኔቲቤኬታ፤ ጸኔ ባዞን ቃዴሴ ካታማ ማታን ዲዛ
 ማሪባ ሃላ ኣቻን ታ ጌሻቴላ ኢሰራኤል ኣሳ
 ቤሲቤኬታ።
 52 ሄሳ ገሻሰ ኔኒ ሄ ቢታዮ ሃሆን ዳሼ ቤኣና ኣቲን
 ታኒ ኢሰራኤል ኣሳ ላቲሳና ቢታዮ ኔኒ ጌላካ።»

33

ሙሴይ ኢሰራኤል ኣሳሰ ባዚዳ ባሳ ቃላ
 1 ጸሳ ኣሰ ሙሴይ ሃይቃናፔ ካሴቲዲ ኢሰራኤል
 ኣሳሰ ዎሲዳ ባሴ ቃላይ ሃይሳፊ ካሊ ዲዛይሳ፤

- 2 ሙሴይ፥
 «ጎዳይ ሲና ዙማፔ ዩዳሰ፤
 ኤደሜፔ ኣዎ ኣርሼይ
 ኩ ቦላ ፖኢዳሰ፤
 ፓራኔ ዙማ ቦላፊካ
 ኩሰ ጸልቁዳሰ፤
 ኢዛሰ ኡሻቻ ባጋራ
 ታማ ላጮይ ዳሰ፤
 ቆዳይ ባይንዳ ከታንቻቲ
 ኢዛራ ኢሲፊ ዴቴሰ።
- 3 ጎዳዉ! ኔኒ ዴራ
 ኬሃ ሲቃሳ፤
 ጌሻቲ ኡባይካ
 ኔ ኩሼን ዴቴሰ፤
 ኔ ቶሆ ጋርሳን
 ጉልባቲ ጎይኔቴሰ፤
 ሂሰቲዲ ኔፔ
 ኣዛዞ ኤኬቴሰ።
- 4 ሙሴይ ኢሚዳ ዎጋይ
 ኢሰራኤል ኣሳሰ
 ላታ ጸንጸ።
- 5 ኢሰራኤል ቆዎቲ ኡባይኔ
 ዴራ ሃላቃቲ ሺቁን
 ጎዳይ ባ ዴሬ
 ኢሰራኤል ኣሳ ቦላ
 ካዎቲዳሰ» ገዲሰ።
- 6 ኦርቤሌ ቆዎታ ገሻሰ ሙሴይ፥
 «ኦርቤሌ ቆዎቲ
 ዴቶ ኣቲን ሃይቆፊቶ፤
 ኢስታ ቆዳይካ
 ፓጮፎ» ገዲሰ።
- 7 ዩሁዳ ቆዎታ ገሻሰ ሙሴይ፥
 «ጎዳዉ፥ ዩሁዳ ቆዎታ

ዋሶ ሲያ፤
 ኢስቲ ባ ዳቦታራ
 ኢሲፌቲላን
 ዳና ማላ ኦላ፤
 ኢስታሰ ጊታ
 ዋልቃ ኦማ፤
 ኢስቲ ባ ሞርኬታራ
 ኦሌቲሺን ኔኒ ኢስታ
 ማዳ» ጊደሰ።
 8 ለዌ ቆሞታ ጊሻሰ ሙሴይ፥
 «ጎዳወ! ኔኒ ኢስታ
 ማሳን ፓጫዳሳ፤
 ማሪባ ሃላ ኦቻን
 ኢስታራ ፓላማታዳሳ፤
 ሄሳ ጊሻሰ ቱሚሚይኔ
 ኡሪሚይ ኔ ደሲዳ
 ኔ ኦሳንቻታሰ ጊደ።
 9 ኔ ጊሻሰ ጊዳ
 ኢስቲ ባና
 ዩሊዳይታ ባሊዳ፤
 ባ ዳቦታፔ ሻኬቲዳ፤
 ባ ኢሻታፔ ሻኬቲዳ፤
 ባ ናይታ ኦጊዳ፤
 ኔ ቃላ ቦንቲዳ፤
 ኔ ኢሚዳ
 ጫቆ ቃላካ ናጊዳ።
 10 ኢስቲ ኔ ዋሊዳ
 ማራ ያቆቤ፥
 ኔ ዋጋካ ኢሰራኤሌ
 ኦሳ ታማርሴቲሰ፤
 ኢስቲ ኔ ሲንሳን
 ኤዳኔ ጩዋሴቲሰ፤
 ጸጌቲዛ ያርሾካ
 ያርሾ ያርሺዛሶዛ ቦላ
 ሺሺቲሰ።
 11 ጎዳወ! ኔ ኢስታ
 ዳኦ ኦንጃ፤
 ኢስቲ ኦሊዛ ኦሶ ኡባን
 ኔ ኡፋይታ፤
 ኢስታ ሞርኬታ ሻያ
 ኔ ዳላ፤
 ኢስታ ኢጲዛይቲ
 ናሞኦንሶ ዳንደንታ ማላ
 ዲጋ!» ጊደሰ።
 12 ቢኒያሜ ቆሞታ ጊሻሰ ሙሴይ፥
 «ጎዳይ ሰቂዳ ኦሲ
 ኢዛን ኦማኔቲ ዳሰ፤
 ኡባ ጋላሰ
 ኢስታ ኢዚ ናጌሰ፤
 ባ ሃሺን ቶኪዳ
 ሺሞፕሴሰ» ጊደሰ።
 13 ዮሴፌ ቆሞታ ጊሻሰ ሙሴይ፥
 «ጎዳይ ሳሎፔ ቡኪዛ ኢራን፥
 ቢታፌ ፑዳ ኬዚዛ ፑልቶን
 ኢንቲ ቢታ ኦንጃ።
 14 ኦሞ ዋዳ ካጲዛ
 ሎኦ ኦይፌ ኦሞ፤
 ዋዳን ዋዳን ካጲዛ

ካላ ኦይፌን ኩሞ።
 15 ቤኒሶፌ ዲዛ
 ኢስታ ዙማቲኔ
 ዙሞቡላቲ ጮራኔ
 ሎኦ ኦይፌን ኦንጃቲቶ።
 16 ኢስታ ቢታይ
 ሎኦ ሚሻን ኩሞ፤
 ጸጌቲዛ ቱሻ ጊደፌ
 ቆንጩዳ ጎዳ
 ኪያቴላ ዳሮ፤
 ዮሴፌይ ባ ኢሻታ ጊደን
 ሃላቃ ጊዲዳ ጊሻሰ
 ሃ ኦንጃቲ ኡባይ
 ኢዛ ጋኬቶ።
 17 ዮሴፌ ቱማይ
 ኮርማ ቦራ ማላ ያሺሶ፤
 ኢዛ ካጩቲ
 ሚንሳ ካጩ ማላ
 ሚኖ ጊዳቶ፤
 ኢዛ ካጩቲ ሺያን ቆዳቲዛ
 ሚናሴ ዛሬታኔ
 ታሙ ሺያን ቆዳቲዛ
 ኤፍሬሜ ዛሬታ፤
 ሄ ካጩታን ኢዚ
 ካዋቲላታ ቃይጫና፤
 ቢታ ጋጸ ጋካናሰ
 ኢስታ ኢዚ ጎዳና» ጊደሰ።
 18 ዛቢሎኔ ቆሞታ ጊሻሰኔ ዩሳኮሬ ቆሞታ ጊሻሰ
 ሙሴይ፥
 «ዛቢሎኔ! ኔኒ
 ኔ ኬሳን ኡፋይታ፤
 ዩሳኮሬ! ኔኒካ
 ኔ ዳንካኔ ጊደን ኡፋይታ።
 19 ኢስቲ ዳሪዛ ፑዳ
 ዙማ ቦላ ጸይጊዳ
 ሄን ጸሎቴላ
 ያርሾ ያርሻና፤
 ባንታሰ ኦቆታኔ
 ዲሬቴላ ኦባፌኔ
 ሻሚንታፌ ዳማና» ጊደሰ።
 20 ጋዳ ቆሞታ ጊሻሰ ሙሴይ፥
 «ጋዳ ቆሞታ ዛዋ
 ኦሲዳ ጸሳይ ጋላቲቶ፤
 ጋዳይ ሞርኬታ
 ሚንጮራሳናሰ
 ጋሞ ማላ ሻንካቲሰ።
 21 ሃላቃታሰ ቤሲዛ ቢታዚ
 ኢዛ ናጌሰ፤
 ኢዚካ ሎኦ ቢታ
 ባሰ ደሪዳሰ፤
 ዳራ ካሌላዛይቲ ሺቂዳ
 ዋዳ ኢዚ ጎዳ ሺኔኔ
 ጸሎ ፒርዳ ፒርዲዳሰ» ጊደሰ።
 22 ዳኔ ቆሞታ ጊሻሰ ሙሴይ፥
 «ዳኔይ ባሳኔፔ
 ፑፒ ኬኢዛ
 ዋዳላ ጋሞ ማላ» ጊደሰ።
 23 ኒፍታሎሜ ቆሞታ ጊሻሰ ሙሴይ፥

- «ኒፍታሌሜይ ጎዳ
 ማታን ደሴቲዳስ፤
 ጎዳ እንጃንካ ኩሚዳስ፤
 ኢዛ ዛዋይ አባሬ አዲዲ
 ዲገሃ ባጋ ጋኪዳስ» ጊዳስ።
- 24 እሴሬ ቆሞታ ገሻሽ ሙሴይ፥
 «እሴሬ ቆሞታ
 ሃራ ቆሞታ፤
 አዲ እንጃቲዳይታ ጊዳቶ፤
 ኢሰቲ ባ አሻታ ጊዳን
 ደሴቲዳይታ ጊዳቶ፤
 ኢሰታ ቢታይ
 ዛይቲን ኩሞ።
- 25 ኢሰታ ካታማታ ፔንጌቲ
 ቢራታኒኔ ጳርቁማላን
 ሚኒ ጎርዳቲቶ፤
 ባ ዲዛ ላይሐ ኡባን
 ኢሰቲ ዋልቃማ ጊዳቶ» ጊዳስ።
- 26 ኢሰራኤል አሳዉ!
 ሳሎፔ እንቲና ማዳናሰ
 ባ ቲማራ ሻራ ቦላ ሄሜቲዛ
 እንቲ ጸሳ ማላ
 ሃራ ጸሲ ዳና።
- 27 ሜርና ጸሳይ
 እንቲሰ ዲሳሶ፤
 ሜርናሰ ዲዛ ኢዛ ቁሴቲ
 እንቲሬ ጋርሳራ
 ዲዲ ካሬቲስ፤
 እንቲ ሞርኬታ ኢዚ
 እንቲ ሲንሳሬ ጎዳና፤
 እንቲ ኢሰታ ጳይሳና ማላ
 ኢዚ እንቲና ማዳና።
- 28 ሄሳ ገሻሽ ኢሰራኤል
 አሳይ ሳሎፔ ኢራይ
 ኢዘን ቡኪዛ ቢታይን፥
 ካላኔ ዋይኔ ኡሺ
 ኢዘን ኩሚዳ ቢታይን
 ሂርጋይ ባይንዳ
 ሳርን ዳኣና።
- 29 ኢሰራኤል አሳዉ!
 እንቲ አይ ማላ
 እንጃቲዳ ዳሬ!
 ጎዳይ አሺዳ
 እንቲ ማላይ ኦኔ?
 ኢዚ እንቲሰ ጎንዳሌኔ
 እንቲና ማዲዛይሳ፤
 ኢዛን እንቲ ጸኒዛ
 ገሳ ማሻ፤
 እንቲ ሞርኬታ
 እንቲ ሲንሳን ጉፋናና፤
 እንቲካ ኢሰቲ ጎይኒዘሶታ ላላና።

34

ሙሴ ሃይቆ
 1 ሙሴይ ሞአቤፔ ዳንዲ ፑዳ ኔቦ ዙማ ቦላ
 ከዚዳስ፤ ኢያርኮሬ አርሼይ ሞኪዛ ባጋራ ዲዛ ፑዳ

ፒዝጋ ዙማ ጸራ ጋኪዳስ፤ ኢዚ ሄን ዲሺን ጎዳይ
 ጋላአዳፔ ቢዲ ዳኔ ጋካናሰ ዲዛ ቢታ ኡባ ቤሲዳስ።
 2 ኒፍታሌሜይ ቢታ፥ ኤፍሬሜኔ ሚናሴ ቢታ ኡባ
 አርሼይ ዉሊዛ ባጋራ ዲዛ ዋጋ ጌታ አባ * ጋጸ
 ጋካናሰ ዲዛ የሁዳ ቢታ፥
 3 ኔጌቤኔ ዛሞባይ ዲዛ ኢያርኮ ሾባሬ ቢዲ ዘአሬ
 ጋካናሰ ዲዛሶ ኡባ ቤሲዳስ።
 4 ጎዳይ ሙሴስ፥ «አብራሜስ፥ ዩሳቃሲኔ ያቆቤስ፥
 ታ እንቲ ዜሬላታ ላቲሳና፥ ጋ ጫቂዳ ቢታያ ሃናኮ!
 ሄኮ ኔኒ ኔ አይፊራ ቤአና ማላ ኦላዲስ፤ ጊዳ አቲን ኔ
 ጌላካ» ጊዳስ።
 5 ሄሳ ገሻሽ ጎዳ ኦሳንቻ ሙሴይ ሞአቤ ቢታን
 ዲሺ ጎዳይ ኢዛሰ ዮቲዳ ማላ ሄን ሃይቂዳስ።
 6 ጎዳይ ሙሴ አሃ ሞአቤ ዳሬን ዲዛ ቤቲ-ፔኦሬ
 ካታማፔ ሲንሳን ዲዛ ሾባን ሞጊዳስ፤ ጊዳ አቲን
 ኢዚ ሞጌቲዳሶ ሻኪ ኤሪዛ አሲ ሃኙ ጋካናሰ ቤቲቤና።
 7 ሙሴይ ሃይቂሺን ኢዛሰ ላይላይ 120፤ ጊዳ
 አቲን ኢዛ አይፊይ ደልጁሚቤና፤ ኢዛ ዋልቃይካ
 ዳቡርቤና።
 8 ኢሰራኤል አሳይ ሙሴስ ሚቻይ አፋና ጋካናሰ
 ሄቶ ታሙ ጋላሰ ጋካናሰ ሞአቤ ዳሞባን ካዮቲሾ
 ዩኪዳስ።
 9 ባ ኦላን ኢዚ ኦላና ማላ ሙሴይ ናዌ ና ኢያሶ
 ቦላ ባ ኩሼ ዋሊዲ ሹሚዳ ገሻሽ ኢያሶይ አቶ
 ኤራቲላኒኔ አያናን ኩሚዳስ፤ ኢሰራኤል አሳይ ኢያሶስ
 አዛዜቲዳስ፤ ጎዳይ ሙሴ ባጋራ ኢሰታሰ አሚዳ
 አዛዘዛካ ናጊዳ።
 10 አሲ አሳራ ሃሳይዛ ማላ ጎዳራ ሃሳይዳ ሙሴ
 ማላ ናቤይ ኢሰራኤል ቢታን ዳንዲቤና።
 11 ጎዳይ ጊብጾ ካዋዛኮ፥ ኢዛራ ኦሊዛ ሃላቃታኮኔ
 ኩሚላ አሳኮ ዩዲዲ ኢዛ ባጋራ ኦራላኔ ማላሊሲዛ
 ሚሽ ኡባ ኦሊዳ ሙሴ ማላ ሃራ ናቤይ አኒካ ዳና።
 12 ሙሴይ ኢሰራኤል አሳ ኡባ ሲንሳን ኦሊዳይሳ
 ማላ ዋልቃማኔ ባቢሲዛ ማላታታ ኦሊዳ ሃራ ናቤይ
 ሙሴካ ዳና።

* 34:2 አርሼይ ዉሊዛ ባጋራ ዲዛ ዋጋ ጌታ አባ ጊዛይሲ ሚዲቲሬኔ አባ ቤሲስ። 34:4 ሜዴ 12:7፤ 26:3፤ 28:13 34:10 ከሳ 33:11

ኢያሱ ማጻፋ ጊደ ቆፋ

ኢያሱ ማጻፋይ ኢስራኤል አሳይ ሙሴ ሶሆን ጊደ ደሬቲዳ ኢያሱይ ካሌላን ካናኔ ኢዚ ዋሰቲ ኦሊ ኦይኪዳኮ የቲዛ ታሪኬ። ሃ ማጻፋዛን ጸፊቲዳ ጊታ ታሪኬታ ጊደፊ ዋናቲ። የርዳኖሴ ሻፋ ፒኔል። ኢያርኮ ገምቤዛ ላሌቲል። እዩ ጌቲቲዛ ካታማን ዳንዲዳ ኦላኔ ዳሬዚ ጸሳራ ጫቁቲዳ ጫቆዛ ኦራዲሶ ጊሻሰ የቲቲሰ። ማጻፋዛ ጋርሳን ኬሃ ኤሬቲዳይታፔ ኢሶይ። «እንቲ ጎይናና ኮዩዳይሳ ሃች ደሪቲ፤ ታኒኔ ታሶ አሳይ ጊዲኮ ጸሳሰ ጎይናና» ገዛይታ (24:15)።

ሃ ማጻፋይ ኦይኪዳ ኩሜሳ ቆፋ

- ካናኔ ጸኔቲል 1:1—12:24
- ጋዴ ጊሹቲል 13:1—21:45
- የርዳኖሴፔ ሄ ፒንላን ኦርሼይ ሞኪዛሶ ባጋራ ዲዛ ጋዴ 13:1-33
- የርዳኖሴፔ ሄ ፒንላን ኦርሼይ ወሊዛ ባጋራ ዲዛ ጋዴ 14:1—19:51
- ኢሰታን ባቃቲ ኦቲዛ ካታማታ 20:1-9
- ሌቁታሰ አሜቲዳ ካታማታ 21:1-45
- ኦርሼይ ሞኪዛ ባጋሬ ዩዳ ቆሞቲ ባ ዳሬ ሲሞ 22:1-34
- ኢያሱይ ወርሴላን ጊዳ ቃላ 23:1-16
- ሴኬሜን ጫቆ ቃላ ኦራዲሶ 24:1-33

ጎዳይ ኢያሱ አዛዚዳ አዛዘ

- 1 ጎዳ አይሌ ሙሴይ ሃይቁዳፔ ጉዬ ጎዳይ ሙሴ ማዲዛ ናዌ ና ኢያሶሰ።
- 2 «ሄኮ ታ አይሌ ሙሴይ ሃይቁዳሰ፤ ሃኢ ኔኒኔ ሃይሲ ዳሬዚ ዳንዲቲ፤ ታኒ ካሴ ኢስራኤል አሳሰ አሚና ጊዳ ቢታ ጌላናሰ የርዳኖሴ ሻፋ ፒኒቲ።
- 3 ታኒ ካሴ ሙሴሰ አሚዳ ሂዶታ ማላ እንቲ ቶሆይ ዬቋዛ ቢታ ኡባ ታ እንቲሰ አሚና።
- 4 እንቲ ቢታ ዛዋይ ባዞፊ ደሚዲ ሊባናሴ፣ ዋጋ ሻፋ ኤፊራዲሴፔ ቢዲ ሂቲ ዳሬ ኡባ ኦይኪዳ ኦርሼይ ወሊዛ ባጋራ ቢዲ ዋጋ አባ ጋካናሳ።
- 5 ኔኒ ዲዛ ዋዴ ኡባን ኔናራ ኦኒካ ኤቁታና ዳንዳዬና፤ ታኒ ካሴ ሙሴራ ጊዲዳ ማላ ኔናራካ ጊዳና፤ ሙሌካ ታ ኔና ዬገኬኔ ኦገኬ።
- 6 «ሚና! ጸላ ጊዳ፤ ታኒ ካሴ ኢሰታ አዋታሰ አሚና ጋዴ ጫቁዳ ቢታ ሃ ዳሬዛ ካሌላዳ ላቲሳናይ ኔና ጊዲዳ ጊሻሰ ሚና።
- 7 አይኮይ ባ፤ ኔኒ ሚና ጸላ ሚና፤ ታ አይሌ ሙሴይ ኔሰ አሚዳ ዋጋዛ ኡባ ሎኤላ አዛዘታ፤ ኔ ቢዳሶ ኡባን ገጋ ጊዳና ማላ ሃዲርሰ ኡሻች ጎፓ።
- 8 ሃይሲ ዋጋ ማጻፋይ ኔ ደናፔ ሻኬቶፎ፤ ኢዛ ጊደን ዲዛይሳ ኔ ሎኤላ ናጌታዳ ፖላና ማላ ጋላሰ ጊዲን ኦማርሰ ዛራ ዛራ ቆፓ፤ ኔ ሃሳላ ኦሊኮ ኔ ቆፒዳ ኡባይ ኔሰ ሱራናኔ ሃናና።
- 9 ኔኒ ቢዛሶን ኡባን ጎዳ ኔ ጸሳይ ኔናራ ዲዛ ጊሻሰ አይኮይ ባ፤ ሚና፣ ያዮፋ፣ ዳጋሞፋ ጋዳ ታ ኔና አዛዛሴኪና!» ጊደሰ።
- 10 ሃሳፊ ካሊዲ ኢያሶይ ኢስራኤል አሳ፣

11 «እንቲ ጌዴ አሳይ ዲዛሶ ቢዲ፣ ላንቲ ሄዙ ጋላሳፊ ጉዬ ካሴ ጎዳ እንቲ ጸሳይ እንቲና ላቲሳናሰ እንቲሰ አሚዛ ቢታየ ላታናሰ የርዳኖሴ ፒናና ጊሻሰ እንቲሰ ሺንቁ ገግሲቲ» ጊ የቲቲ» ጊ አዛዚዳሰ።

12 ኢያሶይ ኦርቤሌ ቆሞታሰ፣ ጋዴ ቆሞታሰ፣ ሃሳላካ ሚናሴ ቆሞታፔ ባጋይታሰ።

13 «ጎዳ አይሌ ሙሴይ፣ ላንቲ እንቲ ጸሳይ እንቲና ሸምፒሳና፤ ሃና ቢታየካ ኢዚ እንቲሰ አሚና» ጊ አሚዳ አዛዘዛ አኬኪቲ።

14 እንቲ ማቸቲ፣ እንቲ ናይቲኔ እንቲ ሜሄቲካ ካሴ ሙሴይ እንቲሰ የርዳኖሴ ሻፋፔ ሄ ፒንላን አሚዳሶን ሃን ዲሹቶ፤ ጊደ ኦቲን እንቲ ኦላ አሳይ ኡባይ ኩሜሳ ኦላ ሚሻራ እንቲ ባጋታ ኢስራኤል አሳ ማዳናሰ ካሴቲዲ የርዳኖሴ ፒኔቶ፤ እንቲካ እንቲ ኢሻታራ ኢሲፊ ኦላሰ ኬዚቲ።

15 ሃሲካ ጎዳይ ኢሰታ ሸምፒሳና ጋካናሴኔ እንቲሰ ኢዚ ኦሶይሳላ ኢሰቲካ ጎዳ እንቲ ጸሳይ ኢሰታሰ አሚዳ ቢታ ጋኪ ላታና ጋካናሳ፤ ሃሳፊ ጉዬ እንቲ ሰሚ ዩዲ ኦርሼይ ሞኪዛ ባጋራ የርዳኖሴ ሻፋፔ ሄ ፒንላን ጎዳ አይሌ ሙሴይ እንቲሰ አሚዳ ቢታ እንቲ ላታና» ጊደሰ።

16 ኢሰቲካ ኢያሶሰ፣ «ኔኒ ኦሰ የቶይሳ ኦኒ ኡባ ፖላና፤ ኔ ኪቲዛሶ አዋካ ባና።

17 ኦኒ ሙሴሰ ኡባ ዋዴ አዛዘቲዳ ማላ ኔሰካ አዛዘታና፤ ጎዳ ኔ ጸሳይ ካሴ ሙሴራ ጊዲዳ ማላ ኔናራካ ኢዚ ጊደ!

18 ኔናራ ኤቁቲዛዳይኔ ኔሰ አዛዘቶንታዴ ኡባይ ሃይቆ፤ ኔ ሚና፤ አይኮይ ባ፣ ኔ ሚና ሚና» ጊዳ።

2

ኢያሶይ ኪቲዳ ዋቹ አሳታ

1 ናዌ ና ኢያሶይ ቢታ ዋቹዛ ናምኡ አሳታ ሺጸሜ ጌቲቲዛሶፔ ቆታን ኪቲዳሰ፤ ኪቲሹ ኢሰታሰ፣ «ቢቲ፤ ቢዲ ቢታ ዋቹቲ፤ ሃራፔካ ኢያርኮ ካታማ ዳማሲ ዋቹቲ» ጊደሰ።

2 ሂሰቲን ኢሰቲ ቢዲ ኤራኦባ ጌቲቲዛ ላይማ ማጫሳይ ሶ ጌሊዲ አቁዳ።

3 ሂሰቲን ኢያርኮ ካዋይ፣ «ኢስራኤል አሳፔ ኪቲቲዳይቲ ሃ ቢታ ዋቻናሰ ኦማርሰ ዩዳ» ገዛ የኦ ሲዩዳሰ።

4 ኢያርኮ ካዋይ ኤራኦባ፣ «ኔ ሶ ዩ ጌሊዳ አሳታ ኬሳ አሚና። አይሰ ገኮ ኢሰቲ ቢታ ኡባ ዋቻናሰ ዩዳ» ገዛ ኪታ ዬዲዳሰ።

5 ጊደ ኦቲን ሚሺሬያ ሄ ናምኡ አሳታ ቆታ ዋላዳ፣ «ኤ አሳቲ ታኮ ዩዳኮሺን ኢሰቲ አዋፔ ዩዳኮ ታ ኤራቤኬ።

6 ኦማርሰ ካታማ ፔንጌ ጎርዳና ገዛ ዋዴ ኢሰቲ ኬዚ ቢዳ፤ ኢሰቲ አዋ ቢዳኮ ታ ኤሪኬ፤ ኤሶቲዲ ካሊዛ ጊዲኮ እንቲ ኢሰታ ኦይካና» ጋዲሰ።

7 ጊደ ኦቲን ኤራኦባ አሳታ ፖቁ ማላ ኦሴቲዳሶ ኬሳዳ ሚጩቲዳ ታልባ ቡጻ ጊደን ኢሰታ ቆታ ዋላዳሰ።

8 አሳቲ ጸሞሲዛይታ ኮያናሰ ኬዚዲ የርዳኖሴ ሻፋ ፒንላ ኤፊዛ ኦጌ ኦይኪዳ ቢዳ፤ ኮይዛይቲ ካታማፔ ኬዚዳ ማላ ካታማ ፔንጌይ ጎርዳቲዳሰ።

8 ወቹዛይቲ ጳሎጥናፕ ካሴታዳ ኢዛ ኢሰታኮ ፑዴ ኮዛዳ ኢሰታሰ።

9 «ጎዳይ ሃ ቢታ ኢንቴሰ ኢሚዳይሳ፣ ኢንቴሰ ያሻቴሌ ኑናን ኩሚዳይሳኔ ሃ ቢታን ዳኢዛ ኣሳ ወዚናይ ኢንቴሰ ሂርጋን ሴሪዳይሳ ታ ኤራይሰ።

10 ጊብጾ ቢታፊ ኢንቴ ኮዚዳ ወዳ ኢንቴ ሰንፋን ዘኦ ኣባ ጎዳይ ወሰቲ ሜሊሲዳኮ ኮኒ ሲዪዳሰ፤ ቃሴ ዮርዳኖሴ ሻፋፕ ኣርሼ ኮሳሶ ባጋራ ዲዛ ኣሞሬ ቢታ ካዎታ ናሞኣታ፣ ሲሆኔኔ ኣጌ ኢንቴ ወሰቲ ኡባ ጳይሲዳኮ ኑ ሲዪዳሰ።

11 ኑ ሃሳ ሲዪዳ ማላ ኑ ወዚናይ ሴሪዳሰ፤ ኢንቴሰ ያሻቴሌ ዳንዲዳይሳን ሺሮቶንታ ኣሲ ዳና፤ ጎዳ ኢንቴ ጸሳይ ቦላ ሳሎንካ ጋርሳ ቢታንካ ኢዚ ጸሳ።

12 ሃሳ ጊሻሰ ታኒ ኢንቴሰ ኪዪዳ ማላ ኢንቴካ ታ ኣዎ ኮላ ኣሳሰ ኪዪና ማላ ታሰ ጎዳን ጫቂቲ፤ ሃሳሰካ ኣማንሳዛ ማላታ ታሰ ኢሚቲ።

13 ታ ኣዎኔ ታ ኣዪዮ፣ ታ ኣሻታኔ ታ ሚቸታ ኢሰታሰ ሺምፖራ ዲዛ ኡባ ወዳፕቲ፤ ኑና ሃይቆፕ ኣሺቲ» ጋዲሰ።

14 ሃ ኣሳቲ፣ «ኑ ኔሰ ጫቂዳ ቃላ ማላ ፖሎንታ ኣጊኮ ጸሲ ኑና ወዳ! ኑ ኦሌዳይሳ ኔ ኦናሰካ ዮቶንታ ኣጊኮ፣ ጎዳይ ሃኖ ቢታዮ ኑሰ ኢሚዛ ወዳ ኑ ኔሰ ሎኦ ኣላና ማላ ጫቆሰ» ጊዳ።

15 ኤራኣባ ዲዛ ኮላይ ካታማ ዲርሳራ ኦይኬቲ ኬጾቲ ኡቲዳ ጊሻሰ ኣሳታ ወዳሮን ቃቻዳ ማሰኮቴራ ዲጌ ወላዲሰ።

16 ኤራኣባ ኢሰታሰ፣ «ኢንቴና ኮይዛይቲ ዳሞንታ ማላ ፑዴ ዙሞቡላታ ቦላ ኮዚዳ ሂን ሂቹ ጋላሰ ቆቲቲቲ፤ ሃሳፊ ጉዬ ኢንቴ ባናሶ ቢቲ» ጋዲሰ።

17-18 ኣሳቲካ ኢዚሰ፣ «ኮኒ ኔ ቢታ ጌሊዛ ወዳ ሃ ዘኦ ወዳሮዛ ኔኒ ኑና ኮሲዳ ማሰኮቴ ቦላ ቃቻንታ ኣጊኮ ኔ ኣዎ፣ ኔ ኣዪዮ፣ ኔ ኣሻታኔ ኔሶ ኣሳ ኡባ ኔሶ ኤሆንታ ኣጊኮ ኔኒ ኑና ጫቂሲዳ ጫቆይ ኑሰ ጎሚቲና።

19 ኦኒካ ኔ ኮላፊ ካሬ ኮዚ ኦጌ ቦላ ቤቲ ሃይቂኮ ሄሲ ኢዛ ጎሚ፤ ኮኒ ሃሳን ኦይሹቶኮ፤ ጊዳ ኣቲን ኔናራ ሶን ኢሲፊ ዲዛይ ኦኒካ ቦሼቲኮ ኢዛ ሱላ ጎሚይ ኑና ጋኮ።

20 ኑ ኦሌዳይሳ ኔ ሃራሰ ዮቲዛ ጊዲኮ ኔኒ ኑና ጫቂሲዳ ጫቆይ ኑሰ ጎሚቲና» ጊዳ።

21 ኢዛካ፣ «ኢንቴ ጊዳ ማላ ሃኖ» ጋዳ ኢሰታ ወይዛዲሰ፤ ኢሰቲ ቢዳፕ ጉዬ ዘኦ ወዳሮ ባ ማሰኮቴ ቦላ ቃጳዲሰ።

22 ኢሰቲ ፑዴ ዙሞቡላታኮ ቢዳ፤ ጎዳሊዛይቲ ኢያርኮ ሰማና ጋካናሰ ሂን ሂቹ ጋላሰ ቆቲቲዳ። ጎዳሊዛይቲ ኦጌ ኡባን ኮዪዳ ሺን ኢሰቲ ዳሚቤቲና።

23 ሃሳፊ ጉዬ ሂ ናሞኡ ኣሳቲ ዙሞቡላታፕ ወዳ ዮርዳኖሴ ሻፋ ፒኒዲ ናዌ ና ኢያሶኮ ቢዲ ባና ጋኪዳ ኡባ ኢዛሰ ዮቲዳ።

24 ኢሰቲ ኢያሶሰ፣ «ጎዳይ ቱማፕ ቢታ ኡባ ኑሰ ኣሌ ኢሚዳሰ፤ ቃሴ ሃ ቢታን ዲዛ ኣሳይ ወሪ ኑሰ ያሻቴሌ ዳንዲዳይሳን ኢሰታ ወዚናይ ሴሪዳይሳ ኑ ቤኢዳሰ» ጊዳ።

3

ኢሰራኤሌ ኣሳይ ዮርዳኖሴ ሻፋ ፒኔሳ

2:10 ኮሳ 14:21፤ ታይ 21:21-35

1 ኢያሶይኔ ኢሰራኤሌ ኣሳይ ማላዶ ወንታራ ዳንዲዳይ፤ ኢሰቲ ሺጸሜ ጌቲቲዛሶፕ ዳንዲዳይ ዮርዳኖሴ ሻፋኮ ቢዲ ፒኖንታ ሂን ታኪዳ።

2 ሂቹ ጋላሳፊ ጉዬ ኦላ ጋዳዋቲ ኢሰቲ ዳንካኒዳሶን ጌሊዲ።

3 ኣሳሰ፣ «ጎዳ ኢንቴ ጸሳ ጫቆ ቃላ ታቦታኔ ኢዛ ቶኪዳ ሌዌ ዛሬ ቄሴታ ቤኢዛ ወዳ ኢንቴ ዳንካኒዳሶፕ ዳንዲዳይ ኢሰታ ካሊቲ።

4 ኢንቴ ካሴ ሂ ኦጌራ ቢ ኤርንታ ጊሻሰ ኢንቴ ባና ኦጌ ኢሰቲ ኢንቴና ቤሳና፤ ጊዳ ኣቲን ጫቆ ቃላ ታቦታኮ ሺቆፕቲ፤ ጫቆ ቃላ ታቦታፕ 2,000 ወዳ ጊዲዛይሳ ማላ ሃሆን ኤቂቲ» ጊ ኣዛዙ ኢሚዳ።

5 ኢያሶይ ኣሳ፣ «ጎዳይ ወንቶ ኢንቴ ጊዳን ማላሊሲዛዝ ኦላና ጊሻሰ ኢንቴ ጌይቲ» ጊዳሰ።

6 ቃሴካ ኢያሶይ ቄሴታሰ፣ «ኢንቴ ጫቆ ቃላ ታቦታ ቶኪዲ ኣሳፕ ሲንሌ ኣጳቲ» ጊ ዮቲዳሰ፤ ኢሰቲ ጫቆ ቃላ ታቦታ ቶኪዲ ዳራፕ ሲንሌ ሲንሌ ቢዳ።

7 ጎዳይ ኢያሶሰ፣ «ታኒ ሙሴራ ጊዲዳ ማላ ኔናራ ጊዳናይሳ ኢሰራኤሌ ኣሳይ ወሪ ኤራና ማላ ሃቶ ኢሰታ ሲንፋን ታኒ ኔና ጶቁ ጶቁ ኦላናሰ ደማና።

8 ኔኒ ጫቆ ቃላ ታቦታ ቶኪዛ ቄሴታ፣ «ዮርዳኖሴ ሻፋ ደና ጋኪዛ ወዳ ሃላን ጌሊዲ ኤቂቲ» ጋዳ ኣዛዛ» ጊዳሰ።

9 ኢያሶይ ኢሰራኤሌ ኣሳ፣ «ሃ ዪቲ፤ ዪዲ ጎዳ ኢንቴ ጸሳ ቃላ ሲዪቲ።

10 ዴኦ ጸሲ ኢንቴ ጊዳን ዲዛይሳኔ ኢዚ ቱማፕ ካናኔታ፣ ሂቲታ፣ ሂዌታ፣ ፓሪዜታ፣ ጌርጌሴታ፣ ኣሞሬታኔ ያቡሴታ ኢንቴ ሲንፋፊ ኮሳናይሳ ኢንቴ ሂሳን ኤራና።

11 ሳኦ ኡባ ጎዳ ጫቆ ቃላ ታቦታይ ኢንቴፊ ሲንፋቲዲ ዮርዳኖሴ ሻፋ ጌላና።

12 ሃኢ ኢሰራኤሌ ዛሬታፕ 12 ኣሳታ ደሪቲ፤ ኢሲ ኢሲ ዛሬፕ ኢሲ ኢሲ ኣሰ ጊዳ።

13 ሳኦ ኡባ ጎዳ ጫቆ ቃላ ታቦታ ቶኪዳ ቄሴታ ቶሆይ ዮርዳኖሴ ሃላ ቦቹዳ ማላ ፑዴሃፕ ዲጌ ጎጊዛ ዮርዳኖሴ ሃላ ሃራካ ጎጌላ ኣጋጋና፤ ደሬ ማላ ጊዲ ኤቃ ጋና» ጊዳሰ።

14 ኣሳይ ዮርዳኖሴ ሻፋ ፒናናሰ ባ ዳንካኔፕ ኮዚዳ ወዳ ጫቆ ቃላ ታቦታ ቶኪዳ ቄሴቲ ኣሳፕ ሲንፋቲ ቢዳ።

15 ካላ ሺሾ ወዳን ኡባን ዮርዳኖሴ ሻፋይ ኪጾሰ፤ ጊዲኮካ ጫቆ ቃላ ታቦታ ቶኪዳ ቄሴቲ ዮርዳኖሴ ሻፋ ጋኪዲ ኢሰታ ቶሆይ ሃላ ጋጸ ዬዲዳ ማላ።

16 ጎጊዛ ሃላይ ኤቂዳሰ፤ ሂን ዳሮ ሃሆሶን ጳርታኔ ማታን ዲዛ ኣዳሚ ጌቲቲዛ ካታማ ጋካናሰ ኢሲሶ ሺቂዲ ደሪቲዳሰ፤ ዲጌ ኣራቤ ጋጳን ዲዛ ማጸኔ ኣባን ጎጊዛ ሃላ ኡባይ ዲዲ ኣቲዳሰ፤ ሂሰቲን ኣሳይ ኢያርኮ ካታማ ጊናራ ፒኒዳሰ።

17 ኢሰራኤሌ ኣሳይ ማላ ቢታ ዬዲ ፒኒዛ ወዳ ኣሳይ ወሪ ፒናና ጋካናሰ ጎዳ ጫቆ ቃላ ታቦታ ቶኪዳ ቄሴቲ ዮርዳኖሴ ሻፋ ጊዳን ማላ ቢታን ኤቃ ጊዳ።

4

ሃሳኢሲዛ ቸቻታ ኤሶ

1 ካዎቲላይ ወሪ ዮርዳኖሴ ሻፋ ፒኒዳፕ ጉዬ ጎዳይ ኢያሶ።

2 «ኢሰራኤሌ ኣሳፕ 12 ኣሳታ ደሪ፤ ኢሲ ኢሲ ቆሞፊ ኢሲ ኢሲ ኣሰ ጊዳ።

3 ሂሰታዳ ኢሰታሰ፡ «የፍርዳኖሴ ሻፋ ገደን ቄሴታ ቶሆይ ኤቁዳሶ፤ 12 ሹቻታ ኤኪቴ፤ ሄ ሹቻታ ቶኪ ኤፊዲ ሃች ኢንቴ ኣቁዳሶን ዋሊቴ» ጋዳ ዮታ» ገደሰ።

4 ሃሳ ገሻሰ ኢያሱይ ኢሰራኤል ቆሞታ፤ ኢሲ ኢሲ ኣሰ ኤኪዲ ታማኔ ናምኡ ዶሬቲዳይታ ጸይገደሰ።

5 ሂሰቲዲ ኢሰታሰ፡ «ጎዳ ኢንቴ ጸሓ ጫቆ ቃላ ታቦታይ ዲዛሶሆ የፍርዳኖሴ ሻፋ ገሊቴ፤ ኢሰራኤል ቆሞታ ቆዳን ወሪካ ኢሲ ኢሲ ሹች ኢንቴ ሃሹን ሃሹን ቶኪቴ።

6 ሃ ሹቻቲ ጎዳይ ሃች ኦሊዳይሳ ኢንቴና ሃሳኢሲዛ ማላታ ገዳና፤ ዋዳ፤ ኢንቴ ናይቲ ኢንቴና፤ «ሃ ሹቻቲ ኣዜ?» ገዲ ኦይቸዛ ዋዳ።

7 ኢንቴ፡ «ጎዳ ጫቆ ቃላ ታቦታይ ፒኒዛ ዋዳ የፍርዳኖሴ ሻፋይ ጎገዛይሳ ኣገ ኤቁዳሰ፤ ሃ ሹቻቲ ሃ ሶሆን ሃኒዳይሳ ኡባ ማርናሰ ኢሰራኤል ኣሳ ሃሳኢሲዛይታ» ገዲ ኢሰታሰ ዮቲቴ» ገደሰ።

8 ኢሰራኤል ኣሳይ ኢያሱይ ኣዛዚዳ ማላ ኦሊዳሰ፤ ጎዳይ ኢያሱሰ ዮቲዳ ማላ ኢሰራኤል ቆሞታ ቆዳን 12 ሹቻታ የፍርዳኖሴ ሻፋ ገደፊ ኤኪዳ፤ ቶኪ ኤሂዲ ባ ኣቁዳ ሶሆን ዋሊዳ።

9 ኢያሱይ ጫቆ ቃላ ታቦታ ቶኪዳ ቄሴታ ቶሆይ የፍርዳኖሴ ሻፋ ገደን ኤቁዳሶን 12 ሹቻታ ኤሲዳሰ፤ ሄ ሹቻቲ ሃች ጋካናሰ ሄን ዳቴሰ።

10 ጎዳይ ኢያሱ ኣዛዚዳይሳ ኡባ ኣሳይ ፖላና ጋካናሰ ጫቆ ቃላ ታቦታ ቶኪዳ ቄሴቲ የፍርዳኖሴ ሻፋ ገደን ኤቁ ጋምኢዳ፤ ሙሴይ ኢያሱ ኣዛዚዳ ኣዛዘይካ ሃሳ፤ ኣሳይ ኤሶቲዲ ሻፋ ፒኒዳሰ።

11 ኣሳይ ወሪ ፒኒዳ፤ ጉዳ ጫቆ ቃላ ታቦታይን ቄሴቲ ኣሳይ ኢሰታ ጸሊሺን ፒኒዳ።

12 ሙሴይ ኣዛዚዳ ማላ ኦርቤሌ ዛሬቲ፡ ጋዳ ዛሬቲኔ ሚናሴ ዛሬታ፤ ባጋይ ኦላ ሚሻ ኦይኪዲ ኢሰራኤል ኣሳ፤ ሰንገላቲዲ ፒኒዳ።

13 ቆዳን 40,000 ገዲዛ ኣሳይ ቶራኔ ጎንዳሊ ኦይኪ ኦላሰ ገጌቲዲ ጎዳ ሰንገላን ኢያርኮ ማታን ዲዛ ዳምባ ፒኒዳ።

14 ሄ ጋላሰ ጎዳይ ኢያሱ ኢሰራኤል ኣሳ ኡባ ሰንገላን ቶቁ ቶቁ ሂሰቲዳሰ፤ ኣሳይ ሙሴ ቦንቸዳ ማላ ኢያሱካ ኢዚ ዲዳ ላይሰ ኡባን ቦንቸዳሰ።

15 ሃሳፊ ጉዳ ጎዳይ ኢያሱሰ፡

16 «ጫቆ ቃላ ታቦታ ቶኪዳ ቄሴቲ የፍርዳኖሴ ሻፋ፤ ስዛና ማላ ኣዛዛ» ገ ዮቲን፤

17 ኢያሱይ ቄሴታ፡ «የፍርዳኖሴ ሻፋ፤ ስዛና» ገ ኣዛዚዳሰ።

18 ጎዳ ጫቆ ቃላ ታቦታ ቶኪዳ ቄሴቲ የፍርዳኖሴ ሻፋ ገደፊ ኤኪዲ ማላ ቢታ ኢሰቲ ዩዲዳ ማላ ሄራካ የፍርዳኖሴ ሃላይ ካሴ ማላ ሻፋ ኩሚዲ ጎጌሳ ኦይኪዳሰ።

19 ኣሳይ ኮይሮ ኣገናን ታማንጎ ጋላሳን የፍርዳኖሴ ሻፋ ፒኒዲ ኢያርኮን ኣርሼይ ሞኪዛሶ ባጋራ ዛዋቲዛ ገልጌላን ዲንካኒዳሰ።

20 ኢያሱይ የፍርዳኖሴ ሻፋ፤ ኤሂዳ 12 ሹቻታ ገልጌላን ኤሲዳሰ።

21 ኢሰራኤል ኣሳሰ፡ «ዋዳ፤ ኢንቴ ዛሬቲ ባ ኣዋታ፡ «ሃ ሹቻቲ ኣዜ?» ገ ኦይቸዛ ዋዳ።

22 «ኢሰራኤል ኣሳይ የፍርዳኖሴ ሻፋ ማላ ቢታ ዩዲዳ ፒኒዳይሳ ሃሳኢሲዛይሳ» ገዲ ዮቲቴ።

23 ኦኒ ፒናና ጋካናሰ ጎዳ ኦ ጸሓይ ዘኦ ኣባ ካሴ ኦ ሰንገላን ማሊሲዳ ማላ ኢንቴካ ፒናና ጋካናሰ ጎዳ ኢንቴ ጸሓይ የፍርዳኖሴ ሻፋ ኢንቴ ሰንገላን ማሊሲዳሰ።

24 ሃሳላ ኢዚ ኦሊዳይ ሳኣን ዲዛ ኣሳይ ወሪ ጎዳ ዋልቃይ ኣይ ማላ ገታኮ ኤራናሲኔ ኢንቴካ ጎዳሰ ኢንቴ ጸሓሰ ማርናሰ ያያናሳ» ገደሰ።

5

1 የፍርዳኖሴ ሻፋ፤ ኣርሼይ ወሊዛ ባጋራ ዲዛ ኣምሬታ ካዋቲኔ ማዲቴራኔ ኣባ ላንቁ ላንቁ ኦይኪዲ ዲዛ ካናኔታ ካዋቲ ወሪ ኢሰራኤል ኣሳይ ፒናና ጋካናሰ ጎዳይ የፍርዳኖሴ ሻፋ ሃላ ማሊሲዳይሳ ሲዱዳ ዋዳ ኢሰታ ዋዚናይ ባቦን ሴሪዳሰ። ሂሰቲን ኢሰቲ ኢሰራኤል ኣሳራ ኤቁታናሰ ጸሊቤቴና።

ቃጸራ

2 ሄ ዋዳ ጎዳይ ኢያሱሰ፡ «ሳሎ ሹቻ ቃራ ኤካዳ ቃጸራቶንታ ኢሰራኤል ኣቲማ ኣሳ ናምኣንሎ ቃጸራ» ገደሰ።

3 ሂሰቲን ኢያሱይ ሳሎ ሹች ቃራሲዲ ገቢኣዜ ኤሎቴ ጌቲቲዛሶን ኢሰራኤል ኣቲማሳ ቃጸራዳሰ።

4 ኢዚ ሄሳ ኦሊዳ ይገሰይካ ገብጸ፤ ስዚዳ ኣሳን ላይላይ ኦላሰ ጋኪዳ ኣቲማ ኣሳይ ወሪ ገብጸ፤ ስዚዳ፤ ጉዳ ባዘን ኦጌ ቦላ ሃይቁዳሰ።

5 ገብጸ፤ ስዚዳ ኣቲማ ኣሳይ ወሪ ቃጸራቲዳሰ፤ ገደ ኣቲን ባዘን ዩዲዳ ዋዳ ዩሎቲዳ ኣቲማ ናይታ፤ ስዚዳካ ቃጸራቲቤና።

6 ኢሰራኤል ካዋቲላይ ጎዳሰ ኣዛዜቶንታ ኢዲዳ ገሻሰ ገብጸ፤ ስዚዳ ዋዳ ላይላይ ኦላሰ ጋኪዳ ኣቲማ ኣሳይ ወሪ ሃይቁዲ ወራና ጋካናሰ ባዘን 40 ላይሰ ዩዲዳሰ፤ ሄሳን ጎዳይ ኢሰታሰ፡ «ኤሲኔ ማላ ጎገዛ ኣራዳ ቢታ ታኒ ካሴ ኢንቴ ኣዋታሰ ኢማና ገዳ ሄ ቢታ ኢንቴ ቤዩኪታ» ገዳ ቃላይ ፖሊታናሳ።

7 ሃሳ ገሻሰ ጎዳይ ኢሰታ ናይታ ኢሰታሶሆን ዳንሊዳሰ፤ ኢያሱይ ቃጸራ ገልጌዳይቲ ሄይታንታ፤ ኢሰቲ ኦጌ ቦላ ሄማቲሼ ዲዛ ገሻሰ ቃጸራቲቤቴና።

8 ካዋቲላይ ወሪ ቃጸራቲዳ፤ ጉዳ ማዲንጎይ ፓጻና ጋካናሰ ባ ዲንካኒ ዲዛሶን ታኪዳሰ።

9 ጎዳይ ኢያሱሰ፡ «ሃች ታኒ ገብጸታ ቦሪ ኢንቴፊ ገንደሪሳ ዲጋዲሰ» ገደሰ፤ ሂሰቲን ሄ ሶሆዛ ሱንጎይ ሃች ጋካናሰ ገልጌላ * ጌቲቴሰ።

10 ኢሰራኤል ኣሳይ ኢያርኮ ዳምባን ገልጌላን ዲንካኒ ዲሼ ኣገናይ ገልጌን ታማኔ ኦይዳንጎ ጋላሳ ኣማርሰ ፓዚጋ ባኣሌ ቦንቸዳሰ።

11 ፓዚጋ፤ ጉዳ ዋንቴላ ጋላሰ ቢታን ሞኪዳ ካላ ኣይፊ፤ ኣርሼይ ገሎንታ ኡኬቲዳይሳኔ ጫጩቲዳ ቲያ ሚዳሰ።

12 ሄ ቢታን ሞኪዳ ካላ ኣይፊ ሚዳ ጋላሰ ማናይ ዩሰ ኣገደሰ፤ ሃሳፊ ጉዳ ኢሰራኤል ኣሳሰ ማናይ ዩቤና፤ ገደ ኣቲን ሄ ዋዳ፤ ደሚዲ ኢሰቲ ካናኔን ሞኪዳ ካላ ሚሼ ዳኢዳ።

ማሻ ኦይኪዲ ኢያሱራ ጋይቲዳዳ

13 ኢያሱይ ኢያርኮ ማታን ዲሼ ቶቁ ገ ጸሊዲ ገላ ማሻ ሹዲ ኦይኪዳ ኢሲ ኣሲ ኢዛ ሰንገላን

5:6 ታይ 14:28-35 * 5:9 ገልጌላ፡ ገልጌላ ጉሳይ ኢብራዊታ ቃላን ገንደሪሰ ዲገደሰ ጉሳ። 5:10 ኪሳ 12:1-13 5:12 ኪሳ 16:35

ኤቄዳይሳ ቤኢዳሰ፤ ኢያሱይ ኢዛኮ ሸቂዳ፡ «ኔኒ ኑ ባጋዬ ኑ ሞርኬታ ባጋ?» ገ ኑይቺዳሰ።

14 ኢዚካ፡ «ታ ኦና ባጋካ ገዲኬ፤ ገደ ኣቲን ታኒ ጎዳ ኦላንቻታ ጋዳዋ ገዲዳ ገሻሰ ያዲሰ» ገ ዛሪዳሰ።

ኢያሱይካ ሳኣን ጉፋኒ ጎይኒዲ፡ «ታ ጎዳዉ! ታሰ ኔ ኣይሌዛሰ ኔ ኣይ ዮታኔ?» ገዳሰ።

15 ጎዳ ኦላንቻታ ጋዳዋይ፡ «ኔኒ ኤቄዳሶይ ገሽ ገዲዳ ገሻሰ ኔ ቶሆፔ ጫማ ኬሳ» ገዳሰ፤ ሂሰቲን ኢያሱይ ኢዚ ኣዛዚዳ ማላ ኦሊዳሰ።

6

ኢያርኮ ኩንዳል

1 ኢሰራኤሌ ኣሳሰ ያዩዳ ጋሶን ኢያርኮ ካታማ ዲርሳ ፔንገቲ ጎርዳቲዳ፤ ካታማ ጌላናሲኔ ካታማፕ ኬዛናሰ ዳንዳይዛይ ኦኒካ ዳና።

2 ጎዳይ ኢያሶሰ፡ «ሄኮ ታኒ ኢያርኮ ካታማዮ ኢዚ ካዋዛሪ ኢዚ ሚኖ ኦላንቻታራካ ኔ ኩሼን ኣላ ኢማዲሰ።

3 ኔኒ ኔ ኦላንቻቲ ጨፍሪዲ ኡሱፑን ጋላሰ ጋካናሰ ሃቶ ሃቶ ካታማ ዲርሳ ኢሱቶ ዩዩ ኣዲቲ።*

4 ቃሴ ላፑን ቄሴቲ ላፑን ዛዬታ ኦይኪዲ ጎዳ ጫቆ ቃላ ታቦታ ሲንሕ ኣዲቶ፤ ላፑንፋ ጋላሰ ቄሴቲ ዛዬታ ፑኒሺን ኦላንቻቲ ጨፍሪዲ ኢሲፌ ካታማዮ ላፑንቶ ዩዩ ኣዲቶ።

5 ሃሳፌ ጉዬ ዛዬይ ቃንጾይ ባይንዳ ፑኔቲዛይሳ ሲዩዳ ማላ ኣሳይ ዉሪ ባ ቃላ ቶቄ ሂሰቲ ዋሶ፤ ሂሰቲዳ ማላ ካታማይ ገምቤይ ላሌታና፤ ኣሳይ ዉሪ ላዉሁ ገ ኬኢዲ ካታማይ ገደ ስቲ ገ ጌላና» ገዳሰ።

6 ናዌ ና ኢያሶይ ቄሴታ ጾይገዲ፡ «ጎዳ ጫቆ ቃላ ታቦታ ቶኪቲ፤ ኢንቴፌ ላፑን ቄሴቲ ላፑን ዛዬታ ኦይኪዲ ጫቆ ቃላ ታቦታፔ ሲንሕ ኣዲ ባቲ» ገዳሰ።

7 ዳሪዛካ፡ «ጌዳ ሲንሕ ባቲ፤ ካታማ ዩዩ ኣዲቲ፤ ኦላንቻቲካ ጎዳ ጫቆ ቃላ ታቦታፔ ሲንሕቲ ቤቶ፤ ካታማዮካ ዩዩቲ» ገዲ ኣዛዚዳሰ።

8 ኢያሶይ ኣሳሰ ሃሳይዳ ማላ ላፑን ቄሴቲ ላፑን ዛዬታ ጎዳ ሲንሕን ኦይኪዲ ፑኒሺ ሲንሕቲ ቤዳ፤ ቃሴ ጎዳ ጫቆ ቃላ ታቦታይ ኢሰታ ካሊዳሰ።

9 ኦላሰ ገቤቲዳይቲ ዛዬታ ፑኒዛ ቄሴታፔ ሲንሕራ ቢሺን ጉዬራ ናገዛ ኦላንቻቲ ጫቆ ቃላ ታቦታ ካሊዳ፤ ሄ ዎዳ ዛዬይ ቃንጾይ ባይንዳ ፑኔቲዳሰ።

10 ገደ ኣቲን ኢያሶይ ኣሳ፡ «ታኒ ኢንቴና፡ «ዋሲቲ!» ጋና ጋላሳይ ጋካናሰ ኦላ ዋሶ ዋሶፍቲ፤ ኢንቴ ቃላይ ሲዬቶፎ፤ ኢሲ ቃላካ ቃቶፍቲ፤ ታ ዋሲቲ ገኮ ሄ ዎዳ ዋሲቲ!» ገ ኣዛዚዳሰ።

11 ሃሳ ገሻሰ ጎዳ ጫቆ ቃላ ታቦታይ ቶኪቲዲ ሄ ካታማ ኢሱቶ ዩዩ ኣዳና ማላ ኦሊዳሰ፤ ሃሳፌ ጉዬ ኣሳይ ባ ዲንካኒዳሶ ሲሚዳ ኦማርሰ ሄን ኣቂዳሰ።

12 ዎንቴላ ጋላሰ ኢያሶይ ዎንታቲ ዳንዲዳሰ፤ ቄሴቲካ ጎዳ ጫቆ ቃላ ታቦታ ቶኪዲ።

13 ላፑን ዛዬታ ኦይኪዳ ላፑን ቄሴቲ ሲንሕ ኣዲዲ ዛዬሼ ጎዳ ጫቆ ቃላ ታቦታፔ ሲንሕ ሲንሕ ቢሺ ዛዬዛ ቃንጾይ ባይንዳ ፑኒዳ፤ ኦላሰ ገቤዳይቲ ኢሰታፌ ሲንሕራ ቢሺን ጉዬራ ናገዛ ኦላንቻቲካ ጎዳ

ጫቆ ቃላ ታቦታ ካሊ ቤቴሰ፤ ሄ ዎዳ ቄሴቲ ቃንጾይ ባይንዳ ዛዬ ዛዬቴሰ።

14 ናምኣንሎ ጋላሰ ካታማ ኢሱቶ ዩዩ ኣዲዲ ባ ዲንካኒዳሶ ሲሚዳ፤ ኡሱፑን ጋላሰ ጋካናሰ ሄሳሎካ ኦሊዳ።

15 ላፑንፋ ጋላሰ ባዛይ ዘኢሺን ዳንዲዲ ካሴይሳሎካ ካታማዮ ላፑንቶ ዩዩ ኣዲዳ፤ ሄ ጋላሰ ጸላ ካታማዮ ላፑንቶ ዩዩ ኣዲዳ።

16 ላፑንፋ ዩዩሼ ቄሴቲ ዛዬታ ፑኒሺን ኢያሶይ ዳራ፡ «ጎዳይ ሃኖ ካታማዮ ኢንቴሰ ኣሊ ኢሚዳ ገሻሰ ዋሲቲ!

17 ካታማያኔ ካታማይ ገደን ዲዛ ኡባይ ጎዳሰ ዲማ ገዲዳ ገሻሰ ኢዛ ሙሌራ ጳይሲቲ፤ ኔኒ ቢታኖ ዎቻናሰ ኪቲዳ ኣሳታ ቆታ ኣሺዳ ገሻሰ ላይማ ማጫሰ ኤራኣባኔ ኢዚ ሶን ኢዚራ ኢሲፌ ዲዛ ኣሲ ጸላ ኣታና።

18 ገደ ኣቲን ኢንቴ ጎዳሰ ዲማቲዳይሳፌ ኣይኮካ ኤኮንታ ማላ ኢንቴ ሁኤሰ ናገቲቲ፤ ኢንቴ ሂሰቶንታ ኣገኮ ኢሰራኤሌቲ ዲንካኒዳሶ ኢታሰ ኣሊ ኢማና፤ ሂሰቲዲ ሄ ሶሆዛ ሶላ ሚቶ ጋላና።

19 ቢራይኔ ዋርቃይ ዉሪ ቃሴ ጸርቂማላፔኔ ቢራታፔ ኦሴቲዳ ሚሻቲ ኡባይ ጎዳሰ ዲማ ገዲዳ ገሻሰ ጎዳ ሚንጃ ኬላ ጌሎ» ገዳሰ።

20 ሃሳ ገሻሰ ዛዬይ ፑኔቲን ኣሳይ ዋሲዳሰ፤ ዛዬዚ ፑኔቲሺን ዳሪዚ ባ ቃላ ቶቄ ሂሰቲዲ ዋሲን ካታማ ዲርሳይ ላሌቲዳሰ፤ ሃሳፌ ጉዬ ኣሳይ ዉሪ ስቲ ገዲ ጌዳ ካታማዮ ጌሊዳሰ።

21 ካታማን ሽምፖራ ፓጻ ዲዛይታ ኡባ ኦይኪዲ ማጫ፡ ኣቲማ፡ ናይታ፡ ጨማታ፡ ሚዝ፡ ዶርሳኔ ሃሪ ኡባ ቃሪ ማሻን ዎዲዳሰ።

22 ኢያሶይ ቢታ ዎቻናሰ ኪቲቲዳ ናምኡ ኣሳታ፡ «ላይማ ማጫሰ ኤራኣባ ሶ ቤቲ፤ ሂሰቲዲ ኢንቴ ኢዚሰ ጫቂዳ ማላ ኣኔ ኢዛኔ ኢዚ ሶ ኣሳ ኡባ ቆሪ ኬሰቲ» ገዳሰ።

23 ሃሳ ገሻሰ ቢታ ዎቻዳ ኣሳቲ ቢዲ ኤራኣባ፡ ኢዚ ኣዋ፡ ኢዚ ኣዩዮ፡ ኢዚ ኣሻታኔ ኢዚ ዳቦታ ኡባ ቆሪ ኬሰዲ፤ ኢሰራኤሌ ኣሳይ ዲንካኒ ዲዛሶፔ ጋጸራ ዎሊዳ።

24 ሃሳፌ ጉዬ ካታማዮኔ ኢዚ ገደን ዲዛ ኡባ ታማን ጸጊዳ፤ ገደ ኣቲን ቢራይ ዋርቃ፡ ጸርቂማላፔኔ ቢራታፔ ኦሴቲዳ ሚሻታ ጎዳ ሚንጃ ኬላን ዎሊዳ።

25 ቃሴ ኢያሶይ ላይማ ማጫሰ ኤራኣባ ኢዚ ኣዋ ሶ ኣሳኔ ኢዚራ ዲዛ ዳቦታ ኡባ ኣሺዳሰ፤ ጋሶይካ ኢያሶይ ኢያርኮ ካታማዮ ዎቻናሰ ኪቲቲዳ ኣሳታ ኢዛ ካሴ ቆታዳ ኣሺዳ ገሻሳ፤ ኢዚ ዛሪቲ ሃቶ ጋካናሰ ኢሰራኤሌ ቢታን ዳቴሰ።

26 ሄ ዎዳ ኢያሶይ፡ «ሃኖ ካታማዮ ዛሪ ኤሲዛ ኣሲ፡ «ጎዳ ሲንሕን ቃንገቲዳዳ ገደ።

ዮቶ ዩገዛ ዎዳ
ኢዛሰ ባይራ ናይ ጳዮ።
ገምቤታ ኤሲሺን
ዉርሴላ ናይ ጳዮ»
ገዲ ቃንገዳሰ።

27 ሃ ኡባን ጎዳይ ኢያሶራ ገዲዳሰ፤ ኢያሶ ጎባቴላ ዎሪይ ቢታ ኡባ ጋኪዳሰ።

* 6:3 ጨፍሪ ገዛይሳ ኢሲ ኢሲ ባጋ ጋዋላ ቃላን ዛሪ ጉሳ። 6:25 ኢሰ 11:31

7

አካሌ ርጋራ

1 ኢስራኤል አሳይ ጎዳሰ አማኔቶንታ ኢጲዲ ፒላ ሚሽ ኤኪዳሰ፤ ሄሳ ኤኪዳይ አካኔ፤ አካኔይ ካርሚ ና፤ ካርሚይ ዘሚራ ና፤ ዘሚራይ ዩሁዳ ቆሞሬ ዛራሄ ና፤ ሂሰቲን ጎዳ ሃንቆይ ኢስራኤል አሳ ሶላ ኤጲ ኬዚዳሰ።

2 ኢያሱይ ቤቴሌ ካታማፔ አርሼይ ሞኪዛ ባጋራ ቤተ-አዌኔ ማታን ዲዛ አዬ ካታማ ኢያርኮሬ አሰ ከቲዲ፣ «ጌዴ ኬኢቲ፤ ቢታዮካ ዋቸቲ» ጌዳሰ። አሳቲካ ቢዲ አዬ ካታማ ዋቸዳ።

3 ዋቸዳ አሳቲ ኢያሱሶ ሲሚ ዩዲ፣ «አዬ ካታማ ኦላናሰ ኡባ አሳይ ባናሰ ኮሼና፤ ናሞኡ ዋይኮ ሄቹ ሺ አሰ ዬዳ፤ አዬን ጉላ አሲ ዲዛ ገሻሰ አሳይ ወሪ ዳቡርፖ» ጌዳ።

4 ሂሰቲን 3,000 ጌዲዛ አሳይ ኦሌታናሰ አዬ ካታማ ቢዳሰ፤ ጌዳ ኦቲን አሳይ አዬ ካታማ አሳ ሲንጎሬ ባቃቲዳሰ።

5 አዬ ካታማ አሳይ ኢስራኤል አሳ ካታማ ገምቤ ፔንጌሬ ቢዲ ሸባርሚ ጋካናሰ ዲጉንጎን ጎዲሼ ሸጪዳሰ፤ ኢሰታሬ 36 አሰ ዎቋዳ፤ ሄሳን አሳ ዎዚናይ ሴሪዲ ሃላ ማላ ጉኪዳሰ።

6 ሄሳሬ ጉዬ ኢያሱይ ባ ማይኦ ዳኪዳሰ፤ ሂሰቲዲ ጎዳ ታቦታ ሲንጎን ኦማርሰ ጋካናሰ ጉፋኒዳሰ። ኢስራኤል ጪማቲካ ሄሳ ማላ ሃኒዳ፤ ባ ሁኤንካ ጉዲላ ማኪዳ።

7 ሂሰቲን ኢያሱይ፣ «አዬ አና! ኡባ ሃሪዛ ጎዳወ! ኡና አሞሬ አሳሰ አላ ኢማዳ ወርሲሳናሰ አይሰ ዮርዳናሴ ሻፋ ፒንጎዳ ኤሃዲ? ኑ ፒኖንታ ሄን አቲዳኮ አዜ ዲዛይሺን!

8 አቤት ጎዳወ! ኢስራኤል አሳይ ጸኔቲዲ ባ ሞርኬታ ሲንጎሬ ባቃቲዳይሳ ታኒ አይ ጎ?

9 ካና ኢሳይኔ ሃ ቢታን ዲዛ ሃራ አሳይ ወሪ ሃ ዮኦዛ ሲዩዲ ኡና ደዳና፤ ቢታ ሶላሬ ኑ ሱንጎ ጳይሳና፤ ሂሰቲን ኔ ጌታ ሱንጎ ገሻሰ ጋዳ ኔ አይ ኦላኔ?» ጌዳሰ።

10 ጎዳይ ኢያሱ፣ «ዳንዳ ኤቃ! አይሰ ጉፋናዲ?

11 ኢስራኤል አሳይ ርጋራ ኦሌዳሰ፤ ታኒ ኢሰታራ ጫቁቲዳ ታ ጫቆዛ ሚንጎዳሰ፤ ኢሰቲ ፒላ ሚሻታፔ ኤኪዳ፤ ካይሶቲዳ፤ ዎርዶቲዳ፤ ቃሴ ባንቲ ኤኪዳይሳ ባንታ ሚሻራ ዋላኪዳ።

12 ኢስራኤል አሳይ ባንታ ሞርኬታራ ኤቁታናሰ ዳንዳዮንታይ ሄሳ ጋሶና፤ ኢሰቲ ጳዮሰ አቋ ኢሜቲዳ ገሻሰ ባንታ ሞርኬታ ሲንጎሬ ጉዬ ሲሚ ባቃቲዳ፤ ፒላ ሚሽ ኢንቲ ጌዳሬ ኢንቲ ጳይሶንታ ኣገኮ ሃይሳሬ ጉዬ ታኒ ኢንቲናራ ጌዲኬ።

13 «ዳንዳ! አሳ ጌሻ፤ ኢሰታሰ፣ ሳዳ ኢስራኤል ጸሳይ ኢንቲና፣ ኢስራኤሌቶ! ፒላ ሚሽ ኢንቲ ጌዳን ዳሰ፤ ኢንቲ ሄሳ ኢንቲ ጌዳሬ ዲጋና ጋካናሰ ኢንቲ ሞርኬታ ሲንጎን ኤቃናሰ ዳንዳዬኬታ፤ ዎንቶሰ ኢንቲና ገገሳናሰ ኢንቲና ጌሺቲ።

14 ዎንቶ ማላዶ ኢንቲ ቆሞን ቆሞን ሸቁቲ፤ ጎዳይ ሻኪዳይሰ፣ ዛሬን ዛሬን፣ ዛርኬን ዛርኬን፣ ኬላን ኬላኒኔ ሁኤን ሁኤን ሲንጎ ስከና።

15 ሄሳሬ ጉዬ ፒላ ሚሽ ኢዛ አቻን ቤቲዳዳይኔ ኢዛሰ ዲዛ ኡባይ ታማን ጸጌታና። ጋሶይካ ጎዳ ጫቆ

ቃላ ላሊዲ ኢስራኤል ጌዳን ዬላቸዛ ኦሶ ኦሊዳ ገሻሳ» ጌዳሰ።

16 ኢያሱይ ዎንቲላ ጋላሰ ዎንታራ ዳንዲዲ ኢስራኤል አሳይ ባ ቆሞን ቆሞን ሺቃና ማላ ኦሊዳሰ፤ ሄሳሬ ጉዬ ዩሁዳ ቆሞይ ሻኬቲዳሰ።

17 ዩሁዳ ቆሞይ ሸቁን፣ ዛራሄ ዛሬይ ሻኬቲዳሰ፤ ዛራሄ ዛሬይ ሸቁን፣ ዘሚራ ሶ አሳይ ሻኬቲዳሰ።

18 ዘሚራ ሶ አሳይ ሸቁን፣ ወርሴላን ዘሚራ ና፣ ካርሚ ና አካኔይ ሻኬቲዳሰ።

19 ሂሰቲን ኢያሱይ አካኔ፣ «ታ ናዘ! ጎዳ ኢስራኤል ጸሳ ቦንቻ፤ ኢዛሰ ፓጸ፤ አኔ ኔኒ ኦሊዳይሳ ቆቶንታ ዳሼ ታሰ ዮታ» ጌዳሰ።

20 አካኔይካ ኢያሱሰ፣ «ኤ ቱማ! ታኒ ጎዳ ኢስራኤል ጸሳ ቆሃዲሰ፤ ታኒ ኦሊዳይ ሃይሳ፤

21 ዲኤቲ ዩዳ ሚሻ ጌዳሬ ታኒ ኢሲ ሎኢዛ ሳናኦሪ ካባ፣ ናሞኡ ጸቱ ሳቁሌ ቢራኔ ባጋ ኪሎ ጌዲዛ ዎርቃ ቤኦዳ አሞቲዳ ገሻሰ ኤካዲሰ። ሂሰታዳ ታ ዲንካኔ ጌዳን ሶካዳ ቢራ ጋርሳራ ሂጸ ዎጋዲሰ» ጌዳሰ።

22 ሂሰቲን ኢያሱይ አሰ ከቲዳሰ፤ ኢሰቲ ኢዛ ዳንካኔኮ ዎጲ ቢዲ ቢራዚ ጋርሳራ ሂጸቲ ሃንኮ ሚሻታራ ሞጌቲዳይሳ ዳሚዳ።

23 ከቲቲ ቢዳ አሳቲ ሚሻ ዳንካኔዛ ጌዳሬ ኤኪዲ፣ ኢያሱሶኔ ኢስራኤል አሳኮ ኤሂዲ ጎዳ ሲንጎን ዎሊዳ።

24 ሄሳሬ ጉዬ ኢያሱይኔ ኢስራኤል አሳይ ኡባይ ኢሲሬ ዛራሄሰ ናዘ ና ካርሚ ና አካኔ፣ ቢራ፣ ካባ፣ ዎርቃ፣ ኢዛ አቱማ ናይታኔ ማጫ ናይታ፣ ኢዛ ሚዛ፣ ሃራታኔ ደርሳታ፣ ኢዛ ዳንካኔኔ ኢዛሰ ዲዛይሳ ኡባ ኤኪዲ አኮሪ ዙሌ ኤሂዳሰ።

25 ኢያሱይ አካኔ፣ «ሃይሳ ማላ ማቶ ኑ ሶላ አይሰ ኤሃዲ? ጎዳይ ሃቾ ኔ ሶላካ ማቶ ኤሃና» ጌዳሰ።

ሂሰቲን ኢስራኤል አሳይ ወሪ አካኔኔ ኢዛ ሶ አሳ ሹቻን ኩራኪ ዎቋዲ ኢዛሰ ዲዛ ኡባ ታማን ጸጌዳሰ።

26 ኢሰቲ አካኔ ሶላን ሃቾ ጋካናሰ ዲዛ ዳር ሹቾ ኮሪዳ። ሄሳሬ ጉዬ ጎዳይ ያሺሲዛ ባ ሃንቆዛ ዛሪዳሰ፤ ሄሳ ገሻሰ ሃቾ ጋካናሰ ሄ ሶሆይ አኮሪ ዙሌ ጌቲቲሰ። *

8

አዬ ካታማ ጸኔቲላ

1 ጎዳይ ኢያሱሰ፣ «ያዮፋ፤ ዳጋሞፋ! ኦላንቻታ ኡባ ኔናራ ኤካዳ፣ አዬ ካታማ ባዳ ኦላ። ሄኮ አዬ ካታማ ካዎ፣ ኢዛ ዳራ፣ ኢዛ ካታማኔ ኢዛ ቢታ ታኒ ኔ ኩሼን አላ ኢማዲሰ።

2 ኔኒ ኢያርኮ ካታማኔ ኢዛ ካዎዛ ጳይሰዳ ማላ አዬ ካታማኔ ኢዛ ካዎዛካ ጳይሰና። ጌዳ ኦቲን ቦንቁዳ ሃርዛኔ ዲኢዳ ሚሄዛ ኢንቲሰ ኤኪቲ። ካታማፔ ጉዬ ባጋራ ዛማዲ ናገዛ ኦላንቻታ ዎላ» ጌዳሰ።

3 ሂሰቲን ኢያሱይኔ ኦላንቻቲ ኡባይ አዬ ኦላናሰ ዳንዲዳ። ኢያሱይ ባ ኦላንቻታ ጌዳሬ 30,000 ጌዲዛ ሚኖ ኦላንቻታ ዶሪዲ ቃማራ ዬዲዳሰ።

4 ኢያሱይ ኢሰታሰ፣ «ሲዩቲ፣ ካታማፔ ጉዬ ባጋራ ዛማዲ ናገቲ፤ ካታማፔ ሃኮፍቲ፤ ኡባይካ ሚኒ ናገቲ።

* 7:26 አኮሪ ዙሌ ጉሲ ሜቶ ዙሌ ጉሳ።

5 ታኒኔ ታናራ ዲዛ አሳ ኡባይ ካታማይኮ ሺቃና፤ ሄ ዎዴ አዬ ካታማ አሳይ ካሴይሳታካ ኑናራ ኦሌታና ጊዲ ኑኮ ኬዚሺን ኑኒ ኢሰታፊ ባቃታና።

6 ካታማፕ ኢሰቲ ኡባይ ኬዛና ጋካናሰ ኑኒ ኢሰታ ሲንፋፊ ባቃታና፤ ሂሰቲዳ ማላ ኢሰታሰ፤ ሐሳይሳታ ኢሰራኤሌቲ ኑ ሲንፋፊ ባቃቲቲሰን ጊሼ ኑ ኢሰታ ካሌሊዲ ሃሲ ኤፋና ጋካናሰ ኢሰቲ ኑና ካላና፤ ኑኒካ ኢሰታፊ ባቃታና።

7 ሄ ዎዴ ኢንቲ ቆቲቲዳሶፕ ኬዚዲ ካታማዮ ኦይካንዴታ፤ ጎዳ ኢንቲ ጸሳይ ካታማዮ ኢንቲሰ አሉ አማና።

8 ካታማዮ ኦይኪዳፕ ጉዬ ጎዳይ አዛዚዳ ማላ ታማን ጸጊቲ፤ በኢቲ ታኒ ኢንቲና አዛዚዳሰን ጊዳሰ።

9 ሂሰቲዲ ኢያሶይ ኦላንቻታ ዩዲዳሰ፤ ኢሰቲ ቢዲ አዬ ካታማፕ አርሼይ ወሊዛሶ ባጋራ ዲዛ በቲሌሲኔ አዬሰ ጊደን ዛማዲ ናጊዳ፤ ጊደ ኣቲን ኢያሶይ ሄ ጋላሳ ኦማርሰ አሳራ ኢሲፊ አቋዳሰ።

10 ኢያሶይ ዋንቲላ ጋላሰ ዋንታራ ዳንዲዲ ኦላንቻታ ኡባ ሺሺዳሰ፤ ኢዚኔ ኢሰራኤሌ ጋዳዋቲ አላ አሳ ካሌሊዲ አዬ ቢዳ።

11 ኢዛራ ዲዛ ኦላንቻቲ ኡባይ ካታማይሰ ሲንፋ በ ማቲዳ፤ ሄሳፊ ጉዬ ቃሴ አዬ ካታማፕ ፑዳሃ ባጋራ ዲዛ ሸባፊ ሄ ፒንፋን ዲንካኒዳ።

12 ኢያሶይ 5,000 ጊዳና ኦላንቻታ ኤኪዲ ካታማይፕ አርሼይ ወሊዛ ባጋራ በቲሌፕኔ አዬፕ ጊደን ዛማዲ ኡታና ማላ ኦሊዳሰ።

13 ካታማይፕ ፑዳሃ ባጋራ ዲዛ ኦላንቻታኔ ካታማይፕ አርሼይ ወሊዛ ባጋራ ዛማዲ ኡቲዳ ኦላንቻታ ኡባ ሶሆ ሶሆ ኦይሊዳሰ። ሄ ጋላሳ ኦማርሰ ኢያሶይ ዲጌ ሸባ ዎዲዳሰ።

14 አዬ ዳሬ ካዎይ ሄሳ በኢዲ ኢዚኔ ኢዛ ኦላንቻቲ ኡባይ ኢሰራኤሌ አሳ ኦላናሰ አራቤፕ ሲንፋ ባጋራ ዲዛሶሆ ዩዳ። ጊደ ኣቲን ካዎዚ ካታማይፕ ጉዬ ባጋራ ዛማዲ ናጊዛይቲ ዲዛይሳ ኤሪቤና።

15 ኢያሶይኔ ኢሰራኤሌ አሳይ ኡባይ ጸኔቲዳ ማሳቲዲ ባዞ ሰሚ ባቃቲዳ።

16 አዬ አሳይ ኡባይ ኢሰታ ዩዳፋናሰ ጸይጌቲዳ፤ ኢያሶካ ዩዳሊዳ፤ ሄሳላ ኦሊዲ አዬ አሳይ ካታማፕ ሃካና ማላ ኦሊዳ።

17 ኢሰራኤሌ አሳ ዩዳፋናሰ አዬፕኔ በቲሌፕ ኬዘንታ ኣቲዳ ኣቲማሲ ዳና፤ ካታማዮ ደያ ዩጊዲ ኢሰራኤሌ ዩዳሊዳ።

18 ሄሳፊ ጉዬ ጎዳይ ኢያሶሰ፤ «ካታማዮ ታ ኔ ኩሼን ኣላ አማና፤ ኔ ኦይኪዳ ቶራ አዬ ቦላ ጸንጋናሰ ማላ ጸላ» ጊዳሰ። ሂሰቲን ኢያሶይ ባ ቶራ ካታማኮ ዛሪዲ ማሊዳሰ።

19 ኢያሶይ ቶራ ሄ ዛሪ ማሊዳ ማላ ካሴ ዛማዲ ኡቲዳ ኦላንቻቲ ባንቲ ቆቲቲዳሶፕ ኤሶን ኬዚዳ። ዎጺ ጌሊዲ ኦይኪዳ፤ ሄራካ ኢዞ ታማን ጸጊዳ።

20 አዬ አሳይ ጉዬ ሰሚዲ ጸሊሺን ካታማይፕ ጨዎይ ሳሎ ኬዚዛይሳ በኢዳ። ባዞ ባቃቲዳ ኢሰራኤሌ አሳይ ኢሰታ ቦላ ሃ ሰሚ ዎዲዳ ጊሻሰ ኢሰታሰ ቢዛሶይ ዳይዳሰ።

21 ኢያሶይኔ ኢሰራኤሌ አሳይ ኡባይ ዛማዲ ኡቲዳ ኦላንቻቲ ካታማ ኦይኪዳይሳኔ ጨዎይ ሳሎ ኬዚዳይሳ በኢዳ ማላ ጉዬ ሰሚዲ አዬ አሳ ቦላ ማቶ ዩጊዳ።

22 ዛማዲ ኡቲዳ ኦላንቻቲካ ካታማይፕ ኢሰታ ቦላ ኬዚዳ። ሄሳ ጊሻሰ ኢሰራኤሌ ኦላንቻቲ ኢሰታ ያራ ሃራ ጊዳሊዲ ዲፕ ሂሰቲዳ፤ ኢሲ አሰካ ኣቲቤና።

23 ጊደ ኣቲን አዬ ካዎ ጸላ ሼምፖራ ፓጻ ኦይኪዲ ኢያሶኮ ኤሂዳ።

24 ኢሰራኤሌ አሳይ አዬ ኣቲማ አሳ ኡባ ዩዳሊዳ ዳምባኒኔ ባዞን ኢሳ ኢሳ ቃራ ማሻን ዎዲ ወርሲዳፕ ጉዬ ሰሚዲ ካታማዮ ቢዲ ሄን በቲዳ ኣሰ ኡባ ዎዲዳ።

25 ሄ ጋላሰ አዬ አሳይ ኡባይ ሃይቂዳሰ፤ ሃይቂዳ አሳ ኡባ ቆዳይ 12,000 ጊዲዳሰ።

26 ኢያሶይ አዬ ካታማይን ዲዛ አሳ ሙሌራ ዳይሳና ጋካናሰ ካታማኮ ማሊ ዎሊዳ ቶራ ዲጌ ዎሊቤና።

27 ጊደ ኣቲን ጎዳይ ኢያሶ አዛዚዳ ማላ ኢሰራኤሌ አሳይ ሄ ካታማይን ዲዛ ማዳሳታኔ ዲኢዳ ማሻታ ባሰ ኤኪዳ።

28 ኢያሶይ አዬ ካታማ ጸጊዳሰ፤ ሃቶ ጋካናሰ በቲዛ ማላ ማርናሰ ቢዲንፋ ደሬኔ ቡላ ኬሲዳሰ።

29 አዬ ዳሬ ካዎ ማላ ቦላ ካቂዳሰ፤ ኢዛ አሃዛ ኦማርሰ ጋካናሰ ሄ ማላ ቦላ ኣጋጊዳሰ፤ አርሼይ ወሊሺን ኢያሶይ ኢዛ አሃ ካታማ ፔንጌ ቦላ ዩጋና ማላ አዛዚዳሰ፤ ኢዛ ቦላ ዳር ሹቶ ኮሪዳ፤ ሹቻይ ሃቶ ጋካናሰ ሄ ሶሆን ዳሰ።

ኤባሌ ዙማ ቦላ ኦራጺዳ ጫቆ ቃላ

30 ሄሳፊ ጉዬ ኢያሶይ ኤባሌ ዙማ ቦላ ጎዳሰ ኢሰራኤሌ ጸሳሰ ያርሾ ያርሺዛሶሆ ጊገሲዳሰ።

31 ጎዳ ኣይሌ ሙሴይ ኢሰራኤሌ አሳ አዛዚዳ ማላኔ ሙሴ ዎጋ ማጻፋን ጸፊቲዳ ማላ ያርሺዛሶሆዚ ማሴቶንታኔ ቢራታይ ቦቶንታ ሹቻፊ ኬሌቲዳሰ። ኢዛን ጎዳሰ ጸጌቲዛ ያርሾኔ ኢሲፊቲላ ያርሾ ያርሺዳ።

32 ኢያሶይ ሙሴይ ጸፊዳ ዎጋ ማጻፋ ኢሰራኤሌ አሳይ ጸሊሺን ሹቻ ቦላ ዎጪ ጸፊዳሰ።

33 ኢሰራኤሌ አሳይ ኡባይ፤ በቲ ኣሳቲ፤ ጨማቲ፤ ሹማቲኔ ዳናቲ ኡባይ ጎዳ ጫቆ ቃላ ታቦታ ቶኪዳ ሌዎ ዛሬ ጊዲዳ ቁሴታ ሲንፋን ጫቆ ቃላ ታቦታፕ ኡሻቻ ባጋራኔ ሃዲርሳ ባጋራ ኤቂዳ። ጎዳ ኣይሌ ሙሴይ ካሴ አዛዚዳ ማላ ኢሰራኤሌ አሳ ኣንጃናሰ ኢሰታፊ ባጋ አሳይ ጋሪዛኔ ዙማኮ፤ ባጋ አሳይ ኤባሌ ዙማኮ ሰሚ ኤቂዳሰ።

34 ሄሳፊ ጉዬ ዎጋ ማጻፋን ጸፊቲዳ ማላ ኢያሶይ ዎጋ ቃላ ኣንጃኔ ቃንጌላ ኡባ ናባቢዳሰ።

35 ሙሴይ አዛዚዳ ኡባፊ ኢያሶይ ናባቢዳ ኣጊዳ ኢሲ ቃላይካ ዳና። ኩማላ ኢሰራኤሌ ዳራሰ፤ ማጫሳሰ፤ ናይታሲኔ ኢሰታ ጊደን ዲዛ በቲ ኣሳታሰ ኡባሰ ናባቢዳሰ።

9

ጌባኦኔ አሳይ ኢያሶ ባሌሊዳ ባሌላ

1 ዮርዳኖሴ ሻፋፕ አርሼይ ወሊዛ ባጋራ ፑዳ ጌዘን ዲዛ ዳሬይ፤ ጋዳን ዲዛ ዳሬይ ለባኖሴ ጋካናሰ ዲዛ ጊታ ኣባ ጋጸን ዲዛ ሂቲታ፤ ኣሞሬታ፤ ካናኔታ፤ ፓሪዜታ፤ ሃዌታኔ ያቡሴታ ካዎቲ ኡባይ ኢሰራኤሌ አሳይ ጸኒዳይሳ ሲዩዳ።

2 ሂሰቲዲ ኢያሱን ኢሰራኤል አሳ ኦላናሰ ኢሲ ቦላ ዳንዲ ዩዳ።

3 ጌባኦኔ አሳይ ገዲኮ ኢያሱይ ኢያርኮ ካታማኒኔ አዬ ካታማን ኦሊዳይሳ ሲዩዳ ዎዳ።

4 ባሌላናሰ ኮዩዲ ጋልኣ ኦሳርኔ ዎይኔ ኡሹ ኢዛን ዎሊዛ ሲከቲዳ ሉካሞ ሃራን ጫኒዳ።

5 አሳቲ ጋልኣኔ ሲከቲዳ ጫማ አሊዳ፤ ጋልኣ ማይኦካ ማይኢዳ፤ ማሊዲ ቡቁዳ ሺንቄ ኦይኪዳ።

6 ሃሳፌ ጉዬ ኢሰቲ ኢያሱይ ዳንካኒዳሶ ጌልገላ ቢዲ ኢያሱሲኔ ኢሰራኤል አሳሰ። «ኮኒ ሃሆ ቢታፌ ዩዳሰ፤ ሃኢ ኮናራ ጫቁቲቲ» ገዳ።

7 ኢሰራኤል አሳይ ሂዎታሰ። «ኢንቲ ኑ ማታን ዲዛ አሳኮ ኑ አይ ኤሪዲ ኢንቲናራ ጫቁታኔ?» ገዳ።

8 ኢሰቲ ኢያሱሰ። «ኮኒ ኔ አይሌታ» ገዳ። ኢያሱይ። «ኢንቲ ኦኔ? አዎፔ ዩዳቲ?» ገዲ አይቺዳሰ።

9 ኢሰቲካ። «ኮኒ ኔ አይሌቲ ጎዳ ኔ ጸሳ ገታቴላ ሲዩዲ ዳር ሃሆ ቢታፌ ዩዳሰ። ኢዛ ገታቴላኔ ኢዚ ገብጾ ቢታን ኦሊዳይሳ ኡባ ሲዩዳሰ።

10 ቃሴ ዮርዳኖሴ ሻፋፔ ሄ ፒንላን ዲዛ አሞሬ ካዎታ ናሞኦታ። ሂይቲካ ሃሴቦኔ ካዎ ሲሆኔ። አሰታርቲ ሃሪዛ ባሳኔ ካዎ ኦኔ ቦላ ኢዚ ኦሊዳይሳካ ኑ ሲዩዳሰ።

11 ኑ ዳሬ ጪማቲኔ ኑ ቢታን ዲዛ አሳይ ኡባይ ኑና። ኢንቲሰ ኦኔ ሺንቄ ኦይኪዲ ኢሰታራ ቢዲ ጋይቲቲ፤ ኢሰታሰ። «ኮኒ ኢንቲሰ አይሌታ ገዳና፤ ኢንቲ ኮናራ ጫቁቲቲ» ገዳ።

12 «ኮኒ ኢንቲኮ ያናሰ ኑ ሶፔ ሃይሳ ሺንቄዚ ሆኦ ዲሺን ኤኪ ዩዳሰ፤ ገዳ ኦቲን ማሊዳይሳኔ ቡቁዳይሳ ሃይሳ ቤኢቲ!

13 ሃይቲ ኤሳ ሉካሞቲ ኮኒ ኩንሊዛ ዎዳ ኦራላ፤ ገዳ ኦቲን ሃኢ ኢሰቲ ዎኒ ዳኬቲዳኮ ቤኢቲ! ኑ ሃሆ ኦኔ ሃሜቲዳ ገሻሰ ኑ ማይኦይኔ ጫማይ ወሪዳሰ» ገዳ።

14 ጎዳ ኦይቸንታ ኢሰራኤል አሳይ ኢሰታ ሺንቄፌ ጉላር ኤኪዳሰ።

15 ኢያሱይ ኢሰቲ ሳርን ዳኦና ማላ ኢሰታራ ጫቁቲዳሰ፤ ዳራ ካሌሊዛይቲካ ሄ ጫቆዛ ማንላናሰ ቃላ ጌሊዳ።

16 ኢሰታራ ጫቁቲዳ ሃሸንላ ጋላሳፌ ጉዬ ሄ አሳቲ ኢሰታ ዶላ ገዲዳይሳ ኢሰራኤሌቲ ሲዩዳ።

17 ኢሰራኤል አሳይ ሃሸ ጋላሰ ሃሜቲዲ ጌባኦኔ። ካፊሬ። ቢኤርቴኔ ቁሪያቴ-ዩኦሪማ ጌቲቲዛ ካታማታ ጋኪዳሰ።

18 ገዲኮካ ዳራ ካሌሊዛይቲ ጎዳ ኢሰራኤል ጸሳ ሱንላን ጫቁዳ ገሻሰ ኢሰራኤሌቲ ኢሰታ ኦሊቤቴና፤ ኩሜላ ማባራይካ ኢሰታ ቦላ ዙዙሚዳሰ።

19 ገዳ ኦቲን ዳራ ካሌሊዛይቲ። «ኮኒ ጎዳ ኢሰራኤል ጸሳ ሱንላን ጫቁዳ ገሻሰ ሃኢ ሲሚዲ ኢሰታ ቦላ ሜቶ ጋላናሰ ዳንዳዮኮ።

20 ኮኒ ኢሰታሰ ኦላና ዳንዳይዛይ ኢሰታሰ ጌሊዳ ጫቆ ቃላ ማንሊን ሃንቆይ ኑ ቦላ ጋኮንታ ማላ ኢሰታ ዎጾፒቲ።

21 ገዳ ኦቲን ኢሰቲ ኩሜላ ማባራሰ ሚላ ሚጺሼኔ ሃላ ዳቂሼ ዳቶ» ገዳ ዛሪዳ። ሃሳ ገሻሰ ማባራ ካሌሊዛይቲ ጌሊዳ ቃላይ ናጌቲዳሰ።

22 ኢያሱይ ጌባኦኔ አሳታ ጸይገዲ። «ኢንቲ ሃን ኑ ማታን ዳኢሼ። «ኮኒ ኬሂ ሃሆ ቢታፌ ዩዳሰ» ገዲ አይሰ ኑና ባሌሊዳቲ?

23 ሃሳ ገሻሰ ሃኢ ኢንቲ ቃንጌቲዳይታ፤ ጉላቲ ታ ጎዳ ኬላን ሚላ ሚጺዛኔ ሃላ ዳቂዛ አይሌታ ገዳና» ገዳሰ።

24 ኢሰቲ ኢያሱሰ። «ኮኒ ኔ አይሌቲ ጎዳ ኔ ጸሳይ ሃ ቢታ ኡባ ኢንቲሰ ኢማናይሳኔ ኢዛን ዲዛ አሳ ኡባ ኢንቲ ሲንላፌ ዳይሳናሰ ባ አይሌ ሙሴ ኦዛዚዳይሳ ጌሺ ሲዩዳሰ። ሃሳ ገሻሰ ኢንቲፌ ዳንዳይሳን ኑ ሸሞፖሰ ሃርገዲ ሃይሳ ኦሊዳሰ።

25 ሃኮ ሃኢ ኮኒ ኔ ኩሼን ዶሰ፤ ኔሰ ሎኦኔ ሱሬ ማሳቲ ቤቲዳ ማላ ኑ ቦላ ኦላ» ገዳ ዛሪዳ።

26 ሂሰቲን ኢያሱይ ጌባኦኔ አሳታ ኢሰራኤሌታ ኩሼፔ ኦሺዳሰ፤ ኢሰቲካ ዎጾቤቴና።

27 ሄ ጋላሰ ኢያሱይ ጌባኦኔ አሳታ ኢሰራኤል ማባራሲኔ ጎዳይ ዶሪዳሶሆን ኡቁዳ ያርሾሶዛሰ ኢሰቲ ሃቾ ጋካናሰ ሚላ ሚጸናሲኔ ሃላ ዳቃና ማላ ኦሊዳሰ።

10

አርሼ ኤቆ

1 ኢያሱይ ካሴ ኢያርኮ ካታማ ኦሊ ዳይሲዲኔ ኢሰታ ካዎዛ ዎጾዳ ማላ። አዬ ካታማ ኦሊዲ ኡባ ዳይሲዳይሳኔ ኢሰታ ካዎዛካ ዎጾዳይሳ ዩሩሳላሜ ካዎ አዶኒ-ዶዴቁይ ሲዩዳሰ። ቃሴ ጌባኦኔ አሳይ ኢሰራኤል አሳራ ሳርን ዳኦናሰ ጫቁቲዳይሳኔ ሃኢ ኢሰታራ ኢሲፌ ዲዛይሳ ሲዩዳሰ።

2 ሃሳን ኢዚኔ ዳሬዚ ዳጋሚዳ፤ ጋሶይካ ጌባኦኔይ ካዎታ ካታማ ማላ ካታማታ ኡባፌ ገታ ካታማ፤ ጎሞፓይ አዬ ካታማይፔ ዳሬሰ፤ ኢዚን ዲዛ አሳይካ ሚኖ ኦላንቻ።

3 ሃሳ ገሻሰ ዩሩሳላሜ ካዎይ አዶኒ-ዶዴቁይ። ኩብርኔ ካዎ ሆሃሚሰ። ያርሙቴ ካዎ ጳርኦሚሰ። ላኪሼ ካዎ ያፊኦሲኔ ኤገሎኔ ካዎ ዳቢሬይ።

4 «ጌባኦኔ ካታማ አሳይ ኢያሱራኔ ኢሰራኤል አሳራ ሳር ዳያናሰ ጫቁቲዳ ገሻሰ ኢሰታራ ኦሌታናሰ ዩዲ ታና ማዳርኬቲ!» ገዳሰ።

5 ሃሳፌ ጉዬ አሞሬታ ካዎቲ ኢቻሻቲ ዩሩሳላሜ ካዎይ። ኩብርኔ ካዎይ። ያርሙቴ ካዎይ። ላኪሼ ካዎይኔ ኤገሎኔ ካዎይ ባ ኦላንቻታ ኢሲፌ ጋሊዲ ኡባ ኤኪ ቢዲ። ጌባኦኔ ካታማ ዶዲ ኦይኪዲ ኦሊዳ።

6 ጌባኦኔ አሳይ ጌልገላን ዳንካኒዳ ኢያሱኮ ከቲዲ። «ኮና ኔ አይሌታ አጎፋ፤ ኤሶን ኩኮ ያዳ ኮና አሻ። ጌዜ ዳሬን ዲዛ አሞሬታ ካዎቲ ወሪ ኮና ኦላናሰ ባ ኦላንቻታ ኡባ ሺሺ ኤኪዲ ዩዛ ገሻሰ ኮና ኔ አይሌታ ማዳ» ገዳ።

7 ሃሳ ገሻሰ ኢያሱይ ባ ኦላንቻታኔ ሚኖ አሳታ ኡባ ሺሺ ኤኪዲ ጌልገላፔ ከዚዳሰ።

8 ጎዳይ ኢያሱ። «ኔ ኢሰታሰ ያዮፋ፤ ታኒ ኢሰታ ኔ ኩሼን አላ ኢማዲሰ፤ ኢሰታፌ ኢሳዳይካ ኔናራ ኤቁታናሰ ዳንዳዬና» ገዳሰ።

9 ሃሳፌ ጉዬ ኢያሱይ ጌልገላፔ ኦማርሳራ ሃሜቲሹ ኦቁዲ ኢሰቲ ኦኬኮንታ ዲሺን ኢሰታ ቦላ ዎራጂዳሰ።

10 ጎዳይ ኢሰራኤል አሳ ሲንገላን አሞሬታ ቦላ ሺር ዩዲዳሰ፤ ኢሰራኤል አሳይ ኢስታፌ ዳር አሳ ጌባኦንን ዋዲዳሰ። ኢሰራኤል አሳይ ኢስታ ቤተ-ሆርኔ ኤፊዛ ኦጌ ፑዲንግን ካለደ። ኢዜቄፔ ቢዲ ማቄዳ ጋካናሰ ዩዲዳሰ ዋዲዳ።

11 ቤተ-ሆርኔ፣ ዳጌ አዜቄ ኤፊዛ ኦጌ ኦይኪዲ ኢስቲ ኢሰራኤል አሳ ሲንገላፊ ባቃቲሺን ጎዳይ ዋልቃማ ሻቶ ሳሎፔ ኢስታ ቦላ ቡኪሲዳሰ። ሂስቲን ኢሰራኤል አሳይ ማሻን ዋዲዳ አሳ፣ ሻቶ ዋዲዳ አሳይ ኬሂፕ ዳር።

12 ጎዳይ አሞሬታ ኢሰራኤል አሳ ኩሼን አላ ኢሚዳ ጋላስ ኢሰራኤል አሳ ሲንገላን ኢያሶይ ጎዳሰ።

«አርሼይ ጌባኦንን ኤቆ፤ አገናይካ አያሎኔ ሸባን ኤቄ» ጌዳሰ።

13 ሃሳ ጊሻስ ኢሰራኤል ካዋቲላይ ባ ሞርኬታ ቦላ ሃሎ ኬሳና ጋካናሰ አርሼይ ኤቄዳሰ። አገናይካ ቃጸቤኩ። ሂሲካ ያሻሬ ማጸፋን ጸፊቲዳሰ፤ አርሼይ ሳሎስ ጊዶ አዳን ኤቄዳሰ፤ ኢሲ ጋላስ ኩሜላ አርሼይ ወሎንታ ፔኢዳሰ።

14 ጎዳይ አሳ ቃላ ሲዩዳ ሃሳ ማላ ጋላሲ ሃሳፊ ካሴካ ጉዩካ ሃሂቤና። ቱሙካ ጎዳይ ኢሰራኤል ጊሻስ ኦሌቲዳሰ።

15 ሃሳፊ ጉዩ ኢያሶይን ኢሰራኤል ኦላንቻቲ ኡባይ ባ ዲንካኒዳሶ ጌልጌላ ሲሚዳ።

አሞሬ ካዎታ ኢቻሻታ ሃይቆ

16 ሃ ዎዴ አሞሬታ ካዎቲ ኢቻሻቲ ባቃቲ ቢዲ ማቄዳን ጎንጎሎ ጊዶን ቆቲቲዳ።

17 ኢያሶይካ ኢቻሽ ካዎቲ ማቄዳን ጎንጎሎ ጊዶን ቆቲቲ ዲዛይሳ ሲዩዳሰ።

18 ኢያሶይ፣ «ጌታ ሹቻታ ጌንዳሪሲ ኤፊዳ ጎንጎሎዛ ጎርዲቲ፤ ሂስቲዲ ናጋና ዛቤታ ሂን ዋላቲ።

19 ኢንቲ ሞርኬታ ዩዲላቲ ኦቲን አዛሎፍቲ፤ ኢስታ ካሊ ካሊ ማቶ ጋላቲ፤ ኢስቲ ባ ካታማ ቢ ጌሎንታ ማላ ዲጊቲ፤ ሃኮ ጎዳ ኢንቲ ጸሳይ ኢስታ ኢንቲ ኩሼን አላ ኢሚዳሰ» ጌዳሰ።

20 ሃሳ ጊሻስ ኢያሶይን ኢሰራኤል አሳይ ኢስታ ሙሉራ ዲፒ ሂስቲዳ፤ ኢስታፊ ኦቲዳ ጉላቲ ካሴ ባ ዲዛ ገሞቤቲዳ ካታማታ ሲሚ ጌሊዳ።

21 ሃሳፊ ጉዩ አሳይ ኡባይ ሳርን ሲሚዲ ኢያሶይ ዲንካኒ ዲዛሶ ማቄዳ ዩዳሰ፤ ኢሰራኤል አሳ ቦላ ኢሲ ቃላካ ሃሳይዳ አሲ ዳና።

22 ኢያሶይ ኢስታሰ፣ «ጎንጎሎዛ ደይዲ ሃ ኢቻሽ ካዎታ ኬሲዲ ታሰ ሃ ኤኪ ዩቲ» ጌዳሰ።

23 ኢስቲካ ሃ ኢቻሽ ካዎታ ዩሩሳላሜ ካዎ፣ ኬብርኔ ካዎ፣ ያርሙቲ ካዎ፣ ላኪሼ ካዎ፣ ኤጊሎኔ ካዎ ኬሲዲ ኢዛኮ ኤሂዳ።

24 ኢስቲ ሃ ካዎታ ኢያሶይን ኤሂን ኢያሶይ ኢሰራኤል ኦቲማ አሳ ኡባ ባኮ ያይጊዲ ሳናራ ዲዛ ኦላ ጋዳዎታ፣ «ሃ ዩዲ ሃይታ ካዎታ ቆዴ ቦላ ዩዲ ኤቄቲ» ጌዳሰ። ኢስቲካ ሲንገላ አዲዲ ባ ቶሆን ካዎታ ቆዴ ቦላ ዩዲ ኤቄዳ።

25 ኢያሶይካ ኢስታሰ፣ «ባቦፍቲ፤ ዳጋሞፍቲ፤ ሚኒቲኔ ጸሊቲ፤ ኢንቲናራ ኦሌቲዛ ኢንቲ ሞርኬታ ኡባታ ቦላ ጎዳይ ሃይሳላ ኦላና» ጌዳሰ።

26 ሃሳፊ ጉዩ ኢያሶይ ኢቻሽ ካዎታ ዋዲዳ ኢቻሽ ሚላ ቦላ ኢስታ አሃ ካቄዳሰ፤ ኦማርሲ ጋካናሰ ኢስታ አሃይ ሚላ ቦላፊ ዋዲቤና።

27 አርሼይ ወላና ሃሂሺን ኢያሶይ አዛዚን ሚላ ቦላፊ ካዎታ አሃ ዋላዲ ካሴ ኢስቲ ቆቲቲዳ ጎንጎሎዛን ኤፊ ዩጊዳ። ሂስቲዲ ጎንጎሎዛ ጌታ ሹቻታን ቱጨዳ፤ ሃ ሹቻቲ ሃቶ ጋካናሰካ ሃን ዳቲስ።

ኢያሶይ ጸኒ ኦይኪዳ ሃራ ካታማታ

28 ሃ ጋላስ ኢያሶይ ማቄዳ ካታማ ኦይኪዳሰ፤ ካታማኖን ኢዚ ካዎዛ ጊላ ማሻን ሲፊዳሰ፤ ኢዚ ጊዶን ዲዛ አሳፔ ኢሲኖካ አሾንታ ዲሼ ዲፒ ሂስቲዳሰ፤ ኢያርኮ ካዎ ቦላ ኦላዲይሳላካ ማቄዳ ካዎ ቦላካ ኦላዲዳሰ።

29 ሃሳፊ ጉዩ ኢያሶይን ኢዛራ ዲዛ ኢሰራኤል አሳይ ኡባይ ማቄዳፊ ሊቢና ቢዲ ኦሊዳ።

30 ጎዳይ ሃ ካታማኖን ኢዚ ካዎዛ ኢሰራኤል አሳ ኩሼን አላ ኢሚዳሰ፤ ኢያሶይ ካታማኖን ኢዚ ጊዶን ዲዛ ኡባ ኢሲኖካ አሾንታ ጊላ ማሻን ዲፒ ሂስቲዳሰ፤ ኢያርኮ ካዎ ቦላ ኦላዲይሳላካ ሊቢና ካዎ ቦላካ ኦላዲዳሰ።

31 ሃሳፊ ጉዩ ኢያሶይን ኢዛራ ዲዛ ኢሰራኤል አሳይ ኡባይ ሊቢናፔ ላኪሼ ቢ ደዲ ኦሊዳ።

32 ጎዳይ ላኪሼ ኢሰራኤል አሳ ኩሼን አላ ኢሚዳሰ፤ ኢያሶይ ሃ ካታማኖ ናሞአንሉ ጋላሳን ኦይኪዳሰ፤ ኢዚ ሊቢናን ኦላዲይሳላካ ሃኖ ሃ ካታማኖን ኢዚ ጊዶን ዲዛ ኡባ ጊላ ማሻን ሲፊዳሰ።

33 ሃ ዎዴ ጌዜሬ ካዎ ሆራሜይ ላኪሼ ካዎ ማዳናሰ ዩዳሰ፤ ጊዶ ኦቲን ኢያሶይ ኢዛካ ኢዛ አሳካ ኢሲኖ አሾንታ ኡባ ዲፒ ሂስቲዳሰ።

34 ሃሳፊ ጉዩ ኢያሶይን ኢዛራ ዲዛ ኢሰራኤል አሳይ ኡባይ ላኪሼፔ ኤጊሎኔ ቢዲ ሃ ካታማ ደዲ ኦይኪ ኦሊዳ።

35 ሃ ጋላስ ኤጊሎኔ ኦሊ ኦይኪዲ ጊላ ማሻን ዳይሲዳ፤ ካሴ ላኪሼን ኦላዳ ማላ ኤጊሎኔ ካታማን ዲዛ አሳ ሙሉራ ዳይሲዳ።

36 ሃሳፊ ጉዩ ኢያሶይን ኢዛራ ዲዛ ኢሰራኤል አሳ ኡባይ ኤጊሎኔፔ ኬዚ ቢዲ ኬብርኔ ኦሊዳ።

37 ሃ ካታማኖን ካታማይ ጊዶን ዲዛ ሚሽ ኡባ ኢሲኖካ አሾንታ ጊላ ማሻን ዲፒ ሂስቲዳ፤ ካሴ ኤጊሎኔን ኦላዳ ማላ ሃኖ ካታማይ ጊዶን ዲዛ ኡባ ሙሉራ ዲፒ ሂስቲዳ።

38 ሃሳፊ ጉዩ ኢያሶይን ኢዛራ ዲዛ ኢሰራኤል አሳይ ኡባይ ጉዩ ሲሚዲ ዳቢሬ ኦሊዳ።

39 ካታማኖን ኢዚ ካዎዛ፣ ኢዚ ሃራን ዲዛ ቄሪ ካታማታካ ኡባ ጊላ ማሻን ሲፊዳ፤ ኢዚ ጊዶን ዲዛይሳፊ ኢሲኖካ አሾንታ ኡባ ዲፒ ሂስቲዳ፤ ካሴ ሊቢናኒኔ ሊቢና ካዎ ቦላ ኦላዳ ማላ፣ ኬብርኔ ቦላ ኦላዲይሳላካ ዳቢሬ ቦላኔ ኢዚ ካዎዛ ቦላ ኦላዳ።

40 ሃሳላካ ኢያሶይ ዙሞቡላቲ ዳሪዛ ቢታ፣ ኔጌቤ፣ አርሼይ ወሊዛ ባጋራ ዲዛ ጋዳ ቢታን ዙማ ላዴታ፣ ቢታ ኡባ ካዎታራ ጋላ ኦይኪዳሰ። ጎዳ ኢሰራኤል ጸሳይ አዛዚዳ ማላ ቢታ ቦላ ሽሞፖራ ዲዛ ኡባ ዲፒ ሂስቲዳሰ፤ ኦይኮካ ሽሞፖራ ፓጾ አሽቤና።

41 ኢያሶይ ኢስታ ቃዴሴ ባሪኔፔ ቢዲ ጋዛ ጋካናሰ፣ ቃሴ ጎሼኔ ቢታፊ ደሚዲ ጌባኦን ጋካናሰ ኡባ ጸኒ ኦይኪዳሰ።

42 ኢያሱይ ኢሱቶ ኦላ ኬዚዲ ሄ ካዎታኔ ኢሰታ ቢታ ኡባ ጸኒደሰ። ሄሲካ ሃኒዳይ ጎዳ ኢሰራኤል ጸላይ ባ ደራሰ ኦሌቲዳ ገሻሳ።
 43 ሄሳፌ ጉዬ ኢያሱይኔ ኢሰራኤል ኣሳይ ኡባይ ባ ዲንካኒዳሶ ጌልጌላ ሲሚዳሰ።

11

ፑዴሃ ባጋ ካዎታ ጸኔቴላ

1 ሃጾሬ ካዎ ያበኔይ ኢሰራኤል ኣሳይ ጸኒዳይሳ ሲዱዳ ዎዴ፣ ማዶኔ ካዎ ዮባቤስ፣ ሸሚርኔ ካታማሰ፣ ኣኪሻፌ ካዎስ ከታ ዬዲዳሰ።

2 ሃሳታካ ፑዴሃ ባጋራ ሻራ ማንጉን ዲዛ ካዎታስ፣ ዲጌሃ ባጋን ኣራቤ ካዎታስ፣ ኣርሼይ ወሊዛ ባጋራ ዲዛ ጋጃ ካዎታሲኔ ኣርሼይ ወሊዛ ባጋራ ዶሬ ዙማን ዲዛ ካዎታስ ከቲዳሰ።

3 ቃሴ ኣርሼይ ኬዚዛ ባጋራኔ ወሊዛ ባጋራ ዲዛ ካናኔታስ፣ ኣዎሬታስ፣ ሂቲታስ፣ ፓሪዜታስ፣ ሻራ ማንጉን ዲዛ ያቡሱታሲኔ ማጺጳ ቢታን ሄርዎኔ ዙማፕ ጋርሳ ባጋራ ዲዛ ሂዌ ካዎታስ ከቲዳሰ።

4 ሂሰቲን ኢሰቲ ባ ኦላንቻታ ኡባ ዳንጢዲ ዳር ፓራታኔ ፓራ-ጋሬታ ኢሲፌ ኢሰራኤል ኦላናሰ ኤኪ ዪዳ። ኢሰታስ ቆዳይ ኣባ ዶናን ዲዛ ኣንጮ ማላ ጮራ።

5 ሄ ካዎቲ ወሪ ኢሲፌ ባ ዎልቃ ማንጉን ዲዛ ኢሰራኤል ኦላናሰ ማርሚ ሃላ ማታን ዲንካኒዳ።

6 ጎዳይ ኢያሱሰ፣ «ኔኒ ኢሰታስ ባቦፋ! ታኒ ዎንቶ ሃኒ ዎዴ ኢሰታ ኡባ ሃይቁዳ ኣሳ ማላ ሂሰታ ኢሰራኤል ኩሼን ኣላ ኢማና። ኔኒ ኢሰታ ፓራታ ኡባ ገልዳያና፤ ኢሰታ ፓራ-ጋሬታካ ታማን ጹጋና» ገደሰ።

7 ሂሰቲን ኢያሱይኔ ኢዛ ኦላንቻቲ ኡባይ ኢሰቲ ቆፖንታ ዲሺን ማርሚ ሃላ ማታን ኢሰታ ቦላ ፑቱ ገዲ ኢሰታ ኦሊዳ።

8 ጎዳይ ኢሰታ ኢሰራኤልታ ኩሼን ኣላ ኢሚዳሰ፤ ሂሰቲን ኢሰራኤልቲ ኢሰታ ጸኒዲ ገታ ሲዶና ቢታ ኤፊዛ ኦጌራ፣ ማሲራፎቲ-ማይማ ጋካናሰ ቃሴካ ኣርሼይ ሞኪዛ ባጋራ ማጺጳ ሸባ ጋካናሰ ዬዴላዳ። ኢሰታፌ ኢሲ ኣሲካ ሸዎፖራ ፓጻ ኣቲቤና።

9 ኢያሱይ ጎዳይ ኢዛ ኣዛዚዳይሳ ኡባ ኢሰታ ቦላ ፖሊዳሰ፤ ኢሰታ ፓራታካ ገልዳይዳሰ፤ ኢሰታ ፓራ-ጋሬታካ ታማን ጹገደሰ።

10 ሄ ዎዴ ኢያሱይ ጉዬ ሲሚዲ ሃጾሬ ካታማ ኦይኪዳሰ፤ ሄ ካታማ ካዎዛካ ገላ ማሻን ሲፊዳሰ፤ ሃጾሬ ካታማሰ ሄ ዎዴ ዲዛ ካዎቴላታ ኡባ ቦላ ኣላፊቴላ ዳሰ።

11 ሄ ካታማን ዲዛ ኣሳ ኡባ ገላ ማሻን ሲፊዳ፤ ሸዎፖራ ፓጻ ዲዛ ኡባ ኢሲኖካ ኣሻንታ ዎጂዳ፤ ካታማኖካ ታማን ጹገዳ።

12 ጎዳ ኣይሌ ሙሴይ ኣዛዚዳ ማላ ኢያሱይ ሄ ካታማታኔ ኢሰታ ካዎታ ኡባ ጳይሲዳሰ፤ ገላ ማሻንካ ሲፊዳሰ።

13 ገዲኮካ ኢያሱይ ሃጾሬ ካታማ ጸጎይሳፌ ኣቲን ኢሰራኤል ኣሳይ ዙማታ ቦላ ኬጾቲዳ ካታማታ ጸገቤና።

14 ኢሰራኤል ኣሳይ ሄ ካታማታፕ ቦንቁዳ ማሽ ኡባኔ ማሄ ኡባ ባንታሰ ኤኪዳ፤ ገዶ ኣቲን ኣሳ ገላ

ማሻን ጳይሲዳ፤ ሸዎፖራ ፓጻ ዲዛ ኢሲኖካ ኣሻቤቲና።

15 ጎዳይ ባ ኣይሌ ሙሴ ኣዛዚዳ ማላ ሙሴይካ ኢያሱ ኣዛዚዳሰ። ሂሰቲን ኢያሱይካ ኣዛዘዛ ፖሊዳሰ፤ ጎዳይ ሙሴስ ኣዛዚዳ ኡባፌ ኢዚ ኦላንታ ኣገዳ ኣይ ማሻካ ዳና።

ኢያሱይ ኦይኪዳ ቢታ

16 ሄሳታ ሂሰቲዲ ኢያሱይ ሄ ቢታ ኡባ ጌዜ ቢታ፣ ኔጌቤ ቢታ፣ ጎሼኔ ቢታ፣ ኣርሼይ ወሊዛሶ ባጋራ ዲዛ ጋጃ ኣራቤ ቢታ ቃሴካ ኢሰራኤል ጌዜኔ ጋጃ ኡባ ሺሺ ኦይኪዳሰ።

17 ሄሰካ ሴይሬ ጋካናሰ ዲዛ ሃላቁ ዙማፕ ቢዲ ሄርዎኔ ዙማፕ ዳንኤ ባጋራ ሊባኖሴ ዙሌን ባኣሊ-ጋዳ ጋካናሰ ዲዛ ቢታ ኡባ ጋኪዳሰ። ኢሰታ ካዎታካ ኡባ ኦይኪዳ ዎጂዳሰ።

18 ኢያሱይ ዳር ዎዴ ሄ ካዎታ ኡባራ ኦሌቲሽ ጋዎኢዳሰ።

19 ጌባኦኔን ዲዛ ሂዌታፕ ኣቲን ሃራ ካታማይ ኢሶይኔ ኢሰራኤልታራ ሳርቴላን ዳኣና ጫቁቲቤና፤ ኢሰራኤልቲ ኡባታካ ኦሊ ኦይኪዳ።

20 ጎዳይ ሙሴ ኣዛዚዳ ማላ ኢያሱይ ኢሰታሰ ቃጺቶንታ ኡባ ዎጂዳሰ። ጋሶይካ ኢሰቲ ኢሰራኤልታራ ኦሌታና ማላ ጎዳይ ኢሰታ ዎዚና ዳሚሲዳሰ።

21 ሄ ዎዴ ኢያሱይ ቢዲ፣ ጌዜ ቢታን ኬብርኔ ካታማን፣ ዳቢሬ ካታማን፣ ኣናቤ ካታማን፣ ዩቡዳኒኔ ኢሰራኤል ጌዜ ቢታ ኡባን ዲዛ ኤናቁ ዛሬታ ኡባኔ ኢሰታ ካታማ ኡባ ጳይሲዳሰ።

22 ኢሰታፌ ጉላቲ ጸላ ጋዛን፣ ጌቲኒኔ ኣሸዳዳን ኣቲዳ፤ ገዶ ኣቲን ኢሰራኤልን ሸዎፖራ ፓጻ ኣቲዳ ኤናቁ ዜሬላ ዳና።

23 ጎዳይ ሙሴ ኣዛዚዳ ማላ ኢያሱይ ቢታ ኡባ ኦይኪዳሰ፤ ሂሰቲዲ ኢሰራኤል ኣሳሰ ኢሰታ ቆዎን ቆዎን ሻኪ ኢሚዳሰ፤ ሄሳፌ ጉዬ ቢታይ ኦላፕ ሸዎፕዳሰ።

12

ሙሴይኔ ኢያሱይ ጸኒዳ ካዎታ

1 ኢሰራኤል ኣሳይ ዮርዳኖሴ ሻፋፕ ኣርሼይ ሞኪዛ ባጋራ ዲዛ ኣራቤ ቢታ ኡባ ኦይኪዲ ኣርኖኔ ዙሌራ ቢዲ ሄርዎኔ ዙማ ጋካናሰ ዲዛ ሄ ዴሬ ካዎታ ጸኒዲ ዎላ ኤኪዳሰ። ሄ ጸኔቲዳ ካዎቲ ሃይሳፌ ካሊ ጸፊቲዳይታ።

2 ሃሴቦኔ ካታማን ኡቲዲ ኣይሲዛ ኣዎሬታ ካዎይ ሲሆኔ። ኢዚ ኣርኖኔ ሸባ ላንቁን ዲዛ ኣርኤሬ ዙሌራ ካንጢ ቢዲ ኣዎኔታ ዛዎ ያቦቁ ሻፋ ጋካናሰ ሃሪዳሰ፤ ሃሲ ጋላኣዴ ቢታፌ ባጋ ጉጂ ኤኬሰ።

3 ቃሴካ ኣርሼይ ሞኪዛ ባጋራ ዮርዳኖሴ ሸባፌ ቢዲ ጋሊላ ኣባ ጋካናሰ፣ ቤቲ-ያሸዎቲ ባጋራ ቢዲ ማጺኔ ኣባፌ ዲጌሃ ባጋራ ዲዛ ፒዝጋ ዙማሰ ዳንኤ ባጋ ጋካናሰ ዲዛሶዛ ሃሪዳሰ።

4 ኣሰታርቴኒኔ ኤዲራኤን ኡቲዲ ሃሪዛ ኤራፋይማ ዜሬላታፕ ወርሴላ ቦላ ካዎቲዳይ ባሳኔ ካዎ ኣጌ።

5 ኢዚ ሄርዎኔ ዙማ፣ ሳላካ፣ ባሳኔ ቢታ ኡባ፣ ቢዲ ጌሹሬታኔ ማኢካቲ ዛዎ ጋካናሰ፣ ቃሴካ ጋላኣዴ ቢታፌ ባጋ ኤኪ ቢዲ ሃሴቦኔ ካዎ ሲሆኔ ዛዎ ጋካናሰ ሃሪዳሰ።

6 ጎዳ አሸካራ ሙሴይን ኢሰራኤል አሳይ ሃ ካዎታ ጸኒዳ፤ ሂሰቲዲ ጎዳ አይሌ ሙሴይ ኢስታ ቢታ ኦርቤሌ ቆሞታሰ። ጋዴ ቆሞታሰን ሚናሴ ቆሞታ። ባጋይታሰ ጸንጾ ጊዳና ማላ ሻኪ ኢሚዳሰ።

7 ኢያሱይን ኢሰራኤል አሳይ ዮርዳኖሴ ሻፋፕ ኦርቤይ ወሊዛ ባጋን ዲዛ ካዎታ ኡባ ጸኒዳ። ሄይቲ ሃሪዛ ዛዋይ ለባኖሴ ሾባን ዲዛ ባኦሊ-ጋዴ፤ ደሚዲ ሴይሬን ሃላቁ ዙማ ጋኬሰ፤ ኢያሱይ ሄ ቢታታ ሻኪዲ ኢሰራኤል ቆሞታሰ ጸንጾ ሂሰቲ ኢሚዳሰ።

8 ሄ ቢታቲ፣ ጌዜ ዳሬ፣ ኦርቤይ ወሊዛሶ ባጋን ዲዛ ዙምቡላታ ላዳ፣ ኦሪቤ ዙማታ ላዳ፣ ባዘ ቢታኔ ኔጌቤ ቢታ። ሄ ቢታቲ ካሴ ሂቲቲ፣ አሞሬቲ፣ ካናኔቲ፣ ፓሪዜቲ፣ ሂዊቲኔ ያቡሴቲ ዳኢዛ ቢታ።

9 ኢሰራኤል አሳይ ጸኒዳ ካዎቲ ሃይሳፌ ካሊ ዲዛይታ፤ ኢያርኮ ካዎ፣ ቤቴሌ ማታን ዲዛ አዬ ካዎ፣

- 10 ዩሩሳላሜ ካዎ፣ ኩብሮን ካዎ፣
- 11 ያርሙቴ ካዎ፣ ላኪሼ ካዎ፣
- 12 ኤጊሎኔ ካዎ፣ ጌዜሬ ካዎ፣
- 13 ዳቢሬ ካዎ፣ ቤቲ-ጋዴራ ካዎ፣
- 14 ሆርማ ካዎ፣ ኦሪዳ ካዎ፣
- 15 ሊቢና ካዎ፣ አዲላሜ ካዎ፣
- 16 ማቄዳ ካዎ፣ ቤቴሌ ካዎ፣
- 17 ታጵሄ ካዎ፣ ሄፌሬ ካዎ፣
- 18 አፌቄ ካዎ፣ ላሻሮን ካዎ፣
- 19 ሜዶኔ ካዎ፣ ሃጸሬ ካዎ፣
- 20 ሸሚሮን-ሚሮን ካዎ፣ አኪሻፌ ካዎ፣
- 21 ታኢናኬ ካዎ፣ ማጊዶ ካዎ፣
- 22 ቃዳሴ ካዎ፣ ቃርሜሎሴን ዲዛ ዮቂናላሜ ካዎ፣
- 23 ዙምቡላታ ቦላ ዲዛ ዶሬ ካዎ፣ ጌልጌላን ዲዛ ጎይሜ ካዎ፣
- 24 ቲርጸ ካዎ። ሄይቲ ኢሲ ቦላ 31 ካዎታ።

13

ቡር ኦይኬቲቤና ቢታታ

1 ኢያሱይ ጨሚን ኢዛሰ ላይላይ ኬሂ ቢዳ ዎዴ ጎዳይ፣ «ኔን ኬሃ ጨማዳሳ፤ ላይላይካ ኔሰ ኬሂ ቢዳሰ፤ ጊዶ ኦቲን ቡር ኦይኬቲንታ ዳር ቢታይ ዳሰ።

2 ቡር ኦይኬቲቤና ቢታቲ ሃይታ፤ ፊሊሰጾሜታ ቢታኔ ጌሹሬታ ቢታ ኡባታ።

3 ጊብጻፕ ኦርቤይ ሞኪዛ ባጋራ ዲዛ ሺሆሬ ሻፋፕ ደሚዲ፣ ፑዳሃ ባጋራ ዲዛ አቃሮን ዛዋ ጋካናሰ ዲዛ ቢታቲ ወሪ ካናን ቢታ ማላ ቆዳቴቲሰ። ኢቻሽ ፊሊሰጾሜ ካዎቲ ሃሪዛ ካታማቲ ጋዛ፣ አሸደዳ፣ አሰቁሎና፣ ጌቲኔ አቃሮን ጌቲቲዛይታ ጊዲሺን ሃይቲካ አዌታ ቢታ።

4 ዱጌሃ ባጋራ ካናኔታ ቢታይ ወሪ፣ ሲደናታሰ ዲዛ ማኦሬ ጌቲቲዛሶፕ ደሚ ቢዲ አሞሬታ ቢታን ዲዛ አፌቄ ካታማ ጋካናሰ።

5 ጌባሌታ ቢታ፣ ኦርቤይ ሞኪዛ ባጋራ ባኦሊ-ጋዴፕ ቢዲ ሄርሞን ዙማሰ ዳንኤ ባጋራ አፄ ቢዲ ሃማቲ ፑርዳ ጋካናሰ ዲዛ ለባኖሴ ቢታ ኡባ።

6 «ለባኖሴፕ ቢዲ ማሲራሮቲ-ማይማን ዲዛ ጌዜ ዳሬን ሲደናታ ቢታይካ ኦይኬቲቤና። ታኒ ታ ሁኤሰ ኢሰራኤል አሳ ሲንሳፌ ኢስታ ጎዳ ኬሳና። ታኒ ኔና አዛዚዳ ማላ ኔን ሃ ቢታታ ኢሰራኤል አሳሰ ጸንጾ ሂሰታ ሻካ።

7 ኔን ሃ ቢታ ኡዲፋን ቆሞታሰን ሚናሴ ቆሞታፕ ባጋይታሰ ጊሻ» ጊዳሰ።

ዮርዳኖሴ ሻፋፕ ኦርቤይ ሞኪዛ ባጋራ ዲዛ ቢታ ጊሹሬላ

8 ሚናሴ ቆሞታፕ ባጋቲ፣ ኦርቤሌ ዛሬቲኔ ጋዴ ዛሬቲ ጎዳ አይሌ ሙሴይ ዮርዳኖሴ ሻፋፕ ሄ ፒንላን ኦርቤይ ሞኪዛሶ ባጋራ ኢሰታሰ ኢሚዳ ቢታ ኤኪዳ።

9 ኢስታ ቢታይ ኦርቤይ ሾባ ላንቄን ዲዛ ኦርኤሬ ካታማፕ ደሚዲ ሄ ሾባ ጊዶን ዲዛ ካታማ ኦይኪዲ ሜዳባ ጌቲቲዛ ጌዜ ዳሬ ካንላ ቢዲ ዲቦኔ ጋኬሰ።

10 ቃሴ ሃሴቦኔን ኡቲዲ አሞሬታ ዛዋ ጋካናሰ ሃሪዳ አሞሬታ ካዎ ሲሆን ካታማታ ኡባ ጋላ ኦይኪዳ።

11 ሄሳላካ ጋላኦ ቢታ፣ ጌሹሬታ ቢታ፣ ማኢካቲ ቢታ፣ ሄርሞን ዙማ ኡባ፣ ባሳኔ ቢታ ቢዲ ሳላካ ጋካናሰ ኦይኪዳ።

12 ሄሰካ አሰታሮቲ ካታማኒኔ ኤዲራኤ ካታማን ዲሹ ሃሪዳ አጌ ካዎቲላ ኡባ ኦይኪዳ፤ አጌይ ወርሽ አቲዳ ኤራፋይሜ ዛሬታፕ ኢሳ። ሙሴይ ሄ አሳ ጸኒ ጎዲዲ ኢስታ ቢታ ኦይኪዳ።

13 ጊዶ አቲን ኢሰራኤል አሳይ ጌሹሬ አሳኔ ማኢካቲ አሳ ኬሲ ጎዶንታ አጊዳ ጊሻሰ ኢሰቲ ሃቕ ጋካናሰ ኢሰራኤል አሳ ጊዶን ዳቲሰ።

ኦርቤሌ ቆሞታ ጋኪዳ ጸንጾ

15 ሙሴይ ኦርቤሌ ቆሞታሰ ኢስታ ዛርኬን ዛርኬን ጊሹሬላ ኢሚዳ ቢታይ ሃይሳፌ ካሊ ዲዛይሳ።

16 ኢስታ ዛዋይ ኦርቤይ ሾባ ላንቄን ዲዛ ኦርኤሬ ካታማፕ ሄ ሾባ ጊዶን ዲዛ ካታማ ኦይኪዳ፣ ሜዳባ ጌዜ ዳሬ ካንላ ቢዲ፣

17 ሃሴቦኔን ጌዜ ዳሬን ዲዛ ካታማታ ኡባ፣ ቃሴ ዲቦኔ፣ ባሞቲ ባኦሊ፣ ቤቲ-ባኦሊ-ሜኦኔ፣

18 ያሃጾ፣ ቁዳሞቲ፣ ሜፋአቲ፣

19 ቁሪያታይሜ፣ ሴባማ ሾባ ጊዶን ዲዛ ዙምቡላ ቦላ ዲዛ ጾሬቲ-ሻሃሬ፣

20 ቤቲ-ፔኦሬ፣ ፒዝጋ ዲጉንላታኔ ቤቲ-ያሽሞቲ።

21 ሄሰካ ጌዜ ቢታን ዲዛ ካታማታ ኡባኔ ሃሴቦኔ ካታማን ኡቲዲ ሃሪዳ አሞሬታ ካዎ ሲሆን ቢታ ኡባ ኦይኪዳ። ሙሴይ ካዎ ሲሆኔ ሄ ቢታን ዲዛ ዳናታ፣ ኤዎ፣ ኤሬቁሜ፣ ጾሬ፣ ኡሬኔ ኤሬባኤ ጌቲቲዛ ሚዲያሜ ሃላቃታ ኦሊ ጸኒዳሰ።

22 ኢሰራኤል አሳይ ኦላን ዎጂዳ አሳፕ ሃሪ፣ ቢኦሬ ና ማር ባላሚካ ማሻን ሲፊዳ።

23 ኦርቤሌ ቆሞታ ዛዋይ ዮርዳኖሴ ሻፋ። ኦርቤሌ ቆሞቲ ባ ዛርኬን ዛርኬን ጊሹቲ ኤኪዳ ካታማቲኔ ጉታቲ ሄይታ።

ጋዴ ቆሞታ ጋኪዳ ጸንጾ

24 ሙሴይ ጋዴ ቆሞታሰ ኢስታ ዛርኬን ዛርኬን ጊሹሬላ ኢሚዳ ቢታይ ሃይሳፌ ካሊ ዲዛይሳ።

25 ኢስታ ዛዋይ ኢያዜሬ፣ ጋላኦ ካታማታ ኡባ ኤራባ አቻን ዲዛ ኦርኤሬ ጋካናሰ ዲዛ አሞኔታ ቢታፌ ባጋ።

26 ሃሴቦን፣ ቢዲ ኤራሞቴ-ሚዲያን በጸኒሜ፣ ማሃናይሜ፣ ቢዲ ደባሬ ዛዋ፣

27 ኦርቪይ ሞኪዛ ባጋራ ዲዛ ዮርዳኖሴ ሾባስ ጊደን ሃሴቦን ካዋ ሲሆኑ ካዋቴላፊ አቲዳይታ፣ ቤቲ-ሃራሜ፣ ቤቲ-ኒሚሬ፣ ሱኮቴኔ ጻፎኔ ጌቲቲዛ ካታማታ ኢሲፊ ጋላ ኦይኬስ።

28 ጋዴ ቆሞቲ ባ ዛርኬን ዛርኬን ጊሼቲ ኤኪዳ ካታማቲኔ ጉታቲ ሄይታ።

ሚናሴ ቆሞታ፣ ባጋይታስ ጋኪዳ ጸንጾ

29 ሙሴይ ሚናሴ ቆሞታ፣ ባጋይታስ ኢስታ ዛርኬን ዛርኬን ጊሼሬላ ኢሚዳ ቢታይ ሃይሳፊ ካሊ ዲዛይሳ።

30 ኢስታ ዛዋይ ማሃናይሜ፣ ደሚዲ ባሳኔ ቢታ ኡባ ጉጃዲ ባሳኔን ዲዛ 60 ያኢሬ ካታማታ ኡባ ኤኪዳ ባሳኔ ካዋ ኦይ ሃሪዛሶ ኡባ ጊዲሺን፣

31 ጋላኦፎ፣ ባጋኔ ባሳኔን ኦይ ካዋቴላስ ዋና ካታማታ አስታሮቴኔ ኤዲራኤ ጋኬስ። ሄይቲ ሚናሴ ና ማኪሬ ዛሬታስ ኢሚቲዳይታ ጊዲሺን ሄይቲካ ማኪሬ ናይታ፣ ባጋይታስ ኢስታ ዛርኬን ዛርኬን ኢሚቲዳይታ።

32 ዮርዳኖሴ፣ ሄ ፒንላን፣ ኢያርኮሬ ኦርቪይ ሞኪዛ ባጋራ ዲዛ ሞኦኪ ዴሞባን ዲዛ ዋዴ ሙሴይ ሻኪዲ ኢሚዳ ቢታይ ሃሳ።

33 ጊደ አቲን ሙሴይ ለዌ ቆሞታስ ጸንጾ ኢሚቤና፣ ካሴ ጎዳ ኢሰራኤሌ ጸሳይ ኢስታስ ዮቲዳ ማላ ኢዚ ኢስታ ጸንጾ።

14

ዮርዳኖሴ ሻፋ፣ ኦርቪይ ወሊዛሶ ባጋ ቢታ ጊሼቾ

1 ቁሴ ኤልኤዜሬይ፣ ናዌ ና ኢያሶይኔ ኢሰራኤሌ ዛሬታ ኮራፒኔቲ ጊሼቾ ኢሚን ኢሰራኤሌ አሳይ ጊሼቲ ኤኪዳ ላቲዳ ቢታይ ሃይሳፊ ካሊዛይሳ።

2 ጎዳይ ሙሴ ባጋራ ኣዛዚዳ ማላ ኢስቲ ጊሼቲ ኤኪዳ ቢታይ ኡዲፋን ቆሞታሲኔ ባጋይታስ ሳማን ጋኪዳስ።

3 ሙሴይ ናምኡ ቆሞታሲኔ ባጋታስ ዮርዳኖሴ ሻፋ፣ ሄ ፒንላን ኦርቪይ ሞኪዛ ባጋራ ዲዛ ጋዴዛ ኢስታስ ጸንጾ ሂስቲ ኢሚዳስ፣ ጊደ አቲን ለዌ ቆሞታስ ኢስታ ጊደን ጸንጾ ኢሚቤና።

4 ዮሴፊ ናይቲ ሚናሴኔ ኢፍሬሚ ጌቲቲዲ ናምኡ ዛርኬ ጊዲዳ። ሙሴይ ለዌ ቆሞታስ ላታ ቢታ ኢሚቤና፣ ጊደ አቲን ለዌ ቆሞታስ ኢስቲ ዲዛ ካታማታኔ ኢስቲ ባ ሜሄኔ ደርሳ ሃሚዛሶሆ ጸላ አቲን ሃራ ጋዴይ ኢስታስ ኢሚቲቤና።

5 ሃሳ ጊሻስ ጎዳይ ሙሴ ኣዛዚዳ ማላ ኢሰራኤሌ አሳይ ቢታ ጊሼቲ ኤኪዳ።

ካሌቤስ ኢሚቲዳ ኬብሮኔ ቢታ

6 ኢሲ ጋላስ ዩሁዳ አሳይ ኢያሶኮ ጌልጌላ ሸቆዳስ፣ ኢስታፊ ቁናዜ ዴሬ አስ ዮፊኔ ና ካሌቤይ ኢያሶስ፣ «ኑኔ ቃዴሴ ባሪኔን ዲሺን ጎዳ አስ ሙሴስ ኔ ጊሻሲኔ ታ ጊሻስ ዮቲዳይሳ ኔ ኤራሳ።

7 ጎዳ አይሌ ሙሴይ ቢታዮ ዋቻዳ ያና ማላ ቃዴሴ ባሪኔ፣ ታና ከቲዛ ዋዴ ታስ ላይሳይ 40። ሃ ዋዴ ታኔ ኢዛስ ኣማንሳዚዛ ዮኦ ኤካ ያዲስ።

13:33 ታይ 18:20፣ ዛሬ 18:2 14:2 ታይ 26:52-56፣ 34:13 14:7 ታይ 13:1-30 14:9 ታይ 14:24

8 ታናራ ቢዳ አሳቲ ዴራ ዋዚና ሂርጋን ኩንላዲ፣ ታኒ ጊዲኮ ጎዳ ታ ጸሳ ኩሜላ ዋዚና፣ ካላዲስ።

9 ሄ ጋላስ ሙሴይ፣ ሳኒ ጎዳ ታ ጸሳ ኩሜላ ዋዚና፣ ካሊዳ ጊሻስ ኔ ቶሆይ ዩዲዳ ቢታይ ሚርናስ ኔሲኔ ኔ ዜሬላስ ላታ ቢታ ጊዳና፣ ጊዲ ታስ ጫቂዳስ።

10 «ጎዳይ ሃ ዮኦዛ ሙሴስ ዮቶሶ፣ ደሚዲ ኢሰራኤሌ አሳይ ባዞ ቢታን ቶይላቲሽን ታና 45 ላይሳ ናጊዲ ሹምፖራ ፓጻ ዋሊዳስ፣ ሃኢ ታ ላይሳይ 85 ጊዲዳስ።

11 ጊዲኮካ ሃኢ ታስ ዲዛ ሚናቴላይ ቤኒ ሙሴይ ታና ከቲዛ ዋዴ ዲዛ ሚናቴላ ማላ። ታስ ሃኢካ ኦሌታና ባናስ ቤኒ ዋልቃይኔ ሚናቴላ ዴስ።

12 ሃሳ ጊሻስ ጎዳይ ታስ ኢሚና ጊዳ ሃ ጌዜ ቢታ ሃኢ ታስ ኢሚ። ሄ ዋዴ ኢናቄቲ ሄ ቢታን ዲዛይሳኔ ኢስታ ካታማቲካ ጊታኔ ገምቤቲዳይታ ጊዲዳይሳ ኔ ሲያዳሳ፣ ጊደ አቲን ጎዳይ ታናራ ጊዲኮ ኢዚ ጊዳ ማላ ታኒ ኢስታ ሄ ቢታፊ ዩዳላና» ጊዴስ።

13 ሃሳፊ ጉዩ ኢያሶይ ዮፊኔ ና ካሌቤ ኣንጂዲ ኬብሮኔ ኢዛስ ጸንጾ ሂስቲ ኢሚዳስ።

14 ጎዳ ኢሰራኤሌ ጸሳ ኢዚ ኩሜላ ዋዚና፣ ካሊዳ ጊሻስ ሄ ጋላሳፊ ደሚዲ ኬብሮኔይ ቁናዜ ዴሬ አስ ዮፊኔ ና ካሌቤስ ጸንጾ ጊዲዳስ።

15 ኬብሮኔይ ካሴ ኤናቄታ ኡባፊ ባይራ ጊዲዳ ኦርባኤ ሱንላን ቁሪያቴ-ኦርባኤ ጌቲታ ጳይጌታዲስ። ሃሳፊ ጉዩ ሄ ቢታያ ኦላፎ ሹምፓዲስ።

15

ጊሼን ዩሁዳ ቆሞታ ጋኪዳ ጋዴ

1 ዩሁዳ ቆሞታስ ኢስታ ዛርኬን ዛርኬን ሳማ ዩጊን ጋኪዳ ጋዴይ ቢዲ ኤደሜራ ዛዋቲዳ፣ ዲጌሃ ባጋ ጋጸን ዲዛ ጸኔ ጌቲቲዛ ባዞ ጋኬስ።

2 ዲጌሃ ባጋራ ኢስታ ዛዋይ ማጸኔ ኣባስ ዲጌሃ ባጋ ጳራፎ ደሚዳስ።

3 ኣከራቢሚ ፑርዴራ ካንላዲ፣ ጸኔ ባዞራ ቢዲ ቃዴሴ ባሪኔ ዲጌሃ ባጋ ጋኬስ። ቃሴ ሃሳፊ ሃጸሮሚራ ካንላ ፑዴ ኣዳራ ጋኪዲ ቃርቃኮ ሲሚስ።

4 ኣጸሞኔራ ካንላ ቢዲ ሃላ ባይንዳ ጊብጸ ሻፋን ጋኪዲ ሚዲቲራኔ ኣባን ዛዋቲስ። ዲጌሃ ባጋራ ዲዛ ዩሁዳ ዛዋይ ሃይሳ።

5 ኦርቪይ ሞኪዛሶ ባጋራ ዲዛ ዛዋይ ማጸኔ ኣባ ጊዲሺን ሂሲካ ዮርዳኖሴ ሻፋይ ኢዛን ቢ ጌሊዛሶ ጋኬስ።

ፑዴሃ ባጋራ ዲዛ ዛዋይ ዮርዳኖሴ ሻፋይ ማጸኔ ኣባን ጌሊዛሶ፣ ደሚዳ።

6 ፑዴ ቤቲ-ሆጊሌ ኬዚዲ ዮርዳኖሴ ሾባፊ ጋና ባጋራ ካንላዲ ኦርቤሌ ና ቦሃኔ ሹቻን ዛዋቲስ።

7 ሂስቲዲ ዛዋዚ ኣኮራ ሾባፊ ዳቢሬ ካታማ ፑዴ ኬዚዲ፣ ሾባፊ ዲጌ ባጋራ ዲዛ ኣዲሚሚ ፑርዴፊ ሲንላራ ካንላዲ ፑዴሃ ባጋ ጌልጌላኮ ሲሚስ። ቃሴ ኤን-ሹሚሹ ጌቲቲዛ ፑልቶዛራ ካንላ ቢዲ ፑዴ ኤን-ሮጌሌ ጌቲቲዛሶ ኬዜስ።

8 ሃሳፊ ሄኖሜ ና ሾባራ ካንላ ቢዲ ያቡሴታ ካታማ ዩራሳላሚይ ዲዛሶ ዲጌሃ ባጋራ ካንላዲ ኤራፋይሜ ሾባስ ፑዴሃ ባጋ ጳራራ ካንላ ቢዲ

14:3 ታይ 32:33፣ 34:14-15፣ ዛሬ 3:12-17 14:6 ታይ 14:30

ሄኖሜ ሾባሰ ኣርሼይ ወሊዛ ባጋራ ዲዛ ዙምቡላ ጸራ ጋኬስ።

9 ሄፔካ ዙምቡላ ጸራፔ ደሚዲ ኔፍቶ ፑልቶታራ ካንሉዲ ኤፍሮኔ ዳሪን ዲዛ ካታማታኮ ጋኬስ። ሄሳፌ ቃሴ ዲጌ ባኣላ ዎይኮ ቁሪያቴ-ዩኣሪሚ ጌቴቴዛ ካታማኮ ዎዲስ፤

10 ባኣላፔ ኣርሼይ ወሊዛ ባጋራ ዲዛ ሴይሬ ዙማኮ ሚርቁቴዲ ኪሳሎኔ ጌቴቴ ደይጌቴዛ ዩኣሪሚ ዙምቡላስ ፑዴሃ ባጋራ ዲዛ ዲጉንጻራ ዲጌ ቤቴ-ሾሚሾ ዎዲዲ ቴሚና ፒኔስ።

11 ቃሴ ኣቃሮኔስ ፑዴሃ ባጋራ ዲዛ ዲጉንጻራ ካንሉዲ ሸካሮኔኮ ሚርቁቴዲ ባኣላ ዙማ ቦላራ ኣዲ ቢዲ ያቢንኤሌ ጋኬስ፤ ሄሳፌ ጉዬ ዛዎይ ቢዲ ኣባን ኤቁስ።

12 ኣርሼይ ወሊዛ ባጋራ ዲዛ ዛዎይ ሚዲቴራኔ ኣባ ጋጸ ጋኬስ። ዩሁዳ ቆሞቲ ባ ዛርኬን ዛርኬን ኤኪዳ ዛዎቲ ሃይታንታ።

ካሌቤይ ጸኒ ኦይኪዳ ኩብሮኔኔ ዳቢሬ ቢታ (ዳና 1:11-15)

13 ጎዳይ ኢዛ ኣዛዚዳ ማላ ኢያሶይ ዩሁዳ ገሻፕ ሻኪዲ ኩብሮኔ ጌቴቴዛር ቁሪያቴ-ኣርባኤ ዮፊኔ ና ካሌቤስ ኢሚዳስ፤ ኣርባኤይ ኤናቁ ኣዎ።

14 ካሌቤይካ ኤናቁ ዛሬ ሄሻታ፣ ሻሻዬ፣ ኣሂማኔኔ ታለማዬ ኩብሮኔፔ ኬሲ ጎዲዳስ።

15 ሄሳፌ ጉዬ ዳቢሬ ዳሬ ቦላ ኦላሰ ዳንዲዳስ፤ ዳቢሬ ካታማይ ካሴ ቁሪያቴ-ሴፌሬ ጌቴታወስ።

16 ካሌቤይ፣ «ቁሪያቴ-ሴፌሬ ኦሊዲ ኦይኪዳዳስ ታኒ ታ ናዮ ኣኪሳ ኢማና» ጌዳስ።

17 ሄሳ ገሻሰ ካሌቤ ኣሻ ቁናዜ ና ኦቴንኤሌይ ሄ ካታማ ኦሊዲ ኦይኪዳስ፤ ሂሰቲን ካሌቤይ ባ ናዮ ኢዛስ ማቾ ኢሚዳስ።

18 ኣኪሳይ ኦቴንኤሌ ጌሊዳፔ ጉዬ ኢዚ ኣዎይ ኢዚስ ጋዴ ኢማና ማላ ባ ኣዎ ዎሳና ማላ ባ ኣዚናስ ሚንጻ ዮታዲስ፤ ኢዛ ሃሬዛ ቦላፌ ዎዲን ካሌቤይ ኢዛ፣ «ታ ኔስ ኣይ ኦላና ማላ ኮያይ?» ጌ ኦይቺዳስ።

19 ኢዛካ ዛራዳ፣ «ታስ ሎኦ ኦላርኪ! ኔኒ ካሴ ታስ ኔጌቤን ጋዴ ኢሚዳይሳላ ሃኢካ ፑልቶ ሃላራ ዲዛ ጋዴ ታስ ኢማ» ጋዲስ። ሂሰቲን ካሌቤይ ኢዚስ ፑዴራኔ ዲጌራ ዲዛ ፑልቶ ኢሚዳስ።

ዩሁዳ ቆሞታስ ኢሚቲዳ ጸንጾ

20 ዩሁዳ ቆሞታስ ኢስታ ዛርኬን ዛርኬን ገሻሰ ኢሚዳ ቢታይ ሃይሳፌ ካሊ ዲዛይሳ።

21 ኔጌቤ ሄራን ኤደሚ ዛዎ ጸራን ዲዛ ዲጌሃ ባጋራ ዲዛ ዩሁዳ ቆሞታ ካታማቲ ቃብጸኤሌ፣ ኤዳሬ፣ ያጉሬ፣

- 22 ቁና፣ ዲሞና፣ ኣዳዳ፣
- 23 ቃዳሴ፣ ሃጸሬ፣ ዩቲናኔ፣
- 24 ዚፌ፣ ቴሌሚ፣ ባኣሎቴ፣
- 25 ሃጸሬ-ሃዳታ፣ ሄጺሮሚ ጌቴቴዛ ቁሪያቴ-ሃጸሬ፣
- 26 ኣማሚ፣ ሾማኤ፣ ሞላዳ፣
- 27 ሃጸሬ-ጋዳ፣ ሄሸሞኔ፣ ቤቴ-ጳሌጾ፣
- 28 ሃጸሬ-ሹኣሌ፣ ቤርሳቤሄ፣ ቢዚዮቲያ፣
- 29 ባኣላ፣ ኢዩሚ፣ ኤጾሚ፣
- 30 ኤልቶላዳ፣ ኪሲሌ፣ ሆርማ፣
- 31 ጸጊላጌ፣ ማዲማና፣ ሳንሳና፣

32 ሌባዎቴ፣ ሺሊሂሚ፣ ኣዩኔኔ ኣርሞኔ። ካታማቲኔ ጉታቲ ኢሲ ቦላ ናሞኡ ታማኔ ኡዲፋና።

33 ኣርሼይ ወሊዛ ባጋራ ዙምቡላታ ቶሆሶራ ዲዛይቲ ኤሸታኦሌ፣ ጸራኣ፣ ኣሺና፣

34 ዛሮሃ፣ ኤን-ጋኒሚ፣ ታጶሃ፣ ኤናሚ፣

35 ያርሙቴ፣ ኣዲላሚ፣ ሶኮ፣ ኣዜቁ፣

36 ሻኢራይሚ፣ ኣዲታይሚ፣ ጋዴሬኔ ጋዴርታይሚ።

ካታማቲኔ ጉታቲ ኢሲ ቦላ ታማኔ ኦይዳ።

37 ቃሴ ጸናኔ፣ ሃዳሻ፣ ሚጊዳላ-ጋዳ፣

38 ዲልኣኔ፣ ሚጸዳ፣ ዮቁቴኤሌ፣

39 ላኪሾ፣ ቦጺቃቴ፣ ኤጊሎኔ፣

40 ካሶኔ፣ ላሂማሴ፣ ኪቲሊሾ፣

41 ጋዴርቴ፣ ቤቴ-ዳጎኔ፣ ናኢማኔ ማቁዳ። ካታማቲኔ ጉታቲ ኢሲ ቦላ ታማኔ ኡሱፑና።

42 ቃሴ ሊቢና፣ ኤቴሬ፣ ኣሻኔ፣

43 ዮፍታሄ፣ ኣሺና፣ ኒጺቤ፣

44 ቁኣላ፣ ኣኪዚቤኔ ማሬሻ። ካታማቲኔ ጉታቲ ኢሲ ቦላ ኡዲፋና።

45 ኣቃሮኔይ ባ ሄራን ዲዛ ጉታታራ፣

46 ሄሳላካ ኣቃሮኔፔ ኣርሼይ ወሊዛ ባጋራ ዲዛ ኣሸዳዴ ጋካናስ፣

47 ቃሴ ኣሸዳዴይ ባ ሄራን ዲዛ ጉታታራኔ ጋዛፔ ቢዲ ሃሊ ባይንዳ ጊብጾ ሻፋ ጋካናስኔ ሜዲቴራኔ ጋጸፔ ሃ ሰሚን ዲዛ ካታማታኔ ጉታታ።

48 ዙምቡላታ ቦላ ዲዛ ካታማቲካ ሻሚሬ፣ ዩቲሬ፣ ሶኮ፣

49 ዳና፣ ቁሪያቴ-ሲና ዎይኮ ዳቢሬ፣

50 ኣናቤ፣ ኤሸታዎ፣ ኣኒሚ፣

51 ጎሼኔ፣ ሆሎኔኔ ጊሎ፣ ሄይቲ ታማኔ ኢሲኔቲ ኢስታ ካታማታኔ ኢስታ ጉታታ።

52 ቃሴ ኣራቤ፣ ዲማ፣ ኤሻኔ፣

53 ያኒሚ፣ ቤቴ-ታጶሃ፣ ኣፌቁ፣

54 ሁሚጾ፣ ኩብሮኔ ዎይኮ ቁሪያቴ-ኣርባኤኔ ጸኦሬ፤ ሄይቲ ኡዲፋናቲ ኢስታ ካታማታኔ ኢስታ ጉታታ።

55 ቃሴካ ማኦኔ፣ ቃርሜሎሴ፣ ዚፌ፣ ዩጾ፣

56 ኢዝራኤሌ፣ ዮቁዲኣሚ፣ ዛሮሃ፣

57 ቃይኔ፣ ጊቢኣኔ ቴሚና፣ ሄይቲ ታማቲ ኢስታ ካታማታኔ ኢስታ ጉታታ።

58 ቃሴ ሃሊሁሌ፣ ቤቴ-ጳራሬ፣ ጋደሬ፣

59 ማራቴ፣ ቤቴ-ኣኖቴኔ ኤልቲቆኔ፤ ሄይቲ ኡሱፑናቲ ኢስታ ካታማታኔ ኢስታ ጉታታ።

60 ሄሳላካ ቁሪያቴ-ዩኣሪሚ ጌቴቴዳራ ቁሪያቴ-ባኣሌኔ ኤራባ፤ ሄይቲ ናሞኣቲ ኢስታ ካታማታኔ ኢስታ ጉታታ።

61 ባዘን ዲዛይቲ ሃይሳፌ ካሊዛይታ፤ ቤቴ-ኣራቤ፣ ሚዲና፣ ሰካካ፣

62 ኒቢሻኔ፣ ማጺኔ ካታማኔ ኤን-ጋዴ፤ ሄይቲ ኡሱፑናቲ ኢስታ ካታማታኔ ኢስታ ጉታታ።

63 ጊደ ኣቲን ዩሁዳ ኣሳይ ዩራሳሚን ዲዛ ያቡሴታ ኢስቲ ዲዛሶፔ ኬሲ ጎዳና ዳንዳይቤቴና፤ ሄሳ ገሻሰ ያቡሴቲ ሃቾ ጋካናሰካ ዩሁዳ ኣሳራ ኢሲፌ ዩራሳሚን ዳቴስ።

16

ዮሴፌ ቆሞታ ጋኪዳ ቢታ

1 የሱፊ ዛሬ ታዲያ ቢታይ ኢያርኮ ማታን የርዳኖሴ ሻፋፔ ደሚዲ ኢያርኮ ፑልቶታፔ ኦርሼይ ሞኪዛ ባጋራ ባዛ ካንሱዲ ጌዜቲዛ ቢታራ አዲዲ ቤቲሌ ጋኬስ።

2 ሎዛ ጌቲቲዛ ቤቲሌፕ ዳንዲዲ አጻርቲ ጌቲቲዛ ኦርኬታ ቢታ ጋኬስ።

3 ሃሳፊ ኦርሼይ ወሊዛ ባጋራ ዲዛ ያፋሌዴታ ቢታ ዲፕንሳ ዲጌ ቤቲ-ሆርኔ ዎዲዲ ጌዜሬራ ካንሱ ቢዲ ጊታ አባን ጌሌስ።

4 የሱፊ ቆሞ ሚናሴ ዛሬቲኔ ኤፍሬሚ ዛሬቲ ባንታና ጋኪዛ ቢታ ላቲዳ።

5 ኤፍሬሚ ዛሬታ ኢስታ ዛርኬን ዛርኬን ጋኪዳ ቢታይ ሃይሳፊ ካሊዛይሳ፤ ኢስታ ዛዋይ ኦርሼይ ሞኪዛ ባጋራ ዲዛ አጻርቲ-አዳሬፔ ቢዲ ጋና ቤቲ-ሆርኔ ጋኬስ።

6 ሃፔ ቢዲ ዎጋ አባን ጌሌስ። ቃሴ ፑዳሃ ባጋራ ዲዛ ዛዋይ ሚኪማታቴፔ ኦርሼይ ሞኪዛሶ ባጋ ታናቲ-ሺሎራ ሚርቁቲ ሲሚዲ፣ ኦርሼይ ሞኪዛሶ ባጋራ ዲዛ ያኖኬ ጋኬስ።

7 ያኖኬፔ ዲጌ አጻርቲኔ ናራቲ ዲፕንሳ ዎዲዲ ኢያርኮራ ካንሱ ቢዲ የርዳኖሴ ሻፋን ጌሌስ።

8 ዛዋዚ ታጺሃፔ ኦርሼይ ወሊዛ ባጋራ ቢዲ ቃና ሻፋራ ዎዲ ቢዲ ሚዲቲራኔ አባን ጌሌስ። ኤፍሬሚ ዛሬቲ ባ ዛርኬን ዛርኬን ላቲዳ ቢታይ ሃይሳ።

9 ሄሲ ሚናሴ ዛሬታ ቢታፊ ኤፍሬሚ ዛሬታሰ አሚዳ ካታማታኔ ኢስታ ጉታታ ኡባ ጋሊ ኦይኪዴስ።

10 ሃይሲ ኡባይ ሃንካ ኤፍሬሚ ዛሬቲ ጌዜሬ ካታማን ዲዛ ካናኔ አሳታ ኬሲ ጎዲቤቲና። ካናኔ አሳቲ ሃኙ ጋካናሰ ኤፍሬሚ ዛሬታራ ኢሲፊ ዴቲስ። ጊዶ አቲን ኤፍሬሚ ዛሬቲ ኢስታ ዎልቃራ ኦሲሴቲስ።

17

ሚናሴ ቆሞታ ጋኪዳ ቢታ

1 ሚናሴይ የሱፊሰ ባይራ ና ጊዲዳ ጊሻሰ ኢዛ ዛሬታ ሳማን ጋኪዳ ቢታይ ሃይሳፊ ካሊ ዲዛይሳ፤ ሚናሴሰ ባይራ ናዚ ማኪሬይ ጋላኦይታ አዋይ ሚኖ ኦላንቻ ጊዲዳ ጊሻሰ ጋላኦይይ ባሳኔይ ኢዛሰ ጊሻ ጊዲዳስ።

2 ሃሳ ጊሻሰ ሄ ቢታዚ ሃንኮ አቲዳ ሚናሴ ዛሬታሰ አቢኤዜሬስ፣ ሄሌቁስ፣ አሲራኤሌስ፣ ሴኬሚሰ፣ ሄፊሬስ፣ ሻሚዳሰ አሚቲዳስ፤ የሱፊ ና ሚናሴ ዛርኬ ጊዲዳ አቲማቲ ሃይሳፊ ካሊ ዲዛይታ።

3 ጸሎፋዳይ ሄፊሬ ና፤ ሄፊሬይ ጋላኦይ ና፤ ጋላኦይ ማኪሬ ና፤ ማኪሬይ ሚናሴ ና። ጸሎፋዳሰ ማጫ ናይታፔ አቲን አቲማ ናይ ዳና፤ ኢዛ ማጫ ናይታ ማሃሎ፣ ኖኦ፣ ሆጊሎ፣ ሚልኮኔ ቲርጾ ጌቲቲቲሰ።

4 ኢስታ ቁሴ ኤልኤዜሬኮ፣ ናዋ ና ኢያሶኮኔ ሃላቃታኮ ሸቂዲ፣ «ኮኒ ኮ ኢሻታራ ጋይ ጊሼቲ ኤካና ማላ ጎዳይ ሙሴ አዛዚዴስ» ጊዳ። ሃሳ ጊሻሰ ጎዳይ አዛዚዳ ማላ ኢያሶይ ኢስታ አዋ አሻታሳራኔ ኢስታሳራ ጊሼቲ አሚዳስ።

5 ሚናሴሰ ጋላኦይፔ ባሳኔፔ ሃራሶን ታሙ ኬዚ ጊሼቲዛ ቢታይ የርዳኖሴፔ ኦርሼይ ሞኪዛ ባጋራ ዳስ።

6 ሚናሴ ዛሬታፔ ማጫ ናይቲካ አቲማ ናይታራ ኢሲፊ ቢታ ጊሼቲ ኤኪዳ ጊሻሰ ጋላኦይ ቢታይ አቲዳ ሚናሴ ዛሬታሰ ጊዲዳስ።

7 ሚናሴ ዛሬታ ቢታ ዛዋይ አሴሬ ቢታፊ ደሚዲ፣ ሴኬሚፔ ኦርሼይ ሞኪዛ ባጋራ ዲዛ ሚኪማታፔ ጋኬስ። ሄ ዛዋይ ሃሳፊ ቢዲ ዲጌሃ ባጋራ ካንሱዲ ኤን-ታጺሃን ዲዛ ዳሬዛካ ጉጃሰ።

8 ታጺሃ ቢታይ ሚናሴሳ፤ ጊዶ አቲን ሚናሴ ዛዋን ዲዛ ታጺሃ ካታማያ ካሴ ኤፍሬሚ ዛሬታሳ።

9 ሃሳፊ ካሊዲ ኢዛ ዛዋይ ቢዲ ቃና ሻፋን ጌሌስ። ሚናሴ ካታማታ ጊዶን ኤፍሬሚ ካታማቲካ ዴቲስ፤ ጊዶ አቲን ሚናሴ ዛዋይ ቃና ሻፋፔ ፑዳሃ ባጋራ ቢዲ ሚዲቲራኔ አባን ጌሌስ።

10 ዲጌሃ ባጋራ ዲዛ ቢታይ ኤፍሬሚሳ፤ ፑዳሃ ባጋራ ዲዛ ቢታይ ቃሴ ሚናሴሳ። ሚናሴ ቢታ ዛዋይ ቢዲ ሚዲቲራኔ አባ ጋኬስ፤ ፑዳሃ ባጋ ዛዋይ አሴሬ ጋኬስ፤ ኦርሼይ ሞኪዛ ባጋራ ዲዛ ዛዋይ ዩሳኮሬ ጋኬስ።

11 ዩሳኮሬ ቢታኒኔ አሴሬ ቢታን ቤቲ-ሻኦኔይ፣ ዩቢላኦሚይ፣ ደሬ አሳይ፣ ኤን-ዶሬይ፣ ታኦክሴይኔ ማጊዶይ ባ ዩሾን ጉታታራ ኢሲፊ ሚናሴሳ፤ ሄሻንሐዚ ናፎቲ።

12 ጊዶ አቲን ሚናሴ ዛሬቲ ሄ ካታማታ ጸኒ ኦይካና ዳንዳይቤቲና። ጋሶይካ ካናኔ አሳይ ባ ኦይኪዳ ቢታ ዩዶኮ ጊ ሙርቲዳ ጊሻሳ።

13 ኢሰራኤሌ አሳይ ሚኒዳ ዎይ ካናኔ አሳታ ባንታሰ ሃጋዚሲዳ አቲን ቢታፊ ኢስታ ኡባ ኬሲ ጎዲቤቲና።

14 የሱፊ ዛሬቲ ኢያሶ፣ «ጎዳይ ኦና አንጂን ኮኒ ቆዳን ጮራ ጊዲሺን ላታ ቢታ ሻኮን ኮሰ አይሰ ኢሲ ጊሻ ጸላ አማዲ?» ጊዳ።

15 ኢያሶይካ ኢስታሰ፣ «አንቲ ጮራ ጊዲኮ ኤፍሬሚ ጌዜይ ፓሪዜቲኔ ኤራፋይሚቲ ዲዛ ቢታ ቢዲ ዎራ አንቲሰ ቁጸቲ» ጊዳስ።

16 የሱፊ ዛሬቲ፣ «ጌዜ ቢታዚ ኮሰ ጊዳና፤ ሃሳ ቦላካ ዳምባን ዲዛ ቤቲ-ሻኦኔኔ ሄ ሄራን ዲዛይቲ፣ ቃሴ ኢዘራኤሌ ሾባን ዲዛ ካናኔታሰ ቢራታ ፓራ-ጋሬቲ ዴቲስ» ጊዳ።

17 ኢያሶይ ዛሬዲ የሱፊ ዛሬታሰ ኤፍሬሚ ቆሞታሴኔ ሚናሴ ቆሞታሰ፣ «አንቲ ጮራኔ ኬሄ ዎልቃማ፤ አንቲሰ ኢሲ ጊሻ ጸላይ ጊዳና።

18 ሃሳ ጊሻሰ ጌዜ ቢታይካ አንቲሳ፤ ቢዲ ቁጸቲ፤ ወርሴፋ ጋጾ ጋካናሰ ዲዛይሲ አንቲሰ ጊዳና፤ ካናኔታሰ ቢራታ ፓራ-ጋሬቲ ዲኮካ፣ ኢስቲ ሚኖ ጊዲኮካ አንቲ ኢስታ ሄፔ ኬሳና» ጊዳስ።

18

አቲዳ ጋይ ጊሼቲሐ

1 ኢሰራኤሌ ማባራይ ወሪ ሴሎን ሸቂዳ፤ ጋይቶቲላ ዳንካኔ ሄን ቶኪዳ፤ ቢታያካ ጮኤ ጋዳ ኢስታሰ ሃሬታዲስ።

2 ጊዶ አቲን ኢሰራኤሌ አሳፔ ጋይ ጊሻይ ጋኮንታ አቲዳ ላፑን ቆሞቲ ዴቲስ።

3 ሃሳ ጊሻሰ ኢያሶይ ኢሰራኤሌ አሳ፣ «ጎዳ አንቲ አዋታ ጸሳይ አንቲሰ አሚዳ ቢታ ላቶንታ ኦይዴ ጋካናሰ አዛሌቲ?»

4 ኢሲ ኢሲ ቆሞፊ ሄቸ ሄቸ አሳታ ደሪቴ። ቢታ ዩዩ ጸሊዲ ኢሲ ኢሲ ቆሞ ጋካናይሳ ታሰ ጸፊ አሚናይታ ታ ኪታና፤ ኢሰቲካ ታኮ ሃ ሰሚ ያና።

5 ኢሰቲ ሄ ቢታዮ ላፑን ኬሲ ሻካና። ዲጌሃ ባጋራ ዩሁዳይ፣ ፑዳሃ ባጋራ ዮሴፌይ ባሰ ጸንጾ ሂሰቲ ኦይካና።

6 ሃ ላፑን ኬዚ ሻከቲዳ ቢታ ሃናታ ጸፊዳፔ ጉዩ ታኮ ኤኪ ዩኮ ታኒ ጎዳ ኑ ጸሳ ሲንጎን ኢንቴሰ ሳማ ዩጋና።

7 ለዌ ዛሬቲ ጸሳሰ ኦሊዛ ኦሶይ ኢሰታሰ ጸንጾ ጊዲዳ ጊሻሰ ኢንቴናራ ኢሰቲ ቢታ ጊሼቴቴና። ጋዳ ዛሬቲ፣ ኦርቤሌ ዛሬቲኔ ሚናሴ ዛሬታፔ ባጋይ ዮርዳኖሴ ሻፋፔ ኦርሼይ ሞኪዛሶ ባጋራ ጎዳ አይሌ ሙሴይ ኢሰታሰ አሚዳ ቢታ ካሴቲ ላቲዳ» ጊዳሰ።

8 አሳይ ቢታ ሃናታ ፕልጊ ጸላናሲኔ ጸፋናሰ ቡሰ ደሚሺን ኢያሶይ፣ «ቢዲ ቢታይ ሃናታ ፕልጊ ጸሊዲ ፓቲ ጸፊዳፔ ጉዩ ሃ ታኮ ሰሚ ዩቲ። ሃይሳን ሴሎን ጎዳ ሲንጎን ታ ኢንቴሰ ሳማ ዩጋና» ጊዳሰ።

9 ሄሳ ጊሻሰ አሳይ ቢታ ዩዩ ጸሊዳሰ፤ ካታማታራ ኢሲፊ ላፑን ኬሲ ሻኪዲ ጸላ ሞራቃታን ጸፊዳ፤ ሃሳፊ ጌዳ ኢያሶኮ ሴሎ ሰሚ ቢዳ።

10 ኢያሶይ ጎዳ ሲንጎን ሴሎን ኢሰታሰ ሳማ ዩጊዳሰ፤ ቢታዮ ኢሰራኤሌ አሳሰ ኢሰታ ቆሞ ኬና ጊሼቺ አሚዳሰ።

ቢኒያሚ ቆሞታሰ ጋኪዳ ቢታ

11 ኮይሮ ጊሻይ ቢኒያሚ ቆሞታ ኢሰታ ዛርኬን ዛርኬን ጋኪዳሰ። ሳማን ኢሰታ ጋኪዳ ቢታይ ዲዛሶይ ዩሁዳ ዛሬታ ቢታፊኔ ዮሴፊ ዛሬታ ቢታፊ ጊዳን ጊዲሺን ሃይሳፊ ካሊዛይሳ፤

12 ፑዳሃ ባጋራ ኢሰታ ዛዋይ ዮርዳኖሴ ሻፋፔ ደሚዲ፣ ኢያርኮ ፑዳንጎራ ኦጲ ቢዲ ኦርሼይ ወሊዛ ባጋራ ጳቃ ቢታራ ኦይኪዲ ቤቲ-ኦዩኔራ ካንጱሰ።

13 ሃሳፊ ዲጌሃ ባጋራ ሎዛ ጌቴቲዛ ቤቴሌ ፑዳንጎራ ካንጱዲ ዲጌ ባጋራ ዲዛ ቤቲ-ሆርኔፔ ዲጌሃ ባጋራ ዲዛ ዙማ ኦቻራ ካንጱ ቢዲ ዲጌ ኦጲሮቴ-ኦዳራ ጋኪሰ።

14 ዲጌሃ ባጋራ ዲዛ ዛዋይ ቤቲ-ሆርኔሰ ሲንጎ ባጋራ ዲዛ ዙሞቡላፊ ደሚዲ፣ ኦርሼይ ወሊዛ ባጋራ ዲጌሃ ባጋ ሚርቄቲዲ ዩሁዳ ቆሞታ ካታማ ጊዲዳ ቁሪያቴ-ባአሌ ዋይኮ ቁሪያቴ-ዩአሪሚራ ካንጱ ቤሰ፤ ሄሲ ኦርሼይ ወሊዛ ባጋሰ ዛዋ።

15 ዲጌሃ ባጋራ ዛዋይ ቁሪያቴ-ዩአሪሚፔ ደሚዲ ኔፍቶ ፑልቶ ሃላራ ካንጱሰ።

16 ሄ ዛዋዚ ኤራፋይሚ ሾባፊ ፑዳሃ ባጋራ ዲዛ ሃናሚ ና ሾባ ጊናራ ዲዛ ዙሞቡላ ቶሆሶ ዋዴሰ፤ ሃፔ ያቡሴታ ካታማፔ ዲጌሃ ባጋራ ዲዛ ዲጌንጎራ ሃናሚ ዙሌ ዋዴዲ ኢን-ሮጌሌራ ካንጱሰ።

17 ቃሴ ፑዳሃ ባጋ ሚርቄቲዲ ኢን-ሹሚሼራ ቢዲ ጌሊሎቴራ ካንጱሰ፤ ሃሳፊ አዲሚሚ ፑርዳ ጊናራ ዲዛ ኦርቤሌ ና ሶሃኔ ሹቻኮ ዲጌ ዋዴሰ።

18 ሃሳፊ ቤቲ-ኦሪቤ ፑዳንጎራ ካንጱዲ ዲጌ ኦሪቤ ዋዴሰ።

19 ሃሳፊ ቃሴ ቤቲ-ሆጊሌ ፑዳንጎራ ፑዳሃ ባጋራ ካንጱዲ፣ ዮርዳኖሴ ሻፋይ ጎጊ ጌሊዛሶ ማጸኔ አባፊ ጋና ባጋ ጋጸ ጋኪሰ። ሄሲ ዲጌሃ ባጋሰ ዛዋ።

20 ኦርሼይ ሞኪዛሶ ባጋራ ዮርዳኖሴ ሻፋይ ዛዋ። ቢኒያሚ ዛሬቲ ላቲዳ ቢታ ኡባሲካ ዛዋቲ ሄይታንታ።

21 ቢኒያሚ ዛሬቲ ባ ዛርኬን ዛርኬን ኤኪዳ ካታማቲ ኢያርኮ፣ ቤቲ-ሆጊሌ፣ ኦሚቅ-ኬዲጾ፣

22 ቤቲ-ኦሪቤ፣ ዛማራይሚ፣ ቤቴሌ፣

23 ኦዋሚ፣ ፓራ፣ ኦፊራ፣

24 ካፊር-ኦሞናዬ፣ ኦፊናኔ ጌባ። ሃይቲ ባንታ ጉታታራ 12 ካታማታ።

25 ቃሴ ጌባኦኔ፣ ኤራማ፣ ቢኤርቴ፣

26 ሚዲጳ፣ ካፊሬ፣ ሞጾ፣

27 ኤሬቄሚ፣ ዩርጲኤላ፣ ቴራላ፣

28 ጾላ፣ ሄሌፋ፣ ያቡሴታ ካታማ ዩሩሳላሚ፣ ጊቢኦኔ ቁሪያቴ-ዩአሪሚ። ሃይቲ ባንታ ጉታታራ 14 ካታማታ። ቢኒያሚ ቆሞቲ ባንታ ዛርኬን ዛርኬን ላቲዳ ቢታይ ሃይታ።

19

ሲሞና ቆሞታ ጋኪዳ ቢታ

1 ናሞኦንሎ ሳማይ ሲሞና ቆሞታ ኢሰታ ዛርኬን ዛርኬን ጋኪዳሰ። ኢሰታ ጋኪዳ ቢታይ ዩሁዳ ቆሞቲ ላቲዳ ቢታይ ኢሰቲ ላቲዳ ቢታ ጊዳሊ ኡቴዳሰ።

2 ኢሰቲ ላቲዳ ካታማቲ ቤርሳቤሄ፣ ሼባኤ፣ ሞላዳ፣

3 ሃጸራ-ሹኦሌ፣ ባላ፣ ኤጾሚ፣

4 ኤልቶላዳ፣ ባቴሌ፣ ሆርማ፣

5 ጸጊላጌ፣ ቤቲ-ማርካቦቴ፣ ሃጸራ-ሱሳ፣

6 ቤቲ-ላባኦቴኔ ሻሩሄኔ። ሄይቲ ኡባይ 13 ካታማታኔ ኢሰታ ዩሾን ዲዛ ጉታታ።

7 ቃሴ ኦዩኔ፣ ኦርሞኔ፣ ኤቴሬኔ አሻኔ ጌቴቲዛ ኦይዲ ካታማታኔ ኢሰታ ዩሾን ዲዛ ጉታታ።

8 ባአላቴ-ባኤሬ ዋይኮ ኔጌቤን ዲዛ ኦሪማቴሚ ጋካናሰ ዲዛ ካታማታ ዩሾን ዲዛ ጉታታ ኡባ ላቲዳ። ሲሞና ቆሞቲ ባ ዛርኬን ዛርኬን ጊሼቲ ኤኪዳ ቢታቲ ሄይታንታ።

9 ዩሁዳ ቆሞቲ ኦይኪዳ ጸንጾይ ከሂ ኦኮ ጊዲዳ ጊሻሰ ሲሞና ቆሞታሰ ጸንጾ ጊዲ አሚቴዳሰ፤ ሃሳ ጊሻሰ ሲሞና ቆሞቲ ዩሁዳ ቆሞታ ጊሻፔ ጊሼቲ ኤካና ዳንዳይዳ።

ዛቢሎኔ ቆሞታ ጋኪዳ ቢታ

10 ሄቸንሎ ሳማይ ዛቢሎኔ ቆሞታሰ ኢሰታ ዛርኬን ዛርኬን ጋኪዳሰ። ኢሰቲ ላቲዳ ቢታ ዛዋይ ሳሪዳ ጋኪሰ።

11 ቃሴ ሃሳፊ ቢዲ ኦርሼይ ወሊዛሶራ ማራላ ባጋራ ካንጱ ቤሰ፤ ዳባሼቴ ማታራ ዮቁናኦሚ ኦቻን ዲዛ ሻፋን ቢ ጌሌሰ።

12 ሃራ ባጋራ ቃሴ ሳሪዳ ካታማፔ ኦርሼይ ሞኪዛሶ ባጋ ሰሚዲ ኪሲሎቴ-ታሶሬራ ካንጱ ቢዲ ዳቢራቴራ ጌዳ ያፊኦ ቤሰ።

13 ሃራ ጌዳ ኦርሼይ ሞኪዛ ባጋራ ጌት-ሄፊሬኔ ኤት-ቃጸኔ ካንጱ ቤሰ፤ ሃፔካ ጌዳ ኦርሞኔ ጋኪዲ ኒኦ ባጋ ሚርቄቲሰ።

14 ፑዳሃ ባጋራ ሃናቶኔ ሰሚዲ ዩፍታሂኤሌ ሾባን ጋኪ ኤቄሰ።

15 ቃሴካ ቃጾቴ፣ ናሂላሌ፣ ሺሚሮኔ፣ ኢዳሌኔ ቤቴሊሄሚ ጌቴቲዛ ካታማቲካ ዳቴሰ። ኢሰቲ ወሪ 12፤ ኢሰታ ዩሾን ዲዛ ጉታቲካ ኢሰታን ጉጃቴቲሰ።

16 ሃይቲ ዛቢሎኔ ቆሞታሰ ጸንጾ ጊዲዲ ኢሰታ ዛርኬን ዛርኬን ጊሻን ጋኪዳ ካታማታኔ ጉታታ።

ዩሳኮሪ ቆሞታ ጋኪዳ ቢታ

17 ኦይዳንላ ሳማይ ዩሳኮሪ ቆሞታ ኢስታ ዛርኬን ዛርኬን ጋኪዳስ።

18 ኢስታ ቢታቲ ሃይሳፌ ካሊዛይታ፤ ኢዘራኤል፣ ካሱሎቴ፣ ሱኔሜ፣

19 ሃፋራኢሜ፣ ሸኦኔ፣ ኣናሃራቴ፣

20 ኤራቢቴ፣ ቁሶኔ፣ ኣቤዶ፣

21 ኤራሜቴ፣ ኤን-ጋኒሜ፣ ኤን-ሃዳኔ ቤቲ-ጳዶዶ።

22 ሄ ቢታታ ዛዋይ ታቦሬ፣ ሻሃዱሜኔ ቤቲ-ሾሚሾ ቦቹ ቢዲ፣ ዮርዳኖሴ ሻፋን ጌሌስ። ኢስታ ኡባይ ታማኔ ኡሱፑን ካታማታ፤ ኢስታ ዩሾን ዲዛ ጉታቲካ ኢስታን ጉጃቴቲስ።

23 ሃይቲ ዩሳኮሪ ቆሞታስ ጸንጾ ገዲዲ ኢስታ ዛርኬን ዛርኬን ገሻን ጋኪዳ ካታማታኔ ጉታታ።

ኣሴሬ ቆሞታ ጋኪዳ ቢታ

24 ኢቻሻንላ ሳማይ ኣሴሬ ቆሞታ ኢስታ ዛርኬን ዛርኬን ጋኪዳስ።

25 ኢስታ ቢታቲ ሃይሳፌ ካሊዛይታ ሄልቃቴ፣ ሃሌ፣ ቤዶኔ፣ ኣኪሻፌ፣

26 ኣላሚሎኬ፣ ኣማዴኔ ሚሻሌ። ኣርሼይ ወሊዛሶ ባጋራ ቃርሜሎሴራኔ ሸሆራ-ሊቢናቴራ ዛዋቲስ።

27 ቃሴ ኣርሼ ኬሳሶ ባጋ ሲሚ ቤቲ-ዳንኔኮ ሚርቂቲዲ፣ ዛቢሎኔ ቢታኔ ዩፍታሂኤሌ ሸባራ ካንላ ቢዲ ካቡሌ ሃዲርሳ ቦላ ዩጊዲ ፑዳሃ ባጋራ ቤቲ-ኤሜቄኔ ናኢኤሌ ቤስ።

28 ሃሳፌ ቃሴ ኤቢሮኔ፣ ኤራሆቤ፣ ሃሞኔኔ ቃና ፑዳንላ ኬዚዲ ገታ ሲዶና ጋኬስ።

29 ዛዋይ ኤራማ ሲሚዳፔ ገምቤቲዳ ጸርሴ ካታማኮ ሚርቂቲ ጌዴ ሆሳ ሲሚዲ ኣኪዚቤ ባጋራኔ ማሂሌቤ ጌዴ ሜዲቲራኔ ኣባን ጋኪ ጌሌስ።

30 ሄን ኡማ፣ ኣፌቄኔ ኤራሆቤ ጌቲቲዛ ካታማቲካ ዳቲስ። ኢስታ ኡባይ 22፤ ኢስታ ዩሾን ዲዛ ጉታቲካ ኢስታን ጉጃቴቲስ።

31 ሃይቲ ኣሴሬ ቆሞታስ ጸንጾ ገዲዲ ኢስታ ዛርኬን ዛርኬን ገሻን ጋኪዳ ካታማታኔ ጉታታ።

ኒፍታሌሜ ቆሞታ ጋኪዳ ቢታ

32 ኡሱፑንላ ሳማይ ኒፍታሌሜ ቆሞታ ኢስታ ዛርኬን ዛርኬን ጋኪዳስ።

33 ኢስታ ዛዋይ ሃሌፌፔኔ ዛናኒሜን ዲዛ ገታ ዋላፔ ደሚዲ ኣዳሜ-ኔቆቤ፣ ያቢንኤሌኔ ላቁሜ ካንላ ቢዲ ዮርዳኖሴ ሻፋ ጌሌስ።

34 ዛዋዚካ ኣርሼይ ወሊዛ ባጋራ ኣዚኖቴ-ታቦሬኮ ሚርቂቲስ፤ ሃሳፌ ቃሴ ሁቆቄ ሲሚዲ ዲጌሃ ባጋራ ዛቢሎኔ ቢታኒኔ ኣርሼይ ጌሊዛ ባጋራ ኣሴሬ ቢታን ዛዋቲዲ ኣርሼይ ኬዚዛ ባጋራ ዮርዳኖሴ ሻፋን ጌሌስ።

35 ገምቤቲዳ ካታማቲካ ጸዲሜ፣ ጸራ፣ ሃማቴ፣ ኤራቃቴ፣ ኪኔሬቴ፣

36 ኣዳማ፣ ኤራማ፣ ሃጾሬ፣

37 ቃዴሴ፣ ኤዲራኤ፣ ኤን-ሃጾሬ፣

38 ዩሮኔ፣ ሚገዲልኤሌ፣ ሆሬሜ፣ ቤቲ-ኣናቴኔ ቤቲ-ሾሚሾ። ኢስታ ወሪ 19፤ ኢስታ ዩሾን ዲዛ ጉታቲካ ኢስታን ጉጃቴቲስ።

39 ሃይቲ ኒፍታሌሜ ቆሞታስ ጸንጾ ገዲዲ ኢስታ ዛርኬን ዛርኬን ገሻን ጋኪዳ ካታማታኔ ኢስታ ዩሾን ዲዛ ጉታታ።

ዳኔ ቆሞታ ጋኪዳ ቢታ

40 ላፑንላ ሳማይ ዳኔ ቆሞታ ኢስታ ዛርኬን ዛርኬን ጋኪዳስ።

41 ኢስታ ላቲዳ ቢታቲ ጸራኣ፣ ኤሸታኦሌ፣ ኢር-ሾሚሾ።

42 ሻኣልቢኔ፣ ኣያሎኔ፣ ዩታላ፣

43 ኤሎኔ፣ ቲሚና፣ ኣቃሮኔ፣

44 ኤልቲቄ፣ ጋባቶኔ፣ ባኣላቴ፣

45 ዩሁዳ፣ ባኔ-ባራቄ፣ ጌት-ኤርሞኔ፣

46 ሚያርቆኔ፣ ኤራቆኔኔ ዮጴ ካታማ ዩሾን ዲዛ ሄራታ ኡባ ኦይኬስ።

47 ገደ ኣቲን ዳኔ ቆሞታስ ኣሚቲዳ ጸንጾይ ኢስታስ ገደንታ ኣገዳ ገሻስ ላይሻ ካታማ ኦሊ ኦይኪዳ፤ ሄ ካታማን ዲዛ ኣሳ ገላ ማሻን ሲፊ ወርሲዲ ካታማ ባስ ኤኪዲ ሄን ኡቲዳ። ሄ ካታማ ሱንላካ ላሚዲ ባ ኣዋ ዳኔ ሱንላን ጾይጊዳ።

48 ሃይቲ ዳኔ ቆሞታስ ጸንጾ ገዲዲ ኢስታ ዛርኬን ዛርኬን ገሻን ጋኪዳ ካታማታኔ ጉታታ።

ኢያሱ ጋኪዳ ቢታ

49 ኢስራኤሌ ኣሳይ ባንታና ጋኪዳ ቢታ ኤኪዳፔ ጉዬ ናዌ ና ኢያሱስ ባንታ ቢታፊ ጸንጾ ጋዴ ኣሚዳ፤

50 ጎዳይ ኣዛዚዳ ማላኔ ኢያሱይ ኮይዛ ማላ ኤፍሬሜ ጌዜ ዳሬን ዲዛ ቲሚናቴ-ሴራሃ ጌቲቲዛ ካታማ ኢዛስ ኣሚዳ። ኢዚካ ካታማዮ ሎኤሊዲ ባስ ዲሳሶ ኦሊዳስ።

51 ቁሴ ኤልኤዜሬይ፣ ናዌ ና ኢያሱይኔ ኢስራኤሌ ቆሞታ ኮራፒኔቲ ሴሎን ጋይቶቲላ ዲንካኔዛ ፔንጌን ጎዳ ሲንላን ሳማ ዩጊዲ ገሽዳ ጸንጾ ቢታይ ሃይሳ። ኢስታ ቢታ ገሽሬላ ገሊዳ።

20

ባቃቲ ቢ ኣቲዛ ካታማታ

- 1 ሃሳፌ ጉዬ ጎዳይ ኢያሶ፣
- 2 «ታኒ ሙሴ ባጋራ ዮቲዳ ማላ ኣሲ ባቃቲ ኣቲዛ ካታማታ ሻካና ማላ ኢስራኤሌ ኣሳስ ዮታ፤
- 3 ኣይ ኣሲካ ኤርንታኔ ኣኬኮንታ ኣስ ዋጂኮ ሄ ባቃቲ ቢዲ ሱላ ኣጮፔ ኣታና።
- 4 ኣስ ዋጂዳይ ሄ ካታማታፔ ኣሳኮ ባቃቲ ቢዲ ካታማ ጌሊዛ ፔንጌን ኤቂዳ፣ ሃኒዳይሳ ሄ ካታማ ጨማታስ ዮቶ። ኢስቲካ ባንታ ካታማ ኤፊዲ ኢዚ ዳኣናሶ ኣሚኮ ኢዚ ኢስታራ ሄን ዳኔ።
- 5 ሱላ ኣዛራና ኮይዛይ ኢዛ ካሊዲ ዩኮ ሄ ካታማ ጨማቲ ኢዛ ኣላ ኣሞፊቶ። ጋሶይካ ባ ሾርዛ ኢዚ ኦዲ ሞርኬቲላ ገሻስ ዋጂቤና።
- 6 ዳራ ሲንላን ፐርዲስ ኢዚ ኤቃና ጋካናሲኔ ሄ ዋዴን ዲዛ ቁሴታ ሃላቃይ ሃይቃና ጋካናስ ሄ ካታማን ዳኔ። ሃሳፌ ጉዬ ባቃቲዲ ኬዚዳ ካታማ ጉዬ ሲሚዲ ባ ሶ ጌሎ» ገደስ።
- 7 ሂሰቲን ኢስራኤሌ ኣሳይ ኒፍታሌሜ ጌዜ ዳሬ፣ ጋሊላን ዲዛ ቃዴሴ፣ ኤፍሬሜ ጌዜ ዳሬን ዲዛ ሴኬሜን ዲዛ ሻራ ሜንላ ቦላኔ ዩሁዳን ሻራ ሜንላን ዲዛ ቂሪያቴ-ኣርባኤ ዋይኮ ኬብርኔ ዳማሲዳ።
- 8 ዮርዳኖሴ ሻፋፔ ሄ ፒንላን፣ ኢያርኮፊ ኣርሼይ ሞኪዛ ባጋራ ኦርቤሌ ቆሞታ ጸንጾ ገደን ባዘን ጶቃሶ ቦላ ዲዛ ባጸራ፣ ጋዴ ቆሞታ ጸንጾፊ ጋላኣዳን

ዲዛ ኤራሞቴኔ ሚናሴ ቆሞታ ጸንጾፊ ባሳኔን ዲዛ ጎላኔ ዲማሲዳ።

9 ኢሰራኤል አስ ኡባሲኔ ኢሰታ ገደን ዲዛ ቤቱታስ ዲማሲዳ ካታማቲ ሃይታ፤ ኤርንታ ዲሼ አስ ዎቋዳ ኣይ ኣሲካ ዳራ ሲንላን ኤቃና ጋካናሰ ሱሐ ኣዛራና ኮይዛዳ ኩሼን ሃይቆንታ ማላ ሄ ካታማታፕ ኢሳኮ ባቃታናሰ ዳንዳዬሰ።

21

ለዌታስ ኢሜቲዳ ካታማታ

1 ለዌ ዛርኬታ ካለሊዛይቲ ቄሴ ኤልኤዜሬኮ፣ ናዌ ና ኢያሱኮኔ ኢሰራኤል ዛሬታ አዎታኮ ሸቂዳ።

2 ካናኔ ቢታን ዲዛ ሴሎን ኢሰታስ፡ «ኮኔ ዳኣና ካታማታኔ ኦ ሜሄ ሄንላሶሆታ ኢንቲ ኦሰ ኢማና ማላ ጎዳይ ካሴ ሙሴ ባጋራ ኣዛዚ ዎሊዳሰ» ገዳ።

3 ሂሰቲን ጎዳይ ኣዛዚዳ ማላ ኢሰራኤል ኣሳይ ለዌ ቆሞታስ ባ ላቲዳ ጸንጾታፕ ሃ ካታማታኔ ሜሄ ሄንላሶሆታ ቃንጺ ኢሚዳ።

4 ኮይሮ ሳማይ ቃኣቲ ዜሬላታስ ኢሰታ ዛርኬን ዛርኬን ኬዚዳሰ። ቄሴ ኣርኔ ዛሬ ገዲዳ ለዌታስ ዩሁዳፕ፣ ሲሞናፕኔ ቢኒያሜ ቆሞታፕ 13 ካታማቲ ሳማን ጋኪዳ።

5 ሃንኮ ኣቲዳ ቃኣቲ ዜሬላታስ ኤፍሬሜፕ፣ ዳኔፕኔ ሚናሴሰ ባጋ ቆሞታፕ 10 ካታማቲ ሳማን ጋኪዳ።

6 ጌርሾኔ ዜሬላታስ ዩሳኮሬፕ፣ ኣሴሬፕ፣ ኒፍታሌሜፕኔ ባሳኔን ዲዛ ሚናሴሰ ባጋ ቆሞታፕ 13 ካታማቲ ሳማን ጋኪዳ።

7 ማራራ ዜሬላታስ ኢሰታ ዛርኬን ዛርኬን ኦርቤሌፕ፣ ጋዴፕኔ ዛቢሎኔ ቆሞታፕ 10 ካታማቲ ሳማን ጋኪዳ።

8 ጎዳይ ሙሴ ባጋራ ኣዛዚዳ ማላ፣ ኢሰራኤል ኣሳይ ሃ ካታማታኔ ሜሄ ሄንላሶሆታ ለዌታስ ሳማን ኢሚዳ።

9 ዩሁዳፕኔ ሲሞና ቆሞታፕ ሃይሳፊ ካሊ ዲዛ ካታማታ ሳማን ጋሊዳ።

10 ኮይሮ ሳማይ ለዌ ቆሞ ቃኣቲፕ ዩሌቲዳ ኣርኔ ዛሬታስ ኬዚን ኢሰታስ ኢሜቲዳ ካታማቲ ሃይሳፊ ካሊዛይታ።

11 ሄይቲካ ዩሁዳ ቢታን ጌዜቲዛሶን ዲዛ ኬብርኔ ጌቲቲዛ ቂሪያቲ-ኣርባኤኔ ኢዛ ዩሾን ዲዛ ሜሄ ሄንላሶሆታ ኢሰታስ ኢሚዳ። (ኣርባኤይ ኤናቄ ኣዎ።)

12 ገደ ኣቲን ሄ ካታማ ዩሾን ዲዛ ሜሄ ሄንላሶሆታኔ ሞላታ ዮፊኔ ና ካሌቤሰ ጸንጾ ሂሰቲ ኢሚዳ።

13 ቄሴ ኣርኔ ዛሬታስ አስ ዎቋዳ አሲ ባቃቲ ቢዲ ኣቲዛ ኬብርኔኔ ሊቢና ካታማታ ኢሰታ ሜሄ ሄንላሶሆራ ኢሲፊ ጋሊ ኢሚዳ።

14 ዩቲሬኔ ኤሽታሞኣ፣

15 ሆሎኔኔ ዳቢሬ፣

16 ኣዩኔ፣ ዩጻ፣ ቤቲ-ሹሚሼኔ ኢሰታ ሜሄ ሄንላሶሆራ ኢሲፊ ጋሊ ኢሚዳ። ሃይቲ ኡዩፋን ካታማቲ ዩሁዳ ቆሞታፕኔ ሲሞና ቆሞታ ጸንጾፊ ገሼቲ ኢሜቲዳይታ።

17 ቢኒያሜ ቆሞታፕ ጌባኦኔ፣ ጌባ፣

18 ኣናቶፕ፣ ኣልሞኔ ጌቲቲዛ ኦይዱ ካታማታኔ ኢሰቲ ሜሄ ሄሚዛሶሆራ ኢሲፊ ጋሊ ኢሚዳ።

19 ቄሴ ኣርኔ ዜሬላታስ ሜሄ ሄንላሶሆራ ኢሲፊ ጋሊዳ 13 ካታማታ ኢሚዳ።

20 ሃንኮ ኣቲዳ ለዌ ና ቃኣቲ ዛሬታስ ኤፍሬሜ ቆሞታፕ ሃይሳፊ ካሊ ዲዛይሲ ሳማን ጋኪዳሰ።

21 ኤፍሬሜ ጌዜ ዳሬን ዲዛ አስ ዎቋዳ አሲ ባቃቲ ቢዲ ኣቲዛሶ ሴኬሜኔ ጌዜሬ፣

22 ቂቢዳይሜ፣ ቤቲ-ሆርኔኔ ኢሰታ ሜሄ ሄንላሶሆራ ኢሲፊ ጋሊዳ 4 ካታማታ ኢሚዳ።

23 ዳኔ ቆሞታፕ ኤልቲቄ፣ ጋባቶኔ፣

24 ኣያሎኔ፣ ጌት-ኤርሞኔኔ ኢሰታ ሜሄ ሄንላሶሆራ ኢሲፊ ጋሊ 4 ካታማታ ኢሚዳ።

25 ሚናሴ ቆሞታስ ባጋታፕ ታኣናኬ፣ ጌት-ኤርሞኔ ሜሄ ሄንላሶሆታራ ኢሲፊ ጋሊ 2 ካታማታ ኢሚዳ።

26 ሃይቲ 10 ካታማቲ ኡባይ ሜሄ ሄንላሶሆታራ ኢሲፊ ሃንኮ ኣቲዳ ቃኣቲ ዛሬታስ ኢሜቲዳሰ።

27 ሚናሴ ዛሬታ ባጋታፕ አስ ዎቋዳ አሲ ባቃቲ ቢዲ ኣቲዛ፣ ባሳኔን ዲዛ ጎላኔ ካታማ ሜሄ ሄንላሶሆራ ባኤሽቲራ ሜሄ ሄንላሶሆራ፣ ናሞኡ ካታማታ ኡባ ኤኪዲ፣ ጌርሾኔ ዛሬ ገዲዳ ሃራ ለዌታስ ኢሚዳ።

28 ዩሳኮሬ ዛሬታፕ ቂሶኔ ሜሄ ሄንላሶሆራ፣ ዳቢራቲ ሜሄ ሄንላሶሆራ፣

29 ያርሙቲ ሜሄ ሄንላሶሆራ፣ ኤን-ጋኒሜ ሜሄ ሄንላሶሆራ፣ ኦይዱ ካታማታ ኡባ ኤኪዲ ኢሚዳ።

30 ኣሴሬ ዛሬታፕ ሚሻሌ ሜሄ ሄንላሶሆራ፣ ኣብደኔ ሜሄ ሄንላሶሆራ፣

31 ሄልቃቲ ሜሄ ሄንላሶሆራኔ ኤራሆቤ ሜሄ ሄንላሶሆራ፣ ኦይዱ ካታማታ ኡባ ኤኪዲ ኢሚዳ።

32 ሂሳባካ ኒፍታሌሜ ዛሬታፕ አስ ዎቋዳ አሲ ባቃቲ ቢዲ ኣቲዛ ጋሊላን ዲዛ ቃዴሴ ሜሄ ሄንላሶሆራ፣ ሃሞቲ-ዶሬ ሜሄ ሄንላሶሆራ፣ ቃርታ ሜሄ ሄንላሶሆራ፣ 3 ካታማታ ኡባ ኤኪዲ ኢሰታስ ኢሚዳ።

33 ጌርሾኔ ዛሬታ ካታማቲኔ ኢሰታ ሜሄታ ሄንላሶሆቲ ኡባይ ታማኔ ሃቭ።

34 ኣቲዳ ሜራራ ዛሬ ገዲዳ ለዌታስ ኢሜቲዳ ቢታቲ ዛቢሎኔ ዛሬታፕ ዮቂናኣሜ ሜሄ ሄንላሶሆራ፣ ቃርታ ሜሄ ሄንላሶሆራ፣

35 ዳሚና ሜሄ ሄንላሶሆራ፣ ናሂላሌ ሜሄ ሄንላሶሆራ፣ ኦይዱ ካታማታ ኡባ ኤኪዲ ኢሚዳ።

36 ኦርቤሌ ዛሬታፕ ባጸራኔ ሜሄ ሄንላሶሆታ፣ ያሃጾኔ ሜሄ ሄንላሶሆታ፣

37 ቂዲሞቴኔ ኢዚ ሜሄ ሄንላሶሆታ፣ ሜፋኣቲኔ ሜሄ ሄንላሶሆታ፣ ሃይታ ኦይዱ ካታማታ ኡባ ኤኪዲ ኢሰታስ ኢሚዳ።

38 ቃሴ ጋዴ ዛሬታፕ አስ ዎቋዳ አሲ ባቃቲ ቢዲ ኣቲዛ፣ ጋላኣዴን ዲዛ ኤራሞቴ ሜሄ ሄንላሶሆራ፣ ማሃናይሜ ሜሄ ሄንላሶሆራ፣

39 ሃሴቦኔ ሜሄ ሄንላሶሆራ፣ ኢያዜሬ ሜሄ ሄንላሶሆራ፣ ሃይታ ኦይዱ ካታማታ ኡባ ኤኪዲ ኢሰታስ ኢሚዳ።

40 ሜራሬይ ዛሬ ገዲዳ ሃራ ለዌታስ ገሻን ጋኪዳ ካታማቲ ኡባይ ታማኔ ናሞኣ።

41 ኢሰራኤል ኣሳይ ላቲዳ ቢታን ዲዛ ለዌታስ ኢሜቲዳ ካታማቲ ኢሰታ ሜሄ ሄንላሶሆራ ኡባይ ኢሲ ቦላ ኦይዱ ታማኔ ኦሰፑና።

42 ሄ ካታማታ ኡባ ዩሾን ሜሄ ሄሚዛሶሆቲ ዳቲሰ። ሜሄ ሄሚዛሶሆይ ባይንዳ ካታማይ ዳና።

43 ሃሳዕ ኦሊዲ ጎዳይ ኢስታ ኣዋታሰ ኣማናሰ ጫቂዳ ቢታ ኡባ ኢሰራኤል ኣሳሰ ኢሚዴሰ፤ ሂሰቲን ኢሰቲ ላቲዲ ሂን ደኢዲ።

44 ጎዳይ ኢስታ ኣዋታሰ ጫቂዳ ማላ ኢስታ ዩሾን ዲዛ ኡባታፔ ኢስታ ሹምፒሲዴሰ። ጎዳይ ኢስታ ሞርኬታ ኡባ ኢስታሰ ኣሌ ኢሚዳ ገሻሰ ኢስታ ሞርኬታፔ ኢሶይካ ኢስታራ ኤቄታናሰ ዳንዳይቤና።

45 ጎዳይ ኢሰራኤል ኣሳሰ ኣማና ገዳ ሎኦ ቃላ ኡባ ፖሊዴሰ ኣቲን ኢሶይኔ ሳኣን ዎቂ ኣቲቤና።

22

ባንታሶ ሲሚዳ ኣርሼይ ሞኪዛ ባጋራ ዲዛ ቆሞታ

1 ሃሳፌ ጉዬ ኢያሶይ ኦርቤሌ ቆሞታ፣ ጋዴ ቆሞታን ሚናሴ ቆሞታፔ ባጋታ ጶይገዴሰ።

2 ሂሰቲዲ፣ «ጎዳ ኣይሌ ሙሴይ ኢንቴና ኣዛዚዳይሳ ኡባ ናገዴታ፤ ቃሴ ታኒካ ኣዛዚዳይሳ ሙሌራ ፖሊዴታ።

3 ዳር ዎዴፔ ደሚዲ ሃኙ ጋካናሰ ኢንቴ ኢንቴ ኢሻታ ዩጊቤኬታ፤ ጎዳ ኢንቴ ጸሳይ ኢንቴሰ ኢሚዳ ሃዳራ ፖሊዴታ።

4 ሄኮ ጎዳ ኢንቴ ጸሳይ ኢንቴሰ ኢሚዳ ሂደታ ቃላ ማላ ኢንቴ ኢሻታ ሹምፒሲዴሰ። ሄሳ ገሻሰ ጎዳ ኣሽካራ ሙሴይ ኢንቴሰ ዮርዳኖሴ ሻፋፔ ሄ ፒንፋን ኢሚዳ ላታ ቢታን ዲዛ ኢንቴ ሶ ሶ ሲሚቴ።

5 ጎዳ ኣይሌ ሙሴይ ኢንቴና ኣዛዚዳ ኣዛዘዛኔ ዎጋ ኢንቴ ናገቴ። ጎዳ ኢንቴ ጸሳ ሲቂቴ፤ ኢዛ ኦኔታ ኡባን ሲሜሬቲቴ፤ ኢዛ ኣዛዘታ ፖሊቴ፤ ኢዛካ ሚንሳሌ ኦይኪቴ፤ ኢንቴ ኩሚሳ ዎዚናፔኔ ኩሚሳ ሹምፖሬ ኢዛሰ ኦፋና ማላ ኢዚ ኢሚዳ ኣዛዘታኔ ዎጋታ ሚንሳሌ ናገቴ» ገዴሰ።

6 ሃሳፌ ጉዬ ኢያሶይ ኢስታ ኣንጂ ዩዲን ኢሰቲካ ባንታ ሶ ሶ ሲሚ ቢዳ።

7 ሙሴይ ሚናሴ ቆሞፌ ባጋታሰ ባሳኔ ቢታን ጸንጾ ኢሚዴሰ፤ ሃንኮ ኣቲዳ ባጋታሰ ኢያሶይ ዮርዳኖሴፔ ኣርሼይ ዉሊዛ ባጋፌ ኢስታ ኢሻታ ገዴን ኢስታሰ ጸንጾ ኢሚዴሰ። ኢያሶይ ኢስታ ባንታ ሶ ሶ ሲሚና ማላ ሞይዚዛ ዎዴ ኢስታ ኣንጂሹ።

8 «ቤኢቴ፣ ኢንቴ ሃኢ ዳር ኣቆታ ኤኪዲ፣ ዳር ማህ ዉዴ፣ ቢራ፣ ዎርቃ፣ ጸርቂማላ፣ ቢራታኔ ዳር ማይኦ ኤኪዲ ኢንቴ ሶ ሲሚቴ። ሄሳ ገሻሰ ኢንቴ ሞርኬታፔ ዲኤቲዳይሳ፣ ኢንቴ ኢሻታራ ገሹቲ ኤኪቴ» ገዴሰ።

9 ሃሳ ገሻሰ ኦርቤሌ ቆሞቲኔ ጋዴ ቆሞቲ ሃሳዎካ ሚናሴ ቆሞፌ ባጋቲ ኢሰራኤል ኣሳ ካናኔን ዲዛ ሴሎን ኣገዲ ካሴ ሙሴ ባጋራ ጎዳ ኣዛዘን ላታ ኤኪዳ ጸንጾን ጋላኣዴ ሲሚ ቢዳ።

ዮርዳኖሴ ሻፋ ማታን ኦሴቲዳ ያርሾሶሆ

10 ኦርቤሌ ቆሞቲ፣ ጋዴ ቆሞቲኔ ሚናሴ ቆሞታፔ ባጋቲ ዮርዳኖሴ ሻፋ ማታን ካናኔ ቢታን ዲዛ ጋላኣዴ ዩዳ ዎዴ ሻፋ ማታን ገታ ያርሾሶሆ ገግሲዳ።

11 ሂሰቲን ኢሰቲ ኢሰራኤል ቢታን፣ ካናኔ ዛዋን፣ ጋዴን ገታ ያርሾሶሆ ገግሲዳይሳ ሃራ ኢሰራኤል ኣሳይ ሲዩዳ ዎዴ

12 ኩሚሳ ኢሰራኤል ኣሳይ ኢስታ ኦላና ባናሰ ሴሎን ኢሲፌ ሹቂዴሰ።

13 ሂሰቲዲ ኢሰራኤል ኣሳይ ቄሴ ኤልኤዜሬ ና ፊኒሃሴ፣ ጋላኣዴ ቢታን ዲዛ ኦርቤሌ ቆሞታኮ፣ ጋዴ ቆሞታኮን ሚናሴ ቆሞታፔ ባጋታኮ ኪቲዴሰ።

14 ኩሚሳ ኢሰራኤል ቆሞታ ባ ቆሞታ ሃላቃታፔ ኢሲ ኢሲ ኣሰ ዶሪዲ፣ ታሙ ኣሰ ፊኒሃሴራ ጋላ ዩዲዴሰ። ሃይቲ ኢሶይ ኢሶይ ኢሰራኤል ቆሞታፔ ዩዳ ባንታ ዛርኬን ዛርኬን ዶሪቲዳ ሃላቃታ።

15 ኢሰቲ ኦርቤሌ ቆሞቲ፣ ጋዴ ቆሞቲኔ ሚናሴ ቆሞታፔ ባጋቲ ዲዛ ጋላኣዴ ቢታ ቢዲ ኢስታሰ።

16 «ጎዳ ኣሳይ ኩሚሳ ኢንቴና፣ ኢሰራኤል ጸሳ ቦላ ኣይሰ ሃይሳ ማላ ኢታ ኦሊዴቲ? ዋኒዲ ኢንቴ ሃራ ያርሾ ያርሼዛሶ ኢንቴሰ ገግሲዴቲ? ጎዳ ቦላ ዋኒ ማካሊዴቲ? ኢዛ ካሊዛይሳካ ዋኒዲ ኣገዴቲ?

17 ፔኦሬን ኮኒ ኦሊዳ ናጋራይ ኮሰ ገዴኔ?

ኢሰራኤል ዴራ ቦላ ቦሻይ ዎቂዳ ገዲኮካ ሃኙ ጋካናሰካ ኮኒ ሄ ናጋራፔ ገዴቦቦ።

18 ኢንቴ ሃኢካ ጎዳ ካሊዛይሳ ኣገዲ ጉዬ ጉዬ ጌቲ?

«ኢንቴ ሃኙ ጎዳ ቦላ ማካሊኮ ኢዚ ዎንቶ ኩሚሳ ኢሰራኤል ዴራ ሃንቄታና።

19 ኢንቴ ላቲዳ ቢታይ ቱኒዳ ገዲኮ ጎዳ ዲንካኔይ ኤቂዳ ጎዳ ቢታ ሃ ዩዲ፣ ኮናራ ጋዴ ገሹቲ ኤኪቴ። ገዴ ኣቲን ካሴፔ ዲዛ ጎዳ ኦ ጸሳ ያርሾሶፔ ሃራ ያርሾሶሆ ገግሲዲ ጎዳ ቦላ ዎይኮ ኦ ቦላ ማካሎፍቴ።

20 ዛራሃ ና ኣካኔይ ፒላ ገዲዳይሳ ኤኪዲ፣ ናጋራ ኦሊዳ ገሻሰ፣ ኩሚሳ ኢሰራኤል ዴራ ቦላ ጎዳ ሃንቆይ ዎቂቤኔ? ኢዛ ናጋራ ጋሶን ሃይቂዳይ ኢዛ ጸላላ ገዴና፣ ጌቲሰ» ገዴ።

21 ሂሰቲን ኦርቤሌ ቆሞቲ፣ ጋዴ ቆሞቲኔ ሚናሴ ቆሞታፔ ባጋቲ ኢሰራኤል ቆሞታ ሃላቃታሰ ዛሪዲ፣

22 «ጎዳይ ዎልቃማ ጸሳይ! ጎዳይ ዎልቃማ ጸሳይ! ኮኒ ሃይሳ ኣይሰ ኦሊዳኮ ኢዚ ኤሬሰ! ኮኒ ኣይሰ ኦሊዳኮ ኢንቴካ ኤራና ማላ ኮዮሰ። ኮኒ ሃይሳ ኦሊዳይ ማካላቴላኒኔ ጎዳሰ ኣዛዘቴላ ኢጸን ገዲኮ፣ ሃኙ ኦና ማርፒቴ።

23 ኮኒ ጎዳ ካሊዛይሳ ኣገዲ ጸጌቲዛ ያርሾ፣ ካላ ያርሾኒ ኢሲፌቲላ ያርሾ ያርሻናሰ ቆፒዲ ገግሲዳ ገዲኮ፣ ጎዳይ ኦ ቦላ ባ ሃሎ ኬሶ።

24 ኮኒ ሃሳዕ ኦሊዳይ ሲንፋፌ ያና ኢንቴ ዜሬላቲ ኦ ዜሬላታ፣ ሳዳ ኢሰራኤል ጸሳራ ኢንቴሰ ኣዛ ጋይቶቴሌ ዲዜ?

25 ኢንቴና ኦርቤሌኔ ጋዴ ቆሞቶ፣ ጎዳይ ኦ ገዴኒኔ ኢንቴ ገዴን ዮርዳኖሴ ሻፋን ዛዋ ዛሪዳ ገሻሰ፣ ጎዳን ኢንቴና ጋሊዛ ሚሺ ዴና ገዲ ኢንቴ ዛሬቲ ኦ ዛሬታ ጎዳሰ ጎይኖንታ ማላ ቴቆንታ ኣጌቲና ገ ሂርገዴሰ» ገዴ።

26 «ሃሳ ገሻሰ፣ ኣኪ ኦ ገዴን ያርሾ ያርሼዛሶሆ ኣኔ ኦሶሰ፤ ገዴ ኣቲን ጸጌቲዛ ያርሾሰ ዎይኮ ሃራ ያርሾሰ ገዴና፣ ገዴይ ሃሳሳ።

27 ኮኒ ያርሾሶሆ ገግሲዳይ ጸጌቲዛ ያርሾ፣ ኢሲፌቲላ ያርሾኒ ሃራ ያርሾ ያርሼዲ፣ ጎዳሰ ኢዛ ዲንካኔን ጎይኒዛይሳ ሃይሲ ያርሾሶሆዚ ኦ ገዴኒኔ ኢንቴ ገዴን፣ ቃሴ ኦፔ ካሊዛ ዩሌታታ ገዴን ማርካ ገዴና። ዎዴፔ ኢንቴ ዜሬላቲ ኦ ዜሬላታ፣ ኢንቴና ጎዳን ጋሊዛይ ኣይኮይካ ዴና፣ ጋናሰ ዳንዳይቴና።

28 ኢስቲ ኑና ወይኮ ኑ ዜሬላታ ወዳፔ ሃሳፉ ገኮ ኑኒ ኢስታስ ዛሪዲ፣ «ሃኮ! ኑ ኣዋቲ ጎዳሲ ያርሺዛሶሆ ለሚሶ ኦሊዲይሳ ቤኢቱ። ሃይሳ ኑ ኣዋቲ ጸጌቲዛ ያርሾኔ ሃራ ያርሾ ያርሻናሰ ገደንታ። ኢንቲፊኔ ኑፔ ገደን ማርካ ገደና ማላ ገግሲዲ» ጋና።

29 ጎዳ ኑ ጸሳ ዲንካኔዛ ሲንላን ኤቁዳ ያርሾ ያርሺዛሶሆ፣ ሃራ፣ ጸጌቲዛ ያርሾ፣ ካሳ ያርሾኔ ሃራ ያርሾ ያርሺዛሶሆ ገግሲዲ ጎዳ ቦላ ማካሎይ ኑፔ ሃኮ!» ገዳ።

30 ቁሴ ፊንሃሲኔ ኢዛራ ዲዛ ኢሰራኤል ቆሞታ ሃላቃቲ፣ ኦርቤሌ፣ ጋዴኔ ሚናሴ ቆሞቲ ዮቲዲይሳ ሲዩዲ፣ ኬሂ ኡፋዬቲዲ።

31 ቁሴ ኤልኤዜሬ ና ፊንሃሲ ኦርቤሌ፣ ጋዴኔ ሚናሴ ቆሞታስ፣ «ጎዳይ ኑ ገደን ዲዛይሳ ኑኒ ሃኛ ኤሪደሰ፤ ኣይሰ ገኮ ሃ ዮኦዛ ኢንቲ ጎዳ ቦላ ማካላናሰ ኦሊቤኬታ። ኢንቲ ሃኢ ጎዳ ሃንቆሬ ኢሰራኤል ኣሳ ኣሺዳታ» ገደሰ።

32 ሃሳፊ ጉዬ ቁሴ ኤልኤዜሬ ና ፊንሃሲኔ ዴራ ካሌላዛይቲ ጋላኣዴን ዲዛ ኦርቤሌኔ ጋዴ ቆሞታራ ሃሳዬቲዳፔ ጉዬ ካናኔን ዲዛ ኢሰራኤል ኣሳኮ ሲሚዳ፤ ሂሰቲዲ ሃንዲይሳ ኢስታስ ዮቲዳ።

33 ኢሰራኤል ኣሳይ ሃሳ ሲዩዲ ኡፋይሳን ጸሳ ጋላቲደሰ። ቃሴ ኦርቤሌ ቆሞቲኔ ጋዴ ቆሞቲ ዲዛ ቢታ ኦሊ ጳይሳናሰ ባና ገዳይሳ ኣገደሰ።

34 ኦርቤሌይኔ ጋዴ ቆሞቲ፣ «ጎዳይ ኢዚ ጸሳ ገዲዳይሳሰ ሃይሲ ኑ ገደን ማርካ» ገዲ ያርሾሶሆዛ፣ «ማርካ» ገ ሱንላዲ።

23

ኢያሱይ ዴራ ካሌላዛይታስ ዮቲዳ ወርሴላ ቃላ

1 ዳር ወደሰ ጎዳይ ኢሰራኤል ኣሳ ኢስታ ዩሾን ዲዛ ሞርኬታ ኡባሬ ሸምፒሲደሰ። ሄ ወደ ኢያሱይ ጨሚዲ ኬሂፔ ወደ ሱገደሰ።

2 ኢያሱይ ኢሰራኤል ኣሳ ኡባ፣ ጨማታ፣ ሹማታ፣ ዳናታኔ ፐርዲዛይታ ኢሰሬ ዴይገ ሸሸዲ፣ «ታኒ ጨማዲሰ፣ ወደይካ ታስ ኬሂ ቢደሰ።

3 ጎዳ ኢንቲ ጸሳይ ኢንቲ ገሻሰ ሃ ካዎቲላታ ቦላ ኦሊዳ ኡባ ሚሽ ኢንቲ ኢንቲ ኣይፊን ቤዩዳታ። ኢንቲ ገሻሰ ኦሊቲዳይ ጎዳ ኢንቲ ጸሳ።

4 ቤኢቱ፣ ዮርዳኖሴ ሻፋፔ ደሚዲ ኣርሼይ ወሊዛሶ ባጋን ሜዲቲራኔ ኣባ ጋካናሰ ዲዛሶታ ኡባ፣ ኢንቲ ጸኒዳ ካዎቲላታፔ ኢንቲ ቡር ላቶንታ ቢታታ ታኒ ኢንቲ ቆሞታስ ሳማን ሳማን ወሶታ ገሺዳኮ ኣኬኪቲ።

5 ጎዳ ኢንቲ ጸሳይ ኢስታ ኢንቲ ሲንላፊ ኢስቲ ዲዛሶዛፔ ኢስታ ዩዳላ፤ ጎዳ ኢንቲ ጸሳይ ኢንቲሰ ኢሚዳ ሂደታ ቃላ ማላ ኢንቲ ኢስታ ቢታ ላታና።

6 «ሚኒቲ! ሃዲርሲኔ ኡሻኛ ጎፐቲ፤ ሙሴ ወጋ ማጻፋን ጸፊቲዳ ኡባ ናጋናሲኔ ኦላናሰ ኬሂፔ ሚኔቲቲ።

7 ሃይታ ኢንቲ ገደን ኣቲዳ ካዎቲላታራ ኢሰፊቶፍቲ፤ ኢስታ ኤቃ ጸሳታ ሱንላ ጸይጎፐቲ፤ ኢስታ ሱንላን ጨቆፍቲ፤ ኢስታስ ኦላፍቲኔ ጎይፍፍቲ።

8 ገደ ኣቲን ሃኛ ጋካናሰ ኢንቲ ኦሊዳ ማላ ጎዳ ኢንቲ ጸሳ ሚንላ ኦይኪቲ።

23:10 ዛሬ 3:22፤ 32:30 24:2 ሜዶ 11:27 24:3 ሜዶ 12:1-9፤ 21:1-3 24:4 ሜዶ 25:24-26፤ 36:8፤ 46:1-7፤ ዛሬ 2:5 24:5 ኬሳ 3:1—12:42 24:6 ኬሳ 14:1-31

9 «ጎዳይ ገታኔ ሚኖ ካዎቲላታ ኢንቲ ሲንላፊ ጎዲ ኬሲደሰ፤ ሃኛ ጋካናሰ ኦኒካ ኢንቲናራ ኤቁታናሰ ዳንዳይቤና።

10 ጎዳ ኢንቲ ጸሳይ ኢንቲሰ ኢሚዳ ሂደታ ቃላ ማላ ኢዚ ኦሊቲዛ ገሻሰ ኢንቲፊ ኢሲ ኣሲ ሺ ኣሰ ዩዳላና።

11 ሃሳ ገሻሰ ጎዳ ኢንቲ ጸሳ ሚኒ ሰቁቲ።

12 ገደ ኣቲን ኢንቲ ጉዬ ሲሚዲ ሃንኮ ኣቲዳ ኢንቲናራ ዲዛ ካዎቲላታራ ኢንቲ ኢሲፊቲኮ፣ ኤኮን ጌሎን ኢስታራ ኢሲፊ ወላኪቲኮ።

13 ጎዳ ኢንቲ ጸሳይ ሃይሳፊ ጉዬ ኢንቲ ሲንላፊ ኢስታ ኬሲ ጎደንታይሳ ኢንቲ ኤራናሰ ቤሴሰ፤ ጎዳ ኢንቲ ጸሳይ ኢንቲሰ ኢሚዳ ሃ ሎኦ ቢታይፊ ኢንቲ ጳያና ጋካናሰ ኢስቲ ኢንቲሰ ወጸማዴኔ ያርዴ ገዳና፤ ኢንቲ ዘኮሰ ሊሶ፣ ኢንቲ ኣይፊፊካ ኣፑንላ ገዳና።

14 «ቤኢቲ ታስ ሃኢ ሃይቆ ወደይ ጋኪደሰ፤ ጎዳ ኢንቲ ጸሳይ ኢንቲሰ ኢሚዳ ሎኦ ሂደታ ኡባፊ ኢሲናካ ኢዚ ኣሾንታይሳ ኢንቲ ኩሜላ ወደፍፔኔ ኩሜላ ሸምፖሬ ኤሬታ፤ ኢዚ ኢንቲሰ ኢሚና ገደ ሂደታይ ፓጩይ ባይንዳ ሙሌራ ፖሌቲደሰ።

15 ገደ ኣቲን ጎዳ ኢንቲ ጸሳይ ኢንቲሰ ኢሚዳ ሎኦ ሂደታ ኡባይ ሙሌራ ፖሌቲዳ ማላ ጎዳ ኢንቲ ጸሳይ ኢንቲሰ ኢሚዳ ሎኦ ቢታይፊ ኢንቲና ጳይሳና ጋካናሰ ኢታ ሚሽ ኢንቲ ቦላ ኤሃና።

16 ጎዳ ኢንቲ ጸሳይ ኢንቲሰ ኢሚዳ ጨቆ ቃላ ኢንቲ ላሊዛ ገዲኮ፣ ቢዲ ሃራ ኤቃ ጸሳታሰ ሃጋዚኮኔ ጎይኒኮ ጎዳ ሃንቆይ ኢንቲ ቦላ ታማ ማላ ኤጺ ኬዛና፤ ኢዚ ኢንቲሰ ኢሚዳ ሎኦ ቢታይፊ ኢንቲ ኤሶን ጳያና» ገደሰ።

24

ሴኬሚን ኦራዲዳ ጨቆ ቃላ

1 ሃሳፊ ጉዬ ኢያሱይ ኢሰራኤል ቆሞታ ኡባ ሴኬሚን ሸሸዲ። ጨማታ፣ ካሌላዛይታ፣ ዳናታኔ ፐርዲዛይታ ኡባ ጸይገደሰ፤ ኢስቲካ ጸሳ ሲንላ ሸቆዳ።

2 ኢያሱይ ዴራ ኡባሰ፣ «ጎዳ ኢሰራኤል ጸሳይ፣ ነካሴ ኢንቲ ኣዋቲ ኣብራሃሜኔ ናኮሬ ኣዋ ታራ ጉጂዲ ኤፊራዲሴ ሻፋፔ ሄ ፐንላን ዴኢዳ፤ ኢስቲ ሃራ ኤቃ ጸሳታሰ ጎይኒዳ።

3 ታኒ ገዲኮ ኢንቲ ኣዋ ኣብራሃሜ ኤፊራዲሴ ሻፋሰ ሄ ፐንላፊ ኤሃዲሰ፤ ካናኔ ቢታንካ ካሌላዲሰ። ኢዛ ዜሬላታካ ዳርሳዲሰ፤ ዩሳቃካ ኢዛሰ ኢማዲሰ።

4 ዩሳቃሰካ ያቆቤኔ ኤሳዌ ኢማዲሰ። ኤሳዌሰ ጌዜቲዛ ሴይሬ ቢታ ጸንጾ ሂሰታ ኢማዲሰ፤ ያቆቤይኔ ኢዛ ናይቲ ገዲኮ ዲጌ ገብጾ ቢዳ።

5 « ነሃሳፊ ጉዬ ሙሴኔ ኣርኔ ኪታዲሰ፤ ታ ኤሂዳ ቦሻን ገብጾታ ኡንኤላዳ ኢንቲና ሃፔ ኬሳዲሰ።

6 ታኒ ኢንቲ ኣዋታ ገብጾፔ ኬሲን ዘኦ ኣባኮ ዩዳታ፤ ገብጾፔ ፓራ-ጋሬታኒኔ ቶጋ ኣሳታን ኢንቲና ዘኦ ኣባ ጋካናሰ ኦይካና ካሊዳ።

7 ኢንቲ ኣዋቲ ማዶ ደማናሰ ታኮ ወሲዳ፤ ታኒ ኢስታፊኔ ገብጾታፔ ገደን ጳማ ዩጋዲሰ፤ ሂሰታዳ ኣባይ ኢስታ ቦላ ሲማና ማላኔ ኢስታ ሚታና ማላ ኦላዲሰ። ታኒ ገብጾታ ቦላ ኦሊዳይሳ ኢንቲ ኢንቲ ኣይፊን ቤኢዳታ። ኢንቲካ ባዘን ዳር ወደ ዴኢዳታ።

23:10 ዛሬ 3:22፤ 32:30 24:2 ሜዶ 11:27 24:3 ሜዶ 12:1-9፤ 21:1-3 24:4 ሜዶ 25:24-26፤ 36:8፤ 46:1-7፤ ዛሬ 2:5 24:5 ኬሳ 3:1—12:42 24:6 ኬሳ 14:1-31

8 « ሕሳፊ ጉዬ ዮርዳኖሴ ሻፋፔ ኣርሼይ ሞኪዛሶ ባጋራ ዲዛ ኣሞሬታ ቢታ ታኒ ኢንቴና ኤሃዲሰ። ኢሰቲ ኢንቴናራ ኦሌቲን ታኒ ኢሰታ ኢንቴ ኩሼን ኣፋ ኢማዲሰ፤ ታኒ ኢሰታ ኢንቴ ሲንፋፌ ቆይሳዲሰ፤ ቃሴ ኢንቴ ኢሰታ ቢታ ላቲዳታ።

9 ሕሳፊ ጉዬ ሞኣቤ ቢታ ካዎ ጸፖራ ና ባላቄይ ኢሰራኤሌ ኦላናሰ ዳንዲዳሰ፤ ኢንቴና ዪዲ ዶቃና ማላ ቢኦሬ ና ባላሚሰ ኪታ ዬዲዳሰ።

10 ታኒ ጊዲኮ ባላሚ ሲያና ኮያቤኬ፤ ሕሳ ጊሻሰ ኢዚ ኢንቴና ዛሪ ዛሪ ኣንጂዲዳሰ፤ ታኒካ ኢንቴና ባላቄ ኩሼፔ ኣሻዲሰ።

11 « ሕፔ ኢንቴ ዮርዳኖሴ ሻፋ ፒኒዲ ኢያርኮ ዪዳታ፤ ኣሞሬቲ፣ ፓሪዜቲ፣ ካናኔቲ፣ ሂቲቲ፣ ጌርጌሴቲ፣ ሂዋቲኔ ያቡሴቲ ኢንቴናራ ኦሌቲዳ ማላ ኢያርኮ ኣሳይ ኢንቴናራ ኦሌቲዳሰ፤ ጊዶ ኣቲን ታኒ ኢሰታ ኢንቴ ኩሼን ኣፋ ኢማዲሰ።

12 ኢንቴፌ ሲንፋ ካፔ ኪታዳ ኢሰታኔ ኣሞሬ ካዎ ናሞኣታ ኢንቴ ሲንፋፌ ጎዳዲሰ። ሃይሲ ኡባይ ሃኒዳይ ኢንቴ ማሻኒኔ ኢንቴ ዎንዳፊን ጊዳና።

13 ኢንቴ ዳቡርንታ ቢታኔ ኢንቴ ኬጸንታ ካታማታ ታኒ ኢንቴሰ ኢማዲሰ፤ ሄኮ ኢንቴ ቶኮንታ ዎይኔ ኣይፊኔ ዎጋራ ኣይፊ ሜታ» ጊዳሰ።

14 «ሕሳ ጊሻሰ ሃኢካ ጎዳሰ ያዩቲ፤ ኩሜላ ዎዚናፔ ኣማኔቲላን ኢዛሰ ሃሬቲ፤ ካሴ ኢንቴ ኣዎቲ ኤፊራዲሴ ሻፋፔ ሄ ፒንፋኒኔ ጌብጾ ቢታን ጎይኒዳ ኤቃ ጸሳታ ኢንቴፌ ሃሲ፤ ጎዳሰ ጸላ ጎይኒቲ።

15 ጎዳሰ ጎይናይ ኮሾንታ ሚሽ ሚሳቲ ኢንቴሰ ቤቲኮ ካሴ ኢንቴ ኣዎቲ ሻፋፔ ሄ ፒንፋን ዲሼ ጎይኒዳ ኤቃ ጸሳታ ዎይኮ ሃኢ ኢንቴ ዲዛ ኣሞሬቲ ጎይኒዛ ጸሳታ ጎይናና ጊዲኮ ኢንቴ ጎይናናይሳ ሃቕ ዶሪቲ፤ ታኒኔ ታ ኬላ ኣሳይ ጊዲኮ ጎዳሰ ጎይናና» ጊዳሰ።

16 ሂሰቲን ኣሳይ ዛሪዲ፣ «ጎዳ ኣጊዲ ሃራ ኤቃ ጸሳታሰ ጎይናይ ኑፔ ሃኮ!

17 ጌብጾ ኣይሌቲላ ቢታፊ፣ ኑናኔ ኑ ኣዎታ ኬሲዲ ኤሂዳይ፣ ሄ ጌታ ማላታታ ኑ ሲንፋን ኦሊዳይ፣ ኑ ቢዛ ኦጌ ኡባኒኔ ኑ ካንሳዳ ካዎቲላታ ኡባ ጊዲን ኑና ናጊዳይ ጎዳ ኑ ጸሳ።

18 ቃሴ ጎዳይ ሄ ቢታን ዲዛ ኣሞሬታራ ጉጂን ዳራ ኡባ ኑ ሲንፋፌ ጎዳዲሰ፤ ሕሳ ጊሻሰ ኦኒ ጎዳሰ ጎይናና፤ ኢዚ ኑ ጸሳ» ጊዳሰ።

19 ኢያሶይካ ዳራሰ፣ «ኢንቴ ጎዳሰ ጎይናናሰ ዳንዳይኬታ፤ ኢዚ ጌሻ ጸሳ፤ ኢዚ ቃናቲዛ ጸሳ፤ ኢዚ ኢንቴ ማካላቲላኔ ኢንቴ ናጋራ ኣቶ ጌና።

20 ኢንቴ ጎዳ ኣጊዲ ኣላጋ ጸሳታሰ ጎይኒኮ ኢዚ ኢንቴሰ ሎኦ ኦሊዳፔ ጉዬ ሲሚ ዎዲዲ ኢዚ ኢንቴ ቦላ ኢታ ኦላናኔ ኢንቴና ቆይሳና» ጊዳሰ።

21 ሂሰቲን ዳሬዚ ኢያሶ፣ «ኣካይ ኦኒ ጎዳሰ ጸላ ጎይናና» ጊዳሰ።

22 ሕሳፊ ጉዬ ኢያሶይ ዳራሰ፣ «ኢንቴ ጎዳሰ ጎይናናሰ ዶሪዳ ጊሻሰ ኢንቴ ሁኤሰ ኢንቴ ማርካ» ጊዳሰ።

ኢሰቲካ ዛሪዲ፣ «ኤ ኦኒ ማርካ!» ጊዳሰ።

23 ኢያሶይ፣ «ሂሰቲኮ፣ ኢንቴ ጊዲን ዲዛ ኣላጋ ጸሳታ ዲጊቲ፤ ኢንቴ ዎዚና ጎዳ ኢሰራኤሌ ጸሳኮ ዛሪቲ» ጊዳሰ።

24 ዳሬዚካ ኢያሶሰ፣ «ኦኒ ጎዳ ኑ ጸሳሰ ጎይናና፤ ኢዛሰካ ኣዛዜታና» ጊዳሰ።

25 ሄ ጋላሰ ኢያሶይ ዳሬዚ ጫቁላዳሰ፤ ኢሰቲ ካላና ዎጋኔ ማራ ሄን ሴኬሜን ኢሰታሰ ኢሚዳሰ።

26 ኢያሶይ ሄ ቃላታ ጸሳ ዎጋ ማጻፋን ጸፊዳሰ። ሕሳፊ ጉዬ ኢሲ ጌታ ሹቕ ኤኪዲ ጌሽ ጊዲዳ ጎዳ ዳንካኔዛ ማታን ዲዛ ዎላ ጋርሳን ኤሲዳሰ።

27 ኢያሶይ ኩሜላ ዳራሰ፣ «ቤኢቲ፤ ጎዳይ ኦሰ ሃሳይዳ ቃላ ኡባ ሃ ሹቕይ ሲዪዳ ጊሻሰ ኢዚ ኑ ቦላ ማርካ ጊዳና። ኢንቴ ጸሳ ቦላን ማካሊኮ ሃ ሹቕይ ኢንቴ ቦላ ማርካ ጊዳና» ጊዳሰ።

28 ሕሳፊ ጉዬ ኢያሶይ ዳራ ኡባ ባ ጸንጸን ጸንጸን ሲማና ማላ ሞይዚዳሰ።

ኢያሶ ሃይቆኔ ኤልኤዜሪ ሃይቆ

29 ሕሳፊ ጉዬ ጎዳ ኣይሌ፣ ናዌ ና ኢያሶሰ ላይላይ 110 ጊዲን ሃይቁዳሰ።

30 ኣሳይ ጋኣሼ ዙማፔ ፑዳሃ ባጋን፣ ሻራ ሜንሉን ዲዛ ኤፍሪሚ ዳሬን ዲዛ ኢዛ ጸንጸን ቲሚናቲ-ሴራሃን ሞጊዳሰ።

31 ኢያሶይ ፓጾ ዲዛ ዎዳ ኡባን፣ ኢያሶፔ ሲሚን ዳሊዳ ኣሳቲኔ ጎዳይ ኢሰራኤሌታሰ ኦሊዳ ኦሶ ኡባ ኤሪዛ ጨማቲ ዲዛ ዎዳ ኡባን ኢሰራኤሌ ኣሳይ ጎዳሰ ጎይኒዳሰ።

32 ኢሰራኤሌ ኣሳይ ጌብጾ ቢታፊ ኤሂዳ ዮሴፊ ሜቁላ ሴኬሜን ሞጊዳ። ሄ ሶሆዛ ያቆቤይ ሴኬሜ ኣዎ ኤሞሬፔ 100 ሳቂሌ ቢራን ሻሚዳሰ፤ ሂሰቲን ጉዬፔ ዮሴፊ ዜሬላታሰ ጸንጸ ጊዲዳሰ።

33 ቃሴካ ኣርኔ ና ኤልኤዜሪይ ሃይቁዳሰ፤ ኢዚካ ሻራ ሜንሉን ዲዛ ኤፍሪሚ ዳሬን ኢዛ ናዛ ፊኒሃሴ ሳማን ጋኪዳ ጌቢኣ ካታማን ሞጌቲዳሰ።

24:8 ታይ 21:21-35 24:10 ታይ 22:1—24:25 24:11 ኢያ 3:14-17፤ 6:1-21 24:12 ኬሳ 23:28፤ ዛሬ 7:20 24:13 ዛሬ 6:10-11 24:30 ኢያ 19:49-50 24:32 ሜዲ 33:19፤ 50:24-25፤ ኬሳ 13:19፤ ዮሃ 4:5፤ ሃዎ 7:16

ዳናታ ማጻፋ ገደ ቆፋ

ዳናታ ማጻፋይ ኢሰራኤል አሳይ ካናኔ ጌሊ ኦይኪዳ ዋዴፕ ደሚዲ፣ ካዎይ ካዎቲን ካዎቲላይ ኤቃና ጋካናሰ ዲዛ ታሪኬታ ኦይኪዳስ፤ ሄ ዋዴይ ኢሰራኤል አሳይ ኤቃ ጸሳታ ጎይኖን ጸሳ ሶላ ማካላ ዳርሲዳ ዋዴ። ሃ ማጻፋይ ኦይኪዳ ታሪኬቲ፣ «ዳናታ» ጌቲቲዛ ሚኖ አሳቲ ኦሊዲዳሳ ቤሴቲሰ። ሄ ዳናታፕ ዳሪዛ ባጋቲ ኦላ ቃሪታ፤ ኢሰታፌ ቃሴ ኬሂ ኤሬቲዳይ፣ ኢዛ ሚኖቲላይ ሸምፖ 13-16 ጋካናሰ ጸፊቲዳ ሳምሶኔ ጌቲቲዛይሳ። ሃ ማጻፋፕ ኦይ ዳሚዛ ጌታ ቲሚርቲይ፣ ኢሰራኤል አሳ ዳኦይ ቲሙ ዳኦ ጌዲዛይ ኢሰቲ ጸሳሰ አማኔቲ ዲዛ ዋዴ ጌዲሺን ኢሰቲ ኢዛሰ አማኔቶንታ ኢዲዛ ዋዴታ ኡባን ኢሰታ ሶላ ሚቶይ ጋኪዛይሳ ኤሪሴሰ። ሄሳፌ ሶላሪ ቃሴ ዋጋን አሳይ ጸሳሰ አማኔቶንታ ኢዲዳ ጋሶን ኢሰታ ሶላ ሚቶይ ጋኪኮካ ኢሰቲ ናጋራ ፓጺ ሲሚዳ ዋዴ ኡባን ጸሰ ኢሰታ ኢሸሰ።

ሃ ማጻፋይ ኦይኪዳ ኩሚሳ ቆፋ

ኢያሶይ ሃይቃና ዋዴ ጋካናሰ ዲዛ ሃናታታ
1:1—2:10
ኢሰራኤል ዳሬ ዳናታ 2:11—16:31
ዳማ ዳማ ሃናታ 17:1—21:25

የሁዳ ዛሬቲኔ ሲሞና ዛሬቲ ኦይኪ-ቤዜቄ ኦሊ ኦይኪዳ

- 1 ኢያሶይ ሃይቄዳፕ ጉዬ ኢሰራኤል አሳይ፣ «ካናኔ ቢታ አሳ ኦላናሰ ኩ ዛሬታፕ ኮይርቲዲ ኬዛናይ ኦይ?» ጌዲ ጎዳ ኦይቺዳሰ።
- 2 ሂሰቲን ጎዳይ፣ «የሁዳ ዛሬቲ ኮይርቲ ኬዜቶ፤ ታኒ ቢታ ኢሰታ ኩሸን ኦላ ኢማዲሰ» ጌዴሰ።
- 3 የሁዳ አሳይ ባንታ ዳቦታ ጌዲዳ ሲሞና ዛሬታ፣ «ኦይ ካናኔታራ ኦሊታና ማላ ኦና ሻኪን ጋኪዳሶ ኦናራ ኦይቲ። ሄሳፌ ጉዬ ኢንቲና ሻኪን ጋኪዳሶ ኢንቲናራ ኢሲፌ ባና» ጌዲ፤ ሂሰቲን ሲሞና ዛሬቲኔ የሁዳ ዛሬቲ ኦላሰ ኢሲፌ ቢዳ።
- 4 ሂሰቲን ጎዳይ ካናኔታኔ ፓሪዜታ ኢሰታ ኩሸን ኦላ ኢሚዳሰ፤ ቤዜቄን 10,000 ኦሰ ዋዴዳ።
- 5 ቤዜቄ ጌቲቲዛሶን ኦይኪ-ቤዜቄ* ዳሚዲ ኢዛራ ኦሊቲዳ፤ ሂሰቲዲ ካናኔታኔ ፓሪዜታ ጸኒዳ።
- 6 ኦይኪ-ቤዜቄይ ባቃቲሸን ጎዳ ኦይኪዳ፣ ኢዛሰ ኩሸ ማንላ ቢራዴታኔ ቶሆ ማንላ ቢራዴታ ቃንጺ ቃንጺ ዬጌዳ።
- 7 ሂሰቲን ኦይኪ-ቤዜቄይ፣ «ኩሸ ማንላ ቢራዴታኔ ቶሆ ማንላ ቢራዴታ ታኒ ቃንጺ ቃንጺ ዬጌዳ ላፑን ታሙ ካዎቲ ታ ማዳፌ ዋዴዳ ሱፓ ማጺ ሸሸዲ ሚቲሰ። ካሴ ኢሰታ ሶላ ታ ኦሊዳ ጌኔ ማላ ጸሰ ታ ሶላ ኦሊዳሰ» ጌዴሰ። ኢዛ ዬራሳላሚ ኤሂን ሂን ሃይቄዳሰ።

የሁዳ ዛሬቲ ዬራሳላሚኔ ኬብርኔ ኦይኪዳ

* 1:5 ኦይኪ-ቤዜቄ፣ ኦይኪ-ቤዜቄ ጉሲ ኢብራቂታ ቃላራ ቤዜቄ ጎዳ ዋይኮ ቤዜቄ ጌቲቲዛ ዳሬ ኦይሲዛዳ ጉሳ። † 1:13 ዳቦ ጌዴን ኤኩቲላኔ ጌላቲላ የሁዳ ቢታን ዲዛ ኢሲ ኢሲ አሳቲ ፖሊዛ ዋጋ። ‡ 1:17 ሆርማ፣ ሆርማ ጉሲ ኢብራቂታ ቃላራ ሙሌራ ዳይሲዳሰ ጉሳ። 1:21 ኢያ 15:63፤ 2ሳሜ 5:6፤ 1ታሪ 11:4

8 የሁዳ አሳይ ዬራሳላሚ ኦሊ ኦይኪዳሰ፤ ሂሰቲዲ አሳ ጌላ ማሻን ቡሳኪ ወርሲዲ ካታማ ታማን ጸጌዴሰ።

9 ሄሳፌ ጉዬ የሁዳ አሳይ ጌዜን፣ ኔጌቤኔ ሄ ዳሬ ጋቶን ዲዛ ካናኔታ ኦላናሰ ቢዳሰ።

10 ሂሰቲዲ ካሴ ቂሪያቲ-አርባኤ ጌቲቲዛ ኬብርኔ ካታማን ዲዛ ካናኔታ ኦሊዳ፤ ቃሴ ሻሻዬ፣ ኦሃማኔኔ ታሊማዬ ጌቲቲዛ ቆሞታ ጸኒዳ።

ኦቲንኤሌይ ዳቢሬ ካታማ ኦይኪዳሰ
(ኢያ 15:13-19)

11 ሄሳፌ ዳንዲዲ የሁዳ አሳይ ዳቢሬ ጌቲቲዛ ካታማን ዲዛ አሳ ኦላናሰ ቢዳሰ፤ ዳቢሬ ካታማይ ካሴ፣ «ቂሪያቲ-ሴፌሬ» ጌቲቲሰ።

12 ካሌቤይ፣ «ቂሪያቲ-ሴፌሬ ኦሊዲ ኦይኪዳሰ ታኒ ታ ናዮ ኦኪሳ ኢማና» ጌዴሰ።

13 ሂሰቲን ካሌቤሰ ካሎ ኢሻ ቄናዜ ና ኦቲንኤሌይ ሄ ካታማ ኦሊዲ ኦይኪዳሰ፤ ካሌቤይካ ባ ናዮ ኦኪሳ ኢዛሰ ኢሚዳሰ። †

14 ኦኪሳይ ኦቲንኤሌ ጌሊዛ ዋዴ፣ ኢዛ ባ ኦዎፕ ጋዴ ኦይቻ ኤካና ማላ ኦቲንኤሌይ ኢዞ ዞሪዳሰ፤ ሂሰቲን ኢዛ ባ ቶጊዳ ሚሃ ሶላፌ ዋዴዳሰ፤ ሂሰቲን ካሌቤይ ኢዞ፣ «ታ ኔሰ ኦይ ኦላ?» ጌዲ ኦይቺዳሰ።

15 ኢዛካ፣ «ካሴ ኔ ታሰ ኢሚዳ ጋዴይ ሃላ ባይንዳሶ ጌዲዳ ጌሻሰ ፑልቶ ሃላራ ዲዛ ጋዴ ታሰ ኢማርኪ!» ጋዴሰ። ሂሰቲን ካሌቤይ ኢዚሰ ፑዴ ባጋራኔ ዲጌ ባጋራ ፑልቶራ ዲዛ ጋዴታ ኢሚዳሰ።

የሁዳ ዛሬቲኔ ቢኒያሚ ዛሬቲ ኦሊ ጸኒዳ

16 ሙሴ ሶሎ ቄናዎዛ ዜሬላቲ የሁዳ አሳራ ዛምባይ ዳሪ ዲዛ ኢያርኮ ካታማፕ ዳንዲዳ፤ ሂሰቲዲ ኦራዴ ጌቲቲዛ ካታማፕ ዲጌሃ ባጋራ፣ ኔጌቤን ዲዛ የሁዳ ባዞ ቢዳ፤ ሂሰቲዲካ ሂን ዲዛ አሳ ጌዴን ኡቲዳ።

17 የሁዳ አሳይ ሲሞና አሳራ ኢሲፌ ቢዳ፣ ጸፋቲ ጌቲቲዛ ካታማን ዲዛ ካናኔታ ኦሊ ጸኒዳሰ፤ ካታማዮካ ሙሌራ ዳይሲዳሰ። ሂሰቲዲ ሆርማ ‡ ጌዲ ሱንላዴሰ።

18 የሁዳ አሳይ ጉጂዲ ጋዛ፣ ኦሰቄሎናኔ ኦቃሮኔ ካታማታ ኢሰታ የሾን ዲዛ ዳሬታካ ኦሊ ኦይኪዳሰ።

19 ጎዳይ የሁዳ አሳራ ዲዛ ጌሻሰ፣ ዙማቲ ዳርዛሶ ጌዜ ቢታ ኢሰቲ ኦይኪዳ፤ ጌዴ ኦቲን ጋርሰ ዳምባቲ ኡቲዳ ቢታን ዲዛ ኦሳታሰ ቢራታፕ ኦሴቲዳ ኦላ ፓራ-ጋራቲ ዲዛ ጌሻሰ፣ የሁዳ አሳይ ኢሰታ ዳንላ ጎዳናሰ ዳንዲይቤና።

20 ሙሴይ ጌዳ ማላን ኬብርኔ ካታማ ካሌቤሰ ኢሚዳ፤ ሂሰቲን ካሌቤይ ኤናቄ ዛሬ ሄቭ ቆሞታ ዳራፕ ዳንላ ጎዳዴሰ።

21 ጌዴ ኦቲን ቢኒያሚ ዛሬቲ ዬራሳላሚን ዲዛ ያሱሴ አሳታ ዳራፕ ዳንላ ጎዴንታ ኦጊዳ ጌሻሰ ሃቶ ጋካናሰ ያሱሴቲ ቢኒያሚ ዛሬታራ ዬራሳላሚን ኢሲፌ ዳቲሰ።

ኤፍሪሚ ቆሞቲኔ ሚናሴ ቆሞቲ ቤቲሌ ኦሊ ኦይኪዳ

22 ዮሴፌ ቆሞቲ ቤቲሌ ኦላናሰ ዋራጂዳ፤ ጎዳይካ ኢሰታራ ዳሰ፤

23 ኢስቲካ ቤቴሌ ካታማ ዩዩ ጸሞሲዛ አሳታ ከቲዳ፤ ካሴ ሄ ካታማይ ሱንላ ሎዛ ጌቴቴስ።
 24 ከቲን ኢስቲ ካታማ፤ ከዚ ቢዛ ኢሲ አዳዛ ዳሚዳ፤ «ካታማ ጊዶ ዋኒ ጌላናሰ ዳንዳዎቲዛኮ ኑና ቤሳ፤ ኔ ቤሲኮ ኑኒ ኔሰ ኪያና» ጊዳ።
 25 ሂሰቲን ኢዚ ኢስታ ቤሲዳሰ፤ ሄሳፌ ጉዩ ካታማን ዲዛ አሳ ጊላ ማሻን ቡሳኪዳ፤ ጊዶ ኣቲን ሄ አዳዛኔ ኢዛሶ አሳ ኡባ ሹሞፖ ኣሺዳ።
 26 ጉዩፔ ሄ አዳዚ ሂቴ ጌቴቲዛ ዳሬ ቢዳ፤ ሄን ካታማ ኤሲዳሰ፤ ሄ ካታማይ ሱንላ ሎዛ ጊ ሱንላዳሰ፤ ሄ ካታማያካ ሃኙ ጋካናሰ ሄ ሱንላን ጸይጌታዉሰ።

ኢስራኤል አሳይ ባሰ ኢሜቲዳ ቢታፌ ዳንላ ጎዶንታ ኣጊዳ አሳታ

27 ሚናሴ ዛሬቲ፣ ቤቲ-ሻኣኔ፣ ታኢናኔ፣ ዶሬ፣ ዩቢላአሜኔ ማጊዶ ካታማታኒኔ ኢስታ ዩሾን ዲዛ ሞላታን ዲዛ አሳታ ከሲ ጎዶንታ ኣጊዳ ጊሻሰ ካናኔቲ ሄን ባንታ ዳኔ ሚንላ ኦይኪዳ።
 28 ኢስራኤል አሳይ ሚኒዳ ዎዳ ካናኔታ ባሰ ዎልቃን ኦሲሲዳ፤ ጊዶ ኣቲን ኢስታ ሙሎራ ቢታፌ ከሲ ጎዶንታ።
 29 ኤፍሬሚ ዛሬቲካ ጌዜሬ ጌቴቲዛ ካታማን ዲዛ ካናኔታ ከሲዳ ጎዶንታ ኣጊዳ ጊሻሰ ካናኔ አሳቲ ሄን ኢስታራ ኢሲፌ ዱሰ ዶሚዳ።
 30 ዛቢሎኔ ዛሬቲ ቁቲሮኔ ካታማኒኔ ናሂላሌ ካታማን ዲዛ አሳታ ከሲ ጎዶንታ ኣጊዳ ጊሻሰ ካናኔቲ ሄን ኢስታራ ኢሲፌ ዳኢዳ፤ ጊዶ ኣቲን ዛቢሎኔ ዛሬቲ ኢስታ ባሰ ዎልቃን ኦሲሲዳ።
 31 ኣሴሬ ዛሬቲካ ኣኮን፣ ሲዶናን፣ ኣሂላቤን፣ ኣኪዚቤን፣ ሄልቤን፣ ኣፌቄኒኔ ኤራሆቤን ዲዛ አሳታ ከሲ ጎዶንታ።
 32 ካናኔቲ ከዞንታ ኣጊዳ ጊሻሰ ኣሴሬ ዛሬቲ ኢስታራ ሄን ኢሲፌ ዳኢዳ።
 33 ኒፍታሌሚ ዛሬቲካ ቤቲ-ሹሚሹ ካታማኒኔ ቤቲ-ኣናቴ ካታማን ዲዛ አሳታ ከሲዳ ጎዶንታ፤ ጊዶ ኣቲን ካናኔታራ ሄን ኢሲፌ ዳኢሹን ቤቲ-ሹሚሹኔ ቤቲ-ኣናቴ ካታማ አሳታ ባሰ ዎልቃን ኦሲሲዳ።
 34 ኣሞራቲ ዳኔ ዛሬታ ፑዳ ዙማቲ ዲዛሶ ጌዜሬ ዳጌ ዳሞባሶ ዎዳንታ ማላ ዳጊዳ።
 35 ኣሞራቲ ሃራ-ሄሬሴ ዳሬን፣ ኣያሎን፣ ሻኣልቢሚ ጌቴቲዛ ካታማን ዳኢ ሚንላዳ፤ ጊዶ ኣቲን ኤፍሬሚ ዛሬቲኔ ሚናሴ ዛሬቲ ሚኒ ሚኒ ቢዳ ባንታሰ ዎልቃን ኦሲሲዳ።
 36 ኣሞራታ ዳሬ ዛዎይ ኣኪራቢሚ ጌቴቲዛሶራ ኣዲ ቢዳ ሴላራ ካንላዳ ሄራ ኣዲ ቤሰ።

2

ቦኪሜን ጸሳ ኪታንቻ

1 ጎዳ ኪታንቻይ ጌልጌላፔ ቦኪሜ ቢዳ ኢስራኤል አሳሰ፣ «ታኒ ኢንቴና ጊብጾፔ ከሳዳ ቤኒ ኢንቴ ኣዎሰ ኢማና ጋዳ ታ ጫቁዳ ቢታ ኢንቴና ጌልላዲሰ፤ ሂሰታዳ ታ ኢንቴሰ፣ ሳታኒ ኢንቴናራ ጫቁዳ ጫቆ ቃላ ሙሉካ ላሚኪ።
 2 ኢንቴ ሃ ቢታን ዲዛ አሳታራ ጫቆ ጫቁቶፍቴ፤ ኢስቲ ያርሺዛሶታ ላላቴ» ጋዲሰ፤ ጊዶ ኣቲን ኢንቴ ታሰ ኣዛዜቲቤኬታ፤ ኣይሰ ሄሳሶ ሃኒዳቲ?

3 ሄሳ ጊሻሰ ታኒ ኢንቴና፣ «ኢስታ ታኒ ኢንቴ ሲንላፌ ከሳ ጎዲኪ፤ ኢስቲ ኢንቴሰ ሞርኬ ጊዳና፤ ኢስታ ኤቃ ጸሳቲካ ኢንቴሰ ናርጸ ማላ ጊዳና» ጋዲሰ» ጊዳሰ።
 4 ጎዳ ኪታንቻይ ሄሳ ኢስራኤል አሳ ኡባሰ ዮቲዳ ዎዳ አሳይ ባ ቃላ ቶቁ ሂሰቲዳ ዩኪዳሰ።
 5 ሄ ሶሆዛ ቦኪሜ * ጊዳ ሱንላዳሰ፤ ሂሰቲዳ ሄ ሶዛን ጸሳሰ ያርሾ ያርሺዳሰ።

ኢያሶ ሃይቆኔ ኦራላ ዩሌታ

6 ኢያሶይ ኢስራኤል አሳ ዩዲዳፔ ጉዩ አሳይ ኢሶይ ኢሶይ ሻኪን ባና ጋኪዛ ቢታ ኤካናሰ ቢዳሰ።
 7 ኢያሶይ ሹሞፖ፣ ፓጸ ዲዛ ላይላ ኡባን አሳይ ጎዳሰ ኦሊዳሰ፤ ኢዚ ሃይቁዳፔ ጉዩ ጎዳይ ኢስራኤል አሳሰ ኦሊዳ ጊታ ኦሶ ኡባ ቤኢዳ ጨማታ ዎዳ ኡባንካ ጎዳሰ ጎይኒዛይሳ ኣጊቤና።
 8 ጎዳ አይሌ ናዌ ና ኢያሶሰ ላይላይ 110 ጊዳን ሃይቁዳሰ፤
 9 ጋኣሹ ዳሬፔ ፑዳሃ ባጋን ኤፍሬሚ ዳሬን ቦላ ጌዜ ቢታን ቲሚናቴ-ሴራሃ ጌቴቲዛሶን ዲዛ ኢዛ ጋዳን ኢዛ ሞጊዳ።
 10 ሄ ዩሌታ ኡባይ ሃይቁዳፔ ጉዩ ጎዳኔ ኢዚ ኢስራኤል አሳሰ ኦሊዳ ሎኦ ኦሶ ኡባ ኤርንታ ኦራላ ዩሌታይ ዳንዲዳሰ።

ኢስራኤል አሳይ ጎዳሰ ጎይኒዛይሳ አጎ

11 ሄሳፌ ጉዩ ኢስራኤል አሳይ ጎዳ ሲንላን ኢታ ሚሽ ኦሊዳሰ፤ ባኣሌ ጌቴቲዛ ኤቃታሰ ጎይኒዳሰ።
 12 ጊብጾ ቢታፌ ኢስታ ከሲዳ ጎዳ፣ ባንታ ኣዎታ ጸሳ ኣጋጊዳ፤ ባንታ ሄራን ዲዛ አሳቲ ጎይኒዛ ኤቃታኮ ሲሚዳ ኢስታሰ ጎይኒዳ፤ ሄሳን ጎዳ ሃንቁላዳ።
 13 ጎዳካ ኣጊዳ ባኣሌሲኔ ኣሰታሮቲሰ ጎይኒዳ።
 14 ሄሳ ጊሻሰ ጎዳ ሃንቆይ ኢስራኤል አሳ ቦላ ኤጺ ከዚዳሰ፤ ዎራጂዛይቲ ቦንቃና ማላ ኢስታ ሞርኬታ ኩሹን ኣላ ኢሚዳሰ፤ ኢስታ ሄራን ዲዛ ሞርኬታሰ ኢስታ ኣላ ኢሚዳሰ፤ ሄሳፌ ጉዩ ኢስቲ ባንታ ሞርኬታራ ኤቁታናሰ ዳንዳይቤቴና።
 15 ኢስቲ ኦላሰ ከዚዛ ዎዳ ኡባን ጎዳይ ካሴ ኢስታሰ ጫቁ ዮቶይሳሶ ኢስቲ ጸኔታና ማላ ኢዚ ኢስታ ቦላ ዳንዲዳሰ፤ ሄሳፌ ዳንዳይሳን ኢስቲ ከሄ ዎዩቲዳ።
 16 ሄሳፌ ጉዩ ጎዳይ ኢስራኤል አሳ ቦላ ዎራጂዛይታ ኩሹፔ ኢስታ ኣሺዛ ዳናታ ኢስታሰ ዳንላዳሰ፤
 17 ጊዶ ኣቲን ኢስራኤል አሳይ ኢስታሰ ፐርዲዛ ዳናታሰ ኣዛዜቲቤና፤ ኢስቲ ጎዳሰ ኣማኔቶንታ ኢጺዳ፤ ኤቃ ጸሳታኮ ሲሚዳ ኢስታሰ ጎይኒዳ፤ ካሴ ባንታ ኣዎታ ኦጌፔ ካሬ ከዚዳ፤ ኢስታ ኣዎቲ ጎዳሰ ኣዛዜቲዳ ማላ ኢስቲ ኣዛዜቲቤቴና።

18 ጎዳይ ኢስታሰ ፐርዲዛ ዳናታ ዳናሲዳ ዎዳ ኡባን ኢዚ ሄ ፐርዲዛ ዳናታራ ኢሲፌ ዲዛ ጊሻሰ ሄ ዳናቲ ሹሞፖ፣ ፓጸ ዲዛ ላይላ ኡባን ኢስታ ሞርኬታ ኩሹፔ ኢስታ ኣሺዳሰ። ዎዩይኔ ቱጋይ ኢስታ ቦላ ዳሪዳ ጋሶን ኢስቲ ዋሲዛይሳ ሲዩዲ ጎዳይ ኢስታሰ ቃዴቲዳሰ።
 19 ጊዶ ኣቲን ኢስታ ካሌላዛ ዳናቲ ሃይቁዳ ዎዳ ኡባን አሳይ ጉዩ ሲሚዳ፣ ኤቃ ጸሳታ ካሎን፣ ኢስታሰ ሃጋዞኒኔ ኢስታ ጎይኖን ካሴ ኢስታ ኣዎቲ ኦሊዳ ኢታ

1:28 ኢያ 17:11-13 1:29 ኢያ 16:10 * 2:5 ቦኪሜ፣ ቦኪሜ ጉሲ ኢብራዌታ ቃላራ፣ «ዩኪዛይታ» ጉሳ። 2:9 ኢያ 19:49-50

አሶፔ አዲዳ ኢታ ኦሶን ሰሚ ጌሊዳ፤ ባንታ ኢታ ኦሶን ጌላ ኦጌ አጎንታ ኢዲዳ።

20 ሄሳ ጋሶን ጎዳ ሃንቆይ ኢሰራኤል ካዎቴላ ቦላ ኤጲ ኬዚዳ፤ ጎዳይ፡ «ሃ አሳይ ታኒ ካሴ ኢሰታ አዎታራ ጌሊዳ ጫቆ ቃላ ዩዲ አዲዳ ገሻሲኔ ታሰ አዛዜቶንታ ኢዲዳ ገሻሰ።

21 ሃቸሬ ደሚን ኢያሶይ ሃይቂዳ ዎዴ ቢታ ቦላን አቲዳ ካዎቴላታፔ ኢሳዳካ ታኒ ኢሰታ ሲንላሬ ኬሳ ጎዲኬ።

22 ሃ ኢሰራኤል አሳይ ካሴ ባንታ አዎታ ማላ ታ ኦጌ ካሊዘኮኔ ካሎንታኮ ታኒ ኢሰታ ፓጫናሰ ሃይሳ ሃ ዴሬታ ታሰ አላ ማሳራ አላዳ ኢሰታን ጎኤታና» ገዴሰ።

23 ሄሳ ገሻሰ ጎዳይ ሄ ካዎቴላ አሳይ ኬዘንታ ጋምኣና ማላ አላዳ። ኢዚ ኢሰታ ኤሶን ዩዴላ ኬሲቤና፤ ኢያሶሰካ ኢሰታ አላ ኢሚቤና።

3

ሃ ቢታሬ ጎዴቶንታ አቲዳ አሳታ

1 ሄ ዎዴ ካናኔን አይ ኦሳካ ኦሌቲ ኤርንታ ኢሰራኤል ካዎቴላ ፓጫና ማላ ጎዳይ ሃ አሳታ አሺዳ።

2 ኢዚ ሄሳ አላዳይ ሃይሳሬ ካሴ ኦላ ኦሌቲ ኤርንታ ኢሰራኤል ዩሌታ አላ ታማርሳናሳ።

3 ሄ ቢታን አቲዳ አሳቲ፡ ፊሊሰጴሜ ካታማታ ሃሪዛ ኢቻሻታ፡ ካናኔታ ኡባ፡ ሲደና ካታማ አሳታኔ ባአሊ-ሄርሞኔ ጌቲቲዛ ዴሬፔ ደሚዲ ሃማቲ ጋካናሰ ሊባናሴ ዙማታ ቦላ ዲዛ ሂዊታ።

4 ጎዳይ ሙሴ ባጋራ ካሴ ኢሰራኤል አዎታሰ አሚዳ አዛዘ ኢሰቲ አዛዜቲዘኮኔ አዛዜቶንታኮ ሻኪ ኤራናሰ ኢሰታሰ ፓጫ። ገዳና ማላ ሄ አቲዳ አሳታ ሄን አሺዳ።

5 ሄሳ ገሻሰ ኢሰራኤል አሳይ ካናኔታራ፡ ሂዊታራ፡ አሞሬታራ፡ ፓሪዜታራ፡ ሂቲታራኔ ያቡሴታራ ኢሲሬ ዴኢዳ።

6 ኢሰታ ማጫ ናይታ ባሰ ማቾ ኤኪዳ፤ ባንታ ማጫ ናይታካ ኢሰታ አቱማ ናይታሰ አሚዳ፤ ኢሰታ ኤቃ ጸሳታሰካ ጎይኒዳ።

አቲንኤሌ

7 ኢሰራኤል አሳይ ጎዳ ሲንላን ኢታ ሚሽ ኦላዳ፤ ኢሰቲ ጎዳ ባንታ ጸሳ አገዲ ባአሌኔ አሸር ጌቲቲዛ ኤቃ ጸሳታሰ ጎይኒዳ።

8 ሄሳ ገሻሰ ጎዳ ሃንቆይ ኢሰራኤል አሳ ቦላ ኤጲ ኬዚዳ፤ ጎዳይ ማሶጶጶም ቢታ ካዎ ኩሻን-አሪሻታዬ ኩሼን ኢሰታ አላ ኢሚዳ፤ ኢሰቲካ ኢዛሰ አሰፑን ላይላ ሃሬቲዳ።

9 ገደ አቲን ኢሰራኤል አሳይ ጎዳሰ ዋሲዳ ዎዴ ጎዳይ ኢሰታ አሻናሰ አሺዛዴ ከቲዳ፤ ኢዘካ ካሌቤሰ ካሎ አሻ ቁናዜ ና ኦቲንኤሌ ጌቲቲሰ።

10 ጎዳ አያናይ ኢዛ ቦላ ዎዲን ኢዚ ኢሰራኤል ዴሬ አይሲዛ ዳና ገዲዳ፤ ኢዚ ኦላሰ ኬዚዳ ዎዴ ጎዳይ ማሶጶጶም ቢታ ካዎ ኩሻን-አሪሻታዬ ኢዛ ኩሼን አላ ኢሚን ኢዛ ጸኒዳ።

11 ሄሳ ገሻሰ ቁናዜ ና ኦቲንኤሌይ ሃይቃና ጋካናሰ ቢታይ ኦይዱ ታሙ ላይላ ኩሚላ ዎፓ ዴሚዳ።

ኤሁዳ

12 ኢሰራኤል አሳይ ዛሬላዲካ ጎዳ ሲንላን ኢታ ሚሽ ኦላዳ፤ ሄሳ ገሻሰ ጎዳይ ሞኣቤ ካዎ ኤጊሎኔይ ኢሰራኤል ቦላ ዎልቃማና ማላ ኦላዳ።

13 ኤጊሎኔይ አሞኔታኔ አማሌቄታ ባናራ ዴንላ ኤኪ ቢዲ ኢሰራኤል አሳ ኦሊ ጸኒዳ፤ ዛምባ ካታማ ጌቲቲዛ ኢያርኮ ካታማካ ኦይኪዳ።

14 ኢሰራኤል አሳይካ ሞኣቤ ካዎ ኤጊሎኔሰ ታማኔ ኦሰፑን ላይላ ሃሬቲዳ።

15 ኢሰራኤል አሳይ ጎዳኮ ዛሪ ዋሲዳ ዎዴ፡ ኢሰታ አሸዛ አሰ ከቲዳ፤ ኢዘካ ቢኒያሜ ዛሬፔ ጌራ ና ኤሁዳ ጌቲቲሰ፤ ኢዚ ሃዲርሳ ኩሼን ኦላዳ አሳ፤ ኢሰራኤል አሳይ ኤሁዳ * ሞኣቤ ካዎ ኤጊሎኔኮ ገራራ ከቲዳ።

16 ኤሁዳይ ናሞኡ ባጋራ ቃራቲዳ ኢሲ ዎቆ ገዲዛ ገላ ማሻ ባሰ ገግሲዳ፤ ኡሻቻ ሚሌ ባጋራ ማይኦ ገደን ገዲዳ።

17 ሄሳሬ ጉዬ ሞኣቤ ካዎ ኤጊሎኔሰ ገራ ኤኪ ኤፊዲ አሚዳ፤ ኤጊሎኔይ ኬሂ ኦርዴ አሳ።

18 ኤሁዳይ ገራዛ ካዎዛሰ አሚዳ፤ ጉዬ ገራ ቶኪዲ ቢዳ አሳታ ሞይዚዳ።

19 ገደ አቲን ኤሁዳይ ጌልጌላ ማታን ዲዛ ማሴቲ ኤቂዳ ሹቻታ ማታ፤ ኤጊሎኔኮ ጉዬ ሲሚ ቢዲ፡ «ካዎንቶ! ታኒ ኢንቲሰ ዮታና ጶራ ሚሽ ዳሰ» ገዴሰ። ሂሰቲን ካዎይ፡ «ጮኡ ጋ!» ገዴሰ፤ ኢዛ ናገዛይቲ ኡባይ ካሬ ኬዚዳ።

20 ሄ ዎዴ ካዎይ ፖቄን ዲዛ ኢሲ ጫርኪዛ ኪፊሌን ባርካ ኡቲ ዲሺን ኤሁዳይ ኢዛኮ ሸቂዳ፡ «ጸሲ ኔሰ ዩዲዳ ኪታይ ዳሰ» ገዴሰ፤ ካዎዚካ ባ ኡቲዳሶሆፔ ዴንዲ ኤቂዳ።

21 ኤሁዳይ ሃዲርሳ ኩሼ ዩዲዳ ኡሻቻ ባጋ ሚሌሬ ገላ ማሻ ሾዲዲ ካዎዛሰ ኡሎን ዩዲዳ።

22 ሂሰቲን ገላ ማሻሰ ቱቲይ አቶንታ ኡሎ ገደ ጌሊዲ ዘኮራ ካንላ ኬዚዳ፤ ሞዴዚካ ማሻ ማይኢዳ፤ ኤሁዳይ ማሻ ሾደንታ ሄን አጋገዳ።

23 ሄሳሬ ጉዬ ኤሁዳይ ካሬ ኬዚዳ ኬላ ካሬ ኢዛ ቦላ ጎርዲ ቁልፒዳ።

24 ኤሁዳይ ቢዳ፤ ጉዬ ካዎ አይሌቲ ዩዲ ፔንጌይ ጎርዴቲዳይሳ ቤኢዳ፤ ገደ አቲን ካዎይ ገደ ከፊሌን ሸሻሰ ኡቶንታ ኦኔና ገዲ ቆፒዳ።

25 ሳሌታና ጋካናሰ ካሬን ኤቂ ናገዳ፤ ገደ አቲን ካዎይ ፔንጌ ደዮንታ ኢዲን ቁልፔ ኤኪዲ ፔንጌዛ ደይዳ፤ ኢሰታ ጎዳ አሃይ ዉይጌ ቦላ ፖርጫ ገ ዲዛይሳ ቤኢዳ።

26 አሸካራቲ ሄን ፔንጌ ቦላ ናጎን ዲሺን ኤሁዳይ ኬሲ ኤኪዲ ማሴቲ ኤቂዳ ሹቻሶራ አዲዲ ሴይሬ ጌቲቲዛሶ ባቃቲዳ።

27 ኢዚ ሄ ጋኪዳ ዎዴ ኤፍሬሜ ዴሬን ቦላ ጌዜዛን ኢሰራኤል አሳይ ኦላሰ ሺቃና ማላ ዛዬ ፑኒዳ፤ አሳይካ ኢዛ ካሊዲ ሄፔ ዴጌ ዎዲዳ።

28 ኢዚ ኢሰታሰ፡ «ታና ካሊቲ፤ አይሰ ጊኮ ጎዳይ ኢንቲ ሞርኬታ፡ ሞኣቤታ ኢንቲ ኩሼን አላ ኢሚዳ።» ገዴሰ። ሂዘጊን ኢዛ ካሊ ዎዲዲ ዮርዳናሴ ሻፋፔ ጌዴ ሞኣቤ ፔንላዛ ፑርዴዛ ኦይኪዲ አሳይካ ሄራ ካንታንታ ማላ ዲገዳ።

29 ሄ ዎዴ ሞኣቤ አሳፔ ታሙ ሺ ገዲዛ ደሬቲዳ ሚኖ ኦላንቻታ ዎዲዳ፤ ኢሲ አሲካ ኬሲ ኤኪ አቲቤና።

* 3:15 ኤሁዳ፡ ኤሁዳ ገዛይሳ ኢሲ ኢሲ ገሻ ማጻፋይ ናኦዴ ጌሰ።

30 ሄ ጋላስ ኢስራኤል አሳይ ሞአቤ አሳ ኦሊ ጸኒዳስ፤ ሄሳ ጋሶን ቢታይ ኦስቸን ታሙ ላይል ጋካናስ ዋጋ ዳሚዳስ።

ሻሞጋሪ

31 ኤሁዳፔ ጉዬ አናቴ ና ሻሞጋሪይ ዳንዲዳስ፤ ፊሊስጶሜ ዳሬፔ ኡሱቸን ጾቱ አስ ጨካ ጉሬን ዋዲዲ ኢስራኤል አሳ አሺዳስ።

4

ዲቦራኔ ባራቄ

1 ኤሁዳይ ሃይቂዳፔ ጉዬ ኢስራኤል አሳይ ጎዳ ሲንሳን ዛሬሊዲካ ኢታ ሚሽ ኦሊዳስ።

2 ሄሳ ጊሻስ ጎዳይ ሃጾሪ ጌቲቲዛ ካታማን ካዋቲዳ ካናኔ ካዋ ያበኔስ ኢስታ አሊ ኢሚዳስ፤ ኢዛ ኦላንቻታ ካሌሊዛ ሲሳሪ ሃርሹ-ሃጎይ ጌቲቲዛ ካታማን ደስ።

3 ያበኔይ ቢራታፔ ኦሴቲዳ ኡዲፋን ጾቱ ጋራ-ጋሪቲ ኢዛስ ዲዛ ጊሻሲኔ ኢዚ ኢስራኤል አሳ ናምኡ ታሙ ላይል ኩሚል ከሂ ኡንኤሊዳ ጊሻስ ኢስቲ ማዶ ዳማናስ ጎዳኮ ዋሲዳ።

4 ሄ ዋዳ ላፒዶታ ማቻ ናቤ ዲቦራይ ቲንቢቲ ዮቲዛራ ኢስራኤል ዳራ ፐርዲዛ ዳና።

5 ኢዛካ ኤፍሪሜ ዳሬን ቦላ ጌዜን፣ ኤራማ ካታማፔኔ ቤቲሌ ካታማፔ ጊደን ዲዛ ዲቦራ ዛምባ ጋርሳን ኡታዳ ፐርዲዳስ፤ ኢስራኤል አሳይ ባ ዮኦ ፐርዲሳናስ ኢዚኮ ዩስ።

6 ኢሲ ጋላስ ዲቦራ አቢኖአሜ ና ባራቄ ኒፍታሌሜ ቢታን ዲዛ ቃዳሴ ካታማፔ ኪታዳ ጾይጊሳዲስ፤ «ጎዳ ኢስራኤል ጸሳይ ኔና፣ ሲፍታሌሜ ዛሬፔኔ ዛቢሎኔ ዛሬፔ ታሙ ሺ አስ ኤካዳ ታቦሪ ዙማ ቦላ ኬዛ።

7 ያበኔ ኦላንቻታ ካሌሊዛ ሲሳሪ ጋራ-ጋሪታኔ ኦላንቻታ ኤኪዳ ቁሶኔ ሻፋን ኔናራ ኦላ ጋይታናስ ያና ማላ ታኒ ኢዛ ዳንጫላና፤ ታኒ ኢዛ ኔስ አላ ኢማና፣ ጊ አዛዜስ» ጋዲስ።

8 ባራቄይካ ኢዚስ፣ «ኔኒ ታናራ ቢኮ ታኒ ባና፤ ኔኒ ታናራ ቦንታ ኣጊኮ ታኒካ ቢኬ» ጊዳስ።

9 ዲቦራይካ፣ «ኤሮ፣ ቡሳ ታ ኔናራ ባና፤ ጊዶ አቲን ጎዳይ ሲሳራ ማጫሳ ኩሼን አሊ ኢማና ጊሻስ ታ ቡሳይ ኔስ ቦንቻ ጊዳና» ጋዲስ፤ ሄሳሬ ጉዬ ዲቦራይ ዳንዳዳ ባራቄራ ኦላስ ቃዳሴ ባዲስ።

10 ባራቄይ ኒፍታሌሜኔ ዛቢሎኔ ዛሬታ ቃዳሴ ጾይጊን ታሙ ሺ አሳይ ኢዛ ካሊ ኬዚዳስ፤ ዲቦራይካ ኢዛራ ባዲስ።

11 ሄ ዋዳ ቁናዋ ዳሬ አስ ሄቤሪ ጌቲቲዛይሲ ሙሴ ቦሎ ሆባቤ ናይታ ቁናዋ ዳሬ አሳፔ ሻኬቲዳስ፤ ሂስቲዲ ቃዳሴኮ ሸቂዲ ዛናኒሜን ጊታ ዋላ ጋርሳን ባ ዳንካኔ ቶኪዳስ።

12 አቢኖአሜ ና ባራቄይ ታቦሪ ዙማ ቦላ ቢዳይሳ ሲሳሪ ሲዩዲ፣

13 ሲሳሪካ ቢራታፔ ኦሴቲዳ ኡዲፋን ጾቱ ጋራ-ጋሪታኔ ባናራ ዲዛ ኦላንቻታ ኡባ ጾይጊሲዲ ሃርሹ-ሃጎይፔ ቁሶኔ ሻፋ ሺሺዳስ።

14 ዲቦራይ ባራቄ «ዳንዳ! ሂኮ ሃኙ ጎዳይ ሲሳራ ኔ ኩሼን አሊ ኢሚዛ ጋላሳ። ቤያ! ጎዳይ ኔፔ ሲንሳቲ

ቤስ» ጋዲስ፤ ባራቄይ ታሙ ሺ አሳ ካሌሊዲ ታቦሪ ዙማ ቦላሬ ዋዲዳስ።

15 ጎዳይ ሲሳራ ኢዛ ጋራ-ጋሪታ ኡባኔ ኢዛ ኦላንቻታ ኡባ ቃራ ጊሳ ማሻን ባራቄ ሲንሳሬ ባቃቲሲዳስ፤ ሄሳ ጊሻስ ሲሳሪ ባ ጋራ-ጋሪፔ ዋዲዲ ቶሆራ ባቃቲዳስ።

16 ባራቄይካ ሲሳራ ጋራ-ጋሪታኔ ኦላንቻታ ሃርሹ-ሃጎይ ጋካናስ ዩዳሊዳስ፤ ሲሳራ ኦላንቻታፔ ኢሳዳይካ ኣቶንታ ኡባይካ ጊሳ ማሻን ወሪዳ።

17 ሄ ዋዳ ሃጾሪ ካዋ ያበኔሲኔ ቁናዋ ዳሬ አስ ሄቤሪ ዜሬሳታ ጊደን ሎኦ ጋይቶቲሊ ዲዛ ጊሻስ ሲሳሪ ቶሆን ባቃቲዲ ቁናዋ ዳሬ አስ ሄቤሪ ማቺዮ ያኤሊ ዳንካኔ ጊዶ ዋዲ ጌሊዳስ።

18 ያኤላ ሲሳራ ሞካናስ ኬዛዳ፣ «ታ ጎዳወ፣ ጌላ፤ ሃ ጌላ፤ ያዮፋ» ጋዲስ፤ ኢዚ ዳንካኔ ጊዶ ኢዚኮ ጌላን ኢዛ ባ ቡሉኮን ካማ ቆታዲስ።

19 ሲሳሪ፣ «ታና ሳሜስ፤ ኡዩዛ ጉላ ሃል አማርኪ!» ጊዳስ፤ ማል ኦቶፔ ቲጋ ኡሻዲስ፤ ሂስታዳ ሲሳራ ኢዛ ዛራ ካማ ቆታዲስ።

20 ሄሳሬ ጉዬ ኢዚ ኢዛ፣ «ዳንካኔዛ ፔንጌን ኤቃ፤ አይ አሲካ ዩዲ፣ ሃይሳን አሲ ዲዜ?» ጊዲ ኔና ኦይቺኮ፣ ሳዋ) ጋ» ጊዳስ።

21 ሲሳሪ ኬሂ ዳቡርዳ ጊሻስ ዲስኮ ሴሪዳስ፤ ሂስቲን ሄቤሪ ማቺያ ያኤላ ቆይጾኔ ዳንካኔ ዲሽኬ ኤካዳ ሎዳራ ኢዘኮ ሺቃዲስ፤ ዲሽኬዛካ ሃይላ ጮርጮርን ኤሳዳ ዲኔ ቢታራ ሲካ ዲሽኪን ሲሳሪ ሃይቁዳስ።

22 ባራቄይ ሲሳራ ኮዩሼ ዩን ያኤሌ ኢዛ ሞካናስ ካሬ ኬዛዳ፣ «ሃ ያ፤ ኔኒ ኮይዛ አዳዛ ታኒ ኔና ቤሳና» ጋዲስ፤ ኢዚራ ዳንካኔ ጊዶ ጌሊዲ ሲሳራ ሃይላ ጮርጮርን * ዲሽኬይ ዲሽኬቲን ኢዛ ኣሃይ ቢታ ቦላ ፖርጮፔ ጊ ዲዛይሳ ቤኢዳስ።

23 ሄ ጋላስ ጸሲ ኢስራኤል አሳይ ካናኔ ካዋ ያበኔ ጸናና ማላ ኦሊዳስ።

24 ኢስራኤል አሳይ ካናኔ ካዋ ያበኔ ቦላ ሚኒ ሚኒ ቢዲ ወርሴላን ኢዛ ዳይሲዳስ።

5

ዲቦራይኔ ባራቄይ ዩዲዳ ዩላ

1 ሄ ጋላስ ዲቦራይኔ አቢኖአሜ ና ባራቄይ ሃይሳሬ ካሊዛ ዩላ ዩዲዳ።

2 «ካሌሊዛይቲ ኢስራኤል ካሌሊሺን፣ ዳሬይካ ባ ሼኔን ሃሪቲሺን ጎዳ ጋላቲቲ!

3 «ኢንቴኖ ካዋቶ! ሃይሳ ሲዩቲ! ኢንቴኖ ዳሬ ሃሪዛይቶ! ኤዘጊቲ! ታኒ ጎዳስ ዩዲና፤ ኢስራኤል ጎዳስ ጋላታ ማዛሙራ ዩዲና።

4 «አቤት ጎዳወ! ኔኒ ሴይሪ ዳሬፔ ዳንዲዳ ዋዳ፣ ኔኒ ኤዶሜ ቢታሬ

* 4:22 ሃይላ ጮርጮርን፣ ሃይላ ጮርጮርን ጊዛይሲ ኢሲ ኢሲ ባጋ ጋሞላ ቃላን ሃይላ ቆርቆንቶ ጌቲቲስ።

ከዚያ ዋዳ፥
ቢታይ ቃጺዳ።
ሳሎፔ ኢራይ ቡኪዳ።
ኤ፥ ኢራይ ሻራታፔ
ዲጌ ቡኪዳ።

5 ጎዳ ኢሰራኤል ጸሳ
ሲንሳኒኔ
ሲና ጎዳ ሲንሳን
ዙማቲ ቃጺዳ።

6 «አናቲ ና ሻምጋሬ ዋዳኒኔ
ያኤሌ ዋዳን ኦጌይ ሳሚዳ።
ዛልአንቻቲካ
ሄ ቢታራ ካንላ ቤቴና።
ኦጌዛራ ቢዛይቲካ
ኦጋ ኦጌዲ ሃራሶራ ቢዳ።

7 ኢሰራኤል ማንዳራቲ
አሲ ደንታ ባዞ ጊዲዳ።

ታኒ ዲቦራይ ኢሰራኤል አሳሰ
አዮ ጊዳዳ ዳንዳና ጋካናሰ
ጸኒዲ አቲዳይ ባዋ።

8 ኢሰራኤል አሳይ አላጋ ጸሳታ
ደሪዳ ዋዳ፥
ቢታን ኦላይ ዳንዲዳ።
ኦይዲ ታሙ ሺ ኢሰራኤል ኦላንቻታ ጊደን
አሲ ጎንዳሌይ ዋይኮ
አሲ ቶራይ ቤቴቤና።

9 ታ ዋዚናይ
ኢሰራኤል ዳናታራ ዳሰ፤
አሳ ጊደን ደሳን ባና
አላ ኢሚዳይታራ ዳሰ።
ጎዳይ ጋላቴቶ!

10 «አንቴኖ ኮሬቲዳ
ቦላ ሃሬ ቶጊዛይቶ!
አንቴኖ ሎኦ አራታን ኡቲ
አሌቁቲዛይቶ!
አንቴኖ ቶሆን ሃሚቲዛይቶ!

11 ሃላ ፑልቶታ ሃራን
ዩጾቲዛ ዩላ ሲዩቲ፤
ኢሰታ ጎዳይ ጸኒዳይሳ
አኬኪሲሰ፤
ቃሴ ኢሰራኤል አሳይ
ጸኒዳይሳ ናሹሰ።

«ጎዳ አሳይካ
ካታማ ጌሊዛ ፔንጌታኮ
ዲጌ ዋዳዳ።

12 «ዲቦራ! ቤጋ! ቤጋ!
ቤጎታዳ ዩላ ዩጸ።

ኔኖ፥ አቢኖአሜ ና
ባራቁ፥ ዳንዳ!
ኔ ዲኢዳይታ ኤካዳ
ሲንሴ ጉጃ።»

13 «ሃሳፌ ጉዬ አቲዳ አሳቲ
ሃላቃታኮ ዲጌ ዋዳዳ።
ጎዳ አሳቲ ኦሌታናሰ ጊጊዲ

ባራቁኮ ዩዳ።
14 ካሴ አማሌቁ ዛሬቲ ዲዛሶን ዲዛ
ኤፍሬሚ አሳፔ
ኢሲ ኢሲ አሳቲ ዩዳ።

ቃሴ ሃራቲ ቢኒያሚ
ዜሬላታፔ
ኢሰታ ካሊዳ።
ማኪሬ ዛሬታፔ ዳናቲ፥
ዛቢሎኔ ዛሬታፔ
ካዋቴላን ኡቲዛይቲ ዩዳ።

15 ዩሳኮሬ ዜሬላፌ ዳናቲ
ዲቦራራ ዩዳ፤
ኤ፥ ዩሳኮሬይኔ
ባራቁይካ ዩዳ፤
ኢሰቲካ ባራቁ ካሊዲ
ዲጌ ዙሌዛ ዋዳዳ።
ጊደ አቲን ኦርቤሌ ዛሬቲ
ቆፋን ሻኬቲ ዋዳዳ፤
ያናኮኔ

ዮንታኮ ሲዲዳ።
16 ኔ አይሰ ደርሳ ዩሬ ጊደን ኡታዲ?
ደርሰ ሃሚዛይታ
ዋይቁላ ሲያናሰ ኡታዲ?
ኦርቤሌ ዛሬቲ
ቆፋን ሻኬቲ ዋዳዳ፤
ያናኮኔ ዮንታኮ ሲዲዳ።

17 ጋላአዳ ዛሬቲ
ዮርዳኖሴ ሻፋፔ
ሄ ፒንላን አቲዳ፤
ዳኔ ዛሬቲ አይሰ ማርካቤ ጊደን ጋምኢዳ?
አሴሬ ዛሬቲ ባ ዲዛሶን አቲዳ፤
ሜዲቴራኔ አባ ላንቁንካ ዳኢዳ።

18 ዛቢሎኔ ዛሬቲ
ባንታ ሼምፖ
ሃይቆሰ አላ ኢሚዳ።
ኒፍታሌሜ ዛሬቲካ
ኢሰታሶካ
ኦላ ዳምባን ኦላዳ።

19 «ካዋቲ ዩዲ
ማጊደ ፑልቶታ ማታን ዲዛ
ታኢናኬን ኦላ አይኬቲዳ።
ካናኔ ካዋቲካ ሄን ኦሌቲዳ፤
ዲኢ ኤካናሰ
አይኮ ሚሺካ
ዳሚቤቴና።

20 ሳሎ ጸላንቴቲ ኢዛራ ኦሌቲዳ።
ባንታ ሃናታን ሲሳራራ
ኦላ ቃቃዱ ጊዳ።

21 ቤኒ ቁሶኔ ሻፋ ኪጻይ
ኢሰታ ዳንላ ኤፊዳ።
ኢሰቲካ ሃርን ሜጤቴ ጳይዳ፤
ታ ሼምፖዬ ሚና፤
ዋልቃንካ ሲንሳ ጉጃ።

22 ሃሳፌ ጉዬ ቶጋ አሳቲ
ቶጋን አዳራሲ ዩዳ።
ቶጋ ፓራታ ጊሪሳይ
ዳዳ ጊሪሳ ማላ።

23 ጎዳ ኪታንቻይ፥

«ሜርዜ ቃንጊቲ!
 ሄን ዲዛ እሳ ኢሲፌ ቃንጊቲ!
 ጋሶይካ ኢሰቲ ጎዳ እሳ
 ኦላን ማደንታ ኢጲዳ።
 ዋልቃማ ኢሰታ ሞርኬታራ
 ኦሌታናሰ ኬዚቤቴና ጊዳሰ።»

ማላደ ሞኪዛ
 ኦርቪዳ ጳሌቶ።»
 ሄሳፌ ጉዬ ቢታይ ኦይዲ ታሙ ላይሰ ዋጋ
 ዳሚዳሰ።

6

- 24 «ቁናዌ ዳሬ እሰ
 ሄቤሬ ማቺያ
 ያኤላ ማጫሳ ኡባሬ
 እንጃቲዳር ጊዳ።
 ዳንካኔ ጊደን ዲዛ
 ማጫሳ ኡባሬ
 ኢዛ እንጃቲዳር ጊዳ።»
- 25 ሲሳሪ ኢዞ።
 (ታና ሃሰ ኡቫ) ጊ ዋሲዳሰ፤
 ኢዛ ጊደኮ
 ሜቃ ማሰ ሸሻዳሰ፤
 ሎኦ ዋንጫን ኢዛሰ ኢማዳሰ።
- 26 ኢሲ ኩሸን ዳንካና ጳሸኬ።
 ኡቫቻ ኩሸን
 ኦሳንቻታ ቆይጶ ኦይካዳሰ፤
 ሲሳሪ ሁኔን ጳሸካዳሰ፤
 ሃይሳ ጮርጮርራ
 ሉካ ኬሳዳሰ።
- 27 ቦልቁ ጊ ኩንዲዳሰ፤
 ኢዚ ቶሆ ጋርሳንካ ጉፋኒዳሰ፤
 ሄ ኩንዲዳ ሶሆን ሃይቁዳሰ።
- 28 «ሲሳራ አዬያ
 ማሰኮቴራ ቤኦዳሰ፤
 ማሰኮቴ ጸኤራካ
 ቲሺ ሂሰታ ጸላሽ።
 (ታ ናዛ ፓራ-ጋሬይ
 ኣይሰ ጋምኢዳ?
 ፓራ-ጋሬቲ ኤሶቲዲ
 ኣይሰ ሰሚቤቴኔ?)
 ጋዳ ዋሳ ኦይቻዳሰ።»
- 29 አዶ ኤራቴላ ዲዛ
 ኢዚ ማጫሳቲ
 ኢዚ ኦይቫ ዛሪዳ፤
 ጊደ ኣቲን ኢዛ ባ ቆፋን ባሰ።
- 30 «ኢሰቲ ዲኤዲ ኤሂዳይሳ
 ጊሸቲ ኤኪሸን
 ኢሳዳ ኢሳዳ
 ኢሲ ኢሲ ጌላኦይ ዋይኮ
 ናምኡ ናምኡ
 ጌላኦቲ ጋኬቴሰ።
 ሲሳራሰ ኢሰቲ ዳማ ዳማ
 ቃላሚን ኦሴቲዳ
 ኣሌቆ ማይኦ ኢማና፤
 ቃሴ ታሰካ ቆጴን ጸጸናሰ
 ጸሊፊን ኣሌቁዲ ሎኢዛ
 ማይኦታ ኤሃና ጋዳሰ።»
- 31 «ኣቤት ጎዳወ!
 ኔ ሞርኬቲ ኡባይ
 ሄሳሶ ሃይቁቶ!
 ጊደ ኣቲን ኔ ሲቆቲ

- ጊደኔ
 1 ኢሰራኤል ኣሳይ ጎዳ ሲንግን ዛሬላዲ ኢታ ሚሽ
 ኦላዳሰ፤ ሃሳ ጊሻሰ ጎዳይ ኢሰታ ሚዲያሚ ኣሳሰ
 ኣላ ኢሚዳሰ፤ ኢሰቲካ ላቸን ላይሰ ኩሜሰ ሃራቲዳ።
 2 ሚዲያሚ ኣሳይ ኢሰራኤል ኣሳ ቦላ ሚኒዳ
 ጊሻሰ ኢሰራኤል ኣሳይ ኢሰታፊ ቆቴቲ ኣታናሶ
 ጎንጎሎኔ ሚጸ ጊገሲዳሰ።
 3 ኢሰራኤል ኣሳይ ካሰ ዜሪዛ ዋዳ ኡባን ሚዲያሚ
 ኣሳይ። ኣማሌቁ ኣሳይኔ ኦርቪዳ ሞኪዛ ባጋራ ዲዛ
 ኣሳይ ኢሰታ ቦላ ዋራጂ ዋራጂ ሚቶ ጋሌቴሰ።
 4 ኢሰቲ ሄ ቢታን ዳንካኒዲ ጋዛ ካታማ ጋካናሰ
 ቢታ ኡባ ቦላን ሞኪዳይሳ ቆይሴቴሰ፤ ደርሳታ።
 ሚዛታኔ ሃራ ዉዳታ ዲኢ ኤፊዛ ጊሻሰ ኢሰራኤል
 ኣሳሰ ኣይኮካ ኣሽ ኤሬቴና።
 5 ባንታ ሚሃታኔ ባንታ ዳንካኒታ ኤኪዲ ቦሌይ
 ዪዛ ማላ ዳሪዲ ዬቴሰ፤ ኢሰታኔ ኢሰታ ጋሚላታ
 ቆዳናሰ ዳንዳዬቴና፤ ኢሰታ ዩሳይካ ቢታ ቆይሳናሳ።
 6 ሚዲያሚ ኣሳይ ኢሰራኤል ኣሳ ቦላ ሚቶ ጋሊዳ
 ጊሻሰ ኢሰራኤል ኣሳይ ማዶ ዳማናሰ ጎዳኮ ዋሲዳሰ።
 7 ሚዲያሚ ኣሳይ ጋሊዳ ቆሆዛ ጋሶን ኢሰራኤል
 ኣሳይ ጎዳኮ ዋሲን።
 8 ጎዳይ ኢሰታኮ ኢሲ ናቤ ኪቲዳሰ፤ ሄ ናቤዚ
 ኢሰታሰ ጎዳ ኢሰራኤል ጸሳፌ ኤሂዳ ኪታይ። «ታ
 ኢንቴና ጊብጾ ኣይሌቴላፌ ኬሳዲሰ።»
 9 ታኒ ኢንቴና ጊብጾ ኣሳ ኩሸፔኔ ዋዩሲዛ ኣሳ
 ኡባ ኩሸፔ ኣሻዲሰ፤ ኢንቴ ሲንጎፊካ ኢሰታ ጎዳ
 ኬሳዳ ኢሰታ ቢታ ኢንቴሰ ኢማዳሰ።
 10 ታኒ ኢንቴና። (ታኒ ጎዳ ኢንቴ ጸሳ፤ ኢንቴ ኢሰታ
 ቢታ ላቲዳ ኣሞሬታ ጸሳታሰ ጎይናፍቴ) ጋዳ ዮታዲሰ፤
 ጊደ ኣቲን ኢንቴ ታ ቃላ ሲዮንታ ኢጲዳታ» ጌሰ።
 11 ሄሳፌ ጉዬ ጎዳ ኪታንቻይ ኦፊራ ጌቲቲዛሶን
 ዲዛ ኣቢኤዜሪ ዜሬላፌ ኢዮኣሳ ዋላ ጋርሳን ዪ
 ኡቲዳሰ፤ ሄ ዋዳ ኢዮኣሳ ና ጌደኒ ሚዲያሚ ኣሳፎ
 ቆቴታናሰ ዋይኔ ጉምኢዛሶሆን ጊሰቲ ቡኩሰ።
 12 ሄን ጎዳ ኪታንቻይ ኢዛሰ ቆንጫዲ። «ሃይሶ
 ኔና። ሚኖ ኦላንቻዞ! ጎዳይ ኔናራ ዳሰ» ጊዳሰ።
 13 ጌደኒካ ኢዛ። «ታ ጎደ! ጎዳይ ኔናራ ዲዛ
 ጊደኮ ሃ ሚቶ ኡባይ ኔና ኣይሰ ጋኪዳ? ኦ ኣዋቲ።
 ሳዳይ ኔና ጊብጾ ቢታፊ ኬሲዳሰ» ጊዲ ኔሰ ዮቲዳ
 ማላሊሲዛ ኢዛ ኦሶቲ ኡባይ ኣዋን ዲዞ? ሃኢ
 ጊደኮ ጎዳይ ኔና ሙሌካ ኣጊዳሰ፤ ሚዲያሚ ኣሳ
 ኩሸንካ ኣላ ኢሚዳሰ» ጊዳሰ።
 14 ሄሳፌ ጉዬ ጎዳይ ኢዛኮ ሲሚዳ። «ኔሰ ዲዛ
 ጊታ ዋልቃን ባዳ ኢሰራኤል ኣሳ ሚዲያሚ ኣሳ
 ኩሸፔ ኣሻዳ ኬሳ ኤካ፤ ኔና ኪቲዳይ ታና» ጊዳሰ።
 15 ጌደኒ። «ታ ጎዳዉ። ታ ዛሬይ ሚናሴ ዛሬ ኡባፌ
 ኣዲዳ ላፋ፤ ታኒካ ኦሶ ኣሳ ኡባፌ ጉላ፤ ሂሰቲን ታኒ
 ኢሰራኤል ኣሳ ዋሰታዳ ኣሻናሰ ዳንዳያዚና?» ጊዳሰ።
 16 ጎዳይካ። «ቲማፔ ታኒ ኔናራ ጊዳና፤ ኢሲ ኣሰ
 ሸጫዛ ማላ ኔኒ ሚዲያሚ ኣሳ ሸጫዳ ጸናና»
 ጊዳሰ።

17 ጌደኒካ «ኔኒ ታናን ኡፋዬቲዳ ጌዲኮ ታናራ ሃሳይዛይ ኔና ጌዲዳይሳ ኤሪሲዛ ማላታ ታና ቤሳ።

18 ታኒ ጉዬ ሲማ ባዳ ኔሰ ያርሾ ሚሽ ኤካ ያና ጋካናሰ ሃኒፌ ሃራሶ ቦጋ» ጌደሰ።
ጎዳይካ፣ «ኔኒ ሲማና ጋካናሰ ታኒ ሃይሳን ናጋና» ጌደሰ።

19 ጌደኒ ባሶ ቢዲ ዳይሻ ላቃ ሹኪዲ ካሊዳሰ፤ ኢሲ ታሙ ኪሎ ጌራሜ ጌዲዛ ዲሌ ኤኪዲ ኢርሾይ ኢዛን ጌሎንታ ኡኩል ኡኪዳሰ፤ አሾዛ ለማቲን ዋሊዲ ጫምባዛ ኬሪን ተጌደሰ፤ ኡባካ ኤኪ ኤፊዲ ዋላ ጋርሳን ኡቲዳ ጎዳ ኪታንቻዛሰ ሸሽደሰ።

20 ጸሳ ኪታንቻይ ኢዛ፣ «አሾዛኔ ኢርሾይ ኢዛን ጌሎንታ ኡኩልዛ ኤካዳ ሃ ሹቻ ቦላ ዋላ፤ ጫምባዛካ ኢዛ ቦላ ተጋ» ጌደሰ፤ ጌደኒካ ኢዚ አዛዚዳ ማላ ኦሊዳሰ።

21 ጎዳ ኪታንቻይ ባ ኩሼን ኦይኪዳ ጉፌ ጸራን አሾዛኔ ኡኩልዛ ቦቹዳሰ፤ ሂሰቲን ታማይ ሹቻ ጌደፊ ኬዚዲ አሾዛኔ ኡኩልዛ ሚዳሰ፤ ሃሳፌ ጉዬ ጎዳ ኪታንቻይ ኢዛ ሲንጻፊ ጌሚዳሰ።

22 ጌደኒ ቤይዳይ ጎዳ ኪታንቻ ጌዲዳይሳ አኬኪዳ ዋዳ፣ «ኡባ ሃሪዛ ጎዳዉ! ታኒ ጎዳ ኪታንቻ ታ ኣይፊን ቤኢዳ ገሻሰ ታሰ ኣዬ ኣና!» ጌደሰ።

23 ጌደ ኣቲን ጎዳይ፣ «ሳርይ ኔሰ ጌደ! ያዮፋ! ኔ ሃይቃካ» ጌደሰ።

24 ጌደኒካ ጎዳሰ ያርሾ ያርሽዛሶ ህን ገግሲዲ ህ ሶሆዛ፣ «ጎዳይ ሳር ጸሳ» ጌዲ ሱንጲዳሰ፤ ህ ያርሾ ያርሽዛሶይ ኣቢኤዜሬ ዜሬላታሰ ጌዲዳ ኦፊራን ሃቶ ጋካናሰ ኤቁ ዳሰ።

25 ህ ጋላሳ ኦማርሰ ጎዳይ ጌደኔ፣ «ኔ አዋ ሚዛታ ጌደፊ ሃራ ላፑን ላይሳ ስርማ ቦራ ኤካ፤ ኔ አዋይ ባኣሌ ጌቲቲዛ ኤቃሰ ያርሾ ያርሽዛሶዛ ላላ፤ ኢዛ ላንቁን ዲዛ አሽር ጌቲቲዛ ማጫ ጸሳይ ሚሰሌዛካ ቲፋ ሚንጮራላ ዬጋ።

26 ህ ቲፊቲ ደሬቲዳ ሚሰሌዛ ቦላ ጎዳ ኔ ጸሳሰ፣ ያርሾ ያርሽዛሶ ሎኤላ ገገሳ፤ ሃሳፌ ጉዬ ኔኒ ሚንጮራላዳ አሽር ጌቲቲዛ ጸሳይ ሚሰሌዛ ቁራ ኤላዳ ናምኣንላ ቦራዛ ሙሌራ ጸጊዛ ያርሾ ኦላዳ ያርሻ» ጌደሰ።

27 ጌደኒካ ባ ኣይሌታፔ ታማታ ኤኪዲ ጎዳይ ኢዛሰ ዮቲዳ ማላ ኦሊዳሰ፤ ጌደ ኣቲን ኢዚ ባ አዋ ሶ ኣሳሲኔ ካታማን ዲዛ ኣሳሰ ያዩዳ ገሻሰ ሃሳ ጋላሰ ኦላናይሳ ኣጊዲ ኦማርሰ ኦሊዳሰ።

28 ማላዳ ዋንታን ካታማ ኣሳይ ዳንዲዳ ማላ ባኣሌ ጌቲቲዛ ኤቃሰ ያርሾ ያርሽዛሶይ ላሌቲቹዳይሳኔ ኢዛ ላንቁን ዲዛ አሽር ሚሰሌይ ማቁሬቲ ዋቋዳይሳ ቤኢዳሰ፤ ቃሴ ኢሰቲ ያርሾ ያርሽዛሶይ ገገዳይሳኔ ኢዛ ቦላ ናምኣንላ ቦራይ ያርሽቲዳይሳ ቤይዳ።

29 ባንታ ጌደን፣ «ሃይሶ ሃይሳ ኦሊዳይ ኦኔ?» ጌዲ ኢሶይ ኢሳ ኦይቹዳ፤ ኢሰቲ ዩዩ ዩዩ ኦይቹዳ ሃሳ ኦሊዳይ ኢዮኣሳ ና ጌደኔ ጌዲዳይሳ ኤሪዳ።

30 ሃሳፌ ጉዬ ካታማ ኣሳይ ኢዮኣሳ፣ «ባኣሌ ጌቲቲዛ ኤቃሰ ያርሾ ያርሽዛሶዛ ላሊዳ ገሻሰኔ ኢዛ ላንቁን ዲዛ አሽር ሚሰሌዛ ሚንጮራላ ዬጊዳ ገሻሰ ኩኒ ኢዛ ዋቋና ማላ ኔ ናዛ ሃ ኬሳ» ጌደሰ።

31 ኢዮኣሲ ባ ቦላን ዳንዲዳ ኣሳ ኡባ፣ «ኢንቲ ባኣሌሰ ሞቲቲቲ? ዋይኮ ኢንቲ ኢዛ ኣሻኔ? ኢዛ

ገሻሰ ሞቲቲዛ ኣሲ ዲኮ ሳኣይ ዋንታናሽን ኢዛዳይ ሃይቆ! ባኣሌይ ጸሳ ጌዲኮ ኢዛሰ ያርሾ ያርሽዛሶዛ ላሊዳዳራ ኢዚ ባርካ ሞቲቶ» ጌደሰ።

32 ሃሳ ገሻሰ ህ ጋላሰ ኣሳይ ጌደኔ ሱንጻ ዩራባኣሌ ጌ ሱንጻዳ፤ ቢርሽላይ ባኣሌይ ባ ገሻሰ ሞቲቶ ጉሳ፤ ጋሶይካ ላሌቶይሲ ኢዛሰ ያርሾ ያርሽዛሶ ጌዲዳ ገሻሳ።

33 ሃሳፌ ጉዬ ሚዲያሚ ቢታ ኣሳይ፣ ኣማሌቁ ቢታ ኣሳይኔ ኣርሼይ ሞኪዛ ባጋራ ዲዛ ኣሳይ ኡባይ ኢሲፌ ሸቁዲ ዮርዳናሴ ሻፋ ፒኒዳ፤ ኢዘራኤሌ ጌቲቲዛ ሸባን ዲንካኒዳ።

34 ሃሳፌ ጉዬ ጎዳ ኣያናይ ጌደኔ ቦላ ዋቋዳሰ፤ ኣቢኤዜሬ ዛሬቲ ኡባይ ባና ካላና ማላ ኢሰታ ሸሻናሰ ዛዬ ፑኒዳሰ።

35 ሚናሴ ዛሬ ኡባሰ ኣሰ ከቲዲ ባና ካላና ማላ ኢሰታካ ጸይሲዳሰ፤ ሃሳላካ ኣሴሬ ዛሬታሰ፣ ዛቢሎኔ ዛሬታሲኔ ኒፍታሌሚ ዛሬታሰ ኣሰ ከቲዳሰ፤ ኢሰቲካ ኢዛራ ኦላሶ ባናሰ ኬዚዳ።

36 ሃሳፌ ጉዬ ጌደኒ ጸሳ፣ «ታኒ ኢሰራኤሌ ኣሳ ኣሻና ማላ ኔኒ ታና ደሪዳይሳ ታሰ ዮታዳሳ።

37 ቤያ፣ ገሰቲ ቡኪዛ ባሌን ደርሳ ኢሰኬ ታኒ ዋላና፤ ጸዛይ ህ ደርሳ ኢሰኬ ቦላ ጸላ ዲዲ ቢታ ቦላ ደንታ ኣጊኮ ኔኒ ዮቲዳ ማላ፣ ኢሰራኤሌ ኣሳ ታ ኩሼን ኔ ኣሻናይሳ ታ ኤራና» ጌደሰ።

38 ኢዚካ ጌዳ ማላ ሃኒዳሰ፤ ዋንቲላ ጋላሰ ማላዳ ዋንታራ ዳንዲዳ ደርሳ ኢሰኬ ጉምኢዳ ዋዳ ኢሲ ሳኔ ጌዲዛ ሃላ ኢዛፔ ኬዚዳሰ።

39 ጌደኒ ቃሴካ ጸሳ፣ «ዋዜ ኔና ዛይ! ታና ሃንቁቶፋ! ኢሲቶ ታ ኔና ዛራ ኦይቻይሰ፤ ደርሳ ኣጎዛ ቦላ ሃራ ማላታ ቤሳና ማላ፤ ሃሲካ ደርሳ ኣጎዛይ ማላ ጌዲን ቢታይ ሃጺዲ ጸዛታና ማላ ኣላርኪ!» ጌደሰ።

40 ህ ጋላሳ ኦማርሰ ጸሲ ህ ማላታዛ ኦሊዳሰ፤ ዋንቲላ ጋላሰ ማላዳ ደርሳ ኣጎዛይ ማላ ጌዲን ቢታ ኡባይ ሃጺዳሰ።

7

ጌደኔ ኦላ

1 ዋንቲላ ጋላሰ ማላዳ ዋንታራ ዩራባኣሌ ጌቲቲዛ ጌደኒኔ ኢዛራ ዲዛ ኣሳይ ኡባይ ዋንታ ማላደራ ዳንዲ ቢዲ ሃርዳ ጌቲቲዛ ፑልቶ ሃላ ኣቻን ዲንካኒዳ። ሚዲያሚ ቢታ ኣሳቲካ ኢሰታፌ ፑዳሃ ባጋራ ሞሬ ጌቲቲዛ ዙማ ማታን ዲዛ ዙሌን ዲንካኒዳ።

2 ጎዳይ ጌደኔ፣ «ሚዲያሚ ዳሬ ኣሳ ታኒ ኢንቲ ኩሼን ኣላ ኢምንታ ማላ ኔናራ ዲዛ ኣሳይ ዳሪዳሰ፤ ኢሰራኤሌ ኣሳይ፣ ኩ ዋልቃን ኣቲደሰ» ጌዲ ታ ቦላ ጨቁቶንታ ማላ ሚዲያሚ ዳሬ ኣሳ ታኒ ኢሰታሰ ኣላ ኢሚኬ።

3 ሃሳ ገሻሰ ሃኢ ኣሳሰ፣ «ዋዚናይ ሂርጊዛዳይኔ ባቢዛዳይ ዲኮ ጋላኣዳ ዙማፔ ጉዬ ሲሚዲ ባሶ ባሶ ቦ» ጋዳ ኣዋጃ» ጌደሰ። ሃሳፌ ዳንደይሳን 22,000 ኣሳይ ጉዬ ሲሚን 10,000 ኣሲ ጸላ ኣቲዳሰ።

4 ሃሳፌ ጉዬ ጎዳይ ጌደኔ፣ «ሃኢካ ኣሳይ ዳሪዳሰ፤ ኔኒ ኢሰታ ዲጌ ሃላ ሻፋ ዋላ፤ ህን ታ ኢሰታ ኔሰ

ፓጫዳ ሻካና፤ ታኒ፡ «ሃይሲ ኔናራ ቦ» ገዛይሲ ኔናራ ቦ፤ «ሃይሲ ኔናራ ቦፕ» ገዛይሲ ቦፕ» ገደሰ።

5 ሃሳ ገሻሰ ጌዶኒ አሳ ሃላኮ ኤፊዴሰ፤ ጎዳይ ጌዶኒ፡ «ሃ አሳ ገደፌ ጉልባቲዳ ሃላ ኡዱዛይታኔ ካና ማላ ኤቆን ሃላ ኢንጻርሳን ላማጪ ላማጪ ሂሰቲዳ ኡዱዛይታ ሻካ» ገደሰ።

6 ባንታ ኩሼን ሃላ ኤቆን ኩጻቲ ኡዱዛይታ ቆዳይ ሄሹ ጾታ፤ ገደ ኣቲን ኣቲዳይቲ ኡባይ ሃላ ኡዳናሰ ጉልባቲዳ።

7 ጎዳይ ጌዶኒ፡ «ባንታ ኩሼን ሃላ ኩጻቲ ኤቆን ዲሼ ኡዱዳ ሄሹ ጾታ አሳታን ታኒ ኢንቴና ኣሻና፤ ሚዲያሚ አሳታ ኢንቴሰ አሳ ኢማና፤ ሃንኮ ኣቲዳ አሳይ ገዲኮ ጉዬ ባሶ ባሶ ሰሞ» ገደሰ።

8 ሃሳ ገሻሰ ጌዶኒ ጉዬ ሲሚዛ ኢሰራኤሌ አሳ ሺንቄኔ ዛዬ ኤኪዲ 300 አሳታሰ ኢሚዲ ሃንኮ ኣቲዳ አሳ ኡባ ኢሰታ ሶ ኢሰታ ሶ ዬዲዳሰ፤ ሃ ኡባይ ሃኒዛ ዎዴ ሚዲያሚ ኦላንቻቲ ኢሰታፊ ዲጌ ባጋራ ዙሉን ዲንካኒዲ ኡቲዳ።

9 ሄ ጋላሳ ኦማርሰ ጎዳይ ጌዶኒ፡ «ታኒ ኔሰ አሳ ኢሚዳ ገሻሰ ዳገዳ ባዳ ኢሰቲ ዲንካኒዳሶን ኢሰታ አሳ።

10 ኔኒ ባዳ ኦላናሰ ያዩኮ ኔ ኣይሌ ፑራ ኔናራ ኤካዳ ኢሰቲ ዲንካኒ ዲዛሶ ዲጌ ባ፤

11 ኢሰቲካ ገዛይሳ ሲያ፤ ሃሳፊ ጉዬ ኔኒ ኢሰታ ሂርጋይ ባይንዳ ኦላና» ገደሰ። ሃሳ ገሻሰ ጌዶኒ ባ ኣይሌ ፑራ ካሌላ ኤኪዲ ሞርኬቲ ዲንካኒ ዲዛሶ ሄራ ዎዴዳሰ።

12 ሄ ዎዴ ቦሌ ማላ ጮራቲዳ ሚዲያሚ አሳይ ኣማሌቁ አሳይኔ ኣርሼ ኬሳ ባጋራ ዲዛ አሳይ ኡባይ ሸባ ገደን ዲንካኒ ኡቲዳሰ። ኢሰታ ጋሜላቲ አባ ደናን ዲዛ ኣጩ ማላ ቆዳፔ ዳር።

13 ጌዶኒ ሄ ጋኪዳ ማላ ኢሲ ቢታኔይ ባ ኣጉሜቲዳ ኣጉሞ ባ ላጌዛሰ ዮቲሺን ሲዩዳሰ፤ ሄ ኣጉሞዚካ፡ «ኢሲ ባንጋ ኡኩላያ ኤሽታዳ ሚዲያሚ ኦላንቻቲ ዲንካኒ ዲዛሶ ያዳ ዲንካና ዴቻዲሰ፤ ዲንካናይካ ላሌቲ ሚጩቲዳሰ» ገደሰ።

14 ኢዛ ላጌዚካ ዛሬዲ፡ «ሃሲ ኢሰራኤሌ ዴሬ አሰ ኢዮአሳ ና ጌዶኒ ገላ ማሻፊ ኣቲን ሃራ ገደና፤ ጸሲ ሚዲያሚ ዴሬ አሳኔ ኦ ኦላ አሳ ኡባ ጌዶኒሰ አላ ኢሚዳሰ» ገደሰ።

15 ጌዶኒካ ሄ ቢታኔዛ ኣጉሞዛኔ ኣጉሞዛ ቢርሽላ ሲዩዳ ዎዴ ጉልባቲዳ ጸሳሰ ጎይኒዳሰ፤ ሃሳፊ ጉዬ ኢሰራኤሌ አሳይ ዲንካኒዳሶ ጉዬ ሲሚዲ፡ «ዳንዲቲ! ጎዳይ ሚዲያሚ ኦላንቻታ ኢንቴ ኩሼን አላ ኢሚዳሰ» ገደሰ።

16 ሄሹ ጾታ አሳ ሄሹ ቡቲን ሻኪዳሰ፤ ኢሰታሰካ ሁኔን ሁኔን ኢሲ ኢሲ ዛዬኔ ገደን ኤጲዛ ጸምፔ ኦይኪዳ ኢሲ ኢሲ ጻር ኢሚዳሰ።

17 ጌዶኒካ ኢሰታሰ፡ «ታኮ ሃ ጸሊዲ ታኒ ኦላዛይሳ ኦላቲ፤ ታኒ ሚዲያሚ ኦላንቻቲ ዲንካኒዳሶ ማታ ጋካዳ ኦላዛ ማላ ኢንቴካ ኦላቲ።

18 ታኒኔ ታናራ ዲዛይቲ ኡባቲ ዛዬ ፑኒዛ ዎዴ ኢንቴካ ኢሰቲ ዲንካኒዳሶ ዩዩ ኣዲዲ ኢንቴ ዛዬ ፑኒዲ፡ «ጎዳ ኦላኔ ጌዶኒ ኦላ!» ገዲ ዋሲቲ» ገደሰ።

19 ገዲ ገደላ ገደና ገሸን ናገዛ ዛቤቲ ላሚቲዳፔ ጉዬ ጌዶኒኔ ኢዛራ ዲዛ ጾታ አሳቲ ቢዲ

ሚዲያሚቲ ዲንካኒዳሶ ማታ ጋኪዲ ባ ኦይኪዳ ዛዬ ዛዬ ፑኒዲ፤ ባ ኦይኪዳ ጻርታካ ኡባ ሚንጮራዳ።

20 ሃራ ባጋራ ዲዛ ናምኡ ቡቲቲካ ባ ዛዬ ዛዬ ፑኒዲ ባ ኦይኪዳ ጻርታካ ሚንጮራዳ፤ ሃዲርሳ ኩሼን ኤጲዛ ጸምፔ፡ ኡሻቻ ኩሼን ዛዬ ኦይኪዲ ፑኒሼ፡ «ጎዳ ኦላኔ ጌዶኒ ኦላ!» ገዲ ዋሲዳ።

21 አሳይ ኡባይ ሚዲያሚ አሳቲ ዲንካኒዳሶ ዩሸን ባ ናገዛሶን ናገዛሶን ኤቁዳ፤ ሚዲያሚ ኦላንቻቲካ ኡባይ ዋሶ ጸሊሊሼ ባቃቲዳ።

22 ሄሹ ጾታ ጌዶኒ አሳይ ባ ዛዬ ዛዬ ፑኒዳ ዎዴ ሞርኬታ ኦላንቻቲ ባንታ ገላ ማሻን ኢሶይ ኢሳ ዎዳና ማላ ጎዳይ ኦላዳሰ፤ ሃሳ ገሻሰ ኣቲዳ ኦላንቻቲ ዜሬራ ባጋራ ጌዴ ቤቲ-ሲጾ ጌቲቲዛ ካታማራ ኣዲ ቢዲ ጸባታ ማታን ዲዛ ኣቤሊ-ማሆሌ ጋካናሰ ባቃቲዳ።

23 ሃሳፊ ጉዬ ጌዶኒ ኒፍታሌሚ ዛሬፔ፡ ኣሴሬ ዛሬፔኔ ሚናሴ ዛሬ ኡባፊ አሳ ጸይገ ኬሲን ኢሰቲካ ሚዲያሚ ዴሬ አሳ ዩዳላዳ።

24 ኤፍሬሚ ጌዜን ዲዛ አሳ ኡባኮ ጌዶኒ አሰ ከቲዲ፡ «ሚዲያሚ አሳ ኦላናሰ ዲጌ ዎዳቲ፤ ቤቲ-ባሬ ጋካናሰ ዲዛ ዮርዳናሴ ሻፋ ኢሰታፊ ሲንላቲ ኦይኪዲ ኦጌ ዲላቲ» ገደሰ። ኤፍሬሚ አሳይካ ኡባይ ጸይገቲ ሸቁዲ ኢዚ ገደይሳላ ኦላዳሰ።

25 ኦሪቤኔ ዛኤቤ ጌቲቲዛ ሚዲያሚ ኦላ አሳ ካሌላዛ ናምኡ ኦላ ቃራታ ኦይኪዳ፤ ኦሪቤ፡ «ኦሪቤ ዛላ» ጌቲቲዛሶን ዎዳዳ፤ ዛኤቤ ቃሰ፡ «ዛኤቤ ዎይኔ ጉምኢዛሶሆ» ጌቲቲዛሶን ዎዳዳ፡ ሃሳፊ ጉዬካ ኣቲዳ ሚዲያሚቲ ዩዳላዳ ኦሪቤ ሁኔኔ ዛኤቤ ሁኔ ቆዴፔ ቃንጺ ቃንጺ ኤኪዲ ጌዶኒኮ ኤሂዳ፡ ሄ ዎዴ ጌዶኒ ዮርዳናሴ ሻፋፔ ሄ ፒንላን ኣርሼይ ሞኪዛሶ ባጋራ ዳሰ።

8

ሚዲያሚ አሳ ጸኔቲላ

1 ሃሳፊ ጉዬ ኤፍሬሚ አሳይ ጌዶኒ፡ «ሚዲያሚታ ኦላናሰ ባሼ ኦና ኣይሰ ጸይጋቤኪ? ኦና ኣይሰ ሃይሳ ማላ ኦላዲ?» ገዲ ኬሂ ዋላሲዳ።

2 ገደ ኣቲን ጌዶኒ ዛሬዲ፡ «ታኒ ኦላዳይሳፊ ኢንቴ ኦላዳይ ኣዴኔ? ታ ቆሞቲ ወሪ ኦላዳ ኦሶፔ ኤፍሬሚ አሳፔ ጉላቲ ኦላዳ ኦሶይ ኣዴኔ? ኤፍሬሚይ ፑሼቺ ሺሺዳይሲ ኣቢኤዜሬይ ማጸ ሺሸይሳፊ ኣዴኔ?»

3 ሚዲያሚ ኦላ አሳ ካሌላዛ ኦላ ቃራታ ኦሪቤኔ ዛኤቤ ጸሲ ኢንቴ ኩሼን ኣላ ኢሚዳሰ። ሂሰቲን ታ ሃሳራ ገናቲዛ ኦሶ ኣይ ኦላዲና?» ገደሰ፤ ሃሳፊ ጉዬ ኢሰታ ሃንቆይ ኢርጲዳሰ።

4 ጌዶኒኔ ኢዛራ ዲዛ 300 አሳይ ዮርዳናሴ ሻፋ ዩዲ ፑኒዲ፤ ኢሰቲ ኣይ ዳቡርኮካ ባንታ ሞርኬታ ዩዳላ ኣገቤቲና።

5 ጌዶኒ ሱኮቲ ካታማ ጋኪዲ ሄ ካታማ አሳታሰ፡ «ታኒ ሚዲያሚ ካዎታ ዜባሃኔ ጸልሙና ዩዳላ ቦላ ዳይሰ፤ ታናራካ ዲዛ አሳይ ዳቡርዳ ገሻሰ ኢንቴና ሸቢሰ፡ ሚዛ ካላ ዲኮ ኢሚርኬቲ» ገደሰ።

6 ሱኮቲ ካታማ ኣይሲዛይቲ፡ «ኦኒ ኔና ካሊዛ ኦላ አሳሰ ካላ ኢማና ማላ ዜባሃይኔ ጸልሙናይ ኔ ኩሼን ጌሊዳ?» ገዲ።

7 ጌደኒ ኢስታሰ ዛሪዲ፡ «ሎጎ፡ አይኮይ ባዋ! ጎዳይ ዜባሃኔ ጸልሙና ታ ኩሼን አሊ አሚዛ ዎዴ ታኒ ባዞ አጉንጎላኒኔ ጋዎን አንቴና ዋዳና» ጌደሰ።

8 ሃሳፌ ጉዬ ፓኑኤሌ ጌቴተዛሶ ቢደሰ፤ ሱኮቴ አሳ ኦይቸይሳ፡ ኦይቸይሰ፤ ፓኑኤሌ አሳይካ ሱኮቴ ካታማ አሳይ ጎይሳሶካ ጊ ዛሪደሰ።

9 ኢዚካ ፓኑኤሌ አሳሰ፡ «ታኒ ጸናዳ ሳር ሲሚዛ ዎዴ አንቴ አንቴ ካታማ ኢዛ ቦላ ኡተዲ ናጊዛ ጊምቤዛ ታ ላላና» ጌደሰ።

10 ዜባሃይኔ ጸልሙናይ አርሼ ኬሳ ባጋፌ ዩዳ ኦላንቻታፕ አቲዳ 15,000 ኦላንቻታራ ቃሪቆሬ ጌቴተዛ ካታማን ዳቴሰ፤ ሃንኮ 120,000 ጊዲዛ ኦላ ማሳራ ኦይኪዳ ኦላንቻታ ኦላን ሃይቁ ዉሪዳ።

11 ጌደኒ ናባሃቴኔ ዮጊባሃቴ አርሼይ ሞኪዛ ባጋራ ዲዛ ባዞ ጋጸ ኦጌራ ቢዲ ሃሳን ዲዛ ኦላንቻታ ቦላ ኢስቲ አኩኮንታ ዲሺን ኦላ ኦይኪዳሰ።

12 ኢስቲካ ኡባይ ደጋሚዳ፤ ሚዲያሚ ካዎተ ዜባሃይኔ ጸልሙናይ ናምኦይካ ባቃቲዳ፤ ጊዶ አቲን ጌደኒ ኢስታ ዩዳሊ ጋኪዲ ኦይኪዳሰ።

13 ኢዮአሳ ና ጌደኒ ኦላፕ ሄሪሴ ፒኒዛሶራ ሲሚዳሰ።

14 ሱኮቴፕ ኢሲ ናቴላ አሰ ኦይኪዲ ፒልጊ ኦይቸይሰ፤ ኢዚካ ሱኮቴ ኦይሲዛይታኔ ጨማታ ላፑን ታማኔ ላፑናታ ሱንጎ ጸፊዲ ኢዛሰ አሚዳሰ።

15 ሃሳፌ ጉዬ ጌደኒ ሱኮቴ አሳኮ ዩዲ፡ « (ዜባሃኔ ጸልሙና ኔኒ ዲአቤካሺን ዳቡርዳ ኔ ኦላንቻታሰ አይሰ ካሐ አሚኔ?) ጌዲ አንቴ ታና ቁልጪዳታ፤ ሃኢ ጊዲኮ ዜባሃኔ ጸልሙና ሃይታ ቤአቴ!» ጌደሰ።

16 ሃሳፌ ጉዬ ባዞ አጉንጎላኒኔ ከንዲቸን ዎዳዲ ሱኮቴ ካታማ ኦይሲዛይታ ቃዳይዳሰ።

17 ቃሴ ፓኑኤሌን ኢዛ ቦላ ኡተዲ ካታማ ናጊዛ ጊምቤዛ ላሊዲ ካታማን ዲዛ አቲማሳ ዎዳዳሰ።

18 ሂሰቲዲ ጌደኒ ዜባሃኔ ጸልሙና፡ «አንቴ ታቦሬን ዎዳዳ አሳቲ አይ ማላ አሴ?» ጌዲ ኦይቸይሰ፤ ኢስቲ፡ «ኔ ማላ፤ ኢስቲ ኡባይካ ካዎ ናይታ ሚሳቴቴሰ» ጊ ዛሪዳ።

19 ጌደኒ፡ «ኢስቲ ታ አሻንታ፤ ኢስቲ ታ አዩይ ናይታ፤ ጸሲ ቤዪን አንቴ ኢስታ ዎዳንታኮ ታኒካ አንቴና ዎዳኬ ሸን» ጌደሰ።

20 ሃሳፌ ባሰ ባይራ ናዛ ዩቴሬ፡ «ዳንዳ ኤቃዳ ሃይታ ዎዳ!» ጌደሰ፤ ዮቶሬይካ ቡር ዩላጋ ና ጊዲዳ ጊሻሰ ያዩዲ ባ ገላ ማሻ ሾዲቤና።

21 ሃሳፌ ጉዬ ዜባሃይኔ ጸልሙናይ ጌደኒ፡ «ሃይቆይ አቶንታሼ ዳንዳዳ ኑና ኔኒ ዎዳ» ጌዳ፤ ሃሳ ጊሻሰ ጌደኒ ዳንዲዲ ኢስታ ዎዳዳሰ፤ ኢስታ ጋሚላታ ቆዴን ዲዛ አሌቆ ሚሻታ ኡባ ኤኪዳሰ።

ኢስራኤሌ አሳይ ጌደኒሰ ሺሺዳ ኦይሻ

22 ሃሳፌ ጉዬ ኢስራኤሌ አሳይ ጌደኒ፡ «ኔኒ ኑና ሚዲያሚ አሳፕ አሺዳ ጊሻሰ ኔኒ ኔፕ ጉዬ ኔ ናይኔ ኔ ና ናይ ኑና ሃሪቴ» ጌደሰ።

23 ጌደኒካ፡ «ታኒ አንቴና ሃሪኬ፤ ታ ናይካ አንቴና ሃሪና፤ ጎዳይ አንቴና ሃር!» ጌደሰ።

24 ኢስማኤሌ አሳ ማላ ሚዲያሚ ቢታ አሳቲካ ሃይላን ዎርቃ አሐቴሰ፤ ሃሳ ጊሻሰ ኢዚ ኢስታሰ፡ «አኔ ታኒ አንቴና ኢሲ ሚሽ ኦይቸይሰ፤ አንቴ ኡባይ ዲኢዲ ኤሂዳ ሃይላ ዎርቃ ታሰ አሚቴ» ጌደሰ።

25 ኢስራኤሌ አሳይ ዛሪዲ፡ «ኤር፡ ኑ አሚና» ጌዲ አፋላ ሚጪዳ፤ አሳይ ኡባይ ባ ዲኢዳ ሃይላ ዎርቃ ሃ ሚጪቴዳ አፋላን ዩጊዳሰ።

26 ሃሲካ ሃራ አሌቆታ፡ ቆዴን አሊዛ ጎዝዳታ፡ ሚዲያሚ ካዎተ ማይኢዛ እቻ ቴራ ሚሳቲዛ ማይኦታኔ ኢስታ ጋሚላታ ቆዴፕ ኤኬቴዳ አሌቆታ ጉጃንታ ጌደኒ ኤኪዳ ሃይላ ዎርቃይ 20 ኪሎ ጊራሚ ጊዲዛዛ።

27 ጌደኒ ዎርቃሬ ኤፋዴ ሚሰሌ ጊግሲዲ ባ ዲዛ ኦፊራ ካታማን ዎሊዳሰ፤ ጉዬፕ ኢስራኤሌ አሳይ ኡባይ ጎዳ አጊዲ ሃ ኤፋዴ ሚሰሌዛሰ ጎይኒዳሰ፤ ጌደኒሲኔ ኢዛ ሶ አሳሰ ሄሲ ኢስታ ኦይኪዛ ናርጸ ጊዲዳሰ።

28 ሃሳ ማላ ሃኒዲ ሚዲያሚ አሳይ ኢስራኤሌ አሳሰ ሃሪቴዳሰ፤ ኢስቲ ኢስራኤሌ አሳ ቦላ ናምኦን፡ ዳንዲቤቴና። ጌደኒ ሸምፖራ ፓጸ ዲዛ ኦይዲ ታሙ ላይሐ ኩሚሐ ቢታይ ዎፓ ዳሚዳሰ።

ጌደኒ ሃይቆ

29 ኢዮአሳ ና ዩሩባአሌ ጌቴተዛ ጌደኒ ባ ሶ ጉዬ ቢዲ ባ ኬላን ዳኢዳሰ።

30 ጌደኒ ጮራ ማጫሳ ኤኪዳ ጊሻሰ ኢዛሰ 70 አቲማ ናይቲ ዳቴሰ።

31 ቃሴ ሴኬሚ ካታማን ዲዛ ላጌላ ማጫሳን ኢዛሰ አቲማ ና ዩሊን ሱንጎ አቢሚሌኬ ጊ ሱንጎዳሰ።

32 ኢዮአሳ ና ጌደኒ ኬሃ ጨሚዲ ሃይቁዳሰ፤ ባ አዎ ኢዮአሳ ዲፎን ሞጌቴዳሰ፤ ሄ ዲፎዚ አቢኤዜሬ ቆሞቲ ዲዛ ኦፊራ ካታማን ዳሰ።

33 ጌደኒ ሃይቁዳፕ ጉዬ ኢስራኤሌ አሳይ ጎዳፕ ጉዬ ሲሚዲ ባአሌ ጌቴተዛ ኤቃ ጸሳታሰ ጎይኒዳሰ፤ ባአሌ-ቢሪታ ባንታሰ ጸሰ ሂሰቲ ጎይኒዳ።

34 ሂሰቲዲ ኢስራኤሌ አሳይ ኢስታ ዩሸን ዲዛ ሞርኬታ ኡባሬ ኢስታ አሺዳ ጎዳ ባንታ ጸሳ ደጊዳ።

35 ቃሴ ጌደኒ ኢስራኤሌ አሳሰ ኦሊዳ ሎኦ ኦሶ ኡባ አኩኮንታ አጊዲ ኢዛ ኬላ አሳሰ ሎኦ ኩሼ ዛሪቤቴና።

9

አቢሚሌኬ

1 ጌደኒ ና አቢሚሌኬይ ሴኬሚ ካታማን ዲዛ ባ አዩይ ዳቦታኮ ቢዲ ኢስታሰኔ ባ አዩይ ቆሞታ ኡባሰ።

2 «አኔ ሴኬሚ ካታማን ዲዛ አሳ ኡባ፡ ሪዶኔ ናይቲ ላፑን ታማቲ ኡባይ አንቴና ሃሪኮ ሎኦ? ዎይኮ ኢሲ አሲ ሃሪኮ ሎኦ?» ጌዲ ኦይቸቴ። ታኒ አንቴሰ አሾ ዳቦ ጊዲዳይሳ ደሳፕቴ» ጌደሰ።

3 ኢዛ አዩይ ዳቦቲ ሃ ቃላ ኡባ ኢዛ ዶና ጊዲዲ ሴኬሚ ካታማ አሳሰ ዮቲዳ፤ አቢሚሌኬይካ ኢስታሰ ዳቦ ጊዲዳ ጊሻሰ ሴኬሚ አሳይ ኢዛ ካላናሰ ቆፋ ቃቸዳሰ።

4 ኢስቲ ባአሌ-ቢሪታ ኤቃ ኬላሬ 70 ሳቂሌ ቢራ ኤኪዲ ኢዛሰ አሚዳ። አቢሚሌኬይ ሃ ቢራን ሹፋርታኔ ቦንቁዛይታ ኦይኪዲ ባና ካላና ማላ ኦሊዳሰ።

5 ኦፊራ ጌቴተዛሶን ዲዛ ባ አዎ ሶ ቢዲ ባ አሻታ፡ ዩሩባአሌ ናይታ ላፑን ታማታ ኢሲ ሹቻ ቦላን ሹኪዳሰ፤ ጊዶ አቲን ጌደኒሰ ዉርሴላ ካሎ ናዚ ኢዮአታሚይ ቆቴቲዲ ሃይቆፕ አቲዳሰ።

6 ሃሳፌ ጉዬ ሴኬሜ አሳይኔ ቤተ-ሚሎ አሳይ ኢሲፌ ሸቂዲ ሴኬሜን ጎይኔተዛ ዛላ ማታን ዲዛ ጌታ ሚላ ጋርሰ ቢዲ ሄን አቢሜሌኬ ካዎላዲ።

7 እያክታሚይ ሄሳ ሲዩ ቢዲ ጋሪዛኔ ዙማ ሁኤ ኬዚዲ ባ ቃላ ቶቁ ሂሰቲዲ። «አንቲኖ ሴኬሜ አሳቶ! አንቲ ታ ገዛይሳ ሲዩዛ ገዲኮ ጸሲ አንቲ ገዛይሳ ሲያና።

8 እሲ ጋላሰ ሚላቲ ኡባይ ሸቂዲ ባንታ ቦላ ካዎ ካዎፋናሰ ቢዲ፤ ሂሰቲዲ ዎጋራ ሚላ። «ሃ ያ፣ ኑ ቦላ ካዎታ» ገዲ።

9 «ገደ አቲን ዎጋራ ሚላይ፣ ታኒ ኤቃ ጸሳታኔ አሳታ ቦንቸሲዛ ታ ዛይቲ አሚዛይሳ አጋዳ ሚላታ ቦላ ካዎቶ?» ገ ዛሪዴሰ።

10 «ሃሳፌ ጉዬ ሚላቲ ባላሴ ጌቲቲዛ ሚላ፣ «ሃ ያ፣ ኑ ቦላ ካዎታ» ገዲ።

11 ገደ አቲን ባላሴ ሚላይ፣ ታኒ ማልአዛ ሎኦ አይፌ አይፊዛይሳ አጋዳ ሚላታ ቦላ ካዎታናሰ ቦ?» ገ ዛሪዴሰ።

12 «ሃሳ ገሻሰ ሚላቲ ዎይኔ ቱራ፣ «ሃ ያ፣ ኑ ቦላ ካዎታ» ገዲ።

13 ገደ አቲን ዎይኔ ሚላይ፣ ታኒ ጸሲኔ አሰ ኡፋይሲዛ ዎይኔ ኡሻ አሚዛይሳ አጋዳ ሚላታ ቦላ ካዎታና ቦ?» ገዴሰ። *

14 «ሃሳ ገሻሰ ወርሴላን ሚላቲ ኡባይ አጉንላ፣ «ሃ ያ፣ ኑ ቦላ ካዎታ» ገዲ።

15 አጉንላይካ፣ «አንቲ ቱማፔ ታና አንቲ ቦላ ካዎፋናሰ ኮይኮ ሃ ዩዲ ታ ኩዋን ሹምፔቲ፤ ሄሳ አንቲ ኢዲኮ አጉንላፌ ታማይ ኬዚዲ ለባናሴ ዚጋታ ዋ!» ገዴሰ።

16 «አቢሜሌኬ አንቲ ካዎላዛይ ቱማቲላኒኔ ሱሬቲላኔ? ጌዶኒ አንቲሰ ኦሊዲይሳ አኬኪዲ አዛሰ አሳሰ ኢዚ አንቲሰ ኦሊዲይሳሰ ሎኦ ኩሹ ዛሪዴቲ?»

17 ታ አዎይ አንቲሰ ኦሊቲዲይሳ አኬኪቲ፤ ሚዲያሜ አሳፔ አንቲና አሻና ገዲ ባ ሹምፖ ሃይቆሰ አላ አሚዴሰ።

18 ገደ አቲን አንቲ ሃቶ ታ አዎ ሶ አሳ ቦላ ዴንዲዲ 70 ኢዛ ናይታ ኢሲ ሹቻ ቦላ ሹኪዴታ፤ ጌዶኒ አይሌይፌ ዩሊዳ አቢሜሌኬይ አንቲሰ ዳሶ ገዲዳ ገሻሰ ሴኬሜን ካዎሲዴታ።

19 ሃኢ ሲማ ጌዶኒሲኔ ኢዛ ኬላ አሳታሰ አንቲ ኦሊዳ ኦሶይ ቱማቲላኒኔ ሱሬቲላን ገዲኮ አቢሜሌኬራ ኢሲፌ ኡፋይቲቲ፤ ኢዚካ አንቲናራ ኡፋይቶ።

20 ሃሳላ ገደንታ አገኮ አቢሜሌኬፌ ታማይ ኬዚዲ ሴኬሜ አሳኔ ቤተ-ሚሎ አሳ ሞ፤ ሃሳላካ ሴኬሜ አሳፔኔ ቤተ-ሚሎ አሳፔ ታማይ ኬዚዲ አቢሜሌኬ ሞ» ገዴሰ።

21 እያክታሚይካ ባ አሻ አቢሜሌኬሰ ያዩዳ ገሻሰ ባቃቲዲ ቢኤራ ጌቲቲዛሶ ቢዲ ሄን ኡቲዴሰ።

22 አቢሜሌኬይ ኢሰራኤሌ ቢታን 3 ላይሳ ካዎቲዴሰ።

23 ሃሳፌ ጉዬ ጸሲ አቢሜሌኬሲኔ ሴኬሜ አሳ ገደን ኢታ አያና ከቲዴሰ፤ ሴኬሜ አሳይካ አቢሜሌኬ ቦላ ማካሊ ዴንዲዴሰ።

24 ጸሲ ሄሳ ኦሊዳይ አቢሜሌኬይ ላፑን ታሙ ባ አሻታ ዎዲዳ ገሻሲኔ ኢዚ ኢሰታ ሱላ ጉሳና ማላ ሴኬሜ አሳይ ኢዛ ሚንሌላዳ ገሻሰ ሃሎ ኬሳናሳ።

25 ሴኬሜ አሳይ አማርዳ አሳ ደራዲ ዙማ ሁኤን አቢሜሌኬ ዎፋናሰ ዛማዲ ኡታና ማላ ኦሊዴሰ፤ ሄ ኡቲዴይቲ ኦጌራ ካንሌዛ አሳ ኡባ ቦንቁዳ፤ አቢሜሌኬይካ ሄሳ ኡባ ሲዩዴሰ።

26 ሃሳፌ ጉዬ ኤቤዴ ና ጋኦሌይ ባ አሻታራ ሴኬሜ ዩዴሰ፤ ሴኬሜ አሳይካ ኢዛን አማኔቲዴሰ።

27 ኡባይካ ባ ጋዴ ጋዴ ቢዲ ዎይኔ ቲራ ማዲዳ፤ ዎይኔ ኡሻ አገዲ ጌታ ባኦሌ ቦንቹዳ፤ ባንታ ኤቃ ኬላ ጌሊዲ ሄን ሚሼኔ ኡዩሹ አቢሜሌኬ ጫዩዳ።

28 ኤቤዴ ና ጋኦሌይ ሴኬሜ አሳሰ፣ «አቢሜሌኬይ ኢዚ ኦኔ? ኑ ሴኬሜ አሳይ ኢዛሰ አዛሰ ሃራቲዛኒ? ኢዚ ጌዶኔ ናኔ ኢዛሰ ኦሳ አሳ ካሌላዛይ ዩራባኦሌ ገዴኔ? ሂሰቲን ኔኒ ኢዛሰ አዛሰ አዛዜታኔ? ሃራቲዛ ገዲኮ ሴኬሜ አዎ ኤሞሬሰ ሃራታና።

29 ሃ አሳ ካሌላዛይ ታና ገዲዳኮ ታኒ አቢሜሌኬ ዲጋናኮሺን። አቢሜሌኬ ጸይጋዳ፣ «ኔ ኦላንቻታ ዳርሳ ኤካዳ ኦሌታናሰ ሃ ያ፣ ጋዳ ዮታናኮሺን!» ገዴሰ።

30 ኤቤዴ ና ጋኦሌይ ገዲ ማላ ካታማ ሃሪዛ ዛቡሌይ ሲዩዳ ማላ ኬሂ ሃንቁቲዴሰ።

31 ሃሳፌ ጉዬ አቢሜሌኬኮ አሰ ጉዬራ ከቲዲ፣ «ኤቤዴ ና ጋኦሌይኔ ኢዛ አሻቲ ሴኬሜ ዩዲ ካታማን ዲዛ አሳ ኔ ቦላ ዴንሌሌቲሰ።

32 ሃሳ ገሻሰ ኔኒኔ ኔናራ ዲዛ አሳይ ኦማርሳራ ዴንዲዲ ጌዴ ካራ ኬዚዲ ገማሶን ዛማዲ ናጌቲ።

33 ዎንቶ ማላዳ አርሼይ ሞኪሺን ኢሰቲ አኬኮንታ ካታማ ዎራጂቲ፤ ጋኦሌይኔ ኢዛራ ዲዛ አሳይ አንቲና ኦላናሰ ኬዚዛ ዎዴ አንቲሰ ዳንዳዬቲዳ ማላ ሚኒዲ ኦሌቲቲ» ገዴሰ።

34 አቢሜሌኬይኔ ኢዛራ ዲዛ አሳይ ኡባይ ኦማርሰ ዴንዲዲ ሴኬሜፔ ካራራ 4 ቡቲን ሻኬቲዲ ዛማዲ ኡቲዳ።

35 አቢሜሌኬይኔ ኢዛራ ዲዛ አሳይ ኤቤዴ ና ጋኦሌይ ኬዚዲ ካታማ ጌሊዛ ፔንጌን ኤቁዳይሳ ቤኢዲ ቆቲቲዳ ሶሆፔ ኬዚዳ።

36 ጋኦሌይ አሳ ቤኢዳ ዎዴ ዛቡሌ፣ «ጸላ! አሳይ ዙማ ሁኤፔ ዎዴላ ቦላ ዴሰ» ገዴሰ። ዛቡሌይካ፣ «ሃይቲ አሰ ገዴቲና፤ ዙማታ ኤሾይ አሳ ሚሳቲዛይሳ ቤኦዳ ጋሳ» ገዲ ዛሪዴሰ።

37 ጋኦሌይ ቃሴካ፣ «ጸላ! አሳይ ዙማሰ ገደ አዳራ ዲጌ ዎዴላን ዴሰ፤ ሃራ ቡቲይ ቃሴ ሙራኖ ዎላ ጌቲቲዛሰራ ዩሰ» ገዴሰ።

38 ሃሳ ገሻሰ ዛቡሌይ ጋኦሌ፣ « ነኒ ኢዛሰ ሃራታናሰ አቢሜሌኬይ ኦኔ?» ገዳ ኔ ደናይ ሃኢ አዎ ቢዴ? ሃይቲ ኔኒ ካዲዳ አሳታ ገዴቲኔ? ሃኢ ኬዛዳ ኢሰታራ ኦሌታ!» ገዴሰ።

39 ጋኦሌይ ሴኬሜ አሳ ካሌላ ኬዚዲ አቢሜሌኬራ ኦሌቲላ ኦይኪዴሰ።

40 አቢሜሌኬይ ዩዴላን ጋኦሌይ ባቃቲዴሰ፤ ካታማ ጌሊዛ ፔንጌ ጋካናሰ ዳሮቲ ጫዴቲዲ ኩንዲዳ።

41 አቢሜሌኬይ አራማን ዴኢዴሰ፤ ዛቡሌይ ገዲኮ ጋኦሌኔ ኢዛ አሻታ ሴኬሜፔ ጎዴሬላ ኬሲዴሰ።

42 ዎንቲላ ጋላሰ ሴኬሜ አሳይ ባ ጎሻሶ ጎሻሶ ኬዚዳይሳ አቢሜሌኬይ ሲዩዴሰ።

43 ሃሳፌ ጉዬ ባ አሳ ካሌላ ኬዚዴሰ፤ አሳካ 3 ቡቲን ሻኪዲ ገማሶን ዛማዲ ናጋና ማላ ኦሊዴሰ፤

* 9:13 እሲ እሲ ገሻ ማጻፋ ቢርሼላታን ጸሲ ገዛይሳ ጸሳቲ ጌሰ።

9:13 ዛሪ 18:4

ሴኬሜ አሳይካ ካታማፔ ከዚህይሳ በኢዲ ኢስታ ዎዳናሰ ቆቴቲዳሶፔ ከዚዳ።

44 አቢሜሌኬይኔ ኢዛራ ዲዛ ቡቴይ ሲንሐ ዎጺ ቢዲ ካታማ ጌሊዛ ፔንጌን ኤቁዳ፤ አቲዳ ናምኡ ቡቴቲ ጎሻሶን ዲዛ አሳ ኡባ ዎዳዳ።

45 ጋላሳ ኩሜሐ አቢሜሌኬይ ካታማ አሳራ ኦሌቲዲ ካታማዮ ኦይኪዳሰ፤ ሄን ዲዛ አሳ ኡባ ዎዳ ወርሲዳሰ፤ ካታማዮካ ላሊዲ ኢዚን ማጺኔ ዜሪዳሰ።

46 ሴኬሜ ገምቤ ገደን ዲዛ አሳይ ኡባይ ሄሳ ሲዩዲ ኤሊ-ቢሪታ ጌቴቲዛ ኤቃ ጸሳ ከላይ ዲዛሰ ማጺ ገደ ጌሊዳሰ።

47 ኢስቲ ሄ ሶሆን ሸቁዳይሳ አቢሜሌኬይ ሲዩዲ፤

48 ኢዚኔ ኢዛራ ዲዛ አሳይ ኡባይ ጸልሞኔ ጌቴቲዛ ዙማ ቦላ ፑዳ ከዚዳ፤ አቢሜሌኬይ ካልታ ኤኪዲ ማላ ታሹ ቃንጺዲ ባ ሃሽን ቶኪዳሰ፤ ባናራ ዲዛ አሳታካ፡ «ታኒ ኦሊሽን በይዳይሳ ኢንቴካ ኤሶን ሃኢ ኦሊቴ» ገደሰ።

49 አሳይ ኡባይካ ማላ ታሹ ቃንጺ ኤኪዲ አቢሜሌኬ ካሊዳሰ፤ ሄ ታሹታ ማጺ ፔንጌ ቦላ ኮሪዲ አሳይ ኢዛ ገደን ዲሽን ታማ ኦይላዳ፤ ሄሳ ገሻሰ ማጺ ገደን ዲዛ አሳይ ኡባይ ሃይቁ ወሪዳሰ፤ ሄን ሃይቁዳ አቲማ አሳኔ ማጫሳ ቆዳይ 1,000 ገዳና።

50 ሃሳፌ ጉዬ አቢሜሌኬይ ቴቤሴ ጌቴቲዛ ካታማ ቢዲ ካታማ ገደላ ኦይኪዳሰ።

51 ሄ ካታማ ገደን ኢዛ ቦላ ኡቲዲ ናጊዛ ኢሲ ገታ ገምቤይ ዳሰ። ካታማ አሳይ ኡባይ፣ ማጫይ፣ አዳይ፣ ካሌላዳይታራካ አቶንታ ሄ ገምቤዛኮ ሄ ዎጺ ቢዲ ኢዛ ገደ ጌሊዳ፤ ፔንጌ ጎርዲዲ ፑዳ ገምቤዛ ቦላ ከዚዳ።

52 አቢሜሌኬይ ኦሌቲሽ ገምቤዛኮ ጋኪዲ ኢዛ ታማን ጸጋናሰ ገምቤዛ ፔንጌ ሸቁዳሰ።

53 ገደ አቲን ኢሲ ማጫሳያ አቢሜሌኬ ሁኤን ዎጺ ማይዳ ጌንዳርሳ ኦላዳ ኢዛ ሁኤዛ ፖንኩ ሂሰታ ጳልቃ ዩጋዳሰ።

54 ኢዛ ጎንዳሌ ኦይኪ ካሊዛ ናቴላዛ ኤሶን ጸይጊዲ፡ «ታና አሲ፣ ሲዛ ማጫሲ ዎዳዳሰን ጎንታ ማላ ኔ ገላ ማሻ ኮሆፔ ሾዳዳ ታና ዎዳ» ገደሰ፤ ሄ አይሌዚካ ጫዲን ኢዚ ሃይቁዳሰ።

55 ኢሰራኤሌ አሳይ ኡባይ አቢሜሌኬይ ሃይቁዳይሳ በኢዲ ባ ሶ ባ ሶ ቢዳሰ።

56 አቢሜሌኬይ ባ አሻታ ላፑን ታማታ ዎዳዲ ባ አዎ ቦላ ኦሊዳ ጎሜዛ ጸሲ ኢዛ ቦላ ዛሪዳሰ።

57 ሃሳንካ ጸሲ ሴኬሜ አሳ ኢታቴሐ ኡባ ኢስታ ቦላ ዛሪዳሰ፤ ሄሳ ማላን ሃኒዲ ዩሩባኦሌ ና ኢዮኦታሜይ ቃንጊዳ ቃንጌላ ኢስታ ቦላ ጋኪዳሰ።

10

ቶላ

1 አቢሜሌኬይ ሃይቁዳፔ ጉዬ ዶዳ ናዛ ፑዎ ና ቶላይ ኢሰራኤሌ አሻናሰ ዳንዲዳሰ። ኢዚ ዩሳኮሪ ዛሪፔ ገዲሽ ኤፍሪሜን ቦላ ጌዜን ሻሚሪ ጌቴቲዛሰን ዳኢዳሰ።

2 ቶላይ 23 ላይሐ ጋካናሰ ኢሰራኤሌ ዳራ ካሌላዳሰ፤ ሄሳፌ ጉዬ ቶላይ ሃይቁዲ ሻሚሪን ሞጌቲዳሰ።

ያኢሪ

3 ቶላፔ ካሊዲ ጋላኦ ዳሬ አሰ ያኢሪይ ዳንዲዳሰ፤ ኢሰራኤሌ አሳ ናምኡ ታማኔ ናምኡ ላይሐ ጋካናሰ ሄሚዳሰ።

4 ኢዛሰ 30 ሃሪታ ቶጊዛ 30 አቲማ ናይቲ ዳቴሰ፤ ኢስታሰ ጋላኦ ቢታን 30 ካታማቲ ዳቴሰ፤ ሄ ካታማቲ ሃቶ ጋካናሰ ያኢሪ ካታማታ ጌቴቲ ጸይጌቴቲሰ። *

5 ያኢሪይ ሃይቁዲ ቃሞኔን ሞጌቲዳሰ።

ኢሰራኤሌ አሳይ ሃኢካ ጸሳ ቦላ ማካሊዳሰ

6 ኢሰራኤሌ አሳይ ጎዳ ሲንላን ቃሴካ ኢታ ሚሽ ኦሊዳሰ፤ ኢስቲ ባኦሌኔ አሰታሮቴ ጌቴቲዛ ኤቃ ጸሳታሲኔ አራሜ ጸሳታሰ፣ ሲዶና ጸሳታሰ፣ ሞኦቤ ጸሳታሰ፣ አሞኔ ዳሬ ኤቃ ጸሳታሲኔ ፊሊሰጾሜ ጸሳታሰ ጎይኒዳ። ኢስቲ ባንታ ጎዳሰ ጎይኒዳይሳ አገዳ።

7 ሄሳ ገሻሰ ጎዳይ ኢሰራኤሌ አሳ ቦላ ሃንቁቲዲ ኢስታ ፊሊሰጾሜ አሳታሲኔ አሞኔ አሳታሰ አላ ኢሚዳሰ።

8 ሄ ላይሐ ኢሰራኤሌ አሳ ኢስቲ ቆሃዳኔ ዎዩቺዳ። ዮርዳኖሴ ሻፋፔ ሄ ፒንሐ ኦርሼይ ከዚዛ ባጋን አሞራቲ ካሴ ዳኢዳ ጋላኦ ቢታን ዳኢዳ ኢሰራኤሌ አሳ ኡባ ኢስቲ 18 ላይሐ ዎዩቺዳ።

9 አሞኔ አሳይ ቃሴካ ዩሁዳ፣ ቢኒያሜኔ ኤፍሪሜ ዛሪታ ኦላናሰ ዮርዳኖሴ ሻፋ ፒኒዳ፤ ሄሳ ገሻሰ ኢሰራኤሌ አሳይ ከሄ ጩጩዳሰ።

10 ሃሳፌ ጉዬ ኢሰራኤሌ አሳይ፡ «ኑኒ ኔና ኑ ጸሳ አገዲ ባኦሌ ኤቃታሰ ጎይኒዲ ኔና ቆሃዳሰ» ገዲ ጎዳሰ ዋሲዳ።

11 ጎዳይካ ኢስታሰ፡ «ገብጾቲ፣ አሞራቲ፣ አሞኔቲ፣ ፊሊሰጾሜቲ፣

12 ሲዶናቲ፣ አማሌቁቲኔ ማኦኔ ዳሬ አሳቲ ኢንቴና ኡንኤሊን ታኮ ዋሲዳታ፤ ሂሰቲን ታኒ ኢንቴና ኢስታ ኩሽፔ አሻቤከና?

13 ገደ አቲን ኢንቴ ታና አገዲ ሃራ ጸሳታሰ ጎይኒዳታ፤ ሄሳ ገሻሰ ታኒ ኢንቴና ሙሊካ አሽኬ።

14 ቢዲ ኢንቴ ዶሪዳ ጸሳታሰ ዋሲቲ፤ ኢንቴ ሜቶቲዳ ዎዳ ኢስቲ ኢንቴና አሽቶ» ገዲ ዛሪዳሰ።

15 ገደ አቲን ኢሰራኤሌ አሳይ ዛሪላዲ ጎዳ ጸሳ፡ «ኑኒ ናጋራ ኦሊዳሰ፤ ሃቺሮ ኑና አሻዳ ኔ ዶሪዳ ኑ ቦላ ኦላ» ገደሰ።

16 አላጋ ጸሳታ ባ ገደፌ ዲገዲ ጎዳሰ ጎይኒዳ፤ ኢስታ ዎዩዛ በኢዲ ጎዳይ ጮኡ ገ አጋናሰ ዳንዲይቤና።

17 ሃሳፌ ጉዬ አሞኔ ዳሬ ኦላንቻቲ ኦላሰ ጊጌቲዲ ጋላኦዳን ዳንካኒዳ፤ ኢሰራኤሌ አሳይካ ኢሲፌ ሸቁዲ ጋላኦዳን ሚጺጸ ጌቴቲዛሰን ዳንካኒዳሰ።

18 ጋላኦ ቢታ አሳይኔ ሃላቃቲ ባንታ ገደን፡ «አሞኔ ዳሬ ኦላንቻታራ ኮይሮ ቢዲ ኦላ ኦይኬታናይ ኦኔ? ኢዛዳይ ጋላኦ ቢታን ዲዛ አሳ ኡባ ቦላ ሃላቃ ገደ» ገደ።

11

ዮፍታሃ

9:53 2ሳሜ 11:21 * 10:4 ኢሰራኤሌ ቢታን ጎባ ዎይኮ ሚና አሳቲ ሃሪ ቶጌቲሰ።

1 ኢሲ ላይማ ማጫሳይፌ ዩሌተዳ ጋላኣዳ ዳሬ ኣሰ ዮፍታሄይ ሚኖ ኦላንቻ፤ ኢዛ ኣዋይ ጋላኣዳ ጌቲቲ።

2 ጋላኣዳይ ኮይሮ ኤኪዳ ማቺያካ ኢዛሰ ኣቲማ ናይታ ዩላዲሰ፤ ኢሰቲ ዲጪ ጋኪዳ ዎይ ባንታ ኢሻ ዮፍታሄ፡ «ኔኒ ላይማ ማቺ ና ጊዲዳ ጊሻሰ ኦ ኣዋ ኣቆታፔ ኣይኮካ ላታካ» ጊዲ ሶፔ ኬሲ ጎዲዳ።

3 ሄሳ ጊሻሰ ዮፍታሄይ ባ ኢሻታፔ ባቃቲዲ ጸባ ጌቲቲዛ ቢታን ዳኢዳሰ፤ ኢዚ ሄን ዲሺን ኣማርዳ ዎማሌ ኣሳቲ ኢዛኮ ሸቂዲ ኢዛ ካሊዳ።

4 ጉላ ዎዴፔ ጉዬ ኣሞኔ ዳሬ ኣሳይ ኢሰራኤሌ ኣሳ ኦላ ኦይኪዳሰ።

5 ኣሞኔ ዳሬ ኣሳይ ኢሰራኤሌ ኣሳራ ኦሌተዳ ዎይ ጋላኣዳ ቢታ ጪማቲ ጸባ ቢታፌ ዮፍታሄ ዛሬ ኤሃናሰ ቢዳ።

6 ኢሰቲ ኢዛ፡ «ሃ ያ! ኣሞኔ ዳሬ ኣሳታ ኦኒ ኦላና ማላ ኦና ካሌላ» ጊዳ።

7 ዮፍታሄይ ጋላኣዳ ጪማታ፡ «ታና ኢዲዲ ታ ኣዋ ኬላፌ ዩዳሊዳይ ኢንቲና ጊዳኬቲ? ሃኢ ሚቶይ ኢንቲና ጋኪዳ ጊሻሰ ታኮ ዩዳቲ?» ጊዳሰ።

8 ጋላኣዳ ጪማቲ ኢዛ፡ «ሃኢ ጊዲኮ ኦኒ ኔኮ ሰሚዶሰ፤ ጋሶይካ ኔኒ ኦናራ ባዳ ኣሞኔ ዳሬ ኣሳ ኦላና ማላኔ ጋላኣዳ ኣሳ ኡባ ቦላ ኔኒ ሃላቃ ጊዳና ማላ ኦኒ ኮዮሰ» ጊዳ።

9 ዮፍታሄይ፡ «ኣሞኔታራ ኦሌታናሰ ኢንቲ ታና ጉዬ ሶ ዛሪን ጎዳይ ኢሰታ ታ ኩሼን ኣሌ ኢሚኮ ቱሙ ኢንቲ ታና ሃላቃሳ?» ጊ ኦይቺዳሰ።

10 ጋላኣዳ ጪማቲ ዮፍታሄሰ፡ «ጎዳይ ኦ ጊዳን ማርካ! ኔኒ ጊዛይሳ ቱሙ ኦኒ ኦላና» ጊዲ ዛሪዳ።

11 ሄሳ ጊሻሰ ዮፍታሄይ ጋላኣዳ ጪማታራ ቢዳሰ፤ ዳሬዚካ ኢዛ ባ ቦላ ሃላቃኔ ባና ኣዛዚዛዳ ሂሰቲ ሹሚዳሰ፤ ዮፍታሄይ ሚጸጸን ጎዳ ሲንላን ሃ ዮኦ ኡባ ኤኮይሳ ዛሬ ቆንጪሲዳሰ።

12 ሄሳፌ ጉዬ ዮፍታሄይ ኣሞኔ ዳሬ ኣሳታ ካዎዛኮ ኣሰ ከቲዲ፡ «ኔኒ ኦ ዳራ ቦላን ዎራጂዳይ ኔሳራ ኦሳራ ኣይ ኦሺ ዳኔ?» ጊዲ ኦይቺሲዳሰ።

13 ዮፍታሄይ ከቲዳ ኣሳታሰ ኣሞኔ ዳሬ ካዎይ ዛሪዳ፡ «ኢሰራኤሌ ኣሳይ ጊብጾ ቢታፌ ኬዚዳ ዎይ ኣርኖኔ ሻፋፔ ደሚዲ ያቦቁ ሻፋ ጋካናሰ ቃሴ ዮርዳኖሴ ሻፋ ጋካናሰ ዲዛ ታ ቢታ ኤኪዳሰ፤ ሃኢ ታ ቢታ ሳርን ዛሪቲ» ጊዳሰ።

14 ዮፍታሄይ ናሞኣንላ ዛሪዲ ኣሞኔ ዳሬ ካዎኮ ኣሰ ከቲዳሰ።

15 «ኢሰራኤሌ ኣሳይ ሞኣቤ ቢታ ዎይኮ ኣሞኔ ቢታ ኤኪዳሰ።

16 ኢሰራኤሌ ኣሳይ ጊብጾ ቢታፌ ኬዚዳ ዎይ ባዙራ ካንሌ ቢዲ ዙኦ ኣባ ጋኪዳሰ፤ ሄሳፌ ቃሴ ቃዳሴ ጌቲቲዛሶ ዩዳሰ።

17 ኢሰራኤሌ ኣሳይ ኤደሚ ቢታ ካዎኮ ኣሰ ከቲዳ፡ «ኔ ቢታራ ኦና ኣላርኪ!» ጊዳሰ፤ ጊዳ ኣቲን ኤደሚ ካዎይ ኣላንታ ኢዲዳሰ፤ ሄሳ ጊሻሰ ኢሰራኤሌ ኣሳይ ቃዳሴን ጋሞኢዳሰ።

18 ሄሳፌ ጉዬ ባዙራ ካንሌዲ ኢሰቲ ኤደሚኔ ሞኣቤ ቢታታ ዩዲዲ ሞኣቤ ቢታፌ ኣርሼይ ሞኪዛ ባጋራ ዩዳ፤ ኣርኖኔ ሻፋፔ ሄ ፒንላ ባጋራ ዲዛ ሶሆን

ዲንካኒዳ፤ ጊዳ ኣቲን ኣርኖኔ ሻፋይ ሞኣቤ ዛዋ ጊዲዳ ጊሻሰ ሄ ዛዋ ፒኒቤቲና።

19 «ሄሳፌ ጉዬ ኢሰራኤሌ ኣሳይ ሃሴቦኔ ጌቲቲዛ ካታማን ዲዛ ኣሞሬታ ካዎ ሲሆኔኮ ኣሰ ከቲዳሰ፤ ኢሰታሰ፡ «ዎይ ኔና ኔ ዳሬራ ኦ ኣቂ ባና ማላ ኦና ዲጎፋርኪ!» ጊዳ።

20 ጊዳ ኣቲን ሲሆኔይ ኢሰራኤሌ ኣሳይ ኣቂ ቦንታ ማላ ዲጊዳሰ፤ ኢዚ ባ ኦላ ኣሳ ኡባ ሺሺዲ ያሃጾ ጌቲቲዛሰን ዲንካኒዲ ኢሰራኤሌ ኣሳራ ኦላ ኦይኬቲዳሰ።

21 ጎዳ ኢሰራኤሌ ጸሳይ ሲሆኔኔ ኢዛ ዳራ ኡባ ኢሰራኤሌ ኣሳ ኩሼን ኣሌ ኢሚን ኢሰቲ ጸኒዳ፤ ሄን ዳኢዳ ኣሞሬ ዳሬ ኡባ ላቲዳ።

22 ኣርኖኔ ሻፋፔ ቢዲ ያቦቁ ሻፋ ጋካናሰኔ ባዙፌ ቢዲ ዮርዳኖሴ ሻፋ ጋካናሰ ዲዛ ኣሞሬታ ዳራ ኡባ ላቲዳ።

23 ሄሳ ማላ ኦሌዲ ጎዳ ኢሰራኤሌ ጸሳይ ኣሞሬ ዳሬ ኣሳ ባ ዳሬ ኢሰራኤሌ ሲንላፌ ዩዳሊዲ ቆይሲዳሰ፤ ሂሰቲን ኔ ዛራ ኤካናሰ ኔሰ ኣይ ዎልቃይ ዲዜ?

24 ኔሰ ኔ ጸሰ ካሞሼይ ኣሚዛይሳ ኤካዳ ሹምፓ ኡቲኪ? ኦኒ ጊዲኮ ጎዳ ኦ ጸሳይ ኦሰ ኣሚዳይሳ ኡባ ላታና።

25 ሂሰቲን ኔኒ ጸፖራ ና ሞኣቤ ካዎ ባላቁፔ ሚናይ? ኢዚ ኢሰራኤሌ ኣሳራ ኦይቲዳ? ዎይኮ ኦሌቲዳ?

26 ኢሰራኤሌ ኣሳይ ሃሴቦኔኔ ሄ ሄራ፡ ኣርኤሬኔ ሄ ሄራ፡ ኣርኖኔ ሻፋ ማታን ዲዛ ካታማታ ኡባ ላቲዲ 300 ላይሌ ዳኢዳሰ፤ ሂሰቲን ሄ ዎይ ኣይሰ ዛሬ ዎሌ ኤኪቤኬቲ?

27 ታኒ ታ ባጋራ ኢንቲና ኣይኮካ ቆሃቤኬ፤ ጊዳ ኣቲን ታና ኦላ ኦላዳ ቆሃናሰ ዳንዲዳይ ኔና፤ ፒርዲዛ ጎዳይ ሃቕ ኢሰራኤሌ ኣሳሰኔ ኣሞኔ ኣሳሰ ጊዳን ፒርዲ» ጊዳሰ።

28 ኣሞኔ ካዎይ ጊዲኮ ዮፍታሄይ ከቲዳ ከታ ቆዳን ዩጊቤና።

29 ሄ ዎይ ጎዳ ኣያናይ ዮፍታሄ ቦላ ዎቂን ጋላኣዳይ ሚናሴ ዳሬ ካንሌዲ ጋላኣዳ ቢታን ዲዛ ሚጸጸራ ኣቂ ቢዲ ኣሞኔ ዳሬ ቦላ ዎራጂዳሰ።

30 ጎዳሰ፡ «ኔኒ ኣሞኔታ ታ ኩሼን ኣላ ኢሚኮ፡

31 ታኒ ኦላን ጸናዳ ሶ ሲሚዛ ዎይ ታሶፔ ታና ሞካናሰ ኮይሮ ኬዚዛ ኣይ ኣሰካ ጊዲን ኢዛ ኔሰ ጸጌቲዛ ያርሾ ሂሰታ ሸሻና» ጊዲ ኣዲኔቲዳሰ።

32 ሄሳፌ ጉዬ ዮፍታሄይ ኣሞኔታ ኦላናሰ ዛዋ ፒኒ ቢዳሰ፤ ሂሰቲን ጎዳይ ኢሰታ ኢዛ ኩሼን ኣሌ ኢሚዳሰ።

33 ኣርኤሬፔ ደሚዲ ሚኒቲ ሄራኒኔ ኢዛፔ ኣቂዲ ኣቤሊ-ኬራሚማ ጋካናሰ ዲዛ ናሞኦ ታሙ ካታማታ ኦሊ ቆይሲዳሰ፤ ኣሞኔ ዳሬ ኣሳይካ ኢሰራኤሌታሰ ሃሬቲዳሰ።

ዮፍታሄ ናዮ

34 ዮፍታሄይ ሚጸጸን ዲዛ ባሶ ሲሚ ዩዛ ዎይ ኮይሮታዳ ኢዛ ናያ ካራቤ ባቃ ዩጸሼኔ ዳራሼ ኢዛ ሞካናሰ ኬዛዳሰ፤ ኢዚፔ ኣቲን ሃራ ናይ ኢዛሰ ባዎ።

35 ኢዚ ኢዛ ቤኢዳ ማላ ባ ማይኦ ዳኪዲ፡ «ታ ናዬ ሃና ፖራ ሂሰቶይን! ታና ፓላን ጋላዳሳ! ታና

ሜቶን ይጋደሳ! ታኒ ጎዳስ ጋላና ጋዳ አዲና አዲነታዲስ፤ ሄ አዲና ጋላንታ አጋናሰ ዳንዳይኬ!» ጊዲ ዋሲዳስ።

36 ናያ፡ «ታ አዋወ! ኔኒ ጎዳሰ አዲና አዲነታዳ ጊዲኮ ጎዳይ ኔ ሞርኬ አሞኔ ዳራ ቦላ ኔ ሃሎ ኬሲዳ ጊሻሰ ኔኒ ቃላ ጌሊዳይሳ ታ ቦላ ፖላ!» ጋዳሰ።

37 ቃሴካ ኢዛ ባ አዋሰ፡ «ታሰ ኢሲ ሚሽ ኦላርኪ! ታኒ ሙሉራ አዚና ጌላና ዳንዳዮንታ ጊሻሰ ታ ላጌታራ ባዳ ዙማታ ቦላ ታ ጌላኦቲላሰ ዩያ ዩያ ዩካና ማላ ናሞኡ አገናሰ ታና ዩዳርኪ!» ጋዳ ኦይቻዲስ።

38 ኢዚካ፡ «ባ!» ጊዲ ናሞኡ አገናሰ ዩዲዳስ፤ ኢዛ ባ ላጌታራ ዙማ ሁኔ ኬዛዳ ባ ጌላኦቲላሰ ኢሰታራ ዩካዲስ።

39 ናሞኡ አገናፔ ጉዬ ባ አዋኮ ሲማ ያዲስ፤ ኢዚካ ጎዳሰ ባ አዲነታዳ አዲና ጋላዳስ፤ ኢዛ ሙሉካ አዚና ጌሎንታ አታዲስ።

40 ሄ ዋዴፔ ደሚዲ ኢሰራኤሌታ ናቴላ ማጫ ናይቲ ላይላን ላይላን ኦይዲ ጋላሰ ባንታ ሶፔ ሃኪ ቢዲ ጋላኦዳ ዳራ ዮፍታሄ ናይሰ ሚሹቲ ዩሆይ ሎሴ ጊዲዳስ።

12

ዮፍታሄኔ ኤፍሪሜ ዳራ አሳ

1 ኤፍሪሜ ዳራ አሳይ ኦላሰ ባና ጊጌቲዲ ዮርዳኖሴ ሻፋ ፒኒዲ ጸፎኔ ጌቲቲዛ ካታማ ጋኪዳ ዋዴ ዮፍታሄሰ፡ «አሞኔታ ኦላናሰ ዛዋ ፒናዳ ባሼ ኔናራ ባና ማላ አይሰ ኦና ጸይጋቤኪ? ሄሳ ጊሻሰ ኦኔ ኔ ኬላ ኔ ቦላ ጎርዲዲ ታማን ጸጋና» ጊዲ።

2 ዮፍታሄይ ኢሰታሰ፡ «ታኔ ታ አሳይ አሞኔ ዳራ አሳታራ ኬሂ ኦይቲዳ ዋዴ ታኒ ኢንቴና ጸይጋዲሰ ሽን ኢንቴ ታና ኢሰታፊ አሺቤኬታ።

3 ኢንቴ ታና አሽንታይሳ ኤሪዳ ጊሻሰ ታ ሸምፖሰ ቃዴቶንታ ዳሼ አሞኔታ ኦላናሰ ኢሰታ ዛዋ ፒና ባዲሰ፤ ጎዳይ ኢሰታ ታ ኩሼን አላ ኢሚዳስ። ሂሰቲን ኢንቴ ሃኢ አይሰ ታና ኦላናሰ ዩዳቲ?» ጊዲ።

4 ኤፍሪሜ አሳይ ካሴ ኢሰታሰ፡ «ኢንቴ ጋላኦዳን ዲዛ አሳቲ ካሴ ኤፍሪሜ ዛሬታፔኔ ሚናሴ ዛሬታፔ ካዲ ቤቲዲ ዩዳይታፔ አቲን ሃራታ ጊዴኬታ» ጊ ሚሪዛ ጊሻሰ ዮፍታሄይ ጋላኦዳ አሳ ኡባ ሺሺዲ ኤፍሪሜ አሳራ ኦላቲዳስ፤ ሂሰቲን ጋላኦዳ አሳቲ ኦላ ጸኒዳ።

5 ኤፍሪሜ አሳይ ባቃቶንታ ማላ ዮርዳኖሴ ሻፋ ፒኒዛ ፑርዳ ኡባ ጋላኦዳቲ ኦይኪዳ፤ ባቃታናሰ ኮይዛ ኤፍሪሜ ዳራ አሲ ኦኔኔ ፒናናሰ ኦይቸዛ ዋዴ ጋላኦዳቲ፡ «ኔኒ ኤፍሪሜ አሴ?» ጊ ኦይቸቲስ። ሄ ኦይሸቲዳዳይካ፡ «አካይ» ጊ ዛሪኮ።

6 «አኔ፡ ለሺቦሌቲ» ጋ» ጌቲስ። ጊዳ አቲን ኢዚ፡ «ሺ» ጊዛ ፒዳሌ ሎኤላ ጸይጋናሰ ዳንዳዮንታ ጊሻሰ፡ «ሲቦሌቲ» ጌሰ፤ ሄ ዋዴ ኢዛ ኦይኪዲ ዮርዳኖሴ ሻፋ ፒኒዛ ፑርዳ ቦላ ዋዳዳ፤ ሄ ዋዴ ሄን ኤፍሪሜ አሳፔ 42,000 አሳይ ሃይቁዳስ።

7 ዮፍታሄይ ኢሰራኤሌ አሳ ቦላን ኡሱፑን ላይላ ኩሚላ ዳናቲዳስ፤ ሄሳፊ ጉዬ ዮፍታሄይ ሃይቁዲ ባ ዳራ ጋላኦዳን ዲዛ ካታማታፔ ኢሳን ሞጌቲዳስ።

ኢብጻኔ

* 13:5 ናዚራዌ፡ ናዚራዌ ጉሲ ጸሳሰ ዲማቲዳዛ ዋይኮ ጌሽ ጉሳ።

8 ዮፍታሄፔ ካሊዲ ቤቴሊሃሜ አሰ ኢብጻኔይ ኢሰራኤሌ አሳ ቦላ ፒርዲዛ ዳና ጊዲዳስ።

9 ኢብጻኔስ 30 አቱማ ናይቲ፤ 30 ማጫ ናይቲ ዳቲስ፤ ኢዚ ባ ማጫ ናይታ ባ ቆሞ ጊዳንታ አቱማ ናይታሰ ኢሚዳስ፤ ባ አቱማ ናይታሰካ ባ ቆሞ ጊዳንታ ማጫ ናይታ ጊግሲዲ ኤሂዳስ። ኢብጻኔይ ኢሰራኤሌ ቦላ ላፑን ላይላ ዳናቲዳስ።

10 ኢብጻኔይ ሃይቁዲ ቤቴሊሃሜን ሞጌቲዳስ።

ኤሎኔ

11 ኢብጻኔፔ ካሊዲ ዛቢሎኔ ዳራ አሰ ኤሎኔይ ኢሰራኤሌ አሳ ቦላ 10 ላይላ ዳናቲዳስ።

12 ሄሳፊ ጉዬ ሃይቁዲ ዛቢሎኔ ዳራን ዲዛ ኤሎኔ ቢታን ሞጌቲዳስ።

አብደኔ

13 ኤሎኔፔ ካሊዲ ፒራቶኔ ዳራ አሰ ሂሌሌ ና አብደኔይ ኢሰራኤሌ ቦላ ዳናቲዳስ።

14 አብደኔስ 70 ሃራታ ቶጊዛ 40 አቱማ ናይቲ፤ 30 ናይታ ናይቲ ዳቲስ፤ አብደኔይ ኢሰራኤሌ አሳ ቦላ 8 ላይላ ዳናቲዳስ።

15 ሄሳፊ ጉዬ ፒራቶኔ ዳራ አሰ ሂሌሌ ና አብደኔይ ሃይቁዲ አማሌቄ ዳራን ጌዜ ቦላ ኤፍሪሜ ቢታን ዲዛ ፒራቶኔን ሞጌቲዳስ።

13

ሳሞሶኔ

1 ኢሰራኤሌ አሳይ ጎዳ ሲንላን ቃሴካ ኢታ ሚሽ ኦላዳስ። ሄሳ ጊሻሰ ጎዳይ ኢሰታ ኦይዲ ታሙ ላይላሰ ፊሊሰጾሜ አሳ ኩሼን አላ ኢሚዳስ።

2 ሄ ዋዴ ጸራኦ ጌቲቲዛ ካታማን ማኔሃ ጌቲቲዛ ኢሳይይ ዳስ፤ ኢዛሰ ዩሌታይ ዳኔ ባጋፊ፤ ኢዛ ማቸያ ማይኔ ጊዲዳ ጊሻሰ ና ዩላቤኩ።

3 ኢሲ ጋላሰ ጎዳ ጸሳ ኪታንቻይ ሄ ማጫሳይሲ ቆንጨዲ፡ «ቤያ! ኔኒ ና ዩሎንታ ማይኔ፤ ጊዳ አቲን ኔሰ ሻራይ አታና፤ ኔኒ አቱማ ና ዩላና።

4 ሄሳ ጊሻሰ ዋይኔ ጫጃ ዋይኮ ማሶሲዛ ኡሹ ኡዮንታ ማላኔ አይኮ ቱና ሚሸካ ሞንታ ማላ ናጌታ።

5 ጋሶይካ ኔ ሻራና፤ አቱማ ናካ ዩላና። ናዚ ባ አይይ ኡሎፔ ደሚዲ፡ ጸሳሰ ናዚራዌ * ጊዲዳ ጊሻሰ ማጋላይ ኢዛ ሁኔ ቦቸፎ፤ ኢዚካ ኢሰራኤሌ ፊሊሰጾሜ አሳ ኩሼፔ አሾ ደማና» ጊዳስ።

6 ሄሳፊ ጉዬ ማጫሳያ ባዳ፡ ባ አዚናሰ፡ «ጸሳ አሰ ኢሶይ ታኮ ዩዳስ፤ ኢዛሰ ሚጳይካ ጸሳ ኪታንቻ ሜጳ ማላ ኬሂ ያሺዛይሳ። ኢዚ አዋፔ ዩዳኮካ ታኒ ኢዛ ኦይቻቤኬ፤ ኢዚካ ባ ሱንሳ ታሰ ዮቲቤና።

7 ጊዳ አቲን ኢዚ ታና፡ ሳ ሻራና፤ አቱማ ናካ ዩላና፤ ዩሌታና ናዚካ አይይ ኡሎፔ ደሚዲ ሃይቃና ጋካናሰ፡ ጸሳሰ ናዚራዌ ጊዲዛ ጊሻሰ ዋይኔ ጫጃ ዋይኮ ማሶሲዛ ኡሹ ኡዮፓ፤ አይኮ ቱና ሚሸካ ሞፓ ጊዳስ» ጊዳ ዮታዲስ።

8 ሄሳፊ ጉዬ ማኔሃይ፡ «አቤት ጎዳዉ! ሄ ናዚ ዩሌቲዛ ዋዴ ኦ አይ ኦላናሰ ቤሲዛኮ ኤሪሳና ማላ ኔኒ ካሴ ኪቲዳ ጸሳ አሲ ኦኩ ሲሚዲ ያና ማላ ኦላርኪ!» ጊዲ ጎዳ ጸሳ ዋሲዳስ።

13:5 ታይ 6:1-5

9 ጸሲካ ማኑሄ ዋሳ ሲዱደስ። ጸሳ ከታገቻይካ ማጫሳያ ጋዴ ገደን ዲሺን ናምእገሉ ኢዚሰ ቤተደስ፤ ገደ ኣቲን ሄ ዋዴ ኢዚ ኣዚና ማኑሄይ ኢዚራ ዳና።

10 ማጫሳያ ኤሶን ባ ኣዚናኮ ባዳ። «ቤያ! ሄ ዋዴ ታሰ ቤተዳይሲ ሃእካ ታሰ ቃሴካ ቆንጫደስ» ጋዴሰ።

11 ማኑሄይ ኡተዳሶሆፕ ዳንዲ ኤቁዲ ባ ማቸዮ ካሊ ቢዲ ኣዴዚ ዲዛሶ ጋኪዲ። «ሄ ዋዴ ታ ማቸይራ ሃሳይዳይ ነኔ?» ገዲ ኣይቸደሰ። ኣዴዚካ። «ኤ ታናኮ!» ገዴሰ።

12 ማኑሄይ። «ኔኒ ዮተዳ ቃላይ ፖሌተዛ ዋዴ ሄ ዩሌተዳ ናዛ ዳኦስ ኮሺዛ ዋጋይ ኢዛሰ ሲገላፊ ዲዛ ሃልቸይ ኣዜ? ኑፔካ ኮዩተዛዚ ኣዜ?» ገዲ ኣይቸደሰ።

13 ጎዳ ጸሳ ከታገቻይ ኢዛሰ። «ኔ ማቸያ ታኒ ዮተዳ ኡባ ናጌታ ፖሌ።

14 ዋይኔ ሚላፊ ቤተዛ ኣይ ሚሸካ ሙፑ፤ ዋይኔ ጫጃ ዋይኮ ማሶሲዛ ኡቸ ኡዩፑ፤ ቱኒዳ ኣይ ካሊካ ሙፑ፤ ታ ኢዛ ኣዛዚዳይሳ ኡባ ፖሌ» ገ ዮተዳሰ።

15 ማኑሄይ ቃሴ ጎዳ ጸሳ ከታገቻ። «ኑኒ ኔሰ ኢሲ ዩላጋ ዳይሽ ሹኪዲ ገሊሳና ጋካናሰ ታካርኪ» ገዴሰ።

16 ጎዳ ጸሳ ከታገቻይ ዛሪዲ። «ኔ ታና ዋልቃን ታኪሲኮካ ኔ ሺሺዳ ቁማ ታ ሚከ። ገደ ኣቲን ኔኒ ጸጌተዛ ያርሾ ገሊሳና ኮይኮ። ጎዳሰ ያርሻ» ገዴሰ። ኢዚ ጎዳ ጸሳ ከታገቻ ገዲዳይሳ ማኑሄይ ኤሪቤና።

17 ማኑሄይ ጎዳ ጸሳ ከታገቻዛሰ። «ኔኒ ዮተዳ ቃላይ ፖሌተዛ ዋዴ። ኑ ኔሰ ጋላታ ሺሻና ማላ ኔ ሱገላ ኦኔ?» ገዴሰ።

18 ከታገቻዚካ «ታ ሱገላይ ማላላሳ፤ ኔኒ ታ ሱገላ ኣይሰ ኦይቻይ?» ገዲ ዛሪደሰ።

19 ማኑሄይካ ሄ ዳይሻ ላቃኔ ካላ ያርሾ ኤኪዲ። ዛላ ቦላ ጎዳሰ ያርሺደሰ፤ ማኑሄይኔ ኢዛ ማቸያ ዴሊሺን ጎዳይ ማላሊሲዛ ሚሽ ኦሊደሰ።

20 ያርሾ ያርሺዛሶፕ ታማ ላጮይ ፑዴ ፖፖልኡ ገሺን ጎዳ ጸሳ ከታገቻይ ታማ ላጮዛ ገደራ ሳሎ ኬዚደሰ። ማኑሄይኔ ኢዛ ማቸያ ሄሳ ቤኢዲ ሲገላ ጉላ ጉፋኒዳ።

21 ጎዳ ጸሳ ከታገቻይ ማኑሄሲኔ ኢዛ ማቸይሰ ናምእገሉ ቆንጫንታ ኣገዳ ገሻሰ ኢዚ ጎዳ ከታገቻ ገዲዳይሳ ማኑሄይ ሄ ዋዴ ኤሪደሰ።

22 ማኑሄይ ባ ማቸዮ። «ጸሳ ቤኢዳ ገሻሰ ኑኒ ሃይቃናይሲ ጌሻ» ገዴሰ።

23 ገደ ኣቲን ኢዛ ዛሪዳ። «ጎዳይ ኑና ዋሳናሰ ኮዩዳኮ ጸጌተዛ ያርሾዛኔ ካላ ያርሾዛ ኑ ኩሺፔ ኤኬና፤ ዋይኮ ሄ ኡባ ኑና ቤሴና፤ ዋይኮ ሃ ዮኑታ ኑሰ ዮቴና» ገዴሰ።

24 ማጫሳያካ ኣቱማ ና ዩላደሰ፤ ናዛ ሱገላካ ሳምሶኔ ጋዳ ሱገላደሰ። ናዚ ዲጫደሰ፤ ጎዳይካ ኢዛ ኣንጂደሰ።

25 ኢዚ ጸራኣፔኔ ኤሽታኦሌፔ ገደን ዳኔ ጉታን ዲሺን ጎዳ ጸሳ ኣያናይ ኢዛ ዳገሌላ ደሚደሰ።

14

ሳምሶኔይ ማቸ ኤኪደሰ

1 ኢሲ ጋላሰ ሳምሶኔይ ቱሚና ጌቴተዛሶ ዋዲደሰ፤ ሄንካ ኢሲ ፊሊሰጾሜ ማጫ ናዮ ቤኢደሰ።

2 ሶ ሲሚዲ ባ ኣዋኔ ባ ኣዮ። «ታኒ ቱሚናን ኢሲ ፊሊሰጾሜ ማጫ ናዮ ቤኢደሰ፤ ሃኢ ኢዛ ታሰ ኦይቸዲ ታና ኤኪሲቴ» ገዴሰ።

3 ኢዛ ኣዋይኔ ኣዩያ ኢዛ። «ሃ ቃጸሬቲ ኤርንታ ፊሊሰጾሜ ዳሬ ባዳ ኢሰታ ገደፊ ማቸ ኤካና ኔ ኮይዛይ ሃን ኑ ዳሬ ኣሳፔ ኔሰ ማጫይ ሳይኔ?» ገዴ።

ሳምሶኔይካ ባ ኣዋሰ። «ታ ዋዚና ሚዳይ ኢዛ ገዲዳ ገሻሰ ታና ኢዛ ኤኪሳ» ገዴሰ።

4 ፊሊሰጾሜታ ኦላናሰ ጎዳይ ጋሶ ኮዩዲ ሃይሳ ኢሰታ ቦላ ኦሊዛይሳ ሳምሶኔ ኣዋይኔ ኣዩያ ኤሪቤቴና፤ ሄ ዋዴ ፊሊሰጾሜቲ ኢሰራኤሌ ኣሳ ሃሪቴሰ።

5 ሃሳፊ ጉዩ ሳምሶኔይ ባ ኣዋሪኔ ባ ኣዩይራ ዳጌ ቱሚና ዋይኔ ሚሊ ዲዛ ሄሪ ጋኪሺን ኢሲ ዋዳላ ጋሞይ ጸገሼ ኢዛ ቦላ ኬዚደሰ።

6 ጎዳ ኣያናይ ሳምሶኔ ቦላ ዋዲዲ ኢዛሰ ዋልቃ ኢሚደሰ፤ ቁሪ ዳይሻ ላቃ ማላ ባ ኩሺን ኣይኮካ ኦይኮንታ ጋሞዛ ፔዴሬላ ዩጌደሰ። ሄሳካ ባ ኣዋሲኔ ባ ኣዩይሰ ዮተቤና።

7 ሃሳፊ ጉዩ ዳጌ ናይኮ ቢዲ ኢዛ ሃሳይሲደሰ፤ ኬሄፔ ኢዛ ደሲደሰ።

8 ጉላ ዋዴፔ ጉዩ ኢዛ ኤካናሰ ሲሚ ቢደሰ፤ ባ ዋዲዳ ጋሞዛ ኣሃ ቤኣናሰ ኦጌፔ ሸርኢ ገዲ ቢዛ ዋዴ ጋሞዛ ኣሃ ገደን ማላ ኤሰ ኤሲ ዲዛይሳ ቤኢደሰ።

9 ኤሳፊ ኣማርዳይሳ ካሺ ኤኪዲ ኦጌን ሚሽ ቢደሰ። ባ ኣዋኮኔ ባ ኣዩይኮ ጋኪዲ ባ ኦይኪዳ ኤሳፊ ኣማርዳይሳ ኢሰታሰ ኢሚን ኢሰቲካ ሚዳ፤ ገደ ኣቲን ሳምሶኔይ ሄ ኤሳ ጋሞዛ ኣሃ ገደፊ ኤኪዳይሳ ኢሰታሰ ዮተቤና።

10 ኢዛ ኣዋይ ናዮ ቤኣና ኢዚሶ ቢን ሳምሶኔይ ሄን ዲዛ ሚሺራቴላ ዋጋ ማላ ቡላቻ ገገሲደሰ፤ ሄሲ ካሲሶፊ ሄ ዳራን ሎሴ ገዲ ዲዛ ዋጋ።

11 ሄ ኣሳይ ኢዛ ቤኢዳ ዋዴ ኢዛ ካሳና ማላ 30 ናቴላ ናይታ ደሪዲ ዩዲዳ።

12 ሳምሶኔይ ኢሰታሰ። «ኣኔ ኢንቴ ኤሪዛኮኔ ኢሲ ማሌላ ታኒ ኢንቴና ማሌላይሰ፤ ቡላቻ ባኣሌይ ቦንቸቲዛ ላፑን ጋላሳታ ገደን ሃ ማሌላዛ ቢርሼላ ታሰ ኢንቴ ዮተዛ ገዲኮ ታኒ ኢንቴሰ 30 ላይኖ ቃሚሳታኔ 30 ኩሚላ ማይኦታ ኢማና።

13 ሄ ማሌላ ቢርሼላ ኢንቴና ጸኒኮ ኢንቴ ታሰ 30 ላይኖ ቃሚሳታኔ 30 ኩሚላ ማይኦ ኣሚታ» ገዴሰ። ኢሰቲ። «ኤር። ኔ ማሌላዛ ኣኔ ኑሰ ዮታ» ገዴ።

14 ሳምሶኔይካ ኢሰታሰ። «ሚዛይሳፊ ሜቴተዛዚ ቤተደሰ። ሚኖፔ ማልኦ ሚሺ ኬዚደሰ» ገዴሰ። ሄቫገላ ጋላሰ ጋካናሰ ኢሰቲ ኢዛ ማሌላ ቢርሼላ ኢማናሰ ዳንዳይቤቴና።

15 ኦይዳንላ ጋላሰ ኢሰቲ ሳምሶኔ ማቸዮ። «ኣኔ ኔ ኬላዋ ጨማዳ ማሌላዛ ቢርሼላ ኢዚ ኑሰ ዮታና ማላ ኦሳ፤ ኔ ሂሰቶንታ ኣገኮ ኑኒ ኔናኔ ኔ ኣዋ ኬላ ታማን ጸጋና፤ ኢንቴ ኢንቴ ቡላቻሰ ኑና ዳይገዳይ ኑና ቦንቃናሴ?» ገዴ።

16 ሃሳ ገሻሰ ሳምሶኔ ማቸያ ሂቁማ ዩካሺ ኢዛኮ ሺቃዳ። «ሄኮ ኔ ታና ሲቃካ ኬሃ ኢጸሳ! ኣይሰ ገኮ ኔኒ ታ ቢታ ኣሳ ማሌላ ማሌላዳ ኢዛ ቢርሼላ ታሰ ዮታቤካ» ገዴሰ። ኢዚ ዛሪዳ። «ሃሪይ ኣቶሺን ሃይሳ ታኒ ታ ኣዋሲኔ ታ ኣዩይሰካ ዮተቤኬ፤ ሂሰቲን ኣይሰ ኔሰ ቢርሼላ ዮቶ?» ገዴሰ።

17 ሄሳ ጋሶን ኢዛ ሚሺሬያ ቡላቻ ባኣሌይ ቦንቼቲዛ ላቸን ጋላሳታ ኡባን ዩካ ዩካዳ ሸምፖ ዲጊን ላቸንፋ ጋላሳ ማሌላዛ ቢርሼፋ ኢዚሰ ዮቲዳሰ፤ ኢዛካ ባዳ ባ ቢታ ኣሳሰ ዮታዲሰ።

18 ላቸንፋ ጋላሳ ኣርሼይ ዉላናፕ ካሴ ካታማ ኣሳይ ሳምሶኔሰ። «ኤሳፌ ኣቋ ማልኢዛይ ጋምሬ ኣቋ ሚኒዛይ ኣዜ?» ጊዳ። ሳምሶኔይ ኢሰታሰ። «ኢንቲ ታ ኡሳይን ጎዮንታኮ። ታ ማሌላዛ ቢርሼፋ ኤሬኬታ» ጊዳሰ።

19 ሄሳፌ ጉዬ ጎዳ ኣያናይ ኢዛ ቦላ ዋዲዲ ኢዛሰ ዋልቃ ኢሚዳሰ፤ ኢዛካ ኣሰቁሎና ቢታ ዋዲዲ 30 ኣሰ ዋዲዳሰ፤ ኢሰታሰ ዲዛ ኡባኔ ኢሰታ ማይኣካ ቃሪ ኤኪዲ ማሌላዛ ቢርሼዳ ኣሳታሰ ኤሂዲ ኢሚዳሰ። ሃኒዳ ኡባን ሃንቆ ሱሊዲ ባ ኣዋ ሶ ሲሚ ቢዳሰ።

20 ሳምሶኔ ማቸያ ኢዛ ላጌታፕ ኢሳ ጌላዲሰ።

15

1 ጉል ታኪሺን ጊሰቲ ማጻ ዋዴ ሳምሶኔይ ባ ማቸዮ ቤኣናሰ ዳይሻ ላቃ ኤኪዲ ቢዳሰ፤ ኢዚ ባ ማቸይ ኣዋሰ። «ታጌ ታ ማቸያ ዲዛ ኪፊሌ ጌላና ኮያይሰ» ጊዳሰ። ኢዚ ጌሎንታ ማላ ኢዚ ኣዋይ ዲጊዳሰ።

2 ኢዚ ኣዋይ ሳምሶኔሰ። «ኔኒ ኢዞ ኡባራ ኢጲዳ ሚሳቲን ታጌ ኢዞ ኔ ሚዜዛሰ ኢሚዳሰ፤ ጊዳ ኣቲን ኢዚ ካሎያ ኢዚፕካ ኣቋ ሎኦ ጊዲዳ ገሻሰ ኢዞ ኤካ» ጊዳሰ።

3 ሳምሶኔይ ኢዛሰ። «ሃይሳፌ ጉዬ ፊሊሰጾሜ ቢታ ኣሳ ቦላ ታጌ ኢታ ሚሽ ኦሌኮ ሞራንቻ ጊዲኬ» ጊዳሰ።

4 ሄፕ ኬዚ ቢዲ 300 ዋራካናታ ኦይኪዳሰ፤ 2 ዋራካናታ ጎይና ኢሲፌ ጋላ ቃቸዲ ኢሰታ ጎይናታፕ ጊዳን ዩጨቲዳ ጸምፕ ጌልላ ቃቸዲ ዩዲዳሰ።

5 ሄሳፌ ጉዬ ዩጨቲዳ ጸምፕዛን ታማ ኦይላዲ ቡር ማጾቶንታ ዲዛ ፊሊሰጾሜ ኣሳ ካላ ጊዳ ዋራካናታ ዩዲዳሰ፤ ማጾቲ ደሬቲ ኡቲዳ ካላ። ኤቆን ዲዛ ካላ። ዋጋራኔ ዋይኔ ሚላ ኡባ ኣሾንታ ጸጊዳሰ።

6 ፊሊሰጾሜቲ ባ ጋርሳን። «ሃይሳ ኦሌዳይ ኦኔ?» ጊዲ ኢሶይ ኢሳራ ኦይሼቲዲ ኢዛ ማቸያ ኢዛ ላጌታፕ ኢሳሰ ኢሚቲዳ ቲሚና ዴሬ ኣሳ ቦሎ ሳምሶኔ ጊዲዳይሳ ኤሬዳ፤ ሄሳ ገሻሰ ፊሊሰጾሜ ኣሳይ ኬዚዲ ማጨሳዮኔ ኢዚ ኣዋ ታማን ጸጊዳ።

7 ሳምሶኔይ ኢሰታሰ። «ኢንቲ ሄሳ ኦሌዳ ገሻሰ ታጌ ሃሎ ኬሶንታ ኣጊኬ» ጊዳሰ።

8 ኢሰታ ቦላ ኢታ ሚቶ ጋላዲ ዳርታ ዋዲዳሰ፤ ሄሳፌ ጉዬ ቢዲ ኤጻሜ ጌቲቲዛሶን ዲዛ ዛላ ጎንጎሎ ጊዳ ጌሊ ኡቲዳሰ።

ሳምሶኔይ ፊሊሰጾሜ ኣሳ ጸጊዳሰ

9 ሄሳፌ ጉዬ ፊሊሰጾሜ ኣሳይ ዩዲ ዩሁዳን ዲንካኒዳሰ፤ ለሃ ጌቲቲዛ ካታማ ዋራጂ ኦይኪዳሰ።

10 ዩሁዳ ኣሳይ ኢሰታሰ። «ኣይሰ ኦና ኦላናሰ ዩዳቲ?» ጊዲ ኦይቸዳ። ኢሰታሰ። «ኔኒ ሳምሶኔ ኦይኪ ቃቸናሰኔ ኢዚ ኦ ቦላ ኦሌዳ ማላ ኢዛ ቦላ ኦላናሰ ዩዳሰ» ጊ ዛሬዳ።

11 ሄሳ ገሻሰ ዩሁዳፕ 300 ኣሳይ ኤጻሜ ጌቲቲዛሶን ዲዛ ዛላ ጎንጎሎ ጊዳ ቢዲ ሳምሶኔሰ። «ኦና ሃሪዛይቲ ፊሊሰጾሜ ኣሳታ ጊዲዳይሳ ኔ

ኤርኪ? ሂሰቲን ሃይሳ ኦ ቦላ ኣይ ፓላ ሚሽ ኦላይ?» ጊዳ። ኢዚካ ዛሬዲ። «ኢሰቲ ታ ቦላ ኦሌዳ ማላ ታጊካ ኢሰታ ቦላ ኦላዲሰ» ጊዳሰ።

12 ኢሰቲካ ቃሴካ። «ኔኒ ሃይሳ ዩዳይ ኔና ቃቸዲ ፊሊሰጾሜታሰ ኣላ ኢሚናሳ» ጊዳ። ሳምሶኔይ ኢሰታሰ። «ኢንቲ ኢንቲ ባጋራ ታና ዋዲንታ ማላ ታሰ ጫቂቲ» ጊዳሰ።

13 ኢሰቲ። «ኤኖ! ኔኒ ኔና ቃቸዲ ኢሰታሰ ኣላ ኢሚናፕ ኣቲን ዋዲኮ» ጊዲ ኢዛሰ ዛሬዲ። ሄሳፌ ጉዬ ናምኡ ኦራላ ዋዲርን ቃቸዲ ሄ ጎንጎሎዛ ጊዳፌ ኢዞ ኬሲ ኤፊዳ።

14 ሳምሶኔይ ለሃ ቢዳ ዋዴ ፊሊሰጾሜ ኣሳቲ ዋጫሚዲ ኢዛራ ጋይታናሰ ዩዳ፤ ጎዳ ኣያናይ ኢዛ ቦላ ዋዲዲ ኢዛሰ ዋልቃ ኢሚዳሰ፤ ኢዞ ኩሼ ቃቸ ዋላዳ ዋዲርዚካ ታማን ጌሊዳ ሻሎ ማላ ዲጾሬቲ ዋዲዳሰ።

15 ሂሰቲዲ ማታ ዋዴ ሃይቂዳ ኢሲ ሃሪ ባንቂላ ዳሚ ኤኪዲ ኢዛን 1,000 ኣሰ ዋዲዳሰ።

16 ሳምሶኔይ። «ኢሲ ሃሪ ባንቂላን 1,000 ኣሰ ዉርሲዳይ። ኣሃ ኣሃ ቦላ ዳሪዳይ ታና ሳምሶኔ» ጊ ጌሪሪዳሰ።

17 ሄሳፌ ባ ኦይኪዳ ባንቂላዛ ኩሼፕ ዋራ ኦሊዳሰ፤ ሄ ሶሆዛ። «ኣራማቲሜ-ሉሃ» ጊ ሱንላዳሰ።*

18 ሄሳፌ ጉዬ ሳምሶኔይ ኬሂ ሳሜቲዳሰ፤ ሄሳ ገሻሰ ጎዳሰ። «ኔኒ ሃይሳ ማላ ጊታ ጸኖ ታሰ ኔ ኣይሌዛሰ ኢሚዳሳ። ሂሰቲን ታጌ ሃኢ ሳምን ሃይቆ? ቃሴ ሃ ቃጻሬቶንታይታ ኩሼን ኩንዶ?» ጊ ዋሲዳሰ።

19 ጸሲ ለሃን ዲዛ ቢታ ጳልቂን ኢዛፕ ሃላ ኬዚዳሰ። ሳምሶኔይ ሄ ሃላፌ ኡዩዲ ኣሊዳ ገሻሰ ኢዛሰ ሸምፖይ ሲሚዳሰ። ሄሳ ገሻሰ ሄ ሶሆዛ። «ኤን-ሃቆሬ» ጊ ሱንላዳሰ። ሄሲ ሃቾ ጋካናሰ ለሃን ዳሰ። †

20 ፊሊሰጾሜ ኣሳይ ቢታ ሃሪዛ ዋዴ ሳምሶኔይ ኢሰራኤሌ ኣሳ ቦላ ናምኡ ታሙ ላይላ ዳናቲዳሰ።

16

ሳምሶኔይ ጋዛን ኦሌዳ ኦሶ

1 ኢሲ ጋላሰ ሳምሶኔይ ጋዛ ጊዛ ፊሊሰጾሜታ ካታማ ቢዳሰ፤ ሄን ኢሲ ላይማ ማጨሲዮ ቤኢዲ ኢዚራ ኣቃናሰ ኢዚሶ ጌሊዳሰ።

2 ጋዛ ካታማን ዲዛ ኣሳይ ሳምሶኔይ ኢሰታ ካታማ ዩዳይሳ ሲዩዳ፤ ሂሰቲዲ ካታማ ዩዩ ኣቋዲ ኦማርሰ ኩሚላ ካታማ ፕንጌ ናጊሼ ኣቂዳ፤ «ሳኣይ ዋንታና ጋካናሰ ናጊዲ ኔኒ ኢዛ ዋዳና» ጊዲ ኦማርሰ ኩሚላ ዛማዲ ኣቂዳ።

3 ጊዳ ኣቲን ሳምሶኔይ ሄን ዚንኢዳይ ጊዲ ጊዳላ ጋካናሰ ጻላ፤ ጊዲ ጊዳላ ቋሰኮፌ ዳንዲዲ ካታማ ጊምቤዛ ፕንጌ ሳንቃ። ቆሬ። ቆሲላላኔ ጎርዲዛ ኮላታታራ ኢሲፌ ሾዲ ቶኪ ኤኪዲ ኬብርኔፕ ሲንላ ባጋራ ዲዛ ዙማ ሁኤ ኬዚዳሰ።

ሳምሶኔይ ዳሊላ

4 ሄሳፌ ጉዬ ሳምሶኔይ ሶሬቂ ሾባን ዲዛ ኢሲ ዳሊሎ ጌቲቲዛ ማጨሳዮ ደሲዳሰ።

* 15:17 ኣራማቲሜ-ሉሃ፡ ኣራማቲሜ-ሉሃ ጉሲ ኢብራዌታ ቃላራ፡ «ባንቂላ ዙምቡላ» ጉሳ። † 15:19 ኤን-ሃቆሬ፡ ኣይኒ-ሃቆሬ ጉሲ ኢብራዌታ ቃላራ ጳይጊዛይሳ ፑልቶ ጉሳ።

5 ሃሳ ገሻሽ ፊሊስጶሜታ ሃላቃቲ ኢዚኮ ዩዲ፡ «ኔኒ ኢዛ ጨማዳ፡ ሄ ዋልቃ ኡባ ኣዛፔ ኢዚ ዳሚዳኮኔ ቃሴ ኩኒ ኢዛ ዋሰቲ ጸኒዲ ቃቻናሰ ዳንዳይዛኮ ኦይቻ፤ ኩኒ ኢሶይ ኢሶይ ኔሰ 1,100 ሳቂሌ ቢራ ኢማና» ገዳ።

6 ሃሳ ገሻሽ ዳሊላይ ሳምሶኔሰ፡ «ሃይሳ ኬና ዋልቃ ኔኒ ኣዋፔ ዳሚዳኮ ዋዜ ኔና ታሰ የታርኪ! ኢሲ ኣሲ ኔና ዋሰቲ ቃቻዳኮ ኔ ዳቡራኔ?» ገዳሰ።

7 ሳምሶኔይ፡ «ኣሲ ታና ላፑን ኢርጻ ዳፎታን ቃቻኮ ዳቡራዳ ሃራ ኣይ ኣሳ ማላካ ዋልቃይ ባይንዳዳ ገዳና» ገ ዛሪዳሰ።

8 ሃሳፊ ጉዬ ፊሊስጶሜታ ሃላቃቲ ዳሊላሰ ላፑን ኢርጻ ዳፎታ ኤሃዳ፤ ኢዛንካ ሳምሶኔ ቃቻዳሰ።

9 ፊሊስጶሜ ኣሳታ ባ ቆልኣን ቆታ ዋላዳ፡ «ሳምሶኔ! ፊሊስጶሜ ኣሳቲ ኔ ቦላ ጋኪዳ» ጋ ዳይጋዳሰ፤ ገዳ ኣቲን ታማይ ሻሎ ሚዛ ማላ ዳፎታ ዲሴሬላ ዩገዳሰ፤ ሃሳ ገሻሽ ሄ ዋልቃዚ ኢዛሰ ኣዋ ባጋን ዲዛኮ ኤራናሰ ዳንዳይቤቲና።

10 ሃሳ ገሻሽ ዳሊላይ ሳምሶኔሰ፡ «ሄኮ ኔኒ ታናን ካኣሳ፤ ኔኒ ታሰ ዋርዶ የታዳሳ። ሃኢካ ኔና ዋሰቲ ቃቻ ዳንዳያናኮ ዋዜ ኔና ታሰ የታርኪ!» ገዳሰ።

11 ሂሰቲን ኢዚ ኢዛ፡ «ኣሲ ገኤቲቤና ኦራላ ዋደርን ታና ቃቻኮ ዳቡራዳ ሃራ ኣሳ ማላ ዋልቃይ ባይንዳዳ ገዳና» ገዳሰ።

12 ዳሊላይ ኦራላ ዋደር ኤካዳ ሳምሶኔ ቃቻዳሰ። ኢዚሰ ቆልኣ ገደን ናጌቲዛ ፊሊስጶሜ ኣሳታ ዋላዳ፡ «ሳምሶኔ! ፊሊስጶሜ ኣሳቲ ኔ ቦላ ጋኪዳ» ገዳሰ። ኢዚ ገዲኮ ዋደርዛ ሻሎ ዲሴሬላዛ ማላ ባ ቄሴፔ ዲሴሬላ ዩገዳሰ።

13 ቃሴካ፡ ዳሊላይ ሳምሶኔሰ፡ «ሃሮ ጋካናሰ ኔ ታና ኤያ ሂሰታዳ ታሰ ዋርዶ የታዳሳ። ሃኢካ ኔና ዋሰቲ ቃቻ ዳንዳያናኮ ዋዜ ኔና ታሰ የታርኪ!» ገዳሰ። ሂሰቲን ሳምሶኔይ ኢዚሰ፡ «ታ ሁኤ ላፑን ዳላታ ቃጠናራ ጋላ ዳዳዳ ጳሽኬን ቢታራ ጋላ ጳሺኪኮ ሃራ ኣሳ ማላ ታኒ ዋልቃይ ባይንዳዳ ገዳና» ገዳሰ።

14 ሃሳፊ ጉዬ ሳምሶኔይ ጳሽኪን ዳሊላይ ኢዛ ሁኤ ላፑን ዳላታ ቃጠናራ ጋላ ዳዳዳ ጳሽኬን ኣላ ጳሺካዳሰ። ሂሰታዳ፡ «ሳምሶኔ! ፊሊስጶሜ ኣሳቲ ኔ ቦላ ጋኪዳ» ገዳሰ፤ ኢዚ ገዲኮ ጳሽኮፊ ዳጋሚ ዳንዳዲ ባ ሁኤ ቢናናዛ ጳሽኬዛፔኔ ዋታራ ዋደርታፔ ሾዲ ኤኪዳሰ።

15 ሃሳ ገሻሽ ኢዛ፡ «ኔ ታና ኣማናካሽን ዋናዳ ኔ፡ ታ ኔና ሲቃዲሰን ጋይ? ኔ ታና ሃይሳራ ሄዡቶ ባሌላዳሳ። ሃይሳ ማላ ዋልቃይ ኔ ኣሳቲላ ቦላ ኣዋ ባጋን ዲዛኮ ታሰ የታርኪ» ገዳሰ።

16 ኢዚ ሃይቆ ኣሞታና ጋካናሰ ዋንቲን ዋንቲን ኦይሾን ሽምፖ ጳይሳዳሰ።

17 ሃሳ ገሻሽ ሳምሶኔይ ኢዚሰ፡ «ታ ኣዬይ ኡሎፔ ደሚን ታኒ ጸሳሰ ናዚራዌ ገዲዳ ገሻሽ ታ ሁኤ ቢናናይ ሜዳቲ ኤሬና። ታ ሁኤ ቢናናይ ሜዳቲኮ ታ ዋልቃይ ታፔ ጳዩን ታኒ ሃራ ኣሳ ማላ ዋልቃይ ባይንዳዳ ገዳና» ገዲ ባ ዋዚናን ዲዛይሳ ኡባ ኢዚሰ የቲዳሰ።

18 ባ ዋዚናን ዲዛይሳ ኡባ ኢዚ የቲዳይሳ ዳሊላይ ሻካ ኤራዳ፡ «ባ ዋዚናን ዲዛይሳ ኡባ ታሰ የቲዳ ገሻሽ ኣኔ ኢሲቶ ሲሚዲ ዩቲ» ገዳ ፊሊስጶሜታ ሃላቃታሰ ኪታ ዩዳዳሰ፤ ኢሰቲካ ካሴ ኢዚሰ ኢማና ገዳ ቢራ ኤኪዳ ኢዚኮ ዩዲ።

19 ዳሊላይ ሳምሶኔ ባ ዋዲራ ቦላ ጳሰኪሳዳሰ፤ ኢሲ ኣሰ ጳይጋ ኤሃዳ ኢዛ ሁኤ ላፑን ዳላታ ማዲሳዳሰ፤ ኢዛ ዋልቃይካ ኢዛፔ ጳይዳሰ፤ ሃሳፊ ጉዬ ኢዛ ካወሾ ኦይካዳሰ፤

20 ሃሳፊ ጉዬ፡ «ሳምሶኔ! ፊሊስጶሜ ኣሳቲ ኔ ቦላ ጋኪዳ!» ገዳሰ፤ ሂሰቲን ጳሰኪዳ ዳጋሚ ዳንዳዲ ካሴይሳላ ኦላና ገ ቆፐዳሰ፤ ገዳ ኣቲን ጎዳይ ኢዛፔ ሻኬቲቶይሳ ኢዚ ኤሪቤና።

21 ፊሊስጶሜቲ ኢዛ ኦይኪዳፔ ጉዬ ናምኤ ኣይፊታ ዋጪ ኬሲዲ ጋዛ ካታማ ኤፊዳ፤ ጸርቁማላ ሳንሳላታን ኢዛ ቃቻዳ፤ ሃን ቃሾ ኬላን ዲሼ ካላ ጋጫና ማላ ኦሊዳ።

22 ኢሰቲ ኢዛ ሁኤ ቢናና ሜዲዳፔ ጉዬ ቢናናይ ሲሚ ሞኮ ደሚዳሰ።

ሳምሶኔ ሃይቆ

23 ፊሊስጶሜታ ሃላቃቲ፡ «ኮ ጸሳይ ኦ ሞርኬዛ ሳምሶኔ ኦ ኩሼን ኣሉ ኢሚዳሰ» ገዲ ባንታ ጸሳ ዳጎኔሰ ገታ ያርሾ ያርሻናሲኔ ኡፋይታናሰ ኢሲ ቦላ ሽቂዳ።

24 ኣሳይ ኡባይ ኢዛ ቤይዳ ዋዳ፡ «ኮ ቢታ ጳይሲዳ፡ ኦ ኣሳፔ ዳርታ ዋዲዳ ኦ ሞርኬዛ ኦ ጸሳይ ኦ ኩሼን ኣሉ ኢሚዳሰ» ገዲ ባንታ ጸሳ ጋላቲዳ።

25 ኢሰቲ ከሂ ኡፋይቲዳ ገሻሰ፡ «ኢዛ ቦላ ኦ ሚጪ ካኣና ማላ ሳምሶኔ ሃ ኤኪ ዩቲ» ገዳ፤ ሂሰቲን ሳምሶኔ ቃሾ ኬላፊ ዳይገዲ ኤሃን ኢዚ ኢሰታ ሲንላን ካኢዳሰ፤ ካኢዳፔ ጉዬ ኢዛ ናምኤ ቱሳታ ገደን ኤሲዳ።

26 ሳምሶኔይ ኢዛ ኩሼ ኦይኪዲ ካሌላዛ ናዛ፡ «ታኒ ኢሰታን ዜምፓዳ ኤቃና ማላ ኬላ ቶኪዳ ቱሳታ ታና ኦይላ» ገዳሰ።

27 ኬላ ገደን ኣዳይኔ ማጫይ ኩሚ ኡቲዳሰ፤ ቃሴ ፊሊስጶሜታ ሃላቃቲ ኡባቲካ ሃን ዳቲሰ። ሳምሶኔይ ካኢሽን ቦላ ፖቄ ቦላ ኡቲ ዳሊዛ 3,000 ገዲዛ ኣዳይኔ ማጫይ ዳሰ።

28 ሃ ዋዳ ሳምሶኔይ ጎዳ ዋሲዳ፡ «ኣቤት ኡባ ሃሪዛ ጎዳዉ! ሃኢ ታና ቆፓርኪ! ኣቤት ጸሳዉ፡ ፊሊስጶሜቲ ታ ኣይፊ ናምኣታ ዋጪ ኬሲዳይሳ ሃሎ ታኒ ኬሳና ማላ ሃኢ ታና ኢሲቶ ሚንላርኪ!» ገዳሰ።

29 ሳምሶኔይ ኬላ ቶኪ ኦይኪዳ ገደ ቱሳታ ናምኣካ ኦይኪዳሰ፤ ኢሳ ኡሻቻ ኩሼን፡ ኢሳ ሃዲርሳ ኩሼን ኦይኪዳፔ ጉዬ፡

30 «ኣኔ ታ ሽምፖይ ፊሊስጶሜታራ ኢሲፊ ጳዮ!» ገዲ ዋሲዳሰ፤ ባሰ ዲዛ ዋልቃ ኡባን ቱሳታ ሱጊን ኬላይ ሃላቃታ ቦላኔ ገደን ዲዛ ኣሳ ኡባ ቦላ ኩንዲዳሰ። ሳምሶኔይ ሃይቂሼ ዋዲዳ ኣሳይ ኢዚ ፓጻ ዲሼ ዋዲዳ ኣሳፔ ዳሪዳሰ።

31 ሃሳ ገሻሽ ኢዛ ኢሻቲኔ ኢዛ ዳቦቲ ኡባይ ዩዲ ኢዛ ኣሃ ኤፊዳ፤ ጸራኣ ካታማፔኔ ኢሽታኦሌ ካታማፔ ገደን ኢዛ ኣዋ ማኔሂ ዳፎን ሞገዳ። ሳምሶኔይ ናምኤ ታሙ ላይላ ኩሚላ ኢሰራኤሌ ዳራ ቦላ ዳናቲዳሰ።

17

ሚኪያሲ ኦሲሲዳ ኤቃ ጸሳታ ሚሰሌ
 1 ኤፍሬሚን ቦላ ጌዜን ሚኪያሳ ጌቲቲዛ ኢሳዳይ ዳሰ።

2 ኢሲ ጋላስ ሚኪያሲ ባ አዮ፡ «ኔፔ ኢሲ አሲ 1,100 ሳቂሌ ቢራ ካይሶቲዳ ዋዴ ኔኒ ሄ ካይሶቲዳ ቢታኔዛ ቃንጊሺን ታኒ ሲያዲሰ። ቤያ! ሄ ሚሻይ ታ ኣቻን ዳሰ፤ ታ ኤካዲሰ» ጊዳሰ። ኢዛ አዬያ፡ «ታ ናዞ ኔና ጸሲ ኣንጅ!» ጋዲሰ።

3 ናዞ 1,100 ሳቂሌ ቢራ ባ አዬይስ ዛሪዳሰ፤ ኢዛ አዬያ፡ «ታኒ ታ ናዞ ጊሻስ ጸሳስ ዲማሳና፤ ሄ ቢራራ ሚላፌ ኦሴቲዲ ቢራን ሜሼቲዳ ኤቃ ጸሰ ሜዴቶ፤ ታኒ ዛራዳ ኔስ ኢማና» ጋዲሰ።

4 ናዞ ባ አዬይስ ሚሻ ዛሪን ኢዛ አዬያ ሄ ቢራፔ 200 ሳቂሌ ቢራ ኤካዳ ሚላ ሚላ ሚላ ቢራን ቲዩ ቲይዲ ኤቃ ሚሰሌ ሜዲዛ ኢሲ ሂላዛስ ኢማዲሰ፤ ሄ ኦሴቲዳ ኤቃ ጸሳ ሚሰሌዚ ሚኪያሳ ሶን ኡቲዳሰ።

5 ሚኪያሲካ ኤቃስ ገይኒዛሶይ ዳሰ፤ ኢዚ ኤፋዴኔ ቲራፊሜ * አሊዲ ባ ናይታፔ ኢሳ ቄሴ ጊዲ ኦላና ማላ ደሪዳሰ።

6 ሄ ዋዴ ኢሰራኤሌ ቢታን ካዋይ ባይንዳ ጊሻስ አሲ ባና ሎኢዳ ማላ ሃኔሰ።

7 ሄ ዋዴ ዩሁዳ ቢታን ቤቲሊሃሜ ካታማን ዲዛ ሌዌ ባጋፊ ጊዲዳ ኢሲ ናቲላ አሲ ዳሰ።

8 ኢዛዳይካ ባስ ዳናሶ ኮያናስ ቤቲሊሃሜ ካታማፔ ዳንዲ ቢዳሰ፤ ኢዚካ ኤፍሬሜ ዳሪን ቦላ ዙንቡላን ዲዛ ሚኪያሳ ሶ ጋኪዳሰ።

9 ሚኪያሲ ኢዛሰ፡ «ኔ ኣዋፔ ያዲ?» ጊ ኦይቲዳሰ። ኢዚካ ዛሪዳ፡ «ታኒ ዩሁዳ ዳሪን ዲዛ ቤቲሊሃሜ ካታማፔ ያዲሰ፤ ታ ቆሞይ ሌዌ። ሃኢ ታኒ ታስ ዲሳሶ ኮያይሰ» ጊዳሰ።

10 ሚኪያሲ ኢዛሰ፡ «ታናራ ዳኣ፤ ታና ዞሪዛዴኔ ቄሴ ጊዳ። ታኒ ኔስ ላይላን ላይላን 10 ሳቂሌ ቢራ፡ ኩሜላ ማይኦኔ ሚዛ ካላ ኢማና» ጊዳሰ።

11 ሄ ሌዌ ናቲላዚ ሚኪያሳራ ኢሲፊ ዳኣናስ ቆፋ ቃቲዳሰ፤ ኢዚካ ሚኪያሳሰ ዩሎ ማላ ሃኒዳሰ።

12 ሚኪያሲ ኢዛ ባ ቄሴ ሂሰቲዲ ሱንሱን ኢዛ ሶን ዳኢዳሰ።

13 ሚኪያሲካ፡ «ታ ሌዌ ቆሞፊ ቄሴ ዳሚዳ ጊሻስ ታስ ኡባ ሚሽ ጸሲ ሎኤላናይሳ ሃኢ ታ ኤራዲሰ» ጊዳሰ።

18

1 ዳዊቲ ሳኦሌራ ሃሳዬቲ ጊጊዳ ማላ ዮናታኔይ ዳዊቲስ ሸምፖ ላጌ ጊዲዳሰ፤ ባ ሁኤ ማላ ኢዛ ሰቂዳሰ።

2 ሄ ጋላሳፊ ደሚዲ ሳኦሊ ዳዊቲ ባናራ ዋላዳሰ ኣቲን ጌዴ ኢዛ ኣዋ ሶ ኢዛ ዩዲቤና። ኢሰቲካ ኤፍሬሜ ዳሪን ሻራ ሜንሶ ቦላ ዲዛ ሚኪያሳ ሶ ጋኪ ኣቂዳ።

3 ዮናታኔይ ዳዊቲ ባና ማላ ሰቂዳ ጊሻስ ኢዛራ ጫቂቲዳሰ።

4 ዮናታኔይ ባ ማይኢዳ ካባዛ ኬሲዲ ኦላ ማይኦዛ፡ ጊላ ማሻ፡ ዋንዳፊዛኔ ዳንጮዛ ኢሚዳሰ።

5 ሳኦሊ ከቲዳሶ ኣዋንካ ዳዊቲ ባ ከቲቲዳይሳ ቤሲዳ ማላ ፖሊዛ ጊሻስ ባ ኦላንቻታ ቦላ ሹሚዳሰ፤ ሂሲ ዳራ ኡባኔ ሳኦሊ ኦላ ሹሜታ ኡፋይሲዳሰ።

ዳዊቲ ቦላ ሳኦሊ ሚቃይኔቲላ

6 ዳዊቲ ፊሊሰጾሜ ኣዳዛ ዋዲዳፔ ጉዬ ኣሳይ ባሶ ባሶ ሰሚሺን ማጫሳቲ ካራቤኔ ማሲንቆ ኦይኪዲ

ዩዲሼ፡ ካኢሼ፡ ኢሊሊሼ ካዋ ሞካናስ ኢሰራኤሌ ካታማታ ኡባፊ ኬዚዳ።

7 ማጫሳቲካ ሶርሼኔ ኤዲሼ፡ «ሳኦሊ ሺ ዋዲዳሰ፤ ዳዊቲ ጊዲኮ ታሙ ሺ ዋዲዳሰ» ጊ ዩዲዳ።

8 ሃይሲ ሃ ሃናዚ ኢዛ ኡፋይሶንታ ጊሻስ ሳኦሊ ኬሂ ሃንቁቲዳሰ፤ ኢዚካ፡ «ዳዊቲስ ታሙ ሺ፡ ታስ ሺ ጸላ! ጊዳ። ሂሰቲን ኢዛሰ ካዋቲላፊ ኣቲን ኣዚ ኣቲዳ!» ጊዳሰ።

9 ሄ ጋላሳፊ ሃ ሰሚን ሳኦሊ ዳዊቲ ሚቃይኔቲላ ኣይፊን ዴሎ ደሚዳሰ።

10 ዋንቲላ ጋላስ ጸሳፊ ኣዛዘቲዳ ኢታ ኣያና ዋልቃይ ሳኦሊ ቦላ ዋዲዳሰ፤ ሄ ዋዴ ዳዊቲ ካሴ ኦላዚይሳሶ ባጋና ሾጪሺን ሳኦሊ ባሶን ኡቲዲ ቲንቢቲ ሃሳዬሰ፤ ሳኦሊ ቶራ ባ ኩሼን ኦይኪ ኡቲዳሰ፤

11 ኢዚካ፡ «ዳዊቲ ጎዳራ ኦይሴላ ጋና» ጊ ቆፐዲ ቶራዛ ኢዛ ቦላ ጸንጊዳሰ፤ ጊዳ ኣቲን ዳዊቲ ናሞኡቶ ኢዛ ሲንሳፊ ሸርኢ ጊዳሰ።

12 ዩሁዳ ቢታን ዲዛ ቂሪያቲ-ዩኣሪሜ ጌቲቲዛ ካታማፔ ኣርሼይ ወሊዛ ባጋራ ዳንካኒዳ፤ ሃሳ ጊሻስ ሄ ሰሆይ ሃቶ ጋካናስ ዳኔ ሞላ ጌቲቲሰ።

13 ሃሳፊ ዳንዲዲ ኤፍሬሜ ዳሪን ዙምቡላ ቦላ ዲዛ ሚኪያሳ ሶ ዩዳ።

14 ላይሻ ቢታ ጸሞሳናስ ቢዳ ኢቻሹ ኣሳቲ ባንታ ኢሻታሰ፡ «ሃ ኬላታፔ ኢሳን ኤፋዳ፡ ቲራፊሜ፡ ሚላፊ ማሴቲዳ ሚሰሌኔ ሴሪሲ ሜዲዳ ኤቃ ጸሲ ዲዛይሳ ኤሪቲ? ሂሰቲኮ ኦ ኣይ ኦላናስ ቤሲዛኮ ኣኔ ቆፐቲ» ጊዳ።

15 ኦጌፔ ሰሚዲ ሌዌ ዛሬ ጊዲዳ ዩላጋ ቄሴይ ዲዛ ሚኪያሳ ሶ ቢዲ ኢዛ ሳርኪዳ።

16 ሄ ዋዴ ዳኔ ቆሞፊ ኦላስ ጊቲ ዩዳ 600 ኣሳይ ጊቤ ጌሊዛ ፔንጌን ኤቁዳሰ።

17 ቄሴዚ ኢሰታራ ጊቤ ፔንጌን ኤቆን ዲሺን ቢታ ጸሞሲዳ 5 ኣሳቲ ሚኪያሳ ሶ ጌሊዲ፡ ኤፋዳ፡ ቲራፊሜ፡ ሚላፊ ማሴቲዳ ሚሰሌኔ ሴሪሲ ሜዲዳ ኤቃ ጸሳ ኤኪዳ።

18 ኢሰቲ ኤኪ ቢሺን ቄሴዚ ኢሰታሰ፡ «ዋሰቲቲ?» ጊዳሰ።

19 ኢሰቲ ኢዛሰ፡ «ጮኡ ጋ! ኢሲ ቃላካ ቃቶፋ! ኦናራ ባዳ ኦሰ ቄሴኔ ኦና ዞሪዛዴ ጊዳ። ኢሲ ኬላ ኣሳስ ቄሴ ጊዳናፔ ኢሰራኤሌ ዳራ ጋርሳፊ ኢሲ ቆሞሲኔ ኢሲ ዛርኬሰ ኔ ቄሴ ጊዲኮ ኔስ ሎኤኔ?» ጊዳ።

20 ሂሰቲን ቄሴዚ ኡፋዬቲዲ ኤፋዳ፡ ቲራፊሜ፡ ሚላፊ ማሴቲዳ ሚሰሌኔ ሴሪሲ ሜዲዳ ኤቃ ጸሳ ኤኪዲ ዳራዛራ ኢሲፊ ቢዳሰ።

21 ሃሳፊ ዳንዲዲ ባንታ ናይታ፡ ባንታ ሜሄኔ ባንታስ ዲዛይሳ ሲንሳ ኣላ ኤኪ ካሴ ባ ዩዳሶ ጉዬ ሰሚ ቢዳ።

22 ኢሰቲ ሚኪያሳ ኬላፊ ሃኪዲ ቢዳፔ ጉዬ ሚኪያሲ ባ ሾርን ዲዛ ኣሳታ ዴይጌን ኦላስ ኬዚዳ፤ ዳኔ ኣሳታ ካሊዲ ጋኪዳ።

23 ሂሰቲዲ ኢሰቲ ጉዬራ ዋሲዳ፤ ዳኔ ቆሞፊ ዩዳ ኣሳቲ ጉዬ ሰሚዲ ሚኪያሳ፡ «ዋናዲ? ሃ ኣሳ ኡባ ኣይሰ ሺሻዲ?» ጊ ኦይቲዳ።

* 17:5 ቲራፊሜ፡ ቲራፊሜ ጊዛይሳ ኢሲ ኢሲ ጌሻ ማጻፋ ቢርሼላቲ ኤቃ ጸሳታ ጊ ቢርሼቲሰ። 17:6 ዳና 21:25

24 ሚኪያሲ ዛሬዲ፡ «ታኒ ማጺዳ ኤቃ ጸሳታኔ ታሰ ኦሊዛ ቁሴዛ ኢንቴ ቦንቄ ኤኪቲን ታሰ ሃራይ ኦዘ ኦቲዳይ? ሂሰቲን ኢንቴ ታና፡ «ዋናዲ?» ጌቲ?» ጌዴሰ።

25 ዳኔ ቆሞፌ ዪዳ ኦላ ኦሳቲ፡ «ኢሲ ቃላ ቃታዳ ኔና ኤራ! ሃይሳ ዪሎቲ ኡቲዳ ኦሳ ኔ ዳንጸላኮ፡ ኢሰቲ ኔ ቦላ ዳንዳናኔ ኔ ሶ ኦሳ ኡባ ዉርሳና» ጌዳ።

26 ሃሳፌ ጉዬ ዳኔ ቆሞፌ ዪዳ ኦሳቲ ባንታ ኦጌ ቢዳ። ሚኪያሲን ኢሰታራ ኤቁታናሰ ዳንዳናንታይሳ ኤሪዲ ባ ሶ ጉዬ ሰሚ ቢዴሰ።

27 ዳኔ ቆሞፌ ዪዳ ኦሳቲ ሚኪያሲ ማጺዳ ጸሳታኔ ኢዛ ቁሴዛ ኤኪዲ ላይሻ ካታማን ኦናካ ሲቶንታ ሳር ዲዛ ኦሳታኮ ቢዳ፤ ሄ ካታማን ዲዛ ኡባ ገላ ማሻን ሱቼ ሂሰቲ ዋጺዳ፤ ካታማኖካ ታማን ጸጊዳ።

28 ላይሻ ካታማይ ሲዶና ካታማፔ ሃኪ ዲዛ ገሻሰኔ ኦሳይ ሃራ ኦሳራ ጋይቲ ኤርንታ ገሻሰ ኢሰታ ኦሻዚ ኦሲ ኦኒካ ቤቲቤና፤ ላይሻ ካታማይ ቤቲ-ራሆቤ ማታን ዲዛ ዙሉን ዴሰ። ዳኔ ቆሞቲ ካታማ ዛሪ ኦሊዲ ባሰ ዲሳሶ ኬሲዳ።

29 ሄ ካታማይሲ ካሴ ላይሻ ጌቲቲዛ ሱንጎ ላሚዲ ያቆቤ ናይታፔ ኢሳ ሱንጎን፡ «ዳኔ» ጌ ሱንጎዲ።

30 ዳኔ ቆሞቲ ባሰ ጎይናሰ ኤቃ ጸሳታ ኤሲዳ፤ ሙሴ ና ጌርሾማፔ ዩሎቲዳ ዮናታኔ ባንታ ቁሴ ኦሊዳ። ኢዛ ዛሬቲ ኦሳይ ዲኤቲ ቢዳ ዋዴ ጋካናሰ ኢሰታሰ ቁሴ ገዲዳ።

31 ሃሳ ማላን ሃኒዲ ጸሳ ዳንካኔይ ሴሎን ዴኢዳ ላይላታን ኡባን ሚኪያሲ ኦሊዳ ኤቃ ጸሳ ሚሰሌዚ ሄን ጋሞኢዴሰ።

19

ኢሲ ሌዌ ቆሞዛኔ ኢዛ ላጌሶዮ

1 ኢሰራኤሌ ቢታን ካሴ ካዎይ ካዎቶንታ ዋዴ ኤፍሬማን ዙሞቡላ ቦላ ሃሆን ሌዌ ቆሞታፔ ኢሳዴይ ዴሰ። ሄ ኦዴዚ ዩሁዳ ቢታን ቤቲሊሃማ ካታማፔ ባ ላጌሶዮ ኢሲ ማጫሳዮ ኤኪ ዪዴሰ።

2 ጊዶ ኦቲን ኢዛ ኢዛራ ኦይታዳ * ዩሁዳ ቢታን ቤቲሊሃማ ካታማን ዲዛ ባ ኦዎ ሶ ባዳ ሄን ኦይዲ ኦሻና ኡታዲሰ።

3 ኢዚ ላጌሶዮ ኢዛ ዮቲ ኦማንጎዲ ዛሪ ኤኪ ያናሰ ቆፋ ቃቲዴሰ፤ ቢሼ ባ ኦይሌኔ ናሞኡ ሃሬታ ኤኪዲ ቢዴሰ፤ ኢዛ ሞካ ኤካዳ ባ ኦዎ ሶ ጌልላዲሰ፤ ኢዚ ኦዎይ ኢዛ ቤኢዲ ኡፋይሳን ሞኪ ኤኪዴሰ።

4 ናዪ ኦዎይ ኢዚ ሄን ታካና ማላ ዋሲን ኦዴዚ ሚሼኔ ኡዪሼ 3 ጋላሰ ሄን ታኪዴሰ።

5 ኦይዳንጎ ጋላሰ ማላዶ ዋንታራ ዴንዲ ባናሰ ገጌቲዳ፤ ጊዶ ኦቲን ናይ ኦዎይ ባ ናይ ላጌሶዮ፡ «ኔ ዳቡርንታ ማላ ኦይኮ ዶናን ጌልላዳ ባ» ጌዴሰ።

6 ሃሳ ገሻሰ ናሞኡ ኦሳቲካ ኡቲዲ ኢሲፌ ሚዳኔ ኡዪዳ። ሃሳፌ ጉዬ ናይ ኦዎይ ኢዛ፡ «ሃያና፡ ሃቕ ኡፋይታሼ ሃይሳን ታናራ ኦቃ» ጌዴሰ።

7 ናይ ላጌሶዮ ባናሰ ዳንዲን ናይ ኦዎይ ኢዚ ቦንታ ኦቃና ማላ ዋሲን ሄን ኦቁዴሰ።

8 ኢቻሻንጎ ጋላሰ ባናሰ ማላዶ ዋንታራ ዳንዲን ናይ ኦዎይ ቃሴካ፡ «ኔ ዳቡርንታ ማላ ኦይኮ ዶናን ጌልላዳ ባ» ጌዴሰ፤ ሂሰቲን ኢሰቲ ናሞኦይካ ካሳ ኢሲፌ ሚዳ።

9 ኦዴዚ ባ ላጌሶዮ ናይ ኢይሌራ ባና ኬዚን ናይ ኦዎይ፡ «ሃኢ ሳኦይ ቃሚዳ ገሻሰ ሃይሳን ኡፋይቲሼ ኦቁዲ ዋንቶ ማላዶራ ዳንዲዲ ኢንቴ ሶ ቢቲ» ጌዴሰ።

10 ጊዶ ኦቲን ኢዚ ሄ ጋላሰ ሄን ኦቃናሰ ኮዮንታ ገሻሰ፡ ዴንዲዲ ጫናራ ዲዛ ናሞኡ ሃሬታ፡ ባ ላጌሶዮን ባ ኦይሌዛ ኤኪዲ ዩራሳላማ ጌቲቲዳ ያቡሴ ጋኪዴሰ።

11 ኢሰቲ ያቡሴ ማቲሺን ሳኦይ ኬሄ ቃሚዳ ገሻሰ ኦይሌዚ ባ ጎዳሰ፡ «ያቡሴን ጌሊ ኦቁዲ ኦይሰ ዋንቲን ቦኮኒ?» ጌዴሰ።

12 ጎዳዚ ኢዛሰ ዛሬዲ፡ «ኦካይ! ሃይሳ ኢሰራኤሌ ዴሬ ካታማ ጊዶንታ ኦሳ ዴሬ ካታማን ኦቆኮ፤ ጌዴ ገቢኦ ጋካናሰ ካንጎ ቡሰ ባና» ጌዴሰ።

13 ቃሴ ዛሬላዲ ባ ኦይሌዛሰ፡ «ሃ ያ፡ ኦኒ ገቢኦ ካታማን ዋይኮ ኤራማ ካታማን ኦቁዛሶ ዴሚዲ ሄን ኦቃና» ጌዴሰ።

14 ሂሰቲዲ ሲንጎ ቡሰ ጉጂዳ፤ ኢሰቲ ቢዲ ቢኒያማ ቢታን ዲዛ ገቢኦ ካታማ ማቲሺን ኦርሼይ ዉሊዴሰ።

15 ኢሰቲ ገቢኦ ካታማ ጌሊዲ ዲቡሺዛ ዴሞባን ኡቲዳ፤ ጊዶ ኦቲን ሃፔ ኢሰታ ባሶ ኤፊዲ ኦይሲዛ ኦሲ ቤቲቤና።

16 ሄ ጋላሳ ኦማርሰ ኤፍሬማ ዴሬ ሻራ ሚንጎ ቦላፌ ዪዲ ገቢኦን ዲዛ ኢሲ ጪማ ኦዴዚ ባ ጋዴን ኦሊ ፔኢዲ ሶ ሰሚ ዪሼ ኢሰቲ ዲዛሶ ጋኪዴሰ፤ ሄ ዋዴ ሄ ዴሬን ዲዛ ኦሳይ ቢኒያማ ዛሬታ፤

17 ጪማ ኦዴዚካ ሄ ካታማን ዲዛ ዴሞባን ኡቲዳ ኦዴዛ ቤኢዲ፡ «ኔ ኦዎፔ ዪዳ ኦሴ? ኦዎ ባይ?» ጌዲ ኦይቲዴሰ።

18 ኢማላዚ ዛሬዲ፡ «ኦኒ ዩሁዳ ቢታን ዲዛ ቤቲሊሃማ ካታማፔ ዪዴሰ። ሃኢ ኤፍሬማ ዴሬን ዙሞቡላ ቦላ ሃሆን ዲዛ ኦሴን ጸሳ ኬላ ቤላ ቦላ ዲሺን ጋዴይ ቃሚን ሃይሳን ኡቲዴሰ፤ ጊዶ ኦቲን ሃኖ ጋካናሰ ኦና ባሶ ኤፊ ኦይሳና ኦሰ ዴሚቤኮ።

19 ኦ ሃሬታሰ ኡቲላይኔ ሃርቆይ ዴሰ፤ ታሰ፡ ታናራ ዲዛይታሰ ማና ሺንቁይኔ ኡዪዛ ኡሺ ዲዛ ገሻሰ ሃራ ኦይኮካ ኮሼና» ጌዴሰ።

20 ጪማ ኦዴዚ፡ «ሃ ዩቲ ታሶን ኦቁቲ! ኢንቴ ኮይዛይሳ ኡባ ታኒ ኢንቴሰ ኢማና፤ ዲቡሻ ዴሞባን ኦቆፒቲ» ጌዴሰ።

21 ሃሳ ገሻሰ ኢሰታ ባ ሶ ኤፊዲ ኢሰታ ሃሬታሰካ ሃርቆ ዩጊዴሰ። ሃሳፌ ጉዬ ኢማላቲ ባንታ ቶሆዛ ማጫቲዲ ካዎ ሚዳ ኡሺካ ኡዪዳ።

22 ኢሰቲ ኡፋይቲሺን ካታማፔ ዋርባላ ኦሳቲ ዪዲ ኬላ ዩሻን ዩዪ ኦዲዲ፡ «ካሬ ዶያ» ጌዲ ፔንጌ ቆጶላ ዶሚዳ፤ ኢሰቲ ሄ ኬላ ጎዳ፡ «ሃኢ ኔሶ ጌሊዳ ኦዴዛ ሃ ኬሳ፤ ኦኒ ኢዛራ ዚንኦናሰ ኮዮሰ!» ጌዳ።

23 ኬላ ጎዳይ ካሬ ኬዚዲ ኢሰታሰ፡ «ሃኢ ታ ኢሻቶ! ሃሳ ማላ ፓላ ሚሽ ኦላፍቲ፤ ሃይሲ ኦዴዚ ታ ኢማላ።

24 ቤኢቲ! ታሰ ጌላኦ ናያኔ ኢዛ ላጌሶያ ሃይሳን ዴቲሰ። ታኒ ኢሰታ ኢንቴሰ ካሬ ኬሳና፤ ሄ ዋዴ ኢሰታ ኢንቴ ኮይዳይሳ ኦላቲ፤ ጊዶ ኦቲን ሃ ኦዴዛ ቦላ ሃሳ ማላ ሃራሲዛ ኦሶ ኦላፍቲ» ጌዴሰ።

25 ጊዶ ኦቲን ኦሳቲ ኢዚ ገዛይሳ ሲዮንታ ኢዲዳ። ሃሳ ገሻሰ ሌዌ ዛሬዚ ባ ላጌሶዮ ኢሰታሰ ካሬ ኬሲ

* 19:2 ኦይታዳ ገዛይሳ ኢብራዌታ ማጻፋን ላይማታዳ ጌሰ። 19:24 ሜዴ 19:5-8

ዩዲዳስ፤ ሳኦይ ዋንታና ጋካና ላሜቲ ላሜቲ ኢዚራ ዘንኢዲ ሳኦይ ዋንታና ገሺን ዩዲዳ።

26 ኢዛካ ዋንታና ሰባዬ ዘኢሺን ያዳ ኢዚ ጎዳይ ኣቁዳ ጨማ ኣዳዘ ኩፋ ፔንጌን ኩንዳዲስ፤ ጸልቂይ ኬዛና ጋካና ህሳን ፖርጩ። ጋ ኢቻዲስ።

27 ህ ጋላስ ማላዶ ኢዚ ጎዳዚ ዳንዲዲ ባ ኦጌ ባናስ ኩፋ ፔንጌ ዶይዲ ኬዚሺን ኢዛ ላጌላያ ኩፋ ፔንጌን ባ ኩሼ ሚጫዳ ኢቸዳር ቤኢዳስ።

28 ኢዚ ኢዞ፡ «ዳንዳ ኣኔ ቦስ!» ገዴስ፤ ገዶ ኣቲን ኢዛ ኢዛስ ኣይኮካ ዛራቤኩ፤ ህሳፊ ጉዩ ኢዚ ኣሃ ሃራዛ ቦላ ጫኒ ኤከዲ ባሶ ቢዳስ።

29 ሶ ጋኪዳ ማላ ማሻ ኤከዲ ባ ላጌላይ ኣሃ 12 ኬሲ ቃንጾሬላዳስ፤ ኩሜፋ ኢሰራኤል ዳራ ጋካና ማላ ኢሲ ኢሲ ቃንጾ 12 ኢሰራኤል ቆሞታስ ዩዲዳስ።

30 ህሳ ቤኢዳ ኡባይ፡ «ኢሰራኤል ኣሳይ ገብጾ ቢታፊ ኬዘሰፊ ሃቶ ጋካና ህይሳ ማላ ሚሺ ሃኒቤና፤ ኮኒካ ቤዩቤኮ፤ ኣኔ ህይሳ ኢሲፊ ኣኬኪ ዘራቲዲ ኢሲ ሚሽ ኦላስ» ገዳ።

20

ኢሰራኤል ኣሳይ ኦላስ ገጌቲሳ

1 ዳኔፔ ቤርሳቤህ ጌቲቲዛ ካታማ ጋካና ጋላኣዴፕ ኢሰራኤል ኣሳይ ኡባይ ኢሲ ኣሳ ማላ ሚጺጳ ጌቲቲዛ ካታማን ጎዳ ሲንፋን ኢሲፊ ሸቂዳስ።

2 ህ ሸቂዳ ጸሳ ኣሳራ ኢሰራኤል ቆሞታ ካሌሊዛ ቆሞ ሃላቃቲካ ዳቲስ። ኢስታ ገደን ኦላስ ገጌቲዳ 400,000 ኦላንቻቲ ዳቲስ።

3 ህ ዋዴ ኢሰራኤል ኣሳይ ሚጺጳ ካታማን ሸቂዳይሳ ቢኒያሚ ቆሞቲ ሲዩዳ።

ኢሰራኤል ኣሳይ፡ «ሃ ኢታ ሃኖዚ ኣኔ ዋኒ ሃኒዳኮ ኮስ ዮቲቲ» ገዴስ።

4 ህሳ ገሻስ ሃይቂዳሪ ላጌላ ሌዌ ቆሞዚ፡ «ታኒኔ ታ ላጌላያ ኦማርስ ኣቃናስ ቢኒያሚ ቢታን ዲዛ ገቢኣ ጌቲቲዛ ካታማ ቢደስ።

5 ገቢኣ ካታማ ኣሳይ ታና ዋቆናስ ዩዲ ታ ኣቃና ጌሊዳ ኩፋ ኦማርስ ገደላዳስ፤ ህሳፊ ጉዩ ታ ላጌላይራ ኢስቲ ዋልቃን ዘንኢን ሃይቃዲስ።

6 ህ ኢዚ ኣሃ ታኒ ኡካዳ ቃንጾሬላዳፔ ጉዩ ኢስቲ ህይሳ ቱናኔ ፓላ ሚሽ ኢሰራኤልን ኦሊዳ ገሻስ ኢሰራኤል ኣሳይ ላቲዲ ዲዛሶን ኢሲ ኢሲ ቆሞስ ኢሲ ኢሲ ቃንጾ ዩዲዳስ።

7 ኢሰራኤል ኣሳይ ኡባይ ኢንቲ ጋርሳን ኢሶይ ኢሳራ ኣኔ ዘራቲዲ ኢንቲ ፕርዳ ኢሚቲ» ገዴስ።

8 ኣሳይ ኡባይ ኢሲ ዋዚና ገዲዲ፡ «ኮ ገደፊ ኦኒኔ ባ ዳንካኔ ዋይኮ ባሶ ጉዩ ሲሚ ቦፖ፤

9 ኮኒ ገቢኣ ቦላ ኦላናይሲ ሳማ ዩጊዲ ሳማይ ኦና ጋኮሶ ጋኮሶ ኦላስ ዋራጃና።

10 ኩሜፋ ኢሰራኤል ኣሳፔ ኦላ ቢዛ ኣሳታስ ሸንቂ ቶካናስ ጾታፔ ታማታ፡ ሸያፔ ጾታታ፡ ታሙ ሸያፔ ቃሴ ሸያታ ደራና፤ ህሳፊ ጉዩ ኦላንቻቲ ቢኒያሚ ቢታን ዲዛ ገቢኣ ካታማ ቢዲ ህን ዲዛ ኣሳይ ኢሰራኤል ቦላ ኦሊዳ ኢታ ኦሶዛ ገሻስ ኢስታስ ቤሲዛ ቂጻቲ ኢማና» ገዳ።

11 ህሳ ገሻስ ኢሰራኤል ኣሳይ ኡባይ ኢሲ ዋዚናን ገዲዲ ኦላስ ዋራጃዳስ።

12 ኢሰራኤል ዛሬቲ ቢኒያሚ ዛሬታ ኡባስ ኣስ ኪቲዳ፤ «ኢንቲ ገደን ኦሴቲዳ ሃ ኢታ ኦሶዚ ኣዜ?»

13 ኮኒ ኢስታ ዋቂዲ ኢሰራኤልፔ ሃ ኢታ ቆይሳና ማላ ገቢኣ ካታማን ዲዛ ህ ዋርባላታ ኬሲዲ ኮስ ኣላ ኢሚቲ» ገዳ። ገዶ ኣቲን ቢኒያሚ ቆሞቲ ኢሻቲ ኢሰራኤል ናይቲ ዮቲዛይሳ ሲዮንታ ኢጺዳ።

14 ኢስቲ ኢሰራኤል ኣሳራ ኦሊታናስ ባ ዲዛ ካታማታፔ ካታማፔ ኬዚዲ ኢሲፊ ገቢኣ ካታማ ሸቂዳ።

15 ህ ጋላሲካ ገቢኣ ካታማን ዲዛ ኣሳ ገደፊ ዲማ ደራቲዳ 700 ኣሳፔ ቦላራ ቢኒያሚ ካታማታፔ ዩዳ ገላ ማሻን ኦሊቲዛ 26,000 ኦላንቻታ ሸሺዳ።

16 ህ ኡባታ ገደፊ 700 ኣሳቲ ሃዲርሳ ኩሼን ኦሊዛይታ፤ ሃ ኡባቲካ ያንባርሻን ሹቶ ኦሊዲ ሃራይ ኣቶሺን ኢሲ ቢናናካ ሃሌቲና። *

17 ቢኒያሚ ቆሞ ጉጃንታ ኢሰራኤል ኣሳይ ኦላስ ገጌቲዳ 400,000 ኦላንቻታ ሸሺዳስ።

ቢኒያሚ ዛሬታ ቦላ ዳንዲዳ ኦላ

18 ኢሰራኤል ኣሳይ ቤቲሌ ቢዲ፡ «ቢኒያሚ ኣሳ ኦላናስ ኦፔ ሲንፋቲዲ ኦኒ ኬዛኔ?» ገዲ ጸሳ ኦይቸዳስ። ጎዳይካ፡ «ኮይር ዩሁዳ ቆሞይ ኬዞ» ገዴስ።

19 ህሳ ገሻስ ዋንቲላ ጋላስ ማላዶ ዋንታራ ኢሰራኤል ኣሳይ ዳንዲዲ ገቢኣ ካታማ ማታን ዲንካኒዳስ።

20 ህሳፊ ጉዩ ኢሰራኤል ኣሳይ ቢኒያሚ ኣሳራ ኦሊታናስ ቢዳስ፤ ገቢኣ ካታማ ማታን ኢስታራ ኦሊታናስ ያቻን ያቻን ኤቂዳስ።

21 ቢኒያሚ ቆሞቲ ገቢኣ ካታማፔ ኬዚዲ ህ ጋላስ ኢሰራኤል ኣሳፔ 22,000 ኦላንቻታ ዋቂዳ።

22-23 ኢሰራኤል ኣሳይ ቢዲ ሳኦይ ቃማና ጋካናስ ጎዳ ሲንፋን ዩኪዳስ፤ «ኮ ኢሻታራ፡ ቢኒያሚ ኣሳታራ ኦሊታናስ ናሞኣንፋ ፑዴ ቦኒ?» ገዲ ጎዳ ኦይቸዳስ። ጎዳይካ፡ «ኤ! ኢስታራ ኦሊታናስ ፑዴ ቤቲ» ገዴ ዛሬዳስ። ኢሰራኤል ኣሳይ ኢሶይ ኢሳ ሚንጫዲ ኮይር ጋላስ ኢስቲ ኦላስ ያቻን ያቻን ኤቆሶዛ ሲሚ ቢ ኤቂዳ።

24 ናሞኣንፋ ጋላስ ኢሰራኤል ኣሳይ ቢኒያሚ ቆሞታራ ኦሊታናስ ሸቂዳስ።

25 ናሞኣንፋ ጋላሲካ ቢኒያሚ ኣሳይ ገቢኣ ካታማፔ ኬዚዲ ኢሰራኤል ኣሳፔ ገላ ማሻ ገዲዳ 18,000 ኣስ ዋቂዳ፤

26 ህሳፊ ጉዩ ኢሰራኤልቲ ኡባይ ቤቲሌ ቢዲ ዩኪዳ፤ ህን ጸሚዲ ሳኦይ ቃማና ጋካናስ፡ ጎዳ ሲንፋን ኡቲዳ፤ ጎዳ ሲንፋን ጸጌቲዛ ያርሾኒ ኢሲፊቲላ ያርሾ ሸሺዳ።

27 ህ ዋዴ ጸሳ ጫቆ ታቦታይ ቤቲሌ ካታማን ዳስ፤ ኢስቲካ ህን ጸሳ ሸኔ ኤራናስ ጸሳ ኦይቸዳ፤

28 ህ ዋዴ ህን ኦሊዛይ ኣርኔይ ዩሊዳ ኤልኤዜሪ ና ፊኒሃሴ፤ ኢሰራኤል ኣሳይ ጎዳ፡ «ቢኒያሚ ኣስ ገዲዳ ኮ ኢሻታራ ኦሊታናስ ቃሴካ ቢዲ ኦሊቲኖ ዋይኮ ኣጋገና?» ገዲ ኦይቸዳስ። ጎዳይ፡ «ቢዲ ኦሊቲቲ! ታኒ ኢስታ ዋንቶ ኢንቲ ኩሼን ኣሳ ኢማና» ገዴስ።

19:29 1ሳሚ 11:7 * 20:16 ያንባርሻ ገዛይሲ ኢሲ ኢሲ ባጋ ጋሞላ ቃላን ቆይቄ ጌቲቲስ።

29 ሄሳፌ ጉዬ ኢሰራኤል አሳይ አማርዳ ኦላንቻታ ጊቢአ ካታማ ዩሾን ቆቴቲ ናገና ማላ ኦሊዳስ።

30 ሄዳንታ ጋላስ ኢሰራኤል ኦላንቻቲ ካሴይሳላካ ቢኒያሜ ኦላንቻታ ኦላናስ ቢዲ ጊቢአ ካታማ፤ ሲንሳ ባጋራ ያቻን ያቻን ኤቁዳ።

31 ቢኒያሜ ቆሞቲ ኢሰታራ ኦሊታናስ ኬዚዳ፤ ሄ ኦላ አሳ ካሊሽ ባ ዲዛ ካታማ፤ ሄኮሶ ቢዳ፤ ካሴይሳላካ ቤቴሌኔ ጊቢአ ኤፊዛ ኣሆ ኦጌታኒኔ ዳሞባታን ኢሰራኤል አሳ፤ 30 ጊዲዛ አሳታ ዋዲዳ።

32 ቢኒያሜ ቆሞቲ፡ «ኮኒ ካሴይሳላካ ኢሰታ ጸኖ ቦላ ደሰ!» ጊዳ። ጊዳ ኣቲን ኢሰራኤል አሳይ ባ ባጋራ፡ «ኮኒ ጉዬ ባቃቲሽ ኢሰቲ ካታማ፤ ኬዚ ሃካና ማላ ኣኔ ኦላስ» ጊዳ።

33 ሄሳ ጊሻስ ኢሰራኤል አሳይ ኡባይ ካሴ ባ ዲዛሶ፤ ጉዬ ባቃቲዲ ባኣሊ-ታማሪ ጌቴቲዛሶን ያቻን ያቻን ኤቁዳ፤ ቆቴቲ ኡቲ ናገዛ ኢሰራኤል አሳይ ጊቢአ ዳሞባፌ ኬዚዳስ፤

34 ኢሰራኤል ኡባፌ ዶሬቲዳ 10,000 አሳቲ ጊቢአ ቦላ ኦላ ዳንሳዲ፤ ኦላይ ኬሄ ዋልቃሚዳ። ሄ ኡባይ ሃኒዛ ዋዳ ባስ ጳዮይ ማታቲዳይሳ ቢኒያሜ ቆሞቲ ኣይኮካ ኤሪቤቴና።

35 ኢሰራኤላቲ ቢኒያሜ ቆሞታ ቦላ ጸኖ ዳማና ማላ ጎዳይ ኦሊዳስ። ሄ ጋላስ ኢሰራኤል አሳይ ቢኒያሜ ቆሞታ፤ ጊላ ማሻ ጊዲዳይታ 25,100 ኦላንቻታ ዋዲዳ።

36 ሄሳ ጊሻስ ኢሰራኤል አሳይ ባና ጸኒዳይሳ ቢኒያሜ አሳይ ኤሪዳስ። ኢሰራኤል አሳይ ጊቢአ ካታማ ዩሾን ዛማዲ ኡቲዳ ኦላንቻታን ኣማኔቲዳ ጊሻስ ቢኒያሜ አሳን ጸኔቲዳ ሚሳቲዲ ጉዬ ባቃቲዳስ።

37 ዛማዲ ናገዛ ኦላንቻቲ ጊቢአ ካታማ ኤሶን ዋዲ ጌሊዲ ካታማ ጊዳን ዳሚዳ ኡባ ዋዲዳ።

38 ዛማዲዲ ናገዛ ኢሰራኤል ኦላንቻቲ ካታማ ጊዳን ማላታ ጊዳና ማላ ጩዋ ሻራሶ ፑዳ ዳንሳናስ ካሴ ሃሳዪ ዋሊዳ።

39 ኦላ ዳሞባን ዲዛ ኢሰራኤል አሳይ ባቃቲዛሶ፤ ጉዬ ሲሚዲ ኢሰታ ኦሊዳ። ቢኒያሜ አሳቲ ኢሰራኤል አሳ፤ 30 ጊዲዛ አሳታ ዋዲዳ፡ «ካሴይሳላ ሃኣካ ኮኒ ኢሰታ ጸኒዳስ» ጊዲ ጩቁቲዳ።

40 ጊዳ ኣቲን ማላታ ጩዋይ ሻራ ማላ ካታማ ጊዳን ቱሉ ጊሻን ቢኒያሜ ቆሞቲ ጉዬ ሲሚ ዳሊዳ፤ ካታማያ ሙሌራ ታማን ጸጌቲሻን ታማ ላጮይ ፑዳ ኬዚዳይሳ ቤኢዳ።

41 ሄሳፌ ጉዬ ካሴ ባቃቲዳ ሃኒዛ ኢሰራኤል አሳይ ሲሚ ዋዲዳ ቢኒያሜ ቆሞታ ኦላ ኦይኪዳስ፤ ቢኒያሜ ቆሞቲ ኢሰታስ ወሮ ጋላስ ጊዲዳይሳ ኤሪዳ ኬሄ ዳጋሚዳ።

42 ሄሳ ጊሻስ ኢሰቲ ኢሰራኤል አሳ ሲንሳፌ ባዘ ሲሚዲ ባቃቲዳ፤ ጊዳ ኣቲን ኦላይ ኢሰታ ካሊ ጋኪዳስ፤ ካታማታ፤ ኬዚዳ ኢሰራኤል ኦላንቻቲ ጊዳ ኣሊ ኢሰታ ዋዲ ወርሲዳ።

43 ኢሰራኤል አሳይ ቢኒያሜ ቆሞታ ጊዳሊ ኦይኪዲ ጊቢአ ካታማ፤ ኣርሼይ ኬዚዛ ባጋራ ዲዛሶሆ ጋካናስ ዳሮ ዳሬ ዋዲዳ።

44 ሄሳን ቢኒያሜ ቆሞታ፤ 18,000 ሚና ኦላንቻቲ ሃይቁዳ፤

45 ኢሰታፌ ኣቲዳይቲ ጉዬ ሲሚዲ ባዘ ካንሊዲ ኤርሞኔ ጌቴቲዛ ዛላኮ ባቃቲዳ፤ ኢሰራኤላቲ ኢሰታፌ

5,000 አሳታ ኦጌን ዋዲዳ፤ ኢሰታፌ ኣቲዳይታ ጊዲዳሜ ጊዛ ሶሆ ጋካናስ ዩዳዲዲ ናሞኡ ሺ ኣሰ ሃራ ጉጂ ዋዲዳ።

46 ሄ ጋላስ ቢኒያሜ ቢታፌ ጊላ ማሻን ኦሊቲዛ 25,000 አሳቲ ሃይቁዳ፤ ሄ ኡባቲካ ሚና ኦላንቻታ።

47 ጊዳ ኣቲን 600 አሳቲ ባዘ ካንሊዲ ኤርሞኔ ዛላኮ ባቃቲዲ ሄን 4 ኣገና ታኪዳ።

48 ኢሰራኤል አሳይ ኣቲዳ ቢኒያሜ አሳኮ ጉዬ ሲሚዳ፤ ኣቲማሳኔ ማጫሳ፤ ናይታኔ ሜሄ ኡባ ዋዲዳስ፤ ዳሚዳ ካታማታ ኡባ ታማን ጸጌዳስ።

21

ቢኒያሜ ዛሬታስ ማጫስ ኮሹ

1 ኢሰራኤል አሳይ ሚጸዳ ጌቴቲዛሶን ሸቁዳ ዋዳ፡ «ኮ ጊዳፌ ኦኒኔ ቢኒያሜ አሳስ ባ ማጫ ና ማቾ ኢሞንታ ማላ» ጊዲ ጫቁቲ ኡቲዳስ።

2 ኢሰራኤላቲ ቤቴሌ ካታማ ቢዲ ሃን ሳኣይ ቃማና ጋካናስ ጸሳ ሲንሳን ኡቲዳ፤ ባንታ ቃላካ ዶቁ ሂሰቲዲ ጫሞ ዩሆ ዩኪዳ።

3 «ኣቤት ጎዳ ኢሰራኤል ጸሳዉ፡ ሃ ዮኦይ ኣይሰ ኢሰራኤላን ሃኒዳ? ሃቾ ኢሰራኤል አሳ ጊዳፌ ኢሲ ዛሬይ ኣይሰ ፓጩዳ?» ጊዳ።

4 ዋንቲላ ጋላስ ማላዳ ዋንታራ ኢሰቲ ዳንዲዳ፡ ያርሾ ያርሽዛሶ ሃን ጊገሲዲ ጸጌቲዛ ያርሾታኔ ኢሲፌቲላ ያርሾታ ሸሸዳ።

5 ሂሰቲዲ ኢሰራኤላቲ፡ «ኢሰራኤል ዛሬ ኡባፌ ጎዳ ሲንሳን ሸቁዛሶ ዮንታ ኣቲዳ ዛሬይ ኦኒ?» ጊዲ ኦይቺዳ። ኢሰቲ ሃሳ ኦይቺዳ ጋሶይካ ሚጸዳ ካታማን ጎዳ ሲንሳን ሸቃናስ ዮንታ ኣቲዳ ኣሲ ኦኒካ፡ «ኢዚ ሙሊራ ሃይቆ» ጊዲ ካሴ ጫቁዳ ጊሻሳ።

6 ኢሰራኤል አሳይ ባንታ ኣሻታስ፡ ቢኒያሜ ቆሞታስ ቃዲቲዳ፡ «ሃቾ ኢሰራኤላ፤ ኢሲ ቆሞይ ጳይዳስ።

7 ኮኒ ኦ ማጫ ናይታ ኢሰታስ ኢሞንታ ማላ ጎዳን ጫቁዳ ጊሻስ ሃይቆ፤ ኣቲዳ ቢኒያሜ ቆሞቲ ማቾ ዳማና ማላ ኮኒ ኣይ ኦላኔ?» ጊዳ።

8 ቃሴካ ኢሰታስ፡ «ኢሰራኤል ቆሞታ፤ ሚጸዳ ካታማን ጎዳ ሲንሳ ዮንታይ ኦኒ?» ጊዲ ኦይቺዳ። ቤኣቴ! ጋላኣዳን ዲዛ ያቡሴ ጌቴቲዛ ካታማ፤ ኢሳዳይካ ሸቆ ዮንታይሳ ኤሪቲ።

9 ኢሰቲ አሳ ቆዲዳ ዋዳ ጋላኣዳን ዲዛ ያቡሴ፤ ኢሲ ኣሰካ ቤቲቤና።

10 ሄሳ ጊሻስ ማባራይ 12,000 ሚና ኦላንቻታ ጋላኣዳን ዲዛ ያቡሴ ካታማ ኪቲዳ፡ «ቢቴ፤ ቢዲ ያቡሴን ዲዛይታ ኡባ ጊላ ማሻን ቡሳኪቴ፤ ማጫሳካ ጉላ ናይታካ ኣሾፍቴ።

11 ሂሰቲቲ ኣዳኔ ኣዳ ጌሊዳ ማጫሳ ኡባ ዋዲቲ» ጊዲ ኣዛዚዳ።

12 ያቡሴ ካታማን ዲዛ አሳ ኡባ 400 ጌላኦታ ዳሚዳ፤ ኢሰቲካ ካናኔ ቢታን፡ ሴሎ ጌቴቲዛ ጉታ ኤኪ ኤሂዳ።

13 ሄሳፌ ጉዬ ኩሜላ ማባራይ ኤርሞኔ ዛላ ጌቴቲዛሶን ዲዛ ቢኒያሜ ቆሞታኮ ሲጌታናስ ኪታ ዩዲዳ።

14 ቢኒያሜ ቆሞቲ ሲሚዲ ዩዳ፤ ኢሰራኤል አሳይ ያቡሴ ካታማ፤ ዋዲንታ ኤሂዳ ጌላኦታ ኢሰታስ ኢሚዳስ። ጊዳ ኣቲን ጌላኦታ ቆዲይ ጉላ ጊዲዳ ጊሻስ ኣቲማ አሳ ጋኪቤና።

15 ጎዳይ ኢሰራኤል ዜሪሳ ጊደን ዲዛ ኢሲፊቴሳይ ዲጸና ማላ ኦሊዳ ጊሻስ አሳይ ቢኒያሜ አሳስ ኬሂፕ ቃዴቲዳስ።

16 ዳሪ ጨማቲ፡ «ቢኒያሜ ቆሞታፔ ማጫሲ ሃይቂ ወሪዳ ጊሻስ ሃይቆፔ አቲዳ አቲማ አሳስ ኮኒ ማጫሰ ዋሰቲ ዴማኔ?»

17 ኢሰራኤል አሳ ጊደፊ ኢሲ ቆሞይ ዶሚ ቆሞንታ ማላ፡ ቢኒያሜ ቆሞታፔ አቲዳይታስ ላቲዛይ ዳናስ ቤሴስ።

18 ጊዲኮኔ ኮኒ ኮ ማጫ ናይታፔ ኢስታስ ኢማናስ ዳንዳዮኮ፤ አይስ ጊኮ ኢሰራኤል አሳይ ካሴ፡ «ባ ናዮ ቢኒያሜ ቆሞስ ኢሚዛ አሲ ቃንጌቲዳይ ጊደ» ጊዲ ጫቂቲ ኡቲዳስ» ጊዳ።

19 ሃሳፊ ጉዬ ዳሬ ካሌሊዛ ጨማቲ፡ «ቤኢቲ፡ ላይላን ላይላን ሴሎን ጎዳ ቦንቲዛ ባአሌይ ማቲዳስ» ጊዳ። ሴሎይ ቤቴሌፔ ፑዳሃ ባጋራ፡ ላቦናፔ ዳጌሃ ባጋራ ቤቴሌፔ ሴኬሜ ጊደራ ኤፊዛ ኦጌፔ አርሼ ኬሳ ባጋራ ዳስ።

20 ሄ ዳራ ካሌሊዛ ጨማቲ ቢኒያሜ ቆሞታ፡ «ቢቲ፤ ቢዲ ዋይኔ ቱራ ጊደን ቆቴቲ ኡቲቲ!

21 ናጊቲ! ሴሎ ካታማ ማጫ ናይቲ ባአሌ ጋላስ ካራቤ ኦይኪዲ ዩጲሼኔ ዳሪሼ ዩሺን ኢንቲ ዋይኔ ቱራ ጊደፊ ኬዚቲ። ኡባይካ ሴሎ ማጫ ናይታፔ ኢንቲስ ዳፊዲ ቢኒያሜ ቢታ ኤኪ ቢቲ።

22 ኢስታ አዋቲ ዋይኮ ኢስታ ኢሻቲ ኮኮ ማጋናናስ ዩዛ ዋዳ ኮኒ ኢስታስ፡ «ሃኢ ሃያና! ኢስታ ኮስ ኢሚቲ፤ አይስ ጊኮ ኮኒ ኢስታ ሁኤን ሁኤን ጋኪዛ ማጫሳ አላ ሶሆፔ ዳሚቤኮ፤ ኢንቲ ደሳን ኢሞንታ ጊሻስ ሞራንቻ ጊዳኬታ» ጋና» ጊዳ።

23 ቢኒያሜ ቆሞቲካ ኢሰራኤል ጨማቲ ጊዳ ማላ ኦሊዳ፤ ኡባይካ ሴሎን ዩጲዛ ማጫ ናይታፔ ባንታ ቆዳ ኬና ዳፊ ኤፊዳ። ኢስቲ ባንታ ላታ ቢታ ሲሚዲ ካታማታ ዋሊ ኬጲዲ ሃን ዴኢዳ።

24 ሄ ዋዳ ኢሰራኤል አሳይ ሄፔ ላሌቲዲ ኡባይካ ባ ቆሞኮ ቆሞኮኔ ባሶ አሳኮ አሳኮ ቢዳስ።

25 ሄ ዋዳ ኢሰራኤል ቢታን ካዋይ ባዋ፤ አሲ ኡባይ ባስ ሎኦ ሚሳቲ ቤቶይሳ ጮ ኦሴስ።

ኡሩቲ ማጻፋ ጊደ ቆፋ

ኡሩቲ ታሪኬይ ሳርቴላ ኩሚዳ ታሪኬይ ዳናታ ማጻፋን የቲቲዳ ማካላንቻታ ዋዴ ሃ ታሪኬይ ዳፊቲዳስ። ሞክሮ ዳሬ ኣሰ ኡሩታ ኢሰራኤሌ ኣሳፕ ኢሳ ጌላዲስ። ኢዚ ኣዚናይ ሃይቁን ኢሰራኤሌ ዳሬ ኣሰ ጊዲዳ ሳ ሰሎቴይስ ኬሂ ማላሊሲዛ ኣማኔቲል ቤሳዲስ። ሃሳላካ ቃሴ ጎዳ ኢሰራኤሌ ጸሳ ኬሃ ሲቃዲስ። ወርሴሳን ቤኒ ሳ ኣዚና ዳቦታፔ ኢሳ ጌላዲስ። ሃሳን ኢሰራኤሌ ቢታን ጊታ ካዎ ጊዲዳ ዳዊቲስ ማኤ ጊዳናስ ቃዳ ዳማዲስ።

ዳናታ ማጻፋን ዲዛ ታሪኬቲ ጸሳ ኣሳይ ጸሳፊ ሃኪዳ ጋሶን ኢሰታ ጋኪዳ ሳሻ ቤሴቲስ። ኡሩቲ ማጻፋን ዲዛ ታሪኬይ ሳ ዋዚና ኢሰራኤሌ ጸሳኮ ዛሪዳ ኢሲ ኣላጋ ማጫሳያ ኣንጃቲዳይሳኔ ኣማኔቲዳ ኢዛ ኣሳፕ ኢሲኔየ ጊደ ቆዴታና ዳንዳይዳይሳ ቤሴስ።

ሃ ማጻፋይ ኦይኪዳ ኩሚዳ ቆፋ

ኡሃማ ኡሩቲራ ቤቴሊሃሜ ሲሞ 1:1-22
 ቦኤዘራ ኡሩቲ ኤራቲል 2:1—3:18
 ቦኤዘይ ኡሩቶ ማቾ ኤኮ 4:1-22

ኣቢሜሌኬ ቤቲ ቡሰ

1 ኢሰራኤሌ ቢታ ዳናቲ ሃሪዛ ዋዴ ሂ ቢታን ኮሻይ ዳንዲዳስ። ሂሰቲን ኢሳዳይ ሳ ማቾኔ ናምኡ ኣቱማ ናይታ ኤኪዳ የሁዳ ዳሬን ዲዛ ቤቴሊሃሜ ካታማፔ ዳንዲዳ ሞክሮ ቢታ ቢዳስ።

2 ሂ ኣዳዛ ሱንላ ኣቢሜሌኬ፤ ማቾይ ሱንላ ኡሃሞ፤ * ናምኡ ናይታ ሱንላ ማሃሎኔኔ ኬሎኔ ጌቲቲስ። ኢሰቲ የሁዳ ቢታን ቤቴሊሃሜ ካታማን ኤፍራታ ዳሬ ኣሰ ጊዲሼ ሞክሮ ዳሬ ቢዲ ሃን ዳኢዳ።

3 ሃን ዲሼን ኡሃሚ ኣዚና ኣቢሜሌኬይ ሃይቁን ኢዛ ሳ ና ናምኣታራ ጸላ ኣታዲስ።

4 ኢዚ ናይቲ ሞክሮ ቢታ ማጫ ናይታፔ ኦርፋኔ ኡሩቶ ማቾ ኤኪዳ። ኢሰቲካ ሃን ታሙ ላይላ ኬና ዳኢዳ።

5 ማሃሎኔይኔ ኬሎኔይ ናምኣቲካ ሃይቁዳ። ኡሃማ ኢዚ ኣዚናይኔ ናምኡ ናይቲ ሃይቁን ባርካ ኣታዲስ።

ኡሃማ ኡሩቲራ ቤቴሊሃሜ ሲሞ ቡሰ

6 ኢዛ ሞክሮን ዲሼን ጎዳይ ሳ ኣሳ ሞኪ ጸሊዲ ኢሰታሰ ካል ኢሚዳይሳ ሲያዳ ናይታ ማቾታ ናምኣታ ባናራ ኤካዳ ሳ ዳሬ ሲማ ባና ኬዛዲስ።

7 ካሴ ሳ ዲዛሶ ዩጋዳ ናይታ ማቾታ ናምኣታራ ኢሲፊ የሁዳ ቢታ ኤፊዛ ኦጌን ጌሊዲ ቡሰ ደሚዳ።

8 ሃሳፊ ጉዬ ኡሃማ ሳ ናይታ ማቾታ ናምኣታሰ። «ኢንቲ ወሪካ ኢንቲ ኣዩኮ ኣዩኮ ሲሚቲ፤ ሃይቁዳ ኢንቲ ኣዚናታሲኔ ታሰ ኢንቲ ሎኦ ኦሊዳይሳሳ ጎዳይካ ኢንቲሰ ኢዛሶ ኦሎ።

9 ኢንቲ ኢሶይ ኢሶይ ጌላና ኣዚናሶን ጎዳይ ኢንቲሰ ዎፓ ኢሞ» ጋዳ ኢሰታ ዩራዲስ።

ኢሰቲ ሳ ቃላ ቆቁ ሂሰቲዲ ዩኪዳ፤

10 ቃሴካ ኢሰቲካ ኢዚሰ። «ኑኒ ኔናራ ኔ ኣሳኮ ባና» ጊዳ።

11 ኡሃማ ኢሰታሰ። «ታ ናይቶ ጉዬ ኢንቲሶ ሲሚቲ፤ ኢንቲ ታናሩ ኣይሰ ቤቲ? ኢንቲሰ ኣዚና ጊዳና ኣቱማ ናይታ ታ ቡር ዩላና ኢንቲሰ ሚሳቲዜ?»

12 ታ ናይቶ ታኒ ሃራ ኣዚና ጌሎንታ ማላ ኬሃ ጨማዲስ፤ ታኒ ሃቾ ኣዚና ጌላዳ ኣቱማ ና ዩሊዛኮካ።

13 ኢሰቲ ዲጨ ጋካናሼ ኢንቲ ኢሰታ ናጋኔ? ኢሰታ ናገሼ ኢንቲ ኣዚና ጌሎንታ ጋሞኣኔ? ታ ናይቶ። ሄሲ ሃኔና፤ ጎዳ ኩሼይ ታ ቦላ ዳንዲዳ ጊሻሰ ሃይሲ ሃ የኦይ ኢንቲፊ ቦላራ ታሰ ጫሞ» ጋዲስ።

14 ሃሳ ጊሻሰ ኢሰቲ ሳ ቃላ ቆቁ ሂሰቲዲ ቃሴካ ዩኪዳ። ሂሰቲን ኦርፋይ ሳ ቦሎቴዮ ዩራ ኤካዳ ሲማዲስ። ጊደ ኣቲን ኡሩታ ኢዚፔ ሻኬታና ኮዮንታ ጊሻሰ ኢዛ ኢዲማ ኦይካዳ ዩደንታ ኢጸዳስ።

15 ኡሃማ ኢዚሰ ዛራዳ። «ቤያ፤ ኔ ኣዚና ኢሻ ማቾያ ሳ ኣሳታኮኔ ሳ ኤቃ ጸሳታኮ ሲማዲስ። ኔኒካ ኢዚራ ሲማ ባ» ጋዲስ።

16 ጊደ ኣቲን ኡሩታ ዛራዳ። «ታኒ ኔፔ ሻኬታና ማላ ዋይኮ ኔና ኣጋዳ ጉዬ ሲማና ማላ ታና ዋዩሶፓ። ኔኒ ቢዛሶ ኣዋካ ታ ባና፤ ኔኒ ዲዛሶን ኣዋንካ ታ ዳና፤ ኔ ኣሳይ ታ ኣሰ ጊዳና፤ ኔ ጸሲ ታ ጸሰ ጊዳና።

17 ኔ ሃይቁዛሶን ታ ሃይቃና፤ ሃንካ ታኒ ሞጌታና፤ ሃይቆፔ ኣቲን ሃራይ ታና ኔፔ ሻኪኮ ጎዳይ ታ ቦላ ፐርዳ፤ ሃሳፊካ ቦላራ ሃራ ኢታ ኢዚ ታ ቦላ ኦሎ» ጋዲስ።

18 ኡሩታ ኢዚራ ባናሰ ሳ ቆፋ ቃቼዳይሳ ኡሃማ ኤሪዳ ዋዴ ሳ ጊዛይሳ ኣጋዳ ጫኡ ጋዲስ።

19 ሃሳፊ ጉዬ ናምኣቲካ ቤቴሊሃሜ ጋካናሰ ኢሲፊ ቢዳ። ኢሰቲ ቤቴሊሃሜ ጋኪዛ ዋዴ ሂ ካታማ ኣሳይ ወር ኢሰታ ሃናታን ማላላቲዳስ። ቃሴ ማጫሳቲ። «ሃና ኡሃሚ?» ጊዳ።

20 ኢዛ ዛራዳ ኢሰታሰ። «ኡባ ዳንዳይዛ ጸሲ ታ ዲሳ ዳር ጫሚሊዳ ጊሻሰ ታና። (ጫሞዬ!) ጊቲ ኣቲን፤ (ኡሃሚ) ጎፐቲ።

21 ታኒ ኩሚዳ ኬዛዲሰ ሼን ጎዳይ ታና ማላ ኩሼ ዛሪዳስ። ጎዳይ ታና ኡንኤሊዳስ፤ ኡባ ዳንዳይዛ ጎዳይ ታ ቦላ ኢታ ሚሽ ጋሊዳስ። ሂሰቲን ታና ኣይሰ ኡሃሚ ጊ ጸይጌቲ?» ጋዲስ።

22 ሃሳፊ ጉዬ ኡሃማ ሳ ና ማቾ ኡሩቲራ ሞክሮፔ ሲማዲስ። ኢሰታ ባንጋይ ማጻ ደማቲሺን ቤቴሊሃሜ ጋኪዳ።

2

ፐጼ ሺሻናሰ ኡሩቲ ቡሰ

1 ኡሃሚሰ ኢዚ ኣዚና ኣቢሜሌኬ ባጋራ ዳቦቲዛ ቦኤዘ ጌቲቲዛ ኢሲ ኤፊቲዳ ዳሬ ኣሰ ዳስ።

2 ኢሲ ጋላሰ ሞክሮ ዳሬ ኣሰ ኡሩታ ኡሃሞ። «ታ ኢዛ ሲንላን ፑላቲን ታና ፐጼ ሺሻሳና ኣሰ ዳሚኮ ኣኔ ታኒ ኢዛ ካሊ ማጼቲዛሶ ባይሰ» ጋዲስ። ኡሃማካ ዛራዳ ኢዚሰ። «ኤ ታ ናዩ ባ» ጋዲስ።

3 ሂሰቲን ኡሩታ ባዳ ካል ማጸዲዛ ኣሳ ጉዬፔ ፐጼ ሺሻ ደማዲስ፤ ኢዛ ፐጼዛ ሺሻዛ ጋዴይ ኣቢሜሌኬ ዳቦ ቦኤዘ ጋዴ።

4 ሂ ዋዴካ ቦኤዘይ ቤቴሊሃሜ ካታማፔ ጋኪ ዋዲዲ ካል ማጸዲዛ ኣሳ። «ጎዳይ ኢንቲሰ ዋልቃ ኢሞ» ጊዳስ። ኢሰቲካ ዛራዳ። «ጎዳይ ኣንጀ» ጊዳ።

* 1:2 ኡሃሞ ጉሲ ኢብራዊታ ቃላራ ኡፋይሲዛይሳ ጉሳ። 2:2 ለዌ 19:9-10፤ ዛሬ 24:19

5 ሂሰቲን ቦኤዜይ ካል ማጸዳደታሰ ካቦዛ፣ «ሃና ናቲላ ናያ ኦናሪ?» ገ ኦይቺዳሰ።

6 ካቦዚ ዛሪዲ፣ «ሃና ኦሃሚራ ዪዳ ሞኣቤ ዳሬ ማጫ ና።

7 ኢዛ ታና፣ «ካል ማጸዳደታ ጌዶ ካላዳ ሚርቄ ገደፌ ዎዲዳ ፒጶ ሺሸ?» ገዳ ኦይቺዳሰ። ሂሰታዳ ጉላ ዎዳ ኩዋታና ሺምፖሪፔ ኦቲን ማላዶፔ ዶማዳ ሃኢ ገካናሰ ፒጶ ገምኣዲሰ» ገዳሰ።

8 ሂሰቲን ቦኤዜይ ኡሩቶ፣ «ታ ናዬ ሲያ፤ ፒጶ ሺሸናሰ ሃራ ኣሳ ገዳ ቦፓ፤ ቃሴ ሃይሳፌ ኣዋካ ቃጶፋ፤ ታሰ ኦላዛ ማጫ ናይታራ ሃይሳን ፔኣ።

9 ኣቲማ ኣሳቲ ማጸዳደታ ጸላዳ ማጫ ናይታ ካላ፤ ኣዳቲ ኔና ቦቸንታ ማላ ታኒ ኢሰታሰ ዮታዲሰ፤ ኔና ሳሚዛ ገዲኮ ኣዳቲ ኤሂ ዎላዳ ሃላፌ ዱቃ ዱቃ ኡያ» ገዳሰ።

10 ኡሩታ ባ ሁኤ ቢታ ገላ ዚገዳ፣ «ታኒ ኣሳ ዳሬ ኣሰ ገዲኪና? ኔ ታሰ ሚሺታና ማላ ታ ዋና ኔ ሲንላን ሳባ ዳማዲና?» ገዳሰ።

11 ቦኤዜይ ዛሪዲ፣ «ኔ ኣዚናይ ሃይቆሶፔ ኔኒ ኔ ቦሎቴይሰ ኦላዳ ሚሸ ኡባ ታ ሲያዲሰ። ቃሴ ኔኒ ኔ ኣዮ፣ ኔ ኣዋኔ ኔ ዬሌቲዳ ቢታ ኣገዳ ሃይሳፌ ካሴ ኔ ኤርንታ ዳራራ ዳናሰ ዪዳይሲ ታሰ ዮቲቲዳሰ።

12 ኔኒ ኦላዳይሳ ኩሺ ጎዳይ ኔሰ ዛር። ኔኒ ኢዛ ቄሬ ገርሳን ኣታናሰ ዪዳ ጎዳ ኢሰራኤሌ ጸሳይ ኔሰ ዳኮ ኢዎ» ገዳሰ።

13 ኡሩታ፣ «ታ ጎዶ፣ ታ ፑላቴላ ኔ ሲንላን ጉጃቲ ጉጃቲ ቢዳሰ፤ ታኒ ኔ ኦሳንቻታፔ ኢሲኔይ ማላ ገዲኪ ሺን ኔ ታሰ ሎኦ ሃሳያዳ ታና ኬሃ ሚንሴላዳሳ» ገዳሰ።

14 ቁማ ሚሺን ቦኤዜይ ኢዛ፣ «ሃ ሺቃ፤ ኡኬላ ኤካዳ ኡሰታራ ማ» ገዳሰ፤ ሂሰቲን ኢዛ ካል ማጸዳደታራ ሺቃ ኡታዲሰ፤ ሂሰቲዲ ኢዚሰ ቲያ ሃላሃሰ ኢሚዳሰ፤ ኢዛ ካላናሺ ገካናሰ ማዲሰ፤ ቁማዚካ ፓላሂዳሰ።

15 ቃሴካ ኢዛ ፒጶዛ ሺሸናሰ ዳንዲዛ ዎዳ ቦኤዜይ ባ ኦሳንቻታ፣ «ሚርቄዛ ገርሳፌካ ኢዛ ቆሪኮ ኢዛ ዬላቸፍቲ።

16 ሚርቄዛፔካ ሸዲዲ ኢዚሰ ዬጊኮ ኢዛ ቆሩ፤ ኢዛ ሃንቆፍቲ» ገዳሰ።

17 ሄን ኡሩታ ኦማርሰ ገካናሰ ፒጶዛ ዛምኢን ታሙ ኪሎ ገዳናዚ ኬዚዳሰ።

18 ኢዛ ሄ ካላ ባኣ ኤካዳ ካታማ ሲማዲሰ፤ ኣይ ገና ካል ሺሸዳኮ ኢዚ ቦሎቴያ ቤኣዲሰ፤ ቃሴካ ኡሩታ ካሴ ሚሺን ቲርፒ ኣቲዳይሳ ኢዚሰ ኬሳ ኢማዲሰ።

19 ሂሰቲን ኢዚ ቦሎቴያ ኢዛ፣ «ሃቸ ኣዋን ፒጶ ፔኣዲ? ኣዋን ኦላ ፔኣዲ? ኔሰ ሃይሳ ኪያ ኦላዳይሲ ኣንጃቶ» ገዳሰ።

ሂሰቲን ኡሩታ ኦናሰ ኦላ ፔኣዳኮ ባ ቦሎቴይሰ፣ «ታኒ ሃቸ ፒጶ ፔኣዳ ገዳ ጎዳይ ቦኤዜ» ገ ዮታዲሰ።

20 ኦሃማ ባ ናዛ ማቺይሰ ባ ሎኤቲላ፣ «ሃይቄዳይታ ቦላኔ ፓጶ ዲዛይታ ቦላ ሎኦ ኦሶ ኣጎንታ ጎዳይ ኢዛ ኣንጃ» ገዳሰ። ካሌላዳካ፣ «ሄ ኣዳዚ ኦሰ ኣሾ ዳቦ፤ ኦና ላቲ ኣይሳናሰ ቤሲዛ ኣሳፔ ኢሶይ ኢዛ» ገዳሰ።

21 ቃሴካ ሞኣቤ ዳሬ ኣሰ ኡሩታ፣ «ኢዚ ታና፣ «ታ ካላ ማጸዳ ዉርሳናሺ ገካናሰ ታ ኦሳንቻታፔ ሻኬቶንታ ፒጶ» ገዳሰ።

22 ኦሃማ ባ ናዛ ማቸ ኡሩቶ፣ «ታ ናዬ፣ ሄሲ ኔሰ ሎኦ፤ ማጫ ኦሳንቻ ኢዛይታራ ቡሲ ኔሰ ሎኦ፤ ገሶይካ ሃራ ኣሳ ገዳ ኔ ቢኮ ኣዳቲ ኔና ቦቸና» ገዳሰ።

23 ሄሳ ገሻሰ ኡሩታ ቦኤዜ ማጫ ኦሳንቻታኮ ሺቃዳ ባንገይኔ ገሰቴይ ማጶቲ ዉራና ገካናሰ ፒጶ ገምኣዲሰ። ቃሴ ባ ቦሎቴይራ ኢሲፌ ዳኣዲሰ።

3

ኡሩቲ ጌሎ

1 ኢሲ ገላሰ ኦሃማ ባ ናዛ ማቸዮ ኡሩቶ፣ «ታ ናዬ ኔ ሎኦ ዲሰ ዳና ማላ ታ ኔሰ ኮያናሰ ቤሴኔ?»

2 ኔኒ ኢሰታራ ገምኢዳ ማጫ ኦሳንቻቲ ኢዛሰ ኪቲቲዛ ቦኤዜይ ኦና ኣሾን ላቲዛ ዳቦ። ሃ ሲያ፣ ኢዚ ሃቸ ኦማርሰ ባሌን ባንገ ቡካና።

3 ኔኒ ሚጫታዳ፣ ሺቶ ቲይታዳኔ ሎኦ ማይኦ ማይኣዳ ኢዚ ቡኪዛ ባሌ ባ፤ ገዶ ኣቲን ባዳ ቦኤዜይ ሚዲኔ ኡዪዲ ሲማና ገካናሰ ኢዛ ኣይፌን ቤቶፋ።

4 ኢዚ ኢቸዛሶ ሎኤላ ጸላዳ ኢዛሰ ቶሆሶራ ኣፋላ ቃራዳ ኢዛ ቶሆሶን ኢቻ፤ ሃሳፌ ጉዬ ኔ ሃናይሳ ኢዚ ኔሰ ዮታና» ገዳሰ።

5 ሂሰቲን ኡሩታ፣ «ኔ ገዳይሳ ኡባ ታ ኦላና» ገዳሰ።

6 ሄሳ ገሻሰ ኡሩታ ዲጌ ባሌዛ ባዳ ኢዚ ቦሎቴያ ኢዚሰ ዮቲዳይሳ ኡባ ኦላዲሰ።

7 ቦኤዜይ ሚ ኡዪዲ ኡፋይቲዳፔ ጉዬ ካላ ዶሬ ኣቻን ኢቸዳሰ፤ ሂሰቲን ኡሩታ ሎዳራ ኢዛኮ ሺቃዳ ኢዛ ኣፋላ ቶሆሶራ ቃራዳ ቶሆሶን ኢቻዲሰ።

8 ገዲ ገዳላ ገዲሺን ኢሲ ሚሺ ኣዳዛ ዳገንሊን ኢዚ ሺሬቲሺን ኢሲ ማጫሲ ኢዛ ቶሆሶራ ኢቸዳር ዳሚዳሰ።

9 ኢዚካ ኢዛ፣ «ሃኔ ኔ ኦኔ?» ገ ያይቺን ኢዛ፣ «ታኒ ኔ ኦሳንቻዮ ኡሩቶ፤ ታና ላታና ቤሲዛ ማታ ዳቦይ ኔና ገዲዳ ገሻሰ ኔ ማይኦ ማጫራ ታና ማይዛ» ገዳሰ።

10 ቦኤዜይ ዛሪዲ፣ «ታ ናዬ፣ ጎዳይ ኔና ኣንጃ! ሃይሳፌ ካሴ ኔ ኦላይሳፌ ሃኢ ኔ ኦላይሲ ኣዳሰ። ዲሬ ገዲን ዎይኮ ማንቆ ዬላጋ ኣቲማ ኮሹ ባቤካ።

11 ሃኢካ ታ ናዬ ባቦፋ፤ ኔኒ ያይቺዳይሳ ኡባ ታ ኔሰ ኦላና፤ ገሶይካ ታ ዳሬ ኣሳይ ዉሪ ኔኒ ሎኦ ሃኒዛ ማጫሰ ገዲዳይሳ ኤሬሰ።

12 ታኒ ላታ ዳቦ ገዲኮካ ኔና ላታናሰ ታፔ ማቲዛ ሃራ ዳቦይ ዳሰ።

13 ሃኢ ሃይሳን ኣቃ፤ ቢታኔዚ ኔና ላታና ኮይኮ ሎኦ፤ ኢዚ ኔና ላታና ኮዮንታ ኣጊኮ ታ ኔሰ ጎዳን ጫቃይሰ ታ ላታ ኤካና፤ ገዳይ ዎንታና ገካናሰ ሃይሳን ኢቻ» ገዳሰ።

14 ሄሳ ገሻሰ ኡሩታ ገዳይ ዎንታና ገካናሰ ኢዛ ቶሆሶን ኢቻዲሰ፤ ቦኤዜይ፣ «ማጫሲ ካላ ባሌ ዪዳይሳ ኦኒካ ኤርፖ» ገዳ ገሻሰ ኡሩታ ኣሲ ኣሰ ሻኪ ኤርንታ ሳቲን ኮይርታ ዳንዳዲሰ።

15 ቦኤዜይ ኢዛ፣ «ኔ ቦላራ ማይኢዳ ማይኦዛ ሃ ቤሳ» ገዳሰ። ኢዛ ቤሲን ናምኡ ታሙ ኪሎ ገዲዛ

ባንጋ ማኪ ቆሊዲ ኢዞ ባኢሲዳስ። ኢዛካ ባኣዳ ካታማ ባዲሰ።

16 ኡሩታ ባ ቦሎቴይኮ ቢን ኑሃማ ኢዞ። «ታ ናዬ ኔ ቢዳ የኑይ ዋኒዳ?» ጋ ኑይቸን። ኡሩታ ቦኤዜይ ኢዚሰ ኦሊዳይሳ ኡባ የታዲሰ፤

17 ቃሴካ። « ሳ ቦሎቴይኮ ማላ ኩሼ ቦፓ ጊዲ ሃይሳ 20 ኪሎ ባንጋ ታሰ ኢሚዳስ» ጋዲሰ።

18 ኑሃማካ ኢዞ። «ታ ናዬ። ቡሮ ኣዚ ሃናናኮ ኤሬታና ጋካናሰ ናጋቫ፤ ኣዳዚ የኑዛ ሃኛ ወርሶንታ ሼምፕና» ጋዲሰ።

4

1 ቦኤዜይ ካታማ ፔንጌ ኣቻን ዲዛ ዲቡሻ ኮዚዲ ሄን ኡቲዳስ። ኢዚ ኡቲ ዲሺን ኢዚ ካሴ ኢዛ ጊሻሰ የቲዳ ላታ ዳቦይ ሄራ ኣቋዛይሳ ቤኢዲ። «ታ ኢሻወ! ሃ ሰማዳ ሃይሳን ኡታ» ጊን ኣዳዚ ሰሚዲ ኡቲዳስ።

2 ቦኤዜይ ሄ ካታማ ጨማታፕ ታሙ ኣሳታ ዳይጊዲ። «ሃይሳን ኡቲቱ» ጊ ኡቲሲዳስ።

3 ሄሳፌ ጉዬ ቦኤዜይ ላታሰ ቤሲዛ ማታ ዳቦዛሰ። «ሞኣቤ ቢታሬ ሲማ ዪዳ ኑሃማ ኑ ኢሻ ኣቢሚሌኮ ጸንጾ ጋዳዛ ባይዛና ጋወሰ።

4 ኔ ሄሳ ኤራና ማላ ታ ቆፒዳ ጊሻሰ ሃኢ ሃይሳን ዲዛ ኣሳ ሲንሳኒ ታ ዳራ ጨማታ ሲንሳን ጋዳዛ ኔ ሻማና ማላ ታ ኔና ቆፍሳና ኮያዲሰ፤ ኔ ዋዛና ኮይኮ ዋዛናሰ ዳንዳያሳ፤ ኔፕ ካሴታናሰ ቤሲዛ ሃራ ኣሲ ዳና፤ ኔ ሄሳ ኡላንታ ኣጊኮ ኔፕ ካሊዲ ታሰ ቤሲዛ ጊሻሰ ታ ኤራና ማላ ታሰ የታ» ጊዳስ።

ኣዳዚካ ኢዛሰ። «ታ ዋዛና» ጊዳስ።

5 ሄሳፌ ጉዬ ቦኤዜይ። «ሂሰቲኮ ኔኒ ጋዳዛ ኑሃሚፔኔ ሞኣቤ ኣሰ ኡሩቲፕ ኔ ዋዚዳ ጋላሰ ሃይቁዳይሳ ሱንላዛ ቢታን ዳይጊሳናሰ ኢዛ ማቸዮካ ኤካ» ጊዳስ።

6 ሂሰቲን ሄ ማታ ዳቦዚካ ዛሪዲ። «ሄሳ ማላ ጊዲኮ ታ ጸንጾ ሜቶን ዬጋናሰ ኮዮንታ ጊሻሰ ታ ዋዛናሰ ዳንዳይኮ፤ ኔ ዋዛ» ጊዳስ።

7 ቤኒ ዋዳ ኢሰራኤሌ ቢታን ኦኒካ ባ ኣቆ ዋዛና ኮይኮ ዋይኮ ሃራሰ ኣላ ኢማና ኮይኮ ሄ የኡዚ ሚናና ዳንዳይዛይ ናምኣፌ ኢሶይ ባ ጨማ ቶሆፕ ሾዲዲ ሃንኮይሳሰ ኢሚኮ ሃኔሰ። ኢሰራኤሌ ቢታን ሻማ ጊዲን ዋይኮ ባይዞ ጊዲን የኡይ ሚኒዛይ ሄሳ ማላና።

8 ሄሳ ጊሻሰ ላታሰ ቤሲዛ ማታ ዳቦዚ ቦኤዜሰ። «ኔ ዋዛ» ጊዲ ባ ጨማዛ ቶሆፕ ሾዲ ኢሚዳስ።

9 ቦኤዜይ ጨማታሲኔ ዳሬ ኡባሰ። «ታኒ ኣቢሚሌኮ ኣቆታኔ ኢዛ ናይታ ኬሎኔኔ ማሃሎኔ ኣቆታ ኡባ ኑሃሚፕ ሻሚዳይሳሰ ሃኛ ኢንቲ ወሪካ ማርካ።

10 ቃሴ ሃይቁዳይሳ ሱንላ ኢሰታሶ ኣሳ ሱንላ ጊዳሬ ዋይኮ ካታማ ኣሳ ማዘጋባፕ ቆዮንታ ማላ። ኢዛ ሱንላ ኢዛ ጸንጾ ጋዳን ዳይጌታና ማላ ሞኣቤ ዳሬ ማጨሲዮ ማሃሎኔ ማቸ ኡሩቶ ታ ኤካዲሰ፤ ሄሳሰካ ሃኛ ኢንቲ ማርካ» ጊዳስ።

11 ሄሳፌ ጉዬ ካታማ ፔንጌ ዲቡሻን ዲዛ ጨማቲኔ ኣሳይ ወሪ። «ኤ። ሃይሳሰ ኑኒ ማርካ! ጎዳይ ሃኖ ኔሶ ዪዳ ማጨሳዮ። ኢሰራኤሌ ኣሳሰ ኢሲፌቲላን ኦሊዳ ኤራሄሊ ማላኔ ሊያ ማላ ኦላ። ኔኒካ ኤፍራታን ዲሬ ኣሰ ጊዳ፤ ኔ ሱንላ ቤቴሊሄሚን ኤሬቶ።

12 ጎዳይ ኔ ኬላ ሃ ሎኦ ዬላጋ ማጨሳይፌ ኔሰ ኢሚዛ ዜሬላን። ቲኢሚራ ዩሁዳሰ ዬሊዳ ፓሬሴ ኬላ ኣሳ ማላ ኦላ» ጊዳስ።

ዳዊቱ ዬሊታ ዛርኬ

13 ሄሳ ጊሻሰ ቦኤዜይ ኡሩቶ ማቸ ኤኪዳሰ፤ ጎዳይ ኢዚሰ ዬሎ ኢሚን ኣቲማ ና ዬላዲሰ።

14 ማጨሳቲካ ኑሃሞ። «ሃኛ ኔና ላታናሰ ማታ ዳቦ ቆይሶንታ ጎዳይ ጋላቴቶ!

15 ናዚ ኔ ሱንላ ኦራዲሳና! ኔ ጨሚሺንካ ኢዚ ኔና ሄማና፤ ጋሶይካ ኔና ሲቁዛራ ላፑን ኣቲማ ናፔካ ኣቋዛራ ኔ ናዛ ማቸያ ኢዛ ዬላዲሰ» ጊዳ።

16 ሄሳፌ ጉዬ ኑሃማ ቄሪ ናዛ ኤካ ኢዲማዲሰ፤ ሂሰታዳ ኢዛ ሎኣላ ዲቻዲሰ።

17 ኢዚ ጉታን ዲዛ ማጨሳቲ። «ኑሃሚሰ ኣቲማ ናይ ዬሎቲዳሰ» ጊዳ፤ ኢዛ ሱንላካ ኢዮቤዳ ጊዳ። ኢዚ ዳዊቱ ዬሊዳ ኢሴዬ ኣዋ።

18 ፓሬሴ ሶ ኣሳ ዬሎታይ ሃይሳፌ ካሊ ዲዛይሳ፤ ፓሬሴይ ሄጸሮሜ ዬሊዳሰ፤

19 ሄጸሮሜይ ኣራሜ ዬሊዳሰ፤ ኣራሜይ ኣሚናዳቤ ዬሊዳሰ፤

20 ኣሚናዳቤይ ኔኣሶኔ ዬሊዳሰ፤ ኔኣሶኔይ ሳልሞኔ ዬሊዳሰ፤

21 ሳልሞኔይ ቦኤዜ ዬሊዳሰ፤ ቦኤዜይ ኢዮቤዳ ዬሊዳሰ፤

22 ኢዮቤዳይ ኢሴዬ ዬሊዳሰ፤ ኢሴዬይ ዳዊቱ ዬሊዳሰ።

1ሳሜል ማጻፋ ጊደ ቆፋ

ሳሜል ማጻፋ ኮይርዚ ኢሰራኤል አሳይ ዳናታ አይሶ ዋጋፔ ጌዳ ካዎይ አይሲዛ ዋጋጎ ፒኒዳ ሃናታ ቆንጨሴሰ። ሄሳ ማላ ለማይ ኢሰራኤልን ሃናናሰ ዳንዳይዳይ ዳር ባጋ ሄሹ አሳታ ጋሶና። ሄይቲካ ኮይርዚ ወርሴላን ዳንዳይ ጊታ ዳናታፔ ኢሶይ ሳሜላ፤ ናምኣንሳዚ ኢሰራኤላስ ኮይር ካዎ ጊዳዳ ሳኦላ፤ ሄሹንሳዚ ኢዚ ማታ ኦይካናፔ ካሴ ኢዛ ታሪኬይ ሳሜላ ታሪኬራኔ ሳኦላ ታሪኬራ ኢሲፊ ኦይኬቲ ዲዛ ዳዋቲ።

ሃይሳ ሃ ማጻፋሰ ዋና ኪታይ ጋልኣ ጫቆ ማጻፋን ዲዛ ሃራ ታሪኬ ማጻፋታ ማላ ጸሳስ አማኔቲላይ አንጅኒኔ ሎኦ ዲሳን ጋሴሰ፤ አዛዜቲላ ኢጸይካ ኩንዳሳሲኔ ባሻሻ ጋላዛይሳ ቤሴሰ፤ ሄሲካ ጸሳይ ቁሴ ኤሌሰ። «ታና ቦንቸዛይታ ታ ቦንቸና፤ ታና ካጳዛይታ ታኒ ካወሻና» ጊዳ ኢዚ ዮቲዳ ቃላይ ቆንጨ ቤቲዳሰ። (2:30)

ሃይሲ ሃ ማጻፋይ ካዎይ ዋኒ ካዎታናኮ ዲዛ ዲማ ዳማ ቆፋታ ቆንጨሴሰ፤ ሄሳፊ ሲንሌ ኢሰራኤልን ቱሙ ካዎ ጌቲቲ ኤሪቲዳይ ጸሳ፤ ጊዳ ኦቲን ጉዬፔ ዳሪይ ኦይቸዳ ኦይሾ ጋሶን ጸሲ ኢሰታሰ ካዎ ደሪዳሰ። ሄሳ ጊዳኮካ አይፊ ዮኦይ ካዎዛፔኔ ኢሰራኤል ዳሪፔ ቦላራ ፐርዲዛ ጸሳ ጋርሳን ኢሰቲ ዲዛይሳ (2:7-10)። ሄሲካ ጸሳ ዋጋ ጊዳን ዳሪታ ጊዳን ዋይኮ ማንቆታ ጊዳን ኢሰታ ማታይ ኢሲ ጊና ናጌታናሰ ቤሲዛይሳ ኤሪሴሰ።

ሃ ማጻፋይ ኦይኪዳ ኩሜላ ቆፋ

- ሳሜሊ ኢሰራኤል ካሌላዳ ጊዳላ 1:1—7:17
- ሳኦላ ካዎቲላ 8:1—10:27
- ሳኦላ ዳሪ አይሲዳ ኮይር ላይላታ 11:1—15:25
- ዳዋቲኔ ሳኦላ 16:1—30:31
- ሳኦላኔ ኢዛ ናይታ ሃይቆ 31:1-13

ሂልቃናኔ ኢዛ ኩላ አሳታ

1 ኤፍሬሜ ዳሪን ኤሪማቲ-ዙፊሜ ጌቲቲዛ ሻራ ማንሶን ዲዛ ሂልቃና ጌቲቲዛዳይ ዳሰ፤ ኢዚካ ኤፍሬሜ ዳሪ አሳ፤ ኢዚ ዩርሃሜ ና፣ ኤሊሁ ና፣ ቶሁ ና፣ ዙፊ ና።

2 ኢዛሰ ሃናኔ ፊናና ጌቲቲዛ ናምኤ ማቸቲ ዳቲሰ፤ ፊናናሰ ናይቲ ዳቲሰ፤ ሃናሰ ጊዳኮ አይኮ ናይካ ዳና።

3 ሂልቃናይ ኡባ ዳንዳይዛ ጎዳ ጎይናናሲኔ ኢዛሰ ያርሾ ሸሻናሰ ላይላን ላይላን ባ ዲዛ ካታማፔ ፑዳ ሴሎ ኬዜሰ፤ ሄን ኤሌ ና ናምኣቲ ኣፊኔይኔ ፊኒሃሲ ጎዳ ቁሴታ።

4 ሂልቃናይ ሴሎ ቢዲ ያርሾ ያርሸዚ ዋዳይ ጋኪዳ ዋዳ ኡባን ባ ማቸ ፊናናሰ፤ ኢዚ ኣቲማ ናይታሲኔ ማጫ ናይታሰ ኡባሰ አሾዛፔ ኢሰታ ጋኪዛ ገሻ ኢሰታሰ አሜሰ።

5 ጊዳ ኦቲን ኢዚ ሃና ሲቁዛ ገሻሰ አሾዛፔ ኢዚሰ ናምኤ ኩሹ አሜሰ፤ ጊዳኮካ ጎዳይ ኢዛ ማይኒሲ ዋላዳሰ።

6 ጎዳይ ኢዛ ማይኒሲ ዋላዳ ገሻሰ ኢዚ ዳወላያ ኢዛ ሃንቁላወሲኔ ዩሎቻወሰ።

7 ሄሲካ ላይላን ላይላን ፓጩይ ባይንዳ ሃኔሰ፤ ሃናይ ጎዳ ኬላ ዩዛ ዋዳ ኡባን ኢዛ ዩካናሼኔ ካላ ሙሲ ኢዛ ጸናናሼ ጋካናሰ ዳወላያ ኢዛ ዩሎቻወሰ።

8 ሄሳ ጌዳን ኢዚ ኣዚና ሂልቃናይ ኢዛ፤ «ሃኔ! አይሰ ዩካይ? አይሰ ካላ ሚኪ? ኔ ዋዚናይ አይሰ ጩጩዜ? ታኒ ኔሰ ታሙ ኣቲማ ናይታፔ ኣጳኪና?» ገሼ ታኪዳሰ።

ሃናይ ጎዳኮ ሸሻዳ ዋሳ

9 ኢሲ ጋላሰ ኢሰቲ ሴሎን ዲሼ ሚዲኔ ኡዩዳፔ ጉዬ ሃናይ ዳንዳ ኤቃዳሰ። ሄ ዋዳ ቁሴ ኤሌይ ጸሳ ኬላ ፔንጌን ቆሲላላ አቻን ኦይዳ ቦላ ኡቲላን ዳሰ።

10 ሃናይ ኢዚ ዋዚናይ ሜቁዳ ገሻሰ ሂቁማ ዩካሽ ጎዳ ዋሳዳሰ።

11 ኢዛካ፣ «ኡባፊ ዋልቃማ ጎዳወ ታና ኔ አይሌይ ካወሻቲላ ኔ ሃ ጸላዳ ታና ኔ ቆፐኮኔ ታና ኔ አይሌዮ ባሎንታ ኔ ታሰ ኣቲማ ና አሚኮ ኢዚ ባ ዳኦ ላይላ ኡባን ኔሰ ጊዳና ማላ ታኒ ኢዛ ጎዳሰ አማና፤ ማጋላይካ ኢዛ ሁኤ ቢናና ቦቼና» ጋወሰ።

12 ሃናይ ጎዳ አጎንታ ዋሳሽ ታኪን ኤሌይ ኢዚ ዳና ጸላዳሰ።

13 ሃናይ አይኮካ ቃላ ሲሶንታ ዋዚናን ዋሲዛ ገሻሰ ኢዚሰ ሜቲርሻይ ጸላ ቃዳሰ። ሄሳ ገሻሰ ኤሌይ ኢዛ ማላቲዳ አሳ ማላ ቆዲዳሰ።

14 ኢዚካ ኢዛ፣ «ሃኔ ኔ አይዳ ጋካናሰ ሃይሳላ ማላታኔ? ኔኒ ሄሳ ዋይኔ ኡሻ ኔፔ ዲጋ!» ገዳሰ።

15 ሃናይካ ኢዛሰ፣ «ታ ጎዳወ ታ ማላታኔኔ፤ ታኒ ኬሂፔ ዋዚናይ ሜቁዳ ማጫሳ፤ ሄሳ ገሻሰ ታኒ ታ ዋዚና ጎዳ ሲንላን ሚጫይሲፊ ኣቲን ዋይኔ ኡሹ ጊዳን ዋይኮ ሃራ ማላሲዛ ኡሹ ታ ኡያቤኬ።

16 ታኒ ሃይሳ ኬና ኣዲሳ ዋሳ ዋሲዳይ ዳጸ ሜቶይኔ ጩጩይ ታና ጋኪዳይሳፊ ዳንዳይሳን ጊዳዳ ገሻሰ ታና ኔ አሳንቻዮ ኢሲ ጎኣይ ባይንዳ ሹፋር ማጫሳ ማላ ቆዳፓ» ጋዳሰ።

17 ኤሌይካ ኢዛ፣ «ሳርን ባ፣ ኢሰራኤል ጸሲ ኔ ዋሲዳሳ ኔሰ አዎ» ገዳሰ።

18 ኢዛካ ኢዛሰ፣ «ኔ አይሌያ ኔ ሲንላን ቱማ ዳሙ!» ጋዳሰ። ኢዛ ዳንዳዳ ባ ኦጌ ባዲሰ፤ ካላካ ማዲሰ፤ ሄሳፊ ጉዬ ኢዚ ቦላ ጩጩይ ቤቲቤና።

ሳሜላ ዩሌቲላ

19 ዋንቲላ ጋላሰ ሂልቃናይኔ ኢዛሰ አሳይ ማላዳ ዋንታራ ዳንዲዲ ጎዳ ጎይኒዳፔ ጉዬ ባንታሶ ጌዳ ኤራማ ቢዳ፤ ሂልቃናይ ባ ማቸ ሃናራ ኣቁዳሰ፤ ጎዳይካ ኢዛ ቆፐዳሰ።

20 ሂሰቲን ሃናይ ቃንላታዲሰ፤ ኢዚሰ ዋዳይ ወሪን ኣቲማ ና ዩላዲሰ፤ ናዛ ስንላካ፣ «ጎዳፔ ዋሳዳ ዳማዲሰ ጋሼ ሳሜላ» ጋሰንላዲሰ።

ሃናይ ሳሜላ ጎዳሰ አማዲሰ

21 ሂልቃናይ ጎዳሰ ላይላን ላይላን ሸሻዚ ያርሾዛ ያርሻናሲኔ ባ ኣዲኔቲዳ ኣዲና ጋላናሰ ባሶ አሳ ኡባ ኤሲዲ ሴሎ ኬዚዳሰ።

22 ጊዳ ኦቲን ሃናይ ኢሰታራ ባቤኩ፤ ኢዛ ባ ኣዚናሰ፣ «ዩቆዚ ቆንላ ዳሲዳፔ ጉዬ ታኒ ኤፋዳ ጎዳ ሲንላ ሸሻና፤ ኢዚካ ባ ዳኦ ላይላ ኡባን ሄን ዳኣና» ጋ ዮታዲሰ።

23 እዚ አዘና ሂልቃናይካ እዚሰ፡ «ኔሰ ሎኑ ሚሳቲ ቤተዳይሳ ኦሳ፤ ኔ ጳጎላ ዱላናሼ ጋካናሰ ሃይሳን ታካ፤ ጸሲ ኔሰ አሚዳ ሂደታ ቃላ ጸላ ፖሎ» ገደሰ፤ ሃሳ ገሻሰ ሃናይ ዩጳዛ ጳጎላ ዱላናሼ ጋካናሰ ባሶን ኡታዲሰ።

24 ናዚ ጳጎላ ዱላዳፔ ጉዬ እዛራ ሃቸ ላይሳ ዋፋና፡ ታሙ ኪሎ ጳሌኔ እሲ ሉካሞ ኩሚል ዋይኔ ኡሹ ኤካዳ ጌዳ ሴሎን ዲዛ ጸሳ ኬል ኡፋዲሰ፤ ናዚካ ቡሮ ዩጳ።

25 ኮርማዛ ቩኪዳፔ ጉዬ ዩጳዛ ኤኪዲ ኤሌኮ ሺሺዳ።

26 ሃናይካ ኤሌ፡ «ታ ጎዳ፡ ሸምፖ ጋምኣ፤ ሃይሳን ኔ ሰንጎን ኤቃዳ ጎዳ ዋሲዳ ማጫሳያ ታናኮ!

27 ሃ ዋዴ ሃይሳ ሃ ናዛ አማና ማላ ዋሳዲሰ፤ ጎዳይካ ታ ዋሲዳይሳ ታሰ አሚዳሰ።

28 ሃሳ ገሻሰ ታኒካ ሃኢ ዛራዳ ጎዳሰ እዛ አሚዳይሰ፤ እዚ ባ ዳኦ ላይል ኡባን ጎዳሰ አሚዳይሳ ገዳና» ጋዲሰ፤ ሃሳፊ ጉዬ ሃን ጎዳሰ ጎይኒዳ።

2

ሃና ዋሳ

1 ሃናይ፡ «ታ ዋዚናይ ጎዳን ኡፋዴቲዳሰ፤ ታ ካጩይ ጸሳን ጶቁ ጶቁ ገደሰ፤ ኔኒ ታና አሺዳ አሾን ታኒ ኡፋዴቲዳ ገሻሰ ታ ደናይ ታ ሞርኮታ ቦላ ደዬቲዳሰ።

2 «ጎዳ ማላ ጌሺ ኦኒካ ዳና፤ ኔፔ ኣቲን ሃራይ ዳና፤ ኦ ጸሳ ማላ ዛላይ ዳና።

3 «ሃይሳ ማላ ኡቶሮን ሃሳፕቲ፤ ሃይሳ ማላ ጩቁቲላ ቃላይ አንቲ ደናፔ ኬዘፖ፤ ጋሶይካ ጎዳይ እዚ ኤራ፤ ኦሶ ኡባ እዚ ጌዳራሰ።

4 «ዋልቃማታ ቶራይ ማቆሬቲዳሰ፤ ዳቡራንቻቲ ገዲኮ ዋልቃ ዳሚዳ።

5 ካሴ ካሊዳይቲ ጋፊዲ ሃኢ ካሳሰ ሃራቲዳ፤ ካሴ ጋፊዳይቲ ሃኢ ካል ካሊዳ፤ ማይኔያ ሃኢ ላፑን ና ዩላዲሰ፤ ዳር ናይታ ኣዬያ ሃኢ ዩሎ ጳያዲሰ።

6 «ጎዳይ ዋዴሲኔ ፓሌሰ፤ ዳጌ ዳሮን ጌልሌሲኔ ኬሴሰ።

7 ጎዳይ ማንቁሌሲኔ ዳራሴሰ፤ ካወሺሲኔ ገታሴሰ።

8 እዚ ማንቆ ጉዳላፊ ዳንፊሰ፤ አይኮይካ ባይንዳ ማንቆዛ ጶቁ ጶቁ ሂሰቲሰ፤ ባ ቩሚታራካ እሲፊ ኡቲሴሰ፤

ቦንቾ ኣራታካ ላቲሴሰ።

ጋሶይካ ቢታ

ዮቻቲ ጎዳሳ፤

እዚ ኣላሚ እሰታ ቦላ ዋሊዳሰ።

9 «እዚ ጌሻታ ቶሆ ናጌሰ፤ እታቲ ገዲኮ ጳማን ዩጌታና፤ እሲ ባ ዋልቃን ጸኔና።

10 ጎዳራ ኤቁቲዛይቲ ሊቃና፤ እዚ እሰታ ቦላ ሳሎፔ ጉማና፤ ጎዳይ ቢታ

ጋጸ ጋካናሰ ፐርዳና፤ እዚ ካዋዛሰ ዋልቃ አማና፤ እዚ ቲዬቲዳይሳ ካጩ ጶቁ ጶቁ ሂሰታና» ጋ ዋሳዲሰ።

11 ሃሳፊ ጉዬ ሂልቃናይ ባሶ ኤራማ ቢዳሰ።

ናዚ ሳሚሊ ቁሴ ኤሌ ሰንጎን ዲሼ ጎዳሰ ሃጋዘሰ።

ኤሌ ናይታ ኢታቲል

12 ኤሌ ናይቲ ቩፋርታ፤ ጎዳሰካ ያዩቲና።

13 ሃ ዋዴ ቁሴቲ ዳራራ ዲዛ አሲፊፊቲላን ፖሊዛ ዋጋቲ ዳቲሰ፤ አይ አሲካ ያርሾ ሺሺዛ ዋዴ አሾይ ደይሴቲሺን ቁሴዛ ኦሳንቻይ ሃቸ ኣቻራ ዲዛ ቃጶ ኤኪዲ ዩሰ።

14 እዚካ ቃጶዛ ዳጌ ዲሰቲዛን ዋይኮ ጸርዛን፡ ኡቶዛን ዋይኮ ባላዛን ዩዳሰ፤ ሃሳፊ ጉዬ ቃጶዚ ኤኪ ኬዚዳ አይ አሾካ ቁሴዚ ባሰ ኤኬሰ፤ እሰቲ ሴሎ ዩዛ አሰራኤሌ ኣሳ ኡባ ሃሳ ማላን ሞኬቲሰ።

15 ገደ ኣቲን ሃንዳዚ ጸጌታናፔ ሰንጎን ቁሴዛ ኦሳንቻይ ዩዲ ያርሾዛ ሺሺዛዳ፡ «ቁሴዚ ቃዬፔ ኣቲን ደይሴቲዳ አሾ ኔፔ ኤኮንታ ገሻሰ ቁሴዛሰ ጸጸና አሾ ታሰ አማ» ጌሰ።

16 አዳዚ፡ «ኮይር ሃኒዳይ ጸጌቶ፤ ሃሳፊ ጉዬ ኔ ኮይዛይሳ ኤካንዳሳ» ገኮካ ቁሴዛ ኦሳንቻዚ፡ «አካይ! ሃኢ ታሰ አማ! ኔ አሞንታ ኣገኮ ታ ዋልቃራ ኤካና» ጌሰ።

17 ጎዳሰ ሸቁዛ ያርሾዛ ሃሳላ ሂሰቲ ካጲዛ ገሻሰ ኤሌ ናይታ ናጋራይ ጎዳ ሰንጎን ኬሂ ዳጸ ገዲዳሰ።

ሴሎን ሳሚላ ዲሰ

18 ሳሚሊ ቡሮ ዮጋቲላን ዲሼ ላይኖፔ ዳዳቲዳ ማይኦ ማይኢዲ ጎዳ ሰንጎን ኦላሰ።

19 እዛ አያ ባ ኣዚናራ ላይላን ላይላን ሺሺዛ ያርሾ ሸሻናሰ ቢዛ ዋዴ ኡባን ኢዛሰ ቦላራ ማይኣናሰ ቁሪ ማይኦ ዳዲሳ ኤካ ያወሰ።

20 ኤሌይ፡ «ዋሳን እዛ ጎዳፔ ዳማዳ ዛራ ጎዳሰ አሚዳ ሃ ናዛ ቆዴ ጎዳይ ሃ ማጫሳይፊ ሃራ ዩሎ ኔሰ አሞ» ጌሹ ሂልቃናኔ እዛ ማቼዮ ኣንጆሰ፤ ሃሳፊ እሰቲ ጉዬ ባሶ ሰሚ ቢዳ።

21 ጎዳይ ሃና ኣንጂዳሰ፤ እዛ ቃንላታዳ ሃቸ ኣቲማ ናይታኔ ናሞኡ ማጫ ናይታ ዩላዲሰ፤ ዩላጋ ሳሚሊካ ጎዳ ሰንጎን ዲጪዳሰ።

ኤሌኔ እዛ ና ናሞኣታ

22 ሃ ዋዴ ኤሌይ ኬሂ ጪሚዳሰ፤ እዛ ናይቲ ኩሚላ አሰራኤሌ ቦላ ኦላሹ ዲዛይሳ፡ ጋይቶቲላ ዲንካኔዛ ፔንጌን ኦላዛ ማጫሳታራ እሰቲ ላይማቲዳይሳ ሲዩዳሰ።

23 ሃሳ ገሻሽ ኢዚ ኢሰታሰ፡ «እንጅ ኦሊዛ ኢታ ኦሊዛ ኩሚላ ዳራፔ ታ ሲያይሰ፤ ኣይሰ ሃይሳ ማላ ኦሊቲ?»

24 ታ ናይቶ ሊኬ ገዴኮታ፤ ጎዳ ዳራ ገደን እንጅ ገሻሽ ላሊቲዳ ዋሬይ ሎኦ ገዴና።

25 ኣሳዳይ ሃራ ኣሰ ቆሂኮ ጎዳይ ኢሰታ ገደን ፐርዳሰ፤ ገደ ኣቲን ኣሲ ጎዳ ቆሂኮ ኦኒ ኢዛሰ ገናታኔ?» ገ ሃንቁቲዳሰ። ገዲኮካ ጎዳይ ኢሰታ ቆይሳና ኮዩዳ ገሻሽ ኢሰቲ ባንታ ኣዋ ሴራ ኤኪቤቲና።

26 ዩላጋ ና ሳሚሊ ገሳኒኔ ቱማን ጎዳ ሲንሳኒኔ ኣሳ ሲንሳን ዲጩ ዲጩ ቢዳሰ።

ኤሌሶ ኣሳ ቦላ ዮቲቲዳ ቲንቢቲ

27 ሄ ዋዴ ጸሳፊ ከቲቲዳ ኢሲ ናቤይ ኤሌኮ ዩዲ፡ «ጎዳይ፡ ሩ ኣዋ ሶ ኣሳይ ካሴ ገብጸን ፓርኔ ኩሼን ዲዛ ዋዴ ታና ኢዛሰ ቆንጩሳቤኪና?»

28 ኢዚ ታሰ ቁሴ ገዳና ማላ፡ ታሰ ያርሾ ያርሺዛሶዛ ቦላ ኢዚ ኬዛና ማላ፡ ኤጸኔ ጩዋሳና ማላ፡ ታ ሲንሳንካ ኤፋዴ ማይኣና ማላ ኢሰራኤሌ ቆሞታ ኡባ ጋርሳፊ ታ ኔ ኣዋ ዶራዲሰ። ኢሰራኤሌ ኣሳይ ታማን ጸጊ ሺሺዛ ያርሾ ኡባ ኔ ኣዋ ኬላ ኣሳሰ ኢማዲሰ።

29 ታ ኣቁዛ ኬላን ሺቃና ማላ ታ ኣዛዚዳ ያርሾዛኔ ካላዛ ኣይሰ ካጲዳቲ? ኔኒኔ ኔ ናይቲ ታ ዳሬ ኢሰራኤሌይ ሺሺዳ ያርሾ ኡባፊ ሙሩታ ሙሩታ ዶሪ ሚዲ እንጅ ሞላቲዳታ፤ ኔካ ታፔ ኣላዳ ኔ ናይታ ኣይሰ ቦንቻዲ?» ገሰ።

30 «ሃሳ ገሻሽ ጎዳ ኢሰራኤሌ ጸሳይ፡ ሩ ኬላኔ ኔ ኣዋ ኬላ ኣሳይ ታ ሲንሳን ሚርናሰ ሃጋዛና ማላ ሂደታ ቃላ ኢማዲሰ፤ ሃኢ ገዲኮ ጎዳይ ሃኒፊ ጉዩ ታ ሃይሳ ኦሊኬ፤» ታና ቦንቻዚይታ ታካ ቦንቻና፤ ታና ካጲዛይቲ ሙሉራካ ካጲታና።

31 ቤኣ ኔ ዜሬላ ገደን ጩማይ ቤቶንታ ማላ ኔ ዋልቃኔ ኔ ኣዋ ኬላ ኣሳ ዋልቃ ታ ሚንሳና ዋዴይ ያና።

32 ኔኒ ታ ኬላን ሜቶ ቤኣና፤ ኢሰራኤሌሰ ኣይ ሎኦይ ኦሴቲኮካ ኔ ኬላን ሙሉካ ጩማይ ቤቲና።

33 ታኒ ታሰ ያርሾ ያርሺዛሶዛ፤ ዲሳንታ ኔ ዜሬላቲ፡ ሸምገራ ፓጸ ኣታናይቲ ኔ ኣይፊታ ኣፋንላን ደልጂሚሳናሰ፡ ኔ ዋዚናካ ጩጩን ኩንሳናሰ ጸላ ኣታና። ገደ ኣቲን ሃራ ኔ ዜሬላቲ ኡባይ ዩላጋቲላን ሙሉቁቲ ሃይቃና።

34 «ኔ ናይታ ናምኣታ ኣፊኔ ቦላኔ ፊኒሃሴ ቦላ ጋካናይሲ ኔሰ ማላታ ገዳና፤ ኢሰቲ ናምኣይካ ኢሲ ጋላሰ ሃይቃና።

35 ታ ዋዚና ማላኔ ታ ቆፋ ማላ ታሰ ሃጋዛና ኣማኔቲዳ ቁሴ ታኒ ታሰ ዳንላና፤ ኢዛ ኬላ ታ ሚንሳ ኤሳና፤ ኢዛካ ታ ቲይዳይሳ ሲንሳን ሚርናሰ ሃጋዛና።

36 ኔ ዜሬላታ፤ ኣቲዳ ኣይ ኣሲካ ኢሲ ሳቂሌ ቢራሲኔ ኢሲ ባርሳ ካሳሰ ገዲ ኢዛ ሲንሳን ጉፋኒዲ ጎይናና፤ «ሃቲሰ ባጲዛዝ ታ ዳማና ማላ ዛይ ታና ቁሴቲላ ኦሶታ፤ ኣዋይሳንካ ገልላርኪ!» ገዲ ኔና ዋሳና» ገዴሰ።

3

ሳሚላ ጸይጌቲላ

1 ዩላጋ ና ሳሚሊ ኤሌፔ ጋርሳራ ገዲዲ ጸሳሰ ኦሊኬ ዳሰ፤ ሄ ዋዴ ቢታ ቦላ ጎዳ ቃላይ ኣልኣ፤ ኣጂታይካ ቤቲ ኤሬና።

2 ኢዛ ኣይፊይ ዳቡርዲ ጸላናሰ ዳንዳዮንታ ኢጲዳሰ፤ ኤሌይ ኢሲ ጋላሳ ኦማርሰ ባ ኢቸዛሶን ኢቸ ዳሰ።

3 ሳሚሊካ ጸሳ ታቦታይ ዲዛ ጸሳ ኬላን ኢቸ ዳሰ፤ ሃን ዲዛ ጸምፔዚካ ቶኢቤና።

4 ጎዳይ ሳሚላ ጸይጌዳሰ፤ ሳሚሊካ፡ «ዩ፡ ታ ሃን ዳይሰ» ገዴሰ።

5 ኤሌኮ ዋጺ ቢዲ፡ «እንጅ ጸይጌን ሃኮ ያዲሰ» ገዴሰ። ገደ ኣቲን ኤሌይ፡ «ታ ኔና ጸይጋቤኬ፤ ሲማ ባዳ ኢቻ» ገዴሰ፤ ኢዚካ ሲማ ቢዲ ኢቸዳሰ።

6 ቃሴካ ጎዳይ፡ «ሳሚላ!» ገ ጸይጌዳሰ፤ ሳሚሊካ ዳንዲ ኤሌኮ ቢዲ፡ «እንጅ ጸይጌን ሃኮ ያዲሰ» ገዴሰ፤ ኤሌይካ ዛሬዲ፡ «ታ ናዘ! ታ ኔና ጸይጋቤኬ፤ ሲማዳ ኢቻ» ገዴሰ።

7 ሃሳፊ ካሴ ጎዳይ ኢዛሰ ሃሳዩ ኤርንታ ገሻሽ ሳሚሊ ጎዳ ጩንጉርሰ ሻኪ ኤሬቤና።

8 ጎዳይ ሳሚላ ሃቸቶ ጸይጌዳሰ፤ ሳሚሊ ኤሌኮ ዳንዲ ቢዲ፡ «እንጅ ጸይጌን ሃኮ ያዲሰ» ገዴሰ፤ ሄ ዋዴ ናዘ ጸይጌዳይ ጎዳ ገዲዳይሳ ኤሌይ ኤሬዳሰ።

9 ሃሳፊ ጉዩ ኤሌይ ሳሚላ፡ «ባዳ ኢቻ፤ ሂያፔ ኢዚ ኔና ጸይጌዛ ገዲኮ፡ ሳቤት ታ ጎዳዉ፡ ታ ኔ ኣይሌይ ሲያይሰ ዮታ ጋ» ገዴሰ። ሃሳ ገሻሽ ሳሚሊ ካሴ ባ ኢቸዛሶን ሲማ ቢዲ ኢቸዳሰ።

10 ጎዳይካ ዩዲ ሃን ኤቁዳሰ፤ ካሴ ጸይጌዳይሳላካ፡ «ሳሚላ! ሳሚላ!» ገ ጸይጌዳሰ። ሳሚሊካ፡ «ጎዳዉ፡ ታ ኔ ኣይሌይ ሲያይሰ፡ ዮታ» ገዴሰ።

11 ጎዳይካ ሳሚላ፡ «ቤኣ፡ ሲያናሰ ሻጺዛ ሚሽ ታ ኢሰራኤሌ ቦላ ኣላና።

12 ሄ ጋላሰ ኮይሮፔ ወርሴላ ጋካናሰ ኤሌ ቦላኔ ኢዛሶ ኣሳ ቦላ ዮቲዳይሳ ኡባ ታ ፖላና።

13 ኤሌይ ኤሬዛ ናጋራ ጋሶን ኢዛሶ ኣሳታ ቦላ ሚርናሰ ፐርዳታናይሳ ታ ኢዛሰ ዮታ ዋላዲሰ፤ ኢዛ ናይቲ ፓራ ሚሽ ኦሊዳ፤ ገደ ኣቲን ኢዚ ኢሰታ ሄ ኦሊዛ ዲጊቤና።

14 ሃሳ ገሻሽ፡ «ኤሌሶ ኣሳ ቆሆይ ያርሾን ዋይኮ ሞጎታን ሙሉካ ወራና» ጋዳ ካሴ ኤሌሶ ኣሳ ቦላ ጫቃ ዋላዲሰ» ገዴሰ።

15 ሳሚሊ ጋዴይ ዋንታናሾ ጋካናሰ ኢቸዳሰ፤ ሃሳፊ ዳንዲዲ ጎዳ ኬላ ፔንጌታ ደይዳሰ፤ ባ ቤኢዳ ኣጂታ ኤሌሰ ዮታና ባቢዳሰ።

16 ገደ ኣቲን ኤሌይ ሳሚላ፡ «ታ ናዘ ሳሚላ!» ገ ጸይጌዳሰ። ሳሚሊካ፡ «ዩ» ገ ኮዩዳሰ።

17 ኤሌይካ፡ «ጎዳይ ኔሰ ኣይ ዮቲዳ? ታፔ ቆቶፋ፤ ኢዚ ኔሰ ዮቲዳሬፔ ኔ ኢሲኒዮ ቆቲኮ ጎዳይ ኔ ቦላ ቁጻቲ ዩን» ገዴሰ።

18 ሃሳ ገሻሽ ሳሚሊ ኢሲ ሚሺካ ቆቶንታ ኡባካ ኢዛሰ ዮቲዳሰ፤ ኤሌይካ ኢዛሰ፡ «ኢዚ ጎዳ ገዲዳ ገሻሰ ባና ሎኢዳ ማላ ኦላ» ገዴሰ።

19 ሳሚሊ ዲጩ ዲጩ ቢዳሰ፤ ጎዳይ ኢዛራ ዲዛ ገሻሰ ኢዚ ዮቲዛ ቃላፔ ኢሲናካ ሳኣን ኩንዳ ኤራኩ።

20 ዳፔቲ ቢዲ ቤርሳቤሄ ጋካናሰ ዲዛ ኢሰራኤሌ ኣሳይ ኡባይ ሳሚሊ ቱማፔ ጎዳ ናቤ ገዲዳይሳ ኤሬዳሰ።

21 ጎዳይ ሴሎን ጉጂ ጉጂ ቆንጨዳሰ፤ ሄን ባ ቃላ ባጋራ ባና ሳሚላሰ ቆንጨሲዳሰ። ሳሚላ ቃላይ ኢሰራኤል ኡባ ጋኪዳሰ።

4

ታቦታዛ ዲኤቴላ

1 ሄ ዎዴ ኢሰራኤል አሳይ ፊሊሰጾሜ አሳ ኦላናሰ ኬዚዳሰ፤ ኢሰራኤል አሳይ አቤንኤዜሬን። * ፊሊሰጾሜ አሳይ አፊቄን ዲንካኒዳሰ።

2 ፊሊሰጾሜ አሳይ ኢሰራኤል አሳ ኦላናሰ ባ ኦላንቻታ ሳልፊሲዳሰ፤ ኦላዚ ኬሂ ሚኒን ኢሰራኤል አሳይ ፊሊሰጾሜ አሳን ጸኔቲዳሰ። ሄ ኦላን 4,000 ጊዳና አሲ ኢሰራኤሌፕ ሃይቂዳሰ።

3 ኦላ አሳይ ባ ጉታ ጉታ ሲሚዳ ዎዴ ኢሰራኤል ሃላቃቲ። «ጎዳይ ሃች ኑኒ ፊሊሰጾሜታን ጸኔታና ማላ አዛሰ ኦሊዳ? ኑናራ ኢሲፊ ኬዚዳ ኑ ሞርኬታ ኩሼፕ ኑና አሻና ማላ ጎዳ ጫቆ ቃላ ታቦታ ኣኔ ሴሎፕ ኤኪ ዮሰ» ጊዳ።

4 ሄሳ ጊሻሰ ዴሬዚ ጌዴ ሴሎ አሰ ከቲዲ፣ ከሩቤ ጊደን ባ አራታ ቦላ ኡቲዳ ጎዳ ኡባፊ ዎልቃማ ጸሳ ጫቆ ቃላ ታቦታ ኤሂሲዳ። ኤሌ ና ናሞኣቲ አፊኔይኔ ፊኒሃሲ ጫቆ ቃላ ታቦታራ ሄን ዴቴሰ።

5 ጎዳ ጫቆ ቃላ ታቦታይ ጌዴ ኢሰራኤል ኦላንቻቲ ዲንካኒ ዲዛሶ ቢ ጌሊዳ ማላ ቢታይ ቃጻናሼ ጋካናሰ ኢሰራኤል አሳይ ኡባይ ኡፋይሳን ዎልቃማ ዋሶ ዋሲዳሰ።

6 ፊሊሰጾሜ አሳይ ሄሳ ዎልቃማ ዋሶዛ ሲዱዲ፣ «ሃይሲ ኢሰራኤል አሳይ ዲዛሶን ኑ ሲዱዛ ዎልቃማ ዋሶይ አይ ዋሶ?» ጊ ኦይቺዳ፤ ጎዳ ጫቆ ቃላ ታቦታይ ሄ ዱዲሶሳ ኤሪዲ።

7 ፊሊሰጾሜ አሳይ ባቢዲ፣ «ጸሲ ኢሰታ ጉታ ዱዳ ጊሻሰ ኑሰ አዩ አና! ሃይሳ ማላይ ኑናራ ጋይቲ ኤሬና።

8 ኑሰ አዩ አና! ሃይታ ዎልቃማ ኤቃ ጸሳታ ኩሼፕ ኑና አሻናይ ኦኔ? ሃይቲ ካሴ ጊብጾ አሳ ባዞ ቢታን ዲማ ዲማ ቦሻን ሾጪዳ ኤቃ ጸሳታ።

9 ፊሊሰጾሜ አሳወ፣ ሚኒቲ! ኢንቲ አዴቴላ ኤሬቶ! ሂሰቶንታ አጊኮ ኢንቲ ካሴ ኢሰታ አይሌሲዳ ማላ ኢብራዌ አሳይ ኢንቲና አይሌሳና፤ ኢንቲ አዴቴላ ኤሬቶ፣ ኦሊቲቲ!» ጊዳ።

10 ሂሰቲን ፊሊሰጾሜ አሳይ ኦሊቲዳሰ፤ ኢሰራኤል አሳይ ጸኔቲዲ ኢሶይ ኢሶይ ባቃቲ ባ ዲንካኔን ዲንካኔን ጌሊዳሰ፤ ዳሮ አሳይ ዉሪዳሰ፤ ኢሰራኤሌፕ 30,000 ኦላንቻቲ ሃይቂዳ።

11 ጸሳ ጫቆ ቃላ ታቦታይካ ዲኤቲዳሰ፤ ኤሌ ና ናሞኣቲ አፊኔይኔ ፊኒሃሲ ሃይቂዳ።

ኤሌ ሃይቆ

12 ሄ ጋላሰ ኢሲ ቢኒያሜ ዴሬ አሲ ባ ማይኦ ዲኪዲ ባ ሁኤ ቦላ ጉዲላ ላሊዲ ኦላሶፕ ዎላን ሴሎ ዱዳሰ።

13 አዴዚ ሄ ጋኪዳ ማላ ጸሳ ጫቆ ቃላ ታቦታ ጊሻሰ ባ ዎዚናን ጩጩሼ ዲዛ ኤሌይ ኦኔ አቻን ባ ኦይዴ ቦላ ኡቲዲ ናጌ ቦላ ዳሰ፤ አዴዚካ ጌዴ ካታማ ጌሊዲ ሃኒዳ ኡባ ዮቲን አሳይ ሲዱዲ ካታማ ዋሶን ቃሊዳሰ።

14 ኤሌይካ ዋሶዛ ሲዱዲ፣ «ሂሲ አዛ ዋሶ?» ጊ ኦይቺዳሰ፤ አዴዚ ኤሶን ዱዲ ኤሌሰ ዮቲዳሰ።

15 ሄ ዎዴ ኤሌሰ ላይላይ 98 ጊዲዳ ጊሻሰ ኢዛ አይፊቲ ጸላናሰ ዲንዳይቤቲና።

16 አዴዚ ኤሌሰ፣ «ታኒ ሃኢ ኦላሶፕ ዩሰ ያይሰ፤ ሃች ኦላፕ ኬሳ ኤካ ያዲሰ» ጊዳሰ።

ኤሌይካ፣ «ታ ናዙ! ሂሰቲን አዜ ዋኒዳይ?» ጊ ኦይቺዳሰ።

17 ዎሪዛ ኤሂዳ አዴዚ፣ «ኢሰራኤል አሳይ ፊሊሰጾሜ አሳ ሲንጻፊ ባቃቲዳሰ፤ ኦላ አሳፕ ዳሮይ ዉሪዳሰ፤ ሄሳላካ ኔ ና ናሞኣቲ አፊኔይኔ ፊኒሃሲ ሃይቂዳ፤ ጸሳ ጫቆ ቃላ ታቦታይ ዲኤቲዳሰ» ጊዳሰ።

18 አዴዚ ጸሳ ጫቆ ቃላ ታቦታ ጊሻሰ ዮቲዳ ማላ፣ ኤሌይ ገምቤ ፔንጌ አቻን ኡቲዳ ኦይዳዛ ቦላፊ ዞኮ ቦላ ኩንዲዳሰ፤ ኢዚ ጩጋ ጊዲዳ ጊሻሰ ኢዛሰ ጉባይ ዳጾ ጊዲዳ ጊሻሰ ቆዴፕ ሜቂ ሃይቂዳሰ፤ ኢዚ ኢሰራኤል አሳ ቦላ 40 ላይላ ፐርዲዳሰ።

ፊኒሃሴ ማቺ ሃይቆ

19 ሄ ዎዴ ኢዛ ናዛ ፊኒሃሴ ማቻ ሻራራ ዳዉሰ፤ ኢዛ ዩላናሰ ዎዴይ ዉሪዳሰ፤ ኢዛ ጸሳ ጫቆ ቃላ ታቦታይ ዲኤቲዳይሳ፣ ኢዚ አዚና አዋይ ሃይቂዳይሳን ባ አዚና ሃይቆካ ሲዱዳ ማላ ሚጻይ ሚኒን ጉልባታ ዩላዲሰ።

20 ኢዛ ሾምፖ ኬዛና ሃኒሺን ኢዚ አቻን ዲዛ ማጫሳቲ፣ «አይኮይ ባ፤ አቲማ ና ዩላዳሳ» ጊዳ፤ ኢዛ ጊዲኮ ዛሮ አማቤኩ፤ ኤዘጋ ሲያቤኩ።

21 ጸሳ ጫቆ ቃላ ታቦታይ ዲኤቲዳ ጊሻሰ ኢዚ አዚናይኔ አዚናዛ አዋይ ሃይቂዳ ጊሻሰ፣ «ቦንቾይ ኢሰራኤሌፕ ሻኬቲዳሰ» ጋሼ ናዛ፣ «ኢካቦዴ»† ጋ ሱንጻዲሰ።

22 ቃሴካ፣ «ጸሳ ጫቆ ቃላ ታቦታይ ዲኤቲዳ ጊሻሰ ቦንቾይ ኢሰራኤሌፕ ሻኬቲዳሰ» ጋዲሰ።

5

ጫቆ ቃላ ታቦታይ አሽደዴ ኣቃሮኔ ቡስ

1 ፊሊሰጾሜ አሳይ ጫቆ ቃላ ታቦታ ዲኤዳፕ ጉዬ አቤንኤዜሬፕ አሽደዴ ኤፊዳ።

2 ሂፔካ ኤቃ ጸሰ ዳጎኔኮ ጌልሊዲ ሃን ዎሊዳ።

3 አሽደዴ ዴሬ አሳይ ዎንቴላ ጋላሰ ማላደራ ዳንዲዲ ጸሊሺን ዳጎኔይ ጸሳ ጫቆ ቃላ ታቦታ ሲንጻን ጉፋኒ ዲዛይሳ ቤኢዳ፤ ኢሰቲ ኢዛ ዳንሊዲ ካሴ ኢዚ ዲዛሶን ዎሊዳ።

4 ቃሴ ዎንቴላ ጋላሰ ማላደራ ዳንዲዲ ጸሊሺን ዳጎኔይ ጸሳ ጫቆ ቃላ ታቦታ ሲንጻን ቢታ ቦላ ጉፋኒ ዳሰ፤ ኢዛ ሁኤይኔ ኢዛ ኩሼፕ ፔንጌ ቦላ ማቄሬቲ ዎዲን ሃንኮ አቲዳ አሳቴላይ ጸላ ዳሰ።

5 ሃች ጋካናሰ ዳጎኔ ቁሴታ ጊዲን ሃራ አሽደዴን ዲዛ ዳጎኔ ኤቃታ ኬላ ጌሊዛ ኡባታ ቶሆይ ሃሜቲ አፋና ማላ አቲን ኢዛ ፔንጌ ዩዲንታ ማላ ኦሴቲዳይ ሃሳ ጋሶና።

6 ጎዳ ኩሼይ አሽደዴ ዴሬ ቦላኔ ኢዛ ጉታታ ቦላ ዳጾዳሰ፤ ኢዚካ ኢሰታ ቦላ ባሽ ኤሂዳሰ፤ ኪጻን ሾጪዳሰ።

* 4:1 አቤንኤዜሬ ጉሲ ማዶ ሹቻ ጉሳ። 4:4 ኪሳ 25:22 † 4:21 ኢካቦዴ ጉሲ ኢብራዌታ ቃላራ ጸሳ ቦንቾይ ዳንዲዳሰ ዎይኮ ዳይዳሰ ጉሳ።

7 አሸዶዳ አሳቲ ሃሳ ቤኢዳ ዋዴ፡ «ኢዛ ኩሼይ ኑ ቦላኔ ኑ ጸሳ ዳጎኔ ቦላ ዴዲዳ ገሻሰ ኢሰራኤሌ ጸሳ ጫቆ ቃላ ታቦታይ ኑ ኣቻን ገምእናሰ ቤሴና» ገዳ።

8 ሃሳፌ ጉዬ ፊሊሰጾሜ ዴሬ ኣይሲዛይታ ኡባ ዴይጊሲዲ «ኢሰራኤሌ ጸሳ ጫቆ ቃላ ታቦታ ዋሰቲና?» ገ ኣይቺዳ።

ኢሰቲካ ዛሪዲ፡ «ኢሰራኤሌ ጸሳ ጫቆ ቃላ ታቦታ ጌቲ ኤፍቲ» ገዳ። ሃሳ ገሻሰ ኢሰራኤሌ ጸሳ ጫቆ ቃላ ታቦታ ኤፊዳ።

9 ገደ ኣቲን ኢሰቲ ጫቆ ቃላ ታቦታ ሃ ኤፊዳፎ ጉዬ ጸሳ ኩሼይ ካታማይ ቦላ ዴዲዳ ገታ ሺሮ ኢሰታ ቦላ ኤሂዳሰ፤ ዩቋኔ ጪማ ጎንታ ዴራ ኪዳን ሾጪዳሰ።

10 ሃሳ ገሻሰ ጸሳ ጫቆ ቃላ ታቦታ ኣቃሮኔ ዩዲዳ፤ ታቦታይ ሄ ጋኪ ጌሊሺን ኣቃሮኔ ዴሬይ፡ «ኢሰራኤሌ ጸሳ ጫቆ ቃላ ታቦታ ኢሰቲ ኑ ቦላ ኤሂዳይ ኑና ኑ ዴራ ወርሳናሳ» ገዲ ዋሲዳ።

11 ጎዳ ኩሼይ ኢሰታ ቦላ ከሄ ዴዲዳ ገሻሰ ሃይቆይ ካታማኖ ከሄ ዳጋንላዴሰ፤ ሂሰቲን ኣሳይ ፊሊሰጾሜ ዴሬ ኣይሲዛይታ ኡባ ዴይጊዲ፡ «ኢሰራኤሌ ጸሳ ጫቆ ቃላ ታቦታ ኑ ቢታፊ ኬሲቲ፤ ባ ዴሬ ሲሞ፤ ሂሰቲንታ ኣገሪ ኑና ኑ ዴራ ኢዚ ወርሳና» ገዳ።

12 ሃይቆንታ ፓጻ ኣቲዳይታ ኪዳ ሃርጌይ ዋዴሲዛ ገሻሰ ካታማይ ዋሶይ ሳሎ ጋኪዳሰ።

6

ጫቆ ቃላ ታቦታ ሲሞ

1 ጎዳ ጫቆ ቃላ ታቦታይ ፊሊሰጾሜን ላፑን ኣገና ኡቲዳሰ።

2 ፊሊሰጾሜቲ ቁሴታኔ ማሮታ ዴይጊዲ፡ «ጎዳ ጫቆ ቃላ ታቦታ ኑ ዋሰቲና? ካሴ ኢዚ ዲዛሶ ኑ ዋሰቲ ዛሪናኩ ኣኔ ኑሰ ዮቲቲ» ገዳ።

3 ኢሰቲካ፡ «ኢሰራኤሌ ጸሳ ጫቆ ቃላ ታቦታ ኢንቲ ዛሪዛ ገዲኩ ቆሆሰ ሺቁዛ ያርሾራ ኢሲ ቦላ ጋሊ ዩዲቲ ኣቲን ጮ ማላ ዩዴፍቲ፤ ሄ ዋዴ ኢንቲ ፓጻና፤ ኢዛ ኩሼይ ኢንቲ ቦላ ኣይሰ ዴዲዳኩ ኢንቲ ኤራና» ገዳ።

4 ፊሊሰጾሜቲ፡ «ኑኔ ቆሆ ያርሾሰ ዩዳናይሲ ኣይ ገዳና ቤሲዜ?» ገ ኣይቺዳ፤ ኢሰቲካ ዛሪዲ፡ «ኢንቲና ገዲን ዋይኮ ኢንቲ ሃላቃታ ሾጪዳይ ኢሲ ቆሞ ባሻ ገዲዳ ገሻሰ ፊሊሰጾሜታ ኣይሲዛይታ ቆዳን ዋርቃፊ ኦሴቲዳ ኢቻሹ ኪዳ ሚሰሌታኔ ዋርቃፊ ኦሴቲዳ ኢቻሹ ኤጩሬ ሚሰሌታ ዩዲቲ።

5 ኢንቲ ቢታ ቋይሳናሰ ኪቲቲዳ ኤጩሬታኔ ኪዳ ሚሰሌታ ኦሊዲ ኢሰራኤሌ ጸሳ ቦንቻሰ ኢሚቲ፤ ኢንቲ ሃሳፉ ኦሊኮ ኦኔ ኤሪዛይ ኢዚ ባ ኩሼ ኢንቲ ቦላፊ፡ ኢንቲ ጸሳታ ቦላፊኔ ኢንቲ ቢታ ቦላፊ ዴንፋናዝ ገዳና።

6 ኢንቲ ገብጾ ዴሬ ማላኔ ገብጾ ካዋ ማላ ኢንቲ ዋዚና ኣይሰ ሹቻሴቲ? ኢሰቲ ኢሰራኤሌ ኣሳ ዩዲዳይ ጸሳይ ኢሰታ ቦላ ዋልቃማ ሃንቆ ጋሊን ገዴኔ?

7 ሃሳ ገሻሰ ኑራሳ ጋሬኔ ቃሞባራይ ኢሰታ ሞርጌን ዋዶንታ ናሞኡ ቋንላዛ ሚዛታ ገግሲቲ፤ ጋሬዛ ቦላ ዋዲቲ፤ ኢሰታ ማራታ ገዲኩ ሶ ዛሪቲ።

8 ጎዳ ጫቆ ቃላ ታቦታ ጋሬዛ ቦላ ጫኒቲ፤ ጫቆ ቃላ ታቦታ ሚሊን ዲዛ ሳጺኔዛ ገደን ኢንቲ ቆሆ ያርሾሰ ዩዲዳ ዋርቃ ሚሰሌታ ዋሊዲ ኢዚ ባ ኮዩዳ ኦጌራ ባና ማላ ዩዳገቲ።

9 ገደ ኣቲን ኢዚ ኣዋ ባናኩ ጴሊቲ፤ ኢዚ ቤቲ-ሹሚሹ ባጋራ ካሴ ባ ዩዳ ዴሬ ቢዛ ገዲኩ፡ ሃይሳ ዋልቃማ ማቶዛ ኑ ቦላ ጋሊዳይ ጎዳ። ኢዚ ሄ ቦንታ ኣገሪ ማቶዚ ኑ ቦላ ዴንጋቲ ጋኪዳሰ ኣቲን ኢዛ ኩሼይ ኑና ሾጮንታይሳ ኑ ኤራና» ገዳ።

10 ኢሰቲካ ኢሰታሰ ዮቲቲዳ ማላ ኦሊዳ፤ ናሞኡ ሚዛታ ኤኪዲ ኢሰታ ቦላ ጋሬዛ ዋዲዳ፤ ኢሰቲ ማራታ ኬሳ ጎርዲዳ።

11 ጎዳ ጫቆ ቃላ ታቦታ፡ ዋርቃፊ ኦሴቲዳ ኤጩሬ ሚሰሌታኔ ኪዳ ሚሰሌታ ጋሬዛ ቦላ ጫኒዳ።

12 ሃሳፌ ጉዬ ሚዛቲ ኦጌ ኣይኪ ቢሹ ሂሞባ! ሂሞባ! ገሹ ሲቲ ገዲ ቤቲ-ሹሚሹ ጋካናሰ ቢዳ፤ ፊሊሰጾሜ ዴሬ ኣይሲዛይቲካ ቤቲ-ሹሚሹ ዛዋ ጋካናሰ ካሊ ቢዳ።

13 ሄ ዋዴ ቤቲ-ሹሚሹ ኣሳይ ዙሌ ገደን ባንታ ገሰቲ ጫኪሹ ዴቲሰ፤ ኢሰቲ ቶቁ ገ ጫቆ ቃላ ታቦታ ቤኢዲ ከሄ ኡፋዬቲዳ።

14 ጋሬዚካ ዩዲ ቤቲ-ሳሚሴን ዲዛ ኢያሶ ጋዴን ዲዛ ኢሲ ገታ ዛላ ማታን ኤቁዳሰ፤ ዴሬዚ ጋሬዛ ሚሳ ቁሪዲ ናሞኡ ሚዛታ ጸጌቲዛ ያርሾ ሂሰቲ ጎዳሰ ሺሹዳሰ።

15 ሌዌቲካ ጎዳ ጫቆ ቃላ ታቦታ ሚሊን ዋርቃ ሚሻቲ ኢዛ ገደን ዲዛ ሳጺኔዛራ ጋሊ ኤፊዳ ዋጋ ዛላዛ ቦላ ዋሊዳ፤ ሄ ጋላሲካ ቤቲ-ሹሚሹ ዴሬይ ጎዳሰ ጸጌቲዛ ያርሾ ሺሹዳ፤ ያርሾታካ ያርሹዳ።

16 ፊሊሰጾሜታ ኣይሲዛ ኢቻሻቲ ሃሳ ኡባ ቤይዳፎ ጉዬ ሄ ጋላሰ ኣቃሮኔ ሲሚዳ።

17 ፊሊሰጾሜቲ ቆሆ ያርሾሰ ገዲ ጎዳሰ ዩዲዳ ኪዳ ሚሰሌን ኦሴቲዳ ዋርቃቲ ኢሶይ ኣሸዶዳ ገሻሰ፡ ኢሶይ ጋዛ ገሻሰ፡ ኢሶይ ኣሰቁሎና ገሻሰ፡ ኢሶይ ጌቲ ገሻሰኔ ኢሶይ ኣቃሮኔ ገሻሰ ሸቁዳይታ።

18 ዋርቃፊ ኦሴቲዳ ኤጩሬ ሚሰሌታ ቆዳይ፡ ኢቻሹ ፊሊሰጾሜ ኣይሲዛይቲ ሃሪዛ ካታማታኔ ኢሰታፊ ካሬራ ዲዛ ጉታታ ቆዳ ሊኬ። ቤቲ-ሳሚሴ ዴሬ ኣሰ ኢያሶ ጋዴን ጎዳ ጫቆ ቃላ ታቦታ ኢሰቲ ኢዛ ቦላ ዋሊዳ ዋጋ ዛላዚ ሃቕ ጋካናሰካ ማርካ።

19 ገደ ኣቲን ቤቲ-ሹሚሹ ኣሳይ ጎዳ ጫቆ ቃላ ታቦታ ቃሪ ቤኢዳ ገሻሰ ኢሰታ ገደፊ ጉላታ ሾጪዳ 70 ኣሳታ ዋዲዳሰ፤ ጎዳይ ኢሰታ ከሄ ሾጪዳ ገሻሰ ዴሬይ ዩኪዳሰ።

ጫቆ ቃላ ታቦታ ቂሪያቲ-ዩኣሪሪሚን

20 ሃሳ ገሻሰ ቤቲ-ሹሚሹ ኣሳይ፡ «ሂሰቲን ሃይሳ ጎዳ፡ ጌሻ ጸሳ ሲንፋን ኤቃናሰ ዳንዳይዛይ ኦኔ? ጫቆ ቃላ ታቦታዚ ሃይሳፊ ኬዚዲ ኦናኮ ባኔ?» ገዳ።

21 ሃሳፌ ጉዬ ቂሪያቲ-ዩኣሪሪሚ ቢታ ቃሰታኔ ኪቲዳ፡ «ፊሊሰጾሜ ኣሳቲ ጎዳ ጫቆ ቃላ ታቦታ ኦኮ ዛሪዳ ገሻሰ ሃ ዳጌ ዋዲ ኤኪዲ ፑዴ ኢንቲ ሄራ ኬዚቲ» ገዳ።

7

1 ቂሪያቲ-ዩኣሪሪሚ ኣሳቲካ ዲጌ ዋዲዳ ጎዳ ጫቆ ቃላ ታቦታ ኤኪዲ ፑዴ ባንታ ሄራ ኤፊዳ ዙሞቡላ

8

ሁኔን ዲዛ አቢናዳቤሶን ዋሊዳ፤ ጎዳ ጫቆ ቃላ ታቦታ ናጋና ማላ ኢዛ ና ኤልኤዜሬ ዲማሲዳ።

ሳሜሊ ኢሰራኤል አሳ ካሌሊዳ ካሌላ

2 ጫቆ ቃላ ታቦታይ አዲሳ ዎዴ ቁሪያቴ-ዪኦሪሚን ዳኢዳስ፤ ኢሲ ቦላ 20 ላይላ ሄን ጋምኢዳስ፤ ኢሰራኤል አሳይ ኡባይ ጩጩዳስ። ጎዳካ ኮዪዳስ።
3 ሳሜሊ ኢሰራኤል ዳራ፡ «አንቴ ኩሚላ ዎዲና፤ ጎዳኮ ሲሚዛ ገዲኮ ሃራ ኤቃ ጸሳታኔ አስታሮቴ አንቴ ገደፊ ዲጊቴ፤ አንቴና ጎዳስ አሊ ኢሚቴ፤ ኢዛስ ጸላ ጎይኒቴ፤ ኢዚ አንቴና ፊሊሰጾሜታ ኩሼ፤ ኬሲ ኤካና» ገደሰ።

4 ሃሳ ገሻሰ ኢሰራኤል አሳይ ባኦሌኔ አስታሮቴ ኤቃ ጸሳታ ባንታ ገደፊ ዲጊዲ ጎዳስ ጸላ ጎይኒዳ።

5 ሃሳፊ ጉዬ ሳሜሊ፡ «ታ አንቴ ገሻሰ ሄን ጎዳ ዎሳና ማላ ኢሰራኤል አሳ ኡባ ሚጺጸን ሺሺቴ» ገደሰ።

6 ኢሰራኤል አሳይ ሚጺጸን ሺቁዳ ዎዴ ሃላ ዲቁዲ ጎዳ ሲንላን ጉሲዳስ፤ ሄ ጋላሲካ ጸሚዳ፤ «ኑኒ ጎዳ ቆሃደሰ» ገዲ ፓጺዳ። ሳሜሊ ሚጺጸን ፐርዲሼ ዳራ አይሲዳስ።

7 ኢሰራኤል አሳይ ሚጺጸን ሺቁዳይሳ ፊሊሰጾሜ አሳይ ሲዩዳ ዎዴ፡ ፊሊሰጾሜ አይሲዳይቴ አስታ ኦላናስ ኬዚዳ፤ ኢሰራኤላቴ ሃሳ ሲዩዳ ዎዴ ፊሊሰጾሜታስ ባቢዳ።

8 ሳሜሊሳ፡ «ጎዳ ኑ ጸሳይ ኑና ፊሊሰጾሜታ ኩሼ፤ አሻና ማላ ኑ ገሻሰ ኢዛኮ አጎንታ ዎሳ» ገዳ።

9 ሳሜሊካ ኢሲ ጳሚዛ ደርሳ ላቃ ኤኪዲ ሹኪዳስ፤ ሙሌራካ ጸጌቲዛ ያርሾ ሂሰቲ ጎዳስ ሺሺዳስ፤ ኢሰራኤል ገሻሰ ጎዳኮ ዎሲዳስ፤ ጎዳይካ ኢዛ ዎሳ ሲዩዳስ።

10 ሳሜሊ ጸጌቲዛ ያርሾዛ ያርሺዛ ዎዴ ፊሊሰጾሜቲ ኢሰራኤላታ ኦላናስ ኬዚ ዩዳ፤ ገደ አቲን ሄ ጋላሰ ጎዳይ ፊሊሰጾሜታ ቦላ ዎልቃማ ዳዳ ገርሰ ዳዳሲዳ ገሻሰ ኬሂ ኤቲ ባቲ ገዳ፤ ጸኔቲዳካ ኢሰራኤላታ ሲንሳፊ ባቃቲዳ።

11 ኢሰራኤል አሳይ ሚጺጸፊ ኬዚዲ ፊሊሰጾሜ አሳ ኦኔ ቦላ ዎጺሼ ዎጺሼ ቤቲ-ካሬ፤ ዳንኤ ባጋራ ዲዛሶ ጋካናስ ዩዳሊዳ።

12 ሃሳፊ ጉዬ ሳሜሊ ኢሲ ሹቶ ኤኪዲ ሚጺጸጸሲኔ ሼኔሰ ገደን ኤሲዳስ፤ «ሃቶ ጋካናስ ጎዳይ ኑና ማዲዳስ» ገሼ አቤንኤዜሬ ገ ሱንላዳስ።

13 ሃሳሱን ፊሊሰጾሜ አሳይ ጸኔቲዳ ገሻሰ ናምኣንሎ ኢሰራኤል አሳ ቦላ ፊሊሰጾሜቲ ዎራጂቤቴና፤ ሳሜሊ ሸምጉራ ፓጺ ዲዛ ላይላ ኡባን ጎዳ ኩሼይ ፊሊሰጾሜታ ቦላ ዳዲዳስ።

14 ፊሊሰጾሜቲ ኢሰራኤላታ ኩሼ፤ ዎላ ኤኪዳ ካታማቲ አቃሮ፤ ቤዲ ጌቲ ጋካናስ ኢሰራኤላታስ ሲሚዳ፤ ኢሰቲ ሃሪዛ ቢታቲ ኡባይ ፊሊሰጾሜታ ኩሼ፤ ላኣ ኬዚዳ፤ ኢሰራኤላታ ገደኒኔ አዎሬታ ገደን ሳርይ ዳስ።

15 ሳሜሊ ሸምጉራ ፓጺ ዲዛ ላይላ ኡባን ኢሰራኤል አሳ ኡባስ ፐርዲዳስ።

16 ላይላን ላይላን ሳሜሊ ቤቲሌ፡ ጌልጌላኔ ሚጺጸ ቢዲ ኢሰራኤል አሳስ ፐርዳስ።

17 ሃሳፊ ጉዬ ኤራማን ዲዛ ባሶ ሲሚዲ ሄንካ ኢሰራኤል አሳስ ፐርዳስ፤ ሄን ጎዳስ ያርሾ ያርሺዛሶ ኦሊዳስ።

ኢሰራኤል አሳይ ካዎ ካዎላናስ ሺሺዳ ኦይሻ

1 ሳሜሊ ጨሚዳ ዎዴ ባ ናይታ ናምኣታ ኢሰራኤል ቦላ ፐርዳና ማላ ሹሚዳስ።

2 ኢዛስ ባይራ ናዚ ኢዩኤሌ ጌቲቴሰ፤ ካሎዚ አቢያ ጌቲቴሰ፤ ኢሰቲ ቤርሳቤሄን ፐርዳቴሰ።

3 ገደ አቲን ናይቲ ባንታ አዎ ኦኔ ካሊቤቴና፤ ቤሶንታ ጎኣ ዳማናስ ገሼ ኦጌ፤ ኬዚዳ፤ ማጋንጾ ኤኪዲ ፐርዳ ጌላሲዳ።

4 ሃሳ ገሻሰ ኢሰራኤል ጨማቲ ወሪ ኢሲ ቦላ ሺቁዲ ሳሜሊ ዲዛሶ ኤራማ ዩዳ።

5 ኢሰቲካ ሳሜሊሳ፡ «ኔኒ ጨማዳሳ፤ ኔ ናይቲ ኔ ሎሴ ካሌቴና፤ ሃሳ ገሻሰ ሃራ ካዎቴላቲ ኦሊዛ ማላ ኑና ካሌሊዛ ካዎ ኑስ ካዎላ» ገዳ።

6 ገደ አቲን፡ «ኑና ካሌሊዛ ካዎ ኑስ ካዎላ» ገዳይሲ ሳሜላ ሚሺሲዳ ገሻሰ ሳሜሊ ጎዳ ዎሲዳስ።

7 ጎዳይካ ሳሜሊሳ ዛሪዳ፡ «ታ ኢሰታስ ካዎ ገደንታ ማላ ኢሰቲ ካጺዳይ ታና አቲን ኔና ገደንታ ገሻሰ ዳሪዚ ገዛይሳ ኡባ ሲያ።

8 ታ ኢሰታ ገብጾ ቢታፊ ኬሶሶፊ ሃኖ ጋካናስ ታና አገዲ ሃራ ኤቃ ጸሳታስ ጎይኒሼ ኦሊዳ ማላ ኔ ቦላካ ኦላቴሰ።

9 ኔኒ ገዲኮ ኢሰቲ ኔና ገዛይሳ ሲያ፤ ኢሰታ ቦላ ካዎቴዳይሲ ኢሰታ ቦላ አይ ኦላናኮ ኢሰታ ኤሪሳ ቤሲዛ ማላ ኢሰታስ ሚንላ ዮታ» ገዳስ።

10 ሳሜሊካ ካዎ ካዎላናስ ኦይቺዳ ዳራሰ ጎዳ ቃላ ኡባ ዮቲዳስ።

11 ኢሰታሰ፡ «አንቴ ቦላ ካዎታና ካዎዚ አንቴ ቦላ ኦላናይሲ አንቴ አቲማ ናይታ ኡባ ኤኪዲ ፓራ-ጋሪ ላገዛይታኔ ቶጋንቻታ ኬሳና፤ ኢሰቲ ፓራ-ጋሪታ ሲንላን ዎጺና።

12 ኢሰታ ገደፊ ኢሶታ ኢሶታ ሻላቃታ፡ ማቶ ሃላቃታ፡ ሃምሳ ሃላቃታ ሂሰታና፤ ባጋታ ኢዛ ጋዴ ጎያና ማላኔ ኢዛ ካላ ሺሻና ማላ፡ ኦላ ማሳራታኔ ፓራ-ጋሪስ ገዲዛ ሚሻታ ኦሊዛይታ ሂሰታና።

13 አንቴ ማጫ ናይታ ኤኪዲ ሺቶ ኬሲሳና፤ ዎዴ ካላሳናኔ ሶሎ ኤኪሳና።

14 አንቴ ጋዴ፤ ዎይኔ ጋዴ፤ ዎጋራ ቶኪዛ ጋዴ፤ ሎኦሶ ሎኦሶ ኤኪዲ ባ ሹሚታስ አማና።

15 ኢዚ አንቴ ካላፊኔ አንቴ ዎይኔ ሚላፊ ታማፊ አሳ ባ ካዎቴላን ዲዛ ባ ኦሳንቻታሲኔ ባ ሹሚታስ አማና።

16 አቲማኔ ማጫ አንቴ አይሌታ፡ አንቴ ሚሄ፤ ዳሪቲዳ ሎኦታ ሎኦታ ባስ ሂሰታና።

17 ደርሳ ወዳ፤ ዳይሻ ወዳ፤ ታማፊ ኢሲ ኩሼዛ ባስ ኤካና፤ አንቴ አንቴ ሁኤራ ኢዛ አይሌታ ገዳና።

18 ሃሲ አንቴ ቦላ ጋኪዳ ዎዴ አንቴ ደሲዲ ደሪዳ ካዎዛ፤ ዳንዲዳይሳን ዎሳና። ገደ አቲን ጎዳይ ሄ ጋላሰ አንቴ ዎሶ ሲዩና» ገዳስ።

19 ዳሪይ ገዲኮ ሳሜሊ ሃሳይዛ ቃላዛ ወዳን ዩጎንታ ኢጺዲ፡ «ገዳና፤ ኑስ ካዎይ ካዎታና ማላ ኮዮሰ።

20 ሃራ ዳሪታ ማላ ኑኒካ ኑና ካሌሊዳ፤ ኑ ሲንላራ ቢዛዳኔ ኑስ ኦሊቲዛ ካዎይ ዲዛ ካዎቴላ ገዳና» ገዳ።

21 ሳሜሊካ ዳሬዚ ገዛይሳ ኡባ ሲዪዳሰ፤ ሄሳ ዛሪዲ ጎዳሰ ዮቲዳሰ።
 22 ጎዳይካ፣ «ኢስቲ ገዛይሳ ሲያ፤ ካዎካ ኢስታስ ካዎላ» ገዳሰ፤ ሄሳፊ ጉዬ ሳሜሊ ኢስራኤል አሳ፣ «ኢሶይ ኢሶይ ኢንቲ ዪዳ ካታማ ካታማ ሲሚ ቢቲ» ገዳሰ።

9

ሳሜሊክ ሳኦሌ

1 ቢኒያሜ ቆዎታፔ ቂሴ ጌቲቲዛ ኢሲ ኤሬቲዳ አሲ ዳሰ፤ ኢዚካ አቢኤሌ ና፣ ጸርሬ ና፣ ቢሶራቲ ና፣ ቢኒያሜ ዳሬ አሰ አፊቄ ና።
 2 ቂሴሰ ሳኦሌ ጌቲቲዛ ናቲላ ናይ ዳሰ፤ ኢስራኤል አሳ ጋርሳፊ ማላኒኔ ሱሬቲላን ኢዛ ጋኪዛይ ዳና፤ ጌሳን ሃራ አሳይ ኡባይ ኢዛሰ ሃሽፔ አጭና።
 3 ሄ ዎዳ ሳኦሌ አዎ ቂሴ ሃሬቲ ቆይዳ፤ ሂስቲን ቂሴይ ባ ና ሳኦሌ፣ «አሽካራታ ገዳፊ አሳ ኤካ ባዳ ሃሬታ ኮያ» ገ አዛዚዳሰ።
 4 ሄሳ ገሻሰ ዙዎቡላቲ ዲዛ ኤፍሬሜ ዳሬኒኔ ሻለሻ ሄራን ዩዩ ኮዩዳ፤ ገዲኮካ ሃሬታ ዳሚቤቲና። ሄፔ ዳንዲዲ ሻኢሊሜ ዛዎራ ካንሲ ቢዳ፤ ሃሬቲ ገዲኮ ሄንካ ዳቲና፤ ቃሴካ ቢኒያሜ ቆሳራ ካንሲ ቢዳ፤ ሄንካ ዳማና ዳንዲይቤቲና።
 5 ሄፔካ ዳንዲዲ ዙፊ ዛዎ ጋኪዳ ዎዳ ሳኦሌ ባናራ ዲዛ አሽካራዛሰ፣ «ሃኒ ዎዳ ታ አዎይ ሃሬታስ ቆፋ አገዲ ኑ ገሻሰ ጩጩ ዶማና ገሻሰ ሃ ያ ኣኔ ጉዬ ሲሞሰ» ገዳሰ።
 6 ገዳ ኣቲን አሽካራዚ ኢዛ፣ «ቤኣ፣ ሃኖ ካታማይን ጸሳ አሲ ዳሰ፤ ኢዚካ ኬሂ ቦንቼቲዳ አሳ፤ ኢዚ ዮቲዛ ዮኦ ኡባይ ኢዚ ገዳ ማላ ፖሌቲሰ። ኑ አዎራ ባናሰ ቤሲዛኮ ኢዚ ኑሰ ዮታና ገሻሰ ኣኔ ሄ ኢዛኮ ቦሰ» ገዳሰ።
 7 ሳኦሊካ ኢዛሰ ዛሪዲ፣ «ቤላ ኑ ባናሽን ኑ ኢዛሰ አይ አማኔ? ሉካዎን ኑ ኦይኪዳ ሺንቄይካ ወሪዳሰ፤ ኑኒ ጸሳ አሳሰ አዎታ አሚዛ ሚሺ ዳና፤ ሂስቲን ኑሰ ኣዚ ዲዜ?» ገዳሰ።
 8 አሽካራዚካ፣ «ታሰ ኢሲ ሳቂሌ ቢራሰ ጩገይ ዳሰ፤ ኑ አዎ ባጋ ኦጌራ ባናኮ ኢዚ ኑሰ ዮታና ማላ ታሰ ዲዛ ሚሻዮ ጸሳ አሳሰ አሚና» ገዲ ናሞኣንላ ዛሪ ዮቲዳሰ።
 9 ሃይሳፊ ሲንላን ኢስራኤል ዳሬን ኢሲ አሲ ጸሰ ኦይቻና ቢሹ፣ «ኣኔ ሃ ዩቲ፣ አጂታ ዮቲዛይኮ ኣኔ ቦሰ» ገዳሰ፤ ሃኢ ናቤ ጌቲቲዛይይ ቤኒ ዎዳ ካዩዛይ ጌቲቲሰ።
 10 ሳኦሊካ አይሌዛሰ፣ «ሎኦኮ! ሃያ ኣኔ ቦሰ» ገዳሰ። ሄሳ ገሻሰ ጸሳ አሲ ዲዛ ካታማ ቢዳ።
 11 ኢስቲ ካታማዮ ጌላና ሃኒሺን ዲዛ ዙዎቡላይ ቦላ ፑዳ ኬሳን ዲሺን ሃላ ዲቃናሰ ቢዛ ጌላኦታ ዳሚዲ፣ «አጂታ ዮቲዛይሲ ሃይሳን ዲዜ?» ገ አይቼዳ።
 12 ኢስቲካ ዛሪዲ፣ «ኤ ዳሰ፤ ቤኢቲ ኢንቲ ሲንላን ዳሰ፤ ኤሶን ቢቲ፤ ዳሬይ ጎይኒዛ ዙዎቡላዛ ቦላ ያርሾ ሺሻና ገሻሰ ሃኙ ቡሮ ኑ ካታማ ዪዳሰ፤
 13 ኢንቲ ጌዳ ካታማ ጌሊዳ ማላ ኢዚ ካላ ማናሰ ፑዳ ዙዎቡላ ቦላ ኬዛናፔ ሲንላን ኢንቲ ኢዛ ዳማና፤ ያርሾካ ኣንጃናይ ኢዛ ገዲዳ ገሻሰ ኢዚ ያናሽ ጋካናሰ ዳሬዚ ሙሰ ዶማና፤ ሃሳፊ ጉዬ ሃንኮ

ዳይጌቲዳ ዳሬዚ ማና፤ ሃኢራ ኬዚቲ፤ ሄራካ ኢንቲ ኢዛ ዳማና» ገዳ።
 14 ኢስቲካ ፑዳ ካታማዮ ኬዚዳ፤ ኢስቲ ካታማዮ ቢ ጌሊሺን ሳሜሊ ጎይኒዛሶሆ ፑዳ ዙዎቡላ ቦላ ኬዛናሰ ቢሹ ኢስቲ ዲዛ ባጋ ዪዳሰ።
 15 ሳኦሊ ያናፔ ኢሲ ጋላሳፊ ሲንላን ጎዳይ ሳሜላሰ ቆንጩሲ ዎሊዳሰ።
 16 ጎዳይ፣ «ዎንቶ ሃኒ ዎዳ ቢኒያሜ ዳሬፔ ኢሲ አሰ ነኮ ኪታና፤ ታ ዳሬ ኢስራኤል ቦላ ካዎታና ማላ ቲያ፤ ኢዚካ ታ ዳራ ፊሊሰጾሜታ ኩሽፔ ዎሊ ኤካና፤ ቤኣ ኢስታ ዋሶይ ታኮ ጋኪዳ ገሻሰ ቦላፊ ታኒ ታ ዳራ ዎካ ዳላዲሰ» ገዳሰ።
 17 ሳሜሊ ሳኦሌ ቤኢዳ ማላ ጎዳይ፣ «ሄኮ ታ ኔሰ ዮቲዳ አዳዚ ሃይሳ፤ ኢዚ ታ ዳራ አይሳና» ገዳሰ።
 18 ሳኦሊካ ገሞቤዛ ፔንጌን ዲዛ ሳሜላኮ ሸቂዲ፣ «አጂታ ዮቲዛይሳ ኬላ አዎን ዲዛኮ ታሰ ዮታንዲ?» ገዳሰ።
 19 ሳሜሊ ኢዛሰ፣ «አጂታ ዮቲዛይሲ ታና፤ ሃኙ ኢንቲ ታናራ ማና ገሻሰ ፑዳ ጎይኒዛሶሆ ዙዎቡላ ቦላ ኬዚቲ፤ ዎንቶ ማላዶ ታ ኔና ዎይዛና፤ ኔ ዎዚናን ዲዛይሳካ ታ ዮታና።
 20 ሄሹ ጋላሳፊ ሲንላን ቆይዳ ሃሬቲ ቤቲዳ ገሻሰ ኔ ኢስታሰ ጩጩፓ፤ ኢስራኤል አሳ ኡባ አዎይ ኮይዛይ ኔና ኔ አዎ ኬላ አሳ ኡባ ገዳኔ?» ገዳሰ።
 21 ሳኦሊካ፣ «ታኒ ኢስራኤል አሳ ጋርሳን ኡባፊ ቆዳን ጉላ ገዲዳ ቢኒያሜ ቆዎታፔ ኢሳ ገዲኪና? ታ ዛርኬይ ቢኒያሜ ቆዎታ ጋርሳን ጉላ ገዳኔ? ሂስቲን ሃይሳ ማላ ዮኦ ኔ ታሰ አይሰ ዮታይ?» ገዳሰ።
 22 ሃሳፊ ጉዬ ሳሜሊ ሳኦሌኔ ኢዛ አሽካራዛ አዳራሻ ኬላ ኤሂዳሰ፤ ዳይጌቲዳ ሄሹ ታሙ ገዲዛ አሳፔ ቦላራ ቦንቸሶን ኡቲሲዳሰ።
 23 ሳሜሊ ካላ ካላዛይሳ፣ «ሃይሳ ዲማ ዎላ ጋዳ ታ ኔሰ አሚዳ ቢሊቲ አሾዛ ኣኔ ሃ ኤሃ» ገዳሰ።
 24 ካላ ካላዛይሲካ ጌዳ አሾዛ ኩሚላ ኤሂዳ ሳኦሌ ሲንላን ዎሊዳሰ፤ ሳሜሊ ኢዛ፣ «ሃይሲ፣ ታኒ ኢሚላ ዳይጋዲሰ» ገዳሰ። ዳሚዲ ኢሲ ሚሺ ሃናናሽ ጋካናሰ ታ ናጌ ዎሊን ኔሰ ዲማቲ ኡቲዳ ሚሽ ገዲዳ ገሻሰ ማ» ገዳሰ። ሳኦሊካ ሄ ጋላሳ ኦሚርሲ ሳሜላራ ኢሲፊ ሚዳሰ።
 25 ሄ ጎይኒዛ ዙዎቡላዛ ቦላፊ ዲጌ ካታማ ዎዲዳፔ ጉዬ ሳሜሊ ባ ኬላን ዲዛ ፖቄዛ ቦላ ሳኦሌራ ሃሳይዳሰ።

ሳኦሌ ካዎቲላ

26 ማላዶ ዳንዲዲ፤ ሳሜሊ ሳኦሌ ፖቄዛ ቦላፊ ዳይጌዲ፣ «ታ ኔና ዎይዛና ጋይሰ ጊጌታ» ገዳሰ። ሳኦሊካ ጊጌቲዳ ማላ ሳሜላራ ኢሲፊ ኦይኬቲዳ ካሬ ኬዚዳ።
 27 ኢስቲ ቢዲ ካታማይ ወርሴላ ማቲሺን ሳሜሊ ሳኦሌሰ፣ «ኔ አይሌዚ ኑፔ ሲንላቲ ባና ማላ ኔ ኢዛሰ ዮታ» ገዳሰ። አሽካራዚካ ኢዚ ዮቲዳ ማላ ኦሊዳሰ፤ ሃሳፊ ጉዬ ሳሜሊ ሳኦሌ፣ «ኔኒ ገዲኮ ኔሰ ጸሳፊ ኪቲቲዳ ኪታ ታ ኔሰ ዮታና ማላ ጉላ ዎዳሰ ሃኒን ናጋሻ» ገዳሰ።

10

1 ሳሜሊ ዛይቲ ቢሪሌ ኤኪዲ ዛይቲዛ ሳኦሌ ሁኔን ጉሲዳፔ ጉዬ ዬሪ ኤኪዲ፤ ሃሳፌ ጉዬ፣ «ባ ጸንጾ ቦላ ኔ ሃሪዛይ ጊዳና ማላ ጸሲ ኔና ደሪቤኔ?»

2 ሃቶ ኔ ታፔ ሻኬታ ቢሺን ቢኒያሜ ጳሳን ዲዛ ጸልጸሆ ጌቲቲዛሶን ዲዛ ኤራሃሊ ዲፎ ኣቻን ዲዛ ናምኡ ኣሳታሪ ኔ ጋይታና፤ ኢሰቲካ፣ ርኔ ኮይዛ ሃሪቲ ቤተዳ፤ ሃኢ ኔ ኣዋይ ሃሪታሰ ቆፒዛይሳ ኣጊዲ ታ ናዛ ጊሻሰ ታ ኣይ ኦሊን ኪያኔ? ጊሹ ጨጨን ዳሰን ጋና።

3 «ኔኒካ ሲንሐ ጉጃ ጉጃ ባዳ ታቦሪን ዲዛ ጊታ ዛሬዛሶ ጋካናሰ ባና፤ ሄንካ ሄቹ ኣሳቲ ኢሶይ ሄቹ ዳይሻ ላቃ፣ ናምኣንጻዚ ሄቹ ኡኬል፣ ሃቸንጻዚ ዋይኔ ኡሺ ኩሚዳ ሉካዋ ኦይኪዲ ጸሳኮ ቤቲሌ ኬዚሹ ኔናራ ጋይታና።

4 ኢሰቲ ኔና ሳርኪ ሲሚዲ ናምኡ ኡኬል ኔሰ ኢማና፤ ኔካ ኢሰታፊ ኤካና።

5 «ሃሳፌ ጉዬ ኔኒ ፊሊሰጾሜ ኦላንቻቲ ዲዛሶ ጸሳ ዙማ ጊቢኣ ኬዛና፤ ኔ ካታማኖ ጋኪዳ ማላ ናቤታ ዲላታይ፣ ማሲንቆን፣ ካራቤን፣ ዲንኬኔ ዲላን ኣዛቤቲዲ ቲንቢቲ ዮቲሹ ዙምቡላን ጎይኒዛሶፔ ዲጌ ዋጂሺን ኔ ኢሰታ ዳማና።

6 ኔ ቆፖንታ ዲሺን ጎዳ ኣያናይ ዋልቃን ኩሚዲ ኔ ቦላ ዋጳና፤ ኔካ ኢሰታራ ቲንቢቲ ሃሳያ ደማና፤ ኔኒ ሃራ ኣሰ ሚሳታ ላሚታና።

7 ሃይቲ ማላታቲ ኔ ቦላ ፖሌቲዛ ዋዴ ጸሲ ኔናራ ዲዛ ጊሻሰ ኔ ኩሹይ ኦላና ዳንዳይዛ ኡባ ኦላ።

8 «ታፔ ሲንሳታዳ ዲጌ ጌልጌላ ዋጳ፤ ታኒካ ጸጌቲዛ ያርሾኔ ኢሲፊቲላ ያርሾ ሸሻናሰ ኔኮ ያና፤ ጊዳ ኣቲን ታ ኔኮ ያዳ ኔ ኣይ ኦላና ቤሲዛኮ ታ ዮታናሹ ጋካናሰ ላፑን ጋላሰ ኔ ታካና ቤሰሰ» ጊዳሰ።

9 ሳኦሊ ሳሜላፔ ሻኬቲ ባና ጊሺን ጸሲ ሳኦሊ ዋዚና ላሚዳሰ፤ ማላታቲ ኡባይ ሄ ጋላሰ ፖሌቲዳ።

10 ሳኦሊ ጊቢኣ ጋኪሺን ናቤታ ዲላታይ ኢዛ ዳሚዳሰ፤ ጸሳ ኣያናይ ዋልቃን ኩሚዲ ኢዛ ቦላ ዋጂዳሰ፤ ኢዚካ ኢሰታራ ቲንቢቲ ሃሳይዳሰ።

11 ካሴ ኢዛ ኤሪዛይቲ ኡባይ ኢዚ ናቤታራ ቲንቢቲ ሃሳይሺን ቤኢዲ ኢሰቲ ባንታ ጊዳን፣ «ቂሴ ናዛ ኣዜ ቦቹዳይ? ሳኦሊ ናቤታ ባጋ?» ጊሹ ኢሶይ ኢሳ ኦይቹዳ።

12 ሄ ዳሪን ዳኢዛ ኢሲ ኣዳዜ፣ «ኢሰታ ኣዋይቶ ኢዚ ኦኔ?» ጊ ኦይቹዳሰ፤ ሃሳ ጊሻሰ፣ «ሳኦሊካ ናቤታ ባጋፊ?» ጊዛ ቶሴ ቃላ ጊዲዳሰ።

13 ሳኦሊ ቲንቢቲ ሃሳዬ ጊጊዳፔ ጉዬ ጎይኒዛሶሆ ፑዴ ዙምቡላ ቦላ ኬዚዳሰ።

14 ሄ ዋዴ ሳኦሊ ሳዋ ኢሻይ ሳኦሊኔ ኢዛ ኣሸካራ፣ «ኢንቲ ኣዋን ዳቲ?» ጊ ኦይቹዳሰ፤ ኢሰቲካ፣ «ኦኒ ሃሪታ ኮያና ቢደሰ፤ ጊዳ ኣቲን ኢሰቲ ቤቶንታ ኢጸን ሳሜላኮ ቢደሰ» ጊዳ።

15 ሳኦሊ ኣዋ ኢሻዚካ፣ «ሃያና ሳሜሊ ኔሰ ዮቲዳይሳ ታሰ ዮታርኪ!» ጊዳሰ።

16 ሳኦሊካ ዛሪዲ ኢዛሰ፣ «ኡሰ ሃሪቲ ቤቲዳይሳ ቆንጨሲ ዮቲዳሰ» ጊዳሰ፤ ጊዳ ኣቲን ኢዚ ካዋታናይሳ ሳሜሊ ኢዛሰ ዮቶይሳ ባ ኣዋ ኢሻዛሰ ዮቲቤና።

17 ሳሜሊ ኢሰራኤሌ ዳራ ጎዳ ሲንሐ ሚጸጸ ጸይጊዲ፣

18 ኢሰታሰ፣ «ጎዳ ኢሰራኤሌ ጸሳይ፣ ታኒ ኢሰራኤሌ ኣሳ ጊብጾፔ ኬሳዲሰ፤ ጊብጾን ኢንቲ ኡንኤቲ ዲዛሶፔ፣ ሃራ ካዋቲላታ ኩሹፔ ታ ኢንቲና ኣሻዲሰን ጌሰ።

19 ሃቶ ጊዲኮ ኢንቲ ማቶፔኔ ዋዬፔ ኢንቲና ኣሺዳ ኢንቲ ጸሳ ካጂዲ፣ ሃህና ኡሰ ካዋ ካዋሳ ጊዳታ። ሃሳ ጊሻሰ ኢንቲ ቆሞን ቆሞኒኔ ኢንቲ ዛርኬን ዛርኬን ጎዳ ሲንሐ ሸቂቲ» ጊዳሰ።

20 ሃሳፌ ጉዬ ሳሜሊ ኢሰራኤሌ ቆሞታ ኡባ ሺሺን ቢኒያሜ ቆሞይ ደሪቲዳሰ።

21 ካሊዲካ ቢኒያሜ ቆሞታ ኢሰታ ዛርኬን ዛርኬን ሺሺዳሰ፤ ማጸሬ ዛርኬይ ደሪቲዳሰ፤ ወርሴላን ቂሴ ና ሳኦሊ ደሪቲዳሰ፤ ጊዳ ኣቲን ኮዩሺን ኢዚ ቤቲቤና።

22 ኣሳቲካ፣ «ኣዳዚ ዩዳ?» ጊ ኦይቹዳ፤ ጎዳይካ፣ «ኤ፣ ዩዳሰ፤ ጊዳ ኣቲን ሳኦሊ ሚሻታ ጊዳን ቆቲቲ ኡቲዳሰ» ጊዳሰ።

23 ኢሰቲካ ዋጲ ቢዲ ኢዚ ቆቲቲ ዲዛሶፔ ኤኪ ዩዳ፤ ኢዚ ዳራ ጊዳን ኤቆዳሹ ጌሳን ኢዛራ ሊኬቲዛ ኣሲ ደንታ ጊሻሰ ኣሲ ኡባይ ኢዛሰ ሃሹፔ ጋርሳን ኣቲሰ።

24 ሳሜሊካ ኩሚዳ ዳሪዛ፣ «ጎዳይ ደሪዳይሳ ቤዬቲ? ዳራ ኡባ ጊዳን ኢዛራ ጊኒዛ ኣሲ ዳና» ጊዳሰ፤ ዳሪዚ ባ ቃላ ቶቁ ሂሰቲዲ፣ «ካዋይ ሚርናሰ ካዋቶ!» ጊዳሰ።

25 ሳሜሊካ ካዋሰ ቤሲዛ ዋጋኔ ማራ ዳራሰ ቆንጨሲዳፔ ጉዬ ማጸፋን ጸፊዲ ጎዳ ሲንሳን ዋሊዳሰ፤ ሃሳፌ ጉዬ ሳሜሊ ኣሳ ኡባ ባሶ ባሶ ባና ማላ ዩዲዳሰ።

26 ሳኦሊካ ባሶ ጊቢኣ ቢዳሰ፤ ጸሲ ኢሰታ ዋዚና ቦቹዳ ጊታ ኣሳቲ ኢዛራ ኢሲፊ ቢዳ።

27 ኢሲ ኢሲ ሹፋር ኣሳቲ፣ «ሃይሳ ማላ ኣሲ ኦና ኣሻና ዳንዳይዜ?» ጊዲ ኢዛ ካጂዳ፤ ኢዛሰ ኣይኮ ኢዋታካ ኤሂቤቲና፤ ሳኦሊ ጊዲኮ ጮኡ ጊዳሰ።

11

ያቡሴ ካታማ ኣቲል

1 ኣምኔ ዳሬ ኣሰ ናኦሴይ ኬዚዲ ያቡሴ ጋላኣዴ ጊደሊዳሰ፤ ያቡሴ ኣሳይ ኡባይ፣ «ኔ ኦናራ ጫቂታ፤ ኦኒ ኔሰ ሃሪታና» ጊዳ።

2 ናኦሴይ ኢሰታሰ፣ «ታ ኢንቲናራ ጫቂታናይ ኢንቲሬ ኢሳ ኢሳ ኡሻቻ ኣይፊ ዋጫ ኬሳዳ ኢሰራኤሌ ኣሳ ኡባ ካወሺዳፔ ጉዬና» ጊ ዛሪዳሰ።

3 ያቡሴ ዳሬ ጨማቲ፣ «ኩሚዳ ኢሰራኤሌ ኣሳሰ ኦ ኪታ ዩዳናሰ ላፑን ጋላሰ ኦሰ ባሪ ኢማ፤ ኦና ኣሺዛ ኣሲ ጳይኮ ኦ ኔሰ ሃሪታና» ጊዳ።

4 ከቲቲ ቢዳይቲ ሳኦሊ ዲዛሶ ጊቢኣ ቢ ጋኪዲ ሃሳ ዳሪዛሰ ዮቲዳ ማላ ዳሪዚ ኡባይ ባ ቃላ ቶቁ ሂሰቲዲ ዩኪዳሰ።

5 ሄ ዋዴ ሳኦሊ ጎሻሶፔ ቦራታ ላጊ ዩሹ፣ «ሃይሲ ኣሳይ ኣዛሰ ዩኪዜ?» ጊ ኦይቹዳሰ፤ ኢሰቲካ ያቡሴ ኣሳይ ኢሰታሰ ጊዳይሳ ኢዛሰ ዮቲዳ።

6 ሳኦሊ ሃሳ ሲዩዳ ማላ ጸሳ ኣያና ዋልቃይ ኢዛ ቦላ ዋጂዳሰ፤ ሳኦሊ ኬሂ ሃንቂቲዳሰ።

7 ዋጲ ቦራታ ቃንጾሬሊዳሰ፤ ኢሰታ ኣሸዛካ ኪቲቲዛ ኣሳታ ቦላ ኢሰራኤሌ ኣሳ ኡባኮ ዩዲሹ፣ «ሳኦሊኔ ሳሜላ ካሎንታ ኢዲዛ ኣሲ ዲኮ ኢዛ ቦራታይሳካ

ቃንጾራፋና» ገደብ፤ ዳር ዳጋማይ ጎዳ ማታፔ ዳራ ቦላ ዋዲደብ፤ ዳራዚ ኢሲ ዋዚና ገዲዲ ኬዚደብ።

8 ሳኦሊ ቤዜቁን ባ ኦላ ኣሳ ሺሺን ኣሳ ቆዳይ ኢሰራኤልፔ 300,000፣ ዩሁዳፔ 30,000 ገዲደብ።

9 ያቡሱፔ ከቲቲ ዩዳ ኣሳታሰ፣ « ለንቶ ኣርሼይ ሆኢሺን ኢንቲ ላኦ ዩዳታና» ገዲ ኢሰታሰ ዮቲቲ» ገዲ። ከቲቲዳይቲ ቢዲ ሄሳ ያቡሱ ኣሳሰ ዮቲን ኣሳይ ኡፋይሳን ጉፒደብ።

10 ያቡሱ ኣሳይ ኣሞኔ ኣሳሰ፣ «ዋንቶ ኑ ኢንቲስ ኩሼ ኣማና፤ ኢንቲካ ኢንቲስ ሎኦ ሚሳቲዳዝ ኑ ቦላ ኦላና ዳንዳይታ» ገዲ።

11 ዋንቲላ ጋላስ ሳኦሊ ባ ኦላ ኣሳ ሄቶ ኬሲ ሻኪደብ፤ ጋዴይ ዋንታና ገሺን ኣሞኔ ጉታ ሚንላ ጌሊዲ ጸልቁይ ዋቆና ጋካናሼ ዲፒ ሂሰቲዳ፤ ሼምፖራ ፓጻ ኣቲዳይቲ ገዲኮ ናምኡ ኣሲ ኢሲፊ ዳኣናሰ ዳንዳዮንታሼ ጋካናሰ ላሌቲዳ።

ሳኦሊ ካዋቲላ ኣሞኔቲላ

12 ሄሳፊ ጉዬ ዳራዚ፣ « ሳኦሊ ኑ ቦላ ዋኒ ካዋታና ዳንዳይዜ!» ገዲይቲ ኦናንቲ? ሄይታንታ ኑኒ ዋቆና ማላ ሃ ኑኮ ኤሃ!» ገዲ።

13 ሳኦሊ ገዲኮ፣ «ሃቶ ጎዳይ ኢሰራኤል ኣሺዳ ጋላስ ገዲዳ ገሻሰ ሃቶ ጋላሳን ኦኒካ ሃይቆፎ» ገደብ።

14 ሄሳፊ ጉዬ ሳሚሊ ዳራ፣ «ሃ ዩቲ ኣኔ ጌልጌላ ቦስ፤ ኢዛ ካዋቲላካ ሚንላሰ» ገደብ።

15 ዳራዚ ወሪ ጌልጌላ ቢደብ፤ ሳኦሊ ካዋቲላካ ጎዳ ሲንላን ሚንላደብ፤ ዳራዚካ ሄን ጎዳ ሲንላን ኢሰፊቲላ ያርሾ ሺሺደብ፤ ሳኦሊኔ ኢሰራኤል ኣሳይ ኡባይ ገታ ባኣሌ ኦሊዳ።

12

ሳሚላስ ወርሴላ ሃሳያ

1 ሳሚሊ ኩሚላ ኢሰራኤል ዳራሰ፣ «ቤኢቲ ኢንቲ ገዲይሳ ኡባ ሲያዳ ታ ኢንቲስ ካዋ ካዋላዲስ።

2 ካዋ ገዲ ኢንቲና ካሌላናዳ ቤኢቲ ዳሚዳታ፤ ታስ ዋዴይ ቢደብ፤ ታስ ሁኤይካ ፑሉሚደብ፤ ታ ናይቲካ ኢንቲናራ ዳቲስ፤ ናቲቲላፊ ደማዳ ታ ኢንቲና ካሌላሼ ጋምኣዲስ።

3 ቤኢቲ፣ ሃኢ ታ ኢንቲ ሲንላን ኤቃዲስ፤ ጎዳ ሲንላንኔ ኢዚ ቲይዳዴ ሲንላን ታ ቦላ ዋላዚዚ ዲኮ ማርካቲቲ፤ ኦና ቦራ ኤካዲና? ኦና ሃሪ ኤካዲና? ኦና ባሌላዲና? ኦና ቦላ ጌኔ ኦላዲና? ቤኢዲ ቤኦንታዴ ማላ ሃናናሰ ኦናፔ ማጋንጸ ማዲና? ሃይታንታ ኡባፊ ኢሳ ታ ኦሊዳ ገዲኮ ታ ኢንቲስ ዛራና» ገደብ።

4 ኢሰቲካ፣ «ኔ ኦና ባሌላቤካ ዋይኮ ጌኔ ኑ ቦላ ኦላቤካ፤ ኣይ ኣሳ ኩሼፔካ ኢሲ ሚሽ ኤካቤካ» ገዲ ዛራዳ።

5 ሳሚሊካ፣ «ታ ቦላ ኢንቲ ኣይ ዋሶካ ዳምንታይሳስ ጎዳይኔ ኢዚ ቲይዳይሲ ሃቶ ኢንቲ ቦላ ማርካ» ገደብ።

ዳራዚካ «ኤ ኢዚ ማርካ» ገደብ።

6 ሂሰቲን ሳሚሊ ዳራዘሰ፣ «ሙሴኔ ኣርኔ ደሪዳይ፣ ካሴ ኢንቲ ኣዋታካ ገብጾፔ ኬሲዳይ ጎዳ።

7 ሃኢካ ኢንቲሲኔ ኢንቲ ኣዋታስ ኦሊዳ ጸሎ ኦሶ ኡባ ገሻሰ ጎዳ ሲንላን ታ ኢንቲና ሞቲዛ ገሻሰ ሃይሳን ኤቁቲ።

8 «ያቆቤይኔ ኢዛሶ ኣሳይ ገብጾ ጌሊዳፔ ጉዬ ኢንቲ ኣዋቲ ማዶ ዳማናሰ ጎዳኮ ዋሲዳ፤ ጎዳይካ ኢንቲ ኣዋታ ገብጾፔ ኬሲዲ ሃይሳ ሃ ሶሆዛን ዳና ማላ ኦሊዳ ሙሴኔ ኣርኔ ከቲደብ።

9 «ኢሰቲ ገዲኮ ጎዳ ባንታ ጸሳ ባሊዳ፤ ሄሳ ገሻሰ ኢዚ ሃጾሬ ዳራ ኦላ ጋዳዋ ሲሳራሰ፣ ፊሊሰጾሚሲኔ ሞኣቤ ካዋሰ ኢሰታ ኣላ ኢሚደብ። ኢሰቲካ ኢሰራኤል ኣሳ ጸኒዳ።

10 ሄሳፊ ጉዬ ኢሰታሰ፣ «ኒ ናጋራ ኦሊደብ፤ ኑኒ ጎዳ ኣገዲ ባኣሌሲኔ ኣሰታሮቲስ ጎይኒደብ፤ ሃኢ ገዲኮ ኦና ኑ ሞርኬታ ኩሼፔ ኣሻ፤ ኑ ኔሰ ጎይናና!» ገዲ ጎዳኮ ዋሲዳ።

11 ሄሳፊ ጉዬ ጎዳይ ዩራባኣሌ፣ ባራቁ፣ ዮፍታሄኔ ሳሚላ ከቲዲ ኢንቲ ሳርን ዳና ማላ ኢንቲ ዩሻን ዲዛ ኢንቲ ሞርኬታ ኩሼፔ ኢንቲና ኬሲ ኤኪደብ። *

12 «ኣሞኔ ካዋ ናኦሴይ ኢንቲ ቦላ ዳንዲዳይሳ ኢንቲ ቤኢዲ ጎዳ ኢንቲ ጸሳይ ኢንቲስ ካዋ ገዲኮካ፣ ሪዴና፤ ኦና ሃሪዛ ካዋ ኑ ኮዮሰ» ገደታ።

13 «ኢንቲ ኦይቲዳይሳኔ ደሪዳ ካዋዛ ቤኢቲ ጎዳይ ኢንቲ ቦላ ካዋላዲስ።

14 ኢንቲ ጎዳሰ ያዩኮ ጎይኒኮ፣ ኢዛሰ ኣዛዜቲኮኔ ኢዛ ኣዛዛ ቦላ ማካሎንታ ኣገኮ፣ ሄሳላካ ኢንቲኒኔ ኢንቲ ቦላ ካዋቲዳ ካዋዚ ጎዳ ኢንቲ ጸሳ ካሊኮ ኢንቲስ ሎኦ ገደና።

15 ገደ ኣቲን ኢንቲ ጎዳሰ ኣዛዜቶንታ ኢዲዲ ኢዛ ኣዛዛ ቦላ ማካሊኮ፣ ኢዛ ኩሼይ ኢንቲ ኣዋታ ቦላ ዳዲዳ ማላ ኢንቲ ቦላካ ዳጻና።

16 «ሄሳ ገሻሰ ኢንቲ ሚኒ ኤቁቲ፤ ጎዳይ ኢንቲ ሲንላን ኦሊዛ ሃ ገታ ሚሻ ጸለቲ!

17 ሃይሲ ሃኢ ገሰቲ ማጻ ዋዴ ገዴኔ? ዳዳኔ ኢራ ዩዳና ማላ ታኒ ጎዳኮ ዋሳና፤ ኢንቲካ ኢንቲስ ካዋይ ካዋታና ማላ ኢንቲ ኦይቲዳይሳን ጎዳ ሲንላን ኣይ ኬና ኢታ ኦሶ ኦሊዳኮ ሄ ዋዴ ኢንቲ ኤራና» ገደብ።

18 ሄሳፊ ጉዬ ሳሚሊ ጎዳኮ ዋሲደብ፤ ሄ ጋላሲካ ጎዳይ ዳዳኔ ኢራ ዩዲደብ። ሄሳ ገሻሰ ዳራዚ ጎዳሲኔ ሳሚላስ ኬሂ ያዩደብ።

19 ዳራዚ ኡባይ ሳሚላ፣ «ኑ ኦሊዳ ሃራ ናጋራይ ጉጾንታ ዲሺን ኦሰ ካዋይ ካዋታና ማላ ኦይቲዳይሳን ሃራ ኢታ ሚሽ ጉጂ ኦሊዳ ገሻሰ ኑ ሃይቆንታ ማላ ኦሰ ኔ ኣይሌታሰ ጎዳ ኔ ጸሳ ዋሳ» ገደ።

20 ሳሚሊካ ኢሰታሰ፣ «ባቦፍቲ፤ ሃይሳ ሃ ኢታ ኡባ ኦሊዳ፤ ገደ ኣቲን ኢንቲ ኩሚላ ዋዚናፔ ጎዳሰ ጎይኒቲ፤ ጎዳ ካላናፔ ጉዬ ጎፒቲ።

21 ኢንቲና ጎኣናሰ ዋይኮ ኣሻናሰ ዳንዳዮንታ ሹፋር ሚሻታ ካሎፍቲ፤ ኢሰቲ ሃዳ።

22 ጎዳይ ኢንቲና ባ ዳራ ሂሰታናሰ ደሲዳ ባ ገታ ሱንላ ገሻሰ ባ ዳራ ኣጌና።

23 ሄሳፊካ ቦላራ ታ ኢንቲስ ዋሶንታ ኣጋዳ ታ ጎዳ ቆሃናይሲ ታፔ ሃኮ። ታኒ ሎኦኔ ሱራ ኦኔ ኢንቲና ታማርሳና።

24 ኢንቲ ገዲኮ ጎዳሰ ያዩቲ፤ ኩሚላ ዋዚናፔ ኣሞኔቲላን ኢዛሰ ጎይኒቲ፤ ኢዚ ኢንቲስ ኦሊዳ ገታ ዮኦታ ባሎፒቲ።

12:6 ኬሳ 6:26 12:8 ኬሳ 2:23 12:9 ዳና 3:12፤ 4:2፤ 13:1 12:10 ዳና 10:10-15 12:11 14ጥሚ 3:20፤ ዳና 4:6፤ 7:1፤ 11:29 * 12:11 ዩራባሌ ገዛይሳ ኢሲ ኢሲ ማጻፋቲ ገዴኔ ጌቲስ። 12:12 14ጥሚ 8:19

25 እንቲ ናጋራ ኦሪን ሚኒ ኤቁዛ ገዲኮ አንቲካ፡ አንቲ ካዎይካ ጳያና» ገደሰ።

13

ሳሜሊ ሳኦሌ ሴሪዳ ሴሪ

1 ሳኦሊ ካዎተሽን ኢዛሰ ላይላይ ሃቸ ታማ። ኢዛ ኢሰራኤል ኦይዲ ታማኔ ናምኡ ላይላ ሃሪደሰ።

2 ሳኦሊ ኢሰራኤል አሳፔ 3,000 አሰ ደሪደሰ፤ 2,000 አሰ ዙዎቡላይ ዳሪዛ ቤቴሌኒኔ ማኪማሴን ሳኦሌራ፡ 1,000 አሰ ቢኒያሜ ዳሪ ገቢአን ዮናታኔራ ደሰ፤ ሃንኮ ዳሪዚ ባሶ ባሶ ባና ማላ ሞይዚደሰ።

3 ዮናታኔይ ጌባን ዲዛ ፊሊሰጾሜ ኦላ አሳይ ዲዛሶ ሾጪደሰ፤ ፊሊሰጾሜ አሳይካ ሄሳ ሲደደሰ፤ ሳኦሊካ፡ «ኢብራዌ አሳይ ሲዮ!» ገዲ ዳሪ ቦላ ዛዩ ፕኒሲደሰ።

4 ሄሳ ገሻሰ ኢሰራኤል አሳይ ኡባይ፡ «ሳኦሊ ፊሊሰጾሜ ኦላ አሳይ ዲዛሶ ሾጪደሰ፤ ኢሰራኤል አሳይ ፊሊሰጾሜ አሳ አቻን ቱና ሚሻ ማላ ኢጾቲደሰ» ገዛ ዎሪ ሲደደሰ፤ ዳሪዚካ ሳኦሊ ካሳናሰ ጌልጌላን ሸቁደሰ።

5 ፊሊሰጾሜ አሳይ 3,000 ፓራ-ጋሪ፡ 6,000 ቶጋንቻታ፡ ቆዳይ ባይንዳ አባ ሻሚንታ ማላ ዳሪዳ ኦላ አሰ ኤኪዲ ኢሰራኤል ኦላናሰ ሸቁደሰ፤ ኦላሰ ኬዚዲካ ቤቲ-አዌኔፔ ኦርሼይ ሞኪዛ ባጋራ ዲዛ ማኪማሴን ኡቲዳ።

6 ኢሰራኤላቲ ዲዛ ሃናታይ ኬሂ ሂርጊሲዛዝ ገዲዳይሳኔ ኢሰታ ኦላ አሳይካ ዳሪ ጩጩን ዲዛይሳ ቤኢዲ ጎንጎሎይ ዲዛሶን፡ ዎሪይ ዲዛሶን፡ ዛሳይ ዲዛሶን፡ አፎይ ዲዛሶን ኦላይ ዲዛሶ ኡባን ቆቲቲዳ።

7 ኢሰራኤል አሳፔ ኢሲ ኢሲ አሳቲ ዮርዳኖሴ ፒኒዲ ጋዴኔ ጋላኦ ዳሪ ቢዳ።

8 ሳኦሊ ገዲኮ ጌልጌላን ታኪደሰ፤ ኢዛራ ኢሲፊ ዲዛ ኦላ አሳይ ኡባይ ባቢ ኮሮደሰ።

9 ኢዚካ ሳሜሊ ኢዛሰ አሚዳ ባሬዛ ማላ ላፑን ጋላሰ ጋካናሽ ናገደሰ፤ ገደ ኦቲን ሳሜሊ ጌልጌላ ዪቤና፤ ሄሳፊ ጉዬ ሳኦሊ ኦላ አሳይ ላሌቴላ ኦይኪደሰ።

10 ሄሳ ገሻሰ ሳኦሊ፡ «ጸጌቲዛ ያርሾዛኔ ኢሲፊቴላ ያርሾዛ ሃ ኤሃቲ» ገደሰ፤ ሄሳፊ ጉዬ ጸጌቲዛ ያርሾዛ ኢዚ ያርሾደሰ።

11 ኢዚ ያርሾዛ ያርሾ ገገዳ ማላ ሄራካ ሳሜሊ ጋኪ ዎጂደሰ፤ ሳኦሊ ኢዛ ሞኪ ኤካና ኬዚደሰ።

12 ሳሜሊ፡ «ኔ ኦይ ኦላዲ?» ገዲ ኢዛ ኦይቸደሰ፤ ሳኦሊካ ኢዛሰ፡ «ኦላ አሳይ ላሌቲዳይሳ፡ ኔካ ባሪዳ ሳቲን ዮንታ ኦገዳይሳ፡ ፊሊሰጾሜ አሳይ ማኪማሴን ሸቁዳይሳ ቤኡዲሰ፤

13 «ሄሳ ገሻሰ ፊሊሰጾሜ አሳይ ዲጌ ጌልጌላ ታ ቦላ ያና፤ ታኒ ጎዳፔ ትማይ ያና ማላ ዎሳቤኬ» ጋ ቆፓዲሰ፤ ሄሳ ገሻሰ ጸጌቲዛ ያርሾ ሸሻናይሲ ታሰ አቶንታዝ ገዲደሰ» ገዲ ዛሪደሰ።

14 ሳሜሊካ ኢዛሰ፡ «ኔሰ ቤሶንታዝ ኦላዳሳ፤ ጎዳ ኔ ጸሳይ ኔሰ አሚዳ ኦዛዞ ናጋቤካ፤ ኔ ናገደኮ ኢሰራኤል ቦላ ኔ ካዎቲላይ ሜርናሰ ሚኒ ዳናሽን።

15 ሃኢ ገዲኮ ኔ ካዎቲላይ ሚኒ ኤቁና፤ ቤኦ ጎዳይ ባ ዎዚና ማላ ሃኒዛ አሰ ዳሚደሰ፤ ኔኒ ጎዳ ኦዛዞ

ናጎንታ ኢጲዳ ገሻሰ ኢዚ ዳሪዛ ካሌላዳ ገዳና ማላ ደሪደሰ» ገደሰ።

16 ሄሳፊ ጉዬ ሳሜሊ ጌልጌላፔ ዳንዲዲ ቢኒያሜይ ኦይሲዛ ዳሪን ዲዛ ፑዳ ገቢኦ ኬዚደሰ፤ ሳኦሊካ ባናራ ኢሲፊ ዲዛ አሳታ ቆዲደሰ፤ ኢሰታ ቆዳይካ 600 ገዲደሰ።

17 ፊሊሰጾሜቲ ማኪማሴን ዳንካኒ ኡቲዳ ዎዳ ሳኦሊ፡ ኢዛ ና ዮናታኔይ ኢሰታራ ኢሲፊ ዲዛ አሳቲ ቢኒያሜይ ኦይሲዛ ጌባ ዳሪን ዳቲሰ።

18 ዎሪጂዛይቲ ሃቸ ጩጋን ሻኬቲዲ ፊሊሰጾሜታ ጉታፔ ኬዚዳ፤ ኢሲ ጩጋዚ ሹኦሌይ ኦይሲዛ ቢታ ኦፊራ ቢደሰ።

19 ናምኦንላ ጩጋዚ ቤቲ-ሆሮኔ ቢደሰ፤ ሃቸንላ ጩጋዚ ባዘ ቢታ ገናራ ሲቦዬ ዙሌራ ዲጌ ቤሲዛ ዛዎ ዩደደሰ።

20 ፊሊሰጾሜቲ፡ «ኢሰራኤላቲ ባንታሰ ማሻ ዎይኮ ቶራ ኦላፊቶ» ገዳ ገሻሰ ኩሚላ ኢሰራኤል ቢታን ዎጋጩይ ዳና።

21 ሄሳ ገሻሰ ኢሰራኤል አሳይ ኡባይ ባንታ ማራሻኔ ጸይሌ ቆጶሳናሰ፡ ባ ቤዩጾታኔ ባጫታ ፖሽሳናሰ ዲጌ ፊሊሰጾሜ ዳሪ ዎጂቴሰ።

22 ላይዳኔ ቤዩጾ ቃሴ ቦራ ላገዛ ቢራታ ሌቶ ፖሽሳናሰ ኦይዲ ገራሚ ገዲዛ ሳቁሌ ቢራ ጩጌቲሰ፤ ኢሰቲ ባንታ ማራሻኔ ጸይሌ ቆጶሳናሰ ሄሳሰ ናምኡ ኩሼ ገዲዛዝ ጩጌቲሰ። *

23 ሄሳ ገሻሰ ኦላዚ ዳንዲዳ ጋላሰ ሳኦሊፔ ኢዛ ና ዮናታኔፔ ኦቲን ኢሰታራ ኢሲፊ ኬዚዳ ኦላንቻታ ገደን ማሻ ዎይኮ ቶራ ኦይኪዳ ኢሲ አሲካ ዳና።

24 ሄ ዎዳ ፊሊሰጾሜታፔ ኢሲ ጩጋዚ ማኪማሴ ፑርዳን ኦቲ ኡቲደሰ።

14

ዮናታኔይ ፊሊሰጾሜታ ቦላ ጋላዳ ዳፋ

1 ኢሲ ጋላሰ ሳኦሊ ና ዮናታኔይ ኢዛ ጎንዳሌ ኦይኪዛ ናቲላዛ፡ «ሃ ያ፤ ሃራ ባጋራ ዲዛ ፊሊሰጾሜ ኦላንቻታ ጉታ ኦይ ፒናሰ» ገደሰ፤ ገደ ኦቲን ሄሳ ባ አዎሰ ዮቲቤና።

2 ሄ ዎዳ ሳኦሊ ገቢኦፔ ማታን ሚጌሮኔ ጌቲቲዛሶን ኦርማኔ ሚላ ጋርሳን ዳንካኒ ኡቲደሰ፤ ኡሱፑን ጾት ገዲዛ አሳቲ ኢዛራ ዳቲሰ።

3 ኤፋዳ ማይኢዛ ቁሴ ኦካያይ ኢሰታራ ደሰ፤ ኢዚካ ሴሎን ጎዳ ቁሴ ገዲ ዲዛ ኤሌ ና፡ ፊኒሃሴ ና፡ ኢካቦዳ ኢሻ ኦሃጾቤ ና። ገደ ኦቲን ዮናታኔይ ኢሰታ ገደን ደንታይሳ ኤሪዳ አሰ ዳና።

4 ዮናታኔይ ፊሊሰጾሜ ኦላንቻቲ ዳንካኒ ዲዛሶ ፒናና ኮዩዳ ፑርዳዛ ቦላ ሃዲርሳራኔ ኡሻቻራ ኮይሮይሲ ቦጾጾ፡ ናምኦንላዚ ሴኔ ጌቲቲዛ ናምኡ ዘልዶ ዛላቲ ዳቲሰ።

5 ኢሲ ዛላዚ ፑዳሃ ባጋራ ማኪማሴ ገናራ ደሰ፤ ናምኦንላዚ ዲጌሃ ባጋራ ጌባ ገናራ ደሰ።

6 ዮናታኔይ ኢዛሰ ጎንዳሌ ኦይኪዛ ናቲላዛ፡ «ሃ ያ፤ ቃጶጶቶንታ ኦላንቻታ ጉታ ኦይ ፒናሰ፤ ጎዳይ ኦ ገሻሰ ኦሌታናኮ ኦይ ኤሪዳይ፤ ጎዳይ ጉላ አሳን ገዲን ዳር አሳን አሻና ገኮ ኢዛ ዲጋናይ ዳና» ገደሰ።

13:8 14ኛው ማገጃ 10:8 13:14 ሃዎ 13:22 * 13:21 ላይዳ ገዛይሲ ሃራ ቢታታን ካላ ሱራገዛ ኮንጩ ማላ ሚሻ።

7 ኢዛሰ ጎንዳሌ ኦይኪዛ ናቴላዚ፣ «ኔ ዋዚናን ቆፒዳ ኡባ ኦላ፤ ጉዬ ጎፓ፤ ታኒካ ኩሚላ ዋዚና፤ ፎራ ዳይሰ» ገደሰ።

8 ዮናታኔይ ኢዛሰ፣ «ሂሰቲኮ ሃያ፤ ኣሳይ ዲዛሰ ፒኒዲ ኣኔ ኣሳሰ ቤቶሰ።

9 ኢሰቲካ፣ «ኮኒ ኢጎቲኮ ባና ጋካናሰ ኦና ሃን ናጊቲ» ጊኮ ኮኒ ዲዛሰን ዲዲ ኢሰታ ናጋና፤ ፑዴ ኢሰታኮ ኬዞኮ።

10 ጊዶ ኣቲን ኢሰቲ ኦና፣ «ፑዴ ኦኮ ኬዚቲ» ጊኮ ጎዳይ ኢሰታ ኦ ኩሼን ኣሌ ኢሚዳይሳሰ ሄሲ ማላታ ጊዲዛ ጊሻሰ ኦ ኢሰታኮ ፑዴ ኬዛና» ገደሰ።

11 ኢሰቲ ናምኣቲ ፊሊሰጾሜ ኦላንቻታሰ ቤቲዳ ማላ ፊሊሰጾሜቲ፣ «ኣሶ ቤኢቲ፤ ኢብራዌቲ ካሴ ባንቲ ቆቴቲዳ ኦላፊ ኬሳ ቦላ ዳቴሰ» ገደሰ።

12 ሄሳፊ ጉዬ ፊሊሰጾሜታ ሄራን ዲዛ ኦላ ኣሳይ፣ «ኣኔ ሃ ኦኮ ኬዚቲ፤ ኦ ኢጎቲና ኢሲ ሚሽ ቤሲ ኣጋና» ገዲ ዮናታኔይ ቦላኔ ኢዛ ጎንዳሌ ኦይኪዛ ናቴላዚ ቦላ ዋሲዳ። ሄሳ ጊሻሰ ዮናታኔይ ኢዛ ጎንዳሌ ኦይኪዛይሳ፣ «ጎዳይ ኢሰታ ኢሰራኤሌታ ኩሼን ኣሌ ኢሚዳ ጊሻሰ ሃ ያ ታና ካላ» ገደሰ።

13 ዮናታኔይ ዙሚዲ ባሰ ጎንዳሌ ኦይኪዛይሳ ካሌሌ ኤኪዲ ኬዚደሰ፤ ፊሊሰጾሜቲ ዮናታኔ ኩሼን ኩንዲዳ፤ ኢዛሰ ጎንዳሌ ኦይኪዛይሲ ኢዛ ጉዬራ ካሊሼ ኢሰታ ዋዲደሰ።

14 ዮናታኔይ ኢዛ ጎንዳሌ ኦይኪዛይሲ ኮይር ጋላሰ ኢሲ ዋጻ ፔይሺዛ ጋዴን ናምኡ ታሙ ጊዲዛ ኣሰ ዋዲዳ።

ፊሊሰጾሜታ ጸኔቴላ

15 ጉታ ጊደን ዳራ ቦላኒኔ ጎሻታ ቦላን ሺርይ ዳንዲደሰ፤ ካምቤ ናጊዛይቲኔ ዳፋ ጋሌዛይቲ ኡባይ ኮኮራዳ፤ ቢታይካ ቃጺደሰ። ሄ ሺርዚካ ጸሳፊ ከቲቲደሰ።

16 ቢያሚይ ኣይሲዛ ጊቢኣን ዲዛ ሳኦሌ ዛቤቲ፣ ፊሊሰጾሜ ኦላንቻቲ ዲማ ዲማ ባጋራ ላሌቲሺን ቤኢዳ።

17 ሳኦሌ ባናራ ዲዛ ኣሳታሰ፣ «ኣኔ ኦላንቻታ ቆዲቲ፤ ኦ ጊደፊ ኦኒ ቢዳኮ ቤኢቲ» ገደሰ። ኢሰቲ ቆዲዛ ዋዴ ዮናታኔይ ኢዛ ጎንዳሌ ኦይኪዛይሲ ሄን ዳቴና።

18 ሳኦሌካ ኣካያ፣ «ጸሳ ጫቆ ቃላ ታቦታ ሃ ኤካ ያ» ገደሰ፤ ሄ ዋዴ ታቦታዚ ኢሰራኤሌ ኣሳ ማታን ደሰ።

19 ሳኦሌ ቁሴዛሰ ዮቶ ቦላ ዲሺን ፊሊሰጾሜታ ሺርዚ ጉጂ ጉጂ ቢደሰ፤ ሄሳ ጊሻሰ፣ «ኣጋጋ፤ ኦ ኩሼ ሃ ዛራ» ገደሰ።

20 ሄሳፊ ጉዬ ሳኦሌኔ ኢዛ ኦላንቻቲ ኢሲ ቦላ ኦላሰ ቢዳ፤ ኢሰቲካ ፊሊሰጾሜቲ ባንታ ማሻን ቡሳኩቲሼ ጊታ ሺር ጋርሳን ዲዛይሳ ቤኢዳ።

21 ሃይሳፊ ሰንላን ፊሊሰጾሜታ ሚሊን ኤቁዲ ኢሰታራ ኢሰታ ጉታ ቢዳ ኢብራዌቲ ሳኦሌራኔ ዮናታኔይ ዲዛ ኢሰራኤሌ ኣሳኮ ሲሚ ጌሊዳ።

22 ኤፍሪሜ ጌዜን ቆቴቲ ዲዛ ኢሰራኤሌ ኣሳይ ኡባይ ፊሊሰጾሜ ኣሳይ ባቃቲሼ ዲዛይሳ ሲዩዲ ሚንሳዲ ካሌቲ ካሌቲ ዩዳሊደሰ።

23 ሄ ዋዴ ጎዳይ ኢሰራኤሌ ኣሺደሰ፤ ኦላዚ ቤቲ-ኣቁኔራ ካንሳ ቢደሰ።

ኦላዛፔ ሲሚን ሃኒዳ ሚሻታ

24 ሳኦሌ፣ «ሃቶ ታ ሞርኬታ ቦላ ሃሎ ኬሳና፤ ሲንላን ኦሚርሰ ጋካናሰ ካሳ ሚዳ ኣሲ ቃንጌቲዳዴ ገደ» ገዲ ኢዚ ዴሬዛ ጫቁሊዳ ጊሻሰ ሄ ጋላሰ ኢሰራኤሌ ኣሳይ ጩጩን ፔኢደሰ፤ ሄሳ ጊሻሰ ዴሬፔ ኢሳይይካ ካሳ ደናን ጌልሊቤና።

25 ኦላ ኣሳይ ኡባይ ዋራ ገደ ጌሊሺን ኤሲ ቢታ ቦላ ቤቲደሰ።

26 ዴሬዚ ዋራ ገደ ጌሊዛ ዋዴ ኤሳ ኢሊሎይ ጸኬቲዛይሳ ቤኢደሰ። ጊዲኮካ ጫቆዛሰ ያዩዳ ጊሻሰ ባ ኩሼ ባ ደናኮ ሺሺዳ ኣይ ኣሲካ ዳና።

27 ገደ ኣቲን ኢዛ ኣዋይ ዴሬ ጫቁሲ ዋሊዳይሳ ዮናታኔይ ሲዩቤና፤ ሄሳ ጊሻሰ ኢዚ ባ ኩሼን ኦይኪዳ ጉሬዛ ጸራ ኤሳ ኢሊሎዛ ገደ ዩዲ ኤኪዲ ባ ኩሼራ ባዲን ኢዛሰ ኣይፊይ ጸሊደሰ።

28 ሄሳፊ ጉዬ ኢሲ ዋታዳራዚ፣ «ኦ ኣዋይ ኦላ ኣሳ፣ «ሃቶ ካሳ ደናን ጌልሊዳ ኣሲ ኦኒካ ቃንጌቲዳዴ ገደ» ገዲ ሚንሳ ጫቁሊደሰ። ኣሲ ኡባይ ዳቡርዳይ ሄሳ ጋሶና» ገደሰ።

29 ዮናታኔይካ፣ «ታ ኣዋይ ቢታ ቦላ ሜቶ ሚዲደሰ፤ ሃኖ ኤሳይፊ ታ ጉሳ ባዲዳ ዋዴ ታ ኣይፊይ ዋኒ ጸሊዳኮ ቤኢቲ!

30 ዴሬዚ ባ ሞርኬታ፤ ዲኢ ኤኪዳይሳፊ ሚዳኮ ሃቶ ኣይ ማላ ሎኦሺን ኣቲዳ! ሃይቁዳ ፊሊሰጾሜታ ቆዳይ ኣይ ማላ ዳር ጊዳናሺን ኣቲዳ!» ገደሰ።

31 ሄ ጋላሰ ኢሰራኤሌ ኣሳይ ማኪማሴ፤ ቢዲ ኣያሎኔ ጋካናሰ ፊሊሰጾሜ ኣሳ ሾጪዳ፤ ጉዬ ኬሂ ዳቡርዳይ።

32 ሄሳ ጊሻሰ ኣሳይ ደርሳ፣ ቦራኔ ማራታ ዲኢ ኤሂዲ ቢታ ቦላ ሹኪዲ ዩቁቲሼ ሱላራ ሚደሰ።

33 ሄሳፊ ጉዬ ሳኦሌሰ፣ «ቤኣ ኣሳይ ዩቁቲሼ ሱላራ ሚዲ ጎዳ ቆሂሼ ደሰ» ገደ ዮቲቲደሰ። ሳኦሌካ፣ «ኢጎቲ ዋጋ ሚንሳዳታ፤ ሄሳ ጊሻሰ ኢሲ ጊታ ሹቶ ቡሉሊሲዲ ሃ ታሰ ኤሂቲ» ገደሰ።

34 ኢዚካ፣ «ዴራ ገደን ዩዩ ዩዩዲ፣ «ኢጎቲ ኢሰይ ኢሰይ ኢጎቲ ቦራታኔ ኢጎቲ ደርሳታ ሃ ኤሂቲ፤ ሃይሳን ሹኪ ሚቲ፤ ገደ ኣቲን ኣሾዛ ሱላራ ጋሌ ሚዲ ጎዳ ቆሆፒቲ» ገደ ዮቲቲ» ገደሰ። ሄሳ ጊሻሰ ሄ ጋላሳ ኦሚርሰ ኢሰይ ኢሰይ ባ ቦራ ኤሂዲ ሄን ሹኪደሰ።

35 ሳኦሌካ ያርሾ ያርሾዛሶ ጊግሲደሰ፤ ያርሾ ያርሾዛሶ ኦሊሺን ሃይሲ ኢዛሰ ኮይር።

36 ሳኦሌ፣ «ኦሚርሳራ ፊሊሰጾሜታ ካሊ ዋዲዲ ዋንታናሼ ጋካናሰ ኢሰታ ቦንቆሰ፤ ኢሰታፊ ኢሲ ኣሲካ ሺሞፖራ ፓጻ ኣጎኮ» ገደሰ። ኢሰቲካ፣ «ኔሰ ሎኦ ሚሳቲ ቤቲዛ ኡባ ኦላ» ገደ ዛራዳ። ቁሴይ ጊዲኮ፣ «ኣኔ ሃን ጸሰ ኦይቶሰ» ገደሰ።

37 ሄ ዋዴ ሳኦሌካ፣ «ፊሊሰጾሜ ኣሳታ ካላዳ ዲጌ ዋዶ? ኢሰራኤሌታ ኩሼን ኦ ኢሰታ ኣላ ኢማኔ?» ገደ ጸሰ ኦይቶደሰ፤ ገደ ኣቲን ጸሲ ሄ ጋላሰ ኢዛሰ ኣይ ዛርካ ኢሚቤና።

38 ሄሳ ጊሻሰ ሳኦሌ፣ «ኦላንቻታ ካሌሊዛ ኡባቶ፣ ሃ ሺቁቲ፤ ሃቶ ኣይ ናጋራይ ኦሴቲዳኮ ኣኔ ሻኪ ኤርሰ።

39 ኢሰራኤሌ ኣሺዳ ዳኦ ጎዳይ ቤኢን ታ ና ዮናታኔይ ቆሆ ኦሊዳ ጊዲኮካ ሃይቃና ቤሴሰ» ገደሰ። ገደ ኣቲን ዴራ ገደፊ ኢዛሰ ዛር ኢሚዳይ ኢሳይይካ ዳና።

40 ሃሳፌ ጉዬ ሳኦሊ ኢሰራኤል አሳ ኡባ፡ «ኢንቲ ወሪካ ሄ ባጋራ ኤቁቲ፤ ታኒኔ ታ ና ዮናታኔይ ሃ ባጋራ ኤቃና» ገደሰ። አሳይካ፡ «ኤሮ ኔና ሎኦይሳ ኦላ» ገ ዛሪደሰ።

41 ሂሰቲን ሳኦሊ፡ «ታሰ ሱሬ ዛሮ ኢማ» ገ ጎዳ ኢሰራኤል ጸሳኮ ዋሲደሰ፤ ሳማዚ ሳኦሊ ቦላኔ ዮናታኔ ቦላ ዋዲደሰ፤ ዳሪዚ ጸሊ ኬዚደሰ።

42 ሳኦሊካ፡ «ታ ቦላኔ ታ ና ዮናታኔ ቦላ ሳማ ዩጊቲ» ገደሰ፤ ሳማዚካ ዮናታኔ ቦላ ዋዲደሰ።

43 ሃሳፌ ጉዬ ሳኦሊ ዮናታኔ፡ «ኣኔ ኔ ኦሊዳይሳ ታሰ ዮታ» ገደሰ፤ ዮናታኔይካ፡ «ታኒ ታ ጉሬ ጸራን ጉሳ ኤሳ ኢሊሎ ኤካዳ ታ ዶናን ጌልሊዳ ገሻሰ ሄኮ ታኒ ሃይቃናሰ ጌታ ኡታዲሰ» ገደሰ።

44 ሳኦሊካ፡ «ኢታ ሚሽ ታ ቦላ ኤሂዳ ዮናታኔ! ኔኒ ሃይቆንታ ኣገኮ ጎዳይ ታ ቦላ ፐርዶ» ገደሰ።

45 ገዶ ኣቲን ዳሪዚ ሳኦሊ፡ «ኢሰራኤል ዳራሰ ሃይሳ ገታ ጸኖ ኤሂዳ ዮናታኔይ ሃይቃናሰ ቤሲዜ? ቤሲና፤ ጸሲ ኢዛ ማዲን ሃኛ ኢዚ ሃይሳ ኦሊዳ ገሻሰ ዳኦ ጎዳይ ቤኢን ኢዛ ሁኤ ቢናናፌ ኢሲናካ ቢታ ቦላ ኩንዲኩ» ገደ፤ ሃሳን አሳይ ዮናታኔ ኣሺን ዮናታኔይ ሃይቆፕ ኣቲደሰ።

46 ሂሰቲን ሳኦሊ ፊሊሰጾሚታ ዩዳሊዳይሳ ኣገ ሲሚደሰ፤ ኢሰቲካ ባንታ ዳሬ ሲሚዳ።

ሳኦሊ ካዎቲላኔ ኢዛሰ አሳ ሃኖ

47 ሳኦሊ ኢሰራኤል አሳ ቦላ ካዎቲዳፕ ጉዬ ባ ዩሾን ዲዛ ባ ሞርኬታ ሞኣቤታ፡ ኣሞኔታ፡ ኤዶሚታ፡ ጸባ ካዎታኔ ፊሊሰጾሚታ ኦሊደሰ። ቢዳሶን ቢዳሶን ኡባን ጸኒደሰ።

48 ሚኒ ኦሊቲዲ ኣማሌቁታ ጸኒደሰ፤ ኢሰራኤሉታ ቦንቁዛይታ ኩሼፕ ኬሲ ኤኪደሰ።

49 ሳኦሊ ኣቲማ ናይቲ ዮናታኔ፡ ዩሺዌኔ ማልኬሹኣ፤ ማጫ ናይቲ ባይራያ ማርቦ፡ ካሎያ ሚልኮሎ ጌቲቲፕ።

50 ሳኦሊ ማቼያ ኣከማሴ ቢዮ ኣሃናሆሞ ጌቲታወሰ፤ ኢዛሰ ኦላ ጋዳዋዚ ኢዛ ኣዎ ኢሻ ኔሬ ና ኣቢኔሬ ጌቲቲ።

51 ሳኦሊ ኣዎ ቁሴይኔ ኣቢኔሬ ኣዎ ኔሬይ ኣቢኤሌ ናይታ።

52 ሳኦሊ ካዎቲላ ዋዴ ኡባን ፊሊሰጾሚታራ ጫሞ ኦላይ ደሰ፤ ሃሳ ገሻሰ ሚኖ ኣሰ ዋይኮ ቃራ ኣሰ ቤኢዳ ዋዴ ኡባን ኢዛዳ ባኮ ኤሂዲ ኦላንቻታ ገዶ ጌልሊ።

15

ሳኦሊ ኣማሌቁ አሳ ቦላ ዳንሊዳ ኦላ

1 ሳማሊ ሳኦሊ፡ «ባ ዳሬ ኢሰራኤሌ ቦላ ታ ኔና ቲያዳ ካዎሳና ማላ ጎዳይ ታና ከቲደሰ፤ ሃሳ ገሻሰ ጎዳፕ ዩዳ ከታ ኤዘጋ።

2 ጎዳይ ኡባፌ ዋልቃማ ጸሳይ፡ ሲሰራኤሌይ ገብጾፕ ኬዚዳ ዋዴ ኣማሌቁቲ ኢሰታራ ኦፕ ቦላ ኤቁቲዳ ገሻሰ ታ ኢሰታ ቃጸያና።

3 ሃኢካ ባ፤ ኣማሌቁታ ኦላ! ኢሰታሰ ዲዛ ሚሽ ሙሌራ ቆይሳ፤ ኢሲ ሚሺካ ኣሾፋ፤ ኣቲማኔ ማጫ፡ ናኔ ዩዳ፡ ማሄታኔ ደርሳታ፡ ጋሚላኔ ሃሬ ዋዳ፡ ጌሰ» ገደሰ።

4 ሃሳ ገሻሰ ሳኦሊ አሳ ጸላኢሚ ጌቲቲዛሶን ሺሺዲ ቆዲደሰ፤ ኢሰቲካ ኢሰራኤሊፕ 200,000 ዋታዳራታ፡ ዩሁዳፕ 10,000 ዋታዳራታ ገዲዳ።

5 ሳኦሊ ኣማሌቁታ ካታማ ቢዲ ኢሲ ዙሌ ገደን ዛማዲ ኡቲደሰ።

6 ኢዚካ ቁናዌ ዳሬ አሳ፡ «ኢሰራኤሌ አሳይ ገብጾ ቢታፌ ኬዚዳ ዋዴ ኢንቲ ኢሰታሰ ኪያቲዳ ገሻሰ ታ ኢሰታራ ኢንቲና ኢሲፌ ቆይሶንታ ማላ ኣማሌቁታፕ ሃኪቲ፤ ኢሰታፊካ ሻኬቲቲ» ገደሰ። ሂሰቲን ቁናዌ አሳቲ ኣማሌቁታፕ ሻኬቲዳ።

7 ሂሰቲን ሳኦሊ ኣማሌቁታ ሃዋላፕ ዳንሊዳ ኣርሼይ ሞኪዛ ባጋራ ገብጾን ዲዛ ሹራ ጋካናሰ ኦሊደሰ።

8 ኣማሌቁታ ካዎ ኣጋፔ ሸሞፖራ ገጻ ዲኢደሰ፤ ዳራ ኡባ ቃራ ማሻን ሲፊደሰ።

9 ገዶ ኣቲን ሳኦሊኔ ኢዛ ኦላ አሳቲ ኣጋፔ፡ ሎኦ ደርሳታኔ ሚሄታ፡ ኦሃላ ማሪኔ ላቃ፡ ሎኦ ሎኦ ገዲዳ ኡባ ዋዳንታ ኣጋገዲ፤ ሃይታንታ ኡባ ዋዳናሰ ኮዩቤቴና፤ ገዶ ኣቲን ለቁቲዳይታኔ ሹፋርታ ቆይሲዳ።

ሳኦሊ ካዎቲላን ጋሞኦንታ ማላ ዮቲቲዳ ቃላ

10 ሃይሳፌ ጉዬ ጎዳ ቃላይ ሳማላኮ ዩዲ፤

11 «ታኒ ሳኦሊ ካዎሊዳ ገሻሰ ሞዴታዲሰ፤ ጋሶይካ ኢዚ ታና ካሎ ኣገዲ ጉዬ ሰሚዳ ገሻሲኔ ታ ኣዛዙ ፖሎንታ ኣገዳ ገሻሳ» ገደሰ። ሳማሊ ኬሂ ጨጨዲ ኣማርሰ ኩሚሳ ጎዳኮ ዋሲደሰ።

12 ሳማሊ ዋንታ ማላደራ ዳንዲዲ ሳኦሊራ ጋይታና ቢደሰ፤ ገዶ ኣቲን፡ «ሳኦሊ ቃርሚሎሴ ቢደሰ፤ ሄን ባና ሃሳኢሲዛ ሃወልቲ ኤሲዳፕ ጉዬ ዳጌ ጌልጌላ ዋዲደሰ» ጌቲቲ ኢዛሰ ዮቲቲዳ።

13 ሳማሊ ሳኦሊ ዳሚን ሳኦሊ፡ «ጎዳይ ኔና ኣንጅ፤ ጎዳ ኣዛዙ ታ ፖላዲሰ» ገደሰ።

14 ሳማሊ ኢዛ፡ «ሂሰቲን ሃይሲ ታ ሃይላን ሴቲቲዛ ደርሳታ ዋሶይኔ ቦራታ ጸጎይ ኣዜ?» ገ ኦይቺደሰ።

15 ሳኦሊ፡ «ኦላ አሳይ ኣማሌቁ አሳፕ ዲኢ ኤሂደይታኮ፤ ሎኦ ሎኦ ደርሳታኔ ቦራታ ጎዳ ኔ ጸሳሰ ያርሻናሰ ዋዳንታ ገጻ ኣሺዳይታ፤ ሃንኮይሳ ገዲኮ ሙሌራ ቆይሲደሰ» ገ ዛሪደሰ።

16 ሳማሊ ሳኦሊ፡ «ሲያ፤ ቃማ ኣማርሰ ጎዳይ ታሰ ዮቲዳይሳ ኣኔ ታ ኔሰ ዮታይሰ» ገደሰ። ሳኦሊካ፡ «ኤሮ ኣኔ ዮታ» ገደሰ።

17 ሳማሊ ኢዛሰ፡ «ኔኒ ኔ ቆፋን ጉሉ ገዲኮካ ኔ ኢሰራኤሌ አሳ ካሌሊዳ ገዳቤኪ? ጎዳይ ኔና ቲይዲ ኢሰራኤሌ ቦላ ካዎሊደሰ።

18 ጎዳይ ኔና፡ «ባዳ ሃይታ ናጋራንቻታ ኣማሌቁ አሳ ሙሌራ ቆይሳ፤ ዲፕ ሂሰታ ቆይሳናሽ ጋካናሰ ኦላ» ገዲ ከቲደሰ።

19 ሂሰቲን ኔ ኣይሰ ጎዳሰ ኣዛዜታቤኪ? ዲኦይሳ ሺሻናሰ ዮራታዳ ኣይሰ ጎዳ ሲንላን ኢታ ኦላዲ?» ገደሰ።

20 ሳኦሊ ኢዛሰ፡ «ታኒ ጎዳሰ ኣዛዜታዲሰ፤ ኢዚ ታና ከቲዳ ማላ ባዲሰ፤ ኣማሌቁ አሳ ሙሌራ ቆይሳዳ ኢሰታ ካዎ ኣጋፔ ኤካ ያዲሰ።

21 ኦላ አሳይ ገዲኮ ዲኤቲዳይሳፌ ጎዳሰ ዲማቲዳይታ ገዶፌ ሎኦ ሎኦ ደርሳታኔ ቦራታ ጌልጌላን ጎዳ ኔ ጸሳሰ ያርሻናሰ ኤኪዳ» ገደሰ።

22 ሳማሊ፡

«ጎዳ ቃላትን አዘዘቲን
 ኢዛ ኡፋይሲዛይሳ ማላ
 ጎዳይ ጸጌቲዛ
 ካላ ያርሾኒኔ
 ሃራ ያርሾን ኡፋዬቲ ኤሪዜ?»

ሄኮ አዘዘቲዬ ያርሾፌ፥
 ኤዘጊ ሲሲ ጳርሾ
 ሃንዳፌ አዲስ።

23 ማካላይ ማርሶ ማላ ናጋራ፤
 አጋ ኢጻይ ኤቃ ጸሳሰ
 ጎይኖ ማላ ኢታ፤
 ኔኒ ጎዳ ቃላ
 ካዲዳ ገሻሰ
 ኢዘካ ኔኒ ካዎ ገደንታ ማላ
 ኔና ካዲዳስ» ገደሰ።

24 ሃሳፌ ጉዬ ሳኦሊ ሳሜላሰ፥ «ታኒ ናጋራ
 ኦላዲሰ፤ ጎዳ አዘዘኔ ኔ አሚዳ ዎጋ ሞራዲሰ፤ ታኒ
 ዳራሰ ያዩዳ ገሻሰ ኢሰታሰ አዘዘታዲሰ።

25 ሃኢካ ኔኒ ታ ናጋራ አቶ ጋና ማላኔ ጎዳሰ
 ጎይናናሰ ኔ ታናራ ኢሲፌ ሲማ ባና ማላ ታ ኔና
 ዋሳይሰ» ገደሰ።

26 ገደ አቲን ሳሜሊ ኢዛሰ፥ «ታ ኔናራ ሲማ ቢኬ፤
 ኔኒ ጎዳ ቃላ ካዲዳሳ፤ ጎዳይካ ኔ ኢሰራኤሌ ቦላ
 ካዎቶንታ ማላ ኔና ካዲዳስ» ገደሰ።

27 ሳሜሊ ባና ጉዬ ሲሚሽን ሳኦሊ ኢዛ አፋላ
 ዳራ ኦይከን አፋላዚ ዳኬቲዳሰ።

28 ሳሜሊ፥ «ጎዳይ ሃቶ ኢሰራኤሌ ካዎቲል ኔ
 ኩሼፔ ዳከዳሰ፤ ኔፔ ሎኢዛ ኔ ሾራሰ አላ አሚዳሰ።

29 ኢሰራኤሌ ቦንቶ ገዲዳ ጎዳይ ዎርዶቲና፤
 ዎዲቲና፤ ጋሶይካ ዎዲታናሰ ኢዚ አሴ ገደና»
 ገደሰ።

30 ሳኦሊ፥ «ታኒ ናጋራ ኦላዲሰ፤ ገደ አቲን ታ
 ዳሬዛ ሃላቃታ ሲንጻኒ ኢሰራኤሌ አሳ ሲንጻን ታና
 ቦንቶርኪ! ጎዳ ኔ ጸሳሰ ጎይናናሰ ታናራ ኢሲፌ
 ሲማርኪ!» ገደሰ።

31 ሃሳ ገሻሰ ሳሜሊ ኢዛራ ኢሲፌ ሲሚዳሰ፤
 ሳኦሊካ ጎዳሰ ጎይኒዳሰ።

32 ሃሳፌ ጉዬ ሳሜሊ፥ «አማሌቄ ካዎ አጋጌ ታሰ ሃ
 ኤሂቲ» ገደሰ፤ አጋጌይ፥ «ቱማፔ ሃይቆይ ሃይሳ ማላ
 ጫዎ?» ገደሰ ኮኮሪሼ ዪዳሰ።

33 ሳሜሊካ፥ «ኔ ማሻይ ማጫሳታ ዬሎይ ባይንዳ
 አሽዳይሳል ኔ አያካ ማጫሳታ ገደን ዬሎይ ባይንዳር
 ገዳና» ገሼ አጋጌ ጌልጌላን ጎዳ ሲንጻን ቃንጾሬል
 ዬገደሰ።

34 ሃሳፌ ጉዬ ሳሜሊ ኤራማ ቢዳሰ፤ ሳኦሊ
 ገዲኮ ባሶ ፑዳ ገቢኦ ኬዚዳሰ።

35 ሳሜሊ ሳኦሊሰ ዬኪኮካ ኢዚ ሃይቃናሽ ጋካናሰ
 ናምአንጻ ኢዛ ቤኣናሰ ቢቤና፤ ጎዳይ ሳኦሊ ኢሰራኤሌ
 ቦላ ካዎላዳ ገሻሰ ዎዲቲዳሰ።

16

ዳዊቲ ተዬቲል

1 ጎዳይ ሳሜላሰ፥ «ኢሰራኤሌ ቦላ ካዎቲ ደንታ
 ማላ ታ ካዲዳ ሳኦሊሰ ኔ አዉዳ ጋካናሰ ዬካኔ?
 ቤቲሊሃሜ ዳሬ አሰ ኢሴዬኮ ታ ኔና ከታና ገሻሰ
 ባሽ ካጩን ዛይቲ ኩንጻ ኤካ ባ፤ ታ ኢዛ ናይታ
 ገደፌ ኢሶይ ካዎ ገደና ማላ ደራዲሰ» ገደሰ።

2 ሳሜሊ ገዲኮ፥ «ሳኦሊ ሲዩኮ ታና ዎዲና፤
 ሂሰቲን ታ ዋና ባና ዳንዳያዚና?» ገደሰ። ጎዳይ
 ዛሪዲ፥ «ኢሲ ኡሱ ኤካ ባዳ፥ ሳዳሰ ያርሻናሰ
 ያዲሰ» ጋ።

3 ያርሾሶሆ ኢሴዬ ጸይጋ፤ ሃሳፌ ጉዬ ኔ ኦላናይሳ
 ታ ኔና ቤሳና፤ ታ ኔሰ ዮቲዳይ ኔ ቲያና» ገደሰ።

4 ሳሜሊ ጎዳይ ገዲዳሳ ኦሊዳሰ፤ ኢዚ ቤቲሊሃሜ
 ጋኪዳ ዎዳ ካታማ ጩማቲ ኮኮሪሼ ኢዛራ ጋይታናሰ
 ዪዳ፤ ኢሰቲካ ኢዛ፥ «ኔ ሳርሳ፤?» ገደሰ ያይቲዳ።

5 ሳሜሊካ ዛሪዲ፥ «ኤ ሳርሳ፤ ታኒ ጎዳሰ ያርሾ
 ሽሻናሰ ያዲሰ፤ ኢንቲካ ኢንቲና ገሼዲ ታናራ
 ያርሾሶሆ ሃ ዩቲ» ገደሰ። ሃሳፌ ጉዬ ኢሴዬኔ ኢዛ
 ናይታ ዳማሲዳሰ፤ ያርሾሶሆ ያና ማላካ ጸይገዳሰ።

6 ኢሰቲ ሃ ጋኪሽን ሳሜሊ ኤልያቤ ቤኢዲ፥
 «ቤኢቲ፤ ቱሙካ ጎዳይ ቲይዳይሲ ጎዳ ሲንጻን
 ኤቁዳሰ» ገደሰ።

7 ገደ አቲን ጎዳይ ሳሜሊ፥ «ታኒ ሃይሳ ካዲዳ
 ገሻሰ ኔ ኢዛሰ ማላ ዎይኮ ጌሳ ጸሎፋ፤ ጎዳይ አሲ
 ጸሊዛ ማላ ጸሎና፤ አሲ ካሬ ባጋ ሃናታ ቤኤሰ፤
 ጎዳይ ገዲኮ ዎዚና ጸሎሰ» ገደሰ።

8 ሃሳፌ ጉዬ ኢሴዬይ አቢናዳቤ ጸይገዲ ሳሜላ
 ሲንጻራ አዳና ማላ ኦሊዳሰ፤ ገደ አቲን ሳሜሊ፥
 «ጎዳይ ሃይሳካ ደሪቤና» ገደሰ።

9 ካሊዲካ ኢሴዬይ ሻማሃ ኤሂዳሰ፤ ሳሜሊ፥
 «ኢዛካ ጎዳይ ደሪቤና» ገደሰ።

10 ኢሴዬይ ባ ላፑን ናይታ ሳሜላ ሲንጻ ሸሽዳሰ፤
 ገደ አቲን ሳሜሊ፥ «ጎዳይ ሃይታንታካ ደሪቤና»
 ገደሰ።

11 ሃሳፌ ጉዬ ሳሜሊ ኢሴዬ፥ «ኔ ናይቲ ሃይታንታ
 ጸላ?» ገደሰ ያይቲዳሰ።

ኢሴዬይካ፥ «ኡባፌ ካሎዚ ቡር ዪቤና፤ ሃኢ ኢዚ
 ደርሳታ ሃሚሼ ዳሰ» ገደሰ ዛሪዳሰ።

ሳሜሊካ፥ «አኔ ከታዳ ኤሂሳ፤ ኢዚ ያናሽ ጋካናሰ ኑ
 ኡቶኮ» ገደሰ።

12 ሂሰቲን ኢሴዬይ ከቲዲ ኤሂሲዳሰ፤ ኢዚ አሪሳ፥
 አይፌራ ሎኢዛ ፑላንቻኔ ማላ ሎኦ ና። ጎዳይ
 ሳሜላሰ፥ «ታኒ ደሪዳይ ሃይሳ፥ ዳንዳዳ ቲያ» ገደሰ።

13 ሳሜሊካ ካጩዛን ዲዛ ዛይቲዛ ኤኪዲ ኢዛ
 አሻታ ሲንጻን ኢዛ ቲይዳሰ። ሃ ጋሳሳፌ ደሚዲ ጎዳ
 አያናይ ዳዊቲ ቦላ ኬሂ ዎልቃን ዎዲዳሰ፤ ሳሜሊ ጉዬ
 ሲሚ ኤራማ ቢዳሰ።

ሳኦሊ ካዎቲል ኬላን ዳዊቲ

14 ጎዳ አያናይ ሳኦሊፔ ሃኪዳ ገሻሰ ጎዳፔ
 አዘዘቲዳ ኢታ አያናይ ዎዲሲሼ ዳሰ።

15 ሳኦሊ ኦሳንቻቲ፥ «ቤኣ፤ ጎዳፔ ከቲቲዳ ኢታ
 አያናይ ኔና ዎዲሲሼ ዳሰ።

16 ሃሳ ገሻሰ ባጋና ሾጩ ዳንዳይዛ አሰ ኮያና ማላ
 ኑ ጎዳይ ባ ሲንጻን ኤቁዛ ኦሳንቻታ አዘዘ፤ ሂሰቲኮ
 ጎዳፔ አዘዘቲዳ ኢታ አያናይ ኔ ቦላ ዪዛ ዎዳ ኔሰ
 ኢዚ ባጋና ሾጩና፤ ኔሰካ ሎኦ ገዳና» ገደሰ።

17 ሃሳ ገሻሰ ሳኦሊ ባ አሸካራታ፥ «ባጋና ሎኤል
 ሾኙ ዳንዳይዛዳ ታሰ ኮዩ ኤሂቲ» ገደሰ።

18 ኢዛ ኦሳንቻታፔ ኢሶይ፥ «ሎኤል ባጋና ሾኙ
 ዳንዳይዛ ቤቲሊሃሜ ዳሬ አሰ ኢሴዬ ናዛ ቤኣዲሰ፤

ኢዚ ቃራኔ ኦላንቻ፣ ኣኩካንቻኔ ኡፋይሲዛ ቃላ ሃሳይዛዳ፤ ጎዳይካ ኢዛራ ዳሰ» ገደሰ።

19 ሃሳፌ ጉዬ ሳኦሊ፣ «ኔ ደርሳታኮን ዲዛ ኔ ና ዳዊቲ ዬዳ» ገዲ ኢሴዬኮ ቃሰታኔታ ከተዳሰ።

20 ኢሴዬይ ቡዳና፣ ሉካሞ ኩሜላ ዎይኔ ኡሹ ሃሪ ቦላ ጫኒዲ፣ ዳይሻ ላቃ ጉጂ ኦይሊዲ ባ ና ዳዊቲ ሳኦሊኮ ዬዲዳሰ።

21 ዳዊቲ ሳኦሊኮ ዬዲ ኢዛሰ ሃጋዞ ደሚዳሰ፤ ሳኦሊካ ኢዛ ከሂ ደሲዳሰ፤ ኢዚካ ሳኦሊ ጎንዳሌ ቶኪዛዳ ገዲዳሰ።

22 ሃሳፌ ጉዬ ሳኦሊ፣ «ታኒ ዳዊቲ ደሲዳ ገሻሰ ኢዚ ማታን ዲሹ ሃጋዛና ማላ ታሰ ኢማርኪ!» ገዲ ኢሴዬኮ ከተዳሰ።

23 ጎዳፔ ኣዛዜቲዲ ኢታ ኣያናይ ሳኦሊ ቦላ ዩዛ ዎዳ ዳዊቲ ባጋና ሾጪሽን ሳኦሊሰ ሎኤሰ፤ ኢታ ኣያናይካ ኢዛ ቦላፌ ሃኬሰ።

17

ዳዊቲኔ ጎልያዳ

1 ፊሊሰጾሜቲ ባ ኦላንቻታ ኦላሰ ዩሁዳ ቢታን ሶኮን ሺሺ ዎሊዳ፤ ኢሰቲካ ኢሰኮቴቴኔ ኣዜቄቴ ገደን ዲዛ ኤፍሲ-ዳሚሚን ዲንካኒ ኡቲዳ።

2 ሳኦሊኔ ኢሰራኤሌቲ ሸቂዲ ኤላ ዙሉን ዲንካኒዳ፤ ፊሊሰጾሜታራ ኦሌታናሰ ሶሆ ሶሆ ኦይኪዳ።

3 ኢሲ ባጋ ዙምቡላዛ ፊሊሰጾሜቲ፣ ሃንኮ ባጋ ዙምቡላዛ ኢሰራኤሌቲ ኦይኪዳ፤ ኢሰታፌ ገደን ዙሌይ ዳሰ።

4 ጌቴፔ ዩዳ ኢዛሰ ጌሳይ ኡሱፑን ዎቋ ገዲዛ ጎልያዳ ጌቴቴዛ ኢሲ ኦላ ቃራዚ ፊሊሰጾሜታ ጉታፔ ኬዚዳሰ።

5 ኢዚ ጸርቂማላፔ ኦሴቲዳ ቆቤ ሁኤን ዎሊዳሰ፤ 5,000 ሳቂሌ ገዲ ዳዲዛ ጸርቂማላፔ ኦሴቲዳ ጸራራ ማይኢዳሰ።

6 ባ ሱሌዛን ጸርቂማላፔ ኦሴቲዳ ጸንቃ ቶራ ኦይኪዳሰ።

7 ኢዛ ቶራሰ ቶማይ ዎንዲራሼ ማላ ኦርዳ፤ ኢዛሰ ቶራ ኣይፊዚ ላፑን ከሎ ከና ዳዳሰ፤ ኢዛ ኦላ ሚሽ ቶኪዛይሲ ኢዛፔ ሲንላን ሲንላን ቤሰ።

8 ጎልያዳይ ያቻን ኤቂዳ ኢሰራኤሌ ኣሳ ቦላ፣ «ኢንቲ ኦላሰ ሳልፊ ከዚዳይ ኣዛሰ? ታኒ ፊሊሰጾሜ ኣሰ ገዲሺን ኢንቲ ሳኦሊ ኣይሌታ ገዳኬቲ? ኣኔ ኢንቲ ገደፌ ኢሳዳ ደሪቲ፤ ኢዚካ ኣኔ ሃ ታ ዲዛሰ ዎዳ።»

9 ኢዚ ታናራ ኦሌታናሰኔ ታና ዎቋናሰ ዳንዳይኮ ኮኒ ኢንቲሰ ኣይሌታ ገዳና፤ ገደ ኣቲን ታኒ ኢዛ ጸኒዛ ገዲኮኔ ኢዛ ዎቋዛ ገዲኮ ኢንቲ ኦሰ ኣይሌታ ገዲዲ ሃራታና» ገ ናጪዳሰ።

10 ሂሰቲዲ ፊሊሰጾሜ ዳሬ ኣዳዚ፣ «ሃቾ ታኒ ኢሰራኤሌ ኦላንቻታራ ኤቂታና፤ ኣኔ ኦሌታና ኣሰ ኢሚቲ!» ገዳሰ።

11 ሳኦሊኔ ኢሰራኤሌ ኣሳይ ኡባይ ሃ ፊሊሰጾሜ ኣዳዚ ሃሳይዳ ቃላ ሲዩዲ ከሂ ባቢዳኔ ዳጋሚዳ።

12 ዳዊቲ ዩሁዳ ቢታን ቤቴሊሃሚን ዲዛ ኤፍራታ ዳሬ ኣሰ ኢሴዬ ና፤ ኢሴዬሰ ኦሰፑን ኣቲማ ናይቲ ዳቴሰ፤ ኢዚ ሳኦሊ ካዎቴላ ዎዳ ጪማኔ ዎዳይ ከሂ ቢዳ ኣሳ።

13 ኢሴዬሰ ባይራ ና ሃቻቲ ሳኦሊ ካሊዲ ኦላሰ ቢዳ፤ ባይራዚ ኤልያቤ፣ ናምኣንሶዚ ኣቢናዳቤ፣ ሃቻንሶዚ ሻማሃ።

14 ዳዊቲ ኢሰታ ኡባፌ ካሎ፤ ኢዛሰ ባይራ ኣቻቲ ሃቻቲ ሳኦሊ ካሊዲ ኦላሰ ቢዳ።

15 ዳዊቲ ገዲኮ ባ ኣዎ ደርሰ ሃማናሰ ሳኦሊ ማታፔ ቤቴሊሃሚ ሲሜሬቲሼ ዳሰ።

16 ሃ ፊሊሰጾሜ ኣዳዚ 40 ጋላሰ ኩሜላ ኦማርሲኔ ማላዶ ከዚ ቤቲ ቤቲ ሲሜሰ።

17 ሃ ዎዳ ኢሴዬይ ባ ናዛ ዳዊቲ፣ «ሃይሳ ሃላሃቲዳ ታሙ ከሎ ቲያኔ ታሙ ሶሎ ኔ ኣቻታሰ ኢሰቲ ኦላሰ ዲንካኒ ኡቲዳሶ ኤሌ ጋላ።»

18 ሃይታ ታሙ ላሉካ ፐላ ኢሰታ ኣዛዚዛይሳሰ ኢሲፌ ኤካ ባ፤ ኔ ኣቻቲ ዎኒ ዲዛኮ ቤኣዳ ኢሰቲ ሎኦ ዲዛይሳ ኤሪሰዛ ማላታ ታሰ ኤካ ያ።

19 ኢሰቲካ ሳኦሊኔ ኢሰራኤሌ ኣሳ ኡባራ ገዲዲዲ ኤላ ዙሉን ፊሊሰጾሜታራ ኦሌቲሼ ዳቴሰ» ገዳሰ።

20 ዳዊቲ ዎንቲላ ጋላሰ ማላዶ ደርሳታ ሃሚዛ ኣሳሰ ኣገዲ ኢሴዬይ ኢዛ ኣዛዚዳ ማላ ሺንቁዛ ኤኪ ቢዳሰ። ኦላንቻቲ ኦሌታናሰ ጩቄቲሼ ሶሆ ሶሆ ኦይኪሺን ኢሰቲ ዲንካኒ ኡቲዳሶ ጋኪዳሰ።

21 ኢሰራኤሌቲኔ ፊሊሰጾሜቲ ሶሆ ሶሆ ኦይኪዲ ቲራን ጋይታናሰ ዛማዲ ኡቲ ናጌቲሰ።

22 ዳዊቲ ባ ኤፊዳ ሺንቁዛ ናጊዛይሳ ማታን ዎሊዲ ኣሳይ ኦሌቲዛሰ ዎዲዳሰ፤ ባ ኣቻታ ዳሚዲ ኢሰታ ሎኤቴላ ኦይቺዳሰ።

23 ኢዚ ኢሰታራ ሃሳያን ዲሺን ጌቴፔ ዩዳ ፊሊሰጾሜ ኦላ ቃራ ጎልያዳይ ኦላ ኣሳ ገደፌ ከዚዲ ካሴ ባ ሎሲዳ ማላ ባልቡቁሺን ዳዊቲ ሲዩዳሰ።

24 ኢሰራኤሌ ኣሳይ ኡባይ ኣዳዛ ቤኢዳ ማላ ከሂ ባቢዲ ኢዛ ሲንላፌ ባቃቲዳሰ።

25 ኢሰራኤሌ ኣሳይ ባንታ ገደን ኢሶይ ኢሳራ፣ «ሃይሲ ኡባ ጋላሰ ኢሰራኤሌቲ ኤቂቲዛይሳ ቤኤቲ? ሃ ኣዳዛ ዎቋዳዳሰ ካዎይ ዳር ኣቆታ ኢማና፤ ባ ናዮካ ኢዛሰ ማቾ ኢማና፤ ኢዛ ኣዎ ከፋካ ኢሰራኤሌን ገራ ቃንጸሴና» ገ ሃሳይቴቲሰ።

26 ዳዊቲ ባ ኣቻን ኤቂዳ ኣሳታ፣ «ኣኔ ሃይሳ ፊሊሰጾሜ ኣዳዛ ዎቋዲ ሃይሳ ሃ ካወሻቲላ ኢሰራኤሌ ቦላፌ ዲጊዳዳሰ ኣዚ ኦሴታኔ? ቃሴካ ዳኦ ጎዳ ኦላንቻታራ ኤቂታናሰ ሃይሲ ቃጸራ ቃንጾቶንታ ፊሊሰጾሜዚ ኢዚ ኦኔ?» ገ ኦይቺዳሰ።

27 ኢሰቲካ ኢዛሰ፣ «ኢዛ ዎቋና ኣሳሰ ኦሴታናይ ሃይሳ» ገዲ ካሴ ሃሳይዳይሳ ዛሪ ዮቲዳ።

28 ኢዛሰ ባይራ ኣቻ ኤልያቤይ ዳዊቲ ኣሳታራ ሃሳይሺን ሲዩዲ፣ «ኣይሰ ሃ ዎቋዲ? ሃ ኣማርዳ ደርሳታካ ባዘን ኦናሰ ኣጋ ያዲ? ኔ ኦቶርቲላኔ ኔ ዎዘና ኢታቲላ ታ ኤራይሰ፤ ኔ ዩዳይ ኦላ ቤያናሰ ጸላ» ገዲ ከሂ ሃንቁቲዳሰ።

29 ዳዊቲ፣ «ሂሰቲን ታ ኣይ ኦላዲና? ኦይቻናሰ ዳንዳይኪና?» ገ ዛሪዳሰ።

30 ሃሳፌ ጉዬ ሃራ ኣሳኮ ሲሚዲ ሲንላን ኦይቾ ኦይቻ ኦይቺዳሰ፤ ኣሳቲካ ሲንላ ኣሳቲ ዛሪዳ ማላ ኢዛሰ ዛሪዳ።

31 ዳዊቲ ሃሳይዳ ዮኦይ ሳኦሊ ሃይላን ዎቋዳሰ፤ ሳኦሊካ ከቲ ዳይገደሰ።

32 ዳዊቲካ ሳኦሌ፡ «ሃይሳ ፊሊሰጾም አዳዘፔ ዳንዲዳይሳን ኦና ዋዚናይካ ዳጋዋፎ፤ ኔ አይሌዚ ቢዲ ኦላና» ገደሰ።

33 ሳኦሌ ዛሪዲ፡ «ኔኒ ቡሮ ኢሲ አይፊ ና፤ አዳዘፔ ገዲኮ ናቴቴላፊ ደሚዲ ኦላራ ሜዜቲዳ ገሻሰ ኬዛዳ ሃ ፊሊሰጾም አዳዘራ ኤቁታና ዳንዲያካ» ገደሰ።

34 ገደ ኣቲን ዳዊቲ ሳኦሌሰ፡ «ታኒ ኔ አይሌይ ታ ኣዋ ደርሳታ ሃሚዛ ዋዳ ጋዋይ ዋይኮ ዛርዶይ ዪዲ ወዳ ሜሃ ገደፊ ኢሲ ደርሰ ኤኪ ቢሺን፤

35 ታኒ ካላ ባዳ ኢዛ ሾጫዳ ደናፔ ዩገላይሰ፤ ኢዚ ታ ቦላ ሲሚሺን ኢዛ ሲጸናላ ጩላ ኦይካዳ ሾጫ ዋዳይሰ።

36 ታኒ ኔ አይሌይ ጋዋኔ ዛርዶ ዋዳይሰ፤ ሃይሲ ቃጸራ ቃንጾቶንታ ፊሊሰጾምዚ ዳኦ ጸሳ ኦላንቻታራ ኤቁቲዳ ገሻሰ ኢዛ ወርሴላ ኢሰታፊ ኢሳ ማላ ገደና።

37 ታና ጋዋፊኔ ዛርዶ ኣቻፊ ኣሺዳ ጎዳይ ሃኢካ ሃ ፊሊሰጾም አዳዘ ኩሼፔ ኣሻና» ገደሰ፤ ሳኦሌካ ዛሪዲ፡ «ባ፡ ጎዳይ ኔናራ ገደ» ገደሰ።

38 ሃሳፊ ጉዬ ሳኦሌ ባ ኦላ ማይኦ ዳዊቲ ማይዚዳሰ፤ ቲራን ማይኢዛ ጸራሬካ ማይዚዳሰ፤ ጸርቁማላፔ ኦሴቲዳ ቆቤ ኢዛ ሁኤን ዋላዳሰ።

39 ዳዊቲ ሃሳ ማላ ኦላ ማይኦ ማይኢ ኤርንታ ገሻሰ ገላ ማሻ ኦላ ማይኦዛ ቦላ ዳንጫዲ ሃሜታናሰ ፓጪ ጸሊዳሰ። ኢዚካ ሳኦሌሰ፡ «ሃይሳፊ ካሴ ሃይሳ ማላ ሎሴይ ባይንዳ ገሻሰ ሃይሳዎ ሃናዳ ባናሰ ዳንዲይኬ» ገደሰ፤ ሃሳ ገሻሰ ኦላ ማይኦታ ኡባ ኬሲ ዩገደሰ።

40 ሃሳፊ ጉዬ ባ ጉፊዛ ኦይኪዲ ኢቻሽ ሙሉሙቁ ሹቻታ ካንቼፊ ደሪ ኤኪዲ ባ ሃንላ ኮርጃን ዩገደሰ፤ ሃሰቲዲ ባ ያንባርሻ ኦይኪዲ ፊሊሰጾም አዳዘኮ ሸቁደሰ።

ጎልያዳ ጸኔቴሳ

41 ፊሊሰጾም አዳዘ ባ ጎንዳሌ ቶኪዛይሳ ሲንሌ ኣላዲ ዳዊቲኮ ማቲ ማቲ ቢዳሰ።

42 ኢዚ ዳዊቲ ቲሺ ሃሰቲ ጸሊሺን ካይሻ፡ ማላ ሎኦኔ ቁሪ ኢሲ አይፊ ና ገዲዳ ገሻሰ ኢዛ ካዲዳሰ።

43 ፊሊሰጾም አዳዘ ዳዊቲ፡ «ላ፡ ኔኒ ጉፊ ኤካዳ ታ ቦላ ያናሰ ታ ኔሰ ካኔ?» ገዲ ባ ኤቃ ጸሳ ሱንላን ቃንገደሰ።

44 ቃሴካ፡ «ኣኔ ሃ ታኮ ያ! ኔ ኣሾ ታ ሳሎ ካፎታሲኔ ደኣታሰ ኣላ ኢማና» ገደሰ።

45 ዳዊቲ ፊሊሰጾም አዳዘሰ፡ «ኔኒ ገላ ማሻ፡ ቶራኔ ጸንቃ ቶራ ኤካዳ ታ ቦላ ያሳ፤ ታኒ ገዲኮ ኔ ኢዛራ ኤቁቲዳ ኢሰራኤሌ ኦላንቻታ ጸሳን፡ ኡባ ዳንዲይዛ ጎዳ ሱንላን ኔ ቦላ ባይሰ።

46 ሃች ጎዳይ ኔና ታ ኩሼን ኣላ ኢማና፤ ታ ኔና ሾጫ ዩጋና፤ ታ ኔ ቆዴ ቃንጸ ዩጋና፤ ሃች ታኒ ፊሊሰጾም ኦላንቻታ ኣሃ ሳሎ ካፎታሲኔ ሳኣ ደኣታሰ ኣላ ኢማና፤ ኣላሜ ኡባይ ኢሰራኤሌን ጸሲ ዲዛይሳ ኤራና።

47 ሃይሳን ሸቁዳ ኡባይ ጎዳይ ኣሺዛይ ማሻን ዋይኮ ቶራን ገደንታይሳ ኤራና፤ ኦሊዛይ ጎዳ ገዲዳ ገሻሰ ኢዚ ኣንቴና ኡባታካ ኑ ኩሼን ኣላ ኢማና» ገደሰ።

48 ፊሊሰጾም አዳዘ ኢዛ ሾጫናሰ ሸቁን ዳዊቲ ኢዛራ ኤቁታናሰ ገደ ኦላ ዳምባ ዋዲ ገሊደሰ።

49 ዳዊቲ ባ ኩሼ ኮርጃን ዩዲዲ ኢሲ ሹቻ ኤኪዲ ዳይቁዳሰ፤ ፊሊሰጾምዛሰ ኮንኬን ዩገደሰ፤ ሹቻዚ ኢዛ ኮንኬዛ ቶርጲ ገሊደሰ፤ ፊሊሰጾም አዳዘካ ሲንላ ጉሳ ኩንዲዳሰ።

50 ሃሳዎ ሃሰቲዲ ዳዊቲ ፊሊሰጾም አዳዘ ሹቻኒኔ ያንባርሻን ጫዲ ዋዲ ጸኒዳሰ።

51 ዳዊቲ ዋዲ ቢዲ አዳዘ ቦላ ኬዚ ኤቁዳሰ፤ ሃሳፊ ጉዬ ፊሊሰጾምዛ ማሻ ኮሆዛፔ ሾዲ ኤኪዲ ኢዛ ዋዲዲ ኢዛ ቆዴካ ማሻን ቃንጸደሰ ፤ ፊሊሰጾም አሳይ ኢሰታ ኦላ ቃሪይ ሃይቁዳይሳ ቤኢዲ ባቃቲዳ።

52 ሃሳፊ ጉዬ ኢሰራኤሌ ኣሳይኔ ዩሁዳ ኣሳይ ዳንዲ ማጉሊሽ ጌቴ ፔንጌፊ ዳንዲዲ ኣቃርኔ ፔንጌ ጋካናሰ ዩዳዲዳ፤ ፊሊሰጾምታ ኣሃይ ሻኢራይሜፔ ቢዲ ጌቴ ጋካናሰ፡ ሄፔካ ቢዲ ኣቃርኔ ጋካናሰ ዲዛ ኦጌ ቦላ ኩንዲዳሰ።

53 ኢሰራኤሌ ኣሳይ ፊሊሰጾምታ ዩዳዲ ሲሚዲ ኢሰታ ጉታን ዲዛ ሚሽ ኡባ ቦንቁዳሰ።

54 ዳዊቲ ፊሊሰጾም አዳዘ ሁኤ ዩራሳላሚ ኤኪ ዩዳሰ፤ ገደ ኣቲን ፊሊሰጾምታ ኦላ ሚሻታ ባ ዳንካኔ ገደን ዋላዳሰ።

ሳኦሌ ሲንላን ዳዊቲ ሸቆ

55 ዳዊቲ ፊሊሰጾም አዳዘራ ኤቁታናሰ ቢዛ ዋዳ ሳኦሌ ቤኢዲ ባ ኦላንቻታ ኣዛዚዛ ኣቢኔሬ፡ «ኣቢኔሬ፡ ሃይሲ ናዚ ኦና ና?» ገ ኦይቺዳሰ።

ኣቢኔሬ፡ «ካዎ፡ ኔ ኣሾ፤ ታ ኤሪኬ» ገ ዛሪደሰ።

56 ካዎዚ፡ «ሃ ናቴላ ናዚ ኦና ናኮ ካሌታ ጋካ» ገደሰ።

57 ዳዊቲ ፊሊሰጾም አዳዘ ዋዲ ሲሚዳ ማላ ኣቢኔሬ ኢዛ ኤኪዲ ካዎዛ ሲንላ ሸሺዳሰ። ሄ ዋዳ ዳዊቲ ጎልያዳ ሁኤዛ ባ ኩሼን ኦይኪ ኡቲዳሰ።

58 ሳኦሌ ኢዛ፡ «ሃይሶ ኔ ኦና ና?» ገ ኦይቺዳሰ። ዳዊቲ፡ «ታኒ ኔ አይሌ ቤቴሊሃሜ ዳሬ ኣሰ ኢሴዩ ና» ገደሰ።

18

1 ዳዊቲ ሳኦሌራ ሃሳዩ ገገዲ ማላ ዮናታኔይ ዳዊቲሰ ሸምፖ ላጌ ገዲዳሰ፤ ባና ማላ ኢዛ ሲቁዳሰ።

2 ሃ ጋላሳፊ ደሚዲ ሳኦሌ ዳዊቲ ባናራ ዋላዳሰ፤ ኢዚ ባ ኣዎ ሶ ቦንታ ማላ ዲገደሰ።

3 ዮናታኔይ ኢዛ ዋዚናፔ ሲቁዳ ገሻሰ ዳዊቲራ ጫቁቲዳሰ።

4 ዮናታኔይ ባ ማይኢዳ ካባ ኬሲዲ ባ ኦላ ማይኦራ፡ ባ ገላ ማሻ፡ ባ ዋንዳፊዛኔ ባ ዳንጮዛ ዳዊቲሰ ኢሚዳሰ።

5 ሳኦሌ ኢዛ ከቲዛሶ ኣዎካ ገዲን ዳዊቲ ባ ከቲቲዳይሳ ቤሲዛ ማላ ፖሊዛ ገሻሰ ባ ኦላንቻታ ቦላ ኢዛ ሹሚዳሰ፤ ሃሲ ኡባ ዳራኔ ሳኦሌ ኦላ ሹሜታ ኡፋይሲዳሰ።

ዳዊቲ ቦላ ሳኦሌ ሚቃይኔቴሳ

6 ዳዊቲ ፊሊሰጾም አዳዘ ዋዲዳፔ ጉዬ ኣሳይ ባሶ ባሶ ሲሚሺን ማጫሳቲ ካራቤኔ ማሲንቆ ኤኪዲ

ዩዲሽ፡ ቸፕሽኔ ኢሊሊሽ ካዎ ሳኦሌ ሞካናሰ ኢሰራኤል ካታማታፔ ኬዚዳ።

7 ማጫሳቲ፡ «ሳኦሌ ሽ ዎዲዳሰ! ዳዊቲ ገዲኮ ታሙ ሽ ዎዲዳሰ»

8 ሄሲ ኢዛ ኡፋይሶንታ ኣገዳ ገሻሰ ሳኦሌ ኬሂ ሃንቁቲዳሰ፤ ኢዚካ፡ «ኢሰቲ ዳዊቲስ ታሙ ሽ፡ ታሰ ኢሲ ሽ ጸላ ገዳ! ሂሰቲን ኢዛሰ ካዎቲፋፊ ኣቲን ሃራይ ኣዜ ኣቲዳይ!» ገዳሰ።

9 ሳኦሌ ሂ ጋላሳፊ ደሚዳ ዳዊቲ ኢታ ኣይፊን ጸሎ ኦይኪዳሰ።

10 ዎንቲፋ ጋላሰ ጸሳፊ ኣዛዘቲዳ ኢታ ኣያናይ ሳኦሌ ቦላ ዎዲዳሰ፤ ሄ ዎዲ ዳዊቲ ካሴ ኢዚ ኡባ ዎዲ ኦሊዛይሳ ማላ ባጋና ሾጪሽን ሳኦሌ ባሶን ኡቲዳ ገሻ ማላ ሃሳይሽ ቶራ ኦይኪ ዳሰ።

11 ኢዚካ፡ «ዳዊቲ ገዳራ ጋላ ኦይሴፋና» ገ ቆፒዳ ቶራዛ ኢዛ ቦላ ጸንገዳሰ፤ ዳዊቲ ገዲኮ ናምኡቶ ኢዛ ሰንፋፊ ሾርኢ ገዳሰ።

12 ገዳይ ኢዛፔ ሻኬቲዳ ዳዊቲራ ገዲዳ ገሻሰ ሳኦሌ ዳዊቲስ ባቢዳሰ።

13 ሄሳ ገሻሰ ዳዊቲ ባ ኣቻፊ ሃሲዳ ሻላቃቲፋን ሹሚዳሰ። ዳዊቲካ ኦላ ኣሳ ካሌሊዳ ኢሰታ ሰንፋን ኬዜሰኔ ጌሌሰ።

14 ገዳይ ኢዛራ ዳዛ ገሻሰ ኢዚ ኦሊዛ ሚሽ ኡባይ ሃኔሰ።

15 ሳኦሌካ ዳዊቲስ ኡባ ሚሽ ሃኒዛይሳ ቤኢዳፔ ጉዬ ኢዛሰ ባቢዳሰ።

16 ኩሜፋ ኢሰራኤሌይኔ ዩሁዳይ ገዲኮ ዳዊቲ ደሲዳ፤ ኢሰታ ሰንፋን ኬዚዳ፡ ጌሊዳ ካሌሊዛይ ኢዛ።

ዳዊቲራ ሳኦሌ ቦሎቲሳ

17 ሳኦሌ ዳዊቲ፡ «ኔኒ ኦላ ሚና ኦሌቲኮ ታ ና ባይራዮ ሜርቦ ታ ኔሰ ማቾ ኢማና» ገዳሰ፤ ሳኦሌ ባ ዎዚናን፡ «ፊሊሰጾሜ ኣሳይ ባ ኩሽ ኢዛ ቦላ ዎላ ኣቲን ታኒ ኢዛ ቦቺኬ» ገ ዎሊዳሰ።

18 ዳዊቲ ገዲኮ ሳኦሌሰ፡ «ካዎ ቦሎ ገዳናሰ ታ ኦኔ? ታሶ ኣሳይ ገዲን ታ ኣዎ ኬሊ ኢሰራኤሌ ኣሳ ኣቻን ኣዜ?» ገዳሰ።

19 ገደ ኣቲን ሳኦሌ ና ሚርባ ዳዊቲ ጌላና ዎዲይ ጋኪሽን ማሆላቲ ዳሬ ኣሰ ኣዲርኤሌሰ ኢሜታዲሰ።

20 ሄ ዎዲ ሳኦሌ ና ሚልኮላ ዳዊቲ ደሳዲሰ፤ ሳኦሌካ ሄሳ ሲዩዲ ኡፋይቲዳሰ።

21 ሳኦሌ ባ ዎዚና፡ «ኢዛሰ ዎጺማዳ ገዳና ማላ፡ ኢዚ ፊሊሰጾሜታ ኩሽን ኣዲ ኢሜቲዳ ዳያና ማላ ታ ኢዛ ኢዛሰ ኢማና» ገ ቆፒዳሰ። ሄሳ ገሻሰ ሳኦሌ ዳዊቲ፡ «ሄኮ ኔኒ ታናራ ቦሎታናሰ ቃሴካ ቃዳ ዳማዳሳ» ገዳሰ።

22 ሄሳፊ ጉዬ ሳኦሌ ባ ሹሚታሰ፡ «ዳዊቲሰ፡ ሄኮ ካዎዚ ኔናን ኡፋይቲዳሰ፤ ኢዛ ሹሚቲካ ኔና ደሴቲሰ፤ ሄሳ ገሻሰ ኔ ኢዛሰ ቦሎ ገዳ» ገዲ ኢዛሰ ጸራቲ» ገ ኣዛዚዳሰ።

23 ኢሰቲ ሄሳካ ዳዊቲስ ዛሪ ዛሪ ዮቲዳ፤ ዳዊቲ ገዲኮ፡ «ካዎራ ቦሎቲሳ ኢንቲ ላፋ ሚሻ ማላ ቆዲዳቲ? ታኒ ኬሃ ማንቆኔ ኣሳ ማታን ዳር ኤሬቶንታ ኣሳ» ገዳሰ።

24 ሳኦሌ ሹሚቲ ዳዊቲ ገዲዳሳ ኢዛሰ ዮቲን፡

25 ሳኦሌ፡ «ዳዊቲ፡ ካዎዛ ናዩ ገሻሰ ኔፔ ጪሎሻ ኮይዛይ ባ ሞርኬታ ቦላ ሃሎ ኬሳናሰ ፊሊሰጾሜ ኣሳፔ ጾቱ ኣሳ ኣቲማቲሳ ቃንጸ ኤሃዳ ኢማናይሳፊ ኣቲን ሃራ ኮዬና» ገዲ ዮቲቲ» ገዳሰ። ሳኦሌ ሄሳ ቆፒዳይ ዳዊቲ ቢዲ ፊሊሰጾሜታ ኩሽን ኩንዳና ማላ ኮይዛ ገሻሳ።

26 ካዎዛ ሹሚቲ ሄሳ ዳዊቲስ ዮቲን ካዎራ ቦሎቲሳ ኢዛ ኡፋይሲዳሰ። ሄሳ ገሻሰ ባሪዳ ባሬይ ኣዲንታ ዲሽን።

27 ዳዊቲኔ ኢዛራ ዳዛ ኣሳቲ ቢዲ ፊሊሰጾሜ ኣሳፔ ናምኡ ጾት ዎዲዳ፤ ካዎዛሰ ቦሎ ገዳናሰ ቃንጸ ኤሂዳ ኣቲማቲሳ ኢሰታ ቆዳ ማላ ካዎዛሰ ኢሚዳሰ፤ ሄሳፊ ጉዬ ሳኦሌ ባ ና ሚልኮሎ ዳዊቲስ ኢሚዳሰ።

28 ሳኦሌ ገዳይ ዳዊቲራ ዲዛይሳኔ ኢዛ ና ሚልኮላ ዳዊቲ ሰቁዳይሳ ኤሪዳ።

29 ሳኦሌ ካሴፔ ኣላ ባቢዳሰ፤ ሃይቃናሽ ጋካናሰ ኢዛሰ ሞርኬ ገዲዳሰ።

30 ፊሊሰጾሜ ኦላ ጋዳዊቲ ካሴ ኬዚዛ ማላ ኦላሰ ኬዜቲሰ፤ ዳዊቲ ኣቲዳ ሳኦሌ ኦላ ጋዳዊታፔ ቦላራ ጸኖ ዳሚዳሰ፤ ሄሳ ገሻሰ ኢዛ ሱንፊ ኬሂ ኤሬቲዳሰ።

19

ዳዊቲ ገዳቲሳ

1 ሳኦሌ ዳዊቲ ዎዳና ማላ ባ ና ዮናታኔሲኔ ባ ሹሚታሰ ዮቲዳሰ፤ ዮናታኔይ ገዲኮ ዳዊቲ ኬሂ ሰቁሰ፤

2 «ታ ኣዎ ሳኦሌ ኔና ዎዳናሰ ኦጌ ኮሻን ዳሰ፤ ኔ ዎንቶ ማላደ ቆቲታ ኣታናሶ ባ፤ ሃንካ ታካሻ።

3 ታኒካ ኬዛዳ ኔኒ ዳዛ ጋዴን ታ ኣዎ ኣቻን ኤቃና፤ ኔ ገሻሰ ታ ኢዛራ ሃሳያና፤ ኢዛ ቆፋ ኤራዳ ኔሰ ዮታና» ገዳሰ።

4 ዮናታኔይ ባ ኣዎ ሳኦሌሰ፡ «ካዎይ ባ ኦሳንቻ ዳዊቲ ቦላ ኢታ ሚሽ ኦሎፎ፤ ኢዚ ኔና ቆሂቤና፤ ኢዚ ኦሊዳይሲ ኔና ዳር ጎኢዛ ሚሻ።

5 ዳዊቲ ፊሊሰጾሜ ኣዳዛ ባ ሹምፖ ባይዚዳ ዎዲዳሰ፤ ገዳይ ኩሜፋ ኢሰራኤሌሰ ገታ ጸኖ ኢሚዳሰ፤ ኔካ ሄሳ ቤኣዳ ኡፋይታዳሰ። ሂሰቲን ኔ ኢዛ ጮ ሃዳ ዎዳናሰ ዳዊቲ ማላ ጌሻ ኣሳ ቦላ ኣይሰ ቆሆ ኦላይ?» ገዲ ዳዊቲ ገሻሰ ሎኤቲላ ዮቲዳሰ።

6 ሳኦሌ ዮናታኔይ ገዛይሳ ኤዘገ ሲዩዳፔ ጉዬ፡ «ዳኦ ገዳይ ቤኣን፡ ዳዊቲ ኣሳ ኩሽን ሃይቁና» ገ ጫቁዳሰ።

7 ሄሳ ገሻሰ ዮናታኔይ ዳዊቲ ጸይገዲ ሃሳይቲዳ ዮኦታ ኡባ ኢዛሰ ዮቲዳሰ፤ ኢዛ ሳኦሌኮ ኤሂዳሰ፤ ዳዊቲ ካሴይሳላ ኢዛ ሰንፋን ኤቁዳሰ።

8 ቃሴካ ሃራ ኦላይ ዳንዲዳሰ፤ ዳዊቲ ፊሊሰጾሜ ኣሳ ኦሊዳሰ፤ ኢሰቲ ኢዛ ሰንፋፊ ባቃታናሽ ጋካናሰ ኬሂ ሾጪዳሰ።

9 ገደ ኣቲን ሳኦሌ ቶራ ኦይኪዳ ባሶን ዲሽን ገዳፔ ኢታ ኣያናይ ኢዛ ቦላ ዎዲዳሰ፤ ሄ ዎዲ ዳዊቲ ባ ዳዳ ዲዳሰ፤

10 ሳኦሌ ኢዛ ገዳራ ጋላ ኦይሴፋና ገዲ ባ ቶራ ኢዛ ቦላ ጸንገዳሰ፤ ገደ ኣቲን ዳዊቲ ሾርኢ ገን ሳኦሌ ጸንገዳ ቶራይ ገዳን ኤቁዳሰ፤ ሄ ጋላሳ ኦማርሰ ዳዊቲ ኢዛፔ ኬሲ ኤኪ ኣቲዳሰ።

11 ሳኦሊ ዳዊት ከሌ ዩዩ አዲዲ ኢዛ ዋዳና አሳታ ከተደሰ፤ ዳዊት ማቻ ሚልኮላ ገዲኮ፡ «ኔኔ ኔ ሽምፖ አሻናሰ ባቃቶንታ አገኮ ዋንቶ ሃይቃሳ» ጋዳ ማንላ የታደሰ።

12 ሚልኮላ ዳዊት ማሰኮቴራ ከሳ ዩዳዲሰ፤ ኢዚካ ከሲ ኤከ አተደሰ።

13 ሃሳፌ ጉዬ ሚልኮላ ኤቃ ሚሰሌ ኤካዳ ኢዛ ሃጸ ቦላ ኢሽሳዲሰ፤ ሁኤሶራ ዳይሻ ኢሰኬ ቦርኮላ ዋላዲሰ፤ ማይኦራካ ካማዲሰ።

14 ሳኦሊ ዳዊት ኦይካና አሳታ ከተ ዩዲን ሚልኮላ፡ «ኢዚ ሳከቴሰ» ጋዲሰ።

15 ሳኦሊ አሳታ ዳዊት ቢዲ ቤኣና ማላ ዛሪ ዩዲደሰ፤ ሳኦሊ፡ «ታ ኢዛ ዋዳና ማላ ሃጸራ ኢዛ ታሰ ሃ ኤሂቴ» ገደሰ።

16 ከቴቴዳ አሳይ ኢዛኮ ቢ ጌሊሽን ኤቃ ሚሰሌይ ኢዛ ሃጸ ቦላ ኢቺን ሁኤሶራ ዳይሻ ኢሰኬ ቦርኮላ ደሰ።

17 ሳኦሊ ሚሊኮሎ፡ «ኔ ሂሰታ ባሌላዳ ታ ሞርኬይ ታቴ ከሲ ኤካና ማላ አዛሰ አላዲ?» ገ ኦይቺደሰ።

ሚልኮላካ፡ « ታ ከሳ ኤካ አታና ማላ ታና ማዳ፤ አካይ ገኮ ታ ኔና ዋዳና ገደሰ» ጋ ዛሪዲሰ።

18 ዳዊት ባቃታ ኣተዳፔ ጉዬ ጌዳ ኤራማን ዲዛ ሳሚላኮ ቢደሰ፤ ሳኦሊ ኢዛ ቦላ አሊደይሳ ኡባ ኢዛሰ የተደሰ። ሃሳፌ ጉዬ ኢዚኔ ሳሜሊ ኔዋቴን ኡተዳ።

19 ሳኦሊሰካ፡ «ሄኮ ዳዊት ኤራማን ዲዛ ኔዋቴን ደሰ» ገዲ ኢዛሰ የተዳ።

20 ሃሳ ገሻሰ ኢዚ ዳዊት ኦይካናሰ አሳታ ከተ ዩዲደሰ። ገደ አተን ናቤቴ ሽቂዲ ሳሚሊ ካሌሊሽን ቲንቤቴ ሃሳይዛይሳ ቤኢዲ ጸሳ አያናይ ሳኦሊ አሳ ቦላ ዋዲን ኢሰቲካ ቲንቤቴ የተዳ።

21 ሳኦሊካ ሃሲ ኢዛሰ የተቴዳ ማላ ሃራ አሳታ ከተ ዩዲደሰ፤ ኢሰቲካ ቲንቤቴ የተዳ። ሳኦሊ ሃቫንሶካ ሃራ አሰ ከተ ዩዲደሰ፤ ኢሰቲካ ዛሪዲ ቲንቤቴ የተዳ።

22 ወርሴላን ኢዚ ባ ሁኤራ ኤራማ ቢደሰ፤ ሄፔካ ሴኩን ዲዛ ገታ ሃሌ ኤሊሲዛ ኦላኮ ጋኪዳ ማላ፡ «ሳሚሊኔ ዳዊት አዋን ዲዛ?» ገ ኦይቺደሰ።

ኢሲ አሲ ኢዛሰ፡ «ኤራማን ዲዛ ኔዋቴን ዳቴሰ» ገ የተደሰ።

23 ሃሳ ገሻሰ ሳኦሊ ኤራማን ዲዛ ኔዋቴ ቢደሰ፤ ጸሳ አያናይ ኢዛ ቦላካ ዋዲደሰ። ኢዚ ቢዲ ኔዋቴ ጋካናሽ ቲንቤቴ የተሽ ቢደሰ።

24 ኢዚካ ባ ማይኦ ከሲ ዩገዲ ሳሚላ ሲንላን ቲንቤቴ የተደሰ። ሃሳላ ኢዚ ኩሜላ ጋላሲኔ ኩሜላ አማርሰ ካሎ ኢቺደሰ። ዳሬይ ኢዛ፡ «ሳኦሊ ናቤታፔ ኢሳ ማላ ቆዳቴዳ?» ገዲይ ሃሳ ገሻሳ።

20

ዳዊትና ዮናታኔ

1 ሃሳፌ ጉዬ ዳዊት ኤራማን ዲዛ ኔዋቴ ዙሌፌ ዮናታኔኮ ባቃታ ቢዲ፡ «ታ አይ ኦላዲና? ታ አይ ቆሆ ኦላዲና? ኔ አዋይ ታና ዋዳናሰ ኮይዛይ ታ ኢዛ ሲንላን አይ ኢታ ኦሊኔ?» ገዲ ኢዛ ኦይቺደሰ።

2 ዮናታኔይካ፡ «ሄሲ ኔ ቦላ ሙሌካ ሃናፖ! ኔ ሃይቃካ! ታ አዋይ ጉሌ ገዲን ዳር ገዲን አይ ሚሽካ

ሲንላቲ ታሰ ዮቶንታ ኦሊ ኤሪና፤ ሂሰቲን ታ አዋይ ሃይሳ ታፔ አይሰ ቆቴዜ? የኦይ ሃሳ ማላ ገደና!» ገ ዛሪደሰ።

3 ዳዊትካ ኢዛሰ፡ «ታኔ ኔ ሲንላን ቦንቺቲዳይሳ ኔ አዋይ ሎኤሊ ኤሪሰ፡ ሃሳ ገሻሰ ኢዚ ባ ዋዚናራ፡ (ዮናታኔይ ሚሹቶንታ ማላ ሃይሳ ኤራናሰ ቤሴና) ገደሰ። ገደ አተን ታኔ ዳኦ ሳዳይ ቤዩን! ታ ኔ ሽምፖን ጫቃይሰ! ታሰ ሃይቃናሰ ኢሲ ታንጎይ ጸላ አተደሰ» ገ ዛሪደሰ።

4 ዮናታኔይካ፡ «ታ ኔሰ ኦላና ማላ ኔ ኮይዛ አይ ሚሽካ ታ ኔሰ ኦላና» ገደሰ።

5 ሂሰቲን ዳዊት፡ «ዋንቶ አገና ጸር ባኣሌ ገዲዳ ገሻሰ ታኔ ዋንቶ ካዋራ ኢሲፌ ማናሰ ቤሴሰ። ገደ አተን ዋንቶ ፔይን አማርሰ ጋካናሰ ታኔ ዋራ ገደን ቆቴታሻና።

6 ኔ አዋይ ታና ኮይኮ፡ (ኢዛ ዳቦቲ ላይላን ላይላን ሽሽዛ ያርሾ ሽሽዛ ጋላሰ ገዲዳ ገሻሰ ዳዊት ባ ሶ አሳኮ ቤቴሊሃሜ ባናሰ ፔቃዴ ታና ሚንላ ኦይቺደሰ) ጋዳ የታ።

7 ኢዚካ፡ (ኤር ሎኦ) ገኮ ታና ኔ ኦሳንቻ ሃርገሲዛ ሚሽ ዳና፤ ኢዚ ሃንቄቴዛ ገዲኮ ኢዚ ታ ቦላ ኢታ ቆፕዳይሳ ኔ ኤራና።

8 ኔኔ ገዲኮ ታሰ ኔ አሽካራሰ ኪያቴላ ቤሳ፤ ታና ኔ አሽካራራ ኔኔ ጎዳ ሲንላን ጫቄቲዳ ገሻሰ ታ ሞሪዳ ገዲኮ ታና ኔኔ ዋዳ አተን አይሰ ኔ አዋሰ ታና አላ ኢማይ?» ገደሰ።

9 ዮናታኔይካ ዛሪዲ፡ «ሃይሲ ኔፔ ሃኮ! ታ አዋይ ኔ ቦላ ኢታ ቆፕዳይሳ ኤሪዳኮ ታ ኔሰ ዋና የተከና?» ገደሰ።

10 ዳዊትካ ኢዛ፡ «ኔ አዋይ ታ ገሻሰ ኔሰ ኢታ ቃላ ዛሪኮ ሃሳ ታሰ ኦኔ የታኔ?» ገ ኦይቺደሰ።

11 ዮናታኔይካ ኢዛሰ፡ «አኔ ሃያ! ዳምባ ከኦሰ!» ገደሰ፤ ናምኣይካ ኦይኬቲዲ ካሪ ከዚዳ።

12 ሃሳፌ ጉዬ ዮናታኔይ ዳዊትሰ፡ «ጎዳ ኢሰራኤሌ ጸሳይ ታ ቦላ ማርካ ገደ፤ ዋንቶ ታኔ ታ አዋ ፒልጋ ኦይቻዳ ዋንቶ ዋይኮ ዋንቶፔይና ሃኒ ዋዴ ታ ኔሰ ከታና፤ ኢዚ ኔ ገሻሰ ሎኦ ቆፕዛ ገዲኮ ታ ሃሳ ኔና ኤሪሳና።

13 ገደ አተን ታ አዋይ ኔ ቦላ ኢታ ቆፕን፡ ሃሳ ታ ኔና ኤሪሰንታ አገኮኔ ኔ ሳሮን ኢዛ ኩሼፔ ከሳ ኤካ ባና ማላ ታ ኦላንታ አገኮ፡ ታ አዋይ ኔ ቦላ ጋላናሰ ቆፕዳ ኢታ የኦዛፔ አዲዳ ኢታ ጎዳይ ታ ቦላ ጋላ፤ ካሴ ጎዳይ ታ አዋራ ዲዛይሳላ ኔናራካ ደ።

14 ኔኒካ ታኒ ሽምፖራ ፓጸ ዲዛ ዋዴ አሳ ኩሼን ሃይቆንታ ማላ ኔ ታሰ ጎዳ ኪያቴላ ኦላ።

15 ጎዳይ ዳዊት ሞርኬታ ቢታ ቦላፌ ፒቲ ዳይሲዛ ዋዴካ ኔ ሎኦ ኦሶይ ታሶ አሳሰ ሙሌካ ፓጮፎ» ገደሰ።

16 ሃሳ ገሻሰ ዮናታኔይ፡ «ዳዊት ሞርኬታ ቦላ ጎዳይ ፒርዶ!» ገዲ ዳዊት ሶ አሳራ ጫቄቲደሰ።

17 ዮናታኔይ ዳዊት ባ ሽምፖ ማላ ሰቂዛ ገሻሰ፡ ሲቆፔ ዳንዲዳይሳን ዳዊት ዛሬላ ጫቄሲደሰ።

18 ሃሳፌ ቃሴ ዮናታኔይ ዳዊት፡ «ዋንቶይ አገና ጸርን ቦንቺቲዛ ባኣሌ ጋላሳ፤ ኔ ኡቲዛሶን አሲ ዳይኮ ኔ ባይንዳይሲ ኤሪታና።

19 ዋንቶፔይና ኦማርሳ ዋዴ ሃይሲ ማቶይ ማዴቲዳ ጋላስ ካሴ ቆቴቲዳሶ ባዳ ኤዜሌ ሹቻ ኣቻን ታካሻ።

20 ታኒ ቃሴ ኢሲ ሚሻ ቦላ ማሊ ዴሊዲ ጸንጊዛ ኣሳ ማላ ሃቡ ዪሽ ሹቻ ኣቻን ዲካና።

21 ሃሳፌ ጉዬ ታኒ፣ «ዪሻቲ ኤካ ያ» ጋዳ ኢሲ ና ኪታና። ናዛካ፣ «ዪሻቲ ኔፔ ሃ ባጋራ ዴቲሰ፤ ባዳ ሃ ኤካ ያ» ታ ጊኮ ዴኦ ጎዳይ ቤዪን! ኔና ኢታ ሚሺ ዴሚና፤ ማቶይካ ዴና፤ ኬዛዳ ሃያ።

22 ጊዶ ኣቲን ታኒ ናዛሰ፣ «ሄኮ ዪሻቲ ኔፔ ሄኒ ባጋራ ዴቲሰ!» ጊኮ፣ ኔ ባና ማላ ጎዳይ ኮዪዳ ጊሻሰ ኔ ቢዛሶ ባ።

23 ኮኒ ኢሶይ ኢሳራ ሃሳዬቲዳ ዮኦዛ ጊሻሰ ጎዳይ ኦ ጊዶን ማርናሰ ማርካ» ጊዶሰ።

24 ሃሳ ጊሻሰ ዳዊቲ ዋራ ጊዶን ቆቴቲዳሰ። ኣጊና ዴሮን ዴሮን ቦንቲቲዛ ባኣሌ ጋላስ ካዋ ሳኦሊ ጊቢራ ማናሰ ኡቲዳሰ።

25 ካዋዚ ካሴ ባ ኡቲዳሰን ጎዳ ኣቻን ኡቲዳሰ፤ ኣቢኔሪ ኢዛፔ ካሊዲ ኡቲዳሰ፤ ዮናታኔይካ ካዋዛፔ ሲንሳ ባጋራ ኡቲዳሰ፤ ዳዊቲ ኡቲዳሰይ ጊዲኮ ማላ ዳሰ።

26 ሳኦሊ፣ «ዳዊቲ ዋጋይ ጊዛይሳላ ኢዚ ዪዲ ጊዮንታ ማላ ኢሲ ማቶን ጋይቶንታ ኣጊቤና፤ ቲማፔ ኢዚ ጊዪቤና» ጊዲ ቆፒዳ ጊሻሰ ሄ ጋላስ ኣይኮካ ቃቲቤና።

27 ኣጊና ዴሮ ባኣሌይ ኣዲን ዋንቲላ ጋላሲካ ዳዊቲ ኡቲዳሰይ ማላ ዳሰ፤ ሂሰቲን ሳኦሊ ባ ናዛ ዮናታኔ፣ «ኢሴዬ ናይ ቃማካ ሃቲካ ሃይሳ ጊቢራን ኣይሰ ቤቶንታ ኣጊዴ?» ጊዲ ኦይቲዳሰ።

28 ዮናታኔይካ ኢዛሰ፣ «ዳዊቲ ቤቴሊሄሜ ባናሰ ታና ሚንሳ ዋሲዳሰ።

29 ኢዚካ፣ «ኦ ሶ ኣሳይ ካታማ ጊዶን ያርሾ ያርሺዛ ጊሻሲኔ ታ ኣሻይ ታኒ ሄን ቤታና ማላ ታና ኣዛዚዳ ጊሻሰ ታ ባና፤ ኔ ታሰ ሚሹቲኮ ታ ኣሻታ ቤያናሰ ባና ማላ ታና ዬዳርኪ!» ጊ ዋሲዳሰ፤ ኢዚ ሃሳ ጊሻሰ ካዋ ጊቢራዛሰን ቤቶንታ ኣጊዳሰ» ጊ ዛሪዳሰ።

30 ሳኦሊ ዮናታኔ ኬሂ ሃንቁቲዲ፣ «ሃይሶ ጌላኔ ማካላንቻ ማጫሳይ ናዘ! ኔሰ ኔ ሁኤሰ ካወሻቲላ ቃሴ ኔ ኣይይሰካ ዬላቲላ ጊዲዳ ኢሴዬ ናዛራ ኔ ላጌቲዛይሳ ታ ኤሪኪና!

31 ኢሴዬ ናይ ሸምፖራ ፓጻ ዲዛ ዋዴን ኣይዴካ ኔኒኔ ኔ ካዋቲላይ ሚኔኬታ። ኢዚ ሃይቃና ቤሲዛ ጊሻሰ ኣሰ ዬዳዳ ታሰ ሃ ኤካ ያ!» ጊዳሰ።

32 ዮናታኔይ፣ «ኢዚ ኣዛሰ ሃይቁዜ? ኣይ ሞር ኦላዴ?» ጊዲ ባ ኣዋ ሳኦሌ ኦይቲዳሰ።

33 ሳኦሊካ ዮናታኔ ዋዳናሰ ባ ቶራ ኢዛ ቦላ ጸንጊን ዮናታኔይ ኢዛ ኣዋይ ዳዊቲ ዋዳናሰ ባ ዋዚናን ቃቲ ዴንዲዳይሳ ኤሪዳሰ።

34 ዮናታኔይካ ኬሂ ሃንቁቲዲ ካላ ሚዛ ማዳፌ ዴንዲዳሰ፤ ኢዛ ኣዋይ ዳዊቲ ካወሺዳ ጊሻሰ ኣጊና ዴሮ ባኣሌ ቦንቲዳ ዋንቲላ ጋላስ ኣይኮ ካላካ ሚቤና።

35 ዋንቲላ ጋላስ ማላዶራ ኢሲ ቁሪ ና ካሌላ ኤኪዲ ካሴ ዳዊቲራ ባራቲዳሶ ቢዳሰ።

36 ናዛካ፣ «ኔ ዋጻ ባዳ ታ ዬዲዛ ዪሻታ ኢሰቲ ዋዳዳሶፔ ኮያ» ጊዳሰ፤ ናዚካ ቡር ዋላን ዲሺን ዮናታኔይ ኢሲ ዪሽ ናዛፔ ቦላራ ሲንሳ ኣላ ዬዲዳሰ።

37 ናዚካ ዮናታኔይ ዬዲዳ ዪሻዚ ዋዳዳሶ ጋኪሺን ዮናታኔይ ዴይጊዲ፣ «ዪሻዚ ኔፔ ኣዲ ቢዳሰ ዴኔ?» ጊዳሰ።

38 ኢዚካ፣ «ኤሌላ! ዋጻ! ኤቆፋ!» ጊ ዋሲ ዮቲዳሰ፤ ናዚካ ዪሻታ ሺሺዲ ባ ጎዳኮ ሲሚዳሰ።

39 ሃሳ ሄ ዴራ ዮኦዛ ኤሪዛይ ዮናታኔይኔ ዳዊቲፔ ኣቲን ናዚ ኣይኮካ ኤሪቤና።

40 ሃሳፌ ጉዬ ዮናታኔይካ ኦላ ሚሻ ሄ ናዛሰ ኢሚዲ፣ «ኔኒ ሃይሳ ኤካዳ ጌዳ ካታማ ሲማ ባ» ጊዳሰ።

41 ናዚካ ቢዳፔ ጉዬ ዳዊቲ ሹቻፌ ዲጌሃ ባጋራ ቆቴቲ ዲዛሶፔ ኬዚዲ ዮናታኔ ሲንሳን ሃቡቶ ዲጌ ቢታ ቦላ ጉፋኒ ዘጊዳሰ። ሃሳፌ ጉዬ ኢሶይ ኢሳራ ዬሪቲዳ፤ ናምኣይካ ዬኪዳ፤ ዳዊቲ ኬሂ ዬኪዳሰ።

42 ሃሳፌ ጉዬ ዮናታኔይ ዳዊቲሰ፣ « ኔሲኔ ታሰ፣ ኔ ዜሪላሲኔ ታ ዜሪላሰ ጊዶን ጎዳይ ማርናሰ ማርካ» ጊዲ ኦ ላጌቲላ ሚናና ማላ ኮኒ ጸሳ ሰንሳን ጫቁቲዳ ጊሻሰ ኔ ሃኢ ሳሮን ባ» ጊዳሰ። ሃሳፌ ጉዬ ዳዊቲ ዴንዲ ቢዳሰ፤ ዮናታኔይካ ካታማ ሲሚ ቢዳሰ።

21

ሳኦሌፔ ዳዊቲ ባቃታ

1 ዳዊቲ ቁሴ ኣሂሚሌኬይ ዲዛሶ ኖቤ ቢዳሰ፤ ኣሂሚሌኬይካ ኮኮሪሽ ዳዊቲራ ጋይታናሰ ዪዲ፣ «ኔና ኔርካ ኤሂዳይ ኣዜ? ኣሲ ባይንዳ ኣይሰ ኔርካ ያዲ?» ጊዲ ኦይቲዳሰ።

2 ዳዊቲ ቁሴ ኣሂሚሌኬሰ፣ «ካዋዚ፣ ታኒ ዪዳይ ሚሻ ጊሻሲኔ ታኒ ኢሚዳ ኣዛዘ ጊሻሰ ኣኒካ ኣይኮካ ኤርፖ» ጊ ኣዛዚዳሰ። ታና ካሊዛይታራ ታኒ ኣዋን ጋይታናኮ ኢሰታሰ ዮታ ዋላዲሰ።

3 ሂሰቲን ሃኢ ኔ ኩሽን ኣዚ ዲዜ? ኢቻሹ ኡኬላ ዋይኮ ዲዛ ኣይ ሚሽ ዲኮካ ታሰ ኢማ?» ጊዳሰ።

4 ቁሴዚካ፣ «ጮ ኣሲ ሚዛ ካላ ታኮን ዴና፤ ኔና ካሊዛይቲ ማታ ዋዴ ማጫሳታራ ጋይቶንታ ባንታና ጌሻቲላን ናጊዲ ጋምኢዳ ጊዲኮ ሃይሳን ጸሳሰ ዲማቲ ኡቲዳ ኡኬላ ዳሰ» ጊዳሰ።

5 ዳዊቲካ ቁሴዛሰ ዛሪዲ፣ «ካሴ ሎሴ ጊዲዳ ማላ ታኒ ኬዚዳ ዋዴፔ ደሚን ኮኒ ማጫሳፌ ናጌቲዳሰ፤ ጮ ቁሪ ኦሶሰ ቢሽካ ታናራ ዲዛይቲ ባንታና ጌሻቲላን ናጌቲሰ። ሂሰቲን ሃቶ ዋኒዲ ኣዲኔ!» ጊዳሰ።

6 ሃሳ ጊሻሰ ቁሴዚ ጎዳሰ ዲማቲዳ ኡኬላ ዴንሳዲ ዳዊቲሰ ኢሚዳሰ፤ ጎዳ ሲንሳፌ ዴንዲዲ ሆኦ ካላን ላሚቲዳ ኡኬላፌ ኣቲን ሃራ ካላ ሄን ዴና።

7 ሄ ጋላስ ሳኦሌ ኦሳንቻታፔ ሚሂ ሄሚዛይታ ኣላፌዚ ኤደሜ ኣሰ ዳይቁይ ሄን ጎዳ ሲንሳን ታካና ማላ ዋላዲ።

8 ዳዊቲ ኣሂሚሌኬ፣ «ካዋዚ ጉዳይ ታና ኢሶሲዳ ጊሻሰ ታ ጊላ ማሻ ጊዲን ዋይኮ ሃራ ኦላ ሚሽ ኤካ ያቤኬ፤ ሃይሳን ኔ ኣቻን ቶራይ ዋይኮ ጊላ ማሻይ ዴኔ?» ጊዲ ኦይቲዳሰ።

9 ቁሴ ኣሂሚሌኬይ ኢዛሰ፣ «ኔኒ ኤላ ሸባን ዋዳዳ ፊሊሰጾሜ ኣሰ ጎልያዴ ማሻይ ሃን ዳሰ፤ ኢዚካ ኤፋዴፔ ጉዬ ባጋራ ጫርቃን ጸጾቲ ኡቲዳሰ፤ ኔ ኢዛ ኮይኮ ኤካ፤ ኢዛፔ ኣቲን ሃራይ ኦላ ሚሺ ሃን ዴና» ጊ ዛሪዳሰ።

ዳዊትካ፡ «አዚ ማላይ ሃራይ ደንታ ገሻሽ ነኒ አዛ ታሰ ሃማ!» ገደብ።

10 ሃ ጋላስ ዳዊት ሳኦሌፔ ባቃቲዲ ጌቲ ዳሬ ካዎ እንኩሴኮ ቢደብ።

11 እንኩሴ ኦሳንቻቲ፡ «ሃይሲ ሄ ቢታይ ካዎ ዳዊት ገደብ?»

« ሳኦሌ ሺ ዎዲደብ፤

ዳዊት ገደብ

ታሙ ሺ ዎዲደብ»

ገ ማጉሊሽ አሳይ ባቢደይሲ

ሃይሲ አዛ ገደብ?» ገደብ።

12 ዳዊት ዮኦዛ ባ ዎዚናን ኦይኪዲ ጌቲ ካዎ እንኩሴሰ ኬሂ ባቢደብ።

13 ሃሳ ገሻሽ ኢሰታ ሲንፋን ዎዚናይ ባቃቲዳ አሳ ማላ ገደብደብ፤ ኢሰቲ አዛ ኦይኪዳ ማላ ካታማይ ፔንጌ ኢቤላ ቃጩሬሊሽ ቡቻ ቦላራ ባ ሳሶ ጎጊሲሽ ጎሻ አሳ ማላ ገደብደብ።

14 እንኩሴይ ባ ኦሳንቻታ፡ «ሃይሳ አዳዛ እኔ ዳሊቲ፤ አዚ ጎሻኮ! ሂሰቲን አይሰ ታኮ ኤሂዳቲ?»

15 አዚ ታ አቻን ጎያና ማላ አንቲ ታኮ ሃይሳ ኤሂዳይ ታሰ ሃይሳ ማላ ጎሻ ዳይኔ? ሃይሳ ማላ አሲ ታ ኬላ ጌላናሰ ቤሲዜ?» ገደብ።

22

1 ዳዊት ጌቲፔ አዲላማ ጎንጎሎን ቢደብ፤ አዛ አሻቲኔ አዛ አዎ ሶ አሳይ ሃሳ ሲደዲ ዲጌ አዚ ዲዛሶ ዎዲደብ።

2 ማቶቲዳይቲ፡ አጮራ ዲዛይቲኔ ዲሳይ አቲዳይቲ 400 ገዳና አሳቲ አዛኮ ሸቂዳ፤ አዚካ ኢሰታ ካሌሊዛይሳ ገደብደብ።

3 ዳዊት ሃፔ ዳንዲዲ ሞኦቤ ዳሬን ዲዛ ማጸጸ ቢደብ፤ ሞኦቤ ካዎስ፡ «ጸሲ ታሰ ኦሳናይሳ ታ ኤራና ጋካናሰ ታ አዎይኔ ታ አያ ሃ ደዲ ኔ አቻን ዳና ማላ ፒቃዳ አማርኪ!» ገደብ።

4 አዚካ ኢሰታ ሞኦቤ ካዎ አቻን ዎሊደብ፤ ዳዊት ማጸጸን ዲዛ ላይላታ ኩሜላ ኢሰቲ ሄን ጋምኢዳ።

5 ገደ አቲን ናቤ ጋይይ ዳዊቲ፡ «ሚጸን ጋምኦፋ፤ ዩሁዳ ቢታ ጌላ» ገደብ። ሃሳ ገሻሽ ዳዊት ዳንዲ ቢዲ ሄራቲ ዎራን ጌሊደብ።

ናቤ ቁሴታ ሃይቆ

6 ሳኦሌ ዳዊቲኔ አዛራ ዲዛ አሳይ ቤቲዳይሳ ሲደዲ ገቢኦ ዙምቡላ ቦላ ዲዛ ታማርሲኬ ጌቲቲዛ ማላ ጋርሳን ባ ቶራ ኩሽን ኦይኪ ኡቲ ዲሺን አዛ ሹማቲ ኡባይ አዛ ዩዩ አዲ ኤቂ ኤቂዳ።

7 ሳኦሌ ኢሰታሰ፡ «አንቴና ቢኒያማ አሳቶ ሲዩቲ! አሴዬ ናይ ጎሻ ጋዴኔ ዎይኔ ቶኪዛሶሆ አንቴሰ ቱሙ አማኔ? አዚ አንቴና ኡባታካ ሻላቃታኔ ማቶ ሃላቃታ ሂሰቲ ሹማኔ?»

8 አንቴ ታ ቦላ ዲላቲዳይ ሃይሳሴ? ታ ናዚ አሴዬ ናዛራ ጫቁቲዳይሳ ኦኒካ ታሰ ዮቲቤና፤ አዚ ሃቶ ኦሊዛይሳ ኡባ፡ ታ ናዚ ታ ኦሳንቻታ ታ ቦላ ዳንጌሊዳይሳ አንቴሬ ኦኒካ ታሰ ማሽቲዲ ዮቲቤና» ገደብ።

9 ሄ ዎዳ ሄን ዲዛ ሳኦሌ ሹማታራ ኤቂ ዲዛ ኤደማ አሰ ደይቁይ፡ «አሴዬ ናይ ናቤን ዲዛ አሂጹቤ ና አሂማሌኬኮ ዩሺን ቤአዲሰ።

10 አሂማሌኬይ አዛ ገሻሽ ጎዳ ኦይቺደብ፤

ሂሰቲዲ ሺንቁኔ ፊሊሰጾማ አሰ ጎላያዳ ገላ ማሻ አዛሰ አሚደሰ» ገ ዮቲደብ።

11 ሃሳሬ ጉዬ ካዎዚ ቁሴ አሂጹቤ ና ቁሴ አሂማሌኬ፡ ናቤን ዲዛ ቁሴታ ባ አዎ ኬላ አሳ ኡባሰ ኪታ ዩዲ ዳይገን ኡባይካ ካዎዛኮ ዩዳ።

12 ሳኦሌ፡ «ሃይሶ አሂጹቤ ናወ! ሲያ» ገደብ።

አሂማሌኬይካ፡ «ኤሮ፡ ታ ጎዳወ» ገደብ።

13 ሳኦሊካ፡ «ሃቶ አዚ ታ ቦላ ኦሊዛ ኡባላ፡ ታ ቦላ ማካሊዛይሳላኔ ታ ጌደን ኤቂዛይሳላ ካሊኔ ማሻ አሚዲ አዛሰ ጸሰ ዎሲዲ አሴዬ ናራ ታ ቦላ አይሰ ዲላቲዳቲ?» ገደብ።

14 አሂማሌኬይ ካዎዛሰ፡ «ካዎዛ ቦሎይ፡ ኔ ቦንቾ ዛቤታ አዛዚዛይሰኔ ኔሶ አሳ አቻን ኬሂ ቦንቾቲዳ ዳዊቲ ማሳቲዛ አማኔቲዳ ኦሳንቻይ ኔ ኦሳንቻታ ጋርሳን ዲዛይ ኦኔ?»

15 ታ አዛሰ ጸሰ ኦይቺሺን ሄ ጋላሳይ ኮይር ጋላሴ? ሙሉካ ገደና፤ ሃይሳ ሃ ዮኦዛ ኔ ኦሳንቻይ ታ ኤሪዛ አይኮ ማሽ ባይንዳ ገሻሽ ካዎይ ታና ባ ኦሳንቻዛ ዎይኮ ታ አዎ ሶ አሳፔ ኦናካ ሞራንቻ ኬሶፎ» ገደብ።

16 ካዎዚ ዛሪዲ አዛሰ፡ «አሂማሌኬ! ነኒኔ ኔ አዎ ሶ አሳይ ኡባይ ሃይቃንዳታ!» ገደብ።

17 ሃሳሬ ጉዬ ካዎዚ ባ አቻን ኤቂዳ ዛቤታ፡ «ሃይቲካ ጎዳ ቁሴቲ ዳዊቲራ ኢሲኖ ገደዲ አዚ ባቃቲዳይሳ ታሰ ዮቶንታ አገዳ ገሻሽ ኢሰታ ገደሊ ዎዲቲ» ገ አዛዚደብ። ካዎ ሹማቲ ገደኮ ባ ኩሽ ጎዳ ቁሴታ ቦላ ዳንጌዲ ሹጫናሰ ኮዩቤቲና።

18 ካዎዚ ደይቁ፡ «ሂሰቲኮ ነኒ ቁሴታ ገደላዳ ዎዳ» ገ አዛዚደብ፤ ኤደማ አሰ ደይቁይ ኢሰታ ገደሊ ዎዲደብ፤ አዚ ሄ ጋላሰ ኤፋዳ ማይኢዳ 85 ቁሴታ ዎዲደብ።

19 ቁሴታ ናቤ ካታማን ማሻን ወርሲደብ፤ ሄን ዲዛ ማጫሳታኔ አቲማታ፡ ናይታኔ ቡር ዳሚዛይታ፡ ሃሳላካ ቦራታኔ ሃራታ፡ ደርሳታ ኡባ ገላ ማሻን ሲፊደብ።

20 ገደ አቲን አሂጹቤ ና አሂማሌኬ ናይ አቢያታራይ ኬሲ ኤኪዲ ዳዊቲኮ ባቃቲደብ።

21 አዚካ ሳኦሌ ጎዳ ቁሴታ ዎዲዳይሳ ዳዊቲሰ ዮቲደብ።

22 ዳዊት አቢያታራሰ ዛሪዲ፡ «ሄ ዎዳ ኤደማ አሰ ደይቁይ ሄን ዲዛ ገሻሽ አዚ ሳኦሌሰ ዮታናይሳ ታ ኤራዲሰ፤ ወሪዳ አንቴሶ አሳ ኡባ ገሻሽ ታ ኦይሹታና።

23 ኔ ሃኢ ታናራ ዳሻ፤ ባቦፋ፤ ኔ ሹምፖ ዎዳና ኮይዛይይ ታ ሹምፖ ዎዳና ኮይዛይ ማላ፤ ነኒ ታናራ ኢሲሬ ሳሮን ዳኦንዳሳ» ገደብ።

23

ዳዊት ቁኦላ አሺዳ አሾ

1 ሃሳሬ ጉዬ፡ «ፊሊሰጾማ አሳይ ቁኦላን ኦላ ዳንጌዲ ቡኬቲዛ ካላ ባሌፔ ቦንቁሽ ዳቲሰ» ገደብ ዳዊቲሰ ዮቲደብ።

2 ዳዊት፡ «ሃይሳ ፊሊሰጾሜ አሳ ኦሎ?» ገዲ ጎዳ ኦይቺዳ። ጎዳይካ፡ «ባ፤ ፊሊሰጾሜታ ሾጫ፤ ቁኔላካ አሻ» ገዴ።

3 ዳዊት አሳይ ገዲኮ፡ «ሃይሳን የሁዳ ቢታን ዲሾ ባቦስ፤ ፊሊሰጾሜ ኦላንቻታ ኦላናስ ቁኔላ ቢዛ ገዲኮ አይ ማላ ኦና ባቢሳኔ?» ገዴ።

4 ዳዊት ቃሴካ ጎዳ ዛሪ ኦይቺዳ። ጎዳይካ ኢዛስ፡ «ታኒ ፊሊሰጾሜ አሳ ኔ ኩሼን አላ ኢማና፤ ሃሳ ገሻሰ ኔ ዲጌ ቁኔላ ዋዳ» ገዴ።

5 ሃሳ ገሻሰ ዳዊትኔ ኢዛ ካሊዛይቲ ቁኔላ ቢዲ ፊሊሰጾሜ አሳ ኦሊዳ፤ ኢስታ ማሃካ ዲኢዳ፤ ፊሊሰጾሜታ ቦላ ገታ ቆሆ ጋሊዳ፤ ዳዊት ቁኔላ ዴሪ አሽዴ።

6 አሃሜሌኬ ና አቢያታሬይ ዳዊትኮ ቁኔላ ባቃቲሾ ባ ኩሼን ኤፋዴ ኦይኪ ቢዴ።

7 ዳዊት ቁኔላ ቢዳይሳ ሳኦሊ ሲዱዲ፡ «ዳዊት ሳንቃኔ ቢራታ ኮላታቲ ዲዛ ካታማ ጌሊዳይሲ ኢዚ ባርካ ባና ቃቺዳ ማላ ገዲዳ ገሻሰ ኢዛ ጸሲ ታ ኩሼን አላ ኢማዴስ» ገዴ።

8 ሃሳ ገሻሰ ሳኦሊ ባ ኦላንቻታ ዴይገዲ ዲጌ ቁኔላ ዋዳዲ ዳዊትኔ ኢዛ ኦላ አሳ ገደላና ማላ አዛዚዴ።

9 ዳዊትካ ሳኦሊ ኢዛ ቦላ ኢታ ቆፒዳይሳ ኤሪዲ ቁሴ አቢያታሬ፡ «ኤፋዴዛ ሃማ» ገዴ።

10 ሃሳሬ ጉዬ ዳዊት፡ «ጎዳ ኢስራኤሌ ጸሳዉ! ሳኦሊ ቁኔላ ዱዲ ታ ጋሶን ካታማዮ ዳይሳናስ ቆፒዳይሳ ኔ አይሌይ ታ ሎኤላ ሲያዲሰ።

11 ሂሰቲን ቁኔላ አሳይ ታና ሳኦሊስ አላ ኢማኔ? ታኒ ኔ አይሌይ ሲዱዳይሳ ማላ ሳኦሊ ሃ ዲጌ ዋዳ፤ ጎዳ ኢስራኤሌ ጸሳዉ! ታስ ኔ አይሌዛስ ኔ የታና ማላ ታ ኔና ዋሳይሰ» ገዴ። ጎዳይካ፡ «ኤ ኢዚ ዲጌ ዋዳና» ገዴ።

12 ዳዊት ቃሴካ፡ «ቁኔላ አሳይ ታና ኔ ታ አሳ ሳኦሊስ አላ ኢማኔ?» ገዴ ኦይቺዳ። ጎዳይካ፡ «ኤ ኢስቲ አንቲና አላ ኢማና» ገዴ።

13 ሃሳ ገሻሰ ዳዊትኔ 600 ገዲዛ አሳቲ ቁኔላፕ ዴንዲዲ ባናስ ዳንዲይዛ ኡባሶ ቢዳ፤ ዳዊት ቁኔላፕ ባቃቶይሳ ሳኦሊ ሲዱዲ ሃ ቡሳ አጋገዴ።

ዳዊት ባዘ ቢታን ዙምቡላታ ቦላ ዴኢዳ ዴኦ

14 ዳዊት ባዘን ዲዛ ሚጸታኒኔ ዚሬ ባዘን ዙምቡላታ ቦላ ዴኢዳ። ሳኦሊ ኢዛ ኡባ ጋላስ ካሌቲስ፤ ገዴ ኦቲን ጸሲ ዳዊት ኢዛስ አላ ኢማቤና።

15 ዳዊትካ ዚሬ ባዘን ሆሬሾ ጌቲቲዛሶን ዲሾ ሳኦሊ ኢዛ ዋዳናስ ዱዳይሳ ቤኢዴ።

16 ሳኦሊ ና የናታይይ ዳዊት ዲዛሶ ቢዲ ጸሳ ሱንላን ኢዛ ሚንሌላዴ።

17 ኢዘካ፡ «ባቦፋ! ታ አዋ ሳኦሊ ባ ኩሼ ኔ ቦላ ዋዳና፤ ኔኒ ኢስራኤሌ ቦላ ካዋታና፤ ኔፕ ካላዳ ታ ናምአንፍ ካዋ ገዳና፤ ታ አዋ ሳኦሊካ ሃሳ ኤሬስ» ገዴ።

18 ናምአይካ ጎዳ ሲንላን ጫቁቲዳ፤ ሃሳሬ ጉዬ የናታይይ ባሶ ሲሚ ቢዴስ፤ ዳዊት ገዲኮ ሃን ሆሬሾን ኡቲዴ።

19 ዚሬ አሳይ ሳኦሊኮ ገቢኦ ኬዚዲ፡ «ሃኮ ዳዊት ዬሴሞኔፕ ዲጌሃ ባጋራ ሃካሊያ ዙምቡላ ቦላ ዲዛ ሆሬሾ ሚጸታን ቆቲቲ ዴስ ገዴኔ?»

20 አቤት ካዋ ሃኢ ገዲኮ ኔና ኡፋይሲዳ ጋላስ ያ አቲን ካዋዛስ ኦ ኢዛ አላ ኢማና ዴስ» ገዴ።

21 ሳኦሊ ኢስታስ፡ «አንቲ ታስ ሚሼቲዳ ገሻሰ ጎዳይ ኢንቲና አንጅ!

22 ሃኢ ሲሚ ቢዲ ኢዚ አዋን ዲዛኮ ኤሪቲ፤ ሃን ኢዛ ቤኢዳ አስ ሻኪ ኤሪቲ፤ ኢዚ ኬሃ ጫንጫ አስ ገዲዳይሳ ታ ሲያዲሰ።

23 ኢዚ ቆቲቲዛሶሆታ ኡባ ቤኢዳፕ ጉዬ ቆንጩራ ቤሲዛ ሃናታ ኤኪ ታኮ ዩቲ፤ ታኒካ ኢንቲናራ ባና፤ ኢዚ ዴላ ዶ አቲን የሁዳ ቆሞታ ገዴን ኢዚ ጌሊዳ ኦላሬ ታ ጌላ ኬሳና» ገዴ።

24 ሃሳ ገሻሰ አሳቲ ሳኦሊፕ ሲንላቲ ዴንዲዲ ዚሬ ቢዳ፤ ሃ ዋዳ ዳዊትኔ ኢዛራ ዲዛ አሳቲ ዬሴሞኔፕ ዲጌሃ ባጋራ አራቤን ዲዛ ማኦኔ ባዘን ዴቲስ።

25 ሳኦሊኔ ኢዛ አሳቲ ዳዊት ኮያና ቢዳ፤ ዳዊትካ ሃሳ ሲዱዲ ዲጌ ዛላኮ ዋዳዲ ማኦኔ ባዘን ኡቲዴስ። ሳኦሊ ሃሳ ሲዱዲ ማላ ዳዊት ጎዳሼ ማኦኔ ባዘ ቢ ጌሊዴ።

26 ሳኦሊ ዙማስ ኢሲ ባጋራ ገዲ ጎዳሼን ዳዊትኔ ኢዛራ ዲዛ አሳቲ ዙማስ ሃንኮ ባጋራ ሳኦሊፕ አታናስ ዋዳቲስ። ሳኦሊኔ ሳኦሊ ኦላንቻቲ ዳዊትኔ ኢዛራ ዲዛ አሳታ ኦይካናስ ኡንኤላዳሼን።

27 ኢሲ አሲ ቃሰታኔ ሳኦሊኮ ዩዲ፡ «ፊሊሰጾሜቲ ዴራ ቦላ ዋራጂዳ ገሻሰ ኤሶን ጋካ» ገዴ።

28 ሂሰቲን ሳኦሊ ዳዊት ጎዳዲይሳ አገዲ ፊሊሰጾሜታራ ኦሌታናስ ቢዴስ፤ ሃሳ ገሻሰ ሃ ሶሆዛ፡ «ሻኬቲላ ዛላ» ገ ሱንላዳ።

29 ዳዊት ሃፕ ጉዬ ኬዚዲ ኤን-ጋዴ ሚጸታን ኡቲዴ።

24

ሳኦሊስ ዳዊት ቃዴቲላ

1 ሳኦሊ ፊሊሰጾሜታ ኦሊ ሲሚዳፕ ጉዬ፡ «ቤኦ ዳዊት ኤን-ጋዴ ባዘን ዴስ» ገዴ ኢዛስ የቲዳ።

2 ሃሳ ገሻሰ ሳኦሊ ኩሜላ ኢስራኤሊፕ ዶሬቲዳ 3,000 አስ ኤኪዲ ዳዊትኔ ኢዛራ ዲዛ አሳታ ኮያና፡ «ዋራ ዴይሻታ ዛላ» ጌቲቲዛሶ ማታ ቢዴስ።

3 ሳኦሊ ኦጌ ዶናን ዶርሳቲ አቁዛሶ ጋኪዳ ዋዳ ሃን ጎንጎሎ ዴሚዲ ሾሽ ኡታና ጌሊዴስ፤ ዳዊትኔ ኢዛ ካሊዛይቲ ጎንጎሎዛስ ገዴን ቆቲቲ ኡቲዳ።

4 ዳዊት ካሊዛይቲ ዳዊት፡ «ጎዳይ፡ ሲ ዶሲዳይሳ ኦላና ማላ ኔ ሞርኬዛ ታ ኔ ኩሼን አላ ኢማና» ገዴ ካሴ ኔስ የቲዳ ጋላሳያ ሃቻ» ገዴ። ዳዊት ቲራን ጎሼቲ ቢዲ ሳኦሊ ማይኦ ጴራፕ ኦኒካ ኤሮንታ ቃንጺ ኤኪዴ።

5 ገዴ አቲን ዳዊት ሳኦሊ ማይኦ ጴራ ቃንጺዳይሳን ኢዛ ዋዘናይ ኬሃ ጩጩዴ።

6 አሳታሰካ፡ «ጎዳይ ቲይዳ ታ ጎዳ ቦላ ሃሳ ማላ ኦሶ ኦላናፕኔ ኢዚ ቲይዳይሳ ቦላ ታ ኩሼ ዴንላናፕ ጎዳይ ታና ናጎ» ገዴ።

7 ዳዊት አሳ ሃ ቃላን ሴሪዴስ፤ ሳኦሊ ቦላካ ኢስቲ ሚቶ ጋላይሳ ኮዩቤና፤ ሳኦሊካ ጎንጎሎዛ ገዴሬ ኬዚ ቢዴስ።

8 ሃሳሬ ጉዬ ዳዊት ጎንጎሎዛ ገዴሬ ኬዚዲ ሳኦሊ፡ «ታ ጎዳ ካዋ!» ገ ዴይገዴስ፤ ሳኦሊካ ጉዬ

ሰሚ ያሌሽን ዳዊት ባ ኩሼ ዳንጢዲ ዘገሸን ቤኢዳስ፤

9 ዳዊት ሳኦሌስ፡ «አሳይ፡ <ቤያ ዳዊት ኔ ቦላ ኢታ ኦላና ኮዬስ> ገሸን ኔ ኣይስ ኢስታ ሲያይ?

10 ሃኛ ጎንጎሎ ገደን ኔና ታ ኩሼን ዋስቲ ኣሉ ኢሚዳኮ ሃኮ ኔኒ ኔ ኣይፊራ ቤኣዳሳ፤ ኢሲ ኢሲ አሳቲ ታ ኔና ዋዳና ማላ ዳንጢዳ፤ ገደ ኣቲን ታኒ፡ ሳዳይ ቲይዳ ታ ጎዳ ቦላ ታ ኩሼ ዋሊኬን ጋዳ ታ ኔስ ቃዲታዲስ፡፡

11 ታ ኣዋወ ኔ ማይኦዛ ዳራፔ ቃንጾቲዳይሳ ሃይሳ ታ ኩሼን ቤኣ! ኔስ ማይኦ ዳራፔ ቃንጾ ኤካዲስ ኣቲን ኔና ዋዳቤኬ፡፡ ሃኢካ ታኒ ኢታቲል ዋይኮ ማካላቲል ኦሎንታይሳ ኔ ኤራ፤ ሃሳ ኔ ዋዚናን ዋላ፤ ታ ኔ ቦላ ኢታ ኦላቤኬ፤ ኔኒ ገዲኮ ታ ሸምፖ ዳይሳናስ ጎዳሳ፡፡

12 «ሳዳይ ኔ ገደኒኔ ታ ገደን ፐርዶ፡፡ ኔኒ ኢታ ኦሊዳ ገሸስ ጎዳይ ኔ ቦላ ሃሎ ኬሶ ኣቲን ታ ኔ ቦላ ኩሼ ዋሊኬ፡፡

13 ካሴ ዋዳ ቶሴን፡ <ኢታ ኦሊዳይታፔ ኢታይ ኬዜስ> ጌቲቲዛ ማላ ሃኢ ታ ኩሼይ ኔና ቦቼና፡፡

14 «ኢሰራኤል ካዋይ ኦና ቦላ ኬኢዳ? ኔኒ ኦና ጎዳይ? ሃይቁዳ ካና ዋይኮ ካስቶሌ ጎዳይ?

15 ሃኢካ ኩ ገደን ጎዳይ ዳና ገዲ ፐርዶ፡፡ ታ ዮኦዛ ዳሊዲ ታ ገሸስ ኢዚ ሞቲቶ፡፡ ታናካ ኔ ኩሼፔ ኬሲ ኤኪዲ ታ ቲማቲል ኢዚ ቆንጫሶ» ገደሰ፡፡

16 ዳዊት ሃሳ ሃሳይዲ ወርሲዳ ማላ ሳኦሌ፡ «ታ ና ዳዊቲ! ኣዳፊ ሃይሲ ኔ ቃላ?» ገዲ ዩኪሼ ኦይቼዳስ፡፡

17 ካሌዲ ሳኦሌ ዳዊቲስ፡ «ታ ኔ ቦላ ኢታ ኦሊሽን ኔ ታስ ሎኦ ኦሊዳ ገሸስ ኔ ታፔ ጸሎ፡፡

18 ኔ ታስ ኦሊዳ ሎኦ ሚሺ ሃኮ ታስ ዮታዳሳ፤ ጎዳይ ታና ኔ ኩሼን ኣሉ ኢሚዳስ ሸን ኔ ታና ዋዳቤካ፡፡

19 ባ ሞርኬ ዳሚዲ ኢዛ ቦላ ቆሆ ጋሶንታ ዲሼ ዩዲዳይ ኦኔ? ኔኒ ሃኛ ታስ ኦሊዳ ኪያቲል ኩሼ ጎዳይ ኔስ ዛር፡፡

20 ቤያ ቱማፔ ኔኒ ካዋታናይሳ ኢሰራኤል ካዋቲል ኔ ኩሼን ሚናናይሳ ታ ኤራይስ፡፡

21 ኔኒ ታ ዜሬሳታ ዳይሶንታ ማላ ኔ ታ ሱንሳ ታ ኣዋ ኬላፊ ዳይሶንታ ማላ ጎዳ ሱንሳን ጫቃ» ገደሰ፡፡

22 ዳዊቲካ ሳኦሌስ ጫቁዳስ፡፡ ሃሳፊ ጉዬ ሳኦሌ ባ ሶ ሰሚ ቢዳስ፤ ዳዊቲኔ ኢዛ ካሊዳይቲ ካሴ ባ ቆቲቲዛ ሚጸን ሰሚ ኬኢዳ፡፡

25

ዳዊቲ፡ ናባሌ ኣብገያ

1 ሳሚሊ ሃይቁዳስ፤ ኩሚሳ ኢሰራኤል ኣሳይ ኢሲ ቦላ ሸቁዲ ኢዛስ ዩኪዳስ፤ ሃሳፊ ጉዬ ኤራማን ዲዛ ኢዛሶ ኤፊዲ ኢዛ ሃን ሞገዳ፡፡

ሃሳፊ ጉዬ ዳዊቲ ዲጌ ማኦኔ ባዘ ቢዳስ፡፡

2 ማኦኔ ቢታን ቃርሜሎሴን ኣቆታራ ዲዛ ኢሲ ዳራ ኣሲ ዳስ፤ ኢዛስ 1,000 ዳይሻቲኔ ኢሰኬይ ቃንጾቲዛ 3,000 ዳርሳቲ ዳቲስ፡፡

3 ኣዳዛ ሱንሳ ናባሌ፡ ማቼይ ሱንሳ ኣቢጋሎ ጌቲቲስ፡፡ ኢዛ ኣክካንቻኔ ኬሃ ማላ ሎኦ ማጫሳ፤ ኢዚ ኣዚናዚ ገዲኮ ቦዛኔ ኢታ ኦሊዳ ኣሳ፡፡ ኢዚ ካሌቤ ባጋ ኣሳ፡፡

4 ዳዊቲ ባዘን ዲሼ ናባሌይ ባ ዳርሳታ ኢሰኬ ቃንጾዛይሳ ሲዩዳስ፡፡

5 ኢዚካ ታሙ ናቲላ ናይታ፡ «ናባሌኮ ፑዳ ቃርሜሎሴ ኬዚቲ፤ ታ ሳርካ ኢዛስ ጋሊቲ፡፡

6 ኢዛስ፡ <ሸምፖ ጋምኣ! ሳርይ ኔስ ገደ፤ ሳርይ ኔሶ ኣሳሲኔ ኔስ ገዲዳ ኡባስ ገደ፡፡

7 ሃኢ ኔኒ ዳርሳታ ኢሰኬ ቃንጾዛይሳ ታኒ ሲያዲስ፡፡ ኔ ሚሃዛ ሃሚዳይቲ ካሴ ኩናራ ዲዛ ዋዳ ኡባን ኩ ኢስታ ቦላ ኣይኮ ኢታካ ጋሊቤኮ፡፡ ኢስቲ ቃርሜሎሴን ዲዛ ዋዳ ኡባን ኢስታፊ ዳይዳ ኢሲ ሚሺካ ዳና፡፡

8 ሃሳ ኔኒ ኔ ኣሳንቻታ ኦይቻ፤ ኢስቲ ኔስ ዮታና፡፡ ሃኛ ኩኒ ሎኦ ጋላስ ዩዳ ገሸስ ሃ ናቲላ ናይቲ ኔ ሲንሳን ቦንቼቲቶ፡፡ ሾቤ ኔና ኔ ኣይሌታሲኔ ኔ ና ዳዊቲስ ኔስ ዳንዳይቲዛ ማላ ኩሰ ኢማ» ገቲ» ገደሰ፡፡

9 ዳዊቲ ከቲዳ ኣሳቲ ሃ ጋኪዳ ማላ ዳዊቲ ከታ ናባሌስ ዮቲዳፔ ጉዬ ዛር ናጎ ደሚዳ፡፡

10 ናባሌይ ዳዊቲ ኣሳንቻታስ፡ «ዳዊቲ ኢዚ ኦኔ? ኢሴዬ ናይ ኢዚ ኦኔ? ሃይሳ ሃ ዋዳዘን ባንታ ጎዳታፔ ባቃቲ ቢዛ ኦሳንቻቲ ዳር፡፡

11 ሂሰቲን ታኒ ታ ካሊኔ ታ ሃላ፡ ታ ዳርሳታ ኢሰኬ ቃንጾዛይታስ ታ ሹኪዳ ኣሾ ኢስቲ ኣዋፔ ዩዳኮ ኤሬቶንታ ኣሳሰ ታኒ ኣዛስ ኢማ?» ገደሰ፡፡

12 ዳዊቲ ከቲዳ ኣሳቲ ጉዬ ሰሚ ቢዲ ጋኪዳ ማላ ናባሌይ ኢስታስ ገዲይሳ ኡባ ዳዊቲስ ዮቲዳ፡፡

13 ዳዊቲካ ኣሳታስ፡ «ኣኔ ኡባቲካ ኢንቲ ገላ ማሻ ገደቲ» ገደሰ፡፡ ሃሳ ገሸስ ኡባይካ ባ ማሻ ማሻ ገደዲ፤ ዳዊቲካ ባ ማሻ ገደዲ፡፡ 400 ገደና ኣሲ ዳዊቲ፡ ኬኢሽን 200 ገደና ኣሲ ኢስታ ሚሻ ናጋናስ ጉዬ ኣቲዳስ፡፡

14 ናባሌ ኣይሌታፔ ኢሶይ ኢዛ ማቸ ኣቢጋሊስ፡ «ቤኣ፡ ዳዊቲ ባ ዲዛ ባዘፊ ኩ ጎዳኮ ኣስ ሳርካራ ጋሊ ዩዲዳስ፡፡ ገደ ኣቲን ኢዚ ኢስታ ጫሽ ካልሲዳስ፡፡

15 ሃ ኣሳቲ ኬሃ ሎኦ ኣሳ፤ ኩ ቦላ ኣይ ቆሆካ ጋሊቤቲና፡፡ ባዘን ኩ ኢስታራ ዲዛ ዋዳ ኩስ ኣይኮይካ ዳይቤና፡፡

16 ኩኒ ኩ ሚሃታ ሃሚሼ ኢስታራ ዲዛ ዋዳ ኡባን ጋላስ ገደን ኦማርስ ኢስቲ ኩስ ዲርሳ ገዲዳ፡፡

17 ሃኢ ኩ ጎዳ ቦላኔ ኢዛሶ ኣሳ ቦላ ሜቶይ ኣላንጢሼ ዲዛ ገሸስ ኔኒ ዩሻ ቆፓዳ ኦላናስ ቤሲዳይሳ ኦላ፡፡ ኢዚ ገዲኮ ሃሳ ማላ ቦዛ ኣስ ገዲዳ ገሸስ ኢዛስ ጸሊ ዮታና ኢሳይይካ ዳና» ገደሰ፡፡

18 ኣቢጋላ ጋምኦንታ ዳሼ ኤሌላዳ 200 ሶሎ፡ 2 ሉካሞ ኩሚሳ ዋይኔ ኡሹ፡ 5 ዳርሳ ኣሾ ጸጸ፡ 17 ኪሎ ቲያ ጫጫ፡ 100 ወርጮ ዋይኔ ኣይፊኔ 200 ባላሴ ሚላ ኣይፊፔ ኡኬቲዳ ቁሪ ኡኬል ኢሲ ቦላ ሸሻ ኤካዳ ሃሪ ቦላ ጫናዲስ፡፡

19 ሃሳፊ ጉዬ ባ ኣይሌታ፡ «ኢንቲ ታፔ ሲንሳቲ ቢቲ፤ ታኒካ ኢንቲ ጉዬራ ጋካና» ጋዲስ፡፡ ገደ ኣቲን ባ ኣዚና ናባሌስ ኣይኮካ ዮታቤኮ፡፡

20 ኢዛ ባ ሃሪዛ ቶጋዳ ዲጌ ዙሌዛ ዋዲሽን ዳዊቲኔ ኢዛ ካሊዳይቲ ኢዚኮ ዲጌ ዋዲዳ፤ ኢዛካ ኢስታ ዳማዲስ፡፡

21 ዳዊቲ፡ «ኢዛ ሚሻፊ ኢሲናካ ዳዮንታ ማላ ሃይሳ ኣዳዛ ኣቆታ ባዘ ቢታን ታ ናገዳይ ጮ ሃዳ

ጊዲዳስ። ታ ኢዛስ ሎኦ ኦሊዳይሳ ኩሼ ኢዚ ታስ ኢታ ዛሪዳስ።

22 ዋንቶ ማላዶ ኢዛ ኣሳፔ ኢሳዳካ ታ ሹምፖራ ፓጻ ኣጊኮ ጸሲ ታ ቦላ ሃሳ ማላ ኦሎ፤ ሃሳፊካ ኣጲዛ ኢታ ሚሽ ኦሎ» ጊዳስ።

23 ኣቢጋላ ዳዊቲ ዳሚዳ ማላ ሃራካ ሃሬዛ ቦላፊ ዋዳዳ ዳዊቲ ሲንሳን ጉፋናዳ ኩሼ ዳንላዲስ።

24 ኢዛ ሃን ዳዊቲ ቶሆ ቦላ ኩንዳዳ፣ «ታ ጎደ! ኢዛ ሞርይ ታ ቦላ ቆዳቶ፤ ሾቤ ታኒ ኔ ኣይሌይ ኔስ ኮታና ጊዛይሳ ሲያርኪ!

25 ታ ጎደ! ሃሳ ቦዛ ናባሌ ፓጻ ሚሻን ቆዶፓ! ኣዳዛስ ሱንሳ ቢርሸሌ ኤያ ጉስ ጊዲዳ ጊሻስ ኢዚካ ባ ሱንሳ ማላ ኤያ! ኤያቴሌካ ኢዛራ ጋምኢዳስ። ታኒ ኔ ኣይሌያ ጊዲዳ ኔ ታ ጎዳይ ከቲዳ ናቴሳታ ቤያቤኬ። *

26 «ታ ጎደ! ዳኦ ጎዳይ ቤዩን! ኔ ኣሾ። ሱሉ ጉሳናፔ ኔርካ ኔ ሃሎ ኬሳናፔ ኔና ናጊዳይ ጎዳ። ሃኢካ ኔ ሞርኬቲኔ ታ ጎዳ ቆሃና ኮይዛይቲ ኡባይ ናባሌ ማላ ጊዳቶ።

27 ታ ኔ ኣይሌያ ታ ጎዳስ ኤሂዳ ሃ ኣሞታይ ኔና ካሊዛ ሃ ናቴሳታስ ኢሚቶ።

28 ታ ጎዳይ ኦላ ኦሌቲዛ ጊሻስ ጎዳይ ታ ጎዳ ካዋቲሳ ቱማፔ ኢዚ ሚርናስ ኢዛስ ሚንሳና። ሃሳ ጊሻስ ታና ኔ ኣይሌይ ቆሆ ታስ ኣቶ ጋ። ኔኒ ሹምፖራ ፓጻ ዲዛ ዋዳ ኡባን ኢታቴሌ ኔፔ ቤቶፎ።

29 ኣይ ኣሲካ ኔ ሹምፖ ዳይሳናስ ጎዳኮካ ታ ጎዳ ሹምፖይ ዳኦን ዲዛይታ ኢሲፊቲሳ ጊደን ጎዳ ኔ ጸሳ ማታን ሳሮን ናጌታና። ጊደ ኣቲን ኔ ሞርኬታ ሹምፖ ሹቶ ያንባርሻን ጫዲዛ ማላ ጫዳና።

30 ጎዳይ ታ ጎዳስ ኢሚዳ ሂደታ ቃላ ማላ ሎኦ ሚሽ ኡባ ኦሊዳ ዋዳ ኢሲራኤሌ ቦላካ ኢዚ ኔና ካዋሉዳ ዋዳ።

31 ኔኒ ሃዳን ጉሲዳ ሱሉ ዋይኮ ኔ ኩሼን ኔኒ ሃሎ ኬሲዳዚ ደንታ ጊሻስ ታ ጎዳይ ዋዚናን ጨጫና ሃናይ ኔ ዋዳታና ሚሽ ዳና። ጎዳይ ኔስ ሎኦ ኦሊዳ ዋዳ ታና ኔ ኣይሌዮ ባሎፓ» ጊዳስ።

32 ዳዊቲካ ኣቢጋሊስ፣ «ሃቶ ኔ ታናራ ጋይታና ማላ ኔና ታኮ ከቲዳ ጎዳ ኢሲራኤሌ ጸሳይ ጋላቲቶ።

33 ታኒ ኣሳ ሱሉ ጉሶንታ ማላ ኔ ታ ኩሼን ሃሎ ኬሶንታ ማላ ሃቶ ኔ ታና ናጊዳ ጊሻሲ ኔ ሎኦ ቆፋ ጊሻስ ኔኒካ ኣንጃታ።

34 ታ ኔ ቦላ ሚቶ ጋላንታ ማላ ታና ናጊዳ ዳኦ ጎዳ ኢሲራኤሌ ጸሳይ ቤዩን! ኔኒ ሃይሳላ ኤሶን ታኮ ያዳ ታና ዳሞንታኮ ጋዴይ ዋንታናስ ናባሌስ ኢሲ ኣቲማ ናይካ ኣቲና» ጊዳስ።

35 ሃሳፊ ጉዬ ኣብጋላ ዳዊቲስ ኤሂዳ ኣሞታ ኢዚ ኩሼፔ ኤኪዳ፣ «ኔኒ ኔ ሱ ሳሮን ባ፤ ኔ ጊዳይሳ ታ ሲያዲስ፤ ኔ ታና ኦይቲዳይሳ ታ ኦላና» ጊዳስ።

36 ኣቢጋላ ጉዬ ሱ ሲማ ቢሺን ናባሌይ ካዋ ኬላን ጊዚ ጊቢራ ማላ ጊቢራ ጊቢራዳይሳ ቤያዳስ። ኢዚካ ኬሂ ማላቲዲ ኡፋይሳን ኩሚ ኡቲዳስ። ሃሳ ጊሻስ ጋዴይ ዋንታናሽ ጋካናስ ኢዛስ ኣይኮካ ኮታቤኩ።

37 ዋንቲሳ ጋላስ ኡሻ ማላይ ኢዛ ኣጊዳፔ ጉዬ ኢዛ ሃናዛ ኡባ ኢዛስ ኮቲን፣ ኢዛ ዋዚናይካ ኬሂ

ዳጋሚዲ ጫኦ ጊዳስ። ኢዛ ቦላይ ሹቶ ማላ ኣሃ ኬዚዳስ።

38 ታሙ ጋላሳታፔ ጉዬ ጎዳይ ቦሻን ናባሌ ሹጪን ኢዚ ሃይቁዳስ።

39 ዳዊቲካ ናባሌይ ሃይቁዳይሳ ሲዩዳ ዋዳ፣ «ናባሌይ ታና ጫዩዳ ጊሻስ ታስ ሃሎ ኬሲዳይኔ ታና ባ ኣይሌዛ ኢታ ኦሎንታ ማላ ናጊዳ ጎዳይ ጋላቲቶ፤ ናባሌይ ኦሊዳ ኢታ ሚሽ ኢዛ ሁኤን ዛሪዳስ» ጊዳስ።

ሃሳፊ ጉዬ ዳዊቲ ኣቢጋላ ኢዛ ማቶ ጊዳና ማላ ኦይሻ ኣስ ከቲዳስ።

40 ኢዛ ኣይሌቲካ ቃርሜሎሴ ቢዲ ኣቢጋሊስ፣ «ኔ ኢዛስ ማቶ ጊዳና ማላ ኔና ኤካናስ ዳዊቲ ኦና ኔኮ ከቲዳስ» ጊዳስ።

41 ኢዛካ ዳንዳ ኤቃዳ ሲንሳ ጉሉ ጉፋና ኩሼ ዳንላዳ፣ «ሂኮ ታኒ ኔ ጋራዳያ ኔስ ሃጋዛናሲ ኔ ኣይሌታ ቶሆ ሚጫናስ ጊጋ ኡታዲስ» ጋዲስ።

42 ኣቢጋላ ሃራካ ሃሬ ቶጋዳ ባ ጋራዳ ኢታሻታ ካሌሳ ኤካዳ ዳዊቲ ኣይሌታራ ባዳ ዳዊቲስ ማቶ ጊዳዲስ።

43 ሃሳላካ ዳዊቲ ኢዘራኤሌን ዩሌቲዳ ኣሂናሆሞ ኤኪዳስ፤ ናሞኣቲካ ኢዛ ማቶ ጊዳዲ።

44 ሳኦሊ ጊዲኮ ዳዊቲ ማቶ ባ ና ሚላኮሎ ጋሊሜ ዳሬን ዩሌቲዳ ላይሻ ና ፓሊዴስ ኢሚዳስ።

26

ዳዊቲ ናሞኣንሳካ ሳኦሌ ቤሲዳ ቃዲታ

1 ዚፊ ኣሳይ ሳኦሊ ዲዛሶ ዩዲ፣ «ቤኢቲ ዳዊቲ ዩሴሞኔ ጊናራ ዲዛ ሃካሊያ ዙሞቡላ ቦላ ቆቴቲዳስ» ጊዲ ኮቲዳ።

2 ሃሳ ጊሻስ ሳኦሊካ ዳንዲዲ ኢሲራኤሌ ኣሳ ጋርሳፊ ዶሬቲዳ 3,000 ኦላ ኣሳታ ባናራ ኤኪዲ ዳዊቲ ኮሽ ዲጌ ዚፊ ባዞ ዋዳዳስ።

3 ሳኦሊ ዩሴሞኔ ጊናራ ዲዛ ሃካሊያ ዙሞቡላ ቦላ ኦጌ ዶናን ዳንካኒ ኡቲዳስ፤ ዳዊቲ ጊዲኮ ባዞን ዳስ። ዳዊቲ ሳኦሊ ሃ ጋካናስ ኢዛ ካሊ ዩዳይሳ ኤሪዲ።

4 ጸሞሲዛይታ ዩዲዲ ሳኦሌ ዩሳ ሻኪ ኤሪዳስ።

5 ዳዊቲ ዳንዲዲ ሳኦሊ ዳንካኒ ዲዛሶ ቢዳስ፤ ሳኦሊ ኢዛ ኦላ ኣሳ ሃላቃ፣ ኔሬ ና ኣቢኔሪ ዲዛሶ ቢ ቤኢዳስ። ሳኦሊ ባ ዳንካኒ ዲዛሶን ኣሳ ጊደን ጲስኮን ዲሺን ኢዛ ኦላ ኣሳይ ኢዛ ጊደሉ ዋሉዳስ።

6 ዳዊቲ ሂቲ ዳሬ ኣስ ኣሂሚሌኬኔ ጸሪያ ና ኢዮኣቤ ኢሻ ኣቢሳዬ፣ «ታናራ ዲጌ ሳኦሊ ዲዛሶ ዋዳናይ ኦኔ?» ጊ ኦይቲዳስ። ኣቢሳዬይካ፣ «ታ ኔናራ ዋዳና» ጊዳስ።

7 ሃሳ ጊሻስ ዳዊቲኔ ኣቢሳዬይ ሳኦሌ ኦላ ኣሳይ ዲዛሶ ቢዳ፤ ኢስቲ ቢሺን ሳኦሊ ሃን ጲስኮን ዳስ፤ ኢዛ ቶራይ ኢዛ ሁኤሶን ቢታን ኤቁ ዳስ፤ ኣቢኔሪ ኢዛ ኦላንታቲ ኢዛ ዩሽን ጲስኮዲ።

8 ኣቢሳዬይ ዳዊቲስ፣ «ጸሲ ሃቶ ኔ ሞርኬ ኔ ኩሼን ዩጊዳስ፤ ሃኢ ታ ኢዛ ኢሲቶ ጫዳ ቢታራ ሲካይስ፤ ታ ናሞኣንሳናስ ኣይኮካ ኮሼና» ጊዳስ።

9 ዳዊቲ ኣቢሳዬ፣ «ዋዳፓ፤ ጎዳይ ቲይዳዳ ቦላ ባ ኩሼ ዳንላዲ ሱላፊ ጌሽ ጊዲዳ ኣሲ ኦኔ?»

* 25:25 ናባሌ ጉሲ ኢብራዊታ ቃላራ ኤያ ጉሳ። 25:44 2ኛሜ 3:14-26 26:1 ማዛ 54

10 ዴኦ ጎዳይ ቤኢን፣ ጎዳይ ኢዛ ዎጳና፣ ዎይኮ ኢዛ ዎዴይ ዉሪን ኢዚ ሃይቃና፣ ዎይኮ ኢዚ ኦላን ሃይቃና።

11 ጎዳይ ቲይዳይሳ ቦላ ታኒ ታ ኩሼ ዎላና፣ ጎዳይ ታና ናጎ! ጊዶ ኣትን ኢዛ ሁኤሶን ዲዛ ቶራኔ ሃላራ ዲዛይሳ ሃ ኤካ ያ፣ ኣኔ ቦሰ» ጊዳሰ።

12 ሄሳ ጊሻሰ ዳዊቲ ሳኦሌ ሁኤሶን ዲዛ ቶራኔ ሃላ ኢዛን ዲዛ ሚሻ ኤኪዳሰ፣ ሄሳፌ ጉዬ ቢዳ፣ ሄሰ ሃኒሺን ቤኢዳይ፣ ኤሪዳይ ዎይኮ ጳሰኮፌ ቤጊዳይ ኦኒካ ዳና። ጎዳ ኣቻፌ ዎልቃማ ጳሰኮይ ኢሰታ ቦላ ዎጳዳ ጊሻሰ ኡባይካ ጳሰኪዳ።

13 ሄሳፌ ጉዬ ዳዊቲ ሄ ፒንላ ፒኒዲ ዙዎቡላ ጴራን ሃኪ ኤቁዳሰ፣ ኢሰቲ ናዎኣይ ኢሰይ ኢሳፌ ከሄ ሃኪዳ።

14 ዳዊቲ ባ ኦላ ኣሳኔ ኔሬ ና ኣቢኔሬ፣ «ኣቢኔሬ! ታ ኔና ጴይጊዛይሳ ሲዩኪ?» ጊ ዴይጊዳሰ። ኣቢኔሬ ኢዛሰ፣ «ካዎ ቦላ ኔ ካጫናሰ ኔ ኦኔ?» ጊ ዛሪዳሰ።

15 ዳዊቲ ኢዛሰ፣ «ኔ ሚኖ ኣሳ፣ ኢሰራኤሌ ጋርሳን ኔ ማላይ ኦኔ? ሄኮ ኣሲ ኔ ጎዳ ካዎዛ ዎጳናሰ ዩዳሰ፣ ሂሰቲን ኔኒ ኔ ጎዳ ካዎዛ ኣይሰ ናጋቤኪ?»

16 ኔ ሎኦ ኦላቤካ፣ ዴኦ ጎዳይ ቤኢን! ኔኒኔ ኔ ኣሳቲ ሃይቃና ቤሴታ፣ ጋሶይካ ጎዳይ ቲይዳይ ኢንቲ ጎዳ ናጊቤክታ፣ ኣኔ ጴላ፣ ኢዛ ሁኤሶን ዲዛ ካዎ ቶራይኔ ሃላ ኦይኪዛ ሚሻዚ ኣዎን ዲዛ?» ጊዳሰ።

17 ሳኦሊ ዳዊቲ ጩንጉርሰ ጊዲዳይሳ ሻኪ ኤሪዳ፣ «ታ ና ዳዊቲ! ሃይሲ ኔ ጩንጉርሴ?» ጊዳሰ። ዳዊቲካ፣ «ታ ጎዳ፣ ኤ ታ ጩንጉርሳ» ጊ ዛሪዳሰ።

18 ካሌላዲካ፣ «ታ ጎዳይ ባ ኦሳንቻ ኣይሰ ጎዲዜ? ኣይ ኦላዲና? ኣይ ቆሃዲና?»

19 ሃኢካ ታ ጎዳ ካዎይ፣ ባ ኣይሌዛ ጩንጉርሰ ኤዘጊ ሲዮ፣ ጎዳይ ኔና ታ ቦላ ዴንፊላዲ ጊዲኮ ኢዚ ያርሾ ዎ፣ ጊዶ ኣትን ሃይሳ ኣሲ ኦላዲ ጊዲኮ ጎዳ ኣቻን ቃንጌቲዳይታ ጊዳቶ፣ ጋሶይካ፣ ሳ፣ ባዳ ሃራ ኤቃታሰ ጎይና፣ ጊዲ ጎዳ ኣቻን ጸንጸይ ዶንታ ማላ ሃች ዩዳላዲ።

20 ኣሲ ዙማ ቦላ ኩራቾ ጎዲዛ ማላ ኢሰራኤሌ ካዎይ ካሰቶሌ ኮያና ከዚዳ ጊሻሰ ታ ሱላይ ጎዳ ሲንሳፌ ሃኪዳ ቢታ ቦላ ጉካና ማላ ኦላፋ» ጊዳሰ።

21 ሳኦሊካ፣ «ታ ና ዳዊቲ! ታ ቆሃዲሰ፣ ሃች ታ ሼዎፖያ ኔ ሲንላን ዲዛ ጊሻሰ ሃይሳፌ ጉዬ ታ ኔና ቆሃኪ፣ ኣዳፌ ታኒ ኤያ ኦሶ ኦላዲሰ፣ ከሃካ ባሌታዲሰ» ጊዳሰ።

22 ዳዊቲካ ኢዛሰ፣ «ካዎ ኔ ቶራ ሃይሳ ቤያ፣ ኔ ናቴላታፔ ኢሳዳይ ዩዲ ኤኮ።

23 ጎዳይ ኢሳሰ ኢሳሰ ኢዛ ጸሎቴላ ማላኔ ኢዛ ኣማኔቴላ ማላ ኢዛሰ ቃንጸ፣ ታኒ ጊዲኮ ሃች ጎዳይ ኔና ታ ኩሼን ኣላ ኢሚን ታኒ ጎዳይ ቲይዳይሳ ቦላ ታ ኩሼ ዴንሳቤኪ።

24 ቤኣ ኔ ሼዎፖይ ታ ኣይፌ ሲንላን ቦንቼቲዳ ማላ ታ ሼዎፒያካ ጎዳ ሲንላን ቦንቼቲዳር ጊዳ፣ ኢዚ ታና ሜቶ ኡባፌ ኣሾ» ጊ ዛሪዳሰ።

25 ሄሳፌ ጉዬ ሳኦሊ ዳዊቲሰ፣ «ታ ና ዳዊቲ! ኔ ኣንጃቲዳይሳ ጊዳ፣ ኔ ጊታ ሚሽ ኦላና፣ ኢዚካ ኔሰ ሃናና» ጊዳሰ። ሄሳፌ ጉዬ ዳዊቲ ባ ቢዛሰ ቢን ሳኦሊ ባሶ ሲሚዳሰ።

27

ዳዊቲ ፊሊሰጾሜታ ጊዶን ዴኢዳ ዲሰ

1 ዳዊቲ ጊዲኮ ባ ዎዚናራ፣ «ሃ ጋላሳታፔ ኢሲ ጋላሰ ሳኦሌ ኩሼን ሃይቆይ ታሰ ኣቶንታ ጊሻሰ ፊሊሰጾሜ ዴሬ ባቃታይ ታና ኣሻና፣ ሄሳፌ ጉዬ ሳኦሊ ታና ኢሰራኤሌ ጋርሳፌ ጎዲዛይሳ ኣጋጋና፣ ታኒካ ኢዛ ኩሼፔ ከሳ ኤካና» ጊ ቆፒዳሰ።

2 ሄሳ ጊሻሰ ዳዊቲኔ ኢዛራ ዲዛ 600 ኣሳይ ዴንዲዲ ጌቲ ካዎ ማኦኬ ና ኣንኩሴኮ ቢዳ።

3 ዳዊቲኔ ኢዛራ ዲዛ ኣሳይ ኣንኩሴ ማታን ዴኢዳ፣ ኢሶይ ኢሶይ ባሶ ኣሳራ ዴሰ፣ ዳዊቲካ ባ ማቼታ ናዎኣታራ ኢዘራኤሌ ዴሬ ማጫሰ ኣሂናሆሚራኔ ካሴ ናባሌ ማቾ ቃርሜሎሴ ዴሬ ማጫሰ ኣቢጋሊራ ዴሰ።

4 ሳኦሊ ዳዊቲ ጌቲ ባቃቲዳይሳ ሲዩዲ ኢዛ ጎዲዛይሳ ኣጋጊዳሰ።

5 ሄሳፌ ጉዬ ዳዊቲ ኣንኩሴሰ፣ «ኔ ሲንላን ታ ቦንቾ ዴሚዳ ጊዲኮ ሃኖ ዴሬዩን ዲዛ ካታማታፔ ኢሲኔይን ታ ዴና ማላ ታሰ ሶሆ ኢማ። ታ ኔ ኣይሌይ ኔ ዲዛ ካታማን ኔናራ ዎና ዳኔ?» ጊዳሰ።

6 ሄሳ ጊሻሰ ሄ ጋላሰ ኣንኩሴይ ኢዛሰ ጸጊላጌ ኢሚዳሰ፣ ሄ ዎዴፔ ዶሚን ጸጊላጌይ ዩሁዳ ካዎታ ጸንጸ ጊዳዲሰ።

7 ዳዊቲ ፊሊሰጾሜ ዴሬን ኢሲ ላይላኔ ኦይዳ ኣገና ጋዎኢዳሰ።

8 ሄ ዎዴ ዳዊቲኔ ኢዛ ኣሳቲ ከዚዲ ጌሹሬ፣ ጌሪዛዲ ኣማሌቄ ኦሊ ኦይኪዳ። ሃ ዴሬቲ ቤኒፔ ዶሚዲ ሹራፔ ቢዲ ጊብጾ ጋካናሰ ዴኢዳ።

9 ዳዊቲ ቢታዮ ኦሊዳ ዎዴ ኣቲማሰ ጊዲን ማጫሰ ቢታ ቦላ ኣሽቤና፣ ጊዶ ኣትን ዶርሳታ፣ ሚዛታ፣ ሃሪታኔ ጋሜላታ ሃሳሶካ ማይኦታካ ኤኪ ኣንኩሴኮ ሲሚ ቢዳሰ።

10 ኣንኩሴይካ፣ «ሃች ኦና ቦላ ዎራጂዳቲ?» ጊ ኦይቼን ዳዊቲ፣ «ዩሁዳፔ ዲጌሃ ባጋራ፣ ዎይኮ ዩራሂዎኤሌሰ ዲጌሃ ባጋራ፣ ዎይኮ ቁናዎታፔ ዲጌሃ ባጋራ ዴሰ» ጊዛ ዛር ኢሚዳሰ።

11 ዳዊቲ፣ «ኢዚ ኦ ቦላ ሃይሳ ሃይሳ ኦላዴሰ ጊዲ ዮታና» ጊዲ ቆፒዳ ጊሻሰ ኣቲማሰ ጊዲን ዎይኮ ማጫ ሼዎፖራ ፓጸ ኣሽ ጌቲ ኤኪ ዩቤና። ኢዚ ፊሊሰጾሜ ዴሬን ዲዛ ዎዴ ኡባን ሃሳሶ ኦሶይ ኢዛሰ ሎሴ ጊዲዳሰ።

12 ኣንኩሴይ ባ ዎዚናራ፣ «ኢዚ ባ ዴሬ ኢሰራኤሌ ኣሳይ ኢዛ ከሂፔ ኢጻና ማላ ኦላዲ ጊሻሰ ኢዚ ታሰ ሚርናሰ ኦሳንቻ ጊዳና» ጊ ቆፒዳ ጊሻሰ ዳዊቲ ኣማኒዳሰ።

28

ሳኦሊኔ ሞይቲሌ ጴይጊዛ ማጫሳዮ

1 ሄ ዎዴ ፊሊሰጾሜ ኣሳይ ኢሰራኤሌ ኣሳ ኦላናሰ ባ ኦላንቻታ ሺሺዳሰ። ኣንኩሴይካ ዳዊቲ፣ «ኔኒኔ ኔ ኣሳይ ታናራ ኢሲፌ ኦላሰ ከዛናይሳ ኤሪቴ» ጊዳሰ።

2 ዳዊቲካ፣ «ታኒ ኔ ኦሳንቻይ ኣይ ኦላናኮ ኔኒ ኔ ሁኤራ ቤኣንዳሳ» ጊዳሰ። ኣንኩሴይካ፣ «ኤር ሎኦኮ! ታ ዲዛ ላይላ ኡባን ታ ኔና ታሰ ቦንቾ ዛቤ ሂሰታና» ጊዳሰ።

3 ሃ ወደ ሳሚሊ ሃይቁ ጋሞኢዳሰ፤ ኢሰራኤል አሳይ ኡባይ ኢዛ ካታማን ኤሪማን ዩኪዲ ሞጊዳሰ፤ ሳኦሊ ማርታኔ ሞይቲሌ ሃሳይሲዛይታ ካሴ ዳሬፔ ጎዲዳሰ።

4 ፊሊሰጾሜ አሳይ ኢሲ ቦላ ሸቄቲ ዩዲ ሱኔሜን ኡቲን ሳኦሊ ቃሴ ኢሰራኤል አሳ ኡባ ሸሸዲ ጊልቦኦ ዙማ ቦላ ኡቲዳሰ።

5 ሳኦሊ ፊሊሰጾሜ ኦላ አሳ ቤኢዲ ባቢዳሰ፤ ኢዛ ሞዚናይ ኬሂፔ ሂርጊዳሰ።

6 ኢዚ ጎዳ ኦይቸን ጎዳይ ኢዛሰ አጉሞን ጊዲን ወይኮ ኡሪሜን ወይኮ ናቤታ ባጋራ ዛር አሚቤና።

7 ሳኦሊካ ባ አሳንቻታ፡ «አኔ ሃይቁዳ አሰ ዳንሴዛ ማጫሰ ታሰ ኮዩቲ፤ ታኒ ባዳ ኢዛ ኦይቻና» ጊዳሰ። ኢሰቲካ ኢዛሰ፡ «ሄኮ ሃይቁዳ አሰ ዳንሴዛ ማጫሳያ ኤን-ዳሬን ዳወሰ» ጊዳ።

8 ሄሳ ጊሻሰ ሳኦሊ ባ ማይኦ ላሚ ሃራ ማይኦ ማይኢዲ፤ ባ ሚዳካ ላሚዲ ናሞኡ አሳታራ ኢሲፊ ኦማርሰ ማጫሳይኮ ቢዳሰ፤ ኢዚካ ኢዛ፡ «ታሰ ሞይቲሌታ ኦይቻርከ፤ ታ ኔሰ ዮቲዛዳ ዳንሳርከ» ጊዳሰ።

9 ማጫሳያ ጊዲኮ፡ «ሄኮ ሳኦሊ ማርታኔ ሞይቲሌ ዳንሴ ሃሳይሲዛይታ ቢታፊ ኢዚ ዋሰቲ ዳይሲዳኮ ኢዚ ኢሰታ ቦላ ኦሴዳይሳ ኔ ኤራሳ፤ ሂሰቲን ኔ ታና ዋዲሳናሲኔ ታ ሸሞፖሰ ዋጺማዳ ዋላናሰ ኣይሰ ኮያይ?» ጊዳሰ።

10 ሳኦሊካ ኢዚሰ፡ «ዳኦ ጎዳይ ቤኢን ሃይሲ ሃ ዮኦዚ ኔ ቦላ ቁጻቲ ኤሂና» ጊ ጫቁዳሰ።

11 ማጫሳያካ፡ «ኔሰ ኦና ዳንሶ?» ጋዳ ኦይቻዳሰ። ኢዚካ፡ «ታሰ ሳሚላ ዳንሳ» ጊዳሰ።

12 ማጫሳያካ ሳሚላ ቤኢዳ ማላ ባ ቃላ ቆቁ ሂሰታ ዋሳዳሰ፤ ሳኦሊሰ፡ «ኔ ሳኦሊ ጊዳ ኡታዳ ታና ኣዛሰ ባሌላዲ?» ጊዳሰ።

13 ካዋዚካ፡ «ባቦፋ፤ ሃኢ ኔሰ ኣዜ ቤቲዛይ?» ጊዳሰ። ኢዛካ፡ «ኢሲ ኣያናይ ቢታፊ ፑዳ ኬዚሸን ቤኣዳሰ» ጊዳሰ።

14 ኢዚካ፡ «ኢዛሰ ሚዳይ ኣይ ሚሳቲዜ?» ጊ ኦይቸዳሰ። ኢዛካ፡ «ካባ ማይኢዳ ኢሲ ጨማ ቢታኔይ ፑዳ ኬሳ ቦላ ዳሰ» ጊዳሰ። ሳኦሊካ ማጫሳያ ቤኢዳይሲ ሳሚላ ጊዲዳይሳ ኤሪዳሰ፤ ቢታ ቦላ ጉፋኒዲ ኢዚሰ ኩሼ ዳንሴዳሰ።

15 ሳሚሊካ ሳኦሊሰ፡ «ታና ዲፎፔ ዳንሳዳ ኣይሰ ሸሞፖ ዲጋይ?» ጊዳሰ።

ሳኦሊ፡ «ታኒ ኬሃ ጨጫዲሰ፤ ፊሊሰጾሜቲ ታና ኦሊሽ ዳቲሰ፤ ጸሲ ታፔ ሃኪዳሰ፤ ናቤታ ባጋራ ጊዲን ወይኮ አጉሞን ታሰ ዛሪቤና። ሄሳ ጊሻሰ ታ ኣይ ኦላና ቤሲዛኮ ኔ ታሰ ዮታና ማላ ኔና ጸይጋዲሰ» ጊዳሰ።

16 ሳሚሊ ኢዛሰ፡ «ሂሰቲን ጎዳይ ኔፔ ሃኪኮ፡ ኔሰ ኢዚ ሞርኬ ጊዲኮ ኔ ታና ኣይሰ ኦይቻይ?»

17 ጎዳይ ታ ባጋራ ኔሰ ዮቲዳይሳ ፖሊዳሰ፤ ጎዳይ ኔ ካዋቲላ ኔ ኩሼፔ ዋላ ኤኪዲ ኔ ሸር ዳዋቲሰ አሚዳሰ።

18 ኔኒ ጎዳሰ ኣዛዜቶንታ ኣጊዳ ጊሻሲኔ ሱሊዛ ኢዛ ሃንቆዛ ኔ አማሌቁታ ቦላ ፖሎንታ ኣጊዳ ጊሻሰ ጎዳይ ሃቶ ሃይሳ ኔ ቦላ ኦሴዳሰ።

19 ጎዳይ ኔና ኢሰራኤሌታ ፊሊሰጾሜታሰ ኣላ አማና፤ ኔኒ ኔ ናይቲ ዋንቶ ታናራ ጊዲንዳታ፤ ቃሴካ

ጎዳይ ኢሰራኤሌ ኦላንቻታ ፊሊሰጾሜታሰ ኣላ አማና» ጊ ዛሪዳሰ።

20 ሳሚሊ ዮቲዳ ቃላፔ ዳንዲዳይሳን ሳኦሊ ባቦን ኩሚዲ ሄራካ ቢታ ቦላ ፖርጩ ጊ ኩንዲዳሰ። ኩሚላ ጋላሲኔ ኦማርሰ ካላ ሞንታ ጊሻሰ ኢዛሰ ዋልቃይ ኢዲዳሰ።

21 ማጫሳያ ሳኦሊኮ ያዲሰ፤ ኢዚ ኬሂ ዳጋሚዳይሳ ቤያዳ ኢዛሰ፡ «ሄኮ፡ ታኒ ኔ ኦሳንቻያ ኔ ቃላ ሲያዲሰ፤ ታ ሸሞፖ ባይዛዳ ኔ ታሰ ዮቲዳይሳ ፖላዲሰ።

22 ሃኢ ታኒ ኔ አሸካራያ ዮቲዳይሳ ሲያርከ! ኔ ሚኔታዳ ባና ማላ ሃኖ ታ ኔሰ ሸሸዚ ጉላ ካሊዮ ማ» ጋዲሰ።

23 ሳኦሊ፡ «ሚኬ» ጊዲ ኢዲዳሰ። ጊደ ኣቲን ኢዛራ ዲዛ አሳቲ ማጫሳይራ ጊዲዲ ሚንላ ዋሲን ኢሰታ ቃላ ሲዩዳሰ፤ ቢታ ቦላፊ ዳንዲዲ ሂጸ ቦላ ኡቲዳሰ።

24 ማጫሳያ ባቦን ኦሃላ ማሪ ዲዛይሳ ኤሌላ ኤካዳ ሹካዲሰ፤ ጉላ ዲሌ ኤካ ሙኦቃዲሰ፤ ኢርሾይ ጌሎንታ ኡኬላ ኡካዲሰ።

25 ሂሰታዳ ሳኦሊሲኔ ኢዛራ ዲዛ አሳታ ሲንላ ኣላዲሰ፤ ኢሰቲካ ሚዳፔ ጉዬ ሃ ጋላሳ ኦማርሰ ዳንዲ ቢዳ።

29

ፊሊሰጾሜታ ኣይሲዛይቲ ዳዋቲ ኢዲዳ ኢጸ

1 ኢሰራኤሌ አሳይ ኢዘራኤሌ ሸባን ዲዛ ኢሲ ፑልቶ ኣቻን ኡቲ ዲሺን ፊሊሰጾሜ አሳይ ባንታ ኦላንቻታ ኡባ ኣፊቁ ጌቲቲዛሶን ሸሸዲዳሰ።

2 ፊሊሰጾሜ ኣይሲዛይቲ ጸቲኔ ሺ አሰ ጊዲዲ ዲማ ዲማ ቆዳቲዲ ኦላሰ ኬዚዳ፤ ዳዋቲኔ ኢዛራ ዲዛይቲ ቃሴ ኣንኩሴራ ኢሲፊ ጉዬራ ካሊ ቢዳ።

3 ፊሊሰጾሜታ ኣይሲዛይቲ ኢሰታ ቤኢዲ፡ «ሃይቲ ኢብራዌ አሳቲ ሃይሳን ኣይ ኦሴዛ?» ጊዲ ኣንኩሴ ኦይቸዳ። ኣንኩሴይካ ኢሰታሰ፡ «ሃይሲ ኢሰራኤሌ ካዋ ሳኦሊ ኦሳንቻ ዳዋቲ ጊዳይ? ኢዚ ታናራ ዲሰ ደሚን ላይላ ኣዲዳሰ፤ ኢዚ ታ ጋርሰ ዩ ጌሎሶፊ ሃቶ ጋካናሰ ኣይ ሞርካ ኢዛ ቦላ ዳማቤኬ» ጊ ዛሪዳሰ።

4 ጊደ ኣቲን ፊሊሰጾሜታ ኣይሲዛይቲ ኣንኩሴ ቦላ ሃንቁቲዲ፡ «ሃይሳ ኣዳዛ ካሴ ኔ አሚዳሶ ጌዳ ጉዬ ዛራ ዩዳ፤ ኦላቲዛ ዋዳ ሲሚ ኦ ቦላ ዳንደንታ ማላ ኦናራ ኢሲፊ ኦላሶ ባናሰ ቤሴና፤ ኢዚ ኦ አሳፔ ዋዲዲ ኢሰታ ሀኤ ቃንጸ ኤኪ ቦንታ ኣጊኮ ባ ጎዳራ ዋኒ ሰጌታናሰ ዳንዲይዜ?»

5 ሃይሳፊ ካሴ ማጫሳይ ዩላን ኤዲሼኔ ሶርሼ፡ « ሳኦሊ ሺ ዋዲዳሰ፤ ዳዋቲ ታሙ ሺ ዋዲዳሰ»

ጌቲቲ ኢዛ ጊሻሰ ዩዳቲዳ ዳዋቲ ሃይሳ ዳኔ?» ጊዳ።

6 ሄሳ ጊሻሰ ኣንኩሴይ ዳዋቲ ባኮ ጸይጊዲ፡ «ዳኦ ጎዳይ ቤኢን ኔኒ ታሰ ኣማኔቲዳ አሳ፤ ኔኒ ታኮ ዩዳ ዳዋቲ ደሚን ሃኖ ጋካናሰ ኣይኮ ሞርካ ታ ኔ ቦላ ቤኦንታ ጊሻሰ ኔኒ ታናራ ኢሲፊ ኦላሰ ኬዚዳኮ ታኒ ኡፋዬታና፤ ጊደ ኣቲን ዳራ ኣይሲዛይቲ ኔና ኮዩቤቲና።

7 ሃኢ ጊዲኮ ኔኒ ጉዬ ሲማ ሳርን ባ፤ ፊሊሰጾሜታ ኣይሲዛይቲ ኡፋይሶንታዝ ኣይ ሚሸካ ኦላፋ» ጊ ዮቲዳሰ።

8 ደዋቲካ፡ «ታ ጎዳወ፡ ታ ኣይ ኢታ ኦላዲና? ታ ሃ ዪዳ ዎዴፕ ደሚን ሃኖ ጋካናስ ኔ ኦሳንቻዛ ቦላ ኣይ ሚሽ ደማዲ? ሂስቲን ታኒ ታ ጎዳ ካዎዛ ሞርኬታ ኣይስ ኦሊኪና?» ጊ ኦይቸዳስ።

9 ኣንኩሴይ ደዋቲስ ዛሪዲ፡ «ታ ሲንሳን ኔኒ ጸሳ ኪታንቻ ማላ ሎኦ ጊዲዳይሳ ታ ኤሪይስ፤ ጊደ ኣቲን ፊሊስጾሜ ዳሬታ ኣይሲዛይቲ፡ ሩዚ ኦሩ ኦላሶ ባናስ ቤሴና» ጊዲ።

10 ሃኢ ጊዲኮ ኔሩ ኢሲፊ ዪዳ ኔ ጎዳ ኦሳንቻታራ ኢሲ ቦላ ዎንቶ ማላዶ ጸልቁይ ዎዲዳ ማላ ካሴ ኢንቲ ዲዛሶ ጌዴ ጉዬ ሲሚ ቢቲ» ጊዳስ።

11 ሃሳ ጊሻስ ደዋቲኔ ኢዛራ ዲዛ ኣሳቲ ጉዬ ፊሊስጾሜታ ዳሬ ሲማናስ ዎንታራ ዳንዲ ቢዳ፤ ፊሊስጾሜቲካ ፑዴ ኢዘራኤሌ ኬዚዳ።

30

ኣማሌቄታ ቦላ ዳንዲዳ ኦላ

1 ሃሻንሉ ጋላስ ደዋቲኔ ኢዛራ ዲዛ ኣሳይ ጸቁላጌ ጋኪዳ፤ ኣማሌቄ ኣሳይ ኔጌቤኔ ጸጊላጌ ኦሊ ኦይኪዳ፤ ሂስቲዲ ጸቁላጌ ጸጊዲ።

2 ማጫሳታ፡ ሃን ዲዛ ናቲሳታኔ ጨማታ ኡባ ዲኢ ኤፊዳ ኣቲን ኢስታፊ ኢሳዴካ ዎዲቤቲና።

3 ደዋቲኔ ኢዛራ ዲዛ ኣሳቲ ጸቁላጌ ጋኪዳ ማላ ካታማያ ጸጌቲዳይሳ፡ ኢስታ ማቸቲ፡ ኢስታ ኣቲማ ናይቲኔ ኢስታ ማጫ ናይቲ ዲኤቲ ቢዳይሳ ኤሪዳ።

4 ሃ ዎዴ ደዋቲኔ ኢዛራ ዲዛ ኣሳቲ ኢስታስ ቃላይ ሾሪቃና ጋካናስ ባንታ ቃላ ቶቁ ሂስቲ ዩኪዳ።

5 ኢዘራኤሌ ዳሬ ኣስ ኣሂሆማኔ ካሴ ቃርሚሎሴ ዳሬ ኣስ ናባሌ ማቸ ኣቢጋላ ሃይቲ ደዋቲ ማቸ ናምኣቲካ ዲኤቲዳ።

6 ኢዛራ ዲዛ ኣሳይ ባንታ ኣቲማ ናይታ ጊሻሴኔ ባንታ ማጫ ናይታ ጊሻስ ዪሎቲዲ ኢዛ ሹቻን ጫዳናስ ዘሪቲዳ፤ ሂስቲን ደዋቲ ኬሂ ጩጫዳስ፤ ጊደ ኣቲን ደዋቲ ጎዳ ባ ጸሳን ሚኔቲዳስ።

7 ሃሳፊ ጉዬ ደዋቲ ኣሂሚሎኬ ና ቄሴ ኣቢያታሬ፡ «ኤፋዴዛ ታስ ሃ ኤካ ያ» ጊዳስ፤ ኣቢያታሬይካ ኤፋዴዛ ኢዛስ ኤሂዳስ።

8 ደዋቲ ጎዳ፡ «ሃይታ ዲኢ ኤፊዛ ኦላንቻታ ካሎ? ታ ኢስታ ጋካ ኦይካኔ?» ጊ ኦይቸዳስ። ጎዳይ ኢዛስ፡ «ኤ ካላ! ኔ ኢስታ ጋካ ኦይካና፤ ኢስቲ ዲኢ ኤፊዳይሳ ኔ ዛራና» ጊዳስ።

9 ሂስቲን ደዋቲኔ ኢዛራ ዲዛ 600 ኣሳይ ቦሪሬ ሻፋ ዪዳ፤ ጉላቲ ቦሪሬ ሻፋን ታኪዳ።

10 ናምኡ ጾቱ ኣሳቲ ኬሂ ዳቡርዳ ጊሻስ ሻፋ ፐናና ዳንዳይቤቲና። ጊደ ኣቲን ደዋቲኔ ኢዛራ ኣቲዳ 400 ኣሳይ ካሊ ቢዳስ።

11 ኢስቲካ ባዞ ቢታን ጊብጾ ዳሬ ኣስ ኢሳ ዳሚዲ ኢዛ ደዋቲኮ ኤኪ ዪዳ፤ ኢዛስ ሚዛ ካሌ ኤ ዪዳ ሃላ ኢሚዳ።

12 ቃሴካ ባላሴጌ ኡኩቲዳ ቄሪ ኡኩላ ማንሎኔ ማሊዳ ናምኡ ዛቢቤ ወርጮታ ኢዛስ ኢሚዳ። ሃሹ ጋላሴኔ ሃሹ ኦማርስ ኣይኮ ካሌካ ሞንታ ጊሻሴኔ ሃሌካ ኡዮንታ ጊሻስ ሃይታ ሚዳፕ ጉዬ ኢዛስ ሸምፖይ ሲሚዳስ።

13 ደዋቲ ኢዛ፡ «ኔ ኦና ኦሳንቻ? ኔ ዪዳይ ኣዎፕ?» ጊ ኦይቸዳስ፤ ኢዛካ፡ «ታኒ ጊብጾ ኣሳ፤ ታኒ ኢሲ

ኣማሌቄ ዳሬ ኣሳስ ኣይሌ፤ ታኒ ሳኬቲዳ ጊሻስ ሃሹ ጋላሳፊ ካሴ ታ ጎዳይ ታና ዩጊ ኣጊ ቢዳስ።

14 ኬሊቲታስ ዲጌሃ ባጋራ ዲዛ ዳሬ፡ ዩሁዳይ ኣይሲዛ ዳሬኔ ካሌቤስ ዲጌሃ ባጋራ ዲዛ ቢታ ዎራጂዲ ጸጊላጌ ካታማ ታማን ጸጊደስ» ጊ ዛሪዳስ።

15 ደዋቲካ፡ «ሃኢ ኔ ታና ሃ ዎራጂዳ ኦላንቻቲ ዲዛሶ ካሌላ ጋላኔ?» ጊ ኦይቸዳስ። ኢዚካ ደዋቲስ ዛሪዲ፡ «ኔ ታና ዎዲንታ ማላኔ ታ ጎዳስ ኣላ ኢሞንታ ማላ ታስ ጸሳን ጫቃ፤ ሂስቲኮ ሃ ዎራጂዳ ኦላንቻቲ ዲዛሶታ ታ ኔና ጋላና» ጊዳስ።

16 ሃሳፊ ጉዬ ኢዚ ደዋቲ ካሌላ ኤፊ ጋሊሽን ዎራጂዳይቲ ፊሊስጾሜፕኔ ዩሁዳፕ ዲኢ ኤኪዳ ዳር ሚሻፊ ዳንዲዳይሳን ዲማ ዲማሶን ሚሹ፡ ኡዪሹ፡ ዩዲሹኔ ፑፐሹ ዳቲስ።

17 ደዋቲ ሃ ጋላሳ ኦማርሳፊ ደሚዲ ዎንቲላ ጋላሳ ኦማርስ ጋካናስ ኢስታ ኦሊዳስ፤ ጋሚላ ቶጊዲ ባቃቲዳ 400 ናቲሳታፕ ኣቲን ኢስታፊ ኬሲ ኤኪ ኣቲዳይ ሃራይ ዳና።

18 ደዋቲ ኣማሌቄ ኣሳይ ኤኪ ቢዳይሳ ኡባ ዩጊሲዳስ፤ ባ ማቸታ ናምኣታ ዎላ ኤኪዳስ።

19 ደዋቲ ጉላታ ጊዲን ጊታታ፡ ኣቲማ ናይታ ጊዲን ማጫ ናይታ፡ ዲኤቲዳዛ ጊዲን ሃራ ሚሽ፡ ኣማሌቄቲ ኤፊዳይሳፊ ኢሲናካ ፓጮንታ ዛሪዳስ።

20 ቃሴካ ደዋቲ ዶርሳ ወዴታ፡ ዳይሻ ወዴታ፡ ሚዛ ወዴታ ኡባ ኤኪዳስ፤ ኣሳይካ፡ «ሃይሲ ኡባይ ደዋቲ ዲኢዳይሳ» ጊሹ ሃ ወዴ ማሄዛ ሃንኮ ማሄታፕ ሲንሳ ኣሌ ላጊዳ።

21 ሃሳፊ ጉዬ ደዋቲ ኬሂ ዳቡርዲ ካላናስ ዳንዳዮንታ ጊሻስ ቦሪሬ ሻፋን ኢስታፊ ጉዬ ኣቲዳ 200 ኣሳታኮ ሲሚ ዪዳስ፤ ኢስቲካ ደዋቲኔ ኢዛራ ዲዛ ኣሳ ሞካናስ ኬዚዳ፤ ደዋቲኔ ኢዛራ ዲዛ ኣሳይ ኢስታኮ ጋኪዳ ማላ ደዋቲ ኢስታ ሳርኪዳስ።

22 ጊደ ኣቲን ደዋቲ ካሊዛይታ ጊደፊ ኢታ ኣሳቲኔ ሹፋር ኣሳቲ ኡባይ፡ «ኢስቲ ኦሩ ኦላሶ ቦንታ ኣጊዳ ጊሻስ ኦ ዲኢ ኤሂዳይሳፊ ኢስታስ ኢሞን፤ ጊደ ኣቲን ኢስቲ ኢሶይ ኢሶይ ባ ማቸታኔ ባ ናይታ ኤኪ ባናስ ዳንዳዩቲስ» ጊዳ።

23 ደዋቲ ዛሪዲ፡ «ታ ኢሻቶ! ኦና ናጊዳይ፡ ኦ ቦላ ዪዳ ኦላ ኦ ኩሹን ኣሌ ኢሚዳይ ጎዳ፤ ኢዚ ኦስ ኢሚዳ ሚሻን ኢንቲ ሃይሳላ ኦሳናስ ቤሴና።

24 ኢንቲ ጊዛይሳ ኦኔ ኤካናይ? ኦላ ሚሻ ናጊዛይታ ጊሻይኔ ኦላስ ቢዳይታ ጋኪዛ ጊሻይ ዲማቲና፤ ኡባይካ ኢሲ ጊና ጊሹታና» ጊዳስ።

25 ደዋቲ ሃዴፕ ደሚዲ ሃኖ ጋካናስ ሃይሳ ኢሰራኤሌስ ዎጋኔ ማራ ሂስቲ ዎላዳስ።

26 ደዋቲ ጸጊላጌ ዪዳ ዎዴ ኢዛስ ሲቆ ላጌ ጊዲዳ ዩሁዳ ጨማታስ፡ «ኢንቲስ ጎዳ ሞርኬታፕ ኦ ዲኢ ኤኪዳይሳ ሃይሳ ኢንቲስ ኢሞታ ቤኢቲ» ጊዲ ዲኢ ኤሆይሳፊ ኢስታስ ሻኪ ዩዲዳስ።

27 ሃሳካ ቤቲሌን፡ ኤራሞፕፕ ዲጌሃ ባጋን ዲዛይታሴኔ ዩቲሬን ዲዛይታስ።

28 ኤሪኦራን፡ ሲፊሞፕን፡ ኤሽታሞኣኔ

29 ኤራካሌን ዲዛይታስ ሃሳካ ዩራሂሞኤሌ ቆሞቲኔ ቁናዎቲ ዲዛ ካታማታን ዲዛይታስ።

30 ሆርማን፡ ቦራሳኔን፡ ኣታኬን

31 ኩብርኔን ሄሳቶካ ዳዊቲኔ ኢዛራ ዲዛይቲ ዩዩዳሶን ዲዛይታ ኡባታሰ ዩዲዳሰ።

31

ሳኦሌ ሃይቆ (1ታሪ 10:1-12)

- 1 ሄ ዎዴ ፊሊሰጾሜ አሳይ ኢሰራኤሌ አሳ ኦሊዳሰ፤ ኢሰራኤሌ አሳይ ኢሰታ ሲንፋፌ ባቃቲዳሰ፤ ዳሮ አሳይ ገልቦኣ ዙማ ቦላ ጫዳቲ ሃይቁዳሰ።
- 2 ፊሊሰጾሜ አሳይ ቃሴ ሳኦሌኔ ኢዛ ናይታ ካሌቲ ጋኪዲ ዮናታኔ፣ አቢናዳቤኔ ማልኬሹኣ ዎዲዳ።
- 3 ኦላዚ ሳኦሌ ቦላ ሚኒዳሰ፤ ዎንዳፊን ዲኪዛይቲ ኢዛ ዴኪዲ ኬሂ ማዲንሏዳ።
- 4 ሳኦሌ ባ ጎንዳሌ ኦይኪዛይሳሰ፣ «ሃይቲ ቃጾራቸንታይቲ ታና ጫዳንታ ማላኔ ካዉሾንታ ማላ ኔኔ ኔ ማሻን ታና ጫዳ» ገዴሰ። ኢዛሰ ጎንዳሌ ቶኪዛይሲ ኬሂ ባቢዳ ገሻሰ ጫዳንታ ኢጲዳሰ። ሂሰቲን ሳኦሌ ባርካ ባ ገላ ማሻ ቦላ ኩንዲ ሃይቁዳሰ።
- 5 ኢዛ ጎንዳሌዛ ኦይኪዛይሲ ሳኦሌ ሃይቁዳይሳ ቤኢዲ ኢዚካ ባ ገላ ማሻ ቦላ ኩንዲዲ ኢዛራ ኢሲፌ ሃይቁዳሰ።
- 6 ሳኦሌኔ ኢዛ ና ሄሻቲ፣ ኢዛ ጎንዳሌ ኦይኪዛይሲኔ ኢዛራ ዲዛ አሳቲ ኡባይ ሄ ጋላሰ ሃይቁዳ።
- 7 ዙሌዛፔ ሄ ፒንፋኒኔ ዮርዳኖሴ ሻፋፔ ፒንፋን ዲዛ ኢሰራኤሌ አሳይ፣ ኢሰራኤሌ ኦላንቻቲ ባቃቲዛይሳ፣ ሳኦሌኔ ኢዛ ናይቲ ሃይቁዳይሳ ቤይዳ ዎዴ ባንታ ካታማታ ዩዲ ባቃቲዳ፤ ፊሊሰጾሜ አሳይ ዩዲ ሄ ካታማታን ኡቲዳ።
- 8 ዎንቴላ ጋላሰ ፊሊሰጾሜ አሳይ ሃይቁዳ አሳ ቦላፌ ኦላ ሚሻ ቃራታናሰ ዩዛ ዎዴ ሳኦሌኔ ኢዛ ና ሄሻቲ ገልቦኣ ዙማ ቦላ ኩንዲዲይታ ቤኢዳ።
- 9 ሃሳፌ ጉዬ ሳኦሌ ቆዴ ቃንጲዲ፣ ኢዛ ኦላ ሚሻካ ቃራቲ ኤኪዲ፣ ሚሺራቾዛ ባንታ ኤቃ ጸሳታ ኬላን ኬላኒኔ ባንታ ዴራ ገደን አዎጃና ማላ ፊሊሰጾሜ ዴሬ ኡባኮ ቃሰታኔ ዩዲዳ።
- 10 ኢዛ ኦላ ሚሻታ አሰታርቲ ጌቲቲዛ ኤቃ ጸሳ ኬላን ዎሏዳ፤ ቃሴ ኢዛ አሃዛ ቤቲ-ሳኔ ካታማ ገምቤ ቦላ ካቂዳ።
- 11 ጋላኦዴን ዲዛ ያቡሴ አሳይ ፊሊሰጾሜ አሳይ ሳኦሌ ቦላ ኦላዳይሳ ሲዩዳ ዎዴ፣
- 12 ኦላ ቃራቲ ኡባይ ኦማርሳራ ቤቲ-ሳኔ ቢዳ፤ ሳኦሌ አሃኔ ኢዛ ናይታ አሃ ገምቤዛ ቦላፌ ዎሏዳ፤ ሂሰቲዲ ያቡሴ ካታማ ኤሂዲ ታማን ጸገዳ።
- 13 ሃሳፌ ጉዬ ኢሰታ ሜቁላታ ኤኪዲ ያቡሴን ካታማ ገደን ዲዛ ታማርሲኬ ጌቲቲዛ ሚላ ጋርሳን ሞገዳ፤ ሂሰቲዲ ላፑን ጋላሰ ጸሚዳ።

2ሳሜል ማጻፋ ጊደ ቆፋ

ናምአንሉ ሳሜል ማጻፋይ ኮይሮ ሳሜል ማጻፋፕ ካሊዛይሳ ጊደሽን ዳዊቲ ኮይሮ ዲጌሃ ባጋራ የሁዳ ካዎ [1-4]፣ ጉሳራ ጋምኢሼ ፑዴሃ ባጋራ ዲዛ ኢሰራኤሉካ ጉጂዲ ዳሬ ኡባሰ ካዎ ጊደዲ ሃሪዳይሳ የቲዛ ታሪኬ [5-24]። ማጻፋዚ ዳዊቲ ባ ካዎቲሳ አሳናሲኔ ባ ማታ ሚንሳናሰ ዳራ ጊደኒኔ ዳራፕ ካሬራ ዲዛ ሞርኬታራ ኢዚ ባጾቲዳ ሚኖ ባጾ ፓቲ የቲሰ። ዳዊቲ አማኖን ሚኖኔ ጸሳ ሲቁዘዳ፤ ሄሳሳካ ዳሬዛ አቻን አማኔቲዳዳ ጊደዳይሳ ቆንጨሴሰ፤ ሃራይካ ኢዚ ኢሲ ኢሲ ዎዴ ሜንጾ ኢታ ኦሶ ኦሊዛይሳኔ ባ አቾ አሞ ፖላናሰ ዳራ ኢታ ናጋራ ኦሊዳይሳ ፓቲ የቲሰ። ጊደኮካ ጸሳ ናቤ ናታኔይ ኢዛኮ ሸቆዲ ኢዚ ኦሊዳ ናጋራ ኢዛ ኤሪሰን ኢዚ ባ ናጋራ ፓጺዲ ጸሲ ኢዛሰ አሚዳ ቁጻቲዛ ኤኪዳሰ። ዳዊቲ ዳኔይኔ ኢዚ ኦሊዳ ኦሶይ ኢሰራኤሉ አሳ ዳሮ ሎኢዳ ጊሻሰ ኢዛፕ ካሊዛ ዎዳታን ዳራ ቦላ ሜቶይ ጋኪሽን ጋኪሽን ኢሰቲ ባንታሰ ሃራ ካዎላናሰ ቦይዛ ዎዳ፣ ዳዊቲ ና ዎይኮ ዳዊቲ ዛሬ ጊደዲ ዳዊቲ ማላ ኣይሲዛ አሰ ዳማናሰ አሞቲቲሰ።

ሃ ማጻፋይ ኦይኪዳ ኩሜሳ ቆፋ

- የሁዳን ዳዊቲ ካዎቲሳ 1:1—4:12
- ኩሜሳ ኢሰራኤሉን ዳዊቲ ካዎቲሳ 5:1—24:25
- ኢዛሰ ኮይሮ ካዎቲሳ ላይላታ 5:1—10:19
- ዳዊቲኔ ቤርሳቤሆ 11:1—12:25
- ሜቶኔ ዋዩ 12:26—20:26
- ወርሴሳ ላይላታ 21:1—24:25

ዳዊቲ ሳኦሌ ሃይቆ ሲሰ

- 1 ሳኦሌ ሃይቆዳፕ ጉዩ ዳዊቲ አማሌቁ አሳ ኦሊ ደኒዲ ሲሚዳሰ፤ ጸጊላፕካ ናምኡ ጋላሰ ጋምኢዳሰ።
- 2 ሃዳንሉ ጋላሰ ዳኩቲዳ ማይኦ ማይኢዲ ባ ሁኤ ቦላ ጉዲላ ሳሊዲ ኢሲ ናቲሳ ና ዳይሲ ሳኦሌ ጉታፕ ዪዳሰ። ዳዊቲኮ ጋኪዳ ማላ ዛቁልላ ዚርጺ ጊዲ ቦንቾሰ ኩሼ ዳንላዳሰ።
- 3 ዳዊቲካ ኢዛ፣ «ኔ አሞፕ ያዲ?» ጊዲ ኦይቺዳሰ።
- ኢዚ ቃሴ፣ «ታኒ ኢሰራኤሌ አሳይ ዲዛሶፕ ኬሳ ኤካ ያዲሰ» ጊዳሰ።
- 4 ዳዊቲ ቃሴ ኢዛ፣ «አዜ ዋኒዳይ ኣኔ ታሰ ኡባ የታ» ጊዲ ኦይቺዳሰ።
- ኢዚካ ዳዊቲሰ፣ «አሳዚ ኦላሶፕ ባቃቲዳሰ፤ ዳሮይ ኩንዲዳሰ፤ ሳኦሌኔ ኢዛ ና የናታኔይ ሃይቆዳ» ጊዳሰ።
- 5 ሃሳፌ ጉዩ ዳዊቲ ዎሪዛ ኢዛሰ የቲዳ ናዛ፣ «ሳኦሌኔ ኢዛ ና የናታኔይ ሃይቆዳይሳ አዛን ኤራዲ?» ጊ ኦይቺዳሰ።
- 6 ዎሪዛ ኢዛሰ የቲዳ ናቲሳ ናዚ ኢዛሰ ዛሪዲ፣ «ቶሮንታ ዳሼ ታኒ ፑዴ ጊልቦኣ ዙማ ቦላ ኬዛዲሰ፤ ሳኦሌ ሄን ባ ቶራ ቦላ ዜምፕ ዲሺን ፓራ-ጋሬቲኔ ቶጋ አሳይ ጎዴሬላሼ ኢዛ ቦላ ጋኪ ዎዳዳ።
- 7 ኢዚካ ጉዩ ሲሚ ዳሊዲ ታና ቤኢዲ ዳይጊዳሰ፤ ታኒካ፣ «ታ ኔሰ ኣይ ኦላ?» ጊዳሰ።

- 8 «ኢዚካ ታና፣ «ኔ ኦኔ?» ጊ ኦይቺዳሰ። ታኒካ ኢዛሰ፣ «ታኒ አማሌቁ አሳ» ጋዳ የታዲሰ።
- 9 «ኢዚካ ታሰ፣ «ታ ሃይቆናሰ ቶቃይሰ፤ ጊደ ኣቲን ታሰ ሼምፖይ ኬዘንታ ኢዲዳሰ፤ ዛይ ሃ ያ፤ ታና ሼምፕሳ» ጊዳሰ።
- 10 ሂሰቲን ታኒ ኢዚ ኩንዲቺዳፕ ጉዩ ኣቶንታይሳ ኤራዳ ታ ኢዛኮ ሸቆዳ ኢዛ ዎዳዲሰ። ኢዛ ሁኤ ቦላ ዲዛ ካላቻዘኔ ኢዛ ቁሴ ሳጋዮዛ ኤካዳ ሄኮ ታ ጎዳሰ ኤሃዲሰ» ጊዳሰ።
- 11 ሃሳፌ ጉዩ ዳዊቲኔ ኢዛራ ዲዛ አሳይ ኡባይ ባንታ ማይኦ ዳኪዳ።
- 12 ኢሰቲ ማሻን ሲፊቲዳ ጊሻሰ ሳኦሌሲኔ ኢዛ ና የናታኔሰ፣ ጎዳ ኦላንቻታሲኔ ኩሜሳ ኢሰራኤሌ አሳሰ ካየቲዳ፣ ዩኪዳኔ ኦማርሰ ጋካናሰ ጸሚዳ።
- 13 ዳዊቲ ቃሴ ሄ ዎሪዛ ኢዛሰ ኤሃዳ ናቲሳዛ፣ «ኔ አሞፕ ያዲ?» ጊ ኦይቺዳሰ። ናዚካ፣ «ታኒ ኔ ዳሬን ቤቲ ዲዛ አማሌቁ አሳ ና» ጊዳሰ።
- 14 ዳዊቲ ቃሴ፣ «ሂሰቲን ኔኒ ጎዳይ ቲይዳይሳ ዳይሳናሰ ኔ ኩሼ ዋና ጸላ ዳንላዲ?» ጊ ኦይቺዳሰ።
- 15 ሃሳፌ ጉዩ ዳዊቲ ናቲሳታፕ ኢሳ ዳይጊዳ፣ «ኔኒ ኢዛኮ ሸቆዳ ኢዛ ዎዳ» ጊዳሰ። ሄ ናቲሳዚ አማሌቁዛ ጫዲ ዎዳዳሰ።
- 16 ዳዊቲካ አማሌቁዛ፣ « ሳዳይ ቲይዳይሳ ታኒ ዎዳዲሰ» ጋዳ ኔ ቦላ ኔርካ ኔ ማርካቲዳ ጊሻሰ ኔ ሱላ ጎሚይ ኔ ቦላ ጊዳ።» ጊዳሰ።

ሳኦሌ ጊሻሲኔ የናታኔ ጊሻሰ ሸቆዳ ዚላሳ ጊንጾ
 17 ዳዊቲ ሳኦሌ ጊሻሲኔ የናታኔ ሃይቆ ጊሻሰ ዚላሊሽ ዩኪዳሰ።
 18 ቃሴካ፣ «ዎንዳፌ ሚላሰ» ጌቲቲዛ ዚላሳ የሁዳ ዳራ ታማርሳና ማላ ኣዛዚዳሰ። ሄሲ ያሻሬ ማጻፋን ጸፊቲ ኡቲዳሰ።

- 19 «ሃይሶ ኢሰራኤሌ!
 ኔ ቦንቾይ ዙምቡላታ ቦላ ጫዳቲ ሃይቆዳሰ፤
 ኦላ ቃራቲ ዋኒ ሃይሳላ ኩንዲዳ።
- 20 «ፊሊሰጾሜ ማጫ ናይቲ
 ኡፋዬቶንታ ማላ፣
 ቃጸሬቶንታ አሳ ማጫ ናይቲ
 ኢሊሎንታ ማላ፣
 ሃይሳ ጌቲን ዎሪሶፕቲ፤
 አሰቁሎናንካ አዎጃፍቲ።
- 21 «ኢንቲኖ ጊልቦኣ ዙማቶ!
 ኢንቲ ቦላ ኢራይ ቡኩሮ፤
 ጸዛይካ ኢንቲ ቦላ ደፖ፤
 ያርሾሰ ጊዲዛ ካላ
 ኢንቲ ጎሻ ቢታን ሞኮሮ።
 ሄን ኦላ ቃራዛ
 ጎንዳሌይ ቲኒዳሰ፤
 ሳኦሌ ጎንዳሌይ
 ሃይሳፌ ጉዩን
 ዛይቲን ቁጩቲና።
- 22 የናታኔ ዎንዳፌይ

ዎዶንታ ሲሚ ኤሬና፤
ሳኦሌ ማሻይካ
ሞርኬ ቃንጾሬላ ዩጌስ፤
ዎልቃማታካ
ሚንሴሬላ ዩጌስ፤
ኢዛ ሞርኬታካ ዎዲዳስ።

23 «ሳኦሌን የናታኔይ
ሺሞፖራ ፓጻ ዲሺ
ሲቁቲዛይታኔ ቆፋን ጋይቲዛይታ።
ሃይቂሺካ ሻኬቶንታይታ፤
ጎሌ ካፎፔ ፕላቲዛይታ፤
ጋሞሬካ ሚኒዛይታ።

24 «አንቲኖ ኢሰራኤል ማጫሳቶ!
ኦቻ ቲራ ሚሳቲዛ አልኦ
ቃሚሳ አንቲና ማይዚዳ፤
አንቲ ማይኦዛ ዋርቃ
ጸባቤን አሌቂሲዳ፤
ሳኦሌስ ዩኪቴ።

25 «ኦላ ቃራቲ
ዋኒ ሃይሳ ማላ ኦላሶን ኩንዲደ!
የናታኔይ ኔ ዙሞቡላታ ቦላ
ጫዳቲ ሃይቂዳስ።

26 ታ አሻ የናታኔ!
ታኒ ኔ ገሻስ ካዮታዲስ፤
ኔ ታስ ኬሃ አልኦኩሺን፤
ኔ ሲቆይ ታና
ማላሊሲዛዛኮሺን
ማጫ ሲቆፔካ ኬሃ
አዴሰኮሺን።

27 «ኦላ ቃራቲ ዋኒ ኩንዲደ!
ኦላ ማሳራቲካ ዋኒ
ሃዳ ገዳኔ!»

2

የሁዳን ዳዊቲ ካዎቲል

1 ሃሳፌ ጉዬ ዳዊቲ፡ «ታኒ የሁዳ ካታማታፔ
ኢሲኔይን ቦ?» ገዲ ጎዳ ኦይቺዳስ።
ጎዳይካ፡ «ኤ ባ» ገዳስ።
ዳዊቲ ዛሬዲ፡ «ካታማታፔ
አዋሪን ቦ?» ገ ዦይቺዳስ።
ጎዳይ ቃሴ፡
«ኬብሮኔ ባ» ገዳስ።

2 ሂሰቲን ዳዊቲ ባ ማቺታ ናሞኦታራ ኬብሮኔ
ቢዳስ። ኢሰቲካ ኢዘራኤሌን ዩሌቲዳ አሂናሆሞኔ
ቃርሚሎሴ ዳሬ አሰ ሃይቂዳ ናባሌ ማቾ አቢጋሎ።

3 ሃሳሶካ ዳዊቲ ባናራ ዲዛ አሳ ኢሰታሶ አሳራ
ኢሲፌ ጋላ ኤሂዳስ። ኢሰቲካ ኬብሮኔ ካታማታን
ኡቲዳ።

4 ሃሳፌ ጉዬ የሁዳ አሳይ ኬብሮኔ ዩዳስ። ሃን
ዳዊቲ ቲይዲ የሁዳ ዳራ ቦላ ካዎላዳ።
ጋላኦ ዳሬን ያቡሴ አሳይ ሳኦሌ አሃ ሞጊዳይሳ
ዳዊቲስ የቲን።

5 ኢዚካ ጋላኦን ያቡሴ ዳሬ አሳስ ሃሳ ኢዛስ
የታና ማላ ቃሰታኔ አሰ ዩዲዲ፡ «ሃይሳ ማላ ኦላዲ
አንቲ ጎዳ ሳኦሌ ሞጊዲ አንቲ ሎኤቴል ቤሲዳ ገሻስ
ጎዳይ አንቲና አንጅ።

6 ሃኢካ ጎዳይ አንቲስ ባ ሚኖ ሲቆኔ አማኔቴል
ቆንጩሶ፤ አንቲ ኦላዲ ሎኤቴል ገሻስ ታኒካ አንቲስ
ሎኦ ሚሻ ኦላና።

7 ሃሳ ገሻስ ሚኒቴ፤ ጎቢቴ፤ አንቲ ጎዳይ ሳኦሊ
ሃይቂዳ ገሻስ የሁዳ አሳይ ታና ቲይዲ ባ ቦላ
ካዎላዳስ» ገዳስ።

ኢሰራኤል አሳ ቦላ ኢያቡሰቴ ካዎቲል

8 ሄ ዎዳ ሳኦሌ ኦላ አሳ አዛዚዛ ኔሬ ና አቢኔሪ
ሳኦሌ ና ኢያቡሰቴ ኤኪዲ ማሃናይሜ ፒንላዳስ።

9 ኢዛካ ጋላኦ፡ አሴሬ፡ ኢዘራኤሌ፡ ኤፍሬሜ፡
ቢኒያሜ ቦላኔ ኩሜላ ኢሰራኤሌ ቦላ ካዎላዳስ።

10 ሳኦሌ ና ኢያቡሰቴይ ኢሰራኤሌ ቦላ ካዎቲሺን
ኢዛስ ላይላይ ኦይዲ ታሙ፤ ኢዚ ናሞኦ ላይል
ሃሪዳስ። የሁዳ አሳይ ገዲኮ ዳዊቲ ካሊዳስ።

11 ዳዊቲ ኬብሮኔን ኡቲዲ ኢሰራኤሌ አሳ ላቸን
ላይሌኔ ኡሱቸን አገና ሃሪዳስ።

ኢሰራኤሌሲኔ የሁዳስ ገደን ዳንዲዳ ኦላ

12 ኔሬ ና አቢኔሪ ሳኦሌ ና ኢያቡሰቴ ኦሳንቻታራ
ኢሲ ቦላ ማሃናይሜፔ ዳንዲዲ ገባኦኔ ቢዳ።

13 ኢሰታካ ጸራያ ና ኢዮኦቤይኔ ዳዊቲ አሳቲ
ኬኢዲ ገባኦኔ ኤሌ ሃላ ኦቻን ጋይቲዳ። ኢሲ ባጋይ
ሃላፌ ሄ ፒንላን፡ ባጋይ ሃላፌ ሃ ፒንላን ኡቲዳ።

14 ሃሳፌ ጉዬ አቢኔሪ ኢዮኦቤስ፡ «ኦኔ ኦ ባጋፌኔ
አንቲ ባጋፌ ናቴላ ናይቲ ዳንዲዲ ኦ ሲንላን ኦላ
ቲራን ጋይቲቶ» ገዳስ።

ኢዮኦቤይ፡ «ኤሮ ጋይቲቶ» ገዳስ።

15 ሃሳ ገሻስ ቢኒያሜ ባጋፌ ኢያቡሰቴስ ታማኔ
ናሞኦ አሲ ቆዳቲዳስ። ዳዊቲ ባጋፌካ ታማኔ ናሞኦ
አሲ ቆዳቲዳስ።

16 ሃሳፌ ጉዬ ኢሶይ ኢሶይ ባ ሞርኬ ሁኤ
ኦይኪዲ ማሻን ሚሌራ ጫዲሺ ኢሲፌ ኦይኬቲ
ኩንዲዳ። ሃሳ ገሻስ ገባኦኔን ዲዛ ሄ ቢታዚ፡ «ማሻ
ቢታ» ገቲቲዳስ።

17 ሄ ጋላሳ ኦላይ ኬሂ ዳጾ፤ አቢኔሪኔ ኢሰራኤሌ
አሳይ ዳዊቲ አሳን ጾኔቲዳ።

18 ጸራያ አቲማ ና ሃሻቲ ኢዮኦቤይ፡ አቢሳዬይኔ
አሳሄሌይ ሄን ዳቲስ። አሳሄሌይ ዎራን ዲዛ ጌኔሳ
ማላ ዋሳስ ፕላታ።

19 ኢዚ አቢኔሪ ኦይካናስ ሃዲርስ ኡሻቾ ጎንታ
ኢዛ ጌዶራ ካሊዳስ።

20 አቢኔሪ ጉዬ ሲሚ ጸሊዲ፡ «አሳሄሌ! ኔኔ!»
ገ ዦይቺዳስ። ኢዚካ፡ «ኤ ታናኮ!» ገ ዛሬዳስ።

21 ሂሰቲን አቢኔሪ ኢዛ፡ «ኔኒ ታ ጌዶፔ ሃዲርሳ
ባጋ ዎይኮ ኡሻቻ ባጋ ሲማዳ ናቴል ኢሳፌ ኢዛ ኦላ
ማሳራ ቦንቃ ኤካ» ገዳስ። ገዶ ኡቲን አሳሄሌይ
ካሌቲዲ ኢዛ ጌዶፔ ዳጾንታ ኢዲዳስ።

22 ቃሴካ አቢኔሪ ኢዛስ፡ «ኔ ታ ጌዶ ካሌቲዛይሳ
አገኮ ኔስ ሎኦ፤ ታኒ ኔና አይሰ ቢታራ ኦይሴላ?
ሂሰቲዳ ታኒ ኔ አሻ ኢዮኦቤ አይፊሶ ዶቁ ጋዳ ዎስታ
ጾሎ?» ገዳስ።

23 አሳሄሌይ ገዲኮ ኢዛ ካሌቴል አገቤና፤ ሃሳ
ገሻስ አቢኔሪ ባ ቶራ ጸራን ኢዛስ ኡሎን ጫዲን

ቶራዚ ኢዛሰ ዘከዛራ ካንላ ኬዚዳስ። ኣሳሂሌይ ሄን ጋዳ ቦላ ኩንዲዳ ማላ ሄራካ ሃይቂዳስ። ኦነካ ኣሳሂሌይ ኩንዲ ሃይቂዳሶ ጋኪሽ ኤቂ ኤኮስ።

24 ኢዮኣቤይኔ ኣቢሳይይ ጊዲኮ ኣቢኔሪ ካሉተዳ፤ ኢዛ ጎዳሬላሽ ጌባኦኔ ባዞ ኤፊዛ ኦጌዛራ ኣዩ ማታን ዲዛ ኣማ ዙምቡላ ሄራ ጋኪሽን ኣርሼይ ወሊዳስ።

25 ሄሳፊ ቢኒያሜ ኣሳይ ኣቢኔሪኮ ሸቂዲ ዙምቡላዛ ጾራን ኢሲኖ ጊዲዲ ሳልፊዳስ።

26 ኣቢኔሪ ኢዮኣቤይ ደይጊዲ፣ «ኦነ ሜርናሰ ኦላ ኦሉተሽ ዳ፣ ኢዛሰ ወርሴላ ጋቴይ ጫጥ ጊዲዳይሳ ኔ ዋናዳ ኤርንታ ኣጋዲ? ኔ ኣሳይ ባ ኢሻታ ጎዲዛይሳ ኣጋና ማላ ኔ ኢሰታሰ ኣዛዞ ኢምንታይ ኣዉዴ ጋካናሴ?» ጊዳስ።

27 ኢዮኣቤይካ ዛሪዲ፣ «ዴኦ ጸሳይ ቤዩን፣ ኔ ሃይሳ ዮቶንታ ኣጊዳኮ ኣሳይ ዋንታና ጋካናሽ ባ ኢሻታ ጎዲ ኣጌና» ጊዳስ።

28 ሄሳፊ ጉዩ ኢዮኣቤይ ባ ዛዩ ፑኒዳስ፤ ኣሳይካ ኡባይ ኢሰራኤሌ ጎዲዛይሳ ኣጊዳስ። ኦላዚ ሄሳን ኤቂዳስ።

29 ኣቢኔሪኔ ኢዛ ኣሳይ ኦማርሳራ ኣራቤራ ካንላ ቢዳ፤ ሄፔ ዮርዳናሴ ሻፋ ፒኒዲ ኡባይካ ቢተርኔራ ካንላ ማሃናይሜ ዩዳ።

30 ሄሳፊ ጉዩ ኢዮኣቤይ ኣቢኔሪ ጎዲዛይሳ ኣጊ ሲሚዲ ኢዚ ዳሬዛ ሸሽዲ ዋዳ ዳዊቴ ኣሳ ጊዳፊ ኣሳሂሌይ ኣተን ሃራይ ታማኔ ኡዲፋን ኣሲ ዳይዳይሲ ኤሬተዳስ።

31 ዳዊቴ ኣሳይ ጊዲኮ ቢኒያሜ ኣሳፔ ኣቢኔሪ ካሊዛ 330 ኣሰ ዋጂዳስ።

32 ኢዮኣቤይኔ ኢዛራ ዲዛ ኣሳይ ኣሳሂሌይ ኩንዲዳሶሆፔ ኢዛ ኣሃ ዴንላዲ ቤቴሊሃሜን ኢዛ ኣዋ ዲፎን ሞጊዳ። ሄሳፊ ጉዩ ኦማርሰ ኩሜላ ሄሜተሽ ኣቂዲ ቡር ጋዳይ ዋንተሽን ኩብርኔ ጋኪዳ።

3

1 ሳኦሌ ኩላ ጊዳኒይ ዳዊቴ ኩላ ጊዳን ዲዛ ኦላይ ዳር ዋዳ ጋምኢዳስ፤ ዳዊቴ ባጋይ ሚኒ ሚኒ ቢሽን ሳኦሌ ባጋይ ዳቡሪ ዳቡሪ ቢዳስ።

2 ዳዊቴ ኩብርኔን ዲሺን ኢዛሰ ኡሱፑን ኣቱማ ናይቲ ዩሉተዳ፤ ኢዛሰ ባይራ ናዚ ኢዘራኤሌ ዳሬ ኣሰ ኣሂናሆምፔ ኣሚኖኔይ ዩሉተዳስ።

3 ናምኣንሳ ናዚ ቃርሜሎሴ ዳሬ ኣሰ ናባሌ ማቕ ኣቢጋሊፔ ከልኣቤይ ዩሉተዳስ፤ ሃሻንሳ ናዚ ጌሹሬ ካዋ ታሊማዩ ቢዮ ማኢኪፔ ኣቤሴሎሜይ ዩሉተዳስ።

4 ኦይዳንሳ ናዚ ኣዳኒያሲ ሃጊተፔ ዩሉተዳስ፤ ኢቻሻንሳ ናዚ ሻፋጺያይ ኣቢጸሊፔ ዩሉተዳስ፤

5 ኡሱፑንሳ ናዚ ዳዊቴ ማቕ ኡግሊፔ ዩተራሜይ ዩሉተዳስ፤ ሃይቲ ዳዊቴ ኩብርኔን ዲሺን ኢዛሰ ዩሉተዳይታ።

ኣቢኔሪ ዳዊቴ ኢሲፊታላ

6 ሳኦሌ ኩላይ ዳዊቴ ኩላ ኦሉተሽ ዲዛ ዋዳ ኣቢኔሪ ሳኦሌ ኩላን ባ ዋልቃ ሚንላሽ ዳስ።

7 ሳኦሌ ኣያ ቢዮ ኤርጺፎ ላጌሳ ኦይኪዳስ፤ ኢያቡሰቴይ ኣቢኔሪ፣ «ኔ ኣይሰ ታ ኣዋ ላጌሳይራ ኣቃዲ?» ጊዳስ።

8 ኣቢኔሪ ኢያቡሰቴ ሃሳያን ኬሂ ሃንቁቲዳ ጊሻስ፣ «ዩሁዳ ማዳናሰ ታኒ ጎሻ ካኔ? ሃቕ ጋካናሰ ታኒ ኔ

ኣዋ ሳኦሌ ኩላስ፣ ኢዛ ኢሻታሲኔ ኢዛ ዳቦታሰ ታ ኣማኔታላ ፓጩንቻቤኬ፤ ኔናካ ዳዊቴሰ ኣላ ኢማቤኬ፤ ጊዳ ኣተን ኔኒ ሃኢ ሃኖ ሃ ማጫሳይራ ታ ሃኒዳ ሚሻሰ ታና ሞታይ?

9-10 ጎዳይ ሳኦሌ ኬላፊ ካዎቴላ ዋላ ኤኪዲ ዳኔፔ ቢዲ ቤርሳቤሂ ጋካናሰ ዲዛ ኢሰራኤሌ ቦላኔ ዩሁዳ ቦላ ዳዊቴ ካዎቴላ ጫቂ ዋላዳ ጫቆዛ ታ ፖሎንታ ኣጊኮ ጸሲ ኣቢኔሪ ቦላ ኢታ ሚሽ ኤሆ» ጊዳስ።

11 ኢያቡሰቴይ ኣቢኔሪከ ኬሂ ባቢዳ ጊሻሰ ዛሪዲ ኢሲ ቃላ ጳቃናሰ ዳንዳይቤና።

12 ሄሳፊ ጉዩ ኣቢኔሪ ዳዊቴሰ፣ «ሃና ቢታያ ኦናሴ? ታናራ ቃላ ጌላ፤ ቤኣ ኢሰራኤሌ ኡባይ ኔኮ ሲማና ማላ ታ ኔና ማዳና» ጊ ዮታና ማላ ኦጋላ ዩዲዳስ።

13 ዳዊቴካ፣ «ኤር ሎኦ፤ ታ ኔናራ ቃላ ጌላና፤ ጊዳ ኣተን ታ ኔፔ ኢሲ ሚሽ ኮያይሰ፤ ሄሲካ ኮይር ታኮ ያሽ ሳኦሌ ቢዮ ሚልኮሎ ኔ ታሰ ኤካ ያና ማላ ኮያይሰ፤ ሂሰቶንታ ኣጊኮ ታኮ ዮፓ» ጊዳስ።

14 ሄሳፊ ጉዩ ዳዊቴ፣ «ፊሊሰጾሜ ኣሰ ጾታታ ኣቱማቴላ ጨሎሻ ጨጋዳ ኤኪዳ ታ ማቕ ሚልኮሎ ታሰ ኢማ» ጊዲ ሳኦሌ ና ኢያቡሰቴኮ ባ ቃሰታኔታ ኪቲዳስ።

15 ሄሳ ጊሻሰ ኢያቡሰቴይ ባ ቃሰታኔታ ኪቲዲ ኢዚ ኣዚና ላይሻ ና ፓልቴኤሌሶፔ ኬሲ ኤኪዳስ።

16 ኢዚ ኣዚናይ ባሂሪሜ ጋካናሰ ዩኪሽ ኢዞ ካሊ ቢዳስ። ሄሳፊ ጉዩ ኣቢኔሪ፣ «ሃኢ ኔሰ ጊዳና! ጉዩ ኔሶ ሲማ» ጊዳስ።

17 ኣቢኔሪ ኢሰራኤሌ ጨማታራ ዘሬቲሽ ኢሰታሰ፣ «ካሴ ኣጂዳ ዋዳን ዳዊቴ ኢንቴ ቦላ ካዎታና ማላ ኮዩዳታ።

18 ጎዳይ ዳዊቴሰ፣ «ታ ኣይሌ ዳዊቴ ባጋራ ታኒ ታ ዳራ ኢሰራኤሌ ኢሰታ ሞርኬታ ኩሼፔኔ ፊሊሰጾሜታ ኩሼፔ ኣሻና ጊዛ ሂዳታ ቃላ ኣሚ ዋላዳ ጊሻሰ ሃይሳ ኢንቴ ሃኢራ ኦላቴ» ጊዳስ።

19 ሄሳሳካ ኣቢኔሪ ቢኒያሜ ቆሞታሰ ባርካ ቢዲ ሃይሳ ዮቲዳስ፤ ሄሳፊ ጉዩ ኢሰራኤሌ ኣሳይ ቢኒያሜ ኬላ ኣሳይ ኡባይ ኦላናሰ ኮዩዳ ኡባ ዳዊቴሰ ዮታናሰ ኩብርኔ ቢዳስ።

20 ኣቢኔሪ 20 ኣሳታራ ዳዊቴ ዲዛሶ ኩብርኔ ቢዳስ፤ ዳዊቴካ ኣቢኔሪኔ ኢዛራ ዲዛ ኣሰ ኡባሰ ጊቢራ ጊግሲዳስ።

21 ሄሳፊ ጉዩ ኣቢኔሪ ዳዊቴሰ፣ «ኔናራ ኢሰቲ ጫቂታና ማላ፣ ኔ ዋዚናይካ ኣሞቲዳ ማላ ኔ ኡባ ሃራና ማላ ኤሶን ባዳ ታ ጎዳ ካዎዛሰ ኩሜላ ኢሰራኤሌ ኣኔ ሸሻይሰ» ጊዳስ። ሄሳ ጊሻሰ ዳዊቴ ኣቢኔሪ ሞይዚዳስ፤ ኢዚካ ሳርን ቢዳስ።

ኣቢኔሪ ሃይቆ

22 ኢዮኣቤይኔ ዳዊቴ ኣሳይ ሄ ዋዳ ዳር ሚሽ ዲኢ ኤኪዲ ኦላፔ ሲሚዳ። ኣቢኔሪ ጊዲኮ ዳዊቴ ሳርን ኢዛ ሞይዚዳ ጊሻሰ ኩብርኔን ዳና።

23 ኢዮኣቤይኔ ኢዛራ ኢሲፊ ዲዛ ኦላንቻ ኡባይ ሄ ጋኪዳ ማላ ኔሬ ና ኣቢኔሪ ካዎዛኮ ዩዳይሳ፣ ካዎዚ ኢዞ ሞይዚዳይሳኔ ኢዚካ ሳርን ኬዚ ቢዳይሳ ኢዮኣቤይ ሲዩዳስ።

24 ሄሳ ጊሻሰ ኢዮኣቤይ ካዎዛኮ ጌሊዲ፣ «ሃይሲ ኔ ኦላዳይሲ ኣኬ? ኣኔ ኣቢኔሪ ኔ ኩሼን ጌሊን ዋናዳ ኔ ኢዛ ሳርን ሞይዛ ዩዳዲ?»

25 ኔሬ ና አቢኔሬ ኔ ኤራሳ፤ ኢዚ ዪዳይ ኔና ባሌፋናሰ፣ ኔ ዋና ከዚዛኮኔ ጌሊዛኮ ኤራናሲኔ ኔ ኦሊዛ ኡባ ዋቻናሰ ዪዳሰ» ገደሰ።

26 ሄሳፌ ጉዬ ኢዮኣቤይ ዳዊቲ አቻፊ ከዚዳሰ፤ አቢኔሬ ኤኪ ያና ማላ አሰ ከቲዳሰ፤ ከቲቲዳ ቃሰታኔቲ ኢዛ ሴይሬን ዲዛ ሃላ ኦላ ማታ ጋኪሺን ዛሪዳ፤ ሄሲ ሃኒሺን ዳዊቲ ኤሪቤና።

27 አቢኔሬ ጉዬ ከብርኔ ሲሚዳ ዋዳ ኢዮኣቤይ ኢዛ ጸላ ሃሳይሳና ኮይዛ አሰ ሚሳቲዲ ኢሲ ባጋ ሹርኢ ሂሰቲዲ ጌዳ ገምቤዛ ፔንጌ ኤፊዳሰ፤ ሄን ባ አሻ አሳሄሌ ሱሉ አዛራና ኮዪዲ ኢዛሰ ኡሎን ጫዲ ዋዲዳሰ።

28 ሄሳፌ ጉዬ አቢኔሬ ዋዲዳይሳ ዳዊቲ ሲዪዲ፣ «ታኒኔ ታ ካዋቲላይ ኔሬ ና አቢኔሬ ሱላፌ ጎዳ ሲንላን ሜርናሰ ጌሻ።

29 ኢዛ ሱላይ ኢዮኣቤ ሁኤኒኔ ኢዛ አዋ ከላ ኡባ ቦላ ገደ፤ አሳቲላፊ ሃላ ጎጊሲዛ ሃርጌይ ዋይኮ ጉፊን ካልኣቲዛ ዋቤይ ዋይኮ ማሻን ሃይቁዛይ ዋይኮ ሚዛዚ ዳዩን ኮሻቲዛይ ኢዮኣቤ ከላፊ ዳዮፖ» ገደሰ።

30 አቢኔሬ ጌባኦኔን ኦሌቲዳ ኦላን ኢዮኣቤሲኔ አቢሳዬ አሻ አሳሄሌ ዋዲዳ ገሻሰ ኢሰቲካ አቢኔሬ ዋዲዳ።

ዳዊቲ ካዮቴላ

31 ሄሳፌ ጉዬ ዳዊቲ ኢዮኣቤሲኔ ኢዛራ ኢሲፊ ዲዛ አሳ ኡባሰ፣ «አንቲ ማይኦ ዳኪዲ፣ ማቃ ማይኢዲ አቢኔሬ ሲንላን ዩኪቲ» ገደሰ። ዳዊቲ ባ ሁኤራ አሃ አዣቢደሰ።

32 ሂሰቲዲ አቢኔሬ አሃ ኤፊዲ ከብርኔን ሞገዳ፤ ካዋዚ አቢኔሬ ዳፎ ቦላ ዋሲ ዩኪዳሰ፤ ዳሬዚካ ሄሳሶ ዩኪዳሰ።

33 ካዋዚ አቢኔሬ ገሻሰ ካዮ ሚላሰ ሚላሊዳሰ፤ «አቢኔሬ! ሹፋር አሳ ማላ ዋና ሃይቃዲ?»

34 ኔ ኩሼቲ ቃሼቲቤቲና፤ ኔ ቶሆቲ አግሪዋቄን ጌሊቤቲና፤ አሲ ኢታ አሳ ሲንላን ኩንዲዛ ማላ ኔካ ሄሳሶ ኩንዳዳሳ።»

ዳሬዚ ኡባይ ቃሴ ዛሪ ዩኪዳሰ።

35 ሄሳፌ ጉዬ ዳሬ ኡባይ ካሉ ደናን ጌልሊዛ ዋዳ ዳዊቲኮ ዪዲ ኢዚ ካሉ ማና ማላ ሚንሊ ዋሲዳ። ገደ አቲን ዳዊቲ፣ «አርሼይ ወላናሼ ጋካናሰ ካሉ ዋይኮ ሃራ ሚሽ ደናን ታ ጌልሊኮ ጸሳይ ሃይሳ ማላ ታ ቦላ ኤሆ፤ ሃይሳፊካ አዲዛ ሚሽ ታ ቦላ ኤሆ» ገ ጫቁዳሰ።

36 ዳሬዚ ኡባይ ሄሳ ቤኢዲ ኡፋዬቲዳሰ፤ አዳፊካ ካዋዛ ሃናይ ዳሬዚ ኡፋይሲዳሰ።

37 ሄሳሶካ ሄ ጋላሰ ዳሬዚ ኡባይ ኩሜላ ኢሰራኤሌይ ካዋዛ ኩሼይ ኔሬ ና አቢኔሬ ሃይቆን ባይንዳይሳ ኤሪዳሰ።

38 ሄሳፌ ጉዬ ካዋዚ ባ ዳራሰ፣ «ሃች ኢሰራኤሌን ዳናይኔ ገታ አሲ ሃይቁዳይሳ ኤሪቤኬቲ?»

39 ታ ቲዬቲዳ ካዋ ገዲኮካ ሃች ታ ላፋቴሊ ታሰ ኤሬቲዳሰ፤ ሃይቲ ጸራያ ናይቲ ታሰ ዋልቃቲዳ። ጎዳይ ኢታ ኦሊዳዳሰ ኢዛ ኦሶ ማላ ኢዋ» ገደሰ።

4

ኢያቡሰቲ ሃይቆ

1 አቢኔሬ ከብርኔን ሃይቁዳይሳ ሳኦሌ ና ኢያቡሰቲይ ሲዪዳ ማላ ከሄ ያዪዳሰ፤ ኢሰራኤሌ ዳሬይካ ዳጋሚዳሰ።

2 ሄ ዋዳ ሳኦሌ ና ኢያቡሰቲሰ ካሌሊዛ ናምኡ አሳቲ ዳቲሰ፤ ኢሰቲካ ባኣና ኤሬካቤ ጌቲቲቲሰ፤ ኢሰቲ ቢኒያሜ ቆሞታፔ ቢኤርቲ ዳሬ ዩሌታ ገዲዳ አርሞኔ ናይታ፤ ቢኤርቲይ ቢኒያሜ ካታማታፔ ኢሲኔይ ማላ ቆዳታወሰ።

3 ቢኤርቲ አሳይ ጌቲሚ ባቃቲ ቢዲ ሃች ጋካናሰ ሄን ቤቲ አሰ ገዲዲ ዳሰ።

4 ሳኦሌ ና ዮናታኔሰ ናምኡ ቶሆቲ ሲሊዳ ኢሲ ናይ ዳሰ፤ ሳኦሌ ሃይቆይኔ ዮናታኔ ሃይቆ ዋሬይ ኢዘራኤሌፔ ኢዛኮ ጋኪዛ ዋዳ ኢዛሰ ላይላይ ኢቻሻ። ኢዚካ ቶሆ ሲላ ገዲዳይ ሄ ዋዳ ኢዛ ዲቺዛራ ኤካዳ ኤሶን ባቃቲሺን ኩንዲዳ ገሻሳ። ኢዛ ሱንሊ ሚምፌቦሰቲ ጌቲቲሰ።

5 ሄ ዋዳ ቢኤርቲ ዳሬ አሰ አርሞኔ ናይቲ ኤሬካቤይኔ ባኣናይ ኢያቡሰቲኮ ባና ዳንዲዳ፤ ኢዚ ጋላሳ ሹምፖ ኤካናሰ ባ ሂጸ ቦላ ኢሹቻን ዲሺን ሴታ ጋላሰ አዋይ ሴሊሺን ኢዛኮ ጋኪዳ።

6 ገሰቲ ኮይዛ አሰ ሚሳቲዲ ከላ ገደ ጌሊዲ ኢዛሰ ኡሎን ጫዲዳ። ሄሳፌ ጉዬ ኤሬካቤይኔ ኢዛ አሻ ባኣናይ ሉሹ ገ ከዚ ቢዳ።

7 ኢሰቲ ሶ ጌሊዳይ ኢያቡሰቲይ ባ አልጋ ኪፊሌን ኢቺ ዲሸና፤ ኢሰቲ ኢዛ ጫዲ ዋዲዳፔ ጉዬ ኢዛ ሁኤ ቃንጺ ኤኪዲ ኩሜላ ኦማርሰ አራቤ ኦጌራ ቢዳ።

8 ኢያቡሰቲ ሁኤ ዳዊቲኮ ከብርኔ ኤፊዲ ካዋዛሰ፣ «ኔና ዋዳና ኮይዛ ኔ ሞርኬ ሳኦሌ ና ኢያቡሰቲ ሁኤ ሃይሳ ቤኣ፤ ሄኮ ጎዳይ ሃች ታ ጎዳ ካዋዛ ገሻሰ ሳኦሌ ቦላኔ ኢዛ ዜሬላ ቦላ ሃሎ ከሲዳሰ» ገደ።

9 ዳዊቲካ ቢኤርቲ ዳሬ አሰ አርሞኔ ናይታ ኤሬካቤይኔ ኢዛ አሻ ባኣናሰ፣ «ታና ሜቶፔ አሺዳ ዳኦ ጸሳይ ቤኣን።

10 ታሰ ሚሽራቾ ቃላ ኤሂዳ ኢዛሰ ሚሳቲን፣ «ሄኮ ሳኦሌ ሃይቁዳሰ» ገዲ ታሰ ዮቲዳዳ ኦይካዳ ጸገላገን ዋዲዳሰ። ሂሰቲኮ ሄ አዳዛሰ ታ ኢሚዳ ሞሳታይ ሄሳ።

11 ሂሰቲን ባ ከላን ባ አልጋ ቦላ ኢቺ ሹምፐዛ ጸሎ አሰ ዋዲዳ ኢታ አሳታሰ ኢታ ቁጻቲ ኢማና ቤሴኔ? ኢዛ ሱላ አንቲ ኩሼፔ አጫናሲኔ አንቲና ቢታፊ ዳይሳናሰ ታሰ ቤሴኔ?» ገደሰ።

12 ሄሳ ገሻሰ ዳዊቲ ባ አሳታ አዛዚን ኢሰቲ ሄይታ ዋዲዳ፤ ኢሰታ ኩሼኔ ቶሆ ቃንጺዲ ከብርኔን ዲዛ ኤሌ ሃላ አቻን ካቁዳ፤ ኢያቡሰቲ ሁኤ ቃንጺ ኤኪዲ ከብርኔን ዲዛ አቢኔሬ ዳፎዛ አቻን ሞገዳ።

5

ኢሰራኤሌ ቦላ ዳዊቲ ካዋቴላ (1ታሪ 11:1-9፤ 14:1-7)

1 ኢሰራኤሌ አሳይ ኡባይ ከብርኔ ዳዊቲኮ ቢዲ፣ «ሄኮ ኩኒ ኔ ሚቁላታኔ ኔ አሽታ።

2 ካሴ ሳኦሊ ኑ ቦላ ካዎቲ ዲዛ ዎዴ ኢሰራኤል ኦላ ኣሳ ካሌላዛይ ኔና፤ ጎዳይ፣ ታ ዳሬ ኢሰራኤል ናገናይ ኔና፤ ኢስታ ካሌላናይ ኔና ገዳና፣ ገዲ ኔሰ ዮቲ ዎሊዳስ» ገዲ።

3 ሃሳ ገሻሰ ኢሰራኤል ኣሳ ካሌላዛይቲ ኡባይ ኩብሮን ዩዳ፤ ካዎ ዳዊቲ ኩብሮንን ጎዳ ሲንሳን ኢስታራ ጫቆ ቃላ ገሊዳስ፤ ኢስቲካ ዳዊቲ ቲይዲ ኢሰራኤል ቦላ ካዎሊዳ።

4 ዳዊቲ ካዎቲሽን ኢዛሰ ላይላይ 30፤ ኢዚ 40 ላይላ ዳራ ኣይሲዳስ።

5 ኢዚ ኩብሮንን ኡቲዲ ዩሁዳ ቦላ ላፑን ላይላኔ ኡሱፑን ኣገና፤ ዩራሳላሚን ኡቲዲ ኩሚሳ ኢሰራኤል ቦላኔ ዩሁዳ ቦላ 33 ላይላ ካዎቲዳስ።

ዩራሳላሚ ጸኔቲል

6 ካዎዚኔ ኢዛ ኣሳይ ዩራሳላሚን ዲዛ ያቡሴ ኣሳ ኦላናሰ ሄ ቢዳ። ያቡሴ ኣሳይካ ዳዊቲ፣ «ዳዊቲ ሃይሳን ገላና ዳንዳዩና» ገ ቆፒዳ ገሻሰ ዳዊቲሰ፣ «ሃራይ ኣቶሺን ቆቄቲኔ ዎቤቲ ኔና ቲቃና፤ ሃሳ ገሻሰ ኔ ሃ ገላካ» ገዲ።

7 ገደ ኣቲን ዳዊቲ ጸዮን ሚጸ ኦይኪዳስ፤ ሃናካ ሃኢ ዳዊቲ ካታማ ጌቲቲዛሰሆዮ።

8 ሄ ጋላሰ ዳዊቲ፣ «ያቡሴ ኣሳ ጸናና ኮይዛይ፣ ዳዊቲ ዋርኬ ገዲዳ ዎቤታኮኔ ቆቄታኮ ጋካናሰ ሃል ፒኒዛ ፑርዳራ ፑዲንሳ ኬዛናሰ ቤሴሰ» ገዳስ፤ ሃሳ ገሻሰ፣ «ዎቤቲኔ ቆቄቲ ካዎ ኬል ገሌቴና» ጌቲቲዳስ።

9 ሃሳፊ ጉዬ ዳዊቲ ሚጸዮ ባሰ ዲሳሶ ሂሰቲዳስ፤ ኢዛ፣ «ዳዊቲ ካታማ» ገ ሱንላዳስ። ዳዊቲ ሚሎፔ ደሚዲ ኢዛ ገደ ኣሊዲ ዩዩ ኣቆናሰ ገምቢዳስ።

10 ጎዳይ ኡባፊ ዎልቃማ ጸሳይ ኢዛራ ዲዛ ገሻሰ ዳዊቲ ኡባ ዎዴ ሚኒ ሚኒ ቢዳስ።

11 ሄ ዎዴ ጸርሴ ካዎ ኪራሚይ ዳዊቲኮ ኣስ ኪታ ዩዲዳስ፤ ሃሳላካ ዚጋ ሚል ማሲዛ ሂላንቻታኔ ሹቶ ማሲዛ ሂላንቻታ ዩዲዳስ፤ ኢስቲካ ዳዊቲሰ ካዎ ኬል ኬጸዲ።

12 ጎዳይ ኢሰራኤል ቦላ ኢዛ ካዎቲል ሚንላዳይሳ፣ ባ ዳራ ኢሰራኤል ገሻሰ ኢዛ ካዎቲል ኣሲዳይሳ ዳዊቲ ኤራዳስ።

13 ዳዊቲ ኩብሮንፔ ቢዳፔ ጉዬ ካሴይታ ቦላ ዩራሳላሚን ሃራ ላጌታዎ ዎሊዳስ፤ ማቼታካ ኤኪዳስ፤ ሃራ ኣቲማ ናይቲኔ ማጫ ናይቲ ኢዛሰ ዩሌቲዳ።

14 ኢዚ ዩራሳላሚን ዩሊዳ ናይቲ፣ ሻሙኤ፣ ሸባቤ፣ ናታኔ፣ ሶሎሞን፣

15 ኢያቤሄራ፣ ኤልሹኤ፣ ኔፊጌ፣ ናፊያ፣

16 ኤልሻማ፣ ኤልኣዳኔ ኤልፋሌጾ ጌቲቲቲሰ።

ፊሊሰጾሚ ጸኔቲል (1ታሪ 14:8-17)

17 ዳዊቲ ኢሰራኤል ኣሳ ቦላ ካዎቲዳይሳ ፊሊሰጾሚ ኣሳይ ሲዩዲ ኢዛ ኮያናሰ ገጸ ዳንዲዳስ፤ ሃሳ ሲዩዲ ዳዊቲ ዲጌ ባ ሚጸ ዎዲዳስ።

18 ሄ ዎዴ ፊሊሰጾሚ ኣሳይ ዩዲ ኤራፋይሚ ሸባን ላሌቲ ዲንካኒዳስ።

19 ሃሳ ገሻሰ ዳዊቲ ጎዳ፣ «ባዳ ፊሊሰጾሚ ኣሳራ ኦሌቶ? ኔ ኢስታ ታ ኩሼን ኣሳ ኢማኔ?» ገ ኦይቹዳስ።

ጎዳይካ ኢዛ፣ «ኤ ባ፤ ቱማፔ ፊሊሰጾሚታ ታኒ ኔ ኩሼን ኣሳ ኢማና» ገዳስ።

20 ሃሳ ገሻሰ ዳዊቲ ባኣሊ-ፓራጾሚ* ቢዲ ፊሊሰጾሚ ኣሳ ኦሊ ጸኒዳስ፤ ኢዚካ፣ «ዲኦ ሃሊ ቆቄ ኬዚዲ ላሊዛ ማላ፣ ጎዳይ ታ ዋርኬታ ታ ሲንሳፊ ላሊዳስ» ገዳስ። ሃሳ ጋሰን ሄ ሶሆዛ ሱንላ ባኣሊ-ፓራጾሚ ጌቲቲዳስ።

21 ፊሊሰጾሚ ኣሳይ ባ ኤቃ ጸሳታ ዩጊ ኣገዲ ባቃቲዳ ገሻሰ ዳዊቲኔ ኢዛ ካሊዛ ኣሳይ ዲኢ ኤኪ ቢዳ።

22 ፊሊሰጾሚ ኣሳይ ቃሴካ ዩዲ ኤራፋይሚ ሸባን ላሌቲ ዲንካኒዳስ።

23 ሃሳ ገሻሰ ዳዊቲ ጎዳ ኦይቹዳስ፤ ጎዳይካ ኢዛሰ፣ «ኢስታፊ ጉዬ ባጋራ ኢስታ ገደላዳ ባላሳኔ ሚላፊ ሲንሳ ባጋራ ባዳ ኢስታራ ጋይታ ኣቲን ኢስቲ ዲዛሰ ሲቲ ጋ ኬዘፓ።

24 ባላሳኔ ሚላ ጸራ ቦላራ ኦላ ገሪሰ ሲዩዛ ዎዴ ጎዳይ ፊሊሰጾሚ ኦላ ኣሳ ኦላናሰ ኔፔ ካሴቲ ኬዚዳሰ ጉሰ ገዲዳ ገሻሰ ሄ ዎዴ ኤሶታዳ ሲንላ ሲቲ ጋ ባ» ገዳስ።

25 ሃሳ ገሻሰ ዳዊቲ ጎዳይ ኢዛ ኣዛዚዳ ማላ ኦሊዳስ፤ ፊሊሰጾሚ ኣሳካ ጌባፔ ቢዲ ጌዜሬ ጋካናሰ ጎዲ ጎዲ ሸጪዳስ።

6

ዩራሳላሚ ጫቆ ቃላ ታቦታ ቡሰ

(1ታሪ 13:1-14፤ 15:25—16:6፣43)

1 ቃሴካ ዳዊቲ ኢሰራኤል ኣሳፔ ደሬቲዳ 30,000 ኣሰ ሸሸዳስ።

2 ኢዚኔ ኢዛራ ዲዛ ኣሳይ ኡባይ ከሩቤ ቦላ ኡቲዳ ጎዳ ኡባፊ ዎልቃማ ጸሳ ሱንሳን ጸይጌቲዳ ጸሳ ጫቆ ቃላ ታቦታ ኤሃናሰ ባኣሊ-ዩሁዳ ጌቲቲዛሰ ቢዳ።

3 ጸሳ ጫቆ ቃላ ታቦታዛ ኦራላ ፓራ-ጋሬን ዎሊዳ፤ ዙምቡላ ቦላ ዲዛ ኣቢናዳቤ ኬላፊ ኬሲ ኤሂዳ፤ ፓራ ላገዛይቲ ኣሚናዳቤ ና ኦዛኔ ኣሂዮ።

4 ጸሳ ጫቆ ቃላ ታቦታዚ ፓራ-ጋሬዛ ቦላ ዲሺን ኣሂዮይ ኢዛፔ ሲንሳራ ቤሰ።

5 ዳዊቲኔ ኢሰራኤል ኣሳይ ኡባይ ዩላን፣ ዲላን፣ ማሲንቆን፣ ካራቤን፣ ጸናጸሊኒኔ ዳላን ባሰ ዲዛ ዎልቃ ኡባን ጎዳ ሲንሳን ጉፒዳ (ካኢዳ)።

6 ኢስቲ ናኮኔ ካላ ባሌ ጋኪሺን ቦራቲ ቆጵቲዳ ገሻሰ ኦዛይ ባ ኩሹ ዩዲዲ ጫቆ ቃላ ታቦታዛ ኦይኪዳስ።

7 ኦዛይ ሃሳ ጸላቲላን ኦሊዳ ገሻሰ ጎዳ ሃንቆይ ኢዛ ቦላ ኤጸዳስ፤ ሃሳ ገሻሰ ጸሳይ ኢዛ ዎዲዳስ፤ ኢዚካ ሃን ጸሳ ጫቆ ቃላ ታቦታ ኣቻን ሃይቂዳስ።

8 ጎዳ ሃንቆይ ኦዛ ዎዲዳ ገሻሰ ዳዊቲ ሙዘቲዳሰኔ ጩጩዳስ፤ ሄ ሶሆዚ ሃቶ ጋካናሰ፣ «ፓራሴ-ኦዛኔ» ጌቲቲሰ።

9 ዳዊቲ ሄ ጋላሰ ጎዳሰ ባቢዳ ገሻሰ፣ «ጎዳ ጫቆ ቃላ ታቦታይ ዋኒ ታኮ ያኔ?» ገዳስ።

10 ሃሳ ገሻሰ ዳዊቲ ጎዳ ጫቆ ቃላ ታቦታ ባናራ ዳና ማላ ዳዊቲ ካታማ ኤኪ ባና ኮዩቤና፤ ሃሳ ገሻሰ ኦጌ ላሚዲ ጌቲ ዳሬ ኣሰ ኣቢዳሬ ሶ ኤፊሲዳስ።

5:10 2ኛ ማላ 1:1-16 * 5:20 ኢብራዊታ ቃላራ ባኣሊ-ፓራጾሚ ጉሲ ሚንላፊዳ ገሊዳ ጎዳ ጉሳ። 6:2 ኬሳ 25:22 6:3 1ኛ ማላ 7:1-2 6:11 1ታሪ 26:4-5

11 ጎዳ ጫቆ ቃላ ታቦታይ ጌቲ ዳሬ አሰ አቢዳሬ ኩላን ሄቸ አገና ኡቲዳሰ፤ ጎዳይ አቢዳሬኔ ኢዛሶ አሳ ኡባ አንጂዳሰ።

12 ሄ ዎዳ፡ «ጸሳ ጫቆ ቃላ ታቦታ ጋሶን ጎዳይ አቢዳሬ፡ ኢዛሶ አሳኔ ኢዛሰ ዲዛ ኡባ አንጂዳሰ» ጊዲ ዳዊቲሰ ዮቲዳ። ሄሳ ጊሻሰ ዳዊቲ ሄ ቢዲ፡ ጸሳ ጫቆ ቃላ ታቦታ አቢዳሬሶፕ ዳዊቲ ካታማ ጊታ ኡፋይሳን ኤፊዳሰ።

13 ሄ ጎዳ ጫቆ ቃላ ታቦታ ቶኪዳ አሳቲ ኡሱፑን ታንጎ ቢዳ ቆዳን ኢሲ ቦራይኔ ኢሲ ዋጶ ማሪ ያርሼቲሰ።

14 ዳዊቲ ላይኖፕ ዳዊቲዳ ኤፋዳ ባ ጸሳን ጊዲዲ ኩሚላ ዎልቃን ጎዳ ሲንላን ማጉሊዳሰ።

15 ሄሳ ማላን ዳዊቲኔ ኩሚላ ኢሰራኤል አሳይ ኡፋይሳን ኢሊሊሼኔ ዛዬ ፑኒሼ ጎዳ ጫቆ ቃላ ታቦታ ፑዴ ኤሂዳ።

16 ጎዳ ጫቆ ቃላ ታቦታይ ዳዊቲ ካታማ ጌሊሽን ሳኦሌ ና ሚልኮላ ማሰኮቲራ ጸላዲሰ፤ ካዎ ዳዊቲ ጎዳ ሲንላን ፑፐሺኒኔ ዱሪሽን ቤኣዳ ባ ዎዚናራ ኢዛ ካጳዲሰ።

17 ሄሳሬ ጉዬ ጎዳ ጫቆ ቃላ ታቦታ ኤሂዲ ዳዊቲ ኢዛሰ ቶኪዳ ዱንካኔዛ ጊዲን ኢዛሰ ጊገሲዳሶሆዛን ዎሊዳ፤ ዳዊቲካ ጸጌቲዛ ያርሾኔ ኢሲፊቲላ ያርሾ ጎዳ ሲንላን ሺሺዳሰ።

18 ዳዊቲ ጸጌቲዛ ያርሾዛኔ ኢሲፊቲላ ያርሾዛ ሺሺዳፕ ጉዬ ዳሬዛ ኡባሬ ዎልቃማ ጎዳ ሲንላን አንጂዳሰ።

19 ኢሰራኤል ባጋ ጊዲዳ አሰ ኡባሰ፡ አቲማሲኔ ማጫሰ አሳሰ አሳሰ ኢሲ ኢሲ ኡኩላ፡ ኢሲ ኢሲ ሙጶ አሾኔ ኢሲ ኢሲ ዛቢቤ ኮዎፓ አሚዳሰ፤ ሄሳሬ ኡባይካ ባሶ ባሶ ቢዳ።

20 ዳዊቲ ባሶ አሳ አንጃናሰ ባሶ ሲሚ ቢን ሳኦሌ ና ሚልኮላ ኢዛ ዎካና ኩዛዳ፡ «ሃቶ ኢሰራኤሌታ ካዎይ ጊታ አሳታ ጋራዳታ ሲንላን ሙ ላፋ አሳ ማላ ካሎ ቤቶይ ኢዛሰ ቦንቶ ጊዲኔ?» ጋዲሰ።

21 ዳዊቲካ ኢዚሰ፡ «ኤ፡ ኔ አዎፕኔ ታ ኩላን ዲዛ ኡባሬ አሊዲ ጎዳ ዳሬ ኢሰራኤሌ አይሳና ማላ ታና ዶሪዳ ጎዳ ሲንላን ማጉላዲሰ፤ ሃኢካ ታ ማጉላና።

22 ሄሳሬካ ቦላራ ካሴፕ አላዳ ታናቲላ ካወሻና፤ ሄሳሬ አጳዳ ካጴቲዳዳ ጊዳና፤ ጊዳ አቲን ኔ ካጳዳ ጋራዳታ ሲንላን ታ ቦንቲታና» ጊዳሰ።

23 ሳኦሌ ና ሚልኮላ ሃይቃናሼ ጋካናሰ ና ዬላቤኩ።

7

ጸሲ ዳዊቲሰ አሚዳ ሂደታ (1ተሪ 17:1-15)

1 ካዎዚ ባ ካዎቲላ ኩላን ዎፑ ጊ ኡቲዳፕኔ ጎዳይ ኢዛ ዩሾን ዲዛ ኢዛ ዎርኬታፕ ሽዎፐሲዳፕ ጉዬ።

2 ናቤ ናታኔሰ፡ «ሄኮ ታኒ ዚጋፕ ኩጾቲዳ ካዎቲላ ኩላን ዳይሰ፤ ጸሳ ጫቆ ቃላ ታቦታይ ጊዲኮ ዱንካኔን ዳሰ» ጊዳሰ።

3 ናታኔይካ፡ «ጎዳይ ኔናራ ጊዲዳ ጊሻሰ ኔ ቆፒዳ ኡባ ኦላ» ጊዳሰ።

4 ሄ ጋላሳ አሚርሰ ጎዳ ቃላይ ናታኔኮ ዩዲ፤

5 «ኔኒ ባዳ ታ አይሌ ዳዊቲሰ፡ ታ ኢዛን ዳና ኩላ ኔ ኩጻካ።

6 ታኒ ኢሰራኤሌ አሳ ጊብጾፕ ኬሶሶሬ ደማዳ ሃቶ ጋካናሰ ዱንካኔ ታሰ አቆሶ ሂሰታዳ ኢሲሶፕ ሃራሶ ዩያ ዩያ ዳኣዲሰ አቲን ኩላን ዳኣቤኬ።

7 ታኒ ኢሰራኤሌ አሳራ ቢዳሶ ኡባን ታ ዳሬ ኢሰራኤሌ ናጋና ማላ ታ ኣዛዘን ካሌላዛይታፕ ኢሳ፡ «ኔ ታሰ ዚጋ ሚላሬ አይሰ ኩጻቤኪ?» ጊዳዳይ ዲዜ?

8 «ሃኢካ ታ አይሌ ዳዊቲሰ ኡባሬ ዎልቃማ ጎዳይ፡ ታ ዳሬ ኢሰራኤሌ ኔ አይሳና ማላ ታ ኔና ዳንላዲሰ፤ ዶርሰ ሄሚዛሶሆፕ ታ ኔና ኤካዲሰ።

9 ኔ ቢዳሶ ኡባን ታ ኔናራ ጊዳዲሰ፤ ኔ ዎርኬታ ኡባ ታ ኔ ሲንላሬ ጳይሳዲሰ፤ ሃኢካ ኢሰታ ሱንላይ ቢታ ቦላ ኩሂ ኤሬቲዳ ዳር ጊታ አሳታፕ ኢሳ ሱንላ ማላ ታ ኔ ሱንላ ጶቂሳና።

10 ኢዛሰ ቡዙ ዱሳሶይ ዳና ማላ ሃይሳሬ ቃጸንታ ማላ ታ ዳሬ ኢሰራኤሌሰ ሶሆ አሚናኔ ሚንላና። ሃይሳሬ ካሴ ሃኒዳ ማላ ሃይሳሬ ጉዬ ኢታ ዳሬይ ኢሰታ ኡንኤላና።

11 ታ ዳሬ ኢሰራኤሌ ካሌላዛይታ ታ ሹሚዳ ዎዳፕ ደሚዲ ኢሰቲ ኢዛ ቦላ አሊዳይሳሶ ሃይሳሬ ጉዬ ኢዛ ቦላ ኦሴቲና፤ ሄሳላካ ኔ ዎርኬታ ኡባሬ ታ ኔና ናጋና። ጎዳይ ባ ሁኤራ ኩላ ኔሰ ኩጻናይሳ ኢዚ ዮቲሰ።

12 ኔ ላይላ ወርሳዳ ካሴ ኔ አዎታኔ ጋይቲዛ ዎዳ ኔና ላታና ዜሬላ ታ ኔፕ ኩሳና፤ ኢዛ ካዎቲላካ ታ ሚንላና።

13 ታ ሱንላሰ ኩላ ኩጻናይ ኢዛ፤ ታኒካ ኢዛ ካዎቲላ ሚርናሰ ሚንላና።

14 ታ ኢዛሰ አዎ ጊዳና፤ ኢዚካ ታሰ ና ጊዳና፤ ኢዚ ዎር ኦሊኮ አሰ ሙራዛ ጉሬራ ታ ኢዛ ሙራና፤ አሳ ናይ ሊሶን ጋራሬቲዛ ማላ ታ ኢዛ ጋራፋና።

15 ታ ማርቲላ ኔፕ ካሴ ዲዛ ሳኦሊፕ ሃሲዳይሳሶ ታ ኢዛፕ ሃሲኬ።

16 ኔ ኩላይኔ ኔ ካዎቲላ ታ ሲንላን ሚርናሰ ሚኒ ዳና፤ ኔ ካዎቲላ አራታይካ ሚርናሰ ሚኒ ዳና» ጊዳሰ።

17 ናታኔይ ሃይሳ አጃታ ቃላ ኩሚላ ዳዊቲሰ ዮቲዳሰ።

ዳዊቲ ዎሳ (1ተሪ 17:16-27)

18 ሃይሳሬ ጉዬ ካዎ ዳዊቲ ጌሊ ጎዳ ሲንላን ኡቲዲ፤

«ኡባ ሃሪዛ ጎዳዉ! ኔ ታና ሃይሳሰ ጋላናሰ ታ ኦኔ? ታሶ አሳይካ ኣዜ?»

19 ኡባ ሃሪዛ ጎዳዉ፡ ሃይሲ ኔ ሲንላን ጉላ ጊዲሺን ኔ ጊዲኮ ኔ አይሌዛሶይ ሲንላሬ ሃናናይሳ ዮታዳሳ፤ ኡባ ሃሪዛ ጎዳዉ! ኔ አሳራ ጋይቲዛ ሎሴ ኦጌይ ሃይሴ?

20 «ዳዊቲ ኔና ሃይሳሬ ቦላራ ሃራ አይ ጋና ዳንዳይዜ? ኡባ ሃሪዛ ጎዳዉ፡ ኔ አይሌዛ ኔ ኤራሳ።

21 ኔ ቃላዛ ጊሻሲኔ ኔ ዎዚና ቆፋ ማላ ኔ ሃይሳ ጊታ ሚሽ ኦላዳሳ፤ ኔ አይሌዚ ኤራና ማላ ቆንጩሳዳሳ።

22 «ኡባ ሃሪዛ ጎዳዉ፡ ኔ አይ ማላ ጊታ! ሙሊካ ኔና ሚሳቲዛይ ኦኒካ ዳና፤ ኦኒ ኦ ሃይላራ ሲዩዳ ማላ ኔፕ አቲን ሃራ ጸሲ ዳና።

23 «ባ ዳሬ ጊዳና ማላ ኢዛ አሻናሰ ጸሲ ኢዛፕ ሲንላራ ቢዳ ዳሬይ፡ ባ ሱንላሰ ኦላና ማላ ካዎቲላታኔ ኢሰታ ኤቃ ጸሳታ ባ ሲንላሬ ጎዲዲ ጊታኔ ያሺሲዛ

ማላታ ኦሊዲ ገብጾፔ ዋዚ ኤኪዳ ኔ ዴሬ ኢሰራኤል ማላይ ቢታ ቦላ ኦኒ ዲዜ?

24 ኔ ዴሬዛ ኢሰራኤል ማርናስ ኔስ ቡዞ ዴሬ ኦላዳ ማንላዳሳ፤ ጎዳዉ፣ ኔ ኢዛ ጸስ ገዳዳሳ።

25 «ሃኢካ ጎዳ ጸሳዉ፣ ኔኒ ኔ ኣይሌዛስኔ ኢዛ ኬላስ ኢሚዳ ሂደታ ማርናስ ናጋ፤ ኔ ዮተዳ ማላካ ፖላ፤

26 ሃሳ ገሻስ ኔ ሱንላ ማርናስ ገታ ገዳና፤ ኣሳይካ፣ ሉባሬ ዋልቃማ ጎዳይ ኢሰራኤል ጸሳ» ጋና። ኔ ኣይሌ ዳዊቱ ኬላይ ኔ ሲንሳን ሚኖ ገዳና።

27 «ኣቤት ኡባሬ ዋልቃማ ጎዳዉ፣ ኢሰራኤል ጸሳዉ፣ ሳታ ኔስ ኬላ ኬዳና» ጋዳ ሃሳ ታስ ኔ ኣይሌዛስ ቆንጩሳዳሳ። ሃሳ ገሻስ ኔ ኣይሌዚ ሃ ዋሳዮ ዋሳናስ ባ ዋዚናን ጸሊዳስ።

28 ኣቤት ኡባ ሃሪዛ ጎዳዉ! ኔኒ ጸሳ፤ ኔ ቃላይካ ኣማኔቲዳይሳ፤ ሃይሳ ሎኦ ሚሽ ኦላናስ ኔኒ ኔ ኣይሌዛስ ሂደታ ኢማዳሳ።

29 ኢዚ ኔ ሲንሳን ማርናስ ሚኒ ዳና ማላ፣ ሃኢካ ኔ ኣይሌዛ ኬላ ኣንጃርከ! ኣቤት ኡባ ሃሪዛ ጎዳዉ! ሃይሳ ኔርካ ኔ ዮተዳሳ፤ ኔ ኣንጃን ኔ ኣይሌዛ ኬላ ማርናስ ኣንጃታና» ገዳስ።

8

ዳዊቲ ጸኒዳ ጸኖታ (1ታሪ 18:1-17)

1 ሃሳሬ ጉዬ ዳዊቲ ፊሊስጶሜ ኣሳ ጸኒዳስ፤ ባ ሼኔ ጋርሳን ኣይሲዳስ፤ ማቴጊ-ኣማ ጌቲቲዛ ካታማዮ ፊሊስጶሜታ ኩሼፔ ዋላ ኤኪዳስ።

2 ሃሳሐካ ዳዊቲ ሞኣቤታ ጸኒዳስ፤ ኢስታ ቢታ ቦላ ኢሺሲዲ ዋደርን ዋዲ ጸሊዳስ፤ ዋዲ ጸሊዳይታፔ ናምኡ ኩሼ ገዲዛይታ ኢዚ ዋዲን ኢሲ ኩሼ ገዲዛይታ ፓጸ ኣቲዳ፤ ሃሳ ገሻስ ሞኣቤ ኣሳይ ዳዊቲስ ሃሪቲዳሲኔ ኢዛስ ገሪዳስ።

3 ሃሳሬዛ ሃሪ ዳዊቲ ኤፊሪዲሴ ሻፋ ማታን ዲዛ ዴሬዛ ዛሪ ኦይካና ቢዲ፣ ጸባ ካዋ ኤሪሆቤ ና ሃዳዲኤዜሬ ኦሊ ጸኒዳስ።

4 ዳዊቲ ኢዛፔ 1,000 ፓራ-ጋሬታ፣ 7,000 ቶጋንቻታ፣ * 20,000 ኦላንቻታ ዲኢዳስ፤ 100 ፓራ-ጋሬታ ጸላ ኣሺዲ ሃንኮይታ ኡባ ገልዳዪ ዩዲዳስ።

5 ዳማስቆ ኣራሚን ዲዛ ጸባ ካዋ ሃዳዲኤዜሬ ማዳናስ ዩዳ ዋዳ ዳዊቲ ኢስታሬ 22,000 ኣስ ዋዲዳስ።

6 ሃሳሬ ጉዬ ዳማስቆን ዲዛ ኣራሚን ባ ኦላ ኣሳታ ካምቤ ገግሲዳስ። ኣራሚ ኣሳይ ኢዛስ ሃሪቲዳሲኔ ገሪዳስ፤ ጎዳይ ዳዊቲ ቢዳሶ ኡባን ኢዛስ ጸኖ ኢሚዳስ።

7 ሃዳዲኤዜሬ ሹሜቲ ኦይኪዳ ዋርቃ ጎንዳሌታ ዳዊቲ ኤኪዲ ዩሩሳላሚ ኤፊዳስ።

8 ካዋ ዳዊቲ ቤጻሄኔ ቤርታዬ ጌቲቲዛ ሃዳዲኤዜሬ ካታማታፔ ኬሂፔ ዳር ጸርቋማላ ዳንላ ኤፊዳስ።

9 ሃማቲ ዴሬ ካዋ ቶኡዪ ዳዊቲ ኩሜላ ሃዳዲኤዜሬ ኦላ ኣሳ ጸኒዳይሳ ሲዩዳ ዋዳ።

10 ቶኡዪ ሃዳዲኤዜሬራ ኡባ ዋዳ ኦሌቲሹ ዲዛ ገሻስ ሳርካኔ ኢዚ ሃዳዲኤዜሬ ጸኒዳ ጸኖ

ቆንጩሳናስ ባ ና ኢዮራሚ ካዋ ዳዊቲኮ ኪቲ ዩዲዳስ፤ ኢዚካ ቢራፔ፣ ዋርቃሬኔ ጸርቋማላፔ ኦሪቲዳ ሚሻታ ኤኪ ዩዳስ።

11 ካዋ ዳዊቲ ካሴ ባ ገሪሲዳ ካዋታፔ ጌሊዳ ቢራኒኔ ዋርቃን ኦላዳ ማላ ሃይታ ሃ ሚሻታካ ጎዳስ ዲማሲዳስ።

12 ኢዛስ ገሪዳ ካዋቲ፣ ኤደሜ፣ ሞኣቤ፣ ኣሞኔ ኣሳ፣ ፊሊስጶሜ ኣሳኔ ኣማሌቄ ኣሳ። ሃሳሐካ ጸባ ካዋ ኤሪሆቤ ና ሃዳዲኤዜሬፔ ዲኢ ኤኪዳይሳ ጎዳስ ዲማሲዳስ።

13 ማጺኔ ሸባ ጌቲቲዛሶን ዳዊቲ ኤደሜ ኣሳፔ 18,000 ኣስ ዋዲ ሲሚዳፔ ጉዬ ኢዛ ሱንሳይ ኬሂ ናሹቲዳስ።

14 ኩሜላ ኤደሜን ኦላንቻታ ካምቤ ገግሲዳስ፤ ኤደሜ ኣሳይ ኡባይ ዳዊቲስ ሃሪቲዳስ፤ ዳዊቲ ቢዳሶ ኡባን ጎዳይ ኢዛስ ጸኖ ኢሚዳስ።

ዳዊቲ ሹሜታ

15 ዳዊቲ ኩሜላ ኢሰራኤል ቦላ ካዋቲዳስ፤ ዴራስ ሱሬ ፐርዳኔ ዋጋ ኤሲዳስ።

16 ጹሪያ ና ኢዮኣቤይ ኦላንቻታ ሃላቃ፤ ኣሂሉዳ ና ኢዮሳፊዶይ ታሪኬ ጸፊ።

17 ቃሴ ኣሂጹቤ ና ሳዳቄይኔ ኣቢያታሬ ና ኣሂሚሌኬይ ቄሴ፤ ሳራያይ ጸፊ።

18 ዮዳሂ ና ባናያይ ኬሊቲ ኣሳሲኔ ፔሊቲ ኣሳስ ሃላቃ፤ ዳዊቲ ኣቲማ ናይቲ ካዋቲላ ኬላን ዞሬ ኢሚዛይታ። †

9

ዳዊቲኔ ሚምሬቦስቲ

1 ዳዊቲ፣ «ዮናታኔ ገሻስ ጋዳ ታኒ ኢዛስ ኪያቲላ ኦላና ማላ ሳኦሌ ሶ ኣሳፔ ኣቲዳ ኣሲ ዲዜ?» ገ ኦይቺዳስ።

2 ሄ ዋዳ ሳኦሌ ሶን ጸባ ጌቲቲዛ ኢሲ ኣይሌይ ዳስ፤ ኢዚ ዳዊቲኮ ባና ማላ ኢዛስ ኣሳይ ዮቲዳስ።

ካዋዚካ ኢዛ፣ «ጸባ ጌቲቲዛይ ኔኔ?» ገ ኦይቺዳስ።

ኢዚካ፣ «ኤ ታና ኔ ኦሳንቻዛ» ገዳስ።

3 ካዋዚካ፣ «ጸሳ ኪያቲላ ታ ኢዛስ ኦላና ማላ ሳኦሌ ሶ ኣሳፔ ኣቲዳ ኣሲ ዳኔ?» ገ ኦይቺዳስ።

ጸባይካ ካዋዚካ፣ «ዮናታኔስ ቶሆ ሲሊዳ ኢሲ ናይ ዳስ» ገዳስ።

4 ካዋዚካ፣ «ኢዚ ኣዋን ዲዜ?» ገ ኦይቺዳስ፤ ጸባይካ፣ «ሎዲባሬ ጌቲቲዛሶን ኣምኤሌ ና ማኪራሶን ዳስ» ገ ዛሪዳስ።

5 ሃሳ ገሻስ ካዋ ዳዊቲ ሚምሬቦስቲ ሎዲባሬፔ ኣምኤሌ ና ማኪራ ሶፔ ኪቲ ኦሂሲዳስ።

6 ሳኦሌ ናዛ ዮናታኔ ና ሚምሬቦስቲይ ዳዊቲኮ ዩዲ ኢዛ ቦንቸስ ቢታ ቦላ ጉፋኒዲ ሳርኪዳስ።

ዳዊቲ ኢዛ፣ «ሚምሬቦስቲ!» ገ ጴይጊዳስ።

ኢዚካ፣ «ሃኮ ኔ ኦሳንቻዚ ሃን ዳይስ» ገዳስ።

7 ዳዊቲካ ኢዛ፣ «ባቦፋ፤ ኔ ኣዋ ዮናታኔ ገሻስ ጋዳ ታኒ ኔስ ኪያቲላ ኦላና፤ ኔ ማይዛ ሳኦሌ ቢታ ሙሌራ ታ ኔስ ዛራና፤ ኔኒ ኡባ ዋዳ ታ ማዳሬ ማንዳሳ» ገዳስ።

* 8:4 1,000 ፓራ-ጋሬታ፣ 7,000 ቶጋንቻታ ገዛይሳ ኢሲ ኢሲ ጌሻ ማጻፋታን 17,000 ቶጋንቻታ ገሰ። 8:13 ማዛ 60 † 8:18 ዞሬ ኢሚዛይታ ገዛይሳ ኢሲ ኢሲ ካሴ ዋዳ ቢርሹላቲ ቄሴታ ጌቲስ። 9:1 1ኛ ሚ 20:15-17 9:3 2ኛ ሚ 4:4

8 ማምሬቦሰቲይ ቢታ ቦላ ጉፋኒዲ፣ «ሃይቂዳ ካና ማላ ቆዳቲዳ ታሰ ኔ ሃይሳ ኬና ኦላናሰ ኔ ኦላንቻይ ታ ኦኔ?» ገደሰ።

9 ሃሳፌ ጉዬ ካዎዚ ሳኦሌ ኣይሌ ጸባ ጸይገዲ፣ «ሳኦሌሲ ኢዛሶ ኣሳሰ ዲዛ ሚሽ ኡባ ኔ ጎዳ ናዛ ና ማምሬቦሰቲስ ኢማዲሰ።

10 ኔኒ፣ ኔ ናይቲኔ ኔ ኦላንቻቲ ኢንቲ ጎዳ ናዛ ናይ ባሰ ዳማና ማላ ኢዛ ጋዴ ኢዛሰ ጎዱዲ ካሕ ኢዛሰ ጌልሌቲ፤ ኔ ጎዳ ናዛ ና ማምሬቦሰቲይ ገዲኮ ኣይ ዎዳካ ታ ማዳፌ ማና» ገደሰ። ሄ ዎዳ ጸባሰ 15 ኣቲማ ናይቲኔ 20 ኦላንቻቲ ዳቲሰ።

11 ሃሳፌ ጉዬ ጸባይ ካዎዛሰ፣ «ታ ጎዳ ካዎ! ኔ ኦላንቻ ኔ ኣዛዚዳ ኡባ ኔ ኣይሌይ ፖላና» ገደሰ። ሃሳ ገሻሰ ማምሬቦሰቲይ ካዎዛ ናይታፔ ኢሳ ማላ ገዲዲ ዳዊቲ ማዳፌ ሚሽ ዳኢዳሰ።

12 ማምሬቦሰቲስ ሚካ ጌቲቲዛ ኢሲ ጉላ ናይ ዳሰ፤ ጸባሰ ኣሳይ ኡባይ ማምሬቦሰቲስ ኦሊሽ ጋምኢዳሰ።

13 ማምሬቦሰቲይ ኡባ ዎዳ ካዎ ማዳፌ ሚካ ገሻሰ ዩሩሳላሚን ዳኢዳሰ፤ ኢዛሰ ናምኡ ቶሆቲ ሲላ።

10

ኣሞኔታ ጸኔቲሕ (1ታሪ 19:1-19)

1 ሃሳፌ ጉዬ ኣሞኔታ ካዎይ ሃይቂዳሰ፤ ኢዛ ና ሃሮኔይ ኢዛሶሆን ካዎቲዳሰ።

2 ዳዊቲካ፣ «ኢዛ ኣዎይ ታሰ ኪያ ኦሊዳይሳላ ታኒካ ናኦሴ ና ሃሮኔሰ ኢዛ ኩሽ ዛራና» ገ ቆፒዳሰ። ሃሳ ገሻሰ ኢዛ ኣዎ ሃይቆ ገሻሰ ሚሽቲዳይሳ ዮታና ማላ ዳዊቲ ኣሰ ከቲዳሰ፤ ዳዊቲ ዩዲዳ ኣሳቲ ቢዲ ኣሞኔ ዳሬ ጋኪዳ ማላ።

3 ኣሞኔ ዳሬ ሹሜቲ ባ ጎዳ ሃሮኔ፣ «ዳዊቲ ባሰ ሴቲቲዳ ሚሻ ቆንጨሳናሰ ኣሰ ከቲዳይ ኔ ኣዎ ቦንቻናሰ ከቲዳ ኔሰ ሚሳቲዜ? ኢዚ ከቲዳ ኣሳቲ ካታማዮ ፓጨ ጸላናሰ፣ ጸሞሳናሰኔ ጳይሳናሰ ገደሰ?» ገደሰ።

4 ሃሳ ገሻሰ ሃሮኔይ ዳዊቲ ኣሳታ ኦይኪዲ ኢሳ ኢሳ ቡቶ ባጋሲ ማዲዳሰ፤ ኢሰቲ ማይኢዳ ማይኦዛካ ፑዴ ጸሳ ጋሊ ቃንጺ ዩዲዳሰ።

5 ኣሳቲ ኬሂ ዩላቲዳይሳ ዳዊቲ ሲዩዳ ገሻሰ ኣሰ ኢሰታሰ ከቲዳሰ፤ ካዎዚ፣ «ኢንቲ ቡቻይ ዲጫናሽ ጋካናሰ ኢያርኮን ጋምኢዲ ሃሳፌ ጉዬ ሲሚ ዩቲ» ገደሰ።

6 ኣሞኔ ኣሳይ ዳዊቲ ኢሰታ ኢዲዳይሳ ኤሪዲ ቤት-ኤራኣቤፔኔ ጸባፌ 20,000 ኣራሜፔ ቶሆራ ቢዛ ዎታዳራታ ሃሳላካ ካዎ ማኢካይ 1,000 ኣሳራ ቃሴካ ጸባፌ 12,000 ኣሰ ቃጸሪዳ።

7 ዳዊቲ ሃሳ ሲዩዲ ኢዮኣቤ ኩሜላ ኦላ ኣሳራ ጋሊ ዩዲዳሰ።

8 ኣሞኔ ኣሳይ ኬዚዲ ባ ካታማ ጌሊዛ ፔንጌ ቦላ ሳልፌን ኤቂዳሰ፤ ጸባ ኣሳይ፣ ኤራሆቤ ኣሳይ፣ ሃሳላካ ጸቢያ ኣሳይኔ ማኢካ ኣሳይ ዳምባ ቦላ ዲማ ሳልፊዳ።

9 ኢዮኣቤይካ ጉዩራኔ ሲንሳራ ኦላይ ባና ገደሊዳይሳ ቤኢዲ ኢሰራኤሌ ጋርሳን ኤራቲዳ ኦላንቻታፔ ጉላታ ዶሪዲ ኣራሜ ኦላንቻታ ሲንሳን ኣላ ኤሲዳሰ።

10 ሃንኮ ኣቲዳ ኦላንቻታ ባ ኢሻ ኣቢሳዬ ኢሰታ ቦላ ሹሚዲ ኣሞኔ ኣሳ ሲንሳን ኤሲዳሰ።

11 ኢዮኣቤይካ፣ «ኣራሜ ኣሳይ ታ ቦላ ሚኒኮ ኔ ያዳ ታና ማዳ፤ ኣሞኔ ኣሳይ ኔ ቦላ ሚኒኮ ታ ባዳ ኔና ማዳና።

12 ሃሳ ገሻሰ ሚና! ኦኒ ኦ ዳሪዛሲኔ ኦ ጸሳ ካታማታሰ ኣኔ ሚኒ ኦሌቶሰ፤ ጎዳይ ባና ሎኢዳ ማላ ኦላ» ገደሰ።

13 ሃሳፌ ጉዬ ኢዮኣቤይኔ ኢዛራ ዲዛ ኦላ ኣሳይ ኣራሜ ኣሳ ኦላናሰ ጌዳ ሲንሳ ሆርዶፊዳሰ፤ ኣራሜ ኣሳይ ኢሰታ ሲንሳፌ ባቃቲዳሰ።

14 ኣራሜ ኣሳይ ባቃቲዳይሳ ኣሞኔ ኣሳይ ቤኢዲ ኢሰቲካ ኣቢሳዬ ሲንሳፌ ባቃቲዳ ጌዳ ካታማይ ገደ ጌሊዳ፤ ሃሳ ገሻሰ ኢዮኣቤይ ኣሞኔ ኣሳ ኦሊዛይሳ ኣጋገዲ ጉዬ ዩሩሳላሚን ሲሚዳሰ።

15 ኣራሜ ኣሳይ ኢሰራኤሌ ኣሳን ጸኔቲዳይሳ ቤኢዲ ቃሴካ ኢሲ ቦላ ሸቂዳ።

16 ሃዲዲኤዜሬ ኣሳታ ከቲዲ ሻፋፔ ሄ ፒንሳን ዲዛ ኣራሜ ኣሳ ኤሂሲዳሰ፤ ኢሰቲካ ሃዲዲኤዜሬ ኦላ ኣሳ ኣዛዚዛ ሶባኬ ኣሳፊቲላን ኤላሜ ቢዳ።

17 ዳዊቲ ሃሳ ሲዩዲ ኩሜላ ኢሰራኤሌ ኣሳ ሸሸዳሰ፤ ሃሳፌ ጉዬ ዮርዳኖሴ ፒኒዲ ኤላሜ ቢዳሰ፤ ኣራሜ ኣሳይ ኦላሰ ገጌቲዲ ዳዊቲራ ቲራን ጋይቲዳሰ።

18 ገደ ኣቲን ኢሰቲ ኢሰራኤሌ ሲንሳፌ ባቃቲዳ፤ ዳዊቲ ኢሰታፌ 700 ፓራ-ጋሪ ኣሳታኔ 40,000 ቶሆን ቢዛ ኦላንቻታ ዎዳዳሰ። ሃሳላ ኢሰቲ ኦላ ኣሳ ኣዛዚዛ ሶባኬካ ጫዲ ማዲንሊዳ ገሻሰ ኢዚ ሃን ሃይቂዳሰ።

19 ሃዲዲኤዜሬፔ ጋርሳራ ዲዛ ካዎቲ ኡባይ ኢሰራኤሌ ኣሳን ጸኔቲዳይሳ ቤኢዲ ኢሰራኤሌ ኣሳራ ሳርቲሕ ሜዲዲ ኢሰታሰ ሃራቲዳ።

ሃሳ ገሻሰ ኣራሜ ኣሳይ ኣሞኔ ኣሳ ማዳናሰ ባቢዳሰ።

11

ዳዊቲኔ ቤርሳቤሆ

1 ካዎቲ ኦላሰ ኬዚዛ ኦፊንሳ ኣገናታን ዳዊቲ ኢዮኣቤ ካዎ ሹሜታራኔ ኩሜላ ኦላንቻታራ ጋሊ ኦላሰ ዩዲዳሰ፤ ኢሰቲካ ኣሞኔ ዳሬ ኣሳ ጳይሲዳ፤ ኤራባ ካታማዮ ገደሊዳ፤ ገደ ኣቲን ሄ ዎዳ ዳዊቲ ዩሩሳላሚን ኣቲዳሰ።

2 ኢሲ ጋላሰ ቢላሂ ዎዳ ዳዊቲ ጳሰኮፌ ቤገዲ ካዎ ኬላ ፖቄ ቦላ ኬዚዲ ሲሜራቲሽ ኢሲ ማጫሳያ ባ ቦላ ሜጨቲሽን ቤኢዳሰ፤ ማጫሳያ ኬሃ ማላ ሎኦ።

3 ዳዊቲ ኣሰ ከቲዲ ማጫሳይ ገሻሰ ኦይሹቹዳሰ፤ ኣዳዚካ፣ «ሃና ሂቲ ዳሬ ኣሰ ኦሪዮ ማቾ ኤልኣሜ ቢዮ ቤርሳቤሆ ገደኬ?» ገደሰ።

4 ሃሳፌ ጉዬ ዳዊቲ ኣሰ ዩዲዲ ኢዛ ባኮ ኤሂሲን ኢዚ ዲዛሰ ጌላዲሰ፤ ሂሰቲን ኢዚራ ዚንኢዳሰ፤ ሄ ዎዳ ኢዛ ማጫ ናሰ ዩዛ ኣገና ዎጋፔ ጌያ ኡታዲሰ።

5 ማጫሳያ ቃንሳታዳ ዳዊቲሰ፣ «ታ ኔሰ ሻራዲሰ» ጋሽ ከታ ዩዲዳሰ።

6 ሃሳፌ ጉዬ ዳዊቲ ኢዮኣቤሰ፣ «ሂቲ ዳሬ ኣሰ ኦሪዮ ሃ ታኮ ዩዳ» ገ ከቲዳሰ፤ ኢዮኣቤይካ ኦሪዮ ዳዊቲኮ ዩዲዳሰ።

7 ኦሪዮይ ዳዊቱን ደዋቲ አዮአቤኔ ኦላንቻታ ሳርቴል ኦሪቸዳስ፤ ሄሳታካ ኦላዚ ዋኒ ኦሌቴዛኮ አዛ ኦሪቸዳስ።

8 ሄሳፌ ጉዬ ዳዊቲ ኦሪዮ፡ «እኔ ነኒ ነሶ ባዳ ቶሆ ማጠፊታ» ገደሰ፤ ኦሪዮይ ካዎ ከላፌ ሞይዜቲ ቢደሰ፤ ካዎዚ ሞጎታ ካል ገደራ አዛሰ ዬዲዳስ።

9 ገደ እቲን ኦሪዮይ ባ ጎዳ ኦላንቻታ ኡባራ ካዎ ከላ ገቤ ፔንጌ ቦላ አቸዳስ እቲን ባሶ ቢቤና።

10 ዳዊቲ፡ «ኦሪዮይ ባሶ ቢቤና» ገዛይሳ ሲዬዳ ማላ ኦሪዮ፡ «ኔ ቡር ኦጊፔ ጌሎ ቦላ ዳሳ ዲኪ? ኔሶ እይሰ ባቤኪ?» ገ ኦሪቸዳስ።

11 ኦሪዮይካ ዳዊቲስ፡ «ታቦታይ፡ አሰራኤሌ አሳይኔ ዩሁዳ አሳይ ዲንካኔን ዲሺን፡ ታ ጎዳ አዮአቤይኔ ታ ጎዳ አሳይ ጮ ደምባ ቦላ ዲሺን ታኒ ማናሲኔ ኡያናሰ ቃሴካ ታ ማቸይራ አቃናሰ ዋና ታሶ ቦ? አንቲ አሾ! ታ ሃይሳ ማላ ኦላዚ» ገደሰ።

12 ዳዊቲካ አዛሰ፡ «ኤር፡ ኔ ሃቶ ሃይሳን አቁኮ ዋንቶ ታ ኔና ሞይዛና» ገደሰ። ሄሳ ገሻሰ ኦሪዮይ ሄ ጋላሲኔ ዋንቲላ ጋላሰ ዬሩሳላሚን ታኪደሰ።

13 ዋንቲላ ጋላሰ ዳዊቲ ባ ዲዛሶን አዛሰ ገቢራ ገግሲዲ ሚዚ፡ ኡሺ ካልሲዲ አዛ ማሶሲዳስ፤ ጋዴይ ቃሚሺን ኦሪዮይ ጋዴን ኦንጌቲ ዲዛ ሄጸን አቻናሰ አዛ ጎዳ አይሌቲ ዲዛሶ ቢደሰ እቲን ባሶ ቢቤና።

14 ጋዴይ ዋንቲሺን ዳዊቲ አዮአቤሰ ዳብዳቤ ጸፊዲ ኦሪዮ ቦላ ዬዲዳስ።

15 ዳብዳቤዛን፡ «ኦሪዮ ኦላይ ሚኒዛሶን ኤሳ፤ ሄን አዚ ጫዳቲ ሃይቃና ማላ አጋገዲ ባቃቲቲ» ገ ጸፊዳስ።

16 ሄሳ ገሻሰ አዮአቤይ ካታማዮ ገደላዳ ዋዴ ከሄ ኤቁቲዛ ኦላንቻቲ ዲዛ ሚጸን ኦሪዮ አሲዳስ።

17 ካታማዩን ዲዛ አሳይ ከዚዲ አዮአቤራ ኦላ ዳንጺዳስ፤ ዳዊቲ ኦላንቻታፔ ጉላቲ ኩንዲዳ፤ ሄሳታካ ሂቲ ዳሬ አሰ ኦሪዮይ ሃይቁዳስ።

18 አዮአቤይ ኦላሶን ሃኒዳ ኡባ ዳዊቲስ ከቲ ዬዲዳስ።

19 ከቲቲ ቢዛይሳስ፡ «ሃይሳ ኦላ ሃናታ ኔ ካዎዛሰ ዮቲዳፔ ጉዬ፡

20 ካዎዚ ኔ ቦላ ሃንቁቲዲ፡ ሳንቲ ኦላታናሰ እይሰ ሄሳ ማላ ካታማይኮ ከሄ ሸቁዳቲ? ገምቤዛ ካራራ አንቲ ቦላ ዋንዳፌ ዲካናይሳ ኤሬከቲ?

21 ዬሩቤሽቴ* ና አቢሜሌኬ አሲ ማጫሳያ ቲቤሴን ገምቤዛ ካራራ ዋጸ ማይዴ ዬዳዳ ዋቆቤኬ? ሂሰቲን አንቲ እይሰ ሄሳ ከና ገዴ ገምቤዛኮ ሸቁዳቲ?» ገ ኦሪቸዮ ነኒካ አዛሰ ዛራዳ፡ «ሂቲ ዳሬ አሰ ኔ ኦላንቻ ኦሪዮይ ሃይቁዳስ» ጋዳ ዮታ» ገደሰ።

22 ሄሳ ገሻሰ ከቲቲዳ አዳዚ ዳንዲ ቢደሰ፤ ሄ ቢ ጋኪዳ ማላ አዮአቤይ ዬዲዳ ከታ ኡባ ዳዊቲስ ዬዲዳስ።

23 ከቲቲ ቢዳይሲ ዳዊቲስ፡ «አሳቲ ኦ ቦላ ዋልቃሚዲ ኦና አላናሰ ደምባ ጋካናሰ ዪዳ፤ ገደ እቲን ነኒ አሰታ ካታማይ ፔንጌ ጋካናሰ ጎዲደስ።

24 ሄሳፌ ጉዬ ዋንዳፌ ዲኪዛ አሳቲ ገምቤዛ ቦላ ኡቲዲ ኔ አይሌታ ገዲዳ ኦ ቦላ ዋንዳፌ ዲኪዳ፤ ካዎዛ ኦላንቻታፔ ጉላታ ዋቆዳ፤ ኔ ኦላንቻ ሂቲ ዳሬ አሰ ኦሪዮይካ ሃይቁዳስ» ገደሰ።

25 ዳዊቲ ከቲቲ ዬዳይሳስ፡ «ኔኒ አዮአቤስ፡ ሳይ ዋዴ ገዲንካ ማሻይ አሲቶ ሄሳፌ ዋይኮ ሃይሳፌ ሚስ፤ ሄሳ ገሻሰ ሃይሳ ሃ ሃናዛን ካዮቶፋ፤ ካታማዮ ኦላ ኦይካናሲኔ ቆይሳናሰ ሚና» ጋዳ ሚንጮላ» ገደሰ።

26 ኦሪዮ ማቸያ አዚ አዚናይ ሃይቁዳይሳ ሲያዳ ከሃ ሚሽታዳ አዛሰ ዬካዲስ።

27 ካዮቲላ ዋዴይ አቋዳፔ ጉዬ ዳዊቲ ከቲ ኤሂሲዲ አዚ ባሰ ማቸ ኤኪዳስ፤ አዚ ዳዊቲስ አቸማ ና ዬላዲስ፤ ገደ እቲን ዳዊቲ ኦላዳ ኦሶይ ጎዳ ኡፋይሲቤና።

12

ናታኔ ካዎ ዳዊቲ

1 ጎዳይ ናቤ ናታኔ ዳዊቲስ ከቲደሰ፤ አዚካ ዳዊቲስ ቢዲ፡ «አሲ ካታማን ናምኡ አሳቲ ዳቲስ፤ አሰታፌ አሶይ ዲሬ፤ ሃንኮይሲ ማንቆ።

2 ዲሬዛሰ ከሄ ዳር ደርሳቲ፤ ሚዛቲ ዳቲስ።

3 ገደ እቲን ማንቆዛሰ አዚ ሻሚዳ ደርሳ ላቃ አሲኔይፔ እቲን ሃራይ ዳና፤ አዚ አዚ ባ ናይታራ አልአሲ ዲቸዳስ፤ አዛራ አሲፌ ማወሰ፤ አሲፌ ኡያወሰ፤ አዚ ከኦን አቻወሰ፤ አዚ አዛሰ ዬሎ ማላ።

4 «አሲ ጋላሰ ዲሬዛሶ አማላ ዬዳስ፤ ዲሬ አዳዚ ባ ደርሳታፔ ዋይኮ ሚዛታፔ ኤኪዲ ሄ አማላዛሰ ሚዛ ካል ገገሳና ኮዩቤና፤ ገደ እቲን ማንቆዛ ላቃዮ ኤፊዲ ባሶ ዪዳ አማላዛሰ ካል ገገሲደሰ» ገደሰ።

5 ዳዊቲ ሄሳ ኦላዳይሳ ቦላ ከሄ ሃንቁቲዲ ናታኔስ፡ «ዳኦ ጎዳይ ቤአን ሃይሳ ኦላዳዳስ ሃይቆይ ቤሴስ!

6 አዚ ሃይሳ ማላ ኦሶ ኦላዳ ገሻሰኔ ቃዴታይ ባይንዳ ገሻሰ ሄ ላቃይ ገሻሰ ኦይዲ ኩሽ ቃንጸና ቤሴስ» ገደሰ።

7 ሄሳፌ ጉዬ ናታኔይ ዳዊቲስ ዛሪዳ፡ «ሄ ቢታኔዚ ኔና! ጎዳ አሰራኤሌ ጸሳይ ኔና፡ ሳይኒ አሰራኤሌ ቦላ ካዎ ገደና ማላ ታ ኔና ቲያዲስ፤ ሳኦሌ ኩሽፔካ ኔና አሻዲስ።

8 ኔ ጎዳ ከላ ታ ኔሰ አማዲስ፤ ታ ኔ ጎዳ ማቸታካ ኔ ሾጸ ጋርሰ ጌልላዲስ፤ አሰራኤሌ ከላኔ ዩሁዳ ከላ ታ ኔሰ አማዲስ፤ ሃይቲ ኡባይ ኔሰ ጉዲዳኮ ታ ኔሰ ሃይታፔ ቦላራ ጉጃናኮሺን።

9 ሂሰቲን አዚ ሲንላን አታ ሚሽ ኦላዳ ጎዳ ቃላ እይሰ ካወሻዲ? ሂቲ ዳሬ አሰ ኦሪዮ ማሻን ሲፋዳሳ፤ አዚ ማቸዮ ኔሰ ኤካዳሳ፤ አዚካ አምኔታ ማሻን ዋቆሳዳሳ።

10 ኔኒ ታና ካወሺዳ ገሻሰኔ ሃቲ ዳሬ አሰ ኦሪዮ ማቸ ኔሰ ኤኪዳ ገሻሰ ኔ ከላፌ ማርናሰ ማሻይ ሻከቴና» ገሰ።

11 «ጎዳይ ኔና፡ ሳይኒ ኔ ከላፌ ኔ ቦላ አታ ሚሽ ታ ዳንላና፤ ኔ አይፌይ ቤአሺን ኔ ማቸታ ኤካዳ ኔሰ ማታ ገዲዳ አሳዳስ ታ አላ አማና፤ አዚካ ሴታ ጋላሰ ኔ ማቸታራ ዚንአና።

12 ኔኒ ካሴ ሃይሳ ገምን ኦላዳሳ፤ ታኒ ገዲኮ አሰራኤሌ ኡባ ሲንላን ጋላሰ ፖኦይ ዲሺን ቆንጫሳና» ገሰ።

13 ሄሳፌ ጉዬ ዳዊቲ ናታኔስ፡ «ታኒ ጎዳ ከሃ ቆሃዲስ» ገደሰ።

* 11:21 ዬሩቤሽቴ፡ ዬሩቤሽቴ አሲ አሲ ገሻ ማጸፋታን ዬሩባቤሌ፡ ጌዶኔ፡ ቃሴ ሃራታን ቦሽቴ ጌቲቲስ 11:21 ዳና 9:53 12:1 ማዛ 51 12:12 2ሳሜ 16:22

ናታኔይ ኢዛስ ዛሪዳ፡ «ጎዳይ ኔ ናጋራ ወርሲዳ ገሻስ ኔ ሃይቃካ፤

14 ገደ ኣቲን ኔ ሃይሳ ኦሊን ሞርኬቲ ጎዳ ከሂ ካወሻና ማላ * ኔ ኦሊዳ ገሻስ ኔስ ዩሌቲዳ ናዚ ሃይቃና» ገደሰ።

ዳዊቲ ናዛ ሃይቆ

15 ናታኔይ ባሶ ሲሚ ቢዳፔ ጉዬ ኦሪዮ ማቼያ ዳዊቲስ ዩሊዳ ናዛ ቦላ ጎዳይ ኢታ ሃርጌ ዩገደሰ።

16 ዳዊቲ ባ ናዛ ገሻስ ጸሳ ዋሲዳሲኔ ጸሚዳሰ። ሄሳፌ ጉዬ ጌዴ ባ ኪፊሌ ጌሊዲ ኦማርሰ ኦማርሰ ቃንጸንታ ሳኣ ቦላ ኢቺ ኣቁደሰ።

17 ኢዛ ካዎቲሳ ከላ ጨማቲ ኢዛ ሳኣፔ ዳንፋናስ ኢዛ ማታን ኤቁዳ፤ ኢዚ ገዲኮ ዳንዶንታ ኢጲዳሰ፤ ኢሰቲ ሚሺን ኣይኮካ ሚቤና።

18 ለፑንፋ ጋለስ ናዚ ሃይቁዳሰ፤ ዳዊቲ ኦሳንቻቲ፡ «ናዚ ፓጻ ዲሺን ኑ ዮቲን ኑ ገዛ ሲዩቤና፤ ሂሰቲን ኑ ሃኢ ናዚ ሃይቆ ኢዛስ ዋሰቲ ዮታና ዳንዳይዚ? ኢዚ ባርካ ባ ቦላ ቆሆ ጋላና ዳንዳይሰ» ገ ቆፒዲ ዮታናስ ባቢዳ።

19 ኢዛ ኦሳንቻቲ ጋርሳራ ሳሱኬቲ ሃሳይዛይሳ ዳዊቲ ቤኢዲ ናዚ ሃይቁዳይሳ ኤሪዳሰ፤ ሄሳ ገሻስ፡ «ናዚ ሃይቁዳ?» ገዲ ኢሰታ ኦይቺዳሰ። ኢሰቲካ ኢዛስ፡ «ኤ ሃይቁዳሰ» ገዳ።

20 ሄ ዋዴ ዳዊቲ ሳኣ ቦላፌ ዳንዲዲ፡ ሚጬቲዲ፡ ጎርፔቲዲኔ ማይኦ ለማዳፔ ጉዬ ጎዳ ከላ ቢ ጎይኒዳሰ። ሄሳፌ ጉዬ ኢዚ ባ ኪፊሌ ጌሊዳሰ፤ ባስ ቁማ ኢማና ማላ ኢዚ ኦይቺን ኢሚዳ ቁማ ሚዳሰ።

21 ኢዛ ኦሳንቻቲ ኢዛ፡ «ሃይሳሶ ኣይስ ኦላዲ? ናዚ ሽምጉ ፓጻ ዲሺን ጸማዳሳኔ ዩካዳሳ፤ ገደ ኣቲን ናዚ ሃይቁዳፔ ጉዬ ኔ ዳንዳዳ ካላ ማዳሳ» ገዳ።

22 ዳዊቲ ኢሰታሰ፡ «ኤ ቱማ፡ ናዚ ሽምጉ ፓጻ ዲዛ ዋዴ፡ ጎዳይ ታስ ኣቶ ገዲ ናዚ ሽምጉ ፓጻ ዋላናኮን ጋዳ ጸማዲሲኔ ዩካዲሰ።»

23 ሃኢ ገዲኮ ናዚ ሃይቁን ታ ኣዛስ ጸሞ? ታ ኢዛ ሃ ዛራናስ ዳንዳይዚና? ታ ኢዛኮ ባና ኣቲን ኢዚ ሃ ታኮ ሲሚና!» ገደሰ።

ሶሎሞን ዩሌቲላ

24 ሄሳፌ ጉዬ ዳዊቲ ባ ማቼዮ ቤርሳቤሆ ሚንሌላዳሰ፤ ኢዚኮ ጌሊዲ ኢዚራ ኣቁዳሰ፤ ኢዛካ ኢዛስ ኣቱማ ና ዩላዲሰ፤ ናዛ፡ «ሶሎሞን» ገ ሱንላዳሰ፤ ጎዳይካ ኢዛ ደሲዳሰ፤

25 ጎዳይ ናዚ ደሲዳ ገሻስ ኢዛ ሱንላ ዩዲዲያ ጌቲቲ ጴይጌታና ማላ ናቤ ናታኔ ባጋራ ቃላ ከቲዳሰ።

ኤራባ ካታማ ጸኔቲላ (1ታሪ 20:1-3)

26 ሄ ዋዴ ኢዮኣቤይ ኣሞኔታ ካታማ ኤራባ ኦሊዲ ካዎቲላ ከላ ሚጸ ኦይኪዳሰ።

27 ሄሳፌ ጉዬ ኢዮኣቤይ ዳዊቲኮ ኣስ ከቲ ዩዲዲ፡ «ታኔ ኤራባ ኦላዳ ሃላ ዲዛ ካታማዮ ኦይካዲሰ፤

28 ሃኢ ኔጌ ኣቲዳ ኦላንቻታ ሺሻ ኤካዳ ካታማዮ ገደላ ኦይካ፤ ኔ ሂሰቶንታ ኣጊኮ ካታማዮ ታ ኦይኪኮ ኢዛ ታ ሱንላን ጴይጌታና» ገደሰ።

29 ሄሳ ገሻስ ዳዊቲ ኩሚላ ኦላንቻታ ሺሻ ኤኪ ቢዲ ኤራባ ኦሊ ኦይኪዳሰ።

30 ኢሰታ ካዎዛ ካላቻ ኢዛ ሁኤፔ ኤኪዳሰ፤ ሄ ካላቻዚ ኢሲ ሚክለቲ † ዋርቃ ገዲሺን ቦንቺቲዳ ኢንቁን ኣሌቁቲዳሰ፤ ዳዊቲ ሄ ካላቻዛ ባ ሁኤን ጎዲዳሰ፤ ዳዊቲ ካታማይፔ ከሂ ዳር ሚሽ ዲኢ ኤኪዳሰ።

31 ሄን ዲዛ ዳራ ኬሲዲ ኢሰታ ማጋዘን፡ ጸይሌኔኔ ካልታን ጎኤቲዲ ኦሶ ኦላና ማላ ዋልቃላ ኦሲሲዳሰ፤ ሄሳታካ ጸብ ሚጲሲዳሰ። ሄሳ ማላ ኦሶይ ሃራ ኣሞኔታ ካታማታ ኡባን ኦሶታና ማላ ኦላዳሰ። ሄሳፌ ጉዬ ዳዊቲኔ ኢዛ ኦላንቻቲ ኡባይ ዩራሳላሚ ሲሚዳ።

13

ኣሚኖኔኔ ቲኢማር

1 ዳዊቲ ና ኣቤሴሎሚስ ቲኢማር ጌቲቲዛ ማላ ሎኦ ሚቻ ዳወሰ፤ ዳዊቲ ና ኣሚኖኔይ ኢዛ ደሲዳሰ።

2 ኣሚኖኔይ ባ ሚቻ ቲኢማር ደሲዳ ጋሶን ሳኬታናሽ ጋካናስ ጨጨዳሰ፤ ኢዛ ጌላኦ ገዲዳ ገሻስ ኢዚ ኢዚራ ኣቃና ዳንዳይቤና።

3 ኣሚኖኔስ ኢዮናዲቤ ጌቲቲዛ ላጌይ ዳሰ፤ ኢዚ ዳዊቲ ኢሻ ሻሚኤ ና፤ ኢዮናዲቤ ከሂ ጌኔ ኣሳ።

4 ኢዚ ኣሚኖኔ፡ «ኔ ገልቃ ገልቃ ኣቁዛ ጋሶይካ ኣዛኮን ታስ ኣይስ ዮቲኪ!» ገ ኦይቺዳሰ።

ኣሚኖኔይ፡ «ታ ኢሻ ኣቤሴሎሚ ሚቻ ቲኢማር ደሲዳ ገሻስ ገልቃዲሰ» ገደሰ።

5 ኢዮናዲቤይካ ኢዛሰ፡ «ሂሰቲኮ ኔ፤ ታኒ ሳኬታዲሰ) ጋዳ ሂጸን ከዛ ኢቻ፤ ኔ ኣዋይ ኔና ኦይቻና ዩሺን፡ ታ ሚቻ ቲኢማራ ያዳ ታስ ሚዛ ሚሽ ገጊሳ ኢሚዳኮ ታና ሎኤሰ፤ ካላካ ሃይሳን ታ ጸሊሺን ገጊሳዳ ባ ኩሼራ ኢዛ ታና ባርሳና ማላ ኣዛዛርኪ!» ጋዳ ኢዛ ኦይቻ» ገደሰ።

6 ሂሰቲን ኣሚኖኔይ ሳኬቲዳ ኣስ ሚሳቲዲ ኢቺዳሰ፤ ካዎዚ ኢዛ ኦይቻና ዩን ኣሚኖኔይ ኢዛ፡ «ታ ሚቻ ቲኢማራ ያዳ ታ ቤኢሺን ሶሎ ኡካዳ ባ ኩሼራ ታና ባርሳና ማላ ታ ኔና ዋሳይሰ» ገ ኦይቺዳሰ።

7 ዳዊቲ፡ «ኔ ኢሻ ኣሚኖኔሶ ባዳ ኢዛስ ማና ካላ ገጊሳ» ገዲ ቲኢማሪሰ ዮታና ማላ ካዎ ከላ ከቲዳሰ።

8 ሄሳ ገሻስ ቲኢማራ ኢዚ ኢሻ ኣሚኖኔይ ኢቺ ዲዛሶ ባዲሰ፤ ጉላ ቡኩሶ ኤካዳ ሙኑቁዳፔ ጉዬ ኢዚ ቤኢሺን ገጊሳዳ ኡካዲሰ።

9 ሄሳፌ ጉዬ ባሼዛ ኬሳዳ ሶሎዛ ኢዛስ ሺሻዲሰ፤ ገደ ኣቲን ኢዚ ማና ኮዩቤና።

ኣሚኖኔይ፡ «ኡባ ኣሳ ሃይሳፌ ከሰቲ» ገደሰ፤ ዲዛ ኣሳይ ኡባይካ ኢዛ ዩጊ ከዚዳሰ።

10 ሄሳፌ ጉዬ ኣሚኖኔይ ቲኢማር፡ «ታና ባርሳና ማላ ካላ ሃ ታ ኢቺዳ ኪፊሌ ኤካ ያ» ገደሰ፤ ቲኢማራ ባ ገግሲዳ ቁማ ኤካዳ ባ ኢሻ ኣሚኖኔይ ኢቺዳ ኪፊሌ ጌላዲሰ።

11 ገደ ኣቲን ኢዛ ቁማ ኢዛስ ሺሺን ኢዚ ኢዛ ጨርፑ ሂሰቲ ኦይኪዲ፡ «ታ ሚቼዩ! ኣኔ ኢሲፌ ዘንኦስ» ገደሰ።

12 ኢዛካ ዛራዳ ኢዛሰ፡ «ታ ኢሻዘ ታ ኔና ሾቢሰ፡ ኣጋ፤ ሄሲ ሃኔና፤ ታና ዋልቃራ ኦይኮፋ፤ ሃይሳ ማላ

* 12:14 ጎዳ ከሂ ካወሻና ማላ ገዛይሳ ኢሲ ኢሲ ጌሻ ማጻፋ ቢርሸላቲ ጸሳ ሞርኬቲ ጸሳ ቁቆና ዋይኮ ካቆና ማላ ኔ ኦሊዳ ገሻስ ጌቲሰ።
† 12:30 ኢሲ ሚክለቲ ገዛይሰ ሄቹ ታማኔ ኢቻሽ ከሎ ገራሚ ቤሴስ

ሚሺ ኢስራኤልን ኮሎቲ ኤሬና፤ ሃይሳ ዩላቸዛ ኦሶ ኦሶ።

13 ታ ሃይሳፊ ጉዬ ዋና፣ ታ ካወሻቱላ ቶካዳ ታ ኦዋ ጌላ፣ ኔኒካ ኢስራኤልን ካወሻ ኦሳታፔ ኢሳ ማላ ቆዳታና ጊዲኪ? ዲጫ ዛይ ካዋዛሰ የታ፤ ኢዚ ታ ኔና ጌሎንታ ማላ ዲጌና» ጋዲሰ።

14 ኢዚ ጊዲኮ ኢዛ ገዛይሳ ሲያና ኮዩቤና፤ ኢዚ ኢዘፔ ኬሂ ሚኖ ጊዲዳ ገሻሰ ኢዞ ዋልቃራ ኦይኪዲ ኢዚ ጌላኦቲላ ኤኪዳሰ።

15 ሃሳፊ ጉዬ ኦሚኖይይ ኢዞ ኬሂ ኢዲዳሰ፤ ኡባካ ካሴ ኢዞ ሲቆሪፔ ቦላራ ኢዲዳሰ። ኦሚኖይይ፣ «ኪቻ ታ ኦቻፊ ኬዛ!» ጊዳሰ።

16 ኢዛካ፣ «ሂሲ ሃኔና! ኔኒ ታና ኬሳ ዩዳይ ካሴ ኔ ታ ቦላ ጋሊዳ ቆሆዛፔ ኦላዳ ታና ቆሃሳ!» ጋዲሰ፤ ኢዚ ጊዲኮ ኢዛ ገዛይሳ ኤኪቤና።

17 ኢዚ ባ ኦይሌዛ ጾይጊዲ፣ «ሃኖ ማጫሳዮ ኬሳዳ ካራ ጎርዳ» ጊዳሰ።

18 ሃሳ ገሻሰ ኢዛ ጌሎንታ ማላ ካሬዛ ጎርዲዳሰ፤ ሄ ዋዴ ጌላኦ ጊዲዳ ካዋ ናይቲ ማይኢዛ ኦሌቆ ማይኦ ማይኦ ኡታዲሰ።

19 ቲኢማራ ባ ሁኔን ቢዲንላ ላላዲሰ፤ ኦሌቆ ማይኦካ ኣካዲሰ፤ ሃሳፊ ጉዬ ባ ሁኔ ባቃ ኦይካዳ ዩካሼ ባዲሰ።

20 ኢዚ ኢሻ ኦቤሴሎሜይ ኢዞ፣ «ሂሲ ኔ ኢሻ ኦሚኖይይ ኔናራ ታኪዳ? ታ ሚቹዬ ኦኔ ሃኢ ጮኡ ጋ፤ ኢዚ ኔ ኢሻ ጊዲዳ ገሻሰ ኔ ጩጮጋ» ጊዳሰ። ቲኢማራ ባ ኢሻ ኦቤሴሎሜሶን ሳዮ ጊዳ ኡታዲሰ።

21 ካዋ ዳዊቲ ሄ ሃኖ ሲዩዲ ኬሂ ሃንቁቲዳሰ፤

22 ኦቤሴሎሜይ ኦሚኖይ ቦላ ኢታ ጊዲን ሎኦ ጊዲን ኢሲ ቃላካ ጳቂቤና፤ ጋሶይካ ኦሚኖይይ ኢዛ ሚቾ ቲኢማራ ካወሻዳ ገሻሰ ኬሂ ኢዲዳሰ።

ኦሚኖይ ሃይቆ

23 ናምኡ ላይላፊ ጉዬ ኦቤሴሎሜይ ኤፍሬሚ ጳሳ ማታን ዲዛ ባኢሊ-ሃጾሬ ካታማን ባ ደርሳታ ኢሰኬ ቃንጺሼ ሂን ካዋ ኦቲማ ናይቲ ቤታና ማላ ጾይጊዳሰ።

24 ኦቤሴሎሜይ ካዋዛኮ ቢዲ፣ «ሂኮ ኔ ኦይሌይ ባ ደርሳታ ኢሰኬ ቃንጺሼ ዳሰ፤ ሃሳ ገሻሰ ካዋዚኔ ኢዛ ሹማቲ ኢሰታሰ ሎኦ ሹኔ ጊዲኮ ታሰ ሃን ቤቲቶ» ጊ ሾቢዳሰ።

25 ካዋዚካ፣ «ታ ናዘ! ኦ ኡባይ ባናሰ ቤሴና፤ ኦ ኔሰ ቶሆ ጊዳና» ጊዳሰ። ኦቤሴሎሜይ ሚንሊ ዋሲንካ ካዋዚ ባና ኮዩቤና፤ ጊዳ ኦቲን ኢዛ ኦንጂዲ ዋይዚ ዩዲዳሰ።

26 ኦቤሴሎሜይ፣ «ሂሰቲኮ ታ ኢሻ ኦሚኖይይ ኦናራ ባና ማላ ኦዛዛ» ጊዳሰ።

ካዋዚ፣ «ኢዚ ኢንቲናራ ኦይሰ ባኔ?» ጊ ኦይቹዳሰ።

27 ጊዳ ኦቲን ኦቤሴሎሜይ ኢዛ ሚንሊ ዋሲዳ ገሻሰ ዳዊቲ ኦሚኖይይ ሃንኮ ኦቲማ ናይቲ ኡባይ ኢዛራ ኢሲፊ ባና ማላ ኦሊዳሰ።

28 ኦቤሴሎሜይ ባ ኦይሌታሰ፣ «ኦሚኖይይ ዋይኔ ኡሻ ኡዩዲ ማላታናሼ ጋካናሰ ናጌቲቲ፤ ሃሳፊ ጉዬ ታኒ ኢንቲና፣ ሳሚኖይ ሾጩቲ) ገዛ ዋዴ ኢንቲ ኢዛ ዋዴቲ፤ ኢንቲና ኦዛዚዳይ ታና ጊዲዳ ገሻሰ ባቦፍቲ፣ ሚኒቲ፣ ጸሊቲ» ጊ ኦዛዚዳሰ።

29 ኦቤሴሎሜይ ኦይሌቲ ኢሰታ ጎዳይ ኢሰታ ኦዛዚዳይሳ ኦሚኖይ ቦላ ገሊዳ፤ ሃሳፊ ጉዬ ካዋዛ ናይቲ ኡባይ ባ ባቁሎ ባቁሎ ቶጊዲ ባቃቲዳ።

30 ኢሰቲ ቡር ኦጌ ቦላ ዲሺን፣ «ኦቤሴሎሜይ ካዋዛ ናይታ ኡባ ዋዴ ወርሲዳሰ፤ ኢሳዳይካ ኦቲቤና» ገዛ ዋሪይ ዳዊቲኮ ጋኪዳሰ።

31 ካዋዚ ዳንዲ ኤቁዲ ባ ማይኦ ዳኪዳሰ፤ ቢታ ቦላ ጉፋኒዳሰ፤ ኢዛ ማታን ኤቁ ዲዛ ኢዛ ኦይሌቲ ኡባይ ባንታ ማይኦ ዳኪዳ።

32 ጊዳ ኦቲን ዳዊቲ ኢሻ ሻሚኤ ና ኢዮናዲቤይ፣ «ካዋ ናይታ ኡባ ዋዴ ወርሲዳ ሚሳቲሲዲ ታ ጎዳይ ቆፖር፤ ኢዛ ሚቾ ቲኢማራ ዋልቃንሊ ኦይኪዳ ዋዴፔ ደሚዲ ኦቤሴሎሜይ ጊጺ ዳንዲዳ ዮኦ ጊዲዳ ገሻሰ ኦሚኖይይ ጸላ ሃይቁዳሰ።

33 ሃይቁዳይ ኦሚኖይ ጸላ ጊዲዳ ገሻሰ፣ ሳካዋ ናይቲ ኡባይ ሃይቁዳ) ጌቲቲዳይሳ ካዋይ ታ ጎዳይ ኦሚኖናሰ ቤሴና» ጊዳሰ።

34 ኦቤሴሎሜይ ኤሶን ባቃቲዳሰ። ዛቤ ናገዛይሲ ጳቁ ጊ ጾሊሺን ኢዛፔ ኦርሼይ ወሊዛ ባጋራ ዲዛ ኦጌራ ዳር ኦሳቲ ዙማ ሚሌራ ዲጌ ዋዴሺን ቤኢዳሰ። ዛቤ ናገዛይሲ ቢዲ ካዋዛሰ፣ «ሆርናዬ ባጋራ ዙምቡላታ ቲጸራ ኦሳይ ዲጌ ቢሺን ታ ቤኦይሰ» ጊ ዮቲዳሰ።

35 ኢዮናዲቤይ ዳዊቲሰ፣ «ቤኦ ካዋ ናይቲ ዩዳ፤ ካሴ ኔ ኦይሌይ ጊዳይሳ ማላ ሃኒዳሰ» ጊዳሰ።

36 ኢዚ ቡር ዮቲ ወርሶንታ ዲሺን ካዋዛ ናይቲ ዋሲሼኔ ዩኪሼ ጌሊዳ፤ ሃሳላካ ካዋዚኔ ኢዛ ኦሳንቻቲ ኡባይ ኬሂፔ ዩኪዳ።

37 ኦቤሴሎሜይ ጋንጊዲ ጌሹራ ካዋ ኦሚሁዳ ና ታላማዬኮ ቢዳሰ፤ ጊዳ ኦቲን ዳዊቲ ሃይቁዳ ናዛ ገሻሰ ኡባ ዋዴ ዩኪሼ ጋምኢዳሰ።

38 ኦቤሴሎሜይ ጋንጊዲ ጌሹራ ቢዲ ሄን 3 ላይሳ ኡቲዳሰ።

39 ካዋ ዳዊቲ ባ ና ኦሚኖይ ሃይቆን ጋኪዳ ካዮቲላፊ ሚኔቲዳፔ ጉዬ ኦቤሴሎሜኮ ባና ኢዛ ዋዚናይ ዳንዲዳሰ።

14

ዩሩሳላሚ ኦቤሴሎሜ ሲዋ

1 ካዋ ዳዊቲ ኦቤሴሎሜ ላዋቲዳይሳ ጸራያ ና ኢዮኦቤይ ኤሪዳሰ።

2 ሃሳ ገሻሰ ኢዮኦቤይ ኢሲ ኦሰ ቲቁሂ ኪቲዲ ኢሲ ዋዚናማ ማጫሰ ኤሂሲዳሰ፤ ኢዞ፣ «ኔኒ ካዮቲዛ ኦሰ ሚሳታናሰ ካዮ ማይኦ ማይኦ፤ ቁባቲ ቲዬቶፋ፤ ሃይቁዳ ኦሳሰ ዳር ዋዴ ካዮታሼ ዲዛ ማጫሰ ሚሳታ ቤታ።

3 ሃሳፊ ጉዬ ካዋዛኮ ባዳ ታ ኔሰ ዮቲዛይሳ ኢዛሰ ዮታ» ጊዲ ኢዛ ዮታና ቃላታ ኢዮኦቤይ ኢዚሰ ዮቲዳሰ።

4 ቲቁሂ ዳሬ ማጫሳያ ካዋዛኮ ጌላዲሰ፤ ሲንላ ጉሉ ጉፋናዳ ቦንቾ ሳርካ ኢሚዳፔ ጉዬ፣ «ካዋንቶ ታና ማዲቲ!» ጋዲሰ።

5 ካዋዚካ ኢዞ፣ «ኔና ኦዜ ማቲዳይ?» ጊ ኦይቹዳሰ። ኢዛካ ዛራዳ፣ «ታኒ ቲማፔ ኦዚናይ ሃይቁዳ ኦምኦ።

6 ታሰ ኔ ኦይሌይሰ ናምኡ ኦቲማ ናይቲ ዳቲሰ፤ ናምኦቲ ባ ጋርሳን ኢሶይ ኢሳራ ዳምባን ኦይቲዳ፤

አስታ አሸቹዛይ ባይንዳ ገሻሰ አሶይ ሃንኮይሳ ሾጪ ዋዲዳስ።

7 ሂሰቲን ዳቦቲ ኡባይ ኔ አይሌይ ቦላ ዳንዲዲ፣ «ባ አሻ ዋዲዳይሳ ኑስ ሃ አላ አማ፤ አዚ ባ አሻ ዋዲዳ ገሻሰ ኩኒካ አዛ ዋዳና፤ ሃሳፌ ጉዬ ኔኒ ላታይ ባይንዳሮ ገዳና፤ ጌቲስ፤ ሃሳ ገሻሰ ታስ አቲዳ አሲ ጸምፔዛ ዳይሲዲ ታ አዚናዛ ቢታ ቦላ ሱንላ ባይንዳኔ ዛሬይ ባይንዳ ጶንላ ኩሳና ሃኔቲስ» ጋዲስ።

8 ካዎዚካ ማጫሳዮ፣ «ኔኒ ሲማ ኔሶ ባ፤ ታ ኔ ኦይሻ ገሻሰ ቤሲዛ አዛዛ አማና» ገዲስ።

9 ገዲ አቲን ቲቋሂ ዳሬ ማጫሳዮ፣ «ታ ጎዳ ካዎ! ቆዎዚ ታ ቦላኔ ታ አዎ ኩላን ጋኮ፤ ካዎይኔ አዛ አራታይ ቆዎፔ ጌዱዳይታ ገዳቶ» ጋዲስ።

10 ካዎዚካ አዚስ፣ «ኦኒካ ኔ ቦላ አሲ ሚሽ ሃሳይዛ ገዲኮ ሃ ታኮ ኤካ ያ፤ ዛሬ ኔና ዋዩሴና» ገዲስ።

11 አዛ፣ «ሱላ አጪዛይቲ ታ ናዛ ዋዲዲ ካሴፔ አዲዛ ቆዎ ጋዶንታ ማላ ካዎይ ጎዳ ባ ጸሳ ዎሶ» ጋዲስ።

ካዎዚካ አዚስ፣ «ጎዳይ ቤአን፣ ኔ ናዛ ሁኤ አሲኬፌ አሲናካ ቦሽቲኩ» ገ ጫቁዳስ።

12 ሃሳፌ ጉዬ ማጫሳዮ፣ «ታ ኔ አይሌያ ታ ጎዳሰ ካዎስ አሲ ቃላ ዮታና ማላ ኤሮ ጋርኪ!» ጋዲስ፤ አዚካ፣ «ኤሮ ዮታ» ገዲስ።

13 ማጫሳዮ ዛራዳ አዚስ፣ «ኔኒ ሃይሳ ማላ ዮኦ ጸሳ ዳራ ቦላ አዛሰ ቆፓዲ? ካዎዚ ዳሬፔ ጎዳቲ ቤቲ ቢዳ ባ ናዛ ዛሬቤና፤ ሂሰቲን ሃሳ አዚ ዮቲሾ ባርካ ባ ቦላ ፐርዲቤኔ?»

14 ቢታን ጉኪዳ ሃላ ሲሞንታይሳላ ኩኒ ኡባይካ ሃይቆስ፤ ጸሲ ቢታፌ ጎዳቲዳ አሲ አዛ ሲንሳፌ ባቃቲ ቢዳሰን አቶንታ ማላ ሲሚ ያና ኦጌ አዛሰ ገሲሴስ አቲን አዛ ሸምፖይ ዳያና ማላ ኮዬና።

15 «ሃአካ ታ ሃይሳ ዩዳይ ዳሬዚ ታና ባቢሲዳ ገሻሰ ሃሳ ታ ጎዳሰ ካዎስ ዮታናሳ፤ ታ ኔ አይሌያ፣ ታ ካዎዛሰ ዮታና፤ አዚካ ታ ኦይቸዳይሳ ፖላናሰ ዳንዳይዛ ገዳና።

16 ጸሲ ኑስ አሚዳ ጸንጾሬ ታናኔ ታ ናዛ ሾዳናሰ ዳንዲዳ አዳዛ ኩሾፔ ካዎዚ ባ ኦሳንቻዮ አሻናሰ ኤሮ ጋና፤ ጋ ቆፓዲስ።

17 «ሃአካ ታ ኔ አይሌያ፣ «ካዎይ ታ ጎዳዚ ሎኦ አታፔ ሻኪ ኤሮን ጸሳ ኪታንቻ ማላ ገዲዳ ገሻሰ ታ ጎዳ ካዎዛ ቃላይ ታና ሚንሌላ፤ ጎዳ ኔ ጸሳይ ኔናራ ገዳ» ገይሰ» ጋዲስ።

18 ሃሳፌ ጉዬ ካዎዚ ማጫሳዮ፣ «ታኒካ ኔና ኦይቸዛ ኦይሻታሰ ዛሮ ታፔ ቆቶፋ» ገዲስ።

ማጫሳዮካ፣ «ኤሮ፣ ታ ጎዳይ ካዎይ ኦይቻ» ጋዲስ።

19 ካዎዚካ ዛሬዲ አዛ፣ «ሃ ኡባን አዮአቤ ኩሾይ ዳኔ?» ገ ኦይቸዳስ።

ማጫሳዮ ዛራዳ፣ «ታ ጎዳ ካዎዛ ኔ አሾ፤ ታ ጎዳ ካዎይ ሃሳይዳ ኡባፌ ሃዲርሲኔ ኡሻቶ ገዛይ ዳና፤ ኤ ታ ሃይሳ ኡባ ሃሳያና ማላ ታና አዛዚዳይኔ ሃ ኡባ ቃላይ ኔ አይሌይ ዳናን ሃሳዬታና ማላ ታና ኪቲዳይ ኔ ኦሳንቻ አዮአቤ።

20 ኔ ኦሳንቻ አዮአቤይ ሃይሳ ኦላዳይ ዲዛ ሃናታ ላማና ኮዩዳ ገሻሳ፤ ገዲ አቲን ታ ጎዳሰ ጸሳ

ኪታንቻታሰ ዲዛ አዶ ኤራቴላ ዲዛ ገሻሰ ቢታይ ቦላ ሃኒዛ ሚሽ ኡባ አዚ ኤሬሰ» ጋዲስ።

21 ካዎዚካ አዮአቤስ፣ «ኤሮ ሎኦ፤ ኤሮ፤ ባዳ ናቲላዛ አቤሴሎሜ ዛራ ኤካ ያ» ገዲስ።

22 አዮአቤይካ ቦንቾ ሳርካ ካዎዛሰ ቆንጪሳናሰ ዳጌ ቢታ ቦላ ጉፋኒዲ ሳርኪዳስ፤ ካዎዛ አንጂዳስ፤ ካሌላዲ አዮአቤይ፣ «ካዎዚ ባ ኦሳንቻዛ ዎሳ ኤኪዳ ገሻሰ ኔ አይሌይ ኔ ሲንላን ቲማ ዳሚዳይሳ ሃቶ ኤሪዳስ» ገዲስ።

23 ሃሳፌ ጉዬ አዮአቤይ ገሹሬ ቢዲ አቤሴሎሜ ዩሩሳላሚ ዛሬ ኤሂዳስ።

24 ካዎይ ገዲኮ፣ «ባሶ ቦ፤ አዚ ታ አይፌሶ ቤአናሰ ዳንዳዬና» ገዲስ፤ ሃሳ ገሻሰ አቤሴሎሜይ ባሶ ቢዳስ፤ ካዎዛ አይፌሶካ ቤአቤና።

አቤሴሎሜይ ካዎዛራ ማቃይኒዳ ማቃይና

25 አቤሴሎሜ ማላ፣ ማላ ሎኦይ ኩሜላ አሲራኤሌ አሳ ጋርሳንካ ዳና፤ አዛሰ ሁኤ ቢናናፔ ቢዲ ቶዎ ጸጉንላ ጋካናሰ ቦሬይ ዳና።

26 ሁኤ አሰኬይ አዛ ዳዲሽን ላይላን አሲቶ ጫኪሴስ፤ ጫኬቲዳ ቢናናዚ ካዎ ኩላ ሜዛኔን ዋላሽን 200 ሳቂሌ * ዳዳስ።

27 አቤሴሎሜስ ቲአማሮ ጌቲቲዛ አሲ ማጫ ናይኔ ሃቸ አቲማ ናይቲ ዩሌቲዳ። ማጫ ናያ ኬሃ ማላ ሎኦ።

28 አቤሴሎሜይ ካዎዛ ቤኦንታ ዩሩሳላሚን ናምኤ ላይላ ኡቲዳስ።

29 ሃሳፌ ጉዬ አዮአቤይ ካዎዛኮ ባና ማላ አቤሴሎሜይ ጴይገሲዳስ፤ አዮአቤይ ገዲኮ አዛኮ ያና ኮዩቤና፤ ናምአንላካ ዛሬዲ ጴይገሲዳስ፤ አዮአቤይ ያና ኮዩቤና።

30 ሂሰቲን አቤሴሎሜይ ባ አይሌታሰ፣ «ቤአቲ፤ አዮአቤ ጋይይ ታ ጋይዶ ቆሳ፤ አዛ ጋይን ማጸ ጋኪዳ ባንጋይ ዳስ፤ ቢዲ አዛን ታማ ዩዲቲ» ገዲስ፤ ሃሳ ገሻሰ አቤሴሎሜ አይሌቲ ቢዲ አዮአቤ ካላ ታማን ጸጊዳ።

31 ሃሳፌ ጉዬ አዮአቤይ አቤሴሎሜሶ ቢዲ፣ «ኔ አይሌቲ አይሰ ታ ካላ ታማን ጸጊዳ?» ገ ኦይቸዳስ።

32 አቤሴሎሜይ አዮአቤስ ዛሬዲ፣ «ታኒ ኪቲን ኔኒ ዮንታ አዲዳ ገሻሳ፤ ሃና ጋካናሰ ታ ሃን ዲዛኮ ታሰ ሎኦ ገዳና ገዲስ ጋዳ ኔ ካዎስ ዮታና ማላ፣ ታ ኔና ካዎዛኮ ዩዳና ኮያዳ ኔና ሃያ» ጋዳ ጴይገሳዲሰ፤ ሃአ ገዲኮ ታ ካዎዛ አይፌሶ ቤአና ኮያይሰ፤ አይ ሞሮይ ታ ቦላ ቤቲኮ አዚ ታና ዎዶ» ገዲስ።

33 አዮአቤይ ካዎዛኮ ቢዲ ሃሳ አዛሰ ዮቲዳስ፤ ሃሳፌ ጉዬ ካዎዚ አቤሴሎሜ ጴይገሲዳስ፤ አዚካ ዩዲ ካዎዛ ሲንላን ጉፋኒዲ ሳርኪዳስ፤ ካዎዚካ አቤሴሎሜ ዩሪ ኤኪዳስ።

15

አቤሴሎሜ ማካሌቲላ

1 ሃሳፌ ጉዬ አቤሴሎሜይ ፓራ-ጋሬኔ ፓራታ፣ ሃሳላካ አዛፔ ሲንላራ ዎጻናሰ 50 አሳታ ባሰ ገገሲዳስ።

2 አቤሴሎሜይ ማላዳ ዎንታራ ዳንዲዲ ካታማ ፔንጌ ጌላላዛ ኦጌ ጋጸን ኤቁ ናጌስ። አይ አሰካ ባ ሚሻ ካዎስ ሚጋኒዲ ፐርዲሳና ዩዛ ዎዴ ኡባን አቤሴሎሜይ አዛዴ ባኮ ጴይገ ጴይገዲ፣ «ኔ አዎ

14:17 2ኛሜ 19:27 * 14:26 200 ሳቂሌ ገዛይሰ 2 ኪሎ ላጌ ገዲስ።

ካታማፔ ያዲ?» ጊ ኦይቼስ፤ ሄ ኦይቼቲዳ አዳዚካ፡ «ታ ኔ ኦሳንቻይ ኢሰራኤል ቆዋታ ጋርሳፌ አሳፌ ያዲስ» ጊ ዛሬስ።

3 ሄሳፌ ጉዬ አቤሴሎሜይ ኢዛስ፡ «ቤኣ! ኔ ማጋናዚ ሊኬኔ ቤሲዛዛ፤ ጊዶ ኣቲን ካዎ ዎካሌታፕ ሃይሳ ጸላና ኣሲ ኔስ ዳና» ጊስ።

4 ካሌሲዳካ፡ «ታኒ ሃኖ ቢታይ ቦላ ፐርዲዛ ዳና ጊዳ ሹሜቲዳኮ ኣዜ ዲዛይ? ማጋናይ ዎይኮ ሞቶይ ዲዛ ኣሲ ኡባይ ታኮ ዩዲ ሱሬ ፐርዳ ዳማና ማላ ታ ኦላናኮቪን» ጊስ።

5 ሄሳላካ ኣይ ኣሲካ ኢዛኮ ሸቂዲ ሳርኪዛ ዎዴ አቤሴሎሜይ ባ ኩቪን ኢዲሚ ኦይኪዲ ዬሬስ።

6 ካዎዛኮ ሱሬ ፐርዳ ዳማናስ ዩዛ ኢሰራኤል ኣሳ ኡባኮ አቤሴሎሜይ ሄሳላ ሃኒ ሃኒ ሸቂዛ ጊሻስ ኢሰራኤል ኣሳ ዎዚና ኤኪዳስ።

7 ኦይዲ ላይሳፌ ጉዬ አቤሴሎሜይ ካዎዛ፡ «ታኒ ኣዲኔቲዳ ኣዲና ጋላናስ ኩብርኔ ባናስ ታስ ፐቃዴ አማ።

8 ታኒ ኔ ኦሳንቻይ ኣራሚ ዳሬን ጌቩሬን ዳሼ፡ ሳዳይ ታና ዬሩሳላሚ ዛሬዛ ጊዲኮ ጎዳስ ኩብርኔን ጎይናና ጋ ኣዲኔታዲስ» ጊዳስ።

9 ካዎዚ ኢዛ፡ «ሳርን ባ» ጊዳስ፤ ሄሳ ጊሻስ አቤሴሎሜይ ኩብርኔ ቢዳስ።

10 ሄሳፌ ጉዬ አቤሴሎሜይ፡ «ኣንቴ ዛዬ ጊሪስ ሲዩዛ ዎዴ፡ ሳቤሴሎሜይ ኩብርኔን ካዎቲዳስ» ጊቲ ጋና ኦሳንቻታ ኩሜሳ ኢሰራኤል ቆዋታ ኡባ ጊዶን ቆታራ ዎሊዳስ» ጊዳስ።

11 ዬሩሳላሚፔ 200 ኣሳቲ ኢዛራ ኢሲፌ ቢዳ፤ ኢሰቲ ኢማላቲል ጸይጌቲዲ ኣሸኩቲላን ቢዳ ኣቲን ኢሰቲ ዮኦዛ ጊሻስ ኣይኮካ ኤሪዛ ሚሺ ዳና።

12 አቤሴሎሜይ ያርሾዛ ሸሺዛ ዎዴ ዳዊቲ ዞሪዛ ጊሎ ዳሬ ኣስ ኣክጸፌሌ ባ ቢታ ጊሎፕ ኢዛኮ ያና ማላ ከቲዳስ፤ ሄሳ ጊሻስ ሴራዚ ሚኒዳስ፤ አቤሴሎሜ ካሊዛይታ ቆዳይ ጉጃቲ ጉጃቲ ቢዳስ።

ዳዊቲ ባቃታ

13 ከቲቲዛይሲ ዩዲ፡ «ኢሰራኤል ኣሳ ዎዚናይ አቤሴሎሜራ ዳስ» ጊዲ ዳዊቲስ ዮቲዳስ።

14 ሄሳፌ ጉዬ ዳዊቲ ባ ሹሚ ኡባታስ፡ «ዳንዲቲ፤ ኣኔ ባቃቶስ፤ ኦ ሂሰቶንታ ኣጊኮ ኦፕ ኢሳዳይካ አቤሴሎሜ ኩቪፕ ኩሲ ኤኪ ኣቲና፤ ሃኢራ ኦ ሃይሳፌ ኩዛና ቤሴስ፤ ኦ ሂሰቶንታ ኣጊኮ ካሊቲ ዩዲ ኦና ኦይኪኮ ኢዚ ኦና ዳይሳና፤ ካታማኖካ ማሻን ሲፋና» ጊዳስ።

15 ካዎዛ ሹሜቲካ፡ «ኦ ካዎይ ኮዩዲይሳ ኡባ ኦላናስ ኦኒ ኔ ኦሳንቻቲ ጊጌቲ ኡቲዳስ» ጊ ዛሬዳ።

16 ካዎዚ ባሶ ኣሳ ኩሜሳራ ኬዚ ቢዳስ፤ ካዎቲላ ኬላ ናጋና ማላ 10 ላጌላታ ዎሊዳስ።

17 ሄሳ ጊሻስ ካዎይ ኩሜሳ ኣሳራ ሃኪ ቢዳፕ ጉዬ ሄን ኢሲሶን ኤቂዳ።

18 ኣሳይ ኡባይ ኬሊቲቲ፤ ፔሊቲቲ ሄሳላካ ጌቲፕ ኢዛራ ዩዳ 600 ኣሳታ ጉጃን ሳልፊዲ ካዎዛ ሲንሳ ኣዲዳ።

19 ካዎዚ ጌቲ ዳሬ ኣስ ኢታዬይ፡ «ኔ ኦናራ ኣይስ ያዲ? ሲማዳ ካዎ አቤሴሎሜራ ኢሲፌ ኡታ፤ ኔኒ ኔ ሁኤስ ኔ ቢታፌ ዲኤታ ዩዳ አማላ።

20 ኔኒ ሃኢ ዚኔ ያዳሳ፤ ሂሰቲን ታ ታስ ኣዎ ቢዛኮ ኤርንታ ዳሼ ኔ ኦናራ ቶይላታና ማላ ኣይስ ኦላ? ኣኔ

ሃኢ ኔኒ ኔ ኣሳታ ኤካዳ ጉዬ ሲማ፤ ሎኤቴሊኔ አማኔቲላይ ኔናራ ጊዶ» ጊዳስ።

21 ጊዶ ኣቲን ኢታዬይ፡ «ዴኦ ጎዳይ ቤኣን፤ ሄሳላካ ታ ጎዳ ካዎ ኣሸ፤ ዴኦ ጊዲን ሃይቆ ጊዲን ኣዎንካ ታ ጎዳ ካዎይ ሃኒዛይሳ ታኒ ኔ ኣይሌዚ ሃናና» ጊ ዛሬዳስ።

22 ዳዊቲካ ኢታዬይ፡ «ሂሰቲኮ ሲንሳ ኣዳ ባ» ጊዳስ፤ ሄሳ ጊሻስ ጌቲ ዳሬ ኣስ ኢታዬይ ባ ኣሳታኔ ባናራ ዲዛ ባሶ ኣሳታ ኤኪ ቢዳስ።

23 ዳሬይ ኡባይ ኣዲ ቢዛ ዎዴ ሄ ዳሬ ኣሳይ ዎሲሽ ዩኪዳስ፤ ካዎዚ ቁዲርኔ ዙሌዛ ፐኒዳስ፤ ኣሳይ ኡባይ ፐኒዲ ባዛ ቢታ ቢዳስ።

24 ሳዶቂይካ ሄን ዳስ፤ ኢዛራ ኢሲፌ ዲዛ ለዌቲ ኡባይ ጸሳ ጫቆ ቃላ ታቦታ ቶኪዳ፤ ኢሲቲካ ዛሬዲ ጸሳ ጫቆ ቃላ ታቦታዛ ዎሊዳ፤ ኢቢያታሬይ ኣሳይ ኩሜሳ ካታማኖ ዩዲ ኬዛናሽ ጋካናስ ያርሾ ሸሺዳስ።

25 ሄሳፌ ጉዬ ካዎዚ ሳዶቂ፡ «ኔኒ ጸሳ ጫቆ ቃላ ታቦታዛ ኤካዳ ጉዬ ካታማኖ ሲማ፡ ታኒ ጎዳ ሲንሳን ኣዮቲዳ ጊዲኮ ኢዚ ታና ዛሬዲ ታቦታዛኔ ኢዛ ኣቆሶዛ ታ ቤኣና ማላ ጋላና።

26 ጊዶ ኣቲን ኢዚ፡ «ታ ኔናን ኡፋዬታቤኬ» ጊዛ ጊዲኮ ባስ ሎኦ ሚሳቲ ቤቲዳይሳ ታ ቦላ ኦላ፤ ታኒ ኤካናስ ጊጌታ ኡታዲስ» ጊዳስ።

27 ቃሴካ ካዎዚ ቄሴ ሳዶቂ፡ «ኔኒ ናቤ ጊዲኪ? ሂሰቲኮ ኔኒ ኔ ና ኣከማሴኔ ኣቢያታሬ ና ዮናታኔ ኔናራ ኤካዳ ሳርን ጉዬ ካታማኖ ሲማ፤ ኔኒኔ ኣቢያታሬይ ናምኣቲ ኣንቴ ናይታ ኤኪዲ ቤቲ።

28 ታኒካ ኔፕ ዎሬ ሲያና ጋካናስ ባዞን ዲዛ ሻፋ ፐኒዛሶን ናጋና» ጊዳስ።

29 ሄሳ ጊሻስ ሳዶቂይኔ ኣቢያታሬይ ጸሳ ጫቆ ቃላ ታቦታ ጉዬ ዬሩሳላሚ ዛሬዲ ሄን ታኪዳ።

30 ጊዶ ኣቲን ዳዊቲ ዩኪሽ ፑዴ ዳብራዛይቲ ዙማ ፑዲንሳ ኬዚዳስ፤ ባ ሁኤ ጉሉንቲዲ ሚላ ቶሆራ ዳስ፤ ኢዛራ ኢሲፌ ዲዛ ኣሳይ ኡባይ ኢዛይሳላ ባንታ ሁኤ ጉሉንቲዲ ዩኪሽ ፑዲንሳ ኬዜቲስ።

31 ሄ ዎዴ፡ «ሴራ ጊዶን ኣቤሴሎሜራ ዲዛይ ኣክጸፊሌ» ጊ ዳዊቲስ ዮቲዳ፤ ሄሳ ጊሻስ ዳዊቲ፡ «ኣቤት ጎዳወ! ኣክጸፊሌ ዞሪዛ ሃዳ ሂሰታርኪ» ጊ ዎሲዳስ።

32 ዳዊቲ ዳሬይ ጸሳ ጎይኒዛሶሆ ፑዴ ዙማ ካራ ጋኪሽን ኣርኬ ዳሬ ኣስ ሁሽይ ባ ማይኦ ዳኪዲ ባ ሁኤ ቦላ ጉዲላ ላሊዲ ኢዛራ ጋይታናስ ዩዳስ።

33 ሄሳፌ ጉዬ ዳዊቲ ኢዛ፡ «ኔኒ ታናራ ኢሲፌ ቢኮ ታስ ቶሆ ጊዳና፤

34 ጊዶ ኣቲን ኔኒ ጉዬ ካታማኖ ሲማዳ አቤሴሎሜስ፡ «ታ ኔ ኣይሌ ጊዳና፤ ካሴ ታኒ ኔ ኣዎስ ኣይሌ ጊዲዳ ማላ ሃቺካ ታ ኔስ ሃጋዛና» ጋዳ ኣክጸፊሌ ዞሪ ኔ ላላዳ ታና ማዳና።

35 ቄሴቲ ሳዶቂይኔ ኣቢያታሬይ ሄን ኔናራ ዳና ዳቲኔ? ካዎ ኬላፌ ኔ ሲዩዳይሳ ኡባ ኢሰታስ ዮታ።

36 ሳዶቂ ና ኣከማሴኔ ኣቢያታሬ ና ዮናታኔይ ናምኡ ኣቲማ ናይቲ ሄን ኢሰታራ ዳቲስ። ኔ ሲዩዛ ኡባ ታስ ኢሰታ ቦላ ከታ ዩዳ» ጊዳስ።

37 ሄሳ ጊሻስ ዳዊቲስ ሲቆ ላጌ ሁሽይ አቤሴሎሜይ ዬሩሳላሚ ጌሊዳ ማላ ሄ ጋኪዳስ።

16

ዳዊቱን ደባ

1 ዳዊቱ ዙማፔ ጉል እጁ ቢዳ ማላ ደባ ጌቲቲዛ ማምፊሶስቲ ኦሳንቻይ 200 ሶሎ፣ ዛቢቤፔ ኡኬቲዳ ቄሪ ኡኬል ጸታታ፣ ባላሴፔ ኡኬቲዳ 100 ቄሪ ኡኬልን ኢሲ ሉካሞ ኩሚል ዋይኔ ኡሺ ጫኔቲዳ ናምኡ ሃሪታ ላጊ ኡኪዳ ኢዛራ ጋይታና ዪደሰ።

2 ዳዊቱ ደባ፣ «ሃይሳ ኡባ አዛሰ ኤሃዲ?» ጊ ኦይቲዳሰ። ደባይካ፣ «ሃሪታ ካዎ ኩል አሳቲ ቶጋና ማላ፣ ሶሎዛኔ ኡኬልታ ናቲላቲ ማና ማላ፣ ዋይኔ ኡሻዛ ባዘን ዳቡሪዳ አሳይ ኡያና ማላ ኤሃዲሰ» ጊደሰ።

3 ሃሳፌ ጉዬ ካዎዚ፣ «ኔ ጎዳ ናዚ አዎኔ?» ጊ ኦይቲዳሰ።

ደባይ ዛሪዲ፣ «ኢዚ፣ ሲሰራኤሌ አሳይ ሃኙ ታ አዎ ካዎቲል ታሰ ዛራና፣ ጊ ቆፒዳ ጊሻሰ ሃኢ ዬሩሳላሚን ኡቲደሰ» ጊደሰ።

4 ሃሳፌ ጉዬ ካዎዚ ደባሰ፣ «ካሴ ማምፊሶስቲስ ዲዛይ ኡባይ ሃይሳፌ ጉዬ ኔሳ» ጊደሰ።

ደባይ፣ «ዳሮ አሽኬቲላን ሲንሳ ጉል ጉፋናዳ ታ ኔሰ ኩሼ ዳንላና፣ ካዎ ታ ጎዳዉ ኔ ሲንላን ታሰ አኖቲል ቤቶ» ጊደሰ።

ሺምኤ ደቁል

5 ካዎ ዳዊቱ ባሃሪሚ ጋኪሺን ሳኦሌ ኩል አሳ ቆሞፌ አሳዳይ ፑቲ ጊደሰ፤ ኢዚካ ጌራ ና ሺምኤ፤ ኢዚ ደቁሽ ኬዚደሰ።

6 ካዎዛ ዎታዳራቲኔ ካዎ ቦንቾ ናጊዛ ዛቤቲ ኡባይ ዳዊቲፔ ሃዲርሳ ባጋራኔ ኡሻቻ ባጋራ ዲሺንካ ዳዊቲ ቦላኔ ኢዛ ሹሚታ ቦላ ሹቾ ጫዲደሰ።

7 ሺምኤይ ኢዛ ደቁሽ፣ «ኬዛ! ሃይሳፌ ኬዛ! ሃይሶ ሸምፖ ዎጂዳይሶ! ሃይሶ ኢታዘ!

8 ኢዛፔ ኔ ካዎቲል ዎላ ኡኪዳ ሳኦሌ ኩል አሳ ኡባ ሱላ ጎዳይ ኔ ቦላ ዛሪሽ ደሰ። ጎዳይ ኔ ካዎቲል ኔ ና ኣቤሴሎሚስ አላ አሚደሰ፤ ኔኒ ሸምፖ ዎጂዳ አሰ ጊዲዳ ጊሻሰ ቤያ ኔ ቦላ ማቶይ ዪደሰ» ጊደሰ።

9 ሃሳፌ ጉዬ ጸሪያ ና ኣቢሳዬይ ካዎዛሰ፣ «ሃይሲ ሃይቁላ ካናይ፣ ካዎዛ ታ ጎዳ ዎስቲ ደቁዜ? ታ ፒና ባዳ ኢዛ ቆጂ ቃንጻና» ጊደሰ።

10 ጊደ ኣቲን ካዎዚ፣ «አንቴኖ ጸሪያ ናይቶ! አንቴና ታናራ ጋላዛ አይ ሚሽ ዲዜ? ጎዳይ፣ «ዳዊቲ ደቃ» ጊን ኢዚ ታና ደቁዛ ጊዲኮ፣ «ሃይሳ አይሰ ኦላዲ?» ጊዲ ኢዛ ኦይቻና ዳንዳይዛይ ኦኔ?» ጊደሰ።

11 ሃሳፌ ጉዬ ዳዊቱ ኣቢሳዬይ ባ ሹሚታ ኡባ፣ «ታ ጉልባቲፔ ኬዚዳ ታ ናዚ ታና ጳይሳና ኮይኮ፣ ሃይሳ ቢኒያሚ ቆሞዛ ጊሻሰ አይሰ ማላላቲቲ? ሃሳ ጊሻሰ አጋጊቲ! ጎዳይ ኢዛ ደቃ ጊዲ ዬዲዳ ጊዲኮ ደቆ።

12 ጎዳይ ታ ካወሻቲል ቤኢዲ ሃቻ ደቁላ ጊሻሰ ኢዚ ታሰ ሎኦ ኦላናኮ ኦኔ ኤሪዛይ» ጊደሰ።

13 ሃሳ ጊሻሰ ዳዊቲኔ ኢዛራ ዲዛ አሳይ ባ ኦጌ ሲንላ ጉጂደሰ፤ ሺምኤይ ኢዛ ገናራ ዲዛ ላዳራ ቢሼ ደቁሰ፣ ሹቾ ጫደሲኔ ቢታ ኢዛ ቦላ ላላሰ።

14 ካዎዚኔ ኢዛራ ኢሲፌ ዲዛ አሳቲ ኡባይ ባንቲ ባና ጊ ቆፒዳሶ ጋኪዳ፤ ኬሂ ዳቡሪዳ ጊሻሰ ሃን ሸምፒዳ።

ሁሼይ ኣክጸፊሌይ ኢሚዳ ዞሪ

15 ሄ ዎዳ ኣቤሴሎሚይኔ ኢሰራኤሌ አሳይ ኡባይ ዬሩሳላሚ ዪዳ፤ ኣክጸፊሌይ ኢዛራ ኢሲፌ ደሰ።

16 ዳዊቱ ላጌ ኣርኬ ዳሬ አሰ ሁሼይ ኣቤሴሎሚኮ ዪዳ፣ «ካዎ! ሚርናሰ ካዎታ! ካዎ! ሚርናሰ ካዎታ!» ጊደሰ።

17 ኣቤሴሎሚይ ሁሼሰ፣ «ኔ ላጌዛሰ ዲዛ ኣማኔቲላይ ኔሰ ሃኖ ጸላ? ኔ አይሰ ኔ ላጌዛራ ባቤኪ?» ጊ ኦይቲዳሰ።

18 ሁሼይ ኣቤሴሎሚሰ ዛሪዲ፣ «ሃሳ ታ ዎስታ ኦላኔ? ታኒ ጎዳን፣ ሃ ዳሬዛኒኔ ኢሰራኤሌ አሳ ኡባን ደሪቲዳዳ ባጋ ጊዳና፤ ኢዛዳራ ኢሲፌ ዳና።

19 ሂሰቲን ታ ኢዛ ናዛሰ ሃጋዞንታ ኦናሰ ሃጋዞ? ኔ አዎሰ ታ ሃጋዚዳ ማላ ኔሰካ ሃጋዛና» ጊደሰ።

20 ኣቤሴሎሚይ ኣክጸፊሌ፣ «ኣኔ ኮሰ ዞሪ ኢማ፤ ኮ አይ ኦላና?» ጊደሰ።

21 ኣክጸፊሌይ ኢዛሰ ዛሪዲ፣ «ካዎ ኩል ናጋና ማላ ኔ አዎይ ኣጊ ቢዳ ኢዛ ላጌታታራ ጌላ ዘንኣ፤ ሃሳፌ ጉዬ ኔኒ ኔ አዎ ኬሃ ኢዲዳይሳ ኩሚል ኢሰራኤሌይ ሲዩኮ ኔናራ ዲዛ ኡባታ ቁሴይ ሚርናና» ጊደሰ።

22 ሃሳ ጊሻሰ ኣቤሴሎሚሰ ፖቄ ቦላ ዳንካኔ ቶሊዳ፤ ሃን ኩሚል ኢሰራኤሌ ዳሬይ ቤኢሺን ባ አዎ ላጌታታራ ዘንኢደሰ።

23 ሄ ዎዳ ኣክጸፊሌይ ኢሚዳ ዞሪይ ኡባይ ጸሳ ቃላይ ዞሪዛይሳ ሚሳቲ ቆዳቲሰ፤ ዳዊቲኔ ኣቤሴሎሚይ ኣክጸፊሌ ዞሪ ሃሳሉ ሂሰቲ ኤኬቲሰ።

17

ሁሼይ ኣቤሴሎሚ ባሌዳ ባሌሶ

1 ሃሳፌ ጉዬ ኣክጸፊሌይ ኣቤሴሎሚሰ፣ «ኔ አዎ ዬዳናሰ 12,000 አሰ ታ ደራዳ ሃኙ ኦማርሰ ዬዳና።

2 ኢዚ ዳቡሪዳ ዎልቃ ኢጸቲዳ ዎዳ ታ ኢዛ ቦላ ዳፋ ዬጋና ሸሮ ዬዳና፤ ሂሰቲኮ ኢዛራ ኢሲፌ ዲዛ ዳሬይ ኢዛ ኣጊዲ ባቃታና፤ ታኒ ካዎዛ ጸላ ዎጃና።

3 ዳራ ኡባ ኔኮ ዛራና፤ ኔኒ ኮይዛይ ኢሲ አሳ ሃይቆ ጋሶን ኡባ ዳራ ኔኮ ዛራና ማላ ኦላና፤ ሃሳፌ ጉዬ ዳሬይ ሳርን ዳና» ጊደሰ።

4 ኢዛ ዞሪዚ ኣቤሴሎሚኔ ኢዛራ ዲዛ ኢሰራኤሌ ጨማታ ኡባ ኡፋይሲደሰ።

5 ኣቤሴሎሚይ ጊዲኮ፣ «ቃሴ ኣኔ ኣርኬ ዳሬ አሰ ሁሼ ጸይጊዲ ኢዚ ጊዛይሳካ ሲኖሰ» ጊደሰ።

6 ሁሼይ ኢዛኮ ዩን ኣቤሴሎሚይ ኢዛሰ፣ «ኣክጸፊሌይ ኮሰ ሃይሳ ሃ ዞሪዛ ሺሺደሰ፤ ሂሰቲን ኦኒ ኢዛ ኦላና? ኣካይ ጊኮ ኣኔ ኔ ቆፋ ኮሰ ኖታ» ጊደሰ።

7 ሁሼይካ ኣቤሴሎሚ፣ «ኣክጸፊሌይ ኮሰ ኢሚዳ ዞሪይ ሃን ዎዳ ኔና ኬሲ ኤከና።

8 ኔ አዎይኔ ኢዛ ኦላንቻቲ ሚኖ ኦላንቻታኔ ማራቲ ኢዚፔ ቦንቁቲቲዳ ዛርዶ ማላ ኢሰቲ ባቢሲዛይሳ ኔካ ኤራሳ፤ ሃሳፌ ቦላራካ ኔ አዎይ ኦላን ኬሂ ሎሂዳ አሳ፤ ኦማርሰ ባ ኦላንቻታራ ኣቁና።

9 ሃን ዎዳ ኢዚ ኢሲ ጎንጎሎ ጊደን ዎይኮ ሃራሶን ቆቲቲ ኡቲዳ ጊዳና። ኢዚ ሲንላቲዲ አሳ ቦላ ዳፋ ዬጊን ኔ አሳታፔ ጉላቲ ሃይቁኮ ሃሳ ሲዩዳ ኡባይ፣ «ኣቤሴሎሚ ካሊዳ ኦላንቻቲ ዉሪዳ» ጊ ሃሳያና።

10 ኔ አዋይ ሚኖ ኦላንቻ፣ ኢዛራ ኢሲፌ ዲዛይቲካ ኦላ ቃራታ ገዲዲይሳ ኢሰራኤል አሳይ ኡባይ ኤሪዛ ገሻሽ ዋዚናይ ጋዋ ዋዚና ማላ ሙርታ ጌቲቲዳ ዋታዳራይካ ባቦን ባቁባቃና።

11 «ሃሳ ገሻሽ ታ ኔና ዘሪዛ ዘሪይ ሃይሳ፤ ኢዛሰ ቆዳይ አባ ሻሚንታ ማላ ዳራዳ ዳኔፔ ቢዲ ቤርሳቤሃ ጋካናሰ ዲዛ ኢሰራኤል አሳይ ኡባይ ኔኮ ሸቁኮ ኔኔ ኔ ሁኤራ ኦላ ካሌላ።

12 ሃሰቲኮ ኢዚ ጌሊዳሶ ኡባ ጌሊዲ ኢዛ ቦላ ዳፋ ዩጋና፤ ጸዛይ ቢታ ቦላ ዋዲዛ ማላ ኑ ኢዛ ቦላ ዋዳና፤ ኢዛ ገዲን ኢዛራ ዲዛ አሳታፔ ኢሳዴይካ ኬሲ ኤኪ አቴና።

13 ኢዚ ቢዲ ኢሲ ካታማይን ጌሊኮ ኢሰራኤልይ ኡባይ ዋዳር ኤኪ ቢዲ ኢሲ ሹቸካ ሃን አቶንታሾ ጋካናሰ ካታማኖ ዱጌ ላሊ ዩጋና» ገዴሰ።

14 አቤሴሎሜይ ኢሰራኤል አሳይ ኩሜል፣ «አክጾፊሌ ዘሪፔ አርኬ ዳሬ አሰ ሁሼ ዘሪይ ሎኤሰ» ገዴ፤ ጎዳይ አቤሴሎሜ ቦላ ባሽ ኤሃናሰ ሎኦ ገዲዳ አክጾፊሌ ዘሪይ ኤኬቶንታ ማላ ኦሊዳሰ።

ዳዊቲ ኬሲ ኤኪ አቴላ

15 ሁሼይ ቁሴ ሳዶቁኔ አቢያታሪ፣ «አክጾፊሌይ አቤሴሎሜይ ኢሰራኤል ጨማቲ አይ አይ ኦላናሰ ቤሲዛኮ ኢሰታ ዘሪዳሰ፤ ታኒ ገዲኮ ሃይሳ ሃይሳ ኦሊቲ ጋ ዘራዲሰ።

16 ሃኢ ኢዛሰ ኤሶን ከቲዲ፣ «ባዘን ዲዛ ሻፋ ፑርዴን አቆንታ ማላ፣ ጋምኦንታ ኔ ኤሶን ፒናናሰ ቤሴሰ፤ ኔ ሃሰቶንታ አጊኮ ካዋዚኔ ኢዛራ ዲዛ ዳሪይ ኡባይ አጎቲ ሚቲታና» ገዲ ዳዊቲሰ ዮቲቲ» ገዴሰ።

17 ሃ ዋዳ ዮናታኔይ ኣኪማሲ ካታማ ጌሊኮ ኢሰቲ ቤታና ኤን-ሮጌሌን ናጌቴሰ፤ ኢሲ ጌላኦ አይሌ ዳሪ ሃ ባዳ ኢሰታሰ ዮቲን ኢሰቲ ሃሳ ኤፊዲ ካዋ ዳዊቲሰ ዮቲቲሰ።

18 ገዴ አቲን ኢሲ ናቴላ ዳይሲ ኢሰታ ቤኢዲ አቤሴሎሜሰ ዮቲዳሰ፤ ሃሳ ገሻሽ ናምኣቲካ ኤሶን ዳንዲዲ ባሃሪሚን ዲዛ ኢሲ አዳዛሶ ቢዳ፤ አዳዛ ጊቤ ገዲን ኦላይ ዲዛ ገሻሽ ኢሰቲ ሃ ኦላን ዋዲዳ።

19 ሃ አዳዛ ማቼያ ሚጫዛ ሚሽ ኤሃዳ ኢዛ ቦላ ካላ ሚጫዲሰ፤ ሃሳ ኦኒካ ኤሪቤና።

20 አቤሴሎሜ አሳቲ ሃ ማጫሳይኮ ዪዲ፣ «አኪማሲኔ ዮናታኔይ አዋን ዲዛ?» ገ አይቸዳ።

ማጫሳያ ኢሰታሰ፣ «ሻፋ ፒኒ ቢዳ» ጋዴሰ፤ ኢሰቲካ ኮዩን ቆይዳ ገሻሽ ጉዬ ዩሩሳላሚ ሰሚዳ።

21 አሳቲ ቢዳፔ ጉዬ ሃ ናምኣቲ ኦላፊ ኬዚዲ ቢዳ፤ ካዋ ዳዊቲሰ፣ «አክጾፊሌይ ኔ ቦላ ሂዘጊ ሂዘጊ አሳ ዳንጭላዛ ገሻሽ ዳንዳዳ ኤሶን ጌዴ ሻፋ ፒና» ገዴ።

22 ሃሳ ገሻሽ ዳዊቲኔ ኢዛራ ኢሲፌ ዲዛ ዳሪይ ኡባይ ዳንዲ ዮርዳናሴ ፒኒዳ፤ ጋዴይ ዋንቲሺን ዮርዳናሴ ፒኖንታይ ኦኒካ ዳና።

23 አክጾፊሌይ ኢሰቲ ኢዛ ዘሪዛ ኤኮንታ ኢዲዳይሳ ቤኢዲ ባ ሃሪዛ ጫኒ ኤኪዲ ባ ኬላ ዲዛ ካታማ ቢዳሰ፤ ባሰ ማራሲ ጊግሲዳፔ ጉዬ ባ ኩሼን ጩሌቲ ሃይቁዳሰ፤ ሃሳላ ሃይቁዲ ባ አዋ ዳፎን ሞጌቲዳሰ።

24 አቤሴሎሜይ ኩሜላ ኢሰራኤል አሳራ ዮርዳናሴ ፒኒሺን ዳዊቲ ማሃናይሚ ጋኪዳሰ።

25 አቤሴሎሜይ ኢዮኣቤ ሶሆን አማሳ ኦላንቻታ ሃላቃ ሂሰቲ ሹሚዳሰ፤ አማሲ ኢሰራኤል ዳሪ አሰ ዮቶሬ ና፤ ዮቶሬይ ኢዮኣቤ አዮ፣ ጹሪያ ሚቸ፣ ናኦሴ ቢዮ አቢጋሎ ማቸ ኤኪዳሰ።

26 ኢሰራኤሌቲኔ* አቤሴሎሜይ ጋላኣዳን ዲንካኒዳ።

27 ዳዊቲ ማሃናይሚ ጋኪሺን አሞኔ ካታማ ኤራባፔ ዪዳ ናኦሴ ና ሾቤይ፣ ሎዲባሬፔ ዪዳ አምኤሌ ና ማኪሬኔ ኤርጊሊሚፔ ዪዳ ጋላኣዳ ዳሪ አሰ ባርዚሌይ።

28 ሃጸ ሚንጸፊታ፣ ሹልኤታኔ ማና ሚሻታ ኤኪ ዪዳ፤ ሃሳላካ ገሰቲኔ ባንጋ፣ ጲሌኔ ቲያ ጫጫ፤ ባኤላኔ ሚሲራ።

29 ኤሰ፣ ማቃ ማላ፣ ደርሳታኔ ፒላ ዳዊቲሰኔ ዳራሰ ኢሰቲ ማና ማላ ኤሂዳ። ኢሰቲ ሃሳ ኦሊዳይ፣ «ዳሬዚ ባዘ ቢታን ኮሻቲዳሰ፤ ዳቡርዳሰ፤ ሳሜቲዳሰ» ገዴ ገሻሳ።

18

አቤሴሎሜ ሃይቆ

1 ዳዊቲ ባናራ ዲዛ ዳራ ቆዲዳሰ፤ ኢሰታ ቦላ ሻላቃታኔ ማቶ ሃላቃታ ሹሚዳሰ።

2 ሃሳፊ ጉዬ ዳዊቲ ጫሳ ገዲዛ ባ ኦላንቻታ ኢዮኣቤ፣ ናምኣንሳ ጫሳካ ኢዮኣቤ ኢሻ ጹሪያ ና አቢሳዬ፣ ሃቸንሳ ጫሳካ ጌቲ ዳሪ አሰ ኢታዬ አዛዘን አቃና ማላ ከቲዳሰ። ካዋዚ ባ ኦላንቻታሰ፣ «ቲማፔ ታኒካ አጎቲናራ ኬዛና» ገዴሰ።

3 አሳቲ ገዲኮ ኢዛ፣ «ኔኒ ኑናራ ኬዛናሰ ቤሴና፤ ኑና ባቃቲሲዛ ሚሺ ዲኮ አሳይ ሃሳ ገታ ሚሻን ቆዳና፤ ሃራይ አቶሺን ኑፔ ባጋይ ሃይቁኮካ ኢሰቲ ዉዳ ጌቲና፤ ኔኒ ኔርካ ኑፔ ታሙ ሺያታፔ አቆሳ፤ ሃሳ ገሻሽ ኔኒ ካታማን ኡታዳ ኑና ማዲኮ ሎኦ» ገዴ።

4 ካዋዚካ፣ «አጎቲሰ ሎኦ ሚሳቲ ቤቲዛ ኡባ ታ ኦላና» ገዴሰ። ሃሳ ገሻሽ ዳሪይ ኡባይ ዴታን ዴታን፣ ሺያን ሺያን ሻኬቲ ሻኬቲ ሳልፊ ኬዚዛ ዋዳ ካዋዚ ገምቤዛ ፔንጌን ኤቁ ዳሰ።

5 ካዋዚ ኢዮኣቤ፣ አቢሳኔ ኢታዬ፣ «ታ ገሻሽ ገዲ ታ ናዛ አቤሴሎሜ ቦላ ኢሲ ሚቶካ ጋላፍቲ» ገ አዛዚዳሰ። ካዋዚ ባ ና አቤሴሎሜ ገሻሽ አዛዚዳይታሰ ኢሳሰ ኢሳሰ አዛዘ ኢሚሺን ኡባ ኦላንቻቲካ ሲዪዳ።

6 ኦላንቻቲ ኢሰራኤል ኦላናሰ ሳልፊዲ ኬዚዳ፤ አላዛ ኤፍሬሚ ዋራ ገዴን ኦሊቲዳ።

7 ሃን ኢሰራኤል አሳይ ዳዊቲ ኦላ አሳን ጸኔቲዳሰ፤ ሃ ጋላሰ ኬሂ ዳሮቲ ሃይቁዳ፤ 20,000 አሰ ሃይቁዳሰ።

8 ኦላይ ዳራ ጋርሳን አኪ አኪ ቢዳሰ፤ ሃ ጋላሰ ኦላይ ዉርሲዳይሳፊ ዋራይ ሚቲ ቆይሲዳ አሳይ ዳሪሰ።

9 ሃ ዋዳ አቤሴሎሜይ ዳዊቲ አሳራ ቶርንታ ዲሾ ጋይቲዳሰ፤ አቤሴሎሜይ ባቁሎ ቶጊዲ ጫፒ ገዴ ሃጋይ ዲዛ ዋላ ጋርሳራ አቋ ቢሺን አቤሴሎሜ ሁኤ ቢናናይ ሃጋን ኦይኬቲዳሰ፤ ኢዚ ቶጊዳ ባቁሎያ አቆ ቢን ኢዚ ሳሎፔኔ ሳኦፔ ገዴን ካቁቲ አቲዳሰ።

* 17:26 ኢሲ ኢሲ ቢርሸላታን ኢሰራኤል ገዛይሳ ኢሰማኤል ጌቲሰ። 1 ታሪ 2:17

10 አሳዳይ ኢዛ ቤኢዲ አዮኦቤስ፡ «ሄኮ ታኒ ኣቤሴሎሜይ ዋላ ቦላ ካቁቲ ዲዛይሳ ቤኣዲስ» ገደሰ።

11 አዮኦቤይ ባስ ዮተዳ አዳዛስ ዛሪዲ፡ «አይ ጋዲ? ሂሰቲን ኔ ቤኢዳ ማላ አይስ ሄራካ ዋቋዳ ቢታን ዩጋቤኪ? ኔ ሄሳላ ኦሲዳኮ ታ ኔስ ታሙ ሳቁሌ ቢራኔ ኦላ ቃራታ ቃባቶ አማናኮሺን» ገደሰ።

12 ገደ ኣቲን አዳዚ ዛሪዲ፡ «ኦኒ ሲዩሺን ካዋዚ፡ ሩቴላዛ ኣቤሴሎሜ ቦላ ቆሆይ ጋኮንታ ማላ ታ ገሻስ ገዲ ሚንሉ ናገቲ» ገዲ ኔና፡ ኣቢሳኔ ኢታዬ ኣዛዚዳ ገሻስ 1,000 ሳቁሌ ቢራ ኔ ታስ አሚዳኮካ ታኒ ታ ኩሼ ካዋዛ ናዛ ቦላ ዋላኬ።

13 ሃራ ባጋራ ታኒ ታ ሺምፖስ ሚሺቶንታ አጋዳ ታ ኢዛ ዋቋዳኮ ካዋዛ፤ ቆቲቲ ኣቲዛ ሚሺ ባይንዳ ገሻስ ኔኒ ኔ ባጋራ ታኮ ሺቃካ» ገደሰ።

14 አዮኦቤይ አዳዛስ፡ «ሃይሳፌ ጉዬ ሃይሳ ማላ ሃሳያን ታ ኔናራ ዋዳ ወርሲኬ» ገደሰ፤ 3 ቶራ ኤኪ ቢዲ ኣቤሴሎሜይ ሚላ ቦላ ካቁቲ ዲዛሶን ቡሮ ሺምፖ ኬዘንታ ዲሺን ቶራታ ጸንገዲ ኢዛስ ዋዚና ኣይፊን ጫዲዳሰ።

15 ሃሳሳካ አዮኦቤ ኣዛቢዛ ታማቲ፡ ኣቤሴሎሜ ገደላ ጫዲ ዋቋዳ።

16 ሃሳፌ ጉዬ አዮኦቤይ ዛዬ ፑኒዲ ኢስታ ዲጊዳ ገሻስ ኦላንቻቲ ኢሰራኤሌ ዩዳላዛይሳ አገዳ።

17 ኣቤሴሎሜ ዋራ ገደ ኤፊዲ ጨማ ኦላን ዩጊዳ፤ ገታ ሹቻታ ኢዛ ቦላ ደሪዳ። ሄ ዋዳ ኢሰራኤሌ ኣሳይ ኡባይ ባሶ ባሶ ባቃቲዳሰ።

18 ኣቤሴሎሜይ፡ «ታ ሱንሳ ጸይገሲዛ ናይ ታስ ደና» ገዲ ኢዛ ሃሳአሳና ማላ ሺምፖጋ ፓጻ ዲዛ ዋዳ ካዋ ዙሌ ጌቲቲዛሶን ባ ሱንሳን ሃወልቲ ኤሲ ዋላዳ ገሻስ ሄ ሶሆዚ ሃች ጋካናስ ኣቤሴሎሜ ሃወልቲ ጌቲቲሰ።

ዳዊቲ ካዮቴሳ

19 ሄ ዋዳ ሳዶቁ ና ኣኪማሲ፡ «ሳዳይ ኢዛ ሞርኬታ ቦላ ኮሚ ኮጲዳይሳ ዋጸ ባዳ ታኒ ካዋዛስ ሚሺራቾ ዮታና» ገደሰ።

20 አዮኦቤይ፡ «ሃች ሚሺራቾ ቃላ ኤፋናይ ኔና ገዳካ፤ ካዋዛ ናይ ሃይቁዳ ገሻስ ሃች ገደንታ ሃራ ጋላስ ኤፋንዳሳ» ገደሰ።

21 ሃሳፌ ጉዬ አዮኦቤይ ቶጵያ ዳሬ ኣዳዛስ፡ «ኔ ቤኢዳይሳ ባዳ ካዋዛስ ዮታ» ገደሰ፤ ቶጵያ ዳሬ ኣዳዚ አዮኦቤስ ኩሼ ዳንላ ቤሲዲ ዋጲ ቢዳሰ።

22 ሳዶቁ ና ኣኪማሲ አዮኦቤስ፡ «ባ ሃና ሃና፤ ኣኔ ዛይ ሃይሳ ቶጵያ ኣዳዛ ጌዶራ ታኒካ ዋጲይሰ» ገደሰ።

አዮኦቤይ ገዲኮ፡ «ኔ ኣይሰ ባና ኮያዲ? ኔስ አምታ አሚሲዛ ኣይ ሚሺራቾ ኤካዳ ባይ?» ገደሰ።

23 ኣኪማሲካ፡ «ባ ሃና ሃና፤ ታ ባና ኮያይሰ» ገደሰ።

ሃሳ ገሻስ አዮኦቤይ፡ «ሂሰቲኮ ዋጲ!» ገደሰ።

ሃሳፌ ጉዬ ኣኪማሲ ዳምባን ዲዛ ኦጌዛራ ዋጲ ቶጵያ ዳሬ ኣዳዛ፤ ሲንሳቲ ቢዳሰ።

24 ዳዊቲ ካሬ ባጋ ፔንጌፊኔ ገደ ፔንጌፊ ገደን ዲሺን ዛቤዚ ዲርሳ ገምቤ ቦላ ዲዛ ሻኮ ካራ ኬዚዲ ካሬ ጸሊሼ ኢሲ ኣሲ ባርካ ዋጲዛይሳ ቤኢዳሰ።

25 ናገዛይሲ ጸይገዲ ሃሳ ካዋዛስ ዮተዳሰ፤

ካዋዚካ፡ «ባርካ ዩዛዳ ገዲኮ ሎኦ ሚሺራቾ ኤኪ ዩዛዳ ገደና» ገደሰ፤ ኣዳዚ ማቲ ማቲ ዩዳሰ።

26 ቃሴካ ናገዛይሲ ሃራ ኣሲ ዋጲሺን ቤኢዳሰ፤ ዛቤዛካ ጸይገዲ፡ «ሄኮ ሃራ ኣሲ ባርካ ዋጲ ዩሼ ዳሰ» ገደሰ።

ካዋዚ፡ «ሃሳዳይካ ሎኦ ዋሬ ኤኪ ዩዛ ገደና ቤሴስ» ገደሰ።

27 ናገዛይሲ፡ «ኮይርይሳ ዋላ ሳዶቁ ና ኣኪማሲ ዋላ ሚሳቲሰ» ገደሰ።

ካዋዚ፡ «ኢዚ ሎኦ ኣሳ፤ ኢዚ ሚሺራቾ ቃላ ኤኮንታ ዩና» ገደሰ።

28 ኣኪማሲ ኬሂ ዋሲዲ ካዋዛስ፡ «ኡባ ሚሺካ ኢንጃቲዳሰ» ገደሰ፤ ሃሳፌ ጉዬ ቢታ ቦላ ዛቁልሳ ዚርጺ ገደሰ፤ ካዋዛሲካ ኩሼ ዳንላዲ፡ «ታ ጎዳ ካዋዛ ቦላ ባንታ ኩሼ ዳንላዲ ኣሳታ ኣላ አሚዳ ጎዳ ኔ ጸሳይ ጋላቲቶ!» ገደሰ።

29 ካዋዚካ ኢዛ፡ «ታ ና ኣቤሴሎሜይ ሎኦ ዲዜ?» ገ ኦይቺዳሰ።

ኣኪማሲካ፡ «አዮኦቤይ ካዋዛ ኦሳንቻዛኔ ታና ኔ ኣይሌዛ ከቲሺን ገታ ሺር ቤኣዲሰ፤ ገደ ኣቲን ኢዚ ኣዛኮ ታ ኤራቤኬ» ገደሰ።

30 ካዋዚካ ኢዛ፡ «ኣኔ ኢሲ ባጋ ኣቶ ኤቃ» ገደሰ። ኢዚካ ኣቶ ኤቃዳሰ።

31 ሃሳፌ ጉዬ ቶጵያ ዳሬ ኣዳዚ ጋኪዲ፡ «ታ ጎዳ ካዋ፡ ሚሺራቾ! ጎዳይ ሃች ኔ ቦላ ዳንዲዳ ሞርኬታ ኡባፌ ኔና ኣሺዳሰ» ገደሰ።

32 ካዋዚካ ቶጵያ ዳሬ ኣዳዛ፡ «ታ ና ኣቤሴሎሜይ ሎኦ ዲዜ?» ገ ኦይቺዳሰ።

ቶጵያ ዳሬ ኣዳዚካ፡ «ታ ጎዳ ካዋዛ ሞርኬቲኔ ኔና ቆሃና ኔ ቦላ ዳንዲዳ ኡባቲ ሄ ናቴላዛ ማላ ገደቶ» ገደሰ።

33 ካዋዚ ኬሂ ጩጩዳሰ፤ ገምቤዛ ፔንጌ ቦላ ዲዛ ፖቁ ቦላ ኬዚዲ ሄን ዩኪዳሰ፤ ቢሺካ፡ «ታ ና ኣቤሴሎሜ! ታ ና ኣቤሴሎሜ! ኔ ገሻስ ታ ሃይቃርኪና! ታ ና ኣቤሴሎሜ ዋ! ታ ና ኣቤሴሎሜ ዋ!» ገደሰ።

19

አዮኦቤይ ዳዊቲ ዋላሲዳ ዋላሲ

1 አዮኦቤስ፡ «ካዋ ዳዊቲ ባ ና ኣቤሴሎሜ ገሻስ ዩኪሼኔ ካዮቴሺ ዳሰ» ጌቲቲ ዮቲቲዳሰ።

2 ካዋዚ፡ «ባ ናዛ ገሻስ ካዮቴሰ» ገዛይሳ ሄ ጋላስ ኦላንቻቲ ሲዩዳ ገሻስ ሄ ጋላሳ ጸኖይ ኩሜላ ኦላንቻታ ማታን ጩጩን ላሜቲ ፔኢዳሰ።

3 ሄ ጋላስ ኦላፔ ዩላቲሼ ካታማ ጌሊዛ ኣሳ ማላ ዳሬይካ ሻጵቲሼ ካታማ ጌሊዳሰ።

4 ካዋዚ ባ ኣይፊሶ ካሚ ዋላዲ፡ «ታ ና ኣቤሴሎሜ ዋ! ታ ና ኣቤሴሎሜ ዋ» ገሺ ዚላሊዳሰ።

5 ሃሳፌ ጉዬ አዮኦቤይ ካዋዛሶ ጌሊዲ፡ «ኔ ሺምፖ፡ ኔ ኣቱማ ናይታ ሺምፖ፡ ኔ ማጫ ናይታ ሺምፖ፡ ኔ ማቼታኔ ኔ ላጌላታ ሺምፖ ኣሺዳ ኣሳታ ሃች ኔ ዩላቻዳሳ።

6 ኔና ኢጲዛይታ ኔ ደሳሳ፤ ቃሴ ኔና ደሲዛይታ ኢጲሳ፤ ኔ ኦላ ጋዳዋቲኔ ኢስታ ዋታዳራቲ ኔስ ኣይኮካ ገደንታይሳ ሄኮ ሃች ኔ ቆንጩሳዳሳ፤ ሃች

አቤሴሎሜይ ሸምጉራ ፓጻ ዲን ኑ ኡባይ ወሪዳኮ ኔ ኡፋይታናይሳ ታ ቤኣዲሰ።

7 ሃኢ ዳንዳዳ ካሬ ከዛ አሳ ሚንሌላ፤ ኔ ከዘንታ ኢጲኮ ሃ ኦማርሳይን ኢሲ አሲካ ኔናራ ገደንታይሳ ታ ጎዳ ሱንላን ጫቃይሰ፤ ሄሲ ኔሰ ናቴቴላፊ ደሚን ሃይሳ ጋካናሰ ኔ ቦላ ጋኪዳ ኢታ ዮኦታ ኡባፊ ኣቶ ማቶ ኔ ቦላ ጋላና» ገዳሰ።

8 ሃሳ ገሻሰ ካዎዚ ፔንጌ ላንቄን ኡቲን ዳሬዛሰ። «ሄኮ ካዎዚ ፔንጌ ላንቄን ኡቲዳሰ» ጌቴቲ ዮቴቲን ዳሬዚ ኡባይ ካዎዛኮ ዪዳሰ።

ዩሩሳላሜ ባናሰ ዳዊቲ ዳንሰ

ሄ ዎዳ ኩሜሰ ኢሰራኤል አሳይ ባሶ ባሶ ባቃቲዳሰ።

9 ኩሜሳ ኢሰራኤል ቆሞቲ፣ ዳሬዚካ ባ ጋርሳን ኢሶይ ኢሳራ ማርቤቲቮ፣ «ካዎዚ ኑና ኑ ሞርኬታ ኩቮፔ ኬሲ ኤኪዳሰ፤ ፊሊሰጾሜታ ኩቮፔካ ኑና ኣሺዳይ ኢዛ፤ ሃኢ ገዲኮ ኣቤሴሎሜ ጋሶን ዳሬፔ ባቃቲ ቢዳሰ።

10 ኢዚ ኑና ሃራና ማላ ኑ ቲይዳ አቤሴሎሜይ ገዲኮ ኦላን ሃይቆዳሰ። ሂሰቲን ኢንቲ ካዎዛ ሲሞ ገሻሰ አይሰ ጮኡ ጌቲ?» ገዳሰ።

11 ካዎ ዳዊቲ ቄሴ ሳዶቄሲኔ ኣቢያታሬሰ ኪታ ዩዲቮ፣ «የሁዳ ጨማታሰ፣ ስሙሳ ኢሰራኤልን ሃሳይቲዛ ዮኦ ኡባይ ካዎዚ ዲዛሶን ኢዛሰ ጋኪዳ ገሻሰ ካዎዛ ካዎቴላ ኬሰ ዛራናሰ ኢንቲ ዋኒዲ ወርሴላ አሰ ገዳቲ?»

12 ኢንቲ ታ ሜቄላታ፣ ታ አሻታኔ ታ አሻታ፤ ሂሰቲን ኢንቲ ካዎዛ ዛራናሰ ዋኒዲ ወርሴላ አሰ ገዳቲ?» ጌቴ።

13 «ቃሴ አማሲ፣ ሳኒካ ታ ሜቄላኔ ታ አሻ ገዲኪ? ሃኒፊ ደሚዲ ኔ ዳኦ ወርሴላ ጋካናሰ ኢዮኣቤ ቆቆ ታ ኦላንቻታ ኣዛዚዛዳ ኦሎንታ ኣገኮ ጸሲ ታ ቦላ ኢታ ሚሽ ኦሎ፤ ሃሳፊካ ኣቋዛ ኢታ ሚሽ ታ ቦላ ኤሆ» ገዳሰ። ገዲ ዮቴቲ።

14 ኢዚካ የሁዳ አሳ ኡባ ዎዚና ኢሲ አሳ ዎዚና ማላ ሂሰቲ ዲኢዳሰ፤ ኢሰቲካ ኢዛሰ፣ «ኔኔ ኔ አሳ ኡባራ ሲማ» ገዲ ኪታ ዩዲዳ።

15 ካዎዚ ሃሳፊ ጉዬ ሲሚዲ ዮርዳኖሴ ጋካናሰ ዪዳሰ።

ሄ ዎዳ የሁዳ አሳይ ካዎዛ ኤኪዲ ዮርዳኖሴ ፒንላናሰ ጌልጌላ ጋካናሰ ቢዳሰ።

16 ባሂሪሜ ዳሬ አሰ ጌራ ና ቢኒያሜ ቆሞ ሸምኤይ ካዎ ዳዊቲ ሞካናሰ የሁዳ አሳራ ኢሲፊ ኤሶን ዎቋዳሰ።

17 ኢሲ ሺ ቢኒያሜ ቆሞቲ፣ ሃሳላካ ሳኦሌሶ ኦላንቻ ጸባሰ 15 ኣቲማ ናይቲኔ 20 ኣይሌቲ ኢዛራ ኢሲፊ ዳቲሰ። ሃሳፊ ጉዬ ካዎዚ ዲዛሶ ዮርዳኖሴ ኤሶን ዎቋዳ።

18 ካዎዛሶ አሳ ኤሃናሲኔ ኢዚ ኮዪዳ ኡባ ኦላናሰ ኢሰቲ ዘኮራ ፒኒዳ።

ዳዊቲ ሸምኤ ማሪዳ ማር

ጌራ ና ሸምኤይ ዮርዳኖሴ ፒኒዳሰ፤ ካዎዛ ሲንላን ጉፋኒዲ።

19 «ታ ጎዳዉ ታ ኔና ቆሃዳይሳ ቆዶፓ፤ ታ ጎዳ ካዎ ኔ ዩሩሳላሜ፤ ከዚዳ ጋላሰ ታ ኦሊዳ ሞርካ ማራ፤ ኔ ዎዚናን ዎላፋ።

20 ታኒ ኔ ኦሳንቻይ ኦሊዳ ናጋራ ኤሪዛ ገሻሰ ሃቕ ታ ጎዳ ካዎዛ ሞካናሰ ዮሴፊ ኬላ አሳ ኡባፊ ኮይርታ ያዲሰ» ገዳሰ።

21 ሃሳፊ ጉዬ ጸሪያ ና ኣቢሳዬይ፣ «ሸምኤይ ጎዳን ቲዩቲዳዳ ኢዚ ጫዪዳ ገሻሰ ኢዛሰ ሃይቆይ ቤሴኔ?» ገዳሰ።

22 ዳዊቲካ፣ «ኢንቲኖ ጸሪያ ናይቶ፤ ኢንቲናራ ታና ኣዚ ጋሊዜ? ኢንቲ ሃቕ ታሰ ሞርኬ ገዲዳታ! ኣይ ኣሲካ ሃቕ ኢሰራኤል፤ ሃይቃና ቤሴዜ? ሄሲ ታ ኢሰራኤል ቦላ ካዎቲዳይሳ ታ ኤሪዳ ጋላሰ ገዳኔ?» ገዳሰ።

23 ሃሳ ገሻሰ ካዎዚ ሸምኤ፣ «ኔኒ ሃይቃካ» ገዳሰ፤ ሃሳ ካዎዚ ጫቆን ሚንሊዳሰ።

ዳዊቲ ሚምሬቦስቲ ማሪዳ ማር

24 ሳኦሌ ና ሚምሬቦስቲይ ካዎዛ ሞካናሰ ዲጌ ዎቋዳሰ፤ ካዎዚ ቤቲ ቦሶፊ ደሚዲ ሲሚ ዪዳ ጋላሰ ጋካናሰ ባ ቶሆሰ ቤሲዛ ሚሽ ኦሊቤና፤ ባ ቡቼካ ሚዳቲቤና፤ ባ ማይኦካ ሚጨቤና።

25 ኢዚ ካዎዛ ሞካናሰ ዩሩሳላሜ፤ ዪን ካዎዚ ኢዛ፣ «ሚምሬቦስቲ፣ ኔ ታናራ ኣዛሰ ቦንታ ኣጋዲ?» ገ ኦይቹዳሰ።

26 ኢዚካ ዛሪዲ፣ «ታ ጎዳ ካዎ! ታ ኔ ኦሳንቻይ ቶሆ ሲላ ገዲዳ ገሻሰ፣ ሓኒ ካዎዛራ ባና ማላ ታ ሃሪይ ታሰ ኮሬቶ፤ ታ ኢዛ ቦላ ኡታ ባና» ጋዲሰ፤ ገደ ኣቲን ታ ኦሳንቻ ጸባይ ታና ባሌላዳሰ።

27 ታ ጎዳ ካዎ ሲንላን ታና ኔ ኦሳንቻዛ ሱንሰ ሞሪዳሰ፤ ኣይዳ ገዲንካ ታ ጎዳይ ካዎይ ኔኒ ጸሳ ኪታንቻ ማላ ገዲዳ ገሻሰ ኔና ሎኢዳ ኡባ ኦላ።

28 ታ ኣዎ ኬላሰ ኡባሰ ሃይቆይ ቤሲሺን ኔኒ ገዲኮ ታና ኔ ኦሳንቻዛ ኔ ማዳፊ ሚዛይታራ ኢሲፊ ኡቲሳሳሳ፤ ሃይሳፊ ሃራይ ታሰ ሃኖ ጋዳ ካዎዛ ኦይቻናሰ ታ ኦኔ?» ገዳሰ።

29 ካዎዚካ፣ «ኔ ኣይሰ ዮኦ ዳርሳይ? ኔኒኔ ጸባይ ኢዛ ጋዳ ኡባ ኢንቲ ገሺቲ ኤካና ማላ ታ ኣዛዛዲሰ» ገዳሰ።

30 ሚምሬቦስቲይ ካዎዛ፣ «ታ ጎዳ ካዎ! ኢዚ ሃሹ ሎኦን ሲሚዳሰ፤ ኡባካ ኢዚ ኤኮ» ገዳሰ።

ዳዊቲ ባርዚሊሰ ኦሊዳ ኪያቴሰ

31 ሃሳላካ ጋላኣዳ ዳሬ አሰ ባርዚሊይ ኤርገሊሜ ዎራዳፔ ካዎዛ ሞይዛናሰ ኢዛራ ኢሲፊ ዮርዳኖሴ ፒኒዳሰ።

32 ሄ ዎዳ ባርዚሊይ ዎዳ ሱጊዳ 80 ላይላ ጨማ፤ ኢዚ ከሂ ዳራ ገዲዳ ገሻሰ ካዎዚ ማሃናይሜን ዲሺን ኢዛሰ ማና ሚሽ ኤሂዳሰ።

33 ካዎዚ ባርዚሊ፣ «ታናራ ፒናዳ ዩሩሳላሜን ኢሲፊ ዳ፤ ታ ኔና ሄማና» ገዳሰ።

34 ባርዚሊይ ገዲኮ ካዎዛሰ፣ «ታኒ ካዎዛራ ዩሩሳላሜን ኣይ ከና ላይላ ዳናሰ ቦ?»

35 ታኒ ሃኢ 80 ላይላ ጨማ፤ ሂሰቲን ታኒ ኢታኔ ኪያ ሻካ ኤራና ዳንዳያኔ? ሃይሳፊ ጉዬ ኔ ኣይሌይ ሚዛይሳኔ ኡዪዛይሳ ማልኦ ሻኪ ኤራኔ? ኣቲማ ናይታ ጨንጉርሲኔ ማጫ ናይታ ጨንጉርሲኔ ሃኢ ታ ሲያና ዳንዳያኔ? ሂሰቲን ኔ ኣይሌይ ታ ጎዳ ካዎዛሰ ኣይሰ ቦላራ ሃራ ቶሆ ገዲኔ?

36 ኔ አይሌይ ካዎዛራ ፒኒዲ ጉላ ኦፕ ባና፤ ካዎይ ሄሳ ኩሹ ታሰ ዛራንዴ?

37 ታ ዲዛ ካታማን ሃይቃዳ ታ ኣዎኔ ታ ኣዬይ ዲፎ ኣቻን ታ ሞጌታና ማላ ኔ አይሌዛ ኔ ሞይዚኮ ኢዚ ሲሞ፤ ጊዶ ኣቲን ኔ አይሌ ኬሜኣሜይ ታ ጎዳ ካዎዛራ ፒና፤ ሂሰቲኮ ኔና ሎኢዳ ሚሽ ኔ ኢዛሰ ኦላ» ጊደሰ።

38 ካዎዚካ፡ «ኬሜኣሜይ ታናራ ፒናና፤ ኔና ኡፋይሲዛ ሚሽ ኡባ ታ ኢዛሰ ኦላና፤ ኔ ታፔ ኮይዛ ኣይ ሚሽካ ታ ኔሰ ኦላና» ጊደሰ።

39 ሄሳ ጊሻሰ ዴሬዚ ኡባይ ዮርዳኖሴ ፒኒደሰ፤ ሄሳፌ ጉዬ ካዎዚ ፒኒደሰ። ካዎዚ ባርዚሌ ዬሪ ኤኪዲ ኣንጂደሰ፤ ባርዚሌይካ ባሶ ሲሚ ቢደሰ።

ዳዊቲ ጊሻሰ ዴራ ማርሼቲል

40 ካዎዚ ጌልጌላ ቢሸን ኬሜኣሜይ ኢዛራ ኢሲፌ ቢደሰ፤ ዩሁዳ ኦላንቻቲ ኡባይ ኢሰራኤሌ ኦላንቻታፔ ባጋይ ካዎዛ ኣዛቢዲ ፒንሊዳ።

41 ሄራካ ኢሰራኤሌ ኣሳይ ኡባይ ካዎዛኮ ዩዲ፡ «ኑ ኢሻቲ ዩሁዳ ኣሳቲ ካዎዛ ጋርሳራ ባንታርካ ኢዛኔ ኢዛሰ ኣሳታ፡ ኢዛ ካሊዛይታራ ዮርዳኖሴ ኣይሰ ፒንሊዳ?» ጊዳ።

42 ዩሁዳ ኣሳይ ኡባይ ኢሰራኤሌ ኣሳሰ፡ «ኑ ሃይሳ ኦሊዳይ ካዎዚ ኑሰ ማታ ዳቦ ጊዲዳ ጊሻሳ፤ ሂሰቲን ሃይሲ ኢንቲና ሃንቁሊዜ? ኑኒ ካዎፔ ኤኪ ሚዳ ሚሽ ዲዜ? ኑኒ ኣይ ሚሽ ኤኪደኒ?» ጊዳ።

43 ሄሳፌ ጉዬ ኢሰራኤሌ ኣሳይ ዩሁዳ ኣሳሰ፡ «ኑና ካዎዛፔ ታሙ ኩሹይ ጋኬሰ፤ ሄሳፌ ቦላራካ ኢንቲፌ ኑሰ ኣጂዛ ማታይ ደሰ፤ ሂሰቲን ኢንቲ ኑና ኣዛሰ ካጂደቲ? ኑ ካዎዚ ሲማና ማላ ኮይር ኦይቸዳይ ኑና ጊደኮኒ?» ጊዳ።

ጊዶ ኣቲን ዩሁዳ ኣሳይ ኢሚዳ ዛርይ ኢሰራኤሌ ኣሳይ ኢሚዳ ዛርፔ ኬሂ ሚኖ።

20

ሼባኤ ማካላቲል

1 ሄ ዎዴ ቢኒያሜ ቆሞታ ጊደፌ ቢኪሬ ና ሼባኤ ጌቲቲዛ ኮፋ ኣሲ ደሰ፤ ኢዚ ዛዬ ፑኒሹ፡

«ኑሰ ዳዊቲራ
ጋይቶቲል ዳና፤
ኢሴዬ ናኮን ኑሰ
ጸንጸይ ዳና፤

ኢሰራኤሌ ኣሳዉ!
ኔ ዱንካኔን ዱንካኔን
ሰማ!» ጊ ዋሲደሰ።

2 ሄሳ ጊሻሰ ኢሰራኤሌ ኣሳይ ኡባይ ዳዊቲ ካዲዲ ቢኪሬ ና ሼባኤ ካሊደሰ፤ ጊዶ ኣቲን ዩሁዳ ኣሳይ ዮርዳኖሴፔ ደሚዲ ዬራሳላሜ ጋካናሰ ባንታ ካዎዛፔ ሻኬቶንታ ኢሲፌ ቢዳ።

3 ዳዊቲ ዬራሳላሜን ዲዛ ባ ካዎቲላ ኬል ሲሚዳ ዎዴ ባ ካዎቲላ ኬላ ናጋና ማላ ካሴ ኢዚ ዎሊ ቢዳ ታሙ ላጌል ማጫሳታ ኤኪደሰ፤ ኢሰቲ ኢሲ ኬላን ናጌቲ ዳና ማላ ናጌ ዎሊደሰ፤ ኢሰታሰ ኮሺዛ ቃላባካ ኢሚደሰ። ጊዶ ኣቲን ኢሰታራ ኣቁቤና፤ ኢሰቲ ሃይቃናሽ ጋካናሰ ኣምኢ ማላ ባንታርካ ዲማ ዴኢዳ።

4 ሄሳፌ ጉዬ ካዎዚ ኣማሳሰ፡ «ዩሁዳ ኣሳይ ኡባይ ሂቹ ጋላሳ ጊደን ታኮ ያና ማላ ጸይጋ፤ ኔካ ኔ ሁኤራ ቤታ» ጊደሰ።

5 ኣማሲ ዩሁዳ ጸይጋና ቢደሰ፤ ጊዶ ኣቲን ካዎዚ ባራዳ ጋላሳታፔ ኬሂ ታኪደሰ።

6 ዳዊቲ ኣቢሳዬሰ፡ «ሃኢ ኣቤሴሎሜፔ ቦላራ ቢኪሬ ና ሼባኤይ ዳር ሜቶ ኑ ቦላ ጋላና ኮይዛ ጊሻሰ ኔ ጎዳ ዎታዳራታ ኤካዳ ኢዛ ዬዳላ፤ ኔ ሂሰቶንታ ኣጌኮ ሚጸይ ዲዛ ካታማታ ደሚዲ ኑፔ ኬሲ ኤኪ ኣታና» ጊደሰ።

7 ሄሳ ጊሻሰ ኢዮኣቤ ዎታዳራቲ፡ ኬሊቲቲ፡ ፔሊቲቲ፤ ዎልቃማ ኦላንቻቲ ኡባይ ኣቢሳዬ ኣዛዘን ኬዚዳ፤ ኢሰቲ ዬራሳላሜፔ ኬዚዳይ ቢኪሬ ና ሼባኤ ዬዳላናሳ።

8 ኢሰቲ ጌባኣንን ዎጋ ዛላ ማታን ዲሸን ኣማሲ ኢሰታራ ጋይታና ኬዚደሰ፤ ኢዮኣቤይ ኦላ ማይኦ ማይኢዲ ጌላ ማሻ ኮሆዛራ ጊጸ ኡቲደሰ፤ ኢዚ ሲገሌ ታንጊዳ ማላ ማሻዚ ኮሆዛፔ ኬዚ ጋዴን ዎጂደሰ።

9 ኢዮኣቤይካ ኣማሳ፡ «ታ ኢሻዘ ኔ ኣይ ማላ ዳይ?» ጊደሰ፤ ሂሰቲዲ ኢዮኣቤይ ዬሪዛ ኣሰ ሚሳቲዲ ባ ኡሻቻ ኩሹን ኣማሳ ቡቕ ኦይኪደሰ።

10 ጊዶ ኣቲን ኣማሲ ኢዮኣቤ ኩሹን ማሻይ ዲዛይሳ ኣኬኮንታ ኣጌዳ ጊሻሰ ባና ናጌቤና። ሂሰቲን ኢዮኣቤይ ኢዛ ኡሎን ጫዲደሰ፤ ኢዛ ማራጫይ ቢታ ቦላ ዎሎሎ ጊደሰ፤ ኢዮኣቤይ ሃራ ጉጀንታ ዲሸን ኣማሲ ሃራካ ሹምፖ ኬዚደሰ። ሄሳፌ ጉዬ ኢዮኣቤይ ኢዛ ኢሻ ኣቢሳዬይ ቢኪሬ ና ሼባኤ ጎዴሬላ ደሚዳ።

11 ኣማሳ ኣሃ ኣቻን ኤቁዳ ኢዮኣቤ ዎታዳራታፔ ኢሶይ፡ «ኢዮኣቤ ደሲዛይኔ ዳዊቲሰ ጊዲዳ ኡባይ ኢዮኣቤ ካሎ!» ጊደሰ።

12 ሄ ዎዴ ኣማሳ ኣሃይ ሱላን ሞሪቲዲ * ኦጌሰ ጊዶ ኣዳን ፖርጫ ጊ ደሰ። ሃራ ኣጂ ቢዛ ዎታዳራቲ ኡባይ ኤቁ ጸሊሸን ሄ ኣዴዚ ቤኢዲ ኣሃዛ ማታ ጋኪዳ ዎታዳራቲ ኡባይ ኤቁ ጸሊዛይሳ ኣኬኪደሰ፤ ኣማሳ ኣሃዛ ኦጌ ቦላፌ ጎሻ ጊዶ ኤፊዲ ማይኦ ኢዛ ቦላ ዬጊደሰ።

13 ኣሃዚ ኦጌፔ ዳንዲዳፔ ጉዬ ኣሳይ ኡባይ ቢኪሬ ና ሼባኤ ጎዳናሰ ኢዮኣቤ ካሊ ቢደሰ።

14 ሼባኤይ ኢሰራኤሌ ናይታ ቆሞታ ኡባ ጊደራ ካንሊዲ ኣቤሊ-ቤቲ-ማኢካን ቤሪ ዴሪ ዩደሰ። ቤሪ ኣሳይ ኢሲ ቦላ ሸቁቲዲ ኢዛ ካሊደሰ።

15 ኢዮኣቤራ ዲዛ ዎታዳራቲ ዩዲ ኣቤሊ-ቤቲ-ማኢካን ሼባኤ ጊደሊዳ፤ ካታማፔ ካሪ ባጋራ ዩዩ ኣቆናሰ ገምቤዛሰ ፑዴ ጸራ ጋካናሰ ቢታ ደሪዳ፤ ኢሰቲ ገምቤዛ ላላናሰ ኬሂ ሹጪዛ ዎዴ።

16 ሄ ካታማይን ኢሲ ዎዚናማ ማጫሲ ዲዛራ ባ ቃላ ጶቁ ሂሰታዳ «ኣሶ ሲዩቲ! ሲዩቲ! ኢዮኣቤሰ ታ ዮታና ሚሽ ዲዛ ጊሻሰ ኢዚ ሃ ያና ማላ ኢዛሰ ዮቲቲ!» ጋዲሰ።

17 ኢዮኣቤይ ኢዚኮ ቢን ማጫሳያ ኢዛሰ፡ «ኢዮኣቤይ ኔኔ?» ጋ ኦይቻዲሰ።

ኢዚካ ኢዚሰ ዛሪዲ፡ «ኤ ታና» ጊደሰ።

ኢዛካ ኢዛሰ «ሂሰቲኮ ታኒ ኦሳንቻያ ጊዛይሳ ኤዘጋ» ጋዲሰ።

20:1 1ካዎ 12:16፤ 2ታሪ 10:16 20:3 2ጎሜ 16:22 * 20:12 ሱላን ሞሪቲዲ ጊዛይሲ ኢብራዌታ ማጻፋን ጌንዴሪደሰ ጌሰ።

አዚ ቃሴ፡ «ኤር ታ ኤዘጋ ሲያይሰ» ገደሰ።

18 አዛካ ዛራዳ አዛሰ፡ «ቤኒ ዋዴ አሳይ፡ «ዞሪ ኦይቻናሰ ኣቤሌ ካታማ ቢቴ!» ጌሰ፤ አሰቲ ገዳ ማላካ ፖሊቴሰ።

19 ሃ ካታማያ ገታ ካታማ፤ ኢሰራኤልን ሳሮይ ኩሚዳራኔ አማኔቲዳ ካታማያ ኢዘ፤ ሂሰቲን ኔኒ ኢሰራኤልን ኣዮ ገዲዳሮ ዳይሳና ኮያሳ። ጎዳ ጸንጾዮ ማታናሰ ኣይሰ ኔ ኮያይ?» ጋዲሰ።

20 ኢዮኣቤይካ ኢዚሰ፡ «ሂሰ ታፔ ሃኮ! ሚቶይኔ ዳይሲ ሃኣካ ታፔ ሃኮ!

21 ዮኦይ ሃሳ ማላ ገደና፤ ሃን ዙማዛን ኤፍሬሚ ጌዜፊ ቢኪሬ ና ሼባኤ ጌቲቲዛይሲ ካዎ ዳዊቲ ቦላ ባ ኩሼ ዳንሊዳሰ፤ ኢንቲ ሃ ኣዳዘ ጸላ ታሰ ኣሊ ኢሚኮ ታኒ ሃኖ ካታማዮ ዩዳ ባና» ገደሰ።

ማጫሳያካ ዛራዳ ኢዮኣቤሰ፡ «ኣዳዘ ሁኤ ቃንጸዲ ኔሰ ገምቤ ቦላራ ካሬ ዩጋና» ጋዲሰ።

22 ሃሳፊ ጉዬ ማጫሳያ ጨንጫቴላን ኩሚዳ ባ ዞሪ ኡባ ዳራኮ ኤካ ባዲሰ። ኢሰቲካ ቢኪሬ ና ሼባኤ ሁኤዛ ቃንጸዲ ኢዮኣቤሰ ካሬ ኦሊዳ። ሂሰቲን ኢዮኣቤይ ዛዬ ፑኒዳሰ፤ አሳይካ ካታማይፔ ሃኪ ቢዳ። ኡባ ባጋራካ ላሌቲ ባሶ ባሶ ቢዳ። ኢዮኣቤይ ካዎዛኮ ዩሩሳላሚ ሲሚ ቢዳሰ።

ዳዊቲ ሹሚታ

23 ኢዮኣቤይ ኢሰራኤል ኦላንቻታ ኡባ ቦላ ኣዛዚዛዴ ገዲዳሰ፤ ዮዳሂ ና ባናያይ ቃሴ ኬሊቴታ ቦላኔ ፔሊቴታ ቦላ ሃላቃ ገዲዳሰ።

24 ኣደራሚይ ዋልቃ ኦሶ ኦሊዛይታ ቦላ ሃላቃ ገዲዳሰ። ኣሂሉዴ ና ኢዮሳፊጾይ ታሪኬ ጸፊዛዴ ገዲዳሰ።

25 ሼባኤይ ካዎ ኬላሰ ጸፊ ገዲሺን ሳዶቄይኔ ኣቢያታሬይ ቄሴ ገዲዳ።

26 ሃሳላካ ያኢሬ ዴሬ ኣሰ ኢራይ ዳዊቲ ዙሪዛዴ ገዲዳሰ።

21

ሳኦሌ ዜሪሳታ ቃጸዩቴሳ

1 ዳዊቲ ካዎቴላ ዋዴ ሃሹ ላይሳ ኩሚሳ ኢታ ኮሻይ ቢታ ቦላ ዳንዲዳሰ፤ ሃሳ ገሻሰ ዳዊቲ ጎዳ ኦይቸዳሰ፤ ጎዳይካ ኢዛሰ፡ «ሳኦሌ ጌባኤ ኣሳ ዋዲ ወርሲዳ ገሻሰ ኢዛ ቦላኔ ኢዛሶ ኣሳ ቦላ ሱላ ኣጮይ ዳሰ» ገደሰ።

2 ካዎዚ ጌባኤ ኣሳ ጾይጊ ሃሳይሲዳሰ፤ ጌባኤቲ ኣዎሪታፔ ኣቲዳይታ ኣቲን ኢሰራኤል ዴሬ ኣሰ ገደቲና፤ ኢሰራኤል ኣሳይ ካሴ ኢሰቲ ናጋናሰ ጫቂዳ ገዲኮካ ሳኦሌ ኢሰራኤል ኣሳሰኔ ዩሁዳ ኣሳሰ ሚሹቴዛ ገሻሰ ጌባኤታ ሙሉራ ዳይሳናሰ ኮዩዳሰ።

3 ሃሳ ገሻሰ ዳዊቲ ጌባኤ ኣሳ፡ «ታ ኢንቴሰ ኣይ ኦላ? ጎዳ ጸንጾ ኢንቴ ኣንጃና ማላ ናጋራ ኡባሰ ታ ኣይ ኦላና ቤሲዜ?» ገ ኦይቸዳሰ።

4 ጌባኤ ኣሳይ ኢዛሰ ዛራዳ፡ «ሳኦሌ ገዲን ኢዛሶ ኣሳፔ ቢራ ዋይኮ ዋርቃ ኦይቻናሰ ማታይ ዳና፤ ቃሴካ ኔኒ ኢሰራኤላፔ ኦናካ ዋዳናሰ ማታይ ዳና» ገዳ።

ዳዊቲካ፡ «ሂሰቲን ታ ኢንቴሰ ኣይ ኦላ?» ገ ኦይቸዳሰ።

5 ኢሰቲካ፡ «ኔኒ ላሌታና ማላኔ ኢሰራኤል ገደን ኣዎንካ ደንታ ማላ ኦ ቦላ ጌኔ ኦሊዲ ኦና ዳይሲዳዴ

6 ዜሪሳፊ ላፑን ኣቲማ ናይቲ ኦሰ ኢሚቴቶ። ኔኒካ ጎዳን ደሬቲዳ ሳኦሌ ዴሬ ጌቢኣን ጎዳ ሲንላን ኢሰታ ካቃና» ገ ዛራዳ። ሂሰቲን ካዎዚ፡ «ኤር ታ ኢማና» ገደሰ።

7 ካዎ ዳዊቲ ሳኦሌ ና ዮናታኔ ገደኒኔ ባ ገደን ጎዳ ሲንላን ጫቂቲዳ ጫቆ ገሻሰ ገዲ ሳኦሌ ናዛ ዮናታኔ ና ማምሬቦሰቴ ሃይቆፔ ኣሺዳሰ።

8 ገደ ኣቲን ካዎዚ ኣያ ቢዮ ኤርጸፋይ ሳኦሌሰ ዩሊዳ 2 ኣቲማ ናይታ ኣርሞኔኔ ማምሬቦሰቴ፡ ኢሰታራካ ኢሲ ቦላ ሳኦሌ ቢያ ሚርባ ማሆላቴ ዴሬ ኣሰ ባርዚሌ ና ኣዲርኤሌሰ ዩሊዳ 5 ኣቲማ ናይታ ኤኪ ቢዳሰ።

9 ኢሰታ ጌባኤ ኣሳታሰ ኣሊ ኢሚዳሰ፤ ጌባኤቲ ኢሰታ ዋዲዲ ዙምቡላታ ቦላ ጎዳ ሲንላን ካቂዳ፤ ላፑናቲ ኢሲ ቦላ ሃይቂዳ፤ ኢሰቲ ሃይቂዳይ ካላ ሺሾ ዋዴ ኮይሮ ጋላሰ፡ ባንጋይ ማጾ ደሚቲዳ ጋላሳ።

10 ሃሳፊ ጉዬ ኣያ ቢዮ ኤርጸፋይ ማቃ ኤካዳ ዛላ ቦላ ዳንካናዳሰ፤ ካላ ሺሾ ኮይሮ ጋላሳፊ ቢዲ ኢራይ ቡካናሼ ጋካናሰ፡ ጋላሰ ሳሎ ካፎቲ ቦቾንታ ማላ፡ ኦማርሰ ዋራ ደኣቲ ቦቾንታ ማላ ናጋሼ ሃን ጋምኣዲሰ።

11 ሳኦሌ ላጌላያ ኣያ ቢዮ ኤርጸፋይ ኦሊዳይሳ ዳዊቲ ሲዩዳ ዋዴ።

12 ቢዲ ሳኦሌ ሚቄላኔ ኢዛ ና ዮናታኔ ሚቄላ ያቡሴ ጋላኣዴ ኣሳፔ ኤኪዳሰ። ያቡሴ ኣሳይ፡ ኢሰቲ ካቂዳሶፔ ቤቲ-ሳኔ ዲቡሻፔ ቆታራ ኤኪ ቢዳ።

13 ዳዊቲ ሳኦሌ ሚቄላኔ ኢዛ ና ዮናታኔ ሚቄላ ሃፔ ኤሂዳሰ። ሃሳላካ ሃ ሃይቂዳ ኣሳታ ሚቄላ ሺሺዳ።

14 ሳኦሌ ሚቄላኔ ኢዛ ና ዮናታኔ ሚቄላ ቢኒያሚ ቢታን ጾላ ጌቲቲዛሶን ኢዛ ኣዎ ቂሴ ዲፎን ሞጊዳ፤ ካዎዚ ኣዛዚዳይሳካ ኡባ ኦሊዳ። ሃሳፊ ጉዬ ቢታይሰ ኢሰቲ ዋሲዳ ዋሳ ጸሲ ሲዩዳሰ።

ፊሊሰጾሚ ቦላ ዳንዲዳ ኦላ

(1ታሪ 20:4-8)

15 ቃሴካ ፊሊሰጾሚሲኔ ኢሰራኤሌሰ ገደን ኦላይ ዳንዲዳሰ፤ ዳዊቲካ ባ ኣሳራ ፊሊሰጾሚ ኣሳ ኦላናሰ ዲጌ ዋዲዳሰ፤ ኢዚ ሃን ደቡርዳሰ።

16 ኤራፋይ ዜሪሳታፔ ኢሶይ ኤሽቢ-ቤኖቤ ጌቲቲዛ ኣሰ ዳሰ፤ ኢዚ ጸርቂሚላፔ ኦሰቲዳ 300 ሳቂሊ ዳጲዛ ቶራኔ ኦራላ ማሻ ገጺ ኡቲዳሰ፤ ኢዚካ ዳዊቲ ዋዳና ቆፐዳሰ።

17 ገደ ኣቲን ጸራያ ና ኣቢሳይይ ዳዊቲ ሹምፕ ኣሻናሰ ዩዲ ፊሊሰጾሚ ኣዳዛ ጫዲ ዋዲዳሰ። ሃሳፊ ጉዬ ዳዊቲ ኣሳቲ፡ «ኢሰራኤሌ ጸምፔይ ቶኦንታ ማላ ሃይሳፊ ጉዬ ኔ ኦናራ ኦላሶ ኬዛና ቤሴና» ገ ጫቂዳ።

18 ሃሳፊ ጉዬ ጎቤ ጌቲቲዛሶን ፊሊሰጾሚ ኣሳራ ኦላይ ዳንዲዳሰ። ሃ ዋዴ ሁሼ ዴሬ ኣሰ ሲቢካዬይ ኤራፋይ ዜሪሳታፔ ሳፊ ዋዲዳሰ።

19 ጎቤን ፊሊሰጾሚታራ ዳንዲዳ ሃራ ኦላን ቤቲሊሃሚ ዴሬ ኣሰ ጃር-ኦርገሚ ና ኤልያኔይ ኢዛሰ ቶራ ቶማይ ዋንዲራሼ ሚሳ ሊኪዛይሳ ጌቲ ዴሬ ኣሰ ጎልያዴ ዋዲዳሰ።

20 ቃሴካ ጌቴን ዳንዲዳ ኦላን ኢዛሰ ኢሲ ኢሲ ኩሼ ቦላኔ ኢሲ ኢሲ ቶሆ ቦላ ኡሱፑን ቢራዴይ፣ ኢሲ ቦላ ናምኡ ታማኔ ኦይዲ ቢራዴይ፣ ዲዛ ኢሲ ዋልቃማ ኣሲ ዳሰ፤ ኢዚ ኤራፋዬ ዜሬላ።

21 ኢዚ ኢሰራኤሌ ኣሳራ ኤቁቴሺን ዳዊቴ ኢሻ ሸምኤ ና ዮናታኔይ ኢዛ ዋዲዳ።

22 ሃይቲ ኦይዳቲ ጌቴን ዲዛ ኤራፋዬ ዜሬላታ፤ ኢሰቲካ ዳዊቴ ኩሼኒኔ ኢዛ ኣሳታ ኩሼን ኩንዲዳ።

22

ዳዊቴ ዬዲዳ ጋላታ ማዛሙራ (ማዛ 18)

1 ጎዳይ ዳዊቴ ኢዛ ሞርኬታ ኡባ ኩሼቴኔ ሳኦሌ ኩሼቴ ኣሺዳ ዋዴ ዳዊቴ ሃይሳፊ ካሊዛ ማዛሙራ ጎዳ ቦንቸሰ ዬዲዳ፤

2 «ጎዳይ ታሰ ዛላ፣ ታሰ ሚጻኔ ታና ኣሺዛዳ።

3 ታ ጸሳይ ታ ጌሚቲዛ ዛላ፣ ታሰ ጎንዳሌኔ ኣቶቴላ ካጩ፤ ኢዚ ታሰ ሚኖ ሚጻ፤ ታሰ ዜሞፖኔ ታና ኣሺዛዳ፤ ኔ ታና ማካላንቻታቴ ኣሻሳ።

4 ጋላታይ ቤሲዛ ጎዳ ታ ጸይጋይሰ፤ ታኒ ታ ሞርኬታፕካ ኣታይሰ።

5 «ሃይቆ ዳምባላይ ታና ጊዶሊዳ፤ ዳይሲዛ ዲኦይ ታና ሚቲዳ።

6 ሲኦሌ ዋዶሮይ ታ ቦላ ጸጾቲዳ፤ ሃይቆ ዋጺማዳይ ታሰ ዋጾቲዳ።

7 ታ ጩጩዳ ዋዴ ጎዳ ጸይጋዲሰ፤ ታ ጸሳኮ ዋሳዲሰ። ኢዚ ባ ኩላን ዲሺ ታ ጩንጉርሳ ሲዩዳ፤ ታ ዋሶይ ኢዛ ሃይላን ጌሊዳ።

8 «ኢዚ ሃንቁቲዳ ጊሻሰ ቢታያ ኮኮራዲሲኔ ሺርታዲሰ፤ ሳሎታ ዮቺ ዛኢዳሲኔ ቃጺዳ።

9 ኢዛ ሲዴፕ ሃንቆ ጩዋይ ጩዋቲዳ፤ ኢዛ ዶናፕ ጸጊዛ ታማይ ኤዲዳ፤ ታማ ቦንቆይካ ኬዚዳ።

10 ሳሎታ ዳኪ ዋዲዳ፤ ኢዛ ቶሆ ጋርሳን ዲፒ ጊዳ ሻራይ ዳሰ።

11 ኢዚ ኪሩቤ ቦላ ኡቲዲ ፒራዲዳ፤ ጫርኮ ቁሬ ቦላ ኡቲዲ ፑዳ ፓሊዳ።

12 ቆማይ ኢዛ ጊዶሊዳ፤ ዲፒ ጊዳ ኢራ ሻራይ ኢዛ ጌንሊዳ።

13 ኢዛ ሲንላን ዲዛ ፖኦዛፕ ዋዋጪ ጊዛ ዋልቃንሳ ኬዚዳ።

14 ጎዳይ ሳሎታፕ ጉሚዳ፤ ኡባሬ ቆቃ ጸሳ ጩንጉርሰ ሲሲዳ።

15 ባ ዪሻ ዲኪዲ ባ ሞርኬታ ላሊዳ፤ ዋልቃንሳ ዬዲዲ ኢሰታ ሺርሲዳ።

16 ጎዳ ሴራፕኔ ኢዛ ሲዴፕ ኬዚዛ ሃንቆ ጩዋፕ ዳንዲዳይሳን፣ ኣባ ጊዶን ዲዛ ዙሊቲ ቤቲዳ፤ ሳኦ ዮቻቲ ቆንጪዳ።

17 «ቦላሬ ባ ኩሼ ዬዲዲ ታና ኦይኪዳ፤ ጩማ ሃላታ ጊዶሬካ ታና ኬሲዳ።

18 ሚኖ ሞርኬታፕ፣ ታኒ ኢሰታራ ኤቁታና ዳንዳዮንታ ባሊጋራታፕ ታና ኣሺዳ።

19 ታ ሚቶቲዳ ጋላሰ ታ ቦላ ዪዳ፤ ጊዶ ኣቲን ጎዳይ ታና ካፊዳ።

20 ኢዚ ታና ኣኮሶ ኬሲዳ፤ ታናን ኡፋዬቲዳ ጊሻሰ ኢዚ ኢሰታ ኣሺዳ።

21 «ጎዳይ ታሰ ታ ጸሎቴላ ማላ ኦሌሰ፤ ታ ጸሎቴላ ማላ ታሰ ኩሼ ዛሪዳ።

22 ጎዳ ኦጌ ታ ናጊዳ ጊሻሰ ታኒ ጸሳሬ ሹርኢ ጋዳ ኢታ ኦላቤኬ።

23 ኢዛ ዋጋ ኡባይ ታ ሲንላን ዳሰ፤ ኢዛ ማራፕካ ሃራሶ ሰማቤኬ።

24 ኢዛ ሲንላን ቦሬይ ባይንዳ ዳኣዲሰ፤ ታናካ ናጋራፕ ናጋዲሰ።

25 ጎዳይ ታ ጸሎቴላ ማላ፣ ኢዛ ሲንላን ዲዛ ጌሻቴላ ማላ ታሰ ኩሼ ዛሪዳ።

26 «ኣማኔቲዳይታሰ ኔካ ኣማኔቲዳይሳ፣ ሱራታሰ ኔኒ ሱራ ጊዲዳይሳ ቤሳሳ።

27 ጌሻታሰ ኔኒ ጌሽ ጊዲዳይሳ፣ ማካላ ኣሳሰ ኔኒ ማካላ ጊዲዳይሳ ቤሳሳ።

28 ኔኒ ቆሃቲዳ ዳራ ኣሻሳ፤ ጊዶ ኣቲን ኔ ኣይሬይ ካዉሻናሰ ኦቶራንቻታ ጸሌሰ።

29 ኣቤት ጎዳዉ! ኔኒ ታሰ ጸምፕ፤ ጎዳይ ታ ቆማ ፖኢሴሰ።

30 ኔ ማዶን ሞርኬታ ኦላ

ሲንህ ሱጋ ሱጋ ባና፤
ታኒ ታ ጸሳ ዋልቃን
ጊምቤዛ ቦላራ ጸላይሰ።

- 31 «ጸሳ ኦጌይ ኩሜላ፤
ጎዳ ቃላይ ሙሩታ፤
ኢዛን አማኔቲዳይታ ኡባሰ
ኢዚ ጎንዳሌ።
- 32 ጎዳፔ አቲን
ሃራ ጸሲ ኦኔ?
ኑ ጸሳፌ አቲን
ዛላይ ኦኔ?
- 33 ታሰ ዋልቃ አሚዛይሲ፥
ታ ኦጌካ ሱሪሲዛይሲ
ኢዚ ታ ጸሳ።
- 34 ታ ቶሆታ ጌኔሳ
ቶሆ ማላ ፒላቲሴሰ፤
ቶቃሶሆታን
ታና ሚንሲ ኤሴሰ።
- 35 ታ ኩሼታ ኦላ ታማርሴሰ፤
ታ ቄሴቲ ጸርቁማላ
ዋንዳፌ ዚንቄቲሰ።
- 36 ኔ አቶቴላ ጎንዳሌ
ታሰ አማዳሳ፤
ኔ ካፎይ ታና ጌታሲዳሰ።
- 37 ታ ታንጎ አሳዳሳ፤
ታ ቶሆቲካ ጴጵቲቤቴና።
- 38 «ታ ሞርኬታ ዩዳላ ጳይሳዲሰ፤
ኢሰቲ ዲፒ ጋናሼ ጋካናሰ
ጉዬ ጋቤኬ።
- 39 ሙሌራ ታ ኢሰታ ጳይሳዲሰ፤
ሰሚዳካ ኤቃናሰ
ዳንዳይቤቴና፤
ታ ቶሆ ጋርሳንካ ኩንዲዳ።
- 40 ኦላሰ ታሰ ዋልቃ አማዳሳ፤
ታናራ ኤቄቲዛይታ ታ ቶሆ
ጋርሳን ኔ ጉልባቲሳዳሳ።
- 41 ታ ሞርኬቲ ጉዬ ሰሚ
ባቃታና ማላ ኦላዳሳ፤
ታና ኢጸዛይታ ጳይሳዳሳ።
- 42 ኢሰቲ ማዶ ዳማናሰ ዋሲዳ፤
ጊዶ አቲን ኢሰታ ማዶዳይ ዳና፤
ኢሰቲ ጎዳኮ ዋሲዳ፤
ጊዶ አቲን ኢዚ ኢሰታሰ ዛሪቤና።
- 43 ጉዲላ ማላ ኢሰታ ለቄሳ ጋጫዲሰ፤
ኦጌን ዲዛ ኡርቃ ማላ
ኢሰታ ጊንዳዲሲኔ ዩጴታዲሰ።
- 44 «ታ ዳሬይ ቆፒዳ ዳፋፔ
ታና አሻዳሳ፤
ካዋቴላታሰ
ታና ሁኤ ሂሰታዳሳ።
ታ ኤሮንታ አሳይ
ታሰ ሃራቲዳሰ።
- 45 አላጋቲ ታና ሾባናሰ ዩዳ፤
ኢሰቲ ታና ሲዩዳ ማላ ታሰ አዛዜቴቲሰ።
- 46 አላጋቲ ባቢዳ፤

ባንታ ሚጸፔ ኮኮሪሼ ዩዳ።

- 47 «ጎዳይ ዳኦ ጸሳ፤
ታ ዛላይ ኢዚ አንጄቶ፤
ታ አቶቴላ ዛላይ
ታ ጸሳይ ቶቁ ቶቁ ጎ።
- 48 ታ ጊሻሰ ሃሎ ኬሲዛ ጸሳይ፥
ካዋቴላታ ታሰ ሃሪሲዛይ ኢዛ።
- 49 ኢዚ ታ ሞርኬታ ኩሼፔ
ታና ኬሴሰ፤
ታ ሞርኬታፔ ታና
ቶቁ ቶቁ ሂሰታዳሳ፤
ሚንጾ ኢታታፔ
ታና አሻዳሳ።
- 50 አቤት ታ ጎዳዉ!
ካዋቴላታ ጊዶን
ታ ኔና ጋላታና፤
ኔ ሱንሳሰ ጋላታ ማዛሙራ
ታ ዩጸና።
- 51 ኢዚ ካዋዛሰ ጊታ ጸኖ አሚሰ፤
ባ ቲይዳ ዳዊቴሲኔ
ኢዛ ዜራሳሰ፤
ባ ሚርና ኪያቴላ ቤሴሰ።»

23

- ዳዊቲ ዉርሴላን ዮቲዳ ቃላ
1 ዳዊቲ ዉርሴላን ሃሳይዳ ቃላይ ሃይሳፌ
ካሊዛይሳ፤
«ያቆቤ ጸሳን ቲዬቲዳይሲ፥
ኡባፌ ቶቃ ጸሳይ
ቶቁ ቶቁ ሂሰቲዳ አሲ፥
ኢሰራኤሌን ደሴቲዳ ዩላንቻይ፥
ኢሴዬ ና ዳዊቲ ቲንቤቴ
ቃላይ ሃይሳ፤
- 2 «ጎዳ አያናይ
ታ ባጋራ ሃሳይዳሰ፤
ኢዛ ቃላይ ታ ደናን ዳሰ።
- 3 ኢሰራኤሌ ጸሲ ሃሳይዳሰ፤
ኢሰራኤሌ ዛላይ ታሰ፥
ኣሳ ጸሎቴላን ሃሪዛይ፥
ጸሳ ያሻቴላን አይሲዛይ፥
- 4 ኢዚ ሻራይ ባይንዳሰን፥
ማላዶ ጸልቄይ ኬዚዛ
ዋዴ ዲዛ ፖኦ ማላ፤
ኢዚ ቢታ ቦላ ማታ
ፑርጫሲዛ ጸልቁ ማላ፥
ኢራይ ቡኪ አጲሺን
ኬኢዛ አዋ ማላ) ጊዳሰ።
- 5 «ታ ኬሊ ጸሳ ማታን
ሊኬ ጊዴኔ?
ኡባ ሚሽ ጊግሲዲኔ ናጊዲ፥
ታናራ ሚርና ጫቆ ቃላ
ጌሊዳይ ኢዛ ጊዴኔ?
ታ አቶቴላ ፖሎ ጋላናይ
ታ አዋ ኡባ ታሰ አማናይ

ኢዛ ገደኔ?
 6 ገደ ኣቲን ኢታ ኣሳቲ ኡባይ፥
 ኩሼን ሺሻና ደንዳዬቶንታ
 ኣጉንሳ ማላ
 ዎራ ዎዳና።

7 ኣጉንሳ ቦቹዛ ኡባሰ፥
 ቢራታ ዎይኮ
 ቶራ ቶማ ኮሼሰ፤
 ኢሰቲ ባ ዲዛሶን ሙሌራ
 ታማን ጸጌታና።»

**ኤሬቲዳ ቃራ ኣሳታ
 (1ተሪ 11:10-41)**

8 ዳዊቲስ ኤሬቲዳ ቃራ ኣሳታ ሱንላ ሃይሳፊ
 ካለዛይሳ፤ ኮይርይሲ ታሂኪዎን ዳሬ ኣስ
 ዮሼቢ-ባሼቤቲ ገደሺን ኢዚ ሄቡ ሃላቃታሰ ሃላቃ፤
 ኢዚካ ኢሲ ኦላን ባ ቶራ ጸንገዲ 800 ኣስ ዎዳዳ
 ቃራ።

9 ናምኣንሳዚ ኣሂሆሂ ዳሬ ኣስ ዶዳ ና ኤልኤዜሬ፤
 ኦሌታናስ ኢሲ ቦላ ሺቂዳ ፊሊሰዳሜ ኣሳይ ኤቂቲዛ
 ዎዳ ኢሰራኤሌ ኣሳይ ባቃቲዳሰ፤ ዳዊቲራ ዲዛ ሄቡ
 ቃራታ ጋርሳፊ ኢሶይ ኢዛ።

10 ኢዚ ገደኮ ባ ኤቂዳሶ ዩዲቤና፤ ኢዛ ኩሼይ
 ኣርጋጫናሼኔ ማሻራ ኢሲፊ ኦይኬታናሼ ጋካናስ
 ፊሊሰዳሜታ ኦሊዳሰ፤ ሄ ጋላስ ጎዳይ ኢዛስ ገታ
 ጸኖ ኢሚዳሰ። ባቃቲ ቢዳ ኦላንቻቲ ሃይቂዳ ኣሳፔ
 ኦላ ሚሺኔ ማይኦ ጸላ ቃራታናስ ኤሌኤዜሬኮ ጉዬ
 ሲሚዳ።

11 ሄቡንሳዚ ሃራሬ ዳሬ ኣስ ኣጌ ና ሻማ፤
 ፊሊሰዳሜቲ ሌሃን ኩሚሳ ሚሲራይ ዜሬቲዳ ጋዳን
 ኢሰቲ ኢሲ ቦላ ሺቂ ዲሺን ኢሰራኤሌ ኦላንቻቲ
 ፊሊሰዳሜታ ሲንሳፊ ባቃቲዳ።

12 ሻማይ ገደኮ ባ ኤቂዳሶ ዩዲቤና፤ ሄ ኦላ
 ኤቂቲዳ ፊሊሰዳሜታ ዎዳዳሰ፤ ሄ ጋላስ ጎዳይ ገታ
 ጸኖ ኢሚዳሰ።

13 ካላ ሺሻ ዎዳ ፊሊሰዳሜ ኦላንቻቲ ኤራፋይሚ
 ዙሌን ዲንካኒ ኡቲዳሼ ሄቡ ታሙ ሃላቃታፔ ሄቡቲ
 ዳዊቲ ዲዛሶ ኣዲሳሚ ጎንጎሎ ዩዳ።

14 ሄ ዎዳ ዳዊቲ ሚጸ ገደን ዳሰ፤ ፊሊሰዳሜ
 ኦላንቻቲ ቤቴሊሃሜን ዳቴሰ።

15 ዳዊቲ ላሞቲዳ፡ «ቤቴሊሃሜ ፔንጌ ኣቻን ዲዛ
 ኦላ ሃላፊ ታሰ ኦኔ ኤሃናይ!» ገደሰ።

16 ሄሳ ገሻሰ ኤሬቲዳ ኦላ ቃራ ሄቡቲ ፊሊሰዳሜ
 ኦላንቻታ ገደራ ካንላ ቢዲ ቤቴሊሃሜ ፔንጌ ኣቻን
 ዲዛ ሃላ ኦላፊ ዱቂ ዳዊቲስ ኤሂዳ፤ ኢዚ ገደኮ
 ጎዳ ሲንሳን ያርሾ ሂሰቲ ጉሲዳሰ ኣቲን ኡዩቤና።

17 «ኣቤት ጎዳወ! ሃይሳ ማላ ኦላ ታ ዎሰታ ኦላ?
 ሃይሲ ታፔ ሃኮ! ሃይሲ ባንታ ሸምፖ ቦላ ፐርዲዳ
 ኣሳታ ሱላ ዳኔ?» ገደ ዳዊቲ ኡያና ኮዩቤና፤ ሄኮ
 ኤሬቲዳ ሄቡ ኦላ ቃራቲ ኦላዳ ጎባቴላ ኦሶይ ሄሳ።

18 ጸራያ ና ኢዮኣቤ ኢሻ ኣቢሳዬይ ሄቡ ኤሬቲዳ
 ኦላ ቃራታሰ ሃላቃ፤ ሄቡ ጸቲ ኣሳ ቦላ ባ ቶራ
 ጸንገዲ ዎዳዳኔ ሃ ሄቡ ቃራታ ማላ ኤሬቲዳ ጎባ ኣሳ።

19 ኣቢሳዬይ ሄቡታፔ ቦላራ ኬሂ ኤሬቲዳ ኣስ
 ገደኔ? ኢዚ ኢሰታፊ ገደንታ ኣገኮካ ኢዚ ኢሰታሰ
 ሃላቃ።

20 ሃራ ኤሬቲዳ ቃራይ ቃብጸኤሌ ዳሬ ኣስ ዮዳሂ
 ና ባናያይ ገታ ኤሬቲዳ ኦሶ ኦላዳሰ። ኢዚካ ናምኡ

ኤሬቲዳ ሞኣቤ ኣሳታ ዎዳዳሰ፤ ቃሰካ ሻቹ ቡኪዳ
 ጋላስ ኦላ ገደ ገሊዲ ጋሞ ዎዳዳሰ።

21 ሄሳላካ ኢሲ ገታ ገብጾ ኣስ ዎዳዳሰ፤ ሄ
 ገብጾ ኣዳዚ ባ ኩሼን ቶራ ኦይኪዳሰ፤ ገደ ኣቲን
 ባናያይ ኢዛራ ኦሌታናስ ጉፊ ኦይኪዲ ኢዛኮ ቢዳሰ፤
 ገብጾ ኣዳዛ ኩሼፔ ኢዛ ቶራ ዎላ ኤኪዲ ኢዛ
 ቶራን ኢዛ ዎዳዳሰ።

22 ዮዳሂ ና ባናያ ጎባቴላ ሄሳ፤ ኢዚካ ኤሬቲዳ ሄቡ
 ቃራ ኣሳታ ማላ ኤሬቲዳ ጎባ ኣሳ።

23 ኢዚ ሄ ሄቡ ታሙ ኣሳታፔ ኣዳ ሶንቹቲዳዳ፤
 ገደ ኣቲን ኤሬቲዳ ሄቡ ቃራ ኣሳታ ማላ ሳቤቴና።
 ዳዊቲ ባናያ ባ ሶንቹ ዛቤታ ቦላ ሹሚዳሰ።

24 ሄ ሄቡ ታማታፔ ባጋይታ ሱንላ ሃይሳፊ
 ካለዛይሳ።

ኢዮኣቤ ኢሻ ኣሳሄሌ፥
 ቤቴሊሃሜ ዳሬ ኣስ ዶዳ

ና ኤልያኔ፥
 25 ሃራሬ ዳሬ ኣስ ሻማሃ፥

ሃራሬ ዳሬ ኣስ ኤሊቃ፥
 26 ፓሊዶ ዳሬ ኣስ ሄሌዶ፥

ቴቁሂ ዳሬ ኣስ ኢቁሻ
 ና ኢራ፥

27 ኣናቶቴ ዳሬ ኣስ ኣቢኤዜሬ፥
 ሁሼ ዳሬ ኣስ ሜቡናዬ፥

28 ኣሂሆሂ ዳሬ ኣስ ጸልሞኔ፥
 ናጾፊ ዳሬ ኣስ ማሂራዬ፥

29 ናጾፊ ዳሬ ኣስ ባኣና
 ና ሄሌቤ፥

ቢኒያሜ ባጋፊ ገቢኣ ዳሬ ኣስ ኤሪባዬ ና ኢታዬ፥
 30 ፐራቶኔ ዳሬ ኣስ ባናያ፥

ጋኣሼ ዙሌ ኣስ ሂዳዬ፥
 31 ኣራቤ ዳሬ ኣስ ኣቢ-ኤልቦኔ፥

ባርሁሜ ዳሬ ኣስ ኣዚሞቲ፥
 32 ሻልቦኔ ዳሬ ኣስ ኤሊያሂቤ፥

ያሼኔ ናይታ፥
 ዮናታኔ፥

33 ሃራሬ ዳሬ ኣስ ሻማሃ ና፥
 ሃራሬ ዳሬ ኣስ

ሻራሬ ና ኣሂኣሜ፥
 34 ማኪካቲ ዳሬ ኣስ

ኣሃሲባ ና ኤልፋሌዶ፥
 ገሎ ዳሬ ኣስ

ኣክጾፊሌ ና ኤልኣሜ፥
 35 ቃርሜሎሴ ዳሬ ኣስ ሄጺሮ፥

ኣራቤ ዳሬ ኣስ ፓራዬ፥
 36 ጸባ ዳሬ ኣስ

ናታኔ ና ዩገኣሌ፥
 ጋዳ ዳሬ ኣስ ባኔ፥

37 ኣሞኔ ዳሬ ኣስ ዛላቃ፥
 ጸራያ ና ኢዮኣቤስ

ጎንዳሌ ኦይኪዛ ቢኤርቲ
 ዳሬ ኣስ ናሂራዬ፥

38 ያቲሬ ዳሬ ኣስ ኢራ፥
 ያቲሬ ዳሬ ኣስ ጋሬቤ፥

39 ሄሳላካ ሂቲ
 ዳሬ ኣስ ኦሪዮ፥

ኢሰቲ ኢሲ ቦላ ሄቡ
 ታማኔ ላፑና።

24

ዳዊት ኦላ ኣሳ ቆዲዳ ቆዶ
(1ተሪ 21:1-27)

- 1 ቃሴካ ጎዳይ ኢሰራኤል ኣሳ ቦላ ኮሂ ሃንቁቲዳሰ፤ ኢሰተ ቦላ ዳዊት ዳንፊሊዲ፡ «ባ! ኢሰራኤል ኣሳን የሁዳ ኣሳ ቆዳ!» ገዴሰ።
- 2 ሃሳ ገሻሰ ካዎዚ ኢዮኣቤኔ ኢዛራ ዲዛ ኦላ ኣሳ ኣዛዚዛይታ፡ «ዳኔፔ ቢዲ ቤርሳቤሂ ጋካናሰ ዲዛ ኢሰራኤል ቆዎታ ኡባታኮ ቤቲ፤ ኢሰታ ቆዳይ ኣይ ኬና ገዲዳኮ ኑ ኤራና ማላ ኦላ ኣሳታ ማዘጋቢቲ» ገዴሰ።
- 3 ኢዮኣቤይ ካዎዛሰ፡ «ጎዳ ኔ ጸሳይ ኦላ ኣሳ ጾቱ ኩሼ ዳሪሶ፤ ታ ጎዳ ካዎ ኣይፊይ ሃሳ ጋኪ ቤዮ፤ ገዶ ኣቲን ታ ጎዳ ካዎይ ሃሳዎ ኦላናሰ ኣይሰ ኮዩዳ?» ገዴሰ።
- 4 ገዲዶካ ካዎዛ ቃላይ ኢዮኣቤኔ ኦላ ኣሳ ኣዛዚዛይታ ጸኒዳ ገሻሰ ኢሰራኤል ኦላ ኣሳ ማዘጋባናሰ ኢዛ ሲንፋፊ ኬዚ ቢዳ።
- 5 ኢሰቲ ዮርዳኖሴ ሻፋ ፒኒዳፔ ጉዬ ሾባዛ ገደን ዲዛ ካታማፔ ዲጌሃ ባጋራ ዲዛ ኣርኤሬ ማታን ዲንካኒዳ፤ ሃፔካ ጋዴ ባጋራ ኣፏ ኢያዜሬ ቢዳ።
- 6 ሃፔ ጋላኣዴኔ ሃፔ ዳሬን ዲዛ ቃዴሴ ኣሳኮ ቢዳ፤ ቃሴ ዳኒ-ጃኔራ ዩዩዲ ሲደና ቢዳ።
- 7 ቃሴ ጸርሴ ሚጸ፡ ሂዎታ ካታማታኔ ካናኔታ ካታማታ፡ ወርሴላን የሁዳፔ ዲጌሃ ባጋራ ዲዛ ቤርሳቤሂ ቢዳ።
- 8 ቢታዮ ኡዱፋን ኣገናኔ ናዎኡ ታሙ ጋላሰ ኡባ ዩዩ ጸሊዳፔ ጉዬ ዩሩሳላሚ ሲሚዳ።
- 9 ኢዮኣቤይ ኦላ ኣሳ ቆዳ ኡባ ካዎዛ ኤሪሲዳሰ፤ ኢሰራኤልን 800,000 የሁዳን 500,000 ማሻ ሾዲ ኦላታና ዳንዳይዛቲ ቤቲዳ።
- 10 ዳዊት ኦላንቻታ ቆዲዳፔ ጉዬ ባ ዎዚናራ ዎዴቲዲ፡ «ታ ገታ ናጋራ ኦላዲሰ፤ ሃኢካ ጎዳዉ! ታና ኔ ኣይሌዛ ኔ ማራና ማላ ታ ኔና ዎሳይሰ፤ ሃኢካ ጎዳዉ ታኒ ኔ ኣይሌይ ገታ ባላ ኦላ ኦላዲ ገሻሰ ማራርኪ?» ገዴሰ።
- 11 ዎንቲላ ጋላሰ ዳዊት ዳንዳናፔ ሲንፋን ጎዳ ቃላይ ዳዊቲሰ ኣጃታ ዮቲዛ ናቤይ ጋዴኮ ዩዲ፡
- 12 «ባዳ ዳዊቲሰ፡ ጎዳይ ኔና ኢሰታፊ ኢሲኒዮ ደራና ማላ ሃዥ ዮኦታ ሺሻዲሰ፤ ታ ኔ ቦላ ኦላና ማላ ኢሲኒዮ ደራ» ገዴሰ» ጋዳ ዮታ።
- 13 ጋዴይ ዳዊቲኮ ቢዲ፡ «ኔ ቢታ ቦላ ሃዥ ላይላ ኮሻይ ዮ ጋይ? ዎይኮ ኔ ዎርኬቲ ኔና ሃዥ ኣገና ጋካናሰ ጎዲን ባቃታና ኮያይ? ዎይኮ ኔ ቢታ ቦላ ሃዥ ጋላሰ ኩሚላ ኢታ ሃርጌይ ዮ ጋይ? ሃሳ ገሻሰ ታና ከቲዳይሳሰ ታ ኣይ ዛር ኢማናኮ ቆፓ» ገዴሰ።
- 14 ዳዊት ጋዴሰ፡ «ታኒ ኮሃ ጨጨዲሰ፤ ኢዛ ማርቲላይ ገታ ገዲዳ ገሻሰ ጎዳ ኩሼን ኑ ኩንዳና ኣቲን ታ ኣሳ ኩሼን ኩንዲኬ» ገዴሰ።
- 15 ሃሳ ገሻሰ ጎዳይ ሃ ጋላሳ ማላደፔ ደሚዲ ባ ባሪዳ ጋላሰ ጋካናሰ ኢሰራኤል ቦላ ኢታ ሃርጌ ዩዲዳሰ፤ ሃሳ ጋሶን ዳኔፔ ቢዲ ቤርሳቤሂ ጋካናሰ 70,000 ኣሲ ወሪዴሰ።
- 16 ጎዳ ከታንቻይ ዩሩሳላሚ ዲፒ ሂሰቲዲ ጳይሳናሰ ባ ኩሼ ዩዲን ኣሳ ቦላ ጋኪዳ ቆሆይ ጎዳ ቃዴሊዳሰ፤ ሂሰቲን ዳሬዛ ወርሲዛ ከታንቻዛ፡

- «ገዳና! ኣጋ!» ገዴሰ። ሃ ዎዴ ጎዳ ከታንቻይ ያቡሴ ዳሬ ኣሰ ኦርና ባሌ ኣቻን ኤቁ ዴሰ።
- 17 ዳዊት ዳሬዛ ቦላ ቦሻ ጋሊዛ ከታንቻዛ ቤኢዲ ጎዳሰ፡ «ናጋራ ኦላዲይ ታና፡ ባሌቲዳይ ታና፤ ሃይቲ ገዲኮ ደርሳታ፤ ኢሰቲ ኣይ ዎሪዶ? ኔ ኩሼይ ታ ቦላኔ ታ ኬላ ቦላ ገደ» ገዴሰ።
- ዳዊት ገገሲዳ ያርሺዛሶ
- 18 ሃ ጋላሰ ጋዴይ ዳዊቲኮ ቢዲ፡ «ፑዴ ያቡሴ ዳሬ ኣሰ ኦርና ባሌ ኬዛዳ ጎዳሰ ያርሾ ያርሻናሶ ገገላ» ገዴሰ።
- 19 ሃሳ ገሻሰ ዳዊት ጎዳይ ጋዴ ባጋራ ኢዛሰ ኣዛዚዳ ማላ ኬዚዳሰ።
- 20 ኦርናይ ዲጌ ሲሚ ጸሊሺን ካዎዚኔ ኢዛ ዳሬዚ ባኮ ዩዛይሳ ቤኢዳሰ፤ ኢዚ ካሬ ኬዚዲ ኢዛሰ ቢታ ቦላ ሆኪ ዘገደሰ።
- 21 ኦርናይካ፡ «ካዎ! ታ ጎዳዉ ታኮ ኢንቲ ኣይሌዛኮ ኣይሰ ዩዳቲ?» ገዴሰ።
- ዳዊት ዛሪዲ፡ «ዳራ ቦላ ያና ቦሻይ ሲማና ማላ ጎዳሰ ያርሾ ያርሺዛሶ ገገላናሰ ኔ ባሌዛ ሻማና ያዲሰ» ገዴሰ።
- 22 ኦርናይካ ዳዊቲሰ፡ «ካዎይ! ታ ጎዳይ ባና ሎኢዳይሳ ኤኪዲ ያርሾ ሺሾ፤ ጸጌቲዛ ያርሾሰ ቦራቲ ዳቲሰ፤ ኤሶ ሚላሰ ካሕ ቡኪዛ ሎዳኔ ቦራ ቃምባራይ ዴሰ።
- 23 ካዎ! ታኒ ኦርናይ ሃይሳ ኡባ ካዎሰ ኢማይሰ» ገዴሰ፤ ቃሴካ ኦርናይ፡ «ጎዳ ኔ ጸሳይ ኔኮ ጸሎ» ገዴሰ።
- 24 ካዎዚ ገዲኮ ኦርናሰ፡ «ሃሳላ ሃኖፖ፤ ዎጋዛ ታ ኔሰ ቃንጸና ቤሴሰ። ጎዳ ታ ጸሳሰ ሚሼ ቃንጸንታ ያርሾ ሺሺኬ» ገዴሰ።
- ሃሳ ገሻሰ ዳዊት ባሌዛኔ ቦራታ 50 ሳቂሊን ሻሚዴሰ።
- 25 ሃን ዳዊት ያርሾ ያርሺዛሶ ገገሲዳሰ፤ ጸጌቲዛ ያርሾኔ ኢሲፊቲላ ያርሾ ያርሺዳሰ፤ ሃሳፊ ጉዬ ጎዳይ ቢታይ ገሻሰ ሺቁዳ ዎሳ ሲዩዳሰ። ኢሰራኤል ቦላ ዩዳ ቦሻዚ ሲሚዳሰ።

1ካዎታ ማጻፋ ጊዶ ቆፋ

ካዎታስ ኮይር ማጻፋን ኮይር ኪፊሌቲ ሳሚላ ማጻፋ ናምኣታን ደሚዲ ኢሰራኤሌ ካዎቲ ዳራ ኣይሲዛ ታሪኪታፕ ካሊዛዛ። ሃ ማጻፋዚ ህቡ ዋና ዋና ኪፊሌታን ሻኬታናስ ዳንዳዬስ፤ 1። ሶሎሞንይ ባ ኣዎ ዳዊቲ ሶሆን፤ ኢሰራኤሌ ቦላኔ ዩሁዳ ቦላ ካዎቲዳይሳኔ ኢዛ ኣዎ ዳዊቲ ሃይቆ ገሻስ ዮቴስ (1-2)። 2። ሶሎሞን ካዎቲላ ገሻሲኔ ኢዚ ኦሊዳ ኦሪታ ቆንጨሲዛ ታሪኪ ገዲሺን ኢዛ ኦሪታፕ ኣፈ ቤቲዳይ ኢዚ ዩሩሳላሚን ኬጺዳ ጸሓ ኬላ (3-11)። 3። ኢሰራኤሌ ዳሬይ ፑዳሃኔ ዲገሃ ባጋ ካዎቲላን ሻኬቲዳይሳኔ ሃ ካዎቲላቲ ኢሶይ ኢሶይ ከርሰቶሲ ዩሌታናፕ ካሴ ኡዳፋንሳ ጸቱ ላይላ ጋካናስ ካዎቲዳ ካዎታ ገሻስ ዮቴስ (12-22)። ሃ ናምኡ ማጻፋታን ዳሬዛ ካሊላዛይታ ቦላ ፐርዴቲዛይ ኢሰቲ ጸሓን ኣሚንቲዛ ኣማኖ ማላ፤ ሂሳብ ካዳ ኣይሲዛይታ ኣሚንቲላ ማላ ዳራ ዲቲኔ ገጋይ ጸሌቲስ። ሃራ ባጋራ ቃሴ ኤቃ ጸሓታ ካሎይኔ ጸሓታ ኣዛዜቶንታ ኢጸይ ዳሬዛኔ ዳራ ካሊላዛይታ ጳዮሶ ኤፊሰ፤ ፑዳሃ ባጋራ ዲዛ ዳራ ካዎቲ ኡባይካ ፓጩን ኩንዲዳ፤ ሃንኮ ዩሁዳን ካዎቲዳይታ ታሪኪይ ገዲኮ ኢታታ ገሻስ ገዲን ዋይኮ ሎኦታ ገሻስ ዮቴስ። ካዎታ ማጻፋን ኮይር ኪፊሌን ዳር ኤሬቲዳይቲ፤ ሃይታ ጸሓ ዳና ገዲዲ ቲንቤቲ ዳሬዛስ ዮቴዛይቲኔ ዳሬዚ ኤቃ ጸሓታ ካሎንታ ማላኔ ጸሓታ ኣዛዜቲላ ኢጸንታ ማላ ዳሬዛ ታማርሲዛ ሙርታ ናቤቲ ዳቴስ፤ ሃ ናቤታፕ ኬሂ ኤሬቲዛይ ኤልያሳ ገዲሺን ኢዚ ባኣሌ ናቤታራ ኤቁቲዳ ኤቁቲላ ቆንጨዳስ። [ሺ 18 ጸላ]

ሃ ማጻፋይ ኦይኪዳ ኩሜላ ቆፋ

- ዳዊቲ ካዎቲላ ወርሴላ 1:1—2:12
- ሶሎሞን ካዎቲላ 2:13-46
- ሶሎሞንይ ዳራ ኣይሲዳ ኣይሶ 3:1—11:43
- ኮይር ላይላታ 3:1—4:34
- ጸሓ ኬላ ኦሪ 5:1—8:66
- ወርሴላ ላይላታ 9:1—11:43
- ካዎቲላ ሻኬቲላ 12:1—22:53
- ፑዳሃ ባጋራ ዲዛ ቆዋቲ ዳንላዳ ሜቶ 12:1—14:20
- ዩሁዳ ካዎታኔ ኢሰራኤሌ ካዎታ 14:21—16:34
- ናቤ ኤልያሳ 17:1—19:21
- ኢሰራኤሌ ካዎ ኣካቤኔ ኤልዛቤሎ 20:1—22:40
- ዩሁዳ ካዎ ኢዮሳፊጾኔ ኢሰራኤሌ ካዎ ኣካዚያሳ 22:41-53

1 ካዎ ዳዊቲ ኬሂ ጨሚዳ ገሻሲ ኢዛስ ኦሊዛይቲ ኢዛ ሚሳፕ ኣሻናስ ማይኦ ኢዛ ቦላ ኮሪን ኣይኮካ ኢዛ ሆኣናስ ዳንዳይቤና።
 2 ሃሳ ገሻሲ ኢዛስ ኦሊዛይቲ፤ «ካዎ! ነናራ ዳኣሽ ነና ሎኤላ ናጋና ማላ ኢሲ ጌላኦ ኔስ ኮዬ ኤሂኖ? ኢዛ ነናራ ኣቁኮ ነና ሆኣና» ገዲ።

3 ኢሰራኤሌ ቢታ ኡባን ኮዬዲ ኣቢሻኅ ጌቲቲዛ ኢሲ ማላ ሎኦ ጌላኢዮ ሱኔሜ ካታማፕ ዳሚዲ ካዎዛስ ኤሂዳ።
 4 ኢዛካ ኬሃ ማላ ሎኦ፤ ካዎዛራ ዳሼ ኢዛስ ኦላሽ ኢዛ ሎኤላ ኦይካዲሰ፤ ገዶ ኣቲን ኢዚ ኢዛ ኤኪቤና።

ካዎታናስ ኣደሂያሳ ኮሻ

- 5 ሃገቲ ና ኣደሂያሳ፤ «ታ ካዎታና ኮያይስ» ገ ዳንዲዳስ፤ ፓራ-ጋራታኔ ፓራታ ቃሴካ ኢዛፕ ሲንፊ ሲንፊ ባናስ 50 ኣሳታ ገገሲዳስ።
- 6 ኢዛ ኣዎይካ፤ «ኣይስ ሃይሳላ ኦላይ?» ገ ሙሉካ ሰሪ ኤሬና። ኣደሂያሳ ኬሂፕ ማላ ሎኦ ኣሳ፤ ኢዚ ኣቤሴሎሚስ ካሎ ኣሻ።
- 7 ኣደሂያሳ ጸራያ ና ኢዮኣቤራኔ ቁሴ ኣቢያታሬራ ሃ ዮኦዛ ዘሬቲዳስ፤ ኢሰቲካ ኢዛ ማዳናስ ቆፋ ቃቲዳ።
- 8 ገዶ ኣቲን ቁሴ ሳደቁይ፤ ዮዳሃ ና ባናይ፤ ናቤ ናታኔይ፤ ሸምኤይ፤ ኤራኤይኔ ዳዊቲ ናገዛ ዛቤቲ ኢዛ ቆፋ ኤኪቤቲና።
- 9 ኢሲ ጋላስ ኣደሂያሳ ኤን-ርጌሌ ካታማ ማታን ዘሂሌቲ ዛላ * ጌቲቲዛሶን ደርሳታ፤ ቦራታኔ ኦሃላ ማራታ ያርሺዳስ። ካዎ ናይታ፤ ባ ኣሻታ ካዎ ሹሜ ገዲዲ ዩሁዳ ኣሳታ ኡባ ጸይገዳስ።
- 10 ገዶ ኣቲን ናቤ ናታኔ፤ ባናይ፤ ካዎ ናገዛ ዛቤታኔ ባ ኣሻ ሶሎሞን ዳይገቤና።

ሶሎሞን ካዎቲላ

- 11 ሃሳፊ ጉዬ ናታኔይ ሶሎሞን ኣዮ ቤርሳቤሆ፤ «ኦ ጎዳ ዳዊቲ ኤርንታ ዲሺን ሃገቲ ና ኣደሂያሳ ካዎቲዳይሳ ኔ ሲያቤኪ?»
- 12 ሃኢ ኔኒ ኔ ሸምፖኔ ኔ ናዛ ሶሎሞን ሸምፖ ዋስታ ኣሻናኮ ኣኔ ታ ኔና ዘራይስ።
- 13 ካዎ ዳዊቲኮ ባዳ፤ «ካዎ፤ ታ ጎዳዉ! ታስ ኔ ኣይሌይስ ኔ ና ሶሎሞንይ ታፕ ጉዬን ካዎታና፤ ታ ኣራታንካ ኢዚ ኡታና ጋዳ ጫቃቤኪ? ሂሰቲን ኣደሂያሳ ዋኒ ካዎቲዳ?» ጋ ኣይቻ።
- 14 ኔኒ ካዎዛራ ህን ሃሳያን ዲሺን ታ ጌላዳ ኔ ገዲይሲ ቲሙ ገዲዲዳይሳ ቆንጨሳና» ገዳስ።
- 15 ሱኔሜ ካታማፕ ዩዳ ኣቢሻጋ ጨሚዳ ካዎዛ ሂሚዛ ኢልፕኔ ገዶ ቤርሳቤሃ ካዎዛ ሃሳይሳናስ ጌላዲስ።
- 16 ቤርሳቤሃ ካዎዛ ሲንላን ዛቁላዳ ባ ኩሽ ዳንላዲስ፤ ቃሴካ ኢዛ ሲንላን ጉልባታዲስ። ካዎዚካ ኢዛ፤ «ኣይ ኮያይ?» ገዲ ኦይቲዳስ።
- 17 ቤርሳቤሃ ኢዛስ፤ «ታ ጎዳዉ! ታስ ኔ ኣይሌይስ፤ «ታፕ ጉዬን ኔ ና ሶሎሞንይ ካዎታና፤ ታ ኣራታንካ ኢዚ ኡታና» ጋዳ ጎዳን፤ ኔ ጸሓን ኔኒ ጫቃዳሳ።
- 18 ገዶ ኣቲን ሃኢ ኣደሂያሳ ካዎቲዳስ፤ ኔኒ ታ ጎዳይ ካዎይ ሃሳ ኤራካ።
- 19 ኢዚ ኬሂ ዳር ሜሃታ፤ ኦሃላ ማራታኔ ደርሳታ ያርሺዳስ፤ ያርሺሼ ካዎ ናይታ ኡባ፤ ቁሴ ኣቢያታሬኔ ኦላ ጋዳዎ ኢዮኣቤ ጸይገዳስ፤ ገዶ ኣቲን ኔ ኣይሌዛ ሶሎሞን ዳይገቤና።
- 20 ታ ጎዳዉ፤ ካዎ! ኔፕ ጉዬ ኔ ካዎቲላ ኣራታን ኦኒ ኡታናኮ ኤራናስ ኢሰራኤሌ ኣሳ ኡባ ኣይፊይ ኔና ጸሌ ኡቲዳስ።

21 ሂሰቶንታ አገሪ ታ ጎዳ ካዎይ ሃይቂዲ ባ አዋታን ገይቲዛ ዎዳ ታኒኔ ታ ና ሰሎሞንይ ሞር አሊዳ አሳ ማላ ቆዳታና» ገዲስ።

22 በርሳቤሃ ቡር ካዎዛራ ሃሳያን ዲሺን ናቤ ናታኔይ ገቢ ዎዲዳስ።

23 ካዎዛስ፡ «ናቤ ናታኔይ ዩዳስ» ገዲ ዮቲዳ፤ እዚካ ካዎዛ ሲንላን ጉፋኒዲ ባ ኩሼ ዳንሲዳስ።

24 ሃሳፌ ጉዬ ናታኔይ፡ «ታ ጎዳ ካዎ! ኔፔ ጉዬ አደኒያሲ ካዎታና ማላኔ ኔ አራታን ኡታና ማላ ኤሪሳዲ?»

25 ሃች እዚ ዲጌ ቢዲ ከሂ ዳር ማሃታ፡ ኦሃላ ማራታኔ ደርሳታ ያርሺሽ ካዎ ናይታ ኡባ፡ ኦላ ገዳዎታኔ ቄሴ አቢያታሬ ጸይገዴስ፤ እዚ ሃኢ እዛራ ሚሽኔ ኡዩሽ፡ «ካዎ አደኒያሲ ሜርናስ ካዎቶ!» ጌላ ቦላ ዳቲስ።

26 ገደ አቲን ታና ኔ አይሌ፡ ቄሴ ሳዶቄ፡ ዮዳሄ ና ባናያኔ ኔ አይሌ ሰሎሞን ያይገቤና።

27 ታ ጎዳ ካዎ! ኔፔ ጉዬራ ኔ ካዎቲላ አራታን ኦኒ ኡታናኮ ኔ አይሌታ ኤሪሳንታ ዳሽ ሃይሳ አደኒያሲ ካዎታና ማላ አሊዳይ ኔኔ?» ገዴስ።

28 ሂሰቲን ካዎ ዳዊቲ፡ «በርሳቤሃ ታስ ጸይገቲ» ገዴስ፤ እዛካ ካዎዚ ዲዛሶ ጌላዳ እዛ ሲንላን ኤቃዲስ።

29 ሃ ዎዳ ካዎዚ እዚስ፡ «ታና ማቶ ኡባፌ አሺዳ ዳኦ ጎዳይ ቤዩን!»

30 ጎዳን፡ ኢሰራኤሌ ጸሳን ታኒ ኔስ ጫቂዳ ጫቆዛ ቱሙ ሃች ፖላና፤ ታፔ ጉዬን ኔ ና ሰሎሞንይ ካዎታና፤ ታ ካዎቲላ አራታን እዚ ኡታና» ገዴ ጫቂዳስ።

31 በርሳቤሃ ካዎዛ ሲንላን ጉፋናዳ ባ ኩሼ ዳንሳዲስ፤ «ታ ጎዳ፡ ካዎ ዳዊቲ ሜርናስ ካዎቶ!» ገዴስ።

32 ሃሳፌ ጉዬ ካዎ ዳዊቲ፡ «ታስ ቄሴ ሳዶቄ፡ ናቤ ናታኔይ ዮዳሄ ና ባናያ ያይገቲ» ገዴስ፤ ሂሰቲን እስቲ ካዎዛ ሲንላ ሸቂዳ።

33 ካዎዚ እስታስ፡ «ታ አይሌታ እንቴናራ ኤኪ ቢዲ ታ ና ሰሎሞን ታ ባቁሎ ቶጊሲዲ ዲጌ ጊዮን ኤፍቲ።

34 ሃን ቄሴ ሳዶቄይ ናቤ ናታኔይ እዛ ቲይዲ ኢሰራኤሌ አሳ ቦላ ካዎሌቶ፤ ሃሳፌ ጉዬ ዛዬ ፑኒዲ እንቴ ቃላ ቶቁ ሂሰቲዲ፡ «ካዎ ሰሎሞንይ ሜርናስ ካዎቶ!» ገቲ።

35 ሃሳፌ ጉዬ እንቴ እዛ አዛቢዲ ሃ ፑዳ ከዚቲ፤ እዚ ዩዲ ታ ካዎቲላ አራታን ኡቶ፤ እዚ ታ ሰሆን ኡቲዲ ዳራ አይሶ፤ ታኒ ኢሰራኤሌ ዳራ ቦላኔ የሁዳ ዳራ ቦላ እዛ ሹማዲስ» ገዴስ።

36 ዮዳሄ ና ባናያይ ካዎዛስ ዛሪዲ፡ «አሚን! ታ ጎዳ ካዎዛ፡ ጎዳይ፡ ጸሳይ ሚንሳ!

37 ጎዳይ፡ ታ ጎዳ ካዎዛራ ገዲዳ ማላ ሰሎሞንራካ ገደ፤ እዛ ካዎቲላ አራታ ታ ጎዳ ካዎ ዳዊቲ አራታፔካ አሊዲ ገታሶ» ገዴስ።

38 ሃሳ ገሻስ ቄሴ ሳዶቄይ፡ ናቤ ናታኔይ፡ ዮዳሄ ና ባናያይ፡ ከሌቲቲኔ ፔሌቲቲ ሰሎሞን ካዎ ዳዊቲ ባቁሎ ቶጊሲዲ ዲጌ ጊዮን አዛቢ ኤፊዳ። †

39 ቄሴ ሳዶቄይ ገይቶቲላ ዲንካኔፔ ዛይቲ ካጩዞ ኤኪዲ ሰሎሞን ቲይዲ ካዎሊዳስ፤ ሃሳፌ ጉዬ ዛዬ ፑኒዳ፤ ኡባ አሳይካ ባ ቃላ ቶቁ ሂሰቲዲ፡ «ካዎ ሰሎሞንይ ሜርናስ ካዎቶ!» ገዴ።

40 አሳይ ኡባይካ እዛ አዛቢዲ ፑዳ ቢዳስ፤ እስቲ ዲንኬ ፑኒ ፑኒ ካኢሽ ከሂ ኡፋዬቲዳ፤ አሳ ሆሞቦጩፋን ቢታይ ቃጺዳስ።

41 አደኒያሲኔ እዛራ ዲዛ አማላቲ ገቢራ ሚ ወርሲሽ ሃሳ ሲዩዳ፤ ኢዮአቤይ ዲንኬዛ ገሪሳ ሲዩዳ፡ «ሃይሲ ካታማን ሴቴቲዛ ገሪሳይ አዜ?» ገዴ እይቸዳስ።

42 እዚ ቡር ሃሳያን ዲሺን ቄሴ አቢያታሬ ና ዮናታኔይ ገቢ ዎዲዳስ። ሂሰቲን አደኒያሲ፡ «እኔ ሃ ጌላ፤ ኔ ማላ አማኔቲዳ አሲ ሎኦ ዎሬ ኤኪ ዮንታ አጌና» ገዴስ።

43 ዮናታኔይካ ዛሪዲ፡ «ቸ፡ ዮኦይ ሙሌካ ሃሳ ማላ ገደና፤ ኦ ጎዳይ ካዎ ዳዊቲ ሰሎሞን ካዎሊዳስ።

44 እዛ አዛባና ማላ ካዎይ ቄሴ ሳዶቄ፡ ናቤ ናታኔይ፡ ዮዳሄ ና ባናያ፡ ከሌቲቲኔ ፔሌቲታ እዛራ ዩዲዳስ፤ እስቲ እዛ ካዎ ባቁሎ ቶጊሲዳ።

45 ቄሴ ሳዶቄይ ናቤ ናታኔይ፡ ጊዮንን እዛ ቲይዲ ካዎሊዳ፤ ሄፔ እስቲ ሆሞቦጩሽ ፑዳ ቢዳ፤ ሃሳን ካታማይ ኮሹሜስ፤ ሃኢ እንቴ ሲዩዛ ኮሹንቻይ ሃሳ።

46 ሃሳፌ ቦላራካ ሰሎሞንይ ካዎቲላ አራታን ኡቲዳስ።

47 ቃሴ ካዎ ሹሜቲ ኦ ጎዳ ካዎ ዳዊቲኮ ዩዳ፡ «ኔ ጸሳይ ሰሎሞን ሱንሳ ኔ ሱንሳፌ ቶቁ ሂሰቶ! እዛ ካዎቲላ አራታካ ኔይሳፌ አዴላ ሂሰቶ!» ገዲ አንጂዳ፤ ሂሰቲን ካዎይ ባ አልጋን ዲሽ ሆኪ ጸሳስ ጎይጊሽ።

48 «ታ ካዎቲላ አራታን ኡቲዲ ታ ሰሆን ካዎቲዛይሳ ታና ሃች ታ አይፊን ቤሲዳ ጎዳ ኢሰራኤሌ ጸሳይ ጋላቲቶ!» ገዴስ» ገዴ ዮቲዳስ።

49 ሃሳ ሲዩዲ አደኒያሲ ያይገዳ አማላቲ ኡባይ ዳጋሚ ዳንዲዲ ላሌቲዳ።

50 አደኒያሲ ገዲኮ ሰሎሞንስ ያዩዲ ቢ ያርሺዛሶዛ ካጩታ ኦይኪዳስ።

51 ሃሳፌ ጉዬ አሳይ ሰሎሞንስ፡ «አደኒያሲ ካዎ ሰሎሞንስ ያዩዲ ያርሺዛሶዛ ካጩታ ኦይኪዲ፡ «ካዎ ሰሎሞንይ ታና ባ አይሌዛ ገላ ማሻን ዎዲንታ ማላ ታስ ሃች ጫቆ» ጌስ» ገዲ ዮቲዳ።

52 ሰሎሞንይ ዛሪዲ፡ «እዚ ባ ሃሚላ ሎኤሊኮ ሃሪይ አቶሽን እዛ ሁኤ ቢናናፔ ኢሲናካ ጋዴን ዎዲኩ፤ ገደ አቲን እዛ ቦላ ኢታቲላ ቤቲኮ እዚ ሃይቃና» ገዴስ።

53 ሃሳፌ ጉዬ ካዎ ሰሎሞንይ አሰ ከቲን እስቲ ቢዲ እዛ ያርሾ ያርሺዛሶፔ ዳጌ ዎሊዳ፤ ሂሰቲን አደኒያሲ ዩዲ ሰሎሞንስ ዘገዴስ፤ ሰሎሞንይካ እዛ፡ «ጌዳ ኔሶ ባ» ገዴስ።

2

ዳዊቲ ሰሎሞንስ ባዚዳ ባሴ

1 ዳዊቲ ሃይቂዛ ዎዳይ ማቲን ባ ና ሰሎሞን ያይገዲ እዛስ ባሴ ባዚዳስ፤

2 ዳዊቲ፡ «ታኒ ሃይቃና ዎዳይ ማቲዳስ፤ ሃሳ ገሻስ ሚና፤ አሰ ገዴ።

3 ጎዳ ኔ ጸሳ አዛዞ ናጋ፤ እዛ ኦጌታን ሃሚታ፤ ሙሴ ዎጋን ጸፊቲዳ ማላ እዛ አዎጃታ፡ አዛዞታ።

† 1:38 ከሌቲቲኔ ፔሌቲቲ ካዎ ከላ ናጋናሰ ደሬቲዳይታራ ናገዛ ካሬ ዳሬፔ ቃጸሬቲዳይታ ቤሴስ። 2ሳሜ 8:18፣ 20:23፣ 1 ሳሜ 30:14 ጸላ።

ዎጋታኔ ማራታ ናጋ፤ ሂሰቲኮ ኔኒ ኦሊዛ ሚሽ ኡባይኔ ኔኒ ቢዛ ሶሆ ኡባይ ኔስ ኢንጃታና።

4 ጎዳይ ታሰ፡ ሩኔ ዜራላቲ ባንታ ኦጌ ናጊኮ፡ ታ ሲንላን ባንታ ኩሜላ ዎዚናፔኔ ባንታ ኩሜላ ሾምፖጌ ኣሚኔቲዲ ሃሜቲኮ ኔ ዜራላፌ ኢሰራኤሌ ካዎታ ኣራታን ኡቲዛ ኣስ ሙሉካ ቆይሲኬ) ጊዳ ሂደታ ቃላ ፖላና።

5 «ጸራያ ና ኢዮኣቤይ ታ ቦላ ኦሊዲያ ሃሳላካ ኢሰራኤሌ ኦላ ጋዳዎታ ናምኣታ፡ ኔሪ ና ኣቢኔሬኔ ዮቶሪ ና ኣማሳ ቦላ ኦሊዲያ ሃሳ ኔኒ ኔ ሁኡራ ኤራሳ፤ ኢሰቲ ኦላ ዎዴ ዎዲያይሳስ ሃሎ ኬሳናስ ኦላይ ባይንዳ ሳሮ ዎዴ ኢዚ ኢሰታ ዎዲዲ ሄ ሱላን ባ ጸሳ ቃባቶኔ ባ ቶሆ ጫማ ቲኒሲዳስ።

6 ኦላና ቤሲዛይሳ ኣቶ ኤራቴላን ኦላ፤ ኢዚ ጩጊዲ ሳሮ ዲፎን ጌሎንታ ማላ ኦላ።

7 «ታኒ ኔ ኢሻ ኣቤሴሎሜፔ ባቃቲዛ ዎዴ ኢሰቲ ታስ ሚሌ ጊዲዳ ጊሻስ ጋላኣዴ ቢታን ዲዛ ባርዚሌ ናይታስ ሎኦ ኦላ፤ ኢሰቲ ኔ ማዳን ሚዛ ኣሳራ ኢሲፌ ሜቶ።

8 «ታኒ ማሃናይሜ ቢዳ ዎዴ ታና ኢታ ቃንጌላ ቃንጊዳ ቢኒያሜ ቢታን ባሂሪሜ ካታማፔ ዪዳ ጌራ ና ሸምኤይ ኔናራ ዲዛይሳ ሃሳኣ፤ ኢዚ ታና ሞካናስ ዮርዳኖሴ ሻፋ ዲጌ ዪዳ ዎዴ፡ «ታኒ ኔና ዎዲኬ) ጋዳ ኢዛስ ጎዳን ጫቃዲስ።

9 ጊዳ ኣቲን ሃኢ ኔኒ ኢዛ ጸሎ ኣሳ ማላ ቆዶፓ፤ ኔስ ኣቶ ኤራቴላ ዲዛ ጊሻስ ኦላናስ ቤሲዛ ዮኦታ ኔ ኤራሳ፤ ኢዛ ፑሎንላ ሱላራ ዲጌ ዲፎን ጌልላ» ጊዳስ።

ዳዊቲ ሃይቆ

10 ሃሳፌ ጉዬ ዳዊቲ ሃይቆዲ ባ ኣዎታን ጋይቲዳስ፤ ባ ካታማን ዬሩሳላሜን ሞጌቲዳስ።

11 ዳዊቲ ኬብርኔን 7 ላይላ፡ ዬሩሳላሜን 33 ላይላ፡ ኢሲ ቦላ ኢሰራኤሌን 40 ላይላ ካዎታዳስ።

12 ሶሎሞንይ ባ ኣዎ ዳዊቲ ካዎቲላ ኣራታን ኡቲዳስ፤ ኢዛ ካዎቲላካ ኬሂ ሚኒዳስ።

ኣዲያሳ ሃይቆ

13 ሃጊቲ ና ኣዲያሳ ሶሎሞን ኣዮ ቤርሳቤሂኮ ቢዳስ፤ ቤርሳቤሃ ኢዛ፡ «ኔኒ ታኮ ሳሮስ ያዲ?» ጋዳ ኦይቻዲስ።

ኢዛካ ኢዛስ፡ «ኦ፤ ሳሮስ ያዲስ» ጊዳስ።

14 ቃሴካ ጉጂዲ፡ «ታ ኔስ ዮታና ዮኦይ ዳስ» ጊዳስ።

ኢዛካ ኢዛስ፡ «ኣኔ ዮታ» ጋዳስ።

15 ኣዲያሳ ኢዛስ፡ «ካዎታናስ ቤሲዛይ ታና ጊዲዳይሳኔ ኢሰራኤሌ ኣሳይ ኡባይ ታና ባ ቦላ ካዎላናስ ባ ኣይፌ ታ ቦላ ዬጊዳይሳ ኔ ኤራሳ። ጊዳ ኣቲን ዮኦቲ ጎዳፔ ጊዲዳ ጊሻስ ላሜቲ ዎዲን ካዎቲላይ ታ ኢሻስ ዩዩዳስ።

16 ሃኢ ታ ኔና ኢሲ ሚሽ ኦይቻኮ ኔ ታስ ኣካይ ጎፓ» ጊዳስ።

ኢዛካ፡ «ኣኔ ኦይቻ» ጋዳስ።

17 ኢዛካ፡ «ካዎ ሶሎሞንይ ኔ ኦይቻዳ ሚሽ ኣካይ ጎንታ ጊሻስ ሱኔሜ ዴሪ ማጫሳዮ ኣቢሻጎ ጌቲቲዛ ጌላኢዮ ታና ኤኪሳና ማላ ኢዛ ታስ ኦይቻርኪ!» ጊዳስ።

18 ቤርሳቤሃካ ዛራዳ፡ «ዳር ሎኦ፤ ታኒ ሃሳ ካዎዛስ ዮታና» ጋዳስ።

19 ሃሳ ጊሻስ ቤርሳቤሃ ኣዲያሳ ኪታ ዮታናስ ካዎ ሶሎሞንኮ ጌሊን ካዎዚ ኢዛ ሞካናስ ዴንዲ ኤቂዲ ኢዛ ሳርኪዳፔ ጉዬ ሰሚዲ ባ ካዎቲላ ኣራታን ኡቲዳስ። ቃሴ ባ ኣዮ ኡቲሳናስ ሃራ ኣራታ ኤሂሲዲ ኢዛ ባፔ ኡሻቻ ባጋራ ኡቲሲዳስ።

20 ኢዛ ኡቲዳፔ ጉዬ፡ «ታ ኔና ኦይቻዛ ቂሪ ሚሽ ዳወስ፤ ኔ ኢዛ ታስ ኤር ጋርኪ!» ጋዳስ።

ካዎዚካ ዛሪዲ ኢዛስ፡ «ታ ኣዬ፡ ታ ኔና ዬላሲኬ፤ ኔ ኮዩዳይሳ ኦይቻ» ጊዳስ።

21 ኢዛካ ኢዛስ፡ «ሱኔሜ ዴሪፔ ዪዳ ኣቢሻጎ ኔ ኢሻ ኣዲያሳ ኤካና ማላ ኢዛስ ኢማርኪ!» ጋዳስ።

22 ካዎ ሶሎሞንይ ዛሪዲ ባ ኣዮ፡ «ሱኔሜ ዴሪፔ ዪዳ ኣቢሻጎ ጸላ ኔኒ ኣዲያሳስ ኣይስ ኦይቻይ? ኢዛ ታስ ባይራ ጊዲዳ ጊሻስ ኢዛስ ታ ካዎቲላካ ኦይቻናይሳ ኣጋዳሳ! ሃሳላካ ኢዛስ ጸላ ጊዳንታ ዲሺን ቁሴ ኣቢያታሬሲኔ ጸራያ ና ኢዮኣቤሰካ ኦይቻናይሳ ኣጋዳሳ!» ጊዳስ።

23 ካዎ ሶሎሞንይ ጎዳን ጫቂዲ፡ «ኣዲያሳ ሃይሳ ኦይቻዳ ጊሻስ ታኒ ኢዛ ዎዲንታ ኣጊኮ ጎዳይ ታና ዎዲ!

24 ሃኢ ታና ታ ኣዎ ዳዊቲ ካዎቲላ ኣራታን ኡቲሲዲ ባ ኢሚዳ ሂደታ ማላ ታ ካዎቲላ ሚንሲዳ ጎዳይ ቤዩን ኣዲያሳ ሃቶ ሃይቃና!» ጊዳስ።

25 ሃሳ ጊሻስ ካዎ ሶሎሞንይ ዮዳሂ ና ባናያ ኣዛዚን ኢዚ ቢዲ ኣዲያሳ ዎዲዳስ።

26 ሃሳፌ ጉዬ ካዎ ሶሎሞንይ ቁሴ ኣቢያታሬ፡ «ኔኒ ኔ ዴሪ ኣናቶቲ ሲማ ባ፤ ኔስ ሃይቆይ ቤሴሲሺን ኔና ታኒ ሃኢ ዎዲኬ። ኣይስ ጊኮ ኔኒ ታ ኣዎ ዳዊቲ ሲንላን ኡባ ሃሪዛ ጎዳ ታቦታ ቶካዳሳ፤ ቃሴ ታ ኣዎራ ሜቶ ኤካዳሳ» ጊዳስ።

27 ጎዳይ ሴሎን ቁሴ ኤሌ ኬላ ኣሳ ጊሻስ ዮቲዳይሳ ፖላናስ ሶሎሞንይ ኣቢያታሬ ጎዳስ ቁሴቲላን ኦሊዛሶፔ ዲጊዳስ።

ኢዮኣቤ ሃይቆ

28 ኣቤሴሎሜራ ጊዳንታ ኣዲያሳራ ኢሲፌ ዙፔቲዳ ኢዮኣቤኮ ሃ ዮኦይ ጋኪዳስ፤ ሂሰቲን ኢዮኣቤይ ጎዳ ዲንካኔኮ ባቃቲ ቢዲ ያርሺዛሶ ካጩታ ኦይኪዳስ።

29 ኢዮኣቤይ ጎዳ ዲንካኔኮ ባቃቲ ቢዲ ያርሺዛሶዛ ላንቁን ዲዛይሳ ካዎ ሶሎሞንስ ዮቲዳ፤ ሂሰቲን ሶሎሞንይ ዮዳሂ ና ባናያ፡ «ባዳ ኢዛ ዎዲ!» ጊ ኣዛዚዳስ።

30 ባናያይ ጎዳ ዲንካኔካ ጊዳ ጌሊዲ ኢዮኣቤ፡ «ካዎይ ኔና፡ «ሃይሳፌ ኬዛ) ጌስ» ጊዳስ።

ጊዳ ኣቲን ኢዚ ዛሪዲ፡ «ታ ሃይሳን ሃይቃና ኣቲን ኬዚኬ» ጊዳስ።

ባናያይ ካዎዛስ፡ «ኢዮኣቤይ ታስ ኢሚዳ ዛርይ ሃሳ» ጊዲ ዮቲዳስ።

31 ካዎ ሶሎሞንይ ባናያ፡ «ኢዚ ጊዳ ማላ ዎዲዳ ሞጋ! ሂሰታዳ ኢዮኣቤይ ጸሎታ ሱላ ጉሲዳ ጎሜፔ ታናኔ ታ ኣዎ ኬላ ጌሻ።

32 ታ ኣዎ ዳዊቲ ኤርንታ ዲሺን ኢዮኣቤይ ናምኡ ኣሳታ ጊላ ማሻን ዎዲዳ ሱላ ጊሻስ ጎዳይ ኢዛ ኦሶ

2:5 2ሳሜ 3:27፤ 20:10 2:7 2ሳሜ 17:27-29 2:8 2ሳሜ 16:5-13፤ 19:16-23 2:11 2ሳሜ 5:4-5፤ 1ታሪ 3:4 2:12 1ታሪ 29:23 2:17 1ካዎ 1:3-4 2:26 1ሳሜ 22:20-23፤ 2ሳሜ 15:24 2:27 1ሳሜ 2:27-36

ማላ ኢዛሰ ዛራና፤ ኢሰራኤል ኦላ ጋዳዎ ኔሬ ና ኣቢኔሪኔ ዩሁዳ ኦላ ጋዳዎ ዮቶሬ ና ኣማሲ ኢሰቲ ናምኣይካ ኢዛፕ ከሂ ሱሪ ኣሳ።

33 ኢሰታ ሱላ ኣጮይ ማርናሰ ኢዮኣቤ ቦላኔ ኢዛ ዜሬላ ቦላ ጊደ፤ ጊደ ኣቲን ዳዊቲ ቦላኔ ኢዛ ከላ ኣሳ ቦላ፡ ኢዛ ዜሬላታ ቦላኔ ኢዛ ካዎቲላ ኣራታ ቦላ ማርናሰ ጎዳ ሳርይ ጊደ» ጊደስ።

34 ሄሳ ገሻሰ ዮዳሄ ና ባናያይ ፑዴ ከዚዲ ኢዮኣቤ ዎዲን ኢዚ ባዞን ዲዛ ባ ጋዴን ሞጌቲዳስ።

35 ካዎ ሶሎሞኔይ ዮዳሄ ና ባናያ ኢዮኣቤ ሶሆን ኦላ ጋዳዎ ሂሰቲዲ ሹሚዳስ፤ ቃሴ ኣቢያታሪ ሶሆን ቄሴ ሳዶቄ ሹሚዳስ።

ሸምኤ ሃይቆ

36 ሄሳፊ ጉዬ ካዎ ሶሎሞኔይ ሸምኤስ ከቲዲ፡ «ኔስ ዩሩሳላሚን ከሐ ከዳዳ ሄን ዳኣ፤ ሄፔ ሃራሶ ኣዎካ ቦፓ።

37 ኔኒ ካታማፔ ከዛዳ ቁዲርኔ ሸባ ፒኒዳ ጋላስ ሃይቃናይሳ ኤራ፤ ኔ ሱላ ጎሚይ ኔና ኦይካና» ጊደስ።

38 ሸምኤይ ዛሪዲ ካዎዛስ፡ «ኔኒ ገዛይሲ ሎኣ፤ ታኒ ኔ ኣይሌይ ኔኒ ታ ጎዳይ ካዎይ ጊዳይሳ ታ ፖላና» ጊደስ። ኢዚካ ዩሩሳላሚን ዳር ዎዴ ዴኢዳስ።

39 ጊደ ኣቲን ሄቭ ላይላፊ ጉዬ ሸምኤ ኣይሌታፔ ናምኣቲ ቤቲዲ ማኢካ ና ጌቲ ካዎ ኣንኩሴኮ ቢዳ፤ ሄ ዎሬይ፡ «ኔ ኣይሌቲ ጌቲን ዴቲስ» ጌቲቲዲ ሸምኤስ ዮቲቲዳስ።

40 ሄሳ ሲዩዲ ሸምኤይ ባ ሃሪ ኮሪ ኤኪዲ ባ ኣይሌታ ኮያናስ ኣንኩሴኮ ጌቲ ቢዲ ባ ኣይሌታ ኤኪ ዩዳስ።

41 ሸምኤይ ዩሩሳላሚፔ ጌቲ ካታማ ቢዲ ሲሚዳይሳ ሶሎሞኔይ ሲዩዲ፡

42 ሸምኤ ዴይገሲ ሸሺዲ፡ « ነዩሩሳላሚፔ ከዛዳ ሃራሶ ቢዛ ጊዲኮ ኔ ሃይቃና» ጋዳ ጎዳ ሱንላን ጫቁላዳ ኔስ ሚንላ ዮታቤኪና? ሄ ዎዴ ኔኒ፡ ነፊ ገዛይሲ ሎኣ፤ ኤኖ፡ ታ ኣዛዜታና» ጋዳሳ።

43 ሂሰቲን ጎዳስ ጫቁዳ ጫቆኔ ታ ኣዛዘ ኣይሰ ናጋቤኪ?» ጊደስ።

44 ቃሴካ ካዎይ ሸምኤስ፡ «ታ ኣዎ ዳዊቲ ቦላ ኔኒ ኦሊዳ ኢታ ኦሶ ኡባ ኔ ዎዚናይ ኤሬስ። ሃኢ ጊዲኮ ኔ ኢታ ኦሶ ማላ ጎዳይ ኔስ ዛራና።

45 ጊደ ኣቲን ካዎ ሶሎሞኔይ ኣንጄታና፤ ዳዊቲ ካዎቲላ ኣራታይካ ጎዳ ሲንላን ማርናሰ ሚኒ ዳና» ጊደስ።

46 ሄሳፊ ጉዬ ካዎዚ ዮዳሄ ና ባናያ ኣዛዚን ቢዲ ሸምኤ ዎዲዳስ።

ሄሳ ጋሶን ካዎቲላይ ሶሎሞኔ ኩሼን ሚኒ ዴኢዳስ።

3

ጎዳይ ኣቶ ኤራቲላ ኢማና ማላ ሶሎሞኔ ዎሳ (2ታሪ 1:3-12)

1 ሶሎሞኔይ ጊብጾ ካዎ ፓሮኔራ ላጌቲዲ ኢዛ ናዮ ማቾ ኤኪዳስ፤ ካዎ ከላ፡ ጎዳ ከላኔ ዩሩሳላሚ ዩሸን ዲዛ ዲርሳ ገምቢ ፖላናሽ ጋካናስ ኢዞ ኤሂዲ ዳዊቲ ካታማን ዎሊዳስ።

2 ጎዳ ሱንላስ ጸሳ ከሐ ከዴታናሽ ጋካናስ ኣሳይ ያርሾ ዙዎቡላታ ቦላ ሸሼስ።

3 ሶሎሞኔይ ጎዳ ሲቄስ፤ ባ ኣዎ ዳዊቲ ዎጋ ማላ ዳስ፤ ጊደ ኣቲን ዙዎቡላታ ቦላ ያርሾ ያርሼሲኔ ኤጸኔ ጩዎሴስ።

4 ጌባኦኔይ ኡባፊ ኣቋ ኤራቲዳ ያርሾሶሆ ጊዲዳ ገሻሰ ካዎ ሶሎሞኔይ ያርሾ ያርሻናስ ሄ ቢዳስ፤ ሶሎሞኔይ 1,000 ማሄ ኤሂዲ ሄን ጸጌቲዛ ያርሾ ያርሼዳስ።

5 ጎዳይ ሶሎሞኔስ ጌባኦኔን ኦማርስ ኣጉሞን ቆንጫዳስ፤ ጸሲ ኢዛስ፡ «ታ ኔስ ኢማና ማላ ኔ ኮይዛ ኣይ ሚሸካ ታና ኦይቻ» ጊደስ።

6 ሶሎሞኔይ ኢዛስ፡ «ታ ኣዎ ዳዊቲ ኔ ሲንላን ዲሎቲላን፤ ቱማቲላኒ ሱሬቲላ ዎዚናን ሲሜራቲዳ ገሻሰ ኔ ኣይሌዛ ጊታ ኪያቲላ ቤሳዳሳ፤ ኔኒ ሄ ጊታ ኪያቲላ ኣጎንታ ሃቾ ኢዛ ካዎቲላ ኣራታን ኡቲዛ ኣቱማ ና ኢዛስ ኢማዳሳ።

7 «ኣቤት ጎዳዉ፡ ታ ጸሳዉ! ኔኒ ታና ኔ ኣይሌዛ፡ ታ ኣዎ ዳዊቲ ሶሆን ካዎሳዳሳ፤ ጊደ ኣቲን ታኒ ቡር ዩላጋ ጊዲዳ ገሻሰ ኣሳ ዎሰታ ኣይሳናኮ ታ ኤሪኬ።

8 ታኒ ኔ ኣይሌይ ኔኒ ዳሪዳ ኣሳ ጊዳኒኔ ቆዳይ ባይንዳ ከሂ ዳር ኣሳ ጊደን ዳኣይሰ።

9 ሄሳ ገሻሰ ታኒ ኔ ኣሳ ኣይሳናስ ሎኦኔ ኢታ ሻካዳ ኤራና ማላ ታሰ ኔ ኣይሌዛስ ኣኬኪዛ ዎዚና ኢማ፤ ሂሰቶንታ ኣገኮ ሃ ጊታ ዴሬዛ ኦኒ ካሌላና ዳንዳይኬ?» ጊደስ።

10 ሶሎሞኔይ ሄሳ ኦይቲዳ ገሻሰ ጎዳይ ኡፋዬቲዳስ።

11 ቃሴካ ጸሳይ ኢዛ፡ «ኔኒ ኔስ ላይሊ ኣዲቃና ማላ ዎይኮ ዱራታና ማላ፡ ዎይኮ ኔ ሞርኬቲ ሃይቃና ማላ ጊደንታ ዴራ ዎጋራ ኣይሳናስ ኣቶ ኤራቲላ ኦይቲዳ ገሻሰ።

12 ሄሳ ኔ ኦይቲዳይሳ ታ ኔስ ኢማና፤ ኔፔ ካሴ ኦናሰካ ኢማቶንታኔ ኔፔ ጉዬ ኦኒካ ዴሞንታ ኣቶ ኤራቲላኒኔ ኣኬካይ ኩሚዳ ዎዚና ታ ኔስ ኢማና።

13 ሄሳፊካ ቦላራ ኔ ዴኦ ላይላን ኡባን ካዎታ ጊደን ኔናራ ገናቲዛ ካዎይ ደንታ ማላ ኔኒ ታና ኦይቻንታ ዱራቲሊኔ ቦንቾ ታ ኔስ ኢማና።

14 ኔ ኣዎ ዳዊቲ ታ ኦጌራ ቢዳ ማላ ኔካ ታ ኦጌራ ቢኮ፡ ታ ዎጋኔ ታ ኣዛዘታ ናገኮ ኔ ላይላ ታ ኣዲሳና» ጊደስ።

15 ሄሳፊ ጉዬ ሶሎሞኔይ ቋስኮፊ ቤጊዲ ሄሲ ኣጉሞ ጊዲዳይሳ ኣኬኪዳስ፤ ኢዚ ዩሩሳላሚ ሲሚ ቢዲ ጎዳ ጫቆ ቃላ ታቦታ ሲንላን ኤቁዳስ፤ ጸጌቲዛ ያርሾኔ ኢሲፊቲላ ያርሾ ያርሼዳስ። ሂሰቲዲ ባ ሹሚ ኡባታሰ ገቢራ ከሲዳስ።

ሶሎሞኔይ ኣቶ ኤራቲላን ፐርዲዳ ፐርዳ

16 ሄ ዎዴ ላይማን ኣቁዛ ናምኤ ማጫሳቲ ካዎ ሶሎሞኔኮ ዩዲ ኢዛ ሲንላን ኤቁዳ።

17 ኢሰታፊ ኢሲኒያ፡ «ታ ጎዳ! ታኒኔ ሃ ማጫሳያ ኢሲ ከላን ዳስ፤ ሄን ኢዛ ታናራ ኢሲፊ ዲሺን ታኒ ና ዩላዲስ።

18 ታ ዩሊዳ ሄቭንላ ጋላስ ኢዛካ ና ዩላዲስ፤ ሄ ከላን ኦ ናምኣታፔ ኣቲን ሃራይ ኦኒካ ዳና።

19 «ኢሲ ጋላሳ ኦማርስ ሃና ማጫሳያ ባ ናዛ ቦላ ኢቺን ናዚ ሃይቁዳስ።

20 ሂሰቲን ኢዛ ጊደላ ዴንዳዳ ታኒ ኔ ኣሸካሪያ ቋስኮን ዲሺን ታ ናዛ ታ ኪኦፔ ኤካ ኤፋዳ ባ ኪኦን ዎላዲስ፤ ቃሴ ሃይቁዳ ባ ናዛ ኤሃዳ ታ ኪኦን ዎላዲስ።

21 ዋንቲን ታኒ ታ ናዛ ጳንፋናሰ ዳንዲሺን ሃይቂ ቤተዳሰ፤ ገደ ኣቲን ታኒ ማላዶ ፖኑን ቲሺ ሂሰታ ጸለን ታ ዮሎዛ ገደንታይሳ ታ ኤራዲሰ» ገደሰ።

22 ሃንኮ ናምኣንፍ ማጫሳያ ቃሴ፡ «ቺ! ፓጻ ዲዛ ናዚ ታይሳ፤ ሃይቂዳ ናዚ ኔይሳ» ገደሰ።

ገደ ኣቲን ኮይሮ ማጫሳያ ዛራዳ፡ «ቺ! ሃይቂዳ ናዚ ኔይሳ፤ ፓጻ ዲዛ ናዚ ታይሳ» ገደሰ፤ ኢሰቲ ናምኣይካ ካዎ ሲንፋን ሄሳፍ ገሼ ፓላማቲዳ።

23 ካዎ ሶሎሞንይ ኢሰታሰ፡ «ሃ ማጫሳያ፡ ፓጻ ዲዛ ናዚ ታይሳ፤ ሃይቂዳ ናይ ኔይሳ» ገደሰ፤ ሃንኮራካ፡ «ቺ! ሃይቂዳይሲ ኔ ናዛ፤ ፓጻ ዲዛ ናዚ ታ ናዛ» ገደሰ» ገደሰ።

24 ካዎዚካ፡ «ታሰ ገላ ማሻ ኤኪ ዩቴ» ገደሰ፤ ሂሰቲን ኢሰቲ ኢዛሰ ገላ ማሻ ኤሂዳ።

25 ሄ ዎዴ ካዎዚ፡ «ፓጻ ዲዛ ናዛ ናምኤ ኬሲ ጳልቂዲ ኢሲ ባጋ ኢሲኔይሰ፡ ኢሲ ባጋ ሃንኮርሰ ኢሚቲ» ገ ኣዛዚዳሰ።

26 ፓጻ ዲዛ ናዛ ኣያ ባ ናዛሰ ኬሃ ሚሹቲዛ ገሻሰ ካዎዛሰ፡ «ታ ጎደ! ፓጻ ዲዛ ናዛ ኢዚሰ ኢማጋ! ዎጵፓርኪ!» ገደሰ።

ገደ ኣቲን ሃንኮራ፡ «ኔሰካ ታሰካ ኢማቶፎ፤ ናምኤ ኬዚ ሻኬቶ» ገደሰ።

27 ሄሳፌ ጉዬ ካዎዚ፡ «ሃ ፓጻ ዲዛ ናዛ ሃ ኮይሮ ማጫሳይሰ ኢሚቲ፤ ናዛ ዎጵፕቲ፤ ናዛ ኣያ ሃናኮ!» ገደሰ ፕርዲዳሰ።

28 ኣሳሰ ጸሎቴፋን ፕርዳናሰ ኢዛሰ ኣጵ ኤራቴፋይ ጸሳፌ ኢማቲዳይሳ ቤኢዳ ገሻሰ ኢሰራኤሌ ኣሳይ ኡባይ ካዎይ ፕርዲዳ ፕርዳ ሲዩዳ ዎዴ ካዎዛሰ ኬሂፕ ያዩዳሰ።

4

ሶሎሞንይ ሱንጲዳ ሹሚታ

1 ካዎ ሶሎሞንይ ኢሰራኤሌ ቢታ ኡባ ቦላ ካዎቲዳሰ።

2 ኢዚ ሹሚዳ ኣላፊቲ ሃይሳፌ ካሊ ጳፊቲዳይታ። ሳዶቂ ና ኣዛሪያሲ ቁሴ።

3 ሺሻ ናይቲ ኤሊሆሬፊናይኔ ኣካያይ ዋና ጳፊታ፤ ኣሂሎዴ ና ኢዮሳፊጾይ

ታሪኬ ጳፊ፤ * 4 ዮዳሂ ና ባናያይ ኦላ ጋዳዎ፤

ሳዶቂይኔ ኣቢያታሬይ ቁሴታ፤

5 ናታኔ ና ኣዛሪያሲ ዳሬ ኣይሲዛይታሰ ኣላፊ፤

ናታኔ ና ዛቡዳይ ቁሴኔ ካዎሰ ማታ ዞራንቻ፤

6 ኣሂሻሬይ ካዎ ኬፋ ኣላፊ፤ ኣቢዳ ና ኣዳኒራሚ

ኡንኤቲዲ ዎልቃ ኦሶ ኦሊዛይታ ኣላፊ።

7 ቃሴ ሶሎሞንይ ኢሰራኤሌ ቢታ ኡባን ታማኔ ናምኤ ዳሬታ ኣይሲዛይቲ ዳቴሰ፤ ኢሰቲ ካዎሲኔ ካዎሶን ዲዛ ኣሳ ኡባሰ ሚዛ ካል ሺሻዚይታ፤ ኢሰቲ

ታራን ታራን ላይላ ገደን ኢሲ ኢሲ ኣገናሰ ገዲዛ ካል ኤሂቴሰ።

8 ኢሰታ ሱንጲኔ ኢሰታ ኣይሲዛ ዞኔቲ ሃይሳፌ ካሊዲ ጳፊቲዳ።

ቤኒ-ሁሬይ ኤፍሬሚ ጌዜ ኣይሴሰ።

9 ቤኒ-ዲቃሬይ ማቃጻ፡ ሻኣልቢሚ፡ ቤቲ-ሹሚሼኔ ኤሎኔኔ

ቤቲ-ሃናኔ ዳሬታ ኣይሴሰ።

10 ቤኒ-ሄሴዲ ኣሩቦቲ ዳሬን ዲዛ ሶኮኔ ሄፌሬ ዳሬ ኡባ ኣይሴሰ።

11 ቤኒ-ኣቢናዳቢ ናፎቲ-ዶሬ ቢታ ኣይሴሰ፤

ኢዚካ ሶሎሞን ናዮ ጳፊቲ ኣዚና።

12 ኣሂሎዴ ና ባኣናይ ታኢናኬኔ ማገደ ዳሬ፡ ጳርታኔፕ ዲጌ ቢዲ ኢዘራኤሌን ዲዛ ቤቲ-ሻኣኔ ጋካናሰ፡ ሄፕካ ቢዲ ዮቁማኣሚ ፕኒዲ ኣቤሊ-ማሆሌ ዳሬ ጋካናሰ

ዲዛይሳ ኣይሴሰ።

13 ቤኒ-ጌቤሪ ጋላኣዳን ዲዛ ኤራሞቲ ዳሬ፡ ጋላኣዳን ሚናሴ ና ያኢሬ ዳሬታ፡ ኢዛ ዩሻን ገምቤኔ ገምቤ

ፔንጌታን ጳርቂማላ ቢራታ ኮላታቲ ዲዛ 60 ጌታ ካታማታኔ ባሳኔ ቢታን ዲዛ ኣርጎባ ዳሬ ኣይሴሰ።

14 ኢደ ና ኣሂናዳቢ ማሃናይሚ ዳሬ ኣይሴሰ።

15 ኣሂማኣሲ ኒፍታሌሚ ዳሬ ኣይሴሰ፤

ኢዚ ሶሎሞን ናዮ ባሴማቲ ኣዚና።

16 ሁሽ ና ባኣናይ ኣሴሬኔ ባኣሎቴ ዳሬ ኣይሴሰ።

17 ፓሩሄ ና ኢዮሳፊጾይ ዩሳኮሪ ዳሬ ኣይሴሰ።

18 ኤላ ና ሺምኤይ ቢኒያሚ ዳሬ ኣይሴሰ።

19 ኡሬ ና ጌቤሪ ጋላኣዳ ቢታን ዲዛ ኣሞሬታ ካዎ ሲሆኔ ዳሬኔ

ባሳኔ ካዎ ኣኔ ዳሬ ኣይሴሰ። ሄ ዳሬታ ኡባ ኣይሲዛይታ ቦላ ኣላፊቴላ ዲዛ

ኢሲ ኣሲ ዳሰ።

ዱራቴላ ኩሚዳ ሶሎሞን ካዎቴላ

20 ዩሁዳ ኣሳ ቆዳይኔ ኢሰራኤሌ ኣሳ ቆዳይ ኣባ ሻሚንታ ማላ ጮራቲዳሰ፤ ኢሰቲ ሚሼኔ ኡዩሼ

ኡፋይሳን ዳኢዳ።

21 ሶሎሞንይ ኤፊራዲሴ ሻፋፔ ደሚዲ ፊሊሰጾሚ ቢታ ጋካናሰ፡ ሄሳፊካ ቦራራ ገብጾ ዛዎ ጋካናሰ ዲዛ ካዎቴላታ ኡባ ሃሪዳሰ፤ ሄ ቢታ ኣሳቲ ኢዛሰ ገራ

ገሪዳ፤ ኢሰቲ ኢዚ ዲዛ ላይላ ኡባን ኢዛሰ ሃሪቲዳ።

22 ሶሎሞንሰ ሃኙ ሃኙ ቁማሰ 50 ኮንታሌ ሙሩታ ጳሌ፡ 100 ኮንታሌ ጳሌ፡

23 ጳኬቴዳ 10 ቦራታ፡ ዩዳ ሚዛ 20 ቦራታ፡ 100 ዶርሳታ፡ ኢሰታ ቦላካ ጮፎሾታ፡ ጋራታ፡ ጌኔሳታኔ ሎኦ ካፎታ ኮሼሰ።

* 4:3 ሺሻ ጌቴቲዛ ኣዳዚ ኣይዲ ዳማ ዳማ ሱንጲን ዳይጌቴሰ። 2ሳሚ 8:17፤ 20:25፤ 2ታሪ 18:16 ዳላ። 4:21 ሚዲ 15:8፤ 2ታሪ 9:26

24 ስሎሞን ደራሲ ሻፋፔ ኣርሼይ ወሊዛ ባጋራ ዲዛ ካዎቲታት ኡባ ቲፊሳ ካታማፔ ደሚዲ ጋዛ ካታማ ጋካናስ ሃሪደስ፤ ባ ዩሾን ዲዛ ኡባ ዳሬታራካ ሳርን ዳኢደስ።

25 ስሎሞን ደራሲ ላይሳ ኡባን ዳኔፔ ቢዲ ቤርሳቤሄ ጋካናስ ዩሁዳ ኣሳይኔ ኢስራኤል ኣሳይ ኡባይ ባ ዎይኔ ቱራ ኩዋኒኔ ባ ኤላ ኩዋን ዎፓን ኡቲዳ።

26 ስሎሞን ጋራ-ጋሬታ ጎቹዛ 40,000 ፓራቲኔ 12,000 ቶጋ ኣሳቲ ዳቲስ።

27 ሄ ዞኔታ ኣይሲዛይቲ ባና ጋኪዳ ኣገናን ታራን ታራን ካዎ ስሎሞን ኢዛ ማዳፌ ማናስ ዩዳ ኣሳስ ኡባስ ኣይኮካ ፓጪሶንታ ሺሹቲስ።

28 ቃሴካ ጋሪ ጎቹዛ ፓራቲኔ ሃንኮ ፓራቲ ባንጋኔ ሃርቆ ኤሂዲ ዎሊዛሶን ዎሌቲስ።

29 ጸሳይ ስሎሞን ኣቶ ኤራቲል፣ ከሂ ገታ ኣከካኔ ዛዎይ ባይንዳ ኤራቲል ኢሚደስ።

30 ስሎሞን ዲዛ ኣቶ ኤራቲል ኣርሼይ ዎኪዛ ባጋራ ዲዛይታ ኣቶ ኤራቲልፊኔ ገብጾታስ ዲዛ ኣቶ ኤራቲል ኡባፊካ ኣዲላ።

31 ኢዚ ኣሳ ኡባፊ ኣቶ ኤራንቻ፤ ቃሴ ኢዚ ኤዚራሄ ኣስ ኤታኔ፣ ማሆላ ናይታፔ ሄማኔ፣ ካልኮሌፔ ዳሪዳፔካ ኣቶ ኤራንቻ፤ ኢዛ ጎባቴላ ኢዛ ዩሾን ዲዛ ካዎቲል ኡባን ሲዩቲደስ።

32 ኢዚ 3,000 ለሚሶታ ሃሳይደስ፤ ቃሴካ 1,005 ዩሳታ ዩደደስ።

33 ስሎሞን ለባናሴ ዚጋፔ ቢዲ ኬላ ገምቤ ቦላ ዎኪዛ ሂሶጾ ማል ጋካናስ ዲዛ ደዛታ ገሻሽ ዮቲደስ፤ ሄሳሳካ ማሄታ፣ ደኣታ፣ ካፎታ፣ ሳኣራ ጎሽቲዛ ማዴቲላታ ገሻሽኔ ዎሌታ ገሻሽ ታማርሲደስ።

34 ኢዛ ኣቶ ኤራቲል ሲዩዳ ሳኣ ካዎታ ኡባፊ ከቲቲዳይቲ ኢዛ ኣቶ ኤራቲል ሲያናስ ዩዳ።

5

ጸሳ ኬል ኬጻና ስሎሞን ገብጾ (2ታሪ 2:1-18)

1 ጸርሴ ካዎ ከራሚይ ዳዊቲራ ባ ዲዛ ላይሳ ኡባን ሲቆን ጋምኢዳ ገሻሽ ስሎሞን ባ ኣዎ ዳዊቲ ሶሆን ካዎታናስ ቲዩቲዳይሳ ሲዩዳ ባ ኣሳንቻታ ስሎሞን ከቲደስ።

2 ስሎሞን ከራሚይ ዛሪዳ፣

3 «ታ ኣዎ ዳዊቲ ቦላ ኡባሶራ ዳንዲዳ ኦላ ጋሶን ጎዳይ ኢዛ ዎርኬታ ኢዛ ቶሆፔ ጋርሳራ ሃሪሳና ጋካናስ ጎዳ ባ ጸሳ ሱንሳስ ኬል ኢዚ ኬጻና ዳንዳዮንታ ኣገዳይሳ ኔ ኤራሳ።

4 ሃኢ ገዲኮ ጎዳ ታ ጸሳይ ታስ ኡባሶራ ሳርቲል ኢሚዳ ገሻሽ ታስ ዎርኬይ ዎይኮ ኢታ ሚሺ ደና።

5 ጎዳይ ታ ኣዎ ዳዊቲስ፣ (ታኒ ኔ ሶሆን ኔ ካዎቲል ኣራታን ካዎላዛ ኔ ናይ ታ ሱንሳስ ኬል ኬጻና) ገዳ ማላ ታኒ ጎዳ ታ ጸሳ ሱንሳስ ጸሳ ኬል ኬጻናስ ቆፓዲስ።

6 ሄሳ ገሻሽ ለባናሴ ዚጋ ታስ ቃንጺዛ ኣሳታ ኣዛዛ፤ ታ ኣሳቲ ኔ ኣሳታራ ኦላና፤ ኔ ኣሳታስ ኔኒ ቃንጾ

ገዳ ዳዎዛ ታኒ ቃንጻና። ሲደና ኣሳ ማላ ማላ ቃንጾ ሂላ ኦ ኣሳይ ኤርንታይሳ ኔኒ ኤራሳ» ገ ከቲደስ።

7 ከራሚይ ስሎሞን ከታዛ ሲዩዳ ኬሂፔ ኡፋዩቲዳ፣ «ሃ ዎልቃማ ዳራ ኣይሳናስ ዳዊቲስ ኣቶ ኤራቲልን ኩሚዳ ና ኢሚዳ ጎዳይ ሃኙ ጋላቲቶ» ገደስ።

8 ሄሳፊ ጉዩ ከራሚይ ስሎሞን፣ «ኔኒ ታስ ከቲዳ ከታይ ታና ጋኪደስ። ኔኒ ኮዩዳይሳ ኡባ ታኒ ኦላና፤ ዚጋ ሙዳላታ* ዲዳ ሙዳላታ ታኒ ኔስ ሺሻና።

9 ታ ኣሳይ ሙዳላታ ለባናሴፔ ዲጌ ኣባ ማታ ጋካናስ ሚያና፤ ታኒካ ኢስታ ቃቻ ጫናዳ ኣባ ቦላራ ቶኬቲዳ ኔኒ ማላቲዳሶ ጋላዳ ታ ቢርሺሳና፤ ኔኒ ሄፔ ኤካዳ ኔ ባጋራ ታ ካዎቲል ኬላን ዲዛ ኣሳስ ሚዛ ካል ዩዳዳ ታ ኣዎ ኩንላ» ገ ከቲደስ።

10 ሄሳላ ኦሊዲ ከራሚይ ስሎሞን ዮዩዳ ከና ዚጋ ሙዳላታኔ ዲዳ ሙዳላታ ኡባ ሺሺደስ።

11 ስሎሞን ካዎ ከራሚ ካዎቲል ኬላን ዲዛ ኣሳታስ ቃላባ ገደና ማላ 20,000 ኮንታሌ ገሰቲኔ ሙሩታ ዎጋራ ዛይቲ 400,000 ለቲሮ ላይላን ላይላን ፓጩይ ባይንዳ ከራሚስ ሺሺስ።

12 ጎዳይ ስሎሞን ኢሚዳ ሂደታ ቃላ ማላ ኢዛስ ኣቶ ኤራቲል ኢሚደስ። ከራሚስ ኦሎኦ ጋይቶቴላ ዲዛ ገሻሽ ባንታ ገደን ጫቂቲዳ።

13 ካዎ ስሎሞን ኢስራኤል ኣሳ ኡባፊ 30,000 ጋባራታ ደሪደስ።

14 ኣደኒራሚ ኢስታ ቦላ ሃላቃ ሂስቲ ሹሚደስ። ጋባራታካ ታሙ ታሙ ሺያን ሻኪ ሄዙ ኬሲደስ፤ ኢሲ ኢሲ ቡቴይ ኢሲ ኣገና ለባናሴን ኦላና ማላኔ ናምኦ ኣገና ባሶን ባሶን ሹምፓና ማላ ታራ ኦይላደስ።

15 ስሎሞን ቶሆ ቶኪዛ 70,000 ኣሳቲኔ ሹኙ ቄሪዛ 80,000 ኣሳቲ ጌዘን ዳቲስ።

16 ቃሴካ ኦሶዛ ኣዎቲልን ካሌቲ ኦሲሲዛ 33,000 ኣላፊቲ ዳቲስ።

17 ኢስቲካ ካዎ ስሎሞን ኣዛዘን ጸሳ ኬላስ ዮኙ ገደና ማላ ዎጋ ሙሩታ ሹቻታ ቄሪዳ ማሲዳ።

18 ኩሼ ሂላቴል ኤሪዛ ስሎሞን ኣሳቲ፣ ከራሚ ኣሳቲኔ ጌባሌ ኣሳቲ ጸሳ ኬላስ ኮሺዛ ሚላኔ ሹኙ ቄሪ ገግሲዳ።

6

ስሎሞን ኬጻዳ ጸሳ ኬል

1 ኢስራኤል ኣሳይ ገብጾ ቢታፊ ኬዚዳ ኦይዳ ጾታኔ ኦስቲን ታማንላ ላይላን ስሎሞን ኢስራኤል ቦላ ካዎቲል ኦይዳንላ ላይላን ዚፊ ጌቲቲዛ ናምኣንላ ኣገናን ጎዳ ኬል ኬጾ ደሚደስ።

2 ስሎሞን ጎዳስ ኬጻዳ ኬላስ ኣዳሳቲላይ 60 ዎቶ፣ ጎምፓይ 20 ዎቶ፣ ቶቃቲላይ 30 ዎቶ።

3 ጸሳ ኬላ ዳራንቻዛ ጎምፓይ 20 ዎቶ ገዲሺን ኢዛስ ኣዳሳቲላይ 10 ዎቶ ካሬ ኬዘስ።

4 ጸሳ ኬላስ ሶ ባጋራ ኣኪዲ ካሬ ባጋራ ጾሚዳ ማስኮቲ ዳቲስ።

5 ጸሳ ኬላ ዩሾን ኡባፊ ዳማቲዳ ገደ ቆልኣ ከፊሌ ጎዳራ ኦይሴዲ ሃራ ከፊሌታ ኬጻደስ፤

6 ፖቄዛስ ጋርሳ ከፊሌዛ ጎምፓይ 5 ዎቶ፣ ቦላ ናምኣንላ ከፊሌዛ ጎምፓይ 6 ዎቶ፣ ቦላ ሄዳንላ

4:26 1ካዎ 10:26፤ 2ታሪ 1:14፤ 9:25 4:31 ማዛ 89 4:32 ለሚ 1:1፤ 10:1፤ 25:1፤ ሲቆ 1:1 5:5 2ሳሚ 7:12-13 * 5:8 ሙዳላ፣ ሙዳላ ኢሲ ኢሲ ባጋ ጋዎላ ቃላን ጨልላ ዎይኮ ጨኬል ጌቲቲስ። 5:14 1ካዎ 12:18

ኪፊሌዛ ጎምጋይ 7 ዋቋ፤ እይኮይካ ጸሳ ኬላ ገምቤዛ ካንላ ጌሎንታ ማላ ኢዛ ዩሾን ካሬ ባጋራ ኬላታ ኬሊደስ።

7 ጸሳ ኬላዚ ገምቤቲዳ ሹቻቲ ማሰቲ ገዢደይ ሄን ባ ዲዛሶን ገዲዳ ገሻስ ጸሳ ኬላይ ኬጸቲሺን ናሪቃ ገሪሲ፣ ካልታ ገሪሲ ዋይኮ ሃራ ቢራታታ ገሪሲ ጸሳ ኬላ ሄራን ሰቲቲቤና።

8 ፖቄዛስ ጋርሳ ኪፊሌዛ ጌሊዛ ፔንጌይ ጸሳ ኬላፊ ዲጌሃ ባጋራ ደስ፤ ሄፔ ፑዳ ናምኣንሶ ፖቄዛኔ ሄቫንሶ ፖቄዛ ባናስ ዩቋ ዩቋ ኬዚዛ ኬቺ ደስ።

9 ሃሳሎ ኦሊዲ ሶሎሞኔይ ኬላ ኬጸ ፖሊደስ፤ ሂሰቲዲ ካራዛ ሶ ባጋራ ዚጋ ሳንቃን ካሚደስ።

10 ቃሴ ጸሳ ኬላ ዩሾን ኢስታሰ ቋቃቲላይ ኢቻሹ ኢቻሹ ዋቋ ገዲዳ ኪፊሌታ ኬጸደስ፤ ሂሰቲዲ ጸሳ ኬላ ጎዳራ ዚጋ ሳንቃን ኦይሴሊደስ።

11 ጎዳ ቃላይ ሶሎሞኔኮ ዩደስ፤

12 ሂሰቲዲ፣ «ሃይሳ ኔኒ ኬጸደዳ ጸሳ ኬላን ታ ዋጋ፣ ታ ኣዛዘኔ ማራ ኔ ናገኮ ታኒ ኔ ኣዎ ዳዊቲስ ኢሚዳ ሂደታ ቃላ ኔ ባጋራ ፖላና።

13 ሂሰታዳ ታኒ ኢስራኤሌ ኣሳ ገደን ዳኣና፤ ታኒ ታ ደራ ኢስራኤሌ ዩጋ ኣገኬ» ገደስ።

(2ታሪ 3:8-14)

14 ሶሎሞኔይ ጸሳ ኬላ ኬጸ ገዢደስ።

15 ጸሳ ኬላ ጎዳ ሶ ባጋራ ዚጋ ሳንቃን ካሚደስ፤ ወይጌዛ ቃሴ ጸዳ ሳንቃፊ ኦሊደስ።

16 ጸሳ ኬላ ገደን ጉዬ ባጋራ 20 ዋቋዚ ኡባፊ ዲማቲዳ ገደ ቆልኣ ገደና ማላ ወይጌፔ ቢዲ ካራ ጋካናስ ዚጋ ሳንቃን ጎርዲደስ።

17 ሄ ኡባፊ ዲማቲዳ ገደ ቆልኣፊ ሲንሳ ባጋራ ዲዛ ወይጌዛስ ኣዲሳቲላይ 40 ዋቋ።

18 ጸሳ ኬላስ ሶ ባጋይ ፑቋዛ ጨሻታኒኔ ጨሻታ ሚሰሌን ኣሌቁቲደስ፤ ገደ ባጋራ ዚጋ ሳንቃን ካሚቲዳ ገሻስ ሙሌካ ገምቤ ሹቺ ቤቲና።

19 ሶሎሞኔይ ጫቆ ታቦታ ዋላናስ ኡባፊ ዲማቲዳ ገደ ቆልኣ ገሻሲደስ።

20 ኡባፊ ዲማቲዳ ገደ ቆልኣ ኣዲሳቲላይ 20 ዋቋ፣ ጎምጋይ 20 ዋቋ፣ ቋቃቲላይ 20 ዋቋ።

ሶሎሞኔይ ሄ ኡባፊ ዲማቲዳ ገደ ቆልኣስ ሶ ባጋ ሙሩታ ዋርቃን ሚሸደስ፤ ዚጋፔ ኦሴቲዳ ያርሾ ያርሽዛሶዛካ ዋርቃን ሚሸደስ።

21 ሶሎሞኔይ ጸሳ ኬላስ ገደ ባጋዛ ሙሩታ ዋርቃን ሚሸደስ፤ ዋርቃን ሚሸቲዳ ኡባፊ ዲማቲዳ ገደ ቆልኣስ ሲንሳ ባጋራ ዋርቃ ሳንሳላታን ኣሌቁሲደስ።

22 ሂሰቲዲ ኬላስ ሶ ገደዛ ዋርቃን ሚሸደስ፤ ሃሳሎካ ኡባፊ ዲማቲዳ ገደ ቆልኣዛን ዲዛ ያርሾሶዛ ሙሩታ ዋርቃን ሚሸደስ። *

23 ኡባፊ ዲማቲዳ ገደ ቆልኣዛን ዋላናስ ኢሳስ ኢሳስ ጌሳይ 10 ዋቋ ገዲዛ ናምኡ ኪሩቤ ሚሰሌታ ዋጋራ ሚላፊ ማሲዲ ገሻሲደስ።

24 ኮይሮ ኪሩቤዛ ቁፊይ ኢሶይ ኢቻሹ ዋቋ፤ ናምኣንሶዚ ኢቻሹ ዋቋ፤ ኮይሮ ቁፊ ዪራፔ ቢዲ ናምኣንሶ ቁፊዛ ዪራ ጋካናስ ታሙ ዋቋ።

25 ናምኣንሶ ኪሩቤዛ ቁፊይካ ታሙ ዋቋ፤ ናምኡ ኪሩቤታ ሚላይኔ ጉባይ ኢሲ ገና።

26 ኢሲ ኢሲ ኪሩቤ ጌሳይ ታሙ ዋቋ።

27 ሶሎሞኔይ ጸሳ ኬላን ዲዛ ኡባፊ ዲማቲዳ ገደ ቆልኣን ኪሩቤታ ዋሊደስ፤ ኢስታ ቁፊይ ሚጨቲ ኡቲደስ፤ ኢሲ ኪሩቤዛ ቁፊይ ኢሲ ባጋ ጎዳ ቦቺሺን ሃንኮ ኪሩቤዛ ቁፊይ ሃንኮ ባጋ ጎዳ ቦቺሺ፤ ኢስታ ናምኣታ ቁፊይ ሶ ገደን ኢሶይ ኢሳራ ጋይቲስ።

28 ሶሎሞኔይ ኪሩቤታካ ዋርቃን ሚሸደስ።

29 ኡባፊ ዲማቲዳ ገደ ቆልኣዛ ሶ ባጋራኔ ካሬ ባጋራ ጎዳ ኪሩቤ ሚሰሌታን፣ ኣምባ ሚሰሌታኒኔ ጨሻ ሚሰሌታን ኣሌቁሲደስ።

30 ቃሴካ ኡባፊ ዲማቲዳ ገደ ቆልኣዛኔ ጸሳ ኬላ ወይጌዛ ኡባ ዋርቃን ሚሸደስ።

31 ኡባፊ ዲማቲዳ ገደ ቆልኣ ጌሊዛሶዛስ ፔንጌዛ ዋጋራ ሚላፊ ሳንቃታ ገሻሲደስ፤ ቆሲላላታሲኔ ቆሬታስ ኢቻሹ ዘዜይ ደስ።

32 ዋጋራ ሚላፊ ኦሴቲዳ ናምኡ ሳንቃታ ኪሩቤ ሚሰሌታን፣ ኣምባታ ሚሰሌታኒኔ ጨሻ ሚሰሌታን ኣሌቁሲደስ፤ ሃይታ ኡባ ዋርቃን ሚሸደስ።

33 ሃሳሎካ ጸሳ ኬላ ጌሊዛሶ ፔንጌዛን ዋጋራፔ ኦሴቲዳ ኦይዱ ዘዜራ ዲዛ ቆሲላላ ኤሲደስ።

34 ናምኡ ናምኡ ሳንቃቲ ማጻፋን ኢሲ ቦላ ኦይኬቲዳ ናምኡ ሳንቃታ ገሻሲደስ።

35 ኢስታ ቦላ ኪሩቤ ሚሰሌታ፣ ኣምባ ሚሰሌታኔ ጨሻ ሚሰሌታ ሚላይደስ፤ ሄ ሚሰሌታ ሙሩታ ዋርቃን ሚሸደስ።

36 ጸሳ ኬላን ገደ ወይጌን ማሰቲዳ ሹቻ ሄቭ ማራን ሊጨደስ፤ ቃሴ ኢሲ ማራን ዚጋ ሳንቃ ሊጨደስ።

37 ሶሎሞኔይ ካዎቲዳ ኦይዳንሶ ላይላን፣ ዚፊ ጌቲቲዛ ናምኣንሶ ኣገናን ጎዳ ኬላ ዮቺ ዩጌቲደስ።

38 ሶሎሞኔይ ካዎቲዳ ታማኔ ኢሲንሳ ላይላን፣ ቡሌ ጌቲቲዛ ኦስፑንሳ ኣገናን ጸሳ ኬላይ ካሴ ኬጸናስ ቆፒዳ ማላ ኬጸቲ ገዢደስ፤ ሶሎሞኔይ ጸሳ ኬላ ላፑን ላይላን ኬጸ ከንሳደስ።

7

ሶሎሞኔይ ኬጸዳ ካዎ ኬላ

1 ሶሎሞኔይ ባ ኬላ ኬጸ ገጋናስ 13 ላይላ ኤኪደስ።

2 ሊባናሴ ዋራ ጌቲቲዛ ካዎቲላ ኬላ ኬጸደስ፤ ሄ ኬላስ ኣዲሳቲላይ 100 ዋቋ፣ ጎምጋይ 50 ዋቋ ጌሳይ 30 ዋቋ፤ ኦይዱ ማራን ኤቁዳ ዚጋ ቱሳቲ ቱቁ ኦይኪዳ ዚጋፔ ኦሴቲዳ ዘንጋልላቲ* ዳቲስ።

3 ቱሳቲ ቶኪ ኦይኪዛ ጌዴ ዋቋዛ ሚላቲ ዳቲስ፤ ኢሲ ማራ ቦላ 15 ዘንጋልላቲ ዳቲስ፤ ሄይቲ ኢሲ ቦላ ኦይዱ ታማኔ ኢቻሻ። ሄ ዘንጋልላታፔ ቦላራ ካራ ካሚዛ ዚጋ ሳንቃቲ ዳቲስ።

4 ሄ ኬላ ማሰኮቲቲ ሄቭ ማራን ቋቁ ገ ኦሴቲዳ፤ ኢስቲ ኢሶይ ኢሳራ ገናን ዳቲስ።

5 ፔንጌታሲኔ ማሰኮቲታስ ኦይዱ ዘዜራ ዲዛ ቆሲላላቲ ዳቲስ፤ ማሰኮቲቲ ሄቭ ማራን ኦሴቲዳ፤ ኢስቲ ኢሶይ ኢሳራ ገናን ዳቲስ።

6 ሶሎሞኔይ ዳር ቱሳታራ ዲዛ ኬላ ጌቲቲዛ ኬላ ኬጸደስ፤ ሄ ኬላስ ኣዲሳቲላይ 50 ዋቋ፣ ጎምጋይ 30 ዋቋ፤ ሲንሳ ባጋራ ቱሳን ኡቲዳ ካራይ ዲዛ ኣሲ ሲሜሬቲዛ ዳራንቻይ ደስ።

6:16 ኬላ 26:33-34 * 6:22 ሃ ያርሾሶዛ ኤጻኔ ጨዋሲዛሶ። ዘንጋልላ ገዛይሳ ኢሲ ኢሲ ባጋ ጋምሶ ቃላን ጸርባ ጌቲቲስ።

6:22 ኬላ 30:1-3 6:28 ኬላ 25:18-20 * 7:2 ዘንጋልላ።

7 ቃሴ ኢዚ ፐርዳ ፐርዳናሰ ኡቲዛ ሺሎታ ኬል ኬዲዳሰ፤ ሄ ኬላይ ወይጌፕ ቢዲ ካራ ጋካናሰ ዚጋ ሳንቃን ጎርዳቲዳሰ።

8 ፐርዳ ኬላፌ ጉዬ ባጋራ ዲዛ ዛጎን ካዎቲላ ኬላ ባሰ ዳናሰ ሃንኮ ኬላ ማላ ኦሊ ኬዲዳሰ፤ ሶሎሞኔይ ባ ማቸ ፓርኔ ናዩሰ ሄሳ ማላ ካዎቲላ ኬላ ኬዲ ኢሚዳሰ።

9 ሄ ኬላቲ ኡባይ ካሬፔ ቢዲ ጌታ ዛጎን ጋካናሰ፤ ዮቻፌ ቢዲ ካራ ጋካናሰ ጌናን ጌናን ቃንጾቲ ማሴቲዳ ሹቻታን ኬዳቲዳ።

10 ዮቻዚካ ዎዲዳይ 10 ዎዳኒኔ 8 ዎዳን ሎኢ ማሴቲዳ ጌታ ሹቻታና።

11 ኢዛፔ ቦላ ባጋራ ሚጸን ሚጸን ማሴቲዳ ሎኦ ሹቻቲኔ ዚጋ ሳንቃቲ ዳቲሰ።

12 ጸሳ ኬላ ወይጌይ ያኔ ሃ ሲሜሬቲዛ ዳራንቻራ ጉጂን ጌታ ዛጎን ማላ ሎኢ ማሴቲዳ ሄቭ ዩሾ ሹቻን፣ ኢሲ ዩሾ ዚጋ ሳንቃን ጌምቤቲዳሰ።

ኪራሜ ኦሶ

13 ካዎ ሶሎሞኔይ ከቲዲ ኪራሜ ጌቲቲዛ ኣሰ ጸርሴ ካታማፔ ኤሂሲዳሰ።

14 ኒፍታሊሜ ቆሞሬ ጌዲዳ ኪራሜ ኣያ ኣምኦ፤ ኢዛ ኣዋይ ጸርሴ ኣሳ፤ ጸርቂማላ ኦሶንካ ኤሬቲዳ ሂላንቻ፤ ኪራሜይ ጸርቂማላ ቆጶዲ ሂላቲላ ዲዛ ኣሳ፤ ኢዚ ጸርቂማላፔ ቆጶዲ ኬሲዛ ኦሶ ኡባን ኣኬካን፣ ኤራቲላኒኔ ሂላቲላን ኬሂ ሎሂዳ ኣሳ፤ ኢዚካ ካዎ ሶሎሞኔይ ዩዲ ባሰ ኢሜቲዳ ኦሶ ኡባ ኦሊዳሰ።

15 ኪራሜይ ኢሲ ኢሲ ጌሳይ 18 ዎዳ፣ ዩዩ ኣዳናሰ ኦርዳቲላይ 12 ዎዳ ጌዲዳ ናምኡ ጸርቂማላ ቱሳታ ኦሊዳሰ።

16 ሂሳላካ ቱሳታ ጶራን ዎላናሰ ናምኡ ቁሰቲታ ጸርቂማላፔ ሴሪሲዲ ኦሊዳሰ፤ ኢሲ ኢሲ ቁሰቲይ ኢቻሽ ዎዳ ኣዲቁሰ።

17 ቱሳ ሁኤን ዲዛ ቁሰቲታሰ ኣሌቆ ጌዳና ማላ ኢሲ ቁሰቲሰ ጌቲ ሚሳቲዛ ሳፑን ሳንሳላታ ኦሊዳሰ።

18 ቱሳታ ቦላ ዲዛ ቁሰቲታ ኣሌቁሳናሰ ኢሲ ኢሲ ጌቲ ሳንሳላታ ዩሾን ናምኡ ማራን ኦርማኔታ ኦሲሲዳሰ፤ ናምኡ ቁሰቲታሰካ ሂሳላ ኦሊዳሰ።

19 ዳራንቻን ኤቁዳ ቱሳታ ሁኤን ዲዛ ቁሰቲታ ኣዲሳቲላይ 4 ዎዳ፤ ኢሰታ ቦላ ሱፊ ጨሽ ሚሳቲዛ ጨሽ ዳሰ።

20 ናምኡ ቱሳታ ሁኤ ቦላ ዲዛ ጌቲ ሳንሳላታታፔ ካሊዲ ዲዛ ኤቭይ ኡቲዳሶሆፔ ቦላ ባጋራ 200 ኦርማኔ ቲራ ሚሰሌቲ ናምኡ ማራን ዩዩ ኣዲ ዳቲሰ።

21 ኪራሜይ ሄ ናምኡ ቱሳታ ሄ ሃ ሲሜሬቲዛሶን ጸሳ ኬላ ዳራንቻን ኤሲዳሰ፤ ዲጌሃ ባጋራ ኤሲዳ ቱሳ ያከኔ †፣ ፑዴሃ ባጋራ ኤሲዳይሳ ቦኤዜ † ጌ ሱንላዳሰ።

22 ቱሳታ ሁኤን ዲዛ ቁሰቲቲ ሱፊ ጨሽ ሚሳቲቲሰ፤ ሄሳ ማላን ቱሳታ ኦሶይ ፖሌቲዳሰ።

ጸርቂማላፔ ኦሴቲዳ ጌታ ጋባቲ (2ታሪ 4:2-5)

23 ኪራሜይ ኢዛሰ ሜዳይ ኤቭ ማላ ጌታ ጋባቲ ጸርቂማላፔ ሴሪሲ ሜዲዳሰ፤ ሄ ጌታ ጋባቲዛ ዳናይ ሃ ጋጸፔ ያ ጋጸ ጋካናሰ 10 ዎዳ፤ ጌሳይ 5 ዎዳ፤ ዩዩ ኣዳናሰ ቃሴ 30 ዎዳ።

24 ጌታ ጎንጌዛ ዳናን ካሬ ባጋራ ዚቁ ጌዲ ኢዛራ ኦይኬቲ ሜዲቲዳ ጎሴ ሚሰሌቲ ዳቲሰ፤ ሄ ሚሰሌቲ ናምኡ ማራን ኢሲ ኢሲ ዎዳን ታማይ ታማይ ዩዩ ኣዳናሰ ሹዬቲዳሰ።

25 ሄ ጌታ ጋባቲይ ጸርቂማላፔ ሜዲቲዳ 12 ቦራ ሚሰሌታ ዘኮን ኡቲዳሰ፤ ቦራታ ሚሰሌታፔ ሄቭቲ ፑዴሃ ባጋ፣ ሄቭቲ ኣርሼይ ወሊዛ ባጋ፣ ሄቭቲ ዲጌሃ ባጋ፣ ሄቭቲ ቃሴ ኣርሼይ ሞኪዛ ባጋ ሲሚ ኡቲዳ፤ ጌታ ጋባቲዚ ኢሰታ ቦላ ኡቲዳሰ፤ ኢሰታሰ ጉዬ ባጋይ ጌዲ ሲሚ ኡቲዳሰ።

26 ሄ ጌታ ጎንጌዛሰ ኦርዳቲላይ ኩሼ ቃኣ ሊኬ፤ ኢዛ ዳናይ ጨሻ ሚሳቲዲ ዎንጫ ሚሳቲሰ፤ ሄ ጌታ ጋባቲዚ 40,000 ሊቲሮ ጌዲዛ ሃላ ኦይኬሰ።

ጸርቂማላፔ ኦሴቲዳ ጋሬታ

27 ኪራሜይ ቃሴ ዲማ ዲማ ሚሻታ ዎሊዛ ታሙ ጋሬታ ጸርቂማላፔ ሜዲዳሰ፤ ሄ ጋሬታሰ ኢሳሰ ኢሳሰ ኣዲሳቲላይ 4 ዎዳ፣ ጎምፓይ 4 ዎዳ፣ ጌሳይ 3 ዎዳ።

28 ሄ ጋሬቲ ሃሳላ ኦሴቲዳ፤ ፑዴ ኤቁዳ ኦይዲ ቢራታታ ቦላ ፒዲ ጌዲ ሎቻ ጸርቂማላቲ ኦይኬቲ ኡቲዳ።

29 ሄ ጸርቂማላታ ቦላ ጋሞታ፣ ቦራታኔ ኪራቤታ ሚሳቲሲዲ ሜዲዳ ሚሰሌቲ ዳቲሰ፤ ጋሞታ ሚሰሌታፔፔ ቦራታ ሚሰሌታፔ ቦላ ባጋራኔ ጋርሳ ባጋራ ቆጶቲ ጊጌዳ ጨሻ ኤንጨርሳ ሚሰሌቲ ዳቲሰ።

30 ሚሻታ ኢሰታ ቦላ ዎሊዛ ጸርቂማላፔ ኦሴቲዳ ኦይዲ ጋሬቲ ዳቲሰ፤ ሄ ጋሬቲ ጌንዴራና ማላ ኦይኪዳ ማርጮቲ ዳቲሰ፤ ሃሳላካ ኦይዲ ባጋራ ሜቻ ጎንጌይ ኢሰታ ቦላ ኡቲዛ ጸርቂማላፔ ኦሴቲዳ ጨሻ ኤንጨርሳታን ኣሌቁቲ ኡቲዳ።

31 ሚቻ ጎንጌዛ ቆጶ ጌሳይ ኢሲ ታዳኮ፤ ቃሴ ጎንጌዛ ጌሳይ ኢሲ ዎዳ ማላ፤ ኢዚካ ኤቭ ማላ፤ ጎንጌዛ ቆጶይ ሚሰሌታን ኣሌቁቲ ኡቲዳሰ፤ ኢዛ ቶኪ ኦይኪዳ ኦይዲ ጉላይ ዳሰ ኣቲን ኤቭ ዳና።

32 ኦይዲ ጋሬታሰ ኢሳሰ ኢሳሰ ጌሳይ ኢሲ ዎዳኔ ባጋ፤ ሄ ጋሬቲ ሎቻ ጸርቂማላፔ ጋርሳ ባጋራ ዳቲሰ፤ ጋሬቲ ኢሰታ ቦላ ሚሼ ዎሊዛሰታራ ኢሲፊ ማርጮን ኦይኬቲ ኡቲዳ።

33 ጋሬቲ ኦላ ፓራ-ጋሬ ሚሳቲቲሰ፤ ጋሬታ ኢሲ ቦላ ጋሊ ዎጶዲ ማርጮቲ፣ ቻርኬቲኔ ታጎቲ ኡባይካ ጸርቂማላፔ ኦሴቲዳ።

34 ሄ ጋሬታ ኡባ ዘዜታሰካ ኢሰታ ቶሆሶራ ቶሆሶራ ኢሰታራ ኢሲኖ ጌዲ ኦይኬቲዲ ጸርቂማላፔ ሜዲቲዳ ዜምፖቲ ዳቲሰ።

35 ኢሲ ኢሲ ጋሬዛ ሁኤ ዩሾን ኢዛሰ ጌሳይ ኢሲ ዎዳሰ ባጋ ፒሪሜይ ዳሰ፤ ዜምፖቲኔ ሎቻ ጸርቂማላቲ ጋሬዛራ ኦይኬቲ ኢሲኖ ጌዲ ኦሴቲዳ።

36 ሃ ዜምፖታፔፔ ሎቻ ጸርቂማላታፔ ጌዲ ዲዛ ሃንኮ ኣቲዳ ሶሆቲ ኡባይ ኪራቤታን፣ ጋሞታኒኔ ዛምባታ ሚሰሌታን ኣሌቁቲ ኡቲዳ፤ ቃሴ ኢሰታ ዩሾይ ጨሻ ኤንጨርሳ ሚሰሌን ኣሌቁቲ ኡቲዳሰ።

37 ታሙ ጋሬቲካ ሃሳላ ኦሴቲዳ፤ ኢሰቲ ሴሪዲ ሜዲቲዳ ሚሻይ ኢሲኖ ጌዲዳ ጊሻሰ ኢሰታ ጌሳይኔ ሜዳይ ኢሲ ማላ።

38 ኪራሜይ ታሙ ሚቻ ጎንጌታ ጸርቂማላፔ ሜዲዳሰ፤ ኢሲ ኢሲ ጎንጌ ጎምፓይ 4 ዎዳ ጌዲዲ፣

7:8 1ካዎ 3:1 † 7:21 ያከኔ፣ ያከኔ ጉሲ ኢብራዊታ ቃላራ ጸሳይ ኤሴሰ ጉሳ። ‡ 7:21 ቦኤዜ ጉሲ ኢብራዊታ ቃላራ ጸሳ ዎላቃን ጉሳ። 7:38 ኬሳ 30:17-21

880 ለቲሮ ሃላ ኦይኬስ፤ 10 ጋሬታስ ሁኔን ሁኔን ኢሲ ኢሲ ማቻ ጎንጌይ ዳስ።

39 ኪራሜይ ኢቻሽ ጋሬታ ጸሳ ኬላስ ፑዳሃ ባጋራ፣ ኢቻሻታ ቃሴ ጸሳ ኬላስ ዲጌሃ ባጋራ ዋሊዳስ፤ ቃሴ ጸርቁማላፕ ኦሴቲዳ ጊታ ጋባቲዛ ጸሳ ኬላፌ ዲጌሃ ባጋራ ኣርሼይ ሞኪዛ ባጋራ ጉላ ቦላ ኤሲዳስ።

ጸሳ ኬላ ሚሻታ
(2ታሪ 4:11—5:1)

40 ቃሴ ኪራሜይ ጸርታ፣ ቃጴታኔ ዲስቲታ ሜዲዳስ፤ ሂስቲዲ ካዎ ሶሎሞኔስ ጎዳ ኬላ ኦሶታ ሃይሳፌ ካሊዛይሳ ማላ ኦሊ ፖሊዳስ።

41 ሃይቲካ ናምኡ ቱሳታ፤
ሂ ቱሳታ ሁኔ ቦላ ዋሊዛ
ኤቸ ማላ ኦሴቲዳ
ናምኡ ቁስቲታ፣
ቱሳታ ቦላ ዲዛ
ቁስቲታ ኣሌቁሲዛ
ናምኡ ጊቲ ማላ ሳንሳላታታ፣

42 ቁስቲታ ቦላኔ ቱሳታ ቦላ ናምኡ ማራን ኦሴቲዳ ጊቲ ማላ ሳንሳላታታ፣

ኣሌቁሲዛ 400 ኦሮማኔ
ቴራ ሚስሌታ፣
43 ታሙ ጋሬታ፣

ታሙ ማቻ ጎንጌታ፣

44 ጊታ ጎንጌዛኔ

ኢዛ ቶኪዳ 12 ቦራ ሚስሌታ፣

45 ጸርታ፣ ቃጴታኔ ዲስቲታ።

ኪራሜይ ካዎ ሶሎሞኔይ ጎዳ ኬላ ኦሶስ ጎኤታና ማላ ሃ ሚሻታ ኡባ ቁጩቲዲ ጸልቁዛ ጸርቁማላፕ ኦሊዳስ።

46 ካዎ ሶሎሞኔይ ሱኮቴፔኔ ጸርታኔፕ ጊደን ዮርዳኖሴ ዳምባን ዴኢዛ ጸርቁማላ ሴሪሲዛሶን ሃይታ ኡባ ኦሲሲዳስ።

47 ጸርቁማላፕ ሜዴቲዳ ሃ ሚሻይ ኡባይ ኬሂ ዳሮ ጊዲዳ ጊሻሰ ሶሎሞኔይ ኢዛ ማዛኒሲቤና፤ ሄሳ ጊሻሰ ሃ ሜዴቲዳ ሚሻቲ ኣይ ኬና ዳጶኮ ኤሬቲቤና።

48 ቃሴካ ሶሎሞኔይ ጎዳ ኬላ ጊደን ጎኤታና ማላ ኦሲሲዳ ሚሻቲ ኡባይ ሃይሳፌ ካሊዛይታ። ዋርቃፌ ኦሴቲዳ ያርሾ ያርሽዛሶ፣ ጎዳ ሲንሳን ዋሊዛ ኡኬላቲ ኡቲዛ ዋርቃ ጸራጸዛ፣

49 ኡባፌ ዲማቲዳ ጊደ ቆልኣፌ ሲንሳን ኢቻሻቲ፣ ኡሻቻ ባጋራ ኢቻሻቲ፣ ሃዲርሳ ባጋራ ኤቁዳ ዋርቃፌ ኦሴቲዳ ጸምፔ ዋሊዛ ባላታ፣ ጨሻታ፣ ጸምፔታኔ ቃጴታ፣

50 ጸኣታ፣ ጸምፔ ቶይሲዩዛይታ፣ ጸርታ፣ ኤጻኔ ኢስታ ቦላ ጨዋሲዛይታ፣ ታማ ኤኪዛ ሚሻታኔ፣ ኡባፌ ዲማቲዳ ጊደ ቆልኣ ፔንጌታሲኔ ጸሳ ኬላ ፔንጌታሰ ጊዲዛ ማጻፋታ። ሃ ሚሻቲ ኡባይ ዋርቃፌ ኦሴቲዳ።

51 ካዎ ሶሎሞኔይ ጎዳ ኬላ ኦሶ ኡባ ፖሊዳፕ ጉዬ ኢዛ ኣዎ ዳዊቲ ጎዳስ ዲማሲ ዋሊዳ ቢራ፣ ዋርቃኔ ሃራ ሚሻታካ ኡባ ኤሂዲ ጸሳ ኬላ ሚሽ ሚንጂዛሶን ዋሊዳስ።

8

ታቦታዛ ጸሳ ኬላ ጌልላ
(2ታሪ 5:2—6:2)

1 ሄሳፌ ጉዬ ካዎ ሶሎሞኔይ ታቦታዛ ዳዊቲ ካታማ ጸዮኔፔ ኬሲዲ ጸሳ ኬላ ኤሃናሰ ኢሰራኤሌ ጨማታ፣ ኮራፕኔታኔ ኢሰራኤሌ ኬላ ኣሳ ሃላቃታ ባ ዲዛሶ ዩሩሳላሚ ካታማ ሺሺዳስ።

2 ኤታኒሚ ጌቲቲዛ ላፑንሳ ኣገናን ዳሴ ባኣሌይ ቦንቹቲዛ ዋዴ ኢሰራኤሌ ኣቲማ ኣሳይ ኡባይ ካዎ ሶሎሞኔኮ ሸቂዳስ።

3 ኢሰራኤሌ ጨማቲ ኡባይ ሸቂን ቁሴቲ ታቦታዛ ዳንሊ ቶኪዳ።

4 ሌዌቲኔ ቁሴቲ ታቦታ፣ ዲንካኔዛኔ ኢዛ ጊደን ዲዛ ጌሻ ሚሻታ ኡባ ቶኪዲ ኤሂዳ።

5 ካዎ ሶሎሞኔይኔ ኢዛራ ዲዛ ኢሰራኤሌ ኣሳይ ኩሚላ ታቦታ ሲንሳን ሸቂዲ ቆዳናሰ ዳንዳዬቶንታ ጮራ ደርሳታኔ ቦራታ ያርሺዳ።

6 ሄሳፌ ጉዬ ቁሴቲ ታቦታ ጸሳ ኬላ ጊደን ዲዛ ኡባፌ ዲማቲዳ ጊደ ቆልኣን ኪሩቤ ሚስሌታ ቁፌታፕ ጋርሳ ባጋራ ዋሊዳ።

7 ሚጨቲ ኡቲዳ ኪሩቤታ ቁፌቲ ታቦታኔ ታቦታ ቶኪዛ ሚላ ካሚዳ።

8 ቶሆ ሚላቲ ኬሂፔ ኣዲሳ ጊዲዳ ጊሻሰ ኢስታ ጸራይ ኡባፌ ዲማቲዳ ጊደ ቆልኣፌ ሲንሳ ባጋራ ዲሼ ቤቴቲስ፤ ጊደ ኣቲን ኡባፌ ዲማቲዳ ጊደ ቆልኣስ ሲንሳ ባጋራ ጊደንታ ሃራ ባጋራ ዲዛይታስ ቤቴቲና፤ ኢስቲ ሃኖ ጋካናሰ ሂን ዴቲስ።

9 ኢሰራኤሌ ኣሳይ ጊብጶ ቢታፌ ኬዚዳ ዋዴ ጎዳይ ኢስታራ ጨቁቲዳ ሲና ዙማ ቦላ ሙሴይ ታቦታ ጊደን ዋሊዳ ማሴቲዳ ናምኡ ሹቻታፕ ኣቲን ሃራይ ኣይኮ ሚሸካ ባዎ።

10 ቁሴቲ ጌሻሶዛፔ ኬዚን ሻራይ ጎዳ ኬላ ኩሚ ኡቲዳስ።

11 ሄ ሻራ ጊደን ዲዛ ጸሳ ቦንቹይ ሶሆዛ ኩሚዳ ጊሻሰ ቁሴቲ ባንታ ኦሶ ኣላናሰ ዳንዳይቤቴና።

ሶሎሞኔ ዋሳ

12 ሄሳፌ ጉዬ ሶሎሞኔይ፣ «ኣቤት ጎዳዉ፣ ኔኔ፣ ታኒ ቆማ ሻራን ዳኣና፣ ጋዳሳ።

13 ሄኮ ታኒ ኔኒ ኢዛን ሚርናሰ ዳኣና ማላ ጊታ ኬላ ኬጸዲሰ» ጊ ዋሲዳስ።

ሶሎሞኔይ ዴራስ ሃሳይዳ ሃሳያ
(2ታሪ 6:3-11)

14 ኢሰራኤሌ ኣሰ ኡባይ ዲላታን ኩሚ ኤቁዲሺን ካዎይ ኢስታኮ ሲሚዲ፣

15 «ጎዳ ኢሰራኤሌ ጸሳይ ጋላቲቶ! ታ ኣዎ ዳዊቲስ ባ ደናን ዮቲዳ ሂደታ ቃላ ባ ኩሼን ፖሊዳስ፤ ሄ ኢዚ ኢሚዳ ሂደታይ፣

16 ታ ዴራ ኢሰራኤሌ ታኒ ጊብጶ ቢታፌ ኬሲዳ ጋላሳፌ ደሚን ታ ሰንሳይ ኢዛን ጸይጌታና ማላ ጸሳ ኬላ ኬጸናሰ ኢሰራኤሌ ቆሞታ ካታማታፕ ኢሳካ ደራቤኬ፤ ጊደ ኣቲን ታ ዴራ ኢሰራኤሌ ካሌላና ማላ ዳዊቲ ደራዲሰ» ጌሰ።

7:48 ኬሳ 25:23-30፤ 30:1-3 7:49 ኬሳ 25:31-40 7:51 2ሳሜ 8:11፤ 1ታሪ 18:11 8:1 2ሳሜ 6:12-16፤ 1ታሪ 15:25-29
8:2 ለዌ 23:24 8:9 ዛሬ 10:5 8:11 ኬሳ 40:34-35 8:12 ማዛ 18:11፤ 97:2 8:16 2ሳሜ 7:4-11፤ 1ታሪ 17:3-10
8:18 2ሳሜ 7:1-3፤ 1ታሪ 17:1-2

51 ጋሶይካ ኢስቲ ቢራታ ሴሪሲዛ ኢቶኔ ታማ ማላ ጊዲዳ ገብጾ ቢታፊ ኔኒ ኔስ ሻካ ኬሲዳ ኔ ዳሬታኔ ኔ ጸንጾታ።

52 «ታኒ ኔ አሽካራይኔ ኔ ዳሬ ኢሰራኤሌይ ሸቢዛይሳ ኔ አይፊይ ጸሎ፤ ቃሴ ኢስቲ ዋሲዛ ዎዴ አይዳካ ኔኒ ኢስታ ዋሶ አላ።

53 አቤት ጎዳወ፣ ታ ጸሳወ! ኔኒ ኔ አዋታ ገብጾፕ ኬሲዳ ዎዴ ኔ አሽካራ ሙሴ ባጋራ ዮቲዳ ማላ ኢስታ ኔኒ ሳኣን ዲዛ ካዎቲሳታ ኡባ ጊደፊ ኔስ ጸንጾ ጊዳና ማላ ዲማሳዳሳ» ጊዲ ዎሲዳሰ።

ኩሻ ዎሳ

54 ሶሎሞኔይ ዎሳኔ ሸቤላ ጎዳኮ ሸሺዳፕ ጉዬ ባ ኩሼ ፑዴ ሳሎ ዴንጲዲ ያርሾ ያርሸዛሶ ሲንላን ጉልባቲዳሶፕ ዴንዲ ኤቁዴሰ።

55 ኩሜላ ኢሰራኤሌ ዲላታ ዳራ ኡባሰ ባ ቃላ ቶቁ ሂሰቲዲ፣

56 «ኢዚ ካሴ ኢሚዳ ሂደታ ቃላ ማላ ባ ዳሬ ኢሰራኤሌሰ ሸዎፕ ኢሚዳ ጎዳሰ ጋላታይ ጊደ፤ ኢዚ ባ አሽካራ ሙሴ ባጋራ ኢሚዳ ሂደታ ቃላ ኡባ ፖሊዴሰ።

57 ጎዳ ኔ ጸሳይ ካሴ ኔ አዋታራ ዲዛ ማላ ኡራራካ ዳይ፤ ኢዚ ኡና ሙሉካ አጎፎ ዎይኮ ዩጎፎ።

58 ኔኒ ኢዛ ኦጌታ ኡባን ሄሜታና ማላኔ ኢዚ ኔ አዋታሰ ኢሚዳ አዛዘታ፣ ዎጋታኔ ማራታ ናጋና ማላ ኔ ዎዚና ባኮ ዛር።

59 ሃቶ ሃቶ ዳይሰ ኮሺዛ ማላ፣ ጎዳይ ታና ባ አሽካራኔ ባ ዳራ ኢሰራኤሌ ማዳና ማላ፣ ታኒ ጎዳ ሲንላን ዎሳዳ ጊዳ ሃ ቃላቲ ቃማኔ ጋላሰ ጎዳ፣ ኔ ጸሳኮ ሸቁቶ።

60 ሂሰካ ሳኣን ዳይዛ አሳይ ኡባይ ጸሲ ጸላ ጎዳ ጊዲዳይሳኔ ኢዛፕ አቲን ሃራ ጸሲ ባይንዳይሳ ኢስቲ ኤራና ማላሳ።

61 ሃቶይሳላካ አንቲ ኢዛ ዎጋን ዳና ማላኔ ኢዛ አዛዘታ ናጋና ማላ ጎዳሰ፣ ኔ ጸሳሰ አንቲ ዎዚናይ አማኔቲዛ ጊደ» ጊ አንጂዴሰ።

ጸሳ ኬላዛ አንጂሶ (2ታሪ 7:4-10)

62 ሄሳፊ ጉዬ ካዎዚኔ ኢሰራኤሌ አሳይ ኡባይ ኢሲፊ ጎዳ ሲንላን ያርሾ ያርሸዲ።

63 ሶሎሞኔይ ጎዳሰ ኢሲፊቴላ ያርሾ ያርሻናሰ 22,000 ቦራታኔ 120,000 ዶርሳታ ሸሺዴሰ። ሄሳላ ኦሊዲ ካዎዚኔ ኢሰራኤሌ አሳይ ኡባይ ጎዳ ኬላ አንጂሲዲ።

64 ካዎ ሶሎሞኔይ ጸሳ ኬላሰ ሲንላ ባጋን ዳይዛ ዳምባሰ ጊደ አዳ ሄ ጋላሰ ዲማሲዴሰ። ሄን ጸጌቲዛ ያርሾ፣ ካላ ያርሾኔ ኢሲፊቴላ ያርሾፊ ሃንዳዛ ያርሸዴሰ። ኢዚ ሄሳ ኦሊዲይ ጎዳ ሲንላን ዳይዛ ጸርቁማላፕ ኦሴቲዳ ያርሾ ያርሸዛ ሶሆይ ጸጌቲዛ ያርሾ፣ ካላ ያርሾኔ ኢሲፊቴላ ያርሾፊ ሃንዳዛ ያርሻናሰ ጉጺዳ ገሻሳ።

65 ሄ ዎዴ ሶሎሞኔይኔ ኢሰራኤሌ አሳይ ኡባይ ላፑን ጋላሰ ዳሴ ባኣሌ ቦንቸዳ፤ ቃሴካ ሃራ ላፑን ጋላሰ ጉጂዲ ኢሲ ቦላ ታማን ኦይዲ ጋላሰ ቦንቸዳ፤ ኢሰራኤሌ ዛዋን ሃማቴ ፒኒዛ ፑርዳፊ ቢዲ ገብጾ

ሻፋ ጋካናሰ ዳይዛ ጮራ አሳይ ጎዳ ኔ ጸሳ ሲንላን ባኣሌ ቦንቸናሰ ሸቁዴሰ።

66 ዎንቲላ ጋላሰ ካዎይ አሳ ሞይዚዴሰ፤ አሳይ ካዎዛ አንጂዲ ጎዳይ ባ አይሌ ዳዊቲሲኔ ባ አሳ ኢሰራኤሌሰ ኦሊዲ ኪያቲላን ዎዚናፕ ኡፋዬቲሼ ባሶ ባሶ ቢዴሰ።

9

ጎዳይ ሶሎሞኔሰ ናምአንሶ ቆንጨፍላ (2ታሪ 7:11-22)

1 ሶሎሞኔይ ጎዳ ኬሌኔ ካዎ ኬላ ኬጺ ጊጊዲ ባ ኦላናሰ አዎቲዳ አዎ ኡባ ፖሊዳፕ ጉዬ፣

2 ጌባኦኔ ካታማን ካሴ ቆንጨዳ ማላ ጎዳይ ናምአንሶ ኢዛሰ ቆንጨዴሰ።

3 ሂሰቲዲ ጎዳይ ኢዛሰ፣ «ኔኒ ታ ሲንላን ዎሲዳ ዎሳኔ ሸቤላ ታኒ ሲያዲሰ፤ ኔኒ ኬጺዳ ጸሳ ኬላይ ማርናሰ ታ ሱንሳይ ኢዛን ጸይጌታና ማላ ኦላዳ ታኒ ጌሻዲሰ፤ ታ አይፊይኔ ታ ዎዚናይ ኡባ ዎዴ ሃ ኬላን ዳና።

4 «ኔኒ ጊዲኮ ኔ አዎ ዳዊቲ ሲሜሪቲዳ ማላ ቦሬይ ባይንዳ ሱሪቴላን ታ ሲንላን ሲሜሪቲኮ፣ ታ አዛዘ ኡባ ኦሊኮኔ ታ ዎጋኔ ታ ማራ ኔ ናጊኮ፣

5 ታኒ ኔ አዎ ዳዊቲሰ፣ «ኢሰራኤሌ ካዎቲላ አራታን ኡቲዛ አሰ ኔኒ ሙሉካ ጳያካ» ጊዳ ማላ ኔ ካዎቲላ አራታ ኢሰራኤሌ ቦላ ማርናሰ ሚንላ ኤሳና።

6 «ጊደ አቲን ኔኒ ዎይኮ ኔ ናይቲ ታና ካሎ አጊዲ ጉዬ ሲሚኮ፣ ታኒ አንቲና አዛዚዳ ታ አዛዘኔ ታ ዎጋ ናጎንታ አጊኮ፣ ሃራ ጸሳታሰ ኦላናሰኔ ጎይናሰ ቢኮ፣

7 ኢሰራኤሌ ዳራ ካሴ ታኒ ኢሚዳ ቢታፊ ቶቃላና፤ ታኒ ታ ሱንሳሰ ዲማሲዳ ሃ ጸሳ ኬላካ አጋጋና፤ ሄሳፊ ጉዬ ኢሰራኤሌ አሳይ ካዎቲላታ ኡባ ጊደን ቁዴሰኔ ሚቻሰ አታና።

8 ሃይሲ ሃ ጸሳ ኬላይ ማላሊሲዛዝ ጊዲኮካ ላሊቲዲ ዶሬ ጊዳና፤ ቢዛይ ዪዛይ ዉሪ ሚጨሼ፣ «ሃኖ ፖራ፣ ጎዳይ ሃ ቢታኔ ሃይሳ ጸሳ ኬላ አይሰ ሃይሳላ ኦሊዴ?» ጊ ቁጳና።

9 አሳይ፣ «ኢስታ አዎታ ገብጾፕ ኬሲዳ ጎዳ ባንታ ጸሳ አጊዲ ኢስቲ ሃራ ጸሳታ ካሊዳ ጊሻሲኔ ኢስታሰ ጎይኒዳ ጊሻሰ ጎዳይ ኢስታ ቦላ ሃ ኢታ ሚሽ ኡባ ኤሂዴሰ» ጊዲ ዛራና» ጊዴሰ።

ሶሎሞኔይ ኦሊዳ ሃራ ኦሶታ (2ታሪ 8:1-18)

10 ሶሎሞኔይ ጸሳ ኬላኔ ካዎ ኬላ ኬጺ ጊጊዲ ናምኡ ታማንላ ላይላ ዉርሴላን፣

11 ጸርሴ ካዎ ኪራሜይ ኢዛሰ ኮሺዛ ጸዳ፣ ዚጋኔ ዎርቃ ኡባ ኢሚዳ ጊሻሰ ጋሊላን ዲዛ ናምኡ ታሙ ካታማታ ሶሎሞኔይ ኢዛሰ ኢሚዴሰ።

12 ጊደ አቲን ኪራሜይ ጸርሴ ካታማፕ ኬዚዲ ሶሎሞኔይ ኢዛሰ ኢሚዳ ካታማታ ቤኣናሰ ቢዳ ዎዴ ኢዚ ካታማታን ኡፋዬቲቤና።

13 ሂሰቲን ኪራሜይ ሶሎሞኔ፣ «ታ አሻወ! ሃይቲ ኔኒ ታሰ ኢሚዳይቲ አይ ካታማ?» ጊዴሰ። ሄሳ ጊሻሰ ኢዚ ሄ ካታማታ ካቡሌ ጊ ጸይጊዴሰ፤ ሄ ሄራይ ሃቶ ጋካናሰካ ሄ ሱንላን ጸይጌቲሰ። *

8:56 ዛሬ 12:10፤ ኢያ 21:44-45 9:2 1ካዎ 3:5፤ 2ታሪ 1:7 ጉሲ ኢብራዌታ ቃላራ ፓላንታዛ ዎይኮ ጎኔንታዛ ጉሳ 9:5 1ካዎ 2:4 9:8 2ካዎ 25:9፤ 2ታሪ 36:19 * 9:13 ካቡሌ

14 ኪራሜይ 4,000 ኪሎ ጊራሜ ዋርቃ ካዎ ሶሎሞኔስ ዩዲዳስ።
 15 ጎዳ ጸሳ ኩላ፣ ባ ኩላ፣ ኩላ፣ ዩሩሳሌም ካታማ ገምቤ፣ ሃጸሬ፣ ማጊዶኔ ጌዜሬ ካታማታ ገምባናስ ካዎ ሶሎሞኔስ ጋባራቲ ዳቲስ።
 16 ጊብጾ ካዎ ፓሮኔይ ካሴ ጌዜሬ ካታማ ቦላ ዳፋ ጋሊዲ ኦሊ ኦይኪዳስ፤ ሂስቲዲ ካታማ ታማን ጸጊዳስ፤ ኢዘን ዲዛ ካናኔ ኣሳ ዎጲዲ ሶሎሞኔ ጌሊዳ ባ ናይስ ዎይቶ ኢሚዳስ፤
 17 ሶሎሞኔይካ ጌዜሬ ካታማ ዛሬ ኬጲዳስ። ሃሳታካ ቃሴ ሶሎሞኔይ ጋርሳ ቤቲ-ሆርኔ፣
 18 ባአላቲ፣ ዩሁዳ ባዘን ዳኢዛ ታጲሞሬ ካታማ ኤሲዳስ፤
 19 ሸንቄ ሚንጂ ዎሊዛ ካታማታ ኡባ፣ ባ ፓራታኔ ፓራ-ጋሬታ ዎሊዛ ካታማታኔ ዩሩሳሌምን፣ ለባናሴኒኔ ባ ሃሪዛ ቢታ ኡባን ኬጸናስ ኣሞቲዳ ኡባ ኬጲዳስ።
 20 ኣሞሬታ፣ ሂቲታ፣ ፓሪዜታ፣ ሂዌታ፣ ያቡሴታ፣ ኣቲዳ ኣሳቲ ኡባይ ኢሰራኤሌ ኣስ ጊዳቲና።
 21 ኢስታ ኢሰራኤሌ ኣሳቲ ቢታሬ ወርሲ ጳይሳናስ ዳንዳዮንታ ኣጊን ሂ ቢታን ኣቲዳ ኣሳታ ዜሬላታ፤ ሶሎሞኔይ ኢስታ ሻኪ ኣይሌሲዲ ጋባራቲላን ኦሲሲዳስ፤ ኢስቲ ሃቶ ጋካናስካ ኣይሌቲላን ኦሌቲስ።
 22 ጊዳ ኣቲን ሶሎሞኔይ ኢሰራኤሌ ኣሳ፣ ኦናካ ኣይሌቲላን ኦሲሲቤና፤ ኢስቲ ኢዛስ ኦሳንቻታ፣ ኦሳንቻታ፣ ኦሳንቻታ ሃላቃታኔ ጋዳዎታ፣ ፓራ-ጋሬታ ላጊዛይታ ሃላቃታኔ ፓራ ኣሳታ ጊዲዲ ኦሊዳ።
 23 ሃይቲካ ሶሎሞኔይ ኬጲሲዛ ኬላ ካሌቲ ኬጲሲዛይታ፤ ኢስታሰካ ቆዳይ ኢቻሽ ጾታኔ ኢቻሽ ታማ።
 24 ጊብጾ ካዎ ናያ ዳዊቲ ካታማ፣ ሶሎሞኔይ ኢዚስ ኬጲሲዳ ኬላ ፑዴ ቢዳ፣ ጉዬ ሶሎሞኔይ ኢዚስ ኬላ ኬሊዳስ።
 25 ሶሎሞኔይ ጎዳስ ኦሲሲዳ ያርሾሶዛ ቦላ ጸጊቲዛ ያርሾኔ ኢሲሬቲላ ያርሾ ላይላን ሂቶቶ ያርሾስ፤ ጎዳ ሲንላን ኤጸኔካ ጩዎሴስ፤ ሂስቲዲ ጸሳ ኬላ ኦሶ ፖሊዳስ።
 26 ሃሳሬ ጉዬ ካዎ ሶሎሞኔይ ኤደሜ ቢታን ዘኦ ኣባ ዶናን ኤላቲ ጌቲቲዛ ካታማ ማታን ዲዛ ኤጲዮን-ጋቢሬን ማርካቤታ ሜጲዳስ።
 27 ካዎ ኪራሜይ ሶሎሞኔ ኣሳታራ ኦላና ማላ ማርካቤ ላጎን ሎሂዳ ባ ኣሳታ ኪቲዳስ።
 28 ሂስቲን ኢስቲ ኦሬሬ ቢታ ቢዲ 14,000 ኪሎ ጊራሜ፣ ዳሪዛ ዋርቃ ካዎ ሶሎሞኔስ ኤሲ ዩዳ።

10

ሳባ ካዎዮ (2ታሪ 9:1-12)

1 ሳባ ካዎዮ ጎዳይ ሶሎሞኔስ ኢሚዳ ኣጼ ኤራቲላ ሲያዳ ዳጾ ኦይሻታ ኤካዳ ኢዛ ፓጫናስ ያዲስ።
 2 ጊታ ኣዛባን ሸቶ፣ ኬሂ ዳር ዋርቃኔ ኣልኦ ሹቻ ዳር ጋሜላታን ጫናዳ ዩሩሳሌም ጋኪዳ፣ ጉዬ ሶሎሞኔኮ ጌላዳ ባ ዎዚናን ዲዛ ኦይሻ ኡባ ሸሻዳስ።
 3 ሶሎሞኔይ ኢዛ ኦይቲዳይሳ ኡባ ዛሪዳስ፤ ኢዚስ ቢርሹቶንታ ኢዛ፣ ጌሚ ኣቲዳይ ኣይኮይካ ባ።

4 ሳባ ካዎዮ ሶሎሞኔስ ኢሚቲዳ ኣጼ ኤራቲላ፣ ኢዚ ኬጲዳ ካዎቲላ ኬላ።
 5 ኢዛ ማዳን ሸቂዛ ቁማ፣ ኢዛ ሹማቲ ኡቲዛ ኡቲላ፣ ኢዛ ኣሸካራቲ ኦሊዛ ኦሶኔ ማይኢዛ ማይኦ፣ ኢዛስ ኡሹ ዳቂዛይታኔ ጎዳ ኬላን ኢዚ ሸሸዛ ጸጊቲዛ ያርሾዛ ቤኣዳ ኬሃ ማላላታዲስ።
 6 ሃሳሬ ጉዬ ኢዛ ካዎዛስ፣ «ኔ ኦሊዛ ኦሶኔ ኔ ኣጼ ኤራቲላ ጊሻስ ታኒ ታ ዳሬን ዳሼ ሲዩዳይሲ ቱማ።
 7 ጊዳ ኣቲን ታኒ ያዳ ታ ኣይሬን ቤኣናሽ ጋካናስ ኢስቲ ታስ ዮቲዳይሳ ኣማናቤኬ፤ ታስ ኣሳይ ዮቲዳይሲ ታ ቤኢዳይሳስ ባጋ ጊዳና፤ ኔ ኣጼ ኤራቲላይኔ ዳሬቲላ ታ ሲዩዳይሳሬ ቦላ።
 8 ኡባ ዎዴ ኔ ሲንላን ኤቂዲ ኔ ኣጼ ኤራቲላ ሲዩዛ ሹማታሲኔ ኔ ኦሳንቻታስ ቃዳይ ኣይ ማላ ሎኦ!
 9 ኔናን ኡፋዬቲዲ ኔና ኢሰራኤሌ ካዎታ ኣራታን ኡቲሲዳ ጎዳ ኔ ጸሳይ ጋላቲቶ! ጎዳይ ኢሰራኤሌ ኣሳ ማርናስ ሲቂዳ ጊሻስ ሱሬ ፒርዳይኔ ጸሎቲላ ዳና ማላ ኢዚ ኔና ካዎሊዳስ» ጋዲስ።
 10 ሂስታዳ ካዎዮ 4,000 ኪሎ ጊራሜ ዳጲዛ ዋርቃ፣ ኬሂ ዳር ሸቶኔ ኣልኦ ሹቶ ካዎዛስ ኢሚዳስ። ሳባ ካዎዮ ካዎ ሶሎሞኔስ ኢሚዳይሳ ኬና ዳር ሸቶ ሃሳሬ ሲሚን ኦኒካ ኤሂቤና።
 11 (ካዎ ኪራሜ ማርካቤቲ፣ ኦሬሬ፣ ዋርቃ ኤሂዳይቲ ሃፔ ሳንዳሌ ጌቲቲዛ ኬሂ ዳር ሚሊኔ ኣልኦ ሹቶ ኤሂዳ።
 12 ካዎ ሶሎሞኔይ ሂ ሳንዳሌዛ፣ ጎዳ ኬላሲኔ ካዎ ኬላስ ቱቂታ፣ ዩጲዛይታስ ዲሊኔ ማሲንቆ ሜጲሲዳስ። ሃሳ ማላ ሳንዳሌይ ሂ ጋላሳሬ ሃ ሲሚን ዩ ኤሬና፤ ቤቲካ ኤሬና።)
 13 ካዎ ሶሎሞኔይ ካዎይ ኢሚናስ ቤሲዛ ኢሞታ፣ ሃራ፣ ሳባ ካዎዮ ኣሞታዳ ኢዛ ኮዩዳይሳኔ ኦይቲዳይሳ ኡባ ኢዚስ ኢሚዳስ፤ ሃሳሬ ጉዬ ሳባ ካዎዮ ባ ኣዛባራ ዳንዳዳ ባ ዳሬ ሲሚዳስ።

ሶሎሞኔስ ዲዛ ኣቆታ (2ታሪ 9:13-28)

14 ሶሎሞኔይ ላይላን ላይላን ኤኪዛ ዋርቃይ 23,000 ኪሎ ጊራሜ ኬና ጊዳስ።
 15 ሃሲካ ቃራጸ፣ ዛልኤን ጌሊዛ ዎጲ፣ ኣራቤ ቢታ ካዎታ ኡባሬኔ ኢሰራኤሌ ቢታ ሃሪዛይታ፣ ኤኪዳ ጊራ ጉጃና።
 16 ሶሎሞኔይ 200 ዎጋ ጎንዳሌታ ኦሲሲዳስ፤ ኢሲ ኢሲ ጎንዳሌይ ላፑን ኪሎ ጊራሜ ጊዲዛ ዋርቃን ሚሺሲዳስ።
 17 ቃሴካ ኢዚ 300 ቁሪ ጎንዳሌታ ኦሲሲዳስ፤ ኢሲ ኢሲ ጎንዳሌ ናሞኡ ኪሎ ጊራሜ ጊዲዛ ዋርቃን ሚሺሲዳስ፤ ካዎይ ሂ ጎንዳሌታ ለባናሴ ዎራ ጌቲቲዛ ኬላን ዎሊዳስ።
 18 ቃሴካ ካዎይ ጊታ ኣራታ ዳንጋርሳ ዛሌ፣ ኦሲሲዳ ሙሩታ ዋርቃን ሚሺዳስ።
 19 ሃ ኣራታይ ዲዛሶ ፑዴ ኬዛናስ ኡሱፑን ጴካቲ ዳቲስ፤ ሂ ኣራታይ ጉዬ ሀኤሶ ባጋራ ኤቮ ሚሳቲስ፤ ኣራታስ ናሞኡ ባጋራካ ቁሴ ዜምፒሲዛሰቲ ዳቲስ፤ ሂ ዜምፒዛሶታ ሚሊን ጋሞ ሚሰሌ ናሞኣቲ ኤቂዳ።
 20 ኡሱፑን ጴካታስ ሃዲርሳ ባጋራኔ ኡሻቻ ባጋራ ኡሱፑን ኡሱፑን ጋሞ ሚሰሌቲ ኤቂዳ፤ ሙሌራ 12

ሚሰሉት ዳቴሰ፤ ሃይሳ ማላ ኣራታይ ሃራ ኣዎ ዳሬ ካዎታንካ ኦሴቲቤና።

21 ካዎ ሶሎሞንይ ኡሹ ኡዩዛ ዋንጫ ኡባይ ዋርቃሬ ኦሴቲዳሰ፤ ለባናሴ ዋራ ጌቲቲዛ ካዎ ኩላን ዲዛ ሚሺ ኡባይካ ሙሩታ ዋርቃሬ ኦሴቲዳሰ፤ ካዎ ሶሎሞን ዋዳን ቢራይ ሃራይሶ ጊዲዳ ጊሻሰ ቢራፔ ኦሴቲዳ ሚሺ ሙሉካ ዳና።

22 ካዎ ሶሎሞንስ ኪራሚ ማርካቤታራ ኢሲሬ ዎጋ ገታ ኣባ ቦላራ ቢዛ ታርሴሴ ዛልኤ ማርካቤቲ ዳቴሰ፤ ሄ ማርካቤቲ ዋርቃ፡ ቢራ፡ ዳንጋርሳ ዛሌ፡ ጌሌሾታኔ ቃሬታ ጫኒ ኤኪዲ ሄቹ ላይላን ላይላን ኢሲቶ ኤሄቲሰ።

23 ካዎ ሶሎሞንይ ዱሬቴላኒኔ ኣቋ ኤራቴላን ቢታ ቦላ ዲዛ ካዎታ ኡባሬ ኣቋሰ።

24 ቢታ ቦላ ዲዛ ኣሳይ ኡባይ ጸሲ ሶሎሞን ዋዲናን ዋሊዳ ኣቋ ኤራቴላ ሲያናሰ ኢዛኮ ያና ኮዩቲሰ።

25 ላይላን ላይላን ኢዛኮ ዩዛ ኣሲ ኡባይ ቢራፔኔ ዋርቃሬ ኦሴቲዳ ሚሽ፡ ማይኦ፡ ኦላ ሚሽ፡ ሸቶ፡ ፓራታኔ ባቁሎታ ኢዛሰ ኢሞታ ኤኪ ዩሰ።

26 ሶሎሞንይ ፓራ-ጋሬታኔ ፓራታ ሸሸዳሰ፤ ኢዛሰ 1,400 ፓራ-ጋሬታኔ 12,000 ፓራቲ ዳቴሰ፤ ኢዚ ኢሲታ ፓራ-ጋሬታ ካታማታኒኔ ባናራ ዩሩሳላሚን ዋሊዳሰ።

27 ካዎይ ዩሩሳላሚን ቢራይ ሹቻላ ኮሬታና ማላ ዚጋይካ ሻራ ሜንጎን ሞኪዛ ኤላላ ጮራታና ማላ ኦሊዳሰ።

28 ሶሎሞን ፓራቲ ጊብጾፔኔ ቃዌፔ ዩዳ፤ ካዎ ዛልኣንቻቲ ኢሰታ ቃዌፔ ሻሚ ሻሚ ኤሄቲሰ።

29 ኢሰቲ ኢሲ ኢሲ ፓራ-ጋሬ 600 ሳቂሌ ቢራን፡ ኢሲ ኢሲ ፓራ 150 ሳቂሌ ቢራን ጊብጾፔ ሻሚ ሻሚ ኤሄቲሰ፤ ሂሰቲዲ ሂቲ ካዎታሲኔ ኣራሚ ካዎታሰ ኤሬ ባይዜቲሰ።

11

ሶሎሞንይ ኦሊዳ ሞር

1 ካዎ ሶሎሞንይ ዳር ኣላጋ ቢታ ማጫሳታ ሰቂዳሰ፤ ሄይቲካ ጊብጾ ካዎ ቢዩይ ቦላ ጉጂን ሞኣኤ ማጫሳታ፡ ኣዎን ማጫሳታ፡ ኤዶሚ ማጫሳታ፡ ሲዳና ማጫሳታኔ ሂቲ ዳሬ ማጫሳታ።

2 ጎዳይ ኢሰራኤል ኣሳሰ፡ «ኢሰቲ ኣንቴ ዋዲና ቱማፔ ባንታ ኤቃ ጸሳታኮ ዛርንታ ማላ ኣንቴ ሄ ኣሳታራ ኤኮኒኔ ጌሎን ዋላኬቶፍቲ» ጊ ዮቲ ዋሊዳሰ፤ ጊደ ኣቲን ሶሎሞንይ ኢሰታራ ሲቆን ዋጾቲዳሰ።

3 ሶሎሞንስ ካዎታፔ ዩሌቲዳ 700 ማቹቲኔ 300 ላጌሶቲ ዳቴሰ፤ ሄ ማጫሳቲ ኢዛ ዋዲናይ ጸሳ ዎጋፔ ካሬ ኬዛና ማላ ኦሊዳ።

4 ሶሎሞንይ ጨሚ ጨሚ ቢሺን ኢዛ ማቹቲ ኢዛ ዋዲና ሃራ ጸሳታኮ ዛራዳ፤ ሂሰቲን ኢዛ ኣዎ ዳዊቲ ኩሚላ ዋዲናፔ ጎዳ ባ ጸሳ ሰቂዳ ማላ ኢዚ ሰቂቤና።

5 ሶሎሞንይ ኣሰታርቲ ጌቲቲዛ ሲዳናታ ኤቃ ጸሳይሰኒ ሃራሲዛ ኣሞኔታ ጸሳ ሞሎኬሰ ጎይኒዳሰ።

6 ሂሰቲዲ ሶሎሞንይ ጎዳ ሲንላን ኢታ ኦሶ ኦሊዳሰ፤ ባ ኣዎ ዳዊቲ ማላ ወርሴላ ጋካናሰ ጎዳ ካሊቤና።

7 ሃሳሬ ጉዩ ሶሎሞንይ ሃራሲዛ ሞኣቤታ ጸሳ ካሞሼሲኔ ኣሞኔታ ጸሳ ሞሎኬሰ ዩሩሳላሚፔ ኣርሼይ ሞኪዛ ባጋን ዲዛ ዙሞቡላታ ቦላ ጎይኒዛሶታ ጊገሲዳሰ።

8 ኢሰቲ ባንታ ኤቃ ጸሳታሰ ሄን ኤጻኔ ጨዋሲዛይታሲኔ ያርሾ ሸሸዳ ሃራ ማቹታሰካ ሃሳላካ ኦሊዳሰ።

9 ኢዛሰ ናምኡቶ ቆንጨዳ ጎዳ ኢሰራኤል ጸሳሬ ሶሎሞን ዋዲናይ ሃራሶ ሲሚዳ ጊሻሰ ጎዳይ ኢዛ ቦላ ሃንቁቲዳሰ።

10 ሃራ ጸሳታ ካሎንታ ማላ ጎዳይ ሶሎሞን ኣዛዚዳሰ፤ ኢዚ ጎዳ ኣዛዙ ናጊቤና።

11 ሃሳ ጊሻሰ ጎዳይ ሶሎሞንስ፡ «ኔ ሃይሳ ኦሊዳ ጊሻሰ፡ ታ ኢሚዳ ጫቆ ቃላኔ ታ ኢሚዳ ማራ ኔኒ ናጎንታ ኢዲዳ ጊሻሰ፡ ታኒ ኔ ካዎቲላ ኔፔ ዋላ ኤካዳ ኔ ኣይሌታፔ ኢሳሰ ኢማና።

12 ጊዲኮካ ኔ ኣዎ ዳዊቲ ጊሻሰ ጋዳ ኔ ካዎቲላ ላይላን ጊደንታ ኔ ናዛ ካዎቲላ ላይላን ታኒ ሃይሳ ኦላና።

13 ኔ ናዛፔ ጊዲኮካ ካዎቲላ ኢዛፔ ሙሉራ ዋላ ኤኪኬ፤ ታ ኣሽካራ ዳዊቲ ጊሻሰኔ ታኒ ደሪዳ ካታማ ዩሩሳላሚ ጊሻሰ ኢሲ ቆሞ ታ ኢዛሰ ኢማና» ጊዳሰ።

ሶሎሞን ቦላ ዳንዲዳ ሞርኬታ

14 ሃሳሬ ጉዩ ጎዳይ ኤዶሚ ካዎታ ዛሬፔ ሃዳዳ ሞርኬ ሂሰቲ ሶሎሞን ቦላ ዳንዲዳሰ።

15 ሃይሳሬ ካሴ ዳዊቲ ኤዶሚ ኣሳታራ ኦሊቲዳ ዎዳ ሃይቁዳይታ ሞጊሳናሰ ፑዴ ቢዳ ኦላ ጋዳዎ ኢዮኣቤይ፡ ኤዶሚን ዲዛ ኣቱማሳ ኡባ ዎቋ ወርሲዳሰ።

16 ኤዶሚን ዲዛ ኣቱማሳ ኡባ ቆይሳና ጋካናሰ ኢዮኣቤይኔ ኢሰራኤል ኣሳይ ኡባይ ሄን ኡሱፑን ኣገና ኡቲዳሰ።

17 ጊደ ኣቲን ሄ ዎዳ ሃዳዳይ ዩላጋቲላን ዲሼ ባ ኣዎሰ ኦሊዛ ኤዶሚ ኦሳንቻታፔ ጉላታራ ጊብጾ ቢታ ባቃቲዳሰ።

18 ኢሰቲ ሚዲያሚፔ ዳንዲዳ ፓራኔ ቢታ ቢዳ፤ ፓራኔፔ ባንታናራ ኣሳ ኤኪዲ ጊብጾ ካዎ ፓርኔኮ ቢዳ። ካዎዚ ሃዳዳሰ ኬላኔ ጋዳ ኢሚዳሰ፤ ማና ካሊካ ኣዛዚዳሰ።

19 ካዎ ፓርኔይ ሃዳዳ ኬሂ ደሲዳ ጊሻሰ ባ ማቾ ጸፊኔሲ ሚቹዮ ኢዛሰ ማቾ ኢሚዳሰ።

20 ጸፊኔሲ ሚቹያ ኢዛሰ ጋኑባቲ ጌቲቲዛ ና ዩላዲሰ፤ ጸፊኔሴ ኢዛ ካዎ ኬላን ዲቻዲሰ፤ ጋኑባቲይ ሄን ካዎ ናይታራ ኢሲሬ ዲጨዳሰ።

21 ሃዳዳይ ጊብጾን ዲሼ ዳዊቲ ሃይቁ ባ ኣዎታን ጋይቲዳይሳኔ ኦላ ጋዳዎ ኢዮኣቤይካ ሃይቁዳይሳ ሲዩዳሰ፤ ሂሰቲዲ ሃዳዳይ ካዎዛሰ፡ «ታኒ ታ ቢታ ሲማና ማላ ታና ዩዳ» ጊዳሰ።

22 ካዎይ ኢዛ፡ «ኔሰ ሃይሳን ኣዚ ፓጨን ኔኒ ኔ ቢታ ሲማ ባና ኮያይ?» ጊዲ ኦይቹዳሰ።

ሂሰቲን ሃዳዳይ፡ «ታሰ ኣይኮይካ ፓጨቤና፤ ጊዲኮካ ታኒ ባና ማላ ታሰ ኤር ጋርኪ!» ጊዳሰ።

23 ሃሳላካ ጸሳይ ጸባ ካዎ ሃዳዲኤዜሬፔ ባቃቲ ቢዳ ኤልኣዳ ና ኤራዞኔ ጌቲቲዛይሳ ሶሎሞን ቦላ ሞርኬ ሂሰቲ ዳንዲዳሰ።

24 ዳዊቲ ጸባ ቢታ ኦላንታታ ጳይሲዳ ዎዴ ኤራዘኔይ ባቃቲዳ አሳ ሺሺዲ ፓንጋታ ሃላቃ ጊዲዳሰ፤ ኢሰቲ ዳማሰቆ ቢዲ ሄን ኢዛ ካዎሊዳ።
 25 ሃዳዳይ ጋሊዳ ማቶዛ ቦላ ጉጂዲ ሶሎሞንይ ዳኢዳ ላይሳ ኡባን ኤራዘኔይ ኢሰራኤሌታሰ ሞርኬ ጊዲዳሰ፤ ኤራዘኔይ አራሜን ካዎቲዲ ኢሰራኤሌታራ ኤቁቲዳሰ።

ሶሎሞን ቦላ ኢዮርባኣሜይ ማካሊዳ ማካላ

26 ቃሴካ ናባጾ ና ኢዮርባኣሜይ ሶሎሞን ቦላ ማካላቲላን ዳንዲዳሰ፤ ኢዚ ሶሎሞን ሹሜታፔ ኢሳ ጊዲሺን ኤፍሪሜ ቢታ ጸሬዴፔ ዩዳሰ፤ ኢዛ አይዎ ጸረኦ ጌቲቲዛ አምኤዮ።

27 ኢዚ ካዎ ቦላ ማካላቲላን ዳንዲዳ ጋሶይካ ሶሎሞንይ ገምቤሰ ኬላ ኬሊሲዳሰ፤ ባ አዎ ዳዊቲ ካታማ ዩሾን ዲዛ ገምቤዛሰ ፓጩሶ ኩንሳዳሰ።

28 ኢዮርባኣሜይ ኦሶዛሰ ኬሂ ሂላቲሊ ዲዛ ናቴላ አሳ፤ ሶሎሞንይ ሃ ናቴላዚ ኦሶዛ አይ ማላ ኦሊዛኮ ቤኢዲ ጋባራ ኦሊ አቁዛ ዮሴፌ ቆሞታ ቦላ አላፌ ኦሊ ሹሚዳሰ።

29 ኢሲ ጋላሲ ኢዮርባኣሜይ ዩራሳላሚ ካታማፔ ቢሺን ሴሎፔ ዩዳ ናቤ አካያይ ኢዛራ ኦጌን ጋይቲዳሰ። ሃ ዎዴ አካያይ ኦራላ ማይኦ ማይኢ ኡቲዳሰ። ሃ ሶሆዛን ኢሰቲ ናምኣይ ጸላ ዳቴሰ።

30 አካያይ ባ ማይኢዳ ሴሎ ማይኦዛ ታማኔ ናምኡ ኬሲ ፖሺ ዩጊዳሰ።

31 ሂሳቲዲ ኢዮርባኣሜይ፡ «ሃይታ ፖሹቲዳ ታማታ ኔሰ ኤካ። ጋሶይካ ጎዳ ኢሰራኤሌ ጸሳይ፡ «ቤኣ፡ ታኒ ካዎቲላ ሶሎሞን ኩሹፔ ፖሻዳ ታሙ ቆሞታ ኔሰ አማና።

32 ጊዶ አቲን ታ አሽካራ ዳዊቲ ጊሻሲኔ ኢሰራኤሌ ቆሞታ ኡባ ጊዶፌ ታኒ ዶሪዳ ዩራሳላሚ ካታማ ጊሻሰ ኢሲ ቆሞ ኢዛሰ አጋና።

33 ታ ሃይሳ ኦላናሰ ጋሶይካ ሶሎሞንይ ታና አጊዲ ሲዶናታ ጸሰ አሰታሮቲሰ፡ ሞኣቤታ ጸሰ ካሞሼሲኔ አሞኔታ ጸሰ ሞሎኬሰ ጎይኒዳ ጊሻሳ፤ ቃሴካ ታ ኦጌን ሄሜቶንታ፡ ታ ሲንሳን ሱሬ ኦሶ ኦሶንታ አጊዲ ኢዛ አዎ ዳዊቲ ናጊዳ ማላ ታ ዎጋታኔ ማራታ ናጎንታ ኢዲዳ ጊሻሳ።

34 « ሪዲኮካ ታኒ ካዎቲላ ሶሎሞን ኩሹፔ ኡባ ኤኪኬ፤ ታኒ ኢዛ ዶሪዳ ጊሻሲኔ ታ አዛዘኔ ታ ዎጋ ናጊዳ ታ አሽካራ ዳዊቲ ጊሻሰ ሶሎሞንይ ሹምፖራ ፓጸ ዳኢዳ ዎዴ ኡባን ኢዚ ሃራና ማላ ኦላዲሲ።

35 ሃሳፌ ጉዬ ታኒ ካዎቲላ ኢዛ ናዛ ኩሹፔ ዎላ ኤካዳ ታሙ ቆሞታ ኔሰ አማና።

36 ታ ሱንሳ ኢዛን ጸይጌታና ማላ ታ ዶሪዳ ዩራሳላሚ ካታማን ኡባ ዎዴካ ታ አሽካራ ዳዊቲ ዛሬይ ፖኦ ጊዳና ማላ ታኒ ኢሲ ቆሞ ኢዛ ናዛሰ አማና።

37 « ሪዶ አቲን ኔና ታኒ ታሰ ኤካና፤ ኔ ዎዘናይ አሞቲዳ ኡባ ኔ ሃራና፤ ኢሰራኤሌ ቦላካ ኔ ካዎታና።

38 ታ አይሌ ዳዊቲ ኦሊዳ ማላ ታ አዛዘታ ኡባ ኔ ፖሊኮ፡ ታ ኦጌን ኔ ሄሜቲኮ፡ ታ ዎጋታኔ ማራታ ኔ ናጊኮ ታ ሲንሳን ሱሬ ሃንኮ ታኒ ኔናራ ጊዳና፤ ታ ዳዊቲሰ ኦሊዳ ማላ ኔ ካዎቲላካ ሚንላና። ኢሰራኤሌካ ታኒ ኔሰ አማና።

39 ሶሎሞን ናጋራ ጊሻሰ ዳዊቲ ዜሬላታ ታኒ ቃጸያና፤ ጊዶ አቲን ሚርናሰ ጊዳና፤ ጌሰ» ጊዳሰ።

40 ሃሳ ጊሻሰ ሶሎሞንይ ኢዮርባኣሜ ዎቆናሰ ኮዩዳሰ፤ ጊዶ አቲን ኢዮርባኣሜይ ጊብጸ ካዎ ሺሻቁኮ ባቃቲ ቢዲ ሶሎሞንይ ሃይቃና ጋካናሰ ጊብጸን ታኪዳሰ።

ሶሎሞን ሃይቆ (2ታሪ 9:29-31)

41 ሶሎሞንይ ሃኒዳ ሃራይ፡ ኢዚ ኦሊዳ ኡባይ፡ ኢዛሰ አቆ ኤራቴላይ ሶሎሞን ታሪኬ ማጸፋን ጸፌቲ ኡቲዳሰ።

42 ሶሎሞንይ ኢሰራኤሌ ኡባ ቦላ ዩራሳላሚን 40 ላይሳ ካዎቲዳሰ።

43 ሃሳፌ ጉዬ ሶሎሞንይ ሃይቁዲ ባ አዎታን ጋይቲዳሰ፤ ባ አዎ ዳዊቲ ካታማንካ ሞጌቲዳሰ። ኢዛ ና ኤርቢኣሜይ ኢዛሶሆን ካዎቲዳሰ።

12

ኢሰራኤሌ ቆሞ ታማታ ማካላቲላ (2ታሪ 10:1-19)

1 ኢሰራኤሌ አሳይ ኡባይ ኤርቢኣሜ ካዎላናሰ ሴኬሜ ቢዳ ጊሻሰ ኢዚካ ሄ ቢዳሰ።

2 ካዎ ሶሎሞንፔ ባቃቲዲ ጊብጸን ዳኢዛ ናባጾ ና ኢዮርባኣሜይ ሃሳ ሲዩዲ ጊብጸፔ ሲሚ ዩዳሰ።

3 ሂሰቲን ኢሰራኤሌ አሳይ ኢዮርባኣሜይ ኪታ ዩዲ ጸይጊሰን ኢዚኔ ኢሰራኤሌ ማባራይ ኡባይ ኤርቢኣሜኮ ቢዲ፤

4 «ኔ አዎይ ኦና ዳጾ ቃምባራ ቶሲዳሰ፤ ጊዶ አቲን ሃኢ ኔኒ ኢዚ ኦና ኦሲሲዛ ዎላቃማ ኦሶኔ ዳጾ ቃምባራ ኦሰ ካዉሻርኪ! ሂሰቲኮ ኦኒ ኔሰ ሃራታና» ጊዳ።

5 ሂሰቲን ኤርቢኣሜይ ኢሰታሰ፡ «ቢቲ፤ ቢዲ ሃሻንላ ጋላሰ ሲሚዲ ታኮ ዩቲ» ጊን አሳይ ቢዳሰ።

6 ሃሳፌ ጉዬ ካዎ ኤርቢኣሜይ ኢዛ አዎ ሶሎሞንይ ሹምፖራ ፓጸ ዲዛ ዎዴ ሶሎሞን ዘሪዛ ጨማታ ዘሪ ኦይቺዳሰ። ኢዚ ኢሰታሰ፡ «ሃ አሳሰ አይ ጋዳ ዛራ ጌቲ?» ጊ ኦይቺዳሰ።

7 ሂሰቲን ጨማቲ ኤርቢኣሜ፡ «ሃኙ ኔኒ አሳሰ አይሌ ጊዳዳ ኦሊኮ፡ ኢሰቲ ኦይቺዳይሳሰ ኔኒ ሎኦ ቃላ ዛሪኮ፡ ኡባ ዎዴ ኢሰቲ ኔሰ አሽካራ ጊዳና» ጊዳ።

8 ጊዶ አቲን ኤርቢኣሜይ ጨማቲ ዘሪዳ ዘሪዛ አጊዲ ኢዛራ ዲጨዲ ኢዛሰ ኦሊዛ ዩላጋ አሳታ ዘሪ ኦይቺዳሰ።

9 ኢዚ ኢሰታሰ፡ «አንቲ ታና አይ ዘራቲ? ኦኔ አዎይ ኦና ቶሲዳ ዳጾ ቃምባራ ኦሰ ካዉሻርኪ» ጊዛ ሃ ዳሪዛሰ አይ ጋዳ ዛር?» ጊ ኦይቺዳሰ።

10 ኢዛራ ዲጨዳ ዩላጋቲ፡ « ኦኔ አዎይ ኦና ዳጾ ቃምባራ ቶሲዳሰ፤ ሃኢ ጊዲኮ ኔኒ ኦሰ ካዉሻርኪ» ጊዛ አሳሰ፡ «ታ ጊልኢ ቢራዴይ ታ አዎ ጸሳፌ ኦርዳሰ።

11 ታ አዎይ አንቲ ቦላ ዳጾ ቃምባራ ዎሊዳሰ፤ ታኒ ጊዲኮ ሃሳፌካ አላዳ ዳጾላና። ታ አዎይ አንቲና ሊሶን ዎዴዳሰ፤ ታኒ ጊዲኮ አንቲና ማሲማሶ ማላ ዳኪዛ ሊሶን ዎቆና) ጋዳ ዛራ» ጊዳ።

12 ሃሳፌ ጉዬ ካዎ ኤርቢኣሜይ፡ «ሃሻንላ ጋላሰ ሲሚዲ ታኮ ዩቲ» ጊዳ ማላካ፡ ኢዮርባኣሜይኔ ኡባ አሳይ ሃሻንላ ጋላሰ ሲሚ ዩዳ።

13 ሂሰቲን ካዎይ ጨማታ ዞሬ ኢጲዲ ዴራ ሃንቁላዛ ዛር አሚደስ።

14 ዩላጋታ ዞሬ ኤኪዲ፡ «ታ አዋይ አንቴ ቦላ ዴጾ ቃዎባራ ዋሊደስ፤ ታኒ ገዲኮ ሃሳፊካ አላ ዴጾላ። ታ አዋይ አንቴና ሊሶን ዋጂደስ፤ ታኒ ገዲኮ አንቴና ማሰማሶ ማላ ዴኪዛ ሊሶን ዋጃና» ገ ዛሪደስ።

15 ካዎይ አሳይ ገዛይሳ ሲዮንታ ኢጲደስ፤ ጋሶይካ ጎዳይ ሴሎፕ ዩዳ ናቤ አካያ ባጋራ ካሴ ናባጾ ና ኢዮርባኣሜሰ ዮቲዳ ቃላይ ፖሌታና ማላ ሃይሲ ጎዳፕ ሃኒደስ።

16 ኢሰራኤል አሳይ ኡባይ ካዎይ ኢሰቲ ገዛይሳ ሲዮንታ ኢጲደይሳ ኤሪዲ ካዎዛሰ፡ «ዳዊቲራ ኑና ጋሊዛ ጋሶይካ አዜ? ኢሴዬ ናዛፕ ኑ አይ ኤካኔ! ኢሰራኤል አሳዉ! አንቴ ሶ አንቴ ሶ ሲሚቲ! ሃኢ ገዲኮ ዳዊቲ ኔ ኩላ ኔ ናጋ!» ገዳ። ሂሰቲዲ ኢሰራኤል አሳይ ኡባይ ባንታ ሶ ባንታ ሶ ሲሚዳ።

17 ኤርቢኣሜይካ የሁዳ ካታማታን ዲዛ ኢሰራኤል አሳ ቦላ ካዎቲደስ።

18 ሃሳፊ ጉዬ ካዎ ኤርቢኣሜይ ባ ጋባራታ ሃላቃ አዶራሜ ኢሰራኤል አሳኮ ኪቲን ኢሰቲ ሹቻን ጨዲ ዋጂደ። ሂሰቲን ካዎ ኤርቢኣሜይ ባ ፓራ-ጋሪ ቦላ ኤሶን ኬዚ ኡቲዲ ዩራሳላሚ ባቃቲደስ።

19 ሃይፔ ዶሚዲ ሃቕ ጋካናሰ ኢሰራኤል ቆዎታፕ ታማቲ ዳዊቲ ዛሬፕ ካዎቲዳ ካዎታ ቦላ ማካሊዲ።

20 ኢዮርባኣሜይ ገብጾፕ ሲሚዳይሳ ኢሰራኤል አሳይ ኡባይ ሲዩዲ ኢዛ ባንታ ዲላታኮ ጾይጊሲዲ ኢሰራኤል ቦላ ካዎሊዳ፤ ዳዊቲ ዛሬፕ ካዎቲዳ ካዎታሰ አማኔቲዲ አቲዳይ የሁዳ ቆዎ ጸላ።

ሺማኤይ ዮቲዳ ቲንቢቲ (2ታሪ 11:1-4)

21 ሶሎሞን ና ኤርቢኣሜይ ዩራሳላሚ ካታማ ጋኪዳ ማላ ኢሰራኤል ቢታ አሳራ ኦሌቲዲ ካዎቲላ ባሰ ዛራና ማላ የሁዳ ቆዎፊኔ ቢኒያሜ ቆዎፊ ዶሬቲዳ 180,000 ኦላንቻታ ሺሺደስ።

22 ሃ ዎዳ ጸሳ ቃላይ ጸሳ አሰ ሻማኤኮ ዩዲ፡

23 «ሶሎሞን ና፡ የሁዳ ካዎ ኤርቢኣሜስ፡ የሁዳኔ ቢኒያሜ ቆዎታሰኔ አቲዳ አሳ ኡባሰ፡

24 ጎዳይ አንቴና፡ «አንቴ ዳቦ ኢሰራኤሌታራ ኦሌታናሰ ቦፕቴ። ሃይሳ ታኒ ኦሊዳ ገሻሰ አንቴ ኡባይካ አንቴ ሶ አንቴ ሶ ሲሚቲ» ጌሰ ጋዳ ዮታ» ገደስ። ሂሰቲን ኢሰቲ ጎዳ ቃላ ሲዩ ሲሚ ሶ ቢዳ።

ኢዮርባኣሜይ ጎዳሰ ዘኮ ዛሬሳ

25 ሃሳፊ ጉዬ ኢዮርባኣሜይ ኤፍሬሜን ሻራ ሜንጎን ዲዛ ሴኪሜን ሚጸ ጊግሲ ኡቲደስ፤ ሃሳፊ ኬዚ ቢዲ ፓኑኤሌን ሚጸ ጊግሲደስ።

26 ኢዮርባኣሜይ ባ ዎዚና፡ «ካዎቲላይ ዳዊቲ ዜሬላሰ ሲማና።

27 ሃ አሳይ ጎዳ ጸሳ ኬላን ያርሾ ያርሻናሰ ዩራሳላሚ ካታማ ቢዛ ገዲኮ፡ ኢሰቲ ቃሴ ባንታ ጎዳ ካዎ ኤርቢኣሜኮ ሲማና። ኢሰቲ ታና ዎጂዲ የሁዳ ካዎ ኤርቢኣሜኮ ሲማና» ገ ቆፕደስ።

28 ሃሳ ገሻሰ ካዎይ ዞሬቲዳፕ ጉዬ ዎርቃፊ ኦሴቲዳ ማራ ሚሰሌ ናምኣታ ሜጂዲ አሳሰ፡ «ኢሰራኤል አሳዉ! አንቴ ሃይሳ ጋካናሰ ዩራሳላሚ ቦይሲ ገዳና። ቤኢቴ አንቴና ገብጾፕ ኬሲዳ አንቴ ጸሳቲ ሃይታንታ!» ገደስ።

29 ኢሰታፊ አሳ ቤቴሌን፡ አሳ ቃሴ ዳኔን ኤሲደስ።

30 ማራ ሚሰሌሰ ጎይናናሰ አሳይ ዳኔ ጋካናሰ ቢዳ ገሻሰ ሃ ዮኑይ ኢሰታሰ ናጋራ ገዲደስ።

31 ኢዮርባኣሜይ ዙምቡላታ ቦላን ጎይኒዛሶሆን ኤቃ ሚሰሌታ ኦሊደስ፤ ዴራ ገደፊ ሌዌ ቆዎ ገደንታይታ ቄሴ ሂሰቲ ሱንሊደስ።

32 ካሴ የሁዳን ቦንቹዛይሳሶ ኦሰፕንላ አገናን ታማኔ ኢቻሻንላ ጋላሳን ባኣሌይ ቦንቹታና ማላ ኢዮርባኣሜይ ዎጋ ዎሊዲ ያርሾ ያርሺደስ። ኢዚ ባ ኦሲሲዳ ማራ ሚሰሌታሰ ቤቴሌን ዲዛ ያርሾ ሶሆታን ያርሾ ያርሺደስ። ቃሴ ዙምቡላታ ቦላ ጎይኒዛሶታን ባ ኦሲሲዳ ኤቃ ሚሰሌታሰ ቄሴታ ቤቴሌን ሹሚደስ።

33 ኢዚ ባ ዶሪዳ ኦሰፕንላ አገናን ታማኔ ኢቻሻንላ ጋላሰ ቤቴሌ ቢዲ ሃ ጋላሰ ኢሰራኤል አሳሰ ባኣሌ ገደና ማላ ኦዎጂደስ፤ ሂሰቲዲ ኤጻኔ ጨዋሳናሰ ፑዴ ያርሾ ያርሺዛሶ ኬዚደስ።

13

ቤቴሌ ቦላ ቲንቢቲ ዮቲዳ ናቤዛ

1 ኢዮርባኣሜይ ኤጻኔ ጨዋሳናሰ ያርሾ ያርሺዛሶ ማታን ኤቁዲሺን ጎዳ ቃላን ኪቲቲዳ ጸሳ አሲ የሁዳፕ ቤቴሌ ዩደስ።

2 ጎዳይ ኣዛዚዳ ቃላ ማላ ያርሾ ያርሺዛሶዛ ኤቁቲሾ፡ «ሃይሶ ያርሾ ያርሺዛሶዛ! ጎዳይ ኔሰ፡

«ዳዊቲ ዜሬላፊ ኢዮሲያሳ ጌቲቲዛ ኢሲ ናይ ዩሌታና።

« ኣኢ ሃኢ ሃይሳ ዙምቡላ ቦላ ጎይኒዛሶታን ያርሾ ሺሺዛ ቄሴታ ኔ ቦላ ያርሻና፤ ኢሰታ ሜቄላካ ኔ ቦላ ጸጋና» ገደስ።

3 ሃ ጋላሰ ጸሳ አሲ ማላታ ኡሚዲ፡ «ጎዳይ ዮቲዳ ማላታይ ሃይሳ፤ «ሃ ያርሾሶዚ ጸልቂታና፤ ኢዛ ቦላን ዲዛ ቢዲንሳይካ ዎራ ላሌታና» ገደስ።

4 ካዎ ኢዮርባኣሜይ ጸሳ አሲ ቤቴሌን ዲዛ ያርሺዛሶዛ ቦላ ዎሲዳይሳ ሲዩዳ ዎዴ፡ ያርሺዛሶዛ ቦላ ባ ኩሼ ሚጨዲ፡ «ሃይሳ ኣዳዛ ኦይኪቲ!» ገደስ። ገደ አቲን ኢዚ ሚጨዲ ኩሼዛ ጉዬ ባኮ ዛራናሰ ዳንዳይቤና።

5 ቃሴካ ሃ ጸሳይይ ጎዳ ቃላን ኢሚዳ ማላታ ማላ ያርሾሶዚ ጸልቂቲ ዎጂደስ፤ ኢዛ ቦላ ዲዛ ቢዲንሳይካ ላሌቲደስ።

6 ሂሰቲን ካዎ ኢዮርባኣሜይ ጸሳይዛ፡ «ታ ኩሼይ ካሴይሳሶ ሃናና ማላ ታሰ ጋናታዳ ጎዳ ኔ ጸሳ ታሰ ዎሳርኪ!» ገደስ። ሃሳ ገሻሰ ጸሳይዚ ካዎዛሰ ጋናቲዲ ጎዳ ዎሲን ካዎዛ ኩሼይ ሲሚዲ ካሴይሳ ማላ ሃኒደስ።

7 ካዎይ ጸሳይዛ፡ «ታራ ታሶ ሃጃ፤ ካሊካ ማ፡ ቃሴ ታኒ ኔሰ ኢዎታ ኢማና» ገደስ።

8 ገደ አቲን ጸሳይዚ ካዎዛሰ፡ «ሃራይ አቲን ኔኒ ኔ ኣቆታፕ ባጋ ታሰ ኢሚዳኮካ ታኒ ኔናራ ቢኬ፤ ሃይሳን ካሊካ ሚኬ፤ ሃሊካ ኡዩኬ።

9 ጋሶይካ ጎዳ ቃላይ ታና፡ «ኔኒ ካሊካ ዎፓ፤ ሃሊካ ኡዮፓ፤ ኔ ዩዳ ኦጌራካ ሲማዳ ቦፓ» ገደስ።

10 ሃሳ ገሻሰ ኣዳዚ ካሴ ባ ቢዳ ኦጌራ ገደንታ ሃራ ኦጌራ ቤቴሌ ሲሚደስ።

ቤቴሌን ዲዛ ጨማ ናቤዛ

11 ቲንቢቲ ዮቲዳ ኢሲ ጨማ ናቤይ ቤቴሌ ካታማን ደስ፤ ኢዛ ናይቲ ቤቴሌን ሃ ጋላሰ ጸሳይዚ

አሉዳ ኡባ ሚሺኔ ካዎዛካ ኢዚ ኣይ ጊዳኮ ቢዲ ባንታ ኣዋሰን ዮቲዳ።

12 ሂሰቲን ኣዋይ ኢሰታሰ፡ «ኣዎ ኦጌራ ቢዳ?» ጊዳሰ፤ ዩሁዳፔ ዪዳ ጸሓ ኣሲ ቢዳ ኦጌዛ ባንታ ኣዎ ቤሲዳ።

13 ሂሳፌ ጉዬ ኢዚ ባ ናይታ፡ «ታሰ ኣኔ ሃሪ ኮሪቲ» ጊን ኢሰቲ ኢዛሰ ሃሪ ኮሪን ቶጊዳሰ።

14 ሂሰቲዲ ጸሓዳዛ ጌዳ ካሊ ቢዳሰ፤ ኢሲ ዋላ ኩዋን ኡቲዳይሳ ዳሚዲ፡ «ዩሁዳፔ ዪዳ ጸሓዳዛ ኔኔ?» ጊ ኦይቹዳሰ።

ኢዚካ፡ «ኤ ታናኮ!» ጊዳሰ።

15 ሂሰቲን ሃ ጨማ ናቤዚ ኢዛ፡ «ቁማ ማናሰ ታናራ ታሶ ሄዳ» ጊዳሰ።

16 ጸሓዳዚ ዛሪዲ፡ «ታኒ ጉዬ ሰማዳ ኔናራ ባናሰ፡ ዎይኮ ሃይሳን ኔናራ ካላ ማናሰ፡ ዎይኮ ሃላ ኡያናሰ ዳንዳይኬ።

17 ኣይሰ ጊኮ ጎዳ ቃላይ ታና፡ «ኔኒ ሃ ሶሆን ካሊካ ዋፓ፤ ሃሊካ ኡዮፓ፤ ኔ ዪዳ ኦጌራካ ሲማ ቦፓ» ጊ ኣዛዚዳሰ» ጊዳሰ።

18 ጨማ ናቤዚ ጊዲኮ፡ «ታኒካ ኔ ማላ ቲንቢቲ ዮቲዳዳ፤ ኪታንቻይ ጎዳ ቃላን ታና፡ «ካላ ኢዚ ማና ማላኔ ሃላ ኡያና ማላ ኢዛ ዛሪዳ ኔ ሶ ኔናራ ኤካ ባ» ጊዳሰ» ጊ ዮቲዳሰ። ጊዳ ኣቲን ጨማ ናቤዚ ሂሳ ኢዛሰ ዎርዳ ዮቲዳሰ።

19 ሂሳ ጊሻሰ ጸሓዳዚ ኢዛሪ ሲሚዲ ኢዛ ሶን ሚዳሲኔ ኡዪዳሰ።

20 ኢሰቲ ማዳን ኡቲዳሺን ጎዳ ቃላይ ዛሪ ኤሂዳ ጨማ ናቤዛኮ ዪዳሰ።

21 ሂሰቲን ዩሁዳፔ ዪዳ ጸሓ ናቤዛሰ፡ «ጎዳይ ኔና፡ «ኔኒ ጸሓ ቃላ ካወሻዳሳ፤ ጎዳ ኔ ጸሓይ ኔና ኣዛዚዳ ኣዛዘካ ናጋቤካ።

22 ሃ ሶሆን ዋፓ ዎይኮ ኡዮፖ ጊዳ ሶሆ ጉዬ ሰማ ባዳ ሂን ካሊካ ማዳሳ፤ ሃሊካ ኡያዳሳ፡ ሂሳ ጊሻሰ ኔ ኣሃይ ኔ ኣዎታ ዲፎን ዋጌቲና» ጌሰ» ጊሹ ዋሲ ዮቲዳሰ።

23 ጸሓ ኣሲ ሚዲኔ ኡዪ ጊጊዳፔ ጉዬ ቲንቢቲ ዮቲዳይሲ ባ ጉዬ ዛሪ ኤሂዳ ናቤዛሰ ሃሪ ኮሪዳሰ።

24 ሂሰቲን ኢዚ ኦጌራ ቢሺን ጋዋይ ጋይቲዲ ኢዛ ዎዲዳሰ። ኢዛ ኣሃይ ኦጌን ፖርጩ ጊዳሰ፤ ሃሪይኔ ጋዋይ ናምኣይካ ኢዛ ለንቁን ኤቁዳ።

25 ሃ ኦጌራ ኣዲዛ ኣሳይ ኣሃይ ፖርጩ ጊ ኢቹዳይሳኔ ጋዋይካ ኢዛ ለንቁን ኤቁዳይሳ ቤኢዲ ጨማ ናቤዚ ዲዛ ካታማን ቢዲ ዮቲዳ።

26 ቢዛሳፔ ኣዳዛሰ ቲንቢቲ ዮቲዲ ጉዬ ዛሪዳ ጨማ ናቤዚ ሂሳ ሲዪዳ ዎዳ፡ «ሂሲ ጎዳ ቃላሰ ኣዛዜቶንታ ኢዲዳ ጸሓ ኣሳ፡ ሂሳ ጊሻሰ ጎዳ ቃላይ ኢዛሰ ካሰቲዲ ዮቲዳይሳ ማላ ጎዳይ ኢዛ ጋዋሰ ኣላ ኢማን ጋዋይ ኢዛ ማንፎሬላ ዎዲዳሰ» ጊዳሰ።

27 ሂሳፌ ጉዬ ጨማ ኣዳዚ ባ ናይታ፡ «ታሰ ሃሪ ኮሪቲ» ጊዳሰ። ሂሰቲን ኢሰቲ ኢዛሰ ሃሪ ኮሪዳ።

28 ናቤዚ ቢሹ ኣሃይ ኦጌ ሶላ ፖርጩ ጊ ኢቹዳ ጋዋይኔ ሃሪይ ኢዛ ማታን ኤቁዳይሳ ዳሚዳሰ። ጋዋዚ ኣሃ ሚቤና፤ ሃሪዛካ ቦቹቤና።

29 ጨማ ናቤዚ ጸሓ ናቤዛ ኣሃ ዳንጉዲ ሃሪዛ ሶላ ጫኒዳሰ፤ ዩካናሲኔ ዋፓናሰ ጉዬ ባ ካታማ ኤኪ ኤሂዳሰ።

30 ሂሰቲዲ ባሰ ጊገሲ ዎሊዳ ዲፎን ኣሃ ዎሊዲ፡ «ታ ኣሻዘ! ታ ኣሻዘ!» ጊዲ ኢዛሰ ዩኪዳ።

31 ዋጊ ሲሚዳፔ ጉዬ ባ ናይታሰ፡ «ታኒ ሃይቁዛ ዎዳ ጸሓ ኣሲ ዋጌቲዳ ዲፎን ታና ዋጊቲ፤ ታ ማቁላታካ ኢዛ ማቁላታ ለንቁን ዎሊቲ።

32 ጋሶይካ ቤቲሌን ዲዛ ያርሾ ያርሺዛሶዛ ሶላ፡ ሳሚሪያ ካታማታኒኔ ዙምቡላታ ሶላ ዲዛ ጎይኒዛሶሆታ ሶላ ጎዳ ቃላ ማላ ኢዚ ዋሲ ዮቲዳይሲ ቱሙ ፖሌታና» ጊ ዮቲዳሰ።

ኢዮርባኣሜ ኬላ ኣሳ ጳይሳናሰ ጋሊዳ ናጋሪ

33 ሃይሲ ኡባይ ሃንኮካ ኢዮርባኣሜይ ባ ኢታ ኦጌፔ ሲሚቤና፤ ሂሳፌ ሶላራካ ዙምቡላታ ሶላ ዲዛ ያርሾሶታን ኦላናሰ ዳሬ ኡባፌ ቁሴታ ሹሚዳሰ፤ ቁሴ ጊዳናሰ ኮይዛ ኦናካ ዙምቡላታ ሶላ ያርሺዛሶሆታን ዎሊዳሰ።

34 ሃይሲ ሃ ናጋራይ ኢዮርባኣሜ ኬላ ኣሳ ባሻሲኔ ቢታ ሶላፌ ጳይሳናሰ ጋሶ ጊዲዳሰ።

14

ኣካያይ ኢዮርባኣሜ ሶላ ዮቲዳ ቲንቢቲ

1 ሃ ዎዳ ኢዮርባኣሜ ና ኣቢያይ ሃርጊዳሰ።

2 ሂሰቲን ኢዮርባኣሜይ ባ ኬላዮ፡ «ዳንዳ፤ ዳንዳዳ ኔኒ ኢዮርባኣሜ ኬላዮ ጊዲዳይሳ ኦጌኔ ኤርገታ ማላ፡ ኔ ማይኦ ላማ፤ ሂሰታዳ ሴሎ ባ። ታኒ ሃ ኣሳ ሶላ ካዎታናይሳ ታሰ ዮቲዳ ናቤ ኣካያይ ሂን ዳሰ።

3 ታሙ ኡኬላ፡ ጉላ ዳሶኔ ኢሲ ኦቶ ኤሰ ኤካዳ ኢዛኮ ባ፤ ኢዚ ናዛ ሶላ ጋካናይሳ ኔሰ ዮታና» ጊዳሰ።

4 ኢዮርባኣሜ ኬላዮ ኢዚ ጊዳ ማላ ኦላዲሰ፤

ዳንዳዳ ኣካያ ሶ ሴሎ ባዲሰ። ኣካያይ ጨሚዳ ጊሻሰ ኢዛ ኣይፌይ ዶልጂሚዲ ዳሚና።

5 ጊዳ ኣቲን ጎዳይ ኣካያሰ፡ «ኢዮርባኣሜ ኬላ ኣይዮ ሃርጊዛ ባ ናዛ ጊሻሰ ኔና ኣይቻናሰ ሃራ ማጫሰ ሚሳታዳ ኔኮ ያና፤ ኔኒ ኢዚሰ ሃይሳ ሃይሳ ጋዳ ዮታ» ጊዳሰ።

6 ሂሳ ጊሻሰ ኣካያይ ማጫሳያ ፔንጌ ጌሊሺን ሲዪዲ፡ «ኢዮርባኣሜ ኬላ ኣይ! ኣኔ ሃ ጌላ። ኣይሰ ሃራ ኣሰ ሚሳታዳ? ታኒ ኢታ ዮኦ ኔሰ ዮታናሰ ከቲታዲሰ።

7 ኔኒ ኢዮርባኣሜኮ ባዳ ጎዳ ኢሰራኤሌ ጸሓይ ኔና፡ «ታኒ ኔና ኣሳ ጊዳፌ ዳንጎዳ ታ ዳሬ ኢሰራኤሌ ሶላ ካዎላዲሰ።

8 ታኒ ዳዊቲ ዛሬፔ ካዎቲላ ዎላ ኤካዳ ኔሰ ኢማዲሰ፤ ጊዳ ኣቲን ኔኒ ታ ኣሸካራ ዳዊቲ ማላ ጊዳካ፤ ኢዚ ታ ኣዛዘ ናጊዳሲኔ ታ ሲንጎን ሱሬ ሚሽ ጸላ ኦሊሹ ባ ኩሚላ ዎዚናን ታና ካሊዳሰ።

9 ኔፔ ካሴ ሲንጎን ዲዛይቲ ኡባይ ኦሊዳ ኢታፔ ኣዲዛ ኢታ ኔኒ ኦላዳሳ፤ ኔኒ ኔሰ ቢራታፔ ሴሪሳዳ ኤቃ ጸሓታ ሚዳዳሳ። ታ ሃንቆ ዳንፎላዳሳ፤ ሂሰታዳ ታና ጉዬ ኦላዳሳ።

10 «ሃሳ ጋሶን ታኒ ኢዮርባኣሜ ኬላ ኣሳ ሶላ ጳዮ ኤሃና፡ ኢሰራኤሌ ቢታን ኢዮርባኣሜ ኬላ ኣሳፔ ኣይሌ ጊዲን ዎይኮ ጎቃ ጊዲን፤ ኣቱማሰ ኡባ ጳይሳና፤ ታኒ ኢዮርባኣሜ ኬላ ኣሳ ኬፌይ ቢዲንጎ ኬዛና ጋካናሰ ጸጊዛ ማላ ጸጋና።

11 ኢዮርባኣሜ ዛሬፔ ካታማን ሃይቁዳይታ ካናይ ማና፤ ጋጸሬን ሃይቁዳይታ ካፎይ ማና፤ ሃይሳ ዮቲዳይ ታና ጎዳ!» ጊዳሰ።

12 «ኔኒ ጊዲኮ ሃኢ ዳንዳዳ ኔሶ ባ። ኔኒ ካታማ ጋኪዳ ማላ ናዚ ሃይቃና።

13 ኢስራኤል ኡባይ ናዘሰ ዩኪዲ ሞጋና፤ ጎዳ ኢስራኤል ጸላ ሲንገላን ኢዮርባኣሜ ኩላ ኣሳፔ ሃ ናዘ ቦላ ጸላ ሎኦ ሚሺ ቤተዳ ገሻሰ ዎጋን ሞጌታናይ ኢዛ ጸላ።

14 «ሃሳፊ ጉዬ ኢዮርባኣሜ ኩላ ኣሳ ጳይሲዛ ካዎ፣ ጎዳይ ባሰ ኢስራኤል ቦላ ዳንጎና፤ ሂሲካ ሃኢ ሃናና።

15 ሃላ ገደን ቃጸዛ ማቃ ማላ ጎዳይ ሄ ዎዴ ኢስራኤሌታ ሾጪዲ ቃላና። ኣሽር ጌቲቲዛ ኤቃ ጸላይ ሚሰሌ ኤሲዲ ጎዳ ሃንቁላዳ ገሻሰ ኢስታ ኣዎታስ ኢዚ ኢሚዳ ሎኦ ቢታፊ ኢስታ ዲጋና፤ ሂሰቲዲ ኢስታ ኤፊራዲሴ ሻፋፔ ሄ ፒንጎን ላላና።

16 ኢዮርባኣሜይ ኦሌዳ ናጋራ ጋሶኒኔ ኢስራኤሌ ኣሳ ኢዚ ኦሲሲዳ ናጋራ ገሻሰ ጎዳይ ኢስራኤሌ ዩጊ ኣጋና» ገዴሰ።

17 ሃሳፊ ጉዬ ኢዮርባኣሜ ኩላ ኣያ ዴንዳ ባዳ ቲርጸን ባ ኩላ ፔንጌ ጋኪዳ ማላ ናዚ ሃይቁዴሰ።

18 ናቤ ኣካያ ባጋራ ጎዳይ ዮቲዳ ማላ ኢስራኤሌ ኣሳይ ኡባይ ኢዘሰ ዩኪዲ ሞጌዴሰ።

ኢዮርባኣሜ ሃይቆ

19 ኣቲዳ ኢዮርባኣሜ ታሪኬይ፣ ኢዚ ኦሌዳ ኦሶቲ፣ ኢዚ ኦሌቲዳ ኦሶቲኔ ኢዚ ኣይሲዳ ኣይሶ ዎጋቲ ኢስራኤሌ ካዎታ ታሪኬ ማጻፋን ጸፊቲ ኡቲዳ።

20 ኢዮርባኣሜይ 22 ላይላ ካዎቲዴሰ፤ ሃሳፊ ጉዬ ሃይቁዲ ባ ኣዎታን ጋይቲዴሰ። ኢዛሶሆን ኢዛ ና ናዳቤይ ካዎቲዴሰ።

የሁዳ ካዎ ኤርቢኣሜ (2ታሪ 11:5—12:15)

21 ሶሎሞን ና ኤርቢኣሜይ የሁዳን ካዎቲዴሰ፤ ኤርቢኣሜይ ካዎቲዛ ዎዴ ኢዘሰ ላይላይ 41። ጎዳይ ባ ሱንጎይ ጸይጌታና ማላ ኢስራኤሌ ቆሞታ ካታማታ ኡባ ገደፊ ዶሪዳ ዩራሳላሜ ካታማን ኤርቢኣሜይ 17 ላይላ ካዎቲዴሰ። ኢዘሰ ኣዩይ ሱንጎል ናኢሞ፤ ኢዛካ ኣሞኔ ቢታ ኣሳ።

22 የሁዳ ኣሳቲ ጎዳ ሲንጎን ኢታ ሚሽ ኦሌዳ፤ ባንቲ ኦሌዳ ናጋራን ኢሰቲ ባንታ ኣዎታፔ ኣሌዲ ጎዳፔ ዴጸ ሃንቆ ባ ቦላ ዴንጼላዳ።

23 ቃሴካ ኢሰቲ ባንታስ ጎይኒዛ ቶቃሶሆታ፣ ኤቃ ሹቻታኔ ኣሽር ጌቲቲዛ ጸላይ ሚሰሌታ ዙሞቡላታ ቦላኔ ጌታ ሚላታ ጋርሳን ኤሲዳ።

24 ሃራይ ኣቲን ኢሰቲ ጎይኒዛሶሆታን ጎይኖ ዎጋ ኦሌዲ ፓራ ላይማቲላ ዎጋታ ፖሊዛ ኣሳቲ ዴቲሰ። ጎዳይ ኢስራኤሌታ ሲንጎፊ ኬሲ ዩዴላዳ ካዎቲላቲ ሜዜቲዳ ማላ ሃራሲዛ ኦሶታ ኡባ ኢስራኤሌ ኣሳቲ ኦሌዳ።

25 ኤርቢኣሜይ ካዎቲዳ ኢቻሻንላ ላይላን ገብጾ ካዎ ሺሻቁ ዩራሳላሜ ካታማ ቦላ ዎራጂዴሰ።

26 ሂሰቲዳ ጸላ ኬላኒኔ ካዎ ኬላን ዲዛ ቡቁራ፣ ሶሎሞንይ ቆጶሲዳ ዎርቃ ጎንዳሌታራ ኡባ ቦንቁ ኤኪዲ ቢዴሰ።

27 ካዎ ኤርቢኣሜይ ሄ ጎንዳሌታ ገሻሰ ጸርቁማላፔ ጎንዳሌታ ኦሲሲዲ ኢስታ ናጊዲ ዎላና ማላ ካዎ ኩላ ናጊዛ ዛቤታ ሃላቃታስ ኢሚዴሰ።

28 ካዎዚ ጸላ ኬላ ቢዛ ዎዴ ኡባን ናጊዛይቲ ጎንዳሌታ ኦይኬቲሰ፤ ሄፔ ሲሚዲ ኢስታ ዛቤታ ሃላቃ ኬላን ዛሪ ዎላቲሰ።

29 ኤርቢኣሜይ ኣይሲዳ ኣይሶ ዎጋቲኔ ኢዚ ኦሌዳ ኡባ ኦሶቲ ዩሁዳ ካዎታ ታሪኬ ማጻፋን ጸፊቲ ኡቲዳ።

30 ኤርቢኣሜይ ኢዮርባኣሜይ ባ ዎዴ ኡባን ባ ገደን ኦሌቲሽ ዴኢዳ።

31 ኤርቢኣሜይ ሃይቁዲ ባ ኣዎታን ጋይቲዴሰ፤ ኢዚ ዳዎቲ ካታማን ዲዛ ባ ኣዎታ ዴፎን ሞጌቲዴሰ። ኢዛ ኣዩይ ሱንጎል ናኢሞ፤ ኢዛካ ኣሞኔ ቢታ ኣሳ። ኤርቢኣሜ ሶሆን ኢዚ ና ኣቢያይ ካዎቲዴሰ።

15

የሁዳ ካዎ ኣቢያ (2ታሪ 13:1—14:1)

1 ናባጾ ና ኢዮርባኣሜይ ካዎቲዳ ታማኔ ኦሰፑንጎ ላይላን ኣቢያይ የሁዳን ካዎቲዴሰ።

2 ኣቢያይ ዩራሳላሜን ሄቩ ላይላ ካዎቲዴሰ፤ ኢዛ ኣዩያ ኣቤሴሎሜ ቦሎቶ፤ ኢዚ ሱንጎይካ ማኢኮ።

3 ኢዚ ካሴ ኢዛ ኣዎይ ኦሌዳ ናጋራ ኡባ ኦሌዴሰ፤ ኢዛ ዎዚናይ ኢዛ ማይዛ ዳዎቲ ዎዚናይ ኩሜላ ኣማኔቲዳ ማላ ጎዳ ባ ጸላሰ ኩሜላ ኣማኔቲቤና።

4 ገዲኮካ ኢዛፔ ጉዬ ዩራሳላሜን ካዎታና ማላኔ ዩራሳላሜ ሳርቲላ ናጋና ማላ ጎዳ ኢዛ ጸላይ ዳዎቲ ገሻሰ ኣቢያሰ ኢሲ ኣቲማ ና ኢሚዴሰ።

5 ጎዳይ ሃሳ ኦሌዳይ ዳዎቲ ሂቲ ኣሰ ኦሪዮ ቦላ ኦሌዳ ናጋራይፔ ኣቲን ጎዳ ሲንጎን ሱሬ ሚሽ ኦሌዴሰ፤ ባ ዴኔ ላይላ ኡባን ጎዳ ኣዛዘታፔ ካሪ ኬዚቤና።

6 ኣቢያይ ካዎቲዳ ላይላ ኡባን ኣቢያ ኣሳራኔ ኤርቢኣሜ ኣሳራ ባንታ ገደን ኦሌቲሽ ዴኢዳ።

7 ኣቢያይ ኦሌዳ ሃራ ሚሻቲ ኡባይ የሁዳ ካዎታ ታሪኬ ማጻፋን ጸፊቲ ኡቲዳ። ኣቢያይኔ ኢዮርባኣሜይ ባንታ ገደን ኦሌቲሽ ዴኢዳ።

8 ኣቢያይ ሃይቁዲ ባ ኣዎታን ጋይቲዴሰ፤ ኢዚ ዳዎቲ ካታማን ሞጌቲዴሰ። ኢዛ ሶሆንካ ኢዛ ና ኣሲ ካዎቲዴሰ።

የሁዳ ካዎ ኣሳ (2ታሪ 15:16—16:6)

9 ኢስራኤሌ ካዎ ኢዮርባኣሜይ ካዎቲዳ ናሞኤ ታማንጎ ላይላን ኣሲ የሁዳን ካዎቲዴሰ።

10 ኣሲ ዩራሳላሜን 41 ላይላ ካዎቲዴሰ፤ ኢዛ ኣዎ ኣያ ኣቤሴሎሜ ቢዮ ማኢኮ።

11 ኣሲ ባ ማካኩሌ ዳዎቲ ኦሌዳ ማላ ጎዳ ሲንጎን ሱሬ ሚሽ ኦሌዴሰ።

12 ጎይኖ ዎጋ ፖላናሰ ፓራ ላይማ ላይማቲዛይታ ኣሲ ባ ቢታፊ ቆይሲዴሰ፤ ኢዛፔ ካሴ ዴኢዳ ካዎቲ ኦሌዳ ኤቃ ጸላ ሚሰሌታ ኡባ ቶቃሌራዲ ዩጊዴሰ።

13 ኢዛ ኣዎ ኣያ ማኢካ ኣሽር ጌቲቲዛ ሃራሲዛ ኤቃ ሚሰሌ ሜዲዳ ገሻሰ ጎዳቲይንታ ጌቲቲዛ ቦንቾፊ ኢዘ ዲጊዴሰ። ኣሲ ሄ ኤቃ ሚሰሌዛ ቃንጾሬላዲ ቁዲርኔ ዙሉን ጸጊዴሰ።

14 ኣሲ ዙሞቡላታ ቦላ ጎይኒዛሶሆታ ኡባ ቆይሶንታ ኣጊኮካ ኢዚ ባ ዴኢዳ ላይላ ኡባን ጸላሰ ዎዚናፔ ኣማኔቲዛ ኣሰ ገዲ ዴኢዴሰ።

15 ኢዚኔ ኢዛ ኣዎይ ጸላሰ ዴማሲ ዎላዳ ቢራ፣ ዎርቃኔ ሃራ ሚሻታ ኤሂዲ ጎዳ ጸላ ኬላ ገደን ዎላዴሰ።

16 የሁዳ ካዎ አሲኔ ኢሰራኤል ካዎ ባሼይ ባንታ ዴኦ ላይሰ ኡባን ኦሌተሽ ዴኡዳ።

17 ኢሰራኤል ካዎ ባሼይ የሁዳ ቦላ ዎራጂዲ የሁዳ ካዎ አሳ ቢታ ጌሎንታ ማላኔ ኬኦንታ ማላ ቲቃናሰ ኤራማ ካታማ ዩዩ ኣፋናሰ ሚጸ ሂሰቲ ገምቢዴሰ።

18 ሄሳ ጋሶን ካዎ አሲ ጎዳ ጸሳ ኬላኒኔ ባ ካዎቴላ ኬላን ኣቲዳ ዎርቃኔ ቢራ ኡባ ኬሲዲ ባ ኣሳንቻታ ኩሽን ዎሲዴሰ። ሂሰቲዲ ሄዚዮናሳ ና ጸብሪሞና ናዛሰ ደማሰቆ ካታማን ዴኢዛ ኣራሜ ካዎ ቤኒ-ሃዳዴሰ ኢሞታ ሂሰቲ ዩዲዴሰ።

19 ሂሰቲዲ ኢዛሰ። «ካሴ ታ ኣዎሲኔ ኔ ኣዎሰ ኢሰታ ጊደን ጫቆ ቃላይ ዲዛ ማላ ሃኢ ታ ጊደኒኔ ኔ ጊደንካ ጫቆ ቃላይ ዴኣ፤ ሄኮ ቢራኔ ዎርቃ ታኒ ኔሰ ኢሞታ ኢማናሰ ዩዳዲሰ። ኢሰራኤል ካዎ ባሼይ ባ ኣላንቻታ ታ ቢታፊ ኬሳና ማላ ኔኒ ካሴ ኢዛራ ጫቁቲዳ ጫቆ ቃላ ላላ» ጊዴሰ።

20 ቤኒ-ሃዳዴይ ካዎ አሲ ጊዳ ቃላ ኤኪዲ ባ ኣላ ጋዳዎታ ኢሰራኤል ካታማታ ኦላናሰ ዩዲዴሰ፤ ኢሰቲ ኢዮኔ፣ ዳኔ፣ ኣቤሊ-ቤቴ-ማኢካ ጌቲቲዛ ካታማታ፣ ቃሴ ኒፍታሌሜኔ ጌንሴሬዴ ኡባ ኦሊ ኦይኪዴሰ።

21 ካዎ ባሼይ ሄሳ ሲዩዲ ኤራማ ካታማ ገምቢዴሰ ኣጊዲ ቲርጸ ጌቲቲዛ ካታማ ጉዬ ሲሚዴሰ።

22 ሄሳፊ ጉዬ ካዎ አሲ የሁዳን ዴኢዛ ኣሳይ ኡባይ ኣቶንታ ኬዛና ማላ ኣዎጂሲዴሰ፤ ባሼይ ካሴ ሄን ጎኡቲዛ ሹቻኔ ሚላ ኤራማፔ ሚዩዳ። ካዎ አሲ ሚጸጸኒኔ ቢኒያሜ ቢታን ዴኢዛ ጌባ ኢዛን ሚንላ ገምቢዴሰ።

23 አሲ ሃኒዳ ሃኖታቲ፣ ኢዛ ሚኖቴላ ኡባይ፣ ኢዚ ኦሊዳ ኦሶቲኔ ኢዚ ኤሲዳ ካታማቲ የሁዳ ካዎታ ታሪኬ ማጸፋን ጸፊቲ ኡቲዳ። ጊዳ ኣቲን ኢዚ ጪሚዳ ዎዴ ቶሆ ሳኬቲዴሰ።

24 አሲ ሃይቁዲ ባ ኣዎታን ጋይቲዴሰ፤ ባ ማካኩሌ ደዋቲ ካታማንካ ሞጌቲዴሰ። ኢዛ ና ኢዮሳፊጾይ ኢዛሶሆን ካዎቲዴሰ።

ኢሰራኤል ካዎ ናዳቤ

25 የሁዳ ካዎ አሲ ካዎቲዳ ናምኣንላ ላይሰ ኢዮርባኣሜ ና ናዳቤይ ኢሰራኤልን ካዎቲዴሰ፤ ኢዚ ኢሰራኤል ቢታ ናምኡ ላይሰ ሃሪዴሰ።

26 ናዳቤይ ካሴ ባ ኣዎይ ናጋራ ኦሊዳ ኢሰራኤል ኣሳይ ናጋራ ኦላና ማላ ካሌላዴሰ።

27 ሄ ዎዴ ናዳቤይኔ ኢዛ ኦላንቻቲ ፊሊሰጾሜን ዲዛ ጋባቶኔ ካታማ ዶዲ ዲሺን ዩሳኮሬ ዛሬ ጊዲዳ ኣካያ ና ባሼይ ናዳቤ ቦላ ዴንዲዲ ኢዛ ዎዲዴሰ።

28 የሁዳ ካዎ አሲ ካዎቲዳ ሄሻንላ ላይሰን ባሼይ ናዳቤ ዎዲዲ ኢዛሶሆን ካዎቲዴሰ።

29 ባሼይ ካዎቲዳ ማላ ኢዮርባኣሜ ሶ ኣሳ ኡባ ዎዲ ዉርሲዴሰ፤ ጎዳይ ሴሎፔ ዩዳ ባ ኣሽካራ ናቤ ኣካያ ባጋራ ዮቲዳ ማላ ኢዮርባኣሜ ኬላ ኣሳይ ኡባይ ሃይቁ ዉሪዴሰ።

30 ሄሲ ሃኒዳይ ኢዮርባኣሜ ባ ሁኡን ኦሊዳ ናጋራ ጊሻሰ፣ ኢሰራኤል ኣሳ ኢዚ ኦሲሲዳ ናጋራ ጊሻሰኔ ጎዳ ኢሰራኤል ጸሳ ሃንቁላዳ ጊሻሳ።

31 ናዳቤይ ሃኒዳ ሃኖታቲኔ ኢዚ ኦሊዳ ኦሶቲ ኡባይ ኢሰራኤል ካዎታ ታሪኬ ማጸፋን ጸፊቲ ኡቲዳ።

32 የሁዳ ካዎ አሲኔ ኢሰራኤል ካዎ ባሼይ ባንታ ላይሰ ኡባን ኦሌተሽ ዴኡዳ።

ኢሰራኤል ካዎ ባሼ

33 የሁዳ ካዎ አሲ ካዎቲዳ ሄሻንላ ላይሰን ኣካያ ና ባሼይ ኢሰራኤል ኣሳ ኡባ ቦላ ካዎቲዴሰ፤ ኢዚ ቲርጸ ካታማን 24 ላይሰ ካዎቲዴሰ።

34 ኢዮርባኣሜይ ኢሰራኤል ኣሳ ኦሲሲዳ ናጋራ ኦሊዳ ኢዛ ኦኒን ሃሜቲዲ ባሼይ ጎዳ ሲንላን ኢታ ሚሽ ኦሊዴሰ።

16

1 ሃናኒያ ና ኢዩ ባጋራ ጎዳ ቃላይ ባሼ ቦላ ሃዝጊሽ ዩዴሰ፤

2 «ታኒ ኔና ጉዳላፊ ዴንላዳ ታ ዴራ ኢሰራኤል ቦላ ካዎሳዲሰ፤ ጊዳ ኣቲን ኔኒ ኢዮርባኣሜይ ቢዳ ኦጌራ ባዳ ታ ዴሬ ኢሰራኤል ናጋራ ኦሲሲዳሳ፤ ሂሰታዳ ታ ኢሰታ ናጋራን ሃንቁታና ማላ ታና ዴንሱላዳሳ።

3 ሄሳ ጊሻሰ ታኒ ባሼኔ ኢዛ ኬላ ኣሳ ሙሌራ ዳይሳና፤ ታኒ ኔ ኬላ ኣሳ ናባጾ ና ኢዮርባኣሜ ኬላ ኣሳ ማላ ኣላና።

4 ባሼ ዛሬ ካታማን ሃይቁዛ ኦናካ ካናይ ማና፤ ቃሴ ጋጻሬን ሃይቁዛ ኦናካ ካፎይ ማና» ጊዴሰ።

5 ባሼይ ሃኒዳ ሃኖታይ፣ ኢዚ ኦሊዳ ኦሶይኔ ኢዛ ሚኖቴላይ ኢሰራኤል ካዎታ ታሪኬ ማጸፋን ጸፊቲ ኡቲዴሰ።

6 ባሼይ ሃይቁዲ ባ ኣዎታን ጋይቲዴሰ፤ ቲርጸ ካታማን ሞጌቲዴሰ። ኢዛ ና ኤላይ ኢዛሶሆን ካዎቲዴሰ።

7 ጎዳይ ሃናኒያ ና ናቤ ኢዩ ባጋራ ባሼ ቦላኔ ኢዛ ሶ ኣሳ ቦላ ቲንቢቲ ዮቲዳ ጋሶይካ ባሼይ ኦሊዳ ናጋራ ጊሻሰ፣ ኢዮርባኣሜይኔ ኢዛ ሶ ኣሳይ ኦሊዳ ኢታ ኦሶ ማላ ጎዳ ሲንላን ኦሊዳ ጊሻሰኔ ኢዮርባኣሜ ሶ ኣሳ ኡባ ዎዲ ዳይሲዳ ጊሻሳ።

ኢሰራኤል ካዎ ኤላ

8 የሁዳ ካዎ አሲ ካዎቲዳ 26 ላይሰን ባሼ ና ኤላይ ኢሰራኤልን ካዎቲዴሰ። ቲርጸ ካታማን ኢዚ ናምኡ ላይሰ ካዎቲዴሰ።

9 ካዎ ሹሜኔ ኢዛ ፓራ-ጋሬታፔ ባጋ ኣዛዚዛ ዚሚሬይ ካዎ ቦላ ማካላቲላን ዴንዲዴሰ። ሄ ዎዴ ካዎ ኤሊ ቲርጸን ዲዛ ካዎ ኬላሰ ሹሜ ጊዲ ዲዛ ኣርጸሶን ማላቲ ዴሰ።

10 የሁዳ ካዎ አሲ ካዎቲዳ 27 ላይሰን ዚሚሬይ ኣርጸሶ ጌሊዲ ካዎ ኤላ ዎዲዲ ኢዛሶሆን ካዎቲዴሰ።

11 ዚሚሬይ ካዎቲዳ ካዎቴላ ኣራታን ኡቲዳ ማላ ባሼ ሶ ኣሳ ኡባ ዎዲዴሰ። ባሼሰ ዳቦ ጊዲን ዎይኮ ላጌ ጊዲን ኢሳዴካ ኣሽቤና።

12 ናቤ ኢዩ ባጋራ ጎዳይ ባሼ ቦላ ሃሳይዳ ቃላ ማላ ዚሚሬይ ባሼ ሶ ኣሳ ኡባ ዎዲዴሰ።

13 ሄሲ ሃኒዳይ ባሼይኔ ኢዛ ና ኤላይ ባንታ ኤቃ ጸሳሰ ጎይኖን ኦሊዳ ናጋራ ኡባ ጋሶኒኔ ኢሰራኤል ኣሳ ኦሲሲዳ ናጋራ ጋሶን ጎዳ ኢሰራኤል ጸሳ ሃንቁላዳ ጊሻሳ።

14 ኤላይ ሃኒዳ ሃራ ሃኖታቲኔ ኢዚ ኦሊዳ ኦሶቲ ኡባይ ኢሰራኤል ካዎታ ታሪኬ ማጸፋን ጸፊቲ ኡቲዴሰ።

ኢስራኤል ካዎ ዘመራ

15 የሁዳ ካዎ አሲ ካዎቲዳ 27 ላይላን ዘመራይ ቲርጸን ላቸን ጋላስ ጸላ ካዎቲዳ። ሄ ዎዴ ኢስራኤል ኦላንቻቲ ጋባቶኔ ጌቲቲዛ ፊሊስጶማ ካታማ ዶዲዲ ኡቲዳ።

16 ሄን ዶዲ ኡቲዳ ኢስራኤሉቲ ዘመራይ ካዎዛ ቦላ ዴንዲዲ ኢዛ ዎዲዳይሳ ሲዪዳ ማላ ኦላ ጋዳዎ ኦሚራ ሄ ጋላሲካ ሄ ሶሆን ኢስራኤሉ ቦላ ካዎላዳ።

17 ኦሚራይኔ ኢዛራ ዲዛ ኢስራኤሉ ኣሳይ ኡባይ ጋባቶኔ ካታማፕ ፑዴ ኬዚዲ ቲርጸ ካታማ ዶዲዳ።

18 ካታማዚ ኦይኬቲዳይሳ ቤኢዳ ማላ ዘመራይ ካዎ ኬላ ጊዶን ዲዛ ማጸን ጌሊዲ ካዎ ኬላን ታማ ኦይላዲ ሄን ኢዛን ሃይቂዳ።

19 ሄሲ ሃኒዳይ ኢዮርባኦሜይ ኦላዳ ናጋራኔ ኢስራኤሉ ኣሳ ኦሲሲዳ ናጋራ ካሊዲ ዘመራይ ጎዳ ሲንላን ኢታ ሚሽ ኦላዳ ጊሻሳ።

20 ዘመራይ ሃኒዳ ሃራ ሃኖቲኔ ኢዚ ኦላዳ ማካላ ኦሶይ ኡባይ ኢስራኤሉ ካዎታ ታሪኬ ማጻፋን ጻፊቲ ኡቲዳ።

ኢስራኤሉ ካዎ ኦሚራ

21 ሄ ዎዴ ኢስራኤሉ ኣሳይ ናምኡ ኬዚ ሻኬቲዳ። ኣሳፕ ባጋይ ጊናቲ ና ቲቤኔ ካዎላና ኮዪን ባጋይ ቃሴ ኦሚራ ካዎላናስ ኮዪዳ።

22 ኦሚራ ማዲዛ ኣሳይ ጊናቲ ና ቲቤኔ ማዲዛ ኣሳፕ ሚኒዳ። ሄሳ ጊሻሳ ቲቤኔይ ሃይቂን ኦሚራይ ካዎቲዳ።

23 የሁዳ ካዎ አሲ ካዎቲዳ 31 ላይላን ኦሚራይ ኢስራኤሉ ኣሳ ቦላ ካዎቲዳ 12 ላይላ ሃሪዳ። ሂሰቲዲ 6 ላይላ ቲርጸ ሃሪዳ።

24 ኦሚራይ ሳማሪያን ዲዛ ዙምቡላ ሸሜራፕ 6,000 ሳቂሌ ቢራን ሻሚዲ ካታማ ኬዲዳ። ሂሰቲዲ ሄ ካታማዛ ካሴ ዙምቡላ ጎዳ ሱንላን ሳማሪያ ጊዲ ሱንላዳ።

25 ጊዶ ኢቲን ኦሚራይ ጎዳ ሲንላን ኢታ ሚሽ ኦላዳ። ኢዚ ባፕ ካሴ ዴኢዳ ካዎታ ኡባታፕካ ኣዲዳ ናጋራ ኦላዳ።

26 ናባጼ ና ኢዮርባኦሜይ ኦላዳ ናጋራኔ ኢስራኤሉ ኣሳ ኦሲሲዳ ናጋራ ኦሚራይ ካሊዳ። ሄ ኤቃ ጸሳስ ጎይኒዛ ሃኖታይ ጎዳ ኢስራኤሉ ጸሳ ሃንቄላዳ።

27 ኦሚራይ ሃኒዳ ሃራ ሃኖታይ፣ ኢዚ ኦላዳ ኦሶቲኔ ኢዛ ሚናቲሳይ ኢስራኤሉ ካዎታ ታሪኬ ማጻፋን ጻፊቲ ኡቲዳ።

28 ኦሚራይ ሃይቂዲ ባ ኣዎታን ጋይቲዳ። ሳማሪያ ካታማንካ ሞጌቲዳ። ኢዛ ና ኣካቤይ ኢዛሶሆን ካዎቲዳ።

ኢስራኤሉ ካዎ ኣካቤ

29 የሁዳ ካዎ አሲ ካዎቲዳ 38 ላይላን ኦሚራ ና ኣካቤይ ኢስራኤሉን ካዎቲዳ። ኦሚራ ና ኣካቤይ ሳማሪያ ካታማን ኢስራኤሉ ቦላ 22 ላይላ ካዎቲዳ።

30 ኦሚራ ና ኣካቤይ ባፕ ካሴ ዎዴ ዴኢዳ ካዎታ ኡባታይሳፊካ ኣዲዳ ኢታ ሚሽ ጎዳ ሲንላን ኦላዳ።

31 ናባጼ ና ኢዮርባኦሜይ ኦላዳ ናጋራ ላፋ ሚሽ ጊዲ ቆሮ ጸላ ጊዶንታ ሲዶናታ ካዎ ኡቲባኣሌ ናዮ ኤልዛቤሎ ባሰ ማቾ ኤኪዲ ባኣሌ ጌቲቲዛ ኤቃ ጸሳስ ሃጋዚዳሲኔ ጎይኒዳ።

32 ሳማሪያ ካታማን ኢዚ ኬዲሲዳ ኤቃ ጸሳ ባኣሌ ኬላን ያርሾ ያርሾዛሶ ኬዲዳ።

33 ቃሴ ኣካቤይ ኣሺር ጌቲቲዛ ጸሳይ ሚሰሌ ኤሲዲ ባፕ ካሴ ዴኢዳ ካዎታ ኡባታፕ ኣሊዲ ጎዳ ኢስራኤሉ ጸሳ ሃንቄላሲዛ ናጋራ ኦላዳ።

34 ኣካቤ ካዎቲላ ዎዴ ቤቲሌፕ ዩዳ ሂኤሌይ ኢያርኮ ካታማ ዛሪ ኤሲዳ። ናዎ ና ኢያሶ ባጋራ ጎዳይ ዮቲዳ ማላ ሂኤሌይ ኢያርኮ ኬጻናሰ ዮቾ ዩጊዛ ዎዴ ኣብራሚ ጌቲቲዛ ኢዛሰ ባይራ ናዚ ሃይቂዳ። ገምቤ ፔንጌታ ጌልሊዛ ዎዴ ሳጉቤ ጌቲቲዛ ኢዛሰ ዉርሴላ ካሎ ናዚ ሃይቂዳ።

17

ኤላሳ ቁርቲ ሚዚዳ

1 ጋላኣዳን ቲሲቤ ጌቲቲዛሶፕ ዩዳ ናቤ ኤላሲ ካዎ ኣካቤ። «ታኒ ኢዛሰ ኦላዳ ጎዳ ኢስራኤሉ ጸሳይ ቤዪን ሃይሳፊ ያና ላይላታን ታኒ ዮቶንታ ዲሺን ሳኣን ኢራይ ቡኬና ዎይኮ ጸዛይካ ጸዛቲና» ጊዳ።

2 ሃሳፊ ሲሚን ጎዳ ቃላይ ናቤ ኤላሳኮ ዩዲ ኢዛሰ።

3 «ሃይሳፊ ዴንዳዳ ኣርሼይ ሞኪዛ ባጋ ባ፤ ሄን ዮርዳኖሴ ሻፋፕ ኣርሼይ ሞኪዛ ባጋራ ዲዛ ኮራቲ ሻፋ ማታን ቆቲታ።

4 ኔኒ ሄ ሻፋፕ ሃላ ኡያና፤ ቁርቲ ኔና ሄን ቁማ ሚዛና ማላ ታኒ ኢሰታ ኣዛዛዲሰ» ጊዳ።

5 ኤላሲካ ጎዳይ ጊዳ ማላ ቢዳ። ዮርዳኖሴ ሻፋፕ ኣርሼይ ሞኪዛ ባጋራ ዲዛ ኮራቲ ሻፋ ቢዲ ሄን ኡቲዳ።

6 ማላዳኔ ኦማርሰ ቁርቲ ኡኬሊኔ ኣሾ ኤላሳሰ ኤሂዳ፤ ሃሊካ ሄ ሻፋፕ ኡዩሼ ዴኢዳ።

7 ቢታን ኢራይ ቡኮንታ ኣጊዳ ጊሻሰ ጉላ ዎዴፕ ጉዬ ሻፋዚ ሚሊዳ።

ኤላሳኔ ሲራፍታን ዲዛ ኣምኤዮ

8 ሃሳፊ ጉዬ ጎዳ ቃላይ ኤላሳኮ ዩዲ፤

9 «ሃይሳፊ ዴንዳዳ ሲዶናን ዲዛ ሲራፍታ ባዳ ሄን ዴኣሻ። ኢሲ ኣምኤ ማጫሳያ ኔና ቁማ ሚዛና ማላ ታኒ ኣዛዛዲሰ» ጊዳ።

10 ሃሳፊ ጉዬ ኤላሲ ዴንዲዲ ሲራፍታ ቢዳ። ኢዚ ቢዲ ካታማ ፔንጌ ጋኪዳ ማላ ኢሲ ኣምኤ ማጫሳያ ሚላ ማጺዛር ዴሚዳ። ኤላሲ ኢዛ ዴይጊዲ፣ «ዛይ ታሰ ኡያና ሃላ ኤካ ያርኪ!» ጊ ዎሲዳ።

11 ማጫሲያ ሃላ ኤሃናሰ ቢሺን ኢዚ ኢዛ ዴይጊዲ፣ «ዛይ ታሰ ኣይኮ ባዲዛ ሚሽ ኤካ ያርኪ!» ጊዳ።

12 ሂሰቲን ማጫሳያ ኢዛሰ፣ «ጎዳ ኔ ጸሳይ ቤዪን ታሰ ኦቶን ዲዛ ኩጸ ዲሌይፊኔ ጸርን ዲዛ ጉላ ዛይቲይፕ ኣቲን ሃራይ ኣይኮይካ ዴና። ታኒ ሃይሳ ዩዳይ ጉላ ሚላ ሚጸ ሶ ሲማዳ ሂኖካ ታኒኔ ታ ናዚ ኢሲቶ ኡኪ ሚዲ ሃይቃናሳ» ጋዲ።

13 ኤላሲካ ማጫሳይሰ ዛሪዳ፣ «ኣይኮይ ባዎ፣ ያዮፋ፤ ሶ ባዳ ኔ ጊዳ ማላ ኦላ፤ ጊዶ ኣቲን ካሴታዳ ኔ ዲሌፊ ጉላ ኡኬላ ኡካዳ ታሰ ኤካ ያ፤ ሃሳፊ ጉዬ ኔሲኔ ኔ ናዛሰ ኡካ።

14 ጋሶይካ ጎዳ ኢሰራኤል ጸሳይ፡ «ሳኦ ሰላን ጎዳይ ኢራ ቡኪሳና ጋካናሰ ጳሌዚ ኦቶፔ ወሪና፤ ዛይቲዚካ ጸርፔ ሙሉካ ወሪና» ገደሰ።

15 ማጫሲያካ ባዳ ኤላሲ የተዳ ማላ አጻዳሰ፤ ሃሳ ማላን ኤላሲ፡ አምኤያኔ ኢዚ ሶ አሳይ ዳር ዋደሰ ገዲዛ ካል ዳሚዳ።

16 አይሰ ገዡ ጎዳይ ኤላሳ ባጋራ የተዳ ቃላ ማላ ኦቶፔ ጳሌይ ወሪቤና፤ ጸርፔ ዛይቲይ ሙሉካ ወሪቤና።

17 ጉላ ዋደፔ ጉዬ ሄ አምኤይ ናይ ሃርገደሰ፤ ሃርገዚ ሚኒ ሚኒ ቢን ናዚ ሃይቁደሰ።

18 ማጫሳያ ኤላሳ፡ «ሃይሶ ጸሳ አሶ! ታ ኔሰ አይ ኢታ አሳዲና? ኔኒ ታ ናጋራ ታና ሃሳኢሳዳ ታ ናዛ ዋዳናሰ ታኮ ያዲ?» ገደሰ።

19 ኤላሲካ ኢዚሰ ዛሪዲ፡ «አኔ ናዛ ታሰ ሃማ» ገደሰ። ናዛ ኢዚ ከኦፔ ኤኪዲ ፑዴ ባ ዳኢዛ ፖቄ ኬሲዲ ባ ሃጸን ኢሺሲደሰ።

20 ሂሰቲዲ ጎዳሰ፡ «አቤት ጎዳወ፡ ታ ጸሳወ፡ ቃሴ ሃኖ ታኒ ኢዚኮን ዳኢዛ አምኤ ሚሺራይ ናዛ ዋዳዳ ኢዚ ቦላካ ሜቶ ኤሃይ?» ገዲ ዋሲደሰ።

21 ሃሳፌ ሲሚዲ ናዛ ቦላ ሃቡቶ ዛቁሊዲ ጎዳሰ፡ «አቤት ጎዳወ፡ ታ ጸሳወ! ሃ ናዛ ሸምፖ ዛራ» ገዲ ዋሲደሰ።

22 ሂሰቲን ጎዳይ ኤላሳ ዋሶ ሲዱደሰ። ናዛ ሸምፖይካ ሲሚን ናዚ ፓጺደሰ።

23 ኤላሲ ናዛ ኤኪዲ ፖቁዛፔ ዳጌ ዋዳደሰ፤ ናዛ አዬይሰ አሚዲ፡ «ቤኦ! ኔ ናዚ ፓጺደሰ» ገደሰ።

24 ሃሳፌ ጉዬ ሚሺራያ ኤላሳ፡ «ኔኒ ጸሳ አሰ ገዲዳይሳኔ ኔ ዶናፔ ኬዚዛ ጎዳ ቃላይ ቱሙ ገዲዳይሳ ታኒ ሃኢ ኤራዲሰ» ገደሰ።

18

ኤላሳኔ ባኣሌ ናቤታ

1 ኢራይ ጳዮሶፌ ሃቫንሶ ላይላን፡ ዳር ዋደፔ ጉዬን ጎዳይ ኤላሳ፡ «ባዳ ካዎ አካቤሰ ቆንጫ። ታኒ ሃ ቢታ ቦላ ኢራ ቡኪሳና» ገደሰ።

2 ሂሰቲን ኤላሲ አካቤሰ ቤታናሰ ዳንዲ ቢደሰ። ሄ ዋደ ሳማሪያን ዋልቃማ ኮሻይ ደሰ።

3 አካቤይ ባ ካዎቲሳ ኮሳን ኣላፌቲሳን ኣዛዚዛ ኣብዲዩ ዳይገደሰ። ኣብዲዩይ ጎዳሰ ኬሂ ያዩዛ አሳ።

4 ኤልዛቤላ ጎዳ ናቤታ ዋዳሲዛ ዋደ ኣብዲዩይ ኢሰታፌ ዳታታ ኤኪዲ ናምኡ ኬሲ ሻኪደሰ፤ ኢቻሽ ታማታ ኢሲ ጎንጎሎን ሃንኮ ኣቲዳ ኢቻሽ ታማታ ሃራ ጎንጎሎን ኤፊ ቆቲዲ ካላኔ ሃል ኢሰታሰ አሚሼ ጋምኢደሰ።

5 አካቤይ ኣብዲዩ ዳይገዲ፡ «ኦኒ ኤሪዜ ኮኒ ማታ ዳሚዲ ፓራታኔ ባቁሎታ ዋዳንታ ማላ አሻናኮ ሳኦን ፑልቶይ ዲዛሶ ኡባኔ ሻፋይ ዲዛሶ ኡባ ባ» ገደሰ።

6 ሃሳ ገሻሰ ባ ባናሶ ባናሶ ሻኪቲ ቢዳ፤ አካቤይ ኢሲ ባጋራ ባርካ ቢደሰ፤ ቃሴ ኣብዲዩይካ ሃራ ባጋራ ቢደሰ።

7 ኣብዲዩይ ቢሼ ኦጌ ቦላ ኤላሳራ ጋይቲደሰ። ኣብዲዩይ ኤላሳ ገዲዳይሳ ኤሪዲ ቢታ ቦላ ጉፋኒዲ፡ «ታ ጎዳ ኤላሳ! ኣዳፌ ሃይሲ ኔኔ?» ገደሰ።

8 ኤላሲ ኢዛሰ፡ «ኤ ታናኮ! ኔኒ ባዳ፡ «ኤላሲ ሃይሳን ደሰ» ጋዳ ኔ ጎዳሰ የታ» ገደሰ።

9 ሂሰቲን ኣብዲዩይ ኤላሳሰ፡ «ታኒ ኔና ኣይ ቆሂኔ ኔኒ ታና ኔ ኣይሌዛ ሃይቃና ማላ ኣካቤ ቡሼን ኣላ አሚዛይ?»

10 ኔ ጎዳይ ዳኦ ጸሳይ ቤዩን ታ ጎዳይ ኔና ኮይሳናሰ ከቶንታ ዳሪይ ዋይኮ ካዎቲሌ ሙሉካ ባዎ። ኢሰቲ፡ «ኤላሲ ሃይሳን ደና» ገዛ ዋደ ኔኒ ሃይሳን ባይንዳይሲ ቱማ ገዲዳይሳ ኤራናሰ ኣካቤይ ዳሪ ሃሪዛይታ ጫቁሲደሰ።

11 ሃኢ ታኒ ታ ጎዳኮ ባዳ፡ «ኤላሲ ሃይሳን ደሰ» ጋና ማላ ኔ ኮያሳ።

12 ታኒ ኔፔ ሻኪታ ቢዛ ዋደ ጎዳ ኣያናይ ኔና ዳንሊዲ ኣዎ ኤፋናኮ ታ ኤሪኬ፤ ታኒ ኣካቤሰ የተዳፔ ጉዬ ኢዚ ኔና ዳምንታ ኣገኮ ታና ዋዳና፤ ታኒ ኔ አሽካራይ ናቲላፌ ደማዳ ጎዳሰ ያዩዛ አሳ።

13 ኤልዛቤላ ጎዳ ሱንሳን ቲንቢቲ የተዛይታ ዋዳሲዛ ዋደ ታኒ ኢሰታፌ ዳቲ አሳታ ኤካዳ ኢቻሽ ታሙ ኢቻሽ ታሙ ኢሲ ጎንጎሎን ቆታዳ ቁማ ሚዛዲሲኔ ሃሊካ ኡሻዲሰ። ሂሰቲን ሃሳ ታኒ ኣሊዳይሳ ኔኒ ታ ጎዳይ ሲያቤኪ?»

14 ሃኢ ታኒ ታ ጎዳኮ ባዳ፡ «ኤላሲ ሃይሳን ደሰ» ጋና ማላ ኔ ኮያሳ። ሂሰቲኮ ኢዚ ታና ዋዳና» ገደሰ።

15 ኤላሲካ ኢዛሰ፡ «ታኒ ኢዛሰ ኣዛዜቲዛ ኡባፌ ዋልቃማ ጎዳይ ቤዩን ቱማፔ ታኒ ሃኙ ኣካቤ ኣይፌን ቤታና» ገደሰ።

16 ኣብዲዩይ ኣካቤራ ጋይታናሰ ቢዲ ኣካቤሰ የተን ኣካቤይ ኤላሳራ ጋይታናሰ ቢደሰ።

17 ኣካቤይ ኤላሳ ዳሚዲ፡ «ኢሰራኤል ቢታ ቡልኣካ ካኢዛይ ኔኔ?» ገደሰ።

18 ኤላሲ ኣካቤሰ፡ «ጎዳ ኣዛዙ ኣገዲ ባኣሌ ኤቃታሰ ጎይኒዲ ቢታ ቡልኣኪዛይ ኔና ኔ ኣዎ ሶ አሳ ኣቲን ኢሰራኤል ቢታ ቡልኣኪዛይ ታና ገዲኬ።

19 ሃኢ ኢሰራኤል አሳ ኡባ ቃርሜሎሴ ዙማ ቦላ ታናራ ጋይታና ማላ ዳይጋ፤ ቃሴ ኤልዛቤሊ ማዳፌ ሚዛይታ 450 ባኣሌ ናቤታኔ 400 ኣሼሪ ናቤታ ሺሻ» ገደሰ።

20 ሃሳ ገሻሰ ኣካቤይ ከቲዲ ኢሰራኤል አሳ ኡባኔ ናቤታ ቃርሜሎሴ ዙማ ቦላ ሺሺደሰ።

21 ኤላሲ ሺቁዳ አሳኮ ቢዲ፡ «ኢንቲ ኣይዴ ጋካናሰ ናምኡ ቆፋን ዳኔ? ጎዳይ ጸሳ ገዲኮ ኢዛ ካሊቲ! ዋይኮ ባኣሌይ ጸሳ ገዲኮ ኢዛ ካሊቲ» ገደሰ። ዳሪዚ ገዲኮ ኢሲ ቃላካ ቃቲቤና።

22 ሃሳፌ ጉዬ ኤላሲ ዳራሰ፡ «ጎዳ ናቤታፔ ታ ጸላ አታዲሰ፤ ባኣሌሰ ኦይዲ ዳታኔ ኢቻሽ ታሙ ናቤቲ ዳቲሰ።

23 ኣኔ ኮሰ ናምኡ ኮርማ ቦራታ አሚቲ፤ ሃ ኮርማታፔ ኢሳ ኢሰቲ ዶሬቶ፤ ኮርማ ሹኪዲ ቃንጾሬቆቶ፤ ሂሰቲዲ ኣሸዛ ሚሳ ቦላ ዋሌቶ፤ ገደ ኣቲን ታማ ኤሶፌቶ። ታኒካ ናምኣንሶ ኮርማ ገገሳዳ ሚሳ ቦላ ዋላና፤ ሂሰታዳ ታማካ ኤሊኬ።

24 ኢንቲ ኢንቲ ጸሳ ሱንሳ ዳይገቲ፤ ታኒካ ጎዳኮ ዋሳና፤ ሱንሳ ዳይገን ሲዱዲ ያርሾዛ ሚዛ ታማ ከቲዛይሲ ጸሰ ገደ» ገደሰ።

ሂሰቲን አሳይ፡ «ሃይሲ ሎኦ ቆፋ» ገዲ ኤኪደሰ።

25 ሃሳ ገሻሰ ኤላሲ ባኣሌ ናቤታሰ፡ «ኢንቲ ጮራ ገዲዳ ገሻሰ ኢሲ ኮርማ ዶሪ ኤኪዲ ኮይሮቲ ገገሰቲ። ሂሰቲዲ ኢንቲ ጸሳ ሱንሳ ዳይገቲ ኣቲን ኢዛን ታማ ኤሶፍቲ» ገደሰ።

26 ኢስቲ ባስ አሜቲዳ ኮርማ ኤኪዲ ገገሲዳ። ማላደፔ ሴታ ጋላስ ጋካናስ ባኣሌ ሱንፋ ጸይጊዲ። «ሃኢ ባኣሌ! ኑ ዋሳ ሲያ» ጊዲ ዋሲዳ፤ ጊደ ኣቲን ሲዩቲዛ ጨንጉርሲ ዳና፤ ዛሮ አሚዛይካ ዳና። ሂስቲን ባንቲ ገገሲዳ ያርሺዛሶ ዲሪሽ ዩዩዳ።

27 ሳኣይ ሴታ ጋላስ ጊዲን ኤላሲ። «ኢንቲ ቃላ ቶቁ ሂስቲዲ ዋሲቲ! ኢዚ ጸሰ ጊዴይ! ኢዚ ቆፋን ሸኪዳኮ ኦኔ ኤሪዛይ። ዋይኮ ኢዛሰ ኦሶይ ዳሪዳኮ። ዋይኮ ማንዳሪዳኮ። ዋይኮ ቋሰኪዳ ጊዲኮ ዳንፋናስ ኮሽሰ!» ጊዲ ኢስታ ቦላ ቂልጪ ካኢዳሰ።

28 ሂሳ ገሻሰ ባንታ ቃላ ቶቁ ሂስቲዲ ዋሲዳ። ቃሴ ካሴ ባንታ ጎይኒዛ ዋጋ ማላ ባንታ ቦላራ ሱላይ ጎጋና ጋካናስ ቶራኒኔ ማሻን ባና ማዲንሊዳ።

29 ሴታ ጋላሲ ኣቋን ኦማርሳ ያርሾ ሺሺዛ ዋዳይ ጋካናስ ኢስቲ ሃጋኔ ቡራ ቲንቢቲ ሃሳይዳ ሺን ኣይኮ ዛሮካ ዳሚቤቲና፤ ኢስታ ጨንጉርሳ ሲዩዲ ዛሮ አሚዛይ ባዋ።

30 ሂስቲን ኤላሲ ኡባ ኣሳሰ። «ሃ ታኮ ሸቂቲ» ጊን ኣሳይ ኢዛኮ ሸቂዳሰ፤ ጎዳሲ ያርሾ ያርሺዛሶዚ ላሌቲዳይሳ ዛሪ ገምቢዳሰ።

31 ጎዳ ቃላይ ያቆቤኮ ዩዲ። «ኔ ሱንላ ኢስራኤሌ ጌቲታና» ጊዲ ዮቲዳ ያቆቤ ናይታ ቆሞታ ቆዳን ኤላሲ ታማኔ ናምኡ ሹቻታ ኤኪዳሰ።

32 ሂስቲዲ ጎዳ ሱንፋሰ ሄ ሹቻታን ያርሾሶሆ ገምቢዳሰ፤ ያርሾ ያርሺዛሶዛ ዩዩ ኣቋናስ ታማኔ ኦይዲ ለቲሮ ሃላ ኦይኪዛ ኦላ ቦኪዳሰ።

33 ሃሳፌ ጉዬ ያርሾ ያርሺዛሶዛ ቦላ ሚላ ገገሲ ዋሲዲ ኮርማ ኣሻዛ ቆሞን ቆሞን ቃንጾሬላዲ ሚላ ቦላ ዋሲዳሰ። ሂስቲዲ ኣሳ። «ኦይዲ ባሳታን ሃላ ኩንላዲ ጸጋና ያርሾዛ ቦላኔ ሚላ ቦላ ጉሲቲ» ጊን ኢስቲ ጉሲዳ።

34 ዛሪዲካ ኤላሲ ኣሳታ። «ናምኣንሳካ ጉጂቲ» ጊን ኢስቲ ናምኣንሳካ ጉጂዳ።

ቃሴካ ኤላሲ ኣሳታ። «ሄቫንሳካ ጉጂቲ» ጊን ሄቫንሳካ ጉጂዳ።

35 ሃላይ ያርሾ ያርሺዛሶ ኦላ ኩሚ ጎጊዳሰ።

36 ኦማርሳ ዋዳ ያርሾ ሺሺዛ ዋዳይ ጋኪን ናቤ ኤላሲ ያርሾሶሆ ሸቂዲ። «ኣቤት ጎዳዉ! ኣብራሃሚ ጸሳዉ። ዩሳቃ ጸሳዉ። ኢስራኤሌ ጸሳዉ። ኔኒ ኢስራኤሌ ጸሳ ጊዲዳይሲ። ታኒካ ኔ ኣይሌ ጊዲዳይሲኔ ታኒ ሃይሳ ኡባ ኔ ቃላን ኦላዳይሲ ሃቶ ኤሪቶ።

37 ኣቤት ጎዳዉ! ኔኒ ጎዳይ ቱማ ጸሳ ጊዲዳይሳኔ ኔኒ ኢስታ ዋዚና ኔኮ ዛሮ ቦላ ዲዛይሳ ሃ ኣሳይ ኤራና ማላ ኔኒ ታ ዋሳ ሲያ፤ ሲያዳካ ታሰ ዛሮ አሚ!» ጊዳሰ።

38 ሂስቲን ጎዳ ታማይ ዋዳዲ ጸጊዛ ያርሾ። ሚላ። ሹቻኔ ቢታ ሚዳሰ፤ ኦላ ጊደን ዲዛ ሃላካ ላጪዳሰ።

39 ኣሳይ ኡባይ ሂሳ ቤኢዳ ዋዳ ጉፋኒዲ። «ጎዳይ ጸሳ! ጎዳይ ኢዚ ጸላ ቱሙ ጸሳ!» ጊዳ።

40 ሃሳፌ ጉዬ ኤላሲ ኢስታሰ። «ባኣሌ ናቤታ ኦይኪቲ። ኢስታፌ ኢሲ ኣሲካ ኬሲ ኤኪ ቦፖ» ጊዳሰ፤ ሂስቲን ዳሬዚ ኢስታ ኦይኪዳሰ፤ ኤላሲ ኢስታ ቂሶኔ ሻፋ ኤፊዲ ሹኪሲዳሰ።

ጎዳይ ኢራ ቡኪሲዳሰ

41 ኤላሲ ኣካቤሰ። «ዋልቃማ ኢራ ጉንላይ ሲዩቲዛ ገሻሰ ኬዛ ባዳ ማ። ኡያ» ጊዳሰ።

42 ሂሳ ገሻሰ ኣካቤይ ማናሲኔ ኡያናሰ ቢዳሰ። ጊደ ኣቲን ኤላሲ ቃርሚሎሴ ዙማ ጸራ ኬዚዲ ባ ሁኤ ጉልባቲታ ጊደ ዲጌ ጌልሊዲ ጸጉኒዳሰ።

43 ሃሳፌ ጉዬ ኤላሲ ባ ኣሸካራ። «ባ፤ ፑዳ ኬዛዳ ኣኔ ኣባኮ ዛራ ጸላ» ጊዳሰ።

ኣሸካራዚካ ቢ ጸሊዲ ኢዛሰ። «ኣይኮይካ ዳና» ጊዳሰ።

ኤላሲ ባ ኣሸካራ። «ባዳ ጸላ» ጊዲ ላፑንቶ ኣዛዚዳሰ።

44 ኣሸካራዚ ላፑንሎዛን። «ቤኣ! ኣሳ ኩሼ ኬና ሻራይ ኣባፌ ኬዚሹ ዳሰ» ጊዳሰ።

ሂስቲን ኤላሲ ባ ኣሸካራ። «ባ፤ ባዳ ኣካቤ። ሲራይ ኔና ቤላ ዲጎንታ ማላ ኔ ፓራ-ጋሬን ኡታዳ ዲጌ ኔ ሶ ዋቆ» ጋዳ ዮታ» ጊዳሰ።

45 ጉላ ጋምኢሺን ኢራ ሻራይ ሳሎ ቋፒ ሂስቲዳሰ፤ ጫርኮይ ጫርኪዳሰ፤ ዋልቃማ ኢራይካ ቡኪዳሰ። ኣካቤይ ፓራ-ጋሬን ኡቲዲ ኢዘራኤሌ ካታማ ቢዳሰ።

46 ጎዳ ዋልቃይ ኤላሳ ቦላ ዋዳዳሰ፤ ኤላሲ ባ ማይኦ ፑዳ ማርጺዲ ኢዘራኤሌ ካታማ ጋካናሰ ኣካቤፔ ሲንፋን ሲንፋን ዋዲዳሰ።

19

ኤልዛቤሊፔ ኤላሲ ቤትዳ ቤቲ

1 ኤላሲ ኦላዳ ኦሶ ኡባ። ባኣሌ ናቤታካ ገላ ማሻን ኢዚ ዋሰቲ ዋዳሲዳኮ ኣካቤይ ኤልዛቤሊሰ ዮቲዳሰ።

2 ሂስቲን ኤልዛቤላ። «ኔኒ ሄ ናቤታ ቦላ ኦላይሳላ ታኒካ ኔ ሸምፖ ዋንቶ ሃኒ ዋዳ ኢዚሉ ኦላንታ ኣጊኮ ጸሳቲ ሃሳፌካ ኣቋዛ ኢታ ታ ቦላ ጋሌቶ» ጋዳ ቃሰታኔ ኤላሳሰ ዩዳዲሰ።

3 ሂስቲን ኤላሲ ባቢዲ ባ ሸምፖ ኣሻናሰ ዩሁዳ ቢታን ዲዛ ቤርሳቤሄ ጋካናሰ ቤቲዳሰ፤ ባ ኣሸካራካ ሃን ኣጊዳሰ።

4 ኢሲ ጋላሳ ኦጌ ባዘን ሄሚቲዳሰ። ቢሹ ሳንካራ ሚላ ኩዋ ጋርሳን ኡቲዳ። «ኣቤት ጎዳዉ! ታሰ ጊዳና፤ ታኒ ታ ኣዋታፔ ኣቋኬ። ታ ሸምፖኖ ኔ ኤካ» ጊዲ ሃይቆ ኣሞቲ ዋሲዳሰ።

5 ሃሳፌ ጉዬ ሳንካራ ኩዋን ኢቸዲ ቋሰኪዳሰ፤ ኢዚ ሃን ቋሰኮን ዲሺን ኢሲ ኪታንቻይ ኢዛ ቦቸዲ። «ዳንዳዳ ሃይሳ ማ» ጊዳሰ።

6 ሂስቲን ዳንዲዲ ኢዚ ጸሊዛ ዋዳ ሴላን ኡኬቲዳ ኮምፓኔ ኦቶራ ዲዛ ሃላ ባ ሁኤሶፔ ዳሚዳሰ፤ ኢዛፔ ሚ ኡዩዳፔ ጉዬን ሲሚ ቋሰኪዳሰ።

7 ጎዳ ኪታንቻይ ናምኣንሳካ ዩ ኤላሳ ቤጎላዲ። «ኔኒ ባናሶይ ሃሆ ጊዲዳ ገሻሰ ዳንዳዳ ማ» ጊዳሰ።

8 ሂስቲን ኤላሲ ዳንዲዲ ሚዳሰኔ ኡዩዳሰ። ኤላሲ ካላ ሚ ሚኒዲ ጸሳ ዙማ ኮሬቤ ጋካናሰ ኦይዲ ታሙ ጋላሲኔ ኦይዲ ታሙ ኦማርሰ ሄሚቲዳሰ።

9 ሃን ዲዛ ጎንጎሎ ጊደ ጌሊዲ ኣቂዳሰ።

ኤላሳሰ ጎዳ ቆንጩላ

ጎዳ ቃላይ ኢዛኮ ዩዲ። «ኤላሳ! ሃይሳን ኣይ ኦላይ?» ጊዳሰ።

10 ሂስቲን ኤላሲ። «ኡባፌ ዋልቃማ ጎዳ ጸሳሰ ታኒ ኬሃ ዚልኤታዲሰ፤ ጋሶይካ ኢስራኤሌ ኣሳይ ኔናራ

ጫቂቲዳ ጫቆዛ ማንሏዳ፤ ኔሰ ያርሾ ያርሺዛሰሆታካ ላሊዳ፤ ኔ ናቤታካ ገላ ማሻን ዋጂዳ፤ ታኒ ታርካ አታዲሰ ሺን ሃኢ ታናካ ዋጃና ኮዩቲሰ» ገደሰ። *

11 ጎዳይ ኢዛሰ፡ «ሄሳፊ ከዛ ባዳ ዙማ ጾራን ታ ሲንላን ኤቃ፤ ጎዳይ ሄራ አጃና» ገደሰ። ሄሳፊ ጉዩ ዋልቃማ ጫርኮይ ዙማታ ጸልቄራዳ፤ ዛላታካ ኪንቼራሊ ዩገደሰ፤ ጎዳይ ገዲኮ ሄ ጫርኮዛ ገደን ዳና። ሄ ጫርኮዛ፤ ሲሚን ቢታይ ቃጺዳ፤ ጎዳይ ሄ ቢታ ቃላንካ ዳና።

12 ቢታ ቃላፊ ሲሚን ታማይ ከዚዳ፤ ገደ አቲን ጎዳይ ታማ ገደን ዳና። ታማ፤ ሲሚን ሳሱኩላ ጩንጉርሲ ሲዩቲዳ።

13 ኤላሲ ሄሳ ሲዩዲ ባ ማይኢዳ ሃሼ ማይኦን ባ አይፊሶ ካሚዳ። ሂሰቲዲ ካሬ ከዚ ጎንጎሎዛ ፔንጌን ኤቁዳ።

ሄሳፊ ጉዩ፡ «ኤላሳ! ሃይሳን አይ አላይ?» ገዛ ጩንጉርሲ ሲዩዳ።

14 ኤላሲ ዛሪዲ፡ «ኡባፊ ዋልቃማ ጎዳ ጸሳሰ ታኒ ከሃ ዚልኤታዲ፤ ጋሶይካ ኢሰራኤል አሳይ ኔናራ ጫቂቲዳ ጫቆዛ ማንሏዳ፤ ኔሰ ያርሾ ያርሺዛሰሆታካ ላሊዳ፤ ኔ ናቤታካ ገላ ማሻን ዋጂዳ፤ ታኒ ታርካ አታዲሰ ሺን ሃኢ ታናካ ዋጃና ኮዩቲሰ» ገደሰ።

15 ሂሰቲን ጎዳይ ኤላሳሰ ዛሪዲ፡ «ኔ ካሴ ዩዳ አገዛራ ሰማዳ ዳማሰቆ ባዛ ባ። ሄ ባ ጋካዳ አዛሄሌይ አራሜ ቦላ ካዎታና ማላ ኢዛ ቲያ።

16 ቃሴካ ነሚሼ ና ኢዩ ኢሰራኤል ቦላ ካዎታና ማላ ቲያ። ሄሳላካ ኔ ሶሆን ናቤ ገደና ማላ አቤሊ-ማሆሌ ዳሬ አሰ ሳፋጾ ና ኤልሳኤ ቲያ።

17 አዛሄሌ ማሻፊ ከሲ ኤኪ አቲዳይሳ ኢዩይ ዋጃና፤ ቃሴ ኢዩ ማሻፊ ከሲ ኤኪ አቲዳይሳ ኤልሳኢ ዋጃና።

18 ባአሌሰ ጉልባቶንታይታኔ ባ ደናን ባአሌ ጌቲቲዛ ኤቃ ሚሰሌዛ ዩሮንታ አቲዳ 7,000 አሰ ታኒ ኢሰራኤልን ታሰ አሻና» ገደሰ።

ኤልሳኤ ጸይጌቲል

19 ኤላሲ ሄፔ ዳንዲ ቢሸን ሳፋጾ ና ኤልሳኢ ታማኔ ናምኡ ዋጃ ቦራን ጎዩሺን ዳሚዳ፤ ታማኔ ናምኦን ዋጃ ቦራታን ኤልሳኢ ጎዩሰ። ኤላሲ ኢዛኮ ሸቁዲ ባ ሃሼ ማይኦ ኢዛ ቦላ ዩገደሰ።

20 ኤልሳኢ ቦራታ አገዲ ኤላሳኮ ዋጂ ቢዲ፡ «ታኒ ታ አዋኔ ታ አዮ ሳሮ ጋዳ ዋይሴታ ሲማዳ ታ ኔና ካላና ማላ ታና ዩዳርኪ!» ገደሰ።

ሂሰቲን ኤላሲ ኤልሳኤ፡ «ባዳ ያ! ታ ኔና አይዳ ዲጋዲና?» ገደሰ።

21 ሄሳ ገሻሰ ኤልሳኢ አገ ጉዩ ሲሚዲ ናምኡ ቦራታ ሹኪዳ፤ ቦራ ሚሻታ ቁሪዲ ኢዛን አሾዛ ደይሲዳ፤ ሄ ካጸዳ አሾዛ ዳራሰ አሊን አሳይ ሚዳ። ሄሳፊ ጉዩ ዳንዲ ቢዲ ኤላሳ ካሊዳሴኔ ኤላሳ ማዲዳ።

20

አራሜ ካዎ ቤኒ-ሃዳዳይ ሳማሪያ ቦላ ዳንሏዳ ኦላ

1 አራሜ ካዎ ቤኒ-ሃዳዳይ ባ ኦላንቻታ ኡባ ኢሲፊ ሺሺዳ። ሄቹ ታማኔ ናምኡ ካዎታን፡ ኢሰታ ፓራታኒኔ ፓራ-ጋሪታን ማዳቲዲ ፑዳ ቢዲ ሳማሪያ ካታማ ዋራጂ ደዲዳ።

2 ጌዳ ካታማ ገደ ኢሰራኤል ካዎ አካቤኮ ቃሰታኔታ ኪቲን ኢሰቲ ቢዲ፡

3 «ቤኒ-ሃዳዳይ፡ ሳ ቢራይኔ ኔ ዋርቃይ ታሳ፤ ኔ ማቼታፔ ኔ ናይታፔ ሎኢዛይቲ ታሳ» ገደሰ።

4 ሂሰቲን ኢሰራኤል ካዎይካ ዛሪዲ፡ «ኤ፡ ታ ጎዳ ካዎ! ኔኒ ገዳ ማላ ታኒካ ታሰ ዲዛ ኡባይ ኔሳ» ገደሰ።

5 ቃሴካ ቃሰታኔቲ ናምኦን ዩዲ፡ «ኔና ቤኒ-ሃዳዳይ፡ ታኒ ካሴ ኔና ኔ ቢራ፡ ኔ ዋርቃ፡ ኔ ማቼታኔ ኔ ናይታ ታሰ ሹጃና ማላ ኪታዲሰ።

6 ሄሳላካ ዋንቶ ሃኒ ዋዳ ኔ ካዎቲላ ኬላኔ ኔ ሹሜታ ኬል ቆጩሪ ጸላና ማላ ታ ሹሜታ ዩዳና። ኢሰቲካ ኔሰ ዳሰ ገዛ ፓያ ሚሽ ባ ኩሼ ዩዲ ኤካና» ገደሰ።

7 ኢሰራኤል ካዎይ ሄ ቢታ ጩማታ ኡባ ጸይገ ሺሺዲ፡ «ቤኢቲ ሃይሲ አዳዚ ኦሽ ኮዩዲ ታ ማቼታ፡ ታ ናይታ፡ ታ ቢራ ኔ ታ ዋርቃ ኤካናሰ አይቼን ታ ኢዛ ዲጋቤኬ» ገደሰ።

8 ሂሰቲን ጩማቲይ ዳሬዚ ኡባይ አካቤ፡ «ኢዚ ገዛ ሚሽ ሲያዳ ኤኖ ጎፓ!» ገደሰ።

9 ሄሳ ገሻሰ ቤኒ-ሃዳዳይ ኪቲዳ ቃሰታኔታሰ አካቤይ፡ «አንቲ ታ ጎዳ ካዎዛሰ፡ ሳኒ ኮይሮ ኪቲዳ ኪታ ታኒ ፖላና፤ ገደ አቲን ሃኢ ኪታ ታኒ ፖላናሰ ዳንዳይኬ» ገደሰ።

ሂሰቲን ኪቲቲ ዩዳ ቃሰታኔቲ ሲሚ ቢዲ ቤኒ-ሃዳዳይ ዮቲዳ።

10 ሄሳፊ ጉዩ ቤኒ-ሃዳዳይ ሃራ ቃሰታኔታ ዩዲዲ፡ «ታና ካሊዛ አሳ ሳማሪያ ካታማ ጉዳላይ ኢሲ ኢሲ ኩቶ ጋኪኮ ጸሳቲ ታና ዋጂቶ» ገደሰ።

11 ኢሰራኤል ካዎይ ኪቲቲ ዩዳይታሰ፡ « ሳቲሙ ኦላንቻይ ኦላፔ ሲሚዲ ጋይሬሰ አቲን ቡሮ ኦላሰ ቢሼ ጋይሬና» ገዲ ዮቲቲ» ገደሰ።

12 ቤኒ-ሃዳዳይ ካዎቲ ባንታ ዳንካኔታ ገደን ኡሹ ኡዩሼ ሄሳ ሄ ኪታ ሲዩዳ፤ ካዎ ቤኒ-ሃዳዳይ ባ ኦላንቻታ፡ «ኦላሰ ገጌቲቲ» ገዲ አዛዚን ኦላንቻቲ ካታማ አላናሰ ገጌቲዳ።

13 ሄ ዋዳ ኢሲ ናቤይ ኢሰራኤል ካዎ አካቤኮ ቢዲ፡ «ጎዳይ ኔና፡ ሳይሳ ዳሮ ኦላ አሳ ቤኢይ? ታኒ ሃቶ ኢሰታ ኔ ኩሼን አላ አሚኮ ታኒ ጎዳ ገዲዳይሳ ኔ ሄሳን ኤራና» ገደሰ።

14 አካቤይ፡ «ኦላሰ ሲንሳቲ ኬዛናይ ኦኔ?» ገደሰ።

ናቤዚካ፡ «አዉራጃን አዉራጃን ዲዛ ኦላ ጋዳዋቲ ኬዜቶ» ገደሰ።

ሂሰቲን ካዎይ፡ «ኦላ ኦኒ ደሞ ጋይ?» ገደሰ።

ናቤዚካ፡ «ኔኒ ደማ» ገደሰ።

15 ሄሳ ገሻሰ አካቤይ አዉራጃን አዛዚዛ 232 ኦላ ጋዳዋታ ሺሺዳ። ቃሴ አቲዳ 7,000 ኢሰራኤል ኦላንቻታ ሺሺዳ።

16 ቤኒ-ሃዳዳይ ባና ማዲዛ 32 ካዎታራ ኢሲፊ ዳንካኔን ኡቲ ኡዩሼ ማላቲ ዲሺን ሴታ ጋላሰ ኢሰራኤል ኦላንቻቲ ኦላሰ ከዚዳ።

* 19:10 ዚልኤታዲሰ ገዛይሳ ኢሲ ኢሲ ባጋ ጋሞላ ቃላን ሚሼታዲሰ፡ ቃናታዲሰ ጌቲሰ። 19:10 ኦሮ 11:3 19:15 2ካዎ 8:7-13 19:16 2ካዎ 9:1-6 19:18 ኦሮ 11:4

17 አወራጃን አዛዚዛ ዬላጋ ሞኮኔቲ ኦላሰ ኮይር ኬዚ ቢዳ።
በኒ-ሃዳዳይ ዩዩ ዋቸዛይታ ከቲን ኢሰቲ ሲሚዲ ኢዛሰ። «ሳማሪያፔ አሳይ ኬዚዲ ዩሼ ዳሰ» ገ ዮቲዳ።

18 በኒ-ሃዳዳይካ፣ «ኢሰቲ ሳርሰ ገዲን ዎይኮ ኦላሰ ዩኮካ ኢሰታ ሼምፖራ ፓጻ ኦይኪዲ ሃ ኤሂቲ» ገዴሰ።

19 አወራጃን አዛዚዛ ዬላጋ ሞኮኔቲ ካታማፔ ጋጻ ኬዚዳ፤ ኢሰራኤል ኦላንቻቲካ ኢሰታ ካሊዲ ኬዚዳ።

20 ኡባቲካ ባናራ ቲራን ጋይቲዳ ሞርኬታ ኡባ ዎዲዳ። ሂሰቲን አራሜ አሳይ ባቃቲን ኢሰራኤል አሳይ ካሊ ካሊዲ ኢሰታ ዩዳዲዳ። ቃሴ አራሜ ካዎ በኒ-ሃዳዳይ ቶጋ አሳታራ ባ ፓራን ኬሲ ኤኪዲ ቢዳሰ።

21 ኢሰራኤል ካዎ አካቤይ ኦላ ሲንሐ ሲንሐ ሰቲ ቢዲ ፓራታኔ ፓራ-ጋራታ ዲኢ ኤኪዳሰ፤ አራሜ አሳካ ዲፒ ሂሰቲዳሰ።

22 ሂሳፌ ጉዬ ናቤዚ ኢሰራኤል ካዎኮ ዩዲ፣ «ዩዛ ላይላ ኦፊንሳን አራሜ ካዎይ ኔና ኦላናሰ ሲሚ ያና ገሻሰ ሚና! ኔ አይ ኦላና ቤሲዛኮ ሻካ ኤራ» ገዴሰ።

አራሜ ካዎይ ሳማሪያ ቦላ ዳንላዳ ናምአንላ ኦላ

23 ሄ ዎዴ አራሜ ካዎ ዘሪዛ ሹሜቲ፣ «ኢሰታ ጸሳቲ ዙማ ጸሳታ፤ ኢሰቲ ኮሰ ዎልቃሚዳይካ ሄሳሳ። ኮኒ ኢሰታራ ዳምባን ኦላ ጋይቲዛኮ ሲዴይ ባይንዳ ኢሰታ ጸናና።

24 ሃኢ ገዲኮ ኢሲ ሚሽ ኦላ፤ ካዎታ ኡባ ኢሰታ ካዎቲላፌ ዳንላዳ ኢሰታሶሆን ሃራ ዎላ።

25 ኮኒ ኢሰራኤሌታራ ዳምባን ኦሌታናሰኔ ጸናናሰ ዳንዳያና ማላ ኔሰ ካሴ ወሪዳ ኦላንቻታ ሶሆን ኦላንቻታ፣ ፓራታ ሶሆን ፓራታ፣ ፓራ-ጋራታ ሶሆን ፓራ-ጋራታ ዛራ ገሊሳ» ገዴ። ሂሰቲን ኢዚካ ኢሰታ ዘሪዛ ኤኪዲ ሄሳላ ኦላዳሰ።

26 ዩዛ ላይላ ኦፊንላ ጋኪን በኒ-ሃዳዳይ አራሜ ኦላንቻታ ሺሺዲ ኢሰራኤሌታራ ኦሌታናሰ አፌቄ ጌቲቲዛ ካታማ ቢዳሰ።

27 ኢሰራኤል ኦላንቻቲካ ሺንቄኔ ኦላ ሚሽ ኤኪዲ ኢሰታራ ኦሌታናሰ ናምኡ ቡቲ ገዲዲ ኬዚዳ። አራሜ ኦላንቻቲ ቢታ ጋዳ ማይኢ ኡቲን ኢሰራኤሌ ኦላንቻቲ ገዲኮ ናምኡ ጉላ ዳይሻ ወዳታ ማላ ኢሰታፌ ሰንሳ ባጋራ ዲንካኒ ኡቲዳ።

28 ጸሳ ናቤ ኢሶይ ኢሰራኤል ካዎዛኮ ቢዲ፣ «ጎዳይ፣ ሳራሜ አሳቲ ጎዳይ ዙማታ ጸሳፌ አቲን ዳምባታ ጸሰ ገዴና፤ ገዳ ገሻሰ ሃ ኬንቸዳ ኦላንቻታ ኡባ ታኒ ኔ ኩሼን አላ አማና። ሄ ዎዴ ታኒ ጎዳ ገዲዳይሳ ኔኒኔ ኔ አሳይ ኤራና» ገሰ» ገዴሰ።

29 አራሜቲኔ ኢሰራኤሌ አሳይ ኢሶይ አሳኮ ሲሚ ዛማዲ ኡቲዲ ላፑን ጋላሰ ጋካናሰ ጋምኢዳሰ። ላፑንላ ጋላሳን ኦላ ኦይኬቲዲ ሄ ጋላሰ ኢሰራኤሌ አሳይ አራሜ አሳፔ 100,000 ኦላንቻታ ዎዲዳሰ።

30 ኢሰታፌ አቲዳይቲ አፌቄ ካታማ ባቃቲዳ፤ ሄን ካታማ ገምቤይ 27,000 አሳ ቦላ ኩንዲዲ ዎዲዳሰ።

በኒ-ሃዳዳይካ ሄ ካታማ ባቃቲ ቢዲ ኢሲ ኢልፒኔ ኬላ ገዲን ቆቲቲዳሰ።

31 ኢዛ ሹሜቲ ኢዛ፣ «ኢሰራኤል ካዎቲ ማሪዛይታ ገዲዳይሳ ኮኒ ሲዩዳሰ፤ ሃኢ ማቃ ማይኢዲ፣ ዎደር

ኑ ሁኔን ጸጺዲ አኔ ኢሰራኤሌ ካዎኮ ቦሰ። ኢዚ ኔ ሼምፖ አሻናኮ ኦኔ ኤሪዛይ» ገዴ።

32 ሂሰቲን ኢሰቲ ማቃ ማይኢዲ፣ ዎደር ባንታ ሁኔን ጸጺዲ፣ ኢሰራኤሌ ካዎኮ ቢዲ ኢዛ፣ «ኔ አሽካራ በኒ-ሃዳዳይ ኔና፣ ሳሃ ታና ዎዲፓርኪ» ገሰ» ገዴ።

ሂሰቲን ካዎዚ፣ «ኢዚ ሃኖ ጋካናሰ ፓጻ ዲዜ? ኢዚ ታሰ አሻ» ገዴሰ።

33 አሳይ ኢዚ ገዳ ቃላ ኤሌሲ ሎኦ ቆፋን ኤኪዲ፣ «ኤ፣ በኒ-ሃዳዳይ ኔ አሻ» ገዴ።

ካዎዚ ኢሰታሰ፣ «አኔ ቢዲ ኢዛ ታኮ ኤኪ ዩቲ» ገዴሰ። በኒ-ሃዳዳይ ኬዚ ዩን አካቤይ ኢዛ ፑዴ ባ ፓራ-ጋራ ቦላ ኬዚ ኡታና ማላ ኦላዳሰ።

34 በኒ-ሃዳዳይ አካቤ፣ «ታ አዎይ ኔ አዎፔ ኤኪዳ ካታማታ ታኒ ኔሰ ዛራና። ታ አዎይ ባሰ ሳማሪያን ገያ ኤሲዳ ማላ ኔኒካ ዳማሰቆ ካታማን ኔሰ ገያ ኤሳና ዳንዳያሳ» ገዴሰ።

አካቤይካ ኢዛሰ፣ «ሃይሳን ኔ ጫቆ ቃላ ዎላዚ ገዲኮ ታኒ ኔና ዩዳና» ገዴሰ። ሄሳ ገሻሰ ኢዛራ ጫቆ ቃላ ጌሊን ዩዲዳሰ።

አካቤ ቦላ ዮቲቲዳ ቲንቢቲ

35 ናቤታ ናይታፔ ኢሶይ ጎዳ ቃላሰ አዛዜቲዲ ባ ላጌዛ፣ «ታና ሾጫ» ገዴሰ፤ ገደ አቲን ላጌዚ ሾጫንታ ኢዲዳሰ።

36 ሄሳ ገሻሰ ናቤዚ ኢዛ፣ «ኔኒ ጎዳሰ አዛዜቶንታ ኢዲዳ ገሻሰ ኔኒ ታፔ ሻኬታ ቢዳ ማላ ጋምይ ኔና ዎዲና» ገዴሰ። አዳዚ ናቤዛፔ ሻኬቲ ቢዳ ማላ ጋምይ ኢዛራ ጋይቲዲ ዎዲዳሰ።

37 ናቤዚ ሃራ አሰ ዳሚዲ፣ «ዲጫ አኔ ታና ሾጫ» ገዴሰ። ሂሰቲን አዳዚ ኢዛ ሾጫ ማዲንላዳሰ።

38 ሄሳፌ ጉዬ ናቤዚ ኦጌ ቦላ ቢ ኤቂዲ ካዎዛ ናሳ ደሚዳሰ፤ ኤራቶንታ ማላ ባ ሁኔ ቁራጩ ቢርሺዲ ባ ሰንሐ ካሚዳሰ።

39 ካዎይ ኦጋራ ካንላ ቢሺን ናቤዚ ካዎዛ፣ «ታኒ ኔ አሽካራይ ዎልቃማ ኦላ ኦሌቲላን ዲሺን ኢሲ አሲ ታኮ ዩዲ፣ ሳ ዲኤቲዳ አዳዛ ናጋ። ኢዚ ኬሲ ኤኪ ቢዛ ገዲኮ ኔ ኢዛሰ ገሊዳ ዎጸማዳን ጌላሳ ዎይኮ 3,000 ሳቂሌ ቢራ ቃንጸሳ» ገዴሰ።

40 ታሰ ኔ አሽካራዛሰ ኦሶይ ዳሪን ታኒ ያኔ ሃ ገሺን አዳዚ ኬሲ ኤኪ ቢቸዳሰ» ገዴሰ።

ሂሰቲን ኢሰራኤሌ ካዎይ፣ «ኔኒ ኔርካ ፐርዳዳሳ፤ ሄ ፐርዳይካ ኔ ቦላ ፖሌታና» ገዴሰ።

41 ናቤዚ ባ ሰንሐ ካሚዳ ቁራጩዛ ቃሪ ዩገዳሰ፤ ኢሰራኤሌ ካዎዚ ሄ አዳዚ ናቤታፔ ኢሳ ገዲዳይሳ ሃራካ ኤሪዳሰ።

42 ናቤዚ ካዎዛሰ፣ «ጎዳይ፣ ሳኒ ኢዚ ሃይቃና ቤሴሰ ገዳ አዳዛ ኔኒ ዩዲዳ ገሻሰ ኢዛ ዎጸማዳን ኔ ጌላና፤ ኢዛ ዳራይ ጌላና ዎጸማዳዛን ኔ ዳራይ ጌላና» ገሰ» ገዴሰ።

43 ሂሰቲን ኢሰራኤሌ ካዎይ ዩሎቲሼኔ ሃንቄቲሼ ሳማሪያ ካታማን ዲዛ ባ ካዎቲላ ኬላ ሲሚዳሰ።

21

ናቡቲይ ዎይኔ ቶኪዛሶሆ

1 ኢዘራኤሌ ዳሪ አሰ ናቡቲሰ ሳማሪያ ካዎ አካቤ ኬላ ማታን ዎይኔ ቶኪዛሶሆ ዳሰ።

2 አካቤይ ናቡቲስ፡ «ታ ከላ ማታን ዲዛ ገሻሽ ታኒ ታስ አታኪልቴሶሆ ሂሰታና ኮይዛ ገሻሽ ነኒ ዋይኔ ቶኪዛሶሆዛ ታስ አማ። ኢዛ ገሻሽ ነስ ታኒ ሃራ ሎኦ ዋይኔ ጋዴ አማና፤ ዋይኮ ነኒ ደሲኮ ኢዛ ዋጋ ታኒ ነስ ቃንጻና» ገዴሰ።

3 ሂሰቲን ናቡቲይ አካቤስ፡ «ታኒ ታ አዋታፔ ላቲዳ ጸንጾ ነስ አሚሲዛዛፔ ጎዳይ ታና አሾ» ገዴሰ።

4 ኢዘራኤል አስ ናቡቲይ፡ «ታኒ ታ አዋታፔ ላቲዳ ጸንጾ ነስ አሚኮ» ገዴ ገሻሽ አካቤይ ዩሎቲሼኔ ላንጨሼ ባ ሶ ቢዴስ። ሂሰቲዲ ባ ሂጸን ጎዳኮ ሲሚ ኢቺዲ ካሐ ሞንታ ኢጲዴስ።

5 ኢዛ ማቻ ኤልዛቤላ ኢዛኮ ጌላዳ፡ «ኔኒ ሃይሳ ከሃ አዛስ ዩሎታዲ? አይስ ካሐ ሞንታ ኢጲዴ?» ጋ ኦይቻዲስ።

6 አካቤይ ኢዚስ፡ «ኢዘራኤል አስ ናቡቲ ታኒ፡ ኔኒ ዋይኔ ቶኪዛሶሆዛ ታስ ባይዛ፤ ዋይኮ ኔ ደሲኮ ኢዛ ገሻሽ ታኒ ነስ ሃራ ዋይኔ ቶኪዛሶሆ አማና» ገን ኢዚ፡ «ታኒ ታ ዋይኔ ቶኪዛሶሆዛ ነስ አሚኮ» ገዴሰ። ሂሰቲን ታኒ ሃሳ ገሻሽ ዩሎታዲስ» ገዴሰ።

7 ኢዛ ማቻ ኤልዛቤላ ኢዛስ፡ «ኔኒ ኢሰራኤል ቦላ ካዎ ገዳ ኡታዳ ሃይሳሳ ሃናይ? ዳንዳዳ ካሐ ማ! ዋዚናፔካ ኡፋዬታ! ኢዘራኤል አስ ናቡቲይ ዋይኔ ቶኪዛሶሆዛ ታኒ ነስ አማና» ጋዲሰ።

8 ሃሳ ገሻሽ ኤልዛቤላ አካቤ ሱንጎን ዳብዳቤ ጸፋዳ ኢዛ ማታማን ሾጫዳ ናቡቲይ ዲዛ ካታማን ዲዛ ጨማታሲኔ ሹሚታስ ዩዳዲስ።

9 ሄ ዳብዳቤዛ ገደን፡ «ኢሲ ጋላሳ ጸማ አዋጂቲ፤ ሂሰቲዲ ናቡቲ አሳ ገደን ቦንቾ ሶሆን ኡቲሲቲ።

10 ሃሳፌ ጉዬ ዋርዶ ማርካ ናምኦታ ኢዛ ሲንጎን ኡቲሲቲ፤ ኢሰታስ፡ «ናቡቲይ ካዎኔ ጸስ ጫዩዴስ» ገዴ ኢዛ ቦላ ማርካቲቶ። ሂሰቲኮ ኢንቲ ኢዛ ካታማፔ ካሬ ከሲዲ ሹቻን ጫዳ ዋጂቲ» ጋዳ ጸፋዲስ።

11 ሃሳ ገሻሽ ናቡቲይ ዲዛ ካታማን ዲዛ ጨማቲኔ ሹሚቲ ኤልዛቤላ ኢሰታስ ጸፊዳ ዳብዳቤዛ ማላ ፖሊዳ።

12 ኢሰቲካ ኢሲ ጋላሳ ጸማ አዋጂዲ ናቡቲ አሳ ገደን ቦንቾ ሶሆን ኡቲሲዳ።

13 ሃሳፌ ጉዬ ዋርዶ ማርካ ናምኦቲ ዩዲ ኢዛ ሲንጎን ኡቲዳ፤ ሂሰቲዲ ዴራ ሲንጎን፡ «ናቡቲይ ካዎኔ ጸስ ጫዩዴስ» ገዴ ዋርዶ ማርካ ማርካቲን ናቡቲ ካታማፔ ካሬ ከሲዲ ሹቻን ጫዳ ዋጂዳ።

14 ሃሳፌ ጉዬ ጨማቲ ኤልዛቤላኮ ከቲዲ፡ «ናቡቲይ ሹቻን ጫዴቲ ሃይቂዴስ» ገዳ።

15 ናቡቲይ ሹቻን ጫዴቲ ሃይቂዴሳ ኤልዛቤላ ሲዩዳ ማላ አካቤስ፡ «ናቡቲይ ሃይቂዳ ገሻሽ ካሴ ኢዚ፡ ኔስ ሚሻን ባይዚኮ» ገዴ ኢጲዳ ዋይኔ ቶኪዛሶሆዛ ዳንዳ ባዳ ነስ ጸንጾ ሂሰታ ኤካ» ጋዲሰ።

16 ኢዘራኤል አስ ናቡቲይ ሃይቂዴይሳ አካቤይ ሲዩዲ ናቡቲ ዋይኔ ቶኪዛሶሆዛ ባስ ኤካናስ ዳንዳዲ ዲጌ ቢዴስ።

17 ሃሳፌ ጉዬ ቲሲቤ አስ ኤላሳኮ ጎዳ ቃላይ ዩዲ፡

18 «ሳማሪያን ካዎቲዳ ኢሰራኤል ካዎ አካቤራ ጋይታናስ ዲጌ ዋጃ። ኢዚ ሃኢ ናቡቲይ ዋይኔ ቶኪዛሶሆዛ ኤካናስ ቢዲ ሄን ዴስ።

19 ኔኒ ኢዛስ፡ «ናቡቲ ዋጃዳ ኢዛ ጸንጾ ላታኔ?» ጌሰ። ቃሴካ ኢዛስ፡ «ናቡቲ ሱላ ካናቲ ላጨዳሶን ኔ ሱላካ ካናቲ ላጨና» ጌሰ ጎዳይ ኔና» ገዴሰ።

20 አካቤይካ ኤላሳስ ዛሪዲ፡ «ሃኢ ታ ሞርኬዞ ታና ዳማይቻዲ?» ገዴሰ።

ሂሰቲን ኤላሲ፡ «ኤ፡ ታኒ ኔና ዳማይቻዲስ፤ ጋሶይካ ኔኒ ጎዳ ሲንጎን ኢታ ሚሽ ኦላናስ ኔናቲላ ናጋራስ ባይዛዳሳ።

21 ጎዳይ ኔና፡ «ሲያ፡ ታኒ ኔ ቦላ ኢታ ሚሽ ኤሃና። ኔ ዜራላ ሙሌራ ጳይሳና፤ ታኒ ኢሰራኤል ቢታን አካቤ ከላ አሳፔ አይሌ ገዲን ዋይኮ ጎቃ ገዲን አዴፌ ኢሳካ አሾንታ ፒታ ጳይሳና።

22 ኔኒ ኢሰራኤል አሳ ናጋራ ኦሲሲዳ ገሻሲኔ ታና ሃንቁሊዳ ገሻሽ ታኒ ኔ ሶ አሳ ናባጼ ና ኢዮርባኦሜ ሶ አሳ ማላኔ አካያ ና ባሼ ሶ አሳ ማላ ኦላና» ጌሰ።

23 «ቃሴካ ጎዳይ ኤልዛቤላ ገሻሽ፡ «ኢዘራኤል ካታማ ገምቤ ላንቁን ካናቲ ኤልዛቤሎ ማና» ጌሰ።

24 አካቤ ዛሪፔ ካታማ ገደን ሃይቂዳ ኦናካ ካናይ ማና፤ ቃሴ ጋጸሬን ሃይቂዳይታ ሳሎ ካፎቲ ማና» ገዴሰ።

25 ኢዛ ማቻ ኤልዛቤላ ዳንጌላን ጎዳ ሲንጎን ኢታ ሚሽ ኦላናስ ባናቲላ ናጋራስ ባይዚዳ አካቤ ማላ አሲ ሙሊካ ዴና።

26 ጎዳይ ኢሰራኤል አሳ ሲንጎፌ ጎዲ ከሲዳ አዎራቲ ኦሊዳ ማላ ኢዚካ ኤቃ ጸሳታ ጎይኖን ከሄ ሃራሲዛ ቱና ሚሻታ ኦሊዴስ።

27 አካቤይ ሃ ዮኦዛ ሲዩዳ ማላ ባ ማይኦ ፖሽ ዩገዲ ማቃ ማይኢ ጸሚዴስ። ማቃ ማይኢዳ ማላ ኢቺዴስ፤ ጨጨሼካ ዩዩዴስ።

28 ሃሳፌ ጉዬ ጎዳ ቃላይ ቲሲቤ አስ ኤላሳኮ ዩዲ፡

29 «አካቤይ ባናቲላ ታ ሲንጎን ዋስቲ ካወሺዳኮ ቤኦይ? ኢዚ ታ ሲንጎን ባናቲላ ካወሺዳ ገሻሽ ታኒ ሃ ሚቶዛ ኢዛ ዋይኒ ኢዛ ቦላ ኤሂኮ። ገደ አቲን ታኒ ኢዛ ና ዋይኒ ኢዛ ሶ አሳ ቦላ ሃ ሚቶዛ ኤሃና» ገዴሰ።

22

ናቤ ሚኪያሲ አካቤስ አሚዳ ሴራ (2ታሪ 18:2-27)

1 አራሜይኔ ኢሰራኤሌይ ባ ጋርሳን ኦላ ኦሌቶንታ ሃቹ ላይላ ሳርን ዴኢዳ።

2 ሃቹንላ ላይላን ዩሁዳ ካዎ ኢዮሳፊጾይ ኢሰራኤል ካዎ ቤኦናስ ቢዴስ።

3 ኢሰራኤል ካዎይ ባ ሹሚታስ፡ «ጋላኦይን ዲዛ ኤራሞቲ ካታማይ ኦስ ገዲዳይሳኔ ኦኒ ሃኖ ጋካናስ ሄ ካታማ አራሜ ካዎፔ ዋላ ኤካናስ ኦ አይኮካ ኦሶንታይሳ ኢንቲ ኤሬኬቲ?» ገዴሰ።

4 ቃሴካ ኢዚ ኢዮሳፊጾይ፡ «ጋላኦይን ዲዛ ኤራሞቲ ካታማ ኦላናስ ታናራ ባኔ?» ገዴ ኦይቺዴስ።

ሂሰቲን ኢዮሳፊጾይ ኢሰራኤል ካዎስ፡ «ኤ! ታኒ ኔ ማላ፤ ታ ዴሬይ ኔ ዴሬ ማላ፤ ታ ፓራቲካ ኔ ፓራታ ማላ» ገዴሰ።

5 ቃሴካ ኢዮሳፊጾይ ኢሰራኤል ካዎስ፡ «ገዲኮካ ኔኒ ካሴታዳ ጎዳ ኦይቻ» ገዴሰ።

6 ኢሰራኤል ካዎይ ተንቢቲ የተዘ ኦሪዱ ጾቱ ናቤታ ሺሺዲ። «ጋላኦን ዲዛ ኤራሞቲ ካታማ ኦላናሰ ቦዬ ቦፖ?» ጊዲ ኢስታ ኦይቺዴስ።

ኢስቲካ። «ባ! ኦይሰ ገቡ ሄ ካታማ ካዎዛ ጎዳይ ኔ ኩሼን ኦላ ኢማና» ጊዲ።

7 ኢዮሳፊዴ ዛሪዲ። «ኑኒ ጎዳ ኦይቻና ማላ ሃራ ናቤይ ባዌ?» ጊዴስ።

8 ኢሰራኤል ካዎ ኢዮሳፊዴ ዛሪዲ። «ኑኒ ኢዛ ባጋራ ጎዳ ኦይቻናሰ ዳንዲይዛ ኢሲ ሃራ ኦሲ ዴስ፤ ኢዚ ዩሚላ ና ሚኪያሰ። ጊዳ ኦቲን ታኒ ኢዛ ኢዳዲሰ፤ ኦይሰ ገቡ ኢዚ ኡባ ዎዴካ ታ ጊሻሰ ኢታ ሚሽ የተሰፊ ኦቲን ሎኦ ሚሽ የተ ኤሪና» ጊዴስ።

ኢዮሳፊዴ ኢሰራኤል ካዎስ። «ካዎይ ሄሳላ ጎፖ!» ጊዴስ።

9 ሄሳፊ ጉዬ ኢሰራኤል ካዎይ ባ ሹሜታፔ ኢሳ ዴይጊዲ። «ዩሚላ ና ሚኪያሰ ኤሶን ኤካ ያ» ጊዴስ።

10 ኢሰራኤል ካዎይን የሁዳ ካዎ ኢዮሳፊዴ ባንታ ካዎቲላ ማይኦ ማይኢዲ። ሳማሪያ ካታማ ጌሊዛ ፔንጌ ማታን ዲዛ ካላ ባሌን ባንታ ካዎቲላ ኦሪታን ኡቲዳ፤ ናቤቲ ኡባይ ኢስታ ሲንላን ቲንቢቲ የተዳ።

11 ኢስታፊ ኢሶይ ከንኦኔ ና ሳዶቄይ ቢራታፔ ካጩታ ገግሲዲ ኦካቤስ። «ጎዳይ። ሳራሜ ኦሳይ ሳያና ጋካናሰ ኔኒ ኢስታ ሃ ካጩታን ቃይጫና» ጌስ።

12 ሃንቡ ናቤቲ ኡባይካ። «ጋላኦን ዲዛ ኤራሞቲ ካታማ ባዳ ኦላ፤ ኦላዳካ ጸና። ኦይሰ ገቡ ጎዳይ ሄ ካታማ ካዎዛ ኩሼን ኦላ ኢማና» ጊዲ ኢሲ ቃላን ሃሳይዳ።

13 ሄሳፊ ጉዬ ሚኪያሰ ዴይጋናሰ ከቲቲ ቢዳ ኦዴዚ ኢዛ። «ቤኦ። ቲንቢቲ የተዘ ኡባቲ ኢሲ ዶና ጊዲዲ። ካዎይ ሃ ኦላ ጸናና» ጊዲ የተዳ። ኔኒካ ኢስታይሳላ የታ» ጊዴስ።

14 ጊዳ ኦቲን ሚኪያሰ ሄ ኦዴዛሰ። «ዴኦ ጎዳይ ቤኦን ጎዳይ ታሰ የቶሮ ጸላ ታ ኢዛሰ የታና» ጊዴስ።

15 ሚኪያሰ ካዎዛኮ ጋኪዳ ማላ ካዎዚ ኢዛ። «ሚኪያሰ! ኑኒ ጋላኦን ዲዛ ኤራሞቲ ካታማ ኦላናሰ ቦኒዬ ቦፖ?» ጊዲ ኦይቺዴስ።

ሚኪያሰ ካዎዛሰ። «ኤ ባዳ ኦላ፤ ኦላዳካ ጸና። ጎዳይ ሄ ካታማ ካዎዛ ኔ ኩሼን ኦላ ኢማና» ጊዴስ።

16 ካዎዚ ጊዲኮ ኢዛሰ። «ኔኒ ጎዳ ሱንላን ቲማፔ ኦቲን ሃራ ሚሽ ታሰ የቶንታ ማላ ታኒ ኔና ኦፑንቶ ጫቄላናሰ ኮሺዜ?» ጊዴስ።

17 ሚኪያሰ። «ኢሰራኤል ኦላንቻቲ ኡባይ ሄንላንቻይ ባይንዳ ዶርሳታ ማላ ላሌቲ ዲሺን ቤኦዲሰ። ጎዳይ ኢስታሰ። ሃይሳ ዴራሰ ጎዳይ ባዎ። ኢስቲ ኡባይካ ባንታ ሶ ባንታ ሶ ሳሮን ቤቶ» ጌስ።

18 ኢሰራኤል ካዎ ኢዮሳፊዴ። « ኢዚ ታ ጊሻሰ ኢታፔ ኦቲን ሎኦ ሚሽ የተ ኤሪና» ጋዳ ካሴ ኔሰ የታቤኪና?» ጊዴስ።

19 ሚኪያሰ ዛሪዲ። «ሂሰቲኮ ጎዳይ ጊዛይሳ ሲያ! ጎዳይ ባ ካዎቲላ ኦሪታን ኦቲን ሳሎ ኦላንቻቲ ኡባይ ኢዛ ኡሻቻራኔ ሃዲርሳራ ኡቄዳይታ ታኒ ቤኦዲሰ።

20 ጎዳይ። ሳካቤይ ጋላኦን ዲዛ ኤራሞቲ ካታማ ቢዲ ሄን ሃይቃና ማላ ኢዛ ባሌላናይ ኦኔ?» ጊዴስ። ኢሶይ ሃይሳ ኢሶይ ሄሳ ጊዛ ዲማ ዲማ ቃላ ሃሳይዳ።

21 ወርሴላን ኢሲ ኦያናይ ኬዚ ጎዳ ሲንላን ኡቄዲ። «ታኒ ኢዛ ባሌላና» ጊዴስ።

22 «ጎዳይ ኦያናዛ። ሳኔ ኢዛ ዎስታ ባሌላኔ?» ጊዴስ።

«ኦያናዚካ። «ታኒ ኬዛ ባዳ ኢዛ ናቤቲ ኡባቲ ዎርዶ ሃሳያና ማላ ኦላና» ጊዴስ።

«ሂሰቲን ጎዳይ። ሳኔ ሃኢ ኬዛዳ ባ! ባዳ ባሌላ፤ ኢዚ ኔሰ ሃናና» ጊዴስ።

23 ሄሳ ጊሻሰ ሚኪያሰ። «ጎዳይ ሃይታ ኔ ናቤታ ኡባታ ዶናን ዎርዶ ኦያና ዎላዴስ፤ ኦይሰ ገቡ ጎዳይ ኔ ቦላ ባሽ ኤሃናሰ የተዴሰ» ጊዴስ።

24 ሄሳፊ ጉዬ ከንኦኔ ና ቤዴቄያሰ ሺቄዲ ሚኪያሰ ሻጋላን ባቃ ሻዬዲ። «ጎዳ ኦያናይ ታፔ ኦዎ ባጋራ ኦጂ ቢዲ ኔሰ የተዴ?» ጊዲ ኦይቺዴስ።

25 ሚኪያሰካ ዛሪዲ። «ሄሳ ኔኒ ቆልኦን ቆቲታና ጌሊዛ ጋላሰ ኤራና» ጊዴስ።

26 ሄሳፊ ጉዬ ኢሰራኤል ካዎይ ባ ኦላንቻታፔ ኢሳ ኦዛዚሼ። «ሚኪያሰ ኦይኪዲ ካታማ ሃሪዛ ኦሞኔሴ ካዎዛ ና ኢዮኦሳሰ ጉዬ ዛሪቲ።

27 ሂሰቲዲ ካዎዚ። «ታ ሎኦን ሲማናሼ ጋካናሰ ሃይሳ ኦዴዛሰ ሚላ ኡኬላኔ ሃላ ኦቲን ሃራ ኢዎንታ ማላ» ጌስ።

28 ሚኪያሰ ኢዛሰ። «ኔኒ ሳሮን ሲሚዛ ጊዲኮ ጎዳይ ታ ዶናራ ሃሳይቤና» ጊዴስ። ቃሴካ ሚኪያሰ። «ሃይሳን ዲዛ ኦሳይ ሃይሳ ታ ጊዛ ቃላ ዎዚናን ዎላቲ» ጊዴስ።

ኦካቤ ሃይቆ (2ታሪ 18:28-34)

29 ሄሳፊ ጉዬ ኢሰራኤል ካዎ ኦካቤይን የሁዳ ካዎ ኢዮሳፊዴ ጋላኦን ዲዛ ኤራሞቲ ካታማ ቢዲ።

30 ኢሰራኤል ካዎይ ኢዮሳፊዴስ። «ታኒ ማይኦ ላማዳ ሃራ ኦሰ ሚሳታዳ ኦላን ጌላና፤ ኔ ጊዲኮ ኔ ካዎቲላ ማይኦ ማይኦ» ጊዴስ። ሄሳ ጊሻሰ ኢሰራኤል ካዎይ ባ ማይኦ ላሚ ሃራ ኦሰ ሚሳቲዲ ቆቲቲ ኦላዛ ጊዳ ጌሊዴስ።

31 ኦራሜ ካዎይ ባ ፓራ-ጋሪታ ኦዛዚዛ 32 ሹሜታ። «ኢሰራኤል ካዎዛራፔ ኦቲን ጉላ ጊዲን ጌታ ጊዲን ሃራ ኦናራካ ኦሌቶፍቲ» ጊ ኦዛዚዴስ።

32 ፓራ-ጋሪታ ኦዛዚዛይቲ ኢዮሳፊዴ ቤኢዳ ማላ። «ኦዳፊ ሃይሰ ኢሰራኤል ካዎዛኮ!» ጊዳ። ሂሰቲዲ ኦላ ኦይካናሰ ኢዛ ጊዳዲ፤ ኢዮሳፊዴ ዎሲዴስ።

33 ኢዚ ዎሲን ፓራ-ጋሪታ ኦዛዚዛይቲ ኢዚ ኢሰራኤል ካዎዛ ጊዳንታይሳ ኤሪዲ ኢዛ ጎዳዛይሳ ኦጊዳ።

34 ኦሳዴይ ጮ ባ ዎንዳፊ ኦላንቻታ ቦላ ዬዲን ኢሰራኤል ካዎዛሰ ኦላ ማይኦይ ጋይቲዛሶራ ዲኪዴስ፤ ሄሳ ጊሻሰ ኢሰራኤል ካዎይ ባ ጋሪዛ ላጊዛይሳሰ። «ጋሪዛ ጉዬ ዛራዳ ታና ኦላ ጊዳፊ ኬሳ፤ ኦይሰ ገቡ ታኒ ኢታ ጫኞ ጫዴታዲስ» ጊዴስ።

35 ሄ ጋላሰ ኦላይ ሱሊሼ ፔኢን ኢሰራኤል ካዎ ኦካቤይ ባ ፓራ-ጋሪ ጊዳን ዜምፕዲ ኦራሜ ኦሳ ሲንላን ታኪዴስ። ኢዛ ሱላይ ፓራ-ጋሪዛ ቦላ ጉኪሺን ሄ ጋላሳ ኦማርሰ ካዎዚ ሃይቄዴስ።

36 ኦርሼይ ወላናሰ ማቲሺን ኦላ ኦሳ ጊዳን። «ኦሳይ ኡባይ ባ ካታማ ካታማ ቦ! ኦሳይ ኡባይ ባ ዴሬ ዴሬ ሲሞ!» ጊዛ ዎሶይ ሲዬቲዴስ።

37 ሄሳፌ ጉዬ ኢስቲ ካዎዛ ሳማሪያ ካታማ ኤፊዲ ሞጊዳ።

38 ላይማቲዛይቲ ሜጩቲዛ ኤሌ ሃላን ፓራ-ጋሪዛ ሜጩዳ። ጎዳይ ካሴ ዮቲዳ ቃላ ማላካ ኢዛ ሱላ ካናቲ ላጩዳ።

39 አካቤይ ሃኒዳ ሃራ ሃኖቲ፣ ኢዚ ኦሊዳይሲ ኡባይ፣ ዳንጋርሳ ዛሌን ካዎ ኩላ ኢዚ ኬዲዳይሲኔ ኢዚ ገምቢዳ ካታማታ ሃኖቲ ኡባይ ኢሰራኤሌ ካዎታ ታሪኬ ማጻፋን ጻፈቲ ኡቲዳ።

40 አካቤይ ሃይቁዲ ባ አዎታን ጋይቲዳስ፤ ኢዛ ና አካዚያሲ ኢዛሶሆን ካዎቲዳስ።

የሁዳ ካዎ ኢዮሳፊጾ (2ታሪ 20:31—21:1)

41 ኢሰራኤሌ ካዎ አካቤይ ካዎቲዳ ኦይዳንሶ ላይላን አሳ ና ኢዮሳፊጾይ የሁዳን ካዎቲዳስ።

42 ኢዚ ካዎቲዛ ዎዴ ኢዛሰ ላይላይ 35፤ ኢዚ ዬሩሳሌምን 25 ላይላ ካዎቲዳስ፤ ኢዛ አይያ ሺሊሄ ና አዙቦ ጌቲታዉስ።

43 ኢዮሳፊጾይ ባ አዎ አሳ ኦጌ ኡባ ካሊዳስ፤ ኢዚ ሄ ኦጌፕ ሹርኢ ጊቤና፤ ጎዳ ሲንላን ሱሬ ሚሽ ኦሊዳስ። ጊዲኮካ ቶቃሶሆን ዲዛ ኤቃሰ ጎይኒዛሶሆታ ቆይሲቤና፤ አሳይ ሄ ሶሆታን ያርሾ ሺሾኔ ኤጻኔ ጩዋሴላ አጊቤና።

44 ኢዮሳፊጾይ ኢሰራኤሌ ካዎራ ሲጋን ዳኢዳስ።

45 ኢዮሳፊጾይ ሃኒዳ ሃራ ሃኖቲ፣ ኢዛ ሚኖቲላይኔ ኢዚ ኦሊቲዳ ኦላይ የሁዳ ካዎታ ታሪኬ ማጻፋን ጻፈቲ ኡቲዳስ።

46 ኤቃ ጸሳታ ኩላን ፓራ ላይማ ላይማቲዛይታ ካሴ ኢዛ አዎ አሲ ቆይሲሺን ኦቲዳይታ ቢታሬ ቆይሲዳስ።

47 ሄ ዎዴ ኤዶሜ ቢታን ካዎይ ባዎ፤ ሄ ቢታይ የሁዳ ካዎይ ዎሊዳዳን ሃሪቲስ።

48 ኦፊሬ ቢታ ቢዲ ዎርቃ ኤሃና ማላ ኢዮሳፊጾይ ጊታ ማርካቤታ ሜዲዳስ፤ ጊዶ ኦቲን ሄ ማርካቤቲ ኤዲዮን-ጋቢሬን ሜቂ ኦቲዳ ጊሻሰ ሙሌካ ሄ ባና ዳንዳይቤቲና።

49 ሄ ዎዴ አካቤ ና አካዚያሲ ኢዮሳፊጾስ፣ «ታ አሳይ ኔ አሳራ ኢሲሬ ማርካቤን ቢኮቺ?» ጊ ኦይቺን ኢዮሳፊጾይ ኢዲዳስ።

50 ኢዮሳፊጾይ ሃይቁዲ ባ አዎታን ጋይቲዳስ። ኢስቲ ሞጌቲዳ ባ አዎ ዳዋቲ ካታማን ሞጌቲዳስ። ኢዛ ና ኢዮራሜይ ኢዛሶሆን ካዎቲዳስ።

ኢሰራኤሌ ካዎ አካዚያሳ

51 የሁዳ ካዎ ኢዮሳፊጾይ ካዎቲዳ ታማኔ ላፑንላ ላይላን አካቤ ና አካዚያሲ ኢሰራኤሌ ቦላ ሳማሪያን ካዎቲዳስ፤ ኢሰራኤሌ 2 ላይላ ሃሪዳስ።

52 አካዚያሲ ጎዳ ሲንላን ኢታ ሚሽ ኦሊዳስ፤ ኢዚካ ባ አዎ፣ ባ አዮኔ ኢሰራኤሌ አሳ ናጋራ ኦሲሲዳ ናባጾ ና ኢዮርባአሜ ኦጌ ካሊዳስ።

53 አካዚያሲ ካሴ ኢዛ አዎይ ኦሊዳይሳሶ ኢዚካ ባአሌስ ኦሊዳሲኔ ጎይኒዳስ፤ ኢዚ ሄሳንካ ጎዳይ፣ ኢሰራኤሌ ጸሳይ ሃንቄታና ማላ ኦሊዳስ።

2ካዎታ ማጻፋ ጊዳ ቆፋ

ካዎታ ማጻፋ ናምእንሎ ከፊሌዚ ኮይሮ ከፊሌዚ ኤቂዳሶፕ ዶሚዲ ኢሰራኤል ካዎ ናምእታ ጊሻሰ ዮቴሰ፤ ማጻፋዚ ናምኡ ዋና ዋና ከፊሌታን ሻኬታናሰ ዳንዳዬሰ።

1. ከርሰቶሲ ዬሌታናፕ ካሴ ኡዲፋን ጸታንላ ላይላሰ ባጋፌ ዶሚዲ ሳማሪያይ ኩንዳና ዋዴ ጋካናሲኔ ከርሰቶሳ ዬሌታፕ ካሴ 721 ላይላፌ ቢዲ ፑዴሃ ባጋ ካዎቴላይ ኩንዳና ጋካናሰ ዲዛ ናምኡ ካዎታ ታሪኬ (1-17)።
2. ኢሰራኤል ካዎቴላ ኩንዳናፌ ዶሚዲ ከርሰቶሲ ዬሌታናፕ ካሴ 586 ላይላን ካዎ ናቡካዳናጸሬይ ዬሩሳላሜ ኦይኪዲ ላላና ጋካናሰ ዲዛ የሁዳ ካዎቴላ ታሪኬ (18-25)። ጎደሊያሳይ ባቢሎኔ ካዎቴላፌ ጋርሳራ የሁዳ ዴሬ ሃሪዛዴ ጊዲዳይሳኔ የሁዳ ካዎ ኢዮኦክኔይ ባቢሎኔን ቃሾ ከላፌ ቢርሼቲዳይሳ ፒልጊ ዮቴሼ ታሪኬዛ ኩዬሰ። ሃይሲ ሃ ሞሮዚ ኡባይካ ኢሰራኤል ጋካናሰ ዳንዳይዳይ የሁዳ ካዎይ፣ ኢሰራኤል ካዎይኔ ዴሬዚ ጸሳሰ ኦማኔቶንታ ኦጊዳ ጊሻሳ። ኢሰራኤል ኦሳ ታሪኬይ ላሜታና ማላ ጋሶ ጊዲዳ ኦይፌ ዮኦቲ ዬሩሳላሜ ኩንዳሴኔ የሁዳ ኦሳፕ ዳሪዛ ባጋታ ጎዴቴላ። ካዎታ ማጻፋን ናምእንሎ ከፊሌዛን ኤላሳፕ ካሊዲ ኬሂ ኤሬቲዳ ናቤይ ኤልሳኤ።

ሃ ማጻፋይ ኦይኪዲ ኩሜላ ቆፋ

- ሻኬቲዳ ካዎቴላታ 1:1—17:41
 ናቤ ኤላሳ 1:1—8:15
 የሁዳ ካዎታኔ ኢሰራኤል ካዎታ 8:16—17:4
 ሳማሪያ ኩንዳላ 17:5-41
 የሁዳ ካዎቴላ 18:1—25:30
 ሂዘቂያሳፕ ቢዲ ኢዮሲያሳ ጋካናሰ 18:1—21:26
 ኢዮሲያሳ ኦይሶ 22:1—23:30
 የሁዳሰ ዉርሴላ ካዎታ 23:31—24:20
 ዬሩሳላሜ ኩንዳላ 25:1-30

ናቤ ኤላሳኔ ካዎ ኦካዚያሳ

- 1 ኦካዚያሳ ሃይቂዳፕ ጉዬ ሞኦቤ ዴሬይ ኢሰራኤል ዴሬ ቦላ ዳንዲዳሰ።
- 2 ሃ ዋዴ ኦካዚያሳ ሳማሪያን ዲዛ ባ ኢልፒኔ ፖቄ ቦላፌ ማሰኩቴራ ዲጌ ኩንዲዲ ሳኬቲዳሰ፤ ሃሳ ጊሻሰ ኢዚ፣ «ኦኔ ኢንቴ ቢዲ ታ ሳኩዛ ጊሻሰ ታ ፓጸናኩ ኦቃሮኔ ኤቃ ጸሳ ባኦሊ-ዜቡላ ታሰ ኦይቸቴ» ጊዲ ኦሰ ከቲዳሰ።
- 3 ጎዳ ከታንቻይ ቴሲቤ ዴሬ ኦሰ ናቤ ኤላሳሰ፣ «ኦኔ ዴንዳዳ ሳማሪያ ካዎይ ከቲዳ ኦሳታራ ጋይታናሰ ኬዛ ባዳ ሃ ኦሳታሰ፣ «ኦኔ ኢንቴ ኦቃ ጸሳ ባኦሊ-ዜቡላ ኦይቻናሰ ቢዛይ ኢሰራኤልን ጸሲ ባይንዳ ጊሻሴ?» ጋዳ ኢሰታ ኦይቻ።
- 4 ሃሳ ጊሻሰ ጎዳይ፣ «ኔ ኢቸዳ ሂጸፕ ዴንዳካ፤ ቱማፕ ኔ ሃይቃና» ጌሰ» ጊዳሰ፤ ሃሳፌ ጉዬ ኤላሲ ቢዳሰ።

5 ከቴቲ ቢዳ ኦሳቲ ካዎዛኮ ጉዬ ሰሚ ዪን ኢዚ ኢሰታሰ፣ «ኦይሰ ሰሚ ዪዳቲ?» ጊ ኦይቸዳሰ።

6 ኢሰቲካ ኢዛሰ፣ «ኦሳዳይ ኦናራ ጋይታናሰ ዪዲ ጎዳይ፣ «ኦኔ ኢንቴ ከቲ ዬዲዳይሳኮ ሰሚ ቢዲ ኦቃሮኔ ኤቃ ጸሳ ባኦሊ-ዜቡላ ኦይቻናሰ ኔኔ ኦሰ ከቲዳይ ኢሰራኤልን ጸሲ ባይንዳ ጊሻሴ? ሃሳ ጊሻሰ ኔ ኢቸዳ ሂጸፕ ዴንዳካ፤ ቱማፕ ኔ ሃይቃና» ጊዳሰ።

7 ካዎዚካ ኢሰታሰ፣ «ኦኔ ኢንቴናራ ጋይታና ዪዲ ኢንቴሰ ሃሳ ጊዳይ ኢዚ ኦይ ማላ ኦሴ?» ጊዲ ኦይቸዳሰ።

8 ኢሰቲካ ኢዛሰ፣ «ኦሰ ዮቴዳይሲ ኢሰኬራ ዲዛ ማይኦ ማይኢዳሰ *፤ ጸሳን ዳፎ ዳንጨዳሰ» ጊዳ። ካዎዚ ኢሰታሰ፣ «ታ ኢዛ ኤራዲሰ፤ ሃሲ ቴሲቤ ዴሬ ኦሰ ኤላሳ» ጊዳሰ።

9 ሃሳፌ ጉዬ ካዎዚ ሃምሳ ሃላቃዛ ኢቻሽ ታሙ ዋታዳራታራ ኤላሳኮ ዬዲዳሰ። ሃምሳ ሃላቃዚ ኤላሲ ዲዛ ዙሞቡላ ሁኤ ኬዚዲ፣ «ሃይሶ ጸሳ ኦሰ! ካዎይ ኔና ሃ ዲጌ ዋቃ ጌሰ» ጊዳሰ።

10 ኤላሲካ ዛሪዲ ሃምሳ ሃላቃዛሰ፣ «ታኒ ጸሳ ኦሰ ጊዲኮ ሳሎፕ ታማይ ዋቃዲ ኔና ኔናራ ዲዛ 50 ኦሳ ሞ!» ጊዳሰ። ሃሳፌ ጉዬ ታማይ ሳሎፕ ዋቃዲ ሃምሳ ሃላቃዛኔ ኢዛራ ዲዛ ኦሳ ኡባ ዲፒ ሂሰቲዳሰ።

11 ካዎዚ ቃሴ ሃራ ሃምሳ ሃላቃኔ ኢቻሽ ታሙ ዋታዳራታ ከቲዳሰ፤ ሃምሳ ሃላቃዚካ፣ «ሃይሶ ጸሳ ኦሰ! ካዎይ ኔና ኤሶን ሃ ዋቃ ጌሰ» ጊዳሰ።

12 ኤላሲካ ዛሪዲ፣ «ታኒ ጸሳ ኦሰ ጊዲኮ ታማይ ሳሎፕ ዋቃዲ ኔና ኔናራ ዲዛ 50 ኦሳ ሞ!» ጊዳሰ፤ ሃሳፌ ጉዬ ታማይ ሳሎፕ ዋቃዲ ኢዛኔ ኢዛራ ዲዛ ኦሳ ዲፒ ሂሰቲዳሰ።

13 ሃሳ ጊሻሰ ካዎዚ ሃቸንሎ ሃምሳ ሃላቃዛኔ ኢዛራ 50 ኦሰ ዬዲዳሰ፤ ሃ ሃቸንሎ ሃምሳ ሃላቃዚ ቢዲ ኤላሳ ሲንላን ጉልባቲዲ፣ «ኦኔ ት ጸሳ ኦሰ! ታ ሹምፖይኔ ሃይታ ኔ ኦይሌ ኢቻሽ ታማታ ሹምፖይ ኔ ሲንላን ቦንቸቶ።

14 ሃይሳፌ ካሴ ሳሎፕ ዋቃዲ ታማይ ናምኡ ሃምሳ ሃላቃታኔ ኢሰታራ ዲዛ ኦሳታ ኡባ ሚዳሰ፤ ሃኢ ጊዲኮ ታ ሹምፒያ ኔ ሲንላን ቦንቸቱ» ጊዳሰ።

15 ጎዳ ከታንቻዚ ኤላሳ፣ «ኔኔ ኢዛራ ዲጌ ዋቃ፤ ኢዛሰካ ባቦፋ!» ጊዳሰ። ሃሳ ጊሻሰ ኤላሲ ኢዛራ ኢሲፌ ካዎዛኮ ዲጌ ዋቃዳሰ።

16 ኢዚ ካዎዛሰ፣ «ጎዳይ፣ «ኔኔ ኦቃሮኔ ኤቃ ጸሳ ባኦሊ-ዜቡላ ኔ ጊሻሰ ኦይቻናሰ ኦሳታ ከታ ዬዲዳይ ኢሰራኤልን ጸሲ ባይንዳ ጊሻሴ? ኔኔ ሃሳ ኦሳዲ ጊሻሰ ሃኢ ኔ ኢቸዳ ሂጸፕ ሙሊካ ዴንዳካ፤ ቱሙ ኔ ሃይቃና» ጊዳሰ። ጊዲ ዮቴዳሰ።

17 ሃሳ ጊሻሰ ኤላሲ ኢዛሰ ዮቴዳ ጎዳ ቃላ ማላ ኦካዚያሳ ሃይቂዳሰ። ኦካዚያሳሰ ኦቱማ ናይ ባይንዳ ጊሻሰ ኢዮሳፌጶ ና ኢራሜይ የሁዳ ዴሬ ቦላ ካዎቴዳ ናምእንሎ ላይላን ኢዛ ኢሻ ኢዮራሜይ ኢዛሶሆን ካዎቴዳሰ።

18 ኦካዚያሳ ባ ዋዴን ኦሳዳ ኦሰቲኔ ኢዚ ፖሊዳ ኦሰቲ ኡባይካ ኢሰራኤል ካዎታ ታሪኬ ማጻፋን ጸፊቲ ዳሰ ጊዳይ።

* 1:8 ኢሰኬራ ዲዛ ማይኦ ማይኢዳሰ ጊዛይሲ ኦይዚ ኢሰካማ ጉሳ ጊዳና ዳንዳዬሰ። 1:8 ማቶ 3:4፤ ማር 1:6 1:12 ሉቃ 9:34

2

ኤላሲ ሳሎ ዳንዲ ቡስ

1 ጎዳይ ኤላሳ ጎቴ ጫርኮራ ፑዴ ሳሎ ኤፋና ዋዴይ ጋኪን ኤላሲኔ ኤልሳኢ ጌልጌላፕ ዳንዲዲ ኢሲፌ ቢሼ ዳቴስ።

2 ኤላሲ ኤልሳኤስ፡ «ጎዳይ ታና ቤቴሌ ከቲዳ ገሻስ ኔኒ ሃን ሃይሳን ታካሻ» ገዴስ። ኤልሳኢ ኢዛሰ ዛሪዲ፡ «ዴኑ ጎዳይ ቤዪን ኔ ኣሾ ታ ኔፕ ሻኬቲኬ» ገ ጫቁዴስ፤ ሂስቲን ኢሲፌ ዲጌ ቤቴሌ ዋዲዳ።

3 ቤቴሌን ዲዛ ናቤታ ማባራይ ኤልሳኤኮ ቢዲ፡ «ጎዳይ ኔ ጎዳ ኤላሳ ሃቶ ኔፕ ሻኪ ኤካናይሳ ኔ ኤራዲ?» ገዴ። ኤልሳኢካ፡ «ኤ ኤራዲስ፤ ኢንቴ ኣኔ ጮኡ ገቴ» ገዴስ።

4 ቃሴካ ኤላሲ ኤልሳኤስ፡ «ሃይሶ ኤልሳኤ! ጎዳይ ታና ኢያርኮ ከቲዳ ገሻስ ኔ ሃን ሃይሳን ታካሻ» ገዴስ። ኢዛካ ኢዛሰ ዛሪዲ፡ «ዴኑ ጎዳይ ቤዪን፡ ኔ ኣሾ ታ ኔፕ ሻኬቲኬ» ገ ጫቁዴስ፤ ሃሳ ገሻስ ኢዛሪ ኢሲፌ ኢያርኮ ዋዲዳ።

5 ኢያርኮን ዲዛ ናቤታ ማባራይ ኤልሳኤኮ ሸቁዲ፡ «ጎዳይ ኔ ጎዳ ኤላሳ ሃቶ ኔፕ ሻኪ ኤካናይሳ ኔ ኤራዲ?» ገዴ። ኢዛካ ኢሰታሰ፡ «ኤ ኤራዲስ፤ ኣኔ ኢንቴ ጮኡ ገቴ» ገዴስ።

6 ሃሳፌ ጉዬ ኤላሲ፡ «ጎዳይ ታና ዮርዳኖሴ ከቲዳ ገሻስ ኔኒ ሃን ሃይሳን ታካሻ» ገዴስ፤ ኢዛካ ኢዛሰ ዛሪዲ፡ «ዴኑ ጎዳይ ቤዪን፡ ኔ ኣሾ ታ ኔፕ ሻኬቲኬ» ገዴስ። ሃሳ ገሻስ ናምኣቲካ ኢሲፌ ቢዲ።

7 ናቤታ ማባራ ጋርሳፌ ኢቻሽ ታማይ ቢዲ ኤላሲኔ ኤልሳኢ ኤቁ ዲዛሶ ገናራ ዮርዳኖሴ ፕንፋን ሃኪ ኤቁዳ።

8 ኤላሲ ባ ካባ ቃሪ ኤኪዲኔ ጸጺዲ ኢዛሪ ሃላ ሸጪዴስ፤ ሃሳፌ ጉዬ ሃላይ ሃዲርሲኔ ኡሻቶ ሻኬቲ ዋዲዳ። ናምኣይካ ቦሎማ ቢታራ ፒኒዳ።

9 ኢሰቲ ፒኒ ኬዚዳፕ ጉዬ ኤላሲ ኤልሳኤ፡ «ታ ኔስ ኣይ ኦፋና ማላ ኔ ኮይዛኮ ታ ኔፕ ሻኬቲካ ዲሸን ኣኔ ታሰ ዮታ» ገዴስ። ኤልሳኢካ፡ «ኔ ኣያናይ ታ ቦላ ናምኡ ዳኮ ገዳና ማላ ታ ኔና ዋሳይስ» ገዴስ።

10 ኤላሲካ፡ «ዴጾ ሚሽ ኦይቻዳሳ፤ ገዲኮካ ታኒ ኔፕ ሻኬታ ቢዛ ዋዴ ኔ ታና ቤኢኮ ኔ ገዲ ማላ ኔስ ሃናና፤ ኔ ቤኢንታ ኣኪኮ ሂሲ ኔስ ሃኔና» ገዴስ።

11 ኢሰቲ ሃሳይሼ ሎዳራ ቢሸን ታማ ፓራ-ጋሪቲኔ ታማ ፓራቲ ኢሰቲ ቆፖንታ ዲሸን ኢሰታ ገዴን ጌሊዲ ናምኣታካ ሻኪ ዩጊዳ፤ ኤላሲ ጎቴ ጫርኮን ፑዴ ሳሎ ቢዴስ።

12 ኤልሳኢ ሃሳ ቤኢዲ፡ «ታ ኣዋወ! ታ ኣዋወ! ኢሰራኤሌ ፓራ-ጋሪታኔ ቶጋንቻታ!» ገዲ ዋሲዴስ፤ ሃሳፌ ጉዬ ናምኣንሎ ኤላሳ ቤዪቤና፤ ሃሳፌ ሲሚዲ ባ ማይኦ ናምኡ ኬሲ ዳኪዴስ።

13 ኤላሳፕ ዋዲዳ ካባዛ ኤኪዲኔ ጉዬ ሲሚ ቢዲ ዮርዳኖሴ ሻፋ ኣቻን ኤቁዴስ።

14 ኤላሳፕ ዋዲዳ ካባን ሃላ ሸጪሼ፡ «ጎዳይ ኤላሳ ጎዳይ ኣዋን ዲዜ?» ገዴስ፤ ኢዛ ሃላ ሸጪሽ ሃዲርሲኔ ኡሻቶ ሻኬቲ ዋዲን ፒኒዴስ።

15 ኢያርኮፌ ቢዲ ሃሳ ቤይዳ ባጋ ናቤቲ፡ «ኤላሳ ኣያናይ ኤልሳኤ ቦላ ሸምፕዴስ» ገዴ፤ ኢዛሪ ጋይታናሰ ቢዲ ኢዛ ሲንፋን ዘቁ ገዲ ባንታ ኩሼ ዴንሳዲ።

16 ሃሳፌ ጉዬ፡ «ሂኮ ኔ ኣይሌታሰ ኑስ 50 ሚኖ ኣሳቲ ዳቴስ፤ ኣኔ ኤሪዛይ ጎዳ ኣያናይ ኔ ጎዳዛ ዴንሳ ኤፊዲ ኢሲ ዙማ ቦላ ዋላዳኮ ቦይኮ ኢሲ ዙላ ስሆን ጌልላ ዋላዳኮ ቢዲ ኮዬቶ» ገዴ። ኤልሳኢካ፡ «ሃሳላ ሃኔና፤ ኣስ ከቶፍቴ» ገዴስ።

17 ሃኔና ጉሲ ኢዛ ዩላቻና ጋካናሰ ኢዛ ኡንኤሊዳ፤ ሃሳ ገሻስ፡ «ኣኔ ዩዲቲ» ገዴስ፤ ኢሰቲካ 50 ኣስ ዩዲን ሃ ኣሳቲ ሂቶ ጋላሰ ኩሚል ኮዩዲ ዳሚቤቴና።

18 ኢሰቲ ኢያርኮን ዲዛ ኤልሳኤኮ ሲሚን ኢዚ ኢሰታሰ፡ «ታ ኢንቴና ቦፒቲ ጋቤኪና?» ገዴስ።

ሃላዛ ፓጾ

19 ሃ ካታማይን ዲዛ ኣሳይ ኤልሳኤ፡ «ሂኮ ኔኒ ኑ ጎዳይ ቤኢዛ ማላ ሃና ካታማያ ዲሳሰ ኢንጃ፤ ገዴ ኣቲን ሃላ ኢታ ገዲዳ ገሻስ ቢታያ ኣይፌ ኢሙኩ» ገዴ።

20 ኢዛካ ኢሰታሰ፡ «ኣኔ ኢንቴ ኦራፋ ኦቶን ማጺኔ ጉጂዲ ሃ ታሰ ኤኪ ዩቴ» ገዴስ፤ ኢዚ ገዳ ማላ ኤኪ ዩዳ።

21 ሃሳፌ ጉዬ ኢዚ ፑልቶ ሃላ ዲዛሶ ቢዲ ፑልቶዛን ማጺኔ ዩጊዲ፡ «ጎዳይ፡ ታኒ ሃይሳ ሃላ ፓላዲስ፤ ሃይሳፌ ጉዬ ኢዚ ሃይቆስ ጋሶ ገዴና፤ ቢታያካ ኣይፌ ኣምንታ ማላ ዲጌና ጌስ» ገዴስ።

22 ኤልሳኢ ገዳ ማላካ ሃላዚ ሃቶ ጋካናሰ ፓጾ ኣቲዴስ።

ኤልሳኤ ቦላ ቁዲዳ ናቴላታ

23 ኤልሳኢ ሂፕ ዳንዲ ቤቴሌ ኬዚዴስ፤ ኢዚ ቡር ቢሼ ኦጌን ዲሸን ካታማፕ ኬዚዳ ናቴላቲ፡ «ሃይሶ ቦኣ ኣዴዘ! ኬዛ ኪቻ!» ገሼ ኢዛ ቁዲዳ።

24 ኤልሳኢካ ጉዬ ሲሚ ኢሰታ ጸሊዲ ጎዳ ሱንፋን ኢሰታ ቃንገዴስ፤ ሃሳፌ ጉዬ ናምኡ ማጫ ዛርዶቲ ዋራፕ ኬዚዲ ናቴላ ናይታፕ ኦይዲ ታማኔ ናምኣታ ማንሱራላ ዩጊዳ።

25 ኢዚ ፑዴ ቃርሚሎሴ ዙማ ቦላ ኬዚዴስ፤ ሂፕ ሳማሪያ ሲሚዴስ።

3

ሞኣቤ ማካላቴል

1 ዩሁዳ ካዎ ኢዮሳፊጾይ ካዎቲዳ ታማኔ ኦሰፑንጎ ላይላን ኣካቤ ና ኢዮራሚይ ኢሰራኤሌ ቦላ ሳማሪያን ካዎቲዳ 12 ላይል ሃሪዴስ።

2 ኢዚ ጎዳ ሲንፋን ኢጾቲዳ ዳር ኢታ ሚሽ ኦላዴስ፤ ሃ ኢታ ኦሶዚካ ካሴ ኢዛ ኣያኔ ኢዛ ኣዋይ ኦላዴ ኢታ ኦሶዛ ማላ ገዴና፤ ኢዛ ኣዋይ ኦሲሲዳ ባኣሌ ሃወልቲዛ ዲጊዴስ።

3 ገዴ ኣቲን ናባጾ ና ኢዮርባኣሚይ ኢሰራኤሌ ኣሳ ኦሲሲዳ ናጋራን ኢዚ ኦይኬቲዴስ፤ ኢዛፕካ ሻኬቲቤና።

4 ሃ ዋዴ ሞኣቤ ካዎ ሚሻይ ሃሪስ፤ ኢዚ 100,000 ላቃታኔ 100,000 ቶርቾታ ኢሰኬ ኢሰራኤሌ ካዎሰ ገሪስ።

5 ኣካቤይ ሃይቁዳፕ ጉዬ ሞኣቤ ካዎይ ኢሰራኤሌ ካዎ ቦላ ማካሊዴስ።

6 ሃሳ ገሻስ ሃ ዋዴ ካዎ ኢዮራሚይ ሳማሪያፕ ዳንዲ ቢዲ ኢሰራኤሌ ኣሳ ኡባ ኢሲ ቦላ ሸሸዴስ።

7 ዩሁዳ ካዎ ኢዮሳፊጾስ፡ «ሞኣቤ ካዎይ ታ ቦላ ማካሊዳ ገሻስ ኔ ታናራ ኢዛ ኦላናሰ ባኔ?» ገ

ኢዛኮ አሰ ኪታ ዩዲዳስ። ኢዚካ ዛሪዲ፣ «ኤ ታ ኔናራ ኦላናሰ ባና፤ ታኒ ኔ ማላ፤ ታ ዳሪይካ ኔ ዳሪዛ ማላ፤ ታ ፓራቲካ ኔ ፓራታ ማላ» ገ ዛሪዳስ።

8 ኢዮሳፊዳይ፣ «ኮኒ ኦላሰ አዋ ባጋራ ባኔ?» ገ ኦይቺዳስ። ኢዮራሜይ ዛሪዲ ኤደሜ ባዞራ ካንላ ባና ገደዳስ።

9 ሃሳ ገሻሰ ኢሰራኤል ካዎይ፣ ዩሁዳ ካዎይ ኤደሜ ካዎይ ኢሲፌ ኦላ ዎራጃናሰ ዳንዲዳ። ላፑን ጋላሳፌ ጉዬ ኦላንቻታሲኔ ሜሄታሰ ኡያና ሃላ ዳይዳስ።

10 ኢሰራኤል ካዎዚ፣ «አዬ አና! ጎዳይ ኦና ሃቸ ካዎታ ሞክሮስ አላ ኢማናሰ ዳይገዳ?» ገደዳስ።

11 ኢዮሳፊዳይ ገዲኮ፣ «ኢዛ ባጋራ ጎዳ ኦይቻና ማላ ጎዳ ናቤይ ሃይሳን ዳኔ?» ገዲ ኦይቺዳስ። ኢሰራኤል ኦላንቻታ ጋዳዎታ፤ ኢሶይ፣ «ካሴ ኤላሳ ኩሼ ሜጪሲዛ ሳፋዴ ና ኤልሳኢ ሃይሳን ዳስ» ገ ዮቲዳስ።

12 ኢዮሳፊዳይካ ዛሪዲ፣ «ጎዳ ቃላይ ኢዛ ማታን ዳና» ገደዳስ። ሃሳ ገሻሰ ኢሰራኤል ካዎ፣ ኢዮሳፊዳይኔ ኤደሜ ካዎይ ኢሲፌ ኢዛኮ ዲገ ዎዲዳ።

13 ኤልሳኢካ ኢሰራኤል ካዎሰ፣ «ኔና ኦናራ ጋላዛ ሚሺ አዚ ዲን ያዲ? ኔ ሃኢ ካሴ ኔ አዋ ናቤቲኔ ኔ አዬይ ናቤቲ ዲዛሰ ባ» ገደዳስ። ኢሰራኤል ካዎዚ ኢዛሰ ዛሪዲ፣ «ሄሲ ሃኔና፤ ሞክሮ ኩሼን ኦና አላ ኢማናሰ ሃቸ ካዎታ ኢሲ ቦላ ዳይገዳይ ጎዳ» ገደዳስ።

14 ኤልሳኢካ ኢዛሰ፣ «ታ ኢዛሰ ሃጋዚዛ ጎዳይ ቤዪን፣ ታ ዩሁዳ ካዎ ኢዮሳፊዳ ቦንቸንታኮ ኔና ቤያናሰ ኮይኬ፤ ዉዲካ ገኬ።

15 አኔ ሃኢ ታሰ ባጋና ዲዲዛይሳ ኤኪ ዪቴ» ገደዳስ። ባጋና ዲዲዛይ ዲዲሺን ጎዳ ኩሼይ ኤልሳኤ ቦላ ዪዳስ።

16 ኤልሳኢ፣ «ጎዳይ፣ ሃይሳ ሃ ሸባን ዳር ኦላታ ቦኪቲ።

17 ጫርኮካ፣ ኢራካ ቤኤኬታ፤ ገደ አቲን ሃ ሸባዛን ሃላ ኩማና፤ አንቲ፣ አንቲ ሚዛቲኔ አንቲ ሜሄቲ ሃላ ኡያና» ገደዳስ።

18 ሃይሲ ጎዳሰ ላፋ ሚሻ። ኢዚ ሞክሮ አሳ አንቲ ኩሼን አላ ኢማና።

19 «ገምቤቲዳ ካታማታኔ ሎኢዛ ኢሰታ ካታማታ ኡባ አንቲ ዳኒ ኦይካና። ሎኢዛ ኢሰታ ሚላታ አንቲ ቃንጻና፤ ኢሰታ ፑልቶታካ ሙሌራ አንቲ ቱጫና፤ ካሳ ሎኤላ ኢሚዛ ጋዳዛ አንቲ ሹቻን ሞራና» ገደዳስ።

20 ዎንቴላ ጋላሰ ያርሾይ ያርሾቲዛ ሳቲን ኤደሜ ባጋራ ሃላ ዲኦ ማላ ዪን ቢታያ ሃላ ጸላ ገዳዲሰ።

21 ሄ ዎዳ ካዎቲ ኢሰታ ኦላናሰ ዪዳይሳ ሞክሮ አሳይ ኡባይ ሲዪዳ ናይ ገዲን ጨማይ ኦላ ሚሻ ኦይካናሰ ዳንዲዳዛ ኡባይ ዳይገቲ ኬዚዲ ባንታ ዛዎ ቦላ ኤቁዲ ናጎ ኦይኪዳ።

22 ዎንቴላ ጋላሰ ማላዶ ዎንታራ ኢሰቲ ዳንዲሺን ሃላ ቦላ ዎዲዳ ጸልቁይ ጸልቁዳሰ፤ ፒንሳን ዲዛ ሞክሮ ዳሪዛሰ አይፊን ሃላ ሱላ ማላ ዘኢ ቤቲዳሰ።

23 ሃሳ ገሻሰ ኢሰታሰ፣ «ሄሲ ሱላኮ! ሲዴይ ባይንዳ ካዎቲ ባ ጋርሳን ኦሌቲዲ ኢሶይ ኢሳ ሹኪዳ፤

ሃሳ ገሻሰ ሞክሮ አሳዉ! ዲኦ ሺሻናሰ ሲሚቲ» ገዲ።

24 ሞክሮ አሳይ ኢሰራኤል አሳይ ዲዛሰ ኬዚሺን ኢሰራኤል አሳይ ዳንዲዳ ኢሰታ ኦሊዳሰ፤ ሞክሮቲ ኢሰታ ሲንላፌ ባቃቲዳ፤ ሃሳፌ ጉዬ ኢሰራኤል አሳይ ሞክሮ ቦላ ዎራጃዲ ኢሰታ ዲፒ ሂሰቲዳሰ።

25 ኢሰታ ካታማታ ሙሌራ ዳይሲዳ፤ ሎኦ ካላ ጋዳቲካ ሹቻን ካሜታና ጋካናሰ ኢሶይ ኢሶይ ኢሲ ኢሲ ሹቻ ጋዳዛን ዩገዳሰ፤ ፑልቶታካ ሙሌራ ቱጫዳ፤ ሎኦ ሎኦ ሚላታ ኡባካ ቃንጸ ቃንጸ ዩገዳ፤ ቂራ-ሄሪሴቲ ጌቲቲዛራ ጸላ ባ ሹቻራ አታዲሰ፤ ኢዛ ገዲኮካ ያንባርሻን ኦሌቲዛ ኦላንቻቲ ገደላዲ ኦሊዳ።

26 ሞክሮ ካዎይ ኢዛ ኦላ አሳይ ጸኔታናይሳ ኤሪዳ ማላ ገላ ማሻ ገዲዳ 700 አሰ ባናራ ኤኪዲ ኤደሜ * ካዎይ ዲዛሰ ሚንላ ጌላናሰ ዳፊቲዳሰ፤ ገደ አቲን ኢሰቲ ገዳ ማላ ኢሰታሰ ሃኒቤና።

27 ሃሳፌ ጉዬ ኢዛ፤ ካላ ካዎታናይሳ ባሰ ባይራ ናዛ ኤኪ ቢዲ ካታማይ ገምቤዛ ቦላ ጸገቲዛ ያርሾ ሂሰቲ ያርሾዳሰ፤ ኢሰራኤል ቦላ ዎልቃማ ሃንቆይ ጋኪዳሰ፤ ሂሰቲን ኢሰቲ ሄፕ ኬዚዲ ጉዬ ባ ዳሪ ሲሚዳ።

4

አምኤይ ዛይቲ

1 ናቤታ ማባራ ጋርሳፌ ኢሳ ማቺያ፣ «ኔሰ ሃጋዚዛ ታ አዚናይ ሃይቁዳሰ፤ ኢዚ ጎዳሰ ያዪዛ አሰ ገዲዳይሳ ኔ ኤራሳ፤ ሃኢ ገዲኮ አጮ ጎዳይ ታ አቲማ ናይታ ናምኦታካ ባሰ አይሌ ሂሰቲ ኤኪ ባናሰ ዪ ኡቲዳሰ» ጋዳ ኤልሳኤሰ ዋሳዲሰ።

2 ኤልሳኢካ ኢዚሰ፣ «ሂሰቲን ታ ኔሰ አይ ኦላና ማላ ኮያይ? ኔሶን አዚ ዲዛኮ አኔ ታሰ ዮታ» ገደዳስ። ኢዛካ ኢዛሰ፣ «ታሰ ኔ ኦላንቻይሰ ጉላ ዛይቲኔ አቲን ታሶን ሃራይ አይኮይካ ዳና» ገዲሰ።

3 ኤልሳኢካ ኢዚሰ፣ «ሂሰቲኮ ኔኒ ሃኢ ባዳ ኔ ሸርታ ኡባታ ሶፕ ጉላ ገደንታ ዳር ኦቶታ ጋርጸ ሸሻ።

4 ኔ ናይታ ኡባታራ ሶ ጌላዳ ካሪ አንቲ ቦላ ጎርዳ፤ ዛይቲዛካ ኔ ጋርጸ ኤሂዳ ኦቶታ ኡባን ዲቃ፤ ኢሲ ኢሲ ኦቶይ ኩሚዳ ማላ ኢሲ ባጋን ዎላ» ገደዳስ።

5 ሃሳ ገሻሰ ኢዛ ናቤዛ ሄን አጋ ባዳ ሶ ጌላዳ ካሪ ባ ቦላኔ ባ ናይታ ቦላ ጎርዳዲሰ፤ ናይቲ ኢዚሰ ኦቶታ ሺሺን ኢዛ ዛይቲዛ ቲጌላ ደማዲሰ።

6 ኦቶቲ ኡባይ ኩሚዳ፤ ጉዬ ኢዛ ባ ናዛ፣ «ሃራ ኦቶ ታሰ ኤካ ያ!» ገዲሰ። ኢዚካ ዛሪዲ፣ «ሃራ ኦቶይ ባዎ» ገደዳስ፤ ሃሳፌ ጉዬ ዛይቲዚ ጎገዛይሳ አገደሰ።

7 ኢዛካ ባዳ ሃሳ ጸሳ ናቤዛሰ ዮታዲሰ፤ ኢዚ ኢዚሰ፣ «ኔ ባዳ ዛይቲዛ ባይዛዳ ኔ አጮዛ ቃንጸ፤ ኔኒ አጮዛ ቃንጸን አቲዳይሲ ኔሲኔ ኔ ናይታሰ ቃላባ ገደ» ገደዳስ።

ሃይቆፕ ሱኔሜ ማጫሳይ ናዛ ዳንላ

8 ኢሲ ጋላሰ ኤልሳኢ ሱኔሜ ቢዳሰ፤ ሃን ኢሲ ዲራ ማጫሲ ዳራ ዳዉሰ፤ ኤልሳኢ ኢዚ ሶን ቁማ ማና ማላ ሚንላ ዋሳዲሰ፤ ኢዚ ካሴ ሃራ አዲ ቢዛ ዎዳ ቁማ ማናሰ ኢዚ ሶ ጌላሰ።

* 3:26 ኤደሜ ጌቲቲዛይሲ ሶሪያ።

9 ሃ ማጫሳያ ባ አዘናሰ፡ «ሃይሲ ኡባ ዎዴ ኑ ፔንጌራ አጂ ቢዛ አዳዚ ጌሽኔ ጸሳ አሰ ገዲዳይሳ ታ ኤራይሰ።»

10 ሃሳ ገሻሰ ቦላ ፖቄን ኢሲ ጉላ ኪፊሌይን ኑ ኢዛሰ ሃላ፡ ጸራጾዛ፡ ኦይዴኔ ፓኖሴ ገግሲዲ ሄን ዎሶሰ፤ ኢዚ ኑኮ ዪዛ ዎዴ ኡባን ኢዛሰ ሸምፖሶ ገዳና» ገዲሰ።

11 ኢሲ ጋላሰ ኤልሳኢ ዪዲ ባ ሸምፓካ ኪፊሌይን ጌሊዲ ሸምፓናሰ ጌዲ ገዴሰ።

12 ባ አይሌዛ ገያዜ፡ «ባዳ ሱኔሜ ማጫሳዮ ጸይጋ» ገዴሰ። ኢዚ ኢዞ ጸይገን ያዳ ኢዛ ሲንሳን ኤቃዲሰ።

13 ኤልሳኢ፡ «ገያዜሰ፡ ሳኔ ኑ ገሻሰ ጋዳ ዳሮ ዎያዳሳ፤ ኔሰ አዚ ኦሴታና ማላ ኮያይ? ካዎዛሰ ገዲን ኦላንቻታ አዛዚዳይሳሰ ኑ ኔ ገሻሰ ዮታና ሚሺ ዲዜ?» ጋዳ ኢዞ ኦይቻ» ገዴሰ። ማጫሳያካ ዛራዳ፡ «ታኒ ታ ዳቦ ገደን ዳይሰ» ገዲሰ።

14 ኤልሳኢካ ገያዜሰ፡ «ሂሰቲን ኢዚሰ አይ አላኔ?» ገዲ ኦይቻዴሰ፤ ገያዜይካ፡ «ኢዚሰ ዬሎይ ዳና፤ ኢዚ አዚናዚ ጩገዴሰ» ገዴሰ።

15 ኤልሳኢካ ኢዛሰ፡ «ሂሰቲኮ ኦኔ ኔኒ ኢዞ ሃ ጸይጋ» ገዴሰ፤ ኢዚ ኢዞ ጸይገን ኢዛ ያዳ ፔንጌ ቦላ ኤቃዲሰ።

16 ኤልሳኢካ ኢዚሰ፡ «ኔኒ ላይላ ሃኒ ዎዴ አቱማ ና ኢዲማና» ገዴሰ። ኢዛካ ኢዛሰ፡ «ገዴና ታ ጎዶ! ኔኖ ጸሳ አሰ! ኔኒ ኔ ኦሳንቻይሰ ታሰ ዎርዶቶንታ ማላ» ገዲሰ።

17 ማጫሳያካ ቃንሳታዲሰ፤ ኤልሳኢ ኢዚሰ ዮቲዳ ማላካ ኢዚ ገዳ ዎዴን አቱማ ና ዬላዲሰ።

18 ናዚካ ዲጩዴሰ፤ ኢሲ ጋላሰ ኢዛ አዎይ ካላ ሸሸዛይታራ ዲሺን ናዚ ሄ ቢዴሰ።

19 ኢዚ ባ አዎሰ፡ «ታ ሁኤ! ታ ሁኤ!» ገዴሰ። አዎዚካ ባ አይሌዛሰ፡ «ናዚ ባኣ ኤፋዳ ኢዛ አይይኮ ጋላ» ገዴሰ።

20 አሸካራዚካ ናዚ ባኢ ኤፊዲ አይይኮ ጋላዴሰ፤ ናዚ ሴታ ጋላሰ ጋካናሰ ባ አይይ ኪኦን ኡቲዴሰ፤ ሃሳፊ ጉዬ ሃይቂዴሰ።

21 ኢዛ አያ ፑዴ ኬዛዳ ጸሳ ናቤዛ ሂጸን ኢዛ ኢሸሳዲሰ፤ ካሬ ኢዞ ቦላ ጎርዳዳ ኬዛዲሰ።

22 ሃሳፊ ጉዬ ባ አዚና ጸይጋዳ፡ «ታኒ ጸሳ ናቤዛኮ ኤሶን ጋካዳ ሲማና ጋካናሰ ኢሲ ኦሳንቻኔ ኢሲ ሃሬ ታሰ ዬዳርኪ!» ገዲሰ።

23 ኢዚ አዚናዚካ፡ «ኔ ሃኙ ኢዛኮ ባናሰ አይሰ ኮያዲ? ሃኙ አገና ጸሮ ዎይኮ ሳምባታ ጋላሰ ገዴና» ገዴሰ። ኢዛካ ዛራዳ፡ «ኤ ሃሲ ሊኬሺን ታ ቡሰ ባና» ገዲሰ።

24 ሃሳፊ ጉዬ ሃሬዛ ኮራ ኤካዳ ኦሳንቻዛ፡ «ኤሌ ኤሌ ላጋ፤ ታ ኔሰ ዮቶንታ ዲሺን ሎዴ ሂሰቶፋ» ገዲሰ።

25 ሃሳ ገሻሰ ኢዛ ጸሳ ናቤዚ ዲዛሶ ፑዴ ቃርሜሎሴ ዙማ ቦላ ኬዛዲሰ። ጸሳ ናቤዚካ ኢዞ ሃሆን ቤኢዲ ባ ኦሳንቻ ገያዜ፡ «ሴኪ ሱኔሜ ማጫሳዮ ቤያይ!

26 ኦኔ ኢዚኮ ዎጻ ባዳ፡ «አዜ! ሎኦ ገዴኔ? ኔ አዚናይ ሎኦ ገዴኔ? ኔ ናዚ ሎኦ ገዴኔ?» ገዳ ኢዞ

ኦይቻ» ገዴሰ። ኢዛካ ኢዛሰ፡ «ኡባይካ ሎኦ» ገዲሰ።

27 ኢዛ ጸሳ ናቤዚ ዲዛ ዙማ ቦላ ጋኪዳ ማላ ኢዞ ቶ ቦላ ጸጸታዲሰ፤ ገያዜይ ኢዞ ዬዲሳናሰ ቢሸን ጸሳ ናቤዚ ገያዜ፡ «ኢዞ ዳሮ ኡንኤቲዳ ገሻሰ አጋ፤ ኢዞ ቦኛፋ፤ ጎዳይ ሃይሳ ታፔ ኣዛሰ ገንጢዳኮ ሃይሲ ታሰ ጌሊቤና» ገዴሰ።

28 ኢዛ፡ «ታ ጎዶ! ታ ኔና ታሰ ና እማ ጋዳ ኦይቻዲና? ጮ ሃዳ ሂደታ ኔ ታሰ እምንታ ማላ ታ ኔሰ ዮታቤኪና?» ገዲሰ።

29 ኤልሳኢ ገያዜሰ፡ «ሂሰቲኮ ኔኒ ኔ ገላ ሚንሳ ገጸዳ ሃይሳ ታ ጉፊዛ ኤካዳ ዎጻ፤ ኦጌ ቦላ አሴ ዴሚኮካ ሳርኮፋ፤ ኦኒካ ኔና ሳር ገኮ ዛራ ሳርኮፋ፤ ሃይሳ ታ ጉፊዛ ኤፋዳ ናዛ ሲንሳን ዎላ» ገዴሰ።

30 ናዛ አያ ቃሴ፡ «ዴኦ ጎዳይ ቤዪን ኔ አሾ! ታ ኔና አጋዳ ሙሌካ ቢኬ» ገዲሰ፤ ሃሳ ገሻሰ ኤልሳኢ ዴንዲዲ ኢዞ ካሊዴሰ።

31 ገያዜይካ ኢሰታፊ ሲንሳቲ ቢዲ ጉፊዛ ናዛ ሲንሳን ዎላዴሰ፤ ገደ አቲን አይኮ ቃላይ ሲዬቲቤና፤ ማላታይካ ቤቲቤና፤ ሃሳ ገሻሰ ገያዜይ ጉዬ ኤልሳኢኮ ሲሚ ቢዲ፡ «ናዚ ቤጊቤና» ገዴሰ።

32 ኤልሳኢ ሶ ጌሊዲ ናዚ ሃይቂዲ ኢዞ ሃሳ ቦላ ኢቺ ዲዛይሳ ቤኢዴሰ።

33 ኢዚ ገደ ጌሊዲ ካሬዛ ባ ቦላኔ ናዛ ቦላ ጎርዲዲ ጎዳ ዎሲዴሰ።

34 ሃላ ቦላ ኬዚዲ ናዚ ቦላ ዛቁሊዲ ባ ደና ኢዞ ደናራ፡ ባ አይፊ ኢዞ አይፊራ፡ ባ ኩሼ ኢዞ ኩሼራ ጋላ ዎላዴሰ፤ ናዚ ቦላ ሙሌራ ኢዚ ዛቁሊን ናዚ ቦላይ ሆኢ ሆኢ ቢዴሰ።

35 ኤልሳኢ ዴንዲዲ ኬላ ገደን ያኔ ሃ ሲሜሬቲዳ፤ ጉዬ ሃላን ኬዚዲ ቃሴካ ናዚ ቦላ ሙሌራ ዛቁሊዴሰ፤ ናዚ ላፑንቶ ጂሺን ኢዞ አይፊቲ ጸሊዳ።

36 ኤልሳኢ ገያዜ ጸይገዲ፡ «ሱኔሜ ማጫሳዮ ሃ ጸይጋ» ገዴሰ፤ ኢዚካ ኢዞ ጸይገዴሰ፤ ኢዞ ያ ጋኪዳ ማላ፡ «ሃይ ኔ ናዚ ኤካ» ገዴሰ

37 ኢዛካ ጌላዳ ኢዞ ቶ ቦላ ኩንዳዲሰ፤ ዴጌ ቢታን ጉፋናዳ ባ ናዚ ኤካ ኬዛዲሰ።

ማርኬሪ ዲዛ ዎጾ

38 ኤልሳኢ አገ ጌልጌላ ሲሚዴሰ፤ ሃ ዴሬዛን ኮሻይ ዴሰ። ናቤታ ማባራይ ኢዞ ሲንጢ ሸቂ ዲሺን ኤልሳኢ ባ ኦሳንቻዛ፡ «ዎጋ ዲሰቲ ታማ ቦላ ዎላዳ ሃይሳ አሳሰ ዎጾ ካላ» ገዴሰ።

39 ኢሰታ ጋርሳፊ ኢሶይ ሳንጤ ሚሳቲዛ ሃይሳታ ማጸናሰ ጌዴ ዴምባ ኬዚዲ ባዞን ሞኪዛ ቱራ ዴሚዲ ሃ ቱራዛ፤ ጎሴ ሚሳቲዛ አይፊ ባ ማይኦን ማጸ ኤኪዲ ሲሚዴሰ፤ ኢዞ አንጩዲ ዲሰቲን ኬሚዴሰ ሺን ኢዚ አዛኮ ኦኒካ ኤሪቤና።

40 አሳይ ማና ማላ ዎጾዚ ዲቁቲ ኬዚዴሰ፤ አሳይ ቡር ባዲዳ ማላ፡ «ጸሳ ናቤዞ! ዲሰታ ገደን ዎጾዛ ማርኬይ ዴሰ!» ገዲ ዎሲዲ፤ ማናሰካ ዴንዳይቤቲና።

41 ኤልሳኢካ፡ «ኦኔ ታሰ ጂሌ ኤኪ ዪቲ» ገዴሰ። ሃ ጂሌዛካ ኤኪዲ ዲሰቲዛን ጉጂዲ፡ «አሳይ ማና ማላ አሳሰ እሚቲ» ገዴሰ። ዲሰቲዛን ቆሆ ጋላዛ ሚሺ ቤቲቤና።

ኤልሳኢ ሚዚዳ አሳ

42 አሳዳይ ሻቻ ባገጋፊ ካጸዱ ናምኡ ታሙ ቁንቱኔ ጉላ ቲያ ቁሪ ሉካሞን ኤኪዱ ባኣለ-ሻለሻፕ ጸሳ ናቤኮ ዩዳሰ። ኤልሳኢካ ባ ኣይሌዛሰ። «አሳይ ማና ማላ ኣሳሰ አማ» ገደሰ።

43 አሻካራዚካ። «ታኒ ሃኖ ዋሰታ ጾቱ ኣሳሰ ጋሉ?» ገዲ ኢዛ ኦይቺዳሰ። ኤልሳኢ ገዲኮ ኢዛሰ። «አሳይ ማና ማላ ኢሰታሰ አማ፤ ጎዳይ። ሲሰቲ ሚ ካለን ኢሰታፊ ፓላሃና» ገደሰ።

44 ሄሳፊ ጉዬ ኢዚ ኣሳሰ ሺሺዳሰ፤ ጎዳይ ገዳ ማላካ ኣሳይ ሚ ካለን ፓላሂ ኣቲዳሰ።

5

ኢንቺራቻ ሃርጌፊ ኒአማኔ ፓጾ

1 ሄ ዋዴ ኒአማኔይ ኣራሜ ካዋ ኣላንታ ኣዛዚዛይሳ፤ ጎዳይ ኢዛ ባጋራ ኣራሜ ዳሬይ ጸኖ ዳማና ማላ ኦሊዳ ገሻሰ ኢዚ ባ ጎዳ ኣቻን ዳር ገታኔ ቦንቺቲዳ ኣሳ። ኢዚ ኦላ ቃራ ገዲኮካ ኢንቺራቻ ሃርጌይ ኢዛ ቦላ ዋዲዳሰ።

2 ፓንጋቲ ኣራሜፔ ኬዚዱ ኢሰራኤሌ ዳሬፔ ኢሲ ጌላኦ ዲኢ ኤፊን ኢዛ ኒአማኔሲኔ ማቺይሰ ሃጋዛዉሰ።

3 ኢዛ ባ ጎዳቲይሰ። «ታ ጎዳይ ሳማሪያን ዲዛ ናቤዛኮ ቢዱ ኢዛ ዳሚዳኮ ኢዚ ሃይሳ ኢንቺራቻ ሃርጌዛፔ ኢዛ ፓላናኮሺን» ገደሰ።

4 ኒአማኔይካ ባ ጎዳዛኮ ቢዱ ኢሰራኤሌ ዳሬፔ ዩዳ ናያ ኢዛሰ ዮቶይሳ ዛሪ ዮቲዳሰ።

5 ኣራሜ ካዋዚካ ኢዛሰ። «ሂሰቲኮ ኔ ሃኢ ኤሶን ባ፤ ታኒካ ኢሰራኤሌ ካዋሰ ዳብዳቤ ጸፋና» ገደሰ። ሄሳ ገሻሰ ኒአማኔይ ኢዛሰ 30,000 ሳቂሌ ቢራ። 6,000 ሳቂሌ ዋርቃኔ 10 ኩሜላ ማይኦ ኤኪ ቢዳሰ።

6 ኢሰራኤሌ ካዋዛሰ ኢዚ ኤኪ ቢዛ ዳብዳቤዚ። «ኔ ኢዛ ኢንቺራቻ ሃርጌዛፔ ፓላና ማላ ታኒ ሃይሳ ዳብዳቤዛራ ጋላ ታ ኦሳንታ ኒአማኔ ኔኮ ዩዳዲሰ» ገዛዛ።

7 ኢሰራኤሌ ካዋዚ ዳብዳቤዛ ናባቢዳ ማላ ባ ማይኦ ዳኪዱ «ታኒ ኢዛ ኢንቺራቻ ሃርጌፊ ፓላና ማላ ኢዚ ታኮ ዩዳናሰ ታኒ ዋዳዳ ፓላና ዳንዳይዛ ጸሴ? ሃይሳ ኢዚ ታናራ ኦዩታና ኮይዛይሳ ቤኢቲ» ገደሰ።

8 ጸሳ ኣሰ ኤልሳኢ ኢሰራኤሌ ካዋይ ባ ማይኦ ዳኪዳይሳ ሲዩዳ ማላ። «ኔኒ ኔ ማይኦ ኣዛሰ ዳካዲ? ኣዳዚ ሃ ታኮ ዮ፤ ሄሳፊ ጉዬ ናቤይ ኢሰራኤሌን ዲዛይሳ ኢዚ ኤራና» ገዛ ኪታ ዩዳዲዳሰ።

9 ሄሳ ገሻሰ ኒአማኔይ ባ ፓራ-ጋራን ኡቲዱ ኤልሳኢ ኬላ ፔንጌ ጋኪ ኤቁዳሰ።

10 ኤልሳኢካ ኢዛ። «ባዳ ዮርዳኖሴ ሻፋን ላፑንቶ ጌላ ሜጬታ፤ ኔ ኣሻይ ፓጻና፤ ኔካ ጌያና» ገዲ ኢዛሰ ዮታና ማላ ኣሰ ኪታ ዩዳዲዳሰ።

11 ኒአማኔይ ገዲኮ ሃንቁቲዳ። «ኢዚ ታኮ ዩ ኤቁዳ ጎዳ ባ ጸሳ ሱንላ ጳይጊዱ ኢዚ ባ ኩሽን ታ ኢንቺራቻ ቦሼሬሊዳ ታና ኢንቺራቻ ሃርጌዛፔ ፓላንዳ ጋ ቆፓዲሰ።

12 ሃይሳሰ ሃይሳሰ ገዲኮ ዳማሰቆ ሻፋቲ ኣማናይኔ ፋርፋሬይ ኣዋንካ ዲዛ ኢሰራኤሌ ዳሬ ሃላታፔ ሎኤቲኔ? ሜጬቲላ ሜጬቲላ ገዲኮ ኢሰታን ሜጬታ ጌይኪና?» ገሺ ሃንቁቲ ሲሚዳሰ።

13 ኒአማኔ ኣሻካራቲ ኢዛኮ ሺቁዳ። «ጎዳ ናቤዚ ሃይሳፊካ ገታ ሚሽ ኔሰ ዮቲዳኮ ኔኒ ኢዚ ገዲይሳ ኦሊኪ? ሂሰቲን ኔና። ሃኢ ሜጬታዳ ጌያ» ገን ኢዛን ኔና ሜቶሊዳይ ኣዜ?» ገዳ።

14 ሄሳ ገሻሰ ኒአማኔይ ዳጌ ሻፋን ዋዲዳ ጸሳ ናቤዚ ኢዛሰ ዮቲዳ ማላ ዮርዳኖሴን ላፑንቶ ጌላ ኬዚዳሰ፤ ኢዛ ቦላይካ ጌዩዱ ጉላ ና ቦላ ማላ ገዲዳሰ።

15 ሄሳፊ ጉዬ ኒአማኔይ ባና ካሊ ዩዳ ኣሳ ኡባራ ጌዴ ጸሳ ናቤኮ ሲሚ ቢዳሰ፤ ኢዛ ሲንላን ኣጂ ኤቁዳ። «ሄኮ ኢሰራኤሌ ዳሬንፔ ኣቲን ኩሜላ ኣላሚን ኡባን ሃራ ጸሲ ባይንዳይሳ ታኒ ኤራዲሰ፤ ሄሳ ገሻሰ ኔኒ ታፔ ኔ ኣይሌዛፔ ኣሞታ ኤካና ማላ ታ ኔና ዋሳይሰ» ገደሰ።

16 ናቤዚካ ኢዛሰ። «ታኒ ኢዛሰ ሃጋዚዛ ዳኦ ጎዳይ ቤዩን ታ ኔፔ ሄሳ ኤኪኬ» ገደሰ። ኒአማኔይ ኢዛ ሜቶሊ ዋሰንካ ኤልሳኢ ኢዛ ኣሞታ ኤኪቤና።

17 ኒአማኔይ ኢዛሰ። «ኔኒ ታ ኣሚዛ ኣሞታ ኤኮንታ ኢዲኮ። ጎዳፔ ኣቲን ሃራ ኣይ ጸሳሰካ ጸጌቲዛ ያርሾ ዋይኮ ሃራ ያርሾ ታ ያርሾንታ ገሻሰ ናምኡ ባቁሎ ጫና ቢታ ታ ኤካ ባናይሳ ኔ ታና ዲጎንታ ማላ ታ ኔና ዋሳይሰ።

18 ገደ ኣቲን ጎዳይ ኢሲ ሚሻ ገሻሰ ታና ኔ ኣይሌዛ ማር፤ ሄሲካ ታ ጎዳይ ጎይናሰ ኣርሞኔ ኤቃ ጸሳ ሶ ጌሊሺን ታ ቁሴ ኢዚ ኦይኪ ማዲሼ ኢዛይሳላ ታኒካ ሄን ጎይኒኮ ኣርሞኔ ኤቃ ጸሳ ሶን ታ ጎይኒዳይሳሰ ጎዳይ ታና ኔ ኣይሌዛ ማር» ገደሰ።

19 ኤልሳኢካ ኢዛ። «ሳርን ባ» ገደሰ። ኒአማኔይ ኢዛፔ ጉላ ሃኪ ቢዳ ማላ።

20 ጸሳ ናቤዛ ኣሻካራ ጊያዜይ። «ታ ጎዳይ ሃይሲ ኣራሜ ዳሬ ኣሰ ኒአማኔይ ኢዛሰ ኤሂዳይሳ ኤኮንታ ጮ ሚላ ዩዳዲዳሰ፤ ዳኦ ጎዳይ ቤዩን ታ ኢዛ ካላ ባዳ ኢዛፔ ኢሲ ሚሽ ኤካናሰ ቤሴሰ» ገ ቆፐዳሰ።

21 ሄሳ ገሻሰ ጊያዜይ ኒአማኔ ካሊ ቢዳሰ፤ ኒአማኔይ ጊያዜይ ኢዛኮ ዋላን ካሊ ዩዳይሳ ቤኢዱ ኢዛ ሃሳይሳናሰ ፓራ-ጋራዛፔ ጋዴን ዋዲዳ። «ኣዜ ሎኦ ገዳኔ?» ገዲ ኢዛ ኦይቺዳሰ።

22 ጊያዜይካ ኢዛሰ። «ኡባይካ ሎኦሺን ታ ጎዳይ ኔና። ናቤታ ማባራፔ ናምኡ ናቲላቲ ቦላ ኤፍሬሬሚ ጌዜፊ ሃ ታኮ ኣይኮካ ታ ቆፖንታ ዩዳ ገሻሰ 3,000 ቢራኔ ናምኡ ኩሜላ ማይኦ ኢሰታሰ አማ» ጋዳ ዮታ» ገዲ ታና ኔኮ ኪቲዳሰ።

23 ኒአማኔይካ «ሂሰቲኮ 6,000 ሳቂሌ ቢራ ሄይ ኤካ» ገዲ ጊያዜ ሚንላ ዋሰዳሰ። ሄሳፊ ጉዬ 6,000 ሳቂሌ ቢራ ኤኪ ናምኡ ካራጸቲን ጌልላ ቃቺዳ ናምኡ ኩሜላ ማይኦዛ ጉጂ ኤኪዱ ናምኡ ኣይሌታ ኦይላዳሰ። ኢሰቲካ ሄሳ ቶኪ ኤኪዱ ጊያዜፔ ሲንላ ኣጂ ቢዳ።

24 ጊያዜይ ቢዱ ፑዴ ዙምቡላ ቦላ ጋኪዳ ማላ ሚሻዛ ኣይሌታፔ ኤኪዱ ባ ኬላን ዋላዳሰ፤ ሂሰቲዳ ኣሳታ ሞይዚን ኣሳቲ ሲሚ ቢዳ።

25 ሄሳፊ ጉዬ ጊያዜይ ጌሊዱ ባ ጎዳ ኤልሳኢ ሲንላን ኣጂ ኤቁዳሰ።

ኤልሳኢካ ኢዛ። «ጊያዜ ኔ ኣዋ ባዲ?» ገዲ ኢዛ ኦይቺዳሰ። ጊያዜይካ ኢዛሰ። «ታ ኔ ኣይሌይ ኣዋካ ባቤኬ» ገ ዛሪዳሰ።

26 ገደ ኣቲን ኤልሳኢ ኢዛሰ፡ «ሄ ኣዳዚ ኔናራ ገይታናሰ ኢዚ ባ ፓራ-ጋሬዛፔ ዋዲሽን ታ ኣያናይ ኔናራ ቢቤኔ? ሂሰቲን ሃይሲ ዋዲዚ ሚሼኔ ማይኦ፡ ዋጋራ ሚሊኔ ዋይኔ ቶኪዛሰሆ፡ ደርሳ ወዳኔ ማሄ ወዳ፡ ኣቲማኔ ማጫ ኣይሌታ ኤኪዛ ዋዳ?

27 ሃሳ ገሻሰ ኒኢማኔ ኢንቲራቻይ ኔ ቦላ ኣቆና፤ ማርና ጋካናሰ ኔሰ ዜሬላፊ ዜሬላን ኣቆና» ገደሰ። ሃሳፊ ጉዬ ገያዜይ ኤልሳኢ ሲንላፊ ኬዚ ቢዳሰ፤ ኢንቲራቻ ሃርጌይ ኢዛ ቦላ ሻቻ ማላ ቦላዳሰ።

6

ሃሳ ቦላ ካልታ ቶኬቲል

1 ናቤታ ማባራይ ኤልሳኢ፡ «ሃኮ ሃኢ ኑሰ ኔ ሲንላን ኡቲዛሶይ ኡንኢዳሰ፤

2 ሃሳ ገሻሰ ኑኒ ዱጌ ዮርዳኖሴ ቢዲ ኑሰ ኢሲ ኢሲ ቱሰ ቃንጺ ኤኪ ያና፤ ኑ ኢዛን ዳናሰ ኬል ኬጻና» ገደ፤ ኢዚን ኢሰታሰ፡ «ኤሮ ቤቲ» ገደሰ።

3 ኢሰታ ገደፊ ኣሳዳይ ኢዛ፡ «ኔኒ ኔ ኣሳንቻታራ ኢሲፊ ቢኪ?» ገደሰ። ኤልሳኢን፡ «ኤሮ ታ ባና» ገደሰ።

4 ኢዚ ኢሰታራ ኢሲፊ ቢዳሰ፤ ኢሰቲካ ቢዲ ዮርዳኖሴን ሚል ቃንጺ ኣይኪዳ።

5 ኢሰታ ጋርሳፊ ኢሶይ ሚላ ቃንጺሽን ካልታዚ ኩሼፔ ኬሲ ኤኪዲ ሃሳ ገደ ጌሊዳሰ፤ ኢዚን፡ «ታ ጎዶ ታኒ ፓላን ጋካዲሰ! ታኒ ኣሳፔ ጋርጻ ኤኪዳ ካልታኮ!» ገደሰዳሰ።

6 ኤልሳኢን፡ «ኣዎ ባጋራ ጌሊዳ?» ገደ ኢዛ ኣይቲዳሰ። ኢዚ ጌሊዳሶዛ ቤሲን ኤልሳኢ ሚል ማንላ ኤኪዲ ዱጌ ሃሳ ገደ ዩጊዲ ካልታዚ ፑዬ ሃሳ ቦላ ቶኬቲና ማላ ኣሊዳሰ።

7 ሃሳፊ ጉዬ፡ «ኣኔ ሃኢ ኬሳዳ ኤካ» ገደሰ፤ ኣዳዚ ኩሼ ዩዲዲ ካልታዛ ኤኪዳሰ።

ኣራማ ኦላንቻታ ጸኔቲል

8 ሄ ዋዳ ኣራማ ካዎይ ኢሰራኤሌራ ኦሌቲሰ፤ ኢዚ ባ ኦላንቻታ ሃላቃታራ ኢሲፊ ዞሬቲዳፔ ጉዬ፡ «ሃይሳን ታ ኡታና» ገደሰ።

9 ጸሳ ናቤዚ፡ «ኣራማ ኣሳይ ሃሳራ ዱጌ ዋዲዳ ገሻሰ ሃራ ኔ ኣቆንታ ማላ ናጌታ» ገደ ኢሰራኤሌ ካዎዛሰ ኪታ ዩዲዳሰ።

10 ሃሳ ገሻሰ ኢሰራኤሌ ካዎዚ ጸሳ ኣሲ ኢዛሰ ዮቲዳሶሆዛ ጸዋሳና ማላ ኣሰ ከቲዳሰ፤ ኤልሳኢን ካዎዚ ሃይታንታ ማላ ሶሆታፔ ባና ናጋና ማላ ዛሪ ዛሪ ቆፍሲዳሰ።

11 ሃሲ ኣራማ ካዎዛ ኬሂ ሸኔቲዳ ገሻሰ ባ ኦላንቻታ ኣዛዚዳይታ ባኮ ጳይጊ ሸሸዲ፡ «ኑ ገደፊ ኢሰራኤሌ ካዎራ ላጌቲዛ ኣሲ ዲዛይሳ ኢንቲ ታሰ ኣይሰ ዮቲኬቲ?» ገደ ኣይቲዳሰ።

12 ኦላንቻታ ኣዛዚዳይታፔ ኢሶይ፡ «ታ ጎዳ ካዎ! ኑ ባጋፊ ኦኒካ ዳና፤ ገደ ኣቲን ኔኒ ኔ ኢልቲኔን ዳሼ ሃሳይዛይሳ ኢሲኖካ ኣሻንታ ኢሰራኤሌ ካዎሰ ዮቲዛ ኣሲ ኢሰራኤሌ ዳሬን ናቤ ኤልሳኢ ዳሰ» ገደሰ።

13 ካዎዚን፡ «ታኒ ኣሰ ዩዳዳ ኢዛ ኣይላና ማላ ኢዚ ኣዎን ዲዛኮ ኢዚ ዲዛሰ ኮቆቲ» ገደ ኣዛዚዳሰ። ሃሳፊ ጉዬ፡ «ኢዚ ዳታኔን ዳሰ» ገዛ ዋሪይ ኢዛኮ ጋኪዳሰ።

14 ሃሳ ገሻሰ ኢዚ ፓራታ፡ ፓራ-ጋሬታኔ ዳር ኦላንቻታ ሄ ዩዲዳሰ። ሃይቲካ ቢዲ ካታማዮ ኦማርሰ ገደሊዳ።

15 ጸሳ ናቤዛሰ ኣይሌይ ዋንታራ ኢዚ ካሬ ኬዚሽን ፓራታኒኔ ፓራ-ጋሬታን ሚኒዳ ዋልቃማ ኦላንቻቲ ካታማዮ ዩዩ ኣቋ ዲዛይሳ ቤኢዲ፡ «ጎዶ! ኑ ኣይ ኦሊኮ ሎኦ?» ገደ ኣይቲዳሰ።

16 ናቤዚን፡ «ኑናራ ዲዛይቲ ኢሰታራ ዲዛይታፔ ኣቋዛ ገሻሰ ባቦፋ» ገደሰ።

17 ኤልሳኢን፡ «ኣቤት ጎዳወ! ኢዚ ባ ኣይፊራ ቤኣና ማላ ኔ ኢዛ ኣይፊታ ዳያ» ገደሰዳሰ፤ ጎዳይ ኢዛ ኣይሌዛ ኣይፊታ ዳይኢዳሰ፤ ኢዚ ጸሊሽን ታማ ፓራቲኔ ፓራ-ጋሬቲ ኤልሳኢ ዩሾን ዙማን ኩሚዳይሳ ቤኢዳሰ።

18 ኣራማ ኦላ ኣሳይ ዱጌ ዋዲዲ ኢዛኮ ዩሽን ኤልሳኢ ቤኢዲ፡ «ጎዶ! ኔ ሃይሳ ዳራ ቆቂሳ» ገደ ዋሲዳሰ፤ ሃሳ ገሻሰ ኤልሳኢ ዋሲዳ ማላ ጎዳይ ኢሰታ ቆቂሲዳሰ።

19 ኤልሳኢን ኢሰታሰ፡ «ኣጌይ ሃይሳራ ዳና፤ ካታማያካ ሃና ገደኩ፤ ታኒ ኢንቲና ኢንቲ ኮይዛዳኮ ካሌላ ጋላና፤ ሃ ታና ካለቲ» ገደሰ። ሃሳፊ ጉዬ ኢሰታ ካሌላ ኤኪዲ ሳማሪያ ኤፊዳሰ።

20 ኢሰቲ ቢዲ ሄ ካታማዮ ጌሊን ኤልሳኢ «ጎዳወ! ሃይቲ ጸላና ማላ ኔ ኢሰታ ኣይፊ ዳያ» ገደሰ። ጎዳይካ ኢሰታ ኣይፊ ዳይዳሰ፤ ኢሰቲካ ባንቲ ሳማሪያ ገደን ዲዛይሳ ቤኢዳ።

21 ኢሰራኤሌ ካዎዚ ኢሰታ ቤኢዲ፡ «ታ ኣዎወ! ታ ኢሰታ ዋዲ? ኢሲ ቦላ ዲፔ ሂሰቶ?» ገደ ኤልሳኢ ኣይቲዳሰ።

22 ኤልሳኢን፡ «ዋዲ፤ ኔ ማሻኒኔ ቶራን ዲኣ ኤሂዳይታ ዋዳናሰ ኔሰ ቤሲዜ? ኣኔ ኔ ሃኢ ኢሰታሰ ማናዚኔ ኡያናዝ ኢማ፤ ኢሰቲ ሚዲኔ ኡዩዲ ጌዬ ባ ጎዳኮ ቤቶ!» ገደሰ።

23 ሃሳ ገሻሰ ገታ ገቢራ ኢሰታሰ ገገሰን ሚዳፔኔ ኡዩዳፔ ጉዬ ጌዬ ኢሰታ ጎዳኮ ኢሰታ ዋይዚ ዩዲን ቢዳ፡ ኣራማ ኦላንቻቲ ናምኣንላ ኢሰራኤሌ ቦላ ዋራጂቤቲና።

ካዎ ቤኒ-ሃዳዳይ ሳማሪያ ደዳል

24 ጉላ ዋዳፔ ጉዬ ኣራማ ካዎ ቤኒ-ሃዳዳይ ባ ኦላንቻታ ኢሲ ቦላ ሸሸዲዳሰ፤ ኬዚ ቢዲ ሳማሪያ ገደሊዳሰ።

25 ኢዚ ሄ ካታማዮ ገደሊዳ ማላ ኢሲ ሃሬ ሁኤይ 80 ሳቂሌ ቢራ፡ ናምኡ ጳቲ ገደዛ ሃራጳ ሸያይ ኢቻሽ ሳቂሌ ቢራን ባይዜታና ጋካናሰ ዳሬዛን ገታ ኮሻይ ዳንዲዳሰ።

26 ኢሰራኤሌ ካዎዚ ገምቤ ቦላራ ሃማቲሽን ኢሲ ማጫሳያ ባ ቃላ ቆቁ ሂሰታዳ፡ «ታ ጎዳ ካዎ! ታና ማዳርኪ!» ገደሰ።

27 ካዎዚን ኢዚሰ፡ «ጎዳይ ኔና ማዳንታ ታ ኔና ዋሰታ ማዳና ዳንዳያዚና? ታ ኔና ማዳናይ ታ ካላ ባሌዛፔቶ ታ ዋይኔ ጉምኢዛሰሆፔ?» ገደ ዛሪዳሰ።

28 ቃሴካ፡ «ኔና ማቲዳይ ኣዜ?» ገደ ኢዛ ኣይቲዳሰ፤ ኢዛካ ካዎዛሰ፡ «ሃና ማጫሳያ ታና፡ ኑኒ ሃቕ ኢሲፊ ማናሰ ኔ ናዛ ሃ ኤካ ያ፤ ዋንቶ ቃሴ ታ ናዛ ኢሲፊ ማና» ገደሰ።

29 ሂሰቲን ታ ናዛ ደይሲ ሚደሰ። ዋንቴላ ጋላስ ቃሴ ኑ ማና ማላ፣ ሩ ናዛ ሃ ኤካ ያ፣ ታ ጊን ኢዛ ባ ናዛ ቆታ ዲጋዲሰ» ጋዲሰ።

30 ካዎዚካ ማጫሳያ ጊዛይሳ ሲዪዲ ባ ማይኢዳ ማይኦዛ ዳኪ ዩጊዳሰ፤ ካሴ ኢዚ ገምቤዛ ቦላራ ያኔ ሃ ሲሜራቲሽን ኢዚ ባ ማይኢዳ ማይኦዛ፤ ጋርሳራ ማቃ ማይኢዳይሳ አሳይ ቤኢዳሰ።

31 ካዎዚካ፣ «ሳፋጾ ና ኤልሳኤ ቆጭፔ ጩካ ዩጎንታ አይሲኮ ጸሲ ታ ቦላ ሃሳ ኦሎ፤ ሃሳፊካ ቦላራ ኢታ ሚሽ ታ ቦላ ኦሎ» ጊዲ ማንዲዳሰ።

32 ሄ ዎዴ ኤልሳኤ ባ ሶን ዳሰ፤ ጨማ አሳይካ ኢዛራ ዳሰ። ካዎዚ ኢሲ አሲ ኢዛ፤ ሲንሳቲ ባና ማላ ከቲዳሰ፤ ሄ ከቲቲዳ አዳዚ ቢ ጋኮንታ ዲሺን ኤልሳኤ ባናራ ዲዛ ጨማታሰ፣ «ሃይሲ ሸምፖ ዎጂዛይሲ ታ ቆጭ ቃንጸናሰ አሰ ዩዲዳይሳ ቤዩቲ? ኢዚ ከቶይሲ ሃ ጋኪሺን ኢዚ ሃ ጌሎንታ ማላ ፔንጋ ጎርዲቲ። ኢዛ ጌዶራ ሲዩቲዛይሲ ኢዛ ጎዳዛ ቶሆ ጊሪሰ ጊዳይ?» ጊዳሰ።

33 ኤልሳኤ ጨማታራ ሃሳያ ቦላ ዲሺን ከቲቲ ዩዳይሲ ዲጌ ኢዛኮ ዎጂዳሰ፤ ካዎዚካ ጋኪዲ፣ «ሃይሲ ማቶዚ ጎዳፔ ዩዳሰ፤ ሂሰቲን ሃኢ ታኒ ጎዳፔ አይ ናጋዚና?» ጊዳሰ።

7

1 ኤልሳኤካ ኢዛሰ፣ «ሂሰቲኮ ኔኒ አኔ ጎዳ ቃላ ሲያ፤ ጎዳይ፣ ዋንቶ ሃኒ ዎዴ ሃና ሃ ሳቲዩን ሳማሪያ ካታማ ፔንጌን ሄቹ ከሎ ሎኦ ገሰቲ ጳሌይ ዎይኮ ኡሱቸን ከሎ ባንጋይ ኢሲ ሳቂሌን ባይዜታና» ጊዳሰ።

2 ካዎዛሰ ከሂ ማታ ጊዲዳ ኦላንቻታ ሃላቃዚ ናቤዛ፣ «ሃራይ ኣቲን ጎዳይ ሳሎ ማሰኮቲ ደይዳኮካ ሄሲ ሃናኔ?» ጊ ኦይቸዳሰ። ኤልሳኤካ ኢዛሰ፣ «ኢዚ ሃኒን ኔ ኢዛ ኔ አይፊራ ቤአና፤ ጊዶ ኣቲን ኢዛፔ አይኮካ ኔ ደናን ጌልሳካ» ጊዳሰ።

ጊደሊዳ ኦላንቻታ ባቃታ

3 ሄ ዎዴ ኢንቸራቻ ሃርጌራ ዲዛ ኦይዳ አሳቲ ሄ ካታማይሰ ጌሊዛ ፔንጌ አቻን ዳቲሰ፤ ሄይቲ ባ ጋርሳን ኢሲይ ኢሳሰ፣ «ኑኒ ኣዛሰ ሃይቃና ጋካናሰ ሃይሳን ጋምኢዛ?»

4 ጌዴ ካታማዮ ኑ ጌላና ጊኮ ሃን ኮሻይ ዲዛ ጊሻሰ ኑኒ ኮሻን ሃይቃና፤ ሃን ሃይሳን ዲኮካ ኑሰ ሃይቆይ ኣቲና፤ አራሜ ኦላንቻታ ጊዶ አኔ ጩኦ ጊዲ ቦሰ፤ ኢሰቲ ጩኦ ጊኮ ኑ ኣታና፤ ዎጂኮካ ሃን ሃይቃና» ጊዳ።

5 ሃሳፊ ጉዬ ጋዴይ ለምኢ ለምኢሺን ኢሰቲ ዳንዲዲ አራሜ ኦላንቻቲ ዲዛ ሃራ ቢ ጋኪሺን ሃን ኢሳዳይካ ዳና።

6 ሄሲ ሃኒዳ ጋሶይካ ጎዳይ አራሜ ኦላ አሳይ ሲያና ማላ ፓራ-ጋራታ ጊሪሰ፣ ቶጋ ፓራ ጊሪሰ ሃሳሳካ ዳር ኦላ አሳ ጊሪሰ አራሜ አሳ ሲሲዳ ጊሻሰ አሳይ ባ ጋርሳን ኢሲይ ኢሳ፣ «ሃኮ ኢሰራኤሌ ካዎይ ኑ ቦላ ማቶ ዩጋናሰ ሂቲ ዳሬ ካዎሲኔ ጊብጾ ዳሬ ካዎሰ ሚሼ ኢሚዲ ኑ ቦላ ኤሃዳሰ» ጊዳ።

7 ሃሳፊ ጉዬ ሳአይ ቃማና ጊሺን ባንቲ ዲዛሶፔ ዳንዲዲ ባንታ ዲንካኔታ፣ ፓራታኔ ሃራታ ኤኮንታ ዩጊ ኢዲ ባንታ ሸምፖ ጸላ አሻናሰ ሃራ ባቃቲ ቢዳ።

8 ሄ ኢንቸራቻ ሃርጋንቻቲ ሄ አሳይ ዲዛ ሃራ ጋኪዲ ዲንካኔታቲ ኢሳን ጌሊዲ ሚዳኔ ኡዩዳ፤ ሃሳፊ ጉዬ

ቢራ፣ ዎርቃኔ ማይኦ ቢዲ ቆቲዳ፤ ሲሚዲካ ሃራ ሃራ ዲንካኔታን ጌሊዲ ሃራ ዳር ሚሻታካ ኤኪ ቢዲ ቆቲዳ።

9 ኢሰቲ ባንታ ጋርሳን ኢሲይ ኢሳ፣ «ሃይሲ ኑ ኦሊዳይሲ ሎኦ ጊዳና፤ ሃይሲ ጋላሳይ ሚሺራቾ ዮቲዛ ጋላሳ፤ ኑኒ ጊዲኮ ኑሰ ጸላ ሂሰቲደሰ። ሃይሳፊ ዋንታና ጋካናሰ ኑ ጩኦ ጊኮ ኑ ሞራንቻ ጊደሰ፤ ሃሳ ጊሻሰ አኔ ካዎሶ ኤሶን ቢዲ ሃይሳ ዮቶሰ» ጊዳ።

10 ሃሳ ጊሻሰ ኢሰቲ ቢዲ ካታማዮ ጌሊዛ ፔንጌ ናጊዛይታ ዋሲ ዳይጊዲ፣ «ኑኒ አራሜ አሳይ ዲዛሶ ቢ ጌሊደሰ፤ ሃን ቃሼቲ ዲዛ ፓራቲኔ ሃራቲ ኣቲን ሃራይ ኢሲ አሲካ ዳና፤ አይ አሳ ቃላይካ ሴቲቲቤና፤ ዲንካናይካ ባ ዲዛ ማላ ዳሰ» ጊዲ ዮቲዳ።

11 ፔንጌዛ ናጊዛይቲካ ሃሳ ሲዪዲ ባ ሲዪዳይሳ አሳሰ ዛሪ ዮቲዳ፤ ሄ ዎራዚ ቢዲ ካዎ ኬላን ሴቲቲዳሰ።

12 ካዎዚ ዋንታ ማላዶ ዳንዲዲ ባ ኦላንቻታ ሃላቃታሰ፣ «አራሜ አሳይ ኑና አይ ኦሊዳኮ ታ ኢንቲሰ ዮታይሰ፤ ኑኒ ጋፊዳይሳ ኢሰቲ ኤሪዛ ጊሻሰ፣ ሩኢሰቲ ሃ ከዘንታ ኣጌቲና፤ ኢሰቲ ከዚኮ ኑ ኢሰታ ሸምፖራ ፓጸ አይኪ ዲአና፤ ሂሰቲዲ ጌዴ ኢሰታ ካታማዮ ሰቲ ጊዲ ኑ ጌላና» ጊዲ ጌዴ ዳሬ ጊዶን ቆቲታናሰ ካሴ ዲዛሶፔ ከዚዳ» ጊዳሰ።

13 ኦላንቻታ ሃላቃታፔ ኢሶይ፣ «ጉላ አሳቲ ካታማ ጋርሳን ኣቲዳ ፓራታፔ ኢቻሻታ ኤኪ ቤቶ፤ ኢሰታ ሳማይ ሃን ኣቲዳ ኢሰራኤሌ አሳ ሳማራ ኢሲኖ፤ ኢሰቲ ናጊዛይ ዲኮ ሃይቁ ዉሪዳ ኢሰራኤሌ አሳላ ሃይቆ ጸላ፣ ሃሳ ጊሻሰ ኑ አኔ ኢሰታ ከቲ ዩዲዲ ሃኒዳይሳ ቤዮሰ» ጊዳሰ።

14 ሃሳ ጊሻሰ ናምኡ ፓራ-ጋራታ ፓራታራ ደሪዳ፤ ካዎዚካ «ኢንቲ ቢዲ ሃኒዳዝ ኡባካ ጸሊቲ» ጊዲ አራሜ ኦላንቻታ ጉዬራ ባና ማላ ኣሊ ዩዲዳሰ።

15 ኢሰቲካ ዮርዳኖሴ ሻፋ ጋካናሰ ኢሰታ ካሊ ቢዲ። አራሜ አሳይ ኤሶን ባቃቲሼ ዩጊ ቢዲ ማይኦኔ ሚሻታ ኦጌይ ዲዛሶን ዲዛሶን ላሊቲዳይሳ ዳሚዳ፤ ሄ ከቲቲዳይቲካ ጉዬ ሲሚዲ ባ ቤይዳይሳ ካዎዛሰ ዮቲዳ።

16 ሃሳፊ ጉዬ ዳሬዚ ከዚዲ አራሜ ኦላንቻታሰ ዲዛ አቆታ ባሰ ኤኪዳሰ፤ ሃሳ ጊሻሰ ካሴ ጎዳይ ዮቲዳ ማላ ሄቹ ከሎ ገሰቲ ጳሌይ ዎይኮ ኡሱቸን ከሎ ባንጋይ ኢሲ ሳቂሌን ባይዜቲዳሰ።

17 ሄ ዎዴ ካዎዛሰ ከሂ ማታ ጊዲዳ ኦላንቻታ ሃላቃዛ ካዎይ ገምቤዛ ፔንጌ ናጋና ማላ ሹሚዳሰ፤ ሂሰቲን ዳሬይ ከዚዛ ካታማ ፔንጌን ሱጌቲሼ ኢዛ ዩዳሬሊዳሰ። ሄ ጸሳ ናቤይ ካሴ ካዎዚ ኢዛኮ ዩን ዮቲዳ ማላ ኢዛ ኦላንቻታ ኣዛዚዛይሲ ሃይቁዳሰ።

18 ሃሳሳካ ጸሳ ናቤዚ ካዎዛሰ፣ «ዋንቶ ሃኒ ዎዴ ሳማሪያ ፔንጌን ሄቹ ከሎ ገሰቲ ጳሌይ ዎይኮ ኡሱቸን ከሎ ባንጋይ ኢሲ ሳቂሌን ባይዜታና» ጊዳ ማላ ፖሊቲዳሰ።

19 ኦላንቻታ ኣዛዚዛይሲ ጸሳ ናቤዛሰ፣ «ሃራይ ኣቲን ጎዳይ ሳሎ ማሰኮቲ ደይዳኮ ሃሲ ሃናኔ?» ጊዳ ጊሻሰ ጸሳ ናቤዚ «ኔኒ ሃሳ ኔ አይፊራ ቤያና ጊዶ ኣቲን ኔ ኢዛፔ ኣይኮካ ማካ» ጊዲ ካሴ ኢዛሰ ዛር ኢሚዳሰ።

20 ጌሊዛ ፔንጌ ቦላ ዳሬይ ኢዛ ዩዳቲን ኢዚ ሃይቁዳ ጊሻሰ ካሴ ዮቲቲዳ ቲንቢቲይ ኢዛ ቦላ ፖሊቲዳሰ።

8

ሱኔሜ ማጫሳያ ዳሪ ሲሞ

1 ሄ ዎዴ ካሴ ኤልሳኢ ኢዚ ናዛ ሃይቆፔ ዳንሉዳ ማጫሳይሰ ጸሲ። «ሃ ቢታ ቦላ ላፑን ላይላ ኮሻይ ዳንዳና ማላ ጎዳይ ቃቺዳ ገሻሰ ኔኒ ዳንዳ፤ ሄ ዎዴይ አቆና ጋካናሰ ኔሶ አሳራ ኔ ዳናሶ ባሻ» ገዴሰ።

2 ማጫሳያካ ጸሳ ናቤዚ ኢዚሰ ዮተዳ ማላ ሃናዱሰ፤ ባ ሶ አሳራ ዳንዳ ባዳ ፊሊሰጾሜ ዳሪን ላፑን ላይላ ኡታዱሰ።

3 ላፑን ላይላፊ ጉዬ ፊሊሰጾሜ ዳሪፔ ባ ዳሪ ሲማዱሰ፤ ባ ኩላ ገሻሲኔ ባ ጋዴ ገሻሰ ካዎዛሰ አቤት ጋናሰ ኢዛኮ ባዱሰ።

4 ሄ ዎዴ ካዎዚ ጸሳ ናቤዛ አይሌ ገያዜ። «ኤልሳኢ ካሴ ኦሉዳ ገታ ሚሻታ ኔ አኔ ታሰ ዮታ» ገ ኦይቺሼ ጋምኢዳሰ።

5 ኤልሳኢ ኢዚ ናዛ ሃይቆፔ ዳንሉዳ ናዛ አያ ባ ኩላ ገሻሲኔ ባ ጋዴ ገሻሰ ካዎዛሰ ዋሳናሰ ካዎዛኮ ጌሊዳ ዎዴ ኤልሳኢ ኢዚ ናዛ ሃይቆፔ ዎሰቲ ዳንሉዳኮ ገያዜይ ካዎዛሰ ዮተዳሰ።

ገያዜይካ ካዎዛሰ። «ታ ጎዳ ካዎ! ኢዚ ናዛ ኤልሳኢ ዳንሉዳ ማጫሳያ ሃና፤ ኢዚ ሃይቆፔ ዳንሉዳ ናዚካ ሃይሳ» ገዴሰ።

6 ካዎዚ ሄሳ ሄ ዮኦዛ ገሻሰ ኢዛ ኦይቺን ኢዛካ ዮታዱሰ። ሄሳፊ ጉዬ ካዎዚ። «ካሴ ኢዚ ሚሼኔ ኢዛ ዬጋ ቦሶፊ ሃ ሲሚን ሃና ጋካናሰ ኢዚ ጋዴን ካጺዳ ካሉ ሙሉራ ኔ ኢዚሰ ዛራ» ገዴ ሹሜታፔ አሳ አዛዚዳሰ።

አዛሄሌ ኩሼን ቤንሃዳዳ ሃይቆ

7 ኤልሳኢ ዳማሰቆ ቢዳሰ፤ ሄ ዎዴ አራሜ ካዎ ቤኒ-ሃዳዳይ ሳኬቲዳሰ፤ ካዎዛሰ። «ጸሳ አሲ ሃ ዪዳሰ» ገዴ ዮተዳ።

8 ኢዚካ አዛሄሌ። «ኔኒ አይኮ ኩሼ ገንሎ ኤካ ባዳ ጸሳዳዛራ ጋይታ። ኢዛ ባጋራ። «ታኒ ሃይሳ ሃርጌዛፔ ፓጻኔ?» ጋዳ አኔ ጎዳ ኦይቻ» ገዴሰ።

9 አዛሄሌይካ ዳማሰቆን ዳዛ ሎኦ ሚሻታ ኡባፊ ኦይዳ ታሙ ጋሜላን ጫኒ ኤኪዳ ኤልሳኢራ ጋይታናሰ ቢዳሰ፤ ኢዛ ሲንሳን ቢ ኤቂዳ። «ኔ ና አራሜ ካዎ ቤኒ-ሃዳዳይ። «ሃይሳ ሃ ሃርጌዛፔ ታ ፓጻኔ?» ገዴ ታና ኔኮ ዬዱዳሰ» ገዴሰ።

10 ኤልሳኢካ ዛሪዳ። «ኔኒ ባዳ ኢዛሰ። «ኔኒ ፓጻ ፓጻና» ጋ። ገዴ አቲን ኢዚ ሃይቆናይሳ ጎዳይ ታና ቤሲዳሰ» ገ ዛሪዳሰ።

11 ኢዚ ዬላታና ጋካናሰ አዛሄሌይ ኢዛ ቲሺ ሂሰቲ ጾሊዳሰ፤ ሄሳፊ ጉዬ ጸሳ ናቤዚ አይፋንሎ ፑሲዳሰ።

12 አዛሄሌይካ። «ታ ጎዳይ አይሰ ዩኪዜ?» ገ ኦይቺዳሰ። ኤልሳኢካ ዛሪዳ ኢዛሰ። «ኔኒ ኢሰራኤሌ አሳ ቦላ ጋላና ቆሆዛ ታ ኤሪዛ ገሻሰ ዩካይሰ፤ ኔ ኢሰታ ሚጸታ ታማን ጹጋና፤ ኢሰታ ናቴላ ናይታካ ማሻን ዎቆና፤ ኢሰታሰ ቁሪ ናይታካ ቢታ ቦላ ዳንጠፎራፋና፤ ሻራ ማጫሳታ ኡሎ ኔ ዳካና» ገዴሰ።

13 አዛሄሌይካ። «ታኒ ካና ማላ ቆዴቲዛ ኔ አይሌይ ሄሳ ማላ ዎልቃማ ኦሶ ኦላናሰ ዋና ዳንዳያኔ?» ገዴሰ። ኤልሳኢካ ዛሪዳ ኢዛሰ። «ኔኒ አራሜ ቦላ ካዎታናይሳ ታና ጎዳይ ቤሲዳሰ» ገዴሰ።

14 ሄሳፊ ጉዬ አዛሄሌይ ኤልሳኢ አቻፊ ጌዳ ባ ጎዳኮ ሲሚ ቢዳሰ፤ ቤኒ-ሃዳዳይካ ኢዛ። «ኤልሳኢ ኔሰ አይ ገ ዮተዳ?» ገ ኦይቺዳሰ። አዛሄሌይካ ዛሪዳ ኢዛሰ። «ቱማፔ ኔኒ ሃርጌዛፔ ፓጻናይሳ ኢዚ ታሰ ዮተዳሰ» ገዴሰ።

15 ኢዚ ዎንቴላ ጋላሰ ኦርዴ ማይኦ ኤኪዳ ሃላን ማቆ ስሴ ኤኪ ኢዛራ ካዎዛ አይፊሶ ጎዚዳሰ፤ ካዎዚ ሄሳ ጌዴን ሃይቆዳሰ፤ አዛሄሌይካ ኢዛሰሆን ካዎተዳሰ።

ዩሁዳ ካዎ ኢዮራሜ (2ታሪ 21:1-20)

16 ኢሰራኤሌ ካዎ አካቤ ና ኢዮራሜይ ካዎተዳ ኢቻሻንሎ ላይላን ኢዮሳፊጾ ና ኢዮራሜይ ዩሁዳ ዳሪን ካዎተዳሰ።

17 ኢዚ ካዎተሺን ኢዛሰ ላይላይ 32፤ ኢዚ ዬሩሳላሚን ኡቲዳ 8 ላይላ ዳሪ ሃሪዳሰ።

18 ኢዛ ማቺያ አካቤ ና ገዴዳ ገሻሰ አካቤሶ አሳይ ኦሉዳ ማላ ኢዚካ ኢሰራኤሌ ካዎታ ኦጌ ካሊዳሰ፤ ጎዳ ሲንሳንካ ኢታ ሚሽ ኦሉዳሰ።

19 ገዴ አቲን ጎዳይ ባ አይሌዛ ዳዊቲ ገሻሰ ገዴ ዩሁዳ ቆይሳናሰ ኮዩቤና። ጋሶይካ ዳዊቲሲኔ ኢዛ ዜሪላሰ ጸምፔ ቆይሶንታ ማላ ካሴ ሂዶታ ኡሚ ዎሊዳሰ።

20 ኢዮራሜ ካዎተላ ላይላን ኤዶሜይ ዩሁዳ ቦላ ዳንዳዳ ባሰ ሃራ ካዎ ካዎሊዳሰ።

21 ሄሳ ገሻሰ ኢዮራሜይ ፓራ-ጋሪታ ኡባ ሺሺዳ ጸኢሪ ቦላ ዎራጂዳሰ፤ ኤዶሜ ዳሪ አሳይ ኢዛኔ ፓራ-ጋሪታ አዛዚዛይቲ ገዴኮ ገዴላ ዳንዳዳ ባና ገዴላዳይታ ጸኒ ኬዚ ቢዳ፤ ኢዛ ኦላንቻቲ ባቃቲዳ ጉዬ ሲሚዳ።

22 ኤዶሜይካ ሃቶ ጋካናሰ ዩሁዳ ቦላ ማካሊዳ ማላ ዳሰ፤ ሄ ዎዴ ሊቤናይካ ማካሊዳሰ።

23 ኢዮራሜ ካዎተላ ዎዴ ሃኒዳ ሃራ ሚሽ ኡባይ ዩሁዳ ካዎታ ታሪኬ ማጻፋን ጸፊቲ ዳሰ ገዴኔ?

24 ኢዮራሜይካ ካሴ ባ አዎታን ጋይቲዳሰ፤ ኢሰታላካ ዳዊቲ ካታማን ሞጌቲዳሰ፤ ኢዛ ና አካዚያሲ ኢዛሰሆን ካዎተዳሰ።

ዩሁዳ ካዎ አካዚያሳ (2ታሪ 22:1-6)

25 ኢሰራኤሌ ካዎ አካቤ ና ኢዮራሜይ ካዎተዳ ታማኒ ናምኣንሎ ላይላን ኢዮራሜ ና አካዚያሲ ዩሁዳን ካዎተዳሰ።

26 አካዚያሲ ካዎተዛ ዎዴ ኢዛሰ ላይላይ 22። ኢዚ ዬሩሳላሚን ኡቲዳ ዳሪ ኢሲ ላይላ ሃሪዳሰ፤ ኢዛ አያ ጎቶሊያ ጌቲታዉሰ፤ ኢዛካ ኢሰራኤሌ ካዎ ኦሚሪሰ ናዛ ና።

27 አካዚያሲ አካቤሶ አሳራ ቦሎቲዳ ገሻሰ አካቤሶ አሳይ ኦሉዳ ማላ ኢዚካ አካቤሶ አሳ ኦጌ ካሊዳሰ፤ ጎዳ ሲንሳንካ ኢታ ኦሉዳሰ።

28 አካዚያሲ አካቤ ና ኢዮራሜራ ኢሲፊ አራሜ ካዎ አዛሄሌ ቦላ ዎራጂናሰ ጋላኣዳን ዳዛ ኤራሞቲ ቢዳሰ፤ አራሜ አሳይ ሃን ኢዮራሜ ማዳንሉዳሰ።

29 ሄሳ ገሻሰ ካዎ ኢዮራሜይ ኤራሞቲን አዛሄሌራ ኦሎቲዳ ኦላዛን አራሜ አሳይ ኢዛ ማዳንሉዳ ማዳንላፊ ፓጻናሰ ኢዘራኤሌ ሲሚዳሰ። ሄሳፊ ጉዬ አካቤ ና ኢዮራሜይ ሳኬቲዳ ገሻሰ ዩሁዳ ካዎ

አዮራሜ ና ኣካዚያሲ ኢዛ ኦይቻናሰ ዱጌ ኢዘራኤሌ ዎጲዳሰ።

9

ኢሰራኤሌ ቦላ ካዎታናሰ ኢዩ ቲዬቴላ

1 ናቤ ኤልሳኢ ናቤታ ማባራ ጋርሳፊ ኢሳ ጸይጊዲ፤ «ኔ ጌላ ሎኤላ ጊጸዳ ሃይሳ ዛይቴ ጸኣ ኤካዳ ጋላኣዳን ዲዛ ኤራሞቴ ባ።

2 ኔኒ ሄ ባ ጋካሽ ኒሚሽሰ ናዛ ና ኢዮሳፊጾ ና ኢዩ ኮያ። ኔ ጌዴ ኢዛኮ ሺቃዳ ኢዛ ኢዛ ላጌታፔ ዲማ ሻካዳ ጌዴ ኢልፕኔን ጌልላ።

3 ሃሳፊ ቃሴ ሄ ጸኣን ዲዛ ዛይቴዛ ኢዛ ሀኤን ጉሳዳ፤ ሳዳይ ኔና፤ ሄኮ ታ ኢሰራኤሌ ቦላ ኔ ካዎታና ማላ ቲያዲሰን ጌሰ ጋዳ ኣዎጲ፤ ሃሳፊ ካሬዛ ዶያዳ ዎጻ፤ ሙሌካ ታኮፋ» ጊዳሰ።

4 ሃሳ ጊሻሰ ሄ ዩላጋ ናቤዚ ጋላኣዳን ዲዛ ኤራሞቴ ቢዳሰ።

5 ኢዚ ሄ ቢ ጋኪዳ ማላ ኦላ ጋዳዎቲ ኢሲ ቦላ ኡቲ ዲሺን ኢዚ፤ «ሹሜዞ፤ ታ ኔኮ ከቴታ ያዲሰ» ጊዳሰ። ኢዩይካ «ኦፔ ኦናኮ ያዲ?» ጊዲ ኢዛ ኦይቻዳሰ፤ ኢዚካ ዛሪዲ፤ «ሹሜዞ፤ ኔኮ ያዲሰ» ጊዳሰ።

6 ኢዩይካ ዳንዲ ኤቁዲ ጌዴ ሶ ጌሊዳሰ፤ ሃሳፊ ጉዩ ናቤዚ ኢዛ ሀኤን ዛይቴዛ ጉሲዲ ኢዛሰ፤ «ጎዳ ኢሰራኤሌ ጸሳይ፤ ሳዳ ዳሬ ኢሰራኤሌ ቦላ ኔ ካዎታና ማላ ታ ኔና ቲያዲሰ።

7 ታ ኦሳንቻታ ናቤታ ሱላ ሃሳቱካ ጎዳ ኦሳንቻታ ሱላ ኡባ ጊሻሰ ኤልዛቤሊ ቦላ ታ ሃሎ ከሳና ማላ ኔኒ ኔ ጎዳ ኣካቤሶ ኣሳ ሸጫ።

8 ኣካቤሶ ኣሳይ ሙሌራ ጳያና፤ ኣይሌ ጊዲን ዎይኮ ኢዛ ዩሎ ጊዲን ኢሰራኤሌን ዲዛይሳ ኢዛሰ ወርሴላን ዩሌቲዳ ኣቲማ ናካ ኣካቤሶፔ ፒታ ጳይሳና።

9 ሃይሳፊ ጉዩ ታኒ ኣካቤ ከል ናባጾ ና ኢዮርባኣሜ ከል ማላኔ ኣካያ ና ባሽ ከል ማላ ኦላና።

10 ኤልዛቤሎ ጊዲኮ ኢዘራኤሌ ጋዴ ጊዳን ካናቲ ኢዛ ማና፤ ኢዚ ኣሃይ ሞጌቴና ጌሰ» ጊ ዮቲዳ ማላ ካሬ ዶዩ ዩጊዲ ዎጲዳሰ።

11 ኢዩይ ከዚዲ ባ ላጌ ኦላ ጋዳዎታኮ ጋኪዳ ማላ ኢሰታፊ ኢሶይ፤ «ኡባይካ ሎኦ? ሄሲ ጎሻዚ ኔኮ ኣይ ኤካና ዩዳ?» ጊዲ ኢዛ ኦይቻዳሰ። ኢዩይካ ኢዛሰ፤ «ኣዳዛካ ጊዲን ዎይኮ ኢዚ ዮቲዳይሳ ኢንቴካ ኤሬታ» ጊ ዛሪዳሰ።

12 ኢሰቲካ ኢዛሰ፤ «ሄሲ ሊኬ ጊዳና፤ ሃሳ ኣጋዳ ኣኔ ቱማዮ ኦሰ ዮታ» ጊዳ። ኢዩይካ ኢሰታሰ፤ «ኢዚ ታሰ ዮቲዳይ ሃይሳ፤ ሳዳይ ኔኒ ኢሰራኤሌ ቦላ ካዎታና ማላ ታ ኔና ቲያዲሰን ጌሰ» ጊዳሰ።

13 ሃሳፊ ጉዩ ኡባይካ ባንታ ማይኦ ቃሪ ቃሪ ዩጊዲ ኢዚ ባና ኦጌዛ ቦላ ሚጫዳ፤ ቃሴካ ዛዩ ዛዩዲ፤ «ኢዩይ ካዎቲዳሰ» ጊዳ።

አዮራሜኔ ኣካዚያሳ ሃይቆ

14 ሃሳ ጊሻሰ ኒሚሽሰ ናዛ ና ኢዮሳፊጾ ና ኢዩይ ኢዮራሜ ቦላ ዳሬ ዳንጫዳሰ። ሄ ዎዴ ኢዮራሜይኔ ኢሰራኤሌ ኣሳይ ኡባይ ጋላኣዳን ዲዛ ኤራሞቴ ዳሬ ኣራሜ ካዎ ኣዛሃሌ ኩሽፔ ኣሻናሰ ናጌቴሰ።

15 ካዎ ኢዮራሜይ ኣራሜ ካዎ ኣዛሃሌራ ኦላን ጋይቲን ኣራሜ ኣሳይ ኢዛ ጫዲ ማዲንሳዳ፤ ኢዚ ሄ

ማዲንጻፊ ጋጸናሰ ጉዩ ኢዘራኤሌ ሰሚ ቢዳሰ። ኢዩይካ፤ «ኢንቴ ቆፋይ ሃሳ ማላ ጊዲኮ ሃይሳ ዮኦዛ ኢዘራኤሌ ቢዲ ዮቶንታ ማላ ኣኒካ ሃና ካታማይፔ ኬሲ ኤከ ቦንታ ማላ ናጌቴ» ጊዳሰ።

16 ሃሳፊ ጉዩ ኢዚ ባ ጋራ-ጋሬን ኡቲዲ ኢዘራኤሌ ጋካናሰ ሆርዶፊዳሰ። ኢዚ ሃሳፋ ኦሊዳይ ኢዮራሜይ ሃን ኢቺ ዲዛ ጊሻሰኔ ዩሁዳ ካዎ ኣካዚያሲካ ኢዛ ኦይቻናሰ ዱጌ ኢዛኮ ዎጲዳ ጊሻሳ።

17 ኢዘራኤሌ ገምቤ ቦላ ዲዛ ሻኮዛን ኤቁ ናጊዛይሲ ኢዩ ዎታዳራቲ ኢዛኮ ማቲዳይሳ ቤኢዲ፤ «ኦላ! ኦላ! ዎታዳራቲ ጋኪዳ» ጊ ዋሲዳሰ።

ኢዮራሜይካ፤ «ኢሲ ቶጋንቻይ ጸይጌቲ ቢዲ ኢሰታራ ጋይታና ማላ ዩዲዲ፤ (ኢንቴ ሳርሰ ዩዳቲ?) ጊዲ ኦይቻና ማላ ኣዛዚዳሰ» ጊዲ ኣዛዚዳሰ።

18 ቶጋንቻዚ ኢዩራ ጋይታናሰ ጋራ ዩዲ ቶጊ ቢዲ «ካዎይ ኢንቴና፤ ሳርሰ ዩዳቲ?» ጌሰ» ጊዳሰ። ኢዩይካ፤ «ሳርቴላ ጊሻሰ ቆጋናይ ኔና ጊዳካ! ሃሳ ኣጋጋዳ ሃ ታ ጉዩ ኣጳዳ ታና ካላ» ጊዳሰ።

ናጊዛይሲካ «ከቴቲዲ ቢዳይሲ ኢሰታኮ ጋኪዳሰ ሺን ሃ ሰሚ ዩቤና» ጊዳሰ።

19 ሃሳ ጊሻሰ ካዎዚ ሃራ ቶጋንቻ ዩዲዳሰ፤ ኢዚ ቢዲ ኢሰታኮ ጋኪዳ ማላ፤ «ካዎይ ኢንቴና፤ (ኢንቴ ሳርሰ ዩዳቲ?) ጌሰ» ጊዳሰ። ኢዩይካ ኢዛሰ፤ «ሳርቴላ ጊሻሰ ቆጋናይ ኔና ጊዳካ! ሃሳ ኣጋዳ ሃ ታ ጉዩ ኣጳዳ ታና ካላ» ጊዳሰ። ናጊዛይሲካ «ከቴቲ ቢዳይሲ ቢዲ ኢሰታኮ ጋኪዳሰ ሺን ሃ ጉዩ ሰሚ ዩቤና» ጊዳሰ።

20 ናጊዛይሲካ «ከቴቲ ዩዛይሲ ኢሰታኮ ጋኪዳሰ ሺን ሄ ኢዚካ ሃ ሰሚ ዩቤና፤ ዎታዳራታ ካሌዲዳይሳ ጋራ-ጋሬዛ ላጎይ ሊኬ ኒሚሽ ና ኢዩ ላጎ ማላ፤ ኢዚ ላጊሽ ጎሻ ኣሳ ማላ ላጌሰ» ጊዳሰ።

21 ኢዮራሜይካ፤ «ኣኔ ታ ጋራ-ጋሬዛ ታሰ ጊግሲቲ» ጊዲ ኣዛዚዳሰ። ጋራ-ጋሬዚ ጊጊዳ ማላ ኢሰራኤሌ ካዎ ኢዮራሜይኔ ዩሁዳ ካዎ ኣካዚያሲ ባንታ ጋራ-ጋሬን ኡቲዲ ኢዩራ ጋይታናሰ ቢዳ፤ ኢዘራኤሌ ዳሬ ኣሰ ናቡቴ ጸንጾ ጋዴን ጋይቲዳ።

22 ኢዮራሜይ ቡር ኢዩ ቤይዳ ማላ፤ «ኢዩ ኔ ሳርን ያዲ?» ጊዲ ኢዛ ኦይቻዳሰ። ኢዩይካ፤ «ኔ ኣዮ ኤልዛቤሊ ኤቃ ጸሳታሰ ጎይናይኔ ሙራናይ ሃይሳላ ዳሪ ዲሺን ኣይ ሳርይ ዲዜ!» ጊ ዛሪዳሰ።

23 ኢዮራሜይ ባ ጋራ-ጋሬዛ ጉዩ ዛሪ ባቃቲሹ፤ «ኣካዚያሳ! ሃይሲ ካዶ» ጊዳሰ።

24 ሃሳፊ ጉዩ ኢዩይ ባ ዎንዳፊ ዩሻን ኢዮራሜሰ ባቁናቴን ጫዲዳሰ። ዩሻዚ ካንላ ቢዲ ኢዛሰ ዎዚና ጫዲዳ ጊሻሰ ኢዚ ጋራ-ጋሬዛ ጊዳን ቦልቁ ጊ ኩንዲዳሰ።

25 ኢዩይካ ጋራ-ጋሬዛ ላጊዛይሳ ኣላፊ ቢዲቃሬሰ፤ «ኔ ኢዛ ዳንጻዳ ኢዘራኤሌ ዳሬ ኣሰ ናቡቴ ጸንጾ ጋዴን ዩጋ፤ ኔኒኔ ታኒ ኦ ጋራ-ጋሬታ ቦላ ኡቲዲ ኢዛ ኣዎ ኣካቤ ካሊ ቢሺን ጎዳይ ሃይሳ ካሴቲ ዮቲዳይሳ ኣኔ ኔ ኣኩካ፤

26 ጎዳይ፤ ታኒ ዚኔ ናቡቴ ሱላኔ ኢዛ ናይታ ሱላ ቤያዲሰ። ኔኒ ሃይሳ ሃ ጋዴዛን ሃሎ ከሳና ማላ ካሴታ ጊሳዲሰን ጌሰ፤ ሃኢካ ጎዳ ቃላይ ካሴቲ ዮቲዳ ማላ ዳንጻዳ ሃይሳ ሃ ጎሻ ጊዳን ዩጋ» ጊዳሰ።

27 ዩሁዳ ካዎ ኣካዚያሲ ሃሳ ቤኢዲ ጌዩ ቤቲ-ሃጋኔ ኤፊዛ ኦጌዛር ባቃቲዳሰ፤ ኢዩይካ ኢዛ

ጎዲሼ ባ ቃላ ጾቁ ሂሰቲዲ፣ «ኢዛካ ዋጂቲ» ገደሰ። ኢሰቲካ ዩቢላኣሜ ካታማ ኣቻን ጉሬ ፑዲንላ ኦጌ ከኢሺን ፓራ-ጋሪ ቦላ ዲዛይሳ ጫዲ ማዲንላዲ፤ ገደ ኣቲን ኢዚ ማገደ ባቃቲ ቢዲ ሄን ሃይቁደሰ።
 28 ኢዛ ኦሳንቻቲ ኢዛ ኣሃ ፓራ-ጋሪ ቦላ ዋሲዲ ዩሩሳላሜ ኤፊዲ፤ ዳዊቲ ካታማን ካሴ ኢዛ ኣቃታ ዲፎን ሞገዲ።
 29 ኣካዚያሲ ኢሰራኤል ካዎ ኣካቤ ና ኢዮራሜይ ካዎቲዳ ታማን ኢሲንሉ ላይላን የሁዳን ካዎቲዳሰ።

ኤልዛቤላ ሃይቆ

30 ሄሳፌ ጉዬ ኢዩይ ጌዴ ኢዘራኤል ቢዳሰ፤ ኤልዛቤላ ሄሳ ሲያዳ፣ ባ ኣይፌሶ ቲዬታዳ፣ ባ ሁኤ ሎኤላ ገገሳዳ ማሰኮቴራ ዲጌ ጸላዲሰ።
 31 ኢዩይ ገምቤዛ ካንላ ጌሊዳይሳ ቤኣዳ፣ «ኔ ጎዳ ዋጂዳ ዘሚሬ! ኔ ሳርሰ ያዲ?» ጋ ኦይቻዲሰ።
 32 ኢዩይ ኢዞ ፑዴ ጸሊዲ፣ «ኔ ኦኔ?» ታናራ ማዳታናይ ኦኔ? ገሼ ዋሲ ጸይገደሰ። ኢዚ ዋሲን ናምኡ ዋይኮ ሄቹ ጉንዲላቲ ዲጌ ኢዛኮ ጸሊዲ።
 33 ኢዩይካ ኢሰታሰ፣ «ኢዞ ሃ ዲጌ ኦሊቲ!» ገደሰ። ኢሰቲካ ኢዞ ዲጌ ዛሪ ኦሊዲ። ፓራቲ ኢዞ ዲሬቲን ኢዚ ሱላይ ገምቤዛ ቦላኔ ፓራታ ቦላ ፒንጲዳሰ።
 34 ኢዩይ ሶ ጌሊዲ ሚዳሲኔ ኡዩደሰ፤ ሄሳፌ ጉዬ፣ «ኣይ ገዲኮካ ኢዞ ካዎ ና ገዲዳ ገሻሰ ሃኖ ቃንጌቲዳ ማጫሳኖ ሎኤላ ሞገቲ» ገደሰ።
 35 ኢሰቲ ኢዞ ሞጋና ከዚሺን ኢዚሰ ሁኤ ማቁላታ፣ ኩሼ ማቁላታ፣ ቶሆ ማቁላታ፣ ኣቲን ሃራ ደሚቤቲና።
 36 ኢሰቲ ሲሚዲ ኢዛሰ ሄሳ ኦቲን ኢዩይ፣ «ጎዳይ ባ ኣይሌዛሰ ቴሲቤ ዳሬ ኣሰ ኤላሳሰ፣ «ኢዘራኤል ቢታን ጎሻ ጋዴ ገደን ካናቲ ኤልዛቤላ ኣሾ ማና።
 37 ኢዚ ኣሾይ ኢዘራኤል ቢታን ጎሻ ጋደሰ ኢጊሳ ገዳና፤ ሄሳ ገሻሰ ኣይ ኣሲካ፣ «ሃና ኤልዛቤሎ ጋናሰ ዳንዳዬና» ገ ዮቲዳ ቃላይ ሃይሳ» ገደሰ።

10

ኣካቤሶ ኣሳ ሃይቆ

1 ሄ ዎዴ ኣካቤሰ ሳማሪያን 70 ኣቲማ ናይቲ ዴቲሰ፤ ሄሳ ገሻሰ ኢዩይ ዳብዳቤ ጸፊዲ ኢዘራኤላን ዲዛ ሹሚታሰ፣ ጨማታሲኔ ኣካቤ ናይታ ዲቺዛይታሰ ኪታ ሳማሪያ ዩዲዳሰ። ኢዚ ዩዲዳ ኪታዛ ቃላይ፣
 2 «ኢንቲ ጎዳዛ ናይቲ ኢንቲናራ ዲዛ ገሻሰኔ ፓራ-ጋሪቲኔ ፓራቲ፣ ገምቤቲዳ ካታማቲኔ ኦላ ሚሻይ ኢንቲሰ ዲዛ ገሻሰ ሃይሲ ኪታ ዳብዳቤዚ ኢንቲኮ ጋኪዳ ማላ ሄራካ።
 3 ኢንቲ ጎዳዛ ናይታ ገደፌ ኡባፌ ኣጂዛዴኔ ሃይሲ ኢዛሰ ቤሴሰ ገዛዴ ደሪዲ ኢዞ ኣዎ ካዎቲላ ኣራታን ኡቲሲቲ፤ ሄሳፌ ጉዬ ካሴ ኢንቲ ጎዳዛ ከላ ገሻሰ ኦሊቲቲ» ጌሰ።
 4 ኢሰቲ ገዲኮ ዳር ባቢዳ ገሻሰ፣ «ናምኡ ካዎቲ ኢዛራ ኦሊቲዲ ዳንዳዮንታይሳ ኦኔ ኢዞ ዋሰቲ ዳንዳያኔ?» ገዲ።
 5 ሄሳ ገሻሰ ካዎቲላ ከላን ኣዛዚዛይሲ፣ ሄ ካታማኖ ኣይሲዛይሲ፣ ዳሬ ጨማቲኔ ካዎዛ ናይታ ዲቺዛይቲ፣ «ኦኔ ኔ ኣይሌቲ ኦኔ ገዲይሳ ኡባካ ፖላና፤

ኦኔ ሃራ ኦናካ ካዎሶኮ፤ ኦኔ ኔና ሎኤዳዝ ኡባካ ኦላ» ገዲ ሄ ኪታዛ ኢዩሰ ዩዲዳ።
 6 ሄሳፌ ጉዬ ኢዩይ፣ «ሂሰቲኮ ኢንቲ ታ ባጋ ገዲኮኔ ታሰ ኣዘዘቲዛይታ ገዲኮ ኢንቲ ጎዳዛ ናይታ ሁኤ ቃንጲ ቃንጲ ኤኪዲ ዋንቶ ሃኒ ዎዴ ኢዘራኤል ጋኪቲ» ገዲ ኢሰታሰ ቃሴካ ጸፊዳሰ። ሄ ዎዴ ካዎዛ ናይቲ ላፑን ታማቲ ሄ ካታማይን ዲዛ ዳር ኤሬቲዳ ኢሰታ ዲቺዛ ኣሳታኮን ዳቲሰ።
 7 ሄ ዳብዳቤዚ ኢሰታኮ ጋኪዳ ማላ ናይታ ዲቺዛይቲ ካዎ ናይታ ላፑን ታማታ ኡባ ዎጂዳ፤ ሄ ናይታ ሁኤ ቃንጲ ቃንጲ ከሼን ኤኪዲ ኢዩሰ ኢዘራኤል ዩዲዳ።
 8 ኪቲቲ ቢዳይሲ ቢ ጋኪዳ ማላ ኢዩሰ፣ «ካዎዛ ናይታ ሁኤዛ ኤሂዳ» ገን ኢዩይ፣ «ዋንቶ ማላደ ጋካናሰ ካታማ ጌሊዛ ፔንጌን ናምኡሶን ደሪ ዎላቲ» ገ ኣዛዚዳሰ።
 9 ዎንቲላ ጋላሰ ማላደ ኢዩይ ከዚ ዳሬዛ ሲንላን ኤቁዳ፣ «ኢንቲ ጸሎ፤ ታ ጎዳ ቦላ ዳራ ዳንጫዲይኔ ዎጂዳይ ታና። ገደ ኣቲን ሃይታ ኡባ ወርሲዳይ ኦኔ?» ገደሰ።
 10 ሄሳ ገሻሰ ጎዳይ ካሴ ኣካቤሶ ኣሳ ቦላ ኦቲዳ ቃላ፣ ኢሲኔያካ ጮ ቢታ ቦላ ዎጂ ኣቶንታይሳ ኢንቲ ኤሬቲ። ጎዳይ ካሴ ባ ኣይሌ ኤላሳ ባጋራ ኦቲዳይሳ ፖሊዳሰ።
 11 ኢዩይ ኣካቤሶ ኣሳ፣ ኣቲዳ ኣሳ ኡባ፣ ገታ ኣሳ ኡባ፣ ማታ ላጌታኔ ኢዞ ቁሴታ ኢሲኖካ ኣሾንታ ኢዘራኤላን ዎጂዳሰ።
 12 ኢዩይ ሄፔ ዳንዲዲ ሳማሪያ ቢዳሰ፤ ኢዚ ቢዲ ቤት-ኤኬዴ ጌቲቲዛሶን ደርሳ ሄሚዛይታሶ ቢ ጋኪሼ።
 13 የሁዳ ካዎ ኣካዚያሳሰ ኣሾ ዳቦታ፣ ኣማርዳይታ ዳሚዲ፣ «ኢንቲ ኦናንቲ?» ገ ኦይቺዳሰ። ኢሰቲካ ኢዛሰ፣ «ኦኔ ኣካዚያሳሰ ኣሾ ዳቦታ፤ ኦኔ ካዎዛሶ ኣሳታኔ ጎዳቲይ ናይታ ኦይቻናሰ ሃ ዲጌ ዩደሰ» ገዲ።
 14 ኢዚካ፣ «ሃይታ ሹምፖራ ፓጻ ኦይኪቲ!» ገ ኣዛዚዳሰ፤ ሄሳ ገሻሰ ኢሰቲ ሹምፖራ ፓጻ ኦይኪ ኤፊዲ ቤት-ኤኬዴ ሃላ ኦላ ኣቻን ኦይዲ ታማኔ ናምኡ ኣሳታ፣ ኢሳዳካ ኣሾንታ ዎጂዳ።
 15 ኢዚ ሄፔ ዳንዲ ቢሺን ኤሬካቤ ና ኢዮናዳቤይ ባኮ ቢዛይሳ ኦጌ ቦላ ዳሚዳሰ፤ ኢዩይካ ኢዞ ሳርኪዲ፣ «ታ ዎዚናይ ኔና ኣማኒዛይሳ ማላ ኔ ዎዚናይ ታና ኣማኒዘ?» ገዲ ኢዞ ኦይቺዳሰ፤ ኢዮናዳቤይካ፣ «ኤ ኣማኒሰ» ገደሰ፤ ኢዩይካ፣ ሂሰቲኮ «ኣኔ ታ ኩሼ ኦይካ» ገደሰ፤ ኢዚካ ኢዞ ኩሼ ኦይኪዳሰ፤ ሄሳፌ ጉዬ ኢዩይ ባ ፓራ-ጋሪ ቦላ ካፊ ከሲዳሰ።
 16 ኢዩይካ ኢዞ፣ «ኣኔ ኢሲፌ ቦሰ፤ ታኒ ጎዳሰ ሱሬ ዎዚና፣ ቆፓ ኦሊዳይሳ ቤኣ» ገደሰ። ሄሳፌ ጉዬ ኢዞ ፓራ-ጋሪን ዎላ ኤኪዲ ቢዳሰ።
 17 ኢዩይ ቢዲ ሳማሪያ ጋኪዲ ሄን ኣካቤሶ ኣሳ፣ ኣቲዳይታ ኡባካ ዎጂዳሰ፤ ካሴ ናቤ ኤላሳሰ ኦቲቲዳ ጎዳ ቃላ ማላ ኡባካ ዎጂ ወርሲዳሰ።

ባኣሌ ኦሳንቻታ ሃይቆ

18 ሄሳፌ ጉዬ ኢዩይ ዳራ ኡባ ኢሲ ቦላ ሺሺዲ፣ «ካሴ ኣካቤይ ባኣሌሰ ጉላራ ኦሊዳሰ፤ ኢዩይ ገዲኮ ሄሳፌ ኣጾ ኦላና።

19 ሃኢ ኢንቲ ባኣሌ ናቤታ፡ ኦሳንቻታኔ ቁሴታካ ኡባ ታሰ ጸይጊቲ፤ ታኒ ባኣሌሰ ዋልቃማ ያርሾ ያርሻና ጊሻሰ ኢሳይይካ ኣቶፎ፤ ዮንታ ኣቲዛይይ ሹምፖራ ፓጻ ደናሰ ዳንዳዬና» ጊደሰ። ኢዩይ ባ ባጋራ ሄሳ ኦሌዳይ ባኣሌ ኦሳንቻታ ኡባ ጳይሳናሰ ጌኔ ቆፋ ሃልቺዳ ጊሻሳ።

20 ኢዩይ፡ «ባኣሌ ቦንቻናሰ ዳሬዛ ጸይጊ ሺሺቲ» ጊደሰ፤ ኣሳይካ ሄሳ ዳራሰ ኤሪሲደሰ።

21 ሄሳፊ ጉዬ ኩሜላ ኢሰራኤሌ ኣሳሰ ኪታ ዬዲደሰ፤ ባኣሌሰ ሃጋዚዛይቲ ኡባይ ዩዳ፤ ኢሰታፊ ኦኒካ ኣቲቤና፤ ኡባይካ ባኣሌ ጌቲቲዛ ኤቃ ጸሳሶ ጌሊዳ፤ ኣሳይ ባኣሌ ኬላ ጪፒ ጊ ኩሚደሰ።

22 ኢዩይ ማይኦ ኬላ ኣላፊዛ፡ «ባኣሌ ኦሳንቻታ ኡባሰ ማይኦ ኬላ» ጊደሰ፤ ኢዚካ ማይኦዛ ኢሰታሰ ኬሲደሰ።

23 ሄሳፊ ጉዬ ኢዩይ ኤሬካቤ ና ኢዮናዳቤራ ባኣሌ ጌቲቲዛ ኤቃ ጸሳ ኬላ ጌሊደሰ። ባኣሌ ኦሳንቻታሰ፡ «ባኣሌሰ ሃጋዚዛይታ፤ ኣቲን ጎዳሰ ሃጋዚዛይቲ ሃይሳን ኢንቲናራ ዲዛኮ ኣኔ ቆሪቲ» ጊደሰ።

24 ሄሳፊ ጉዬ ጸጌቲዛ ያርሾኔ ሃራ ያርሾካ ያርሻና ጌሊዳ፤ ኢሰቲ ጌሊዳ ማላ ኢዩይ ኢሰታሰ፡ «ታ ኢንቲሰ ኣላ ኣሚዳ ኣሳታ፤ ኢሳይይካ ኬሲ ኤኪኮ ኢዚ ኬሲ ኤካና ማላ ኦሌዳይ ኢዛዳሶሆን ጌላና» ጊ ሚንላ ዮቲዲ ካሬራ 80 ኣሰ ጊግሲ ዋሊደሰ።

25 ኢዩይ ጸጌቲዛ ያርሾካ ሺሺዳ፤ ጉዬ ናጊዛይታኔ ኦላ ጋዳዋታ፡ «ጌሊዲ ዋዲቲ፤ ኦኒካ ኬሲ ኤኪኮ» ጊ ኣዛዚደሰ። ኢሰቲካ ኢሲናካ ኣሾንታ ማሻራ ወርሲዳ፤ ናጊዛይቲኔ ኦላ ጋዳዋቲ ኣሳ ኣሃ ካሬ ኬሲ ኦሊዳ፤ ሄሳፊ ጉዬ ባኣሌ ጌቲቲዛ ኤቃ ጸሳ ኬላሰ ቆልኣ ጊዶ ጌሊዳ።

26 ኣሳይ ጎይናና ማላ ሹቻፊ ማሴቲ ጊጊዳ ሚሰሌታ ባኣሌ ጌቲቲዛ ኤቃ ጸሳ ኬላፊ ካሬ ኬሲ ጸጊዳ።

27 ባኣሌሰ ጎይኒዛ ሚሰሌዛ ቆጶሬላዳ፤ ኢዛን ባኣሌሰ ጎይኒዛ ኬላካ ላሊዳ፤ ሄሳ ሄ ሶሆዛ ሃቶ ጋካናሰ ዳሬይ ሹሽ ኡቲዛሶ ኬሲደሰ።

28 ኢዩይ ሄሳዳ ኦሌዲ ባኣሌሰ ጎይኒዛይሳ ኢሰራኤሌ ዳሬ፤ ጳይሲደሰ።

29 ጊዶ ኣቲን ኢዩይ ናባጼ ና ኢዮርባኣሜይ ቤቲሌኒኔ ዳኔን ዋርቃፊ ኦሴቲዳ ማራ ሚሰሌታሰ ኢሰራኤሌ ኣሳይ ጎይናና ማላ ኣሳ ኦሲሲዳ ናጋራ፤ ሃኪቤና።

30 ጎዳይ ኢዩሰ፡ «ኔኒ ታ ሲንላን ሎኦ ኦሌዳ ጊሻሰኔ ኣካቤ ኬላ ቦላ ጋካና ማላ ታ ዋዚናን ዲዛይሳ ኡባካ ኔ ፖሊዳ ጊሻሰ ኔ ዜሬላይ ቢዲ ኦይዳንሉ ዬሌታ ጋካናሰ ኢሰራኤሌ ቦላ ካዎታና» ጊደሰ።

31 ጊዶ ኣቲን ኢዩይ ጎዳ ኢሰራኤሌ ጸሳ ዋጋ ባ ኩሜላ ዋዚና፤ ኢዮርባኣሜይካ ኢሰራኤሌ ኣሳ ኦሲሲዳ ናጋራ፤ ሃኪቤና።

32 ሄ ዋዳ ጎዳይ ኢሰራኤሌ ቢታ ጉላ ጉላ ኤፎ ደሚደሰ። ኣዛሄሌይ ኢሰራኤሌ ኣሳ ሄ ጋጸ፤ ሃ ጋጸ ጋካናሰ ኦሊ ጸጊደሰ።

33 ሄሲካ ዮርዳናሴ፤ ኣርሼይ ሞኪዛ ባጋራ ዲዛ ጋላኣዳ ዳሬ ኡባ ጊዲሺን ኣርኖኔ ሻፋ ኣቻን ዲዛ ኣርኤሬ፤ ቢዲ ጋዳ ዳሬ፡ ኦርቤሌ ዳሬ፡ ሚናሴ ዳሬ ጋላኣዳኔ ባሳኔ ጋካናሳ።

34 ሃንኮ ኣቲዳይሲ ኢዩ ካዎቲላ ላይላን ሃኒዳይሲኔ ኢዚ ኦሌዳ ኦሶ ኡባይ ኢሰራኤሌ ካዎታ ታሪኬ ማጻፋን ጸፊቲ ዳሰ ጊዳኔ?

35 ኢዩይ ካሴ ባ ኣዎታ ማላ ሃይቁደሰ፤ ኢዛ ሳሚሪያን ሞጊዳ፤ ኢዛ ና ኢዮኣካዚ ኢዛሶሆን ካዎቲደሰ።

36 ኢዩይ ሳሚሪያን ዲሼ ኢሰራኤሌ ቦላ 28 ላይላ ካዎቲደሰ።

11

ጎቶሊያኔ ኢዮኣሳ (2ታሪ 22:10—23:15)

1 ኣካዚያሳ ኣያ ጎቶሊያይ ባ ናዛ ሃይቆ ሲያዳ ካዎ ኬላ ኣሰ ኡባካ ዋቓ ጳይሳዲሰ።

2 ካዎ ኢዮራሜ ና ኣካዚያሳ ሚቾ ዮሳቤታ ሃይቃና ሹቁ ኡቲዳ ካዎ ናይታ ጊዶፊ ኣካዚያሳ ናዛ ኢዮኣሳ ካይሳ ኤካዳ። ኢሰቲ ኢዛ ዋቓንታ ማላ ጎቶሊያ፤ ኢዛ ቆታ ኤካዳ ኢዛኔ ኢዛ ናጊዛሮ ኢሲ ኢልፒኔ ኬላን ጌልላ ቆታዲሰ።

3 ጎቶሊያይ ዳሬዛ ሃሪዛ ዋዳካ ኢዚ ባና ናጊዛሪራ 8 ላይላ ጎዳ ኬላን ቆቲቲደሰ።

4 ላፑንሉ ላይላን ዮዳሄይ ኪታ ዬዲዲ ካራ ዳሬ ኣሲኔ ዛቤ ናጊዛይታ ኣዛዚዛ ማቶ ሃላቃታ ኢዚ ዲዛሶሆ ጎዳ ኬላ ያና ማላ ኣዛዚደሰ፤ ኢዚ ኢሰታራ ጫቁቲዲ ጎዳ ኬላን ጫቁላደሰ፤ ሄሳፊ ጉዬ ካዎ ናዛ ኢሰታ ቤሲደሰ።

5 ኢዚ ኢሰታሰ፡ «ኢንቲ ኦላናይ ሄቭ ኬዚ ሻኬቲዲ ሳሞባታ ጋላሰ ዛቤ ናጊዛይታ ጋርሳፊ ኮይርይሲ ካዎ ኬላ ናጎ።

6 ናምኣንሉ ሻኮዚ ሱሬ ጌቲቲዛ ፔንጌዛ ናጎ፤ ጸሳ ኬላ ታራን ታራን ናቤታ፤ ጉዬ ባጋራ ዲዛ ፔንጌዛ ናጎ።

7 ኢንቲሰ ካሴካ ደሴ ጊዲዳ ማላ ሳሞባታ ጋላሰ ዛቤ ናጎ፤ ሹምፓዳይቲ ኡባይ ሄቭፊ ናምኡ ኩሹቲ ካዎዚ ኢዛን ዲዛ ጸሳ ኬላዛ ናጊቲ።

8 ኢንቲ ኡባይካ ኢንቲ ማሳራ ማሳራ ኦይኪዲ ካዎዛ ዩሾን ኤቁቲ፤ ኢንቲኮ ሹቁዛ ኣሲ ዲኮ ሃይቆ» ጊደሰ።

9 ማቶ ሃላቃቲ ቁሴ ዮዳሄይ ኣዛዚዛይሳ ኡባካ ኦሌዳ፤ ኢሰታፊ ኢሶይ ኢሶይ ሳሞባታ ጋላሰ ዛቤ ናጋናሰ ጌሊዛይቲኔ ዛቤ ናጊዲ ኬዚዛይቲ ባና ካሊዛይታ ካሌላ ኤኪዲ ቁሴ ዮዳሄኮ ጋኪ ዋዲዳ።

10 ቁሴዚካ ጸሳ ኬላን ዲዛ ካዎ ዳዊቲ ቶራዛኔ ጎንዳሊዛ ማቶ ሃላቃታሰ ኢሚደሰ።

11 ዎታዳራቲካ ኢሶይ ኢሶይ ባ ማሳራ ኤኪዲ ጸሳ ኬላዛሰ ዲጌሃ ባጋፊ ደሚዲ ፑዳሃ ጋካናሰ ያርሾ ያርሺዛሶኔ ጸሳ ኬላ ማታን ካዎዛ ዩሾን ኤቁዳ።

12 ዮዳሄይካ ካዎ ናዛ ኢዚ ዲዛሶሆ፤ ኬሲዲ ኢዛ ሁኡን ካላቻ ጎጺደሰ፤ ጫቆ ቃላ ማጻፋካ ኢዛሰ ኢሚደሰ፤ ኢዛ ቲይዲ ካዎላዳይሳ ኣዎጂደሰ፤ ሄሳፊ ጉዬ ዳሬዚ፡ «ካዎይ 1,000 ላይላ ካዎቶ» ጉሳን ባ ኩሹ ባቁዲ ባ ኡፋይሳ ቶቃ ቃላን ዋሲ ኤሪሲደሰ።

13 ጎቶሊያይካ ኦላ ኣሳ ዋሶዛኔ ዳሬዛ ዋሶዛ ሲያዳ ዳሬዚ ዲዛሶ ጸሳ ኬላኮ ባዲሰ።

14 ሄኮ ካሴ ዲዛ ዋጋ ማላ ካዎዚ ቱሳ ማታን ኤቁዳይሳ ኢዛ ሹሜቲኔ ዛይ ፑኒዛይቲ ኢዛ ኣቻን ዲዛይሳ ቤኣዲሰ፤ ዳሬይ ኡባይ ኡፋይሳን ጉፔሲኔ

ዛዬካ ዛዬሰ። ጎቶሊያይ ባ ማይኢዳ ማይኦዛ ዳካ ይጋዳ። «ሃይሲ ካዶ፤ ሃይሲ ካዶ!» ጋ ዋሳዲሰ።
 15 ቁሴ ዮዳሄይ ኦላ ኣሳታ ኣዛዚዛይታ ማቶ ሃላቃታ። «ቡቴን ቡቴን ሳልፊዳ ኣሳ ጋርሳፊ ኢዛ ሃራሶ ኬሲቴ፤ ኢዛ ካሊዛይታ ማሻን ቡሳኪቴ» ጊዲ ኣዛዚዳሰ፤ ሃሲካ ሃሊዳይ ቁሴዚ ካሴ። «ኣሲ ጸሳ ኬላን ሃይቃና ቤሴና» ጊዳ ገሻሳ።
 16 ሃሳ ገሻሰ ኢዛ ፓራቴ ካዎ ኬላ ጌሊዛ ሶ ቢ ጋኪሽን ኦይኪዲ ኢዛ ሃን ዎቋዳ።
 17 ዮዳሄይካ ኣሳይ ጎዳ ዳሬ ጊዳና ማላ ጸሳ ሲንሳኒ ካዎዛ ሲንሳን ዳሬዛሲኒ ጎዳሰ ጊዳን ጫቆ ቃላይ ዳና ማላ ኦሊዳሰ። ሃሳሳካ ካዎዛሲኒ ዳሬዛሰ ጊዳን ጫቆ ቃላ ዎሊዳሰ።
 18 ኣሳይ ኡባይካ ቢዲ ባኣሌ ጌቴቴዛ ኤቃ ጸሳ ኬላ ላሊዳሰ፤ ያርሾሶዛኒ ሚሰሌታ ኡባ ሚንጭራዒ ይጊዳሰ፤ ባኣሌ ቁሴ ማታኒካ ያርሾ ያርሼዛሶሆታ ሲንሳን ዎቋዳሰ። ሃሳፊ ጉዬ ቁሴ ዮዳሄይ ጸሳ ኬላ ናጊዛ ዛቤታ ዎሊዳሰ።
 19 ሃሳፊ ጉዬ ማቶ ሃላቃታ። ካራ ዳሬ ዎታዳራታ። ዛቤታ። ሃ ዳሬ ኣሰ ኡባ ኤሲ ዩዳሰ፤ ኡባይካ ኢሲ ቦላ ካዎዛ ጎዳ ኬላፊ ኬሲ ኤፊዲ ዛቤ ናጊዛይታ ገምቤ ፔንጌፊ ዲጌ ባጋራ ዲዛ ካዎ ኬላ ኤፊ ጌልሊዳ። ካዎዚካ ባ ካዎቴላ ኣራታ ቦላ ኡቴዳሰ
 20 ሃ ዳሬ ኣሳይ ኡባይካ ኡፋዬቴዳሰ፤ ጎቶሊያይ ካዎ ኬላ ጊዳን ማሻን ሲፊቴዳ ገሻሰ ካታማያ ሲርጺ ጋዲሰ።
 21 ኢዮኣሲ ካዎቴሽን ኢዛሰ ላይላይ ላፑና። *

12

ኢዮኣሲ ጸሳ ኬላዛ ኦራዲሶ (2ታሪ 24:1-16)

1 ኢዩይ ካዎቴዳ ላፑንላ ላይላን ኢዮኣሲ ካዎቴዳሰ፤ ኢዚ ዩራሳላሚን ኡቴዲ 40 ላይላ ሃሪዳሰ፤ ኢዛ ኣያ ሳቢዮ ጌቴቴዛራ ቤርሳቤሄ ካታማን ዩሌታዲሰ።
 2 ቁሴ ዮዳሄይ ታማርሲዛ ዎዴ ኡባን ኢዮኣሲ ጎዳ ሲንሳን ሎኦ ሚሽ ኦሊዳሰ።
 3 ጊዳ ኣቴን ዙምቡላታ ቦላን ጎይንዛሶሆታ ቋይሲቤና፤ ዳሬዚካ ሄ ሶሆታን ያርሾ ሺሾኔ ኤጻኔ ጨዋሴላ ጉጂ ጉጂ ቢዳሰ።
 4 ኢዮኣሲ ቁሴታ። «ዳሬዛ ቆዳን ሸቁዳ ሚሻ። ኣዲናን ጌሊዳ ሚሻ ቃሴካ ኣሳይ ባ ሺኔን ጎዳ ኬላሰ ኢሚዳ ዳማ ዳማ ሚሻ ኡባ ኢሲሶ ሸሸቴ።
 5 ቁሴቴ ኢሶይ ኢሶይ ሚሻዛ ሸሸዛይታ ኩሼፔ ኤኬቶ፤ ሄ ሚሻዚ ኮሺዛ ማላ ጸሳ ኬላ ጊዳን ዋሬቴዳ ሶሆታ ኦራዲሳና ኬዘ» ጊዳሰ።
 6 ጊዳ ኣቴን ኢዮኣሲ ካዎቴን ቢዲ ናምኡ ታማኔ ሃሻንላ ላይላ ጋካናሰ ቁሴቴ ጸሳ ኬላዛ ጋርሳን ዋሬቴዳ ሶሆታ ኦራዲሲቤቴና።
 7 ሃሳ ገሻሰ ኢዮኣሲ ቁሴ ዮዳሄኔ ሃራ ቁሴታካ ባኮ ጸይጊ ሸሸዲ። «ኣይሰ ጸሳ ኬላ ጊዳን ዋሬቴዳይታ ዛሪ ሎኤላንታ ኣጊዳቴ?» ጊ ኦይቺዳሰ። ቃሴካ። «ሃይሳፊ ሲንሳን ሚሻይ ጸሳ ኬላዛ ጊዳን ዋሬቴዳይሳ ኦራዲሳናሰ ኬዘ ኣቴን ሚሻ ኦይኪዛ ኣሳታፔ ኤኮፍቴ» ጊዳሰ።

8 ቁሴቴካ ሃሳፊ ጉዬ ዳራፔ ሚሽ ሺሾንታ ማላኔ ጸሳ ኬላካ ባንታርካ ኦራዲሶንታ ማላ ቃላ ቃቺዳ።
 9 ሃሳፊ ጉዬ ቁሴ ዮዳሄይ ኢሲ ሳጺኔ ኤኪዲ ኢዛሰ ካማዛ ሎኪዲ ጸኤ ኬሲዳሰ፤ ኤፊዲ ጸሳ ኬላን ጌሊዛሶፔ ኡሻቻ ባጋራ ያርሾ ያርሼዛሶሆዛ ኣታን ዎሊዳሰ። ካሬዛ ናጊዛ ቁሴቴካ ጸሳ ኬላሰ ዩዛ ሚሽ ኡባካ ሄ ሳጺኔዛን ጌልሊቴሰ።
 10 ሳጺኔዛ ጊዳን ዳር ሚሽ ዲዛይሳ ቤዩ ቤኢዲ ካዎዛ ዳሬዚኔ ቁሴታ ሃላቃይ ዩዲ ዩዲ ጸሳ ኬላሰ ዩዳ ሚሻ ቆዲ ቆዲዲ ካራዲቴን ጌልሊ ቃቺ ዎሊቴሰ።
 11 ሄ ሚሻዛ ሜዛኔይ ኤሬቴዳፔ ጉዬ ጎዳ ኬላዛ ኦራ ኣላፊቴላን ኦሲሳና ማላ ሚሻዚ ዳሬቴዳ ኣሳታሰ ኢሚቴሰ፤ ሃሲካ ጸሳ ኬላ ኬዲዛ ኣናጾታሰ። ገምቤ ገምቤዛይታሰ።
 12 ሹቕ ማሲዛይታሰ። ሹቕፊ ዲማ ዲማ ሜቆ ገገሲዛይታሰ፤ ጸሳ ኬላ ኦራዲሳናሰ ሚሳሲኔ ማሴቴዳ ሹቕሰ ኬዜሰ።
 13 ጸሳ ኬላዛሰ ጌሊዳ ሚሻፊ ጊዲኮ ጸሳ ኬላሰ ሶ ጊዳ ኦሶሰ ኮሺዛ ቢራ ጸኣታ። ታማ ቃጾታ። ዲሰቴታ። ዲንኬታኔ ሃራ ዎርቃፊ ጊዳን ቢራፔ ኦሴቴዛ ሚሻታሰ ኬዜቤና።
 14 ሄ ሚሻፊ ጸሳ ኬላዛ ኦራዲሲዛይታሰ ጸላ ቃንጾቴዳሰ።
 15 ኬላ ኦራሊዛ ኣሳታሰ ሚሽ ቃንጻናሰ ዳሬቴዳ ኣሳቴ ሙሌራ ኣማኔቴዳይታ ጊዲዳ ገሻሰ ኢሰታ ካሊ ጸሊዛዳ ኮሺቤና።
 16 ቆሆ ገሻሰ ሸቁዛ ያርሾይኔ ናጋራ ገሻሰ ሸቁዛ ያርሾይ ጊዲኮ ሃይቴ ቁሴታሰ ጊዲዳ ገሻሰ ጸሳ ኬላ ጌሊቴና።
 17 ሄ ዎዴ ኣራሜ ካዎ ኣዛሄሌይ ኬዚዲ ጌቴ ቦላ ሜቶ ጋሊዲ ኢዛ ኦይኪዳሰ፤ ቃሴካ ዩራሳላሚ ቦላ ሜቶ ዩጋናሰ ሄ ሲሚዳሰ።
 18 ዩሁዳ ካዎ ኢዮኣሲ ጊዲኮ ካሴ ኢዛ ኣዎቴ ዩሁዳ ካዎቴ ኢዮኣሲ ዩራዳይ። ኢዮራሜይ። ኣካዚያሲ ጸሳሰ ዳማ ሻኪዳ ሚሻታ ኡባ ኢዚ ባርካ ሻኪ ዎሊዳ ዳማቴዳ ኣሞታታ ሃሳሳካ ጸሳ ኬላኒኔ ካዎ ሚሻታ ዎሊዛ ሚንጅ ኬላን ቤቴዳ ዎርቃ ኡባ ኢሲ ቦላ ሸሸዲ ኣራሜ ካዎ ኣዛሄሌሰ ዩዲዳሰ፤ ኣዛሄሌይ ዩራሳላሚ ዩሰ ኣጊዲ ጉዬ ሲሚዳሰ።
 19 ኢዮኣሲ ባ ካዎቴላ ላይላታን ኦሊዳ ሃራ ኦሶቴኔ ኢዚ ፖሊዳ ሃናቴ ኡባይ ዩሁዳ ካዎታ ታሪኬ ማጻፋን ጸፊቴ ዳሰ ጊዳኔ?
 20 ኢዛ ሹሜቴካ ኢዛ ቦላ ዳንዲዳ፤ ዲጌ ሲላ ዎሊዛ ኦኔዛ ቦላ ቤቴሚሎኔን ኢዛ ዎቋዳ።
 21 ኢዛ ዎቋዳይቴካ ሹሜቴ ሸምኣታ ና ዮዛካሬኔ ሸሜሬዬ ና ዮዛባዳ፤ ኢዚ ሃይቁዲ ካሴ ባ ኣዎታ ኡባታ ማላ ዳዊቴ ካታማን ዋጌቴዳሰ፤ ኢዛ ና ኣማሲያሲ ኢዛሰሆን ካዎቴዳሰ።

13

ኢሰራኤሌ ካዎ ኢዮኣካዜ

1 ዩሁዳ ካዎ ኣካዚያሳ ና ኢዮኣሲ ካዎቴዳ ናምኡ ታማኔ ሃሻንላ ላይላን ኢዩ ና ኢዮኣካዚ ሳማሪያ

* 11:21 ኢዮኣሳ ገዛይሳ ኢሲ ኢሲ ጌሻ ማጻፋቴ ኢዮሲያሳ ጌቴሰ። 12:4 ኬላ 30:11-16 12:15 2ካዎ 22:7 12:16 ለዌ 7:7

ካታማን ኢሰራኤል ቦላ ካዎቲዳሰ፤ ኢዚ 17 ላይህ ሃሪዳሰ።

2 ኢዚካ ናባጾ ና ኢዮርባኣሜይ ኢሰራኤል ኣሳ ኦሲሲዳ ናጋራ ካሊዲ ጎዳ ሲንሳን ኢታ ኦሶ ኦሊዳሰ፤ ሄሳ ሄ ኦሶዛፔ ሲሚቤና።

3 ጎዳ ሃንቆይ ኢሰራኤል ቦላ ታማ ማላ ኤዲዳሰ፤ ሄሳ ገሻሰ ኣራሜ ካዎ ኣዛሄሌይኔ ኢዛ ና ቤኒ-ሃዳዳይ ዲዛ ዎዴ ኡባን ጎዳይ ኢሰራኤሉታ ኢሰታ ኩሼን ኣሉ ኢሚዳሰ።

4 ሃሳፊ ጉዬ ኢዮኣካዚ ጎዳ ዎሲዳሰ፤ ጎዳይካ ኣራሜ ካዎይ ኢሰራኤሉ ዎሰቲ ሜቶሊዳኮ ቤኢዳ ገሻሰ ኢዛ ዎሳ ሲዩዳሰ።

5 ሃሳ ገሻሰ ጎዳይ ኢሰራኤሉ ኣሺዛ ኣሰ ኢሰታሰ ኢሚዳሰ፤ ኢሰቲካ ኣራሜ ኣሳ ኡንኤቴላፊ ኬሲ ኤኪዳ፤ ካሴ ማላካ ባንታ ኬላን ኬላን ዲሰ ኦይኪዳ።

6 ገዶ ኣቲን ካሴ ኢሰራኤሉ ባሌዲ ኢዮርባኣሜ ኬላ ናጋራፔ ሲሚቤቴና፤ ሲንሳ ጉጂ ጉጂ ቢዳ። ኣሽሪ ሚሰሌ ቱሳሰ ሳማሪያን ጉጂ ጎይኒዳ።

7 ኢዮኣካዜ ኦላ ኣሳፕ 50 ቶጋ ኣሳቲ፣ ታሙ ፓራ-ጋራቴ 10,000 ዎታዳራቴ ጸላ ኣቲዳ፤ ሃይሲ ሃኒዳይ ኣራሜ ካዎይ ኣቲዳይታ ኡባ ዲፒ ሂሰቲ ቆይሲዲ ባሌፔ ኬኢዛ ሱላ ማላ ኦሊዳ ገሻሳ።

8 ኢዮኣካዚ ባ ካዎቴላ ላይላታን ኦሊዳዚ፣ ፖሊዳዚኔ ሃኒዳ ሃናታቲ ኡባይ ኢሰራኤሉ ካዎታ ታሪኬ ማጻፋን ጸፊቲ ዳሰ ገዳኔ?

9 ኢዮኣካዚ ካሴ ባ ኣዎታ ማላ ሃይቁዳሰ፤ ሳማሪያንካ ዎጌቲዳሰ፤ ኢዛ ና ኢዮኣሲ ኢዛሶሆን ካዎቲዳሰ።

ኢሰራኤሉ ካዎ ዮኣሳ

10 ዩሁዳ ካዎ ኢዮኣሲ ካዎቲዳ ሄሹ ታማኔ ላፑንሳ ላይላን ኢዮኣካዜ ና ዮኣሲ ሳማሪያ ካታማን ኢሰራኤሉ ቦላ ካዎቲዳ 16 ላይህ ዳራ ሃሪዳሰ።

11 ኢዚካ ጎዳ ሲንሳን ኢታ ኦሶ ኦሊዳሰ፤ ናባጾ ና ኢዮርባኣሜይ ኢሰራኤሉ ኣሳ ኦሲሲዳ ናጋራ ኡባፊ ሃኪቤና፤ ጌዴ ጉጂ ጉጂ ቢዳሰ።

12 ዮኣሲ ባ ካዎቴላ ላይላታን ኦሊዳዚ፣ ፖሊዳዚኔ ሃኒዳ ሃናታቲ ኡባይ ሃሳካን ዩሁዳ ካዎ ኣማሲያሳራ ኦሌቲዳ ኦላይ ኡባይ ኢሰራኤሉ ካዎታ ታሪኬ ማጻፋን ጸፊቲ ዳሰ ገዳኔ?

13 ዮኣሲ ካሴ ባ ኣዎታ ማላ ሃይቁዳሰ፤ ሳማሪያን ኢሰራኤሉ ካዎቲ ዎጌቲዳሰን ዎጌቲዳሰ፤ ኢዮርባኣሜይ ኢዛሶሆን ካዎቴላ ኣራታን ኡቲዳሰ።

14 ሄ ዎዴ ኤልሳኢ ሃርገዲ ሹዎፖ ቦላ ዳሰ። ኢሰራኤሉ ካዎ ኢዮኣሲ ኢዛ ኦይቻና ዲጌ ዎዲዲ ኢዛሰ ዩኪዳሰ፤ «ኦላ! ታ ኣዎዉ! ኦላ! ታ ኣዎዉ! ኔኒ ኢሰራኤሉሰ ፓራ-ጋራቴ ቶጋንቻ!» ገ ዎሲዳሰ።

15 ኤልሳኢካ፣ «ኢሲ ዎንዳፊኔ ዩሻታ ሃ ኤካ ያ» ገዳሰ፤ ኢዚካ ኤሂዳሰ።

16 ኢሰራኤሉ ካዎዛ፣ «ኔ ኩሼን ዎንዳፊዛ ኦይካ» ገዳሰ፤ ኢዚ ዎንዳፊዛ ባ ኩሼን ኦይኪን ኤልሳኢ ባ ኩሼ ካዎዛ ኩሼ ቦላ ዎሊዳሰ።

17 ቃሴካ፣ «ኣርሼይ ዎኪዛ ባጋራ ዲዛ ማሰኮቴዛ ደያ» ገዳሰ፤ ኢዚካ ደይዳሰ፤ ኤልሳኢካ ኢዛሰ፣ «ኣኔ ሃኢ ዎንዳፊዛ ዲካ» ገዳሰ፤ ኢዚካ ዲኪዳሰ። «ጎዳሰ ጸኖ ዎንዳፊ! ኣራሜይ ኢዛን ጸኔታና ዎንዳፊ!» ገዳሰ። ኤልሳኢ ዛሪዲ፣ «ኔኒ ኣራሜ ኣሳ ኣፊቁን ሙሌራ ጸናና» ገዳሰ።

18 ቃሴካ፣ «ኣኔ ዎንዳፊታ ኤካ» ገዳሰ፤ ካዎዚካ ኤኪዳሰ። ኤልሳኢካ፣ «ኣኔ ሃይሳ ቢታ ጫዳ» ገዳሰ፤ ኢዚካ ሄሹቶ ጫዲዲ ኣጋገዳሰ።

19 ጸሳ ኣሲ ኢዛ ቦላ ሃንቁቲዲ፣ «ኔኒ ቢታዛ ኢቻሹቶ ዎይኮ ኡሱፑንቶ ጫዳናሰ ቤሴሰ፤ ኔ ሂሰቲዳኮ ኣራሜ ኣሳ ጸናዳ ሙሌራ ቆይሳና፤ ሃኢ ገዲኮ ኔ ኢዛ ሄሹቶ ጸላ ጸናና» ገዳሰ።

20 ኤልሳኢካ ሃይቁዳሰ፤ ኣሳይ ኢዛ ዎጊዳሰ። ሄ ዎዴ ዎኣቤ ኣሳይ ላይላን ላይላን ኦፊንሳ ኣገናታን ኢሰራኤሉ ኣሳ ቦላ ኦላሰ ዎራጃቴሰ።

21 ኢሲቶ ኢሲ ኢሰራኤሉ ኣሲ ሃይቁዳይሳ ዎጊሹ ሜቶ ጋላናሰ ዛማዲ ኡቲዳ ኣሳታ ዲንጋቴ ዳሚዳ፤ ሃሳ ገሻሰ ሃይቁዳይሳ ኣሃዛ ኤልሳኢ ዲፎን ዩጊዳ፤ ኣሃዚካ ኤልሳኢ ሜቁሌ ቦቹዳ ማላ ሄራካ ፓጺዲ ኣዳዚ ባ ቶሆን ኤቁዳሰ።

22 ኢዮኣካዜ ካዎቴላ ዎዴ ኡባን ኣራሜ ካዎ ኣዛሄሌይ ኢሰራኤሉ ኣሳ ኬሂ ኡንኤሉሰ።

23 ጎዳይ ገዲኮ ኢሰታሰ ቃዴቲዳሰ፤ ሚሹቲዳሲኔ ባ ሲንሳካ ኢሰታሰ ዛሪዳሰ። ሄሲካ ኣብራሃሜራ፣ ዩሳቃራኔ ያቆቤራ ካሴ ጌሊዳ ጫቆ ቃላ ገሻሳ። ሃቕ ጋካናሰ ኢዚ ኢሰታ ቆይሳናሰ ኮዩቤና፤ ኢዚ ኢሰታ ባ ሲንሳፊ ዲጊቤና።

24 ኣራሜ ካዎ ኣዛሄሌይ ሃይቁዳሰ፤ ኢዚ ሃይቁን ኢዛ ናዚ ቤኒ-ሃዳዳይ ኢዛሶሆን ካዎቲዳሰ።

25 ሃሳፊ ጉዬ ኢዮኣካዜ ና ዮኣሲ፣ ኢዛ ኣዎ ኩሼፔ ኣዛሄሌይ ኦሊ ኤኪዳ ካታማታ ኣዛሄሌ ና ቤኒ-ሃዳዳፔ ዛሪ ኤኪዳሰ፤ ኢዮኣሲ ሄሹቶ ኢዛ ጸኒዳሰ፤ ኢሰራኤሉ ካታማታ ሄሳ ማላን ዛሪ ኦይኪዳሰ።

14

ዩሁዳ ካዎ ኣማሲያሳ (2ታሪ 25:1-24)

1 ኢሰራኤሉ ካዎ ኢዮኣካዜ ና ዮኣሲ ካዎቲዳ ናዎኣንሶ ላይላን ዩሁዳ ካዎ ኢዮኣሳ ና ኣማሲያሲ ካዎቲዳሰ።

2 ኢዚ ካዎቲዛ ዎዴ ኢዛሰ ላይላይ 25፤ ኢዚ ዩራሳሳሚን ኡቲዲ 29 ላይህ ሃሪዳሰ፤ ኢዛ ኣያ ዮሃኣዳኖ ጌቲቲዛ ዩራሳሳሚ ማጫሳ።

3 ኣማሲያሲ ጎዳ ሲንሳን ሎኦ ሚሽ ኦሊዳሰ፤ ገዶ ኣቲን ካሴ ኢዛ ኣዎ ዳቂቲ ኦላይሳ ማላ ኦሊቤና፤ ኡባ ሚሽካ ባ ኣዎ ኢዮኣሲ ኦላይሳ ኦሊዳሰ።

4 ዙዎቡላታ ቦላ ዲዛ ጎይኒዛሶቲ ኪቺቤቴና፤ ኣሳይ ዙዎቡላታ ቦላ ያርሾ ሺሾኔ ኤጻኔ ጨዎሴላ ኤሲቤና።

5 ኣማሲያሲ ባ ካዎቴላ ሚንሉ ኦይኪዳፔ ጉዬ ባ ኣዎ ዎዲዳ ሹሚታ ዎዲዳሰ።

6 ገዶ ኣቲን ሙሴ ዎጋ ማጻፋን ጎዳይ፣ «ኣሲ ባ ኦሊዳ ናጋራን ሃይቆ ኣቲን ኣዎቲ ባንታ ናይታ ናጋራን፣ ናይቲ ባንታ ኣዎታ ናጋራን ሃይቆፊቶ» ገዲ ኣዛዚዳ ገሻሰ ካሴ ሹዎፖ ዎዲዳይታ ናይታ ዎዲቤና።

7 ኣማሲያሲ፣ «ማጺኔ ሾባ» ጌቲቲዛሰን ኤዶሚ ኣሳፔ 10,000 ዉርሲዳሰ፤ ሴላ ኦሊ ኦይኪዲ ሃቕ ጋካናሰ ዮቂቲኤሌ ጌቲቲዛ ሱንሳ ኢሚዳሰ።

8 ሃሳፌ ጉዬ አማሲያሲ አዩሰ ናዛ ና አዮአካዜ ና አሰራኤል ካዎ ዮአሳኮ፡ «ሃ ያ፤ እኔ ኦላዛ ቲራን ጋይቶሰ» ገዲ ቃሰታኔ ዩዲደሰ።

9 አሰራኤል ካዎ ዮአሲ ዩሁዳ ካዎ አማሲያሲ፡ «አሲ ለባሮሴ ከንዲቸይ አሲ ለባሮሴ ዚጋ፡ ሳ ናዮ ታ ናዛሰ ማቸ አማ» ገደሰ። ሃሳፌ ጉዬ አሲ ለባሮሴ፤ ዎራ ዶኦይ ዩዲ ከንዲቸዛ ባ ቶሆን ዩዲደሰ።

10 ቱማካ ኔ ኤዶሜ ጸናዳሳ፤ ገዲኮካ ኔ ዎዚናይ ዎጋይ ባይንዳ ኦቶራቶፎ፤ ኔ አዛ ጸኒዳ ገሻሰ ዛራዴቶፋ፤ ሾምፓ ኡታ! ኔኒ ኔ ኩንዴሌኔ ዩሁዳ ኩንዴሌ ኦይሰ ኮያይ?» ገ ከቲደሰ።

11 ገደ ኦቲን አማሲያሲ አዚ ገዛይሳ ሲዮንታ አዲደሰ፤ ሃሳ ገሻሰ አሰራኤል ካዎ ዮአሲ ኦላሰ ኬዚደሰ፤ አዚኔ ዩሁዳ ካዎ አማሲያሲካ ዩሁዳ ዴሬን ቤቲ-ሾሚሾፕ ሲንሳ ባጋን ኦላ ዳንጸዳ።

12 ዩሁዳይ አሰራኤሌን ጸኔቲደሰ፤ ኦሳይ አሶይ አሶይ ባሶ ባሶ ባቃቲደሰ።

13 አሰራኤል ካዎይ ዮአሲ ኦካዚያሳሰ ናዛ ና አዮአሳ ናዛ ዩሁዳ ካዎ አማሲያሳ ቤቲ-ሾሚሾን ዲኢደሰ። ሃሳፌ ጉዬ ዮአሲ ዩራሳላሚ ቢደሰ፤ ኤፍሬሚ ገምቤ ፔንጌፌ ዶሚዲ ጉላ ፔንጌ ጌቲቲዛሶ ጋካናሰ ኦዲሳቲላይ 400 ዎቶ ገዲዳ ገምቤዛ ላሊደሰ።

14 ጎዳ ኬላኒ ካዎ ሚንጃ ኬላን ዲዛ ዎርቃ፡ ቢራኔ ሄን ቤቲዳ ሚሽ ኡባ ኤኪዲ ዲኤቲዳ ኦሳካ ኦይኪ ኤኪዲ ሳማሪያ ሰሚደሰ።

15 ዮአሳ ካዎቲላ ላይላታን ኦሴቲዳዚ፡ ፖሌቲዳዚኔ ሃኒዳ ሃኖቲ ኡባይ ዩሁዳ ካዎ አማሲያሳራ ኦሌቲዳ ኦላይ ኡባይ አሰራኤል ካዎታ ታሪኬ ማጻፋን ጸፊቲ ደሰ ገዴኔ?

16 ዮአሲ ሃይቂዲ ባ አዎታን ጋይቲደሰ፤ ካሴ አሰራኤል ካዎቲ ሞጌቲዛ ሳማሪያን ካዎታ ዲፎን ሞጌቲደሰ፤ አዛ ና አዮርባአሚይ አዛሶሆን ካዎቲደሰ።

17 ዮአሳ ናዚ ዩሁዳ ካዎ አማሲያሲካ አሰራኤል ካዎ አዮአካዜ ና አዮአሲ ሃይቂዳ፤ ጉዬ 15 ላይላ ዴኢደሰ።

18 አማሲያሳ ካዎቲላ ላይላታን ሃኒዳ ሃኖቲ ዩሁዳ ካዎታ ታሪኬ ማጻፋን ጸፊቲ ደሰ ገዴኔ?

19 ዩራሳላሚ ኦሳይ አማሲያሳ ቦላ ሴሪ ዴንዲዳ ገሻሰ አዚ ጌዴ ላኪሾ ባቃቲ ቢደሰ፤ ገደ ኦቲን አሰቲ ባ ባጋራ አዛ ካሌቲዛ ኦሰ ከቲዲ ዎዲሲዳ።

20 አዛ አሃዚካ ፓራን ጫኔቲ ዩዲ ዳዊቲ ካታማን ካሴ አዛ አዎቲ ሞጌቲዛሶን ዩራሳላሚን ሞጌቲደሰ።

21 ሃሳፌ ጉዬ ዩሁዳ ዴሬ ኡባይ 16 ላይላ ና ኦዛሪያሳ ኤኪዲ አዛ አዎ አማሲያሳ ሶሆን ካዎላዳ።

22 አማሲያሲ ሃይቂዲ ባ አዎታን ጋይቲዳ፤ ጉዬ ኦዛሪያሲ ኤላቲ ዛሪ ኦላዲ ዩሁዳን ጋገደሰ።

አሰራኤሌን ካዎቲዳ ናምኦን አዮርባአሚ

23 አዮሲያሳ ና አማሲያሲ ዩሁዳን ካዎቲዳ ታማኔ አቻሻንላ ላይላን አሰራኤል ካዎ ዮአሳ ና አዮርባአሚ ሳማሪያን ካዎቲደሰ፤ 41 ላይላ ጋካናሰ ሃሪደሰ።

24 አዚ ጎዳ ሲንሳን አታ ሚሽ ኦላደሰ፤ ናባጼ ና አዮርባአሚይ ካሴ አሰራኤል ኦሳ ኦሲሲዳ ናጋራፕ ጉዬ ሲሚቤና።

25 ጎዳ አሰራኤሌ ጸሳይ ጌት-ሄፌፌ ናቤ አማቴ ና ባ ኦይሌ ዮናሳ ባጋራ ዮቲዳ ማላ ሃማቴ አዲዛ ፑርዴፌ ቢዲ ሃይቆ ኦባ ጋካናሰ ዲዛ አሰራኤል ዛዎ ዛሪሲዳይ አዮርባአሚ።

26 ኦይሌ ገዲን ዎይኮ ጎቃ ገዲን አሰራኤሌን ዲዛይ ኡባይካ ኬሂ ዎዬቲዛይሳ ጎዳይ ቤኢደሰ፤ አሰታ ማዲዛይካ ዴና።

27 ገደ ኦቲን ጎዳይ አሰራኤሌ ሱንሳ ቢታ ቦላፌ ጳይሳና ገዲ ካሴ ዮቲቤና ገሻሰ ዮአሳ ና አዮርባአሚን ኤቂዲ አሰታ ኦሺደሰ።

28 አዮርባአሚ ካዎቲላ ላይላታን አዚ ኦላዲዚ፡ ሃኒዳ ሃኖቲኔ ኦሌቲዳ ኦላቲ ሃሳላካ ካሴ ዩሁዳይ ሃሪዛሶታ ዳማሰቆኔ ሃማቴ አዚ አሰራኤሌሰ ዎሰቲ ዛሪዳኮ አሰራኤሌ ካዎታ ታሪኬ ማጻፋን ጸፊቲ ደሰ ገዴኔ?

29 አዮርባአሚይ ሃይቂዲ ባ አዎታን ጋይቲደሰ፤ አዛ ና ዛካራሲ አዛሶሆን ካዎቲደሰ።

15

ዩሁዳ ካዎ ኦዛሪያሳ (2ታሪ 26:1-23)

1 አሰራኤሌ ካዎ አዮርባአሚይ ካዎቲዳ ናምኦ ታማኔ ላፑንሳ ላይላን ዩሁዳ ካዎ አማሲያሲ ና ኦዛሪያሲ ካዎቲደሰ።

2 አዚ ካዎቲዛ ዎዴ አዛሰ ላይላይ 16፤ አዚ ዩራሳላሚ አቻሽ ታማኔ ናምኦ ላይላ ሃሪደሰ፤ አዛ አያ ዩኮላይይ ዩራሳላሚ ማጫሳ።

3 ካሴ አዛ አዎ አማሲያሲ ኦላይሳላ ኦዛሪያሲካ ጎዳ ሲንሳን ሎኦ ኦሶ ኦላደሰ።

4 ገደ ኦቲን ዙምቡላታ ቦላ ጎይኒዛሳሆቲ ጳይቤቲና፤ ኦሳይካ ሄን ያርሾ ሺሾኔ ኤጸኔ ጨዋሴላ ኦሺቤና።

5 ጎዳይ ካዎዛ አዚ ሃይቃና ጋካናሰ አዛ ቦላ አንቺራቻ ሃርጌ ዩጌደሰ፤ አዚካ ኦሳፕ ሻኬቲዲ ዳማ ኬላን ኡቲደሰ፤ ሄ ዎዴ አዛ ካዎቲላ ኬላ ኦላፊቲላን ዴራ ኦይሲዛይ ካዎዛ ና አዮኦታሚ።

6 ኦዛሪያሳ ካዎቲላ ላይላን ኦሴቲዳዚኔ ሃኒዳ ሃኖቲ ኡባይ ዩሁዳ ካዎታ ታሪኬ ማጻፋን ጸፊቲ ደሰ ገዴኔ?

7 ኦዛሪያሲ ሃይቂዲ ባ አዎታን ጋይቲደሰ፤ ዳዊቲ ካታማን አዛ አዎታ ዲፎ ማታን አዛ ሞጌዳ፤ አዛ ና አዮኦታሚይ አዛሶሆን ካዎቲደሰ።

አሰራኤሌ ካዎ ዛካራሳ

8 ዩሁዳ ካዎ ኦዛሪያሲ ካዎቲዳ ሄቶ ታማኔ ኦሰፑንሳ ላይላን አዮርባአሚ ና ዛካራሲ ሳማሪያ ካታማን አሰራኤሌን ካዎቲደሰ፤ 6 ኦሪናካ ሃሪደሰ።

9 ካሴ አዛ አዎይ ኦላይሳላ አዚካ ጎዳ ሲንሳን አታ ሚሽ ኦላደሰ፤ ናባጼ ና አዮርባአሚይ አሰራኤሌ ኦሳ ኦሲሲዳ ናጋራፕ አዚ ሲሚቤና።

10 ያቡሴ ና ሻሎሚይ ዛካራሳ ቦላ ዴንዲዲ ዴራ ሲንሳን አዛ ቦላ ማቶ ጋላ ዎዲደሰ፤ አዛ ሶሆንካ ካዎቲደሰ።

11 ዛካራሳ ካዎቲላ ላይላታን ኦሴቲዳ ሃራ ሚሻቲካ አሰራኤሌ ካዎታ ታሪኬ ማጻፋን ጸፊቲዳ።

12 ካሴ ጎዳይ አዩሰ፡ «ኔ ናይቲ ኦይዳንሳ ዩሌታ ጋካናሰ አሰራኤሌ ካዎቲላ ኦራታን ኡታና» ገዲ ዮቲዳ ቃላይ ፖሌቲደሰ።

ኢስራኤል ካዎ ሻሎሚ

13 የሁዳ ካዎ ኦዚያይ ካዎተዳ ሄዡ ታማኔ ኡዲፋንቶ ላይላን ያቡሴ ና ሻሎሚይ ኢስራኤል ቦላ ካዎተዳ። ሳማሪያን ኡተዲ ኢሲ ኣገና ዴሪ ሃሪዳ።
*

14 ጋይ ና ሚናሃሚ ቲርጻፊ ኬዚ ሳማሪያ ቢዲ ማቶ ጋሊዳ። ያቡሴ ና ሻሎሚ ዎዲዲ ኢዛሶሆን ካዎተዳ።

15 ሻሎሚ ካዎቴላ ላይላን ኦሴተዳ ሃሪ ኦሶቲኔ ኢዚ ዳንጫዲ ዮኦቲ ኢስራኤል ካዎታ ታሪኬ ማጻፋን ጻፊተዳ።

ኢስራኤል ካዎ ሚናሃሚ

16 ሄ ዎዴ ሚናሃሚ ቲርጻፊ ኬዚዲ ቲፊሳ ካታማ ኣሳኔ ሄ ሄራን ዲዛ ኣሳ ኡባ ቦላ ማቶ ጋሊዳ። ኢዚ ሄሳሶ ኦሊዳይ ኢሲቲ ሄ ካታማይ ፔንጌታ ደዮንታ ኢዲዳ ገሻሳ፤ ቲፊሳ ኣሳ ዎዲዳ። ሻራራ ዲዛ ማጫሳታ ኡባታ ኡሎ ዳኪዳ።

17 የሁዳ ካዎ ኣዛሪያሲ ካዎተዳ ሄዡ ታማኔ ኡዲፋንቶ ላይላን ጋይ ና ሚናሃሚ ኢስራኤል ቦላ ካዎተዳ። ኢዚ ሳማሪያን ኡተዲ 10 ላይላ ሃሪዳ።

18 ኢዚ ጎዳ ሲንላን ኢታ ሚሽ ኦሊዳ። ኢዚ ባ ዲዛ ላይላ ኡባን ናባጼ ና ኢዮርባኣሚይ ኢስራኤል ኣሳ ኦሲሲዳ ናጋራፔ ሲሚቤና።

19 ሄሳፊ ጉዬ ኣሶሪ ካዎ ቴሊጌሊቴሊፊሊሶሬይ ቢታዮ ኦሊ ኦይኪዳ። ሚናሃሚካ ባሰ ማዶ ዳማናሲኔ ባ ካዎቴላን ዲዛ ባ ዛዎ ሚንላናሰ ጊዲ 1,000 ሳቂሌ ቢራ ኢዛሰ ኢሚዳ።

20 ሚናሃሚ ሄ ሚሻ ኢስራኤል ኣሳይ ኬሴቲ ሺሻና ማላ ኦሊዳ። ኢዚ ሄሳሶ ኦሊዳይ ሚሻዛ ኣሶሪ ካዎሰ ኢማና ማላ ዲሬ ኣሳይ ኢሶይ ኢሶይ 50 ሳቂሌ ቢራ ኬሳና ማላ ዎልቃሊዳ። ሄሳ ገሻሰ ኣሶሪ ካዎይ ሄ ዳሬን ጋምኦንታ ባ ዳሬ ሲሚ ቢዳ።

21 ሚናሃሚ ካዎቴላ ላይላን ኦሴተዳ ሃሪ ኦሶቲኔ ሃኒዳ ሃኖቲ ኡባይ ኢስራኤል ካዎታ ታሪኬ ማጻፋን ጻፊተ ዳሰ ጊዳ።

22 ሚናሃሚ ሃይቂዲ ባ ኣዎታን ጋይተዳ። ኢዛ ና ፊቃሴያሲ ኢዛሶሆን ካዎተዳ።

23 የሁዳ ካዎ ኣዛሪያሲ ካዎተዳ ኢቻሽ ታማንላ ላይላን ሚናሃሚ ና ፊቃሴያሲ ሳማሪያ ካታማን ኢስራኤል ቦላ ካዎተዳ 2 ላይላ ሃሪዳ።

24 ፊቃሴያሲ ጎዳ ሲንላን ኢታ ኦሊዳ። ናባጼ ና ኢዮርባኣሚይ ኢስራኤል ኣሳ ኦሲሲዳ ናጋራፔ ሲሚቤና።

25 ኢዛ ኦላ ኣሳ ሃላቃታፔ ኢሶይ ኤርሚሊዮ ና ፋቂሄይ ኢዛ ቦላ ዳንዲዳ። ጋላኣይፔ 50 ኣሰ ባ ቦላ ኤኪ ቢዲ ሳማሪያን ካዎ ኬላን ዲዛ ሚጸን ፊቃሴያሴ፣ ኣርጎባኔ ኣራያራ ኢሲፊ ዎዲዲ ኢዛሶሆን ካዎተዳ።

26 ፊቃሴያሳ ካዎቴላ ላይላን ኦሴተዳ ሃሪ ኦሶቲኔ ሃኒዳ ሃኖቲ ኡባይ ኢስራኤል ካዎታ ታሪኬ ማጻፋን ጻፊተዳ።

ኢስራኤል ካዎ ፋቂሄ

27 የሁዳ ካዎ ኣዛሪያሲ ካዎተዳ ኢቻሽ ታማኔ ናምኣንቶ ላይላን ኤርሚሊዮ ና ፋቂሄይ ሳማሪያ ካታማን ኢስራኤል ኣሳ ቦላ ካዎተዳ። 20 ላይላ ካዎተዳ።

28 ኢዚካ ጎዳ ሲንላን ኢታ ሚሽ ኦሊዳ። ናባጼ ና ኢዮርባኣሚይ ኢስራኤል ኣሳ ኦሲሲዳ ናጋራፔ ሲሚቤና።

29 ኢስራኤል ካዎ ፋቂሄይ ካዎተ ዲዛ ላይላን ኣሶሪ ካዎ ቴሊጌሊቴሊፊሊሶሬይ ዩዲ ኢዮኔ፣ ኣቤሊ-ቤቲ-ማኢካ፣ ያኖቤ፣ ቃዴሴ፣ ሃጸሬ፣ ጋላኣይ፣ ጋሊላኔ ኒፍታሌሚ ዳራካ ኢሲፊ ጋሊ ኦይኪዳ። ኣሳካ ዲኢ ኤኪዲ ኣሶሪ ዳሪ ኤፊዳ።

30 ሄሳፊ ጉዬ ኤላ ና ሆሴኤይ ኤርሚሊዮ ና ፋቂሄ ቦላ ዳሪዛ ዳንጫዳ። ኢዛ ቦላ ማቶ ጋሊዳ ዎዲዳ። ኦዚያ ና ኢዮኣታሚይ ካዎተዳ ናምኡ ታማንላ ላይላን ሆሴኤይ ፋቂሄ ሶሆን ካዎተዳ።

31 ፋቂሄ ካዎቴላ ላይላን ኦሴተዳ ሃሪ ኦሶቲኔ ሃኒዳ ሃኖቲ ኡባይ ኢስራኤል ካዎታ ታሪኬ ማጻፋን ጻፊተ ዳሰ ጊዳ።

የሁዳ ካዎ ኢዮኣታሚ (2ታሪ 27:1-9)

32 ኢስራኤል ካዎ ኤርሚሊዮ ና ፋቂሄይ ካዎተዳ ናምኣንቶ ላይላን የሁዳ ካዎ ኦዚያ ና ኢዮኣታሚይ ካዎተዳ።

33 ኢዚ ካዎተዛ ዎዴ ኢዛሰ ላይላይ 25፤ ኢዚ ዬራሳላሚን ኡተዲ 16 ላይላ ሃሪዳ። ኢዛ ኣያ ሳዶቄ ና ኢዬሩሶ ጌቲታወሰ።

34 ኢዚ ካሴ ባ ኣዎ ኦዚያይ ኦሊዳ ማላ ጎዳ ሲንላን ሎኦ ኦሶ ኦሊዳ።

35 ጊዶ ኣቲን ዙምቡላታ ቦላን ጎይኒዛሶሆቲ ኪቺቤቴና፣ ኣሳይ ሄን ያርሾ ሺሾኔ ኤጻኔ ጩዋሴላ ኣገቤና። ኢዮኣታሚይ ጎዳ ኬላሰ ፑዴ ባጋ ፔንጌዛ ዛሪ ገግሲዳ።

36 ኢዮኣታሚ ካዎቴላ ላይላን ኦሴተዳ ሃሪ ኦሶቲኔ ሃኒዳ ሃኖቲ ኡባይ የሁዳ ካዎታ ታሪኬ ማጻፋን ጻፊተ ዳሰ ጊዳ።

37 ሄ ዎዴ ጎዳይ ኣራሚ ካዎ ኤራሶኔይኔ ኤርሚሊዮ ና ፋቂሄይ የሁዳ ኦላና ማላ ኦሊዳ።

38 ኢዮኣታሚይ ሃይቂዲ ባ ኣዎታን ጋይተዳ። ካሴ ኢዛ ኣዎቲ ሞጌቲዳ ዲፎን ባ ኣዎ ዳዊቲ ካታማን ሞጌቲዳ። ኢዛ ና ኣካዜይ ኢዛሶሆን ካዎተዳ።

16

የሁዳ ካዎ ኣካዜ (2ታሪ 28:1-27)

1 ኤርሚሊዮ ና ፋቂሄይ ካዎተዳ ታማኔ ላፑንላ ላይላን የሁዳ ካዎ ኢዮኣታሚ ና ኣካዜይ ካዎተዳ።

2 ኣካዜይ ካዎተዛ ዎዴ ኢዛሰ ላይላይ 20፤ ኢዚ ዬራሳላሚን ኡተዲ 16 ላይላ ሃሪዳ። ኢዛ ኣዎ ዳዊቲ ሎኦ ኦሊዳ ማላ ጎዳ ሲንላን ሎኦ ኦሊዳ።

3 ኢዚ ካሴ ኢስራኤል ካዎታ ካሊዳ። ሄሳፊካ ቦላራ ጎዳይ ኢስራኤል ኣሳ ሲንላፊ ጎዳ ኬሲዳ ካዎቴላታ ቴናቴላ ካሊዲ ባ ና ታማን ጸጌቲዛ ያርሾሰ ሺሺዳ።

4 ሄሳሳካ ዙምቡላታ ቦላን ጎይኒዛሶታን፣ ፖሳኖታ ሁኤኔ ሃጋይ ዳዩዳ ሚላታ ጋርሳን ያርሾ ያርሺዳሴኔ ኤጻኔ ጩዋሴዳ።

5 ኣራሚ ካዎ ኤራሶኔይኔ ኢስራኤል ካዎ ኤርሚሊዮ ና ፋቂሄይ ዬራሳላሚ ኦላናሰኔ ኣካዜ ጊዶላናሰ ኬዚዳ፤ ጊዶ ኣቲን ኢሰቲ ኢዛ ጸናናሰ ዳንዳይቤቴና።

* 15:13 ኦዚያሰ ሃራ ሰንላ ኣዛሪያሴ ጌቲቲ። 16:3 ዛሪ 12:31 16:5 ኣሳ 7:1

6 ሃ ወደ አራማ ካዎ ኤራሶኔይ ዩሁዳ አሳ ጎዲ ዩዲዲ ኤላቴ ቢታ አራማስ ዛሬደስ፤ ሃሳፌ ጉዬ ኤደማ አሳይ ኤላቴ ዩዲ ሃቕ ጋካናስ ሃን ደስ።

7 ሃሳ ጋሶን አካዜይ አሶሪ ካዎ ቴሊጌሊቴሊፌሊሶሪስ፤ «ታኒ ኔስ ሃጋዚዛዴ ኔ ና፤ ሃሳ ገሻስ ኔኒ ሃ ያዳ ታና ኦሊዛ አራማ ካዎ፤ ኢሰራኤል ካዎ ኩሹፔ አሻ» ገዲ ቃሰታኔ ከተደስ።

8 አካዜይ ጎዳ ኬላኒኔ ባ ካዎቴላ ኬላን ዲዛ ቢራኔ ዋርቃ አሶሪ ካዎስ ከያቴላ ዩዲደስ።

9 አሶሪ ካዎዚካ አካዜይ ኢዛ ዋሲዳ ዋሳ ኤር ገ ኤኪዲ ዳማስቆ ጸኒ ኦይኪደስ። አሳካ ዲኢ ኤኪዲ ቂሪ ጌቴተዛሶሆ ኤፊደሲኔ ኤራሶኔካ ዎዲደስ።

10 ሃሳፌ ጉዬ ካዎ አካዜይ አሶሪ ካዎዛ ቴሊጌሊቴሊፌሊሶሪራ ጋይታናስ ዳማስቆ ቢደስ፤ ሃን ዳማስቆን ዲዛ ያርሾ ያርሾዛሶሆዛ ቤኢዲ ኢዛስ አይፌ ዮኦዛ ፓቴላ ቆፋራ ጋላ ፒልጊዲ ቄሴ ኦሪያስ ዩዲደስ።

11 ቄሴ ኦሪያይ ካዎ አካዜይ ዳማስቆፌ ኢዛስ ዩዲዳ ፓቴላ ቆፋ ፒልጊ ዩዲዳይሳ ማላ ያርሾ ያርሾዛሶዛ ኦሊደስ፤ ካዎ አካዜይ ሲሚ ያናፔ ካሴቴዲ ኦሶዛ ገጊደስ።

12 ካዎዚ ዳማስቆፌ ሰሚ ዩዲ ሃ ያርሾሶሆዛ ቤኢደስ። ኢዚ ሸቂዲ ያርሾ ሸሻናስ ያርሾሶዛ ቦላ ኬዚደስ።

13 ሃሳፌ ጉዬ ጸጌቲዛ ያርሾኔ ካላ ያርሾ ያርሾዛሶሆዛ ቦላ ሸሸደስ፤ ኡሻ ያርሾካ ኢዛ ቦላ ጉሲደስ፤ ኢሲፊቴላ ያርሾ ሱላካ ኢዛ ቦላ ወጸደስ።

14 ያርሾ ያርሻናስ ኦራላ ኦሴቲዳሶዛፔኔ ጸሳ ኬላፌ ገደን ጎዳ ሲንላን ኤቂ ዲዛ ጸርቁማላፔ ኦሴቲዳ ያርሾሶዛ ካዎ አካዜይ ኢዚ ዲዛሶፔ ዳንላዲ ኦራላ ኦሴቲዳ ያርሾሶሆዛፔ ፑዳሃ ባጋራ ዋሊደስ።

15 ሃሳፌ ጉዬ ካዎ አካዜይ ቄሴ ኦሪያ፤ «ሃይሳ ገታ ኦራላ ያርሾሶሆዛ ቦላ ጸጌቲ ያርሾቲዛ ማላዶ ያርሾዛኔ ኦማርሳን ያርሾቲዛ ካላ ያርሾዛ፤ ቃሴ ጸጌቲ ያርሾቲዛ ካዎዛ ያርሾዛኔ ካላ ያርሾዛ፤ ሃሳካ ኩሜላ ዴሬዛ ገሻስ ጸጌቲዛ ያርሾ፤ ካላ ያርሾኔ ኡሻ ያርሾ ሸሻ፤ ጸጌቲዛ ያርሾ ሱላታኔ ሃራ ያርሾ ሱላታ ያርሾ ያርሾዛይሳ ቦላ ወጸ፤ ገደ ኦሳን ጸርቁማላፔ ኦሴቲዳ ያርሾሶሆዚ ታኒ ዎጋ ኦይቻናስ ጎኤቲዛሶ ገደ» ገ አዛዚደስ፤

16 ቄሴ ኦሪያይ ካዎ አካዜይ ኢዛ አዛዚዳ ማላ ኦሊደስ።

17 ካዎ አካዜይሃ ሃ ሚሌራኔ ሃ ሚሌራ ዲዛ ሳንቃታ ሾዲ ኤኪደስ፤ ሚሸ ኢዛ ቦላ ዋሊ ዩሸዛ ጋሪዛ ቦላፌ ሚቻ ሳኔታ ዲጊደስ። ገታ ጎንጌዛ ጋርሳ ባጋራ ቶኪ ኦይኪዳ ጸርቁማላፔ ኦሴቲዳ 12 ኮርማ ሚሰሌታ ቦላፌ ሎቻ ሹቻ ቦላ ዋሊደስ።

18 አሶሪ ካዎ ኡፋይሳናስ ገዲ ሳምባታ ጋላስ ካዎ አራታይ ሚጨታና ማላ ጸሳ ኬላን ጾቂ ገ ኦሴቲዳሶዛኔ ካዎቲ ጎዳ ኬላ ጌሊዛሶፔ ካሪ ባጋራ ዲዛ ፔንጌዛ ዳንላደስ።

19 አካዜ ካዎቴላ ላይላን ኦሴቲዳ ሃራ ኦሶቲኔ ሃኒዳ ሃናቴ ኡባይ ዩሁዳ ካዎታ ታሪኬ ማጻፋን ጸፊቲ ደስ ገደኔ?

20 አካዜይ ሃይቂዲ ባ አዎታን ጋይቲደስ፤ ኢሰቲ ሞጌቲዛሶን ዳዊቲ ካታማን ሞጌቲደስ፤ ኢዛ ና ሂዘቂያሲ ኢዛሶሆን ካዎቲደስ።

17

ኢሰራኤልን ወርሴላን ካዎቲዳ ካዎ ሆሴኤ

1 ዩሁዳ ካዎ አካዜይ ካዎቲዳ ታማኔ ናምኣንሶ ላይላን ኤላ ና ሆሴኤይ ሳማሪያ ካታማን ኢሰራኤል ቦላ ካዎቲደስ፤ 9 ላይላካ ደሪዛ ሃሪደስ።

2 ኢዚካ ጎዳ ሲንላን ኢታ ሚሸ ኦሊደስ፤ ገደ ኦሳን ኢዛፔ ሲንላን ኢሰራኤልን ካዎቲዳይቲ ኦሊዳይሳ ኬና ገደና።

3 አሶሪ ካዎ ሳለሚናሶሪይ ኢዛራ ኦሌታናስ ዩደስ፤ ሆሴኤይ ኢዛስ ሃሪቲደስ፤ ገሪደስ።

4 ሆሴኤይ ገብጼ ካዎ ሲጎሪኮ ከታ ዩዲዳ ገሻሲኔ ካሴ ኢዚ አሶሪ ካዎስ ላይላን ላይላን ገራ ገሪዛይሳ ዲጊዳ ገሻስ አሶሪ ካዎይ ሆሴኤይ ኢዛ ካዲዳይሳ ኤሪደስ፤ ሃሳ ገሻስ ሳለሚናሶሪይ ኢዛ ኦይኪ ቃሾ ኬላን ዩጊደስ። *

5 አሶሪ ካዎይ ደሪዛ ሙሌራ ዎራጂደስ። ሳማሪያ ዛሪ ዛሪ ሃቸ ላይላ ገደላደስ።

6 ሆሴኤይ ካዎቲዳ ኡዲፋንሶ ላይላን አሶሪ ካዎይ ሳማሪያ ኦይኪደስ። ኢሰራኤል አሳ ዲኢ ኤኪዲ አሶሪ ደሪ ዳንላ ኤፊደስ። ሃይታካ አሳሃን፤ ጎዛን ሃሶሪ ሻፋ ማታኒኔ ሜዶኔ ካታማታን ኤፊ ዋሊደስ።

ኢሰራኤል ዲኤቲላ

7 ሃይሲ ኡባይ ኢሰታ ቦላ ጋኪዳይ ገብጼ ካዎ ፓርኔስ ሃሪቴላፌ ኬሲዳ ጎዳ ባንታ ጸሳ ኢሰቲ ቆሃዳ ገሻሲኔ ሃራ ኤቃ ጸሳታስ ጎይኒዳ ገሻሳ።

8 ጎዳይ ኢሰታ ሲንላፌ ጎዲ ኬሲዳ ካዎቴላቲኔ ኢሰራኤል ካዎቲ ሃ ቢታዮ ጌልላዳ ኢታ ሎሴታ ኢሰቲ ካሊዳ።

9 ኢሰራኤል አሳይ ጎዳ ባንታ ጸሳ ቦላ ኢታ ሚሸ ጌማራ ኦሊዳ፤ ናገዛሶሆታፔ ደሚዲ ሚጸራ ገጊ ዲዛ ካታማ ጋካናስ አሳይ ዲዛ ሶሆን ኡባን ዙምቡላታ ቦላ ባንታስ ጎይናናሶሆ ኦሊዳ።

10 ዙምቡላቲኔ ዳሻ ሚላቲ ዲዛሶን ዲዛሶን ኤቃ ጸሳታ ቲሲኔ ኦሽሪ ሚሰሌ ቱስ ኤሲዳ።

11 ጎዳይ ኢሰታ ሲንላፌ ጎዲ ኬሲዳ ካዎቴላቲ ኦሊዳይሳዳ ዙምቡላታ ቦላ ኤጸኔ ጨዋሲዳ፤ ጎዳ ሃንቁላዛ ኢታ ኦሶ ኦሊዳ።

12 ጎዳይ ኢሰታሰ። «ሃይሳ ኢንቲ ኦላናስ ቤሴና» ገዲ ዮቲንካ ኢሰቲ ኤቃ ጸሳታስ ጎይኒዳ።

13 ገዲኮካ ጎዳይ ኢሰታሰ። «ኢንቲ ቢዛ ኢታ ኦጌፔ ሲሚቲ! ካሴ ኢንቲ ኦላናስ ታኒ አዛዚዳ ዎጋ ማላኔ ታ ኦሳንቻ ናቤታ ባጋራ ታ ኢንቲስ ዮቲዳ ዎጋ ማላ ታ አዛዘታኔ ታ ማራታ ናጌቲ» ገዲ ናቤታ ባጋራኔ ኦጂታ ቤኢዛ አሳታ ባጋራ ኢሰራኤላሲኔ ዩሁዳስ ሚንላ ዮቲ ዋሊደስ።

14 ገደ ኦሳን ኢሰቲ ሲጌቤቴና፤ ኢሰቲ ጎዳ ባንታ ጸሳን ኦማኔቶንታ ኢዲዳ ባንታ አዎታ ማላ ባ ዎዚና ሙሚሲዳ።

15 ኢዛ ማራ፤ ኢዚ ኢሰታ አዎታራ ጌሊዳ ጫቆ ቃላኔ ኢዚ ኢሰታስ ሚንላ ዮቲዳ ቃላ ካዲዳ፤ ሃዳ ገዲዳ ኤቃ ጸሳታ ካሊዳ፤ ባንታሰካ ሃዳ ገዲዳ፤

16:14 ኬሳ 27:1-2፤ 2ታሪ 4:1 16:17 1ካዎ 7:23-39፤ 2ታሪ 4:2-6 16:20 ኢሳ 14:28 * 17:4 ሲጎሪ ገዛይሳ ኢሲ ኢሲ ጌሻ ማጻፋቲ ሶ ጌቴስ።

ጎዳይ ኢስታስ፡ «ኢስቲ ኦሊዛይሳ ኢንቴ ኦሎፍቴ»
ጊዲ ኣዛዘንካ ኢስቲ ባንታ ዩሾን ዲዛ ካዎቲላታ
ካሊዲ፤ ኢስቲ ኦሎንታ ማላ ጎዳይ ዲጊዲይሳ ፖሊዲ
ኣቲን ኣገቤቴና።

16 ጎዳይ ኢስታ ጸሓይ ኢስታ ኣዛዘዲይሳ ኡባ
ፖሊቤቴና፤ ማራ ሚሰሌ ፍሞኣታኔ ኣሾሪ ሚሰሌ
ኦሊዲ። ሳሎ ጸለንቴሰኔ ባኣሌሰ ጎይኒዳ።

17 ሄሳቶካ ባ ኣቲማ ናይታኔ ባ ማጫ ናይታ ታማን
ጸጊዛ ያርሾስ ሸሺዲ፤ ማርሊዲኔ ሙሬኒዳ፤ ጎዳ
ሲንላን ኢታ ኦሎ ኦላናሰ ባንታናቴላ ባይዚዳ፤ ኢዛካ
ሃንቆሰ ዴንጫዲ።

18 ሄሳ ጊሻሰ ጎዳይ ኢስታ ቦላ ከሄ ሃንቁቴዳሰ፤
የሁዳ ቆሞቲ ጸላ ኣታፊ ሃንኮ ኢሰራኤሌ ዳራ ባ
ሲንላፊ ሃሲዳሰ።

19 የሁዳ ቆሞቲ ጊዲኮካ ካሴ ኢሰራኤሌ፤ ኤቡዳ
ሎሴታ ካሊዲ ኣቲን ጎዳ ባንታ ጸሓ ኣዛዘታ
ናገቤቴና።

20 ሄሳ ጊሻሰ ጎዳይ ኢሰራኤሌ ኣሳ ኡባካ ኣገዴሰ፤
ኡንኤዲዳሴ ባ ሲንላፊ ዲጋናሾ ጋካናሰ ዲኢዛይታ
ኩሾን ኣሌ ኢሚዳሰ።

21 ኢዚ ኢሰራኤሌ ኣሳ ዳዊቲ ከላፊ ሻኪዳ፤ ጉዬ
ኢስቲ ናባጾ ና ኢዮርባኣሜ ካዎሊዲ፤ ኢዮርባኣሜይካ
ኢሰራኤሌይ ጎዳ ካሎንታ ማላ ባሌዲ ጊታ ናጋራ
ኦሲሲዳሰ።

22 ኢሰራኤሌ ኣሳይካ ኢዮርባኣሜ ናጋራን ሚኒ
ኤቁዳሰ፤ ሄሳፊ ሲሚቤና።

23 ጎዳይ ባ ኣይሌታ ናቤታ ባጋራ ኢስታስ ካሴ
ሚንሊ ዮቲዳ ማላ ባ ሲንላፊ ኢስታ ዲጋና ጋካናሰ
ኢስቲ ናጋራ ኦሎ ጉጂ ጉጂ ቢዳ፤ ሄሳ ጊሻሰ
ኢሰራኤሌ ዳሬይ ባ ዳሬ፤ ዲኤቲ ኣሶሬ ዳሬ ቢዳሰ፤
ሃኢካ ሄን ዳሰ።

ሳማሪያን ዲንካኒዳ ኣሶሪ ኣሳ

24 ኣሶሪ ካዎይ ዳሬዛ ባቢሎኔ፤ ኩታ፤ ኣዎ፤
ሃማቴ፤ ሴፋርዎይሜ ካታማ፤ ሸሺ ኤሂዲ ካሴ
ኢሰራኤሌ ኣሳይ ዲዛሶን ዳና ማላ ሳማሪያ ካታማታን
ዎሊዳሰ። ኢስቲካ ሳማሪያ ባሰ ላቲዲ ሄ ካታማታን
ዲሰ ኦይኪዳ።

25 ኢስቲ ሄን ዲሰ ደሚዳ ማላ ጎዳሰ ጎይና
ኣጋጊዳ፤ ሄሳ ጊሻሰ ጎዳይ ጋሞታ ኢስታ ቦላ
ዬዲዳሰ፤ ጋሞቲ ኢስታፊ ኣማርዲይታ ሚንጫራሊ
ዎጂዳ።

26 ኣሶሪ ካዎሰ፡ «ኔኒ ሳማሪያ ካታማታን ኤፋ
ዎሊዳ ኣሳይ ሄ ካዎቲላ ጸሓይ ኣይ ኮይዘኮ ኤሪቤና፤
ሄሳ ጊሻሰ ጸሲ ኣሳ ሚንጫራሊ ዎጂዳ ጋሞታ
ዬዲዳሰ» ጊዛ ዎሪይ ጋኪዳሰ።

27 ሄሳፊ ጉዬ ኣሶሪ ካዎዚ፡ «ኢንቴ ሳማሪያ፤ ዲኢ
ኤሂዳ ቁሴታ፤ ኢሳ ጉዬ ሄ ዳሬ ዛሪ ኤፊዲ ሄ ዳሬ
ጸሓይ ኣይ ኮይዘኮ ዳሬዛ ኢዚ ታማርሶ» ጊዲ
ኣዛዘዳሰ።

28 ሄሳ ጊሻሰ ሳማሪያ፤ ኢስቲ ዲኢ ኤፊዳ
ቁሴታ፤ ኢሶይ ቤቴሌ ሲሚዲ ኣሳይ ጎዳሰ ዎሰቲ
ጎይናኮ ታማርሶዳሰ።

29 ጊዲኮካ ኣሳይ ባ ዛርኬን ዛርኬን ባ ዲዛ
ካታማን ካታማን ባሰ ጸሰ ሚጂዳሰ፤ ሄሳካ ካሴ
ሳማሪያ ዳሬ ኣሳይ ዙሞቡላታ ቦላ ጎይኒዛሶሆታን
ኤፊ ኤፊ ኤሲዳሰ።

30 ባቢሎኔ፤ ዩዲይቲ ሱኮቴ-ቤናቴ ኦሊዲ፤ ኩታ፤
ዩዲይቲ ኔሪጋሌ ኦሊዲ፤ ሃማቴ፤ ዩዲይቲ ኣሸማቴ
ኦሊዲ፤

31 ኣዎቲ ኤሊባዛሬኔ ታሪታቂ ጌቴቲዛ ኤቃ ጸሓይ
ኦሊዲ። ሴፋርዎይሜ፤ ዩዲይቲ ኣዲራሚሌኬኔ
ኣናሚሌኬ ጌቴቲዛ ኤቃ ጸሓይ ባንታ ናይታ ጸጌቲዛ
ያርሾስ ሸሺዳ።

32 ጎዳሰ ጎይኒዳ፤ ጊዳ ኣቲን ኢሲ ኢሲ ቆሞቲ
ካሴ ባ ዩዳ ዳራ ሎሴ ካሊዲ፤ ዙሞቡላታ ቦላ ዲዛ
ኤቃ ጸሓይ ሃጋዚዛ ቁሴታ ሹሚዳ።

33 ኢስቲ ኢሲ ባጋራ ጎዳሰ ጎይኒሼ ሃራ ባጋራ ቃሴ
ካሴ ባንታ ካዎቲላ ሎሴ ማላ ባንታ ኤቃ ጸሓይ
ጎይኔሰ።

34 ሄ ሎሴዛ ሃኛ ጋካናሰ ኣገቤቴና፤ ጎዳሰ ቤሲዛ
ማላ ጎይኔ፤ ኢሰራኤሌ ጊ ዳይጊዳ ያቆቤ ቆሞታሰ
ኢዚ ኢሚዳ ማራታኔ ዞሬታ፤ ዎጋታኔ ኣዛዘታ ካሌቴና።

35 ጎዳይ ካሴ ኢሰራኤሌ ኣሳታራ ጫቆ ቃላ ጌሊዛ
ዎዴ፡ «ኢንቴ ሃራ ጸሓይ ጎይና፤ ኢስታሰ
ያይና፤ ኢስታሰ ሃጋዘ፤ ኢስታሰ ያርሾ፤

36 ጊዳ ኣቲን ኢንቴ ጎይናሰ ቤሲዛይ ባ ጊታ
ዎሊቃኒኔ ሚጫ፤ ባ ኩሾን ኢንቴና ጊብጾ ቤታፊ
ኬሲዳ ጎዳሰ ጸላ ጊዳ። ኢንቴ ኢዛሰ ጸላ ጎይኔ፤
ኢዛሰ ያርሾ፤

37 ኢዚ ኢንቴሰ ጸፊዳ ማራታኔ ዞሬታ፤ ዎጋታኔ
ኣዛዘታ ኣይ ዎዴካ ሎኤሊ ናገቴ። ሃራ ኤቃ ጸሓይ
ጎይና፤

38 ታኒ ኢንቴና ጫቁቲዳ ጫቆዛ ባሎ፤ ኤቃ
ጸሓይ ጎይና፤

39 ኢንቴ ሞርኬታ ኡባ ኩሾ፤ ኢንቴና ኣሸዛይ ኢዛ
ጊዲዳ ጊሻሰ ጎዳ ኢንቴ ጸሓይ ጎይኔ፤ ጊ ኣዛዘ
ዎሊዳሰ።

40 ጊዳ ኣቲን ኢስቲ ካሴ ባንታ ሎሴን ሚኒ ኤቁዳ
ኣቲን ሲሚቤ፤

41 ሃይቲ ሃ ዳሬቲ ኢሲ ባጋራ ጎዳሰ ጎይኒኮካ ሃራ
ባጋራ ቃሴ ባ ጊግሲዳ ኤቃ ጸሓይ ሃጋዘ፤ ኢስታ
ናይቲኔ ኢስታሰ ናይታ ናይቲካ ካሴ ኢስታ ኣዎቲ ኦሊዲ
ማላ ሃኢካ ኢዛሰ ኦሊቴሰ።

18

**የሁዳ ካዎ ሂዝቁያሳ
(2ታሪ 29:1-2፤ 31:1)**

1 ኢሰራኤሌ ካዎ ኤላ ና ሆሴኤይ ካዎቲዳ ሂዝቁያሳ
ላይላን የሁዳ ካዎ ኣካዜ ና ሂዝቁያሳ ካዎቲዳሰ።

2 ኢዚ ካዎቲዛ ዎዴ ኢዛሰ ላይላይ 25፤ ኢዚ
ዩራሳሳሚን ኡቲዲ 29 ላይላ ሃሪዳሰ። ኢዛ ኣዬያ
ዛካራሳ ና ኣቢዮ ጌቴታወሰ።

3 ኢዛ ኣዎ ዳዊቲ ጎዳ ሲንላን ኦሊዲ ማላ ኢዚካ
ሎኦ ኦሊዳሰ።

4 ዙሞቡላታ ቦላ ዲዛ ኤቃ ጸሓይ ሚንጫራሊ
ዬጊዳሰ፤ ኣሾሪ ሚሰሌ ቱሳታካ ቃንጾሬሊ ዬጊዳሰ፤
ቃሴ ሙሴይ ጸርቁማላ፤ ኦሊዲ ሸሻካ ሚንጫራሊዳሰ፤
ጋሪይካ ሄ ዎዴ ጋካናሰካ ኢሰራኤሌ ኣሳይ ኢዛሰ
ኤጾኔ ጨዋሲሾ ጋሞኢዳ ጊሻሳ፤ ሄ ሸሻ ሱንላይ
ናሁሽታን ጌቴቲሰ።

5 ሂዘቁያሲካ ጎዳ ኢሰራኤል ጸሳን አማኔቲዳሰ፤ ኢዛፔ ካሴ ጊዲን ወይኮ ጉዩፔ ካዎቲዳ ዩሁዳ ካዎታ ኡባታን ኢዛ ማላይ ደና።

6 ኢዚ ጎዳራ ኦይኬቲ ኡቲዳሰ፤ ኢዚ ጎዳ ካሎፕ ጉዩ ጊቤና፤ ጎዳይ ሙሴስ አሚዳ አዛዘታካ ናጊዳሰ።

7 ጎዳይ ኢዛራ ዲዛ ጊሻስ ኢዚ ኦሴዛ ሚሽ ኡባይ ኢዛሰ ፖሌቲዳሰ፤ ኢዚ አሶሬ ካዎራ ኤቁቲዳ ኢዛሰ ጊራ ጊርንታ ኢዲዳሰ።

8 ቢዲ ጋዛ ዛዋ ጋካናሲኔ ፊሊሰጾሜ አሳይ ናጊዛ ሻኮይ ዲዛሰ ጋካናሰ ጊምቤቲ ኡቲዳ ካታማዮ ጸኒ ኦይኪዳሰ።

9 ሂዘቁያሲ ባ ካዎቲዳ ኦይዳንላ ላይላን፣ ኢሰራኤል ካዋ ኤላ ና ሆሴኤይ ካዎቲዳ ላፕንላ ላይላን አሶሬ ካዋ ሳለሚናሶሬይ ሳማሪያ ቢዲ ካታማዮ ጊደላዳሰ።

10 ሂዘቁያሲ ላይላ ወርሴላን ኦይኪዳሰ፤ ሳማሪያይ ኦይኬቲዳይ ሂዘቁያሲ ካዎቲዳ ኡሱፕንላ ላይላን ሆሴኤይ ኢሰራኤል ቦላ ካዎቲዳ ኡዲፋንላ ላይላና።

11 አሶሬ ካዋይ ኢሰራኤል አሳ ዲኢ አሶሬ ኤፊዲ አላሃን፣ ጎዛኔ ጊደን፣ ሃቦሬ ሻፋ አቻኒኔ ሜዶኔ ካታማታን ዋላዳሰ።

12 ሄሲ ኢሰታ ቦላ ጋኪዳ ጋሶይካ ካሴ ጎዳ አይሌ ሙሴይ ኢሰታሰ ዮቲዳ ቃላ ኡባ ኢሰቲ ሲዮንታ ኢዲዲ ጫቆ ቃላ ላሊዳ ጊሻሳ፤ ኢዛ አዛዘታካ ዋዚናን ዋላ ሲዩቤቴናኔ ፖሊቤቴና።

13 ሂዘቁያሳይ ካዎቲዳ ታማኔ ኦይዳንላ ላይላን አሶሬ ካዋ ሴናኪሬሜይ ጊምቤቲ ዲዛ ዩሁዳ ካታማታ ኡባ ቦላ ሜቶ ጋላ ኦይኪዳሰ።

14 ሄሳ ጊሻስ ዩሁዳ ካዋ ሂዘቁያሲ፣ «ቆሂዳይ ታና፤ ኔ ታፕ ሲማርኪ! ታ ኔሰ ኔ ኦይቺዳ ሚሽ ኡባካ ቃንጸና» ጊዲ ላኪሽን ዲዛ አሶሬ ካዋዛሰ ሄ ኪታ ዩዲዳሰ። አሶሬ ካዋዚ ዩሁዳ ካዋ ሂዘቁያሳሰ፣ «ኔ ታሰ 10,000 ኪሎ ቢራኔ 1,000 ኪሎ ዋርቃ ዩዳ» ጊ ዛሪዳሰ።

15 ሄሳ ጊሻስ ሂዘቁያሲ ጸሳ ኬላኒኔ ባ ካዎቲላ ኬላን ዲዛ ቢራ ኡባ ኢዛሰ አሚዳሰ።

16 ሄ ዋዴ ዩሁዳ ካዋ ሂዘቁያሲ ጸሳ ኬላ ሳንቃታ ቦላኔ ቆሲላታ ቦላ ሜሽቲዳ ዋርቃታ አሶሬ ካዋሰ ሾዲ ሾዲ አሚዳሰ።

ሴናኪሬሜ ማንዳሳ

17 አሶሬ ካዋይ ላኪሽፕ ባ ኦላንቻታ አዛዚዛይታሰ ዋና ጋዳዋዛ፣ ኢዛፔ ካሊ ዲዛ ጋዳዋዛኔ ኦላንቻታ ካሌሊዛ ጋዳዋዛ ዳር ኦላንቻታራ ዩሁዳ ካዋይ ዲዛሰ ዩሩሳላሜ ከቲ ዩዲዳሰ። ኢሰቲካ ዩሩሳላሜ ቢዲ ማይኦ ሜጠዛይሳ ጋዴ ጊደ ኤፊዛ ኦጌ ቦላ ጋና ባጋን ዲዛ ኤሌ ሃላ ዩዛ ዛራ ጊደላዳ።

18 ካዋዛኮ ዩዲዳ፤ ሄሳፊ ጉዩ ካዎቲላ ኬላን ዋና አዛዚዛ ኪልቁያሳ ና ኤልያቁሜይ፣ ጸፊዚ ሼቢናይ፣ ሄሳሳካ ታሪኬ ጸፊዛ አሳፊ ና ዮኦሂ ኢዛኮ ቢዳ።

19 ኦላንቻታ ካሌሊዛ ጋዳዋዚ ኢሰታሰ፣ «አንቲ ሂዘቁያሳሰ፣ ሪታ አሶሬ ካዋይ ኔና፣ ሃይሳ ማላ ኔ ዋዚና ሚንላዳይ አዜ?»

20 ኔኒ ታሰ ኦላ ኤራቴላኔ ዋልቃይ ዳሰ ጋሳ፤ ጊደ አቲን ሄሲ ዋሪ ጸላ፤ ኔኒ ታ ቦላ ማካሊዳይ ኦናን አማኔታዳ?

21 ኔኒ ኢዚን አማኔቲዛ ጊብጾይ ኢዚን ዜምፕሽን ማቂ ዋጂዲ ኩሽን ኤቁዛ ዲንጩቲዳ ማቃ ማላ፤

ጊብጾ ካዋ ፓርኔይካ ባናን አማኔቲዛ አሳ ኡባሲካ ሄሳ ማላ) ጊዲ ዮቲቲ።

22 ቃሴካ ኔኒ፣ «ኮ አማኔቲዛይ ጎዳ ኦ ጸሳና) ጋዳ ታሰ ዮታናሰ ኮይኮ ሂዘቁያሲ ዩሁዳኔ ዩሩሳላሜ፣ «አንቲ ጎይናናሰ ቤሲዛይ ሃይሳ ዩሩሳላሜን ዲዛ ያርሾሶዛ ሲንላና) ጊዲ ዙምቡላታ ቦላ ዲዛ ጎይኒዛሰሆታኔ ያርሽዛሰሆታ ላሊዳይ ኢዛ ጊዳይ?»

23 «ኢዚ ኔሰ ሃንኮ ታ ጎዳዛ አሶሬ ካዎራ ማንዳታ፤ ኔኒ ቶጋንቻታ ዳማና ዳንዳይኮ ታ ኔሰ 2,000 ቶጋ ፓራታ አሚና።

24 ኔኒ ጩቁቲዛይ ጊብጾ ፓራ-ጋሪታኒኔ ጊብጾ ፓራታን ጊዲኮካ ታ ጎዳዛፔ ጋርሳራ ዲዛ ኦላንቻታ ቩሜታፔ ሃራይ አቶሽን አሳ ኔ ዋሰታ ዛራና ዳንዳይያ?

25 ሄሳፊ ቦላራ ታኒ ሜቶ ኔ ቦላ ጋላዳ ሃና ሰሆዮ ቆይሳናሰ ጎዳ ሸኔይ ባይንዳ ዩዳ ሚሳቲዜ? ታኒ ሃና ዳሬዮ ዋራጃ ቆይሳና ማላ ታሰ ዮቲዳይ ጎዳ» ጊዳሰ።

26 ሄሳፊ ጉዩ ኪልቁያሳ ና ኤልያቁሜይ፣ ሼቢናይኔ ዮኦሂ ኦላንቻታ ካሌሊዛይሳሰ፣ «ኦኒ ኤሪዛ ጊሻስ ኔ ኦሰ አራሜ ቃላራ ዮታ፤ ጊምቤዛ ቦላ ዲዛ አሳቲ ሲዩዛ ጊሻስ ኢብራዌታ ቃላራ ኦሰ ዮቶጋ» ጊዳ።

27 ኦላንቻታ ጋዳዋዚ ዛሪዳ፣ «ታ ጎዳይ ታና ኪቲዳይ አንቲሲኔ አንቲ ጎዳሰ ጸላ ዮታናሴ? ሃንኮ አሳይካ አንቲይሳላ ቡር ባርካ ባ ሺ ማና ማላኔ ባርካ ባ ሺሽ ኡናናሰ ጊምቤዛ ቦላ ዲዛይታራ ዮታናሰ ጊዳይ?» ጊዳሰ።

28 ሄሳፊ ጉዩ ኦላንቻታ ጋዳዋዚ ኤቁዲ ባ ቃላ ቶቁ ሂሰቲዲ ኢብራዌታ ቃላራ፣ «አንቲ ሃኢ ጊታ አሶሬ ካዋ ቃላ ሲዩቲ!

29 ካዋይ፣ «ሂዘቁያሲ አንቲና ታ ኩሽፔ አሻናሰ ዳንዳዮንታ ጊሻስ ኢዚ አንቲና ባሌላፎ) ጌሰ።

30 ቃሴካ ሂዘቁያሲ ኢሰታሰ፣ ሳዳይ ኦና አሻናይሳሰ ሲዴይ ዳና፤ ሃና ካታማያ አሶሬ ካዋሰ አቆ አሚቲኮ» ጊዲ አንቲ ጎዳን አማኔታና ማላ ኢዚ አንቲሰ ዮቲዳይሳ አማኒ ኤኮፍቴ።

31 «ሂዘቁያሲ አንቲና ገዛይሳ ሲዮፕቲ፤ አሶሬ ካዋይ፣ «ታናራ አንቲሰ ሳርቴሳ ሜጂቲ፤ አንቲ ታሰ ኩሽ አሚቲ፤ ሄሳፊ ጉዩ አንቲፊ ኢሶይ ኢሶይ ባ ባላሴ ሚላ አይፊኔ ባ ዋይኔ ሚላ አይፊ ማና፤ ባ ሃላ ኦላፊ ሃላ ኡያና።

32 ሄሲካ ሃናናይ ታኒ አንቲና ጌዳ አንቲ ቢታዮ ሚሳቲዛ ሰሆ ካላኔ ዋይኔ ኡሽ፣ ዳቦይኔ ዋይኔ አታኪልቲይ፣ ዋጋራ ሚሊኔ ኤሲ ዲዛሰታ አንቲና ጌልላና ጋካናሳ፤ አንቲ ሃይቆ አጊዲ ዳኦ ዶሪቴ) ጌሰ። ሂዘቁያሲ ኦና ጎዳይ አሻና ጊዲ አንቲና ባሌሊዛ ጊሻስ አንቲ ኢዚ ጊዛይሳ ሲዮፕቲ።

33 አሶሬ ካዋ ኩሽፔ ቢታ ቦላ ዲዛ ጸሳታፔ ባ ካዎቲላ አሽዳይ ኦኔ?

34 ሃማቲ ኤቃ ጸሳቲኔ አርፋዴ ኤቃ ጸሳቲ ኦኔ አዋን ዲዛ? ሴፋርዋይሜ፣ ሄና ኤቃ ጸሳቲኔ አዋ ኤቃ ጸሳቲ ሂሰቲን አዋ ጋኪዳ? ኢሰቲ ሳማሪያ ታ ኩሽፔ አሽዳ?

35 ሃይታ ሃ ዳሬታ ኤቃ ጸሳታፔ ባ ዳሬ ታ ኩሽፔ አሻና ዳንዳይዳይ ኦኔ? ሂሰቲን ጎዳይ ዩሩሳላሜ ታ ኩሽፔ ዋሰቲ ዋላ ኤካና ዳንዳይዜ?» ጊዳሰ።

36 ጊደ አቲን ዳሬዚ ጮኡ ጊዳሰ፤ ኢዛሰ አይኮካ ዛሪቤና፤ ካዋዚ፣ «አንቲ ኢዛሰ ዛር አምንታ ማላ» ጊ ካሴ አዛዚ ዋላዳሰ።

37 ሃሳፌ ጉዬ ካዎቱላ ኩላ ኣዛዚዛ ኩልቂያሳ ና ኤልያቂሜይ፡ ጻፊ ሼቢናይን ታሪኬ ጻፊ ኣሳፊ ና ዮኣሂ ባንታ ማይኦ ዳኪ ዩጊዳ፤ ሂዘቂያሳኩ ቢዲ ኦላንታታ ጋዳዋዚ ኢሰቲ ጊዳይሳ ኢዛሰ ዮተዳ።

19

ካዎ ሂዘቂያሳ ናቤ ኢሳያሳ ኦይቺዳ ዘሬ (ኢሳ 37:1-7)

1 ካዎ ሂዘቂያሳ ሄሳ ሲዩዲ ባ ማይኦ ዳኪዳስ፤ ማቃ ማይኢዲ ጸሳ ኩላ ጌሊዳስ።

2 ሃሳፊካ ካዎቱላ ኩላን ኣዛዚዛ ኤልያቂሜይ፡ ጻፊ ሼቢናይን ዋና ቁሴቲ ማቃ ማይኢዲ ኣሞጾ ና ናቤ ኢሳያሳኩ ባና ማላ ኡባ ኪቲ ዩዲዳስ።

3 ኢሰቲካ ኢዛሰ፡ «ሂዘቂያሳ፡ ሃና ጋላሳያ ሜቶ፡ ሚሬኔ ካወሻቲላ ጋላስ፤ ሃና ጋላሳያ ናይ ዩሌታናስ ኣያ ኬሃ ሚጸታሹ ዩላ ዩጋናስ ዋልቃ ቆይዳ ጋላሳ።

4 ዴኦ ጸሳ ካወሻናስ ባ ጎዳ ኣሶሬ ካዎይ ዩዲዳ ጋዳዋ ቃላ ኡባካ ጎዳ ኔ ጸሳይ ሲዩዲ ጊዳና፤ ኢዚ ሲዩዲ ቃላ ጊሻሰ ጎዳ ኔ ጸሳይ ኢዛ ሃንቃና ማላ ኔኒ ሼዎፖራ ፓጾ ዲዛ ኣሳሰ ጸሳ ዋሳርኪ!» ጊዳስ።

5 ካዎ ሂዘቂያሳ ሹሜቲ ኢሳያሳኩ ዩዳ ዎዴ፡

6 ኢሳያሳ ኢሰታሰ፡ «ኢንቴ ኢንቴ ጎዳስ፡ ሳዳይ ኔስ ኣሶሬ ካዎ ኦሳንታቲ ታ ቦላ ጫሻ ቃላ ሃሳይዳይሳ ሲያዳ ባቦፋ፤

7 ታኒ ኢዛ ቦላ ሄሳ ማላ ኣያና ዩዳና፤ ኢዚካ ዎሬ ሲዩዲ ጉዬ ባ ዴሬ ሰሚ ባና፤ ኢዚ ሄን ማሻን ሃይቃና ማላ ታ ኢዛ ኦላና» ጊ ዮተቲ» ጊዳስ።

8 ኦላንታታ ጋዳዋዚካ ኣሶሬ ካዎይ ላኪሼፕ ዴንዲ ቢዳይሳ ሲዩዲ ጉዬ ሲሚዳስ፤ ካዎዚ ሊቢናራ ኦሌቲሺን ዴሚዳስ።

9 ሄ ዎዴ ቶጵያ ዴሬ ዩሌታ ጊዲዳ ጊብጾ ካዎ ቲራቂይ ኢዛ ኦላናስ ዩሳ ቦላ ዲዛይሳ ሴናኪሬሜይ ሲዩዳስ፤ ሄሳ ጊሻሰ ዛሬሊዲ ሂዘቂያሳኩ ቃስታኔታ ቦላ ዳብዳቤ፡

10 «ኢንቴ ቢዲ ዩሁዳ ካዎ ሂዘቂያሳስ፡ ሳ ኢዛን ኣማኔቲዛ ጸሳይ ዩሩሳላሜይ ኣሶሬ ኩሼን ኩንዲኩ» ጊዲ ኔና ባሌዳ።

11 ሃይሳፊ ካሴ ኣይዳካ ኣሶሬ ካዎቲ ዴሬ ኡባ ቦላ ኣይ ኦሊዳኩ ኔ ሲያዳሳ፤ ኢዚ ኢሰታ ሙሌራ ቆይሲዳስ፤ ሂሰቲን ኔኒ ኬሳ ኤካዳ ኣታናዝ ኔስ ሚሳቲዜ?

12 ካሴ ታ ኣዎቲ ቆይሲዳ ካዎቲላ ጎዛኔን፡ ካራኔን፡ ኤራፋሴን ሄሳላካ ታላሳሬን ዲዛ ኤዴኔ ኣሳታ ኢሰታ ኤቃ ጸሳቲ ኢሰታ ኣሺዶ?

13 ሃማቲ ካዎቲኔ ኣርፋዳ ካዎቲ ሃኢ ኣዎን ዲዛ? ሴፋርዎይሜ ካታማ ካዎዚ ኣዎን ዲዜ? ቃሴካ ሃና ካዎይኔ ኢዎ ካዎቲ ሃኢ ኣዎን ዲዛ?» ጊ ኪቲዳስ።

ሂዘቂያሳ ዎሳ

14 ሂዘቂያሳ ዳብዳቤዛ ቃስታኔታ ኩሼፕ ኤኪ ናባቢዳስ፤ ሃሳፊ ጉዬ ፑዳ ጎዳ ኩላ ኬዚዲ ዳብዳቤዛ ጎዳ ሲንላን ሚጪዳስ።

15 ሃሳፊ ጉዬ ሂዘቂያሳ ጎዳኩ፡ «ኪሩቤ ቦላ ኔ ኣራታን ኡቲዳ ጎዳ ኢሰራኤሌ ጸሶ! ቢታ ቦላ ዲዛ ኡባ ቦላ ጸሲ ኔና፤ ሳሎኔ ሳኣ ሜዲዳይ ኔና።

16 ጎዳዉ! ሃኢ ኔኒ ኔ ሃይላ ዩጋዳ ሃይሳ ሲያ፤ ኔኒ ኔ ኣይፊታካ ዳያዳ ጾላ፤ ሴናኪሬሜይ ዴኦ ጸሳ ጫያናስ ኪቲዳ ቃላ ኤዘጋ።

17 «ኣቤት ጎዳዉ፤ ኣሶሬ ካዎቲ ሃይታ ካዎቲላታኔ ኢሰቲ ቢታ ቱሙካ ቆይሲዳ፤

18 ኢሰታ ኤቃ ጸሳታካ ታማን ዩጊ ጸጊ ቆይሲዳ፤ ኢሰቲካ ኣሳ ኩሼን ሚላፊኔ ሹቻፊ ኦሴቲዳይታ ኣቲን ጸሰ ጊዳቲና።

19 ሃኢካ ጎዳዉ ኔ ጸሳዉ! ኔኒ ጸላ ጸሳ ጊዲዳይሳ ሃ ቢታ ቦላ ዲዛ ካዎቲላቲ ኤራና ማላ ኢዛ ኩሼፕ ኦና ኣሻ» ጊ ዎሲዳስ።

ኢሳያሳ ሴናኪሬሜ ጊሻሰ ዮተዳ ቲንቢቲ (ኢሳ 37:21-38)

20 ሃሳፊ ጉዬ ኣሞጾ ና ኢሳያሳ ካዎ ሂዘቂያሳስ ሃይሳፊ ካሊ ዲዛ ኪታ ዩዲዳስ። «ጎዳ ኢሰራኤሌ ጸሳይ፡ ሳሶሬ ካዎ ሴናኪሬሜ ቦላ ኔ ዎሲዳ ዎሳ ታኒ ሲያዳስ» ጊዳስ።

21 ሃሳ ጊሻሰ ጎዳይ ኢዛ ቦላ ዮተዳ ቃላይ ሃይሳ፡

«ጌላኦ ጸዮኔ ናያ ኔና ካቆዲሲኔ ካወሻዲሰ፤ ዩሩሳላሜ ናያ ኔ ኢዚ ቦላራ ፒራቆ ቢሺን

ባ ቆዴ ኔ ቦላ ቃላዉስ።

22 ሂሰቲን ኔ ጫዩዳይኔ

ካወሺዳይ ኦኔ? ኔኒ ኔ ቃላ ቶቁ ሂሰቲዳይ ኦና ቦላ? ኔ ኦቶሬቲላን ዴሬቃ ጾሊዛይ ኦና ቦላ?

ኢሰራኤሌ ጌሻዛ ቦላዩ!

23 ኔኒ ቃስታኒዳይታ ባጋራ

ጎዳ ቦላ ጫሽ ኮራዳሳ። ኔኒ፡ ሳቲ ታሰ ዲዛ ዳሮ ፓራ-ጋሬታን ፑዳ ቶቃ ዙማታ ቦላ ኬዛዲሰ፤ ሊባሮሴ ዙማሰ ጸራ ጋካዲሰ፤ ሄፕ ኣዲሳ ዘጋ ሚላታኔ ደሬቲዳ ጲዳ ሚላታካ ቃንጸዳሳ፤ ታኒ ኢዛሰ ዉርሴላ ዛዎኔ ቆፒ ጊዳ ዎራን ጋካዲሰ።

24 « ሳቲ ሃራ ዴሬታንካ

ሃላ ኦላ ቦካዲሰ፤ ኢሰታፊ ሃላ ኡያዲሰ፤ ታኒ ታ ቶሆ ጫማታን ዩቆዳ ጊብጾ ቢታ ፑልቶታ ሚሊሳዲሰ) ጋዳሳ።

25 «ዳሮ ዎዴፕ ሲንላን

ኔኒ ገሞቤቲዳ ካታማታ ቆቆፋዳ፡ ሹቻ ኬላ ኬሳና ማላ፡ ታኒ ቆፋ ቃቻ

ዋላዳይሳ ሲያበከ?
 ቤኒ ሃልቻ
 ዋላዳይሳ ሃኢ ፖላይስ።
 26 ህን ዲዛ አሳ ዋልቃይካ
 ጨንገ ወሪዳሰ፤
 ኢስቲ ዳጋሚዲ ዩላ ማይኢዳ፤
 ጮ ማላ ዳምባን ሞኪዳ
 አታከልቲ ማላ፤
 ቡሮ ጸጸ ዩደንታ
 ጫሬቻ ማላ፤
 ኩላ ቦላ ሞኪዲ
 ቡሮ ዲጮንታ ሹሊዳ
 ማታ ማላ ገዲዳ።

- 27 «ኔ አዋን ኡቲዘኮ፤
 ኔ አይዳ ያዳ አይዳ ቢዘኮ
 ኔ ታ ቦላ ሃንቁቲዳይሳ
 ታ ኡራይስ።
- 28 ኔ ታ ቦላ ሃንቁቲዳ ገሻሲኔ
 ኔ ካዴይ ታ ሃይላን
 ዋዲዳ ገሻሰ
 ታኒ ኔ ሲዴን ዳፎ ዩጋና፤
 ታኒ ኔና ቢጸላ ባርሳና፤
 ኔ ዩዳ ኦጌራ ኔና ጉዬ ዛራና።
- 29 «ሂዘቁያሳ! ሄሳሰ ማላታይ ሃይሳፌ ካሊዘይሳ፤
 « ሳ ላይሳ ዋዲ
 ማዲዳይሳ፤
 ዩዛ ላይሳ አዛባ ማንዴታ፤
 ሂቫንላ ላይላን
 ዜሪዳይሳ ማጸንዴታ፤
 ዋይኔ ቱራ ቶኪዲ
 ኢዛ አይፌ ማንዴታ።
- 30 ሃኢካ ዳዋቲ ኩላፌ
 ጫሻ አቲዳይቲ
 ባንታ ጸጸ ዲጌ ዩዳና፤
 ቦላራካ አይፌ አማና።
- 31 ዩሩሳላሚን ሸምፖራ
 ፓጸ አቲዳይቲ፤
 ጸዮኔ ዙማን ሃይቆፔ
 አቲዳይቲ ኢስቲ ኩዛና።
 ጎዳ ኡባፌ ዋልቃማ
 ጸሳ ዚልኤቲሌ
 ሄሳ ኦላና።
- 32 «ጎዳይ አሶሬ ካዋ ገሻሰ፤
 « ለኢዚ ሃኖ ሃ ካታማዮ
 ሙሌካ ጌሌና፤
 ኢሲ ቶራካ ጸንጌና፤
 ጎንዳሌ ኦይኪዲ ኢዚኮ ሸቁና፤
 ኢዙ ቢታ ደራን ገደሌና።
- 33 ኢዚ ባ ዩዳ ኦጌራ ሲሚ ባና፤
 ሃ ካታማዮ ሙሌራ
 ሲሚ ጌሌና።
- 34 ታ ገሻሲኔ ታ አይሌ
 ዳዋቲ ገሻሰ ጋዳ
 ሃኖ ካታማዮ
 ታኒ ጎንዳላ አሻና ጌሰ።»
- 35 ህ ጋላሳ ኦማርሰ ጎዳ ከታንቻይ ኬዚዲ አሶሬ
 አሳይ ዲንካኒ ኡቲዳሶሆን 185,000 አሰ ዋዲዳሰ፤

ዋንቴላ ጋላሰ አሳይ ዴንዲሺን ሄራ ኡባን አሃይ
 ኩሚዳሰ።
 36 አሶሬ ካዋ ሴናኪራሚይ ሄፔ ዴንዲ ቢዴሰ፤ ጉዬ
 ናናዌ ሲሚ ቢዲ ህን ኡቲዳሰ።
 37 ኢሲ ጋላሰ ኒሰራኬ ጌቲቲዛ ባ ኤቃ ጸሳ ኩሌ
 ጌሊዲ ኢዚ ህን ጎይኒሺን ኢዛ ናይቲ
 አዲራሚሌኬይኔ ሳርሳሬይ ኢዛ ማሻን ሲፊ ዋዲዳ፤
 ሄፔ ኬሲ ኤኪዲ አራራቲ ጋካናሰ ባቃቲዳ፤ ኢዛ ና
 አሴራዶይይ ኢዛሰሆን ካዋቲዳሰ።

20

ካዋ ሂዘቁያሳ ፓጸ
 (2ታሪ 32:24-26፤ ኢሳ 38:1-8፤21-22)
 1 ህ ዋዳ ሂዘቁያሰ ዳሮ ሳኩቲዲ ሸምፖ ቦላ
 ዲሺን አዋጾ ና ናቤ አሳያሲ ኢዘኮ ቢዲ፤ «ጎዳይ
 ኔና፤ ሳ ሃይቃና፤ ኔ ሃይሳፌ ጉዬ ሸምፖራ ፓጸ ዴአካ።
 ሄሳ ገሻሰ ኔሶ ገገሳን ጌሰ» ገዴሰ።
 2 ሂዘቁያሰካ ጌዴ ጎዳ ባጋ ሲሚዲ ጎዳኮ ዋሲሹ፤
 3 «አቤት ጎዳዉ! ታኒ ኔ ሲንላን አማኔቲላን፤
 ኩሚላ ዋዚናፔ ሃሚቲዳይሳኔ ኔና ኡፋይሲዘዘ
 ኡላዳይሳ ታሰ ቆፓ» ገዲ ጫዋ ዩሆ ዩኪዳሰ።
 4 አሳያሰ ቡሮ ካዋ ኩላ ዛጎ ካንሌ ቢሺን ጎዳ
 አቻፊ ኢዛሰ፤
 5 «ኔኒ ጉዬ ሰማዳ ታ ዴሬዛ ሃላቃ ሂዘቁያሳሰ፤
 ሳኪ ጎዳይ ኔ አዋ ዳዋቲ ጸሳይ ታ ኔ ዋሳ ሲያዲሰ፤
 ኔ አፋንላካ ቤያዲሰ፤ ታኒ ኔና ፓላና። ሃቸፊ ደሚን
 ሂቭ ጋላሳታፊ ጉዬ ኔኒ ፑዴ ጎዳ ኩሌ ኩዛና።
 6 ታ ኔ ላይላ ቦላ 15 ላይላ ጉጃና፤ ኔና ሃኖ
 ካታማዮ አሶሬ ካዋ ኩሹፔ አሻና፤ ታኒ ታ ገሻሲኔ ታ
 አይሌ ዳዋቲ ገሻሰ ጋዳ ሃኖ ሃ ካታማዮ ናጋና ጋ»
 ገዛ ቃላይ ዩዴሰ።
 7 ሄሳፌ ጉዬ አሳያሰ፤ «ታሰ ባላሴ ሚላ ቱራ ኤኪ
 ዩቲ» ገዴሰ፤ ሂሰቲን ኢስቲ ቁናኢዲ ኢዛሰ ኪጸ ቦላ
 ዋሊን ኢዚ ፓጸዴሰ።
 8 ሂዘቁያሰ፤ «ጎዳይ ታና ፓላናይሳሰኔ ሂቭ ጋላሳፊ
 ጉዬ ታኒ ጎዳ ኩሌ ኩዛናይሳሰ ማላታይ አዜ?» ገዲ
 አሳያሳ ኦይቸዴሰ።
 9 አሳያሰካ ኢዛሰ ዛራዲ፤ «ጎዳይ ባ ገዳ ቃላ
 ፖላናይሳሰ ማላታይ ሃይታፔ ኢሳ፤ ሃይሲ ኩዋዚ 10
 ኬች ሲንሌ ቦ ጋይ? ዋይኮ ታሙ ኬች ጉዬ ቦ ጋይ?»
 ገ ኦይቸዴሰ።
 10 ሂዘቁያሰ ኢዛሰ፤ «ኩዋይ 10 ኬች ሲንሌ ቡሲ
 ሚቲና፤ ሄሳፌ ኩዋይ ጉዬ ሲማና ማላ ኦላ» ገ
 ዮቲዴሰ።
 11 ናቤ አሳያሰ ሄሳፌ ጉዬ ፑዴ ጎዳሰ ዋሲዳሰ፤
 ጎዳይካ አካዜይ ኦላዳ ኬቻ ቦላ ዋዲዳ ኩዋዛ 10
 ኬች ጉዬ ሲማና ማላ ኦላዴሰ።

ባቢሎኔፔ ኪቲቲ ዩዳ ቃሰታኔታ
 (ኢሳ 39:1-8)
 12 ህ ዋዳ ባቢሎኔ ካዋ ባልዳኔ ና
 ማሮዶኩ-ባልዳኔይ ሂዘቁያሰ ሳኩቲዳይሳ ሲዩዳ
 ገሻሰ ሂዘቁያሳሰ ዳብዳቤኔ አዋታ ዩዲዳሰ።
 13 ሂዘቁያሰካ ቃሰታኔታ ሞኪ ኤኪዲ ባ ሚሽ ኡባ
 ዋሊዛ ኩላን ዲዛ ቢራ፤ ዋርቃ፤ ዲማ ቆሞ ሳዋታ፤
 አልኦ ዛይቲ፤ ኦላ ማሳራታ ኢዛን ዋሊዛ ሚንጃ
 ኬላታኔ ሄራ አቲዳ ሚንጃ ኬላን ዲዛይታ ኡባ ኢሰታ

ቤሲዳስ። ባ ካዎቱላ ከላኒኔ ባ ካዎቱላን ዲዛ ሚሽ ኡባፌ ሂዝቁያሲ ቤሶንታ ኣጊዳዚ ዳና።

14 ሃሳፌ ጉዬ ኢሳያሲ ሂዝቁያሳኮ ቢዲ፡ «ሃይቲ ኣሳቲ ኣዋጥ ዪዶ? ኔሰ ኣይ ዮቲዶ?» ጊ ኦይቹዳስ። ሂዝቁያሳ፡ «ሃይቲ ሃሆ ዳሬ ባቢሎንፔ ዪዳ» ጊዳስ።

15 ናቤዚካ ኢዛ፡ «ኔ ካዎቱላ ከላፌ ኣይ ቤይዶ?» ጊ ኦይቹዳስ፤ ሂዝቁያሳካ ኢዛስ፡ «ኢስቲ ታ ካዎቱላ ከላን ዲዛ ሚሽ ኡባ ቤይዳ፤ ታኒ ሚሽ ኢስታን ዋሲዛ ከላታፔ ታ ቤሶንታ ኣሺዳሶይ ሙሉካ ዳና» ጊዳስ።

16 ሃሳፌ ጉዬ ኢሳያሲ ሂዝቁያሳስ፡ «ኔኒ ጎዳ ቃላ ሲያ፤

17 ጎዳይ፡ ሳ ካዎቱላ ከላን ዲዛይ ኡባይ ካሴ ኔ ኣዋቲ ሃኖ ጋካናሰ ሺሺዳይ ኡባይካ ባቢሎን ዲኤቲ ባና ዋዳይ ያናይሲ ኣቲና፤ ኢሲ ሚሺካ ኣቲና» ጊሰ።

18 ኔፔ ዩሌቲዳ ኔ ናይታፔ ባጋቲ ዲኤቲዲ ባና ኔ ባቢሎን ዳሬን ኢስቲ ካዎ ከላን ጉንዲላታ ጊዲ ዳና» ጊዳስ።

19 ሂዝቁያሳካ፡ «ኔ ዮቲዳ ጎዳ ቃላይ ሎኦ» ጊዳስ። ኢዚ ሃሳፍ ጊዳይ፡ «ታ ገጾ ዲዛ ዋዳ ታሰ ሳርቲሊኔ ዋጋይ ዲኮ ሃሳፌ ጉዬ ባ ዳሳ ሃኖ» ጊ ቆጊዳ ጊሻሳ።

20 ሂዝቁያሳ ካዎቱላ ላይላታን ሃኒዳ ሃራ ሚሻቲ፡ ኢዚ ኦሊዳ ኦሶ ኡባይ፡ ሃሳ ካታማ ጌልላናሰ ኢዚ ዛሪሲዳ ዛራይ የሁዳ ካዎታ ታሪኬ ማጻፋን ጸፊቲ ዳስ ጊዳይ።

21 ሂዝቁያሳ ሃይቁዲ ባ ኣዎታን ጋይቲዳስ፤ ኢዛ ና ሚናሴይ ኢዛሶሆን ካዎቲዳስ።

21

የሁዳ ካዎ ሚናሴ (2ታሪ 33:1-20)

1 ሚናሴይ ካዎቲዛ ዋዳ ኢዛሰ ላይላይ 12፤ ኢዚ ዩራሳላሚን ኡቲዲ 55 ላይላ ሃሪዳስ፤ ኢዛ ኣያ ሃፌሴቦ ጌቲታዉስ።

2 ሚናሴይ ጎዳይ ኢስራኤሌ ሲንላፌ ጎዲ ከሲዳ ሃራሲዛ ካዎቱላታ ሎሴ ካሊዲ ጎዳ ሲንላን ኢታ ኦሶ ኦሊዳስ።

3 ካሴ ኢዛ ኣዎ ሂዝቁያሳ ዙምቡላታ ቦላ ዲዛ ኤቃ ጸሳታ ከላ ላሊዳይሳ ዛሪ ከጸዲዳስ፤ ኢስራኤሌ ካዎ ኣካቤይ ኦይሳሳ ኢዚካ ባኣሌሰ ያርሾ ያርሺዛሰ ጊግሲዳስ። ኣሼሪ ሚሰሌ ቱሰ ኤሲዳስ፤ ሃሳሳካ ሳሎ ጸለንቲታሰካ ጎይኒዳስ።

4 ጎዳይ፡ «ታኒ ታ ሱንላ ዩራሳላሚን ዋላና» ጊዳ ጸሳ ከላን ያርሾታ ያርሺዛሰሆታ ኦሊዳስ።

5 ጸሳ ከላ ዛን ናምኣታን ሳሎ ጸለንቲታሰ ጎይናሶሆታ ጊግሲዳስ።

6 ባ ናዛ ጸጌቲዛ ያርሾ ሃሰቲ ሺሺዳስ፤ ሃሰቲዲ ሙሬኒዛይታ፡ ማርታ፡ ሞይቲሌ ሃሳይሲዛይታኔ ኣያና ካዩዛይታ ዞሬ ኦይቹዳስ፤ ጎዳ ሃንቁሊዛ ኢታ ሃናታ ኢዛ ሲንላን ኦሊዳስ።

7 ኢዚ ባ ማሲ ጊግሲዳ ኣሼሪ ሚሰሌዛ ጸሳ ከላ ጊዳን ዋሊዳስ። ሃሲካ ጎዳይ ካሴ ዳዊቲ ና ሰሎሞን፡ «ታኒ ሃይሳ ጸሳ ከላኒኔ ኢስራኤሌ ቆሞታ ኡባታ ጋርሳፌ ዶሪዳ ዩራሳላሚን ታ ሱንላ ሚናሴ ሃን ዋላና።

8 ጊዲኮካ ታኒ ኢስታ ኣዛዚዳይሳ ኡባካ ኢስቲ ሚኒ ፖሌቶኔ ታ ኣይሌ ሙሴይ ካሴ ኢስታሰ ኢሚዳ ዋጋዛ ኢስቲ ፖሊ ናጌቶ ኣቲን ሃይሳፌ ጉዬ ኢስራኤሌ ኣሳ ካሴ ኢስታ ኣዎታሰ ኢሚዳ ቤታፌ ኢስቲ ከዚዲ ዋዩታና ማላ ታ ኦሊኬ» ጊዳ ቃላይ ሃይሳ ሃ ሶሆዛ ጊሻሳ።

9 ዳሬዚ ጊዲኮ ሃሳ ሲዩቤና፤ ካሴ ጎዳይ ጳይሲዳ ካዎቱላታፔካ ቦላራ ኢስቲ ኢታ ኦላና ማላ ሚናሴይ ኣሳ ባሌሊዳስ።

10 ጎዳይ ባ ኣይሌ ናቤታ ባጋራ ሃዝጊ ዮቲዳስ፤

11 «የሁዳ ካዎ ሚናሴይ ሃይሳ ሹኒዛ ኢታ ናጋራ ኦሊዳስ፤ ኢዚ ካሴ ባፔ ካሴ ዲዛ ኣሞሬ ዳሬ ኣሳፔካ ቦላራ ኢታ ኦሊዳስ። የሁዳ ኣሳካ ኤቃታን ባሌሊዳስ።

12 ሃሳ ጊሻሰ ጎዳ ኢስራኤሌ ጸሳይ ሲዩዳዳ ሃይላስ ኢቲዛ ሜቶ ታኒ ዩራሳላሚ ቦላኔ የሁዳ ቦላ ዩዳና።

13 ታኒ ሳማሪያሰ ጊግሲዳ ዋቆ ዋዶር፡ ታኒ ኣካቤሶ ኢዛር ጊናሳ ጸሊዳ ቱምቤዛካ ዩራሳላሚ ቦላ ዩዳና፤ ኣሲ ሳኔ ሚጫ ጉፋንሊዛ ማላ ታኒካ ዩራሳላሚ ሚጫ ጳይሳና።

14 ጫሻ ኣቲዳ ታ ጸንጾታ ታኒ ኣጋና፤ ታኒ ኢስታ ኢስታ ሞርኬታሰ ኣላ ኢሚና፤ ኢስቲ ባ ሞርኬታሰ ዲኦ ሚሽ ጊዳና።

15 ታኒ ሃሳሶ ኦሊዛ ጋሶይካ ኢስቲ ካሴ ባ ኣዎቲ ጊብጾፔ ከዘሶፌ ሃኖ ጋካናሰ ኢስቲ ታ ሲንላን ኢታ ኦሶ ኦሊዲ ታና ሃንቆሰ ዳንጫዲ ጊሻሳ» ጊዳስ።

16 ሃራፔካ ሚናሴይ የሁዳ ኣሳይ ጸሳ ሲንላን ኢታ ኦላና ማላ ኢስቲ ናጋራ ኦሲሲዳ ናጋራፔ ሃራካ ዩራሳላሚ ሃ ጋጾፔ ሃ ጋጾ ጋካናሰ ጸሎ ጊዲዳ ዳር ኣሳ ሱላ ጉሲዳስ።

17 ሚናሴ ካዎቱላ ዋዳ ሃኒዳ ሃራ ሚሻ ባ ኦሊዳ ናጋራ ቦላ ጉጂዲ ኢዚ ኦሊዳይ ኡባይ የሁዳ ካዎታ ታሪኬ ማጻፋን ጸፊቲ ዳስ ጊዳይ።

18 ሚናሴይ ካሴ ባ ኣዎታ ማላ ሃይቁዳስ፤ ኢዚ ኦዛ ኣታኪልቲ ጊዳን ዲዛ ዲፎን ሞጌቲዳስ፤ ኢዛ ናዚ ኣሞኔይካ ኢዛሶሆን ካዎቲዳስ።

የሁዳ ካዎ ኣሞኔ (2ታሪ 33:21-25)

19 ኣሞኔይ ካዎቲሺን ኢዛሰ ላይላይ 22፤ ኢዚ ዩራሳላሚን ኡቲዲ 2 ላይላ ሃሪዳስ። ኢዛ ኣያ ሚሶላሞ ጌቲታዉስ፤ ኢዛ ያጸባ ዳሬ ኣሰ ሃራሴ ና።

20 ኢዛ ኣዎ ሚናሴይ ኦይሳሳ ኢዚካ ጎዳ ሲንላን ኢታ ሚሽ ኦሊዳስ።

21 ካሴ ባ ኣዎይ ቢዳ ኦጌዛራ ኢዚካ ቢዳስ፤ ካሴ ባ ኣዎይ ጎይኒዳ ኤቃ ጸሳታሰ ጎይኒዳሴ ኢስታሰ ሆኪ ጉልባቲዳስ።

22 ካሴ ባ ጎዳ ጸሳ ኣጋጊዳስ፤ ኢዚ ጎዳ ኦጌን ቢቤና።

23 ኣሞኔ ዳሬ ሹሜቲ ማካሊዳ፤ ካዎዛካ ካዎቱላ ከላ ጊዳን ዋቆዳ።

24 ሃሳፌ ጉዬ ሃ ዳሬ ኣሳይ ካዎ ኣሞኔ ቦላ ዳንዲዲ ኢዛ ዋቆዳስ፤ ኢዛ ናዛ ኢዮሲያሳካ ኢዛሶሆን ካዎሊዳ።

25 ኣሞኔይ ካዎቲ ዲዛ ዋዳ ሃኒዳ ሃራ ኦሶይ ኢዚ ፖሊዳይ ኡባይካ የሁዳ ካዎታ ታሪኬ ማጻፋታን ጸፊቲ ዳስ ጊዳይ።

26 እዚ ኦህ ኣታኪልቲ ገደን ዲዛ ዲፎን ማጌቲደሰ፤ እዚ ናዚ ኢዮሲያሲ ኢዛሶሆን ካዎቲደሰ።

22

የሁዳ ካዎ ኢዮሲያሳ (2ታሪ 34:1-2)

1 ኢዮሲያሲ ካዎቲዛ ዎዴ ኢዛሰ ላይሳይ 8። እዚ ዩሩሳሌምን ኡቲዲ 31 ላይሳ ሃሪደሰ፤ እዚ እያ ቦጲቃቲ፣ ዳሬ ኣስ ኣዳያ ና ዩዲዶ ጌቲታወሰ።

2 ኢዮሲያሲ ጎዳ ሲንላን ሎኦ ኦሊደሰ፤ ካሲ እዚ ኣዎ ዳዊቲ ቢዳ ኦጌራ ቢደሰ፤ ሃዲርሲካ ኡሻቲካ ገቢና።

3 እዚ ካዎቲዳ ታማኔ ኦሰቸንላ ላይላን ኢዮሲያሲ ማሹላማ ናዛ ና ኣጸሊያ ናዛ ጸፊዛ ሳፋኔ ጎዳ ኬላ ከቲዲ፣

4 «ኔኒ ቄሴታ ሃላቃ ከልቂያሳኮ ባ፤ ባዳ ፔንጌ ናገዛይቲ ዳራፔ ጎዳ ኬላሰ ሸሺዲ ጌልሊዳ ሚሻይ ኣይ ኬናኮ ከልቂያሲ ቆዳና ማላ ኦላ።

5 ሃሲካ ጎዳ ኬላ ኦሰዛ ካሊ ኦሲሳና ማላ ሹማቲዳ ኣሳታሰ ኢሜቶ፤ ኢሰቲካ ጎዳ ኬላ ኦራሊዛ ኦሳንቻታሰ ኢሜቶ።

6 ኢሰቲ ሚሻ ኣናጾታሰ፣ ገምቤ ገምቢዛይታሲኔ ሹቶ ማሲዛይታሰ ቃንጾቶ። ሃሲካ ጸሳ ኬላ ኢዛራ ኦራጲሳና ሳንቃታኔ ማሴቲዳ ሹቻታካ ሻማቶ።

7 ኣሳቲ ኣማኔቲዳይታ ገዲዳ ገሻሰ ኢሰታሰ ኢሜቲዳ ሚሻ ካላናሰ ኮሼና» ገደሰ።

8 ቄሴታ ሃላቃ ከልቂያሲ ጸፊ ሳፋኔሰ፣ «ታኒ ዎጋ ማጻፋ ጎዳ ኬላ ገደን ዳማዲሰ» ገዲ ኢዛሰ ኢሚደሰ፤ እዚካ ማጻፋዛ ኤኪዲ ናባቢደሰ።

9 ሃሳፊ ጉዬ ጸፊዚ ሳፋኔይ ካዎዛኮ ቢዲ፣ «ኔ ሹማቲ ጎዳ ኬላ ገደን ዲዛ ሚሻዛ ኬሲዲ ጎዳ ኬላ ናገቲ ኬጲሲዛ ኣሳታሰ ኢሚዳ» ገደሰ።

10 ሃሳፊ ጉዬ ጸፊዚ ሳፋኔይ ካዎዛሰ፣ «ቄሴታ ሃላቃ ከልቂያሲ ታሰ ማጻፋ ኢሚደሰ» ገ ዮቲደሰ። ሳፋኔይካ ሃ ማጻፋዛፔ ካዎዛሰ ናባቢደሰ።

11 ካዎዚካ ዎጋ ማጻፋዛ ቃላ ሲዩዲ ባ ማይኦ ዳኪደሰ።

12 ሃሳፊ ጉዬ ቄሴ ሃላቃ ከልቂያሳ፣ ሳፋኔ ና ኣኪቃሜ፣ ሚካያ ና ኣኪቦሬ፣ ጸፊ ሳፋኔኔ ካዎዛሰ ማታ ኦሳንቻ ኣሳያ።

13 «እንቲ ቢዲ ታ ገሻሰ፣ ዳራ ገሻሲኔ የሁዳ ኣሳ ገሻሰ ሃይሳ ማጻፋን ጸፊቲዳይሲ ኣይ ገዛኮ ጎዳ ኦይቲቲ፤ ጋሶይካ ኦ ኣዎቲ ሃይሳ ማጻፋዛ ቃላሰ ኣዛዜቶንታ ኢጲዳ ገሻሰ፣ ኦ ገሻሰ እዛን ጸፊቲዳይሳ ኡባካ ኢሰቲ ፖሎንታ ኣገዳ ገሻሰ ሃኢ ኦ ቦላ ጎዳ ሃንቆይ ዎልቃማ» ገ ኣዛዚደሰ።

14 ቄሴ ከልቂያሲ፣ ኣኪቃሜይ፣ ኣኪቦሬይ፣ ሳፋኔይኔ ኣሳያይ ናቤ ሁልዳኖ ኦይቻና ቢዲ፤ ሁልዳና ሃራሴ ናዛ ቲቁዌ ና ማይኦ ናገዛ ሻሎማ ማቻ፤ እዚ ዩሩሳሌም ገደን ናምኣንላ ጉታን ዳወሰ።

15 ናቤያካ፣ «ጎዳ ኢሰራኤሌ ጸሳይ እንቲና ታኮ ከቲዳ ኣዳዛሰ።

16 ሳዳይ የሁዳ ካዎዚ ናባቢዳ ማጻፋን ጸፊቲዳ ባሻ ኡባ ታኒ ሃይሳ ሃ ሶሆዛ ቦላኔ ዳራ ቦላ ኤሃና።

17 ኣሳይ ታና ኣገዲ ሃራ ኤቃ ጸሳታሰ ኤጻኔ ጨዋሲዳ ገሻሰ፣ ኢሰቲ ባ ኩሼን ኦሊዳ ኤቃ ጸሳታን

ታና ሃንቁሊዳ ገሻሰ ታ ሃንቆይ ሃይሳ ሃ ሶሆዛን ታማ ማላ ኤጲሼ ዳኣና ኣቲን ቶኤና፣ ጌሰ ገዲ ዮቲቲ።

18 ጎዳ ኦይቻናሰ እንቲና ሃ ከቲ ዩዲዳ የሁዳ ካዎዛሰ ሃይሳፊ ካሊዛይሳ ዮቲቲ፤ ኔኒ ሲዩዳ ዮኦዛ ገሻሰ ጎዳ ኢሰራኤሌ ጸሳይ።

19 ኢሰቲ ቃንጌታናይሳኔ ቆያናይሳ ታኒ ሃይሳ ሃ ሶሆዛ ቦላኔ ዳራዛ ቦላ ካሴ ዮቲዳይሳ ኔኒ ሲያዳ ኔ ዎዚናይ ማቂን ኔናቲላ ጎዳ ሲንላን ካወሻዳኔ ኔ ማይኦካ ዳካዳ ታ ሲንላን ኔ ዩኪዳ ገሻሰ ጎዳይ ኔና ሲያዲሰ።

20 ሃሳ ገሻሰ ታኒ ኔና ኔ ኣዎታን ጋላና፤ ኔኒ ሳርን ዲፎን ጌላና፤ ታኒ ሃይሳ ሃ ዳራ ቦላ ኤሃና ማቶዛ ኔ ኣይፊይ ቤኤና፣ ጌሰ ገ ዮቲቲ» ጋዲሰ።

ሃ ቢዳ ቃሰታኔቲ ዛርዛ ካዎዛሰ ኤኪ ቢዳ።

23

ጫቆ ቃላ ኦራላ (2ታሪ 34:3-7፣29-33)

1 ሃሳፊ ጉዬ ካዎዚ የሁዳኒኔ ዩሩሳሌምን ዲዛ ጨማ ኣሰ ኡባ ጸይገደሰ፤

2 የሁዳ ኣሳይኔ ዩሩሳሌምን ዲዛ ኣሳይ ኡባይ ቄሴቲኔ ናቤቲ ኡባፊ ናፔ ጨማ ጋካናሰ ኡባ ጎዳ ኬላ ኤኪ ዩደሰ፤ ጎዳ ኬላፊ ቤቲዳ ጫቆ ቃላ ማጻፋ ኢሰቲ ባንታ ሃይላን ሲያና ማላ ኡባ ናባቢደሰ።

3 ካዎዚ ዎርቃ ቲሳ ኣቻን ጎዳ ሲንላን ኤቁዲ ጎዳ ካላናሰ እዛ ኣዛዘታ፣ ማራታኔ ዎጋታ ባ ኩማላ ዎዚናፔ ኩማላ ሹምፖሬ ናጋናሰ ሃይሳ ማጻፋዛን ጸፊቲዳ ጫቆዛ ሚንላናሰ ጎዳ ሲንላን ኦራጲሲደሰ። ሃሳፊ ጉዬ ዳሬዚ ኡባይካ ጫቆ ቃላዛሰ ባንታ ኣማኔቲላ ቆንጨሲዳ።

4 ካዎዚ ባኣሌሰ፣ ኣሹርሲኔ ሳሎ ጸሊንቲታሰ ኡባሰ ኦሴቲዳ ሚሻታ ጎዳ ኬላፊ ኬሳና ማላ ቄሴታ ሃላቃ ከልቂያሳሰ፣ ኢዛፔ ካሊ ናምኣንላ ማራን ዲዛ ቄሴታኔ ጸሳ ኬላ ፔንጌ ናገዛ ዛቤታ ኣዛዚደሰ። ሃ ሚሻታካ ዩሩሳሌምፔ ካሬ ኬሲዲ ዲጌ ቄዲሮኔ ሸባን ዲዛ ዳምባን ጸገደሰ፤ ቢዲንላካ ቤቲሌ ኤፊደሰ።

5 የሁዳ ካታማታኒኔ ዩሩሳሌም ዩሾን ዲዛ ዙምቡላታ ቦላ ኤጻኔ ጨዋሳና ማላ ካሴ የሁዳ ካዎቲ ኤቃ ጸሳታሰ ሹማዳ ቄሴታካ ጎዲደሰ፤ ሃሳቆካ ባኣሌሰ፣ ኣዎ ኣርሼሰ፣ ኣገናሰ፣ ኡጩቲ ዲዛ ጸሊንቲታሰኔ ሳሎ ጸሊንቲ ኡባሰ ኤጻኔ ጨዋሲዛይታ ዲገደሰ።

6 ኣሹሪ ሚሰሌ ጎዳ ኬላፊ ኬሲዲ ዩሩሳሌምፔ ካሬራ ዲዛ ጌዴ ቄዲሮኔ ሸባ ኤፊዲ ሃን ጸገደሰ፤ ጋጪ ለቂሲዲ ዳራ ዲፎን ላሊደሰ።

7 ጎዳ ኬላ ገደን ጎይኖ ዎጋ ኦሊዲ ኣይይ ኣዳራ ፓራቲዛ ከፊሌታኔ ማጫሳቲ ኣሹርሲ ማይኦሰ ሱቁዛ ከፊሌታ ላሊደሰ።

8 ኢዮሲያሲ ቄሴታ ኡባ የሁዳ ካታማ ጋርሳፊ ዩሩሳሌም ኬሲደሰ። ጌባፔ ደሚዲ ቤርሳቤሃ ጋካናሰ ቄሴቲ ኢሰታ ቦላ ኤጻኔ ጨዋሲዛ ዙምቡላታ ቲኒሲደሰ። ካታማይሰ ሃዲርሳ ባጋራ ዲዛ ካታማኖ ሃሪዛ ኢያሶ ፔንጌ ኣቻራ ዲዛ ፔንጌታን ጎይኒዛሶሆታ ላሊደሰ።

9 ዙሞቡላታ ቦላ ጎይኒዛሶታ ዩሩሳሌምን ጎዳሰ ያርሾሶሆታ ሃጋዘንታ ኣገሎካ ቁሴ ገዲዳ ባ ኣሻታራ ኣርሾይ ቦቾንታ ኡኬል ሜቲሰ።

10 ሄኖሜ ና ሾባን ዲዛ ቶፊቲ ጌቲቲዛ ጎይኒዛሶሆዛ ቱኒሲዳሰ፤ ኣይ ኣሲካ ኣቱማ ና ገዲን ዎይኮ ማጫ ና ሞሎኬስ ታማን ጸጊ ያርሾንታ ማላሳ።

11 የሁዳ ካዎቲ ጎዳ ኬል ጌሊዛ ሶሆን ኣዎ ኣርሾሰ ጎይናናስ ኣሚዳ ፓራታ ሄፔ ዲጊዳሰ። ሄይቲካ ናታን-ሜሌኬ ጌቲቲዛ ኢሲ ሹሜዛ ኬላ ማታን ዲዛ ዱቡሻን ዳቲሰ። ኢዮሲያሲካ ኣዎ ኣርሾሰ ጎይናና ማላ ኣሜቲዳ ፓራ-ጋሪታ ታማን ጸጊዳሰ።

12 የሁዳ ካዎቲ ፑዳ ኣካዜ ኣልፒኔ ኣቻን ፖቄ ቦላ ኦሊዳ ያርሾሶሆታ፡ ሚናሴይ ጎዳ ኬላ ዛጎ ናሞኣታን ኦሲሲዳ ያርሾሶሆታ ዲጊዳሰ፤ ቲንቼሬል ዩጊዳሰ፤ ሄ ቲንቼላካ ዳንላ ኤፊዲ ቁዲሮኔ ሾባን ዩጊዳሰ።

13 ሄሳቶካ ዩሩሳሌም፤ ኣርሾይ ሞኪዛ ባጋራ ቱናቲላ ዙማ፤ ዲጌሃ ባጋን ኢሰራኤል ካዎ ሶሎሞኔይ ሲደናታ ቱናቲላ ጸሰ ኣሰታሮቲሰ፡ ሞኣቤታ ቱናቲላ ጸሰ ካሞሼሰ፡ ኣሞኔታ ቱናቲላ ጸሰ ሞሎኬስ ዙሞቡላታ ቦላ ኦሲሲዳ ጎይኒዛሶሆታ ካዎዚ ቱኒሲዳሰ።

14 ሃኢካ ኢዮሲያሲ ኣሳይ ኢሰታሰ ጎይኒዛ ሹቻ ሃወልቲታ ሚንፊሬል ዩጊዳሰ፤ ኣሼሪ ሚሰሌ ቱሳታካ ቃንጾሬል ዩጊዳሰ፤ ሄ ሶሆታካ ኣሳ ሚቄል ኩንሳዲዳሰ።

15 ኢሰራኤል ኣሳ ናጋራ ኦሲሲዳ ናባጾ ና ኢዮርባኣሜይ ኦሊዳ ያርሾሶሆዛ፡ ቤቲሌን ዙሞቡላ ቦላ ጎይኒዛሶሆዛ፡ ያርሾ ያርሾዚሶሆዛ ኢዛ ቦላ ዲዛ ዙሞቡላ ሄሳቶካ ላሊዳሰ፤ ሹቻታካ ሚንፊሬል ዩጊዳሰ፤ ጳሌ ማላካ ሊቂሲዳሰ፤ ኣሼሪ ሚሰሌ ቱሳካ ጸጊዳሰ።

16 ኢዮሲያሲ የሺ ጸሊዛ ዎዳ ዙሞቡላ ቦላ ዲዛ ዱፎታ ቤኢዳሰ፤ ሚቄላታ ዱፎታ፤ ኬሲዲ ጸሳ ኣሲ ካሴ ዮቲዳ ማላ ጎዳ ቃላይ ፖሌታና ማላ ያርሾ ያርሾዚሶሆዛ ቱኒሳናስ ኢዛ ቦላ ጸጊዳሰ።

17 ካዎዚካ፡ «ሴኪ ዱፎ ቦላ ታ ቤኢዛ ሃወልቲዚ ኦና ሃወልቲ?» ገ ኦይቹዳሰ። ሄ ካታማይን ዲዛ ኣሳይ፡ «የሁዳ፤ ዩዲ ሃኢ ኔ ኦሊዳይሲ ኡባይ ቤቲሌን ያርሾ ያርሾዚሶሆዛ ቦላ ጋካናይሳ ዮቲዳ ጸሳ ኣሳ ዱፎ» ገዳ።

18 ኢዮሲያሲካ፡ «ኣኔ ሄሳ ቦቾፍቲ፤ ሄ ኣዳዛ ሚቄል ኢዚ ዲዛሶሆ፤ ኦኒካ ቃላፎ» ገዳሰ። ሄሳ ገሻሰ ኢዛ ሚቄል ኔ ሳማሪያ፤ ዩዳ ናቤዛ ሚቄል ካሴ ዲዛ ማላ ቦቾንታ ኣጋገዳ።

19 ኢዮሲያሲ ቤቲሌን ኦሊዳ ማላ ሳማሪያ ካታማን ዙሞቡላታ ቦላ ኢሰራኤል ካዎቲ ካሴ ኦሲሲዳይታኔ ጎዳ ሃንቄላዳ ኤቃ ጸሳ ኬላታ ኡባ ጳይሲዳሲኔ ቱኒሲዳሰ።

20 ኢዮሲያሲ ሄይታ ዙሞቡላታ ቦላ ጎይኒዛሶሆታን ኦሊዛ ቁሴታ ኡባ ያርሾ ያርሾዚሶሆታ ቦላ ሹኪዳሰ፤ ሄ ያርሾሶሆታ ቦላካ ኣሳ ሚቄል ጸጊዳሰ፤ ሄሳፊ ጉዩ ዩሩሳሌም ሲሚዳሰ።

21 ካዎዚ ኩሜላ ዳራሰ፡ «ሃይሳ ኢዛ ጫቆ ማጻፋን ጸፊቲዳ ማላ ጎዳ ኢንቲ ጸሳ ፓዚጋ ባኣሌ ቦንቹቲ» ገዲ ኣዛዚዳሰ።

22 ካሴ ኢሰራኤል ካሌሊዳ ዳናታ ዎዳ፤ ደሚዲ ኢሰራኤል ካዎታኔ የሁዳ ካዎታ ዎዳ ኡባን ሄሳ ማላ ፓዚጋ ባኣሌይ ቦንቹቲ ኤሬና።

23 ኢዮሲያሲ ካዎቲዲ ታማን ኦሰፑንላ ላይላን ሃይሲ ሃ ፓዚጋዚ ዩሩሳሌምን ጎዳሰ ቦንቹቲዳሰ።

24 ሄሳፊ ቦላራ ኢዮሲያሲ ሞይቲሌ ሃሳይሲዛይታ፡ ኣያናታ ጳይጊዛይታ፡ ኣሲ ባ ሁኤን ሁኤን ጎይኒዛ ጸሳታ፡ ኤቃ ጸሳታ፡ የሁዳኒኔ ዩሩሳሌምን ቤቲዳ ሃራ ሻቲዛ ሚሽ ኡባ ጳይሲዳሰ፤ ኢዚ ሃሳቶ ኦሊዳይካ ቁሴ ኪልቂያሲ ጎዳ ኬላ ገደፊ ዳሚዳ ማጻፋን ጸፊቲ ዲዛ ዎጋይ ፖሌታና ማላሳ።

25 ካሴ ሙሴ ዎጋን ጸፊቲዳ ማላ ባ ኩሜላ ዎዚና፤ ባ ኩሜላ ሹምፖሬ፡ ባ ኩሜላ ዎልቃፊ ጎዳኮ ሲሚዳ ኢዮሲያሳ ማላ ካዎይ ኢዛ፤ ሲንላን ገዲን ዎይኮ ኢዛ፤ ጉዩን ሙሊካ ዳንዲቤና።

26 ገደ ኣቲን ሃይሲ ኡባይ ሃኒንካ ሚናሴይ ጎዳ ሃንቄላናስ ኦሊዳ ኢታ ኦሰ ኡባ ጋሶን ጎዳይ የሁዳ ቦላ ሃንቄቲዳ ታማ ማላ ባቢሲዛ ሃንቆዛ፤ ኢርጲቤና።

27 ሄሳ ገሻሰ ጎዳይ፡ «ታኒ ኢሰራኤል ታ ሲንላፊ ዲጎይሳላ የሁዳካ ታ ሲንላፊ ዲጋና፤ ታኒ ደሪዳ ዩሩሳሌም ካታማዮ፡ ታ ሱንላ ሄን ዳኣና፤ ጋዳ ታኒ ካሴ ዮቲዳ ጸሳ ኬላዮ ታ ዩጋ ኣጋና» ገዳሰ።

28 ኢዮሲያሳ ካዎቲላ ላይላን ኦሴቲዳ ኦሶቲ፡ ሃኒዳ ሃኖቲኔ ኦሴቲዳ ሃራ ኦሶቲ ኡባይ የሁዳ ካዎታ ታሪኬ ማጻፋን ጸፊቲ ዳሰ ገዳይ?

29 ኢዮሲያሲ ካዎቲላን ዲዛ ዎዳ ገብጾ ካዎ ፋርን-ኒካይ ኣሶሪ ካዎ ማዳናስ ጌዳ ኤፊራዲሴ ሻፋ ቢዳሰ፤ ካዎ ኢዮሲያሲካ ኢዛራ ኦሌታናስ ኬዚዳሰ፤ ገደ ኣቲን ፋርን-ኒካይ ኢዛራ ቲራን ጋይቲዲ ኢዛ ማገደን ዎቋዳሰ።

30 ኢዮሲያሳ ኦሳንቻቲ ኢዛ ኣሃዛ ማገደፊ ፓራ-ጋሪን ዩሩሳሌም ኤኪ ኤሂዲ ኢዛ ዱፎን ሞገዳ። ኢዛ ዳሬ ኣሳይ ኢዮሲያሳ ና ኢዮኣካዜ ኤፊዳሰ፤ ቲይዲ ኢዛ ኣዎ ሶሆን ኢዛ ካዎላዳ።

የሁዳ ካዎ ኢዮኣካዜ (2ታሪ 36:2-4)

31 ኢዮኣካዚ ካዎቲዛ ዎዳ ኢዛሰ ላይላይ 23፡ ኢዚ ዩሩሳሌምን ኡቲዲ 3 ኣገና ሃሪዳሰ፤ ኢዛ ኣያ ኣምጸሎ ጌቲታዉሰ። ኢዛ ሊቢና ዳሬ ኣሰ ኤርማሳ ና።

32 ካሴ ኢዛ ኣዎቲ ኦላይሳላ ኢዚካ ጎዳ ሲንላን ኢታ ሚሽ ኦሊዳሰ።

33 ኢዚ ዩሩሳሌምን ኡቲዲ ካዎቶንታ ማላ ፋርን-ኒካይ ሃማቲ ዳሬን ኤሬቢላ ጌቲቲዛሶን ኢዛ ሳንሳላታን ቃቹዳሰ። የሁዳ ቦላ 3,400 ኪሎ ቢራኔ 34 ኪሎ ዎርቃ ገራ ዩጊዳሰ።

34 ካዎ ፋርን-ኒካይ ኢዮሲያሳ ና ኤልያቄሜ ኢዛ ኣዎ ሶሆን ካዎላዳሰ፤ ኢዛ ሱንላካ ላሚዲ ኢዮኣቄሜ ገ ሱንላዳሰ። ገደ ኣቲን ኢዮኣካዜ ዲኢ ገብጾ ኤፊዳሰ፤ ሂሰቲን ኢዚ ሃን ሃይቄዳሰ።

35 ኢዮኣቄሜይካ ፓርን-ኒካይ ኢዛ ኦይቹዳ ቢራኔ ዎርቃ ኢዛሰ ቃንጾዳሰ፤ ኢዚ ሃሳ ኦላናስ ቢታ ቦላ ገራ ዩጊዳሰ፤ ሄ ዳሬ ኣሳይ ባ ዎልቃ ዎልቃ ማላ ቢራኔ ዎርቃ ገራና ማላ ኦሊዳሰ።

የሁዳ ካዎ ኢዮኣቄሜ (2ታሪ 36:5-8)

36 እያንቀሜይ ካዎቲዛ ዎዴ ኢዛሰ ላይላይ 25፤ ኢዚ ዩሩሳሌምን ኡቲዲ 11 ላይላ ሃሪዴሰ። ኢዛ ኢያ ዜቢዲ ጌቲታዉሰ፤ ኢዛ ኡሩሜ ዴሬ ኣሰ ፓዲያ ና።

37 እያንቀሜይ ካሴ ኢዛ ኣዎቲ ኦሌዳ ማላ ጎዳ ሲንላን ኢታ ሚሽ ኦሌዴሰ።

24

1 እያንቀሜይ ካዎቲዛ ዎዴ ባቢሎን ካዎ ናቡካዳናጸሬይ ዩሁዳ ቦላ ዎራጂዴሰ፤ እያንቀሜይካ ኢዛሰ 3 ላይላ ገሪዴሰ። ሄሳፌ ጉዬ ኢዚ ባ ቆፋ ላሚዲ ናቡካዳናጸሬ ቦላ ማካሊዴሰ።

2 ጎዳይ ባቢሎን፣ ኣራሜ፣ ሞኣቤ፣ ኣሞኔ፣ ፓንጋታ እያንቀሜ ቦላ ዩዲዴሰ። ጎዳይ ባ ኦሳንቻታ ናቤታ ባጋራ ካሴ ዮቲዳ ቃላ ማላ ኢሰቲ ዩሁዳ ቆይሳና ማላ ሃይታ ዩዲዴሰ።

3 ኢዚ ኢሰታ ባ ሲንላፌ ሃሳና ማላ ሃይቲ ሃ ዮኦቲ ኡባይ ጎዳይ ኣዛዚዳ ማላ ዩሁዳ ቦላ ፖሊታና ዳንዳይዳ፤ ሄሲካ ሚናሴይ ኦሌዳ ናጋራ ገሻሲኔ ኢዚ ፖሊዳ ሃኖ ኡባ ገሻሳ፤

4 ቃሴካ ኢዚ ጸሎ ሱላ ጉሲዳ ገሻሳ። ዩሩሳሌምይካ ጸሎ ሱላን ኩማና ማላ ኢዚ ኦሌዳ ገሻሰ ጎዳይ ኢዛ ማራናሰ ኮዩቤና።

5 እያንቀሜ ካዎቲላ ላይላን ሃኒዳ ሃኖቲኔ ኦሴቲዳ ሃራ ኦሶቲ ኡባይ ዩሁዳ ካዎታ ታሪኬ ማጻፋን ጸፊቲ ዴሰ ገዴኔ?

6 እያንቀሜይካ ሃይቂዲ ባ ኣዎታን ጋይቲዴሰ፤ ኢዛ ና እያንክኔይ ኢዛሰሆን ካዎቲዴሰ።

7 ባቢሎን ካዎይ ሃላ ባይንዳ ገብጾ ሻፋታ፣ ቢዲ ኤፊራጸሴ ሻፋ ጋካናሰ ኢዚ ሃሪዛ ዴሬታ ኡባ ኢዛ ኩሼ፣ ዎላ ኤኪዳ ገሻሰ ገብጾ ካዎዚ ባ ዴሬ፣ ዛሪ ኦላ ኦሌታናሰ ኬዚቤና።

የሁዳ ካዎ እያንክኔ (2ታሪ 36:9-10)

8 እያንክኔይ ካዎቲዛ ዎዴ ኢዛሰ ላይላይ 18፤ ኢዚ ዩሩሳሌምን ኡቲዲ 3 ኣገና ሃሪዴሰ፤ ኢዛ ኢያ ኔሂሲቶ ጌቲታዉሰ፤ ኢዛ ዩሩሳሌም ኣሰ ኤልናታኔ ና።

9 ካሴ ኢዛ ኣዎይ ኦሌሳሳካ እያንክኔይ ጎዳ ሲንላን ኢታ ኦሶ ኦሌዴሰ።

10 ሃ ዎዴ ባቢሎን ካዎ ናቡካዳናጸሬ ኦላ ጋዳዎቲ ዩሩሳሌም ዩዲ ካታማዮ ገደላዳ።

11 ኦላ ጋዳዎቲ ካታማዮ ገደላዳ ዎዴ ናቡካዳናጸሬ ባ ሁኤራ ሄ ካታማዮ ዩዴሰ።

12 የሁዳ ካዎ እያንክኔ ኢያ፣ ኢዛ ኣዛባቲ፣ ዳናቲኔ ሹሚቲ ኡባይ ባንታ ኩሼ ባቢሎን ካዎሰ ኢሚዳ፤ ባቢሎን ካዎይ ካዎቲዳ ኦሰፑንላ ላይላን እያንክኔ ዲኢ ኤኪ ቢዴሰ።

13 ጎዳይ ካሴቲ ዮቲዳ ማላ ናቡካዳናጸሬ ዳሳ ኬላኔ ካዎ ኬላን ዲዛ ኣቆታ ኡባ ዳንላ ኤፊዴሰ። ኢሰራኤል ካዎ ሶሎሞንይ ጎዳ ኬላሰ ዎርቃፌ ኦሲሲዳ ሚሽ ኡባ ኤኪ ቢዴሰ።

14 ቃሴካ ዩሩሳሌም ኣሳ ኡባ፣ ኦላ ጋዳዎታኔ ኦላንቻታ ኡባ፣ ሂላንቻታኔ ዎጋጩታ ኡባ ኢሲ ቦላ 10,000 ኣሰ ዲኢ ኤኪ ባ ዴሬ ኤፊዴሰ፤ ሃን ዴሬዛን ኣቲዳይቲ ፑላ ማንቆታ ጸላ።

15 ናቡካዳናጸሬይ እያንክኔ ዲኢ ኤኪዲ ባቢሎን ኤፊዴሰ፤ ሄሳሳካ ካዎዛ ኣዬዮ፣ ኢዛ ማቺታ፣ ኢዛ ሹሚታኔ ዴሬን ኤሬቲዳ ጌታ ኣሳታ ዩሩሳሌም፣ ባቢሎን ኤፊዴሰ።

16 ቃሴካ ባቢሎን ካዎይ ሚና ኦላሰ ጋኪዳ 7,000 ኦላንቻታ፣ 1,000 ሂላንቻታኔ ዎጋጩታ ኢሲ ቦላ ዲኢ ኤኪዲ ባቢሎን ኤፊዴሰ።

17 ሄሳፌ ጉዬ እያንክኔ ኣዎ ኢሻ ማታኒያ ኢዛሰሆን ካዎላዴሰ፤ ኢዛ ሱንላ ላሚዲ ሴዴቂያሳ ገ ሱንላዴሰ።

የሁዳ ካዎ ሴዴቂያሳ (2ታሪ 36:11-12፤ ኤር 52:1-3)

18 ሴዴቂያሳ ካዎቲዛ ዎዴ ኢዛሰ ላይላይ 21፤ ኢዚ ዩሩሳሌምን ኡቲዲ 11 ላይላ ሃሪዴሰ፤ ኢዛ ኢያ ኣምጸሎ ጌቲታዉሰ፤ ኢዛ ሊቢና ኣሰ ኤርማሳ ቢዮ።

19 እያንቀሜይ ኦሌዳ ማላ ኢዚካ ጎዳ ሲንላን ኢታ ሚሽ ኦሌዴሰ።

20 ሃይሲ ኡባይ ዩሩሳሌም ቦላኔ ዩሁዳ ቦላ ጋካናሰ ዳንዳይዳይ ጎዳ ሃንቆ ጋሶና፤ ዉርሴላን ኢዚ ኢሰታ ባ ሲንላፌ ሃሲዴሰ።

ሴዴቂያሳ ባቢሎን ካዎ ቦላ ማካሊዴሰ።

25

ዩሩሳሌም ኩንዴላ (2ታሪ 36:13-21፤ ኤር 52:3-11)

1 የሁዳ ካዎ ሴዴቂያሳ ካዎቲዳ ኡዲፋንላ ላይላን ታማንላ ኣገናን ታማንላ ጋላሰ ባቢሎን ካዎ ናቡካዳናጸሬ ባ ኦላንቻታ ኡባ ኤኪዲ ዩሩሳሌም ቦላ ዎራጂዴሰ፤ ካታማይ ገምቤፌ ካሬ ባጋራ ዩዩ ኣፏ ገደላ ኡቲዳ።

2 ካታማያካ ሴዴቂያሳ ካዎቲ ዲዛ ታማኔ ኢሲንላ ላይላ ጋካናሰ ሄሳሳ ገደላታ ኡቲዳ።

3 ኦይዳንላ ኣገናን ኡዲፋንላ ጋላሰ ካታማይ ገደን ዳንዲዳ ኮሻይ ዳር ሚኒዳ ገሻሰ ኣሳሰ ደናን ባፏዛዚ ቆይዴሰ።

4 ባቢሎን ኦላንቻቲ ካታማዮ ገደላ ኡቲዳ ኢሲ ባጋራ ካታማይ ገምቤ ሜንላ ጌሊዳ፤ የሁዳ ኦላንቻቲ ኡባይካ ካዎ ኣታኪልቲ ኣቻን ዲዛ ናምኡ ገምቤታ ገደራ ዲዛ ፔንጌዛራ ካንላዲ ኦማርሳራ ዲጌ ዮርዳኖሴ ሸባ ጋካናሰ ባቃቲዳ።

5 ገደ ኣቲን ባቢሎን ኦላንቻቲ ካዎዛ ካሌቲዲ ኢያርኮ ዴምባን ጋኪዳ። ኦላንቻቲ ኡባይ ካዎዛ ኣጋጊ ላሌቲዳ።

6 ካዎዚካ ሃን ኦይኬቲዴሰ፤ ሃ ዎዴ ኢዛ ኤሬቢላን ዲዛ ባቢሎን ካዎዘኮ ኤሂዳ፤ ኢዛ ቦላ ፐርዳይ ፐርዴቲዴሰ።

7 ሴዴቂያሳ ባ ኣይፌን ቤኢሽን ኢዛ ናይታ ዎፏዳ፤ ሄሳፌ ጉዬ ኢዛ ኣይፌ ናምኣታ ዎጪ ኬሲዲ ጸርቂማላ ሳንሳላታራ ቃቺ ባቢሎን ዴሬ ኤፊዴ።

8 ባቢሎን ካዎ ናቡካዳናጸሬ ካዎቲዳ ታማኔ ኡዲፋንላ ላይላን ኢቻሻንላ ኣገናን ላፑንላ ጋላሳን ኢዛሰ ቦንቾ ዛቤታ ኣዛዚዳይሲን ባቢሎን ካዎዛሰ

23:36 ኤር 22:18-19፤ 26:1-6፤ 35:1-19 24:1 ኤር 25:1-38፤ ዳኔ 1:1-2 24:12 ኤር 22:24-30፤ 24:1-10፤ 29:1-2 24:15 ሂዚ 17:12 24:17 ኤር 37:1፤ ሂዚ 17:13 24:18 ኤር 27:1-22፤ 28:1-17 24:20 ሂዚ 17:15 25:1 ኤር 21:1-10፤ 34:1-5፤ ሂዚ 24:2 25:4 ሂዚ 33:21 25:7 ሂዚ 12:13

ዳሮ ቆቃ ሹሜ ገዲዳ ናቡዛራዳኔይ ዩሩሳላሚ ዩደስ።

9 ጎዳ ኬል፣ ካዎቲል ኬላኔ ዩሩሳላሚን ዲዛ ኬላታ ኡባ ጸጊደስ፤ ኤራቲዳ ጊታ ኬላታካ ታማን ጸጊደስ።

10 ካዎ ቦንቾ ናጊዛይታ ኣዛዚዛይሳ ካሊዳ ኩሜል ባቢሎኔ ኦላንቻቲ ዩሩሳላሚ ዩሾን ዲዛ ጊምቤዛ ላሊ ዩጊዳ።

11 ካዎ ቦንቾ ናጊዛይታ ኣዛዚዛይሳ ሄ ካታማይን ጫሻ ኣቲዳይታ፣ ባ ኩሼ ባቢሎኔ ካዎስ ኢሚዳይታ ኡባ ዲኢ ኤኪዲ ባቢሎኔ ኤፊደስ።

12 ገዲኮካ ናቡዛራዳኔይ ኣሳ ጋርሳፊ ፑቲሳ ማንቆታፕ ኣማርዳይታ ዎይኔ ቶካና ማላኔ ጋዴ ጎያና ማላ ሄን ኣጊደስ።

13 ባቢሎኔ ዴሬ ኣሳይ ጸርቁማላፕ ኦሴቲዳ ቱሳታ፣ ጎዳ ኬል ገደን ዲዛ ሚሻታ ኢስታ ቦላ ዎሊዲ ያኔ ሃ ዩሺዛ ጋሬታኔ ሃል ኢዛን ዎሊዛ ጸርቁማላፕ ኦሴቲዳ ጋባቲዛ ሜንሌሬሊ ዩጊዳ ባቢሎኔ ኤኪ ቢዳ።

14 ሄሳላካ ቁሪ ጸርታ፣ ታማ ኦይሴሊዛ ሚሻታ፣ ቢዲንል ካሺዛ ሚሻታ፣ ጨልፋታ፣ ጸሳ ኬል ገደን ጎኤቲዛ ጸርቁማላፕ ኦሴቲዳ ሚሻታ ኡባ ኤኪ ቢዳ።

15 ካዎ ቦንቾ ናጊዛ ዛቤታ ኣዛዚዛይሳ ሙሩታ ዎርቃሬኔ ቢራፕ ኦሴቲዳ ጸኣታኔ ዉዲዛ ሚሻሰ ጎኤቲዛ ሽልኤታ ኤኪ ቢደስ።

16 ሶሎሞኔይ ጸሳ ኬልን ጎኤታናስ ገዲ ጸርቁማላፕ ኦሴቲዳ ናምኤ ቱሳቲ፣ ሃል ኦይኪዛ ጊታ ጋባቲኔ ሚሻ ኢስታ ቦላ ዎሊ ዩሺዛ ጋሬቲ ኬሂ ዴጲዛይታ።

17 ቱሳቲ ኢሶይ ኢሶይ 18 ዋቆ ገዲሺን ጸርቁማላፕ ኦሴቲዳ ቁስቲይ ዴስ፤ ሄ ቁስቲዛ ኣዲሳቲላይ ሄቩ ዋቆ ገዲሺን ዩዩ ኣቆናስ ጸርቁማላፕ ኦሴቲዳ ሳንሳላታኔ ኦርማኔ ሚላ ኣይፊ ሚሳቲቲስ፤ ሃንኮ ኣቲዳ ቱሳቲካ ኮይርይሳ ማላ።

18 ካዎ ቦንቾ ናጊዛይታ ኣዛዚዛይሳ ቁሴታ ሃላቃ ሳራያ፣ ኢዛፕ ካሊ ዲዛ ቁሴ ሶፎናሳኔ ፔንጌ ናጊዛ 3 ዛቤታ ቃቺ ኤኪ ቢደስ።

19 ሄ ዎዴ ጋካናስ ካታማይ ገደን ኣቲዳይታፕ ኦላንቻታ ሃላቃኔ ካዎ ዘሪዛ 5 ኣሳታ ኤኪ ቢደስ፤ ቃሴ ዴራ ገደፊ ኦላስ ኣሳ ዴሪዛ ኦላ ጋዳዎ ጸፊዛ፣ ጸፊዛስ ካታማይ ገደን ዲዛ 60 ኣሳታ ኤኪ ቢደስ።

20 ካዎ ቦንቾ ናጊዛይታ ኣዛዚዛ ናቡዛራዳኔይ ሄይታ ኡባ ኤሪቢላን ዲዛ ባቢሎኔ ካዎዛኮ ኤፊደስ።

21 ካዎዚካ ሄ ኣሳ ሃማቲ ቢታን ሄን ኤሪቢላን ዎሊሲደስ። ዩሁዳይ ባ ቢታፊ ሄሳ ማላን ዲኤቲ ቢደስ።

ጎደሊያሳ ሹሜቲል
(ኤር 40:7-9፤ 41:1-3)

22 ባቢሎኔ ካዎ ናቡካዳናጸሬይ ሳፋኔስ ናዛ ና ኣኪቃሜ ና ጎደሊያሳ ጫሻ ኣቲዳ ዩሁዳ ኣሳ ቦላ ሹሚደስ።

23 ኩሜል ኦላንቻታ ጋዳዎቲኔ ኢስታ ኣሳቲ ባቢሎኔ ካዎይ ጎደሊያሳ ዴራ ኣይሳናስ ሹሚዳይሳ ሲዩዲ ኢዚ ዲዛሶ ሚጲጳ ጋካናስ ዩዳ፤ ኢስቲካ ናታኒያ ና ኢስማኤሌ፣ ቃሬሃ ና ዮሃናኔ፣ ናጸፊ ዴሬ ኣስ ታኒሁሚታ ና ሳራያ፣ ማኢካቲ ዴሬ ኣስ ያኢዛኔያኔ ኢስታ ኣሳታ።

24 ጎደሊያሳካ፣ «ኢንቲ ባቢሎኔ ዴሬ ሹሜታስ ባቦፍቲ፤ ኢንቲ ሃይሳ ሃ ዴሬዛን ዲቲ፤ ባቢሎኔ ካዎስ ሃጋዚቲ፤ ሂስቲኮ ኢንቲስ ሃኒዛ ሚሺ ኡባይካ ጊጋ ገደና» ጊ ሄ ቃላን ኢስታራ ጫቁቲደስ።

25 ገደ ኣቲን ላፑንፋ ኣጊናን ካዎ ዜሬል ገዲዳ ኤልሻማስ ናዛ ና ናታኒያ ና ኢስማኤሌይ ባናራ ታሙ ኣሳታ ኤኪ ዩዲ ጎደሊያሳ፣ ኢዛራ ሚጲጳን ኢሲፊ ዲዛ ዩሁዳ ኣሳታኔ ባቢሎኔ ዴሬ ኣሳታ ዎጲደስ።

26 ባቢሎኔ ኣሳስ ባቢዳ ጊሻስ ጋሼይ፣ ጊታይ ኣቶንታ ኡባይካ ኦላ ጋዳዎታራ ቤቲ ጊብጼ ቢዳ።

ቃሾፕ ኢዮኣኪኔ ቢርሼቲል
(ኤር 52:31-34)

27 ዩሁዳ ካዎ ኢዮኣኪኔይ ዲኤቲዳ ሄቩ ታማኔ ላፑንፋ ላይላን ታማኔ ናምኣንፋ ኣጊናን ናምኤ ታማኔ ላፑንፋ ጋሳስ ዮራ-ማርዴቄይ ባቢሎኔን ካዎቲዳ ላይል ኢዮኣኪኔ ቃሾፕ ቢርሼ ዩዲደስ።

28 ሎኦ ቃላን ኢዛ ሃሳይሲደስ፤ ካሴ ኢዛራ ኢሲፊ ባቢሎኔን ዲዛ ካዎታፕ ቦላራ ኢዛስ ቦንቾ ሶሆ ኢሚደስ።

29 ኢዮኣኪኔይካ ቃሾ ኬልን ዲሼ ማይኢዛ ማይኦ ቃሪ ዩጊደስ፤ ሃይቃና ጋካናስ ኡባ ዎዴ ካዎዛ ማዳፊ ሚሼ ጋምኢደስ።

30 ካዎዚ ኢዮኣኪኔስ ኢዚ ሃይቃና ጋካናስ ሃቺስ ሃቺስ ገዲዛ ቃላባ ኢዛስ ኢሚደስ።

1ታሪክ ማጻፋ ጊደ ቆፋ

ከይሮ ታሪክ ማጻፋይ ሳሚላ ማጻፋኒኔ ካዎታ ማጻፋታን ዲዛ ታሪክታ ሃራ እጌራ ዛሪ ዮቴሰ፤ ታሪክ ማጻፋቲ ኢሰራኤል ካዎታ ታሪክ ገሻሰ አይፌ ጊደዳ ርምኡ ቆፋታ ዮቴቴሰ።

1. ኢሰራኤል ካዎቴሳቲኔ የሁዳ ካዎቴሳቲ ሞርን ኩንዲዳ ጊደኮካ ጸሲ ባ ዳሪዛሰ ኢሚዳ ሂደታ ቃላ ኡባ ናጊደይሳ የሁዳን ዲዛ እሳ ባጋራ ኢዚ ባ ዳራሰ ቆጥዳይሲ አሶ ቦላ ፔኦይሳ ቤሳናሳ፤ ሄሲ ቱሙ ጊደዳይሳ ኤሪሳናሰ ሃ ማጻፋ ጸፊዳ ዳዊቲኔ ሶሎሞንይ ኦሊዳ ጊታ ኦሶታ፤ ኢዮሳፊዳይ ሂዘቆያሲኔ ኢዮሲያሲ ኦሊዳ ኦራዲሶ ኦሶታኔ ጸሳሰ ኢሰታ ኣማኔቴላ ሚኒዳ ዳራ ሎኤላ ቤሴሰ (1-12)።
2. ዩሩሳላሚን ዲዛ ጸሳ ኩላን ጸሳሰ ጎይኖይ ዋኒ ደሜቲዳኮ ቆንጨሳናሳ፤ ቃሴ ሄ ዎዳ ጎይኖ ዎጋ ካሌላዛይቲ ቁሴታ ጊደዳ ገሻሰ ኢሰቲ ካሌላዛ ኦሶ ኩላይ ዋኒዲ ደሜቲዳኮ ቆንጨሳናሳ፤ ጸሳ ኩላ ኩዲዳይ ሶሎሞኔ ጊደኮካ ከይሮ ጸሳ ኩላን ጎይኖ ዎጋ ኤሲዳይ ዳዊቲ ጊደይሳ ኤሪሳናሳ። (13-29)

ሃ ማጻፋይ ኦይኪዳ ኩሚሳ ቆፋ

- አዳሚ ዛሪፔ ቢዲ ካዎ ሳኦሌ ጋካናሰ 1:1—9:44
 ሳኦሌ ሃይቆኔ ኢዛ ናይታ ሃይቆ 10:1-14
 ዳዊቲ ካዎቲዲ ዩሩሳላሚ ኦይላ 11:1-9
 ዳዊቲ ዎታዳራ ሚኖታ 11:10—12:40
 ታሶታ ዩሩሳላሚ ኤፎ 13:1—16:43
 ጸሳ ኩላ ኩዳናይ ሶሎሞኔ 17:1-27
 ዳዊቲ ዎታዳራታ ጸኖ 18:1—20:8
 ዳዊቲ ዳራ ቆዲን ጋኪዳ ሃንቆ 21:1-30
 ጸሳ ኩላ ኩዳናሰ ጊቴላ 22:1—28:21
 ጸሳ ኩላ ኩዳናሰ ኢሚቲዳ ኢሞታ 29:1-20
 ሶሎሞኔ ካዎቴላ 29:21-25
 ዳዊቲ ሃይቆ 29:26-30

አዳሚፔ ቢዲ አብራሃሚ ጋካናሰ ዲዛ ዩሌታ (ሜጴ 5:1-32፤ 10:1-32፤ 11:10-26)

- 1 አዳሚይ ሴቴ ዩሊዳሰ፤ ሴቴይ ሄኖሴ ዩሊዳሰ፤ ሄኖሴይ ቃይናኔ ዩሊዳሰ።
- 2 ቃይናኔይ ማላልኤሌ ዩሊዳሰ፤ ማላልኤሌይ ያሬዳ ዩሊዳሰ።
- 3 ያሬዳይ ሄኖኬ ዩሊዳሰ፤ ሄኖኬይ ማቱሳላ ዩሊዳሰ፤ ማቱሳላይ ሳሚኬ ዩሊዳሰ።
- 4 ሳሚኬይ ኖሄ ዩሊዳሰ፤ ኖሄይ ሴሜ፣ ካሜኔ ያፌቲ ዩሊዳሰ።
- 5 ያፌቲይ፣ ጎሚሬ፣ ማጎጌ፣ ማዳዬ፣ ያዎኔ፣ ቱባሌ፣ ማሼኬኔ ቲራሴ ጌቲቲዛ ኣቱማ ናይታ ዩሊዳሰ።
- 6 ጎሚሬ ናይቲ ኣሽኬናዜ፣ ኤሬፋሲቴኔ ቶጋርማ።
- 7 ያዎኔ ናይቲ ኤሊሼ፣ ታርሴሴ፣ ኪቲሚኔ ኦርዳሂሚ።
- 8 ካሚ ኣቱማ ናይቲ ኩሼ፣ ሚዲራይሚ፣ ፑጾኔ ካና።
- 9 ኩሼ ናይቲ ሴባ፣ ሃዋላ፣ ሳባ፣ ኤራኢሚኔ ሳቢቲካ፤ ኤራኢሚ ኣቱማ ናይቲ ሳባኔ ዳዳኔ።

- 10 ኩሼይ ናሙሩዳ ዩሊዳሰ፤ ናሙሩዳይካ አላሚ ቦላ ኤሬቲዳ ዎልቃማ ኦላንቻ ጊደዳሰ።
- 11 ሚዲራይሚይ ሉዲሚታ፣ አናሚታ፣ ላሃቤታ፣ ናፍቱሄታ።
- 12 ጳዲሮሴታ፣ ካሲሉሄታኔ ፊሊሰጾሚ ዛሬታ ዩሊዳ ካፍቶሬታ ዩሊዳሰ።
- 13 ካናኔይ ባይራ ና ሲዶናሲኔ ኢዛ ካሎ ሂቴሰ አዋ፤
- 14 ቃሴካ ካናኔይ ያቡሴታሰ፣ ኣሞሬታሰ፣ ጌርጌሴታሰ።
- 15 ሂዋታሰ፣ አርቄታሰ፣ ሲኔታሰ።
- 16 አርዋዳታሰ፣ ጸሚሬታሰ፣ ሃማቲታሰ አዋ።
- 17 ሴሜ ናይቲ፣ ኤላሚ፣ አሶሬ፣ አርፋኪሲዳ፣ ሉዳ፣ አራሚ፣ ኡዳ፣ ሁሌ፣ ጌቲሬኔ ሚሼኬ፤
- 18 አርፋኪሲዳይ ሼላሄ ዩሊዳሰ፤ ሼላሄይ ኤቦሬ ዩሊዳሰ፤
- 19 ኤቦሬይ ናሞኡ ኣቱማ ናይታ ዩሊዳሰ፤ ኢሶይ ዩሌቲዳ ዎዳ ሳኦይ ሻኬቲዳ ገሻሰ ኢዛ ሱንላ ፔሌጌ ጌቲቲዳሰ፤ ናሞኣንላዚ ዮቁጸኔ ጌቲቲዳሰ።
- 20 ዮቁጸኔይ አልሞዳዳ፣ ሼሌፊ፣ ሃዳርማዊቲ፣ ዩራሄ
- 21 ሃዳራሚ፣ ኡዛሌ፣ ዲቁሌ
- 22 ኤባሌ፣ አቢማኤሌ፣ ሳባ፣
- 23 ኦሬሬ፣ ሃዋላኔ ዮባቤ ዩሊዳሰ፤ ሃይቲ ወሪካ ዮቁጸኔ ናይታ።
- 24 ሴሚፔ ቢዲ አብራሃሚ ጋካናሰ ዲዛ ዩሌታ ዛርኬይ ሃይሳፊ ካሊ ዲዛይታ ኦይኬሰ፤ ኢሰቲካ ሴሚ፣ አርፋኪሲዳ፣ ሼላሄ፣
- 25 ኤቦሬ፣ ፔሌጌ፣ ኤራኤ፣
- 26 ሳሩጌ፣ ናኮሬ፣ ታራኔ
- 27 ጉዩፔ አብራሃሚ ጌቲቲዳ አብራሚ።

አብራሃሚ ሶ አሳታ (ሜጴ 25:12-16)

- 28 አብራሃሚይ ዩሳቃኔ ኢሰማኤሌ ዩሊዳሰ።
- አጋራ አብራሃሚሰ ዩሊዳ ናይታ
 29-30 አብራሃሚይ አጋሪፔ ኢሰማኤሌ ዩሊዳሰ፤ ኢሰማኤሌይ ዩሊዳ ባይራ ናዛ ሱንላ ኔባዮቴ ጊደሽን ኢዛ ካሎቲ ቁዳሬ፣ አዲቢኤሌ፣ ሚቢሳሚ፣ ሚሽማኤ፣ ዲማ፣ ማሳ፣ ሃዳዳ፣ ቲማ፣
 31 ዩዱራ፣ ናፊሻኔኔ ቁዲማ ጌቲቲቴሰ።

ኬዱራይ አብራሃሚሰ ዩሊዳ ናይታ

- 32 ኬዱራይ አብራሃሚሰ ዩሊዳ ኡሱፑን ኣቱማ ናይቲ ዚሚራኔ፣ ዮቁሻኔ፣ ማዳ፣ ሚዲያኔ፣ ዩሽባቄኔ ሹሃ ጌቲቲቴሰ። ዮቁሻኔይ ሳባኔ ዳዳኔ ጌቲቲዛ ናሞኡ ኣቱማ ናይታ ዩሊዳሰ።
- 33 ሚዲያኔይካ ኤፋ፣ ኤፊሬ፣ ሄኖኬ፣ አቢዳኤኔ ኤልዳኤ ጌቲቲዛ ኢቻሹ ኣቱማ ናይታ ዩሊዳሰ፤ ሃይቲ ኡባይ ኬዱራ ዜሬላታ።

አብራሃሚይ ሳራፔ ዩሊዳ ዛሬታ (ሜጴ 36:1-19)

- 34 አብራሃሚይ ሳራፔ ዩሳቃ ዩሊዳሰ፤ ዩሳቄ ኤሳቄኔ ኢሰራኤሌ ዩሊዳሰ።
- 35 ኤሳቄይ ኤልፋዜ፣ ኤራኡኤሌ፣ ያኡሼ፣ ያኢላሚኔ ቆሬ ዩሊዳሰ።
- 36 ኤልፋዜይ ቲማኔ፣ ኦማሬ፣ ጸፊ፣ ጋኢታሚ፣ ቄናዜ፣ ቲሚናኤኔ ኣማሌቄ ጌቲቲዛ ኣቱማ ናይታ ዩሊዳሰ።

37 ኤራኤሌይ ናሃቱ፣ ዛራሄ፣ ሻማሃኔ ሚዛሃ ጌቲቲዛ አቱማ ናይታ ዩሊዳስ።

ኤዶሜን ኮይሮ ዳኢዳ አሳታ (ሚጳ 36:20-30)

38 ኤዶሜን ኮይሮ ዳኢዳ ሴይሬ አቱማ ናይቲ ሎጻ፣ ሾባሌ፣ ጸባኦኔ፣ ኣና፣ ዲሾ፣ ኤጾሬኔ ዲሻኔ።

39 ሎጻኔ አቱማ ናይቲ ሆሬኔ ሆማሜ፤ ቲሚናኣ ሎጻኔስ ሚሾ።

40 ሾባሌ አቱማ ናይቲ ኣለዋ፣ ማናሃቱ፣ ኤባሌ፣ ሸፌኔ ኣናሜ።

41 ጸባኦኔ አቱማ ናይቲ ኣያኔ ኣና።

42 ኣናይ ዲሾኔ ዩሊዳስ፤ ዲሾኔ አቱማ ናይቲ ሃምዳ፣ ኤሽባኔ፣ ዩቲራኔኔ ካራኔ።

43 ኤጾሬ አቱማ ናይቲ ቢሊሃኔ፣ ዛሊዋኔኔ ያቂኔ። ዲሻኔ አቱማ ናይቲ ኡጾኔ ኣራኔ።

ኤዶሜ ዳሬ ካዎታ (ሚጳ 36:31-43)

43 ኢስራኤሊን ኣይ ካዎይካ ካዎታናፕ ካሴ ኤዶሜ ቢታን ካዎቲዳ ካዎቲ ሃይሳፌ ካሊ ጸፊቲዳይታ።

44 ቢኦሪ ና ቤላይ ካዎቲዳስ፤ ኢዛ ካታማ ሱንሳይ ዲናቤ።

45 ቤላይ ሃይቂን ኢዛፕ ካሊዲ ቦጺራ ዳሬ ኣስ ዛራሄ ና ዮባቤይ ካዎቲዳስ።

46 ዮባቤይ ሃይቂን ኢዛፕ ካሊዲ ቲማኔ ዳሬ ኣስ ሁሻሚይ ካዎቲዳስ።

47 ሁሻሚይ ሃይቂን ኢዛፕ ካሊዲ ሞኣቤ ዳሬን ሚዲያሚታ ጸኒዳ ባዳዳ ና ሃዳዳይ ካዎቲዳስ፤ ኢዛ ካታማ ኣዋቲ ጌቲታዉስ።

48 ሃዳዳይ ሃይቂን ኢዛፕ ካሊዲ ማሲሬቄ ዳሬ ኣስ ሻኡሌይ ካዎቲዳስ።

49 ሻኡሌይ ሃይቂን ኢዛፕ ካሊዲ ኤፊራጺሴ ሻፋ ማታን ዲዛ ኤራሆቦቲ ዳሬ ኣስ ሳኦሊ ካዎቲዳስ።

50 ሳኦሊ ሃይቂን ኢዛፕ ካሊዲ ኣኪቦሬ ና ባኣሊ-ሃናኔይ ካዎቲዳስ።

51 ባኣሊ-ሃናኔይ ሃይቂን ኢዛፕ ካሊዲ ፓኡ ዳሬ ኣስ ሃዳዳይ ካዎቲዳስ፤ ኢዛ ማቼያካ ማሄጸቢኤላ ሚዛሃቤ ና ማጺሬዳ ቢዮ፤ ሃሳፌ ጉዬ ሃዳዳይ ሃይቂዳስ።

52 ኤዶሜን ኬሃ ኤሬቲዛ ሃላቃቲ ቲሚናኤ፣ ኣለዋ፣ ዩቲቲ፣

53 ኣሆሊባሚ፣ ኤላ፣ ፒኖኔ፣

54 ቄናዜ፣ ቲማኔ፣ ሚቢዛሬ፣

55 ማጊዲኤሌኔ ኢራሚ ጌቲቲቲስ።

2

ያቆቤ ናይታ

1 ያቆቤይ 12 አቱማ ናይታ ዩሊዳስ፤ ሄይቲካ ኦርቤሌ፣ ሲሞና፣ ሎቄ፣ ዩሁዳ፣ ዩሳኮሬ፣ ዛቢሎኔ፣

2 ዳኔ፣ ዮሴፌ፣ ቢኒያሚ፣ ኒፍታሌሚ፣ ጋዴኔ ኣሴሬ።

ዩሁዳ ናይታ

3 ዩሁዳይ ካናኔ ዳሬ ኣስ ሹኣ ቢይፕ ኤራ፣ ኦናኔኔ ሴላ ጌቲቲዛ ሄሹ አቱማ ናይታ ዩሊዳስ፤ ኢዛስ ባይራ ናዚ ኤራይ ጎዳ ሲንሳን ኢታ ኣስ ጊዲዳ ገሻስ ጎዳይ ኢዛ ቦሻን ዎጲዳስ።

4 ዩሁዳይካ ባ ናዛ ማሾ ቲአማሬፕ ፓሬሴኔ ዛራሄ ጌቲቲዛ ናሞኡ አቱማ ናይታ ዩሊዳስ፤ ዩሁዳይ ኢቻሽ አቱማ ናይታ ዩሊዳስ።

ፓራሴ አቱማ ናይታ

5 ፓራሴይካ ሄጺሮሜኔ ሃሙሌ ጌቲቲዛ ናሞኡ አቱማ ናይታ ዩሊዳስ።

ዛራሄ ናይታ

6 ዛራሄይ ኢቻሹ አቱማ ናይታ ዩሊዳስ፤ ሄይቲካ ዘሚሬ፣ ኤታኔ ሄማኔ፣ ካልኮሌኔ ዳራ።

7 ዛራሄ ዜሬላፌ ጊዲዳ ካርሚ ና ኣካኔይ ጸሳስ ዲማቲዳ ዲኦ ሚሻፌ ካይሶቲዲ ቆቲዳ ገሻስ ኢስራኤሌ ዳራ ቦላ ሚቶ ኤሂዳስ።

8 ኤታኔይካ ኣዛሪያ ጌቲቲዛ ኢሲ አቱማ ና ዩሊዳስ።

9 ሄጺሮሜይ ሄሹ አቱማ ናይታ ዩሊዳስ፤ ሄይቲካ ዩራሂሞኤሌ፣ ኣራሜኔ ካሉቤ።

ካዎ ዳዋቲ ዩሌታ ዛርኬ

10 ኣራሚይ ኣሚናዳቤ ዩሊዳስ፤ ኣሚናዳቤይ ዩሁዳ ናይታስ ሃላቃ ጊዲዳ ኔኣሶኔ ዩሊዳስ።

11 ኔኣሶኔይ ሳላሞ ዩሊዳስ፤ ሳላሞይካ ቦኤዜ ዩሊዳስ።

12 ቦኤዜይ ኢዮቤዳ ዩሊዳስ፤ ኢዮቤዳይካ ኢሴዬ ዩሊዳስ።

ኢሴዬ አቱማ ናይታ

13 ኢሴዬ ባይራ ናዚ ኤልያቤ፤ ኤልያቤ ካሎቲ ኣቢናዳቤ፣ ሸሞኣ፣

14 ናቲናኤሌ፣ ኤራዳ፣

15 ጸጺሜኔ ዳዋቲ።

16 ኢስታ ሚቹቲ ጸራያኔ ኣቢጋሎ ጌቲቲቲስ፤ ጸራያይ ኣቢሳዬ፣ ኢዮኣቤኔ ኣሳሂሌ ጌቲቲዛ ሄሹ አቱማ ናይታ ዩሊዳስ።

17 ኣቢጋላ ኢስማኤሌ ዜሬላፌ ጊዲዳ ዮቶሬስ ኣማሳ ጌቲቲዛ አቱማ ና ዩሊዳስ።

ሄጺሮሚ ና ካሌቤ ዜሬላታ

18 ሄጺሮሚ ና ካሌቤይ ኣዙቦ ጌቲቲዛር ማሾ ኤኪዲ ዩርኣቶ ጌቲቲዛ ማጫ ና ዩሊዳስ፤ ዩርኣታካ ዩሹሬ፣ ሾባቤኔ ኣርዳኔ ጌቲቲዛ ሄሹ አቱማ ናይታ ዩሊዳስ።

19 ኣዙባ ሃይቂዳፕ ጉዬ ካሌቤይ ኤፍራቶ ማሾ ኤኪዲ ሁራ ጌቲቲዛ አቱማ ና ዩሊዳስ።

20 ሁራይካ ኡራ ጌቲቲዛ አቱማ ና ዩሊዳስ፤ ኡራይ ባሰሊኤሌ ዩሊዳስ።

21 ሄጺሮሚይ ኢዛስ 60 ላይላ ኩሚሽን ጋላኣዳ ኣዎ ማኪሬ ናዮ ማሾ ኤኪዲ ሳጉቤ ዩሊዳስ።

22 ሳጉቤይካ ያኢሬ ዩሊዳስ፤ ያኢሬይ ጋላኣዳ ዳሬን ዲዛ 23 ካታማታ ኣይሴስ።

23 ጊዶ ኣቲን ጌሹሬይኔ ኣራሚይ ቄናቲኒኔ ኢዚ ሄራን ዲዛ 60 ቄሪ ካታማታኔ ያኢሬ ካታማታ ኣሊ ኦይኪዳ፤ ሄይቲ ኡባይካ ጋላኣዳ ኣዎ ማኪሬ ዜሬላታ።

24 ሄጺሮሚይ ካሌቤ ኤፍራታ ጌቲቲዛሶን ሃይቂዳፕ ጉዬ ኢዛ ማቻ ኣቢያይ ቲቄሄ ኣዎ ኣሽሁራ ኢዛስ ዩሊዳስ።

ሄጺሮሚ ና ዩራሂሞኤሌ ዜሬላታ

25 ሄደረሙስ ባይራ ናዚ ዩራሂምኤሌይ 5 አቱማ ናይታ ዩሊዳስ፤ ሄይታፕቲ ባይራዚ ኤራማ፣ ኢዛ ካሎቲ ቡና፣ ኦሪ፣ ኦጾሜኔ እካያ ጌቲቲፍ፡፡

26 ዩራሂምኤሌስ አጻር ጌቲቲዛ ሃራ ማቻ ዳዉስ፤ ኢዛ ኦናሚ አዮ፡፡

27 ዩራሂምኤሌስ ባይራ ና ኤራማይ ማጾ፣ ያሚኔኔ ኤቁሪ ጌቲቲዛ አቱማ ናይታ ዩሊዳስ፡፡

28 አናሚይ ሻማዬኔ ያዳ ጌቲቲዛ አቱማ ናይታ ዩሊዳስ፤ ሻማዬይ ናዳቤኔ አቢሹሬ ጌቲቲዛ አቱማ ናይታ ዩሊዳስ፡፡

29 አቢሹሬይካ አቢሃይሎ ጌቲቲዛር ማቻ ኤኪዲ አሂባኔኔ ሞሊዳ ዩሊዳስ፡፡

30 ናዳቤይ ሴሌዳኔ አፋይሚ ዩሊዳስ፤ ሴሌዳይ ጊዲኮ ና ዩሎንታ ሃይቁዳስ፡፡

31 አፋይሚይ ዩሊዳስ፤ ዩሊዳስ፤ ዩሊዳስ፤ ሹሻኔ ዩሊዳስ፤ ሹሻኔይ አሂላዬ ዩሊዳስ፡፡

32 ሻማዬ አሻ ያዳይ ዮቶሬኔ ዮናታኔ ዩሊዳስ፤ ዮቶሬይ ጊዲኮ ና ዩሎንታ ሃይቁዳስ፡፡

33 ዮናታኔይ ፓሌቲኔ ዛዛ ጌቲቲዛ 2 አቱማ ናይታ ዩሊዳስ፤ ሄይቲ ዉሪካ ዩራሂምኤሌ ዜሬላታ፡፡

34 ሹሻኔስ ማጫ ናይታፕ ኢቲን ሃራ አቱማ ናይ ዳና፤ ኢዛስ ኦሊዛ ጊብጾ ዳሬ እስ ያራሃ ጌቲቲዛ ኦሳንቻይ ዳስ፡፡

35 ሹሻኔይ ባ ማጫ ናዮ ያራሃስ ማቻ ጊዳና ማላ ኢሚዳስ፤ ኢዛካ ኢዛስ አታዬ ጌቲቲዛ አቱማ ና ዩሊዳስ፡፡

36 አታዬይ ናታኔ ዩሊዳስ፤ ናታኔይ ዛባዳ ዩሊዳስ፤

37 ዛባዳይ ኤፊላሌ ዩሊዳስ፤ ኤፊላሌይ ኢዮቤዳ ዩሊዳስ፤

38 ኢዮቤዳይ ኢዩ ዩሊዳስ፤ ኢዩይ አዛሪያሳ ዩሊዳስ፤

39 አዛሪያሲ ሄሌጾ ዩሊዳስ፤ ሄሌጾይ ኤልአሳ ዩሊዳስ፤

40 ኤልአሳይ ሲሰማዬ ዩሊዳስ፤ ሲሰማዬይ ሻሎሚ ዩሊዳስ፤

41 ሻሎሚይ ዩሊዳስ፤ ኤቃሚያኔ ኤልሻማ ዩሊዳስ፡፡

ሃንኮ አቲዳ ካሌቤ ዩሌታ ዛርኬታ

42 ዩራሂምኤሌ አሻ ካሌቤይ ባይራ ናዛ ሚሻ ዩሊዳስ፤ ሚሻይ ዚሬ ዩሊዳስ፤ ዚሬይ ማሬሻ ዩሊዳስ፤ ማሬሻይካ ኬብርኔ ዩሊዳስ፡፡

43 ኬብርኔይካ ቆሪ፣ ታጾሃ፣ ኤሬቁሚኔ ሹማኤ ጌቲቲዛ አቱማ ናይታ ዩሊዳስ፡፡

44 ሹማኤይካ ኤራሃሚ ዩሊዳስ፤ ኤራሃሚይ ኤሬቁሚ ዩሊዳስ፤ ኤሬቁሚይ ሻማዬ ዩሊዳስ፡፡

45 ሻማዬይ ማኦኔ ዩሊዳስ፤ ማኦኔይካ ቤቲ-ጾሬ ዩሊዳስ፡፡

46 ካሌቤስ ኤፎ ጌቲቲዛ ላጌሶ ማቻ ዳዉስ፤ ካሌቤይ ኢዚፕ ካራኔ፣ ሞዛኔ ጋዛዜ ጌቲቲዛ ሃራ 3 አቱማ ናይታ ዩሊዳስ፤ ሃራኔይካ ጋዛዜ ጌቲቲዛ ሃራ አቱማ ና ዩሊዳስ፡፡

47 ያሂዳይ ኤርጌሜ፣ ኢዮአታሜ፣ ጌሻኔ፣ ፓሌጾ፣ ኤፋኔ ሻአፊ ጌቲቲዛ አቱማ ናይታ ዩሊዳስ፡፡

48 ካሌቤስ ማኦኔ ጌቲቲዛ ላጌሶ ማቻ ዳዉስ፤ ኢዛካ ሹቤሬኔ ቲሪሃና ጌቲቲዛ አቱማ ናይታ ዩሊዳስ፡፡

49 ቃሴካ ማኦኔ ሻአፊኔ ሻዋ ዩሊዳስ፤ ሻአፊይ ማዲማና ዩሊዳስ፤ ሻዋይ ማኪባኔኔ ጊቢአ ዩሊዳስ፡፡ ካሌቤስ አኪሳ ጌቲቲዛ ማጫ ናይ ዳዉስ፡፡

50 ካሌቤይ ዩሊዳ ሃራ ናይቲ ሃይሳፊ ካሊ ዲዛይታ፤ ካሌቤይ ኤፍራቲፕ ባይራ ናዛ ኡሬ ዩሊዳስ፤ ኡሬይ ቂሪያቲ-ዩአሪሚ አዋ ሸባሌ፡፡

51 ቤቲሊሂሚ አዋ ሳላሞኔ ቤቲ-ጋዳራ አዋ ሃሬሬ ዩሊዳስ፡፡

52 ቂሪያቲ-ዩአሪሚ አዋ ሸባሌ ዜሬላቲ፣ ሄርሄቲኔ ማናሃቲ ቆሞታፕ ባጋታ፡፡

53 ቃሴካ ቂሪያቲ-ዩአሪሚ ዛርኬቲ ያቲሬታ፣ ፑቲታ፣ ሹማቲታ፣ ሚሹራታ፣ ጸራአታኔ ኤሸታኦሌታ፡፡

ሳልማ ዜሬላታ

54 ሳላሞ ናይቲ ቤቲሊሂሚ፣ ናጾፊታ፣ አጺርታ፣ ቤት ኢዮአቤ፣ ማናሃቲታፕ ባጋታኔ ሃጾሬታ፡፡

55 ያቤጾ ካታማን ዲዛ ጸፊዛይታ ዛሬቲ ቃሴ ቲርአታ፣ ሸሞአታኔ ሱኮቲ፤ ሃይቲ ኤሬካቤታ አዋ ሃማቲፕ ዩሌቲዳ ቁናዊታ፡፡

3

ካዋ ዳዊቲ ናይታ ዛርኬ

1 ዳዊቲ ኬብርኔን ዲሹ ዩሊዳ አቱማ ናይታ ሱንላ ሃይሳፊ ካሊ ዲዛይታ፤

- ባይራ ና አሚኖኔ
- ኢዘራኤሌ ዳሬ ማጫስ
- አሂናሆሞፕ ዩሊዳስ፤
- ኢዛ ካሎ ዳኔላ
- ቃርሚሎሴ ዳሬ ማጫስ
- አቢጋሊፕ ዩሊዳስ፡፡

2 ሄቫንሶዛ አቤቤሎሚ ጌሹሬ ካዋ ታላማዬ ና ማኢኪፕ ዩሊዳስ፡፡ ኦይዳንሶዛ አዲያሳ ሃጊቲፕ ዩሊዳስ፡፡

3 ኢቻሻንሶዛ ሻፋጺያ አቢጸሊፕ ዩሊዳስ ኡሱፑንሶዛ ዩቲራሚ ኤግሊፕ ዩሊዳስ፡፡

4 ሃይቲ ኡሱፑናቲ ዳዊቲ ኬብርኔን ላፑን ላይሊኔ ባጋ ዳራ አይሲዛ ዋዳ ዩሌቲዳ፤ ዳዊቲ ዩራሳላሚን 33 ላይሶ ካዋቲዳስ፡፡

5 ኢዚ ሄን ዲሹ ዩሊዳ አቱማ ናይቲ ሃይሳፊ ካሊ ዲዛይታ፤ አምኤሌ ና ቤርሳቤሃ ሸሞአ፣ ሸባቤ፣ ናታኔኔ ሶሎሞኔ ጌቲቲዛ ኦይዳ አቱማ ናይታ ኢዛስ ዩሊዳስ፡፡

6 ቃሴ ሃራ ኡዲፋን አቱማ ናይቲ ኢዛስ ዳቲስ፤ ሃይቲካ ኢያቤሄሬ፣ ኤልሱኤ፣ ኤልፋሌጾ
7 ናጋሂ፣ ኔሬጌ፣ ናፊያ፣
8 ኤልሻማ፣ ኤልአዳኔ ኤልፋሌጾ ጌቲቲዛይታ፡፡
9 ሃይታፕካ ሃራ ዳዊቲ ጋራዳታፕ ዩሊዳ አቱማ ናይቲ ዳቲስ፤ ኢስታሰካ ቲአማር ጌቲቲዛ ሚቻ ዳዉስ፡፡

ካዋ ሶሎሞኔ ናይታ ዛርኬ

10 ካዋ ሶሎሞኔይ ኤርቢአሚ ዩሊዳስ፤ ኤርቢአሚይ አቢያ ዩሊዳስ፤

አቢያይ አሳ ዩሊዳስ፤
 አሳይ ኢዮሳፊዶ ዩሊዳስ፤
 11 ኢዮሳፊዶይ ኢዮራሜ ዩሊዳስ፤
 ኢዮራሜይ አካዚያሳ ዩሊዳስ፤
 አካዚያሳ ኢዮአሳ ዩሊዳስ፤
 12 ኢዮአሳ ኢማሲያሴ ዩሊዳስ፤
 ኢማሲያሴ አዛሪያሴ ዩሊዳስ፤
 አዛሪያሴ ኢዮአታሜ ዩሊዳስ፤
 13 ኢዮአታሜይ አካዜ ዩሊዳስ፤
 አካዜይ ሂዘቂያሳ ዩሊዳስ፤
 ሂዘቂያሴ ሚናሴ ዩሊዳስ፤
 14 ሚናሴይ አሞኔ ዩሊዳስ፤
 አሞኔይ ኢዮሲያሳ ዩሊዳስ፤
 15 ኢዮሲያሳ ኦይዱ
 አቱማ ናይታ ዩሊዳስ፤
 ባይራዚ ዮሃና፤
 ኢዛ ካሎቲ ኢዮአቁሜ፤
 ሴዳቂያሳኔ ሻሎሜ፤
 16 ኢዮአቁሜይ ኢኮኒያኔ
 ሴዳቂያሳ ዩሊዳስ።

ካዎ ኢኮኒያኔ ናይታ ዛርኬ

17 ባቢሎን ዲኤቲ ቢዳ ኢኮኒያኔ ናይቲ ሳላቲያሌ፤
 18 ማሊክራሜ፣ ፓዳያ፣ ሸናጻራ፣ ዪቃሚያ፣ ሆሻሚን
 ናዳቢያ ጌቲቲዛይታ።
 19 ፓዳያይ ዜሩባቤሌን ሸምኤ ዩሊዳስ፤
 ዜሩባቤሌይካ ማሹላሜ፣ ሃናኒያኔ ኢስታ ሚቾ
 ሻሎሚቶ ዩሊዳስ።
 20 ቃሴካ ሃራ ኢቻሽ አቱማ ናይቲ ኢዛስ ዳቲስ፤
 ሄይቲካ ሃሹቤ፣ ኦሄሌ፣ ባራካዬ፣ ሃሳዲያኔ
 ዮሻቢ-ሄሲዳ።
 21 ሃናኒያይ ፓላጺያኔ ዩሻኢያ ጌቲቲዛ ናምኤ
 አቱማ ናይታ ዩሊዳስ፤ ዩሻኢያይካ ኤራፋያ ዩሊዳስ፤
 ኤራፋያይ ኦርናኔ ዩሊዳስ፤ ኦርናኔይ ኦብዲዩ
 ዩሊዳስ፤ ኦብዲዩይ ሻካኒያ ዩሊዳስ።
 22 ሻካኒያይካ ሻማኤ ዩሊዳስ፤ ሻማኤይ ሃጺሹ፤
 ዩጊኦሌ፣ ባርያሄ፣ ናራያኔ ሳፋጾ ጌቲቲዛይታ 5 አቱማ
 ናይታ ዩሊዳስ፤ ሻካኒያ ዜራላቲ ኩሜሊ ኡሱፑና።
 23 ናራያይ ኤልዮኤናዬ፣ ሂዘቂያሳኔ አዚርቃሜ
 ጌቲቲዛ 3 አቱማ ናይታ ዩሊዳስ።
 24 ኤልዮኤናዬይ ሆዳዬ፣ ኤልያሹቤ፣ ፕላያ፣ አቁቤ፣
 ዮሃና፣ ዳላያኔ አናኔ ጌቲቲዛ 7 አቱማ ናይታ
 ዩሊዳስ።

4

ዩሁዳ ዩሊታ ዛርኬ

1 ዩሁዳ ዜራላቲ ፓሪሴ፣ ሄጺሮሜ፣ ካርሜ፣ ሁሬኔ
 ሸባሌ።
 2 ሸባሌይ ኤራኦዬ ዩሊዳስ፤ ኤራኦዬይካ ያሃቲ
 ዩሊዳስ፤ ያሃቲይካ ጸራኦታስ ኮይር አዋ ጊዲዳይታ
 አሁማዬኔ ላሃዴ ዩሊዳስ።
 3-4 ሁሬይ ባ አዮ ኤፍራታስ ባይራ ና፤ ሁሬይ
 ቤቲሊሃሜ ዩሊዳስ፤ ኤጻሜ አቱማ ናይቲ ኢዘራኤሌ፤
 ዩሸማኔ ዩዲባሽ፤ ኢስታስ ሚቻ ሃጺሌሊፖኖ
 ጌቲታዉስ፤ ፓኤኤሌይ ገዶሬ ዩሊዳስ። ኤዜራይ ሁሽ
 ዩሊዳስ፤ ሃይቲ ሁሬ ዛሬታ።
 5 ቲቀሄ አዋ አሺሁሬስ ሄሎኔ ናኢር ጌቲቲዛ ናምኤ
 ማቼቲ ዳቲስ።

6 አሺሁሬይ ናኢር ጌቲቲዛ ባ ማቼይሬ አሁዛሜ፤
 ሄሬሬ፣ ቲሜናኔ አሃሺታሬ ጌቲቲዛ አቱማ ናይታ
 ዩሊዳስ።
 7 ቃሴካ ሄሊፔ ጾሬቲ፣ ጸሃሬ፣ ኤቲናኔ ቆጶ
 ዩሊዳስ።
 8 ሃቆጶይ አኑቤ፣ ጸባቤኔ ሃሩሜ ና አሃርሄሌ
 ዜራላታስ አዋ።
 9 ያቤጶይ ባ አሻታ ጊዶን ኬሂ ቦንቼቲዳ አስ
 ጊዲዳስ፤ ኢዛ አያ፣ «ታኒ ኢታ ሚጻን ዩሊዳይሳ»
 ጋሼ ኢዛ፣ «ያቤጶ» ጋ ሱንሳዲስ።
 10 ያቤጶይካ፣ «አቤት ጎዳዉ! ኔ ታና አንጃ፤ ኔ ታ
 ዳራ አሳ፤ ኔ ኩሼይ ታናራ ዳኦ፤ ታና ሜቶፔኔ ቆሆፔ
 አሻ» ጊዲ ኢስራኤሌ ጸሳ ዋሲዳስ፤ ጸሲካ ኢዚ
 ዋሲዳይሳ ኢዛስ አሚዳስ።

ሃራ አሳታ ዩሊታ ዛርኬ

11 ሹሃሃ ኢሻ ካሉቤይ ማሂሬ ዩሊዳስ፤ ማሂሬይ
 ኤሽቶኔ ዩሊዳስ።
 12 ኤሽቶኔይ ቤቲ-ራፋ፣ ፋሳሄኔ ኢር-ናሃሼ አዋ
 ታሂና ጌቲቲዛ አቱማ ናይታ ዩሊዳስ፤ ታሂናይ ናኢሽ
 ጌቲቲዛ ካታማ ኤሲዳስ፤ ሄይታ ዜራላቲ ካሴ አራካ
 ጌቲቲዛ ዳሬን ዳቲስ።
 13 ቃናዜይ ኦቲንኤሌኔ ሳራያ ጌቲቲዛ ናምኤ አቱማ
 ናይታ ዩሊዳስ፤ ኦቲንኤሌይካ ሃታቲኔ ማኦኖታዬ
 ጌቲቲዛ ናምኤ አቱማ ናይታ ዩሊዳስ።
 14 ማኦኖታዬይ ኦፊራ ዩሊዳስ።
 ሳራያይካ ኩሼ ሂላንቻቲ ዲዛ ጌሃሪሽዋ ጌቲቲዛ
 ካታማዮ ኤሲዳ ኢዮኦቤ ዩሊዳስ።
 15 ዮፊኔ ና ካሉቤይ ኢር፣ ኤላኔ ናኤማ ጌቲቲዛ
 አቱማ ናይታ ዩሊዳስ፤ ኤላይ ቄናዜ ዩሊዳስ።
 16 ዩሃሌልኤሌይ ዜፊ፣ ዜፋ፣ ቲሪያኔ አሳርኤሌ
 ጌቲቲዛ አቱማ ናይታ ዩሊዳስ።
 17 ኤዚራይ ዮቶሬ፣ ሜሬዳ፣ ኤፊሬኔ ያሎኔ
 ዩሊዳስ፤ ሜሬዳይ ጊብጾ ካዋ ናዮ ቢትዮ ማቾ
 ኤኪዲ ማራሞ ጌቲቲዛ ማጫ ናዮ፣ ሻማዬኔ
 ኤሽታሞኦ አዋ ዩሺባ ዩሊዳስ።
 18 ሜሬዳይ ጋዶሬ አዋ ያራዳ፣ ሶኮ አዋ ሄቤሬ፣
 ዛናሄ አዋ ዩቁቲኤሌ ኦይሁዳ ዳሬ ማጫሳይሬ
 ዩሊዳስ፤ ሄይቲካ ጊብጾ ካዋ ናዮ ቢትያ ሜሬዳስ
 ዩሊዳ ዛሬታ።
 19 ሆዲያይ ናሃሞ ሚቻ ኤኪዳስ፤ ኢዛ ጋሪሚቲ
 ዳሬ አስ ቂኢላ አዋኔ ማኢካቲ ዳሬ አስ ኤሽታሞኦ
 አዋ ዩላዲስ።
 20 ሺሞኒ አሚና፣ ኤራኔ፣ ቤኒ-ሃናኔኔ ቲሎኔ
 ዩሊዳስ፤
 ዩሺኤይ ዞሃቲኔ ቤኒ-ዞሃቲ ዩሊዳስ።

ሴላ ናይታ ዛርኬ

21 ዩሁዳ ና ሴላ ዛሬቲ ሌካ አዋ ኤራ፣ ማሬሻ አዋ
 ላዳኔ ቤቲ-አሺቤኦኦ ካታማን ዳኢዛ ላይኖ ዳዲዛይታ
 ቆሞታስ አዋ።
 22 ሃራቲ ቃሴ ዮቁሜ፣ ኢዮአሳ፣ ያሹቢሊሃሜ፣
 ሞአቤ ቢታ ሃሪዳ ሳራፋኔ ኩዜቤ ካታማ አሳታ፤ (ሃ
 ዩሊታታ ታሪኬ ማዘጋባይ ቤኒሶሬ ዳስ።)
 23 ኢስቲ ካዋ ኩሳ ኦሶስ ኡርቃ ሜጺዛይታ ጊዲዲ
 ካሴ ናጻሜኔ ጋዳሬ ጌቲቲዛ ካታማታን ዳኢዳ።

ሲሞና ናይታ ዛርኬ

24 ሲሞኒ ናሙኤል፥ ያሚኔ፥ ያሪቤ፥ ዛራሄኔ ሻኡሌ ዩሊዳስ።

25 ሻኡሌይካ ሻሎሚ ዩሊዳስ፤ ሻሎሚይ ሚቢሳሚ ዩሊዳስ፤ ሚቢሳሚይ ሚሺማኤ ዩሊዳስ።

26 ሚሺማኤይ ሃሙኤሌ ዩሊዳስ፤ ሃሙኤሌይ ዛኩራ ዩሊዳስ፤ ዛኩራይ ሺምኤ ዩሊዳስ፤

27 ሺምኤይ ታማኔ ኡሱፑን ኣቱማ ናይታኔ ኡሱፑን ማጫ ናይታ ዩሊዳስ፤ ኢዛ አሻቲ ጊዲኮ ዳር ናይታ ዩሊዳስ፤ ሄሳ ጊሻሰ ሲሞና ዛርኬቲ ዩሁዳ ዛርኬታ ማላ ዳሪቤቲና።

28 ሲሞና ዛሬቲ ቤርሳቤሄ ካታማኒኔ ሞላዳ፥ ሃጻራ-ሹኣሌ፥

29 ቢሊሃ፥ ኤጾሜ፥ ቶላዳ፥

30 ባቱኤሌ፥ ሆርማ፥ ጸጊላጌ፥

31 ቤቲ-ማርካቦቲ፥ ሃጻራ-ሱሲሜ፥ ቤቲ-ባሬኔ ሻኢራይሜ ካታማታን ዳኢዳ፤ ዳዊቲ ካዎታና ጋካናስ ሄይቲ ኢስታ ካታማታ ጊዲዳ።

32 ቃሴ ኢስታ ሞላቲ ኤጾሜ፥ ኣዩኔ፥ ኣርሞኔ፥ ቶኬኔኔ ኣሻኔ፤ ኢስቲ ሙሎራ ኢቻሽ ካታማታ።

33 ባኣላ ጋካናስ ሃ ካታማታ ዩሻን ዲዛ ሞላቲ ኡባይ ኢስታ ቦላ ጉጃቲቲስ፤ ሄይቲ ኢስቲ ዳኢዳሶሆታኔ ኢስታ ዩሌታታ ማራን ማዘጋባን ጸፊ ኦይኪዳ።

34 ሲሞና ዛሬታ ሃላቃቲ ሃይሳፊ ካሊ ጸፊቲዳይታ፤ ኢስቲካ ማሸባቤ፥ ያሞላኬ፥ ኣማሲያሴ ና ዮሻ፥

35 ኢዩኤሌ፥ ዮሺቢያ ና ኢዩ፥ (ሳራያ ና ዮሺቢያ፥ ኣሳኤሌ ና ሳራያ፥)

36 ኤልዮኤናዬ፥ ያኮቤ፥ ሾሃያ፥ ኣሳያ፥ ኣዲኤሌ፥ ያሸሞኤሌ፥ ባናያኔ ዚዛ።

37 ዚዛይ ሸፍኣ ና፥ ሸፍኣይ ኣሎኔ ና፥ ኣሎኔይ ዩዳያ ና፥ ዩዳያይ ሸሚሬ ና፥ ሸሚሬይ ሻማኤ ና።

38 ሃይሳፊ ቦላን ጸፊቲዳ ኣሳቲ ባንታ ዛርኬታስ ዛርኬታስ ኮራፒኔታ፤ ኢስታሶ ኣሳታ ዜሬላ ኬሂፔ ጮራቲ ጮራቲ ቢዳስ።

39 ኢስቲ ባንታ ሜሄታስ ሄንላሶሆ ኮያናስ ጋዶሬ ጌሊዛሶ ማታን ዲዛ ሸባፊ ኣርሼይ ሞኪዛ ባጋራ ዲዛሶታ ጋካናስ ቢዳ።

40 ኢስቲ ሄን ኬሂፔ ኣራዳኔ ሎኦ ሄንላሶሆ ዳሚዳ፤ ሄ ቢታያ ዎፓይኔ ሳርይ ኩሚዳ ኣሆ ቢታ፤ ካሴ ሄን ካሜ ዜሬላቲ ዳቲስ።

41 ሃይሳፊ ቦላራ ኢስታ ሱንላይ ጸፊቲዳ ሲሞና ዛሬቲ ዩሁዳ ካዎ ሂዘቂያሳ ዎዳ ጋዶሬ ቢታ ቢዲ ሄን ዲዛ ካሜ ዜሬላታኔ ማኤኔ ኣሳታ ኦሊዲ ዳይሲዳይታ፤ ሂስቲዲ ሄ ቢታን ኢስታ ሜሄታስ ሄሚዛሶሆይ ዲዛ ጊሻሰ ሲሞና ዛሬቲ ሃኙ ጋካናስ ሄን ኡቲዳ።

42 ሲሞና ዛሬታፔ 500 ኣሳቲ ሴይሬ ዙማኮ ቢዳ፤ ኢስታ ሃላቃቲ ፓላጺያ፥ ናራያ፥ ኤራፋያኔ ኡዚኤሌ፤ ሄይታንቲ ዩሺኤ ናይታ።

43 ካሴ ባቃቲ ኣቲዳ ኣማሌቄ ኣሳታ ሲሞና ዛሬቲ ዳይሲዳ፤ ኢስቲ ሃኙ ጋካናስ ሄ ቢታን ዳቲስ።

5

ኦርቤሌ ናይታ ዛርኬ

1 ያቆቤስ ኮይሮ ባይራ ና ኦርቤሌ ዜሬላቲ ሃይሳፊ ካሊ ዲዛይታ፤ ኦርቤሌይ ባ ኣዎ ሂጻ ቱኒሲዳ ጊሻሰ ኢዛ ባይራቲላ ማታይ ዮሴፊ ዜሬላታስ ኢሜቲዳስ፤

ሄሳፊ ዳንዳይሳን ኢዛ ዜሬላቲ ባይራቲላ ማራን ጸፊቲቤቲና።

2 ባይራቲላ ማታይ ዮሴፊ ዜሬላታስ ኢሜቲኮካ ዩሁዳይ ባ ኣሻታ ጊዲን ማኖ ጊዲዳ ጊሻሰ ዳሬ ኣይሲዛይይ ኢዛ ዜሬላፊ ኬዚዳስ።

3 ያቆቤስ ባይራ ና ኦርቤሌ ኣቲማ ናይቲ ሄኖኬ፥ ፓሉ፥ ሄጺሮሜኔ ካርሜ ጌቲቲዛይታ።

4 ኢዩኤሌ ናይ ሻማኤ፥ ሻማኤ ናይ ጎጌ፥ ጎጌ ናይ ሺምኤ፥

5 ሺምኤ ናይ ሚኪያሳ፥ ሚኪያሳ ናይ ኤራኣዬ፥ ኤራኣዬ ናይ ባኣሌ፥

6 ባኣሌ ናይ ቤኤራ። ኦርቤሌ ቆሞስ ኮራፒኔ ጊዲዳ ቤኤራ ኣሶሬ ካዎ ቲሊጌሊቲሊፊሊሶሬይ ዲኢ ኤኪ ቢዳስ።

7 ባኤራ ዛሬቲ ባንታ ዩሌታ ማዘጋባን ጸፊቲዳ ኦርቤሌ ዜሬላታ ሃላቃቲ ዩኢኤሌ፥ ዛካራሳኔ ቤላ።

8 ቤላይ ኣዛዛ ና፤ ኣዛዚ ሸማኤ ና፤ ሸማኤይ ኢዩኤሌ ና፤ ኢዩኤሌ ዛሬቲ ኣርኤሬፔ ቢዲ ኔቦኔ ባኣሊ-ሜኦኔ ጋካናስ ዲንካኒ ኡቲዳ።

9 ኦርቤሌ ዛሬታ ሜሄይ ጋላኣዳን ጮራቲዳ ጊሻሰ ኢስቲ ሄፔ ኣርሼይ ሞኪዛ ባጋን ዲዛ ኤፊራዲሴ ሻፋፔ ቢዲ ባዛስ ጋጸ ጋካናስ ዲንካኒ ኡቲዳ።

10 ሳኦሌ ካዎቲላ ላይላን ኣጋሪ ዛሬቲ ኦርቤሌ ዛሬታራ ኦሊቲን ኦርቤሌ ዛሬቲ ጸኒዳ፤ ሂስቲዲ ጋላኣዳፔ ኣርሼይ ሞኪዛ ባጋራ ዲዛ ኣጋሪ ዛሬታ ቢታን ዲንካኒ ኡቲዳ።

ጋዳ ናይታ ዛርኬ

11 ጋዳ ዛሬቲ ኦርቤሌ ዛሬታፔ ፑዳሃ ባጋራ ቢዲ ሳላካ ጋካናስ ዲዛ ባሳኔ ቢታን ዲንካኒ ኡቲዳ።

12 ኮይሮ ዜሬላታ ሃላቃይ ኢዩኤሌ፤ ናሞኣንሎ ዜሬላታ ሃላቃይ ሻፋሚ፤ ቃሴካ ባሳኔን ዲንካኒ ኡቲዳይታ ሃላቃይ ያኢናዬኔ ሳፋዶ።

13 ሃንኮ ኣቲዳ ላፑን ዛርኬታ ሃላቃቲ፥ ሚካኤሌ፥ ማሹላሚ፥ ሸባኤ፥ ዮራዬ፥ ዩካኔ፥ ዚኣኔ ኤቦራ።

14 ሃይቲ ኣቢኤሌ ናይቲ ቡዜ ዛሬታ፤ ቡዜይ ያሂዳ ዩሊዳስ፤ ያሂዳይ ዩሺሻዬ ዩሊዳስ፤ ዩሺሻዬይ ሚካኤሌ ዩሊዳስ፤ ሚካኤሌይ ጋላኣዳ ዩሊዳስ፤

ጋላኣዳይ ያርሃ ዩሊዳስ፤ ያርሃይ ሁራ ዩሊዳስ፤ ሁራይ ኣቢሃይሌ ዩሊዳስ።

15 ኢስታ ዛርኬታ ሃላቃይ ጌኔ ናዛ ኣቢኤሌ ና ኣሂ።

16 ሃይቲ ዉሪካ ባሳኔኒኔ ጋላኣዳን ሄ ዳሬ ካታማታኒኔ ላሻርኔ ቢታ ሜሄ ሄሚዛሶሆ ኡባን ዲንካኒ ኡቲዳ።

17 ሃይቲ ኡባታ ዜሬላቲ ዩሁዳ ካዎ ኢዮኣታሚ ዎዳኒኔ ኢሰራኤሌ ካዎ ኢዮርባኣሚ ዎዳ ዛሬታ ማዘጋባን ጸፊቲዳ።

ዮርዳናሴ ሻፋፔ ኣርሼይ ሞኪዛ ባጋራ ኡቲዳ ቆሞታ

18 ኦርቤሌሲ፥ ጋዳ ቆሞታሲኔ ሚናሴ ቆሞፊ ባጋታስ 44,760 ሚኖ ኦላንቻቲ ዳቲስ፤ ኢስቲካ ጎንዳሌ ኦይላ፥ ማሻ ኦይላኔ ዎንዳፊን ኦሊቲላ ኤሪዛ ሚኖ ኦላንቻታ።

19 ሃይቲካ ኣጋሪታራ፥ ዩጺሬታራ፥ ናፊሻኔራኔ ናዳቤ ዳሬ ኣሳራ ኦሊታናስ ዎራጂዳ።

20 ባ አማኖ ጸሳ ቦላ ዩጊዲ ኢዚ ኢስታ ማዳና ማላ ጸሳ ዋሲዳ። ጸሲካ ኢስታ ዋሳ ሲዱዲ አጋሬታኔ ኢስታራ ዲዛ ሃራታ ኢስታ ኩሼን ኣሉ ኢሚዳስ።

21 ኢስቲ ባንታ ሞርኬታ ኩሼፕ 50,000 ጋሚላ፡ 250,000 ዶርሲኔ 2,000 ሃራታ ዲኢዳ፤ ሄሳሶካ 100,000 ኣስ ዲኢ ኤኪዳ።

22 ኦላዚ ጸሳፌ ጊዲዳ ጊሻስ ዳሮቲ ሃይቂዳ፤ ጸኒዳይቲ ጉዩፕ ዲኤቴላ ላይሉ ዉራና ጋካናስ ሄ ኣሳታ ሶን ኡቲዳ።

ኣርሼይ ሞኪዛ ባጋራ ዲዛ ሚናሴ ቆሞታ

23 ሚናሴ ቆሞታፕ ባጋ ዛሬቲ ባሳኔፕ ደሚዲ ባኣሊ-ሄርሞኔ፡ ሳኒሬኔ ሄርሞኔ ዙማ ጋካናስ ዲዛ ዳሬን ዱንካኒ ኡቲዳ፤ ኢስቲ ሄን ጮራቲ ጮራቲ ቢዳ።

24 ኢስታ ዛርኬታ ሃላቃቲ ኤፌሬ፡ ዩሺኤ፡ ኤልኤሌ፡ ኣዛሪኤሌ፡ ኤርማሳ፡ ሆዳዩኔ ያሂዳኤሌ፤ ሄይቲ ዉሪካ ባ ዛርኬን ዛርኬን ኤሬቲዳ ኣሳታ፡ ሃላቃታኔ ኦላ ቃራታ።

25 ጊዳ ኣቲን ኢስቲ ባንታ ኣሞታ ጸሳስ ኣማኔቲቤቲና፤ ጸሲ ኢስታ ሲንጻፌ ዳይሲዳ ሄ ቢታ ኣሳቲ ጎይኒዛ ኤቃ ጸሳታስ ጎይኖን ላይማቲዳ።

26 ሄሳ ጊሻስ ኢስራኤሌ ጸሳይ ኣሶሬ ካዋ ፑሌ ዋይኮ ቴሊጌሊቴሊፌሊሶሬ ዳንጹላዲ ኦርቤሌ ቆሞታ፡ ጋዴ ቆሞታኔ ሚናሴ ቆሞታፕ ባጋ ዲኢ ኤፋና ማላ ኦሊዳስ፤ ኢዚ ሄይታንታ ኣላሄ፡ ሃሶሬ፡ ሃራኔ ጎዛኔ ሻፋ ሄራን ዳኣና ማላ ኦሊዳስ፤ ኢስቲ ሃቕ ጋካናስ ሄን ዳቴስ።

6

ሌዌ ናይታ ዛርኬ

1 ሌዌ ናይቲ ጌርሾኔ፡ ቃኣቲኔ ሜራራ።

2 ቃኣቲ ናይቲ ኣሚራሜ፡ ዩዲሃሬ፡ ኬብሮኔኔ ኡዚኤሌ።

3 ኣሚራሜ ናይቲ ኣሮኔ፡ ሙሴኔ ማራሞ። ኣሮኔ ኣቲማ ናይቲ ናዳቤ፡ ኣቢሁ፡ ኤልኤዜሬኔ ኢታማራ።

4 ኤልኤዜሬይ ፊኒሃሴ ዩሊዳስ፤ ፊኒሃሴ ኣቢሹኣ ዩሊዳስ፤

5 ኣቢሹኣይ ቡቃ ዩሊዳስ፤ ቡቃይ ኡዜ ዩሊዳስ፤

6 ኡዜይ ዛራሂያ ዩሊዳስ፤ ዛራሂያይ ማራዮቲ ዩሊዳስ፤

7 ማራዮቲይ ኣማሪያ ዩሊዳስ፤ ኣማሪያይ ኣሂጹቤ ዩሊዳስ፤

8 ኣሂጹቤይ ሳዶቄ ዩሊዳስ፤ ሳዶቄይ ኣከማሴ ዩሊዳስ፤

9 ኣከማሴ ኣዛሪያሴ ዩሊዳስ፤ ኣዛሪያሴ ዮሃናኔ ዩሊዳስ፤

10 ዮሃናኔይ ኣዛሪያሴ ዩሊዳስ፤ ኣዛሪያሴ ካዋ ሶሎሞኔይ ዩሩሳላሜን ኬዲሲዳ ጸሳ ኬላን ቄሴቴላን ኦሊዳስ።

11 ኣዛሪያሴ ኣማሪያ ዩሊዳስ፤ ኣማሪያይ ኣሂጹቤ ዩሊዳስ፤

12 ኣሂጹቤይ ሳዶቄ ዩሊዳስ፤ ሳዶቄይ ሻሎሜ ዩሊዳስ፤

13 ሻሎሜይ ኪልቂያሳ ዩሊዳስ፤ ኪልቂያሴ ኣዛሪያሴ ዩሊዳስ፤

14 ኣዛሪያሴ ሳራያ ዩሊዳስ፤ ሳራያይ ኢዮሳዶቄ ዩሊዳስ።

15 ጎዳይ ዩሁዳ ኣሳኔ ዩሩሳላሜ ኣሳ ናቡካዳናጾሬን ዲኢሲዳ ዋዴ ኢዮሳዶቄይካ ኢስታራ ዲኤቲ ቢዳስ።

16 ሌዌ ኣቲማ ናይቲ ጌርሾኔ፡ ቃኣቲኔ ሜራራ።

17 ጌርሾኔ ናይቲ ሊቢናኔ ሺሞኤ፤

18 ቃኣቲ ናይቲ ኣሚራሜ፡ ዩዲሃሬ፡ ኬብሮኔኔ ኡዚኤሌ፤

19 ሜራራ ናይቲ ማሂሌኔ ሙሼ፤ ባንታ ኣሞ ኬላን ኬላን ጸፊቲዳ ሌዌ ዛርኬቲ ሃይሳፌ ካሊ ዲዛይታ፤

20 ጌርሾኔ ዜሬላታ፤ ጌርሾኔይ ሊቢና ዩሊዳስ፤

ሊቢናይ ያሃቲ ዩሊዳስ፤ ያሃቲይ ዚማ ዩሊዳስ፤ 21 ዘማይ ዮኣሃ ዩሊዳስ፤ ዮኣሃ ኢዶ ዩሊዳስ፤ ኢዶይ ዛራሂ ዩሊዳስ፤ ዛራሂይ ዩኣቲሬ ዩሊዳስ፤

22 ቃኣቲ ዜሬላታ፤ ቃኣቲይ ኣሚናዳቤ ዩሊዳስ፤ ኣሚናዳቤይ ቆሬ ዩሊዳስ፤ ቆሬይ ኣሲሬ ዩሊዳስ፤ 23 ኣሲሬይ ሂልቃና ዩሊዳስ፤ ሂልቃናይ ኣቢያሳፌ ዩሊዳስ፤ ኣቢያሳፌይ ኣሲሬ ዩሊዳስ፤ 24 ኣሲሬይ ታሃቲ ዩሊዳስ፤ ታሃቲይ ኡርኤሌ ዩሊዳስ፤ ኡርኤሌይ ኦዚያ ዩሊዳስ፤ ኦዚያይ ሳኦሌ ዩሊዳስ።

25 ሂልቃና ዜሬላታ፤ ሂልቃናይ ኣማሳዩኔ ኣሂሞቲ ዩሊዳስ፤ 26 ኣሂሞቲይ ሂልቃና ዩሊዳስ፤ ሂልቃናይ ጸፋዩ ዩሊዳስ፤ ጸፋዩይ ናሃቲ ዩሊዳስ፤ 27 ናሃቲይ ኤልያቤ ዩሊዳስ፤ ኤልያቤይ ዩርሃሜ ዩሊዳስ፤ ዩርሃሜይ ሂልቃና ዩሊዳስ።

28 ሳሜሊ ናሞኡ ኣቲማ ናይታ ዩሊዳስ፤ ባይራዚ ኢዩኤሌ፤ ኢዛ ካሎዚ ኣቢያ።

29 ማራሬ ዜሬላታ፤
 ማራሬይ ማሂሌ ዩሊዳሰ፤
 ማሂሌይ ሊቢና ዩሊዳሰ፤
 ሊቢናይ ሺምኤ ዩሊዳሰ፤
 ሺምኤይ ኡዛሄ ዩሊዳሰ፤
 30 ኡዛሄይ ሺምኣ ዩሊዳሰ፤
 ሺምኣይ ሃጊያ ዩሊዳሰ፤
 ሃጊያይ ኣሳያ ዩሊዳሰ።

ጸሓፊ ከላን ዩዲዛይታ

31 ዳዊቲ ጫቆ ቃላ ታቦታ ዩሩሳሌም ኤሂዳፔ ጉዩ ጎዳ ጸሓፊ ከላን ዩላ ዩዲዛይታስ ሃላቃታ ሹሚዳሰ።

32 ካዎ ሰሎሞንይ ዩሩሳሌምን ጎዳ ጸሓፊ ከላ ከጸናሽ ጋካናዉ ጋይቶቴላ ዱንካኔ ፔንጌን ዩላ ዩዲሺ ጋምኢዳ፤ ባስ ኢሜቲዳ ኦሶ ማራን ማራን ኦሊ ፖሊሽ ዩሊዳ።

33 ባንታ ናይታራ ኢሲፌ ዩዲዛይቲ ሃይሳፌ ካሊ ጸፊቲዳይታ፤

ቃኣቲ ዛርኬታፔ ዩዲዛይ ሄማኔ፤

ሄማኔይ ኢዩኤሌ ና፤
 ኢዩኤሌይ ሳሚላ ና፤
 34 ሳሚሊ ሂልቃና ና፤
 ሂልቃናይ ዩሮሃሜ ና፤
 ዩሮሃሜይ ኤልኤሌ ና፤
 ኤልኤሌይ ቶሃ ና፤

35 ቶሃ ዙፌ ና፤
 ዙፌይ ሂልቃና ና፤
 ሂልቃናይ ማሃቲ ና፤
 ማሃቲ ኣማሳዬ ና፤

36 ኣማሳዬይ ሂልቃና ና፤
 ሂልቃናይ ኢዩኤሌ ና፤
 ኢዩኤሌይ ኣዛሪያሴ ና፤
 ኣዛሪያሴ ሶፎናሳ ና፤

37 ሶፎናሴ ታሃቲ ና፤
 ታሃቲይ ኣሲሬ ና፤
 ኣሲሬይ ኣቢያሳፌ ና፤
 ኣቢያሳፌ ቆሬ ና፤

38 ቆሬይ ዩዲሃሬ ና፤
 ዩዲሃሬይ ቃኣቲ ና፤
 ቃኣቲይ ሌዌ ና፤
 ሌዌይ ኢሰራኤሌ ና።

39 ኤማኔ ዳቦ ኣሳፊይ ኢዛስ ኡሻቻ ባጋራ ኤቂዲ ኦሌሰ፤

ኣሳፊይ ባራካዬ ና፤

ባራካዬይ ሺምኣ ና፤
 40 ሺምኣይ ሚካኤሌ ና፤
 ሚካኤሌይ ባኣሴያ ና፤
 ባኣሴያይ ማልኪያ ና፤

41 ማልኪያይ ኤታኔ ና፤
 ኤታኔይ ዛራሄ ና፤
 ዛራሄይ ኣዳያ ና፤
 42 ኣዳያይ ኤታኔ ና፤
 ኤታኔይ ዘማ ና፤

ዘማይ ሺምኤ ና፤
 43 ሺምኣይ ያሃቲ ና፤
 ያሃቲይ ጌርሾሜ ና፤
 ጌርሾሜይ ሌዌ ና።

44 ኢስታስ ሃዲርሳ ባጋራ ኢስታ ዳቦ ሜራሬ ዛርኬቲ ኤቁቲሰ፤

ኤታኔይ ቁሻ ና፤

ቁሻ ኣቢዳ ና፤
 ኣቢዳይ ማሉኬ ና፤
 45 ማሉኬይ ሃሻቢያ ና፤
 ሃሻቢያይ ኣማሲያሳ ና፤

ኣማሲያሴ ኪልቂያሳ ና፤
 46 ኪልቂያሴ ኣሞዜ ና፤
 ኣሞዜይ ባኔ ና፤
 ባኔይ ሹሜሬ ና፤

47 ሹሜሬይ ማሂሌ ና፤
 ማሂሌይ ሙሼ ና፤
 ሙሼይ ሜራሬ ና፤
 ሜራሬይ ሌዌ ና።

48 ኢስታስ ኢሻንታ ጊዲዳ ሃንኮ ሌዌ ቆሞቲ ጸሓ ከላን ጋይቶቴላ ዱንካኔን ኦሴቲዛ ሃራ ኦሶ ኡባስ ደሬቲዳ።

ኣርኔ ናይታ ዛርኬ

49 ኣርኔይኔ ኢዛ ናይቲ ጊዲኮ ጸሓ ኣይሌ ሙሴይ ኣዛዚዳ ማላ ኢሰራኤሌ ዳራ ናጋራ ዉርሳናስ ኡባፌ ዱማቲዳ ጊዳ ቆልኣን ኦሴቲዛ ኦሶታ ኡባስ፣ ያርሾ ያርሺዛሶዛ ቦላ ጸጌቲዛ ያርሾ ያርሻናሴኔ ኤጸኔ ጩዋሲ ያርሺዛሶዛ ቦላ ኤጸኔ ጩዋሳናስ ኢስታስ ኣዋቴላ ኢሜቲዳሰ።

50 ኣርኔ ናይታ ዛርኬቲ ሃይሳፌ ካሊ ጸፊቲዳይታ፤ ኣርኔ ናይ ኤልኤዜሬ፤

ኤልኤዜሬ ናይ ፊኒሃሴ፤

ፊኒሃሴ ናይ ኣቢሹኣ፤

51 ኣቢሹኣ ናይ ቡቃ፤

ቡቃ ናይ ኡዜ፤

ኡዜ ናይ ዛራሂያ፤

52 ዛራሂያ ናይ ማራዮቲ፤

ማራዮቲ ናይ ኣማሪያ፤

ኣማሪያ ናይ ኣሂጹቤ፤

53 ኣሂጹቤ ናይ ሳዶቂ፤

ሳዶቂ ናይ ኣኪማሴ።

ሌዌ ቆሞቲ ዳና ማላ ኢሜቲዳ ሶሆታ

54 ኣርኔ ናይታስ ኢሜቲዳ ዱሳ ሶሆቲ ሃይሳፌ ካሊ ጸፊቲዳ፤ ኮሮር ሳማይ ቃኣቲ ባጋታስ ከዚዳሰ፤

55 ኢስታስ ዩሁዳ ቢታን ዲዛ ከብሮኔኔ ኢዛ ሄራን ዲዛ ሜሄ ሄሚዛሶሆታ ኢሚዳ።

56 ከብሮኔ ዩሾን ዲዛ ጎሻ ጋዴቲኔ ሞላቲ ዮፊኔ ና ካሌቤስ ኢሜቲዳ።

57 ኣርኔ ናይታስ ሺምፖ ዎዲዳይይ ባቃቲ ቢዲ ኣቲዛ ካታማታ፣ ከብሮኔ፣ ዩቲሬ፣ ሊቢናኔ ሜሄ ሄሚዛሶሆታ፣ ኤሽታሞኣኔ ሜሄ ሄሚዛሶሆታ፣

58 ሂሌኔኔ ሜሄ ሄሚዛሶሆታ፣ ዳቢሬኔ ሜሄ ሄሚዛሶሆታ፣

59 ኣሻኔኔ ሜሄ ሄሚዛሶሆታ፣ ቤቲ-ሹሚሼኔ ሜሄ ሄሚዛሶሆታ ኢሚዳ።

60 ቃሴ ቢኒያሜ ቆሞታ ጋዴፔ ጌባኔኔ ሜሄ ሄሚዛሶሆታ፣ ኣሌሜቲኔ ሜሄ ሄሚዛሶሆታ፣ ኣናቶቲኔ ሜሄ ሄሚዛሶሆታ ኢሚዳ፤ ኣርኔ ናይታስ ኢሜቲዳ ካታማቲ ሙሌራ ታማኔ ሄቫ።

61 ኣርሹይ ዉሊዛ ባጋራ ዲዛ ሚናሴ ዛርኬ ባጋቲ ኦይኪዳ ጋዴዛፔ 10 ካታማቲ ሃንኮ ኣቲዳ ቃኣቲ ዛርኬታስ ኢሜቲዳ።

62 ዩሳኩሬ ዛርኬታ ቢታፌ፣ ኣሴሬ ዛርኬታ ቢታፌ፣ ኒፍታሌሜ ዛርኬታ ቢታፌ፣ ባሳኔን ዲዛ ሚናሴ ዛርኬታ ቢታፌ 13 ካታማታ ጌርሾኔ ዛርኬታስ ኢሚዳ።

63 ኦርቤሌ ዛርኬታ ቢታፌ፣ ጋዴ ዛርኬታ ቢታፌ፣ ዛቢሎኔ ዛርኬታ ቢታፌ 12 ካታማታ ሜራሬ ዛርኬታስ ሳማን ኢሚዳ።

64 ሃሳሉ ኦሊዲ ኢሰራኤል ኣሳይ ሌዌታስ ሃ ካታማታኔ ኢስታ ሄራን ዲዛ ሜሃ ሃንሳሶሆታ ኢሚዳ።

65 ሃይሳፌ ቦላራ ሱንሳይ ኢስታስ ጾይጌቲዳ ካታማታ ዩሁዳ ዛርኬታ፣ ሲሞና ዛርኬታ፣ ቢኒያሜ ዛርኬታ፣ ሃራ ካታማታን ኦሎይሳ ማላ ሳማ ዩጊዲ ኢስታ ጋኪዳይሳ ጊሻ ኢሚዳ።

66 ቃኣቲ ዛርኬታ ጊዶፌ ኢሲ ኩላ ኣሳታስ ኤፍሬሜ ዛርኬታ ጋኪዳ ቢታፌ ካታማታኔ ሜሃ ሃሚዳሶሆታ ኢሚዳ።

67 ኢስታስ ሸሞፖ ዋዲዳይሳ ባቃቲ ቢዲ ኣቲዛ ካታማታ፣ ኤፍሬሜ ዳሬን ጌዜ ቢታን ዲዛ ሴኬሜኔ ሜሃ ሃሚዳሶሆታ፣ ጌዜሬኔ ሜሃ ሃሚዳሶሆታ፣

68 ዮቁማኣሜኔ ሜሃ ሃሚዳሶሆታ፣ ቤቲ-ሆርኔኔ ኢዛ ሜሃ ሃሚዳሶሆታ፣

69 ኣያሎኔኔ ሜሃ ሃሚዳሶሆታ፣ ጌት-ኤርሞኔኔ ሜሃ ሃሚዳሶሆታ ኢሚዳ።

70 ሚናሴ ዛርኬታ ባጋፌ ኣኔሬኔ ሜሃ ሃሚዳሶሆታኔ ባላማኔ ሜሃ ሃሚዳሶሆታ ኤኪዲ ቃኣቲ ዛርኬታ፣ ኣቲዳይታስ ኢሚዳ።

71 ሚናሴ ዛርኬታ ባጋፌ ባሳኔን ዲዛ ጎላኔኔ ሜሃ ሃሚዳሶሆታኔ ኣስታሮቲኔ ሜሃ ሃሚዳሶሆታ ኤኪዲ ጌርሾኔ ዛርኬታስ ኢሚዳ።

72 ቃሴ ዩሳኩሬ ዛርኬታ፣ ቃዴሴኔ ሜሃ ሃሚዳሶሆታ፣ ዳቢራቲኔ ሜሃ ሃሚዳሶሆታ፣

73 ኤራሞቲኔ ሜሃ ሃሚዳሶሆታኔ ኣኔማኔ ሜሃ ሃሚዳሶሆታ ኤኪዲ ኢስታስ ኢሚዳ።

74 ኣሴሬ ዛርኬታ፣ ማሻላኔ ሜሃ ሃሚዳሶሆታ፣ ኣብድኔኔ ሜሃ ሃሚዳሶሆታ፣

75 ሁቆቄኔ ሜሃ ሃሚዳሶሆታኔ ኤራሆቤኔ ሜሃ ሃሚዳሶሆታ ኤኪዲ ኢስታስ ኢሚዳ።

76 ሃሳሉ ኒፍታሌሜ ዛርኬታ፣ ጋሊላን ዲዛ ቃዴሴኔ ሜሃ ሃሚዳሶሆታ፣ ሃሞኔኔ ሜሃ ሃሚዳሶሆታኔ ቁሪያታይሜኔ ሜሃ ሃሚዳሶሆታ ኤኪዲ ኢስታስ ኢሚዳ።

77 ኣቲዳ ሜራሬ ዛርኬታስ ዛቢሎኔ ዛርኬታ፣ ኣርሞኔኔ ሜሃ ሃሚዳሶሆታኔ ታቦሬኔ ሜሃ ሃሚዳሶሆታ ኤኪዲ ኢሚዳ።

78 ቃሴ ኦርቤሌ ዛርኬታ፣ ኢያርኮ ጊናን፣ ዮርዳኖሴ፣ ሃ ፒንሳን ኣርሾይ ዉሊዛ ባጋራ፣ ባዞን ዲዛ ባጸራኔ ሜሃ ሃሚዳሶሆታ፣ ያሃጼኔ ሜሃ ሃሚዳሶሆታ፣

79 ቁዲሞቲኔ ሜሃ ሃሚዳሶሆታኔ ማፋኣቲኔ ሜሃ ሃሚዳሶሆታ ኤኪዲ ኢስታስ ኢሚዳ።

80 ጋዴ ዛርኬታ፣ ጋላኣዴን ዲዛ ኤራሞቲኔ ሜሃ ሃሚዳሶሆታ፣ ማሃሪሚኔ ሜሃ ሃሚዳሶሆታ፣

81 ሃሴሶኔኔ ሜሃ ሃሚዳሶሆታኔ ኢያዜሬኔ ሜሃ ሃሚዳሶሆታ ኤኪዲ ኢስታስ ኢሚዳ።

1 ዩሳኩሬስ ኦይዲ ኣቲማ ናይቲ ዳቲስ፣ ሄይቲካ ቶላ፣ ፑዋ፣ ያሹቤኔ ሸሚርኔ ጌቲቲዛይታ።

2 ቶላ ናይቲ ኡዜ፣ ኤራፋያ፣ ዩሪኤሌ፣ ያሃማዬ፣ ዩቢሳሚኔ ሳሚላ፣ ኢስቲካ ቶላ ዛርኬታ ሃላቃታ፣ ኢስቲ ዋልቃማኔ ሚኖ ኦላንቻታ፣ ካዎ ዳዊቲ ዋዴ ኢስታ ቆዳይ 22,600።

3 ኡዜይ ዩዚራሄያ ዩሊዳስ፣ ዩዚራሄያይ ሚካኤሌ ዩሊዳስ፣ ሚካኤሌይ ኣብዲዩ ዩሊዳስ፣ ኣብዲዩይ ኢዩኤሌ ዩሊዳስ፣ ኢዩኤሌይ ዩሺያ ዩሊዳስ፣ ሃ ኢቻሻቲካ ባሶ ኣሳታስ ሃላቃ።

4 ኢስታስ ዳሮ ማቼቲኔ ናይቲ ዲዛ ጊሻስ ኢስታስ ኣሳ ዛርኬታ፣ ኦላስ ጋኪዳ ኦላንቻታ ቆዳይ 36,000 ጊዲዳ።

5 ዩሳኩሬ ዛርኬታ፣ ኦላስ ጋኪዳ ኦላንቻታ ማዘጋባን ቆዳቲዲ 87,000 ጊዲዳ።

ቢኒያሜ ዛርኬኔ ዳኔ ዛርኬ

6 ቢኒያሚስ ሄሹ ናይቲ ዳቲስ፣ ኢስቲካ ቤላ፣ ቤኬሬኔ ዩዲኤሌ።

7 ቤላ ናይቲ ኤጲሶኔ፣ ኡዜ፣ ኡዚኤሌ፣ ያርሞቲኔ ኢሬ፣ ሃ ኢቻሻቲካ ባሶ ኣሳታስ ሃላቃታ፣ ባ ዩሌታ ዛርኬታ ማዘጋባን 22,034 ዋልቃማኔ ሚኖ ኦላንቻታ ማዘጋቢቲዳ።

8 ቤኬሬ ናይቲ ዘሚራ፣ ኢዮኣሳ፣ ኤልኤዜሬ፣ ኤልዮኤናዬ፣ ኦሚሬ፣ ያርሞቲኔ፣ ኣቢያ፣ ኣናቶቲኔ ኣሌሜቲ፣ ሃይቲ ኡባቲ ቤኬሬ ናይታ።

9 ኢስቲ ኡባይ ባሶ ኣሳታስ ሃላቃታ፣ ባ ዩሌታ ዛርኬታ ማዘጋባን 20,200 ዋልቃማኔ ሚኖ ኦላንቻታ ማዘጋቢቲዳ።

10 ዩዲኤሌ ናይ ቢሊሃኔ፣ ቢሊሃኔ ናይቲ ያኡሹ፣ ቢኒያሜ፣ ኤሁዴ፣ ኪንኣኔ፣ ዜታኔ፣ ታርሴሴኔ ኣኪሻሆሬ፣

11 ሃይቲ ኡባቲ ዩዲኤሌ ናይታ፣ ኢስቲ ባሶ ኣሳታስ ሃላቃታ፣ ባ ዩሌታ ዛርኬታ ማዘጋባን 17,200 ዋልቃማኔ ሚኖ ኦላንቻታ ማዘጋቢቲዳ።

12 ሹፊሚይኔ ሆፐሚይ ኢሬ ዜሬላታ፣ ሆሺሚይ ኣሄሬ ዜሬላ።

ኒፍታሌሜ ናይታ ዛርኬ

13 ኒፍታሌሜ ናይቲ ያሃጼሌ፣ ጉኔ፣ ዩጲሬኔ ሻሎሜ፣ ሃይቲ ቢሊሃ ዜሬላታ።

ሚናሴ ናይታ ዛርኬ

14 ሚናሴ ዛሬቲ ሃይሳፌ ካሊ ዳፌቲዳይታ፣ ሚናሴይ ኣራሜ ቢታፌ ኤኪዳ ጋራዴያ ዩሊዳ ኣቲማ ናይቲ ኣሰራኤሌኔ ጋላኣዴ ኣዎ ማኪሬ።

15 ማኪሬይ ሆፐሚይ ሹፊሚይ ባጋፌ ማኪኮ ማቾ ኤኪዳስ፣ ኢዛ ሚቼይ ሱንሳካ ማኪኮ ጌቲቲስ፣ ማኪሬ ዛሬ ጲሎፋዴይ ማጫ ናይታ ጸላ ዩሊዳስ።

16 ማኪሬ ማቾ ማኪካይ ኣቲማ ናይታ ዩላዲስ፣ ባይራ ናዛ ፓሬሻ፣ ኢዛ ካሎዛ ሹሬሹ ጋ ሱንሳዲስ፣ ፔሬሻ ናይቲ ኡላሚኔ ኤሬቄሜ።

17 ኡላሚ ናይ ባዲኔ፣ ሃይቲ ሚናሴ ና ማኪሬ ና ጋላኣዴ ዛሬታ።

18 ጋላኣዴ ሚቹያ ሃሞሌኬታ ኢሻዉ፣ ኣቢኤዜሬኔ ማሃሌ ዩላዲስ።

19 ሻሚዳ ናይቲ ኣሃያኔ፣ ሴኬሜ፣ ሊቁሃኔ ኣንኣሜ።

ኤፍሬሜ ናይታ ዛርኬታ

20 ኤፍሬሜ ናይ ሹቱላ፤ ሹቱላ ናይ ባሬዳ፤ ባሬዳ ናይ ታሃቴ፤ ታሃቴ ናይ ኤልኣዳ፤ ኤልኣዳ ናይ ታሃቴ፤
 21 ታሃቴ ናይ ዛባዳ፤ ዛባዳ ናይ ሹቱላ።
 ኤፍሬሜ ና ኤዬሬይኔ ኤላዳይ ማሄ ካይሳና ጌቲ ዳሬ ቢን ሄ ቢታ ኣሳቲ ኢስታ ዎዲዳ።
 22 ሄሳ ገሻሰ ኢስታ ኣዎ ኤፍሬሜይ ዳር ዎዳ ካዮቲዳሰ፤ ሂስቲን ኢዛ ዳቦቲ ዩዲ ኢዛ ሚንጹላዳ።
 23 ሄሳፌ ጉዬ ኢዚ ባ ማቼይራ ጋይቲዳሰ፤ ሂስቲን ኢዛ ሻራዳ ኣቲማ ና ዩላዲሰ፤ ኢዛ ኬላን ጋኪዳ ኢታ ማቶዛ ጋሶን ናዛ ባሪሄ ገ ሱንጹዳሰ።
 24 ኤፍሬሜሰ ሹኢር ጌቲቲዛ ማጫ ናይ ዳወሰ፤ ኢዛካ ፑዳ ቤቲ-ሆሮኔ፤ ዲጌ ቤቲ-ሆሮኔኔ ኡዜን-ሹኢር ጌቲቲዛ ካታማታ ኤሳዲሰ።
 25 ኤፍሬሜሰ ኤርፋሃ ጌቲቲዛ ሃራ ኣቲማ ናይ ዳሰ፤ ኤርፋሃ ናይ ኤሬሹፋ፤ ኤሬሹፋ ናይ ቲላሄ፤ ቲላሄ ናይ ታሃኔ፤
 26 ታሃኔ ናይ ላዳኔ፤ ላዳኔ ናይ ኣሚሁዳ፤ ኣሚሁዳ ናይ ኤልሻማ፤
 27 ኤልሻማ ናይ ናዌ፤ ናዌ ናይ ኢያሶ።
 28 ኤፍሬሜ ዛሬታ ዲሳሶይኔ ኢስታ ቢታይ ቤቲሌ ዩሾን ዲዛ ካታማታ፤ ኣርሼይ ሞኪዛ ባጋራ ናኢራኔ፤ ኣርሼይ ወሊዛ ባጋራ ጌዜሬ፤ ሴኬማ፤ ኣዩኔ ኢስታ ዩሾን ዲዛ ካታማታ።
 29 ቃሴካ ሚናሴ ዛሬታ ቢታ ዛዋን ቤቲ-ሻኣኔ፤ ታኢናኬ፤ ማጊዳ፤ ዶሬኔ ኢስታ ዩሾን ዲዛ ካታማታ፤ ኢስራኤል ና ዮሴፌ ዛሬቲ ሃ ካታማታን ዳኢዳ።

ኣሴሬ ናይታ ዛርኬ

30 ኣሴሬ ናይቲ ዩሚኔ፤ ዩሺዌ፤ ዩሺዎኔ ባሪሄ፤ ኢስታ ሚቻ ሴራሆ ጌቲታወሰ።
 31 ባሪሄ ናይቲ ሄቤሬኔ ቢሪዛዋቲ ኣዎ ማልኪኤሌ።
 32 ሄቤሬ ናይቲ ያፋሌዶ፤ ሾሚሬኔ ሆታዎ፤ ኢስታ ሚቻ ሹኦ ጌቲታወሰ።
 33 ያፋሌዶ ናይቲ ፓሳኬ፤ ቢሚሃሌኔ ኣሸዋቲ፤ ሃይቲ ያፋሌዶ ናይታ።
 34 ያፋሌዶ ኣሻ ሸሚሬ ናይቲ ኣሃ፤ ኤርሂጋ፤ ያሁቤኔ ኣራሚ።
 35 ኢዛ ኣሻ ሆታዎ ናይቲ ጸፋሃ፤ ዩሚኔ፤ ሹሌሹኔ ኣማሌ።
 36 ጸፋሃ ናይቲ ሱሃ፤ ሃርኔፌሬ፤ ሹኣሌ፤ ቤሬ፤ ዩሚሬ፤
 37 ቤዶሬ፤ ሆዳ፤ ሻማ፤ ሸላሹ፤ ዩቲራኔኔ ባኤራ።
 38 ዮቶሬ ናይቲ ዮፊኔ፤ ፒሰፓኔ ኣሬ።
 39 ኡሌ ናይቲ ኣራሃ፤ ሃንኤሌኔ ኤሪዲያ።
 40 ሃይቲ ኡባይ ኣሴሬ ዛሬታ፤ ኢስቲ ባሶ ኣሳታሰ ሃላቃታ፤ ባ ዩሌታ ዛርኬታ ማዘጋባን 26,000 ዎልቃማኔ ሚኖ ኦላንቻቲ ማዘጋቤቲዳ።

8

ቢኒያሚ ናይታ ዛርኬ

1 ቢኒያሚሰ ባይራ ናዚ ቤላ፤ ኢዛ ካሎቲ ኣሺቤሌ፤ ኣሂራሄ፤
 2 ኖሃ፤ ኤራሬ።
 3 ቤላ ዛሬቲ ኣዳሬ፤ ጌራ፤ ኣቢሁዳ፤
 4 ኣቢሹኣ፤ ናኢማኔ፤ ኣሆዎ፤
 5 ጌራ፤ ሻፋሚኔ ሁራሚ።

6-7 ኤሁዳ ዛሬቲ ናኢማኔ፤ ኣካያኔ ጌራ፤ ኢስቲ ጌባን ዲዛ ባንታ ኬላ ኣሳታሰ ሃላቃታ፤ ሄሳፌ ጉዬ ኢስቲ ማናሃቴ ቢታ ዲኤቲ ቢዳ፤ ኦዛኔ ኣሂሁዳ ኣዎ ጌራይ ኢስታሰ ሃላቃ።
 8 ሻሃራይሚ ባ ማቼታ ሁሺሞኔ ባኢር ኣንጂ ዩዲዳ፤ ጉዬ ሞኣቤ ቢታን ኣቲማ ናይታ ዩሊዳሰ።
 9 ሻሃራይሚ ባ ማቸ ሆዳሺፕ ዮባቤ፤ ዚቢያ፤ ሚሹ፤ ማልካሚ፤
 10 ያኡዶ፤ ሳኪያኔ ሚርማ ዩሊዳሰ፤ ኢዛ ናይቲ ኡባይ ባሶ ኣሳታሰ ሃላቃ ጊዲዳ።
 11 ቃሴ ባ ማቸ ሁሺሚፕ ኣሂዱቤኔ ኤልፓኤሌ ዩሊዳሰ።
 12 ኤልፓኤሌ ናይቲ ኤቦሬ፤ ሚሻሚኔ ሸሚዳ፤ ሸሚዲ ኦኖ ካታማታ፤ ሎዳ ካታማታኔ ኢስታ ዩሾን ዲዛ ቁሪ ካታማታ ኤሲዳሰ።
 13 ባሪሄይኔ ሸማኤይ ኣያሎኔ ካታማን ዲዛ ባንታ ኬላ ኣሳታሰ ሃላቃ ጊዲዳ፤ ኢስቲ ጌቲ ካታማን ዲዛ ኣሳ ዩዳዲዳ።
 14 ባሪሄ ዛሬቲ ኣሂዮ፤ ሻሻቁ፤ ያርሞቲ፤
 15 ዛባዲያ፤ ኣራዳ፤ ኤዳሬ፤
 16 ሚካኤሌ፤ ዩሺጳኔ ዮሃ ጌቲቲቲሰ።
 17 ኤልፓኤሌ ዛሬቲ ዛባዲያ፤ ማሹላማ፤ ሂዘቃ፤ ሄቤሬ፤
 18 ዩሺማራዬ፤ ዩዚላኔኔ ዮባቤ።
 19 ሸሞኤ ዛሬቲ ያቁሚ፤ ዚኪሬ፤ ዛብዳ፤
 20 ኤልኤናዬ፤ ኤልናዬ፤ ኤልኤሌ፤
 21 ኣዲያ፤ ቢራዬኔ ሸሚራቲ።
 22 ሻሻቁ ዛሬቲ ዩሺጳ፤ ኤቦሬ፤ ኤልኤሌ፤
 23 ኣብዶኔ፤ ዚኪሬ፤ ሃናኔ፤
 24 ሃናኒያ፤ ኤላሚ፤ ኣንቶቲያ፤
 25 ዩፊዳዬኔ ፓኑኤሌ።
 26 ዩርሃሚ ዛሬቲ ሻሚሻራዬ፤ ሻሃሪያ፤ ኣታሊያ፤
 27 ያኢሬሹ፤ ኤላሳኔ ዚኪሬ።
 28 ሃይቲ ኡባቲ ባ ኬላ ኣሳታሰ ሃላቃታ፤ ባ ዜሬላ ዛርኬቲ ጳፊቲ ዲዛ ዩራሳላሚን ዳቲሰ።
 29 ጌባኦኔ ኣዎ ዩኢኤሌይ ጌባኦኔ ካታማን ዳሰ፤ ኢዛ ማቼይ ሱንጹዳ ማኢኮ።
 30 ኢዛሰ ባይራ ናዚ ኣብዶኔ ጌቲቲሰ፤ ኢዛ ካሎቲ ጹሬ፤ ቁሴ፤ ባኣሌ፤ ኔሬይ ናዲቤ፤
 31 ጋዶሬ፤ ኣሂዮ፤ ዜኩሬኔ
 32 ሸሚኤ ኣዎ ሚቂሎቲ፤ ሃይቲ ኡባቲ ባ ዳቦታ ማታን ዩራሳላሚን ዳቲሰ።

ሳኦሌ ዛርኬታ

33 ኔሬይ ቁሴ ዩሊዳሰ፤ ቁሴይ ሳኦሌ ዩሊዳሰ፤ ሳኦሌ ዮናታኔ፤ ማልኬሹኣ፤ ኣቢናዲቤኔ ኤሺባኣሌ ዩሊዳሰ።
 34 ዮናታኔ ናይ ማሪባ-ባኣሌ፤* ማሪባ-ባኣሌይ ሚኪያሳ ዩሊዳሰ።
 35 ሚኪያሳ ኣቲማ ናይቲ ፒቶኔ፤ ሜሌኬ፤ ታሬኣኔ ኣካዚ።
 36 ኣካዜይ ያሆኣዳ ዩሊዳሰ፤ ያሆኣዲ ኣሌሚቲ፤ ኣዚሞቲኔ ዚሚሬ ዩሊዳሰ፤ ዚሚሬይ ሞዛ ዩሊዳሰ፤

* 8:34 ማሪባ-ባኣሌይ ሚሞሬቦሰቲ ጌቲቲዳሰ፤ 2ሳሚ 4:4 ጸላ።

37 ሞዛይ ቢኒኤ ዩሊዳስ፤
 ቢኒኤይ ኤራፋዬ ዩሊዳስ፤
 ኤራፋዬይ ኤልኣሳ ዩሊዳስ፤
 ኤልኣሳ ኣዜሌ ዩሊዳስ።

38 ኣዜሌስ 6 ኣቱማ ናይቲ ዳቴስ፤ ሄይቲካ
 ኣዚርቃሜ፣ ቦኬሬ፣ ኢሰማኤል፣ ሻኦሪያ፣ ኣብዲዩኔ
 ሃናኔ፤ ሃይቲ ኡባይ ኣዜሌ ናይታ።

39 ኣዜሌ ኣሻ ኤሹቄስ ሄዡ ኣቱማ ናይቲ ዳቴስ፤
 ባይራዚ ኡላሜ ካሎቲ ያኡሹኔ ኤልፋሌዴ።

40 ኡላሜ ናይቲ ዋልቃሚኔ ሚኖ ኦላንታ፤ ኢሰቲካ
 ዋንዳፊን ዱኮ ኤሪዛይታ፤ ኡላሜስ 150 ኣቱማ
 ናይቲኔ ናይታ ናይቲ ዳቴስ።
 ሃይቲ ኡባቲ ቢኒያሜ ዛሬታ።

9

ዲኤቴፋፊ ሲሚዳ ኢሰራኤል ኣሳ

1 ኢሰራኤል ኣሳይ ኡባይ ባ ዩሌታ ዛርኬን ዛርኬን
 ጸፊቲዳስ፤ ሃ ታሪኬይ ኢሰራኤል ካዎታ ማጻፋን
 ጸፊቲ ኡቲዳስ።
 ዩሁዳ ኣሳይ ባ ናገራ ጋሶን ባቢሎኔ ቢታ ዲኤቲ
 ቢዳስ።

2 ዲኤቲ ቢዳሶፔ ኮይሮ ሲሚዳ ባንታ ቢታን
 ኡቲዳይቲ ቁሴታ፣ ሌዌታ፣ ጸሳ ኬላን ዋልቃ ኦሶ
 ኦሊዛይታኔ ኢሰራኤል ኣሳፔ ጉላታ።

3 ዩሁዳ ዛሬታፔ፣ ቢኒያሜ ዛሬታፔ፣ ኤፍሪሜ
 ዛሬታፔኔ ሚናሴ ዛሬታፔ ጉላቲ ዩራሳላሚን ዳኢዳ።

ዩሁዳ ናይታ ዛርኬ

4 ዩሁዳ ና ፓሪሴ ዛርኬፊ ኡታዬይ ዩራሳላሚን
 ኡቲዳይታስ ሃላቃ፤ ኡታዬይ ኣሚሁዳ ና፤ ኣሚሁዳይ
 ኢሚሬ ና፤ ኣሚሬይ ባኔ ና።

5 ዩሁዳ ና ሴሎ ዛሬታፔ ኣሳያይኔ ኢዛ ናይቲ
 ዩራሳላሚን ዲዛይታስ ሃላቃታ።

6 ዩሁዳ ና ዛሪሃ ዛሬታፔ ዩኢኤሌይ ዩራሳላሚን
 ዲዛይታስ ሃላቃ።
 ዩሁዳ ዛሬቲ ቆዲን ሙሌራ 690።

ቢኒያሜ ናይታ ዛርኬ

7 ዩራሳላሚን ዳኢዳ ቢኒያሜ ዛርኬ ሃላቃቲ
 ሃይሳፊ ካሊ ጸፊቲዳ፤
 ሃላቃ ሳሉይ ማሹላሚ ና፤
 ሃላቃ ማሹላሚይ
 ሆዳዬ ና፤
 ሃላቃ ሆዳዬይ ሃሳኑኤ ና።

8 ሃላቃ ዩቤናዬይ ዩራሃሚ ና።
 ሃላቃ ኤላይ ኡዜ ና፤
 ኡዚ ሚኪሬ ና።

ሃላቃ ማሹላሚይ
 ሻፋዲያ ና፤
 ሻፋዲያ ኤራኡኤሌ ና፤
 ኤራኡኤሌይ ዩቤናዬ ና።

9 ቢኒያሜ ዛሬታ ቆዳይ ሙሌራ 956፤ ሄይቲ
 ኡባይ ባ ኬላ ኣሳታስ ሃላቃታ።

ዩራሳላሚን ዳኢዳ ቁሴታ

10 ዩራሳላሚን ዳኢዳ ቁሴቲ ሃይሳፊ ካሊዲ
 ጸፊቲዳይታ፤
 ኢሰቲ ያዳያ፣ ዮሃሪቤ፣ ያኪኔኔ

11 ጸሳ ኬላን
 ሃላቃቲዳ ኣዛሪያሳ፤

ኣዛሪያሳ ኪልቋያሳ ና፤
 ኪልቋያሳ ማሹላሚ ና፤
 ማሹላሚይ ሳዶቄ ና፤
 ሳዶቄይ ማራዮቲ ና፤
 ማራዮቲይ ኣሃጹቤ ና።

12 ሃራቲ ቃሴ ዩራሃሚ ና ኣዳያኔ ኣዲኤሌ ና
 ማኢሳያ፤ ዩራሃሚይ ፓሽኩሬ ና፤
 ፓሽኩሬይ ማልኪያ ና።
 ኣዲኤሌይ ያሂዜሬ ና፤
 ያሂዜሬይ ማሹላሚ ና፤
 ማሹላሚይ ማሺሊሚቲ ና፤
 ማሺሊሚቲይ ኣሜሬ ና።

13 ባንታሶ ኣሳታስ ሃላቃቲዳ ቁሴቲ 1,760፤ ሃይቲ
 ጸሳ ኬላን ኦሴቲዛ ኦሶስ ጋኪዳ ኣሳታ።

ዩራሳላሚን ዳኢዳ ሌዌታ

14 ዩራሳላሚን ዳኢዳ ሌዌቲ ሃይሳፊ ካሊ
 ጸፊቲዳይታ፤
 ሃሹቤ ና ሻማኤይ
 ሚራሬ ዛርኬ፤
 ሃሹቤይ ኣዚርቃሜ ና፤
 ኣዚርቃሜይ ሃሻቢያ ና።

15 ባቂባቂሬ፣ ሄራሹ፣ ጋላሌኔ ማታኒያ፤ ማታኒያይ
 ሚካ ና፤ ሚኪያሲ ዚኪሬ ና፤ ዚኪሬይ ኣሳፊ ና።

16 ሃራቲ ቃሴ ናጸፊታ ሞላታን ኡቲዳ ኣብዲዩኔ
 ባራካዬ። ኣብዲዩይ ሻማኤ ና፤
 ሻማኤይ ጋላሌ ና፤
 ጋላሌይ ኤደታኔ ና።
 ባራካዬይ ኣሳ ና፤
 ኣሲ ሂልቃ ና።

ጸሳ ኬላ ፔንጌ ናጊዛ ዛቤታ

17 ጸሳ ኬላ ፔንጌ ናጊዛ ዛቤቲ ሻሎሚ፣ ኣቁቤ፣
 ጸልሞኔ፣ ኣሂማኔኔ ኢሰታ ዳቦታ፤ ሻሎሚይ ኢሰታስ
 ሃላቃ።

18 ሃ ዜሬላቲ ኣርሼይ ሞኪዛ ባጋራ ዲዛ ካዎ
 ፔንጌ ጌቲቲዛሶዛ ናጌቲስ፤ ሃይሳፊ ካሴ ኢሰቲ
 ሌዌቲ ዱንካኒ ኡቲዳሶ ጌልዲዛ ፔንጌ ናጌቲስ።

19 ሻሎሚይ ኣቢያሳፊ ናዛ ቆሬ ና፤ ኢዚ ቆራሃ
 ዛርኬ ኣሳ። ቆሬ ዜሬላቲ ካሴ ጎዳ ጸሳ ዱንካኒ ናጊዳ
 ማላ ሻሎሚይኔ ቆራሃ ዛርኬ ጊዲዳ ኢዛ ዳቦቲ ጸሳ
 ኬላ ናጌቲስ።

20 ኤልኤዜሬ ና ፊኒሃሲ ቤኒ ዋዴ ቆራሃ ዛርኬታ
 ሃላቃ፤ ጎዳይ ኢዛራ ዳስ።

21 ቃሴካ ማሹላሚያ ና ዛካራሲ ዱንካኒ ፔንጌ
 ናጌስ።

22 ፔንጋ ናጋናሰ ዶሬቲዳይቲ ሙሌራ 212፤
 ሃይታንቲ ባንታ ካታማን ካታማን ቆዳይቲ ጸፊቲዳ፤
 ኢሰታ ዛሬታስ ሃ ኣዎቲላ ኢሚዳይ ካዎ ዳዊቲኔ ናቤ
 ሳሚላ።

23 ሃሳ ጊሻሰ ኢሰቲኔ ኢሰታ ናይቲ ጸሳ ኬላ
 ዱንካኒ ፔንጌዛ ናጌቲስ።

24 ዛቤቲ ኣርሼይ ዉሊዛ ባጋራ፣ ሞኪዛ ባጋራ፣
 ፑዳሃ ባጋራኔ ዱጌሃ ባጋራ ኤቁዲ ናጌቲስ።

25 ሄ ካታማታን ዲዛ ኢሰታ ዳቦቲ ላፑንላ ጋላሰ
 ላሚቲ ላሚቲ ናጊሹ ኢሰታ ማዳናሰ ቤሴስ።

26 ፔንጌ ናጊዛ ዛቤታ ሃላቃታፔ ኦይዱ ሌዌቲ ጸሳ
 ኬላ፣ ኢዛ ጊዳን ዲዛ ኪፊሌታኔ ሚንጃ ኬላ
 ኣዎቲላን ናጌቲስ።

27 ጸሳ ኩላ ናጊዛይን ቃሴ ማላዶ ማላዶ ካሬ ደይዛይቲ ኢሰታ ጊዲዳ ጊሻሰ ሃን አቁቴሰ።
 28 ኢሰታፊ ጉላቲ ጸሳ ኩላ ኦሶሰ ጎኤቲዛ ሚሻታ አዋቲላን ናጊቴሰ፤ ሄ ሚሻታ ካሬ ኬሲዛ ዋዴን ሶ ጌልላዛ ዋዴ ኢሰቲ ቆዴቴሰ።
 29 ቃሴ ኢሰታፊ ኢሶቲ ኢሶቲ ጸሳ ኩላ ጊደን ጎኤቲዛ ሃራ ሚሻታ፡ ሊቆ ጳሌዛ፡ ዋይን ኡሻዛ፡ ዛይቲዛ፡ ኤጸኔዛን ሳዎታ አዋቲላን ናጊቴሰ።
 30 ጊደ ኣቲን ቁሴታ ናይታፔ ኢሶቲ ኢሶቲ ሳዎዛ ጌዳሪ ጌዳሪ ዋላኬቴሰ።
 31 ቆሬ ዛርኬሬ ሻሎሚሰ ባይራ ና ሌዌ ማቲቲያሰ ያርሾ ኡኩላ ኡካናሰ አዋቲላ ዴሰ።
 32 ቃኣቲ ዛርኬ ጊዲዳ ኢሰታ ዳቦታፔ ጉላታሰ ሳምባታን ሳምባታን ጸራጾዛ ቦላ ዋላዛ ያርሾ ጊጊሳና አዋቲላ ዴሰ።
 33 ሌዌ ዛሬታፔ አማርዳ ሃላቃቲ ጸሳ ኩላን ዩጸዛይታ፤ ኢሰቲ አማርሲን ጋላሰ ኦሊዛ ጊሻሰ ሃራ ኦሶ ኦሴቴና፤ ኢሰቲ ጸሳ ኩላ ጊቤ ጊደን ዲዛ ኩላታን ዴኤቴሰ።
 34 ሃይቲ ኡባይ ሌዌ ቆዋታሰ ሃላቃቲ ባንታ ዛርኬን ዛርኬን ጸፊቲዲ ዩሩሳላሚን ዴቴሰ።

ካዎ ሳኦሌ ዩሌታ
(1ታሪ 8:29-38)

35 ጌባኦኔ አዋ ዩኢኤሌይ ጌባኦኔ ካታማን ዴኢዴሰ፤ ኢዛ ኩላ አዩይ ሱንላ ማኢኮ።
 36 ኢዛሰ ባይራ ናዚ ኣብደኔ፤ ኢዛ ካሎቲ ጵሬ፡ ቁሴ፡ ባኣሌ፡ ኔሬ፡ ናዳቤ፡
 37 ጋዶሬ፡ ኣሃዮ፡ ዛካራሳን ሚቂሎቴ።
 38 ሚቂሎቴይ ሺሚኤ ዩሊዴሰ፤ ኢሰቲካ ባንታ ዳቦታ ማታን ዩሩሳላሚን ዴኢዳ።
 39 ኔሬይ ቁሴ ዩሊዴሰ፤
 ቁሴይ ሳኦሌ ዩሊዴሰ።
 ሳኦሌይ ዮናታኔ፡ ማልኬሹኣ፡ ኣቢናዳቤኔ ኤሽባኣሌ ዩሊዴሰ፤
 40 ዮናታኔ ናይ ማሪባ-ባኣሌ፤* ማሪባኣሌይ ሚኪያሳ ዩሊዴሰ።
 41 ሚኪያሳ ናይቲ ፒቶኔ፡ ሜሌኬ፡ ቴሬኣኔ ኣካዜ።
 42 ኣካዜይ ያኢሬ ዩሊዴሰ፤
 ያኢሬይ ኣለሚቴ፡ ኣዚሞቴኔ ዚሚሬ ዩሊዴሰ፤
 ዚሚሬይ ሞዛ ዩሊዴሰ፤
 43 ሞዛይ ቢኒኤ ዩሊዴሰ፤
 ቢኒኤይ ኤራፋያ ዩሊዴሰ፤
 ኤራፋያይ ኤልኣሳ ዩሊዴሰ፤
 ኤልኣሳ ኣዜሌ ዩሊዴሰ።
 44 ኣዜሌሰ ኡሱፑን ኣቲማ ናይቲ ዴቴሰ፤ ሃይቲካ ኣዚርቃሚ፡ ቦኬሬ፡ ኢሰማኤሌ፡ ሻኣሪያ፡ ኣብዲዩን ሃናኔ፤ ሃይቲ ኡባይ ኣዜሌ ናይታ።

10

ካዎ ሳኦሌ ሃይቆ
(1ሳሚ 31:1-13)

1 ፊሊሰጾሚ ኣሳቲ ኢሰራኤሌ ኣሳታራ ኦሌቲዳ፤ ኢሰራኤሌ ኣሳቲ ፊሊሰጾሚ ኣሳታ ሲንፋፊ ባቃቲዳ፤ ኢሰራኤሌታፔ ዳርቲ ገልቦኣ ዙማ ሁኤን ሃይቂዳ።

* 9:40 ማሪባ-ባኣሌይ ሚሞሬቦሰቴ ጌቲቲዴሰ። 1 ሳሚ 4:4 ጸላ። 11:4 ኢያ 15:63፤ ዳና 1:21

2 ፊሊሰጾሚ ኣሳቲ ሳኦሌኔ ኢዛ ናይታ ዩዴላ ጋኪዲ ኢዛ ናይታ ዮናታኔ፡ ኣቢናዳቤኔ ማልኬሹኣ ዋዲዳ።
 3 ኦሳይ ሳኦሌ ዩዩ ኣዲዲ ኡንኤሊዴሰ፤ ኦሳንቻቲ ኢዛ ዋንዳፊን ዴኪ ማዴንሳዲ።
 4 ሳኦሊ ባ ኦሳ ማሳራ ቶኪዛ ዋታዳራዛ፡ «ሃ ቃጸሬቶንታ ፊሊሰጾሚ ኣሳቲ ዩዲ ታ ቦላ ካኦንታ ማላ ኔ ጊላ ማሻን ታና ዋዳ» ጊዴሰ።
 ጊደ ኣቲን ኢዛ ኦሳ ማሳራ ቶኪዛ ዋታዳራዚ ኬሃ ያዩዳ ጊሻሰ ኢጲዴሰ፤ ሂሰቲን ሳኦሊ ባ ጊላ ማሻ ቦላ ኩንዲዲ ሃይቂዴሰ።
 5 ኢዛ ኦሳ ማሳራ ቶኪዛይሲ ሳኦሊ ሃይቂዳይሳ ቤኢዳፔ ጉዩ ኢዚካ ባ ጊላ ማሻ ሳኦን ኤሲዲ ኢዛ ቦላ ኩንዲ ሃይቂዴሰ።
 6 ሃሳላ ሃኒዲ ሳኦሊ፡ ኢዛ ናይቲ ሃዘቲኔ ኢዛሶ ኣሳቲ ኡባይ ሄ ጋላሰ ኢሲፊ ሃይቂዳ።
 7 ዙሌዛን ዴኢዛ ኢሰራኤሌ ኣሳቲ ኡባይ ባንታ ኦሳንቻቲ ባቃቲዳይሳ፡ ሳኦሌኔ ኢዛ ናይቲ ሃይቂዳይሳ ቤኢዲ ኢሰቲካ ባንታ ካታማታ ኣጊዲ ጋንጊዳ፤ ፊሊሰጾሚ ኣሳቲ ዩዲ ሄ ካታማታ ኦይኪዳ።
 8 ዋንቲላ ጋላሰ ፊሊሰጾሚቲ ኦሳ ማሳራታ ሃይቂዳይታ ቦላፊ ቃሪ ኤካናሰ ዩዲ ሳኦሊኔ ኢዛ ናይቲ ገልቦኣ ዙማ ሁኤን ሃይቂዳይሳ ዴሚዳ።
 9 ሂሰቲዲ ኢሰቲ ሳኦሌ ሁኤ ቃንጺ ኤኪዲኔ ኢዛ ኦሳ ማሳራ ቃሪ ኤኪዳ፤ ሃሳፊ ጉዩ ባንታ ኤቃ ጸሳታሲኔ ባንታ ዴራሰ ሃ ጸኖ ሚሺራቸዛ አዋጃና ማላ ፊሊሰጾሚ ቢታ ኡባሰ ኣሰ ከቲ ዩዲዳ።
 10 ኢሰቲ ሳኦሌ ኦሳ ማሳራታ ባንታ ኤቃ ጸሳታ ኩላታን ዋሊዳ፤ ኢዛ ሁኤዛ ባንታ ኤቃ ጸሳ ዳጎኔ ኩላን ካቂዳ።
 11 ፊሊሰጾሚ ኣሳቲ ሳኦሌ ቦላ ኦሊዳይሳ ኡባ ጋላኣዴን ዲዛ ያቡሴ ካታማ ኣሳቲ ሰዩዳ ዋዴ።
 12 ሚኖ ኣሳቲ ቢዲ ሳኦሌ ኣሃኔ ኢዛ ናይታ ኣሃ ኤኪዳ ያቡሴ ካታማ ኤሃዳ፤ ሂሰቲዲ ያቡሴን ዲዛ ጊታ ሚላ ጋርሳን ሞጊዳ፤ ሃሳፊ ጉዩ 7 ጋላሰ ጸሚዳ።
 13 ሳኦሊ ጎዳሰ ኣማኔቲቤና፤ ኢዛ ቃላካ ናጎንታ ኢጲዲ ሞይቲሌ ጾይጊዛይታ ዞሬ ኦይቸዳ ጊሻሰ ሃይቂዴሰ።
 14 ሃሳ ጋሶን ጎዳይ ኢዛ ዋዲዲ ኢዛ ካዎቲላ ኢሴዩ ና ዳዊቲሰ ኣላ ኢሚዴሰ።

11

ዳዊቲ ካዎቲላ
(2ሳሚ 5:1-10)

1 ሃሳፊ ጉዩ ኢሰራኤሌ ኣሳይ ኡባይ ኢሲፊ ዳዊቲኮ ኩብርኔ ቢዲ፡ «ኦኒ ኢሲ ኣሾኔ ኢሲ ማቄላ፤
 2 ካሴ ሳኦሌ ካዎቲላ ዋዴካ ኢሰራኤሌ ኣሳ ኦላሰ ካሌላይ ኔና፤ ጎዳ ኔ ጸሳይ ኔና፤ ታ ዴራ ኢሰራኤሌ ኔኒ ሃማና፤ ኢሰታ ቦላካ ኔኒ ካዎታና» ጊዳ።
 3 ሃሳ ጊሻሰ ኢሰራኤሌ ጨማቲ ኡባይ ካዎ ዳዊቲኮ ኩብርኔ ካታማ ዩዳ፤ ኢዚ ኢሰታራ ኩብርኔን ጎዳ ሲንፋን ጨቁቲዴሰ፤ ጎዳይ ሳሚላ ባጋራ ሃሳይዳ ቃላ ማላ ዳዊቲ ኢሰራኤሌ ቦላ ካዎታና ማላ ቲይዳ።

ዳዊቲ ዩሩሳላሚ ኦይኪዴሰ

10:14 ሌዌ 19:31፤ 20:6፤ 1ሳሚ 13:8-14፤ 15:1-24፤ 28:7-8

4 ዳዊቲኔ ኢስራኤል አሳይ ኡባይ ዩሩሳሌም ካታማ ቢዳ፤ ሄ ዎዴ ያቡሱ አሳቲ ሄን ዲዛ ገሻሰ ሄ ካታማ ያቡሱ ጌቲታዉስ።

5 ያቡሱ አሳቲ ዳዊቲ፣ «ኔሂ ሃ ካታማ ሙሉካ ጌላካ» ገዳ፤ ገዲኮካ ዳዊቲ ጸዮንን ዲዛ ኢስታ ሚጸ ኦይከዴስ፤ ሂስቲን ኢዛ ዳዊቲ ካታማ ጌቲታዲስ።

6 ዳዊቲ፣ «ኮይሮቲ ቢዲ ያቡሱ አሳታ ሾጩዛዴይ ኦላ ጋዳዎ ገዳና» ገዴስ፤ ሂስቲን ጸሪያ ና ኢዮኦቤይ ኮይሮቲ ቢ ኦሊዳ ገሻሰ ኦላ ጋዳዎ ገዲዴስ።

7 ዳዊቲ ሄ ሚጸዮ ባስ ዲሳሶ ሂስቲዳ ገሻሰ ሚጸዮ ዳዊቲ ካታማ ጌቲታዲስ።

8 ዳዊቲ ሄ ካታማይ ዩሾን ኬቻታ ኬጪዲ ካታማዮ ዛሪ ኬጺዴስ፤ ኦቲዳ ካታማ ቃሴ ኢዮኦቤይ ዛሪዲ ኬጺዴስ። *

9 ኡባሬ ዎልቃማ ጎዳይ ኢዛሪ ዲዛ ገሻሰ ዳዊቲ ሚኒ ሚኒ ቢዴስ።

ሚኖ ገዲዳ ዳዊቲ ኦላንቻታ (2ሳሜ 23:8-39)

10 ሚኖ ገዲዳ ዳዊቲ ኦላንቻቲ ሃይሳሬ ካሊዲ ጸፊቲዳ፤ ኢስቲካ ሃንኮ ኢስራኤል አሳታራ ገዲዲ ጎዳይ ኢዛስ ኢሚዳ ሂደታ ቃላ ማላ ኢዛ ካዎቴላይ ኦካና ማላ ኬሂ ማዲዳኔ ሚንሌላዳ።

11 ሚኖ ገዲዳ ዳዊቲ ኦላንቻታ፤ ኮይሮይሲ ሃኪሞኔ ዛርኬሬ ገዲዳ ያሾቢኦሚ፤ ኢዚ ኦላ ጋዳዎ ሄኸታስ ሃላቃ፤ ኢዚ ኢሲቶ ኦላን 300 አስ ዎዲዴስ።

12 ሄ ሃኸ ሚኖ ኦላንቻታ፤ ናሞኦንላዚ ኦሃሆሃ ዛርኬሬ ዳዴ ና ኤልኤዜሬ።

13 ፊሊስጵሜ አሳቲ ኦሊታናስ ኤፍሲ-ዴሚማ ጌቲቲዛሶ ሸቁዳ ዎዴ አላዛሬይ ዳዊቲራ ኢሲሬ ዴስ፤ ባንጋይ ኩሚዳ ጎሻ ጋዴ ገደን ኢስራኤል ኦላንቻቲ ፊሊስጵሜታ ሲንሳሬ ባቃቲዳ።

14 ገደ ኦቲን ኢዚኔ ኢዛ ካሊዛይቲ ሄን ሶሆ ኦይከዲ ፊሊስጵሜ አሳታራ ኤቄቲዳ፤ ጎዳይ ኢስታስ ዎልቃማ ጸኖ ኢሚዴስ።

15 ፊሊስጵሜ ኦላንቻቲ ኤራፋይሚ ሾባን ዲንካኒ ዲዛ ዎዴ 30 ሃላቃታ፤ ሄኸቲ ዳዊቲ ዲዛሶ ኦዲላሚ ጎንጎሎ ማታን ዲዛ ዛላኮ ዎዲዳ።

16 ሄ ዎዴ ዳዊቲ ሚጸ ገደን ዴስ፤ ፊሊስጵሜ ኦላንቻታ ቡቲይ ቤቲሊሃሚን ዴስ።

17 ዳዊቲ ሃላ ኡያናስ ኦሞቲዲ፣ «ቤቲሊሃሚ ካታማ ፔንጌ ላንቄን ዲዛ ፑልቶ ሃላሬ ታና ኦኔ ኡሻናይ!» ገዴስ።

18 ሃኸ ሚኖ ዳዊቲ ኦላንቻቲ ፊሊስጵሜ አሳቲ ዲንካኒ ኡቲዳሶሆራ ካንላ ቢዲ ቤቲሊሃሚ ካታማ ፔንጌን ዲዛ ፑልቶዛ፤ ሃላ ዲቁዲ ዳዊቲስ ኤሂዳ፤ ገደ ኦቲን ዳዊቲ ኡዮንታ ኢዲዲ ሄ ሃላ ጎዳ ሲንላን ጉሲዴስ።

19 ሂስቲዳ፣ «ሃይሳ ማላ ኦሶፔ ታና ጸሲ ናጎ! ታ ሃይሳ ኡይኮ ባ ሸሞፖ ባይዚዲ ኤሂዳ አሳታ ሱላ ኡሻ ማላ ገዴኔ?» ገዴስ፤ ሃሳ ገሻሰ ዳዊቲ ሄ ሃላ ኡዩቤና፤ ሄ ሃኸ ሚኖ ኦላንቻቲ ሃሳ ኦሊዳ።

20 ኢዮኦቤ ኢሻ ኦቢሳዬይ ሄኸታስ ሃላቃ፤ ኢዚ ባ ቶራን 300 አሳታ ኦሊ ዎዲዴስ፤ ሃሳ ጋሶን ኢዚካ ሄኸታ፣ ማላ ኤሬቲዴስ።

21 ኢዚ ሄኸታራ ቆዴቶንታ ኦጊኮካ ኢስታሬ ኦዲዳ ቦንቾ ዴሚዴስ፤ ኢስታሰካ ሃላቃ ገዲዴስ።

22 ቃብጸኤሌፔ ዩዳ ዮዳሄ ና ባናያይ ኤሬቲዳ ኦላንቻኔ ዎልቃማ ሚሽ ኦሊዳ አሳ፤ ኢዚ ናሞኤ ኤሬቲዳ ሞኦቤ ቢታ አሳታ ዎዲዴስ፤ ቃሴ ሻቺ ዳሪዳ ኢሲ ጋላስ ጎንጎሎ ገደ ጌሊዲ ጋሞ ዎዲዴስ።

23 ባናያይ ኢዛስ ጌሳይ ኢቻሹ ዎዳ ገዲዛ ገብጾ ቢታ አስ ዎዲዴስ፤ ሄ ገብጾ ኦዴዛ ኩሼን ሸማኔ ዎንዲራሼ ኬና ቶራይ ዴስ፤ ባናያይ ገዲኮ ጉሬ ኦይከ ቢዲ ኢዛ ኩሼን ዲዛ ቶራ ዳሬ ኤከዲ ኢዛ ቶራን ኢዛ ዛሪ ዎዲዴስ።

24 ዮዳሄ ና ባናያይ ሃይታንታ ኦሊዴስ፤ ኢዚካ ሄኸታ ማላ ኤሬቲዳ አስ ገዲዴስ።

25 ኢዚ ሄኸታራ ቆዴቶንታ ኦጊኮካ 30 ኦላንቻታ፤ ኦዲ ቦንቻቲዴስ፤ ዳዊቲ ኢዛ ባና ናጊዛይታ ቦላ ሃላቃ ሂስቲ ሹሚዴስ።

26 አሳ ገደን ዲዛ ሚኖ ኦላንቻቲ ሃይሳሬ ካሊ ዲዛይታ፤

ኢዮኦቤ ኢሻ አሳሃሌ፡

ቤቲሊሃሚ አስ

ደዴ ና ኤልያኔ፡

27 ሃርዴ አስ ሻሞቲ፡

ፒሎኔ አስ ሃሌዴ፡

28 ቲቁሃ አስ ኢቁሻ ና ኢራ፡

ኦናቶቲ አስ ኦቢኤዜሬ፡

29 ሁሼ አስ ሲቢካዬ፡

ኦሃሆሃ አስ ኤላዬ፡

30 ናጾሬ አስ ማሂራዬ፡

ናጾሬ አስ ባእና ና ሃሌዴ፡

31 ቢኒያሚ ዛርኬሬ ገቢኦ አስ

ኤሪባዬ ና ኢታዬ፡

ፒራቶኔ አስ ባናያ፡

32 ጋኦሼ ሾባ አስ ሁራዬ፡

ኦራቤ አስ ኦቢኤሌ፡

33 ባሂሩሚ አስ ኦዚሞቲ፡

ሻልሶኔ አስ ኤሊያሃቤ፡

34 ገዛኔ አስ ሃሼሚ፡

ሃራሬ ዴሬ አስ

ሻጌ ና ዮናታኔ፡

35 ሃራሬ ዴሬ አስ

ሳካሬ ና ኦሃኦሚ፡

ኡራ ና ኤልፋሌ፡

36 ማኬሬ ዴሬ አስ ሃሬሬ፡

ፒሎኔ ዴሬ አስ ኦካያ፡

37 ቃርሚሎሴ አስ ሃጺራ፡

ኤዘባዬ ና ናኢራዬ፡

38 ናታኔ ኢሻ ኢዩኤሌ፡

ኦጋሬ ና ሚቢሃሬ፡

39 ኦሞኔ አስ ዛላቃ፡

ጸሪያ ና ኢዮኦቤ

ኦላ ማሳራ ቶኪዛ

ቢኦሮቲ አስ ናሂራዬ፡

40 ያቲሬ አስ ኢራ፡

ያቲሬ አስ ጋሬቤ፡

41 ሂቲ አስ ኦሪዮ፡

ኦሃላዬ ና ዛባዴ፡

42 ኦሮቤሌ ዛርኬሬ

* 11:8 ኬቻታ፡ ኬቻቲ ካታማ ገምቤይ ኩንደንታ ማላ ናጌስ ጎኤቲስ።

† 11:20 ሄኸታ ገዛይሲ ሄኸ ታማታ ጌቲታና ዳንዳዬቲስ።

ሺዛ ና አዲኔ፤
ኢዚ ኦርቤሌ ዛርኬታሲኔ
ባናራ ኢሲፌ ዲዛ 30
አሳታሰ ሃላቃ።

- 43 ማእከ ና ሃናኔ፡
ሚታኔ አሰ ኢዮሳፊጾ፡
44 አሽታሮቲ አሰ ኡዚያ፡
አርኤሬ ዳሬ አሰ ሆታዋ
ናይታ ሻሜኔ ዩኢኤሌ፡
45 ሺሚሬ ና ዩዲኤሌኔ
ኢዛ ኢሻ ቲዜቴ ዳሬ አሰ ዮሃ፡
46 ማሃዌ አሰ ኤልኤሌ፡
ኤልናሜ ናይታ
ዩሪባያኔ ዮሻያ፡
ሞአቤ ዳሬ አሰ ዩቲማ፡
- 47 ኤልኤሌ፡ ኢዮቤዳኔ
ጸቤ ዳሬ አሰ ያኢሲኤሌ።

12

ቢኒያሜ ዛርኬፊ ዳዊቲኮ ዩዳ ኦላ አሳታ

- 1 ዳዊቲ ቀቤ ና ሳኦሌፕ ባቃቲዲ ጸጊላጌን ኡቲዳ
ዎዳ ኢዛኮ ዩዳ አሳቲ ሃይሳፌ ካሊዛይታ፤ ኢሰቲካ
ካሴ ኦላ ዎዳ ኢዛ ማዲዳ ኦላ ቃራታ ጊደን ዳቴሰ።
- 2 ኢሰቲ ኡሻቻ ኩሼኒኔ ሃዲርሳ ኩሼን ዎንዳፊ
ዲካናሲኔ ያንባርሼ ቆይቃናሰ ዳንዳይዛ ኦላንቻታ፤
ኢሰቲካ ቢኒያሜ ዛሬ ጊዲዳ ሳኦሌሰ አሾ ዳቦታ።
- 3 ኢሰታ ሃላቃይ ጊቢአ አሰ ሻማኤ ና ኣሂኤዜሬኔ
ኢዮአሳ።
ሃራቲ ቃሴ ኣዘሞቲ ና ዩዲኤሌኔ ፓሌጾ፡ ባራኩ፡
አናቶቲ አሰ ኢዩ፡
- 4 ኤሬቲዳ 30 ኦላንቻታሰ ሃላቃኔ ኤሬቲዳ ኦላንቻ
ጌባኔ ዳሬ አሰ ዩሺማኤ፡ ኤርማሳ፡ ያሃዚኤሌ፡
ዮሃናኔ፡ ጋዴሬ ዳሬ አሰ ዮዛባዴ፡
- 5 ኤልኤዛዬ፡ ያርሞቲ፡ ባአሊያ፡ ሻማሪያ፡ ሃሪፊ
አሰ ሻፋጺያ፡
- 6 ቆሬ አሰ ሂልቃና፡ ዩሺያ፡ ኣዛሪኤሌ፡ ዮኤዜሬኔ
ያሾቢአሜ፡
- 7 ጋዶሬ አሰ ዩርሃሜ ና ዮኤሌኔ ዛባዲያ።

ጋዴ ዛርኬፊ ዳዊቲኮ ዩዳ ኦላ አሳታ

- 8 ዳዊቲ ባዘን ባቃቲ ኣቲዛሶን ዲዛ ዎዳ ጋዴ
ዛርኬታፕ ኦላንቻቲ ኢዛኮ ዩዳ፤ ኢሰቲካ ሚናኔ ኦላሰ
ጊጌቲዳ አሳታ፤ ቃሴካ ጎንዳሌኔ ቶራ ኦይሰ
ዳንዳይዛይታ፤ ኢሰታ ኣይፊሶይ ጋሞ ማላ ባቢሴሰ፤
ኢሰቲ ዙማ ቦላ ጉፒዛ ጌኔሳ ማላ ፒላቲቲሰ።
- 9 ኢሰታ ሃላቃይ ኮይሮይሲ ኤዜሬ፡
ናሞአንሳዚ ኣብዲዩ፡
ሄሻንሳዚ ኤልያቤ፡
- 10 ኦይዳንሳዚ ሚሺማኔ፡
ኢቻሻንሳዚ ኤርማሳ፡
- 11 ኡሱፑንሳይ ኣታዬ፡
ላፑንሳዚ ኤልኤሌ፡
- 12 ኦሰፑንሳዚ ዮሃናኔ፤
ኡዲፋንሳዚ ኤልዛባዴ፤
- 13 ታማንሳዚ ኤርማሳ፤
ታማኔ ኢሰንሳዚ ማኪባናዬ።

14 ሃይቲ ጋዴ ዛርኬታ ጋርሳን ኦላንቻታ ሃላቃታ፤
ኢሰታፊ ዳሮቲ ሻላቃታ ማላ፡ ኣማርዲይቲ ማቶ
ሃላቃታ ማላ ቆዴቲዳ።

15 ዮርዳናሴ ሻፋይ ኪጸ ሳሎ ሸምፒዳ ኮይሮ
አጊናን ፒኒዲ ዙላፊ ኣርሼይ ሞኪዛ ባጋራኔ ኣርሼይ
ዉሊዛ ባጋራ ዲንካኒ ኡቲዳ አሳ ኡባ ዬዳሉዳ።

ቢኒያሜ ዛርኬታፕኔ ዩሁዳ ዛርኬታፕ ዳዊቲኮ ቢዳ ኦላንቻታ

- 16 ቢኒያሜ ዛርኬታፕኔ ዩሁዳ ዛርኬታፕ ኣማርዳ
አሳቲ ዳዊቲ ዲዛሶ ሚጸ ዩዳ።
- 17 ሂሰቲን ዳዊቲ ኢሰታራ ጋይታና ኬኢዲ፡ «ኢንቴ
ታና ማዳናሰ ሳርን ታኮ ዩዳ ጊዲኮ ታ ኢንቴና
ኡፋይሳን ሞካ ኤካና፤ ጊደ ኣቲን ኢንቴ ታና ታ
ሞርኬታሰ ኣሉ ኢማናሰ ዩዳ ጊዲኮ ኦ ኣዋታ ጸሳይ
ሃይሳ ቤኢዲ ፒርዶ!» ጊዴሰ።
- 18 ሄሳፊ ጉዬ 30 አሳታ ሃላቃ ኣማሳዬ ቦላ ጸሳ
ኣያናይ ዎጂን

ኢዚ፡ «ዳዊቲ! ኮኒ ኔይታ!
ኢሴዬ ና ዳዊቲ!
ኮኒ ኔናራ ኢሲፊ ዶሰ!
ኔሲኔ ኔና ማዲዛይታሰ
ሳርይ ጊደ!
ኔ ጸሳይ ኔና
ማዳና» ጊዴሰ።

ሄሳ ጊሻሰ ዳዊቲ ሞኪ ኤኪዲ ባ ኦላንቻታ ቦላ ሃላቃ
ሂሰቲዳሰ።

ሚናሴ ዛርኬፊ ዳዊቲኮ ዩዳ ኣሳታ

- 19 ዳዊቲ ፊሊሰጾሜታራ ኢሲፊ ጊዲዲ ሳኦሌ
ኦላናሰ ቢዳ ዎዳ ሚናሴ ዛርኬፊ ኣማርዳ አሳቲ
ዳዊቲኮ ቢዲ ኢዛ ቆሚዳ፤ ጊደ ኣቲን፡ «ዳዊቲኔ ኢዛ
ኦላንቻቲ ኢሰታ ካዎዛ ሳኦሌሰ ኣሉ ኢማናኮ» ጊ
ሂርጊዳ ጊሻሰ ፊሊሰጾሜ ኣሳቲ ኬሂ ዘሬቲዳፕ ጉዬን
ኢሰታ ጉዬ ጸጊላጌ ዛሬዳ።
- 20 ዳዊቲ ጸጊላጌ ካታማ ሰሚሺን ኢዛ ማዳናሰ
ሚናሴ ዛርኬታፕ ኬዚ ዩዳ ሻላቃቲ ኣዲናሄ፡
ዮዛባዴ፡ ዩዲኤሌ፡ ሚካኤሌ፡ ዮዛባዴ፡ ኤሊሁኔ
ጸልታዬ።
- 21 ኢሰቲ ኡባቲካ ኤሬቲዳ ሚኖ ኦላንቻታ ጊዲዳ
ጊሻሰ ዳዊቲ ኦላ ዎታዳራታ ቦላ ሃላቃታ ጊዲዳ፤
ዳዊቲ ሞርኬታ ኦሊዲ ኢዛ ማዲዳ።
- 22 ዳዊቲ ኦላንቻቲ ጸሳ ኦላንቻታ ማላ ጮራታና
ጋካናሰ ኢዛ ማዲዛ ኣሳይ ጋላሰ ጋላሰ ጉጃቲሰ።

ኬብርኔን ዳዊቲ ቆሚዳ ኦላንቻታ ቆዳ

- 23 ጎዳይ ኢሚዳ ሂደታ ቃላ ማላ ሳኦሌ ካዎቲላ
ዳዊቲሰ ዛራናሰ ዳዊቲኮ ኬብርኔ ዩዳ ኦላ ታማርዳ
ዎታዳራታ ቆዳይ ሃይሳፊ ካሊዛይሳ፤
- 24 ጎንዳሌኔ ቶራ ኦይኪዲ ኦላሰ ጊጌቲዳ ዩሁዳ
ዛርኬቲ ኡሱፑን ሺያኔ ኦሰፑን ጾታ።
- 25 ሰሞና ዛርኬፊ ኦላሰ ጊጊዳ ሚናኔ ዎልቃማ
ኦላንቻቲ ላፑን ሺያኔ ኢሲ ጾት።
- 26 ሌዌ ዛርኬፊ ኦይዳ ሺያኔ ኡሱፑን ጾት፡
- 27 ኣርኔ ዛርኬታ ሃላቃ ዮዳሄ ጉጃን ሄሹ ሺያኔ
ላፑን ጾት።
- 28 ኤሬቲዳ ኦላንቻ ሳዶቄ ዳቦታ ጊደፊ ኢዛራ
ጉጃን ናሞኡ ታማኔ ናሞኣ።
- 29 ቢኒያሜ ዛርኬፊ ሳኦሌ ዳቦቲ ሄሹ ሺያ።

ገደ አቲን ቢኒያሜ ዛርኬፌ ዳሪዛ ባጋቲ ሳኦሌ ኩላ አሳሰ ሄ ዋዴይ ጋካናሰ አማኔተዛይታ።

30 ኤፍሬሜ ዛርኬፌ ባንታ አዋታ ኬላን ኤሬቲዳ ሚናቲ ናምኡ ታሙ ሺያኔ ኦሰቸን ጾት።

31 ዳዊቲ ካዋላናሰ ዳሬቲዳ ሚናሴ ዛርኬ ባጋሬ ታማኔ ኦሰቸን ሺያ።

32 ኢሰራኤል አሳይ አይ ኦላናሰ ቤሲዛኮ ዋዴዛ ሻኪ ኤሪዛ አቶ ኤራንቻቲኔ ዩሳኮሬ ዛርኬ ሃላቃቲ ናምኡ ጾት፤ ኢሰታራ ዩዳ ኢሰታ ዳቦቲ ኡባይ ኢሰታሰ አዛዘቲቲሰ።

33 ኦላ ሜዘቲዳይቲ፣ ኦላ ማሳራ ኡባን ኦሌታናሰ ዳንዳይዛይቲኔ ዋዚናይ ባላቶንታ ዳዊቲ ማዳናሰ ዩዳ ዛቢሎኔ ባጋቲ ኢቻሽ ታሙ ሺያ።

34 ኒፍታሌሜ ዛርኬታሰ ኢሲ ሺያ ሃላቃቲ ዴቲሰ፤ ጎንዳሌኔ ቶራ ኦይኪዳ ሄዙ ታማኔ ላቸን ሺ አሳቲ ኢሰታራ ኢሲፌ ዴቲሰ።

35 ዳኔ ዛርኬፌ ኦላሰ ገቤቲዳ አሳቲ ናምኡ ታማኔ ኦሰቸን ሺያኔ ኡሱቸን ጾት።

36 አሴሬ ዛርኬፌ ኦላ ሜዘቲዳ ገቤቲዳ ኦላንቻቲ ኦይዱ ታሙ ሺያ።

37 ዮርዳናሴ ሻፋፔ ኦርሽይ ሞኪዛ ባጋን ዲዛ ኦርቤሌ ዛርኬታፔ፣ ጋዴ ዛርኬታፔኔ ሚናሴ ዛርኬ ባጋሬ ዲማ ዲማ ቆሞ ማሳራ ኦይኪዳ ዩዳ አሳቲ ጾታኔ ናምኡ ታሙ ሺያ።

38 ሃ ኦላሰ ገቢዳ ኦላንቻቲ ኡባይ ዳዊቲ ኢሰራኤል ቦላ ካዋላናሰ ባንታ ቆፋ ኢሲ ቦላ ቃቺዳ ኬብሮኔ ካታማ ዩዳ፤ ቃሴ ሃንኮ ኦቲዳ ኢሰራኤል ዴሬ ኡባይ ዳዊቲ ካዋላናሰ ኢሲ ዋዚናን ገዲዳሰ።

39 ኢሰታ ዳቦቲ ኢሰታሰ ኮሺዛይሳ ገባሲ ዋሊዳ ገሻሰ ሚሺኔ ኡዩሼ ዳዊቲኮን ሄዙ ጋላሰ ጋምኢዳ።

40 ኢሰራኤል አሳሰ ገታ ኡፋይሰ ገዲዛ ገሻሰ ኢሰታ ሾሮፔ ደሚዳ ሃኮን ዲዛ ዩሳኮሬፔ፣ ዛቢሎኔፔኔ ኒፍታሌሜፔ አሳይ አቶንታ ካል፣ ጳሌ፣ ባላሴኔ ዛቢቤ ኮምፓ፣ ዋይኔ ኡሺኔ ዋጋራ ዛይቲ ሃሬን፣ ባቁሎን፣ ጋሜላኒኔ ቦራን ጫኒዳ ኤሄዳሰ፤ ቃሴካ ኢሰቲ ሹኪ ማና ማላ ሚዛታኔ ደርሳታ ኤኪ ዩዳ።

13

ታቦታ ዛሪ ኤሆ (2ሳሜ 6:1-11)

1 ሄሳፌ ጉዬ ዳዊቲ ሻላቃታራ፣ ማቶ ሃላቃታራኔ ኦላንቻ ሃላቃታ ኡባታራ ዘሬቲዳሰ።

2 ሂሰቲዳ ኢሰራኤል አሳ ኡባሰ፣ «ኢንቲሰ ሎኦ ሚሳቲዛይሳ ገዲኮኔ ጎዳ ኦ ጾሳ ሸኔ ገዲኮ ኢሰራኤል ቢታን ማታኒኔ ሃኮን ዲዛ ኦ ኢሻቲ ቃሴካ ባንታ ካታማታኒኔ ባንታ ሜሄ ሄሚዛሰሆታን ዲዛ ቁሴቲኔ ለዌቲ ኦራ ኢሲፌ ሺቃና ማላ ኣኔ ከታ ዩዳሰ።

3 ጎኦሌ ካዋቲላ ዋዴ ኦኒ ዩገ ኣገዳ ኦ ጾሳ ታቦታ ኣኔ ዛሪዳ ኤሆሰ» ገዴሰ።

4 ዳዊቲ ዮቲዳይሲ አማንሌዛዝ ገዲዳ ገሻሰ አሳይ ኢዛ ቆፋ ኤኪዳሰ።

5 ሄሳ ገሻሰ ዳዊቲ ጾሳ ታቦታ ቂሪያቲ-ዩኣሪሜፔ ኤሃና ማላ ገብጾ ዛዋፔ ደሚዳ ሃማቲ ፑርዴ ጋካናሰ ዲዛ ኢሰራኤል አሳ ኡባ ሺሺዳሰ።

6 ዳዊቲኔ ኢሰራኤል አሳይ ኡባይ ከሩቤታፔ ገደን ባ አራታ ቦላ ኡቲዳ ጎዳ ሱጎላን ጾይጌቲዳ ጾሳ ታቦታ ኤሃናሰ ዩሁዳ ቢታን ዲዛ ባኣላ ጌቲቲዛ ቂሪያቲ-ዩኣሪሜ ካታማ ቢዳ።

7 ጾሳ ታቦታዛ ኣቢናዳቤ ሶፔ ኦራላ ፓራ-ጋራ ቦላ ዋሊ ኤሂዳ፤ ፓራ-ጋራዛ ላገዛይቲ ኦዛኔ ኣሂዮ።

8 ዳዊቲኔ ኢሰራኤል አሳይ ኡባይ ዲላን ማሲንቆን፣ ካራቤን፣ ዳላኒኔ ጸሩምባን ባንታ ኩሜላ ዋልቃን ጾሳ ሲንላን ኡፋይቲዳ ቦንቺዳ።

9 ኢሰቲ ኪዶና ጌቲቲዛሶን ዲዛ ካላ ባሌዛኮ ጋኪዳ ዋዴ ጫኒዳ ቦራቲ ባርጋገ ጳጳቲን ኦዛይ ታቦታዛ አሻናሰ ኩሼ ዩዲዳሰ።

10 ኢዛ ኩሼይ ታቦታዛ ቦቺዳ ገሻሰ ጎዳ ሃንቆይ ኦዛ ቦላ ኤጺ ኬዚዳሰ፤ ሄሳ ገሻሰ ኢዚ ሄን ጎዳ ሲንላን ሃይቂዳሰ።

11 ጎዳይ ሃንቂቲዳ ኦዛ ዋዲዳ ገሻሰ ዳዊቲ ካዮቲዳሰ፤ ሃቾ ጋካናሰ ሄ ሶሆይ ኦዛ ሜቆሶ ጌቲቲሰ።

12 ሄ ጋላሰ ዳዊቲ ጾሳሰ ያዩዳ ገሻሰ፣ «ጾሳ ታቦታ ታኮ ዋሰታ ኤሃናሰ ዳንዳይዛና?» ገዴሰ።

13 ሄሳ ገሻሰ ዳዊቲ ታቦታዛ ባናራ ኤፋናፔ ጌቲ ዴሬ ኣሰ ኣቢዳራሶ ኤፊዳሰ።

14 ጾሳ ታቦታይ ኣቢዳራሶን ኢዛሶ አሳታራ ሄዙ ኣገና ጋምኢዳሰ፤ ጎዳይ ኢዛ ኬላ አሳኔ ኢዛሰ ዲዛ ሚሽ ኡባ ኣንጂዳሰ።

14

ዩሩሳላሚን ዳዊቲ ኦሶታ (2ሳሜ 5:11-16)

1 ጸርሴ ካዋ ሁራሜይ ዳዊቲሰ ካዋ ኬላ ኬጻና ማላ ከታ አሳታ፣ ሹቾ ማሲዛይታኔ ኣናጾታ ዚጋ ሚላ ዳዊቲኮ ዩዲዳሰ።

2 ጎዳይ ኢሰራኤል ቦላ ኢዛ ካዋሊዳይሳኔ ባ አሳ ኢሰራኤል ገሻሰ ኢዛ ካዋቲላ ቶቁ ሂሰቲ ቦንቺዳይሳ ዳዊቲ ኣኬኪዳሰ።

3 ሄሳፌ ጉዬ ዳዊቲ ዩሩሳላሚን ሃራ ማቺታ ጉጂ ኤኪዳ ኣቲማ ናይታኔ ማጫ ናይታ ዩሊዳሰ።

4 ዳዊቲ ዩሩሳላሚን ዩሊዳ ኣቲማ ናይቲ ሻሙኤ፣ ሾባቤ፣ ናታኔ፣ ሶሎሞኔ፣

5 ኢያቤሄራ፣ ኤልሹኤ፣ ኤልፓሌዴ፣

6 ኖጋሄ፣ ኔፌጌ፣ ናፊያ፣

7 ኤልሻማኤ፣ ቤኤልያዴኔ ኤልፋሌዴ። *

ፊሊሰጾሜ አሳ ጸኔቲላ (2ሳሜ 5:17-25)

8 ዳዊቲ ኢሰራኤል ኡባ ቦላ ካዋ ገዲዳ ቲዬቲዳይሳ ፊሊሰጾሜ አሳይ ሲዩዳ ኡባይ ዳዊቲ ኦይካናሰ ኬኢዳሰ፤ ዳዊቲ ሄሳ ሲዩዳ ኢሰታራ ኦሌታናሰ ኬዚዳሰ።

9 ፊሊሰጾሜ አሳይ ኤራፋይሜ ዙሌዛ ዩዳ ዋራጂዳሰ።

10 ዳዊቲካ፣ «ታኒ ባዳ ፊሊሰጾሜታ ኦሎ? ኔኒ ኢሰታ ታ ኩሼን ኣላ ኢማኔ?» ገ ጾሳ ኦይቺዳሰ።

13:5 1ሳሜ 7:1-2 13:6 ኬሳ 25:22 13:14 1ገሪ 26:4-5 * 14:7 ዳዊቲሰ ዩሩሳላሚን ዩሌቲዳ ኣቲማ ናይታ ሱጎላ 2ሳሜ 5:14-16፣ 1ገሪ 3:5-7ኔ 14:4-7 ጸፊቲዳሰ፤ ገዳ አቲን ኢብራዊታ ማጻፋን ኢሶታ ኢሶታ ሱጎላይ ኡባሶን ኢሲ ማላ ገዴና።

ሂሰቲን ጎዳይ አዛሰ፡ «ኤ ባዳ ኦላ፤ ታኒ ኢስታ ኔስ አላ አማና» ገደሰ።

11 ሂሰቲን ዳዊቲኔ አዛራ ዲዛ አሳይ ባኣሊ-ፓራጸሜ ጌቲቲዛሶ ቢዲ ሂን ኢስታ ኦሊ ጸኒዳ፤ ዳዊቲ፡ «ዲኦ ሃሊ ሾዲ ኤፊዛ ማላ ጸሲ ታ ሞርኬቲ ታ ኩሼን ሾዴታና ማላ ኦሊደሰ» ገደሰ፤ ሂሳ ገሻሰ ሂ ሶሆዛ ሱገሊ ባኣሊ-ፓራጸሜ ጌቲቲደሰ።

12 ፊሊሰጾሜቲ ባንታ ኤቃ ጸሳታ ሂን ዩጊ ቢዳ። ሂሰቲን ዳዊቲ ኢስታ ኤቃ ጸሳታ ታማን ጸጋና ማላ አዛዚደሰ።

13 ፊሊሰጾሜ አሳይ ናምኣንሎ ዩዲ ሂ ሾባ ሞራጂደሰ።

14 ዳዊቲ ጸሳ ናምኣንሎ ዛሪ ኦይቺደሰ፤ ሂሰቲን ጸሲ አዛሰ፡ «ኔኒ ኢስታ ቦላ ሲቲ ጋዳ ቦፓ። ኢስታ ገደዳዳ ኤላ ማላሰ ሲገላ ባጋራ ኢስታ ኦላናሰ ጊታ።

15 ኤላ ማላዛ ዴራን ሳልፌ ገሪሰ ኔኒ ሲዩዳ ዎዴ ኦላናሰ ኤሌ ኩዛ፤ ጋሶይካ ሂሲ ፊሊሰጾሜ ኦላንቻታ ሾጫናሰ ጸሳይ ኔፔ ሲገላን ኩዚዳ ገሻሳ ጉሳ» ገደሰ።

16 ሂሳ ገሻሰ ጸሳይ አዛዚዳ ማላ ዳዊቲ ኦሊደሰ። ጌባኦኔፔ ቢዲ ጌዜሬ ጋካናሰ ኢሰራኤሌ አሳይ ፊሊሰጾሜ ኦላንቻታ ዲፒ ሂሰቲደሰ።

17 ሂሳ ጋሶን ዳዊቲ ጎባቲሊ ቢታ ኡባን ናሹቲደሰ። ጎዳይ ካዎቲላቲ ኡባይ ዳዊቲሰ ያያና ማላ ኦሊደሰ።

15

ታቦታዛ ዩሩሳላሚ ኤሆ

1 ዳዊቲ ባ ሱገላን ጾይጌቲዳ ካታማን ባሰ ኩላታ ኩዲደሰ፤ ጸሳ ታቦታሲካ ሶሆ ገግሲዲ ዲንካኔ ኤሲደሰ።

2 ሂሳፌ ጉዬ ዳዊቲ፡ «ጸሳ ታቦታ ቶካናሲኔ ሜርናሰ ጸሳሰ ሃጋዛና ማላ ጎዳይ ደሪዳ ለዌታፔ ኦቲን ሃራ አሲ ኦኒካ ጸሳ ታቦታ ቶኮሮ» ገ አዛዚደሰ።

3 ዳዊቲ ጎዳ ታቦታሰ ገግሲዲ ሶሆ ታቦታዛ ኤሃና ማላ ኢሰራኤሌ አሳ ኡባ ዩሩሳላሚን ሸሺደሰ።

4 ቃሴካ አርኔ ዛሬታኔ ለዌታ ጾይጊ ሸሺደሰ፤

5 ቃኦቲ ዜሬላታፔ ሃላቃ ገዲዳ ኡርኤሌኔ ኢዛ ዳቦታፔ ኢሲ ጾታኔ ናምኡ ታማ፤

6 ሜራሪ ዜሬላታፔ ሃላቃ አሳያኔ ኢዛ ዳቦታፔ ናምኡ ጾታኔ ናምኡ ታማ፤

7 ጌርሾኔ ዜሬላታፔ ሃላቃ ኢዩኤሌኔ ኢዛ ዳቦታፔ ኢሲ ጾታኔ ሃሸ ታማ፤

8 ኤልጸፋኔ ዜሬላታፔ ሃላቃ ሻማኤኔ ኢዛ ዳቦታፔ ናምኡ ጾታ፤

9 ኬብሮኔ ዜሬላታፔ ሃላቃ ኤልኤሌኔ ኢዛ ዳቦታፔ ኦሰፑን ታማ፤

10 ኡዚኤሌ ዜሬላታፔ ሃላቃ አሚናዳቤኔ ኢዛ ዳቦታፔ ኢሲ ጾታኔ ታማኔ ናምኡ።

11 ሂሳፌ ጉዬ ዳዊቲ ቄሴታ ሳዶቄኔ አቢያታሬ፡ ቃሴ ለዌታ ኡርኤሌ፡ አሳያ፡ ኢዩኤሌ፡ ሻማኤ፡ ኤልኤሌኔ አሚናዳቤ ጾይጊደሰ።

12 ሂሰቲዲ ኢስታሰ፡ «ኢንቲ ለዌ ኩላ አሳታሰ ሃላቃታ ገዲዳ ገሻሰ ኢንቲና ጌሺቲ፤ ሂሳፌ ጎዳ ኢሰራኤሌ ጸሳ ታቦታ ታ ኢዛሰ ገግሲዳሶ ኤሂቲ።

13 ካሴካ ኢንቲ ለዌ ቆሞቲ ጸሳ ታቦታ ቶኮንታ አጊዳ ገሻሲኔ ኦኒካ ኢዛ ዎጋ ማላ ዎሰቲ ኤፋናኮ ጸሳ

ኦይቸንታ አጊዳ ገሻሰ ጎዳ ኦ ጸሳይ ኦና ቃጸይደሰ» ገደሰ።

14 ሂሳ ገሻሰ ጎዳ ኢሰራኤሌ ጸሳ ታቦታ ኤሃናሰ ቄሴቲኔ ለዌቲ ባንታና ጌሺዳ።

15 ጎዳይ ሙሴ ባጋራ ካሴ አዛዚዳ ማላ ለዌቲ ጸሳ ታቦታ ቶሆ ማላራ ባንታ ሃሼን ቶኪዳ።

16 ሂሳፌ ጉዬ ዲሊኔ ማሲንቆ ዲዲሼ፡ ዳላ ቃሊሼ፡ ኡፋይሳ ማዛሙራ ዩጸና ማላ ለዌታ ካሊሊዛይቲ ባንታ ዳቦታ ጋርሳፌ አሰ ዶራና ማላ ዳዊቲ አዛዚደሰ።

17 ሂሳ ገሻሰ ለዌቲ ኢዩኤሌ ና ሃማኔ፡ ኢዛ ዳቦታፔ ባራካዬ ና አሳፌኔ ኢስታ ኢሻንታፌ ሜራሪ ዛርኬ ቄሲያ ና ኤታኔ ሹሚዳ።

18 ቃሴ ናምኣንሎ ማራን ዛካራሳ፡ ያኢዚኤሌ፡ ሻሚራሞቲ፡ ዩሂኤሌ፡ ኡኔ፡ ኤልያቤ፡ ባናያ፡ ማኢሳያ፡ ማቲቲያ፡ ኤልፋሌሀ፡ ሚቄኔያኔ ፔንጌ ና ገዛይታ ኦቤድ-ኤዶሜኔ ዩኢኤሌ ሱገሊዳ።

19 ጸርቀማላ ዳላ ቶቄ ሂሰቲ ገሪሲ ሲሳና ማላ ሃማኔ፡ አሳፌኔ ኤታኔ ሱገሊዳ።

20 ቃሴ ማሲንቆ ካኣና ማላ ዛካራሳ፡ ያኢዚኤሌ፡ ሻሚራሞቲ፡ ዩሂኤሌ፡ ኡኔ፡ ኤልያቤ፡ ማኢሳያኔ ባናያ ሱገሊዳ።

21 ዲሳ ኦርዴራ ሾጫና ማላ ማቲቲያ፡ ኤልፋሌሀ፡ ሚቄኔያ፡ ኦቤድ-ኤዶሜ፡ ዩኢኤሌኔ አዛዚያ ሱገሊዳ።

22 ለዌታ ሃላቃ ካናኒያ ዩላሰ አሞታይ ኢዛሰ ዲዛ ገሻሰ ዩዲዛይታ ታማርሳና ማላ ሱገሊዳ።

23 ባራካዬይኔ ሂልቃናይ ታቦታ ዲንካኔ ፔንጌ ናጋናሰ ደሬቲዳ።

24 ቃሴ ቄሴቲ ሹባኒያ፡ ኢዮሳፌዴይ፡ ናቲናኤሌይ፡ አማሳዬይ፡ ዛካራሲ፡ ባናያይኔ ኤልኤዜሬይ ጸሳ ታቦታ ሱገላን ጸሩሞባ ፑናናሰ ደሬቲዳ፤ ኦቤድ-ኤዶሜይኔ ዩሂያይ ታቦታ ናጋናሰ ደሬቲዳ።

(2ሳሜ 6:12-22)

25 ሂሳፌ ጉዬ ዳዊቲ፡ ኢሰራኤሌ ጨማቲኔ ሻላቃቲ ጎዳ ታቦታ ኦቤድ-ኤዶሜ ሶፔ ኤሃናሰ ኡፋዬቲዲ ቢዳ።

26 ጫቆ ቃላ ታቦታ ቶኪዳ ለዌታ ጸሳይ ማዲዳ ገሻሰ ኢሰቲ ላፑን ኮርማ ቦራታኔ ላፑን ቶርሾታ ያርሺዳ።

27 ዳዊቲ፡ ታቦታ ቶኪዳ ለዌቲ ኡባይ፡ ዩላ ዩዲዛይቲኔ ኢስታ ሃላቃ ካናኒያ ቃጫናፔ ዳዴቲዳ ላይና ማይኢዳ፤ ቃሴካ ዳዊቲ ለኤ ቃጫናፔ ዳዴቲዳ ኤፋዳ ማይኢዳ።

28 ሂሰቲዲ ኢሰራኤሌ ኡባይ ሆሞቦጫሼ ጸሩሞባኔ ዛዬ ፑኒሼ፡ ዳላ ገሪሲሼ፡ ዲሊኔ ማሲንቆ ዲዲሼ ጎዳ ታቦታ ኤሂዳ።

29 ጫቆ ቃላ ታቦታይ ዳዊቲ ካታማ ጌሊሺን ካዎ ዳዊቲ ኡፋዬቲዲ ዲሪሺኒኔ ካኢሺን ሳኦሌ ናያ ሚልኮላ ማሰኮቲራ ሞካ ጾላዳ ካዎ ዳዊቲ ባ ዎዚናራ ካዳዳሰ።

16

1 ኢሰቲ ጸሳ ታቦታ ኤሂዲ ዳዊቲ ታቦታ ዎላናሰ ቶሊዳ ዲንካኔዛ ገደን ዎላዳ፤ ሂሰቲዲ ጸጌቲዛ ያርሾኔ ኢሲፌቲላ ያርሾ ጸሳሰ ያርሺዳ።

2 ዳዊቲ ጸጌቲዛ ያርሾዛኔ ኢሲፌቲላ ያርሾ ያርሺዳፔ ጉዬ ጎዳ ሱገላን ዴሬዛ አንጂደሰ።

3 ሃሳፌ ጉዬ ኢሰራኤል አሳ ኡባስ፣ ማጫሳሲኔ አቱማሳስ፣ ሁኤን ሁኤን ኢሲ ኢሲ ጉላ ኡኬል፣ ኢሲ ኢሲ ቃንጾ አሾኔ ኢሲ ኢሲ ዛቢቤ ኮምፓ * ጊሺዳስ።

4 ጎዳ ታቦታ ሲንላን ኦላና ማላኔ ጎዳ ኢሰራኤል ጸሳ ዋሳናስ፣ ሳባናሲኔ ጋላታናስ ዳዊቲ ሌዌ ቆሞታፕ ጉላታ ሱንሲዳስ።

5 ሌዌታ ሃላቃይ አሳፌ፤ ኢዛፔ ጋርሳራ ዛካራሳ፤ ዛካራሳራ ዲዛይቲ ዩኢኤሌ፣ ሻሚራሞቲ፣ ዩሂኤሌ፣ ማቲቲያ፣ ኤልያቤ፣ ባናያኔ ኦቤድ-ኤደሜኔ ዩኢኤሌ፤ ሄይቲ ማሲንቆኔ ዲል ዲጸና ማላ ሱሚዳ፤ አሳፊ ጊዲኮ ዳላ ቃላናስ ሱሚዳስ። †

6 ቄሴ ባናያይኔ ያሃዚኤሌይ ጸሳ ታቦታ ሲንላን ኡባ ዎዴ ዛዬ ፑናና ማላ ሱሚዳ።

ጋላታ ዬላ
(ማዛ 105:1-15፤ 96:1-13፤ 106:1:47-48)

7 ሄ ጋላስ ዳዊቲ ካሴቲዲ አሳፌሲኔ ኢዛራ ኦሊዛ ላጌታስ ጎዳ ጋላቲዛ ዬላ ኢሚዳስ።

8 ጎዳ ጋላቲቲ፤
ኢዛ ሱንላ ጾይጊቲ፤
ኢዚ ኦሊዳ ኡባ
ካዎቲላታስ የቲቲ።

9 ኢዛ ሳቢቲ፤
ጋላታ ዬላካ ኢዛስ ዬጸቲ፤
ኢዚ ኦሊዳ ማላሊሲዛ ኦሊ
ኡባ የቲቲ።

10 ኢዛ ጌሻ ሱንላን
ቦንቲቲ፤
ጎዳ ኮይዛይታ
ዎዚናይ ኡፋዬቶ።

11 ጎዳኔ ኢዛ ዎልቃ ጸሞሲቲ፤
ኡባ ዎዴ ኢዛ ኮይቲ።

12 ኢዚ ኦሊዳ ማላሊሲዛ ኦሊታ፣
ማላታታኔ ኢዛ ፒርዳ አኬኪቲ።

13 ኢንቴኖ ጸሳ አይሌ
ኢሰራኤሌ ዜሬላቶ!
ኢንቴኖ ደሬቲዳ
ያቆቤ ናይቶ!

14 ኢዚ ጎዳይ ኑ ጸሳ፤
ኢዛ ፒርዳይ ኡባ ቦላና።

15 ባ ጫቂዳ ቃላ ሜርናስ፣
ባ አዛዚዳይሳካ ሺ ዬሌታ
ጋካናስ ቆፔስ።

16 አብራሃሜስ ጫቂዳ ጫቃ፣
ዩሳቃስ ኢሚዳ ሂደታ ቃላ፣
17 ያቆቤስ ዎጋ ጊዳና ማላ፣
ኢሰራኤሌሲካ ሜርና ጫቆ
ቃላ ጊዳና ማላ ሚንሲዳስ።

18 «ካናኔይ ኔስ
ጸንጾ ጊዳና ማላ
ታ ኔና ላቲሳና» ጊዳስ።

19 ኢስቲ ቆዳን ጉላ ጊዲ ዲዛ ዎዴ፣
ዴራሲካ ኢማሳ ጊዲ ዲዛ ዎዴ፣
20 ኢሲ ዴሬፔ ሃራ ዴሬ፣
ኢሲ ካዎቲላፊ

ሃራ ካዎቲላ ቶይላቲዳ።

21 ኦኒካ ኢስታ ኡንኤላና ማላ
ኢሲ ኢሚቤና፤
ኢስታ ጊሻስ ካዎታ ሴሪዳስ፤
22 «ታ ቲይዳይታ ቦቾፍቲ፤
ታ ናቤታ ቆሆፕቲ» ጊዳስ።

23 ቢታ ኡባይ ጎዳስ ዬጸቲ፤
ኢዚ አሺዛይሳ
ሃቾ ሃቾ የቲቲ።

24 ካዎቲላታስ
ኢዛ ቦንቾ አዎጂቲ፤
ኢዚ ኦሊዳ ማላሊሲዛ
ሚሻታ ዴሬ
ኡባስ የቲቲ።

25 ጎዳይ ጊታ፤
ኢዛስ ቤሲዛ ጋላታይካ ጾቃ፤
ጸሳታ ኡባፌ አጼስ፤
ኢዛስ ያያናስ ቤሲስ።

26 አይዛቤታ ጸሳቲ
ኡባይ ኤቃ ጸሳታ፤
ጎዳይ ጊዲኮ
ሳሎታ ሜጂዳ ጸሳ።

27 ቦንቾይኔ ቲማይ ኢዛስ ዳስ፤
ሚናቲሊኔ ኡፋይሲ
ኢዛ ኬላን ዳስ።

28 ኢንቴኖ አሳ ዛሬ ኡባቶ!
ጎዳ ሳቢቲ፤
«ቦንቾይኔ ዎልቃይ
ጎዳሳ» ጊ የቲቲ።

29 ጎዳ ሱንላስ ቤሲዛ
ቦንቾ አሚቲ፤
ያርሾ ኤኪዲ ኢዛ ሲንላ ሺቂቲ፤
ኢዛ ጌሻቲላ ቦንቾ
ጊሻስ ጎዳስ ጎይኒቲ።

30 ቢታን ዲዛ አስ ኡባይ
ኢዛ ሲንላን ኮኮሪቲ፤
ሳኔይ ሚኒ ኤቂዳስ፤
ሙሌካ ቃጾና።

31 ሳሎቲ ኡፋይቲቶ!
ሳኔይካ ሃሹ ጎ!
ካዎቲላታ ጊዳን ኢስታስ፣
«ጎዳይ ካዎቲዳስ!» ጌቶ።

32 አባይኔ ኢዛ ጊዳን ዲዛ
ኡባይ ጉሜቶ፤
ዳምባቲኔ ኢስታ ቦላ ዲዛ
ኡባቲ ኡፋይቲቶ።

33 ኢዚ ቢታ ቦላ ፒርዳናስ ያና፣
ሄ ዎዴ ዎራ ሚላቲ
ጎዳ ጸሳ
ሲንላን ኡፋይሳን ዬጸና።

34 ጎዳይ ኪያ፤
ኢዛ ማርቲላይካ ሜርናሳ፤
ሃሳ ጊሻስ ጎዳ ጋላቲቲ።

35 «አቤት ኑና አሺዛ ጎዳዉ!

* 16:3 ኮምፓ ጌቲቲዛይሲ ኢሲ ኢሲ ባጋ ጋሞላ ቃላን ዴቦ ዎይኮ ሊቻኮ ጌቲቲስ። † 16:5 ዳላ ጊዛይሲ ጸናጸሌ ጊዛይሳ ቤሲስ።
16:16 ሜዴ 12:7፤ 26:3 16:18 ሜዴ 18:13 16:22 ሜዴ 20:3 16:34 2ታሪ 5:13፤ 7:3፤ ኢዛ 3:11፤ ማዛ 100:5፤ 106:1፤
107:1፤ 118:1፤ 136:1፤ ኤር 33:11

ኩና አሻ፤
 ኔ ጌሻ ሱንጻ
 ኩ ጋላታና ማላ፡
 ኩ ኔና ጋላታን
 ቦንቻና ማላ
 ካዎቴላታ ገደፌ ኩና
 ሸሻዳ አሻ» ገቱ።

36 ጎዳ ኢሰራኤል ጸሳይ
 ማርና፤ ማርና ጋካናሰ ጋላቱቶ!
 ሄሳፌ ጉዬ ዳሬ ኡባይ፡ «አሚን» ገዲ ጎዳ
 ጋላቲዳሰ።

ዩሩሳሌምን ገባኦን ሃኒዳ ጎይኖ ማራ

37 ጎዳ ታቦታ ሲንጻን ሃቶ ሃቶ ጎይኖሰ ኮሺዛዝ
 ኡባ ዎዴ ኢሰቲ ኦላና ማላ ዳዊቲ አሳፌኔ ኢዛ ዳቦታ
 ዎሊዳሰ።

38 ቃሴካ ኦቤድ-ኤዶሜኔ ኢዛ ዳቦታ ኡሱቸን
 ታማኔ ኦሰቸናታ ኢሰታራ ኦላና ማላ ዎሊዳሰ፤ ኤዶታኔ
 ና ኦቤድ-ኤዶሜኔ ሆሳ ዲርሳ ፔንጌ ናጋና ማላ
 ዎሊዳሰ።

39 ቄሴ ሳዶቄኔ ኢዛራ ኦሊዛ ቄሴቲ ገባኦን
 ዳቃሪሆን ዲዛ ጎዳ ዲንካኔዛ ሲንጻን ኦላና ማላ ሄን
 ዎሊዳሰ።

40 ጋሶይካ ጎዳይ ኢሰራኤሉስ ኢሚዳ ዎጋ ማላ
 ኢሰቲ ኡባ ዎዴ ጸጌቲዛ ያርሾይ ያርሾቲዛሶን ማላዶኔ
 ኦማርሰ ጸጌቲዛ ያርሾ ያርሻናሳ።

41 ኢዛ ማርታይ ማርናሰ ገዲዳ ገሻሰ ጎዳ ጋላታና
 ማላ ሄማኔ፡ ኤዶታኔ ደሬቲዳ ሃራታ ዳዊቲ ኢሰታራ
 ኢሰፌ ኤሰዳሰ።

42 ሄማኔሲኔ ኤዶታኔሰ ጸሩዎባ ፑናናሰ፡ ዳላ
 ገሪሳናሲኔ ዬላ ዬዲሾ ጎኤቲዛ ሃራ ማሳራታ ቦላ
 አዎቴሌ ኢሰታሰ ኢሜቲዳሰ፤ ኤዶታኔ ናይቲ ዲርሳ
 ፔንጌ ናጋና ማላ አላፊቴሌ ኢሜቲዳሰ።

43 ሄሳፌ ጉዬ ኡባ አሳይ ባሶ ባሶ ቢዳሰ፤ ዳዊቲካ
 ባሶ አሳ አንጃናሰ ሶ ሲሚዳሰ።

17

**ናታኔ ባጋራ ጸሲ ዳዊቲሰ ዮቲዳ ቃላ
 (2ሳሜ 7:1-17)**

1 ዳዊቲ ባ ካዎቴላ ኬላን ዳኢሾ፡ ናቤ ናታኔሰ፡
 «ታኒ ዚጋፔ ኬጾቲዳ ኬላን ዳኢዳሰ፤ ገደ ኣቲን ጸሳ
 ጫቆ ቃላ ታቦታይ ገዲኮ ዲንካኔ ገደን ዳሰ»
 ገዳሰ።

2 ናታኔይ ቃሴ ዳዊቲሰ፡ «ኦላናሰ ኔ ዎዚናን ኔ
 ቆፒዳይሳ ኡባ ኦላ፤ ጸሲ ኔናራ ዳሰ» ገዳሰ።

3 ገደ ኣቲን ሄ ጋላሳ ኦማርሰ ጸሳ ቃላይ ናታኔኮ
 ዩዲ፡

4 «ባ፤ ባዳ ታ ኣይሌ ዳዊቲሰ ጎዳይ ኔሰ ገዛይሲ
 ታ ኢዛን ዳኣና ኬላ ኬጻናይ ኔና ገዳካ።

5 ታኒ ኢሰራኤሉታ ገብጾፔ ኬሲዳ ጋላሳፌ ደማዳ
 ሃቶ ጋካናሰ፡ ዲንካናፔ ዲንካኔን፡ ቃሴ ኢሲ ሶሆፔ
 ሃራ ሶሆ ዩያዳ ዳኣይሰ ኣቲን ኬላን ዳኣቤኬ።

6 ታኒ ኢሰራኤሉ አሳ ኡባራ ዩዩዳ ሶሆ ኡባን ታ
 ዳራ ሄማናሰ ታኒ ኣዛዚዳ ኢሰራኤሉ ዳናታፔ ኦናሰካ፡
 «ታሰ ዚጋ ማላፌ ኬላ ኣይሰ ኬጸቤኬቲ?» ጋዳ
 ኦይቸዳ ዎዴይ ዲዜ?

7 «ሄሳ ገሻሰ ሃኢካ ኔኒ ታ ኣይሌ ዳዊቲሰ፡ ኡባፌ
 ዎላቃማ ጸሲ ኔና፡ ታ ዳራ ኢሰራኤሉ ኣይሳና ማላ
 ኔኒ ደርሳ ሄሚዛሶሆፔ ታ ኔና ዳኒጻ ኤካዲሰ።

8 ኔኒ ቢዳ ሶሆ ኡባን ታኒ ኔናራ ኢሲፌ ገዳዲሰ፤
 ኔ ሞርኬታ ኡባ ኔ ሲንጻፌ ዲጋዲሰ፤ ሃኢካ ታኒ ሃ
 ሳኣን ኤሬቲዳ ገታ ኣሳታ ሱንጻ ማላ ኔ ሱንጻ ገታሳና።

9 ታኒ ታ ኣሳ ኢሰራኤሉሰ ዳናሶሆ ኢሚና፤ ኢሰታሰ
 ዲሳሶሆ ኢሚዳፔ ጉዬ ኢሰቲ ቃጸንታ ማላ ታ ኦላና፤
 ኢታ ኣሳቲ ካሴ ኢሰታ ኤንኤሌዳይሳላ ሃይሳፌ ጉዬ
 ኢሰታ ኤንኤሌቲና።

10 ሃይሳፌ ካሴ ታ ዳራ ኢሰራኤሉ ካሌላዛይታ ታ
 ሱንጻዳ ዎዴ ካሴ ኢታቲ ኤንኤሌዳይሳላ ሃይሳፌ ጉዬ
 ኤንኤሌቲና፤ ኢንቲ ሞርኬታ ኡባ ታ ካወሻና፤ ታኒ
 ጸሳይ ኔሰ ኬላ ኬጻናይሳ ዮታይሰ።

11 ኔ ጨማዳ ካሴ ሃይቁዳ ኔ አዎታን ጋይቲዛ ዎዴ
 ታኒ ኔ ናይታፔ ኢሳ ዳኒጻዳ ኔ ሶሆን ካዎላና፤ ኢዛ
 ካዎቴላካ ታ ሚንጻና።

12 ታሰ ኬላ ኬጻናይ ኢዛ፤ ታኒ ኢዛ ካዎቴላ ኣራታ
 ማርናሰ ሚንጻ ኤሳና።

13 ታኒ ኢዛሰ አዎ ገዳና፤ ኢዚካ ታሰ ና ገዳና፤
 ኔፔ ካሴ ካዎቴዳ ሳኦሌፔ ታኒ ታ ማርቴላ ዳኒጻዳ
 ማላ ኢዛፔ ሙሌካ ዳኒጻኬ።

14 ታኒ ኢዛ ታ ኣሳ ቦላኔ ታ ካዎቴላ ቦላ ማርናሰ
 ሱንጻና፤ ኢዛ ካዎቴላ ኣራታይካ ማርናሰ ሚኒ ኤቃና፡
 ጋዳ ዮታ» ገዳሰ።

15 ናታኔይ ጸሳይ ኢዛሰ ኣጁታን ቆንጨሲዳ ቃላ
 ኡባ ዳዊቲሰ ዮቲዳሰ።

**ዳዊቲ ዎሳ
 (2ሳሜ 7:18-29)**

16 ሄሳፌ ጉዬ ካዎ ዳዊቲ ዲንካኔን ገሌዲ ጎዳ
 ሲንጻን ኡቲዳሰ፤ ሂሰቲዲ፡ «ኣቤት ጎዳዉ፡ ጸሳዉ!
 ኔኒ ሃይሳ ኡባ ታሰ ኦላናሰ ታኒ ኦኔ? ታሶ ኣሳይካ
 ኣዜ?

17 ኣቤት ጸሳዉ! ሃይሲ ኔ ኣይፌ ሲንጻን ጉላ
 ሚሳቲን ኔ ኣይሌ ዛሬቲ ሲንጻፌ ያና ላይላታን ሃናናይሳ
 ዮታዳሳ፤ ኔኒ ታና ገታ ኣሳታፔ ዶቁ ሂሰታ ጸላዳሳ።

18 ኔኒ ታና ኔ ኣይሌዛ ቦንቸዳ ገሻሰ ታኒ ዳዊቲ
 ሃይሳፌ ቦላራ ኣይ ጋና ዳንዳያዚና? ኔኒ ታና ኔ
 ኣይሌዛ ኤራሳ።

19 ኣቤት ጎዳዉ! ኔ ኣይሌዛ ገሻሰ ኔ ዎዚና ቆፋ
 ማላ ሃ ገታ ሚሻታ ኡባ ኦላዳ ሃ ገታቴላ ኡባ ታና
 ኤሪሳዳሳ።

20 «ኣቤት ጎዳዉ! ኔ ማላይ ሃራይ ባዎ፤ ኦኒ ኦ
 ሃይላን ሲዩዳ ማላ ኔፔ ኣቲን ሃራ ጸሲ ዳና።

21 ኔኒ ጸሲ ገብጾ ቢታፌ ኬሲዳ ኔ ዳራ ሲንጻፌ
 ካዎቴላታ ጎዳዳ ገታኔ ያሺሲዛ ሚሽ ኔ ሱንጻሰ ኦላና
 ማላ፡ ዳራካ ኔሰ ዎዛና ማላ ኔ ኢሰታሰ ኦላዳይሳላ ኔ
 ዳሬ ኢሰራኤሉ ማላ ዳሬይ ቢታ ቦላ ሃራይ ዲዜ?

22 ኔኒ ኔ ዳራ ኢሰራኤሉ ማርናሰ ኔሰ ሂሰታዳሳ፤
 ኣቤት ጎዳዉ ኔኒካ ኢሰታ ጸሳ ገዳዳሳ።

23 «ኣቤት ጎዳዉ! ኔኒ ኔ ኣይሌዛሲኔ ኢዛ
 ዜሬላታሰ ኢሚዳ ሂዶታ ማርናሰ ሚንጻ፤ ኔኒ ኢሚዳ
 ሂዶታ ቃላካ ፖላ።

24 ሄሳ ኔ ኦላናይ ኔ ሱንጻ ሚኒ ዳና ማላኔ ማርናሰ
 ገታ ገዳና ማላሳ፤ ሃሳፌ ጉዬ ኣሳይ፡ «ኡባፌ
 ዎላቃማ ጸሳይ ቱሙካ ኢሰራኤሉ ጸሳ» ጋና ገሰ፤ ኔ
 ኣይሌ ዳዊቲ ዛሬቲ ኔ ሲንጻን ሚኒ ኤቃና።

25 «እቤት ታ ጸሳው፣ ሩኔ ታስ ኔ አይሌዛስ ኩል ኩጸና ጋ ዮታዳሳ፤ ሄሳ ገሻስ ታኒ ኔ አይሌይ ኔና ዋሳናስ ጸላዲስ።

26 እቤት ጎዳው! ኔኒ ቱሙ ጸሳ፤ ሃ ሎኦ ሂደታ ቃላ ኔ አይሌዛስ አማዳሳ።

27 ኔ ሲንላን ሜርናስ ዳና ማላ ኔ አይሌዛ ኩል አንጃናስ ኔ ኮያዳሳ፤ እቤት ጎዳው! ኔኒ አንጃዳይ ሜርናስ አንጃቲዳይ ገዳና ገ ዋሴስ» ገዴስ።

18

ዳዊቲ ጸኒዳ ጸናታ (2ሳሜ 8:1-18)

1 ሄሳፊ ጉዬ ዳዊቲ ፊሊስጶሜታ ጸኒ ሃሪዴስ፤ ሂስቲዲ ጌቴ ካታሜ ኢዛ ዩሾን ዲዛ ሞላታ ፊሊስጶሜ አሳታ ኩሾፔ ዋሊ ኤኪዴስ።

2 ሂስቲን ሞክሮ ዴሪ አሳይ ኢዛስ ሃሪቲዲ ገራ ኤሂዴስ።

3 ሄሳፊ ጉዬ ዳዊቲ ኤፊራዲሴ ሻፋ ሄራን ዲዛ ዴሬታ ኦይካና ቢዳ ዋዴ ጸባ ካዋ ሃዳዲኤዜሬ ኦሊ ጸኒዲ ሃማቲ ጋካናስ ዲዛ ቢታ ኦይኪዴስ።

4 ዳዊቲ ሃዳዲኤዜሬፔ 1,000 ፓራ-ጋሬታ፣ 7,000 ቶጋ አሳታኔ 20,000 ቶሆን ቢ ኦሎቲዛ ሞታዳራታ ዲኢዴስ፤ ዳዊቲ 100 ጋሬታስ ገዲዛ ፓራታ አሺዲ ሃራ ፓራታ ኡባስ ጋዴ ጸጶ ገልዳይዴስ።

5 ዳማስቆ ካታማን ዲዛ አራሜ አሳቲ ጸባ ዴሬ ካዋ ሃዳዲኤዜሬ ማዳናስ ዩዳ ዋዴ ዳዊቲ ኢስታፊ 22,000 አስ ዋዲዴስ።

6 ሄሳፊ ጉዬ አራሜ ቢታን ዳማስቆ ካታማን ኦላንቻቲ ዲንካኒ ኡታናሶ ገግሲዴስ፤ ሂስቲን አራሜ ዴሬ አሳቲ ዳዊቲስ ሃሪቲዲ ገሪዳ፤ ዳዊቲ ቢዳሶ ኡባን ጎዳይ ኢዛስ ጸኖ አሚዴስ።

7 ካዋ ዳዊቲ ሃዳዲኤዜሬ ኦላንቻታ ሃላቃቲ ኦይኪዳ ዋርቃ ጎንዳሌታ ዋሊ ኤኪዲ ዩራሳላሜ ኤፊዴስ።

8 ቃሴካ ዳዊቲ ሃዳዲኤዜሬይ ሃሪዛ ጸባሃኔፔኔ ኩና ካታማፔ ኬሂ ዳር ጸርቁማላ ኤኪዴስ፤ ሶሎሞኔይ ሄ ጸርቁማላታ ጌታ ጋባቲ፣ ቱሳታኔ ዲማ ዲማ ሚሻታ ሜዲሲዴስ።

9 ዳዊቲ ጸባ ዴሬ ካዋ ሃዳዲኤዜሬ ኦላንቻታ ኡባ ጸኒዳይሳ ሃማቲ ካዋ ቶኡዩ ሲዩዴስ።

10 ሂስቲዲ ባናራ ኦሎቲሾ ጋምኢዳ ሃዳዲኤዜሬ ዳዊቲ ኦሊ ጸኒዳ ገሻስ ኢዛ ሃሾ ጋናሲኔ ሳርካናስ ቶኡዩ ባናዛ ሃዳራሜ ካዋ ዳዊቲኮ ኪቲዴስ፤ ሃዳራሜይ ዋርቃፊ፣ ቢራፔኔ ጸርቁማላፔ ኦሴቲዳ ሚሻታ ኢዛስ ኤኪ ዩዴስ።

11 ካዋ ዳዊቲ ኤዶሜፔ፣ ሞክሮፔ፣ አሞኔ አሳታፔ፣ ፊሊስጶሜታፔኔ አማሌቁ አሳታፔ ዲኢ ኤኪዳ ቢራኔ ዋርቃ ሃ ሚሻታራ ኢሲፊ ጋሊ ጎዳስ ዲማሲዴስ።

12 ጹሪያ ና አቢሳይይ ኤዶሜ አሳቲ 18,000 አስ ማጸኔ ሾባን ዋዲዴስ።

13 ሄሳፊ ጉዬ ዳዊቲ ኤዶሜን ኦላንቻቲ ዲንካኒ ኡታናሶ ገግሲዴስ፤ ሂስቲን ሄ ቢታ አሳቲ ኡባይ ዳዊቲስ ሃሪቲዲ ገሪ አቁዳ፤ ዳዊቲ ቢዳሶ ኡባን ጎዳይ ኢዛስ ጸኖ አሚዴስ።

ዳዊቲ ሹሚዳ አሳታ

14 ዳዊቲ ኢሰራኤሌ ዴራ ኡባ ቦላ ካዋቲዴስ፤ ዴራ ኡባ ጸሎቲላኒኔ ሱራ ፐርዳን አይሲዴስ።

15 ጹሪያ ና ኢዮኦይይ ኦላ ጋዳዋ፤ አሂሉዴ ና ኢዮሳፊዴይ ማዘጋባ ኬላ አላፊ።

16 አሂዱቤ ና ሳዳቁይኔ አቢያታራ ና አቢሜሌኬይ ቁሴ፤ ሱሳሃይ ዋና ጸፊ፤

17 ዮዳሄ ና ባናያይ ኬሊቲታሲኔ ፔሊቲታስ ሃላቃ፤ ካዋ ዳዊቲ አቲማ ናይቲ ኢዛ ካዋቲላን ቶቃ ሹሜታ።

19

ሶሪያታ ጸኔቲላ (2ሳሜ 10:1-19)

1 ሄሳፊ ጉዬ አሞኔታ ካዋ ናኦይይ ሃይቁን ኢዛ ናዚ ኢዛሶሆን ካዋቲዴስ።

2 ዳዊቲ፣ «ኢዛ አዋ ናኦይይ ታስ ሎኦ ኦሊዳ ማላ ታኒ ኢዛ ና ሃናኔስ ሎኦ ኦላና» ገ ቆፐዴስ፤ ሄሳ ገሻስ ኢዛ አዋ ሃይቆዛ ገሻስ ኢዛ ሚንሌላናስ ዳዊቲ አስ ኪቲዴስ።

ዳዊቲ ኪቲዳይቲ ሃናኔ ሚንሌላናስ አሞኔ ቢታ ጋኪዳ ዋዴ።

3 አሞኔ ዴሬ ሹሜቲ ሃናኔ፣ «ዳዊቲ ሃ አሳታ ኪቲዳይ ኔ አዋ ቦንቹዲ ኔና ሚንሌላናስ ሚሳቲዜ? ኢዚ ሃ አሳታ ኪቲዳይ ቢታኖ ጸሞሲ ጸላናሲኔ ኦሊ ኦይካናሳ» ገዴ።

4 ሂስቲን ሃናኔይ ዳዊቲ ኪቲዳ አሳታ ኦይኪዲ ኢስታ ቡቻ ሜዲዴስ፤ ኢስታ ማይኦካ ኢስታ ካሎይ ቤታናሾ ጋካናስ ዳኪዲ ኢስታ ዴሬ ዛሪ ዩዲዴስ።

5 ኢስቲ ኬሂ ዩላቲዳ ገሻስ ዳዊቲ ሄሳ ሲዩዲ ኢስታራ ጋይታና ማላ ሃራ አስ ኢስታኮ ኪቲዳ፣ «ኢንቲ ቡቹ ዲጫና ጋካናስ ኢያርኮ ካታማን ዴኢሺቲ፤ ሄሳፊ ጉዬ ሃ ዩቲ» ገዴስ።

6 አሞኔቲ ዳዊቲ ማታን ባ ኢጶቲዳይሳ ኤሪዳ ዋዴ ሃናኔይኔ አሞኔቲ ሜሰጶጶሚያፔ፣ አራሜ ዴሬ ማኢካፊኔ ጸባፊ ፓራ-ጋሬታኔ ቶጋንቻታ ቃጸራናስ 34,000 ኪሎ ገራሜ ገዲዛ ሳቁሌ ቢራ ዩዲዳ።

7 ሂስቲዲ 32,000 ፓራ-ጋሬታ፣ ቶጋ አሳታ፣ ማኢካ ካዋኔ ኢዛ ኦላንቻታ ቃጸራዳ፤ ኢስቲካ ዩዲ ሜዴባን ዲንካኒ ኡቲዳ፤ ቃሴ አሞኔቲ ባንታ ካታማታፔ ሹቁቲዲ ኦላስ ኬዚዳ።

8 ዳዊቲ ሄሳ ሲዩዲ ኢዮኦይኔ ኦላንቻታ ኡባ ዩዲዴስ።

9 አሞኔቲ ካታማ ፔንጌን ኬኢዲ ኦላስ ያዲዳ፤ ኢስታ ማዳናስ ዩዳ ካዋቲካ ባስ ሶሆ ኦይኪዲ ዴምባን ዲንካኒዳ።

10 ኢዮኦይይ ኦላይ ሲንላራኔ ጉዬራ ዲዲ ኡቲዳይሳ ቤኢዲ ኢሰራኤሌ አሳ ኡባፊ ኤሬቲዳ ኦላ ቃራታ ዶሪ ኤኪዲ አራሜ ዴሬ ኦላንቻታ ሲንላን ሳልፊሲዴስ።

11 አቲዳ አሳታ ኢዛ ኢሻ አቢሳይይ ካሌላና ማላ አዛዚዲ አሞኔታ ሲንላን ሳልፊሲዴስ።

12 ኢዮኦይይ ባ ኢሻ አቢሳይስ፣ «አራሜ አሳቲ ታ ቦላ ሚኒኮ ኔኒ ያዳ ታና ማዳ፤ አሞኔ አሳቲ ኔ ቦላ ሚኒዛ ገዲኮ ታኒ ያዳ ኔና ማዳና።

13 ሃኢ ኔኒ ሚና! ኦ ዴራ ገሻሲኔ ኦ ጸሳ ካታማታ ገሻስ አኔ ሚኒ ኦሎቶስ፤ ጎዳይ ባና ሎኦይሳ ኦሎ» ገዴስ።

14 ሃሳፌ ጉዬ ኢየሱይን ኢዛራ ዲዛ ኦላንቻቲ ኣራማ ዋታዳራታራ ኦሌታናሰ ቢን ኣራማ ዋታዳራቲ ኢሰታ ሲንሳፌ ባቃቲዳ።

15 ኣራማ ዋታዳራቲ ባቃቲዳይሳ ኣሞኔ ዋታዳራቲ ቤኢዳ ዋዴ ኢሰቲካ ኢዛ ኢሻ ኣቢሳዬ ሲንሳፌ ጉዬ ባቃቲዳ ካታማ ጌሊዳ፤ ሃሳፌ ጉዬ ኢየሱይይ ዩሩሳላሚ ሰሚዳሰ።

16 ኣራማ ኣሳቲ ኢሰራኤል ኣሳታን ጸኔቶይሳ ኤሪዳ ዋዴ ቃሰታኔ ኪቲዲ ኤፊራዲሴ ሻፋፔ ሄ ፒንላን ዲዛ ኣራማ ኣሳታ ኤሂሲዳ፤ ጸባ ካዎ ሃዳዲኤዜሬሰ ኦላ ጋዳዎ ጊዲዳ ሾባኬይ ኢሰታ ካሌጼሰ።

17 ዳዊቲ ሃሳ ሲዩዳ ዋዴ ኢሰራኤል ኦላንቻታ ኡባ ሺሺዲ ዮርዳኖሴ ሻፋ ፒኒዲ ኣራማ ኣሳታራ ኦሌታናሰ ኢሰታ ሲንላን ሳልፊዳሰ፤ ሂሰቲን ኢሰቲ ኢዛራ ኦሌቲዳ።

18 ጊዶ ኣቲን ኣራማ ኣሳቲ ኢሰራኤሌታ ሲንሳፌ ባቃቲዳ፤ ዳዊቲ 7,000 ፓራ-ጋሬታኔ 40,000 ቶሆን ቢ ኦሌቲዛ ዋታዳራታ ዋዲዳሰ፤ ኢሰታ ኦላ ጋዳዎ ሾባኪካ ዋዲዳሰ።

19 ሃዳዲኤዜሬ ኣሳይ ኢሰራኤሌታን ጸኔቲዳይሳ ኤሪዳ ዳዊቲራ ሲጌቲዲ ኢዛሰ ሃራቲዳሰ፤ ሃሳፌ ሲሚን ኣራማ ኣሳይ ኣሞኔ ኣሳ ማዳናሰ ደሲቤና።

20

ዳዊቲ ኤራባ ካታማ ኦሊ ኦይሰ (2ሳሜ 12:26-31)

1 ኦፊንላን ካዎቲ ኦላሰ ኬዚዛ ዋዴ ኢየሱይይ ኦላንቻታ ካሌሊ ቢዲ ኣሞኔ ዳሬ ጳይሲዳሰ፤ ኤራቤ ካታማካ ደዲ ኡቲዳሰ፤ ጊዶ ኣቲን ዳዊቲ ዩሩሳላሚን ታኪዳሰ፤ ኢየሱይይ ኤራባ ካታማ ኦሊ ላሊዳሰ።

2 ሃሳፌ ጉዬ ዳዊቲ ዩዲ ኢሰታ ካዎዛ ሁኤፔ ዋርቃ ካላቻ ኤኪዳሰ፤ ካላቻዚ 34 ኪሎ ጊራማ ጊዲዳሰ፤ ኢዛ ጊዶን ኢንቁ ጌቲቲዛ ኣልኦ ሹቺ ዳሰ፤ ሄ ካላቻ ኤኪዲ ዳዊቲ ሁኤን ጎጲዳ፤ ቃሴ ዳዊቲ ሄ ካታማፔ ኬሂ ዳር ሚሻ ዲኢ ኤኪዳሰ።

3 ሄን ዳኢዛ ዳራ ኬሲዲ ማጋዜ፤ ጸይሌኔ ካልታ ኦይሊ ኦሲሲዳሰ፤ ኣሞኔን ዲዛ ሃራ ካታማታን ዲዛ ኣሳታካ ዳዊቲ ሃሳሶ ኦሲሲዳሰ፤ ሃሳፌ ጉዬ ዳዊቲኔ ኢዛ ኦላንቻቲ ኡባይ ዩሩሳላሚ ሰሚዳ።

ፊሊሰጾማ ኣሳታራ ኦሌቲዳ ኦላ (2ሳሜ 21:15-22)

4 ሃሳፌ ሲሚን ፊሊሰጾማ ኣሳታራ ጌዜሬን ኦላይ ዳንዲዳሰ፤ ሄ ዋዴ ሁሼ ዳሬ ኣሰ ሲቢካዬይ ኤራፋይማ ዜሬ ጊዲዳ ሲፋዬ ዋዲዳሰ፤ ሂሰቲን ፊሊሰጾማቲ ጸኔቲዳ።

5 ሃሳፌ ጉዬ ፊሊሰጾማታራ ሃራ ኦላይ ዳንዲዳሰ፤ ሄ ዋዴ ኢዚ ኦይኪዛ ቶራ ቶማይ ሻማኔ ዎንዲራሼ ኬና ጊዲዳ ጌቲ ካታማፔ ዩዳ ጎልያዴ ኢሻ ላሂማ ያኢሬ ና ኤልያኔይ ዋዲዳሰ።

6 ቃሴካ ሃራ ኦላይ ጌቲ ካታማን ዳንዲዳሰ፤ ሄን ኢዛሰ ኩሼኒኔ ቶሆን ኡሱፑን ኡሱፑን ቢራዴቲ ኢሲ ቦላ 24 ቢራዴቲ ዲዛ ኤራፋዬ ዜሬላፊ ጊዲዳ ጉባኔ ጌሳ ኣዲሳ ኣሲ ዳሰ።

7 ሄ ኣዳዚ ኢሰራኤሌታ ቦላ ኤቁቲዳ ዋዴ ዳዊቲ ኢሻ ሺሞኣ ና ዮናታኔይ ኢዛ ዋዲዳሰ።

8 ሃይታንቲ ጌቲ ካታማን ዲዛ ኤራፋዬ ዛሬታ፤ ኢሰቲ ኡባይ ዳዊቲ ኩሼኒኔ ኢዛ ኣሳ ኩሼን ሃይቁዳ።

21

ኢሰራኤል ዳራ ዳዊቲ ቆዲሴሰ (2ሳሜ 24:1-25)

1 ጸላኤይ ኢሰራኤል ኣሳ ቦላ ማቶ ኤሃናሰ ኮዩዲ ዳዊቲ ኢሰራኤል ኣሳ ቆዳና ማላ ዳንሌሊዳሰ።

2 ዳዊቲ ኢየሱይኔ ኦላንቻታ ሃላቃታ፡ «ዳኔፔ ቢዲ ቤርሳቤሂ ጋካናሰ ዲዛ ኢሰራኤል ኣሳ ቆዲቲ፤ ሂሰቲዲ ኣሳ ቆዳይ ኣፑናኮ ታና ኤሪሰቲ» ጊዳሰ።

3 ኢየሱይይ ጊዲኮ ኢዛሰ፡ «ጎዳይ ሃኢ ዲዛ ኢሰራኤል ኣሳ ቦላ ጸቱ ኩሼ ጉጀ! ታ ጎዳ ካዎ! ኢሰቲ ኡባይ ታ ጎዳ ኣይሌታ ዳቲኔ? ታ ጎዳይ ሃይሳ ማላ ኦላናሰ ኣይሰ ኮዩዳ? ኢሰራኤል ካዎቲላ ኣይሰ ሞራንቻ ኬሲዜ?» ጊዳሰ።

4 ጊዶ ኣቲን ካዎዛ ቃላይ ኢየሱይ ጸኒዳሰ፤ ሂሰቲን ኢየሱይይ ኬዚ ኢሰራኤሌ ቢታ ኡባ ዩዩ ኣጂ ዩሩሳላሚ ሰሚዳሰ።

5 ኢየሱይይ ቆዲዳ ኣሳ ቆዳ ዳዊቲሰ ኢሚዳሰ፤ ኢሰራኤሌፔ 1,100,000 ዩሁዳፔ 47,000 ኦላናሰ ዳንዲዳይታ ዳሚዳሰ።

6 ኢየሱይይ ካዎዛ ኣዛዘን ሃራሴቲዳ ጊሻሰ ለዌታ ቆሞታኔ ቢኒያማ ቆሞታ ቆዲቤና።

7 ሄ ኣዛዘዚ ጸሳ ማታን ኢታ ጊዲዳ ጊሻሰ ጸሲ ኢሰራኤል ኣሳ ቃጸይዳሰ።

8 ሃሳፌ ጉዬ ዳዊቲ ጸሳሰ፡ «ታኒ ሃ ኦሶዛን ኔና ኬሃ ቆሃዲሰ፤ ታኒ ባላ ኦሊዳ ጊሻሰ ታና ኔ ኣይሌዛ ቆሆ ኣቶ ጋና ማላ ታ ኔና ዋሳይሰ» ጊዳሰ።

9 ጎዳይ ዳዊቲ ናቤ ጋዳሰ፡

10 «ባዳ ዳዊቲ፡ ሳዳይ ኔና ታኒ ኔ ደራና ማላ ኔ ሲንላን ሄቹ ሚሻታ ዋላዲሰ፤ ታኒካ ኔ ደራዳይሳ ኦላና» ጊዳሰ። ጋዳ ዮታ።

11 ሂሰቲን ጋዳይ ዳዊቲኮ ቢዲ፡ «ጎዳይ ኔ ሲንላን ዋላይሳፌ ኢሳ ደራ፤

12 ሄቹ ላይላ ኮሻ፡ ዎይኮ ሄቹ ኣገና ኩሜላ ኔ ሞርኬታን ጎዳቲላ፡ ዎይኮ ሄቹ ጋላሰ ኢታ ሃርጌ ኤሂዛ ጸሳ ማሻይ ቢታ ቦላ ዩን ኢሰራኤሌ ኡባ ቦላ ሃይቆ ኤሂዛ ጸሳ ኪታንቻ ዩሰ፡ ሃሳ ጊሻሰ ታና ኪቲዳ ጸሳሰ ታ ኣይ ዛራ ዮታናኮ ሃይታንታፌ ኔ ደርይሳ ታሰ ዮታ» ጊዳሰ።

13 ዳዊቲ ጋዳሰ፡ «ታ ደራናሰ ኬሃ ማቶታዲሰ፤ ጊዲኮካ ጎዳ ጸሳ ማርታይ ኬሂ ጌታ ጊዲዳ ጊሻሰ ኣሳ ኩሼን ኩንዳናፔ ጸሳ ኩሼን ኩንዳሊ ታሰ ሎኦ» ጊዳሰ።

14 ሃሳ ጊሻሰ ጎዳይ ኢታ ሃርጌ ዩዲን ኢሰራኤሌፔ 70,000 ኣሲ ሃይቁዳሰ።

15 ሃሳፌ ጉዬ ጎዳይ ዩሩሳላሚ ጳይሳናሰ ኪታንቻ ኪቲዳሰ፤ ጊዶ ኣቲን ኪታንቻዚ ዩሩሳላሚ ጳይሳናሰ ሺቁ ኡቲዳሺን ጎዳይ ቤኢዲ ሚሹቲዳሰ፤ ጳይሳና ዩዳ ኪታንቻ፡ «ኣጋ! ኢሰታ ቦላ ጋኪዳ ባሻይ ጊዳና» ጊዳሰ። ሄ ዋዴ ጎዳ ጸሳ ኪታንቻይ ያቡሴ ዳሬ ኣሰ ኦርና ባሌ ማታን ኤቁዳሰ።

16 ኪታንቻዚ ባ ጊላ ማሻ ኩሼን ኦይኪዲ ዩሩሳላሚ ጳይሳናሰ ሳሎፔኔ ሳኣፔ ጊዶን ኤቁዳይሳ

ዳዊት ጾቁ ገ በኢዳሰ፤ ሃሳፌ ጉዬ ዳዊትን ጨማጥ ማቃ ማይኢዲ ቢታ ቦላ ጉፋኒዳ።

17 ዳዊት ጸላጥ፡ «አሳይ ቆይታና ማላ ኦሊዳይ ታና ገዲኪና? ናጋራ ኦሊዳይን ቆሃዳይ ታና፤ ሂሰትን ሃይቲ ዶርሳት አይ ኦሊዳ? አቤት ታ ጎዳ ጸላጧ! ኔ ኩሼይ ታ ቦላኔ ታ ኬላ አሳ ቦላ ገደ አቲን ሃ ቦሻዛ ኔ ዴራ ቦላ ዬዶፋ» ገደሰ።

18 ሃሳፌ ጉዬ ጎዳ ጸላ ከታገቻይ ጋደሰ፡ «ዳዊት ፑዴ ያቡሴ ዴሬ አሰ ኦርና ባሌ ቢዲ ጎዳ ጸላሰ ያርሾ ያርሺዛሶ ኦላና ማላ ዮታ» ገ አዛዚደሰ።

19 ዳዊት ጋዴይ ጎዳ ጸላ ሱንጎን ዮቶይሳላ ኦላናሰ ቢደሰ።

20 ሄ ዎዴ ኦርናይኔ ኢዛ ናይቲ ባሌን ገሰቲ ቡኪሽ ጉዬ ሲሚ ዴሊዲ ከታገቻ በኢዳ፤ ሂሰቲዲ ኢዛራ ዲዛ አይዴ አቲማ ናይቲ ቆቲቲዳ።

21 ዳዊት ኦርናኮ ዪን ኦርናይ ኢዛ በኢዲ ባሌዛፔ ጋጾ ኬኢዲ ዳዊትሰ ዘገደሰ።

22 ሃሳፌ ጉዬ ዳዊት ኦርናሰ፡ «ዴራ ቦላ ዬዳ ቦሻይ ከቻና ማላ ታኒ ጎዳ ጸላሰ ያርሾ ያርሺዛሶ ኦላናሰ ኔ ባሌዛ ታሰ ባይዛርኪ! ታኒ ኔሰ ኩሜላ ዋጋ ቃንጸና» ገደሰ።

23 ሂሰትን ኦርናይ ዳዊትሰ፡ «ኔሰ ኤካ፤ ታ ጎዳይ ካዎይ ባና ኡፋይሲዛይሳ ኦላ፤ ሂኮ ጸጌቲዛ ያርሾሰ ቦራታ፡ ኤሶሰ ካላ ቡኪዛ ሎዳታ፡ ካላ ያርሾ ገደና ማላ ገሰቲ አማና፤ ሃይታ ኡባታካ ታ ኔሰ አማና» ገደሰ።

24 ገደ አቲን ካዎ ዳዊት ኦርናሰ፡ «ሂሲ ሃኔና! ታኒ ኩሜላ ዋጋ ቃንጸና ሻማና፤ ታኒ ኔይሳ ጮ ማላ ኤካዳ ጎዳ ጸላሰ ያርሾ ሺሺኬ፤ ቃሴ ታ ሻዋንታ ሚሽ ጸጌቲዛ ያርሾ ኦላ ሺሺኬ» ገደሰ።

25 ሃሳ ገሻሰ ዳዊት ሄ ባሌዛሰ 600 ዋርቃፌ ኦሴቲዳ ቢራ አሚደሰ።

26 ሃሳፌ ጉዬ ዳዊት ሃን ጎዳ ጸላሰ ያርሾ ያርሺዛሶ ኦሊዲ ጸጌቲዛ ያርሾኔ ኢሲፊቲላ ያርሾ ሺሺደሰ፤ ኢዚ ጎዳ ጸላ ዋሲን ጸጌቲዛ ያርሾ ያርሺዛሶዛ ቦላ ሳሎፔ ታማ ዬዲዲ ኢዛ አይሻ ዛሪደሰ።

27 ሂሰትን ጎዳይ ከታገቻ አዛዚን ከታገቻዚ ባ ገላ ማሻ ኮሃን ገልላደሰ።

28 ዳዊት ጎዳይ ያቡሴ ዴሬ አሰ ኦርና ካላ ባሌን ኢዛሰ ዛሪዳይሳ በኢዲ ሃን ያርሾ ሺሺደሰ።

29 ሙሴይ ባዘን ገግሲዳ ጎዳ ጸላ ዲንካኔይኔ ጸጌቲዳ ያርሾ ያርሺዛሶዚ ገባኦኔ ዙዎቡላ ቦላ ደሰ።

30 ዳዊት ጸላ ከታገቻይ ኦይኪዳ ገላ ማሻሰ ያዬዳ ገሻሰ ሄ ቢዲ ጎዳ ኦይቻናሰ ዳንዳይቡና።

22

1 ሃሳ ገሻሰ ዳዊት፡ «ጎዳ ጸላ ኬላኔ ኢሰራኤሌ አሳይ ጸጌቲዛ ያርሾ ያርሺዛሶይ ሃይሳን ዴሰ» ገደሰ።

ጸላ ኬላ ኬጸናሰ ገጌቲላ

2 ካዎ ዳዊት ኢሰራኤሌ ቢታን ዲዛ ሃራ ዴሬ አሳይ ኢሲ ቦላ ሺቃና ማላ አዛዚደሰ፤ ኢሰታ ገደፌ ጸላ ኬላ ኬጸናሰ ማሴቲዳ ሹቾ ገገሳናሰ ሹቾ ቁሪዛይታ ገግሲደሰ።

3 ዳዊት ገምባ ፔንጌታሰ ሚሲማሬኔ ማጻፋ ገደና ማላ ደር ቢራታኔ ማዛኔፔ ቦላ ገዲዳ ኬሂ ዳር ዳርቁማላ ገግሲደሰ።

4 ሲደና አሳይኔ ጸርሴ አሳይ ዳር ዚጋ ሚላ ኤሂዛ ገሻሰ ቆዳይ ባይንዳ ኬሂ ዳር ዚጋ ሚላ ገግሲደሰ።

5 ዳዊት፡ «ታ ና ሶሎሞንይ ዬላጋኔ ኦሳራ ማዜቶንታይሳ፤ ጎዳ ጸላሰ ኬጸታና ኬላይ ቢታ ኡባን ኤሬቲዳ ሎኦኔ ፑላ ኬላ ገደናሰ ቤሴሰ፤ ሃሳ ገሻሰ ኢዛሰ ኮሺዛይሳ ታኒ ገገሳና» ገደሰ፤ ዳዊት ሃይቃናፔ ሲንጎን ዳር ሚሽ ገግሲደሰ።

6 ሃሳፌ ጉዬ ዳዊት ባ ና ሶሎሞን ዴይገዲ ጎዳ ኢሰራኤሌ ጸላ ኬላ ኬጸና ማላ አዛዚደሰ።

7 ዳዊት ሶሎሞን፡ «ታ ናዘ፡ ታኒ ጎዳ ታ ጸላ ቦንቾሰ ኬላ ኬጸናሰ ታ ዎዚናን ቆፓዲሰ።

8 ገደ አቲን ጎዳ ጸላ ቃላይ ታና፡ «ኔኒ ዳር ሱላ ጉሳዳሳ፤ ዳር ኦላካ ኦሌታዳሳ፤ ኔኒ ሳኦ ቦላ ታ ሲንጎን ዳር ሱላ ጉሲዳ ገሻሰ ኔኒ ታሰ ኬላ ኬጸና ማላ ኮይኬ» ገደሰ።

9 ገዲኮካ፡ «ሳርኒኔ ዎፓን አይሲዛ ና ኔ ዬላና፤ ኡባ ባጋራ ዲዛ ዋርኬታፔ ታ ኢዛ ሽምፕሳና፤ ኢዛ ሱንጎላካ ሶሎሞን ጌቲታና፤ ኢዛ ካዎቲላ ላይላ ኡባን ታኒ ኢሰራኤሌሰ ሳርኔ ዎፓ አማና።

10 ኢዚ ታ ቦንቾሰ ኬላ ኬጸና፤ ኢዚ ታሰ ና ገደና፤ ታኒካ ኢዛሰ አዎ ገደና፤ ኢዛ ካዎቲላ አራታይ ኢሰራኤሌ ቦላ ማርናሰ ሚኒ ዳና» ገዲ ሂደታ አሚደሰ።

11 «ሃኦካ ታ ናዘ! ጎዳይ ኔናራ ገደ፤ ኢዚ ኔሰ አሚዳ ሂደታ ቃላ ማላ ጎዳ ኔ ጸላ ኬላ ኬጸናሰኔ ፖላናሰ ኔና ጋላ።

12 ጎዳይ ኔና ኢሰራኤሌ ቦላ ካዎላዳ ዎዴ ጎዳ ኔ ጸላ ዎጋ ኔኒ ናጋና ማላ ጸሲ ኔሰ አጾ ኤራቲላኔ አኬካ አሞ።

13 ጎዳይ ሙሴ ባጋራ ኢሰራኤሌሰ አሚዳ ዎጋኔ ማራ ኔ ናገኮ ኡባይካ ኔሰ አንጄ ገደና፤ አይኮይ ባ፡ ያዮፋ፡ ሚና፡ ሙርታ፡ ሂደታ ቃንጸፋ።

14 «ታኒ ታ ዎልቃይ ጋላዳ ማላ ጎዳ ጸላ ኬላ ኬጸናሰ 3,400 ኪሎ ገራሜ ገዲዛ ዎርቃኔ 34,000 ኪሎ ገራሜ ገዲዛ ቢራ ሺሻዲሰ፤ ቃሴካ ኬሂ ዳር ዳርቁማላኔ ቢራታ፡ ሚላኔ ሹቾ ገገሳዲሰ፤ ሃሳ ቦላ ጉጂሲዛይሳ ኔኒ ጉጂ።

15 ኔ ማታን ዲማ ዲማ ኦሶ ኤሪዛ ሂላቲ ዴቲሰ፤ ሹቾ ቁሪዛይቲኔ ማሲዛይቲ፡ አናጾቲኔ ኡባ ኦሶ ኦላናሰ ዳንዳይዛ ሂላቲ ዴቲሰ።

16 ዎርቃ፡ ቢራ፡ ዳርቁማላኔ ቢራታ ኦሶን ኤሬቲዳ ዲማ ዲማ ሂላቲ ኔሰ ዴቲሰ፤ ሃኦ ኔኒ ኦሶዛ ደማ፤ ጎዳይ ኔናራ ገደ» ገደሰ።

17 ዳዊት ኢሰራኤሌ ዴራ ካሌላዛይታ ኡባ ባ ና ሶሎሞን ማደና ማላ፡

18 «ጎዳ አንቲ ጸላይ ሃይሳ ጋካናሰ አንቲናራ ዴሰ ገደኔ? ኢዚ አንቲና ኡባሶራ ሽምፕሲቤኔ? ሃ ቢታን ዲዛ አሳ ኢዚ ታ ኩሼን አላ አሚዳ ገሻሰ ሃ ቢታፓ ጎዳ ጸላሰኔ ኢዛ ዴራሰ ሃራታዲሰ።

19 ሃሳ ገሻሰ ጎዳ አንቲ ጸላ ኮያናሰ አንቲ ዎዚናኔ አንቲ ሽምፕ አሚቲ፤ ጎዳ ጸላ ቦንቾሰ ኬጸቲዳ ኬላን ጸላ ታቦታኔ ጸላሰ ዲማቲዳ ሚሻታ ኤሂዲ ዎላና ማላ አንቲ ዴንዲዲ ጎዳ ኬላ ኬጸቲ» ገ አዛዚደሰ።

23

1 ዳዊት ጨጌገዳ ዎዴ ባ ና ሶሎሞን ኢሰራኤሌ ቦላ ካዎላደሰ።

ሌዌታ ኦሶ

2 ዳዊት ኢሰራኤል ካሌሊዛ ኡባታ፣ ቄሴታኔ ሌዌታ ኢሲፌ ሺሺዳሰ።

3 ኢስታሰ ላይሳይ ሄዡ ታማኔ ሄሳፊካ ቦላራ ገዲዳ አቱማ አሳታ ሌዌታ፤ ቆዲዳሰ፤ ኢስታ ቆዳይ ኩሚል 38,000 ገዲዳሰ።

4 ሃይታንታፌ 24,000 ጸሳ ኩላ ኦሶ ካሌቲ ጸላና ማላ አዋቴል ኢስታሰ ኢሚዳሰ፤ ቃሴ 6,000 አሳታሰ ሹሚታኔ ፐርዳ ዳናታ ሂሰቲ ዋሊዳሰ።

5 ኦይዱ ሺያታሰ ገምቤዛ ፔንጌ ናገና ማላ አዋቴል ኢሚዳሰ፤ አቲዳ ኦይዱ ሺያታሰ ባ ኦሊዳ ዬላ ማሳራታን ጎዳ ጸሳ ጋላታና ማላ ሱጎሊዳሰ።

6 ዳዊት ሌዌይ ዬሊዳ አቱማ ናይታ ጌርሾኔ፣ ቃኦቲኔ ሜራሬ ኢስታ ዛርኬን ዛርኬን ሄዡ ኬሲ ሻኪዳሰ።

7 ጌርሾኔይ ዬሊዳ አቱማ ናይቲ ላዳኔኔ ሺምኤ።

8 ላዳኔ አቱማ ናይቲ ሄዡ፤ ኢስቲካ ዩሂኤሌ፣ ዜታማኔ ኢዩኤሌ።

9 ሺምኤ አቱማ ናይቲ ሄዡ፤ ኢስቲካ ሻሎሚቲ፣ ሃዚኤሌኔ ሃራኔ፤ ሄይቲ ላዳኔ ዛርኬታሰ ሃላቃታ።

10 ሺምኤ አቱማ ናይቲ፣ ያሃቲ፣ ዚና፣ ያኡሼኔ ባሪሃ።

11 ባይራዚ ያሃቲ፣ ካሎዚ ዚና፤ ያኡሼሲኔ ባሪሃሰ ዳር አቱማ ናይቲ ባይንዳ ገሻሰ ኢሲ ኩላ አሳ ማላ ቆዳቲዳ።

12 ቃኦቲሰ ኦይዱ አቱማ ናይቲ ዳቲሰ፤ ሄይቲካ አሚራማ፣ ዩዲሃራ፣ ኩብርኔኔ ኡዚኤሌ።

13 አሚራማ አቱማ ናይቲ አርኔኔ ሙሴ፤ አርኔይኔ ኢዛ ዜሬላቲ ጸሳ ኩላን ጎኤቲዛ ሚሻታ ሚርናሰ ዲማሳና ማላ፣ ጸሳሰ ያርሾ ሺሻና ማላ፣ ጸሳ ሲንላን ሃጋዛና ማላ፣ ኢዛ ሱንላን ዳራ ሚርናሰ አንጃና ማላ ዲማቲዳ።

14 ጸሳ አሰ ሙሴ አቱማ ናይቲካ ሌዌ ቆዋታ ማላ ቆዳቲዳ።

15 ሙሴ ናይቲ ጌርሾማኔ ኤልኤዜሬ።

16 ጌርሾማ ናይታሰ ሃላቃይ ባይራ ናዛ ሹባኤሌ።

17 ኤልኤዜሬሰ ኢሲ አቱማ ናይ ጸላ ዳሰ፤ ኢዚካ ኤራሃቢያ፤ ኤራሃቢያሰ ገዲዳ ዳር አቱማ ናይቲ ዳቲሰ።

18 ዩዲሃራ ናይታሰ ሃላቃይ ባይራ ናዛ ሻሎሚቲ።

19 ኩብርኔ ናይታፔ ባይራዚ ዩሪያ፣ ናምአንላዚ አማሪያ፣ ሄዡንላዚ ያሃዚኤሌ፣ ኦይዳንላዚ ዮቁማአማ።

20 ኡዚኤሌ አቱማ ናይታፔ ባይራዚ ሚኪያሳ፣ ካሎዚ ዩሺያ።

21 ሜራሬ አቱማ ናይቲ ማሂሌኔ ሙሼ፤ ማሂሌ አቱማ ናይቲ ኤልኤዜሬኔ ቁሴ።

22 ኤልኤዜሬይ ማጫ ና ጸላ ዬሊዳ አቱማ ና ዬሎንታ ሃይቁዳሰ፤ ሄሳ ገሻሰ ኢስቲ ባንታ አዋ ኢሻ ቁሴ ናይታ ጌሊዳ።

23 ሙሼ አቱማ ናይቲ ሄዡ፤ ሄይቲካ ማሂሌ፣ ኤዳሬኔ ያርሞቲ።

24 ሃይታንቲ ኡባይ ባሶ አሳታኒኔ ባ ዛርኬታን ጸይጌቲዳ፤ ሌዌ ዛሬቲ ኢሶይ ኢሶይ ባ ሱንላን ማዘጋቤቲዳ፤ ኢስታሰ ላይሳይ ናምኡ ታማኔ ሄሳፌ ቦላ ገዲዳይቲ ጸሳ ኩላን ኦሌቲሰ።

25 ዳዊቲ፣ «ኢሰራኤሌ ጎዳ ጸሲ ባ አሳ ሺምፒሲዳሰ፤ ዩሩሳላማን ሚርናሰ ዳእና።

26 ሃይሳፌ ጉዬ ሌዌቲ ዳንካኔዛኔ ኢዛ ገደን ጎኤቲዛ ሚሻታ ቶካናሰ ቤሴና» ገደሰ።

27 ዳዊት ወርሴላን ኢሚዳ አዛዝ ማላ ኢስታሰ ላይሳይ ናምኡ ታማኔ ሄሳፌ ቦላራ ገዲዳ ሌዌቲ ቆዳቲዳ።

28 ሌዌታ ኦሶይ ጸሳ ኩላን አርኔ ዜሬላታ ኦሶን ኦሊ ማዶ፣ ጸሳ ኩላ ገደዛኔ ገቤዛ ሎኤሊ ናጎ፣ ጸሳ ኩላ ኦሶሰ ዲማቲዳ ሚሻታ ሎኤሊ ኦይሌኔ ጸሳ ኩላን ዲዛ ሃራ ኦሶታካ ሎኤሊ ኦሶ።

29 ቃሴካ ጸሳ ሲንላን ዋሊዛ ኡኩላሰ፣ ካላ ያርሾሰ ሺሺዛ ጳሌሰ፣ ሙኡቃናሰ፣ ኢርሾይ ባይንዳ ኡኩቲዛ ኡኩላ ኡካናሰ፣ ማኪዛዛሲኔ ሚዛኒዛዛሰ አላፊቴላ ኢስታሰ ኢሚቲዳሰ።

30 ሄሳላካ ኢስቲ ኡባ ጋላሰ ማላዳኔ ኦማርሰ ጎዳ ጸሳ ሲንላን ኤቁዲ ጋላታናሰኔ ቦንቻናሰ።

31 ሳምባታ ጋላሰ፣ አገናይ ዶሚዛ ኮይር ጋላሳታን፣ ባኦሌ ጋላሳታን ዋጋ ቆዳ ማላ ጎዳ ጸሳ ሲንላን ኡባ ዋዴ ጸጌቲ ሺቁዛ ያርሾ ሺሻናሰ።

32 ጋይቶቴላ ዳንካኔኔ ጸሳ ኩላ ናገናሰ፣ ኢዛ ገደን ኦሴቲዛ ጎይሮ ዋጋታ ፖሊሺን ባ ዳቦ አርኔ ዜሬላታ ማዳናሰ አዋቴላ ኢሚቲዳሰ።

24

ቄሴታ ኦሶ

1 አርኔ ናይታ ጩጋይ ሃይሳፌ ካሊዛይሳ፤ አርኔ ናይቲ ናዳቤ፣ አቢሁ፣ ኤልኤዜሬኔ ኢታማሬ።

2 ናዳቤይኔ አቢሁይ ና ዬሎንታ ባ አዋፔ ካሴቲ ሃይቁዳ፤ ሄሳ ገሻሰ ኤልኤዜሬይኔ ኢታማሬይ ቄሴ ገዲዳ።

3 ዳዊት ኤልኤዜሬ ዛርኬፌ ሳዶቄኔ ኢታማሬ ዛርኬፌ አሂሚሌኬራ ገዲዳ አርኔ ዛሬታ ኢስታ ኦሶን ኦሶን ማዳና ማላ ሻኪ ዋሊዳሰ።

4 ኤልኤዜሬ ዛሬ ሃላቃቲ ኢታማሬ ዛሬ ሃላቃቲ ዳር ገዲዳ ገሻሰ ኤልኤዜሬ ዛሬቲ ታማኔ ኡሱፑን ጩጋን ሻኬቲን፣ ኢታማሬ ዛሬቲ ኦሱፑን ጩጋን ሻኬቲዳ።

5 ጸሳ ኩላ ካሌላዛይቲኔ ጸሳ ጩማቲ ኤልኤዜሬ ዛሬታ ገደኒኔ ኢታማሬ ዛሬታ ገደን ዲዛ ገሻሰ ኦናካ ማዶንታ ኦሶዛ ሳማን ሻኪዳ።

6 ሌዌ ዛሬ ናቲናኤሌ ና ጳፌዚ ሻማኤይ ካዋዛ ሲንላኒኔ ኢዛ ሹሚታ ሲንላን፣ ቄሴ ሳዶቄ ሲንላኒኔ አቢያታቲ ና አሂሚሌኬ ሲንላን፣ ቄሴታ ሲንላኒኔ ሌዌታሶ አሳ ሃላቃታ ሲንላን ኢስታ ሱንላ ጳፌዳሰ፤ ሂሰቲን ኤልኤዜሬ ኩላ አሳታ ሃላቃታ፤ ኢሶይኔ ኢታማሬ ኩላ አሳታ ሃላቃታ፤ ኢሶይ ባንታ ታራን ታራን ሳማ ኬሲዳ።

7 ሃ አሳቲ ሳማ ኬሲን ኮይር ሳማይ ዮሃሪቤ ጋኪዳሰ፤ ናምአንላዚ ያዳያ ጋኪዳሰ፤

8 ሄዡንላዚ ሃሪማ ጋኪዳሰ፤ ኦይዳንላዚ ሳኦሪማ ጋኪዳሰ።

9 ኢቻሻንላዚ ማልኪያ ጋኪዳሰ፤

- ኡሱፑንሳዚ ሚያሚኔ ጋኪዳሰ፤
- 10 ላፑንሳዚ ሃቆጾ ጋኪዳሰ፤ ኡሱፑንሳዚ ኣቢያ ጋኪዳሰ፤
- 11 ኡዲፋንሳዚ ኢያሶ ጋኪዳሰ፤ ታማንሳዚ ሻካኒያ ጋኪዳሰ፤
- 12 ታማን ኢሲንሳዚ ኤልያሼቤ ጋኪዳሰ፤ ታማን ናምኣንሳዚ ያቀሜ ጋኪዳሰ፤
- 13 ታማን ሄቫንሳዚ ሁፓ ጋኪዳሰ፤ ታማን ኦይዳንሳዚ ያሼባኣቤ ጋኪዳሰ፤
- 14 ታማን ኢቻሻንሳዚ ቢልጋ ጋኪዳሰ፤ ታማን ኡሱፑንሳዚ ኢሜሬ ጋኪዳሰ፤
- 15 ታማን ላፑንሳዚ ሄዚሬ ጋኪዳሰ፤ ታማን ኡሱፑንሳዚ ሃፊጾጾ ጋኪዳሰ፤
- 16 ታማን ኡዲፋንሳዚ ፓታያ ጋኪዳሰ፤ ናምኡ ታማንሳዚ ሂዚቄላ ጋኪዳሰ፤
- 17 ናምኡ ታማን ኢሲንሳዚ ያኪኔ ጋኪዳሰ፤ ናምኡ ታማን ናምኣንሳዚ ጋሙሌ ጋኪዳሰ፤
- 18 ናምኡ ታማን ሄቫንሳዚ ዳላያ ጋኪዳሰ፤ ናምኡ ታማን ኦይዳንሳዚ ማኣዚያ ጋኪዳሰ።
- 19 ኢሰራኤል ጎዳይ ኢሰታ ኣዛዚዳ ማላኔ ካሴ ኢሰታ ኣዋ ኣሮኔይ ኢሰታስ ዋሊዳ ዋጋ ማላ ኢሰታ ጸሓ ኮል ጌሊዛ ዋዴ ኦላና ማላ ኢሜቲዳ ዋጋይ ሃይሳ።

ኣቲዳ ሃራ ለዌታ ኦሶ

- 20 ኣቲዳ ሃራ ለዌ ዛሬቲ ኣሚራሜ ናይታፔ ሼቡኤሌ፤ ሼቡኤሌ ናይታፔ ዩሂዳዩ።
- 21 ኤራሃቢያ ናይታፔ ባይራ ናዛ ዩሺያ።
- 22 ዩዲሃሬታፔ ሻሎሚቲ፤ ሻሎሚቲ ናይታፔ ያሃቲ።
- 23 ኩብሮኔ ናይታፔ ኮይርዚ ዩሪያ፣ ናምኣንሳዚ ኣማሪያ፣ ሄቫንሳዚ ያሃዚኤሌ፣ ኦይዳንሳዚ ዮቁማኣሚ።
- 24 ኡዚኤሌ ናይታፔ ሚኪያሳ ና ሻሚሬ።
- 25 ሚኪያሳ ኢሻ ዩሺያ ናይታፔ ዛካራሳ።
- 26 ሜራሬ ኣቲማ ናይቲ ማሂሌ፣ ሙሼኔ ያኢዜ።
- 27 ያኢዜ ኣቲማ ናይቲ ቤኖ፣ ሾሃሜ፣ ዛኩሬኔ ኢቢሬ።
- 28 ማሂሌ ኣቲማ ናይቲ ኤልኤዜሬኔ ቂሴ፤ ኤልኤዜሬሰ ኣቲማ ናይ ዳና።

- 29 ቂሴሰ ዩራሂምኤሌ ጌቲቲዛ ኢሲ ኣቲማ ናይ ዳሰ።
- 30 ሙሼሰ ማሂሌ፣ ኤዳሬኔ ያርሞቲ ጌቲቲዛ ሄቭ ኣቲማ ናይቲ ዳቲሰ። ሃይታንቲ ባሶ ኣሳን ኣሳን ቆዳቲዳ ለዌ ዛሬታ።
- 31 ኢሰታ ኢሻ ኣሮኔ ናይቲ ኦይሳሳ ካዎ ዳዊቲ ሲንሳን፣ ሳደቁ ሲንሳን፣ ኣሂሜሌኬ ሲንሳን፣ ሄሳሳካ ቄሴታሶ ኣሳታ ሃላቃቲኔ ለዌታሶ ኣሳታ ሃላቃቲ ዲዛሶን ሳማ ዩጊዳ፤ ባይራዛፔ ቢዲ ዉርሴል ጋካናሰ ዲዛይታሰ ኢሲ ገና ሳማ ዩጊዳ።

25

ጸሓ ኮላን ዩዲዛይታ

- 1 ዳዊቲኔ ኦላ ጋደዋቲ ኣሳፊ ናይታፔ፣ ሄማኔ ናይታፔኔ ኤደታኔ ናይታፔ ማሲንቆን፣ ዲላኒኔ ዳላን ኣዋጂሼ ቲንቢቲ ዮቲዛይታ ደሪ ዋሊዳ፤ ሃይሳ ሃ ኦሶዛ ኦላና ማላ ደሬቲዳ ኣሳታ ሱንሳ ሃይሳፊ ካሊ ዲዛይሳ።
- 2 ኣሳፊ ናይታፔ ዛኩሬ፣ ዮሴፊ፣ ናታኒያኔ ኣሼርኤሌ፤ ሃይቲ ኣሳፊ ናይቲ ካዎይ ኣዛዚን ቲንቢቲ ዮቲዛ ኣሳፊፔ ጋርሳራ ኣዛዜቲቲሰ።
- 3 ኤደታኔ ናይታፔ ጎደሊያሳ፣ ጾሬ፣ ዩሻኢያ፣ ሸምኤ፣ ሃሻቢያኔ ማቲቲያ፤ ሃ ኡሱፑናቲ ማሲንቆን ጎዳ ጋላቲሼኔ ቦንቲሼ ቲንቢቲ ዮቲዛ ባ ኣዎ ኤደታኔፔ ጋርሳራ ኣዛዜቲቲሰ።
- 4 ሄማኔ ናይታፔ ቡቁያ፣ ማታኒያ፣ ኡዚኤሌ፣ ሹባኤሌ፣ ያርሞቲ፣ ሃናኒያ፣ ሃናኔ፣ ኤልኣታ፣ ጊደልቲ፣ ኤርማምቲ-ኤዜሬ፣ ዮሺባቃሼ፣ ማሎታ፣ ሆቲሬኔ ማሂዚኦቲ።
- 5 ሃይቲ ኡባቲካ ካዎዛሰ ቲንቢቲ ዮቲዛ ሄማኔ ናይታ፤ ጸሓይ ኢዛሰ ኢማና ጊዳ ማላ ሄማኔ ቶቁ ቶቁ ሂሰታናሰ ሃ 14 ኣቲማ ናይታኔ 3 ማጫ ናይታ ኢዛሰ ኢሚዳሰ።
- 6 ሃይቲ ኡባይ ጎዳ ኮላን ዳላ ጊሪሲሼ፣ ማሲንቆኔ ዲል ዲዲሼ ባንታ ኣዋፔ ጋርሳራ ጸሓ ኮላን ኦላቲሰ። ኣሳፊይ፣ ኤደታኔይኔ ሄማኔይ ካዎዛፔ ጋርሳራ ኣዛዜቲሼ ዳቲሰ።
- 7 ሃይቲ ባ ዳቦታራ ጊዲዲ ጎዳ ሲንሳን ሸቁዛ ዩላ ታማር ሎሂዳይታ፤ ኢሰታ ቆዳይ ሙሌራ ናምኡ ጾታኔ ኦሶፑን ታማኔ ኦሶፑና።
- 8 ኢሰቲ ባንታ ኦሶ ሻኪ ኤራናሰ ጨማኔ ና፣ ኣሰታማሬኔ ታማሬ ጊ ሻኮንታ ኢሲ ገና ሳማ ዩጊዳ።
- 9 ኮይር ሳማይ ኣሳፊ ባጋፊ ጊዲዳ ዮሴፊ ናይታሰኔ ኢዛ ዳቦታሰ ኮዚዳሰ፤ ኢሰታሰ ቆዳይ 12፤ ናምኣንሳ ሳማይ ጎደሊያሳሰ፣ ኢዛ ናይታሰኔ ኢዛ ዳቦታሰ ኮዚዳሰ፤ ኢሰታሰ ቆዳይ 12።
- 10 ሄቫንሳ ሳማይ ዛኩሬሰ፣ ኢዛ ናይታሰኔ ኢዛ ዳቦታሰ ኮዚዳሰ፤ ኢሰታሰ ቆዳይ 12።
- 11 ኦይዳንሳ

- ሳማይ ዩጲሬስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 12 ኢቻሻገላ
 - ሳማይ ናታኒያስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 13 ኡሱፑገላ
 - ሳማይ ቡቂያስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 14 ላፑገላ
 - ሳማይ ኣሼርኤሌስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 15 ኦሰፑገላ
 - ሳማይ ዩሻኢያስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 16 ኡዲፋገላ
 - ሳማይ ማታኒያስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 17 ታማገላ
 - ሳማይ ሺምኤስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 18 ታማኔ ኢሲጎላ
 - ሳማይ ኣዛሪኤሌስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 19 ታማኔ ናምኣጎላ
 - ሳማይ ሃሻቢያስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 20 ታማኔ ሄቫጎላ
 - ሳማይ ሺቡኤሌስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 21 ታማኔ ኦይዳጎላ
 - ሳማይ ማቲቲያስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 22 ታማኔ ኢቻሻገላ
 - ሳማይ ያርሞቴስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 23 ታማኔ ኡሱፑገላ

- ሳማይ ሃናኒያስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 24 ታማኔ ላፑገላ
 - ሳማይ ዮሺባቃሼስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 25 ታማኔ ኦሰፑገላ
 - ሳማይ ሃናኒያስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 26 ታማኔ ኡዲፋጎላ
 - ሳማይ ማሎታስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 27 ናምኡ ታማጎላ
 - ሳማይ ኤልኣታስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 28 ናምኡ ታማኔ ኢሲጎላ
 - ሳማይ ሆቲሬስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 29 ናምኡ ታማኔ ናምኣጎላ
 - ሳማይ ጊዶልቴስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 30 ናምኡ ታማኔ ሄቫጎላ
 - ሳማይ ማሂኦቴስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።
- 31 ናምኡ ታማኔ ኦይዳጎላ
 - ሳማይ ኤሮማሞቴ-ኤዜሬስ፡
 - ኢዛ ናይታሲኔ
 - ኢዛ ዳቦታስ ኬዚዳስ፤
 - ኢስታስ ቆዳይ 12።

26

ጸሓ ኬላ ፔገጌ ናገዛይታ

- 1 ጸሓ ኬላ ፔገጌ ናገዛይታ ሃይሳፊ ካሊዛይታ።
- ቆሬ ባጋፊ ኣሳፊ ናይታ ጋርሳጎ ቆሬ ና ማሼሌሚያ።
- 2 ማሼሌሚያ ናይቲ፡
- ኮይሮይ ዛካራሳ፡
- ናምኣጎላዚ ዪዲኤሌ፡
- ሄቫጎላዚ ዛባዲያ፡
- ኦይዳጎላዚ ያቲጎኤሌ፡
- 3 ኢቻሻጎላዚ ኤላሚ፡
- ኡሱፑጎላዚ ዪሆሃናኔ፡
- ላፑጎላዚ ኤልሆኤናዬ።
- 4 ጸሲ ኦቤድ-ኤዶሚ
- ኣጎጂዳ ገሻሰ

ኢዚ ኦሰቸን ኣቱማ ናይታ ዩሊዳስ፤
 ኮይርዚ ሻማኤ፥
 ናምኣንሳዚ ዩሆዛባዳ፥
 ሃቫንሳዚ ዮኣሃ፥
 ኦይዳንሳዚ ሳካሬ፥
 ኢቻሻንሳዚ ናቲናኤሌ፥
 5 ኡሱቸንሳዚ ኣምኤሌ፥
 ላቸንሳዚ ዩሳኩሬ፥
 ኦሰቸንሳዚ ፒላቴ።
 6 ቃቤ ኦቤድ-ኤደሜ ና ሻማኤይካ ኣቱማ ናይታ
 ዩሊዳስ፤ ኢስቲ ኤሬቲዳ ሚኖ ኣስ ጊዲዳ ገሻስ
 ባንታ ኣቀ ኬላን ሃላቃ ጊዲዳ።
 7 ሻማኤ ናይቲ ኦቲኔ፥ ኤራፋኤሌ፥ ኢዮቤዳ፥
 ኤልዛባዳ፤ ኢስታ ኢሻቲ ኤሊሁይን ሳማኬይ ኤሬቲዳ
 ሚኖ ኣሳታ።
 8 ሃይቲ ኡባቲ ኦቤድ-ኤደሜ ዛሬታ፤ ኢስታስ፥
 ኢስታ ናይቲኔ ኢስታ ዳቦቲ ኦሶስ ኬሂ ሚኖ ኣሳታ፤
 ኦቤድ-ኤደሜ ዛሬቲ ሙሌራ ኡሱቸን ታማኔ ናምኣ።
 9 ማሼሌሚያስ ኤራቴሌ ኩሚዳ ሚኖ ናይቲኔ ዳቦቲ
 ዳቲስ፤ ኢስቲ ሙሌራ ታማኔ ኦሰቸና።
 10 ሜራሬ ባጋሬ ጊዲዳ ሆሳስካ ኣቱማ ናይቲ
 ዳቲስ፤ ኢሶይ ሺሚሬ፤ ኢዚ ባይራ ጊደንታ ኣገኮካ
 ኢዛ ኣቀይ ኢዛ ባይራሲዳስ።
 11 ናምኣንሳዚ ኪልቆያሳ፥
 ሃቫንሳዚ ጸባሊያ፥
 ኦይዳንሳዚ ዛካራሳ፤
 ሆሳ ናይቲኔ ኢዛ ዳቦቲ
 ሙሌራ ታማኔ ሃቫ።
 12 ጸሳ ኬላ ፔንጌ ናገዛይቲ ባንታ ኬላ ኣሳ
 ሃላቃታ ጋርሳን ጩጋን ጩጋን ሻኬቲዲ ኢስታ ዳቦቲ
 ኦሎይሳ ጸሳ ኬላ ኦሶ ኦሳናስ ባ ታራን ታራን ኡቲዳ።
 13 ፔንጌታ ኡባ ናገናስ ባንታ ኬላን ኬላን ጩማኔ
 ዮጋ ጎንታ ኢሲ ቦላ ሳማ ኬሲዳ።
 14 ኣርሼይ ሞኪዛ ባጋራ ዲዛ ፔንጌዛ ናገናስ
 ሳማይ ሼሌሚያስ ኬዚዳስ፤ ፑዳሃ ባጋራ ዲዛ ፔንጌዛ
 ናገናስ ሳማይ ሎኦ ዞሪዛ ኢዛ ና ዛካራሳስ ኬዚዳስ።
 15 ዲጌሃ ባጋራ ዲዛ ፔንጌዛ ናገናስ ሳማይ
 ኦቤድ-ኤደሜስ ኬዚዳስ፤ ሚንጃ ኬላ ናገናስ ሳማይ
 ኢዛ ናይታ ጋኪዳስ።
 16 ኣርሼይ ወሊዛ ባጋራ ዲዛ ፔንጌዛኔ ጋና ኦጌ
 ባጋራ ዲዛ ሼሌኬቴ ፔንጌ ናገናስ ሳማይ ሹፊሚሲኔ
 ሆሳስ ኬዚዳስ።
 17 ኢሲ ባጋራ ናገዛ ዛቤታ ገናራ ሃራ ዛቤይ ዳስ፤
 ሃኛ ሃኛ ኣርሼይ ሞኪዛ ባጋራ ኡሱቸን ዛቤቲ፥ ፑዳሃ
 ባጋራ ኦይዳ ዛቤቲ፥ ሚንጃ ኬላ ናገናስ ናምኡ
 ዛቤቲ፥
 18 ኣርሼይ ወሊዛ ባጋራ ዲዛ ዲቡሻ ዳምባን
 ናምኡ ዛቤ ቃቤካ ኦጌ ቦላ ኦይዳ ዛቤ ጊዲዳ
 ናጌቲስ።
 19 ቆሬ ዛሬታሲኔ ሜራሬ ዛሬታስ ፔንጌ ናገናስ
 ኢሜቲዳ ኢስታ ኦሶ ገሻይ ሄሳ።
 ጸሳ ኬላን ኦሊዛ ሃራ ሹሚታ
 20 ለዌ ባጋሬ ኣካያይ ጸሳ ኬላ ጊደን ዲዛ ሚንጃ
 ኬላኔ ጸሳስ ዲማሲ ዋሊዳ ኢሞታታ ናገናስ ኣቀቴሌ
 ኢዛስ ኢሜቲዳስ።

21 ዩሂኤሌ ኣቀ ላዳኔይ ጌርሾኔ ባጋሬ ጊዲዳ ኢዛ
 ናይቲ ባሶ ኬላ ኣሳታስ ሃላቃታ።
 22 ዩሂኤሌ ና ዜታሚሲኔ ኢዛ ኢሻ ኢዩኤሌስ ጸሳ
 ኬላ ጊደን ዲዛ ሚንጃ ኬላ ናገናስ ኣቀቴሌ
 ኢሜቲዳስ።
 23 ኣሚራሚ ዛሬታስ፥ ዩዲሃሬ ዛሬታስ፥ ኬብሮኔ
 ዛሬታሲኔ ኡዚኤሌ ዛሬታስ ኢስታ ገሻ ኦሶይ
 ኢሜቲዳስ።
 24 ሙሴ ና ጌርሾሚ ዛሬፔ ጊዲዳ ሹባኤሌስ
 ሚንጃ ኬላ ናገዛይታ ቦላ ኣላፊቴሌ ኢሜቲዳስ።
 25 ኢዚ ጌርሾሚ ኢሻ ኤልኤዜሬ ባጋራ ሻሎሚቲስ
 ዳቦቲስ፤ ኤልኤዜሬይ ኤራሃቢያ ዩሊዳስ፤
 ኤራሃቢያይ ዩሻኢያ ዩሊዳስ፤ ዩሻኢያይ ኢዮራሚ
 ዩሊዳስ፤ ኢዮራሚይ ዚኪሬ ዩሊዳስ፤ ዚኪሬይ
 ሻሎሚቲ ዩሊዳስ።
 26 ካዎ ዳዊቲ፥ ኢዛሶ ኣሳታ ሃላቃቲ፥ ሻላቃቲ፥
 ማቶ ሃላቃቲኔ ኦላ ጋዳዋቲ ጸሳስ ዲማሲ ዋሊዳ
 ሚሻታ ኡባ ናገናስ ሻሎሚቲሲኔ ኢዛ ዳቦታስ ኣቀቴሌ
 ኢሜቲዳስ።
 27 ካሴ ኦላን ዲኢ ኤሂዳ ሚሻፊፊ ባጋ ጸሳ ኬላ
 ገሻናስ ዲማሲ ዋሊዳ።
 28 ቃቤ ናቤ ሳሚሊ፥ ቂሴ ና ሳኦሊ፥ ኔሬ ና
 ኣቢኔሪኔ ጹሪያ ና ኢዮኣቤይ ካሴ ዲማሲ ዋሊዳ ሚሻ
 ኡባኔ ሃራ ጸሳ ኬላ ሚሻታ ኡባ ሻሎሚቲይኔ ኢዛ
 ዳቦቲ ናጌቲስ።
 29 ዩዲሃሬ ዛሬታፔ ካናጊያሲኔ ኢዛ ናይታስ ጸሳ
 ኬላፊ ካሬ ባጋራ ዲዛ ኦሶታን ኢሰራኤሌ ኣሳ
 ኣሳናሲኔ ኢስታ ቦላ ፒርዳናስ ኣቀቴሌ ኢሜቲዳስ።
 30 ኬብሮኔ ዛሬፔ ሃሻቢያይኔ ኢዛ ዳቦቲ 1,700
 ሚኖ ኣሳቲ ዮርዳናሴ ሻፋፔ ሄ ፒንሳን ኣርሼይ ወሊዛ
 ባጋራ ዲዛ ኢሰራኤሌ ኣሳ ቦላ ጎዳ ኦሶሲኔ ካዎ
 ኦሶስ ሹሚቲዳ።
 31 ኬብሮኔ ዛሬታፔ ኢስታሶ ኣሳ ማዘጋቤዛን
 ጸፊቲዳ ማላ ዩሪያይ ኢስታስ ሃላቃ ጊዲዳስ፤ ካዎ
 ዳዊቲ ካዎቲዳ ኦይዳ ታማንሳ ላይላን ማዘጋቤ
 ፒልጊ ጸሊሽን ጋላኣይ ዳሬን ኢያዜሬ ጌቲቲዛሶን
 ኬብሮኔ ኣሳታፔ ሚኖ ኣሳቲ ቤቲዳ።
 32 ዩሪያስ ሚኖኔ ሶ ኣሳታስ ሃላቃ ጊዲዳ 2,700
 ዳቦቲ ዳቲስ፤ ካዎ ዳዊቲ ኢስቲ ጸሳ ኦሶ ኦሳናሲኔ
 ካዎ ኦሶ ኦሳና ማላ ኦርቤሌ ቆሞታ ቦላ፥ ጋይ ቆሞታ
 ቦላኔ ሚኖኔ ቆሞታፔ ባጋታ ቦላ ሹሚዳስ።

27

ኢሰራኤሌ ኦላንቻታ ካሌላዛይታ
 1 ባንታ ቡቴን ቡቴን ላይላ ኩሚዳ ኣገናን ኣገናን
 ካዎዛሲኔ ዳራስ ታራን ታራን ኦሊዛ ኢሰራኤሌ ኬላ
 ኣሳታ ሃላቃቲ፥ ሻላቃቲኔ ማቶ ሃላቃቲ፥ ኦላ ጋዳዋቲ
 ሃይሳፊ ካሊዛይታ፤ ኢሲ ኢሲ ቡቴን 24,000 ኣሲ
 ዳስ።
 2 ኮይር ኣገናን ኦሊዛ ቡቴዛስ ኣላፊይ ዛብዲኤሌ
 ና ያሻቢኣሚ፤ ኢዛ ቡቴዛን 24,000 ኣሲ ዳስ።
 3 ያሻቢኣሚይ ፓሪሴ ዛሬ፤ ኢዚ ኮይር ኣገናን
 ኦላስ ኬኢዛ ሃላቃታስ ጋዳዋ።
 4 ናምኣንሳ ኣገናን ኦሊዛ ቡቴዛስ ኣላፊይ ኣሂሆሄ
 ዳሬ ኣስ ደዳያ፤ ኢዛ ቡቴዛን 24,000 ኣሲ ዳስ፤ ሃ
 ቡቴዛ ኢዛፔ ጋርሳራ ካሌላዛይ ሚቂሎቴ።

- 5 ሃሻንሉ ኣገናን ኦሊዛ ቡቴዛስ ኣላፊይ ቄሴ ዮዳሄ ና ባናያ፤ ኢዛ ቡቴዛን 24,000 ኣሲ ዴስ።
 - 6 ባናያይ 30 ኣሳታፔ ኣጲ ኤሬቲዳ ሚኖ ኣስ ገዲዳ ገሻስ ኢዚ ኢስታ ቦላ ሃላቃ ገዲዳስ፤ ኢዛ ና ኣሚዛባዳይ ኢዛፔ ጋርሳራ ኣዛዚዛይ ገዲዳስ።
 - 7 ኦይዳንሉ ኣገናን ኦሊዛ ቡቴዛስ ኣላፊይ ኢዮኣቤ ኣሻ ኣሳሄሌ፤ ኢዛ ቡቴዛን 24,000 ኣሲ ዴስ፤ ኢዛሶሆን ኣላፊቲዳይ ኢዛ ና ዛባዲያ።
 - 8 ኢቻሻንሉ ኣገናን ኦሊዛ ቡቴዛስ ኣላፊይ ዩዲራ ኣስ ሻሚሁቴ፤ ኢዛ ቡቴዛን 24,000 ኣሲ ዴስ።
 - 9 ኡሱፑንሉ ኣገናን ኦሊዛ ቡቴዛስ ኣላፊይ ቴቁሄ ኣስ ኢቁሻ ና ኢራ፤ ኢዛ ቡቴዛን 24,000 ኣሲ ዴስ።
 - 10 ላፑንሉ ኣገናን ኦሊዛ ቡቴዛስ ኣላፊይ ኤፍሬሚ ዛሬፔ ፒሎኔ ዴሬ ኣስ ሄሌዳ፤ ኢዛ ቡቴዛን 24,000 ኣሲ ዴስ።
 - 11 ኡሱፑንሉ ኣገናን ኦሊዛ ቡቴዛስ ኣላፊይ ሁሽ ኣስ ሲቢካዬ፤ ኢዚ ዛራሄ ዛሬፔ ዩዴስ፤ ኢዛ ቡቴዛን 24,000 ኣሲ ዴስ።
 - 12 ኡዲፋንሉ ኣገናን ኦሊዛ ቡቴዛስ ኣላፊይ ቢኒያሚ ዛሬፔ ኣናቶቴ ኣስ ኣቢኤዜሬ፤ ኢዛ ቡቴዛን 24,000 ኣሲ ዴስ።
 - 13 ታማንሉ ኣገናን ኦሊዛ ቡቴዛስ ኣላፊይ ዛራሄ ዛሬፔ ናጾፊ ዴሬ ኣስ ማሂራዬ፤ ኢዛ ቡቴዛን 24,000 ኣሲ ዴስ።
 - 14 ታማኔ ኢሲንሉ ኣገናን ኦሊዛ ቡቴዛስ ኣላፊይ ኤፍሬሚ ዛሬፔ ፒራቶኔ ኣስ ባናያ፤ ኢዛ ቡቴዛን 24,000 ኣሲ ዴስ።
 - 15 ታማኔ ናምኣንሉ ኣገናን ኦሊዛ ቡቴዛስ ኣላፊይ ኦቲንኤሌ ዛሬፔ ናጾፊ ዴሬ ኣስ ሄልዳዬ፤ ኢዛ ቡቴዛን 24,000 ኣሲ ዴስ።
- ኢሰራኤሌ ኣሳ ጋርሳን ቆሞታ ቆሞታ ካሌሊዛ ኦላ ጋዳታ**
- 16 ኢሰራኤሌ ኣሳ ጋርሳን ቆሞታ ቆሞታ ቦላ ሹሚቲዳ ኦላ ጋዳታ ሃይሳፊ ካሊዲ ጸፊቲዳይታ። ኦርቤሌ ቆሞ ቦላ ሱሚዳይ ዚኪሬ ና ኤልኤዜሬ። ሲሞና ቆሞ ቦላ ሱሚዳይ ማኢካ ና ሻፋጺያ።
 - 17 ለቄ ቆሞ ቦላ ሱሚዳይ ቃሙኤሌ ና ሃሻቢያ። ኣርኔ ዛርኬ ቦላ ሱሚዳይ ሳዶቄ።
 - 18 ዩሁዳ ቆሞ ቦላ ሱሚዳይ ዳዊቲ ኢሻ ኤሊሁ። ዩሳኮሬ ቆሞ ቦላ ሱሚዳይ ሚካኤሌ ና ኦሚሬ።
 - 19 ዛቢሎኔ ቆሞ ቦላ ሱሚዳይ ኣብዲዩ ና ዩሻማኤ። ኒፍታሌሚ ቆሞ ቦላ ሱሚዳይ ኣዛሪኤሌ ና ያርሞቴ።
 - 20 ኤፍሬሚ ቆሞ ቦላ ሱሚዳይ ኣዛዚያ ና ሆሴኤ።

- ዮርዳኖሴ ሻፋፔ ኣርሼይ ወሊዛ ባጋን ዲዛ ሚናሴ ቆሞ ባጋታ ቦላ ሱሚዳይ ፓዳያ ና ኢዩኤሌ።
 - 21 ዮርዳኖሴ ሻፋፔ ኣርሼይ ሞኪዛ ባጋን ጋላኣዳን ዲዛ ሚናሴ ቆሞ ባጋታ ቦላ ሱሚዳይ ዛካራሳ ና ኢዶ። ቢኒያሚ ቆሞ ቦላ ሱሚዳይ ኣቢኔሬ ና ያኢሲኤሌ።
 - 22 ዳኔ ቆሞ ቦላ ሱሚዳይ ዩርሃሚ ና ኣዛሪኤሌ። ሃይቲ ኢሰራኤሌ ኣሳ ጋርሳን ቆሞታ ቆሞታ ካሌሊዛ ኦላ ጋዳታ።
 - 23 ጎዳይ፣ «ታኒ ኢሰራኤሌ ኣሳ ሳሎ ጸለንቲ ማላ ጮራሳና» ገዲ ሂዳታ ቃላ ኢሚዳ ገሻስ ዳዊቲ ናምኡ ታማኔ ሄሳፊ ጋርሳራ ገዲዳ ኣሳ ቆዲቤና።
 - 24 ጵሪያ ና ኢዮኣቤይ ኣሳ ቆዳ ደሚዳስ ሺን ፖሊቤና፤ ኣሳ ቆዲዳ ጋሶን ጎዳይ ኢሰራኤሌ ኣሳ ቦላ ሃንቁቲዳስ፤ ሄሳ ገሻስ ኢስታ ቆዳይ ካዎ ዳዊቲ ታሪኬ ማዘጋባን ጸፊቲቤና።
- ካዎ ኣቆታ ቦላ ኣሞቴሳን ሱሚዳይታ**
- 25 ካዎ ኬሳን ቡቁራ ዎሊዛ ሚንጃ ኬሳ ኣላፊይ ኣዲኤሌ ና ኣዚሞቴ። ጋጸራታን፣ ካታማታን፣ ሞላታኒኔ ናጌሶ ሚጸታን ዲዛ ሚንጃ ኬሳታ ኣላፊይ ኦዚያ ና ዮናታኔ።
 - 26 ጎሻንቻታ ኣላፊይ ካሉቤ ና ኤዚሬ።
 - 27 ዎይኔ ሚላ ቶኪዛሶሆታ ኣላፊይ ኤራማቴ ዴሬ ኣስ ሸሞኤ፤ ዎይኔ ኡሹ ሚንጃዛሶታ ኣላፊይ ሻፋሚ ዴሬ ኣስ ዛብዳ።
 - 28 ሻራ ሚንሶታን ዙሞቡላታ ጸጸን ዲዛ ዎጋራ ሚላኔ ዎላ ሚላታ ናጋናስ ኣላፊቴላ ጋዴሬ ዴሬ ኣስ ባኣኢ-ሃናኔስ ኢሚቲዳስ፤ ዛይቲ ሚንጃዚ ኬሳ ኣላፊቴላ ኢዮኣሳስ ኢሚቲዳስ።
 - 29 ላሻርኔ ዴሞባን ሃሚቲዛ ወዴ ሚሃታ ኣላፊቴላ ሳርኔ ኣስ ሺዲራያስ ኢሚቲዳስ፤ ሸባን ሃሚቲዛ ወዴ ሚሃታ ኣላፊቴላ ኣዲላያ ና ሳፋዴስ ኢሚቲዳስ።
 - 30 ጋሚላታ ቦላ ኣላፊቴላ ኢሰማኤሌ ኣስ ኦቢላስ ኢሚቲዳስ። ሃራታ ቦላ ኣላፊቴላ ሚርኖቴ ኣስ ዩሂዳዬስ ኢሚቲዳስ።
 - 31 ዶርሳ ወዴታኔ ዴይሻ ወዴታ ናጋና ኣላፊቴላ ኣጋሪ ዛሬፔ ገዲዳ ያዚኤስ ኢሚቲዳስ፤ ሃይቲ ኡባይ ካዎ ዳዊቲ ኣቆታ ናጋናስ ኣላፊቴላ ኤኪዳ።
- ካዎ ዳዊቲ ዞሪዛይታ**
- 32 ዳዊቲ ኣዎ ኢሻይ ዮናታኔይ ጸፊ፣ ኣኬካንቻ ኣሳኔ ዞሪዛ ኣሳ፤ ሃኪሞኔ ና ዩሂኤሌይ ካዎ ናይታ ዲቺዛዴ።
 - 33 ኣክጸፊሌይ ቃሴ ካዎዛ ዞሪዛዴ፤ ኣርኬ ዴሬ ኣስ ሁሽይ ካዎስ ሲቆ ላጌ።
 - 34 ኣክጸፊሌፔ ጉዬ ባናያ ና ዮዳሄይኔ ኣቢያታሬይ ካዎ ዞሪንቻ ገዲዳ፤ ኢዮኣቤይ ካዎ ኦላንቻታ ሃላቃታስ ጋዳዎ ገዲዳስ።

28

ዳዊቲ ጸሳ ኬሳ ኬጻናስ ኬሲዳ ሃልቾ
 1 ኢሰራኤሌ ቦላ ኣላፊቴላ ዲዛ ኣሳቲኔ ኤሬቲዳ ኣሳቲ ኡባይ ዩሩሳላሚን ሺቃና ማላ ካዎ ዳዊቲ ኣዛዚዳስ፤ ሄሳ ገሻስ ኦላ ኣሳ ቆሞን ቆሞን ካሌሊዛ ሃላቃቲ፣ ካዎ ኦላንቻታ ካሌሊዛ ኦላ ጋዳዊቲ፣ ሻላቃቲ፣ ማቶ ሃላቃቲ፣ ካዎ ኣቆታኔ ሚሃታ፣ ኢዛ

ናይታ አቆታኔ ማህታ ቦላ አላፊቴሌ ዲዛይቲ፣ ካዎ ኩላ ሹማቲ፣ ኤሬቲዳ ኦላ ቃራቲኔ ጌታ አሳቲ ኡባይ ዩራሳላማን ሸቁዳ።

2 ሂሳቲን ካዎ ዳዊቲ ዳንዲ ኤቁዲ፣ «ታ ኢሻንቶ፣ ታ አሳቶ፣ ሲዩቲ! ኑ ገዳ ታቦታይ ኡቲዛሶኔ ኑ ጸሳ ቶሆይ ሸምፒዛሶ ጸሳ ኩላ ኩጸናሰ ታ ዎዚናን ቆፓዳ ሃልቾ ኩሳዲሰ፤ ኩጸናሰ ኮሺዛ ሚሻታካ ገቢሳዲሰ።

3 ጊዶ ኣቲን ጸሳይ ታና፣ ሳኔ ኦላንቻኔ ሱላ ጉሲዳ አሰ ገዲዳ ገሻሰ ታ ሱንሳሰ ኩላ ኩጸካ» ገዲሰ።

4 ታኒ ኢሰራኤሌ ቦላ ሚርናሰ ካዎታና ማላ ገዳ ኢሰራኤሌ ጸሳይ ታ አዎ ኩላ አሳ ኡባፊ ታና ዶሪዴሰ፤ ካሌላና ማላ ኮይሮ ዩሁዳ ቆዎ ዶሪዴሰ፤ ዩሁዳ ቆዎፊ ታ አዎ ሶ አሳ ዶሪዴሰ፤ ታ አዎ ናይታ ገዶፊ ታና ዶሪዲ ኢሰራኤሌ ኡባ ቦላ ታ ካዎታና ማላ ኢዛሰ ሸኔ ገዲዴሰ።

5 ጎዳይ ታሰ ጮራ ናይታ ኢሚዴሰ፤ ታ ናይታ ኡባፊ ጎዳ ጸሳ ካዎታ አራታን ኡቲዲ ኢሰራኤሌ ቦላ ካዎታና ማላ ታ ና ሶሎሞኔ ዶሪዴሰ።

6 «ቃሴካ ጎዳይ ታና፣ ሓ ኩላ ኩጸናይኔ ታ ዛጎዛ ገቢሳናይ ኔ ና ሶሎሞኔ፤ ኢዚ ታሰ ና ገዳና ማላ ታ ኢዛ ዶሪዲሰ፤ ታኒካ ኢዛሰ አዎ ገዳና።

7 ኢዚ ሃኢ ኦሊዛይሳሉ ሲንሳፊካ ታ አዛዞኔ ታ ዎፓ ሚኒ ናገኮ ታ ኢዛ ካዎቲላ ሚርናሰ ሚንላና» ገዲሰ።

8 «ሃሳ ገሻሰ ሃኢካ ጎዳ ዴሬ ዲላታይ፣ ኢሰራኤሌ አሳይ ኡባይ ቤኢሸኒኔ ኑ ጸሳይ ሲዩሸን፣ ኢንቲ ጎዳ አዛዞ ኡባ ኢንቲ ሚንላዲ ናፓና ማላ ታኒ ኢንቲሰ ዮታይሰ፤ ሂሰቲኮ ኢንቲ ሃ ሎኑ ቢታ ላታናኔ ኢንቲ ናይታካ ሚርናሰ ላቲሳና።

9 «ታ ና ሶሎሞኔ፣ ኔ አዎ ጸሳ ኤራ! ኔኒ ኩሚላ ዎዚናኒኔ ሎኑ ቆፋን ኢዛሰ ኦላ፤ ጎዳይ ዎዚና ኡባ ፒልገ ጸሌሰ፤ ገዶ ቆፋ ኡባ ኢዚ ኤሬሰ፤ ኔኒ ኢዛ ኮይኮ ኢዚ ኔሰ ቤታና፤ ገዶ ኣቲን ኔ ኢዛ ኣገዛ ገዲኮ ኢዚካ ኔና ሚርናሰ ኣጋጋና።

10 ጸሳ ኩላ ኩጸናሰ ጎዳይ ኔና ዶሪዴይሳ ዶጎፓ፤ ሚናዳ ኦሶዛ ኦላ» ገዲሰ።

11 ሃይሳፊ ጉዬ ዳዊቲ ባ ና ሶሎሞኔሰ ጸሳ ኩላ ኩጸናሰ ገግሲዳ ሃልቾዛ ኢሚዴሰ፤ ዳራንቻ፣ ቡቁራ ዎሊዛ ሚንጃ ኩላ፣ ፖቁዛኔ ገዶ ከፊሌታ፣ ናጋራ ወርሲዛሶዛ ዎሰቲ ኩጸናኮ ቤሲዛ ሃልቾዛ ኢሚዴሰ።

12 ቃሴካ ዳዊቲ ባ ዎዚናን ዲዛ ቆፋ ጸሳ ኩላ ዛጎ፣ ኢዛ ዩሸን ዲዛ ከፊሌታ፣ ጸሳ ኩላ ቡቁራ ሚሻታ ዎሊዛ ሚንጃ ኩላታ ሃልቾዛ ኢሚዴሰ።

13 ሃሳላካ ዳዊቲ ቁሴታ ገሻ ኦሶኔ ለዌታ ገሻ ኦሶ፣ ጸሳ ኩላን ኦሊዛ ኦሶታሰ ጎኤቲዛ ሚሻታ ዎሰቲ ጎኤታናኮ ቤሲዛ አዛዞ ኢሚዴሰ።

14 ቃሴካ ዳዊቲ ዲማ ዲማ ሚሻታ ሚፋናሰ ኣይ ኬና ዎርቃኔ ኣይ ኬና ቢራ ኮሺዛኮ ጸፊዲ ሶሎሞኔሰ ኢሚዴሰ።

15 ሃይቲካ ዎርቃ ጸምፔታ ዎሊዛ ባላኔ ዎርቃ ጸምፔታ፣ ቢራ ጸምፔታ ዎሊዛ ባላኔ ቢራ ጸምፔታ፣

16 ጸሳ ሲንሳን ኡኩላ ዎሊዛ ዎርቃ ጸራጾዛታ፣ ቢራ ጸራጾዛታ፣

17 ዎርቃ ቃጾታ፣ ዎርቃ ኬሬታ፣ ዎርቃ ዋንጫታ፣ ዎርቃ ጸርታ፣ ቢራ ጸርታኔ

18 ኤጸኔ ጨዋሳናሰ ሙሩታ ዎርቃ፣ ጎዳ ታቦታ ቦላ ባንታ ቁፊ ሚጨዲ ካሚዛ ከሩቤታ ዎሊዛ ዎርቃ ጋሬ ቤሲዛ ሃልቾ ኢሚዴሰ።

19 ዳዊቲ፣ «ጎዳይ ባ ኩሼ ታ ቦላ ዎሊዲ ሃ ጸፊቲዳ ሃልቾ ኡባ ታና ኤሪሲዴሰ» ገዲሰ።

20 ሃይሳፊ ጉዬ ዳዊቲ ባ ና ሶሎሞኔ፣ «ኣይኮይ ባዎ ሚና! ኦሶዛ ደማ! ጎዳ ታ ጸሳይ ኔናራ ዲዛ ገሻሰ ያዮፋ፤ ሂደታካ ቃንጸፋ! ጸሳ ኩላ ኦሶይ ፖሌታና ጋካናሰ ጸሳይ ኔና ዩጌና ኣጌና።

21 ጸሳ ኩላ ኦሶሰ ቁሴቲኔ ለዌቲ ገቢቲ ኡቲዳ፤ ኡባ ሂላቲላ ኤሪዛ አሳቲ ኔና ኦሶ ኡባን ማዳና፤ ሹማቲኔ አሳይ ኡባይ ኔሰ ኡባ ሚሻንካ አዛዞታና» ገዲሰ።

29

ጸሳ ኩላ ኩጸናሰ ኢሚቲዳ አምታ

1 ሃይሳፊ ጉዬ ካዎ ዳዊቲ ሸቁዳ አሰ ኡባሰ፣ «ጸሳይ ዶሪዴይ ታ ና ሶሎሞኔ፤ ኢዚ ዩላጋኔ ኦሶሰ ኢማላ፤ ሃ ኩጾታና ኩላይ አሳ ኩላ ገደንታ ጸሳ ኩላ ገዲዳ ገሻሰ ኦሶዚ ዴጸ።

2 ታኒ ታሰ ዲዛ ዎሊቃ ኬና ታ ጸሳ ኩላሰ ዎርቃን ኦሴታናይሳሰ ዎርቃ፣ ቢራን ኦሴታናይሳሰ ቢራ፣ ጸርቁማላን ኦሴታናይሳሰ ጸርቁማላ፣ ቢራታን ኦሴታናይሳሰ ቢራታኔ ሚላን ኦሴታናይሳሰ ሚላ ገቢሳ ዎላዲሰ፤ ቃሴ ማርገዴ፣ አምኔቤሬዴ፣ ዲማ ዲማ ሚፋይ ዲዛ ኣሌቆ ሹቻታ፣ ኣልኦ ሹቻታኔ ኢንቁታ ገቢሳ ዎላዲሰ።

3 ታ ጸሳ ኩላ ታኒ ኬሂፔ ሰቁዛ ገሻሰ ታኒ ታ ጸሳ ኩላዛሰ ገግሲዳይሳፊ ሃራ ታሰ ቡዞ ዲዛ ዎርቃፊኔ ቢራፔ ጌሻ ኩላሰ አማዲሰ።

4 ጸሳ ኩላ ገምቤዛ ኣሌቁሳናሰ 100,000 ኪሎ ገራሚ ገዲዛ ሙሩታ ዎርቃኔ 240,000 ኪሎ ገራሚ ገዲዛ ሙሩታ ቢራ አማዲሰ።

5 ኦሳ ኦላና ሂላታሰ ኮሺዛ ሚሸ፣ ዎርቃን ኦሴታናይሳሰ ዎርቃ፣ ቢራን ኦሴታናይሳሰ ቢራ አማዲሰ፤ ሂሰቲን ሃቾ ኢንቲፊ ባና ባ ሸኔን ጎዳሰ ኣላ አማናይ ኦኔ?» ገዲሰ።

6 ሂሰቲን ኢሰራኤሌ አሳሰ ቆዎታ ኮራፒኔቲ፣ ቆዎታሰ ቆዎታሰ ኦላ ጋዳዎቲ፣ ሻላቃቲ፣ ማቶ ሃላቃቲኔ ካዎ ኦሳንቻታ ሃላቃቲ ባንታ ሸኔን ባሰ ዲዛይሳ ኢሚዴ።

7 ኢሰቲ ጸሳ ኩላ ኦሶሰ 170,000 ኪሎ ገራሚ ገዲዛ ዎርቃ፣ 340,000 ኪሎ ገራሚ ገዲዛ ቢራ፣ 670,000 ኪሎ ገራሚ ጸርቁማላኔ 3,400,000 ኪሎ ገራሚ ገዲዛ ቢራታ ኢሚዴ።

8 ኣልኦ ሹቹ ዲዛ አሳይ ኡባይ ቡቁራ ሚሻታ ናገዛ ለዌ ጌርሾኔ ዛሬ ገዲዳ ዩሂኤሌ ባጋራ ጎዳ ሚንጃ ኩላ ኤሂ ኢሚዴ።

9 አሳይ ባ ሸኔን ባ ኩሚላ ዎዚናፔ ጎዳሰ ኢሚዳ ገሻሰ ኡፋዬቲዴሰ፤ ካዎ ዳዊቲካ ኬሂ ኡፋዬቲዴሰ።

ዳዊቲ ጸሳሰ ሸሺዳ ጋላታ

10 ሃሳ ገሻሰ ዳዊቲ ዲላታ ሸቁዳ አሳ ሲንሳን፣ «ኣቤት ኑ አዎ ጎዳ ኢሰራኤሌ ጸሳዉ!

ሚሪፔ ሚርና ጋካናሰ ኔሰ ጋላታይ ገዶ።

11 አቤት ጎዳወ!
 ሳሎንኔ ሳኦን ዲዛ
 ኡባይ ኔሳ፤
 ገታቴሉ፥ ዋልቃይ፥
 ቦንቾይ፥ ቱማይኔ
 ፑላቴሉ ኔሳ።

12 ዲሬቴሉኔ ቦንቾይ
 ኔፔ ቤቴሰ፤
 ኡባይካ ኔሰ ሃራቴሰ።
 ዋልቃይኔ ሚናታይ
 ኔ ኩሼና፤
 ኔኒ አሳ ኡባ ገታሳናሲኔ
 ሚንፋናሰ ዳንዳያሳ።

13 ሃኢካ ኑ ጸሳወ!
 ኑኒ ኔና ጋላቶሰ፤
 ኔ ቦንቾ ሱንፋካ ሳቦሰ» ገዲ
 ጎዳ ጋላቴዳሰ፤

14 ዳዊቱ፥ «ኡባይ ኔፔ ቤቴዳሰ፤ ኑ ኔሰ ዛሪ
 አሚዳይ ኔ ኩሼፔ ኤኪዳይሳ፤ ሂሰቲን ኑኒ ሃይሳ ማላ
 አሞታ አማናሰ ታኒኔ ታ አሳይ ኦኔ?»

15 ካሴ ኑ አዋታ ማላ ኑኒካ ኔ ሲንፋን ቤቴኔ
 አማላታ፤ ሃ ሳኦ ሶላን ኑ ዴኦ ላይሳይ ሂደታይ ባይንዳ
 ኩዋ ማላ ኤሌ አዴሰ።

16 አቤት ጎዳ ኑ ጸሳወ! ኔ ገሻ ሱንፋሰ ኩሴ
 ኬጻናሰ ሺሺዳ ኡባይ ኔፔ ቤቴዳዛ፤ ሃይሲ ኡባይ
 ኔሳ።

17 «ታ ጸሳወ! ኔኒ ዋዚና ፒልጋ ጴሊዛይሳኔ
 ሱሬቴሉ ደሲዛይሳ ታኒ ኤራይሰ፤ ታኒ ታ ሱሬ
 ዋዚናኒኔ ሎኦ ሼኔን ሃይሳ ኡባ አማዲሰ፤ ሃይሳን
 ዲዛ ኔ አሳይካ ኔሰ ባ ሎኦ ሼኔን አሚዳ
 ኡፋዬቴዳይሳ ታኒ ቤኣዲሰ።

18 አቤት ጎዳወ! ኑ አዋ አብራሃሜ፥ ዪሳቃኔ
 አሰራኤሌ ጸሳወ! ኔ አሳ ዋዚናን ሃ ገታ ሰቆዛ
 ሜርናሰ ናጋ፤ አሰታ ዋዚናይ ኔሰ አማኔቴ ዳና ማላ
 ናጋ።

19 ኔ ዋጋ፥ ኔ አዛዘኔ ማራታ ናጋና ማላ ታኒ ገሊሳ
 ዋሉዳ ሚሻታን ጸሳ ኩላ ኢዚ ኬጻና ማላ ታ ና
 ሶሎሞኔሰ ኩሚላ ዋዚና አማ» ገ ዋሲዳሰ።

20 ሃሳፌ ጉዬ ዳዊቱ ዲላታ ሸቂዳ አሳሰ፥ «ጎዳ
 አንቴ ጸሳ ጋላቴቴ» ገዳሰ፤ ሂሰቲን ኡባ አሳይ ጎዳ
 ባንታ አዋታ ጸሳ ጋላቴዳ፤ ጎዳ ሲንፋን ጉፋኒዲ
 ጎይኒዳኔ ካዋ ቦንቾዳ።

ሶሎሞን ካዎቴሉ

21 ዋንቴላ ጋላሰ አሳይ ጎዳሰ ያርሾ ሺሺዳ፤
 ጸጌቴዛ ያርሾካ ያርሾዳ፤ ሂሲካ 1,000 ኮርማታ፥
 1,000 ጳርሾታ፥ 1,000 ዶርሳ ላቃታ፥ ኡሻ ያርሾኔ
 ሃራ ያርሾታራ ኢሲፌ አሰራኤሌ አሳ ገሻሰ ሺሺዳ።

22 አሳይ ሄ ጋላሰ ጎዳ ሲንፋን ከሂፔ ኡፋዬቴሼ
 ሚዳሲኔ ኡዪዳሰ፤ ሂሰቲዲ አሳይ ካዋ ዳዊቱ ና
 ሶሎሞኔይ ካዎቴዳይሳ ናሞኣንሶ ቆንጨራ ኤሪዳ፤
 ኢዚ ዴራ አይሳና ማላ ጎዳ ጸሳ ሲንፋን ዛይቴን
 ቲይዳ፤ ሳዶቁካ አሰታሰ ቁሴ ገዳና ማላ ጎዳ ሲንፋን
 ቲይዳ።

23 ሃሳፌ ጉዬ ሶሎሞኔይ ባ አዋ ዳዊቱ ሶሆን ጎዳ
 ካዎቴላ አራታን ኡቴዳሰ፤ ኢዛሰ ኡባ ሚሺ ኤኖ
 ገዳሰ፤ ኢሰራኤሌ ኡባይካ ኢዛሰ አዛዘቴዳሰ።

24 ኦላ ጋዳዋቱ፥ ኤሬቴዳ ሚኖ አሳቲኔ ካዎ ዳዊቱ
 ናይቲ ካዎ ሶሎሞኔሰ አዛዘታናሰ ቃላ ጌሊዳ።
 25 ጎዳይ ሶሎሞኔ አሰራኤሌ አሳ ኡባ ሲንፋን ጶቁ
 ጶቁ ሂሰቲዳሰ፤ ኢዛፔ ካሴ አሰራኤሌ ካዎታሰ
 አሚቴቤና፤ ቦንቾ ሶሎሞኔሰ አሚዳሰ።

ዳዊቱ ሃይቆ

26 ኢሴዬ ና ዳዊቱ አሰራኤሌ ኡባ ሃሪዳሰ።
 27 ዳዊቱ ኬብርኔን 7 ላይሉ፥ ዬሩሳሌምን 33
 ላይሉ ካዎቴዳሰ፤ ኢሲ ቦላ ኢሰራኤሌ 40 ላይሉ
 ሃሪዳሰ።

28 ዳዊቱ ዳር ላይሉ ዴኢዲ ዲሬቴዳ፥ ቦንቾቴዳ፥
 ሎኦ ጨማ ጨሚዲ ሃይቁዳሰ፤ ኢዛሶሆን ኢዛ ና
 ሶሎሞኔይ ካዎቴዳሰ።

29 ዳዊቱ ካዎቴላ ላይሉን ኮይርፔ ደሚዲ ወርሴሉ
 ጋካናሰ አሴቴዳይሳ ናቤ ሳሚሊ፥ ናቤ ናታኔይኔ ናቤ
 ጋዴይ ጸፊዳ ታሪኬ ማጻፋታን ጸፊቴ ኡቴዳሰ።

30 ኢዚ ዋሰቴ ሃሪዳኮ፥ ኢዚ ዋኒዳ ዋልቃማ
 አሳኮ፥ ኢዚ አይ ሃኒዳኮ፥ ኢሰራኤሌ አሳይኔ ሄራን
 ዲዛ ካዎቴላቴ ኡባይ አይ ሃኒዳኮ ሄ ማጻፋታን ጸፊቴ
 ዳሰ።

2ታሪክ ማጻፋ ጊደ ቆፋ

ናምእንላ ታሪክ ማጻፋይ ኮይር ታሪክ ማጻፋይ ኤቁደሶፕ ደሚሰ። ሄሲካ ካዎ ሶሎሞንይ ካዎቲዳ ዎይፕ ደሚዲ ኢዚ ሃይቁዳ ዎይ ጋካናሳ (1-9)። ኢዮርባኣሜ ካሌሶን ፑዴሃ ባጋራ ዲዛ ቆሞቲ ባ ኣዎ ሶሎሞን ሶሆን ካዎቲዳ የሁዳ ካዎ ኤርቢኣሜ ቦላ ኢሰቲ ማካሊዳ ሃናዝ ዮቲዳፕ ጉዬ ዬሱሲ ዬሌታናፕ ካሴ 586 ላይላን ዬሩሳላሜይ ላሌቲዳ ዎይ ጋካናሳ ዲጌሃ ባጋን ዲዛ የሁዳ ካዎቲላ ታሪክ ኢሲ ቦላ ጋላ ዮቲሰ (10-36)።

ሃ ማጻፋይ ኦይኪዳ ኩሜላ ቆፋ

- ሶሎሞን ኤራቴሌኔ ኢዛ ኣቆታ 1:1-17
- ጸሓ ኬላ ኬጾኔ ኣንጂሶ 2:1—7:22
- ሶሎሞን ዎይን ኦሴቲዳ ሃራ ኦሶታ 8:1—9:28
- ሶሎሞን ሃይቆ 9:29-31
- ፑዴሃ ባጋራ ዲዛ ኢሰራኤሌ ኣሳይ ኤርቢኣሜ ቦላ ዳንሳ 10:1-19
- የሁዳ ዳሬ ካዎታ 11:1—28:27
- ካዎ ሂዘቁያሳኔ ኣሶሪ ዳሬ ኣሳ ዎራጃ 29:1—32:33
- ካዎ ሚናሴኔ ካዎ ኣዎን 33:1-25
- ካዎ ኢዮሲያሳኔ ጸሓ ዎጋ ማጻፋ 34:1—35:27
- የሁዳሰ ዉርሴላ ካዎታ 36:1-16
- ዬሩሳላሜ ላሌቴሌኔ ኣሳይ ባቢሎኔ ዲኤቲ ቡሰ 36:17-21
- ፋሪሴ ካዎ ቁርሲ ኣይሁዳ ኣሳይ የሁዳ ሲማና ማላ ኢሚዳ ፒቃዴ 36:22-23

ኣቶ ኤራቴሌ ኤካናሰ ካዎ ሶሎሞን ዎሳ (1ካዎ 3:1-15)

1 ዳዊቲ ና ካዎ ሶሎሞንይ ባ ካዎቲላን ሚኒዴሰ፤ ጎዳ ኢዛ ጸሓይ ኢዛራ ጊዲዳ ጊሻሰ ኢዛ ኬሂፕ ገታሲዴሰ።

2 ሶሎሞንይ ኢሰራኤሌ ኡባ፣ ሻላቃታ፣ ማቶ ሃላቃታ፣ ዳናታ፣ ኢሰራኤሌ ኣሳ ካሌላዛ ኡባታኔ ሶ ኣሳ ሃላቃታ ጴይጊ ሺሺዴሰ።

3 ሄሳፌ ጉዬ ሶሎሞንይኔ ሸቁዳ ኣሳይ ኡባይ ጌባኣኔን ዴኢዛ ጎይኒዛ ቶቃ ሶሆ ቢዴሰ፤ ኣይሰ ጊኮ ጎዳ ኣይሌ ሙሴይ ባዘን ኦሊዳ ጸሓ ዲንካኔይ ሃን ዴሰ።

4 ካሴ ዳዊቲ ጸሓ ታቦታሰ ዬሩሳላሜን ዲንካኔ ቶሊዴሰ፤ ጸሓ ታቦታ ቁሪያቴ-ዩኣሪሜ ካታማፕ ባ ጊግሲ ዎሊዳ ሶሆ ኤሂዴሰ።

5 ሁራሰ ናዛ ና፣ ኡራ ና ባሰሊኤሌይ ጸርቁማላፕ ኦሊዳ ያርሾሶይ ጌባኣኔን ጎዳ ዲንካኔዛ ሲንላን ዴሰ። ሶሎሞንይኔ ሸቁዳ ኣሳይ ጎዳሰ ሃን ጎይኒዳ።

6 ሶሎሞንይ ጸሓ ዲንካኔዛ ሲንላን ዴኢዛ ጸርቁማላፕ ኦሴቲዳ ያርሾሶዛኮ፣ ጎዳ ሲንሳ ቢዲ፣ 1,000 ጸጌቲዛ ያርሾ ያርሺዴሰ።

7 ሄ ጋላሳ ኦማርሰ ጸሲ ሶሎሞንሰ ቆንጨዲ፣ «ታ ኔሰ ኣይ ኢማና ማላ ኮያይ?» ጊዴሰ።

8 ሂሰቲን ሶሎሞንይ ጸሓ፣ «ኔኒ ታ ኣዎ ዳዊቲሰ ጊታ ኪያቴሌ ኦላዳሳ፤ ታናካ ኢዛሶሆን ካዎላዳሳ።

9 ሃኢካ ኣቤት ታ ጎዳ ጸሓዉ! ኔ ታና ሳኣን ዴኢዛ ጉዲላ ማላ ጮራቲዳ ኣሳ ቦላ ካዎሊዳ ጊሻሰ ካሴ ኔ ታ ኣዎ ዳዊቲሰ ጊዳ ቃላይ ፖሊቶ።

10 ታኒ ሃ ዴራ ካሌላና ማላ ኣቶ ኤራቴሌኔ ኣኬካ ታሰ ኢማ፤ ሂሰቶንታ ኣጊኮ ሃይሳ ጊታ ዴራ ኔይሳ ኦኒ ኣይሳናሰ ዳንዳይዜ?» ጊዴሰ።

11 ጸሲካ ሶሎሞንሰ፣ «ኔኒ ዴራቴሌ፣ ዎይኮ ኣቆታ ዳማናሰ፣ ዎይኮ ቦንቹታናሰ፣ ዎይኮ ኔ ሞርኬቲ ሃይቃና ማላ፣ ዎይኮ ኔሰ ኣዲሳ ላይሊ ኢሜታና ማላ ኦይቻቤካ፤ ጊደ ኣቲን ኔ ዎዚና ኣሞይ ታኒ ኔና ኢሰታ ቦላ ካዎሊዳ ታ ኣሳ ኣይሳናሰ ኣቶ ኤራቴሌኔ ኣኬካ ጊዲዳ ጊሻሰ።

12 ታኒ ኔሰ ኣቶ ኤራቴሌኔ ኣኬካ ኢማና፤ ቃሴ ኔፕ ካሴ ዴኢዳ ካዎታሰ ዎይኮ ኔፕ ጉዬን ያና ካዎታሰካ ባይንዳ ዴራቴሌ፣ ኣቆታኔ ቦንቹ ታኒ ኔሰ ኢማና» ጊዴሰ።

13 ሄሳፌ ጉዬ ሶሎሞንይ ጸሓ ዲንካኔይ ጌባኣኔን ዴኢዛ ዙሞቡላፌ ዬሩሳላሜ ሲሚዲ ኢሰራኤሌ ቦላ ካዎቲዴሰ።

ካዎ ሶሎሞን ሚናቴሌኔ ኢዛ ዴራቴሌ (1ካዎ 10:26-29)

14 ሶሎሞንይ ፓራ-ጋራታኔ ፓራታ ሺሺዴሰ፤ ኢዛሰ 100 ፓራ-ጋራቲኔ 12,000 ፓራቲ ዴቲሰ፤ ኢዚ ኢሰታ ፓራ-ጋራታ ካታማታኒኔ ባ ዴኢዛ ዬሩሳላሜ ካታማን ዎሊዴሰ።

15 ካዎዚ ዎርቃኔ ቢራ ዬሩሳላሜን ሹቻ ማላ ኮሪዴሰ፤ ዚጋካ ሻራ ሜንሶን ዲጨዛ ኤላ ሚላሶ ጮራታና ማላ ኦሊዴሰ።

16 ሶሎሞን ፓራቲ ጊብጻፕኔ ቃዌ ጌቲቲዛሶሆፕፕ ዩዳ፤ ካዎዛ ዛልኣንቻቲ ኢሰታ ቃዌፕ ሻሚ ኤሂዳ።

17 ኢሰቲ ኢሲ ኢሲ ፓራ-ጋራ 600 ሳቂሌ ቢራን፣ ኢሲ ኢሲ ፓራ 150 ሳቂሌ ቢራን ጊብጻፕ ሻሚ ሻሚ ኤሂዲ ሂቴታ ካዎታሲኔ ኣራሜ ካዎታሰ ባይዜቴሰ።

2

ጸሓ ኬላ ኬጻናሰ ጊጌቲላ (1ካዎ 5:1-18)

1 ሶሎሞንይ ጎዳ ሱንላሰ ጸሓ ኬላ ኬጻናሲኔ ባሰ ካዎቲላ ኬላ ኬጻናሰ ቆፋ ቃቹዴሰ።

2 ሄሳ ጊሻሰ ሶሎሞንይ ቶሆ ቶሳናሰ 70,000 ኣሳታኔ ዙሞቡላታ ቦላን ሹቹ ቆኣናሰ 80,000 ኣሳታ ደሪዴሰ፤ ቃሴ ኢሰታ ኦሲሳናሰ 3,600 ኣሳታ ኢሰታ ቦላ ሹሚዴሰ።

3 ሄሳፌ ጉዬ ሶሎሞንይ ጸርሴ ካዎ ሁራሜሰ ኪታ ዬዲዴሰ፤ ሄሲካ፣ «ታ ኣዎይ ዳዊቲ ባሰ ካዎቲላ ኬላ ኬጻናሰ ኔኒ ዚጋ ዬዲዳ ማላ ታሰካ ዬዳ።

4 ሃኢ ታኒ ታ ጎዳ ሱንላሰ ኬላ ኬጻና ጊጌቲላን ዴይሰ። ታኒ ሳዎ ቶንጉ ጊዛ ኤጾኔ ጨዎሳናሰ፣ ኡባ ዎይ ጎዳ ሲንላን ኡኬላ ዎላናሰኔ ኡባ ዎይ ማላዶኔ ኦማርሰ፣ ሳዎባታታን፣ ኣጊና ጾርን ኮይር ጋላሳታኒኔ ኦኒ ጎዳ ቦንቹዛ ዲማ ዲማ ባኣሌ ጋላሳታን ጸጌቲዛ

ያርሾ ያርሻናል። ሄ ከላ ዲማሳና ቆጥረኛ፤ ሄሲ ኢሰራኤል አሳይ ማርናስ ኦላና ማላ ኢሜቲዳ አዛዛ።

5 «ኮ ጸሳይ ሃራ ጸሳታ ኡባፌ ገታ ገዲዳ ገሻሰ ታኒ ከጸናስ ገገቲዛ ጸሳ ከላይካ ገታ።

6 ገደ ኣቲን ሳሎይኔ ሳሎፔ ቦላራ ዲዛ ሳሎታ ጾቃቴላ ኢዛ ኤከና፤ ሂሰቲን ኢዛስ ከሌ ከጸናስ ዲንዳይዛይ ኦኔ? ኢዛ ሲንላን ኤጸኔ ጨዋሲዛሶፔ ኣቲን ኢዛስ ከሌ ከጸናስ ታኒ ኦኔ?

7 «ሃኢካ ታ ኣዋይ ዳዊቲ ገገሲዳ ዩሁዳኒኔ ዩሩሳላሚን ታሩሩ ዴኢዛ ሂላንቻታራ ኢሲፌ ገዲዳ ኦላናስ ዋርቃ፡ ቢራ፡ ጸርቁማላ፡ ቢራታ፡ ዞኦ ማይኦ፡ ኦቻ ቴራ ሚሳቲዛ ማይኦኔ ሳሎ ሚሳቲዛ ማይኦ ገገሲ ሂላቴላ ኤሪዛ ኣስ ታስ ዩዳ።

8 «ኔ ኣሳቲ ለባኖሴፔ ሚላ ቃንጾ ኤሪዛይታ ገዲዳይሳ ታኒ ኤራይሰ፤ ሄሳ ገሻሰ ኔኒ ታስ ለባኖሴፔ ዚጋ፡ ጸዲኔ ሳንዳሌ ሚላ ዩዳ። ታ ኣሳቲ ኔ ኣሳታራ ኢሲፌ ኦላና።

9 ታኒ ከጸና ጸሳ ከላይ ገታኔ ማላሊሲዛዛ ገዲዛ ገሻሰ ኢሰቲ ታስ ዳሮ ሚላ ገገሳና።

10 ሚላ ቃንጸዛ ኔ ኣይሌታስ ታኒ 20,000 ኮንታሌ ገሰቴኔ 20,000 ኮንታሌ ባንጋ፡ ቃሴ 400,000 ለቲሮ ዋይኔ ኡሺኔ 400,000 ለቲሮ ዋጋራ ዛይቲ ኢማና።»

11 ጸርሴ ካዋ ሁራሚይ ሶሎሞኔስ፡ «ጎዳይ ባ ኣሳ ሲቁዛ ገሻሰ ኢዚ ኔና ኢሰታ ቦላ ካዋሊዳስ» ገዲ ዳብዳቤ ዩዲዳስ።

12 ሁራሚይ ቃሴካ፡ «ጎዳ ጸሳ ከላይ ባስ ካዋቴላ ከሌ ከጸና ማላ ኣጾ ኤራንቻ፡ ኣከካንቻኔ ዋዚናማ ና ካዋ ዳዊቲስ ኢሚዳ ሳሎኔ ሳኣ ሜዲዳ ጎዳ ኢሰራኤል ጸሳይ ጋላቴቶ።

13 «ሄኮ ታኒ ኔስ ሂላንቻኔ ኣከካንቻ ገዲዳ ሁራሞ-ኣቤ ዩዲዳስ።

14 ኢዛስ ኣዩያ ዳኔ ቆዋ፤ ኣዋይ ጸርሴ ዴሬ ኣሳ፤ ኢዚ ዋርቃ፡ ቢራ፡ ጸርቁማላ፡ ቢራታ፡ ሹቻ ኦሶኔ ሚላ ኦሶ፡ ቃሴካ ኦቻ ቴራ ሚሳቲዛ ማይኦ፡ ሳሎ ሚሳቲዛ ማይኦ፡ ዞኦ ማይኦኔ ላይኖ ገገሶ ሂላቴላ ኤሬሰ። ሄሳላካ ዲማ ዲማ ኣሌቆታ ከሲዲ ዮቲዳ ማላ ኡባ ኦላናስ ሂላቴላን ሎሂዳ ኣሳ፤ ሄሳ ገሻሰ ኩሹ ሂላቴላ ዲዛ ኔ ኣሳታራኔ ካሴ ኔ ኣዋ ዳዊቲስ ኦሊዳ ኣሳታራ ኢዛ ኦሲሳ።

15 «ኔኒ ታ ጎዳይ ኢማና ገዲ ገሰቴዛኔ ባንጋ፡ ዛይቲዛኔ ዋይኔ ኡሻ ታ ኣይሌታስ ዩዳ።

16 ኔኒ ለባኖሴፔ ኮዩዳ ከና ሚላ ኦኒ ቃንጸ ቃሺሲዲ ኣባ ቦላራ ዋጎሎን ኔኮ ዮጵ ዩዳና። ኔኒ ሄፔ ዩሩሳላሚ ጋካናስ ኤፊሳና ዲንዳያሳ» ገደሰ።

17 ኢዛ ኣዋ ዳዊቲ ካሴ ቆዲዳ ማላ፡ ሶሎሞኔይ ኢሰራኤል ቢታን ዴኢዛ ሃራ ቢታ ኣሳ ኡባ ቆዲዳስ፤ ሂሰቲን ኢሰታ ቆዲይ 153,600 ገዲዳስ።

18 ሶሎሞኔይ ሄ ኣሳፔ 70,000 ቶሆ ቶካና ኣስ፡ 80,000 ገዘን ሹቻ ቆኣና ኣስ ዶሪዳስ፤ ቃሴ ኢሰታ ኦሲሳናስ 300 ኣሳታ ሱንላዲዳስ።

3

ሶሎሞኔይ ከጸዳ ጸሳ ከሌ

1 ሶሎሞኔ ኣዋ ዳዊቲ ጎዳ ጸሳ ከሌ ከጸታና ሶሆ ዋሪያ ዙማ ቦላ ዩሩሳላሚን ገገሲ ዋሊዳስ። ሄ ሶሆይ ጎዳይ ዳዊቲስ ቆንጨዳ፡ ያቡሴ ኣስ ኦርናይ ካላ ቡኪዛ ባሌ።

2 ሶሎሞኔይ ባ ካዋቴላ ኦይዳንላ ላይላን፡ ናምኣንላ ኣገናን ናምኣንላ ጋላስ ጸሳ ከሌ ከጸናስ ደሚዳስ።

3 ሶሎሞኔይ ጸሳ ከሌ ከጸናስ ዩገዳ ዮቻይ ቤኒ ዋዴ ዋዳን ኣዲሳቴላይ 60 ዋዳ፤ ጎምፓይ 20 ዋዳ።

4 ጸሳ ከሌ ገሊዛሶን ዴኢዛ ዳራንቻ ጎምፓይ ከላ ከና 20 ዋዳ፤ ገሳይ 20 ዋዳ። ኢዛስ ሶ ባጋራ ሙሩታ ዋርቃን ሜሺዳስ።

5 ጸሳ ከላስ ዋና ከፊሌዛ ጸዲ ጸላ ሊጨዲ ካሚዳስ፤ ሂሰቲዲ ሙሩታ ዋርቃን ሜሺዳስ፤ ዛምባ ሚሳቲዛ ሚሰሌኒኔ ሳንሳላታ ሚሳቲዛ ሚሰሌን ኣሌቁሲዳስ።

6 ጸሳ ከላካ ኣልኦ ሹቻን ኣሌቁሲዳስ፤ ኢዚ ኣሌቁሲዳ ዋርቃይ ፓሪዋይሚ ቢታፌ ዩዳ ዋርቃ።

7 ጎዳታ፡ ታጎታታ፡ ቆሲላሳታኔ ፔንገታ ዋርቃን ሜሺዳስ፤ ቃሴ ጎዳታ ቦላ ከሩቤታ ሚሰሌ ኦሊዳስ።

8 ሶሎሞኔይ ኡባፌ ዲማቲዛ ገደ ቆልኣ ከጸዲዳስ፤ ሄ ሶሆዛስ ኣዲሳቴላይ 20 ዋዳ፤ ጎምፓይ 20 ዋዳ። ሄ ሶሆዛ ጎዳ 20,000 ከሎ ገራሜ ሙሩታ ዋርቃን ሜሺዳስ።

9 ኢሰቲ ጎኤቲዳ ሚሲማሬይ 570 ገራሜ ዋርቃፌ ኦሴቲዳስ። ፖቁዛን ዴኢዛ ከፊሌታካ ዋርቃን ሜሺዳስ።

10 ሶሎሞኔይ ኡባፌ ዲማቲዛ ገደ ቆልኣን ናምኡ ከሩቤታ ሚሰሌ ገገሲዲ ዋርቃን ሜሺዳስ።

11 ሄ ከሩቤታ ቁፌይ ሚጨቲዲ 20 ዋዳ፡ ኮይሮ ከሩቤዛስ ኮይሮ ቁፌይ ኢቻሹ ዋዳ ገዲዲ ጸሳ ከላስ ጎዳ ቦቼሰ፤ ናምኣንላ ቁፌዚካ ኢቻሹ ዋዳ ገዲዲ ሃንኮ ከሩቤዛ ቁፌ ቦቼሰ።

12 ናምኣንላ ከሩቤዛስ ኮይሮ ቁፌይ ኢቻሹ ዋዳ ገዲዲ፡ ጸሳ ከላስ ጎዳ ቦቼሰ፤ ናምኣንላ ቁፌይካ ኢቻሹ ዋዳ ገዲዲ ኮይሮ ከሩቤዛ ቁፌ ቦቼሰ።

13 ሃ ናምኡ ከሩቤታ ቁፌይ ሚጨቲዲ 20 ዋዳ ገዲዳስ፤ ኢሰቲ ባንታ ሲንላ ዋና ከፊሌዛኮ ዛሪዲ ባንታ ቶሆን ኤቁዳ።

14 ሶሎሞኔይ ሳሎ ሚሳቲዛ ማይኦፌ፡ ኦቻ ቴራ ሚሳቲዛ ማይኦፌ፡ ዞኦ ማይኦፌኔ ሌኤ ላይኖፔ ማጋላሻ ኦሊዲ ኢዛ ቦላ ከሩቤታ ሚሰሌ ሜዲዳስ።

ጸርቁማላፔ ኦሴቲዳ ናምኡ ቱሳታ (1ካዋ 7:15-22)

15 ሶሎሞኔይ ጸሳ ከላስ ሲንላን ኢሳ ኢሳ ገሳይ 35 ዋዳ ኣዲቁዛ ናምኡ ቱሳታ ሜዲሲዲ ኢሰታ ሁኤን 5 ዋዳ ቁስቲ ዋሊዳስ።

16 ቃሴ ሳንሳላታ ገቲ ማላ ሜዲሲዲ ቱሳታ ጸራ ኦይሴሊዳስ፤ ሂሰቲዲ 100 ኦርማኔ ቴራ ሚሰሌታ ሜዲሲዲ ሳንሳላታ ቦላ ኦይሴሊዳስ።

17 ቱሳታፔ ኢሳ ጸሳ ከላስ ሲንላን ፑዴሃ ባጋራ፡ ናምኣንላዛ ዲጌሃ ባጋራ ኤሲዳስ፤ ዲጌሃ ባጋራ ዴኢዛ ቱሳ፡ «ያከኔ»* ገ ሱንላዲዳስ፤ ፑዴሃ ባጋራ ዴኢዛ ቱሳ፡ «ቦኤዜ»† ገ ሱንላዲዳስ።

2:6 1ካዋ 8:27፤ 2ታሪ 6:18 3:1 ሜዲ 22:2 3:8 ከሳ 26:33-34 3:13 ከሳ 25:18-20 3:14 ከሳ 26:31 * 3:17 ያከኔ ጉሲ ኤሲስ ጉሳ። † 3:17 ቦኤዜ ጉሲ ዋለቃይ ኢዛን ዳስ ጉሳ።

4

ጳጳስ ከላን ጎኔቲዛ ሚሻጎ (1ካዎ 7:23-51)

1 ሄሳፌ ጉዬ ሶሎሞን ደረሰቱ 20 ዋቋ፣ ጎምጋይ 20 ዋቋ፣ ጌሳይ 10 ዋቋ ጊዲዛ ያርሾ ያርሺዛሶ ጸርቁማላ፤ ኦሲሲዳስ።

2 ቃሴ ጸርቁማላ ሴሪሲዲ ጎምጋይ ያ ጋጸ፤ ሄ ጋጸ ጋካናስ 10 ዋቋ፣ ጌሳይ 5 ዋቋ፣ ዩዩ አቆናስ 30 ዋቋ ጊዲዛ ጌታ ጋባቲ ሜዲሲዳስ።

3 ጌታ ጋባቲ ደናን ካሪ ባጋራ ዘቂ ጊዲ ኢዛራ ኦይኬቲ ሜዲቲዳ ሚሰሌቲ ዳቲስ፤ ሄ ሚሰሌቲ ናምኡ ማራን ዳኢዛ ቦራታ ሚሰሌታ።

4 ሄ ጌታ ጋባቲይ ጸርቁማላ፤ ሜዲቲዳ ቦራ ሚሰሌ ታማኔ ናምኡታ ዘኮን ኡቲዳስ። ቦራታ፤ ሄሻቲ ፑዳሃ ባጋ፣ ሄሻቲ ኦርሼይ ወሊዛ ባጋ፣ ሄሻቲ ዲጌሃ ባጋ፣ ሄሻቲ ቃሴ ኦርሼይ ሞኪዛ ባጋ ሲሚ ዳሊዛ ሚሳቲቲስ። ጌታ ጋባቲይ ኢስታ ቦላ ኡቲዳስ፤ ኢስቲ ኡባይ ኢሶይ ኢሳስ ዲጫ ዛሪ ዋሊዳ።

5 ጌታ ጋባቲዚ ኢሲ ታቆኮ ከና ኦርዳ፤ ኢዛ ደናይ ፒጫ፤ ቃሴ ጨሽ ጨዩዳ ሚሳቲስ። ሄ ጌታ ጋባቲዚ 60,000 ሊቲሮ ጊዲዛ ሃላ ኦይኬስ።

6 ሶሎሞን ቃሴን ኢስታን ሚጨቲዛ 10 ሳኔታ ኦሲሲዳስ፤ ሂሰቲዲ 5 ዲጌሃ ባጋራ፣ ቃሴ 5 ፑዳሃ ባጋራ ዋሊዳስ። ኢስታን ጸጌቲዛ ያርሾ አሾይ ሚጨቲስ፤ ጊዳ ኦቲን ጌታ ጋባቲዛ ሃላን ቁሴቲ ሚጨቲስ።

7 ሄሳፌ ጉዬ ሶሎሞን ኢስታስ ኢሜቲዳ ሃልቾ ማላ ጸምፔ ዋሊዛ 10 ባላታ ዋርቃፌ ኦሲሲዳ፣ 5 ፑዳሃ ባጋራ፣ 5 ዲጌሃ ባጋራ ጳጳስ ጊዲን ዋሊዳስ።

8 ቃሴን ኢዚ 10 ጸራጸዛታ ኦሲሲዳ 5 ፑዳሃ ባጋራ፣ 5 ዲጌሃ ባጋራ ጳጳስ ጊዲን ዋሊዳስ፤ 100 ጸርታካ ዋርቃፌ ሜዲሲዳስ።

9 ሶሎሞን ቁሴታስ ጊዳ ዛጎኔ ካሪ ባጋን ጌታ ዛጎ ጊግሲዳስ፤ ዛጎዛስ ፔንጌታ ጊግሲዲ ፔንጌታ ጸርቁማላን ሚሸዳስ።

10 ጌታ ጋባቲዛ ጳጳስ ከላፌ ዲጌሃ ባጋራ ኦርሼይ ሞኪዛ ባጋን ዋሊዳስ።

11 ሁራም-ኦይይ ከሬታ፣ ቃጶታ፤ ጸርታ ሚዲዳስ፤ ሂሰቲዲ ሁራም-ኦይይ ካዎ ሶሎሞን ጳጳስ ከላን ጎኔቲዛ ሚሻጎ ኦሶ ፖሊዳስ።

12 ኢዚ ኦሊዳ ሚሻቲካ ናምኡ ቱሳታ፣ ቱሳታ ጸራን ዋሊዛ ሳኔ ማላ ናምኡ ቁሰቲታ፣ ቱሳታ ቦላ ዳኢዛ ናምኡ ቁሰቲታ ኦሊቁሲዛ ናምኡ ጌቲ ማላ ሳንሳላታ።

13 ኢሲ ኢሲ ቁሰቲ ቦላ ናምኡ ማራን ጸርቁማላ፤ ሜዲቲዳ ኢሲ ኢሲ ጶት ኦርማኔ ቲራ ሚሰሌታ፣ ሙሊራ 400 ኦርማኔ ቲራ ሚሰሌታ።

14 ኢስታን ሚሻጎ ዋሊዛ 10 ጋሪታ፣ 10 ሚቻ ጋባቲታ።

15 ጌታ ጋባቲዛኔ ኢዛ፤ ጋርሳን ዳኢዛ 12 ቦራታ ሚሰሌታ።

16 ከሬታ፣ ቃጶታ፣ ጸርታ፤ ሃራ ሚሻጎ ኡባ። ሁራም-ኦይይ ካዎ ሶሎሞን ጳጳስ ከላ ኦሶስ ሚዲዳ ሃ ሚሻጎ ኡባ ቁጨቲዳ ጸርቁማላ፤ ሚዲዳስ።

4:1 ከሳ 27:1-2 4:6 ከሳ 30:17-21 4:7 ከሳ 25:31-40
ዛሪ 10:5

17 ካዎ ሶሎሞን ሱኮቲፔኔ ጸራዳ፤ ጊዲን ዮርዳኖሴ ዙሌን ዳኢዛ ጸርቁማላ ሴሪሲዳ ሶሆን ሃይታንታ ኡባ ኦሲሲዳስ።

18 ጸርቁማላ፤ ሜዲቲዳ ሃ ሚሻቲ ኡባይ ከሄ ዳር ጊዲዳ ጊሻስ ኦይ ከና ዳዲዛኮ ኦሪቲቤና።

19 ቃሴን ሶሎሞን ጳጳስ ከላን ዳኢዛ ሚሻጎ ኡባ ዋርቃፌ ሜዲሲዳስ፤ ሄይቲካ ዋርቃፌ ኦሲቲዳ ያርሾ ያርሺዛሶ፣ ጳጳስ ሲንላን ዋሊዛ ኡኩላ ኢዛ ቦላ ኡቲዛ ጸራጶዛ።

20 ኢስታስ ኢሜቲዳ ዋጋ ማላ ኡባፌ አቋዛ ጊዳ ቆልኦ ሲንላን ፖኦና ማላ ጸምፔ ዋሊዛ ዋርቃ ባላታ፣ ኢስታ ዋርቃ ጸምፔታ።

21 ሙራታ ዋርቃፌ ኦሲቲዳ ጨሻ ሚሰሌታ፣ ጸምፔታ፤ ቃጶታ።

22 ጸምፔዛ ቶይሲዛ ሚሻጎ፣ ጸርታ፣ ኤጻኔ ጨዋሲዛ ሚሻጎ፤ ታማ ኤኪዛ ሚሻጎ። ሃ ሚሻቲ ኡባይ ሙራታ ዋርቃፌ ኦሲቲዳ። ጳጳስ ከላን ካሪ ባጋ ፔንጌታ፤ ኡባፌ ዲማቲዛ ጊዳ ቆልኦ ጌሊዛ ፔንጌታ ዋርቃን ሚሸዳስ።

5

1 ሶሎሞን ጎዳስ ጳጳስ ከላ ኦሶ ኡባ ፖሊዳ፤ ጉዬ ኢዛ አዎ ዳዊቲ ጎዳስ ዲማሲ ዋሊዳ ቢራ፣ ዋርቃ፤ ሃራ ሚሻጎ ኡባ ኤሂዲ፣ ጳጳስ ከላን ቡቁራ ሚሸ ዋሊዛ ሚንጃ ከላን ዋሊዳስ።

ጳጳስ ከላን ታቦታዛ ጌሎ (1ካዎ 8:1-9)

2 ሄሳፌ ጉዬ ካዎ ሶሎሞን ጎዳ ጳጳስ ታቦታ ዳዊቲ ካታማን ጸዮኔ፤ ኤሃና ማላ ኢሰራኤሌ ጨማታ፣ ኮራፔኔታ፤ ከላ አሳ ዩሩሳላሚ ካታማ ሸሸዳስ።

3 ኢሰራኤሌ አሳይ ኡባይ ላፑንሳ አገናን፣ ዳሴ ባኦሌይ ቦንቼቲዛ ዋዴ ካዎዛኮ ሸቂዳስ።

4 ኢሰራኤሌ ጨማቲ ኡባይ ሸቂን ለዌቲ ታቦታ ዳንሊዳ።

5 ቁሴቲላን ኦሊዛ ለዌቲ ታቦታ፣ ጳጳስ ዲንካኔኔ ዲንካኔዛ ጊዳን ዳኢዛ ጌሻ ሚሻጎ ኡባ ቶኪዲ ከኢዳ።

6 ካዎ ሶሎሞን ኢዛራ ኢሲፌ ዳኢዛ ኢሰራኤሌ ዲላታይ ኩሜላ ታቦታ ሲንላን ሸቂዲ ቆዳናስ ዲንዳዬቶንታ ጮራ ደርሳታ፤ ቦራታ ያርሺዳ።

7 ሄሳፌ ጉዬ ቁሴቲ ጎዳ ታቦታ ጳጳስ ከላን ኡባፌ ዲማቲዛ ጊዳ ቆልኦ ኤሂዲ ከሩቤታ ሚሰሌታ ቁሬታ፤ ጋርሳን ዋሊዳ።

8 ሚጨቲ ኡቲዳ ከሩቤታ ቁሬቲ ታቦታ፤ ታቦታ ቶኪዛ ካሶታ ካሚዳ።

9 ካሶቲካ ከሂፔ ኦዲሳ ጊዲዳ ጊሻስ ኢስታ ጸራይ ኡባፌ ዲማቲዛ ጊዳ ቆልኦ ሲንላ ባጋራ ቤቲቲስ፤ ጊዳ ኦቲን ጳጳስ ከላፌ ካራራ ቤቲቲና። ኢሰቲ ሃቶ ጋካናስ ሄን ዳቲስ።

10 ኢሰራኤሌ አሳይ ጊብጶ ቢታፌ ከዚዳ ዋዴ ጎዳይ ኢስታራ ጨቂቲዳ ኮሪቤ ዙማን ሙሴይ ዋሊዳ ናምኡ ሎቻ ሹቻታ፤ ኦቲን ታቦታ ጊዳን ሃራይ ኦይኬዛ ዳና።

ጳጳስ ቦንቻ ቆንጨታ

5:1 2ሳሜ 8:11 5:2 2ሳሜ 6:12-15፤ 1ጎሪ 15:25-28 5:10

11 ቄሴቲ ጸሳ ከላፌ ከዚዳ፤ ሃን ዳኢዛ ቄሴቲ ኡባይ ባንቲ ኦሊዛ ማራን ማራን ገደንታ ኣገረካ ኡባይካ ባንታና ጎዳሰ ዲማሲዳ።

12 ዌላ ዌጺዛ ለዌቲ ኡባይ፣ ኣሳፊይ፣ ሃማኔይ፣ ኤዳታይ፣ ኢስታ ናይቲኔ ኢስታ ዳቦቲ ኡባይ ሎኦ ላይኖ ማይኢዲ ዳላታ፣ ዲላታኔ ማሲንቆታ ኦይኪዲ ያርሾ ያርሺዛሰዛ፤ ኣርሼይ ሞኪዛ ባጋራ ኤቁዳ፤ 120 ቄሴቲ ጸራምባታ ፑናናሰ ኢስታ ኣጃቢ ኤቁዳ።

13 ኢስቲ ኡባይ ጸራምባ ፑኒሼ ዳላታ ቃሊሼ፣ ዲላታ ዲጺሼኔ ሃራ ካኢዛ ሚሻታን ካኢሼ፣ «ጎዳይ ኪያ!

ኢዛ ማርቲሊካ ማርናሳ» ገ ዌላን ሳቢዳ።

ሄ ዋዴ ጸሳ ከላ ሻራይ ኩሚዳሰ።

14 ጎዳ ቦንቾ ሻራይ ጸሳ ከላ ኩሚ ኡቲዳ ገሻሰ ቄሴቲ ባንታ ኦሶ ኦላናሰ ዳንዳይቤቲና።

6

ሶሎሞን ዋሳ (1ካዋ 8:12-53)

1 ሃሳፊ ጉዌ ሶሎሞንይ፣ «ኣቤት ጎዳዉ! ረገርዲ ገዳ ጳማ ጋርሳን ታኒ ዳኣይሰን ጋዳ ኔ የታ ዋላዳሳ።

2 ሃኮ ታኒ ኔ ኢዛን ማርናሰ ዳኣና ማላ ኔሰ ሎኦ ከላ ከጸዲሰ» ገዳሰ።

3 ኢሰራኤል ኣሳይ ኩሚላ ኤቁዲሺን ካዋይ ኢስታኮ ሰሚዲ ኢስታ ኣንጂዳሰ።

4 ሂሰቲዲ ኢስታሰ፣ «ጎዳ ኢሰራኤል ጸሳይ ጋላቲቶ! ታ ኣዋ ዳዊቲሰ ኢሚዳ ሂደታ ቃላ ባ ኩሼን ፖሊዳሰ፤ ሄ ሂደታ ቃላን።

5 «ታኒ ታ ዳራ ኢሰራኤል ገብጾ፤ ከሲዳ ጋላሳፊ ደሚን ታ ሱንላ ኢዛን ጾይጌታና ማላ ጸሳ ከላ ከጸናሰ ኢሰራኤል ቆሞታ ገደን ኣይ ካታማካ ደራቤከ፤ ዋይኮ ታ ዳራ ኢሰራኤል ካሌላና ማላ ኦካካ ደራቤከ።

6 ሃኢ ገዲኮ ታ ሱንላ ዌሩሳላሚን ጾይጌታና ማላ ታኒ ዌሩሳላሚ ደራዲሰ፤ ቃሴ ታ ዳራ ኢሰራኤል ካሌላና ማላ ዳዊቲ ደራዲሰ» ገዳሰ።

7 «ታ ኣዋ ዳዊቲ ጎዳሰ ኢሰራኤል ጸሳ ሱንላሰ ከላ ከጸናሰ ባ ዋዚናን ቆፒዳሰ።

8 ገደ ኣቲን ጎዳይ ታ ኣዋ ዳዊቲ፣ «ኔኒ ታ ሱንላሰ ከላ ከጸናሰ ኔ ዋዚናን ቆፒዳ ገሻሰ ሎኦ ኣላዳሳ።

9 ገዲኮካ ጸሳ ከላ ከጸናይ ኔና ገዳካ፤ ታ ሱንላሰ ጸሳ ከላ ኔ ዌሊዳ ኔ ናይ ታሰ ከጸና» ገዳሰ።

10 «ሃኢካ ጎዳይ ባ ገዳ ሂደታ ቃላ ፖሊዳሰ፤ ሃሳ ገሻሰ ታኒ ታ ኣዋ ዳዊቲ ሶሆዛን ካዋታዲሰኔ ሃኢ ኢሰራኤል ካዋቲላ ኣራታን ኡታዲሰ፤ ቃሴ ጎዳ ኢሰራኤል ጸሳ ሱንላሰ ከላ ከጸዲሰ።

11 ጎዳይ ኢሰራኤል ኣሳራ ጫቂቲዳ ጫቆ ቃላይ ጸፊቲዳ ሎቻ ሹቻቲ ዳኢዛ ታቦታካ ኢዛ ገደን ዋላዲሰ» ገዳሰ።

12-13 ሶሎሞንይ ኣዲሳቲላይ 5 ዋቆ፣ ጎምፓይ 5 ዋቆን ጌሳይ 3 ዋቆ ገዲዳ ማዲራኬ ጸርቂማላ፤ ገግሲዲ ዛጎ ገደን ኤሲ ዋሊዳሰ። ሃሳፊ ጉዌ ሶሎሞንይ ኩሚላ ኢሰራኤል ኣሳይ ዳኢዛሰን ጸሳሰ

ያርሾ ያርሺዛሰ ሲንላን ኤቁዳሰ፤ ባ ኩሼካ ፑዴ ሳሎ ሚጨዲ ኢሰራኤል ዳራ ኩሚላ ሲንላን ጉልባቲዳሰ።

14 ሂሰቲዲ፣ «ኣቤት ጎዳዉ፣ ኢሰራኤል ጸሳዉ! ሳሎን ዋይኮ ሳኣን ኔ ማላ ጸሲ ዳና። ባንታ ኩሚላ ዋዚና፤ ኔ ሲንላን ሃሚቲዛ ኔ ኣይሌታሰ ኔ ማርቲላን ኔ ጫቂዳ ጫቆ ቃላ ናጋሳ።

15 ኔ ኣይሌ ታ ኣዋ ዳዊቲሰ ኔኒ ኦላና ጋዳ የቲዳ ቃላ ናጋዳሳ፤ ኔኒ ካሴ ኔ ደናን የቲዳ ቃላ ኔ ኩሼን ሃኙ ፖሊዳሳ።

16 ሃኢካ ኣቤት ጎዳዉ፣ ኢሰራኤል ጸሳዉ! ኔኒ ኔ ኣሸካራ፣ ታ ኣዋ ዳዊቲሰ፣ «ኔኒ ታ ሲንላን ሃሚቲዳ ማላ ኔ ናይቲካ ታ ዋጋን ሃሚታናሰ ባንታ ኦጌ ናገኮ፣ ኢሰራኤል ካዋታ ኣራታን ኡቲዛ ኣሰ ኔኒ ሙሌካ ቆያካ» ገዳ ቃላ ሚንላ።

17 ኣቤት ጎዳዉ፣ ኢሰራኤል ጸሳዉ! ኔኒ ኔ ኣይሌ ዳዊቲሰ ኢሚዳ ሂደታ ቃላይ ሃኢካ ፖሊቶ።

18 «ገደ ኣቲን ጸሳይ ቱማ፤ ኣሳራ ኢሲፊ ሃ ሳኣን ዳኣይ? ቤኣ፣ ሳሎቲ፣ ሳሎታ፤ ቦላን ዳኢዛ ሳሎቲካ ኔና ኣይካናሰ ዳንዳይቲና። ሂሰቲን ሃይሲ ታኒ ከጸዲ ጸሳ ከላይ ኔሰ ኣይ ከና ጉጸንዴሻ!

19 ገዲኮካ ኣቤት ጎዳዉ፣ ታ ጸሳዉ! ኔ ኣይሌዛ ታ ዋሳኔ ሸቤላ ኔኒ ኤዘጋ። ታኒ ኔ ኣይሌይ ኔ ሲንላን ዋሲዛ ዋሳኔ ሸቤላ ሲያ።

20 ኔኒ፣ «ታ ሱንላ ኢዛን ጾይጌታና» ገዳ ሃ ጸሳ ከላኮ ኔ ኣይፊይ ቃማኔ ጋላሰ ጸሎ። ታኒ ኔ ኣይሌይ ኔ ከላኮ ሲማዳ ዋሲዛ ዋሳ ኔኒ ሲያ።

21 ታኒ ኔ ኣይሌይ ኔ ኔ ዳራ ኢሰራኤል ሃ ኔ ከላኮ ሲሚ ዋሲዛ ዋሳ ኔኒ ሲያ። ኔኒ ዳኢዛሰን ሳሎን ዳሼ ሲያዳ ኦሰ ኣቶ ጋ።

22 «ኢሲ ኣሲ ባ ሳጌ ቆሃዲ ካሺ ገኮ፣ ኢዚ ጫቃና ማላ ኢዚ ኦይሼቲኮ ሃ ጸሳ ከላ ገደን ዳኢዛ ያርሾ ያርሺዛሰዛ ሲንላን ኢዚ ጫቂኮ።

23 ኔኒ ሳሎን ዳሼ ሲያ፤ ሲያዳካ ኦላ። ሞራንቻ ቦላ ኢዛ ኦሶ ማላ ኔ ኣይሌታ ገደን ፐርዳ፤ ጸሎዛሰ ኢዛ ጸሎቲላ ማላ ዛራ።

24 «ኔ ዳራ ኢሰራኤል ኔና ቆሃዳ ጋሶን ባ ሞርኮታ ሲንላን ጸኔቲዲ፣ ኢሰቲ ኔኮ ሲሚዲ ሃይሳ ጸሳ ከላን ኔ ሱንላ ጾይጌዲ ኔና ዋሲኮ ኔና ሸቢኮ።

25 ኔኒ ሳሎን ዳኣሼ ሲያ። ኔ ዳራ ኢሰራኤል ናጋራካ ኣቶ ጋ፤ ሂሰታዳ ኔኒ ካሴ ኢስታ ኣዋታሰኔ ኢስታሰ ኢሚዳ ቤታ ኢስታ ጉዌ ዛራ።

26 «ኔ ዳራይ ኔና ቆሃዳ ጋሶን ሳሎይ ጎርዳቲን ኢራይ ቡኮንታ ኢጸኮ፣ ኢሰቲ ሃ ሶሆዛኮ ሲሚ ዋሲኮ፣ ኔኒ ኢስታ ኡንኤላዳ ገሻሰ ኔ ሱንላ ጾይጌዲ ባንታ ናጋራ፤ ሲሚኮ።

27 ኔኒ ሳሎን ዳኣሼ ሲያ። ኔ ኣይሌታ ናጋራ ኔ ኔ ዳራ ኢሰራኤል ናጋራ ኣቶ ጋ። ኢሰቲ ሃሚታናሰ ቤሲዛ ሎኦ ኦጌዛ ኢስታ ታማርሳ፤ ሂሰታዳ ኔኒ ኔ ኣሳሰ ጸንጾ ሂሰታ ኢሚዳ ቤታን ኢራ ቡኪሳ።

28 «ቤታ ቦላን ኮሻይ ዋይኮ ኢታ ሃርጌይ ዌኮ፣ ዋይኮ ካላ ሎቤይ፣ ዋይኮ ኩቲልኤይ፣ ዋይኮ ቦሌይ፣ ዋይኮ ጉምባርይ ባሽኮ፣ ዋይኮ ሞርኮይ ኢስታ ካታማታ ደዲኮ፣ ዋይኮ ኣይ ማላ ዳፋይ ዋይኮ ሃርጌይ ዌኮ።

7

29 ኔ ዳሬ ኢሰራኤል አሳ ጋርሳፌ ኦኒካ ኢዛሰ ማቶይኔ ሳኮይ ኤሬቲን ኢዚ ባ ኩሼ ሃ ኬላኮ ማጪ ዋሲኮ።

30 ኔኒ ሳሎን ዳኦሽ ሲያዳ ኢዛ ናጋራ አቶ ጋ፤ አሳ ኡባ ዋዚና ሻካ ኤሪዛይ ኔና ጸላ ጊዲዳ ጊሻሰ ኢሳሰ ኢሳሰ ኢዛ ኦሶ ማላ ኢማ።

31 ሂሰቲኮ ኔኒ ካሴ ኑ አዋታሰ ኢሚዳ ቢታን ዳኢዛ ዋዳ ኡባን ኢሰቲ ኔሰ ያዩዲ ኔ ኦፔራ ባና።

32 «ሃሳቡካ ኔ ዳሬ ኢሰራኤል ጊደንታ ሃራ ዳሬ አሲ ኔ ጊታ ሱንገላ ጊሻሲኔ ኔኒ ኔ ዳራሰ ኦሊዳ ማላሊሲዛ ኦሶታ ጊሻሰ። ሃኮ ቢታፊ ዩዲ ሃ ጸሳ ኬላኮ ሲሚ ዋሲኮ።

33 ኔኒ ሳሎን ዳኦሽ ሲያ፤ ሂሰታዳ ሃ ሳኦ አሳይ ኡባይ ኔ ዳራ ኢሰራኤል ማላ ኔ ሱንገላ ኤሪዳ ኔሰ ያያና ማላ። ታኒ ኬጲዳ ሃ ጸሳ ኬላይ ኔ ሱንገላ ኢዛን ዴይጌቲዛ ሶሆ ጊዲዳይሳ ኢሰቲ ኤራና ማላ ሃራ አላጋ ቢታ አሲ ኔና ዋሲዛ ሚሽ ኡባ ፖላ።

34 «ኔ አሳይ ባንታ ሞርኬታ ኦላና ማላ ኔኒ ከቲዳሶ አዋካ ቢዲ ኢሰቲ ኔኒ ዶሪዳ ሃ ካታማይን ታኒ ኔ ሱንገላሰ ኬጲዳ ጸሳ ኬላኮ ሲሚዲ ኔና ዋሲኮ።

35 ኢሰታ ዋሳኔ ሾቤላ ሳሎን ዳሼ ኔኒ ሲያ፤ ኢሰቲ ኔና ዋሲዳይሳካ ኔኒ ኢሰታሰ ኢማ።

36 «ናጋራ ኦሶንታ አሲ ባይንዳ ጊሻሰ ኢሰቲ ኔና ቆሃዳ ጋሶን ኔኒ ኢሰታ ሶላ ሃንቄታዳ ሃኮ ጊዲን ዋይኮ ማታ ቢታ ጊዲን ኢሰታ ዲኢ ኤፊዛ ሞርኬታሰ አሳ ኢሚኮ።

37 ኢሰቲ ሄ ዲኤቲዳ ቢታን ዳኢሼ ባ ዋዚናይ ማቄን ማርቴላን ሲሚኮ። ቃሴ ሄ ዲኤቲዳ ቢታን ዲሼ። ሓኒ ናጋራ ኦሊዳሰ፤ ቆሃዳሰ። ኢታ ሚሽካ ኦሊዳሰ። ጊዲ ኔሰ ሾቢኮ።

38 ባንታና ዲኢዲ ኤፊዳ ሞርኬታ ቢታን ዲሼ። ኢሰቲ ባንታ ኩሜላ ዋዚናፔኔ ባንታ ኩሜላ ቆፋፔ ኔኮ ሲሚኮ። ኔኒ ኢሰታ አዋታሰ ኢሚዳ ኢሰታ ቢታኮ። ኔኒ ዶሪዳ ካታማኮ ኔኒ ኔ ሱንገላሰ ኬጲዳ ጸሳ ኬላኮ ሲሚዲ ኔና ዋሲኮ።

39 ኔኒ ኢሰታ ዋሳኔ ሾቤላ ሳሎን ዳሼ ሲያ። ኢሰቲ ኔና ዋሲዳይሳካ ኢሰታሰ ኢማ፤ ኔና ቆሃዳ ኔ ዳራ ናጋራ አቶ ጋ።

40 «ሃኢካ አቤት ታ ጸሳዉ! ሃ ሶሃን ዋሲዛ ዋሳ ኔ አይፌይ ዴሎ፤ ኔ ሃይሊካ ሲኮ።

41 «አቤት ጎዳ ጸሳዉ! ዳንዳ!

ኔ ዋልቃሰ ማላታ ጊዲዳ

ኔ ታሶታራ

ኔ ሽምጊዛ ኬላን ጌላ።

አቤት ጎዳ ጸሳዉ!

ኔ ቄሴቲ አቶቲላ ማይኤቶ፤

ኔ ጌሻ አሳቲካ

ኔ ኪያቲላን ኡፋዬቲቶ።

42 አቤት ጎዳ ጸሳዉ!

ኔኒ ቲይዳ ካዋዛ አጎፋ።

ኔ አሽካራ ዳዊቲሰ ኢሚዳ

ማርቴላ ሃሳኦ»

ጊ ዋሲዳሰ።

ጸሳ ኬላ አንጂሶ

(1ካዋ 8:62-66)

1 ሶሎሞኔይ ዋሳ ፖሊዳ ማላ ሳሎፔ ታማይ ዋዲዲ ጸጌቲዛ ያርሾዛኔ ሃራ ያርሾዛ ሚዳሰ። ሂሰቲን ጎዳ ቦንቾይ ጸሳ ኬላ ኩሚዳሰ።

2 ጎዳ ቦንቾይ ጸሳ ኬላ ኩሚዳ ጊሻሰ ቄሴቲ ጸሳ ኬላ ጌላናሰ ዳንዳይቤቴና።

3 ኢሰራኤል አሳይ ኡባይ ታማይ ሳሎፔ ዋዲሺኒኔ ጎዳ ቦንቾይ ጸሳ ኬላ ኩሚሺን ቤኢዲ ቢታን ጉፋኒዲ ጎይኒሼ።

«ጎዳይ ኪያ!

ኢዛ ማርቴላካ

ሜርናሳ» ጊዲ

ጎዳ ጋላቲዳሰ።

4 ሃሳፌ ጉዬ ካዋዚኔ ኡባ አሳይ ጎዳ ጸሳ ሲንገላን ያርሾ ያርሺዳሰ።

5 ካዋ ሶሎሞኔይ 22,000 ኮርማታኔ 120,000 ዶርሳታ ያርሺዳሰ፤ ሂሰቲዲ ካዋዚኔ ኡባ አሳይ ጸሳ ኬላ አንጂዳሰ።

6 ቄሴቲካ ባንታሰ ጊጊዳሶሆን ኤቄን ሌዌቲ ቃሴ ካዋ ዳዊቲ ጎዳ ሳባናሰ ካሴ ኦሊዳ ዬላ ዬጲዛ ሚሻ ኦይኪ ኢሰታ ሲንገላን ኤቄዳ። «ኢዛ ማርቴላ ሜርናሳ» ጊ ዬጲሼ ጎዳ ጋላቲዳ፤ ቄሴቲ ሌዌታ ሲንገላን ኤቄዲ ጸራምባ ፑኒሺን ኢሰራኤል አሳይ ኡባይ ኤቄዳሰ።

7 ሶሎሞኔይ ጸርቁማላፔ ኦሊዳ ያርሾ ያርሺዛሶዚ ጸጌቲዛ ያርሾ። ካላ ያርሾ። ሜሄ ሃንዳ ያርሾ ኦይካና ዳንዳዮንታ ጊሻሰ ጸሳ ኬላ ሲንገላን ዲዛ ዛጎዛ ጎዳሰ ዲማሲዳሰ፤ ሄ ሶሆዛን ጸጌቲዛ ያርሾ። ኢሲፊቴላ ያርሾኔ ሜሄ ሃንዳ ያርሺዳሰ።

8 ሄ ዋዳ ሶሎሞኔይኔ ኢሰራኤል አሳይ ኡባይ ላፑን ጋላሰ ጋካናሰ ባኦሊዛ ቦንቾዳ፤ ኢሰራኤል ዛዋን ዲዛ ሃማቲ ፒኒዛሶፔ ቢዲ ጊብጼ ሻፋ ጋካናሰ ዲዛ ጮራ አሳይ ሄን ሽቄዳሰ።

9 አሳይ ያርሾ ያርሺዛሶዛ ላፑን ጋላሰ ዲማሲዳኔ ቃሴ ላፑን ጋላሰ አንጂሶ ባኦሊ ቦንቾዳፔ ጉዬ ኦሰፑንጎላ ጋላሰ ዉርሴላን ዲማ ሽቆ ሽቄዳሰ።

10 ሃሳፌ ጉዬ ሶሎሞኔይ ላፑንጎላ አጊናን ናምኡ ታማኔ ሃሻንጎላ ጋላሰ አሳ ዋይዚዳሰ፤ ጎዳይ ዳዊቲሰ። ሶሎሞኔሲኔ ባ አሳ ኢሰራኤሌሰ ኦሊዳ ኪያቲላን አሳይ ኡፋዬቲሼኔ ዋዚናፔ ፓሽኪ ጊዲ ባ ሶ ባ ሶ ቢዳሰ።

11 ሶሎሞኔይ ጸሳ ኬላኔ ካዋቲላ ኬላ ኬጲዲ ዉርሲዳሰ፤ ሶሎሞኔይ ጎዳ ኬላሲኔ ባ ካዋ ኬላሰ ባ ዋዚናን ቆፒዳይሳ ኡባ ፖሊዳሰ።

12 ሃሳፌ ጉዬ ጎዳይ ሶሎሞኔሰ ኦማርሰ ቆንጪዲ። «ታኒ ኔ ዋሳ ሲያዲሰ፤ ታኒ ሃ ሶሆዛ ታሰ ያርሾይ ያርሼቲዛ ኬላ ጊዳና ማላ ዶራዲሰ።

13 ታኒ ኢራይ ቡኮንታ ማላ ሳሎ ጎርዲኮ ዋይኮ ሳኦ ካላ ማና ማላ ቦሌ አዛዚኮ። ዋይኮ ታ አሳ ጊደን ኢታ ሃርጌ ታ ዬዲኮ።

14 ታ ሱንገላን ዴይጌቲዳ ታ አሳይ ባንታናቲላ ካዉሺዲ ዋሲኮ። ኢሰቲ ታና ኮዩዲ ባንታ ኢታ ኦጌፔ

ሲሚኮ፣ ታኒ ሳሎን ዳዳ ኢስታ ዋሳ ሲያና፤ ሂስታዳ ኢስታ ናጋራ አቶ ጋና፤ ኢስታ ቢታካ ታ ፓላና።
 15 ሃእካ ሃ ሲሆን ዋሳቴዛ ዋሳ ታ ኣይፌይ ያላና፤ ታ ሃይላቲካ ኤዘገ ሲያና።
 16 ታ ሱንላ ኢዛን ሜርናሰ ዳናና ማላ ሃ ኬላ ታ ደራዳ ገሻዲሰ፤ ታ ኣይፌይይ ታ ዋዚናይ ኡባ ዋዴ ሄን ዳናና።
 17 «ኔኒካ ካሴ ኔ አዋ ዳዊቲ ማላ ታ ሲንላን ሄሜቲኮ፣ ታ ኔና ኣዛዚዳ ኡባ ኔ ኦሊኮ፣ ታ ኔሰ ኢሚዳ ዋጋኔ ማራ ኔ ናገኮ።
 18 ታኒ ካሴ ኔ አዋ ዳዊቲ፡ «ኢሰራኤል ሃሪዛይ ኔ ዜሬላፌ ሙሉካ ቆዩና» ጋዳ ታ ጫቂዳ ማላ ኔ ካዎቲላ አራታ ታ ሚንላና።
 19 «ገደ አቲን ኢንቲ ታና ካላናይሳ አገዲ ጉዬ ሲሚኮ፣ ታኒ ኢንቲና ኣዛዚዳ ታ ኣዛዘታኔ ታ ዋጋታ አገዲ ሃራ ጸሳታሰ ኦላናሲኔ ጎይናናሰ ኢንቲ ቢኮ።
 20 ታኒ ካሴ ኢንቲሰ ኢሚዳ ቢታፌ ኢንቲና ቆቃላና፤ ታኒ ታ ሱንላሰ ዳሚሲዳ ኬላካ ዬጋ ኣጋና፤ ታኒ ኢዛ ካዎቲላታ ኡባ ገደን ቁዴሲኔ ቁልጫሰ ኬሳና።
 21 ሃይሲ ጸሳ ኬላዚ ሃኢ ኬሃፕ ማላሊሲዛዝ ገዲኮካ ኢዛ ማታራ ካንላ ቢዛ ኡባይ ዳጋሚዲ፣ ሳዳይ ሃ ቢታዮኔ ሃ ኬላ ኣይሰ ሃይሳ ማላ ኦሊዳ?» ጋና።
 22 ሂስቲን ኣሳይ፡ «ኢስታ አዋታ ገብጾፕ ኬሲዳ ጎዳ ባንታ ጸሳ አገዲ ኢስቲ ሃራ ጸሳታ ካሊዳ ገሻሰ፡ ኢስታሰ ኦሊዳ ገሻሰኔ ኢስታሰ ጎይናና ገሻሰ ጎዳይ ኢስታ ቦላ ሃ ኢታ ሚሽ ኡባ ኤሂዳሰ» ገዲ ዛራና» ገዴሰ።

8

ሶሎሞንይ ኦሊዳ ሃራ ኦሶታ
 (1ካዎ 9:10-28)

1 ሶሎሞንይ ጸሳ ኬላኔ ባ ካዎቲላ ኬላ ኬዲዳ ናምኡ ታማንላ ላይላ ወርሴላን።
 2 ካዎ ሁራሚይ ኢሚዳ ካታማታ ሶሎሞንይ ዛሪ ኬዲዲ ኢሰራኤል ኣሳ ሄ ካታማታን ዋሊዳሰ።
 3 ሄሳፌ ጉዬ ሶሎሞንይ ሃማቲኔ ጸባ ጌቲቲዛ ቢታታ ቢዲ ዋራጂ ኦይኪዳሰ።
 4 ሂስቲዲ ባዘን ዳኢዛ ታጸዋሪ ካታማኔ ኡባ ሚሽ ኢስታን ሚንጂዛ ካታማታ ሃማቲ ቢታን ኬዲዳሰ።
 5 ቃሴካ ሶሎሞንይ ቦላ ቤቲ-ሆርኔኔ ጋርሳ ቤቲ-ሆርኔ ጌቲቲዛ ካታማታ ዛሪ ኤሲዳሰ፤ ሄ ካታማቲ ዲርሳይ ፔንጌይኔ ኮላታይ ዳኢዛ ዲሬቲ ኡቲዳ ካታማታ።
 6 ባኣላቲ ካታማ፡ ሚሽ ሚንጂዛ ካታማታ ኡባ፡ ባ ፓራታኔ ፓራ-ጋሪታ ዋሊዛ ካታማታ ኡባኔ ኢዚ ኬጸናሰ አዎቲዳ ኡባ ዬሩሳላሚን፡ ለባናሴኔኔ ባ ሃሪዛ ቢታ ኡባን ኬዲዳሰ።
 7 ሂቲታፕ፡ አዋሬታፕ፡ ፓሪዜታፕ፡ ሂዋታፕ፡ ያቡሴታፕ ኣቲዳ ኣሳይ ኡባይ ኢሰራኤል ዛሪ ገዴቲና፤
 8 ኢስቲ ኢሰራኤል ኣሳይ ቆይሲሽን ሄ ቢታን ኣቲዳ ኣሳታ ዛሪታ። ሶሎሞንይ ኢስታ ጋባራቲላን ኦሲሲዳሰ፤ ኢስቲ ሃቕ ጋካናሰካ ጋባራቲላን ኦሊቲሰ።
 9 ገደ አቲን ሶሎሞንይ ባ ኦሶሰ ኢሰራኤል ኣሳፕ ኦናካ ኣይሌሲቤና፤ ኢስቲ ገዲኮ ኦላንቻታ፡ ኦላ

ጋዳዋታ፡ ፓራ-ጋሪታ ላገዛይታ ሃላቃታኔ ቶጋ ኣሳታ ገዲዲ ኦሊዳ።
 10 ቃሴ ኢስታፌ 250 ሹሚቲ ካዎ ሶሎሞንሰ ኦሊዛ ጋባራታ ጸሊ ኦሲሴቲሰ።
 11 ሄሳፌ ጉዬ ሶሎሞንይ፡ «ጎዳ ታቦታይ ጌሊዳ ሶሆይ ጌሽ ገዲዳ ገሻሰ ታ ማቻ ኢሰራኤል ካዎ ዳዊቲ ኬላን ዳናሰ ቤሱኩ» ገዲ ገብጾ ካዎ ፓርኔ ቢዮ ዳዊቲ ካታማፕ ዳንላዲ ኢዚ ኢዚሰ ኬዲ ዋሊዳ ካዎ ኬላን ኤሂዳሰ።
 12 ሶሎሞንይ ሄ ዋዴ ጸሳ ኬላ ሲንላን ጎዳሰ ገገሲዳ ያርሾ ያርሽዛሶን ጸጌቲዛ ያርሾ ያርሽዳሰ።
 13 ሙሴይ ያርሾ ገሻሰ ኣዛዚዳ ዋጋ ማላ ሃቕ ሃቕ፡ ሳምባታን ሳምባታን፡ ኣገናይ ደሚዳ ኮይሮ ጋላሲኔ ላይላን ቦንቲቲዛ ሄቸ ባኣሌታን ሄይቲካ ኡኬላ ባኣሌን፡ ካላ ሺሾ ባኣሌኔኔ ዳሴ ባኣሌን ጎዳሰ ጸጌቲዛ ያርሾ ያርሽዳሰ።
 14 ኢዛ አዋ ዳዊቲ ካሴ ኣዛዚዳ ማላ ቁሴታ ኢስታ ኦሶን ኦሶን ሻኪ ሱንላዳሰ፤ ጋላሰ ጋላሰ ዬላን ሳባና ማላኔ ቁሴታ ማዳና ማላ ሊዌታ ሻኪዲ ሱንላዳሰ። ቃሴካ ጸሳ ኣሰ ዳዊቲ ኣዛዚዳ ማላ ጸሳ ኬላ ፔንጌ ናገዛ ዛቤታ ኢስታ ኦሶን ኦሶን ሻኪዲ ሱንላዳሰ።
 15 ካሴ ዳዊቲ ቡቁራ ሚንጂዛ ኬላ ገሻሰኔ ሃራ ኣላሌታ ገሻሰ ቁሴታኔ ሊዌታሰ ኢሚቲዳ ኣዛዘታፕ ኢሲናካ ኣሽንታ ኡባ ፖሊዳሰ።
 16 ሶሎሞንይ ሃልቲዳ ኦሶ ኡባይ ኦሴቲ ወሪዳሰ፤ ጸሳ ኬላሰ ዮቺ ዩጌቲዳ ዋዴፕ ደሚዲ፡ ፖሊታና ጋካናሰ ኦሶ ኡባይ ሎኦ ኦሴቲዳሰ።
 17 ሄሳፌ ጉዬ ካዎ ሶሎሞንይ ኤደሚ ቢታን ዘኦ አባ ደናን ዳኢዛ ኤዲዮን-ጋቢሬኔ ኤላቲ ጌቲቲዛ ካታማታ ቢዳሰ።
 18 ካዎ ሁራሚይ ማርካቤታኔ ማርካቤ ላጎን ሎሂዳ ባ ኣሳታ ሶሎሞንሰ ዩዲዳሰ፤ ሂስቲን ኢስቲ ሶሎሞን ኣሳታራ ኢሲፌ ኦፊሬ ቢታ ቢዲ ሄፕ 15,000 ኪሎ ገራሚ ገዲዛ ዋርቃ ካዎ ሶሎሞንሰ ኤኪ ዩዳ።

9

ሶሎሞን ቤያናሰ ቢዳ ሳባ ካዎዮ
 (1ካዎ 10:1-13)

1 ሳባ ካዎዮ ሶሎሞን ጎባቲላ ሲያዳ፡ ዳጾ ኦይሻታ ኤካዳ ኢዛ ፓጫናሰ ሳዎ፡ ኬሂ ዳሮ ዋርቃኔ ኣልኦ ሹቻታ ጋሚላታን ጫናዳ ዳሮ ኣዛባራ ዩሩሳላሚ ጋካዳ ሶሎሞን ሲንላ ኣቆዲሰ። ሂስታዳ ባ ዋዚናን ዲዛይሳ ኡባ ሶሎሞንሰ ዮታዲሰ።
 2 ሶሎሞንይ ኢዛ ኦይቲዳ ኡባ ኢዚሰ ዮቲዳሰ፤ ኢዚ ኢዚሰ ቢርሾንታ ኢዛፕ ጌሚ ኣቲዳ ኣይ ሚሽካ ዳና።
 3 ሳባ ካዎዮ ሶሎሞን ኣቆ ኤራቲላ፡ ኢዚ ኬዲዳ ካዎቲላ ኬላ፡
 4 ኢዛ ማዳን ሽቂዛ ቁማ፡ ኢዛ ሹሚቲ ኡቲዛ ኡቲላ፡ ኢዛ ኣሽካራቲ ኦሊዛ ኦሶኔ ማይኢዛ ማይኦዛ፡ ኢዛ ኡሹ ቲገዛይቲ ማይኢዛ ማይኦዛኔ ጎዳ ኬላን ኢዚ ጸገዛ ያርሾዛ ቤኣዳ ኬሃ ማላሊታዲሰ።
 5 ሄሳፌ ጉዬ ኢዛ ካዎዛ፡ «ኔ ኦሶ ገሻሰኔ ኔ ኣቆ ኤራቲላ ገሻሰ ታኒ ታ ዳሬን ዳሼ ሲዩዳይሲ ቱማ።

6 ገደ አቲን ታኒ ያዳ ታ አይፊን ቤኣና ጋካናስ ኢሰቲ ታስ የቲዳ ኡባ ኣማናቤኬ። ኔ ኣቶ ኤራቴላፊ ባጋይካ ታስ የቲቲቤና፤ ቱማፔ ታኒ ሲዮይሳፊ ኔ ኣቶ ኤራቴላይ ኬሂ ኣጰሰ።

7 ኡባ ዋዳ ኔ ሰንላን ኤቁዲ ኔ ኣቶ ኤራቴላ ሲዱዛ ኔ ሹማቲኔ ኔ ኣይሌቲ ኣይ ማላ ኣንጃቲዳ ኣሴ!

8 ኔናን ኡፋዬቲዲ ባ ካዋቴላ ኣራታን ኡቲሲዳ ኔ ጎዳይ ጋላቲቶ! ኔ ጸሳይ ኢሰራኤሌ ኣሳ ሲቁዳ ገሻሲኔ ማርናስ ሚንላ ኤሳናስ ኮዬዳ ገሻሲ ሱሬ ፐርዳይኔ ጸሎቴላ ኣካና ማላ ኢሰታ ቦላ ኔና ካዋሊዳስ» ጋዲሰ።

9 ሂሰታዳ ካዋያ 4,000 ኪሎ ገራሜ ገዲዛ ዋርቃ፣ ኬሂ ዳር ሳዋኔ ኣልኦ ሹቻታ ካዋዛስ ኢማዲሰ፤ ሳባ ካዋያ ካዋ ሶሎሞኔስ ኢማዳ ሳዋ ሚሳቲዛ ሳዋይ ሙሉካ ዳና።

10 ሁራሜ ኣሳቲኔ ሶሎሞኔ ኣሳቲ ኦፊሬፔ ዋርቃ፣ ሳንዳሌ ሚሊኔ ኣልኦ ሹቻታ ኤሂዳ።

11 ካዋ ሶሎሞኔይ ሂ ሳንዳሌ ሚላፊ ጸሳ ኬላኔ ካዋቴላ ኬላ ጌሊዛሶ ጴካታኔ ዬላ ዬጸዛይታስ ማሰንቆኔ ዲላ ኦሲሲዳስ። ሃይሳ ማላ ሚሺ ካሴ ዩሁዳ ቢታን ቤቲ ኤሬና።

12 ካዋ ሶሎሞኔይ ሳባ ካዋያ ኣሞቲዳይሳኔ ኢዛ ኦይቲዳ ኡባ ኢዚሰ ኢማዳስ፤ ኢዛ ሶሎሞኔስ ኢሂዳይሳፊ ዳር ኢዚ ኢዚሰ ኢማዳስ። ሃሳፊ ጉዬ ሳባ ካዋያ ባ ኣካባዛራ ዳንዳዳ ባ ዳሬ ሲማዲሰ።

ሶሎሞኔ ዲሬቴላ (1ካዋ 10:14-25)

13 ሶሎሞኔይ ላይላን ላይላን ኤኪዛ ዋርቃይ 23,000 ኪሎ ገራሜ።

14 ሂሲ ዛልኣንቻታፔ ኤኪዳ ቃራጸ፣ ኣራቢያ ቢታ ካዋታ ኡባፊኔ ኢሰራኤሌ ቢታ ሃሪዛይታፔ ኤኪዳ ዋርቃኔ ቢራ ጉጂቤና።

15 ካዋ ሶሎሞኔይ 200 ዋጋ ጎንዳሌታ ቆጶሲዲ ዋርቃፊ ሚጲሲዳስ፤ ኢሲ ኢሲ ጎንዳሌን ላቸን ኪሎ ገራሜ ገዲዛ ዋርቃይ ጌሊዳስ።

16 ቃሴካ ኢዚ 300 ቁሪ ጎንዳሌታ ቆጶሲዲ ዋርቃፊ ሚጲሲዳስ፤ ኢሲ ኢሲ ቁሪ ጎንዳሌን ናምኡ ኪሎ ገራሜ ገዲዛ ዋርቃይ ጌሊዳስ፤ ካዋይ ሂ ጎንዳሌታ፣ «ለባኖሴ ዋራ ኬላ» ጌቲቲዛ ኬላን ዋሊዳስ።

17 ቃሴካ ካዋዚ ዳንጋርሳ ዛሌፔ ኢሲ ጌታ ካዋ ኣራታ ኦሲሲዲ ሙሩታ ዋርቃን ሚሺዳስ።

18 ካዋቴላ ኣራታይ ዳኢዛሶ ፑዳ ኬኣናስ ዬጲዛ ኡሱፑን ጴካቲ ዳቲሰ። ቶሆን ዬጲናስ ካዋቴላ ኣራታራ ጋሊዲ ዋርቃፊ ኦሴቲዳ ኦይዳይ ዳስ። ኣራታስ ናምኡ ባጋራካ ቁሴ ዜምፒሲዛ ሶሆቲ ዳቲሰ፤ ሂ ናምኡ ሶሆታ ላንቁን ያ ባጋራኔ ሃ ባጋራ ኤቁዳ ኢሲ ኢሲ ጋዋ ሚሰሌይ ዳስ።

19 ሂ ኣራታ ፑዳ ኬኢዛሶ ኡሱፑን ጴካታን ያ ባጋራኔ ሃ ባጋራ ኢሲ ኢሲ ጋዋ ሚሰሌይ፣ ሙሉራ 12 ሚሰሌቲ ዳቲሰ። ሃሳ ማላ ካዋቴላ ኣራታይ ሃራ ካዋቴላን ኣዋንካ ኦሴቲቤና።

20 ካዋ ሶሎሞኔይ ኢሰታን ኡሹ ኡዩዛ ሚሻቲ ኡባይ ዋርቃፊ ኦሴቲዳ፤ «ለባኖሴ ዋራ» ጌቲቲዛ ኬላን ዳኢዛ ሚሻቲ ኡባይካ ሙሩታ ዋርቃፊ ኦሴቲዳ። ሶሎሞኔ ዋዳ ቢራይ ሙሉካ ጎኢዛ ሚሻ

ማላ ቆዳቶንታ ገሻሰ ቢራፔ ኦሴቲዳ ሚሺ ሙሉካ ዳና።

21 ካዋዛስ ሁራሜ ኣሳቲ ላገዛ ዛልኤ ማርካቤቲ ዳቲሰ፤ ሂ ማርካቤቲ ዋርቃ፣ ቢራ፣ ዳንጋርሳ ዛሌ፣ ቃራታኔ ጌሊሾታ ጫኒ ኤኪዲ ሃቡ ላይላፊ ኢሲቶ ታርሴሴ ሲማቲሰ።

22 ካዋ ሶሎሞኔይ ዲሬቴላኒኔ ኣቶ ኤራቴላን ሳኣን ዳኢዛ ካዋታ ኡባፊ ኣጰሰ።

23 ሳኣን ዳኢዛ ካዋቲ ኡባይ ኢዛ ሲንሳ ኣጳናሲኔ ጸሲ ኢዛ ዋዚናን ዋሊዳ ኣቶ ኤራቴላ ሲያናስ ኮዬቴሰ።

24 ላይላን ላይላን ዩዛ ኡባይ ኢዛስ ኢማናስ ዋርቃኔ ቢራ ሚሻታ፣ ማይኦታ፣ ኦላ ሚሻታ፣ ዲማ ዲማ ሳዋ፣ ፓራታኔ ባቁሎታ ኤኪ ዬቴሰ።

25 ሶሎሞኔ ፓራታሲኔ ጋራታስ 4,000 ጋጸታይ ዳስ፤ ቃሴ 12,000 ፓራቲ ኢዛስ ዳቲሰ። ሶሎሞኔይ ሂ ፓራ-ጋራታ ካታማታኒኔ ባናራ ዬሩሳላሚን ዋሊዳስ።

26 ሶሎሞኔይ ኤፊራጲሴ ሻፋፔ ደሚዲ ፊሊሰጶሜ ቢታኔ ገብጶ ዛዋ ጋካናስ ዳኢዛ ካዋታ ኡባ ሃሪዳስ።

27 ካዋይ ዬሩሳላሚን ቢራይ ሹቻላ ኮሬታና ማላ ዚጋይካ ሻራ ሚንላን ዲጨዛ ኤላላ ጮራታና ማላ ኦሊዳስ።

28 ሶሎሞኔስ ፓራታ ገብጶፔኔ ሃራ ቢታ ኡባፊ ኤሂቴሰ።

ሶሎሞኔ ሃይቆ (1ካዋ 11:41-43)

29 ኮይሮፔ ወርሴላ ጋካናስ ሶሎሞኔ ካዋቴላ ላይላን ሃኒዳ ሃራ ሚሺ ኡባይ ቲንቢቲ የቲዛ ናታኔ ታሪኬ ማጻፋን፣ ቲንቢቲ የቲዛ ሴሎኔ ዳሬ ኣሰ ኣካያ ማጻፋኒኔ ናባጶ ና ኢዮርባኣሜ ገሻሰ ቲንቢቲ የቲዳ ኢደይ ቤኢዳ ኣጂታ ማጻፋን ጳፊቲ ኡቲዳስ።

30 ሶሎሞኔይ ኢሰራኤሌ ኡባ ቦላ ዬሩሳላሚን 40 ላይላ ካዋቲዳስ።

31 ሃሳፊ ጉዬ ሶሎሞኔይ ሃይቁዲ ካሴ ባ ኣዋታን ጋይቲዳስ፤ ባ ኣዋ ደቂቲ ካታማን ሞጌቲዳስ፤ ኢዛ ና ኤርቢኣሜይ ኢዛሶሆን ካዋቲዳስ።

10

ኤርቢኣሜ ቦላ ኢሰራኤሌ ኣሳ ዳንሳ (1ካዋ 12:1-20)

1 ኢሰራኤሌ ኣሳይ ኡባይ ኤርቢኣሜ ካዋላናስ ሴኬሜ ካታማ ቢዳ ገሻሰ ኢዚካ ሂ ቢዳስ።

2 ካዋ ሶሎሞኔፔ ባቃቲዲ ገብጶን ዳኢዛ ናባጶ ና ኢዮርባኣሜይ ሃሳ ሲዩዲ ገብጶፔ ሲሚ ዩዳስ።

3 ኢሰራኤሌ ኣሳይ ኢዮርባኣሜስ ኪታ ዬዲ ጳይገዳስ፤ ኢዚኔ ኢሰራኤሌ ኣሳይ ኡባይ ኤርቢኣሜኮ ቢዲ፣

4 «ካሴ ኔ ኣዋይ ኦና ዳጾ ቃምባራ ቶሲዳስ፤ ሃኢ ኔኒ ኢዚ ኦና ኦሲሲዳ ዋልቃማ ኦሳኔ ዳጾ ቃምባራ ኦሰ ካዉሺኮ ኦኒ ኦሰ ሃራታና» ገዳ።

5 ሂሰቲን ኤርቢኣሜይ ኢሰታስ፣ «ቢቲ፤ ቢዲ ሃቡንላ ጋላስ ታኮ ሲሚ ዩቲ» ገዳስ። ኣሳይካ ሲሚዲ ቢዳስ።

6 ሃሳፊ ጉዬ ካዋ ኤርቢኣሜይ ባ ኣዋ ሶሎሞኔይ ፓጻ ዳኢዛ ዋዳ ሶሎሞኔ ዞሪዛ ጨማታ ዞሪ

አይቸደስ። ኢዚ ኢስታስ፡ «ታ ሃይሳ ሃ አሳስ አይ ጋ ዛሮ?» ገዲ አይቸደስ።

7 ጨማቲካ ኤርቢአማ፡ «ኔኒ ሃ አሳስ ኪደኮ፡ ኢስታ ኡፋይሲኮ ኢስታስ ሎኦ ቃላ ዛሪኮ ኢስቲ ኡባ ዋዳካ ኔስ ሃሪታና» ገዲ።

8 ገዲ አቲን ኤርቢአማይ ጨማቲ ዘሪዳ ዘሪዛ አገዲ ኢዛራ ዲጨዲ ኢዛስ ኦሊዛ ዩላጋ አሳታ ዘሪ አይቸደስ።

9 ኢዚ ኢስታስ፡ «ኢንቲ ታና አይ ዘሪቲ? ነጻ አዋይ ኑና ቶሲዳ ዳጾ ቃምባራ ኑስ ካወሻርኪ!» ገዛ ሃ አሳስ አይ ዛሮ?» ገዲ አይቸደስ።

10 ኢዛራ ዲጨዳ ዩላጋቲ ኢዛስ፡ « ነጻ አዋይ ኑና ዳጾ ቃምባራ ቶሲዳስ፤ ኔኒ ገዲኮ ኑስ ካወሻርኪ!» ገዛ አሳስ፡ «ታ ገልኢ ቢራዴይ ታ አዋ ጸሳፊ ኦርዳወስ።

11 ታ አዋይ ኢንቲስ ቃምባራ ዳጾሊዳስ፤ ታኒ ገዲኮ ሃሳፊካ አሳዳ ዳጾላና። ታ አዋይ ኢንቲና ሊሶን ሾጨዳስ፤ ታኒ ገዲኮ ኢንቲና ማሰማሶ ማላ ዲኪዛ ሊሶን ዋሳና» ገዲ ዛራ» ገዲ።

12 ሃሳፊ ጉዬ ካዋ ኤርቢአማይ፡ «ሃቫንሶ ጋላስ ሲሚዲ ታኮ ዩቲ» ገዲ ማላካ ኢዮርባአማይ ኣሳይ ኡባይ ሃቫንሶ ጋላስ ሲሚዲ ዩዳ።

13 ሂሳቲን ካዋ ኤርቢአማይ ኢስታስ ሃንቆን ዛሪዳስ። ጨማታ ዘሪ ኣገዲ።

14 ዩላጋቲ ዘሪዳ ዘሪዛ ካሊዳስ፤ ሂሳቲዳ፡ «ታ አዋይ ኢንቲስ ቃምባራ ዳጾሊዳስ፤ ታኒ ገዲኮ ሃሳፊካ አሳ ዳጾላና። ታ አዋይ ኢንቲና ሊሶን ሾጨዳስ፤ ታኒ ገዲኮ ኢንቲና ማሰማሶ ማላ ዲኪዛ ሊሶን ሾጨዳ» ገዲ ዛሪዳስ።

15 ጎዳይ ሴሎ አስ አካያ ባጋራ ካሴ ናባጾ ና ኢዮርባአማይ ዮቲዳ ቃላይ ፖሌታና ማላ ሂሳ ዳሳፊ ሃኒዳ ገሻስ ካዋዚ አሳይ ገዛይሳ ሲዮንታ ኢዲዳስ።

16 ኢስራኤል አሳይ ኡባይ ካዋዚ ኢስታ ገዛይሳ ኢስቲ ሲዮንታ ኢዲዳይሳ ቤኢዲ ካዋዛ፡ «ዳዊቲዛ፤ ኑና አዚ ጋካኔ? ኢሴዬ ናራ ኑስ አይ ጋይቶሌ ዲዜ! ኢስራኤል አሳወ! ኢንቲ ሶ ኢንቲ ሶ ቢቲ! ኤርቢአማ ኔ ሶ ናጋ!» ገዲ። ሃሳ ገሻስ ኢስራኤል አሳይ ኡባይ ባ ሶ ባ ሶ ቢዳስ።

17 ኤርቢአማይ ገዲኮ ዩሁዳ ቢታን ዳኢዛ ኢስራኤል አሳ ቦላ ካዋቲዳስ።

18 ሃሳፊ ጉዬ ካዋ ኤርቢአማይ ባ ጋባራታ ሃላቃ አዳኒራሜ ኢስራኤል አሳኮ ከቲዳስ፤ ኢስቲ ኢዛ ሹቻን ጫዲ ዋዲዳ። ሂሳቲን ካዋ ኤርቢአማይ ባ ፓራ-ጋሪ ቦላ ኡሶን ኬኢ ኡቲዲ ዩራሳላማ ባቃቲዳስ።

19 ሃዳፔ ደሚዲ ሃቕ ጋካናስ ኢስራኤል ዛሪታፔ ታማቲ ዳዊቲ ዛሪፔ ካዋቲዳ ካዋታ ቦላ ማካሊዳ።

11

ሻማኤይ ዮቲዳ ቲንቢቲ (1ካዋ 12:21-24)

1 ኤርቢአማይ ዩራሳላማ ካታማ ጋኪዳ ዋዳ ኢስራኤል ቢታ አሳራ ኦሊቲዲ ካዋቲሳ ባስ ዛራና ማላ፡ ዩሁዳ ቆሞሬኔ ቢኒያማ ቆሞሬ ዶሬቲዳ 180,000 ኦላንቻታ ሺሺዳስ።

2 ገዲ አቲን ጎዳ ቃላይ ጸሳ አስ ሻማኤኮ ዩዲ፡

3 «ሶሎሞን ና ዩሁዳ ካዋ ኤርቢአማይ ዩሁዳኒኔ ቢኒያማን ዳኢዛ ኢስራኤል አሳ ኡባስ።

4 ጎዳይ ኢንቲና፡ ኢንቲ ኢሻንታራ ኦሊታናስ ቦፒቲ፤ ሃሳ ታኒ ኦሊዳ ገሻስ ኢንቲ ኡባይካ ኢንቲ ሶ ኢንቲ ሶ ሲሚቲ» ገዲ ዮታ» ገዲ። ሂሳቲን ኢስቲ ጎዳ ቃላ ሲዩዲ ኢዮርባአማ ኦላናስ ቢዛይሳ ኣገዲ ሲሚዳ።

ኤርቢአማይ ገምቢዳ ሚጸታ

5 ኤርቢአማይ ዩራሳላማን ኡቲዲ ሃይሳፊ ካሊዲ ጸፊቲዳ ዩሁዳኔ ቢኒያማ ካታማታስ ሚጸታ ገምቢዳስ።

6 ሄ ካታማቲ ቤቴሊሃማ፡ ኤጸማ፡ ቲቁሃ፡

7 ቤቲ-ጸ-ሬ፡ ሶኮ፡ አዲላማ፡

8 ጌቲ፡ ማሪሻ፡ ዚፊ፡

9 አድራኢማ፡ ላኪሾ፡ አዜቁ፡

10 ጸራኣ፡ አያሎኔኔ ኬብርኔ።

11 ኤርቢአማይ ካታማታ ሚጸታ ሚንሳዲ፡ ሃላቃታ ኢስታን ዋሊዳስ፤ ቃሴ ቁማ፡ ዛይቲኔ ዋይኔ ኡሹ ሄን ሺሺዳስ።

12 ሄ ገምቤቲዳ ካታማታ ኡባን ጎንዳሌታኔ ቶራታ ሺሺዲ ኢስታ ኬሃፔ ሚንሳዳስ፤ ሃሳዳ ኦሊዲ ዩሁዳኔ ቢኒያማ ቢታታ ሃሪ ዳኢዳስ።

ቁሴታኔ ለዌታ ዩስ

13 ኢስራኤል ኡባን ዳኢዛ ቁሴቲኔ ለዌቲ ኡባይ ባንቲ ዳኢዛሶፔ ኤርቢአማኮ ዩዳ።

14 ኢስቲ ቁሴ ገዲዲ ጎዳስ ኦሎንታ ማላ ኢዮርባአማይ ኢዛ ናይቲ ዲገዲ ገሻስ ለዌቲ ባንታ ሃንሳ ጋዴኔ ባንታ ሶሆ ኣገዲ ዩሁዳኔ ዩራሳላማ ዩዳ።

15 ኢዮርባአማይ ጎይኒዛ ጾቃሶሆታን ሃራ ቁሴታ ሱንሳዳስ፤ ሂሳቲን ኢስቲ ኢዚ ሜዲዳ ዳይሻ ሚሰሌታስ፤ ማራ ሚሰሌታስ ቁሴ ገዲዲ ኦሊዳ።

16 ገዲ አቲን ኢስራኤል ቆሞታ ኡባፊ ኢስራኤል ጎዳስ ባንታ ዋዚናፔ ጎይናናስ ኮይዛይቲ ጎዳ ባንታ አዋታ ጸሳስ ያርሾ ያርሻናስ ለዌታ ጌዶ ካሊዲ ዩራሳላማ ዩዳ።

17 ኢስታ ዩሳይ ዩሁዳ ካዋቲሳ ሚንሳዳስ፤ ኢስቲ ሃቭ ላይሳ ኩሚሳ ሶሎሞን ና ኤርቢአማ ማዲዳ፤ ኢስቲ ካዋ ዳዊቲ ኦኔኔ ካዋ ሶሎሞን ኦኔ ካሊዲ ጎሮ ዳኢዳ።

ኤርቢአማ ሶ አሳ

18 ኤርቢአማይ ማሃላቶ ማቕ ኤኪዳስ፤ ማሃላቲ አዋይ ዳዊቲ ና ያርሞቲ፤ ኢዚ ኣያ ኢሴዬ ና ኤልያቤ ቢዮ ኣቢሃይሎ።

19 ማሃላታ ኤርቢአማስ ያኡሾ፡ ሻማሪያኔ ዛሃማ ጌቲቲዛ አቲማ ናይታ ዩላዲስ።

20 ሃሳፊ ጉዬ ኣቤሴሎማ ቢዮ ማኢኮ ማቕ ኤኪዳስ፤ ማኢካ ኤርቢአማስ ኣቢያ፡ ኣታዬ፡ ዚዛኔ ሻሎሚቲ ዩላዲስ።

21 ኤርቢአማይ ባ ማቸታፔኔ ባ ላጌሶ ማቸታ ኡባፊ ኣቤሴሎማ ቢዮ ማኢኮ ኣሊ ሲቁዳስ። ኢዛስ 18 ማቸቲኔ 60 ላጌሶ ማቸቲ ዳቲስ፤ ኢዚ 28 አቲማ ናይታኔ 60 ማጫ ናይታ ዩሊዳስ።

22 ኤርቢአማይ ማኢኪ ና ኣቢያ ባፔ ጉዬን ካዋላናስ ቆፒዳ ገሻስ፡ ኢዛ ኢሻንታ ቦላ ሃላቃ ኦሊ ሱንሳዳስ።

23 ኤርቢአማይ ጨንጨዲ ባ አቲማ ናይታ ዩሁዳኔ ቢኒያማ ቢታታ ኡባን ዳኢዛ ገምቤቲዳ ካታማታ

ኡባን ሻኪ ሻኪ ዋሊዲ ኢስታሰ ኮሺዛ ሚሽ ኡባ ኢሚዳስ፤ ቃሴ ኢስታ ጮራ ማቼታ ኤኪሲዳስ።

12

የሁዳ ቦላ ገብጼ ዋራጆ

(1ካዋ 14:25-28)

1 ኤርቢአሜ ካዋቱላይ ሚኒ ኤቁዳ ዋዴ ኢዘኔ ኢሰራኤሌ ኣሳይ ኡባይ ጎዳ ዋጋ ዬጊ ኣጊዳ።

2 ኢስቲ ጎዳሰ ኣማኔቶንታ ኢዲዳ ገሻሰ ኤርቢአሜ ካዋቱዳ ኢቻሻንሉ ላይላን ገብጼ ካዋ ሺሻቁ ዬሩሳላሚ ካታማ ቦላ ዋራጆዳስ።

3 ኢዛራ ኢሲፌ ገብጸፔ ዩዳይ 1,200 ፓራ-ጋራታ፡ 60,000 ፓራ ኣሳታኔ ቆዳይ ባይንዳ ሊቢያ ኦላንቻታ፡ ሱካ ኦላንቻታኔ ቶጵያ ኦላንቻታ።

4 ካዋ ሺሻቁ ገምቤቲዳ የሁዳ ካታማታ ኦሊ ደይኪዲ ዬሩሳላሚ ካታማ ጋካናሰ ካንሉ ቢዳስ።

5 ሃሳፌ ጉዬ ናቤ ሻማኤይ ሺሻቁሰ ባቢዲ ዬሩሳላሚን ሺቁ ኡቲዳ የሁዳ ካሌሊዘይታኮኔ ኤርቢአሜኮ ዩዳይ፡ «ጎዳይ፡ ለንጉቲ ታና ኣጊዳታ፤ ሃሳ ገሻሰ ታኒካ ኢንቴና ሺሻቁ ኩሼን ኣላ ኢማዲሰ» ገሰ።

6 ካዋ ኤርቢአሜይኔ ኢሰራኤሌ ካሌሊዘይቲ ባንታና ካወሺዲ፡ «ጎዳይ ጸሎ» ገዳ።

7 ኢስቲ ባንታና ካወሺዲይሳ ጎዳይ ቤኢዲ ሻማኤ ባጋራ ጎዳይ፡ «ኢስቲ ባንታና ካወሺዲ ገሻሰ ታኒ ኢስታ ኣሻና ኣቲን ቆይሲኬ። ታ ሃንቆይ ሺሻቁ ባጋራ ዬሩሳላሚ ቦላ ዩና።

8 ገዲኮካ ኢስቲ ታሰ ሃራቴላሲኔ ሃራ ቢታ ካዋታሰ ሃራቴላሰ ገደን ዲዛ ዲማቴላ ሻኪ ኤራና ማላ ኢስቲ ሺሻቁሰ ሃራታና» ገዳስ።

9 ሃሳ ገሻሰ ገብጼ ካዋ ሺሻቁ ዬሩሳላሚ ካታማ ኦሊዲ ጸሳ ኬላኒኔ ካዋ ኬላን ዴኢዛ ቡቁራ ሚሽ ኡባ ኤኪዳስ። ቃሴ ሶሎሞኔይ ዋርቃፌ ኦሲሲዳ ጎንዳሌታካ ኤኪ ኤፊዳስ።

10 ኢዚ ኤፊዳ ዋርቃ ጎንዳሌታ ገሻሰ ካዋ ኤርቢአሜይ ጸርቁማላፔ ሃራ ጎንዳሌታ ኦሲሲዲ ካዋ ኬላ ፔንጌ ናገዘይታ ሃላቃዚ ኣላፊቴላን ኦይካና ማላ ኢሚዳስ።

11 ካዋይ ጎዳ ኬላ ገሊዛ ዋዴ ኡባን ዛቤቲ ሃ ጎንዳሌታ ኦይኪዲ ኢዛ ኣጃቤቴሰ፤ ሃሳፌ ጉዬ ጎንዳሌታ ዛሪዲ ዛቤታ ኬላን ዋሌቴሰ።

12 ኤርቢአሜይ ባና ካወሺዲ ገሻሰ ኢዚ ኡባራ ቆዮንታ ማላ ጎዳ ሃንቆይ ኢዛፔ ሰሚዳስ። የሁዳ ቢታሰ ኡባ ሚሽ ኢንጃቲዳስ።

ቃንሳራ ኤርቢአሜ ካዋቱላ ታሪኬ

13 ካዋ ኤርቢአሜይ ዬሩሳላሚን ሚኒ ካዋቲዳስ፤ ኤርቢአሜይ ካዋቲሺን ኢዛሰ ላይላይ 41 ገዲዳስ፤ ጎዳይ ባ ሱንላ ሃን ዋላናሰ ኢሰራኤሌ ቢታ ኡባፌ ዶሪዳ ዬሩሳላሚ ካታማን 17 ላይላ ካዋቲዳስ። ኤርቢአሜ ኣዬያ ኣሞኔ ዳሪ ኣሰ ናኢሞ።

14 ኤርቢአሜይ ጎዳ ዋዚናፔ ኮዮንታ ገሻሰ ኢታ ሚሽ ኦሊዳስ።

15 ኤርቢአሜይ ኮይሮፔ ዉርሴላ ጋካናሰ ሃኒዳይሲኔ ኢዛ ዬሌታ ማራይ ናቤ ሻማኤ ታሪኬ

ማጻፋኒኔ ኢዳይ ቤኢዳ ኣጃታ ማጻፋን ጸፊቲ ኡቲዳስ። ኤርቢአሜይኔ ኢዮርባአሜይ ኡባ ዋዴ ኦሌቲሼ ዳኢዳ።

16 ኤርቢአሜይ ሃይቁዳስ፤ ዳዊቲ ካታማንካ ሞጌቲዳስ፤ ኢዛሰሆን ኢዛ ና ኣቢያይ ካዋቲዳስ።

13

የሁዳ ካዋ ኣቢያ

(1ካዋ 15:1-8)

1 ካዋ ኢዮርባአሜይ ኢሰራኤሌን ካዋቲዳ 18 ላይላን ኣቢያይ የሁዳን ካዋቲዳስ።

2 ኣቢያይ ዬሩሳላሚን ሄቹ ላይላ ካዋቲዳስ። ኢዛ ኣዬይ ሱንላ ሚካዮ፤ * ሚካያ ገቢኣፔ ዩዳ ኡርኤሌ ቢዮ።

ኣቢያይኔ ኢዮርባአሜይ ኦሌቲሼ ዳኢዳ።

3 ኣቢያይ ዶራቲዳ 400,000 ሚኖ ኦላንቻታ ኤኪዲ ኦላናሰ ኬኢን ኢዮርባአሜይካ ዶራቲዳ 800,000 ሚኖ ኦላንቻታ ኤኪዲ ኣቢያራ ኦሌታናሰ ኬኢዳስ።

4 ሃሳፌ ጉዬ ኣቢያይ ኤፍሬሚ ጌዜን ዳኢዛ ዛማራይሚ ዙማ ሁኡን ኤቁዳ፡ «ሃይሶ ኢዮርባአሜ! ቃሴካ ኢንቴና ኢሰራኤሌ ኣሳቶ! ኡባይካ ታኒ ገዛይሳ ሰይቲ!

5 ኢሰራኤሌ ጎዳይ ዳዊቲኔ ኢዛ ዜሬላቲ ኢሰራኤሌ ቦላ ማርናሰ ካዋታና ማላ፡ ዳዊቲራ ኢዚ ላሚቶንታ ማጸኢ ጫቆ ጫቁቲዳይሳ ኢንቴ ኤሬኬቲዬ?

6 ገዶ ኣቲን ዳዊቲ ና ሶሎሞኔ ኣሸካራ፡ ናባጼ ና ኢዮርባአሜይ ዴንዲዲ ባ ጎዳ ቦላ ማካሊዳስ።

7 ኤርቢአሜይ ጋዚደንታ ዬላጋቴላን ኢስታራ ኤቁታናሰ ዳንዳዮንታ ዋዴ ፓሶንታ ሹፋሮ ኣሳቲ ኢዮርባአሜኮ ሺቁዲ ሶሎሞኔ ና ኤርቢአሜ ቦላ ሚኒዳ።

8 «ሃኢካ ጎዳይ ዳዊቲ ዜሬላታሰ ኢሚዳ ካዋቱላራ ኢንቴ ኤቁታናሰ ቆፔታ፤ ኢንቴ ሃሳ ቆፐዛይ ኢንቴሰ ኬሃፔ ጮራ ኦላንቻቲ ዲዛ ገሻሰኔ ኢንቴሰ ጸሳታ ገዳና ማላ ኢዮርባአሜይ ዋርቃፌ ኦሲሲዳ ማራ ሚሰሌቲ ኢንቴናራ ዲዛ ገሻሳ።

9 ኣርኔ ዛሪ ገዲዲ ጎዳሰ ኦሊዛ ቁሴታኔ ለዌታ ኢንቴ ዬዳሊዳታ። ሂሰቲዲ ሃራ ቢታ ኣሳይ ኦሊዛ ማላ ኢንቴሰ ሃራ ቁሴታ ሱንላዳታ። ባና ዲማሳናሰ ኢሲ ኮርማ ቦራኔ ላፑን ቆርሾ ኤኪዲ ዩዛ ኦኒኔ ዋርዶ ጸሳታሰ ቁሴ ገዳና ማላ ሱንላታ።

10 «ኦሰ ገዲኮ ጎዳይ ኦ ጸሳ፤ ኦኒ ኢዛ ኣገቢኮ። ኣርኔ ዛሪ ገዲዲ ጎዳሰ ኦሊዛ ቁሴቲ ኦሰ ዳቴሰ፤ ለዌቲ ኢስታ ማዳቴሰ።

11 ኢስቲ ኡባ ጋላሲ ማላዶኔ ኦማርሰ ጎዳሰ ጸጌቲዛ ያርሾ ያርሾቴሲኔ ሳዋዛ ኤጸኔ ጨዋሴቴሰ። ጎዳ ሲንላን ዋሊዛ ኡኩላ ጌሻ ጸራጸዛ ቦላ ዋሌቴሰ። ኦማርሰ ኦማርሰ ፖኢሳና ማላ ዋርቃፌ ኦሴቲዳ ጸዎፔታ ዋሊዛ ባላን ዋሊዲ ገቢሴቴሰ። ጋሪይካ ኦኒ ጎዳ ኦ ጸሳ ኣዛዘታ ናጎሰ፤ ኢንቴ ገዲኮ ኣገገዳታ።

12 ቤኢቲ፡ ጸሲ ኦናራ ዳሰ፤ ኢዚ ኦና ካሌሊዘይ፡ ኦላ ዛዬ ፑኒዛ ኢዛ ቁሴቲካ ኦናራ ዳቴሰ፤ ኦኒ ኢንቴናራ ኦላ ዶማናሰ ኢሰቲ ዛዬ ፑናና። ኢሰራኤሌ ኣሳዉ! ኢንቴሰ ሎኦንታ ገሻሰ ኢንቴ ኣዋታ ጎዳራ ኦሌቶፍቲ!» ገዳስ።

12:9 1ካዋ 10:16-17፤ 2ጎሪ 9:15-16 * 13:2 ሚካዮ ዋይኮ ማእኮ ጌቲታዉሰ። 2ጎሪ ማጻፋን 11:20 ጸላ።

13 ሄ ዎዴ ኢዮርባኣሚይ ባ ኦላንቻታፔ ጉላቲ ኢሰታፊ ጉዬራ ዛማዲ ናጋና ማላ ዩዲዴስ። ሃንኮ ኣቲዳ ኢሰራኤሌ ኦላንቻቲ ዩሁዳ ኦላንቻታራ ቲራን ጋይታና ማላ ኦላዲዴስ።

14 ዩሁዳ ኦላንቻቲ ጉዬ ሲሚ ጸሊዛ ዎዴ ኢሰታ ኦላናሰ ዩዲይቲ ጉዬራን ሲንጻራ ዳኢዛይሳ ቤኢዲ ጎዳኮ ዋሲዳ፤ ቁሴቲካ ባ ዛዬ ፑኒዳ።

15 ሃሳፊ ጉዬ ዩሁዳ ኦላንቻቲ ኦላሰ ማጉሊሽ ጨቁቲዳ፤ ሄ ዎዴ ጸሳይ ኢዮርባኣሚይ ኢሰራኤሌ ኣሳ ኡባ ኣቢያ ሲንጻኒይ ዩሁዳ ሲንጻን ሾጪዳስ።

16 ኢሰራኤሌ ኦላንቻቲ ዩሁዳ ኦላንቻታ ሲንጻፊ ባቃቲን ጸሲ ኢሰታ ዩሁዳ ኦላንቻታ ኩሼን ኣሊ ኢሚዳስ።

17 ኣቢያይ ኢዛ ኦላንቻቲ ኢሰታ ሱፑ ሂሰቲዳ፤ ኢሰራኤሌ ኦላንቻታፔ 500,000 ዶራቲዳ ኦላንቻቲ ሃይቁዳ።

18 ኢሰራኤሌ ኣሳይ ሄ ዎዴ ካወዪዳስ፤ ዩሁዳ ኣሳይ ጎዳ ባንታ ኣዋታ ጸሳን ኣማኔቲዳ ጊሻሰ ኢሰታ ጸኒዳስ።

19 ኣቢያይ ኢዮርባኣሚ ዩዳዲዲ ኢዛፔ ቤቴሌ ካታማ፣ ዩሻኒ ካታማ፣ ኤፍሮኔ ካታማ ኢሰታ ሞላታራ ጋሊ ኦይኪዳስ።

20 ኣቢያይ ዳኢዳ ላይላ ኡባን ኢዮርባኣሚይ ሲሚዲ ሚኒቤና፤ ጎዳይ ኢዮርባኣሚ ዳቺን ሃይቁዳስ።

21 ጊዶ ኣቲን ኣቢያይ ሚኒ ሚኒ ቢዳስ። ኣቢያይ 14 ማቺታ ኤኪዲ 22 ኣቲማ ናይታኔ 16 ማጫ ናይታ ዩሊዳስ።

22 ኣቢያይ ኦሊዳ ሃራቲ፣ ኢዚ ሃኒዳዚኔ ኢዚ ጊዳዚ ኡባይ ናቤ ኢዶ ታሪኬ ማጻፋን ጻፊቲ ኡቲዳስ።

14

ዩሁዳ ካዎ ኣሳ

1 ኣቢያይ ሃይቁዳስ፤ ዳዊቲ ካታማንካ ሞጌቲዳስ፤ ኢዛሶሆን ኢዛ ና ኣሲ ካዎቲዳስ፤ ኢዚ ካዎቲዳ ዎዴ ቢታይ ታሙ ላይላ ዎፓ ዳሚዳስ።

2 ኣሲ ጎዳ ባ ጸሳ ሲንጻን ሎኦኔ ሱሬ ሚሽ ኦሊዳስ።

3 ኣሲ ኣላጋ ጸሳታሰ ያርሺዛሶሆታኔ ጎይኒዛ ጶቃሶሆታ ጳይሲዳስ። ጎይናናሰ ሹቻፊ ኦሴቲዳ ቱሳታካ ማንጮሬሊዳስ፤ ኣሽሮ ጌቴቲዛ ኤቃ ጸሳይ ሚሰሌታካ ቃንጾሬሊ ዩጊዳስ።

4 ዩሁዳ ኣሳይ ጎዳ ባንታ ኣዋታ ጸሳ ኮያና ማላ፣ ኢዛ ዎጋኔ ኢዛ ኣዛዘታ ናጋና ማላ ኣሲ ኣዛዚዳስ።

5 ቃሴ ጎይኒዛ ጶቃሶሆታኔ ኤጻኔ ጨዋሲዛ ሶሆታ ዩሁዳ ካታማ ኡባፊ ጳይሲዳስ። ሂሰቲን ኢዛ ካዎቲላ ላይላን ቢታይ ዎፓ ዳሚዳስ።

6 ካዎ ኣሲ ዩሁዳን ዳኢዛ ካታማታሰ ሚጸታ ሚጳዳስ። ጎዳይ ኢዛ ሹምፕሲዳ ጊሻሰ ቢታይካ ሹምፕዳስ፤ ሄ ላይላታን ኢዛራ ኦኒካ ኦሌቲቤና።

7 ኣሲ ዩሁዳ ኣሳ፣ «ኣኔ ኦኒ ሃ ካታማታ ኬጸሰ፤ ኬጸዲ ኢሰታ ዩሻን ሚጸታ፣ ገምቤታ፣ ፔንጌታኔ ፔንጌታ ጎርዲዛ ኮላታታ ኦላሰ። ኦኒ ኦ ጎዳ ኮዩዳ ጊሻሰ ቢታያ ሃኢካ ኦሳ። ኦኒ ኢዛ ኮዩዳ ጊሻሰ ኢዚ ኦሰ ኡባ ባጋራ ዎፓ ኢሚዳስ» ጊዳስ፤ ሃሳ ጊሻሰ ኢሰቲ ካታማታ ኬጸ ፖሊዳ።

8 ኣሳሰ ዎጋ ጎንዳሌታኔ ቶራታ ኦይኪዛ 300,000 ኦላንቻቲ ዩሁዳ ዛሬፔ ዳቴሰ፤ ቃሴ ቁሪ ጎንዳሌታ ኦይኪዛይቲኔ ዎንዳፊ ዳኪዛይቲ 280,000 ኦላንቻቲ ቢኒያሚ ዛሬፔ ዳቴሰ። ሃይታንቲ ኡባይካ ሚኖ ኦላንቻታ።

9 ዛራሄ ጌቴቲዛ ኢሲ ቶጵያ ኣሲ 1,000,000 ኦላንቻታኔ 300 ፓራ-ጋሬታ ኤኪዲ ዩሁዳ ኦላናሰ ዩዲ ማሬሻ ጋኪዳስ።

10 ኣሲካ ኢዛራ ኦሌታናሰ ኬኢዲ ባ ኦላንቻታ ማሬሻ ማታን ዳኢዛ ጸፋቴ ዙሌን ሶሆ ሶሆ ኦይሊዳስ።

11 ሃሳፊ ጉዬ ኣሲ ጎዳ ባ ጸሳ፣ «ኣቤት ጎዳወ! ዎልቃይ ባይንዳ ኦላንቻቲ ዎልቃማ ኦላንቻታ ጸናና ማላ ማዲዛይ ኔፔ ኣቲን ሃራይ ባዎ! ኣቤት ጎዳወ ኦ ጸሳወ! ኦኒ ኔናን ኣማኔቲዲ ሃ ጮራ ኦላንቻታራ ኔ ሱንጻን ኦሌታናሰ ዩዳ ጊሻሰ ኦና ማዳ። ኣቤት ጎዳወ! ኦኒ ኦ ጸሳ፤ ኔና ኣሲ ጸኔና» ጊዲ ዋሲዳስ።

12 ሃሳ ጊሻሰ ጎዳይ ኣሳ ሲንጻኒይ ዩሁዳ ኦላንቻታ ሲንጻን ቶጵያ ኦላንቻታ ሾጪዳስ፤ ሂሰቲን ቶጵያ ኦላንቻቲ ባቃቲዳ።

13 ኣሲኔ ኢዛራ ዳኢዛ ኦላንቻቲ ኢሰታ ጌራሬ ጋካናሰ ዩዳዲዳ። ቶጵያ ኦላንቻታፔ ዳርይ ሃይቁዳ ጊሻሰ ኢሰቲ ሲሚዲ ሚናናሲኔ ኦሌታናሰ ዳንዳይቤቴና። ሃሳላ ሃኒዲ ቶጵያ ኦላንቻቲ ጎዳኒኔ ኢዛ ኦላንቻታን ጸኔቲዳ። ካዎ ኣሳ ኦላንቻቲካ ዳር ሚሽ ዲኢዳ።

14 ጌራሬ ዩሻን ዳኢዛ ካታማታ ኡባ ቦላ ኬሂ ዳጋንጢዛ ሚሽ ጎዳ ማታፔ ዎጲዳ ጊሻሰ ኣሲኔ ኢዛ ኦላንቻቲ ካታማታ ጳይሲዳ፤ ኬሂ ዳር ሚሽ ሄፔ ቦንቁ ኤኪዳ።

15 ቃሴ ሚሃ ሃሚዛይታ ሞላታ ኦሊዲ ዳር ዶርሰ፣ ዳይሺኔ ጋሚላ ዲኢ ኤኪዲ ዩራሳላሚ ሲሚዳ።

15

ኣሲ ዩሁዳ ካታማ ጌሺዳስ

1 ኦዴዴ ና ኣዛሪያሳ ቦላ ጸሳ ኣያናይ ዎጲዳስ።

2 ኢዚካ ኣሳራ ጋይታናሰ ቢዳ፣ «ኣሳ፣ ዩሁዳ ኣሳወ! ቢኒያሚ ኣሳወ ኢንቴ ኡባይካ ሲዩቲ! ኢንቴ ጎዳራ ኢሲፊ ዳኢኮ ኢዚካ ኢንቴናራ ዳኣና። ኢንቴ ኢዛ ኮይኮ ኢዚ ኢንቴሰ ቤታና፤ ኢንቴ ኢዛ ኣጊኮ ኢዚካ ኢንቴና ኣጋና።

3 ኢሰራኤሌ ኣሳይ ቱሙ ጸሲ፣ ታማርሲ ቁሴይኔ ዎጋይ ባይንዳ ዳር ዎዴ ዳኢዳስ።

4 ጊዶ ኣቲን ባንታና ሚቶይ ጋኪዳ ዎዴ ኢሰቲ ጎዳ ኢሰራኤሌ ጸሳኮ ሲሚዲ ኢዛ ኮዩን ኢዚ ኢሰታሰ ቤቲዳስ።

5 ሄ ዎዴ ቢታ ኡባ ቦላን ዳር ሸርይ ዲዛ ጊሻሰ ኣሲ ሳርን ኬዚ ጌላናሰ ኣማንጮና።

6 ጸሲ ኢሰታ ዲማ ዲማ ሚቶን ዩጊዳ ጊሻሰ ዳሬይ ካዎቲላ ቦላ፣ ካታማይካ ካታማ ቦላ ዳንዲዲ ኢሶይ ኣሳ ጳይሲዳስ።

7 ኢንቴ ጊዲኮ ኢንቴ ኦሊዳ ኦሶሰ ዎይቶይ ዳኢዛ ጊሻሰ ሚኒቲ! ላፎፕቲ!» ጊዳስ።

8 ኦዴዴ ና ናቤ ኣዛሪያሲ ዮቲዳ ቃላ ሲዩዲ ኣሲ ሚኒዳስ። ኣሲ ዩሁዳኔ ቢኒያሚ ቢታታ ኡባፊኔ ኤፍሬሚ ጌዜን ኢዚ ኦሊ ኦይኪዳ ካታማታፔ ሃራሲዛ

ኤቃ ሚስሌታ ጳይሲዳስ። ሃሳፌ ጉዬ ጸሳ ኩላ ሲንላን ዴኢዛ ጎዳስ ያርሾ ያርሺዛሶሆዛካ ኦራሊዳስ።

9 ጎዳይ ኢዛ ጸሲ ኢዛራ ዴኢዛይሳ ቤኢዳ ገሻሰ ዳር አሳይ ኢሰራኤሌፕ ኢዛኮ ዩዳስ፤ አሲ ዩሁዳ አሳኔ ቢኒያሜ አሳ ኡባ፣ ኢሰታራ ዴኢዛ ኤፍሬሜ ዛሬታ፣ ሚናሴ ዛሬታኔ ሲሞና ዛሬታ ሺሺዳስ።

10 አሲ ካዋቲዳ ታማኔ ኢቻሻንሉ ላይላን፣ ሃቫንሉ አገናን ሃ አሳይ ዩራሳላሚን ሸቂዳስ።

11 ሃ ዋዴ ዲኢ ኤሂዳይሳፌ 700 ኮርማታ፣ 7,000 ደርሲኔ ዴይሽ ጎዳስ ያርሺዳስ።

12 ጎዳ ባንታ አዋታ ጸሳ ባንታ ኩሜላ ዋዚናፕኔ ባንታ ኩሜላ ሸምፖሬ ኮያናሰ ቃላ ጌሊዳ።

13 «ጎዳ ኢሰራኤሌ ጸሳ ኮኖንታ አሲ ጉላ ገዲን ገታ ገዲን፣ አቱማ ገዲን፣ ማጫ ገዲን ሃይቆ» ገዲ ጫቂዳ።

14 ሃሳ ቦላ ጉጂዲ ዛዬን፣ ዲንኬኒኔ ኢሊሊሳን ባንታ ቃላ ቶቄ ሂሰቲዲ ጎዳስ ጫቂዳ።

15 ኢሰቲ ኩሜላ ዋዚናፕኔ ጫቂዳ ገሻሰ ሃ ጫቆዛን ዩሁዳ አሳይ ኡባይ ኡፋዬቲዳስ፤ ጸሳ ኢሰቲ ላሞቲዲ ኮዩን ኢዚ ኢሰታሰ ቤቲዳስ። ጎዳይ ኢሰታሰ ኡባ ባጋራካ ዋፓ ኢሚዳስ።

16 ካዋ አሲ ባ አዋ ኢያ ማኢካ አሼር ጌቲቲዛ ጸሳይሰ ሃራሲዛ ኤቃ ሚስሌ ሜዲዳ ገሻሰ ኢዛ ካዋ አዬቲላ ቦንቻፌ ዲገዳስ። አሲ ሃ ኤቃ ሚስሌዛ ቃንጾሬሊ ሜንጼሬሊዳ፣ ቁዲርኔ ዙሉን ጸገዳስ።

17 ጎይኒዛ ቶቃሶሆታ አሲ ኢሰራኤሌ ቢታፌ ሙሌራ ጳይሶንታ አገኮካ ኢዚ ባ ዴኢዳ ላይላ ኡባን ጎዳስ ዋዚናፕኔ አማኔቲዛ አሰ ገዲዲ ዴኢዳስ።

18 ኢዚኔ ኢዛ አዋይ ጸሳሰ ዲማሲ ዋሊዳ ቢራ፣ ዋርቃኔ ዲማ ዲማ ሚሻታ ኤሂዲ ጸሳ ኩላ ገደን ዋሊዳስ።

19 አሲ ካዋቲዳ 35 ላይላ ጋካናሰ ኦላይ ዳና።

16

አሳሰ ወርሴላ ላይላታ (1ካዋ 15:17-22)

1 አሲ ካዋቲዳ 36 ላይላን ኢሰራኤሌ ካዋ ባሼይ ዩሁዳ ቦላ ዋራጂዳስ፤ ሂሰቲዲ ዩሁዳ ካዋ አሳኮ ኦኒካ ጌሎንታ ማላኔ ኬዘንታ ማላ ቲቃናሰ ኤራማ ካታማ ዩዩ አሳናሰ ሚንሊ ገምቢዳስ።

2 ሃሳ ጋሶን ካዋ አሲ ጸሳ ኩላኔ ባ ካዋቲላ ኩላ ቡቁራ ሚንጂዛሶፕ ዋርቃኔ ቢራ ኤኪዲ ዳማሰቆ ካታማን ዴኢዛ አራሜ ካዋ ቤኒ-ሃዳዳስ ኩሼ ጌንሉ ዩዲዳስ።

3 ሃ ኩሼ ጌንሉዛ ዩዲሹ፣ «ካሴ ታ አዋራኔ ኔ አዋራ ጫቂቲዳ ማላ አኔ ታናራኔ ኔናራ ጫቂቶስ፤ ሃኮ ታኒ ኔሰ ቢራኔ ዋርቃ ዩዲዲስ። ኢሰራኤሌ ካዋ ባሼይ ባ ኦላንቻታ ታ ቢታፌ ኬሳና ማላ፣ ኔኒ ካሴ ኢዛራ ጫቂቲዳ ጫቆዛ ላላ» ገዳስ።

4 ቤኒ-ሃዳዳይ ካዋ አሲ ገዳይሳን ኩዩዲ፣ ባ ኦላ ጋዳዋታ ኢሰራኤሌ ካታማታ ኦላናሰ ዩዲዳስ። ሃይቲ ኢዮኔ፣ ዳኔ፣ አቤሊ-ማይሜ ጌቲቲዛ ካታማታኔ ኒፍታሌሜ ቢታን ዴኢዛ ሚሻ ሚንጂዛ ካታማታ ኡባ ኦሊ ኦይኪዳ።

5 ባሼይ ሃሳ ሲዩዲ፣ ኤራማ ካታማ ገምቢዳይሳ አገዳስ።

6 ሃሳፌ ጉዬ ካዋ አሲ ዩሁዳ አሳ ኡባ ሺሺን አሳይ ባሼይ ካሴ ሃን ጎኤቲዛ ሹቻኔ ሚላ ኤራማፕ ሚዩዳስ። ሂሰቲን ኢዚ ጌባኔ ሚጸጸ ጌቲቲዛ ካታማታ ኢዛን ሚንሊዲ ገምቢዳስ።

ናቤ ሃናኔ ቃሼቴላ

7 ሃ ዋዴ ናቤ ሃናኒያይ ዩሁዳ ካዋ አሳኮ ቢዲ፣ «ኔኒ አራሜ ካዋን አማኔታዳ፣ ጎዳ ኔ ጸሳን አማኔቶንታ ገሻሰ አራሜ ካዋ ኦላንቻቲ ኔ ኩሼፕ ኬሲ ኤኪዳ።

8 ቶጵያ አሳቲኔ ሊቢያ አሳቲ፣ ጮራ ፓራ-ጋራቲኔ ፓራቲ ዴኢዛ ዳር ኦላንቻታ ገዴቲኔ? ገደ አቲን ኔኒ ጎዳን አማኔቲዳ ገሻሰ ጎዳይ ኢሰታ ኔ ኩሼን አሊ ኢሚዳስ።

9 ባ ኩሜላ ዋዚናፕኔ ጎዳ አማኔቲዛ አሰ ሚንጼላናሰ ጎዳ አይፌይ ሳኦ ቦላን ኡባሶ ጸሊሰ። ኔኒ ሃ ዮኦዛን ኤያቴላ ኦሶ ኦሊዳ ገሻሰ ሃቸፌ ዶሚን ኔፕ ኦላይ ዲጾና» ገዳስ።

10 ሃሳ ጋሶን አሲ ናቤዛ ቦላ ዳር ሃንቁቲዲ ቃሾ ኩላን ዩገዳስ። ቃሴካ አሲ ሃ ዋዴ አሳፕ ጉላታ ኬሂ ኡንኤሊዳስ።

ካዋ አሳ ሃይቆ

(1ካዋ 15:23-24)

11 አሲ ኦሊዳ ሚሻቲ ኮይርፕ ወርሴላ ጋካናሰ ዩሁዳ ካዋታኔ ኢሰራኤሌ ካዋታ ታሪኬ ማጻፋን ጸፊቲ ኡቲዳስ።

12 አሲ ካዋቲዳ 39 ላይላን ቶሆ ሳኬቲዳስ፤ ኢዛሰ ሳኮይ ኬሂ ሚኒኮካ ኢዚ አኪሜታ ኮዩዳሲፌ አቲን ጎዳ ኮዩቤና።

13 አሲ ባ ካዋቲዳ 41 ላይላን ካሴ ባ አዋቲ ሃይቂዳ ማላ ሃይቂዳስ።

14 አሲ ባሰ ዳዊቲ ካታማን ሹቻ ዋጪዲ ገግሲዳ ዲፎን ዋሊዳ። ሂሰቲዲ ዲማ ዲማ ሺቶይኔ ሳዋይ ዴኢዛ አርሳ ቦላ ኢዛ አሃ ዋሊዳ። ኢዛ ቦንቻሰ ዳር ሚላ ዶሪዲ ታማ ኤሊሼ ኬሂ ዩኪዳ።

17

ኢዮሳፊጾ ካዋቲላ

1 አሳ ና ኢዮሳፊጾይ ኢዛሶሆን ካዋቲዳስ፤ ኢዮሳፊጾይ ኢሰራኤሌ ኦላናሰ ሚኒዳስ።

2 ገምቤቲ ኡቲዳ ዩሁዳ ካታማታ ኡባን ኦላንቻታ ዋሊዳስ፤ ቃሴ ዩሁዳ ቢታኒኔ ኢዛ አዋ አሲ ኦሊ ኦሊ ኦይኪዳ ኤፍሬሜ ቢታ ካታማታን ዋሊዳስ።

3 ኢዚ ቡር ዩላጋቲላ ላይላን ባ አዋ ዳዊቲ ኦጌ ካሊዳ ገሻሰ ጎዳይ ኢዮሳፊጾራ ገዲዳስ፤ ኢዚ ባኦሌ ኤቃታ ጎይኒቤና።

4 ኢሰራኤሌ አሳይ ኦሊዳይሳ አገዲ ባ አዋ ጸሳ ኮዩዳስ፤ ኢዛ አዛዘካ ፖሊዳስ።

5 ሃሳ ገሻሰ ጎዳይ ኢዛ ካዋቲላ ሚንሊዳስ፤ ዩሁዳ አሳይ ኡባይ ኢዮሳፊጾስ ኢምታ ኤሂዳስ፤ ሂሰቲን ኢዚ ኬሂፕ ዲሬቲዳሲኔ ቦንቹቲዳስ።

6 ኢዮሳፊጾይ ጎዳሰ ዋዚናፕኔ ኦሊዛ አሰ ገዲዳስ፤ ሃሳካ ጎይኒዛ ቶቃሶሆታኔ አሼር ጌቲቲዛ ኤቃ ጸሳይ ሚስሌታ ዩሁዳ ቢታፌ ጳይሲዳስ።

7 ኢዮሳፊጾይ ባ ካዋቲዳ ሃቫንሉ ላይላን ዩሁዳ ካታማታን ታማርሳና ማላ ባ ኦላንቻታ ቤኒ-ሃይሌ፣ አብዲዩ፣ ዛካራሳ፣ ናቲናኤሌኔ ሚካያ ኪቲዳስ።

8 ቃሴ ኢስታራ ኢሲፌ ለዌታ ሻማኤ፣ ናታኒያ፣ ዛባዲያ፣ አሳሄሌ፣ ሻሚራሞቴ፣ ዮናታኔ፣ አድኒያሳ፣ ጸቢያኔ ጸባድኒያ ዩዲዳሰ፤ ቃሴካ ቄሴታፔ ኤልሻማኔ ኢዮራሜ ኢስታራ ኢሲፌ ከቲዳሰ።
 9 ኢስቲ ኡባይ ጎዳ ዋጋ ማጻፋ ባንታናራ ኤኪዲ ዩሁዳ ቢታን ዴኢዛ ካታማታ ኡባ ቢዲ ያን አሳ ታማርሲዳ።

ኢዮሳፊዶ ገታቴል

10 ዩሁዳ ቢታ ዩሻን ዴኢዛ ካዋቴላታ ኡባ ጎዳይ ያሽሲን ኢስቲ ኢዮሳፊዶራ ኦሌቲቤቴና።
 11 ፊሊሰጶሜ አሳታፔ ጉላቲ አሞታኔ ገራ ቢራ ኢዮሳፊዶስ ኤሂዳ፤ ቃሴ አራቤቲካ ኢዛስ 7,700 ላርሾኔ 7,700 ኦርጌታ ኤሂዳ።
 12 ሄሳ ገሻስ ኢዮሳፊዶይ ከሂፔ ሚኒ ሚኒ ቢዳሰ። ኢዚ ዩሁዳን ሚጻታኔ ኢስታን ሚንጃ ሚሽ ዋሊዛ ካታማታ ኦሊዳሰ።
 13 ኢዚ ሄ ካታማታን ዳር ሚሽ ሚንጃዲሰ። ኢዚ ኤራቲዳ ሚሮ ኦላንቻታ ዩራሳላሚን ዋሊዳሰ።
 14 ኢስቲ ባንታ ቆሞን ቆሞን ሃይሳፌ ካሊ ጸፊቲዳይታ። ዩሁዳ ቆሞፌ ሻላቃ አዲናሄኔ ኢዛራ 300,000 ሚሮ ኦላንቻቲ ዳቴሰ።
 15 አዲናሄ ካሊዲ ዴኢዛ ሃላቃ ዩሆሃናኔኔ ኢዛራ 280,000 ሚሮ ኦላንቻቲ ዳቴሰ።
 16 ሄሳፌ ካሊዲ ጎዳ ኦሶስ ባ ሾኔን ባና አሊ አሚዳ ዚኪሬ ና አማሲያራ 200,000 ሚሮ ኦላንቻቲ ዳቴሰ።
 17 ቢኒያሜ ቆሞፌ ሃላቃ ኤልአዳኔ ኢዛራ ዋንዳፌኔ ጎንዳሌ ኦይኪዳ 200,000 ሚሮ ኦላንቻቲ ዳቴሰ።
 18 ኤልዳኤ ካሊዲ ዴኢዛ ሃላቃ ዩሆዛባዴኔ ኢዛራ ኦላ ባናስ ገዴቲዳ 180,000 ኦላንቻቲ ዳቴሰ።
 19 ሃ ኡባ ኦላንቻቲ ካዋዛስ ዩራሳላሚን ኦሊዛይታ፤ ኢስታ ቆዳይ ዩሁዳን ዴኢዛ ገምቤቲዳ ካታማታን ኡባን ካዋዚ ዋሊዳ ኦላንቻታ ጉጃና።

18

ናቤ ሚኪያሲ አካቤሰ ዮቲዳ ቃላ (1ካዋ 22:1-28)

1 ኢዮሳፊዶይ ከሂፔ ዲሬቲዳሲኔ ቦንቼቲዳሰ፤ ቃሴ አካቤራካ ቦሎቲዳሰ።
 2 አማርዳ ላይሳፌ ጉዩን ኢዮሳፊዶይ አካቤ ቤአናስ ሳማሪያ ቢዳሰ። አካቤይ ኢዛሰኔ ኢዛራ ኢሲፌ ዴኢዛ አሳስ ዳር ደርሳታኔ ቦራታ ሹኪዳሰ፤ ሂስቲዲ ኢዮሳፊዶይ ገላኦዴን ዲዛ ኤራሞቴ ካታማ ኦላናስ ባናራ ባና ማላ አማንሉዳሰ።
 3 ኢሰራኤሌ ካዋ አካቤይ ዩሁዳ ካዋ ኢዮሳፊዶ፣ «ገላኦዴን ዲዛ ኤራሞቴ ኦላናስ ታናራ ባኔ?» ገ ኦይቼዳሰ።
 ኢዮሳፊዶይ፣ «ኤ፣ ኔኒ ኦላ ባናስ ገገዛ ዋዴ አዉዴካ ኦኒ ኔናራ ባና። ታ ኦላንቻቲ ኔ ኦላንቻታ ማላ» ገዴሰ።
 4 ቃሴካ ኢዮሳፊዶይ ኢሰራኤሌ ካዋስ፣ «ገዴ አቲን ኔኒ ካሴታዳ ጎዳ ኦይቻ» ገዴሰ።

5 ሄሳ ገሻስ ኢሰራኤሌ ካዋዚ ቲንቢቲ ዮቲዛ 400 ናቤታ ሺሺዲ፣ «ታኒ ገላኦዴን ዲዛ ኤራሞቴ ካታማ ኦላናስ ቦዩ ቦፖ?» ገዴ ኢስታ ኦይቼዳሰ።
 ሂስቲን ኢስቲ፣ «ጸሳይ ሄ ካታማዛ ካዋ ኩሼን አሊ አማና ገሻስ ባ!» ገዴ።
 6 ኢዮሳፊዶይ ገዴኮ፣ «ኦኒ ኦይቻና ማላ ጎዳ ናቤይ ሃራይ ዳኔ?» ገዴሰ።
 7 ኢሰራኤሌ ካዋዚ ኢዮሳፊዶስ፣ «ኦኒ ኢዛ ባጋራ ጎዳ ሾኔ ኦይቻናስ ኢሲ አሲ ዲሳ ዳሰ፤ ገዴ አቲን ኢዚ ኡባ ዋዴካ ታ ገሻስ ኢታ ሚሽ ዮቲሲፌ አቲን ሎኦ ሚሽ ዮቲ ኤርንታ ገሻስ ታ ኢዛ ኢዳይሰ፤ ሄሰካ ዩሚላ ና ሚኪያሳ» ገዴሰ።
 ኢዮሳፊዶይ፣ «ካዋይ ሄሳ ማላ ጋናስ ቤሴና!» ገዴሰ።
 8 ሄሳፌ ጉዩ ኢሰራኤሌ ካዋዚ ባ ሹሚታፔ አሳ ጸይገዲ፣ «ባዳ ዩሚላ ና ሚኪያሳ ኤሶን ኤካ ያ» ገዴሰ።
 9 ኢሰራኤሌ ካዋይኔ ዩሁዳ ካዋ ኢዮሳፊዶይ ባንታ ካዋቴላ ማይኦ ማይኢዲ ሳማሪያ ካታማ ጌሊዛ ፔንጌን ዲዛ ባሌን ባንታ ካዋቴላ አራታን ኡቲን ናቤቲ ኡባይ ኢስታ ሲንላን ቲንቢቲ ዮቲቴሰ።
 10 ኢስታፌ ኢሶይ ከንኣኔ ና ሴዴቁያሲ ቢራታፔ ካጩታ ገግሲዲ አካቤሰ፣ «ጎዳይ፣ ሳራሜ አሳቲ ጳያና ጋካናስ ኔኒ ኢስታ ሃ ካጩታን ቃይጫና ጌሰ» ገዴሰ።
 11 ሃንኮ ናቤቲ ኡባይ፣ «ጎዳይ ሄ ካታማ ካዋ ኩሼን አሊ አማና ገሻስ ገላኦዴን ዲዛ ኤራሞቴ ካታማ ባዳ ኦላ ኦይካ» ገዴ ኢሲ ማላ ቃላ ዮቲዳ።
 12 ሄሳፌ ጉዩ ሚኪያሳ ጸይገናስ ከቲቲ ቢዳይሲ ኢዛ፣ «ቤአ፣ ሃንኮ ናቤቲ ኡባይ ኢሲ ቃላን፣ ሳዋዚ ሃ ኦላ ጸናና» ገዴ ዮቲዳ፤ ሄሳ ገሻስ ሃያና ኔ ዮቲዛ ቃላይካ ኢስታ ቃላ ማላ ገዴ፤ ኔኒካ ካዋ ኡፋይሲዛ ሎኦ ቃላ ዮታ» ገዴሰ።
 13 ሚኪያሲ ገዴኮ፣ «ዳኦ ጎዳይ ቤአን፣ ታ ጸሳይ ዮቶር ታኒ ዮታና» ገዴሰ።
 14 ሚኪያሲካ ካዋዛኮ ዩዳ ዋዴ ካዋዚ ኢዛ፣ «ሚኪያሳ፣ ኦኒ ገላኦዴን ዲዛ ኤራሞቴ ኦላናስ ቦኒዩ ቦፒና?» ገዴ ኦይቼዳሰ።
 ሚኪያሲ ካዋዛስ፣ «ቢዲ ጸኒቲ፤ ኢስቲ ኔ ኩሼን አጲ አሚታና» ገዴሰ።
 15 ሂስቲን ካዋዚ ኢዛሰ፣ «ኔኒ ጎዳ ሱንላን ቱማፔ አቲን ሃራ ሚሽ ታስ ዮቶንታ ማላ ታኒ ኔና አፑንቶ ጫቁላናስ ኮሺዜ?» ገዴሰ።
 16 ሄሳፌ ጉዩ ሚኪያሲ፣ «ኢሰራኤሌ ኦላንቻቲ ኡባይ ሃንላንቻይ ባይንዳ ደርሳ ማላ ዙማታ ቦላ ላሌቲዳይታ ታኒ ቤአዲሰ፤ ጎዳይ ኢስታሰ፣ ሃይታሰ ጎዳይ ባዋ፤ ኢስቲ ኡባይካ ባንታ ሶ ባንታ ሶ ሳር ቤቶ» ገዴሰ።
 17 ሂስቲን ኢሰራኤሌ ካዋይ ኢዮሳፊዶስ፣ « ኢዚ ታ ገሻስ ኢታፔ አቲን ሎኦ ቲንቢቲ ዮቲ ኤራና» ገዴ ታኒ ኔስ ዮታቤኪና?» ገዴሰ።
 18 ሚኪያሲ ካሊሉዲ፣ «ሃኢካ ጎዳይ ገዛይሳ ሲያ! ጎዳይ ባ ካዋቴላ አራታን ኡቲን ሳሎ ኦላንቻቲ ኡባይ ኢዛፔ ኡሻቻ ባጋራኔ ሃዲርሳ ባጋራ ኡቁዳይሳ ታኒ ቤአዲሰ።
 19 ጎዳይ፣ «ኢሰራኤሌ ካዋ አካቤይ ገላኦዴን ዲዛ ኤራሞቴ ካታማ ቢዲ ሄን ሃይቃና ማላ ኢዛ ባሊላናይ

ኦኔ?) ገደብ፤ ሂሳብን አሰይህ ሃራ ቆፋ ሺሺን ሃንኮይሲ ሃራ ቆፋ ሺሺደስ።

20 ሃሳፌ ጉዬ አሲ አያናይ ኬዚ ጎዳ ሲንፋን ኤቁዲ፣ ታኒ ኢዛ ባለፋና) ገደብ። ጎዳ ጸሲ፣ ሳ ኢዛ ዋስታ ባለፋኔ?) ገደብ ይቆይ።

21 «ሂሳብን አያናዚ፣ ታኒ ባዳ ኡባ ናቤታ ዶናን ዋርዶ አያና ገደብ) ገደብ። ጎዳይ፣ ሂሳብን ባዳ ባለፋ፤ ኔስ ሃናና) ገደብ።

22 «ጎዳይ ኔ ቦላ ባሽ ኤሃናስ ቃቸዳ ገሻስ ሃ ናቤታ ዶናን ዋርዶ አያና ዋሊደስ» ገደብ።

23 ሃሳፌ ጉዬ ከንኦኔ ና ሴዴቁያሲ ሸቆዲ ሚኪያሳስ ቁንጻሌን ባቃ ሻዬዲ፣ «ጎዳ አያናይ ታፔ አዋ ባጋራ አጳዲ ኔስ ዮተዳ?» ገደብ።

24 ሚኪያሳስ ኢዛሰ፣ «ኔኒ ቆቲታናስ ቆልኦ ገሊዛ ጋላስ ኔ ኢዛ ደማና» ገደብ።

25 ሃሳፌ ጉዬ አሰራኤሌ ካዋዚ አሰታሰ፣ «ሚኪያሳ ይይኪዲ ካታማ አይሲዛ አዋኔሲኔ ታ ና አዮአሳስ ኤፊ አሚቲ።

26 ሂሳብን ሃይሳ አዳዛ ቃሾ ኬል ገልፈቴ፤ ታኒ ሳር ሲማና ጋካናስ ሚላ ኡኬሌኔ ሃላፊ አቲን ሃራ አይኮካ አዋፍቲ» ገደብ።

27 ሚኪያሳስ ኢዛሰ፣ «ቱሙ ኔኒ ሳር ሲሚዛ ገዲኮ ጎዳይ ታናን ሃሳይቤና ጉሳ!» ገደብ፤ ካለፈዲካ ሚኪያሳስ፣ «ሃይሳን ዲዛይቲ ኡባይ ታ ዮተዳይሳ ኡባ ዋዚናን ዋሊቲ» ገደብ።

አካቤ ሃይቆ (1ካዋ 22:29-35)

28 ሃሳፌ ጉዬ አሰራኤሌ ካዋይኔ ዩሁዳ ካዋ አዮሳፊዶይ ጋላኦን ዲዛ ኤራዋቲ ካታማ ኦላና ቢዳ።

29 አሰራኤሌ ካዋ አዮሳፊዶይ፣ «ታኒ ታ ማይኦ ለማዳ ሃራ አስ ሚሳታዳ ኦላስ ገላና፤ ኔኒ ገዲኮ ኔ ካዋ ካዋቲላ ማይኦ ማይኦ» ገደብ፤ ሂሳብን ኢሰራኤሌ ካዋይ ባ ማይኦ ለሚዲ ሃራ አስ ሚሳቲዲ ኦላስ ገሊደስ።

30 ሃ ዋዴ አራሜ ካዋይ ባ ፓራ-ጋሬታ አዛዚዛይታ፣ «አሰራኤሌ ካዋ ጸላ ኦሊቲ አቲን ሃራ ጉል ገዲን ገታ አሳራ ኦሊቶፍቲ» ገደብ አዛዚደስ።

31 ፓራ-ጋሬታ አዛዚዛይቲ አዮሳፊዶይ ቤኢዲ፣ «ሃይሲ አሰራኤሌ ካዋ» ገዲ ኢዛ ጫዳናስ ገደላዲ፤ ሂሳብን አዮሳፊዶይ ዋሲደስ፤ ጎዳይካ ኢዛ ማዲደስ፤ ጸሲ አሰታ ኢዛ ቦላፊ ጉዬ ዛሪደስ።

32 ፓራ-ጋሬታ አዛዚዛይቲ ኢዚ አሰራኤሌ ካዋ ገደንታይሳ ቤኢዲ ኢዛ ዩዴላዛይሳ ኦገሲ ሲሚዳ።

33 ገዲኮካ አሰይ ባ ዋንዳፊ ኦላንቻታ ቦላ ዱኪን ዋንዳፊዚ ቃዳ ማላ ጸራራይ ጋይቲዛሰን ዲዛ ጸኤራ ዩዲዲ አሰራኤሌ ካዋ ጫዲደስ፤ ሂሳብን ካዋዚ ባ ፓራ-ጋሬዛ ላገዛይሳ፣ «ታኒ ጫዴቲዳ ገሻስ ታና ኦላፔ ዛራ ኬሳ» ገደብ።

34 ሃ ጋላስ ኦላይ ዳንጸዳ ማላ ፔኢደስ፤ አሰራኤሌ ካዋ አካቤይ ባ ፓራ-ጋሬ ቦላ አርሼይ ወላናሽ ጋካናስ ዜምፕ ፔኢደስ፤ ሃሳፌ ጉዬ አርሼይ ወሊሺን ሃይቁደስ።

19

ናቤ አዶይ አዮሳፊዶይ ሴሪዳ ሴሪ

1 ሃሳፌ ጉዬ ካዋ አዮሳፊዶይ ባ ካዋቲላ ኬል ዩራሳላሜ ሳርን ሲሚደስ።

2 ሂሳብን ናቤ ሃናናና ና አዶይ ኢዛራ ጋይታናስ ቢዲ ካዋ አዮሳፊዶይ፣ «ኔኒ ኢታታ ማዳናስ ዋይኮ ጎዳ አዲዛይታ ሲቃናስ ቤሲዜ? ሃሳ ገሻስ ጎዳ ሃንቆይ ኔ ቦላ ዩደስ።

3 ገዲኮካ አሽሮ ጌቲቲዛ ኤቃ ጸሳይ ሚሰለታ ቢታፊ ኔ ዲገዳ ገሻሲኔ ጸሳ ኮያናስ ኔ ዋዚና ገግሲዳ ገሻሰ ኔኒ ሎኦ ኦላዳሳ» ገደብ።

አዮሳፊዶይ ሹሚዳ ዳናታ

4 አዮሳፊዶይ ዩራሳላሜን ይኢደስ። ቃሴ አዮሳፊዶይ ቤርሳቤሄፔ ዶሚዲ፣ ኤፍሪሚ ጌዜ ጋካናስ፣ አሳ ገደን ዩዩዲ፣ አሰታ አዋታ ጎዳኮ ዴራ ዛሪደስ።

5 ዩሁዳ ቢታን ይኢዛ ገምቤቲዳ ካታማታን ኡባን ዳናታ ሹሚደስ።

6 ሂሳብን ዳናታ፣ «አንቴ ፐርዳና ፐርዳይ አሳስ ገደንታ አንቴ ፐርዲዛ ዋዴ ኡባን አንቴናራ ዲዛ ጎዳስ ገዲዳ ገሻሰ ኬሂ ናጌቲዲ ፐርዲቲ።

7 ሃአካ አንቴ ጎዳስ ያዩቲ፤ ጎዳ ኦ ጸሳ ማታን ናቆ ፐርዳይ፣ ማዶ ፐርዳይኔ ማታኤ ሙሲ ባይንዳ ገሻሰ አንቴ ኦሊዛ ኡባን ናጌቲዲ ኦሊቲ» ገደብ።

8 አዮሳፊዶይ ዩራሳላሜን ጎዳ ዋጋ ፖሊሳናሲኔ አሳ ገደን ዳንዲዛ ዮኦታ ፐርዳና ማላ ለዌታፔ፣ ቆሴታፔኔ አሰራኤሌ ኬል አሳ ሃላቃታፔ አማርዳ አሳታ ሹሚደስ። አሰቲካ ዩራሳላሜን ይኢዳ።

9 ሃሳፌ ጉዬ አዮሳፊዶይ አሰታ፣ «ጎዳስ ያሻቲላን፣ አማኔቲላኒኔ ኩሚላ ዋዚናን ኦሊቲ።

10 ባ ካታማን ካታማን ይኢዛ አንቴ አሻቲ ሹምፖ ዋዶ ገሻሰ፣ ዋይኮ ዋጋ ገሻሰ፣ ዋይኮ አዛዘ ገሻሰ፣ ዋይኮ አዋጃ ገሻሰ፣ ዋይኮ ፐርዳስ አንቴኮ ኤሂኮ፤ አሰቲ ጎዳ ቆሆንታ ማላ አሰታ ሴሪቲ። አንቴ አሰታ ሴሪኮ ኢዛ ሃንቆይ አንቴ ቦላኔ አንቴ አሻንታ ቦላ ዩና፤ አንቴ ሃሳሶ ኦሊኮ አንቴ ሁኤስ አንቴ ዋራንቻ ገዴኬታ።

11 ጎዳ ባጋ ዮኦ ኡባስ አዋቲዛይ ቆሴታ ሃላቃ አማሪያ፤ ቃሴ ካዋ ባጋ ዮኦ ኡባስ አዋቲዛይ ዩሁዳ ዛሪታ ሃላቃ አሰማኤሌ ና ዛባዲያ። ለዌቲ አንቴ ሲንፋን ማታይ ዲዛ አሳ ማላ ኦላና። አንቴ ሚኒዲ ኦሊቲ፤ ሱራ ሃኒዛይታራ ጎዳይ አሲፊ ገደ» ገዲ አዛዚደስ።

20

አዋኔኔ ሞኦቤ ጸኔቴል

1 ሃሳፌ ጉዬ ሞኦቤቲኔ አዋኔቲ ቃሴ አሰታራ አሲፊ ማኤኔታፔ አማርዳይቲ አዮሳፊዶ ቦላ ዋራጂዳ።

2 አማርዳ አሳቲ አዮሳፊዶኮ ዩዲ፣ «ማጸኔ አባፊ ሃ ፐንፋን ዲዛ አራሜ ቢታፊ ዳር ኦላንቻቲ ኔና ኦላናስ ዩዲ ሃጸጸኔ ታማራ ጌቲቲዛ ኤን-ጋዴን ዴቲስ» ገደ።

3 ሂሳብን አዮሳፊዶይ ኬሂ ያዩዲ ጎዳ ኦይቻናስ ባ ቆፋ ቃቸዲ ዩሁዳ ቢታን ኡባን ጸማ አዋጂደስ።

4 ዩሁዳ አሳይ ኡባይ ጎዳፔ ማዶ ኮያናስ አሲ ቦላ ሸቁደስ፤ አሰቲ ጎዳፔ ማዶ ኮያናስ ዩሁዳ ካታማታ ኡባፊ ዩዲ።

5 አዮሳፊዶይ ዩሁዳ አሳይኔ ዩራሳላሜ አሳይ ሸቁዳ ዱላታ ገደን ጸሳ ኬል ሲንፋን ዲዛ ኦራላ ዛካዛን ኤቁዲ፣

6 «አቤት ጎዳ ኑ ጸሳወ! ሳሎን ዳኢዛ ጸሳይ ኔና! ሳኣን ዳኢዛ ካዎቴላታ ኡባ ሃሪዛይ ኔና! ዎልቃይኔ ማታይ ኔስ ዲዛ ገሻስ ኔናራ ኤቁታናስ ዳንዳይዛይ ዳና።

7 አቤት ኑ ጸሳወ! ካሴ ሃ ቢታን ዳኢዛይታ ኔ ዳሪ ኢሰራኤሌ ሲንጻፊ ዩዳዳዳ ኔ ሲቁዛ ኣብራሃማ ዜሪላታስ ማርናስ ኢሚዳይ ኔና!

8 ኢሰቲ ሃ ቢታን ዳኢዳ፤ ኢሰቲ ሃይሳን ኔ ሱንጻስ ጸሳ ኬል ኬዲዲ።

9 ሉባ ላ ፒርዳ ማሻይ፣ ዎይኮ ኢታ ሃርጌይ፣ ዎይኮ ኮሻይ ኑ ላ ጋኪኮ ኔ ሱንጻይ ኢዛን ጸይጌቲዳ ሃ ጸሳ ኬል ሲንጻኒኔ ኔ ሲንጻን ኤቁዲ ኑ ማቶዛ ገሻስ ኔኮ ዎሳና፤ ኔካ ኑ ዎሶ ሲያዳ ኑና ኣሻና ገዳ።

10 «ኢሰራኤሌ ዳሪይ ገብጻፔ ኬዚዳ ዎዳ ኢሰቲ ቢታ ዎራጃንታ ማላ ኔ ዲጊን ኢሰራኤሌ ኣሳይ ቆይሶንታ ኣጊን ሄን ኣቲዳ ኣሞኔ ኣሳይ፣ ሞኣቤ ኣሳይኔ ኤደማ ኣሳይ ኑ ላ ዎራጃዲ።

11 ኔኒ ኦሊዳይሳስ ኢሰቲ ኑስ ዛሪዳይሳ ቤኣ፤ ኔኒ ኑስ ኢሚዳ ጸንጾ ቢታፊ ኢሰቲ ኑና ዩዳናስ ዩዳ።

12 አቤት ኑ ጸሳወ፣ ኔኒ ኢሰታ ላ ፒርዲኪ? ኣይስ ጊኮ ኑና ኦላናስ ዩዳ ሃ ዳሮ ኦላንታታራ ኦሌታናስ ኑስ ዎልቃይ ባዎ፤ ኔኒ ኦላናይሳካ ኤርኮ፤ ገዳ ኣቲን ኑ ኣይፊቲ ኔና ጸሌቴስ» ገዳስ።

13 የሁዳ ኣሳይ ኡባይ ባንታ ማቸታራ፣ ባንታ ናይታራ፣ ባንታ ዩቆ ናይታራ ኢሲ ላ ጎዳ ሲንጻን ኤቁዳ።

14 ሃሳፊ ጉዬ ዛካራሳ ና ያሃዚኤሌይ ዳላታ ገደን ኤቁ ዲሺን ጎዳ ኣያናይ ኢዛ ላ ዎቆዳስ፤ ዛካራሲ ባናና ና፤ ባናያይ ዩኢኤሌ ና፤ ዩኢኤሌይ ማታኒያ ና፤ ማታኒያይ ሌዌ ቆሞ ኣሳፊ ዛርኬ።

15 ጎዳ ኣያናይ ያሃዚኤሌ ላ ዎቆን፣ «ካዎ ኢዮሳፊጾ፣ የሁዳኒኔ ዩሩሳላሜን ዲዛ ኣሳይ ኡባይ ሲዩቲ! ጎዳይ ኢንቴና፣ ሉላ ኦሌታናይ ጸሳ ኣቲን ኢንቴና ገደንታ ገሻስ ሃ ዳሮ ኦላንታታ ጋሶን ያዮፍቴኔ ዳጋሞፍቴ።

16 ዎንቶ ኢንቴ ኢሰታ ኦላናስ ዳጌ ዎቆቴ፤ ኢሰቲካ ኢንቴናራ ኦሌታናስ ዚዜ ፑዳንጻ ኬዛና፤ ኢንቴ ኢሰታ ዩሩኤሌ ባዘን ዲዛ ዙሌዛ ወርሴላን ዳማና።

17 ሃ ኦላ ኦሌታናይ ኢንቴና ገዳኬታ፤ ኢንቴ ሶሆ ሶሆ ኦይኪ ኤቁዲ ጎዳይ ኢንቴና ኣሺዛይሳ ቤኣቴ፤ የሁዳኒኔ ዩሩሳላሜን ዲዛ ኣሳወ ያዮፍቴኔ ዳጋሞፍቴ! ኢሰታራ ኦሌታናስ ዎንቶ ኬዚቴ፤ ጎዳይ ኢንቴናራ ገዳና ጌስ» ገዳስ።

18 ኢዮሳፊጾይ ጋዴን ጉፋኒ ጎይኒዳስ፤ የሁዳ ኣሳይኔ ዩሩሳላሜ ኣሳይ ኡባይ ጎዳ ሲንጻን ጉፋኒ ጎይኒዳስ።

19 ቃኣቲ ዛርኬታፔኔ ቆሬ ዛርኬታፔ ኣማርዳ ሌዌቲ ኤቁዲ ባንታ ቃላ ቆቁ ሂሰቲዲ ጎዳ ኢሰራኤሌ ጸሳ ጋላቲዳ።

20 ኢሰቲ ማላዶ ዎንታራ ዳንዲዲ ቴቁሃ ባዘ ባና ኬዚዳ፤ ኢሰቲ ኦኔ ኬዚዳ ማላ ኢዮሳፊጾይ ዳንዲ ኤቁዲ፣ «የሁዳኔ ዩሩሳላሜ ኣሳወ ታኒ ገዛይሳ ኤዘጊ ሲዩቲ፤ ጎዳን ኢንቴ ጸሳን ኣማኔቲቴ፤ ኢንቴ ማርና፤ ቃሴ ናቤታ ቃላን ኣማኔቲቴ፤ ዮኦ ኡባይ ኢንቴስ ኢንጃታና» ገዳስ።

21 ኢዮሳፊጾይ ኣሳራ ዘሪቲዳፔ ጉዬን ዩላ ዩዲዛይታኔ ጎዳ ጌሻቲላ ቦንቸዛ ሳቢዛይቲ ባንታ ሴሎ ማይኦ ማይኢዲ ኦላንታታ ሲንጻራ ቢሹ፣ «ጎዳ ጋላቲቴ!

ኢዛ ማርቴላይ ማርናሳ» ገዲ ዩጻና ማላ ኣዛዚዳስ።

22 ኢሰቲ ዩላ ዩላኔ ሳባ ደሚዳ ማላ የሁዳ ኦላናስ ዩዳ ኣሞኔታ ላ፣ ሞኣቤታ ላ፣ ኤደማታ ላ ጎዳይ ቆፖንታ ኦላ ዳንጉዳስ።

23 ኣሞኔቲኔ ሞኣቤቲ ኤደማታ ላ ዳንዲዲ ኢሰታ ሙሌራ ቆይሶዳፔ ጉዬን ባንታ ገደን ኢሶይ ኢሳ ቆይሳናስ ዳንዲዳ።

24 የሁዳ ኣሳይ ዲጌ ባዘዛ ቆንጮን ቤሲዛሶ ዩዲ ጮራ ኦላንታታ ቤኢሺን ቢታይ ጋይይ ኣሃ ጸላ ገዲዳይሳ ቤኢዳ፤ ኢሰታፊ ኢሲ ኣሲካ ኣቲቤና።

25 ሃሳፊ ጉዬ ኢዮሳፊጾይኔ ኢዛ ኣሳይ ዲኦ ሚሽ ሺሻናስ ቢዲ ዳሮ ኣቆታ፣ ዳማ ኦላ ማሳራታ፣ ማይኦታኔ ሃራ ኣልኦ ሚሻታ ዳሚዳ፤ ኢሰቲ ዲኦይሳ ኡባ ቶኪ ኤፋናስ ዳንዳይቤቴና፤ ዲኤቲዳ ሚሻይ ኬሂፔ ዳሮ ገዲዳ ገሻስ ሃሳ ሺሻናስ ሄቡ ጋላስ ኤኪዳስ።

26 ኢሰቲ ኦይዳንጻ ጋላስ ካሴ ጎዳ ጋላቲዳ ዙሌን ሺቁዳ፤ ሃሳፊ ዳንደይሳን ሄ ሶሆዚ ጋላታ ዙሌ ጌቲቲዳስ።

27 ሃሳፊ ጉዬ ጎዳይ ኢሰቲ ባ ሞርኬታ ላ ኡፋይታና ማላ ኦሊዳ ገሻስ የሁዳ ኣሳይኔ ዩሩሳላሜ ኣሳይ ኡባይ ኢዮሳፊጾይ ካሌሊን ኡፋይቲሼ ዩሩሳላሜ ሲሚዳ።

28 ኢሰቲ ዩሩሳላሜ ጋኪዳ ማላ ዲላ ዲዲሹ፣ ማሲንቆ ሾጪሹኔ ዛዬ ፑኒሹ ጸሳ ኬል ቢዳ።

29 ጎዳይ ኢሰራኤሌ ሞርኬታ ኦሊዳይሳ ቢታ ላ ዳኢዛ ካዎቴላቲ ኡባይ ሲዩዳ ዎዳ ኢሰቲ ጸሳስ ያዩዳ።

30 ጸሳይ ኢዮሳፊጾስ ኡባ ባጋራ ሹምፖ ኢሚዳ ገሻስ ኢዛ ካዎቴላይ ዎፓ ዳሚዳስ።

ኢዮሳፊጾ ካዎቴላ ወርሴል (1ካዎ 22:41-50)

31 ኢዮሳፊጾይ የሁዳን ካዎቴዛ ዎዳ ኢዛ ላይላይ 35፤ ኢዚ ዩሩሳላሜን ናምኡ ታማን ኢቻሽ ላይላ ካዎቴዳስ፤ ኢዛ ኣዬያ ሺሊሄ ቢዮ ኣዙሶ ጌቲታወስ።

32 ኢዮሳፊጾይ ባ ኣዎ ኣሳ ኦጌን ሃማቲዳስ፤ ኢዚ ሃ ኦጌፔ ሹርኢ ጊቤና፤ ጎዳ ሲንጻን ኢዚ ሱሬ ሚሽ ኦሊዳስ።

33 ገደ ኣቲን ጎይኒዛ ቆቃሶሆታ ኡባ ቆይሶቤና፤ ኣሳይካ ቡር ባ ኩማላ ዎዚናፔ ባ ኣዎታ ጸሳኮ ሲሚቤና።

34 ኢዮሳፊጾይ ሃኒዳ ሃራይ ኮይርፔ ወርሴል ጋካናስ ኢሰራኤሌ ካዎታ ታሪኬ ማጻፋን፣ ሃናኒያ ና ኢዩ ታሪኬ ማጻፋን ጻፊቲ ኡቲዳስ።

35 ኢሲ ዎዳ የሁዳ ካዎ ኢዮሳፊጾይ ኢታ ሚሽ ኦሊዳ ኢሰራኤሌ ካዎ ኣካዚያሳራ ኢሲፊ ኦላናስ ጫቁቲዳስ።

36 ሂሰቲዲ ኢዮሳፊጾይ ኢዛራ ዛልኢዛ ጊታ ማርካቤታ ኦሲሳናስ ሃሳይቲ ገገዳስ፤ ሄ ማርካቤታ ኤዲዮን-ጋቢሬን ኦሲሲዳ።

37 ሄሳፌ ጉዬ ማሪሻፔ ዩዳ ዶዳዌ ና ኤልኤዜሬይ፡ «ኔኒ ኣካዚያሳሩ ኢሲፌ ኦፋና ጫቄተዳ ገሻሰ ጎዳይ ኔ ኦሶዛ ቆይሳና» ገዲ ኢዮሳፊጾስ ቲንቢቲ ዮተዳሰ፤ ማርካቤቲካ ማቄሬቲዳ፤ ሄሳፌ ዳንዶይሳን ዛልኤስ ታርሴሴ ባናስ ዳንዳይቤቴና።

21

1 ሄሳፌ ጉዬ ኢዮሳፊጾይ ሃይቂዳሰ፤ ካሴ ባ ኣዋተ ሞጌቲዳሶን ዳዊቲ ካታማን ሞጌቲዳሰ፤ ኢዛሶሆን ኢዛ ና ኢዮራሜይ ካዋቲዳሰ።

የሁዳ ካዋ ኢዮራሜ (2ካዋ 8:17-24)

2 ኢዮራሜ ኢሻቲ ኣዛሪያሳ፡ ዩሂኤሌ፡ ዛካራሳ፡ ኣዛሪያ፡ ሚካኤሌ ካፋጺያ፤ ሃይቲ ኡባይ የሁዳ ካዋ ኢዮሳፊጾ ናይታ።

3 ኢሰታ ኣዋ ኢዮሳፊጾይ ኢሰታሰ ዳር ቢራ፡ ዋርቃኔ ኣልኦ ሚሽ ኢሚዳሰ፤ ቃሴ ገምቤቲዳ የሁዳ ካታማታካ ኢሚዳሰ፤ ገዲ ኣቲን ኢዮራሜይ ባ ኣዋሰ ባይራ ና ገዲዳ ገሻሰ ካዋቲዳ ኢዛሰ ኢሚዳሰ።

4 ኢዮራሜይ ባ ኣዋ ካዋቲዳ ኤኪዲ ሚኒዳ ዋዳ ባ ኢሻታ ኡባታኔ ኢሲ ኢሲ ኢሰራኤሌ ሃላቃታፔ ኣማርዳይታ ገላ ማሻን ዋዳዳሰ።

5 ኢዮራሜይ ካዋቲሺን ኢዛሰ ላይላይ 32፤ ኢዚ ዩሩሳላሚን 8 ላይላ ካዋቲዳሰ።

6 ኢዮራሜይ ኣካቤ ናዮ ኤኪዳ ገሻሰ ኣካቤሶ ኣሳይ ሄሚቲዳይሳንካ ካሴ ኢሰራኤሌ ካዋታ ኦጌራ ቢዳሰ፤ ጎዳ ሲንፋንካ ኢታ ሚሽ ኦሊዳሰ።

7 ገዲኮካ ጎዳይ ካሴ ዳዊቲሰ ጫቄዳ ቃላ ገሻሰ ዳዊቲ ዜሬላ ቆይሳናስ ኮዩቤና፤ ዳዊቲሲኔ ኢዛ ዜሬላሰ ሚርናስ ቆይንታ ጸምፔይ ዳና ማላ ሂደታ ቃላ ኢሚ ዋሊዳሰ።

8 ኢዮራሜይ ካዋቲዳ ዋዳ ኤደሜ ኣሳይ የሁዳ ካዋ ቦላ ማካሊዲ ባንታሰ ሃራ ካዋ ካዋሊዳ።

9 ሄሳ ገሻሰ ኢዮራሜይ ባ ኦላ ጋዳዋታኔ ባ ፓራ-ጋሬታ ኡባ ኤኪዲ ኤደሜ ቢታ ኦላናስ ቢዳሰ፤ ኤደሜ ኣሳይ ኢዛኔ ኢዛ ፓራ-ጋሬታ ሃላቃታ ገደሊዳሰ፤ ገደ ኣቲን ኢዮራሜይኔ ኢዛ ኦላንቻቲ ኦማርሳራ ባና ገደሊዳይታ ሸጪዲ ኬሲ ኤኪ ቢዳ።

10 ሄ ዋዳፔ ደሚዲ ሃኙ ጋካናስ ኤደሜ ኣሳይ የሁዳ ኣሳሰ ሃራቲቤና። ኢዮራሜይ ባ ኣዋታ ጎዳ ኣገዲ ገሻሰ ሊቢና ኣሳይ ቃሴ ሄ ዋዳ የሁዳ ካዋ ቦላ ማካሊዳሰ።

11 ኢዮራሜይ ቃሴ የሁዳን ዙምቡላታ ቦላ ጎይኒዛሶሆታ ገግሲዲ ዩሩሳላሚን ዲዛ ኣሳይ ላይማታና ማላ ኦሊዳሰ፤ የሁዳ ኣሳካ ባሌሊዳሰ።

12 ሄሳፌ ጉዬ ናቤ ኤላሲ ኢዮራሜሰ ዳብዳቤ ጸፊዳ፡ «ጎዳይ ኔ ኣዋ ዳዊቲ ጸሳይ፡ ሳኒ ኔ ኣዋ ኢዮሳፊጾ ኦጌን ዋይኮ የሁዳ ካዋ ኣሳ ኦጌን ሄሚቲዳይሳ ኣጋዳሳ፤

13 ገደ ኣቲን ኢሰራኤሌ ካዋታ ኦጌን ሄሚታዳሳ፤ ኣካቤሶ ኣሳይ ኦሊዳ ማላ የሁዳኒኔ ዩሩሳላሚን ዳኢዛይቲ ላይማታና ማላ ባሌላዳሳ፤ ቃሴካ ኔፔ ሎኢዛ ኔ ኣዋ ኬላ ኣሳኔ ኔ ኢሻታ ዋዳዳሳ።

14 ሄሳ ገሻሰ ጎዳይ ኔ ኣሳ፡ ኔ ናይታ፡ ኔ ማቼታኔ ኔስ ዳኢዛ ኡባ ሚሻ ዋልቃማ ቦሻን ሸጪና።

15 ኔኒካ ሃኙ ሃኙ ኢቲ ኢቲ ቢዛ ኢታ ኡሎ ሃርጌ ሃርጋና፤ ሄ ሃርጌዚ ወርሴላን ኔስ ማራጩ ካሬ ጎቼ ኬሳና ጌሰ» ገደሰ።

16 ሄሳፌ ጉዬ ጎዳይ ፊሊስጾሜታኔ ቶጵያ ማታን ዳኢዛ ኣራቤታ ኢዮራሜ ኦላና ማላ ዳንፊሊዳሰ።

17 ኢሰቲካ የሁዳ ቦላ ዋራጂዳ፤ ሂሰቲዳ ካዋ ኬላን ዳኢዛ ሚሽ ኡባ፡ ካዋ ኣቲማ ናይታኔ ኢዛ ማቼታ ዲኢዳ፤ ኢዛ ናይታ ኡባፌ ካሎ ኣካዚያሳፔ ኣቲን ሃራ ኢሲ ናይካ ኢዛሰ ኣቲቤና።

18 ሄሳ ኡባፌ ጉዬ ፓጸናስ ዳንዳይንታ ኡሎ ሃርጌን ጎዳይ ኢዮራሜ ሸጪዳሰ።

19 ኡሎ ሃርጌዚ ሚኒ ሚኒ ቢን ናምኣንሎ ላይላ ወርሴላ ቦላ ኢዛ ማራጩይ ካሬ ኬዚን ዋዩ ቤዩ ሃይቂዳሰ፤ ኢዛ ሞጎ ዋዳ ኣሳይ ካሴ ኢዛ ኣዋታሰ ኦሊዛ ማላ ኢዛ ቦንቸሰ ሚላ ዶራዲ ታማ ኤሊቤና።

20 ኢዮራሜይ ካዋቲሺን ኢዛሰ ላይላይ 32፤ ኢዚ ዩሩሳላሚን 8 ላይላ ካዋቲዳሰ፤ ኢዚ ሃይቂን ኦኒካ ኢዛሰ ቃዴቲቤና፤ ኢዛ ዳዊቲ ካታማን ሞጌዳ ኣቲን ካዋታ ዱፎን ሞጌቤቴና።

22

የሁዳ ካዋ ኣካዚያሳ (2ካዋ 8:25-29፤ 9:21-28)

1 ኣራቤታራ ዋራጂ ዩዳይቲ ኢዮራሜሰ ባይራ ናይታ ኡባ ዋዳዳ ገሻሰ ዩሩሳላሚ ኣሳይ ኢዮራሜሰ ወርሴላ ና ኣካዚያሳ ኢዛሶሆን ካዋሊዳሰ፤ ሄሳ ገሻሰ ኢዮራሜ ና ኣካዚያሲ ዳራ ቦላ ካዋቲዳሰ።

2 ኣካዚያሲ ካዋቲሺን ኢዛሰ ላይላይ 22*፤ ኢዚ ዩሩሳላሚን ኢሲ ላይላ ካዋቲዳሰ፤ ኢዛ ኣዬይ ሱንላ ጎቶሊያ፤ ኢዛ ኦሚሬሰ ናዛ ና።

3 ኣካዚያሲ ኢታቲላን ባና ማላ ኢዛ ኣዬያ ዘሪዛ ገሻሰ ኢዚካ ኣካቤሶ ኣሳታ ማላ ኢታ ኦጌ ካሊዳሰ።

4 ኢዛ ኣዋይ ሃይቂዳፔ ጉዬ ኣካቤሶ ኣሳይካ ኢዚ ኢታ ኦጌ ካላና ማላ ዘሪዛ ገሻሰ ኣካቤሶ ኣሳ ማላ ኢዚካ ጎዳ ሲንፋን ኢታ ሚሽ ኦሊዳሰ።

5 ኣካዚያሲ ኣካቤሶ ኣሳ ዘሪዛ ካሊዲ ኣካቤ ና ኢሰራኤሌ ካዋ ኢዮራሜራ ኢሲፌ ኣራሜ ካዋ ኣዛሂሌ ኦላናስ ጋላኣዳን ዲዛ ኤራሞቲ ካታማ ቢን ኣራሜ ኣሳቲ ኢዮራሜ ጫዳ ማዲንላዳ።

6 ኣራሜ ካዋ ኣዛሂሌራ ኢዚ ኦሊቲሺን ኣራሜ ኣሳቲ ኢዛ ኤራሞቲን ጫዳን ማዲንጾይሳፌ ፓጸናስ ኢዘራኤሌ ካታማ ሲሚ ቢዳሰ። ሄሳፌ ጉዬ ኢዮራሜ ና የሁዳ ካዋ ኣዛሪያሲ ኣካቤ ና ኢዮራሜይ ጫዳቲዳይሳ ኦይቻናስ ዳጌ ኢዘራኤሌ ካታማ ቢዳሰ።

7 ኣካዚያሲ ኢዮራሜ ኦይቻናስ ቢዳይሳ ጾሲ ኢዚ ሃይቃና ማላ ጋሶ ኦሊዳሰ፤ ኣካዚያሲ ኢዮራሜ ቤኣናስ ቢ ጋኪዳ ማላ ኣካቤ ዛሬ ቆይሳናስ ጎዳይ ቲይዳ ኒሚሽ ና ኢዮ ሞካናስ ናምኣይ ኢሲፌ ኬዚዳ።

8 ኢዩይ ኣካቤ ዛሬታ ቦላ ፐርዳ ፖሊዳ ማላ ኣካዚያሳ ኣዠቢዛ የሁዳ ዳናታኔ ኢዛ ዳቦታፔ ኣቲማ ናይታ ደሚዲ ዋዳዳሰ።

9 ሄሳፌ ጉዬ ኢዩይ ኣካዚያሳ ኮያና ቢዳሰ፤ ኣካዚያሲ ሳማሪያን ቆቲቲ ኡቲዳሶሆፔ ኣሳቲ ኢዛ ዳሚዲ ኢዮኮ ኤሂ ዋዳዳ፤ ኢዚ «ባ ኩሜላ ዋዚናፔ ጎዳ ኮዩዳ ኢዮሳፊጾ ና» ገዲ ሞጌዳ።

21:7 1ካዋ 11:36 21:8 ሜዴ 27:40 * 22:2 ናምኡ ታምኔ ናምኡ ገዛይሲ ኦይዱ ታምኔ ናምኡ ገዳና ዳንዳይሰ።

ሄሳ ጋሶን አካዚያሳ ሶ አሳፔ ካዎቴላ ኦይካናሰ ዳንዳይዛይ ኦኒካ ዳና።

የሁዳ ካዎፍ አታሎ
(2ካዎ 11:1-3)

10 አካዚያሳ አዬያ ጎቶሊያይ ባ ናዚ ሃይቆይሳ በአዳ የሁዳን ዲዛ ካዎ ኬላ አሳታ ኡባ ዎጃዲሰ።
11 ጊዶ ኦቲን ካዎ አዮራሜ ቢያ ይሆሹባ ሃይቆናሰ ዳኢዛ ካዎ ናይታፔ አካዚያሳ ና አዮኦሳ ካይሳ ኤፋዳ ኢዛ ዲቸዛሪሪ ኢሲፌ ኢልፒኔን ቆታዲሰ፤ ካዎ አዮራሜ ናያ፣ አካዚያሳ ሚቹያ፣ ቄሴ ዮዳሄ ማቹያ፣ ይሆሹባ ጎቶሊያ ዎጃንታ ማላ ናዛ ቆታዲሰ።
12 ጎቶሊያይ ቢታ ሃሪዛ ዎዳ ኡባን ናዚ ኢሰታ ማታን ጸሳ ኬላን ኡሱፑን ላይሰ ቆቴቲ ጋምኢዳሰ።

23

አታሊ ቦላ ዳንዲዳ ማካላ
(2ካዎ 11:4-16)

1 ላፑንላ ላይላን ዮዳሄይ ሚኒዲ ማቶ ሃላቃታ ዪሮሃሜ ና አዛሪያሳ፣ ይሆሃናኔ ና ኢሰማኤሌ፣ አዮቤዳ ና አዛሪያሳ፣ አዳያ ና ማኢሳያኔ ዚኪሬ ና ኤልሻፋጾ ሺሺዲ ኢሰታሪ ጫቂቲዳሰ።
2 ኢሰቲ የሁዳ ቢታ ኡባ የዩዲ ካታማታን ዳኢዛ ለዌታኔ ኢሰራኤሌ ዛሬ ሃላቃታ ኡባ ኤኪዲ ዩሩሳላሜ ዪዳ።
3 ሄሳፌ ጉዬ ሄ ሸቂዳ አሳይ ኡባይ ጸሳ ኬላን ካዎዛሪ ጫቂቲዳ፤ ዮዳሄይ ሄ አሳ፣ «ጎዳይ ካሴ ዳዊቲ ዜሬላሰ አሚዳ ሂዶታ ቃላ ማላ ሄኮ ካዎዛ ናዚ ካዎቶ።
4 እንቲ ኦላናሰ ቤሲዛይ ሃይሳ፤ ሳምባታ ጋላሳን ሃ ኬላ ጌሊዛ ቄሴታፔኔ ለዌታፔ ሳይሶቲ ፔንጌዛ ናጊቲ፤
5 ቃሴ ሳይሶቲ ካዎ ኬላ ናጊቲ፤ ዮቻ ዲርሳ ፔንጌ ጌቲቲዛሶ ፔንጌዛ ናጊቲ፤ ሃንኮ ኦቲዳ አሳይ ኡባይ ጸሳ ኬላ ዛጎን ዳቶ።
6 ኢሰታ ኦሶ ታራይ ጋኪዳ ቄሴታፔኔ ኦሊዛ ለዌታፔ ኦቲን ኦኒካ ጸሳ ኬላ ጌሎፖ፤ ኢሰቲ ጌሽ ጊዲዳ ጊሻሰ ጌሎቶ፤ ሃራ አሳይ ጊዲኮ ኡባይ ጎዳ አዛዞ ናጊዲ ኬላፌ ካሬራ ዳቶ።
7 ለዌቲ ኡባይ ባንታ ኦላ ማሳራ ባንታ ኩሼን ኩሼን ኦይኪዲ ካዎዛ ጊዶላ ኤቁቶ፤ ካዎዚ ኬዚሺኒኔ ጌሊሺን ኡባን ኢዛሪ ኢሲፌ ዳቶ፤ ጸሳ ኬላ ጌሊዛ ኦናካ ዎጃቲ» ጊዳሰ።
8 ለዌቲኔ የሁዳ አሳይ ኡባይ ቄሴ ዮዳሄይ አዛዚዳይሳ ኡባ ኦሊዳ፤ ቄሴ ዮዳሄይ ናጊዛይታፔ ኦናካ ኬሴ ዩደንታ ጊሻሰ ኢሶይ ኢሶይ ሳምባታ ጋላሰ ኦሶ ጌሊዛይታኔ ኦሶፔ ኬዚዛ ባ አሳታ ኤኪ ቤሰ።
9 ሄሳፌ ጉዬ ቄሴ ዮዳሄይ ጸሳ ኬላን ዳኢዛ፣ ቤኒ ካዎ ዳዊቲ ቶራታ፣ ዎጋ ጎንዳሌታኔ ቄሪ ጎንዳሌታ ማቶ ሃላቃታሰ አሚዳሰ።
10 አሳይ ኡባይ ኦላ ማሳራ ባ ኩሼን ባ ኩሼን ኦይኪዳ ማላ ጸሳ ኬላሰ ዲጌሃፔ ቢዲ ፑዳሃ ጋካናሰ፣ ያርሾ ያርሽዛሶ ማታኒኔ ጸሳ ኬላ ማታን ካዎዛ የሾን ኤቃና ማላ ቄሴ ዮዳሄይ ኦሊዳሰ።
11 ሄሳፌ ጉዬ ዮዳሄይኔ ኢዛ ኦቲማ ናይቲ ካዎዛ ና አዮኦሳ ካሬ ኬሴዲ ኢዛ ሁኔን ካላቻ ጎዲዳ፤

ሂሰቲዲ ጫቆ ቃላ ማጻፋ ኢዛሰ አሚዲ ካዎሊዳ፤ ኢዛ ቲይዲካ፣ «ካዎይ ሚርናሰ ካዎቶ!» ጊ ዋሲዳ።
12 አሳይ ዎጂሼኔ ካዎ ሳቢሼ ሆምቦጪዛይሳ ጎቶሊያይ ሲያዳ አሳኮ ጸሳ ኬላ ባዲሰ።
13 ካዎዚ ባ ጌሊዛሶ ፔንጌን ዲዛ ቱቄዛ ማታን ኤቁዳይሳ ቤአዲሰ፤ ሃላቃቲኔ ጸሩምባ ፑኒዛይቲ ካዎዛ ማታን ዳቲሰ፤ የሁዳ አሳይ ኡባይ ኡፋዬቲዲ ጸሩምባ ፑኒቲሰ፤ ዩላ ዩዲዛይቲካ ሲንፎ አጂዲ ባንታሰ ዳኢዛ ዩላ ሚሻን ጋላቲቲሰ፤ ጎቶሊያይ ባ ማይኦ ዳካዳ፣ «ሃይሲ ማካላ! ሃይሲ ማካላ!» ጋዳ ዋሳዲሰ።
14 ቄሴ ዮዳሄይ ኦላንቻታ ሃላቃታ፣ «አታሎ ጸሳ ኬላን ዎጃፒቲ! ኢዛ ያራኔ ሃራ ሳልፊዳ ሳልፊታ ጊዶን ዎሊዲ ካሬ ኬሴቲ፤ ኢዛ አሻናሰ ካጃሊዛ አሲ ዲኮ ዎጃቲ!» ጊዳሰ።
15 ሄሳ ጊሻሰ ኢሰቲ ኢዛ ኦይኪዲ ካዎ ኬላ ጊቤን ፓራ ፔንጌ ጌቲቲዛሶን ዎጃዳ።

ዮዳሄይ ኦራጺሲዳ ኦራላ ጫቆ
(2ካዎ 11:17-20)

16 ሄሳፌ ጉዬ ዮዳሄይ፣ ዳሬዚኔ ካዎዚ ጎዳ ዳሬ ጊዳናሰ ጫቂዳ።
17 ሄ ዎዳ ኡባ አሳይ ባኦሌ ጌቲቲዛ ኤቃ ጸሳ ኬላ ላሊዲ ያርሾዛኔ ኤቃ ጸሳታ ሚሰሌታ ኪንቼሬሊዳ፤ ቃሴ ማታኒ ጌቲቲዛ ባኦሌ ቄሴ ያርሾ ያርሽዛሶዛ ሲንላን ዎጃዳ።
18 ዮዳሄይ ሙሴ ዎጋን ጸፊቲዳይሳ ማላኔ ዳዊቲ አዛዚዳ ማላ ኡፋይሳን ዩዲሼ ጸጌቲ ሸቂዛ ጎዳ ያርሾዛ ሸሻና ማላ ዳዊቲ ሹሚዳ ቄሴታሲኔ ለዌታሰ ጸሳ ኬላን ኦላና አዎቴላ ኢሰታሰ አሚዳሰ።
19 አይ ሚሻንካ ቲኒዳ አሲ ጸሳ ኬላ ጊቤ ፔንጌ ጌሎንታ ማላ ዛቤ ዎሊዳሰ።
20 ማቶ ሃላቃቲ፣ ሹሜቲ፣ ዳሬ አይሲዛይቲ ሄ ቢታ አሰ ኡባቲ ዮዳሄራ ቢዲ ካዎዛ ጸሳ ኬላፌ ዲጌ ካዎቴላ ኬላን ዎሊዳ፤ ቆሞ ባጋ ፔንጌዛሪ ካዎ ኬላ ጌሊዲ ካዎዛ ካዎቴላ አራታን ኡቲሲዳ።
21 የሁዳ አሳይ ኡባይ ኡፋዬቲዳሰ፤ ጎቶሊያ ማሻን ሲፊ ዎጃዳ ጊሻሰ ካታማያ ዎፑ ጋዲሰ።

24

የሁዳ ካዎ አዮኦሳ
(2ካዎ 12:1-16)

1 አዮኦሲ ካዎቲዛ ዎዳ ኢዛሰ ላይላይ ላፑና፤ ኢዚ ዩሩሳላሜን 40 ላይሰ ካዎቲዳሰ፤ ኢዛ አዬይ ሱንፊ ዚቢዮ፤ ኢዛ ቤርሳቤሄ ካታማፔ ዪዳ አሳ።
2 ቄሴ ዮዳሄይ ዳኢዳ ላይሰ ኡባን አዮኦሲ ጎዳ ኡፋይሲዛ ሚሽ ኦሊዳሰ።
3 ዮዳሄይ አዮኦሳ ናምኡ ማቹታ ኤኪሲዳሰ፤ ኢሰቲካ ኢዛሰ አቱማ ናይታኔ ማጫ ናይታ ዩሊዳ።
4 ሄሳፌ ጉዬ አዮኦሲ ጸሳ ኬላ ኦራላናሰ ቆፒዳሰ።
5 አዮኦሲ ቄሴታኔ ለዌታ ሺሺዲ፣ «የሁዳ ካታማታ ቢዲ እንቲ ጸሳ ኬላ ላይላን ላይላን ኦራላናሰ ኢሰራኤሌ ኡባፌ ሚሽ ሺሺቲ፤ ሃይሳ ኤሶን ኦሊቲ» ጊዳሰ። ጊዶ ኦቲን ለዌቲ ጋምኢዳ።
6 ሄሳ ጊሻሰ ካዎይ ቄሴታ ሃላቃ ዮዳሄ ዳይጊዲ፣ «ጎዳ አይሌይ ሙሴይኔ ኢሰራኤሌ አሳይ ጸሳ ዲንካኔ ኦሶሰ ኬሶ ሸሻናሰ ቤኒ ዎጋ ዎላይሳ ዩሩሳላሜ

አሳፔኔ የሁዳ አሳፔ ከሶ ሺሻናስ አይስ ለዌታ ዳንጠላቤኪ?» ገደሰ።

7 ሃ ዋዴ ሃ ኢታ ማጫስ ጎቶሊያ ናይቲ ጸሳ ኩላ ማንሉ ገሊዲ ሄን ዳኢዛ ጌሻ ሚሻታ ኡባ ኤኪዲ ባኣሌ ኤቃ ጸሳታስ ጎይናናስ ጎኤቲዳ።

8 ሃሳ ገሻስ ካዎይ ለዌታ ኣዛዚን ኢስቲ ሳጺኔ ገግሲዲ ጸሳ ኩላ ፔንጌፊ ካሬ ባጋራ ዋሊዳ።

9 ጸሳ አይሌ ሙሴይ ባዞን ዳኢሼ ኢሰራኤሌ አሳፔ ሺሻና ማላ ኣዛዚዳ ከሶዛ ጎዳስ ኤሃና ማላ የሁዳኒኔ ዩሩሳላሜን ለዌታ ኣዋጂዳ።

10 ሂስቲን ሹሜቲኔ አሳይ ኡባይ ኡፋዬቲ ከሲዳ ሚሻዚ ሳጺኔ ኩማና ጋካናስ ኢዛን ዩጊዳ።

11 ሳጺኔዚ ለዌታ ባጋራ ካዎ ሹሜታኮ ጋኪን ኢዛ ገደን ዳር ሚሹ ዳጋቲዳይሳ ኢስቲ ቤኢዳ ዋዴ ኡባን ካዎ ጸፊይኔ ቁሴታ ሃላቃይ ዩዲ ሳጺኔፔ ሚሻ ከሲዲ ሳጺኔዛ ኢዛሶሆን ዛሪ ዋላቲስ፤ ኢስቲ ኡባ ጋላስ ሃሳ ማላ ኦሊዲ ዳር ሚሻ ዳጋሲዳ።

12 ሃ ሚሻ ካዎይኔ ዮዳሄይ ጸሳ ኩላ ኦሶ ኦሲሳናስ ሱሚዳ አሳታስ ኢሚዳ፤ ሂስቲን ኢስቲ ኢዛን ጸሳ ኩላ ኦራሳናስ ሹቶ ማሲዛይታኔ ኣናጾታ፣ ቃሴ ቢራታኔ ጸርቁማላ ኦሳንቻታ ቃጸሪዳ።

13 ኦሳንቻቲ ሚኖ ገዲዳ ገሻስ ጸሳ ኩላይ ዋሬቲዳይሳ ሚኒ ኦሊዲ ባንታ ኩሼን ካሴይሳ ማላ ኦራጺሲ ከጺዳ።

14 ኦሳንቻቲ ኩላ ኦራሊ ገገዲፔ ጉዬ ፓላሂዳ ዋርቃኔ ቢራ ካዎዛኮኔ ዮዳሄኮ ኤሂዳ፤ ኢስቲካ ሃ ዋርቃኔኔ ቢራን ጸሳ ኩላ ገደ ኦሶስ ማዲዛ ሚሻታ፣ ጸጌቲዛ ያርሾስ ጎኤቲዛ ሳኔታኔ ሃራ ዲማ ዲማ ሚሻታ ኦሲሲዳ።

ዮዳሄይ ሹዋፖራ ፓጻ ዲዛ ላይላ ኡባን ጸሳ ኩላን ጸጌቲዛ ያርሾይ ኡባ ዋዴ ያርሾቲስ።

15 ዮዳሄይ ኬሂ ጨሚዲ ሃይቁዴስ፤ ኢዚ ሃይቁሺን ኢዛስ ላይላይ ጸታኔ ሄሹ ታማ።

16 ዮዳሄይ ኢሰራኤሌን ጸሳሲኔ ጸሳ ኩላስ ሎኦ ሚሻ ኦሊዲ ገሻስ ዳዊቲ ካታማን ካዎታ ዲፎን ሞጊዳ።

ኢዮአሲ ኦሊዳ ሞር

17 ዮዳሄይ ሃይቁዳፔ ጉዬ የሁዳ ሹሜቲ ዩዲ ካዎዛስ ባ ኣማኔቲላ ቆንጨሲዳ፤ ኢዚካ ኢስታ ኤኪዳስ።

18 ኢስቲ ጎዳ ባንታ ኣዎታ ጸሳ ኩላ ኣገዲ ኣሼሪ ሚሰለታሲኔ ኤቃ ጸሳታስ ጎይኒዳ፤ ኢስቲ ኦሊዳ ሞር ገሻስ የሁዳ ቦላኔ ዩሩሳላሜ ቦላ ጸሳ ሃንቆይ ዋጂዳስ።

19 አሳይ ባኮ ሲማና ማላ ጎዳይ ናቤታ ኢስታኮ ከቲዳስ፤ ናቤቲካ ኢስታ ቦላ ማርካቲዳ፤ ገደ ኣቲን ኢስቲ ገዛይሳ ሲዮንታ ኢጺዳ።

20 ሃሳፊ ጉዬ ቁሴ ዮዳሄ ና ዛካራሳ ቦላ ጸሳ ኣያናይ ዋጂዳስ፤ ሂስቲን ዛካራሲ ኣሳ ሲንላን ኤቁዲ፣ «ጸሳይ፣ ሳዳ ኣዛዞ ኢንቲ ኣይስ ሞሬቲ? ሂሲ ኢንቲስ ሎኦ ገደና? ጌስ፤ ኢንቲ ጎዳ ኣገዲ ገሻስ ኢዚካ ኢንቲና ኣገዳስ» ገደሰ።

21 ሂስቲን አሳይ ኢዛ ቦላ ማቁቲዳስ፤ ካዎዚ ኢስታ ኣዛዚን ጸሳ ኩላ ዛጎን ሹቻን ጫዲ ዋጂዳ።

22 ካዎ ኢዮአሲ ዛካራሳ ኣዎይ ዮዳሄይ ባስ ኦሊዳ ኪያቲላ ሃሳኒንታ ኣገዲ ኢዛ ና ዛካራሳ ዋጂሲዳስ፤ ዛካራሲ ሃይቁሼ፣ «ጎዳይ ሃይሳ ቤኢዲ ሃሎ ከሶ» ገደሰ።

ኢዮአሳ ካዎቲላ ወርሴላ

23 ሃ ላይላ ወርሴላን ኣራሜ ኦላንቻቲ ኢዮአሳ ኦላናስ ዩዳ፤ ሂስቲዲ የሁዳ ቦላኔ ዩሩሳላሜ ቦላ ዋራጂዲ ዴራ ካሌላዛይታ ኡባ ዋጂዲ ኢስታፊ ዲኢዳ ሚሻ ኡባ ዳማሰቆን ዳኢዛ ባንታ ካዎስ ዩዲዳ።

24 ኣራሜ ኦላንቻቲ ቆዳን ጉላ ገዲኮካ ጎዳይ ኬሂፔ ዳር ዴሬ ኢስታ ኩሼን ኣሊ ኢሚዳስ፤ የሁዳ አሳይ ጎዳ ባንታ ኣዎታ ጸሳ ኣገዲ ገሻስ ኢዮአሳ ቦላ ፐርዴቲዳስ።

25 ኣራሜ ኦላንቻቲ ኢዮአሳ ማዲንሉዲ ዩጊ ኣገ ቢዳ፤ ቁሴ ዮዳሄ ናዛ ሱላ ገሻስ ኢዛ ሹሜቲ ኢዛ ቦላ ማቁቲዲ ኢዚ ሃርጌ ሂጸን ዲሺን ዋጂዳ፤ ኢዚ ሃይቁን ዳዊቲ ካታማን ሞጊዳ ኣቲን ኢዛ ካዎታ ዲፎን ሞጊቤቲና።

26 ኢዮአሳ ቦላ ማቁቲዳይቲ ኣዎኔ ዴሬ ማጫስ ሺምኣቲ ና ዛባዴኔ ሞኣቤ ዴሬ ማጫስ ሺሚሪቲ ና ዩሆዛባዳ።

27 ኢዮአሳ ናይታ ታሪኬይ፣ ኢዛ ገሻስ ዮቲቲዳ ቲንቢቲቲኔ ጸሳ ኩላ ኦራጾ ታሪኬይ ካዎታ ታሪኬ ማጻፋን ጸፊቲ ኡቲዳስ፤ ኢዮአሲ ሃይቁን ኢዛሶሆን ኢዛ ና ኣማሲያሲ ካዎቲዳስ።

25

የሁዳ ካዎ ኣማሲያሳ (2ካዎ 14:2-6)

1 ኣማሲያሲ ካዎቲሺን ኢዛስ ላይላይ 25፤ ኢዚ ዩሩሳላሜን 29 ላይላ ካዎቲዳስ፤ ኢዛ ኣያ ዩሩሳላሜ ማጫስ ዮሃኣዳኖ ጌቲታዉስ።

2 ኣማሲያሲ ጎዳ ሲንላን ሱሬ ሚሻ ኦሊዳስ፤ ገደ ኣቲን ኩሚላ ዋዚናፔ ገደና።

3 ኣማሲያሲ ካዎቲላ ሚንሉ ኦይኪዳፔ ጉዬ ባ ኣዎ ዋጂዳ ሹሜታ ዋጂዳስ።

4 ካሴ ጎዳይ ሙሴ ዋጋ ማጻፋን፣ «ናይቲ ኦሊዳ ናጋራ ገሻስ ኣዎታ ዋጃናስ ቤሴና፤ ቃሴ ኣዎቲ ኦሊዳ ናጋራ ገሻስ ናይታ ዋጃናስ ቤሴና፤ ኣሲ ኡባይ ባ ኦሊዳ ናጋራን ናጋራን ሃይቃናስ ቤሴስ» ገዲ ኣዛዚዳ ማላ ዋጂዳስ ኣቲን ኢስታ ናይታ ዋጂቤና።

ኤደሜ ቦላ ዳንዲዳ ኦላ (2ካዎ 14:7)

5 ኣማሲያሲ የሁዳ ኣሳ ሺሺዲ ባንታ ኣዎታ ኩላን ኩላን ሻላቃታኔ ማቶ ሃላቃታ ሹሚዲ ኩሚላ የሁዳ ቦላኔ ቢኒያሜ ቦላ ዋሊዳስ፤ ኢስታስ ላይላይ ናምኡ ታማኔ ሃሳፊ ቦላራ ገዲዳይታ ሺሺዲ ጎንዳሌኔ ቶራ ኦይኪዲ ኦሊታናስ ዳንዲይዛ 300,000 ኣሳታ ዳሚዳስ።

6 ቃሴካ ኢሰራኤሌፔ 100,000 ኦላንቻታ 3,400 ኪሎ ገራሚ ገዲዛ ቢራን ቃጸሪዳስ።

7 ገደ ኣቲን ጸሳ ኣሰ ኢሶይ ኣማሲያሲኮ ዩዲ «ካዎ! ጎዳይ ኢሰራኤሌራኔ ኤፍሬሜ ኣሳራ ዶንታ ገሻስ ኢሰራኤሌ ኦላንቻቲ ኔራ ኦላስ ቦፔቶ።

8 ኔኒ ሚና ኦሎቲኮካ ማዳናሲኔ ዩጊ ኦጋናሰ ዋልቃይ ጸሳፌ ጊዲዳ ገሻሰ ጸሲ ኔና ኔ ሞርኬታ ሲንጎን ዩጊ ኦጋና» ገደሰ።

9 አማሲያሲ ጸሳ ናቤዛሰ፡ «ሂሰቲን ታኒ ኢሰራኤል ኦላንቻታሰ ቃንጺዳ ሄ ቢራይ ኡባይ ዋናኔ?» ገዲ ኦይቺዳሰ።

ናቤዛካ ኢዛሰ፡ «ጎዳይ ኔሰ ሄሳፌ ኣሉዲ አማናሰ ዳንዳዩሰ» ገዲ ዛሪዳሰ።

10 ሄሳ ገሻሰ አማሲያሲ ኤፍሬሚጥ ባኮ ዩዳ ኦላንቻቲ ባንታ ሶ ሶ ባና ማላ ሞይዚዳሰ፤ ሂሰቲን ኢሰቲ ዩሁዳ ኣሳ ቦላ ኬሂፕ ሃንቄቲሼ ባንታ ሶ ሶ ሲሚዳ።

11 ሄሳፌ ጉዬ አማሲያሲ ባና ሚንሉዲ ባ ኦላንቻታ ካሌሌ ኤኪዲ ማጺኔ ሾባ ቢዳሰ፤ ኢዛ ኦላንቻቲ ሴይሬ ኣሳፕ 10,000 ኦላንቻታ ዋዲዳ።

12 ቃሴካ ሃራ 10,000 ኦላንቻታ ዲኢ ኤፊዲ ኢሲ ዋጋ ዛላ ሁኤ ቦላ ኬሲዲ ዲጌ ዛሪ ጌንዳሪሲን ኡባይካ ዲንጩቲዳ።

13 ገደ ኣቲን ሄ ዋይ አማሲያሲ ባናራ ኦላሰ ኬኦንታ ማላ ጉዬ ዩዲዳ ኢሰራኤል ኦላንቻቲ ሳማሪያፕ ቢዲ ቤቲ-ሆርኔ ጋካናሰ ዲዛ ዩሁዳ ካታማታ ዋራጂዲ 3,000 ኣሰ ዋዲዳ፤ ኬሂ ዳር ሚሼካ ዲኢዳ።

14 አማሲያሲ ኤዶሚ ኣሳታ ዋዲዲ ሲሚሼ ሴይሬ ኣሳ ኤቃ ጸሳታ ሚሰሌታ ኤኪዲ ዩዳሰ፤ ሄ ሚሰሌታ ባሰ ኤቃ ጸሰ ሂሰቲ ኤሲዲ ኢሰታሰ ጎይኒዳሰ፤ ያርሾካ ሺሺዳሰ።

15 ሄሳ ገሻሰ ጎዳ ሃንቆይ አማሲያሳ ቦላ ኤጺ ኬዚዳሰ፤ ሂሰቲን ጎዳይ ኢሲ ናቤ ኢዛኮ ኪቲን ናቤዚ ቢዲ፡ «ባንታ ኣሳ ኔ ኩሼፕ ኣሻናሰ ዳንዳዮንታ ኤቃ ጸሳታሰ ኔኒ ኣይሰ ጎይናዲ?» ገደሰ።

16 ናቤዚ ዮቶ ቦላ ዲሺን ካዋዚ፡ «ኔኒ ካዋ ዞራና ማላ ኦኒ ኔና ዶሪደኒ? ጮኡ ገኪ! ሃይቃና ኮያይ?» ገደሰ።

ሂሰቲን ናቤዚ ጮኡ ገዲ ኤኪዲ፡ «ኔኒ ሃይሳ ኦሉዳ ገሻሲኔ ታኒ ኔና ዞሪዳይሳ ኔ ሲዮንታ ገሻሰ ጸሲ ኔና ቆይሳና ቃቺዳይሳ ታኒ ኤራይሰ» ገደሰ።

ኢሰራኤል ቦላ ዳንዲዳ ኦላ (2ካዋ 14:8-20)

17 ሄሳፌ ጉዬ ዩሁዳ ካዋ አማሲያሲ ባና ዞሪዛ ኣሳታራ ዞሬቲዲ ኢሰራኤል ካዋ ኢዩሰ ናዛ ና ኢዮኣካዜ ና ኢዮኣሳሰ፡ «ኣኔ ሃ ያ ቲራን ጋይቶሰ» ገዲ ኪታ ዩዲዳሰ።

18 ኢሰራኤል ካዋ ኢዮኣሲ ዩሁዳ ካዋ አማሲያሳሰ፡ «ለባናሴን ዳኢዛ ኪንዲቸይ ለባናሴን ዳኢዛ ዚጋኮ፡ ሳ ናዮ ታ ናዛሰ ማቾ ኢማ» ገዲ ኪታ ዩዲዳሰ፤ ገደ ኣቲን ለባናሴን ዳኢዛ ኢሲ ዶኣይ ካንሉ ቢሼ ኪንዲቸዛ ዩዲዳሰ።

19 ኔኒካ፡ «ሶኣ፡ ኤዶሚ ቢታ ኣሳ ጸናዲሰ» ጋዳ ኔ ዋዚናን ኔና ናሻዳሳኔ ኦቶሬታዳሳ፤ ገደ ኣቲን ሃኢ ኔኒ ኔሶን ዋፑ ጋዳ ሹምፓ ኡታ፤ ኔ ቦላኔ ኔ ቢታ ዩሁዳ ቦላ ሚቶኔ ባሽ ኣይሰ ጸይይይ?» ገዲ ዛሪዳሰ።

20 ገደ ኣቲን አማሲያሲ ኢሰታ ሲዮንታ ኢዲዳሰ፤ ኢሰቲ ኤዶሚ ጸሳታሰ ጎይኒዳ ገሻሰ ጸሳይ ኢሰታ ኢሰታ ሞርኬታ ኩሼን ኣሉ አማናሰ ኮዩዳሰ።

21 ሄሳ ገሻሰ ኢሰራኤል ካዋ ኢዮኣሲ ኦላናሰ ኬዚን ኢዚኔ ዩሁዳ ካዋ አማሲያሲ ዩሁዳን ዳኢዛ

ቤቲ-ሹሚሼ ጌቲቲዛ ካታማን ኦላ ቲራን ቲራን ጋይቲዳ።

22 ኢሰራኤል ኣሳይ ዩሁዳ ኣሳ ሾጪን ዩሁዳ ኣሳይ ኡባይ ባቃቲዲ ባ ሶ ባ ሶ ቢዳሰ።

23 ሄሳፌ ጉዬ ኢሰራኤል ካዋ ኢዮኣሲ ኣካዚያሳሰ ናዛ ና፡ ኢዮኣሳ ና፡ ዩሁዳ ካዋ አማሲያሳ ቤቲ-ሹሚሼፕ ዲኢ ኤኪዲ ዩራሳላሚ ኤሂዳሰ፤ ሂሰቲዲ ዩራሳላሚ ዲርሳ ገምቤ፡ ኤፍሬሚ ፔንጌፌ ቢዲ ጉላ ፔንጌ ጋካናሰ ዳኢዛ 400 ዋቆ ገዲዛ ሲሆዛ ላሊዳሰ።

24 ጸሳ ኬላን ዳኢዛ ዋርቃኔ ቢራ ኡባ ኦቤድ-ኤዶሚ ዜሬላይ ናጊዛ ሚሻኔ ካዋ ኬላን ዳኢዛ ሚሻ ኡባ ኤኪዳሰ፤ ቃሴ ኦይሶ ኤኬቲዳ ኣሳታካ ኤኪዲ ሳማሪያ ሲሚዳሰ።

25 ኢዮኣካዜ ና፡ ኢሰራኤል ካዋ ኢዮኣሲ ሃይቁዳፕ ጉዬ ኢዮኣሳ ና ዩሁዳ ካዋ አማሲያሲ 15 ላይሳ ዳኢዳሰ።

26 አማሲያሲ ካዋቲላ ላይላን ኮይሮፕ ወርሴላ ጋካናሰ ኦሴቲዳ ሃራ ኦሴቲ ኡባይ ዩሁዳ ካዋታ ታሪኬ ማጻፋኒኔ ኢሰራኤል ካዋታ ታሪኬ ማጻፋን ጸፊቲ ኡቲዳሰ።

27 አማሲያሲ ጎዳ ካሎ ኣገዳፕ ጉዬ ኢሰቲ ኢዛ ቦላ ዩራሳላሚን ማቁቲዳ ገሻሰ ላኪሼ ካታማ ባቃቲዳሰ፤ ገደ ኣቲን ኢዛ ጌዶ ካሌቲዛ ኣሰ ኪቲዲ ኢዛ ላኪሼን ዋዲዳ።

28 ሂሰቲዲ ኢዛ ኣሃ ፓራን ጫኒ ኤሂዲ ዩሁዳ ካታማን ኢዛ ኣዋታኮን ሞጊዳ።

26

ዩሁዳ ካዋ ኦዚያ (2ካዋ 14:21-22፤ 15:1-7)

1 ሄሳፌ ጉዬ ዩሁዳ ኣሳይ ኡባይ 16 ላይሳ ገዲዛ ና፡ ኦዚያ ኢዛ ኣዋ አማሲያሳ ሲሆን ካዋሉዳሰ።

2 ኢዛ ኣዋ አማሲያሲ ሃይቁዳፕ ጉዬ ኤላቴ ካታማ ዛሪ ኬጺዲ ዩሁዳራ ጋላ ገምቢዳሰ።

3 ኦዚያይ ካዋቲሺን ኢዛሰ ላይላይ 16፤ ኢዚ ዩራሳላሚን 52 ላይሳ ካዋቲዳሰ፤ ኢዛ ኣያ ዩኮልያ ጌቲቲዛራ ዩራሳላሚ ማጫሳ።

4 ኢዛ ኣዋ አማሲያሲ ኦሉዳ ማላ ኢዚካ ጎዳ ሲንጎን ሱራ ሚሽ ኦሉዳሰ።

5 ጸሳ ያሻቲላ ባና ታማርሲዳ ዛካራሲ ሹምፖራ ፓጻ ዲሺን ኢዚ ጸሳ ኮዩዳ ኬና ጎዳይ ኢዛሰ ኡባ ሚሽ ኢንጄሲዳሰ።

6 ኦዚያይ ፊሊሰጾሜታራ ኦሌታናሰ ኬዚዲ ጌቲ፡ ያቢኔ ኣሽዶይ ካታማታ ዲርሳ ላሊዳሰ፤ ሂሰቲዲ ኣሽዶይ ካታማ ማታኒኔ ፊሊሰጾሜ ዳሪ ገደን ካታማታ ኤሲዳሰ።

7 ኦዚያይ ፊሊሰጾሜታ፡ ጉርባኣሌን ዳኢዛ ኣራቤታኔ ማኡኔታ ጸናና ማላ ጸሲ ኢዛ ማዲዳሰ።

8 ኣዋኔ ኣሳቲ ኦዚያሰ ገሪዶ፤ ኢዚ ኬሂፕ ሚኒዳ ገሻሰ ኢዛ ጎባቲሉ ገብጾ ዛዋ ጋካናሰ ሲዩቲዳሰ።

9 ቃሴ ኦዚያይ ዩራሳላሚን ጉላ ፔንጌ፤ ዙሌዛ ፔንጌኒኔ ገምቤዛ ጉላን ሻኮታ ኦሉዲ ናጊሲዳሰ።

10 ኢዛሰ ሻራ ሚንጶኒኔ ጋቆን ጮራ ሚሂይ ዲዛ ገሻሰ ሃን ናጋናሰ ሻኮታ ገምቢዳሰ፤ ዳር ሃላ ኦላታካ ቦኪዳሰ፤ ኢዚ ቃሴ ጎሽ ደሲዛ ገሻሰ ሻራ ሚንጶታኒኔ ኣራዳ ጋዴን ኢዛሰ ዳር ጎሻንቻቲኔ ዋይኔ ቶኪዛይቲ ዳቲሰ።

11 ቃሴ ኦዚያስ ኦላሰ ገቢዳኔ ከሂ ሎሂዳ ዳር ኦላንቻቲ ዳቴሰ፤ ኢሰታሰ ጋዳዋይ ካዋ ሹሜ ገዲዳ ሃናኒያ፤ ኦላንቻታ ጸፊይ ዩኢኤሌይኔ ሃላቃ ማኢሳያይ ኦላንቻታ ሱንላ ማዘጋገን ጸፊዳ።

12 ባንታ ኦዋታ ኬላ ካሌላዛይታ ኡባ ቆዳይ ናምኡ ሺያኔ ኡሱቸን ጸታ።

13 ካዋ ሞርኬታራ ኦሌቲዲ ባንታ ኩሜላ ዋልቃን ካዋ ማዳናሰ ኬዚዛ 307,500 ኦላንቻቲ ኢሰታ ኩሺን ዳቴሰ።

14 ኦዚያይ ሄ ኡባ ኦላንቻታሰ ጎንዳሌ፣ ቶራ፣ ሁኤን ዋሊዛ ቢራታ ቆቤ፣ ጸሩራ፣ ዋንዳፊ፣ ያንባርሺኔ ሹቕ ገግሲዳሰ።

15 ዩሩሳላሜን ዳኢዛ ኩሺ ሃላ ኤሪዛ ኣሳታ ካዋ ኦዚያይ ኣዛዚዲ ዋሽ ገምቤታ፣ ሻኮታ፣ ጉላታን ናገዛሶታ ቦላ ኡቲዲ ዋንዳፊ ዱኪዛ ሚሻታኔ ገታ ገታ ሹቻታ ኦሊዛ ሚሻታ ሜዲሲዳሰ፤ ጸሲ ኢዛ ማዳን ኢዚ ኬሂፕ ሚኒዳሰ፤ ኢዛ ጎባቴላ ኡባሶ ጋኪዲ ሲዩቲዳሰ።

ኦቶራቴላ ጋሶን ኦዚያ ጋኪዳ ቁጻቴ

16 ገዳ ኣቲን ኦዚያይ ሚኒዳ ዋዴ ኦቶራቴዳሰ፤ ኢዛ ኦቶሮይ ኢዛ ኩንዲሲዳሰ፤ ኢዚ ኤጸኔ ያርሺዛሶን ኤጸኔ ጨዋሳናሰ ጸሳ ኬላ ጌሊዲ ጸሳ ቆሂዳሰ።

17 ቁሴ ኣዛሪያሲኔ ዋዚና ሙርታ ገዲዳ ጎዳ ቁሴ ኦሰቸን ታማቲ ኢዛ ካሊ ጌሊዳ።

18 ኢሰቲካ ኢዛራ ቆንጨን ኤቁቲሹ፣ «ኦዚያ! ጎዳሰ ኤጸኔ ጨዋሴ ዲማቲዳ ኣሮኔ ዜሬላታሰ ኣቲን ኔሰ ቤሴና፤ ኔኒ ጸሳ ቆሂዳ ገሻሰ ጸሳ ኬላፊ ኬዛ! ጎዳ ኣቻፊ ሃይሲ ኔሰ ቦንቾ ኤሂና» ገዳ።

19 ኦዚያይ ኤጸኔ ጨዋሳናሰ ባ ኩሺን ኦይኪዳ ማላ ቁሴታ ቦላ ሃንቁቲዳሰ፤ ጸሳ ኬላን ኤጸኔ ያርሺዛሶዛ ሲንላን ቁሴታ ቦላ ኢዚ ሃንቁቲሺን ኢዛሰ ሊጴ ቦላ ኢንቺራቻ ሃርጌይ ዋዲዳሰ።

20 ቁሴታ ሃላቃ ኣዛሪያሲኔ ሃራ ቁሴቲ ኡባይ ኢዛኮ ጴሊዛ ዋዴ ኢዛ ሊጴ ቦላ ኢንቺራቻ ሃርጌይ ዋዲዳይሳ ቤኢዳ፤ ሃሳ ገሻሰ ኢዛ ኤሶን ኬላፊ ኬሲዳ፤ ጎዳይ ኢዛ ኡንኤላዳ ገሻሰ ኢዚካ ኤሶቲ ኬዚዳሰ።

21 ካዋ ኦዚያይ ሃይቃና ጋካናሰካ ሄ ሃርጌዛራ ዳኢዳሰ፤ ጸሳ ኬላ ጌሎንታ ማላ ቴቁቲዳሰ፤ ሄ ሃርጌዛ ጋሶን ዲማ ኬላን ባርካ ዳኢዳሰ፤ ሄ ዋዴ ኢዛ ና ኢዮኣታሜይ ካዋቴላ ኬላ ኣይሶዛ ኣዋቴላ ኤኪዲ ዳራ ኣይሶ ደሚዳሰ።

22 ኦዚያ ካዋቴላ ላይላን ኮይርፔ ቢዲ ወርሴላ ጋካናሰ ሃኒዳ ሃራ ኦሶታ ኡባ ኣዋጶ ና ናቤ ኢሳያሲ ጸፊዳሰ።

23 ኦዚያይ ባ ኣዋታላ ሃይቁዳሰ፤ ኣሳይ ኢዛ፣ «ኢንቺራቻ ሃርጌራ ዳሰ» ገዲ ካዋታ ዲፎ ማታን ሞጊዳሰ፤ ኢዛ ና ኢዮኣታሜይ ኢዛሶሆን ካዋቴዳሰ።

27

የሁዳ ካዋ ኢዮኣታሜ (2ካዋ 15:32-38)

1 ኢዮኣታሜይ ካዋቴዛ ዋዴ ኢዛሰ ላይላይ 25፤ ኢዚ ዩሩሳላሜን 16 ላይላ ካዋቴዳሰ፤ ኢዛ ኣያ ሳዶቄ ቢዮ ኢዬሩሶ ጌቲታዉሰ።

2 ካሴ ኢዛ ኣዋ ኦዚያይ ኦሊዳይሳ ማላ ኢዚካ ጎዳ ሲንላን ሱራ ሚሽ ኦሊዳሰ፤ ገዳ ኣቲን ኢዛ ኣዋይ ጸሳ ኬላ ጌሊዳ ማላ ኢዚ ጌሊቤና፤ ኣሳይ ገዲኮ ናጋራ ኦሶ ኣጊቤና።

3 ኢዮኣታሜይ ጸሳ ኬላ ጌሊዛሶ ቆዋ ባጋ ፔንጌ ዛራሊዲ ኦሊዳሰ፤ ቃሴ ኦፊሌ ባጋራ ዲዛ ገምቤዛ ዳሮ ሎኤሶ ኦሶ ኦሊዳሰ።

4 የሁዳ ዙምቡላታ ቦላ ካታማታ ኦሊዳሰ፤ ዋራታ ገዳን ሚጻታኔ ኣዲሳ ገምቤታ ገምቢዳሰ።

5 ኢዮኣታሜይ ኣሞኔ ካዋራ ኦሌቲዲ ጸኒዳሰ፤ ኣሞኔቲ ሄ ላይላ 3,400 ኪሎ ገራሜ ዳጺዛ ቢራ፣ 10,000 ኮንታሌ ገዲዛ ገሰቲኔ 10,000 ኮንታሌ ገዲዛ ባንጋ ኢዛሰ ገራዴ። ኣሞኔቲ ናምኣንሶ ላይላኔ ሃቭንሶ ላይላ ሃሳሳካ ኤሂዲ ኢዛሰ ገራዴ።

6 ኢዮኣታሜይ ባ ጎዳ ሲንላን ኣማኔቴላን ሲሜራቲዳ ገሻሰ ኬሂፕ ሚኒ ሚኒ ቢዳሰ።

7 ኢዮኣታሜ ካዋቴላ ላይላን ሃኒዳ ሃሮቲ፣ ኢዚ ኦሌቲዳ ኦላቲ ኡባይኔ ኢዚ ኦሊዳ ኦሶ ኡባይ ኢሰራኤሌ ካዋታኔ የሁዳ ካዋታ ታሪኬ ማጻፋን ጸፊቲ ኡቲዳሰ።

8 ኢዚ ካዋቴሺን ኢዛሰ ላይላይ 25፤ ኢዚ ዩሩሳላሜን 16 ላይላ ካዋቴዳሰ።

9 ኢዮኣታሜይ ባ ኣዋታላ ሃይቁዳሰ፤ ዳዊቲ ካታማን ሞጌቲዳሰ፤ ኢዛሶሆን ኢዛ ና ኣካዜይ ካዋቴዳሰ።

28

የሁዳ ካዋ ኣካዜ (2ካዋ 16:1-4)

1 ኣካዜይ ካዋቴዛ ዋዴ ኢዛሰ ላይላይ 20፤ ኢዚ ዩሩሳላሜን 16 ላይላ ካዋቴዳሰ፤ ኢዛ ኣዋ ዳዊቲ ጎዳ ሲንላን ሱራ ሚሽ ኦሊዳ ማላ ኣካዜይ ኦሊቤና፤

2 ኢዚ ኢሰራኤሌ ካዋታ ኦጌ ካሊዳሰ፤ ባኣሌሰ ጎይናናሰ ኤቃ ሚሰሌታ ሜዲዳሰ።

3 ቃሴ ጎዳይ ኢሰራኤሌ ኣሳ ሲንላፊ ጎዲ ኬሲዳ ኣሳታ ዳኦ ዋጋ ካሊዲ ሃሮሜ ና ሾባን ኤጸኔ ጨዋሲዳሰ፤ ባ ዩሊዳ ኣቱማ ናይታካ ጸጊ ያርሺዳሰ።

4 ኣካዜይ ኣሳይ ጎይኒዛ ዙምቡላታ ቦላ፣ ዙማታ ቦላኒኔ ሚላታ ጋርሳን ያርሾ ያርሺዳሰኔ ኤጸኔ ጨዋሲዳሰ።

5 ሃሳ ገሻሰ ኢዛ ጎዳ ጸሳይ ኢዛ ኣራሜ ካዋ ኩሺን ኣላ ኢሚዳሰ፤ ኢሰቲ ኢዛ ጸኒዲ ኢዛ ኣሳፔ ዳሮ ኣሳ ዲኢ ዳማሰቆ ኤፊዳ፤ ቃሴካ ጎዳይ ኢዛ ኢሰራኤሌ ካዋ ኩሺን ኣላ ኢሚን ካዋዚ ኢታ ሾቕ ሾጪዳሰ።

6 የሁዳ ኣሳይ ጎዳ ባንታ ኣዋታ ጸሳ ኣጊዳ ገሻሰ ኤርሜሊዮ ና ፋቁሃይ የሁዳ ኦላንቻታፔ 120,000 ኦላንቻታ ኢሲ ጋላሰ ዋዲዳሰ።

7 ኤፍራሜ ዛሪ ገዲዳ ሚኖ ኦላንቻ ዚኪሪይ ካዋዛ ና ማኢሳያ፣ ካዋ ኬላሰ ኣዋቴዛ ኣዚርቃሜኔ ካዋፔ ካሊ ዳኢዛ ሹሜዛ ሃልቃና ዋዲዳሰ።

8 ኢሰራኤሌ ኣሳይ ባንታ ዳቦታፔ 200,000 ኣዚራራ ዲዛ ማጫሳታ፣ ኣቱማ ናይታኔ ማጫ ናይታ ዲኢዳ፤ ቃሴ ኢሰቲ ኬሂፕ ዳሮ ሚሽ ዲኢ ኤኪዲ ሳማሪያ ኤፊዳ።

ናቤ ኦዴዴ

9 ኦዴዳ ጌቴቴዛ ጎዳ ናቤይ ሳማሪያን ዳሰ፤ ኦዴዳ ሳማሪያ ዪዛ ኦላንቻታራ ጋይታናሰ ኬዚዲ። «ቤአቴ፣ አንቴ አዋታ ጎዳይ ዩሁዳ ሃንቁቲዳ ገሻሰ አንቴ ኩሼን አሉ አሚዳሰ፤ ገደ ኣቲን አንቴካ ዋጋይ ባይንዳ ሃንቆ ሃንቁቲዳ ኢሰታ ወርሲዳታ።

10 ሃኢካ ዩሁዳ ኣሳይን ዩራሳላሚ ኣሳይ አንቴሰ ማጫኔ ኣቲማ ኣይሌ ገዲዲ ሃራታና ማላ ቆፔታ፤ አንቴካ ኢሰታ ማላ ሃኢዲ ጎዳ አንቴ ጸሳ ቶቺቤኩቴ?

11 ሃሳ ገሻሰ ሃኢ አንቴ ታኒ ገዛይሳ ሲዩቴ፤ ጎዳፔ ባቢሲዛ ሃንቆይ አንቴ ቦላ ዋዲዳ ገሻሰ አንቴ ዲኢዲ ቃቺዳ አንቴ ዳቦታ ዛሪ ዩዲቴ» ገደሰ።

12 ሃሳፌ ጉዬ ኤፍራሚ ዛሬታ ሃላቃታፔ ኦይዳቴ፣ ዩሆሃናኔ ና ኣዛሪያሰ፣ ማሺሎሚቴ ና ባራካዬይ፣ ሻሎሚ ና ሂዘቁያሳኔ ሃዲላዬ ና ኣማሲ ኦላፔ ሲሚዳይታ ቦላ ዳንዲዳ።

13 ሂሰቲዲ፣ «ሄ ዲኢዳ ኣሳታ አንቴ ሃ ኤሆፕቴ! አንቴ ኤሂዛ ገዲኮ ካሴ ኑኒ ጎዳ ቦላ ኦሉዳ ናጋራኔ ቆሆ ቦላ ሃራ ቆሆ ጉጃታ፤ ኑ ቆሆይ ካሴካ ዳሪ ኡቲዳ ገሻሰ ኢሰራኤሌ ቦላ ጎዳ ሃንቆይ ዋዲዳሰ» ገደ።

14 ሃሳ ገሻሰ ኦላንቻታ ዲኢ ኤሂዳ ኣሳታ ሃላቃታ ሲንሳኒ ኩሚዳ ዳራ ሲንሳን ዩዲዳ፤ ዲኢ ኤሂዳ ሚሻካ ዛሪ ሹዲዳ።

15 ሃሳፌ ጉዬ ሱንሳይ ሃይሳፌ ቆሞን ጸፊቲዳ ኣሳቲ ዳንዲ ኤቁዲ ዲኤቲዳ ኣሳታ ኤኪዲ ኢሰታ ገደን ካሎ ዲዛይታ ዲኢ ኤኪዳ ማይኦፌ ኢሰታ ማይዚዳ፤ ኢሰቲ ሄ ኣሳታሰ ማይኦኔ ጫማ አሚዳ፤ ቃሴ ኢሰታ ሚዚዳኔ ኡሺዳ፤ ኢሰታ ማዲንሳካ ዛይቴ ቴይዳ፤ ኢሰታ ገደፌ ዳቡርዳይታ ሃራ ቶጊሲዲ ኢሰታ አሻንታኮ ዛምባ ካታማ ጌቴታ ጸይጌቴዛ ኢያርኮ ካታማ ኤፊዲ ጉዬ ሳማሪያ ሲሚዳ።

ኣካዜይ ኣሶሪ ካዋ ኦይቺዳ ማዶ (2ካዋ 16:7-9)

16 ሄ ዋዴ ካዋ ኣካዜይ ኣሶሪ ካዋይ ባና ማዳና ማላ ኪታ ዩዲዳሰ።

17 ጋሶይካ ኤዶሚ ኣሳይ ናምኣንላ ዩሁዳ ቦላ ዋራጂዲ ዳር ኣሰ ዲኢ ኤፊዳ ገሻሳ።

18 ፊሊሰጾሚ ኣሳቲ ቃሴ ዩሁዳ ሻራ ሚንላኒኔ ኔጌቤ ባዘን ዳኢዛ ካታማታ ዋራጂዲ ቤቴ-ሹሚሹ፣ ኣያሎኔ፣ ጋዴሮቴ፣ ሶኮ፣ ቴሚና፣ ገሚዞኔ ኢሰታ ዩሾን ዲዛ ሞላታ ኡባ ኦይኪዲ ሄን ዳኢዳ።

19 ዩሁዳ ካዋ ኣካዜይ ዩሁዳ ኣሳ ናጋራ ኦሲሲዳ ገሻሲኔ ጎዳሰ ኣማኔቶንታ ኣጊዳ ገሻሰ ጸሲ ዩሁዳ ካወሺዳሰ።

20 ሃሳ ገሻሰ ኣሶሪ ካዋ ቴሊጌሊቴሊፌሊሶሬይ ኣካዜኮ ዩዲ ሃራ ማቶ ማዲዳሰ ኣቲን ማዲቤና።

21 ኣካዜይ ጸሳ ኬላፊ፣ ካዋ ኬላፊኔ ሹሚታፔ ኣማርዳ ሚሻታ ኤኪዲ ኣሶሪ ካዋሰ አሚንካ ኢዛ ማዲቤና።

ኣካዜ ናጋራ

22 ካዋ ኣካዜይ ሚቶቲዳ ዋዴ ጎዳሰ ኣማኔታናይሳ ኣጊ ኣጊ ቢዳሰ።

23 ኢዚካ፣ «ኣራሚ ካዋታ ጸሳቲ ኢሰታ ማዲዳ ገሻሰ ታናካ ኢሰታ ማዳና ማላ ታኒ ኢሰታሰ ያርሻና» ገዲ ባና ጸኒዳ ዳማሰቆ ጸሳታሰ ያርሺዳሰ፤ ገደ ኣቲን ሄ ጸሳቲ ኢዛሰኔ ኢሰራኤሌ ኣሳ ኡባሰ ባሽ ኤሂዳ።

24 ኣካዜይ ጸሳ ኬላ ሚሻ ኡባ ኢሲሶ ሺሺዲ ኪንቼሬላዳሰ፤ ሂሰቲዲ ጸሳ ኬላ ፔንጌታ ጎርዲዲ ዩራሳላሚን ዋጋ ኦጌታ ቴጸን ቴጸን ባሰ ያርሾሶታ ኤሲዳሰ።

25 ኣካዜይ ዩሁዳ ካታማታን ሃራ ኤቃ ጸሳታሰ ያርሾ ጸጋናሰ ዙምቡላታ ቦላ ጎይኒዛሶታ ገግሲዳሰ፤ ሃሳን ጎዳ ባ ኣዋታ ጸሳ ሃንቁላዳሰ።

26 ኣካዜ ካዋቴላ ላይላን ኮይሮፔ ቢዲ ወርሴላ ጋካናሰ ኦሴቲዳ ሃራ ኦሶቴኔ ኢዛ ሃናይ ኡባይ ዩሁዳ ካዋታ ታሪኬ ማጻፋኒኔ ኢሰራኤሌ ካዋታ ታሪኬ ማጻፋን ጸፊቲ ኡቲዳሰ።

27 ኣካዜይ ባ ኣዋታላ ሃይቁዳሰ፤ ዩራሳላሚ ካታማን ኢዛ ሞጊዳ፤ ገደ ኣቲን ኢሰራኤሌ ካዋታ ዲፎን ሞጌቴቤና፤ ኢዛ ና ሂዘቁያሲ ኢዛሶሆን ካዋቴዳሰ።

29

ዩሁዳ ካዋ ሂዘቁያሳ (2ካዋ 18:1-3)

1 ሂዘቁያሲ ካዋቴዛ ዋዴ ኢዛሰ ላይላይ 25፤ ኢዚ ዩራሳላሚን 29 ላይላ ካዋቴዳሰ፤ ኢዛ ኣያ ዛካራሳ ና ኣቢዮ ጌቴታወሰ።

2 ኢዛ ኣዋ ዳዊቲ ጎዳ ሲንሳን ሎኦ ኦሉዳ ማላ ኢዚካ ሎኦ ኦሉዳሰ።

3 ሂዘቁያሲ ባ ካዋቴዳ ኮይሮ ላይላን ኮይሮ ኣጊናን ጸሳ ኬላ ፔንጌታ ደይዲ ኦራላዳሰ።

4 ቁሴታኔ ለዊታ ጸሳ ኬላሰ ኣርሼይ ሞኪዛ ባጋራ ዲዛ ዳባባን ሺሺዳሰ።

5 ሂሰቲዲ፣ «ለዌቶ! ታኒ ገዛይሳ ሲዩቴ! ሃኢራ ኤሶን አንቴና ጌሺቴ፤ አንቴ ኣዋታ ጸሳ ኬላካ ጌሺቴ፤ ቱና ሚሽ ኡባ ጸሳ ኬላፌ ዲጌቴ።

6 ካሴ ኑ ኣዋቲ ኣማኔቲቤቴና፤ ኑ ጎዳ ሲንሳን ኢታ ሚሽ ኦሉዳ፤ ኢዛካ ኣጊዳ፤ ጎዳይ ዳኢዛሶፔ ባንታ ሲንላ ሃራሶ ዛሪዲ ኢዛሰ ዘኮ ቤሲዳ።

7 ኢሰቲ ቃሴ ጸሳ ኬላ ፔንጌታ ጎርዲዳ፤ ጸምፔታ ቶይሲዳ፤ ኢሰራኤሌ ጎዳሰ ኤጻኔ ጨዋሲቤቴና፤ ዋይኮ ኢዛ ኬላንካ ጸጌቴዛ ያርሾካ ያርሺቤቴና።

8 ሃሳ ገሻሰ ጎዳ ሃንቆይ ዩሁዳ ቦላኔ ዩራሳላሚ ቦላ ዋዲዳሰ፤ አንቴ አንቴ ኣይፊን ቤኢዳይሳላ ጎዳይ ኢሰታ ዳጋማሰ፤ ሚቻሲኔ ቁዴሰ ኣሉ አሚዳሰ።

9 ሃሳ ጋሶን ኑ ኣዋቲ ገላ ማሻን ሲፊቲዳ፤ ኑ ኣቲማ ናይቲ፣ ኑ ማጫ ናይቲኔ ኑ ማቼቲ ዲኤቲዳ።

10 «ሃኢ ገዲኮ ባቢሲዛ ኢዛ ሃንቆይ ኑ ቦላፌ ኪቻና ማላ ታኒ ጎዳ ኢሰራኤሌ ጸሳራ ጫቁታናሰ ታ ዋዚናን ቆፓዲሰ።

11 ታ ናይቶ! አንቴ ጎዳ ሲንሳን ኤቁዲ ኦላና ማላ ኢዛ ኦሳንቻ ገዳና ማላኔ ኢዛሰ ኤጻኔ ጨዋሳና ማላ አንቴና ኢዚ ደሪዳ ገሻሰ ወዳይ ባይንዳይታ ገደፕቴ» ገደሰ።

12 ሄ ሶሆን ዳኢዛ ለዌቲ ሃይሳፌ ካሊዲ ጸፊቲዳ።

ቃኣቲ ዛርኬፌ
ኣማሳይ ና ማሃቲኔ
ኣዛሪያሳ ና ኢዩኤሌ።
ሚራሬ ዛርኬታፔ
ኣቢዳ ና ቁሴኔ

የሃሌልኤሌ ና ኣዛሪያሳ።

ጌርሾኔ ዛርኬፊ

ዚማ ና ዮኣሃኔ

ኢዛ ና ኤዴኔ።

13 ኤልጻፋኔ ዛርኬፊ

ሸሚሬኔ ዩኢኤሌ።

ኣሳፊ ዛርኬፊ

ዛካራሳኔ ማታኒያ።

14 ሃማኔ ዛርኬፊ

ዩሂኤሌኔ ሸምኤ።

ኤዶታኔ ዛርኬፊ

ሻማኤኔ ኡዚኤሌ።

15 ኢስቲ ባንታ ኣሻታ ሺሺዲ ባንታና ጌሺዲፕ

ጉዬ ካዎዚ ጎዳ ቃላይ ጊዛ ማላ ኢስታ ኣዛዚን

ኢስቲ ጸሳ ኬላ ጌሻና ጌሊዳ።

16 ሃሳ ጊሻሰ ቁሴቲ ጸሳ ኬላ ጌሻና ጊዶ ጌሊዲ

ሃን ዲዛ ቱና ሚሽ ኡባ ኬሲዲ ጸሳ ኬላ ዛን ኤሂዳ፤

ሌዌቲ ቶኪ ኤፊዲ ቁዲሮኔ ሸባን ኦሊዳ።

17 ኢስቲ ኮይሮ ኣገናን፣ ኮይሮ ጋላስ ጸሳ ኬላ ጌሾ

ደሚዲ ሄ ኣገናን ኦሰፑንጎ ጋላስ ዳራንቻ ጋኪዳ፤ ሃራ

ኦሰፑን ጋላሳን ጸሳ ኬላ ጌሺዳ፤ ሃ ጌሾ ዎጋዚ ኮይሮ

ኣገናን ታማኔ ኡሱፑንጎ ጋላስ ፖሌቲዳ።

18 ሃሳፊ ጉዬ ኢስቲ ካዎ ሂዘቂያሳኪ ጌሊዲ፣

«ኦኒ ጸሳ ኬላ ኡባ፣ ጸጌቲዛ ያርሾ ያርሾዛሶዛኔ

ያርሾሰ ጎኤቲዛ ሚሻታ፣ ጎዳ ሰንጎን ዎሊዛ ጸራጵዛኔ

ሄ ጸራጵዛ ቦላ ኡቲዛ ሚሻታ ኡባ ጌሺዳ።

19 ቃሴ ካዎ ኣካዜይ ካዎቲዲ ዳኢዛ ዎዴ ጸሳስ

ኣማኔቶንታ ኣገዲ ኤፊዳ ሚሻታ ኡባ ኦኒ ዛሪዲ

ጌሺዳ፤ ቤኣ ኦኒ ጌሺዳ ሚሻቲ ኡባይ ጎዳስ ያርሾ

ያርሾዛሶዛ ሰንጎን ዳቲስ» ጊዳ።

20 ካዎ ሂዘቂያሳኪ ዎንቲላ ጋላስ ጉራራ ዳንዲዲ

ካታማ ሃላቃታ ሺሺዲ ኢስታራ ኢሲፊ ጸሳ ኬላ

ቢዳስ።

21 ኢስቲ ካዎቲላ ጊሻሰ፣ ጸሳ ኬላ ጊሻሰኔ የሁዳ

ኣሳ ጊሻሰ፣ 7 ኮርማ ቦራታ፣ 7 ቋርሾታ፣ 7 ማጫ

ደርሳ ላቃታኔ 7 ዳይሻ ኮርቤታ ናጋራ ያርሾሰ ኤሂዳ፤

ኣሮኔ ዜሬል ጊዲዳ ቁሴቲ ጎዳስ ያርሾ ያርሾዛሶን

ሄይታ ያርሻና ማላ ካዎዚ ኣዛዚዳ።

22 ቁሴቲ ኮርማ ቦራታ፣ ቋርሾታኔ ደርሳ ላቃታ

ሹኪዲ ኢስታ ሱላ ያርሾ ያርሾዛሶዛ ቦላ ኣራጪዳ፤

23 ናጋራ ያርሾሰ ሸቂዛ ዳይሻ ኦርጌታ ካዎዛ

ሲንሌኔ ዲላታሰ ሸቂዳ ኣሳ ሲንሌ ኤሂን ኢስቲ ኡባይ

ባንታ ኩሼ ኦርጌታ ቦላ ዎሊዳ።

24 ካዎዚ ኢስቲ ጸጌቲዛ ያርሾኔ ናጋራ ያርሾ

ያርሻና ማላ ኣዛዚዳ ጊሻሰ ቁሴቲ ኦርጌታ ሹኪዲ

ኢስራኤሌ ኣሳ ኡባ ናጋራ ወርሳናሲኔ ጸጌቲዛ ያርሾ

ሂስቲ ኢስታ ሱላ ያርሾ ያርሾዛሶዛ ቦላ ወጺዳ።

25 ሃሳፊ ጉዬ ጎዳይ ካዎስ ቲንቤቲ ዮቲዛ ጋዴ

ባጋራ፣ ናቤ ናታኔ ባጋራኔ ካዎ ዳዊቲ ባጋራ ኣዛዚዳ

ኣዛዚ ሂዘቂያሳኪ ካሊዲ ሌዌታ ዳላ፣ ዲሊኔ ማሲንቆ

ኦይሊዲ ጸሳ ኬላን ኤሲዳ።

26 ሌዌቲ ዳዊቲ ካሴ ማዛሙራ ዩዲዛ ሚሻታ

ኦይኪን ቁሴቲ ቃሴ ዛይታ ኦይኪዲ ጊቤቲ ኤቂዳ።

27 ሃሳፊ ጉዬ ኢስቲ ጸጌቲዛ ያርሾ ያርሻና ማላ

ሂዘቂያሳኪ ኣዛዚዳ፤ ጸጌቲዛ ያርሾዚ ደሚቲዛ ዎዴ

ዛይታኒኔ ካዎ ዳዊቲ ዬላ ሚሻታን ኣዛቤቲዲ ጎዳስ

ማዛሙራ ደሚዳ።

28 ጸጌቲዛ ያርሾይ ፖሊታና ጋካናስ ዩዲዛይቲ
ዩዲሺን፣ ዛዬ ፑኒዛይቲ ፑኒሺን ኩሚላ ኢስራኤሌይ
ጎይኒዳስ።

29 ቁሴቲ ያርሾዛ ያርሾ ፖሊዳፔ ጉዬ ካዎዚኔ
ኢዛራ ዲዛ ኣሳይ ኡባይ ጉልባቲዲ ጎይኒዳስ።

30 ካዎ ዳዊቲኔ ናቤ ኣሳፊይ ጸፊዳ ጋላታ ዬላ
ጎዳስ ዩዳና ማላ ካዎ ሂዘቂያሳኪ ሃላቃቲ ሌዌታ
ኣዛዚዳ፤ ሂስቲን ሌዌቲ ኡፋይሳን ጋላቲሹ ጉልባቲዲ
ጎይኒዳ።

31 ሃሳፊ ጉዬ ሂዘቂያሳኪ ኣሳ፣ «ሃኢ ኢንቲ ኢንቲና
ጎዳስ ዲማሲዳታ፤ ኢንቲ ሸቂዲ ያርሾኔ ጋላታ ኣዎታ
ጸሳ ኬላ ኤሂቲ» ጊዳ፤ ሃሳ ጊሻሰ ሸቂዳ ኣሳይ
ያርሾኔ ጋላታ ኣዎታ ኤሂዳ፤ ቃሴ ኣማርዳ ኣሳቲ ባ
ሼኔን ጸጌቲዛ ያርሾ ኤሂዳ።

32 ሄ ሸቂዳ ኣሳይ ኤሂዳ ጸጌቲዛ ያርሾዛ ቆዳይ
70 ኮርማ ቦራታ፣ 100 ቋርሾታኔ 200 ቋርሾ ላቃታ፤
ሄይቲ ኡባይ ጎዳስ ጸጌቲ ሸቂዛ ያርሾሰ ኣማቲዳይታ።

33 ቃሴ ያርሾሰ ሸቂዳ ኮርማ ቦራቲ 600፣ ደርሲኔ
ዳይሺ ሄዡ ሺ።

34 ጊዳ ኣቲን ጸጌቲዛ ያርሾ ኡባ ሹኪዲ ጋልባ ሸቂ
ኬሳናስ ዲዛ ቁሴቲ ቆዳን ኬሂ ጉላ ጊዲዳ ጊሻሰ
ኦሶይ ወራና ጋካናሲኔ ሃራ ቁሴቲ ባንታ ሀኤ ጌሻና
ጋካናስ፣ ኢስታ ዳቦ ጊዲዳ ሌዌቲ ኢስታ ማዲዳ።
(ሌዌቲ ባና ጌሻናስ ቁሴታፔ ቦላራ ባና ናጊዛይታ።)

35 ጸጌቲዛ ያርሾ፣ ኢሲፊቴላ ያርሾ ሃንዳኔ ጸጌቲዛ
ያርሾራ ኢሲፊ ያርሾቲዛ ኡሻ ያርሾቲ ኬሂ ዳሮ።

ሃሳላ ሃኒዲ ጸሳ ኬላ ኦሶይ ናምኣንሎ ዛሪ

ደሚዳ።

36 ሃሳፊ ጉዬ ሂዘቂያሳኪ ኡባ ኣሳይ ሄ ኦሶዛ

ኤሶን ፖላና ማላ ጸሲ ኢስታ ማዲዳ ጊሻሰ ኬሂፔ

ኡፋዬቲዳ።

30

ፓዚጋ ባኣሌ ቦንቾ

1 ጎዳ ኢስራኤሌ ጸሳ ፓዚጋ ባኣሌ ቦንቾናስ
ኢስራኤሌ ኣሳይ ኡባይኔ የሁዳ ኣሳይ ኡባይ
ዩራሳላሚን ዳኢዛ ጸሳ ኬላ ያና ማላ ሂዘቂያሳኪ
ኪቲዳስ፤ ቃሴ ኤፍሬሜ ኣሳሲኔ ሚናሴ ኣሳስ ዳብዳቤ
ጸፊዳ።

2 ካዎይ፣ ሃላቃቲኔ፣ ዩራሳላሚን ሸቂዳ ኣሳይ ኡባይ
ፓዚጋ ባኣሌ ናምኣንሎ ኣገናን ቦንቾናስ ቆፋ ቃቺዳ።

3 ቆዳን ጉላ ቁሴቲ ጸላ ባና ጌሺዳ ጊሻሰኔ ዳሮ
ኣሲካ ዩራሳላሚን ሸቂንታ ጊሻሰ ኣሳይ ፓዚጋ ዎዴራ
ኮይሮ ኣገናን ቦንቾናስ ዳንዳይቤና።

4 ካዎዚኔ ዳሬዚ ሄ ቆፋይ ሎኮ ጊዲዳይሳ

ቤኢዳ።

5 ካሴ ዎጋን ኣዛዜቲዳ ማላ ፓዚጋ ባኣሌዚ ዳሮ

ዎዴ ዳሮ ኣሳታን ቦንቾቲ ኤርንታ ጊሻሰ ኢስራኤሌ

ጎዳ ፓዚጋ ባኣሌ ዩራሳላሚን ቦንቾናስ ቤርሳቤሂፔ

ቢዲ ዳኔ ጋካናስ ዲዛ ኢስራኤሌ ኣሳይ ኡባይ ያና

ማላ ኣዎጀናስ ቆፋ ቃቺዳ።

6 ካዎዚኔ ኢዛ ሹሚቲ ኣዛዚን ኪቲቲዳይቲ

ኢስራኤሌ ዳራሲኔ የሁዳ ዳራሰ ኡባሰ፣ «ኢስራኤሌ

ኣሳወ! ኣሶሬ ካዎታ ኩሼፔ ኬሲ ኤኪዲ ኣቲዳ

ኢንቲኮ ጸሲ ሰማና ማላ ኢንቲካ፣ ጎዳ ኣብራሃሜ፣

ዩሳቃኔ ያቆቤ ጸሳኮ ሲሚቲ!

7 አንቲ ኤሪዛ ማላ ኢስቲ ቁጭስ ከዛናሽ ጋካናስ ባንታ አዋታ ጎዳስ አማኔቶንታ ኢዲዳ አንቲ አዋታ ማላኔ አንቲ አሻታ ማላ ገደፒቲ።

8 አንቲ ጎዳስ አዛዘቲቲቲ ኣቲን ካሴ አንቲ አዋታ ማላ ዋዚና ሙሜ ገደፒቲ! ኢዚ ማርናስ ዲማሲዳ ኬላ ሃ ዩቲ። ከሂ ያሽዛ ኢዛ ሃንቆይ አንቲፊ ሲማና ማላ ጎዳስ ሃጋዚቲ።

9 አንቲ አንቲ ጎዳኮ ሲሚኮ ጎዳ አንቲ ጸሳይ ቃጭቲዛዴኔ ማሪዛዴ ገዲዳ ገሻስ አንቲ አሻታኔ አንቲ ናይታ ዲኢ ኤፊዳይታ ሲንሳን ኢስቲ ማሮቲላ ዴሚዲ ሃ ቢታ ሲማና፤ አንቲ ኢዛኮ ሲሚኮ ኢዚ ባ ሲንላ አንቲኮ ዛራና» ገዛ ዳብዳቤ ኤፊዳ።

10 ከቲቲዳይቲ ኤፍሬሜ ቢታኔ ሚናሴ ቢታ ካንላዲ ዛቢሎኔ ቢታ ጋካናስ ካታማፔ ካታማ ቢዳ፤ ገደ ኣቲን ሄ ካታማታን ዴኢዛ ኣሳቲ ኢስታ ካጲዲ ኢስታ ቦላ ሚጪዳኔ ቁልጪዳ።

11 ገዲኮካ ኣሴሬ ኣሳታፔ፣ ሚናሴ ኣሳታፔኔ ዛቢሎኔ ኣሳታፔ ጉላቲ ባንታና ካዉሺዲ ዩሩሳላሚ ዩዳ።

12 ካዋዚኔ ኢዛ ሹሜቲ ጎዳ ቃላይ ገዳ ማላ አዛዚዳይሳ ዩሁዳ ኣሳይ ኢሲ ዋዚናን አዛዘታና ማላ ጸሳ ኩሼይ ዩሁዳ ኣሳ ቦላ ዴስ።

13 ናምአንላ ኣገናን ኡኩላ ባኣሌ ቦንቻናስ ከሂ ዳሮ ኣሳይ ዩሩሳላሚን ሸቁዴስ።

14 ኢስቲ ዴንዲዲ ዩሩሳላሚን ዴኢዛ ያርሺዛሶሆታ ዴንላዲ ኤጻኔ ያርሺዛሶሆታ ኡባ ዲገዲ ቁዲሮኔ ዙሌ ኤፊ ኦሊዳ።

15 ሃሳፌ ጉዬ ናምአንላ ኣገናን ታማኔ ኦይዳንላ ጋላስ ፓዚጋ ደርስ ሹኪዳ፤ ባና ጌሾንታ ቁሴቲኔ ለዌቲ ዩላቲዲ ባና ጌሺዳ፤ ሂስቲዲ ጸጌቲዛ ያርሾ ጸሳ ኬላ ኤሂዳ።

16 ሃሳፌ ጉዬ ጸሳ ኣስ ሙሴ ዋጋ ማላ ጸሳ ኬላ ገደን ባንታ ሶሆን ሶሆን ኤቁዳ፤ ሂስቲዲ ቁሴቲ ለዌታ ኩሼፔ ኤኪዳ ሱላ ዉዲዳ።

17 ሄ ዲላታ ገደን ባና ጌሾንታ ዳሮ ኣሳቲ ዲዛ ገሻስ ካሴ ዲዛ ዋጋ ማላ ባና ጌሾንታይታሴኔ ባንታ ያርሾ ደርሳ ላቃ ጸሳስ ሸሻናስ ዳንዳዮንታ ኡባታስ ፓዚጋ ደርሳ ለዌቲ ሹካናስ ቤሴስ።

18 ኤፍሬሜ፣ ሚናሴ፣ ዩሳኮሬ፣ ዛቢሎኔ ቆዋታፔ ዳሮ ኣሳቲ ዋጋይ አዛዚዛ ማላ ባና ጌሾንታይሳ ገዲኮካ፣ ፓዚጋ ባኣሌ ገቢራ ሚዳ፤ ሃሳ ገሻስ ካዋ ሂዘቁያሲ።

19 «አቤት ኣሳ ኡባስ ኪያ ጎዳዉ፣ ሃይቲ ካሴ ዋጋይ ገዛ ማላ ባና ጌሾንታይታ ገዲኮካ ኢስቲ ጎዳ ባንታ አዋታ ጸሳ ኮያናስ ባ ዋዚና ገግሲዳ ኣሳታስ ኔ ኣቶ ጋ» ገዲ ዋሲዴስ።

20 ጎዳይ ሂዘቁያሳ ዋሳ ሲዩዲ ኢስታስ ኣቶ ገዴስ።

21 ዩሩሳላሚን ሸቁዳ ኢስራኤሌ ኣሳይ ኡኩላ ባኣሌዛ ገታ ኡፋይሳን ላቲን ጋላስ ቦንቻዴስ፤ ለዌቲኔ ቁሴቲ ዩላ ሚሻታን ዩጲሼ ጋላስ ጋላስ ጎዳ ጋላቲዳ።

22 ሃሳፌ ጉዬ ሂዘቁያሲ ጎዳ ኦሶን ኣኬካራ ዲዛ ለዌታ ኡባ ሚንሌላዴስ።

ሌዌቲ ኡባይ ባንታስ ኢሜቲዳ ገሻስ ኢሲፊቴላ ያርሾ ያርሺሼ ጎዳ ባንታ አዋታ ጸሳ ጋላቲሼ፣ ሚሼኔ ኡዩሼ ባኣሌዛ ላቲን ጋላስ ቦንቻዳ።

23 ዲላታ ሸቁዳ ኣሳይ ኡባይ ካሊዛ ላቲን ጋላሳታን ባኣሌዛ ዛሪ ቦንቻናስ ቆፋ ቃቻዳ፤ ሃሳ ገሻስ ኣሳይ ባኣሌዛ ሃራ ላቲን ጋላስ ኡፋይቲሼ ቦንቻዴስ።

24 ዩሁዳ ካዋ ሂዘቁያሲ ሸቁዳ ዴራስ 1,000 ኮርማ ቦራታ፣ 7,000 ደርሳታኔ ዴይሻታ ኢሚዴስ፤ ቃሴ ኢዛ ሹሜቲ 1,000 ኮርማ ቦራታ፣ 10,000 ደርሳታኔ ዴይሽ ኢሚዳ፤ ከሂፔ ዳሮ ቁሴቲካ ባንታና ጌሺዳ።

25 ኩሜላ ዩሁዳ ኣሳይ፣ ቁሴቲ፣ ለዌቲ፣ ኢስራኤሌ፣ ዲላታ ዩዳ ኣሳይ ኡባይኔ ካሴ ኢስራኤሌ ቢታፊ ዩዲ ዩሁዳ ቢታን ዲዛ ኣሳይ ኡባይ ኡፋይቲዳ።

26 ኢስራኤሌ ካዋ ዳዊቲ ና ሶሎሞን ካዋቲላ ዋዴፔ ሃ ሲሚን ሃቶ ጋካናስ ዩሩሳላሚን ሃይሳ ማላ ባኣሌይ ቦንቻቲ ኤርንታ ገሻስ ዩሩሳላሚን ኣሳይ ከሂፔ ኡፋይቲዴስ።

27 ሃሳፌ ጉዬ ቁሴቲኔ ለዌቲ ዴንዲዲ ኤቁዲ ዴራ ኣንጂዳ፤ ጸሳይ ኢስቲ ገዛይሳ ሲዩዴስ፤ ኢስታ ዋሳይካ ሳሎ ኬላ ጸሳኮ ጋኪዴስ።

31

ካዋ ሂዘቁያሲ ኦራላዳ ጎይና ዋጋ

1 ሃይሲ ኡባይ ፖሌቲዳፔ ጉዬ ሃን ዲዛ ኢስራኤሌ ኣሳይ ዩሁዳ ካታማታ ዩዲ ጎይኔቲዛ ሹቻታ ሚንሌሬላ ዩገዳ፤ ኣሽሮ ጌቲቲዛ ኤቃ ጸሳይ ሚሰሌታ ቃንጾሬላ ኦሊዳ፤ ቃሴካ ዩሁዳ ቢታን፣ ቢኒያሜ ቢታን፣ ኤፍሬሜ ቢታኒኔ ሚናሴ ቢታን ዲዛ ዙሞቡላታ ቦላ ጎይኒዛሶታኔ ያርሾ ያርሺዛሶሆታ ቃይሲዳ፤ ኢስራኤሌ ኣሳይ ሃሳ ኡባ ኦሊዳፔ ጉዬ ባንታ ካታማ ካታማኔ ባንታሶ ባንታሶ ሲሚዳ።

2 ሂዘቁያሲ ቁሴታኔ ለዌታ ኢስታ ኦሶ ማራን ማራን ሻኪ ኤሲዴስ፤ ኢስታ ኦሶይ ጸጌቲዛ ያርሾ ሺሾ፣ ኢሲፊቴላ ያርሾ ሺሾ፣ ጸሳ ኬላን ሃጋዘ፣ ጎዳ ጋላቶኔ ሳሶ።

3 ጎዳ ዋጋን ጸፊቲዳ ማላ ማላዴኔ ኦማርስ፣ ሳምባታን ሳምባታን፣ ኣገናይ ጴሪን ኮይሮ ጋላሳታኒኔ ዲማ ዲማ ባኣሌታ ጋላስ ጸጌቲ ሸቁዛ ያርሾዛ ካዋዚ ባ ሚሻፊ ኢሚዴስ።

4 ባንታ ኩሜላ ዋዴዛ ጎዳ ኦሶስ ጎኤታና ማላ ቁሴቲኔ ለዌቲ ዩሩሳላሚን ዲዛ ኣሳይ ኢስታስ ኮሺዛይሳ ኢሚና ማላ ካዋዚ አዛዚዴስ።

5 ሂዘቁያሲ ሃሳ አዛዚዳ ማላ ኢስራኤሌ ኣሳይ ካላፊ፣ ዋይኔ ኡሻፊ፣ ዛይቲፔ፣ ኤሳፊሬኔ ጎዳ ሺሺዳ ካላ ኣይፊፔ ጴራ ጎዳስ ኪያቲላን ኢሚዳ፤ ባንታስ ዴኢዛ ኡባ ሚሻፊካ ከሂ ዳሮ ኣሰራታ ኤሂዳ።

6 ዩሁዳ ካታማታን ዴኢዛ ኢስራኤሌ ኣሳይኔ ዩሁዳ ኣሳይ ሚዛታፔ፣ ደርሳታፔ፣ ዴይሻታፔኔ ጎዳ ባንታ ጸሳስ ኢስቲ ዲማሲ ዋላዳ ሚሽ ኡባፊ ኣሰራታ ኤሂ ኩንላዳ።

7 ኢስቲ ሃቫንላ ኣገናን ሺሾ ደሞይሳ ላቲንላ ኣገናን ፖሊዳ።

8 ካዎ ሂዘቁያሲኔ ኢዛ ሹሜቲ ሸቁዳይሳ ዩ ቤኢዲ ጎዳ ጋላቲሹ ዴሪ ኣንጂዲ።

9 ሃሳፌ ጉዬ ሂዘቁያሲ ሸቁዳ ኢሞታ ገሻሰ ቄሴታኔ ሌዌታ ኦይቺዳሰ።

10 ሂሰቲን ሳዶቄ ዛሬፔ ቄሴታ ሃላቃ ኣዛሪያሲ ሂዘቁያሳሰ። «ኣሳይ ባንታ ኢሞታ ጸሳ ኬል ኤሆ ደሞሶፌ ኮሰ ገዲ ፓላሂዛዝ ዳሚደሰ፤ ጎዳይ ባ ኣሳ ኣንጂዲ ገሻሰ ሃይሳ ኬና ቲርፓይ ኣቲዳሰ» ገዴሰ።

11 ሃሳፌ ጉዬ ሂዘቁያሲ ጸሳ ኬላን ሚንጃ ኬል ገሻሳና ማላ ኣሳ ኣዛዚን ኢሰቲካ ገግሲዲ።

12 ሂሰቲን ኣሳይ ኢሞታ፡ ባሰ ዲዛይሳፌ ኣሰራታኔ ጎዳሰ ዲማሲ ዋሉዳይሳ ኣማኔቲ ኤሂ ጌልሉዳ፤ ሃሳሰ ኣዋቲል ሌዌ ቆሞታፔ ካናኒያሰ ኢሜቲዳሰ፤ ኢዛፔ ጋርሳራ ኢዛ ኢሻ ሸምኤሰ ኣዋቲል ኢሜቲዳሰ።

13 ካዎ ሂዘቁያሲኔ ጸሳ ኬላን ኣላፌ ኣዛሪያሲ ኣዛዚን ካናኒያፔኔ ኢዛ ኢሻ ሸምኤ ጋርሳራ ገዲዲ ኦላና ማላ ዩሂኤሌ፡ ኣዛዚያ፡ ናሃቲ፡ ኣሳሂሌ፡ ያርሞቲ፡ ዮዛባዴ፡ ኤልኤሌ፡ ዩሲማኬ፡ ማሃቲኔ ባና ሹሚዳ።

14 ኣርሼይ ሞኪዛ ባጋ ፔንጌዛ ናገዛ ሌዌ ዩሚኔ ና ቆሬይ ባ ደሳን ጸሳሰ ኤሂዳ ኢሞታታኔ ሙጶሞታታ ጸሳሰ ዲማቲዳ ሚሻታ ሻኪ ሻኪ ኢማናሰ ኣዋቲል ኢሜቲዳሰ።

15 ቄሴቲ ዳኢዛ ካታማታን ገታፔ ጉል ጋካናሰ ዲዛ ባንታ ኢሻታሰ ኣማኔቲዲ ኢሰታ ኦሶ ማራ ማላ ሻኪ ሻኪ ኢማናሰ ኤዴ፡ ሚኒያሚኔ፡ ኢያሶ፡ ሻማኤ፡ ኣማሪያኔ ሻካኒያይ ቆሬፔ ጋርሳራ ሹሚዳ።

16 ሃሳፌ ቦላራ ኢሰታሰ ሱንላይ ኢሰታሰ ዩሌታ ማዘጋቤን ጸፊቲዳይቲኔ ሃኙ ሃኙ ዲማ ዲማ ኦሶታ ኦላናሰ ኢሜቲዳ ኣላፊቲዳ ማራኒኔ ኢሰታሰ ኢሜቲዳ ኦሳ ፖላናሰ ጸሳ ኬል ጌላናሰ ዳንዳይዛይታሰ፡ ኢሰታሰ ላይላይ ሄቸኔ ሃሳፌ ቦላራ ገዲዳ ኣቲማ ናይታሰ ገሺዳ።

17 ባንታ ኣዋታ ኬላን ኬላን ቆዴቲ ኡቲዳ ቄሴታሰካ ኢሚዳ፤ ቃሴ ላይላይ ናሞኡ ታማኔ ሃሳፌ ቦላራ ገዲዳ ሌዌታሰ ኢሰታሰ ኢሜቲዳ ኣላፊቲዳ ማራኒኔ ኢሰታሰ ኢሜቲዳ ኦሶዛ ማላ ሻኪ ሻኪ ኢሚዳ።

18 ሃ ዩሌታ ማዘጋባን ዲዛ ኩሜላ ኢሰራኤሌ ማባራሰ ቄሪ ናይታሰ፡ ኣቲማ ናይታሰኔ ማጫ ናይታሰ ኢማናሰ ባና ኣማኔቲላን ዲማሲዳ።

19 ቃሴ ባንታ ካታማታን ዩሻን ዲዛ ጎሻ ጋዴታን ዋይኮ ሃራ ካታማታን ዲዛ ኣሮኔ ዛርኬ ገዲዳ ቄሴታሰ፡ ቄሴታ ዛሬ ገዲዳ ኣቲማ ኣሳታ ኡባሲኔ ባንታ ዩሌታን ቆዴቲዳ ሌዌታ ኡባሰ ኢሰታ ጋኪዳ ቁማ ሻካናሰ ኣሳቲ ሹሜቲዳ።

20 ካዎ ሂዘቁያሲ ጎዳ ባ ጸሳ ሲንላን ሱሬ፡ ሎኦኔ ቱማ ገዲዳ ሚሽ ዩሁዳ ቢታ ኡባን ኦሊዳሰ።

21 ሂዘቁያሲ ጸሳ ኬላሰ ኦሊዳ ኦሶ ኡባን ዋጋኒኔ ኣዛዘን ጸፊቲዳይሳ ማላ ጸሳ ባ ኩሜላ ዋዚናፔ ኮዩዳ ገሻሰ ኢዛሰ ኡባ ሚሽ ኢንጃቲዳሰ።

32

ዩሩሳላሜ ኦላናሰ ኣሶሬታ ማንዴል (2ካዎ 18:13-37፤ 19:14-19፡35-37፤ ኢሳ 36:1-22፤ 37:8-38)

1 ካዎ ሂዘቁያሲ ጎዳሰ ኣማኔቲዲ ሃ ኦሶታ ኦሊ ፖሊዳፔ ጉዬን ኣሶሬ ካዎ ሴናኪሬሜይ ዩሁዳ ቢታ

ቦላ ዋራጂዳሰ፤ ሂሰቲዲ ባሰ ኦይካናሰ ቆፕዲ ገምቤቲ ኡቲዳ ካታማታ ደዲዳሰ።

2 ሴናኪሬሜይ ዩሩሳላሜ ኦላናሰ ቆፕዲ ዩዳይሳ ሂዘቁያሲ ቤኢዳ ዋዴ።

3 ካታማፔ ካሬራ ጎጊዛ ፑልቶ ሃላ ዜራናሰ ባ ኦሳንቻታኔ ባ ሚኖ ኣሳታ ዞሬ ቤሲን ኢሰቲ ኢዛ ሚዲዳ።

4 ሃሳ ገሻሰ ዳር ኣሳቲ ሸቁዲ፡ «ኣሶሬ ካዎቲ ዩዲ ኣይ ሃሊካ ዳሞፊቶ» ገዲ ሄ ሄራን ዴኢዛ ፑልቶ ሃሳታ ቱጪዳ፤ ጎጊዛ ሻፋታካ ጎርዲዳ።

5 ሃሳፌ ጉዬ ሂዘቁያሲ ሚኒ ኦሊዲ ላሌቲዳ ዲርሳ ገምቤዛ ኡባ ዛሬሉዲ ገምቤዳሰ፤ ሂሰቲዲ ኢዛ ቦላ ሻካታ ኬዲዳሰ፤ ሄ ዲርሳ ገምቤዛፔ ካሬ ባጋራ ሃራ ዲርሳ ገምቤዳሰ፤ ቃሴ ዳዊቲ ካታማ ገምቤይ ኩንደንታ ማላ ካሬ ባጋራ ኬጪዳሰ፤ ዳር ኦላ ማሳራታኔ ጎንዳሌታ ኦሊዳሰ።

6 ሂሰቲዲ ኦላ ጋዳዎታ ኣሳ ቦላ ሹሚዳሰ፤ ኢሰታ ኡባ ካታማ ፔንጌዛ ማታን ዲዛ ዳምባን ሸሺዲ።

7 «ሃያና ሚኒቲ! ጸላ ገዲቲ! ኦናራ ዲዛይሲ ኢሰታራ ዲዛይሳፌ ኣዴሰ፤ ሃሳ ገሻሰ ኣሶሬ ካዎሲኔ ኢዛ ኦላንቻታሰ ባቦፍቲ፤ ዳጋሞፍቲ።

8 ኢዛራ ዲዛይቲ ኣሾ ማይኢዳ ኣሰ ገዲሺን ኦናራ ዲዛይ ገዲኮ ኦና ማዲዛኔ ኦ ሞርኬታ ኦሊዛ ጎዳ ኦ ጸሳ» ገዲ ሚንሌሉዳሰ። ዩሁዳ ካዎ ሂዘቁያሲ ዮቲዳ ቃላን ኣሳይ ሚኔቲዳሰ።

9 ሃሳፌ ጉዬ ኣሶሬ ካዎ ሴናኪሬሜይ ባ ኦላንቻታ ኡባራ ኢሲፌ ላኪሹ ካታማ ደዲዲ ዩሁዳ ካዎ ሂዘቁያሳኮኔ ዩሩሳላሜን ዳኢዛ ዩሁዳ ኣሳ ኡባኮ ቃሰታኔ ኣሰ ከቲዳሰ።

10 ሂሰቲዲ፡ «ኣሶሬ ካዎ ሴናኪሬሜይ፡ «ኢንቴኖ ሃ ደዴቲ ኡቲዳ ዩሩሳላሜ ካታማን ዳኢዛ ኣሳቶ! ኦናን ኣማኔቲቲ?» ገዴሰ።

11 ሂዘቁያሲ፡ «ሳዳ ኦ ጸሳይ ኦና ኣሶሬ ካዎ ኩሼፔ ኣሻና? ገሼ ኢንቴና ባሌሉዲ ኮሻኒኔ ሳሞን ዩጋናሰ ገዴኔ?»

12 ጎይኒዛ ቆቃሶሆታኔ ያርሾ ያርሺዛሶሆታ ዲጊዲ ዩሁዳ ኣሳኔ ዩሩሳላሜ ኣሳ፡ «ኢንቴ ኢሲሶን ያርሺቴኔ ጎይኒቲ» ገዲይ ሃ ሂዘቁያሳ ገዴኔ?»

13 «ታኒኔ ታ ኣዋቲ ሃራ ዴሬ ካዎቲላታ ኡባ ቦላ ኦሊዳይሳ ኢንቴ ኤሬኬቲ? ሄ ካዎቲላታ ጸሳቲ ባንታ ቢታ ታ ኩሼፔ ኣሻናሰ ዳንዳይዳ?»

14 ታ ኣዋቲ ጳይሲዳ ሃ ካዎቲላታ ጸሳታ ኡባ ገደን ባ ኣሳ ታ ኩሼፔ ኣሻናሰ ዳንዳይዳይ ኦኔ? ሂሰቲን ኢንቴ ጸሳይ ኢንቴና ታ ኩሼፔ ዋሰቲ ኣሻናሰ ዳንዳይዴ?»

15 ሃሳ ገሻሰ ሃኢካ ሂዘቁያሲ ኢንቴና ባሌላፎ ዋይኮ ሃይሳላ ጨሞፎ፤ ኣይሰ ገኮ ኢዛ ኣሳ ታ ኩሼፔ ዋይኮ ታ ኣዋታ ኩሼፔ፡ ኣዎ ዴሬ ኣሳ ዋይኮ ካዎቲላታ ጸሳቲ ባንታ ዴራ ኣሻናሰ ዳንዳይዳይ ባይንዳ ገሻሰ ሂዘቁያሳን ኣማኔቶፍቲ፤ ሂሰቲን ኢንቴ ጸሲ ኢንቴና ታ ኩሼፔ ኣሻናሰ ዋኒ ዳንዳይዴ?» ገዴሰ።

16 ሴናኪሬሜይ ሹሜቲ ጎዳ ቦላኔ ኢዛ ኣይሌ ሂዘቁያሳ ቦላ ሃራ ዳር ኢታ ሚሽካ ሃሳይዳ።

17 ሳናኪሬሚ ቃሴካ ጎዳ ኢሰራኤሌ ጸሳ ጫዩሼ፡ «ሳኣ ቦላን ዳኢዛ ካዎቲላታ ጸሳቲ ባንታ ኣሳ ታ ኩሼፔ ኣሻናዉ ዳንዳይዳይ ኣጊዳ ማላ ሂዘቁያሳ ጸሳይካ ባ ኣሳ ታ ኩሼፔ ኣሼና» ገዛ ዳብዳቤ ጸፊዳሰ።

18 ሴናኪራሪሜ ኦሳንቻቲ ካታማ ዲኣናሰ ኮዪዲ ዲርሳ ገምቤዛ ቦላ ኡቲዳ ዩሩሳላሚ ኣሳ ያሺሳናሲኔ ዲጋንላናሰ ባንታ ጨንጉርሰ ቶቄ ሂሰቲዲ ኢብራዌታ ቃላን ዋሲዳ።

19 ኣሳ ኩሼን ኦሴቲዳ ኤቃ ጸሳታ ቦላ ሃሳይዳ ማላ ዩሩሳላሚ ጸሳ ቦላካ ሃሳይዳ።

20 ሃሳፌ ጉዬ ካዎ ሂዝቂያሲኔ ኣሞጾ ና ናቤ ኢሳያሲ ሃይሳ ገሻሰ ዋሲሼ ፑዴ ሳሎ ዋሲዳ።

21 ሂሰቲን ጎዳይ ኪታንቻ ዩዲዲ ኣሶሪ ካዎይ ዲንካኒዳሶን ዴኢዛ ኦሳንቻታ፡ ኦላ ጋዳዋታኔ ሃላቃታ ቆይሲዳሰ፤ ሃሳ ገሻሰ ኣሶሪ ካዎዚ ካወዪዲ ባ ዴሪ ሰሚዳሰ፤ ሂሰቲዲ ባ ኤቃ ጸሳ ኬሳ ጌሊዳ ማላ ኢዛ ኣቱማ ናይቲ ኢዛ ገላ ማሻን ሲፊዳ።

22 ሃሳሉ ኦላዲ ጎዳይ ሂዝቂያሲኔ ዩሩሳላሚን ዴኢዛ ኣሳ ኣሶሪ ካዎ ሴናኪራሪሜ ኩሼፔኔ ሃራ ሞርኬታ ኡባ ኩሼፔ ኣሺዳሰ፤ ሂሰቲዲ ኢሰታ ዩሾን ዲዛ ኣሳ ኡባፌ ኢሰታ ናጊዳሰ።

23 ዳር ኣሳቲ ጎዳሰ ኣሞታ ቃሴ ዩሁዳ ካዎ ሂዝቂያሲኒካ ኣሞታ ኤኪዲ ዩሩሳላሚ ዩዳ፤ ሄ ዎዴፔ ደሚዲ ካዎቲሳታ ኡባ ሲንላን ሂዝቂያሲ ቶቄ ቶቄ ገዳሰ።

ሂዝቂያሳ ኦቶሬቲላ
(2ካዎ 20:1-3፣12-19፤ ኢሳ 38:1-3፤ 39:1-8)

24 ሄ ዎዴ ሂዝቂያሲ ሃርጊዲ ሃይቃና ማቲዳሰ፤ ሃሳ ገሻሰ ጎዳ ዋሲን ጸሲ ኢዛ ፓላናሰ ማላታራ ዛር ኢሚዳሰ።

25 ጊዶ ኣቲን ሂዝቂያሲ ኦቶሬቲዳ ገሻሰ ጎዳይ ኢዛሰ ኪዩዳ ኪያቲላ ገሻሰ ኢዛ ጋላቲቤና፤ ሃሳ ገሻሰ ኢዛ ቦላ፡ ዩሁዳ ቦላኔ ዩሩሳላሚ ቦላ ጎዳ ሃንቆይ ዎዲዳሰ።

26 ጊዲኮካ ሂዝቂያሲኔ ዩሩሳላሚን ዲዛ ኣሳይ ባ ዎዚና ኦቶሬቲላ ኣጊዲ ባና ካወሺዳ፤ ሃሳፌ ጉዬ ጎዳ ሃንቆይ ሂዝቂያሳ ካዎቲላ ዎዴ ኡባን ኢሰታ ቦላ ዎዲቤና።

ሂዝቂያሳ ዱሬቲላኔ ቦንቸቲላ

27 ሂዝቂያሳሰ ኬሃፔ ዳር ዱሬቲላኔ ቦንቸይ ዲዛ ገሻሰ ቢራሰ፡ ዎርቃሰ፡ ኣልኦ ሹቻሰ፡ ሳዎሰ፡ ጎንዳሌሲኔ ሃራ ኣልኦ ሚሻ ኡባሰ ሚንጃ ኬላ ኬዲዳሰ።

28 ሃሳሉካ ካላ፡ ዎይኔ ኡሺኔ ዛይቲ ዎላና ኬላታኔ ዲማ ዲማ ማህታ፡ ደርሳታኔ ዴይሻታ ዎላና ኬላ ኬዲዳሰ።

29 ጸሳይ ኢዛሰ ዳር ዱሬቲላ ኣሚዳ ገሻሰ ካታማታ ኬዲዲ ዳር ዴይሻ፡ ደርሳ ዉዴታኔ ዳር ማህታ ሺሺዳሰ።

30 ሂዝቂያሲካ ፑዴ ባጋራ ዲዛ ጊዮኔ ፑልቶ ሃላ ቲቂዲ ዛሪ ዛሪዲ ዲጌ ዛሪ ኣርሼይ ዉሊዛ ባጋ ዲጌ ዳዎቲ ካታማ ዩዲዳሰ፤ ኢዚ ኦላዲይሲ ኡባይ ሎኦ ፖሌቲዳሰ።

31 ጊዶ ኣቲን ዩሁዳ ቢታን ሃኒዳ ማላሊሲዛ ማላታ ገሻሰ ኦይቻናሰ ባቢሎኔ ሃሪዛይቲ ኪቲዳ ኣሳቲ ሂዝቂያሳኮ ዩዳ ዎዴ ጸሲ ኢዛ ፓጫናሲኔ ኢዛ ዎዚናን ዲዛይሳ ኡባ ኤራናሰ ኢዛ ዩዲ ቤሲዳሰ።

ሂዝቂያሳ ሃይቆ
(2ካዎ 20:20-21)

32 ሂዝቂያሲ ባ ካዎቲላ ዎዴን ኦላዲ ኦሶቲኔ ኢዚ ጸሳሰ ኦላዲ ሎኦ ኦሶቲ ኣሞጾ ና ናቤ ኢሳያሳ ቲንቢቲ ማጻፋን፡ ዩሁዳ ካዎታ ማጻፋን፤ ኢሰራኤሌ ካዎታ ታሪኬ ማጻፋን ጸፊቲ ኡቲዳሰ።

33 ሂዝቂያሲ ካሴ ባ ኣዎታ ማላ ሃይቂዲ ካሴ ዳዎቲ ዛሪቲ ሞጌቲዛ ቶቃሶሆን ሞጌቲዳሰ፤ ኢዚ ሃይቂን ዩሁዳ ኣሳይ ኡባይኔ ዩሩሳላሚን ዲዛ ኣሳይ ኡባይ ኢዛ ቦንቸዳሰ፤ ኢዛ ና ሚናሴይ ኢዛሶሆን ካዎቲዳሰ።

33

ዩሁዳ ካዎ ሚናሴ
(2ካዎ 21:1-9)

1 ሚናሴይ ካዎቲዛ ዎዴ ኢዛሰ ላይላይ 12፤ ኢዚ ዩሩሳላሚን 55 ላይላ ካዎቲዳሰ።

2 ጎዳይ ኢሰራኤሌ ኣሳ ሲንላፌ ጎዳ ኬሲዳ ኣሳቲ ኦላዚ ሄ ሃራሲዛ ሎሴታ ካሊዲ ኢዚካ ጎዳ ሲንላን ኢታ ሚሽ ኦላዳሰ።

3 ሚናሴይ ባ ኣዎ ሂዝቂያሲ ላሊዳ ጎይኒዛ ቶቃሶሆታ ዛሬሊዲ ኬዲዳሰ፤ ባኣሌሰ ያርሺዛሶሆታኔ ኣሽሮ ጌቲቲዛ ኤቃ ጸሳይ ሚሰሊታ ሜዲዳሰ፤ ቃሴ ሳሎ ጸሊንቲታ ኡባሲካ ሆኪ ጎይኒዳሰ።

4 ጎዳይ፡ «ታ ሱንላይ ሚርናሰ ዩሩሳላሚን ዴኣና» ጊ ዎሊዳ ጸሳ ኬላን ሚናሴይ ኤቃ ጸሳታሰ ያርሺዛሶሆታ ገግሲዳሰ።

5 ጸሳ ኬላን ዴኢዛ ናሞኡ ዛጎታን ሳሎ ጸሊንቲታ ኡባሰ ያርሺዛሶሆታ ገግሲዳሰ።

6 ሄድሚ ና ሾባን ባ ኣቱማ ናይታ ታማን ጹጊዲ ያርሺዳሰ፤ ኢዚ ባ ሁኤንካ ቢቲዛዴ፡ ጎጂዛዴኔ ማርላዛዴ ጊዲዲ ሞይቲሌ ዴይጊዛይታኔ ኢታ ኣያናታራ ሃሳዬቲዛይታ ዞሪ ኦይቸዳሰ፤ ጎዳ ሲንላን ኢዚ ዳር ኢታ ሚሽ ኦላዲ ኢዛ ሃንቁላዳሰ።

7 ሃሳፌ ጉዬ ባ ሜዲዳ ኤቃ ሚሰሊዛ ጸሳ ኬላ ጊዶን ኤሲዳሰ፤ ሄ ጸሳ ኬላይ ጸሲ ዳዎቲሴኔ ኢዛ ና ሶሎሞን፡ «ሃ ጸሳ ኬላኒኔ ኢሰራኤሌ ኡባ ጊዶፌ ታኒ ዶሪዳ ዩሩሳላሚን ታኒ ታ ሱንላ ሚርናሰ ዴይጊሳና።

8 ታኒ ኢሰራኤሌ ኣሳ ሙሴ ባጋራ ኣዛዚዳ ኣዛዘ፡ ዎጋኔ ማራ ኡባ ኢሰቲ ናጊ ፖሊኮ ታኒ ኢሰታ ኣዎታሰ ኢሚዳ ቢታፌ ኢሰታ ቶሆ ሾዲሲኬ» ገዳሰ።

9 ጊዶ ኣቲን ሚናሴይ ዩሁዳ ኣሳኔ ዩሩሳላሚ ኣሳ ባሌላዳሰ፤ ሂሰቲን ኢሰታ ጎዳይ ኢሰራኤሌ ኣሳ ሲንላፌ ቆይሲዳ ካዎቲላቲ ኦላዲ ኢታፔ ኣዲዳ ኢታ ኦላዲ።

ባ ናጋራ ገሻሰ ሚናሴ ሞዲቲላ

10 ጎዳይ ሚናሴሲኔ ኢዛ ኣሳሰ ሃሳይዳሰ፤ ጊዶ ኣቲን ኢሰቲ ኢዛ ሃሳያ ሲዮንታ ኢዲዳ።

11 ሃሳ ገሻሰ ጎዳይ ኣሶሪ ካዎ ኦላ ጋዳዋታ ኢሰታ ቦላ ዴንላዳሰ፤ ሂሰቲን ኢሰቲ ሚናሴ ሲዴን ዳሮ ኣላዳ፤ ጸርቂማላ ሳንሳላታን ቃቺዲ ባቢሎኔ ቢታ ኤፊዳ።

12 ሚናሴይ ቱጋቲዳ ዎዴ ጎዳ ባ ጸሳ ኮዪዳሰ፤ ባ ኣዎታ ጸሳ ሲንላን ባናቲላ ኬሃፔ ካወሺዳሰ።

13 ሚናሴይ ጸሳ ዋሲዳ ዎዴ ጸሳይ ኢዛሰ ዎሴቲዳሰ፤ ኢዛ ዎትዎቶዛካ ሲዩዳሰ፤ ሂሰቲዲ

ዩሩሳሌምን ኢዛ ካዎቱላን ዛሪ ዋሊዳ። ሄሳን ጎዳይ ኢዚ ጸሰ ገዲዳይሳ ሚናሴይ ኤሪዳ።

14 ሄሳፌ ጉዩ ሚናሴይ ዙሌን ዲዛ ገዮን ፑልቶዛሰ ኣርሼይ ወሊዛ ባጋፌ ደሚዲ ሞሌ ፔንጌ ጋካናሰ ዲዛ ዳዊቲ ካታማሰ ካሬ ባጋራ ዲዛ ገምቤዛ ኦፊሌ ዙምቡላ ገደ ዩጊዲ ካሴይሳፌ ቶቁ ሂሰቲ ገምቤዳሰ፤ ገምቤቲ ኡቲዳ ዩሁዳ ካታማታ ኡባን ኦላ ጋዳዎታ ዋሊዳ።

15 ኣላጋ ጸሳታኔ ኤቃ ሚሰሌ ጸሳ ኩላፌ ዲጊዳሰ፤ ጸሳ ኩላን ዲዛ ዙምቡላ ቦላኔ ዩሩሳሌምን ኢዚ ኦሊዳ ያርሾሶታ ኡባ ላሊዳሰ፤ ሄ ካታማፔ ካሬ ኬሲ ኦሊዳሰ።

16 ቃሴካ ሚናሴይ ጎዳሰ ያርሺዛሶዛ ኦራዲሲዳሰ፤ ኢሲፊቲላ ያርሾኔ ጋላታ ያርሾ ኢዛን ያርሺዳሰ፤ ዩሁዳ ኣሳካ ጎዳሰ ኢሰራኤሌ ጸሳሰ ጎይናና ማላ ኣዛዚዳሰ።

17 ኣሳይ ጎይኒዛ ዙምቡላታ ቦላ ያርሾ ያርሺዛይሳ ኣጎንታ ኢዲኮካ ኢሰቲ ያርሺዛይ ኢሲ ጎዳ ባንታ ጸሳሳ።

ሚናሴ ሃይቆ (2ካዎ 21:17-18)

18 ሚናሴይ ባ ካዎቲላ ላይላታን ኦሊዳ ኦሶቲ፣ ኢዚ ባ ጸሳ ዋሲዳ ዋሳይኔ ጎዳ ኢሰራኤሌ ጸሳ ሱንላን ናቤቲ ኢዛሰ ዮቲዳይሲ ኢሰራኤሌ ካዎታ ታሪኬ ማጻፋን ጸፊቲ ኡቲዳ።

19 ቃሴ ኢዛ ዋሳይኔ ጸሳይ ኢዛሰ ዋሴቲዳይሲ፣ ኢዚ ኦሊዳ ናጋራይኔ ናቆይ ኡባይ ሚናሴይ ባና ካወሻናፔ ካሴ ኦሊዳ ዙምቡላታ ቦላ ጎይኒዛሶቲ፣ ኢዚ ኤሲዳ ኣሽሪ ሚሰሌቲኔ ኤቃ ጸሳቲ ኡባይ ናቤታ ታሪኬ ማጻፋን ጸፊቲ ኡቲዳ።

20 ሚናሴይ ባ ኣዎታላ ሃይቁዳሰ፤ ሂሰቲን ሚናሴ ኢዛ ካዎቲላ ኩላን ሞጊዳ፤ ኢዛ ና ኣሞኔይ ኢዛሶሆን ካዎቲዳሰ።

ዩሁዳ ካዎ ኣሞኔ (2ካዎ 21:19-26)

21 ኣሞኔይ ካዎቲዛ ዎዳ ኢዛሰ ላይላይ 22፤ ኢዚ ዩሩሳሌምን ናምኡ ላይላ ካዎቲዳሰ።

22 ኢዛ ኣዎ ሚናሴይ ኦሊዳ ማላ ኢዚካ ጎዳ ሲንላን ኢታ ሚሽ ኦሊዳሰ፤ ኢዛ ኣዎ ሚናሴይ ኦሲሲዳ ኤቃ ሚሰሌታ ኡባሰ ጎይኒዳሲኔ ኢሰታሰ ያርሺዳሰ።

23 ገደ ኣቲን ኢዛ ኣዎ ሚናሴይ ባናቲላ ካወሺዳ ማላ ኢዚ ባናቲላ ጎዳ ሲንላን ካወሺቤና፤ ኣሞኔይ ሞሮ ቦላ ሞሮ ጌዴ ጉጂ ጉጂ ቢዳሰ።

24 ኣሞኔ ሹሚቲ ኢዛ ቦላ ማቁቲዲ ኢዛ ካዎቲላ ኩላ ገደን ኢዛ ዎዳዳ።

25 ሄሳፌ ጉዩ ሄ ዳሬ ኣሳቲ ካዎ ኣሞኔ ቦላ ማቁቲዲ ኡባታ ዎዳዳ፤ ሂሰቲዲ ኣሞኔ ሶሆን ኢዛ ና ኢዮሲያሳ ካዎላዳ።

34

ዩሁዳ ካዎ ኢዮሲያሳ (2ካዎ 22:1-2)

1 ኢዮሲያሲ ካዎቲዛ ዎዳ ኢዛሰ ላይላይ 8፤ ኢዚ ዩሩሳሌምን 31 ላይላ ካዎቲዳሰ።

2 ኢዮሲያሲ ጎዳ ሲንላን ሱሬ ሚሽ ኦሊዳሰ፤ ኡሻቲኔ ሃዲርሰ ጎንታ ባ ኣዎ ዳዊቲ ኦጌራ ቢዳሰ።

3 ኢዚ ካዎቲዳ ኦሰፑንላ ላይላን ቡሮ ዩላጋ ዲሺ ባ ኣዎ ዳዊቲ ጸሳሰ ጎይና ደሚዳሰ፤ ቃሴካ ኢዚ ካዎቲዳ ታማን ናምኣንላ ላይላን ዙምቡላታ ቦላ ጎይኒዛሶታ፣ ኣሽሮ ጌቲቲዛ ኤቃ ጸሳይ ሚሰሌታ ማሲ ገግሲዳኔ ሴሪሲ ሜዲዳ ሚሰሌታ ዩሁዳፔኔ ዩሩሳሌምፔ ቆይሶ ደሚዳሰ።

4 ኢዛ ኣዛዘን ኣሳይ ባኣሌሰ ያርሺዛሶሆታኔ ኢሰታ ቦላ ዲዛ ኤጻኔ ጩዋሲዛሶታካ ላሊዳ፤ ኣሽሪ ሚሰሌታ፣ ማሲ ገግሲዳ ኤቃታኔ ሴሪሲ ሜዲዳ ሚሰሌታ ኪንቼሬላ ሊቁሲዲ ኢሰታሰ ያርሺዛ ኣሳታ ዱፎ ቦላ ላሊዳ።

5 ቃሴ ኢዮሲያሲ ኢሰታ ቁሴታ ሜቁላ ሄ ኢሰቲ ጎይኒዛ ያርሾሶታ ቦላ ጸጊዳሰ፤ ሂሰቲዲ ዩሁዳኔ ዩሩሳሌም ጌሺዳሰ።

6 ሚናሴ ቢታን፣ ኤፍሬም ቢታኒኔ ሲሞና ቢታን ቢዲ ኒፍታሌም ቢታ ጋካናሰ ዳኢዛ ካታማታኔ ላሊቲዳ ሶሆታ ኡባን ሄሳላ ኦሊዳሰ።

7 ኢዮሲያሲ ያርሺዛሶሆታ፣ ኣሽሪ ሚሰሌታኔ ኤቃ ሚሰሌታ ኪንቼሬላ ሊቁሲዳሰ፤ ኢሰራኤሌ ቢታን ኡባን ኤጻኔ ጩዋሲዛ ሚሻታ ኡባ ሚንፍሬላዳሰ፤ ሄሳፌ ጉዩ ኢዮሲያሲ ዩሩሳሌም ሲሚዳሰ።

ቤቲዳ ጸሳ ዎጋ ማጻፋ (2ካዎ 22:3-20)

8 ኢዮሲያሲ ካዎቲዳ ታማን ኦሰፑንላ ላይላን ቢታኔ ጸሳ ኩላ ጌሺዳፔ ጉዩ ጎዳ ባ ጸሳ ኩላ ኦራዲሳና ማላ ኣጸሊያ ና ሳፋኔ፣ ዩሩሳሌም ካታማ ሃሪዛ ማኢሳያኔ ኢዮኣካዜ ና፣ ዋና ጸፊዛ ዮኣሃ ኪቲዳሰ።

9 ኪቲቲዳይቲ ኡባታ ሃላቃ ቁሴ ሂልቁያሳኮ ዩዳ፤ ፔንጌ ናጊዛ ሌቁቲ ሚናሴፔ፣ ኤፍሬምፔ፣ ኣቲዳ ኢሰራኤሌ ኣሳ ኡባፌ፣ ዩሁዳፔ፣ ቢኒያሚፔኔ ዩሩሳሌምን ዲዛይታፔ ካሴ ሺሺዲ ጸሳ ኩላሰ ኤሂዳ ሚሻ ሂልቁያሰ ኢሚዳ።

10 ሄሳፌ ጉዩ ኢሰቲ ጸሳ ኩላ ኦራዲሲ ኬጻናሰ ኣላፊቲላ ኢሜቲዳ ኣሳታሰ ኢሚዳ፤ ኢሰቲካ ጸሳ ኩላ ኦራዲሲ ኬጸዲይታሰ ጪጊዳ።

11 ቃሴ ዩሁዳ ካዎቲ ላሊዳ ገምቤ ኩላ ሎኤላናሰ ማሴቲዳ ሹቻታኔ ሚላ ሻማና ማላ ኣናጾታሲኔ ገምቤ ገምቤዛይታሰ ኢሚዳ።

12 ኢሰቲካ ኦሶዛ ኣማኔቲላን ኦሊዳ፤ ኢሰታ ኣዎቲላን ኦሲሲዛ ሌቁቲ ሜራሬ ዛርኬፌ ያሃቲኔ ኣብዲዩ፣ ቃኣቲ ዛርኬፌ ማሹላሚኔ ዛካራሳ። ዩላ ሚሽ ሎኤላ ኤሪዛ ሌቁቲ ኡባይ።

13 ዎልቃ ኦሶ ኦሊዛይታሰ ኣላፊ ገዲዲ ዲማ ዲማ ኦሶሰ ሱሚዳይታ ኦሲሴቲሰ፤ ቃሴ ኣማርዳ ሌቁቲ ጸፊታ፣ ሃላቃታኔ ፔንጌ ናጊዛይታ ገዲዳ።

14 ኢሰቲ ጸሳ ኩላ ጌሊዳ ሚሻ ኬሲዛ ዎዳ ቁሴ ሂልቁያይ ጎዳይ ሙሴ ባጋራ ኢሚዳ ዎጋ ማጻፋ ዳሚዳሰ።

15 ሂልቁያሲ ጸፊ ሳፋኔሰ፣ «ታኒ ጸሳ ኩላፌ ሃይሳ ዎጋ ማጻፋዛ ዳማዲሰ» ገዲ ሄ ማጻፋ ሳፋኔሰ ኢሚዳሰ።

16 ሳፋኔይካ ማጻፋ ካዎዛኮ ኤፊዲ፣ «ኔ ሹሚቲ ኔ ኣዛዚዳ ኣዛዘ ኡባ ኦሌቲሰ።

17 ጳጳስ ከላን ዲዛ ሚሻ ኡባ ኤኪዲ ኦሲሲዛ አላፊታሲኔ ኦሳንቻታሰ ኢሚዳ። ጊዲ ዮቲደሰ።
 18 ቃሴካ ጳጳስ ሳፋኔይ ካዎዛሰ። «ቁሴ ሂልቁያሲ ታሰ ማጻፋ ኢሚደሰ» ጊደሰ፤ ሳፋኔይካ ማጻፋዛ ካዎዛ ሲንላን ናባቢደሰ።
 19 ካዎዛ ዎጋ ማጻፋ ቃላይ ናባቤቲን ሲዩዲ ጩጩሽ ባ ማይኦ ዳኪደሰ።
 20 ሂሳፊ ጉዬ ካዎይ ሂልቁያሳሰ። ሳፋኔ ና ኣኪቃሜሰ። ሚኪያሳ ና ኣብደኔሰ። ጳጳስ ሳፋኔሲኔ ካዎ ኦሳንቻ ኣሳያሰ ሃይሳፊ ካሊዛ ኣዛዘታ ኢሚደሰ።
 21 ኢዚ ኢሰታሰ። «ቢዲ ታ ጊሻሰ። ኢሰራኤሌኒኔ ዩሁዳን ኣቲዳ ኣሳ ጊሻሰ። ሃ ቤቲዳ ማጻፋ ጊደን ጳጳስቲዳ ቃላ ጊሻሰ ጎዳ ኦይቸቲ፤ ካሴ ኦ ኣዎቲ ጳጳስ ዎጋ ስዛዘቶንታ ኢዲዳ ጊሻሲኔ ሃ ማጻፋን ጳጳስቲዳ ዎጋ ማላ ሲሜሬቶንታ ኣጊዳ ጊሻሰ ኦ ቦላ ከሂ ጊታ ሃንቆይ ጳጳስ ዩደሰ» ጊደሰ።
 22 ሂሰቲን ሂልቁያሲኔ ካዎይ ከቲዳ ኣሳቲ ናቤ ሁልዳኒኮ ቢዳ፤ ሁልዳና ሃሲራሃ ና። ቲቁዎ ና። ጳጳስ ከላ ማይኦ ና ጊዛ ሻሎሚ ማቸ። ኢዛ ፑዳሃ ባጋራ ዩራሳላሚ ካታማን ዳኣወሰ። ሄ ቢዳ ኣሳቲ ኢዚሰ ሃ ዮኦዛ ቆንጨሲ ዮቲዳ። *
 23 ናቤያካ ኢሰታሰ። «ጎዳ ኢሰራኤሌ ጳጳስ። ላንቲና ታኮ ከቲዳ ኣዳዘሰ ዮቲቲ» ጊሰ።
 24 ጎዳይ ሳኤቲ። ዩሁዳ ካዎ ሲንላን ናባቤቲዳ ማጻፋን ጳጳስቲዳ ኢታ ቃንጌላ ኡባ። ሃ ሲዎዛ ቦላኔ ሃ ሲዎዛን ዲዛ ኣሳ ቦላ ኤሃና ሃናይሰ።
 25 ኢሰቲ ታና ኣጊዲ ሃራ ጳጳስ ኤዳኔ ጩዋሲዳ፤ ሂሰቲዳ ኢሰቲ ባንታ ኩሼን ኦሊዳ ኦሶ ኡባን ታና ሃንቁሊዳ፤ ሂሳ ጊሻሰ ታ ሃንቆይ ሃይሳ ሃ ሲዎዛ ቦላ ኤዲ ከዛና፤ ሙሉካ ቶኤና) ጊሰ።
 26 «ጎዳ ኦይቸናሰ ኢንቲና ከቲዳ ዩሁዳ ካዎ። ሳ ሲዩዳ ቃላ ጊሻሰ ጎዳ ኢሰራኤሌ ጳጳስ።
 27 ሃ ሲዎዛ ቦላኔ ሃ ሲዎን ዲዛ ኣሳ ቦላ ጳጳስ ሃሳይዳይሳ ኔኒ ሲዩዳ ዎዴ ኔ ዎዚናይ ሜቁን ታ ሲንላን ኔናቲላ ኔ ካወሺዳ ጊሻሰ። ኔና ኔ ዘቁ ሂሰቲዳ ጊሻሲኔ ኔ ማይኦ ዳካዳ ታ ሲንላን ኔ ዩኪዳ ጊሻሰ ታኒ ኔ ዋሶ ሲያዲሰ።
 28 ሂሳ ጊሻሰ ታኒ ኔና ኔ ኣዎታኮ ጋላና፤ ኔካ ሳርን ሞጌታና፤ ታኒ ሃ ሲዎዛ ቦላኔ ሃይሳን ዲዛ ኣሳ ቦላ ኤሃና ኢታ ሚሽ ኔ ኣይፊይ ቤኤና) ጊሰ» ጋዲሰ።
 ኢዛ ጊዳ ቃላ ኤኪ ቢዲ ካዎዛሰ ዮቲዳ።

ኢዮሲያሲ ጎዳሰ ኣዛዘታናሰ ጌፒዳ ፳ፋ (2ካዎ 23:1-20)

29 ሂሳፊ ጉዬ ካዎ ኢዮሲያሲ ከቲዳ ዩሁዳ ጩማታኔ ዩራሳላሚ ጩማታ ኡባ ሺሺደሰ።
 30 ካዎይ ጳጳስ ከላ ፑዳ ከዚደሰ፤ ዩሁዳ ኣሳይ ኡባይ። ዩራሳላሚን ዲዛ ኣሳይ፤ ቁሴቲኔ ለዌቲ። ጉላፊ ጊታ ጋካናሲ ዲዛ ኣሳይ ኡባይ ኢዛራ ኢሲፊ ፑዳ ከዚዳ። ጳጳስ ከላፊ ቤቲዳ ጫቆ ቃላ ማጻፋ ካዎይ ኢሰቲ ሲዩሺን ናባቢደሰ።
 31 ሂሳፊ ጉዬ ካዎይ ባ ቱሳ ማታን ኤቁዲ ጎዳ ካላና ማላ ኢዛ ዎጋ። ኣዛዘኔ ማራ ባ ኩሜላ ዎዚናኒኔ ባ ኩሜላ ሽዎፖን ናጋናሰ። ቃሴ ሃ ማጻፋን ጳጳስቲዳ ጫቆ ቃላ ማላ ኦላናሰ ጎዳ ሲንላን ጌፒደሰ።
 32 ዩራሳላሚኒኔ ቢያሚ ዳሬን ዲዛ ኣሳ ኡባ ሃ ጫቆ ቃላ ናጋና ማላ ጌፊሲደሰ፤ ሂሰቲን ዩራሳላሚን

ዲዛ ኣሳይ ጳጳስ ባንታ ኣዎታ ጳጳስ ኣዛዘን ጫቆ ቃላይ ጊዛ ማላ ኦሊዳ።

33 ኢዮሲያሲ ኢሰራኤሌ ቢታ ኡባፊ ሃራሲዛ ኤቃ ጳጳስ ኡባ ዲጊደሰ፤ ሂሰቲዳ ሃን ዲዛ ኡባ ኣሳይ ጎዳሰ ባንታ ጳጳስ ጎይናና ማላ ኦሊዳ። ኢዮሲያሲ ዳኢዳ ሳይላ ኡባን ኢሰቲ ጎዳ ባንታ ኣዎታ ጳጳስ ካሎ ኣጊዲ ጉዬ ሲሚቤቲና።

35

ፓዚጋ ባኣሌ ቦንቸ (2ካዎ 23:21-23)

1 ሂሳፊ ጉዬ ኢዮሲያሲ ዩራሳላሚን ጎዳሰ ፓዚጋ ባኣሌ ቦንቸደሰ፤ ኮይሮ ኣጊናን ታማኔ ኦይዳንሶ ጋላሰ ፓዚጋ ደርሳ ሹኪደሰ።
 2 ኢዮሲያሲ ቁሴታ ኢሰታ ኦሶን ኦሶን ሱንሊደሰ፤ ሂሰቲዳ ኢሰቲ ጳጳስ ከላ ኦሶ ሚኒ ኦላና ማላ ሚንሊደሰ።
 3 ጎዳሰ ባና ዲማሲዲ ኢሰራኤሌ ኡባ ታማርሲዛ ለዌታሰ። «ጫቆ ቃላ ታቦታ ካዎ ዳዊቲ ና ሶሎሞኔይ ኦሲሲዳ ጳጳስ ከላን ዎሊቲ፤ ሂሳፊ ጉዬ ታቦታ ኢንቲ ሃሽን ቶካናሰ ኮሼና፤ ሃኢካ ጎዳ ኢንቲ ጳጳስ ኢሰራኤሌ ኣሳሰ ኦሊቲ።
 4 ኢሰራኤሌ ካዎ ዳዊቲኔ ኢዛ ና ሶሎሞኔይ ጳጳስ ኣዛዘ ማላ ኢንቲ ኣዎታ ዛርኬን ቡቲን ቡቲን ኢንቲና ጊግሲቲ።
 5 «ኢንቲ ለዌቲ ኢንቲ ዳቦ ኢሰራኤሌ ዛርኬታ ማደና ማላ ኢንቲ ከላ ኣሳን ኣሳን ሻኬቲዲ ጌሻሶሆን ኤቁቲ።
 6 ፓዚጋ ደርሳታካ ሹኪቲ፤ ኢንቲና ጌሺቲ፤ ጎዳይ ሙሴ ባጋራ ኣዛዚዳ ቃላ ኢሰቲ ፖላና ማላ ኢንቲ ዳቦታሰ ደርሳታ ጊግሲቲ» ጊደሰ።
 7 ኢዮሲያሲ ሃን ዲዛ ኣሳሰ ፓዚጋ ያርሾሰ 30,000 ደርሳታኔ ዳይሻታ ኢሚደሰ፤ ቃሴ 3,000 ኮርማታ ካዎይ ባ ወዴፔ ኢሚደሰ።
 8 ካዎ ሹሜቲካ ኣሳሰ። ቁሴታሲኔ ለዌታሰ ባንታሰ ዲዛይሳፊ ባ ደሳን ኢሚዳ፤ ጳጳስ ከላ ሃላቃቲ ሂልቁያሲ። ዛካራሲኔ ዩሂኤሌይ ፓዚጋ ያርሾሰ 2,600 ደርሳታኔ ዳይሻታ ቁሴታሰ ኢሚዳ፤ ቃሴ 300 ኮርማታካ ኢሚዳ።
 9 ለዌታ ሃላቃቲ ካናኒያይ። ኢዛ ኢሻ ሻማኤይ። ናቲናኤሌይ። ቃሴ ሃሻቢያይ። ዩኢኤሌይኔ ዮዛባዳይ ፓዚጋ ያርሾሰ 5,000 ደርሳታኔ ዳይሻታ ለዌታሰ ኢሚዳ፤ ቃሴ 500 ኮርማታካ ኢሚዳ።
 10 ፓዚጋ ባኣሌሰ ኡባ ሚሽ ጊጊዳፔ ጉዬ ካዎይ ኣዛዘዳ ማላ ቁሴቲ ባንታ ሲዎን ሲዎን። ለዌቲካ ባንታ ቡቲን ቡቲን ኤቁዳ።
 11 ፓዚጋ ደርሳቲ ሹኬቲዳ፤ ቁሴቲ ሱላ ኤኪዲ ወዲዳ፤ ለዌቲ ጋልባ ሾቁ ከሲዳ።
 12 ሂሳፊ ጉዬ ሙሴ ማጻፋን ጳጳስቲዳ ማላ ኣሳይ ጎዳሰ ጸጌቲዛ ያርሾሰ ጊጊዳ ደርሳታ ኣሾዛ ለዌቲ ባ ከላ ኣሳን ኣሳን ሻኬቲ ኡቲዳ ኢሰራኤሌ ዛርኬታሰ ኢሚዳ፤ ኢሰቲ ኮርማታካ ሂሳላ ኦሊዳ።
 13 ለዌቲ ዎጋይ ጊዛ ማላ ሹኬቲዳ ፓዚጋ ያርሾዛ ታማን ጸዲዳ፤ ጌሻ ያርሾታ ዳርን። ኦቶኒኔ ዲሰቲን

* 34:22 ኢብራዊታ ቃላን ሻሎሚይ ሃሲራሃ ና ቶቃታ ና ጌቲቲሰ። 2ካዎ 22:14 ጸላ። 35:4 2ኛ 8:14 35:13 ከሳ 12:8-9

ደይሲዳ፤ ሂሰቲዲ ካጸይሳ ሄራካ ኢሰራኤል ዛርኬታሰ ጊሼሬሊዳ።

14 ሃሳፌ ጉዬ ለዌቲ ባንታሲኔ ኣሮኔ ዛሬ፤ ጊዲዳ ቄሴታሰ ፓዚጋ ያርሾ ጊግሲዳ፤ ኣይሰ ጊኮ ሄ ቄሴቲ ጸጌቲዛ ያርሾኔ ሃንዳ ሺሺ ያርሻናሰ ጊደል ጋካናሰ ኦሌቲሰ።

15 ዳዊቲ፥ ኣሳፊ፥ ሃማኒኔ ካዎ ናቤ ኤዶታኔይ ካሴ ኣዛዚዳ ማላ ዬላ ዬጸዚዛ ኣሳፊ ዛርኬቲ ባ ዲዛሶን ዲዛሶን ጸቲሰ፤ ፔንጌ ናጊዛይቲካ ባ ናጊዛ ፔንጌ ፔንጌ ናጌቲሰ፤ ኢሰታ ዳቦ፥ ለዌቲ ኢሰታሰ ጊግሲዳ ጊሻሰ ኢሰቲ ባ ናጊዛሶፕ ኣጊ ቢቤቲና።

16 ጎዳሰ ኦሊዛ ኦሶ ኡባይ፥ ፓዚጋ ባኣሌ ቦንቾይኔ ጸጌቲዛ ያርሾ ጎዳሰ ያርሺዛሶ ቦላ ያርሾይ፥ ካዎ ኢዮሲያሲ ኣዛዚዳ ማላ ሃኒዲ ሄ ጋላሰ ጊጊደሰ።

17 ሃን ሺቂዳ ኢሰራኤል ኣሳይ ሄ ጋላሰ ፓዚጋ ባኣሌ ቦንቾይሰ፤ ኢሰቲ ኡኬላ ባኣሌካ ላፑን ጋላሰ ቦንቾዳ።

18 ናቤ ሳሚላ ዎዴ፤ ሃ ሰሚን ሃሳ ማላ ፓዚጋ ባኣሌይ ኢሰራኤሌን ቦንቾቲ ኤሬና። ኢዮሲያሲ፥ ቄሴታራኔ ለዌታራ፥ ሄ ሶሆን ሺቂዳ ዩሁዳ ኣሳራ፥ ኢሰራኤል ኣሳ ኡባራኔ ዩራሳላሚን ዳኢዛ ኣሳራ ቦንቾዳ ማላ ፓዚጋ ባኣሌ ካሴ ኢሰራኤሌ ካዎታፕ ቦንቾዳይ ኢሰይኔ ባዎ።

19 ሃ ፓዚጋ ባኣሌይ ኢዮሲያሲ ካዎቲዳ ታማኔ ኦሰፑንላ ላይላን ቦንቾቲዳሰ።

ኢዮሲያሳ ካዎቲላ ወርሴል (2ካዎ 23:28-30)

20 ሃ ኡባፌ ጉዬን ኢዮሲያሲ ጸሳ ኬላ ጊደ ማራሲ ጊግሲዳ ዎዴ ጊብጾ ካዎ ኒካይ ኤፊራዲሴ ሻፋ ማታን ዳኢዛ ካርካሚሽ ጌቲቲዛሶ ኦሌታናሰ ኬዚደሰ፤ ኢዮሲያሲ ኢዛራ ኦሌታናሰ ኬዚደሰ።

21 ጊደ ኣቲን ኒካይ ኢዮሲያሳኮ ኣሰ ከቲዳ፥ «ዩሁዳ ካዎ! ታናኔ ኔና ኦሺዛይ ኣዜ? ታኒ ዩዳይ ታ ሞርኬታ ኦላናሳፊ ኣቲን ኔና ኦላናሰ ጊደና። ታ ሞርኬታ ታኒ ኤሶን ኦላና ማላ ጸሲ ታና ኣዛዚደሰ። ጸሲ ኔና ጳይሶንታ ማላ ታናራ ዲዛ ጸሳራ ኤቁቲዛይሳ ኣጋ» ጊደሰ።

22 ጊደ ኣቲን ኢዮሲያሲ ጸሲ ኒካ ባጋራ ኢዛሰ ዮቲዳይሳ ሲዮንታኔ ጉዬ ሲሞንታ ኢጲዲ ኦላሰ ኬዚደሰ፤ ባ ካዎቲላ ማይኦ ላሚዲ ማጊደ ዳምባን ኦሌታናሰ ኬዚደሰ።

23 ሂሰቲን ዎንዳፊን ዲኪዛ ኣሳቲ ካዎ ኢዮሲያሳ ዎንዳፊን ዲኪዳ፤ ካዎይ ባ ኦላ ጋዳዎታሰ፥ «ታኒ ኢታ ጫቾ ጫዳታዲሰ፤ ታና ኦላ ጊደፊ ኬሰቲ» ጊደሰ።

24 ኢሰቲ ኢዮሲያሳ ኢዛ ፓራ-ጋሬ፤ ዳንሉዲ ኢዛሰ ዲዛ ሃራ ፓራ-ጋሬን ዎሊዲ ዩራሳላሚ ኤፊን ኢዚ ሃን ሃይቁደሰ፤ ባ ኣዎታ ዲፎን ሞጌቲደሰ፤ ዩሁዳ ኣሳይኔ ዩራሳላሚ ኣሳይ ኡባይ ኢዛሰ ዩኪደሰ።

25 ኤርማሲ ኢዮሲያሳሰ ዚላሳ ጊንጾ ጸፊደሰ፤ ሃኖ ጋካናሰ ዩሆ ዩኪዛ ማጫሳቲኔ ኣቲማሳቲ ኢዮሲያሳ ቆፕ ቆፕዲ ዩኪዛ ዎዴ፥ ሃ ኤርማሲ ኬሲዳ ዚላሳ ጊንጾዛ ዚላሰ ኢሰራኤሌ ቢታን ሎሴ ጊዲደሰ፤ ሄ ዚላሳ ጊንጾዚ ኢሰራኤሌታ ዚላሳ ጊንጾ ማጻፋን ጸፊቲ ኡቲደሰ።

26 ኢዮሲያሳ ካዎቲላ ዎዴ ኦሴቲዳ ሃራ ኦሶቲ፥ ጎዳ ዎጋ ማጻፋን ጸፊቲዳ ማላ ኢዚ ኦሊዳ ሎኦ ኦሶቲ፥

27 ኮይርፔ ወርሴል ጋካናሰ ኢዚ ኦሊዳ ኦሶቲ ኡባይ ኢሰራኤሌ ካዎታኔ ዩሁዳ ካዎታ ታሪኬ ማጻፋን ጸፊቲ ኡቲደሰ።

36

ዩሁዳ ካዎ ኢዮኣካዜ (2ካዎ 23:30-35)

1 ሃሳፌ ጉዬ ሄ ቢታ ኣሳይ ኢዮሲያሳ ና ኢዮኣካዜ ደሪዲ ኢዛ ኣዎ ሶሆን ዩራሳላሚን ካዎሊዳ።

2 ኢዮኣካዜ ካዎቲዛ ዎዴ ኢዛሰ ላይላይ 23፤ ኢዚ ዩራሳላሚን ሃዙ ኣገና ካዎቲደሰ።

3 ሃሳፌ ጉዬ ጊብጾ ካዎይ ዮኣካዜ ዩራሳላሚን ኢዛ ካዎቲላ ኣራታፔ ዎሊደሰ፤ 3,400 ኪሎ ጊዲዛ ሳቂሌ ቢራኔ 34 ኪሎ ጊዲዛ ዎርቃ ዩሁዳ ኣሳ ጊሪሲደሰ።

4 ጊብጾ ካዎይ ኢዮኣካዜ ኣሻ ኤልያቃሚ ዩሁዳ ቦላኔ ዩራሳላሚ ቦላ ካዎሊደሰ፤ ኢዛ ሱንሳካ ላሚዲ ኢዮኣቁሚ ጊ ሱንሊደሰ፤ ሂሰቲዲ ኢዮኣቁሚ ኣሻ ኢዮኣካዜ ጊብጾ ኤፊደሰ።

ዩሁዳ ካዎ ኢዮኣቁሚ (2ካዎ 23:36—24:7)

5 ኢዮኣቁሚይ ካዎቲዛ ዎዴ ኢዛሰ ላይላይ 25፤ ኢዚ ዩራሳላሚን ታማኔ ኢሲ ላይላ ካዎቲደሰ፤ ጎዳ ባ ጸሳ ሲንሳን ኢታ ሚሽ ኦሊደሰ።

6 ባቢሎኔ ካዎ ናቡካዳናጾሬይ ኢዛ ኦሊ ኦይኪዲ ባቢሎኔ ኤፋናሰ ጸርቁማላ ሳንሳላታን ቃቺደሰ።

7 ናቡካዳናጾሬይ ቃሴ ጸሳ ኬላ ሚሻ ኤኪ ባቢሎኔ ኤፊዲ ባ ካዎቲላ ኬላን ዎሊደሰ።

8 ኢዮኣቁሚ ካዎቲላ ላይላን ኦሴቲዳ ሃራሲዛ ኦሶቲኔ ኢታ ኦሶቲ ኡባይ፥ ኢሰራኤሌ ካዎታኔ ዩሁዳ ካዎታ ታሪኬ ማጻፋን ጸፊቲ ኡቲደሰ፤ ኢዛ ና ኢዮኣኪኔይ ኢዛሰሆን ካዎቲደሰ።

ዩሁዳ ካዎ ኢዮኣኪኔ (2ካዎ 24:8-17)

9 ኢዮኣኪኔይ ካዎቲዛ ዎዴ ኢዛሰ ላይላይ ታማኔ ኦሰፑና፤ * ኢዚ ዩራሳላሚን ሃዙ ኣገናኔ ታሙ ጋላሰ ካዎቲደሰ። ኢዚ ጎዳ ሲንሳን ኢታ ሚሽ ኦሊደሰ።

10 ኦፊንላ ዎዴ ካዎ ናቡካዳናጾሬይ ኣሰ ከቲዳ ኢዮኣኪኔኔ ጎዳ ኬላን ዲዛ ኣልኦ ሚሻታ ኢዛራ ኢሲፊ ባቢሎኔ ኤፊሲደሰ፤ ሂሰቲዲ ኢዛ ኣዎ ኣሻ ሴዴቁያሳ ዩሁዳ ቦላኔ ዩራሳላሚ ቦላ ካዎሊደሰ።†

ዩሁዳ ካዎ ሴዴቁያሳ (2ካዎ 24:18-20፤ ኤር 52:1-3)

11 ሴዴቁያሲ ካዎቲዛ ዎዴ ኢዛሰ ላይላይ 21፤ ኢዚ ዩራሳላሚን ታማኔ ኢሲ ላይላ ካዎቲደሰ።

12 ጎዳ ባ ጸሳ ሲንሳን ኢዚ ኢታ ሚሽ ኦሊደሰ፤ ቃሴ ጎዳ ቃላ ዮቲዳ ናቤ ኤርማሳ ሲንሳን ባና ካወሺቤና።

13 ቃሴ ባሰ ኣማኔታና ማላ ጸሳ ሱንሳን ጫቁሊዳ ካዎ ናቡካዳናጾሬ ቦላ ማካሊደሰ፤ ጎዳ ኢሰራኤሌ

35:15 1ታሪ 25:1 35:17 ኬሳ 12:1-20 36:4 ኤር 22:11-12 36:5 ኤር 22:18-19፤ 26:1-6፤ 35:1-19 36:6 ኤር 25:1-38፤ 36:1-32፤ 45:1-5፤ ዳኔ 1:1-2 * 36:9 ታማኔ ኣሰፑና ዎይኮ ኣሰፑና። 2ካዎ 24:8 ቦላ ጸላ። † 36:10 ኢዛ ኣዎ ኣሻ ጊዛይሳ ኢሲ ኢሲ ገሻ ማጻፋቲ ኢዛ ኣሻ፥ ኢዛ ዳቦ ጌቲሰ 36:11 ኤር 27:1-22፤ 28:1-17 36:13 ሂዚ 17:15

ጸሳኮ ሲሞኘንታ ኢጲዲ ባ ዎዚና ሙሚሲዲ ባ ሞርጌ ሚንሱዴሰ።

14 ሄሳፌ ቦላራካ ቁሴቲኔ ዴራ ካሌሱዛ አሳቲ ሙሉካ አማኔቶንታ ኢጲዲ ጌዴ ኢቲ ኢቲ ቢዳ፤ ኢሰቲ ሃራ ካዎቴላቲ ኦሊዛ ሃራሲዛ ሎሴታ ካሊሹ ጎዳ ኬላ ዩሩሳላሜን ዲዛ ጌሻ ቱኒሲዳ።

15 ጎዳይ ኢሰታ አዎታ ጸሳይ ባ አሳሲኔ ባ ዲዛሶሰ ቃዴቲዛ ጊሻሰ ባ ናቤታ ኢሰታሰ ዛሪ ዛሪ ከቲዴሰ።

16 ጊዶ አቲን ጸሳ ሃንቆይ ኢሰታ ቦላ ዪን ፓጻቴሉ ኢሰታሰ ቤቶንታ ኢጻናሹ ጋካናሰ ኢሰቲ ጎዳይ ከቲዳይታ ቁዲዳ፤ ኢዛ ቃላ ካዲዳኔ ናቤታካ ካዉሺዳ።

17 ሄሳ ጊሻሰ ጎዳይ ባቢሎኔ ካዎ ኢሰታ ቦላ ዴንሉዲ ኤሂዴሰ፤ ሂሰቲን ጸሳ ኬላ ጊዶን ኢዚ ኢሰታ ዩላጋ አቲማ ናይታ ማሻን ሱፑ ሂሰቲዴሰ፤ ዩላጋ አቲማ ናይታ፣ ዎይኮ ጌላኦታ፣ ዎይኮ ጨማታ፣ ዎይኮ ጨጋታ ጸሲ ኢሰታ ኡባ ናቡካዳናጾሬ ኩሹን አሉ ኢሚዴሰ።

18 ባቢሎኔ ካዎይ ጸሳ ኬላን ዲዛ ጊታኔ ጉላ ሚሻታ ኡባ፣ ጎዳ ኬላን ዲዛ አቆታ፣ ካዎ አቆታኔ ኢዛ ሹሜታ አቆታ ኡባ ዲኢ ኤኪዲ ባቢሎኔ ኤፊዴሰ።

19 ሄሳፌ ጉዬ ባቢሎኔ ኦላንቻቲ ጸሳ ኬላ ታማን ጸጊዳ፤ ዩሩሳላሜ ዲርሳ ጊምቤዛካ ላሊዳ፤ ካዎቴላ ኬላታ ታማን ጸጊዳ፤ ሄን ዴኢዛ አልኦ ሚሻታ ኡባካ ዳይሲዳ።

20 ማሻፌ አቲዳይታ ካዎዚ ዲኢ ኤኪዲ ባቢሎኔ ኤፊዴሰ፤ ፓሪሴ ካዎቴላይ ሚናና ጋካናሰ ኢሰቲ ኢዛሲኔ ኢዛ ናይታሰ አይሌ ጊዲዳ።

21 ሄሳን ጎዳይ ናቤ ኤርማሳ ባጋራ ዮቲዳ ቃላይ ፖሌታና ማላ ቢታይ 70 ላይሳ ኩሜሳ ኣሲ ባይንዳ ሶሆ ጊዲዳ ጊሻሰ ሹምፕዴሰ፤ ሂሰቲን ቢታይ ሳምባታ ሹምፖ ዴሚዴሰ።

22 ፓሪሴ ካዎ ቁርሲ ካዎቲዳ ኮይሮ ላይላን ናቤ ኤርማሳ ባጋራ ጎዳይ ሃሳይዳይሳ ፖሊዴሰ። ፓሪሴ ካዎ ቁርሲ ባ ካዎቴላ ጊዶን ኡባሶን አዎጃይ አዎጃቲዲ ጻፊቲ ኡታና ማላ ጎዳይ ኢዛ አያና ዴንሉዴሰ።

23 ኢዚካ፣ «ፓሪሴ ካዎ ቁርሲ፣ ሳዳይ ሳሎ ጸሳይ ሃ ሳኦ ካዎቴላታ ኡባ ታሰ ኢሚዴሰ፤ ቃሴ ዩሁዳን ዴኢዛ ዩሩሳላሜን ታኒ ኢዛሰ ኬላ ኬጻና ማላ ታና ኢዛዚዴሰ፤ ጸሳ አሰ ጊዲዳ ኦኒኔ ኢንቴ ጊዶን ዲኮ ሄ ቦ፤ ጎዳይ ኢዛ ጸሲ ኢዛራ ጊዶ!» » ጊ አዎጃዲዴሰ።

እዝራ ጊደ ቆፋ

እዝራ ማጻፋይ ሃኒዳዝ ዛሪ የተዛ ማጻፋ ናምኣታፕ ካለዛ ማጻፋ ጊደሺን ኢዚ የተዛይ ባቢሎኔፕ ሲሚዳ ጉላ ኣይሁዳ ኣሳይ ሲሚዳይሳይ ዩሩሳላሚን ኣሳ ዱሳይኔ ጎይኖ ዋጋይ ኦሪጶዲይሳ የተሰ፤ ሃይተካ ሃይሳፌ ጋርሳ ባጋራ ዲዛይታ።

1. ፓሪሴ ካዎ ቂርሳ ፒቃዴን ባቢሎኔ ዲኤተ ቢዳይታፕ ኮይሮ ሲሚዳይታ (1-6)።
2. ጸሓ ኬላዚ ሲሚ ኬጾተዲ ኣንጃተን ኣሳይ ዩሩሳላሚን ጸሓሰ ጎይኖ ዶሚዳሰ (7-8)።
3. ዳሮ ላይላታፕ ጉዬ ጸሓ ዋጋ ኤራንቻዛ ኢዚራ ካለሉን ኣይሁዳ ኣሳይ ጉዬ ዩሩሳላሚ ሲሚዳሰ፤ እዝራይ ጸሓ ኬላ ሚሻታ ኢሰተ ካሴ ዲዛሶ ዛራናሰ ዴሪዚ ባ ኣያና ዱሳይ ሳኣ ዱሳ ዛሪ ኤሳናሰ ማዲዳሰ (9-10)።

ሃ ማጻፋይ ኦይኪዳ ኩሜላ ቆፋ

ኣይሁዳ ኣሳይ ዲኤተ ቢዳሶፕ ጉዬ ሲሞ
 1:1—2:70
 ያርሾ ያርሺዛሶዛ ዛሪ ኦሪኔ ጸሓ ኬላ ኬጾ ዶሚላ
 3:1—4:6
 ዩሩሳላሚ ዛሪ ኬጾሺን ጋኪዳ ሜቶ 4:7-23
 ጸሓ ኬላ ኦሪ ፖሌቲስ 4:24—6:22
 እዝራይ ኣይሁዳ ኣሳ ካለሉዲ ዩሩሳላሚ ቡሰ
 7:1—8:36
 ኣይሁዳተ ኣይዛቤታፕ ኤኪዳ ማቼታ ኣንጂ ዩዳና
 ማላ ሺቂዳ ቆፋ 9:1—10:44

ኣይሁዳተ ሲማና ማላ ካዎ ቂርሳ ኣዎጃ

- 1 ቂርሳ ፓሪሴ ዴሬን ካዎተዳ ኮይሮ ላይላ ጸሓይ ቂርሳ ኣያና ዴንጼሉዲ ኢዚ ባ ካዎተላ ኡባን ኣዎጃ ኣዎጃዲኔ ሄ ኣዎጃ ጸፊ ዋላና ማላ ኦሪዳሰ፤ ሄሲካ ሃኒዳይ ካሴ ናቤ ኤርማሳ ባጋራ ጸሲ የተዳ ቃላይ ፖሌታና ማላሳ።
- 2 ፓሪሴ ካዎ ቂርሳ ኣዎጃን ኬሲዳ ኣዛዘይ፡ «ሳዳ ሳሎ ጸሓይ ታና ቢታ ካዎተላታ ኡባ ኣይሳና ማታ ታሰ ኣሚዳሰ፤ የሁዳ ቢታን ዲዛ ጸሓ ኬላ ዩሩሳላሚን ታ ኢዛሰ ኬጾና ማላ ኣዛዚዳሰ።
- 3 ኣንተ ጊደፌ ጸሓ ኣሰ ጊዲዳይሳራ ጸሲ ጊደ፤ የሁዳ ዴሬን ዲዛ ዩሩሳላሚ ካታማ ቢዲ ጎዳ ኢሰራኤሌ ጸሓ ኬላ ኬጾ።
- 4 ሃይቆፕ ኣተዲ ባ ዴሬ ሲሚዳይታሰ ሄን ባ ዲዛሶን ኣተዛይተ ዩሩሳላሚን ዲዛ ጸሓ ኬላ ኬጾሰ ኢሚዛ ኢሞታፕ ቦላራ ቢራ፡ ዋርቃ፡ ሜሄታኔ ሃራ ሚሻታ ጉጂ ኢሞን ማዴቶ፤ ሄሲካ ኢሰተ ባንታ ዶሳን ኢሚዛ ኢሞታ ጊደ» ጌሰ።
- 5 ሃሳፌ ጉዬ የሁዳኔ ቢኒያሚ ዜራላታ ዳናተ፡ ቁሴተ፡ ለዌተኔ ጸሓይ ዋዚና ዴንጼሉዳ ኣሳይ ዉሪ ሲሚ ባናሰኔ ዩሩሳላሚን ዲዛ ጸሓ ኬላ ዛሪ ኬጾና ጊኔተ ዴንዲዳ።
- 6 ዶላተካ* ዉሪ ባ ኪያተላን ኢሚዳ ኢሞታ ቦላ ጉጂዲ ቢራፕኔ ዋርቃፌ ኦሪተዳ ሚሻታ፡ ዲማ ዲማ

ሶ ጊደን ጎኤተዛ ሚሻታኔ ሜሄታ ጸሓ ኬላን ሙጶዎታ ጊዲዛ ሃራ ጎኤዛ ሚሻታ ኢሚ ማዲዳ።

- 7 ካዎ ቂርሳ ካሴ ካዎ ናቡካዳናጾሪይ ዩሩሳላሚን ዲዛ ጸሓ ኬላፌ ቦንቂ ኤኪ ኤፊዲ ባ ኤቃ ጸሓ ኬላን ዋሉዳ ጸሓ ሚሻ ኡባ ዛሪ ኢሚዳሰ።
 - 8 ፓሪሴ ካዎ ቂርሳ ሚንጃ ኬላ ዳና ሚተራዳጶ ባጋራ ጸሓ ኬላ ሚሻታ ያና ማላኔ የሁዳ ዴሬ ኣይሲዛ ሴሳቢሳሪሰ ሹጂዳሰ።
 - 9 ሲሚዳ ሚሻታ ሃይሳፌ ካላ ዲዛይታ፤ ዋርቃፌ ኦሪተዳ ሳኔተ 30፤ ቢራፕ ኦሪተዳ ሳኔተ 1,000 ሃራ ዲማ ዲማ ሳኔተ 29፤
 - 10 ዋርቃፌ ኦሪተዳ ጉቃ ሳኔተ 30 ቢራፕ ኦሪተዳ ቂሪ ሳኔተ 410 ጎኤዛ ሃራ ሚሻታ 1,000።
 - 11 ሴሳቢሳሪይ ዲኤተዳ ኣሳታራ ጊዲዲ ባቢሎኔፕ ዩሩሳላሚ ሲሚ ዩሹ ኤኪ ኬዚዳ ሚሻ ቆዳይ ኢሲ ቦላ 5,440።
- ## 2
- ዲኤተላፌ ባ ዴሬ ሲሚዳ ኣሳ
 (ናሂ 7:4-73)
- 1 ባቢሎኔ ካዎ ናቡካዳናጾሪይ ባቢሎኔ ዴሬ ዲኢ ኤፊዳይታፕ የሁዳኔ ዩሩሳላሚ ካታማታ ሲሚዳ ኣሳተ ሃይሳፌ ካላ ዲዛይታ፤
 - 2 ዲኤተላፌ ሲሚ ዩዳ ኣሳታሰ ዳና ጊዲ ዩዳይተ ዜሩባቤሌ ኢያሶ፡ ናሂሚያ፡ ሳሪያ፡ ማርዲኪዮሳ፡ ባልሻኔ፡ ሚሲፋሬ፡ ቢጉዋዬ፡ ኤሬሁሜኔ ባኣና ጌተተዛይታ። ባ ዴሬ ሲሚዳ ኢሰራኤሌ ኣሳ ቆዳይ ሃይሳፌ ካላ ዲዛይታ፤
 - 3 ፓሪሴ ዜራላታ 2,172፤
 - 4 ሻፋጶያ ዜራላታ 372፤
 - 5 ኣራሄ ዜራላታ 775፤
 - 6 ኢያሶፕኔ ኢዮኣቤ ናይታፕ ፓሃቴ-ሞኣቤ ዜራላታ 2,812፤
 - 7 ኤላሚ ዜራላታ 1,254፤
 - 8 ዛቶ ዜራላታ 945፤
 - 9 ዛካዬ ዜራላታ 760፤
 - 10 ባኔ ዜራላታ 642፤
 - 11 ቤባዬ ዜራላታ 623፤
 - 12 ኣዘጋዴ ዜራላታ 1,222፤
 - 13 ኣድንቃሚ ዜራላታ 666፤
 - 14 ቢጉዋዬ ዜራላታ 2,056፤
 - 15 ኣዲኔ ዜራላታ 454፤
 - 16 ሂዘቂያሳ ና ኣጸሪ ዜራላታ 98፤
 - 17 ቤሳዬ ዜራላታ 323፤
 - 18 ዮራ ዜራላታ 112፤
 - 19 ሃሹሚ ዜራላታ 223፤
 - 20 ጋቤሪ ዜራላታ 95፤
 - 21 ዲኤተላፌ ሲሚዳ ኣሳታ ጊደፌ ካሴ ኢሰታ ኣዎተ ዲዛ ካታማታኔ ሄ ካታማታን ዲዛ ኣሳ ቆዳይ ሃይሳፌ ካላ ዲዛይታ፤ ቤቴሊሄሚ ካታማ ኣሳተ 123፤
 - 22 ናጾፌ ካታማ ኣሳተ 56፤
 - 23 ኣናቶቴ ካታማ ኣሳተ 128፤
 - 24 ኣዚሞቴ ካታማ ኣሳተ 42፤
 - 25 ቂሪያቴ-ዩኣሪሚ፡ ካፊራኔ ቢኤርቴ ኣሳተ 743፤
 - 26 ኤራሚኔ ጌባ ኣሳተ 621፤

1:1 ኤር 25:11፤ 29:10 1:2 ኢሳ 44:28 * 1:6 ዶላተካ፡ ዶላተካ ጊዛይሲ ኣይሁዳፕ ዋይኮ ፓሪሴ ዴሬ ኣሰ ጊዳና ዳንዳዬተሰ።

27 ማኪማሴ ካታማ አሳቲ 122፥
 28 ቤቴሌን አዩ ካታማ አሳቲ 223፥
 29 ኔቦ ካታማ አሳቲ 52፥
 30 ማጌቢሴ ካታማ አሳቲ 156፥
 31 ሃራ ኤላማ ካታማ አሳቲ 1,254፥
 32 ሃሪማ ካታማ አሳቲ 320፥
 33 ሎዳ፥ ሃዲዳን ኦኖ ካታማ አሳቲ 725፥
 34 ኢያርኮ ካታማ አሳቲ 345፥
 35 ሳናኦ ካታማ አሳቲ 3,630፥
 36 ዲኤቴላፊ ሰሚዳ ቄሴ ዜራላቲ ሃይሳፊ ካሊ ዲዛይታ፤ ኢያሶ ዜራላታ፤ ያዳያ ዜራላታ 973፥
 37 ኢሜሪ ዜራላታ 1,052፥
 38 ፓሽኩራ ዜራላታ 1,247፥
 39 ሃሪማ ዜራላታ 1,017፥
 40 ዲኤቴላፊ ሰሚዳ ለዌ ዛራቲ ሃይሳፊ ካሊ ዲዛይታ፤ ሆዳዬ፤ ጊዲዳ ኢያሶን ቃዲሞኤሌ ዜራላታ 74፥
 41 ጸሳ ኬላን ዩዲዛ አሳፊ ዜራላታ 128፥
 42 ጸሳ ኬላ ናጊዛ ጸልሞን፥ አጸራ፥ ሻሎማ፥ አቁቤ፥ ሃጺጸን ሸባዬ ዜራላታ 139፥
 43 ዲኤቴላፊ ሰሚዳ ጸሳ ኬላ ኦሶስ ደራቲዳ ቆሞቲ ሃይሳፊ ካሊ ዲዛይታ፤ ጸሃ፥ ሃሱጳን ጸባኦቲ ዜራላታ፥
 44 ቂርሴ፥ ሲእሃን ፓዶን ዜራላታ፥
 45 ለባና፥ ሃጋቤን አቁቤ ዜራላታ፥
 46 ሃጋቤ፥ ሻሚላዬን ሃናን ዜራላታ፥
 47 ጊዳሌ፥ ጋሃራን ኤራአዬ ዜራላታ፥
 48 ኤራሶን፥ ኔቆዳን ጋዛማ ዜራላታ፥
 49 ኦዛ፥ ፋሳሄን ቤሳዬ ዜራላታ፥
 50 አሴን፥ ማኡኔን ኔፍሲማ ዜራላታ፥
 51 ባቂቡቁ፥ ሃቁፋን ሃሪሁራ ዜራላታ፥
 52 ባጺሎታ፥ ማሂዳን ሃርሻ ዜራላታ፥
 53 ባርቆሳ፥ ሲሳራን ቴማሄ ዜራላታ፥
 54 ኔጺሃን ሃጺፋ ዜራላታ፥
 55 ዲኤቴላፊ ሰሚዳ ሶሎሞን ኣይሌታ ዜራላፊ፥ ሶጻዬ፥ ሶፊሬቴ፥ ፋሩዳ፤
 56 ያኢላ፥ ዳርቆን፥ ጊዳሌ፥
 57 ሻፋጺያ፥ ሃጺላ፥ ፖኬቴ-ሃጺባማን ኣሚ ጌቲቲዛይታ፥
 58 ጸሳ ኬላ ኦሳንቻታ ባጋቲን ሶሎሞን ኦሳንቻታ ዜራላ ቆዳይ ኢሲ ቦላ 392፥
 59 ሃይሳፊ ካሊ ዲዛይቲ ቴሊ-ማላ፥ ቴሊ-ሃርሻ፥ ኪሩቤ፥ አዳና፥ ኢሜሪ ጌቲቲ ጸይጌቲዛ ካታማታ፤ ዩሩሳላማ ሰሚዳይታ፤ ጊዳ ኣቲን ኢሳታ ጊዲን ዎይኮ ኢሳታ ኣዎቲ ኢሰራኤሌ ዜራላ ጊዲዳይሳ ሻኪ ኤሪሳናስ ዳንዳይቤቴና፥
 60 ሃ አሳቲ ዳላያ፥ ጸቢያን ኔቆዳ ቆሞታ ጊዳን ጉጃቲቲሰ፤ ኢሳታ ቆዳይካ 652፤
 61-62 ሃባዬይ፥ ሃቆዶይን ባርዚሊይ ቄሴታ ዜራላታ፤ ጊዳ ኣቲን ካሴ ኢሳታ ኣዎቲ ኦና ጊዲዳኮን ኢሳቲ ኤርንታ ኣጊዳ ጊሻስ ቄሴቴላ ኦሶ ኦሶንታ ማላ ዲጌቲዳ፥ *
 63 ዳሪ ኣይሲዛይሲ ኡሪማን ኔቆዳ ጌቲቲዛ ጸሳ ሼን ኦይቸዛ ቄሴይ ዳንዳና ጋካናስ ጸሳን ዳማቲዳ ካላፊ ኢሳቲ ሞንታ ማላ ኣዛዚዳሰ፥

64 ሃሳ ማላን ዲኤቴላፊ ሰሚዳ አሳታ ታይቦይ ኢሲ ቦላ 42,360፥
 65 ኢሳታ ማጫሳታን ኣቲማ ኦሳንቻታ ታይቦይ ኢሲ ቦላ 7,337፤ ቃሴካ ዩላ ዩዲዛ ማጫሳቲን ኣቲማሳቲ ኢሲ ቦላ 200፥
 66 ኢሳታስ 736 ፓራቲን 245 ባቁሎቲ፥
 67 ኦይዲ ጸታን ሃቸ ታማን ኢቻሹ ጋማላቲን 6,720 ሃራቲ ኢሳታስ ዳቲሰ፥
 68 ሃ ዲኤቴዳ አሳቲ ሰሚዳ ዩሩሳላማን ዲዛ ጸሳ ኬላ ጋኪዳ ዎዶ ኢሲ ኢሲ ዛርኬ ኮራፒንቲ ጸሳ ኬላ ካሴ ባ ዲዛሶን ኬጾታና ማላ ባ ሼንን ሙዱዎታ ኢሚዳ፥
 69 ኢሳቲ ባስ ዳንዳይቲዛ ማላ ጸሳ ኬላ ኦሶስ ኬሴቲ ኢሚዳ ኢሞታይ ኢሲ ቦላ 500 ኪሎ ዎርቃ፥ 2,786 ኪሎ ቢራ፥ ቄሴታስ ቤሲዛ ማይኦ 100 ኢሚዳ፥
 70 ቄሴቲ፥ ለዌቲ፥ ዩላ ዩዲዳይቲ፥ ጸሳ ኬላ ናጊዛይቲን ጸሳ ኬላ ኦሳንቻቲ ባ ማታን ዲዛ ካታማን ኡቲዳ፤ ቃሴ ኣቲዳ ኢሰራኤሌ አሳቲ ካሴ ኢሳታ ኣዎቲ ኢዛን ዳኢዛ ካታማን ኡቲዳ፥

3

ጎይና ዎጋይ ቃሴካ ደሚቲዳሰ

1 ላፑንላ ኣጊናን ኢሰራኤሌቲ ባንታ ካታማን ካታማን ዲዛሶፕ ኢሲ ቆፋን ጊዲዳ ዩሩሳላማን ሸቂዳ፥
 2 ሃሳፊ ጉዬ ኢዮሳዳቂ ና ኢያሶይን ኢዛራ ኦሲዛ ቄሴቲ ቃሴካ ሳላቲያሌ ና ዜሩባቤሌይን ኢዛ ዳቦቲ ኢዛራ ኢሲፊ ጸሳ ኦሶ ጊዲዳ ሙሴ ዎጋ ማጻፋን ካሴ ጸፊቲዳ ማላ ጸጌቲዛ ያርሾ ሸሻናስ ኢሰራኤሌ ጸሳን ያርሽዛሶን ያርሾ ያርሻናስ ዳንዳይዳ፥
 3 ዲኤቴላፊ ሰሚ ዩዳ አሳይ ሄ ቢታን ዲዛ አሳ ኤቄቴላፊ ዳንዲዳይሳን ባቢኮካ ካሴ ያርሾ ያርሽዛሶዛ ዛሪ ጊግሲዳ፤ ሃሳፊ ጉዬ ማላዶን ኦማርስ ኡባ ዎዶ ፓጩይ ባይንዳ ጸሳን ያርሾ ያርሽዳ፥
 4 ሃሳፊ ጉዬ ዎጋይ ኣዛዚዛ ማላ ዳሴ ባኣሌ ቦንቹዳ፥ ኢሲ ኢሲ ጋላሳስ ቤሲዛ ያርሾካ ሸሽዳ፥
 5 ቃሴ ኡባ ጋላሳ ጸጌቲዛ ያርሾ፥ ኣጊናን ኣጊናን ያርሽዛ ያርሾን ጎዳስ ጌሻ ባኣሌታን ያርሾቲዛ ያርሾ ኡባ ያርሽዳ፤ ቃሴካ አሳይ ባ ዳሳን ጸሳን ኢሚዛ ኢሞታ ኡባ ሸሽዳ፥
 6 ላፑንላ ኣጊናይ ጌሊዳ ማላ ኮይር ጋላሳን ጸሳን ጸጌቲዛ ያርሾ ሸሽ ደሚዳ፤ ጊዳ ኣቲን ጸሳ ኬላ ኦሶይ ደሚቲቤና፥

ጸሳ ኬላ ዛሪ ኬጾ ደሚዳ

7 ሃሳፊ ጉዬ ዳሪይ ሹቻን ኬጺዛይታሲን ኣናጾታስ ጨጌቲዛ ሚሽ ኢሚዳሰ፤ ቃሴ ለባናሴፕ ዚጋ ሚላ ቃንጺዲ ዮጴ ኣባ ፒንሊዲ ዩዳና ማላን ካላ፥ ኡሽን ዎጋራ ዛይቲ ጸርሴን ሲዳናን ዲዛ አሳታስ ዩዲዳ፤ ሄሲ ኡባይ ፓሪሴ ካዎ ቂርሲ ፒቃዶ ኢሚዳ ማላ ሃኒዳሰ፥
 8 ዩሩሳላማን ዲዛ ጸሳ ኬላይ ካሴ ዲዛሶ አሳይ ጋኪዳፕ ናሞኣንላ ላይላን፥ ናሞኣንላ ኣጊናን፥ ሳላቲያሌ ና ዜሩባቤሌን ኢዮሳዳቂ ና ኢያሶራ ሃራ ኣቲዳ ኢሻቲ

* 2:61-62 ባርዚሊይ ጋላኣዶ ዳሪፕ ባርዚሊ ጌቲቲዛይሳ ናይታፕ ማቻ ኤኪዳ ጊሻስ ሃሳን ዳይጌቲዳሰ፥ 2:63 ታይ 29:12-38 2:70 1ታሪ 9:2፤ ናሃ 11:3 3:2 ኬሳ 27:1 3:3 ታይ 28:1-8 3:4 ታይ 29:12-38 3:5 ታይ 28:11—29:39

ሄይትካ ቄሴታ፡ ለዌታኔ ኢስታራ ኢሲፌ ዲኤቴፋፌ ሃ ዩሩሳላሜ ሲሚ ዩዳ ኣሳይ ኡባይ ኢሲ ቦላ ኦሶ ደሚዳ፤ 20 ላይሳ ጋኪዳይቲኔ ሄሳፌ ቦላ ጊዲዳ ለዌቲ ወሪ ጸሓ ኩላ ኦሶ ኣዋቴላን ኦሲሳና ማላ ደሬቲዳ።

9 ሌዌ ኢያሶ፡ ኢዛ ናይቲኔ ዳቦቲ፡ ቃዲምኤሌይኔ የሁዳሄ ዜሬላ ባጋ ጊዲዳ ኣቲማ ናይቲ ወሪ ኢሲፌ ገብቲዲ ጸሓ ኩላ ናምኣንሎ ኩጻና ኣዋቴላ ኤኪዳ፤ ሄናዳዴ ዜሬላፌ ጊዲዳ ለዌቲኔ ኢስታ ኢሻቲ ኢስታ ማዲዳ።

10 ኦሳንቻቲ ጸሓ ኩላ ዮች ዩጊዳ ዎዴ ቄሴቲ ባ ቄሴቴላ ማይኦ ማይኢዲኔ ዲንኬ ማላ ዩላ ሚሽ ኦይኪዲ ቃሴ ኣሳፌ ዜሬላፌ ጊዲዳ ለዌቲ ዳላ ኦይኪዲ ኢሰራኤሌ ካዎ ደዊቴ ዎዴሶቴ ዎጋ ጊዲዲ ዩዳ ማላ ጸሐ ዚሬን ኤቂዲ ጋላቲዳ።

11 ኣሳይካ ወሪ፡

«ጸሓይ ከያ ጸሓ፤

ኢዚ ኢሰራኤሌ ኣሳ ሲቁዛ ሲቆይ ሜርናሳ»

ገዛ ማዛሙራ ጸሓ ቦንቸሰ ዩዲዳ፤ ጸሓ ኩላ ዮች ዩሶ ደሚሽን ኣሳይ ወሪ ባ ቃላ ቶቁ ሂሰቲዲ ኢሊሊሽ ጸሓ ጋላቲዳሰ።

12 ጨማ ቄሴታቴኔ ለዌ ባጋታቴ ዳርቲ፡ ዛርኩታቴ ኮራጊኔቲ ካሴ ጸሓ ኩላ ኦሶ ባ ኣይፊን ቤይዳ ገሻሰ ሃኢ ኬጾቲዛ ጸሓ ኩላሰ ዮቻ ቤኢዲ ባ ቃላ ቶቁ ሂሰቲ ዩኪዳ፤ ሄን ዲዛ ሃራ ኣሳቲ ቃሴ ባንታ ቃላ ቶቁ ሂሰቲዲ ኢሊሊዳ።

13 ሄሳ ጋሶን ኡፋይሳ ዋሶይኔ ዩሆይ ኢሲ ቦላ ዋላኬቲዲ ሃሆን ሴቴቲዳሰ፤ ጊደ ኣቲን ኣሳይ ዩሆ ዋሶኔ ኡፋይሳ ኢሊሊሳ ሻኪ ኤራና ዳንዳይቤና።

4

ጸሓ ኩላ ዛሪ ኦሴቶንታ ማላ ዳንዲዳ ሴራ

1 ዲኤቴፋፌ ሲሚዳ ኣሳይ ኢሰራኤሌ ጸሓ ኩላ ኬጾሽን የሁዳ ኣሳሲኔ ቢኒያሜ ኣሳሰ ሞርኬ ጊዲዳይቲ ሲዩዳ።

2 ሄሳፌ ዳንዲዳይሳን ዜሩባቤሌኮኔ ኮራጊኔታኮ ዩዲ «ኦኒካ ኢንቴ ማላ ኢንቴ ጸሓ ጎይኒዛይታ፤ ኣሶሪ ዴሬ ካዎ ኣሴራደይይ ኦና ሃ ቢታ ኤሆሶፌ ደሚዲ ኢዛሰ ያርሺሽኔ ጎይኒሽ ጋምኢደሰ፤ ሄሳ ገሻሰ ሃኢ ኦኒካ ኢንቴና ኢሲፌ ኩጻና» ጊዳ።

3 ጊደ ኣቲን ዜሩባቤሌይ፡ ኢያሶይኔ ኮራጊኔቲ ኡባይ «ኦ ገዳ ጸሓ ኩላ ኩጻናሰ ኢንቴና ኦናራ ጋሊዛ ሚሽ ባዎ፤ ፓሪሴ ካዎ ቁርሲ ኦና ኣዛዚዳ ማላ ኢሰራኤሌ ጸሓ ኩላ ኦ ኦርካ ኩጻና» ጊ ዛሪዳ።

4 ሄሳፌ ጉዬ ሄ ዳሬን ዲዛ ኣሳቲ ኣይሁዳ ኣሳታ ሂደታ ቃንጸሲኒኔ ባቢሶን ጸሓ ኩላ ኬጾንታ ማላ ዲጎ ኦይኪዳ።

5 ፓሪሴ ካዎ ቁርሴ ካዎቴላ ላይላፌ ደሚዲ ካዎ ዳሪዮሳ ካዎቴላ ላይላ ጋካናሰ ኢሰቲ ኬጾንታ ማላ ኢስታ ቶጶዳናሰ ዘሪዛ ኣሳታሰ ማጋንጾ ኢሚዳ። *

ዩሩሳላሜ ካታማ ዛሬላ ኤሶንታ ማላ ዳንዲዳ ሴራ

6 ካዎ ኣርጾኪሲሲ ካዎቲዳ ኮይሮ ላይላ የሁዳኒኔ ዩሩሳላሜን ዳኢዛ ኢሰራኤሌ ኣሳ ቦላ ኢስታ ሞርኬቲ ሞቶ ዳብዳቤ ጸፊዳ።

7 ፓሪሴ ካዎ ኣርጾኪሲሲ ካዎቲዳ ዎዴ ኢዛራ ቢሽላሚ፡ ሚቲራዳጾ፡ ጸቢኤሌራ ኦሊዛ ላጌቲ ኢዛራ ኢሲፌ ጊዲዲ ሞቶ ዳብዳቤ ካዎ ኣርጾኪሲሲ ጸፊዳ ዳብዳቤዚ ኣራማይኬ ቃላኒኔ ፒዳሌን ጸፊቲዲ ናባቤታና ማላ ዩዳቲዳሰ። †

8 ዴሬ ኣይሲዛ ኤሬሁሜይኔ ጸፊዚ ሲሚሳዩይ ዩሩሳላሜ ገሻሰ ካዎ ኣርጾኪሲሲ ሃይሳፌ ካሊዛይሳ ጸፊዳ።

9 «ዳብዳቤዛ ጸፊዳይ ዴሬ ኣይሲዛ ኤሬሁሜ፡ ጸፊዛ ሲሚሳዩይ፡ ኤላሚ ቢታን ዲዛ ሱሳጌ፡ ኤርኬፊኔ ባቢሎኔ ዩዲ ፒርዲዛ ዳናታቴኔ ኢስታራ ኢሲፊቴላ ዲዛይታቴ።

10 ቃሴካ ገታኔ ዎልቃማ ካዎ ኣሲናፊሬይ ዩሌቲዳ ዴሬቴ ሃራሶ ኤሂዲ ሳማሪያ ካታማኒኔ ኤፊራጺሴ ሻፋ ፒኒዲ ኣርሺይ ወሊዛ ባጋራ ዳና ማላ ዎሊዳ ሃራ ኣሳታራ ኢሲፌ ጸፊዳ ዳብዳቤ» ጊዳ።

11 ዳብዳቤዛሰ ኣይፌ ዮኦይ ካዎ ኣርጾኪሲሲ፡ ኤፊራጺሴ ሻፋቴ ኣርሺይ ወሊዛ ባጋራ ዲዛ ኔ ኣሳንቻታቴ ዩዳቲዳ ዳብዳቤይ።

12 «ካዎ! ኔ ኣቻፊ ኦኮ ዩዳ ኣይሁዳ ኣሳቲ ዩሩሳላሜ ቢዲ ሄ ኢታኔ ቱና ካታማዮ ዛሪዲ ኦሶ ቦላ ዴቴሰ፤ ገምቤዛካ ዛሪዲ ሎኤላኒኔ ዮቻ ዩጌላ ቦላ ዴቴሰ።

13 ሄሳ ገሻሰ ሃ ካታማና ሲማ ኦሴቲኮኔ ኢዚ ገምቤይ ገምቤቲ ገቢኮ ኣሳይ ወሪ ኔሰ ገሪዛ ገራኔ ቃራጾ ቃንጾንታይሳ ኔ ኤራ፤ ኔ ካዎቴላ ቦንቸሰ ኢሚቲዛ ኢሞታይ ጉጸ ጉጸ ባናይሲ ኔሰ ኤራቶ።

14 ኦኒካ ኔ ካዎቴላፌ ጎኤቲዛይታ ጊዲዳ ገሻሰ ኔ ቦንቸይ ቦሽቲሽን ኦ ቤዩሽ ጮኡ ጋናሰ ቤሴና ጊዲ ሃ ከታ ኔሰ ዩዲደሰ።

15 ሄሳ ገሻሰ ካሴ ኢንቴ ኣዎታ ታሪኬይ ኢዛን ጸፊቲ ዲዛ ማጻፋይ ጸሌታና ማላ ቆፊሶሰ፤ ሃ ካታማና ኡባ ማካላንቻ፡ ካዎታሲኔ ዴሬታሰ ሜቶ ሚጳዛ ካታማ ጊዲዳይሳ ኔ ሄ ማጻፋቴ ዴማና፤ ካሴቴ ደሚዲ ሄ ካታማይ ኣሳይ ማካላንቻ፤ ካታማና ሾጩታ ጳይዳይ ሃይሳ ጋሶና።

16 ሄሳፌ ዳንዲዳይሳን ሃ ካታማና ናምኣንሎ ሲማ ኦሴቲኮኔ ኢዚ ገምቤይ ገምቤቲ ገቢዳቴ ጉዬ ኔ ካዎቴላን ኤፊራጺሴ ሻፋቴ ሄ ፒንላን ዲዛ ዴሬታ ኔ ኣይሳናይሲ ሜቶ ጊዲዳይሳኔ ኔሰ ኣይኮ ሚሽካ ሄ ፒንላን ባይንዳይሳ ኦ ኔሰ ቆንጨሶሰ» ጌሰ።

17 ካዎዚካ ዳብዳቤዛ ዛር «ዴሬ ኣይሲዛ ኤሬሁሜሰ፡ ጸፊዛ ሲሚሳዩሰ፡ ቃሴ ሳማሪያኒኔ ኤፊራጺሴ ሻፋ ፒንላን ዲዛ ኔናራ ኢሲፌ ኦሊዛይታሰ ሳርይ ጊደ።

18 «ኢንቴ ዩዲዳ ዳብዳቤይ ቢርሺቲ ናባቤቲን ታ ሲያዲሰ፤

19 ሄሳፌ ዳንዲዳይሳን ሎኤላ ፒልገ ጸላና ማላ ኣዛዛዲሰ፤ ፒልጌላን ቤቲዳይ ዩሩሳላሜይ ካሴቴ ደማዳ ካዎ ካዎቴላ ቦላ ማካላሽ ዲዛር፤ ማካላንቻታሲኔ ኢታ ኦሊዛይታሰ ጊዲዳይሳ ቆንጨሴሰ።

20 ሄሲካ ወሪ ሃንኮካ ዩሩሳላሜይ ኤፊራጺሴ ሻፋቴ ሄ ፒንላን ዲዛ ዴሬታ ቃራጾኔ ገራ ጨገሲዛ ዎልቃማ ካዎቲ ካዎቲዳ ዴሬ።

3:10 1ታሪ 25:1 3:11 1ታሪ 16:34፤ 2ታሪ 5:13፤ 7:3፤ ማዛ 100:5፤ 106:1፤ 118:1፤ ኤር 33:11 4:2 2ካዎ 17:24-41 * 4:5 ማጋንጾ፡ ማጋንጾ ጉሲ ኣሞራፊ ቃላራ ጉቦ ጉሳ። 4:6 ኣሰ 1:1 † 4:7 ኣራማይኬይ፡ ኣራሜ ዴሬ ቃላ

21 ሃሳ ገሻሰ ታ ሃራ ኣዛዞ ከታና ጋካናሰ ሄ ኣሳተ ካታማዛ ዛሪ ኣሉንታ ማላ ዮተቲ።

22 ኑ ካዎ ኦሶ ቦላ ኣይኮ ማቶይካ ጋኮንታ ማላ ኢንቴሰ ኢዛ ኣላፊቴላ ኣዛሎንታ ናጌተቲ» ገ ከተዳሰ።

23 ካዎ ኣርጾኪሲሴ ዛር ዳብዳቤይ ኤሬሁማሰ፣ ሲሚሳዬሲኔ ኢሰታራ ኦሊዛይታሰ ጋኪ ናባቤቲዳ ማላ ሄራካ ዩሩሳላሜ ቢዲ ካታማ ኣሉንታ ማላ ኣሳ ዎልቃራ ቲቁዳ።

24 ሃሳ ገሻሰ ዳሪዮሲ ፓሪሴ ዳሬን ካዎተዳ ናምኣንሉ ላይላ ጋካናሰ ጸሳ ኬላ ኦሶይ ደሜቲዳ ማላ ኤቁ ኣተዳሰ።

5

ታቲናዬፔ ካዎ ዳሪዮሳሰ ዩዳቲዳ ዳብዳቤ

1 ሄ ዎዳ ናምኡ ናቤቲ ሃጌይኔ ኢዳ ና ዛካራሲ ዩሩሳላሜኒኔ ዩሁዳ ዳሬን ዳኢዛ ኣይሁዳ ኣሳሰ ጸሳ ኬላ ኦሶ ገሻሰ ባ ጎዳ ኢሰራኤሌ ጸሳ ሱንላን ቲንቢቲ ዮተቲ።

2 ሳላቲያሌ ና ዜሩባቤሌይኔ ኢዮሳደቁ ና ኢያሶይ ሄ ናቤታ ቃላ ሲዩዳፔ ጉዬ ዩሩሳላሜን ዲዛ ጸሳ ኬላ ዛሪ ኬጾ ኦይኪዳ፣ ናምኡ ናቤቲካ ኢሰታ ማዲሼ ኢሰታራ ዳቲሰ።

3 ሄ ዎዳ ኤፊራዲሴ ሻፋ ፒንላን ኣርሼይ ወሊዛ ባጋራ ዳሬ ኣይሲዛ ታቲናዬይኔ ሳቲርቦዚናይ ቃሴካ ኢሰታራ ኢሲፊ ኦሊዛ ዳናቲ ዩሩሳላሜ ዩዲ «ኢንቴሰ ሃ ጸሳ ኬላ ኬጸናሲኔ ገምቤዛ ኦራዲሳናሰ ኦኒ ኢንቴሰ ፒቃዳ ኢሚዳ?» ገ ኦይቸዳ።

4 ቃሴ ሃይሳ ጸሳ ኬላ ኬጸዛ ኣሳታ ሱንላ ኤራናሰ ኦይቸዳ።

5 ገዶ ኣተን ኣይሁዳ ዳናታ ጸሲ ናገዛ ገሻሰ ፓሪሴ ካዎ ዳሪዮሳሰ ከታይ ጋኪን ሄ ከታዛሰ ዛርይ ያና ጋካናሰ ኦሶ ኣጌቤቲና።

6 ኤፊራዲሴ ሻፋ ፒንላን ኣርሼይ ወሊዛ ባጋራ ዳሬ ኣይሲዛ ታቲናዬይኔ ሳቲርቦዚናይ ቃሴካ ኢሰታራ ኢሲፊ ኦሊዛ ዳናቲ ካዎ ዳሪዮሳሰ ጸፊ ዩዲዳ ዳብዳቤይ ሃይሳፊ ካሊ ዲዛይሳ፣

7 «ቦንቸቲዳ ካዎ ዳሪዮሳ! ኔ ኣይሲዛ ዳራሲኔ ኔሰ ሳርይ ገዶ፣

8 ኦኒ ዩሁዳ ቤታ ቢዲ ገታ ጸሳ ኬላይ ገታ ማሴቲዳ ሹቻኒኔ ሚላን ኬጾቲዳይሳ ቤይዳይሲ ኔሰ ኤሬቶ፣ ሄ ኦሶዚካ ጨማቲ ካሌሊሽን ማራኒኔ ኤሶን ኦሴቲላ ቦላ ዳሰ።

9 «ኦኒካ ዳሬዛ ካሌሊዛይታ፣ «ሃይሳ ጸሳ ኬላ ዛሪ ኬጸናሲኔ ገምባ ኦራዲሳናሰ ኦኒ ኢንቴሰ ፒቃዳ ኢሚዳይ?» ገ ኦይቸዳ።

10 ሃይሳ ኦሶዛ ኣዎቲላን ኦሲሲዛይ ኦናንታኮ ኤሪዲ ኑ ኔሰ ቆንጨሳናሰ ኢሰታ ሱንላካ ኦይቸዳ።

11 «ኢሰቲካ ኑሰ፣ «ኦኒ ሳሎኔ ሳኣ ሚዲዳ ጸሳ ኦሳንቻታ፣ ሃሳ ገሻሰ ዳር ላይላፊ ካሴ ገታ ኢሰራኤሌ ካዎይ ኬጸዳ ጸሳ ኬላ ኦኒ ዛሪዲ ሃኢ ኦሶ ቦላ ደሰ፣

12 ገዶ ኣተን ካሴ ኑ ኣዎቲ ሃይሳ ሳሎ ጸሳ ሃንቁሊዳ ጋሶን ካላዳዎ ቤታ ኣሰ ባቢሎኔ ካዎ ናቡካዳናጸሬን ጸኒሲዳሰ፣ ካዎ ናቡካዳናጸሬይ ጸሳ ኬላ ላሊዲ ኣሳ ዲኢ ባቢሎኔ ኤፊዳሰ።

13 ሃሳፊ ጉዬ ቃሴ ባቢሎኔ ዳሬን ካዎ ቂርሲ ካዎቲዳ ኮይር ላይላ ሃይሳ ጸሳ ኬላ ኬጸና ማላ ኣዛዚዳሰ።

14 ናቡካዳናጸሬይ ዩሩሳላሜፔ ካሴ ጸሳ ኬላፊ ዲኢ ኤፊዲ ባቢሎኒን ዲዛ ኤቃ ኬላታን ዎሊዳ ዎርቃፊኔ ቢራፔ ኦሴቲዳ ጌሻ ሚሻታ ኡባ ካዎ ቂርሲ ዩሁዳ ዳሬ ኣይሲዛ ሴሳቢሳሬ ባጋራ ዛሪ ኦሶ ኢሚዳሰ።

15 ሃሲካ ዳሬ ኣይሲዛ ዳና ሳቢሳሬይ ጌሻ ሚሻታ ኤሂዲ ዩሩሳላሜን ዲዛ ጸሳ ኬላን ዎላና ማላኔ ጸሳ ኬላይ ካሴ ባ ዲዛሶን ዛሪ ኬጾታና ማላ ካዎ ቂርሲ ኢዛ ኣዛዚዳሰ።

16 ሃሳ ገሻሰ ሴሳቢሳሬይ ዩዲ ጸሳ ኬላ ዮቻ ዩጌዳፔ ጉዬ ኦሶዚ ኦሴቲ ኦሴቲ ሲንፍ ባና ማላ ሃኒዲ ሃይሳ ጋካናሰ ጸሳ ኬላ ኦሶይ ኦሴቲላ ቦላ ዳሰ፣ ገዶ ኣተን ጸሳ ኬላ ኦሶይ ኦሴቲ ገጌባናና» ገዳ።

17 «ካዎ! ሃያ ቱማፔ ሃ ጸሳ ኬላይ ዩሩሳላሜን ኦሴታና ማላ ካዎ ቂርሲ ኣዛዚዳ ኣዛዘይ ዲዛኮ ባይንዳኮ ሻኪ ኤራናሰ ባቢሎኒን ካዎ ኬላን ማዘጋቤን ጸፊቲ ዲዛይሳ ፒልገሳ ጸሊሳዳ ኔ ኣይ ጋ ቃቸዳኮ ኦና ኤሪሳና ማላ ዎሶሰ» ገ ጸፊዳ።

6

ዳሪዮሳ ኣዎጃ

1 ባቢሎኒን ካዎ ሚንጃ ኬላን ዲዛ ማዘጋባቲ ወሪ ፒልጌቲ ጸሊታና ማላ ካዎ ዳሪዮሲ ኣዛዚዳሰ፣

2 ገዶ ኣተን ባቢሎኔ ካታማን ገደንታ ሜዶኔ ዳሬን ኣሂሚቲ ካታማን ኢሲ ጸሳ ማጻፋይ ቤቲዳሰ፣ ኢዛን ጸፊቲዳ ቃላይ።

3 «ቂርሲ ካዎቲዳ ኮይር ላይላ ዩሩሳላሜን ዲዛ ጸሳ ኬላ ጸጌቲዛ ያርሹይኔ ሃራ ዲማ ዲማ ያርሹቲ ሸቁዛሶ ገዲዲ ኦሴታና ማላ ኣዛዘ ኢሚዳሰ፣ ጸሳ ኬላ ኣዲሳቲላ 27 ሜቲሬ ገዲሺን ኣሆቴላዚ 27 ሜቲሬ ገዳናሰ ቤሴሰ።

4 ገምቤቲካ ሹቻፊ ኦሴቲዳ ሃቻቶ ዩዩ ኣዲዳ ገምቤታ ሁኡን ኢሲቶ ዩዩ ኣዲ ሚላን ኩዬቶ፣ ሄ ኦሶዛሰ ኮሺዛ ሚሽ ካዎዛ ሚንጃ ኬላፊ ኢሚቶ።

5 ቃሴ ሃይሳፊ ሲንፍ ካዎ ናቡካዳናጸሬይ ዩሩሳላሜን ጸሳ ኬላፊ ዲኢ ኤኪዳ ዎርቃፊኔ ቢራፔ ኦሴቲዳ ጸሳ ኬላ ሚሻቲ ሲሚዲ ዩሩሳላሜን ኦሴቲዛ ጸሳ ኬላን ኢሰታሰ ቤሲዛሶን ኡቲቶ» ጌሰ።

ጸሳ ኬላይ ኬጾታና ማላ ካዎ ዳሪዮሳ ኣዛዘ

6 ካዎ ዳሪዮሲ ሃይሳፊ ካሊ ዲዛ ከታ ኣሊዳሰ፣ «ኤፊራዲሴፔ ኣርሼይ ወሊዛ ባጋራ ዲዛ ዳሬ ኣይሲዛ ታቲናዬይኔ፣ ሳቲርቦዚናይኒ ኢንቴናራ ኢሲፊ ኦሊዛ ኡባቲ ጸሳ ኬላ ኦሶን ጋኮፍቲ፣

7 ኢንቴ ኦሶዛ ጸጌዳንታ ማላ ናጌተቲ፣ ኣይሁዳታ ኣይሲዛይሲኔ ኣይሁዳታ ካሌሊዛይቲ ጸሳ ኬላ ካሴ ኢዚ ዲዛሶን ዛሪ ኬጾቶ።

8 ሃይሳ ጋሶን ኢንቴ ጸሳ ኬላ ኦሶ ማዳና ማላ ታ ኢንቴና ኣዛዛዲሰ፣ ሃ ኦሶዛሰ ኮሺዛ ሚሽ ካዎ ሚንጃ ኬላፊኔ ኤፊራዲሴፔ ኣርሼይ ወሊዛ ባጋራ ዲዛ ዳሬፔ ካዎሰ ሸቁዛ ገራ ሚሻፊ ኬዚዲ ኢሰታሰ ኢሚቶ፣ ኦሶዚካ ጸጌታና ቤሴና።

9 ቃሴካ ዩሩሳሌምን ዲዛ ቁሴቲ እንቴሰ ዮቲዛ ማላ ጋላሰ ጋላሰ ሳሎ ጸሳሰ ያርሾ ሺሻና ማላ እንቴፌ ኮዩቲዛ ሚርጎታ፡ ጳርሾታ፡ ጳርሾ ላቃታ፡ ቃሴካ ሙጽዋታሰ ገዲዛ ገሰቲ፡ ማጺኔ፡ ዋይኔ ኡሹኔ ዋጋራ ዛይቲ ኡባ ፓጩይ ባይንዳ ኢሰታሰ ኢሚቲ።

10 ሃ ኡባሰ ጋሰይካ ሳሎ ጸሳይ ኡፋይሳን ኤዚዛ ያርሾ ኢሰቲ ሺሺሹ ካዋሲኔ ኢዛ ኣቲማ ናይታ ገሻሰ ዋሳና ማላሳ።

11 ሃይሳፌ ሃራ ታ እንቴና ኤሪሳና ኮይዛ ሚሺ ታ ኢሚዛ ኣዛዞ ኤኮንታይኔ ኣዛዜቶንታይ ዲኮ ኢዛ ኬላ ቱሳ ሾዲዲ ሃ ቱሳ ጸራ ማሲዲ ሃ ማሴቶ ቱሳ ጸራን ካቁቶ፤ ኢዛ ሶዚካ ላሌቲዲ ቡራ ኦሎሶ ገደ።

12 ሃ ኣዛዞዛ ኢጺዲ ዩሩሳሌምን ዲዛ ጸሳ ኬላ ላላና ኮይዛ ኣይ ካዋኔ ዳሬ ኡባ ባ ሰንገላይ ጸይጌታና ማላ ዩሩሳሌም ደራዳ ጸሳይ ጳይሶ፤ ሃይሳ ኣዛዞዛ ኢሚዲይ ታና ካዋ ዳሪዮሳ ገዲዳ ገሻሰ ኡባይ ፖሌታና ቤሴሰ።»

ጸሳ ኬላ ኣንጂሶ ባኣሌ

13 ሃሳፌ ጉዬ ዳሬ ኣይሲዛ ታቲናዬ፡ ሳቲርቦዚናዬይኔ ኢሰታራ ኢሲፌ ኦሌዛ ዳናቲ ካዋይ ኣዛዚዳ ማላ ኡባ ፖሊዲ።

14 ኣይሁዳታ ካሌላዛይቲ፡ ናቤ ሃጌይኔ ዛካራሲ ሚንሌላን ጸሳ ኬላ ኦሶ ኤሌሲ ኦሌዳ፤ ኢሰራኤሌ ጸሳ ሸኔን ፓሪሴ ካዋ ቁርሲ፡ ዳሪዮሲኔ ኣርጾኪሲሲ ኣዛዚዳ ማላ ጸሳ ኬላ ኦሶ ፖሊዲ።

15 ኢሰቲ ጸሳ ኬላ ኦሶ ፖሊዲ ዋይይ ካዋ ዳሪዮሲ ካዋቲዳ ኡሱፑንላ ላይላን ኣዳሬ ኣገናን ሃሻንላ ጋላሳና።

16 ሃሳፌ ጉዬ ኢሰራኤሌ ዳሬይ፡ ቁሴቲ፡ ለዌቲ፡ ቃሴ ዲኤቲላፌ ሲሚዳ ኣሳይ ኡባይ ጸሳ ኬላ ኣንጂሶ ባኣሌዛ ኡፋይሳን ቦንቺዳሰ።

17 ኢሰቲካ ባኣሌዛ ቦንቺሰ ገዲዛ 100 ሚርጎታ፡ 200 ጳርሾታኔ 400 ጳርሾ ላቃታ ያርሾሰ ሺሺዳ፤ ናጋራ ያርሾሰ 12 ዳይሻ ኮርቤታ ኢሰራኤሌ ኣሳ ኢሳ ኢሳ ዛርኬ ሰንገላን ሺሺዳ።

18 ሙሴ ማጻፋን ጸፊቲዳ ዋጋ ማላ ዩሩሳሌምን ኬጾቲዳ ጸሳ ኬላን ኦሶሰ ቁሴታኔ ለዌታ ኢሰታሰ ቤሲዛ ማራን ማራን ዋሊዳ።

ፓዚጋ ባኣሌ

19 ዲኤቲዳሶፕ ሲሚዳ ኣሳቲ ኮይሮ ኣገናይ ጌሊዳ ማላ ታማኔ ኣይዳንላ ጋላሰ ፓዚጋ ባኣሌ ቦንቺዳ።

20 ቁሴቲኔ ለዌቲ ወሪ ዋጋዚ ገዛ ማላ ባና ገሺዳ፤ ለዌቲካ ፓዚጋ ባኣሌ ቦንቺዛ ዋይ ዲኤቲላፌ ሲሚዳ ኣሳታሲኔ ቁሴታሰ፡ ቃሴ ባንታ ገሻሰ ሸቁዳ ሜሃታ ሹኪዳ።

21 ዲኤቲላፌ ሲሚዳ ኢሰራኤሌ ኣሳቲኔ ሃ ካዋቲላን ዲዛ ኣይዛቤታ ዋጋ ኣገዲ ጎዳ ኢሰራኤሌ ጸሳ ጎይኒዛ ኡባታራ ፓዚጋ ካላ ሚዳ።

22 ጸሳይ ኣሶሬ ካዋ ላሚዲ ኢሰራኤሌ ጎዳይ ኢዛን ጋላቲቲዛ ጸሳ ኬላ ዛሪ ኬጻና ማላ ኢሰታ ኦሶን ማዲዳ ገሻሰ ላፑን ጋላሰ ኩሜላ ኡኬላ ባኣሌ ኡፋይሳን ቦንቺዳ።

7

እዝራ ማዛሙራ

1 ዳሮ ዋይፔ ጉዬ ኣርጾኪሲሲ ፓሪሴ ዳሬን ካዋቲዳ ዋይ እዝራ ጌቲቲዛ ኣሲ ዳሰ፤ ኢዚካ፡ ሳራያ ና፡ ሳራያይ ኣዛሪያሳ ና፡ ኣዛሪያይ ኪልቁያሳ ና፡ ኪልቁያሲ ሻሎሜ ና፡

2 ሻሎሜይ ሳዶቄ ና፡ ሳዶቄይ ኣሃጹቤ ና፡ ኣሃጹቤይ ኣማሪያ ና፡

3 ኣማሪያይ ኣዛሪያሳ ና፡ ኣዛሪያሲ ማራዮታ ና፡ ማራዮቲይ ዛራሃያ ና፡

4 ዛራሃያይ ኡዜ ና፡ ኡዜይ ቡቃ ና፡

5 ቡቃይ ኣቢሹኣ ና፡ ኣቢሹኣይ ፊኒሃሴ ና፡ ፊኒሃሴ ኤልኤዜሬ ና፡ ኤልኤዜሬይ ቁሴታ ሃላቃ ኣርኔ ና።

6 እዝራይካ ባቢሎኔፔ ዩሩሳሌም ዩዳሰ፤ ኢዚካ ጎዳ ኢሰራኤሌ ጸሲ ሙሴሰ ኢሚዳ ዋጋ ሎኤላ ኤሪዛ ኣሰታማሬ፤ ጸሳ ዋልቃይ ኢዛራ ዲዛ ገሻሰ ካዋዚ ኢዚ ኦይቺዳይሳ ኡባ ኢሚዳሰ።

7 ቃሴ ኣርጾኪሲሲ ካዋቲዳ ላፑንላ ላይላን ቁሴታፔ፡ ለዌታፔ፡ ዩጸዛይታፔ፡ ጸሳ ከላ ናገዛ ዛቤታፔ፡ ኦሳንቻታፔኔ ኢሰራኤሌ ኣሳፔ ኢሲ ኢሲ ኣሳታ ጉጂዲ እዝራራ ኢሲፌ ዩሩሳሌም ዩዳ።

8 እዝራይ ካዋ ኣርጾኪሲሲ ካዋቲዳ ላፑንላ ላይላን ኢቻሻንላ ኣገናን ዩሩሳሌም ጋኪዳሰ።

9 ጌታ ጸሳ ዋልቃይ ኢዛ ቦላ ዲዛ ገሻሰ ባቢሎኔፔ ኮይሮ ኣገናን ኮይሮ ጋላሰ ዳንዲዲ ኢቻሻንላ ኣገናን ኮይሮ ጋላሰ ዩሩሳሌም ጋኪዳሰ።

10 እዝራይ ባ ዳኦ ኡባን ጸሳ ዋጋ ፒልጊ ኤራናሰ፡ ኦላናሲኔ ጸሳ ኣዛዞታኔ ዋጋታ ኩሜላ ኢሰራኤሌ ናይታ ታማርሳናሰ ባናቲላ ኣላ ኢሚዳሰ።

ካዋዚ እዝራሰ ጸፊ ኢሚዳ ፒቃይ ዳብዳቤ

11 ጎዳይ ኢሰራኤሌ ኣሳታሰ ኢሚዳ ዋጋኔ ኣዛዞ ሎኤላ ኤሪዛ ኣሰታማሬ ገዲዳ እዝራሰ ካዋ ኣርጾኪሲሲ ኢሚዳ ዳብዳቤይ ሃይሳፌ ካሊ ዲዛይሳ፤

12 ካዋታሰ ካዋ ኣርጾኪሲሴፔ ሳሎ ጸሳ ዋጋ ፒልጊ ዳሎን ኬሃ ኤራንቻ ገዲዳ ዋጋ ታማርሲዛ ቁሴ እዝራ! ሳርይ ኔሰ ገደ፤

13 ታ ካዋቲላ ጋርሳን ኣቁዛ ኣሳቲኔ ኔናራ ዩሩሳሌም ሲማና ኮይዛ ኢሰራኤሌ ኣሳቲ፡ ቁሴቲኔ ለዌቲ ኡባይ ሲማና ማላ ፒቃይ ኢማዲሰ።

14 ቃሴ ኔ ኩሹን ዲዛ ጸሳ ዋጋ ማላ ዩሁዳኒኔ ዩሩሳሌምን ፖሌቲዛይሳ ካሌታዳ ኔ ሎኤላ ጸላና ማላ ታና ዘሪዛ ላፑን ኣሳታን ከቲታዳሳ።

15 ሃራይ ቃሴ ዩሩሳሌምይ ኢዛሰ ዲሳሶ ገዲዳ ኢሰራኤሌ ጸሳሰ ታኒኔ ታናራ ኢሲፌ ዘሪዛይቲ ኦ ደሳን ኢሚዳ ቢራኔ ዋርቃ ኤካዳ ባ።

16 ሃይሳ ቦላ ጉጂዳ ኔኒ ባቢሎኔ ዳሬን ሺሺዛ ዋርቃኔ ቢራ፡ ኢሰራኤሌ ኣሳቲኔ ቁሴቲ ዩሩሳሌምን ዲዛ ጎዳ እንቴ ጸሳ ኬላን ሺቃና ማላ ኢሚዛ ኢዋታ ሚሽ ኡባ ኤካዳ ባ።

17 ሃ ሚሻዛን ዩሩሳሌምን ዲዛ ጎዳ እንቴ ጸሳ ኬላን ያርሾሰ ገዳና ማላ ሚርጎታ፡ ጳርሾታ፡ ጳርሾ ላቃታ፡ ቃሴ ሙጽዋታሰ ገዲዛ ካሌኔ ዋይኔ ኡሹ ኡባ ሻማዳ ያርሾ ሺሻ።

18 ሃሳፌ ቲርፒ ኣቲዛ ቢራኔ ዋርቃ እንቴ ጸሳ ሸኔ ማላ ኔኒኔ ኔ ዳሬ ኣሳቲ እንቴ ደሲዛ ኦሶሰ ጎኤቲቲ።

19 ኔ ጸሳ ኬላን ኦላና ማላ ኔሰ ሃዳራ ኢሚቲዳ ሚሻታ ኡባ ዩሩሳሌምን ዲዛ ጎዳ ሲንገላን ሺሻ።

20 ሄሳፌ ቦላራ ኔ ጸሳ ኬላ ኦሶሰ ኮሺዛ ኣይ ሚሺካ ካዎ ሚንጃ ኬላፌ ኤካናሰ ዳንዳያሳ።
 21 «ኤፊራዲሴ ሻፋ ፒንላን ኣርሼይ ወሊዛ ባጋራ ካዎ ሚሻ ቦላ ኣዎቴሊ ዲዛይቲ ኢንቴ ወሪ ሳሎ ጸሳ ዎጋ ታማርሲዛ ቁሴ ኢዘራይ ኢንቴና ኦይቺዛ ሚሽ ኡባ ኢንቴ ኢዘሰ ኤሶን ኢማና ማላ ታኒ ካዎ ኣርጸኪሲሲ ኣዘዛዲሰ።
 22 ሄቹ ሺያኔ ኦይዱ ጾቱ ኪሎ ጊዲዛ ቢራ፣ ታሙ ሺ ኪሎ ጊዲዛ ገሰቴ፣ ናምኡ ሺ ሊቲሮ ጊዲዛ ኡቹ፣ ናምኡ ሺ ሊቲሮ ጊዲዛ ዎጋራ ዛይቴኔ ኮሺዛ ኬና ማጺኔ ኢማቴ።
 23 ካዎዛ ቦላኔ ኢዛ ናይታ ቦላ ሃንቆይ ዮንታ ማላ ሳሎ ጎዳይ ባ ኬላ ኦሶሰ ኣዘዘዛይሳ ኡባ ሚኒ ፖላና ኮሺሰ።
 24 ቃሴ ቁሴታ፣ ለዌታ፣ ዩዲዛይታ፣ ዛቤታ፣ ጸሳ ኬላን ኮሺዛ ሚሻን ኦሊዛ ኣሳታ ኡባታ፣ ቃራጸኔ ገራ ቃንጺሳናሰ፣ ዎልቃን ሃራ ሚሽ ኦሲሳናሰ ኢሰታ ቦላ ኢንቴሰ ማታይ ባይንዳይሳ ታ ኢንቴና ኤሪሳይሰ።
 25 «እዝራ! ኔ ጸሳይ ኔሰ ኢሚዳ ኣጼ ኤራቴላ ማላ ካላሽ ኤፊራዲሴ ሻፋ ፒንላን ዲዛ ዳሬ ኡባሰ ኔኒ ጸሳ ዎጋ ኤሪዛ ዳናታኔ ፐርዲዛይታ ዶራ፣ ጸሳ ዎጋ ኤሮንታይታሰ ኔኒ ኔ ጸሳ ዎጋ ታማርሳ።
 26 ኔኒ ጸሳ ዎጋሰ ዎይኮ ካዎ ዎጋ ኡባሰ ኣዘዘቶንታ ኣሲ ዲኮ ኢዛዳይ ሃይቆን ዎይኮ ዳሬ፣ ጎዳቴላን ዎይኮ ኢዛ ሃሮ ቦንቃን ዎይኮ ቃሾን ቃጸዩቶ።»

እዝራይ ጸሰ ጋላቲዳሰ

27 እዝራይ፡ «ዩሩሳላሚን ዲዛ ጸሳ ኬላይ ሃይሳላ ቦንቆታና ማላ ካዎዛ ኤኖ ሂሰቲዳ ጎዳ ኦ ኣዎታ ጸሲ ጋላቲቶ።
 28 ታኒ ካዎ ኣቻኒኔ ኢዛ ዘራንቻታ ኣቻን፣ ዎልቃማ ዳናታ ኣቻን ደሴታና ማላ ኦሊዳ ጸሳይ ጋላቲቶ። ጎዳ ታ ጸሳ ዎልቃይ ታናራ ዲዛ ገሻሰ ኢሰራኤሌ፣ ኮራፒኔቲ ታናራ ኢሲፌ ጊዲዲ ዩሩሳላሚ ሲማና ማላ ዘሪዲ ታ ታማርሳና ማላ ታና ማዲዳሰ» ገ ጸሳ ጋላቲዳሰ።

8

ዲኤቲ ቢዳሶፔ እዝራራ ሲሚዳ ኣሳ

- 1 ካዎ ኣርጸኪሲሲ ካዎቴላን ኣይሲዛ ዎዴን ታናራ ባቢሎኔ ዳሬፎ ሲሚዳ ኮራፒኔታ ሱንላ ሃይሳፌ ካሊ ዲዛይሳ፤
- 2 ፊኒሃሴ ዜሬላታፔ
 - ጌርሾሜ፣
 - ኢታማሬ ዜሬላታፔ
 - ዳኔላ፣
 - ዳዊቲ ዜሬላታፔ ሃጹሽ፣
- 3 ኢዚካ ሻካኒያ ና፣
- ፓሮሴ ዜሬላታፔ
 - ዛካራሲኔ ኢሰታ ሶ ኣሳታፔ
 - 150 ኣዳቲ ጳፊቲዳ፤
- 4 ፓሃቲ-ሞኣሴ ዜሬላታፔ
 - ዛራሂያ ና ኤልሆኤናዩይኔ
 - 200 ኣቱማሳቲ፣
- 5 ዛቶ ዜሬላታፔ
 - ያሃዚኤሌ ና ሻካኒያራ
 - 300 ኣቱማሳቲ፣

- 6 ኣዲኔ ዜሬላታፔ
 - ዮናታኔ ና ኤቤዳኔ
 - 50 ኣቱማሳቲ፣
- 7 ኤላሜ ዜሬላታፔ
 - ኣታሊያ ና ዩሻኢያኔ ኢዛራ
 - 70 ኣቱማሳቲ፣
- 8 ሻፋዲያ ዜሬላታፔ
 - ሚካኤሌ ና ዛባዲያኔ
 - ኢዛራ 80 ኣቱማሳቲ፣
- 9 ኢዮኣቤ ዜሬላታፔ
 - ወርሴላታ ሱንላይ
 - ዩሂኤሌ ና ኣብዲዩኔ
 - ኢዛራ 218 ኣቱማሳቲ፣
- 10 ባኔ ዜሬላታፔ
 - ዮሰፒያ ና ሻሎሚቴኔ
 - ኢዛራ 160 ኣቱማሳቲ፣
- 11 ቤባዬ ዜሬላታፔ
 - ኢዛ ና ዛካራሳኔ
 - 28 ኣቱማሳቲ፣
- 12 ኣዘጋዴ ዜሬላታፔ
 - ሃቆጾ ና ዮሃናኔኔ
 - ኢዛራ 110 ኣቱማሳቲ፣
- 13 ኣደንቃሜ ዜሬላታፔ
 - ወርሴላታ ሱንላይ፣
 - ኤልፋሌጾ፣ ዩኢኤሌ፣ ሻማኤኔ
 - ኢሰታራ 60 ኣቱማሳቲ፣
- 14 ቢጉዋዬ ዜሬላታፔ
 - ኡታዬ፣ ዛኩራኔ
 - ኢሰታራ 70 ኣቱማሳቲ ሲሚዳ።

እዝራይ ጸሳ ኬላን ኦሊዛ ለዌ ዜሬላታ ዳዎ

- 15 ታኒ እዝራይ ኩሜላ ዳሬዛ ኣሂዎ ጎጊዛ ሃላ ሻፋ ኣቶ ሸሻዳ ሄን ሄቹ ጋላሰ ጋምኢደሰ፤ ሄ ሸቆዛን ቁሴታፔ ኣቲን ሃራ ለዌ ዜሬላቲ ባይንዳይሳ ኤራዲሰ፤
 - 16 ሄሳ ገሻሰ ታኒ ዳራ ካሌሊዛ ኡዲፋን ኣሳታ ኤልኤዜሬ፣ ኣርኤሌ፣ ሻማኤ፣ ኤልናታኔ፣ ያሪቤ፣ ኤልናታኔ፣ ናታኔ፣ ዛካራሳኔ ማሹላሜ፤ ቃሴካ ናምኡ ኣሰታማሬታ ዮያሪቤኔ ኤልናታኔ ጌቲቲዛይታ ጸይገሳዲሰ።
 - 17 ኢሰታካ ካሰፒያ ዳሬን ሃላቃ ጊዲዳ ኢደኮ ኪታዲሰ፤ ኢደይኔ ኢዛ ዳቦቲ ጸሳ ኬላን ኦሊዛ ኦሳንቻቲ ኦሰ ጸሳ ኬላን ኦላና ኣሰ ዩዳና ማላ ኦላዲሰ።
 - 18 ጌታ ጸሳ ዎልቃይ ኦናራ ዲዛ ገሻሰ ኢሰቲ ሎኦ ኤራቴሊ ዲዛይሳ ማሂሌ ዜሬላታፔ ኢሰራኤሌ ና ለዌ ዛሬ ጊዲዳ ሸሬቢያ ዩዲዳ፤ ኢዚካ 18 ባ ኣቱማ ናይታኔ ባ ኣሻታ ካሌሊ ኤኪዲ ኦኮ ዩዳሰ።
 - 19 ቃሴ ሜራሬ ዜሬላታፔ ሃሻቢያኔ ዩሻኢያ ጌቲቲዛ 20 ዳቦታራ ኦኮ ዩዲዳ።
 - 20 ኢዛ ቦላ ጉጂዲ ኢሰታሰ ካሴ ኣዎቲ ለዌታ ዜሬላታ ማዳና ማላ ካዎ ዳዊቲኔ ኢዛራ ኢሲፌ ኦሊዛ ዳናቲ ፒቃዴ ኢሚዳ፤ ሄን 220 ኦሳንቻቲ ዳቴሰ፤ ኢሰቲካ ባ ሱንላን ጳፊቲዳ።
- ጸማኔ ዎሳ**
- 21 ጸሲ ኦ ኦጌ ሎኤላና ማላ፣ ኦናኔ ኦ ናይታ ቃሴካ ኦሰ ዲዛዘ ኡባ ናጋና ማላ ኢዛ ሲንላን ኦናቴላ ዘቂ ኦሊዲ ዎሳናሰ ኣሂዎ ሻፋ ኣቻን ጸማ ኣዎጂዲሰ።
 - 22 ሃይሳፌ ሲንላን ታ ካዎ ኣርጸኪሲሲ ኤሪሰዛ ዎዴ «ኦ ጸሳይ ኢዛን ኣማኔቲዛይታ ኡባ ኣንጃሰ፤ ኢዛ

9

አገዛይታ ገዲኮ ከሄ ቃጸዬስ» ጋዳ ታ ቆንጨሲዳ ገሻስ ኑናራ ኦገን ጋጋና ሞርኬታፔ ኑና ናጋና ማላ ካዋዛ ዋታዳራታኔ ቶጋ አሳታ አማ ጋዳ ኦይቸዳኮ ዬላታናኮሺን።

23 ሄሳ ገሻስ ጸሳይ ባርካ ኑና ናጋና ማላ ጸማኒኔ ዋሳን ሸቂዶስ፤ አዚካ ኑ ዋሳ ሲዬዳስ።

ጸሳ ኬላስ ሸቂዳ አሞታ

24 ካሌላዛ ቁሴታ ገደፌ ሸሬቢያ፣ ሃሻቢያኔ ሃራታ 10 አሳታ ደራዲስ።

25 ሄሳፌ ጉዬ ካዋዚኔ ኢዛ ዘራንቻቲ፣ ሹሚቲኔ ሄን ዲዛ ኢሰራኤሌ አሳቲ ወሪ ኑ ጸሳ ኬላ ኦሶስ አሚዳ ቢራ፣ ዋርቃኔ ሃራ ዲማ ዲማ ሚሻታ ኡባ ሜዛኔን ዋላዳ ኢስታስ አሚዳሲ።

26 ታ ኢስታስ አሚዳ ጸሳ ኬላ ሚሻቲ ሃይሳፌ ካሊ ዲዛይታ፤

22,000 ከሎ ገዲዛ ቢራ፣

70 ከሎ ገዲዛ ቢራፔ ኦሴቲዳ

ጾቱ ሚሻታ፣

3,400 ከሎ ገዲዛ ዋርቃ፤

27 ኦሶፑን ከሎኔ 400

ገራሜ ገዲዛ

ዋርቃፌ ኦሴቲዳ ሸልኤታኔ

ዋርቃፌ ኦሴቲዳ ማላይ ጸልቁዛ

ጸርቁማላፔ ኦሴቲዳ

2 ሸልኤታ።

28 ታኒካ ኢስታስ፣ «አንቴኒኔ ሃ ሚሻቲ ጸሳስ ዲማቲዳይታ፤ ቢራይኔ ዋርቃይ አንቴ አዋታ ጸሳሳ፤ ሄሲካ አንቴ አንቴ ሸኔኒኔ ኡፋይሳን አሚዛ ዲማ አሞታ።

29 ዬራሳላሚን ዲዛ ጸሳ ኬላ ጋላን ባ ከፊሌን ከፊሌን ዲዛ ቁሴ ሃላቃታ፣ ለዌታ ዳናታሲኔ ኢሰራኤሌ ዜሬላ ሃላቃታ ሲንሳን አንቴ ሜዛኔን ዋላ አማና ጋካናስ ሎኤላ ናገቲ» ጋዲስ።

30 ሄሳፌ ጉዬ ቁሴቲኔ ለዌቲ ጌዳሬቲዳ ቢራ፣ ዋርቃኔ ሃራ ጸሳ ኬላ ሚሻታ ዬራሳላሚን ዲዛ ጸሳ ኬላ ኡፋናስ አላፊቲላ ኤኪዳ።

አሳይ ዬራሳላሚ ሲሞ

31 ኮይሮ አገናይ ጌሊዳ ማላ ታማኔ ናምአንሶ ጋላስ ዬራሳላሚ ባናስ ኑኒካ አሂዋ ሻፋ አቻፌ ዳንዲዶስ፤ ኑ ጸሳ ኩሼይ ኑናራ ዲዛ ገሻስ ኑ ቢዛ ኦገን ዲዛ ሞርኬታፔኔ ጋንጋታፔ ኑና አሺዳስ።

32 ዬራሳላሚ ጋኪዲ ሄን ሄሹ ጋላስ ሸምፒዶስ፤

33 ኦይዳንሶ ጋላስ ቢዲ ቢራ፣ ዋርቃኔ ጸሳ ኬላ ሚሻታ ጸሳ ኬላን ጌዳሪዲ ኡሪያ ና ቁሴ ሜርሞቲስ አሚዶስ፤ ፊኒሃሴ ና ኤልኤዜሬይ፣ ቃሴካ ለዌ ኢያሶ ና ዮዛባዳይኔ ቢኑዌ ና ኖኦዲያይ ኢዛራ ኢሲፌ ዳቲስ።

34 ኡባ ሚሻይ ሄራካ ታይቤቲዳፔ ጉዬ ጌዳሬቲዳ ዋጋራ ጸፊቲዳስ።

35 ሄሳፌ ጉዬ ዲኤቲላፌ ሲሚዳይቲ ኢሰራኤሌ ጸሳስ ያርሾ ገዲዛይሳ 12 ሚርጎታ፣ 96 ጳርሾታ፣ 77 ጳርሾ ላቃታ ቃሴካ ናጋራ ዲጋናስ ሸቂዛ ያርሾስ 12 ኦርጌታ፤ ሃይሲ ኡባይ ጸሳስ ጸጌቲ ሸቂዛ ያርሾ።

36 ካዋዛ አዛዞ ኢዛ ጋርሳን ፖሊዛ ዳናታሲኔ ኤፊራጲሴ ሻፋ ፒንሳን ዲዛ ዳሬ አይሲዛይታስ አሚዳ፤ ኢሰቲካ ዳራኔ ጸሳ ኬላ ኦሶ ሚዳዲ።

አይሁዳቲኔ አይዛቤቲ ኤኮኒኔ ጌሎን ዋላኬቲላ

1 ሃ ሚሻቲ ፖሊቲዳፔ ጉዬ ኢሰራኤሌ ካሌላዛይታፔ ኢሲ ኢሲ ዳናቲ ታኮ ዪዲ፣ «ቁሴቲ፣ ለዌቲኔ ኢሰራኤሌ ዳሬይ ባ ዳሳን ዲዛ አሞኒን፣ ሞአቤን፣ ጌብጾን ዲዛ አሳታራኔ ካናኔ አሳ፣ ሂቲ አሳ፣ ፓሪዜ አሳ፣ ያቡሴ አሳኔ አሞሬ አሳ ቱናቲላፌ ባንታና ናገቤቲና፤ ሄ አይዛቤቲ ኦሊዛ ማላ ቱና ኦሶ ኦሊዳ።

2 ባንታሲኔ ባንታ ናይታስ አይዛቤታፔ ማቾ ኤኪዳ፤ ሄሳፌ ዳንዲዳይሳን ዲማ ገዲዳ ጸሳ ዳራ አይዛቤታራ ዋላኪ ቲኒሲዳ፤ ሃይሳ ቱና ኦሶዛስ ዋና አይፌ ገዲዳይቲ ካሌላዛይታኔ ሃላቃታ» ገዲ።

3 ታኒካ ሄሳ ሲዬዳ ማላ ታ ቦንቾ ማይኦዛኔ ካባ ዳካዲስ፤ ቃሴካ ታኒ ታ ሁኤ ቢናናኔ ቡቻ ቡጫዳ ከሃ ሙዛታ ኡታዲስ።

4 ታኒ አማርሳ ዋዴ ሸቂዛ ያርሾይ ሸቂቃና ጋካናስ ዳጋማኒኔ ሙዛቲላን ጋምኦዲስ፤ ዲኤቲላፌ ሲሚዳ አሳይ ባ ኦሊዳ ናጋራፔ ዳንዲዳይሳን ኢሰራኤሌ ጸሳይ ዮቲዳ ቃላ ሲዬዳ አሳይ ኡባይ ዳጋሚዲ ያዪሾ ታ ዲዛሶ ሸቂዳስ።

5 ሄሳፌ ጉዬ አማርሳ ዋዴ ያርሾይ ሸቂዛ ዋዴ ዳኬቲዳ ታ ማይኦዛ ማይኢዳ ማላ ሙዛታሽ ጉልባታዳ ጎዳ ታ ጸሳኮ ታ ኩሼ ፑዴ ዳንላዳ ሂዘጋ ዋሳዲስ፤

6 «ታ ጸሳወ! ኑ ናጋራይ ኑፔ ዳር ገዲዳይሳኒኔ ኑ ሞሮይ ሳሎ ጋኪዳይሳ ገሻስ ታኒ ኔኮ ፑዴ ጶቁ ጋዳ ጸላናወ ባባይሲኔ ዬላታይስ።

7 ካሴ ኑ አዋታፔ ደሚዲ ሃቾ ጋካናስ ኑ ከሄ ዳር ሞሮ ኦሊዶስ፤ ኑ ናጋራፔ ዳንዲዳይሳን ኑኒ፣ ኑ ካዋቲኔ ኑ ቁሴቲ አላጋ ካዋታ ኩሼን ኩንዲዶስ፤ ሄሳፌ ዳንዲዳይሳን ሚሻስ አሚቲዶስ፤ ኑ ሃርይካ ቦንቁቲዳስ፤ ኑ ቃሹቲዲ ዲኤቲ ቢዶስ፤ ሃቾ ኑ ዲዛይሳ ማላ ወርሴላ ጋካናስ ካወዪዶስ።

8 ጎዳወ ኑ ጸሳወ! ኔኒ ኑ አይፌ ፖኢሳዳሳ፤ ሄኮ ሃኢ ጉላ ዋዴ ኔ ሲንሳን ቦንቾ ዳሚዲ ኑፔ ጉላቲ አይሌቲላ ቃምባራ ጋርሳፌ ከዚዲ ሃኖ ጌሻ ቢታይ ቦላ ኑ ሳርን ዳና ማላ ኦላዳሳ፤ ኔኒ አይሌቲላ ቃምባራ ጋርሳን ኩንዲኮካ ኔ ኑስ ኦራላ ዴኑ አማዳሳ።

9 ኑ አይሌ ገዲኮካ ኑ ጸሳይ ኔኒ አይሌ ገዲ አታና ማላ አጋቤካ፤ ኔኒ ፓሪሴ ካዋቲ ኑስ ቃዴታና ማላኔ ፓጻ ዲሼ አይሌቲላፌ ከዚዲ ካሴ ላሌቲዳ ጸሳ ኬላ ኑ ዛሪ ከጸና ማላኔ ሃይሳ ዩሁዲኒኔ ዬራሳላሚን ኑ ሳር ዳና ማላ ኦላዳሳ።

10 «ገደ አቲን ኑ ጸሳወ! ሃይሳ ጋካናስ ሃኒዳ ሚሻ ኡባስ ኑ አይ ጋኔ? ሄኮ ሃኒካ ኔ አዛዞ ሞሪዶስ።

11 ሃ አዛዞቲካ ኔ አይሌ ናቤታ ባጋራ አሚቲዳይታ፤ ናቤቲ ካሴ፣ ለአንቴ ላታና ቢታያ ቱና ኦሶፔ ዳንዲዳይሳን ኢዚን ዳኢዛ አሳይ ጋጸፔ ጋጸ ጋካናስ ሃራሲዛ ኦሶኒኔ ቱናቲላን ኩማና ማላ ኦሊዳ።

12 ሄሳ ገሻስ አንቴ ሚኖ ገደና ማላ ሄ ቢታይ አይፌ ማና ማላኔ ሜርናስ አንቴ አንቴ ናይታ ላቲሳና ማላ አንቴ ማጫ ናይታ ኢስታ አቲማ ናይታስ አሞፍቲ፤ ኢስታ ማጫ ናይታካ አንቴ አቲማ ናይታስ ኤኮፍቲ፤ ኢስቲ ዲሬታና ማላኔ ሳርን ዳና ማላ ቃላ ጌሎፒቲ» ገ ታማርሲዳ።

13 «ሃይሲ ኑ ቦላ ጋኪዳ ማቶይ ኑ ኦሊዳ ኢታ ኦሶፔኔ ሞሮፔ ዳንዲዳይሳና፤ ጊዲኮካ ኔኒ ኑ ጸሳይ ኑና ቃጸይዳይ ኑ ቃጸዬታናሰ ቤሲዛይሳፊ ጉላ፤ ሃሳፊካ ቦላሪ ኑ ሃይቆፔ ኣተዲ ሸምፖራ ፓጻ ዳና ማላ ኦላዳሳ።

14 ሂሰቲን ቃሴ ኑኒ ኔ ኣዛዘታ ዬቋ ኣቋ ሃ ኢታ ኦሊዛ ማካላ ኣሳታራ ሞኒ ኤኬታኔኔ ጌሌታኔ? ሃ ኢታ ኦሶዛ ጋሶን ኑ ዜሬላ ኣሾንታ ኔ ሃንቆን ኔ ቆይሲኪዬ?

15 ጎዳ ኢሰራኤል ጸሳዉ! ኔኒ ቱሙ ፐርዲዛ ጸሳ፤ ጊዳ ኣቲን ኑኒ ጉላቲ ቆዮፔ ኣተዲ ዳኦን ዳና ማላ ኦላዳሳ፤ ኑኒ ኔ ሲንላ ሸቃና ቤሲዛይታ ጊደኮሺን ሃኮ ኑኒ ኑ ሞሮራ ኔ ሲንላ ሸቋደሰ።»

10

አይሁዳቲ አይዛቤታራ ኤኬቶንታ ማላኔ ጌሌቶንታ ማላ ኬዚዳ ሞጋ

1 እዝራይ ጸሳ ኬላ ፔንጌን ጉልባቲዲ ዬኪ ሞሲሼኔ ኦሴቲዳ ናጋራ ኡባ ጸሳሰ ፓጺሺን ኣቱማሳቲ፣ ማጫሳቲኔ ናይታራ ፕጅን ዳር ኢሰራኤል ዳሬይ ኢዛ ዩዩ ኣቋ ኢታ ዩሆ ዩኪዳ።

2 ሃሳፊ ጉዬ ኤላሜ ዜሬላታፔ ዩሂኤሌ ና ሻካኒያይ እዝራ፣ «ኑኒ ኑ ዳሬን ዲዛ አይዛቤ ማጫሳታ ኤኪዳ ጊሻሰ ኑኒ ጸሳ ሲንላን ኣማኔቲቤኮ፤ ጊዳ ኣቲን ሃእካ ኢሰራኤሌሰ ሂደታይ ዳሰ።

3 ሃኢ ሃ ኣሳጋ ማጫሳታ ኢሰታ ናይታራ ጋላ ዬዳናሰ ጸሳ ሲንላን ጫቆ ቃላ ጌሎሰ፤ ጎዳ ኔኒኔ ኑ ጸሳ ኣዛዘ ቦንቸዛ ሃራ ኣሳቲ ኢሚዛ ዞሬ ኡባ ኑ ፖላና፤ ቃሴ ጸሳ ሞጋይ ኣዛዘዛይሳ ኡባ ኑ ኦላና።

4 ሃይሳ ፖላናሰ ኣላፊቴላ ኔሰ ዲዛ ጊሻሰ ዳንዳ፤ ኑኒካ ኔና ማዳና፤ ኣይኮይ ባ ሚና!» ጊዳሰ።

5 እዝራይ ዳንዲዳ ዌሴ ሃላቃቲ፣ ለዌቲኔ ሃንኮ ኣቲዳ ዳሬ ካሌላዛይቲ ሻካኒያይ ሸሺዳ ቆፋ ኤኪዳይሳ ኢዛሰ ቆንጨሳና ማላ ጫቁላዲ ኦሶ ደሚዳሰ።

6 ሃሳፊ ጉዬ እዝራይ ጸሳ ኬላሰ ሲንላ ባጋሬ ዳንዲዳ ኤልያሼቤ ና ዩሆሃናኔይ ዲዛ ኪፊሌ ጌሊዳሰ፤ ዲኤቲዳ ኣሳታሰ ኣማኖይ ቆዩን ኢሰቲ ኦሊዳ ሞር ጊሻሰ ኩሜላ ኦማርሰ ሙዙቲሼ ጋዴ ሞንቲሲዳሰ፤ ካሌኔ ሃላ ባ ደናኮ ሸሾንታ ጸሚዳሰ።

7 ሃሳፊ ጉዬ ዲኤቲላፊ ሲሚዳ ኣሳይ ዩራሳላሚን ሸቃና ማላ ዩሁዳኒኔ ዩራሳላሚ ኡባን ኣዋጅቲዳሰ።

8 ሃሰ ዉሪካ ዳሬ ኣይሲዛይታ ዞሬኒኔ ኣዛዘን ቃሼቲዳ ማላ ሃቆ ጋላሳ ጊዳን ሃ ሸቆዛን ሸቆንታ ኣቲዳዳይ ኦኒካ ዲኮ ኢዚ ሃሪዳዚ ዉሪ ቦንቁቲን ዲኤቲላፊ ሲሚዳ ኣሳታ ሸቆፔ ጎዳታና ማላ ዮቴቲዳሰ።

9 ሃ ዳይሳዚ ዳይጌቲዳ ማላ ሃቆ ጋላሳ ጋርሳን ዩሁዳኒኔ ቢኒያሚ ዳሬን ዳኢዛ ኣሳይ ዉሪ ኡዲፋንላ ኣገናን ናምኡ ታማንላ ጋላሰ ዩራሳላሚ ዩዲ ጸሳ ኬላ ካሬን ዲዛ ዳምባን ሸቆዳ፤ ሃ ሸቆዳ ኣሳይ ኣሾንታ ዲላታፔኔ ሃ ዎዳ ቡኪዛ ዎልቃማ ኢራፔ ዳንዲዳይሳን ኮኮሪሼ ሲዩዳሰ።

10 ቁሴ እዝራይ ኤቁዲ፣ «ኢንቲ ኢንቲ ኣማኖ ፓጨሲ ቤቲዳታ፤ ኣይዛቤ ማጫሳታፔ ማቸታ ኢንቲ ኤኪዳ ጊሻሰ ኢሰራኤሌ ኣሳ ቆሆ ቦላ ቆሆ ጉጂዳታ።

11 ሃኢፔ ደሚዲ ካሴ ኢንቲ ኣዎታ ጸሳ ሲንላን ኢንቲ ናጋራ ፓጺቲ፤ ኢዚ ኡፋዬቲዛ ሚሽ ኡባ ኦሊቲ፤

ኑ ዳሬን ዲዛ ኣይዛቤ ኣሳታፔ ሻኬቲቲ፤ ኢንቲ ኤኪዳ ሃ ማጫሳታ ኣንጂ ዩዲቲ» ጊዳሰ።

12 ሸቆዳ ዳሬይ ዉሪ ባ ቃላ ቶቁ ሂሰቲዲ «ኔ ጊዛይሳ ኡባ ኑ ኦላና!

13 ጊዳ ኣቲን ሃኮ ሸቆዳ ኣሳይ ዳር፤ ቃሴካ ዳጾ ኢራይ ቡኪዛ ጊሻሰ፣ ኢዛን ጌላና ኬላ ባይንዳ ጊሻሰ ሃይሳን ኤቃናሰ ዳንዳዮኮ፤ ሃሳ ቦላ ቃሴ ኑፔ ዳርቲ ሃ ናጋራን ጌሊዳ ጊሻሰ ኢሲ ቃማኒኔ ናምኡ ቃማን ሃ ዮኦዚ ዉራና ዳንዳዬና።

14 ሃሳ ጊሻሰ ኑ ሃላቃቲ ዩራሳላሚን ታኪዲ ሃ ዮኦዛ ሎኤላ ዳሌቶ፤ ሃሳፊ ጉዬ ኣይዛቤ ማጫሳታ ኤኪዳይቲ ዉሪ ባንቲ ዲዛ ካታማን ዲዛ ካሌላዛይታራኔ ዳናታራ ጊዲዲ ባሬይ ኢሜቲዳ ጋላሰ ባሰ ኢሜቲዳ ፐርዳ ኤኬቶ፤ ሃሳላ ኦሊኮ ጸሳ ሃንቆይ ሃሳን ኢርጻና» ጊዳሰ።

15 ሃይሲ ዮቴቲን ማሹላሚይኔ ለዌ ሳባታይ ሃ ዮቴቲዳ ቆፋ ኤቁቲን ኢሰታ ቆፋ ማዲዳይቲ ኣሳሄሌ ና ዮናታኔኔ ቱቁዌ ና ያሂጾሌ ጸላ ጊዲሺን ሃንኮ ዳሬይ ቆፋዛን ኩዩዳሰ።

16 ዲኤቲላፊ ሲሚዳ ዳሬ ኡባይ ሃይሳ ቆፋዛ ኤር ጊ ኤኪዳሰ፤ ሃሳ ጊሻሰ ቁሴ እዝራይ ሃ ኦሶዛ ኦሲሲዛይታ ኮራፔኔታ ደራዲ ኢሰታ ሱንላ ጸፊ ዎሊዳሰ፤ ኢሰቲካ ታማንላ ኣገናይ ጌሊዳ ኮይር ጋላሰ ሃ ዮኦዛ ፐልጊ ዳሎ ኣይኪዳ።

17 ካሊዛ ላይላን ኮይር ኣገናን ኮይር ጋላሰ ኣይዛቤ ማጫሳታ ኤኪዳ ኣሳታ ዮኦ ፐልጊ ዳሊ ኣንጊዳ።

አይዛቤ ማጫሳታ ኤኪዳ ኣሳታ

18 ኣይዛቤ ማጫሳታ ኤኪዳ ኣሳታ ሱንላ ሃይሳፊ ካሊ ዲዛይሳ፤ ቁሴ ዜሬላታፔ፣ ኢዮሳዶቁ ናይታ ጊዲዳ ኢያሶፔኔ ኢዛ ኣሻታፔ ባጋሬ ማኢሳና፣ ኤልኤዜሬ፣ ያሪቤኔ ጎደሊያሳ፤

19 ኢሰቲ ባ ማቸታ ኣንጂ ዩዳና ማላ ቃላ ጌሊዳፔ ጉዬ ባንታ ቆሆ ያርሾሰ ቆርሾ ኤኪ ኤሃዳ።

20 እሚራ ዜሬላፊ፣ ሃናኒያኔ ዛባዲያ፣

21 ሃሪሜ ዜሬላፊ፣ ማኢሳና፣ ኤላሳ፣ ሻማኤ፣ ዩሂኤሌኔ ኦዚያ፤

22 ፓሽኩራ ዜሬላፊ፣ ኤልዮኤናዬ፣ ማኢሳና፣ ኢሰማኤሌ፣ ናቲናኤሌ፣ ዮዛባዴኔ ኤልኣሳ፤

23 ለዌታ ዜሬላታፔ፣ ዮዛባዴ፣ ሸምኤ፣ ቃሊጻ ጌቲቲ ዳይጌቲዛ ቁላያ፣ ፓታያ፣ ዩሁዳኔ ኤልኤዜሬ፤

24 ዩላ ዩዲዛይታ ባጋሬ፣ ኤልያሼቤ ጸሳ ኬላ ጊቤ ናጊዛይታ ባጋሬ፣ ሻሎሜ፣ ቲሎሜኔ ኡሪ፤

25 ሃራ ኢሰራኤሌ ኣሳፔ፣ ፓርሴ ዜሬላፊ፣ ኤራሚያ፣ ዩዚያ፣ ማልኪያ፣ ሚያሚኔ፣ ኤልኤዜሬ፣ ማልኪያኔ ባናያ፤

26 ኤላሜ ዜሬላፊ፣ ማታኒያ፣ ዛካራሳ፣ ዩሂኤሌ፣ ኣቢዳ፣ ያርሞቲኔ ኤላሳ፤

27 ዛቶ ዜሬላፊ፣ ኤልዮኤናዬ፣ ኤልያሼቤ፣ ማታኒያ፣ ያርሞቲ፣ ዛባዴኔ ኣዚዛ፤

28 ቤባዬ ዜሬላፊ፣ ዩሆሃናኔ፣ ሃናኒያ፣ ዛባዴኔ ኣትላዬ፤

29 ባኔ ዜሬላፊ፣ ማሹላሚ፣ ማሉኬ፣ ኣዲያ፣ ያሹቤ፣ ሸኣሌኔ ኤራሞቲ፣

30 ፓሃቴ-ሞኣቤ ዜሬላፊ፣ ኣዳና፣ ካላሌ፣ ባናያ፣ ማኢሳና፣ ማታኒያ፣ ባሰሊኤሌ፣ ቤኩዌኔ ሚናሴ፤

31-32 ሃሪሜ ዜሬላፊ፣ ኤልኤዜሬ፣ ዩሸያ፣ ማልኪያ፣ ሻማኤ፣ ሲሞና፣ ቢኒያሚ፣ ማሉኬኔ ሻማሪያ፤

33 ሃሹሜ ዜሬላፌ፡ ማታኒያ፡ ማታታ፡ ዛባዳ፡
ኤልፋሌዶ፡ ዩርማዬ፡ ሚናሴኔ ሸሞኤ፤

34-37 ባኔ ዜሬላፌ፡ ማኢዳዬ፡ አሚራሜ፡ ኡእሌ፡
ባናያ፡ ባዲዬ ኬሉሄ፡ ዋኒያ፡ ሜርሞቴ፡ ኤልያሼቤ፡
ማታኒያ፡ ማቲኒያኔ ያኢሴ

38-42 ባኔ ዜሬላፌ፡ ሸሞኤ፡ ሸሌሚያ፡ ናታኔ፡
አዳያ፡ ማኪናዳባዬ፡ ሻሻዬ፡ ሻራዬ፡ አዛሪኤሌ፡
ሸልሚያ፡ ሻማሪያ፡ ሻሎሜ፡ አማሪያኔ ዮሴፌ፤

43 ኔቦ ዜሬላፌ፡ ዩኢኤሌ፡ ማቲቲያ፡ ዛባዳ፡
ዜቢኔ፡ ያዳያ፡ ኢዩኤሌኔ ባናያ፤

44 ሃይቲ ዉሪ አይዛቤ ማጫሳታ ባሰ ማቾ
ኤኪዳይታ፤ ኢሰቲካ አይዛቤ ማጫሳታ አንጁዲ ኢሰታ
ናይታራ ጋላ ዩዲዳ።

ናሃሚያ ጊደ ቆፋ

ናሃሚያ ማጻፋይ ሃቡ ከዚ ሻኬታናሰ ዳንዳዬሰ።

1. የሁዳ ዳሬዛ እይሳናሰ ፓሪሴ ካዎይ ዬዲዳ ናሃሚያይ ካሌሊን ዬሩሳላሚ ገምቤቲ ኦሪዲዳይሳ የቲሰ፤ ሃሳፊካ ናሃሚያይ እያና የኦታኔ አሾ የኦታ ኦሪሊዳሰ።

2. ጸሳ ዋጋ ማጻፋ ኢዘራይ ናባቢዳይሳ፣ ዳሬዛ ባ ናጋራ ፓጺዳይሳ ሃ ማጻፋዚ የቲሰ።

3. ናሃሚያይ የሁዳ ዳሬ እይሲሼ ኢዚ ኦሊዳ ሃራ ሃራ ኦሪታካ ሃ ማጻፋዚ የቲሰ። ኢዛ ማጻፋዛን ከሄ ቆንጩን ቤቲዛይ ናሃሚያይ ጸሳን አማኒዛ ሚኖ አማኖ ኢዚ ጸሳኮ ሺሺዳ ዋሳታ ገሻሰ የቲዛ ታሪኩ።

ሃ ማጻፋይ ኦይኪዳ ኩሜሳ ቆፋ

ካዎ ኦርጾኪሲሲ ናሃሚያ ዬሩሳላሚ ዬደ

1:1—2:10

ዬሩሳላሚ ገምቤይ ናምኦንላ ሲሚ ገምቤቲላ

2:11—4:22

ማንቆታሰ ናሃሚያይ ቆፒዳ ቆፋ 5:1-19

ሞርኬይ ኢዛ ቦላ ዳንዲሺንካ ገምቤዛ ገምቤቲላ

6:1-3

ዲኤቲላፊ ሲሚዳይታ 7:4-73

ኢዘራይ ጸሳ ዋጋ ዳራሰ ናባቢን ኦሳይ ዳሴ ባኣሌ

ቦንቺዳ ቦንቺ 8:1-18

ዳሬዚ ባ ናጋራ ፓጺላ 9:1-37

ኦሳይ ጸሳ ዋጋሰ ኣዛዜታናሰ ደሲ ወሌ ፓራሚዳሰ

9:38—10:39

የሁዳኒኔ ዬሩሳላሚን ዲዛ ኦሳታ 11:1-36

ዲኤቲላፊ ሲሚዳ ቄሴታኔ ሌዌ ዛርኬታ 12:1-26

ናሃሚያይ ካታማ ገምቤዛ ኦንጂሴላ 12:27-47

ናሃሚያይ ኤሂዳ ላሚ 13:1-31

ናሃሚያ ዋሳ

1 ሃካሊያ ና ናሃሚያይ ሃሳይዳ ቃላይ ሃይሳፊ ካሊ ዲዛይሳ፤ ኦርጾኪሲሲ ፓሪሴ ዳሬን ካዎቲዳ ናምኡ ታማንላ ላይላን ኪሶሌ * ጌቲቲ ዳይጌቲዛ ኣገናን ታ ናሃሚያይ ዋና ካታማ ሱሳን ዳይሰ።

2 ታ ኦሻታፔ ኢሲ ሃናኒያ ጌቲቲዛይሲ ሃራ ኦሳታ ካሌሊዲ የሁዳፔ ታኮ ዩዳሰ፤ ታኒ ኢሰታ ዬሩሳላሚ ገሻሰኔ ዲኤቲዲ ባቢሎኔ ቦንታ ሄን ኣቲዳ ኦሳ ገሻሰ ኦይቻዲሰ።

3 ኢሰቲካ ታሰ፡ «ዲኤቲዲ ባቢሎኔ ቢታ ቦንታ ኣቲዳ እይሁዳቲ ጌታ ሜቶኒኔ ዋዬ ገደን ዳቲሰ፤ ዬሩሳላሚ ገምቤቲ ላሊቲዲ ኩንዲዳ፤ ቃሴ ገምቤዛ ጎርዲዛ ፔንጌቲ ታማን ጸጌቲዳ» ገዳ።

4 ሃይሳ ኡባ ሲዩዳፔ ጉዬ ኡታዳ ዬካዲሰ፤ ዳር ጋላሰ ጸማኒኔ ሙዙቲላን ጋምኦዳ ጸሳ ሂዘጋ ዋሳዲሰ።

5 «ሳሎ ጎዳዉ! ኔና ደሲዛይታራኔ ኔ ኣዛዘ ናገዛይታራ ሜርናሰ ኔኒ ኔ ጫቆ ቃላ ናገዛ ጌታኔ ያሺሲዛ ጸሳ።

6 ጸሳዉ! ኔ ኣይሌ ገዲዳ ኢሰራኤሌ ኦሳሰ ኪያና ማላ ጋላሰኔ ኦማርሰ ታ ዋሲዛ ዋሳ ሲያ፤ ታናካ ቆፓ፤ ኦኒ ኢሰራኤሌ ኦሳይ ኦሊዳ ናጋራ ታኒ ኔሰ ፓጺይሰ፤ ቱማፔ ታኒኔ ካሴ ኦ ኣዎቲ ናጋራ ኦሊዳሰ።

7 ኔኒ ኔ ኣይሌ ሙሴሰ ኦሚዳ ኣዛዘዛኔ ዋጋዛ ኦኒ ናንታ ኣገዳ ገሻሰ ኔና ቆሃዳሰ።

8-9 «ኔ ሙሴሰ፤ ኣኢንቴና ኢሰራኤሌ ኦሳዉ! ኣኢቴ ታና ኣማኖን ካሎንታ ኣገኮ ታኒ ኣኢቴና ካዎቲላታ ገደን ላላና፤ ገደ ኣቲን ኣኢቴ ታኮ ሲሚዲ ታ ኣዛዘ ፖሊዛ ገዲኮ ታ ኣኢቴና ቢታ ጋጸን ኣኢቴ ላሊቲዳ ገዲኮካ ታ ሱንላይ ዳይጌታና ማላ ታ ደሪዳሶ ሺሻዳ ዛራ ታ ኤሃና» ጋዳ የቲዳ ቃላ ቆፓ።

10 «ጸሳዉ! ሃይቲ ሃይሳፊ ካሴ ኔኒ ኔ ጌታ ዋልቃኒኔ ሚኖ ቄሴን ዋዚዳ ኔ ኦሳንቻታኒ ኔ ዳሬታ።

11 ጎዳዉ! ሃኢካ ታ ዋሲዛ ዋሳ ሲያ፤ ኔና ደሲዲ ቦንቻና ኮይዛ ኦሳንቻታ ዋሳ ኤዘጋ፤ ቃሴ ሃይሳ ካዎዛ ሲንላን ታሰ ቲማቲላ ኦማዳ ሃቾ ታኒ ኔ ኦሳንቻዚ ኦሳና ኮይዛይሳ ታሰ ፖሊሳ።»

ታኒ ሄ ዋዴ ካዎሶን ዋይኔ ኡሹ ጋሴሊዛ ኦሳ።

2

ናሃሚያይ ዬሩሳላሚ ቡሰ

1-2 ካዎ ኦርጾኪሲሲ ካዎቲዳ ናምኡ ታማንላ

ላይላን ኒሳኔ * ጌቲቲዛ ኣገናን ጋላሳታፔ ኢሲ ጋላሰ ካዎዛሰ ዋይኔፔ ኦሴቲዳ ኡሹ ዲቃ ኣማዲሰ፤ ሄ ዋዴፔ ኣቲን ካሴ ታ ጩጩሺን ካዎዚ ቤዬ ኤርንታ ገሻሰ፤ «ኢሲ ሜቶይ ኔ ቦላ ጋኪን ኣቲን ሳኬቶንታ ጩ ሜላ ኔ ኣይፊሶይ ዋኒ ላሚቲዳ?» ገ ያይቺዳሰ።

3 ታኒካ ከሃ ባባሼ፡ «ካዎ! ኔ ሚርናሰ ካዎታ! ካሴ ኦ ኣዎቲ ኢዛን ሞጌቲዳ ካታማይ ላሊቲዳኔ ሄ ካታማ ገምቤ ፔንጌይ ታማን ጸጌቲ ቆይሺን ታኒ ዋናዳ ጩጩኪና!» ጋዲሰ።

4 ካዎዚ ታና፡ «ሂሰቲን ሃኢ ኔ ኮይዛይ ኣዜ?» ገ ያይቺዳሰ፤ ታኒካ ሳሎ ጸሳኮ ዋሲዳፔ ጉዬ።

5 ካዎሰ፡ «ካዎ! ታኒ ኔና ኡፋይሲዛ ገዲኮ ቃሴ ታ ኦይሾ ኔ ኤኪዛ ገዲኮ ካሴ ታ ኣዎቲ ሞጌቲዳሰ የሁዳ ዳሬ ባዳ ሄ ካታማኖ ዛራዳ ኬጻና ማላ ታና ዬዳርኪ» ጋ ዋሳይሰ።

6 ሄ ዋዴ ካዎ ማቺያ ኢዛ ማታን ኡታ ዲሺን ካዎዚ ታና፡ «ኔ ባና ኦጌይ ኣፑን ጋላሰ ወርሳኔ? ቃሴ ኔ ኣይ ዋዴ ሲማኔ?» ገ ያይቺን ታኒ ኣፑን ጋላሰ ጋምኦናኮኔ ኣይዳ ሲማናኮ የታዲሰ።

7 ሃሳፊ ጉዬ ታ የሁዳ ዳሬ ፒና ባና ማላ ኤፊራዲሴ ሻፋፔ ኣርሼይ ወሊዛ ባጋራ ዲዛ ዳሬ ኣይሲዛይታሰ፡ «ኣጲ ቦ» ገዛ ዳብዳቤይ ታሰ ጻፊቲ ኢሚታና ማላ ካዎዛ ዋሳዲሰ፤

8 ካዎ ዋራ ናገዛ ኦሳፊ ጌቲቲዛይይ ጸሳ ኬላ ገምቤ ፔንጌታሰ፡ ካታማ ገምቤ ፔንጌታሲኔ ታ ኢዛን ዳኣናሶ ኬጻናሰ ሚላ ቃንጺሺን ዲንታ ማላ ኣዛዚዛ ዳብዳቤ ታሰ ኣማና ማላ ኦይቻዲሰ፤ ጸሳ ኪያቲላ ታናራ ዲዛ ገሻሰ ካዎዛ ታ ኦይቺዳ ኡባ ኣሚዳሰ።

9 ካዎዚ ኣማርዳ ኦላ ሞኮኔቲኔ ፓራን ኦሊቲዛይቲ ታናራ ባና ማላ ኪቲዳሰ፤ ታኒ ኤፊራዲሴ ሻፋ ፒንላን

* 1:1 ኪሶሌ፡ ኪሶሌ ጌቲቲዛይሲ ኢብራዌታ ኣገና ቆዳን ኡዲፋንላ ኣገና ገዲሺን ኦ ታይቦን ሃዳሬ ኣገና ባጋፊ ቤዲ ቲሳሴ ኣገና ባጋ ጋካና ዲዛይሳ ቤሴሰ። 1:8-9 ላዌ 26:33፤ ዛሬ 30:1-5 * 2:1-2 ኒሳኔ፡ ኒሳኔ ጌቲቲዛይሲ ኦ ኣገና ቆዳን ማዚያ ኣገና ቤሴሰ። 2:3 2ካዎ 25:8-10፤ 2ታሪ 36:19፤ ኤር 52:12-14

አርሼይ ወሊዛ ባጋራ ዲዛ ዴሬ ኣይሲዛይታኮ ጋኪዳ ማላ ካዎዚ ዩዲዳ ደብዳቤዛ ኢማዲሰ።

10 ጊደ ኣትን ቤተ-ሆሮኔ ካታማ ኣስ ጊዲዳ ሳንባላጾይኔ ኣሞኔ ዴሬ ኣይሲዛ ጸቢያይ ኢሰራኤል ዴራ ሳርቲፋሰ ሎኦ ሚሽ ኦሊዛ ኣሲ ዩዲይሳ ሲዩዲ ኬሂ ሃንቄቲዳ።

ናሃሚያይ ዩሩሳላሚ ካታማ ጊምቤዛ ዩዩ ጸሎ

11 ታኒካ ዩሩሳላሚ ባዳ ሂቹ ጋላስ ጋምኢዳፕ ጉዩ።

12 ዩሩሳላሚ ካታማን ታ ኦላናይሳ ጸሲ ታስ ቆንጨሲዳይሳ ታ ኦናሰካ ዮቶንታ ታ ዎዚናን ኦይካ ጋምኢዳፕ ጉዩ ጉላ ኣሳታ ታናራ ካሌላ ኤካዳ ኦማርሳፊ ጊዲ ጊደል ባዲሰ፤ ሂ ዎዴ ኦስ ዲዛ ቶጋ ማሄይ ታ ቶጊዳይሳፊ ሃራይ ባዎ።

13 ጊደል ዙሌ † ፔንጌራ ኬዛዳ ዳዎ ፑልቶ ጌቲቲዛሶራ ፒናዳ ዲጌ ባጋን ቡራ ዩጊዛሶራ ኣቆ ባሽ ላሌቲዳ ካታማኔ ታማን ኤጲ ቆይዳ ጊምቤ ፔንጌታ ቤያዲሰ።

14 ሃሳፊ ጉዩ ካላዳ ኣርሼይ ሞኪዛሶስ ፑዴሃ ባጋራ ዲዛ። «ፑልቶ ሃላ ጊምቤ ፔንጌ» ጌቲቲዛሶራ ካዎ ኤሌ ሃላኮ ባዲሰ፤ ጊደ ኣትን ታኒ ቶጊዳ ቶጋ ማሄይ ላሌቲዳ ጊምባ ላሌላ ቦላራ ኣቆ ቢዛ ኦጌይ ዳና።

15 ሃሳ ጊሻሰ ኦማርሰ ቁዲሮኔ ሻፋ ዎቆዳ ጊምቤታ ጸላሽ ባዲሰ፤ ወርሴላን ካሴ ታ ዩዳ ኦጌዛራ ጉዩ ሲማዳ ሾባ ጊምቤ ፔንጌ ባጋራ ካታማ ሲማ ጌላዲሰ።

16 ዴራን ዲዛ ዳናታፔ ኢሳይይካ ታ ኣዎ ቢዳኮ ኣይ ኦሊዳኮ ኤሪዳይ ኦኒካ ዳና፤ ሃራይ ኣቶሺን ኣይሁዳታፔ ቁሴታሰ። ካሌላዚይታሰ። ዳናታሰ ዎይኮ ታናራ ኦሊዛ ሃራ ኣሳታፔ ኦናሰካ ኣይኮካ ዮታቤኬ።

17 ሃሳፊ ጉዩ። «ኣኔ ኦስ ዲዛ ማቶ ጸሊቲ! ዩሩሳላሚይ ላሌቲዳ ላሌላ ዶሬ ጊዲዳሰ፤ ኢዚ ጊምቤዛ ፔንጌቲካ ታማን ጸጌቲ ቆይዳ፤ ሃሳ ጊሻሰ ኣኔ ዴንዲዲ ካታማዛ ጊምቤ ዛሪ ጊምቦሰ፤ ኦ ቦላ ጋኪዳ ዩላቲላካ ኣኔ ዲጎስ» ጋዲሰ።

18 ቃሴ ጸሳ ኪያቲላ ታናራ ዲዛይሳኔ ኢዚ ታና ዎስቲ ማዲዳኮ ካዎዚ ታስ ዮቲዳይሳ ኡባ ታ ኢስታስ ዮታዲሰ፤ ኢስቲ «ኣኔ ቃሴካ ዛሪ ኦላሰ!» ጊዳፕ ጉዩ። ኦሶ ኦላና ጊጌቲዳ።

19 ጊደ ኣትን ሆሮኔ ኣስ ሳንባላጾይ። ኣሞኔ ዴሬ ሹማ ጸቢያይኔ ኣራቤ ዴሬ ኣስ ጌሻሚይ ኦ ኦሶስ ኬሲዳ ቆፋታ ሲዩዳ ዎዴ ኦ ቦላ ናጨ † ሚጨሹ። «ሃይሲ ኢንቲ ኦሊዛይሲ ኣዜ? ዎይኮ ካዎዛ ቦላ ማካላና ኮዩቲ?» ጊ ኦይቹዳ።

20 ታኒካ። «ኦ ኦሊዛ ኦሶዛን ሳሎ ጸሲ ኦና ማዳና፤ ሃሳ ጊሻሰ ኦኒ ኢዛ ኦሳንታቲ ዴንዲዲ ኦላና፤ ኢንቲስ ጊዲኮ ዩሩሳላሚን ኣይ ሚሻንካ ኢንቲና ጋሊዛ ዎጋይኔ ኢንቲ ቆፊታና ታሪኬይ ኢንቲስ ዳና!» ጋ ኢስታስ ዛራዲሰ።

3

ዩሩሳላሚ ካታማ ዲርሳ ዛሬላ ጊምቤላ

† 2:13 ዙሌ፡ ዙሌ ጉሲ ናምኡ ባጋራ ቆቁ ጊዲ ዲዛ ዙማታስ ጊደን ዘቂ ጊ ኡቲዳሶ። † 2:19 ናጨ፡ ናጨ ጉሲ ሚራን ኣስ ቁቆ ዎይኮ ቁሴ ማንላ ጉላ * 3:1 ሻኮ ጌቲቲዛይሲ ኢሲ ኢሲ ባጋ ጋሞላ ቃላን ሴላ ጌቲቲሰ። † 3:6 ኮላታታ፡ ኮላታታ ጌቲቲዛይሲ ኢሲ ኢሲ ባጋ ጋሞላ ቃላን ኮልጌ ዎይኮ ኮላ ዎይኮ ጎልጌ ጌቲቲሰ።

1 ካታማዛ ዲርሳይ ጊምቤቲዳይ ሃይሳፊ ካሊ ዲዛይሳ ማላ፤ ቁሴታ ሃላቃ ኤልያሹቤይኔ ኢዛራ ኦሊዛ ቁሴቲ። «ዶርሳታ ፔንጌ» ጌቲቲዛ ጊምቤ ፔንጌዛ ዛሪ ጊምቤዲ ጸሳስ ዲማሲዳ፤ ኢዛሰ ፔንጌታካ ጊግሲዳ፤ ጊምቤዛካ «ጾቱ» ጌቲቲ ጾይጌቲዛ ናጌሶ ጊምቤዛኔ «ሃናኒኤሌ ጊምቤ» ጌቲቲ ጾይጌቲዛ ሻኮ ጊምቤዛኮ ጋካናሰ ጸሳስ ዲማሲዳ። *

2 ኢዛፔ ካሊ ዲዛይሳ ኢያርኮ ኣሳቲ ኦሊሺን ኢዛፔ ካሊዛይሳ ኢሚሬ ና ዛኩሬይ ዛሪ ኦሊዳሰ።

3 ሃሲናኣ ዜሬላቲ ሞሌ ጊምቤ ፔንጌ ጌቲቲዛሰ ዛሪ ኦሊዳ፤ ቱሳታካ ኤሲዳ፤ ፔንጌታካ ጌልላዳ፤ ፔንጌታ ጎርዲዛ ቁልፔታኔ ኮላታታ ጊግሲዳ።

4 ኢዛፔ ካሊ ዲዛይሳ ሃቆጾ ናዛ ና ኡሪያ ና ሚርሞቲይ ዛሪ ኦሊዳሰ፤ ካሊ ዲዛይሳ ሚሹዛቤሌ ናዛ ና ባራካዬ ና ማሹላሚይ ዛሪ ኦሊዳሰ፤ ኢዛፔ ካሊ ዲዛይሳ ባኣና ና ሳዶቂይ ዛሪ ኦሊዳሰ።

5 ኢዛፔ ካሊ ዲዛይሳ ቲቆሂ ካታማ ኣሳቲ ዛሪ ኦሊዳ፤ ጊደ ኣትን ሂ ካታማን ዲዛ ሹማቲ ኢስታ ኦሲሲዛ ኣሳቲ ኢስታስ ጊሻ ኢሚዳ ኦሶዛ። «ኦላኮ!» ጊ ኢዲዳ።

6 ፋሳሂ ና ዮያዳኤይኔ ቤሲዲያ ና ማሹላሚይ ዩሻኔ ጋልኣ ጊምቤ ፔንጌ ዛሪ ኦሊዳ፤ ቃሴ ቱሳታካ ኤሲዳ፤ ፔንጌ ጌልላዳ፤ ፔንጌታስ ቁልፔታኔ ኮላታታ † ጌልላዳ።

7 ሃሳፊ ካሊ ዲዛይሳ ጌባኦኔ ካታማ ኣስ ማላጲያራኔ ሚሮኖቲ ዴሬ ኣስ ያዶኔራ ዛሪ ኦሊዳ። ቃሴካ ጌባኦኔኔ ሚጲጳ ካታማ ኣሳቲካ ኢስታራ ኢሲፊ ጊዲዲ ኤፊራጲሴ ሻፋ ፒንላን ኣርሼይ ወሊዛ ባጋራ ዲዛ ዴሬ ኣይሲዛይ ዴኢዛሶ ጋካናሰ ዲዛይሳ ዛሪ ጊምቤዳ።

8 ኢዛፔ ካሊ ዲዛይሳ ዎርቃ ቆጶዛ ሃርሃያ ና ኡዚኤሌይ ዛሪ ኦሊዳሰ፤ ካሊ ዲዛይሳ ሺቶ ኬሲዛ ሃናኒያይ ዛሪ ኦሊዳሰ፤ ሃ ኣሳቲ ዩሩሳላሚን። «ኣሆ ጊምቤ» ጌቲቲዛሶ ጋካናሰ ዲዛይሳ ኡባ ዛሪ ኦሊዳ።

9 ኢስታፊ ካሊ ዲዛይሳ ኦሊዳይ ዩሩሳላሚ ዎራዳ ሃካ ባጋ ሻኪ ኣይሲዛ ኡሬ ና ኤራፋያይ ዛሪ ኦሊዳሰ።

10 ሃራማፊ ና ዩዳያይ ባ ኬላ ፔንጌ ጊናን ዲዛይሳ ዛሪ ኦሊዳሰ፤ ካሊ ዲዛይሳ ሃሻቢናዬ ና ሃጾሹይ ዛሪ ኦሊዳሰ።

11 ሃሪሚ ና ማልኪያይኔ ጋሃቲ-ሞኣቤ ና ሃሹቤይ ሃሳፊ ካሊ ዲዛይሳ። «ኢቶኔ ጊምቤ» ጌቲቲ ጾይጌቲዛይሳ ዛሪ ኦሊዳ።

12 ዩሩሳላሚ ዎራዳሰ ኣቲዳ ሃካ ባጋ ኣይሲዛ ሃሉሂሹ ና ሻሎሚይ ካሊ ዲዛይሳ ዛሪ ኦሊሺን ኢዛ ማጫ ናይቲ ኢዛ ማዲዳ።

13 ሃናኒኔ ዛናሂን ዲዛ ኣሳይ ኢሲፊ ማዴቲዲ ዙሌ ጊምቤ ፔንጌ ዛሪ ኦሊዳ፤ ቃሴ ኢዛሰ ፔንጌታ ጌልላዳ፤ ቁልፔታኔ ኮላታታ ጌልላዳ፤ ቡራ ዩጌላሶ ጋካናሰ ኣዲሳቲላይ 1,000 ዎቆ ጊዲዳ ጊምቤ ዛሪ ኦሊዳ።

14 ቤቲ-ሃካሪሚ ዎራዳ ኣይሲዛ ኤሬካቤ ና ማልኪያይ። «ቡራ ዩጊዛ ጊምቤ ፔንጌ» ጌቲቲዛይሳ ዛሪ ኦሊዳሰ፤ ቃሴ ኢዛሰ ፔንጌታ ጌልላዳሰ፤ ፔንጌታሰካ ቁልፔኔ ኮላታታ ጌልላዳሰ።

15 ሚጸጸ ዋራዳ አይሲዛ ኮሊ-ሆዜ ና ሻሎሜይ፡ «ፑልቶ ሃላ ገምቤ ፔንጌ» ጌቴተዛ ገምቤዛ ዛሪ ኦሊዳስ፤ ቃሴ ኢዛሰ ካማ ኦሊዳፔ ጉዬ ጎርዲዛ ፔንጌታ ጌልሊዳስ፤ ፔንጌታሰካ ቁልፔታኔ ኮላታታ ጌልሊዳስ፤ ሼላሃ ኤሌ ሃላ ባጋራ ካዎ ኦታኪልቴሶፔ ኦይኪዲ ካዎ ዳዊቴ ካታማ ጋካናሰ ዎጲ ቢዛ ኬላ ዛሪ ኬሊዳስ።

16 ቤቴ-ጸሬ ዋራዳ ሄካ ባጋ አይሲዛ ኦዚቡቁ ና ናሃሚያይ ዳዊቴ ዲፎሶ ጋካናሰ፡ ኤሌ ሃላ ጌቴተዛሶዛ ጋካናሰኔ ኦላ ቃራቴ ዲዛሶ ጋካናሰ ዲዛይሳ ዛሪ ኦሊዳስ።

ገምባ ኦሶን ቤቴዳ ለቂታ ዛርኬታ

17 ገምቤዛ ኦሶን ዲዛ ለቂ ዜሬላታ ሱንላ ሃይሳፌ ካሊ ዲዛይሳ፤ ባኔ ና ኤሬሁሜይ ኢዛፔ ካሊ ዲዛይሳ ዛሪ ኦሊዳስ፤ ቃሴ ቁኦላ ዋራዳ ሄካ ባጋ አይሲዛ ሃሻቢያይ ባ ዋራዳ ሱንላን ካሊ ዲዛይሳ ዛሪ ኦሊዳስ።

18 ሄሳፌ ካሊ ዲዛይሳ ሃንኮ ኦቲዳ ቁኦላ ዋራዳሰ ሄካ ባጋ አይሲዛ ሄናዳዳ ና ባዌይ ዛሪ ኦሊዳስ።

19 ሚጸጸ ዋራዳ አይሲዛ ኢያሶ ና ኤዜሬይ ኦላ ሚሻታ ዎሊዛ ኬላ ሰንላ ባጋን ዲዛይሳፌ ቢዲ ገምቤዛሰ ጉላ ጋካናሰ ዲዛይሳ ኡባ ዛሪ ኦሊዳስ።

20 ዛካዬ ና ባርኬይ ዋና ቁሴ ኤልያሼቤሶ ፔንጌ ጋካናሰ ዲዛይሳ ዛሪ ኦሊዳስ።

21 ሃቆጶስ ናዛ ና ጊዲዳ ኡሪያ ና ሚርሞቴይ ኤልያሼቤ ፔንጌሬ ቢዲ ኢዛ ኬላ ወርሴል ጋካናሰ ዲዛይሳ ዛሪ ኦሊዳስ።

ካታማ ዲርሳ ኦሊዳ ቁሴታ

22 ሄሳፌ ካሊ ዲዛ ገምቤዛ ዬሩሳላሜ ዩሾን ዲዛ ቁሴቴ ዛሪ ኦሊዳ።

23 ኢሰታፌ ካሊዲዳሳ በኒያሜይ ሃሹቤይ ባንታ ኬላ ሰንላራ ዲዛ ገምቤዛ ዛሪ ኦሊዳ፤ ቃሴ ኦናኒያ ናዛ ና ማኢሳያ ና ኦዛሪያሲ ባ ኬላ ሰንላ ባጋራ ዲዛ ገምቤዛ ዛሪ ኦሊዳስ።

24 ሄናዳዳ ና በኑዌይ ኦዛሪያሳ ሶፔ ደሚዲ ገምቤዛ ጉላ ጋካናሰ ዲዛይሳ ዛሪ ኦሊዳስ።

25 ኡጻዬ ና ፓላሊይ ገምቤዛ ጉላፔ ቢዲ ዛቤ ናጌሶ ማታን ፑዴ ባጋራ ዲዛ ካዎ ኬላ ገምቤ ሰንላ ጋካናሰ ዲዛይሳ ኡባ ዛሪ ኦሊዳስ።

26 ሄሳፌ ካሊ ዲዛይሳ ፓሮሴ ና ፓዳያይ፡ «ኦፊሌ» ዙምቡላን ዲዛ ጸሳ ኬላ ኦሳንቻቴ ሃላ ፔንጌ ጌቴተዛሶፔ ቢዲ ኦርሼይ ኬዚዛ ባጋ ጋካናሰ ዲዛ ገምቤዛ ዛሪ ኦሊዳስ።

ኢሰታራ ኢሲፌ ኦሊዳ ኦሳንቻታ

27 ሄሳፌ ካሊ ዲዛይሳ ቴቆሃ ኦሳይ ሃራ ቃሴካ ጸሳ ኬላ ናጌሰ ኦሴቴዳ ጌታ ገምቤፌ ደሚዲ፡ «ኦፊሌ» ማታን ዲዛ ገምቤ ጋካናሰ ዲዛይሳ ዛሪ ኦሊዳ።

28 ሃንኮ ቁሴቴ ኢሶይ ኢሶይ ባ ኬላ ፔንጌን ዲዛይሳ ካሊ ካሊዲ ፓራ ገምቤ ፔንጌ ጌቴተዛሶፔ ፑዴ ባጋራ ዲዛይሳ ዛሪ ኦሊዳ።

29 ኢሜሬ ና ሳዶቂይ ባ ኬላ ሰንላን ዲዛይሳ ኦሊሽን ኦርሼይ ሞኪዛ ባጋራ ዲዛ ገምቤዛ ፔንጌ ናጊዛ ሻካኒያ ና ሻማኤይ ካሊ ዲዛይሳ ዛሪ ኦሊዳስ።

30 ሼሌሚያ ና ሃናኒያይኔ ጸላፌሰ ኡሱፑንላ ና ሃናኒይ ኢሰታሰ ናምኦጎሶ ዩሾ ኢሜቴዳይሳ ዛሪ ኦሊዳ። ባራካዬ ና ማሹላሜይ ባ ኬላሰ ሰንላ ባጋራ ዲዛይሳ ዛሪ ኦሊዳስ።

31 ሄሳፌ ካሊ ዲዛይሳ ዎርቃ ቆጶዛ ማልኪያይ ገምቤዛ ጉላፔ ደሚዲ ፑዴ ጸራ ባጋራ ዲዛሶ ጋካናሰ ዛሪ ኦሊዳስ፤ ቃሴካ ሄ ናጊዛሶ ፔንጌ ጌቴተዛሶ ባጋራ ጸሳ ኬላ ኦሳንቻቴኔ ዛልኦንቻቴ ጎኤቴዛሶ ጋካናሰ ዲዛይሳ ዛሪ ኦሊዳስ።

32 ዎርቃ ቆጶዛ ኦሳቴኔ ዛልኦንቻቴ ገምቤዛ ጉላፔ ደሚዲ ዶርሳታ ፔንጌ ጌቴተዛሶ ጋካናሰ ዲዛይሳ ዛሪ ኦሊዳ።

4

ገምቤዛ ኦሶስ ቆጶ ጊዲዳ ኦሳታራ ኤቁቴል

1 ኮኒ ገምቤዛ ኦሶ ደሚዳይሳ ሳንባላጶይ ሲዬዲ ኬሂ ዩሎቴዲ ኦና ናጫናሰ ዴንዲዳስ።

2 ባ ላጌታኔ ሳማሪያ ዎታዳራታ ሰንላን፡ «ሃይቴ ላፋ ኦይሁዳቴ ኦይ ኦላና ቆፒዶ? ባ ካታማ ገምቤዛ ዛሪ ኦላና ቆፒዛ? ያርሾ ሺሻናሰ ኮዬዛ? ኦሶዛ ኢሲ ጋላሰ ፖላናሰ ኢሰታሰ ሚሳቴዜ? ገምቤሰ ጊዲዛ ሹቻታ ካሴ ጸጌቴ ላሊቴዳ ገምቤ ጋርሳፌ ኬሲ ገምባናሰ ዳንዳይዛ?» ጊዲ ናጪዳስ።

3 ኢዛ ማታን ኤቁዳ ኦሞኔ ዴ ኦሰ ጸቢያይ ባ ባጋራ፡ «ኢሰቴ ዎኒዳ ገምቤ ገምባና ዳንዳይዛ? ኢሰቴ ገምቤዳ ገምቤዛ ሶላ ሃራይ ኦቶሺን ዎራካናይ ኬዚዳኮ ላሊታና!» ጊዲ ናጪዳስ።

4 ታኒካ፡ «ጎዳወ! ኢሰቴ ኦና ኦይ ማላ ናጪዛኮ ኔ ሃይሳ ቤያ፤ ኢሰታ ጫሺ ጌዴ ኢሰታ ሶላ ሰሞ፤ ኢሰታሰ ዲዛ ሃርይ ሶንቁቴን ኦላጋ ቢታን ቤቴ ኦሰ ጊዴቶ!

5 ኢሰቴ ኦሊዳ ኢታ ኦሶዛ ጊሻሰ ኔ ኢሰታ ማርፓ፤ ላሊቴዳይሳ ኮኒ ዛሪ ኦሊዳ ጊሻሰ ኢሰቴ ኦና ጫሻን ካወሺዳ ቆሆዛ ኔ ባሎፓ» ጋ ዎሳዲሰ።

6 ኦሳይ ዎዚናፔ ኦሊዛ ጊሻሰ ገምቤዛ ኦሶይ ኤሶራ ባጋ ጋኪዳስ።

7 ሳንባላጶይ፡ ጸቢያይ፡ ኦሪቤ ዴ ኦሳይ፡ ኦሞኔ ዴ ኦሳይ ኦሽዶዴ ዴ ኦሳይ ኡባይ ኮኒ ዬሩሳላሜ ገምቤዛ ዛሪ ሎኤሊ ኦሊዳ ገምቤታ ጊደን ኦቲዳ ጸኤታ ኡባ ቴጪሺን ሲዬዲ ኬሂ ሃንቁቴዳ።

8 ሄሳ ጊሻሰ ኢሰቴ ኢሲ ሶላ ጊዲዲ ዬሩሳላሜ ዩዲ ኦላናሰኔ ሜቶ ሚቆናሰ ኦ ሶላ ሴሪዳ።

9 ጊደ ኦቲን ኮኒ ኦ ጎዳኮ ዎሲዳሰ፤ ኦማርሰኔ ጋላሰ ኢሰታራ ኤቁታናሰ ዳንዳይዛ ኦሳታ ዎሊዳስ።

10 ሄ ዎዴ ዩሁዳ ኦሳቴ፡ «ቶሆይ ኦና ኢጸሌዳስ፤ ቡር ኦሴታናሰ ቤሲዛሶይ ዳርይ ዴስ፤ ሄሳ ጊሻሰ ገምቤዛ ኦላናሰ ዳንዳዮኮ» ጊዲ።

11 ኦ ሞርኬቴ፡ «ኦ ኢሰታ ጊደ ጌሊዲ ኢሰታ ዎጲዲ ኦሶዛ ቴቃና ጋካናሰ ኤሬቴናኔ ቤዬቴና» ጊ ቆፒዳ።

12 ኦ ሞርኬታ ማታን ዲዛ ኦይሁዳቴ ኦኮ ዩዲ ሞርኬቴ ኦና ኦላና ጊዛይሳ ኦሰ ዛሪ ዛሪ ዮቴዳ።

13 ሄሳ ጊሻሰ ኦሳ ጊደፌ ጊላ ማሻ፡ ቶራኔ ዎንዳፌ ኦይኪዳ ኦሳ፡ ዳቦፌ ዳቦፌ ጊሺሳዳ ገምቤይ ኦሴቴ ፖሌቶንታሶሰ ጉዬ ባጋራ ናጋና ማላ ኦላዲሰ።

14 ኦሳይ ኬሂ ሃርጊዛይሳ ታኒ ቤያዳ ካሌሊዛይታ፡ ዳናታኔ ሃራ ኦሳታ ኡባ፡ «ባቦፍቴ! ያሺዛ ዎልቃማ ጸሳ ቆፒቴ! ኢንቴ ዳቦታሰ፡ ናይታሰ፡ ማቆታሰኔ ሃርታሰ ኦሊቴቴ!» ጋዲሰ።

15 ኦ ሞርኬቴ ኦና ቆሃና ጊዲ ባ ጋርሳን ሴሬቴ ጫቁቴዳይሲ ኦኮ ጋኪዳይሳ ሲዬዲኔ ጸሳይካ ኢሰታ

ቆፋ ሃዳ ኦሊዳይሳ ኢሰቲ ኤሪዳፔ ጉዬ ኮኒ ኡባይ ገምቤዛ ኦሶ ጌዴ ሲንጤ ጉጂዶስ።

16 ሃ ዎዴፔ ደሚዲ ታ አሳታፔ ባጋቲ ኦሊሸን፣ ባጋቲ ቲራን ዎሊዛ ኦላ ማይኦ ማይኢዲ፣ ቶራ ኦይኪዲ፣ ጎንዳሌኔ ዎንዳፌ ኦይኪዲ ዛቤ ጊዲ ናጋና ማላ ኦላዲሰ፤ ኦላ ኦሳ ካሌሊዛይቲ ዩሁዳ አሳፔ ጉዬራ ኤቁዲ ናጌቲስ።

17 ዲርሳ ገምቤዛይታ ኡባ ሚንጤጤቲስ፤ ቶኪዛይቲካ ኢሲ ኩሸን ኦላ ማሳራ ኦይኪ ናጌቲሾ ሃንኮ ኩሻራ ኦሊቲስ።

18 ዲርሳ ገምቤዛ አሳይ ወሪካ ኦሊሾ ባ ጊላ ማሻ ጊዲዲ ኦሊቲስ፤ ቃሴ ዛዬ ፑኒዛይሲ ታ ኦቻፌ ሻኬቲ ኤሪና።

19 ዴሪዛስ፣ ካሌሊዛይታሲኔ ሹሜታስ፣ «ገምቤዛ ኦሶይ ኬሃ ጊታኔ ኦሆ ጊዲዳ ጊሻስ ኮኒ ኦ ጋርሳን ኢሶይ ኢሶይ ሃኪ ሃኪ ኦሊዛ ጊሻስ ኢሶይ ኢሶራ ጋይታናስ ዳንዳዬቲና።

20 ኢንቴ ዛዬይ ፑኒቲሸን ሲዩዳ ማላ ሃ ታኮ ሸቁቲ፤ ኦ ጎዳይ ኦ ጊሻስ ኦሊታና» ጋዲሰ።

21 ሃሳ ጊሻስ ወሪ ማላዶ ዎንታ ደሚዲ ኦማርስ ጸሊንቴይ ኬዛና ጋካናስ ባጋይ ኦሊሸን ባጋይ ቃሴ ኦላ ማሳራ ጊዲዲ ናጌስ።

22 ሃ ዎዴ ታኒ አሳስ፣ «ኦማርስ ናጊሾኔ ጋላስ ኦሶ ኦሊ ማዳና ማላ ኢሲ ኢሲ ኢሲ ባ ኦሳንቻራ ዬሩሳላሜን ጋምኦ» ጋዲሰ።

23 ታኒ፣ ታ ላጌቲ፣ ዛቤቲ፣ ሃራ ኦሳንቻቲ ኡባይካ ኦማርስ ኦ ሰላፌ ማይኦ ቃሪ ኤርኮ፤ ቃሴ ሃላ ዲቃና ቢሾ ማሳራ ሃሾፔ ዎሊ ኤርኮ።

5

ማንቆታ ቦላ ጋኪዳ ቆሆ

1 ኢሲ ዎዴ ኦዴቲኔ ኢሰታ ማቼቲ ባ ባጋ ጊዲዳ አይሁዳ አሳታ ሞሮ ጊሻስ ናሃሚያስ ኬሃ ዋሲዳ።

2 ኢሰታ ጊዶፌ ኢሲ ኢሲ አሳቲ፣ «ኮኒ ኦ ናይታራ ኢሲ ኢሲ ኬላን ዳር ኢሲ ዲዛ ጊሻስ ኦ ሹምፖ ኦሻናስ ካላ ኮኖስ» ጊዳ።

3 ቃሴካ ሃራቲ፣ «ኦ ቦላ ጋኪዳ ዎልቃማ ኮሻፔ ዴንዲዳይሳን ሹምፖ ኦሽዛ ካላ ዳማና ጊዲ ኦሶ ዲዛ ጋዴ፣ ዎይኔ ኦታኪልቲኔ ኦ ኬላ ኡባ ኦይላና ጋኪዳስ» ጊዳ።

4 ባጋይቲ ቃሴካ፣ «ኦ ጋዴ ጊሻሲኔ ኦ ኦታኪልቲ ጊሻስ ካዎይ ኦና ጊራ ኦይቼን ኢዛ ቃንጸናስ አሳፔ ሚሽ ታልኢ ኤኪዶስ፤

5 ኦ ዜራሊኔ አይሁዳ ዜራሊ ኢሲና፤ ኦ ናይታሲኔ ኢሰታ ናይታስ አይኮ ዲማቴሊካ ባዋ፤ ጊዶ ኦቲን ኦ ዬሊዳ ናይታ ደሳይ ባይንዳ አይሌቴላስ ኦሊ ኢሚዶስ፤ ቃሴ ኦ ማጫ ናይታፔ ኢሲ ኢሲናቲ አይሌ ጊዲዳ፤ ኦ ጋዴይኔ ዎይኔ ኦታኪልቲኔ ኦፔ ኤኬቲዳ ጊሻስ ኦሶ ዎልቃይ ባይንዳይታ ጊዲዶስ» ጊዲ ባንታ ሚሻ ቃንጊዳ።

6 ታኒካ ኢሰቲ ቃንጊዳ ቃላ ሲያዳ ኬሃ ሃንቁታዲሰ።

7 ታኒ ኦላና ቤሲዛዝ ታ ዎዚናን ቃቻዳ ዴሪ ካሌሊዛይታ፣ «ሃኮ ኢንቴ ኢንቴ ኢሻታ ቆሃዲ ኢሰታፌ

ዲቻ ሜታ» ጋዳ ኬሃ ሃንቁታዲሰ፤ ሄ ሜቶዛ ቢርሻናስ ጋዳ አሳ ኢሲ ቦላ ሸሻዳ።

8 «አይዛቤታስ ባይዜቲዳ ኢንቴ ባጋ ጊዲዳ አይሁዳታ ዎዛናስ ኦሶ ኦሶ ዳንዳዬቲዳ ማላ ኦሊዶስ፤ ጊዶ ኦቲን ኢንቴ ኢንቴ ኢሻታ አይዛቤታስ ኦሊ ባይዜታ» ጋዳ ሃንቃዲሰ፤ ካሌሊዛይቲካ ጋናዚ ቆዩን ጮኦ ጊዳ።

9 ቃሴካ ካሌላዳ ኢሰታስ፣ «ሃይሲ ኢንቴ ኦሊዳ ኦሶዚ ዎጋ ጊዳና! ኢንቴ ጸሳስ ያዩዲ ሎኦ ኦሶ ኦላናስ ቤሴስ፤ ሄሳሶ ኢንቴ ኦሊዳኮ ኦ ሞርኬ ጊዲዳ አይዛቤቲ ኦና ናጫናስ ዳንዳዬቲናኮሸን።

10 ታኒ ታናራ ኦሊዛ ታ ላጌቲኔ ታስ ኦሊዛ ታ ኦሳንቻቲ አሳታስ ሚሾ ጊዲን ዎይኮ ካላ ጊዲን ታልኦ ኢሚዶስ፤ ሄሳ ጊሻስ፣ «ኢንቴ ታልኢ ኤኪዳይሳ ዲቻ ዛሪቲ» ጊ ኦይሾይ ኦፔ አቶ።

11 ኢንቴ ሚሽ ጊዲን፣ ካላ ጊዲን ዎይኔኔ ዎጋራ ዛይቲ ጊዲን ኢሰታስ ኢንቴ ታልኢ ኢሚዳ ኡባ ዲቻ ኦጋጊቲ፤ ኢሰታ ጋዴ፣ ዎይኔኔ ዎጋራ ዛይቲ፣ ኢሰታ ኦታኪልቲኔ ኢሰታ ኬላ ኡባ ኢሰታስ ኤሌሲ ዛሪቲ!» ጋዲሰ።

12 ካሌሊዛይቲካ፣ «ኦ ኦና ኦዛዚዳ ማላ ኦ ኦላና፤ ኢሰታፌ ኦ ኤኪዳ ሚሽ ኡባ ዛራና፤ ኦፔ ኢሰቲ ታልኢዳ ሚሽ ኦሶ ጫጊቲ ጊዲ ኦይቾኮ» ጊዳ። ታኒካ ታኮ ቁሴታ ጴይጋዳ፣ ካሌሊዛይቲ ባ ኦላና ጊዳ ቃላ ፖላናስ ኢሰቲ ጫቁሳና ማላ ኢሰታስ ዮታዲሰ።

13 ሃሳፌ ጉዬ ታ ማይኢዳ ማይኦ ኬሳ ቆቆፋዳ፣ «አይ ኢሲካ ኢንቴ ጊዶፌ ባ ጌሊዳ ቃላ ፖሎንታ ኦጊዛ ጊዲኮ ጸሲ ኢዛ ኬሊኔ ሃሮ ሃይሳዳ ማላ ኦሻ!» ታ ጊን ሃን ዲዛ አሳይ ወሪ ኢሲ ቃላራ፣ «ኦሚን» ጊዲ ጸሳ ጋላቲዶስ፤ ካሌሊዛይቲካ ባ ጫቁዳ ቃላ ፖሊዳ።

14 ካዎ ኦርጶኪሲሲ ካዎቲዳ ናምኦ ታማንሶ ላይላፌ ደሚዲ ሃቸ ታማኔ ናምኦ ላይላ ጋካናስ ዲዛ 12 ላይላታ ጊዲን ታኒ ዩሁዳ ዴሪ ኩሜላ አይሲዛ ኦሶ ጊዳ ኡታዳ ታና ጊዲን ታ ዳቦታ ጊዲን ዴሪ አይሲዛዴስ ቤሲዛ ሚሽ አይኮካ ጎኤቲቤኮ።

15 ቃሴካ ታፔ ካሴ ዴሪ አይሲዛይቲ ኡባይ ዴሪ ቦላ ጊታ ቶሆ ጊዲዲ ጋላስ ጋላስ ሚዛዚኔ ኡዩዛዚ ኢዛፔ ኦቲን ቦላራካ ኦይዲ ታሙ ሳቁሌ ቢራ ጫጊሲዳ፤ ሃራይ ኦቶሸን ኢሰታ አይሌቲካ ዴሪ ቦላ ኬሃ ጎዳቲዲ ዎዩሲዳ፤ ጊዶ ኦቲን ታኒ ጸሳስ ያዩዛ ጊሻስ ሄሳሶ ኦላቤኬ።

16 ታስ ዲዛ ዎልቃ ኡባ ዬሩሳላሜ ገምቤ ዛራ ገምባናስ ኢማዲሰ ኦቲን ታስ አይኮ ጋዴካ ሃራቤኬ፤ ታ ኦሳንቻቲካ ኡባይ ሄ ኦሶዛን ታናራ ኢሲፌ ኦሊዳ።

17 ኦ ማታን ዲዛ ካዎቲላታፔ ዩዳ አሳቲ ኦቲን ታናራ ታ ካላ ሚዛይቲ አይሁዳ አሳቲኔ ዴሪ ካሌሊዛይቲ ኢሲ ቦላ 150።

18 ጋላስ ጋላስ ኢሲ ቦራ፣ ዴሪቲዳ ኡሱፑን ደርሲኔ ዳር ኩቶታ ሹካ ኢሰታስ ሸሻይስ፤ ቃሴካ ታሙ ጋላሳፌ ኢሲ ጋላስ ሎኦ ዎይኔ ኡሹ ኢሰታስ ጊሻይስ፤ ጊዶ ኦቲን ዴሪ ቦላ ቶሆይ ዳሪዳይሳ ታ ኤሪዛ ጊሻስ ዴሪ አይሲዛዴስ ቤሲዛ ሚሽ ታስ ኦይቻቤኬ።

19 ታ ጎዳዉ! ታኒ ሃ ዴራስ ኦሊዳ ሎኦ ኦሶ ማላ ኦ ታስ ኪያቴላ ኦላ።

6

ናሃሚያ ቦላ ዳንዲዳ ሃራ ሴራ

1 ሳንባላጾይ፣ ጸቢያይ፣ ኦሪቤ ዳሬ እስ ገሻሚይን ሃራ ኑ ሞርኬቲካ ታኒ ገምቤዛ ገምባ ወርሲዳይሳን ኦሪቶንታ ኦቲዳ ፓጩሶይ ባይንዳይሳ ሲዱዳ፤ ገዶ ኦቲን ታኒ ቡር ገምቤ ፔንጌታስ ሳንቃታ ጌልላቤኬ።

2 ሃሳፌ ዳንዲዳይሳን ሳንባላጾይን ገሻሚይ፣ «ኦሮ ዳምባን ኢሲ ሃራን ያዳ ኑናራ ጋይታ» ገዲ ከታ ታስ ዩዲዳ፤ ኢስቲ ሃሳ ገዳይ ታ ቦላ ቆሆ ጋላናሳ።

3 ታኒካ፣ «ታስ ዳር ኦሪይ ዲዛ ገሻሰ ኦሳ ኦጋዳ ኢንቲ ገዛሶ ባና ዳንዲይኬ፤ ታ ኦጋ ቢን ኦሪይ ኦይሰ ኤቁኬ?» ጋዳ ታኮ ከቲቲ ዩዳ ኦሳታስ ዮታ ዩዲዲስ።

4 ሃሳ ማላ ከታ ታስ ኢስቲ ኦይዲቶ ዛሪ ዛሪ ከቲን ታኒካ ኢስታስ ካሴይሳላ ዛራ ዩዳዲስ።

5 ቃሴካ ሳንባላጾይ ኢቻሻንላ ዩሾ ባ ኦይሌታፔ ኢሳ ቦላ ማታሚይ ሾጩቶንታኔ ጮ ደያ ዲዛ ዳብዳቤ ታስ ዩዲዳ።

6 ኢዚ ዩዲዳ ዳብዳቤዚ፣ «ኔኔ ኦይሁዳ ኦሳቲ ማካላቲል ዳንሌላናስ ቆፒዳይሳን ኢንቲ ገምቤዛ ገምቢዛይሲ ኑ ሃራን ዲዛ ካዎቲላ ኦቻን ዎራቲዛይሳ ገሻሚይ ሲዱዳ ታስ ዮቲዳስ፤ ቃሴ ኔ ካዎታና ቆፒዳይሳን።

7 ኔ ዩሁዳ ካዎ ገዲዳይሳ ዩራሳላሚን ኦሳይ ኦዎጃና ማላ ናቤታ ኔ ገግሲዳይሳ ገሻሚይ ታስ ዮቲዳስ፤ ሃሳ ካዎዚ ሲያናይሲ ኤሬቲዳ ሚሽ ገዲዳ ገሻሰ ታኒኔ ኔኒ ኢሲፌ ጋይቲዲ ሃ ዮኦዛ ቦላ ኑ ሃሳዩቲዳኮ ሎኦ» ጌሰ።

8 ታኒካ፣ «ሃይሲ ኔ ገዛይሲ ቱሙ ገዶንታ ኔኒ ኔፔ ማዳ ኤኪዳ ዎርዶ ዮኦ» ጋ ዛራዲስ።

9 ኡባይካ፣ «ኢስታ ኩሼይ ኢዳቲኮ ኦሪይ ፖሌቶንታ ኦታና» ገዲ ታና ሂርገሳናስ ፓጩዳ፤ ታኒ ገዲኮ፣ «ታ ጸሳወ! ታ ዎዚና ኔኒ ሚንላ» ጋዳ ዎሳዲስ።

10 ሃ ዎዳ ኢዛ ቦላ ኢዛ ኬላ ካሬይ ጎርዳቲን ዲዛ ማሃጸቢኤሌ ናዛ ና ዳላያ ና ሻማያኮ ባዲስ፤ ኢዚካ «ኔና ዎዳና ኦማርሳታፔ ኢሲ ኦማርሰ ዩዛ ገሻሰ ታኒኔ ኔኒ ጸሳ ኬላ ጌሊ ኑ ቦላ ፔንጌታ ጎርዲዲ ኦኔ ቆቲቶስ» ገዴስ።

11 ገዶ ኦቲን ታኒ፣ «ታ ማላ ኦሲ ባቃቲ ቆቲቲ ኤሪዜ? ታ ማላ ኦሲ ባ ሾምፖ ኦሻና ገዲ ጸሳ ኬላ ጌሊ ቆቲታና ቤሲዜ? ሃይሳላ ኡባካ ታ ሃኒኬ!» ጋ ዛራዲስ።

12 ሃ ዞሬዛ ታ ዩሻ ቆፒሺን ሻማያይ ሃይሳ ማላ ዎርዶ ዮኦ ታስ ዮታና ማላ ጸቢያይን ሳንባላጾይ ሚሻን ኢዛ ባሌዲ ገሻሰ ኦቲን ኢዚ ጸሳፌ ከቲቲዳ ኦስ ገዶንታይሳ ታ ሻካ ኤራዲስ።

13 ኢዚ ሚሻን ሻማቲዲ ሃሳላ ኦሊዳይ ታና ባቢሲዲ ናጋራ ኦሲሳናሲን ታ ሱንላ ዎራታና ማላ ኮዩዳ ገሻሳ።

14 ታኒካ፣ «ጸሳወ! ጸቢያይን ሳንባላጾይ ኦሊዳይሳ ኔ ቤያ፤ ቃሴ ኢስታ ቦላካ ኔ ፐርዳ፤ ዮኦዳ ጌቲቲዛ ማጫሳ ናቤያን ሃራ ዎርዶ ናቤቲ ታና ባቢሳና ገዲ ኦሊዳ ኦሶ ኡባ ኔ ቆፓ» ጋዳ ዎሳዲስ።

ዲርሳ ገምቤ ገሳ

15 ኦሪዚ ደሜቲዳፔ ኢቻሽ ታማኔ ናምኦንላ ጋላስ ኤሉሌ ጌቲቲዛ ኦጊናይ ጌሊን ናምኡ ታማኔ ኢቻሻንላ ጋላስ ገምቤዛ ኦሶ ኡባይ ኦሴቲ ገጌዳስ።

16 ኑ ዩሾን ዲዛ ካዎቲላ ገዶን ዲዛ ኑ ሞርኬቲ ኦሪዚ ጸሲ ማዲን ፖሌቲዳይሳ ሲዱዲ ኬሂ ሂርገዲ ያዩዳ።

17 ሃ ዎዳ ዩሁዳ ዳሬ ካሌላዛይቲ ጸቢያስ ዳር ዳብዳቤ ጸፊን ኢዚ ኢስታስ ዛር ጸፊዳስ።

18 ጋሪይካ ኦራሂ ና ሻካኒያይ ጸቢያ ቦሎ ገዲዳ ገሻሲን ኢዛ ና ዩሆሃናኔይካ ባራካዬ ና ማሹላሚ ናዮ ማቾ ኤኪዳ ገሻሰ ዩሁዳ ዳሬፔ ዳር ኦሳይ ኢዛራ ጫቆ ቃላ ጌሊዳስ።

19 ሃ ኦሳቲ ጸቢያይ ኦሊዳ ሎኦ ኦሪታ ታ ሲንላንካ ናሺዳ፤ ታ ገዛይሳካ ኡባ ኢዛስ ኤፊ ኤፊ ዮቲቲስ፤ ሃሳፌ ዳንዲዳይሳን ኢዚካ ታና ባቢሳና ገዲ ዳብዳቤታ ዳር ዎዳ ዩዲዳስ።

7

1 ገምባ ኦሪይ ኦሴቲ ገጌዳስ፤ ፔንጌ ሳንቃቲ ባ ዲዛሶን ዲዛሶን ጌሊዳ፤ ጸሳ ኬላ ናገዛ ዛቤታስ፣ ዩላ ዩዳዛይታሲን ለዎ ባጋታስ ኢስታ ገሻ ገሻ ኦሪይ ኢሚቲዳስ።

2 ታኒካ ዩራሳላሚ ካታማ ኦይሳና ማላ ታ ኢሻ ሃናኔኔ ሚጸ ናገዛ ሃናኒያ ዶራ ዎላዲስ፤ ጸሎቲላኒ ኦሳስ ያሻቲላን ሃናኒያይ ማላይ ዳና።

3 ታ ኢስታስ ዩራሳላሚ ገምቤ ፔንጌቲ ጸልቄይ ኬዛና ጋካናስ ደዩቶንታ ማላ ኦርሼይ ወሊዛ ዎዳ ዛቤቲ ባሶ ባናፔ ሲንላን ገምባ ፔንጌታ ሎኤላ ጎርዳና ማላ ኦዛዛዲስ፤ ቃሴካ ዩራሳላሚን ዲዛ ኦሳ ገዶፌ ናገዛ ዛቤታ ዳሬይ ዶሪዲ ዎላና ማላ ኢስታፌ ባጋይታ ኢሲ ኢሲ ሃራስ ኦላፌ ኦሊ ዎላና ማላ ኔ ሃንኮ ኦቲዳይታ ባንታ ኬላ ካሬን ናጋና ማላ ዮታዲስ።

ዲኤቲላፌ ሲሚዳ ኦሳታ ሱንላ

4 ዩራሳላሚይ ኢሆኔ ገታ ካታማ፤ ገዶ ኦቲን ኢዚን ዲዛ ኦሳ ቆዳይ ጉላ ገዲዳ ገሻሰ ዳር ኬላቲ ቡር ኬዳቲቤቲና።

5 ጸሳይ ዳሬዛ፣ ዳራ ኦይሲዛይታኔ ሹሚታ ታ ሺሻዳ ኢስታ ዩሌታ ዛርኬይ ዋኒ ዋኒ ጸፊቲዳኮ ታ ዳላና ማላ ታና ቆፍሲዳስ፤ ሃሳ ገሻሰ ካሴ ዲኤቲላፌ ሲሚዳ ኦሳታ ማዘጋባ ዳማዲስ፤ ታ ዳሚዳ ማዘጋባይ ሃይሳፌ ካሊዛይሳ፤

6 ባቢሎን ካዎ ናቡካዳናጸሬይ ዲኤዲ ባ ዳሬ ኤሬዳ ኦሳታፔ ጉዬ ባ ካታማ ካታማ ዩራሳላሚን ዩሁዳ ሲሚዳ ኦሳቲ ሃይሳፌ ካሊዛይታ፤

7 ኢስቲ ሲሚሺን ኢስታ ካሌላ ኤሂዳ ኦሳቲ ዜራባቤሌ፣ ኢያሶ፣ ናሃሚያ፣ ኦዛሪያሳ፣ ኤራኢሜ፣ ናሆሜ፣ ማርዲኪዮሳ፣ ባልሻኔ፣ ሚሲፋሬ፣ ቢጉዎዬ፣ ኑሁሜን ባኦና።

8 ዲኤቲላፌ ሲሚዳ ኢሰራኤሌ ኦሳ ዛርኬፌ ጸፊቲዳ ዜራላታ ቆዳይ ሃይሳፌ ካሊዛይሳ፤ ፓርሴ ዜራላፌ 2,172፤

9 ሻፋጺያ ዜራላፌ 372፤

10 ኦራሂ ዜራላፌ 652፤

11 ኢያሶፔኔ ኢዮኦቤ ዜራላ ገዲዳ ፓሃቲ-ሞኦቤ ዜራላቲ 2,818።

12 ኤላሚ ዜራላፌ 1,254፤

13 ዛቶ ዜራላፌ 845፤

14 ዛካዬ ዜራላፌ 760፤

15 ቢኦዎ ዜራላፌ 648፤

16 ቤባዬ ዜራላፌ 628፤

17 ኦዘጋዳ ዜራላፌ 2,322፤

18 አደንቃሚ ዜራሳፌ 667፤
 19 ቢጉዋዬ ዜራሳፌ 2,067፤
 20 አዲኔ ዜራሳፌ 655፤
 21 ሂዘቂያሳ ጌቲቲ ጸይጌቲዛ አጻፎ ዜራሳፌ 98፤
 22 ሃሹሜ ዜራሳፌ 328፤
 23 ቤሳዬ ዜራሳፌ 324፤
 24 ሃርፕ ዜራሳፌ 102፤
 25 ጌባኦኔ ዜራሳፌ 95፤
 26 ካሴ ኢስታ አዋቲ ሃይሳፌ ካሊዛ ካታማታን
 ዲዛይቲ ዲኤቲሳፌ ሲሚዳ፤ ቤቲሊሃሜፔኔ ናጻፌ ዳሬ
 አሳታፕ 188፤
 27 ኣናቶቲ ዳሬ አሳታፕ 128፤
 28 ቤቲ-አዘሞቲ ዳሬ አሳታፕ 42፤
 29 ቂሪያቴ-ዩአሪሚ፡ ካፊሬኔ ቢኤሮቲ ዳሬ አሳታፕ
 743
 30 ኤራማፔኔ ጌባ ዳሬ አሳታፕ 621፤
 31 ማኪማሴ ዳሬ አሳታፕ 122፤
 32 ቤቲሊፔኔ አዩ ዳሬ አሳታፕ 123፤
 33 ኒቦ ጌቲቲዛ ናሞኣንላ ዳሬን ዲዛ አሳታፕ 52፤
 34 ኤላሜ ጌቲቲዛ ናሞኣንላ ዳሬን ዲዛ አሳታፕ
 1,254፤
 35 ሃሪሚ ዳሬ አሳታፕ 320፤
 36 ኢያርኮ ዳሬ አሳታፕ 345፤
 37 ሎዳ፡ ሃዲዳኒኔ ኦኖ ዳሬ አሳታፕ 721፤
 38 ሳናኦ ዳሬ አሳታፕ 3,930፡፡
 39 ዲኤቲሳፌ ሲሚዳ ቄሴታ ዜራሳቲ ሃይሳፌ ካሊ
 ዲዛይታ፤ ኢያሶ ዜራሳ ጌዲዳ ያዳያ ዜራሳፌ 973፤
 40 አሜሪ ዜራሳፌ 1,052፤
 41 ፓሽኩራ ዜራሳፌ 1,247፤
 42 ሃሪሚ ዜራሳፌ 1,017፡፡
 43 ዲኤቲሳፌ ሲሚዳ ለዌ ዜራሳቲ ሃይሳፌ ካሊ
 ዲዛይታ፤ ሆዳዬ ዜራሳ ጌዲዳ ኢያሶፔኔ ቃዲሞኤሌ
 ዜራሳፌ 704፡፡
 44 ዲኤቲሳፌ ሲሚዳ ዬላ ዩዲዛይቲ ሃይሳፌ ካሊ
 ዲዛይታ፤ አሳፌ ዜራሳታፕ 148፡፡
 45 ዲኤቲሳፌ ሲሚዳ ጸሳ ኬላ ፔንጌ ናጊዛ ዛቤታ
 ዜራሳቲ ሃይሳፌ ካሊ ዲዛይታ፤ ጸልሞኔ፡ አጻፎ፡
 ሻሎሜ፡ አቁቤ፡ ሃጺጸኔ ሾባዬ ዜራሳታፕ 138፡፡
 46 ዲኤቲሳፌ ሲሚዳ ጸሳ ኬላ ኦሳንቻታ ዜራሳቲ
 ሃይሳፌ ካሊ ዲዛይታ፤ ጸሃ፡ ሃሱጻ፡ ጸባኦቲ፡
 47 ቂርሴ፡ ሲኦ፡ ፓዶኔ፡
 48 ለባና፡ ሃጋቤ፡ ሻሚላዬ፡
 49 ሃናኔ፡ ጌዳሌ፡ ጋሃሬ፡
 50 ኤራኦዬ፡ ኤራሶኔ፡ ኔቆዳ፡
 51 ጋዛሚ፡ ኦዛ፡ ፋሳሄ፡
 52 ቤሳዬ፡ ማኦኔ፡ ናፋሺሲሚ፡
 53 ባቂቡቁ፡ ሃቁፋ፡ ሃሪሁራ፡
 54 ባጺልቲ፡ ማሃዳ፡ ሃርሻ፡
 55 ባርቆሳ፡ ሲሳራ፡ ቲማሄ፡
 56 ኔጺሃ፡ ሃጺፋ፡፡
 57 ዲኤቲሳፌ ሲሚዳ ሶሎሞኔ ኦሳንቻታ ዜራሳቲ
 ሃይሳፌ ካሊ ዲዛይታ፤ ሶጻዬ፡ ሶፌሬቲ፡ ፔሪዳ፡
 58 ያኢላ፡ ዳርቆኔ፡ ጌዳሌ፡
 59 ሻፋጺያ፡ ሃጺላ፡ ፖኬሬቲ-ሃጺባሚኔ አሞኔ፡፡
 60 ዲኤቲሳፌ ሲሚዳ ጸሳ ኬላ ኦሳንቻታ ቆዳይኔ
 ሶሎሞኔ ኦሳንቻታ ቆዳይ ኢሲ ቦላ 392፡፡

61-62 ቱሊ-ሜላ፡ ቱሊ-ሃርሻ፡ ኪሩቤ፡ አዶኔኔ
 አሜሪ ጌቲቲዛ ጋጸሬ ካታማታፕ ሲሚዳይቲ ዳላያ፡
 ጸቢያኔ ኔቆዳ ዜራሳታ ቆዳይ ኢሲ ቦላ 642፤ ጌዶ
 ኣቲን ሄይቲ ኡባይ ኢሰራኤሌ ዜራሳ ጌዲዳይሳ
 ኤሪሳናሰ ዳንዳይዛ ሚሺ ዳና፡፡
 63-64 ሃይሳፌ ካሊ ዲዛ ቄሴታ ዜራሳቲ ካሴ ባ
 አዋታ ዜራሳ ዛርኬ ሻኪ ኤሪሳናሰ ዳንዳይቤቲና፤
 ኢስቲካ ሃባዬ፡ ሃቆጾ፡ ባርዚሊ፤ ቄሴታ ባጋ ጌዲዳ
 ባርዚሊዬሰስ ካሴ አዋይ ጋላኦዳ ዳሬን ዩሌቲዳ
 ባርዚሊ ዜራሳፌ ኢሲ ማጫሳዮ ኤኪዳ ጊሻሰ ባ
 ማቼይ አዋ ቆሞ ሱንላን ጸይጌታና ዳንዳይዳሰ፡፡ ካሴ
 ባ አዋታ ዩሌታ ዛርኬ ሻኪ ኤሪሳናሰ ዳንዳይንታ
 ኣጊዳ ጊሻሰ ጌዮንታ አሳ ማላ ቆዳቲዲ ቄሴቲላን
 ኦሳናሰ ዳንዳይቤቲና፡፡
 65 ሄሳ ጊሻሰ ዩሁዳ ዳሬ ኣይሲዛዳይ ኡሪሚኒኔ
 ቱሚሚን * ጸሳሰ ኦሊዛ ቄሴይ ዳንዳና ጋካናሰ ጸሳሰ
 ሸቂዛ ያርሾፌ፡ ካሳፌ ኦኒካ ማናሰ ዳንዳይንታይሳ
 ኢስታሰ ዮቲዳሰ፡፡
 66 ዲኤቲሳፌ ሲሚዳ አሳ ኩሚላ ቆዳይ ኢሲ ቦላ
 42,360
 67 ቃሴካ ኢስታ ኦሳንቻታ፡ ማጫሳታኔ አቱማሳታ
 ቆዳይ 7,337 ቃሴ ማዛሙራ ዩዲዛ ማጫሳቲኔ
 አቱማሳታ ቆዳይ ኢሲ ቦላ 245
 68 ፓራቲ 736፡ ባቁሎቲ 245
 69 ጋሜላቲ 435፡ ሃሬቲ 6,720፡፡
 70 ኢሲ ኢሲ ኬላ አዋቲ ጸሳ ኬላ ኦሶሰ አሞታ
 ሸሺዳ፤ ኢስታ ጌዶፌ ዳሬዛ ኣይሲዛይሲ ጌዳራን 8
 ኪሎኔ ባጋ ጌዲዛ ዋርቃ፡ 50 ጉቃ ሳኔ፡ 530 ቄሴታ
 ማይኦ አሚዳሰ፡፡
 71 ኬላ አዋቲካ ጌዳራን 168 ኪሎ ጌዲዛ ዋርቃኔ
 1,250 ኪሎ ጌዲዛ ቢራ አሚዳ፡፡
 72 አቲዳ አሳቲ 168 ኪሎ ጌዲዛ ዋርቃ 1,100
 ኪሎ ጌዲዛ ቢራኔ 67 ቄሴታ ማይኦታካ አሚዳ፡፡
 73 ቄሴቲ፡ ለዌቲ፡ ጸሳ ኬላ ጊቤ ናጊዛ ዛቤቲ፡
 ዩላ ዩዲዛይቲ ዳራፕ ዳሪዛ ባጋይኔ ጸሳ ኬላን
 ኦሊዛይቲ ኡባይ ኢሲ ቦላ ኢሰራኤሌ ዳሬ አሳይ ባ
 ካታማን ካታማን ጌሊ ዳኢዳሰ፡፡

8

ጸሳ ዋጋ ማጻፋ ናባቤቲላ

1 ኢሰራኤሌ ዳሬይ ላፑንላ ኣጊናን ባ ዲዛ ካታማን
 ካታማን ኡቲዳሰ፤ ሄ ኣጊናን ኮይሮ ጋላሰ ዩሩሳላሚን
 ሃላ ፔንጌ ጌቲቲዛሶን ጋላ ባጋራ አሳይ ኢሲ ዋዚናን
 ጌዲዳ ኢሲ ቦላ ሸቂዳሰ፤ ኢስቲካ ጸሳ ዋጋ ማጻፋ
 ኤራንቻ ጌዲዳ ኣስታማሬ ኢዘራይ ጸሳይ ኢሰራኤሌሰ
 ኣዛዚዳ ዋጋ ማጻፋ ኢስታሰ ኤሃና ማላ ኦይቺዳ፡፡
 2 ሄሳ ጊሻሰ ኢዘራይ ላፑንላ ኣጊናይ ጌሊዳ ኮይሮ
 ጋላሰ ሎኤላ ኣኬካናዉ ዳንዳይዛ ኣሲ ኡባይ፡
 ማጫይ፡ አቱማይ ዉሪ ሸቂዳሶ ዋጋ ማጻፋ ኤኪ
 ዩዳሰ፡፡
 3 ሄ ዳምባን ኢዘራይ ጊሞቤ ፔንጌ ጌቲቲዛይሳ
 ማታን ኤቂዲ ዋንታ ማላዶፕ ሴታ ጋላሰ ጋካናሰ ዋጋ
 ማጻፋ ኣኬካናሰ ዳንዳይዛ ኣሳ ኡባ ሲንላን ባ ቃላ
 ቶቁ ሂሰቲ ናባቢዳሰ፤ ዳሬይ ዉሪ ሎኤላ ሲዩዳሰ፡፡

* 7:65 ኡሪሚኒኔ ቱሚሚይ ቄሴታ ማይኦሰ ሲንላ ባጋራ ቲራ ኪሰን ኡቲዳ ኢስቲ ጸሳ ሼኔ ሻኪ ኤራና ማላ ማዲዛ ሚሻታ፡፡ 7:65 ኬላ
 28:30፤ ዛሬ 33:8 7:73 1ታሪ 9:2፤ ናሃ 11:3

4 ሃ ኦሮሞ አንጃ ገዳና ማላ አዝራይ ማላፊ ኦሮሞ ደቃሪሆን ኤቁዳሰ፤ አዘሰ ኡሻቻ ባጋራ ኤቁዳ አሳቲ ማቲቲያ፤ ሽማኤ፤ እናያ፤ ኡሪያ፤ ሂልቁያን ማኢሳያ ገዲሺን ሃዲርሳ ባጋራ ኤቁዳይቲ ፓዲያ፤ ሚሻኤሌ፤ ማልኪያ፤ ሃሹሜ፤ ሃሺባዳኔ፤ ዛካራሳኔ ማሹላሚ።

5 አዝራይ ደቁ ገዲ ኦሮሞ ማዲራኬዛ ቦላ ከዚ ኤቁዳ ዋዴ አሳይ ወሪ አዛ ቲሺ ሂሰቲ ጸሊዳሰ፤ አዚ ዋጋ ማጻፋ ደይዳ ማላ ኡባ አሳይ ባ ኡቲዳሪሆፕ ደንዲ ኤቁዳሰ።

6 አዝራይ ገታ ጸሳ ጋላቲዳሰ፤ አሳይ ወሪ ባ ኩሼ ፑዴ ዳንሉዲ «አሚን! አሚን!» ገ ዛሪዳሰ፤ ቢታ ቦላ ወሪ ጉፋኒዲ ጸሳሰ ጎይኒዳሰ።

7 ሃሳፊ ጉዬ አሳይ ባ ዲዛሶን ዲዛሶን ደንዲ ኤቁዳሰ፤ ሃይሳፊ ካሊ ሱንሳይ ጸፊቲዳ ለዌ ባጋቲ ዋጋ ማጻፋ ዴራሰ ናባቢዳ፤ አሰቲካ ኢያሶ፤ ባኔ፤ ሽሬቢያ፤ ያሚኔ፤ አቁቤ፤ ሳባታ፤ ሆዲያ፤ ማኢሳያ፤ ቃሊጸ፤ አዛሪያሳ፤ ዮዛባዳ፤ ሃናኔኔ ፓሳዬ።

8 አሰቲካ አሳሰ ናባቢቲዳ ጸሳ ዋጋ ማጻፋይ ሎኢ ጌላና ማላ ሎኤላ ቢርሺ ዮቲዳ።

9 ጸሳ ዋጋ አሳይ ሲዬዳ ማላ ዬኪዳ ገሻሰ ዴሪ አይሲዛ ናሂሚያይ፤ ቁሴኔ ዋጋ ሎኤላ ኤሪዛ አዝራይ፤ ዴሪ ታማርሲዛ ለዌ ባጋቲ «ሃና ጋላሳያ አንቲ ጸሳሰ ዲማቲዳ ጋላሰ ገዲዳ ገሻሰ ጨፎፎፕቲኔ ይኮፍቲ» ገዳ።

10 ናሂሚያይ፤ «ቢዲ ሎኦ ካል ሚቲ፤ ቃሴ ማልኢዛ ኡሹ ኡዬ ኡፋዬቲቲ፤ አይኮይ ባይንዳይታሰ አንቲሰ ዲዛይሳፊ አሚቲ፤ ሃይሲ ኦ ጸሳሰ አንጃቲዳ ጋላሳ፤ ጸሳ ኡፋይሳይ አንቲሰ ዋልቃ ገዲዳ ገሻሰ ጨፎፎፕቲኔ» ገዳሰ።

11 ለዌ ባጋቲ፤ «ሃ አንጃቲዳ ጋላሰ አንቲ ጨፎፎና ቤሴና» ገዲ ዴሪ ሃይዚሲዳ።

12 አሳይ ባ ሲዬዳ ቃላ ሎኤላ ኤሪዳ ገሻሰ ባሶ ቢዲ ካል ሚዲኔ ሃል ኡዬ ኡፋዬቲዲ ባሰ ዲዛ ካላፊ ሃራታሰ ሻኪ አሚዳሰ።

ዳሴ ባኣሌ ቦንቼቲል

13 ላቸንሎ አገናን ናምኡንሎ ጋላሰ ኮራፕቲቲ ቁሴታራኔ ለዌ ባጋታራ አሲፊ ገዲዲ ጸሳ ዋጋ ታማራሰ ጸፊ አዝራኮ ቢዳ።

14 አሰራኤሌ አሳይ ላቸንሎ አገናን ቦንቼቲዛ ዳሴ ባኣሌዛን ዳሴ ገደን ኡታና ማላ ጸሴ ሙሴ ባጋራ አሚዳ አዛዘዚ ዋጋ ማጻፋን ጸፊቲ ዲዛይሳ ደሚዳ።

15 ሃሳ ገሻሰ አሳይ ባ ዲዛ ካታማን ካታማኒኔ ዬሩሳላሚን ቢዲ፤ «ፑዴ ዙማታ ቦላ ከዚቲ፤ ዛይቲይ ከዚዛ ዋጋራ ሚሊኔ ዋራ ዋጋራ ሚላ ሃጋ፤ ባርሲኔቲ ጌቲቲዛ ሚል፤ ዛምባ ሃጋታ ኡሂዲ ዳሴ ዩጌቲ» ገ አዋጃና ማላኔ ዮታና ማላ ካሴ ዋጋ ማጻፋን ጸፊቲዳ ማላ አዛዚዳ።

16 ሃሳ ገሻሰ አሳይ ሚላ ሃጋታ ቃንጺ ኤኪ ኤሂዲ ባ ከላ ፖቁ ቦላን፤ ጸሳ ከላ ፔንጌን ዲዛ ደምባኒኔ ሃላ ፔንጌ ጌቲቲዛ ደምባን፤ ሃሳካ ኤፍሬሜ ፔንጌን ዲዛ ደምባን ዳሴ ዩጌዳ።

17 ዲኤቲላፊ ሰሚዳ አሳይ ወሪ ዳሴ ዩጌዲ አዛ ገደን ኡቲዳሰ፤ ሃሲካ ናዌ ና ኢያሶ ዋዴፕ ሃ ሰሚን ኮይሮ ሃኒዳሰ፤ ሃሳ ገሻሰ አሳይ ወሪ አሶይ አሶይ ከሂ ኡፋዬቲዳሰ።

18 ባኣሌዚ ደሚቲዳ ጋላሳፊ ቢ ወራና ጋላሰ ጋካናሰ አዝራይ ጸሳ ዋጋ ማጻፋፕ ኡባ ዋዴ ጋላሰ ጋላሰ አሲ አሲ ኪፊሌ አሳሰ ናባቢዳሰ፤ ባኣሌዛካ ላቸን ጋላሰ ጋካናሰ ቦንቼዳ፤ ኦሰቸንሎ ጋላሰ ዋጋዚ አዛዘዚ ማላ ባኣሌዛ ወርሴላን ሞይዞ ባኣሌ ኦሊዳ።

9

አሰራኤሌ አሳይ ባ ናጋራ ፓጸል

1 ሃ አገናን ናምኡ ታማኔ ኦይዳንሎ ጋላሰ አሰራኤሌ አሳይ አሲ ቦላ ሸቁዲ ባ ናጋራ ገሻሰ ከሂ ሞዴቲዳይሳኔ ጨፎፎዳይሳ ቆንጨሰናሰ ማቃ ማይኢዲ ባ ሁኤ ቦላ ጉዲላ ላሊዲ ጸሚዳሰ።

2 አሰራኤሌ አሳይ አላጋ አሳ ኡባፊ ባና ሻኪዳሰ፤ ሃሳፊ ጉዬ አሳይ ወሪ ዳንዲ ኤቁዲ አሰቲኔ ካሴ አሰታ አዋቲ ኦሊዳ ናጋራ ኡባ ፓጸዳ።

3 ሃን አሰቲ ኤቁዳ ማላ ዲሺን አሰታ ጸሳ ዋጋ ማጻፋይ ሃሹ ሳቲ ኩሜል አሰታሰ ናባቢቲዳሰ፤ ቃሴ ሃራ ሃሹ ሳቲ ኩሜል አሰቲ ባ ናጋራ ፓጸሺ ጎዳሰ ባ ጸሳሰ ሆኪ ጎይኒዳ።

4 ለዌ ባጋታሰካ ኤቁዛ ማዲራኬይ ዳሰ፤ ሃ ማዲራኬዛ ቦላ ኢያሶይ፤ ባኔይ፤ ቃዲሞኤሌይ፤ ሽባኒያይ፤ ቡኔይ፤ ሽሬቢያይ፤ ባኔይኔ ካናኔይ ኤቁዲ ባ ቃላ ደቁ ሂሰቲዲ ጎዳ ባንታ ጸሳኮ ዋሲዳ።

5 ኢያሶ፤ ቃዲሞኤሌ፤ ባኔ፤ ሃሻቢናዬ፤ ሽሬቢያ፤ ሆዲያ፤ ሽባኒያኔ ፓታያ ጌቲቲዛ ለዌ ባጋ አሳቲ፤ «አንቲ ዳንዲ ኤቁዲ ሚርና ጎዳ አንቲ ጸሳ ጋላቲቲ፤ ጋላታፕኔ አንጃፊ ደቁ ደቁ ገዲ ቦንቼቲዳ ጸሳ ሱንሳ ሳቢቲ» ገዳ።

ማሬታና ዋሲዳ ዋሳ

6 ሃሳፊ ጉዬ አሰራኤሌ አሳይ፤ «ጸሶ፤ ኔ ጸላ ጎዳ፤

ሳሎኔ ሳሎ ቦላ ዲዛይታ፤ ሳኣኔ ሳኣ ቦላ ዲዛይታ፤ ገታ አባኔ አዛ ገደን ዲዛይታ ኡባ ሜዲዳይ ኔና።

ኡባሰ ዳኦ ሽምፖ አማዳሳ፤ ሳሎ ሚዴቲላቲ ኡባይ ኔሰ ጎይኔቲሰ።

7 ጎዳወ፤ ኔኒ ጸሳ! ኔኒ አብራሜ ኡሬ ጌቲቲዛ ካላዳዌ ዴሬፕ ዶራዳ ጴይጋ ከሳዳሳ፤ አዛ ሱንሳካ አብራሃሚ ጋዳሳ።

8 አዚ ኔሰ አማኔቲዳ አሰ ገዲዳይሳ ቤያዳ አዛራ ጫቋታዳሳ፤ ካናኔ አሳይ፤ ሂቲ አሳይ፤ አዋሪ አሳይ፤ ፓሪዜ አሳይ፤ ያቡሴ አሳይኔ ጌርጌሴ አሳይ አዛን ዲዛ ቢታ፤ አዛ ዜሬላታሰ

ዲሳ ቢታ ገዲና ማላ
ላተሳናሰ ጫቆ
ቃላ ገላዳሳ፤
ኔኒ ጸሎ ገዲዳ ገሻሰ
ኔ ጫቆ ቃላ ሚንላ ርጋዳሳ።

- 9 «ኔኒ ኑ አዋታ ቦላ
ካሴ ገብጾ ቢታን ጋኪዳ
ዋዬዛ ቤያዳሳ፤
ኢሰቲ ዘኑ አባ ማታን ዲሼ
ማዶ ኮዩዲ
ኔና ዋሲዳ ዋሳ ሲያዳሳ።
- 10 ገብጾ ካዋ ቦላ፤
ሹሚታ ቦላኔ
ሄ ቢታን ዲዛ አሳ
ኩሚላ ቦላ
ገታ ማላታታ ቆንጨሳ ቤሳዳሳ።
ሄሳ ኔ ኦሊዳይ ካሴ ኑ አዋታ
ገብጾ አሳይ አይ ማላ ኢሰታሰ
ሚንጾ ኢቲዲ ዋዩሲዳኮ
ኔ ቤኢዳ ገሻሳ፤
ኔ ሄሳ ኦሊዳሳ ጋሶን
ሃኛ ጋካናሰ
ኔ ሱንላይ ቦንቸን
ጾይጌታና ማላ ኦላዳሳ።
- 11 ኢሰታ ሲንላን አባ
ናምኡ ኬሳ ሻካዳ፤
ሚላ ቢታራካ
ኢሰታ ፒንላዳሳ፤
ሹቾ ዲጌ ጨማ ሃላ
ገደን ዩጊዛ ማላ
ኢሰታ ጎዲዛይታ ጨማ
ሃላ ገደ ዩጋዳሳ።
- 12 ጋላሰ ቱሳ ማላ ኤቁዳ ሻራን፤
ኦማርሲ ቱሳ ማላ
ታማን ፖኢሳዳ
ኢሰቲ ባናሰ ቤሲዛ ኦጌራ
ባና ማላ ካሌላዳሳ።
- 13 «ሳሎፔ ዲጌ
ሲና ዙማ ቦላ ዋዳዳ
ኔ ደሬዛ ሃሳይሳዳሳ፤
ሎኑ ዋጋታኔ ሱሬ ቲሚርቲታ
ኔ ኢሰታሰ ኢማዳሳ።
- 14 ጌሻ ኔ ሳምባታ
ኢሰቲ ቦንቸና ማላ
ታማርሳዳሳ፤
ኔ አዛዘታ፤ ዋጋታኔ ማራታ
ኔ ኦሳንቻ ሙሴ ባጋራ
ኢሰታሰ ኢማዳሳ።
- 15 ኢሰቲ ጋሬቲዳ ዋዴ
ሳሎፔ ካሳ ኢማዳሳ፤
ኢሰቲ ሳሜቲዳ ዋዴ ሃሳ
ዛላፌ ኢሰታሰ ፑልቲሳዳሳ፤
ቃሴ ኔ ኢሰታሰ ኢማና ጋዳ
ጫቁዳ ቢታ ጌሊዲ

ኤካና ማላ አዛዘዳሳ።

- 16 «ካሴ ኑ አዋቲ ኦቶራንቻኔ
ዋዚና ሙሚ ገዲዳ ገሻሰ
ኔ አዛዘ ርገቤቲና፤
- 17 ኔሰ አዛዘቲቤቲና፤
ኔ ኢሰታሰ ኦሊዳ ገታ
ማላታካ ኡባ ዶገዳ፤
ዋዚና ሙሚ ገዲዳ፤
ቃሴ ጉዬ ገብጾ አይሌቴላን
ዛራና ማላ
ባንታና ካሌሊዛ
አሰ ዶሪዳ።
ገደ አቲን ኔኒ ሲቆን
ኩሚዳ ጸሳ፤
ሃንቆሰ ታኪዛ ጸሳ፤
አቶ ገዛ ጸሳ፤
ኪያኔ ማሪዛ
ጎዳ ገዲዳ ገሻሰ
ኔ ኢሰታ አጋቤካ።
- 18 ማራ ሌሚሶን ባሰ ኤቃ ጸሰ ኦሊዳ፤
ፍገብጾ ቢታፌ
ኩና ካሌሊዲ ኬሲዳ
ጸሲ ሃይሳኮ!፤ ገዳ።
ኔ ሱንላካ አይ ማላ
ሞሮ ሞሪዳ!
- 19 «ኔ ማርታይ ገታ ገዲዳ ገሻሰ
ኢሰቲ ሄን ባዘ ቢታን ዳዩ
አታና ማላ አጋቤካ፤
ገደ አቲን ኢሰቲ ጋላሰ
ቱሳ ማላ ሻራን
ኦማርሰ ቱሳ ማላ ታማን
ኢሰቲ ባናሰ ቤሲዛ ኦጌራ
ኢሰታ ካሌላ አጋቤካ።
- 20 ሎኑ ገዲዳ ኔ አያና
ኢሰታ ታማርሳና ማላ ኢማዳሳ፤
ኢሰታሰ ማና ማላ ማና፤
ኡያና ማላ ሃሳ ኢማዳሳ።
- 21 ኦይዲ ታሙ ላይሳ ኩሚሳ
ኢሰታ ባዘ ቢታን ማዳዳ
ኢሰታሰ ኮሺዛ ሚሹ
ኢሲኖካ ዲጋቤካ፤
ኢሰቲ ማይኢዳ ማይኦይ
ዉሪቤና፤
ቃሴ ኢሰታ ቶሆይካ
ፑሪቤና።
- 22 «ኢሰታ ዴራ ዩዩ
አዲ ዲዛ ዴሬታኔ
ኢሰቲ ካዋቲላታ ኡባ
ጸኒዲ ሄ ቢታ
ኤካና ማላ ኦላዳሳ፤
ሄሳ ገሻሰ
ካዋ ሲሆኔይ አይሲዛ
ሃሴቦኔ ጌቲቲዛ ቢታኔ

9:8 ሜዴ 15:18-21 9:9 ኬሳ 3:7፤ 14:10-12 9:10 ኬሳ 7:8—12:32 9:11 ኬሳ 14:21-29፤ 15:4-5 9:12 ኬሳ 13:21-22
9:14 ኬሳ 19:18—23:33 9:15 ኬሳ 16:4-15፤ 17:1-7፤ ዛሬ 1:21 9:17 ኬሳ 34:6፤ ታይ 14:18 9:18 ኬሳ 32:1-4 9:22
ታይ 21:21-35

ካዎ አገይ አይሰዘ
 ባሳኔ ጌቱቲዛ ቢታ
 ጸኒዲ ላቲዳ።
 23 ኢስታሰ ቆዳይ ሳሎ ጸለጎቲ ማላ
 ዳራዳ ናይታ ኢማዳሳ፤
 ካሴ ኢስታ አዋታሰ ኔ ኢማና ጋ
 ቃላ ጌሊዳ ቢታ
 ኢስቲ ጸኒ ላታና ማላ
 ኦላዳሳ።
 24 ኢስታ ናይቲ ካናኔ ቢታ
 ጸኒ ላቲዳ፤
 ሄ ቢታን ዲዛ አሳታ
 ኔኒ ጸናዳሳ፤
 ኢስታ ካዎታ ቦላኔ ካናኔ
 ቢታን ዲዛ አሳታ ቦላ
 ባ ደሲዳ ማላ ኦላና ማላ
 ዋልቃ ኢማዳሳ።
 25 ቃሴ ሎኪ ገምቤቲዳ
 ካታማታኔ አራዳ ቢታ፡
 ሎኦ ሚሽ
 ኢስታን ኩሚዳ ኬላታ፡
 ሃላ ኦላታኔ
 ዋይኔ አታኪልቲይ ቶኬቲዛ ጋዴ፡
 ዋጋራ ሚላታኔ ዳር አይፊ
 አይፊዛ ሚላታ ላቲዳ፤
 ሚዲኔ ኡዪዲ ሞዲዳ፤
 ኔኒ ኔ ኪያቲላን ኢሚዳ ሎኦ ሚሻን ወሪ
 ኡፋዬቲዳ።
 26 «ጊዶ አቲን ኢስቲ ኔ ቦላ ማካሊዳ፤
 ሳኔ ቃላሰካ አዛዜቶኮ» ጊዳ፤
 ኔ ዋጋ ሲዮኮ ጊዲ
 ኔሰ ዘኮ ዛሪዳ፤
 ቃሴ ኢስቲ ኔኮ ዛራና ጊዲ
 ሴሪ ታማርሲዳ ናቤታ ዋዲዳ፤
 ኡባ ዋዴ ኔ ቦላ
 ጫሻ ቃላ ሃሳይዳ።
 27 ሄሳ ጊሻሰ ኢስታ ሞርኬቲ
 ኢስታ ጸኒዲ ሃራና ማላ
 አላ ኢማዳሳ፤
 ሞርኬቲካ ኢስታ ሜቶላዳ፤
 ኢስቲ ባንታና ሜቲዳ ዋዴ
 ኔኮ ዋሲዳ፤
 ኔካ ኢስታ ዋሳ
 ሳሎን ዳዳ ሲያዳሳ፤
 ኔ ማርቴላ ጊታቴላፊ ዴንዲዳይሳን
 ኢስታ ሞርኬታፔ አሻና
 ካሌሊዛይታ ዬዳዳሳ።
 28 «ጊዶ አቲን ሳር ዴሚዳ ዋዴ
 ቃሴካ ሲሚ ናጋራ ኦሊዳ፤
 ሄሳ ጊሻሰ ኔ ኢስታ ሞርኬታሰ
 አላ ኢማዳሳ፤
 ኢስታ ሞርኬቲካ ኢስታ ሃሪዳ፤
 ጊዶ አቲን ኔ ማዳና ማላ ጊዲ
 ኔኮ ሲሚ ዋሲዳ ዋዴ
 ሳሎን ዳሴ ኢስታ ዋሳ ሲያዳሳ፤

ኔኒ ኔ ቃዴቴላፊ
 ዴንዲዳይሳን
 ኢስታ ኡባ ዋዴ ማዳዳሳ።
 29 ኔ ቃላኮ ሲማና ማላ
 ኔኒ ኢስታ ሴራዳሳ፤
 ጊዶ አቲን ባ ኦቶሮቴላፊ
 ዴንዲዳይሳን
 ኔ አዛዘታ ካዲዳ፤
 ኢስቲ አዛዜቲዳኮ
 ኢስታሰ ዴኦ ኢሚዛ
 ኔ ዋጋታ ቦላ ናጋራ ኦሊዳ።
 ኢስታ ዋዚናይ ሙሚዳ ጊሻሰ
 ባ ሲንላ ሃራሶ ዛሪዳ፤
 ቃሴ ባ ዋዚና ሙሚሲዲ
 ኔ አዛዘታ ኢዲዳ።
 30 ዳር ላይላ ኔ ኢስታ ዳንዳያዳሳ፤
 ኢስታ ታማርሳና ማላ ናቤታ
 ኔ አያናን ኢስታሰ ዴንላዳሳ፤
 ጊዶ አቲን ኢስቲ ሎኤላ
 ሲዪቤቴና፤
 ሄሳ ጊሻሰ ኢስታ ዴሬ
 ማታን ዲዛ አሳቲ
 ጸናና ማላ
 ኢስታ አላ ኢማዳሳ።
 31 ጊዶ አቲን ኔ ማርቴላ
 ጊታቴላፊ ዴንዲዳይሳን
 ኢስታ አጋቤካ፤
 ኔ ኪያኔ አቶ ጊዛ
 ጸሳ ጊዲዳ ጊሻሰ
 ኢስታ ዳይሳቤካ።
 32 ጊታ፡ ዋልቃማኔ ያሺዛ
 ኦ ጸሳዉ!
 ኔኒ ኔ ጫቆ ቃላኔ ሜርና ጋካናዉ ዲዛ
 ኔ ሲቆ ናጋሳ፤
 ኦ ቦላ፡ ኦ ካዎታ ቦላኔ
 ኦና ካሌሊዛይታ ቦላ
 ኦ ቁሴታ ቦላኔ ኦ ናቤታ ቦላ
 ኦ አዎታ ቦላ፡
 ቃሴካ ዴሬ ኡባ ቦላ፡
 አሶሬ ካዎታፔ ደሚዲ
 ሃኙ ጋካናሰ ጋኪዳ ሜቶ
 ኡባ ኔ ቆፓ።
 33 ኔ ኦና ቃዳያና ጋዳ
 ኔ ኦሊዳይሲ ዉሪ ሊኬ፤
 ኦኒ ናጋራ ኦሊኮካ
 ኔኒ ኔ አማኔቴላን
 ሚና ኤቃዳሳ።
 34 ካሴ ኦ አዋቲኔ
 ኦ ካዎቲ፡
 ኦና ካሌሊዛይቲኔ ኦ ቁሴቲ
 ኔ ዋጋ ናጊቤቴና፤
 ቃሴ ኔ ኢስታሰ ኢሚዳ
 አዛዘታኔ
 ሴራ ዘሬ ሲዪቤቴና።
 35 ኔ ኢስታ ካዎቲላን
 ኢስታሰ ጊታ አንጆ ኢማዳሳ፤
 አራዳኔ አሆ ቢታ

ኢስታስ አማዳሳ፤
 ጊደ አቲን ኢስቲ
 ባ ናጋራፔ ሲሚዲ
 ኔስ ጎይኒቤቲና።
 36 ሄሳፌ ዳንዲዳይሳን
 ኔ ኔ አዋቲ
 አይፌዮ ማና ማላኔ
 ሎኦ ሚሻን ኡፋዬታና ማላ
 ኔ ኢስታስ አማዳ ቢታን
 ሃኙ ኔ አይሌ ጊዲደስ።
 37 ኩኒ ናጋራ ኦሊዳ ጋሶን
 ኔኒ ኔ ቦላ ካዋሊዳ ካዎቲ
 ኔ ቢታ አንጅ ኡባ
 ኢስቲ ጎኤቲቲስ፤
 ቃሴ ኔ ቦላኔ ኔ ሜሃታ ቦላ
 ባ ኮዩዳ ማላ ኦሌቲስ፤
 ሄሳፌ ዳንዲዳይሳን
 ኩኒ ሃኢ ጊታ ዋዬ ቦላ ደስ።

አሳይ ቃቺዳ ቃላ ፐርማን ቆንጨሴል

38 «ሃኒዳ ዮኑ ኡባስ ኩኒ ኢስራኤል አሳይ ቃላን
 ጋጊዳይሳ ጸፊ ዋላናስ ቃላ ቃቺደስ፤ ኑ ቃቺን ጸፊቲዳ
 ቃላ ቦላ ኩና ካሌሊዳይቲ፤ ሌዌ ባጋቲኔ ኑ ቁሴቲ ባ
 ማታሜ ሾጩዳ» ጊዳ።

10

- 1 ማታሜ ሾጩዳይቲ ሃካሊያ ና ዳሬ አይሲዛ ናሃሚያ፣ ሴዴቂያሳ፣
- 2 ቁሴታ ባጋፊ ሳራያ፣ አዛሪያሳ፣ ኤርማሳ
- 3 ፓሽኩሬ፣ አማሪያ፣ ማልኪያ፣
- 4 ሃጺሹ፣ ሹባኒያ፣ ማሉኬ፣
- 5 ሃሪሜ፣ ሚርሞቲ፣ አብዲዩ፣
- 6 ዳኔላ፣ ጊንቶኔ፣ ባሮኬ፣
- 7 ማሹላሜ፣ አቢያ፣ ሚያሚኔ፣
- 8 ማአዚያ፣ ቢልጋዬኔ ሻማኤ።
- 9 ሌዌ ባጋታፔ አዛኒያ ና ኢያሶ፣ ሄናዳዴ ዛሬፔ ቢኑዌ፣ ቃዲሞኤሌ፣
- 10 ኢስታ አሻታፔ ሹባኒያ፣ ሆዲያ፣ ቃሊጻ፣ ፓላዬ፣ ሃናኔ፣
- 11 ሚካ፣ ኤራሆቤ፣ ሃሻቢያ፣
- 12 ዛኩሬ፣ ሹሬቢያ፣ ሹባኒያ፣
- 13 ሆዲያ፣ ባኔኔ ቤኒኔ።
- 14 ዳሬ አይሲዳይታ ባጋፊ ፓሮሴ፣ ፓሃቴ-ሞአቤ፣ ኤላሜ፣ ዛቶ፣ ባኔ፣
- 15 ቡኔ፣ አዘጋዳ፣ ቤባዬ፣
- 16 አደኒያሳ፣ ቢጉዋዬ፣ አዲኔ፣
- 17 አጻሬ፣ ሂዘቂያሳ፣ አዙሬ፣
- 18 ሆዲያ፣ ሃሹሜ፣ ቤሳዬ፣
- 19 ሃርፔ፣ አናቶቲ፣ ኔባዬ፣
- 20 ማጊፕአሹ፣ ማሹላሜ፣ ሄዚሬ፣
- 21 ሚሹዛቤሌ፣ ሳዶቂ፣ ያዲኤ፣
- 22 ፓላጺያ፣ ሃናኔ፣ አናያ፣
- 23 ሆሴኤ፣ ሃናኒያ፣ ሃሹቤ፣
- 24 ሃሉሃሹ፣ ፒሊሃ፣ ሾቤቄ፣
- 25 ኤሬሀሜ፣ ሃሻቢኔ፣ ማኢሳያ፣
- 26 አካያ፣ ሃናኔ፣ አናኔ፣
- 27 ማሉኬ፣ ሃሪሜኔ ባአና።

ኢስራኤል አሳይ ዋሊዳ ጫቆ ቃላ

28 «አቲዳ አሳይ፣ ቁሴቲ፣ ሌዌ ባጋቲ፣ ጸሳ ኬላ ጊቤ ናጊዛ ዛቤቲ፣ ዬላ ዬጸዛይቲኔ ጸሳ ኬላ ኦሳንቻቲ ቃሴካ ጸሳ ዋጋስ አዛዜታና» ጊዲ አይዛቤታፔ ባና ሻኪዳ አሳቲ ባ ማቺታራ፣ ባ አቲማ ናይታራኔ ማጫ ናይታራ ኢሲፌ ጊዲዲ ኤሪዛይቲኔ አኬኪዛይቲ ኡባይ ጫቂዳ፤
 29 ባና ካሌሊዳይታራ ኢሲፌ ጊዲዲ ጸሳ አይሌ ሙሴ ባጋራ ኢሜቲዳ አዛዘታ፣ ፐርዳኔ ዋጋ ናጋና ጊዲ ቃላ ጌሊዳ፤ «ሃሳላ ኦሳንታ አጊኮ ኩና ጎሞ፤
 30 ኑ ዳሬ ሄራን ዲዛ አይዛቤታፔ ማቸ ኑ ናይታስ ኤኮንታ ማላኔ ኑ ማጫ ናይታ ጌዳ ኢሞንታ ማላ ጫቆስ።
 31 «አይዛቤቲ ባ ዳሬፔ ሳምባታ ጋላስ ዋይኮ ሃራ ባአሌታን ካል ዋይኮ አይ ሚሺካ ዛልኤስ ኤኪ ዩኮ ኢስታፌ ሻሞኮ። ላፑንላ ላይላን ላይላን ኑ ጋዴ ሹምፕሳናስ ጎዮኮ፤ ኑ ታልኤ ኢሚዳ አጮዛካ ዛሪ ኤኮኮ።
 32 «ላይላን ላይላን ጸሳ ኬላ ኦሶስ ማዲዛ ቢራ ሄቫፌ ኢሲ ኩሹ ኑ ኤሂ ኢሚና።
 33 ሃሳላካ ጸሳ ኬላ ኦሶስ ቤሲዛ ሚሻታ ኩንሊዲ ሺሻና፤ ሄይቲካ ዲማቲዳ ኡኬል፣ ጋላስ ጋላስ ሺቁዛ ያርሾ ካል፣ ጸጌቲዛ ያርሾስ ጊዲዛ ሜሃታ፣ ሳምባታ ጋላሳታን፣ አጊናይ ጋኪሺኒኔ ሃራ ባአሌ ጋላሳታን ሺቁዛ ሃራ ጌሻ ያርሾ ኡባ፣ ኢስራኤል አሳ ናጋራ ዉርሳናስ ሺቃና ቤሲዛ ሚሺኒ ጸሳ ኬላ ኦሶስ ኮሺዛ ሚሻታ ኡባ ኢሚና።
 34 «ያርሾ ጊሻስ ሙሴ ዋጋን ጸፊቲዳ ማላ ጎዳ ኑ ጸሳስ ሺቁዛ ያርሾ ጸጋናስ ቤሲዛ ኤሶ ሚላ ሺሻና ቤሲዛ ቆሞቲ ኦናንታኮ ኤራናስ ኩኒ ዳሬይ ቁሴቲኔ ሌዌ ባጋቲ ላይላን ላይላን ሳማ ዩጊዲ ዮአዛ ቃቸስ።
 35 «ላይላን ላይላን ኑ ካላታኔ ሚላ አይፌታ ማጺ ሺሺዛ ዋዴ ኮይሮ ጋኪዛ ሻቻስ ጸራ ጸሳ ኬላ ኤፊ ኢሚና።
 36 «ኑፔ ኢሶይ ኢሶይ ኮይሮ ዩሌቲዳ አቲማ ናይታ ጸሳ ዋጋይ አዛዚዛ ማላ ኢስታ ጸሳስ ዲማሳና፤ ጸሳ ኬላን ኦሊዛ ቁሴታስ ኢሚና፤ ቃሴ ኑ ሚዛታፔ፣ ኑ ደርሳታፔ፣ ኑ ዳይሻታፔ ኮይሮ ዩሌቲዛ ማራታኔ ላቃታ ኡባ ጸሳስ ዲማ ሻካና።
 37 «ኩኒ ካል ሺሺዛ ዋዴ ኮይሮ ጋኪዛ ካላ ዲሌፌ፣ ዲማ ዲማ ሜቲቲዛ ሚላ አይፌፔ፣ ኦራላ ዋይኔ ኡሻፌኔ ዋጋራ ዛይቲ ኡባፌ ዳራ ጸሳ ኬላን ኦሊዛ ቁሴታስ ኤሂ ኢሚና፤ ኑ ጎሻ ጋይይ ዲዛሶን ዲዛሶን ካጺዛ ካላፌ ጊራ ቃንጺሲዛ ሌዌ ባጋታስ ታማፌ ኢሲ ኩሹ ኢሚና።
 38 አስራታይ ሺቁዛ ዋዴ አርኔ ዜሬላፌ ጊዲዳ ቁሴይ ሌዌ ባጋታራ ኢሲፌ ኤኬቲስ፤ ሌዌ ባጋቲ ጸሳ ኬላ ኦሶስ ሺሺዳ አስራታፔ ታማፌ ኢሲ ኩሹ ጸሳ ኬላ ሚሻ ኡቲዛ ሚንጃ ኬላን ዋሌቲስ።
 39 ኢስራኤል አሳይኔ ሌዌ ባጋቲ ካል፣ ዋይኔ ኡሹኔ ዋጋራ ዛይቲ አሞታ ጸሳ ኬላ ሚሻቲ ኡቲዛሶኒኔ ቁሴቲ፣ ጸሳ ኬላ ጊቤ ናጊዛ ዛቤቲኔ ዬላ ዬጸዛይቲ ሹምፕዛ ሚንጃ ኬላን ኤሂ ዋሌቶ።
 «ሃሳ ጊሻስ፣ ኩ ጸሳ ኬላ ኦሶ ኩና አይ ሜቲዳ!» ጊ አጎኮ» ጊዲ ጫቂዳ።

10:30 ኬሳ 34:16፤ ዛሬ 7:3 10:31 ኬሳ 23:10-11፤ ሌዌ 25:1-7፤ ዛሬ 15:1-2 10:32 ኬሳ 30:11-16 10:35 ኬሳ 23:19፤ 34:26፤ ዛሬ 26:2 10:36 ኬሳ 13:2 10:37 ታይ 18:21 10:38 ታይ 18:26

11

ዩራሳላሚን ዲዛ አሳ

1 ደራ ካሌሊዘይቲ ዩራሳላሚን ደኢዳ፤ ቃሴካ ሃንኮ ታሙ ኩላ አሳፕ ኢሲ ኩላ አሳ ገሽ ገዲዳ ዩራሳላሚ ካታማን ዳናይታሰ ሳማ ዩጊ ደራዳ፤ ሃንኮ አቲዳ አሳይ ገዲኮ ደማ ደማ ካታማታ ባሰ ደላሶ ኦሊዳሰ፤

2 አሳይካ፡ «ዩራሳላሚን ዳና» ገዲ ባ ሹኔን ዳንዳቲዳ አሳ ኡባ አንጂዳሰ።

3 ሃራ ጉታታኒኔ ካታማታን ደኢዛ ኢሰራኤል አሳይ፡ ቁሴቲ፡ ለዌ ባጋቲ፡ ጸሳ ኩላ አሳንቻቲኔ ሶሎሞኔ አይሌታ ዜራላቲ ባ ሃርይ ዲዛሶን ዲዛሶን ደኢዳ፤ ሃይሳፊ ካሊ ጸፊቲዳይቲ ዩራሳላሚን ደኢዛ የሁዳ ዳሬ ካሌሊዛ አሳታ።

4 የሁዳ ዛርኩፊ ዩዳ ካሌሊዘይቲ ፓሪሴ ዜራላፊ ገዲዳይቲ ማላልኤሌ ና፡ ሻፋዲያ ና፡ አማሪያ ና፡ ዛካራሳ ና፡ ኦዚያ ና፡ አታዩያ፡

5 ሴሎ ዜራላፊ ዛካራሳ ና፡ ዮያሪቤ ና፡ አዳያ ና፡ ኦዚያ ና፡ ኮሊ-ሆዜ ና፡ ባርኬ ና፡ ማኢሳያ።

6 ዩራሳላሚን ኡቲዳ ፓሪሴ ዜራላታፕ ኤሬቲዳ ዋልቃማ አሳቲ 468።

7 ቢኒያሜ ዜራላታፕ፡ ዩሻኢያ ና፡ ኢቲኤሌ ና፡ ማኢሳያ ና፡ ቆላያ ና፡ ፓዳያ ና፡ ዮኤዳ ና፡ ማሹላሚ ና፡ ሳሉዬ፡

8 ሳሉሰ ማታ ዳቦቲ፡ ጋባያኔ ሳሉዬ፡ ዩራሳላሚን ደኢዛ ቢኒያሜ ዜራላቲ ኢሲ ቦላ 928።

9 ዚኩሪ ና ኢዩኤሌይ ኢሰታ ካሌሊዘይሳ ገዲሺን ሃሳኑኤ ና የሁዳይ ኢዛፕ ጋርሳራ ካታማ አይሲዛ ናምኣንሎ ዳና።

10 ቁሴታ ባጋፊ፡ ዮያሪቤ ና፡ ያዳያ ና፡ ያክኔ ና፡

11 ጸሳ ኩላ ሃላቃ ገዲዳ አሃጹቤ ና፡ ማራዮታ ና፡ ሳዶቁ ና፡ ማሹላሚ ና፡ ኪልቁያሳ ና ሳራያ፡

12 ኢሰታራ ኢሲፊ ጸሳ ኩላ ኦሶ ኦሊዳ አሳይ ኢሲ ቦላ 822፤ ማልኪያ ና፡ ፓሽኩሬ ና፡ ዛካራሳ ና፡ አሞዛኔ ና፡ ፓላሊያ ና፡ ዩርሃሚ ና አዳያ፡

13 ሃ ዜራላታ ገዲፊ 242 ኮራፕኔታ። አሚሪ ና፡ ማሽሌሚቲ ና፡ አሃዛያ ና፡ አዛሪኤሌ ና፡ አማሽሳ፡

14 ሃ ዜራላታ ገዲፊ ኤሬቲዳ ዋታዳራቲ 128፤ ኢሰታ ካሌሊዘይ ሃገደሌሜ ና ዛብዲኤሌ።

15 ለዌ ባጋፊ፡ ቡኔ ና፡ ሃሻቢያ ና፡ አዘርቃሜ ና፡ ሃሹቤ ና ሻማኤ፡

16 ሳባታይኔ ዮዛባዳ ጌቲቲዛ ኤዌ ባጋታ ካሌሊዘይቲ ጸሳ ኩላሰ ካሪ ባጋራ ኦሴቲዛ ኡባ ኦሶሰ አላፊታ።

17 ዛብዳ ና፡ ሚካ ና ማታኒያ፡ ዩላ ዩዲዘይታ ሃላቃ ገዲዳ አሳፊ ና፡ ባ አሻታፕ ናምኣንሎዛ ባቁቡቁያ፡ ሻሙኤ ና ገዲዳ አቢዳ ና፡ ጋላሌ ና፡ ኤዶታኔ ና።

18 ለዌ ዜራላታፕ 284 አሳቲ ገሻ ካታማ ዩራሳላሚን ደኢዳ።

19 ጸሳ ኩላ ገቤ ናገዛ ዛቤቲ፡ አቁቤ፡ ጸልሞኔኔ ኢሰታራ ኢሲፊ ኦሊዛ ዛቤቲ 172።

20 ሃንኮ ኢሰራኤሌ አሳይ፡ ቁሴቲኔ ለዌ ባጋቲ ወሪ ባ ጋዳን ጋዳን የሁዳ ካታማ ገዲን ደኢዳ።

21 ጸሳ ኩላ አሳንቻቲ ዩራሳላሚሰ ኢሲ ባጋራ ዲዛ ኦፊሌ ጌቲቲዛ ዶቃሶሆን ዳቲሰ፤ ጸሃይኔ ገሻፋ ጌቲቲዘይቲ ኢሰታሰ ሃላቃታ።

22 ዩራሳላሚን ለዌታ ባጋ ሃላቃ ሚካ ና፡ ማታኒያ ና፡ ሃሻቢያ ና፡ ባኔ ና፡ ኡዜይ ጸሳ ኩላን ዩላ ዩዲዘይታ ሃላቃ ገዲዳ አሳፊ ዜራላ።

23 ኢሰቲ ጋላሰ ጋላሰ ጸሳ ኩላን ዩዲዘይታ ዩላ ማራን ማራን ታራ ኦይኪ ዩዳና ማላ ካዋፕ ኢዛሰ ኢሚቲዳ አዛዘይ ዳሰ።

24 የሁዳ ዛርኩን ዛራሃ ዛሪፕ ሚሽዛቤሌ ና ፓታያይ ፓሪሴ ካዋቲላ ገዲን ዲዛ ኢሰራኤሌ ዳራ ኮሽዛ ዮኦታሰ ካዋ ኢንዲራሴ።

ሃራ ቁሪ ካታማታን ዲዛ አሳ

25 የሁዳ አሳፕ ኢሶቲ ኢሶቲ ባ ጋዳ ማታን ዲዛ ካታማታ ቁሪያቲ-አርባኤኒኔ ኢዛ ማታን ዲዛ ጉታታን፡ ዲቦኒኔ ኢዛ ሃራን ዲዛ ጉታታን ቃሴ ዩቁቤዶኤሌኒኔ ኢዛ ሃራን ዲዛ ጉታታን ኡቲዳ።

26 ሃራይ ቃሴ ኢያሶ፡ ሞላዳ፡ ቤቲ-ጳሌዶ፡

27 ሃጸራ-ሹኣሌ ጌቲቲዛ ካታማታን ዳቲሰ፤ ቤርሳቤሃኒኔ ኢዚ ሃራን ዲዛ ቁሪ ካታማቲካ ኢሰታሰ ዲሳሶ፤

28 ጸገላገ ካታማን ሃራፕካ ሚኮናኒኔ ኢዚ ሃራን ዲዛ ጉታታን፡

29 ኤን-ሪሞናን፡ ጸራኣን፡ ያርሙቲን፡

30 ዛናሃን፡ አዲላሚኒኔ ሄ ካታማታ ማታን ዲዛ ጉታታ ኡባሶን ዳቲሰ፤ ቃሴ ላኪሽኒኔ ኢዚ ማታን ዲዛ ጋዳታን፡ አዜቁኒኔ ኢዚ ማታን ዲዛ ጉታቲ ወሪ ኢሰታሰ ዲሳሶ፤ ሃሳላካ የሁዳ ዳሬ አሳይ ዲጌ ባጋራ ቤርሳቤሃፕቲ ቢዲ ፑዳ ባጋ ሃናሚ ሸባፊ ሃ ሲሚን ዲዛሶን ኡቲዳ።

31 ቃሴካ ቢኒያሜ ዜራላቲ፡ ጌባን፡ ማኪማሴን፡ አዬን፡ ቤቲሌኒኔ ኢዚ ሃራን ዲዛ ጉታታን ዳቲሰ፤

32 ቃሴ አናቶቲን፡ ናቤን፡ አናኒያን፡

33 ሃጸራን፡ ኤራማን፡ ጌቲሜ፡

34 ሃዲዴን፡ ጸቦኢሚን፡ ናባላጸን፡

35 ሎዳኒኔ፡ ኦኖን ሃሳላካ «ኩሹ ሃላንቻታ ሸባ» ጌቲቲዛሶ ኡባይ ኢሰታሰ ዲሳሶ።

36 የሁዳ ዳሬ ጋርሳን ዲዛ ለዌ ባጋታፕ ባጋይቲ ቢኒያሜ ዳሬራ ኢሲፊ ኡቲዳ።

12

ዲኤቲላፊ ሲሚዳ ለዌታ ሱንላኔ ቁሴታ ሱንላ

1 ሳላቲያሌ ና ዜራባቤሌኔ ቁሴታ ሃላቃ ኢያሶራ ዲኤቲላፊ ሲሚዳ ቁሴታ ሱንላኔ ለዌታ ሱንላ ሃይሳፊ ካሊዘይሳ፤ ቁሴቲ፡ ሳራያ፡ ኤርማሳ፡ ኢዘራ፡

2 አማሪያ፡ ማሉኬ፡ ሃጹሹ፡

3 ሻካኒያ፡ ኤሪሁሜ፡ ሚርሞቲ፡

4 ኢዳ፡ ገንቶዬ፡ አቢያ፡

5 ሚያሚኔ፡ ማኢዲያ፡ ቢልጋ፡

6 ሻማኤ፡ ዮያሪቤ፡ ያዳያ፡

7 ሳሉ፡ አሞኬ፡ ኪልቁያሳ፡ ያዳያ። ሃይታንቲ ቁሴታ ሃላቃ ኢያሶ ዋዳን ባ ባጋ ቁሴታ ካሌሊዘይ ቁሴታ።

8 ለዌታ፡ ጋላታ ዩላ ዩዲሰዘይታሰ አላፊ ገዲዳ ለዌቲ፡ ኢያሶ፡ ቢኩዌ፡ ቃዲሞኤሌ፡ ሹሪቢያ፡ የሁዳኔ ማታኒያ።

9 ባቁቡቁያ፡ ኡኔኔ ሃራ ለዌ ባጋፊ ገዲዳ ኢሰታ ኢሻቲ ኢሰታራ ኢሲፊ ሶሬኒኔ ኤዳን ኢሶይ አሳፊ ኤኪ ዩዲቲሰ።

10 ኢያሶይ ኢዮአቁሜ ዩሊዳሰ፤ ኢዮአቁሜይ ኤልያሹቤ ዩሊዳሰ፤ ኤልያሹቤይ ዮያዳኤ ዩሊዳሰ።

11 የያዳኤይ የናታኔ ዩሊዳሰ፤ የናታኔይ ያዳኤ ዩሊዳሰ።

ቄሴታ ዜራላ ሃላቃታ

12 እየአቁሜይ ቄሴታ ሃላቃቱን ዲዛ ዎዴ ቄሴቲኔ ኢሰታ ሃላቃቲ ሃይሳፌ ካሊዛይታ፤ ሳራያ ዜራላፌ ማራዬ፣ ኤርማሳ ዜራላፌ ሃናኒያ፣

13 ኢዝራ ዜራላፌ ማሹላሜ፣ አማሪያ ዜራላፌ ዪሆሃና፤

14 ማሉኬ ዜራላፌ የናታኔ፣ ሹባኒያ ዜራላፌ የሱፊ፣

15 ሃሪሜ ዜራላፌ አዳና፣ ማራዮታ ዜራላፌ ሂልቂያ፣

16 ኢዶ ዜራላፌ ዛካራሳ፣ ጊንቶኔ ዜራላፌ ማሹላሜ፣

17 አቢያ ዜራላፌ ዚኪራ፣ ሚኒያሚኔ፤ ሞኦዲያ ዜራላፌ ፒልጻዬ። *

18 ቢልጋ ዜራላፌ ሻማኤ፣ ሻማኤ ዜራላፌ የናታኔ፣

19 የያሪቤ ዜራላፌ ማታኒያ፣ ያዳያ ዜራላፌ ኡዜ፣

20 ሳላዬ ዜራላፌ ቃላዬ፣ አሞኬ ዜራላፌ ኤቦራ፣

21 ኪልቂያሳ ዜራላፌ ሃሻቢያ፣ ያዳያ ዜራላፌ ናቲናኤሌ፣

22 ቄሴታሶ አሳ ሱንሱኔ ሌዌ ባጋ አሳታሰ ሶ አሳ ሱንሱ ሃይሳፌ ካሊ ዲዛይሳ፤ ኤልያሹቤ፣ የያዳኤ፣ የሃናኔኔ ያዳኤ ጌቲቲዛ ቄሴታ ሃላቃቲ ዲዛ ዎዴ ሌዌ ባጋታ ሶ አሳታ ሃላቃቲኔ ቄሴታ ሶ አሳታ ሃላቃቲ ሻኬቲ ኤሬቲዛ ማዘጋቤይ ዳሰ፤ ሄሲካ ፓሪሴ ዳሬ ካዎ ዳሪዮሲ ካዎቲ ዲዛ ዎዴና።

23 ጊዶ አቲን ሌዌ ባጋታ ሶ አሳታ ሃላቃታ፤ ቆንጩን ማዘጋቤቲዲ ኤሬቲዳይቲ ኤልያሹቤስ ናዛ ና የሃናኔይ ሃይቃና ጋካናሰ ዲዛ ዎዴን ጸላ።

ጸሳ ኬላን ኦላና አሳታ ኢሰቲ ኦላና ኦሶን ሱንሱ

24 ሃሻቢያይ፣ ሹሬቢያይ፣ ኢያሶይ፣ ቢቲዌይኔ ቃዲሞኤሌይ ካሌላዛ ሌዌ ባጋቲ ናሞኡ ኬዚ ሻኬቲዳ። ሄ ናሞኡ ባጋቲካ ጸሳ አሲ ካዎ ዳዊቲ አዛዚዳ አዛዘ ማላ ጸሳሰ ጋላታ ዬላ ሶሬኒኔ ኤዶን ኢሶይ ኢሳፌ ኤኪ ዩዲሹ ሹሹዳ።

25 ጸሳ ኬላ ገምቤ ፔንጌ አቻን ኦሴቲዳ ሚሽ ዎላዛ ሚንጃ ኬላ ናጊዛ ዛቤቲ ማታኒያ፣ ባቂቡቂያ፣ አብዲዩ፣ ማሹላሜ፣ ጸልሞኔኔ አቁቤ ጌቲቲዛይታ።

26 ሄይቲ ኢየሳዳቂ ናዛ ና ኢያሶ ና ኢየአቁሜ ዳሬ አይሲዛ ናሃሚያ፣ ቄሴኔ ዎጋ ኬሂ ኤሪዛ ቄሴ ኢዝራንቲ ዲዛ ዎዴ ዶሬቲዳ ኦሳንቻቲ ዳቴሰ።

ዩሩሳሌም ካታማ ገምቤ አንጂሶ ባኣሌ

27 ዩሩሳሌም ካታማ ገምቤይ አንጅቲዛ ጋላሰ ሌዌ ባጋቲ ዳላን፣ ባጋናኒኔ ማሲንቆን ዩዲዲ ቦንቻና ማላ ኢሰቲ ዲዛሶ፤ ዲዛሶ፤ ጉዌቲዲ ዩዳ።

28 ሄ ባኣሌዛ ቦንቻና ሌዌ ባጋፌ ዩዲዛይቲ ዉሪ ባ ዲዛሶ፤ ዩሩሳሌም ሄራፔኔ ናጾፌ ቢታን ዲዛ ሄራታፔ።

29 ዩሩሳሌም ዩሹን ኢሰቲ ባንታሰ ዲሳሶ ኦሊዳ ጊሻሰ ዩዲዛይታ ቤቲ-ጋልጋላ፤ ጌባፔኔ አዚሞቲ፤ ሹሹዲ ኤሂዳ።

30 ቄሴቲኔ ሌዌ ባጋቲ ባ ጊሻሰ፣ ዳራ ጊሻሰ፣ ካታማ ገምቤዛ ጊሻሲኔ ገምቤዛ ፔንጌታ ጊሻሰ ጌሾ ዎጋ ኦሊዳ።

31 ታኒ ናሃሚያይ ዩሁዳ ዳሬ ካሌላዛይቲ ገምባ ቦላ ኬዛና ማላ ሂሰቲዳ፤ ጉዬ ሎኤላ ዩላ ዩዲዛይቲ ናሞኡ ቡቲን ሻኬቲዲ ዩዳና ማላ ኦላዲሰ፤ ኮይሮ ቡቲዚ ገምባሰ ሁኤ ቦላ ኬዚዲ ኡሻቻ ባጋራ ዲዛ፣ «ቡራ ዩሳሶ» አጂ ቢዳ።

32 ኢሰታካ ሆሻኢያይኔ ዩሁዳ ዳሬ ካሌላዛይታ፤ ባጋቲ ካሊዳ።

33 ሃራቲ ቃሴ ኢሰታራ ዲዛ አዛሪያሲ፣ ኢዝራይ፣ ማሹላሜይ፣

34 ዩሁዳይ፣ ቢኒያሜይ፣ ሻማኤይ፣ ኤርማሲ ሳልፊዲ አጂዳ፤

35 ዛዬ ፑኒዛ ቄሴቲ፣ ቃሴካ አሳፌ ና፣ ዛኩሬ ና፣ ሚካያ ና፣ ማታኒያ ና፣ ሻማኤ ና፣ የናታኔ ና ዛካራሲ ኢሰታራ አጂዳ።

36 ዛካራሳ ዜራላ ሻማኤይ፣ አዛሪኤሌይ፣ ሚላላይ፣ ጊላላይ፣ ማኦዳይ፣ ናቲናኤሌይ፣ ዩሁዳይኔ ሃናኒያይ ጸሳ አሰ ዳዊቲ ኢዛን ዩዲዛ ዩላ ሚሽ ኤኪ ካሊዳ፤ ሄ ቡቲዛ ካሌላዛይ ዎጋ ሎኤላ ኤሪዛ ቄሴ ኢዝራ።

37 ፑልቶ ሃላ ፔንጌኮ ጋኪዳ፤ ጉዬ ዳዊቲ ካታማ ኤሬዛ ኦኔ ኦይኪዳ፤ ገምባ ቦላ ዲዛ ኬቻታ ፑዴ ኬዚዲ ካዎ ዳዊቲ ካዎቲላ ኬላ አቻራ አጂዳ ሄ ካታማይሰ አርሼይ ኬዚዛ ባጋራ ዲዛ ሃላ ገምቤ ፔንጌ ሲሚዳ።

38 ሃንኮ ዩላ ዩዲዛ ቡቲዚ ገምባ ቦላራ ሃዲርሳ ባጋ አጂ ቢዳሰ፤ ታኒካ ባጋ አሳራ ሃ ቡቲዛ ካላዲሰ፤ ኢቶኔ ገምቤ ጌቲቲዛሶራ ካንሊዲ ጌዴ አሆ ገምቤዛኮ ጋኪዳሰ።

39 ቃሴ ኦ ሃሳፌ አጂ ኤፍሬሜ ገምቤ ፔንጌ፣ ዩሻና ገምቤ ፔንጌ፣ ሞሌ ገምቤ ፔንጌ ጌቲቲዛሶኔ ሃናኒኤሌ ገምቤ፣ ጾቱ ገምቤታኔ ዶርሳታ ገምቤ ፔንጌ ጌቲቲዛሶታ ጋኪዳሰ፤ ጸሳ ኬላ ማታን ዲዛ ዛቤታ ገምቤ ፔንጌ ጌቲቲዛሶዛ ጋኪዲ ሳልፊዛ ጊሊዳሰ።

40 ሃይሳላ ናሞኡ ቡቲ ሳልፊዚ ጸሳ ዩላን ጋላቲሽ ታናራ ዲዛ ዳራ ካሌላዛይታራ ጸሳ ኬላ ዲዛሶ ዛዎ ጋኪዳሰ፤

41 ታ ዲዛ ሳልፊዛን ጸሩምባ ፑኒዛ ቄሴቲ ሃይሳፌ ካሊ ዲዛይታ፤ ኤልያቁሜ፣ ማኢሳያ፣ ሚኒያሚኔ፣ ሚካያ፣ ኤልያኤናዬ፣ ዛካራሳኔ ሃናኒያ፤

42 ኢሰታካ ካሊዛይቲ ማኢሳያ፣ ሻማኤ፣ ኤልኤዜራ፣ ኡዜ፣ ዪሆሃናኔ፣ ማልኪያ፣ ኤላሜኔ ኤዜራ፤ ሄይቲ ባ ኤቁዛሶ ኤቁዛሶ ኦይኪዳ፤ ዩዲዛይቲ ዩዚራሄያይ ካሌላን ባ ቃላ ቶቁ ሂሰቲዲ ዩዲዳ።

43 ሄ ጋላሰ አሳይ ዳሮ ያርሾ ሹሹዳሰ፤ ጸሳይ ኢዛ ኡፋይሲዳ ጊሻሰ ዳሬዚ ኬሂ ኡፋይቲዳሰ፤ ማጫሳይኔ ናይቲካ ኢሰታራ ኢሲፌ ኡፋይቲዳ፤ ዩሩሳሌምን ሃኒዳ ኢሊሊሳ ቃላይ ሃሆን ሲዩቲዳሰ።

44 ሄ ዎዴ ጸሳ ኬላ ኦሶሰ አሜቲዛ አሰራታኔ ላይላን ላይላን ኮይሮ ጋኪዛ ካላ ጾራኔ ሜቲቲዛ ዲማ ዲማ ሚላታ አይፌ ጾራ ዎላዛ ኬላ ናጊዛ ዛቤታ ዶሪዳ፤ ሄ አሳቲ ዲማ ዲማ ካታማታ ማታን ዲዛ ሻሻ ጋዴ፤ ዎጋይ አዛዚዛ ማላ ቄሴታሲኔ ሌዌ ባጋታሰ አሜታና ቤሲዛይሳ ሹሻና አላፊቲላ ኢሰታሰ ዳሰ፤ ኩሜላ ዩሁዳ አሳይ ቄሴታ ቦላኔ ሌዌ ባጋታ ቦላ ኬሂ ኡፋይቲዳ።

* 12:17 ኢብራዊታ ማጻፋን ሚኒያሚኔ ጌቲቲዛ አዳዛ ሱንሱ ባዎ።

45 ኢስቲ ኡፋዬቲዳይካ ጸሳይ ኢስታ ኣዘዘዳ ቁሴቲኔ ለዌቲ ፖላናሰ ቤሲዛ ዋጋኔ ጌሾ ዋጋታ ኦሊዳ ጊሻሳ፤ ጸሳ ኩላን ዩጲዛይቲኔ ጸሳ ኩላ ናጊዛ ዛቤቲካ ዳዊቲኔ ኢዛ ና ሶሎሞኔይ ካሴ ዋሊዳ ዋጋ ማላ ኢስታፊ ናጊቲዛ ኦሶ ኦሊ ፖሊዳ።

46 ካሴ ካዎ ዳዊታፔኔ ኣሳፊ ዎዴፔ ደሚዲ ዩላ ዩጲዛይታሲኔ ጋላታ ዩላን ጸሳ ቦንቲዛ ኣሳታ ካሌሊዛይቲ ዳቲሰ።

47 ዜሩባቤሌ ዎዴኒኔ ናሚያ ዎዴን ኩሚላ ኢሰራኤሌ ኣሳይ ጸሳ ኩላን ዩጲዛይታሲኔ ናጊዛ ዛቤታሰ ጋላሰ ጋላሰ ኢሚታና ቤሲዛይሳ ኢሚቲሰ፤ ሃንኮ ለዌ ባጋታይሳ ዳማ ኢሚቲሰ፤ ለዌ ባጋቲካ ኣሮኔ ዜሬላፊ ጊዲዳ ቁሴታሰ ቤሲዛይሳ ኢሚቲሰ።

13

ኣላጋታፔ ኢሰራኤሌ ኣሳ ሻኬቲላ

1 ሄ ዎዴ ኣሳይ ወሪ ሙሴ ማጻፋይ ናባቤቲን ሲዩሼ፣ «ሞኣቤ ኣሳይኔ ኣሞኔ ኣሳይ ጸሳ ኣሳራ ሚርና ጋካናሰ ዋላኩቶፊቶ» ጊዛሶ ጋኪ ዴሚዳሰ።

2 ሃ ኣዘዘዘ ኢሚቲዳ ጋሶይካ ኢሰራኤሌ ኣሳይ ጊብጾ ቢታፊ ኬዚ ቢዛ ዎዴ ሞኣቤ ዳሬ ኣሳይኔ ኣሞኔ ዳሬ ኣሳይ ካሌኔ ሃላ ኢሰራኤሌ ኣሳ ዲጊዳ ጊሻሳ፤ ሃሳፊ ቦላራካ ኢሰራኤሌ ኣሳ ዳቃና ማላ ባላሚ ጌቲቲዛዴሰ ሚሽ ኢሚዳ፤ ጊዳ ኣቲን ጸሳይ ሄ ደቁላዛ ኣንጅን ላሚዳሰ።

3 ሄ ዎጋ ቃላዛ ኢሰራኤሌ ኣሳይ ሲዩዳ ዎዴ ኣላጋ ጊዲዳ ኣሳ ባ ጊዳፊ ሻኪ ኬሲዳ።

ናሚያይ ኦራሊዳ ዎጋ

4 ጸሳ ኩላ ሚሻታ ዋሊዛ ኪፊሌታሰ ኣላፊ ጊዲዳ ቁሴ ኤልያሼቤሰ ዳር ላይላፊ ደሚዲ ጸቢያራ ሚኖ ጋይቶቲሊ ዴሰ፤

5 ሃሳፊ ዴንዲዳይሳን ካላ ሙጽዎታ፣ ኤጻኔ፣ ጸሳ ኩላን ዲዛ ዳማ ዳማ ሚሻታፔ፣ ካላፊ፣ ዎይኔ ኡሻፊኔ ዎጋራ ዛይቲፔ ኬሲዲ ለዌ ባጋታሰ፣ ጸሳ ኩላን ዩጲዛይታሲኔ ናጊዛ ዛቤታሰ ኢሚቲዛ ኣሰራታይኔ ቁሴታሰ ኢሚቲዛ ሙጽዎታ ዋላናሰ ኦሴቲዳ ኣሆ ኪፊሌዛ ጸቢያይ ኢዛን ዳና ማላ ኤልያሼቤይ ኢዛሰ ኢሚዳሰ።

6 ሃይሲ ኡባይ ሃኒሽን ታ ዩሩሳላሚን ዲኬ፤ ጋሶይካ ካዎ ኣርጾኪሲሲ ባቢሎኔን ካዎቲዳ ሃቡ ታማኔ ናምኣንላ ላይላን ታኒ ጉዬ ሲማ ባቢሎኔ ዳሬ ባዲሰ፤ ጊዳ ኣቲን ጉላ ዎዴፔ ጉዬ ካዎዛ ፒቃዴ ኦይቻዲሰ፤

7 ኦይቻዳካ ዩሩሳላሚ ሲማዲሰ፤ ታ ሄ ጋኪዳ ማላ ኤልያሼቤይ ጸቢያሰ ጸሳ ኩላ ጊቤ ጊደን ኢዚ ዳና ማላ ኢዛሰ ኢሲ ኪፊሌ ኢሚዳይሳ ሲያዲሰ።

8 ሃሳ ጊሻሰ ሃንቁታዳ ጸቢያሰ ዲዛ ሚሽ ኡባ ኢዚ ጌልሊዳ ኪፊላፔ ካሬ ኬሳ ኬሳ ኦላዲሰ።

9 ኪፊሌቲካ ዎጋይ ጊዛይሳላ ጌያና ማላኔ ጸሳ ኩላ ሚሻቲ፣ ካላ ሙጽዎታቲኔ ኤጻኔቲ ሲሚ ባ ካሴ ዲዛሶ ጌላና ማላ ኣዘዘዲሰ።

10 ቃሴ ኣሳይ ጸሳ ኩላን ዩጲዛይታሲኔ ለዌ ባጋታሰ ኮሺዛይሳ ኢሞንታ ኣጊዳ ጊሻሰ ዩሩሳላሚፔ ጸሳ ኦሳ ኣጊዲ ካሴ ባ ዲዛ ጎሻ ጋዴ ጎዩ ዳናሰ ጉዬ ሲሚ ቢዳይሳ ኤራዲሰ።

11 ሃሳ ጊሻሰ ታኒ ሃላቃታ፣ «ጸሳ ኩላ ኦሶ ኣይሰ ኣጊዴቲ?» ጋዳ ሃንቁታዲሰ፤ ሃሳፊ ጉዬ ለዌ ባጋታኔ ዩጲዛይታ ጸይጋዳ ካሴ ኢሰቲ ጸሳ ኩላን ኦሊዛ ኦሶዛ ሲሚ ኦላና ማላ ዛራ ጌልላዲሰ።

12 ሃሳፊ ጉዬ ኢሰራኤሌ ኣሳይ ወሪ ባ ካላፊ፣ ዎይኔ ኡሻፊኔ ዎጋራ ዛይቲፔ ኢስታፊ ኮዬቲዛ ታማፊ ኢሲ ኩሼ ኬሲዲ ጸሳ ኩላ ሚሽ ዋሊዛ ሚንጃ ኬላ ኤሆ ደሚዳሰ።

13 ታኒ ቁሴ ሼሌሚያ፣ ዎጋ ኤራንቻ ሳዶቁይኔ ለዌ ባጋፊ ፓዳያ ሚሽ ዋሊዛ ሚንጃ ኬላሰ ኣላፊ ሂሰታ ደራዲሰ፤ ማታኒያ ናዛ ና ዛኩሬ ና ሃናይይ ኢስታ ማዳና ማላ ዎላዲሰ፤ ሃ ኣሳቲ ወሪ ባ ኢሻታሰ ኮሺዛ ሚሼታ ሻኪ ሻኪ ኢማናሰ ኣማኔቲዳይታ።

14 ታ ጎዶ! ኔ ኬላይኔ ኔ ኬላ ኦሶይ ሱሬ ባና ማላ ታ ኣማኔቲላን ኦሊዳ ሎኦ ኦሶዛ ቆፓዳ ኔ ታሰ ኪያቲላ ኦሳ።

15 ሄ ዎዴ ዩሁዳ ዳሬ ኣሳይ ሳምባታ ጋላሰ ዎይኔ ኣይፊፔ ዎይኔ ጉምኢሽን ቤያዲሰ፤ ቃሴ ካላ፣ ዎይኔ ኡሼ፣ ዎይኔ ኣይፊ፣ ባላሴ ኣይፊኔ ሃራ ሚሻታካ ሃራን ጫኒዲ ዩሩሳላሚ ኤሂሽን ቤያዳ ናምኣንላ ሳምባታ ጋላሰ ኣይኮካ ዛልኣንታ ማላ ጋዳ ሚንላ ዮታዲሰ።

16 ዩሩሳላሚን ዲዛ ጸርሴ ዳሬ ኣሳቲ ሞሌኔ ሃራ ሃራ ዛልኤ ሚሻታ ኤሂዲ ሳምባታ ጋላሰ ዩሩሳላሚን ዲዛ ዩሁዳ ዳሬ ኣሳሰ ባይዜቲሰ፤

17 ሃሳ ጊሻሰ ታኒ ኣይሁዳ ካሌሊዛይታ ሃንቁታዳ «ሃይሳ ኢንቲ ኦሊዛ ኢታ ኦሶዛ ኡባ ቤኢቲ! ሄኮ ኢንቲ ሳምባታ ቲኒሲሽ ዴታ፤

18 ኦ ጸሳይ ኦ ቦላኔ ሃ ካታማ ቦላ ኤሂዳ ሃንቆይ ካሴ ኢንቲ ኣዎቲ ሃይሳ ማላ ኢታ ኦሶ ኦሊዳ ጊሻሰ ጊዴኔ? ሃኢካ ኢንቲ ሳምባታ ቦንቸንታ ጊሻሰ ጸሳ ሃንቆ ኢሰራኤሌ ዳራ ቦላ ዴንጼሌታ» ጋዲሰ።

19 ሃሳፊ ጉዬ ሳምባታይ ጌላናፔ ሲንላ ጋላሰ ጋይይ ለምኢ ለምኢሽን ዩሩሳላሚ ፔንጌቲ ጎርዴቲዲ ሳምባታይ ኣቆና ጋካናሰ ደዬቶንታ ማላ ታኒ ኣዘዘዲሰ፤ ቃሴ ሳምባታ ጋላሰ ኣይኮ ሚሼ ዛልኣና ኤኪ ዮንታ ማላ ታ ኦሳንቻታፔ ኢሶታ ኢሶታ ጊምባ ፔንጌ ናጋና ማላ ዛቤ ዎላዲሰ።

20 ዲማ ዲማ ሚሻታ ኤሂ ዛልኢዛ ዛልኣንቻቲ ኢሲቶ ዎይኮ ናምኡቶ ማላ ኣርባ ኦማርሰ ዩሩሳላሚ ጊምቤሰ ካሬ ባጋራ ኣቁዳ፤

21 ታኒካ ኢስታሰ፣ «ኢንቲ ማላዳ ዎንታራ ጌላናሰ ቆፒዲ ጊምባፊ ካሬ ባጋራ ኣቁዛይሲ ኢንቲና ማዴና፤ ቃሴ ኢንቲ ሃሳ ማላ ኦሶ ናምኣንላ ኦሊዛ ጊዲኮ ታ ኢንቲ ቦላ ታ ዎልቃ ቤሳና» ጋዳ ሚንላ ዮታዲሰ፤ ሃሳፊ ደሚዲ ሳምባታ ጋላሰ ዩሰ ኣጊዳ።

22 ሃሳፊ ጉዬ ለዌቲ ባንታና ጌሺዲ ሳምባታ ጋላሰ ዲማቲላን ናጊቲዛይሳ ኤሪሳናሰ ጊምባ ፔንጌታ ናጋና ማላ ኢስታ ኣዘዘዲሰ።

ታ ጸሳወ! ሃይሳ ኡባ ጊሻሰ ታና ቆፓ፤ ቃሴ ኔኒ ኔ ሚኖ ሲቆዛን ታና ማዳና ማላ ታ ኔና ዎሳይሰ።

23 ሄ ዎዴ ኣይሁዳ ኣሳፔ ዳርቲ ኣሽደዴ፣ ኣሞኔኔ ሞኣቤ ዳሬፔ ማጫሳታ ማቾ ባሰ ኤኪዳይሳ ኤራዲሰ።

24 ኢስታ ናይታፔ ባጋቲ ኣሽደዴ ዳሬ ቃላኔ ኢሲ ኢሲ ሃራ ዳሬ ቃላን ሃሳዬቲሰ ኣቲን ኣይሁዳ ዳሬ ቃላን ሃሳያና ዳንዳይቤቲና።

25 ታኒ ሄ አሳታ ሃንቃዳ ቃንጋዲሰ፤ ዋዳዲሰኔ ኢሰታ ሁኔ ቢናናካ ቡጫዲሰ፤ ሄሳፌ ጉዬ ኢሰታ ጊዲን ኢሰታ ናይቲ አላጋ አሳታራ ኤኬቶንታ ማላኔ ጌሌቶንታ ማላ ጸሳ ሰንፋን ጫቁላዲሰ።

26 ቃሴ ኢሰታሰ፡ «ኢሰራኤሌ ካዎ ሶሎሞንይ ናጋራ ኦሊዳይ ሃይሳ ማላ አላጋ አሳታፔ ማቾ ኤኮን ጊዳኔ? ዳሮ ካዎቴላ ጊደን ኢዛ ማላ ካዎይ ቤቲቤና፤ ጸሳይ ኢዛ ደሲዳ ጊሻሰ ኢሰራኤሌ ዳሬ ቦላ ካዎሊዳሰ፤ ጊደ አቲን አላጋ ዳሬ ማጫሳቲ ኢዚ ናጋራ ኦላና ማላ ካሌሊዳ።

27 ሂሰቲን ኢንቴ አላጋ ካዎቴላ ማጫሳታ ኤኮን ሃይሳ ማላ ጊታ ሞሮ ኦላይሳኔ ኢንቴ ኑ ጎዳሰካ አማኔቶንታ አጎይሳ ኑ ሲያና ቤሲዜ?» ጋዲሰ።

28 ቁሴ ኤልያሼቤ ናይታፔ ኢሶይ ዮዳሄ ጌቲቲዛይሲ ቤቲ-ሆሮኔ ካታማ አሲ ሳንባላጾ ናዮ ባሰ ማቾ ኤኪዳሰ፤ ሄሳ ጊሻሰ ዮዳሄይ ዬሩሳላሜ ዬዲ ባና ማላ ጎዳዲሰ።

29 «ታ ጸሳዉ! ሃይቲ ቁሴቴላ ዋጋ፣ ቁሴታራኔ ሌዌ ባጋታራ ኔ ካሴ ዋሊዳ ጫቆ ቃላ ኢሰቲ ዋሰቲ ቱኒሲዳኮ ሃይሳ ጸሶ ኔ ጸላ!» ጋ ዋሳይሰ።

30 ኢሰቲ አላጋ ዳሬ ቱናቴላፌ ባና ጌሻና ማላ ታ ኦላዲሰ፤ ቁሴቲኔ ሌዌ ባጋቲ ባ ኦሶ ኦሶ ኤሪ ኦላና ማላ ዋጋ ጊሊሳዲሰ።

31 ቃሴ ያርሾ ጸ-ጋናሰ ኤሶ ሚላ ኮሺዛ ዋዴን ኤሃና ማላ ጊሊሳዲሰ፤ አሳይካ ባ ሺሺዛ ካላፌኔ አይፊዛ ሚላ አይፊፔ ኮይሮ ጋኪዳ ጸራ ዋሰቲ ሺሻናሰ ቤሲዛኮ ማራ ኦይላዲሰ፤ ታ ጸሳዉ! ኔ ሎኤቴላን ሃይሳ ታ ኦሊዳ ሎኔ ኦሶዛ ጊሻሰ ታና ቆፓ።

አስቴሪ ማጻፋ ጊደ ቆፋ

አስቴሪ ማጻፋን የቴቲዳ ታሪኬት ፓሪሴ ካዎይ ባልጎ ባልጎ ዳኢዛሶን ፖሊቲካይታ። ሄ ታሪኬት ጊታ ጸላቴላንኔ ኢዛ ባ ዳራ ሲቁዛ ጊታ ሲቆን፣ ሞርኬት ቢታፊ ጳይሳና ሃኒዛ፣ ባ አሳ አሺዳ፣ አስቴር ጌቴቲዛ ኢሲ አይሁዳ ዳሪ ቃራ ማጫሳይ ታሪኬ ሚንሊ የቴቲሰ። ሃ ማጻፋይ አይሁዳቲ ቦንቸዛ፣ ፑሪሚ ጌቴቲ ኤሪቲዛ ባአሌ ደንሊኔ ወርሴላ ቆንጪሲ የቴሰ።

ሃ ማጻፋይ አይሁዳ ኩሜላ ቆፋ

- አስቴሪ ጎዳቴቲስ 1:1—2:23
- አይሁዳ አሳ ጳይሳናሰ ሃማይ ገግሲዳ ሃልቾ 3:1-15
- አስቴሪፕ ማዶ ዳማናሰ ማርዲኪዮሳ አይቫ 4:1-17
- ማርዲኪዮሳ ቦንቸቲስ 5:1—6:14
- ሃማ ቦላ ፐርዴቲዳ ሃይቆ ፐርዳ 7:1-10
- አይሁዳቲ ኤቄቲዲ ባ ሞርኬታ ወርሲዳ ወርሶ 8:1—9:19
- ፑሪሚ ባአሌ ቦንቸቲስ 9:20-32
- አርጾኪሲሴ ጊታቲላኔ ማርዲኪዮሳ ጊታቲላ 10:1-3

ጎዳቴቲላፊ አሰጸኒ ዎዴሳ

- 1 ካዎ አርጾኪሲሲ ሂንዴ ቢታፊ ቶጵያ ቢታ ጋካናሰ ዲዛ 127 ዳሪታ ሃሪዛ ዎዴ ሃይሳፊ ካሊዛይሲ ሃኒዳሰ፤
- 2 ሄ ዎዴ ካዎ አርጾኪሲሲ ሱሳ ገምቤን ዲዛ ካዎቲላ አራታ ቦላ ኡቲ ሃሪዳሰ።
- 3 ኢዚ ካዎቲዳ ሂቫንላ ላይላን፣ ባ ሞኮኔታሲኔ ሹሚታ ኡባሰ ጊታ ገቢራ ገግሲዳሰ። ሄ ገቢራሶን ሜዶኔኔ ፓሪሴ ዳሪ ኦላ ጋዳዎቲ፣ ዳናቲኔ አወራጃ ሞኮኔቲ ቤቲዳ።
- 4 ኢሰታሰ ካዎዚ ባ ካዎቲላ ዲራቲላ 180 ጋላሰ ኩሜላ ቤሲዳሰ።
- 5 ሄ ጋላሳታፕ ጉዬ ካዎዚ ሱሳ ካታማን ጉላታፕ ቢዲ ጊታ አሳታ ኡባሰ፣ ባ ካዎቲላ ኬላን፣ ዩዩ አጳናሰ አታኪልቲይ ዲዛ ዛንዛን 7 ጋላሰ ኩሜላ ገቢራ ኦላዳሰ።
- 6 ሄ ዛንዛን ቦላኔ ሳሎ ሚሴቲዛ ላይናፕ ዳዴቲዳ ማጋላቫቲ ዳቲሰ። ኢሰቲካ ቢራ ቃላባቲን፣ ቦላ ላይናኒኔ ኦቻ ቲራ ሚሳቲዛ ዎዶሬታን ዳልዳቻ ቱሳታ ቦላ ካቄቲ ኡቲዳ። ቦላኔ ዘኦ ቃላሚን ዎንጫርካቲ ኡቲዳ ዳልዳቻፊ፣ ዙላ ሚሳቲዛ ቃላሚታፕኔ ሃራ ቦንቸ ሹቻታፕ ኦሴቲዳ ወይንን ዎርቃፊኔ ቢራፕ ኦሴቲዳ ዲንኬ አልጋቲ ዳቲሰ። *
- 7 ዎይኔ ኡቫዚካ ኢሶይ ኢሳፊ ዲማቲዛ ዎርቃ ዎንጫን ሸቄሰ። ካዎዚ ኪያቲላፊ ዳንዲዳይሳን ካዎቲላ ኬላን ዎይኔ ኡቫዚ ጊዲ ፓላሂዳሰ።
- 8 ካዎዚ ኢሶይ ኢሶይ ኮዬዳ ማላ ኢማና ማላ ዎይኔ ኡቫ ዲቁዛይታ ኡባ አዛዚዳሰ። ካዎዚ አዛዚዳ ማላ ኢሶይ ኢሶይ ባ ዳንዲዳይ ኬና ኡያና ማላ ኢማቲዳሰ።
- 9 ጎዳቴያ አሰጸና ካዎ አርጾኪሲሴ ካዎቲላ ኬላን ሃሳላካ ማጫሳታሰ ገቢራ ገረሳዲሰ።

* 1:6 ዳልዳቻ ገዛይሲ ኢሲ ኢሲ ባጋ ጋሞላ ቃላን ዎሊዎጃ ጌቴቲሰ።

10 ገቢራዚ ደሜቲዳ ላፑንላ ጋላሰ፣ ካዎ አርጾኪሲሴ ዎይኔ ኡቫን ኡፋዬቲዳ ገሻሰ ኢዛሰ ኦላዚ ላፑን ጉንዲላታ ማህሚኔ፣ ቢዛቲ፣ ሃርቦኔ፣ ቢጊታ፣ አባጊታ፣ ዜታሬኔ ካርካሴ አዛዚዳሰ።

11 ሄሲካ ጎዳቴያ አሰጸና ኡፋይሲዛርኔ ማላ ሎኦ ጊዲዳ ገሻሰ ዳሪይኔ ጊታ ሞኮኔቲ ኢዛ ቤኦና ማላ ኢዛ ካላቻ ባ ሁኔን ዎላዳ ካዎዚ ሲንላ ያና ማላ ኦላዳ።

12 ጊደ አቲን ካዎዚ ኦሳንቻቲ ካዎዚ አዛዚዳ ማላ ኢዚሰ የቴን ጎዳቴያ አሰጸና ባና ኮያቤኩ። ሄሰቲን ካዎዚ ኬሂ ሃንቄቲዳሰ፤ ዳር ዩሎቲዳሰ።

13 ሱሬኔ ቱማ ፐርዳ ፐርዳናሰ ኤራንቻታፕ ዙሪ አይሾይ ካዎዚሰ ሎሴ ጊዲዳ ገሻሰ ዎዴ ሃናቴላ ኤሪዛ ኤራንቻታራ ዙሪቲዳሰ።

14 ሄይቲካ ካርሻና፣ ሻታሬ፣ አዲማቲ፣ ታርሴሴ፣ ሜሬሴ፣ ማርሴናኔ ማሙካ ጌቴቲዛ ፓሪሴኒኔ ሜዶኔን ኤሪቲዳ ጊታ አሳቲ ካዎቲላ ጋርሳን ጴቃሶሆን ዲዛይታ።

15 ካዎዚካ ኢሰታሰ፣ «ታኒ፣ ካዎ አርጾኪሲሴ፣ ታ ኦሳንቻታ ባጋራ ታ ኪቲን ኢዛ ታ አዛዘ ፖሎንታ አገዳ ገሻሰ ዎጋይ ገዛ ማላ ጎዳቴዮ አሰጸኒ ቦላ አይ ኦላዳ?» ገ አይቺዳሰ።

16 ሄሳፊ ጉዬ ማሙካይ ካዎዚሴ ሞኮኔታሰ፣ «ጎዳቴያ አሰጸና ካዎዚ ጸላ ጊደንታ ሞኮኔታ ኡባኔ ካዎ አርጾኪሲሴ ካዎቲላ ጋርሳን ዲዛ ዳራ ኡባ ቆሃዲሰ።

17 ሃይሲ ጎዳቴያ ኦላዳይሲ ሃራታ ሃይላን ሴቴቲኮ ኢሰቲ ባ አዚናታ ካጳና፣ (ካዎ አርጾኪሲሴ ጎዳቴያ አሰጸና ኢዛኮ ያና ማላ ዳይገን ዮንታ ኢጸዱሰ) ጋና።

18 ሃና ሃቻ ጋላሳይን ጎዳቴይ ሃና ሲዩዳ ፓሪሴታኔ ሜዶኔ ዳሪ ሞኮኔታ ማቸቲ ኡባይ ካዎዚሰ ሞኮኔታ ኡባሰ ሃሳላ ዛራና። ኢዚ ሃሳላ ሃንኮ ፓጩይ ባይንዳ ጋላሰኔ ኦማርሰ ኦሺ ሜዴታና።

19 «ሃይሲ ዮኦዚ ካዎዚ ኡፋይሲዛ ጊዲኮ ሃይሳፊ ጉዬ አሰጸና ካዎ አርጾኪሲሴኮ ሙሉካ ጌሎንታ ማላ ካዎ ማታፕ አዎጃይ ኬዘ፤ ሃሲካ ሻራቶንታ ፓሪሴኔ ሜዶኔ ዎጋ ማላ ጸፊቶ፤ ሃሳላካ ካዎዚ ጎዳቴቲላ ቦንቸዛ ኢዚፕ ኤኪዲ ኢዚፕ ሎኢዛ ሃራ ማጫሳሰ ኢሞ።

20 ሃሳፊ ጉዬ ካዎዚ አዎጃይ ኢዚ ሃሪዛ ኩሜላ ዳራ ቦላ የቴቲኮ ጉላታፕ ቢዲ ጊታታ ጋካናሰ ዲዛ ማጫሳይ ኡባይ ባ አዚና ቦንቸና» ገ ዛሪዳሰ።

21 ካዎዚኔ ሞኮኔቲ ኡባይ ሄ ዙሪዛን ኡፋዬቲዳ፤ ካዎዚካ ማሙካይ ሸሺዳ ቆፋዛ ፖሊዳሰ።

22 ኡባይካ ባሶ አሰ አይሳና ማላ ኪታ ዩዲዳሰ፤ ሄ ኪታዚካ ባ ዳሪ ቃላ ማላኔ ጸፊዛ ዎጋ ማላ ጸፊቲዲ ዳሪ ኡባሰ ጋኪዳሰ።

2

አስቴሪ ጎዳቴቲላ

- 1 ሃሳፊ ጉዬ ካዎ አርጾኪሲሴ ኢዛ ሃንቆይ ኢርጺዳፕ ጉዬ አሰጸና ኡላዳይሳኔ ኢዚካ ኢዚ ቦላ ኬሰዳ አዎጃ ቆፐዳሰ።
- 2 ሃ ዎዴ ካዎዚ አቻን ደሴቲዳ ኦሳንቻቲ፣ «ካዎዚሰ ሎኦ ጌላኦታ ኮዩቲ።

3 ሃይታ ሎኦ ገላኦታ ኡባታ ሱሳ ገምቤን ዲዛ ማጫሳታ ዲሳሶ ኤሃና ማላ፣ ካዎዚ ባ ሃሪዛ ዳሬታ ኡባን ዳናታ ሹሞ፤ ኢስቲካ ማጫ ኡባታሰ አላፊ ገዲዳ ካዎዛ ጉንዲላ ሄጌ አላፊቴላ ጋርሳን ዳቶ፤ ኢስታ ማላይ ኢቶንታ ማላ ናጌቶ።

4 ሃሳፊ ጉዬ ካዎዛ ኡፋይሲዛ ገላኦያ አሰጸኒ ገሻሰ ጎዳቶ ገዲ» ገዲ። ሄ ዞሬዚ ካዎዛ ኡፋይሲዳስ፤ ኢስቲ ገዲ ማላካ ኦሴዳስ።

5 ሄ ዎዴ ቢኒያሜ ቆሞፊ ቂሴ ና፣ ሸምኤ ና፣ ያኢሬ ና ማርዲኪዮሳ ጌቲቲዛ አይሁዳ ዳሬ አሳፔ አሳዳይ ሱሳ ገምቤን ዳስ።

6 ኢዚካ ባቢሎኔ ካዎ ናቡካዳናጾሬይ ዲኢ ኤፊዳይታፔ ዩሁዳ ካዎ ኢኮኒያኔራ ዩሩሳላሜፔ ዲኤቲ ቢዳ አሳታፔ ኢሳ።

7 ማርዲኪዮሳ አዎ አሻሰ ሃዳሶ ጌቲቲዛ ቢያ ዳወሰ፤ ኢዚሰ አዎይኔ አያ ባይንዳ ገሻሰ ኢዞ ዲቺዳይ ኢዞ። ሃና አስቲሮ ጌቲቲዛራ አሳቴላን ገዲን ሜቶን ኬሃ ሎኦ። ኢዚ አዎይኔ ኢዚ አያ ሃይቂዳፔ ጉዬ ማርዲኪዮሳ ኢዞ ባ ና ማላ ዲቺዳስ።

8 ካዎዛ አዛዘይኔ አዎጃይ ኬዚዳ ዎዴ ዳሮ ገላኦታ ኤፊዲ ሱሳ ካታማን ናገዛ ሄጌሰ ኢሚዳ፤ አስቲሮካ ካዎ ኬላ ኤፊዲ ማጫሳታ ናገዛ ሄጌሰ ሃዳራ አሜታዲ።

9 ናያ ኢዛ ኡፋይሳዲስ፤ ኢዚካ ኢዞ ደሲዳስ፤ ኢዚካ ኢዚሰ ማላ ሎኤላዛ ዲማ ቆሞ ካሕ ሃራካ ኢዚሰ ኢሚዳስ። ካዎቴላ ኬላፊ ደሬቲዳ ላፑን አይሌታ ኢዚሰ ገገሲዲ ኢዞኔ ኢዚ አይሌታ ዳሮ ኢዞን ማጫሳታ ናገዛ ደሬቲዳሶ ኤፊዳስ።

10 ማርዲኪዮሳ ኢዚሰ ካሴቲዲ ዮቲዳ ማላ አስቲራ አይሁዳ አሰ ገዲዳይሳ ኦሲካ ዮታቤኩ።

11 ቃሴካ ማርዲኪዮሳ አስቲሮ ሎኤቴላኔ ኢዚሰ ገዲዛይሳ ኤራና ገዲ፣ ማጫሳ ኬላ ሲንሳራ ጋላሳን ጋላሳን ያኔ ሃ ሃሜቲሰ።

12 ገላኦታ ካዎዛኮ ገላናፔ ካሴቲዲ ኢሲ ላይላ ኩሜላ ጁኬቴቲስ፤ ላይላፊ ኮይሮ ኡሱፑን ኢገና ኩሜላ ኢስታ ቦላይ ለቂ ሎኦና ማላ ካርቤኔ ቲዬቲዛ ዛይቲ ጎኤቴቲስ፤ ካሊዛ ኡሱፑን ኢገናታን ዲማ ዲማ ሸቶታኔ ዲማ ዲማ ሲንሳ ቲዬዛ ቃላሜታ ጎኤቴቲስ።

13 ሃሳፊ ጉዬ ኢሲ ገላኦያ ካዎዛኮ ገሊዛ ዎዴይ ጋኪኮ፣ ባ ኮዩዳ አይ ሚሺካ ኤካዳ ማጫሳቲ ናጌቲ ዲዛ ኬላፊ ኬዛዳ ካዎዛኮ ገላወሰ።

14 አማርሰ ገላዳ ካዎዛራ አቂዳፔ ዎንቴላ ጋላሰ ሃራሶን ማጫሳቲ ናጌቲ ዲዛሰ ኤፊቴስ። ሄን ካዎዛ ላጌላታሰ አላፊ ገዲዳ ካዎዛ ኬላን ኦሴዛ ጉንዲላ ሻሺጋዜ አዎቴላ ጋርሳን ናጌታወሰ፤ ካዎዚ ኢዞ ደሲዲ ኢዚ ሱንሳን ጾይጎንታ ኢገኮ ዛራ ካዎዛኮ ገላኩ።

15 ማርዲኪዮሳ ባ ና ማላ ዲቺዳ ኢዛሰ አዎ አሻ አቢኤሌ ቢያ አስቲራ ካዎዛኮ ገሊዛ ታራይ ኢዞ ጋኪን ማጫሳቲ ናጌቲ ዲዛ ኬላ አላፊ ሄጌይ ኢዚሰ ዮቲዳይሳፊ አቲን ሃራ አይኮካ ኦይቻቤኩ። አስቲራ ኢዞ ቤኢዛ አሰ ኡባ ሲንሳን አዮታ ቤታዲስ።

16 አርጾኪሲሲ ካዎቴዳ ላፑንላ ላይላን፣ ቴቤቲ ጌቲቲዛ ታማንላ ኢገናን አስቲሮ ካዎ ኬላ ኤፊዳ። *

17 ሄ ዎዴ ካዎዚ ሃራ ማጫሳ ኡባፊ አስቲሮ አላ ደሲዳስ፤ ሃራ ገላኦታ ኡባፊ ቦላራ ኢዞ ካዎ ማታን አዮታዲሲኔ ደሴታዲስ። ሃሳ ገሻሰ ኢዚ ሁኔን

ጎዳቴቴላ ካላቻ ጎጶዳስ። አሰጸኒ ጎዳቴቴላ ኢዚሰ ኢሚዳስ።

18 ሃሳፊ ጉዬ ካዎዚ አስቲሮ ቦንቾ ገሻሰ ባ ሞኮኔታሲኔ ባ ሹሜታ ኡባሰ ገታ ገቢራ ገገሲዳስ። ሄ ባአሌዚ ኢዚ አይሲዛሶ ኡባን ቦንቾታና ማላ አዎጃሲዳስ። አምታካ ባ ኪያቴላ ማላ ኢስታሰ ኢሚዳስ።

ማርዲኪዮሳ ቆንጫሲዳ ሴራ

19 ገላኦታ ናምኦንላ ሸቂቲ ኡቲዳሼ ማርዲኪዮሳ ካዎ ኬላ ፔንጌ ናገሼ ኡቲዳስ።

20 አስቲሮ ማርዲኪዮሳ ኢዚሰ ዮቲዳ ማላ ባ ቆሞኔ ባ ዳሬዛ ቆታዲስ፤ ኢዞ ሃሳ ኦሴዳ ጋሶይካ ማርዲኪዮሳ ካሴ ኢዞ ዲቺዛ ዎዴ ኢዞ ኦሴዛ ማላ ሃኢካ ኢዞ ዞሬ ኤካሼ ዲዛ ገሻሳ።

21 ማርዲኪዮሳ ካዎ ኬላ ፔንጌ ናገዛ ኦላንቻታ ሃላቃ ናምኦቲ ጋባታይኔ ቴሬሻይ ካዎዛ ቦላ ሃንቁቲዲ ካዎዛ ዎቶሰ ዲላቲዳ።

22 ማርዲኪዮሳ ኢስቲ ሴሪዳይሳ ጋኪ ኤሪዲ ጎዳቶ አስቲሮሰ ዮቲዳስ፤ ኢዞካ ማርዲኪዮሳፔ ሲዩዳይሳ ካዎዛሰ ቆንጫሲ ዮታዲስ።

23 ዮኡዛ ፒልገሺን ቲሙ ገዲ ቤቲዳስ፤ ሄ ናምኡ ሹሜቲ ካቂቲ ሃይቃና ማላ ኢስታ ቦላ ፒሮይቲዳስ፤ ሄሲ ኡባይ ካዎዛ ሲንሳን ታሪኬ ማጻፋን ጳፊቲዳስ።

3

ሃማይ አይሁዳታ ቆይሳና ማቂዳ ማቆ

1 ሃሳፊ ጉዬ ካዎ አርጾኪሲሲ አጋጌ ዳሬ አሰ ሃማዳቲ ና ሃማ ቶቁ ቶቁ ሂሰቲዲ ሃራ ሹሜታፔ ቦላራ ኢዛሰ ማታ ኢሚዲ ቦንቾዳስ።

2 አሳይ ኢዞ ቦንቻና ማላ ካዎይ አዛዚ ዎላዳ ገሻሰ ካዎ ኬላ ፔንጌን ኦሴዛ ሹሜቲ ኡባይ ሃማሰ ጉልባቲዲ ኢዛሰ ቦንቾ ሳሮካ አሜቴስ። ገዲ አቲን ማርዲኪዮሳ ኢዛሰ ጉፋኒ ጎይኒቤናኔ ቦንቾ ሳሮካ ኢሚቤና።

3 ሃሳ ገሻሰ ካዎ ኬላ ፔንጌን ኦሴዛ ካዎ ኦሳንቻቲ ማርዲኪዮሳ፣ «ካዎ አዛዘ አይሰ ሜንላይ?» ገዲ ኢዞ አይቺዳ።

4 ሃሳካ ጋላሰ ጋላሰ ኢዛሰ ዮቲሹ ታኪዳ፤ ገዲ አቲን ኢዚ ኢስቲ ዮቲዛይሳ ኤካናሰ ኮዩቤና። ኢዞ አይሁዳ አሰ ገዲዳይሳ ኢስታሰ ዮቲዳ ገሻሰ። «ማርዲኪዮሳ ሃኖይ አይዴ ጋካናሰ ሃሳላ ሃናናኮ ቤኦና» ገዲ ሃሳ ሃማሰ ዮቲዳ።

5 ማርዲኪዮሳ ኢዛሰ ጉልባቲ ጎይናንታይሳኔ ኢዞ ቦንቻንታይሳ ቤኢዲ ኬሂፔ ሃንቁቲዳስ።

6 ሃራፔካ ማርዲኪዮሳ ኦናንታ ባጋኮኔ ሻኪ ኤሪዳፔ ጉዬ ማርዲኪዮሳ ጳላ ዎቶይ ቂሪ ሚሻ ማላ ቆዲዳስ። ሃሳ ገሻሰ ሃማይ አርጾኪሲሴ ካዎቴላ ጋርሳን ዲዛ ማርዲኪዮሳ ባጋ ገዲዳ አይሁዳታ ኡባ ቆይሳና ኦጌ ኮዩዳስ።

7 ካዎ አርጾኪሲሲ ካዎቴዳ ታማኔ ናምኦንላ ላይላን፣ ኒሳኔ ጌቲቲዛ ኮይሮ ኢገናን፣ አይሁዳታ ዎቶኦ ኢገናኔ ጋላሳ ኤራና ማላ፣ ፑሪሜ ጌቲቲዛ ሳማ ሃማይ ዲዛሰን ዩገዲ። ሳማዚካ አዳሬ ጌቲቲዛ ታማኔ ናምኦንላ ኢገናን ዩጌቲዳስ።

2:6 2ካዎ 24:10-16፤ 2ታሪ 36:10 * 2:16 ቴቤቲይ ኑ ኢገና ቆዳን ቲሳሴ ዎይኮ ጳሬ ኢገና ቤሴሰ

8 ሃሳፌ ጉዬ ሃማይ ካዎ አርጾኪሲሴስ፡ «ኔ ካዎቴላ ጋርሳን ዲዛ ዳሪ ኡባን ላሌቲ ጋኪዳ ኢሲ ዳሪይ ዳሰ፤ ሄ ዳራሲካ ሃራ ዳሪታ ኡባፌ ዲማቲዛ ሎሴይ ዳሰ፤ ካዎ ዎጋሰካ አዛዜቴቴና፤ ሃሳ ገሻሰ ሃ ዳሪዛ ጮኡ ገ ቤሶይ ካዎዛሰ ኪዬና።

9 ሃይሲ ዮኦይ ካዎዛ ኡፋይሲዛ ገዲኮ ኢሰታ ቆይሳና አዎጃይ ኬዘ፤ ታኒካ ሃይሳ ሃ ኦሶዛ ኦፋና አሳታሰ 340,000 ኪሎ ሜዛኒዛ ቢራ ካዎ ሚንጃ ኬላን ጌልፋና» ገደሰ።

10 ሃሳ ገሻሰ ካዎዚ ባ ሚዲጋ ማታሜዛ ቢራጼፌፌ ኬሲዲ አይሁዳታሰ ሞርኬ ገዲዳ አጋጌ ዳሪ አሰ ሃማዳቲ ና ሃማሰ አሚዳሰ።

11 ካዎዚ ሃማ፡ «ኔ አማና ገዳ ሚሻ ኔ አቻን አይካ፤ ዳራካ ኔ ደሲዳ ማላ አላ» ገደሰ።

12 ሂሰቲን ኮይሮ አገናን፡ ታማኔ ሄሻንላ ጋላሳን ሃማይ ካዎ ጸፊታ ኡባ ዳይገደሰ። አሰቲካ ሃማ አዛዘዛ ኡባ አወራጃን አወራጃን ጸፊቲዛ ፒዳሌኒኔ ዳራ ዳራ ቃላ ማላ ካዎዛ ሹሜታሰ ዲማ ዲማ አወራጃ አይሲዛይታሰኔ ዲማ ዲማ ዳሪታ አይሲዛ ሞኮኔታሰ ጸፊዳ። ሃይሲ ካዎ አርጾኪሲሴ ሱንሳን ጸፊቲዲ አዛ ማታሜን ሾጩቲዳሰ።

13 አዳሪ ጌቲቲዛ ታማኔ ናምአንሶ አገናን፡ ታማኔ ሄሻንላ ጋላሰ ናቴላ፡ ጨማ፡ ማጫኔ ዪቆ ሻኮንታ ኩሜላ አይሁዳቲ ሄ ጋላሰ ቆያና ማላ፡ ሃይቃና ማላኔ ዲፒ ጋና ማላ፡ አሰታ አቆታይካ ቦንቁታና ማላ፡ ካዎቴላ ጋርሳን ዲዛ አወራጃታ ኡባ ጋካና ማላ ቃሰታኔታ ኩሼን አሜቲዳሰ።

14 ኡባ አወራጃን ዲዛ ዳራሰ ኤሬታና ማላ፡ አሰቲካ ሄ ጋላሰ ገጌቲ ኡታና ማላ፡ ኮይሮ አዎጃዛፒ ዲቁቲዲ ዎጋይ ኬዛና ማላኔ ኩሜላ አወራጃ ጋካና ማላ ከቲቲዳሰ።

15 ቃሰታኔቲ ካዎዛ አዛዘን ኤሶቲ ኬዚዳ፤ አዎጃዚካ ሱሳ ገምቤን አዎጃቲዳሰ፤ ካዎዚኔ ሃማይ ኡያናሰ ኡቲዳ፤ ገደ አቲን ሱሳ ካታማያ ሸርታዳሰ።

4

ማርዲኪዮሲ አስቴሪ አይቸዳ ማዶ

1 ማርዲኪዮሲ ሃ ሃኒዳ ኡባ ኤሪዳፔ ጉዬ ባ ማይኦ ዳኪዳሰ፤ ማቃ ማይኢዲ፡ ባ ሁኤ ቦላ ቢዲንሳ ላሊዲ፡ ባ ቃላ ቆቁ ሂሰቲ ጫሞ ዬሆ ዬኪሼ ካታማይ ገደ ጌሊዳሰ።

2 ማቃ ማይኢዳ አሲ ካዎቴላ ኬላ ጌላናሰ ዳንዳዮንታ ገሻሰ ኢዛሰ ፔንጌ ጋካናሰ ቢዳሰ።

3 ካዎዛ አዎጃይኔ አዛ አዛዘይ ጋኪዳ አወራጃታ ኡባን አይሁዳታ ጋርሳን ገታ ጩጩይ ሜቆቲዳሰ፤ ሂሰቲን ጸሚዳ፤ ዬኪዳ፤ ዋሲዳ፤ ዳርቲካ ማቃ ማይኢዲ ቢዲንላ ቦላ አቸዳ።

4 ጎዳቶ አስቴሪ ዳንጋጺሬቲኔ አዘ ናገዛ ጉንዲላቲ ዪዲ ማርዲኪዮሳ ገሻሰ ኢዚሰ ዮቲን አዛ ኬሃ ጩጩዲሰ፤ ሂሰታዳ ማቃ ቆጼ አዚ ማይኦና ማይኦ ዬዳዲሰ፤ ገደ አቲን አዚ ኤኪቤና።

5 ሃሳፌ ጉዬ አስቴሪ ኢዚሰ ኦፋና ማላ ካዎይ ዎሊዳ ጉንዲላታፔ ሃታካ ዳይጋዳ ማርዲኪዮሳ አይ ሜቶይ ጋኪዳኮኔ አይሰ ሃሳላ አዚ ሃኒዛኮ ሻኪ ኤራና ማላ ከታዲሰ።

6 ሂሰቲን ሃታካይ ካዎ ኬላ ጌሊዛ ፔንጌን ዲዛ ካታማይ ዛን ማርዲኪዮሳኮ ዪዳሰ።

7 ማርዲኪዮሲ ባ ቦላ ጋኪዳይሳ ኡባ ቆንጨሲ ኢዛሰ ዮቲዳሰ። ቃሴካ ሃማይ አይሁዳታ ቆይሳናሰ ካዎ ሚንጃ ኬላ ጌልፋናሰ ጌፒዳ ሚሻ ሊኬካ አሾንታ ጌሺ ዮቲዳሰ።

8 አይሁዳታ ቆይሳናሰ ሱሳ ገምቤን ኬዚዳ አዎጃፔ ዲቁቲዳይሳ አሰቴሮ ቤሳናሲኔ ኢዚሰ ፓቲ ዮታና ማላ አሚዳሰ። አዛካ ካዎዛኮ ጌላዳ ባ ዳራ ገሻሰ ማርቴላ አይቻና ማላኔ ጋናታና ማላ፡ አዚ ሚንላ ኢዚሰ ዮታና ማላ አዛ ቆፍሲዳሰ።

9 ሃታካይ ሰሚ ዪዲ ማርዲኪዮሲ ኢዛሰ ዮቲዳይሳ ኡባ አሰቴሪሰ ዮቲዳሰ።

10 አዛካ ሃታካይ ማርዲኪዮሳሰ።

11 «ካዎዛ አይሌቲኔ አዛ አወራጃን ዲዛ አሳይ ኡባይ ማጫ ገዲን፡ አቲማ ገዲን፡ ኦኒካ ካዎዚ ዳይሳንታ ዲሺን ካዎዚ ዲዛሶ ጌሊዛዳሰ ካዎዛፔ ኢሲ ዎጋይ ዲዛይሳ ኤሬሰ፤ ሄ ዎጋዛካ ሜንላዲዳይ ሃይቁሰ። አሲ ሃሳ ማላ ሃይቆፔ አታና ዳንዳይዛይ ካዎዚ ዎርቃ ጉፊዛ ዳንላ ቤሲሸና። ታኒ ካዎዛኮ ጌላናሰ ዳይጌቶሶፌ ሃኙ ጋካናሰ ሄሹ ታሙ ጋላሳፌ አቋዳሰ» ገ ዮታና ማላ ኢዛሰ ዮታዲሰ።

12 አሰቴሪ ከታይ ማርዲኪዮሳ ጋኪን፡

13 አዚ ኢዚሰ፡ «ኔኒ ካዎ ኬላን ዲዛ ገሻሰ ሃንኮ አይሁዳ አሳይ ቆይሺን ኔ ጸላ አታና ኔሰ ሚሳቶፖ፤

14 ኔኒ ሃይሳ ማላ ዎዴን ጮኡ ገኮ አይሁዳታሰ ማዶይኔ አሻናይ ሃራሶፔ ያና። ኔኒኔ ኔ አዎ ኬላ አሳይ ገዲኮ ቆያና፤ ቃሴካ ኔኒ ጎዳቶ ገዲዳይ ሃይሳ ማላ ዎዴሳኮኔ ኦኔ ኤሪዛይ?» ገዛ ዛር ዬዲዳሰ።

15 ሃሳፌ ጉዬ አስቴሪ ማርዲኪዮሳሰ።

16 «ባዳ ሱሳን ዲዛ አይሁዳ አሳ ኡባ ኢሲሶ ሸሻ። ሂሰቲዲ ታሰ ጸሚቲ፤ ሄሹ ጋላሲኔ ሄሹ ኦማርሰ ጋካናሰ ሞፒቲኔ ኡዮፒቲ። ታኒኔ ታ ዳንጋጺሬቲ ሃሳሶ ጸማና፤ ሂሲ ፖሌቲዳፔ ጉዬ ሃናዚ ዎጋፔ ካሬራ ገዲኮካ ታኒ ካዎዛኮ ጌላና፤ ታኒ ሃይቁኮካ ሃይቃና» ገዛ ዛር ዬዲዳሰ።

17 ሂሰቲን ማርዲኪዮሲ ሰሚ ቢዲ አሰቴሪ አዛዚዳ ኡባ ፖሊዳሰ።

5

ገቢራሰ አስቴሪ ዳይሰ

1 ሄሻንላ ጋላሰ አሰቴሪ ባ ቦንቶ ማይኦዛ ማይኦዳ ካዎዛ አራታሰ ሲንላ ባጋራ ዲዛ ካዎቴላ ኬላሰ ገደ ዳባባን ጌላ ኤቃዲሰ። ካዎዚ ጌዴ ኬላ ጌሊዛሶ ገናሪ ባ አራታ ቦላ ኡቲ ዳሰ።

2 ጎዳቶ አሰቴሪ ዳባባን ኤቁዳር ካዎዚ ቤኢዲ ኡፋዬቲዳሰ። ባ ኩሼን ኦይኪዳ ዎርቃ ጉፊዛ ኢዚሰ ዳንላዳሰ፤ አሰቴሪካ ሸቃዳ ጉፊዛ ዳራ ቦቻዲሰ።

3 ሃሳፌ ጉዬ ካዎዚ አዘ፡ «ጎዳቶ አሰቴሪ፡ አይሰ ያዲ? ቃሴ ታ ኔሰ አይ ኦፋና ማላ ኮያይ? ታ ካዎቴላፌ ባጋ ገዲኮካ ታ ኔሰ አማና» ገደሰ።

4 አሰቴሪ ዛራዳ፡ «ካዎዛ! ኔና ኡፋይሲዛይሳ ገዲኮ፡ ታኒ ኔሰ ገግሲዳ ገቢራ ማናሰ ኔኒኔ ሃማይ ገቢራሶን ቤቲርኬቲ» ጋዲሰ።

5 ካዎዚካ፡ «ኦኒ አሰቴሪ ገዳይሳ ፖላና ማላ ሃማ ኤሶን ዳይገቲ» ገደሰ። ሃሳ ገሻሰ ካዎዚኔ ሃማይ አሰቴሪ ገግሲዳ ገቢራሶ ቢዳ።

6 አሰቲ ዎይኔ ኡሹ ኡዪሺን ቃሴካ ካዎዚ አሰቴሪ፡ «ኦኒ ኔ ኮይዛይሲ አዜ? አዚ ኔሰ አሜታና፤ ቃሴካ ኔ

ሃራ ኦይቸዳይ አዜ? ታ ካዎቴላፊ ባጋ ጊዲኮካ ታ ኔስ አማና» ጊደሰ።

7 እስቴሪካ ኢዛስ ዛሪዳ።

8 «ታ ዋሳይኔ ታ ኦይቸይ ሃይሳፊ ካለዛይሳ፤ ታኒ ካዎ ማታን እዮቴላ ዴሚዳ ጊዲኮኔ ታ ኮዩዳይሳ አሞይኔ ታ ዋሳ ፖሎይ ካዎዛ ኡፋይሲዛ ጊዲኮ ካዎዛኔ ሃማይ ታ ገግሲዛ ገቢራን ዋንቶ ታስ ቤቴቶ፤ ሂስቲኮ ታኒ ካዎዛ ኦይቸዳ ኦይቸሰ ዛር አማና» ጋዲሰ።

ማርዲኪዮሳ ቦላ ሃማ ማፍ

9 ሄ ጋላሰ ሃማይ ካዎዛ አቻፊ ኡፋዬቲሼ ኬዚ ቢደሰ፤ ጊደ አቲን ኢዚ ማርዲኪዮሳ ካዎዛ ፔንጌን ቤኢሺን ኢዚ ኡቶሳፔ ዴንዶንታ ኢዲዳይሳኔ ኢዛስ ቦንቸ አሞንታ ኦጊዳይሳ ቤኢዳ ማላ ኢዛ ሃንቆይ ማርዲኪዮሳ ቦላ ታማ ማላ ኤዲደሰ።

10 ጊዲኮካ ሃማይ ጮ ጌንጮጮዲ ባሶ ቢደሰ።

ባ ላጌታኔ ባ ማቸ ዞሳራ ዴይጊሲዲ ኢሲ ቦላ ሺሺዳፔ ጉዬ።

11 ሃማይ ባ ዲሪቴላኔ ጊታቴላ። ባ ናይታ ዳርቴላ። ካዎዛ ኢዛ አይ ማላ ቦንቸዳኮ። ሃንኮ ሞኮኔታፔኔ ሹሚታፔ አይ ማላ ኢዛ ጶቁሲዳኮ ናሹቲ ዮቲደሰ።

12 ሃማይ፡ «ሄሳ ጸላ ጊደና፤ ጎዳቲያ እስቴሪ ገግሲዳ ገቢራሶን ቤታናሰ ታፔ አቲን ሃሪይ ዴይጌቲቤና። ዋንቶስ ካዎዛራ ታና ጸላ ዴይጋዲሰ።

13 ጊደ አቲን አይሁዳ ዴሬ አሰ ማርዲኪዮሲ ካዎዛ ፔንጌን ኡቲዳይሳ ታ ቤኢሺን ሃይሲ ኡባይካ ታና ኡፋይሲና» ጊደሰ።

14 ኢዛ ማቸያ ዞሳራይኔ ኢዛ ላጌቲ ኡባይ፡ «ኔኒ 50 ዋቆ አዲሳ ኮጫ ኤሲሳ፤ ሂስታዳ ዋንቶ ዋንታራ ማርዲኪዮሲ ሄ ኮጫ ቦላ ካቆታና ማላ ካዎዛሰ ዮታ። ሃሳፊ ጉዬ ኡፋዬታሹ ካዎዛራ ኢሲፊ ገቢራሶ ባንዳሳ» ጊደ። ሄ ቆፋዚ ሃማ ኬሂ ኡፋይሲን ካቃናሶዛካ ገግሲደሰ።

6

ማርዲኪዮሳ ቦንቸቴላ

1 ሄ ጋላሳ ኦማርሰ ካዎዛ ዲስኮ ቆዩ አቁደሰ፤ ሄሳ ገሻሰ ባ ካዎቴላ ላይላን ጸፊቲዳ ታሪኬ ማጻፋቲ ሸቆዲ ናባቤታና ማላ አዛዚደሰ።

2 ሄን ፔንጌ ናጊዛ ካዎዛ ኦላ ጋደዋታፔ ናምአቲ ጋባታይኔ ቴሬቫይ ካዎ አርጾኪሲሴ ዋቆናሰ ዞሬቲ ኡቲዳይሳ ማርዲኪዮሲ ዮቲን ጸፊቲ ኡቲዳይሲ ቤቲደሰ።

3 ካዎዛካ፡ «ሂስቲን ኢዚ ሃይሳ ኦላዳ ገሻሰ ኢዛስ አሜቲዳ ቦንቸይኔ ሱንላ አዜ?» ጊ ኦይቸደሰ። ኢዛ ማታ ላጌቲ፡ «ኢዛስ አይኮይካ ኦሴቲቤና» ጊደ።

4 ካዎዛ ዛሪዳ፡ «ዛጎዛን ኦኔ ዲዛይ?» ጊ ኦይቸደሰ። ሄ ዋዴ ሃማይ ማርዲኪዮሳ ኢዛ ቦላ ካቃናሰ ካዎዛሰ ዮታና ቢዲ ካሬ ባጋራ ዲዛ ካዎ ኬላ ዛጎ ቡር ጋኬላ ቦላ ደሰ።

5 ኢዛሰ ማታ ኦሳንቻቲ፡ «ሄኮ ሃማይ ዛጎዛን ኤቁደሰ» ጊደ።

ካዎዛካ፡ «ሃ ጌላ ጊቲ» ጊደሰ።

6 ሃማይ ጌሊዳፔ ጉዬ ካዎዛ፡ «ካዎይ ቦንቻና ኮዩዳ አሳሰ አይ ኦላና ቤሲዜ?» ጊ ኦይቸደሰ።

ሃማይ፡ «ካዎይ ቦንቻናይ ታፔ ሃሪይ ኦኔ?» ጊ ባ ዋዛናን ቆጊደሰ።

7 ሄሳ ገሻሰ ካዎዛ ኢዛስ ዛሪዳ፡ «ካዎይ ቦንቻና ደሲዳ አሳሰ።

8 ካዎዛ ኢዛ ማይዚዛ ካዎቴላ ማይኦይ፡ ካዎ ካላቻ ኢዛ ሁኤን ዋሊን ካዎይ ቶጊዛ ጋራይ ኢዛሰ ዮ።

9 ሄሳፊ ጉዬ ማይኦይኔ ጋራዚ ኬሂፔ ቦንቸቲዳ ካዎ ሹሚታፔ አሳ ኮሼን አሜቶ። ካዎዛ ቦንቻና ደሲዳዴ ማይዜቶ፤ ኢዛ ጋራ ቶጊሲዲ ካታማይሰ ዋና ዋና ኦጌታ ዩሺሹ፡ «ካዎይ ቦንቻና ኮዩዳደሰ ሃይሳሶ ኦሴቴሰ» ጊደሰ።

10 ካዎዛ ዛሪዳ ሃማ፡ «ኦኔ ኤሶን ባ! ማይኦይኔ ጋራ ኤካዳ ካዎ ፔንጌን ኡቲዳ አይሁዳ አሰ ማርዲኪዮሳሰ ኔ ጊዳ ማላ ኦላ፤ ኔ ጊዳይሳፊ ኢሲናካ ጋጮንታ ማላ» ጊ አዛዚደሰ።

11 ሄሳ ገሻሰ ሃማይ ካዎቴላ ማይኦይ ማይዚዳ ጋራ ቶጊሲደሰ፤ ዋጋ ኦጌታን ካሌላሹ፡ «ካዎይ ቦንቻናሰ ደሲዳ አሳሰ ሃይሲ ኦሴቴደሰ» ጊ ኢዛ ሲንላን አዎጂደሰ።

12 ሄሳፊ ጉዬ ማርዲኪዮሲ ካዎዛ ፔንጌ ሰሚደሰ፤ ጊደ አቲን ሃማይ ጮጮሹ ባ ሁኤ ጉሉንቲዲ ኤሶን ባሶ ሰሚ ቢደሰ።

13 ባ ቦላ ጋኪዳ ኡባ ባ ማቸ ዞሳራሲኔ ባ ላጌታሰ ኡባሰ ዮቲደሰ። ኢዛ ዞራንቻቲኔ ኢዛ ማቸ ዞሳራይ ኢዛሰ፤ «ኔ ኢዛ ሲንላን ካጫሽ ደሚዳ ማርዲኪዮሳሰ ዜሬላይ አይሁዳታ ባጋፊ ጊዲኮ ኔ ኢዛራ ኤቆታዳ ዳንደያካ፤ ሰዴይ ባይንዳ ኔ ቆያና» ጊደ።

14 ኢሰቲ ኢዛራ ቡር ሄሳ ሃሳያን ዲሺን ካዎ ጉንዲላቲ ዩዲ አሰቴሪ ገግሲዳ ገቢራሰ ሃማ ኤሶን ኤኪ ቢደ።

7

ሃማ ካቁቴላ

1 ሂስቲን ካዎዛኔ ሃማይ ጎዳቲዮ አሰቴሪ ገቢራ ማናሰ ቢደ።

2 ሄ ናምአንሎ ጋላሳ ገቢራሰ ቢዲ ኢሰቲ ዋይኔ ኡቫ ኡዩሺን ካዎይ ቃሴካ፡ «ጎዳቲዬ አሰቴሪ! ኔኒ ዋሲዛይ አዜ? ታ ኔስ አማና። ቃሴ ኔኒ ታና ኦይቸዳይ አዜ? ሃሪይ አቶ ታ ካዎቴላፊ ባጋ ጊዲኮካ ታኒ ኔስ አማና» ጊደሰ።

3 ጎዳቲያ እስቴሪ ዛሪዳ፡ «ካዎ! ኔኒ ታናን ኡፋዬቲዳ ጊዲኮ፡ ቃሴ ኔ ጊታቴላ ኡፋይሲዳ ጊዲኮ ታ ሹምፖዮኔ ታ ዴሬዛ አቫ፤ ታ ዋሳይኔ ታ ኦይቸይ ሃይሳ።

4 ጋሶይካ ታኒኔ ታ ዴሬይ ባሻሰ፡ ሹካሲኔ ቆይሳሰ ባይዜቲደሰ። ኔኒ ማጫቲኔ አዳቲ አይሌቴላሰ ጸላ ባይዜቲዳኮ ታኒ ደናካ ጸቁኬ፤ ሄሲ ካዎ ሜቶላናሰ ቤሶንታ ዮኦ» ጋዲሰ።

5 ካዎ አርጾኪሲሲ ዛሪዳ፡ «ሄሳ ኦላናሰ ጸሊዳይ ኦኔ? ሄ ቢታኔይ አዎን ዲዜ?» ጊዲ ጎዳቲዮ አሰቴር ኦይቸደሰ።

6 አሰቴሪካ፡ «ኮ ባልጋራኔ ኮ ሞርኬ ጊዲዳ ሃ ኢታ አሰ ሃማ» ጋዲሰ።

ሄ ዋዴ ሃማይ ካዎዛ ሲንላኒኔ ጎዳቲይ ሲንላን ኬሂ ዳጋሚደሰ።

7 ካዎዚ ከሂ ሃንቁቲዲ ባ ኡቲዳሶሆፕ ዴንዲ ኡቁዴሰ፤ ባ ኡሻ ኡጋጊዲ ካዎ ከላ ኡታኪልቲይ ዲዛሶዛ ቢዴሰ። ጊዶ ኡቲን ሃማይ ካዎይ ኢዛ ቦላ ኢታ ሚሽ ኤሃናሰ ቃቸዳይሳ ኤሪዳ ገሻሰ ጎዳቲያ ኡሰቲራ ኢዛ ሃይቆፔ ኡሻና ማላ ዎሳናሰ ጉዬ ኡቲዴሰ።

8 ካዎዚ ካዎ ከላ ኡታኪልቲይ ዲዛሶሆፕ ሲሚዲ ጊቢራ ከሌ ጌሊዛ ዎዴ ሃማይ ጎዳቲዮ ኡሰቲሪፕ ማሬታና ጊዲ ኢዛ ኡቲዳ ኡርጃታ ቦላን ጉፋኒዳይሳ ቤኢዴሰ። ሃሳፌ ጉዬ ካዎዚ ከሂ ሃንቁቲዴሰ፤ ባ ቃላካ ቶቁ ሂሰቲዲ፡ «ሃይሲ ኡዴዚ ታ ኡይፌይ ቤኢሺን ታ ከላን ጎዳቲዮ ኦይካና ኮይዜ?» ጊዴሰ።

ካዎዚ ቡሮ ሃሳ ሃሳያ ቦላ ዲሺን ካዎ ጉንዴላቲ ዩዲ ሃማ ላይፌሶ ጎዚዳ።

9 ሃሳፌ ጉዬ ኡሰታ ጊዶፊ ሃርቦኔ ጌቲቲዛ ጉንዴላይ፡ «ካዎ! ኔና ሃይቆፔ ኡሺዳ ማርዲኪዮሳ ካቃና ጊዲ ሃማይ ኤሲዳ ኢቻሽ ታሙ ዋቆ ኮጫይ ኢዛሶን ዴሰ» ጊዴሰ።

ካዎዚ ዛሪዲ፡ «ሃማ ኤፊዲ ሄ ኮጫ ቦላ ካቁቲ!» ጊ ኡዛዚዴሰ።

10 ሃሳ ገሻሰ ማርዲኪዮሳ ካቃና ጊዲ ገገሲዳ ኮጫ ቦላ ኤፊዲ ሃማ ካቁዳ፤ ሃሳፌ ጉዬ ካዎዛ ሃንቆይ ኢርዲዴሰ።

8

አይሁዳታ ገሻሰ ከዚዳ አዎጃ

1 አይሁዳታ ሞርኬ ሃማይ ካቁቲዳ ጋላሰ ካዎ ኡርጃኪሲሲ ሃማ ሃሮ ኡባ ጎዳቲዮ ኡሰቲሪሰ ኡላ ኢሚዴሰ። ቃሴ ማርዲኪዮሲ ኢዚሰ ማታ ደቦ ጊዲዳይሳ ኡሰቲራ ካዎዛሰ ዮታዲሰ። ሃሳ ገሻሰ ሄ ጋላሳፌ ደሚዲ ማርዲኪዮሲ ካዎዛኮ ጌላናዉ ዳንዳይዴሰ።

2 ካዎዚ ሃማፔ ዛሪ ኤኪዳ ባ ማታሚ ሚዲጋዛ ማርዲኪዮሳሰ ኢሚዴሰ። ሂሰቲን ኡሰቲራ ሃማ ኡቆታ ቦላ ማርዲኪዮሳሰ አዎቴሌ ኢሚዴሰ።

3 ሃሳፌ ጉዬ ኡሰቲራ ዬካሽ ካዎዛ ቶሆ ቦላ ኩንዳዳ ኡጋጌ ዛሪ ሃማይ አይሁዳታ ቦላ ቃቸዳ ኢታ ማቆይ ኡሶን ፔኢንታ ማላ ካዎዛ ዎሳዲሰ።

4 ሂሰቲን ካዎዚ ባ ዎርቃ ጉፊ ኢዚሰ ሚጫን ኢዛ ዴንዳ ኤቃዳ፡

5 ኢዛሰ፡ «ካዎዛ! ታ ኔ ሲንላን ኡዮቴሌ ዳሚዳ ጊዲኮ፡ ቃሴ ታ ኔና ኡፋይሲዳ ጊዲኮ፡ ታ ኦይቸዳ ኦይሻይ ካዎ ሲንላን ኤኬቲዛ ጊዲኮ፡ ካዎይ ኡይሲዛ ዴሬ ኡባን ዲዛ አይሁዳታ ቆይሳናሰ ኡጋጌ ዛሪ ሃማዳቲ ና ሃማይ ኬሲዳ አዎጃ ሻራናሰ ሃራ አዎጃ ከሳና ማላ ታ ኔና ዎሳይሰ።

6 ሃ ቦሻይ ወሪ ታ ዴራ ቦላ ጋኪሺን ታኒ ዋና ጮኡ ጋ ጸላና ዳንዳያዚና? ቃሴ ታ ደቦቲካ ቆይሺን ታኒ ዋና ጮኡ ጋ ጸላና ዳንዳያዚና?» ጋዲሰ።

7 ሃሳፌ ጉዬ ካዎ ኡርጃኪሲሲ ጎዳቶ ኡሰቲሪሰኔ አይሁዳ አሰ ማርዲኪዮሳሰ፡ «ሃማይ አይሁዳታ ዎቆናሰ አዎጃ ከሲዳ ገሻሰ ታኒ ሚላ ኮጫ ቦላ ኢዛ ካቁሲዳይሳኔ ኢዛ ሃሮካ ኡባ ጎዳቶ ኡሰቲሪሰ ኢሚዳይሳ ኢንቴ ኤሬታ።

8 ጊዲኮካ ካዎ ሱንላን ጸፊቲዲ ኢዛ ቃላባቲ ማታሚን ሾጮቲዳ ዳብዳቤይ ሻሬታና ዳንዳዮንታ ገሻሰ ኢንቴካ ኢንቴ ባጋራ አይሁዳታሰ ሎኦ ሚሳቲ

ቤቲዛ ሃራ አዎጃ ካዎዛ ሱንላን ጸፊዲ ካዎዛ ቃላባቲ ማታሚን ሾጮቲ» ጊዴሰ።

9 ሲዋና ጌቲቲዛ ሄሻንላ ኡጊናን፡ ናምኡ ታማኔ ሄሻንላ ጋላሳን፡ ማርዲኪዮሲ ካዎ ከላ ጸፊታ ጸይጊዲ አይሁዳታሰ፡ ሂንዴፌ ቶጵያ ጋካና ዲዛ 127 ዴሬታ ሃሪዛ ዳናታሰ፡ ሃራ ሹሚታሰ ቢዛ ዳብዳቤ ጸፊሲዴሰ። ሄ ዳብዳቤቲ ኢሰታ ቃላን ቃላኒኔ ጸፊቲዛ ማራን ቃሴ አይሁዳታ ቃላኒኔ ኢሰታ ጸፎ ማራ ማላ ጸፊታና ማላ ኡላዴሰ።

10 ማርዲኪዮሲ ሄ አዎጃታ ኡባ ካዎ ኡርጃኪሲሲ ሱንላን ጸፊሲዲ፡ ኢዛ ቃላባቲ ማታሚን ሾጮዴሰ፤ ሂሰቲዲ ካዎሰ ጋራኤቲዳ ፕላታ ፓራታ ቶጊዛ ቃሰታኔታ ቦላ ኡባ ዴራሰ ዬዲዴሰ።

11 ካዎዛ አዎጃይ ኡባ ካታማታን ዲዛ አይሁዳቲ ባ ዲዛሶን ዲዛሶን ኢሲ ቦላ ሺቃና ማላኔ ባንታ ሞርኬታራ ኤቁታና ማላ፡ ሃሳሳካ ባ ቦላ፡ ባ ማቸታ ቦላኔ ባ ናይታ ቦላ ሚቶ ጋሊዛ ኡይ ዴሬ ኡሰ ጊዲን ዎይኮ ጊጸቲዳ ኡላንቻታ ዎይኮ ካዎቴላታ ጊዲን ኢሰቲ ዛሪ ዎቆና ማላ፡ ቆይሳና ማላኔ ሞርኬታ አቆታ ቦንቃና ማላ ማታ ኢሚዴሰ።

12 ካዎ ኡርጃኪሲሲ ሃሪዛ ቢታ ኡባን አይሁዳቲ ሃሳ ኡላናሰ ቃቸዳ ጋላሳይ ኡዳሬ ጌቲቲዛ ታማኔ ናምኡንላ ኡጊናን ታማኔ ሄሻንላ ጋላሳና።

13 አይሁዳቲ ባ ሞርኬታ ቦላን ሃሎ ከሳናሰ ሄ ጋላሰ ጊጌቲ ኡታና ማላ ካዎዛ አዎጃፌ ዲቁቲዳ ዎጋይ ኡባ ዴሬን ኡሳይ ኤራና ማላ አዎጃቲዴሰ።

14 ከቴቲዛይቲ ካዎ ከላ ፓራታ ቶጊዲ ካዎዛ ኡዛዛ ጋላናሰ ኤሰቲዲ ቢዳ። ቃሴ ሱሳ ገምቤንካ ሃ አዎጃይ ኡሳ ኡባሰ ዮቴቲዴሰ።

15 ማርዲኪዮሲ ሳሎ ሚሳቲዛኔ ቦላ ቃጫናን ዳይቲዳ ካዎ ማይኦ ማይኢዲ፡ ጊታ ዎርቃ ካላቻ ጎጲዲ፡ ሎኦ ፑቶፌኔ ኡቻ ቴራ ሚሳቲዛ ፑቶፌ ዳይቲዳ ሴሎ ማይኦ ማይኢዲ ካዎዛ ሲንላፌ ከዚዴሰ። ሱሳ ካታማያ ኡፋይታዳ ኢሊላዲሰ።

16 ሄሲ አይሁዳታሰ ኡፋይሳ ጋላሲኔ ካሳ ጋላሰ፡ ጋላታ ጋላሲኔ ቦንቻ ጋላሰ ጊዲዴሰ።

17 ካዎዛ አዎጃይ ጋኪዳ ዴሬታኒኔ ካታማታ ኡባን አይሁዳታሰ ኡፋይሲኔ ሚቻ፡ ጊቢራ ጋላሲኔ ካሳ ጋላሰ ጊዲዴሰ፤ ሃራ ካዎቴላቲ ኡባይ አይሁዳታሰ ባቢዳ ገሻሰ አይሁዳቲላን ላሚቲዳ።

9

አይሁዳታ ጸኖ

1 ኡዳሬ ጌቲቲዛ ታማኔ ናምኡንላ ኡጊናን ታማኔ ሄሻንላ ጋላሳይ ጋኪዴሰ። ሄ ጋላሳይ ካዎይ ኮይር ኬሲዳ አዎጃ ዎዴ አይሁዳታ ሞርኬቲ ኢሰታ ጸናና ጊዳ ጋላሳ። ጊዶ ኡቲን ዮኡዚ ላሚቲን አይሁዳቲ ባንታ ሞርኬታ ጸኒዳ።

2 ካዎ ኡርጃኪሲሲ ካዎቴላ ጋርሳን ዲዛ አይሁዳቲ ወሪ ባንታና ቆሃናዉ ኮይዛ ኡባ ቆይሳናሰ ባንታ ካታማን ካታማን ኢሲፌ ሸቁዳ። ሃራ ዴሬ ካዎቴላቲ ኡባይ ኢሰታሰ ባቢዳ ገሻሰ ኢሰታራ ኡይ ኡሲካ ኤቁታናዉ ዳንዳይቤና።

3 ዴሬ ሃሪዛይቲኔ አይሲዛ ጊታ ኡሳቲ፡ ማታይ ዲዛይቲኔ ሹሚቲ ኡባይ ማርዲኪዮሳሰ ባቢዳ ገሻሰ አይሁዳታ ማዲዳ።

4 ማርዲኪዮሲ ካዎ ኩላን ኤሬተዳዳ ገዲዳዳ፤ ኢዛ ጎባቴሌ ዳሬ ኡባን ሴቴቴዳሰ፤ ኢዛ ዎልቃይካ ማኒ ማኒ ቢዳሰ።

5 አይሁዳት ባንታ ሞርኬታ ኡባ ማሻን ሲፊዳ፣ ዎዲዳ፣ ዳይሲዳ፣ ባንታና ኢጲዛይታ ቦላ ባንታና ሎኢዳ ማላ ኦሊዳ።

6 ዋና ካታማ ሱሳን 500 አሰ ዎዲ ዳይሲዳ።

7 ቃሴ ኢሰቲ ፓርሻንዳቴ፣ ዳሊፎኔ፣ አሰፓቴ፣

8 ፖራቴ፣ አዳሊያ፣ አሪዳቴ፣

9 ፓርማሽቴ፣ አርሳዬ፣ አርዳያን ዋይዛቴ ጌቴቴዛይታ ዎዲዳ።

10 ሃይቲ አይሁዳታሰ ሞርኬ ገዲዳ ሃማዳቴ ና ሃማይ ዬሊዳ ታሙ አቲማ ናይታ። ገደ አቲን አይሁዳቲ ኢሰታ አቆታን ባንታ ኩሼ ጌልሊቤቴና።

11 አይሁዳቲ ሱሳ ካታማን ዎዲዳ አሳ ቆዳይ አፑናኮ ሄ ጋላሲካ ካዎሶ ፑቴቴዳሰ።

12 ሂሰቲን ካዎይ ጎዳቴዮ አሰቴሮ፣ «አይሁዳቲ ዋና ካታማ ገዲዳ ሱሳን ጸላ 500 አሳታኔ ሃማ ናይታ ታማታ ዎዲ ዳይሲዳ። ሃንኮ አቲዳ ካዎይ ሃሪዛ ዳሬታን አይ ኦሊዳጃ! ሃኢቶ ኔ ሃራ አይ ዎሳይ? ኢዚካ ኔሰ አሜታና፤ ኔ ኦይሻይ አዜ? ኢዚካ ኔሰ አሜታና» ገዳሰ።

13 አሰቴራ ዛራዳ፣ «ሃይሲ ሃ ቆፋይ ካዎዛ ኡፋይሲዛ ገዲዳ፣ ሱሳ ካታማን ዲዛ አይሁዳቲ ሃቶ ኦሊዳ ማላ ዎንቶካ ኦሊቶ፣ ቃሴ ሃማ ናይታ ታማታ አሃካ ማላ ቦላን ካቃና ማላ አዛዛ» ጋዲሰ።

14 ሂሰቲን ካዎዚ ሄሲ ሃናና ማላ አዛዚዳሰ፤ አዎጃይካ ሱሳ ካታማን ናሞአንሎ አዎጃቴን ሃማ ናይታ ታማታ አሃይ ካቂቴዳሰ።

15 አዳሬ ጌቴቴዛ አገናን ታማኔ ኦይዳንሎ ጋላሰ ሱሳ ካታማን ዲዛ አይሁዳቲ ቃሴካ ኢሲ ቦላ ሸቂዲ ቃሴካ 300 አሰ ዎዲዳ፤ ገደ አቲን ኢሰታ አቆታን ባንታ ኩሼ ጌልሊቤቴና።

16 ሄ ዎዴ ካዎይ ሃራ ዳሬታን ዲዛ አይሁዳቲካ ባና አሻናሲኔ ባንታ ሞርኬታራ ኤቁታናሰ ኢሲ ቦላ ሸቂዳ። ኢሰቲካ 75,000 አሰ ዎዲዳ፤ ገደ አቲን ኢሰታ አቆታን ባንታ ኩሼ ጌልሊቤቴና።

17 ሄሲ ኡባይ አዳሬ ጌቴቴዛ አገናን ታማኔ ሃዘንላ ጋላሰ ሃኒዳሰ፤ ሂሰቲዲ ታማኔ ኦይዳንላ ጋላሰ ገቢራ ጋላሲኔ ኡፋይሳ ጋላሰ ኦሊዳ ሸምፕዳ።

18 ገደ አቲን ሱሳ ካታማን ዲዛ አይሁዳቲ ታማኔ ሃዘንሎኔ ታማኔ ኦይዳንሎ ጋላሳታን ዎዲሼ ፔኢዲ ታማኔ ኢቻሻንሎ ጋላሰ ገቢራ ጋላሲኔ ኡፋይሳ ጋላሰ ኦሊዳ ሸምፕዳ።

19 ሄሳ ገሻሰ ጋጸሬ ገደን ዲዛ አይሁዳቲ ሃቶ ጋካናሰካ አዳሬ ጌቴቴዛ አገናን ታማኔ ኦይዳንሎ ጋላሰ ገቢራ ጋላሰ፣ ኡፋይሳ ጋላሲኔ ኢሶይ አሳሰ አሞታ አሚዛ ጋላሰ ሂሰቲ ቦንቹቴሰ።

ፑሪሜ ባኣሌ

20 ማርዲኪዮሲ ሃይሳ ሃ ታሪኬዛ ጸፊዳሰ፤ ካዎ አርጾኪሲሲ ሃሪዛ ዳሬታ ኡባን፣ ሃሆኒኔ ማታን ዲዛ አይሁዳ ኡባሰ ዳብዳቤዛ ዬዲዳሰ።

21 ማርዲኪዮሲ ዬዲዳ ዳብዳቤይ አይሁዳቲ ላይላን ላይላን አዳሬ ጌቴቴዛ አገናን ታማኔ ኦይዳንሎኔ ታማኔ ኢቻሻንሎ ጋላሳታን ባኣሌ ቦንቻናሳ።

22 ሄ ጋላሳቲ አይሁዳቲ ባንታ ሞርኬታቴ አቲዲ ሸምፕ ዳሚዳ ጋላሳታ፤ ቃሴ ሄ አገናይካ ኢሰታ

ካዮቴላይኔ ሂዳታ ቃንጾይ ኡፋይሳኒኔ ካሳን ላሚቴዳ አገና፤ ሄ ጋላሳታን ኡፋይቴሼ ገቢራ፣ ኢሶይ አሳሰ ካላ አሞታ አሚሼኔ ማንቆታ ማዲሼ ቦንቻና ማላ ኢሰታሰ ዳብዳቤ ጸፊዳሰ።

23 ሄሳ ገሻሰ አይሁዳቲ ማርዲኪዮሲ አሚዳ አዛዛ ኤኪዲ ኢሰቲ ቦንቻናሰ ደሚዳ ባኣሌ ላይላን ላይላን አጎንታ ቦንቻናሰ ቃቹዳ።

24 አጋጌ ዛሬ ሃማዳቴ ና ሃማይ አይሁዳታ ኡባታ ሞርኬይ ኢሰታ ዳይሳናሰ ካሴ ማቂቴዲ ኢሰታ ኡባ ዎዲዳ አገናኔ ጋላሳ ኤራና ማላ፣ «ፑሪሜ» ጌቴቴዛ ሳማ ዩገሲዳሰ።

25 ሄ ማቆይ ካዎዛ ማታን ኤሬተዳፔ ጉዬ ሃማይ አይሁዳታ ቦላ ማቂቴዳ ኢታ ማቆይ ዉሪ ጉዬ ሲሚዲ ኢዛ ቦላ ፖሌታና ማላ ኢዚኔ ኢዛ ናይቲ ሚላ ቦላ ካቂታና ማላ ጹፊን አዛዚዳሰ።

26 ሄሳ ገሻሰ ሃ ጋላሳቲ ፑሪሜ ጌቴቴ ዴይጌቴዳ፤ ሃይሳ ዳብዳቤዛን ኢሰታሰ ጸፊቴዳ ኡባ ጋሶን ኢሰቲ ባ አይፊን ቤኢዳይሳ ጋሶኒኔ ኢሰታ ቦላን ጋኪዳይሳ ጋሶን፤

27 አይሁዳቲ ባንታሰ፣ ባንታ ዜሬላታሲኔ አይሁዳ ገዳናሰ ኮይዛ ኡባታሰ፣ ማርዲኪዮሲ ኢሰቲ አዛዚዳ ማላ ላይላን ላይላን ሃ ጋላሳታን ቃንጾንታ ቦንቻና ማላ ዎጋይ ዎዲዳሰ።

28 ቃሴ ሃ ፑሪሜ ጋላሳቲ ዬሌታን ዬሌታን፣ ኩላን ኩላን፣ ዳሬን ዳሬኒኔ ካታማን ካታማን ቦንቹታናሲኔ ቆፊታናሰ ቤሴሰ ገ ቃቹዳ፤ ጋሶይካ ጋላሳቲ ቦንቹቶንታ አቶንታ ማላኔ ዬሌታ ጋርሳፊ ኢሰታ ቆፍሲዛ ሚሽ ዳዮንታ ማላሳ።

29 ሃሳፊ ጉዬ አቢኤሌ ቢያ ጎዳቴያ አሰቴራ አይሁዳ ዳሬ አሰ ማርዲኪዮሳራ ኢሲፊ ካሴ ማርዲኪዮሲ ፑሪሜ ገሻሰ ጸፊዳ ዳብዳቤዛ ሚንላናሰ ባሰ ዲዛ ማታ ቆንጫሲዛ ዳብዳቤ ጸፋ ዬዳዲሰ።

30 አርጾኪሲሲ ሃሪዛ 127 ዳሬን ዲዛ አይሁዳታሰ ኡባሰ ሳርይኔ ዎጋይ ገደ ገዛ ዳብዳቤ ሳርካራ ጋሊ ዬዲዳሰ።

31 ቃሴ ኢሰቲ ካሴ ጸማናሲኔ ካዮታናሰ ዎጋ ኬሲዳ ማላ፣ ኢሰታኔ ኢሰታ ዜሬላቲ ሃይሳ ፑሪሜ ጋላሳታ ላይላን ላይላን ዎጋ ሂሰቲ ቦንቻና ማላ ሄ ዳብዳቤቴ ቆንጫሲቴሰ። ሄሲ አይሁዳ ዳሬ አሰ ማርዲኪዮሲ ገዳቴዮ አሰቴራ ናሞአሰ ኢሲ ቦላ ገገሲ ኬሲዳ አዛዛ።

32 ጎዳቶ አሰቴሪ አዎጃይ ፑሪሜ ባኣሌ ዎጋ ሚንሌሰ፤ ሄሲካ ማዘጋባን ጸፊቴዳሰ።

10

ማርዲኪዮሳ ገታቴላ

1 ካዎ አርጾኪሲሲ ባ ሃሪዛ ዳሬ ኡባ ቦላ ቢዲ አባ ላንቁ ጋካናሰ ዲዛይታ ቦላ ገራ ዩገዳሰ።

2 ኢዚ ኦሊዳ ገታኔ ዎልቃማ ኦሶቲ ኡባይ ቃሴ ማርዲኪዮሳካ ዎሰቲ ቶቁ ሂሰቲ ቦንቹዳኮ ቆንጫሲዛ ታሪኬይ ሜዶኔኔ ፓሪሴ ካዎታ ታሪኬ ማጻፋን ጸፊቴዳሰ።

3 አይሁዳ ዳሬ አሰ ማርዲኪዮሲ ካዎ አርጾኪሲሴፔ ቦንቻን ናሞአንሎ ማራን ዳሰ፤ ኢዚ አይሁዳቲ ሳርቴላኒኔ ሂርጋይ ባይንዳ ዳና ማላ ኬሂ

ዳቡርዳ እስ ገዲዳ ገሻስ ኢዚ አይሁዳታንካ ኬሂ
ቦንቴቲዳኔ ደሴቲዳ አሳ።

ኢዮቤ ማጻፋ ጊደ ቆፋ

ኢዮቤ ማጻፋን ኮኒ ቤአዛ ታሪኬይ ዋልቃማ ማቶይን ቆሆይ ኢዛ ቦላ ጋኪዳ ኢሲ ሱሬ ኣሳ ገሻሰ ቆንጨሲሱ። ሄ ኣዳዚካ ባ ናይታኔ ባ ሃር ኡባፌ ማላ ኣቶይሳፊካ ቦላሩ ኢታ ማዲንሳ ማዲንጲዲ ዋዩቲሰ፤ ሄሳፌ ጉዬ ገንጾ ማላን ሄቩቶ ሸቂዳ ሃሳያን ኢዮቤኔ ኢዛ ላጌቲ ሃ ኢታ ዋዩሲዛ ማቶዛን ባሰ ሴቲቲዛ ዮኦዛ ቆንጨሲቲሰ፤ ወርሴላንካ ጸሲ ኢዮቤሰ ቆንጨሲዳሰ።

ኢዮቤ ላጌቲ ኢዛ ቦላ ጋኪዳ ዋዩዛ ገሻሰ ካሴ ባንቲ ኤሪዛ ሃይማኖቲ ዋጋፔ ዳንዲዲ ባንታሰ ዲዛ ዲማ ዲማ ቆፋ ሺሹቲሰ፤ ሄሲካ፡ «ጸሲ ኪያ፤ ኣሳሰ ሎኦ ዋጋ ኢሜሰ፤ ኢታ ኣሰ ገዲኮ ቃጸዩሰ» ጌቲሰ። «ሄሳፊካ ኢዮቤ ሃ ኡባ ማቶይ ጋኪዳይ ኢዚ ናጋራ ኦሊዳ ገሻሰ ገደንታ ኣገና» ጌቲሰ። ኢዮቤ ገዲኮ ኢዛ ቦላ ዋሶይ ባይንዳዴኔ ሱሬ ኣሰ ገዲዲ ገሻሰ ሃይሳ ማላ ዋልቃማ ቁጻቲይ ኢዛሰ ቤሴና። ኢዮቤ ማላ ሱሬ ኣሳ ቦላ ሃይሳ ማላ ዋልቃማ ማቶይ ጋኪዳይሲ ቢርሹቶንታ ማሌላ ገዲዳሰ። ሃ ኡባ ማቶዛን ኢዮቤ ኣማኖይ ያኔ ሃ ቃጸንታ ኣገኮካ ቱማ ፐርዲዛ ጸሳይ ሊኬ ፐርዳ ኢዛሰ ኢሚዲ ኢዛ ጋኪዳ ማቶዛ፤ ኬሳና ማላኔ ካሴ ዳኦዛ ኢዛሰ ዛራና ማላ ጸሳ ሚኒዲ ዋሳፔኔ ኦይሾፔ ጉዬ ገቤና።

ጸሲ ኢዮቤ ኢዛ ኦይቹዳ ኦይሻታሰ ዛር ማራራ ማራራ ኢሞንታ ኣገኮካ ኢዮቤሰ ዲዛ ሚኖ ኣማኖዛ ናሺዲ ጸሲ ባ ዋልቃኔ ባ ኤራቲላ ማላሊሲዛ ኦጌራ ገንጾን ኢዛሰ ቆንጨሲዳሰ። ሄሳፌ ጉዬ ኢዮቤ ጸሲ ባይራኔ ኤራ ገዲዳይሳ ሻኪ ኤሪዳሰ። ጸሳ ጸሳቲላ ሻኪ ኤሪዳፔ ጉዬ ካሴ ኢዚ ሃንቆን ኩሚዲ ኬሲዳ ዳጾ ቃላታ ገሻሰ ዩላቲዲ ማርቲላን ጌሊዳሰ።

ማጻፋሰ ወርሴላ ሸምፖይ ኢዮቤ ባና ጋኪዳ ማቶዛ፤ ዛር ዳሚዲ ካሴ ዳኦዛን ሲሚዳይሳኔ ቃሴካ ሃር ባጋራ ካሴይሳፌ ሃ ኣጶ ዳሚዳይሳ ቆንጨሲሱ። ሃራ ባጋራ ቃሴ ኢዮቤ ቦላ ጋኪዳ ማቶይ ኣይ ጋሶን ኢዛ ቦላ ጋኪዳን ኢዮቤ ላጌታሰ ጌሎንታ ገሻሰ ጸሳይ ኢሰታ ሚንላ ሴሪዳሰ።

ሎሴ ገዲዳ ዲማ ዲማ ሃይማኖቲ ዋጋፔ ጸሲ ባ ባጋራ ባይራ ገዲዳይሳ ኢዮቤ ጸላላ ኤሪዳ ገሻሰ ባ ላጌታ ገሻሰ ዋሲዳሰ፤ ጸሲካ ኢዛ ዋሳ ሲዩዳሰ። ጸሲ ኢዮቤሰ ወርሴላ ዳኦዛ ኮይርይሳፌ ኣሉ ሎኤሉዳሰ።

ሃ ማጻፋይ ኦይኪዳ ኩሜላ ቆፋ

- ኢዮቤ ጋኪዳ ማቶታ 1:1—2:13
- ኢዮቤ ባ ዩሌታ ጋላሳ ቃንጊዳሰ 3:1-26
- ኮይር ዩሾ ሃሳያ 4:1—14:22
- ናምኣንላ ዩሾ ሃሳያ 15:1—21:34
- ሄቫንላ ዩሾ ሃሳያ 22:1—26:14
- ኢዮቤሰ ወርሴላ ሃሳያ 27:1—31:40
- ኤሊሁ ሃሳያ 32:1—37:24
- ጸሲ ኮይር ዩሾ ሃሳይዳ ሃሳያ 38:1—39:30
- ናምኣንላ ዩሾ ጸሳ ሃሳያን ኢዮቤ ዛር 40:1—42:6
- ጸሲ ኢዮቤሰ ዛር ኢሚዲ ኣንጂዳሰ 42:7-17

ኢዮቤ ቦላ ጋኪዳ ፓጮ

1 ኡጾ ጌቲቲዛ ዳሬን ኢሲ ኢዮቤ ጌቲቲዛ ኣሲ ዳሰ። ኢዚካ ኢታ ኡባፌ ሃኪዳዳ፤ ዋሶይ ኢዛ ቦላ ባይንዳዳ፤ ጸሳሰ ያዩዛዳኔ ሱሬ ኣሳ።

2 ኢዛሰ ላፑን ኣቱማ ናይቲኔ ሄቩ ማጫ ናይቲ ዳቲሰ።

3 ሃር ባጋራካ ኢዛሰ 7,000 ዳርሳቲ፣ 3,000 ጋሜላቲ፣ 500 ዋላ ቦራቲኔ 500 ሃራቲ ዳቲሰ፤ ቃሴካ ኬሂ ዳር ኣይሌቲ ዳቲሰ። ኣርሼይ ሞኪዛሶ ባጋራ ኢዛ ማላ ዳሬኔ ጌታ ኣሲ ሃራይ ዳና።

4 ኢዮቤ ኣቱማ ናይቲ ኢሶይ ኢሶይ ባሶን ታራን ታራን ዲጊሳ ገግሲዲ ኢሲፌ ሸቂ ኡፋዬቲቲሰ፤ ሄቩ ሚቹታካ ባንታኮ ጸይገሲዲ ኢሰታራ ኢሲፌ ማቲሲኔ ኡዬቲሰ።

5 ዲጊሳ ጋላሳቲ ኣጲዳፔ ጉዬ ኢዮቤ ዋንታራ ዳንዲዲ ባ ናይታ ጸይገሲዲኔ ኣሳ ኣሳ ሱንላን ያርሾ ሺሹሰ። ኢዚ ሃሳላ ኦሊዳይ፡ «ታ ናይቲ ጌሊ ገዲ ጸሳ ጫዩዲ ኣወኮራ ናጋራ ኦሊዳኮኔ!» ጉሳ ሃርጋን ናይታ ናጋራፔ ጌሻናሰ ገዲ ኦሊሰ። ኢዮቤ ሃይሳ ያርሾ ዋጋ ቃንጾንታ ኡባ ዋዩ ኦሊሰ።

6 ጋላሳታፔ ኢሲ ጋላሰ ሳሎ ኪታንቻቲ ጎዳ ሲንላ ሸቂዳ ዋዩ ጸላኤይካ ኢሰታራ ኢሲፌ ሸቂዳሰ።

7 ጸሰካ፡ «ኣዋፔ ያዲ?» ገዲ ጸላኤ ኦይቹዳሰ። ጸላኤይካ፡ «ሳኣ ጋጸ ኡባ ያኔ ሃ ዩዬሬታዳ ያዲሰ» ገዲ ጎዳሰ ዛሪዳሰ።

8 ጎዳይ ጸላኤዛ፡ «ታ ኣይሌዛ ኢዮቤ ሎኤላ ቤያዲ? ኢዛ ማላ ኣማኔቲዳኔ ሱሬ ኣሰ ቢታ ቦላ ቤቲቤና፤ ኢዚ ኢታ ኡባፌ ሃኪዲ ታሰ ያዩዛ ሱሬ ኣሳ» ገዴሰ።

9 ጸላኤይካ ዛሪዳ፡ «ኢዮቤ ኔሰ ጸሳሰ ጮ ያዩዜ?»

10 ኢዚ ኔሰ ያዩዛይ ኔኒ ኢዛኔ ኢዛ ናይታ፡ ኢዛሰ ዲዛ ሃር ኡባ ሎኤላ ናገዳ ገሻሳ፤ ኢዚ ኦሊዳ ኦሶዛ ኩሜላ ኣንጂዳ ገሻሲኔ ዳር ወዳ ማሄታ ኔ ኢዛሰ ኢሚዳ ገሻሰ ገዴኔ?

11 ኣኔ ኔ ኩሼ ዩዳዳ ኢዛሰ ዲዛይሳ ኡባ ኔ ጳይሲዳኮ ቱማ ኢዚ ኔና ቆንጨፎን ጫያና» ገዴሰ።

12 ጎዳይካ ጸላኤሰ፡ «ኤር ኣኔ ኢዮቤ ቦላ ኢሲ ማቶካ ጋላፋ ኣቲን ኢዛሰ ዲዛ ሃርዛ ቦላ ኔ ኮዩዳዚ ኦላናወ ዳንዳያሳ» ገዴሰ። ሄሳፌ ጉዬ ጸላኤይ ጸሳ ሲንሳፌ ኬኢዲ ቢዳሰ።

ኢዮቤ ናይታ ሃይቆኔ ኢዛ ሃር ጳዮ

13 ጋላሳታፔ ኢሲ ጋላሰ ኢዮቤ ናይቲ ባይራ ኣሻሶን ወሪ ሸቂዲ ሚዲኔ ዋይኔ ጫጃ ኡዩዲ ኡፋዬቲቲሰ።

14 ሄ ጋላሰ ኢሶይ ከቲቲ ዩዲ፡ «ኮኒ ቦራታ ዋዲዲ ጎዩሺን፤ ሃራቲካ ኩ ማታ ዳምባን ሃሚቲሺን።

15 ሳባ ዳሬ ኣሳቲ ዩዲ ኩ ቦላ ኦላ ዳንላዲ ኡባካ ዲኢ ኤኪ ቢዳ፤ ኔ ኣይሌታ ኡባታካ ማሻን ዋጲዳ፤ ታኒ ጸላላ ኣታዳ ሃኒዳ ኡባ ኔሰ ዮታናሰ ያዲሰ» ገዴሰ።

16 ኮይር ኪታንቻይ ባ ሃሳይዛ ሃሳያ ቡር ኦንጎንታ ዲሺን ናምኣንላ ኪታንቻይ ዩዲ፡ «ዳርሳታኔ ሃሚዛ ሃንላንቻ ኡባ ዋልቃንላ ሳሎፔ ዋጲዲ ዋጲዳሰ፤ ታኒ ጸላ ኣታዳ ሃኒዳ ኡባ ኔሰ ዮታናሰ ያዲሰ» ገዴሰ።

17 ሃይሳ ኪታንቻይ ሃሳዩ ኦንጎንታ ሃራ ኪታንቻይ ዩዲ፡ «ሄቩ ቡቲን ሻኬቲዳ ቦንቁዛ ካላዳዌ ኣሳቲ ዩዲ ቆፖንታ ዲሺን ኩ ቦላ ኢታ ማቶ ጋላዳ፤ ጋሜላታ ኡባ ዲኢ ኤፊቹዳ፤ ኔ ኣይሌታ ኡባ ማሻን

ዎዲዳ፤ ታኒ ጸላ አታዳ ሃኒዳ ሚሽ ኡባ ኔሰ ዮታናሰ ያዲሰ» ገዴሰ።

18 ሃይሳ ሃ ከታንቻይ ሃሳዩ ኦንጎንታ ሃራ ከታንቻይ ዩዲ፣ «ኔ ናይቲ ኡባቲካ ባንታሰ ባይራ ኢሻሶን ሸቂዲ ሚሼኔ ዎይኔ ጫጃ ኡዩሼ ኡፋይቲዛ።

19 ባዞፌ ዩዳ ጎቲ ጫርኮይ ቆፖንታ ዲሺን ዩዲ ኬላ ኩሚሳ ሺሬቺ ዩጊዴሰ፤ ኬላዚካ ኢሰታ ቦላ ዎዲን ወሪካ ሃይቂዳ፤ ታኒ ጸላ አታዳ ሃኒዳ ሚሽ ኡባ ኔሰ ዮታናሰ ያዲሰ» ገዴሰ።

20 ሃሳፌ ጉዬ እዮቤ ዳንዲዲ ካዮቲዲ ባ ማይኦዛ ዳኪዴሰ፤ ባ ሁኔ ቡሉሲዴሰ፤ ቢታን ጉፋኒ ጎይኒዴሰ።

21 «ታኒ ታ አዬይ ኡሎፕ ካሎ ዩሌታዲሰ፤ ሃይቂዛ ዎዲካ ካሎ ባና፤ ጎዳይ ኢሚዴሰ፤ ጎዳይ ኤኪዴሰ፤ ጎዳ ሱንሲ ጋላቲቲዳዝ ገዴ» ገዴሰ።

22 ሃ ፓጩይ ኡባይ እዮቤ ቦላ ጋኪንካ ኢዚ ኡባካ ናጋራ ኦሲቤና፤ ጸላ ቦላካ ጫሞ ቃላ ኬሲቤና።

2

ቃሴካ እዮቤ ጋኪዳ ፓጩ

1 ጋላሳታፕ ኢሲ ጋላሰ ሳሎ ከታንቻቲ ጸላ ሲንሳ ሸቂዛ ዎዲ ጸላኤይካ ኢሰታራ ኢሲፌ ሸቂዴሰ።

2 ጎዳይካ፣ «አዎፕ ያዲ?» ገዲ ጸላኤ ኦይቺዴሰ። ጸላኤይካ፣ «ቢታ ኡባ ቦላ ያኔ ሃ ሲሜሬታዳ ያዲሰ» ገዴሰ።

3 ጎዳይካ ጸላኤ፣ «ታ አይሌዛ እዮቤ ሎኤላ ቤያዲ? ኢዛ ማላ አማኔቲዳይኔ ኪያ አሰ ቢታ ቦላ ቤቲና፤ ኢዚ ኢታ ኡባፌ ሃኪዲ ታሰ ያዩዛ ሱሬ አሳ፤ ኢዛ ዳይሳናሰ ኔ ዳንዲያና ማላ ታ ኔሰ አላ አማና ማላ ኔ ታና ዳንጫዲይ ሃዳና። ቤያ እዮቤ ገዲኮ ሃኖ ጋካናሰ ባ ሱሬቲላን ሚኒ ኤቁዴሰ» ገዴሰ።

4 ጸላኤይካ፣ «ጋላባ ገሻሰ ጋላባ»* ገዛይሳ ማላ «አሲ ባ አሾ አሻናሰ ገሼ ባሰ ዲዛይሳ ኡባ ኢሚሰ።

5 ሃኢ ገዲኮ ኔ ኩሼ ኢዛ ቦላ ሚጫዳ ኢዛሰ ኩሚሳ አሳቲላ ቦላ ቆሆ ኔ ጋሲዳኮ ቲማ ኔና ቆንጩራ ጫያና» ገዴሰ።

6 ጎዳይካ ጸላኤዛ፣ «አኔ ሎኦ፤ ዎዲ ዎዲፓ አቲን ኢዛ ቦላ ኔ ኮዩዳይሳ ኦላናሰ ዳንዲያሳ» ገዴሰ።

7 ሃሳፌ ጉዬ ጸላኤይ ጸላ ሲንሳፌ ኬኢዲ እዮቤሰ ሁኔ ቢናናፕ ደሚዲ ቶሆ ጸጉንሳ ጋካናዉ ዎልቃማ ማዲንሳን ዎዴታና ማላ አሲዴሰ።

8 ሃሳፌ ዳንዲዳይሳን እዮቤ ቢዲንሳ ቦላ ኡቲዲ ባ ማዲንሳ ኮንኣን ቃቾ ደሚዴሰ።

9 እዮቤሰ ማቺያ፣ «ሃኢካ ጸላ ቦላ ዲዛ ኔ አማናዚ ሚኖ ዲዜ? ጸላ ጫያዳ ሃይቃ!» ጋዲሰ።

10 እዮቤካ፣ «ዎናዳ ኤያ ማጫሳ ሃሳያ ሃሳያይ? ጸሲ ሎኦ ሚሽ አሚዛ ዎዲ ኡፋይሳን ኤኮሰ፤ ሃኢ ገዲኮ ኢታ ኢዚ ኦ ቦላ ኤሃሺን ኢዛ ቦላ ዙዙማናሰ ቤሲዜ?» ገዴሰ። እዮቤ ሃ ኡባ ሜቶይኔ ዎዬይ ኢዛ ቦላ ጋኪንካ ኢዚ ጸላ ቦላ ኢታ ሚሽ ሃሳይዲ ናጋራ ኦሲቤና።

እዮቤ ላጌ ሃሻታ

11 ቲማኔ ዳሬ አሰ ኤልፋዜ፣ ሹሃ ዳሬ አሰ ቤሊዳዲኔ ናኢማኔ ዳሬ አሰ ዘፋሬ ጌቲቲዛ ሃሸ ላጌቲ እዮቤሰ ዳቲሰ። ኢሰቲካ እዮቤ ቦላ ጋኪዳ ማቶዛ ሲዩዳ ዎዲ ኢዛሰ ኢሰቲ ቃዴቶይሳ

* 2:4 ጋላባ ገሻሰ ጋላባ ገዛይሲ ታልኤ ዎይኮ ኩሼ ዛር ገዲዳይሳ ቆንጫሴሰ። ገታ ደአኮ። 3:9 ኤር 20:14-18

ቆንጫሳናሲኔ ኢዛ ሚንጫላናሰ ባንታ ዳሬፕ ዳይጌቲዲ ኢሲፌ እዮቤኮ ዩዲ።

12 ቡር ሃኮራ ዩሺን እዮቤ ቤኢዳ፤ ገዴ አቲን ኢዚ እዮቤ ገዲዳይሳ ሻኪ ኤራናሰ ዳንዲይቤቲና።

ኢሰታሰ ዎዚናይ ማቂን ኢዛሰ ሚሼቲዲ ባንታ ማይኦዛ ዳኪዳ፤ ጉዲላዛ ኤኪዲ ፑዴ ሳሎ ሳሊዳ፤ ባንታ ሁኔንካ ማኪዲ አዳፌ ዎሲዲ ዩሆ ደሚዳ።

13 ኢዛሰ ዎዩዛ ዳራ ቤኢዳ ገሻሰ አይኮ ሃሳዮንታ ኢዛራ ሳፑን ጋላሳኔ ሳፑን አማርሰ ቢታ ቦላ ኡቲዲ ጋሞኢዳ።

3

እዮቤ ባ ዩሌቲዳ ጋላሰ ቃንጌላ

እዮቤ ሃሳያ

1 ሃይሳፌ ጉዬ እዮቤ ሃሳያ ደሚዴሰ፤ ባ ዩሌቲዳ ጋላሳ።

2-3 «ታኒ ታ አዬይ ኡሎን ማዴቲዳ አማርሳያኔ ታኒ ዩሌቲዳ ጋላሳያ ቃንጌቲዳይታ ገዴቶ!

4 ሃ ጋላሳይ ቆማን ላሜቶ፤ ሳሎ ጸሳይ ኢዛ ቆፖፎ፤ ፖኦይ ሙሌካ ኢዛን ቤቶፎ።

5 ሻሩማኒኔ ገርዲ ገዳ ቆማን ካሜቲዳይሳ ገዴ፤ ሻራይ ካማን ቆማይ ኢዛ ፖኦ ሚቶ።

6 ሃ ጋላሳ አማርሳዮ ገርዲ ገዳ ቆማይ ካሞ፤ ላይላ ጋላሳታራ ኢሲፌ ታይቤቶፎ፤ አገናታ ቆዳን ጌሊ ቆፊቶፎ።

7 ሃ ጋላሳ አማርሳዮ አይኮይ ባይንዳዝ ገዴ፤ ኡፋይሳ ቃላይካ ኢዛን ሴቲቶፎ።

8 ሌዎታኔ* ጌቲቲዛ ደአ ቃሴላናሰ ዳንዲይዛይቲ፣ ጋላሳታ ቃንጌዛይቲ፣ ሃ ጋላሳዮ ቃንጌቶ።

9 ሃ ጋላሳ አማርሰ ባካሌ ጸላንቲቲ ቆማቶ፤ ፖኦ ሃደታይ ኢዛን ቤቶፎ፤ ዎንታ ጸልቆይ ኢዛን ጸልቆፎ።

10 ታ አይፌታፕ ሜቶ ጌንላና፣ ታ አዬይ ኡሎ ታ ቦላ ጎርድንታ አገዳ ገሻሰ ሃ ጋላሳይ ቃንጌቲዳይሳ ገዴ።

11 «ታ አዬይ ኡሎን ዳሼ ሃሌ ገዳ አቲዳኮ አዜ! ታ አዬይ ኡሎፕ ኬኢዳ ማላ አይሰ ሃይቃቤኪና?

12 ጉልባቲቲ ታና ሞኪ ኤካናሰ፣ ቆንላቲካ ታና ቆንላናሰ አይሰ ቤቲዶ?

13 ሃኢ ታኒ ሳርን ኢቺዳኮ፣

* 3:8 ሌዎታኔ ጌቲቲዛይሲ ቤኒ ዎዴን ሃይላሾ ሚሳቲዛ

- ዲስካዳካ ሸምፖ
ዳማናኮሺን።
- 14 ሃኢ ላሌቲ ቤተዛይታ
ባስ ከጸዲ ቢታ ካዎታራኔ
ዘሪዛይታራ ታ ዲስካዳ
ሸምፖ ዳማናኮሺን።
- 15 ባ ኮላ ዋርቃኒኔ
ቢራን ኩንላዳ፤
ዳናታራ ታ ኢሲፊ
ሸምፓናኮሺን።
- 16 ቃሴካ ኣይሰ ቢታ ጋርሳን
ሞጌቲዳ ኣዉጫያ፣
ዎይኮ ኢሲ ጋላሳ ፖኦ
ሙሌካ ቤኣንታ ና ማላ
ኣይሰ ጌዳቤኪና?
- 17 ሄን ኢታታ ዋዪሶይ ኣታና፤
ዳቡርሲዛ ኦሶን
ዳኢዳይቲ ሸምፓና።
- 18 ቃሸቲ ዲዛ ኣሳቲካ ሳር ዳማና፤
ባና ኣሲሲዛ ኣሳታ ሃንቆ ቃላ
ሲያናይሳፊካ ኣታና።
- 19 ላፋቲኔ ጌታ ኣሳቲ
ኢሲፊ ቤታና፤
ኣይሌቲካ ሄን
ባ ጎዳታፔ ዎዜታና።
- 20 «ጸሲ ኣንኦ ቦላ ዲዛይታስ ፖኦ፣
ዲሳዚ ጫሞ ቆፋን ኩሚዳዳስ
ዳኦ ኣይሰ ኢሚዜ?
- 21 ሃይቆ ላሞቲዛይታሲኔ
ቆቲቲ ዲዛ ኣቆፔ
ኣላ ኮዪዲ ዳሞንታይታስ
ዳኦ ኣይሰ ኢሚዜ?
- 22 ዲጌ ዲፎን ጌሊሼ ኡፋዬቲዛይታስ
ዳኦይ ኣይሰ ኢሚቲዜ?
- 23 ኢዚ ቢዛ ኦጌይ
ኢዛዳፊ ጌሚቲዳዳሲኔ
ጸሲ ጎርዲ ዎሊዳ ኣሳስ
ፖኦይ ኣይሰ ኢሚቲዜ?
- 24 ዩሆይ ታስ ካላ ጌዲዳሰ፤
ዋሶይካ ታስ
ጎጊዛ ሃላ ማላ ጌዲዳሰ።
- 25 ታ ያዩዳ ሚሽ ታ ቦላ ዩዳሰ፤
ታ ዳጋሚዳይሲካ
ታ ቦላ ጋኪዳሰ።
- 26 ታ ጌዶን ሂርጋይ ጸላ ዲዛ ጌሻሰ
ሳሮይ፣ ዎፓይኔ
ሸምፖይ ዳና» ጌ ቃንጌዳሰ።

4

ኤልፋዜይ ኮይር ሃሳይዳ ሃሳያ
1 ቲማኔ ዳሬ ኣስ ኤልፋዜይ ሂዘጊ ዛሪዳሰ፤
2 «እዮቤ! ኢሲ ኣሲ ኔ ቦላ
ዎልቃሊ ሃሳይኮ
ኢዛዳ ኔ ዳንዳያን ኤዘጋኔ?
ሃሳያናፔ ኣቲን
ኦኒ ኣጋኔ?

- 3 ኔኒ ዳር ኣሳታ ታማርሳዳሳ፤
ዳቡርዳ ቁሴታካ ሚንላዳሳ።
- 4 ካሴ ኔ ቃላቲ ቆጶቲዛይታ
ማዳቲሰኮሺን፤
ኔኒ ኮኮሪዛ ጉልባቲታካ
ሚንላሳኮሺን።
- 5 ሃኢ ጌዲኮ ሜቶይ
ኔ ቦላ ጋኪዳ ጌሻሰ
ሂዶታይ ባይንዳዴ ጌዳዳሳ፤
ሜቶይካ ኔ ቦላ
ሚኒዳ ጌሻሰ
ሂዶታ ቃንጸዳሳ።
- 6 ጸሳሰ ኔ ያዩዛ ያሻይ
ኣማንላዛዘ ጌዳኔ?
ኔ ሱሬ ኣጌቲካ
ኔሰ ሂዶታታ ዳቲኔ?
- 7 ጸሎ ኣስ ጌዲ ዲሺን
ኢዛ ሜቶይ ጋኪዳዳይ፣
ሱሬ ኣስ ጌዲ ዲሹ
ቲሞኢ ጌ ሳይዳዳይ፣
ዲኮ ኣኔ ቆፓ።
- 8 ታኒ ኣከኪዳ ማላ፣
ኢታቲላ ጎዪዲ ሜቶ ዜሪዛይቲ
ሂይታንቲ ባ ኦሶር
ሸሻና።
- 9 ኢሰቲ ጸሳ ፔናን ሳያና፤
ኢዛ ሃንቆ ዳሞባላን
ኢሰቲ ዲፒ ጌ ሳያና።
- 10 ኢታቲ ጋሞ ማላ ጸጋና፤
ባ ቃላ ቆቁ ኦሊዲ
ዋሳና፤
ጸሲ ጌዲኮ ኢሰታስ
ኣቻ ሚንሌሬላና።
- 11 ጋሞይ ሻንካቲዲ
ሚዛዘ ሳይዳ ዎዴ
ሃይቁዛ ማላ ኢሰቲካ ሃይቃና፤
ጋሞ ማራቲካ ላሌቲዛ ማላ
ኢሰታ ናይቲካ ላሌታና፤
- 12 ጋላሳፊ ኢሲ ጋላሰ ጸራ ጌዲዳ
ኪታይ ታኮ ዩዳሰ፤
ሃሳ ሄ ኪታዛ ሳሱኩላን
ታ ሲያዲሰ።
- 13 ኣሳይ ኦማርሰ ዎልቃማ ዲሰኮ
ሴሪዳ ዎዴ፣
ታና ኢታ ኣጉሞይ ኣጉንላዳሰ።
- 14 ባቦይኔ ኮኮርሲ ታና ኦይኪን፣
ታስ ሜቁላቲ ኡባይ
ኮኮራና ማላ ኦሊዳሰ።
- 15 ኣያናይ ታ ሲንላራ ኣዲዳሰ፤
ዳጋማፔ ዳንዲዳይሳን
ታ ሃሳይ ኤቁዳሰ።
- 16 ሄንካ ኢሲ ሚሺ
ኤቁ ዲዛይሳ ቤያዲሰ፤
ቲሺ ኦላ ጸላዲሰ ሺን
ኢዚ ኣዛኮ ሻካ
ኤራናዉ ዳንዳያቤኬ።
ሃሳፊ ጉዬ ጮኡ ጌዳሶሆፔ
ሂዘጊዛ ቃላ ሲያዲሰ።

- 17 «ጸሳ ሲንገላን ጸሎ ጊዲ
ቤታናስ ዳንዳይዛ እሲ ዲዜ?
ዎይኮ ባና ሜጲዳይሳ
ሲንገላን
ጌሻ እሲ ቤታኔ?»
- 18 ጸሲ ባስ ኦላዛይታን
አማኔቶንታ አጊኮ፥
ባ ኪታንቻታ ቦላካ
ኢዚ ሞሮ ሚሽ
ዳሚዛዝ ጊዲኮ፥
- 19 ሂሰቲን ሃራጶይ
ሞንታ ዲሺን ላሌተዛ
ኢሰታ ዮቻይ ቢታፊ ጊዲዳ
ኡርቃፊ ኦሴቲዳ ኬላ ጊደን
ዲዛይታ ቦላ
ዎኒ አማኔታኔ? *
- 20 ማላዶፔኔ አማርሳፊ ጊደን
ኢሰቲ ሜቄሬታና፤
ኤሬቶንታ ዲሺን
ኢሰቲ ሜርናሰካ ጳያና።
- 21 ቶሌ ጲሽኬይ
ሾይተቺዳ
ዲንካኔ ማላ
ኢሰቲ ኤራቴላ ባይንዳ ሃይቃና።

5

- 1 «እዮቤ! ኔ ጸይጊን
ኔስ ኮያናዳይ ዲኮ ጸይጋ፤
ኔስ ማዶ አማና ማላ
ኪታንቻታፔ
አዋይሳኮ ጸላይ?»
- 2 ኤያ አስ ዩሎይ ዎቆና፤
ቃናቴይካ አስ ጳይሳና።
- 3 ኤያ አሲ ሚኒዲ ዲሺን ቤያዲሰ፤
ጊደ አቲን ኢዛ አቆይ
ቆፖንታ ዲሺን
ጸሳ ሃንቆን ላሌተዳሰ።
- 4 ኢዛ ናይቲካ ባ ዳኦዛስ
አማንሳዛዝ ዳሜቲና፤
ዲቡሻንካ ኢሰታ ጊሻስ
ሃሳይዛ አስ
ኢሰቲ ዳሞንታ ጊሻስ
ኢሰታ ቦላ ቆሆይ ጋካና።
- 5 ኢዚ ዜሪዳ ካላካ
ኮሻቲዳ አሳቲ ማና፤
ሃራይ አቲን አጉንላ ጊደን
ሞኪዳይሳካ ኢዛስ አሾቴና፤
ሳሜቲ ኡቲዳ አሳቲ
ኢዛ ሃርዛ ኤካናስ አሞቴቲሰ።
- 6 ሜቶይ ጮ ቢታፊ ዳንዳና፤
ዎይይካ ጋዴፔ ጮ ኬዜና።
- 7 ታማ ፊንጾላ ቦንቆፊ ዳንዲዳ
ፑዳ ፊንጾዛ ማላ፥
አሲካ ዋይሰ ዩሌቴሰ።
- 8 «ታኒ ኔና ጊዲዳኮ

- ጸሳ ዎሳና፤
ታ ሜቶ ኡባ ኢዛስ ቆንጨሳና።
- 9 ኢዚ ቆዳይ ባይንዳ
ማላሊሲዛ ሚሽ፥
ፒልጊን ጋኬቶንታ
ጊታ ሚሽ ኦሴሰ።
- 10 ቢታ ቦላ ኢራ ቡኪሴሰ፤
ሳሻታካ
ሃላን ሹጊሴሰ።
- 11 ካዉዱዳይታ ቦንቻን
ጶቁ ሂሰቲሰ፤
ሙዘተዛይታ ሚንሌሊዲ
ኡፋይሴሰ።
- 12 ኢሰታ ኦሶይ ፖሌቶንታ ማላ
ጌኔ አሳታ ቆፋ ሃዳ ኦሴሰ።
- 13 ጨንጫታ ኢሰታ ጌኔ ኦሶዛን
ዛሪ ኦይኬሰ።
ጌኔ አሳታ ቆፋካ
ኤሶራ ጳይሴሰ።
- 14 ጋላሳይ ኢሰታስ ጳማ ጊዳሰ፤
ቡሮ ሴታ ጋላሳን
አማርሰ ጳማ ጊደን ዲዛ ማላ
ኢሰቲ ታታፊታና።
- 15 ማንቆታ ኢሰታ ሞርኬታ
ማሻፊ አሽሰ፤
ሜቶታንቻታካ
ዋዩሲዛይታ ኩሼፔ
ኬሲ ኤኬሰ።
- 16 ማንቆታስ ሂደታ አሜሰ፤
ማካላቴሊካ
ቢታ ቦላፊ ጳይሴሰ።
- 17 «ጸሲ ሴሪዛ እሲ አንጄቲዳይሳ፤
ሃሳ ጊሻስ ኡባ ዳንዳይዛ
ጸሳ ሴራ ሌቆፋ።
- 18 ጸሲ ማዲንሊኮካ
ዛሪዲ ፓሌሰ፤
ኢዚ ሚንሌሰ፤
ባ ኩሼን ዛሪዲ ኮሌሰ።
- 19 ኡሱፑን ቆሞ ቦሻፔ
ኔና አሺ ኤካና፤
ላፑንላዛካ ኢይ ቆሆይካ
ኔ ቦላ ጋኬና።
- 20 ኮሻ ላይላን ኢዚ ኔና
ሹሞፖራ ፓጻ ዎላና፤
ኦላ ላይላንካ ኢዚ ኔና
ሃይቆፔ አሻና።
- 21 ጸሲ ኔና ኢታ
ኢንጸርሳፊ ናጋና፤
ቦሻይ ኔ ቦላ
ዩኮካ ያያካ።
- 22 ዎልቃማታ ቆሆይኔ
ኮሻይ ኔና ዳጋንሌና፤
ቢታ ደአታሰካ ኔ ያያካ።
- 23 ኔ ጎዩዛ ጋዴን ኔና
ሹቺ ዋዩሴና፤

* 4:19 ኦላላ ጌቲተዛይሲ እሲ ኢሲ ባጋ ጋሞላ ቃላን ሃራጶ ጌቲቲሰ። 5:13 1ቆር 3:19 5:17 ለሚ 3:11፤ ኢብ 12:5-6 5:18 ሆሴ 6:1

24 ደአታራካ ኔ ሳርን ዳና።
 ኔ ከላን ሳርይ ኩማናይሳ
 ኔ ሻካ ኤራና፤
 ኔ ማህ ጸሊሺን
 አቆፔ ፓጩና።

25 ኔ ዘራላይ ዳራናይሳ ኔ ኤራና፤
 ኔ ዘራላይካ ዳምባን ዲዛ
 ማታ ማላ ዳራና።

26 ካሊ ካዲዲ ማጸቲዛይሳ ማላ
 ኔካ ሎኤሳ ጩማዳ
 ዲሮን ባና።

27 ኦኒ ሃይሳ ኡባ ፐልጊዲ
 ቱሙ ጊዲዳይሳ ኤሪደሰ፤
 ኔኒካ አኩካዳ
 ሃይሳ ኦሶን ፔይሻ።»

6

እዮቤ ሃሳያ

1 ሃይሳፌ ጉዬ እዮቤ ሂዘጊ ዛሪዳሰ፤

2 «ታ ሙዘቲሉ ጌዳሬቲ
 ኡቲዳኮ አዜ ዲዛይ!
 ታ ማቶይ ኡባይ
 ጌዳራን ጌዳሬቲ ኡቲዳኮ
 አዜ ዲዛይ!

3 አባ ላንቁን ዲዛ
 አጩፔ አቋ
 ዳጸናኮሺን፤
 ሄሳ ጊሻሰ ዳንዳያይ ፓጩዳ
 ታ ሃሳያይ
 ኔና ማላሊሳናሰ ቤሴና።

4 ኡባ ዳንዳይዛ ጸሳይ
 ታና ባ ዪሻታን ጫዲዳሰ፤
 ኢሰታ ማርዜቲካ
 ታ አሳቲላ ጊደን ላላቲዳ፤
 ዳጋንሊዛ ጸሳ ቦሻይ
 ታ ዩሻን ዩዩ አቋዳሰ።

5 ቱማፔ ሃርዲዳይ ጩሊላ ማታ
 ዳሚዲ ጫጊ ኤሪዜ?
 ቦራይካ ባሶ ማታ ዳሚኮ
 ጸጊ ኤሪዜ?

6 ማጸኔይ ጌሎንታ ማልኦንታ
 ካሊ ማቲቲዜ?
 ጸጸሌ ሃሊ ማልኢዜ?

7 ሃይሳ ማላ ካላ
 ማናሰ ኮይኬ፤
 ሙሲ አቲን ኩሽንካ ቦቲኬ።

8 «ታ አሞቲዛይሳ ጸሲ
 ታሰ አሚዳኮ አዜ ዲዛይ!
 ኢዚ ታ ዋሶ ሲዩዳኮ
 አዜ ዲዛይ!

9 ሃይሳ ኡባፌ ኢዛሰ ሽኔ ጊዲን
 ኢዚ ታና ማንጮሬሊ
 ዩጊዛኮ!
 ባ ኩሽዛ ዩዲዲ
 ኢዚ ታና ቋይሲዳኮ!

10 ሽምፖ አሞንታ ኣይ ሃርጌይ
 ታና ሳኪኮካ
 ታኒ ኡፋይሳን ጉፓና፤

ታኒ ጌሻዛ ቃላ
 ኣይ ዋዳንካ ካዳቤኬ፤

11 «ዳኦን ዳኦና ማላ ዳንዳይዛ
 ኣይ ሚኖቴሉ ታሰ ዲዜ?
 ሂደታይ ባይንዳ ኣጊኮ
 ኣይሰ ዳኣዚና?

12 ታኒ ሹቻ ማላ ሚኖ?
 ታ አሳቲላይካ
 ጸርቁማላሶ ሚኖ?

13 ታና ማዳናሰ
 ታሰ ኣይኮ ዋልቃይ ዳና፤
 ታሰ ዲዛ ዋልቃይ
 ኡባይ ኤኬቲቲዳሰ።

14 «ኡባ ዳንዳይዛ ጸሳሰ
 ያሽ ኣጊዳዳሰኔ
 ዳቡርዳዳሰካ ኢዛ ላጌይ
 ኢዛሰ ኪያቴላ ቤሳናሰ ኮሽሰ።

15 ታ አሻቲ ጊዲኮ ሃርይ ሃርቲ
 ዋቋዳፔ ጉዬ ማሊዛ
 አማንሶንታ
 ሻፋታ ማላ ባሌሊዛይታ።

16 ሻፋታን ባልጎ ባልጎ
 ሻቲ ኩሚሰ።

17 ቦኔ ኣጊናታን ጊዲኮ
 ማዩ ቋዩሰ፤
 ሻፋቲካ ሃሊ ባይንዳ
 ሚላታ ጊዳቴሰ።

18 ጫና ማህታ ላጊ ኦጌራ ቢዛ
 አሳቲ ሃላ ኮሻሰ
 ኦጌፔ ኬኢ ባዞ ቢታ ጌሊዲ
 ቶይሉ ቶይሊሽ ቋዩቴሰ።

19 ቱማ ቢታፌ ቢዛ ማንዳራ አሳቲ
 ሃላ ኮዩቴሰ፤
 ሳባ ዳሪ ዛልኣንቻቲካ
 ሃላ ዳሚናሰ
 ሂደታ ኦላቴሰ።

20 ባንቲ አማኔቲ ኡቲዳ ሻፋቲ
 ሚሊዳይሳ ቤኢዲ
 ሂደታ ቃንጾቴሰ፤
 ሃላኮ ጋኪዛ ዋዳ
 ዩሎቴቴሰ።

21 ኢንቲካ ታሰ ሃይታ
 ሃ ሻፋታ ማላ፤
 ታ ቦላ ጋኪዳ ማቶዛ ቤኢዲ
 ጌዳ ጉዬ ባቃቲዳታ።

22 ሂሰቲን ታ ኢንቲና ሄሳ ዋይኮ
 ሃይሳ ታሰ አሚቲ፤
 ዋይኮ ኢንቲ ሃርዛፔ ኬሲዲ
 ታና ኣሽቲ ጋዲና?

23 ቃሴ ታ ሞርኬታ
 ኩሽፔ ታና ኣሽቲ፤
 ዋይኮ ታና ዋዩሲዛይታ
 ኩሽፔ ታና
 ኬሲ ኤኪቲ ጋዲና?

24 «ታና ታማርሲቲ፤

- 25 ተማ ቃላይ ጫሞ ገዲኮካ ኤኬቴሰ፤ እንቴ ዋላሳይ ገዲኮ ኣይኮሰካ ጎኤና።
- 26 እንቴ ታ ሃሳያ ጫርኮ ማላ ቆዳታ፤ ሂሰቲኮ ሂዶታ ቃንጸዲ ታሰ ዛሮ እማናሰ ኣይሰ ኮዬቲ?
- 27 ዪኦ ናይታ ሶላ ሳማ ዬጌታ፤ እንቴ እንቴ ሰቆ ላጌታ ባይዛናሰ ሚሻን ማርሼቴቲ?
- 28 «እኔ ታና ሃ ጸለቲ፤ እንቴ ሰንፋን ታ ዋርዶታዲና?
- 29 እንቴሰ ቆሆ ገደንታ ማላ ሰሚቲ። ታኒ ሊኬ ኣሳኮ!
- 30 ቱሙካ ታ ኢንጻርሳን ቆሆይ ቤታኔ? ታ ዶናይካ ጌኔ ሚሽ ሻኪ ኤራናሰ ዳንዳዬኔ?

7

- 1 «አሳሰ ቢታ ዲሳይ ባጼ ዲሰ ዴኔ? ኢሰታሰ ጋላሳይካ ኤኔ ኦሊዛ ኦሳንቻታ ጋላሳ ማላ ገዴኔ?
- 2 ኢሰቲካ ኩዋ ጋርሳን ሹምፓናሰ ኣሞቲዛ ኦሳንቻታኔ ባ ዳሞዛ ኤካናሰ ናጊዛ ኡኔ ኣሳ ማላ ገዴቴኔ?
- 3 ታ ዳቡርዳ ኣገናቲ ታሰ ጎኣይ ባይንዳይታ ገዲዳ፤ ሚቶ ኦማርሳቲካ ታሰ ቆፋ ኦማርሰ ገዲዳ።
- 4 ኢቸዛ ዋዴ ኣዉዴ ዴንዳንዲናሻ ጋዳ ቆፓይሰ፤ ኦማርሳይካ ገዲኮ ታሰ ጌዴ ኣዳቆሰ፤ ታኒካ ዋንታና ጋካናሰ ሃ ሄ ሸሬታሹ ኣቃይሰ።
- 5 ታሰ ኩሚላ ኣሳቴሳይ ጉጹኔን ኩሚዴሰ፤ ታሰ ኣሸይካ ማዲንጺ ጎጊዴሰ፤ ታሰ ማዲንጻይካ ቆቂዲ ኡዛዜሰ።
- 6 ታ ላይላታ ጋላሳቲ ዳላ ሞቂ ጸንጌላፊ ኤሶቴቴሰ፤ ኢሰ ሂዶታይ ባይንዳ ዉርሴላ ጋኬቴሰ።
- 7 ታ ጎዳዉ! ታ ሹምፓና ፔኖ ማላ ገዲዳይሳ ቆፓ፤ ሃይሳፊ ጉዬ ኡባካ ሎኦ ሚሽ ዴሚኬ።
- 8 ሃኢ ታና ቤኢዛይሰ

- ናምኣንላ ዛሪዲ ቤዬና፤ ኢዚ ኮይዛ ገዲኮካ ታና ዴማናዉ ዳንዳዬና።
- 9 ሻራይ ላሊቲ ቆይዛይሳ ማላ ሃይቂዲ ዲፎን ቢዛ ኣሰ ሃ ሰሚዲ ዬና።
- 10 ናምኣንላ ዛሪዲ ባሶ ሰሚና፤ ኢዛዴ ኤሪዛይቲ ኡባይ ኢዛ ባሌታና።
- 11 «ሃይሳፊ ጉዬ ጮኡ ጊኬ! ታሰ ኣያናይ ጩጩዲይሳፊ ዴንዲዲይሳን ታ ሃሳያይሰ፤ ታ ሹምፓና ኢራዬቲዳ ጊሻሰ ዙዙማይሰ።
- 12 ሃይሳ ሊኬ ናጌቲዛዴ ኔ ታና ኦሊዳይ ታኒ ኣባዬ? ዋይኮ ኣባ ገደን ዲዛ ዶኣዬ?
- 13 ታ ሂጻይ ታና ሚንጮሴሰ፤ ታ ኢቸዛሶይ ታ ሳኮዛ ባሌሴሰ ጋዳ ታ ቆፓዲሰ።
- 14 ኔኒ ገዲኮ ታና ኣጉሞን ያሸሳሳ፤ ኣጂታንካ ዳጋንፋሳ።
- 15 ሃይሳ ሚቶይ ዳሪዳ ኣሳቴላ ቶካዳ ዳናፔ ታ ጩሌታ ሃይቃናይሳ ዶራይሰ።
- 16 ሂዶታ ቃንጸዲሰ፤ ዳናሰካ ታ ኮይኬ፤ ታሰ ላይላይካ ቃንላ ገዲዳ ጊሻሰ ታና ኣጋጋ።
- 17 «ኔ ሶሆ ኢማናሲኔ ቆፓናሰ ኣሲ ኣዜ?
- 18 ዋንታን ዋንታን ፒልጋና ማላ፣ ዋዴን ዋዴንካ ኔ ፓጫና ማላ ኣሲ ኣዜ?
- 19 ጩቶ ሚቲዛ ጉላ ዋዴካ ታሰ ኢሚኪ?
- 20 ኣሳ ካሌቲዛ ጎዳዉ! ታኒ ናጋራ ኦላይሳን ኔኒ ኣይ ቆሃታዲ? ኣይሰ ታ ሶላ ኔ ቶራ ዛራዲ? ኣይሰ ሃይሳ ኬና ታ ኔና ዴጸዲና?
- 21 ኡባካ ታ ናጋራ ኣቶ ጊኪ? ታ ኦሊዛ ቆሆ ታፔ ዲጊኪ? ታ ዲፎን ጌላና ዋዴይ ጋኪዴሰ፤ ሃይሳፊ ጉዬ ኔ ታና ኮዩዳኮካ ታ ቤቲኬ።»

8

ቤሊዳዳ ሃሳያ

- 1 ሹሃ ዳሬ አሰ ቤሊዳዳ ጌቴተዛይሲ ሂዝጊዳ ዛሪዳሰ፤
- 2 «ኔ ደናፔ ከኢዛ ቃላተ ጎቴ ጫርኮ ማላ፤ አዉዴ ጋካናሰ ሃይሳሶ ኔ ሃሳያኔ?
- 3 ጸሲ ፐርዳ ቦካሲ ኤሪዜ? ኡባ ዳንዳይዛ ጸሳይ ጸሎቴሰ ቦካሲ ኤሪዜ?
- 4 ኔ ናይቲ ጸሳ ቆሂዳ ጊዲኮ፣ አሰቲ ባንታ ፐርዳ ኤኪዳ ጉሳ።
- 5 ጊዲኮካ ኔ ጸሳኮ ሰሚኮ፣ ኡባ ዳንዳይዛ ጸሳ ዋሲኮ፣
- 6 ሱሬኔ ጌሽ ጊዲኮ አዚ ኤሶቲ ኔሰ ቤሲዛ ሶሆን ኔና ዛሪና።
- 7 ኔ ደማላይ ጉሰ ሚሳተኮካ፣ ኔሰ ፖሎይ ከሂ ሎኦ ጊዳና።

- 8 «አኔ ካሴ ዩሌታ ኦይቻ፤ ካሴ አዋቲ ጋኪዳሶዛ ፒልጋ ጸላ።
- 9 ኑ ላይላዚ ቡር ጉሰ ጊዲዳ ጊሻሰ ኑኒ አይኮካ ኤርኮ፤ ኑ ላይላይካ ኤሾ ማላ አጂዛዛ።
- 10 አሰቲ ኔሰ ታማርሲዛይሲ ኔሰ ዮተዛይሲ ባ አኩኪዛይሳፊ ኤኪዲ ጊዳኔ?
- 11 ቱሙካ ጫሬይ ባይንዳሶን ሻጫ ማታይ ሞኪ ኤሪዜ? ሃላ ባይንዳሶን ማርጫይ ጨሊሊዜ?
- 12 ሃይሲ ሃናንታ አጊኮ ዲጨዲ ቡቕ ጋካናፔ ሲንላን ቡር ጨሊላን ዲሼ ማሌሰ።
- 13 ጸሳ ደጊዛ አሳታ ኡባ ዉርሴላይ ሃሳ ማላ ሃናና፤ ጸሲ ባዋ ጊዛ አሳታ ሂደታይ ቃንጾታና።
- 14 አቻር ከላ ማላ ሚሻን አማኔቴቴሰ፤ አሰቲ ሂደታ ኦላዚ ሚሽ ዲኮካ ካዉሻራ ቆያና።
- 15 አቻር ከላ ቦላ አሰቲ ዜምፐዝ ጊዲኮ አዚ ሚኒ ኤቄና፤ አቻር ከላዛ አዚ አይኪኮ ዲጾሬቲ ዋቆና።

- 16 ሃላ ካሊዳ ሃራማይ ሆኦ ዳሚዲ ዳዬሰ፤
- 17 ጸጸዛ ሹቻ ሙሃ ጊዳን ዩዳሰ፤ ዛላ ዛኣን ጸዳሰ።
- 18 ባ ዲዛሶፔ ሹዴቲዛ ዋይ አዚ ዲዛሶዚ ኤሪቴና።
- 19 አዛ ዉርሴላ ሃሳ ማላ ጊዳሰ፤ ሃራ ማታቲ ቢታፊ ደሌቴሰ።
- 20 «ጸሲ ዋሶይ ባይንዳ አሳታ ኦሌና፤ አታ አሳታ ቄሴ ሚንጮና።
- 21 ሃሳ ጊሻሰ ኔኒካ ኡፋይሳን ሚጫና ማላኔ (ኢሊላና) ማላ አዚ ኦላና።
- 22 ኔና አዲዛ አሳቲ ጊዲኮ ዩላ ማይላና፤ አታ አሳታ ከላካ ቆያና።»

9

እዮቤ ሃሳያ

- 1 እዮቤ ሂዝጊ ዛሪዳሰ፤
- 2 «ኤ! ታኒ ሃይሲ ቱሙ ጊዲዳይሳ ኤሪዳሰ፤ ጊደ አቲን አሲ ጸሳ ሲንላን ዋኒ ጸሎ ጊዳናሰ ዳንዳይዜ?
- 3 አዛራካ ኦኒ ማርሼታናሰ ዳንዳይዜ? አዚ አሲ ሽ አይሾታ አይቸዛ ጊዲኮ አሰታፊ አሲኖካ ዛሪናሰ ዳንዳይዛዳይ ዳና።
- 4 ጸሲ ኤራንቻኔ ዋልቃማ፤ አዛራ ኤቄቲዲ ጸኔቶንታይ?
- 5 አኩኮንታ ዙማታ ኮኮርሳና፤ ባ ሃንቆዛንካ ሽሬቹ ዩጋና።
- 6 ጸሲ ቢታ ዲዛሶፔ ኮኮርሳና፤ ቢታ ቱሳታካ ቃሴላና።
- 7 አዋ አርሼይ ሞኮንታ ማላ ኦላናዉ ዳንዳይሰ፤ ጸሊንቴቲካ ፖኢሶንታ ማላ ኦላና።
- 8 ኦኒካ ማደንታ ዲሽን ሳሎታ ሚጨዳይ አዛ፤ አዚ አባ ዳምባላ ቦላ ሃማቴሰ።
- 9 ዛርዳ፣ ኦሪዮኒኔ ፒሊያዲሴ ጌቴቲዛ ጸሊንቴታ፣ ቃሴካ ዲጌ ባጋራ ዲዛ ዳር ጸሊንቴታ፣ ሳሎ ቦላ ማጂ ዋላዳይ ጸሳ።
- 10 አዚ ኦላዚ ማላሊሲዛ ሚሻታ ኑኒ ፒልጊዲ አኩካናዉ ዳንዳይኮ፤

እዚ ፖሊዛ ማካላ ሚሻታ
ኮኒ ቆዳናዉ ዳንዳዮኮ።

- 11 «ጸሲ ታ ማታራ አዲኮካ
ታ ዳሚኬ፤
ሃ ታኮ ሸቁኮካ
ሻካዳ ኤሪኬ።
- 12 እዚ ባ ኮዩዳይሳ ኤኪኮ
ኦኒካ እዛ ዲጌና፤
(አይሰ ሃይሳሶ ኦላይ?) ጊዲ
እዛ ኦይቻናሰ ጸሊዛይ ዳና።
- 13 ጸሳይ ባ ሃንቆዛፔ
ጉዬ ሲሜና፤
ኤራኦቤ ጌቲቲዛ
አባ ጊደ ደኦታ
ማዲዛይቲካ
እዛ ቶሆ ጋርሳን ጉልባታና።
- 14 «ሂሰቲን ታኒ እዛሰ ዛር
ዋና ኢማና ዳንዳያዚና?
እዛራ ማርሼታናሰ
አይ ቃላ ታ ዳማኔ?
- 15 ጌሽ ጊዳ ታ ቤቲዳኮካ፤
ታ ቦላ ፐርዲዛዳይ
ታና ማራና ማላ
ዋሳና ኦቲን
እዛሰ ዛር ኢማናሰ ጸሊኬ።
- 16 ታ እዛ ሱንላ ደይጊኮ
እዚ ዛር ታሰ ኢማዛ ጊዲኮካ
ታ ማጋና እዚ ሲያና ጋዳ
ታ አማኔቲኬ።
- 17 እዚ ታና ጎቲ ጫርኮን ሊቁሳና፤
አይኮ ጋሶይካ ባይንዳ
ታሰ ማዲንላ ሃ ደርሳና።
- 18 ሸምፖ ታ ዛራና ዋዳይ
ጋካናሰካ
ታሰ ሸምፖ ኢማና፤
ታ ሸምፖን ዋዬ ኩንሳዳሰ።
- 19 ታሰ ዲዛ ዋልቃን
ታ እዛራ ባዴታና ጎንታ ማላ
ዋልቃን እዛራ ኤቁቲዲ
ዳንዳያናይ ዳና፤
ታ ሞቲታዳ እዛ
ላላና ጎንታ ማላ
እዛ ፐርዲዛ አሳታኮ
ሸሻናሰ
ዳንዳይዛ አሲ ዳና።
- 20 ታኒ ጌሽኔ ጸሎኮሺን
ታ ሃሳያይ ታና
ቆሃንቻ ኬሴሰ፤
ታ ሃሳይዛ ሃሳያቲ ኡባይ
ታ ቦላ ፐርዳቲሰ።

- 21 «አይኮካ ታኒ
ቦሬይ ባይንዳዳ ጊዲኮካ
ታ ጊሻሰ ቆፒኬ፤
ታ ሸምፖኮካ ሃራሴታይሰ።
- 22 ጸሲ ጸሎዛኔ ቆሃንቻዛካ
ዳይሲዛ ጊሻሰ

አይኮ ዳማቴሊካ ዳና
ታ ጊዳይ ሃሳ ጊሻሳ።

- 23 አሲ እታ ሜቶን ወርሺን
እዚ ጌሻ አሳ ሜቶ ቁዴሰ።
- 24 ቢታይ እታ አሳታ ኩሺን
አዲ ኢማቴሺን
እዚ ፐርዲዛ አሳታ አይፊ ጎዜሰ፤
ሃይሳ ኦሊዳይ ጸሳ
ጊደንታ አጊኮ ሃራይ ኦኔ?
- 25 «ታ ላይላቲ ዋዲዛይታፔ
ሃ አዲ ኤሶቴቲሰ፤
አይኮ ኡፋይሲካ
ታ ዳሞንታ አዴቲሰ።
- 26 ኢሰቲካ ሶኬ ጊዛይሳፊ ኦሴቲዳ
ዋሳሎ ማላ ኤሶቴቲሰ፤
ባቂ ኤኪዛ ጎሌ ካፎ ማላ
ኤሶቴቲሰ።
- 27 ታኒ ታ ዙዙንላ ባላና፤
(ታ ሲንላካ ካሬሶ አጋዳ
ኦኔ ፖኢሳ ቤሳይሰ) ጊኮ።
- 28 ጸሲ ታና ጌሽ ኦሊዲ
ቆደንታይሳ ታኒ ኤሪዛ ጊሻሰ
ሜቶይኔ ዋዬይ
ታ ቦላ ጋካና ጋዳ ያያይሰ።
- 29 ሂሰቲን ታ ቆሃንቻ
ጌቲታ ቆዳቲዳ ጊዲኮ
ታሰ ሃዳ ዳቡራይ አዛሴ?
- 30 ታኒ ታ አሳቴላ
ሳሙናን ሜጪዛ ጊዲኮ።
ታ ኩሺዛካ
ኬሃ ጌሺዛ ጊዲኮ።
- 31 ሃ ኡባ ኦሊንካ
ኔኒ ዲጌ እታ ጪማን ታና ኦላና፤
ታ ማይኦቲካ ታና ሻቲታና።
- 32 እዚ ታ ማላ አሰ ጊደንታ ጊሻሰ።
ፐርዲዛ አሳታኮ ቢዲ
ፐርዳቶሰ ጋናዉ ዳንዳይኬ።
- 33 ኑ ቦላ ባ ኩሺዛ
ጋላ ዋላዲ
ፐርዲ ኦና ሻኪዛ አሲ
ኑ ጊደን ዲዛኮ።
- 34 እዛ ቲማቴሊ
ታና ሂርጊሶንታ ማላ
ጸሲ ባ ጉፊዛ
ታ ቦላፊ ዳንሳዳኮ።
- 35 ታኒ እዛሰ ያዮንታ
ሃሳያናኮሺን፤
ሃኢ ጊዲኮ ታ ዲዛ ሃኖን ዳሼ
ሃሳያና ዳንዳይኬ።

10

- 1 «ዲሲ ታና ሳሌሊዳሰ፤
ታ ዳኢዛ ጫሞ ዳኦዛ
ቆንጩን ሲሳና።
- 2 ታኒ ጸሳ ሂዘጋና፤
ታ ቦላ ኔሰ ላንጩይ ዲኮ
ታሰ ቆንጪሳ ኦቲን

- 3 ሃይሳ ሊኬ ኔ ታና ሜቶሶይሲ ኔሰ ዋጋ? ኔኒ ኔርካ ሜዲዳ አሳ ኔ ካቆናሰ ኔሰ ቤሲዜ? ኢታ አሳታ ዱላታይ ኔና ኡፋይሲዜ?
- 4 ኔ አይፌይ አሳ አይፌ ማላ? ዋይኮ ኔ አሳሶ ጸላይ?
- 5 ኔ ዋይቲ አሳይሳ ማላ? ዋይኮ ኔ ላይላቲ አሳ ላይላ ማላ ቃንሱ?
- 6 አይሰ ኔ ታ ቆሆዛ ጸላይ? አይሰ ኔ ታ ናጋራካ ካላ ካላዳ አጎንታ ኢጸይ?
- 7 ታኒ ቆሆንታይሳኔ ኔ ኩሼፔ ኦኒካ ታና አሾንታይሳ ኔ ኤራሳ።
- 8 ታሰ ሜቆኔ ማላ ኢሚ ሜዲዳይ ኔ ኩሼታ፤ ሂሰቲን ሃኢ ሃ ኩሼቲ ታና ዛሪ ላሊ ቆይሳኔ?
- 9 ማና ሚሻ ማላ ኔ ታና ቢታፌ ሜዲዳ ቆጋ፤ ሂሰቲን ሃኢ ኔ ታና ጉዱላ ማላ ለቆሳኔ?
- 10 ታና ማላ ማላ ቲጋዳ፤ ሜቆ ማላ ማላ ኢርኪሳ ኦላዳሳ።
- 11 ታ አሳቴላ ጋልባኒኔ አሾን ካማዳሳ፤ ሜቆላኒኔ ሻያን ጋላ ኦይላዳሳ።
- 12 ዴኦኔ ሜርና ሲቆ ታሰ ኢማዳሳ፤ ኔ ናጎይካ ታ ኢያና ሚንሉዴሰ።
- 13 «ሃኮ ሃይታ ሃ ሚሻታ ኔ ዋዚናን ቆታ ዋላዳ ዳሳ፤ ኔ ቆፋይካ ሃይሳ ገዲዳይሳ ታ ኤራዲሰ።
- 14 ታ ቆሂዳ ገዲኮ ኔ አይፌቲ ቤያና፤ ታ ናጋራ ገሻሰ ታና ቃጸዮንታ አቆካ።
- 15 ታ ናጋራ ኦሊዳኮ ኤሶራ ሜቶ ገደን ኩንዳና፤ ሎኦ ሚሽ ኦሊዳ ገዲኮካ ጋላቴቲኬ፤ ታ ገልቁን ዩላይ ታና ጋኪዴሰ።
- 16 ታ ኦቶሬቲዳኮ ኔ ታና ጋሞ ማላ ሻንካታዳ ኦይካና፤ ኔ ታና ቆሃናሰ ዛራ ዛራ ሻንካታና።
- 17 ታ ቦላ ማርካቲዛ አሳታ

ኔ ኡባ ጋላሰ ዴማና፤ ታ ቦላ ኔ ሃንቆይ ጌዴ ዳሪ ዳሪ ሳና፤ ኔኒ ታና ቆሃናሰ ኡባ ጋላሰ ኦራላ ቆፋታ ኦላ አሳታ ማላ ታ ቦላ ዴንላሳ።

- 18 «ታ ጎዳ ጸሳዉ! አይሰ ታ ዩሌታና ማላ ኦላዲ? ኦኒካ ታና ቤኦንታ ታ ሃይቃይቹዳኮ ሎኦኮሺን!
- 19 ታ ሜዴቶንታ አታርኪና፤ ታኒ ታ አዩይ ኡሎፔ ዱፎን ቢዳኮ ታሰ ሎኦ ገዳናኮሺን!
- 20 ታ ዳና ላይላያ ቃንሱ ገዴኬ? ሄ ቃንሳ ላይላይን ጉላራ ታ ኡፋዬታና ማላ ታና አጋርኪ!
- 21 ሄሲካ ታኒ ናሞኦንሎ ሃ ሰማናሰ ዳንዳዮንታ ገርዲ ገዳ ቆማሶ ባናፔ ሲንላና።
- 22 ታ ባናሶዚ ቆማ ኩዋይኔ ሽርይ ኩሚዳ ቢታ፤ ሄን ዲዛ ፖኦዚ ቆማ ማላ።»

11

ዘፋሬ ሃሳያ

- 1 ናኢማኔ ዴሬ አሰ ዘፋሬይ ሂዝገዴሰ፤
- 2 «ሃይሳ ሃ ሃዳ ቃላታሰ ኡባሰ ዘር አሚዛይ ባዬ? አሲ ሃሳያ ዳርን ጸሎ ገዳና ዳንዳይዜ?
- 3 ኢዮቤ! ኔ ሃሳይዳ ሃዳ ሃሳያታሰ ዘርይ ኢሜቶንታ ሚሳቲዜ? ኔ ሃይሳ ማላ ቁልጪሺን ኔና ሴራና አሲ ባይንዳዝ ሚሳቲዜ?
- 4 ኔ ቆፋን፣ (ታኒ ጸሎ) ጋሳ፤ ጸሳሰካ፣ ሳኔ ሲንላን ታኒ ጌሻ) ጋሳ።
- 5 ጸሲ ኔሰ ሃሳይዳኮኔ ሊኬ ዘር ኢሚዳኮ አዜ ዲዛይ!
- 6 ኤራቴላሰ ኦጌይ ዳር ገዲዳ ገሻሰ፤ ጸሳይ ኔሰ ኤራቴላ ጸራ ቆንጪሲዳኮ አዜ ዲዛይ! ሃሳ ገሻሰ ጸሲ ኔና ቃጸዩዛይ ኔሰ ቤሲዛይሳፌ ጉላራ ገዲዳይሳ ኤራ።

- 7 «ኔኒ ጸሳስ ጨማ ገዲዳ ጸራ ኤራናስ ዳንዳያይ? ኡባ ዳንዳይዛ ጸሳ ፒልጋዳ ጋካናው ዳንዳያይ?
- 8 ኢዛ ገታቴላይ ሳሎፔ ቦላ፤ ኔኒ ኣይ ኦላናው ዳንዳያይ? ኢዛ ጨማቴላይካ ሲኦሎፔካ ዚቃ፤ ኔኒ ኣይ ኤራይ?
- 9 ጸሳ ገታቴላይ ቢታፌ ዳሬስ፤ ኣባፌ ኣኬስ።
- 10 ጸሲ ዪዲ ቃቸኮ፡ ጌዴ ፒርዳ ኬላ ሺሺዳኮ ኦኔ ኢዛ ዲጋናይ?
- 11 ጸሲ ጎኦንታ ኣሳታ ኤሬስ፤ ኢዚ ቆሆ ቤዪሼ ጮኤ ገዲ ጾሌና።
- 12 ኤያ ኣሲ ኤራንታ ገዳናፔ ሃራይ ኣስ ገዲዲ ዬሌታናይሲ ካወያና፤
- 13 ገዲኮካ ኔኒ ኔ ዋዚና ሱሪሲኮ፡ ኔ ኩሼዛ ሚጫዳ ፑዴ ጸሳኮ ዋሲኮ፡
- 14 ኔኒ ናጋራፔ ሃኪኮ፡ ኢታ ሚሺካ ኔሶን ቤቶንታ ማላ ኔ ኦሊኮ፡
- 15 ሄ ዋዴ ቶቁ ጋዳ ዬላይ ባይንዳ ኡባ ሚሽ ኔ ቤያና፤ ዬላይ ባይንዳ ሚና ኤቃናው ዳንዳያሳ።
- 16 ኔ ሜቶዛ ኡባ ኔ ደጋና፤ ኔ ኣኬኪዛይካ ኣዲ ቢቸዳ ሃር ሃላ ማላ ገዳና።
- 17 ኔ ሺምፖያ ሴታ ጋላሳ ኣዋፔ ኣቆዳ ፖኣና፤ ቆማይካ ዋንታ ፖኦ ማላ ገዳና።
- 18 ኔስ ሃደታይ ዲዛ ገሻስ ኔኒካ ኣማኔታዳ ዳና፤ ጸሲ ኔና ናገዛ ገሻስ ኔኒ ሃርጋይ ባይንዳ ዋፑ ጋዳ ዳና።
- 19 ኔ ኦናሰካ ባቦንታ ኢቻና፤ ዳር ኣሳቲካ ኔ ሲንላን ቦንቻ ዴማናስ ኮያና።
- 20 ኢታታ ኣይፌይ ቆቃና፤ ኢሰቲ ኣታና ኦጌቲ ኡባይ ጎርዳ ገዳና፤ ኢሰታ ወርሴላይካ ሃይቆ።»

12

እዮቤ ሃሳያ

- 1 እዮቤ ሃዘገ ዛሪዴስ፤
- 2 «ቴሙካ ኢንቴ ኬሂ ኤራንታ፡ ኢንቴ ሃይቁሺንካ ኤራቴላ

- ኢንቴናራ ኢሲፌ ሃይቃና ሚሳቲስ።
- 3 ገደ ኣቲን ታሰካ ኢንቴይሳ ማላ ኣኬካይ ዴስ፤ ታኒ ኢንቴፌ ኣይ ሚሻንካ ጉጺኬ፤ ኢንቴ ሃሳይዳይሳ ኣሲ ኡባይ ኤሬስ።
- 4 «ታ ጸሳ ጾይገን ታስ ኢዚ ዛሪዳ ዋዴ ዴስ፤ ሃኢ ታኒ ታ ላጌታስ ቁዴስ ገዲዲስ፤ ታኒ ሞርይ ባይንዳ ጸሎ ኣሳ ኡባስ ቁዴስ ኣታዲስ።
- 5 ሜቶይ ኢዛ ቦላ ጋኮንታ ኣሳ ማታን ማቶቲዳ ኣሳ ሜቶ ለቃናይሲ ካወሻ ሚሻ፤ ገደ ኣቲን ኩንዳናስ ጋንዲጋርዛዴ ሱጊ ዬጌታ።
- 6 ባ ኤቃ ጸሳታ ጎይኒዛይቲ፡ ካይሶቲኔ ጸሳ ካዲዳ ኣሳቲካ ሳርን ዴቴስ።
- 7 «ገዲኮካ ሚዳሳታ ኦይቻ፤ ኢሰቲ ኔና ታማርሳና፤ ሳሎ ካፎታ ኦይቻ፤ ኢሰቲ ኔስ ዮታና።
- 8 ዋይኮ ቢታይስ ዮታ፤ ኢዛካ ኔና ታማርሳና፤ ኣባ ገደ ሞሊቲካ ኔስ ዮታና።
- 9 ሃይሳ ኡባ ገደፌ ጸሳ ኩሼይ ሃይሳ ኦሊዳይሳ ኤርንታይ ኦኔ?
- 10 ሺምፖራ ፓጻ ዲዛ ሜዴቴላ ኡባይኔ ኢሲ ኢሲ ኣሳ ሺምፖይ ጸሳ ማታ ገደን ዴስ።
- 11 ኢንጻርሲ ካላ ቃና ሻኪ ኤሪዛይሳ ማላ፡ ሃይላካ ሃሳያ ቆሞታ ሻኪ ኤሬስ።
- 12 ኤራቴላይ ጨማቴላን፡ ኣኬካይካ ላይላ ኣዲሳቴላን ቤቴቴስ።
- 13 «ጸሳስ ገዲኮ ኣቶ ኤራቴላኔ ዋልቃይ ዴስ፤ ዞሬይኔ ኣኬካይ ኢዛ ማታፔ ቤቴቴስ።
- 14 ጸሲ ላሊዳይሳ ኦኒካ ዛሪ ኬጻናው ዳንዳይና፤ ጸሲ ቃቸዳይሳ ኦኒካ ቢርሻናው ዳንዳይና።
- 15 ጸሲ ኢራ ዲጊኮ ኮሻ ገዳና፤ ኢራ ቡኪሲኮ

- 16 ደሴ ሚኖኔ ጸኒዛዴ፤
ባሌተዛዴይ፤
ባሌሊዛዴይ፤
ናምኣተካ ኢዛ ጎዳቴላ
ጋርሳና።
- 17 ኢዚ ዘሪዛይታ ኤራቴላ ዲጋና፤
ዴሪ ካሌሊዛይታ
ኢዚ ኤያ ኦላና።
- 18 ኢዚ ካዎታ ካዎቴላ
አራታፔ ዋላና፤
ቐሽ አሳ ማላ ዳንጮ ቢርሺሳና።
- 19 ቁሴታፔ ኢሰታ ቁሴቴላ
ዋሊ ኤኪዲ ኢሰታ ጎዳና፤
ጎዳቴላ ቦላ ዲዛይታ
ኢሰታ ጎዳቴላፊ ዲጋና።
- 20 አማኔቴዳ አሳታ ጮኡ ኦላና፤
ጨማታፔካ አኩካ ዲጋና።
- 21 ጊታ አሳታ ዩላቻና፤
ዋልቃማታ ዋልቃ ዲጋና።
- 22 ቋማሶን ቆቴቴዳ
ደራ ቆንጨሳና፤
ሳካና ቋማ
ፖኦን ላማና።
- 23 ካዎታካ ጊታሳና፤
ዘሪዲካ ቋይሳና፤
ካዎቴላካ ዳርሳና፤
ዘሪዲካ ላላና።
- 24 ካሌሊዛይታሰ አኩካይ
ፓጫና ማላኔ
ኦይሳ ሳይንዳ ባዞ ቢታን
ቶይላታና ማላ ኢዚ ኦላና።
- 25 ፖኦይ ሳይንዳ ቋማሶን
ኢሰታ ቋዴታና ማላኔ
ማላቴዳ አሳ ማላ
ኢሰታ ጋዲጋዳና ማላ ኦላና።

13

- 1 «ሄኮ ሃይሳ ኡባ
ታ አይፊይ ቤዱዳሰ፤
ታ ሃይሊካ ሲዱዲ አኩኪዴሰ።
- 2 ኢንቴ ኤሪዛይሳ ኬና
ታኒካ ኤራይሰ፤
ታ አይኮንካ
ኢንቴፊ ጉዲኩ።
- 3 ጊዲኮካ ታ ሃሳያይ
ኡባ ዳንዳይዛ ጸሳራ፤
ታ ኢዛራካ ማርሼታና።
- 4 ኢንቴ ጊዲኮ ዋርዶን ኩሚዳታ፤
ኦናካ ፓላናዉ
ዳንዳዮንታ አኪሜታ ማላ።
- 5 ሃይሳ ኡባፊ ኢንቴ ጮኡ ጊዲኮ
ኤራንቻታ ሚሳቲ ቤታናኮሺን!
- 6 ታኒ ሺሺዛ
ማርሼ ቃላ ሲዱቴ፤
ታ ቆሆካ ታኒ ዮተሺን
ጮኡ ጊዲ ኤዘጊቴ።
- 7 ጸሳ ሱንሳን
አይሰ ዋርዶ ሃሳዬቴ?

- ባሌላን ኢንቴ ጸሳ ኡፋይሳና
ኢንቴሰ ሚሳቲዜ?
- 8 ኢዛ ቤሶንታ ኦጌራ ማዴቴ?
ኢዛሰ ጸባቃ ኤቃንዴቴ?
- 9 ደሴ ኢንቴና ቆሪዳኮ
ኢሲ ሎኦ ሚሽ
ኢንቴፊ ዳማንዴሻ?
ኢንቴ አሳታ ኤይሲዛይሳ ማላ
ጸሳካ ኤይሳናዉ ዳንዳያና
ኢንቴሰ ሚሳቲዜ?
- 10 ኢንቴ ጌማራ ዋርዶ ማዲኮ
ቴማፔ ደሴ ኢንቴና ሃንቃና።
- 11 ኢዛ ቦንቾይ
ኢንቴና ያሽኔ?
ኢዛ ቲማይካ
ኢንቴና ዳጋንላኔ?
- 12 ኢንቴ ለሚሶን ሃሳይዛ ሃሳያቲ
ቢዲንሳ ማላ
ጎአይ ባይንዳይታ፤
ኢንቴ ማርሼቴላይካ
ማና ሚሻ ማላ ሜቄሬታና።
- 13 እኔ ጮኡ ጊቴ!
ታኒ ሃሳያና ማላ
ታሰ ጊሻ ኢሚቴ፤
ሃሳፊ ጉዬ ባ ደሶይሳ ሃና።
- 14 «ታኒ አቶ ሳጸዳ ጌንጨጭጫሼ
ዲዛይ አዛሴ?
ታ ሽምፖንካ
ታ ኩሼን ዳዉሰ።
- 15 ሃሳ ጊሻሰ ደሴ
ታና ዋዳና ኮይኮካ
ታፔ ኣቲዛ ሚሽ
አይኮይካ ዴና፤
ጊዲኮካ ታ ሃናዛ ኢዛሰ ኤሪሳና።
- 16 ናጋራንቻ አሲ ጸሳ ሲንላ
ሺቃናሰ ዳንዳዮንታ ጊሻሰ
እኔ ኤሪዛይ ሃይሲ ታ ጸላቴላ
ፓጸናሰ ጋሶ ጊዳናሰ
ዳንዳዬሰ።
- 17 እኔ ታ ሃሳይዛ ቃላታ
ዋጋራ ኤዘጊቴ፤
ታ ደናራ ታ
ማርካቲዛይሳ ሲዱቴ።
- 18 ታ ማርሼቴላ
ሎኤላ ጊጊሳዳ ሺሻዲሰ፤
ኢዚ ታሰ ፐርዳናይሳካ
ታ ኤራይሰ።
- 19 ታና ሞቴዛይ ዲኮ
ታኒ ማርሼቶንታ
ጮኡ ጋዳ ሃይቃና።
- 20 «ጎዳዉ! ታ ኔ ሲንሳፊ
ቆቴቶንታ ማላ
ሃይታ ናምኡ ሚሻታ
ታሰ ኦላ።
- 21 ሃይቴካ ኔ ሃንቆ ቁሴታ
ታ ቦላፊ ዴንሳ፤

- ያሺሲዛ ኔ ታማን ታና ዳጋንጥፋ።
- 22 ጸሳወ! ኮይር ኔ ሃሳያ፤ ታ ኔስ ዛር ኢማና፤ ታኒካ ሃሳያና፤ ኔካ ዛር ኢማ።
- 23 ኤር ጊዶ ታ ኦሊዳ ናጋራይኔ ቆሆይ ኣይ ሊኬ? ኣኔ ታ ሞርዛኔ ታ ናጋራ ታና ኤሪሳ።
- 24 ኔ ሲንፋ ታፔ ገነፋዳ ታና ኔ ሞርኬ ማላ ኣዛስ ቆዳይ?
- 25 ጫርኮይ ቆቆፊዛ ቦንጮ ማላኔ ማላ ሃፓ ማላ ኔ ኣይሰ ታና ያሺሲሳን ጎዳይ?
- 26 ታ ቦላ ኔ ጸፊዳ ሞቶይ ኬሂ ጫሞ፤ ታኒ ዩላጋቴላን ኦሊዳ ቆሆዛካ ታስ ኣጋቤካ።
- 27 ኔ ታ ቶሆታ ዲሩማታ ጊዶን ቃቻዳሳ፤ ታ ታንጎ ኡባ ዎዴ ኔ ካሌታሳ፤ ታ ገዶን ኔ ኤቃሳ።
- 28 «ሄሳ ገሻሰ ታኒ ዎቂዳ ሚሻ ማላ ጊዳዳ ኣታና፤ ባዳይ ሚዳ ማይኦ ማላካ ታ ቋያና።

14

- 1 «ኣሾ ማይኢዳ ኣሳሰ ላይላይ ቃንፋ፤ ሄሲካ ማቶን ኩሚዴሰ።
- 2 ጪሻ ማላ ቤቲዲ ሄራካ ቆኬሰ፤ ኤሾ ማላ ዳር ጋሞኦንታ ሄራ ኣዴሰ።
- 3 ሂሰቲን ኔኒ ሃይሳ ማላ ኣሳ ሜዴቴላ ካሌታይ? ኔ ሲንሉካ ፒርዳሰ ሺሻኔ?
- 4 ቱና ሚሻፊ ገሻ ሚሻ ዴማናሰ ዳንዳይዛዴይ ኦኒካ ዴና።
- 5 ኣሳ ላይላሰ ዎዴዳ ዛዎይ ዴሰ፤ ኣሲ ዳና ኣገናቲካ ኔ ማታን ቆዳን ዴቲሰ፤ ኔኒካ ዎሊዳ ላይላ ዛዎፔ ኣዴዛዴይ ዴና።
- 6 ኡኔቲ ኣቁዛዴይ ባ ኦሳና ጋላሳ ኦሶዮ ፖሊዲ ኡፋዬቲዛ ማላ።

- ኣሲካ ባ ዳቡራ ጋላሳን ኡፋዬታና ማላ ኔ ኣይፌ ኢዛ ቦላፌ ዴንፋ።
- 7 ቃንጾቲዳ ሚላ ኡላሰካ ሂዳታይ ዴሰ፤ ናሞኣንላ ሲሚ ኣጫናሲኔ ሃጋታ ኬሳናሰ ዳንዳዬሰ።
- 8 ኣይኮካ ጸጸቲ ቢታ ጊዶን ጪሚኮካ፤ ኣኖይካ ቢታ ጊዶን ሙሲኮ።
- 9 ኢርጸ ዴሚኮ ናሞኣንላ ኣጫሰ፤ ኦራላ ቶኬቲዳ ሚላ ማላ ሃጋታ ኬሴሰ።
- 10 ኣሲ ጊዲኮ ሃይቂዲ ካሴ ባይንዳ ማላ ሃኔሰ፤ ሃይቂዳፔ ጉዬ ኣዎን ቤታኔ?
- 11 ኣባ ሃሊ ዉሪዛ ማላ፤ ሻፋ ሃሊካ ማሊዛ ማላ።
- 12 ኣሲካ ሄሳ ማላ ሃይቂዳፔ ጉዬ ሃ ሲሚና፤ ሳሎይ ኣቋናሽ ጋካናሰ ዴንዴና፤ ቋሰኮፊካ ቤፔና።
- 13 «ሃይቂዳይታ ጊዶን ኔ ታና ቆቲዳኮ ኣዜ ዲዛይ! ኔ ሃንቆዚ ኣቋና ዎዴይ ጋካናሰ ኔ ታና ቆቲዳኮ! ቃጸር ጋላሰ ቃቻዳ ኔ ታና ቆፒዳኮ!
- 14 ኣሲ ሃይቂዳፔ ጉዬ ኣሾራ ፓጸ ዳናሰ ዳንዳይዜ? ታስ ዎዴይ ላሚታና ጋካናሰ፤ ታ ሃይሳ ባጼ ላይላ ገንጫ ኣላና።
- 15 ሄ ዎዴ ኔኒ ታና ጸይጋና፤ ታኒካ ኔሰ፤ «ዬ» ጋና፤ ኔ ሜዴታ ጊዲዳ ታና ቤያናሰ ኔ ላሞታና።
- 16 ሄኮ ሃኢ ኔ ታ ሄሚታ ካሌታሳ፤ ጊዲኮካ ታ ናጋራ ቆፓካ።
- 17 ታ ቆሆይ ካራጺቲን ጸንቲታና፤ ታ ናጋራካ ኔ ካማና።
- 18 «ዙማይ ሃርቲዛ ማላኔ ዎዲዛ ማላ፤ ዛላይካ ባ ዲዛሶፔ ቶቃሌቲዛ ማላ።
- 19 ሃሊ ሹቕ ዎጪዲ ኣንጊዛ ማላ፤ ዲኦይ ቢታ ሚጪዛ ማላ ኔኒካ ኣሳ ሂዳታ ቋይሳሳ።
- 20 ኔ ዎልቃይ ሚርናሰ

ኢዛዴ ቦላ ሚኔስ፤
ኢዚካ ካሴ ባይንዳ ማላ ሃኔስ፤
ኔ ኢዛ ማዳካ ላማዳ
ኔ ሲንላፊ ዳይሳሳ።

21 ኢዛ ናይቲ ቦንቾ ዳሚዳኮካ
ኢዚ ኤሬና፤
ካወዱዛኮካ ኢዚ ዴሌና።

22 ኢዛስ ኢዛ ኣሳቴላ
ዋዩዚ ሲዩቴስ፤
ኢዚካ ባ ማዳካ ገሻስ ጸላ
ዩኬስ።።»

15

ኤልፋዜ ሃሳያ

1 ተማኔ ዴሬ ኣስ ኤልፋዜይ ሂዘጊዴስ፤

2 «ቱሙ ኤራ ኣሲ
ጫርኮ ማላ ኩሼን ኦይኬቶንታ
ሚሽ ሃሳዩ ኤሪዜ?
ኢዛ ኡሎን ቆሃዛ ቆፋይ
ዳናስ ቤሲዜ?»

3 ኤራ ኣሲ ኣይኮ
ጎኣንታ ቃላታኒኔ
ጎኣይ ባይንዳ ሃሳያን
ማርሼቲዜ?»

4 ኔኒ ጸሳስ ያዩዛይሳ ኣጋዳሳ፤
ጸሳስ ቤሲዛ
ጎይኖዛካ ዲጋሳ።

5 ኔ ቆሃንቻ ጊዲዲይሲ
ኔ ሃሳያን ኤሪቴስ፤
ጊዲ ኣቲን
ጨንጫቴላ ሃሳያን
ካማናስ ባጾታሳ።

6 ኔ ቦላ ፐርዲዛይ
ኔ ደናፔ ኣቲን
ታና ጊዲኬ፤
ኔ ሃሳያይ ኔናቴላ ቆንጨሲስ።

7 «ኣሳፔ ሲንላን
ዩሌቲዲይ ኔኔ?
ዙማቲ ማዳታናፔ
ሲንላን ኔ ዩሌታዲ?»

8 ቱሙ ጸሳ ጸራ ሲያዲ?
ኣሳ ኤራቴላ ኤሪዛይ
ኔና ጸላ ኔስ ሚሳቲዜ?»

9 ኦኒ ኤሪዛይሳፊ ዲማ ሚሽ
ኔ ኤሪዛይሲ ኣዜ?
ኦ ኤሪዛይሳፊ ኔስ ቆንጨዳ
ዲማ ሚሽ ኣዜ?»

10 ዩሌታን ኔ ኣዋፔ ጨሚዛ
ሁኤይ ፑሉሚዳ ጨማቲ
ቆፋን ኦናራ ዳቴስ።

11 ኦ ባጋራ ኔስ ዮቴቲዛ
ጸሳፊ ኢማቲዳ ሚንሌሶይ
ኔስ ጊዴኔ?»

12 ኔና ኔ ዋዚናይ
ኣይስ ሃራሶ ኤፊዜ?
ኣይስ ሃንቆን ዴሬቃ ጸላይ?»

13 ሃይሳሉ ኦሶን ጸሳ ቦላ

ኔ ኣያና ዴንሌላዳሳ።
ሃይሳ ማላ ሃንቆ ቃላ
ሃሳያናዉ ጋካዳሳ።

14 «ኣሲ ጌሽ ጊዳናስ ዳንዲይዜ?»

ኣሾ ማይኢዳይ
ጸላናስ ዳንዲይዜ?»

15 ጸሳይ ባ ኪታንቻታ ቦላ
ኣማኔቴና፤
ሳሎይካ ኢዛ ሲንላን
ጌሽ ጊዴና።

16 ሞሬቲዲይኔ ቱኒዳይ
ናጋራካ ሃላ ማላ
ኡዩዛ ኣሲ ኣይ ማላ ኢታ?»

17-18 «ኢስታ ኣዋቲ ቆቶንታ
ኢስታስ ኦሌዲይሳ፤
ኤራንቻቲ ቆንጨሲዲይሳ፤
ታኒካ ፐልጊዲይሳ
ታ ኔና ኤሪሳይስ፤
ሲያ ታ ኔስ ዮታይስ።

19 ቢታያ ኢስታስ ጸላ ኢማታዲስ፤
ኢማላቲካ ኢስታ ጊዲን
ዋላኬቲቤቴና።

20 ኣስ ዋዩሲሼ ዴኢዛ ኢታ ኣሲ
ባ ላይላ ኩማላን
ዋዩቲሼ ዳና።

21 ዲጋንሌዛ ጊሪስ ኢዚ
ባ ሃይላን ሲያና፤
ኡባ ሚሽ ሳሮ ሚሳቲዲ
ኢዛስ ቤቲዛ ዋዴ
ኢዛ ዳይሲዛ ሚሽ

ኢዛ ቦላ ያና።
22 ኢዛስ ቃዳይ
ማሻን ሃይቆ ጊዲዳ ገሻስ፤
ዱማፔ ኣታና ሂዲታይ
ኢዛስ ዳና።

23 ካፎስ ዋራ ኣቲዳ ካላ ማላ
ኢዚ ዋራ ኣታና፤
ኢዚ ዳያና ዱማ ጋላሳይ
ኢዛኮ ማቲዲይሳ ኢዚ ኤሪስ።

24 ማቶይኔ ጨጨይ ኢዛ ያሻና፤
ኦሳስ ጊኬቲዳ ካዋ ማላ
ኢዛ ቦላ ሚናና።

25 ሃይሲ ሃናናይ ጸሳ ቦላ
ባ ኩሼ ዴንሌዳ ገሻሳ፤
ኡባ ዳንዲይዛ ጸሳ ቦላ
ጸላዳ ገሻሳ።

26 ኢዚ ባ ኦርዴኔ
ሚኖ ጎንዳሌ ኤኪዲ
ጸሳራ ኤቁታና ኬዚዴስ።

27 «ኢዛ ኣይፊይ ሞዴን ጎዜቲዴስ፤
ኢዛ ጸሳይካ ኦርዲዴስ።

28 ሃይሲ ሃ ኣዴዚ
ሙሌራ ኩንዲዲ
ዳይዳ ካታማታን፤
ላሌታናስ ማቲዳ

- ካይሳ ከላታ ገደን ደሰ።
- 29 ደሬቴና፤ ኢዛ ሃርይካ
ዳር ዋዴ ጋምኤና፤
ቢታ ቦላካ አከና።
- 30 ቋማፔ አቲ ባናዉ
ዳንዳዬና፤
ታማ ላጮይ ሃጋታ
ሜሊሲዳይሳ ማላኔ
ጨሻቲካ ጫርኮን
ቆኪዳ ሚላ ማላ ገደና።
- 31 ሃዳ ሚሻን አማኔቲሽ
ባና ባርካ ባሌሶፎ፤
ሄሳንካ ኢዚ ጎኣይ ባይንዳይሳ
ገዲ አታና።
- 32 ኢዚ ዋዴይ ጋኮንታ ዲሺን
ኡላይ ሚሊዛ ማላኔ
ሃጋቲካ ጨሊሎንታ
ሚላ ማላ ሃናና።
- 33 ኢዚ ቡርን ካጸንታ ዲሽ
አይፊዚ ቆቆፊቲዛ
ዋይኔ ሚላ ማላኔ
ጨሻይ ቆቆፊቲዛ
ዋጋራ ሚላ ማላ ገደና።
- 34 ጸሳ ጸሳቴላ ኤርንታ አሳታሰ
ዜሬላ ዳኤና፤
ጉቦን ኦሴቲዳ ከላቲካ
ታማን ዲፒ ገ ጸጌታና።
- 35 ሃይሳ ማላ አሳቲ
ጌኔ ሚሽ ቆፔቲሰ፤
ሜቶካ ሚጴቴሰ፤
ኢሰታ ዋዚናይካ
ባሌሶን ኩሚዳሰ።»

16

ኢዮቤ ሃሳያ

- 1 ኢዮቤካ ሂዝጊ ዛሪዳሰ፤
- 2 «ታኒ ሃይሳ ማላ ሃሳያ
ዳር ዋዴ ሲያዲሰ፤
አንቴ ሳሌላዛ ዞራንቻታ።
- 3 ሃይሳ አንቴ ሃዳ ሃሳያሰ
ዉርሴላ ባዬ?
ሃይሳ ላጌ ታናራ
ማርሼታና ማላ
አንቴና ዳንጫላይ አዜ?
4 አንቴ ታ ሶሆን
ታኒ አንቴ ሶሆን ገዲዳኮ
ካጴን ታኒ ሁኤ ቃላዳ
ሃኢ አንቴ ገዛይሳ ኡባ
አንቴ ቦላ ሎኤላ
ሃሳያናኮሽን።
- 5 ሃሳ ማላካ ታ ዶናን
አንቴና ሚንጫላናኔ
ሚንላናሰ ዳር
ሃሳያናኮሽን።
- 6 «ገደ አቲን ዳር ሃሳይኮካ
ታ ሃርጌይ ሃ ሎኤና፤
ጮኡ ጋ ዳንዳይኮካ

- ታ ዋዬይ ታፔ ኪቼና።
- 7 ጸሳዉ! ታና አሳቴላፊ
ካሬ ከሳዳሳ፤
ታ ዳሬ አሳ ኡባ ቋይሳዳሳ።
- 8 ታ አሳቴላይ ጉንዳይሰ
ታ ቦላ ዳንዲዲ
ኔኒ ናጋራንቻ ገዲ
ታ ቦላ ማርካቲሰ።
- 9 ጸሲ ታና ሃንቁዲ
ታ አሳቴላ ቃንጾሬላዳሰ፤
ታና ኢዲዲ ባ አኙ
ታ ቦላ ጋርጨዳሰ፤
ታ ሞርኬይ ባ አይፊ
ታ ቦላ ማጸ ኬሲዳሰ።
- 10 አሳይ ታ ዩሾን ሸቁቲዲ
ታ ቦላ ጨቁቲዳሰ፤
ታና ቁጴ ቃላን ባቁዳ።
- 11 ጸሲ ታና ኢታ አሳታሰ
አላ ኢሚዳሰ፤
ማካላንቻታ
ኩሼን ዩጊዳሰ።
- 12 ታ ሳርን ዳይሲኮሽን
ገዲኮካ ጸሲ ባ ሃንቆዛን
ታና ሚንጫላዳሰ፤
ታ ቆጴ ጨሊ ኦይኪዲ
ታና ዳቡርሲዳሰ፤
ባ ቆፋ ታ ቦላ ፖሊዳሰ።
- 13 ዋንዳፋንቻቲ
ታና ገደላዳ፤
ቃጴቴላ ባይንዳ
ታ ኪላሆታ ቃንጾሬላዳ፤
ታ ጨዩዛካ ቢታ ቦላ ጉሲዳ።
- 14 ኢዚ ታና ዛሪ ዛሪ ማዲንላዳሰ፤
ሚኖ ኦላንቻ ማላ
ዚዚሚ ዩዲ
ታና ሾጨዳሰ።
- 15 «ታ ካዮቴላሰ
ማቃ ሲካ ማይአዲሰ፤
ጉዲላ ቦላ ጉፋናዲሰ።
- 16 ታ አይፊሶይ ዩኮን ዞኢዳሰ፤
ሳካና ቋማይ
ታ ሲጸንሐ ካሚዳሰ።
- 17 ሃይሲ ኡባይ ሃንሺን
ታ ኦላዳ ቆሆይ ዳና፤
ታኒ ታ ዋሳ
ጸሳኮ ሺሺዛይ
ዋዚና ጌሻቴላና።
- 18 «ቢታዘ! ታና ጋኪዳ ቆሆዛ
ኔ ካሞፋ!
ሱሬ ፒርዳ ገሻሰ
ታ ሺሺዛ ማጋናይ
ካሚቲ አታና ማላ
ኔ ኦሶፋ!
- 19 ሄኮ ታሰ ማርካተዛዳይኔ
አፋካቶ ኤቁዛዳይ ሳሎን ዳሰ።
- 20 ታ ላጌቲ ታና ሌቆን ጸሌቴሰ፤

ታኒ ገዲኮ
 ፑዴ ጸሳስ ዩካይሰ።
 21 እስ አሳራ ጋሴ ሃሳይሲዲ
 ማቃዩንሱዛዴይ
 ዲዛይሳ ማላ፤
 እስ ጸሳራ ጋሴ
 ማቃዩንሱዛ አሲ ዲዲኮ
 አዜ ዲዛይ?
 22 «ታ ላይሳሰ ወርሴላይ ጋኬሰ፤
 ታ ሃ ሲማ ዮንታሶ ባናሰ
 ጉላ ዋዴይ ጸላ አተዴሰ።»

17

1 «ታ አያናይ ዳቡርዴሰ፤
 ታ ዳና ላይላይካ
 ፖሌታናዉ ማቲዴሰ፤
 ዲፎይካ ታና ናጌሰ።
 2 ታና ቁጵዛይቲ ታና ዩዩ አጵዳ፤
 ታ አይፌይካ
 ኢሰቲ ኢዲዛይሳ ዴሌሰ።
 3 ታ ጸሳዉ! ኔፔ አቲን
 ታሰ ኤቃናይ ሃራይ ዴና፤
 ኔኒ ኔ ሁኤራ ታሰ ዋሴ ገዳ።
 4 ኢሰቲ ፒልጊዲ
 አኬካናዉ ዳንዳዮንታ ማላ
 ኢሰታ ቆፋ ጎርዳዳ፤
 ሄሳ ገሻሰ ኢሰቲ
 ጸናና ማላ አላፋ።
 5 ሚሹ ዴማናዉ ገዲ
 ባ ላጌዛ አሉ አሚዛ
 አሳ ናይታ
 ቦላ ጎሚይ ጋካና።
 6 «ጸሲ ታና አሳሰ
 ካሳ ሚሽ ኦሊዴሰ፤
 አሳይ ኢዛዴ ቦላ ጩቲዛ
 አሳ ማላ ገዳዲሰ።
 7 አፋንላፌ ዴንዲዴይሳን
 ታ አይፌቲ ዶልጁሚዳ፤
 ኩሚላ ታ አሳቴሳይካ
 ኤሾ ማላ ገዲዴሰ።
 8 ጸሎ አሳቲ ሃይሳን ዳጋሚቲዳ፤
 ጌሻቲ ጸሳ አማናንታ
 አሳታ ቦላ ሃንቁቲዳ።
 9 ገደ አቲን ጸሎቲ ቱማ ኦጌፔ
 ካሬ ኬኤቲና፤
 ጌሻቲ ሚኖቴላ ቦላ
 ሚኖቴላ ጉጁቴሰ።
 10 «እንቲ ኡባይካ ናምኣንሉ ዩዲ
 ታ ሲንላን ማርሼቲኮ፤
 እንቲ ገደፌ ኢሲ አኬካራ ዲዛ
 እስ ዴሚኬ።
 11 ታ ላይላይ ወሪዴሰ፤
 ታ ቆፋይኔ ታሰ ዋዚና አሞይ
 ሃዳ ገዲ አተዴሰ።
 12 ሃይቲ ሃ አሳቲ

አማርሳ ጋላሰ ጌቲሰ፤
 ፖኦዛ ቃሴ ጵማና
 ሃኔሰ ጌቲሰ።
 13 ሃይሳፌ ጉዩ ታሰ ዲዛ ቃዳይ
 ዲጌ ሃይቁዳ አሳቲ ዲዛሶ
 ዲፎን ዋጴላ፤
 ያን ጵማሶን ታኒ
 ታ ሂጸ ኦንጋና።
 14 ዲፎ፣ «ታ አሞ!»
 ጋዳ ታ ዴይጋና፤
 ታና ሚዛ ጉጹኔታ ታኒ፣
 «ታ አዩ፣ ታ ሚቼዩ!»
 ጋዳ ዴይጋና።
 15 ሂሰቲን ታሰ አይ ሂደታይ ዲዜ?
 ታሰ ሂደታ ገዲዛ ሚሽ
 ኦኔ ታሰ ዴላናይ?
 16 ታኒ ዲጌ ሲኦሌ ዋጴሽን
 ሂደታይ ታናራ ኢሲፌ ዋጴ?
 ኢሲፌካ ዲጌ ዲፎን
 ኮ ጌላኔ?»

18

ቤሊዳዴ ሃሳያ
 1 ሹሃ ዴሬ አሰ ቤሊዳዲ
 ሂዘጊ ዛሪዴሰ፤
 2 አዮቤ! ኔ አይሰ
 ሃይሳ ማላ ሃሳያ ዳርሳይ?
 አኔ ኤዘጋ፤ ኦኒካ ሃሳዮሰ።
 3 ኔኒ ኩና አይሰ ሚሄታ ማላ ቆዳይ፤
 ኔኒ አይሰ ኩና ቱሌታ ማላ
 አኬኮንታ እስ ኦላ ዴላይ?
 4 ኔኒ ሃንቁቲኮ ኔና ቆሃሳ አቲን
 ኔ ሃንቆዛን ቢታይ
 ሚላ አቲና።
 ዛላቲካ ባ ዲዛሶፔ
 ቃጶቴና።
 5 ናጋራንቻ ጸምፔይ ቶኣና፤
 ታማ ላጮይካ ናምኣንሉ ቤቲና፤
 6 ኢዛ ዲንካኔ ገደን ዲዛ
 ፖኦይ ቶኣና፤
 ፖኦዚካ ጵማና።
 7 ኢዛሰ ሚኖ ታንጎይ
 ቃሚ ቃሚ ባና፤
 ጌኔ ቆፒዛዴ ቆፋይ
 ኢዛ ዛሪ ኩንዲሳና።
 8 ኢዚ ባርካ ቢዲ ዋጸማዴን ጌላና፤
 ኢዛ ቶሆይካ ጌቲን ቃጶታና።
 9 ዋጸማዴይ ኢዛ ቁርጾ ኦይካና፤
 ሄንካ ዋጸ አሻና።
 10 ሳኦ ቦላ ያርዴ ዋዶሮይ
 ሚጮቴዴሰ፤
 ኢዛ ኦጌንካ ዋጸማዴይ
 ጌቲዴሰ።
 11 «ያሹ ኢዛ ገደሊዴሰ፤
 ጉዩራ ካሊ ካሊ
 ጎዴሬሌሰ።
 12 ኢዛ ዋልቃይ ኮሻን ወሪዴሰ፤
 ቦሻይካ ኢዛ ጳይሳናሰ

- ገገቲዳሰ።
- 13 ሃርጌይ ኢዛ ኣሳቲፍ ገልቁሳና፤ ሃይቆይካ ሙሉራ ኤኪ ባና።
- 14 ሃርጋይ ባይንዳ ኣማኔቲ ዲዛ ኩላፌ ኢዚ ጎዳታና፤ ኣስ ኡባ ሃሪዛ ሃይቆይ ኢዛ ኤካና።
- 15 ኢዛ ኩላን ኣይ ሚሺካ ኣቴና፤ ኢዚ ኣቆዛሶዛንካ ዲኔ ታማይ ላሌታና።
- 16 ጸጸፔ ሜሊዛ ሚላ ማላኔ ሃጋቲካ ሜቁሬቲዛ ሚላ ማላ ገዳና።
- 17 ቢታ ቦላ ኢዛ ቆፒዛ ኣሲ ዳና፤ ኢዛ ጎባቴላካ ቢታፌ ጳያና።
- 18 ኢዚ ፖኦሶፔ ጌዳ ጳማን ጎዳታና፤ ቢታ ቦላፌ ኢዚ ኪቻና።
- 19 ኢዛ ዳቦታ ገደፌ ኢዛ ላታና ዩሌታይ ቤቴና፤ ኢዛ ባቻንካ ዛሬይ ኢዛሰ ኣቴና።
- 20 ኡሻቻ ባጋራኔ ሃዲርሳ ባጋራ ዲዛ ኣሳይ፤ ኢዛ ቦላ ጋኪዳ ሜቶዛ ገሻሰ ኬሂ ባቢዲ ኮኮራና።
- 21 ኣይ ዋዳካ ኢታ ኣሳታ ወርሴላይ ሄሳ ማላ፤ ጸሳሰ ያዮንታ ኣሳ ቃዳይ ሃይሳ።»

19

- እዮቤ ሃሳያ
- 1 እዮቤ ሂዘገ ዛሪዳሰ፤
- 2 «ኣንቲ ታና ኣዉዳ ጋካናሰ ዋዳጎንዳቲ? ኣዉዳ ጋካናሰ ዮኦን ታሰ ሜቁላ ሚንሳንዳቲ? ሃኮ ኣንቲ ታና ታሙቶ ጫዶታ፤ ታና ካዉሺሽካ ዩላቴኬታ።
- 4 ቱሙካ ታኒ ባሌቲዳ ገዲኮ ታ ባላይ ታና ጸላ ቆሃና።
- 5 ቱሙ ኣንቲ ኣንቲና ጳቂሲዲ ታ ካዉሻቴላ ኣንቲሰ ማርሺ ሚሽ ኦሌታ።
- 6 ገዲኮካ ሃይሳ ኡባ ሜቶዛ ታ ቦላ ጋሊዳይኔ፤ ገቲ ገደ ታና ዩጌዳይ ጸሳ ገዲዳይሳ ኣንቲ ኤራና ማላ ታ ኮያይሰ።
- 7 ታ ቆሃታዲሰ ጋዳ ዋሲን ታና ሲዩዛ ኣሰ ዳማቤኬ፤ ታ ቃላ ጳቁ ኦላዳ ማጋኒኮካ ሱሬ ፕርዳ ዳማቤኬ።
- 8 ጸሲ ታሰ ኦኔዛ ጎርዲዳ ገሻሰ

- ኣጳናሶይ ዳና፤ ታ ባናሶዛካ ጳማን ጎርዲዳሰ።
- 9 ታ ቦንቸዛ ታ ሁኤፔ ቃሪዲ ታና ካዉሺዳሰ።
- 10 ታ ኣሳቲፍ ኡባሶራ ቆጶሬላዲ ሙሉራ ላሊዳሰ፤ ታሰ ዲዛ ሂደታ ጸጸፔ ሾዴቲዲ ኩንዲዛ ሚላ ማላ ኦሊዳሰ።
- 11 ጸሲ ታና ሃንቁቲዲ ገታ ሜቶ ታ ቦላ ጋሊዳሰ፤ ባሰ ሞርኬ ማላ ታና ቆዲዳሰ።
- 12 ታና ጳይሳናሰ ባ ኦሳንቻታ ኪቲዳሰ፤ ታሰ ዲንካኔዛ ዩዩ ኣጳዲ ታና ገደላዳ።
- 13 «ጸሲ ታ ኣሻቲ ታፔ ሃካና ማላ ኦሊዳሰ፤ ታና ኤሪዛ ኣሳቲ ኡባይ ታና ኣሳ ዳሬ ኣሰ ኬሲዳ።
- 14 ታ ዳቦቲ ታፔ ሃኪዳ፤ ታ ላጌቲካ ታና ባሊዳ።
- 15 ታኒ ታሶን ኣማላቴላ ሞካ ኤኪዳይቲ ኡባይ ታና ባሊዳ፤ ታ ጋራዴቲ ታና ኣማላ ማላ ቆዲዳ፤ ኣላጋ ማላካ ጸሊዳ።
- 16 ታኒ ታ ኣሳንቻዛ ጸይገሺን ኢዚ ታሰ ኮዩና፤ ታና ማዳርኪ ጋ ታ ዋሲሺንካ ኤር ጌና።
- 17 ታ ማቻ ታፔ ኬኢዛ ፔናዛ ሻቲታዲሰ፤ ታ ኣሻቲካ ሃራሪቲዳ።
- 18 ቁሪ ናይቲካ ታና ካዴቴሰ፤ ታና ቤኢዛ ዋዳ ታ ቦላ ቁልጩቴሰ።
- 19 ታሰ ማታ ላጌቲካ ታና ሻቲቲዳ፤ ታ ሲቆቲ ታ ቦላ ሞርኬ ገዲ ዳንዲዳ።
- 20 ታሰ ኣሾዚ ዉሪን ጋልባዚ ሜቁላራ ኦይኬቲዳሰ፤ ታና ሺሺን ኣታዲሰ።
- 21 «ታ ሲቆቶ! ጸሳ ኩሼይ ታና ሾጪዳ ገሻሰ ኣኔ ዛይ ታሰ ሚሹቲቲ! ታሰ ቃዴቲቲ!
- 22 ጸሲ ታና ጎደይሳ ማላ ኣንቲካ ታና ኣዛሰ ጎዳቲ? ሃይሳ ጋካናሰ ኣንቲ ታና ዋዩሲዳይሰ ገዳኔ?

- 23 ሃይሳ ጋካናሰ
 ታ ሃሳይዳ ቃላ ኣከኪዛይኔ
 ማጻፋን ጸፊዛ ኣሲ ዲዛኮ
 ታና ኣይ ማላ ኡፋይሳኔሺን!
- 24 ኢሰከርቶኒኔ ኢርሳሴን ጸፊተዲ
 ዋይኮ ሹቻ ቦላ
 ዋጮተ ኡተዲ
 ማርናሰ ዳና ማላ
 ኦሊዳኮ
 ኣይ ማላ ታና ኡፋይሳንዳሺን!
- 25 ጊዶ ኣቲን ታና ኣሺዛይሲ
 ፓጻ ዳኢዛ ማላ
 ዉርሴላ ዋዴን
 ታና ዋዛናሰ
 ቢታ ቦላ ኢዚ ኤቃናይሳ
 ታኒ ኤራይሰ።
- 26 ታሰ ጋልባዚ ሜቲቲ ዉሪኮካ
 ታኒ ታ ኣሳቲላፊ ሻኬታዳ
 ታኒ ጸሳ ቤያናይሳ ኤራይሰ።
- 27 ሃራ ኣሰ ጊዶንታ
 ኢዛካ ታኒ ታ ሁኤን
 ታ ኣይፊራ ቤያና፤
 ታ ዋዚናይካ ሄ ጋላሳዮ
 ኬሂ ላዎቲሰ።
- 28 «ታ ሲቆቶ!
 ታና ዋላሲዲ ዋዩሳናሰ።
 ነሃይሳ ማቶዛ ኢዚ ባርካ
 ባሰ ኤሂዴሰ» ጊዲ ሃሳዬታ።
- 29 ጸሳ ሃንቆይ ማሻን
 ቃጸዬቲላን
 ጋሊዛ ጊሻሰ ማሻይ
 ኢንቲና ሞንታ ማላ ናጌቲቲ።
 ጸሳ ፒርዳይ ዲዛይሳካ ኤሪቲ።»

20

ዘፋሬ ሃሳያ

- 1 ናኢማኔ ዳሬ ኣሰ ዘፋሬይ
 ሂዝጊ ዛሪዳሰ፤
- 2 «ኢዮቤ! ታና ዩሎ ቆፋይ
 ኔ ቦላ ዛር
 ኢማና ማላ ሱጊዳሰ፤
 ሄሳ ጊሻሳ
 ታ ሃሳያናዉ ኤሶቲዳይ።
- 3 ታኒ ታና ካዉሺዛ ሴራ ሲያይሰ፤
 ታ ኣከኪዛ ኣከካዚ
 ታና ኔሰ
 ዛር ኢማ ኢማ ጌሰ።
- 4 «ኣሲ ቢታ ቦላ
 ቤቶሶፊ ዶሚዲ
 ካሴፔ ሃይሳ ማላ
 ጊዶይሳ ኔ ኤራይ?
- 5 ኢታ ኣሳ ጩቁቲላ
 ጉላ ዋዴሳ፤
 ጸሳ ካዲዛ ኣሳታሰ ዲዛ
 ኡፋይሳይ ቁጲዳ ኣይፊዴ
 ጸላና ጋካናሳ።
- 6 ኢታ ኣሲ ኣይኮካ ኦቶሬቲዲ

- ሳሎ ጋከኮካ።
 ኢዛ ሁኤይ ሻራ ጋከ
 ቦቹንካ።
 7 ኢዚ ባ ሸሻ ኡቲላ ማላ
 ሙሉራ ፒቲታና፤
 ካሴ ኢዛ ቤዩሼ ዲዛ ኣሳቲካ።
 «ኢዚ ኣዋን ዲዜ ጋኔ?»
- 8 ኣጉሞ ማላ ተምኢ ጊ
 ጳይዛ ጊሻሰ ቤቲና፤
 ኣማርሳ ኤሉንላ ማላ
 ኢዚ ጳያና።
- 9 ኢዚ ዲዛሶፔ ኤሾራ
 ጳይዛ ጊሻሰ።
 ኢሲቶ ኢዛ ቤኢዳ ኣሰ
 ናምኣንሶ ዛሪ ቤዩና።
- 10 ኢዛ ናይቲ ኣዳሺዲ
 ኢሰታ ኣዋይ ማንቆታፔ
 ጌኔራ ቦንቁዳ
 ማሻ ዛራና።
- 11 ዋልቃን ኩሚዳ ዩላጋቲላ
 ኣሳቲላይ ጉላ
 ዋዴፔ ጉዬ ቢታ ጊዳና።
- 12 «ኢታቲላ ኢዛ ዶናን
 ካላ ማላ ኣይ ማልኢኮካ
 ባ ኢንጸርሳን ኢዚ ላጩ ጸሊኮካ።
- 13 ዉርንታ ማላ ዶናን
 ጮሚሼ ጋምኢኮካ
- 14 ኢዛ ኡሎ ጊዶን
 ጮሞን ላሚታና፤
 ኢዛሰ ሸሻ
 ማርዜ ማላ ጊዳና።
- 15 ኢታ ኣሲ ባ ሚዳ ሚሻ
 ኡንኤቲ ዛራና፤
 ኡሎ ጊዶን ዲዛይሳካ
 ጸሲ ኢዛ ጮሻና።
- 16 ኢታ ኣሲ ሚዛይሲ ዉሪ
 ኢዛሰ ሸሻ
 ማርዜ ማላ ጊዳና፤
 ሸሻ ማርዜ ማላ ጊዲዲ
 ኢዛ ዋቃና።
- 17 ዋጋራ ዛይቲይ ዲኦ ማላ ጎጊሺን
 ኤሲኔ ማላ ሻፋ
 ሃላ ማላ ጎጊሺን
 ኢዚ ቤኦንታ ሃይቃና።
- 18 ኢዚ ባ ዳቡርዳ ዳቡራ ኣይፊ
 ዛሬላ ጌዴ ኢማና ኣቲን
 ባ ሁኤሰ ሚና።
 ዛልኢዲ ኢዚ ሺሺዳ
 ዳኦዛንካ ኡፋዬቲና።
- 19 ሃይሲካ ሃንዛይሲ
 ኢዚ ማንቆታ ኡንኤላዳ
 ጊሻሲኔ
 ባ ኦሎንታ ኮላ
 ጌኔን ኤኪዳ ጊሻሳ።
- 20 «ኢዛ ሂርጌቲላዚ
 ኢዛሰ ሸሞፖ ጳይሲዳሰ፤
 ኢዚ ሺሺዳ ሃርይካ

- 21 እዚ ኣሻናዊ ዳንዳዬና።
እዚ ሃርይ ወሪ
ቁጩቲ ወሪዛ ገሻሰ
እዚሰ ዶናን ጌልፋናዚካ
ኣቲና።
- 22 ኣይኮካ እዚ ዱሬ እሰ ገዲንካ፤
እዚ ዩሎይ ጋካና፤
ዳሮ ሜቶይካ እዛራ ጋይታና።
- 23 እዚ ታ ማዳ ካላና ገሺን
ጸሲ ዋልቃማ ሃንቆ
እዚ ቦላ ዩጋና፤
ባ ሃንቆዛካ እዚ ቦላ ጉሳና።
- 24 እዚ ቢራታ ማሻፌ ኣቲኮ
ጸርቁማላ ዋንዳፊን ጫዳታና።
- 25 ዋንዳፊዚካ ዘካራ
ካንሱ ኬኣና፤
ጸጸልቁ ገዛ ጸራዚ እዚሰ
ቲሬዛ ዱሴሬሱዲ ኣቆና፤
ዋልቃማ ሂርጋን
እዚ ዋዚናይ ዳጋማና።
- 26 እዚ ሺሺዳ ሃርዚ
ኡባይ ገርዲ ገዳ
ቆማ ገደን ቆያና፤
ኣሲ ኦይሶንታ ታማይ ጸጋና፤
እዚሶን ኣቲዛ ሚሽ ኡባ
ዲፒ ሂሰታና።
- 27 እዚ ኦሱዳ ናጋራ
ሳሎይ ቆንጪሳና፤
ሳኣያካ እዚሰ
ሞርኬ ገዳዳ ዳንዳና።
- 28 ጸሳሰ ሃንቆ ጋላሰ
እዚ ሶን ዲዛ ሃርይ ወሪ
ዲኦን ቁጩቲ ቆያና።
- 29 ጸሲ ማካላንቻታሰ
ዋሱዳ ቃዳይ፤
ኢታ ኣሳቲ ኤካና ዋጋይ ሃይሳ።»

21

እዮቤ ሃሳያ

- 1 እዮቤካ ሃዝጊ ዛሪዳሰ፤
- 2 «ኣኔ ታ ሃሳያ
ዋዚናፔ ኤዘገቲ፤
ሃይሲ ኣንቲ ታና
ሚንሌሌዳ ማላ
ኣንቲሰ ቆዳታና።
- 3 ኢሲቶ ሃሳያና ማላ
ታሰ ገሺ ኣሚቲ፤
ሃሳፌ ጉዬ ኣንቲ ኮዩዳ ማላ
ታና ቁቆናዊ ዳንዳዬታ።
- 4 «ታኒ ኣሾ ማይኢዳ ኣሳ
ቦላ ሚሽታዚና?
ሂሰቲን ታሰ ዳንዳዮንታ ኣገኮ
እዛን ኣዚ ማላሊሲዜ?»
- 5 ኣኔ ታኮ ሃ ጸለቲ፤
ሃሳያይ ኣንቲና
ጸናናሺ ጋካናሰ
ታ ሃናዚ ኣንቲና ሻጶሰ።

- 6 ታኒ ቆፒሺን ታናካ ዳጋንሌሰ፤
ታ ኣሳቲሳካ
ያሻን ኮኮሪሰ።
- 7 «ኣይሰ ኢታ ኣሳታ
ላይላይ ኣዲቂዲ
ኢሰታ ሃርይካ ዳሪዲ
ቢታ ቦላ ዲዜ?»
- 8 ኣይሰ ኢሰታ ናይቲኔ ናይታ ናይቲ
ዲጪዲ ሎኢ ዲሺን ቤዩዛ?»
- 9 ኢሰቲ ኣይኮ ሂርጋይ ባይንዳ
ሳርን ዳቲሰ፤
ጸሳፌ ቦሻይ
ኢሰታ ቦላ ጋኪ ኤሬና።
- 10 ኢሰታ ሚሂቲካ
ኢሲ ሜቶይ ባይንዳ ዩሌቴቲሰ፤
ኢሰታሰ ሚዛቲካ
ኣወጫዮንታ ዩሌቴሰ።
- 11 ባንታ ናይታ
ዶርሳ ወዳ ማላ ሃሜቲሰ፤
ኢሰታ ናይቲካ
ጉፒ ጉፒ ካኤቲሰ።
- 12 ካራቤ ባቂሾ፣ ዲሌ ዲዲሾ፣
ዲንኬ ፑኒሾ
ኡፋይሳን ዩጶቴሰ።
- 13 ባንታ ላይላ ዋጌቲሳኒኔ
ኡፋይሳን ኣሌቴሰ፤
ዋዩቶንታ ሃ ቢታፊ
ሃይቆን ሻኬቴቲሰ።
- 14 «ሂሲ ሃሳሉ ገዲ ዲሺን
ኢሰቲ ጸሳ፣
ሱፔ ሃካ፤ ኔ ኦጌ ኤራናሰ
ኦ ኮዮኮን ጌቲሰ።
- 15 ሱ ኢዛሰ ጎይናና ማላ
ኡባ ዳንዳይዛ ጸሳይ
እዚ ኦኔ?
ኦ ኢዛ ዋሲን እዚ ኦና
ኣይ ማዳኔ?» ጌቲሰ።
- 16 ኢሰቲ ሃሳ ገዛይ
ኢሰታ ኩሽን ዲዛ ሃርይ ወሪ
ኢሰታ ዋልቃን ኢሰታሰ ሺቂዳ
ሚሳቲዛ ገሻሳ።
ታኒ ገዲኮ
ኢታ ኣሳታ ቆፋ ኤኪኮ።
- 17 «ሂሰቲን ኢታ ኣሳታሰ ጸሞፔይ
ቶኢ ኤሪዜ?
ቦሻይ ኢሰታ ቦላ ጋኪ ኤሪዜ?
ጸሲካ ኢሰታ ቦላ
ሃንቁቲ ኤሪዜ?»
- 18 ኢሰቲ ሃፓ ማላ ጫርኮን ቢዳሶይ
ጉዲላ ማላ ጎቲ ጫርኮን
ኢሰቲ ፒቲቲ
ቆይዳ ዋይይ ዲዜ?»
- 19 ኣንቲ፣ ሳዋቲ ቆሂዳ ቆሆን
ጸሲ ናይታ ሃንቁቲሰን ጌታ፤
ኣኔ ጸሲ ናጋራንቻታ
ቃጸዮ፤

ሄሳላ ሃንኮ ባንታ ቆሆ
 ኢስቲ አኩካናው ዳንዳዬቴስ።
 20 ናጋራንቻቲ ባንቲ አሉዳ
 ቆሆን ባንታ ቁጻቲ ኤኬቶ፤
 ኡባ ዳንዳይዛ ጸሲ
 ባ ሃንቆዛ ኢስታ ቦላ ኤሆ።
 21 አሲ ሃይቁዳፔ ጉዬ
 ባ ናይታስ ቆፒ ኤሪዜ?

22 «ጸሲ ጌታ አሳታ ቦላካ ፐርዳና፤
 ሂሰቲን አሲ አዛ ፐርዳ
 ታማርሳና ዳንዳይዜ?
 23 አሲ አሲ አሳቲ
 ባንታ ላይላ ወርሴላ
 ጋካናስ አይኮ ማቶይ
 ኢስታ ቦላ ጋኮንታ ሚናታ፤
 ሃርጌይ ባይንዳይታ ጌዲዲ
 24 ኢስታ ቦላይ ኦርዲዲ
 ካይሸዳ ማላ፤
 ኢስታ ማቆላይካ
 ሸጪዳ ማላ ሃይቁቴስ።
 25 ሃራቲ ጌዲኮ ዩሎኔ
 ጫሞን ኩሚዳ ማላ
 ማቶን አይኬቲዳ ማላ
 አይኮ ሎኦ ሚሽ
 ቤኦንታ ሃይቁቴስ።
 26 ኡባይካ ዲጌ ዲፎን ጌሊዲ
 ቢታ ጌዴቴስ፤
 ጉጹኔይካ ኢስታ ላታና።

27 «ቤኢቲ! ታና ቆሃናስ
 ቆፒዲ አንቲ ቃቺዳ
 ጌኔዛ ታ ኤራይስ።
 28 አንቲ፣ ሃይሳ
 ጌታ አዳሶይ አዋኔ?
 ናጋራንቻዛ
 ዲሳሶይ አዋኔ?» ጌታ።
 29 ማንዳራ አሳታ ኦይቺቤኬቲ?
 ኢስቲ አንቲስ ማርካቲዳ
 ማርካቲላ
 አንቲ ኤኬኬቲ?
 30 ሃይቲ፣ ሲታ አሳታ ቦላ
 ቦሻይ ዪዛ ዎዴ
 ቆሆይ ኢስታ ጋኬና፤
 ጸሳ ሃንቆይ ቆንጫዛ ዎዴ
 ኢስቲ አቲ ባና ጌዲ ሃሳይዳ።
 31 ኢታ አስ ኢዛ ኢታቴላ ገሻሽ
 ዋላሲዛይ ኦኔ?
 ኢታ ኦሶዛ ገሻሽ
 ኢዛ ቃጸያናይ ኦኔ?
 32 ኢዚ ሃይቁዳፔ ጉዬ
 ኢዛ አሃ ቶኪ ኤኪዲ
 ዲፎን ኤፌቴስ፤
 ኢዛ ዲፎይካ ናጌቴስ።
 33 ሸባን ዲዛ ቢታይ
 ኢዛስ ጌጋ ጌዴስ፤
 አሳቲ ኡባይካ ኢዛ ካሌቴስ፤
 አዳፌ ዳሮ አሳቲካ

ኢዛፔ ሲንላራ ቤቴስ።

34 «ሂሰቲን አንቲ ሃዳ ጌዲዳ ዮኦራ
 ታና ሚንጮላናስ
 አይስ ቆፔቲ?
 አንቲ ታስ አሚዛ
 ዛርቲ ኡባይ ዎርዳ።»

22

ኤልፋዜ ሃሳያ

1 ቲማኔ ዴሬ አስ ኤልፋዜይ
 ሂዘጊ ዛሪዴስ፤
 2 «አሲ ጸሳ ጎኣናው ዳንዳይዜ?
 ሃራይ አቶሺን
 ኤራ አስ ጌዲኮካ
 ጎአዚ ኢዛዴሳፌ አቲን
 ጸሳስ ጌዴና።
 3 ኔ ጸሎቴላ ኡባ ዳንዳይዛ
 ጸሳ አይ ጎአኔ?
 ዎሶይ ባይንዳ ኔ ዴኦዚ
 ኢዛ አይ ማዳኔ?
 4 ሂሰቲን ኔ ቦላ ኢዚ ፐርዲዳይኔ
 ሃይሳላ ኔና ሃንቁዳይ
 ኔኒ ጸሰ ያዪዛ ገሻሴ?
 5 ሃይሲ ኡባይ ኔና ጋኪዳይ
 ኔ ኢታቴላ ዳሪዳ
 ገሻሴኔ
 ኔ ናጋራይ ዛዎይ ባይንዳይሳ
 ጌዲዳ ገሻሰ ጌዴኔ?
 6 አሲ ጋሶይካ ባይንዳ
 ኔ አሻታፔ ኦይሶ ኤካዳሳ፤
 ቃሴ ኢስታ ማይኦ ቃራ ኤካዳ
 ኢስታ ካሎ አሻዳሳ።
 7 ጋፊዲኔ ሳማቲዲ ዳቡርዳይታ
 ካላኔ ሃሰ ዲጋዳሳ።
 8 ኔ ጋዳዴኔ ዎልቃማ
 አስ ጌዳዳ
 ኢዛን ዲዛ ቦንቾ
 አስ ጌዲኮካ፤
 9 ኔኒ አሞኤ ማጫሳታ
 ማላ ኩሼ ዬዳዳሳ፤
 ዩኦ ናይቲካ
 ባና አይሳና ዴኦዛ ዳይሳዳሳ።
 10 ሃይሳ ጋሶን
 ኔና ኦይካና ዎጺማዴይ
 ኔና ዩዩ አዲዴስ፤
 ኔ ኤዘጎንታ
 ማቶይ ኔና ዲጋንላና።
 11 ኔና ጸሎይ ማታና ጋካናስ
 ኔስ ዲሚዴስ፤
 ዲኦ ሃላካ ኔና ማጫዴስ።
 12 «ጸሳይ ቶቃ ሳሎን
 ዲዛይሳ ጌዴኔ?
 ጸላንቲቲ አይኮካ
 ቶቃሶሆን ዲኮካ
 ኢዚ ኢስታፌ ቦላራ ዲዲ

- 13 ከኒ ገዲኮ፣ ጸሰ አይ ኤሪዜ?
ገርዲ ገዲ ቋማን
ኢዚ ዋኒ ኑ ቦላ
ፕርዳናዉ ዳንዳይዜ?
- 14 ሳሎ ቦላን ኢዚ ሲሜራቲሺን
ቋፕ ገዲ ሻራይ
ኢዛ ካሚዛ ገሻሰ
ኢዚ ቤያናዉ ዳንዳይና ጋጋ።
- 15 «ናጋራንቻቲ ሲሜራቲዛ
ቤኒ ኦጌዛ ኔ ካላይ?
- 16 ኢሰቲካ ዋይይ ጋኮንታ
ሲንፋራ ቦሻን ሾጩቲዳ፤
ዲኦንካ ሜጩቲዳ
ጸጸራ ቋይዳ።
- 17 ኢሰቲካ ኡባ ዳንዳይዛ ጸሳ፣
ሉፔ ኔ ሃካ፤
ኔ ኦሰ አይ ኦላናሰ
ዳንዳይይ?» ገዲ።
- 18 ገዲኮካ ኢሰታ ኩላ
ዲራቲላን
ኩንላዳይ ጸሳ።
ሄሳ ገሻሰ ታኒ
ኢታ አሳታ ቆፋ ኤኪኬ።
- 19 «ኪያ አሳቲ ኢታ አሳቲ
ቃጸዬቲሺን
ቤኢዲ ኡፋዬቲቲሰ፤
ሱራ አሳቲ ኢሰታ ቦላ ቁልጩቲሰ።
- 20 ሉኩንካ ኑ ሞርኬቲ ቋይዳ፤
ኢሰታ ሃርዚ ኩሚሳ
ታማን ጸጌቲዳሰ።»
- 21 «ሄሳ ገሻሰ ኢዮቤ
ኔናቲላ ጸሳሰ ሃሪሳ፤
ኢዛራካ ኔ ሳርን ዳ፤
ኔ ሃይሳ ኦሊኮ
ሎኦ ሚሽ ደማና።
- 22 ጸሰ ኔሰ አሚዛ ቲሚርታ ኤካ፤
ኢዛ ቃላካ ኔ ዋዚናን ዋላ።
- 23 ኔናቲላ ኡባ
ዳንዳይዛ ጸሳኮ
ኔ ዛሪዳኮ፣
ኔ ካሴ ማላ ሃናና፤
ኔ ሶፔ ኢታ ኦሶ ዲጋ።
- 24 ዋርቃ ጉዲላን ኦላ፤
ኦፊራ ዋርቃ
ሻፋ ሹቻ ማላ
ዋራ ኦላ።
- 25 ሄ ዋይ ኡባ ዳንዳይዛ
ጸሳይ ኔሰ
ዋርቃኔ ሙሩታ ቢራ ገዲና።
- 26 ሄ ዋይ ኡባ ዳንዳይዛ ጸሳን
ኔኒ ኡፋይታና፤
ኢዛን አማኔታዳ ኔ ዳና።
- 27 ኔ ኢዛኮ ዋሲዛ ዋይ

- ኢዚ ኔ ዋሳ ሲያና፤
ኔ አዲኔቲዳይሳ ኢዛሰ ጋላና።
- 28 ኔ ቆፋይ ኡባይ ኔሰ ፖሌታና፤
ኔሰ ኦጌ ኡባይ ፖኦ ገዲና።
- 29 ጸሰ ኦቶራንቻታ ካዉሻና፤
አሽኬታ ገዲኮ ኢዚ አሻና።
- 30 ኔኒካ ሱራ ዋዚናይ
ዲዛዴ ገዲኮ
ጸሰ ኢታ ኡባፊ ኔና ናጋና፤
ኔ ኩሼቲካ ቆሆ ኦሶፔ
ጌሽ ገዲኮ
ጸሰ ኔና አሺ ኤካና።»

23

- ኢዮቤ ሃሳያ
- 1 ኢዮቤካ ሂዘገ ዛሪዳሰ፤
- 2 «ሃኢካ ታ ዋዚናይ
ጫሞ ቆፋኒኔ
ዙዙንፋን ኩሚዳሰ፤
ጌንጩጫን ታ ዋሲንካ
ኢዛ ኩሼይ ታ ቦላ
ዴጲዳ ማላ ዴሰ። *
- 3 ኢዚ ዲዛሶታ ኤሪዳኮ
አይ ማላ ደሳዚናሺን፤
ጌዴ ኢዚ ዲዛሶ ጋኪዳኮ
ታ አይ ማላ ኡፋዬታኔሺን፤
4 ታ ማጋና
ታ ኢዛሰ ሸሻናኮሺን፤
ታ ሚሻዛ ማራራ
ታ ኢዛሰ ሸሻናኮሺን።
- 5 ታሰ አሜቲዛ ዛርዛካ
ታ ኤራናኮሺን፤
ታና ኢዚ አይ ጋናኮ
ታ ኤራናኮሺን።
- 6 ሂሰቲን ጸሰ ባ ገታ ዋልቃራ
ታና ፕርዳንዴሻ?
አካይ፤ ታ ገዛይሳ ኢዚ ኤዘጋና።
- 7 ሄንካ ሱራ አሺ
ኢዛራ ማርሹታና፤
ታሰ ፕርዲዛ ጸሳይ
ሚርናሰ ታና ናጸ ኬሳና።
- 8 «ገደ አቲን ታ ኦርሼይ ሞኪዛ ባጋ
ቢኮ ሄን ኢዚ ዴና፤
ኦርሼይ ዉሊዛ ባጋካ ሲሚኮ
ኢዛ ደማናዉ ዳንዳይኬ።
- 9 ኢዚ ገዲኮ ፑዴሃን
ባ ኦሳ ኦሌሰ፤
ታኒ ገዲኮ ኢዛ ቤያናዉ
ዳንዳይቤኬ፤
ዲጌ ባጋ ሰማዳካ
ኢዛ ደማናዉ
ዳንዳይቤኬ።
- 10 ኢዚ ታ ታንጎ ኡባ ኤሪሰ፤
ታና ኢዚ ፓጩኮካ
ታኒ ዋርቃ ማላ ጌሽ ገዲ ዲሺን

* 23:2 ኢዛ ኩሼይ ታ ቦላ ዴጲዳ ማላ ዴሰ ገዛይሰ ኢብራዌታ ማጻፋን ታ ኩሼ ፑዴ ዳንፋናሰ ታና ዴጲሰ ጌሰ።

- 11 ታ ቶሆቲ ኢዚ ደሲዛ ኦጊታራ ቤቴስ፤ ባሌቶን ሃዲርሲካ ኡሻቲካ ጊኬ።
- 12 ታኒ ኢዛ አዛዘታፔ ኬኢኬ፤ ኢዛ ቃላካ ታ ሚዛ ቁማፔካ አላዳ ታ ዋዚናን ናጋዲስ።
- 13 «ኢዚ ባርካ ባና ዳንዳይ ዳስ፤ ኢዛራ ኤቁታናይ ዳና፤ ኢዚ ባ ደሲዳይሳ ኡባ ኦሶ ዳንዳይስ።
- 14 ታ ቦላ ኢዚ ቆፒዳይሳ ኡባ ፖላና፤ ሃይሳ ሚሳቲዛ ዳሮ ቆፋቲ ዳቴስ።
- 15 ሃሳ ጊሻስ ኢዛ ሲንላን ኤቆይ ኬሂ ያሹስ፤ ታ ሃይሳ ቆፓዳ ያያዲስ።
- 16 ጸሲ ታስ ዋዚናይ ዳቡራና ማላ ኦሊዳስ፤ ኡባ ዳንዳይዛ ጸሳይ ታና ዳጋንላዳስ።
- 17 ጊርዲ ጊዳ ቆማይ ታ አይፊታ ጎዚኮካ፤ ሳካና ቆማይ ታ ሃሳዮንታ ማላ ታና ዲጊቤና።

24

- 1 «ኡባ ዳንዳይዛ ጸሳይ አይስ ባ ፐርዳ አማና ጋላሳ ባሪቤኔ? ኢዛስ አማኔቲዳይቲ አዉዳ ጋካናስ ኢዛ ፐርዳ ቃላ ናጊታንዳቶ?
- 2 ኢታ አሳቲ ዛዋ ላሌቴስ፤ ካይሲ ኤሂዳ ደርሳታ ሃሜቴስ።
- 3 ዪኦታ ሃሪ ቦንቁቴስ፤ አምኤ ማጫሳያ ቦራ ኦይላዲስ ጊዲ ባንታስ ኤኬቴስ።
- 4 ማንቆታ ሻቲቲዲ ጮ ኦጌፔ ጎዳቴስ፤ ኢስታ ሲንላፊ ባቃቲዲ ቆቴታና ማላ ኦሌቴስ።
- 5 ማንቆቲ ባዞን ዲዛ ሃርዲዳ ማላ፤ ባንታ ናይታስ ካል ኮያና ኬኢዲ ዳቡሬቴስ።
- 6 ኡኔቲዲ ሃራታስ ካል ሸሸዛይታ ጊዳቴስ፤ ኢታ አሳታ ሃር ጊዲዳ ዋይኔ ቶኪዛሶሆዛን ጊደን ኣቲዳ ፑሹሎ ማጼቴስ።
- 7 ኩማላ አማርስ ካሎ ኢቺ አቁቴስ፤ ዋጮ አሸዛ ማይኦይ ኢስታስ ዳና።
- 8 ዙማ ቦላ ቡኪዛ ኢራን

- ኢስታ አሳቲላይ ሙሴስ፤ አቁዛሶይ ቆዪን ዛላ ጋርስ ሸቁ አቁቴስ።
- 9 አዋይ ሃይቁዳ ናይ ኢስታስ አይሌ ጊዳና ማላ አይይ ቆንል ዲጊዲ ቦንቁቴስ፤ ማቶቲዳይሳ ናዛ ባ ኣጮ ጊሻስ ጊዲ ኦይሶ ኤኬቴስ።
- 10 ማንቆቲ አይኮ ማይኦይ ባይንዳ ፓጸ ካሎ ኦሶን ጌሌቴስ። ካላ ሸሸ ዋዳ ሚርቁዛ ቶኪ ሚዪሽ ባንታስ ጋፋን ሃይቁቴስ።
- 11 ኢታ አሳታ ጋዳን ዋጋራ አይፊፔ ዛይቴ ኬሴቴስ፤ ዋይኔ ሚላ አይፊፔ ጫጃ ኣጌቴሴሽን ኢስቲ ጊዲኮ ሳማቴቴስ።
- 12 ካታማታን ሃይቃናስ ቶቁዛ አሳቲ ጎታሬቴስ፤ ማዲንጺዳ አሳቲካ ማዶ ኦይሸን ዋሴቴስ። ጸሲ ጊዲኮ ኢስታ ቦላ ኦሴቲዳ ጌኔዛ ቤዪቤና።
- 13 ፖኦ ኢጺዛ አሳቲ ዳቴስ፤ ፖኦይ ኣዛኮ ኤርንታ ጊሻስ ፖኦ ኦጌ ካሌቴና።
- 14 ሸምፖ ዋዲዛ ኡራይ ዋንቶንታ ዳንዲዲ ማንቆታኔ ማቶታንታታ ዋዲስ፤ አማርሲካ ካይሶስ ኬዜስ።
- 15 ላይማ ኡራይ ጋዳይ አማርሳናይሳ ናጌቴስ፤ ኦኒካ ቤኦንታ ማላ ባ ሲንላ ጎዜቴስ።
- 16 ካይሶቲ ካይሶታናስ አማርሳራ ኬል ቦኪ ጌሌቴስ፤ ጋላስ ጊዲኮ ቆቴቲ ፔኤቴስ። ፖኦካ ኢጺቴስ።
- 17 ቆማራ ሸርቴላ ኢስታ ኡፋይሲዛ ጊሻስ ኡባሲካ ጊርዲ ጊዳ ቆማይ ኢስታስ ዋንታ ማላዶ ማላ።
- 18 «ጊዲኮካ ኢስቲ ሃላ ቦላ ቤቲዛ ሆሞ ማላ ጉላ ዋዳስ ጸላ ኢስቲ ቤታና። ኢስታ ቢታይካ ቃንጌቲዳይሳ ጊዳና፤ ኢስቲ ዋይኔ ሚላ ቶኪዛሶሆዛ ኦኒካ ቤና።
- 19 ሻቺ ሆኦን ማዪዲ ቆይዛይሳ ማላ ሲኦሌይካ ናጋራንታታ ባኮ ቦንቃ ኤካና።
- 20 ኢስታ አዬቲ ኡባይ

ኢስታ ደጋና፤
ኢስታ ኣሾዛካ ጉጹኔይ ማና፤
ኢታ ኣሳቲ ቆፌቶኮና፤
ሄሳጸካ ማላ ማላ
ሜቄሪታና።

21 ሃይሲ ኡባይ ኢስታ ቦላ ጋኪዳይ
ኢስቲ ዩሎንታ ማይኒዳ ማጫሳታ
ቦንቂዳ ገሻሲኔ
ኢስታ ኣዚናቲ
ሃይቂዳ ማጫሳታሰ
ኣይኮ ቃዴቲሊካ
ቤሶንታ ገሻሳ።

22 ጊዶ ኣቲን ጸሲ ባ ዎልቃን
ዳናቲላን ዲዛ ኣሳታ ዲጋና፤
ኢስታሰ ዳኦይ ገጋ ሚሳቲኮካ
ኢስታ ዲሳሰ
ኣማንሉዛ ሚሺ ዳና።

23 ጸሲ ኢስታ
ሳሮን ዳና ማላ ኦሊኮካ፣
ኢስቲ ቢዛ ኦኔ ኡባ
ቲሺ ሂሰቲ ዱሌሰ

24 ኢታ ኣሳቲ ጉላ ዎዴሰ ዱሬታና፤
ጊዶ ኣቲን ኤሶራ ሻራፋ ማላ
ሹሊ ዳና፤
ሹላ ካላ ማላ ቡጩታና።

25 «ሃይሳ ማላ ጊዴና ጌቲቲኮ
ታኒ ዎርዳንታታኔ
ታ ሃሳይዳ ቃላይ ሊኬ ገደንታይሳ
ኦኔ ኣማንላናይ?»

25

ቤሊዳዴ ሃሳያ

1 ሹሃ ዴሬ ኣሰ ቤሊዳዴይ
ሂዝጊ ዛሪዴሰ፤
2 «ማታይኔ ያሻቴሉ ጸሳሳ፤
ቦላን ባ ሃሪዛሶን ሳሎን
ሳሮቲሉ ሜዳና።

3 ኢዛ ዎታዳራታ ቲሪፓቲሉ
ቆዴታናዉ ዳንዳይዜ?
ጸሳ ፖኦይ ኢዛሰ
ፖኡሶንታዴይ ኦኔ?

4 ኣሲ ጸሳ ሲንላን
ዎኒ ጸሎ ገዲ
ቤታናዉ ዳንዳይዜ?
ኣሾ ማይኢዳ ሜዴታ ገዲዲ
ዎኒ ጌሽ ገዳናዉ
ዳንዳይዜ?

5 ሄኮ ጸሳ ሲንላን ኣገናይካ
ሙቃ ቦሉ ገዴና፤
ጸሊንቲቲካ ኢዛ ሲንላን
ጌሻታ ገዴቲና።

6 ሙሳኔ ጉጹኔ ገዲዳ ሃይቂዛ ኣሲ
ሄሳፊካ ኣይ ማላ ኢታ!»

26

ኢዮቤ ሃሳያ

1 ኢዮቤ ሂዝጊ ዛሪዴሰ፤

2 «ሃይሳ ኔ ሃሳዮይሳን
ዳቡራንታ ማዲዳ
ኔሰ ሚሳቲዜ?
ቄሴይ ኣርጋጪዳዴ ሚንሉዳ
ኔሰ ሚሳቲዜ?

3 ኣዶ ኤራቴሉ ፓጪዳዴሰ
ኔ ኣይ ዘሬ ኣማዲ!
ኣይ ኤራቴሉካ
ኢዛዴሰ ቆንጪሳዲ!

4 ሂሰቲን ሃይሳ ኔ ሃሳያና ማላ
ኔና ማዲዳይ ኦኔ?
ኔ ሃሳያና ማላ
ኔና ዴንሌሉዳይ
ኦና ኣያና!»

5 «ዎልቃማ ዎጋ ገታ ኣባፊ
ጋርሳን ዲዛ ሃይቂዳይታ ሹምፖቲ
ዎልቃማ ኮኮርሳን ዴቲሰ።

6 ሲኦሊይካ ጸሳ ሲንላን
ቆንጪን ዴሰ፤
ኣባዴኔ ጌቲቲዛሶዛ
ኣይ ሚሺካ
ካማናዉ ዳንዳይና።

7 ጸሲ ፑዴሃ ባጋራ ዲዛ ሳሎዛ
ጫርኮ ቦላ ሚጪዴሰ፤
ቢታካ ኣይኮይ ባይንዳሶን
ኩሎቲ ዳና ማላ ኦሊዴሰ።

8 ጸሲ ሻራቲ
ሃሉ ጸንጺ ኦይካና ማላ ኦሊሰ፤
ሃላፊ ዴንዳይሳን
ሻራቲ ዳኬቲቲና።

9 ኢዚ ኡቲዛ
ካዎቲላ ኣራታ ጌንላና፤
ሻራራካ ካማና።

10 ፖኦኔ ዳማ ሻካናሰ
ዎልቃማ ዎጋ ገታ ኣባ ሲንላን
ሳሎዛ ዛዎ ኦሊዲ ሚጪዴሰ።

11 ኢዚ ሃንቁዛ ዎዴ
ሳሎ ቲሳቲ ዳጋማን ኮኮራቲሰ።
12 ኢዚ ባ ዎልቃን ኣባ ጮኡ ኦሊሰ፤
ኢዛ ኣዶ ኤራቴላይካ
ኤራኣቤ ጌቲቲዛይሳ ዳይሳና።

13 ባ ፔናዛን ሳሎዛ ጌሻና፤
ጸንጌቲዛ ሾሻ
ባ ኩሺን ጫዳና።

14 ሃይታንቲ ኡባይ
ጸሲ ኦሊዛ ኦሶታፔ
ጉላታ፤
ኦ ሲዩዛይሲ ኢዛሰ ሳሎኩሉ ጸላ፤
ዎልቃማ ገሪሳ ኢዛይሳ
ኦኔ ኣኬካናዉ ዳንዳይዜ?»

27

ኢዮቤ ሃሳያ

1 ኢዮቤካ ባ ሃሳያ
ሲንላዉ ጉጺዲ ሂዝጊዴሰ፤
2 «ሱሬ ፒርዳ ዲጊዲ
ታ ሹምፖፑ
ኣዳፊ ጫሞ ኦሊዳ፤
ኡባ ዳንዳይዛ ዴኦ ጸሳ

- ሱንላን ጫቃይስ፤
- 3 ጸሲ ታና ሸምፖራ ዋሉዳ ዋዳይ ጋካናስ፤
- 4 ኡባካ ኢታ ቃላይ ታ ደናፔ ኬኤና፤ ታ ኢንጸርሳንካ ዋርዶ ሃሳይኬ።
- 5 ኢንቴ ሃሳይዳይሲ ዉሪ ሊኬ ጋዳ ሙሉካ ኤኪኬ፤ ታ ሃይቃናሽ ጋካናስ ሱሬቴላን ሚና ኤቃናይሳ ኣጊኬ።
- 6 ታኒ ታ ጸሎቴላን ሚና ኤቃና ኣቲን ጸሎቴላ ኣጊኬ፤ ሸምፖራ ፓጸ ዲዛ ላይላ ኡባን ታ ዋዚናይ ሃ ሚሻን ሲዴና።
- 7 «ናጋራንቻታ ቦላ ፐርዴቲዛ ማላ ታ ሞርኬታ ቦላ ፐርዴቶ፤ ታና ኢጸዛይታ ቦላካ ጌኔ ኣሳታ ቦላ ፐርዴቲዛ ማላ ፐርዴቶ።
- 8 ጸሲ ኢስታ ሸምፖሮ ኢስታ ኣሾፔ ሻኪዲ ኢስታ ላይላ ቃንጸዲ ዋዳ ጸሳ ካዲዳ ኣሳታስ ኣይ ሂደታይ ዳንዴ?
- 9 ሜቶይ ኢስታ ቦላ ዩዛ ዋዳ ጸሲ ኢስታ ዋሶዛ ሲያንዴ?
- 10 ኡባ ዳንዳይዛ ጸሳን ኢስቲ ኡፋዬታንዴቶ? ዋዴን ዋዴንካ ጸሳ ሱንላ ጸይጋንዴቶ?
- 11 «ጸሳ ዋልቃይ ኣይ ማላ ጊታኮ ታ ኢንቴና ታማርሳና፤ ኡባ ዳንዳይዛ ጸሳይ ቆፐ ዋላይሳ ታ ኢንቴፌ ቆቴኬ።
- 12 ኢንቴኒካ ሃይሳ ኡባ ኤሬታ፤ ሂስቲን ሃይሳ ሃዳ ሚሽ ኣይሰ ሃሳዬቲ?
- 13 «ሃኮ ኡባ ዳንዳይዛ ጸሳይ ኢታ ኣሲኔ ጌናንቻቲ ኤካና ላታይ ሃይሳፌ ካሊዛይሳ።
- 14 ኢዛ ናይቲ ቲሪፐኮካ ኦላን ዉራና፤ ኢዛ ዜሬላቲካ ካሊ ቆዩን ኮሻታና።
- 15 ሃሳፌ ኣቲዳይቲ ሃርጌን ዉራና፤ ኣምኤቲካ ኢስታስ ዬኬቴና።
- 16 ኢታ ኣሲ ቢራ ቢታ ማላ ሸሻናዉ፤ ማይኦካ ማና ቢታ ማላ ደራናዉ ዳንዳይሰ።

- 17 ጊዶ ኣቲን ኢታ ኣሲ ሸሸዳ ማይኦዛ ጸሎ ኣሲ ማይኣና፤ ኢዚ ሸሸዳ ቢራካ ጌሻቲ ጊሼቲ ኤካና።
- 18 ኢዚ ኮጸዛ ኮላቲካ ኣቻር ኮላ ማላኔ ካል ናጊዛዴይ ኣቁዛ ጋባ ማላ ላሌታና።
- 19 ኢታ ኣሲ ዉርሴላ ዋዳ ዲሬ ጊዲዲ ኢቼሰ፤ ኢዚ ቤጊዛ ዋዳ ጊዲኮ ኢዛ ኣቆታይ ኡባይ ቆይዴሰ።
- 20 ዳጋማይ ኢዛ ቦላ ዲኦ ማላ ቆፖንታ ዲሸን ጋካና፤ ጊዶላካ ጎቴ ጫርኮይ ኢዛ ዳንሊ ኤፋና።
- 21 ኣርሼይ ሞኪዛሶ ባጋ ጫርኮይ ኢዛሶፔ ኢዛ ፒቲ ቆይሳና።
- 22 ኢዚ ባቃቲዲ ኣቲ ባናስ ባጾቲኮካ ጫርኮይ ቃዴቴላ ባይንዳ ኢዛ ቦላ ጌዴ ሚናና።
- 23 ጫርኮይ ኢዛ ቦላ ኩሼ ባቁዴሰ፤ ኢዚ ዲዛሶፔ ዋይቆላን ፐጸሪ ዬጊዴሰ።

28

- ኣዲ ኤራቴል ናሻናሰ ሸቁዳ ጊንጾ
- 1 «ቴማፔ ቢታ ጋርሳን ዲዛ ማኢዲኔቲ ቦኬቲዲ ቢራ ኬኢዛሶይኔ ዋርቃይ ሰሪ ኦሴቲዛሶይ ዴሰ።
- 2 ቢራታይ ቢታፌ ቤቴሰ፤ ጸርቆማላይ ማኢዲኔ ሹቻፌ ሰሪዲ ኬኤሰ።
- 3 ኣሳይ ቆማ ካንላዲ፤ ዲጌ ቢታ ጊዶ ቦኪ ጌሊዲ ሃኪ ዲዛሶዛ ዲጌ ዋዴዲ ጊርዲ ጊዴ ቆማ ጊዶን ማኢዲኔ ሹቻ ኮዬቴሰ።
- 4 ኣሲ ዲዛሶፔ ሃኪዲ፤ ኣሳ ቶሆይ ዬዲ ኤርንታሶ ጋኬቴሰ። ሂንካ ጨማ ኦላ ቦኬቴሰ፤ ዋዶሮ ቦላራ ኩሎቲ ኩሎቲ ዋዴዲ ኣሳፔ ሻኬቲ ባርካ ኦሎቴሰ።
- 5 ቢታይ ሜቴቲዛ ካል ኢሜሰ። ኢዛሰ ጊዶይ ታማን ሰሪዲ ሸሬቲ ሸሬቲ ዋዴሰ።
- 6 ሴምፔሬ ጌቴቲዛ ኣልኦ ሹቻይ ቢታን ዲዛ ሹቻታ ጊዶን ቤቴሰ፤ ሄ ቢታ ጊዶንካ ዋርቃይ ቤቴሰ።
- 7 ጌዴ ማኢዲኔዛኮ ኤፊዛ ኦጌ ጸሎይካ ኤሬና፤ ኣንኮታ ኣይፌይካ ቤዩቤና።

- 8 ኢታ ደኣቲ ሄ ሶሆዛ
ዩዲቤቴና፤
ጋሞይካ ኢዛ ባጋራ
ኣዲቤና።
- 9 ኣሲ ጋዴ ጎዩሼ ሚኖ ሹቻታ
ባ ኩሼን ዳንፊሰ፤
ዙማታካ ጸጸፔ
ሺሪ ዩጌሰ።
- 10 ዛላካ ጸልቀዲ
ኢዛ ጊደራ ኣዳናሰ
ኦጌ ከሴሰ፤
ኣልኦ ጊዲዳ ማኢዲኔ
ሹቻታካ ዳሜሰ።
- 11 ሻፋታ ፑልቶታ ቱቁሰ፤
ቢታ ጊደን ቆታን ዲዛ
ሚሻታ ቆንጨ ከሴሰ።
- 12 ሂሰቲን ኣዶ ኤራቴላ
ኣዋፔ ቤቴዜ?
ኣኩካሲካ ዲዛሶይ ኣዋ?
- 13 ኣዶ ኤራቴላ
ሹምፖራ ፓጻ ዲዛ ማዴታቲ
ዲዛቢታን ቤቴኩ፤
ኢዚሰ ቱማ ዋጋካ
ኤሪዛ ኣሲ ዳና።
- 14 «ዋጋ ጊታ ኣባይካ
ታ ጊደን ዲኩ፤
ኣባይካ ታናራ ዲኩ» ጌሰ።
- 15 ኤራቴላ ጌሻ
ዋርቃን ሻሜቴኩ፤
ኢዚ ዋጋይካ
ቢራን ሄሪጌቴና።
- 16 ኣዶ ኤራቴላ
ኦፊሪ ጌቴቲዛ ዋርቃፊ፥
ማርጊዴኔ ሰምፔሪ ጌቴቲዛ
ኣልኦ ሹቻታፔ
ኣዳ ቦንቹቲዳሮ።
- 17 ዋርቃይኔ ጌሻ ሄሪጋይ
ኢዚራ ጊናቴቴና፤
ጸንታ ዋርቃፊ ኦሴቲዳ
ጌዴይካ ኢዞ ላማና።
- 18 ቦንቹቲዳ ሄሌሎይኔ
ኣልማዜ ጌቴቲዛይቲ
ኣዶ ኤራቴላራ ጊናቴቴና፤
ኣዶ ኤራቴላ ጋቴይ
ሉሌ ጌቴቲዛይሳፊካ ቦላ።
- 19 ቶጻዚዮኔ ጌቴቲዛ
ቶጻፎ ቢታ ኣንቁይካ
ኢዚራ ጌኔና፤
ከሂ ጌዩዳ
ዋርቃፊካ ኣዳዉሰ።
- 20 «ሂሰቲኮ ኤራቴላ ኣዋፔ ያዜ?
ኣኩካይካ ኣዋፔ ቤታዜ?
- 21 ሹምፖራ ፓጻ ዲዛ
ሚዴታታፔ ጌሚዳሮ፤
ሳሎራ ፒራዲዛ ካፎቲካ
ኮዩዲ ኢዞ ዳሜቴና።

- 22 ጳዮይኔ ሃይቆይ፥
ኣኩ ኢዚ ጊሻሰ ኤሪዛይ
ዋሪን ጸላ) ጌቴሰ። *
- 23 ኣዶ ኤራቴላኮ ኤፊዛ ኦጌዛይ
ኢዛ ዲዛሶዛ ኤሪዛይ ጸሳ ጸላ።
- 24 ኢዚካ ሳኣ ጋጸ ኩሚሳ ዳሜሰ፤
ሳሎፔ ጋርሳን ዲዛይሳ
ኡባ ቤዩሰ።
- 25 ኢዚ ጫርኮ ዋልቃ ኦሊዳ ዋዴ
ዋጋ ጊታ ኣባ
ኢዚ ማኪዳ ዋዴ፥
26 ኢራሲኔ ዋልቃንጻራ ዲዛ
ዳዳሰ ዋጋ ዋሊዳ ዋዴ፥
27 ጸሲ ኤራቴላ ቤዩዳሰ፤
ፓጪ ጸሊዲ ኢዞ ቦንቹዳሰ፤
ፒልጊ ቤኢዲ ሚንላ ዋሊዳሰ።
- 28 ሄ ዋዴ ኣሳሰ፥
«ሂኮ ኤራቴላ ጉሲ
ጸሳሰ ያሻቴላ፤
ኣኩካ ጉሲ
ኢታፔ ሃኮ» ጊዳሰ።»

29

እዮቤ ወርሴላን ሺሺዳ ማጋና

- 1 እዮቤካ ባ ሃሳያ
ሰንሳ ጉጂዲ ሂዝጊዳሰ፤
- 2 «ታሰ ሃኢ ዳኦዚ
ካሴ ጸሲ ታና
ናጊዛ ዋዴዛ ማላ ጊዲዳኮ
ታና ኣይ ማላ ኡፋይሳንዳሻ!
- 3 ሄ ዋዴ ጳማ ጊደራ ታ ቢሺን
ጸሲ ታሰ ፖኢሲሺን
ታኒ ፖኦን ሄሚታይሲኮሺን።
- 4 ጸሳ ማደይ ታ ከላ
ካሴ ናቴቴላ ዋዴ
ናጊዛይሳላ
ሃኢካ ናጊዳኮ
ኣዜ ዲዛይ?
- 5 ኡባ ዳንዳይዛ ጸሳይ
ታናራ ዲዛ ጊሻሰ
ታ ናይቲ ኡባይ
ታ ዩሹን ዳቴሰኮሺን።
- 6 ታኒ ቶሆ ማላን
ሜጨታናሹ ጋካናሰ
ዳሮ ማላ ዳሚይሰኮሺን፤
ዋጋራ ሚላቲ
ሚላ ቢታንካ ቶኩቲዲ
ዲኦ ማላ ጎጊዛ ዳሮ ዛይቲ
ታሰ ኢሜቴሰኮሺን።
- 7 ካታማ ፔንጌ ኣቻን ዲዛ
ዲቡሻ ባዳ
ዲላታን ታ ኡቲዛ ዋዴ፥
8 ናቴላ ናይቲ ታና ቤኢዲ፥
ቦንቹሰ ታ ሲንጻፊ
ኢሲ ባጋ ጌቴሲሺን፤
ጨማቲካ ታ ቦንቹ ጊሻሰ

* 28:22 ዋሪ ጊዛይሳ ኢሲ ኢሲ ባጋ ጋሞላ ቃላን ፓፑንጻ ጌቴሰ።

28:28 ማዛ 111:10፤ ኣሳ 1:7፤ 9:10

- 9 ላኩትዳሶሆፕ
ዳንዲ ኤቁቴሲሺን።
9 ሃሳይሽ ዲዛ ዳሬ ካሌሌዛይቲ
ታና ቤኢዲ ባንታ ኩሽታን
ባ ደና ደና ኦይኪዲ
ጮኡ ጌቴሰኩሺን።
- 10 ዳሬ ዳናቲካ ታኒ ዲዛሶን
ጮኡ ጌቴሲሺን፤
ኢሰታሰ እንጻርሲ ኦይኬቲን
ሃሳይሽ ኢሰታ ጸኔሰኩሺን።
- 11 ታና ሲዪዳ ኡባይ ናሺዳሰ፤
ታና ቤኢዲ ኡባይ ጋላቲዳሰ።
- 12 ሃይሰካ ሃኒዳይ
ታኒ ማንቆታ ዋሳ ሲያዳ
ኢሰታ ኦሺዛይሳኔ
ዪኦ ናይታ ታ ማዲዛ ጊሻሳ።
- 13 ሃይቃና ማቲዳ ኦሳታ
ታ ማዲዛ ጊሻሰ
ታና ኢሰቲ ኦንጂዳ፤
ኦምኤ ማጫሳታ
ታ ማዲዛ ጊሻሰ
ኡፋይሳን ዩጲዳ።
- 14 ጸሎቴሰ ማይኦ ማላ ማይኦዲሰ፤
ሱሬ ፐርዳካ
ካባ ማላ ጎጳ ማይኦዲሰ፤
ቆቤ ማላካ
ሁኤን ዋላዲሰ።
- 15 ቆቁታሰ ኦይፊ፥
ዋቤታሰካ ቶሆ ጊዳዲሰኩሺን።
- 16 ማንቆታሰ ኦዋ፥
ታ ኤሮንታ ኦሳታሰካ
ኦፓካቶኩሺን።
- 17 ጌኔ ኦሳ ባንቁላ ማንፋዲሰ፥
ኢዚ ቦንቁ ኤኪዳይሳካ
ኢዛ ደናፔ ዩጊሳዲሰ።
- 18 «ታኒ፥ ታ ላይላይ
ኦንጮ ማላ ዳሪን
ታኒ ታሶን ዲዛ ማላ
ቦንቶን ሃይቃና
ጋዲሰኩሺን።
- 19 ጸጳቲ ኡባ ዋዴ
ሃሌ ዳሚዛ ማላኔ
ሃጋቲካ ጸዛን
ጨሊሊዛ ማላ ማላኩሺን።
- 20 ኡባ ዋዴ
ታ ቦንቶቲዳ ማላ
ዳይሰኩሺን፤
ታ ዋልቃይካ
ኡባ ዋዴ ኦራጾሰኩሺን።
- 21 ኦሳይ ታ ዘሬዛ
ላዋታን ጮኡ ጊዲ ኤዘጌሰ።
- 22 ታ ሃሳይሽ ኢሰታ ኦሊዛ ጊሻሰ
ታፔ ጉዬራ ሃሳይሽ
ኦሲ ዳና።
- 23 ጎሻንቻይ ባዴሳ
ኢራ ዳማናዉ
ኦዋቲዛይሳ ማላ

- ኢሰቲካ ታ ሃሳይሽ ሲያናዉ
ባንታ ደና ደይዲ
ናጌቴሰኩሺን።
- 24 ታ ሚጫ ቤሲሺን
ኢሰቲ ኡፋይቴቲሰ፤
ታ ሲንላይ ፖኢሺን ጸርጳቲዳ
ኢሰታ ሲንላይ ቢርሸቴሰ።
- 25 ካሴ ታ ኢሰቲ
ኮዪዳ ማላ ኦይሳይሰኩሺን፤
ባ ኦላ ኦሳ ካሌሌዛ
ካዋ ማላ
ታ ኢሰታ ካሌላዲሰኩሺን፤
ኢሰቲ ሙዞቲሺን
ታኒ ኢሰታ
ሚንጫይሲኩሺን።

30

- 1 «ኢሰታ ኦዋቲ
ታሰ ደርሳ ዉዴዛ ሃሚዛ
ታ ካናታራ ዋንታ ማላ
ኢሰቲ ታ ካዲዛ ኦሳታኩሺን፤
ሃኢ ጊዲኮ
ላይላን ታፔ ናቲዛ ኦሳቲ
ታ ቦላ ቁልጮቴሰ።
- 2 ኢሰታሰ ዋልቃይ ኢጲዳ ጊሻሴኔ
ኢሰታ ቦላይ ጊልቁዳ ጊሻሰ
ኦይኮካ ታና ጎኤቴና።
- 3 ማቶፔኔ ኮሻ ዳሮፔ
ዳንዲዳይሳን
ባዞ ቢታ ቢ ቢዲ
ሚላ ጸጳ ማጾሌ
ጋንጮቴሰ።
- 4 ማጸኔ ማላ ማልኢዛ ባዞን
ዋኪዛ ዲማ ዲማ
ሚላ ሃይላታ ማጾቴሰ፤
ማልኦንታ ሳንካራ ጸጳ
ቆሬሬሌ ሜቴሰ።
- 5 ኦሲ ካይሶታ ዋሲዲ
ጎዲዛይሳ ማላ
ኢሰቲካ ዳራ ጊዳሬ ጎዴቴሰ።
- 6 ኢሰቲ ባንታ ዲሳሶ
ሃሌ ባይንዳ ሻፋ ጊዳን፥
ኦሲ ባይንዳ ባዞ ቢታኒኔ
ኬልካ ጊዳን ቦኬቲዳ
ጎንጎሎታን
ዳሳይ ባይንዳ ዳኢዳ።
- 7 ዋራይ ዲዛሶ ዩዩ ዩዩ
ዋራ ደኦታ ማላ ዋሴቴሰ፤
ዋራ ጋርሳን ኢሲ ቦላ
ሽቁቲ ኦቁቴሰ።
- 8 ባንታ ቢታሬ ጸርቃሬን ሾጮቴ
ጎዴቴዳ ጊሻሰ
ሎኦ ስንሌኔ ዋዚናይ
ባይንዳይታ ጊዲዲ ዳቴሰ።
- 9 ሃኢ ቃሴ ኢሰታ ናይቲ
ዩላን ታና ቁዴቴሰ፤
ታኒ ኢሰታ ጊዳንካ
ሚጮቴላሰ ኦታዲሰ።

- 10 ታና ሻቴቲዲ
ታፔ ሃኬቴሰ፤
አይኮ ዩላይካ ባይንዳ
ታ ሲንላን ጩቴቴቴሰ።
- 11 ጸሳይ ታ ዋልቃ ዳቡርሲዲ
ታና ካዉሺዳ ገሻሰ
ኢስቲ ቃሴ ቢጸላይ ባይንዳ
ፓራ ማላ
ታ ቦላ ዶዶ ዶዶቴሰ።
- 12 ታፔ ኡሻቻ ባጋራ
ዬዳ ዲጨዲይቲ
ታ ቦላ ዳንዲዳ፤
ታና ኦይካናሰ
ዋጸማዴ ዋሊዳ፤
ታና ገደሊዳ።
- 13 ታሰ አዲዛሶ ዳይሲዲ
ታና ዋዳና ኮዬቴሰ።
ኢስቲ ሃይሳላ አላናይሳ
ዲጋናዴይ ዳና።
- 14 ዲኦይ ማንላ ጌሊዛይሳ ማላ
ኢስቲካ ታና ጩጌ ጌሊዳ፤
ኡባካ ማንላሬሊዲ
ታ ቦላ ዪዳ።
- 15 ገታ ዳጋማይ ታና ጋኪዳሰ፤
ታሰ ዲዛ ቦንቾይ
ጫርኮ ማላ አዲዳሰ፤
ታ አታና ገዛ ሂደታይ
ሻራ ማላ ዳንዲ ዳይዳሰ።
- 16 «ታ ሹምፖያ ኬሃ ጩጫዲሰ፤
ሃይቆሰካ ማታዲሰ።
- 17 አማርሰ ኩሜሳ ታ ማቆላቲ
ሃርጌን ዋዬቴቴሰ፤
ሳኮዚካ ታሰ ሹምፖ
አሜና።
- 18 ታና ሳኪዛ
ዋልቃማ ሳኮዛ ጋሶን
ታ ማይኦይ ጉንዲ ሞሬቲዳሰ፤
ቆዴ ጸንላ ሻሚዜ ማላ
ታና ጩሊ ኦይኪዳሰ።
- 19 ጸሲ ታና ዲጌ
ቢታን ኦሊዳ ገሻሰ
ታኒ ጉዲላኔ
ቢዲንሳ ማሳታዲሰ።
- 20 ጸሶ፣ ታ ኔና ዋሳዲሰ፤
ገደ አቲን ኔ ታሰ ዛራቤካ፤
ታ ኤቃዳ ኔኮ ዋሳዲሰ፤
ኔኒ ገዲኮ ኔ ሲንላ
ታኮ ዛራቤካ።
- 21 ኔ ታሰ አዳፌ ማንጾ አታዳሳ፤
ኔኒ ኔ ገታ ዋልቃንካ
ታና ጎዳዳሳ።
- 22 ኔ ታና ዳንላዳ
ጫርኮ ቦላ ዋላዳሳ፤
ኢዚ ታና ዩሻና ማላካ
አላዳሳ፤
ጎቴ ጫርኮይካ
ታና ሹሬቸ ሹሬቸ
ዬጌሰ።

- 23 አሳ ኡባሰ ቃዳ ገዲዳ ሃይቆሰ
ኔ ታና አላዳ አማናይሳ
ታ ኤራይሰ።
- 24 «ኢሲ ማቶቲዳ ኡራይ
ማዶ ዳማናሰ
ባ ኩሼ ማጨዲ ዋሲሽን
ቱማፔ አይ አሲካ ኢዛ ቆሄና።
- 25 ታኒ ማቶቲዳ አሳታሰ
ዩካቤኪና?
ማንቆታሰካ ማሽታቤኪና?
- 26 ሎኦ ማሽ ዳማና ጋ
ታ ናገሺን
ኢታ ማሽ ታና ጋኪዳሰ፤
ፖኦይ ያና ጋ ታ ናጌቲሽን
ታሰ ጋላሳይ ዳሚዳሰ።
- 27 ታ ዋዚናይ ዳር ጩጫዳሰ፤
አይ ሳርካ ዳማቤኬ፤
ማቶ ጋላሳቲካ
ታ ቦላ ጋኪዳ።
- 28 ታ ቦላይ አዋ ጸሳን ገደንታ
ሙዙቴላን ካራዲዳሰ፤
ዳላታ አሳ ሲንላን ኤቃዳ
ማዶ ታሰ ኦይቻይሰ።
- 29 አሳፔ ሻኬታዳ
ዋራካናታሰ አሻ፣
ጉቶታሰ ላጌ ገዲዲሰ።
- 30 ታሰ ጋልባዚ ካራዲዳ ዳንዲዳሰ፤
ታሰ ቦላዚካ
ማሻን ጸጌቲዳሰ።
- 31 ታኒ ታ ኡፋይሰ
ኢስታን ቆንጨሲዛ
ባጋናኔ ዛይይ
ሃኢ ታ ካዮታዳ
ኬሲዛ ዚላሳ ቃላ
ሲሲዛ ማሽ ገዲዳ።

31

እዮቤ ባ ወርሴላ ሃሳያ ፖሊዳሰ

- 1 «ሎኦ ማጨሳኮ ጸላዳ
አሞቶንታ ማላ፤
ታኒ ታ አይፌታራ ጫቆ ጌላዲሰ።
- 2 ቦላን ዳኢዛ ጸሳይ
አሳሰ አይ ቃዳ አማንዳሻ?
ሳሎን ዲዛ ኡባ
ዳንዲይዛ ጸሳፌ
አሳሰ አሜቲዳ ገሻይ አዜሻ?
- 3 ኢታ አሳ ቦላ ቆሆይ፣
ናጋራንቻ አሳ ቦላካ ቆዩይ
ጋካናይሰ ኤሬቲዳዝ ገዴን?
- 4 ጸሳይ ታ አላዛይሳ
ኡባ ቤዬን?
ታ ሃሚታካ ሻኪ ኤሬን?
- 5 ታኒ ዋርዶ ሃሳይዳ ገዲኮ፣
አሳካ ባሌሊዳ ገዲኮ፤
- 6 ጸሲ ታና ሱሬ
ጌዳራን ጌዳር።
ታኒ ጸሎ ገዲዳይሳ ሻኪ ኤር።

7 ታ ሱሬ ኮጌፔ ከኢዳ ገዲኮ፣
 ታ ኣይፌይ ቤኢዳ ኡባ
 ታ ዋዚናይ ኣሞቲዳ ገዲኮ፣
 ቃሴካ ታ ኩሼይ
 ናጋራን ቱኒዳ ገዲኮ፣
 8 ታኒ ዜሪዳይሳ ሃራ ኣሲ ሞ።
 ታ ጫሬቻዚካ ኩሚላ
 ሸዳቲ ኦሌቶ።

9 «ታ ዋዚናይ
 ሃራ ማጫ ኣሞቲዳ ገዲኮ፣
 ታ ሸርዛ ማቾ
 ላይማታናሰ ኢዛ ፔንጌን
 ታ ዙጊዳ ገዲኮ፣
 10 ታ ማቻ ሃራ ኣሳሰ ጋጩ፤
 ቃሴካ ሃራ ኣዳይ ኢዚራ ዚንኦ።

11 ሃይሲካ ኮሂ ቱና፤
 ዋጋንካ ቃጳይሲዛ ናጋራ።

12 ሃ ናጋራይ ታማ ማላ
 ጸጊዛ ገሻሰ
 ታ ሃይሳ ኦሊዳኮ
 ታ ኣቆታ ጸጊ
 ቆይሳናኮሺን።

13 «ማጫኔ ኣቱማ ገዲዳ
 ታ ኣይሌቲ ታና ሞቲን
 ኢሰታ ሞቶዛ
 ታ ካቆዳ ኣጊዳ ገዲኮ፣

14 ጸሲ ታና ፒርዲዛ ዋዳ
 ታኒ ዋና፣
 ቃሴ ኢዚ ታና ኣይቸዛ ዋዳ
 ታኒ ኣይ ዛር ኣማኔ?

15 ታ ኣይይ ኡሎን ታና ሜዲዳይሲ
 ታ ኣይሌታካ ሜዲዳይ
 ኢዛ ገዳ፣
 ኑና ኡባታካ
 ኣዩ ኡሎን ሜዲዳይ
 ኢዛ ዳ፣?

16 «ማንቆቲ ታና ዋሲን
 ታ ዲጋ ኤሪኬ፤
 ቃሴካ ኣሞኤ ማጫሳታ
 ማንጫላንታ
 ኣጋ ኤሪኬ።

17 ዩኦኔ ዩቶ ናይታ ኣጋዳ
 ታ ካሰ ታርካ ማቤኬ።

18 ታኒ ታ ዩላጋቲላፌ ደማዳ
 ታኒ ኢሰታ ኣሞ ማላ ዲቻዲሲ፣
 ታ ዳኦ ላይሰ ኡባን
 ኣሞኤ ማጫሳታ ማዳዲሲ።

19 ማይኦይ ቆዩን
 ማሳይ ዋዲዳ፤
 ዋይኮ ማቶፔ ዳንዲዳይሳን
 ካሎ ዲዛዳ ቤያዳ፣
 20 ታ ደርሳታ ኢሰኬፌ
 ኦሴቲዳ ማይኦ ታ ማይዚን፣
 ኢዛዳ ሆኢን ታና ዛሪ ጋላቶንታ
 ኣጊዳ ዋዳይ ዳና።

21 ታኒ ሞቶን ኢሰታ

ላላናይሳ ኤራዳ
 ኣሞይ ባይንዳ ናይታ
 ናቂዳ ገዲኮ፣
 22 ታ ኩሼይ ሃሸፔ ኮኦ።
 ታ ቁሴይካ ኩሬዛፔ ኮላዶ።

23 ታኒ ጸሳ ሃንቆሰ
 ያዩዛ ገሻሰኔ
 ኢዛ ቱማቲላሰ ያዩዛ ገሻሰ
 ሃይሳ ማላ ዮኦታ ኣላናዉ
 ታ ዳንዳይኬ።

24 «ታኒ ታሰ ዲዛ
 ኣቆታን ኣማኔታቤኬ።
 ዋይኮ ጋያ ዋርቃካ
 ታሰ ኣማኔቲዛ
 ሚሽ ኦላቤኬ።

25 ሓሰ ዲዛ ኣቆይ ዳሪዳሰ፤
 ታኒ ዱሬቲላፌ ዳንዲዳይሳን
 ዳር ሚሽ ዳማዲሲ፣ ጋዳ
 ኡፋዬታ ኤሪኬ።

26 ኣርሼ ፖኦዛ ቤያዳ፣
 ኣጊና ሎኤቲላ ቤያዳ፣
 27 ታ ዋዚናን ኢሰታ
 ጌማራ ቦንቻቤኬ፤
 ቃሴካ ታ ኩሼ ሚጫ ዩራዳ
 ኢሰታሰ ጎይናቤኬ።

28 ታኒ ሃይሳ ማላ ኦሊዳኮ
 ሳሎን ዲዛ ጸሳ
 ካዶ ገዲዳ ገሻሰ
 ሃይቲ ሃ ኦሶቲ
 ታ ቦላ ፒርዳ ኤሂዛ ናጋራታ።

29 «ታ ሞርኬታ ኩንዳላን
 ታኒ ኡፋዬታቤኬ፤
 ኢታ ሚሽ ኢሰታ ቦላ
 ጋኪሽንካ ሚጫቤኬ።

30 ሓሰ ሞርኬቲ ቆዩቶ ጋ ቃንጋዳ
 ናጋራ ኦላቤኬ።

31 ታኒ ኡባ ዋዳ
 ኢማላ ሞኪዛይሳ
 ታሶ ኣይሌቲ
 ታ ገሻሰ ማርካቲቲሰ።

32 ታኒ ታ ኬላ ካሬ
 ኦጌራ ኣቆ ቤዛ ማንዳራሰ
 ደያ ዋሳዲሲ።
 ሄሳ ገሻሰ ጋዳይ ቃሚን
 ዩዳ ኢማላ
 ካሬን ኣይሳ ኤሪኬ።

33 ታኒ ታ ሞር ጌንላቤኬ፤
 ሃራ ኣሳታ ማላ
 ታ ናጋራካ ቆታቤኬ።

34 ታና ኣሳ ዳርይ ያሽሲኒኔ
 ሶ ኣሳታ ካቆይ ዳጋንላን
 ታኒ ታሶን ጮኡ ጋዳ
 ቆቲቲዳ ዋዳይ ዳና።

35 «ታ ገዛይሳ ሲዩዛዳይ
 ቤቲሬኔሽን!
 ታኒካ ቲቁ ቃላ

ሺሻናኮሺን!
 ኡባ ዳንዳይዛ ጸሳይ
 ታ ገዛይሳ ዛር ኢዚ ኢሞ!
 ታና ሞቲዛ ሞታንቻይ
 ታና ሞቲዛይሳ
 ጸፊ ሺሺን
 ታ ቤያርከናሺን!
 36 ዎይቶ ማላ ታኒ
 ታ ሃሺን ቶካናኮሺን፤
 ካላቻ ማላካ
 ታ ሁኤ ቦላ ጎጾና።
 37 ዳናቴሌ ዲዛ አሳ ማላ
 ጸሳ ሲንሳን
 ያዮንታ ኤቃዳ
 ታ ኦሊዳ ኡባ
 ቆንጨሳ ዮታናኮሺን።
 38 «አሳ ጋዴ ዎጋይ ባይንዳ
 ቦንቃ ኤካዳ
 ታኒ ጎዬዳ ገዲኮ።
 39 ሄ ጋዳ ጎዳታ
 ታ ሚሺሲዳ ገዲኮ።
 አይኮካ ኢስታሰ ኢሞንታ ዳሽ
 ሞከዳ ካላ
 ታኒ ሚዳ ገዲኮ።
 40 ሄ ታ ጎዬዛ ጎሻሶን ዲዛ
 ገሰቴ ገሻሰ አጉንሏ።
 ባንጋ ገሻሰ
 ሻራፋይ ሞኮ» ገዴሰ።
 ኢዮቤ ባ ሃሳያ
 ሃይሳን ፖሊዴሰ።

32

ኤሊሁ ሃሳያ

(32:1—37:24)

1 ኢዮቤ፣ «ታኒ ጸሎ አሳ» ገዛ ቆፋ ላሞንታ
 ገሻሰ ሄቩ አሳቲ ኢዛ ዘሪዛይሳ አገዳ።
 2 ኤራማ ዜሪላፊ ቡዜ ዴሬ አሰ ባራኬሌ ና
 ኤሊሁይ ኢዮቤ ባና ጸሳፊ አሊዲ ጸሊሲዳ ገሻሰ
 ኢዮቤ ቦላ ከሄ ሃንቁቲዴሰ።
 3 ቃሴካ ኢዮቤ ላጌ ሄቆቲ ኢዮቤ ቦላ ፐርዳፊ
 አቲን ኢዛ አማንሏዛ ቃላ ዮቲ አማንሎንታ ገሻሰ
 ኢስታ ቦላካ ሃንቁቲዴሰ።
 4 ኤሊሁይ ሃንኮይታፔ ዩላጋ ገዲዳ ገሻሰ
 ሃንኮይቲ ባንታሰ ዲዛይሳ ሃሳዪ ዉርሳናሽ ጋካናሰ
 ኢዮቤራ ሃሳያናዉ ባ ታራ ናጎ ቦላ ዴሰ።
 5 ኢዮቤ ላጌ ሄቆቲ ኢዮቤሰ ቤሲዛ ዛር ኢማናሰ
 ዳንዳዮንታይሳ ቤኢዲ ከሄ ሃንቁቲዴሰ።
 6 ቡዜ ዴሬ አሰ ባራኬሌ ና ኤሊሁይ፣
 «ታኒ ኢንቴፊ ዩላጋ ገዲዳ
 ገሻሰኔ
 ኢንቴ ጨማ ገዲዳ ገሻሰ
 ፖኮይኔ ያሽ ታና ኦይኪን
 ሃኖ ጋካናሰ
 ታ ቆፋ ቆንጨሰንታ ጋሞኣዲሰ።
 7 «ጨማቲ ሲንላቲ ሃሳዬቶ፤
 ባንታ ላይሳን ዴሚዳ
 አቶ ኤራቴላፊ ታማርሴቶ»

ጋ ቆፓዲሰ።
 8 ገዴ አቲን አሳ ገዴን አቁዲ
 አቶ ኤራቴላ አሳሰ ኢሚዛይ
 ኡባ ዳንዳይዛ ጸሳ አያና።
 9 አሰ አቶ ኤራንቻ ከሲዛይ
 ጨማቴላ ገዴና፤
 ቃሴካ አሰ አኩካናሰ
 ዳንዳይዛይ
 ኢዛዴሰ ላይሌ
 አዲቁዳ ገሻሰ ገዴና።
 10 «ሃሳ ገሻሰ ሎኤሌ ሲዩቲ፤
 ታኒካ ታ ቆፋ ኢንቴሰ ዮታና።
 11 ኢንቴ ሃሳይዛ ዎዴ
 ታኒ ጮኤ ጋዳ ኤዘጋይሰ፤
 ኢንቴ ሃሳያና ቃላ
 ቆፐሺንካ ታኒ ናጋይሰ።
 12 ታኒ ኢንቴ ሃሳይዛይሳ
 ሎኤላ ሲያዲሰ፤
 ገዴ አቲን ኢንቴፊ
 አኒካ ኢዮቤ ሞራንቻ
 ገዲዳይሳ አማንሏዳይኔ
 ቃሴካ ኢዛ ሃሳያሰ
 ቤሲዛ ዛር ኢሚዳይ ዴና።
 13 ኢዮቤ ሃሳያሰ ቤሲዛ ዛር
 ኢማናሰ ዳንዳይዛይ
 ጸሳፊ አቲን አሰ ገዴንታ ገሻሰ
 ኢንቴ፣ «ኮኒ አቶ ኤራቴላ
 ዴሚዳሰ» ገዲ
 ጮ ሃዳ ጨቆቶፍቴ።
 14 ኢዮቤ ማርሽቴዳይ
 ኢንቴናራፔ አቲን
 ታናራ ገዴና፤
 ታኒካ ኢንቴ ሃሳይዛይሳ ማላን
 ኢዛሰ ዛር ኢሚኬ።
 15 «ኢስቲ ዳጋሚዲ
 ሃሳይዛ ቃላይ ቆይዳ ገሻሰ
 አይኮ ሃሳያናዉ
 ዳንዳይቤቴና።
 16 ሄኮ! ኢስቲ ሃሳይዛ ሚሺ
 ቆይን ጮኤ ገዲ ኤቁዳ፤
 ሂሰቲን ታኒካ ጮኤ ጋ
 ናጋናሲ ታሰ ቤሲዜ?
 17 አካይ! ጮኤ ገኬ፤
 ታኒካ ታ ባጋራ ዲዛ
 ዛርዛ ኢማና፤
 ታ ቆፋካ ቆንጨሳና።
 18 ታ ሃሳያናሰ ቤሲዛዚ
 ዳርይ ዲዛ ገሻሰ፤
 ታናን ዲዛ አያናይ
 ታና ዎልቃራ ሃሳይሴሰ።
 19 ቤኢቲ! ታኒ ሃሳዮንታ አገኮ
 ዎይኔ ጮጃ ዎሊዛ
 ኦራላ ሎካሞይ
 ሽምፐዛሰ ቆይዲ
 ቆቃናሰ ፑሪዛይሳ ማላ
 ታ ገዴይ ፑሪዲ
 ቆቃና ጋኪዴሰ።

- 20 አኔ! ታኒ
ሃይሳፌ ሃሳያዳ ሸምፓይስ፤
ታ ዶና ዶያዳ
ታኒ ሃሳያናሰ ቤሴሰ።
- 21 ሃይሳ ሃ ዮአዛን
ታኒ ኦናካ ማዲኬ፤
ዎይኮ አይ አሳካ አዳቪኬ።
- 22 ታኒ እስ አዳቮይ ሙሌካ ሃኔና፤
ታ ሄሳ ማላ ኦሊኮ
ታና ሜዲዳይሲ
ታና ሃንቃና።

33

- 1 «እዮቤ! ታ ኔስ
ዮተዛይሳ ሲያ፤
ታ ኔስ ገዛይሳካ አኬካን ኤዘጋ፤
- 2 ታ ኔስ ዛሮ አማናሰ
ገቤታ ኡታዲሰ፤
ታ ዶናይካ
ገቤቲ ኡተዳሰ።
- 3 ታ ሃሳይዛ ቃላቲ
ታ ዎዚና ሱሬቴላ
ቆንጨሴቴሰ፤
ታ አንጻርሳይ
ታ ኤሪዛ ቱማ ሃሳይሰ።
- 4 ታና ሜዲዳይ ጸሳ አያና፤
ታስ ዳኦ አሚዳይ
ኡባ ዳንዳይዛ ጸሳ አያና።
- 5 ኔኒ ዳንዳይዛ ገዲኮ
ታ ሳይሳሰ ዛሮ አማ፤
ኔ ጋናይሳ ገቢሳዳ
ታናራ ሃሳይታ።
- 6 ሄኮ! ታኒ ጸሳ ሲንላን
ኔናራ ገና፤
ታኒካ ሜዲተዳይ ኡርቃፌ።
- 7 ኔኒ ታስ ያያናሰ ቤሴና፤
ታኒካ ኔና
ናቃናዉ ኮሼና።
- 8 ኔኒ ሃሳይዳ ኡባ ኤዘጋሽ
ታ ጋምአዲሰ፤
ኔ አንጻርሳፌ ኬኢዳ ቃላታ
ታ ሲያዲሰ።
- 9 ኔኒ ሃሳያሽ፣ ታኒ ቆሆይኔ
ቦሬይ ባይንዳ አሳ፤
ታኒ ናጋራ ኦሎንታዳኔ
ጸሊኦ አሳ።
- 10 ገዶ አቲን ጸሲ ታና ቃጻያናሰ
ጋሶ ኮዬሰ፤
ታናካ ባሰ ሞርኬ ማላ ቆዳሰ።
- 11 ታ ቶሆታ ኢዚ
ዲራማን ዲዲ ቃቺዳሰ።
ታ ቢዛሶ ኡባን
ታና ጸሊሰን ጋዳሳ።
- 12 «እዮቤ! ሃይሲ ኔ ሃሳያይ
ባላ ገዲዳሰ፤
ታኒካ ኔስ
ቆንጨሳናሰ ኮያይሰ፤

- 13 ሃሰቲን፣ ሄኒ ጸሲ
እሲ ማጋኒዛ ማጋና
ሲዬና ጋዳ
አይሰ ጸሳ ቦላ ዙዙማይ?
- 14 አሲ አኬኬናፌ አቲን
ጸሲ ዲማ ዲማ
ኦጌራ ሃሳይሰ።
- 15 ኦማርሰ አሲ ሂጻን ኢቺ ዲዛ ዎዶ
አሲ ኮይሮ ዲሰኮ
ሴራጊዳ ዎዶ፤
አጉሞኒኔ አጁታንካ
ጸሲ ሃሳይሰ።
- 16 ሄ ዎዶ አሲ ኢዛ ቃላ ሲያና ማላ
ሃይላ ዶዬሰ፤
ኢዚ ባ አሚዛ ሴራንካ
ዳጋንሌሰ።
- 17 ሄሳ ማላ ኦሎን አሲ
ናጋራ ኦሎንታ ማላ ዲጌሰ፤
ኦቶሬቴላካ ኢሰታፌ ዳንሌሰ።
- 18 ጸሲ አሳ ሸምፖ
ዳዮፔ አሼሰ፤
ባሻ ሃይቆፔካ ዎዜሰ።
- 19 ዎይኮ አሲ ሜቄላን ጌሊዳ
ሳኮን ዲሺን
አሲ ባ ባላፔ ሰማና ማላ
ሃርጌ ሂጻን ጸሲ ዙሬሰ።
- 20 ሃይሳ ማላን ሃርጋንቻ ካሐ
ላንቃናሰ ኢዛ አቲሰ፤
ሎኦ ካሊካ ሃራሴሰ።
- 21 ገልቃቴላፔ ዳንዶይሳን
ኢዛሰ አሸዚካ ወሪዳሰ፤
ሜቄላ ጸላ አቲዳሰ።
- 22 ኢዛ ሸምፖይ ኬዛናሲኔ
ሞጌታናሰ ማቲዳሰ።
- 23 «አሲ ሱሬ ኦጌ ቤሳናሰ
ሺያን ቆዳቲዛ
ጸሳ ኪታንቻታፔ
ኢሶይ ኢዛ ማዳናሰ ዪዳኮ፣
- 24 ኪታንቻይ ኢዛሰ ቃዴቲዳ፣
ኢዛ ዎዚዛዳ
ታ ዳሚዳ ገሻሰ
ኢዚ ዲጌ ዲፎን
ዎዶንታ ማላ
አጋጋ! ገዲ
ሃይቆ ኦይኪዳኮ፣
- 25 ሄሳ ገሻሰ ኢዛ አሳቴላይ፣
ቄሪ ና አሾ ማላ
ዛሪ ኦራጻና፤
ኢዛሰ ዬላጋቴላ ዎዶ ማላ
ቃሴካ ሃናና።
- 26 ሄ ዎዶ ጸሳኮ ኢዚ ዎሳና፣
ኢዛ ዎሳካ ጸሲ ሲያና፤
ጸሳ ሲንሐ
ኢዚ ቤኢዲ ኡፋዬታና፤
ጸሲካ ኢዛ ዎሳሰ
ዛሮ አማና።

- 27 ኢዚ አሳ ሲንገገ።
 ታኒ ናጋራ ኦላዲስ፤
 ሱሬ ገዲዳይሳካ ጌላሳዲስ።
 ጸሳይ ገዲኮ ታ ሞራ ማላ
 ታሰ ኦሊቤና።
- 28 ታኒ ዱፎን ጌሎንታ ማላ
 ታና አሺዳስ፤
 ሄኮ ሃኢ ፓጻ ዳዳ
 ታኒ ፖኦ ቤያይሰን ገ ዩዲዳስ።
- 29 «ሄኮ! ጸሲ ሃይሳ
 ኡባ ሚሻ
 አሳሰ ዛሪ ዛሪ ኦሊስ።
- 30 ዳኦን ዲዲ ፖኦ ቤያና ማላ
 ኢዛ ሹምፖ ሃይቆፔ አሹሰ።
- 31 «አዮቤ! ታ ኔሰ ዮቲዛይሳ
 ሎኤሳ ሲያ፤
 ታኒ ኔሰ ዮታይሰ
 አኔ ኔኒ ጮኡ ጋ።
- 32 ኔኒ ሃሳያናሰ
 ኮይዛ ሚሻ ዲኮ
 ታሰ ዮታ፤
 ታ ኔኒ ጸሎ ገዲዳይሳ
 ኔና ቤሳና ኮያይሰ።
- 33 አካይ ገኮ!
 ታኒ ሃሳይዛይሳ
 ጮኡ ጋዳ ሲያ፤
 ታኒ ኔና
 ኤራቴሰ ታማርሳና» ገዴሰ።

34

- 1 ኤሊሁይ ባ ሃሳያ ፑጂዲ ሃዘገዴሰ፤
- 2 «አንቴኖ አቶ ኤራንቻቶ!
 ታ አንቴሰ ሃሳይዛይሳ ሲዩቴ፤
 አንቴኖ ኤራንቻቶ
 ታ ሃሳያ ኤዘገቴ።
- 3 አንጻርሲ ካላ ማልኦ
 ሻኪ ኤራሰ፤
 ሃሳሶካ ሃይላ ዮኦ
 ሻኪ ኤራሰ።
- 4 ቱሙ ገዲዳ ዮኦ
 አኔ ሻኪ ኤራሰ፤
 ሎኦ ገዲዳ ሚሻካ
 ኢሲፌ ታማርሰ።
- 5 «አዮቤ፣ ታኒ ጸሎ ሸን
 ጸሲ ታና ሱሬ ፐርዳ ዲገዴሰ።
- 6 ታኒ ቱማንቻሸን
 ዋርዳንቻ ማላ ቆይታዲሰ፤
 ታ አይኮካ ሞሮንታ ዳሼ
 ፓጻንታ ማዲንገን
 ዋይታይሰን ገዴሰ።
- 7 አዮቤ ማላ ጸሳ ቦላ
 ቂልጪዛይይ ቤታንዳሻ?
- 8 ኢዚ ኢታ ኦሊዛይታራ ላጌቴሰ፤
 ኢዛሰ ፔይሻይካ ኢታ ላጌታራ።

- 9 ጸሳ ኡፋይሳና ገዲ ኦሶይ
 አሰ አይኮካ ማዴና ጌሰ።
- 10 «አኬኪዛ አሳቶ
 አኔ ታና ኤዘገቴ!
 ኢታ ኦሶይ ጸሳፌ፤
 ባላ ኦሶይ
 ኡባ ዳንዳይዛ
 ጸሳፌ ሃኮ!
- 11 ጸሲ አሳሰ
 ኢዛይ ኦሶ ማላ አሜሰ፤
 ኢዛሰ ኢዛይ ሃሜሳ ማላ
 ኦሊስ።
- 12 ኡባ ዳንዳይዛ ጸሳይ
 ሙሌካ ኢታ ሚሻ ኦሊና፤
 አይ አሳሰካ
 ሱሬ ፐርዳ ጌላሰና።
- 13 ጸሳሲ ቢታ
 ሃዳራ አሚዳይይ ዳና፤
 ኢዛ አሳሚ ቦላካ
 ሹሚዳይይ ዳና።
- 14 ጸሲ ባ አያናዛኔ
 ባ ሹምፖዛ
 ባኮ ዛሪ ኤካና ኮዩዳኮ፤
- 15 አሾ ማይኢዳይ ኩሜሰ ጳያና፤
 አሳ ዜሬላካ
 ዲጌ ቢታን ሲማና።
- 16 ኔኒ አኬኪዛ ገዲኮ ሃይሳ ሲያ፤
 ታ ኔሰ ሃሳይዛይሳ ኤዘጋ።
- 17 ሱሬ ፐርዳ ኢጸዛይይ
 ዳሬ አይሳናሰ ዳንዳይዜ?
 ኔኒ ጸሎኔ ዋልቃማ ጸሳ
 ናጋራንቻ ኬሳይ?
- 18 ካዎታ አንቴ ጳሌኬታ፤
 ሹሜታካ አንቴ ኢታ
 ጋናይ ኦኔ?
- 19 ኡባቲካ ኢዛ ሜዴታታ ገዲዳ
 ገሻሰ ኢዚ ሹሜታ
 ሻኪ ማዴና፤
 ዱሬታካ ማንቆታፔ
 ሻኬና።
- 20 ኢሰቲ ሌላ ገደሰ
 ቆፖንታ ሃይቃና፤
 ኡባይ ኮኮሪ ጳያና፤
 ዋልቃማቲካ ኦና ኩሹይካ
 ቦቾንታ ኪቻና።
- 21 «ጸሲ አሳ ኡባ
 ታንገዛ ጸሌሰ፤
 አሳ አሳ ሃሜሰ ካሌቴሰ።
- 22 ኢታ አሳቲ ቆቴታና ማላ
 ገርዲ ገዳ ቋማይ ዳና።
- 23 ጸሲ አሳ ቦላ ፐርዳናሰ
 ባሬ አሜና።
- 24 ዋልቃማ ዳናታ
 ዳናቴላፌ ዳንገሳና፤
 ኢሰታሶሆን ሃራ ዋላናሰ፤
 አይኮ አይሻይ ሹቆንታ

ኢዚ ሄሳዮ ኦሎስ።
 25 ኢዚ ኢስታ ኦሳ ኤሪዛ ገሻሰ
 ኢሲ ኦማርሰ
 ኢስታ ዳናቴፊ ጳይሳና።
 26 ኢስቲ ኦሊዳ ማካላቴላ
 ጋሶን ኡባ ኦሳ ሲንላን
 ማካላንቻታ ቃጸዬሰ።
 27 ኢዚ ኢስታ ቃጸዬዛይሲ
 ኢስቲ ኢዛ ካሊዛይሳ ኦጊዳ
 ገሻሳ፤
 ኢዛ ኦዛዘታካ
 ኢስቲ ካጲዳ ገሻሳ።
 28 ኢስቲ ማንቆታ ኡንኤሊዳ፤
 ፑዴ ጸሳኮ ዋሳና ማላ
 ኦሊዳ።
 ጸሲካ ማንቆታ
 ዋሶዛ ሲዬዳሰ።
 29 ጸሲ ጮኡ ገኮ
 ኦኔ ኢዛ ቦላ ፒርዳናይ?
 ኢዚ ባ ዘኮ ዛሪኮ
 ኦኔ ኢዛ ቤያናይ?
 30 ሄሳዮካ ጸሳሰ
 ያዮንታ ዴራ
 ኡንኤሊዛ ካዎይ
 ዴራ ቦላ ዴንዲኮ
 ኢዛ ኦኔ ዲጋናይ?
 31 «እዮቤ! ኔኒ ኔ ናጋራ
 ጸሳሰ ፓጸዳ
 ዛራ ናጋራ ኦሊኬ ጋ
 ቃላ ጌላዲ?
 32 ታ ኦሊዳ ናጋራይ ኦዋይሳኮ
 ታና ታማርሳ፤
 ታ ሞሪዳ ጌዲኮ
 ዛራዳ ኢዛዎ
 ኦሊኬ! ጋዲ?
 33 ሂሰቲን ኔኒ ማሬታናፔ
 ኢዲሰ ጋዳ
 ኔኒ ሺሺዛ ቆፋ ማላ
 ጸሲ ኔ ኦሞዛ
 ኔሰ ፖላና ማላ
 ኔ ኮያይ?
 34 «ታና ሲዬዛ ኦሳቲ
 ኦኬኪዛ ኤራንቻቲካ።
 35 «እዮቤ ኤራቴላ ባይንዳ ሄሳዬሰ፤
 ሁኤይ ባይንዳ ሄሳያታ
 ሄሳዬሰን ጌቴሰ።
 36 ኢታ ኦሳታ ዛር ማላ
 ዛሪዛ ገሻሰ
 እዮቤ ወርሴላ ጋካናወ
 ፓጮቴዳኮ ኦዜ ዲዛይ!
 37 ኦ ጊዳን ዋጋፔ ካሬ ኬኢዳሰ፤
 ጸሳ ቦላ ካጲ ዳርሲዳሰ፤
 ባ ናጋራ ቦላካ
 ማካላቴላ ጉጂዳሰ» ጌቴሰ።

35

1 ኤሊሁይ ባ ሄሳያ ጉጂዲ ሂዝጊዳሰ፤
 2 «እዮቤ ኔ ኔና።
 «ታኒ ጸሳ ሲንላን ጸሎ»
 ገዛይሲ ሊኬ?
 3 «ናጋራ ኦላንታ ኦጊኮ
 ታ ኦይ ገኤታኔ?
 ቃሴካ ኦይ ዳማኔ?» ጋዳ
 ኔኒ ኦይቻዳሳ።
 4 ታኒ ኔሲኔ ኔናራ ዲዛይታሰ
 ዛር ኢማና።
 5 «ጶቁ ጋዳ ፑዴ ሳሎ ጸላ፤
 ኔፔ ጶቁ ጊዲ ዲዛ
 ሻራ ኦኬካ።
 6 ኔኒ ናጋራ ኦሊኮ
 ጸሳ ኦዛን ቆሃይ?
 ኔኒ ኢዛ ዳርሳ ዳርሳ ቆሃኮ
 ኢዛ ኦይ ኦላናወ ዳንዳያይ?
 7 ኔኒ ጸሎ ጊዲኮ ኢዛሰ ኦይ ኢማኔ?
 ኢዚ ኔፔ ኦይኮካ ኮዬና።
 8 ኔ ናጋራ ኦሊኮ ቆሃናይ
 ኔ ማላ ኦሳታ ጸላ።
 ኔ ሎኦ ሚሽ ኦሊኮካ
 ኔ ገኢዛይ ኦሰ ጸላ።
 9 «ኦሲ ሃራይ ዳርሲ
 ቆሂሺን ዋሴሰ፤
 ባፔ ዋልቃቲዛዴ ኮሹፔ
 ባና ኦሺ ኤካናዳሰ
 ማጋኔሰ።
 10 ጊዳ ኦቲን ኢስታፊ ኦኒካ።
 «ታና ሜጲዳ
 ጸሳይ ኦዋኔ?
 ሌላ ጊዳላ
 ማዛሙራ ኢሚዛይሲ ኦዋኔ?
 11 ማህታፔ ኦና ኦሊ
 ታማርሲዳ፤
 ሳሎ ካፎታፔካ
 ኦጶ ኤራንቻታ
 ኦሊዳይ ኢዛን ጊዳይ ባዋ።
 12 ኢስቲ ዋሴቴሰ፤
 ኢዚ ጊዲኮ ኢስቲ ኦቶራንቻታኔ
 ኢታታ ጊዲዳ ገሻሰ
 ኢስታሰ ዛር ኢማና።
 13 ጸሲ ቱማ ዋዚናፔ ጊዳንታ
 ዋሶ ሲዬና፤
 ኡባ ዳንዳይዛ ጸሳይ
 ሄሳ ማላ ኡዝጌና።
 14 እዮቤ! ኔኒ ታ ጸሳ ኦይኮካ
 ቤኢኬ ገኮካ።
 ኔ ሜቶይ ኢዛ ሲንላን
 ዳኢዛ ገሻሰ።
 ኔኒ ዳንዳያን
 ናጋና ኮሹሰ።
 15 ቃሴካ ጸሲ ኔና
 ባ ሄንቆን ሃንቆንታ
 ኦሳ ኢታቴላ ጮኡ ጊዲ

አጳና ኔስ ሚሳቲዜ?
 16 እዮቤ! ኔኒ ጮ ማለ
 ሃሳያ ዳርሳሳ፤
 ኤራቴሌ ባይንዳ
 ጮ ጋዳ ሃሳያሳ።»

36

1 ኤሊሁይ ባ ሃሳያ ጉጂዲ ሃዝጊዴስ፤
 2 «ጸሳ ገሻሰ ታኒ ሃሳያና
 ሃራይ ዲዛ ገሻሰ
 ጉሰ ዳንዳያዳ ታ ገዛይሳ ሲያ።
 3 ታኒ ዳርሶፔ ዳሚዳ
 ኤራቴላን፣ ታና ሚዲዳ
 ጸሲ ጸሎ ገዲዳይሳ
 ታኒ ኔስ ኤሪሳይሰ።
 4 ታ ቃላይ ዋርዶ ገደንታይሳ
 ኔኒ ሎኤሳ ኤራ፤
 ኔናራ ሃሳያና ታስ ኩሜላ
 ኤራቴሌ ዲዛይሳ ኤራ።
 5 «ቱሙካ ጸሲ ዋልቃማ፤
 ገዶ አቲን አናካ ካዴና፤
 ኢዚ ኡባካ አኩከሰ።
 6 ኢዚ ኢታ አሳታ ፓጻ ዋሌና።
 ማቶቲዳ አሳታሰ ገዲኮ
 ሱሬ ፐርዳ ፐርዴሰ።
 7 ጸሲ ጸሎ አሳታ ናጌሰ፤
 ካዋታ ማለ
 ቦንቾ አልጋን ኡቲሴሰ፤
 ማርናሰ ኢሰታ
 ጶቁ ጶቁ ሂሰቲሰ።
 8 ገዶ አቲን አሲ
 ሳንሳላታን ቃሼቲኮ፣
 ዋይኮ ማቶ ገቲን ኦይኬቲኮ፣
 9 ኢሰቲ ባ ኦቶሬቴላን
 ኦሌዳ ናጋራ ቆንጨሴሰ።
 10 ኢሰቲ ሴራ ሲያና ማለ
 ኢሰታ ሃይላ ዶዬሰ፤
 ኢሰቲ ባንታ ኢታ ኦሳፔ ሲሚዲ
 ማሬታና ማለ አዛዜሰ።
 11 ኢሰቲ ጸሳሰ አዛዜቲዲ ኦሌኮ፣
 ባንታሰ አቲዳ ላይላ
 ዲሬቴላኒኔ
 ኡፋይሳን ኦንጋና።
 12 ገዶ አቲን ኢዛ ሲዮንታ ኢጸኮ
 ኢሰቲ ኦላን ዉራና፤
 ኢሰቲ ባንታ ኤያቴላን
 ዲሼ ሃይቃና።
 13 «ባንታ ዋዚናራ ጸሳ ካዲዛይቲ
 ቃጸዬቲዳ ማለ ዳና፤
 ኢዚ ኢሰታ ቃጸይሼንካ
 ኢሰታ ካሌሌዛይቲ
 ዋሴቴና።
 14 ኢሰቲ ባ ፖሊዛ
 ኢታ ላይማቴላ
 ቦሻን ጳያና፤
 ባንታ ዬላጋቴላ ላይላንካ
 ሙልቁቲ ሃይቃና።

15 ጸሲ ሜቶን ኡንኤቲዛይታ
 ኢሰታ ሚታፔ አሻና፤
 ኢሰታ ጋኪዳ ሚታን
 ኢሰታሰ ቲሚርቲ ኢማና።
 16 «ሃይሳ ሃ ዋዴዛን
 ጸሲ ኔስ ቆፕዛይ
 ኔና ኔ ዲዛ ሚታፔ ኬሲዲ
 ሎኦ ካሌ ኩሚዳ
 ማዳን ኤፋናሳ።
 17 ሃኢ ገዲኮ
 ኔ ኦሌዳ ሞራፔ
 ዳንደይሳን ኔ ቦላ
 ፐርዴቲዳ ገሻሰ፣
 ኔስ ቤሲዛ ቁጻቲ
 ኤኮ ቦላ ዳሳ።
 18 ኦኒካ ኔና ዲሬቴላ ዳርን
 ጨሞንታ ማለ፤
 ማታኤንካ ኔና
 ባሌላንታ ማለ ናጌታ።
 19 ኔስ ዲዛ አቆታይኔ ጎዳቴሌ
 ዳር ገዲኮካ
 ኔና ሚቶፔ አሹቴና።
 20 ዴራ ዲዛሶፔ ጳይሲዛ
 ጳማ ዋዴይ
 ያና ማለ አሞቶፋ።
 21 ኔኒ ሚቶ ገደን ፓጮቲዛይ
 ሃሳ ጋሶን ገዲዳ ገሻሰ
 ሲማዳ ናጋራ
 ኦላንታ ማለ ናጌታ።
 22 «ጸሳ ዋልቃይ
 አይ ማለ ገታኮ አኬካ፤
 ጸሲ ኡባሬ አጶ አሰታማሬ።
 23 ሃይሳ አላ) ገዲ
 ጸሳ አዛዚዛ አሲ ዋይኮ፣
 (ኢታ ኦሶ አላዳሳ) ገዲ
 ኢዛ ዋላሲዛይ ኦኔ?
 24 ኢዚ ኦሌዛ ኦሳ ገሻሰ
 አሳይ ኡባ ዋዴ ዬላን
 ጋላቲዛይሳ ማለ፣
 ኔኒካ ኢዛ ኦሳሰ
 ዬላን ጋላታ።
 25 አሳ ዜሬሌ ኡባይ
 ጸሳ ኦሳ ቤዪዴሰ፤
 አሳይ ቲሺ ኦሌ
 ሃኮን ቤዪዴሰ።
 26 ጸሳ ገታቴላ
 ፐልገዲ ጋካናሰ
 ኦኒ ዳንዳዮኮ፤
 ኢዛ ላይላ ቆዳይካ
 ኦ ኤራፔ ቦላ።
 27 «ጸሲ ሃላ አባሬ
 ፑዴ ሳሎ ኤፌሰ፤
 ዛራዲካ ኢራ ሳሎፔ
 ዲጌ ቡኪሴሰ።
 28 ኢራ ሻራፔ ኬሲዲ
 ዋልቃማ ኢራ አሳሰ ቡኪሴሰ።
 29 ገዶ አቲን ጸሲ

ሻራ ዋስቲ ሚጨዛኮ፥
 ዋልቃንሳ ጊደን ኡቲዲ
 ኢዚ ዋኒ ሃሳይዛኮ
 ኦኒ ኤራናው ዳንዳይዜ?
 30 ጸሲ ኣባ ጨማቴሳ ካሚዲ
 ኢዚ ባ ዩሾን ዋልቃንሳ
 ዋስቲ ላሊዛኮ ጸላ።
 31 ሃይሳ ማላ ኦሊዲ
 ጸሲ ባ ዳራ ኣይሴስ፤
 ኣሳይ ሚዛ ዳሮ ካላካ ሞኪሴስ።
 32 ዋልቃንሳ ኢዚ
 ባ ኩሼን ኣይኬስ፤
 ኣይኪዲ ባ ደሲዳ
 ባጋ ባና ማላ ኣዛዜስ።
 33 ዳዳይ ዋልቃማ ኢራይ
 ያናይሳ ማላቴስ፤
 ማሃቲካ ኢራ ኡሾይ
 ዩዛይሳ ኤራቴስ።

37

1 «ዋልቃማ ኡሾፔ ዳንደይሳን
 ታ ዋዚናይ ኮኮሪዳስ፤
 ያሻቴሳፌ ዳንደይሳን
 ፒሪ ባና ጋኪዳስ።
 2 ኢዛ ደናፔ ኮኢዛ ቃላ ሲዩቴ፤
 ዳዳ ማላ ጉሚዛ
 ጊሪሳ ቃላ ሲዩቴ።
 3 ሳሎፔ ጋርሳን ዋልቃንሳ
 ዋልቃሚስ፤
 ቢታ ጋጸ ጋካናው ኪቴስ።
 4 ሃሳፌ ጉዬ ዋልቃማ
 ባ ጊሪሳ ሲሴስ፤
 ያሽሲዛ ባ ጊሪሳ
 ዳዳ ማላ ጉንሴስ፤
 ዋልቃንሳ ፖኦይካ
 ዛሪ ዛሪ ቤቴስ፤
 ባ ያሽሲዛ ጊሪሳን ጉሚስ፤
 ኢዚ ባ ጊሪሳ ሲሴዛ ዋዴ
 ዋልቃንሳ ዲጌና።
 5 ጸሳ ጊሪሳ ጉንሳይ
 ማላሊሲዛ ጊታ ጉንሳ
 ጉሚስ፤
 ኦኒ ኤራናው ዳንዳዮንታ
 ጊታ ሚሻታ ኦሴስ።
 6 ቢታ ቦላ ሻቺ
 ዋዳና ማላ ኦሴስ፤
 ዋልቃማ ኢራይካ
 ቡካና ማላ ኣዛዜስ።
 7 ኢዚ ማዲዳ ኣሳቲ
 ኢዛ ኦሶ ኤራና ማላ
 ኡባ ኣሳይ ባንታ ኦሶዛ
 ኦሶንታ ማላ ቱቁስ።
 8 ሄ ዋዴ ዋራ ደኣቲ፥
 ባቃቲዲ ባንታ ቆቴቴላሶ
 ጌሌቴስ፤
 ባንታ ጎንጎሎዛን ቆቴቴቴስ።
 9 ዋልቃማ ጨርኮይ
 ፑዴሃፔ ዳንዳይስ፤
 ሞጨዛ ጨርኮይ ፑዴሃፔ ዩስ።

10 ጸሳ ፔናይ ሃላ ሞጨሴስ፤
 ኢዛፔ ሻቺ ማዴስ።
 11 ሻራይ ሃላ
 ቶካና ማላ ኦሴስ፤
 ባ ጊደን ዋልቃንሳ
 ዋልቃማና ማላ ኦሴስ።
 12 ጎዳ ካሌሶን ሻራቲ
 ቢታ ዩሾን ዩዬቴስ፤
 ባንታና ማዲዛ
 ኣዛዘታካ ፖሌቴስ።
 13 ጸሲ ኢራ ቡኪሲዛይ
 ቢታ ኢርጸሳናስ፥
 ኣሳታ ቃጸያናስ
 ዋይኮ ባ ሲቆ ቆንጨሳናሳ።
 14 ኢዮቤ! ኦኒ ታኪ ጋዳ ሲያ፤
 ጸሲ ኦሴዛ
 ማላሊሲዛ ኦሶታ
 ዋዚናን ዋላዳ ኣኮካ።
 15 ጸሲ ሻራ ዋስቲ ኣዛዚዛኮ፥
 ዋልቃንሳካ
 ዋስቲ ዋልቃንሳዛኮ
 ኦኒ ኤራይ?
 16 ሻራ ሳሎ ቦላ
 ዋስቲ ዋላዳኮ፥
 ማላሊሲዛ ኡባ ኤሪዛ ጸሳ
 ኦሶዛ ኦ ኤራይ?
 17 ሳሎይ ጸርቁማላ ሚሳቲዛ ዋዴ፥
 ዋልቃማ ባዞ ጨርኮይ
 ቢታ ቦላ ጨርኪዛ ዋዴ
 ኦኒ ሆሞቤን ሴራና።
 18 ጸሲ ሳሎ ሴሪዳ
 ማሰቶቴ ማላ ሚጨኮ፥
 ኦኒ ኢዛ ማታን ኡታዳ
 ማዳናው ዳንዳይይ?
 19 «ኦስ ኤራይ ፓጨፎ ጊዲዳ ጊሻስ
 ኦኒ ኣይ ጊዲ
 ጸሳስ ዛራናኮ
 ኦኒ ኦና ኣኔ ታማርሳ።
 20 ጸሳራ ሃሳያና
 ጋዳ ኣይቺኬ፤
 ታ ኢዛ ኣይቻዳ ኣዛስ
 ኢዚ ታና ዳይሳና ማላ
 ዳንሴሳ?
 21 ጨርኮይ ሻራ ሳሎፔ
 ቁጨ ጌሺዛ ዋዴ፥
 ኦኒካ ጸልቁዛ ኣርሼ
 ቲሺ ሂሰቲ
 ጸላናስ ዳንዳይና።
 22 ፑዴሃፔ ዋርቃ ማላ
 ጸልቁዛ ፖኦይ ያና፤
 ጸሲ ማላሊሲዛ
 ቲማን ቆንጨና።
 23 ኡባ ዳንዳይዛ ጸሳይ
 ኦ ቆፋፔ ቦላ፤
 ኢዛ ዋልቃይ ጊታ፤
 ኢዛካ ቱሙ ፐርዲዛዴ።
 24 ባንታ ቆፋን፥
 «ኦኒ ኣዶ ኤራንቻታ ጊዛይታ

እዚ ካዲሰ፤
ሄሳ ገሻሰ አሳይ ዉሪ
ኢዛሰ ያዬሰ።»

38

ጸሓፊ እዮቤስ እሚጥዳ ዛር

- 1 ሃይሳፊ ጉዬ ጎዳይ
ጎቲ ጫርኮ ገደን ገዲዲ
እዮቤስ ሂዘገደሰ፤
- 2 «ሃይሰ ኤራይ ባይንዳ ሃሳያን
ታ ዘሬዛ ካዲዛይ
እዚ ባሰ ኦኔ?
- 3 እኔ እዴ ገዲኮ
ዳንጩታ ታ ሲንላን ኤቃ፤
ታኒ ኔና ኦይቸዛይሳ
ታሰ ዛራ።
- 4 ታኒ ሃይሳ አላሚዛ ሚዲሺን
ኔኒ አዋን ዳይ?
ኔ ኤሪዛኔ እኩኪዛ ገዲኮ
እኔ ታሰ ዮታ።
- 5 ሃይሰ ሳአይ አይ ከና ገዳናኮ
ቆፋ ቃቸዳይ ኦኔ?
ሳአ ሶላ እዚ
ሚጾ ዋደርታ ሚጨዳይ
አናኮ ኔ ኤራይ?
- 6 ቢታ ቱሳቲ ኩንደንታ ማላ
ሚንሳ ኦይኪዳ ዋልቃይ አዜ?
አላሚዛ ኦሶ ደሚሺን
ዮቻ ሹቾ ዩገዳይ ኦኔ?
- 7 ባካሌ ጸሊንቲቲ
ኢሲ ሶላ ዩጸዚዘኹ፤
ኪታንቻቲ ኡባይ አሊሊዛሽ
ኔኒ አዋን ዳይ?
- 8 «አባይ ቢታፊ
ቋቋ ከኢዛ ዋዴ
ፑልቶ አይፊታ ጎርዲዳይ ኦኔ?
- 9 አባ ሻራን ካሚዳይ
ቃሴካ ገርዲ ገዳ ቋሚን
ጎርዲዳይ ታና።
- 10 አባሰ ዛዋ ሚዲዳይ
ፔንጌኔ ዛዋ ዋሊዳይ ታና።
- 11 ሃይሳ ጋካናዉ ያ!
ሃይሳፊ አቶፋ!
ኔ ዋልቃሚ ዳሞባላይ፤
«ሃይሳን ኤቆ» ጋዲሰ።
- 12 «እዮቤ! ኔኒ ዩሌቶሶፊ
ዋንታይ ዋንታና ማላ
አዛዛ ኤራይ?
ዋንታ ፖኦሰካ
ሶሆ ገገሳ ኤራይ?
- 13 ዋንታይ ቢታ ሶላ
ፖኦ ቤሳና ማላ
ኢታ አሳቲ ቆቲቲዳሶፐ
ቆንጩ ኬዛና ማላ
ኔ ኢሰታ አዛዛ ኤራይ?
- 14 ዋንታ ፖኦይ ቢታ

- ቃላሞኤቲ ዲዛ ማይኦ ማላ
ቤታና ማላ ኦፊሰ፤
ማና ሚሻ ሶላ ዲዛ
ማታሚ ማላ
ቆንጩን ቤሴሰ።
- 15 ኢታቲ ፖኦ ዲጌቲዳ፤
ኢሰቲ ማካላቲላን ዳንሊዳ
ኩሼይካ ሚቋዴሰ።
- 16 «ኔ ዲጌ ጨማ አባን
ዋቋዲ?
ዋጋ ገታ አባ ጋርሳን
ሰሚሬታ ኤራይ?
- 17 ሃይቆ ፔንጌታ ኔና ቤሲዴ?
ገርዲ ገዳ ቋሚ
ፔንጌታካ ቤያዲ?
- 18 ሳአይ አይ ከና ዳልጋ ገዲዳኮ
ኔ ኤራይ?
እኔ ሃይሳ ኡባ ኤሪዛ ገዲኮ
ኔ ታሰ ዮታ።
- 19 «ፖኦይ ዲዛሶ ኤፊዛ ኦጌይ አዋኔ?
ቃሴካ ቋሚይ
ዴኢዛሶይ አዋኮ
ኔ ኤራይ?
- 20 ኔኒ ፖኦኔ ቋሚ
ኢሰቲ ዲዛሶ ዲዛሶ
ኤፋናሰ ዳንዳያዩ?
ኢሰታሶይ ዲዛሶ ኤፊዛ ኦጌዛ
ኔ ኤራይ?
- 21 ኔኒ ቢታይ ሚዲቲዛ ዋዴ
ዩሌቲዳ ገሻሰኔ
ኔሰ ሳይሳይካ
ዳር ገዲዳ ገሻሰ
ኔ ኤርንታ አጋካ!
- 22 ሻቸ ዋቋዛ
ኩላን ጌላዲዬ?
ዋይኮ ኡቲዳ ሻቻ
ደሪ ቤያዲ?
- 23 ሃይሳ ሃ ሻቻዛ
ታ ኦላ ጋላሳሰኔ
ሚቶ ጋላሳሰ
ጎኤታናሰ ሚንጃ ዋሊዳዛ።
- 24 ዋልቃንሳ አዋፔ ዳንዲዜ?
ዋይኮ አርሼይ ሞኪዛ ባጋፊ
ጫርኮይ ቢታ ሶላ ላሌቲዛሶ
ኤፊዛ ኦጌይ አዋኔ?
- 25 ኢራሶ ዋቋዛሶ ገገሲዳይ
ዳዳይ ዋላኬቲዳ ኡሻሰ
ኦጌ ገገሲዳይ ኦኔ?
- 26 ኦኒካ ባይንዳ ቢታን
አሰካ ደንታ ባዞን አሺዛይ፤
27 ኢራይ ቡካና ማላካ
ኦሊዛይ ኦኔ?
አሲ ባይንዳ ሶሆዛኔ
ባዞ ቢታ
ሃላ ካልሲዳይ
ቢታይካ ማታ ሞካና ማላ

- 28 ኢራኔ ጸዛ እሚዛይ ኦኔ?
- 29 ሻቸኔ ከንቾ እሚዛይ ኦኔ?
- 30 ከንቾ ሃላ ሹቻ ማላ ሚንፊስ፤ አባ ሃላካ ሻቻሉ ሹቻታና ማላ ኦፊስ።
- 31 «ፒሊያዲሴ ጌቲቲዛ ጸለንቴታ ኢሲ ቦላ ቃቻናሰ ዳንዳያይ? ኦሪዮ ጌቲቲዛ ጸለንቴቲ ኢሲ ቦላ ኦይኬቲዳ ዋደርዛ ዲፋናው ዳንዳያይ?
- 32 ጸለንቴታ ኡባ ኢስታ ዋዳን ዋዳን ኬሳናው ዳንዳያይ? ዛርዳ ጌቲቲዛ ደእ ሜዶይ ዲዛ ጸለንቴ፥ ኢስታ ማራታራ ኔ ካሌፋናው ዳንዳያይ?
- 33 ሳሎቲ አይ ማላ ዋጋን አቁዛኮ ኤራይ? ሃይሳ ሃ ዋጋዛካ ቢታ ቦላ ኦሲሳና ዳንዳያይ?
- 34 «ዳር ኢራ ኔሰ ቡኪሳና ማላ ሻራ ኔ አዛዛናው ዳንዳያይ?
- 35 ዋልቃንሳ ኔ አዛዘን ዋልቃሚዜ? ዋልቃንሳ ኔ ዬዳናሰ ዳንዳያይ? ኢስቲካ ኔስ፥ ሳህኮ ኑ ሃን ደስ) ጊ ኤሪዘ?
- 36 ዋዚናሰ ጨንጫቴሳ ቆጋናሰ ካሃ አሚዳይ ኦኔ?
- 37 ባ ኤራን ሻራታ ቆዳናሰ ዳንዳይዛይ ኦኔ? ሳሎፔ ሃሳ ዳጌ ቲጋናሰ ዳንዳይዛይ ኦኔ?
- 38 ጉዲላ ኦይሴሲዲ ጳሼ ኬሳናሰ ዳንዳይዛይ ኦኔ?
- 39 «ማጫ ጋሞይ ዋራ ጊደን ዛማዳ ኡቲዳሺን ኔ ኢዚሰ ሚዛ ሚሽ ሻንካታዳ አማናሰ ዳንዳያይ?
- 40 ዋይኮ ጋፊ ኡቲዳ ኢዚ ማራታ ካልሳናው ዳንዳያይ?
- 41 ቁርቲ ጋፊዲ ቢቻሪዛ ዋዳ ኢስታ ጨዬቲካ ሚዛ ሚሽ ሳይዲ ታኮ ዋሲዛ ዋዳ ኢስታሰ ሚዛ ሚሽ አሚዛይ ኦኔ?

39

1 «ጌኔሳቲ ዬሊዛ ዋዳ ኔ ኤራይ? ወሻ ጌቲቲዛ ደአይ ሚጸቲዲ

- 2 ኢስቲ ሴባቲዲ ዬሊሺን ቤያ ኤራይ? አይ ላጌ ዋዳ ጋሞኢዛኮ አዉዴ ዬሊዛኮ ኔ ኤራይ?
- 3 ጉልባቲ ሚጸቲሼ ባንታ ማራታ ኢስቲ ዬሊዛይ አዉዴኮ ኔ ኤራይ?
- 4 ኢስታ ማራቲ ዋራን ዲጨዲ ሚኔቴሰ፤ ኢስታፊ ሻኬቲዲ ቤቴሰ፤ ቢዳፔ ጉዬ ባንታ አይታኮ ሰሚቴና።
- 5 ሃርዲዳይ ዬዳ ዳና ማላ ኦፊዳይ ኦኔ? ኢስታ ቃሾፔ ቢርሺዳይ ኦኔ?
- 6 ባዘዛ ኢስታሰ ዲዛሶ ሂስታ አማዲሰ፤ ማጺኔይ ዲዛ ዳምባን ኢስታ ዋላዲሰ።
- 7 ካቸ ዳሪዛ ካታማታፔ ሃኪዲ ዳቴሰ፤ ጉዬራ ላጊዛይቲ ቆዲዛይሳ ደሴቴና።
- 8 ዙማታ ቦላን ፔኤቴሰ፤ ሃን ባሰ ጊዲዛ ጨሊላ ማታ ኮዬቴሰ።
- 9 «ሚንሳ ኔሰ አፋናሰ ኤና ጋንዴ? ዋይኮ ኔ ዜዴን ኤኖ ጊ ኤቃንዴ?
- 10 ሚንሳ ዋጸዳ ሳሽ ሳያናው ዳንዳያይ?
- 11 ኢዛ ሚኖቴላን ኔ አማኔታይ? ኔሰ ዳጺዛ አሶዛ ኢዚ ኦላና ማላ ኢዛሰ አጋ ኤራይ?
- 12 ኢዚ ኔኮ ሰሚ ያና ማላ፥ ኔ ካሳ ቡኪዛ ባሌይ ዲዛሶ ሚያናይሳ አማኔታይ?
- 13 «ያንቻይ ባ ቁፊ ኤሶን ሚጫውሰ፤ ጊደ አቲን ሳንጋኖ ካፎ ማላ ፒራዱኩ።
- 14 ያንቻይ ባ ጴጵሌ ቢታን ዬጋውሰ፤ ቢታ ጊደን ኡቲዲ ሆኦና ማላ አላውሰ።
- 15 ሳራ አዲዳይ ባ ቶሆን ሚንፊስ፤ ዋራ ደአቲካ ዬዲ ለቁሴቴሰ) ጋዳ ቆፑኩ።
- 16 ባ ጨዬታሰ አላጋ ማላ ሚንጾ ኢታውሰ፤ ኢዚ ዳቡራይ ሃዳን አቲኮካ ወዳ ጉኩ።

- 17 ሃይሳሉ ኢዚሰ ጨንጫቴሉ
 ጳይሳዳ ኢዛ ኤርጎታ ማላ
 ኦሲዳይ ታና።
- 18 ኢዛ ዳንዳዳ ዋጺዛ ዋዴ፥
 ባናራ ጋዴ ዋጺዛ
 ቶጋታ ቦላ ሚጫወሰ።
- 19 «ኢዮቤ! ፓራታሰ ዋልቃ
 ኢሚዳይኔ እዲሳ ጋማ
 ኢሰታ ሞርጌን ማይዚዳይ ኔኔ?
- 20 ፓራታ ቦሌ ማላ ጉፐዛይ
 ኢሰቲ ሃርቡቁሽ ኣሳታ
 ዳጋንፋና ማላ
 ኦሲዳይ ኔኔ?
- 21 ፓራቲ ኦላ ዳምባ ቶጌቲ ቢሽ፥
 ባንታ ዋልቃንካ ጨቁቲሽ፥
 ሎዳን ኣዳራሶ ደሜቲሰ።
- 22 ያሽ ገዛ ሚሽ ሙሌካ ኤሬቴና፤
 ኣይ ሚሽካ
 ኢሰታ ዳጋንፋና፤
 ኢሰታ ቦላ ገላ ማሻ
 ዳንፊዳይኮካ
 ጉዬ ሰሚቴና።
- 23 ኢሰታ ቶጊዛ ኦላንቻቲ
 ኦይኪዳ ኦላ ሚሻቲ፥
 ዋዋጪ ገሽ ባንታ ጊደን
 ገሬቲሽ ሰይቴቲሰ።
- 24 ዛይይ ዛይቴሽን ጮኡ ገ
 ኤቃናዉ ዳንዳይቴና፤
 ዩሎኒኔ ሃንቆን ኩሚዲ
 ኦላ ዳምባ ዋዴቲሰ።
- 25 ዛይይ ፑኔቲዳ ታይቦን
 ኡፋይሳን ዋይቁቲሰ፤
 ሃኮን ዲሽ ኦላ ፔኖ ኤሬቴሰ፤
 ኦላ ካሌላዛይቲ
 ኢሚዛ ኣዛዘዛኔ
 ኦላንቻታ ጨቁቴላ ሰይቴሰ።
- 26 «ጸሎይ ሳሎ ቦላ ፓሊዛይ፥
 ኢዚ ባ ቁሬዛ ዳጌሃ ሚጪዛይ
 ኔ ኤራቴላኔ?
- 27 ጎሌይ ፑዴ ኬኢዲ
 ጳቃሶሆን ባ ኬላ ኬጸዛይ
 ኔ ኣዛዘኔ?
- 28 ጎሌይ ዛላታ ጊደን ኣቁሰ፤
 ኬልካ ጊደን ባ ኬላ ኬጸሰ፤
 ዛላቲካ ኢዛሰ
 ቆቴቲዛሶ ጊዴቲሰ።
- 29 ሄን ኡቲዲ ባሰ
 ሚዛ ሚሽ ጸሌሰ፤
 ኢዛ ኣይሬቲካ
 ሃኮን ዲዛዘ ዳሚቴሰ።
- 30 ሃይሳ ማላን ጎሌቲ
 ሚዛዚ ዲዛሶ ሽቁቴሰ፤
 ኢሰታ ጨቁቲካ
 ሰላ ኡይቴሰ» ጊዴሰ።

40

- 1 ቃሴካ ጸሲ ኢዮቤሰ፥
- 2 «ኢዮቤ! ኣሲ ኡባ
 ዳንዳይዛ ጸሳራ ማርሼቲዲ
 ላፋና ኔሰ ሚሳቲዜ?
 ታናራ ጸሳራ ማርሼቲዛይ
 ኔና ጊዲዳ ገሻሰ
 ኣኔ ታሰ ዛራ» ጊዴሰ።
- 3 ኢዮቤ ዛሪዲ፥
- 4 «ጎደ! ታኒ ኣይኮ ማደንታ
 ላፋ ኣሳ፥
 ሃኒፌ ጉዬ ታ ኩሽን
 ታ ዶና ጎርዳዳ፤
 ጮኡ ጉሳፌ ኣቲን
 ኔሰ ታ ዛራና ዛርይ
 ታሰ ዶና።
- 5 ታኒ ኢሲቶ ጋናይሳ ጋዲሰ፤
 ጊደ ኣቲን ታሰ
 ዛሪዛ ሚሽ ባዋ፤
 ሃይሳፌ ጉዬ ኡባካ
 ታ ሃሳይኬ» ጊዴሰ።
- 6 ሄሳፌ ጉዬ ጎዳይ
 ጎቲ ጫርኮ ጊደን ጊዲዲ
 ኢዮቤሰ ሂዘጊዴሰ፥
- 7 «ኣኔ ኣዴ ጊዲኮ ዳንዳዳ ጊዴታ፤
 ታ ኦይቸዛይሳ ታሰ ዛራ።
- 8 ታና ፐርዳ ጌላሰዛይ ኬሳዳ
 ኔና ጸሎ ኣሰ ኬሳናሰ ዳፌታይ?
- 9 ጸሳ ዋልቃ ማላ
 ሚኖ ዋልቃይ ኔሰ ዲዜ?
 ጸሳ ቃላ ጉንፋ ማላ
 ኔ ቃላይ ጉማናዉ
 ዳንዳይዜ?
- 10 ሄሳ ማላ ጊዲኮ
 ኣኔ ኔ ቦንቸኒኔ
 ኔ ጊታቴላን ዳንዳዳ!
 ኔ ቴማቴላኔ
 ጊታቴላ ማይኣ።
- 11 ኦቶራንቻታ ቤያዳ ካዉሻ፤
 ኔ ሃንቆዛ ኢሰታ ቦላ ጉሳ።
- 12 ኣኔ ሎኤላ ጸሳዳ
 ኦቶራንቻታ ኡባ ዩላቻ፤
 ኢታ ኦሲዳይታ
 ኢሰቲ ዲዛሶን ሄን ጳይሳ።
- 13 ኢሰታ ኡባ ሞጎ ማይኣን ጸጸዳ
 ኢሲ ቦላ ዲፎን ሞጋ።
- 14 ሄሳፌ ጉዬ ኔኒ
 ኔ ዋልቃን ጸኒዛይሳ
 ታኒ ኔሰ ማርካታና።
- 15 «ታኒ ኔና ሚዲዳይሳላ
 ሆሪቁ ጌቲቲዛ
 ዶኣ ሚዲዳይሰ፤
 ኢዚካ ቦራ ማላ ማታ ሜሰ።
- 16 ኢዛሰ ጸሳን ዲዛ ዋልቃ ቤያ፤
 ኢዛሰ ኡሎ ጊደን ዲዛ
 ሻያ ሚኖቴላ ጸላ።

- 17 እዛሰ ጎይናይ ለባኖሴ ዚጋ ሚላ ማላ ሲቲ ገዳይሳ፤ እዛሰ ገዳ ጸጸቲካ ሚኖኔ ኦርዳታ።
- 18 እዛ ሚቁላቲካ ጸርቁማላኔ ቢራታ ማርጮ ማላ ሚኖታ።
- 19 ታ ሚጲዳ ሚጴታ ኡባፌ ዋልቃማ፤ ታፔ ኣቲን እዛ ጸናናይ ሃራይ ዴና።
- 20 ዋራ ዶኣቲ ኡባይ ካእዛ ዙማይ፤ እዛሰ ሚዛ ሚሽ ሞኪሴሰ።
- 21 ኩዋይ ዲዛ ሚላ ጋርሳን፤ ማቃ ገደኒኔ ሃላ ዲዛሰ ጫሪ ገደን ኢቼሰ።
- 22 ኩዋይ ዲዛ ሚላቲ እዛ ባንታ ኩዋን ገንጫቲሰ፤ ሻፋ ደናን ዲጨዛ ሚላቲ እዛ ካሚቲሰ።
- 23 ሻፋ ሃላ ኪጸሰ እዚ ዳጋሚና፤ ዮርዳኖሴ ሻፋይ ኬሂ ኩሚዲ ጎጊንካ እዚ ያዬና።
- 24 እዛ ኣይፌታ ቶይሲዲ እዛ ኦይካና ኣሲ ዲዜ? እዛ ሲጴካ ዳፎን ቃቸዲ እዛ ኦይካናሰ ዳንዳይዛይ ኦኔ?

41

- 1 «ኔኒ ሌዋታኔ ጌቲቲዛ ኣባ ገደን ዲዛ ዶኣ ሞሌ ኦይከዛ ማንጸኮን ኦይካናሰ ዳንዳይይ? ዋይኮ እዛ ኢንጸርሳ ዋደርን ቃቻናሰ ዳንዳይይ?
- 2 እዛ ሲጴዛን ዳፎ ኣላዳ፤ ዋይኮ እዛ ጋጮዛ ማንጸኮን ጌልላዳ፤ ኦይካናሰ ዳንዳይይ?
- 3 እዚ፤ ታና ማራርኪ!» ገ ኔና ዋሳኔ? ዋይኮ ሎኦ ቃላን ኔና ኦይቻንዴ?
- 4 ኔሰ ሚርናሰ ኣይሌ ገዲዲ ኔሰ ኦላናዉ እዚ ኔሰ ቃላ ጌላኔ?
- 5 ኣሳራ ሜዜ ካፎ ማላ ኔ እዛ ኔናራ ሜዜሳኔ? ዋይኮ ኔሰ ማጫ ናይታ ካሳና ማላ ኔ ቃቻ ዋላኔ?
- 6 ሞሌ ዛልኣንቻቲ እዛ ሻማናዉ ሚሻን ማርሼታኔ? ዋይኮ ቃንጾሬላዲ

- 7 እዛ ጋልባካ ኔ ኮዩዳሶራ ቶራን ጫዳ ዳካናሰ ዳንዳይይ? ዋይኮ እዛ ሁኤዛ ሆጾ ሚሻን ጫዳ ሉካናዉ ዳንዳይይ?
- 8 ኣኔ ኔኒ እዛ ዳንዳይና ገዲኮ ኩሼን ቦቻ! እዛራ ኔ ባጾቲዳ ባጾ ዋደናዉካ ባላካ፤ ናምእንሶ እዛራ ኔ ባጾታናሰ ካጀላካ።
- 9 ሌዋታኔ ጌቲቲዛ ኣባ ገደ ዶኣራ ባጾቲዲ እዛ ጸናና ካጀሎሰ ጳሌይ ዳና። እዛ ቤእዛ ኡባይ ባቦን ኮኮሬሰ።
- 10 እዛ ቦላ ሜቶ ጋላና ጉሲ፤ ሃሳ ኬና ዴጾ ገዲኮ፤ ሂሰቲን ታናራ ኤቁታናሰ ጸሊዛይይ እዚ ባሰ ኦኔ?
- 11 ሳሎፔ ጋርሳን ዲዛ ሚሽ ዉሪካ ታሳ፤ ሂሰቲን ታ እዛሰ ዛራና ማላ ታሰ ታልኢዳይ ኦኔ?
- 12 ሌዋታኔ ጌቲቲዛ ኣባ ዶኣ ገሻሰ፤ እዛ ሚኖ ዋልቃ ገሻሰኔ እዛሰ ሎእዛ ቦላ ገሻሰ፤ ታ ቆንጨሶንታ ኣጊኮ።
- 13 ኦርዴ ገዲዳ እዛ ጋልባ ሾቃናሰ፤ ዋይኮ እዛ ባንቁላ ፖቃናሰ ዳንዳይዛይ ኦኔ?
- 14 ኬሂ ያሺሲዛ ኣቻቲ ዲዛ እዛ ባንቁላታ ፖቃና ዳንዳይዛይ ኦኔ?
- 15 እዛሰ ዘኮ ጋልባይ ማራራ ኡቲዳ ጎንዳሌታ ማላ፤ ኣዳፌ ሺዲ ኦይኬቲዳይታ።
- 16 ኢሰቲ ኢሶይ ኢሳራ ሺጲ ገዳ ገሻሰ ኢሰታ ገደራ ሃራይ ኣቲን ጫርኮይካ ኣጴና።
- 17 ኢሰቲ ኡባይካ ኢሶይ ኢሳራ ኦይኬቲ ኡቲዳ ገሻሰ ኣይ ሚሽካ ኢሰታ ሻካናዉ ዳንዳይና።
- 18 እዚ ጲሺዛ ዋዴ ጸጸልቁ ገዛ ፖኦይ ቤቲሰ፤ እዛ ኣይፌቲካ ዋንታ ማላዶ ኣርሼ ማላ ፖኦቲሰ።
- 19 እዛ ደናፔ ታማ ላጮይ ኬዜሰ፤ ታማ ፒንጾላካ ላሌቲሼ ቤቲሰ።
- 20 ፔንቲዛ ዲሰቲይ

- ኡቲዳ ጮጮን ዲዛ
ኣፊራይ ጮጠቲዛ ማላ፤
ኢዛ ሲዴፔ ጮጠይ
ከዚሽ ሴቴሰ።
- 21 ኢዚ ሽምጥዛ ሽምጥዛ ሴላይ
ጸጸንጎ ኦይሴሴሰ፤
ታማ ላጮይካ ኢዛ ደናፔ ከዜሰ።
- 22 ኢዛ ሞርጌን ዋልቃይ
ኩሚዳ ገሻሰ
ኢዛ ሲንጎይ ያሺሴሰ።
- 23 ኢዛ ኣሸይ ዲላኣ ገዲዳ ገሻሰ
ኢዛ ቦላይ ቢራታ ማላ ሚኔሰ።
- 24 ኢዛሰ ቲራይ ሹቻ ማላ ሚና፤
ጋጠዛ ዋጸ ማላካ ሚና።
- 25 ሃ ደኣዚ ዳንዲዛ ዋዴ
ዋልቃማቲ
ኣቶንታ ባቦን ኮኮሬቴሰ።
- 26 ኣይ ማሻኒኔ ቶራን
ዋይኮ ዋንዳፊኒኔ
ጫዲዛዛን
ኢዛ ኢሰቲ ጫዲኮካ ጸኔቴና።
- 27 ኢዚ ቢራታ ማቃ ማላ
ሚንሴሬሴሰ፤
ጸርቂማላካ ሙሳ ሚላ ማላ
ቲፊራሴሰ።
- 28 ኢዛ ቦላ ዋንዳፊ ጸንጊኮካ
ኢዚ ያዱዲ ባቃቴና፤
ያንባርሻ ሹቹካ
ኢዛ ሲንጎን ኢሺና ማላ።
- 29 ኮጼ ማታ ማላ ቆዳሰ፤
ኣሲ ኢዛ ቦላ ቶራ ጸንጊሺን
ቂዴ ሚቶ ሚጮሰ።
- 30 ኢዛሰ ኡሎ ጋልባ ሃንቻዚ
ኢዚ ኡርቃ ገደራ ቢሺን
ቢታ ማራሻ ማላ ቦኬሰ።
- 31 ኣባ ሃላ ፔንታ ማላ ፖጠሴሰ፤
ኦቶን ፔንቲዛ
ዛይቴ ማላ ፖዲሴሰ።
- 32 ኢዚ ኣዲ ቢዛ ኦጌይ ፖኢሴሰ፤
ኣባ ሃላካ
ሆሞ ጮፑ ሂሰቴሰ።
- 33 ኢዚ ያሽ ኤርንታ ሚዴታ፤
ቢታ ቦላ ኢዛ ሚሳቲዛ ሚዴታይ
ሙሉካ ደና።
- 34 ከሂ ገታ ገዲዳ ሚዴታታካ
ኢዚ ካዴሰ፤
ኢዚ ደኣ ኡባ ቦላ ካዎ።»

42

- እዮቤ ባና ካወሺዳሰ
- 1 ሃይሳፊ ጉዩን እዮቤ ጸሳሰ ሂዘጊ ዛሪዳሰ፤
 - 2 «ታ ጎዳዉ!
ኔኒ ኡባ ሚሽ ኦላናሰ
ዳንዳይዛይሳ ታ ኡራዲሰ፤
ኔ ቆፋካ
ዱዲ ዲጋናይ ደና።
 - 3 ታ ኤሪዛራ ከሂ ጉላ ገዲሺን

- ታ ዳር ሃሳይዛይሳ
ኣዛሰ ገዲዳኮ
ኔ ኦይቻዳሳ፤
ቱሙካ ታኒ ኤርንታይሳኔ
ኣከኮንታ ኡባ ሃሳያዲሰ።
- 4 ታ ኦይሻ ኤዘጋ ሲያዳ
ታሰ ዛር ኣማ፣ ጋዳሳ።
- 5 ታ ሃኖ ጋካናሰ ኔ ገሻሰ ኤሪዛይሰ
ኣሳፔ ሲዮይሳን ጸላ፤
ሃኢ ገዲኮ ታ ኣይፊታን
ታ ኔና ቤያዲሰ።
- 6 ሃሳፊ ዳንዲዳይሳን
ታ ሃሳይዳ ሚሻቲ
ታና ዩላቲዳ ገሻሰ
ቢዲንጎላኒኔ ጉዲላን ኡታዳ
ታ ኔፔ ማሬታና።»

ኩሻ ቆፋ

- 7 ጸሲ እዮቤራ ሃይታንታ ኡባ ሃሳይቲዳፔ ጉዩ
ቲማኔ ዳሬ ኣሰ ኤልፋዜሰ። «ኣንቲ ታ ኣይሌ እዮቤ
ማላ ታ ገሻሰ ሊኬ ሃሳዮንታ ገሻሰ ታኒ ኔ ቦላኔ ኔ
ላጌታ ቦላ ሃንቁታዲሰ።
- 8 ሃሳ ገሻሰ ሃኢ ላፑን ዋፋናታኔ ላፑን ጳርሾታ
ኤቢዲ ታ ኦሳንቻ እዮቤኮ ቢቴ። ሃን ኣንቲ ናጋራ
ገሻሰ ጸጌቲዛ ያርሾ ሸሸቴ። ታ ኦሳንቻ እዮቤ ኣንቲሰ
ዋሳና፤ ታኒካ ኢዛ ዋሳ ሲያዳ ኣንቲና ኣንቲ ናጋራ ማላ
ቃጸይኬ። ኣንቲ ታሰ እዮቤ ማላ ሎኦ ሚሽ
ሃሳይቤኬታ» ገዴሰ።
- 9 ሃሳፊ ጉዩ ቲማኔ ዳሬ ኣሰ ኤልፋዜይ፣ ሹሃ ዳሬ
ኣሰ ቤሊዳዲኔ ናኢማኔ ዳሬ ኣሰ ዘፋሬይ ቢዲ ጸሲ
ኢሰታ ኣዛዚዳ ማላ ኦላዳ። ጸሲካ እዮቤ ዋሳ
ሲዩዳሰ።
- 10 እዮቤ ባ ሃቹ ላጌታሰ ዋሲዳፔ ጉዩ ጸሲ ኢዚ
ዛሪ ዱሪታና ማላ ኦላዳ። ካሴ ኢዛሰ ዲዛይሳፊ
ኣላዲ ዳኮ ኢዛሰ ኢሚዳሰ።
- 11 ሃ ዋዴ እዮቤ ኣሻቲ፣ ኢዛ ሚቹቲኔ ካሴ ኢዛ
ኤሪዛይቲ ኡባይ ኢዛ ቤያናሰ ዩዳ። ኢዛራ ኢሲፊ
ኢዛሰን ካል ሚዳ፤ ኢሰቲ ኢዛሰ ሚሸቴዛይሳ
ቆንጠሲዲ ጸሲ ኢዛ ቦላ ጋሊዳ ሜቶዛ ገሻሰ ኢዛ
ሚንሴላዳ። ኢሶይ ኢሶይ ቢራፔኔ ዋርቃፊ ኦሴቲዳ
ሚዲጋ ኢዛሰ ኣሞታ ኣሚዳ።
- 12 ጸሲ እዮቤሰ ወርሴፋ ዳኦዛ ኮይርይሳፊ ኣላ
ኣንጂዳሰ። ሃሳ ገሻሰ እዮቤሰ 14,000 ዶርሲ፣
6,000 ጋሚላቲ፣ 1,000 ዋፋ ቦራቲ፣ 1,000 ማጫ
ሃራቲ ዳቴሰ።
- 13 ቃሴካ ላፑን ኣቱማ ናይታኔ ሃቹ ማጫ ናይታ
ዛሪ ዩሊዳሰ።
- 14 ማጫ ናይታፔ ኮይርሮ ዩሚማ፣ ናሞኣንጎላዮ
ቁጶኦ፣ ሃቹንጎላዮ ቁሬኔ-ሃሬኮ ገዲ ሱንጎሊዳሰ።
- 15 ቢታ ቦላ እዮቤ ማጫ ናይታ ማላ ሚጳ ሎኦ
ማጫይ ቤቲቤና። ኢሰታ ኣዋይ ኢሰታሰ ኢሰታ ኣሻታራ
ቢታ ላታና ማላ ሻኪ ኢሚዳሰ።
- 16 ሃሳፊ ጉዩ እዮቤ 140 ዳኢዳሰ። ባ ናይታ
ኦይዳንጎ ዩሌታ ጋካናሰ ቤዩዳሰ።
- 17 እዮቤ ዳር ላይላ ዲዲ ሎኦ ጨማ ጨሚዲ
ሃይቁዳሰ።

ማዛሙራ ማጻፋ ጊደ ቆፋ

ማዛሙራ ማጻፋይ ገሻ ማጻፋ ጊደን ዩታን ዋሳ ማጻፋ ጊደዲ ኤሪቴሰ። ሃ ማጻፋ ገግሲዳይቲ አዲሳ ዋይታ ጊደን ቤተዳ ዲማ ዲማ አሳታ። ኢሲ ኢሲ ዩታ ካዎ ዳዊቲ ጸፊዳሰ፤ ሃ ዩታኔ ሃ ዋሳታ ሺሺዲ ባ ጎይኒዛ ዋይን ጎኤቲሼ ጋምኢዳይቲ ኢሰራኤል አሳታ። ጉሳ ዋይፔ ጉዬ ባንታ ገሻ ማጻፋታ ጊደን ጌልሊዳ።

ሃይታንቲ አያናፔ ጸፊቲዳ ገንጾታ ቆሞይ ጮራ፤ ኢሰቲካ ጋላታ ጋላቲዛ ገንጾን ጸሳ ጎይናና ጎኢዛ ገንጾታ፤ ጸሲ ማዳና ማላ፣ ናጋና ማላኔ ሳሮን ዋላና ማላ ዋሲዛ ዋሳታ ገንጾ፤ ናጋራፔ ማሬታናሰ ሺሺዛ ዋሳ ገንጾታ፤ ጸሳ አንጃ ገሻሰ ዮቲዛ ጋላታ ሳባታኔ ዋርኬታ ቃጸያና ማላ ጸሳሰ ዮቲዛ ማጋና ገንጾታ። ሃ ዋሳቲ ኢሲ አሲ ባርካ ዋሲዳ ዋሳታኔ ጮራ አሳይ ኢሲፊ ዋሲዳ ዋሳታ። ኢሰታፊ ኢሶቲ ኢሶቲ ኢሲ ኢሲ አሳ ዋዚናን ሰይቴዳ ሚሾታ ቆንጨሲዛይታ። ሃራቲ ቃሴ ጸሳ አሳይ ኡባይ ኮይዛይሳኔ አሰ ኡባሰ ሰይቴዛ ሃናቴሰ ቤሲዛይታ።

ዩሱሲ ታማርሲሼ ዩታ ማጻፋፔ ቦቺ ቦቺ ኤኪዲ ታማርሲዳሰ። ኦራሳ ጫቆ ማጻፋታ ጸፊዳይቲካ ኢዛን ጸፊቲዳይሳፊ ባ ጸፊዛ ማጻፋ ጊደ ጌልሊዳ። ዋሳ ኬላያ ኤቆሶፊ ደማዳ ዩታ ማጻፋ ጸሳሰ ጎይኒዛ ዋይ ጎኤቲዛ ገታ ሚንጃ ሚሻ ማላ ኦይካዲሰ።

ሃ ማጻፋይ ኦይኪዳ ኩሜሳ ቆፋ

ማዛሙራ ማጻፋይ ኢቻሽ ከፊሌታን ሻኬቲሰ፤ ዳሪዛ ባጋታ ኮይሮ ከፊሌታኔ ናምኣንሳ ከፊሌታ ጸፊዳይ ካዎ ዳዊቲ። ሄኻንሳ ከፊሌዛ ጸፊዳይ አሳፊ ዋይኮ ቆሬ ናይታ።

ማዛሙራ 120-134 ጋካናሰ ዲዛ ዩታቲ ባኣሌ ቦንቸሰ ዩታቲዛ ዩታታ፤ ሃይሳፊ ካሊዲ ማጻፋዚ ኢቻሽ ከፊሌታን ሻኬቲዳይሲ ቆንጨዳሰ።

- ማዛሙራ 1—41
- ማዛሙራ 42—72
- ማዛሙራ 73—89
- ማዛሙራ 90—106
- ማዛሙራ 107—150

ኮይሮ ማጻፋ

1

(ማዛ 1—41)

- 1 ኢታታ ዘሬን ቦንታይ፥
 ዋይኮ ናጋራንቻታ
 ኦጌን ኤቆንታይ፥
 ቂልጨዛይታ ሺቆን
 ኡቶንታይ አንጃቲዳዳ።
- 2 ሄሳ ማላ አሲ
 ጎዳ ዋጋን ኡፋዬቲሰ፤
 ኢዛ ዋጋ ጋላሲኔ
 ቃማ ቆፔሰ።
- 3 ሄሳይይ ጎጊዛ ሃላ
 ኣቻን ቶኬቲዳ፥

ሃይሊካ ቆኮንታ
 ዋይን ዋይን አይፊ አይፊዛ
 ማላ ማላ፤
 ኢዚ ኦሲዛ ኡባይ ኢዛሰ ሃኔሰ።

- 4 ጊደ አቲን ኢታቲ
 ሄሳ ማላ ጊደቲና፤
 ጫርኮይ ፒቲ ኤፊዛ ሱላ ማላ።
- 5 ሄሳ ገሻሰ ኢታታ ቦላ
 ጎዳይ ፒርዳና፤
 ናጋራንቻቲካ
 ጸሊታ ሺቆን ኤቁቴና።
- 6 አይሰ ገኮ ጎዳይ
 ጸሊታ ኦጌ ኤሬሰ፤
 ጊደ አቲን ኢታታ ኦጌይ
 ኢሰታ ጳዮን ጋሌሰ።

2

- 1 ካዎቲላቲ አይሰ ዳንዲዛ?
 ቃሴ ካዎቲላይ
 አይሰ ኢታ ኦላናሰ ማቁቲዜ?
 አይሰ ኢታ ኦላናሰ ማቁቲዜ?
- 2 ሳኣ ካዎቲኔ ዳናቲ ዳንዲዳ፤
 ኢሰቲ ጎዳ ቦላኔ
 ጎዳይ ቲይዳይሳ ቦላ
 ዳንዳናሰ ኢሲፊ ዲላቲዳ።
- 3 ኢሰቲ፥ «ኣኔ ኮኒ
 ኢሰታ ሳንሳላታ ዲሶሰ፤
 ኢሰቲ ኦና ቃቺዛይሳካ
 ኬሲ ዋራ ኦሎሰ» ጌቴሰ።
- 4 ሳሎን ባ አራታ ቦላ ኡቲዳይሲ
 ኢሰታ ቦላ ሚጨሰ፤
 ጎዳይ ኢሰታ ቂዴሰ።
- 5 ጎዳይ ባ ሃንቆን ኢሰታ ሰሬሰ፤
 ባ ዋልቃማ ሃንቆን
 ኢሰታ ዳጋንሌሰ።
- 6 ጎዳይ፥ «ታኒ ታ ገሻ ዙማ
 ጸዮኔ ቦላ ታ ካዎዛ
 ካዎላዲሰ» ጌሰ።
- 7 ሄ ካዎይ፥ «ታኒ ጎዳ
 ዋጋ አዋጃና፤
 ጎዳይ ታና፥ ሳኒ ታ ና፤
 ታኒ ኔና ሃቾ ዩላዲሰ።
- 8 ኔኒ ታና አይቻ፤
 ታኒ ካዎቲላ ኡባ
 ኔሰ አማና፤
 ሳኣ ኡባይ ኔሰ ጊዳና።
- 9 ኔኒ ቢራታ ጉፊን
 ኢሰታ ቆጶሬላና፤
 ኢሰታ ኔኒ ማና ሚሺ
 ሜቂዛ ማላ
 ሜንሌሬላና ጌሰ» ጊዳሰ።
- 10 ሄሳ ገሻሰ አንቲኖ
 ካዎቶ አኬኪቲ፤
 ሃ ሳኣ ሃሪዛይቶ
 አንቲ ናጌቲቲ!

- 11 ጎዳሰ ያሻቴላን ኦሊቴ፤
ኢዛሰ ኮኮርሳን ሃሬቴቴ።
- 12 ጎዳይ ሃንቁቴን
ኦጌን ኢንቴ ቆዮንታ ማላ
ኢዛሰ ሱሬ ዋዚናን ጎይነቴ፤
ኣይሰ ጊኮ ኢዛ ሃንቆይ
ኤሶን ኤጺ ኬዛና።
ኢዛ ባንታሰ ዜምፖ
ኦሊዛይቴ ኣንጃቴዳይታ።

3

ዳዊቲ ባ ና ኣቤሴሎሜፕ ባቃቴሼ ዬጲዳ ማዛሙራ

- 1 ጎዳዉ! ታ ሞርኬቲ
ኣይ ከና ጮራቴዶ!
ታ ቦላ ኣፑናቴ ዳንዲዶ!
- 2 ዳርቲ፡ «ጸሲ ኢዛ ኣሼና»
ጊዲ ታ ቦላ ሃሳይዳ።
- 3 ጊዶ ኣቲን ጎዳዉ!
ኔኒ ታ ዩሾን ጎንዳሌ።
ታና ቦንቲሲዛይኔ
ሚንሌሊዛይ ኔና።
- 4 ታኒ ታ ቃላ ቆቁሳዳ
ጎዳኮ ዋሳና፤
ሂሰቲኮ ኢዚ ባ ጌሻ
ዙማ ቦላ ዲሼ
ታ ዋሳ ሲያና።
- 5 ጎዳይ ታና ናጊዛ ጊሻሰ፡
ታኒ ኢቻዳ ጳሰካይሰኔ
ቤንታይሰ።
- 6 ታኒ ታና ጊዶሊ ኡቲዳ
ጮራ ሞርኬታሰካ ባቢኬ።
- 7 ኣቤት ጎዳዉ! ዳንዳ!
ኣቤት ታ ጸሳዉ! ታና ኣሻ!
ኔኒ ታ ሞርኬታ
ኡባ ባንቁላ ሾጫ፤
ኢታታ ኣቻካ ሜንፋ።
- 8 ማዳይ ጎዳሳ፤
ጎዳዉ ኔ ኣንጃይ
ኔ ዴራ ቦላ ጊዶ።

4

ዳዊቲ ዛማሬታ ካቦሰ ኦሰፑን ሻያን ዋጹቲዳ ዲላን ዬጲዳ ማዛሙራ

- 1 ኣቤት ታ ጲሎ ጸሳዉ!
ታኒ ጴይጊዛ ዋዴ
ኔ ታሰ ኮያ።
ታኒ ኡንኤቲዳ ዋዴ፡
ኔኒ ታና ሼምፕሳዳሳ፤
ታሰ ቃጴታዳ ታ ዋሳ ሲያ።
- 2 ኢንቴኖ ኣሳቶ!
ኢንቴ ኣዉዴ ጋካናሰ
ታ ቦንቸ ካዉሻኔ?

- ኢንቴ ኣዉዴ ጋካናሰ
ሃዳ ሚሽ ሲቃኔ?
ኢንቴ ኣዉዴ ጋካናሰ
ዋርዶ ሚሽ ካላኔ?
- 3 ጎዳይ ጲሎ ኣሳታ
ባሰ ሻኪ
ዲማ ዋሊዳይሳ
ኢንቴ ኤሪቴ፤
ሂሳ ጊሻሰ ታኒ ጎዳ
ጴይጊዛ ዋዴ
ኢዚ ታሰ ሲዬሰ።

- 4 ሃንቁቴቴ፤ ጊዶ ኣቲን
ኢንቴ ሃንቆን
ናጋራ ኦሶፍቴ።
ሂጸን ኢቸ ዲዛ ዋዴ
ሲርጺ ጊዲ ኢንቴ ዋዚና ቆሪቴ።
- 5 ጎዳሰ ቤሲዛ ያርሾ ያርሺቴ፤
ጎዳንካ ጸሳንካ
ኣማኔቴቴ።
- 6 ዳርቲ፡ «ኦና
ሎኦ ቤሳናይ
ኦኔ?» ጌቴሰ፤
ኣቤት ጎዳዉ!
ኔ ሎኦ ኣይፌሶይ
ኦ ቦላ ፖኦ።
- 7 ካሊኔ ዋይኔ ኡሹ
ዳር ዴሚዲ
ሃራቴ ኡፋይቴዛይሳፌ ኣላዳ
ኔኒ ታ ዋዚና
ኡፋይሳን ኩንፋዳሳ።
- 8 ኣቤት ጎዳዉ!
ኔ ጸላ ታና ሳርን ናጋ
ኣይሲዛ ጊሻሰ
ታኒ ኢቻዳ ሳርቴላን
ጳሰካይሰ።

5

ዳዊቲ ዛማሬታ ካቦሰ ሱሱልኤን ዬጲዳ ማዛሙራ

- 1 ኣቤት ጎዳዉ!
ታኒ ዮቴዛይሳ ኤዘጋ፤
ታ ኡንኦን ዋሲዛ
ዋሳካ ሲያ።
- 2 ታ ካዋዞ ጸሶ!
ታ ኔና ዋሲዛ ጊሻሰ
ታና ማዳ ጋዳ
ታ ዋሲዛ ዋሶዛ ኔ ሲያ።
- 3 ኣቤት ጎዳዉ!
ማላዶ ማላዶ ጉራን
ኔኒ ታ ቃላ ሲያሳ።
ማላዶ ማላዶ ጉራን
ታኒ ታ ዋሳ
ኔ ሲንሐ ሺሻዳ፡
ኔኒ ታሰ ኢሚዛ ዛር
ኤካና ጋዳ ናጋይሰ።

- 4 ኔኒ ኢታቴላን
ኡፋዬቶንታ ጸሳ፤
ኢታቴ ኔናራ ዳኤቴና።
- 5 ጩቁቴዛይቲ
ኔ ሲንላን ኤቁቴና፤
ኢታ ሚሽ ኦሊዛ ኡባታ
ኔኒ ኢጸሳ።
- 6 ዋርዶ ሃሳይዛይታ
ኔኒ ጳይሳሳ።
ሱላ ጉሲዛይታኔ
ጩሚዛ ኣሳታ
ኔኒ ሃራሴታሳ።
- 7 ጊዶ ኣቲን ታኒ ኔ ማር ዳርን
ኔ ኬላ ጌላና።
ኔ ጌሻ ኬላኮ ሲማዳ
ቦንቶኒኔ ያሻቴላን
ኔሰ ጎይናና።
- 8 ኣቤት ጎዳዉ! ታ ሞርኬታፔ
ኔ ታና ኣሻ፤
ታና ኔ ጸሎቴላንካ
ካሌላ፤
ኔ ኦጌ ታ ሲንላን ሱሪሳ።
- 9 ኢሰታ ዶናፔ ኬዚዛ ቃላይ
ቱሙ ጊዴና።
ኢሰታ ዋዚናንካ ጌኔይ ኩሚዴሰ፤
ኢሰታ ዶናይ
ዶዬቲዳ ዱፎ ማላ፤
ኢሰቲ ባንታ ኢንጸርሳን
ኣሰ ጩሚቴሰ።
- 10 ኣቤት ጸሶ!
ኢሰታ ቦላ ኔኒ ፐርዳ፤
ኢሰታ ጌኔይ ኢሰታ ኤኪ ቦ።
ኢሰታ ናጋራይ ዳር፤
ሄሳ ጊሻሰ
ኔኒ ኢሰታ ጎዳ ዳጋ፤
ኣይሰ ጊኮ
ኢሰቲ ኔ ቦላ ጌላቲዳ።

6

ዳዊቲ ዛማሬታ ካቦስ ኦስቲን ሻያን ዋጾቲዳ ዲላን
ዬጲዳ ማዛሙራ

1 ኣቤት ጎዳዉ! ዪሎን ታና ሰርፓ፤
ዋይኮ ኔ ሃንቆን
ታና ቃጸዮፓ።

5:9 ኦር 3:13 6:1 ማዛ 38:1 6:8 ማቶ 7:23

- 2 ኣቤት ጎዳዉ!
ታኒ ዳቡራንቻ ጊዲዳ
ጊሻሰ ታና ማራ።
ኣቤት ጎዳዉ!
ታ ዋዚናይ ማዲንጲዳ ጊሻሰ
ታና ፓላ።
- 3 ታ ሸምፖያ ከሃ ኡንኤታዱሰ፤
ሂሰቲን ጎዳዉ!
ታና ማዳናሰ
ኔኒ ኣዉዴ ጋካናሰ ጋምኣኔ?
- 4 ኣቤት ጎዳዉ!
ኔኒ ሲማዳ ታና ኣሻ፤
ኔ ማርቴላ ዳርን
ታና ኬሳ ኤካ።
- 5 ሃይቁዳ ኣሲ ኦኒኔ
ኔና ቆፔና፤
ዱፎን ኔና ጋላቲዛይ ዴና።
- 6 ታ ጩጩን ጸላ ዳቡራዲሰ፤
ኣማርሰ ኦማርሰ ታኒ ዬካሼ
ታ ሂጸ ጫጲሳይሰ፤
ታ ቦርኮላካ
ታ ኣፋንላን ሙሲሳይሰ።
- 7 ታ ኣይፊቲ
ዳር ኣፋንጲዳ ጊሻሰ ዳቡርዳ፤
ታ ሞርኬታ ኡባ ጋሶንካ
ዴሞ ኢጲዳ።
- 8 ጎዳይ ታኒ ዬኪዛ ዬሆ
ሲዪዳ ጊሻሰ።
ኢንቴኖ ኢታ ኦሊዛ ኡባቶ!
ታፔ ሃኪቴ።
- 9 ጎዳይ ታ ሸቤላ ቤኢዴሰ፤
ታ ዋሳካ ሲዪዴሰ።
- 10 ታ ሞርኬ ኡባቲ
ዬላታናኔ ዳጋማና፤
ቆፖንታ ካዉዪዲ ጉዬ ሲማና።

7

ቢኒያሚ ዛሬ ኩዜ ጋሶን ዳዊቲ ጎዳኮ ዚላሊዳ ዚላሰ

- 1 ኣቤት ጎዳዉ!
ታ ጸሳዉ ኔኒ ታሰ ቆቴቲዛሶ፤
ታና ጎዲዛ ኡባፊ
ኔኒ ታና ኣሻ።
- 2 ኔኒ ታና ኣሸንታ ኣጊኮ።
ኢሰቲ ታና ጋሞ ማላ
ሜንሱራሊዳ፤
ኦኒኔ ኣሸንታሶን
ፑዜሬላና።
- 3-4 ኣቤት ጎዳዉ ታ ጸሳዉ!
ታኒ ኣሰ ቆሂዳ ጊዲኮ።
ታሰ ሎኦ ኦሊዳዲሰ
ኢታ ዛሪዳ ጊዲኮ።
ዋይኮ ጋሶይካ ባይንዳ
ታ ሞርኬፊ ቦንቁዳ ጊዲኮ።
ሃይታ ማላ ዮኦታፔ ኢሲኖካ

ታኒ ኦሊዳ ገዲኮ።
 5 ታ ሞርኬይ ታና ጎዲ ኦይኮ፤
 ታና ሳኣንካ ዩዴሬላ፤
 ታና ቢታን ዩገዲ
 ታ ቦንቾ ካወሾ።

6 ኣቤት ጎዳዉ!
 ኔ ሃንቆን ዳንዳ ኤቃ፤
 ኤዲዛ ታ ሞርኬታ
 ሃንቆ ቦላ ዳንዳ፤
 ታ ጸሳዉ ቤጋ፤
 ቱሙ ፐርዳ ፐርዳ።

7 ዳሬታ ዳላታይ
 ኔ ዩሾዛን ሺቆ፤
 ኔኒ ኢስታ ቦላ ካዎታ።

8 ጎዳይ ካዎቱላታ ቦላ ፐርዳ።
 ኣቤት ጎዳዉ!
 ታስ ታ ጸሎቴላ ማላኔ
 ታ ሱሬቴላ ማላ ፐርዳ።

9 ቆፋኔ ዎዚና ፒልጋ ኤሪዛ
 ጸሎ ጸሳዉ!
 ኢታታ ጌኔዛ ኔኒ ዳይሳ፤
 ገዶ ኣቲን ጸሎታ ሳርን ናጋ።

10 ጸሲ ታስ ጎንዳሌ፤
 ዎዚና ጸሎታ
 ኢዚ ኣሺዛ ጸሳ።

11 ጸሳይ ጸሎ ፐርዲዛ ጸሳ፤
 ኢዚ ጋላስ ጋላስ
 ባ ሃንቆ ቆንጨሲዛ ጸሳ።

12 ኣሲ ባ ናጋራ ፓጸዲ
 ሲሞንታ ኣገኮ።
 ጸሲ ባ ማሻ ሌፌስ፤
 ኢዚ ባ ዎንዳፌዛ
 ዳፊ ኦይኬስ።

13 ኢዚ ዎዲዛ ኦላ
 ሚሻታ ገጊሴስ፤
 ታማ ላጮ ማላ
 ፖፖልኦ ገዛ
 ባ ቶራ ዩሻ ገጊሴስ።

14 ኢታቴላ ሻሪዲ።
 ጌኔ ቃንላቲዳይ ዎርዶ ዩሌስ።

15 ሃራ ኣሳታስ ኦላ ቦኪዳ ኣሲ
 ባ ቦኪዳ ኦላን
 ሲሚ ኩንዴስ።

16 ኢዚ ኤሂዛ ጌኔይ
 ኢዛ ሁኤስ ሲሚስ፤
 ኢዛ ማካላይካ ሲሚዲ
 ኢዛስ ገዴስ።

17 ጎዳ ጸሎቴላ ገሻስ
 ታኒ ኢዛ ጋላታና፤
 ቃሴ ኡባፌ ቆቃ
 ጎዳ ሱንላስ
 ታኒ ጋላታ ማዛሙራ ዩጸና።

8

ዳዊቲ ዛማራታ ካቦስ ሱሱልኔን ዩዲዳ ማዛሙራ

1 ኣቤት ጎዳዉ!
 ኦ ጎዳዉ ኔ ሱንላ
 ቢታ ኡባን ኬሂ
 ቦንቾቲዳስ፤
 ኔኒ ኔ ቦንቾ
 ሳሎታፔ ቦላን
 ቆቆ ቆቆ ሂስታ
 ዎላዳሳ።

2 ኔኒ ኔ ሞርኬታ ገሻስ
 ኔ ባልጋራኔ
 ኔ ቦላ ማንዲዛይሳ
 ሲርጺ ኦላናዉ
 ጉላ ናይታ ደናኒኔ
 ቆሚዛ ናይታ ደናን
 ጋላታ ኩንላዳሳ።

3 ኔኒ ኔ ኩሼን ማዲዳ ሳሎታ።
 ሲሆን ሲሆን ኔኒ
 ዎሊዳ ኣገናኔ
 ጸለንቴታ ታኒ ቤኢዛ ዎዴ።

4 ኔኒ ኣሳስ ቆፓናዉ ኣሲ ኣዜ?
 ዎይኮ ኔኒ ኣሳ ናስ
 ዉዴታናዉ ኢዚ ኣዜ?

5 ኢዛ ኔኒ ኪታንቻታፔ *
 ጉላራ ዚቀሳዳሳ፤
 ቦንቾኔ ገታቴላ
 ካላቻ
 ኢዛ ሁኤን ጎዲሳዳሳ።

6 ኢዛ ኔኒ ኔ ማዲዳ
 ማዴቴላ ኡባ ቦላን
 ሃሪዛዴ ኦላዳ
 ሱንላዳሳ፤
 ኡባካ ኢዛስ ሃሪሳዳሳ።

7 ደርሳታኔ ሚዛታ።
 ደኣ ኡባ።
 8 ሳሎ ካፎታ። ኣባ ዎሊታኔ
 ኣባ ገደን ዲዛ ማዴታ ኡባካ
 ኢዛስ ሃሪሳዳሳ።

9 ኣቤት ኦ ጎዳ ጸሳዉ!
 ኔ ሱንላ ቢታ ኡባ ቦላ
 ኬሂ ቦንቾቲዳስ።

9

ና ሃይቆ ገጊሶ ጌቴቲዛ ዩላን ዳዊቲ ዛማራታ ካቦስ ዩዲዳ ማዛሙራ

1 ኣቤት ጎዳዉ!
 ታኒ ኔና ኩሚላ
 ዎዚናፔ ጋላታና፤
 ማላሊሲዛ ኔ ኦሶዛ
 ኡባካ ታ ዮታና።

2 ታኒ ኔናን ኡፋዬታናኔ

7:9 ኣጁ 2:23 8:2 ማቶ 21:16 8:4 ኣዮ 7:17-18፤ ማዛ 144:3፤ ኢብ 2:6-8 * 8:5 ኪታንቻታፔ ገዛይሳ ኣሲ ኣሲ ገሻ ማጻፋቲ ጸሳፌ ጌቴስ። 8:6 1ቆር 15:27፤ ኤፌ 1:22፤ ኢብ 2:8

ሃሹ ጋና።
ኡባፌ ዶቃ ጸሳው!
ታኒ ኔ ሱንሳሰ
ጋላታ ማዛሙራ ዬጻና።

- 3 ኔ ቆንጨዛ ዎዴ
ታ ሞርኬቲ ጉዬ ሲማና፤
ኔ ሲንሳፊካ
ዱጴቲ ዳያና።
- 4 ኔኒ ታሰ ጸሎ ፒርዳ ፒርዳዳ፤
ኔኒ ጸሎቴላን ፒርዳሽ
ኔ ካዎቴላ ኣራታን ኡታዳሳ።
- 5 ኔኒ ካዎቴላታ ሴራዳሳ፤
ኡታታካ ዳይሳዳሳ፤
ኔኒ ኢስታ ሱንሳ
ሚሪ ሚርናሰካ ቁጫ ዲጋዳሳ።
- 6 ሞርኬቲ ሚሪ ሚርናሰ ዳይዳ፤
ኢስታ ካታማታካ
ሙሌራ ዶቃላ ዳይሳዳሳ፤
ኢስቲ ሙሌራ ደጌቲ ኣቲዳ።

7 ጊዶ ኣቲን ጎዳይ
ሚርናሰ ካዎቴዲ ዳሰ፤
ኢዚ ፒርዳናሰ
ባ ኣራታ ገግሲዳሰ።

- 8 ኢዚ ሃ ኣላሚዛ
ጸሎቴላን ፒርዳና፤
ካዎቴላታ ቦላካ
ቱማቴላን ፒርዳና።
- 9 ጎዳይ ኡንኤቲዳይታሰ
ባቃቲ ኣቲዳሰ፤
ሚቶ ዎዴታንካ
ቆቴቲ ኣቲዳሰ።
- 10 ኔ ሱንሳ ኤሪዛይቲ
ኔናን ኣማኔቴቴሰ፤
ኣይሰ ጊኮ ጎዳው!
ኔኒ ኔና ኮይዛይታ
ዬጋ ኣጋቤካ።

- 11 ጸዮኔን ካዎቴ ኡቲዳ ጎዳሰ
ጋላታ ማዛሙራ ዬጸቲ፤
ኢዚ ኦሊዳ ኦሶ
ዴሪ ኡባሰ ቆንጨን ዮቲቴ።
- 12 ኣይሰ ጊኮ ሱላ ጉሲዛይታሰ
ሃሎ ከሲዛ ጸሲ
ናቁቲዳይታ ዋሶዛ
ኢዚ ደጌና።

13 ኣቤት ጎዳው!
ታ ሞርኬቲ
ታና ዬዴላዛይሳ ቤኣ።
ኔኒ ታሰ ቃዴታዳ
ሃይቆፔ ታና ኣሻ።

14 ሄሲካ ታኒ ጸዮኔ ኣሳ ካሬን
ኤቃዳ ኔና ጋላታናሲኔ
ኔ ኣሺዳይሳን
ከሃ ኡፋዬታናሳ።

15 ካዎቴላይ ባ ቦኪዳ
ኦላን ኩንዲዳሰ።
ኢስቲ ቆቲ ዋሊዳ ዎጺማዴይ

ኢስታ ቶሆ ኦይኪዳሰ።
16 ጎዳይ ባ ጸሎ ፒርዳን ኤሪቴዳሰ፤
ኢታ ኣሲ ባ ኩሺን ኦሊዳ
ኦሶ ዎጺማዴን ኦይኪቴዳሰ።

17 ኢታቲ ሲኦሌን ጌላና፤
ጸሳ ደጊዛ ካዎቴላይ
ኡባይካ ኢስታ ማላ ሃናና።

18 ሂዬሳቲ ኣይዴካ
ደጌቲ ኣቴቴና፤
ዎይኮ ማንቆታ ሂደታይ
ጮ ሚርናሰ ዳይና።

19 ኣቤት ጎዳው!
ካዎቴላቲ ባ ዎልቃን ዴንዲዲ
ኔ ቦላ ጨቁቶንታ ማላ
ኔኒ ኢስታ ቦላ ፒርዳ።

20 ኣቤት ጎዳው!
ኔ ኢስታ ዳጋንላ፤
ኢስቲ ኣሰ ጊዲዳይሳ
ኔኒ ኢስታ ኤሪሳ።

10

1 ኣቤት ጎዳው!
ኔ ኣይሰ ሃካዳ ኤቃይ?
ሚቶ ዎዴንካ ኣይሰ ጌማይ?

2 ኢታ ኣሳቲ ኦቶሬቴቴሰ፤
ሂዬሳታካ ዬዴላቴሰ፤
ኢስቲ ሃራሰ ዎሊዳ ዎጺማዴን
ዛሪ ኦይኪቴቶ።

3 ኢታ ኣሲ ባ ዎዚና
ኣሞን ጨቁቴሰ፤
ዮራይ ጎዳ ጫዬሲኔ
ካዴሰ።

4 ኢታ ኣሲ ኦቶሬቴላን
ጸሳ ኮዬና፤
ኢዛ ቆፋ ኡባን ጸሲ ዳና።

5 ኡባ ሚሺ ኢዛሰ ኩሚሰ፤
ኔ ዎጋይ ኢዛሰ ጌሌና፤
ኦቶራንቻይ
ኔ ዎጋፔ ሃኪሰ፤

ሃሳ ጊሻሰ
ባ ሞርኬታ ቦላን
ኢዚ ቁልጩሰ።

6 ባ ዎዚናን ኢዚ፤
«ታና ኣይኮይካ ቃሌና፤
ታና ሙሊካ ሚቶይ ጋኪና»
ጊዲ ቆፔሰ።

7 ኢዛ ዳናን ቃንጌላ፤
ዎርዳይኔ ማንዴይ ኩሚዳሰ፤
ኢዛ ኢንጻርሳን ጌኔይኔ
ባሌላይ ዳሰ።

8 ዴሪ ጊደን ጌማሶን ዙጊ ኡቴሰ፤
ማዳይ ባይንዳይታ
ዳይሳናሰ ናጌቴሰ፤

ጸሎ ኣሳታ ጌማን ዎዴሰ።
9 ባ ቆቴቲዳሰን ጌሚዲ፤

ሂዎሳ ኦይካናው
 ጋሞ ማላ ዙገሽ፤
 ማደይ ባይንዳይታ ባ ዎጺማዴን
 ኦይኪዲ ጎቺ ኤፌሰ።
 10 ማደይ ባይንዳይቲ
 ሂዎሳይ ኢዛ ኩሽን ኩንዳሰ፤
 ኢዘካ ኢሰታ
 ኒፒ ሂሰቲ ማንጭጭሰ።
 11 ኢታ ኣሲ ባ ዎዚና፤
 «ጸሲ ታና ደገዳሰ፤
 ባ ሲንላ ታፔ ገንጲዳሰ፤
 ሙሉካ ኢዚ ታና ቤኤና» ጌሰ።

12 ኣቤት ጎዳወ! ዴንዳ።
 ጸሶ! ኔ ኩሽዛ
 ጶቁ ሂሰታ ዴንላ፤
 ማደይ ባይንዳ
 ማቶታንቻታ ደጎፓ።
 13 ኢታ ኣሲ ጸሳ ኣይሰ ካጲዜ?
 ባ ዎዚናካ፤
 «ጸሲ ታና ቃጸዬና»
 ኣይሰ ገዜ?

14 ገደ ኣቲን ጸሶ!
 ኔኒ ማቶዛኔ
 ዎዬዛካ ቤያሳ፤
 ኔኒ ኡባ ዎዴ
 ማዳናሰ ገጋ ኡታዳሳ፤
 ኔኒ ዪኡታ ማዳሳ፤
 ማደይ ባይንዳይቲካ
 ባና ኔሰ ሽጺቴሰ።

15 ጌኔ ኣሳታ ዎልቃ ማንላ፤
 ኢታ ኣሳታ ዎልቃካ ሊቁሳ፤
 ኢሰቲ ናሞኣንላ
 ኢታ ኦሎንታ ማላ
 ኢሰታ ኦሶ ማላ ኢሰታ ቃጸያ።

16 ጎዳይ ማሪፔ ማርናሰ
 ካዎቲዲ ዴሰ፤
 ሃራ ካዎቲላቲ
 ኢዛ ቢታፌ ጳያና።

17 ኣቤት ጎዳወ!
 ኔኒ ሂዎሳታ ኣሞ ኤራሳ፤
 ኢሰታ ዎሳካ ሲያዳ
 ማንጭላሳ።

18 ኦኒካ ኢሰታ ያሽሶንታ ማላ
 ማደይ ባይንዳይታሲኔ
 ዪኡታሰ ኔ ፒርዳ።

11

ዳዊቲ ዛማሪታ ካቦሰ ዩጲዳ ማዛሙራ

1 ጎዳይ ታኒ ባቃታ ኣቲዛሰ፤
 ሂሰቲን ኢንቲ ታና ኣይሰ፤
 «ኔኒ ካፎ ማላ
 ፑዴ ዙማ ቦላ ባቃታ» ጌቲ?
 2 ናጋራንቻቲ ዎዚና ጌሻታ
 ጳማን ጫዳናሰ
 ባንታ ዎንዳፌ

ዳፊ ኦይኪዳ።
 3 ዮቻ ሹቺ * ዎዲዛ ዎዴ፤
 ጲሎይ ኣይ ኦላናው
 ዳንዳይዜ?

4 ጎዳይ ባ ጌሻ
 ኬላን ዴሰ፤
 ሳሎን ባ ኣራታን ኡቲዲ
 ኣሳ ቤኤሰ፤
 ኢዛ ኣይፊቲ
 ኣሳ ፒልጊ ጸሌቴሰ።

5 ጎዳይ ጲሎታኔ
 ናጋራንቻታ ፒልጊ ጸሌሰ።
 ገደ ኣቲን ጌላቴላኔ
 ማካላቴላ ሲቁዛይታ
 ኢዚ ኬሂፕ ኢጴሰ።

6 ጎዳይ ኢታታ ቦላ
 ኤጲዛ ታማ ቦንቆኔ
 ዲኔ ታማ ቡኪሳና።
 ጳይሲዛ ጎቲ ጫርኮን
 ኢሰታ ቃጸያና።

7 ጎዳይ ጲሎ ገዲዳ ገሻሰ
 ጲሎቴላ ኦሶ ዴሰሰ።
 ሱሬ ኣሳቲ ኢዛ ሲንላ ቤያና።

12

ዳዊቲ ዛማሪታ ካቦሰ ኦሰፑን ሻያን ዎጾቲዳ ዲላን ዩጲዳ ማዛሙራ

1 ጎዳወ! ሎኦ ኣሲ ቢታ ቦላፌ ወሪዳ ገሻሰ
 ኔ ታና ማዳርኪ፤
 ዴራ ገደን ኣማኔቲዛ
 ኣሲ ዴና።

2 ኢሶይ ኣሳሰ ዎርዶ ሃሳዬሰ፤
 ኢሶይ ኣሳ ዶናን ጨማቴሰ፤

3 ኣቤት ጎዳወ!
 ባሌላዛ ዶና ጎርዳ፤
 ኦቶርን ሃሳይዛ
 ኢንጻርሳታ ቃንጻ፤

4 ኢሰቲ፡ «ኔኒ ኦ ኢንጻርሳን ጸናና፤
 ኦ ዶናይ ኦሳ፤
 ኦሰ ጎዳይ ኦኔ?» ጌቴሰ።

5 ጎዳይ፡ «ሂዎሳቲ ኡንኤቲዳ
 ገሻሲኔ
 ማቶታንቻታ ዎሶ ገሻሰ
 ሃኢ ታኒ ዴንዳና፤
 ታኒ ኢሰቲ ኣሞቲዛ ሳርቴላን
 ኢሰታ ዎላና» ጌሰ።

6 ጎዳ ቃላይ ኢዛን
 ዎላካይ ባይንዳ ሙሩታ፤
 ጮጮ ታማን ላፑንቶ
 ፓጮቲ ጌዬዳ ቢራ ማላ።

7 ኣቤት ጎዳወ!

* 11:3 ዮቻ ሹቺ፡ ዮቻ ሹቺ ገዛይሳ ኢሲ ኢሲ ባጋ ጋሞላ ቃላን ማጋላ ሹቺ፡ ሃራቲ ቃሴ ባሳ ገሽን ሄሲካ ኣማራላ ቃላራ ማሳራቲ ጌቴቴሰ።

ኔኒ ኑና ሳርቴላን ናጋ፤
 ሃ ዋዳን ዲዛ ኢታ ዩሌታፔ
 ማርናሰ ኔ ኑና አሻ።
 8 አሳ ጊደን ኢታይ
 ቦንቹቲዳ ዋዳ
 ጌላቲ ኡባ ዋዳ
 ኦቶራቴላን ሲሜራቴቴሰ።

13

ዳዊቲ ዛማራታ ካቦሰ ዩዲዳ ማዛሙራ

1 አቤት ጎዳዉ!
 አዉዴ ጋካናሰ
 ኔኒ ታና ደጋኔ?
 ኔ ታና ማርናሰ ባላኔ?
 አዉዴ ጋካናሰ
 ኔኒ ታፔ ጌማኔ?
 2 አዉዴ ጋካናሰ
 ታኒ ታ ቆፋራ ባዴታኔ?
 አዉዴ ጋካናሰ ታ ዋዚናይ
 ጨጨሽ ዳኔ?
 ታ ሞርኬቲ ታ ቦላ
 አዉዴ ጋካናሰ ጎባኔ?

3 ታ ጎዳዉ!
 ሃ ታኮ ጸላዳ
 ታሰ ዛር አማ፤
 ታ አይፊ ፖኢሳዳ፤
 ሃይቆፔ ታና አሻ።
 4 «ኑኒ ኢዛ ጸኒደሰ» ጊዲ፤
 ታ ሞርኬቲ ጨቁቶንታ ማላ
 ኔ ኢሰታ ቴቃ።
 ታ ኩንዴላን
 ኢሰቲ ኡፋዬቶንታ ማላ
 ኔ ኢሰታ ዲጋ።

5 ጊደ አቲን ኔ ማርቴላ
 ዳርን ታኒ አማኔታይሰ፤
 ኔኒ ታና አሻዛ ጊሻሰ
 ታኒ ኡፋዬታይሰ።

6 ጎዳዉ! ኔ ከያቴላ
 ታሰ ዳሪዳ ጊሻሰ
 ታኒ ኔሰ ዩዳና።

14

ዳዊቲ ዛማራታ ካቦሰ ዩዲዳ ማዛሙራ

1 ኤያቲ ባንታ ዋዚናን፤
 «ጸሲ ባዋ» ጌቴሰ፤
 ኢሰታ ዳኦይ ሞራቴዳሰ፤
 ኢሰቲ ሃራሲዛ ሚሻ ኦፊቴሰ፤
 ኢሰታ ጊደን ሎኦ ኦሊዛ
 ኢሲ አሲካ ዳና።

2 ጸሳ ኮይዛይኔ አከከዛይ
 ዳኢዛኮ ቤኣናሰ፤
 ጎዳይ ሳሎፔ ዱጌ
 አሳ ጸሌሰ።

3 ጊደ አቲን ኡባይካ

ኦጌፔ ካሪ ኮኢዳ፤
 ኡባይካ ሙሌራ ጎኦንታዝ ጊዲዳ፤
 ሎኦ ኦሊዛይ ኦኒኔ ዳና፤
 ሃራይ ኦቶ ኢሳዴይካ ዳና።

4 ጎዳይ፤ «ታ አሳ ቦንቁ
 ሚዛ ኢታ አሳቲ
 አይኮካ ኤራቴኔ?» ጌሰ።

5 ጊደ አቲን ጸሲ ዲሎ አሳታራ
 ዳኢዛ ጊሻሰ
 ኢታ አሳቲ ሃሳን ዳጋማና።

6 አንቴ ሃይሳታ ሃልቾ ላሌታ፤
 ጊደ አቲን ጎዳይ
 ሃይሳቲ ባቃቲ አቲዛሶ ጊዴሰ።

7 ኢሰራኤሌሰ አቶቴላ
 ጸዮኔፔ ዩዳኮ!
 ጎዳይ ኢሰታ ዱሳ ዛሪዛ ዋዳ
 ያቆቤ ዜራሳቲ ኡፋዬታና፤
 ኢሰራኤሌ አሳይ
 ኡፋይሳን ጋላታና።

15

ዳዊቲ ማዛሙራ

1 አቤት ጎዳዉ!
 ኔ ዱንካኔዛን
 ጋሞኣናይ ኦኔ?
 ኔ ጌሻ ዙማ ቦላ
 ኔናራ ዳኣናይ ኦኔ?

2 ሱራ ዳኦ ዳኢዛይ፤
 ዲሎ ኦሊዛይ፤
 ባ ዋዚናፔ ቱማ ሃሳይዛይ፤
 3 አሰ ጨሞንታይ፤
 ባ ሳጌ ቦላ ኢታ ኦሎንታይ፤
 ባ ሾር ዚገርንታይ፤

4 ኢታ አሳታ ካጲዛይ፤
 ጊደ አቲን
 ጎዳሰ ያዩዛይታ
 ቦንቹዛይ፤
 አይ ዳዲኮካ
 ባ ጫቁዳ ቃላ ፖሊዛይ፤

5 ባ ሚሻ ዲቻሰ ታልኦንታይ፤
 ዲሎ አሰ ቆሃናሰ
 ማታኤ ኤኮንታይ፤

ሃ ዮኦታ ፖሊዛይይ
 ማርናሰካ ሂርጌና።

16

ዳዊቲ ዋሳ

1 አቤት ጎዳዉ!
 ታ ባቃታ አቲዛሶይ ኔና፤
 ኔ ኪኦን ታና ቆታ።

2 ታኒ ጎዳሰ፤ «ኔኒ ታ ጎዳ፤
 ኔፔ አቲን ሃራ ሎኦይ

ታሰ ዳና» ጋዲሰ።
 3 ሳኣን ዳኢዛ ገሻቲ
 ኣይ ማላ ሶንቹቲዳይቲ!
 ታኒ ኢሰታን ኡፋይታይሰ።
 4 ዋርዶ ጸሳታ ካሊዛይቲ
 ባንታ ሶላ ሜቶ ዳርሴቲሰ።
 ጊዶ ኣቲን
 ታኒ ኤቃ ጸሳታሰ ሹኪኬ፤
 ኢሰታሰ ሱንፋካ ዴይጊኬ።
 5 ጎዳዉ! ታሰ ላታ ጸንጸይኔ
 ቃዳይ ኔና፤
 6 ኔ ታሰ ዋጲዳ ዛዋይ
 ሎኦ ጊዲዳሰ፤
 ኬሂፔ ሎኦ ጸንጸይ
 ታና ጋኪዳሰ።
 7 ታና ዘሪዛ ጎዳ ጋላታይሰ፤
 ኦማርሰ ታ ዋዚናይ
 ታና ታማርሴሰ።
 8 ታኒ ኡባቶ ጎዳ ሲንፋሳይሰ፤
 ኢዚ ታ ኡሻቻን ዲዛ ገሻሰ
 ታኒ ኮኮሪኬ።

9 ሄሳ ገሻሰ
 ታ ዋዚናይ ኡፋይቲሰ፤
 ታ ሸምፖይካ ዋፑ ገሰ፤
 ታ ኣሳቲፋይካ ሂርጋይ ባይንዳ
 ሸምፕ ዳሰ።
 10 ኔ ታና ሲኦሌን ኣጋካ፤
 ኔ ገሻካ
 ዋቃና ማላ ኣጋካ።
 11 ኔኒ ታና ዳኦ ኦጌ ቤሳሳ፤
 ኔ ማታን ኩሜላ ኡፋይሴ፤
 ኔሰ ኡሻቻን
 ሜርና ኡፋይሴ ዳሰ።

17

ዳዊቲ ዋሳ

1 ኣቤት ጎዳዉ!
 ታ ጸሎቲፋን ማጋኒዛ
 ማጋና ሲያ፤
 ታ ዋሶዛ ኤዘጋ፤
 ጨዋይ ባይንዳ ዋሲዛ ዋሳሰ
 ዛሮ ኢማ።
 2 ታሰ ጸሎቲላ ኔፔ ዮ፤
 ቱማ ኔ ኣይፌይ ዴሎ።
 3 ኔኒ ቃማን ታና ጸዋሳዳሳ፤
 ታ ዋዚና ፓጫዳሳ፤
 ኔ ፓጫዳ ገዲኮካ
 ታ ሶላ ኣይኮካ ዴማቤካ።
 ታ ኢንጸርሳይ ኢታ ሃሳይቤና።
 4 ታኒ ሃራ ኣሳ ማላ
 ኢታ ቃላ ሃሳይኬ፤
 ታኒ ኔ ኣዛዞ ናጊዛ ገሻሰ
 ጌኔ ኦጌ ካላቤኬ።
 5 ታ ቶሆቲ ኔ ኦጌፔ

ሃንዳሪሸንታ ማላ
 ታ ታንጎይ ኔ ኦጌፔ
 ካሬ ኬዚቤና።
 6 ኣቤት ጸሳዉ! ታኒ ዋሲን
 ኔኒ ሲዴዛ ገሻሰ
 ታኒ ኔና ዋሳይሰ፤
 ኔ ሃይላ ታኮ ዛራዳ፤
 ታኒ ኔሰ ዮቲዛይሳ ሲያ።
 7 ባንታ ዋርኬታፔ ባቃቲዛይታ
 ኔ ኡሻቻ ኩሸዛን
 ቆታዳ ኣሸዛይሰ!
 ኔ ኪያቲላ ማላሊሲዛ
 ኦጌራ ቆንጨሳ።
 8 ኔ ኣይፌ ጨር ማላ ታና ናጋ፤
 ኔ ቁፊታ ገዶን ታና ቆታ።
 9 ኡንኤላዛ ኢታታፔኔ
 ዶዲ ኡቲዳ ዋልቃማ
 ዋርኬታ ኩሸፔፔ
 ኔ ታና ኣሻ።

10 ኢሰታሰ ቃዴቲዛ ዋዚናይ ባዋ፤
 ኡቶር ሃሳያ ሃሳይቲሰ።
 11 ታኒ ቢዛሶ ኡባን
 ኢሰቲ ታና ዶይቲሰ፤
 ታና ዲጌ ቢታን ኩንዲሰ
 ዩጋናሰ ዳሬቁቲሰ።
 12 ኢሰቲ ባንታሰ ሚዛ ሚሽ
 ኮይዛ ጋዋ ማላ፤
 ዋይኮ ጌማን ዛማዲ ናጊዛ
 ዋዳላ ጋዋ ማላ።

13 ኣቤት ጎዳዉ! ዳንዳ።
 ታ ዋርኬታራ ኤቁታዳ
 ኢሰታ ሸጫ፤
 ኔ ማሻን ኢታታፔ
 ታና ኣሻ።
 14 ኣቤት ጎዳዉ!
 ሄሳ ማላ ኣሳታፔ
 ታና ቆታ፤
 ኢሰታ ቃዳይ ሃ ሳኣ ዳኦ
 ጸላ ገዲዛ ኣሳፔ
 ኔ ኩሸን ታና ኣሻ፤
 ኔ ማዘጋባን ሚንጂዳ ቁጸቲፔ
 ኢሰታ ካልሳ፤
 ኢሰታ ናይታሰ ዳሪዲ ቲርፖ፤
 ኢሰታ ናይታ ናይታሰካ
 ገዲ ፓላሆ።
 15 ገዶ ኣቲን ታኒ ጸሎቲፋን
 ኔ ሲንፋ ቤያና፤
 ታኒ ቤጊዛ ዋዴ
 ኔ ሶንቾ ቤኣዳ ኣላና።

18

ጎዳይ ሳኦሌ ኩሼፔኔ ኢዛ ሞርኬታ ኡባ ኩሼፔ
 አሺዳ ዋዴ ጎዳ ኣይሌ ዳዊቲ ዛማሪታ ካቦስ ጎዳ
 ገሻስ ዩጲዳ ማዛሙሪ
 (2ሳሜ 22:1-51)

1 አቤት ጎዳዉ!
 ኔ ታስ ዋልቃ ኢሚዳ ገሻስ
 ታ ኔና ሲቃይስ።

2 ጎዳይ ታስ ዛላ፤
 ታኒ ኦላፔ ናጌቲዛ ሚዳ፤
 ኢዚ ታና አሺዛይሳ፤
 ታ ጸሳይ ታኒ ኢዛን
 ጌሚታ ኣቲዛ ዋጋ ዛላ።
 ኢዚ ታስ ጎንዳሌ፤
 ኢዚ ታና አሺዛ ካጬ፤
 ታስ ኢዚ ሚኖ ዜምፖ።

3 ጋላታይ ቤሲዛ ጎዳ
 ታኒ ጴይጋይስ፤
 ኢዚ ታ ሞርኬታፔ ታና አሺስ።

4 ሃይቆ ዋዶሮይ ታና ጩሊዳስ፤
 ጳይሲዛ ዲኦይ ታና ሚቲዳስ።

5 ዱፎ ዋዶሮይ ታና ቃቲዳስ፤
 ሃይቆ ዋጲማዳይ
 ታ ሲንሳን ዋጴቲዳስ።

6 ታና ሜቶይ ኡንኢን
 ጎዳ ጴይጋዲስ፤
 «ታና ማዳ» ጋዳ
 ታ ጸሳስ ዋሳዲስ፤
 ኢዚ ባ ኬላን ዲሼ
 ታ ጩንጉርሳ ሲዩዳስ፤
 ታኒ ዋሲዳ ዋሶይ
 ኢዛ ሃይላን ዋጲዳስ።

7 ጸሲ ሃንቄቲዳ ገሻስ
 ቢታይ ቃጲዳስ፤
 ዙማታ ጸጶይ ኮኮሪዳስ።

8 ኢዛ ሲጴፔ
 ሃንቆ ጩዋይ ጩዋቲዳስ፤
 ኢዛ ደናፔ
 ሚዛ ታማ ላጮይ ኬዚዳስ፤
 ኢዛ ደናፔ
 ጸጊዛ ቦንቆይ ፑልቲዳስ።

9 ሳሎ ጳልቁዲ ዋጲዳስ፤
 ሄ ዋዴ ኢዛ ቶሆ ጋርሳራ
 ጳፕ ጊዳ ሻራይ ዳስ።

10 ኪሩቤን ኡቲዲ ፓሊዳስ፤
 ጫርኮ ቁፌ ኤኪዲ
 ፑዴ ዴንዲ ቢዳስ።

11 ባና ጳማን ካሚዳስ፤
 ኢዛ ዲንካኔዛ ጳፕ ጊዳ
 ኢራራ ሻራይ ደዲዳስ።

12 ኢዛ ሲንሳን ዴኢዛ
 ገታ ፖኦዛፔ ሻቲኔ
 ዋልቃንሳ ኬኢዳስ፤
 ጳፕ ጊዳ ሻራካ
 ካንሳ ኬኢዳስ።

13 ጎዳይ ዳዳ ማላ
 ሳሎፔ ጉሚዳስ፤
 ኡባፌ ጳቃ ጸሳይ
 ባ ጩንጉርሳ ሲሲዳስ፤
 ዋልቃንሳኒ
 ታማ ላጮን ቆንጨዳስ።

14 ባ ዋንዳፌዛ ዩሻ ዩዲዳስ፤
 ባ ሞርኬታካ ላሊዳስ፤
 ዋልቃንሳ ፖኦ ኪቲዲ
 ኢስታ ዩዴሳዳስ።

15 አቤት ጎዳዉ!
 ኔኒ ሲሪዳ ዋዴኔ
 ኔ ሃንቆይ ኤጲዳ ዋዴ፤
 ገታ ኣባቲ
 ኢቲዳ ቢታይ ቤቲዳስ፤
 ቃሴ ሳኦ ዮቻይ ቆንጨዳስ።

16 ጎዳይ ቦላፌ ባ ኩሼዛ
 ዲጌ ዩዲዲ ታና ኦይኪዳስ፤
 ጨማ ሃላፌ ታና ኬሲዳስ።

17 ኢዚ ታ ቦላ ዋልቃቲዛ
 ታ ሞርኬታፔ፤
 ታና ኢጲዛይታፔ ኣሺዳስ።

18 ታና ሜቶይ ኡንኢዳ ጋላስ
 ኢስቲ ታ ቦላ ዴንዲዳ፤
 ጊዶ ኣቲን ጎዳይ
 ታስ ዜምፖ ጊዲዳስ።

19 ኢዚ ታና ኣሆ ዴምባን ኬሲዳስ፤
 ታናን ኡፋዬቲዳ ገሻስ
 ታና ኣሺዳስ።

20 ታ ጲሎቴላ ማላ
 ጎዳይ ታስ ቃንጲዳስ፤
 ታ ኩሼ ጌሻቴላ ማላ
 ኢዚ ታስ ዛሪዳስ።

21 ታኒ ጎዳ ኦጌ ካላዲስ፤
 ታኒ ታ ጸሳ ኣጋዳ
 ኢታ ኦላቤኬ።

22 ታኒ ኢዛ ዋጋ ኡባ ናጋዲስ፤
 ኢዛ ኣዛዘዛ ፖላናፔ
 ጉዬ ጋቤኬ።

23 ታኒ ኢዛ ሲንሳን ሱሬ ዴኣዲስ፤
 ታናቴላ ናጋራፔ ናጋዲስ።

24 ሄሳ ገሻስ
 ጎዳይ ታስ
 ታ ጲሎቴላ ማላ ኢሚዳስ፤
 ታ ኩሼይ ኢዛ ሲንሳን
 ጌሽ ጊዲዳ ማላ ዛሪዳስ።

25 አቤት ጎዳዉ!
 ኣማኔቲዛይታስ
 ኔኒ ኣማኔታሳ፤
 ሱሬታስ ኔኒ ሱሬ።

26 ጌሻታስካ ኔኒ ጌሻ፤
 ጊዶ ኣቲን ጌላታስ ኔኒ ጌላ።

27 አሽኬታ ኔ ኣሻሳ፤
 ጊዶ ኣቲን ኦቶራንቻታ
 ካዉሻሳ።

- 28 አቤት ጎዳዉ!
ኔ ታሰ ጸምፓሳ፤
ጸሳይ ኔኒ ታሰ
ጳጳማ ፖኢሳሳ።
- 29 ኔ ማዲን
ታኒ ታ ሞርኬታ ኦላይሰ፤
ታ ጸሳ ዋልቃን ታኒ ኢሰታ
ጊምቤ ቦላራ ጉፓ ኣቆይሰ።
- 30 ጸሳ ኦጌይ ሱሬ፤
ጎዳ ቃላይ ኣማኔቲዛይሳ፤
ኢዛኮ ባቃቲዛ ኡባታሰ
ኢዚ ጎንዳሌ።
- 31 ጸሳፌ ኣቲን ሃራ ጸሲ ኦኔ?
ኑ ጎዳፔ ኣቲን ሃራ ዛላይ ኦኔ?
- 32 ታሰ ዋልቃ ኣሚዛይኔ
ታ ኦጌ ሳሮ ኦሊዛይ ጸሳ።
- 33 ኢዚ ታ ቶሆታ
ጌኔሳ ቶሆ ማላ ሚንፊሰ፤
ታና ቆቃሶሆታን ሳሮቴሳን ዋፊሰ።
- 34 ኢዚ ታ ኩሼታ
ኦላ ታማርሴሰ፤
ሄሳ ጊሻሰ ታኒ ታ ቄሴን
ጸርቂማላ ዋንዳፌዛ
ዳፋዳ ዳካይሰ።
- 35 ኣሺዛ ኔ ጎንዳሌ ታሰ ኣማዳሳ።
ኔ ኡሻቻ ኩሼን ታና ዜምፕሳዳሳ፤
ታኮ ዘቂ ጋዳ ታና ጊታሳዳሳ።
- 36 ታ ኦጌ ኣሳዳሳ፤
ሄሳ ጊሻሰ ታ ቶሆይ ሃንዳራሺቤና።
- 37 ታ ሞርኬታ ታኒ
ዬዳሳ ኦይካዲሰ፤
ታኒ ኢሰታ ቆይሳና ጋካናሰ
ጉዬ ሲማቤኬ።
- 38 ኢሰቲ ናምኣንላ
ዳንዶንታ ማላ ሸጫዲሰ፤
ታ ቶሆ ጋርሳንካ ኩንዲዳ።
- 39 ኦላሰ ታና ዋልቃ ጊዲሳዳሳ፤
ታ ሞርኬታ
ታ ሲንሳን ጉልባቲሳዳሳ።
- 40 ታ ሞርኬታ ታ ሲንሳፌ
ጉዬ ዛራ ባቃቲሳዳሳ፤
ታና ኢጸዛይታ ታኒ ቆይሳዲሰ።
- 41 ባንታና ማዳና ማላ ዋሲዳ፤
ጊዶ ኣቲን ኦኔ ኢሰታ ኣሺቤና።
ጎዳ ኢሰቲ ጸይጊዳ፤
ጊዶ ኣቲን ኢዚ ኢሰታሰ ኮዩቤና።
- 42 ጫርኮይ ፒቲዲ ኤፊዛ ጉዳላ ማላ
ታኒ ኢሰታ ኦላዲሰ፤
ኦጌን ዳኢዛ ኡርቃ ማላካ
ኢሰታ ዬዳታዲሰ።
- 43 ማካላ ኣሳፔ ታና ኣሻዳሳ፤
ኔ ታና ካዋቴሳታ ኣይሴዛይ
ሂሰታ ሹማዳሳ፤
ታ ኤርንታ ዳሬይ
ታሰ ሃራቲዳሰ።

- 44 ታና ኤርንታ ኣላጋ ዳሬይ
ታሰ ኣዛዜቴሰ፤
ኢሰቲ ታ ጎባቴሳ ሲዱዲ
ታሰ ዘጌቴሰ።
- 45 ኢሰቲ ያሻን ካሃ ቆይቴሰ፤
ባንቲ ናጊዛ ሚጸፔ ኬዚዲ
ኮኮሪሼ ታኮ ዬቴሰ።
- 46 ጎዳይ ዳኦ ጸሳ!
ታ ዜምፕዛ
ዋጋ ዛላይ ጋላቴቶ!
ታና ኣሺዳ ጸሳይ
ቆቁ ቆቁ ጎ!
- 47 ኢዚ ታ ሃሎ ኬሲዛ ጸሳ፤
ካዋቴሳታ ታሰ ሃሪሲዛ ጸሳ።
- 48 ታ ሞርኬታፔ ታና ኣሻሳ፤
አቤት ጎዳዉ!
ኔኒ ታ ሞርኬታ ቦላ
ታና ቆቁ ቆቁ ሂሰታሳ፤
ማካላንቻ ኣሳታፔ
ኔኒ ታና ኣሻሳ።
- 49 ሄሳ ጊሻሰ ታኒ ኔና
ካዋቴሳታ ሲንሳን ጋላታና፤
ታኒ ኔ ሱንሳ ዬሳን ሳባና።
- 50 ጸሲ ባ ካዋላዳ ካዋሰ
ጸኖ ቦላ ጸኖ ኢሚሰ።
ባ ቲይዳይሳሰ ኪያቴሳ ቤሴሰ፤
ዳዊቴሰኔ ኢዛ ዜሬሳታሰ
ሚርናሰ ሄሳሳ ኦፊሰ።

19

ዳዊቲ ዛማራታ ካቦሰ ዬጸዳ ማዛሙራ

- 1 ሳሎቲ ጸሳ ቦንቾ ዮቴቴሰ፤
ሳሎ ጉፋንላይ
ኢዛ ኩሼ ኦሶ ኣዋጄሰ።
- 2 ኢሲ ጋላሳይ ሃራ ጋላሳሰ
ሄሳ ዮቴሰ፤
ኢሲ ቃማይካ ካሊዛ ቃማሰ
ኤራቴሳ ቆንጨሴሰ።
- 3 ኢሰታሰ ሃሳያይ
ዋይኮ ቃላይ ባዋ፤
ኢሰታ ጩንጉርሲካ ሲዬቴና።
- 4 ጊዶ ኣቲን ኢሰታ ሃሳያ ጩንጉርሲ
ሳኣ ኡባን ሳሌታና፤
ኢሰታ ቃላይካ ቢታ ጋጸ ጋካና።
- ጸሲ ኣርሼሰ
ሳሎን ሶሆ ጊግሲዳሰ።
- 5 ኣርሼይ ሚሺራይ ባ ኬላፌ
ኬዚዛ ማላ ፖኢ ኬኤሰ፤
ጋዴ ዋጸዛ ፒላታ
ኣሳ ማላ ኡፋዬቴሰ።
- 6 ኣርሼይ ኬሳሶፔ
ዉሎሶ ጋካናሰ ቤሰ፤
ኢዛ ሴላፔ ጌሚ
ኣታና ሚሺ ዳና።

- 7 ጎዳ ዋጋይ ሱሬ፤
ሼምፖ ዛሪ ጨልኢሴስ፤
ጎዳ አዛዘይ አማኔቲዛይሳ፤
አኩካይ ፓጩዳይታስ
አጾ ኤራቴላ አሜሰ።
- 8 ጎዳ ዋጋይ ሊኬ፤
ዋዚና ኡፋይሴስ።
ጎዳ አዛዘይ ጌሻ፤
አይፌ ፖኢሴስ።
- 9 ጎዳሰ ያሺ ጌሻቴላ፤
ኢዚ ሜርናስ ኤቁዲ ዴኣና።
ጎዳ ፒርዳይ
ሙሌራ ቱማኔ ጸሎ።
- 10 ዋርቃፌኔ ሙሩታ ዋርቃፌ
አጲ ዶሴቴስ፤
ኤሳፌኔ ኤሳ ኢሊሎፔ
አጲ ማልኤስ።
- 11 ቃሴ ታና ኔ አይሌዛ
ናጌታና ማላ ዘሬስ፤
ኔ ዋጋ ናጎይ ዳር ጎኤስ።

- 12 ባ ባላ ዳሚዛይ ኦኔ?
አቤት ጎዳዉ!
ጌሚዳ ናጋራፔ
ታና ጌሻ።
- 13 ታኒ ኔ አይሌይ፤
ጸላቴላን ናጋራ
አላንታ ማላ
ኔኒ ታና ናጋ።
ናጋራይ ታና ሃርፖ፤
ሄ ዋዴ ታኒ ሱሬ ጌዳና፤
ጌታ ሞሮፔካ ጌያና።

- 14 አቤት ጎዳዉ!
ታ ዜምፕዛ ዋጋ ዛላዉ!
ታና ዋዚዳ ታ ጎዳዉ!
ታ ደናፔ ኬኢዛ ቃላይኔ
ታ ዋዚና ቆፋይ
ኔና ኡፋይሴሳዛይሳ ጌዶ።

20

ዳዊቲ ዛማሬታ ካቦስ ዩጲዳ ማዛሙራ

- 1 ኔኒ ሜቶቲዳ ዋዴ
ጎዳይ ኔ ዋሳ ሲዮ፤
ያቆቤ ጸሳ ሱንላ
ኔና ሚንላ ኤሶ።
- 2 ባ ኬላፌ ኔስ ማዶ ኪቶ፤
ጸዮኔፔ ማዶይ ዮ።
- 3 ኔ ያርሾ ኡባ ኢዚ አኩኮ፤
ኔ ጸጊዛ ያርሾን ኢዚ ኡፋዬቶ።
- 4 ኔ ዋዚና አሞ ኔስ አሞ፤
ኔ ሃልቾ ኡባ ፖሎ።
- 5 ኔ ጸኒዳ ጌሻስ
ኩኒ ኡፋይሳን ሆምቦጫና፤
ኩ ጸሳ ሱንላን
ኩ ባንዲራ ቶቁ አላና፤
ኔ ዋሳ ኡባ
ጎዳይ ኔስ አሞ።

- 6 ጎዳይ ባ ደሪዳ ካዋዛስ
ጸኖ ኢሚዛይሳ ታኒ ሃኢ ኤራዲስ፤
ባ ኡሻቻ ኩሼዛን
ኢዚ ጌታ ጸኖን ኩንላና፤
ባ ጌሻ ሳሎፔካ
ኢዛስ ዛር አሚና።
- 7 ኢሶቲ ኢሶቲ ባንታ ኦላ
ፓራ-ጋሬን አማኔቲቴስ፤
ሃራቲ ባንታ ፓራን ጨቁቴቴስ፤
ኮኒ ጌዲኮ
ኩ ጎዳ ዋልቃን ጨቁቶስ።
- 8 ኢሶቲ ቶጶቲዲ ኩንዳና፤
ኮኒ ጌዲኮ ዴንዲዲ
ሚኒ ኤቃና።
- 9 አቤት ጎዳዉ!
ካዋዛስ ጸኖ አሚ፤
ኮኒካ ኔና ጶይጊዛ ዋዴ ሲያ።

21

ዳዊቲ ዛማሬታ ካቦስ ዩጲዳ ማዛሙራ

- 1 አቤት ጎዳዉ!
ካዋይ ኔ ኢሚዳ
ዋልቃ ጌሻስ ኡፋዬቴስ፤
ኔኒ ኢሚዳ ጸኖን
ኢዚ ኬሂ ሆምቦጫስ።
- 2 ኔኒ ኢዛ ዋዚና አሞ
ኢዛስ አሚዳሳ፤
ቃሴ ኢዚ ኔና
ባ ደናን አይቹዳይሳ
ኔኒ ዲጋቤካ።
- 3 ኔኒ ሎኦ አንጆራ ኢዛ ሞካሳ፤
ጌሻ ዋርቃ ካላቻ
ኢዛ ሁኣን ጎጲሳዳሳ።
- 4 ኔኒ ዴኦ ኢዛስ አሚና ማላ
ኔና ዋሲዳስ፤
ኔካ ኢዛስ ዴኦኔ
አዲሳ ላይላ አሚዳሳ።
- 5 ኔኒ ጸኖ ኢሚዳ ጌሻስ
ኢዛስ ቦንቾይ ዳሪዳስ፤
ጌታቴላኔ ቱማ
ኢዛስ አሚዳሳ።
- 6 ኔኒ ኢዛስ ሜርና አንጆ አሚዳሳ፤
ኔ ኢዛራ ዳሳን
ኢዛ ኡፋይሳዳሳ።
- 7 ካዋዚ ጎዳን አማኔቲስ።
ኡባፌ ቶቃ
ጸሳ ኪያቴላ
ኢዛራ ዲዛ ጌሻስ
ኢዚ ያዬና።
- 8 ኔ ኩሼይ ኔ ሞርኬታ
ኡባ ዴማና፤
ኔ ኡሻቻይ
ኔና ኢጲዛይታ አይካና።
- 9 ኔኒ ቆንጨዛ ዋዴ
ጮጮን ኤጲዛ ታማ ማላ

ኔ ኢሰታ ጹጋና፤
 ጎዳይ ባ ሃንቆዛ ሱሌን
 ኢሰታ ጹጋና፤
 ኢዛ ታማይካ
 ኢሰታ ሚ ጳይሳና።
 10 ኔ ኢሰታ ናይታ
 ቢታፌ ዲጋና፤
 ኢሰታ ዜሪላካ
 ዳሬፔ ዳንላ ጳይሳና።
 11 ኔ ሞርኬቲ ኔ ቦላ
 ጌኔን ዲላቲቲሰ፤
 ኢታ ሚሽካ ማቁቲቲሰ፤
 ጊደ ኣቲን ኢሰታሰ ሃኔና።
 12 ኔካ ኢሰታ
 ኔ ዋንዳፊዛ
 ዪሻን ጎዳሳ፤
 ኢሰቲ ጉዬ ሰሚዲ
 ባቃታና ማላ ኦላሳ።
 13 ኣቤት ጎዳዉ!
 ኔ ሚኖቲላይ
 ጶቁ ጶቁ ጎ፤
 ኔ ጊታ ዋለቃ ጊሻሰ
 ጋላታ ዮሳ ዮጸሰ።

22

ደዊቲ ዛማሬታ ካቦስ ዮጲዳ ማዛሙራ

1 ታ ጸሳዉ! ታ ጸሳዉ!
 ታና ኣይሰ ኣጋዲ?
 ታና ማዳ ጋዳ
 ታኒ ዋሲሽን
 ኣይሰ ሲዮንታ ኢጻዲ?
 ታፔካ ኣይሰ ሃካዲ?
 2 ኣቤት ታ ጸሳዉ!
 ጋላሰ ኩሜሳ
 ታ ኔኮ ዋሲሽን
 ኔ ሲያቤካ፤
 ቃማ ኡባንካ ኔኮ
 ዋሶፔ ሸምፓቤኬ።
 3 ኔ ጊዲኮ ጌሻ ካዎ፤
 ኢሰራኤሌ ጋላታይ
 ኔ ዩሾን ዳሰ።
 4 ካሴ ኑ ኣዋቲ
 ኔናን ኣማኔቲዳ፤
 ኔናን ኣማኔቲን
 ኔ ኢሰታ ኣሻዳሳ።
 5 ኢሰቲ ኔኮ ዋሲን ኣሻዳሳ፤
 ኔናን ኣማኔቲን
 ኢሰታ ዮላሳቤካ።
 6 ታኒ ጉጹኔ ኣቲን
 ኣሰ ጊዲኬ፤
 ታኒ ኣሳን ካጴቲዳዴኔ
 ኢጴቲዳዴ።
 7 ታና ቤኢዳ ኡባቲ ቂጴቲሰ፤

ዛሪዲካ ኢንጻርሰ
 ኬሲ ቂጴቲሰ፤
 ባ ቆጴካ
 ታ ቦላ ቃሌቲሰ።
 8 ሂሰቲዲ፣ «ኢዚ ጎዳን
 ኣማኔቲዳሰ፤
 ኣኔ ጸሲ ኢዛ ኣሾ፤
 ኢዚ ኡፋዬቲዳ ጊዲኮ
 ኣኔ ኢዛ ማደ» ጌቲሰ።
 9 ጊደ ኣቲን ታ ዋጋራ
 ዮሌታና ማላ ማዲዳይ ኔና፤
 ታኒ ታ ኣዪ ጳንሳ
 ጳሚሽንካ
 ኔ ታሰ ኣማኔታሳ።
 10 ታኒ ዮሌቶሶፌ ደማዳ
 ኔናን ዲጫዲሰ፤
 ታ ኣዬይ ኡሎፔ ደማዳካ
 ኔኒ ታ ጸሳ።
 11 ማቶይ ታኮ
 ማቲ ማቲ ዩዛ ጊሻሰ፣
 ታና ማዲዳይካ
 ባይንዳ ጊሻሰ
 ኔኒ ታፔ ሃኮፋ።
 12 ዳሮ ሞርኬቲ ኮርማ ቦራታ ማላ
 ታና ጊደሲዳ፤
 ቃይጨዛ ባሳኔ ቢታ
 ቦራታ ማላ
 ታና ደዲዳ።
 13 ማንሌሬላ ዮጊዲ
 ጸገዛ ጋሞ ማላ
 ባ ደና ታ ቦላ ደይዳ።
 14 ታኒ ሃላ ማላ ጎጋዲሰ፤
 ታ ሚቁላቲ
 ሰሜፔ ሰሜፔ ኮሌቲዳ።
 ታ ዋዚናይ ሙቃዳ ማላ
 ታ ጊደን ሰሪዳሰ።
 15 ታሰ ቆጴይ ኮንኣ ማላ ሜሊዳሰ፤
 ታ ኢንጻርሳይ
 ጎንጊራሳራ ኦይኬቲዳሰ፤
 ኔኒ ታና ሃይቂዳ ኣሳ ማላ
 ጉዲላን ዮጋዳሳ። *
 16 ካናቲ ታና ጊደሲዳ፤
 ኢታ ኣሳቲ ታና ደዲ ኦይኪዳ፤
 ታ ኩሼታኔ
 ታ ቶሆታ ሺሺ ጲሺኪዳ።
 17 ታኒ ሚቁላታ
 ቆዳና ዳንዳያይሰ፤
 ታ ሞርኬቲካ
 ታና ጲርጺ ሂሰቲ ጸሌቲሰ።
 18 ታ ማይኣዛ ጊሹቲ ኤኪዳ፤
 ታ ኣዳሳ ማይኣዛን
 ሳማ ዮጊዳ።
 19 ኣቤት ጎዳዉ!

22:1 ማቶ 27:46፤ ማር 15:34 22:7 ማቶ 27:39፤ ማር 15:29 22:8 ማቶ 27:43 * 22:15 ጎንጊራሳ ጊዛይሲ ኢሲ ኣሲ ባጋ
 ጋሞላ ቃላን ሃንጋሮ ጌቲቲሰ። 22:18 ማቶ 27:35፤ ማር 15:24፤ ሉቃ 23:34፤ ዮሃ 19:24

- ኔኒ ሃኢ ታፔ ሃኮፋ።
አቤት ታ ዋልቃ።
ታና ማደናሰ ኤሶታ።
- 20 ታና ማሻፌ አሻ፤
ታ ሼምፖፖ
ዋልቃማ ካናታፔ አሻ።
- 21 ታና ጋሞታ ደናፔ አሻ፤
ቃይጨዛ ማንላ ካጩዛፔ
ታና ናጋ።
- 22 ታኒ ኔ ሱንላ
ታ ኢሻታሰ የታና፤
ኢሰቲ ሸቂዳሶንካ
ታ ኔና ጋላታና።
- 23 ኢንቴኖ ጎዳሰ ያዪዛይቶ፤
ኢዛ ጋላቲቲ!
ኢንቴኖ ያቆቤ ዜሬላቶ!
ኡባይካ ኢዛ ቦንቺቲ!
ኢንቴኖ ኢሰራኤሌ ዜሬላቶ!
ኡባቲካ ቦንቺን
ኢዛሰ ያዪቲ!
- 24 ኢዚ ናቂቲዳይሳ ካፏቤና፤
ሜቶቲሺን ዬጊ ኣፏቤና፤
ባ ሲንላ ኢዛፔ
ጌንሴቤና፤
ኢዚ ማደርኪ ጊ ዋሲን
ኢዛ ዋሶ ሲዪዴሰ።
- 25 ኔኒ ኦሴዳ ሎኦ ኦሶ ገሻሰ፤
ዴሬይ ሸቂዳሶን ጋላታና፤
ታ ኣዲኒዳይሳ ኔና ያዪዛ
ኣሳ ሲንላን ጋላታና።
- 26 ሃዬሳቲ ሚዲ ካላና።
ጎዳ ኮይዛይቲ ኢዛ ጋላታና።
ኢሰቲ ሜርናሰ ኡፋዬታና።
- 27 ሳኣ ጋጸ ጋካናሰ ዲዛ ኣሳይ
ኢዛ ገሻሰ ዩሺ ቆፓና፤
ጎዳኮ ሲማና።
ኣሳ ዜሬ ኡባይ ኢዛሰ ጎይናና።
- 28 ኣይሰ ገኮ ማታይ ኢዛሳ፤
ካዎቴላይ ኡባይ ኢዛሰ ሃሬታና።
- 29 ሳኣ ቦላ ዲዛ ዴሬቲ
ኢዛሰ ጎይናና።
ባና ሃይቆፔ አሻና።
ዳንዳዮንታ ቢታን
ባና ኣሲ ኡባይ
ኢዛ ሲንላን ጉልባታና።
- 30 ቡሮ ያና ዩሌታይ ኢዛሰ ኦላና፤
ሄ ዩሌታይ ካሊ ዪዛ ዩሌታሰ
ጎዳ ኦሶ የታና።
- 31 ኢሰቲ ኢዛ ዲሎቴላ ገሻሰ
ቡሮ ያና ዩሌታሰ የታና።

23

ዳዊቲ ማዛሙራ

- 1 ጎዳይ ታ ሄንላንቻ፤
ታሰ ኣይኮይካ ፓጩና።
- 2 ታና ኣጫ ቆርን ሼምፒሴሰ፤
ዲሎ ሃላ ዲዛሶ
ታና ካሌሴሰ።
- 3 ታ ዴኦ ኦራዲሴሰ።
ባ ሱንላ ገሻሰ
ታና ዲሎቴላ ኦጌን ካሌሴሰ።
- 4 ኔኒ ታ ጎዳይ ታናራ ዲዛ ገሻሰ
ታኒ ገርዲ ገዳ
ቆማ ሸባ ገደራ ቢኮካ
ኢታ ሚሻሰ ባቢኬ።
ኔ ጉሬይኔ ጋቱማይ
ታና ሚንሴሴሰ።
- 5 ታ ሞርኬታ ሲንላን
ታሰ ማዳ ገገሳዳሳ፤
ታ ሁኤ ዛይቲን ቲያዳሳ፤
ታ ኡሺ ኩንላ ፓላሂሳዳሳ።
- 6 ኔ ኪያቴላኔ ኔ ማርቴላይ
ታ ዴኦ ላይላ ኡባን
ታና ካላና፤
ታኒ ጎዳ ኬላን ሜርናሰ ዳና።

24

ዳዊቲ ዩዲዳ ማዛሙራ

- 1 ሳኣይኔ ሳኣን ኩሚዳ
ኡባይ ጎዳሳ፤
ሳሎ ጉፋንሶን ዲዛ
ኡባይ ጸሳሳ።
- 2 ሳኣ ገታ ኣባታ ቦላ ሚጨዳሰ፤
ሃላ ቦላካ
ሚንሴዲ ኤሲዴሰ።
- 3 ጎዳ ዙማ ቦላ ኬዛናይ ኦኔ?
ኢዛ ጌሻሶሆን
ኤቃናይ ኦኔ?
- 4 ኢዛ ኩሼይ ናጋራፔ ጌዩዳይ፤
ኢዛ ዎዚናይ ጌሻ ገዲዳይ፤
ኤቃ ጸሳታሰ ጎይናንታይ፤
ዎርዶ ጫቆንታይ፤
5 ኢዚ ጎዳፔ ኣንጆ ኤካና፤
ባና ኣሺዛ ጸሳፌ
ዲሎ ፒርዳ ዴማና።
- 6 ጸሳሶ ዪሊዛ ኣሳይኔ
ያቆቤ ጸሳ ሲንላ
ኮይዛ ኣሳይ ሄይታንታ ማላ።
- 7 ካሬቲ ደዬቲቶ፤
ቦንቺ ካዎይ ጌሎ፤
ቤኒ ፔንጌቲ
ኢዛ ኡፋይሳን ሞኪቲ!
- 8 ሄ ቦንቺ ካዎይ ኦኔ?
ሚኖኔ ዋልቃማ ጎዳ!
ኦላሰካ ኢዚ ዋልቃማ ጎዳ!
- 9 ካሬቲ ደዬቲቶ፤

ቦንቸ ካዎይ ጌሎ፤
 ቤኒ ፔንጌቲ
 ኢዛ ኡፋይሳን ሞኪቲ!
 10 ሃ ቦንቸ ካዎይ ኦኔ?
 ሄ ቦንቸ ካዎይ
 ሳሎ ማዴቴላ ጎዳ!

25

ዳዊቲ ማዛሙራ

- 1 አቤት ጎዳዉ!
 ታ ኔና ዋዚናፔ ዋሳይሰ።
- 2 አቤት ታ ጸሳዉ!
 ታኒ ኔናን አማኔታይሰ፤
 ታና ዩላሶፓ፤
 ታ ሞርኬቲካ
 ታ ቦላ ጩቁቶፊቶ።
- 3 ኔና ሂደታ አሊዛይቲ
 ዩላቲቲና፤
 ገደ አቲን ጌኔ አሊዛይቲ
 ዩላታና።
- 4 አቤት ጎዳዉ!
 ታና ኔ ኦጌ ቤሳ፤
 ኔ ጌዶ ካሎ ታና ታማርሳ።
- 5 ኔኒ ታና አሽዛ ጸሳ፤
 ኔ ቱማቲላን
 ታና ካሌላኔ ታማርሳ፤
 ኡባ ዋዴ ታ ሂደታይ ኔና።
- 6 አቤት ጎዳዉ!
 ቤኒሶፊ ዲዛ ኔ ቃዴቴላኔ
 ኔ ኪያቴላ ሃሳኦ።
- 7 ታ ዩላጋቴላ ናጋራኔ
 ሞር ሃሳኦ፤
 አቤት ጎዳዉ!
 ኔ ጌታ ኪያቴላ ማላኔ
 ኔ ሎኤቴላ ኬና ታና ቆፓ፤
- 8 ጎዳይ ኪያኔ ሱሬ፤
 ሄሳ ገሻሰ ናጋራንቻታ
 ባ ኦጌ ታማርሴሰ።
- 9 አሽኬታ ሱሬ ኦጌራ ካሌሌሰ፤
 ኢሰታካ ባ ኦጌ ታማርሴሰ።
- 10 ጎዳ ጫቆ ቃላኔ
 ማራ ናገዛይታሰ
 ኢዛ ኦጌይ ኡባይ ኪያኔ ቱማ።
- 11 አቤት ጎዳዉ!
 ታ ናጋራይ ኬሂ ዳሮ፤
 ገዲኮካ ኔ ሱንሳ ገሻሰ
 አቶ ጋ።
- 12 ጎዳሰ ያዩዛ አሲ ኦኔ?
 ኔ ደራዳ ባና ኦጌዛ
 ኢዚ ኔና ታማርሳና።
- 13 ኢዚ ኡባ ዋዴካ ሎኦ ዲሰ ዳና፤
 ኢዛ ዜሬላቲ ቢታ ላታና።
- 14 ጎዳይ ባና ያዩዛይታፔ
 ባ ጸራ ቆቴና፤
 ኢዚ ኢሰታሰ
 ባ ጌሊዳ ጫቆ

- ቃላካ ኤሪሴሰ።
- 15 ጎዳይ ታ ቶሆ
 ናርጸፊ ኬሲ ኤኪዛ ገሻሰ።
 ታ አይፊይ ማዶ ዴማናሰ
 ኡባ ዋዴ ኢዛኮ ጸሌሰ።
- 16 ጎዳዉ! ታኒ ቢዛ ዲዛዴኔ
 ቆሃቲዳ አሰ ገዲዳ ገሻሰ።
 ኔ ሃ ታኮ ሰማ፤
 ኔ ማርቲላካ ቤሳ።
- 17 ታሰ ማቶይ ዳሪዳሰ፤
 ታ ማቶዛፔ ታና ኔኒ ኬሳ።
- 18 ታ ማቶዛኔ
 ታ ቱጋ ኔኒ ቤኦ፤
 ታ ናጋራ ኡባ አቶ ጋ።
- 19 ታ ሞርኬቲ አይ ኬና ዳሪዳኮ
 ኔ ቤኦ፤
 ኢሰቲ ታና አይ ማላ ኢዲዛኮ
 ኔ ጸላ።
- 20 ኔኒ ታና ናጋኔ አሻ፤
 ታ ኔናን ዜምፓዲሰ፤
 ኔ ታና ዩላሶፓ።
- 21 ኔ ታሰ ሂደታ ገዲዳ ገሻሰ
 ሱሬቴላይኔ ቱማቲላይ
 ታና ናጎ።
- 22 አቤት ጸሳዉ!
 ኢሰራኤሌ አሳ
 ማቶ ኡባፊ ኔኒ ዋዛ።

26

ዳዊቲ ማዛሙራ

- 1 አቤት ጎዳዉ!
 ታኒ ሱሬቴላኒኔ
 ሲዴይ ባይንዳ
 ኔናን አማኔታ
 ዳኢዳ ገሻሰ
 ኔ ታሰ ፒርዳ።
- 2 አቤት ጎዳዉ! ታና ፓጫ፤
 ታ ቃንሳ ፒልጋ፤
 ታ ዋዚና ጸላ፤
- 3 አይሰ ገኮ ኔ ሲቆይ
 ታ ሲንላን ዳሰ፤
 ታኒ ኔ ቱማቲላ
 ኦጌን ሃማታይሰ።
- 4 ታኒ ባሌሊዛ አሳታራ
 ኢሲፊ ኡቲኬ፤
 ሎኦ ማሳቲዛ
 ኢታታ ማባራን ጌሊኬ።
- 5 ኢታ አሊዛ አሳታ ኢሲፊቴላ
 ታኒ ኢዳይሰ፤
 ኮፋ አሳታራ ኢሲፊ ኡቲኬ።
- 6 አቤት ጎዳዉ!
 ታናን ቆሆይ
 ባይንዳይሳ ቤሳናሰ
 ታ ኩሼዛ ማጫይሰ፤
 ሂሰታዳ ያርሾ
 ያርሼዛሶዛ ዩያይሰ።

- 7 ጋላታ ማዛሙራ ዬጻይሰ፤
ኔኒ ኦሊዳ ሚሽ
ኡባካ የታይሰ።
- 8 አቤት ጎዳዉ!
ኔኒ ዴኢዛ ኬላኔ
ኔ ቦንቾይ አቁዘሶሆ
ታኒ ደሳይሰ።
- 9 ታና ናጋራንቻታራ
ኢሲፌ ፒርደፋ፤
አሰ ዋዲዛይታራካ ኢሲፌ
ታ ሽምፖ ዳይሶፋ።
- 10 ኢሰታ ኩሽን ኢታ ሃልቾይ ዳሰ፤
ቃሴ ኢሰታ ኡሻቻ ኩሽይ
ማታኤን ኩሚዳሰ።
- 11 ታኒ ጊዲኮ ቦሬይ ባይንዳ
ዲሰ ደይሰ፤
ታና ዋዛ፤
ታሰ ቃዴታ።
- 12 ታ ቶሆይ ዳምባሶን ኤቁዳሰ፤
ታኒ ዳሬይ ሽቁዳሶን ጎዳ ጋላታና።

27

ዳዊቲ ማዛሙራ

- 1 ጎዳይ ታሰ ፖኦኔ
ታና አሽዛይሳ፤
ሂሰቲን ታኒ ኦናሰ ያያኔ?
ጎዳይ ታ ሽምፖይሰ
አቲዛ ሚጻ፤
ሂሰቲን ታኒ ኦናሰ ባባኔ?
- 2 ኢታ አሳቲ፥ ታ ሞርኬቲኔ
ታ ባልጋራቲ
ታና ዋዳናዉ
ታኮ ሆርደፊ ዪዛ ዋዴ፥
ኢሰቲ ባሰ ቆጶቲዲ ኩንዳና።
- 3 ሞርኬ ቶራይ
ታና ደዲዛኮካ
ታ ዋዚናይ ያዬና፤
ኦላይ ታ ቦላ ዋራጂዳኮካ፥
ታኒ ጎዳን አማኔታይሰ።
- 4 ታኒ ጎዳ ኢሲ ሚሽ ኦይቻይሰ፤
ሂሲካ ታኒ
ታ ዴኦ ላይሰ ኡባን
ጎዳ ኬላን ዴኦናሳ፤
ታኒ ጎዳ ቦንቾ ሎኦቲላ ቤኦናሳ፤
ኢዛ ኬላንካ
ኢዛ ኮያሽ ዴኦናሳ።
- 5 ሂሳ ጊሻሰ ሚቶ ጋላሰ
ኢዚ ታና ባ ዲዘሶን ጌንፋና፤
ባ ዲንካኔን
ታና ቆቲ አሻና፤
ዶቃ ዛላ ቦላካ
ኢዚ ታና ኤሳና።
- 6 ሄ ዋዴ ታና ደዲዳ
ታ ሞርኬታፔ ቦላራ
ዶቁ ዶቁ ጋና፤

ታኒ ኢዛ ዲንካኔዛ ሲንፋን
ኡፋይሳ ያርሾ ያርሻና፤
ታኒ ጎዳሰ ዲጻናኔ
ዬጻና።

- 7 አቤት ጎዳዉ!
ታኒ ኔና ጴይጊዛ ዋዴ
ኔኒ ታሰ ኮያ፤
ታሰ ቃዴታ፤ ታና ሲያ።
- 8 ኔኒ፥ «ታ ሲንፋ
ኮዪቲ» ጊዳ ዋዴ፥
ታ ዋዚናይ፥
«አቤት ጎዳዉ! ኤኖ፤
ታኒ ኔ ሲንፋ ኮያና» ጊዳሰ።
- 9 አቤት ታና አሽዛ ታ ጸሳዉ!
ኔኒ ታና ማዲዛዴ፤
ኔ ሲንፋ ታፔ ጌንፋፋ፤
ታና ኔ አይሌ ሃንቄታዳ
ኔፔ ሃሶፋ።
ታና ኦሎፓኔ አጎፋ።
- 10 ታ አዋይኔ
ታ አያ ታና አጊኮካ
ጎዳይ ታና ሽሽ ኤካና።
- 11 አቤት ጎዳዉ!
ኔ ኦጌ ታና ታማርሳ፤
ታ ሞርኬታ ጊሻሰ
ታና ሱሬ ኦጌራ ካሌላ።
- 12 ዋርዶ ማርካቲ
ታ ቦላ ማካላቲላን
ዴንዲዳ፤
ሂሳ ጊሻሰ ኔ ታና
ኢሰታ ኢታ አሞሰ አላ አሞፋ።

28

ዳዊቲ ማዛሙራ

- 1 አቤት ጎዳዉ! ታ ዛላዉ!
ታኒ ኔና ጴይጊሽን
ታሰ ሲሲ ኢጻፋ፤
ታ ሞሲሽን ኔ ጮኡ ጊኮ
ታኒ ዲፎን ጌሊዛ
አሳታ ማላ ጊዳና።
- 2 ታ ኩሽዛ ኔ ጌሻ
አቆሶ ሚጫዳ ዋሲሽኔ
ታና ማዳርኪ ጋዳ
ታ ሞሲሽን ኔ ሲያ።
- 3 ባ ዋዚናን ኢታ ቆፒሽ
ባ ላጌታራ ሳርቲላ ሃሳይዛ
ኢታ ኦሊዛይታራ
ታና ኢሰታራ ጋላ ኤፎፓ።
- 4 ኔ ኢሰታሰ ኢሰታ ኢታቲላ ማላኔ

- ኢስታ ኦሶ ማላ ኢማ፤
ኢስታስ ኢስታ ኩሼ
ኦሶ ማላ ዛራ፤
ኢስቲ ኦሴዳ ኢታ ኦሶዛስ
ሃሎ ኬሳ።
- 5 ኢስቲ ጎዳ ኦሶስ ዉዱ ጎንታ
ኢጲዳ ገሻሰ።
ኢዛ ኩሼ ኦሶታስ ሶሆ
አሞንታ አጊዳ ገሻሰ።
ኢዚ ኢስታ ላላና፤
ዛሪዲካ ኬጾና።
- 6 ታ ዋሳ ሲዬዳ ገሻሰ።
ጎዳይ ጋላቲቶ።
- 7 ጎዳይ ታስ ዋልቃኔ ጎንዳሌ፤
ታ ዋዚናይ ኢዛን አማኔቴስ፤
ሄሳን ታኒ ማዳታዲስ፤
ሄሳ ገሻሰ
ታ ዋዚናይ ኢዛን ኡፋዬቴስ፤
ታኒ ኢዛ ዬላን ሳባና።
- 8 ጎዳይ ባ ዴራስ ዋልቃ፤
ኢዚ ባ ቲይዳ ካዋዛ
አሺዛ ሚጻ።
- 9 ጎዳዉ! ኔ ዴራ አሻ፤
ኔስ ጊዲዛይታ አንጃ፤
ኢስታ ሄንላንቻይ
ኔና ጊዳ፤
ኔኒ ኢስታ ሜርናሰካ ቶካ።

29

ዳዊቲ ማዛሙራ

- 1 አንቴኖ ሳሎን ዲዛ ማዴታቶ!
«ቦንቾይኔ ዋልቃይ
ጎዳሳ» ጊዲ ዮቲቲ።
- 2 ጎዳ ቦንቾ
ሱንሳ ጋላቲቲ፤
ኢዛ ጌሻቴላ ቲማስ
ጎዳ ጎይኒቲ።
- 3 ጎዳ ጨንጉርሳይ
ሃላታ ቦላን ሲዬቴስ።
ቦንቾ ጸሳይ
ዳዳ ማላ ጉሜስ፤
ጎዳይ ጌታ ሃላታ ቦላን
ጉሜስ።
- 4 ጎዳ ጨንጉርሳይ ዋልቃማ፤
ጎዳ ጉንሳይ።
«ኔስ ሆላ!» ጊሲዛዛ።
- 5 ጎዳ ጨንጉርሳይ
ዚጋ ሚላ ሚንጮራሴስ፤
ለባናሴ ዚጋታካ
ጎዳይ ሚንጮራሴስ።
- 6 ለባናሴ ዙማ
ጋሎ ማራ ማላ ቡራቂሴስ፤
ሲሪዮኔ ዙማካ

- ማንላ ማላ ጸኢሴስ። *
- 7 ጎዳ ጨንጉርሳይ
ዋልቃንሳ ፖፖልኡ ጌስ።
- 8 ጎዳ ጨንጉርሳይ
ባዘ ቃሴስ፤
ጎዳይ ቃዴሴ ባዘ ቃሴስ።
- 9 ጎዳ ጨንጉርሳይ
ዋላታ ቃሴስ፤
ሚላ ሃይሊካ ቆቆፊስ።
ኢዛ ኬላን ዴኢዛይቲ።
«ቦንቾይ
ጎዳስ ጊዳ» ጌቲስ።
- 10 ጎዳይ ዲኦ ሃላ ቦላ
ባ ኦራታ ዋሊዲ ኡቲዴስ፤
ጎዳይ ባ ካዋቲላ
አልጋን ኡቲዲ
ሜርናሰ ሃሪስ።
- 11 ጎዳይ ባ ዴራስ ዋልቃ አሜስ።
ባ አሳካ ሳርቴላን አንጃስ።

30

ኬላ አንጃሶስ ዬጾቲዳ ዳዊቲ ማዛሙራ

- 1 አቤት ጎዳዉ!
ኔኒ ታና ጨማፊ ኬሳዳሳ፤
ታ ሞርኬቲ ታ ቦላ
ኡፋዬቶንታ ማላ ኦላዳሳ፤
ሄሳስ ታ ኔና
ጶቁ ጶቁ ሂስታይስ።
- 2 አቤት ታ ጎዳዉ!
ኔኒ ታና ማዳና ማላ
ታ ኔኮ ዋሳዲስ፤
ኔካ ታና ፓላዳሳ።
- 3 አቤት ጎዳዉ!
ታና ዲፎን ቦንታ ማላ
ናጋዳሳ፤
ዲጌ ጨማ ኦላን ጌሎንታ ማላ
ኔኒ ታና አሻዳሳ።
- 4 አንቴኖ ጸሳ አሳቶ!
ጎዳስ ዬጲቲ፤
ኢዛ ጌሻ ሱንሳካ ሳቢቲ።
- 5 ኢዛ ሃንቆይ ጉላ ዋዴሳ።
ጊዳ ኣቲን ኢዛ ኪያቴላ
ዴኦ ላይሳ ኡባሳ፤
አማርስ ዬኪሼ ኣቂኮካ
ማላዶ ዛዋይ
ባይንዳ ኡፋይስ ጊዴስ።
- 6 ታኒ ዋፓን ዲዛ ዋዴ።
«ታኒ ሙሌካ ኮኮሪኬ» ጋዲስ።
- 7 አቤት ጎዳዉ!
ኔኒ ታስ ኪዬዳ ዋዴ።
ታና ጌታ ዙማ ማላ
ሚንላ ኡሳዳሳ፤
ጊዳ ኣቲን ኔኒ ኔ ሲንሳ
ታፔ ሃራሶ ዛሪዳ ዋዴ

28:4 ኣጃ 22:12 29:2 ማዛ 96:7-9 * 29:6 ሲዶና ቃላራ ሲሪዮኔ ጊዛይሲ ሄርሞኔ ቤሴስ።

ታኒ ዳጋማዲስ።

- 8 አቤት ጎዳወ!
ታኒ ኔና ጸይጋይስ፤
ታኒ ጎዳፔ
ማሮቴል ዋሳዲስ፤
- 9 «ታ ሃይቁኮ ዋይኮ
ዲፎን ጌሊኮ
ኔ ታፔ አይ ዳማኔ?
ቢታን ጌሊዳ አሲ
ኔና ጋላቲ ኤሪዜ?
ኔ አማኔቴላ
ሃሳዬ ኤሪዜ?
- 10 አቤት ጎዳወ!
ታ ዋሳ ኔ ሲያ፤
ታስ ቃዴታ።
አቤት ጎዳወ!
ኔ ታስ ማዶ ጊዳ» ጋዲስ።
- 11 ታ ዩሆ ዩላን ላማዳሳ።
ካዮ ማይኦዛ ታፔ ቃራዳ
ኡፋይሳ ማይኦ
ታና ማይዛዳሳ።
- 12 ሄሳ ጊሻስ ታኒ ኔና
ሳባናፔ አቲን ጮኡ ጊኬ።
አቤት ታ ጎዳወ!
ታኒ ኔና ሜርናስ ጋላታና።

31

ዳዊቲ ዛማሬታ ካቦስ ዩጲዳ ማዛሙራ

- 1 አቤት ጎዳወ!
ኔ ታስ ኩዋ ጊዳና ማላ
ታ ኔኮ ያዲስ፤
አይዳካ ታና ዩላሶፓ፤
ኔ ጸሎቴላን ታና አሻ።
- 2 ኔ ሃይላ ታኮ ዛራ፤
ኤሶን ታና አሻ፤
ኔኒ ታና ጌንሱዛ ዛላ ጊዳ፤
ታና አሻዛ ሚኖ ሚጸ
ታስ ጊዳ።
- 3 ኤ፥ ኔኒ ታስ ዛላ፤
ታ ኢዛን ጌላ አቲዛ ሚጸ፤
ኔ ሱንሳ ጊሻስ
ታኒ ባና ኦጌ
ቤሳኔ ካሌላ።
- 4 ኔኒ ታስ ዘምፖ ጊዲዛ ጊሻስ፥
ኢስቲ ታስ ዋጺ ዋሊዳ
ናርጸፌ ታና ኔ ናጋ።
- 5 አቤት ጎዳወ ቱሙ ጸሳወ!
ታኒ ታ ሸምፖ
ኔ ኩሼን ሃዳራ ኢማይስ፤
ኔኒ ታና ዋዛ።
- 6 ፓላንታ ኤቃታስ
ጎይኒዛይታ ታኒ ኢጸይስ፤
ታኒ ጊዲኮ ጎዳን አማኔታይስ።
- 7 ታ ሜቶ ኔኒ ቤኢዳ ጊሻስኔ

ታ ቱጋ ኔኒ ኤሪዳ ጊሻስ
ታኒ ኔ ሲቆን ኡፋይታይስ።

- 8 ኔኒ ታና ታ ሞርኬታስ
አላ አማቤካ፤
ታ ቶሆታካ
አሆ ሶሆን ኤሳዳሳ።
- 9 አቤት ጎዳወ!
ታኒ ማቶን ጌላዲስ፤
ታስ ቃዴታ።
ታኒ ዳሮ ሚሸታዲስ፤
ታ አይፌይ፥ ታ አሸይኔ
ታ ሸምፖይ ዳቡርዳስ።
- 10 ታ ሸምፖ ዋዩን ዳቡራዲስ፤
ታ ላይሳይካ ጩጩን ወሪዳስ።
ሜቶ ዳሮን
ታ ዋልቃይ ጩንጊዳስ፤
ታ ሚቁላቲካ
ጊደን ሴሪዳ።
- 11 ታ ሞርኬታ ኡባስ
ታኒ ቁዴ ሚሸ ጊዳዲስ፤
ታ ሾርታስ ሚሬስ አታዲስ፤
ታና ኤሪዛይታስ ካዴስ ጊዳዲስ፤
ኦጌን ታና ቤኢዳይቲካ
ታፔ ባቃቴቲስ።
- 12 ታኒ ሃይቁዳ አሳ ማላ ዶጌታዲስ፤
ሞሆ ኦቶ ማላ ጊዳዲስ።
- 13 ታኒ ዳሮቲ ሳሱኬቲሺን ሲያዲስ፤
ዳጋማይ ኡባሶራ ዳስ፤
ኢስቲ ታ ቦላ ጌኔን ዳላቴቲስ፤
ታና ዋቆናወካ
ሚቁቴቲስ።
- 14 ጊዶ አቲን ጎዳወ!
ታኒ ኔናን አማኔታዳ፥
«ኔኒ ታ ጸሳ» ጋይስ።
- 15 ታ ዳኦ ላይሳይ
ኔ ኩሼና፤
ታና ጎዲዛ
ታ ሞርኬታ ኩሼፔ
ኔ ታና አሻ።
- 16 ኔ አይሌዛ ቦላ
ኔ ሲንላ ፖኢሳ፤
ኔ ማሮቴላን ታና አሻ።
- 17 አቤት ጎዳወ!
ታኒ ኔና ጸይጋይስ፤
ታና ዩላሶፓ፤
ኢታቲ ጊዲኮ ዩላቴቶ፤
ዲጌ ዲፎን ጌሊዳ ሲርጲ ጌቶ።
- 18 ጸሎዛ ቦላ ኦቶሮን፥ ካዴኒኔ
ጸላቴላን ሃሳይዛ ጊሻስ
ዋርዳንቻታ ዶና ዱዲሳ።
- 19 ኔናን ዘምፓናስ
ኔኮ ሸቆዳይታሲኔ
ኔስ ያዩዛይታስ
ኔኒ አሳ ሲንላን ኢስታስ

- 20 ኔኒ ኢሰታ ኔ ኩላን ጌንላዳ ኢሳ ማቆፌ አሻሳ፤ ኔኒ ኢሰታ ኔ ዲዛሶን ቆታዳ ኢታ ኢንጻርሳፊ ናጋሳ።
- 21 ታኒ ሞርኬይ ዶዲ ኦይኪዳ ካታማ ጊደን ዲዛ ዎዴ ኢዚ ማላሊሲዛ ባ ማርቴላ ታና ቤሲዳ ጊሻሰ ጎዳይ ጋላቴቶ።
- 22 ታኒ ዳጋማዳ፤ «ኔ ሲንላፊ ኪቻዲሰ» ጋዲሰ። ጊደ አቲን ታና ማዳና ማላ ኔና ታ ጸይጊዳ ዎዴ ታ ዋሶዛ ኔኒ ሲያዳሳ።
- 23 ኢንቴኖ ጸሳ አሳቶ! ጎዳ ሲቁቴ። ጎዳይ ኢዛን አማኔተዛይታ ናጌሰ፤ ጊደ አቲን ኦቶራንቻታሰ ኢሰታሰ ቤሲዛ ቁጻቴ ኢሜሰ።
- 24 ኢንቴ ሂደታ ጎዳን ኦሊዳይቶ! ቤጊቴኔ ማኒቴ።

32

- ዳዊቲ ሃሳኢን ሺሺዳ ጊንጾ
- 1 ኢዛ ሞርይ አቶ ጌቴቲዳይሲኔ ኢዛ ናጋራይ ካሜቲዳይ አንጃቲዳይሳ።
 - 2 ጎዳይ ኢዛ ናጋራ ቆዶንታዳይኔ ኢዛ ቆፋን ባሌዳይ ባይንዳይ አንጃቲዳይሳ።
 - 3 ታኒ ታ ናጋራ ፓጸንታ ዳሼ ጋላሰ ኩሜላ ጨጨን ታ አሳቴላይ ዳቡርዳሰ።
 - 4 ጋላሲኔ ቃማ ኔ ኩሼይ ታ ቦላ ዳዲዳሰ፤ ሃላ ቦኔ አዋን ሚጨዛ ማላ ታ ዎልቃይ ጨንጊ ዉሪዳሰ።
 - 5 ታኒ ታ ናጋራ ኔሰ ፓጸዲሰ፤ ታ ቆሂዳይሳ ኔፕ ጌንላቤኬ፤ «ታ ሞርዛ ጎዳሰ ፓጸና» ጋዲሰ። ሂሰቲን ኔ ታ ናጋራ ኡባ አቶ ጋዳሳ።
 - 6 ሃሳ ጊሻሰ ጸሎ አሲ ኔኒ ቤቴዛ ዎዴ ኔና ዎሶ፤ ዲኦይ ኢዚ ዲዛ ሄራ ማጨ ኤፊኮካ ኢዛ ቦቹና።
 - 7 ኔኒ ታሰ ቆቴቲዛሰ፤

- ኔኒ ታና ማቶፔ ናጋሳ፤ ታና ጸኖ ዬላን ኩንላዳሳ።
- 8 ጎዳይ፤ «ታኒ ኔና ታማርሳና፤ ኔኒ ባናሰ ቤሲዛ ኦፔካ ኔና ኤሪሳና፤ ታኒ ኔና ዙራና ናጋና።
- 9 ቢጻላኒኔ ፑሎን ሃሪቴዛ አኮካይ ባይንዳ ባቁሎ ማላ ዎይኮ ፓራ ማላ ኢንቴ ሃኖፕቴ» ጌሰ።
- 10 ኢታታሰ ቱጋይ ዳሮ፤ ጊደ አቲን ጎዳን አማኔተዛይታ ማርቴላ ዶዴሰ።
- 11 ኢንቴኖ ጸሎቶ! ጎዳን ኡፋይቴቴኔ «ሃሹ!» ጊቴ፤ ኢንቴኖ ዎዚና ሱሬቶ! ኡፋይሳን ኢሊሊቴ!

33

- 1 ኢንቴኖ ጸሎቶ! ጎዳን ኡፋይቴቴ፤ ሱሬ አሳቲ ኡፋይሳን ኢሊሊቴ።
- 2 ማሰንቆ ሾጨሾ ጎዳ ጋላቴቴ፤ ታሙ ሻያን ዎጾቲዳ ዲላን ኢዛሰ ዬጸቴ።
- 3 ኦራላ ማዛሙራ ኢዛሰ ዬጸቴ፤ ዲላ ጊግሲ ሾጨቴ፤ ኡፋይሳን ኢሊሊ ጊቴ።
- 4 ጎዳ ቃላይ ቱማ፤ ኢዚ ኦሊዛ ኦሶ ኡባይ አማኔተዛይሳ።
- 5 ጎዳይ ጸሎቴላኔ ቱማ ፕርዳ ዶሴሰ፤ ኢዛ ኪያቴላ ሳኦ ኩሚዳሰ።
- 6 ሳሎቲ ጎዳ ቃላን ማዴቲዳ። ኢዛ ደናፕ ኬዚዛ ፔኖን ሳሎን ዲዛ ማዴቴላቲ ማዴቲዳ።
- 7 ጊታ አባ ሃላ ኢዚ ኢሲሶን ሺሺዳሰ፤ ጨማ ሃላ ማንጃሶን ኤሊሲዳሰ።
- 8 ሳኢን ዲዛ አሲ ኡባይ ጎዳሰ ያኖ፤ ሳሎ ፑፋንላይ ጎዳ ቦንቾ።
- 9 አይሰ ጊኮ ኢዚ ሃሳዪን ሃንዳሰ፤ ኢዚ አዛዚን ማኒዲ ኤቁዳሰ።
- 10 ጎዳይ ካዎቴላታ ሃልቾ ላላና፤ ኢሰታ ቆፋካ ሃዳ ኦላና።
- 11 ጎዳ ሃልቾይ

- ሜርናስ ኤቂ ዳና፤
 ኢዛ ዋዚና ቆፋይካ ዩሌታፕ
 ዩሌታ ጋካናዉ ዳና።
- 12 ጸሲ ኢዛስ ጎዳ ጊዲዳ
 ካዎቴላይ፥
 ኢዚ ባስ ዶሪዳ ዳሬይ
 ኣንጃቴዳ ዳሬ።
- 13 ጎዳይ ሳሎን ኡቲዲ ዲጌ ያሌስ፤
 ኣሳ ኡባካ ቤኤስ።
- 14 ጎዳይ ባ ኣራታን ኡቲዲ
 ሳኣን ዳኢዛ ኡባ ያሌስ።
- 15 ኢዚ ኡባ ዋዚና ሜዲዳስ፤
 ኢስቲ ኦሲዛ ሚሽ ኡባ ኤሬስ።
- 16 ካዎይ ባ ዎታዳራ
 ጮራቴላን ኣቴና፤
 ኦላንቻይ ባ ዎልቃ
 ሚኖቴላን ኬሲ ኤኮና።
- 17 ታኒ ፓራን ጸናና ጊ
 ናጎይ ሃዳ፤
 ኢዚ ባ ዎልቃ ሚኖቴላን
 ኦናካ ኣሻናዉ
 ዳንዳዬና።
- 18 ጎዳ ኣይፌቲ ኢዛስ ያዩዛይታኔ
 ኢዛ ሜርና ሲቆ
 ሂዶታ ኦሲዛ ኣሳታ ያሌስ።
- 19 ኢዚ ሄሳን ኢስታ ሃይቆፔ ኣሼስ፤
 ኮሻ ዎዳካ ኢስታ
 ሼዎፖራ ፓጻ ዎሌስ።
- 20 ኑ ሼዎፖያ ጎዳ
 ሂዶታ ኦላዉስ፤
 ኢዚ ኑስ ማዶኔ ጎንዳሌ።
- 21 ኑኒ ጌሽ ጊዲዳ
 ኢዛ ሱንላን ኣማኔቶስ፤
 ኑ ዎዚናይካ ኢዛን ኡፋዬቴስ።
- 22 ኣቤት ጎዳዉ!
 ኑኒ ኔናን
 ሂዶታ ኦሲዛይሳ ማላ
 ሜርና ኔ ሲቆይ ኑናራ ጊዳ።

34

- ካዎ ኣቢሜሌኬ ሲንላፌ ኣቲ ቢዳ ዎዳ ዳዊቲ ዩጲዳ
 ማዛሙራ
- 1 ታኒ ጎዳ ኡባ ዎዳ ጋላታና፤
 ኢዛ ጋላታይ ኣይ ዎዳንካ
 ታ ዶናፔ ፓጮና።
- 2 ታኒ ጎዳን ጮቁታይስ፤
 ናቁቴዳይቲ ሄሳ ሲዩዲ
 ኡፋዬቴቶ።
- 3 ኣኔ ታናራ ኢሲፌ
 ጎዳ ቦንቾስ፤
 ኢዛ ሱንላካ
 ጶቁ ጶቁ ኦሶስ።
- 4 ታኒ ጎዳ ኮያዲስ፤
 ኢዚካ ታስ ዛሪዳስ፤

- ታኒ ያዩዛ ሚሽ ኡባፌ
 ታና ኣሼዳስ።
- 5 ኢዛኮ ያሌዛ ኡባ
 ሲንላይ ፖኤስ፤
 ኢስቲ ሙሊካ ዩላቴቴና።
- 6 ሃ ሂዩሳይ ዋሲዳስ፤
 ጎዳይ ኢዛ ዋሶዛ ሲዩዳስ፤
 ሜቶ ኡባፌ ኢዛ ኣሼዳስ።
- 7 ጎዳ ኪታንቻይ
 ጎዳስ ያዩዛይታ ናጌስ፤
 ኢዚ ኢስታ ዩሾዛን ጊዲዲ
 ኢስታ ኣሼስ።
- 8 ጎዳይ ኪያ ጊዲዳይሳ
 ዩሺ ቆፒቲ፤
 ኢዛኮ ሺቁዳይ ኣንጃቴዳዳ።
- 9 ኢንቴኖ ጌሻ ኣሳቶ!
 ጎዳስ ያዩቴ፤
 ኣይስ ጊኮ ኢዛስ ያዩዛ ኡባታስ
 ኣይኮይካ ፓጮና።
- 10 ጋዎቲ ሚዛዚ ቆዩን
 ኮሻቴቴስ፤
 ጎዳ ኮይዛይታስ ጊዲኮ
 ሎኦ ሚሺ
 ኣይኮካ ፓጮና።
- 11 ናይቶ! ሃ ዩቴ፤
 ታ ጊዛዝ ሲዩቴ፤
 ታኒ ኢንቴና
 ጎዳስ ያሻቴላ
 ታማርሳና።
- 12 ኣዲሳ ላይላ ዳናስ ዶሲዛይኔ
 ሎኦ ሚሽ ቤያናስ
 ኮይዛይ ኣኔ?
- 13 ኔ ኢንጸርሳ
 ኢታ ሃሳዮንታ ማላ ናጋ፤
 ኔ ዶናፔ ዎርዶይ
 ኬዘንታ ማላ ናጌታ።
- 14 ኢታፔ ሻኬታ፤
 ሎኦ ሚሽ ኦላ፤
 ሳርቴላ ኮያዳ ካላ።

- 15 ጎዳ ኣይፌይ ጲሎታኮ ያሌስ፤
 ቃሴ ኢዛ ሃይላ
 ኢስታ ዎሳ ኢዘጌስ።
- 16 ኢስታ ሃሳኢሲዛ ሚሽ
 ቢታፌ ቆይሳና ማላ፥
 ጎዳይ ኢታ ኦሲዛይታ
 ባ ሃንቆ ኣይፌን ያሌስ።
- 17 ጲሎቲ ዋሴቴስ፤
 ጎዳይ ኢስታ ዋሶ ሲዩስ፤
 ኢዚካ ኢስታ ሜቶ
 ኡባፌ ኣሼስ።
- 18 ጎዳይ ዎዚናይ ሜቁዳይታስ
 ማታን ዳስ፤
 ቃሴ ሂዶታ ቃንጲዳይታካ

አሼሰ።*

- 19 ዲሎ አሰ ጋኪዛ ማቶይ ዳር፤
ጊደ አቲን ጎዳይ
አዛ ሄ ኡባፌ አሼሰ።
- 20 ጎዳይ አዛ ማንሳ ሩጌሰ፤
አዛ ማቀላታፔ
አሰይካ ማቆና።
- 21 ኢታታ ኢሰታ ኢታቴላ ዋቆና፤
ዲሎታ ኢዲዛይቲ ፐርዳታና።
- 22 ጎዳይ ባ ኦሳንቻታ አሼሰ፤
አዛኮ ባቃቲዳ ኦኒኔ
ፐርዳታና።

35

ዳዊቲ ዬሳ

- 1 አቤት ጎዳዉ!
ታናራ ኤቁቲዛይታራ
ኔኒ ኤቁታ፤
ታናራ ኦሌቲዛይታራ ኔኒ ኦሌታ።
- 2 ጎንዳሌኔ ጸሩሬ * ኦይካዳ፤
ታና ማዳናሰ ዳንዳ።
- 3 ታና ዬዳሊዛይታ ቦላን
ኔ ቶራኔ ማሻ ዳንፋ።
ታና፡ «ታ ኔና አሺዛዳ» ጋ።
- 4 ታ ሼምፖዮ ዋቆናዉ ኮይዛይቲ
ዬላቲቶኔ ካወዬቶ፤
ታ ቦላ ኢታ ኦላና
ማቁቲዛይቲ
ካወዲዲ ጉዬ ሲማቶ።
- 5 ጎዳ ኪታንቻይ
ኢሰታ ዬዳቶ፤
ኢሰቲካ ጫርኮ ሲንፋን ዲዛ
ሱላ ማላ ጊዳቶ።
- 6 ጎዳ ኪታንቻይ ኢሰታ ጎዳ፤
ኢሰታ ኦኔይካ ቆማኔ
ሃሊላ ጊዳ።
- 7 ጮ ታና ኦይካናዉ
ባንታ ናርጸ ዋሊዳ፤
ቃሴካ ጮ ታና ኩንዲሳናሰ
ኦላ ቦኪዳ።
- 8 ኢሰቲ ቆፖንታ ዲሺን
ባሺ ኢሰታ ቦላ ፑቱ ጎ፤
ኢሰቲ ዋሊዳ ዋሊማዳይ
ኢሰታ ኦይኮ፤
ኢሰቲ ኦላን ኩንዲ ቆዬቶ።
- 9 ሄ ዋዳ ታኒ ጎዳን ኡፋዬታና፤
ኢዚ አሺዳ ጊሻሰ
ታኒ ኡፋዬታና።
- 10 ታ ኩሚላ አሳቲላይ ኔና፤
«አቤት ጎዳዉ!
ቆሂቲዳይታ ቆሂዛይታ
ኩሼፔ አሺዛይ።

ሂዬሳታኔ ማቶታንቻታ
ቦንቁዛይታ ኩሼፔ ናጊዛይ
ሃራ ኔ ማላይ ኦኔ?» ጋና።

- 11 ኢታ አሳቲ ታ ኦላንታ ሚሻን
ታና ሞቲዳ፤
ታ ኤርንታ ሚሻን ታ ቦላ
ዋርዳ ማርካ ማርካሲዳ።
- 12 ታና ቢዛሲዳ፤
ታ ሎኦ ኦላይሳ ኩሼ
ኢታ ዛሪዳ።
- 13 ጊደ አቲን ታኒ
ኢሰቲ ሃርጊዳ ዋዳ
ማቃ ማይአዲሰ፤
ታ አሳቲላ ጸማን
ዳቡርሳዲሰ፤
ታ ዋሳሰ ዛርይ ቆይዳሰ።
- 14 ታ አሻሰ ዋይኮ ታ ዳቦሰ
ታ ሙዛቲዛ ማላ ሙዛታዲሰ፤
አያ ሃይቁን ካዮቲዛ አሳ ማላ
ኬሃ ዬካዲሰ።
- 15 ጊደ አቲን ታኒ ቆይቲን
ኢሰቲ ኡፋይሳን ኢሲ ቦላ ሸቁዳ፤
ሄ ጌኔ አሳቲ ታ ኤርንታ ጋሶን
ታና ዋቆዲ አንጎታ ኢዲዳ።
- 16 ኢሰቲ ኢታ አሳቲ ቁቆዛ ማላ
ታና ቁቆዳ፤
ዬሎሰ ባ አቶ ጋርጨዳ።
- 17 አቤት ጎዳዉ!
ኔኒ አዉዳ ጋካናሰ
ታና ጮኡ ጋዳ ጸላኔ?
ኢሰታ ኢታ ኦሳፔ ታና አሻ፤
ሃ ጋሞ ማላ አሳታፔ
ታ አልኦ ሼምፖዮ ዋላ ኤካ።
- 18 ሄ ዋዳ ጊታ ሸቆን
ታ ኔና ጋላታና፤
ጮራ አሳ ሸቆን ታ ኔና ሳባና።
- 19 ዋርዳራ ታና ሞርኪዛይቲ
ኡፋዬቶፊቶ፤
ታና ጮ ኢዲዛይቲ
ታ ቦላ ቁምኦቶፔቶ።
- 20 ኢሰታ ደናፔ
ሳር ሃሳያይ ኬዜና፤
ቢታን ጮኡ ጊዲ ዲዛ አሳታ ቦላ
ዮኦ ቃዴሌቲሰ።
- 21 ኢሰቲ ባ ደና ታ ቦላ ደይዲ፤
«ሂኮ ቤኣ!
ኔ ኦላይሳ ኦኒ
ኦ ኦይፊን ቤኢደሰ» ጌቲሰ።
- 22 አቤት ጎዳዉ!
ኔኒ ሃይሳ ቤያሳ፤
ሃሳ ጊሻሰ ኔኒ ጮኡ ጎፓ፤
ታፔካ ሃኮፋ።

* 34:18 ሂደታ ቃንጸዳይታካ አሼሰ ጊዛይሳ ኢሲ ኢሲ ጌሻ ማጻፋ ቢርሼላን ባንታ አያናን ለቁዳይታ አሼሰ ጌቲቲ ጻፈቲዳሰ። 34:20 ዮሃ 19:36 * 35:2 ጸሩሬ፡ ጸሩሬ ጌቲቲዛይ ኦላ ዋዳ አሳይ ኦሌቲሼ ቲራ ካሚዛ ጋምባሊ ማላ ኦላ ማይኦ። 35:19 ማዛ 69:4፤ ዮሃ 15:25

23 አቤት ጎዳው፣ ታ ጸላው!
 ታ ገሻሽ አሉታ፤
 ዳንዳ፤ ቤጋ፤
 ታ ዶና ገዳዳ ሞቲታ።

24 አቤት ጎዳው ታ ጸላው!
 ኔ ጸሎቴላ ማላ ታሰ ፒርዳ፤
 ታ ሞርኬታካ ኡፋይሶፋ።

25 ኢሰቲ ባንታሰ፣ «ሃሹ፣ ሃሹ፣
 ኑኒ ኑ ሞዚናን
 አሞቲዳይሲ ፖሌቲዳሰ፤
 ኑኒ ኢዛ ማቲደሰ»
 ጋና ማላ አላፋ።

26 ታ ዋዬን ኡፋይቲዛይቲ
 ኡባይ ዬላቲቶኔ ካወዬቶ፤
 ታ ቦላን ኡቶሬቲዛይቲ
 ዬላኔ ካወሻቲላ
 ማይኤቶ።

27 ታኒ ሻቲሚዛይሳ ዶሲዛይቲ
 ኡፋይቲዳ «ሃሹ!» ጌቶ፤
 ኢሰቲ ኡባ ዋዳ፣
 «ባ አይሌዛ
 ሳርቴላን ኡፋይቲዛ
 ጎዳይ ቶቁ ቶቁ
 ጎ» ጌቶ።

28 ጋላሰ ኩሜላ ታ ኢንጻርሳይ
 ኔ ጸሎቴላኔ ኔ ጋላታ ዮታና።

36

ጎዳ ኦሳንቻ ዳዊቲ ዛማሬታ ካቦስ ዬጸዳ ማዛሙራ

1 ኢታ አሲ ባ ሞዚናን
 ጌኔ ቆፕሰ፤
 ኢዛ ገደን ጸላሰ
 ያሻቲላ ዳና።

2 ኢዛ ናጋራይ ቆንጩን ኢጸንታ ማላ
 ኢዚ ባርካ ባና ባሌሌሰ

3 ኢዛ ዶናፔ ኬኢዛ ሃሳያይ
 ጌኔኔ ዋርዶ፤
 አቶ ኤራቴላኔ ሎኦ ኦሶ
 ሙሌካ አገደሰ።

4 ኢዚ ባ ሃጸን ዲሼ
 ጌኔ ቆፕሼ አቁሰ፤
 ባና ሎኦ ገደንታ
 ኦጌ ካሌሌሰ፤
 ኢታ ኢዚ ኢጻና።

5 አቤት ጎዳው!
 ኔ ሜርና ሲቆይ ሳሎ ጋኬሰ፤
 ኔ ቱማቲላይካ
 ቦላ ሻራ ማላ ቶቁሰ።

6 አቤት ጎዳው!
 ኔ ጸሎቴላይ
 ኡባሬ ቶቃ ዙማታ ማላ፤
 ኔ ፒርዳይካ ኡባሬ
 ዚቃ ጨማ ማላ፤
 ኔኒ አሳካ ዶኦካ
 ኢታፔ ናጋሳ።

7 አቤት ጸላው!
 ኔ ሜርና ሲቆይ
 አይ ኬና አልኦ!
 አሳይ ኔ ቁሬ ገደን
 ገማ አቲሰ።

8 ኢሰቲ ኔሶን ኩሚዳ ማዳሬ
 ሚዲ ካሌቲሰ፤
 ኔኒ ኔ አንጆ ሻፋፔ
 ኢሰታ ኡሻሳ።

9 አይሰ ገሶ ዳኦ ፑልቶይ
 ኔ አቻን ደሰ፤
 ኔ ፖኦን ኑኒ ፖኦ ቤኦሰ።

10 ኔና ኤሪዛይታሰ
 ኔ ሜርና ሲቆዛ አጎፋ፤
 ሱሬታሰ ኔ ኪያቴላ ዲጎፋ።

11 ኡቶራንቻታ ቶሆይ
 ታና ዬቶፎ፤
 ናጋራንቻታ ኩሼይ
 ታና ዬዳላ።

12 ኢታ አሳቲ ኩንዲዳይሳ ቤኤቲ፤
 ኢሰቲ ኩንዲዳይ፤
 ዳንዳናወካ ዳንዳይቲና።

37

ዳዊቲ ዬላ

1 ኢታ አሊዛይታ
 ቤኤዳ ዩሎቶፓ፤
 ናጋራ አሊዛይታ ቃናቶፓ።

2 አይሰ ገሶ ኢሰቲ
 ማታ ማላ ኤሶን ሜላና፤
 ቦንጮ ማላ
 ኢሰቲ ሹሊዲ ቆካና።

3 ኔኒ ጎዳን አማኔታ፤
 ሎኦ ኦሶካ አላ፤
 ሂሰቲኮ ኔኒ ቢታ ቦላ
 ፓላሂን ዳና።

4 ጎዳን ኡፋይታ፤
 ኢዚ ኔሰ
 ኔ ሞዚና አሞ አማና።

5 ኔ ኦጌ ጎዳሰ ሃዳራ አማ፤
 ኢዛን አማኔታ፤
 ኢዚካ ኔሰ አላና።

6 ኢዚ ኔ ጸሎቴላ
 ማላዶ ጸልቁ ማላ ኬሳና፤
 ኔ ዮኦዛ ፒርዳካ
 ቤታ ጋላሳ አሞ ማላ
 ፖኢሳና።

7 ጎዳ ሲንላን ጮኡ ጋዳ
 ኢዚ ኦላና ጋካናሰ
 ዳንዳያን ናጋ፤
 ኢታ አሳቲ ዱሬቲኮኔ
 ኢሰታ ቆፋይ ፖሌቲኮ
 ኔ ኢሰታ ቦላ ዩሎቶፓ።

8 ሃንቆ አጋ፤
ዩሎፌ ባቃታ።
ዩሎቶፓ፤ አይስ ጊኮ
ሄሲ አስ ማቶን ዩጌስ።

9 ኢታ ኦሲዛይት
ቋቃሌት ጳያና፤
ጊዶ አቲን ጎዳን
ሂዶታ ኦሲዛይት
ቢታ ላታና።

10 ኢታ ኦሲዛይት
ጉላ ዋዴፕ
ጉዬ ዴኤቴና፤
ኔኒ ኢስታ ኮዩዳኮካ
ኢስቲ ቤቴቴና።

11 ጊዶ አቲን አሽኩቲ ቢታ ላታና፤
ኢስቲ ጊታ ሳርቴላን
ኡፋዬቴ ዳና።

12 ኢታ አሳቲ
ዲሎታ ቦላ ማቄቴቴሲኔ
ባ አቶ ጋርጬቴሰ።

13 ጊዶ አቲን ጎዳይ
ኢታታ ቦላን ሚጬሰ፤
አይስ ጊኮ ኢስቲ ጳያና ጋላሳይ
ጋኪዳይሳ ኢዚ ኤሬስ።

14 ኢታ አሳቲ ሂዩሳታኔ
ሜቶታንቻታ ጳይሳና።
ሱሬቴላን ሄሚቴዛይታ
ዋቆናዉ ባንታ ማሻ
ሾዴቴሲኔ
ባንታ ዋንዳፌዛ ዳፌቴሰ።

15 ጊዶ አቲን ኢስታ ማሻይ
ኢስታሰ ዋዚና አይፌን ጌላና፤
ኢስታ ዋንዳፌይካ ሜቃና።

16 ዲሎስ ዴኢዛ ጉላይ
ኢታ አሳታሰ ዲዛ
ዳር አቆታፕ አጼስ።

17 አይስ ጊኮ
ኢታታ ዋልቃይ ሜቃና፤
ዲሎታ ጊዲኮ
ጎዳይ ሚንጬሰ።

18 ጎዳይ ሱሬ አሳታ
ኡባ ጋላሰ ናጌሰ፤
ኢስታ ላታይካ
ሜርናስ ኢስታሰ ጊዳና።

19 ኢታ ዋዴን
ሱሬ አሳቲ ዩላቴቴና፤
ኮሻ ላይሳ ኢስቲ ካሊ ማና።

20 ኢታ አሳቲ ጊዲኮ ሃይቃና፤
ጎዳ ሞርኬቴ
ባዞ ጨሻ ማላ ቆካና፤
ጨዋ ማላካ ጮ ጳያና።

21 ኢታ አሲ ታልኢ ኤኪዲ
ዛሪ ኤሬና፤
ጊዶ አቲን ዲሎ አሲ
ቃጼቴዲ ጌዴ አሜስ።

22 ጎዳን አንጃቲዳይት
ቢታ ላታና፤
ጊዶ አቲን ኢዚ ቃንጊዳይት
ጮ ጳያና።

23 አሳ ኦጌይ ጎዳ ኡፋይሲኮ
ጎዳይ ኢዛዴ
ታንጎ ካሌሌሲኔ ሚንጬሰ።

24 ኢዚ ቆጶቴኮካ ኩንዶንታ ማላ
ጎዳይ ባ ኩሼን
ኦይኪ አሼሰ።

25 ታኒ ካሴ ዩላጋ ሸን
ሃኢ ጨማዲሰ፤
ጊዶ አቲን ዲሎ አሲ
ጮ ዩጌቴ አቲሸን፤
ዋይኮ ኢዛ ዜሬላ
ካላ ዋሲ ሚሸን
ታኒ ሙሌካ ቤኦ ኤሪኬ።

26 ኢዚ ኡባ ዋዴካ ኪያቴላ አሜስ፤
ዲቺ ባይንዳ ታልኤሰ፤
ኢዛ ዛሬቴካ አንጃሰ ጊዳና።

27 ኢታፕ ሃካ፤ ሎኦ ሚሽ ኦላ።
ሂሰቲኮ ኔ አዳሳ ሳይላ ዴኦና።

28 አይስ ጊኮ ጎዳይ ዲሎቴላ ዶሴስ።
ጸሳይ ባሰ አማኔቲዳ
አሳታ ዩጌና፤
ኢዚ ኢስታ ሜርናሰካ ናጋና።
ጊዶ አቲን
ኢታታ ዜሬላቲ ቋማና።

29 ዲሎቲ ቢታዮ ላታና፤
ኢዚን ሜርናሰ ዴኦና።

30 ዲሎ አሳ ዶናይ
አቋ ኤራቴላ ዮቴሰ፤
ኢዛ አንጸርሲካ ዲሎ ሃሳዬስ።

31 ኢዛ ጸሳ ዋጋይ ኢዛ ዋዚናን ዴሰ፤
ኢዛ ቶሆይካ ሃርቺና።

32 ኢታ አሲ ዲሎ አሰ
ኢታ አይፌን ዴሌሲኔ
ዋቆናዉካ ኮዩ ካሌስ።

33 ጊዶ አቲን ጎዳይ ዲሎ አሰ
ኢዛ ኩሼን ዩጌና፤
ፕርዲሰ ኤቁዛ ዋዴካ
ኢዛ ኦላ አሜና።

34 ጎዳ ሂዶታ ኦላ፤
ኢዛ አዛዞካ ናጋ፤
ኢዚ ኔና ቢታ ላቲሳና፤
ዛሪዲካ ቦንቻና፤
ኢታ አሳቲ ቋሚ ጳይሸን
ኔ ቤያና።

- 35 ታኒ ኢሲ ማንጾ ኢታ ኣሲ
ዋላ ማላ ዳዩዳይሳ ቤያዲሰ።
- 36 ጊደ ኣቲን ታኒ ሄ ሶሆራ
ሲማዳ ካንሉዛ ዋዴ
ኢዚ ዳይዳሰ፤
ታ ኮዩንካ ኢዚ ቤቲቤና።
- 37 ኣኔ ሎኦ ኣሰ ኣኩካ፤
ሱሬ ኣሰ ቤኣ፤
ሳሮ ኣሳሰ ወርሴሉ ሎኦ ጊዳና።
- 38 ጊደ ኣቲን ናጋራንቻቲ
ሙሉራ ዳያና፤
ኢሰቲ ወርሴላን ዶማና።
- 39 ጸሎታሰ ኣቶቴሉ ጎዳፔ ዩሰ፤
ሜቶ ዋዴ ኢዚ ኢሰታሰ ጌሚዛሶ።
- 40 ጸሎቲ ጎዳ ጉዩ ኣዲዳ፤
ሄሳ ጊሻሰ ኢዚ ኢሰታ
ማዳሲኔ ኣሹሰ፤
ኢታታ ኩሹፔካ
ዋላ ኤኬሰ።

38

ሃሳኢሶሰ ዳዊቲ ዩዲዳ ማዛሙራ

- 1 ኣቤት ጎዳዉ!
ኔ ሃንቆን ታና ሴርፓ፤
ኔ ዩሎን ታና ሙርፓ።
- 2 ኔ ዋንዳፌ ዩሺ ታና ጫዲዳሰ፤
ኔ ኩሹይካ
ታና ናቂ ኦይኪዳሰ።
- 3 ኔ ሃንቆፌ ዳንዲዳይሳን
ታ ቦላይ ፓዩና፤
ታ ናጋራ ጋሶን
ታ ኣሳቲላይ ፓፓቲዳሰ።
- 4 ታ ቆሆይ ታና ሚቲዳሰ፤
ዳጸ ቶሆ ማላ
ታና ናቂ ኦይኪዳሰ።
- 5 ታኒ ኤያቲላን ኦሊዳ
ናጋራ ጋሶን
ታ ማዲንላይ ጸንቂዳሰ።
- 6 ታኒ ሆካዲሲኔ ቁናዲሰ።
ጋላሰ ኩሜሳ
ዩካሹ ፔኣዲሰ።
- 7 ታ ኣሹይ ታማ ሚሻ ማላ
ጸጌሰ፤
ታ ቦላይካ ፓዩና።
- 8 ታኒ ኢጾታዲሲኔ ኒፊፊ ጋዲሰ፤
ታ ዋዚናይ
ጨጨዳ ጊሻሰ ዋሳይሰ።

- 9 ኣቤት ጎዳዉ!
ታ ኣሞ ኡባ ኔ ኤራሳ፤
ታኒ ጨጨዳይሲ
ኔፔ ጌሚቤና።
- 10 ታሰ ዋዚና ኣይፊን ጉፔሰ፤
ታ ዋልቃይ ጨንጊዳሰ፤
ታ ኣይፊፔ ፖኦይ ኩቺዳሰ።
- 11 ታ ማዲንላ ጋሶን
ታ ሾርቲኔ ታ ላጌቲካ

- 12 ታፔ ባቃቲዳ፤
ታ ዳቦቲካ ታፔ ሃኪዳ።
ባንታ ናርጸ ታና ኦይካና ዋሊዳ፤
ታና ቆሃናዉ ኮይዛይቲ።
«ናጋሻ፤ ኦኒ ኔና
ዳማና» ጊዲ
ታ ቦላ ማንዲዳ፤
ጋላሰ ኩሜሳ ታ ቦላ
ጌንን ዲላቲዳ።

- 13 ሄ ዋዴ ታኒ ሲዮንታ
ቴሌ ኣሳ ማላ ጊዳዲሰ፤
ደናካ ፖጎንታ
ዲዳ ኣሳ ማላ ጊዳዲሰ።
- 14 ቱማፔ ታኒ ሃይሉ ሲዮንታ
ኣሳ ማላ፤
ደናይ ሃሳዮንታ
ኣሳ ማላ ጊዳዲሰ።
- 15 ጊደ ኣቲን ኣቤት ጎዳዉ!
ታኒ ኔናን ሂደታ ኦላይሰ፤
ኣቤት ታ ጎዳዉ!
ኔኒ ታሰ ዛሮ ኢማ።

- 16 ታኒ ጎዳ፤
«ታ ቶሆይ ሃንዳራሽን፤
ታ ሞርኬቲ፤ «ኢዛሰ ሃሹ»
ጋና ማላ፤
ታ ቦላ ጨቁታና ማላ
ኦላፋ» ጋዳ ዋሳይሰ።

- 17 ታኒ ኩንዳና ማታዲሰ፤
ታ ሳኮይካ ፓጸንታ ኢጲዳሰ።
- 18 ታ ናጋራይ ታና ሜቲዳሰ፤
ሄሳ ጊሻሰ ታ ቆሆ
ታ ኔሰ ፓጸይሰ።
- 19 ታ ሞርኬቲ ጊታኔ ዋልቃማ፤
ታና ጮ ኢጲዛይቲ ጮራ።
- 20 ታኒ ሎኦ ኦሶ ኦሊን
ታሰ ኢታ ዛሪዛይቲ
ታኒ ሎኦ ካሊዛ ጊሻሰ
ታናራ ኤቁቴቲሰ።

- 21 ኣቤት ጎዳዉ!
ኔ ታና ዩሳፋ፤
ኣቤት ጸሳዉ
ታፔ ኔኒ ሃኮፋ።
- 22 ኣቤት ታና ኣሽዛ ጎዳዉ!
ታና ማዳናሰ ኤሶታ።

39

ዳዊቲ ዛማራታ ካቦ ኤደታኔሰ ዩዲዳ ማዛሙራ

- 1 ታኒ፤ «ኢንጸርሳን
ናጋራ ኦሎንታ ማላ
ታኒ ታ ኦጌ ናጋና፤
ኢታ ኣሳቲ
ታ ሲንላን ዲዛ ዋዴ
ታ ደና ጎርዳና» ጋዲሰ።
- 2 ታኒ ዲዳ ማላ ጮኡ ጋዲሰ፤

ሃራይ አቶሺን ሎኦ ሚሽ
ሃሳያናፕካ ጮኡ ጋዲሰ፤
ጊደ አቲን ታ ዋዬይ
ሃ ደሪዳሰ።

3 ታ ዋዚናይ ቆፋን ሴሊዳሰ፤
ታ ዩሻ ቆፕሺን ታማ ማላ
ኤጲ ኬዚዳሰ።
ሂሰቲን ታኒ ሃሳያ ደማዲሰ።

4 «አቤት ጎዳወ! ታ ዳኦ ወርሴላኔ
ታሰ ዳኦናሰ አቲዳ ጋላሳታ
ታና ቤሳ።
ቃሴ ታ ዳና ላይላይ
አይ ኬና ቃንሳኮ
ታና ኤሪሳ።

5 ኔኒ ታ ላይላ
ቂ ታቆኮ ኬና ኬሳዳሳ፤
ታ ላይሊ ኔ ሲንሳን
ቆዳን ባይንዳ ማላ፤
ቱማፔ አሲ ኡባይ
ኢሲቶ አጂ ቢዛ ጫርኮ ማላ።

6 ቱማፔ አሳ ዲሲ ኤሾ ማላ፤
ጮ ማላ ሃደ ሃር
ሺሾን ዳቡሪሰ፤
ጊደ አቲን ኦኒ ኤካናኮ ኤሬና።

7 «አቤት ጎዳወ!
ኔፔ አቲን ሃራ
ኦናኮ ጸሎ?
ታ ሂደታይ ኔናና።

8 ታ ሞር ኡባሬ ታና አሻ፤
ኤያታ ሚቻሰ ታና ኬሶፋ።

9 ሃይሳ ኡባ ኦሊዳይ
ኔና ጊዲዳ ገሻሰ
ታኒ ጮኡ ጋና፤
ደናካ ፖጊኬ።

10 ኔ ቦሻ ታ ቦላሬ ዳንሳ፤
ኔ ዋልቃማ ሾቻ ጋሶን
ታ ዳቡራዲሰ።

11 ኔኒ አሰ ኢዛ ናጋራ ገሻሰ
ሴራሳኔ ሙራሳ፤
ኢዛሰ ዲዛ አልኦ ሚሽ ባዳ ማላ
ኔ ወርሳሳ፤
ቱማፔ አሲ ኡባይ ኢሲቶ
ጫርኪ አጂዛ ጫርኮ ማላ።

12 «አቤት ጎዳወ!
ታ ዋሳ ሲያ፤
ታና ማዳናሰ ታ ዋሶዛ ኤዘጋ።
ታ አፋንሳ ጮኡ ጎፓ፤
ታኒ ካሴ ታ አዋታ ኡባ ማላ
ቤቴ አሲኔ አማሕ ጊዳዳ
ኔ ኬሳን ዳይሰ።

13 ታኒ ጉዬ ሲማ ያናሰ
ዳንዳዮንታሶ ባናፔ ካሴ
ጉላ ዋዴ ኡፋይታና ማላ
ታና አጋሻርኪ!» ጋዲሰ።

40

ዳዊቲ ዛማሪታ ካቦሰ ዩጲዳ ማዛሙራ

1 ታኒ ጎዳ ዳንዳያን ናጋዲሰ፤
ኢዚ ታኮ ሲሚዲ
ታ ዋሳ ሲዩዳሰ።

2 ጪማ ኦላሬ፥ ሚቲዛ ኡርቃሬ
ታና ኬሲዳሰ፤
ታ ቶሆታ ዛላ ቦላ ኤሲዳሰ፤
ቃሴ ታ ሂማሳ ሚንሲዳሰ።

3 ኢዚ ታ ደናን
ኦራላ ማዛሙራ ዋሊዳሰ፤
ሂ ዩላይ፥
«ኮ ጸሳይ ጋላቴቶ» ጊዛዛ።
ዳርቲ ቤኢዲ ያያናኔ
ጎዳን አማኔታና።

4 ጎዳን አማኔቲዛይ፥
ኦቶራንቻታኮ ሲሞንታይ፥
ዋርዳንቻታኮ ጸሎንታይ
አንጃቲዳዳ።

5 አቤት ታ ጎዳወ!
ኔኒ ዳር ማላሊሲዛ
አሶ አላዳሳ፤
ኔናራ ሊኬቲዛይ
ኦኒኔ ባዋ!
ኔኒ ኮሰ ቆፕዳ ሎኦ ቆፋ
ኦኒኔ ቆዳናወ ዳንዳዬና፤
ሂሲ ታኒ ዮቲን
ወሪዛዝ ጊዳና።

6 ኔኒ ያርሾኔ
ሙጹዋታ ኮያቤካ፤
ጸጊዛ ያርሾኔ
ናጋራ ያርሾካ
ኔኒ ሳሞታቤካ፤
ጊደ አቲን ሲያና ማላ
ታሰ ሃይላታ ደያዳሳ።

7 ሄሳሬ ጉዬ ታኒ፥
«ጸላ ማጸፋን
ታ ገሻሰ ጸፊቲዳ ማላ
ሄኮ ሃኢ ታኒ ያዲሰ።

8 አቤት ታ ጸሳወ!
ታኒ ኔኒ ኮይዛይሳ
ኦላናሰ ደሳይሰ፤
ኔ ዋጋይ ታ ዋዚና
ጊደን ዳሰ» ጋዲሰ።

9 ጊታ ሺቆን ታኒ ጲሎቴላ
ሚሺራቾ አዋጃዲሰ።
አቤት ጎዳወ!
ኔኒ ኤሪዛ ማላካ
ታኒ ታ ደናን
ዮቲዛይሳ አጊኬ።

10 ታኒ ኔ ጲሎቴላ
ታ ዋዚናን ቆታቤኬ፤
ኔኒ አማኔቲዛይሳኔ
አሺዛይሳ ታ ዮታዲሰ።

ቃሴ ኔ ሲቆኔ
ኔ ቱማቴላ
ገታ ሺቆዛፔ ገንጎቤኩ።

- 11 አቤት ጎዳዉ!
ኔ ማርቴላ
ታፔ ሃሶፋ፤
ኔ ሲቆይኔ ኔ ቱማቴላይ
ታና ኡባ ዎዳ ናጎ።
- 12 አይሰ ገኮ ቆዳይ ባይንዳ
ኢታ ሚሺ ታና ዶዲዳሰ፤
ታ ኢታቴላ ዳሪዳ ገሻሰ
ታ ጸላናዉ ዳንዳይኩ።
ታ ኢታ ኦሶይ
ታ ሁኤ ቢናናፔ ዳሪዳሰ፤
ታ ዎዚናይ ታ ገዶን ሴሪዳሰ።

- 13 አቤት ጎዳዉ! ታና አሻ፤
አቤት ጎዳዉ!
ታና ማዳናሰ ኤሶታ።
- 14 ታና ዎቆናዉ ኮይዛይቲ
ሙሉካ ዩላቴቶኔ ካወዬቶ፤
ታኒ ቆሃታናይሳ አሞቲዛይቲ
ካወዬዲ ጉዬ ሲሜቶ።
- 15 ታ ቦላ፥
«ኢዛሰ ሃሹ! ሃሹ!» ገዳይቲ፥
ባ ሁኤሰ ዩላን ዳጋሚቶ።
- 16 ገዶ አቲን ኔና ኮይዛ ኡባቲ
ኔናን ኡፋዬቴቶኔ
ሃሹ ጌቶ፤
ኔ አቶቴላ ዶሲዛ ኡባቲ፥
«ጎዳይ ገታቶ!» ጌቶ።
- 17 ታኒ ሂዬሳኔ ሜቶታንቻ፤
ጎዳይ ታሰ ቆፔሰ፤
ታና ማዲዛይኔ
አሺዛይ ኔና፤
አቤት ታ ጸሳዉ
ታና ኤሶን ማዳ።

41

ዳዊቲ ዛማሬታ ካቦሰ ዩጲዳ ማዛሙራ

- 1 ሂዬሳሰ ቆፐዛ አሲ አንጃቲዳይሳ፤
ሜቶ ጋላሰ ጎዳይ ኢዛ አሺሰ።
- 2 ጎዳይ ኢዛ ናገዲ ፓጸ ዎሌሰ፤
ኢዛካ ቢታ ቦላ አንጃታና፤
ጎዳይ ኢዛ ሞርኬታሰ
ኢዛ አላዲ አሜና።
- 3 ጎዳይ ኢዛ ሃርጌቲዲ
ሂጸን ዲሺን ማዳሰ፤
ሳኬቲንካ ኢዛ ፓሌሰ።
- 4 ታኒ ገዲኮ፥ «አቤት ጎዳዉ!
ታኒ ኔና ቆሃዳ ገሻሰ
ታና ማራ፤
ሃርጌፊ ታና ፓላ» ጋዲሰ።

41:9 ማቶ 26:23፤ ማር 14:18፤ ሉቃ 22:21፤ ዮሃ 13:18

- 5 ታ ሞርኬቲ ታ ቦላ
ኢታ ሚሽ ሃሳይዲ፥
«ኢዚ አዉዳ ሃይቃንዳሻ?
ቃሴ ኢዛ ሱንሳይካ
አዉዳ ቆያንዳሻ?» ጌቲሰ።
- 6 ታና ቤያናዉ ዩዛ ኦኒካ
ባ ዎዚናን
ኢታ ሚሽ ሱሊሽ
ቆጄፔ ቆሞን ሃሳዬሰ፤
ካሬ ኬዚዲካ ዚገርሰ ፑኔሰ።
- 7 ታና ኢጲዛ ኡባቲ
ዙፔቲዲ ታ ቦላን
ሳሱኬቴቲሰ፤
ኢታ ሚሺ ታ ቦላ
ጋካና ማላ አሞቴቲሰ።
- 8 «ኢዛ ኢታ ሃርጌይ ኦይኪዳሰ፤
ኢዚ ሃ ኢቶዳሶፔ
ሙሉካ ዳንዳና» ጌቲሰ።
- 9 ሃራይ አቲን ታኒ አማኔቲዛ
ታ ሲቆ ላጌይ፥
ታናራ ኢሲ ማዳፊ ሚዳይ
ታ ቦላ ቶሆ ዳንላዳሰ።
- 10 ገዶ አቲን አቤት ጎዳዉ!
ኔኒ ታና ማራ፤
ታኒ ሃሎ ኬሳና ማላ
ታና ሃርጌፊ ፓላ።
- 11 ታ ሞርኬይ
ታና ጸኖንታይሳን
ኔ ታና ዶሲዛይሳ
ታ ኤራይሰ።
- 12 ኔኒ ታና
ታ ሱሬቴላ ገሻሰ ማዳሳ፤
ኔ ሲንላን ታና
ሜርናሰ ዎላሳ።
- 13 ጎዳ ኢሰራኤሌ ጸሳይ
ሜርናፔ ሜርና
ጋካናዉ ጋላቴቶ።
አሚን! አሚን!

ናሞአንሳ ማጻፋ

42

(ማዛ 42—72)

ዛማሬታ ካቦሰ ቆሬ ናይቲ ሃሳኣን ሺሺዳ ገንጸ

- 1 ዉሻይ ፑልቶ ሃሕ ላሞቲዛ ማላ፥
አቤት ጸሳዉ፥
ታኒካ ኔና ላሞታይሰ።
- 2 «ታ ሺሞፖያ
ታኒ ባዳ ጸሳ ሲንሕ
ቤያናይ አዉዳሻ?» ጋዲ
ጸሳ፥ ዳኦ ጸሳ ሳሚታዲሰ።
- 3 አሳይ ኡባቶ፥
«ኔ ጸሲ አሞን ዲዜ?»
ገዛ ዎዳ ታሰ ጋላሰኔ ኦማርሰ
አፋንላ ቁማ ገዲዳሰ።

41:13 ማዛ 106:48

4 ታ ዋዚናና ጨጨፍን ገደራ
 ሴራሽ ሃይታንታ አከካዲስ፤
 ዳሮ ዋዴ ታ ጸሳ ኬል
 ካሌላሽ
 ኢሊሊሳኒኔ ጋላታ ዬላን
 ባኣሌ ቦንቻና
 ሸቂዳ ዳሮ ኣሳ ገደራ
 ታ ዋና ቢዛኮ አሙሳዲስ።

5 ታኒ ኣይሰ ሂደታ ቃንጸዚና?
 ቃሴ ኣይሰ ጨጨዚና?
 ታኒ ጸሳን አማኔታይስ፤
 ታና ኣሺዛ ታ ጸሳ
 ታ ቡሮ ጋላታና።

6 ታ ጸሳዉ!
 ታ ዋዚናና ጨጨዲስ፤
 ሄሳ ገሻሰ
 ታኒ ዮርዳኖሴ ቢታን
 ሄርሞኔ ዙምቡላ
 ሚዛሬ ዙማ ቦላ ኤቃዳ
 ኔና ታ ቆፓና።

7 ኔ ፒሳ ጉንሳን
 ጨማይ ጨማሰ ኣንኬስ፤
 ቃሴ ኔ ዳምባላይኔ
 ኔ ጫርኮ ኡባይ
 ታ ቦላራ ኣዲዴስ።

8 ጎዳይ ባ ሚርና ሲቆ ጋላሰ
 ታሰ ከቲስ።
 ታኒካ ኦማርሰ ኢዛሰ
 ጋላታ ማዛሙራ ሸሻይስ፤
 ሄሲካ ታ ዴኦ ጸሳሰ
 ሸሸዛ ዋሳ።

9 ታ ጸሳዉ ታሰ ዛላዉ!
 «ኔ ታና ኣይሰ ደጋዲ?
 ታ ሞርኬቲ ታና ቆሂሺን
 ታ ጨጨሽ
 ኣይሰ ዴኦ?» ጋይስ።

10 ታ ሞርኬቲ ታና ኡባ ዋዴ፤
 «ኔ ጸሳይ ኣዋን ዲዜ?»
 ገዲ ዮኦን ታና ጫዴቲስ፤
 ሚቄሊካ ሚንሊ ጫዴቲስ።

11 ታኒ ኣይሰ ሂደታ ቃንጸዚና?
 ቃሴ ኣይሰ ጨጨዚና?
 ታኒ ጸሳን አማኔታይስ፤
 ታና ኣሺዛ ታ ጸሳ
 ታ ቡሮ ጋላታና።

43

1 ኣቤት ጸሳዉ! ኔ ታሰ ፒርዳ፤
 ጸሳ ኤሮንታ ካዎቲላታራ
 ኔ ታ ገሻሰ ሞቲታ፤
 ጨሚዛ ኣሳታፔኔ
 ኢታ ኣሳታፔ ታና ኣሻ።

2 ታ ጸሳዉ! ታሰ ኔ ሚኖ ሚጸ፤
 ሂሰቲን ኔ ታና ኣይሰ ኣጋዲ?
 ታ ሞርኬቲ ታና ቆሂሺን

3 ኔ ፖኦኔ ኔ ቱማ ታሰ ኪታ፤
 ኢሰቲ ታና ካሌሌቶ፤
 ፑዴ ገሻ ዙማ ቦላ
 ኔ ዲዛሶ ታና ጋሌቶ።

4 ሄ ዋዴ ታኒ
 ታና ኡፋይሲዛ ጸሳኮ ባና፤
 ኔሰ ያርሾ ያርሺዛሶዛ ባዳ
 ኔሰ ጎይናና፤
 ኣቤት ጎዳ ታ ጸሳዉ!
 ታኒ ዲላን ኔና ሳባና።

5 ታኒ ኣይሰ ሂደታ ቃንጸዚና?
 ቃሴ ኣይሰ ጨጨዚና?
 ታኒ ጸሳን አማኔታይስ፤
 ታና ኣሺዛ ታ ጸሳ
 ታ ቡሮ ጋላታና።

44

ዘማሬታ ካቦሰ ቆሬ ናይቲ ሃሳኣን ሸሸዳ ጊንጾ

1 ኣቤት ጸሳዉ!
 ቤኒ ኣዲዳ ዋዴ
 ኔ ኦሲዳ ገታ ሚሻ
 ኩኒ ሲዩደስ፤
 ኩ ኣዎታ ዋዴካ
 ኔ ኦሲዳይሳ
 ኢሰቲ ኩሰ ዮቲዳ።
 2 ካዎቲላታ ኔኒ ኔ ኩሽን
 ጎዳ ኬሳዳሳ፤
 ኩ ኣዎታ
 ኢሰታ ቢታን ቶካዳሳ፤
 ዴራ ለቂሳዳሳ፤

ገደ ኣቲን
 ኔ ካዎቲላታ ኣሳዳሳ።
 3 ኢሰቲ ባንታ ማሻን ኦሊዲ
 ሄ ቢታ ኦይኪቤቲና፤
 ኢሰቲ ጸኒዳይ
 ባ ቁሴ ሚኖቲላን ገደና።
 ገደ ኣቲን ኔኒ
 ኢሰታን ኡፋዬቲዳ ገሻሰ
 ኔ ኡሻቻ ኩሽይ፤
 ኔ ቁሴይኔ
 ኔ ሲንሳ ፖኦ ዋልቃይ
 ሄሳ ኦሊዳስ።

4 ታ ጸሳዉ ታ ካዎይ ኔና፤
 ያቆቤ ዜሬላሰ
 ጸኖ ኢሚዳይ
 ጸሶ ኔና።

5 ኔናን ገዲዲ ኩ ሞርኬታ
 ኩ ኦሊ ጸናና፤
 ኔ ሱንላን ኩናራ ኤቁቲዛይታ
 ኩኒ ዬቆና።

6 ታኒ ታ ቶራን አማኔቲኬ፤
 ታ ገላ ማሻይካ
 ታና ኣሸና።

7 ገደ ኣቲን ኔኒ ኩና
 ኩ ሞርኬታፔ ኣሻሳ፤

- ቃሴ ኑና ኢጲዛይታ
ኔኒ ካወሻሳ።
- 8 ኑኒ ኡባ ዎዴ
ጸሳን ጨቄቶሰ፤
ኔ ሱንሳካ ማርናሰ ሳቦሰ።
- 9 ሃኢ ገዲኮ ኔ ኑና አጋዳሳ፤
ቃሴካ ካወሻዳሳ፤
ኔኒ ኑ ኦላንቻታራ
ኢሲፌ ኬዚዛይሳ አጋዳሳ።
- 10 ኑ ሞርኬታ ሲንሳፌ
ኑና ባቃቲሳዳሳ፤
ኑናራ ኤቁቲዛይቲ
ኑ አቆታ ቦንቁዳ።
- 11 ኔኒ ኑና ደርሳታ ማላ ሹካሰ
አሳ አማዳሳ፤
ቃሴ ካዎቲሳታ ገደን
ኑና ላላዳሳ።
- 12 ኔኒ ኔ አሳ ሃራይሶን ባይዛዳሳ፤
ገደ አቲን ዎዴ ዳማቤካ።
- 13 ኔኒ ኑና ኑ ሾርታሰ ጫሻሰ።
ቃሴ ኑ ሃራን ዲዛይታሰ ቂዴሲኔ
ሚቻሰ ኬሳዳሳ።
- 14 ኔኒ ኑና ካዎቲሳታ ገደን
ሃይሲኤሰ ኬሳዳሳ፤
ኢሰቲ ባንታ ሁኤ ኑ ቦላ
ቃላ ቃላ
ቂዳና ማላ ኦላዳሳ።
- 15 ታ ኡባ ዎዴ ካወያዲሰ፤
ታ ሲንሳ ዬላ ማይኢዴሰ።
- 16 ሄ ኡባይ ታና ጋኪዳይ
ታ ሞርኬቲ ታ ቦላ
ሃሎ ኬሲሺን
ሃራቲ ካዲዲ ሚጨዳ ገሻሳ።
- 17 ኑኒ ኔና ደጎንታ ዲሺን
ዎይኮ ኔ ጫቆ ቃላ
ፓጨንቻንታ ዲሺን
ሃይሲ ኡባይ ኑ ቦላን ጋኪዴሰ።
- 18 ኑ ዎዚናይ ኔፔ
ጉዬ አንዲዲቤና፤
ኑ ቶሆይ ኔ ኦፔፔ
ጋጸ ኬዚቤና።
- 19 ገደ አቲን ኔኒ ኑና
ሚንሴሬላዳ
ደአ ኦፔን ዩጋዳሳ፤
ገርዲ ገዳ ቆማንካ ኦላዳሳ።
- 20 ኑ ጸሳ ሱንሳ
ኑኒ ባሊዳ ገዲኮ
ኑ ኩሼካ ኤቃ ጸሳታ
ዎሳናሰ ሚጨዳኮ።
- 21 ሃይሳ ኤርይ ጸሰ ጸናኔ?
ኢዚ ዎዚናን ጌሚ ዲዛ
ጹራ ኡባ ኤሬሰ
- 22 ገደ አቲን ኡባ ጋላሰ
ኔ ገሻሰ

- ሃይቆሰ አዲ አሜቲዶሰ፤
ሹካሰ ኤፊዛ ደርሳታ ማላካ
ቆዴቲዶሰ።
- 23 አቤት ጎዳዉ ቤጋ!
አይሰ ዲሰካይ?
ዴንዳ! ማርናሰ ኑና አጎፋ።
- 24 ኔ ሲንሳ ኑፔ አይሰ ጌንሳይ?
ኑ ቆሄቲሳኔ
ኑ ኡንኤቲሳ አይሰ ደጋይ?
- 25 ኑኒ ዲጌ ጉዲላን ዩጌቲዶሰ፤
ቢታ ቦላካ ፖርጨ ገደሰ።
- 26 አቤት ጎዳዉ።
ኑና ማዳናሰ ዴንዳ!
ኔ ማርና ሲቆን ኑና ዎዛ።

45

- ጨሻታ ገገሶ ጌቲቲዛ ዬሳን ቆሬ ናይቲ ዛማሬታ ካቦሰ
ዩጲዳ ማዛሙራ
- 1 ታ ዎዚናፔ ሎኦ ቆፋይ ፑልቲሰ፤
ታ ገገሲዳ ገንጾዛ
ካዎዛ ሲሳና፤
ታ አንጸርሳይካ
ኤራንቻ ጸፌ ቢኢሬ ማላ።
 - 2 አሳ ኡባፌ ኔኒ ኬሃ ሎአሳ፤
ኔ ፑላን ኩሚዳ
ቃላ ሃሳያሳ፤
ሃሳ ገሻሰ ጸሲ ኔና
ሚርናሰ አንጂዴሰ።
 - 3 ዎልቃማ ካዎ!
ኔ ማሻ ገጸ፤
ቦንቻኔ ቲማ ማይኣ።
 - 4 ቲማቲሳሰ።
አሽኬቲሳሰኔ ጲሎቲሳሰ
ኔ ቲማቲሳ ማይኣዳ
ኦላ ጸናናሰ ሲንሳ ሆርዶፋ፤
ኔ ኡሻቻ ኩሼይ
ማላሊሲዛ ሚሽ ቤሶ።
 - 5 ኔ ዩሻቲ ቃራታ፤
ኢሰቲ ካዎ ሞርኬታ
ዎዚና አይፌን ጫዳና፤
ካዎቲሳቲ ጸኔቲዲ
ኔ ቶሆ ጋርሳን ኩንዳና።
 - 6 አቤት ጸሳዉ!
ኔ ካዎቲሳ አልጋይ
ሚርናሰ ዳና፤
ኔ ካዎቲሳ ጉፌይካ
ሱሬቲሳ ጉፌ።
 - 7 ኔኒ ጲሎቲሳ ደሳሳ፤
ማካላቲሳ ኢጸሳ።
ሃሳ ገሻሰ ጸሳይ።
ኔ ጸሳይ
ኔ ላጌታፔካ አሊዲ
ኔና ኡፋይሳ ዛይቲን ቲይዴሰ።
 - 8 ካርቤፌ፣ ጎዳሬ ኡላፌኔ

- ቡርጉዳፕ
ኦሴቲዳ ሺቶን ኔ ማይኦይ
ጫጫፊቲዲ ሳዎ ቱኑ ጌሰ፤
ዳንጋርሳ ዛሌን አሌቄቲዳ
ኔ ካዎቲሳ ኩላን
ዲጾቲዛ ዲላይኔ
ማሰንቆይ ኔና ኡፋይሴሰ።
- 9 ካዎቲሳ ኩላን ዲዛ
ማጫሳታ ጊደን
ካዎታ ማጫ ናይቲ ዳቴሰ፤
ጎዳቲያ ጌሻ
ዎርቃን አሌቄታዳ
ኔፔ ኡሻቻ
ባጋን ኡቃዲሰ።
- 10 ታ ናዬ፥ ኤዘጋ ሲያ፤
ኔ ሃይላ ሃ ዬጋ።
ኔ ዴራኔ
ኔ አዎ ኩላ ደጋ።
- 11 ኔ ሜቆ ሎኦይ
ካዎ ዎዚና ኤኪዳሰ፤
ኢዚ ኔሰ ጎዳ ጊዲዳ ጊሻሰ
ኔ ኢዛ ቦንቻ።
- 12 ጸርሴ አሳይ ኢዚሰ
ኢሞታ ኤኪ ያና፤
ዲሬቲ ኔና አዳሻና።
- 13 ካዎ ናያ ካዎ ኩላ ጊደን
አይ ማላ ሎኦይ!
ኢዚ ማይኦይካ ዎርቃን አሌቄዳሰ።
- 14 ባ አሌቆ ማይኦይ ማይኦይ
ካዎዛኮ ባወሰ፤
ኢዚ ላጌ ጊዲዳ ጌላኦቲ
ኢዘ አዛቢ ኢዛሰ ኤኪ ዪዳ።
- 15 ኢሰቲ ኡፋዬቲሼኔ
ሆሞቦጪሼ ዪዲ
ካዎዛ ኩላ ጌላቴሰ።
- 16 ካዎ! ኔ ናይቲ
ኔ አዎታ ሶሆ ላታና፤
ኔኔ ኢሰታ ቢታ
ኡባ ቦላን ሹማና።
- 17 ታኒ ኔ ሱንሳ ዬሌታ ኡባን
ሃሳኤታና ማላ አላና።
ሄሳ ጊሻሰ አሳይ
ሜርናሰ ኔና ሳሳና።

46

ጌላኦ ናይታ ኤዶ ጌቲቲዛ ዬላን ቆሬ ናይቲ ዛማሬታ ካቦሰ ዬጸዲ ማዛሙሬ

- 1 ጸሲ ኩኒ ሸቂ አቲዛሶኔ
ኔሰ ዎልቃ፤
ኦና ሜቶይ ጋኪዛ ዎዴ
ማዳናሰ ኢዚ ኡባቶ
ማታን ዴሰ።
- 2 ሄሳ ጊሻሰ ቢታይ ቃጸኦ፥
ዙማቲካ ዲጌ አባን ጌሊኮ
ኩኒ ያዮኮ።

* 46:9 ጎንዳሌ ጊዛይሳ ኢሲ ኢሲ ቢርሻላ ማጻፋቲ ሃሬ ጋሬ ጌቲሰ።

- 3 አባ ዳምባላይካ
ጉሚዲ ሆሞቲኮ፥
ኢዛ ዎልቃማ ሃናን
ዙማቲ ኮኮርኮካ
ኩኒ ዳጋሞኮ።
- 4 ጸሳ ካታማን፥
ኡባሬ ቶቃ ጸሳይ ዲዛሶን
ኡፋይሴዛ ሻፋቲ ዳቴሰ።
- 5 ጸሲ ኢዚ ጊደን ዲዛ ጊሻሰ
ሄ ካታማያ ቃጸኡ፤
ዎንታ ማላዶራ ጸሲ
ኢዘ ማዳና።
- 6 ካዎቲሳቲ ማካላን ዴንዲዳ፤
ካዎቲካ ኩንዲዳ፤
ኢዚ ባ ቃላ
ቶቁ ሂሰቲ ሲሲዴሰ፤
ቢታይካ ሴሪዴሰ።
- 7 ኡባሬ ዎልቃማ ጎዳይ
ኩናራ ዴሰ፤
ያቆቤ ጸሲ
ኩ ቆቴቲ አቲዛ ቆልኦ።
- 8 ሃ ዪቴ፤ ጎዳ ኦሶ ዴላቴ፤
ኢዚ ሳኦ ዎሰቲ
ቡላሲዳኮ ቤኢቴ።
- 9 ኢዚ ሳኦ ጋጸፔ ጋጸ ጋካናሰ
ዲዛ ኦላ ቴቁሰ፤
ዎንዳሬኔ ቶራ ማንፊሰ፤
ጎንዳሌካ ታማን ጸጌሰ። *
- 10 ሹምፒ ኡቲቴ፤
ታኒ ጸሰ ጊዲዳይሳ ኤሪቴ፤
ካዎቲሳታ ቦላ
ታ ቶቁ ቶቁ ጋና፤
ቢታ ቦላካ ታ ቶቁ ቶቁ ጋና።
- 11 ኡባሬ ዎልቃማ ጎዳይ
ኩናራ ዴሰ፤
ያቆቤ ጸሲ
ኩ ቆቴቲ አቲዛ ቆልኦ።

47

ቆሬ ናይቲ ዛማሬታ ካቦሰ ዬጸዲ ማዛሙሬ

- 1 ካዎቲሳ ኡባይ
ኢንቴ ኩሼ ባቂቴ፤
ኢንቴ ቃላ ቶቁ ኦላዲ
ጸሳሰ ኢሊሊ ጌቲ።
- 2 ቢታ ኡባ ቦላ ባይራ ካዎይ
ኡባሬ ቶቃ ጸሳይ
ኢዚ ያሺሲዛ ጸሳ።
- 3 ዴራ ኩ ጋርሰ አላዴሰ፤
ካዎቲሳታካ ኩ ቶሆ
ጋርሳን ሃሪሲዴሰ።
- 4 ኢዚ ኩሰ ላታ ቢታ ደሪዴሰ፤
ሄ ቢታይን
ኢዚ ደሲዛ ያቆቤይ ጨቄቴሰ።

- 5 ኢሊሊሺን ጸሳይ ኡፋይሳን
 ዛዬ ፑኒሺን ጎዳይ
 ፑዴ ባ ኣራታን ኬዚዳሰ።
- 6 ዩዲቴ፥ ጸሳሰ ዩዲቴ፤
 ዩዲቴ ኑ ካዎዛሰ ዩዲቴ።
- 7 ጸሲ ኣላሜ ኡባሰ ካዎ፤
 ሄሳ ጊሻሰ ጋላታ ማዛሙራ
 ኢዛሰ ዩዲቴ።
- 8 ጸሲ ካዎቴላታ ቦላ ካዎቴዳሰ፤
 ባ ጌሻ
 ኣራታ ቦላካ ኡቴዳሰ።
- 9 ካዎቴላታ ካሌሊዛ ዳናቴ
 ኣብራሃሚ ጸሳ
 ኣሳራ ኢሲፌ ሸቋዳ፤
 ዳሬ ኡባ ካዎቴ ጸሳሳ፤
 ኢዚ ኡባፌካ ቦላራ ጶቃ።

48

ቆሬ ናይታ ማዛሙራ

- 1 ጎዳይ ጌታ፤
 ኑ ጸሳ ካታማን
 ጌሻ ዙማዛን
 ጌታ ጋላታይ ኢዛሰ ቤሴሰ።
- 2 ቢታ ኡባሰ ኡፋይሰ ጌዲዳይ፥
 ፑዴሃ ባጋራ ቤቴዛይ
 ጶቃኔ ሎኦ ጌዲዳ
 ጸዮኔ ዙማይ
 ዎጋ ካዎዛ ካታማ።
- 3 ሄ ካታማ ጊምቤዛ ጊደን፥
 ኢዚ ካታማይሰ ኣሺዛ
 ሚጸ ጌዲዳይሳ ቤሴዳሰ።
- 4 ካዎቴ ባንታ ቶራንቻታራ
 ኢሲፌ ሸቋዳ፤
 ሂሰቴዲ ጸዮኖ ኦላናዉ ዪዳ።
- 5 ጊደ ኣቴን ኢዞ ቤኢዲ ማላሌቴዳ፤
 ዳጋሚዲ ጉዬ ባቃቴዳ።
- 6 ኢሰቴ ሄሳን ዳኢሺን
 ኢሰታ ያሻ ኮኮሪሲ ኦይኪዳሰ፤
 ሚጸይ ኦይኪዳ
 ማጫሳ ማላ ሚጸቴዳ።
- 7 ኣርሼይ ሞኪዛሶ ባጋ
 ዎልቃማ ጫርኮን ሚቂዛ
 ታርሴሴ ማርካቤታ ማላ
 ኢሰታ ኮኮርሳዳሳ።
- 8 ኑኒ ሲዪዳ ማላካ፥
 ኡባፌ ዎልቃማ
 ጎዳ ካታማን፥
 ኑ ጸሳ ካታማን
 ኢዚ ኦሊዳይሳ
 ኑ ቤኢደሰ።
 ጸሲ ሄ ካታማ ሜርናሰ
 ሚንሊ ኤሳና።

- 9 ኣቤት ጸሳዉ፥

- ኔ ኬላ ጊደን
 ኔ ሜርና ሲቆ ቆገሰ።
- 10 ኣቤት ጸሳዉ፥
 ኔ ሱንላ ማላካ
 ኔ ጋላታይ ሳኣ ጋጸ ጋኪዳሰ፤
 ኔ ኡሻቻ ኮሺይ
 ጸሎቴላን ኩሚዳሰ።
- 11 ኔ ፐርዳ ጊሻሰ፥
 ጸዮኔ ኣሳይ ኡፋይቴሰ፤
 ዩሁዳ ካታማቴካ
 ኡፋይሳን ሆምቦጩቴሰ።
- 12 ጸዮኔ ዩሾን ሄሜቴቴ፤
 ኢዚ ጊምቤታ ዩሾን
 ያኔ ሃ ሲሜራቴቴ፤
 ኢዚ ሻኮታ ቆዲቴ።
- 13 ዪዛ ዩሌታሰ ዮታና ማላ፥
 ኢዚ ኣሆ ጊምቤዛ ኣኬኪቴኔ
 ኢዚ ሚጸታ ጸምሲቴ።
- 14 ኢንቴ፥ «ሜሪ ሜርናሰ
 ሃ ጸሳይ ኑ ጸሳ፤
 ኑ ሃይቃና ጋካናሰ
 ኢዚ ኑና ካሌላና»
 ጌዲ ዮቴቴ።

49

ቆሬ ናይቲ ዛማራታ ካቦሰ ዩዲዳ ማዛሙራ

- 1 ዴሬዞ፥ ኢንቴ ኡባቴካ
 ሃይሳ ሲዪቴ!
 ኢንቴኖ ሳኣ ቦላ ዲዛ ኡባቶ!
 ሃይሳ ኤዝጊቴ።
- 2 ጶቃይኔ ዚቃይ፥
 ዲሬይኔ ማንቆይካ ሲዪቴ።
- 3 ታ ዎዚና ቆፋይ ኣኬካ ኢሜሰ፤
 ታ ደናይ
 ኣጶ ኤራቴላ ቃላ
 ሃሳዬሰ፤
- 4 ታኒ ታ ሃይላ
 ለሚሰታኮ ዛራና፤
 ኢሰታ ቢርሼላካ
 ታ ዲላን ቆንጪሳና።
- 5 ሚቶ ጋላሲ ዪዛ ዎዴኔ
 ኢታቴላን ታና ላቢዛይቴ
 ዲዲ ኡቴኮ
 ታ ኣይሰ ባቦ?
- 6 ባ ኣቆታን ኣማኔቴዛይታሲኔ
 ባ ዲራቴላ ዳሮን
 ጩቂቴዛይታሰ ታ ኣይሰ ባቦ?
- 7 ኣሲ ባርካ ባና ዎዚና፤
 ዎይኮ ባ ሸምፖ ጊሻሰ
 ጸሳሰ ዎጋ ቃንጸናሰ
 ዳንዳዬና።
- 8 ኣሳ ሸምፖ ዎጋይ
 ኬሂፔ ኣልኦ፤
 ሸምፖ ዲሊዛ ዎጋይ
 ሙሌካ ዴና።
- 9 ኣይ ዎጋ ቃንጸንካ

ኢዚ ሜርናስ ዳኣና ማላ፣
ዎይኮ ኢዚ ሃይቆንታ ማላ
ኦላናው ዳንዳዬና።

10 ኤያቲኔ ዳማቲ ሃይቁዛ ማላ
ኣጵ ኤራንቻቲካ ሃይቃና፤
ኡባይካ ባ ኣቆታ
ሃራስ ዩጊ ባና፤
ሄሳ ኡባይካ ቤኣና።

11 ዳር ጋዴ
ኢሰቲ ባ ሱንፋን ሃሪኮካ
ኢሰታስ ሜርና ኮላይ ዱፎ፤
ኢዚካ ኢሰታስ
ዩሌታፔ ዩሌታ ጋካናው
ዱሳሶ ጊዳና።

12 ኣሲ ኣይ ዱሬቲኮካ
ባ ዱሬቲፋራ ካንፊና፤
ኢዚ ደኣ ማላ ሃይቃና።

13 ባናን ኣማኔቲዛ
ኤያታ ቃዳይኔ
ኢሰታ ቃላ ካሊዛይታ
ውርሴላ ሳማይ ሃይሳ።

14 ሹካሰ ቆሬቲዳ ደርሳታ ማላ
ኢሰቲ ዱፎስ ደሬቲዳ፤
ሃይቆይ ኢሰታ ሄንፋንቻ
ጊዳና፤
ኢሰቲ ባንታ ያሊሶ ኮላፊ
ሃኪዲ ዱፎን ሙሳና።
ሱሬ ኣሳቲ ማላደራ
ኢሰታ ዱፎ ቦላራ ሲሜሬታና።

15 ጊዳ ኣቲን ጸሲ
ታ ሹምፖ ዎዛና፤
ኢዚ ታና ሃይቆ ዎልቃፊ
ኣሺ ኤካና።

16 ኣሲ ዱሬቲዛ ዎዴኔ
ኢዛ ኣቆታይ ዳሪ ዳሪ ቢዛ ዎዴ
ኢዛዴስ ያዮፋ።

17 ጋሶይካ ኢዚ ሃይቁሽ
ኣይኮካ ኤኪ ቤና፤
ኢዛ ኣቆታይ ኢዛራ ኢሲፊ
ዱፎን ጌሊና።

18 ኣሲ ፓጻ ዱዛ ዎዴን፣
«ታስ ኩሚዳሰ» ጊኮካ፣
ኡባይ ኢዛሰ ጊጊዳ ጊሻሰ
ጋላቲቲኮካ፣
19 ሲሚዲ ሙሊካ
ፖኦ ቤኣንታሶ
ባ ኣዎታ ማባራን ጋይቲስ።

20 ኣሲ ኤራቲላ ባይንዳ
ኣይ ዱሬቲኮካ
ኢዚ ደኣ ማላ ሃይቃና።

50

ኣሳፊ ማዘሙራ

1 ዎልቃማ ጎዳይ፣
ጸሳይ ሃሳዬስ፤

ኣርሼይ ሞኪዛሶፔ
ውሊዛሶ ጋካናስ
ሳኣን ዱዛ ኣሳ ጸይጌስ።
2 ሙሊራ ሎኦ ጊዲዳ ጸዮኒፔ
ጸሲ ፖኢሴስ።

3 ኑ ጸሲ ያና፤
ኢዚ ጮኡ ጌና።
ሚዛ ታማይ ኢዛ ሲንፋና፤
ዎልቃማ ጎቲይ ኢዛ ዩሾና።

4 ጸሲ ባ ኣሳ ፐርዳናስ
ሳሎኔ ሳኣ ጸይጌስ።

5 «ታናራ ያርሾን ጫቁቲዳ
ጌሻታ ታኮ
ሺሺቲ» ጌስ።

6 ጸሲ ባርካ ፐርዲዛ
ጸሳ ጊዲዳ ጊሻሰ
ሳሎቲ ኢዛ ጸሎቴላ ኣዎጃቲስ።

7 «ታ ኣሳዞ ኔ ሲያ!
ታኒ ኔሰ ዮታይስ፤
ኢሰራኤሌ ኣሳው!
ታኒ ኔ ቦላ ማርካታይስ።
ታኒ ጸሳይ ኔ ጸሳ።

8 ኔ ያርሾ ጊሻሰኔ
ኔኒ ኡባቶ ሺሺዛ
ጸጌቲዛ ያርሾ ጊሻሰ
ታኒ ኔና ቦሪኬ።

9 ሄሳ ማላካ ኔ ዱርሳፊ ኮርማታ፣
ዎይኮ ኔ ጸርጳፊ ዳይሻታ
ኤካናው ኮይኬ።

10 ዎራን ዱዛ ደኣ ኡባቲ ታሳ፤
ሺ ዙማታ ቦላን ዱዛ
ሚሄቲካ ታይታ።

11 ታኒ ዙማታ ቦላ ዱዛ ካፎታ
ኡባ ኤራይስ፤
ዳምባን ዱዛ ሜዴቴላቲ
ኡባይ ታይታ።

12 ሳሎ ጉፋንፊን ዱዛ ኡባይ ታሳ፤
ሄሳ ጊሻሰ ታ ጋፊኮካ
ኔሰ ዮቲኬ።

13 ታኒ ኮርማታ ኣሾ ሚኬ፤
ዎይኮ ዳይሻታ ሱላ ኡዩኬ።

14 ጸሳሰ ጋላታ ያርሾ ሺሻ፤
ኔ ኣዲና ኡባፊ ዶቃ
ጸሳሰ ጋላ።

15 ሚቶ ጋላሰ
ኔ ታና ጸይጋ፤
ታ ኔና ኣሻና፤
ኔካ ታና ቦንቻና» ጌስ።

16 ጊዳ ኣቲን ጸሲ ናጋራንቻስ፣
«ታ ዎጋ ኔኒ
ዛራ ዛራዳ ቢዳናስ
ዎይኮ ታ ጫቆ ቃላ
ኔ ዮታናስ
ኔሰ ኣይ ማታይ ዱዜ?

17 ኔ ታ ሴራ ኢጸሳ፤
ታ ቃላታካ ካቆሳ።

18 ኔኒ ካይሶ ቤኢዳ ዎዴ
ኢዛራ ዳቦታዳሳ፤

ላይማቲዛይታ ማባራንካ
 ዙፕታሳ።
 19 ኔኒ ኔ ዶና
 ኢታ ሃሳያናሰ ዶያዳሳ፤
 ኔ ሃሳይዛ ሃሳያይ
 ዋርዶ ጸላ።
 20 አዶሶን አዶሶን
 ኔ አሻ ዘገራሳ፤
 ኔ አዪ ና ሱንጲካ ሞራሳ።
 21 ኔኒ ሃይሳ ኡባ ኦሲዛ ዋዴ
 ታኒ ጮኡ ጋዲሰ፤
 ሄሳ ገሻሰ ኔኒ ታና
 ኔ ማላ ጋዳ ቆፓዳሳ፤
 ገዶ አቲን ሃኢ ታኒ
 ኔና ዋላሳይሰ፤
 ቃሴካ ታ ኔና
 ቆንጩን ሰራይሰ።

22 «አንቲኖ ጸሳ ደገዛይቶ!
 ሃይሳ አኩኪቲ፤
 አንቲ ኢዲሰ ገኮ
 ታኒ አንቲና ማንጮራላና፤
 ሄ ዋዴ አንቲና ኦኒካ
 አሸና።
 23 ታሰ ጋላታ አሚዛ አሲ
 ታና ቦንቼሰ።
 ሱሪ ኦጌራ ቢዛ አሰ
 ታኒ አቶቲላ ቤሳና» ጌሰ።

51

ካዎ ዳዊቲ ላይማቲዳፔ ጉዬ ናቤ ናታኔይ ኢዛኮ ዪዳ
 ዋዴ ዳዊቲ ዛማሬታ ካቦሰ ዬዲዳ ማዛሙራ

1 አቤት ጸሳዉ!
 ኔ ማርና ሲቆዛ ማላ
 ታና ማራ፤
 ኔ ቃዴታ ዳሮን
 ታ ሞሮዛ ቁጫ።
 2 ታ ኢታቲላ ኡባ
 ታፔ ማጫ፤
 ታ ናጋራፔካ ታና ጌሻ።
 3 ታኒ ታ ሞሮዛ ኤራይሰ፤
 ታ ናጋራይካ
 ኡባቶ ታ ሲንላና።
 4 ታ ኔና ጸላ ቆሃዲሰ፤
 ቃሴካ ኔ ሲንላን
 ኢታ ኦላዲሰ።
 ሄሳ ገሻሰ
 ኔ ቃጸይዳ ቁጸቲን፥
 ኔ ታ ቦላ ፐርዲዳ ፐርዳንካ
 ኔ ዲሎ
 5 ታኒ ታ አዪ ኡሎፔ
 ደማዳ ናጋራንቻ፤
 ዬሌቶሶሬ ሃ ሰማዳካ
 ታ ሞራንቻ።
 6 ሄኮ ኔኒ አሳ ዋዚናፔ
 ቱማ ኮያሳ፤

ሄሳ ገሻሰ
 ታ ገዶ አሳቲላ
 ኔ አዶ ኤራቲላ ታማርሳ።
 7 ሂሶጴ ቦንጮን
 ኔኒ ታና ፒሰታ፤
 ታኒ ጌያና፤
 ታና ማጫ፤
 ታኒ ሻቻሬ
 አዳዳ ቦጸና።
 8 ኔኒ ታና ኡፋይሰኔ
 ሃሹ ገሲዛ ሚሽ ሲሳ፤
 ኔ ማንጮራላዳ
 ታ ማቆላታካ ፓላ።
 9 ኔ ሲንላ ታ ናጋራፔ
 ሃራሶ ዛራ፤
 ታ ቆሆ ኡባካ ቁጫ ዲጋ።
 10 አቤት ጸሳዉ!
 ኔ ታሰ ጌሻ
 ዋዚና ማዳ፤
 ሚኖ አያና ታ ገዶን ዋላ።
 11 ታና ኔ ሲንላሬ ኦሎፓ፤
 ኔ ጌሻ አያና
 ታፔ ኤኮፋ።
 12 ኔ አቶቲላ ኡፋይሳ
 ታሰ ዛራዳ አማ፤
 ኤኖ ገሲዛ አያናን
 ኔ ታና ኩንላ።

13 ሂሰቲኮ ታኒ ሞራንቻታ
 ኔ ኦጌ ታማርሳና፤
 ሄ ናጋራንቻቲካ
 ኔኮ ሲማና።
 14 አቤት ጸሳዉ፥
 ታና አሸዛ ጸሳዉ!
 ታኒ ሼምፖ ዋዶንታ ማላ
 ታና ማዳ፤
 ታ አንጸርሳይካ
 ኔ ዲሎቲላ ገሻሰ
 ኢሊሊሳን ዬጸ።
 15 አቤት ጎዳዉ! ታ ዶና ዶያ፤
 ሂሰቲኮ ታ አንጸርሳይ
 ኔና ጋላታና።
 16 ኔኒ ያርሾን ኡፋይቲዛኮ
 ታ ኔሰ ያርሾ ሺሻና፤
 ኔ ገዲኮ ያርሾን ኡፋይታካ፤
 ጸጌቲዛ ያርሾ ያርሺኮካ
 ኔኒ ኡፋይታካ።
 17 ጸሳሰ ሺቁዛ ያርሾይ
 አሸኬ አያና፤
 አቤት ጸሳዉ!
 ማቆዳ ዋዚና ኔ ካቆካ።
 18 አቤት ጸሳዉ!
 ኔ ዶሳን ዲኖኖ ዲሬሳ፤
 ዬሩሳላሜ ገምቤታ ገምባ።

19 ህ ዎዴ ጸሎቴላ ያርሾኒኔ
 ወሪ ጸጌቲዛ ያርሾን
 ኔኒ ኡፋዬታና፤
 ኮርማቲካ ኔ ያርሾዛሶን
 ያርሾታና።

«ጸሲ ባዎ» ጌቲሰ፤
 ኢሰቲ ሞሪቲዳይታ፤
 ኢሰታ ኦሶይካ ሃራሲዛዛ፤
 ኢሰታ ጋርሳፊ
 ሎኦ ኦሲዛይ ዴና።

52

ኤዶሜ ቢታ እስ ዳይቄይ ሳኦሌኮ ቢዲ፣ «ዳዊቲ
 እቢሜሌኬ ሶ ቢዴሰ» ጊዲ ዮቲ ሲሚን ዳዊቲ
 ዛማሬታ ካቦስ ሃሳኦን ሺሺዳ ጊንጾ

- 1 ሃይሶ ዎልቃማዞ!
 ጸሲ ኔና ካጲቺዴሰ፤
 ኔ ኣይሰ ኢታ ኦሶን ናሹታይ?
 ኣይሰ ኡባ ጋላስ ጨቄታይ?
- 2 ኔኖ ባሌሉን ኩሚዳ
 ጌናንቻዉ!
 ሃራታ ጳይሳና ቃጸሳ!
 ኔ ኢንጾርሳይካ
 ቃራ ማጋላ ማላ።
- 3 ኔኒ ሎኦ ኣጋዳ ኢታ ሲቃሳ፤
 ቱማ ሃሳያናፔ ዎርዶ
 ሃሳያ ዶሳሳ።
- 4 ኔኖ ባሌሉን ኩሚዳ
 ዎርዳንቻዞ!
 ኔኒ ኣስ ማዲንሲዛ
 ቃላ ሲቃሳ።

- 2 ጸሳ ኮይዛይቲኔ ኣኬኪዛይቲ
 ዴኢዛኮ ቤኣናዉ
 ጸሲ ሳሎፔ ዴጌ
 ኣሳ ናይታ ጸሌሰ።
- 3 ኢሰቲ ኡባይካ ጸሳፊ ሃኪዳ፤
 ኡባይካ ኢሲፊ ቲኒዳ፤
 ሎኦ ኦሲዛ ኣሲ ዴና፤
 ሃራይ ኣቶ ኢሳዴይካ ባዎ።
- 4 ጸሲ፣ «ኣሲ ካሐ ሚዛ ማላ
 ታ ዴራ ቦንቄ ሚዛይቲ፣
 ጸሰ ዎሲ ኤርንታይቲ፣
 ሃይቲ ኢታ ኦሲዛይቲ
 ዩሺ ቆፔቲኔ?» ጌሰ።
- 5 ጸሲ ባ ኣሳ ሞርኪዛይታ
 ሜቄላ ላላና፤
 ኢሰቲ ካሴ ዳጋሚ ኤርንታ
 ዳጋማ ዳጋማና።
 ጸሲ ኢሰታ ካጲዳ ጊሻሰ
 ኢሰቲ ዬላታና፤

- 5 ጊዶ ኣቲን ጸሲ ኔና
 ሜርናሰ ጳይሳና፤
 ኢዚ ኔና ኔ ኬላፊ
 ቡጪ ኬሳና፤
 ፓጻ ዲዛይታ ጊዶፊካ
 ጶቃሊ ዲጋና።
- 6 ጸሎቲ ሃይሳ ቤኢዲ ያያና፤
 ኢሰቲ ኢዛ ቦላ ሂዝጊ ሚጫና፤
- 7 «ጸሳ ባሰ ዜምፖ
 ኦሎንታዴ፣
 ባ ዴሬቴላ ዳርን
 ኣማኔቲዛዴ
 ባ ኢታ ኦሶን ሚኒዛዴ
 ሃይሳ ቤኣቲ!» ጋና።

- 6 ኢሰራኤሌስ ኣቶቲላ
 ጸዮኔፔ ዩዳኮ!
 ጸሲ ባ ዴራፔ ዲኤቲዳይሳ
 ዛሪዛ ዎዴ
 ያቆቤ ዛሪቲ ኡፋዬታና፤
 ኢሰራኤሌ ኣሳይ ኡፋዬታና።

54

ዚፊ ኣሳይ ሳኦሌኮ ቢዲ፣ «ዳዊቲ ኑ ቢታን ቆቴቲ
 ኡቲዴሰ» ጊ ዮቲን ዳዊቲ ዛማሬታ ካቦስ ዲላን
 ዬዲዳ ማዛሙራ

- 8 ጊዶ ኣቲን ኣጪዛ
 ዎጋራ ሚላ ማላ
 ታኒ ጸሳ ኬላን ኣጫይሰ፤
 ኢዛ ሜርና ሲቆን ታኒ
 ሜሪ ሜርናሰ ኣማኔታይሰ።
- 9 ኔኒ ኦሲዳ ኡባሰ
 ታኒ ኔና ሜርናሰ ጋላታይሰ፤
 ኔ ሎኦ ጊዲዳ ጊሻሰ
 ታ ኔ ሱንላን ሃዶታ ኦላይሰ፤
 ታኒ ጸሳ ዴራ ሲንላን
 ኔ ኪያቴላ ሳሳና።

- 1 ኣቤት ጸሳዉ!
 ኔ ሱንላን ታና ኣሻ፤
 ኔ ዎልቃን ታሰ ፒርዳ።
- 2 ኣቤት ጸሳዉ! ታ ዎሳ ሲያ፤
 ታ ሃሳይዛ ቃላ ኤዝጋ።
- 3 ኦቶራንቻቲ ታ ቦላ ዴንዲዳ፤
 ጌናንቻቲ
 ታና ዎቆናሰ ኮዬቲሰ።
 ጸሳ ዉዲ ጌቲና።
- 4 ጊዶ ኣቲን ጸሲ ታሰ ማዶ፤
 ጎዳይካ ታሰ ዜምፖ።
- 5 ኣቤት ጸሳዉ!
 ታ ሞርኬታሰ
 ኢሰታ ኢታቴላ ማላ
 ኢሰታሰ ዛራ።
 ኔ ኣማኔቲላን
 ኔ ኢሰታ ጳይሳ።

53

ዳዊቲ ዛማሬታ ካቦስ ሃሳኦን ሺሺዳ ጊንጾ
 1 ኤያቲ ባንታ ዎዚናን፣

6 አቤት ጎዳወ!
 ታኒ ታ ደሳን ኔስ ያርሻና፤
 ኔስ ቤሲዛ ገሻሰ
 ታኒ ኔ ሱንላ ጋላታና።

7 አይስ ገሱ ኔኒ ታና
 ታ ሜቶ ኡባፌ አሻዳሳ፤
 ታ ሞርኬቲ ኩንዲሺን
 ታ አይፊን ቤያዲሰ።

55

ዳዊቲ ሃሳኑን ሺሺዳ ገንጻ፤ ዳዊቲ ዛማሬታ ካቦስ ዲላን ዬጲዳ ማዘሙራ

1 አቤት ጸሳወ! ታ ዋሳ ሲያ፤
 ታ ሸቢሺን ቁሊ ጎፓ።

2 ኤዘጋ፤ ታ ዋሳ ሲያ፤
 ታ ቆፋን ታ ኡንኤታዲሰ፤
 ማራጩይ ታስ ኮኮሪዳሰ።

3 ታ ሞርኬቲ ማንዲን ሂርጋዲሰ፤
 ኢታ አሳቲ ቆሂን ዳጋማዲሰ፤
 ኢሰቲ ታ ቦላ ሜቶ ኤሂዳ፤
 ሃንቆን ዳንዲዲ ታና ሞርኪዳ።

4 ታ ዋዚናይ ሂርገሰ፤
 ሃይቃናኮኔ ገዛ ዳጋማይ
 ታ ቦላ ዋጲዳሰ።

5 ያሽኔ ዳጋማይ ታና ኦይኪዳሰ፤
 ታ አሳቲላይ ኮኮሪዳሰ።

6 ታኒ፣ «ታስ ሃራጹ ማላ
 ቁፌይ ዲዛኮ
 ፒራቆ ባዳ ሸምፓና።

7 ታኒ ቤታ ባዳካ
 ባዘን ዳኣና ሺን።

8 ታኒ ጎቴፔኔ ኡሾፔ አቲዛሶ
 ኤሶታዳ ጋካና ሺን» ጋዲሰ።

9 አቤት ጎዳወ!
 ታኒ ካታማይ ገደን
 ኦሺኔ ጌኔ ቤያዲሰ፤
 ኢታታ ዞሬ ኔ ቆይሳ፤
 ኢሰታ ቆፋካ
 ቡላኬሬላ ዬጋ።

10 ኢታቲ ጋላሲኔ ቃማ
 ካታማ ገምቤዛ ቦላራ
 ዩዬቴሰ፤
 ኢታቴሊኔ ጌኔይ
 ኢዚ ገደን ዳሰ።

11 ባሺ ኢዚ ገደን ዳሰ፤
 ጌኔይኔ ጨሞይ
 ኢዚ ዲቡሻታፔ ሻኬቴና።

12 ታ ሞርኬይ ታና ጫዩዳኮ
 ታ ኢዛ ዳንዲያ አላናኮ፣
 ታ ቦላ ጨቁቲዛይ
 ታና ኢጲዛዳ
 ገዲዳኮ ታኒ ኢዛፔ ቆቴታና።

13 ገደ አቲን ሃይሳ ኡባ
 ታ ቦላ ኦሲዛይ ኔና፣
 ታ ላጌዛ፣ ታ ዳቦዛኔ
 ታ ሲቆዛ።

14 ኦኒ ኢሶይ አሳራ

ኡፋይሳን ሃሳዬቲደሰ፤
 ኢሲፊካ ጸሳ ሶን
 ሰሜሬቲደሰ።

15 ኢታቴሊ ኢሰታ ዋዚና
 ገደን ዲዛ ገሻሰ
 ታ ሞርኬታ ቦላ ቆፖንታ
 ሃይቆይ ጋኮ፤
 ሸምፖሬ ፓጻ ዲሾ
 ሞጌቲቶ!

16 ታኒ ገዲኮ ታ ጸሳ ጴይጋይሰ፤
 ጎዳይ ታና አሾሰ።

17 ማላደ፣ ጋላሲኔ ኦማርሰ
 ታኒ ዋሳይሰኔ
 ታ ሜቶ ኢዛሰ ዮታይሰ፤
 ኢዚ ታ ቃላ ሲዬሰ።

18 ዳርቲ ታና ኤቁቲኮካ፣
 ኢዚ ታና ኦላ ቶራፔ አሾሰ።

19 ቤኒሶፌ ካዋቴላ አራታን
 ኡቲ ዲዛ ጸሳይ
 ታ ዋሳ ሲዬዲ
 ባ ኦጌ ላሞንታይታኔ
 ጸሳሰ ያዮንታይታ
 ካወሻና።

20 ታ ላጌዚ ባ ሲቆታ ቦላ
 ባ ኩሼ ዳንሳዲዳሰ፤
 ኢሰታራ ጫቁቲዳ
 ጫቆ ቃላካ ላሊዳሰ።

21 ኢዛ ደናፔ ኬዚዛ ቃላይ
 ኦይሳ ማላ፤
 ገደ አቲን ኢዛ ዋዚናይ
 ጫዲዛ ቶራ ማላ፤
 ኢዛ ቃላቲ ዛይቴፔካ
 አጲ ሹጎ፤
 ገደ አቲን ቃንጲዛ
 ማሻ ማላ።

22 ኔ ሜቶ ጎዳ ቦላ ዋላ፤
 ኢዚ ኔና ሚንሳ ስጋና፤
 ኢዚ ጲሎቲ
 ኩንዳና ማላ ኦፊና።

23 አቤት ጸሳወ!
 ኔኒ ገዲኮ ኢታታ
 ዲጌ ጨማ ኦላን ዬጋና።
 ሱላ ጉሲዛይቲኔ
 ባሌሊዛይቲ
 ባ ዳና ላይላሰ
 ባጋካ ዳቲና፤
 ገደ አቲን ታኒ
 ኔናን አማኔታይሰ።

56

ፊሊሰጾሜ አሳይ ጌቲ ካታማን ዳዊቲ ኦይኪዳ ዋዳ ዳዊቲ ዛማሬታ ካቦስ ዬጲዳ ዬላ፤ «ሃሆሶን ዲዛ ዋላ ቦላ ኡቲዳ ሃራጾዮ» ጌቲቲዛ ዲላ ገሊሶን ሸቁዳ ዋሳ

1 አቤት ጸሳወ!
 አሳይ ታና ኡንኤሌሰ፤
 ታ ሞርኬቲ ታና
 ኡባ ዋዳ ዬዳጭቴሰ፤

57

- ህሳ ገሻሰ ኔ ታሰ ቃዴታ።
- 2 ታ ሞርኬቲ ኡባ ጋላስ
ታና ዬዳሌቲስ፤
ዳሮቲ ኦቶሬቲላን ታና ኦሌቲስ።
- 3 ታና ባቢሲዛ ዎዴ
ታ ኔናን አማኔታይስ።
- 4 ታኒ ጸሳን
አማኔቲዛ ገሻሰ ባቢኬ፤
ኢዚ አሚዳ
ሂደታ ቃላ
ገሻሰካ
ኢዛ ጋላታይስ፤
ታ ጸሳን አማኔታይስ፤
አሲ ታና አይ ኦላኔ?
- 5 ኡባ ጋላስ ታ ሞርኬቲ
ታፔ ሞሮ ዳማናስ
ዎጾቲስ፤
ኢሰቲ ኡባ ዎዴ
ታና ቆሃናስ ዘሬቲቲስ።
- 6 ሺቂዲ ታ ቦላ ማቄቲቲስ፤
ዛማዲ ኡቲዲ ታና ካሌቲቲስ፤
ታ ጌደን ኤቁቲቲስ፤
ታና ዎጻናሰካ ኮቤቲስ።
- 7 ጸሶ! ኢሰታ ኢታቲላ ገሻሰ
ኢሰታ ዬደፋ፤
ሄ ካዎቲላታ
ኔ ሃንቆን ካወሻ።
- 8 ኔኒ ታ ዬሆ ቤያዳሳ፤
ታ አፋንላ ማካዳሳ፤
ኢባቲካ ኔ ማዘጋባን
ጸፊቲዳ።
- 9 ታኒ ኔና ጸይጊዛ ዎዴ
ታ ሞርኬቲ ጉዬ ሰሜቲስ፤
ጸሲ ታናራ ዲዛይሳ
ታኒ ሄሳን ኤራይስ።
- 10 ታ ኢዛ ቃላ ጋላቲዛ ጸሳን።
ታ ኢዛ ቃላ ሳቢዛ ሳዳን።
11 ታኒ ሄ ጸሳን
አማኔቲዛ ገሻሰ ባቢኬ፤
አሲ ታና አይ ኦላኔ?
- 12 አቤት ጸሳዉ!
ታኒ ኔስ አዲና አዲኔታዲስ፤
ታ አዲኔቶይሳ ጋላታ ያርሾ
ኔስ ጋላና።
- 13 ኔኒ ታ ሹምፖሮ ሃይቆፔ
ታ ቶሆታ ቆጶፔ አሻዳሳ።
ህሳ ገሻሰ ኢዚ
ሹምፖሮ ፓጻ ዲዛይታሰ
ፖኢሲዛ ፖኦን
ጸሳ ሲንላን
ታ ሲሜሬታና።

- ዳዊቲ ሳኦሌ ሲንላፊ ባቃቲዲ ሳንጎሎ ጊደን ዲሹ
ዛማሬታ ካቦስ፤ «ዳይሶፋ» ጌቲቲዛ ዲላ ጊሊሳን
ሺሺዳ ዎሳ ማዛሙራ
- 1 አቤት ጸሳዉ!
ኔ ታሰ ቃዴታ፤
ታና ማራ፤
ታ ሹምፖሮ ኔናን ዜምፓዲስ፤
ባሻይ አጻና ጋካናስ
ታኒ ኔ ቁፊታ ጋርሳን ቆቲታና።
- 2 ኢዚ ባ ሃልኛ ማላ ታሰ ፖሊዛ
ኡባፊ ቶቃ
ጸሳኮ ዋሳይስ።
- 3 ጸሲ ሳሎፔ ማዶ ከቲዲ
ታና አሻና፤
ታና ዬዳዛይታ ካወሻና፤
ጸሲ ባ ሜርና ሲቆኔ
ባ ቱማቲላ ታሰ ኪታና።
- 4 ታኒ ታ ሞርኬታ ጊደን።
አሰ ፑዚዲ ሚዛ ጋሞ
ሚሳቲዛይታ ጊደን ዳይስ።
ኢሰታ አቻይ ቶራኔ
ዎንዳፊ ዪሻ ማላ፤
ኢሰታ ኢንጻርሳይካ
ቃራ ማሻ ማላ።
- 5 አቤት ጸሳዉ! ኔኒ ሳሎታፔ
ቦላራ ቶቁ ቶቁ ጋ፤
ኔ ቦንቻይ ሳኦ ኡባ ኩሞ።
- 6 ኢሰቲ ታ ቶሆስ ዎጸማዴ ዎላዲ፤
ታ አሳቲላ ኩኒሲዲ፤
ኢሰቲ ታ ኦጌን ኦላ ቦኪዲ፤
ጊደ አቲን ሄ ኦላን
ባንታስ ኩንዲዲ።
- 7 ታ ዎዚናይ ሚኒ ዳስ፤
አቤት ጸሳዉ!
ታ ዎዚናይ ሚኒዲ ዳስ፤
ታኒ ኔስ ዬጻናኔ
ኔና ሳባና።
- 8 ታ ሹምፖሮ ቢርካ!
ዲላቲኔ ማሲንቆቲ
ቤጌቲ!
ታኒካ ዎንታራ ዳንዳና።
- 9 አቤት ሳዳዉ። ታኒ ኔና
አሳ ኡባ ሲንላን ጋላታና፤
ቃሴ ዴራ ጊደን
ታ ኔና ዬላን ሳባና።
- 10 ኔ ሚርና ሲቆይ
ፑዴ ሳሎ ጋኪዳስ፤
ኔ ቱማቲላይካ
ሳሎ ሻራ ጋኪዳስ።

11 አቤት ጸላው!
 ኔኒ ሳሎታፔ ቦላራ
 ዶቁ ዶቁ ጋ፤
 ኔ ቦንቾይ
 ሳኦ ኡባ ኩሞ።

58

ዳዊቲ ዛማሬታ ካቦስ፣ «ዳይሶፋ» ጌቴቲዛ ዲላ
 ገገሶን ሺሺዳ ዋሳ ማዛሙራ

- 1 ኢንቴና ዳሪ ሃሪዛይቶ!
 አዳካ ኢንቴ ዶናፔ
 ዲሎ ሃሳያይ ኬዚዜ?
 አሳ ኡባስ ዲሎ ፐርዶቲ?
- 2 አካይ! ኢንቴ ዋዚናን
 ኢታ ሚሽ ሃልቼታ፤
 ኢንቴ ኩሺይ ቢታ ቦላ
 ማካላ ኦሶ ኦሌስ።
- 3 ኢታቲ ባ አዩ ኡሎፔ ዶሚዲ
 ሞር ኦጌ ቤቴስ፤
 ዩሎቲዳ ጋላሳፌ ዶሚዲ
 ባሌቴቴሲኔ ዋርዶቴቴስ።
- 4 ኢሰቲ ሾሻ ማላ
 ማርዜራ ዳቴስ፤
 ቱሌ ጎፔ ሾሻ ማላ
 ባ ሃይላ ቱሊሴቴስ።
- 5 ሙራኒዛይሲ አይ ማላ
 ጨንጫ ገዲኮካ
 ጎፔ ሾሻ
 ኢዛ ጨንጉርሳ ሲዬና።
- 6 አቤት ጸላው!
 ኢሰታ አቻ ሜንላ፤
 አቤት ጎዳው!
 ጋሞታ ባንቁላ ሜንላ።
- 7 ኢሰቲ ጉኪዛ ሃላ ማላ
 ዳዩቶ፤
 ኢሰቲ ዲኪዛ
 ዋንዳፌ ዩሻይ ዲንኦ።
- 8 ኢሰቲ ቢሽ
 ሙሽዛ ዳዶ ማላ
 ገዴቶ፤
 ፖኦ ቤኦንታ አዉጫያ ዩሎቲዳ
 ና ማላ ገዴቶ።
- 9 አጉንላ ታማይ ኦቶ ሱሊሶንታ
 ዳይዛ ማላ ናጋራንቻታ
 ኔ ኡሶን ዳይሳ።
- 10 ናጋራንቻታ ቦላ
 ሃሎ ኬሲዛይሳ ቤኢዲ
 ዲሎቲ ኡፋዬታና።
 ኢታታ ሱላን
 ባ ቶሆ ሜጨታና።
- 11 ሄ ዋዴ አሳይ፣
 «አዳካ ዲሎቲ ኦሊዳ
 ሎኦ ኦሶስ
 ዋይቶይ ዳስ፤
 ቱሙካ ሳኦ ቦላ ፐርዲዛ

ጸሲ ዳስ» ጋና።

59

ሳኦሊ ዳዊቲ ዋዳናስ ኪቲዳ አሳቲ ኢዛ ኬላ ዶዲ
 ኡቲዳ ዋዴ ዳዊቲ ዛማሬታ ካቦስ፣ «ዳይሶፋ» ጌቴቲዛ
 ዲላ ገገሶን ሺሺዳ ዋሳ ማዛሙራ

- 1 አቤት ታ ጸላው!
 ታ ሞርኬታፔ ታና አሻ፤
 ታ ቦላ ዴንዲዛይታፔ ታና ናጋ።
- 2 ኢታ ኦሊዛይታፔ
 ታና ማዳ፤
 ሱላ ጉሲዛ አሳታፔ
 ታና አሻ።
- 3 አቤት ጎዳው!
 ኢሰቲ ታና ዋዳናው
 ዛማዲዲ ናገዛይሳ ቤኦ!
 ሜንዴ ኢታ አሳቲ
 ታኒ ሞሮኔ
 ናጋራ ኦሎንታ ዲሺን
 ታ ቦላ ዲላቴቴስ።
- 4 አይኮ ሞር ታ ኦሎንታ ዲሺን
 ታና ዳይሳናስ ገጌቲዳ፤
 ሃይሳ ኔኒ ቤኦዳ
 ታና ማዳና ዴንዳ።
- 5 አቤት ጎዳው!
 ኡባፌ ዋልቃማ ጸላው!
 ኔኒ ኢሰራኤሌ ጸላ፤
 ካዋቴላታ ኡባ
 ቃጸያናስ ኔ ቤጋ፤
 ማካላ ኦሊዛይታ ማሮፓ።
- 6 ኢሰቲ ካና ማላ ሆሰካቲሽ
 ካታማ ገዶን ዩዩ ፔኢዲ
 ኦማርስ ሲማና።
- 7 ኢሰታ ዶናፔ ኬዚዛይሳ ሲዩቴ!
 ኢሰታ ኢንጻርሳይ ማሻ ማላ፤
 ኢሰቲ፣ «ኦኔ ኦና ሲያናይ?»
 ገ ፋፔቴስ።
- 8 ገዶ አቲን አቤት ጎዳው!
 ኔኒ ኢሰታ ቦላ ሚጫሳ፤
 ካዋቴላታ ኡባ ካዳሳ።
- 9 ታ ጸላው!
 ኔ ታስ ሚጻ ገዲዳ ገሻስ
 ታ ኔናን አማኔታይስ።
- 10 ታ ጸላይ ባ ሜርና ሲቆን
 ታናራ ጋይታና፤
 ታ ሞርኬታ ኩንዴላ
 ኢዚ ታና ቤሳና።
- 11 አቤት ኦስ ጎንዳሌ ገዲዳ
 ጎዳው! ታ አሳይ
 ኔኒ ሃሎ ኬሲዛይሳ
 ባሎንታ ማላ
 ኔኒ ኢሰታ ዋዳ ዳይሶፋ፤
 ገዶ አቲን ኔ ዋልቃን
 ኢሰታ ላላኔ ካዉሻ።

- 12 ኢስቲ ባንታ ዶናፔ ኬሲዛ ናጋራ ጊሻሰ፣ ባንታ ኢንጻርሳ ቃላ ጊሻሰ፣ ኢስቲ ቃንጊዳ ቃንጌላ ጊሻሰኔ
 ምርድቲዛ ጊሻሰ ባንታ ኦቶሬቴላን ኦይኬቴቶ።
- 13 ኔ ሃንቆን ኢስታ ጳይሳ፣ ኢስታ ሙሉራ ዲፒ ሂሰታ፣ ሄ ምዳ ጸሲ ያቆቤ ዜሬላ ኣይሲዛዳኔ ሳኣ ጋጸ ጋካናሰ ዲዛ ዳራ ሃሪዛዳ ጊዲዳይሳ ኣሲ ኡባይ ኤራና።
- 14 ኢስቲ ካና ማላ ሆሰካቲሽ ካታማ ጊዶን ዩዩ ፔኢዲ ኦማርሰ ሲማና።
- 15 ኢስቲ ሚዛ ሚሽ ሃሲሽ ዩዩቴሰ፣ ካሎንታ ኣጊኮ ካና ማላ ላዌቴሰ።
- 16 ጊዶ ኣቲን ታኒ ኔ ምልቃ ሳባና፣ ማላዶ ማላዶ ኔ ሜርና ሲቆ ጊሻሰ ዩዳና።
 ኔኒ ታሰ ሚቶ ጋላሰ ዜምፖኔ ባቃታ ኣቲዛ ሚጸ።
- 17 ኣቤት ጸሳዉ! ታ ምልቃይ ኔና፣ ኔ ታሰ ሚጸ፣ ኔ ሜርና ሲቆን ታና ሲቃሳ፣ ሄሳ ጊሻሰ ጋላታ ዩላን ታ ኔና ሳባና።

60

ሚሰጹጸሚያኒኔ ኣራሚን ዲዛ ዳራራ ኦሌቲ ሲሚዲ ኢዮኣቤይ ማጸኔ ዙሌን ታማኔ ናምኡ ሺ ኤዶሚ ኣሳ ምዲዳ ምዳ ቲሚርቴሰ ዳዊቲ ዛማሬታ ካቦስ፣ «ጨሻ» ጌቴቲዛ ዲላ ጊሊሶን ሺሺዳ ማርካቴላ ምሳ

- 1 ኣቤት ጸሳዉ! ኔኒ ኩና ኣጋዳሳ፣ ኩና ሚንጼሬላ ዩጋዳሳ፣ ኔኒ ኩና ሃንቆታዳሳ፣ ሃኢ ጊዲኮ ሲማዳ ኩና ጊሊሳ።
- 2 ኔኒ ቢታዮ ቃላዳ ዛኣሳዳሳ፣ ኢዛ ኮኮሪዛ ጊሻሰ ኔኒ ኢዚ ዛኣ ኩንላ።
- 3 ኔኒ ኔ ኣሳ ሚቶ ቤሳዳሳ፣ ኔኒ ኩና ማላሲዛ ምድኔ ኡሹ ኡሻዳሳ።
- 4 ኔሰ ያዩዛይቲ ባንታ ሞርኬታ ምንዳሬፔ ኣታና ማላ ማላታ ኢማዳሳ።

- 5 ኔኒ ሰቁዛይቲ ኣታና ማላ ኔ ምልቃን ኩና ኣሻ፣ ኔኒ ኩኮ ኣላ።
- 6 ጸሲ ባ ኬላን ዲሼ፣ «ታኒ ጸናዳ ሴኬሜ ቢታ ሻካና፣ ቃሴ ሱኮቴ ሾባ ጊሻና።
- 7 ጋላኣዳይኔ ሚናሴይ ታይታ፣ ኤፍሬሚይ ታሰ ሁኤ ቆቤ፣ ዩሁዳይ ታሰ ካዎቴላ ጉፌ።
- 8 ሞኣቤይ ታ ሚጨቴዛሶ፣ ኤዶሚይ ታሰ ጫማ ሞሊዛሶ፣ ታኒ ፊሊሰጾሚ ጸናዳ ጌሬራና» ጊዳሰ።
- 9 ጊምቤቲዳ ካታማኮ ታና ኔኔ ኤፋናይ? ኤዶሚ ጋካናሰ ታና ኔኔ ካሌላናይ?
- 10 ኣቤት ጸሳዉ! ኩና ኣጊዳይ ኔና ጊዲኪ? «ኔኒ ኩ ቶራንቻታራ ኣላሰ ኬዚኬ» ጋዳሳ።
- 11 ኣሳፔ ጊዲዳ ማዶይ ሃዳ፣ ሄሳ ጊሻሰ ኩ ሞርኬታ ቦላ ኩሰ ጸኖ ኢማ።
- 12 ጸሳ ምልቃን ኩ ሞርኬታ ኩኒ ጸናና፣ ኢዚ ኩ ሞርኬታ ዩዴታና።

61

ዳዊቲ ዛማሬታ ካቦስ ዲላታን ዩዲዳ ማዛሙራ

- 1 ኣቤት ጸሳዉ! ኔኒ ታ ሞሶዛ ሲያ፣ ታ ሞሳካ ኤዘጋ።
- 2 ታ ሞዚናይ ታሂን ቢታ ጋጸን ዳሼ ታ ኔና ጸይጋይሰ፣ ታፔ ቆቁዛ ዛላኮ ታና ካሌላ።
- 3 ኔኒ ታሰ ጌሚዛሶኔ ታኒ ታ ሞርኬታፔ ናጌታ ኣቲዛ ሚኖ ሚጸ።
- 4 ታኒ ኔ ዲንካኔዛን ሚርናሰ ዳና፣ ኔ ቁፌ ጊዶን ካሜታ ኣታና።
- 5 ኣቤት ጸሳዉ! ኔኒ ታ ኣዲና ሲያዳሳ፣ ኔ ሱንላ ያዩዛይቲ ላቲዛ ላታ ታሰካ ኢማዳሳ።
- 6 ካዎዛ ሺምፖ ጋምኢሳ፣ ኢዛ ላይላ ዩሌታፔ ዩሌታ ጋላ።
- 7 ኢዚ ጸሳ ሲንላን ሚርናሰ ካዎቶ፣ ኔ ሜርና ሲቆኒኔ ኔ ቱማቴላን ኢዛ ናጋ።

8 ሂሰቲኮ ታኒ ታ ኣዲና
ጋላስ ጋላስ ጋላና፤
ኔ ሱንሳካ ኡባቶ
ዩባን ሳባና።

62

ዳዊቲ ዛማሬታ ካቦ ኤዶታኔስ ዩጲዳ ማዛሙራ

- 1 ታ ሼምፖፖ ጸሳን ጸላ
ሼምፖ ዳማወስ፤
ታስ ኣቶቴሌ ኢዛፔ ዩስ።
- 2 ኢዚ ጸላ ታስ ዛላኔ
ታና ኣሺዛይሳ፤
ታ ቆቴታ ኣቲዛሶ ጊዲዳ ጊሻስ
ሙሌካ ሂርጊኬ።
- 3 ጨሚዲ ኩንዳና ማቲዳ
ጎዳ ማላኔ
ሙሲዳ ላሻ ማላ
ዎልቃይ ባይንዳ ኣስ
ቋይሳናዉ ሱጊሼ
ኣዉዴ ጋካናስ ዴኣንዴቲ?
- 4 ኢሰቲ ኢዛ ቦንቾ ሶሆፔ
ካዉሻናስ ጸላ ኮዬቴስ፤
ኢሰቲ ዎርዶን ኡፋዬቴቴስ፤
ባንታ ዶናን ኣንጃቴስ፤
ጊዶ ኣቲን
ባንታ ዎዚናን ቃንጌቴስ።
- 5 ታ ሼምፖዬ!
ዎፑ ጋዳ ጸሳ ጸላ ናጋ፤
ታስ ሂዶታይ ኢዛፔ ያና።
- 6 ኢዚ ጸላ ታስ ዛላኔ
ታና ኣሺዛይሳ፤
ታ ቆቴታ ኣቲዛሶ ጊዲዳ ጊሻስ
ሙሌካ ሂርጊኬ።
- 7 ታስ ኣቶቴሌኔ
ቦንቾይ ቤቲዳይ ጸሳፊ፤
ኢዚ ታ ቆቴታ ኣቲዛሶኔ
ታስ ሚኖ ዛላ።
- 8 ኣሶ! ኡባ ዎዴ
ጸሳን ኣማኔቲቴ፤
ኢዚ ኑስ
ቆቴቲ ኣቲዛሶ ጊዲዳ ጊሻስ
ኢንቴ ዎዚና ቆፋ ኢዛስ ዮቲቴ።
- 9 ቦንቾሶፔ
ዩሌቴሌ ማዴና፤
ካዴቲዳሶፔ ዩሌቴሌ ካ
ኡባይ ሃዳ።
ኢሰቲ ማዛኔ ዴንፎንታ
ጫርኮ ማላ፤
ኢሰቲ ኢሲ ቦላ
ጫርኮ ማላ ካዉሻ።
- 10 ቦንቃን ኣማኔቶፍቴ፤
ካይሲ ሺሺዳ ዱሬቴላን
ሂዶታ ኦሎፍቴ።

ኢንቴስ ዱሬቴሌ ዳሪኮካ
ኢንቴ ዎዚና ኢዛ ቦላ ዎሎፍቴ።

- 11 ጸሳይ ኢሲቶ ሃሳይዴስ፤
ታኒ ናምኡ ዮኦታ ሲያዲስ፤
ሂይቲካ፤ «ዎልቃይ ጸሳሳ፤
12 ማርና ሲቆይ ጸሳሳ።»
ኣቤት ጎዳዉ!
ኔኒ ኣስ ኡባስ
ኢዛ ኦሶ ኦሶ ማላ ኢማና።

63

ዩሁዳ ባዞን ዲዛ ዎዴ ዳዊቲ ማዛሙራ

- 1 ኣቤት ጸሳዉ!
ኔኒ ታ ጸሳ፤
ታ ኔና ዎዚናፔ ኮያይስ፤
ታ ኣሻይካ ኔና ኣሞቴስ።
ሃሌ ባይንዳ ማላ ቢታይ
ሃሌ ኮይዛ ማላ ታ ኣሳቴላይ
ኔና ሳማቴስ።
- 2 ታኒ ኔና ጌሻሶሆን ጸላዲስ፤
ኔ ዎልቃኔ ኔ ቦንቾ
ታኒ ቤኣዲስ።
- 3 ኔ ማርና ሲቆይ ዴኦፔ ሎኤስ፤
ታ ኢንጸርሳይ ኔና ጋላቴስ።
- 4 ታ ዴኦ ላይሳንካ
ታኒ ኔና ጋላታና፤
ኔ ሱንሳን ታ ኩሼ
ፑዴ ኔኮ ዴንሳና።
- 5 ኣሲ ሎኦ ካሌ ሚ ካሊዲ
ኡፋዬቴዛ ማላ
ታ ሼምፖፖ ኔናን ኡፋዬታና፤
ታኒ ታ ኢንጸርሳን ኡፋይሳ ዩባን
ኔና ጋላታና።
- 6 ታኒ ታ ሂጸን ዳሼ
ኔና ሃሳይዴስ፤
ኣማርስ ኩሚሌ
ኔ ኦሶ ዩሻ ቆፓይስ፤
- 7 ኔኒ ታና ማዲዛ ጊሻስ
ታኒ ኔ ቁሬ ኩዋን ኡታዳ
ኡፋይሳን ዩጲይስ።
- 8 ታ ሼምፖፖ ሺጵ ጋ ካላዲስ፤
ኔ ኡሻቻ ኩሼይካ
ታና ሚንሌ ኦይኪዴስ።
- 9 ጊዶ ኣቲን ታና ዎቆና ኮይዛይቲ
ቢታ ጋርሳን ጨማ ኦላን
ሞጌታና።
- 10 ኢሰቲ ማሻስ ኣቋ ኢሚታና፤
ኢሰቲ ጎዳሬ ካዎ ጊዳና።
- 11 ጊዶ ኣቲን ካዎይ
ጸሳን ኡፋዬታና፤
ጸሳ ሱንሳን ጫቂዛ ኡባይ

ኢዛ ጋላታና፤
ዋርዶ ሃሳይዛይታ
ደናይ ጊዲኮ ጎርዳታና።

64

ዳዊቲ ዛማሬታ ካቦስ ዩጲዳ ማዛሙራ

- 1 ኣቤት ጸሓዊ!
ታ ማጋና ኔኒ ሲያ፤
ታ ሸምፖፖ
ዋጳናስ ማንዲዛ
ታ ሞርኬታፔ ታና ኣሻ።
- 2 ፓላ ኣሳታ ማቆፊኔ
ማካላንቻታ ዲላታፔ
ታና ጌንፋ።
- 3 ኢሰቲ ባንታ ኢንጸርሳ
ማሻ ማላ ሌፊዳ፤
ቃሴ ማርዜ ቃላታ
ዋንዳፊ ዩሻ ማላ
ዲካናስ ጊግሲዳ።
- 4 ኢሰቲ ቆቴቲዲ ባንታ ዋንዳፊን
ጲሎ ኣስ ዲኬቴሰ፤
ኣሲ ኣኬኮንታ ዲሺን
ዲካናስ ጉዬ ጌቴና።
- 5 ኢሰቲ ኢታ ኦፋናስ
ኢሰይ ኢሳራ ማቁቴቲሰ፤
ጌማራ ዋጲማዴ
ዋፋናስ ዘሬቴቲሰ፤
ኢሰቲ፡ «ኑና
ኦኒ ቤኣኔ?» ጌቴሰ።
- 6 ኢሰቲ ጌኔ ማቁቴሽ፡፡
«ኑኒ ሎኑ ማቆ
ማቁቴደሰ» ጌቴሰ፤
ሄሲካ ኣሳ ዋዚናይኔ ካሃይ
ኢታን ኩሚዳይሳ ቤሴሰ።
- 7 ጊዶ ኣቲን ጸሓይ
ኢሰታ ባ ዩሻን ዲካና፤
ኢሰቲ ኣኬኮንታ ማዲንፋና።
- 8 ኢዚ ኢሰቲ ሃሳይዳ ቃላ
ኢሰታ ቦላ ዛሬና፤
ኢሰታካ ባሻን ጋፋና፤
ኢሰታ ቤኢዳ ኡባይ
ኣሙሲዲ ሁኤ ቃፋና።
- 9 ሄ ዋዴ ኣሳይ ኡባይ
ጸሓሰ ያያና፤
ጸሓ ኦሶ ቆንጨኹን ዮታና፤
ኢዚ ኦሲዳይሳካ
ዩሺ ቆፓና።
- 10 ጲሎቲ ጎዳን ኡፋዬቴቶ፤
ኢዛካ ባሰ ባቃቲ
ኣቲዛሶ ኦሴቶ፤
ዋዚና ሱሬቲ ኡባይ
ኢዛ ጋላቴቶ።

65

ዳዊቲ ዛማሬታ ካቦስ ዩጲዳ ማዛሙራ

- 1 ኣቤት ጸሓዊ!
ጲዮኔን ኔስ ጋላታይ ቤሴሰ፤
ኦኒ ኔስ ኣዲኔቲዳይሳ
ጋፋና።
- 2 ኣቤት ዋሳ ሲዩዛይሶ!
ኣሳይ ኡባይ ኔኮ ያና።
- 3 ኑ ናጋራይ ኑና ሚቲዳሰ፤
ኔኒ ጊዲኮ ኑ ባላ
ኣቶ ጋ ዉርሳዳሳ።
- 4 ኔኒ ደሪዳዴይኔ
ኔናራ ዲና ማላ
ኔ ዲቡሻኮ ሸሻ
ኤኪዳዴይ ኣንጃቲዳዴ፤
ኔ ጌሻሶዛፔኔ
ኔ ዲንካኔ ኣንጃዛፔ
ኑ ካላና።
- 5 ኣቤት ኑና ኣሸዛ ጸሓዊ
ኔ ጲሎ ኦሶን ማላሊሲዛ ሚሽ
ኦስ ኦፋ፤
ሳኣ ጋጸፔ ጋጸ ጋካናሰ፡፡
ሃሆ ኣባታፔካ
ሄ ጉንፋን ዲዛ
ኣሳ ኡባሰ ሂደታይ ኔና።
- 6 ኔኒ ኔ ዋልቃ ጊዴታዳሳ፤
ዙማታካ ኔ ሚንፋ ኤሳዳሳ።
- 7 ኔኒ ኣባ ጊሪሳኔ
ዳምባላ ጉንፋ
ሲርጲ ኦፋሳ፤
ቃሴ ዴሬይ
ዴንዲዛ ዴንፋ ኢርጲሳሳ።
- 8 ሄሳሶ ኔኒ ኦሲዳ
ማላታ ጊሻሰ፡፡
ሳኣ ጋጸ ጋካናሰ
ዴኢዛ ኣሳይ
ኡባይ ኔሰ፡፡
«ሆላ!» ጌሰ።
ኣርሼይ ሞኪዛሶፔ
ዉሊዛሶ ጋካናሰ
ዲዛ ኣሳ ኡባ ኡፋይሳን
ኢሊሊ ጊሳዳሳ።
- 9 ኔኒ ቢታ ናጋዳ ሃሐ ኡሻሳ፤
ሂሰታዳ ዳር ዲሬሳሳ፤
ኣሳሰ ካሳይ ሞካና ማላ
ጸሓ ሻፋይ
ሃሳን ኩሚዳሰ፤
ሃሳሶ ኦፋዳ
ኔኒ ጊጊሳዳሳ።
- 10 ጎሻ ጋዴታሰ ጊዲዛ
ኢራ ኢማሳ፤
ጳሼታ ሊቁሳሳ፤
ቢታካ ፑሴ ኢራን ሸጊሳሳ፤
ጨሬቻቲ ደሊ
ዲጫና ማላ ኣንጃሳ።
- 11 ላይሳ ካሎ ላይሐ ኦፋሳ፤
ኔኒ ኣጲዳሶ ኡባይ

- ካል ጸላ ገደሰ።
- 12 ማህ ሃሚዛሶሆን
ጨለላ ማታይ ኩሚደሰ፤
ዙሞቡላቲ ኡፋይሳን ኩሚደ።
- 13 ደምባታን ዉዴ ማህይ ኩሚደሰ፤
ሾባታን ካሌ ኩሚደሰ፤
ኡባቲካ ኡፋይሳን
ኢሊሊሼ ዩዴቲሰ።

66

- ዛማሬታ ካቦስ ዩዴቲዳ ማዛሙሬ
- 1 ሳኣን ዲዛ ኣስ ኡባይ
ኢንቲ ቃላ ቶቁሲዲ
ኢሊሊሳን ጸሳ ጋላቲቲ።
 - 2 «ጸሳ ሱንሳ ሶንቹቶ!»
ገዲ ዩዴቲ፤
ሶንቹ ጋላታ ኢዛስ ኢሚቲ።
 - 3 ጸሳሰ፤ «ኔ ኦሶቲ
ኣይ ኬና ማላሊሲዛ!
ኔ ዎልቃይ ዳር ገዲዳ ገሻሰ
ኔ ሞርኬቲ ያሻን
ኔ ሰንሳን ኮኮሬቲሰ።
 - 4 ሳኣን ዲዛ ኡባይ
ኔሰ ጎይኔሰ፤
ኔና ሳቤሰ፤
ኔ ሱንሳሰ ጋላታ ማዛሙሬ
ዩዴሰ» ገቲ።
 - 5 ሃ ዩቲ፤
ጸሲ ኦሊዳዝ ቤኢቲ፤
ኢዚ ኣሳ ገደን ማላሊሲዛ
ኦሶ ኦሊዳሰ።
 - 6 ኢዚ ኣባ ሃላ ሻኪደሰ፤
ቃሴ ቤኔ ኦ ኣዎቲ
ሻፋራ ማላ
ቢታራ ቶሆን ፒኒዳ፤
ኮኒካ ኢዚ ኦሊዳ
ኦሶን ኡፋዬቲደሰ።
 - 7 ኢዚ ባ ዎልቃን ሚርናሰ ሃሬሰ።
ካዎቲላታ ኡባካ
ባ ኣይፌን ጸሌሰ፤
ሄሳ ገሻሰ ማካሊዛይቲ
ኢዛ ቦላ ቶቁ ቶቁ
ሳፔቶ።

- 8 ኣሳዉ! ኦ ጸሳ ጋላቲቲ፤
ኢንቲ ጋላታ ጨንጉርሳይ ሲዬቶ።
- 9 ኢዚ ኦና ሾምፖራ
ፓጸ ዎሊደሰ፤
ኮኒ ኩንደንታ ማላካ
ናገደሰ።
- 10 ኣቤት ጸሳዉ!
ኔኒ ኦና ፓጫ ጸላዳሳ፤
ቢራ ሴሪሰ ጌሺዛ ማላ
ኦና ጌሻዳሳ።
- 11 ኔኒ ኦና ዎጲማዴን
ጌልላዳሳ፤

- ኦ ዘኮንካ
ዴጸ ባኦ ባኢሳዳሳ።
- 12 ኦ ሞርኬቲ
ኦና ሁኤራ ዲጌ
ዩቆና ማላ ኦላዳሳ፤
ኮኒ ሃላ ገደራኔ
ታማ ገደራ ካንሊደሰ፤
ገደ ኣቲን ሃኢ ኦና
ኢሻሎ ሶሆ ኤሃዳሳ።

- 13 ታኒ ጸጌቲዛ ያርሾራ
ኔ ጌሻሶሆ ጌላዳ
ታ ኣዲና ኔሰ ጋላና።
- 14 ታኒ ማቶቲዳ ዎዴ
ታ ደናፔ ታ ኬሲዳይሳ
ታ ኢንጸርሳን ታ ኣዲኔቲዳ
ኣዲና ታ ጋላና።
- 15 ታኒ ኔሰ ጸጌቲዛ ያርሾሰ
ሞቶታ ሺሻና፤
ሳዎ ያርሾሰ ቆርሾታ።
ኮርማታኔ
ኮርቤታ ሺሻና።
- 16 ኢንቲዎ ጸሳሰ ያዩዛይቶ!
ኡባቲ ሃ ዩዲ ሲዩቲ፤
ጸሲ ታሰ ኦሊዳይሳ
ታኒ ኢንቲሰ ዮታና።
- 17 ታ ቃላ ቶቁ ሂሰታዳ
ታኒ ኢዛኮ ዎሳዲሰ፤
ታ ኢንጸርሳንካ ኢዛሰ
ጋላታ ሺሻዲሰ።
- 18 ታኒ ታ ዎዚናን ናጋራ
ጌንሊዳኮ።
ሳዳይ ታ ዎሳ ሲዩና።
- 19 ገደ ኣቲን ጸሲ ቱማፔ
ታሰ ሲዩደሰ፤
ታ ዎሳካ ኤዘገደሰ።
- 20 ታ ዎሳ ካቶንታ።
ባ ሚርና ሲቆ
ታፔ ሃሶንታ
ጸሳይ ጋላቲቶ።

67

- ዛማሬታ ካቦስ ዲላታን ዩዴዳ ማዛሙሬ
- 1 ጸሲ ኦሰ ቃቆቶኔ
ኦና ኣንጅ፤
ባ ኣይፌሶ ኦ ቦላ ፖኢሶ።
 - 2 ኔ ኦጌቲ ሳኣ ቦላን።
ኣሺዛ ኔ ዎልቃይካ
ካዎቲላታ ኡባ
ገደን ኤሬቲቶ።
 - 3 ኣቤት ጸሳዉ!
ኣሳይ ኦና ጋላቶ፤
ካዎቲላ ኡባይ
ኔሰ ጋላታ ሺሾ።
 - 4 ኔኒ ኣሳሰ ሱሬቲላን

ፐርዲዛ ገሻሰ
 ሳኦ ሰላካ ኔ ዴራ
 ካሌሊዛ ገሻሰ
 ካዎቴላቲ ኡፋዬቴቶ፤
 ኢሊሊሼካ ኔሰ ዬዶቶ።

5 ኣቤት ጸሳዉ!
 ኣሳይ ኔና ጋላቶ፤
 ካዎቴላ ኡባይ
 ኔሰ ጋላታ ሺሾ።

6 ቢታይ ካላ ኢማና፤
 ጸሱ፥ ኑ ጸሳይ ኑና ኣንጃና።

7 ጸሱ ኑና ኣንጃና፤
 ሳኦ ጋጸ ጋካናሰ ዲዛ ኣሳይ
 ኡባይ ኢዘሰ ያያና።

68

ዳዊቲ ዛማሬታ ካቦሰ ዬጸዲ ማዛሙራ

1 ጸሱ ዳንደ፤
 ኢዛ ሞርኬቲ ላሌቴቶ፤
 ኢዛ ኢጲዛይቲ
 ኢዛ ሲንሳፌ ባቃቴቶ።

2 ጩዋይ ጫርኮን ላሌቴዛ ማላ
 ኔኒ ኢሰታ ላላ፤
 ሙቃዳይ ታማን ሴሪዛ ማላ፥
 ኢታቲ ጸሳ ሲንሳፌ
 ሴሪ ቆዬቶ።

3 ጸሎቲ ገዲኮ ኡፋዬቴቶ፤
 ጸሳ ሲንሳን
 ኡፋይሳን ሆምቦጩቶ፤
 ቃሴካ ማጉሌቶ።

4 ጸሳሰ ዬጸቴ፤
 ኢዛ ሱንሳሰ ጋላታ ማዛሙራ ዬጸቴ።
 ሻራ ቦላራ * ሄማቲዛይሳ
 ቶቁ ቶቁ ሂሰቲቴ፤
 ኢዘሰ ሱንሳይ ጎዳ፤
 ኢንቴካ ኢዛ ሲንሳን
 ኬሂ ኡፋዬቴቶ።

5 ጸሱ ባ ጌሻሶሆን ዲሼ
 ኣዋይ ባይንዳይታሰ ኣዋ፤
 ቃሴ ኣምኤታሰካ ፐርዲዛ ዳና።

6 ጸሱ ባርካ ዲዛ ቢዛታሰ
 ሶ ኣሰ ኢሜሰ፤
 ቃሾ ኬላን ዲዛይታ ቢርሺዲ
 ኢሰታ ኣሻሎን ዋሴሰ።
 ማካላንቻቲ ገዲኮ
 ሱሊዛ ባዘን ዳኣና።

7 ኣቤት ጸሳዉ!
 ኔኒ ኔ ኣሳ ካሌሊዲ ዋዴ፥
 ኔኒ ኢሰታራ ባዘ
 ካንሱዲ ዋዴ፥

8 ሲና ጸሳ ሲንሳን፥
 ኢሰራኤሌ ጸሳ ሲንሳን
 ቢታይ ቃዲዳሰ፤

ሳሎቲ ኢራ ዲጌ ቲጊዳ።

9 ኣቤት ጸሳዉ!
 ኔኒ ኮሺዛ ኬና
 ኢራ ኢማዳሳ፤
 ላዲ ቢታካ ኣራዲሳዳሳ።

10 ኔ ዴሬዚካ ኢዘ
 ባሰ ዲሳሶ ሂሰቲዳ፤
 ኣቤት ጸሳዉ!
 ማንቆታሰ ኮሺዛዘ
 ኔኒ ኪያቴላን ኢማዳሳ።

11 ጎዳይ ቃላ ዬዲዳሰ፤
 ሄ ኪታ ዳር ማጫሳቲ
 ዴራሰ ኣዋጂዳ።

12 ኢሰቲ፥ «ካዎቲ ባ ኦላንቻታራ
 ዲኦ ገሼቲ ኤኪዳ።

13 ዶርሳታ ናጋናሰ ጉዬን ኣቲዳይቲ
 ቢራፔ ኦሴቴዳ ቁፌቲ ቦላራ
 ጸልቁዛ ዋርቃን
 ቲዬቴዳ ሃራጶ
 ሚሰሌ ዳሚዳ» ገዳ።

14 ኡባ ዳንዳይዛ ጸሳይ
 ካዎታ ላሊዳ ዋዴ፥
 ጸልሞኔ ዙማ ቦላ
 ሻቶ ቡኪሲዳሰ።

15 ባሳኔ ዙማቲ
 ዋጋ ገታ ዙማታ፤
 ባሳኔ ዙማታ ቦላ
 ዳር ፖጎኖቲ † ዴቴሰ።

16 ዳር ፖጎኖቲ ዴኢዛ ዙማቶ!
 ጸሱ ዳናሰ ዶሪዳ ዙማዛ
 ኢንቴ ኣይሰ ሚቃይኔን ጸሌቲ?
 ጎዳይ ኢዘን ሜርናሰ ዳኣና።

17 ጸሳ ፓራ-ጋራቲ
 ዳር ሺያን ቆዳቲዛይታ፤
 ጎዳይ ሲና ዙማፔ
 ባ ጌሻሶሆ ዩዴሰ።

18 ጎዳዉ! ዲኦ ኤካዳ
 ፑዴ ኔ ዲሳሰ ኬዛዳሳ፤
 ኣሳ ኡባፌ ኢሞታ ኤካዳሳ፤
 ሃራይ ኣቶሺን
 ማካላንቻታፔካ
 ኤካዳሳ፤

19 ሃቶ ሃቶ ኑ ቶሆ
 ቶኪዛ ጎዳይ፥
 ኑና ኣሺዛ
 ኑ ጸሳይ ጋላቴቶ።

20 ቤኢቲ! ኑ ጸሱ ኣሺዛ ጸሳ!
 ሃይቆፔ ኣታና ዳንዳይቲዛይ
 ጎዳይ ኣሺና።

21 ጸሱ ቱማፔ ባ ሞርኬታ
 ሁኤ ኪንቻና፤

* 68:4 ሻራ ቦላራ ገዛይሲ ባዘራ ጌቲታና ዳንዳይሰ። 68:8 ኪሳ 19:18 † 68:15 ፖጎኖቲ፡ ፖጎኖቲ ገዛይሲ ኣማራፉ ቃላን ጉቢታ ገዛይሳ ቤሴሰ፤ ኑ ቃላን ኢዛ ቢርሺሳሰ ዘቁ ቶቁ ገዲ ሳንሳላታ ማላ ኦይኬቲዲ ቢዛ ዙማ ጸራታ ቤሴሰ። 68:18 ኤፌ 4:8

ናጋራ ኦገን ሃማቲዛ
 ጎፋራንቻታ
 ሁኔ ቆኔሬላና።
 22 ጎዳይ፡ «ታኒ ኢንቴ ሞርኬታ
 ባሳኔፕ ዛራዳ ኤሃና፤
 ታኒ ኢሰታ ጪማ ኣባ ጊዶፌ
 ኬሳዳ ጉዬ ዛራና።
 23 ኔኒ ኔ ሞርኬታ ሱሐ
 ዬቆ ኣቆና፤
 ኔ ካናቲካ ሞርኬታ ሱላፌ
 ባንታ ገሻ ላጫና» ጊዳሰ።
 24 ኣቤት ጸሳዉ! ኔ ጸኖ ጪፍራይ
 ኡባን ቤቴሰ፤
 ታ ጸሳኔ ታ ካዎይ ኣዛባን
 ባ ገሻ ሶ
 ጌልሊሼ ቆንጩሰ።
 25 ዬዲዛይቲ ሲንሳን፡
 ቃሴ ካራቤ ባቂዛ
 ጌላኦቲ ጊደን፡
 ዲዲዛይቲ ጉዬን
 ኣዛቢ ቤቴቴሰ።
 26 ኢሰቲ፡ «ጸሳ ኩሜላ
 ሺቆን ጋላቲቴ፤
 ኢንቴኖ ኢሰራኤሌ ዜሬላቶ
 ጎዳ ጋላቲቴ» ጌቴሰ።
 27 ሄ ጪፍራን ኡባፌ ካሎቲዛ
 ቢኒያሜ ዛሬቲ ካሌሌቴሰ።
 ካሊዲ ዩሁዳ ዳናቲ
 ባንታ ቡቴን ቡቴን ቤቴሰ፤
 ዉርሴላን ዛቢሎኔ
 ዳናቲኔ
 ኒፍታሌሜ ዳናቲ ካሌቴሰ።
 28 ኣቤት ጸሳዉ!
 ኔ ዎልቃ ቆንጪሳ።
 ሃይሳፌ ካሴ ኔ ኑሰ
 ኦሊዲይሳላ
 ሃኢካ ኔ ሚኖቴሐ ኑና ቤሳ።
 29 ዬራሳላሜን ዲዛ
 ኔ ኬላ ገሻሰ
 ካዎቲ ኣሞታ
 ኔሰ ኤኪ ያና።
 30 ማቃ ጊደን ዲዛ ዶኣታ †
 ኔኒ ሴራ።
 ቦራታኔ ማራታ
 ዉዴ ሚሳቲዛ
 ካዎታ ኔኒ ላላ፤
 ኢሰቲ ጉልባቲዲ ባንታ ቢራ
 ኔሰ ጊራና ማላ ኦላ፤
 ኦሌታናሰ ዬሞቲዛ
 ኣሳታ ላላ።
 31 ጊታ ኣሳቲ ጊብጾፕ ያና፤
 ቶጵያይ ባ ኩሼ
 ጸሳቦ ሚጫና።
 32 ኢንቴኖ ሳኣ ካዎቴላቶ!
 ጸሳሰ ዬዲቴ፤

ጎዳሰ ጋላታ ማዛሙራ ሺሺቴ።
 33 ቤኒሶፕ ደሚዲ ዲዛ
 ሳሎታፕ ቦላራ
 ቢዛይሳሰ ዬዲቴ፤
 ኢዚ ባ ዎልቃማ ጩንጉርሳ
 ጉንላን ዮቴሺን ኤዘጊ ሲዪቴ።
 34 ኢዛ ቴማይ ኢሰራኤሌ ቦላና፤
 ኢዛ ዎልቃይካ ሳሎና።
 ሄሳ ገሻሰ
 ጸሳ ዎልቃ ኣዎጂቴ።
 35 ኣቤት ጸሳዉ!
 ኔኒ ኔ ኬላፌ
 ቆንጫሼ ማላሊሳሳ፤
 ኢሰራኤሌ ጸሳይ
 ባ ዴራሰ ሚኖቴሐኔ
 ዎልቃ ኢሜሰ።
 ጸሲ ጋላቲቶ።

69

ዳዊቲ ዛማራታ ካቦሰ ጪሻታ ጊሊሶ ጌቴቲዛ ዎጸን

ዬዲዳ ማዛሙራ
 1 ኣቤት ጸሳዉ!
 ሃላ ኪዳይ ታሰ
 ቆዴ ጋኪዳ ገሻሰ
 ኔ ታና ኣሻ።
 2 ቶሆይ ኤቂዛሰይ ባይንዳ
 ጫሬን ሚቴታዲሰ፤
 ጪማ ሃላ ጊደ ጌላዲሰ፤
 ሃላ ዳምባላይ
 ታና ሚታና ሃኔሰ።
 3 ታኒ ማዶ ዴማናሰ
 ዎሳሼ ዳቡራዲሰ፤
 ታሰ ቆዴ ፖራንዴይካ
 ሜሊዴሰ።
 ታ ጸሳ ናንን ዲሺን
 ታ ኣይፌይ ባልጂሚዴሰ።
 4 ታና ሜላ ጮ ኢዲዛይቲ
 ታ ሁኔ ቢናናፕ ዳሮ።
 ዎርዶራ ታና ሞርኪዛይቲኔ
 ታና ቆይሳናዉ
 ኮይዛይቲ ዳራዳ።
 ታ ካይሳ ኤኮንታ ሚሽ
 ታና ቃንጸ ጊዳ።
 5 ኣቤት ጸሳዉ!
 ታ ኤያቴላ ኔኒ ኤራሳ፤
 ታ ኦሊዳ ናጋራይ
 ኔፕ ቆቴቲቤና።
 6 ኣቤት ጎዳዉ፡
 ኡባፌ ዎልቃማ ጎዳዉ!
 ኔና ሂደታ ኦሊዲይቲ
 ዬላቶፕቶ፤
 ኣቤት ኢሰራኤሌ ጸሳዉ!
 ኔና ሚንሳ ኮይዛይቲ
 ታ ጋሶን ካዉዮፌቶ።
 7 ታኒ ጫሽ ኔ ገሻሰ
 ጋዳ ዳንዳያዲሰ፤

† 68:30 ማቃ ጊደን ዲዛ ዶኣታ ጊዛይሰ ጊብጾ ቤሴሰ።

69:4 ማዛ 35:19፤ ዮሃ 15:25

ታ ኣይፌፊይ ዮላቲዳስ።

8 ታኒ ታ ኣሻንታስ ኢማል፣
ቃሴ ታ ኣይይ ናይታስ
ኣላጋ ገዳዲስ።

9 ታኒ ኔ ኩላስ
ሚሹቲዛ ሚሹይ
ታና ታማ ማላ ጸጌስ፤
ኣሳይ ኔና ጫዱዳ ጫሻይ
ታና ጋኪዳስ።

10 ታ ጸማሹ ዮካዲስ፤
ሄሳንካ ታ ቂዳታዲስ።

11 ታኒ ካዮ ማይኦ ማይኣዲስ፤
ኢስታሰካ ታኒ ቶሴስ * ኣታዲስ።

12 ታኒ ካታማ ጌሊዛ ፔንጌን
ኡቲዛይታስ ዘገርሳስ ኣታዲስ፤
ማላቲዛይታስ
ዮላስ ገዳዲስ።

13 ኣቤት ጎዳዉ!
ታኒ ገዲኮ ኔና ዋሳይስ።
ኣቤት ጸሳዉ!

ኔ ደሪዳ ዋዴ
ታ ዋሳ ሲያ፤
ኔ ማርና ሲቆን
ኔ ኣሺዛ ኣሾዛ ታና ቤሳ።

14 ጫሬን ሚቲቶንታ ማላ
ታና ኣሻ።
ታና ኢጲዛይታፔ ታና ናጋ፤
ጨማ ሃላፊካ ታና ኣሻ።

15 ዲኦ ሃላ ታና ኤፎፖ፤
ጨማ ኣሳይ ታና ሚቶፎ፤
ጨማ ኦላይ ታ ሶላ ዋድ።

16 ኣቤት ጎዳዉ!
ኔ ማርና ሲቆ ኪያቲላ ማላ
ታስ ዘር ኢማ፤
ኔ ቃዴታ ዳርን ታኮ ሲማ።

17 ታፔ ኔ ኣይሌዛፔ
ኔ ሲንሳ ጌንሶፋ፤
ታኒ ዋይቲዛ ገሻስ
ታስ ኤሶን ዘር ኢማ።

18 ኔኒ ታኮ ሺቃዳ ታና ዋዛ፤
ታ ሞርኬታፔካ
ታና ኬሳ ላኣ ዮዳ።

19 ታ ሶላ ጋኪዳ ጫሻ፣ ዮላቲላኔ
ካዉሻቲላ ኔ ኤራሳ፤
ታ ሞርኬታካ ሁኤን ሁኤን
ኔ ዴማሳ።

20 ጫሺ ታ ዋዚና ማዲንሊን
ታ ሂደታ ቃንጸዲስ።
ታስ ቃዴቲዛ ኣስ ኮያዲስ፤
ገደ ኣቲን ኢሲ ኣሲካ ዳና።
ታና ሚንሌሊዛ ኣስ ኮያዲስ፤
ገደ ኣቲን ኣሳዴካ
ዴማቤኬ።

21 ታኒ ጋፊዳ ዋዴ
ታስ ጫሚዛ ካሳ ኢሚዳ።
ታኒ ሳሚቲዳ ዋዴ
ታስ ጫላ ጸንቂዳ
ኡሹ ኢሚዳ።

22 ኢስቲ ሚዛ ማዳይ
ኢስታስ ዋጲማይ ገደ።
ኢስቲ ያርሾ ያርሺዲ
ሚዛ ማዳይ ኢስታስ ጌቲ ገደ።

23 ዴሎንታ ማላ
ኢስታ ኣይፌይ ጎዜቶ፤
ኢስታ ዘኮይ ቁኒ ኣቶ።

24 ኔኒ ኔ ሃንቆዛ ኢስታ ሶላ ጉሳ፤
ኢስቲ ቆፖንታ ዲሺን
ኔ ሶሻይ ኢስታ ሶላ ጋኮ።

25 ኢስታ ዲሳሶይ ካይስ ገደ፤
ኢስታ ዲንካኔን ኦኒካ ደፖ።

26 ኣይስ ገኮ ኔኒ ቃጸይዳይታ
ኢስቲ ዮዴሌቲስ፤
ቃሴ ኔኒ ማዲንሊዳ
ኣሳታ ሶላ

ሜቶ ዳሪሴቲስ።
27 ኢስቲ ናጋራ ሶላ ናጋራ
ጉጂ ጉጂ ባና ማላ ኣጋጋ፤
ኔ ኢስታ ማርፓ።

28 ኢስቲ ዴኦ ማጸፋፔ ቁጩቲቶ፤
ዲሎታራ ኢሲፌ ማዝጋቤቶፊቶ።

29 ገደ ኣቲን ታኒ ሳኬታሼኔ
ዋይታሼ ዴኣይስ።
ኣቤት ጸሳዉ!
ኔ ታና ኣሻዳኔ ናጋ።

30 ታኒ ጸሳ ሱንላ
ዮላን ጋላታና፤
ጋላታ ዮላን
ኢዛ ገታቲላ ቆንጨሳና።

31 ሃይሲ ሳንጌቶንታ ሶራፔኔ
ኮርማ ያርሾፌ
ኣዲዲ ጎዳ ኡፋይሳና።

32 ቆሄቲዳይቲ ታና
ጸሳይ ኣሺዳይሳ
ቤኢዲ ኡፋይቲቶ።
ኢንቲኖ ጸሳኮ ሺቁዛይቶ
ኢንቲ ዋዚናይ ሚኔቶ።

33 ኣይስ ገኮ ጎዳይ ሂዮሳታ ሲዮስ፤
ቃሾ ኬላን ዴኢዛ
ባ ኣሳካ ካዴና።

34 ሳሎይኔ ሳኣይ፣
ኣሳይኔ ኢዛ ገደን
ዋጲ ቃጲዛ ኡባቲ
ጸሳ ጋላቲቶ።

35 ጋሶይካ ጸሲ

69:9 ዮሃ 2:7፤ ኦር 15:3 * 69:11 ቶሴ፡ ቶሴ ጌቲቲዛ ቃላዚ ሊቆስ፣ ቂዴስ፣ ሄሳ ሄሳ ማላስ ጎኤስ 69:21 ማቶ 27:48፤ ማር 15:36፤ ሉቃ 23:36፤ ዮሃ 19:28-29 69:23 ኦር 11:9-10 69:25 ሃዋ 1:20 69:28 ኬሳ 32:32፤ ኣጁ 3:5፤ 13:8፤ 17:8

ጸዮኔ አሻና፤
የሁዳ ካታማታ ዛሬዲ ኤሳና።
ኢዛ ዳሬይ ሄ ቢታ ላቲዲ
ሄን ዳኦና።

36 ኢዛ ኦሳንቻታ ዛሬይ
ሄ ቢታ ላታና፤
ኢዛ ሱንሳ ሲቁዛይቲ
ሄን ዳኦና።

70

ዛማሬታ ካቦስ ዳዊቲ ዩጲዳ ሃሳኢሶ ማዛሙሬ
(ማዛ 40:13-17)

- 1 አቤት ጸሳዉ!
ታና አሻናዉ
ታኮ ሃ ሲማ፤
አቤት ጎዳዉ!
ታና ማዳናዉ ኤሶታ።
- 2 ታና ዋቆናዉ ኮይዛይቲ
ዩላቴቶኔ ሺርቴቶ፤
ታኒ ቆሃታናይሳ አሞቲዛይቲ፥
ካዉዪዲ ጉዬ ሲሜቶ።
- 3 ታ ቦላ፥ «ኢዛስ ሃሹ! ሃሹ!»
ገዳይቲ ዩላቲዲ ጉዬ ሲሜቶ።
- 4 ገደ አቲን ኔና ኮይዛ ኡባቲ
ኔናን ኡፋዬቴቶኔ
ሃሹ ጌቶ፤
ቃሴ ኔ አቶቴላ
ደሲዛ ኡባቲ፥
«ጸሲ ጶቁ ጶቁ
ጎ!» ጌቶ።
- 5 ታኒ ሂዬሳኔ ማቶታንቻ፤
አቤት ጸሳዉ!
ኤሶን ታኮ ጋካ።
ታና ማዲዛይኔ
አሺዛይ ኔና፤
አቤት ጎዳዉ! ጋምኦፋ።

71

- 1 አቤት ጎዳዉ!
ኔኒ ታስ ታ ባቃታ አቲዛሶ፤
ሙሌካ ኔ ታና ዩላሶፓ።
- 2 ኔ ጲሎቴላን ታና ኬሳ ኤካ፤
ኔ ሃይሳ ታኮ ዩጋዳ
ታና አሻ።
- 3 ኔ ታስ ኡባ ዋዴ
ጌሜታ አቲዛ
ሚኖ ዛላ ገዳ፤
ታና አሻናሰ ኔ አዛዛ፤
ታስ ሚኖ ሚጻይኔ
ዛላይ ኔና።
- 4 አቤት ታ ጸሳዉ!
ኢታታ ኩሼፔ፥
ጌናንቻታፔኔ
ሜንጾ ኢታታፔ
ታና አሻ።
- 5 አቤት ኡባ ሃሪዛ ጎዳዉ!

- ታ ሂደታይ ኔና፤
ዩላጋቴላ ዋዴፔ
ደማዳ
ታ አማኔቲዛይ ኔና።
- 6 ታኒ ዩሎቶሶሬ ደማዳ
ታ ኔናን ዜምፓዲሰ፤
ታ አዬይ ኡሎፔ ታ ዩሌታና ማላ
ኦሊዳይ ኔና፤
ኡባ ዋዴ ታ ኔና ጋላታይሰ።
- 7 ዳር አሳይ ታና
ደማ አይሬን ጴሊዴሰ፤
ኔኒ ገዲኮ ታ ባቃታ አቲዛ
ዋጋ ዛላ።
- 8 ጋላስ ኩሜላ ኔ ቦንቾ
ታ ዮታናሰ፥
ታ ደናን ጋላታይ ኩሚዴሰ።
- 9 ታኒ ጨሚዳ ዋዴን ታና ኦሎፓ፤
ታ ዋልቃይ ኢጲዳ ዋዴን
ታና አጎፋ።
- 10 አይሰ ገኮ ታ ሞርኬቲ
ታና ሂሊዳ፤
ታና ዋቆናዉ ኮይዛይቲ
ታ ቦላ ኢታ ማቁቲዳ።
- 11 ኢሰቲ፥ «ጸሲ ኢዛ አገዴሰ፤
ኢዛ አሻናይካ ዳና፤
ሃሳ ገሻሰ አኔ ኢዛ
ጎዲ ኦይኮስ» ገዳ።
- 12 አቤት ጸሳዉ! ታፔ ሃኮፋ።
አቤት ታ ጸሳዉ!
ታና ማዳናሰ ኤሌላ።
- 13 ታና ሞቲዛይቲ ዩላቲዲ ቆዬቶ።
ታና ቆሃናዉ ኮይዛይቲ
ዩላኔ ካዉሻቴላ
ማይኤቶ።
- 14 ታኒ ገዲኮ ኡባቶ ኔና
ሂደታ አላይሰ።
ታኒ ጋላታ ቦላ ጋላታ
ኔሰ ጉጃና።
- 15 ታኒ አይ ሊኬ ሃሳያናኮ
ኤርንታ አገኮካ
ጋላስ ኩሜላ ታ ደናይ
ኔ ጲሎቴላ ገሻሰኔ
ኔ አቶቴላ ገሻሰ ሃሳዬሰ፤
- 16 አቤት ጎዳዉ፥ ጸሳዉ!
ታኒ ያዳ ኔ ዋልቃማ
ኦሶ አሞጃና፤
ቃሴካ ኔ ጲሎቴላ ጸላ
ዮታና።
- 17 አቤት ጸሳዉ!
ኔኒ ታና ዩላጋቴላሬ
ደማዳ ታማርሳዳሳ፤
ታኒካ ሃኖ ጋካናዉ
ማላሊሲዛ
ኔ ኦሶዛ አሞጃይሰ።
- 18 አቤት ጸሳዉ!
ኔ ማታ ጉዬፔ
ያና ዩሌታሰ፥

ኔ ዋልቃ ጉዩፔ ያና ዴሬ ኡባስ፥
ታ ቆንጨሳና ጋካናሲኔ
ታ ጨማዳ ፑሉማና ጋካናሰ
ኔ ታና ኣጎፋ።

- 19 ኣቤት ጸሳዉ!
ኔ ጸሎቴላይ ሳሎ ጋኪዴሰ፤
ኣቤት ጸሳዉ!
ኔኒ ጊታ ሚሽ ኦላዳሳ፤
ኔና ሚሳቲዛይ ኦኒካ ዴና።
- 20 ኔኒ ታ ቦላ ዳሮ ሜቶ ኤሃዳሳ፤
ጊዲኮካ ኔኒ ታና
ጨማ ኦላፊ
ጎቻ ኬሳዳሳ፤
ታ ዴኦ ዛራ ኦራላዳሳ።
- 21 ኔኒ ታ ቦንቾ
ካሴይሳፊ ዳርሳና፤
ኔኒ ታና ዛሬላዳካ
ሚንጴሳና።

- 22 ኣቤት ታ ጸሳዉ!
ኔ ቱማቴላ ጊሻሰ
ታኒ ኔና ዲላን ጋላታና፤
ኣቤት ኢሰራኤሌ ጌሻዉ!
ታኒ ማሲንቆን ኔና ሳባና።
- 23 ታ ዋዚናይ ኡፋይሳን ኩሚዲ
ኔሰ ዩዲዛ ዎዴ፥
ኔኒ ዎዚዳ ታ ሼምፖያ
ኔሰ ኢለላዉሰ።
- 24 ታ ኢንጻርሳይ
ኔ ጸሎቴላ ጊሻሰ
ጋላሰ ኩሚሳ ሃሳዬሰ፤
ታ ቆሃቴላ ኮይዛይቲ
ዬላቲዳኔ ካዉዪዳ።

72

ሶሎሞን ማዛሙራ

- 1 ኣቤት ጸሳዉ!
ሱሬ ፒርዳ ካዎሰ፥
ኔ ጸሎቴላካ
ካዎ ናሰ ኣማ።
- 2 ሂሰቲኮ ኢዚ ኔ ዴራሰ
ጸሎቴላን ፒርዳና፤
ናቄቲዳይታሲካ
ሱሬ ፒርዳና።
- 3 ዙማቲ ዱሬቴላ ኤሃና፤
ዙምቡላቲካ ጸሎቴላ
ኔ ዴራሰ ኤሃና።
- 4 ሜቶቲዳይታ ጊሻሰ
ኢዚ ሞቴታና፤
ሂዬሳታ ኢዚ ኣሻና፤
ኡንኤሊዛይሳካ ኢዚ ሊቁሳና።

- 5 ኣዎይኔ ኣገናይ
ዲዛ ዎዴ ኡባን
ኣሳይ ኢዛሰ ሃሬቶ።
- 6 ካዎይ ሾቃን ቡኪዛ

ኢራ ማላኔ ጋዴ ካልሲዛ
ፑሴ ኢራ ማላ ጊዳና።
7 ኢዚ ዲዛ ላይሳ ኡባን
ጸሎይ ጨያና፤
ኣገናይ ቆያና ጋካናሰ
ቢታ ቦላ ሳርቴላ ዳራና።

- 8 ኣባፌ ቢዲ ኣባ ጋካናሰ፥
ኤፊራዲሴ ሻፋፔ
ሳኣ ጋጸ ጋካናሰ
ኢዚ ሃራና።
- 9 ባዞን ሚሂ ጸላ ሃሪ ኣቁዛይቲ፥
ኢዛ ሞርኬቲ ጉዲላ ሳጫና።
- 10 ታርሴሴ ካዎቲኔ
ሃራርታ ካዎቲ
ኢዛሰ ጊራ ኤሃና።
ሳባኔ ሳባ ካዎቲ
ኢዛሰ ኩሼ ጌንሶ ኤሃና።
- 11 ካዎቲ ኡባይ ኢዛሰ ጉልባታና፤
ካዎቴላይ ኡባይ
ኢዛሰ ሃሬታና።

- 12 ሚቶታንቻይ ዋሲዛ ዎዴ፥
ማንቆኔ ማዶይ ባይንዳ
ኣሰ ኢዚ ኣሻና።
- 13 ሂዬሳታሲኔ ማንቆታሰ
ኢዚ ቃዴቴሰ፤
ሚቶታንቻታ ሼምፖካ
ኢዚ ሃይቆፔ ኣሼሰ።
- 14 ኢሰታ ሼምፖ ቆሆፔኔ
ጌኔፔ ኢዚ ኣሻና፤
ኢሰታ ሱላይ
ኢዛ ሲንሳን ኣልኦ።

15 ካዎይ ሼምፖ ጋምኦ፤
ሳባ ቢታ ዎርቃይ ኢዛሰ ኢሜቶ።
ፓጩይ ባይንዳ ኢዛሰ ዎሴቶ፤
ጋላሰ ኡባን ኢሰቲ ኢዛ ኣንጃቶ።

- 16 ቢታን ዳሮ ካላይ ሞኮ፤
ዙማቲ ካላን ካሜቴቶ፤
ቢታይ ለባናሴ ማላ
ካላ ቢታ ጊዶ፤
ማታይ ዴምባ ኩሚዛ ማላ
ካታማ ኩሞ።

- 17 ካዎዛ ሱንሳ
ሚርናሰ ሚኒ ዴኦ፤
ኣርሼይ ዴኢዛ ኬና
ዴይጌቲሼ ጋምኦ።

ካዎቴላ ኡባይ
ኢዛ ባጋራ ኣንጃቶ፤
ዴሬ ኡባይ ኢዛ፥
«ኔ ኣንጃቲዳዴ» ጊ ኣንጅ።

- 18 ማላሊሲዛ ሚሽ
ባርካ ኦሊዛ ጎዳይ፥
ጸሳይ፥ ኢሰራኤሌ
ጸሳይ ጋላቴቶ።

19 ኢዛ ቦንቸ ሱንላይ
 ማርናስ ጋላቴቶ፤
 ቢታ ኡባይ
 ኢዛ ቦንቸን ኩሞ።
 ኣሚን! ኣሚን!

20 ኢሴዬ ና ዳዊቴ ዋሳይ
 ሃይሳን ፖሊቴዴስ።

ሄቫንሳ ማጻፋ

73

(ማዛ 73—89)

ኣሳፌ ማዛሙራ

1 ዋዚና ጌሽ ጊዲዲ
 ኢሰራኤሌ ኣሳስ
 ጸሲ ኣይ ማላ ኪያ!

2 ጊዶ ኣቲን ታ ቶሆይ ቆጶቲን
 ታ ኩንዳይቻዳ
 ጉላሶን ኣታዲስ።

3 ኣይስ ጊኮ ኢታ ኣሳታኔ
 ማካላንቻታ ዱራቴላ
 ቤኣዳ ታንካ ኢስታ ማላ
 ሃናናስ ኣሞታዲስ።

4 ኢስታስ ቱጋይ ዴና፤
 ኢስታ ኣሳቴላይ ፓያኔ ሚና።

5 ኢስቲ ሃራ ኣሳይ
 ቱጋቲዛ ማላ ቱጋቴቴና፤
 ሃራ ኣሳ ማላካ
 ሚቶቲ ኤራቴና።

6 ሃሳ ጊሻስ ኢስቲ ኦቶራቴላ
 ኣሌቆ ማላ ቆቆን ኣሌቴስ፤
 ማካላቴላ ኣፋላ ማላ
 ማይኤቴስ።

7 ኢስታ ዋዚናፔ
 ኢታ ቆፋይ ፑልቴስ፤
 ባንታ ኣይፌ ኬሲ ዴራቁቴስ።

8 ኢስቲ ቁቆቴስኔ
 ኢታ ሃሳዬቴስ፤
 ኢስቲ ባንታ ኦቶሮን ሃራታ
 ኡንኤላናዉ ማንዴቴስ።

9 ኢስቲ ሳሎን ዲዛ ጸሳ
 ባንታ ዶናን ጫዬቴስ፤
 ሳኣን ዴኢዛ ኣሳ
 ባንታ ኢንጸርሳን ዴኬቴስ።

10 ሃሳ ጊሻስ ዴራ ኡባይ
 ኢስታኮ ሳቸስ፤
 ኢስቲ ዮቴዛይሳካ ኡባ
 ኤሶን ኣማኔቴስ።

11 ኢስቲ፡ «ጸሲ ኣይ ኤሪዜ?
 ኡባፌ ቆቆ ጸሳስ
 ኤራቴላ ዲዜ?» ጌቴስ።

12 ሃኮ ኢታቲ ሃይሳ ሚሳቴቴስ፤
 ኢስቲ ኡባቶ ዉዱ ጎንታይታ፤
 ዱራቴላ ቆቆ ጋኪዳይታ።

13 ሂስቲን ታኒ
 ዋዚና ጌሻቴላን
 ናጊዲይሲ
 ታና ኣይ ማዲዴ!
 ታ ኩሽ
 ታ ጸሎቴላን ሚጪዲይሲ
 ጮ ታና ቆሊቤና።

14 ጋላስ ኩሚላ
 ታኒ ሚቶ ቤያዲስ፤
 ዋንቲን ዋንቲን
 ታኒ ቃጸዬታዲስ።

15 ታኒ ኢስቲ ሃሳይዛይሳ ማላ
 ሃሳያና ቆፒዳኮ
 ኔ ዴራስ
 ታ ኣማኔቶንታ ኣስ ጊዳና።

16 ታኒ ሃ ዮኦዛ ሻካ
 ኤራናስ ቆፓዲስ
 ጊዶ ኣቲን ታ ኤራፔ ቦላ ጊዲዴስ።

17 ሄሲካ ታኒ ጸሳ ጌሻሶሆ
 ጌላና ጋካናሲኔ
 ኢታታ ዉርሴላ
 ቤኣና ጋካናሳ።

18 ኣዳካ ኔ ኢስታ
 ሃሊጸዛሶን ዋላዳሳ፤
 ኔኒ ኢስታ ዴጌ
 ባሻሶ ዬዳዳሳ።

19 ኢስቲ ሃሳኣንታ ኤሶን ቆይዳ፤
 ዳጋማን ኢሶይካ ኣቶንታ
 ዲፒ ጊዳ።

20 ኣቤት ጎዳዉ! ኔኒ ዴንዲዛ ዋዴ
 ኣሲ ቆሰኮፌ ቤጊን ቆይዛ
 ኣጉሞ ማላ ኢስቲ ቆያና።

21 ታኒ ዪሎቴዳ ዋዴኔ
 ታ ዋዚናይካ ማዲንጸዳ ዋዴ፤
 22 ታኒ ቆፋይ ባይንዳ ዳማዲስ፤
 ታኒ ኔ ሰንሳን
 ሚዛ ማላ ጊዳዲስ።

23 ጊዶ ኣቲን ታኒ ኡባቶካ
 ኔናራ ዳይስ፤
 ታ ኡሻቻ ኩሽዛካ
 ኔኒ ኦይካዳሳ።

24 ኔ ዞሪን ታና ካሌላዳሳ፤
 ሃሳፌ ጉዬ ኔኒ
 ታና ቦንቸስ ኤፋና።

25 ሳሎን ኔፔ ኣቲን
 ታስ ሃራይ
 ኦኒ ዲዜ?
 ሳኣንካ ኔፔ
 ሃራ ኦናካ ኮይኬ።

26 ታ ዋልቃይኔ ታ ዋዚናይ
 ዳቡራናስ ዳንዳዬስ፤
 ጊዶ ኣቲን ጸሲ
 ታ ዋዚናስ ሚናቴላኔ
 ታስ ሚርና ቃዳ።

- 27 ኔፔ ሃኪዛይቲ ጳያና፤
ኔሰ አማኔቶንታይታ
ኡባ ኔኒ ጳይሳና።
- 28 ጊደ ኣቲን ታሰ ጸሳኮ
ሺቆይ ሎኦ፤
ኔ ኦሶ ኡባ ዮታና ማላ።
ታኒ ኡባ ሃሪዛ ጎዳ
ታ ባቃታ ኣቲዛሶ ኦላዲሰ።

74

አሳፊ ሃሳኣን ሺሺዳ ገንጾ

- 1 አቤት ጸሳዉ!
ኔኒ ኦና ማርናሰ
አይሰ ዩጋ ኣጋዲ?
ሃንሳሶሆን ዲዛ
ደርሳታ ቦላ
ኔ ሃንቆይ አይሰ ሱሊዳ?
- 2 ቤኒ ኔኒ ደሪዳ ኔ ዳራ
ኔሰ ቡዞ ሂሰታ
ዋዚዳ ዛሬታ ሃሳኣ፤
ኔኒ ዳኢዳ ጸዮኔ ዙማ ቆፓ።
- 3 ኣኔ ላሌቲዳ ጸሳ ኬላዛ
ዩያ ጸላ፤
ሞርኬቲ ኢዛን ዲዛ
ኡባ ሚሽ ጳይሰዳ።
- 4 ኔ ሞርኬቲ ኔ ሶን፣
«ኑኒ ጸኒደሰ» ጊዲ ጌሬሬቲሰ።
ጸኖ ማላታ ጊዲ
ባንታ ባንዲራ ኤሲዳ።
- 5 ኢሰቲ ዋራ ጊደን ሚሳ ቃንጸናዉ
ባንታ ካልታ ቶቁ ሂሰቲ
አይኪዳ ኣሰ ሚሳቲዳ።
- 6 ሂላንቻቲ ኦሊዳ አሌቆታ
ካልታኒኔ ማደሻን
ሚንሌሬላ ዩጊዳ።
- 7 ጸሳ ኬላ
ታማን ጸጊዲ ጳይሰዳ፤
ኔ ጸይጌቲዛሶዛ ቱኒሲዳ።
- 8 ኢሰቲ ባንታ ዋዚናን፣
«ኢሰታ ኑኒ ሙሉራ ኡንኤላና»
ጊዲ ቆፐዳ፤
ዳራን ጸሲ ጎይኔቲዛሶሆታ
ኡባ ታማን ጸጊዳ።
- 9 ኑ ሻኪ ኤራናሰ
ማላታይ ዳና፤
ሃይሳፌ ጉዬ ናቤይ ዳንዳና፤
ሃይሲ አዉዴ ጋካናዉ
ሃናናኮ ኤሪዛ አሲ
ኑ ጊደን ዳና።
- 10 አቤት ጸሳዉ! ኔ ሞርኬቲ
አዉዴ ጋካናዉ
ኔ ቦላ ቁልጫኔ?
ኢሰቲ ኔ ሱንሳ
ሚርናሰ ካዲሼ ዳኔ?

- 11 ኔ ኩሼዛ ሚጫዳ
አይሰ ኢሰታ ጳይሰኪ?
ኔ ኡሻቻ ኩሼዛ
አይሰ ሾጸ ጋርሳን
ሎኮማ ኡታዲ?
- 12 አቤት ጸሳዉ!
ቤኒፔካ ታ ካዎይ ኔና፤
ኔኒ ቢታ ቦላ ኣቶቴላ ኤሃዳሳ።
- 13 ኔ ጊታ ዋልቃን ኣባ ሻካዳሳ፤
ኢዛ ጊደን ዲዛ
ሚሚንቲታ ሁኔ ቆኤሬላዳሳ።
- 14 ሌዋታኔ* ጌቲቲዛ
ሚሚንቲ ሁኔታ ዲንጫዳሳ፤
ኢዛ ኣሾ
ባዞን ዲዛ ሚዴታታሰ
ቁማ ኦላ ኢማሳ †።
- 15 ኔኒ ፑልቶታኔ
ካንቼታ ዲያ ዩዳዳሳ፤
ኡባ ዋዴ ጎጊዛ ሻፋታ
ቃሴ ሚሊሳዳሳ።
- 16 ጋላሳይ ኔሳ፤
ቃማይካ ኔሳ፤
ቃሴ ኣርሼኔ ኣጊና
ኢሰቲ ዲዛሶን
ሚንሳ ዋሊዳይ ኔና።
- 17 ቢታሰ ዛዋ ዋሊዳይ፣
ባልጎኔ ቦኔ ሚዲዳይ ኔና።
- 18 አቤት ጎዳዉ!
ኔ ሞርኬቲ ኔ ቦላ
ዋሰቲ ቁልጫዳኮ፣
ቃሴ ኤያ ኣሳቲ
ኔ ሱንሳ
ዋሰቲ ካዲዳኮ ቆፓ።
- 19 ኔሰ ሃሪቲዛይታ ሽሞፖ
ዋራ ደኣታሰ ኣሳ ኢሞፋ፤
ሚቶቲዳ ኔ ዳራ
ሚርናሰ ደጎፓ።
- 20 ቢታን ዲዛ ቋማ ሶሆቲ
ኡባይ ማካላንቻታን
ኩሚዳ ጊሻሰ
ኔኒ ኑሰ ጫቁዳ
ጫቆ ቃላ ቆፓ።
- 21 ናቁቲዳይቲ ዩላቲ ሲሞፌቶ፤
ማንቆቲኔ ሚቶቲዳይቲ
ኔ ሱንሳ ጋላቲቶ።
- 22 አቤት ጸሳዉ! ዳንዳ!
ኔኒ ኔ ሱንሳሰ ሞቲታ፤
ኤያቲ ጋላሰ ኡባን
ኔና ካዲዛይሳ ቆፓ።
- 23 ኔ ሞርኬቲ
ኔ ቦላ ዋሲዛ ዋሶዛ፣
ኔና ኢዲዛይቲ
ኔ ቦላ ጨቁቲዛ ጨቁቲላኔ

74:13 ከሳ 14:21 * 74:14 ሌዋታኔ ጌቲቲዛ ሚሚንቲይ ኣባ ጊደን ዳኢዛ ዋጋ ጊታ ደኣ። † 74:14 ኢዛ ኣሾ ባዞን ዲዛ ሚዴታታሰ ጊዛይሲ ላፑን ታሙ ኤራንቻታ ቢርሼላ ማጻፋን ቶጵያ ኣሳታሰ ቁማ ዋይኮ ካል ኢማዳሳ ጌሰ።

ኢስታ ዎጫማ ደጎፓ።

75

አሳፌይ ዛማሬታ ካቦስ፡ «ዳይሶፋ» ጌቴቲዛ ዲጻ ጊጊሶን ሺሺዳ ማዛሙራ

1 አቤት ጸሳዉ!
ኔና ጋላቶስ፤
ኔ ኑስ ማታ ጊዲዳ ጊሻሰ
ኔ ሱንላሰ ጋላታ ሺሾስ፤
አሳይካ ማላሊሲዛ
ኔ ኦሶ ኡባ ጊሻሰ
ሃሳዬስ።

2 ጸሱ፡ «ታ ባራ ዎሊዳ ዎዴን ሱሬ ፐርዳ ፐርዳናይ ታና።

3 ሳአይኔ ኢዛ ቦላ ዲዛ ሜዴታ ኡባይ ቃዲዛ ዎዴ ሳአ ቱሳታ ሚንላ ኤሲዳይ ታና።

4 ኦቶራንቻታ፡ (ኦቶራቶፍቴ) ጋይስ፤ ኢታታካ፡ (ኢንቴ ማካሎፍቴ።

5 ኔ ካጩ ኦቶሮን ቶቁ ቶቁ ሂሰቶፋ፤ ኔ ቆዴ ቃላ ሃሳዮፓ። ጋይስ» ጌስ።

6 ቦንቾይ አርሼይ ሞኪዛሶፐ ዎይኮ ዉሊዛሶፐ ዎይኮ ባዘፌ ዬና።

7 ጊዳ አቲን ሱሬ ፐርዲዛይ ጸሳ፤ ኢዚ አሳ ቦላ ፐርዴስ፤ አሳ ጸሊሴስ።

8 ጎዳ ኩሼን ዋንጫይ ዴስ፤ ኢዛን ሆሞቲዛ ሃንቆ ዎይኔ ኡሺ ኩሚ ኡቲዴስ፤ ሄ ኡሻዛ ጌዴ ካሬ ጉሲዴስ፤ ሳአን ዲዛ ማካላንቻቲ ሄሳ ኡዱዳ፤ ኢስቲ ኦርጮካ አሾንታ ጮንጎርሲዳ።

9 ታኒ ጊዲኮ ሃይሳ ሚርናሰ አዎጃና፤ ያቆቤ ጸሳካ ማዛሙራን ሳባና።

10 ታኒ ኢታታ ካጩ ኡባ ሚንላና፤ ዲሎታ ካጩ ጊዲኮ ቶቁ ቶቁ ሂሰታና።

76

አሳፌይ ዛማሬታ ካቦስ ዲጻታን ዬዲዳ ማዛሙራ

1 ጸሲ ዩሁዳን ኤሬቲዴስ፤ ኢዛ ሱንላካ ኢሰራኤሌን ጊታ።

2 ኢዛ ዲንካኔይ ሳሌሜን ዴስ፤ ኢዛሰ ዲሳሶይካ ዲዮኔ።

3 ኢዚ ሄሳን ዲኪዛ ዎንዳፌ ዩሻ፤ ጎንዳሌ፡ ጌላ ማሻታኔ ሃራ ኦላ ሚሻታ

ሜንጮራሊ ዩጊዴስ።

4 አቤት ጸሳዉ!
ኔኒ ቦንቾ ማይአዳ ጸሳሳ፤ ኔ ቱማቴሊ ጊታ ዙማታፔካ አዴስ።

5 ጎባ ኦላንቻቲ ቦንቁቲዳ፤ ኢስታፌ ኢሶይካ ባ ኩሼ ዴንላና ዳንዳይቤና፤ ኢስቲ ዎልቃማ ዴስኮ ዴስኪዳ።

6 አቤት ያቆቤ ጸሳዉ!
ኔ ሃንቆ ጋሶን ቶጋ አሳቲኔ ቶጋ ፓራቲ ኩንዲ አቲዳ።

7 አቤት ጸሳዉ! ኔኒ ያሻሳ!
ኔ ሃንቆይ ሱሊዳ ዎዴ ኔ ሲንላን ኦኔ ኤቃናይ?

8 ኔኒ ሳሎፔ ፐርዳ ሲሳዳሳ፤ ቢታይ ያያዳ ሲርጺ ጋዴስ።

9 አቤት ጸሳዉ!
ሃይሲ ሳአ ቦላ ኡንኤቲዳይታ አሻናሰ ኔኒ ፐርዳሰ ዴንዲን ሃንዴስ።

10 ኔኒ አሰ ሃንቁኮካ ሄሲ ኔ ቦንቾሰ ጊዴስ፤ ኦላፔ አቲዳይቲ ኔ ባአሌ ቦንቻና።

11 ጎዳ ኢንቴ ጸሳሰ አዲኒቲ፤ ሄ አዲኒቲዳይሳካ ጋሊቲ፤ ኢዛ ዩሾን ዲዛ ኡባቲ ኢዛሰ ያሺሲዛ ኢሞታ ኤኪ ዩቲ።

12 ኢዚ ኦቶራቲዛ ዴናታ ካዉሻና፤ ዎልቃማ ካዎታካ ኢዚ ያሺሳና።

77

አሳፌይ ዛማሬታ ካቦ ኤዶታኔስ ዩዲዳ ማዛሙራ

1 ታኒ ታ ቃላ ቶቁ ሂሰታዳ ጸሳኮ ዋሳይስ፤ ታና ሲያና ማላ ታ ኢዛ ዋሳይስ።

2 ታኒ ሜቶቲዳ ጋሳሰ ጸሳ ኮያይስ፤ አማርሲካ ሺሞፖንታ ታ ኩሼታ ኢዛኮ ሚጫይስ፤ ጊዲኮካ ታኒ ሚኔታናሰ ዳንዳያቤኬ።

3 አቤት ጸሳዉ!
ታ ኔና ቆፓሼ ጩጫይስ፤ ታ ዩሻ ቆፓሼ ኬሃ ዳቡርዴስ።

4 ታ አይፌፔ ዴስኮ ዳይሳዳሳ፤ ታሰ ጋናዚ ዳያና ጋካናሰ ጩጫዲስ።

5 ታኒ አዲዳ ዎዴታ ቆፓዲስ፤ ካሴ አዲዳ ላይላታካ ሃሳአዲስ።

6 ታ ዩዲያይሳ ጊደል
 የሻ ቆጥረሰ፤
 ታኒ ዋዚናን እኩካዲሰ፤
 ታ ኣያናይ ታና ዴንፊሉን፤

7 «ጎዳይ ኑና ሜርናሰ
 ዩጊ አጋኔ?
 ሃይሳፌ ጉዬ
 ኑና ሎኦ ቤሴኔ?»

8 ኑና ሰቂዛይሳ ሙሌራ አጊዴ?
 ኢዚ ዮተዳ ሂደታይ ሻሬተዴ?

9 ጸሲ ባ ማሪዛይሳ አጊዴ?
 ሃንቆን ባ ቃፌታ አጊዴ?»
 ጋ ኦይቻይሰ።

10 ኡባፌ ቶቃ ጸሳዉ!
 ታና ቆሂዳይ፤
 ኔ ኡሻቻ ኩሼይ
 ካሴይሳፉ
 ኑና ማደንታ አጎይሳ።

11 ጎዳዉ! ኔ ኦሶታ
 ታኒ ቆጥና፤
 ኔኒ ቤኒ ዋዴ ኦሊዳ
 ማላሊሲዛ ኦሶታ ኡባ
 ታ የሻ ቆጥና።

12 ኔ ኦሊዳ ኡባ
 ታኒ ዛራ ዛራዳ ቆጥና፤
 ኔ ዋልቃ ሕሶታ ኡባ
 ታኒ እኩካና።

13 አቤት ጸሳዉ!
 ኔ ኦጌይ ጌሻ፤
 ኑ ጸሳ ማላ
 ሃራ ጌታ ጸሲ ኦኔ?

14 ኔኒ ማላሊሲዛዝ ኦሊዛ ጸሳ፤
 ዴሬታ ጊደን
 ኔ ዋልቃ ቤሳሳ።

15 ያቆቤኔ ዮሴፌ
 ዜሬል ጊዲዳ ኔ ዴሬታ
 ኔኒ ኔ ዋልቃን ዋዛዳሳ።

16 አቤት ጸሳዉ!
 ሃሳቲ ኔና ቤኢዳ፤
 ሃሳቲ ኔና ቤኢዳ ያዩዳ፤
 ጨማ አባቲካ ኩሶራዳ።

17 ሻራቲ ኢራ አሚዳ፤
 ሳሎን ዳዳይ ጉሚዴሰ፤
 ዋልቃንሉ ዋዋጨ ጊዴሰ።

18 ኔ ዳዳ ጉንሳይ
 ጎቲ ጫርኮ ጊደን ኮሺሚዴሰ፤
 ኔ ዋልቃንሳ ጸሌሌ
 ሳኣ ፖኢሲዴሰ፤
 ቢታይካ ቃጺ ኩሶራዴሰ።

19 ኔኒ አባ ጊደራ ሄሜታሳ፤
 ጨማ አባ ጊደራ
 ካንሳሳ፤
 ጊዲኮካ ኔ ቢዳ ጌዶይ
 ኤሬቲና።

20 ሙሴኔ አርኔ ኩሼን
 ኔኒ ኔ ዴሬዛ ደርሳ
 ዉዴ ማላ ካሌሳዳሳ።

78

አሳፌይ ሃሳኣን ሺሺዳ ጊንጾ

1 ታ ዴሬዛ ታ ኔና
 ታማርሲዛይሳ ሲያ፤
 ታ ደናፔ ኬኢዛ ቃላ ኤዘጋ።

2 ታኒ ሃሳይዛ ሃሳያ
 ለሚሶን ደማይሰ፤
 ቤኒሶፌ ቆታን ዲዛ
 ጹራ ዮኑ ቆንጨሳይሰ።

3 ኑ ሲዩዳይሰኔ
 ኑ ኤሪዳይሰ፤
 ኑ አዋቲካ ኑሰ ዮተዳይሳ።

4 ሄ ዮኦታ ኔኒ
 ኢሰታ ናይታፔ ቆቶኮ፤
 ጎዳሰ ቤሲዛ ጋላታ፤
 ኢዛ ዋልቃኔ
 ማላሊሲዛ ኢዛ ኦሶ
 ዩዛ ዩሌታታሰካ
 ኔኒ ዮታና።

5 ኢዚ ያቆቤ ዛሬታሰ አዛዞ፤
 ኢሰራኤሌ አሳሰ ዋጋ ኢሚዴሰ፤
 ባንታ ናይታ ሄ ዋጋታ
 ታማርሳና ማላ አዛዚዴሰ።

6 ሄሲካ ካሊዛ ዩሌታይ
 ኢሰታ ኤራናሳ፤
 ቃሴካ ቡሮ ዩሌታና
 ናይቲ ኤራናሳኔ
 ኢሰቲካ ባንታ ናይታሰ ዮታናሳ።

7 ሄ ናይቲካ ጸሳን አማኔታና፤
 ኢዚ ኦሊዳ ኦሶካ ደጌቲና፤
 ኢዛ አዛዞታካ ኢሰቲ ናጋና።

8 ኢሰቲ ካሴ ባንታ አዋታ ማላ
 ዋዚና ሙሜኔ
 ማካላንቻ ጊዴቲና፤
 ኢሰቲ ጸሳ ሲንሳን
 ሱሬ ጊዴቲና፤
 ጸሳሰካ አማኔቲቤቲና።

9 ኤፍሬሜ ናይቲ ኦላሰ
 ዋንዳፌኔ ዩሽ ጊግሲ ኬዚዳ፤
 ጊደ አቲን ኦላ ጋላሰ ጉዬ ሲሚዳ።

10 ኢሰቲ ጸሳ ጫቆ ቃላ
 ናጊቤቲና፤
 ኢዛ ዋጋ ማላ ደንታ ኢዲዳ።

11 ኢሰቲ ኢዚ ኦሊዳ ኦሶ ባሊዳ፤
 ኢዚ ኢሰቲ ቤሲዳ
 ማላሊሲዛ ሃኖታካ ደጊዳ።

12 ኢዚ ኢሰታ አዋቲ ቤኢሺን
 ጊብጾ ቢታን
 ጸኖሴ ዴምባን
 ማላታ ኦሊዴሰ።

13 አባ ሻኪዲ ጊደራ
 ኢሰታ ፒንሉዴሰ፤
 ኢዚ ሃሳ ያኔ

ሃ ሻኪዲ
 ጎዳ ማላ ኤሲዳስ።
 14 ኢዚ ኢስታ ጋላስ ሻራን፣
 ኦማርስ ታማ ፖኦን
 ካሌሊዳስ።
 15 ኢዚ ባዘን ዛላ ጳልቂዲ
 ኣባ ማላ ዳር ሃሐ
 ኢስታ ኡሺዳስ።
 16 ዛላፌ ሃሐ ፑልቲሲዲ
 ሻፋ ማላ ዲጌ ጎጊሲዳስ።
 17 ጊዶ ኣቲን ኢስቲ ኢዛ ቦላ
 ናጋራ ኦሶ ጌዴ ፑጂዳ፤
 ኡባፌ ጶቃ ጸሳ ቦላ
 ባዘን ማካሊዳ።
 18 ኢስቲ ኬሂ ኣሞቲዳ
 ካሐ ኦይቲዳ፤
 ኤሪሽ ባ ዋዚናን
 ጸሳ ፓጪዳ።
 19 ኢስቲ ጸሳ ቦላ፣
 «ባዘን ጸሲ
 ኦሶ ማና ካሐ
 ኢማና ዳንዳይዜ?»
 20 ዛላ ሾጪን ፑልቶይ ኬኢዲ
 ሻፋ ሃሊ ጎጊዳስ፤
 ሂሰቲን ኢዚ ኦሶ ማዛ ካሐ
 ኢማናዉ ዳንዳይዜ?
 ዋይኮ ባ ኣሳሰ
 ኣሾ ኢማናዉ
 ዳንዳይዜ?» ጊ ሃሳይዳ።
 21 ጎዳይ ሄሳ ሲዬዳ ዋዴ
 ኢስታ ቦላ ዳር ሃንቁቲዳስ፤
 ያቆቤ ዛሬታ ቦላ
 ታማይ ኤጲዳስ፤
 ኢስራኤሌ ቦላ ኢዛ ሃንቆይ
 ዳሪ ዳሪ ቢዳስ።
 22 ኣይሰ ጊኮ ኢስቲ
 ጸሳን ኣማኒቤቲና፤
 ኢዚ ኣሺዛይሳካ
 ኣማኔቲቤቲና።
 23 ኢዚ ጊዲኮ ቦላፌ ሻራ ኣዛዚዳስ፤
 ሳሎ ፔንጌታካ ደይዳስ።
 24 ኢስቲ ማና ማላ ኢስታሰ
 ማና ቡኪሲዳስ፤
 ሳሎፔ ካሐ ኢስታሰ ኢሚዳስ።
 25 ኪታንቻታ ካሐ ኣሳይ ሚዳስ፤
 ጸሲ ኢስቲ ካሊ ሚን
 ቲርፒ ኣቲዛ ካሐ ኢሚዳስ።
 26 ኣርሼይ ሞኪዛ ባጋራ ሳሎፔ
 ጫርኮይ ጫርካና ማላ ኦሊዳስ፤
 ባ ዋልቃን ዲጌሃ ባጋ
 ጫርኮ ዳንሌሊዳስ።
 27 ኢዚ ኣሳሰ ኣሾ ጉዲላ ቢታ ማላ፣
 ኣባ ደናን ዲዛ ኣጩ ማላ
 ዳር ፒራጲዛ ካፎታ ዬዲዳስ።
 28 ኢስቲ ዲንካኒ ኡቲዳሶ
 ዲንካና ዩሾን ዋጲዳ።

29 ኢስቲ ኣሞቲዳይሳ
 ኢስታሰ ኢሚዳስ፤
 ኢስቲካ ካሊ ሚዳ።
 30 ጊዶ ኣቲን ኢስቲ
 ባ ሞሳ ኣሶንታ
 ቡር ሙሳ ቦላ ዳኢሺን፣
 31 ጸሳ ሃንቆይ
 ኢስታ ቦላ ዋጲዳስ፤
 ኢስታ ጊዶፌ
 ሚና ኣሳታ ዋጲዳስ፤
 ኢስራኤሌፔ
 ፓያ ናቲታታ ሙልቂዳስ።
 32 ሃይሲ ኡባይ ሃኒንካ
 ኢስቲ ናጋራ ኦሊዛይሳ
 ኣጊቤቲና፤
 ማላሊሲዛ ኢዛ ኦሶታካ
 ቤኢዲ ኣማኒቤቲና።
 33 ሄሳ ጊሻሰ ኢዚ ኢስታ ላይታ
 ፔና ማላ ኣሊዳስ፤
 ኢስቲ ዲዛ ዋዴታ
 ሂርጋን ወርሲዳስ።
 34 ጸሲ ኢስታፌ ጉሳታ ዋጲን
 ኣቲዳይቲ ባ ናጋራ ፓጲዳ፤
 ዋዚናፔ ኮዩሽ
 ጸሳኮ ሲሚዳ።
 35 ኢስቲ ጸሲ ኢስታሰ
 ዛላ ጊዲዳይሳኔ
 ኡባፌ ጶቃ ጸሲ
 ኢስታ ዋዚዳይሳ ሃሳኢዳ።
 36 ጊዶ ኣቲን ኢስቲ ባንታ
 ኢንጸርሳን ኢዛሰ ዋርዶቲዲ
 ባንታ ደናን ጨሚዳ።
 37 ኢስታ ዋዚናይ
 ጸሳን ሚኒ ኤቂቤና፤
 ኢዚ ኢስታራ ጫቁቲዳ
 ጫቆን ኣማኔቲቤቲና።
 38 ጊዶ ኣቲን ኢዚ ኢስታ
 ማሪዛዴ ጊዲዳ ጊሻሰ
 ኢስታ ኢታቲላ ኣቶ ጊዳስ፤
 ኢስታካ ጳይሲቤና፤
 ዳር ዋዴ ባ ሃንቆዛ
 ኢስታ ቦላፌ ቲቂዳስ፤
 ባ ሃንቆዛ ቦሻ ኡባ
 ኢስታ ቦላ ዬዲቤና።
 39 ኢሲና ጫርኪ ኣጲዳፔ ጉዬ
 ሲሞንታ ጫርኮ ማላ
 ኣሾ ማይኢዳ ኣሰ
 ጊዲዳይሳ ኣኬኪዳስ።
 40 ኢስቲ ባዘን ኣፑንቶ
 ኢዛ ቦላ ማካሊዳ!
 ሚላ ባዘን ኣፑንቶ
 ኢዛ ላንጨሲዳ!
 41 ኢስቲ ዛሪ ዛሪዲ ጸሳ ፓጪዳ፤
 ኢስራኤሌ ጌሻ
 ማዲንሊዳ።

42 ኢዚ ኢስታ ሞርኬታፕ
 ዋዚዳ ጋላሳታኔ
 ኢዛ ዋልቃ ደጊዳ።

43 ኢዚ ገብጾ ቢታን ማላታ፥
 ጸኖሴ ዳምባን ማላሊሲዛዝ
 ኦሴዳይሳ ቆፐቤቴና።

44 ኢስታ ሻፋ ሃላ
 ሱላን ላሚዳሰ፤
 ሄሳ ገሻሰ ገብጾ ኣሳቲ
 ሄ ሻፋታፕ
 ኡያናሰ ዳንዳይቤቴና።

45 ኢስታ ኦላናሰ ኡዳንጾታኔ
 ኢስታ ቢታ ቆይሳናሰ
 ሾጴታ ከቲዳሰ።

46 ኢስታሰ ሞኪዳ ካላ ጉምባርሰ፤
 ኢስቲ ኦሴ ዳቡርዳ ካላ
 ቦሌሰ ኢሚዳሰ።

47 ኢስታ ዋይኔ ቱሪ ሻቻን፥
 ኢስታ ባላሴ ሚላታካ
 ከንቸን ቆይሲዳሰ።

48 ኢስታ ሚዛታ ሻቻን ዋጲዳሰ፤
 ኢስታ ሚሄታ ዋልቃንሳን
 ጸጊ ወርሲዳሰ።

49 ባ ሚኖ ሃንቆ፥ ቦሻ፥ ባሺኔ
 ቆይሲዛ ከታንታታን
 ኢስታ ቦላ ዩዲዳሰ።

50 ባ ሃንቆዛሰ ኦጌ ገግሲዳሰ፤
 ኢስታ ኢታ ሃርጌሰ
 ኣሴ ኢሚዳሰ፤
 ጊዶ ኣቲን ሃይቆፕ
 ኣሺቤና።

51 ገብጾን ዩሌቲዳ ባይራ ናይታ
 ኡባ ዋጲዳሰ፤
 ካሚ ዳንካኔን
 ኮይሮ ዩሌቲዳ
 ናይታ ወርሲዳሰ።

52 ጊዶ ኣቲን ኢዚ ባ ኣሳ
 ደርሳ ማላ ኬሲ ሄሚዳሰ፤
 ወዴ ማላ ባዞን ካሌሴዳሰ።

53 ኢዚ ኢስታ ሳርን ካሌሴዳሰ፤
 ኢስቲካ ሃርጌቤቴና፤
 ኢስታ ሞርኬታ ጊዲኮ
 ኣባይ ሚቲዳሰ።

54 ሂሰቲዲ ባ ጌሻ ቢታ፥
 ባ ኡሻቻ ኩሼን
 ጸኒ ኦይኪዳ
 ዙማ ኤፊዳሰ።

55 ኢዚ ኢስታ ሲንሳፌ
 ካዋቲላ ጎዲዲ
 ኢስታ ቢታ ኢሰራኤሌ ዛሬታሰ
 ገሼሬሴ ኢሚዳ
 ኢስታ ላቲሲዳሰ፤
 ኢሰራኤሌ ኣሳ
 ኢስታ ሞርኬታ ኬላን
 ዋላዳሰ።

56 ኢስቲ ጊዲኮ ኡባፌ
 ቆቃ ጸሳ ቦላ ማካሊዳ፤
 ኢዛ ፓጪዲ ኢዛ ዋጋታካ
 ናሳንታ ኢጲዳ።

57 ኢስቲ ቤኒ ባንታ ኣዋታ ማላ
 ማካላንታኔ
 ካዲዛይታ ጊዲዳ፤
 ኣማንሶንታ ቦካ ቶማን
 ኤቁዳ ቶራ ማላ ጊዲዳ።

58 ኢስቲ ጎይኒዛ ቆቃሶሆታን
 ኢዛ ዩሎቲዳ፤
 ባንታ ኤቃ ጸሳታን
 ኢዛ ቃናቲሲዳ።

59 ሂሰቲን ጸሲ ሄሳ ሲዩዲ
 ኬሂ ሃንቁቲዳሰ፤
 ኢሰራኤሌ ሙሌራ
 ዩጌ ኣጋጊዳሰ።

60 ኣሳ ጊዶን ኢዚ ቶኪዳ ዳንካና
 ሴሎን ባ ዲዛሶዛ
 ዩጌ ኣጊዳሰ።

61 ጸሳ ዋልቃሲኔ
 ቦንቸሰ ማላታ ጊዲዳ
 ታቦታ ሞርኬታ ኩሼን
 ኣሴ ኢሚዳሰ።

62 ኢዚ ባ ዴራ ቦላ ሃንቁቲዳሰ፤
 ኢስታ ገላ ማሻሰ
 ኣሴ ኢሚዳሰ።

63 ኢስታ ፓንላታ ታማይ ሚዳሰ፤
 ሂሰቲን ኢስታ ጌላኦቲ
 ኣዚና ጌሎንታ ኣቲዳ።

64 ኢስታ ቁሴቲ ማሻን ወሪዳ፤
 ኢስታ ማቼቲካ
 ዩካናሰ ዳንዳይቤቴና።

65 ሄሳፌ ጉዬ ጎዳይ
 ቋሰኮፌ ቤጊዛ ማላ
 ቤጊዳሰ፤
 ዋይኮ ዋይኔ ኡሹ ኡዩ
 ማላቲዳ ቃራይ ማላፌ
 ቤጊዛ ማላ ዳንዲዳሰ።

66 ኢዚ ባ ሞርኬታ ሾጪዲ
 ጉዬ ዛሪዳሰ፤
 ኢስቲ ሚርናሰ ዩላታና ማላ
 ኦሴዳሰ።

67 ዮሴፌ ዳንካኔ ካቋዳሰ፤
 ኤፍሬሚ ቆሞታ ደሪቤና።

68 ጊዶ ኣቲን ኢዚ ዩሁዳ ዛሬኔ
 ባ ሲቁዛ ጲዮኔ
 ዙማ ደሪዳሰ።

69 ሄሳን ኢዚ ጸሳ ኬላ
 ሳሎ ኬሲ ቆቃን ኬጲዳሰ፤
 ሳኣ ማላ ሚርናሰ ኤሲዳሰ።

70 ባ ኣይሌ ዳዊቲ ደሪዲ
 ደርሳ ወዴ ሄሚዳሰሆፕፕ
 ኤኪዳሰ።

78:44 ኬሳ 7:17-21 78:45 ኬሳ 8:1-6፤ 20:24 78:46 ኬሳ 10:12-15 78:48 ኬሳ 9:22-25 78:51 ኬሳ 12:29 78:52 ኬሳ 13:17-22 78:53 ኬሳ 14:26-28 78:54 ኬሳ 15:17፤ ኢያ 3:14-17 78:55 ኢያ 11:16-23 78:56 ዳና 2:11-15 78:60 ኢያ 18:1፤ ኤር 7:12-14፤ 26:6 78:61 1ሳሜ 4:4-22 78:70 1ሳሜ 16:11-12፤ 2ሳሜ 7:8፤ 1ታሪ 17:7

- 71 ኢዛ ደርሳታ ሄሚዛሶሆፕ
ኬሲዲ ባ ዳሬ ያቆቤኔ
ባ ጸንጾ ኢሰራኤል
ሄንላንቻ ኦሊዳሰ።
- 72 ሂሰቲን ዳዊቲካ ኢሰታ
ሱሬ ዋዚናን ሄሚዳሰ፤
ቃሴካ ሂላን
ኢሰታ ካሌሊዳሰ።

79

አሳፌ ማዛሙራ

- 1 አቤት ጸሳዉ!
ካዎቴላቲ
ኔ ቢታ ዎራጂዳ፤
ጌሻ ጊዲዳ
ጸሳ ኬላ ቱኒሲዳ፤
ዬሩሳላሜ ላሊ ዬጊዳ።
- 2 ኢሰቲ ኔ አይሌታ አሃ
ሳሎ ካፎታሰ
ቁማ ኦሊዲ አሚዳ፤
ቃሴ ኔ ጌሻ አሳታ አሾ
ሳኣ ዶኣታሰ አሚዳ።
- 3 ኢሰታ ሱሐ ዬሩሳላሜ ዩሾን
ሃላ ማላ ጉሲዳ፤
ኢሰታ አሃ
ሞጊዛ አሲ ዳይዳሰ።
- 4 ኑ ሾርታሰ ኩ ቁልጫሰ ጊዲዳሰ፤
ኑ ሄራን ዲዛይታሰ ቁጫሴ
ሚቻሰ ኣቲዶሰ።
- 5 አቤት ጎዳዉ!
ሃይሲ አዉዴ ጋካናሰ
ሃናኔ?
ኔኒ ሜርናሰ ሃንቁታኔ?
ኔ ቃናቴይ ታማ ማላ
ኤጲሼ ዳኣኔ?
- 6 ኔና ኤርንታ ዳሬታ ቦላኔ
ኔ ሱንላ ዳይጎንታ
ካዎቴላታ ቦላ
ኔ ሃንቆዛ ጉሳ።
- 7 አይሰ ጊኮ ኢሰቲ
ያቆቤ ዜሬላታ
ዎጂዳኔ
ኢሰቲ ዳኢዛሶዚካ
ሙሌራ ዳይሲዳ።
- 8 ካሴ ኑ አዎታ ናጋራ
ኑ ቦላ ቆዶፓ፤
ኤሶን ኔ ማርታ ኑሰ ኪታ፤
አይሰ ጊኮ
ኩኒ ኬሂፔ ሜቶቲዶሰ።
- 9 አቤት ኑና አሺዛ ጸሳዉ!
ኔ ሱንላ ቦንቾ ጊሻሰ
ኑና ማዳ፤
ኔ ሱንላ ጊሻሰ ኑና አሻ፤
ኑ ናጋራካ አቶ ጋ።
- 10 ካዎቴላቲ፣ አይሰ «ኢሰታ ጸሲ

አዎን ዲዜ?» ጋኔ?
ኔ አይሌታ ሱሐ
ኢሰቲ ጉሲዳይሳ
ኔኒ ሃሎ ኬሲዛይሳ
ኑ አይፌይ ቤኢሺን
ካዎቴላታ ኤሪሳ።

- 11 ቃሾ አሳታ ኦሊይ
ኔ ሲንሐ ጋኮ፤
ሃይቆሰ ፒርዳቲዳይታ
ኔ ሚኖ ቄሴን አሻ።

- 12 አቤት ጎዳዉ!
ኑ ሾርቲ ኔና ቁጂዳይሳ
ሃሎ ላፑን ኩሼ ኢሰታሰ ዛራ።
- 13 ሄ ዎዴ ኩኒ ኔ ዳሬቲኔ
ኔሰ ዉዴ ደርሳቲ
ሜርናሰ ጋላታ ኔሰ አማና፤
ዬሌታፔ ዬሌታ ጋካናሰ
ኔኒ ኑሰ ኦሊዳ ኦሶዛ
ኑ ዮታና።

80

ዛማራታ ካቦሰ «ጨሻ» ጌቴቲዛ ዲላ ጊሊሶን ማርካቴላሰ ዬጶቴዳ አሳፌ ማዛሙራ

- 1 አቤት ኢሰራኤል ሄንላንቻዉ!
ዮሴፌ ናይታ
ዉዴ ማላ ካሌሊዳይሶ!
ኔኒ ኑ ዎሳ ሲያ፤
ኪሩቤታ ቦላራ ዲዛ
አራታን ኡቲዳይሶ!
ኔ ፖኑን ቆንጫ።
- 2 ኤፍሬሜ፣ ቢኒያሜኔ ሚናሴ
ሲንላን ቆንጫ ቤታ፤
ኔ ዎልቃ ዳንላዳ
ያዳ ኑና አሻ።
- 3 አቤት ጸሳዉ!
ኑና ዛራ፤
ኩኒ አታና ማላ
ኔ አይፌሶ ኑሰ ፖኢሳ።
- 4 አቤት ጎዳዉ
ኡባፌ ዎልቃማ ጸሳዉ!
ኔ አሳ ዎሳ ቦላ
አዉዴ ጋካናሰ
ኔ ሃንቁታኔ?
- 5 ኔኒ ኢሰታ ዬሆ
ቁማ ማላ ሚዛዳሳ፤
ቃሴ አፋንላ
ሃላ ማላ ኡሻዳሳ።
- 6 ኑ ሾርቲ ኑ ቢታ ኤካናሰ
ባንታ ጊዶን ኦይታና ማላ
ኦላዳሳ፤
ኑ ሞርኬቲካ
ኑ ቦላ ሚጨዳ።
- 7 አቤት ኡባፌ
ዎልቃማ ጸሳዉ!

- ኑና ዛራ፤
ኑኒ አታና ማላ
ኔ አይፊሶ ኑስ ፖኢሳ።
- 8 ኔኒ ገብጾፔ ዋይኔ እኖ ኤሃዳሳ፤
ካዋቴላታ ዩዳዳ
አሰታ ቢታን ኢዞ ቶካዳሳ።
- 9 ኔኒ ኢዚሰ ቢታ ቁጾ ገገሳዳሳ፤
ሂሰቲን ጸጸ ዩዳዳ
ቢታ ኡባ ጋካዳሰ።
- 10 ዙማቲ ኢዚ ኩዋን፤
ለባኖሴ ዚጋቲ
ኢዚ ሃጋታን ካሜቲዳ።
- 11 ባ ሃጋታ ሜዲቴራኔ
አባ ጋካናሰ
ቃሴ ባ ዴራታ ኤፊራዲሴ
ሻፋ ጋካናሰ ዩዳዳሰ።
- 12 ሂሰቲን ኦጌራ አጃዛ ኡባይ
ኢዚ አይፊ ዱሊ ማና ማላ
ኢዚ ዩሾዛን ዲዛ ገምቤዛ
አይሰ ላላዲ?
- 13 ባዞ ጉዲንሳ
ኢዚ ቦላ ዱሪ ካኤሰ፤
ቃሴ ዋራ ዶኦቲ
ኡባይ ኢዞ ሜቲሰ።
- 14 አቤት ኡባፊ
ዋልቃማ ጸሳዉ!
ኔኒ ኑኮ ሰማ፤
ሳሎራ ዱጌ ጸላዳ ኑና ቤአ፤
ሃኖ ዋይኔ ሚላዮ ናጋ።
- 15 ኢዛ ኔ ኡሻቻ ኩሼይ
ቶኪዳ ፑቲ፤
ኔኒ ኔሰ ጋዳ ዲቺዳ አጫ።
- 16 ሞርኬቲ ኔ ዋይኔ ቁጶዲ
ታማን ጸጊዳ፤
ሄሳ ገሻሰ ኔኒ ኢሰታ
ኔ ሃንቆዛ ሱሌን ጃይሳ።
- 17 ኔ ኩሼይ
ኔ ኡሻቻ ባጋራ ዲዛ አሳ
ኔኒ ኔሰ ዲቺዳ አሳ ናጎ።
- 18 ሃይሳፊ ጉዬ ኑኒ
ኔና አጊዲ ጉዬ ሰሞኮ፤
ኑና ሼምፖራ ፓጾ ዋላ፤
ኑኒካ ኔና ጋላታና።
- 19 አቤት ኡባፊ
ዋልቃማ ጸሳዉ!
ኑና ዛራ፤
ኑኒ አታና ማላ
ኔ አይፊሶ ኑስ ፖኢሳ።

81

አሳፊይ ዛማሬታ ካቦሰ ሱሱልኤን ዩዲዳ ማዛሙራ

- 1 ኑስ ዋልቃ ገዲዳ
ጸሳሰ ኡፋይሳን ዩዲቲ፤
ያቆቤ ጸሳሰ ኢሊሊቲ!

- 2 ማዛሙራ ደሚቲ፤
ካራቤ ባቁቲ፤
ዲላኒኔ ማሰንቆን
ሎኦ ማዛሙራ ዩዲቲ።
- 3 አገናይ ጸሪዛ ዋዴኔ
ጁማን ጌሊዛ ዋዴ
ባአሌሰ ዛዬ ፑኒቲ።
- 4 ሃይሲ ኢሰራኤሌሰ ዋጋ፤
ያቆቤ ጸሳይ ኢሚዳ አዛዞ።
- 5 ገብጾ ቢታ ኢዚ ዩዲ ኬዚዳ ዋዴ
ዮሴፌ ዛሬታሰ
ዋጋ ሂሰቲ ዋሊዳሰ፤
ታኒ ኤርንታ ቃላራ ኢዚ ታሰ።
- 6 «አንቲ ሃሼፔ ቶሆ ዋላዲሰ፤
አንቲ ኩሼ ዴጾ
ሳሾፔ ሼምፕሳዲሰ።
- 7 አንቲ ሜቶ ዋዴ
ታና ጴይጊዳቲ፤
ሂሰቲን ታኒ አንቲና አሻዲሰ፤
ታኒ ሻራ ገደራ ዳዳን
አንቲና አላዲሰ፤
ማሪባ ጌቲቲዛ
ፑልቶ ሃላ ማታን
ታኒ አንቲና ፓጫዲሰ።
- 8 «ታ ዴሬዘ!
ታኒ ኔና ሴሪዛይሳ ሲያ!
ኢሰራኤሌ አሳዉ!
ኔ ታና ኡዝጋ ሲዩዳኮ
አዜ ዲዛይ!
- 9 አንቲ ገደን አላጋ ጸሲ ደፖ፤
ሃራ ጸሳሰ ጎይኖፍቲ።
- 10 ታኒ ጎዳ አንቲ ጸሳ፤
አንቲና ገብጾ ቢታፌ ኬሳዳ
ኤሂዳይ ታና አንቲ ጎዳ፤
ኔ ዶና ኬሃ ሃንጋ፤
ታኒ ኔና ቱላና።
- 11 «ገደ አቲን ታ አሳቲ
ታ ቃላ ሲዩቤቲና፤
ኢሰራኤሌቲ ታሰ
ኩሼ ኢሚቤቲና።
- 12 ሄሳ ገሻሰ ታኒ
ኢሰቲ ባ ዋዚና
ሙሚቴላላ
ባ ደሰይሳ ሃናና ማላ
አጋጋዲሰ።
- 13 «ታ ዴሬይ ታና ሲዩዳኮ!
ኢሰራኤሌ አሳይ
ታ ኑጌ ካሊዳኮ!
- 14 ታኒ ኢሰታ ሞርኬታ
ኢሰታሰ ጉልባቲሳና፤
ኢሰታ ባሊጋራታካ
ታ ሾጫናኮሺን።
- 15 ጎዳ ኢዲዛይቲ

ኢዛ ሲንሳን ኩንዳና፤
 ኢሰቲ ሜርናስ ቃጸይታና።
 16 ጊደ ኣቲን ታኒ ኢንቴና
 ሙሩታ ገሰቴ ሚዛና፤
 ቃሴ ዛላፌ ኢንቴና
 ኤስ ካልሳና» ገሺን ሲያዲሰ።

82

አሳፌ ማዛሙራ

- 1 ጸሲ ሳሎን ዲዛ ዲላታ ካሌጴሰ፤
 ጸሳቲ ኡባይ ሸቂን
 ኢሰታ ቦላ ፐርዲሼ። *
- 2 «ኢንቴ ኣዉዴ ጋካናዉ
 ጌላ ፐርዳ ፐርዳኔ?
 ኢታታካ ኣዉዴ ጋካናሰ
 ማዳኔ?»
- 3 ዋልቃይ ባይንዳይታሲኔ ዪኦታሰ
 ቱማ ፐርዳ ፐርዳቲ፤
 ማንቆኔ ናቂቲዳ ኣሳታ
 ማታ ናገሲቴ።
- 4 ዳቡራንቻታኔ
 ማቶታንቻታ ኣሺቴ፤
 ኢታታ ኩሸፔፔካ
 ኢሰታ ዋላ ኤኪቴ።
- 5 «ኢንቴሰ ኣይኮ ኤራቴላኔ
 ኣኬካይ ዳና፤
 ኢንቴ ቋማን ሲሜሬቴታ፤
 ቢታ ዮቻቲ
 ኡባይ ቃጸቴሰ።
- 6 «ታኒ ኢንቴና፣ «ኢንቴ ጸሳታ፤
 ኢንቴ ኡባይካ
 ኡባፌ ቋቃ ጸሳ
 ናይታ» ጋዲሰ።
- 7 ገደ ኣቲን ኢንቴ
 ኣሲ ሃይቁዛ ማላ ሃይቃና፤
 ቃሴ ሃራ ሃላቃቲ ኩንዲዛ ማላ
 ኢንቴካ ኩንዳና» ጋይሰ» ጌሰ።
- 8 ኣቤት ጸሳዉ! ዳንዳ!
 ሳኣ ቦላ ፐርዳ፤
 ካዎቴላ ኡባይ ኔሳ።

83

አሳፌ ማዛሙራ

- 1 ኣቤት ጸሳዉ! ጮኡ ጎፓ!
 ሲርጲ ጎፓ!
 ኣቤት ጸሳዉ!
 ቁሊ ጎፓ!
- 2 ቤኣ! ኔ ሞርኩቴ ኔ ቦላ ዳንዲዳ፤
 ኔና ኢጲዛይቲ ኔ ቦላ
 ባ ቆጼ ቃላዳ።
- 3 ኢሰቲ ኔ ኣሳ ቦላ

- ጌማን ጌኔ ዲላቲዳ፤
 ኔኒ ሲቁዛ ኣሳታ ቦላ
 ማቂቲዳ።
- 4 ኢሰቲ፣ «ሃ ዪቴ!
 ኢሰታ ካዎቴላ ቋይሶሰ፤
 ኢሰራኤሌ ጌቴቲዛ ሱንላ
 ሜርናሰ ሃሳኤቶንታ ማላ
 ኦላሰ» ጊዳ።
- 5 ኢሰቲ ኢሲ ዋዚና ጊዲዲ
 ኢሲፌ ማቂቲዳ፤
 ኔ ቦላ ዳንዳናሰ ጫቂቲዳ።
- 6 ኢሰቲካ ኤደሜ ኣሳታ፣
 ኢሰማኤሌ ኣሳታ፣
 ሞኣቤ ዛሬታ፣ ኣጋሪ ዛሬታ፣
 7 ጌባሌ ኣሳታ፣ ኣሞኔ ኣሳታ፣
 ኣማሌቁ ኣሳታ፣ ፊሊሰጾሜ
 ኣሳታኔ ጸርሴ ኣሳታ።
- 8 ኣሶሪ ኣሳቲ ኢሰታራ
 ኢሲፌቴላ ሜዲዳ፤
 ሎጾ ዛሬታሰካ ማዶ ጊዲዳ።
- 9 ኔኒ ሚዲያሜ ኣሳታ ቦላ፣
 ሲሳራኔ ያቤኔ ቦላ
 ቂሶኔ ሻፋን ኦሊዳ
 ማላ ኢሰታ ቦላ ኦላ።
- 10 ኢሰቲ ኤን-ደሬ
 ጌቴቲዘሶን ቋይዳ፤
 ኢሰታ ኣሃይ ሞጌቶንታ
 ቢታ ቦላ ዋቂዳሰ።
- 11 ኦሪቤ ቦላኔ
 ዛኤቤ ቦላ ኦሊዳ ማላ
 ኢሰታ ሃላቃታ ቦላ ኦላ፤
 ዜባሃኔ ጸልሙና
 ቋይሲዳ ማላ
 ኢሰታ ሃሪዛይታካ ኔኒ ቋይሳ።
- 12 ሄይቲ፣ «ኔኒ ጸሳ ኣሳ ቢታ
 ኑሰ ቡዘላና» ጊዳይታ።
- 13 ኣቤት ታ ጸሳዉ!
 ኢሰታ ጉዲላ ማላ ላላ፤
 ጫርኮይ ኤፊዛ ሱላ ማላ ኦላ።
- 14 ጸራጋይ ዋራ ሚዲ ዉርሲዛ ማላ፣
 ታማ ላጮይ
 ዙማ ማይኢዛ ማላ፣
 15 ጎቴን ኔ ኢሰታ ዳጋንላ፤
 ኔ ኡሾንካ ኢሰታ ዩዳላ።
- 16 ኣቤት ጎዳዉ!
 ኣሳይ ኔ ሱንላ ኮያና ማላ
 ኔኒ ኢሰታ ኣይፌሶ ዩላ ማይዛ።
- 17 ኢሰቲ ሜርናሰ ዩላቲቶ፤
 ሂርጌቶኔ ካዉዪ ቋይቶ።
- 18 ኔ ሱንላይ ጎዳ
 ጊዲዳይሳኔ
 ሳኣ ኡባ ቦላ ኔኒ ጸላ
 ኡባፌ ቋቃ ጸሳ

* 82:1 ጸሳታ ሃይሲ ሃ ቃላዚ ካዎታ፣ ዳናታ፣ ኣሳ ቦላ ዲማ ዲማ ኦጌራ ፐርዲዛይታ፣ ኪታንቻታኔ ኤቃ ጸሳታ ቤሴሰ። 82:6 ዮሃ 10:34
 83:9 ዳና 4:6-22፤ 7:1-23 83:11 ዳና 7:25፤ 8:12

ጊዲዳይሳ ኢስቲ ኤሬቶ።

84

ቆሬ ናይቲ ዛማሬታ ካቦስ ሱሱልኤን ዩዲዳ ማዛሙራ

- 1 እቤት ሜዴቲላ ጎዳዉ!
ኔኒ ዴኢዛሶይ ኣይ ማላ ሎኦሶ!
- 2 ታኒ ጎዳ ኩላ
ዛጎ ላሞታይሰ፤
ታኒ ኩሜላ ዋዚናፔ
ዴኦ ጸሳስ
ኡፋይሳን ዩዲይሰ።

- 3 እቤት ኡባሬ
ዋልቃማ ጎዳዉ!
ታ ካዋዞ ጸሳዉ!
ኔስ ያርሾ ያርሺዛሶዛ ማታን
ሲኔ ካፎይ ባስ
ዴኢዛሶ ዴማዲሰ።
ሃራጶያካ
ባስ ዩሊዛሶ ኩጸዲሰ።

- 4 ኔ ኩላን ዴኢዛይቲኔ
ሜርናስ ኔና ሳቢዛይቲ
ኣንጄቲዳይታ።

- 5 ባንታስ ኔና ዋልቃ ኣሊዛይቲ፥
ጸዮኔ ኦጌ ባ ዋዚናን
ኣሞቲዛይቲ ኣንጄቲዳይታ።

- 6 ባካ ጌቲቲዛ ሃሊ ባይንዳ
ሻፋራ ኢስቲ ካንሳዛ ዋዴ
ሄ ሶሆን ፑልቶይ ቆቃና፤
ባዴሳ ኢራይካ ቡኪዲ
ቢታ ካልሳና። *

- 7 ኢስቲ ዋልቃ ቦላ ዋልቃ
ጉጂ ጉጂ ባና፤
ኢስቲ ጸሳ ሲንላን
ጸዮኔን ቤታና።

- 8 እቤት ኡባሬ
ዋልቃማ ጎዳዉ!
ታ ዋሳ ኔኒ ሲያ።
ኣቤት ያቆቤ ጸሳዉ!
ታ ጊዛዝ ኤዘጋ።

- 9 እቤት ጸሳዉ!
ኔኒ ዶራ ቲይዳ
ኦ ካዋዛ ኣንጂ፤
ኢዚ ኦስ ጎንዳሌ ጊዲዳ ጊሻስ
ኔ ኢዛ ጸላ።

- 10 ሃራሶን ሺ ጋላስ ዴኣናፔ
ጸሳ ኩላን
ኢሲ ጋላስ ዲሲ ሎኦ፤
ኢታታ ዲንካኔን ዳናፔ
ጸሳ ኩላ ዛጎን
ዛቤ ጊዴሌ ታስ ሎኦ።

- 11 ጎዳይ ኦስ ኣርሼኔ ጎንዳሌ፤
ኢዚ ኣዮቲላኔ

ቦንቾን ኦና ናጌስ፤
ሱራቴላን ሃሜቲዛይታ
ኢዚ ሎኦ ሚሽ ዲጌና።

- 12 እቤት ኡባሬ
ዋልቃማ ጎዳዉ!
ኔናን ኣማኔቲዛይቲ
ኣንጄቲዳይታ።

85

ቆሬ ናይቲ ዛማሬታ ካቦስ ዲላን ዩዲዳ ማዛሙራ

- 1 እቤት ጎዳዉ!
ኔኒ ኔ ቢታስ
ኪያቴላ ቤሳዳሳ፤
ያቆቤ ዲኤቲዳሶፔ
ዛራዳሳ።
- 2 ኔኒ ኔ ኣሳ ናቆ ኣቶ ጋዳሳ፤
ኢስታ ናጋራ ኡባ ካማዳሳ።
- 3 ኔኒ ዩሎቲዛይሳ ኡባ ኣጋዳሳ፤
ሱሊዛ ኔ ሃንቆሬካ
ሲማዳሳ።

- 4 እቤት ኦና ኣሺዛ ጸሳዉ!
ኔ ኦና ዛራ፤
ኔኒ ኦ ቦላ
ላንጩቲዳይሳ ኣጋ።

- 5 ኔኒ ኦና ሜርናስ ሃንቁታኔ?
ኔ ሃንቆይ ዩሌታፔ
ዩሌታ ጋካናዉ ጋሞኣኔ?
6 ኔ ኣሳይ ኔናን ኡፋይታና ማላ፥
ኔ ኦና ኦራጲሲኪ!

- 7 እቤት ጎዳዉ!
ኔ ሜርና ሲቆዛ ኦና ቤሳ፤
ኔኒ ኦና ኣሻ።

- 8 ታኒ ጎዳ ጸሲ
ዮቲዛይሳ ሲያና፤
ኢስቲ ሲሚዲ
ባላ ኦጌን ቦንታ ኣጊኮ፥
ባ ጌሻ ዴራስ
ሳርቴላ ኤሃናስ
ሂዶታ ኢሚዴስ።

- 9 ኢዛ ቦንቾይ
ኦ ቢታን ዳና ማላ
ኣቶቲላይ ኢዛስ ያዩዛይታስ
ማታን ዴስ።

- 10 ሲቆይኔ ቱማቴሊ
ኢሲሬ ሲጌቲቴስ፤
ጲሎቴሊ ኣርቴሊ
ኢሲሬ ኢዲሜቲቴስ።

- 11 ኣማኔቲሊ ሳኣፔ
ፑዴ ኩዛና፤
ጸሳ ጲሎቴሊ
ሳሎፔ ዲጌ ዋቆና።

- 12 ቤኢቴ! ጎዳይ ሎኦ ሚሽ ኢማና፤
ኦ ቢታይካ ሎኦ ካል ሞኪሳና።

* 84:6 ባካ ጊዛይሳ ዲማ ዲማ ጌሻ ማጸፋቲ ዩሆ ሾባ ጌቲሰ።

13 ዲሎቴሌ ኢዛፔ ሲንጎራ ባና፤ ኢዚ ባናሶካ ኢዛሰ ገሊሳና።

86

ዳዊቴ ዎሳ

- 1 አቤት ጎዳዉ! ታኒ ሂዬሳኔ ሜቶታጎቻ ገዲዳ ገሻሰ ታ ዋሶዛ ሲያዳ ታሰ ዛሮ ኢማ።
- 2 ታኒ ኔሰ ዳማ ኣሰ ገዲዳ ገሻሰ ኔ ታ ሼምፖ ርጋ፤ ኔኒ ታ ጸሳ፤ ኔናን ኣማኔቲዛ ኔ ኣይሌዛ ታና ኣሻ።
- 3 አቤት ጎዳዉ! ኩሜላ ጋላሰ ታ ኔኮ ዋሶዛ ገሻሰ ኔ ታና ማራ።
- 4 አቤት ጎዳዉ! ታኒ ዋዚናፔ ኔና ዋሶዛ ገሻሰ ታና ኔ ኣይሌዛ ኡፋይሳ።
- 5 አቤት ጎዳዉ! ኔኒ ኑሰ ኪያኔ ኣቶ ገዛዴ፤ ኔና ዋሶዛ ኡባሰ ኔ ሜርና ሲቆ ቤሳሳ።
- 6 አቤት ጎዳዉ! ታ ዎሳ ሲያ፤ ታ ሸባ ዋሶዛይሳ ኤዘጋ።
- 7 ኔ ታሰ ዛሮ ኣሚዛ ገሻሰ ታኒ ሜቶ ጋላሳን ኔኮ ዋሳይሰ።
- 8 አቤት ጎዳዉ! ኔ ማላይ ጸሳታ ገደን ባዋ፤ ኔ ኦሶራ ገናቲዛ ኦሶይካ ዴና።
- 9 አቤት ጎዳዉ! ኔኒ ሜዲዳ ካዎቴላይ ኡባይ ኔኮ ዩዲ ኔሰ ጎይናና፤ ኔ ሱንጎሳካ ቦንቻና።
- 10 ኔኒ ገታ፤ ማላሊሲዛ ሚሽ ኦላሳ። ኔኒ ጸላ ጸሳ።
- 11 አቤት ጎዳዉ! ታኒ ኔ ቱማን ባና ማላ ታና ኔ ኦጌ ታማርሳ፤ ታኒ ኔ ሱንጎሳሰ ያያና ማላ ታሰ ኢሲ ዋዚና ኢማ።
- 12 አቤት ጎዳ ታ ጸሳዉ! ታኒ ኔና

ታ ኩሜላ ዋዚናፔ ጋላታና፤ ኔ ሱንጎሳካ ሜርናሰ ቦንቻና።

- 13 ኣይሰ ገኮ ኔ ታና ቤሲዳ ሜርና ሲቆይ ኬሂ ገታ፤ ኔኒ ታ ሼምፖፖ ዲፎፔ ኣሻዳሳ።
- 14 አቤት ጸሳዉ! ኦቶራንቻቲ ታ ቦላ ዴንዲዳ፤ ታና ዎቆና ኮዩዲ ፓንጋቲ ዲላቴቲሰ፤ ኔና ዉዳንካ ዩጊቤቴና።
- 15 ገደ ኣቲን ኣቤት ጎዳዉ! ኔኒ ቃዴቲዛዴኔ ማሪዛ ጸሳ፤ ሃንቁታናሰ ጋምኢዛ ጸሳ፤ ኔ ሲቆይኔ ኔ ኣማኔቴላይ ኬሂ ዳር።
- 16 ታኮ ሲማዳ ታሰ ቃዴታ፤ ታሰ ኔ ኣይሌዛሰ ዎልቃ ኢማ፤ ኔ ኣይሌይ ናዛ ታና ኣሻ።
- 17 አቤት ጎዳዉ! ኔ ታና ማዲዛይሳኔ ሚንጼሊ ዛይሳ ታና ኢጸዛይቲ ቤኢዲ ዩላታና ማላ ኔ ኪያቴላ ማላታ ታና ቤሳ።

87

ቆሬ ናይቲ ዩዲዳ ማዛሙራ

- 1 ጎዳ ካታማይ ገሻ ዙማ ቦላ ኬጾቲዴሰ።
- 2 ጎዳይ ጸዮኔ ፔንጌታ ያቆቤይ ዲዛሶታ ኡባፌ ኣሊ ሲቁሰ።
- 3 ሃኔ ጸሳ ካታማይ! ጸሳይ ኔ ገሻሰ ማላሊሲዛ ሚሽ።
- 4 «ታና ኤሪዛ ካዎቴላታ ገደፌ ገብጾኔ ባቢሎኔ ጋላ ማዘጋባሼ ፊሊሰጾሜ፣ ጸርሴኔ ቶጵያ ኣሳ ጉጃና» ጌሰ።
- 5 ጸዮኔ ገሻሰ፣ «ኡባ ኣሳይ ኢዚን ዩሌቲዴሰ፤ ኡባፌ ቶቃ ጸሲ ኢዞ ሚንጼ ኤሳና» ጌቲታና።
- 6 ጎዳይ ዴራ ኡባ ማዘጋባሼ፣ «ሃይሲ ጸዮኒን ዩሌቲዴሰ» ገዲ ጸፋና።
- 7 ዩዲዛይቲኔ ጉፐዛይቲ፣ «ኑ ኣንጃ ኡባይ ጸዮኒፔ ፑልቴሰ»

ጊሼ ኡፋይሳን ዩጻና።

88

ኢዘራኤል አስ ኤማኔይ ሶሬን ሺሺዳ ጊንጾ ቆሬ ናይቲ ዛማሬታ ካቦስ ዲላ ጊሊሶን ዩጲዳ ማዛሙራ

- 1 አቤት ጎዳዉ! ታና አሺዛ ጸሳዉ! ታኒ ጋላሲኔ ኦማርሰ ኔ ሲንሳን ዩካይሰ።
- 2 ታ ዋሶይ ኔ ሲንሳ ጋኮ፤ ኔ ሃይሳ ታ ዋሳኮ ዛራ።
- 3 አይሰ ጊኮ ታ ዳኦይ ማቶን ኩሚዳሰ፤ ታኒ ሃይቃና ማታዲሰ።
- 4 ታኒ ዲፎን ጌሊዛ አሳታራ ቆዴታዲሰ፤ ዋልቃይ ባይንዳ አስ ጊዳዲሰ።
- 5 ታኒ አሃታ ጊደን ኦሌቲዳ አሳ ማላ፤ ሃይቁዲ ዲፎን ሞጌቲዳ አሃ ማላ፤ ታኒ ኡባካ ኔኒ ደጊዳ አሳ ማላ ኔ ማደፔ ዲጲዳ አሳ ማላ ጊዳዲሰ።

- 6 ኔኒ ታና ጨማ ኦላን፤ ዲጌ ቆማ ሶሆን ዩጋዳሳ።
- 7 ኔ ሃንቆይ ታና ዳዶሰ፤ ኔ ሃንቆዛ ዳሞባላይ ታና ሙሌራ ሚቲዳሰ።
- 8 ኔኒ ታ ላጌታ ታፔ ሃሳዳሳ፤ ኢሰቲ ታና ሹኔታና ማላ ኦሳዳሳ፤ ታና ጊደሊዳ፤ ኬሳ ኤካናዉካ ዳንዳይኬ።
- 9 አቤት ጎዳዉ! ካዮ ጋሶን ታ አይፊቲ ደልጁሚዳ፤ ኡባ ጋላሰ ታኒ ኔኮ ዋሳይሰ፤ ታ ኩሹታካ ኔኮ ሚጫይሰ።
- 10 ኔኒ ሃይቁዳይታሰ ማላሊሲዛ ሚሽ ኦሳይ? ኢሰቲ ዳንዲዲ ኔና ጋላታኔ?
- 11 ኔ ሜርና ሲቆይ ዲፎን ኔ አማኔቲላይካ ባሻሶን ዮቲቲዜ?
- 12 ኔ ማላሊሲዛ ኦሶይ ቆማን ኤሬቲዜ? ዋይኮ ኔ ጲሎቲላይ ደጌቲዳ አሳታ ቢታን ቤታኔ?

13 አቤት ጎዳዉ!

ኔኒ ታና ማዳና ማላ ታ ኔኮ ዋሳይሰ፤ ማላደ ማላደ ታ ዋሳይ ኔ ሲንሳ ጋኮ።

- 14 አቤት ጎዳዉ! ኔኒ ታና አይሰ ኢጻይ? ኔ ሲንሳ ታፔ አይሰ ጌንሳይ?
- 15 ዩላጋቲላሶሬ ደማዳ፤ ታኒ ቱጋታዲሰኔ ሃይቃና ማታዲሰ፤ ኔኒ ታና ዳጋንሳን ሂደታ ቃንጻዲሰ።
- 16 ሱሊዛ ኔ ሃንቆይ ታ ሶላ ጋኪዳሰ፤ ባቢሲዛ ኔ ሃንቆይ ታና ቆይሲዳሰ።
- 17 ኢሰቲ ኩሚላ ጋላሰ ዲኦ ሃላ ማላ ታና ጊደሊዳ፤ ኢሲ ሶላ ጊዲዲ ታና ደዲ ኦይኪዳ።
- 18 ኔኒ ታ ላጌታኔ ታ ሲቆታ ታፔ ሃሳዳሳ፤ ቆማይ ጻላ ታሰ ዳቦ ጊዲዳሰ።

89

ኤዘራኤል አስ ኤታኔይ ሃሳኦ ጊንጾን ሺሺዳ ቲሚርቲ

- 1 አቤት ጎዳዉ! ኔ ሜርና ሲቆ ጊሻሰ ታኒ ሚርናሰ ዩጻና፤ ኔ አማኔቲላ ዩሌታ ኡባሰ ታ አዋጅና።
- 2 ታኒ ኔ ሜርና ሲቆይ ሚርናሰ ኤቁዳይሳኔ ኔኒ ኔ አማኔቲላ ሳሎን ሚንሳዳ ኤሲዳይሳ ዮታና።
- 3 ኔኒ፡ «ታኒ ደሪዳይሳራ ጫቆ ቃላ ጌላዲሰ፤ ታ አይሌ ዳዊቲሰ፤
4 ታኒ ኔ ዛሬታ ሚርናሰ ካዋሳና፤ ኔ ካዋቲላ አልጋ ዩሌታ ኡባሰ ሚንላና ጋ ጫቃዲሰ» ጋዳሳ።
- 5 አቤት ጎዳዉ! ሳሎቲ ኔኒ ኦሊዳ ማላሊሲዛ ኦሶታ አዋጅቲሰ፤ ጌሻታ ዲላታይ ኔ አማኔቲላ ሳቤሰ።
- 6 ሳሎን ጎዳራ ሊኬታናሰ ዳንዳይዛይ ኦኔ? ሳሎ ሜቆቲላታ ጊደንካ ጎዳ ማላይ ኦኔ?

7 ጌሻታ ሺቆን
 ጸሲ ያሺሲዛዳ፤
 ባ ዩሾን ዲዛ ኡባፌ
 ኬሂ ያሺሲዛዳ።

8 አቤት ጎዳዉ!
 ኡባፌ ዋልቃማ ጸሳዉ!
 ኔ ማላ ዋልቃማይ ኦኔ?
 አቤት ጎዳዉ!
 ኔኒ ኡባ ሚሻን
 አማኔቲዳዳ።

9 ኔ ቡልአኬቲዛ አባ ሴራሳ፤
 አባ ዳምባላካ
 ጮኡ ኦላሳ።

10 ኔኒ ኡራአቤ ጌቲቲዛ
 አባ ዶአዛ ቆጶሬላ
 ዋዳዳሳ፤
 ኔ ሞርኬታ
 ኔ ዋልቃማ ቄሴን ላላዳሳ።

11 ሳሎቲ ኔይታ፤
 ሳአይካ ኔሳ፤
 ቢታኔ ኢዛን ኩሚዳ ኡባ
 ኔኒ ሚዳዳሳ።

12 ፑዳሃኔ ዲጌሃ
 ኔኒ ሚዳዳሳ፤
 ታቦሬኔ ሄርሞኔ ዙማቲ
 ኡፋይሳን ኔ ሱንላን
 ዩጶቴሰ።

13 ኔሰ ዋልቃማ ቄሴይ ዳሰ፤
 ኔ ቄሴይ ሚኖ፤
 ኔ ኡሻቻ ቄሴይ ያሾሰ።

14 ጸሎቴላኔ ሱሬ ፐርዳይ
 ኔ ካዋቴላ አራታሰ ዮቻ፤
 ማርቴላኔ አማኔቴላ
 ኔፔ ሲንላራ ቤቴሰ።

15 አቤት ጎዳዉ!
 ኢሊሊሳን ኔና ሳቢዛይቲኔ
 ኔ ፖኦን ሄማቲዛይቲ
 አንጃቲዳይታ።

16 ኔ ሱንላን ኩሚላ
 ጋላሰ ኡፋዩቴቴሰ፤
 ኔ ጸሎቴላ ጊሻሰ
 አሰቲ ኔና ቶቁ ቶቁ
 ሂሰቴቴሰ።

17 አሰቲ ጩቄቲዛ ዋልቃይ ኔና፤
 ኔ ቴማን አሰታ ካጩይ
 ቶቁ ቶቁ ጌሰ።

18 ኑ ጎንዳሌይ ጎዳ ኩሾና፤
 ኑ ካዋይካ
 አሰራኤሌ ጌሻ ኩሾና።

19 ቤኒ ኔኒ ኔ አማኔቲዳ
 አሳታሰ አጁታን፤
 «ታኒ ኦላ ቃራ ማዳዲሰ፤

ዳራ ጊዳፌ ዶሬቲዳ ዮላጋ
 ቶቁ ቶቁ ሂሰታዲሰ።

20 ታ አይሌ ዳዊቲ ዳማዲሰ፤
 ታ ጌሻ ዛይቲንካ ቲያዳ
 ኢዛ ካዋላዲሰ።

21 ታ ኩሾይ ኢዛ ማዳና፤
 ታ ቄሴይካ ኢዛ ሚንላና።

22 ኢዛ አይ ሞርኬይ ሃሪዲ ጊሪሴና፤
 አይ ኢታ አሲካ ኢዛ ቆሃና።

23 ታኒ ኢዛ ሞርኬታ
 ኢዛ ሲንላን ቲንቼሬላና፤
 ኢዛ አጸዛይታካ ሾጫ
 ኒፌፌ ሂሰታና።

24 ታ አማኔቴላይኔ
 ታ ሚርና ሲቆይ
 ኢዛራ ኢሲፌ ጊዳና፤
 ታ ሱንላን ኢዛ ካጩይ
 ቶቁ ቶቁ ጋና።

25 ታኒ ኢዛ ካዋቴላ
 ሚዲቴራኔ አባ
 ጋካናሰ አሳና።
 ኢዛ ዛዋካ ኤፊራዲሴኔ
 ጸግሮሴ ሻፋታ
 ጋካናሰ አሳና።

26 ዳዊቲ ታና፤
 ሳኒ ታ አዋ፤
 ታ ጸሳኔ
 ታና አሽዛ ዋጋ ዛላ
 ጊ ጶይጋና።

27 ታኒ ኢዛ ታሰ ባይራ ና ሂሰታና፤
 ሳአን ዲዛ ካዋታ ኡባፌ
 ታ ኢዛ ጌታሳና።

28 ታኒ ታ ሲቆ
 ኢዛሰ ሚርናሰ ናጋና፤
 ታኒ ኢዛሰ ጌሊዳ
 ጫቆ ቃላ ሚንላና።

29 ታኒ ኢዛ ዛሬታ
 ሚርናሰ ሚንላ ኤሳና፤
 ኢዛ ካዋቴላ አራታካ
 ሳሎ ማላ ሚርናሰ
 ሚንላ ቶካና።

30 «ጊዳ አቲን ኢዛ ዜሬላቲ
 ታ ዋጋ አጊኮ፤
 ቃሴ አሰቲ ታ አዛዘካ
 ናጎንታ አጸኮ፤

31 አሰቲ ታ ዋሲዳ
 ማራ ሞሪኮ፤
 ታ አዛዘካ ቦንቸንታ አጸኮ፤

32 ታኒ ኢሰታ ናጋራ ጊሻሰ
 ኢሰታ ፑፌን ቃጸያና፤
 ኢሰታ ሞር ጊሻሰ
 ኢሰታ ጸርቃፌን ሾጫና።

33 ጊዳ አቲን ታኒ ታ ሲቆ
 ኢዛፔ ሃሲኬ፤
 ዋይኮ ታ አማኔቴላ
 ኢዛሰ ፓጩንቸኬ።

34 ታኒ ጫቂዳ ጫቆ ቃላ ሚኬ፤

ታ ደናፔ ከኢዳ
 ቃላ ላሚኬ።
 35 ታኒ ኢሲቶ ታ ጌሻ ሱንላን
 ጨቂዳ ቃላ
 ዳዊቲስ ዋርዶቲኬ።
 36 ኢዛ ዛሬቲ ሜርናስ ሚኒዲ ዳና፤
 ኢዛ ካዋቲላ አልጋይካ
 አዋ አርሼ ማላ
 ታ ሲንላን ሜርናስ ዳና።
 37 ሳሎ ቦላ አማኔቲዳ ማርካ
 ጊዳዳ ዲዛ አጊና ማላ
 ኢዚ ሜርናስ ሚኒ ዳና» ጋዳሳ።

38 ጊዳ አቲን ሃኢ ኔኒ
 ቲያዳ ካዋሲዳይሳ
 ቦላ ኬሃ ሃንቁታዳሳ፤
 ኢዛ ካቆዳሳ፤
 ዬጋ አጋዳሳ።

39 ኔኒ ኔ አይሌዛስ
 ጨቂዳ ጨቆ ቃላ ላላዳሳ፤
 ኢዛ ካላቻ
 ባናን ኦላዳ ቱኒሳዳሳ።

40 ኔኒ ካታማ ጊምቤዛ
 ኡባ ላላዳሳ፤
 ኢዛ ሚጸ ኡባ ቆይሳዳሳ።
 41 ኦጌራ አጂዛ ኡባቲ
 ኢዛ ቦንቁዳ፤
 ኢዚ ባ ሾርታስ ቂዴስ አቲዴስ።

42 ኔኒ ኢዛ ሞርኬታስ ኡሻቻዳሳ፤
 ኢስታ ኡባ ኡፋይሳዳሳ።
 43 ኔኒ ኢዛ ማሻ
 ቃራዛ ዲንኢሳዳሳ፤
 ኦላንካ ኢዛ ማዳቤካ።

44 ኔኒ ኢዛ ካዋቲላ ጉፋ
 ኢዛ ኩሼፔ ዋላ ኤካዳሳ፤
 ቃሴ ኢዛ ካዋቲላ
 አራታ ቢታን ኦላዳሳ።

45 ኔኒ ኢዛ ዬላጋቲላ
 ላይላ ቃንላዳሳ፤
 ዬላካ ማይዛዳሳ።

46 አቤት ጎዳዉ!
 አዉዴ ጋካናስ
 ኔና ጌንላኔ?
 ኔኒ ሜርናስ ጌማኔ?
 ኔ ሃንቆይ ታማ ማላ
 አዉዴ ጋካናስ ኤጻኔ?

47 ታ ላይላይ አይ ኬና
 ቃንላኮ ቆፓ፤
 ኔ አሳ ና ጮ ሃዳ ሜቆዲ!
 48 አሲ ሃይቆንታ ሜርናስ
 ሼምፖራ ፓጻ ዳናስ
 ዳንዳይዜ?
 ቃሴ ዲፎን ጌሎንታ ማላ
 ባና አሻናስ ዳንዳይዜ
 አሲ ዲዜ?

49 አቤት ጎዳዉ!

ዳዊቲስ ኔ አማኔቲላን
 ጨቂዳ ጨቆይኔ
 ካሴ ኔ ሜርና ሲቆይ
 አዋን ዲዜ?

50 አቤት ጎዳዉ!
 ታኒ ኔ አይሌይ
 አይ ማላ ቦሬቲዳኮ
 ኔኒ ሃሳያ፤
 ታኒ አሳ ኡባ ቦሬዛ
 ዋስታ ዳንዳይዳኮ
 አኔ ኔ ቆፓ።

51 አቤት ጎዳዉ! ኔ ሞርኬቲ
 ኔ ደራዳ ቲይዳ
 ካዋዛ ጨዩዛይሳ፤
 ኢዚ ቢዳሶ ኡባን
 ኢዛ ቂልጨዛይሳ ቆፓ።

52 ጎዳይ ሜሪ ሜርናስ ጋላቲቶ!
 አሚን! አሚን።

ኦይዳንሶ ማጻፋ

90

(ማዛ 90—106)

ጸሳ አስ ሙሴይ ዋሲዳ ዋሳ
 1 ጎዳዉ! ኔኒ ኩስ
 ዬሌታፔ ዬሌታ
 ጋካናስ ሽቂ አቲዛሶ ጊዳዳሳ።

2 ዙማቲ ሜቆታናፔ ካሴ፥
 ዋይኮ ኔኒ ሳኦ
 ኦላናፔ ካሴ
 ሜርናፔ ሜርና ጋካናሲ
 ኔኒ ጸሳ።

3 ኔኒ አሳ ናይታ፥
 «አሳ ናይቶ!
 ጉዬ ቢታን ሲሚቲ»
 ጋዳ ኢስቲ ሜቆቲዳ ቢታን
 ጉዬ ዛራሳ።

4 ሺ ላይሌ ኔስ አጂዳ
 ኢሲ ጋላሳ ማላ፤
 ዋይኮ ኦማርሳፌ ኢሲ ሳቲ ማላ።
 5 አስ ቆፖንታ ኤፊዛ ዲኦ ማላ
 ኔ ኤፊሺን፥
 ኢስቲ አጉሞ ማላ አቆና፤
 ማላዶ ማላዶ
 ሞኪዛ ማታ ማላ ጨሊሌቲስ።

6 ማታይ ማላዶ ዲጨዲ ጨዬስ፤
 ኦማርሳ ዋዴ ጊዲኮ
 ሹሊዲ ሜሌስ።

7 ኩኒ ኔ ቃንጌላን ዉሪዳስ፤
 ኔ ሃንቆ ሱሌን ዳጋሚዳስ።

8 ኔኒ ኩ ኢታ ኦሶ
 ኔ ሲንላን ዋላዳሳ፤
 ቃሴ ኩ ጌንሊዳ ናጋራ
 ኔ ሲንላ ፖኦኮ
 አላዳሳ።

9 ኩ ዋዴ ኡባይ

- ኔ ሃንቆን አዲዳሰ፤
ኑ ላይላካ ኦሌን ወርሶስ።
- 10 ኑ ዳና ላይላይ
ለፑን ታማ፤
ዳሪሰ ገኮ ኦሰፑን ታማ፤
ሄይተካ ሜቶኒኔ
ጨጨን ኩሚዳ፤
ኑ ላይላይ ኤሶን አዲሰ፤
ኩኒካ ኤሶን ባና።
- 11 ኔ ሃንቆዛ ዋልቃ ኦኔ ኤሪዛይ?
- 12 ኑ ላይላ ማራራ
ኑ ጎኤታና ማላ
ኑና አዶ ኤራቴል ታማርሳ።
- 13 አቤት ጎዳዉ!
ኔ ሃንቆይ
አዉዴ ጋካና ጋምአኔ?
ሲማ! ኔ አይሌታሰ ቃዲታ!
- 14 ኑ ላይላ ኡባን
ኩኔ ኡፋይታና ማላኔ
ዩዳና ማላ ማላዶ ማላዶ
ኔ ሲቆን ኑና ካልሳ።
- 15 ኔኒ ኑና ሜቶላዳ
ጋላሳታ ከናኔ
ኩኔ ቱጋ ቤኢዳ ላይላታ
ሊኬ ኑና ኡፋይሳ።
- 16 ኑሰ ኔ አይሌታሰ
ኔ ኦሶይ ቆንጮ፤
ኔ ቦንቾይ ኑና ደታሰ ቤቶ።
- 17 አቤት ጎዳዉ! ኑ ጸሳዉ!
ኔ ኪያቴላ ኑናራ ጊዶ፤
ኑ ኦሲዛ ኡባ
ኑሰ ኢንጃሳ፤ ኤር!
ኑ ኦሲዛ ኡባ ኑሰ ኢንጃሳ።

91

ኑና ናጊዛ ጸሳሰ ዩጌቲዳ ማዛሙራ

- 1 ኡባፌ ዶቃ ጎዳን
ዜምፕ ዳኢዛይ፤
ኡባ ዳንዳይዛ
ጸሳ ኩቡን አቁሰ።
- 2 ታኒ ጎዳ፡፡
«ኔኒ ታሰ ዜምፕ፡፡
ሚጸኔ ታኒ ኔናን
አማኔቲዛ
ታ ጸሳ» ጋና።
- 3 ኢዚ ኔና ሻንካንቻታ ጊቴፔ፡፡
ዋዲዛ ኢታ ሃርጌፌካ
አሻና።
- 4 ኢዚ ባ ዋንጎታን
ኔና ካማና፤
ኢዛ ቁፌታ ጋርሳን
ኔኒ ቆቴታ አታና፤

- ኢዛ አማኔቲላይ
ኔሰ ጎንዳሌኔ
ዜምፕ ጊዳና።
- 5 ኔኒ አማርሳን
ዳጋንሊዛ ሚሻሰ፡፡
ዋይኮ ጋላሰ ጸንጌቲዛ
ዩሻሰ፡፡
6 ዲማን ኦይኪዛ ሃርጌሰ፡፡
ዋይኮ ሴታ ጋላሳን
ወርሲዛ ኢታ ሃርጌሰ ያያካ።
- 7 ኢሲ ሺ ኔ ሚሊሶራ፡፡
ቃሴ ታሙ ሺ ኔፔ
ኡሻቻ ባጋራ ኩንዳና፤
ጊዶ አቲን ኔና አይኮይካ
ቦቹና።
- 8 ኔኒ ኔ አይፌን
ጸሎ ጸላ ጸላና፤
ኢታቲካ ቃጸዬቲሺን ቤኣና።
- 9 ጎዳ ኔኒ ኔሰ ባቃታ አቲዛሶ፡፡
ኡባፌ ዶቃ ጸሳ ኔሰ
ዜምፕ ሂሰቲዳ ጊሻሰ፡፡
10 ኢታ ሚሺ ኔና ቦቹና፤
ቦሻይካ ኔ ኬል ሺቁና።
- 11 ኔ ቢዛ ኦጌ ኡባን
ኔና ናጋና ማላ
ጸሲ ባ ኪታንቻታ አዛዛና።
- 12 ኔ ቶሆይ ሹቻን
ዲዶቶንታ ማላ
ኪታንቻቲ ባ ኩሺን
ኔና ዴንሳና።
- 13 ኔኒ ጋሞኔ
ሃሶ ሾሻ ቦላ ሃሚታና፤
ቃሴካ ዋዳላ ጋሞኔ
ኢታ ሾሻ ዩዳና።
- 14 ጎዳይ፡ «ኢዚ ታና ሲቁዳ ጊሻሰ
ታኒ ኢዛ አሻና፤
ኢዚ ታ ሱንሳ ኤሪዳ ጊሻሰ
ታኒ ኢዛ ናጋና።
- 15 ኢዚ ታና ጸይጊዛ ዋዳ
ታኒ ኢዛሰ ኮያና፤
ኢዚ ሜቶቲዳ ዋዳ
ታኒ ኢዛራ ኢሲፌ ጊዳና፤
ታኒ ኢዛ አሻናኔ
ቦንቻና።
- 16 ታኒ ኢዛ ላይላ አዲሳና፤
ታ አሺዛይ ጊዲዳይሳ
ታ ኢዛ ቤሳና» ጌሰ።

92

ሳምባታ ጋላሰ ዩጌቲዛ ማዛሙራ

- 1 ጎዳ ጋላቶይ ሎኦ፤
አቤት ኡባፌ
ዶቃ ጸሳዉ!

ኔ ሱንሳሰ
 ማዛሙራ ሺሸይ ሎኦ።
 2 ማለደ ኔ ሜርና ሰቆ፥
 ጊደሰ ኔ አማኔቴሰ
 አዋጃይ ሎኦ።
 3 ታሙ ሻያን ዋዖቴዳ
 ባጋናኒኔ
 ማሲንቆ ዲዲሼ አዋጃይ ሎኦ።

4 አቤት ጎዳዉ!
 ኔ ኦሊዳ
 ዋልቃማ ኦሶቲ
 ታና ኡፋይሲዳ፤
 ኔ ኩሼይ ኦሊዳ ገሻሰ
 ታኒ ኡፋይሳን ዩዳይሰ።

5 አቤት ጎዳዉ!
 ኔ ኦሶይ አይ ከና ገታ!
 ኔ ቆፋይካ አይ ከና ጨማ!
 6 ሃሳ ኤያ አሲ ኤራናዉ ዳንዳዬና፤
 ዳማ አሲካ
 አኩካናዉ ዳንዳዬና።
 7 ኢታቲ ማታ ማላ ዲጨኮካ፥
 ጌኔ ኦሊዳ ኡባቲ ጨይኮካ
 ኢሰቲ ሜርናሰ ጳያና።

8 ጊደ ኦቲን አቤት ጎዳዉ!
 ኔኒ ሜርናሰ ኡባፌ ጶቃ።

9 አቤት ጎዳዉ!
 ኔ ሞርኩቲ ጳያና፤
 ኢታ ኦሊዳ ኡባቲ
 ፒሰኪ ጋናይሳ ኑ ኤርሰ።
 10 ታ ካጨዳ ማንሳ
 ካጨዳ ማላ ጶቁሳዳ፤
 ሎኦ ዛይቴንካ ታና ቲያዳሳ።
 11 ታ ሞርኩቲ ጳይቲዳይሳ
 ታ አይፊን ቤኦዲሰ፤
 ታ ባልጋራታ ኩንዳሰ
 ታ አይፊን ቤኦዲሰ።

12 ጸሎቲ ዛምባ ማላ ዳያና፤
 ቃሴ ሊባናሴ
 ጸዳ ማላ ዲጨና።
 13 ኢሰቲ ጎዳ ከላን ቶኩቲዳ፤
 ኢሰቲ ጸሳ ከላ
 ዛጎ ጋካናሰ ዳያና።
 14 ኢሰቲ ጨጊዳካ አይፋና፤
 ኢሰቲ ኡባ ዋዩ ጨሊሊዳ ማላኔ
 ማኒዳ ማላ ዳና።
 15 ኢሰቲ፥ «ጎዳይ ሊኩ፤
 ኢዚ ታሰ ዋጋ ዛላ፤
 ኢዛ ቦላ ዋሶይ ዳና» ጋና።

93

1 ጎዳይ ካዋቲዳሰ!
 ቲማኔ ዋልቃ ማይኢዳሰ፤
 አላሜይ ቃጸንታ ማላ
 ማንሳ ኤሲዳሰ፤

ኦኒካ ኢዞ ቃሌና።
 2 ኔ ካዋቲላ አራታይ
 ቤኒሶፌ ማኒ ኤቁዳሰ፤
 ኔኒ ሜርናሰ ዳሳ።

3 አቤት ጎዳዉ!
 ጨማ አባይ ጉሚዳሰ፤
 ጨማ አባይ ባ ጉንሳ
 ጶቁ ሂሰቲዳሰ፤
 ጨማ አባይ ዳምባላ ጉንሳ
 ጶቁ ኦሊዳሰ።

4 ሳሎን ዲዛ ጎዳይ
 ገታ ሃሳታ ጉንሳፌ፥
 አባ ዳምባላ ጉንሳፌካ
 አጶ ዋልቃማ።

5 አቤት ጎዳዉ!
 ኔ ዋጋይ ለሜቶንታ ሚኖ፤
 ኔ ከላይ ሜርናሰ
 ጌሻቴላን
 ሎኦ ዳና።

94

1 አቤት ጎዳዉ!
 ኔኒ ሃሎ ከሲዛ ጸሳ፤
 አቤት ሃሎ ከሲዛ ጸሳዉ!
 ኔ ቦንሻ ቆንጨሳ።

2 አቤት ሳኦ ፐርዲዛይሶ! ዳንዳ!
 ኦቶራንቻታሰ ቤሲዛ
 ቁጸቲ ኢማ።

3 አቤት ጎዳዉ!
 ኢታቲ አዉዴ ጋካናሰ
 ጋምአኔ?
 ኢሰቲ አዉዴ ጋካናሰ
 ኡፋይታኔ?

4 ኢታ ኦሊዳ ኡባቲ
 ባንታ ኦቶሮ ቃላን ሃሳዬቴሰ፤
 ጮ ጨቁቴቴሰ።

5 አቤት ጎዳዉ!
 ኢሰቲ ኔ ዳራ ለቁሴቴሰ፤
 አሳ ቶቼቴሰ።

6 ኢሰቲ አምኤታኔ
 ቤቲ አሳታ ዋዴቴሰ፤
 ዩኦታ ሲፊቴሰ።

7 ሂሰቲዳ ኢሰታሰ፥
 «ጎዳይ ኑና ቤኤና፤
 ያቆቤ ጸሲ
 አኩከና» ጌቴሰ።

8 አንቴኖ አሳ ጊደፌ
 ዳማቶ! አኩከቲ!
 አንቴኖ ኤያቶ!
 አዉዴ አንቴ ኤራኔ?

9 ሃይሰ ኢሚዳ ጸሲ ሲዬኔ?
 አይፌ ሜጲዳ
 ጸሲ ቤኤኔ?

10 ካዋቲላ ሴሪዛይሲ
 ቃጸዬኔ?

አስ ኤራቴል ታማርሲዛይሲ
 ባስ ኤራሬ?
 11 ጎዳይ አሳ ቆፋይ ቆሎንታይሳኔ
 ሃዳ ጊዲዳይሳ ኤራሰ።

12 አቤት ጎዳዉ!
 ኔኒ ስሪዛይይኔ
 ኔኒ ኔ ዋጋፔ ታማርሲዛ
 አሲ አንጃቴዳዳ።

13 ኢታቲ ኩንዳና ኦላይ
 ቦኬታና ጋካናሰ።
 ኔ ኢዛ ማቶፔ ሸምፒሳሳ።

14 ጎዳይ ባ አሳ ኦሊና፤
 ኢዚ ባይታ አጌና።

15 ፐርዳይ ሰሚዲ ጸሎ ፐርዳሰ
 ዮች ጊዳና፤
 ጸሎቲ ኡባይ
 ቱማ ፐርዳ ካላና።

16 ማካላንቻታ ቦላ
 ታ ጊሻሰ ኤቁታናይ ኦኔ?
 ኢታ ኦሊዛይታራካ
 ታ ጊሻሰ ሞቲታናይ ኦኔ?
 17 ጎዳይ ታና ማደንታኮ።
 ታኒ ኤሶን ዲፎን ጌላዳ
 ሰርጺ ጋና።

18 አቤት ጎዳዉ!
 ታኒ፣ «ኩንዳና ሃናይሰ» ጊሻን
 ኔ ማርና ሰቆይ ታና ካፊዳሰ።

19 ታ ዋዚናይ ጨጨፍን ኩሚዳ ዋዳ
 ኔ ሚንጹላይ ኡፋይሰ ዳሪሰሰ።

20 ዋጋን ዜምፒዲ ጌላ ፐርዲዛዳራ
 ኔኒ ዙፔታናሰ ዳንዳይይ?

21 ጸሎ አሳታ ቦላ ጌኔ ዲላቴቲሰ፤
 ሱሬ አሳታ ቦላካ
 ሃይቆ ፐርዳ ፐርዳቴሰ።

22 ጎዳይ ጊዲኮ ታሰ
 ታኒ ባቃታ ኣቲዛ ሚጸ፤
 ታ ጸሲ ታ ኢዛን
 ዜምፒዛ ዋጋ ዛላ።

23 ኢሰታ ኢታቴላ ጊሻሰ
 ኢዚ ኢሰታ ቃጸያና፤
 ኢሰታ ናጋራ ጊሻሰ
 ኢዚ ኢሰታ ቆይሳና፤
 ጎዳ ኦ ጸሳይ
 ኢሰታ ዲፒ ሂሰታና።

95

1 ሃ ዪቴ!
 ኣኔ ጎዳሰ ኡፋይሳን ዬጸሰ፤
 ኦና ኣሸዛ ዛላሰ ኢሊሎሰ።

2 ኣኔ ኢዛ ሲንላ ጋላታራ ሸቆሰ፤
 ጋላታ ማዛሙሬ ኡፋይሳን ዬጸሰ።

3 ጋሶይካ ጎዳይ

ዋልቃማ ጸሳ፣
 ጸሳታ ኡባ ቦላካ
 ዋልቃማ ካዎ።

4 ቢታ ጨማቲ ኢዛ ኩሸን ዳቴሰ፤
 ዙማ ጸራቲካ ኢዛሳ።

5 አባ ሃላ ኢዛሳ፤
 ሃሳ ኢዛ ኩሸቲ ማዲዳ፤
 ቢታካ ማዲዳይ ኢዛ።

6 ሃ ዪቴ!
 ሆኪዲ ኣኔ ኢዛሰ ጎይኖሰ፤
 ኦና ማዲዳ ጎዳ
 ሲንላን ጉልባቶሰ።

7 ኢዚ ኦ ጸሳ፤
 ኦኒ ኢዛ ቆርን ሃማቲዛይታ፤
 ኦኒ ኢዛሰ ዶርሳ ዉይታ።

ጎዳይ ኣንቴና ጊዛይሳ ሃች ሲዪቴ!
 8 «ካሴ ኣንቴ ኣዋቲ
 ማሳኒኔ ማሪባን
 ኦላይሳላ
 ኣንቴ ዋዚና ሙሚሶፒቴ።

9 ኢሰቲ ታ ኦሶ ቤኢዲካ
 ታናራ ኤቁቲዳኔ ታና ፓጩዳ።

10 ሃ ዬሌታ ቦላ ታኒ
 ኦይዲ ታሙ ላይላ ሃንቁታዲሰ፤
 ታኒካ፣ «ኢሰቲ ኡባ ዋዳ
 ባንታ ዋዚናን ባሊዛ አሳ፤
 ኢሰቲ ታ ኦኔ ኤሪቤቴና» ጋዲሰ።

11 ሃሳ ጊሻሰ ታኒ፣
 «ኢሰቲ ታ ሸምፖሶ
 ሙሊካ ጌሌቴና»
 ጋዳ ሃንቁታ ጫቃዲሰ።»

96

1 ጎዳሰ ኦራላ ማዛሙሬ ዬጸቴ፤
 ሳኣን ዳኢዛ አሳዉ!
 ኡባይ ጎዳሰ ዬጸቴ።

2 ጎዳሰ ዬጸቴ፤
 ኢዛ ሱንላ ሳቢቴ፤
 ኢዚ ኣሸዛይሳ ሃች ሃች ዮቲቴ።

3 ካዋቲላታ ጊደን
 ኢዛ ቦንቾ ቆንጨሲቴ፤
 አሳ ኡባ ጊደን ማላሊሲዛ
 ኢዛ ኦሶ ኣዋጂቴ።

4 ጎዳይ ጊታ፤
 ጊታ ጋላታይካ ኢዛሰ ቤሴሰ፤
 ኡባ ጸሳታፔ ኣዲዲ
 ኢዚ ያዬታናሰ ቤሴሰ።

5 ዳሬ አሳይ ጎይኒዛ ጸሳቲ
 ኡባይ ኤቃ ጸሳታ፤
 ጊደ ኣቲን ጎዳይ
 ሳሎታ ማዲዳ ጸሳ።

6 ቦንቾይኔ ቲማይ
 ኢዛ ዩሾን ዳሰ፤
 ሚናቴላይኔ ፑላይ

94:11 1ቆር 3:20 95:8 ኢብ 3:15፤ 4:7 95:9 ኬሳ 17:1-7፤ ታይ 20:2-13 95:11 ኢብ 3:7-11 95:11 ታይ 14:20-23፤ ዛሬ 1:34-36፤ 12:9-10፤ ኢብ 4:3-5

ኢዛ ኩላን ዳሰ።

- 7 እንጅኖ ቢታ ቦላ ዲዛ ዳሬ ኡባቶ! ጎዳ ቦንቾ ገሻሲኔ ኢዛ ዎልቃ ገሻሰ ጋላቲቴ።
- 8 ኢዛ ሱንላሰ ቤሲዛ ቦንቾ ጎዳሰ እሚቴ፤ ያርሾ ኤኪዲ ኢዛ ኩላ ዛጎ ጌሊቴ።
- 9 ኢዛ ጌሻቴላ ፑላን ጎዳሰ ጎይነቴ፤ ቢታን ዳኢዛ ኣሰ ኡባይ ኢዛ ሲንላን ኮኮሪቴ።
- 10 ካዎቴላታ ገደን። «ጎዳይ ካዎቴዳሰ! ሳኣይ ሚኒ ኤቁዳሰ፤ ሙሊካ ቃጾና፤ ኢዚ ኣሰ ኡባሰ ኢሲ ገና ፐርዳና» ጌቴ።
- 11 ሳሎይኔ ሳኣይ ኡፋይቴቶ! ኣባይኔ ኢዛ ገደን ዲዛ ኡባቲ ጉሚቶ!
- 12 ጎሻ ጋዳይኔ ኢዛ ቦላ ዲዛ ኡባይ ኡፋይቶ! ዎራን ዲዛ ሚላ ኡባይ ኢዛ ሲንላን ኡፋይሳን ዩጻና።
- 13 ኣይሰ ገሶ ጎዳይ ያና፤ ኢዚ ሳኣ ቦላን ፐርዳናሰ ያና፤ ኢዚ ሃ ሳኣ ቦላ ዲሎቴላን። ኣሳ ቦላካ ቱማቴላን ፐርዳና።

97

- 1 ጎዳይ ካዎቴዳሰ፤ ሳኣን ዳኢዛ ኣሳይ ኡፋይቶ፤ ኣባ ገደን ዳኢዛ ሃራርቲ ኡፋይቴቶ።
- 2 ሻራይኔ ሳኣና ቋማይ ኢዛ ዩዩ ኣጂዳሰ፤ ዲሎቴላኔ ቱማቴላ ኢዛ ካዎቴላ ኣራታሰ ዮቻ።
- 3 ታማይ ኢዛፔ ሲንላራ ቤሰ፤ ኢዛ ዩሾን ዲዛ ሞርኬታካ ጸጌሰ።
- 4 ኢዛ ዎልቃንሳ ሳኣ ፖኢሴሰ፤ ቢታይ ሄሳ ቤኢዲ ቃጾሰ።
- 5 ጎዳ ሲንላን። ሳኣ ኡባ ጎዳ ሲንላን ኩማቲ ሙቃዳ ማላ ሴሪዳ።
- 6 ሳሎቲ ኢዛ ዲሎቴላ ኣዎጃቴሰ፤ ኣሳይ ኡባይ ኢዛ ቦንቾ ቤኤሰ።
- 7 ሚሰሌታሰ ጎይነዛይቲኔ ኤቃ ጸሳታን ጨቁቲዛይቲ ኡባይ ዩላቴቶ! ኤቃ ጸሳቲ ኡባይ

ጎዳሰ ጉልባቴቶ!

- 8 ኣቤት ጎዳዉ! ዲዮኔ ኣሳይ ኔ ዲሎ ፐርዳ ሲዩዲ ኡፋይቴሰ፤ ዩሁዳ ካታማቲካ። «ሃሹ» ጌቴሰ።
- 9 ኣቤት ጎዳዉ! ኔኒ ሳኣ ኡባሬ ቋቃሳ፤ ጸሳታ ኡባሬ ኔኒ ጌታታሳ።
- 10 ጎዳ ዶሲዛይቶ! ኢታ ኢጲቴ፤ ኢዚ ባሰ ኣማኔቲዛይታ ሸምፖ ናጌሰ፤ ቃሴካ ኢታታ ኩሼፔካ ኣሼሰ።
- 11 ዲሎታሰ ፖኦይ ፖኢ ፖኢ ባና፤ ዎዚና ሱራታሰ ኡፋይሲ ዳና።
- 12 እንጅኖ ዲሎቶ! ጎዳን ኡፋይቴቲ፤ ጌሻ ሱንላ ኢዛይሳ ጋላቲቴ።

98

ማዛሙራ

- 1 ጎዳሰ ኦራላ ማዛሙራ ዩጲቴ፤ ጋሶይካ ኢዚ ማላሊሲዛ ሚሽ ኦላዳሰ፤ ኢዛ ኡሻቻ ኩሼይኔ ኢዛ ጌሻ ቁሴይ ኢዛሰ ጸኖ እሚዳሰ።
- 2 ጎዳይ ባ ኣሺዛይሳ ኤሪሲዳሰ፤ ኢዚ ባ ዲሎቴላካ ካዎቴላሰ ቆንጨሲዳሰ።
- 3 ኢዚ ኢሰራኤሌታ ሰቁዛይሳኔ ኢሰታሰ ኣማኔቲዛይሳ ሃሳኢዳሰ፤ ሳኣ ጋጸ ጋካናሰ ዲዛ ኣሳይ ኡባይ ኑ ጸሳይ ኣሺዛይሳ ቤኢዳሰ።
- 4 ሳኣ ቦላን ዲዛ ኣሰ ኡባይ ጎዳሰ ኡፋይሳን ዩጲቴ፤ ቃላ ቋቁ ኦላዲ ኡፋይሳ ዩላን ጋላቲቴ።
- 5 ባጋና ዲጲሼ ማዛሙራን ጎዳ ጋላቲቴ፤
- 6 ዲንኬኔ ዛዬ ፑኒሼ ኑ ካዎ ጎዳ ሲንላን ኡፋይሳን ኢሊሊቴ።
- 7 ኣባይኔ ኣባ ገደን ኩሚዳ ኡባይ ጉሞ! ሳኣይኔ ሳኣ ቦላን ዲዛ ኡባይ ዩጲ!
- 8 ሻፋቲ ኢሲሬ

ባንታ ኩሼ ባቄቶ!
 ዙማቲ ጎዳ ሲንላን
 ኢሲፌ ኡፋይሳን ዩጾቶ!
 9 ጎዳይ ሳኦ ቦላን ፐርዳናስ ያና፤
 ኢዚ ሃ ሳኦ ቦላ ጸሎቴላን
 ኣሳ ቦላካ
 ሱሬቴላን ፐርዳና።

99

1 ጎዳይ ካዎቲዳስ!
 ሄሳ ገሻሽ ኣሳይ ኮኮር!
 ከሩቤታ ገደን
 ካዎቴላ ኣራታን ኡቲዳስ፤
 ሄሳስ ቢታይካ ቃጾ።
 2 ጎዳይ ጸዮኔን ገታ፤
 ካዎቴላ ኡባፌ
 ኢዚ ቶቁ ቶቁ ገዳስ።
 3 ገታኔ ኬሂፔ ያሺሲዛ
 ኔ ሱንሳ
 ኢስቲ ኡባይ ሳቡቶ!
 ኢዚ ዲማ!

4 ቱማ ፐርዳ ደሲዛ ዎልቃማ ካዎ!
 ኔኒ ሱሬቴላስ
 ዮቶ ዩጋዳሳ፤
 ኔኒ ያቆቤስ ቱሙ ፐርዳኔ
 ጸሎቴላ ኤሳዳሳ።
 5 ኢዚ ዲማ ገዲዳ ገሻሽ
 ጎዳ ኑ ጸሳ
 ቶቁ ቶቁ ሂስቲቴ፤
 ኢዛ ቶሆ ጋርሳንካ ጉፋኒዲ
 ኢዛስ ጎይኒቴ።

6 ኢዛ ቄሴታ ገደፌ ሙሴይኔ
 ኣርኔይ ዳቴስ፤
 ሳሜሊካ ኢዛ ሱንሳን
 ዎሲዳይታፔ ኢሳ፤
 ኢስቲ ጎዳስ ዎሲዳ፤
 ኢዚካ ኢስታ ዋሶ ኣሊዳስ።
 7 ኢዚ ሻራ ቱሳ ገደራ
 ኢስታስ ሃሳይዳስ፤
 ኢስቲ ኢዚ ኢሚዳ ማራኔ
 ዎጋ ናገዳ።

8 ኣቤት ጎዳዉ፥ ኑ ጸሳዉ!
 ኔኒ ኢስታ ዎሳ ሲያዳሳ፤
 ኔኒ ኢስታ ኢታቴላ ገሻሽ
 ቃጸይዳ ገዲኮካ
 ኢስታስ ኣቶ ገዳ ጸሳ።

9 ጎዳ ኑ ጸሳ
 ቶቁ ቶቁ ሂስቲቴ፤
 ኢዛ ገሻ ዙማ ቦላን
 ኢዛስ ጎይኒቴ፤
 ኣይስ ገሶ ጎዳ
 ኑ ጸሳይ ገሻ ጸሳ።

100

ጋላታ ማዛሙራ

1 ሳኦን ዳኢዛ ኣስ ኡባይ
 ጎዳስ ኡፋይሳን ኢሊሊቴ።
 2 ጎዳስ ኡፋይሳን ሃጋዚቴ፤
 ኡፋይሳ ዩላራ
 ኢዛ ሲንሳ ሸቂቴ።
 3 ጎዳይ ጸሳ ገዲዳይሳ ኤሪቴ፤
 ኑና ሜጲዳይ ኢዛ፤
 ኑኒ ኢዛይታ፤
 ኑኒ ኢዛ ኣሳቲ
 ኢዚ ሃሚዛ ደርሳ ዉዳታ።
 4 ኢዛ ፔንጌ ጋላታራ፥
 ኢዛ ዛጎ ሳባራ ጌሊቴ፤
 ኢዛ ጋላቲቴ፤
 ኢዛ ሱንሳካ ኣንጂቴ።
 5 ኣይስ ገሶ ጎዳይ ከያ፤
 ኢዛ ሲቆይ ሜርናሳ፤
 ኢዛ ኣሚኔቴላይ
 ዩሌታፔ ዩሌታ ጋካናሳ።

101

ዳዊቲ ማዛሙራ

1 ታኒ ኔ ሲቆ ገሻሺኔ
 ቱማ ፐርዳ ገሻሽ ዩጸና፤
 ኣቤት ጎዳዉ!
 ታኒ ኔስ ጋላታ ማዛሙራ ዩጸና።
 2 ታኒ ሱራ ኦጌ ካላና፤
 ኔኒ ታኮ ኣዉዳ ያኔ?
 ታኒ ታ ኬላን
 ሱሬቴላን ዳና።
 3 ታኒ ታ ኣይፌራ
 ኢታ ሚሽ ጸሊኬ፤
 ጸሳፌ ካራ ኬዚዳ ኣሳታ
 ኦሶ ኢጸይስ፤
 ታኒ ኢስታራ ሙሉካ ዙፔቴኬ።
 4 ዎዚና ጌላቲ ታፔ ሃኬቶ፤
 ኢታቴላራ ታስ
 ጋይቶቴላ ዳና።
 5 ጌማን ባ ላጌ ዘገርዛይሳ
 ታኒ ሲርጲ ኦላና፤
 ኦቶራቲዛይሲኔ ጨቁቲዛ ኣስ
 ታኒ ጮኡ ጋ ኣገኬ።
 6 ኢስቲ ታናራ ዳና ማላ
 ቢታ ቦላ ዳኢዛ
 ኣሚኔቴዛይታ
 ታኒ ሎኦ ኣይፌን ጸላይስ።
 ሱሬቴላን ሃሚቲዛ ኣሲ
 ታስ ሃጋዛና።
 7 ጨዎ ኦላዛይ ኦኒካ
 ታ ኬላን ዳና፤

ዋርዶ ሃሳይዛይ
 ታ ሲንላን ኤቄና።
 8 ቢታን ዳኢዛ ኢታ እሰ ኡባ
 ታኒ ሃኛ ሃኛ ዳይሳና፤
 ኢታ ኦሲዛይታ ኡባ
 ታኒ ጎዳ ካታማፔ
 ዶቃላ ዳይሳና።

102

ጨጨዳ ዋዴኔ ማቶቲዳ ዋዴ ጸሳ ሲንላን ዋሲዳ ዋሳ

- 1 አቤት ጎዳዉ!
 ታ ዋሳ ሲያ፤
 ታ ዋሶይ ኔኮ ጋኮ።
- 2 ታ ማቶቲዳ ጋላሰ
 ኔ ሲንላ ታፔ ፔንሶፋ፤
 ኔ ሃይላ ታኮ ዛራ፤
 ታኒ ኔኮ ዋሲዛ ዋዴ
 ታሰ ኤሶን ኣላ።
- 3 ኣይሰ ገኮ ታ ላይላይ
 ጨዋ ማላ ዳዬሰ፤
 ታ ማቆላይካ
 ታማ ቦንቆ ማላ ኤዶሰ።
- 4 ታ ዋዚናይ
 ኣዋይ ላቢዳ ማታ ማላ ሃንዳሰ፤
 ታሰ ቆዴይ ካል ኢዲዳሰ።
- 5 ታሰ ኦሌ ዳርፔ ዳንዶይሳን
 ማቆላ ጸላ ኣቲዳሰ።
- 6 ታኒ ባዘን ዲዛ ቢያ ካፎ
 ዋይኮ ላሌቲዳ ኬላን
 ዳኢዛ ጉቶ ማላ።
- 7 ታኒ ኢቲን ዲሰኮይ ዬና፤
 ታኒ ኬላ ሁኤን
 ባርካ ኡቲዳ ካፎ ማላ ገዳዲሰ።
- 8 ታ ዋርኬቲ ኡባ ጋላሰ
 ታና ጫዬቲሰ፤
 ታና ኢሴላዛይቲ ታ ሱንላ
 ቃንጌቲዳ ማላ ቆዲዳ።
- 9 ታኒ ቢዲንሳ ዲሌ ማላ ቃምኣዲሰ፤
 ታ ኣፋንላካ
 ኡሻራ ዋላካ ኡያዲሰ።
- 10 ኔ ሃንቆ ጋሶኒኔ
 ኔ ቦሻ ጋሶን
 ኔ ታና ፑዴ ዳንሶሶፔ
 ዲጌ ኦላዳሳ።
- 11 ታ ዳኦ ላይላይ ኦማርሳ ዋዴ
 ኩዋ ማላ፤
 ታኒ ማታ ማላ ማላዲሰ።
- 12 ገዶ ኣቲን ኣቤት ጎዳዉ!
 ኔኒ ካዋቲላ ኣራታን
 ማርናሰ ኡታዳሳ፤
 ኔ ሱንላይካ ዬሌታፔ
 ዬሌታ ጋካናሰ ሃሳኤታና።
- 13 ኔኒ ጸዮኒሰ
 ኪያቲላ ኦሲዛ ዋዴይ
 ጋኪዳ ገሻሰኔ
 ዋዴዚካ ሃኢ ገዲዳ ገሻሰ

- ኔኒ ዳንዳዳ ኢዚሰ ቃዴታና።
 - 14 ኔ ኦሳንቻቲ ኢዛን ዲዛ
 ሹቻታ ዳሴቲሰ፤
 ቡዴቲዳ ቢታሰካ
 ቃዴቲቲሰ።
 - 15 ካዋቲላቲ ጎዳ
 ሱንላሰ ያያና፤
 ሳኦ ካዋቲ ኡባይ
 ኢዛ ቦንቻና።
 - 16 ጎዳይ ጸዮኖ ዛሪ ኤሲዛ ዋዴ
 ኢዚ ባ ገታቲላ ቤሳና።
 - 17 ኢዚ ሃይሳታ ዋሳ ሲያና፤
 ኢሰታ ሾቤካ ካዴና።
 - 18 ቡሮን ዬሌታናይ
 ጎዳ ጋላታና ማላ
 ሃይሲ ዪዛ ዬሌታሰ ጸፊቶ።
 - 19 ጎዳይ ዶቃን ዲዛ
 ባ ጌሻ ሶሆፔ
 ዲጌ ዳሊዳሰ፤
 ኢዚ ሳሎፔ ዲጌ
 ሳኦ ቤኢዳሰ።
 - 20 ሃሲካ ቃሼቲዳ
 ኣሳታ ዋሶ ሲያናሲኔ
 ሃይቆሰ ፐርዴቲዳ ኣሳታ
 ቃሾፔ ቢርሻናሳ።
 - 21 ሃሳ ገሻሰ ጎዳ ሱንላ
 ጸዮኒን ፑቲታና፤
 ኢዛ ጋላታይ
 ዬሩሳላማን ኣዋጃታና።
 - 22 ዳሬቲኔ ካዋቲ ኢሲፌ ሸቂዲ
 ጎዳሰ ሄ ዋዴ ጎይናና።
 - 23 ታኒ ናቲቲላን ዲሺን፤
 ኢዚ ታ ማሮቲላ
 ኦጌን ኣሺዳሰ፤
 ታ ዳና ላይላካ
 ቃንላዳሰ።
 - 24 ሂሰቲን ታኒ፥
 «አቤት ታ ጸሳዉ!
 ታኒ ዳና ላይላ
 ቡሮ ባጋሲሺን
 ኔ ታና ኤኮፋ።
- አቤት ጎዳዉ!
 ኔኒ ዬሌታፔ ዬሌታ ጋካናሰ
 ዳሳ» ጋይሰ።
- 25 ኔኒ ቤኒ ሳኦ ማቆዳሳ፤
 ሳሎቲካ ኔ ኩሼ ኦሶ።
 - 26 ሃይቲ ኡባይ ዳያና፤
 ገዶ ኣቲን ኔኒ ማና ዳና፤
 ኢሰቲ ኡባይካ
 ኣፋላ ማላ ዉራና፤
 ኔኒ ኢሰታ ጫርቃ
 ማላ ላማና፤
 ኢሰቲካ ኣዳና።
 - 27 ገዶ ኣቲን ኣዉዳካ

ኔኒ ኔና፤
 ኔ ላይላይ ሙሉካ ወሬና።
 28 ኔሰ ኦሲዛይታ ናይቲ
 ሳርቴላን ዳና፤
 ኢሰታ ዜሬላይካ
 ኔ ሲንላን ሚኒ ኤቃና።

103

ዳዊቲ ማዛሙራ

- 1 ታ ሼምፖዬ!
 ጎዳ ጋላታ!
 ታ ኩሜላ አሳቴላይ
 ኢዛ ጌሻ ሱንላ ጋላቶ።
- 2 ታ ሼምፖዬ! ጎዳ ጋላታ!
 ኢዚ ኔሰ ኦሲዳ
 ኪያቴላ ኡባ ደጎፓ።
- 3 ኢዚ ኔ ናጋራ
 ኡባ አቶ ጌሰ፤
 ኢዚ ኔ ሃርጌ ኡባሬ
 ኔና ፓሌሰ።
- 4 ኢዚ ኔና
 ዲፎን ጌሎንታ ማላ አሼሰ፤
 ሜርና ሲቆኒኔ ማርታን
 ኔና አንጃሰ።
- 5 ጎሌ ካፎላ ኔኒ ኦራጸና ማላ
 ኢዚ ኔ አሞ ኡባ
 ሎኦ ሚሻን ኩንላና።
- 6 ጎዳይ ናቄቲዳይታሰ
 ጸሎ ኦሌሲኔ
 ሱሬ ፐርዳ ፐርዳሰ።
- 7 ኢዚ ባ ኦጌ ሙሴ ቤሲዳሰ፤
 ባ ኦሶካ
 ኢሰራኤሌ አሳ ኤሪሲዳሰ።
- 8 ጎዳይ ቃጴቲዛይኔ
 ማሪዛይ፤
 ኢዚ ሃንቁታናሰ ኤሶቶንታዳ፤
 ኢዛ ሲቆይ ኬሂፔ ዳር።
- 9 ኢዚ ኡባ ዎዴ
 ኑ ሞርሰ ሞቴና፤
 ሜርናሰካ ሃንቁቴና።
- 10 ኢዚ ኑ ናጋራ ማላ
 ኑሰ ኦሲቤና፤
 ኑ ኢታቴላ ማላ
 ኑሰ ዛሪቤና።
- 11 ሳሎይ ሳኦፔ ጶቂዛ ማላ
 ጎዳሰ ያዪዛይታሰ
 ኢዛ ሲቆይ ጌታ።
- 12 አርሼይ ሞኪዛሶፔ
 ወሊዛሶይ ሃኪዛ ማላ
 ጎዳይ ኑ ሞርዛ
 ኑፔ ሃሲዳሰ።
- 13 አዎይ ባ ናይታሰ
 ቃጴቲዛ ማላ
 ጎዳይ ባሰ ያዪዛይታሰ ቃጴቴሰ።
- 14 ኔኒ አዛፔ ማጴቲዳኮ
 ኢዚ ኤሬሰ፤
 ኔኒ ቢታ ጌዲዳይሳካ

ኢዚ አኬኬሰ።

- 15 አሳ ዴኦይ ጌዲኮ ማታ ማላ፤
 ኢዚ ባዞ ጨሻ ማላ ጨዬሰ።
- 16 ጫርኮይ ጫርኪዛ ዎዴ
 ቆቆሬቲ ቶዬሰ፤
 ኢዚ ካሴ ዲዛሶይ
 ሙሉካ ኤሬቴና።
- 17 ጌዶ አቲን ጎዳሰ ያዪዛይታሰ
 ኢዛ ሲቆይ ሜርናፔ
 ሜርና ጋካናሳ፤
 ኢዛ ጸሎቴላይካ
 ዬሌታፔ ዬሌታ ጋካናሳ።
- 18 ሄሲ ሃናናይ
 ኢዛ ጫቆ ቃላ
 ናጊዛይታሲኔ
 ኢዛ አዛዞ ፖላናሰ
 ሚኔቲዛይታሳ።
- 19 ጎዳይ ባ አራታ ሳሎን ኤሲዳሰ፤
 ኢዛ ካዎቴላይ ኡባ ሃሬሰ።
- 20 ኢንቴኖ ኢዛ ኪታንቻቶ!
 ኢዛ አዛዞ ፖሊዛ ዎልቃማቶ!
 ኢዚ ጊዛይሳ ኤዝጊዛይቶ!
 ጎዳ ጋላቲቴ።
- 21 ኢንቴኖ ሳሎን ዴኢዛ ሚኖቶ!
 ኢዛ ሼኔ ኦሲዛ አይሌቶ!
 ጎዳ ጋላቲቴ።
- 22 ኢንቴኖ ኢዚ ሃሪዛ ሶሆ
 ኡባን ዴኢዛ ማጴታቶ!
 ኡባይካ ጎዳ ጋላቲቴ።
 ታ ሼምፖዬ! ጎዳ ጋላታ።

104

- 1 ታ ሼምፖዬ!
 ጎዳ ታ ጸሳ ጋላታ!
 አቤት ጎዳ ታ ጸሳዉ!
 ኔኒ አይ ከና ጌታ!
 ኔኒ ቦንቸኔ
 ቲማ ማይአዳሳ።
- 2 ኔኒ አፋላ ማላ ፖኦ ቁማአዳሳ፤
 ሳሎታካ ዲንካኔ ማላ
 ቶላዳሳ።
- 3 ኔ ኬላ
 ሳሎ ጉፋንሶ ቦላን ኬጸዳሳ፤
 ሻራ ኔሰ ፓራ-ጋራ ኬሳዳሳ፤
 ጫርኮ ቁሬ ቶጋዳ ሳሳ።
- 4 ኔኒ ጫርኮታ ኔ ኪታንቻ፤
 ታማ ላጮካ ኔ አይሌ ኬሳሳ።
- 5 ኔኒ ሳአ ዮቻ ቦላ ኤሳዳሳ፤
 ኢዚ ሜሪ ሜርናሰካ ቃጴና።
- 6 ዎጋ ጌታ አባ ቢታ ቦላን
 አፋላ ማላ ሚጫዳሳ፤
 ሃሲካ ጌታ ዙማታ
 ካሚዳሰ።

- 7 ጊደ አቲን ኔ ሴሪን
ሃላቲ ኪቺዳ፤
ኔ አዛዙ ሲዱዲ ኤሶን ባቃቲዳ።
- 8 ኢሰቲ ጊታ ዙማታፔ
ዱጌ ሾባታ ዋጂዳ፤
ኔኒ ኢሰታሰ ጊግሲዳሶ ጎጊዳ።
- 9 ሃላቲ ሰሚዲ
ቢታ ካሞንታ ማላ፥
ኢሰቲ አጵንታ ማላ
ዛዋ ኤሳዳሳ።
- 10 ኔኒ ፑልቶታ ሾባን ፑልቲሳሳ፤
ሃላ ዙማታ ጊደራ
ዱጌ ጎጊሳሳ።
- 11 ባዙ ደአቲ ኡባይ ኢዛፔ ኡዬቴሰ፤
ሃሪዲዳቲካ ሳሞሰ
ኢዛፔ ኡዩ አሌቴሰ።
- 12 ሳሎ ካፎቲ ሃላ ማታን
ባንታ ኬላ ኬዴቴሰ፤
ሚላ ሃጋታ ጊደንካ
ዬዴቴሰ።
- 13 ኔኒ ጊታ ዙማታ ቦላን
ሳሎፔ ኢራ ቡኪሳሳ፤
ቢታካ ኔ ኩሼ ኦሶ
አይፊን ኩንሳዳሳ።
- 14 ኔኒ ሚሃሰ ማታ፥
አሳሰ ካላ ሞኪሳሳ፤
ሃሳን አሳይ ቢታ ኦላዲ
ካላ ሺሼሰ።
- 15 አሳ ዋዚና ኡፋይሲዛ ዋይኔ፥
ሲንላ ሺጨሲዛ ዛይቴኔ
ዋልቃ ኢሚዛ ካላ ዴሚሰ።
- 16 ጎዳ ሚላቲ፥
ኢዚ ቶኪዳ ለባኖሴ ዚጋቲ
ዳሮ ኢራ ኡዩ ካሌቴሰ።
- 17 ኢሰታን ካፎቲ
ባንታ ኬላ ኬዴቴሰ፤
ዚጊሌቲካ ዚጋ ቦላ
ኬዲዲ ዴኤቴሰ።
- 18 ቶቃ ዙማታ ቦላን
ወሻቲ ዴኤቴሰ፤
ቃሴ ጉጋሌቲ
ሹቻ ጎንጎሎን ቆቴቴቴሰ።
- 19 ዋዳ ቆዳ ኤሪሳናሰ
ኔኒ አጊና ሚዳዳሳ፤
አርሼይ ባ ወሊዛ ዋዳ ኤሪሰ።
- 20 ኔኒ ቶማ ኤሂዛ ዋዳ
ሳአይ ቃሚሰ፤
ዋራ ደአቲካ ኬዚዲ
ዋዴሬቴቴሰ።
- 21 ዋዳላ ጋሞቲ
ማና ሚሻሰ ዋሴቴሰ፤
ኢሰቲ ባንታሰ ሚዛ ሚሽ
ጸሳፊ ኮዬቴሰ።
- 22 አርሼይ ሞኪዛ ዋዳ

- ጉዬ ሰሚዲ
ባንታ አቆሶን ኢቺቴሰ።
- 23 ሄ ዋዳ አሲ ባ ኦሶሰ ኬዬሰ፤
ሳአይ ቃማና ጋካናሰ
ኦሴሰ።
- 24 አቤት ጎዳዉ!
ኔ ኦሶይ አይ ኬና ዳሮ!
ኔ አጵ ኤራቴላን
ኔኒ ኢሰታ ኡባ ሚዳዳሳ፤
ኔ ሚዳዳ ሚዳታቲ
ቢታ ኩሚዳ።
- 25 ሃና አባያ ጊታኔ አሆ፤
ቆዳይ ባይንዳ ቃዲዛ
ሚዳቴላቲ፥
ጉላቲኔ ጊታቲ ኢዚን ኩሚዳ።
- 26 ኢዚ ቦላን ማርካቤቲ ሲሚሬቴቴሰ፤
ቃሴ ኔኒ ሚዳዳ
ሌዋታኔ ጌቴቲዛ ሚሚንቴይ
ኢዚን ካኤሰ።
- 27 ኮሺዛ ዋዳ ኔ ኢሰታሰ
ሚዛዝ አማና ማላ
ኢሰቲ ኡባይ ኔኮ ዴሌቴሰ።
- 28 ኔኒ ኢሰታሰ ኢሚዳ ዋዳ
ኢሰቲ ሺሼቴሰ፤
ኔኒ ኔ ኩሼፔ ዩጊን
ኢሰቲ ሎኦ ሚሽ ካሌቴሰ።
- 29 ኔኒ ኔ ሲንላ
ጌንላዛ ዋዳ ዳጋሜቴሰ፤
ኔ ኢሰታ ሽሞፖ
ኤኪዛ ዋዳ ሃይቁቴሰ፤
ዱጌ ቢታንካ ሲሚ ጌሌቴሰ።
- 30 ጊደ አቲን ኔኒ ኢሰታሰ
ኔ አያና ኪቲዳ ዋዳ
ሃራቲ ሚዳቴቴሰ፤
ቢታካ ኦራዲሳሳ።
- 31 ጎዳ ቦንቸይ ሚርናሰ ዴኔ፤
ጎዳይ ባ ኦሶን ኡፋዬቶ።
- 32 ኢዚ ቢታ ዴሊን ቢታይ ቃዴሰ፤
ቃሴ ኢዚ ዙማታ ቦቺን
ዙማቲ ጨዋቴቴሰ።
- 33 ታኒ ዴኢዛ ላይላ ኡባን
ጎዳሰ ዬዳና፤
ታኒ ሽሞፖራ ፓጻ
ዴኢዳ ዋዳ ኡባን
ታ ጸሳሰ ዬዳና።
- 34 ታኒ ጎዳን ኡፋዬቲዛ ጊሻሰ
ታ ዋዚና ቆፋይ ኢዛ ኡፋይሶ።
- 35 ናጋራንቻቲ ቢታፊ ቆዬቶ፤
ሃይሳፊ ሲንላሰ
ኢታቲ ደፔቶ።
- ታ ሽሞፖዬ!
ጎዳ ጋላታ!
ጎዳ ጋላታ!

104:26 እዮ 41:1፤ ማዛ 74:14፤ እሳ 27:1

105

- 1 ጎዳ ጋላቲቴ፤
 ኢዛ ሱንላ ጸይጊቴ፤
 ኢዚ ኦሊዳ ኦሶታ
 ካዎቴላታ ኤሪሲቴ።
- 2 ኢዛሰ ጊንጾ ጊግሲቴ፤
 ጋላታ ዩሊካ ዩጸቴ፤
 ማላሊሲዛ ኢዛ ኦሶ ኡባ ዮቴቴ።
- 3 ጌሻ ሱንላን
 ኢዛይሳን ጩቁቴቴ፤
 ጎዳ ኮይዛይታ
 ዎዚናይ ኡፋዬቶ።
- 4 ጎዳኔ ኢዛ ዎልቃ ጸሞሲቴ፤
 ኡባቶ ኢዛ ሲንላ ኮዩቴ።
- 5-6 ኢንቴኖ ኢዛ ኣይሌ
 ኣብራሃማ ዜሬላቶ!
 ዶሬቴዳ ያቆቤ ናይቶ!
 ኢዚ ኦሊዳ ማላሊሲዛ ኦሶታ፥
 ኢዛ ማላታኔ ኢዚ ፐርዲዳ
 ፐርዳ ኣኬኪቴ።
- 7 ኢዚ ጎዳ ኦ ጸሳ፤
 ኢዛ ሱሬ ፐርዳይካ
 ሳኣ ኡባ ቦላ ዳሰ።
- 8 ኢዚ ባ ጫቆ ቃላ ማርናሰ
 ባ ኣዛዚዳ ቃላ ሺ ዩሌታ
 ጋካናሰ ናጌሰ።
- 9 ኢዚ ኣብራሃማሰ ጫቂዳ
 ጫቆ ቃላ፥
 ዩሳቃሰ ኢሚዳ
 ቃላ ባሌና።
- 10 ሄሳ ያቆቤሰ ዎጋ፥
 ኢሰራኤሌሲካ
 ሚርና ጫቆ ቃላ
 ሂሰቲዲ ሚንላ ኤሲዳሰ።
- 11 ቃሴካ፥ «ኔሰ ካናኔ
 ቢታ ኢማና፤
 ኢዚካ ኔ ዜሬላታሰ
 ላታ ጊዳና» ጊዳሰ።
- 12 ኢሰቲ ቆዳን ቂ ጉላታኔ
 ካናኔ ቢታን
 ቤቴ ጊዲዲ ዲዛ ዎዳ፥
 13 ኢሲ ዳሬፔ ሃራ ዳሬ፥
 ኢሲ ካዎቴላፊ
 ሃራ ካዎቴላ ዩዩዳ።
- 14 ጸሲ ኢሰታ ኦኒካ ቆሃናሰ
 ኢሚቤና፤
 ኢሰታ ጊሻሰ ካዎታ ሴሪሼ፥
 15 «ታኒ ቲይዳይታ ቦቾፍቴ፤
 ናቤታ ቆሆፕቴ» ጊዳሰ።
- 16 ጎዳይ ቢታ ቦላ
 ኮሻ ዩዲዳሰ።

- 17 ጊዳ ኣቲን ኢዚ ባ ኣሳ ኣሻናሰ
 ኢሰታፊ ሲንላን ኣይሌቴላሰ
 ባይዜቴዳ ዮሴፊ ከቲዳሰ።
- 18 ኢዛ ቶሆቴ ካቴናን ዎጾቴዳ፤
 ኢዚ ሳንሳላታን ቃሹቴዳሰ።
- 19 ኢዚ ካሴ ዮቴዳይሲ
 ፖሌታና ጋካናሰ
 ጎዳ ቃላይ ኢዛ ፓጪዳሰ።
- 20 ካዎይ ኣሰ ከቲዲ
 ኢዛ ቢርሺሲዳሰ፤
 ዳራ ሃሪዛይሲ
 ቃሾ ከላፊ ከሲዳሰ።
- 21 ካዎዚ ኢዛ ባ ከላሰ
 ጎዳ ኦሊዳሰ፤
 ባሰ ዲዛ ኡባ
 ኣቆታ ቦላ ሹሚዳሰ።
- 22 ሄሲካ ሹሚታ
 ማራራ ካሌላና ማላኔ
 ጊታ ኣሳታ ኣቶ ኤራቴላ
 ታማርሳና ማላ ሱንላዳሰ።
- 23 ሄሳፊ ጉዩ ኢሰራኤሌይ
 ጊብጾ ጌሊዳሰ፤
 ያቆቤይ ካሚ ቢታን
 ቤቴ ኣሰ ጊዲዲ ዳኢዳሰ።
- 24 ጎዳይ ባ ኣሳ ከሂ ጮራሲዳሰ፤
 ኢሰታ ሞርኬታፔ
 ኢሰታ ኣላ ሚንላዳሰ።
- 25 ኢዚ ጊብጾ ኣሳይ
 ባ ኣሳ ኢጻና ማላኔ
 ባ ኣይሌታ ቦላ
 ዳንዳና ማላ ኦሊዳሰ።
- 26 ሄሳፊ ጉዩ ባ ኣይሌ ሙሴኔ
 ባ ደሪዳ ኣሮኔ
 ኢሰታኮ ከቲዳሰ።
- 27 ኢሰቲ ጊብጾ ኣሳታ ሲንላን
 ጸሳ ማላታ፥
 ካሚ ቢታን
 ማላሊሲዛ ሚሽ ኦሊዳ።
- 28 ጎዳይ ቆማ ከቲዲ
 ሂ ቢታ ቆሚሲዳሰ፤
 ጊዳ ኣቲን ጊብጾ ኣሳቲ
 ኢዛ ኣዛዙ ኢጲሰ ጊዳ።
- 29 ኢሰታ ሃላ ሱላን ላሚዲ
 ሞሌታ ዎዲዳሰ።
- 30 ኢሰታ ቢታ ኡባ
 ካዎዛ ከላካ
 ሾዴይ ከሚዳሰ።
- 31 ኢዚ ኣዛዚን ቦጾይኔ ኡኤይ
 ኢሰታ ቢታ ኡባ ቦላ
 ሾሞኡሾሞኢዳሰ።
- 32 ኢሰታ ቢታ ቦላን ኢራ ጊሻሰ
 ሻቶ ዎልቃንሳራ

105:9 ሜ. 12:7፤ 17:8፤ 26:3 105:10 ሜ. 28:13 105:15 ሜ. 20:3-7 105:16 ሜ. 41:53-57 105:17 ሜ. 28፤ 45:5 105:19 ሜ. 39:20—40:23 105:20 ሜ. 41:14 105:21 ሜ. 41:39-41 105:23 ሜ. 46:6፤ 47:11 105:25 ኬሳ 1:7-14 105:26 ኬሳ 3:1—4:17 105:28 ኬሳ 10:21-23 105:29 ኬሳ 7:17-21 105:30 ኬሳ 8:1-6 105:31 ኬሳ 8:16-17፤20-24

ቡኪሲዳስ።
 33 ኢዚ ኢስታ ዎይኔ ቱራኔ
 ባላሴ ሚላ ኡባ ዲፒ ሂሰቲዳስ፤
 ኢስታ ቢታን ዳኢዛ ሚላታካ
 ሜንሴራሴዳስ።
 34 ኢዚ ኣዛዚን ቦሌይኔ
 ቆዳይ ባይንዳ
 ጉምባርይ ኬዚዳስ።
 35 ሂሰቲዳ ኢስታ ጋዴን
 ሞኪዳ ካላ ኡባ ሚዳስ፤
 ኢስታ ቢታን ዲዛ ጨለላ ሚሽ
 ኡባካ ዲፒ ሂሰቲዳስ።
 36 ጎዳይ ገብጾ ዳራን
 ባይራታ ኡባ ዎዲዳስ፤
 ኮይሮ ዩሌቲዳ ናይታ
 ኡባካ ዳይሲዳስ።
 37 ሄሳፌ ጉዬ ኢዚ ኢሰራኤሌ ኣሳ
 ዎርቃኔ ቢራ ኣሌቆራ ኬሲዳስ፤
 ኢስታ ገደፌ
 ኩንዲዲ ኣቲዳይ ኦኒኔ ባዎ።
 38 ገብጾ ኣሳቲ ኢስታሰ
 ዳር ያዩዳ ገሻሰ
 ኢስቲ ኬዚ ቢሺን ኡፋዬቲዳ።
 39 ጸሳይ ኢስታ ካማናሰ
 ሻራ ሚጨዳስ፤
 ኦማርሰ ኢስታሰ ፖኢሳናዉ
 ታማ ገግሲዳስ።
 40 ኢስቲ ሚዛ ሚሽ ኦይቸን
 ኩራቾ ሚሳቲዛ ካርታ
 ኢስታሰ ዩዲዳስ፤
 ኢስታ ሳሎ ቁማ ካሊሲዳስ።
 41 ኢዚ ዛላ ጳልቁን ሃላ ፑልቲዳስ፤
 ሻፋ ማላካ ዲጌ ባዘ ጎጊዳስ።
 42 ኢዚ ባ ኣይሌ ኣብራሃሜሰ
 ጫቂዳ ጌሻ ቃላ
 ሃሳኢዳስ።
 43 ኢዚ ባ ኣሳ ኡፋይሳን፣
 ባ ደሪዳይታ ኢሊሊሳን ኬሲዳስ።
 44 ኢዚ ኢስታሰ ሃራ ካዎቴላታ
 ቢታ ኢሚዳስ፤
 ሂሰቲን ኢስቲ ሃራቲ
 ዳቡሪ ኬሲዳ ካላ
 ኣይፌ ላቲዳ።
 45 ሄሳ ኢዚ ኦሊዳይ
 ኢስቲ ኢዚ ዎሊዳ
 ማራ ናጋናሳ፤
 ኢዛ ዎጋካ ፖላናሳ።
 ጎዳ ጋላቲቲ!

106

1 ጎዳ ጋላቲቲ!
 ኢዚ ኪያ ገዲዳ ገሻሰ፣

ኢዛ ሲቆይካ
 ሜርናሰ ገዲዳ ገሻሰ
 ጎዳ ጋላቲቲ።
 2 ጎዳይ ኦሊዳ ዎልቃማ
 ኦሪ ዮታናሰ፣
 ዎይኮ ኢዛ ጋላታ
 ኡባ ቆንጨሳናሰ
 ዳንዳይዛይ ኦኔ?
 3 ፒርዳይ ጌላቶንታ ማላ
 ናገዛይቲኔ
 ኡባ ዎዴ ጲሎ ኦሊዛይቲ
 ኣንጃቲዳይታ።
 4 ኣቤት ጎዳዉ!
 ኔኒ ኔ ኣሳ ማዲዛ ዎዴ
 ታና ቆፓ፤
 ኢስታ ኔኒ ኣሺዛ ዎዴ
 ታናካ ኣላ።
 5 ሄሲካ ኔ ደሪዳ ኣሳሰ
 ሳኣይ ኪዩን ታኒ ቤያና ማላ፣
 ኔ ኣሳ ኡፋይሳ
 ታኒ ኡፋይታና ማላ፣
 ኔ ናይቲ ቦንቹቲዳ ጋሶን
 ታኒካ ኡፋይሳን
 ማጉላና ማላሳ።
 6 ኦኒ ኦ ኣዎታ ማላ
 ናጋራ ኦሊዳስ፤
 ሞርኔ ኢታ ኦሊዳስ።
 7 ኦ ኣዎቲ ገብጾን ዳኢዛ ዎዴ፣
 ኔ ማላሊሲዛ ኦሪ
 ቆፒቤቴና።
 ኔ ሲቆ ዳርቲላ
 ኢስቲ ኣኬኪቤቴና፤
 ዞኦ ኣባ ላንቁን ማካሊዳ።
 8 ገዲኮካ ኢዚ ባ ሱንላ
 ገሻሰ፣ ባ ገታ
 ዎልቃ ኤሪሳናሰ
 ኢስታ ኣሺዳስ።
 9 ኢዚ ዞኦ ኣባ ሴሪዳስ፤
 ኣባይካ ሜሊዳስ፤
 ባዞን ካሌሊዛይሳ ማላ
 ጨማ ገደራ
 ኢስታ ካሌሊዲ ፒንሊዳስ።
 10 ኢዚ ኢስታ
 ኢዲዛይታ ኩሼፔ ኣሺዳስ፤
 ሞርኬታ ኩሼፔ
 ኢስታ ዎዚዳስ።
 11 ኢስታ ሞርኬታ ሃላ ሚቲዳስ፤
 ኢስታፌ ኢሳይካ ኣቲቤና።
 12 ሄ ዎዴ ኢሰራኤሌቲ
 ኢዛ ቃላ ኣማኒዳ፤
 ኢዛ ዩላን ሳቢዳ።
 13 ገዲኮካ ኢስቲ ኢዚ ኦላይሳ

105:33 ኬሳ 9:22-25 105:35 ኬሳ 10:12-15 105:36 ኬሳ 12:29 105:38 ኬሳ 12:33-36 105:39 ኬሳ 13:21-22
 105:40 ኬሳ 16:2-15 105:41 ኬሳ 17:1-7፤ ታይ 20:2-13 105:44 ኢያ 11:16-23 106:1 1ታሪ 16:34፤ 2ታሪ 5:13፤ 7:3፤
 ኢዘ 3:11፤ ማዛ 100:5፤ 107:1፤ 118:1፤ 136:1፤ ኤር 33:11 106:7 ኬሳ 14:10-12 106:12 ኬሳ 14:21-31 106:12 ኬሳ
 15:1-21

ሄራካ ደገዳ።
 ኢዛ ዘሬ ናጎንታ
 ባንቲ ኮዩዳይሳ ኦሲዳ።
 14 ኢስቲ ባዘ ቢታን ከሄ ኣሞቲዳ፤
 ቃሴ ሚላ ቢታንካ
 ጸሳ ፓጨዳ።
 15 ሄሳ ገሻሰ ኢዚ
 ኢስቲ ዋሲዳይሳ ኢሚዳሰ፤
 ገደ ኣቲን ኢስታ ሸምፖሰ
 ገልቃቴላ ከቲዳሰ።
 16 ኣሳቲ ባዘን ዲንካኒ ዲሼ
 ሙሴኔ ጎዳሰ ዲማቲዳ
 ኣይሌ ኣሮኔ
 ቃናቲዳ ዋዳ፤
 17 ቢታይ ደዌቲዳ
 ዳታኔ ሚቲዳሰ፤
 ኣብራሜ ኢዛ ከላ
 ኣሳታራ ሞጊዳሰ።
 18 ቃሴ ኢስታ ማባራ ገደን
 ታማይ ኤዲን፤
 ላጮይ ሄ ኢታ ኣሳታ ጸጊዳሰ።
 19 ኮሬቤ ዙማን ዳኢሽ
 ዋርቃ ሴሪሲዳ
 ማራ ሚሰሌ ሚዲዳ፤
 ሂሰቲዳ ሄ ሚሲላሰ ጎይኒዳ።
 20 ኢስቲ ባንታ ቦንቾ ጸሳ
 ማታ ሚዛ
 ሚዛ ሚሰሌን ላሚዳ።
 21 ኢስቲ ባንታና ኣሺዳ
 ጸሳ ደገዳ፤
 ኢዚ ገብጾን ገታ ኦሶ፤
 22 ካሚ ቢታንካ
 ማላሊሲዛይሳኔ
 ዘኦ ኣባን፤ «ሆላ!» ገሲዛይሳ
 ኦሲዳይሳ ደገዳ።
 23 ሄሳ ገሻሰ ጸሲ
 ኢስታ ጳይሳና ገዳሰ፤
 ገደ ኣቲን ጳይሶንታ ማላ
 ኢዛ ሃንቆዛ ዛራናሰ
 ጸሲ ደሪዳ
 ሙሴይ ገደን ኤቂዳሰ።
 24 ሄ ሎኦ ቢታዮ ካዲዳ፤
 ሄሳፌ ጉዬ
 ኢዛ ቃላን ኣማኔቲቤቴና።
 25 ኢስቲ ባንታ ዲንካኔዛ ገደን
 ዙዙሚዳኔ
 ጎዳ ቃላሰ
 ኣዛዜቶንታ ኢዲዳ።
 26 ሄሳ ገሻሰ ኢስቲ
 ባዘን ኩንዲ ጳያና ማላ፤
 ኢዚ ባ ኩሼ ዳንሲዳ ጫቂዳሰ።
 27 ኢስታ ዜሬላቲ
 ካዋቴላታ ገደን

ኦሌታናይሳኔ
 ኢስቲ ቢታ ጋጸ ጋካናሰ
 ላሌታናይሳ ዮቲዳሰ።
 28 ሄሳፌ ጉዬ ኢስቲ
 ባኣሊ-ፔኦሬን ዲዛ
 ኤቃሰ ጎይኒዛይታራ
 ኢሲፌ ጋይቲዳ፤
 ሸምፖይ ባይንዳ ኤቃታሰ
 ያርሼቲዳ ያርሾዛ ሚዳ።
 29 ኢስቲ ባንታ ኦሶን
 ጎዳ ሃንቆሲዳ፤
 ሂሰቲን ኢስታ ገደን
 ኢታ ሃርጌይ ዋዲዳሰ።
 30 ገደ ኣቲን ፊኒሃሲ ዳንዲዳ
 ኢስታ ሞርዛ ፐርዲን
 ኢታ ሃርጌይ
 ኢስታ ቦላፌ ከቺዳሰ።
 31 ሄሲካ ዩሌታፔ ዩሌታ ጋካናሰ
 ማርናሰ ኢዛሰ
 ጸሎቴላ ገዲዳ ጭቲዳሰ።
 32 ማሪባ ፑልቶ ማታን
 ጎዳ ሃንቆሲዳ፤
 ኢስታ ጋሶን ሙሴ ቦላ
 ሜቶይ ጋኪዳሰ።
 33 ኣይሰ ገቦ ኢስቲ ሙሴ ዩሎሲዳ፤
 ሂሰቲን ኢዛ ደናፔ
 ቤሶንታ ቃላይ ከኢዳሰ።
 34 ጎዳይ ጳይሲቲ ገን
 ኢስቲ ካናኔ ኣሳታ ጳይሲቤቴና።
 35 ሄ ፓላፔ ኢስቲ
 ሄ ካዋቴላታራ
 ጌሌቲ ኤኬቲዳ ዋላኬቲዳኔ
 ኢስታ ዳኦ ዋጋ ካሊዳ።
 36 ጸሳ ኣሳቲ ኢስታ ኤቃሰ ጎይኒዳ፤
 ሄሲካ ኢስታሰ ዋጲማይ ገዲዳሰ።
 37 ኢስቲ ባንታ ኣቲማኔ ማጫ ናይታ
 ዳይዳንላታሰ ያርሼዳ።
 38 ኢስቲ ጸሎ ሱላ
 ካናኔ ኤቃታሰ ያርሼዳ፤
 ባንታ ኣቲማኔ ማጫ ናይታ
 ሱላ ጉሲዳ፤
 ሄ ሱላን ቢታይ ቱኒዳሰ።
 39 ሄሳላ ኢስቲ
 ባንታ ኦሶን ቱኒዳኔ
 ላይማ ማጫሳ ማላ
 ባንታ ጸሳሰ
 ኣማኔቶንታ ኢዲዳ።
 40 ሄሳ ገሻሰ ጎዳ ሃንቆይ
 ኢዛ ኣሳ ቦላ ኤዲ ከኢዳሰ፤
 ኢዚ ባይታ ሃራሴቲዳሰ።
 41 ኢዚ ኢስታ ሃራ ካዋቴላታ ኩሼን
 ኣሊ ኢሚዳሰ፤

106:15 ታይ 11:4-34 106:18 ታይ 16:1-35 106:23 ኬሳ 23:1-14 106:26 ታይ 14:1-35 106:27 ለዌ 26:33 106:33 ታይ 20:2-13 106:36 ዳና 2:1-3፤ 3:5-6 106:37 2ካዋ 17:17 106:38 ታይ 35:33 106:40 ዳኔ 2:14-18

- ኢስታ ሞርኬቲ ኢስታ ሃሪዳ።
- 42 ኢስታ ሞርኬቲ ኢስታ ናቀዳኔ ባንታ ሹኔን ኣይሲዳ።
- 43 ኢዚ ኢስታ ዳርቶ ኣሺዳሰ፤ ገደ ኣቲን ኢስታ ማካላሰ ገጺ ኬዚዳ፤ ባንታ ናጋራ ጋሶን ዳይዳ።
- 44 ገዲኮካ ኢስቲ ዋሲዳ ዋሶዛ ሲዩዲ ኢስታ ዋዬዛ ቆፒዳሰ።
- 45 ኢስታ ገሻሰ ባ ጫቆ ቃላ ሃሳኢዳሰ፤ ኣጎንታ ባ ሲቆ ዳርጎ ኢስታ ማሪዳሰ።
- 46 ኢስታ ዲኢዳ ኡባይ ኢስታሰ ቃዴታና ማላ ኦሌዳሰ።
- 47 ኣቤት ጎዳዉ ኑ ጸሳዉ! ኑና ኣሻ። ኑኒ ኑ ጌሻ ሱንፋ ጋላታና ማላ ካዎቲላታ ገደፌ ኑና ሺሻ።
- 48 ጎዳይ፣ ኢሰራኤሌ ጸሲ ሜርናፔ ሜርና ጋካናሰ ጋላቲቶ! ኣሳይ ኡባይ፣ «ኣሚን» ጎ።

ጎዳ ጋላቲቲ!
ኢቻሻንሶ ማጻፋ

107

(ማዛ 107—150)

- 1 ኢዚ ኪያኔ ኢዛ ሲቆይ ሜርናሰ ገዲዳ ገሻሰ ጎዳ ጋላቲቲ።
- 2 ጎዳይ ኢስታ ዋዚዳይቲ፣ ኢስታ ሞርኬታ ኩሺፔ ኢዚ ኣሺዳይቲ ሂዝጌቶ፤
- 3 ኣርሺይ ሞኪዛሶፔኔ ዉሊዛሶፔ፣ ፑዳሃፔኔ ዲጌሃፔ ዳሪ ኡባፌ ኢዚ ሺሺዳይቲ ሂዝገ ሃሳዬቶ።
- 4 ኢስታፌ ኢሶቲ ኢሶቲ ባዞ ቢታን ቶይላቲዳ፤ ባ ዴኢዛ ካታማ ኤፊዛ ኦጌ ዳማናሰ ዳንዳይቤቲና።
- 5 ኢስቲ ጋፊዳኔ ሳሚቲዳ፤ ኬሂፔ ዳቡርዳ።
- 6 ኢስቲ ማቶቲዳ ዋዴ ጎዳኮ ዋሲዳ፤ ኢዚካ ኢስታ ዋዬዛፔ

- ኣሺዳሰ።
- 7 ኢስቲ ዴኣና ካታማ ጋካናሰ፣ ኢዚ ኢስታ ሲታ ኦጌራ ካሌሌዳሰ።
- 8 ሜርና ኢዛ ሲቆዛሲኔ ኢዚ ኣሳሰ ኦሌዳ ማላሊሲዛ ሚሻታሰ ኢስቲ ጎዳ ጋላቲቶ!
- 9 ኣይሰ ገኮ ኢዚ ሳሚቲዳይታ ኡሺ ኣሊሴሰ፤ ጋፊዳይታካ ሎኦ ሚሻን ካልሴሰ።
- 10 ኢስታፌ ኢሶቲ ኢሶቲ ቢራታ ሳንሳላታን ቃሺቲዲ ዋዬቲዛይታ፤ ሳካና ዳማ ገደንካ ኡቲዳይታ፤
- 11 ጋሶይካ ኢስቲ ጸሳ ቃላ ቦላ ማካሊዳኔ ኡባፌ ዶቃ ጸሳ ዞሪ ካዲዳ።
- 12 ሄሳ ገሻሰ ዋልቃ ኦሶን ኢስታ ኢዴሌዳሰ፤ ኢስቲ ዳቡሪን ኢስታ ማዲዛይ ዳይዳሰ።
- 13 ኢስቲ ማቶቲዳ ዋዴ ጎዳኮ ዋሲዳ፤ ኢዚካ ኢስታ ዋዬዛፔ ኣሺዳሰ።
- 14 ሳካና ዳማፔ ኢስታ ኬሲዳሰ፤ ኢስቲ ቃሺቲዳ ሳንሳላታካ ዲሴራሌዳሰ።
- 15 ሜርና ኢዛ ሲቆዛሲኔ ኢዚ ኣሳሰ ኦሌዳ ማላሊሲዛ ሚሻታሰ ኢስቲ ጎዳ ጋላቲቶ።
- 16 ኣይሰ ገኮ ኢዚ ጸርቂማላፔ ኦሴቲዳ ፔንጌ ሚንላዳሰ፤ ቢራታ ኮላታታካ ቃንጾሬሌዳሰ።*
- 17 ኢስታፌ ኢሶቲ ኢሶቲ ባ ማካላቲላ ጋሶን ኤያ ገዲዳ፤ ባ ናጋራ ጋሶንካ ሜቶን ጌሊዳ።
- 18 ኢስታ ቆዴይ ካሰ ኢጸን ሃይቃና ማቲዳ።
- 19 ኢስቲ ማቶቲዳ ዋዴ ጎዳኮ ዋሲዳ፤ ኢዚካ ኢስታ ዋዬዛፔ ኣሺዳሰ።
- 20 ኢዚ ባ ቃላ ኪቲዲ ኢስታ ፓሊዳሰ፤ ዲፎ ደናፔካ ኢስታ ኣሺዳሰ።
- 21 ሜርና ኢዛ ሲቆዛሲኔ

106:48 1ታሪ 16:35-36 107:1 1ታሪ 16:34፤ 2ታሪ 5:13፤ 7:3፤ ኢዝ 3:11፤ ማዛ 100:5፤ 106:1፤ 118:1፤ 136:1፤ ኤር 33:11
 * 107:16 ኮላታ ገዛይሳ ኢሲ ኢሲ ባጋ ጋዋሶ ቃላን ጎልጌ ዋይኮ ኮላታ ጌቲሰ።

- ኢዚ አሳሰ ኦሌዳ ማላሊሲዛ ሚሻታሰ
- ኢሰቲ ጎዳ ጋላቴቶ።
- 22 ኢሰቲ ኢዛሰ ጋላታ ያርሾ ያርሾቶ፤ ቃሴካ ኡፋይሳ ዬላን ኢዚ ኦሌዳ ኦሶ ቆንጨሴቶ።
- 23 ኢሰታፌ ኢሶቲ ኢሶቲ ማርካቤን ገታ አባ ገደራ ቢዳ፤ ሄ ገታ አባ ቦላ ባንታ ኦሶ ኦሌዳ።
- 24 ኢሰቲ ጎዳ ኦሶ ቤኢዳ፤ ኢዚ ጨማ ጋርሳን ኦሌዳ ማላሊሲዛ ኦሶታ ጸሊዳ።
- 25 ኢዚ አዛዘን ጎቴ ጫርኮይ ደንዲዳሰ፤ ሂሰቲን አባ ዳምባላይ ቃጸደሰ።
- 26 ኢሰቲ ፑዴ ሳሎ ኬዚዳ፤ ሰሚዳካ ዱጌ ጨማን ጌሊዳ፤ ኢሰታ ጋኪዳ ሜቶፕ ደንደይሳን
- ኢሰታ ዋዚናይ ታሂደሰ።
- 27 ኢሰቲ ማላቲዳ አሳ ማላ ዪጮቲዳ ጋንዲጋርዳ፤ ኢሰታሰ አኬኪዛ ዋዚናይካ ደሚደሰ።
- 28 ኢሰቲ ሜቶቲዳ ዋዴ ጎዳኮ ዋሲዳ፤ ኢዚካ ኢሰታ ዋዬዛፕ አሺደሰ።
- 29 ኢዚ ጎቴ ጫርኮዛ ጮኡ ሂሰቲዳሰ፤ አባ ዳምባላካ ሲርጺ ሂሰቲዳሰ።
- 30 ጮኡ ገዳ ገሻሰ ኢሰቲ ኡፋዬቲዳ፤ ኢሰቲ አሞቲዛ ዋዴቤን ጋላደሰ።†
- 31 ሜርና ኢዛ ሲቆዛሲኔ ኢዚ አሳሰ ኦሌዳ ማላሊሲዛ ሚሻታሰ ኢሰቲ ጎዳ ጋላቴቶ።
- 32 ኢሰቲ ኢዛ ዴሬ ዱላታን ቶቁ ቶቁ ሂሰቲቶ፤ ቃሴ ጨማታ ሺቆን ኢዛ ጋላቴቶ።
- 33 ሻፋታ ሙሌራ ሚሊሲዳሰ፤ ፑልቶቲ ፑልቶንታ ማላ ቴቂደሰ።
- 34 ሄን ዴኢዛ አሳ ኢታቴላ ጋሶን አራዳ ቢታዮ አይኮ ደሊሶንታ ማጸኔ ቢታ ኦሌዳሰ።
- 35 ኢዚ ባዞን ሃላ ኤሊሲዳሰ ሜላ ቢታን ፑልቶይ ቶቃና ማላ ኦሌዳሰ።

- 36 ጋፊዳይታ ሄን ዋሊዳሰ፤ ኢሰቲካ ባንታሰ ዴኣና ካታማ ኬጸዳ።
- 37 ኢሰቲ ባንታ ጎሻን ዜሪዳ፤ ዋይኔ ቶኪዳ፤ ዳር ካላ ሺሺዳ።
- 38 ኢዚ ኢሰታ አንጂን ኢሰቲ ኬሂ ጮራቲዳ፤ ኢሰታ ሜሄታካ ጉሊቤና።
- 39 ማቶን፣ ዋዬኒኔ ጨጨን ጸኔቲን ኢሰታ ቆዳይ ጉጸዳሰ።
- 40 ጎዳይ ሃላቃታ ካዉሺዳሰ፤ አጌይ ባይንዳ ባዞን ቶይላታና ማላ ኢሰታ ኦሌዳ።
- 41 ገደ አቲን ኢዚ ሜቶታንቻታ ኢሰታ ዋዬፕ ኬሲዳሰ፤ ደርሳ ዉዴ ማላ ጮራ ናይታካ ኢሰታሰ ኢሚዳሰ።
- 42 ሱሬ አሳቲ ሄሳ ቤኢዳ ኡፋዬቲቴሰ፤ ገደ አቲን ጌላታ ደናይ ጎርዳታና።
- 43 ኤራ አሲ ሃ ዮኦዛ ባ ዋዚናን ዋላ፤ ኢዚካ ጎዳ ማርቴላ አኬኮ።

108

ዳዊቲ ዬጸዳ ማዛሙራ

- 1 አቤት ጸሳዉ! ታ ዋዚናይ ሚኖ፤ ታኒ ኔሰ ኩሚላ ዋዚናፕ ዬጸናኔ ኔና ሳባና።
- 2 ታ ዲሊኔ ማሲንቆይ ዴንዲቲ! ታኒካ ማላደ ዋንታራ ዴንዳና።
- 3 አቤት ጎዳዉ! ታኒ ዴራ ገደን ኔና ጋላታና፤ ቃሴ ካዋቴላታ ገደን ኔሰ ሳባን ዬጸና።
- 4 ኔ ሲቆይ ገታ፤ ሳሎታፕካ አዴሰ። ኔ አማኔቴላይካ ፑዴ ሳሎ ጋኬሰ።
- 5 አቤት ጸሳዉ! ሳሎታፕ ቦላራ ቶቁ ቶቁ ጋ! ኔ ቦንቾይ ቢታ ኡባ ጋኮ።
- 6 ኔኒ ሲቂዛይቲ አታና ማላ ኔ ኡሻቻ ቄሴን ኑና አሻ፤ ታ ዋሳ ሲያ።

† 107:30 ዋዴቤ ገዛይሲ ማርካቤን አባራ ቢዛ አሳቲ አባሬ ኬዚዳ ሺምፕዛሶኔ አባን ጌላናሰ ናገዛይቲ ሺምፕዛ አባ ደናን ዲዛ ካታማ።

- 7 ጸሲ ባ ጌሻሶሆን ዲሼ፡
«ታኒ ጸናዳ
ሴኬሜ ቢታ ሻካና፤
ቃሴ ሱኮቴ ዙላ ጊሻና።
- 8 ጋላኣዳይ ታይሳ፤
ሚናሴይካ ታይሳ፤
ኤፍሬሜይ ታ ሁኤን
ዋሲዛ ቢራታ ቆቤ፤
የሁዳይ ታ ካዎቴላ ጉፊ።
- 9 ሞኣቤይ ታሰ ማቻሶ፤
ኤደሜይ ታይሳ
ጊዲዳይሳ ኤሪሳናሰ
ታኒ ታ ጫማ
ኢዛ ቦላ ዋላይሰ፤
ታኒ ፊሊሰጾሜ ጸናዳ
ጌሬራይሰ» ጊዳሰ።
- 10 ጊምቤቲዳ ካታማኮ
ታና ኦኔ ኤፋናይ?
ኤደሜ ጋካናሰ
ታና ኦኔ ካሌላናይ?
- 11 አቤት ጸሳዉ!
ኑና አጊዳይ ኔና ጊዲኪ?
ኔኒ ኑ ኦላንቻታራ
ኬዚኬ ጋዳሳ።
- 12 አሳ ማደይ ሃዳ፤
ሃሳ ጊሻሰ ኑ ሞርኬታ ቦላ
ኑሰ ጸኖ ኢማ።
- 13 ጸሲ ኑናራ ጊዲኮ
ኑኒ ሞርኬታ ጸናና፤
ኢዚ ኑ ሞርኬታ
ባ ቶሆን ዩዳና።

109

ዳዊቲ ዛማሬታ ካቦሰ ዩጲዳ ማዛሙሬ

- 1 አቤት ታኒ ጋላቲዛ ጸሳዉ!
ኔኒ ታሰ ጮኡ ጎጋ።
- 2 ኢታቲኔ ዋርዳንቻቲ ባ ዶና
ታ ቦላ ዶይዳ፤
ታ ቦላካ ዋርዶ ሃሳይዳ።
- 3 ኢሰቲ ኢጾ ቃላራ ታና ጊዶላዳ፤
ጋሶይካ ባይንዳ
ታና ኬሂ ቆሃዳ።
- 4 ታኒ ኢሰታ ሰቂሽን
ኢሰቲ ታና ሞቲዳ፤
ጊዶ ኣቲን ታ ዋሳይሰ።
- 5 ታኒ ሎኦ ኦሊን
ታሰ ኢታ ዛሪዳ፤
ታ ኢሰታ ሰቂን ታና ኢጲዳ።
- 6 ኢዛ ቦላ ኢታ ዳና ሹማ፤
ኢዛ ሞቲዛይካ
ኢዛ ኡሻቻን ኤቆ።
- 7 ፒርዳሶን ኢዚ ሞራንቻ
ጊዲ ቤቶ፤
ኢዛ ዋሳይካ
ኢዛሰ ሰሚዲ ጎሜቶ!

- 8 ኢዛ ላይሊ ቃሞ፤
ኢዛ ሹሜቴላካ ሃራይ ኤኮ!
- 9 ኢዛ ናይቲ ኣዋ ጳይዲ ዩኦቲቶ፤
ኢዛ ማቼያካ ኣሞኦ ጊዲ!
- 10 ኢዛ ናይቲ ዩዩ ዩዩዲ ዋሴቶ፤
ሃኢ ባ ዲዛ ላሌቲዳ
ኬላፊካ ጎዳቴቶ!
- 11 ኢዛ ኣቆታ ኡባ ኣጮ ኣዋይ ላቶ፤
ኢዚ ዳቡርዲ ኬሲዳ ኡባ
ኣላጋይ ቦንቆ!
- 12 ኦኒካ ኢዛ ማርፖ፤
ዋይኮ ዩኦ ጊዲዳ ናይታሰ
ቃዴቲዛይ ዶፖ!
- 13 ኢዛ ናይቲ ኡባይ ጳይቶ፤
ካሊዛ ዩሌታን
ኢዛ ሱንላ ዶጌቶ።
- 14 ኢዛ ኣዋታ ናጋራይ
ጎዳ ሰንላን ቆፊቶ፤
ኢዛ ኣዩይ ናጋራይ
ሙሌካ ቁጩቶፎ!
- 15 ኢሰታ ናጋራይ
ጎዳ ሰንላን ኡባቶ ቤቶ፤
ኢሰታ ኣኬኪሲዛ ሚሺ
ቢታ ቦላ ዶፖ።
- 16 ጋሶይካ ኢዚ ማንቁዳዳ፡፡
ሜቶቲዛዴኔ
ዋዚናይ ማዲንጲዳዳ
ሃይቃና ጋካናሰ
ጎዲዳሰ ኣቲን
ኢዛ ማራናሰ ቆፐቤና።
- 17 ኢዚ ቃንጋናሰ ዶሲዛ ጊሻሰ
ኢዚ ቃንጌቶ!
ኢዚ ኣንጃናሰ ዶሶንታ ጊሻሰ
ኢዛፔ ሃኪዳሰ!
- 18 ቃንጌላ ማይኦ ማላ ማይኢዳሰ፤
ሃላ ማላ ኢዛሰ ቦላን ጌሊዳሰ፤
ዛይቲ ማላካ
ሜቁላ ጊዶ ጌሊዳሰ።
- 19 ኣፋላ ማላ ኢዛ ካሞ፤
ሳቁ ማላ ኡባ ዋዴ
ኢዛ ጾሳን ዴኦ!
- 20 ሃይሲ ታና ሞቲዛይታሰኔ
ታ ቦላ ኢታ ሃሳይዛይታሰ
ጎዳይ ኢሚዛ ዋይቶ ጊዶ!
- 21 ጊዶ ኣቲን ኣቤት
ኡባፊ ጶቃ ጎዳዉ!
ኔ ሱንላ ጊሻሰ
ታና ሎኦ ኣይፊን ጾላ፤
ኔ ሰቆይ ሎኦ ጊዲዳ ጊሻሰ
ታና ኣሻ።
- 22 ታኒ ሃይሳኔ ሜቶታንቻ ኣሳ፤
ታ ዋዚናይ ማዲንጲዳሰ።
- 23 ታኒ ኦማርሳ ዋዴ ኩዋ ማላ
ጳያና ሃናይሰ፤
ቦሌ ማላካ ቆቆፊታዲሰ።
- 24 ጾሚሺን ታ ጉልባቲይ ዳቡርዳሰ፤

- ታ አሾይ ገልቂዲ ማቄሳ ኣተደሰ።
- 25 ታ ሞርኬታስ ታኒ ቂልጪዛ ሚሽ ገዳዲስ፤ ኢስቲ ታና ቤኢዲ ባ ቆዴ ቃሌቴስ።
- 26 ኣቤት ጎዳዉ ታ ጸሳዉ! ታና ማዳ፤ ኔ ማርና ሰቆ ማላ ታና ኣሻ።
- 27 ኣቤት ጎዳዉ! ሃይሳ ኔ ኩሺይ ኣሉዳይሳኔ ኔኒ ፖሊዳይሳ ታ ሞርኬቲ ኤሬቶ።
- 28 ኢስቲ ታና ቃንጌቴስ፤ ኔኒ ገዲኮ ታና ኣንጃሳ፤ ታ ቦላ ዳንዲዛይቲ ዬላታና፤ ገደ ኣቲን ታኒ ኔ ኣይሌይ ኡፋይታና።
- 29 ታና ሞቲዛይቲ ካዉሻቴላ ማይኤቶ፤ ባንታ ዬላካ ኩታ ማላ ቁማኤቶ።
- 30 ታኒ ታ ኣንጸርሳን ጎዳ ከሃ ጋላታና፤ ዳሮ ዳሬይ ሸቂዳ ዲላታን ኢዛ ሳባና።
- 31 ጋሶይካ ኢስታ ቦላ ሃይቆ ፐርዳ ፐርዲዛይታፔ ኣሻናሰ ማንቆታፔ ኡሻቻ ባጋራ ኢዚ ኤቄስ።

110

ዳዋቲ ማዛሙራ

- 1 ጎዳይ ታ ጎዳስ፤ «ታኒ ኔ ሞርኬታ ኔ ቶሆ ጋርሳን ዬዲሳና ጋካናስ፤ ታ ኡሻቻን ኡታ» ገደሰ።
- 2 ጎዳይ ኔስ ማታ ጉፊ ጸዮኔፔ ኪታና፤ ኔኒካ ሞርኬታ ሃራና።
- 3 ኔኒ ኔ ሞርኬታራ ኦሌቲዛ ጋላስ ኔ ኦላንቻቲ ባ ሸኔን ኔ ሚሌን ኤቃና፤ ሞንታ ማላዶ ኣዋ ማላ ጌሻቴላን ጸላሾ ኔ ናቴቴላ ኣሳይ ኔኮ ያና።
- 4 ጎዳይ፡ «ማልኬዶዳቂ ቂሴቴላ ማላ ኔኒካ ማርናስ ቂሴ ገዳና» ገዲ ጫቂደሰ፤

- ኢዚ ባ ቆፋ ላሜና።
- 5 ጎዳይ ኔ ኡሻቻን ደሰ፤ ኢዚ ባ ሃንቆ ጋላስ ካዋታ ቲንቼሬላና።
- 6 ካዋታታ ቦላ ኢዚ ፐርዳና፤ ኦላ ሞሳናታካ ኣሃ ጸላ ሂስታና፤ ሳኣን ኡባን ዲዛ ካዋታ ኢዚ ማንጫራላና።
- 7 ካዋዚ ኣጌ ላንቄን ዲዛ ሃላ ፑልቶፊ ኡዬዲ፤ ኢዚ ባ ሁኤ ቶቁ ቶቁ ሂስታና።

111

- 1 ጎዳ ጋላቲቴ! ሱሬታ ሸቆኒኔ ዳሬ ዲላታን ታኒ ኩማላ ሞዚናፔ ጎዳ ጋላታና።
- 2 ጎዳ ኦሶቲ ኣይ ኬና ገታ! ኢስታን ኡፋይቲዛይቲ ኡባይ ኢስቲ ዩሺ ቆፓናስ ቤሴስ።
- 3 ኢዛ ኦሶቲ ቦንቸኒኔ ቲማን ኩሚዳይታ፤ ኢዛ ጸሎቴላካ ማርናስ ደስ።
- 4 ኢዚ ባ ማላሊሲዛ ኦሶታ ሃሳኤታና ማላ ኣሉደስ። ኢዚ ኪያኔ ማሪዛ ጎዳ።
- 5 ባስ ያዩዛይታስ ካላ ኢሜስ፤ ባ ጫቆ ቃላካ ማርናስ ቆፔስ።
- 6 ኣላጋታ ቢታ ባ ዳራሰ ኢሚዲ ባ ሚኖ ኦሶዛ ባ ካዋታላ ቤሲደስ።
- 7 ኢዛ ኦሶቲ ቲማኔ ሱሬ፤ ኢዛ ሞጋቲካ ኡባይ ኣማኔቲዛይታ።
- 8 ኢስቲ ማርናስ ኤቂ ዳኢዛይታ፤ ቲማቴላኒኔ ሱሬቴላን ኢሜቲዳ።
- 9 ኢዚ ባ ኣሳስ ኣቶቴላ ኢሚደስ፤ ባ ጫቆ ቃላካ ኢስታስ ማርናስ ኣዛዚደስ፤ ኢዛ ሱንላ ጌሺኔ ያሺሲዛዛ።
- 10 ኣቶ ኤራቴላስ ኮይርይ ጎዳስ ያሻቴላ፤ ኢዛ ኣዛዞ ኣሉዛይታስ ሎኦ ኣኬካይ ደስ። ጎዳይ ማርናስ ጋላቴቶ!

112

- 1 ጎዳይ ጋላቴቶ! ጎዳስ ያዩዛ ኣሲ።

109:25 ማቶ 27:39፤ ማር 15:29 110:1 ማቶ 22:44፤ ማር 12:36፤ ሉቃ 20:42-43፤ ሃዋ 2:34-35፤ 1ቆር 15:25፤ ኤፌ 1:20-22፤ ቆላ 3:1፤ ኢብ 1:13፤ 8:1፤ 10:12-13 110:4 ኢብ 5:6፤ 6:20፤ 7:17፤21 111:10 ኢዮ 28:28፤ ሉሚ 1:7፤ 9:10

ኢዛ አዛዘታካ ፖላናሰ
ኡፋዬቲዛ አሲ አንጃቲዳይሳ።

- 2 ኢዛ ናይቲ ቢታን ዋልቃማ ጊዳና፤
ሱሬ አሳታ ዩሌታይ አንጃታና።
- 3 አቆታይኔ ዲሬቴላ
ኢዛ ኬላን ዳሰ፤
ኢዛ ጸሎቴላይካ
ሜርናሰ ዳኣና።
- 4 ኪያ፣ ቃጴቲዛኔ ጸሎ ኦሊዛ
ሱሬ አሳሰ ቋማ ጊዳን
ፖኦይ ፖኦሰ።
- 5 ኪያቴላን ጮ ታልኢዛ አሳሰ፣
ባ ኦሶ ሱሬቴላን ኦሊዛ
አሳሰ ዳኦይ ኢንጃታና።
- 6 ጸሎ አሲ አዉዴኔ ኩንዳና፤
ሜርናሰ ኢዚ ሃሳኤቲሼ ዳኣና።
- 7 ኢታ ሚሺ ኢዛ ዳጋንሌና፤
አይሰ ገዦ ኢዛ ዋዚናይ ሂርጌና፤
ጎዳን አማኔቴሰ።
- 8 ኢዛ ዋዚናይ ሚና፤
ሙሌካ ያዬና፤
ወርሴላን ባ ሞርኬታ
ኩንዳላ ኢዚ ቤኣና።
- 9 ኢዚ ሂዩሳታሰ ኪያቴላን ኢሜሰ፤
ቃሴ ኢዛ ጸሎቴላይ
ሜርናሰ ዳሰ፤
ኢዛ ካጩይ ቦንቸን
ጶቁ ጶቁ ጋና።
- 10 ኢታ አሲ ሄሳ ቤኢዲ ዩሎቴሰ፤
ባ ኣቻ ጋርጨሼ
ጮ ገልቁ ቆዩሰ፤
ኢታታ አሞይ ሃዳ ጊዳና።

113

- 1 ጎዳይ ጋላቴቶ!
ኢንቴኖ ጎዳ ኦሳንቻቶ!
ጎዳ ጋላቴቴ!
ኢዛ ሱንላካ ሳቢቴ!
- 2 ጎዳ ሱንላ ሃቺፌ
ሜርና ጋካናሰ ጋላቴቶ!
- 3 አርሼይ ሞኪዛሶፕ ቢዲ
ወሊዛሶ ጋካናሰካ
ጎዳ ሱንላ ጋላቴቶ!
- 4 ጎዳይ ካዎቴላታ ኡባፌ ጊታ፤
ኢዛ ቦንቸይካ
ሳሎታፕ ጶቃ።
- 5 ጎዳ ኑ ጸሳ ማላይ ኦኔ?
ኢዚ ቦላ ጶቃን
ካዎቴላ አራታን ኡቴዳሰ።
- 6 ኢዚ ሳሎታንኔ
ሳኣን ዲዛይታ ዲጌ ጸሌሰ።
- 7 ኢዚ ሂዩሳ ጉዲላፌ
ጶቁ ጶቁ ሂሰቴሰ፤

ሜቶታንቻካ
ቢዲንላፌ ዳንሌሰ።
8 ሂሰቴዲ ኢሰታ ጊታ አሳታራኔ
ዳሬ ሹሜታራ ኢሲፌ ኡቴሴሰ፤
9 ማይኔዮ ናይታ አዮ ኦሌሰ፤
ቦንቸዲካ ኢዚሰን
ኢዛ ኡፋይሳን ዋሌሰ፤
ጎዳይ ጋላቴቶ!

114

- 1 ኢሰራኤሌ አሳይ
ጊብጾ ቢታፌ ኬዚዳ ዋዳ፣
ያቆቤ ዜሬላይ
አላጋ ቃላ ሃሳይዛ ቢታፌ
ዩጊዲ ቢዳ ዋዳ፣
- 2 ዩሁዳ አሳይ ጸሳሰ
ጌሻ አሰ ጊዲዳሰ፤
ኢሰራኤሌ አሳይካ
ኢዛሰ ሃሬቴዳሰ።
- 3 ዘኦ አባይ ሄሳ ቤኢዲ ባቃቴዳሰ፤
ዮርዳኖሴ ሻፋይካ
ጉዬ ሰሚዳሰ።
- 4 ዙማቲ ቆርሾ ማላ ጉፌሬቴዳ፤
ዙሞቡላቲካ
ዶርሳ ላቃ ማላ ዲኪዳ።
- 5 አባዘ! ኔ አይሰ ባቃታዲ?
ዮርዳኖሴ ሻፋዘ!
አይሰ ጉዬ ሰሚዲ?
6 ኢንቴኖ ዙማቶ!
ቆርሾ ማላ አይሰ ጉፒዳቴ?
ኢንቴኖ ዙሞቡላቶ!
ዶርሳ ላቃ ማላ አይሰ ዲኪዳቴ?
- 7 ሃኔ ቢታዬ! ጎዳ ሲንላን
ያቆቤ ጸሳ
ሲንላን ኮኮራ።
- 8 ኢዚ ዛላ ኤሌ ሃላ ኬሲዳሰ፤
ዋልቃማ ዛላ ፑልቶ ሃላ ኬሲዳሰ።

115

- 1 አቤት ጎዳዉ!
ኑ ጊሻሰ ጊዳንታ
ኔ ሲቆ ጊሻሲኔ
ኔ አማኔቴላ ጊሻሰ
ኔ ሱንላ ቦንቻ።
- 2 ካዎቴላቲ አይሰ፣
«ኢሰታ ጸሰ አዋን ዲዜ?» ጊዘ?
- 3 ኑ ጸሳይ ሳሎን ዳሰ፤
ኢዚ ባ ዶሲዳይሳ ኡባ ኦሌሰ።
- 4 ጊዳ አቲን ኢሰታ ኤቃ ጸሳቴ
ቢራፔኔ ዋርቃፌ
አሳ ኩሼን ኦሴቴዳይታ።
- 5 ኢሰታሰ ዶናይ ዳሰ ሺን

ሃሳዬቴና፤
 አይፊይካ ዳሰ ሺን ዳሜቴና።
 6 ኢሰታሰ ሃይሌ ዳሰ ሺን ሲዬቴና፤
 ሲደይካ ዳሰ ሺን ሲንገቴና።
 7 ኢሰታሰ ኩሼይ ዳሰ ሺን
 ቦቹቴና፤
 ቶሆይካ ዳሰ ሺን
 ሄሜቴቴና፤
 ኢሰታ ፖራንዳይ
 ጨንጉርሰ ኬሴና።
 8 ኢሰታ ሜዲዛይቴኔ
 ኢሰታን አማኔቴዛይቴ
 ኡባይ ኢሰታ ማላ ገዳቶ።
 9 እንቴኖ ኢሰራኤሌ አሳቶ!
 ጎዳን አማኔቴቴ!
 ኢዚ እንቴሰ ጎንዳሌኔ
 እንቴና ማዲዛይ።
 10 እንቴኖ አርኔ ዜሬላቶ!
 ጎዳን አማኔቴቴ!
 ኢዚ እንቴሰ ጎንዳሌኔ
 እንቴና ማዲዛይ።
 11 እንቴኖ ጎዳሰ ያዪዛይቶ!
 ጎዳን አማኔቴቴ!
 ኢዚ እንቴሰ ጎንዳሌኔ
 እንቴና ማዲዛይ።
 12 ጎዳይ ኦሰ ቆፔሰ፤
 ኢዚ ኦና አንጃና፤
 ኢዚ ኢሰራኤሌ አሳታኔ
 አርኔ ዜሬላታካ አንጃና።
 13 ጎዳሰ ያዪዛይታ ኡባ
 ጉሐ ገዲን ገታ ኢዚ አንጃና።
 14 ጎዳይ እንቴናካ
 እንቴ ናይታካ ዳሪሶ!
 15 ሳሎኔ ሳኦ ሜዲዳ
 ጎዳይ እንቴና አንጃ!
 16 ሳሎቴ ጸሳሳ፤
 ገደ አቴን ሳኦ
 አሳ ናይታሰ አሚዳሰ።
 17 ሃይቁዲ ዲጌ ዲፎን ጌሊዳይቴ
 ጎዳ ጋላታናሰ
 ዳንዳዬቴና።
 18 ገደ አቴን ኮኒ
 ሼምፖራ ፓጸ ዲዛይቴ
 ሃቺፊ ደሚዲ
 ሜርና ጋካናሰ
 ጎዳ ጋላታና።
 ጎዳይ ጋላቴቶ!

116

1 ኢዚ ታ ሾባ
 ዋሲዛ ዋሳ
 ሲዩዳ ገሻሰ

ታኒ ጎዳ ደሳይሰ።
 2 ኢዚ ባ ሃይሌ
 ታኮ ዩገዳ ገሻሰ
 ታኒ ዳኢዛ ዋዳ ኡባን
 ኢዛ ጸይጋና።
 3 ሃይቆይ ዋጸማዴ ማላ
 ታና ደዲ ኦይኪዳሰ፤
 ዲፎን ጌሎይ ታና ሂርገሲዳሰ።
 ጨጨይኔ ኦንኦይ
 ታና ቶሊ ኦይኪዳሰ።
 4 ሄ ዋዳ ታኒ፥
 «አቤት ጎዳዉ! ሃደራ!
 ታና አሻ» ጋዳ
 ጎዳ ሱንሐ ጸይጋዲሰ።
 5 ጎዳይ ኪያኔ ጸሎ፤
 ኦ ጸሳይ ማሪዛይሳ።
 6 ጎዳይ አሽኬታ ናጌሰ፤
 ታኒ ማቶቴዳ ዋዳ
 ኢዚ ታና አሺዳሰ።
 7 ታ ሼምፖዬ ኦኔ ዋፑ ጋ፤
 ጎዳይ ኔሰ
 ሎኦ ሚሽ ኦሊዳሰ።
 8 ጎዳይ ታና ሃይቆፔ፥
 ታ አይፊ አፋንላፊ፥
 ታ ቶሆካ
 ቆጵጵ አሺዳሰ።
 9 ሄሳ ገሻሰ
 ታኒ ጎዳ ሲንላን
 ሼምፖራ ፓጸ ዲዛይታ
 ገደን ሄሜታይሰ።
 10 ታ፥ «ታኒ ኬሃ ኡንኤታዲሰ»
 ገዛ ዋዳካ
 አማኖ አጋቤኬ።
 11 ታሰ ገዛዚ ቆዩን፥
 «አሲ ኡባይ ዋርዶ» ጋዲሰ።
 12 ኢዚ ታሰ ኪዩዳ ኪያቴላ ገሻሰ
 ታኒ ጎዳሰ
 አይ ቃንጸናሰ ዳንዳያዘና?
 13 ጎዳይ ታና አሺዳ ገሻሰ
 ዋይኔ ኡሹ ጋላታሰ ሺሻዳ
 ኢዛ ሱንሐ ጸይጋና።
 14 ኢዛ ዳራ ኡባ ሲንላን
 ታኒ አዲኒዳ አዲና
 ጎዳሰ ጋላና።
 15 ጌሻታ ሃይቆይ
 ጎዳ ሲንላን ቦንቾ።
 16 አቤት ጎዳዉ! ታኒ ኔ አይሌ፤
 ታኒ ኔ አይሌይ ና፤
 ታና ቃሾፔ ቢርሻዳሳ።
 17 አቤት ጎዳዉ!

ታኒ ጋላታ ያርሾ ኔሰ ያርሻና፤
 ሂሰታዳ ኔ ሱንሳ ጸይጋና።
 18 ኢዛ ዴራ ኡባ ሲንሳን
 ታኒ ኣዲኔተዳ ኣዲና
 ጎዳሰ ጋላና።
 19 ሄሳካ ታኒ ጋላናይ፤
 ዬሩሳላሜን ዲዛ ጎዳ
 ኬላ ዳባባና።
 ጎዳይ ጋላቴቶ!

117

1 ካዎቴላቴ ኡባይ
 ጎዳ ጋላቴቴ!
 ኡባ ኣሳይ ኢዛ ጋላታን ሳቢቴ!
 2 ኣይሰ ገኮ ኢዚ ባ ገታ ሰቆ
 ኑና ቤሲዳሰ፤
 ኢዛ ኣማኔቴላይካ
 ሜርናሳ፤
 ጎዳይ ጋላቴቶ!

118

1 ኢዚ ኪያኔ ኢዛ ሰቆይ
 ሜርናሰ ገዲዳ ገሻሰ
 ጎዳ ጋላቴቴ!
 2 ኢሰራኤሌ ኣሳይ፤
 «ኢዛ ሰቆይ ሜርናሳ» ጎ።
 3 ኣርኔ ዜሬላቴ፤
 «ኢዛ ሰቆይ ሜርናሳ» ጌቶ።
 4 ጎዳሰ ያዩዛይቴ ኡባይ፤
 «ኢዛ ሰቆይ ሜርናሳ» ጌቶ።
 5 ታኒ ኡንኤተዳ ዎዳ
 ጎዳኮ ዋሳዲሰ፤
 ሂሰቲን ኢዚ ታ ዋሶዛ ኣሊዲ
 ታና ኡንኤፌ ኬሲዳሰ።
 6 ጎዳይ ታናራ ዲዛ ገሻሰ
 ታኒ ያዩኬ።
 ኣሲ ታና ኣይ ኦላኔ?
 7 ጎዳይ ታና ማዳናሰ
 ታናራ ዳሰ፤
 ታ ሞርኬታ ጸኔቴላ
 ታኒ ኣይፌን ቤኣና።
 8 ኣሳን ኣማኔቴላፌ
 ጎዳን ኣማኔቴላይ ሎኦ።
 9 ዳናታን ኣማኔቴላፌ
 ጎዳን ኣማኔቴላይ ሎኦ።
 10 ካዎቴላቴ ኡባይ
 ታና ደዲዳ፤
 ገደ ኣቲን ጎዳ ሱንሳን
 ታኒ ኢሰታ ጸናዲሰ።
 11 ኢሰቲ ታና ኡባሶራ

ደዲ ኦይኪዳ፤
 ገደ ኣቲን ጎዳ ሱንሳን
 ታኒ ኢሰታ ጸናዲሰ።
 12 ኢሰቲ ታና
 ማሊ ደዲዛ ማላ ደዲዳ፤
 ገደ ኣቲን ኣጉንሊ
 ኤጲዛ ማላ
 ኤጲ ጳይዳ፤
 ጎዳ ሱንሳን
 ታኒ ኢሰታ ጸናዲሰ።

13 ታና ሱጊን ኩንዳናሰ
 ጋንዲጋራዲሰ፤
 ገደ ኣቲን ጎዳይ
 ታና ማዲዳሰ።
 14 ጎዳይ ታሰ
 ሚኖቴሊኔ ዩላ፤
 ታና ኣሺዛይ ኢዛ።
 15 ጲሎታ ዲንካኔ ገደን
 ጸኖ ኢሊሊሲኔ
 ኡፋይሳ ዩሊ፤
 «ጎዳ ኡሻቻ ኩሼይ
 ዎልቃማ ሚሽ
 ኦሊዳሰ!» ገሼ ሴቴቴሰ።
 16 ጎዳ ኡሻቻ ኩሼይ
 ጶቁ ጶቁ ገዳሰ!
 ጎዳ ኡሻቻ ኩሼይ
 ዎልቃማ ሚሽ ኦሊዳሰ።
 17 ታኒ ሃይቁኬ
 ሼምፖራ ፓጻ ዳኣና፤
 ጎዳይ ኦሊዳ ኣሶ
 ቡሮፔካ ኣዎጃና።
 18 ጎዳይ ታና ኬሂ ቃጸይዳሰ፤
 ገደ ኣቲን ሃይቆሰ
 ኣሊ ኢሚቤና።
 19 ታኒ ገደ ጌላዳ
 ጎዳ ጋላታና ማላ
 ጲሎቴላ ፔንጌታ
 ኣኔ ታሰ ደይቴ!
 20 ሃይሲ ጎዳ ፔንጌ፤
 ኢዛራ ጲሎቴ ጸላ ጌላና።
 21 ኔኒ ታሰ ሲዩዳ ገሻሲኔ
 ጸኖ ኢሚዳ ገሻሰ
 ታኒ ኔና ጋላታይሰ።
 22 ገምቢዛይቴ ካጲዲ
 ኢጲዳ ሹቻይ
 ጉላሰ ሁኣን ዎሊዛ
 ሹቶ ገዲዳሰ።
 23 ሃይሲካ ጎዳ ኦሶ፤
 ቃሴ ኑ ኣይፌሲካ
 ማላሊሲዛ ሚሻ።
 24 ሃይሲ ጋላሳይ
 ጎዳይ ኦሊዳ ጋላሳ፤

117:1 ኦር 15:11 118:1 1ታሪ 16:34፤ 2ታሪ 5:13፤ 7:3፤ ኢዝ 3:11፤ ማዛ 100:5፤ 106:1፤ 107:1፤ 136:1፤ ኤር 33:11 118:6
 ኢብ 13:6 118:14 ኬሳ 15:2፤ ኣሳ 12:2 118:22 ሉቃ 20:17፤ ሃዎ 4:11፤ 1ጴጵ 2:7 118:23 ማቶ 21:42፤ ማር 12:10-11

አኔ ኑኒ ኢዛን
ኡፋዬቶሲኔ ኢሊሎሰ።

25 አቤት ጎዳዉ!
ሃኢ ኑና አሻርኪ!
አቤት ጎዳዉ!
ሃኢ ኑሰ ኢንጃሳርኪ!

26 ጎዳ ሱንላን ዩዛ አሲ
አንጃቲዳይሳ ጊዶ!
ኑኒ ጎዳ ኬላን
አንቴና አንጃሰ።

27 ጎዳይ ጸሳ፤
ኢዚ ኑሰ ፖኢሲዳሰ፤
ጨለላ ሚላ ሃጋታ ኦይኪቴ፤
ያርሾ ያርሺዛሶዛ ቦላ ዲዛ
ካጩታኮ ጋካናሰ ኬዚቴ፤
ባኣሌ ቦንቸቴ።

28 ኔኒ ታ ጸሳ፤
ታኒ ኔና ጋላታና፤
ኔኒ ታ ጸሳ፤
ታኒ ኔና ጊታሳና።

29 ኢዚ ኪያ ጊዲዳ ጊሻሰ
ጎዳ ጋላቲቴ!
ኢዛ ሲቆይ ሜርናሳ።

119

አሌፌ

1 ባንታ ኦጌን ቦሬይ ባይንዳይቲኔ
ጎዳ ዋጋ ማላ
ሄሜቲዛይቲ አንጃቲዳይታ።

2 ኢዚ የቲዳይሳ አላዛይቲኔ
ባ ኩሚላ ዋዚናፔ
ኢዛ ኮይዛይቲ አንጃቲዳይታ።

3 ኢሰቲ ማካላ ሚሽ አሌቴና፤
ጎዳ ኦጌን ሄሜቲቴሰ።

4 ኔ ዋጋ አማኔቲዲ
ናጋና ማላ
ኔኒ ኑና አዛዛዳሳ።

5 ኔ ዋሊዳ ዋጋ ናጋናሰ
ታ ኦጌይ ሚናና ማላ
ታ አሞታይሰ።

6 ኔ አዛዘታ ኡባ
ታ ሎኤላ አኬኪኮ
ሙሌካ ዩላቲኬ።

7 ኔ ዲሎ ፐርዳ ታኒ ታማርዳ ኬና
ሱሬ ዋዚናፔ ኔና ጋላታና።

8 ታኒ ኔ ዋሊዳ ማራታ ናጋና፤
ታና ሙሌካ ዩጎፋ።

ቤቴ

9 ናቴሊ ባ ኦጌ ጌሻቴላን
ዋሰቲ ናጋናሰ ዳንዳይዜ?
ኔ ቃላይ ጊዛ ማላ

ዳኢኮ ዳንዳይሰ።

10 ታኒ ታ ኩሚላ ዋዚናፔ
ኔና ኮያይሰ፤
ኔ አዛዘታፔ ካሬ ኬዘንታ ማላ
ታና ናጋ።

11 ታኒ ኔ ቦላ
ናጋራ ኦሎንታ ማላ
ኔ ቃላ ታ ዋዚናን ቆታዲሰ።

12 አቤት ጎዳዉ! ኔኒ ጋላቲታ!
ኔ ማራ ታና ታማርሳ።

13 ኔ ዶናፔ ኬዚዛ ማራ ኡባ
ታኒ ታ ኢንጃርሳን የታይሰ።

14 አሲ ባ ዱሬቴላን ኡፋዬቲዛ ማላ
ታኒ ኔኒ ኢሚዳ ማራ
ካላሼ ኡፋዬታይሰ።

15 ኔ ዋሊዳ ዋጋታ
ዩሻ ቆጋይሰ፤
ታ ዋዚናካ
ኔ ኦጌታን ዋላዲሰ።

16 ኔ አዋጃይ ታና ኡፋይሰ፤
ኔ ቃላካ ታኒ ዶጊኬ።
ጋሚል

17 ታኒ ሼምፖራ ፓጸ
ዳኣና ማላኔ
ኔ ቃላሰ አዛዜታና ማላ።
ታሰ ኔ አይሌሰ ሎኦ ሚሽ ኦላ።

18 ኔ ዋጋ ጊዶን ዲዛ
ማላሊሲዛ ቱማቴላ
ታኒ ቤኣና ማላ ታ አይፌ ዶያ።

19 ታኒ ሃ ሳኣን ኢማላ፤
ኔ አዛዘታ ታፔ ጌንላፋ።

20 ታ ሼምፖያ ኡባ ዋዶ
ኔ ማራ ዳማናሰ
ኬሃ ላሞታዲሰ።

21 ኔ አዛዘዛፔ ካሬ ኬዚዛይታ፤
ኦቶሬቲዛይታኔ ቃንጌቲዛይታ
ኔኒ ሴራሳ።

22 ታ ኔኒ የቲዳይሳ
ናጊዳ ጊሻሰ
ኢሰታ ጫሻኔ ካዴዛ
ታ ቦላፌ ዲጋ።

23 ዳሬ ካሌሊዛይቲ ኡባቲ
ታ ቦላ ማቆቲኮካ
ታኒ ኔ አይሌይ
ኔ አዋጃታ ዩሻ ቆጋና።

24 ኔ ማርካቴላቲ
ታና ኡፋይሰ፤
ኢሰቲካ ታና ዘሬቴሰ።
ዳሌጾ

25 ታ ሼምፖይ ኬዛና ሃኔሰ፤
ኔኒ ጊዳ ቃላ ማላ ታና ኣሻ።

26 ታኒ ታ ኦጌ ኡባ
ኔሰ ቆንጨሳዲሰ፤

ኔኒ ታሰ ሲያዳሳ፤
 ኔ አዋጃታ ታና ታማርሳ።
 27 ኔ ማራ ታና አኬኪሳ፤
 ማላሊሲዛ ኔ ኦሶ
 ታ ዩሻ ቆጋና።
 28 ታ ሸምፖፖ ጨጨይ
 ዳሪዳ ጊሻሰ ዳቡራዲሰ፤
 ኔኒ ጊዳ ቃላ ማላ ታና ሚንላ።
 29 ባሌሊዛ ኦጌ ታፔ ሃሳ፤
 ኔ ኪያቴላን
 ኔ ዋጋ ታና ታማርሳ።
 30 ታኒ ቱማ ኦጌ ደራዲሰ፤
 ኔ ዋጋካ
 ታ ዋዚናን ዋላዲሰ።
 31 አቤት ጎዳዉ!
 ታኒ ኔ የቲዳይሳ
 ሚንላ ኦይካዲሰ፤
 ኔ ታና ዩላሰ አላ አሞፋ።
 32 ኔኒ ታ ዋዚና አሲዳ ጊሻሰ
 ታኒ ኔ አዛዞ ኦጌን ዋጻይሰ።
 ሄ
 33 አቤት ጎዳዉ!
 ኔ አዋጃታ ታና ታማርሳ፤
 ታኒ ወርሴላ ጋካናሰ
 ኢዛ ናጋና።
 34 ታኒ ኔ ዋጋ ናጋና ማላኔ
 ኩሚላ ዋዚናፔ
 ኢዛሰ አዛዜታና ማላ
 ኔኒ ታሰ አኬካ ኢማ።
 35 ኔ አዛዞይ ታና ኡፋይሴሰ፤
 ሄሳ ጊሻሰ ኔ ኦጌን
 ታና ካሌላ።
 36 ታ ዋዚና ቤሶንታ ጎአሰ ጊደንታ
 ኔ ማራ ፖላና ማላ ዛራ።
 37 ፓሎንታ ሚሽ ጸሎንታ ማላ
 ታ ኦይፌታ ናጋ፤
 ኔ ቃላ ማላ ታ ዴኦ ኦራዲሳ።
 38 ኔሰ ያያና ማላ
 ኔ ጌሊዳ ቃላ
 ታሰ ኔ አይሌዛሰ ፖላ።
 39 ኔ ፒርዳይ ሱሬ ጊዲዳ ጊሻሰ
 ታኒ ያዪዛ ካወሻቴላፌ
 ታና ናጋ።
 40 ታኒ ኔ ዋጋ ናጋናዉ አሞታይሰ፤
 ኔኒ ጸሎቴላን
 ታ ዴኦ ኦራዲሳ።
 ዋው
 41 አቤት ጎዳዉ!
 ኔ ሜርና ሲቆይ ታኮ ሃ የ፤
 ኔኒ ጊዳ ቃላ ማላ ታና አሻ።
 42 ታኒ ኔ ቃላን አማኔታይሰ፤
 ታና ጫዪዛይታሰካ
 ታኒ ዛር ኢማና።
 43 ታኒ ኔ ዋጋን ሂደታ ኦላዲሰ፤
 ቱማ ቃላ

ታ ደናፔ ዳይሶፋ።
 44 ታኒ ሜሪ ሜርናሰካ
 ኔ ዋጋሰ ኡባ ዋይ አዛዜታና።
 45 ታኒ ኔ ዋጋ ሲቁዛ ጊሻሰ
 ላኦን ሲሜሬታና።
 46 ታኒ ካዋታ ሲንላን ኤቃዳ
 ኔኒ የቲዳይሳ
 የታሼ ዩላቴኬ።
 47 ታኒ ኔ አዛዞታ ደሳይሰ፤
 ኢሰታንካ ኡፋይታይሰ።
 48 ታኒ ሲቁዛ ኔ አዛዞታ ቦንቻይሰ፤
 ኔ አዋጃታ ዩሻ ቆጋና።
 ዛይ
 49 ኔኒ ታሰ ኔ አይሌዛሰ
 ኢሚዳ ቃላ ቆጋ፤
 ሄሳ ጊሻሰ ታኒ ሄ ቃላን
 ሂደታ ኦላይሰ።
 50 ኔ ቃላይ ታሰ ዴኦ ኢሚዳሰ፤
 ሄሲ ሚቶ ዋይ
 ታና ሚንሌሴሰ።
 51 ኦቶራንቻቲ ታና ኬሂ ካዲዳ፤
 ጊደ ኣቲን ታኒ
 ኔ ዋጋፔ ሸርኢ ጊኬ።
 52 አቤት ጎዳዉ!
 ቤኒሶፌ ዲዛ ኔ ዋጋ
 ታኒ ቆጋዲሰ፤
 ሄሳን ታኒ ሚኔታይሰ።
 53 ኢታቲ ኔ ዋጋሰ አዛዜቶንታይሳ
 ቤኦዳ ኬሂ ሃንቁታዲሰ።
 54 ታኒ አማላቴላን
 ዴኢዛ ቢታን
 ኔ ዋጋይ ታሰ ማዛሙሬ ጊዲዳሰ።
 55 አቤት ጎዳዉ!
 ታኒ ጊደላ
 ኔ ሰንላ ቆጋይሰ፤
 ኔ ዋጋካ ናጋይሰ።
 56 ታ ኔ ዋጋሰ አዛዜታና፤
 ሄሲ ታሰ ኦሶ ጊዲዳሰ።
 ሄት
 57 አቤት ጎዳዉ!
 ታ ቃዳይ ኔና፤
 ታኒ ኔ ቃላሰ
 አዛዜታናሰ ቃቻዲሰ።
 58 ታኒ ኩሚላ ዋዚናፔ
 ኔና ኮያይሰ፤
 ኔኒ ጊዳ ቃላ ማላ
 ታሰ ቃዴታ።
 59 ታኒ ታ ኦጌ ጸሞሳ ጸላዲሰ፤
 ኔ ማራ ካላናሰ ሲማዲሰ።
 60 ታኒ ኔ አዛዞ ናጋናሰ
 ኤሶታናፔ ኣቲን ታኪኬ።
 61 ኢታቲ ታና ኦይካና ጊቱ ዩጊዳ፤
 ታኒ ጊዲኮ
 ኔ ዋጋ ደጋቤኬ።

62 ኔ ጸሎ ዋጋ ገሻሰ ታ ኔና
 ጋላታናሰ ገደል ዳንዳይሰ።
 63 ታኒ ኔሰ ያዩዛይታ ኡባሰኔ
 ኔ ዋጋ ናገዛይታሰ ላኔ።
 64 አቤት ጎዳዉ!
 ሳአይ ኔ ማርና ሲቆን ኩሚዳሰ፤
 ኔ አዋጃታ ታና ታማርሳ።
 ጾት

65 አቤት ጎዳዉ!
 ኔ ገዳ ቃላ ማላ
 ታሰ ኔ አይሌዛሰ ሎኦ ኦላዳሳ።
 66 ታኒ ኔ አዛዘታ አማናይሰ፤
 ሎኦ ፒርዳኔ
 ኤራቴላ ታና ታማርሳ።
 67 ታ ቃጸዬታናፔ ካሴ
 ኔ ዋጋፔ ካሬ ኬዛዲሰ፤
 ሃኢ ታኒ ኔ ቃላሰ አዛዘታና።
 68 ኔኒ ሎኦ፤ ኔ ኦሶይካ ሎኦ፤
 ሄሳ ገሻሰ ኔ አዋጃታ
 ታና ታማርሳ።

69 ኦቶራንቻቲ ታ ሱንላ
 ዋርዶራ ሞሪዳ፤
 ገደ አቲን ታኒ ኔ ዋጋ
 ታ ኩሚላ ዋዚናፔ
 ናጋይሰ።
 70 ኢሰታ ዋዚናይ ሙሌካ ዳሚዳሰ፤
 ገደ አቲን ታኒ
 ኔ ዋጋን ኡፋዬታይሰ።
 71 ታኒ ቃጸዬታዳይሰ
 ታሰ ሎኦ ገዲዳሰ፤
 ኔ ዋጋ ታማራና ማላ
 ታና ማዲዳሰ።
 72 ዳር ሺ ቢራፔኔ ዋርቃፌ
 ኔ ደናፔ ኬኢዳ ዋጋይ
 ታሰ አዴሰ።
 ዮድ

73 ታና ኔ ኩሺይ
 ማዲዳሰኔ ገግሲዳሰ፤
 ኔ አዛዘ ታኒ ታማራና ማላ
 ታሰ አኬካ አማ።
 74 ታኒ ኔ ቃላ ሂደታ ኦላዲሰ፤
 ሄሳ ገሻሰ ኔሰ ያዩዛይቲ
 ታና ቤኢዲ ኡፋዬታቶ።
 75 አቤት ጎዳዉ!
 ኔ ፒርዳይ ጸሎ ገዲዳይሳኔ
 ኔኒ ታና ቃጸይዳይ
 አማኔቴላን ገዲዳይሳ
 ታኒ ኤራይሰ።
 76 ኔኒ ታሰ ኔ አይሌዛሰ
 ገሊዳ ቃላ ማላ
 ኔ ማርና ሲቆይ
 ታና ሚንሌላ።
 77 ኔ ዋጋይ ታና ኡፋይሲዛ ገሻሰ
 ታኒ ሽምፖራ
 ፓጸ ዳኦና ማላ

ታሰ ቃዴታ።
 78 ኦቶራንቻቲ ታና ዋርዶን
 ሞቲዛ ገሻሰ ዬላቴቶ።
 ታኒ ገዲኮ ኔ ዋጋታ
 ዩሻ ቆፓይሰ።
 79 ኔሰ ያዩዛይቲኔ
 ኔ አዛዘ ኤሪዛይቲ ኡባይ
 ሃ ታኩ ሲሚቶ።
 80 ታኒ ዬላቶንታ ማላ
 ኔ ማራን ታ ዋዚናይ
 ቦሬይ ባይንዳዝ ገደ።
 ካፍ

81 ኔ ታና አሻና ማላ
 ታ ሽምፖያ ኬሃ ላሞታዲሰ፤
 ታኒካ ኔ ቃላ
 ሂደታ ኦላዲሰ።
 82 «አይዳ ታና ሚንሌላንዳሻ?»
 ጉሳን ኔ አሚዳ
 ሂደታ ቃላ ታ ናገሺን
 ታ አይፊይ ደልጂሚዳሰ።
 83 ጩዋን ካቂዳ
 ሉካሞ ማላ ገዲዳሰ፤
 ገዲኮካ ኔ አዋጃታ
 ባላቤኬ።

84 ታኒ ኔ አይሌይ
 አዉዳ ጋካናሰ ዳኔ?
 ታና ዬዳሊዛይታ ቦላ
 ኔኒ አዉዳ ፒርዳኔ?
 85 ኔ ዋጋ ናጎንታ ኦቶራንቻቲ
 ታና ዳይሳናሰ
 ኦላ ቦኬቴሰ።
 86 ኔ አዛዘቲ ኡባይ አማኔቲዛይታ፤
 አሳይ ጋሶይ ባይንዳ
 ዬዳሊዛ ገሻሰ
 ታና ማዳ!
 87 ኢሰቲ ታና
 ቢታፌ ዳይሳና ጋኪዳ፤
 ገደ አቲን ታኒ
 ኔ ዋጋ አጋቤኬ።
 88 ኔ ማርና ሲቆን
 ታ ዳኦ ኦራዲሳ፤
 ታኒካ ኔ አዛዘታ ናጋና።
 ላሚድ

89 አቤት ጎዳዉ!
 ኔ ቃላይ ማርናሳ፤
 ኢዚካ ሳሎን ሚኒ ዳሰ።
 90 ኔ አማኔቴላይ ዬሌታፔ
 ዬሌታ ጋካናሰ ዳሰ፤
 ኔኒ ሳኦን ዮቻ ዬጋዳሳ፤
 ኢዚካ ሚኒዲ ዳሰ።
 91 ኔኒ ገዳ ማላ ኡባይካ
 ሃቶ ጋካናሰ ሚኒዲ ዳሰ፤
 አይሰ ገኩ ኡባቲካ
 ኔ አይሌታ።
 92 ታ ማቶቲዳ ዋዳ

- ጳያይቻና ሺን
 ኔ ዋጋይ ታሰ ኡፋይሰ ጊዲዴሰ።

93 ኔ አዛዘቲ ታና ሹምፖራ
 ፓጻ ዋሊዳ ገሻሰ
 ታኒ ሙሉካ ኢሰታ ደጊኬ።

94 ታኒ ኔሳ፤
 ታና አሻርኪ!
 ታኒ ዋጋ ናጋናዉ ኮያይሰ።

95 ኢታቲ ታና ጳይሳናዉ
 ዛማዲዲ ናጌቴሰ፤
 ጊደ አቲን ኔኒ ዮቲዳይሳ
 ታኒ ዩሻ ቆፓይሰ።

96 ፖሎ ጊዲዳ ሚሽ ኡባሰ ዛዋይ
 ዲዛይሳ ታኒ ቤአዲሰ፤
 ጊደ አቲን ፖሎ ጊዲዳ
 ኔ አዛዘታሰ ዛዋይ ዴና።
ሜም

97 ታኒ ኔ ዋጋ አይ ኬና ሲቃዚና!
 ጋላሰ ኩሜሳ
 ታኒ ኢዛ ዩሻ ቆፓይሰ።

98 ኔ አዛዘቲ ኡባ ዋዴካ
 ታናራ ዲዛ ገሻሰ
 ታ ሞርኬታፔ አሊዲ
 ታና አከካንቻ ሂሰቲዳ።

99 ኔ ዋሊዳ ዋጋ
 ዩሻ ቆፓዛ ገሻሰ
 ታና ታማርሲዳ ኡባፌ
 ዋዚናማ ጊዳዲሰ።

100 ታኒ ኔ አዛዘታ ካሊዛ ገሻሰ
 ጨማታፔ ቦላራ
 አከከዛ አሰ ጊዳዲሰ።

101 ታኒ ኔ ቃላሰ
 አዛዘታናሰ ኮይዛ ገሻሰ
 ታ ቶሆ ኢታ ኦጌ ኡባፌ ናጋዲሰ።

102 ኔኒ ታና ታማርሲዳ ገሻሰ
 ታኒ ኔ ዋጋፔ ሹርኢ ጋቤኬ።

103 ኔ ቃላይ አይ ማላ ማልኢዜ!
 ኤሳ ኢሊሎፔካ አጲዲ
 ደናን ማልኤሰ።

104 ኔ ዋጋፔ አከካ ዴማዲሰ፤
 ሄሳ ገሻሰ ታኒ
 ጌላ ኦጌ ኡባ ኢጻዲሰ።
ኖን

105 ኔ ቃላይ ታ ቶሆሰ ጸምፔ፤
 ታ ኦጌሰካ ፖኦ።

106 ኔ ጸሎ ዋጋ ናጋናሰ
 ታኒ ጫቂዳ ጫቆዛ ሚንፋና።

107 አቤት ጎዳዉ!
 ታ ኬሃ ሜቶታዲሰ፤
 ኔኒ ጊዳ ቃላ ማላ
 ታና ሹምፖራ ፓጻ ዋላ።

108 አቤት ጎዳዉ!
 ታ ደናፔ ከዚዛ
 ጋላታ ያርሾዛ

- ኔ ኤካ፤
 ኔ ዋጋ ታና ታማርሳ።

109 ታ ሹምፖራ ኡባ ዋዴ
 ሜቶ ቦላ ደዉሰ፤
 ታኒ ጊዲኮ ኔ ዋጋ ባላቤኬ።

110 ኢታቲ ታና አይካናሰ
 ዋጸማዴ ዋሊዳ፤
 ጊደ አቲን ታኒ ኔ ዋጋፔ
 ሹርኢ ጋቤኬ።

111 ኔ ኢሚዳ ዋጋይ
 ታሰ ሜርናሰ ላታ፤
 ታ ዋዚናይ ኢዛን ኡፋዬቴሰ።

112 ታ ሃይቃና ጋካናሰ
 ኔ ኢሚዳ አዛዘ ፖላናሰ
 ቃላ ጌላዲሰ።
ሳምኬት

113 ታኒ ዋዚና ባላታ ኢጻይሰ፤
 ጊደ አቲን ኔ ዋጋ ሲቃይሰ።

114 ኔኒ ታሰ ጎንዳሌኔ
 ባቃታ አቲዛሰ፤
 ታኒ ኔ ቃላ ሂደታ ኦላይሰ።

115 ታኒ ታ ጸሳ አዛዘ
 ናጋና ማላ
 ኢንቴኖ ኢታ ኦሊዛይቶ!
 ታፔ ሃኪቲ!

116 ኔኒ ጊዳ ቃላ ማላ
 ታና ካፋ፤
 ሂሰቲኮ ታኒ ሹምፖራ
 ፓጻ ዴኣና፤
 ታ ሂደታይ ሃዳ ጊዲን
 ታና ዬላሰፓ።

117 ኔ ታና ካፋ አይካ፤
 ሂሰቲኮ ታ ሳርን ዴኣና፤
 ታኒ ኡባ ዋዴ
 ኔ አዋጃታ ፖላና።

118 ኔ ዋጋፔ ካሬ ከዚዳይታ
 ኡባ ዬጋ አጋዳሳ፤
 ኢሰቲ ባሌላኒኔ ዋርዶን
 ኦሊዳ ኡባይ ሃዳ ጊዳና።

119 ሳኣን ዴኢዛ ኢታታ ኡባ
 ኔኒ ቡራ ማላ ዬጋ አጋሳ፤
 ሄሳ ገሻሰ ታኒ
 ኔ ኢሚዳ አዛዘ ደሳዲሰ።

120 ታ አሾይ ኔሰ ያዬዲ ኮኮሬሰ፤
 ታካ ኔ ፐርዳሰ ያያይሰ።
ኤ

121 ታኒ ቡሬኔ ጸሎ ሚሽ ኦላዲሰ፤
 ታና ኡንኤላዛይታሰ
 አላ ኢሞፋ።

122 ታሰ ኔ አይሌዛ ሎኤቴላሰ
 ዋሴ ጊዳ፤
 ታና ኦቶራንቻታን ኡንኤሞፋ።

123 ታ አይፊቲ ኔ አሺዛይሳኔ
 ኔ ጸሎ ቃላ ናጊሹ ደልጁሚዳ።

124 ታሰ ኔ አይሌዛሰ

ኔ ሲቆዛ ከና ኦላ፤
 ኔ ዋጋ ታና ታማርሳ።
 125 ታኒ ኔ አይሌ፤
 ኔ ዋጋ ታ ኤራና ማላ
 ታሰ አኩካ አማ።

126 አቤት ጎዳዉ!
 ኔ አሚዳ ዋጋይ
 ሞሪቲሽ ዳሰ፤
 ኔኒ ፒርዳና ዋዳያ ሃኖ።

127 ታኒ ኔ አዛዞ
 ዋርቃፌ አላዳ ሲቃይሰ፤
 ሙሩታ ዋርቃፌካ
 አላዳ ደሳይሰ።

128 ኔ ዋጋቲ ኡባይ
 ቱሙ ገዲዳይሳ አማናዲሰ፤
 ሄሳ ገሻሰ ጌላ ኦጌ
 ኡባ ኢዳዲሰ።

ፔ

129 ኔ ዮቲዳ ቃላይ ኡባይ ማላሊሴሰ፤
 ሄሳ ገሻሰ ታ ሽምፖፖ
 ኢዛ ናጋዉሰ።

130 ኔ ቃላ ቢርሽላይ
 ፖኦ አሚሰ፤
 አኩካይ ፓጩዳይታሰ
 አኩካ አሚሰ።

131 ታኒ ኔ ቃላ ሳሚታዲሰ፤
 ታ ደናካ ደያዳ ዬሞታይሰ።

132 ሃ ታኮ ሲማ፤
 ኔ ሱንሳ ሲቁዛይታ ኡባሰ
 ኔኒ ኦሲዛይሳ ማላ
 ታሰካ ቃጴታ።

133 ታ ሄሚታ ኔ ቃላ ማላ ሱሪሳ፤
 ናጋራይ ሃራና ማላ
 ታና አላ አሞፋ።

134 ታኒ ኔ አዛዞ ናጋና ማላ
 ታና ኡንኤሊዛይታ
 ኩሼፔ ዋዛ።

135 ታሰ ኔ አይሌዛሰ
 ኔ አይፌሶ ፖኦሳ፤
 ኔ አዋጃታ ታና ታማርሳ።

136 ኔ ዋጋይ ቦንቹቶንታ ገሻሰ
 ታ አፋንሳ
 ሃላ ማላ ጎጌሰ።

ጳዴ

137 አቤት ጎዳዉ! ኔኒ ዲሎ፤
 ኔ ፒርዳይካ ሊኩ።

138 ኔ አሚዳ አዛዞቲ
 ዲሎኔ አማንሊዛዛ።

139 ታ ሞርኩቲ ኔ ቃላ ቶቹዳ፤
 ሂሰቲን ኔ ቃላ ሚሻይ
 ታ ጎሞፓን ታማ ማላ ኤዲዳሰ።

140 ኔ ቃላይ ፓጩቲ ጌዱዳዛ፤
 ታኒ ኔ አይሌይ ኢዛ ሲቃይሰ።

141 ታኒ ላፋኔ ካጴቲዳ አሳ፤
 ገዲኮካ ታኒ ኔ ዋጋ

ደጋቤኬ።

142 ኔ ዲሎቲላይ ሚርናሰ ዳሰ፤
 ኔ ዋጋይካ ቱማ።

143 ሚቶይኔ ቱጋይ ታና ጋኪዳሰ፤
 ገደ አቲን ኔ አዛዞቲ
 ታና ኡፋይሴቲሰ።

144 ኔኒ ዮቲዳይሲ ሚርናሰካ ዲሎ፤
 ታኒ ሽምፖራ ፓጳ ዳና ማላ
 ኔ ታሰ አኩካ አማ።
ቆፍ

145 አቤት ጎዳዉ!
 ታኒ ኩሚላ ዋዚናፔ
 ኔኮ ዋሳዲሰ፤
 ታና አላ።
 ታኒ ኔ አዋጃታሰ አዛዜታና።

146 ታኒ ኔኮ ዋሳይሰ፤
 ኔ ታና አሻ፤
 ታኒ ኔ አሚዳ አዛዞዛ ናጋና።

147 ባዘይ ዘኦንታ ዋንታራ ዳንዳዳ፤
 «ታና ማዳ» ጋዳ
 ኔኮ ዋሳይሰ፤
 ኔ ታሰ ጌሊዳ ቃላ
 ሂደታ አላይሰ።

148 ኔ ቃላ ዩሻ ቆፓሽ
 አማርሰ ኩሚላ አይፌ ቂጶንታ
 ኡታ አቃይሰ።

149 አቤት ጎዳዉ!
 ኔ ሲቆ ከና ታ ቃላ ሲያ፤
 ኔ ዋጋ ማላ ታና
 ሽምፖራ ፓጳ ዋላ።

150 ጌኔ ቆፐዛይቲ ታኮ ሸቂዳ፤
 ሄይቲካ ኔ ዋጋፔ
 ሃኪ ዲዛይታ።

151 አቤት ጎዳዉ!
 ኔኒ ገዲኮ ታ ማታን ዳሳ፤
 ኔ አዛዞቲ ኡባይካ ቱማ።

152 ኔ ኢሰታ ሚርናሰ
 ሚንሳ ኤሳዳሳ፤
 ሄሳ ታኒ ቤኒፔ ደማዳ
 ኔ ዋጋፔ ታማራዲሰ።
ሬሰ

153 ታ ቱጋ ቤያዳ ታና አሻ፤
 አይሰ ገኮ ታኒ ኔ ዋጋ
 ደጋቤኬ።

154 ኔ ታ ገሻሰ ሞቲታዳ
 ታና ዋዛ፤
 ኔ ገዳ ቃላ ማላ
 ታና ሽምፖራ ፓጳ ዋላ።

155 ኢታቲ ኔ ዋጋ ኮዮንታ ገሻሰ
 ኢሰታሰ አቶቲላ ዳና።

156 አቤት ጎዳዉ! ኔ ቃጴታይ ዳር፤
 ኔ ቃላ ማላ
 ታና ሽምፖራ ፓጳ ዋላ።

157 ታ ሞርኬቲኔ
 ታና ዩዳሊዛይቲ ዳር፤
 ጊደ አቲን ታኒ
 ኔ ዮቲዳ ቃላፕ
 ሸርኢ ጋቤኬ።

158 ኔ አዛዘታ ናጎንታ ጊሻሰ
 ታ አማኔቶንታይታ
 ቤያዳ ሻቲታዲሰ።

159 አቤት ጎዳዉ!
 ታኒ ኔ ዋጋ ደሲዛኮ ቤአ፤
 ኔ ሲቆ ማላ
 ታና ሸምፖራ ፓጻ ዋላ።

160 ኔ ቃላ ኡባይ ቱማ፤
 ኔ ጸሎቴላ ዋጋይ ማርናሳ።
 ሳን

161 ዳሬ ሃሪዛይቲ
 ታና ጮ ዩዳሊዳ፤
 ጊደ አቲን ታ ዋዘናይ
 ኔ ቃላሰ ያዩሰ።

162 ዳር ሚሽ ዲኢዳ አሲ
 ኡፋይቲዛ ማላ
 ኔ ጊደ ቃላን ታኒ ኡፋይታይሰ።

163 ታኒ ዋርዶ ኢጻይሲኔ ሻቲታይሰ፤
 ጊደ አቲን ኔ ዋጋ ሲቃይሰ።

164 ኔ ጸሎ ፒርዳ ጊሻሰ
 ታኒ ኔና ጋላሳን
 ላፑንቶ ጋላታይሰ።

165 ኔ ዋጋ ሲቁዛይታሰ
 ዳር ሳርቴሊ ዳሰ፤
 ኢሰታ ጳጳዛ ሚሽ ዳና።

166 አቤት ጎዳዉ!
 ታኒ ኔ አቶቴላ
 ኡፋይሳን ናጋይሰ፤
 ኔ አዛዘታካ ፖላይሰ።

167 ታኒ ኔ ዮቲዳ ቃላ ናጋይሰ፤
 ታ ኢዛ ዳር ሲቃይሰ።

168 ታኒ ኔ ዋጋሲኔ
 ኔ ዮቲዳ ቃላሰ አዛዘታና፤
 ታ ኦኔ ኡባይ ኔ ሲንላን ቆንጮ።
 ታው

169 አቤት ጎዳዉ!
 ታ ዋሶይ ኔኮ ጋኮ፤
 ኔ ጊደ ቃላ ማላ
 ታሰ አኮካ ኢማ።

170 ታ ሸቤሊ ፑዴ ኔ ሲንላ ጋኮ፤
 ኔ ጊደ ቃላ ማላ
 ታና አሻ።

171 ኔ አዋጃታ ታና ታማርሳዳሳ፤
 ሄሳ ጊሻሰ ታ ሜቴርሻታፕ
 ጋላታይ ፑልቴሰ።

172 ኔ አዛዘቲ ኡባይ ጸሎ፤
 ሄሳ ጊሻሰ ታ ደናይ
 ኔ ቃላ ዩጾ።

173 ታኒ ኔ አዛዘታ ደራዲሰ፤

ሄሳ ጊሻሰ ኔ ኩሼይ
 ታና ማዳናሰ ጊጊ ኡቶ።

174 አቤት ጎዳዉ!
 ኔ አቶቴላ ታ ላሞታይሰ፤
 ኔ ዋጋይ ታና ኡፋይሲሰ።

175 ታኒ ኔና ጋላታና ማላ
 ታና ሸምፖራ ፓጻ ዋላ፤
 ኔ ዋጋይ ታሰ ማዶ ጊዶ።

176 ጳይዳ ደርሳ ማላ
 ታኒ ቶይላታዲሰ፤
 ጊደ አቲን ታኒ ኔ ዋጋ
 ባላቤኪ፤
 ሄሳ ጊሻሰ ታና
 ኔ አይሌዛ ኮያ።

120

ፑዴ ኬዚሽ ዩዲዳ ማዛሙራ
 1 ታኒ ሜቶቲዳ ዋዴ
 ጎዳ ጴይጋዲሰ፤
 ኢዚካ ታሰ ኮዩዳሰ። *

2 አቤት ጎዳዉ!
 ዋርዶቲዛ ሜቴርሻታፕ፤
 ጨሚዛ ኢንጻርሳታፕ
 ታና አሻ።

3 ኢንቴኖ ዋርዳንቻቶ!
 ኢዚ ኢንቴና ዋሰታኔ?
 ሄሳፌ ሃራ ኢንቴ ቦላ
 አይ ኦላኔ?

4 ኢዚ ኢንቴና ሆጾ ቶራን ጮዳና፤
 ኢዚ ኢንቴና
 ቦንቆ ታማን ጹጋና።

5 ታ ሜሼኬ ዳራ ጊደን ዳይሰ፤
 ቁዳራ ዲንካኔንካ
 ኡቲዳ ጊሻሰ
 ታሰ አዩ አና!

6 ሳርቴላ ኢጻዛ አሳታራ
 ታኒ ዳር ዋዴ ዳኣዲሰ።

7 ታኒ ሳር ኮያይሰ፤
 ጊደ አቲን ታኒ ሳር
 ሃሳይዛ ዋዴ
 ኢሰቲ ኦሽ ኮዩቴሰ።

121

ፑዴ ኬዚሽ ዩዲዳ ማዛሙራ
 1 ታኒ፣ «ማዶይ ታሰ
 አዋፕ ያንዴሻ?» ጋዳ
 ታ አይፌታ
 ፑዴ ዙማታኮ ዳንላዲሰ።

2 ታሰ ማዶይ ሳሎኔ
 ሳአ ሚጲዳ
 ጎዳፕ ዩሰ።

3 ኢዚ ኔ ቶሆ ሃሊዲሴና፤
 ኔና ናጊዛይሲ

* 120:1 ፑዴ ኬዚሽ ዩዲዳ ማዛሙራ ጊዛይሲ ኢብራዌ ዳሬን አሳይ ዩሩሳላሚ ቢሽ ዩዲዛ ማዛሙራ ቤሲሰ።

ጳሰኬና።
 4 ኢሰራኤል ናጊዛይሲ
 ሙሉካ ኢቹናኔ ጳሰኬና።
 5 ጎዳይ ኔና ናጊዛይሳ፤
 ጎዳይ ኔሰ ኡሻቻ ባጋራ
 ኩዋ ጊዳና።
 6 ጋላሳ አዋይ ኔና ጸጌና፤
 ኦማርሳ አገናይካ ኔና ቆሃና።

7 ጎዳይ ኢታ ኡባፌ
 ኔና ናጋና፤
 ኔ ሸምፖ ሃማና።
 8 ጎዳይ ኔ ቡሳኔ ዩሳ
 ሃቹፌ ሜርና
 ጋካናሰ ናጋና።

122

ዳዊቲ ፑዴ ኬዚሽ ዩጲዳ ማዛሙራ

1 ኢሰቲ ታና።
 «አኔ ጎዳ ኬላ ቦሰ» ጊን
 ታኒ ኡፋይታዲሰ።
 2 ሃኔ ዩሩሳላሜ ካታማዩ!
 ኩኒ ኔ ፔንጌታራ ጌሊዲ ኤቂዶሰ።

3 ዩሩሳላሜ ካታማያ
 ዳንጾታ ኬጾቲዳ
 ሚኖ ካታማ።
 4 ኢሰራኤልስ አሜቲዳ ዋጋ ማላ
 ኢሰራኤል ቆሞቲ
 ጎዳ ሱንሳ ጋላታናሰ
 ሄ ባና።
 5 ዳዊቲ ዜሬላፌ ካዎቲዳይቲ
 ፐርዳናሰ ሄን ኡቲዳ።

6 ዩሩሳላሜ ሳርቲላሰ።
 «ኔና ደሲዛይቲ ኡባይ
 ኢሻሎን ዳቶ፤
 7 ኔ ጊምቤታ ጊደን ሳርይ ዴኔ!
 ኔ ካዎቲላ ኬላን ዋጋይ ኩዋ»
 ጊ ዎሰቲ፤
 8 ታ ዳቦታ ጊሻሲኔ
 ላጌታ ጊሻሰ
 «ኔ ጊደን ሳርይ ደ!» ጋይሰ።
 9 ጎዳ ኔ ጸሳ ኬላ
 ጊሻሰ ጋዳ
 ታኒ ኔሰ ሎኦ አዋ አዎታና።

123

ፑዴ ኬዚሽ ዩጲዳ ማዛሙራ

1 ኔኖ ሳሎ አራታን ኡቲዳይሰ!
 ታኒ ኔኮ ፑዴ ዴላይሰ።
 2 አሸካሪይ ባ ጎዳ ኩሽ
 ዴሊዛ ማላ።
 አሸካሪያካ ባ ጎዳቲይ
 ኩሽ ዴሊዛ ማላ።
 ኩኒካ ኢዚ ኔና
 ማራና ጋካናሰ
 ኔ ጎዳኮ ፑዴ ዴሎሰ።

3 አቤት ጎዳዉ!
 ኔ ቦላ ካዴይ ዳሪዳ ጊሻሰ
 ማራርኪ!
 ኔና ማራ።
 4 ጨቄቲዛይታፔ ዳር ጫሽ
 ኡቲራንቻታፔ ዳር ካዴይ
 ኔና ጋኪዴሰ።

124

ዳዊቲ ፑዴ ኬዚሽ ዩጲዳ ማዛሙራ

1 ኢሰራኤልይ።
 «ጎዳይ ኔናራ ደንታኮ
 ኔ ዋናኔ?
 2 ኔ ሞርኬቲ ኔ ቦላ ዴንዲዳ ዎዴ
 ጎዳይ ኔናራ ባይንዳኮ።
 3 ኢሰታ ሃንቆይ ኔ ቦላ
 ታማ ማላ ኤጲዳ ዎዴ
 ኢሰቲ ኔና ፓጻ ሚታናሽን።
 4 ሃሊ ኔና ኤኪ ባናሽን፤
 ዲኦይ ኔና ሚታናሽን።
 5 ኪጻ ሃሊ ኔና
 ማናሽን» ጌቶ።
 6 ኔና ኔ ሞርኬታ አቻን
 ፑዚሶንታ አሽዳ
 ጎዳይ ጋላቲቶ።
 7 ኩኒ ሻንካንቻታ ናርጻፌ
 ካፎይ ኬሲ ኤኪዛ ማላ
 ኬሲ ኤኪደሰ፤
 ያርዴይ ዲጲዴሰ
 ኩኒካ ኬሲ ኤኪዲ አቲደሰ።
 8 ሳሎኔ ሳኦ ሜዲዳ
 ጎዳ ሱንሳን
 ኩሰ ማዶይ ዩሰ።

125

ፑዴ ኬዚሽ ዩጲዳ ማዛሙራ

1 ጎዳን አማኔቲዛይቲ
 ሜርናሰ ቃጸንታ ዲዛ
 ጲዮኔ ዙማ ማላ።
 2 ዙማቲ ዩሩሳላሜ ካታማ
 ዩሾን ዲዛ ማላ
 ሃቹፌ ሜርና ጋካናሰ
 ጎዳይ ባ ዴራ ዩሾን ዴሰ።
 3 ጲሎቲ ኢታቲላ ታማርንታ ማላ
 ኢታቲ ሃሪሽ
 ጲሎታ ቢታን ጋምኤቲና።
 4 አቤት ጎዳዉ! ሎኦ አሳታሲኔ
 ዎዚና ሱሬ አሳታሰ
 ኔ ሎኦ ኦላ።
 5 ጊደ አቲን ካሴ
 ባ ጌላ ኦጌ ሲሚዛይታ
 ኔኒ ኢታ ኦሊዛይታራ
 ኢሲፌ ጋላ ቃጻያ፤
 ኢሰራኤልስ ሳርይ ጊደ!

126

ፑዴ ኬዚሽ ዩዲዳ ማዛሙራ

- 1 ጎዳይ ኑና ዲኤቲዳይታ
ዛሪዲ ጸዮኔ ኤሂዳ ዋዴ
ኑስ ኣጉሞ ሚሳቲዴሰ።
- 2 ሄ ዋዴ ኑ ዶናይ
ሚቻን ኩሚዴሰ፤
ኑ ኢንጸርሲካ
ኡፋይሳ ማዛሙራ ዩዲዳሰ፤
ሂሰቲን ካዋቱላቲ ባንታ ጊደን፥
«ጎዳይ ኢሰታሰ
ጊታ ሚሽ ኦሊዴሰ» ጊዳ።
- 3 ቱሙካ ጎዳይ
ኑስ ጊታ ሚሽ ኦሊዴሰ፤
ኑኒካ ኬሂ ኡፋዬቲዶሰ።

- 4 ኣቤት ጎዳዉ!
ኔጌቤ ባዘን ኢራ ቡኪሳዳ
ሻፋ ሃላን
ኩንሊዛ ማላ
ኑ ዲሳ ኦራላ።

- 5 ዩኪሽ ዜሪዳይቲ
ኡፋይሳን ዩዲሽ ሺሻና።
- 6 ዜሬላ ቶኪዲ ዩኪሽ ቢዳይቲ
ሚርቁታ ቶኪዲ
ኡፋይሳን ዩዲሽ ሲማና።

127

ሶሎሞኔይ ፑዴ ኬዚሽ ዩዲዳ ማዛሙራ

- 1 ጎዳይ ከላ ከጸንታ
ኣጊኮ ከጸዛይቲ
ጮ ሚላ ዳቡራቲሰ፤
ጎዳይ ካታማ ናጎንታ ኣጊኮ
ናጊዛይቲ ጮ ሚላ ዳፊቲቲሰ።
- 2 ኔኒ ኣቆታ ዳማናሰ
ማላዶ ዋንታራ
ዳንዳ ዋጺኮኔ
ጊዶላ ጋካናሰ ኔ ዳቡርኮ
ሂሲ ዉሪካ ሃዳ፤
ጎዳይ ባ ሲቁዛይታሰ
ሸምፖ ኢሚሰ።

- 3 ናይቲ ጎዳፔ ኢሚቲዛ ኢሞታታ፤
ናይቲካ ቱማፔ ኢዛ ዋይቶ።

- 4 ኣሲ ናቲላን ዲሽ
ዩሊዛ ኣቲማ ናይቲ
ኦላንቻ ኩሽን ዲዛ
ዪሻ ማላ።

- 5 ኢዛ ኮሆቲ ሄ ዪሻታን
ኩሚዳይ ኣንጃቲዳዴ።
ኢዚ ካታማ ፔንጌን ባ ሞርኬታራ
ማርሽቲዛ ዋዴ ሻቱሜቲና።

128

ፑዴ ኬዚሽ ዩዲዳ ማዛሙራ

- 1 ጎዳሰ ያዩዛይቲኔ
ኢዛ ኦጌን ሄሜቲዛይቲ

ኡባይ ኣንጃቲዳይታ።

- 2 ኔኒ ኔ ዳቡራ ኣይፌ ማና፤
ኔ ኣንጃታና ኔሰ ኢንጃታና።
- 3 ኔ ማቺያ ኔሶን ኣይፌዛ
ዋይኔ ማላ ጊዳና፤
ኔ ናይቲካ ኔ ማዳ ዩሸን
ዋጋራ ፑቲ ማላ ጊዳና።
- 4 ጎዳሰ ያዩዛ ኣሲ
ሄሳላ ኣንጃታና።
- 5 ጎዳይ ኔና ጸዮኔፔ ኣንጃ!
ኔኒ ዳኢዳ ላይላ ኡባን
ኢዚ ኔና
ዩሩሳላሜ ሎኤቲላ ቤሶ!
6 ኢዚ ኔና ናይታ ናይታ ጋሊ ቤሶ!

ኢሰራኤሌሰ ሳርይ ጊዶ!

129

ፑዴ ኬዚሽ ዩዲዳ ማዛሙራ

- 1 ኢሰራኤሌ ኣሳይ፥
«ሞርኬቲ ታና ዩላጋቲላፌ ዶሚዲ
ዳር ዋዴ ኡንኤሊዳ።
- 2 ቱማፔ ኢሰቲ ታና
ዩላጋቲላፌ ዶሚዲ
ዳር ዋዴ ኡንኤሊዳ፤
ጊዶ ኣቲን ኢሰቲ
ታና ጸኒቤቲና።
- 3 ታ ዘኮ ጸርቃፌን ሾጪ ሾጪዲ
ዋርጸፊቲዳ ጋዴ ሚሳቲሲዳ» ጎ።
- 4 ጊዶ ኣቲን ጎዳይ ጸሎ፤
ኢታታ ዋዶር ዱሴሬሊዲ
ታና ቢርሺ ዩዲዴሰ።

- 5 ጸዮኔ ኢጸዛ ኡባይ
ዩላቲዲ ጉዬ ሰሞ!
- 6 ከላ ካራ ቦላ ሞኪዲ
ሄራካ ሜሊዛ ማታ ማላ ጊዶ!
- 7 ሄሲ ቡጪዛይታሰ
ኩሽ ኩሞንታ ማታ ማላ
ዋይኮ ሚርቁዛይታሰካ
ዳንኬ ኩሞንታ ካላ ማላ።
- 8 ሄ ኦጌራ ኣጲዛይቲ፥
«ጸሲ ዋልቃ ኢሞ»
ቡጪዛይቲካ፥
«ጸሲ ኣንጃ» ጎፔቶ።

130

ፑዴ ኬዚሽ ዩዲዳ ማዛሙራ

- 1 ኣቤት ጎዳዉ!
ታኒ ጪማ
ሜቶ ጊደን ዳሽ
ኔኮ ዋሳይሰ።
- 2 ኣቤት ጎዳዉ!
ታ ጩንጉርሳ ሲያ፤
ታኒ ሾቢዛይሳ

ኔ ሃይላት ኤዘጌቶ።

- 3 አቤት ጎዳዉ! ኔኒ ኑ ናጋራ ካሌታ ካሌታ ማዘጋቢዳኮ አቤት ጎዳዉ ኦኔ ኔ ሲንላን ኤቂ ዳንዳያኔ?
- 4 ጊዳ አተን ኑኒ ኔና ቦንቻና ማላ ኔኒ ኑ ናጋራ አቶ ጋሳ።
- 5 ታኒ ጎዳ ላሞታን ናጋይሰ፤ ታ ሸምፖያ ዳንዳያን ናጋዉስ፤ ኢዛ ቃላካ ሂደታ ኦላዉስ።
- 6 ዛቤቲ ሳኦይ አዉዴ ምንታኔሻ ጊዳ ናጊዛይሳፊካ ቦላ ታኒ ጎዳ ላሞታን ናጋይሰ።
- 7 ጎዳ አቻን ሲቆይኔ ማርቴላ ዲዛ ጊሻሰ ኢሰራኤሌ አሳዉ! ጎዳን ሂደታ ኦላቴ።
- 8 ኢዚ ኢሰራኤሌ አሳ ኢሰታ ናጋራ ኡባፊ አሻና።

131

ዳዊቲ ፑዴ ኬዚሽ ዩዲዳ ማዛሙራ

- 1 አቤት ጎዳዉ! ታ ሞዚናይ ኦቶሬቲቤና፤ ታኒ ኦቶሮን ደላ ኤሪኬ፤ ታ ቆፋን ቤሶንታ ጊታቴላሰ አሞታቤኬ፤ ታ ሞልቃፊ ቦላራ ዛራቆቤኬ።
- 2 ቆንሳ ዲዲዳ ናይ ባ አዩ ኪኦን ጮኡ ጊ ኡቲዛ ማላ፥ ታ ሸምፖያ ታ ጊዳን ጮኡኔ ሞፑ ጋዲሰ።
- 3 ኢሰራኤሌ አሳዉ! ሃቺፊ ደሚዲ ማርና ጋካናሰ ጎዳን ሂደታ ኦላቴ።

132

ፑዴ ኬዚሽ ዩዲዳ ማዛሙራ

- 1 አቤት ጎዳዉ! ዳዊቲኔ ኢዚ ዳንዳይዳ ማቶዛ ኡባ ኔ ቆፓ።
- 2 ጎዳዉ! ኢዚ ኔሰ ጫቂዳ ቃላ፥ ሞልቃማ ያቆቤ ጸሳሰካ አዲኔቲዳ አዲና ቆፓ።
- 3 ኢዚካ፥ «ሃይሳፊ ሲንላን

ታኒ ታሶ ጌሊኬ፤
 ታ ሂጸንካ ኬዚኬ፤
 4 ጳሰኮካ ጳሰኪኬ፤
 ታ አይፊታካ ሊጸኬ።
 5 ሄሲካ ታኒ ጎዳሰ ዲሳሶ፥
 ሞልቃማ ያቆቤ ጸሳሰ
 አቆሶ ጊጊሳና
 ጋካናሳ» ጊዳሰ።

- 6 ሄኮ ኑኒ ታቦታዛ ጊሻሰ ኤፍራታን ዲሼ ሲዪደሰ፤ ቂሪያቴ-ዪኦሪማ ቢታን ኢዛ ዴሚደሰ።
- 7 ኑኒ፥ «አኔ ኢዚ ዲዛሶ ቦሰ፤ ኢዛ ቶሆይ ዩጲዛሶን ጉፋኒዲ ኢዛሰ ጎይናሰ።

- 8 «አቤት ጎዳዉ! ዳንዳ! ኔ ማኖቴላሰ ማላታ ጊዲዳ ታቦታራ ኔ ኬላ ጌላዳ ሸምፓ።
- 9 ኔ ቄሴቲ ጸሎቴላ ማይኤቶ፤ ጌሽ ጊዲዳ ኔ አሳቲ ኢሊሌቶ» ጊዳሰ።

- 10 ኔ አይሌ ዳዊቲ ጊሻሰ ጋዳ ኔኒ ቲይዳይሳ ዩጎፋ።
- 11 ጎዳይ ዳዊቲሰ ቃንላፊ ጫቂዳሰ፤ ለማቶንታ ቃላን፥ «ኔ ናይታፔ ኢሳ ታኒ ኔ አራታን ኡቲሳና።
- 12 ኔ ናይቲ ታ ጫቆ ቃላኔ ታኒ ታማርሲዳ ቃላ ኢሰቲ ናጊኮ ኢሰታ ናይቲካ ኔ ካዎቴላ አራታን ማርናሰ ኡታና» ጊ ጫቂዳሰ።

- 13 ጎዳይ ጸዮኖ ደሪዳሰ፤ ባሰ ዴኢዛሶ አላናሰ አሞቲዲ፥

- 14 «ሃና ታሰ ማርናሰ ሸምፖሶ ጊዳና፤ ታኒ ኢዛ ደሲዳ ጊሻሰ ኢዚን ዳኦና።

- 15 ታኒ ኢዛ ኬሃ አንጃና፤ ኢዚን ዴኢዛ ማንቆታካ ካላ ካልሳና።

- 16 ታኒ ኢዚን ዲዛ ቄሴታ አቶቴላ ማይዛና፤ ኢዚን ዳኢዛ ጸሳ አሳቲካ ኡፋይሳን ዩጸና።

- 17 «ሃ ሶሆን ዳዊቲ ዜራላፊ ካዎ ኬሳና፤ ታኒ ቲይዳይሳሰ ፖኦ ጊጊሳና።

18 ታኒ ኢዛ ሞርኬታ ዩላቻና፤
ጊደ ኣቲን ኢዛ ሁኣን ዳኢዛ
ካዎቲላ ካላቻይ ጸላና» ጊደስ።

133

ዳዊቲ ፑዳ ኬዚሽ ዩዲዳ ማዛሙራ

- 1 ኢሻንቲ ኢሲፊቴላን ዳኢዛይሲ
ኣይ ማላ ሎኣኒ
ኣይ ማላ ኡፋይሲዛዜ!
- 2 ሄሲ ኣሮኔ ሁኣን ቲጊን
ቡቻራ ቢዲ
ኢዛ ማይኦ
ማጫራ ጋካናሰ ጎጊዲ
ሳዎ ቱኑ ጊዛ አልኦ ዛይቲ ማላ።
- 3 ቃሴካ ሄርሞኔ ዙማታፔ
ዲጌ ዲዮኔ ዙሞቡላታ ቦላ
ጸኪዛ ጸዛ ማላ፤
ጎዳይ ሄሳን ኣንጅኔ
ዳኦ ሜርናሰ ኣዛዚዳስ።

134

ፑዳ ኬዚሽ ዩዲዳ ማዛሙራ

- 1 ኢንቲኖ ጎዳ ኣይሌቶ!
ጎዳ ኬላን ኦማርሰ ኦሊዛይቶ!
ኡባይካ ሃ ዩዲ
ጎዳ ጋላቲቲ።
- 2 ጸሳ ኬላን
ኢንቲ ኩሽ ዳንሊዲ
ጎዳ ጋላቲቲ።
- 3 ሳሎኔ ሳኣ ማዲዳ ጎዳይ
ኢንቲና ዲዮኔፔ ኣንጅ።

135

- 1 ኢንቲኖ ጎዳ ኣይሌቶ!
ኢዛ ጋላቲቲ!
ጎዳ ሱንላ ሳቢቲ!
- 2 ኢንቲኖ ጎዳ ኬላን
ኦሊዛይቶ!
ኢንቲኖ ኑ ጸሳ ኬላ ዛጎን
ኤቁዳይቶ ጋላቲቲ!
- 3 ኢዚ ኪያ ጊዲዳ ጊሻሰ
ጎዳ ጋላቲቲ!
ኢዚ ሎኦ ጊዲዳ ጊሻሰ
ኢዛ ሱንላሰ ዩዲቲ!
- 4 ጎዳይ ያቆሴ
ባሰ ቡዙ ኦሊዳስ፤
ኢሰራኤሌካ ባሰ
ኣልኦ ሚሽ ሂሰቲ ዶሪዳስ።
- 5 ጎዳይ ጊታ ጊዲዳይሳኔ
ኑ ጎዳይ ጸሳታ ኡባፊ
ጰቁዛይሳ ታኒ ኤራይሰ።
- 6 ሳሎኒኔ ሳኣን፡
ኣባታኒኔ ጨማታ
ኡባ ጊዲንካ
ጎዳይ ባ ደሲዳይሳ

ኡባ ኦሌስ።
7 ካሬላ ሻራ ሳኣ ጋጸፔ
ኢዚ ዳንሌስ፤
ኢዚ ኢራራ ዎልቃንላ ኪቲስ፤
ባ ሚንጂ ዎሊዳሶፔ
ጫርኮ ኬሲ ዩዳስ።

8 ጊብጾ ቢታን ኣሳፔ ቢዲ
ሜሄ ጋካናሰ
ባይራ ዩሌቲዳ ኡባ ዎዲዳስ።
9 ኔኖ ጊብጾ! ፓሮኔ ቦላኔ
ኢዛ ኦሳንቻታ ቦላ
ኦራሊኔ ማላሊሲዛ
ሚሽ ዩዲዳስ።
10 ኢዚ ዳሮ ካዎቲላታ ቆይሲዳስ፤
ዎልቃማ ካዎታካ ዎዲዳስ።
11 ኣሞሬታ ካዎ ሲሆኔ፡
ባሳኔ ካዎ ኣጌኔ
ካናኔ ካዎታ ኡባ ዎዲዳስ።
12 ኢሰታ ቢታካ ባ ዳራ
ኢሰራኤሌ ላቲሲዳስ።

13 ኣቤት ጎዳዉ!
ኔ ሱንሊ ሜርናሰ ዳና፤
ዩሌታፔ ዩሌታ ጋካናሰ
ኔኒ ሃሳኤታና።
14 ጎዳይ ባ ኣሳሰ ፐርዳና፤
ኢዚ ባ ኣይሌታሰካ ቃዴታና።
15 ካዎቲላቲ ጎይኒዛ
ኤቃ ጸሳቲ
ቢራፔኔ ዎርቃፊ
ኣሳ ኩሽን ኦሴቲዳይታ።
16 ኢሰታሰ ደናይ ዳስ ሺን
ሃሳዬቲና፤
ኣይፊይ ዳስ ሺን ዳሌቲና።
17 ሃይሊ ዳስ ሺን ሲዬቲና፤
ኢሰታ ሲዴን ፔኖይካ ዳና።
18 ኢሰታ ማዲዳይቲኔ
ኢሰታን ኣማኔቲዛይቲ ኡባይ
ኢሰታ ማላ ጊዳቶ።

19 ኢሰራኤሌ ዳሬዙ!
ጎዳ ጋላቲቲ፤
ኣሮኔ ኬላ ኣሳቶ!
ጎዳ ሳቢቲ፤
20 ሌዌ ኬላ ኣሳቶ!
ጎዳ ጋላቲቲ፤
ጎዳሰ ያዩዛይቶ!
ኡባይ ጎዳ ጋላቲቲ።
21 ዩራሳላሚን ዳኢዛ ጎዳይ
ዲዮኔን ጋላቲቶ!
ጎዳይ ጋላቲቶ!

136

ኤደን ዩዲዳ ጋላታ ማዛሙራ
1 ጎዳ ጋላቲቲ! ኢዚ ኪያ፤

ኢዛ ሲቆይ ሜርናሳ።
 2 ጸሳታ ጸሳ ጋላቲቲ!
 ኢዛ ሲቆይ ሜርናሳ።
 3 ጎዳ ጋላቲቲ!
 ኢዛ ሲቆይ ሜርናሳ።
 4 ኢዚ ጸላ ጊታ ማላሊሲዛ
 ሚሽ ኦሴሰ፤
 ኢዛ ሲቆይ ሜርናሳ።
 5 ባ ሂላቲላን
 ሳሎታ ሜዲዳሰ፤
 ኢዛ ሲቆይ ሜርናሳ።
 6 ቢታ ሃላ ቦላን ሚጪዳሰ፤
 ኢዛ ሲቆይ ሜርናሳ።
 7 ጊታ ፖኦታ ሜዲዳሰ፤
 ኢዛ ሲቆይ ሜርናሳ።
 8 ኦርሼይ ጋላሰ
 ፖኦና ማላ ኦሴዳሰ፤
 ኢዛ ሲቆይ ሜርናሳ።
 9 ኦጊናይኔ ጸሊንቴቲ
 ኦማርሰ ፖኦና ማላ
 ኦሴዳሰ፤
 ኢዛ ሲቆይ ሜርናሳ።
 10 ኢዚ ጊብጾ ቢታን
 ባይራታ ሞዲዳሰ፤
 ኢዛ ሲቆይ ሜርናሳ።
 11 ኢሰራኤሌ ኦሳ ጊብጾፔ
 ካሌላ ኬሲዳሰ፤
 ኢዛ ሲቆይ ሜርናሳ።
 12 ባ ሚኖ ኩሼኒኔ
 ባ ሞልቃማ ቄሴን
 ሃይሳ ኦሴዳሰ፤
 ኢዛ ሲቆይ ሜርናሳ።
 13 ዞኦ ኦባ ሻኪ ዩጊዳሰ፤
 ኢዛ ሲቆይ ሜርናሳ።
 14 ኢሰራኤሌ ኦሳ
 ሄ ኦባ ጊዶራ ፒንላዳሰ፤
 ኢዛ ሲቆይ ሜርናሳ።
 15 ጊብጾ ካዎኔ ኢዛ ኦላንቻታ
 ዞኦ ኦባን ሚቲሲዳሰ፤
 ኢዛ ሲቆይ ሜርናሳ።
 16 ኢዚ ባ ኦሳ ባዞራ ካሌላዳሰ፤
 ኢዛ ሲቆይ ሜርናሳ።
 17 ጊታ ካዎታ ሾጪዳሰ፤
 ኢዛ ሲቆይ ሜርናሳ።
 18 ሞልቃማ ካዎታ ሞዲዳሰ፤
 ኢዛ ሲቆይ ሜርናሳ።
 19 ኦሞሬታ ካዎዛ
 ሲሆኔ ሞዲዳሰ፤
 ኢዛ ሲቆይ ሜርናሳ።
 20 ቃሴ ባሳኔ ካዎዛ
 ኦጌ ሞዲዳሰ፤
 ኢዛ ሲቆይ ሜርናሳ።

21 ሂሰቲዲ ኢሰታ ቢታ
 ባ ኦሳ ላቲሲዳሰ፤
 ኢዛ ሲቆይ ሜርናሳ።
 22 ባ ኦይሌ ኢሰራኤሌ ላቲሲዳሰ፤
 ኢዛ ሲቆይ ሜርናሳ።
 23 ኑኒ ካዉዪዳ ዎዳ
 ኢዚ ኑና ቆፒዳሰ፤
 ኢዛ ሲቆይ ሜርናሳ።
 24 ኑና ኑ ሞርኬታፔ ኦሼዳሰ፤
 ኢዛ ሲቆይ ሜርናሳ።
 25 ሜዲታ ኡባሰ ሚዛዝ ኢሜሰ፤
 ኢዛ ሲቆይ ሜርናሳ።
 26 ሳሎ ጸሳ ጋላቲቲ!
 ኢዛ ሲቆይ ሜርናሳ።

137

1 ባቢሎኔ ሻፋታ
 ላንቄን ኡቲዲ
 ኑኒ ጸዮኔ ቆፒዳ ዎዳ
 ዩኪደሰ።
 2 ሄን ኑኒ ኑ ዲላታ
 ሃላ ማታን ዲጪዛ
 ሚላታ ቦላ ካቂደሰ።
 3 ኑና ዲኢዳ ኦሳቲ ኑኒ ዩጲዲ
 ኢሰታ ኡፋይሳና ማላ፣
 «ጸዮኔ ዩሳፌ ኢሳ
 ኦኔ ኑሰ ዩጲቴ» ጊዳ።
 4 ጎዳ ማዛሙራ ኑኒ ኦላጋ ቢታን
 ዎሰቲ ዩጲኒ?
 5 ዩሩሳላሜ ካታማዩ!
 ታኒ ኔና ባሊኮ
 ታ ኡሻቻ ኩሼይ
 ባ ኦሶ ባሎ።
 6 ታኒ ኔና ሃሳኦንታ ኦጊኮ
 ታ ኡፋይሳ ኡባፌ ኦላዳ
 ዩሩሳላሜ ደሶንታ ኦጊኮ
 ታ ኢንጸርሳይ
 ጎንጊራላራ ኦይኬቶ።
 7 ኦቤት ጎዳዉ!
 ዩሩሳላሜ ኩንዲዛ ጋላሰ
 ኤደሜ ኦሳቲ
 ኦሴዳይሳ ቆፓ፤
 ኢሰቲ፣ «ላሊቲ! ላሊቲ!
 ዮቻፌ ዶቃሊ ዳይሲቲ!»
 ጊዳይሳ ባሎ።
 8 ሃኔ ባቢሎኔ ቢታዬ
 ኔ ዳያና!
 ኔኒ ኑ ቦላ ፖሊዳ ኢታ ኦሶ
 ኔ ቦላ ዛሪ ኦሴዛይ
 ኦንጃቲዳይሳ።
 9 ኔ ጉላ ናይታ ኦይኪዲ

136:1 1ታሪ 16:34፤ 2ታሪ 5:13፤ 7:3፤ ኢዝ 3:11፤ ማዛ 100:5፤ 106:1፤ 107:1፤ 118:1፤ ኤር 33:11 136:5 ሜዴ 1:1 136:6 ሜዴ 1:2 136:9 ሜዴ 1:16 136:10 ኬሳ 12:29 136:11 ኬሳ 12:51 136:15 ኬሳ 14:21-29 136:19 ታይ 21:21-30 136:20 ታይ 21:31-35 137:8 ኦጂ 18:6

ዘላ ቦላ ዲንጩሬሬዲዳይ
አንጃቲዳይሳ።

138

ዳዊቲ ማዛሙራ

- 1 አቤት ጎዳዉ!
ታኒ ታ ኩሜላ ዋዚናፕ
ኔና ጋላታይሰ፤
ጸላታ ሲንላን ኔና ሳባይሰ።
- 2 ኔ ጌሻ ከላኮ ሲማዳ
ኔና ጎይናይሰ፤
ኔ ሲቆ ጌሻሲኔ
ኔ አማኔቴላ ጌሻሰ
ታኒ ኔ ሱንላ ሳባይሰ፤
ኔኒ ኔ ሱንላኔ ኔ ቃላ
ኡባፌ አላዳ
ቆቁ ሂሰታዳሳ።
- 3 ታኒ ጸይጊዳ ጋላሰ ታሰ ኮያዳሳ፤
ኔ ሚናቴላን
ታና ሚንሌላ።
- 4 አቤት ጎዳዉ!
ሳኣን ዲዛ ካዎቲ ኡባይ
ኔ ደናፕ ከኢዳ ቃላ ሲዪዲ
ኔና ጋላቴቶ!
- 5 ጎዳ ቦንቾይ
ጊታ ጊዲዳ ጌሻሰ
ኢሰቲ ኢዚ ኦሲዳ
ኦሶ ጌሻሰ ዩዴቶ።
- 6 ጎዳይ ቦላ ቆቃን ዲኮካ
ሂዩሳታ ሎኦ አይፌን ዴሌሰ፤
ጊዳ ኣቲን ኦቶራንቻታ
ኢዚ ሃሆፕ ኤሬሰ።
- 7 ታኒ ማቶ ጊደን ዲኮካ
ኔኒ ታና ናጋሳ፤
ታ ሞርኬታ ሃንቆ ቦላ
ኔ ቁሴ ዴንላሳ፤
ኔ ኡሻቻ ኩሼን
ታና ኣሻሳ።
- 8 ጎዳይ ታሰ ቆፒዳይሳ ፖላና፤
አቤት ጎዳዉ!
ኔ ሲቆይ ሜርናሳ፤
ኔ ኩሼ ኦሶ ዩጋ ኣጎፋ።

139

ዳዊቲ ዛማሬታ ካቦስ ዩዲዳ ማዛሙራ

- 1 አቤት ጎዳዉ!
ኔኒ ታና ፒልጋ ኤራዳሳ።
- 2 ታኒ አዉዴ ኡቲዛኮኔ
አዉዴ ኤቁዛኮ ኔኒ ኤራሳ፤
ኔኒ ታ ቆፋ ኡባ
ሃኮፕ አኮካሳ።
- 3 ታኒ ቢዛሶኔ
ሸምፒዛሶ ጸሞሳሳ፤
ታ ኦጌታ ኡባ ኔኒ ኤራሳ።
- 4 አቤት ጎዳዉ!

ታኒ ታ ደናፕ ኢሲ ቃላካ
ሃሳያናፕ ካሴታዳ
ኔኒ ታ ቆፋ ኡባ ኤራሳ።

- 5 ኔኒ ታ ዩሾ ኡባን ዳሳ፤
ኔ ኩሼዛን ታና ናጋሳ።
- 6 ኔ ኤራቴላይ
ታና ኬሂፕ ማላሊሴሰ፤
ታኒ አኮካናሰ
ዳንዲይዛይሳፌካ ቆቁሰ።
- 7 ታኒ ኔ አያናፕ
አዎ ባናሰ ዳንዲያዚና?
ዎይኮ ኔ ሲንላፌ
አዎ ባቃታናሰ ዳንዲያዚና?
- 8 ፑዴ ሳሎ ኬኢኮ
ኔኒ ሃን ዳሳ!
ዲጌ ሲኦሌ ዎቂኮካ
ኔኒ ሃን ዳሳ።
- 9 ኣርሼይ ሞኪዛሶ ባጋ
ፓላ ቢኮ።
ዎይኮ ኣርሼይ ወሊዛሶ ባጋ
ሃካ ቢኮ።
- 10 ታና ሃን ኔ ኩሼይ ካሌሌሰ፤
ኔ ኡሻቻ ኩሼይካ
ታና ሚንሌ ኦይኬሰ።
- 11 ታኒ፡ «ቆማዘ!
ታና ጌንላ፤
ፖኦዘ! ታ ዩሾን
ቆማ» ጌኮ።
- 12 ቆማይ ኔና ዴሎ ዲጌና፤
አማርሲ ኔሰ
ጋላሳ ማላ ፖኤሰ፤
ቆማይኔ ፖኦይ ኔሰ ኢሲ ማላ።
- 13 ኔኒ ታ አሳቴላ
ኡባ ሚቆዳሳ፤
ታ አይይ ኡሎንካ
ታና ቲላ ሚቆዳሳ።
- 14 ኔኒ ታና ኬሂ ዩጋልሌኔ
ማላሊሲዛዝ ሂሰታ
ሚቆዳ ጌሻሰ
ታ ኔና ጋላታይሰ፤
ኔ ኦሶቲ ማላሊሲዛይታ!
ታ ሸምፖያ
ሂሳ ኡባ ኤራዉሰ።
- 15 ታኒ ጌማሶን ሚዴቲዳ ዎዴ
ታ ሚቁላቲ
ኔፕ ጌሚቤቴና፤
ታኒ ታ አይይ ኡሎን ጨማ ጊደን
ሂላን ኦሴቲዛ ዎዴ።
- 16 ታ አዩ ኡሎን ቡሮ ሱላ ጊዳ
ታ ዲሺን ኔ አይፌቲ ቤኢዳ፤
ታ ላይላታፕ ኢሶይኔ
ደሚቶንታ ዲሺን
ታሰ ኔኒ ባሪዳ ጋላሳቲ ኡባይ
ኔ ማዝጋባን ጸፊቲዳ።

- 17 አቤት ጸላው!
ኔ ታሰ ቆፒዛ ቆፋይ
አይ ማላ ሎኦ!
ኢዚካ አይ ከና ጮራ!
- 18 ታኒ ኢዛ ቆዲኮ አጩፔካ ዳር፤
ታ ኢቻ ቤጊዛ ዋዴ
ሃኢካ ኔናራ ዴአይሰ።
- 19 አቤት ጸላው!
ኔኒ ኢታታ ሲፊዳኮ አዜ ዲዛይ!
ሱሐ ጉሳና ሳሚቲዛ አሳቲ
ታፔ ሃኪቲ!
- 20 ኢሰቲ ኔ ቦላ
ኢታ ሚሽ ሃሳዬቲሰ፤
ኔ ሞርኬቲ
ኔ ሱንሳ ሞሬቲሰ።
- 21 አቤት ጎዳው!
ኔና ኢጸዛይታ
ታኒ ኢጸዛኪና?
ኔ ቦላ ዴንዲዛይታ
ታኒ ሃራሴቲኪና?
- 22 ታ ኢሰታ ሙሌራ ኢጸይሰ፤
ኢሰታ ታኒ
ታ ሞርኬታ ማላ ቆዳይሰ።
- 23 አቤት ጸላው!
ታ ዋዚና ፒልጋዳ ኤራ፤
ታና ፓጫዳ ታ ጨጨፎ ቆፋካ
ሻካ ኤራ።
- 24 አኔ ታናን ኢታይ ዴኢኮ ጸላ፤
ሂሰታዳ ሚርና ኦጌራ
ታና ካሌላ።

140

ዳዊቲ ዛማሬታ ካቦሰ ዩጲዳ ማዛሙራ

- 1 አቤት ጎዳው!
ኢታ አሳታፔ ታና አሻ፤
ማካላንቻታፔካ
ታና ናጋ።
- 2 ኢሰቲ ኡባ ዋዴ
ኢታ ኦላናሰ ማቄቲቲሰ፤
ኡባ ጋላሲካ
ኦሽ ዴንላናሰ
ዮኦ ፒቄቲሰ።
- 3 ኢሰቲ ሃሶ ሾሻ ማላ
ኢንጸርሰ ቃራሴቲሰ፤
ኢሰታ ዶናፔ ጎፔ ማርኬ ማላ
ቃላይ ኬዜሰ።
- 4 አቤት ጎዳው!
ኢታ አሳታ ኩሸፔ ታና አሻ፤
ታ ቶሆ ቃጸናሰ ቆፒዛ
ማካላንቻታፔካ
ታና ናጋ።
- 5 ኦቶራንቻቲ ታሰ
ዋጸማዴ ዋሊዳ፤
ጊቲ ጊግሲዳ፤

ታ ኦጌንካ ዲዛ ዋሊዳ።

- 6 ታኒ ጎዳ፡
«ኔኒ ታ ጸላ» ጋይሰ።
አቤት ጎዳው!
ታኒ ሾቢዛይሳ ሲያ።
- 7 አቤት ኡባሬ ዋልቃማ ጎዳው!
ታና አሽዛ ሚኖዛ!
ኦላ ጋላሰ ታሰ ጎንዳሌ ጊዳዳሳ!
- 8 አቤት ጎዳው!
ኢታታ አሞይ ፖሌቶፎ፤
ኢሰታ ቆፋይ
ፖሌታና ማላ ኦላፋ!
- 9 ታ ሞርኬታን ታና ጸኒሶፓ፤
ኢሰቲ ቆፒዳ ኢታ ቆፋይ
ኢሰታ ሁኤን ጸጾቶ።
- 10 ኢሰታ ቦላ ታማ ቦንቆይ ቆሌቶ፤
ኢሰቲ ታማን ኦሌቶቶ፤
ሲሚ ኬዛናሰ ዳንዳዮንታ
ኦላን ኩንዴቶ።
- 11 ኢታ ሃሳይዛይታ ቢታይ ቶኮፎ፤
ማካላንቻታ
ኢታ ሚሽ ኦይኮ።
- 12 ጎዳይ ሃዬሳታሰ ፒርዲዛይሳኔ
ሜቶታንቻታሰ
ሞቲቲዛይሳ ታ ኤራይሰ።
- 13 ጲሎቲ ቱሙፔ
ኔ ሱንሳ ጋላታና፤
ሱሬቲካ ኔ ሲንላን ዴኦና።

141

ዳዊቲ ማዛሙራ

- 1 አቤት ጎዳው!
ታኒ ኔና ጸይጋይሰ፤
ታና ማዳናሰ ኤሌላ።
ታኒ ኔኮ ዋሲዛ ዋዴ
ታ ሞሶ ሲያ!
- 2 ታ ዋሳይ ኤጸኔ ጨዋ ማላ
ኔ ሲንሐ ሺቆ፤
ታኒ ታ ኩሼዛ ሚጨዛይሲ
ኔሰ ኦማርሳ ዋዴ
ያርሾ ማላ ጊዳ።
- 3 አቤት ጎዳው!
ታ ዶና ናጋናሰ
ዛቤ ዋላ፤
ታ ሚቲርሻታ ፔንጌን
ናጊዛይሳ ኤሳ።
- 4 ሞሮ ኦሊዛ አሳታራ
ኢታ ኦሶ ኦላንታ ማላ
ታ ዋዚና ኢታኮ ዛርፓ፤
ኢሰታ ጊቢራካ ታና ሚዛፓ።
- 5 ጲሎ ኦሲ ታና ቃጸዮ፤
ሂሲካ ታሰ ሎኦ፤

ኢዚ ታና ሴሪኮ
 ሄሲ ታ ሁኔን
 ዛይቲ ቲዩዛ ማላ፤
 ሄሳካ ታ ኢጲኬ፤
 ገዶ አቲን ታኒ ኡባቶካ
 ኢታ አሳታ ኦሶ ቦላ ዋሳይሰ።

6 ኢሰታ ዳናቲ
 አፎራ ዲጌ ኦሎቲዛ ዋዳ
 ታ ቃላይ ቱማ ገዲዲይሳ
 ኢሰቲ ኤራና።

7 ጋዴይ ጎዬቲዛ ማላ፤
 ጳሼይ ለቁዛ ማላ
 ኢሰታ ማቁላካ
 ዲፎ ደናን ላሌታና።

8 አቤት ጎዳዉ፤
 ኡባፌ ዋልቃማ ጸሳዉ!
 ታ አይፌይ ኔና ጸሌሰ፤
 ታ ዜምፖይ ኔና፤
 ታና ሃይቆስ አላዳ ኢሞፋ።

9 ኢሰቲ ታሰ ዋሊዳ
 ዋጺማዳፔኔ
 ኢታ ኦሊዛይታ ገቲፔ
 ታና ናጋ።

10 ታ ሳር አጲሺን
 ኢሰቲ ባንቲ ዋሊዳ
 ገቲዛን ኦይኬቲቶ።

142

ጎንጎሎ ገደን ዲዛ ዋዳ ዳዊቲ አኬካን ዬጲዳ ማዛሙራ

- 1 ታ ቃላ ቶቁ ሂሰታዳ
 ታኒ ጎዳኮ ዋሳይሰ።
 ጎዳፔ ማርቲል ዋሳይሰ።
- 2 ታ ቆሆዛ ኡባ ኢዛሰ ማጋናይሰ፤
 ታ ሜቶ ኡባ ኢዛሰ ዮታይሰ።
- 3 ታኒ ዳቡርዳ ዋዳ
 ኔኒ ታ ኦጌ ኤራሳ፤
 ታ ሄማቲዛ ኦጌን
 ታና ኦይካናሰ
 ዋጺማዳ ዋሊዳ።

4 ታኒ ታ ዩሾ
 ሰማ ጸሊዛ ዋዳ
 ታና ማዳናይ ኦኒካ ዳና፤
 ታ ባቃታ አታናሶይካ ዳና፤
 ታ ሽምፖይሰ ዉዳቲዛ
 አሰካ ዳና።

5 አቤት ጎዳዉ!
 ኔ ታና ማዳና ማላ
 ታ ኔኮ ዋሳይሰ፤
 ታ ዜምፖይ ኔና፤
 ታ ሽምፖራ ፓጻ ዲሺን
 ታ ቃዳይ ኔና።

6 ታኒ ከሂፕፔ
 ሂዳታ ቃንጲዳ ገሻሰ

ኔ ታ ዋሶ ሲያ!
 ታና ጎዲዛይቲ
 ታፔ ዋልቃቲዳ ገሻሰ
 ታና አሻ።

7 ታኒ ኔ ሱንሳ ጋላታና ማላ
 ታና ቃሾፔ ቢርሻ።
 ኔኒ ታሰ ሎኦ ገዲዳ ገሻሰ
 ጲሎቲ ታ ዩሾን ሺቃና።

143

ዳዊቲ ማዛሙራ

- 1 አቤት ጎዳዉ!
 ታ ዋሳ ሲያ፤
 ታ ሾቢዛይሳ ኤዘጋ፤
 ኔኒ ጲሎኔ
 አማኔቲዛይሳ
 ገዲዳ ገሻሰ
 ታሰ ዛር ኢማ።
- 2 ኔ ሱንሳን ጲሎ ገዳና አሰ
 ኦኒካ ዳና፤
 ታና ኔ አይሌዛ
 ፐርዳሰ ሺሾፋ።
- 3 ታ ሃይቃና ጋካናሰ
 ታ ሞርኬቲ ታና ዬዳሊዳ፤
 ታና ዲርጲዲ
 ቢታ ጋርሰ ጌልሊዳ፤
 ካሴ ሃይቂዳ አሳታ ማላካ
 ታና ጳማን ዋሊዳ።
- 4 ሄሳ ገሻሰ ታኒ ዳቡራዲሰ፤
 ታ ዋዚናይካ ሂዳታ ቃንጲዳሰ።
- 5 ታኒ ቤኒ ዋዳታ ሃሳኦይሰ፤
 ኔኒ ኦሊዳ ኦሶ ኡባ
 ዩሻ ቆፓይሰ፤
 ኔ ኩሼ ኦሶታካ አኬካይሰ።
- 6 ታኒ ታ ኩሼዛ ኔኮ ሚጫይሰ፤
 ሜላ ቢታይ ሃል ኮይዛ ማላ
 ታ ሽምፖያ ኔና ሳሜታዲሰ።
- 7 አቤት ጎዳዉ!
 ታኒ ዳቡራዲሰ፤
 ኔ ታሰ ዛር ኢማናሰ ኤሌላ!
 ታኒ ሃይቂዳ አሳታሶ
 ዲጌ ዲፎን ጌሎንታ ማላ
 ኔ ሱንሳ ታፔ ጌንሶፋ።
- 8 ታኒ ኔና አማኔቲዛ ገሻሰ
 ማላዶ ማላዶ ኔ ሲቆ
 ታና ቤሳ፤
 ታኒ ታ ሽምፖ ኔሰ ሃዳራዲሰ፤
 ሄሳ ገሻሰ ታ ባና ኦጌ
 ታና ታማርሳ።
- 9 አቤት ጎዳዉ!
 ታ ኔ ጋርሳን ቆቲታዲሰ፤
 ታና ታ ሞርኬታፔ አሻ።

- 10 ኔኒ ታ ጸሳ፤
 ታኒ ኔ ሼኔ ፖላና ማላ
 ታና ታማርሳ፤
 ኔ ሎኦ ኣያናይ
 ታና ሱሬ ኦጌ ካሌሉ።
- 11 ኣቤት ጎዳዉ!
 ኔ ሱንሳ ጊሻሰ
 ታና ኣሻ፤
 ኔ ጸሎቴላን
 ታና ማቶፔ ኬሳ።
- 12 ኔ ታና ሰቂዛ ጊሻሰ
 ታ ሞርኬታ ሱፑ ሂሰታ ዎቋ፤
 ታና ኔ ኣይሌዛ ኡንኤሊዛይታ
 ዲፒ ሂሰታ ቋይሳ።

144

- ዳዊቲ ማዛሙራ
- 1 ታ ኩሼታ ኦላሰ፤
 ታ ቢራጴታካ
 ጸንጌላሰ
 ሎሂሲዳ ጎዳይ
 ታ ዛላይ ጋላቴቶ!
 - 2 ኢዚ ታና ሰቂዛኔ
 ጌንሊዛ ጸሳ፤
 ኢዚ ታሰ ሚጸኔ
 ታና ኣሺዛይሳ፤
 ኢዚ ታ ጎንዳሌኔ
 ታኒ ባቃታዳ ኣቴዛሶ፤
 ካዎቴላታካ
 ኢዚ ታሰ ሃሪሲዛይሳ።
 - 3 ኣቤት ጎዳዉ!
 ኔ ሃይሳ ሲሬ ቦንቻናሰ
 ኣሲ ኣዜ?
 ኔ ሃይሳሶ ኣሳሰ ቆፓናዉ
 ኣሳ ናይ ኣዜ?
 - 4 ኣሲ ኢሲቶ ጫርኪ ኣጲዛ
 ጫርኮ ማላ፤
 ኢዛ ላይላቴካ
 ኤሶን ቋይዛ ኩዋ ማላ።

- 5 ኣቤት ጎዳዉ!
 ኔኒ ሳላ ዳካዳ
 ዲጌ ዎቋ!
 ዙማታ ቦቻዳ ጩዋሳ!
- 6 ዎልቃንሳ ዩዳዳ
 ኔ ሞርኬታ ላላ!
 ኔ ዎንዳሬ ዩሻን
 ዲካዳ ዩዳላ!
- 7 ቦላፊ ኔ ኩሼ ዩዳዳ፤
 ታና ዎልቃማ ሃላፊ
 ጎቻ ኬሳ፤
 ኣላጋ ኣሳታ ኩሼፔፔ
 ኔ ታና ኣሻ።
- 8 ኢሰታ ዶናይ ዋርዶ ሃሳዬሰ፤
 ኢሰቲ ኡሻቻ ኩሼ ዳንሊዲ

ዋርዶ ጫቁቴሰ።

- 9 ኣቤት ጸሳዉ!
 ታኒ ኔሰ ኦራላ
 ማዛሙራ ዩዳና፤
 ታሙ ሻያን ዋጼቴዳ ዲላን
 ኔሰ ዩዳና።
- 10 ካዎታሰ ጸኖ ኢማሳ፤
 ኔ ኣይሌ ዳዊቲ ጊላ
 ማሻፊ ኣሻሳ።
- 11 ዋርዶ ሃሳይዛይታፔኔ
 ባ ኡሻቻ ኩሼ ዳንሊዲ
 ዋርዶ ጫቁዛይታፔኔ
 ኣላጋታፔ ታና ኣሻኔ ናጋ።
- 12 ኦ ኣቴማ ናይቲ
 ባ ናቴቴላን ዳልቂዳልቂዲ
 ዲጪዛ ሚላ ማላ ጊዴቶ!
 ኦ ማጫ ናይቲካ
 ካዎ ኬላ ጉላን
 ኣሌቆሰ ኤሲዳ
 ቱቁ ማላ ጊዴቶ።
- 13 ኦ ጎታራታን ዲማ ዲማ
 ቆሞ ካሊ ኩሞ፤
 ኦ ዶርሳቲ ሺ ላቃ
 ጋካናሰ ዩሌቶ፤
 ሃሚቴዛሶን ታሙ ሺ
 ጋካናዉ ዳሬቶ።
- 14 ኦ ሚዛቲ ዩሊዛይታ ጊዴቶ፤
 ኢሰቲ ኣዉጫዮንታ
 ዩሌቴዲ ጮራቴቶ።
 ኦና ኣሲ ዲኦፖ፤
 ኦ ዛጎን ዋሶይ ሲዩቶፎ።
- 15 ሃ ኣንጆይ ኢዛ ጋኪዛ ዳሬይ
 ኣንጆቴዳ ዳሬ፤
 ጸሲ ኢዛሰ ጎዳ ጊዲዳ ዳሬይ
 ኣንጆቴዳ ዳሬ።

145

ዳዊቲ ዩዲዳ ጋላታ ማዛሙራ

- 1 ኣቤት ታ ካዎ ጸሳዉ!
 ታኒ ኔና
 ቶቁ ቶቁ ሂሰታና፤
 ኔ ሱንሳ
 ሚርናሰካ ጋላታና።
- 2 ታኒ ኔና ኡባ ጋላሰ ሳባና፤
 ኔ ሱንሳካ
 ሚርናሰ ጋላታና።
- 3 ጎዳይ ጊታ፤
 ጊታ ጋላታይ ኢዛሰ ቤሴሰ፤
 ኢዛ ጊታቴላይ
 ኣሳ ቆፋፔ ቦላ።
- 4 ኢሲ ዩሌታይ ካሊዛ ዩሌታሰ
 ኔ ኦሊዳ ኦሶ ዮቴሰ፤

- ማላሊሲዛ ኔ ኦሶታካ
ቆንጨሳና።
- 5 ኢሰቲ ኔ ቦንቾኔ
ኔ ጊታ ቱማ ሃሳያና፤
ታኒካ ማላሊሲዛ ኔ ኦሶዛ
ዛራ ዛራ ቆጋና።
- 6 አሳይ ማላሊሲዛ ኔ ኦሶዛ
ጊታቴላ ጊሻሰ
ሃሳዬታና፤
ታኒካ ኔ ጊታቴላ አዋጃና።
- 7 ኢሰቲ ኔ ኪያቴላ ዳርዛ ዮታና፤
ኔ ጸሎቴላ
ኡፋይሳን ዩጻና።
- 8 ጎዳይ ቃዴቲዛይሳኔ
ማሪዛይሳ፤
ኢዚ ሃንቁታናሰ
ኤሶቶንታይሳኔ
ሰቆይ ኩሚዳይሳ።
- 9 ጎዳይ ኡባሰ ኪያ፤
ኢዚ ባ ሜዲዳ
ኡባሰ ቃዴቲዛይሳ።
- 10 አቤት ጎዳዉ!
ሜዴታ ኡባይ ኔና ጋላታና፤
ኔ ዴሬይ ኡባይካ
ኔና ሳባና።
- 11 ኢሰቲ ኔ ካዎቴላ
ቦንቾ ጊሻሰ ሃሳያና፤
ኔ ዎልቃ ጊሻሰ ዮታና።
- 12 ሄሳን ኔ ዎልቃማ ኦሶታኔ
ኔ ካዎቴላ
ቱማ ቦንቾዛ
ኢሰቲ ኤሪሳና።
- 13 ዩሌታፔ ዩሌታ ጋካናሰ
ኔ ሃራና፤
ኔ ካዎቴላይ ሜርናሳ።

ጎዳይ ባ ጊዳ ቃላን
አማኔቲዛይሳ፤
ኢዚ ባ ኦሶ ኡባን ኪያ።
- 14 ጎዳይ ጋንዲጋርዛይታ ካፌሰ፤
ኩንዲዳይታካ ዴንጤሰ።
- 15 ኡባ አይፌይ ኔኮ ጸሌሰ፤
ኢሰታሰ ኮሺዛ ዎዴን
ኔኒ ኢሰታሰ ቁማ ኢማሳ።
- 16 ኔኒ ኔ ኩሽ ሚጫዳ
ሽምገራ ፓጻ ዲዛ ኡባ
አሞ ኩንላሳ።
- 17 ጎዳይ ባ ኦጌ ኡባን ጸሎ፤
ኢዚ ባ ኦሶ ኡባን ኪያ።
- 18 ጎዳይ ባና ጸይጊዛይታሰ
ኡባሰ ማታ፤
ዎዚናፔ ጸይጊዛ ኡባሰ
ማታን ዴሰ።
- 19 ኢዚ ባሰ ያዩዛ ኡባሰ
አሞ ኩንጤሰ።

- ቃሴ ኢዚ ኢሰታ ዋሶዛ ሲዩዲ
ኢሰታ አሽሰ።
- 20 ጎዳይ ባና ሰቁዛይታ
ኡባ ናጌሰ፤
ጊዶ አቲን ኢታታ
ኡባ ዳይሳና።
- 21 ታኒ ታ ዶናን ጎዳ ጋላታና።
ሜዴታ ኡባይ
ኢዛ ጌሻ ሱንላ
ሜሪ ሜርናሰ ጋላቶ!

146

- አሺዛ ጸሳሰ ሸቁዳ ጋላታ
- 1 ጎዳይ ጋላቴቶ!
ታ ሽምገራ።
ጎዳ ጋላታ!
- 2 ታ ዴኦ ላይላ ኡባን
ታኒ ጎዳ ጋላታና፤
ታኒ ሽምገራ ፓጻ ዲዛ ዎዴ
ኡባን ታ ጸሳ ሳባና።
- 3 ዴሬ አይሲዛይታን አማኔቶፍቴ፤
አሰ አሻናዉ ዳንዳዮንታ
አሾ ማይኢዳ
ሜዴታታን ጨቁቶፍቴ።
- 4 ኢሰታ ሽምገራ ኬዚዛ ዎዴ
ኢሰቲ ቢታን ሲማና፤
ኢሰታ ሃልቾይ ኡባይ
ሄ ጋላሰ አታና።
- 5 ያቆቤ ጸሳይ ማዲዛ አሲ
ባ ሂደታካ ባ ጎዳ ቦላ
ዎሊዳ አሲ አንጃቲዳዴ።
- 6 ጎዳይ ሳሎኔ ሳኦ።
ጊታ አባኔ ኢሰታ
ጊዶን ዲዛ ኡባ
ሜዲዳይሳ፤
ኢዚ ባ አማኔቴላ
ሜርናሰ ናጊዛይሳ።
- 7 ኢዚ ቆሃቲዳይታሰ ፐርዲዛይሳ፤
ጋፊዳይታ ሚዚ ካልሲዛይሳ።

ጎዳይ ቃሽቲዳይታ
ቢርሺ ዩዲዛይሳ፤
- 8 ጎዳይ ቆቁታ ጸሊሴሰ።
ጎዳይ ኩንዲዳይታ ዴንጤሰ፤
ጎዳይ ጸሎታካ ሲቁሰ።
- 9 ጎዳይ ቤቴ አሳታ ናጌሰ።
አሞኤታኔ ዩኦ ናይታ ማዴሰ፤
ጊዶ አቲን ኢታታ ኦጌ ዳይሴሰ።
- 10 ጎዳይ ሜርናሰ ካዎ፤
ጸዮኔ! ኔ ጸሲ
ዩሌታፔ ዩሌታ ጋካናሰ
ካዎታና።

ጎዳይ ጋላቴቶ!

147

- 1 ጎዳይ ጋላቴቶ!
ኑ ጸሳ ዩላን ሳቦይ
አይ ማላ ሎኦ!
ኢዛ ጋላቴዛይሲ ኡፋይሴሰ፤
ሄሲካ ኢዛሰ ቤሴሰ።
- 2 ጎዳይ ዩሩሳላሜ ኦሩዲሳና፤
ኢሰራኤሌፔ ቤቴዳይታካ
ሸሻና።
- 3 ዋዚናይ ማቂዳይታ ኢዚ ኮሌሰ፤
ኢሰታ ማዲንሳካ
ኢዚ ፓሌሰ።
- 4 ኢዚ ሳሎ ጸለንቴታ ቆዳ ኤሬሰ፤
ኢሳ ኢሳ ኢዛ ሰንገላን
ሰንገላን ጸይጌሰ።
- 5 ኑ ጎዳይ ጌታ፤
ኢዚ ከሂፔ ዋልቃማ፤
ኢዛ ኤራቴላሰ ዛዋይ ዳና።
- 6 ጎዳይ ካዴቴዳይታ ቦንቼሰ፤
ጌዶ ኣቴን ኢታታ ካወሼሰ።
- 7 ጎዳሰ ጋላታ ማዛሙራ ዩዲቴ፤
ኑ ጸሳሰ ማሲንቆ
ሸጨሽ ጋላቴቴ።
- 8 ኢዚ ሳሎ ሻራ ማይዜሰ፤
ሳኣሰ ኢራ ቡኪሴሰ፤
ዙማታ ቦላካ ማታ ሞኪሴሰ።
- 9 ማደሳሲኔ ቁሮ ዩሎታሰ
ሚዛ ሚሽ ኢዚ ኢሚሰ።
- 10 ኢዚ ኡፋዩቴዛይ
ፓራታ ዋልቃኒኔ
ቶራንቻታ
ሚኖቴላን ጌዳና።
- 11 ጎዳይ ባሰ ያዩዛይታኒኔ
ኢዛ ሲቆን
ኣማኔቴዛይታን ኡፋዩቴሰ።
- 12 ዩሩሳላሜ ካታማዬ!
ጎዳ ጋላታ!
ሃኔ ጸዮኔ! ኔ ጸሳ ሳባ!
- 13 ኢዚ ኔ ፔንጌ ኮላታ ሚንፊሰ፤
ኔ ጌዶን ዲዛ ኔ ናይታ ኣንጃሰ።
- 14 ኢዚ ኔ ዛዋ ሳሮቴላን ናጌሰ፤
ኔና ከሂፔ ሎኢዛ
ጌሰቴ ካልሴሰ።
- 15 ኢዚ ባ ኪታ ሳኣሰ ኪቴሰ፤
ኢዛ ቃላይካ ኤሶን ጋኬሰ።
- 16 ኢዚ ሻቶ ኣፋላ ማላ ሚጨሰ፤
ከንቸካ ቢዲንጎ ማላ
ላሌሰ።
- 17 ኢዚ ሻቶ ሹቻ ማላ
ዲጌ ዩዳና፤
ሄ ሞጨዛን ኤቃናሰ

- 18 ኢዚ ባ ቃላ ኪቴዲ
ሻቻ ማዩሴሰ።
ኢዚ ጨርኮ ጨርኪሲን
ሃሌ ጎጌሰ።
 - 19 ኢዚ ባ ቃላ ያቆቤ ዜሬላሰ
ባ ማራኔ ዋጋ
ኢሰራኤሌ ኣሳሰ ቆንጨሴሰ።
 - 20 ኢዚ ሄሳ ማላ
ሃራ ካዋቴላታሰ
ኦሊቤና፤
ኢሰቴ ኢዛ ዋጋ ኤሬቴና።
- ጎዳይ ጋላቴቶ!

148

- 1 ጎዳይ ጋላቴቶ!
ሳሎን ዳኢዛይቶ! ጎዳ ጋላቴቴ፤
ቦላ ቶቃን ዳኢዛይቶ!
ኢዛ ሳቢቴ።
- 2 ኢንቴኖ ኢዛ ኪታንቻቶ!
ኡባይ ኢዛ ጋላቴቴ፤
ሳሎን ዳኢዛ ኢዛ ኦላንቻቶ!
ኡባይ ኢዛ ጋላቴቴ።
- 3 ኣርሼይኔ ኣጊናይ ኢዛ ጋላቴቴ፤
ፖኢሲዛ ጸለንቴቶ!
ኡባይ ኢዛ ጋላቴቴ።
- 4 ኢንቴኖ ኡባፌ ቦላ ቶቃን
ዲዛ ሳሎቶ! ኢዛ ጋላቴቴ፤
ሳሎ ጉፋንጶፌ ቦላራ ዲዛ
ሃላቶ! ኢዛ ሳቢቴ።
- 5 ኢዚ ኣዛዚን ኢሰቴ ኡባይካ
ሚዴቴዳ ጌሻሰ
ኡባቴ ጎዳ
ሰንገላ ጋላቴቶ!
- 6 ኢዚ ኢሰታ ኢሰቴ ዲዛሶን
ሚሪ ሚርናሰ
ሚንሌ ዋሊዳሰ፤
ኢዚ ኢሰታሰ ላሚቶንታ
ዋጋ ኢሚዳሰ።
- 7 ሳኣን ዳኢዛይቶ! ጎዳ ጋላቴቴ!
ኣባ ጌዶን ዲዛ
ጌታ ሚዴቴላቴኔ
ዋጋ ጌታ ኣባ ጨማቴ
ኡባይካ ኢዛ ሳቢቴ።
- 8 ዋልቃንሊኔ ሻቸ፡
ከንቸይኔ ጉባናይ፡
ኢዛ ኣዛዘ ፖሊዛ ጎቴ ጨርኮቴ
ኡባቴካ ኢዛ ጋላቴቴ።
- 9 ዙማቶ፡ ዙሞቡላቶ፡
ኣይፌ ኣይፊዛ ሚላቶ፡
ዚጋቶ ኡባቴካ ኢዛ ጋላቴቴ።
- 10 ሚሄቶ፡ ደኣቶ፡
ሳኣራ ጎሼቴዛ ሚዴታቶ!
ፓሊዛ ካፎቶ ኡባቴካ
ኢዛ ጋላቴቴ።

- 11 ሳኣ ካዎቶ፥ ካዎቴላቶ!
ዳናቶ፥ ዳሬ ሃሪዛይቶ!
ኡባቲካ ኢዛ ጋላቲቴ።
- 12 ፓንላቶ፥ ጌላኦቶ፥
ጨማቶ፥ ናይቶ!
ኡባቲካ ኢዛ ጋላቲቴ።
- 13 ኢዛ ሱንሴ ኡባ ቦላ ዶቃ፤
ኢዛ ቦንቾይ
ሳኣፔኔ ሳሎፔ ቦላ፤
ሄሳ ገሻሰ ሃይቲ ኡባይ
ኢዛ ሱንሳ ጋላቲቶ።
- 14 ኢዛ ባጋ ገዲዳ ኢሰራኤሌ ኣሳቲ
ኢዛ ጋላታና ማላ
ኢዚ ኢሰታ ካጮፍ ኬሲዳሰ።

ኅዳይ ጋላቲቶ!

149

- 1 ኅዳይ ጋላቲቶ!
ኅዳሰ ኦራሳ
ማዛሙራ ዩዲቲ!
ጌሻታ ሸቆሶን ኢዛሰ
ጋላታ ማዛሙራ ዩዲቲ!
- 2 ኢሰራኤሌ ኣሳቲ
ባና ሜዲዳይሳን
ኡፋዬቴቶ፤
ደዮኔ ኣሳቲ ባ ካዎዛን
ኬሂፔ ኡፋዬቴቶ።
- 3 ዲሪሼ ካራቤ ባቂሼኔ
ዲላ ዲዲሼ ኢዛ ሱንሳ ሳቤቶ።
- 4 ኅዳይ ባ ኣሳን ኡፋዬቴሰ፤
ኣሸኬታ ኣሺዲ
ቦንቾን ፑላሴሰ።
- 5 ሄ ፑላቴላን ጸሳ ኣሳቲ
ኡፋይሳን ዩዲቶ፤
ጋዴይ ዎንታና ጋካናሰ
ኢሊሊሼ ዩዲቶ።
- 6 ኢሰታ ዶናን ጸሳ ጋላታይ፥
ኢሰታ ኩሼንካ
ቃራ ገላ ማሻይ ዳኦ።
- 7 ኢሰቲ ሄሳን ካዎቴላታ ቦላ
ሃሎ ኬሳና፤
ኣሳካ ቃጸያና።
- 8 ኢሰታ ካዎታ ሳንሳላታን፥
ኢሰታ ኦላ ቃራታካ
ቢራታን ቃቻና።
- 9 ሄሳን ኢሰታ ቦላ
ጸፊቲዳ ፐርዳ ፖሊዳ
ጸሳ ኣሳቲ ጸናና።

ኅዳይ ጋላቲቶ!

150

- 1 ኅዳይ ጋላቲቶ!

- ጸሳ ኢዛ ኬላን ጋላቲቴ፤
ኢዛ ዎልቃይ ዲዛ
ሳሎ ጉፋንሶን
ኢዛ ጋላቲቴ።
- 2 ኢዚ ኦሊዳ
ዎልቃማ ኦሶታ ገሻሰ
ኢዛ ጋላቲቴ፤
ኢዚ ኬሂ ገታ ገዲዳ ገሻሰ
ኢዛ ጋላቲቴ!
- 3 ዛዬን ኢዛ ጋላቲቴ፤
ባጋናኒኔ ማሰንቆን
ኢዛ ጋላቲቴ።
- 4 ካራቤ ባቂሼኔ ዲሪሼ
ኢዛ ጋላቲቴ፤
ታሙ ሻያን ዎጾቲዳ
ዲላኒኔ
ሱሱልኤን ኢዛ ሳቤቲ።
- 5 ዳላ ቃሊሼ ኢዛ ጋላቲቴ፤
ዳላ ሾጪሼ ኢዛ ጋላቲቴ።
- 6 ሸምፖራ ፓጸ ዲዛ ኡባይ
ኅዳ ጋላቲቴ!

ኅዳይ ጋላቲቶ!

ሌሚሶ ማጻፋ ጊደ ቆፋ

ሌሚሶ ማጻፋይ ቶሴኒኔ ሌሚሶ ሃሳያን ገጊዳ ኦሶኔ አማኖ ተሚርቲ። ኢዛፔ ዳሪዛ ባጋይ አሳ ዳኦን ሃቶ ሃቶ ጋይቲዛ ሃኖታ ገሻሰ ዮቴሰ። ኮይሮፔ ደሚሾ። «አጶ ኤራቴላሰ ኮይሮይ ጸሳሰ ያሻቴላ» ገዛ ቆፋ ሃሳኢሶን ደሚሶ። ኢዛካ ታማርሲዛይሲ አማኖ ዋጋን አሲ ኦላናይሳ ጸላ ጊደንታ። አሲ ባሰ ሃቶ ሃቶ ዳኦን ሃናናሰ ቤሲዛ ሎኦ ካንዶኔ ኦላናሰ ቤሲዛ ሎኦ ኦሶ ጉጂዲ ታማርሲሰ። ሃ ማጻፋ ጊደን አሸኬቴላ ገሻሰ። ዳንዳያ ገሻሰ። አሳሰ ቃጴቴላ ገሻሲኔ አማኔቴላ ገሻሰ ዳሮ ተሚርቲይ ሌሚሶን ኢሜቲዳሰ።

ሃ ማጻፋይ ኦይኪዳ ኩሜላ ቆፋ

ሌሚሶታ ዋሰቲ ጎኤታናኮ ቤሲዛ ኦጌ 1:1-7
አጶ ኤራቴላ ኮያና ማላ ኢሜቲዳ ዘሬ 1:8—7:27
ኤራቴላ ሳባናሰ ዩጶጵቲዳ ማዛሙራ 8:1—9:18
ሶሎሞኔ ሌሚሶታ 10:1—29:27
አጉሬይ ሃሳይዳ ዮኦታ 30:1-33
ሊሙኤሌ ኢያ ባ ናዛ ታማርሲዳ ተሚርቲ 31:1-31

ሌሚሶታ ዋሰቲ ጎኤታናኮ ቤሲዛ ኦጌ

1 ሃይቲ ኢሰራኤሌ ካዋ ዳዊቲ ና ሶሎሞኔ ሌሚሶታ።

2 ሌሚሶቲ አሳይ አጶ ኤራቴላ። ሴራኔ ኤራቴላ ሃሳያ አኬካናሰ ማዴቴሰ።

3 ኢሰቲካ ዳኦና ዳኦን አጶ ኤራቴላ። ጸሎቴላ። ሱሬ ፐርዳኔ ሱሬ ሃኖ ታማርሲዛይታ።

4 ኤራቴላ ፓጨዳይታሰ አኬካ። ናቴላታሰ ኤራቴላኔ ዋዚናማቴላ ኢሚዛይታ።

5 አጶ ኤራንቻቲ ሃ ሌሚሶታ ሲዩዲ ኤራቴላ ጉጂቴሰ፤ አኬካንቻ አሳቲካ ሎኦ ዘሬታ ኤኬቴሰ።

6 ሃሳ ማላን ሌሚሶታኔ ኢሰታ ቢርሼላታ። አጶ ኤራንቻታ ሃሳያኔ ኢሰታ ማሌሶ አኬካናሰ ዳንዳዬቴሰ።

7 አጶ ኤራቴላሰ ኮይሮይ ጎዳሰ ያሻቴላ፤ ኤያቲ ጊዲኮ አጶ ኤራቴላኔ ሴራ ካጴቴሰ።

ዬላጋ ናይታሰ ኢሜቲዳ ዘሬ

8 ታ ናዘ!

ኔ አዋ ዘሬ ኤዘጋ፤ ኔ ኢያ ታማርሲዛይሳካ አጎፋ።
9 ሄሲ ኔ ሁኤሰ ቦንቾ ካላቻ፤ ኔሰ ቆጴን አሲዛ አሌቆ ማላ ጊዳና።

10 ታ ናዘ! ኔና ናጋራንቻቲ ባሌሊኮ ኤኖ ጎፓ።

11 ኢሰቲ ኔና። «አኔ ሃያ፤ ኢሲፌ ቢዲ ሱላ ጉሳናሰ ዙጎሰ፤ ጸሎታካ ዋጳናሰ ቆቴቲ ኡቶሰ።

12 ዲፎይ ሚቲዛ ማላ ኮኒካ አኔ ኢሰታ ፓጸ ዲሺን ሚቶሰ፤ ኮኒ ኢሰታ ጨማ ኦላን ኦሌቴዛ አሳ ማላ አኔ ኦሶ።

13 ኮኒ አልኦ ሚሽ ኡባ ዳማና፤ ሂሰቲዲ ኦ ኬላ ቦንቁ ኤኪዳ ሚሻን ኩንላና።

14 ኦናራ ዙፔታ፤ ዳሚዳዝ ኢሲፌ ጎኤታና» ጋና።

15 ታ ናዘ! ኢሰታራ ኢሲፌ ኦጌ ሃሜቶፋ፤ ኢሰቲ ቢዛ ኦጌ ባና ጋዳ ኔ ቶሆ ዳንሶ።

16 ጋሶይካ ኢሰቲ ኢታ ሚሽ ኦላናሰ ዋጶቴሰ፤ አሳ ሱላ ጉሳናሰካ ጃሜቴሰ።

17 ካፎይ ጸሊሺን ኢዛ አይካናሰ ያርዴ ዋሊኮ አይኮካ ማዴና።

18 ሃይቲ ሃ አሳቲ ባንታ ሱላ ጉሳናሰ ዙጌቴሰ፤ ባንታ ሺምፖ ዋጳናሰ ቆቴቲ ኡቴቴሰ።

19 ቤሶንታ ኦጌራ ጎኦ ዳማናሰ ዋጶዛ ኡባታ ወርሴላይ ሃይሳ ማላ፤ ኢሰቲ ሺሺዳ አቆታይ ኢሰታ ሺምፖ ኤኪ ባና።

አጶ ኤራቴላ ካጴዛይታሰ ኢሜቲዳ ሴራ

20 አጶ ኤራቴላያ ኦጌ ቦላ ዳኦሽ ጸይጋወሰ፤ ዲቡሻን ባ ቃላ

ጶቁ ሂሰታዳ ዋሳወሰ።

21 አጶ ኤራቴላያ ጮራ አሲ

ሸቁዘሶን ዋሳወሰ፤
ካታማ ጌሊዛ ፔንጌን ኤቃዳ።

- 22 «እንቴኖ ዋዚና ፓጩቶ!
እንቴ አዉዴ ጋካናሰ
ኤያቴላ ኦጌ ካላኔ?
ቂልጪዛይቶ! እንቴ ቂልጪዛይሳን
አዉዴ ጋካናሰ ኡፋዬቴቲ?
ኤያቶ! ኤራቴላ
አዉዴ ጋካናሰ ኢጻኔ?
23 ታ ሴራን እንቴ ሰሚዳኮ።
ታኒ ታ ቆፋ
እንቴሰ ቆንጪሳናኮሺን፤
ታ ቃላካ
እንቴና ታማርሳናኮሺን።
24 ታኒ ጸይጊዳ ዋዴ
እንቴ ኮኾንታ ኢጲዴታ፤
ታኒ ታ ኩሺዛ ሚጪን
ኦኒካ ዉዴ ጊቤና።
25 ታ ዞሬ ኡባ ካዲዳታ፤
ታ ሴራካ ኤኪቤኬታ።
26 ሄሳ ጊሻሰ
እንቴና ሜቶይ ጋኪዛ ዋዴ
ታኒ እንቴ ቦላ ሚጫና፤
ባሺ እንቴ ቦላ ጋኪዛ ዋዴ
ታኒ እንቴ ቦላ ቂልጫና።
27 ባሺ አባ ዳምባላ ማላ
እንቴና ቃሊዛ ዋዴ።
ሚቶይ ጎቴ ጫርኮ ማላ
እንቴና ዴንሊዛ ዋዴ።
ቱጋይኔ ዋዴይ
እንቴና ሚቴዛ ዋዴ
ታኒ እንቴና ቂልጫና።
28 «ሄ ዋዴ ኢሰቲ ታና ጸይጋና፤
ታ ጊዲኮ ኢሰታሰ ኮይኬ፤
ኢሰቲ ታና ሚንላ ኮያና፤
ጊዶ አቲን ታና ዴሜቴና።
29 ኢሰቲ ኤራቴላ ኢጲዳ፤
ጎዳሰ ያሻቴላ
ዳሪቤቴና።
30 ታ ዞሬ ኤካናሰ ኮዩቤቴና፤
ታ ሴራ ኡባ ካዲዳ።
31 ሄሳ ጊሻሰ
ኢሰቲ ባንቲ አሊዳ
ኦሶ አይፊዛ ማና፤
ባንቲ ቆፒዳ
ቆፋ አይፊካ ካላና።
32 ዋዚናይ ፓጪዳይታ
አጵ ኤራቴላፊ
ሃኮይ ኢሰታ ዋዳና፤
ባላታ ዉዳ ቆዮይ
ኢሰታ ቆይሳና።
33 ጊዶ አቲን ታና ሰይዛይቲ
ኡባይ ሳሮን ዳና፤
አይኮ ሂርጋይ ባይንዳ
ዋፓን ዳና» ጋወሰ።

2

- አጵ ኤራቴላፊ ቤቲዛ አንጅ
1 ታ ናዘ! ኔኒ ታ ቃላ ሰይኮ።
ታ አዘዘካ ኔኒ ኔ ዋዚናን ዋሊኮ።
2 ኔ ሃይላ አጵ ኤራቴላኮ
ዛሪኮ።
ኔ ዋዚና አኬካኮ
ኔ ዛሪኮ።
3 ሻኪ ኤሪሲዛ ኤራቴላ
ኔ ኮይኮ።
ኔ ቃላ ቶቁ ሂሰታዳ
አኬካ ጸይጊኮ።
4 ኢዘካ ቢራ ኮይዛ ማላ
ኔ ኮይኮ።
ቆታን ዲዛ አቆታ ማላ
ኔ ኢዘ ሚንላ ኮይኮ።
5 ሄ ዋዴ ኔኒ
ጎዳሰ ያሻቴላ አኬካና፤
ጸሳካ ሎኤላዳ ኤራና።
6 ጎዳይ አጵ ኤራቴላ
ኢሚዛ ጊሻሰ
ኢዛፔ ኤራቴላኔ
አኬካይ ቤቴሰ።
7 ኢዚ ሱሬታሰ ጸኖ ሚንጄሰ፤
ኢሰታ ቦላ ዋሶይ ባይንዳይታሰ
ጎንዳሌ ጊዳሰ።
8 ሱሬ ፐርዳ ኦጌ ናጌሰ፤
ባሰ አማኔቲዛይታ
ሃሚላ ሚንላሰ።
9 ሄ ዋዴ ኔኒ ጸሎቴላ።
ሱሬ ፐርዳ።
ጌላይ ባይንዳ ፐርዳኔ
ሎኦ ኦጌ ኡባ ሻካ ኤራና።
10 ጋሶይካ አጵ ኤራቴላ
ኔ ዋዚናን ጌላና፤
ኤራቴላይካ
ኔ ሸምፖ ኡፋይሳና።
11 ሻኪ ኤርይ ኔሰ ጎንዳሌ ጊዳና፤
አኬካይካ ኔና ናጋና።
12 አጵ ኤራቴላ ኔና
ኢታ አሳታ ኦጌፔ አሻና፤
ጌላ ሃሳይዛይታፔካ ኔና ናጋና።
13 ኢሰቲ ቆማ ኦጌን ባናሰ
ሱሬ ኦጌ አጊዛይታ፤
14 ኢሰቲ ኢታ ኦሶን ኡፋዬቴዛይታ፤
ጌላ ኦጌን ሆምቦጪዛይታ።
15 ኢሰታ ኦጌይ ጌላ፤
ኢሰታ ሃሚታይ ሚርቁላ።
16 አጵ ኤራቴላ
ላይማ ማጫሳፊ ናጋና፤
ባ ኢንጻርሳን ጪሚዛሪፔ
ኔና አሻና።
17 ኢዛ ባ ዩላጋቴላ
አዚና አጊዳር፤
ጸሳ ሰንሳን ጌሊዳ
ጫቆ ቃላ ካዲዳና።
18 ኢዚ ሶ ቤላ ሃይቆሰ ጋሌሰ፤
ኢዚ ኦጌቲካ

- 19 ሞይተሌታ ዱላታን ጋሌቴስ።
ኢዚኮ ጌሊዳ
ኦነካ ጉዬ ሲሜና፤
ዴኦ ኦነካ ዴሜና።
- 20 ሄሳ ጊሻስ ኔኒ
ሎኦ አሳታ ለሚሶ ካላ፤
ደሎታ ኦነካ ሄሜታ።
- 21 ሱሬ አሳቲ ቢታ ቦላ ጋሞኦና፤
ዋሶይ ባይንዳ አሳቲካ
ኢዚ ቦላ ሚኒ ዳና።
- 22 ጊዳ አቲን ኢታቲ ቢታፊ ዳያና፤
አማኔቶንታይቲካ ዶቃሌታና።

3

ጎዳን አማኔቴላ

- 1 ታ ናዘ!
ታኒ ኔና ታማርሲዛይሳ
ደጎፓ፤
ታ አዛዘታካ
ኔ ዋዚናን ዋላ።
- 2 ኢሰቲ ኔ ላይሳ አዱሳና፤
አሻሎ ዴኦኔ
ሳርቴላ ኔስ ጉጃና።
- 3 ሲቆይኔ ቱማቴላ
ኔፔ ሃኮፊቶ፤
ኢሰታ ኔ ቆይን ቃቻ፤
ኔ ዋዚናንካ ጸፋ።
- 4 ሂሰቲኮ ኔኒ ጸሳ ሲንላኒኔ
አሳ ሲንላን ሳቤታናኔ
ሎኦ ሱንሳ ዴማና።
- 5 ኔኒ ፖሎ ዋዚናን
ጎዳን አማኔታ፤
ኔኒ ኔ አኬካን ዜምፖፋ።
- 6 ኔኒ ቢዛ ኦነ ኡባን
ኢዛ ሲንላሳ፤
ኢዚካ ኔ ቢዛ ኦነ ሱሪሳና።
- 7 ኔርካ ኔና
አዶ ኤራንቻ ጎፓ፤
ጎዳስ ያያ፤
ኢታፔካ ሃካ።
- 8 ሄሲ ኔ ቦላ ፓያ ዋላና፤
ኔ ሜቁላታካ ጸሊሳና።
- 9 ጎዳ ኔ አቆታን ቦንቻ፤
ቢታይ ኔስ አሚዛ አይፊ ኡባፊ
ጸራ ኢዛስ አሞን ቦንቻ።
- 10 ኔ ሄሳላ ኦሊኮ
ኔ ጎታራቲ ኩሚ ፓላሃና፤
ኔኒ ዋይኔ ኡሹ አገዛሶቲ
ጨፒ ጊ ኩማና።
- 11 ታ ናዘ!
ጎዳ ሱሪ ካዶፓ፤
ኢዚ ኔና ሃንቁዛ
ዋዴካ ላንጮፋ።
- 12 አዋይ ባ ሲቁዛ ና

- ሴሪዛይሳሶ
ጎዳይካ ባ ደሲዛ
ና ሴሪስ።
- 13 አዶ ኤራቴላ ዴማናስ
ዋዲዛ አሲ፥
አኬካካ ባስ ሚሹ
ኦሊዛ አሲ አንጃቲዳዴ።
- 14 ጋሶይካ ኢዚፔ ዴሚዛ ጎኦይ
ቢራፔ ዴሚዛ
ጎኦፔ አዴስ፤
ኢዚፔ ቤቲዛ ጎኦይ
ዋርቃፊ ቤቲዛ ጎኦፔ አዴስ።
- 15 አዶ ኤራቴላ ዘኦ ኢንቁፊ
ኮሂ አልኦ፤
ኔኒ ዴማናስ አሞቲዛ ኡባይ
ኢዚራ ጊናቴና።
- 16 ኢዛ ኡሻቻ ኩሹን አዱሳ ላይሳ፤
ሃዲርሳ ኩሹን አቆታኔ
ቦንቻ ኦይካዱስ።
- 17 ኢዚ ኦነቲ ኡፋይሲዛ ኦነታ፤
ኢዛ ሄሜቲዛ ኦነ ኡባይካ ሳር።
- 18 ኢዛ ባና ኢዲሚዛይታስ
ዴኦ ሚላ፤
ኢዘ ኦይኪዛይቲካ አንጃታና።
- 19 ጎዳይ ባ አዶ ኤራቴላን
ሳኦ ሚዲዴስ፤
ባ አኬካንካ ሳሎታ
ኢሰቲ ዲዛሶን ሚንላዴስ።
- 20 ሻፋቲ ኢዛ ኤራቴላን ጎነቴስ፤
ሻራቲ ኢራ ኢሜቴስ።
- 21 ታ ናዘ! ሱሬ ፒርዳኔ
ሻኪ ኤር ናፓ፤
ኢሰቲ ኔ ሲንላፊ ሃኮፊቶ።
- 22 ኢሰቲ ኔስ ዴኦ ጊዳና፤
ኔ ቆይሰካ አሌቆ ጊዳና።
- 23 ሄ ዋዴ ኔኒ ኦነካ
ሂርጋይ ባይንዳ ሄሜታና፤
ኔ ቶሆይካ ዱጶቴና።
- 24 ኔኒ ኢቸዳ ዋዴ ባባካ፤
ኢቻዳካ
ማልኦ ዲሰኮ ዲሰካና።
- 25 አኬኮንታ ጋኪዛ ሜቶኔ
ኢታታ ቦላ ጋኪዛ
ዳይሳስ ባባካ።
- 26 አይስ ጊኮ ጎዳይ ኔስ
አማኔቲዛዴ ጊዳና፤
ኔ ቶሆይ
ዋዲሚዴን ኦይኬቶንታ ማላ
ኢዚ ኔና ናፓና።
- 27 ኔስ ማዳና ዋልቃይ ዲሺን
ማዶ ቤሲዛይታስ
ሎኦ ኦሶ አጎፋ።
- 28 ሃኢ ኔስ ዲሺን ኔ ሾርዛስ፥
«ሲማዳ ያ፤
ታኒ ኔስ ዋንቶ አማና» ጎፓ።
- 29 ኔናን አማኔቲዲ ኔ ማታን ዲሺን

- ኔ ሾርዛ ቦላ
ኢታ ሚሽ ኦላናሰ ሃልቸፋ።
- 30 ኔና ቆሆንታ ኣሰ
ጋሶይ ባይንዳ ጮ ሞቶፓ።
- 31 ጌኔ ኦሊዛ ኣሳታ ቁሎፋ፤
ኢሰታ ኢታ ኦጌካ ካሎፋ።
- 32 ጋሶይካ ጎዳይ
ኢታ ኦሊዛይታ ኢዴሰ፤
ጊዶ ኣቲን ሱሬታሰ ኢዚ
ባ ዋዚና ቆፋ ቆንጨሴሰ።
- 33 ጎዳ ቃንጌላ
ኢታ ኦሊዛይታ ኬላና፤
ጊዶ ኣቲን
ኢዛ ኣንጅይ ዲሎታሶና።
- 34 ኦቶሬቲላን ቁልጨዛይታ ቦላ
ጎዳይካ ቁልጨፎ፤
ጊዶ ኣቲን ባንታና
ካወሺዛይታ ቦንቼሰ።
- 35 ኣዶ ኤራንቻቲ
ቦንቸ ላታና፤
ኤያቲ ጊዲኮ ካወሻቲላሰ
ኣዲ ኢሚታና።

4

- ኣዶ ኤራቲላ ጎኣ
- 1 ታ ናይቶ! ኢንቲ ኣዋ ዘሬ ሲዱቲ፤
ዋዚናን ዋሊ ኤዘጊቲ፤
ኣኩካካ ኢንቲሰ ሚሽ ሂሰቲቲ።
- 2 ታኒ ኢንቲሰ ሎኦ ቲሚርቲ
ኢሚዛ ጊሻሰ
ታ ቲሚርቲ ኣጎፍቲ።
- 3 ታኒ ታ ሁኡንካ
ታ ኣዋሰ ዩላጋ ና፤
ታ ኣዩይሰካ ማዲ ኢሲ ና።
- 4 ታ ኣዋይ ታና ታማርሲሹ፤
«ታ ቃላ ኩሚላ
ዋዚናን ኣይካ፤
ታ ኣዛዘታካ ና፤
ኔ ሂሰቲኮ ፓጻ ዳኣና።
- 5 ኣዶ ኤራቲሊኔ ኣኩካ ኦይካ፤
ታ ቃላ ደጎፓ፤
ኢዚፔካ ካሬ ኬዘፓ።
- 6 ኣዶ ኤራቲላ ኣጎፋ፤
ኢዛ ኔሰ ጎንዳሌ ጊዳና፤
ኢዘ ሰቃ፤
ኢዛካ ኔና ናጋና።
- 7 ኣዶ ኤራቲሊ ባይራ፤
ሃሳ ጊሻሰ ኢዘ ዳማ።
ኣኩካይ ኔ ኣቆዛ ኡባ
ኤኪዛ ጊዲኮካ ኢዛ ዳማ።
- 8 ኔኒ ኣዶ ኤራቲላ ቦንቻ፤
ኢዛ ኔና
ዶቁ ዶቁ ኦላና፤
ኔኒ ኢዘ ኢዲማ፤
ኢዛ ኔና ቦንቻና።

- 9 ኢዛ ኔ ሁኡን
ሳባ ኣኪሊሌ ዋላና፤
ቦንቸ ካላቻካ
ኢማና» ጌሰ።
- 10 ታ ናዘ! ታ ጊዛይሳ ኤዘጋ፤
ታ ቃላካ
ኔ ዋዚናን ዋላ፤
ኔ ላይሊ ኣዲቃና።
- 11 ታኒ ኔና ኣዶ ኤራቲላ
ኦጌ ካሊላና፤
ሱሬ ኦጌካ ቤሳና።
- 12 ኔ ሃሚታሽ ቆዴታካ፤
ዋዲኮካ ኩንዳካ።
- 13 ታ ቲሚርቲ ሎኤላ ኦይካ፤
ኢዘ ዩደፋ፤
ኢዛ ኔሰ ዳኦ ጊዲዳ ጊሻሰ
ኢዘ ና፤
- 14 ናጋራንቻታ ኦጌ ዩዶፋ፤
ኢታ ኣሳታ ኦጌካ ሃሚቶፋ።
- 15 ኢዚፔ ሃካ፤ ኢዚን ሃሚቶፋ፤
ኢዚፔ ጉዩ ሲማ፤
ሂሰታዳ ኔ ኦጌይራ ባ።
- 16 ኢሰቲ ኢታ ኦሎንታ ዲሹ
ዲሰኪ ኤራቲና፤
ኣሰ ቆዴሎንታ ዲሹን
ዲሰኮይ ኢሰታ ኣይፊን ዩና።
- 17 ኢሰቲ ኢታቲላ ካላ ማላ ማቴሰ፤
ጌኔካ ኡሻ ማላ ኡዩቲሰ።
- 18 ዲሎታ ኦጌይ ሴታ ጋላሰ ጋካናሰ
ፖኢ ፖኢ ቢዛ
ማላደ ጸልቄ ማላ።
- 19 ጊዶ ኣቲን ናጋራንቻታ ኦጌይ
ሳካና ቆማ ማላ፤
ኢሰቲ ኣዛን ቆዴታናኮካ
ኤራቲና።
- 20 ታ ናዘ! ታ ጊዛይሳ ኣኩካ፤
ታ ቃላካ ሎኤላ ኤዘጋ።
- 21 ኔ ኣይፊ ሲንላፊ ሃሶፋ፤
ኔ ዋዚናን ዋላ።
- 22 ጋሶይካ ኢሰቲ ዳሚዛ ኣሳሰ
ዳኦ ኢሚቲሰ፤
ኢሰቲ ኣሳቲላሰካ
ፓያቲላ ኢሚቲሰ።
- 23 ኡባፊካ ቦላራ
ኔኒ ኔ ዋዚና
ሚንላዳ ና፤
ኣይሰ ጊኮ ዳኦይ ኢዛፔ ፑልቲሰ።
- 24 ኔ ደናፔ ጌኔ ሃሳያ ዲጋ፤
ኢታ ሃሳያ
ኔ ማቴርሻፊ ሃሳ።
- 25 ኔ ኣይፊቲ ሰቲ ጊዲ
ሲንላ ዳሌቶ፤
ቲሹ ሂሰታዳ
ኔ ሲንላን ዲዛይሳ ዳላ።
- 26 ኔ ቶሆሰ ኦጌ ጊሊ፤
ሱሬ ኦጌ ጸላ ሃሚታ።
- 27 ኡሻቹ ሃዲርሲ ጎፓ፤

ኔ ቶሆ ኢታፔ ናጋ።

5

ላይማቴላፌ ናጌቴሳ

1 ታ ናዘ! ታ አጾ ኤራቴሳ ኔ ዋዚናን ዋላ፤ ታኒ አኩሳን የቲዛ ቃላ ሎኤሳ ኤዘጋ።

2 ሄሲካ ዋዚናማቴሳ ኔሰ ሚሽ ገዳና ማላኔ ኔ ማቴርሻቲ ኤራቴሳ ናጋና ማላሳ።

3 ላይማ ማጫሳ አንጸርሳፌ ኤሳ ኢሊሎይ ጸኬሰ፤ ኢዚ ሃሳያይ ኦይሳፊካ አጲ ሹጌሰ።

4 ገደ አቲን ኢዛ ወርሴላን ጎዳሬ ኡሳ ማላ ጫማወሰ፤ ናምኡ ባጋራ ቃንጸዛ ቃራ ማሻ ማላ።

5 ኢዚ ቶሆቲ ዲጌ ሃይቆሶ ቤቴሰ፤ ኢዚ ታንጎይ ሰቲ ሄሰቲ ዲጌ ዲፎን ካሌሴሰ።

6 ኢዛ ዳኦ ኦጌሰ ወዲ ጉኩ፤ ኢዚ ኦጌቲ ጌላ፤ ገደ አቲን ጌላ ገዲዳይሳካ ኢዛ ኤሩኩ።

7 ታ ናይቶ! ታና ኤዘገጌቴ፤ ታ የቲዛ ቃላፔ ከኦፐቴ።

8 አንቴ ኦጌ ኢዚፔ ሃሲቴ፤ ኢዚ ፔንጌራካ አጾፍቴ።

9 ሄሲካ አንቴ አንቴ ጎባቴሳ ሃራታሰ። አንቴ ላይላካ ማንጾ ኢታታሰ አንቴ አምንታ ማላሳ።

10 አላጋቲ አንቴ አቆታን ካኦንታ ማላኔ አንቴ ዳቡራንካ ሃራ አሳሶይ ዲሬቶንታ ማላሳ።

11 አንቴ አሾይ ወሪን። አንቴ ማቄላ ገልቂን ወርሴላ ላይላን አንቴ ጎታራና።

12 ቃሴካ ኔ፤ «ታኒ አይሰ ሴራ ኢጸዲና! ታ ዋዚናይካ ዞሬ አይሰ ካጲዳ!»

13 ታና ታማርሲዛይቲ የቲዳይሳ ኤካቤኬ፤ ታና ዞሪዛይታ ዞሪዛካ ኤዘጋቤኬ።

14 ሄሳ ገሻሰ ታኒ ሸቂዳ ዲላታ ሲንላፌ ጳያና ማታዲሰ» ጋና።

15 ኔ፤ ኤሊሲዳ ኔ ፑልቶ ሃላፌ ኡያዳ አሊዛ ማላ ኔ ማቼይሰ አማኔታዳ

ኢዚ ሲቆን አላ።
16 ቤታ ቤታ ማጫሲ ኡዱዛ ፑልቶ ሃላ ገደጋ።

17 ኔናቴላ ኔ ማቼይሰ ናጋ፤ ሃራ ማጫሳራ ዚንኦፋ።

18 ኔ ማቼያ ኔሰ አንጃቲዳ ፑልቶ ገዲ፤ ዬላጋቴላን ኔ፤ ኤኪዳ ኔ ማቼይራ ኡፋዬታ።

19 ሎኢዛ ጋራ ማላኔ ኡፋይሲዛ ጌኔሳ ማላ። ኢዚ ቆንላቲ ኡባ ዋይ ኔና አሌቶ፤

ኢዚ ሲቆይ ኔና ኡባቶ ኦይኮ።
20 ታ ናዘ!

ላይማ ማጫሳይ ሲቆን አይሰ ማሳታይ? ሃራ አሳ ማቼራ አይሰ ቆሜታይ?

21 ጋሶይካ አሲ ኦሊዛ ኡባ ጎዳይ ቤዬሰ፤ ኢዚ ሄሚቲዛ ሄሜታ ኡባ ፒልጊ ጸሌሰ።

22 ናጋራንቻ ኢዚ ኦሊዳ ናጋራይ ዛሪ ኦይኬሰ። ኢዛ ናጋራ ገቴይ ኢዛ ቃቼሰ።

23 ኢዚ ባ ኤያቴላ ዳርጎ ኦጌ ባላና፤ ባና ሃራና ዳንዳዮንታ አገዳ ገሻሰ ኢዚ ሃይቃና።

6

ሃቻሰ ሃቻሰ ቤሲዛ ዞሬ

1 ታ ናዘ! ኔ፤ ኔ ሾርዛሰ ዋሴ ጌሊዳ ገዲኮ። ሃራ አሳ ገሻሰ ኔ፤ ኩሼ ባቃ ጫቂዳ ገዲኮ።

2 ኔ፤ ጌሊዳ ቃላን ኦይኬቲዳ ገዲኮ። ኔ ዶናፔ ከኢዳ ቃላን ኔ ኦይኬቲዳ ገዲኮ።

3 ታ ናዘ! ኔ፤ ኔ ሾርዛ ኩሼን ኩንዲዳ ገሻሰ ኔና አሻናሰ ባዳ ኢዛ ሲንላን ኩንዳ፤ ኔ ሾርዛኮ ባዳ ሾባ።

4 ሄሳሶ ኦሎንታ ዳሼ ጳሰኮፋ፤ ኔ ሲጸንላቲ ሊጸፔቶ።

5 ሻንካንቻታፔ ጌኔሲ ኬሰ ኤኪ አቲዛ ማላ። ያርዴን ኦይኬቶንታ አቲዳ ካፎ ማላ ኔና አሻ።

6 ኔና አዛላዘ! ጨንጫሌታኮ ባ፤

- ሂሰታዳ ኢሰታፌ ታማራዳ
አቶ ኤራንቻ ገዳ።
- 7 ጩንጫሌታሰ አዛዚዛይ ዳና፤
ኢሰታ ሃሪዛይ ዳና።
- 8 ገደ ኣቲን ባንታሰ ማና ሚሽ
ቦኔ ሺሺቴሰ፤
ካል ሺሺዛ ዎዳ
ባንታሰ ካል ሺሺቴሰ።
- 9 ኔኖ አዛላዞ!
ኔኔ አዉዴ ጋካናሰ
ጳሰካኔ?
ጳሰኮፊካ
ኔ አዉዴ ቤጋኔ?
- 10 «ታኒ ጉላራ ጳሰካ ኤካና፤
ጉላራ ሊጳ ዴንዳና፤
ታ ኩሼ ቦርኮታዳ
ጉላራ ሹምፓ ኤካና»
ኔ ገሺን፤
- 11 ሄ ዎዳ ማንቆቴሌ
ፓንጋ ማላ፤
ፓጩይ ኦላ ሚሻ
ኦይኪዳ አሳ ማላ
ኔ ቦላ ፑቱ ጋና።
- 12 ዎማሌይኔ ሜንጼ ኢታ አሲ
ዩዩ ዩዩዲ
ኢታ ቃላ ሃሳይዛይ፤
13 ባ አይፊራ ቁምኦቲዛይ፤
ባ ቶሆን ቤሲዛይ፤
ባ ቢራዴታንካ ማላቲዛይ፤
- 14 ባ ዎዚናን ኢታ ሚሽ
ዎሌ ዴንሌ ቆፐዛይ
አይ ዎዳካ ኦሽ ዴንሌሰ።
- 15 ሄሳ ጋሶን ባሺ አኬኮንታ
ኢዛ ቦላ ያና፤
ኢዚ ሃሳኦይ ባይንዳ ሜቃና፤
ሜቁዲካ ፓጾና።
- 16 ጎዳይ ኢጸዛ ኡሱፑን
ዮኦቲ ዴቴሰ፤
ላፑንጻዛ
ኬሂ ሃራሴቴሰ።
- 17 ኦቶራቴላን ጸሊዛ አይፊ፤
ዎርዶቲዛ ኢንጸርሰ፤
ጸሊኦ አሳታ ዎጴዛ ኩሼ፤
- 18 ኢታ ሚሽ ቆፐዛ ዎዚና፤
ኢታሶ ኤሶቲዛ ቶሆታ፤
- 19 ዎርዶ ቦላ ዎርዶ ጉጂ ጉጂዲ
ዮቲዛ ዎርዶ ማርካ፤
ኢሻንታ ገደን
ኦሽ ሜጴዛ አሳ።

ላይማፔ ሃኮ

- 20 ታ ናዞ! ኔ አዎ አዛዞ ፖላ፤
ኔ አያ ታማርሲዳይሳካ አጎፋ።
- 21 ኢሰታ ኡባቶ ኔ ዎዚናን ኦይካ፤
ኔ ቆጴንካ ቃቻ።

- 22 ኔኒ ሄማቲዛ ዎዳ
ኢሰቲ ኔና ካሌላና፤
ኔኒ ኢቸዛ ዎዳ
ኢሰቲ ኔና ናጋና፤
ኔኒ ቤጎቲዛ ዎዳካ
ኢሰቲ ኔና ዞራና።
- 23 አይሰ ገኮ ሃ አዛዞቲ ኔሰ ጸምፔ፤
ቲሚርቲቲካ ፖኦ፤
ቃሴ ሴራይካ
ዴኦኮ ኤፊዛ ኦጌ።
- 24 ሃ አዛዞቲ ኢታ ማጫሳፊ
ኔና ናጋና፤
ዶናን ጨሚዛ ሃወሻ
ማጫሳፊካ ናጋና።
- 25 ኢዚ ሎኤቴላ
ኔ ዎዚናን አምቶፋ፤
ኢዚ ቁምኦቲላን ኦይኬቶፋ።
- 26 ኢሲ አዳይ
ባና ባይዛ ዲዛ ማጫሳዮ
ጉላ ሚሻን
ዴማናሰ ዳንዳዬሰ፤
አሳ ማቹ ጌዶ ካሎይ
ኔሰ ሹምፖ ጳይሳና።
- 27 ኢሲ አሲ ታማ ኢዲሚን
ኢዛ ማይኦይ
ሜቴቶንታ አታናሰ ዳንዳይዜ?
28 ኢሲ አሲ ቦንቆ ታማ ዬጴ ቢሺን
ኢዛ ቶሆይ
ጸጌቶንታ አታና ዳንዳይዜ?
29 አሳ ማቹ ላጌሌዛ አሲ
ሄሳ ማላ፤
ኢዞ ቦቸዛ ኡባይ
ቃጸዬቶንታ ኣቴና።
- 30 ካይሶይ ጋፋ አታናሰ ካይሲኮ
አሳይ ኢዛ ካጴና።
- 31 ገደ ኣቲን ኢዛሰ ዲዛ አቆታ
ኡባ ኦይቸኮካ
ኢዚ ኦይኬቲዳ ገዲኮ
ላፑን ኩሼ ቃንጸና ቤሴሰ።
- 32 ላይማ ላይማቲዛ አሳሰ
ዎዚናይ ፓጩ፤
ሄሳዳይ ባርካ
ባ ሹምፖ ጳይሴሰ።
- 33 ቡካይኔ ካወሻቴሌ ኢዛሰ ቃዳ፤
ዬላቴሌ ኢዛፔ
ሙሌካ ቁጩቴና።
- 34 ቃናቴይ አዚና ሃንቁታና ማላ ዴንሌሌሰ፤
ኢዚ ሃሎ ኬሲዛ ዎዳ
ኢዛሰ ቃጴቴና።
- 35 ኢዚ አይ ኤዳካ ኤኬና፤
አይ ኬና ኢምታይካ
ኢዛ ሃንቆ ዶሺሴና።

7

ላይማፔ ናጌታና ማላ ኢሜቲዳ ሴራ
1 ታ ናዞ! ታ ቃላ ናጋ፤

- ታ አዛዘካ ኔ ዋዚናን ቁምኣ ኦይካ።
- 2 ኔ ፓጻ ዴኣና ማላ ታ አዛዘታ ናጋ፤ ታ ቲሚርቲዛካ ኔ ኣይፌ ጨር ማላ ናጋ።
- 3 ሃይታ ኔ ቢራዴታን ቃቻ፤ ኔ ዋዚናንካ ጻፋ።
- 4 ኣቶ ኤራቴሕ ኔ ታሰ ሚሾ ጋ፤ ኣኩካካ ኔ ታሰ ዳቦ ጋ።
- 5 ኢሰቲ ኔና ላይማ ማጫሳፌኔ ባ ቃላን ባሌሊዛ ሃወሻ ማጫሳፌ ናጋና።
- 6 ኢሲ ጋላሰ ታኒ ታ ኩላ ማሰኮቴዛራ ካሬ ጸላዲሰ።
- 7 ኣኩካይ ፓጫዳ ዩላጋታ ቤኣዲሰ። ኢሰታ ጊዶፌ ኢሶይ ኩሂ ኤያ።
- 8 ሃ ዋዳላይ ኢዚ ሶ ኤፊዛ ኦጌ ባጋራ ኦይኪ ቢሼ ኢዚ ኩላ ኣቻራ ኣቋ ቢሸን።
- 9 ሃ ዋዳ ሳኣይ ቃማናሰ ላንኪላንኪሸን። ቋማይ ኣይፌ ኦይኪሸን።
- 10 ኢሲ ማጫሳያ ኢዛ ዴማናሰ ኩዛዲሰ፤ ላይማ ማጫሳ ማይኦ ማይኣዳ ባሌላናሰ ሙርታ ኩዛዲሰ።
- 11 ኢዛ ጸላኔ ዩላይ ባይንዳ ማጫሳ፤ ሶሆን ዋፑ ጋዳ ኡቱኩ።
- 12 ኢዛ ኢሲቶ ኦጌን፣ ኢሲቶ ጉላን፣ ኢሲቶ ዱቡሻን ኤቃዳ ናጋዉሰ።
- 13 ኢዛ ሄ ናዛ ሸሻ ኦይካዳ ዩራዉሰ፤ ዩላይ ባይንዳ ኢዛ ኣይፌ ቲሺ ሂሰታ ጸላሹ።
- 14 «ታኒ ታሶን ኢሲፊቴላ ያርሾ ያርሻናሰ ቤሴሰ፤ ታኒ ታ ኣዲና ሃቕ ፖላዲሰ።
- 15 ሂሰታዳ ኔና ጸላናዉ ኩኣዲሰ፤ ኔና ኩሃ ኮያዲሰ፤ ሃኢ ቤያ ኔና ዴማዲሰ።
- 16 ታኒ ጊብጸፔ ዩዳ ኣለቂሰዛ ኣንሶላካ ታ ሂጸን ዩጋዲሰ።
- 17 ታኒ ካርቤ፣ ኣልሙኒዬሜኔ ቃራፋ ጌቴቲዛ ሳዎታፔ ኦሴቲዳ ሺቶ ታ ሂጸን ጨጨፋዲሰ።
- 18 ሃ ያ፤ ኣኔ ዋንታና ጋካናሰ ሰቆ ኣሎሰ፤ ቆሚቲዳካ ኡፋዬቶሰ።
- 19 ታ ኩላዋይ ሶን ዴና፤ ሃኮ ዴሬ ቢዴሰ።

- 20 ሚሽ ካራጺቲ ኩንላ ኤኪ ቢዳ ጊሻሰ ኣገናይ ደርሰ ዳጋንሎንታ ሰሜና» ጋዲሰ።
- 21 ሂሰታዳ ባ ማልኦ ሃሳያን ኢዛ ባሌላዲሰ፤ ባ ሊቆ ኢንጻርሳንካ ጨማዲሰ።
- 22 ሹካሰ ላጌቲ ቢዛ ቦራ ማላ፣ ዋዲማይን ኦይኬታና ቢዛ ጮፎሾ ማላ ሄራካ ኣሙሶንታ ኢዛ ካሊዲ ቢዴሰ።
- 23 ዋንዳፌ ዩሺ ኢዛ ቲሬ ጨዳና ጋካናሰ፣ ኢዛ ሸምፖ ቋይሳናይሳ ኤርንታ ዲሼ ፒራቋዲ ያርዴን ጌሊዛ ካፎ ማላ ጊዲዴሰ።
- 24 ታ ናዘ! ኣኔ ሃኢ ሲያ፤ ታ ደናፔ ኩዚዛ ቃላካ ኤዘጋ።
- 25 ኔ ዋዚናይ ኢዚኮ ቦፖ፤ ኢዛ ቢዛ ባላ ኦጌን ጌሎፓ።
- 26 ኢዛ ካዉሻዳ ኦሊዳይቲ ኡንዴና፤ ኢዛ ዋቋዳይታ ቆዳይ ኩሂ ደር።
- 27 ኢዚ ሶይ ዱፎን ኤፊዛ ኦጌ፤ ሄ ኦጌይ ዱጌ ሃይቆሶ ጋሕሰ።

8

- ኣቶ ኤራቴላ ሳባ
- 1 ሲዩቲ! ኣቶ ኤራቴላያ ባ ቃላ ደቁ ሂሰታ ጸይጌኬ? ኣኩካይካ ባ ጩንጉርሳ ደቁ ሂሰታ ሲሴኬ?
- 2 ኦጌ ደናን ዴኢዛ ዙምቡላታ ቦላኔ ዳጋላ ኦጌታን ኤቃዉሰ።
- 3 ጊምቤዛ ላንቄን ካታማታ ጌሊዛ ፔንጌን ኤቃዳ ባ ቃላ ደቁ ሂሰታዳ፣
- 4 ሃይቶ ኣሳቶ! ታኒ ኣንቴና ጸይጋይሰ፤ ታኒ ኣሳ ዜሬሕ ኡባ ጸይጋይሰ።
- 5 ኣንቴኖ ኣኩካይ ፓጫዳይቶ! ዋዚናማ ጊዲቲ፤ ኣንቴኖ ኤያቶ ኣኩካ ዴሚቲ።
- 6 ታኒ ሳኢዛ ሚሽ ዮቲዛ ጊሻሰ ኤዘገቲ፤ ታ ደናፔ ሱሬ ዮኦይ ኩዜሰ።
- 7 ታ ደናይ ቱማ ሃሳዬሰ፤ ታ ሚቴርሻቲካ ኢታ ሚሽ ኢጸቴሰ።
- 8 ታ ደናፔ ኩዚዛ ቃላቲ ኡባይ ቱማ፤ ጌላ ዋይኮ ቦካ ጊዴቲና።

- 9 አኩካይ ዲዛ አሳሰ
 ታ ሃሳያይ ሊኬ፤
 ኤራቴላ ዲዛይታሰ
 ታ ሃሳያን ዋርዶይ ዳና።
- 10 ቢራፔ አላዲ ታ ዞሬ ኤኪቴ፤
 ሙሩታ ዋርቃፌ አላዲ
 ኤራቴሰ ዶሪቴ።
- 11 አይሰ ገኮ፡ «ታኒ አቶ ኤራቴላ
 ዘኦ ኢንቁፌካ ኬሃ አልአይሰ፤
 ኔኒ አሞተዛ ሚሽ ኡባይካ
 ታናራ ገናታናሰ ዳንዳዬና።
- 12 ታኒ አቶ ኤራቴላ
 አኩካራ ዳይሰ፤
 ኤራቴላኔ ዋዚናማቴላ
 ታ ሚሻታ።
- 13 ጎዳሰ ያሻቴላ ኢታ ኢጻ፤
 ታኒ ኦቶሮኔ ሃላጫ፤
 ሜንዬ ኢታቴላኔ
 ገላ ሃሳያ አጻይሰ።
- 14 ዞሬይኔ ሎኦ ፐርዳይ ታይታ፤
 ታሰ አኩካይኔ ዋልቃይ ዳሰ።
- 15 ካዋቲ ታናን ካዋቲቴሰ፤
 ዳሬ አይሰዛይቲ
 ሱሬ ዋጋ ኬሴቴሰ።
- 16 ዳናቲ ታኒ ማዲን
 ዳራ አይሰቴሰ፤
 ዳራ ሃሪዛ ገታ አሳቲ
 ኡባይ ሃሪቴሰ።
- 17 ታና ሲቁዛይታ ታኒ ሲቃይሰ፤
 ሚኒ ኮይዛይቲ ታና ዳማና።
- 18 ዲራቴላኔ ቦንቾይ
 ታ ማታን ዳቴሰ፤
 ዉርንታ አቆታይኔ
 አንጃይ ታ ማታና።
- 19 አንቴ ታፔ ዳሚዛ ጎአይ
 ሙሩታ ዋርቃፌ አቆሰ፤
 ታ አሞታይካ
 ሴሪሰ ኬሲዳ ቢራፔ ዳሬሰ።
- 20 ታኒ ጸሎቴላ ኦጌን ሃሜታይሰ፤
 ሱሬ ፐርዳ ካላይሰ።
- 21 ታና ሲቁዛይታሰ
 ታኒ ዲራቴላ አማና፤
 ኢሰታ ሚንጃ ኬላካ
 ታኒ ኩንፋና።

- ካሴ ታኒ ዬሌታዲሰ።
- 26 ጎዳይ ሳኦኔ
 ሳኦ ቦላ ዲዛ ዳምባታ
 ዋይኮ አላሜ ቦላ ዲዛ ጉዲላታ
 ሜቆናፔ ካሴ ታኒ ዬሌታዲሰ።
- 27 ጎዳይ ሳሎታ ሚጨዳ ዋዴኔ
 ገታ አባታፔ ቦላራ
 ሳሎ ጉፋንሶ ገግሲዳ ዋዴ
 ታኒ ሄን ዳይሰ።
- 28 ጎዳይ ሻራታ ቦላን
 ዋሲዳ ዋዴ፤
 ገታ አባ ፑልቶታ
 ቆሲዳ ዋዴ፤
 29 አባ ሃላቲ
 ባንታሰ አሜቲዳ ዛዋፔ
 ፒኒዲ አቆንታ ማላ
 ዛዋ ዋሲዳ ዋዴ፤
 ሳኦ ሶቶ ዬገዳ ዋዴ፤
- 30 ሄ ዋዴ ታኒ ኢዛ ማታን
 ዋና ኦሳንቻ፤
 ኡባ ጋላሰ ታኒ
 ኡፋይሳን ኩማይሰ፤
 ታኒካ ኢዛ ሲንፋን ኡፋይታይሰ።
- 31 ኢዛሰ ገዲዳ አላሜ ኡባን
 ታ ኡፋይታይሰ፤
 አሳ ናይታንካ ታ ኡፋይታይሰ።
- 32 «ሃኢካ ታ ናይቶ!
 ታኒ ገዛይሳ ኤዘገቴ፤
 ታ ኦጌ ናገዛይቲ አንጃቲዳይታ።
- 33 ታ ቲሚርቲ ሲዩቴ፤
 አቶ ኤራንቻታ ገዲቴ፤
 ዉዳ ቆፑፕቴ።
- 34 ታኒ ዮቲዛይሳ ሲዩዛ አሲ፤
 ሃቶ ሃቶ ታ ፔንጌን ቤቲዛ አሲ፤
 ታሶ ጌሊዛሰንካ
 ናገዛ አሲ አንጃቲዳይ።
- 35 ታና ዳሚዳይ ዳኦ ዳሜሰ፤
 ጎዳፔ ኢዚ ሳባ ዳሜሰ።
- 36 ገደ አቲን ታና
 ዳምንታ አገዳ አሲ
 ባና ቆሄሰ፤
 ታና ኢጸዛ ኡባቲ
 ሃይቆ ሲቁቴሰ» ጋዲሰ።

9

- አቶ ኤራቴላኔ ኤያቴላ
- 1 አቶ ኤራቴላያ
 ባሰ ኬላ ኬጻዲሰ፤
 ኬላሰ ላፑን
 ቱሳታ ኤሳዲሰ።
- 2 ኢዛ ሞቶ ሜሄ ሹካዲሰ፤
 ዋይኔ ኡሹ አጋዲሰ፤
 ማዳካ ገገሳዲሰ።
- 3 ሂሰታዳ አሳ ጸይጋናሰ
 ባ ማጫ አይሌታ ከታዲሰ።
 ኢዛ ካታማይፔ ቆቃ ሰን
 ኤቃዳ ጸይጋዲሰ፤

- 4 «አንገቴና! ኤራይ ፓጩዳይቶ ሃ ጌለቴ!» ጋዲሰ። ኤያታካ ኢዛ።
- 5 «ሃ ዪዲ ታ ቁማ ሚቴ፤ ታኒ አጊዳ ዋይኔ ኡሻካ ኡዩቴ!
- 6 አንገቴ ኤያታካ አጌዛ አጊቴ፤ አንገቴ ሸምፖራ ፓጻ ዳኣና፤ አኩካ ኦጌን ሄሜቲቱ» ጋዲሰ።
- 7 ቁልጩዛ አሰ ሴሪዛ አሲ ኡባይ ባሰ ጫሼ ካላና፤ ኢታ አሰ ዘሪዛዳይካ ባሰ ካዉያና።
- 8 ቁልጩዛ አሰ ዘርፓ፤ ኔ ኢዛ ዘሪኮ ኢዚ ኔና ኢጻና። አዶ ኤራንቻ አሰ ሴሪ፤ ኔ ኢዛ ሴሪኮ ኢዚ ኔና ዶሳና።
- 9 አዶ ኤራንቻ አሰ ታማርሳ፤ ሂሰቲኮ ኢዚ ካሴይሳፊካ አዶ ኤራንቻ ጊዳና። ዲሎ አሰ ታማርሳ፤ ሂሰቲኮ ኢዚ ኤራቴላ ጉጃና።
- 10 አዶ ኤራቴላሰ ኮይሮይ ጎዳሰ ያሻቴላ፤ ጌሻዛ ኤሮይካ አኩካ።
- 11 ታ ጋሶን ኔሰ ባሬይ አዲቃና፤ ኔሰ ዳኦ ላይሳይካ ጉጃታና።
- 12 ኔኒ አዶ ኤራንቻ ጊዲኮ ጎኤታና፤ ኔ ቁልጩዛዳ ጊዲኮ ቆሃታና።
- 13 ኤያ ማጫሲ ዋጫማ ዳራዉሰ፤ ኢዛ ባና ሃሩኩ፤ ኢዛ አይኮካ ኤሩኩ።
- 14 ኢዛ ባ ካሬን ኡታ ፔአዉሰ፤ ካታማ ጊዳን ዶቃሶ ኩዛ ኡታዉሰ።
- 15 ሄራ አዲ ባ ኦጌ ቢዛይታ ጸይጋዉሰ።
- 16 ኢዛካ ዋዚና ፓጩታሰ፤ «አንገቴና! አኩካይ ፓጩዳይቶ ታኮ ሃ ዪቴ።
- 17 ካይሲ ኡዩዛ ሃላ ማልኤሰ፤ ጌማን ሚዛ ቁማይካ ሱኩሴሰ» ጋዉሰ።
- 18 ጊዳ አቲን ሃይቂዳ አሳይ ሄን ዳኢዛይሳ፤ ኢዚ አማላቲካ ዱፎ ጊዳን ዲዛይሳ ኢሰቲ ኤሬቴና።

10

ሶሎሞን ሌሚሶታ
 1 ሃይቲ ሶሎሞን ሌሚሶታ። አዶ ኤራቴላ ዲዛ ናይ ባ አዋ ኡፋይሴሰ፤ ጊዳ አቲን ኤያ ናይ

- ባ አዮ ጩጩሴሰ።
- 2 ቤሶንታ ኦጌራ ዪዳ አቆታይ ጎኤና፤ ጊዳ አቲን ዲሎቴላ ሃይቆፔ አሹሰ።
- 3 ጎዳይ ዲሎታ ጋፊሴና፤ ጊዳ አቲን ናጋራንቻታ አዋ ጫልቃሚሳና።
- 4 አዛላቴላ ማንቂሴሰ፤ ሚኒ ኦሶይ ጊዲኮ ዱሬሴሰ።
- 5 አዶ ኤራንቻይ ካላ ዋዴራ ሺሼሰ፤ ካላ ሺሺዛ ዋዴ ዲሰኪዛ አሲ ጊዲኮ ካዉዬሰ።
- 6 ዲሎ አሲ አንጃቴሰ፤ ኢታ አሳ ዶና ማካላቴላ ጎርዴሰ።
- 7 ዲሎታ ሱንሳይ አንጃን ጸይጌቲሼ ዳና፤ ኢታታ ሱንሳይ ጊዲኮ ዶጌታና።
- 8 አዶ ኤራንቻይ አዛዘ ኤሮ ጊ ኤኩሰ፤ ሎምኡሎምኢዛ ኤያቲ ጊዲኮ ባሻሶ ቤቴሰ።
- 9 ሱሬ አሲ ሃርጋይ ባይንዳ ዳሰ፤ ጌላ ኦጌ ቢዛ አሲ ጊዲኮ ባ ሞሮን ኦይኬታና።
- 10 ጌኔ ኦሶሰ ቁምኦቲዛ አሲ ማቶ ኤሄሰ፤ ሎምኡሎምኢዛ ኤያይካ ማቶ ኤሄሰ።
- 11 ዲሎታ ሃሳያይ ዳኦ ፑልቶ፤ ኢታታ ሃሳያይ ማካላቴላ ጌንፊሰ።
- 12 ኢጸይ ፓላማ ዳንፊሴሰ፤ ሰቆይ ጊዲኮ ባላ ኡባ ካሚ አዴሰ።
- 13 ዋዚናማ አሳይ አዶ ኤራን ሃሳዬሰ፤ ኤያ ዘኮን ጊዲኮ ጸምአይ ማቆሰ።
- 14 አዶ ኤራንቻቲ ኤራቴላ ዳጋሴቴሰ፤ ኤያ ሃሳያይ ጊዲኮ ባሽ ጸይጌሰ።
- 15 ዱሬታ አቆታይ ኢሰታሰ ጊምቤቲዳ ካታማ፤ ማንቆታ ማንቆቴላ ኢሰታሰ ዳዮሶ።
- 16 ዲሎ አሳ ዳሞዛይ ዳኦ፤ ኢታ አሳታሰ ዋዴይ ጊዲኮ ቁጻቴ።
- 17 ሴራ ኤኪዛ አሲ ዳኦ ኦጌን ሄሜቴሰ፤ ሴራ ኢዲዛ አሲ ጊዲኮ ማቶ ቦላ ዋዴሰ።
- 18 ኢዲሼ ባ ኢዲዛይሳ ቆቲዛ አሲ ዋርዳንቻ፤

- 19 ዳር ሃሳያ ገደን ሞርይ ቆይቶ፤ ባ ደና ሺሺ ኤኪዛ ኣሲ ገዲኮ ኣቋ ኤራገታ።
- 20 ዲሎታ ሃሳያቲ ጌሻ ቢራ ማላ፤ ኢታ ኣሳ ቆፋሰ ገዲኮ ጎኣይ ዳና።
- 21 ዲሎታ ሃሳያይ ዳርታ ጎኤሰ፤ ኤያቲ ገዲኮ ባ ዋዚና ፓጩን ሃይቁቴሰ።
- 22 ጎዳ ኣንጆይ ዳራ ኬሴሰ፤ ኢዚ ሄ ዳራቴላን ማቶ ጉጃና።
- 23 ኤያ ኣሲ ኢታ ኦሶን ኡፋዬቴሰ፤ ዋዚናማ ኣሲ ገዲኮ ኣቋ ኤራቴላን ኡፋዬቴሰ።
- 24 ኢታ ኣሰ ሂርጊዛ ማሽ ኢዛ ቦላ ጋካና፤ ገደ ኣቲን ዲሎ ኣሞይ ኢዛሰ ፖሌታና።
- 25 ጎቴ ጫርኮይ ዳንዲሺን ኢታቲ ፒቴቲ ቆያና፤ ዲሎቲ ገዲኮ ማርናሰ ማሺ ዳና።
- 26 ጫላይ ኣቶ ዘልኢሲዛ ማላ፤ ጩዋይ ኣይፌ ቆሃዛ ማላ ኣዛላ ኣሲ ከቲዳዳንታሰ ሃሳ ማላ።
- 27 ጎዳሰ ያሺ ላይሳ ኣዳሴሰ፤ ኢታታ ባራይ ገዲኮ ቃንፋ።
- 28 ዲሎታ ሂደታይ ኡፋይሳን ጋሌሰ፤ ኢታታ ሂደታይ ገዲኮ ሃዳ ገዲ ኣቴሰ።
- 29 ጎዳ ኦጌይ ዲሎታሰ ባቃቲ ኣቲዛሶሆ፤ ኢታ ኦላዘይታሰ ገዲኮ ባሻ ሶሆ።
- 30 ዲሎቲ ሙሊካ ቋቃሌቴቲና፤ ኢታቲ ገዲኮ ቢታ ቦላ ዳኤቴና።
- 31 ዲሎታ ደናይ ኣቋ ኤራቴላ ሃሳዬሰ፤ ጌላታ ኢንጻርሲ ገዲኮ ቃንጾታና።
- 32 ዲሎታ ማቴርሻይ ቤሲዛ ዮኦ ሃሳዬሰ፤ ኢታ ደናይ ገዲኮ ቦካ ዮቴሰ።

11

- 1 ጎዳይ ዋርዶ ጌዳራ ኢጾሰ፤ ገደ ኣቲን ሱራ ጌዳራን ኡፋዬቴሰ።
- 2 ኦቶርቴላ ካዉሻቴላ ካሌሌሰ፤ ኣሽኬቴላ ገዲኮ ኣቋ ኤራቴላ ኤሄሰ።
- 3 ዲሎታ ኢሰታ ሱራቴላ ካሌሌሰ፤

- 4 ሃንቆ ጋላሰ ዳራቴላ ጎኤና፤ ገደ ኣቲን ዲሎቴላ ሃይቆፔ ኣሹሰ።
- 5 ቦሬይ ባይንዳ ኣሳታ ኢሰታ ዲሎቴላ ኢሰታሰ ኦጌ ሱራሴሰ፤ ገደ ኣቲን ኢታቲ ባንታ ኢታቴላን ኩንዳቴሰ።
- 6 ሱራታ ኢሰታ ዲሎቴላ ኣሹሰ፤ ገደ ኣቲን ማልቴቲ ባንታ ኢታ ኣሞን ኦይኬታና።
- 7 ኢታ ኣሲ ሃይቁዛ ዋዳ ኢዛ ሂደታይ ሃዳ ገደሰ፤ ባ ዋልቃን ኢዚ ጩቁቴዛዚ ኡባይካ ቆይሰ።
- 8 ዲሎይ ማቶፔ ኣቴሰ፤ ገደ ኣቲን ማቶይ ኢታ ኣሳ ቦላ ጋኬሰ።
- 9 ኢታ ኣሲ ባ ደናን ባ ላጌዛ ቆይሴሰ፤ ገደ ኣቲን ዲሎቲ ኤራቴላን ኬሴ ኤኪ ኣቴቴሰ።
- 10 ዲሎታሰ ኢንጃቲዛ ዋዳ ካታማይ ኡፋዬቴሰ፤ ቃሴ ኢታቲ ቆይዛ ዋዳ ሃሹ ጌሰ።
- 11 ሱራታ ኣንጆ ጋሶን ካታማይ ዲጩሰ፤ ኢታ ሃሳያን ገዲኮ ካታማይ ቆይሰ።
- 12 ዋዚና ፓጩ ኣሲ ባ ሾርዛ ካዴሰ፤ ኣኬካንቻ ኣሲ ገዲኮ ባ ደና ሺሺ ኤኬሰ።
- 13 ዘጊርዛ ኣሲ ጹራ ላሌሰ፤ ኣማኔቲዛ ኣሲ ገዲኮ ጹራ ናጌሰ።
- 14 ካሌላ ፓጩን ካዋቴላ ኩንዳሰ፤ ዳር ዘራንቻቲ ዳኢኮ ሳርይ ዳሰ።
- 15 ኤርንታ ኣሳሰ ዋሴቲዛይ ማቶን ጌሌሰ፤ ዋሴ ጌላናሰ ጫቆንታዳ ኣይኮይካ ቦቹና።
- 16 ኡሎ ኪያ ማጫሳያ ቦንቹታዉሰ፤ ዋልቃላዛ ኣሳቲ ዳራቴላ ጻላ ዳራቴቴሰ።
- 17 ኪያ ኣሲ ባና ጎኤሰ፤ ማንጾ ኢታ ኣሲ ገዲኮ ባ ቦላ ማቶ ኤሄሰ።
- 18 ኢታ ኣሲ ዳሚዛ ዋዴይ ዳና፤ ዲሎቴላ ዘሪዛ ኣሲ ገዲኮ ሱራ ዋይቶ ኤካና።
- 19 ዲሎይ ዳኦ ዳማና፤ ገደ ኣቲን ኢታቴላ

ካለዛ አሲ ሃይቃና።
 20 ጎዳይ ኢታ ቆፋይ
 ዳኢዛ አሳታ ሻቴቴሰ፤
 ጊዶ አቲን ሱሬ
 ሃማቲዛይታን ኡፋዬቴሰ።
 21 ኢታ አሲ ቃጻዬቶንታ አቴና፤
 ጊዶ አቲን ጸሎቲ
 ቃጻዬቴቴና።
 22 አኩካይ ፓጪዳ
 ማጫሳ ፑላቴላ
 ጉዳንሳ ሲጮን
 አሊዳ ዋርቃ ማላ።
 23 ጸሎታ አሞሰ ወርሴላ ሎኦ ጸላ፤
 ጊዶ አቲን ኢታታ አሞሰ
 ወርሴላ ሃንቆ ጸላ።
 24 ኢሲ ኢሲ አሳቲ
 ጮ ኪያቴላ አማቴሰ፤
 ጊዶ አቲን ኢሰታሰ አቆይ
 ሃ ሃ ዳሬሰ።
 ባጋቲ ኬሂ ኡዜቴቴሰ፤
 ጊዶ አቲን ኢሰቲ
 ማንቂ ማንቂ ቤቴሰ።
 25 ኪያ አሲ ዱሬታና፤
 ሃራታሰ አሚዛይ
 ባሰ ዋፓ ዳሚሰ።
 26 ጌማራ ካላ ዳጋሲዛዳ
 ዳሬይ ቃንጌሰ፤
 ኬሲ ባይዚዛዳይ ጊዲኮ
 አንጃቴሰ።
 27 ሎኦ ሚሽ ሚንላ ኮይዛዳ
 ሎኦ ሚሽ ናጌሰ፤
 ጊዶ አቲን ኢታ ሚሽ ኮይዛዳ
 ኢታ ሚሽ ጋኬሰ።
 28 ባ ዱሬቴላን
 አማኔቲዛ አሲ ኩንዳና፤
 ጸሎቲ ጊዲኮ
 ሎኦ ሚላ ማላ ጨለላና።
 29 ሶ አሳ ቦላ ሸር ዳንላዛ
 አሲ ጎኣይ ባይንዳ አታና፤
 ኤያቲካ አዶ ኤራንቻታሰ
 አይሌ ጊዳና።
 30 ጸሎ አሲ ዳኦ አይሬ
 አይሬዛ ሚላ ማላ፤
 ሸምፖታ አሺዛይ
 አዶ ኤራንቻ።
 31 ጸሎቲ ሳኣን
 ባንታ ኦሶ ዋጋ
 ኤኪዛ ጊዲኮ፤
 ኢታቲኔ ናጋራንቻቲ
 ባንታ ኦሶሰ ኤካና ዋጋይ
 ዋኒ ዳራንዳሻ!

12

1 ሴራ ደሲዛ አሲ ኤራቴላ ደሴሰ፤
 ጊዶ አቲን ሴራ ኢጲዛ
 አሲ ዳማ።
 2 ሎኦ አሲ ጎዳፔ ሳባ ዳሚሰ፤
 ጊዶ አቲን ጎዳይ

ጌናንቻታ ፐርዳሰ።
 3 አሲ ኢታቴላን ኤቂዲ
 ሚኒ ካንላናዉ ዳንዳዬና፤
 ጸሎቲ ጊዲኮ
 ባ ዱዛሶፔ ቃጻቴና።
 4 ዋዚናማ ማጫሳያ
 ባ ኬላሞሰ
 ካላቻ ማላ፤
 ዬላቺዛ ማቻ
 ባ አዚናሰ
 ሚቄላ ጋርሳን ዲዛ
 ዋይዛዚሬ ሃርጌ ማላ።
 5 ጸሎታ ቆፋይ ሱሬ፤
 ኢታታ ዞሬይ ጊዲኮ ጨሞ።
 6 ኢታታ ሃሳያይ አሰ ዋጴሰ፤
 ጸሎታ ሃሳያይ ጊዲኮ
 አሰ አሸሰ።
 7 ኢታ አሳቲ ኩንዳና፤
 ኢሰታሰ ዜሬላካ አቴና፤
 ጸሎታ ዜሬላ ጊዲኮ
 ሚኒ ዳና።
 8 አሲ ባ አዶ ኤራቴላ ማላ
 ጋላቴቴሰ፤
 ጊዶ አቲን ጌላ ቆፋይ
 ዳኢዛ አሲ ካጴቴሰ።
 9 አይኮይ ባይንዳ ዲሺን
 ዱሬ አሳ ማላ ጨቁቲዛ አሳፕፕ
 ባና ዘቂ ሂሰቲ
 ባሰ ኦላ አቂዛ አሲ ኪያ።
 10 ጸሎ አሲ ባ ሚሄሰ ቃጴቴሰ፤
 ኢታ አሲ ኪያቴሰ ጊኮካ
 ሚንጾ ኢታ።
 11 ባ ቢታ ሚንላ ኦላዛ አሲ
 ካላ ካሌሰ፤
 አኩካይ ፓጪዳ አሲ
 ጎኣይ ባይንዳ ሂደታ ጎዳሰ።
 12 ናጋራንቻቲ ኢታቲ
 ዲኢ ኤሂዳይሳ አሞቴቴሰ፤
 ጸሎታ ዜሬላ ጊዲኮ ዳያና።
 13 ኢታ አሲ ባ ሃሳይዳ
 ኢታ ሃሳያን ኦይኬቴሰ፤
 ጸሎይ ጊዲኮ ሚቶፔ
 ኬሲ ኤኪ አቴሰ።
 14 አሲ ባ ዶናፔ ኬኢዛ ቃላን
 ሎኦ ሚሽ ካሌሰ፤
 ባ ኦላዳ ኦሶ
 ዋጋካ ዳሚሰ።
 15 ኤያ አሳሰ ኢዚ ቢዛ ኦጌይ
 ኢዛሰ ሎኦ ሚሳቴሰ፤
 አዶ ኤራንቻይ ዞሬ ሲዬሰ።
 16 ኤያ አሳ ሃንቆይ ሄራካ ኤሬቴሰ፤
 ጨንጫ አሲ ጊዲኮ
 ጫሼ ዉዳ ጌና።
 17 ሱሬ ማርካይ ቱማ ማርካቴሰ፤
 ዋርዶይ ጊዲኮ
 ዋርዶ ማርካቴሰ።
 18 አኩኮንታ ሃሳይዛ ሃሳያይ
 ቶራ ማላ ጫዳሰ፤
 አዶ ኤራንቻ

- 19 አንጻርሲ ገዲኮ ፓሌስ።
ዋርዶ ሃሳያይ ጉላ ዋዳሳ፤
ቱማ ሃሳያይ ገዲኮ
ሜርናሳ።
- 20 ኢታ ቆፕዛይታ ዋዚናን
ባሌሶይ ዳስ፤
ገዶ ኣቲን ሳር ሚሽ ቆፕዛይታ
ዋዚናን ኡፋይሲ ዳስ።
- 21 ጸሎታ ቆሆይ ጋኬና፤
ኢታቲ ገዲኮ ሜቶ ካላና።
- 22 ጎዳይ ዋርዶ ሃሳያ ሃራሴቲስ፤
ቱማንቻታን ገዲኮ
ኡፋይሴስ።
- 23 ኣኬካራ ዲዛ ኣሲ
ባ ኤራቲላ ቆቲስ፤
ዋዚናይ ባይንዳ ኣሲ
ባ ኤያቲላ ናሼስ።
- 24 ሚኒ ኦሊዛ ኣሲ ዴሬ ሃሬስ፤
ኣዛላይ ኣይሌ ገዲሶ።
- 25 ሂርጋን ኩሚዳ ዋዚናይ
ኣሲ ጨጨን ዩጌስ፤
ሾንጋራ ዲዛ ሃሳያይ ገዲኮ
ኡፋይሴስ።
- 26 ጸሎ ኣሲ ባ ላጌ
ሎኦ ዘሬ ዘሬስ፤
ኢታታ ዘሬይ ገዲኮ
ቱማ ኦጌፔ ሃሴስ።
- 27 ኣዛላ ኣሲ ሻንካቲዲ
ኤሂዳ ኣሾዛ ጸጾና፤
ሚኒ ኦሊዛ ኣሲ ገዲኮ
ባ ኣቆታስ ሚሼቲስ።
- 28 ጸሎቲላ ኦጌን ዳኦይ ዳስ፤
ሄ ኦጌን ሃይቆይ ዳና።

13

- 1 ኤራ ናይ ባ ኣዋ ዘሬ
ዋዚናፔ ሲዩስ፤
ቁልጨዛይ ገዲኮ ሴራ ሲዩና።
- 2 ኣሲ ባ ዶናፔ ከኢዛ ቃላን
ሎኦ ሚሽ ዳሚስ፤
ኣማኔቶንታይቲ ገዲኮ
ማካላቲላ ኣሞቲቲስ።
- 3 ባ ዶና ናጊዛ ኣሲ
ባ ሼዎፖ ናጌስ፤
ዶናን ዩዳ ማላ ሃሳይዛ ኣሲ
ባና ቆይሴስ።
- 4 ኣዛላይ ከሂ ኣሞቲስ ሺን
ኣይኮካ ዳሚና፤
ሚኒ ኦሊዛይታ
ኣሞይ ገዲኮ ኩማና።
- 5 ጸሎ ኣሳቲ ዋርዶ ሃሳያ ኢጾቲስ፤
ኢታ ኣሳታ ሃሳያይ ገዲኮ
ዩላሴሲኔ ካዉሼስ።
- 6 ጸሎቲላ ሱሬ ኣሲ ናጌስ፤
ኢታቲላ ገዲኮ
ናጋራንቻ ቆይሴስ።
- 7 ኣይኮይ ባይንዳ
ባና ዱሬ ሚሳቲሲዛ ኣሲ ዳስ፤
ሃራ ባጋራ ባሰ

- ዳር ኣቆታይ ዲሺን
ማንቆ ሚሳቲ ቤቲዛ ኣሲ ዳስ።
- 8 ኣሲ ባ ዲሬቲላን
ባ ሼዎፖ ዋዛና ገዳና፤
ማንቆይ ገዲኮ
ሂርጋይ ባይንዳ ኡቲስ።
- 9 ጸሎታ ፖኦይ ከሂ ፖኤስ፤
ኢታታ ጸሞፔይ ገዲኮ ቶኣና።
- 10 ኦቶሮይ ኦሽ ዩሌስ፤
ኣቆ ኤራቲላ ገዲኮ
ዘሬ ኤኪዛይታ ማታን ዳስ።
- 11 ቤሶንታ ኦጌራ ዳሚዳ ሚሺ
ቆይ ቆይ ቤስ፤
ባ ጫዋ ጉሲዲ ዳሚዳ ኣቆታይ
ዳሪ ዳሪ ቤስ።
- 12 ሂዶታይ ፖሌቶንታ ጋሞኢኮ
ዋዚናይ ሜቁስ፤
ገዶ ኣቲን ኣሞቲዳይሲ
ፖሌቲሺን ኡፋይሴስ።
- 13 ዘሬ ካቆዛ ኣሲ ሜቶን ጌሌስ፤
ኣዛዞ ቦንቸዛ ኣሲ ገዲኮ
ባ ዋጋ ኤካና።
- 14 ኣቆ ኤራንቻይ ኢሚዛ ቲሚርቲይ
ዳኦ ፑልቶ፤
ሂሲ ኣሲ ሃይቆ ዋጲማዳን
ጌሎንታ ማላ ናጌስ።
- 15 ኣኬካይ ዳኢዛ ኣሲ ቦንቸቲስ፤
ኣማኔቶንታ ኣጎይ
ባሻ ኦጌ ኤሬስ።
- 16 ኣኬኪዛ ኣሲ ኤራን ኦሌስ፤
ኤያይ ገዲኮ
ባ ኤያቲላ ቆንጨሴስ።
- 17 ኢታ ኣሲ ኪቲቲኮ ሜቶን ጌሌስ፤
ኣማኔቲዳ ኣሲ ኪቲቲኮ
ሳርቲላ ኤሂስ።
- 18 ሴራ ኢጲዛ ኣሲ
ማንቆሲኔ ካዉዩስ፤
ሃንቆ ሲዩዛ ኣሲ ገዲኮ
ቦንቸቲስ።
- 19 ኣሞይ ፖሌቲኮ ከሂ ኡፋይሴስ፤
ኤያቲ ገዲኮ
ኢታፔ ሃካናሰ ኮዬቲና።
- 20 ኣቆ ኤራንቻታራ ሂሜቲዛ ኣሲ
ኣቆ ኤራንቻ ገዳስ፤
ገዶ ኣቲን ኤያታራ ሂሜቲዛ ኣሲ
ሜቶን ጌሌስ።
- 21 ናጋራንቻታ
ኢታ ቃዳይ ካሌስ፤
ዲሬቲላ ገዲኮ
ጸሎታስ ኢሜቲዛ ዋይቶ።
- 22 ሎኦ ኣሲ ባሰ
ና ናይታ ጋካናሰ ላቲሴስ፤
ናጋራንቻ ኣቆታይ ገዲኮ
ጸሎታስ ዳጋቲስ።
- 23 ማንቆ ጋይይ
ዳር ካላ ኢማና ዳንዳዩስ፤
ገዶ ኣቲን ሱሬ ፐርዳይ ቆይኮ
ፒቲቲ ቆይስ።
- 24 ሴርንታ ዲቸዛይ ባ ና ኢጾስ፤

ገደ አቲን ሴሪ ዲቺዛይ
 ባ ና ደሴሰ።
 25 ጸሎይ ካላናሽ ጋካናሰ ማሰ፤
 ኢታቲ ገዲኮ ጋፊዳ ማላ ዳና።

14

1 አጼ ኤራቴላ ዲዛ ማጫሳያ
 ባ ከሌ ከጸደሰ፤
 ኤያያ ገዲኮ ባ ከሌ
 ባ ኩሼን ላላወሰ።
 2 ሱሪ ሃሜቲዛ አሲ
 ጎዳሰ ያዩሰ፤
 ጌላ ኦኔ ሃሜቲዛይ ገዲኮ
 ኢዛ ካዴሰ።
 3 ኤያ ሃሳያይ ኢዛ ዘኮሰ
 ጋቱማ ኤሄሰ፤
 አጼ ኤራንቻታ
 ኢንጸርሳይ ገዲኮ
 ኢሰታ ናጌሰ።
 4 ቦራይ ባይንዳሶን
 ጎታራይ ማላ ዳሰ፤
 ገደ አቲን ኔሰ ቦራታ ዋልቃን
 ዳር ካላ ቤቴሰ።
 5 አማኔቲዛ ማርካይ ኡባቶ
 ቱማ ማርካቴሰ፤
 ዋርዶ ማርካይ ገዲኮ
 ዋርዶ ማርካቴሰ።
 6 ቁልጪዛይ አጼ ኤራቴላ
 ኮይኮካ ዳሜና፤
 አኩካይ ዲዛ አሲ ዋዩቶንታ
 ኤራቴላ ዳሜሰ።
 7 ኤያ አሳፔ ሃካ፤
 አይሰ ገኮ ኔኔ ኢዛ ሃሳያፔ
 ኤራቴላ ዳማካ።
 8 አኩካንቻ አሳሰ
 አጼ ኤራቴላ
 ባ ኦኔ ናጎ፤
 ኤያታ ኤያቴላ ገዲኮ
 ኢሰታ ጪሜሰ።
 9 ኤያቲ ናጋራ ኦላዲ
 ዋዴታናይሳ አገዲ
 ቁልጪቴሰ፤
 ሱሪ አሳታፔ ገዲኮ
 ሎኦ ቆፋይ ቤቴሰ።
 10 ኢሶይ ኢሶይ
 ባ ዋዚናን ዲዛ
 ጩጩ ኤሪሰ፤
 ኢዛ ኡፋይሳ ኦኒካ ኢዛራ ኮጾና።
 11 ኢታታ ከላይ ላሌታና፤
 ሱሪታ ከላይ ገዲኮ
 ማኒ ዳኣና።
 12 አሳሰ ሊኬ ሚሳቲዛ ኦኔይ ዳሰ፤
 ወርሴላን ገዲኮ
 ሃይቆሰ ጋሌሰ።
 13 ሚቻንካ ዋዚናይ
 ሜቂ ኤሪሰ፤
 ሙዞቲላን ኡፋይሰ
 ፖሌታና ዳንዳዬሰ።
 14 ባ ዋዚና ጸሎቴላፊ ሃሲዛይቲ

ባ ኦሶ ዋጋ ኤካና፤
 ሎኦ አሲካ ባ ሎኦ ኦሶ
 ዋጋ ኤካና።
 15 ኤያ አሲ ኡባ ሚሸ አማኔሰ፤
 ጪንጫይ ገዲኮ
 አኩኪዲ ታንጌሰ።
 16 አጼ ኤራንቻይ
 ጎዳሰ ያዩሰኔ
 ሳቲ ታንጌሰ፤
 ኢታፔካ ሃኬሰ፤
 ኤያይ ገዲኮ
 ወዳይ ባይንዳ ቢቻሪሰ።
 17 ኤሌ ሃንቁቲዛ አሲ
 ኤያ ኦሶ ኦሌሰ፤
 ዮኦ ቃቺዛ አሲ ደሴቴና።
 18 ዋዚና ፓጩቲ ኤያቴላ ላታና፤
 አኩካንቻቲ ገዲኮ
 ኤራቴላ ካላቻ ማላ ጎጻና።
 19 ኢታቲ ሎኦታ ሲንላን ጉልባታና፤
 ናጋራንቻቲ
 ጸሎታ ፔንጌን ሆካና።
 20 ማንቆታ ኢሰታ ላጌቲካ ኢጾቴሰ፤
 ዳራታሰ ገዲኮ
 ዳር ላጌቲ ዳቴሰ።
 21 ባ ሾሮ ካዲዛ አሲ
 ናጋራ ኦሌሰ፤
 ገደ አቲን ማንቆ ማዲዛይ
 አንጄቲዳይሳ።
 22 ኢታ ሃልቺዛይቲ
 ሱሪ ኦኔፔ
 ካሪ ከዜቴሰ ዳቴኔ?
 ሎኦ ቆፐዛይቲ ገዲኮ
 ሲቆኔ አማኔቴላ ኤሄቴሰ።
 23 ሚኒ አሶን ኡባን ዋዴይ ዳሰ፤
 ሃዳ ዮኦይ ገዲኮ ማንቁሴሰ።
 24 አጼ ኤራንቻታሰ
 ኢሰታ ዳራቴላ ኢሰታሰ ካላቻ፤
 ኤያታ ኤያቴላ ገዲኮ
 ጩ ሃዳ።
 25 ቱሙ ማርካይ ሸምፖ አሼሰ፤
 ዋርዶ ማርካይ ገዲኮ ባሌሌሰ።
 26 ጎዳሰ ያዩዛ አሳሰ
 ሚኖ ሚጸይ ዳሰ፤
 ኢዛ ናይታሰካ
 ባቃቲ አቲዛ ሶሆይ ዳሰ።
 27 ጎዳሰ ያሺ ዳኦ ፑልቶ፤
 ሃይቆ ዋጺማዴፔ አሰ አሼሰ።
 28 ዳሪ ጩራቴላይ ካዋሰ ቦንቾ፤
 ዳሪ ጉሳቴላ
 ካዋሰ ባሽ ገዴሰ።
 29 ዳንዳያንቻ አሳሰ
 ገታ አኩካይ ዳሰ፤
 ኤሌ ሃንቁቲዛ አሲ ገዲኮ
 ባ ኤያቴላ ቆንጪሴሰ።
 30 ዋፑ ገዳ ዋዚናይ
 ቦላሰ ፓያቴላ ኢሜሰ፤
 ቃናቴይ ገዲኮ
 ማቄላ ገደን ጌሊዳ

- ዎይዛዚሬ ማላ።
- 31 ማንቆታ ናቁዛ ኣሲ ኢስታ ማዲዳይሳ ጫዬስ፤ ማቶታገቻታሰ ቃዴቲዛ ገዲኮ ጸሳ ቦንቹሰ።
- 32 ኢታቲ ባንታ ኢታ ኦሶን ኩንዳና፤ ገደ ኣቲን ጸሎቲ ሃይቆ ዎዴካ ባቃቲ ኣቲዛሶይ ዴስ።
- 33 ኣኬካገቻ ኣሳ ዎዚናን ኣዶ ኤራቴላ ኩሚዴስ፤ ገደ ኣቲን ኤያቲ ኣዶ ኤራቴላ ገሻሰ ኣይኮካ ኤሬቴና።
- 34 ጸሎቴላ ካዎቴላ ጶቁ ጶቁ ኣሌስ፤ ገደ ኣቲን ናጋሪይ ኣይ ኣሲካ ካወሽሰ።
- 35 ኣዶ ኤራቴላ ዲዛ ኣይሌይ ካዎ ኡፋይሴስ፤ ገደ ኣቲን ዬላቲዛ ኣይሌይ ባ ቦላ ሃንቆ ኤሄሰ።

15

- 1 ሊቆ ዛሮይ ሃንቆ ኢርጺሴስ፤ ፖርዶሎ ቃላይ ገዲኮ ሃንቆ ዴንጫሴስ።
- 2 ኣዶ ኤራንቻ ኢንጻርሳሬ ኤራቴላ ፑልቴስ፤ ገደ ኣቲን ደጋታ ደናፕ ኤያቴላ ፑልቴስ።
- 3 ጎዳ ኣይሬቲ ኡባሶ ጸሌቴስ፤ ኢታታኔ ሎኦታ ኡባ ሎኤላ ቤኤቴስ።
- 4 ሾንጋይ ዴኢዛ ሎኦ ሃሳያይ ዴኦ ማላ ማላ፤ ገደ ኣቲን ባሌላ ሃሳያይ ኣያና ቆሄሰ።
- 5 ኤያይ ባ ኣዎ ሴራ ካዴስ፤ ገደ ኣቲን ዞሬ ኤኪዛይ ባ ኣኬካቴላ ቆንጫሴስ።
- 6 ጸሎ ኣሳ ኬላን ዳር ኣቆታይ ዴስ፤ ገደ ኣቲን ኢታታሰ ገሊዛ ሚሺ ማቶ ኤሄሰ።
- 7 ኣዶ ኤራንቻታ ደናይ ኤራቴላ ዜሬስ፤ ኤያታ ዎዚናይ ገዲኮ ሃሳ ማላ ዴና።
- 8 ጎዳይ ኢታታ ያርሾ ሻቴቴስ፤ ሱሬታ ዎሳይ ገዲኮ ኢዛ ኡፋይሴስ።
- 9 ጎዳይ ኢታ ኣሳታ ኦጌ ሻቴቴስ፤ ገደ ኣቲን ጸሎቴላ ካሊዛይታ ደሴስ።
- 10 ሱሬ ኦጌ ኣገዲ ካሬ ኬኢዳዴ ሃንቆይ ናጌስ፤ ሴራ ኢጺዛ ኣሲ ሃይቁስ።

- 11 ዲፎኒኔ ጳዮ ገደን ዲዛይሲ ጎዳ ሲንላን ቆንጫ፤ ሂሰቲን ኣሳ ዎዚና ቆፋይ ዎኒ ኢዛፕ ገማኔ?
- 12 ቁልጫዛ ኣሲ ሴራ ደሴና፤ ኣዶ ኤራንቻታፕካ ዞሬ ኣይቹና።
- 13 ዎዚና ኡፋይሴስ ሲንላ ፖኢሴስ፤ ዎዚና ጩጩይ ገዲኮ ኣያና ቆሄሰ።
- 14 ኣኬኪዛ ዎዚናይ ኤራቴላ ኮዬስ፤ ገደ ኣቲን ደጋታ ደናይ ኤያቴላ ባንቹኬስ።
- 15 ማንቆታ ዴኦይ ኡባ ጋላሲካ ባጾ። ኡፋይቴዛ ኣሳቲ ኡባቶካ ባንታ ዴኦን ኡፋይቴቴስ
- 16 ኦሺ ዲዛሶን ዲዛ ገታ ኣቆታፕ ጎዳ ያሻቴላራ ዲዛ ጉላ ኣቆታይ ኣዴስ።
- 17 ኦሺ ዲዛሶን ዎዶ ኣሾ ማናፕ ሲቆይ ዲዛሶን ሳንላ ሙሲ ኣዴስ።
- 18 ኤሶን ሃንቁቴዛ ኣሲ ኦሺ ኬሴስ፤ ዳንዳይዛ ኣሲ ገዲኮ ኦሺ ኢርጺሴስ።
- 19 ኣዛላ ኣሳ ኦጌይ ኣፑንላን ዲሬቲ ኡቴዴስ፤ ሱሬ ኣሳ ኦጌይ ገዲኮ ባሳ ገዴስ።
- 20 ኣዶ ኤራራ ዲዛ ናይ ባ ኣዎ ኡፋይሴስ፤ ገደ ኣቲን ኤያ ናይ ባ ኣዮ ካዴስ።
- 21 ዎዚና ፓጩ ኣሲ ባ ኤያቴላን ኡፋይቴቴስ፤ ገደ ኣቲን ኣኬኪ ሱሬ ኦጌ ካሌስ።
- 22 ዞሬይ ጳይኮ ሃልቾይ ኦጌን ኣቴስ፤ ዳር ዞራንቻቲ ዲዛሶን ሃልቾይ ፖሌቴስ።
- 23 ኣሲ ቤሲዛ ዛር ኢሚዲ ኡፋይሴስ ዴሜስ፤ ኮሺዛ ዎዴን ኢሚቲዳ ቃላይ ኣይ ማላ ሎኦ!
- 24 ዲጌ ዲፎን ዎሊዛ ኦጌ ቦንታ ማላ ዴኦ ኦጌይ ኣዶ ኤራንቻ ፑዴ ካሌላዉስ።
- 25 ጎዳይ ኡቶራንቻታ ኬላ ላሌስ፤ ገደ ኣቲን ኣምኤይ ዛዎ ናጌስ።
- 26 ጎዳይ ኢታታ ቆፋ ሻቴቴስ፤ ጌሻታ ቆፋይ ገዲኮ ኢዛ ኡፋይሴስ።
- 27 ኡዜ ኣሲ ባሶ ኣሳ ቦላ

ማቶ ኤሄስ፤
 ጊደ ኣቲን ማታኤ ኢጲዛ ኣሲ
 ፓጻ ዳና።
 28 ጲሎ ኣሲ ሃሳያናፕ
 ካሴቲዲ ቆፔሰ፤
 ጊደ ኣቲን ኢታ ኣሳ ዶናፕ
 ኢታ ቃላይ ጎጌሰ።
 29 ጎዳይ ኢታታፕ ሃኮን ዴሰ፤
 ጊደ ኣቲን ጲሎታ ዋሳ ሲዬሰ።
 30 ፓሽካ ሃኖይ ዋዚና ኡፋይሴሰ፤
 ሚሺራቸ ቃላይ
 ማቄል ጨሊሊሴሰ።
 31 ዴኦ አሚዛ ሴራ ኤኪዛ ኣሲ
 ኣቆ ኤራንቻታራ
 ኢሲፌ ዳና።
 32 ሴራ ኢጲዛ ኣሲ ባና ካዴሰ፤
 ሴራ ኤኪዛ ኣሲ ጊዲኮ
 ኣኬካ ዴሚሰ።
 33 ጎዳሰ ያሽ
 ኣቆ ኤራቴል ታማርሴሰ፤
 ቦንቼታና ኮዬዳ ኣሲ
 ኮይሮ ባና
 ካዉሻናሰ ኮሼሰ።

16

1 ኣሲ ባ ዋዚናን ሃልቼሰ፤
 ጊደ ኣቲን ዛርይ
 ጎዳፕ ቤቴሰ።
 2 ኣሲ ቢዛ ኦጌ ኡባይ
 ኢዛሰ ሎኦ ሚሳቴሰ፤
 ጎዳይ ኮይሮ ዴንፋ ቆፋ
 ጫዲ ጴሌሰ።
 3 ኔ ኦሊዛ ኡባ ሃዳራ
 ጎዳሰ አማ፤
 ሂሰቲኮ ኔ ሃልቸይ ፖሌታና።
 4 ጎዳይ ኡባ ሚሽ
 ሚዲዳ ጋሶይካ ዴሰ፤
 ማካላንቻታ ጊዲኮካ
 ባሻ ጋላሳሰ
 ጊግሲ ዋሊዴሰ።
 5 ጎዳይ ኦቶራቲዛ
 ኡባ ሻቴቴሰ፤
 ኢሰቲ ቃጸዬቶንታ ኣቴቴና።
 6 ሲቆኒኔ ኣማኔቴሳን
 ናጋራይ ኣቶ ጌቴቴሰ፤
 ጎዳሰ ያሻቴሳን
 ኣሲ ኢታፕ ሃኬሰ።
 7 ኣሳ ሄሚታይ
 ጎዳ ኡፋይሴሲዛዛ ጊዲኮ
 ኢዛ ሞርኬቲ
 ኢዛራ ሳሮ ዳና ማላ ኦሌሰ።
 8 ጲሎቴሳን ቤቴዛ
 ጉሳ ሚሺ
 ዋርዶራ ዴሚዛ
 ዳሮ ዋዴፕ ኣዴሰ።
 9 ኣሲ ባ ዋዚናን
 ባ ኦላና ሚሽ ሃልቼሰ፤
 ሃልቸዚ ጎዳይ ጊኮ

ፖሌቴሰ።
 10 ካዎ ሚቴርሻቲ
 ጸሳፌ ኤኪዳ ማታን
 ሃሳዬቴሰ፤
 ኢዛ ኢንጻርሲ
 ፐርዳ ጌላሳናሰ ቤሴና።
 11 ሱሬ ጌዳራቲኔ
 ማካ ሚሻቲ ጎዳፕ፤
 ካራጺቴ ጊደን ዲዛ ጌዳራቲ
 ኡባይ ኢዛ ኦሶታ።
 12 ካዎቲ ኢታ ኦሶ ሃራሴቴቴሰ፤
 ኣይሰ ጊኮ ካዎቴሳ ኣራታይ
 ጲሎቴሳን ኤቄሰ።
 13 ጲሎ ሃሳያን ካዎቲ ኡፋዬቴቴሰ፤
 ቱማ ሃሳይዛይታካ ደሴቴሰ።
 14 ካዎ ሃንቆይ
 ሃይቆ ኪታንቻ ማላ፤
 ኣቆ ኤራንቻይ ጊዲኮ
 ሃንቆ ኢርጲሴሰ።
 15 ካዎይ ፓሽኪ ጊሺን ዴኦይ ዴሰ፤
 ኢዛሰ ኪያቴላ
 ኢራ ቶኪዳ ባዴሳ
 ሻራ ማላ።
 16 ኣቆ ኤራቴሳ ዴሞይ
 ዋርቃ ዴሚዛይሳፌ ኣዴሰ፤
 ኣኬካ ዴሞይ
 ቢራ ዴሞፕካ ኣዴሰ።
 17 ሱራታ ኦጌይ ኢታታፕ ሃኮን ዴሰ፤
 ባ ሄሚታ ናጊዛ ኣሲ
 ባ ሸምፖ ናጌሰ።
 18 ኦቶሮ ጌደ ባሺ ካሌሰ፤
 ሃላጫ ጌደካ
 ኩንዴላ ካሌሰ።
 19 ኦቶራንቻታራ ዙፔቴዲ
 ዲኢ ኤሂዳ ሚሽ
 ሻኬቲ ኤካናፕ
 ማንቆታራ ማንቄቴሳን
 ዲሲ ኪያ።
 20 ዞሪ ኤኪዛ ኣሲ ዲራቴሰ፤
 ጎዳን ኣማኔቴዛ ኣሲ
 ኣንጃቴዳዴ።
 21 ዋዚናን ኣቆ ኤራንቻ ጊዲዳ
 ኣሳቲ ኣኬካንቻ
 ጌቴቴቴሰ፤
 ሎኦ ቃላይ ኤራቴል ጉጃሰ።
 22 ባሰ ሚሽ ኦሊዳዴሰ
 ኣኬካይ ዴኦ ፑልቶ፤
 ደጋታሰ ጊዲኮ
 ኤያቴላ ሃንቆ ኤሄስ።
 23 ኣቆ ኤራንቻ ዋዚናይ
 ኢዛ ደና ካሌሌሰ፤
 ኢዛ ሚቴርሻቲካ
 ኤራቴል ጉጃ ጉጃ ቤቴሰ።
 24 ሎኦ ቃላይ
 ኤሳ ኢሊሎ ማላ ማልኤሰ፤
 ቦላካ ማዴሲኔ
 ፓሌሰ።
 25 ኣሳሰ ሱራ ሚሳቲዛ ኦጌይ ዴሰ፤

- ጊደ ኣቲን ወርሴላን ሃይቆስ ጋሌስ።
- 26 ካላ ኮሺ ኣሲ ሚኒ ኦላና ማላ ዴንሌሌስ፤ ጋፋይካ ኦሶስ ሚንሌሌስ።
- 27 ኢታ ኣሲ ኢታቴላ ቆፔስ፤ ኢዛ ሃሳያይካ ጸጊዛ ታማ ማላ።
- 28 ጌላ ኣሲ ኦሽ ዴንሌሌስ፤ ዘጊርሲ ኣማኔቲዛ ላጌታ ሻኬስ።
- 29 ጌኔ ኣሲ ባ ሾርዛ ጨሚስ፤ ሎኦ ጊደንታ ኦጌ ኢዛ ካሌሌስ።
- 30 ኣይፌራ ቁምኦቲ ቤሲዛ ኣሲ ጌላቴላ ቆፔስ፤ ባ ሜቴርሻ ሳጺዛ ኣሲ ኢታሶ ቤስ።
- 31 ፑሉንላ ቦንቾ ካላቻ፤ ሄሲ ጸሎቴላ ዱሳን ቤቴስ።
- 32 ዋልቃማ ኣሰ ጊደናፔ ዳንዳያ ኣሰ ጊደላ ሎኦ፤ ባና ሃሪዛዴይ ካታማ ዋልቃን ሃሪዛዴፌ ኣዴስ።
- 33 ኣሲ ሳማ ዩጌስ፤ ጊደ ኣቲን ወርሴላ ፖሎ ኢሚዛይ ጎዳ።

17

- 1 ኦሺ ዴኢዛሶን ዴኢዛ ጊታ ጊቢራ ማናፔ ሳሮይኔ ዋፓይ ዴኢዛሶን ኡኬላ ማላ ሜላ ኪያ።
- 2 ኣኬካንቻ ኣይሌስ ሹፋር ጊደዳ ባ ጎዳ ና ቦላ ማታይ ዴስ፤ ሂስቲዲ ኢሻንታ ማላ ኢስታራ ኢሲፌ ላቴስ።
- 3 ዋርቃይኔ ቢራይ ታማን ፓጩቲዛይሳ ማላ ጎዳይ ኣሳ ዋዚና ፒልጊ ዴሌስ።
- 4 ኢታ ኣሲ ኢታ ሃሳያ ሲዩስ፤ ዋርዳንቻይካ ጌናንቻ ሃሳያ ኤዘጌስ።
- 5 ሂዩሳታ ቦላ ቁልጨዛ ኣሲ ኢስታ ሜዲዳይሳ ጫዩስ፤ ሃራ ኣሰ ጋኪዛ ሜቶን ኡፋዩቲዛ ኣሲ ቃጸዩቶንታ ኣቴና።
- 6 ናይታ ናይቲ ጨሚዳ ኣሳታስ ካላቻ፤ ዩሊዳይቲ ባንታ ናይታስ ቦንቾ።
- 7 ሎኦ ሃሳያይ ኤያስ ጊጌና፤ ዋርዳ ሃሳያይ ዴሬ ኣይሲዛዴስ ኣይ ማላ ዴጸ!
- 8 ማታኤይ ኢሚዛዴስ ቢታ ማላ፤ ኢዚ ቢዳ ሶሆ ኡባን ኢዛሰ ኢንጃታና ሚሳቴስ።
- 9 ቆሄቲዲ ባ ቆሆዛ ጌንላዛ ኣሲ

- ሲቆ ኮዩስ፤ ጊደ ኣቲን ዮኦ ዛሪ ዛሪዲ ፒቁዛ ኣሲ ኣማኔቲዛ ላጌታ ሻኬስ።
- 10 ኤያይ ጾቲቶ ሊሶን ሾጨን ኤሪዛይሳፌ ኣኬካይ ዴኢዛ ኣሲ ጮ ሴሪን ኤሪዛይሲ ኣዴስ።
- 11 ኢታ ኣሲ ማካላ ሚሽ ጸላ ኮዩስ፤ ሃሳ ጊሻስ ኢዛ ቦላ ሜንጾ ኢታ ኣሲ ኪቴታና።
- 12 ኤያ ኣሳራ ኢዛ ኤያቴላ ማላ ጋይታናፔ ማራታ ቦንቁ ኤኪቸዳ ማሄይራ ጋይቴላ ኪያ።
- 13 ሎኦ ኦሊዳዴስ ኢታ ዛሪዛዴሶፔ ኢታይ ሙሌካ ቆዩና።
- 14 ኦሽ ደሚላ ኤሌ ሃላ ፖጊ ዩዶ ማላ፤ ሃሳ ጊሻስ ኦሺ ሜዴታናፔ ካሴታዳ ኪቻይቻ።
- 15 ዋርዳንቻ ጸሎ ጸሎዛ ዋርዳ ጉሲ ናምኣይካ ጎዳ ሲንላን ኢጾቲዳ ኦሶ።
- 16 ኣዶ ኤራቴላ ዴማናሰ ኢዚ ኮዮንታ ጊሻስ ኤያ ኩሼን ጌሊዳ ሚሽ ኢዛ ኣይ ጎኣኔ?
- 17 ላጌይ ኣይ ዋዴካ ላጌ፤ ኢሻይካ ሜቶ ዋዴስ ዩሌቴስ።
- 18 ኣኬካይ ፓጨዳ ኣሲ ባቁ ጫቁዲ ሃራ ኣሳሰ ዋሴ ጌሌስ።
- 19 ኦሽ ደሲዛ ኣሲ ናጋራ ደሴስ፤ ኡባቶ ባና ቶቁ ሂስቲዛይይ ባ ቦላ ባሽ ጾይጌስ።
- 20 ጌላ ቆፋይ ዴኢዛዴስ ኢንጃቴና፤ ዋርዳ ሃሳይዛ ኣሲካ ሜቶን ጌሌስ።
- 21 ኤያ ና ዩሎይ ጨጨሲስ፤ ኤያ ና ኣዋስ ኡፋይሲ ዴና።
- 22 ኡፋዩቲዛ ዋዚናይ ሎኦ ቆላ፤ ጊደ ኣቲን ሜቁዳ ዋዚናይ ኣሳሰ ዋልቃ ቆይሴስ።
- 23 ኢታ ኣሲ ፒርዳ ጌላሳናሰ ጌማን ማታኤ ኤኬስ።
- 24 ኣኬካይ ዴኢዛ ኣሲ ኣዶ ኤራቴላ ባ ሲንላፌ ቆይሴና፤ ጊደ ኣቲን ኤያ ኣይፌይ ሳኦ ጋጻ ጋካናሰ ዩዩስ።
- 25 ኤያ ናይ ባ ኣዋ ጨጨሲስ፤ ባና ዩሊዳ ኣዮካ ጸጌስ።
- 26 ጸሎ ኣሰ ቃጸዮ ቤሴና፤ ሱሬ ኣሰ ሾጮይ ሎኦ ጊደና።
- 27 ኣማርዳ ቃላ ሃሳይዛ ኣሲ

አጼ ኤራንቻ፤
 ዋጋ አያናይ ዳኢዛ
 አሲካ አኩካንቻ።
 28 ኤያ አሲ ጮኦ ጊኮ
 አጼ ኤራንቻ ሚሳቴሰ፤
 ባ ደናካ ሺሺ አይኪኮ
 አኩካንቻ ሚሳቴሰ።

18

1 ላጌቴላ ኮዮንታ አሲ
 ባ አሞ ካሌሰ፤
 ሱሬ ፐርዳካ ኡባ ፓልቄሰ።
 2 ኤያይ ባ ቆፋ
 ቆንጨሳናር ጸላ ደሴሰ፤
 ጊዶ አቲን ሃራ አሳፔ
 ኤራ ኤካናሰ ደሴና።
 3 ኢታቴላ ካጼ ካሌሰ፤
 ዩላቴላ ዩሸን
 ካወሻቴላ ዩሰ።
 4 አሳ ደናፔ ኬኢዛ ሃሳያይ
 ጨማ ሃላ ማላ፤
 አጼ ኤራቴላ ፑልቶይካ
 ጸንጌቲዛ ፒሳ ሃላ ማላ።
 5 ኢታ አሰ ማዲዲ፣
 ጸሎዛ ፐርዳ ጌላሲዛይሲ
 ሎኦ ጊዳና።
 6 ኤያ አሳ ደናይ ኢዛ ቦላ
 ኦሽ ዳንጼሰ፤
 ኢዛ ደናፔ ኬኢዛ ቃላይ
 ኢዛ ቦላ ዱርቃ ጸይጌሰ።
 7 ኤያ አሳ ሃሳያይ ኢዛ ቆይሴሰ፤
 ኢዛ ማቴርሻቲ ኢዛሰ
 ዋጋማዳ ጊዳቴሰ።
 8 ዚጊራንቻ ቃላይ ማልኦ ቁማ ማላ፤
 አሳሰ ዱጌ ማራጩ ጋኬሰ።
 9 አዛላ አሲ ቆይሴዛ አሳሰ ኢሻ።
 10 ጎዳ ሱንሳ ሚኖ ገምቤ ማላ፤
 ጸሎ አሲ ሄ ዋጋዲ
 ኢታፔ አቴሰ።
 11 ዱሬታ ዱሬቴላ
 ኢሰታሰ ዩሸይ
 ገምቤቲዳ ካታማ ማላ፤
 ኢሰቲ ባንታ ዱሬቴላ ኬኤቶንታ
 አዲሳ ገምቤ ማላ ቆይቴሰ።
 12 አሲ ኩንዳናፔ ካሴ
 ኢዛ ዋዚናይ ኦቶሬቴሰ፤
 አሸኬቴላ ቦንቾሬ
 ሲንሳቴሰ።
 13 ሎኤላ ሲዮንታ ዲሼ ዛርይ፣
 ኢዛዳሰ ኤያቴላኔ
 ዩላ ጊዳሰ።
 14 አሳ አያናይ
 ሃርጌ ዳንዳያና ማላ ማዳሰ፤
 ጊዶ አቲን አያናይ
 ማቄሬቲቸኮ
 ኢዛ ኦኒ ዳንዳያኔ?
 15 አኩካንቻ ዋዚናይ
 ኤራቴላ ኮዩሰ፤
 አጼ ኤራንቻ ሃይላ

ሚንላ ኮዩሰ።
 16 ኢሞታይ ኢሚዛዳሰ ኦጌ ደዩሰ፤
 ኢዛ ጊታ አሳታራካ ኤሪሴሰ።
 17 ባልጋራይ ዩዲ
 ባ ቃላ ኢማና ጋካናሰ
 ካሴቲዲ ዮኦ ሃሳይዳዳይ
 ጸሎ ሚሳቴሰ።
 18 ሳማ ዩሲ ፓላማ ቴቄሰ፤
 ናምኦ ዋልቃማ
 ባሊጋራታካ ሻኬሰ።
 19 ቆሄቲዳ አሻይ
 ጊምቤቲዳ ካታማፔ
 አጼ ሚኔሰ፤
 ኢዛ ፓላማይካ ገምቤ ፔንጌ
 ጎርዲዛ ሚኖ ኮላታ ማላ።
 20 ባ ደናን ሃሳይዳዛፔ
 አሲ ባ ኡሎ ኩንጼሰ፤
 ባ ኢንጻርሳሬ ኬኢዳ
 ዮኦን ካሌሰ።
 21 ኢንጻርሳ ቦላ ሃይቆይኔ
 ዳኦ ዋልቃይ ዳሰ፤
 ኢዛ ደሲዛይቲ ኢዛ አይሬ ሜቴሰ።
 22 ማቾ ዳሚዳ አሲ
 ሎኦ ሚሽ ዳሜሰ፤
 ሃሳይይ ጎዳፔ
 ቦንቾ ኤኬሰ።
 23 ሂዩሳ አሲ አዳሺዲ ሃሳዩሰ፤
 ጊዶ አቲን ዱሬይ
 ጼቸዲ ዛሬሰ።
 24 ላጌ ዳርሲዛ አሲ
 ባሰ ሚቶ ዳሪሴሰ፤
 ጊዶ አቲን አሻፔ አጼዲ
 አማኔቲዛ ላጌይ ዳሰ።

19

1 ጌላ ዮኦ ሃሳይዛ ኢታ አሳፔ
 ባ ዳኦን ቦሬይ ባይንዳ
 ሂዩሳ አሲ ሎኦ።
 2 ኤራቴላ ባይንዳ ዚልኤቴላ
 ሎኦ ጊዳና፤
 ኤሶ ሄሚታይ ኦጌ ባሌሰ።
 3 ኢሲ ኢሲ አሳይ ባ ኤያቴላን
 ባ ዳኦ ሞሬሰ፤
 ሂሰቲዲ ጎዳ ቦላ ዩሎቴሰ።
 4 ዱሬቴላ ዳር ላጌ ሚዳሰ፤
 ጊዶ አቲን ማንቆቴላ
 ካሴ ዲዛ ላጌ ሃሴሰ።
 5 ዋርዶ ማርካይ
 ቃጸዬቶንታ አቴና፤
 ዋርዶ ፑኪዛይካ
 ቃጸዬቶንታ አቴና።
 6 ዳር አሳይ ሎኦ ሚሳታናሰ
 ዳና ሲንሳን አላንጼሰ፤
 ጮ ኢሚዛ አሳራ
 አሲ ኡባይ ዳቦቴሰ።
 7 ማንቆ ኢዛ ዳቦ ኡባይ ኢዳሰ፤
 ሂሰቲን ኢዛ ላጌቲ አይ ኬና
 ኢዛፔ ባቃታኔ!
 ካሊ አዳሺዲካ

- 8 አዶ ኤራቴላ ኢዚ ኢስታ ዳሜና።
ባሰ ሚሽ ኦሊዛይ ባና ሲቁስ፤
አኩካ ሰቁዛዳሰ እንጃቴስ።
- 9 ዋርዶ ማርካይ ቃጻዬቶንታ አቴና፤
ዋርዶ ፑኪዛይካ ጳያና።
- 10 ኤያቲ አሻሎ ዱሰ ዳናሰ ቤሴና፤
አይሌይ ጎዳ ቦላ ጎዳተኮ ሄሲ አይ ኩና ኢታ!
- 11 አዶ ኤራቴላ አሰ ዳንዳያንቻ ኬሴሰ፤
ቆሆ ዬዲ አዴላ ቦንቸን ጋሌስ።
- 12 ካዋ ሃንቆይ ጋሞ ጸጎ ማላ፤
ጊዶ አቲን ኢዛ ሲንጎን ሳባ ዳሞይ
ማታ ጨሊሊሲዛ ኢራ ማላ።
- 13 ኤያ ናይ ባ አዋ ባሻሰ አላ ኢሜሰ፤
ኦሽ ኤሂዛ ማቻ ኢራ አላዛ ኬላ ማላ።
- 14 ኬላኔ አቆታይ ዬሊዳይታፔ ላቴቴሰ፤
አኩካራ ዲዛ ማቻ ጎዳፔ ቤታወሰ።
- 15 አዛላቴላ ዳጾ ዲሰኮ ኤሄሰ፤
ኦሶ ኦሶንታ አሲ ጋፊሰ።
- 16 አዛዛ ናጊዛይ ባ ሸምፖ ናጌሰ፤
ጊዶ አቲን ኢዛ ኢዲዛዳይ ሃይቁሰ።
- 17 ማንቆሰ ኪዩዛ አሲ ጎዳሰ ታልኤሰ፤
ጎዳይ ሄ ሎኦ ኦሶ ዋጋ ቃንጻና።
- 18 ዋዴራ ኔ ና ሴራ፤ ኢዚ ሃይቆሰ ቢሸን ጮኡ ጋ ጾሎፋ።
- 19 ኤሶን ዩሎቲዛ አሲ ቃጻዬታናሰ ቤሴሰ፤
ኔኒ አጋ አዲኮ ሃራ ዋዴካ ኔሰ ሄሳሶ ኦሶይ አቴና።
- 20 ዞሬ ሲያ፤ ሴራካ ኤካ። ሂሰቲኮ ኔኒ ወርሴላን አዶ ኤራጎቻ ጊዳና።
- 21 አሳ ዋዚናን ዳር ሃልቸይ ዳሰ፤ ጊዶ አቲን ጎዳ ቆፋይ ፖሌቴሰ።
- 22 አሳፔ ኮዬቲዛይ ሚና ሲቆ፤ ዋርዳንቻ ጊዳናፔ ማንቆቴላ ሎኦ።
- 23 ጎዳሰ ያሺ ዳኦሰ ካሌሌሰ፤ ሄሳ ማላ አሲ ዋጋን ዳሰ፤
ኢታይካ ኢዛ ቦቹና።
- 24 አዛላይ ባ ኩሽ ማዳን ዩዴሰ፤ ጊዶ አቲን ፑዴ ባ ደናን
ዛራናወ ዋዬቴሰ።

- 25 ቁልጪዛዴ ሾጪኮ ዋዚና ፓጩይ አኩካ ታማራና፤
አኩካንቻ አሳ ሴሪኮ ኢዚ ኤራቴላ ዳማና።
- 26 ባ አዋ ቦንቁዛ ናይ፥ ባ አዮካ ኬሲ ዩዴላዛ ናይ ኢዚ ዩላቴላኔ ካወሻቴላ ኤሂዛ ና።
- 27 ታ ናዞ! ታ ዞሬ ኔ ሲዮንታ አጊኮ፥ ኔ ኤሪዛ ቃላካ ባላና።
- 28 ዋርዶ ማርካይ ሱሬ ፐርዳ ቦላ ቁልጩሰ፤
ኢታ አሳ ደናይ ኢታቴላ ባንቹኬሰ።
- 29 ቁልጪዛይታሰ ፐርዳይ፥ ኤያታ ዘኮሰ ሊሶይ ጊጊ ኡቲዴሰ።

20

- 1 ማሶሲዛ ኡሺ ኡዩዛይ ቁልጪዛዴኔ ኤያ ጊዳሰ፤
ሃይታንታን ባሌቲዳ ኡባይ አዶ ኤራጎቻ ጊዳና።
- 2 ካዋ ሃንቆይ ጋሞ ጸጎ ማላ፤ ኢዛ ዩሎቹዛይ ባ ሸምፖ ቦላ ፐርዳሰ።
- 3 ፓላማፔ ሃኮይ ኢዛዳሰ ቦንቸ፤ ጊዶ አቲን ኤያ አሲ ኡባይ ኦሻሰ ኤሶቴሰ።
- 4 አዛላ ጎሻንቻይ ዋዴራ ጎዬና፤ ካላ ሸሸዛ ዋዴ ሸሻናሰ ኮዬሰ፤ ጊዶ አቲን አይኮካ ዳሜና።
- 5 አሳ ዋዚና ሃልቸይ ጨማ ኦላን ዳኢዛ ሃላ ማላ፤ ጊዶ አቲን ዋዚናማ አሲ ሃፔ ዱቁ ኬሴሰ።
- 6 ዳር አሳቲ ባንታ ኪያቴላ ዮቴቴሰ፤ ጊዶ አቲን አማኔቲዛ አሰ ኦኒ ዳማናሰ ዳንዳይዜ?
- 7 ጸሎ አሲ ቦሬይ ባይንዳ ዴኦ ዳሰ፤ ኢዛፔ ካሊዲ ኢዛ ናይቲካ እንጃቲዳይታ።
- 8 ካዋይ ፐርዳናሰ ባ ካዋቴላ አልጋን ኡቲዛ ዋዴ ኢታ ኡባ ባ አይፊታን ሃርቁዲ ኬሴሰ።
- 9 «ታ ዋዚና ጌሻዲሰ፤ ታ ጌሻ፤ ታናን ናጋራይ ባዋ» ጋናይ ኦኔ?
- 10 ጎዳይ ዋርዶ ሜዛኔኔ ናምኡ ቆሞ ጌዳራ ሚሽ ኢዴሰ።

- 11 ናይ ገሸኔ ሱሬ ገዲዛይሲ
ኢዚ ኦሊዛ ኦሶን ኤሬቴሰ።
- 12 ሲዪዛ ሃይሊኔ ጸሊዛ ኣይፌ፥
ኢሰታካ ጎዳይ ሜዲዳሰ።
- 13 ዲሰኮ ሲቆፓ!
ኔ ሂሰቶንታ ኣጊኮ ማንቃና።
ሚናዳ ኦሳ፤
ሂሰቲኮ ኔኒ ካሐ ካላና።
- 14 ሻሚዛ ኣሲ፥
«ሃይሲ ኣልኦ! ቆሂሰ!» ጌሰ፤
ገደ ኣቲን ሻሚ
ሲሚዳፔ ጉዬን፥
«ሂራይሶን ሻሚዲሰ»
ገዲ ጨቁቴሰ።
- 15 ኤራይ ኩሚዳ ቃላ ሃሳይዛ
ሜቴርሻቲ ዋርቃፌኔ
ዘኦ ኢንቁፊካ
ኣዶ ጌዶ።
- 16 ኤሮንታ ኣሳሰ
ዋሴ ጌሊዛ ኣሳ ማይኦ
ቃሪ ኤኪቴ፤
ሃወሻ ማጫሳሰ
ዋሴ ጌሊዛ ኣሰ ኦይኪቴ። *
- 17 ዋርዶን ዳሚዳ ካሊ ማልኤሰ፤
ገደ ኣቲን ኣቂ ፔኢዲ
ደናን ኣጩ ገደሰ።
- 18 ዞሬ ኤካዳ ሃልቾ ሃልቻ፤
ዞሬ ኤኮንታ ዳኣሽ
ኦላሰ ቦፓ።
- 19 ዘጊራንቻይ ጸራ ላሌሰ፤
ሄሳ ገሻሰ ሎምኡሎምኣ
ኣሳፔ ሃካ።
- 20 ባ ኣዋ ዋይኮ
ባ ኣዮ ጫዪዛዳሰ፥
ጸምፔይ ሳካና
ዲማን ቶኣና።
- 21 ኮይሮራ ኤሶን ቤቴዳ ኣቆታሰ
ዉርሴላን ኣንጀይ ዳና።
- 22 ኔሲ ኢታ ኦሊዳ ኣሳሰ፥
«ታኒ ኢዛሰ ሃሎ ኬሳና» ጎፓ፤
ጎዳን ኣማኔታዳ ናፓ፤
ኢዚ ኔና ኣሻና።
- 23 ጎዳይ ዋርዶ ሜዛኔን
ኡፋዬቴና
ናምኡ ቆዋ ጌዳራ
ሚሽ ኢደሰ።
- 24 ኣሳይ ባናሰ ቤሲዛ ኦጌ
ጎዳይ ካሌሌሰ፤
ሂሰቲን ኣሲ ባርካ
ባ ባና ኦጌ
ዋሰቲ ኣኬካናሰ ዳንዳይዜ?
- 25 ኢሲ ሚሽ ኤሶቲዲ፥
«ሃይሳ ታኒ ጸሳሰ ኢማና»
ገዲ ኣዲኔቲዳፔ ጉዬ
ዚልኤቴሊ ኣሰ ኦይኪዛ ያርዴ።
- 26 ኣዶ ኤራቴሊ ዲዛ ካዋይ
ማካላንቻታ ሻኪ ኤሬሰ፤

- ኢዚ ኢሰታ ቃዴቶንታ ቃዳዬሰ።
- 27 ኣሳ ኣያናይ ጎዳ ጸምፔ፤
ሄሳ ገሻሰ
ገደ ኣሳቴላ ኡባ
ኢዚ ፒልጊ ጸሌሰ።
- 28 ኪያቴሊኔ ቴማቴሊ
ካዋ ናጌቴሰ፤
ኢዛ ካዋቴላ ኣራታይካ
ሲቆን ሚኔሰ።
- 29 ዬላጋታ ዋልቃይ ኢሰታሰ ቦንቾ፤
ጨማታ ፑሉንሊ
ኢሰታሰ ቦንቾ።
- 30 ሚኖ ቁጸቴይ ኢታቴላ ዲጌሰ፤
ዋዳይ ኢታ ዋዚና ላሜሰ።

21

- 1 ካዋ ዋዚናይ
ጎዳ ኩሼን ደሰ፤
ኢዚ ኢዛ ዋዚና
ጎጊዛ ሃላ ማላ
ባ ደሲዳሶ ዛሬሰ።
- 2 ኣሲ ቢዛ ኦጌይ ኢዛዳሰ
ሱሬ ሚሳቴሰ፤
ጎዳይ ገዲኮ
ዋዚና ፒልጊ ጸሌሰ።
- 3 ያርሾፌ ቦላራ ጸሎኔ
ሱሬ ፐርዳ ጎዳይ ደሴሰ።
- 4 ኦቶሮይኔ ሃላጫይ
ኢታ ኣሳታ ቤሲዛ ማላታ፤
ሄሲካ ናጋራ።
- 5 ሚኖ ኦሳንቻ
ሃልቾይ ዲሬሴሰ፤
ገደ ኣቲን ቢቻሪሲ ማንቁሴሰ።
- 6 ዋርዶቲዲ ዳጋሲዳ ኣቆታይ
ዳይዛ ፔንታ ማላ፤
ቃሴካ ዋዲዛ ዋጺማዴ ማላ።
- 7 ኢታቲ ሱሬ ኦሶ ደሶንታ ገሻሰ
ኢታታ ኢሰታ ማካላቴሊ
ዳይሳና።
- 8 ሞራንቻቲ
ጌላ ኦጌራ ሄማቴቴሰ፤
ገደ ኣቲን ጌሻቲ ሱሬ ሃኔቴሰ።
- 9 ዲናማ ማቲራ ዳናፔ
ኬላ ዳራንቻን
ኣቆይ ሎኦ።
- 10 ኢታቲ ኢታ ሚሽ ኦላናሰ
ኬሂ ኣሞቴቴሰ።
ኢዛ ላጌይ ኢዛፔ
ቃዴታ ዳሜና።
- 11 ቂልጨዛዳይ ቃዳዬቲዳ ዋዴ
ዋዚናይ ፓጨዳ ኣሲ
ኣዶ ኤራቴላ ታማሬሰ፤
ዋዚናማ ኣሲካ ታማርዲ
ኤራቴላ ዳሜሰ።
- 12 ጸሎ ጸሳይ ኢታታሶን
ኦሴቲዛ ኡባ ጫዲ ጸሌሰ፤
ኢሰታ ሙሉራ ዳይሴሰ።

* 20:16 ሃወሻ ማጫሰ ገዛይሳሰ ቢርሼላይ ካወሻ ጉሳ።

- 13 ማንቆ ዋሶ ሲያናፎ ጊዲ
ባ ሃይል ቱጫኮ
ኢዚካ ዋሶዛ ዎዴ
አሊዛ አሲ ቆያና።
- 14 ጌማን ኢሚዛ ኢሞታይ
ሃንቆ ደሺሴሰ፤
አፋላ ጊደራ ኢሚዳ ማታኤይ
ሱሌ ሃንቆ ኢርጺሴሰ።
- 15 ሱራ ፒርዳይ ዲሎታ ኡፋይሴሰ፤
ኢታ ኦሊዛይታ ጊዲኮ
ሺርሴሰ።
- 16 አኮካ ኦገፔ ካሪ ኮዚዛ አሲ
ሞይቲሌ ዲላታን ሸምፔሰ።
- 17 ሃላጫ ዱሰ ዳና
ኮይዛ አሲ ማንቁሰ፤
ኡሺኔ ሙሰ
ጎዲዛ አሲ ዱራቴና።
- 18 ዲሎታ ቦላ ዪዳ ማቶይ
ኢታታ ቦላ ሲማና፤
ሱራ አሳታ ቦላ ዪዳ ማቶይ
አማኔቶንታይታ ቦላ ጋካና።
- 19 ዎጫሚዛኔ ደናቲዛ
ማቸራ ዳናፎ
ባዞን ዱሲ ኪያ።
- 20 ዎዚናማ አሳ ሶን
ማልኦ ቁማይኔ
ዛይቲይ ዳጋቲ ዳሰ፤
ጊደ አቲን ኤያ አሲ
ባሰ ዲዛይሳ፣ ባይንዳ
ኡባ ዲፒ ሂሰቲ ሜሰ።
- 21 ዲሎቴሌኔ ሲቆ
ካሊዛዳይ ዳኦ፣
ዱራቴሌኔ
ቦንቾ ዳሜሰ።
- 22 ዎዚናማ አሲ
ዎልቃማ ኦላንቻቲ ዲዛ
ካታማ ሜንላ ጌሌሰ፤
ኢሰቲ አማኔቲዳ ሚጻታካ
ላሊ ዩጌሰ።
- 23 ባ ደናኔ ባ አንጸርሰ ናጊዛ አሲ
ባና ቦሻፔ ናጌሰ።
- 24 ኦቶራንቻይኔ ሃላጫ አሲ
ቁቆንቻ ጌቲቲሰ፤
ኢዚ ኦቶር ሃሮ ሃኔሰ።
- 25 አዛላ አሞይ ዎዴሰ፤
አይሰ ጊኮ
ኢዚ አላናሰ ኮዩና።
- 26 አዛላይ ጋላሰ ኩሜል
አሞቲሺ ፔኤሰ፤
ዲሎይ ጊዲኮ ኡዜቶንታ ኢሜሰ።
- 27 ኢታ አሳ ያርሾይ ሃራሴሰ፤
ኢታ ቆፋን ሺሺዛ ጊዲኮ
አይ ማላ ኢታ ጊዳኔ?
- 28 ዎርዶ ማርካይ ቆያና፤
ጊደ አቲን ቱሙ ማርካቲዛይ
ሚኒዲ ዳኦና።
- 29 ኢታ አሲ ቤሶንታዝ ጸላ ጸሌሰ፤
ጊደ አቲን ሱራ አሲ
ዩሺ ቆፔሰ።

- 30 አሲ ባ ኤራን፣ አኮካኒኔ
ሃልቸን ጎዳራ
ኤቁታናሰ ዳንዳዬና።
- 31 ኦላ ጋላሳሰ ፓራ ጊጊሴሰ፤
ጊደ አቲን ጸሮይ
ጎዳፔ ዩሰ።

22

- 1 ሎኦ ሱንላ
ዳሮ ዱራቴላፌ አዴሰ፤
አሳ ማታን ቦንቹቲላካ
ቢራፔኔ ዎርቃፌ አዴሰ።
- 2 ዱራኔ ማንቆ ኡባ
ጎዳይ ሚዲዳሰ፤
ሄሳን ኢሰታ ናይካ አሲ ጊና።
- 3 አኮካንቻ አሲ ኢታ ቤኢዲ
አታናሰ ባቃቲሰ፤
ጊደ አቲን አኮካይ ፓጫዳ አሲ
ሜቶን ጌሊዲ ቆሃቴሰ።
- 4 አሽኬቲሌኔ ጎዳሰ ያሺ፣
ዱራቴል፣ ቦንቾኔ
ዳኦ ኢሜሰ።
- 5 ኢታ አሳ ኦጌን አጉንላኔ
ያርዳይ ዳሰ፤
ጊደ አቲን ባና ናጊዛ አሲ
ሄሳፌ ሃኬሰ።
- 6 ናይ ዎኒዲ ዳኦና ቤሲዛኮ
ታማርሳ፤
ሂሰቲኮ ኢዚ ጨሚዲካ
ሄሳፌ ሃኬና።
- 7 ዱራይ ማንቆ ሃራሰ፤
ታልኤ ኤኪዳዳይ ታልኤ
ኢሚዳዳሰ አይሌ ጊዳሰ።
- 8 ኢታቲል ዜሪዛ አሲ ዎዩ ጫኬሰ፤
ኢዛ ሃንቆ ጉፊይ ቆያና።
- 9 ኪያ አሲ አንጃቲሰ፤
ባ ቁማፔካ ሂዬሳሰ ኢሜሰ።
- 10 ቁልጫዛ አሰ ዲጋ፤
ሂሰቲኮ ፓላማይ አታና፤
ኦሺኔ ጫሺካ ቆያና።
- 11 ዎዚና ጌሻቲል ደሲዛ አሲኔ
ደናፎ ሎኦ ሃሳይዛ አሳራ
ካዎይ ላጌቲሰ።
- 12 ጎዳ አይፊቲ ኤራቴል ናጌቲሰ፤
ጊደ አቲን ዎርዳንቻታ ቃላ
ሃዳ ኬሴሰ።
- 13 አዛላ አሲ፣
«ጋሞይ ካራን ዳሰ፤
ታና ኦጌን ዎቆና» ጌሰ።
- 14 ላይማ ማጫሳ ደናይ
ጨማ ኦላ ማላ፤
ጎዳይ ሃንቁቲዳ አሲ
ኢዚን ጫሌሰ።
- 15 ና ዎዚና ኤያቲላ
ባቁ ኦይኬሰ፤
ጊደ አቲን ሴራ ሾቾ
ኢዛፔ ሃሴሰ።
- 16 ባሰ አቆታ ጉጃና ጊዲ
ሂዬሳ ናቁዛይኔ

ዱሬሲ አሞታ አሚዛይ
ናይካ ማንቃና።

አጼ ኤራንቻ ዞሬ ሄቩ ታማታ

- 17 አጼ ኤራንቻ ዞሬ
ዋዚናፔ ሲያ፤
ኔ ዋዚናይካ
ታ ተሚርቴኮ ሲሞ!
- 18 አይሰ ጊኮ
አሰታ ኔ ዋዚናን ዋሊኮ።
ኔ ደናንካ
አሰታ ኡባ ሃሳይኮ
ኔ ኡፋይታና።
- 19 ኔ አማኖይ
ጎዳን ጊደና ማላ
ታኒ ኔና ሃቶ ታማርሳይሰ።
- 20 ታኒ ኔሲ ዞሬኔ
ኤራቴላ አሚዛ
ሎኦ ተሚርቴታ ጻፋቤኪና?
- 21 ኔና ኪቲዳይሳሰ ቤሲዛ
ዛር ዛራና ማላ።
ታኒ ኔና ቱማኔ
አማኔቲዳ ቃላታ
ታማርሳና ማላ ጊዳኔ?
- 22 ሂዬሳታሲ አይኮይካ ባይንዳ
ጊሻሰ አሰታ ቦንቆፋ፤
ሺሎታንካ ሜቶታንቻታ
ዋዪሶፓ።
- 23 አይሰ ጊኮ ጎዳይ
አሰታ ጊሻሰ ሞቲታና፤
አሰታ ቦንቆዳይታካ
አዚ ቦንቃና።
- 24 ሃንቁቲዛ አሳራ ላጌቶፓ፤
ሃንቁታናሰ ኤሶቲዛ
አሳራካ ዙፕቶፓ።
- 25 ኔኒ አዛ ሃናዛ ማዜቲኮ።
ጉዬፔ አጋናዉ ዳንዳያካ።
- 26 ዋሴ ጌላናሰ ጫቆፋ፤
አሳ አጮ ቃንጸናሰ
ዋሴ ጌሎፓ።
- 27 ኔሲ ቃንጸዛዚ ጳይኮ።
ኔ ኢቸዛ አልጋይካ
አቶንታ ኤኬታና።
- 28 ኔ አዋቲ ኤሲዳ
ቤኒሶፌ ዲዛ ዛዋ ሸዶፋ።
- 29 ባ ኦሶን ሎሂዳ አሰ ቤያዲ?
አዚ ካዎታሰ ኦፊሲፔ አቲን
ቤሶንታ አሳታሰ ኦፊና።

23

- 1 ኔኒ ዳሬ ሃሪዛይሳራ
ካላ ማናሰ ኡቲዳ ዎዴ።
ኔ ሲንሳን ዳኢዛይሳ
ሎኤላዳ አኬካ።
- 2 ኔኒ ዳር ዮራ አሰ ጊዲኮ።
ኬሂፔ ናጌታ።
- 3 አዚ ኔና ፓጫናሰ
ዳንዳይዛ ጊሻሰ።
ሺቁዳ ማልኦ ቁማሰ ዪቁቶፓ።

- 4 ዱሬታና ጋዳ ዳቡርፓ፤
ሃይሳ ማላ ቆፋ አጋናሰ
አኬካንቻ ጊዳ።
- 5 ሄሳ ማላ ዱሬቴላ ቦላ
ኔኒ ኔ አይፌ ዋሊኮ
ሄራ ጳያና፤
ቁፌ ኬሲዳ ጎሌ ካፎ ማላ
ሳሎራ ፓላና።
- 6 ኡዜ አሳ ካላ ሞፓ፤
ማልኢዛ አዛ ካላ
ማናሰ አሞቶፋ።
- 7 ቆጴፔ ቆሞን አዚ ኔና።
«ማ፤ ኡያ» ጌሲፔ አቲን
አዛ ዋዚናይ ኔናራ ዴኤና።
- 8 ኔኒ ሚዳ ጉላ ካሳይካ
ኔና ጮሻና፤
ኔ ጋላታይካ ሃዳ ጊዳና።
- 9 ኤያራ ሃሳዮፓ፤
አይሰ ጊኮ
ኔ አጼ ኤራ ሃሳያ
አዚ ካቆና።
- 10 ቤኒሶፌ ዲዛ ጳሳ ሸዶፋ።
ቃሴ ዪኦ ናይታ ጋዴ ሱጎፓ፤
11 አይሰ ጊኮ አሰታ
አሺዛ ጎዳይ ሚኖ፤
አዚ አሰታ ጊሻሰ ኔናራ ሞቲታና።
- 12 ኔ ዋዚና ዞሬሰ።
ኔ ሃይላካ ኤራቴላ
ቃላኮ ዛራ።
- 13 ኔ ና ሴራናፔ ጉዬ ጎፓ፤
ኔኒ ቁርጩንቻን ሸጪኮ
አዚ ሃይቁና።
- 14 ኔኒ ቁርጩንቻን ሸጫ፤
አዛ ሸምፖ ሃይቆፔ አሻ።
- 15 ታ ናዘ!
ኔ ዋዚናይ አጼ
ኤራንቻ ጊዲኮ
ታ ዋዚናይካ ኡፋይቲሰ።
- 16 ኔ ኢንጸርሳይ ሱሬ ሃሳይዛ ዎዴ
ታ ዋዚናይ ኡፋይቲሰ።
- 17 ናጋራንቻታ ቦላ ቃናቶፓ፤
ጊዶ አቲን ኡባቶ ጎዳሰ
ያሻቴላ አጎፋ።
- 18 ሂሰቲኮ ኔሰ ሲንሳፌ ኪያና፤
ኔ ሂዶታይ ሃዳ ጊዳና።
- 19 ታ ናዘ! ሲያ፤ ዋዚናማ ጊዳ፤
ኔ ዋዚናይ ሱሬ ኦጌፔ
ካሬ ኬዘፖ።
- 20 ዳር ዎይኔ ኡሹ ኡዪዛይታራኔ
አሾ ሙሳሰ
ያሬቲዛይታራ ዙፕቶፓ።
- 21 አይሰ ጊኮ ማላቲዛይቲኔ
ዮራቲ ማንቃና፤
ጴሰኮ ዳርይ ጫርቃ ማይዜሰ።

- 22 ኔና ዩሊዳ አዋይ የተዘይሳ ሲያ፤
ኔ አዲያካ
ጨግግ ዋዳ ካዳ፡፡
- 23 ቱማ ሻማሬ አተን
ሙሌካ ባይዘ፡፡
አዶ ኤራቴላ፡ ሰራኔ
አኩካ ኔሰ ሚሼ ኦላ፡፡
- 24 ጸሎ ና አዋይ
ኩሂፔ ኡፋዬቴሰ፤
ዋዚናማ ና ዩሊዳ አሲካ
አዛን ኡፋዬቴሰ፡፡
- 25 ኔ አዋይኔ ኔ አያ ኡፋዬቴቶ፤
ኔና ዩሊዳራካ ኡፋዬቴ፡፡
- 26 ታ ናዘ!
ኔ ዋዚና ሃ ታኮ ዛራ፤
ኔ አይፊቴ ታ ኦጌፔ
ካራ ኬዘፔቶ፡፡
- 27 አይሰ ጊኮ ላይማ ማጫሳያ
ጨማ ኦላ ማላ፤
ላጌላ ማቻ
ጸንፋ ኦላ ማላ፡፡
- 28 አዛ ፓንጋ ማላ ዛማዳ ናጋዉሰ፤
አማኔቶንታ አዴታ
ዳራ ጊደን ዳርሳዉሰ፡፡
- 29 «ዋ!» ጊዛ ዋሶይ ኦሴ?
ጨጨይ ኦሴ? ኦሺ ኦሴ?
ዙዙንላ ኦሴ?
ጋሶይካ ባይንዳ
ማደንላ ኦሴ?
አይፊይ ዘአዛይ ኦሴ?
- 30 ዋይኔ ኡሹ ኡዩሼ
ጋምኢዛይታሰ ጊዴኔ?
ዋላኬቴዳ ዋይኔ ኡሹ
ዩዩ ዩዩ
ጋንጸዛይታሰ ጊዴኔ?
- 31 ዋይኔ ኡሹ ዘአዳ ዋዴ፤
አዛ ሜዳይ ቢሪሌ ጊደን
ጰሊዛ ዋዴ፤
ዳቂሺን ጮርኑ ጊ ጌሊዛ ዋዴ
አዛ ተሺ ሂሰታ ጸሎፋ፡፡
- 32 ወርሴላን አዚ
ሾሻ ማላ ደኩሰ፤
ጎፔ ሾሻ ማላካ
ባ ዩሻ ፑኬሰ፡፡
- 33 ኔ አይፊይ ቤዩ ኤርንታዝ ቤያና፤
ኔ ዋዚናይካ ኤሉሜታና፡፡
- 34 ኔኒ አባ ጊደን ዲዛ
ማርካቤ ጸራን
አቸዳ አሳ ማላ ጊደና፡፡
- 35 ኔኒ፡ «አሰቲ ታና ዳቸዳ፤
ጊደ አተን ታኒ ቆሃታቤኬ፤
አሰቲ ታና ዋዳዳ፤
ጊደ አተን ታሰ ኤሬቴቤና፡፡
ሃራ ኡሻ ኡያናሰ
ታኒ አዉዳ
ዳንዳንዲናሻ?» ጋና፡፡

24

- 1 ታ ናዘ! አታ አሳታ ማላ
ጊዳርኪና ጎፓ፤
አሰታራ ላጌቴላካ
ኔና ሎኦ፡፡
- 2 አሰቲ ኡባቶ ማካላ
ሚሽ ማቄቴቴሰ፤
ባንታ አንጸርሳንካ
ጌኔ ሃሳዬቴሰ፡፡
- 3 ኬላ አዶ ኤራቴላን
ኬዳቴሰ፤
አኩካንካ ሚኔሰ፡፡
- 4 ኤራይ ዳኢኮ፤
ኬላ አልኦኒኔ
ሎኦ ሚሻን ኩሜሰ፡፡
- 5 ዋዚናማ አሳሰ ጊታ ዋልቃይ ዳሰ፤
ኤራንቻ አሲካ
ሚኖቴላ ጉጃሰ፡፡
- 6 ኦላ ኦሌታናሰ ኔሰ ሎኦ ዘሬ
ጸኖ ዴማናሰካ
ዳር ዘራንቻታ ኮሼሰ፡፡
- 7 ኤያ አሲ አዶ ኤራቴላፊ
ኬሂ ሃሆን ዳሰ፤
ደላታ ሲንላን ኤቂዲ
ሃሳያና ዳንዳዬና፡፡
- 8 አታ ኦላናሰ ሃልቸዛ አሲ
«ጌናንቻ» ጌቴቴሰ፡፡
- 9 ኤያቴላ ቆፋይ ናጋራ፤
ቂልጨዛዳ አሲ አዳሰ፡፡
- 10 ኔኒ ሜቶ ጋላሰ ላፊኮ፤
ኔ ዋልቃይ አይ ማላ ጉላ፡፡
- 11 ሃይቆሰ ላጌቴ ቢዛይታ አሻ፤
ሹኬታናሰ ጎሼቴ
ቢዛይታ አሻ፡፡
- 12 ኔኒ፡ «ታ ሃይሳ ኤሪኬ» ጊኮ፤
ዋዚና ፒልጊ ኤሪዛይሰ
አዚ አኬኬኔ?
ኔ ሽምፖ ናጊዛይሰ ኤሬኔ?
አሰ ኡባሰ አዚ
ኦሶ ኦሶ ማላ ኢሜኔ?
- 13 ታ ናዘ!
ሎኦ ጊዲዳ ጊሻሰ ኤሳ ማ፤
አሊሎ ኤሲ ደናን ማልኤሰ፡፡
- 14 አዶ ኤራቴላካ ሃሳ ማላ፤
አዚ ኔ ሽምፖሰ
ማልኦ ጊዲዳይሳ ኤራ፡፡
ኔኒ አዚ ዳሚዛ ጊዲኮ
ዋንቶ ኔሰ ዜምፖ ጊደና፤
ኔ ሂደታይካ ሃዳ ጊደና፡፡
- 15 ጸሎ አሳ ኬላ ቦንቃናሰ
ፓንጋ ማላ ዛማዳ፡፡
አዚ ኬላ ቦላ ሜቶ ጋላ፡፡

- 16 ዲሎ አሲ ለፑንቶ ኩንዲኮካ ዴንዴሰ፤ ጊደ አቲን ኢታቲ ማቶን ቆይቲሰ።
 - 17 ኔ ሞርኬይ ኩንዲዛ ዎዴ ኡፋዬቶፋ፤ ኢዚ ቆይቲዛ ዎዴካ ኔ ዎዚናን፡ «ሃሹ!» ጎፓ።
 - 18 ኔ ሂሰቶንታ አጊኮ ጎዳይ ሄሳ ቤኢዲ ኡፋዬቲና፤ ኢዚ ባ ሃንቆዛ ኔ ሞርኬዛ ቦላፊ ዛራና።
 - 19 ኢታ አሳታ ኦሶን ጨፎጮፓ፤ ኢሰታ ማላ ጊዳርኪና ጎፓ።
 - 20 ኢታ አሳሰ ሂደታይ ባዎ፤ ኢታታ ጸምፔይ ቲፒ ጊዲ ቶኣና።
 - 21 ታ ናዘ! ጎዳሲኔ ካዎሰ ያያ፤ ማካሊዛይታራካ ዙፔቶፓ።
 - 22 አይሰ ጊኮ ሄሳ ማላ አሳታ ቆፖንታ ማቶይ ጋኬሰ፤ ካዎፔኔ ጎዳፔ ያና ማቶ ኦኔ ኤሪዛይ?
- አቶ ኤራንቻይ ጉጂ ዮቲዳ ሃራ ለሚሶታ**
- 23 አቶ ኤራንቻቲ ጉጂዲካ ሃይሳሎ ጊዳ፤ ፕርዲሼ ማዶ ፕርዳይ ሎኦ ጊዳና።
 - 24 ሞራንቻ፡ «ኔኒ ዲሎ» ጊዛዴ ዴሪይ ቃንጌሰ፤ ካዎቴላቲካ ኢዛ ሂሊቲሰ።
 - 25 ጊደ አቲን ሞራንቻ፡ «ኔኒ ሞራዳሳ» ጊዛይታ ኢሰታራ ሎኦ ሚሺ ጋይታና፤ ኢሰታሰ ኬሂ ዳር አንጅይ ያና።
 - 26 ሱሬ ዛር ኢሞይ ደና ዬሬቴላ ማላ።
 - 27 ካሴታዳ ኔ ካሬን ዲዛ ኦሶ ኦላ፤ ኔ ጎሻ ጊጊሳ፤ ሄሳፊ ጉዬ ኔ ኬላ ኬጾ።
 - 28 ኔ ሸርዛ ቦላ ጋሶይ ባይንዳ ማርካቶፋ፤ ኔ ደናንካ ጨሞፋ።
 - 29 ኢዚ ታሰ ኦላዳ ማላ ታኒ ኢዛሰ ኦላና፤ «ታኒ ኢዛሰ ኢዛ ኦሶ ኩሼ ዛራና» ጎፓ።
 - 30 ታኒ አዛላ አሳ ጋዴራ አቆዲሰ፤ አኬካይ ፓጨዳ አሳ ዎይኔ ቱራ ጊደር ካንላዲሰ።
 - 31 ኡባሶን አጉንላ ሞኪዳሰ፤

- ጋዳ ሻራፋይ ጎዚዳሰ፤ ጊሞቤይካ ላሌቲዳሰ።
- 32 ታኒ ቤኢዳይሳ ዩሻ ቆፓዲሰ፤ ታኒ ቤዮይሳፊ ቲሚርቲ ዴማዲሰ።
- 33 ኔኒ፡ «ጉላራ ሊጲጲ ጋይሰ፤ ጉላራ ጲሰካ ኤካይሰ፤ ኔ ኩሼዛካ ሺሻዳ ጉላራ ሸሞፓ ኤካይሰ» ጊኮ፤
- 34 ማንቆቴላ ኔ ቦላ ፓንጋ ማላ ያና፤ ፓጨይካ አላ ሚሻ ኦይኪዳ አሳ ማላ ፑቱ ጋና።

25

- ሶሎሞንይ ጸፊዳ ሃራ ለሚሶታ**
- 1 ዩሁዳ ካዎ ሂዘቂያሳ አሳቲ ዲቂዲ ጸፊዳ ሶሎሞን ለሚሶቲ ሃይሳፊ ካሊዛይታ።
 - 2 ጸራ ጌንላይ ጸሳሰ ቦንቻ፤ ጸራ ፕልጊዲ ኬሶይ ካዎታሰ ቦንቻ።
 - 3 ሳሎታ ቶቃቴላኔ ሳኦ ጨማቴላ አሲ ጋኩንታይሳ ማላ፤ ካዎታ ቆፋካ አሲ ፕልጊ ኤራናሰ ዳንዳዬና።
 - 4 ቢራፔ ቂታ ዲጋይቻ፤ ዎጋጨይካ ቆጶዲ ሎኦ ሚሽ ኬሳና።
 - 5 ካዎ ሲንላፊ ኢታታ ዲጋይቻ፤ ሂሰቲኮ ኢዛ ካዎቴላ አራታይ ዲሎቴላን ሚኒ ኤቃና።
 - 6 ካዎ ሲንላን ኔና ቶቆ ቶቆ ሂሰቶፋ፤ ጊታ አሳታ ጊደን ቤታናሰ አሞቶፋ።
 - 7 ጊታ አሳ ሲንላን ኔና ካዉሻናፔ ኢዚ ባርካ ኔና፤ «ሃይሶ ቶቆ ጋ» ጊኮ ኔሰ ሎኦ።
 - 8 ኔ አይፊዛን ቤኢዳ ኡባ ማርካታናሰ ዲቡሻ ባናሰ ኤሶቶፓ፤ አይሰ ጊኮ ኔኒ ማርካታ ሲሚን፤ ሃራ አሲ ኔ ማርካቲላይ ባላ ጊዲዳይሳ ቆንጨሲኮ ኔኒ ዬላታና።
 - 9 ኔሰኔ ኔ ላጌዛሰ ጊደን ፓላማይ ማዴቲኮ፤ ሄ ፓላማ ጋርሳን

- 10 ሃራ አሳ ጸራ ቆንጨሶ፡፡
ሂሰቶንታ አገረኩ
ኔኒ ዮቲዛይሳ ሲዱዳ አሲ
ኔና ካዉሻና፤
ሃሳን ኔ ሱንፋይ
ናሞአንሉ ሲሚዱ
ሎኑንታ ማላ ሞሬታና፡፡
- 11 ኮሺዛ ዋዳዛን
ሃሳዬቲዳ ሊኬ
ቃላይ ቢራ ቦላ ቲጌቲዳ
ዋርቃ አሌቆ ማላ፡፡
- 12 አጵ ኤራቴላ ዲዛ አሲ
ዘሪዛ ዘሪይ ኤዘገዛ አሳሰ
ሃይላን አላዛ ዋርቃ ማላ፤
ዋይኮ ሙሩታ ዋርቃፌ
ኦሴቲዳ አሌቆ ማላ፡፡
- 13 ካላ ሺሺዛ ዋዳ አርጻ ሃላ
ኡዱን አሊዛ ማላ፤
አማኔቲዛ ኪታንቻይ
ባና ኪቲዛይታ ኡፋይሴሰ፡፡
- 14 አሞንታይሳ፣ «አማና» ጊዱ
ጮ ፓፖቲዛ አሲ
ኢራይ ባይንዳ ሻራኔ ጫርኮ ማላ፡፡
- 15 ዳንዳያንቻ አሲ
ዳሬ ሃሪዛዳ
ዮቲ ማይዜሰ፤
ሊቆ ቃላይ
ሜቄላ ካንላ ጌሌሰ፡፡
- 16 ኤሰ ዳሚኮ ገናራ ማ፤
ጊድ አቲን ዳርሲኮ
ኔና ጸጋና፡፡
- 17 ኔና ኡፊዱ ኢጸንታ ማላ
ኔ ላጌ ሶ ኡባቶ ቦፓ፡፡
- 18 ባ ላጌዛ ቦላ ዋርዶራ
ማርካቲዛ አሲ ኮጾይ፣
ገላ ማሻይኔ ዋንዳፌይ
አሰ ቆሂዛ ማላ ቆሂሰ፡፡
- 19 ሜቶ ዋዳ አማኔቶንታ
አሳን ዜሞፖይ፣
ቃጺዛ አቻን
ጮሚዛ ማላኔ
ሲሊዳ ቶሆን ሄሜቲዛ ማላ፡፡
- 20 ጩጩ ኡቲዳ አሳሰ ማዛሙሬ ዩጾላ
ሚጎ ጋላሰ
ማይኦ ቃሪዛ ማላኔ
ማዱንሳ ቦላ ጸጊዛ ሚሽ
ቲጊዛ ማላ፡፡
- 21 ኔ ሞርኬይ ጋፊኮ ሚዛ፤

- 22 ሳሜቲኮ ኡሻ፡፡
ኔኒ ሃሳሉ አላኮ
ኢዛ ሁኤን ታማ ቦንቆ ካሺዱ
ቆሊዛዳ ማላ፡፡
ጎዳይካ ኔ ኦሶሰ
ዋጋ አማና፡፡
- 23 አርሼይ ሞኪዛ ባጋ ጫርኮይ
ኢራ ኤሂዛ ማላ፣
ዘገርሲ ሃንቆ ኤሂሰ፡፡
- 24 ዱናማ ማቺራ
ኢሲ ኬላን ዳኦናፔ
ኬላ ዳራንቻን
ዳላ ሎኦ፡፡
- 25 ዳቡርዳ አሲ አርጻ ሃላ
ኡዱዱ አሊዛ ማላ
ሃኮ ቢታፌ ዩዛ
ሎኦ ቃላይ ኡፋይሴሰ፡፡
- 26 ኢታ አሳ ሲንሳን
ኩንዲዛ ጸሎ አሲ
ቡልቆቲዳ ፑልቶኔ
ሞሬቲዳ ኦላ ሃላ ማላ፡፡
- 27 ዳር ኤሳ ሙሲ ሎኦ ጊዳና፤
ሃሳላካ ባሰ ቦንቻ
ኮሺ ቦንቹሴና፡፡
- 28 ባና ሃርንታ አሲ
ጊሞቤይ ላሌቲዳ ካታማ ማላ፡፡

26

- 1 ቦኔን ሻቸ፣ ካላ ሺሺዛ ዋዳንካ
ኢራይ ኮሻንታይሳ ማላ፣
ኤያሰ ቦንቻይ ኮሼና፡፡
- 2 ካፎቲ ያኔ ሃ ፓሊሽ
አሰ ቆሆንታይሳ ማላ፣
ጋሶይካ ባይንዳ
ቃንጊዛ ቃንጌላ
አሰ ጋኬና፡፡
- 3 ፓራሲ ሊሶ፣
ሃሬሰ አንጫፋ ኮሺዛይሳ ማላ፣
ኤያ ዘኮዛሰ ዱርቃ ኮሼሰ፡፡
- 4 ኤያ አሳሰ
ኢዛ ኤያቴላ ማላ ዛርፓ፤
ዛሪኮ ኔኒካ
ኢዛ ማላ ጊዳና፡፡
- 5 ጊዲኮካ ኤያሰ
ኢዛ ኤያቴላ ቤሳ፤
ሂሰቶንታ አገረኩ ኢዚ ባና
ኤራንቻ ማላ ቆዳና፡፡
- 6 ኤያ አሳ ቦላ ኪታ ዩዳይ
ባርካ ባ ቶሆታ
ቃንጺዛይሳ ማላ፤
ዋይኮ ዋጺዛ
ማርኬ ኡሻ ማላ፡፡
- 7 ኤያ አሳ ሌሚሶይ
ሲሊዳ ቶሆ ማላ፡፡
- 8 ኤያ አሳሰ ቦንቻ አሞይ

- ያንባርሻ ቦላ
ቃቺ ዋሊዲ
የሺዛ ሹቻ ማላ።
- 9 ኤያ አሳ ለሚሶይ
ማላቲዳ አሳ ኩሼን ኤቂዳ
አጉንፋ ማላ።
- 10 ኤያ አሰ ዋይኮ
ባሰ ኦጌራ ካንላ ቢዛ አሰ
ኦሶስ ቃጸሪዛ አሰ
ባ ዋንዳፊን ጮ ዳሚዳ አሰ
ዲኪ ማዲንሊዛ አሳ ማላ።
- 11 ካናይ ባ ጮሺ
ሲሚ ላጨዛ ማላ፤
ኤያይ ባ ኤያቴፋ ኦሶ
ዛሪ ዛሪ ዩጌስ።
- 12 ባርካ ባና፡
«ታኒ አጾ ኤራንቻ»
ገዛ አሰ ቤያዲ?
ኢዛፔ ኤያ አሳሰ
ሎኦ ቃዳይ ዴስ።
- 13 አዛላይ፡ «ኦጌን ጋሞይ ዳስ፤
ያሺዛ ጋሞይ
ዋጋ ኦጌን ዩዩስ» ጌስ።
- 14 ፔንጌይ ባ ማጻፋ ቦላን
ያኔ ሃ ቃጸዛ ማላ
አዛላይካ ባ ሂጸን ያኔ ሃ
ሺሬቲ ሺሬቲ ዋዴስ።
- 15 አዛላይ ባ ኩሼ ማዲን ዩዳስ፤
ጊዶ አቲን ፑዴ ባ ደናን
ዛራናስ ዋዩቴስ።
- 16 አዛላ አሰ አከካን ዮቴዛ
ላፑን ኤራንቻታፔ
ባና አጾ ኤራንቻ
ጊዲ ቆፔስ።
- 17 ባና ጋላንታ አሳ ዮኦን
ፑፒ ጌሊዛ አሰ
ካና ሃይላ ኦይኪዛ አሳ ማላ።
- 18 ጎዩዛ አሰ ታማ ጸፋ ኦሊዛ ማላ
ዋይኮ ዋንዳፊ ዲኪዛ ማላ፤
- 19 «ታኒ ካሳሰ ኦላዲስ» ጊሼ
ባ ላጌዛ ጨሚዛ አሰካ
ሂሳ ማላ።
- 20 ሚሊ ወሪኮ ታማይ ቶኤስ፤
ዚጊርሲ ጳይኮ ኦሺ አቴስ።
- 21 ጸጸንላ ቦንቆ ዳርሲዛይሳ ማላኔ
ሚሊ ታማ
ዳርሲዛይሳ ማላ፤
ደናማ አሰ ኦሽ ዳሪሴስ።
- 22 ዚጊርሳንቻ ቃላይ
ማልኦ ቁማ ማላ
አሳሰ ዲጌ ማራጩ ጋኬስ።
- 23 ዋዚናን ኢታ ሚሺ ዲሺን፤
ባ አንጸርሳን ሊቆ ቃላ

- ሃሳይዛ አሰ
ቢራን ሜሼቲዳ
ማና ሚሻ ማላ።
- 24 ጌኔ አሰ ባ ደናን ጨሚስ፤
ጊዶ አቲን ባ ዋዚናን
ኢታቴላ ጸንቴስ።
- 25 ኢዛ ዋዚናን ላፑን ቴናቴላ
ኩሚ ኤቲዳስ፤
ሂሳ ጊሻሰ ኢዚ
ሎኦ ቃላ ሃሳይኮካ
አማናፓ።
- 26 ኢዚ ባ ጌኔ ባሌላን
ጌንፋናስ ዳንዳዬስ፤
ጊዶ አቲን ኢዚ ኦሊዳ
ኢታቴላ ዲላታን ቆንጫና።
- 27 ሃራታስ ኦላ ቦኪዛ አሰ
ሂ ኦላን ባሰ ኩንዳና፤
ሃራታ ቦላ ሹቻ
ቡሉሊዛ አሳ ቦላ
ሂ ሹቻይ ሲሚ
ኢዛ ቦላ ኩንዳና።
- 28 ዋርዶቲዛ አንጸርሲ
ባ ቆሂዳ አሳታ ኢጸወስ፤
ጨሚዛ ሜቴርሺካ ባሽ ኤሃወስ።

27

- 1 ዋንቶይሳን ጨቁቶፋ፤
ዋንቶ አዚ ሃናናኮ
ኔ ኤራካ።
- 2 ኔና ሃራ አሰ ጋላቶፔ አቲን
ኔርካ ኔና ጋላቶፓ፤
ሃራ አሰ ኔና ሳቦፊ አቲን
ኔኒ ኔርካ ኔና ሳቦፋ።
- 3 ሹቺ ዳጸ፤
አንጮይ ቶኮ፤
ጊዶ አቲን ኤያ አሰ
ዳንሊዛ ኦሺ
ናምኦታፔካ ዳዴስ።
- 4 ሹኔይ ማንጾ ኢታ፤
ሃንቆይ ማንጾ ኢታ፤
ቃናቴ ሲንፋን ኤቂ
ዳንዳያናይ ኦኔ?
- 5 ጌሚዳ ሲቆፔ
ቆንጩን ሴሪዛ ሴራይ ሎኦ።
- 6 ሞርኬይ ኔና ዳርቶ ዩራናፔ
ሲቆይ ኔና ዳቺዛይሲ ኪያ።
- 7 ካሊዳ አሰ ኤሳ ኢሊሎይ አቴስ፤
ጊዶ አቲን ጋፊዳ አሰ
ጋራ ማላ ጨሚዛ
ሚሺካ ማልኤስ።
- 8 ባ ሶ አጊዲ ዩዩዛ አሰ፤
ባ ኬላፊ ሃካ ፓሊዛ
ካፎ ማላ።
- 9 ሺቶይኔ ኤጸኔይ
አሰ ኤፋይሲዛይሳ ማላ፤
ሲቆ ላጌ ዞሪይካ ኤፋይሴስ።
- 10 ኔ ሳጌኔ ኔ አዋ ሳጌ አጎፋ፤
ኔ አሻኮ ቦፓ።

ሃሆን ዲዛ አሻፕ
ኔሰ ማታን ዲዛ
ሾርይ ኪያ።

11 ታ ናዘ!

ኔኒ አጾ ኤራንቻ ጊዳ፤
ታ ዋዚና ኡፋይሳ፤
ሂሰቲኮ ታና ካጺዛይታ
አይሻካ ዛራና።

12 ጨንጫ አሲ ሜቶይ ዪዛ ዎዴ
ቤኢዲ ቆቴቲሰ፤
ጊዶ አቲን አኩካይ ፓጪዳ አሲ
ሜቶ ጋርሰ ቢ ጌሌሰ፤
ሂሰቲዲ ጉዬፕ ቆሄቲሰ።

13 ኤሮንታ አሳሰ ሁርቡታ ጌሊዛ
አሳ ማይኦ ቃራ ኤካ፤
ሃዉሻ ማጫሳሰ ዋሴ ጌሊዛ
አሳ ማይኦ ኦይካ።

14 ማለዶ ዎንታራ
ባ ቃላ ጶቁ ሂሰቲዲ
ባ ሾር አንጆይ
ቃንጌላ ማላ ቆዴቲሰ።

15 ኡባ ዎዴ ኦሽ ኦዬተዛ ማቻ
ኢራ ጋላሰ ፓጩይ ባይንዳ
አሊዛ ኬላ ማላ።

16 ጫርኮ ቲቃናሰ ዎይኮ
ዛይቲ ጨጨሚዲ ኦይካናሰ
ዳንዳዬቶንታይሳ ማላ
ኢዘ ጮኡ ኦላናሰ
ዳንዳዬቲና።

17 ቢራታይ ቢራታ ቃራሲዛ ማላ
አሲካ ኢሶይ ኢሳ ቃራሴሰ።

18 ባላሴ ሚላዮ
አሻልሲዲ ናጊዳ አሲ
ኢዚ አይፌ ማና፤
ባ ጎዳሰ ኦሊዛ
አሲ ቦንቹታና።

19 ሃላይ ሄሪጋሶ
ሰንሰ ቤሲዛ ማላ
አሳ ዎዚናይ
ኢዛዴ ካንዶ ቤሴሰ።

20 ሃይቆይኔ ባሺ ካሊ ኤሬቲና፤
ሃሳሶካ አሳ አይፌይ ካሊና።

21 ቢራይኔ ዎርቃይ ታማን ፓጩቲዲ
ጌይዛ ማላ
አሲካ ባ ኤኪዛ
ጋላታን ፓጩቲሰ።

22 ኤያ አሰ ካላ ማላ
ኡዲላን ዩጋዳ፤
ኡዲላ ሚላን ጫዲዛኮካ
ኢዛፕ ኤያቲሊ ኪቼና።

23 ኔ ደርሳቲ ዴኢዛ ሃኖታ
ሎኤላዳ ኤራ፤
ኔ ዉዳካ ዎዚናፕ ሄማ።

24 አይሰ ጊኮ
ዲራቲሊ ማርናሰ ዴኤና፤
ካላቻይካ ዩሌታፕ
ዩሌታ ጋካናሰ
ሚኒ ዴኤና።

25 ሚላ ማታይ ቡጩቲዳፕ፤
አጫ ማታይ ኬኢዳፕ፤

ዙሞቡላታ ቦላን ዴኢዛ ማታይ
ሽቆዳፕ ጉዬን፤

26 ደርሳታ ኢሰኬፌ

ኔኒ ኔሰ
ማይኦ ኬሳና፤
ዳይሻታን ኔሰ
ሳሻ ጋዴ ሻማና።

27 አቲዳ ዳይሻታ ማላ
ኔሲኔ ኔ ሶ አሳሰ፤
ኔ ማጫ አይሌታሰካ
ቁማ ጊዳናሰ
ኩሚ ፓላሃና።

28

1 ኢታ አሲ ኦኒካ
ዩዴሶንታ ባቃቲሰ፤
ጊዶ አቲን ጸሎይ
ጋሞ ማላ ዎዚና ኩሜላ።

2 ዴሬይ ማካሊኮ
ሃሪዛይ ጮራቲሰ፤
ጊዶ አቲን ኤራ አሲኔ
አኩኪዛ አሲ ዎጋ ኤሴሰ።

3 ሂዬሳታ አንኤሊዛ ዳናይ
ካሳ ጳይሲዛ
ዎልቃማ ኢራ ማላ።

4 ዎጋ ቦንቸንታ አሲ
ሞራንቻታ ሳቤሰ፤
ጊዶ አቲን ዎጋ ቦንቸዛይ
ኢሰታ ቆፋ ፓልቆሰ።

5 ኢታ አሳታሰ ሱሬ ፐርዳይ ጌሌና፤
ጊዶ አቲን ጎዳሰ ጎይኒዛይቲ
ኡባካ ኤሬቲሰ።

6 ጌላ አሰ ጊዲ ኡቲዲ
ዴሬ ጊዳናፕ
ቦሬይ ባይንዳ ሂዬሳ
ጊዴሊ ሎኦ።

7 ዎጋ ናጊዛ ናይ አኩካንቻ፤
ጊዶ አቲን
ጋንጃማታራ ዙፕቲዛይ
ባ አዎ ዩላሴሰ።

8 ቤሶንታ ዲሾን
ባ አቆታ ዳጋሲዛ አሲ
ሄ አቆታ ሂዬሳሰ
ኪዩዛ አሳሰ ሺሼሰ።

9 ዎጋ ሲያናፕ ባ ሃይሳ
ዎራ ዛሪዛ አሳ ዎሳይ
ጸሳ ሃራሴሰ።

10 ሱሬታ ኢታ ኦጌ ካሌሊዛ አሲ
ባ ቦኪዳ ኦላን ኩንዳና፤
ጊዶ አቲን ጌሻ አሲ
ሎኦ ሚሽ ላታና።

11 ዲሬ አሲ ባና
አጾ ኤራንቻ ጊዲ ቆፕሰ፤
ጊዶ አቲን አኩካይ ዴኢዛ
ሂዬሳይ ኢዛ ፓጩሰ።

12 ጸሎቲ ጸኒዳ ዎዴ አሳይ
ኡባይ ኡፋዬቲሰ፤
ጊዶ አቲን ኢታቲ ማታ
ኦይኪዳ ዎዴ አሳይ ባቃቲሰ።

- 13 ባ ናጋራ ገንጠዛ አሲ አጩና፤
ጊደ አቲን ፓጺዛይኔ
ናጋራ አገዛይ ማሬታና።
- 14 ጎዳሰ ኡባቶ
ያዪዛ አሲ አንጃቲዳዳ፤
ጊደ አቲን ባ ዋዚና ዳማሲዛ
አሲ ማቶን ጌላና።
- 15 ሂዬሳ ሃሪዛ ኢታ ዳናይ
ጸገዛ ጋሞኔ
ፑፒ ኦይኪዛ ዛርዳ ማላ።
- 16 ዋዚናይ ፓጩዳ ዳናይ
ሜንጼ ኢቲሰ፤
ጊደ አቲን ቤሶንታ
ጎኦ ኢጺዛዳይ
ዳር ላይሰ ዳኤሰ።
- 17 አሰ ዋጲዳ አሲ ሃይቃና
ጋካናሰ
ቶይላቲሼ ዳሰ፤
ኢዛ ኦኒካ ሺሺ ኤኪና።
- 18 ቦሬይ ባይንዳ ሂሜቲዛ አሲ
ቆሄቶንታ አታና፤
ጊደ አቲን ጌላ አሲ
ኢሲ ጋላሰ ኩንዳና።
- 19 ባ ጋይ ጎዪዛ ሚኖ አሲ
ካሳ ካሌሰ፤
ጊደ አቲን ሃዳ ዮኦ ካሊዛ አሲ
ማንቆቲላፌ ኬኤና።
- 20 አማኔቲዳ አሲ ኬሂ አንጃታና፤
ጊደ አቲን ዱሬታናሰ ጃሚዛይ
ቃጸዬቶንታ አቲና።
- 21 ሻኪዲ ማዶይ ሎኤና፤
ጊደ አቲን አሲ ጉላ ካላሰ
ጊዲ ሞሮ ኦሌሰ።
- 22 ኡዜቲዛ አሲ ዱሬታናሰ ጃሚሰ፤
ባና ሂዬሳቲላ
ኦይካናይሳካ ኤሬና።
- 23 አሰ ጮ ሳቢዛ አሳፔ
ሴሪዛ አሲ ጉዬፔ ደሴቲሰ።
- 24 ባ አዋፔኔ ባ አይፔ ካይሲዲ፥
«ታኒ አይኮካ ናጋራ
ኦላቤኬ» ገዛ አሲ
ባሺዛ አሳራ ኢሲ ማላ።
- 25 ዪቄይ አሲ ኦሽ ዳንጠሰ፤
ጊደ አቲን ጎዳን
አማኔቲዛይ አንጃቲሰ።
- 26 ባናን አማኔቲዛ አሲ ኤያ፤
ጊደ አቲን አጵ ኤራቲላን
ሂሜቲዛይ ሳርን ዳኤሰ።
- 27 ሂዬሳሰ ኢሚዛ አሳሰ ፓጩና፤
ጊደ አቲን ኢሰቲ
ቤኢሼ ቤኦንታላ
ሃኒዛዳ ቃንጌላ ጋካና።
- 28 ኢታ አሳቲ ማታ ዳሚዛ ዋዳ
ዳሬይ ባቃቲሰ፤
ጊደ አቲን ኢሰቲ ጳይዛ ዋዳ
ጸሎቲ ጮራቲቲሰ።

29

1 ዳር ዋዳ ሴሪን ኢጺዲ
ባ ሞርጌ ዞዲሲዳ አሲ

- ሃሳኦንታ ሜቃና፤
ሃሳዳሰ ፓጺቲላካ ዳና።
- 2 ጸሎ አሳቲ ማታ ኦይኪዛ ዋዳ
አሳይ ኡፋይቲሰ፤
ጊደ አቲን ኢታ አሳቲ
ቢታ ሃሪዛ ዋዳ አሳይ ኦሌሰ።
- 3 አጵ ኤራቲላ ደሲዛ አሲ
ባ አዋ ኡፋይሴሰ፤
ጊደ አቲን ላይማታራ ላጌቲዛይ
ባ አቆታ ጳይሴሰ።
- 4 ቱማ ፐርዲዛ ካዋይ
ባ ዳሬ ዋፑ ሂሰቲሰ፤
ጊደ አቲን ማታኤ
ማናሰ ዪቄቲዛይ
ባ ዳራ ላሌሰ።
- 5 ባ ላጌዛሰ ጩሞ ሃሳይዛ አሲ
ኢዛ ቶሆሰ ዋጺማዳ ዋጺሰ።
- 6 ኢታ አሲ ባርካ
ባ ናጋራን ኦይኬቲሰ፤
ጊደ አቲን ጸሎ አሲ
ኡፋይቲሰኔ ዬጶሰ።
- 7 ጸሎ አሲ ሂዬሳታሰ
ሱሬ ፐርዲይ
ፐርዳታና ማላ ቆፔሰ፤
ጊደ አቲን ኢታ አሲ
ሃሳ ማላ ዉዲካ ጌና።
- 8 ሚሪዛይቲ ካታማን
ሺር ዳንጠቲሰ፤
ጊደ አቲን አጵ ኤራቲላ ዲዛ
አሳቲ ሃንቆ ኢሪጺሴቲሰ።
- 9 አጵ ኤራቲላ ዲዛ አሲ
ኤያ አሳራ ፐርዲሶ ቢኮ
ኤያይ ሃንቄቲሰኔ ቂዴሰ፤
ኢዛሰ ሳርይካ ዳና።
- 10 ሱላ ጉሳናሰ ጃሚዛ አሳቲ
ሱሬ አሰ ኢጶቲሰ፤
ቃሴ ጸሎ አሳካ
ዋጻናሰ ኮዬቲሰ።
- 11 ኤያ አሲ ዛዋይ ባይንዳ ሃንቄቲሰ፤
ጊደ አቲን አጵ ኤራንቻይ
ባ ሃንቆ ሚቲሰ።
- 12 ዳሬ ሃሪዛዳይ
ዋርዶ ዮኦ ኤኪኮ
ኢዛ ሹሚቲ ኡባይ
ኢታ ጊዳቲሰ።
- 13 ሂዬሳይኔ አሰ ናቄዛዳሰ
ኮላ ሚሺ ዳሰ፤
ጎዳይ ናሞአታሰካ
ጸሊዛ አይፌ ኢሚዳሰ።
- 14 ኢሲ ካዋይ ሂዬሳሰ ሱሬ ፐርዲኮ
ኢዛ ካዋቲላ አራታይ
ሚርናሰ ሚኒ ዳና።
- 15 ጸንዲቄ ዲሻይ ናይታሰ
አጵ ኤራቲላ ኢሚሰ፤
ጊደ አቲን ዬዳ ዲጩዳ ናይ
ባ አዮ ካዉሼሰ።
- 16 ኢታ አሳቲ ማታ ኦይኪዛ ዋዳ
ናጋራይ ዳሬሰ፤
ጊደ አቲን ጸሎቲ
ኢሰታ ኩንዳላ ቤኦና።

- 17 ኔ ና ሴራ፤
ሂሰቲኮ ኔኒ ሳሮ ዳማና፤
ኢዚ ኔና ኡፋይሳና።
- 18 አጃታይ ባይንዳሶን
ዳሪይ ዩዳ ዳና፤
ጊዶ አቲን ዎጋ ናጊዛ
አሲ አንጃቲዳዳ።
- 19 አሽካራይ ጮ ዳናን የቲን
ጸላ ኤሪና፤
የኦይ ኢዛሰ ጌሊዛኮካ
ኢዚ አዛዜቲና።
- 20 ኤሶን ሃሳይዛ አሰ ቤያይ?
ኢዛፔ ኤያ አሳሰ ሂዶታይ ዳሰ።
- 21 አሲ ባ አይሌ
ናቲቲላፊ ደሚዲ
አልኢሶን ዲቺኮ
ወርሴላን ኢዛዳ ቦላ
ጩጩይ ጋካና።
- 22 ሃንቁቲዛ አሲ
ኦሽ ዳንጭሰ፤
ኤሌ ዩሎቲዛ አሲ
ዳሮ ናጋራ ኦፊሰ።
- 23 ኦቶሮይ አሰ ካወሼሰ፤
ጊዶ አቲን
አሽኬቲላ ቦንቺሴሰ።
- 24 ካይሶራ ዙፔቲዛ አሲ
ባና ኢጲዛ አሳ፤
ቃንጊ ጫቂሲሽን ሲዩሽካ
ኢዚ ጮኡ ጌሰ።
- 25 አሳሰ ያዩዛይሲ
ኢዛዳሰ ዎጲማዳ ጊዳሰ፤
ጊዶ አቲን
ጎዳን አማኔቲዛ አሲ
ሳሮን ዳኤሰ።
- 26 ዳሮቲ ዳሬ ሃሪዛይታ ሲንላን
ኤሪታና ኮዬቲሰ፤
ጊዶ አቲን አሳሰ ሱሬ ፐርዳይ
ጎዳ አቻፊ ቤቲሰ።
- 27 ጲሎቲ አሰ ባሌላዛይታ
ሻቲቲቲሰ፤
ኢታቲ ሱሬ አሳታ ኢጶቲሰ።

30

- አጉሬይ ሃሳይዳ ለሚሶታ
- 1 ሃይሳፌ ካሊዲ ጳፌቲዳይሲ ያቄ ና አጉሬይ
ሃሳይዳ ለሚሶታ።
አጉሬይ ኢቲኤሌሲኔ
ኡካላሰ ሃይሳ ሃሳይዳ።
 - 2 «ታኒ አሳ ኡባፊካ ኤያ ዳራይሰ፤
አሳሰ ዳኢዛ አኩካይ ታሰ ባዎ።
 - 3 ታኒ አጾ ኤራቲላ ታማራቤኬ፤
ጌሻዛ ጊሻሲካ
ታኒ ኤሪዛ ሚሺ ዳና።
 - 4 ሳሎ ፑዳ ኬኢዲ
ዳጌ ዎጲዳይ ኦኔ?
ጫርኮ ባ ኩሽን ኦይኪዳይ፤
ሃላ ባ አፋላን ዩጨዳይ

- ሳኣ ጋጸ ኢዛ ሶን ሶን
ዎሊዳይ ኦኔ?
ኣኔ ኤሪኮ ኢዛ ሱንላ ታሰ የታ፤
ኢዛ ናዛ ሱንላ
ኦና ጌቲቲዜ?
- 5 «ጸሳይ የቲዛ ቃላይ
ኡባይ ቱማ፤
ኢዛን አማኔቲዛ ኡባሰ
ኢዚ ጎንዳሌ።
- 6 ኢዛ ቃላ ቦላ አይኮካ ጉጃፋ፤
ጉጃኮ ኢዚ ኔና ሴራና፤
ኔኒ ዎርዳንቻ ጊዲዳይሳካ
ኢዚ ቆንጨሳና።
- 7 «ጎዳወ! ታኒ ኔና
ናምኡ ሚሽ ኦይቻይሰ፤
ታኒ ሃይቃና ጋካናሰ
ኢሰታ ታና ዳጎፋ።
- 8 ታኒ አሰ ጨዋንታ ማላኔ
ዎርዶ ሃሳዮንታ ማላ
ታና ናጋ፤
ታና ዳሬ ዎይኮ
ማንቆ ሂሰቶፋ፤
ጊዶ አቲን ሃቺሰ ሃቺሰ
ጊዲዛ ካላ ታሰ አማ።
- 9 ሂሰቶንታ አጊኮ
ታኒ ኬሃ ካላዳ ኔና ካዳና፤
(ጎዳይ ኢዚ ኦኔ?) ጋና፤
ዎይኮ ማንቃዳ ካይሳና፤
ሂሰታዳ ታኒ ጸሳ
ሱንላ ጫይሳና።
- 10 «ኔና ቃንጎንታ ማላኔ
ኢዚ ቃንጊን ኔሰ
ጎማቶንታ ማላ፤
አይሌ ኢዛ ጎዳ ሲንላን
ኢታን ዳንጶፋ።
- 11 ባ አዎ ቃንጊዛኔ
ባ አዮካ አንጀንታ
ዩሌታይ ዳሰ።
- 12 ቱና ጊዲ ኡቲዲ
ባንታና ጌሻ ማላ
ቆዲዛ አሳቲ ዳቲሰ።
- 13 ኦቶሮን ኩሚዳ አሳቲኔ
አሰ ካጲዲ ጸሊዛ አሳቲ ዳቲሰ።
- 14 ሂዩሳታኔ ሜቶታንቻታ
ዳሪ ጊዶፊ ቆይሳናሰ
ኢሰታ አቻይ ማሻ ማላ ጊዲዳ
ኢሰታ ጋጊናይ ቢላማ ማላ
ጊዲዳ አሳቲ ዳቲሰ።
- 15 «ኡሎሰ ናምኡ ማጫ ናይቲ ዳቲሰ።
ኢሰቲ፣ ኩሰ አማ! ኩሰ አማ!
ጊዲ ዋሴቲሰ።
ሙሌካ ካሊ ኤርንታ
ሃቸቲ ዳቲሰ፤
ኦይዳንላዚ ቃሴ ሙሌራ፤
(ጊዳና) ጊ ኤሪና።
- 16 ሄሳንቲካ ዲፎ፣ ማይኒዳ ኡሎ፣

- ሃላ ካሊ ኤርንታ
 ማላ ቢታኔ፥
 ታሰ ጊዳና! ጊ ኤርንታ ታማ።
- 17 «ባ አዋ ቁጂዛ ና አይፊኔ፥
 ባ አዮ ካጂዛ ና አይፊ
 ኬልካን ዳኢዛ ቁርቲ ዎጫና፤
 ኢዛ አሾዛ አንኮቲ ማና።
- 18 ታና ኬሂ ማላሊሲዛ
 ሄቩ ሚሻቲ ዳቴሰ፤
 ኦይዳንሶዚ
 ኡባራካ ታሰ ጌሌና።
- 19 ሄሳንቲካ ጎሌቲ
 ሳሎራ ፓሊዛ ፓሎ፥
 ሾሺ ሹቻ ቦላራ
 ሰሎሎ ጊ ቡሰ፥
 ማርካቤይ አባ ቦላራ ቢዛ
 ቡሰ አዳይ ማጫ ና ሲቆ
 ዳማናሰ ሃኒዛ ሃናታ።
- 20 «ላይማ ማጫሳያ
 ሃኒዛ ሃናይካ
 ሄሳ ማላ።
 ኢዛ ሙሳ ማዉሰ፤
 ጊዳ አቲን ሚዳፔ ጉዩን፥
 ባ ዶና ቁጫዳ፥
 ታኒ አይኮካ
 ሞራቤኬ ጋዉሰ።
- 21 «ሄቩ ዮኦታን
 ቢታይ ቃጾሰ፤
 ኦይዳንሶዛ ኡባካ
 ቶካናሰ ዳንዳዬና።
- 22 ሄሳንቲካ አይሌይ ካዎቲዳ ዎዴ፥
 ኤያይ ካሳ ካሊዳ ዎዴ፥
- 23 አሲ ኢዲዳ ማጫሳያ
 አዳ ጌሊዳ ዎዴኔ
 ማጫ አሽካሪያ ባ ጎዳቲዮ
 ላቲዳ ዎዴ ሃኒዛ ሃናታ።
- 24 «ሳአ ቦላ አይዱ
 ጉሳ ሚጂታቲ ዳቴሰ፤
 ጊዳ አቲን ኢሰቲ
 ኬሂ አጵ ኤራንቻታ።
- 25 ሄሳንቲካ ጩንጫሌቲ
 ዎልቃይ ባይንዳ ሚጂታ፤
 ጊዳ አቲን ባንታሰ ሚዛ ሚሽ
 ቦኔ ሺሺ ዳጋሴቴሰ።
- 26 ጉፓሌቲ ጉሳ
 ዎልቃይ ዳኢዛይታ፤
 ጊዳ አቲን ባንታ ኬሳ
 ዛላ ጊዳን ኬጾቴሰ።
- 27 ቦሌታሰ ካዎይ ዳና፤
 ጊዳ አቲን ኢሰቲ ኡባይካ
 ማራን ማራን ዛቴቴሰ።
- 28 ዛሬቲ ኩሼን
 አይኪንካ አይኬቴቴሰ፤
 ጊዳ አቲን ኢሰቲ
 ካዎ ኬሳንካ ዳኤቴሰ።

- 29 «ባንታ ማታ ቤሲሼ ሄሚቲዛ፥
 ሄቩ ሚጂታቲ ዳቴሰ፤
 ኦይዳንሶዚካ
 ፑላቲዲ ሄሚቴሰ።
- 30 ሄሳንቲካ ደአ ኡባፊ
 ዎልቃማኔ
 አይኮሰካ ያዩዲ
 ባቃቲ ኤርንታ ጋዎ።
- 31 ማጫሳታ ጊዳን ኮሶሲ
 ሄሚቲዛ አዳ ኩቶ፥
 ዳይሻ ኦርጌኔ
 ባ አላንቻታን
 አጃቤቲዳ ካዎ።
- 32 «ኔኒ ኤያዳ
 ኦቶሪቲዳ ጊዲኮኔ
 ኢታ ሚሽ ኦላናሰ
 ሃልቺዳ ጊዲኮ
 አኔ ታኪ ጋዳ ቆፓ።
- 33 ማላ ቡኪን አይሲ ኬኢዛ ማላ፥
 ሲጄ ኢጫንካ
 ሱላ ዪዛ ማላ
 ሃንቆ ዳንሴሊኮ
 አሽ ሚጂሰ።»

31

- ካዎ ሊሙኤሌ አያ ባ ናዛሰ ኢሚዳ ቲሚርቲ
 1 ካዎ ሊሙኤሌ አያ ካዎ ሊሙኤሌ ታማርሲዳ
 ቲሚርቲይ ሃይሳፊ ካሊዳይሳ።
 2 «ታ ናዘ!
 ታ ኡሎፔ ዎዲዳ ታ ናዘ!
 ታኒ አዲኔታ ዩሊዳ ታ ናዘ!
- 3 ማጫሳን ኔ ዎልቃ ዉርሳፋ፤
 ካዎታ ባሽዛ ሚሻን
 ኔ አካታ ዳይሶፋ።
- 4 «ሊሙኤሌ ሃይሲ ካዎታሰ
 ቤሴና፤
 ካዎቲ ዎይኔ ኡሹ
 ኡያናሰ ቤሴና፤
 ዳሪ አይሲዛይቲ
 ማሶሲዛ ኡሹ
 ያሬታናሰ ቤሴና።
- 5 ኢሰቲ ኡዩዛ ዎዴ ዎጋ ባሌቴቴሰ፤
 ቆሄቲዳይታ ማታ ሱጌቴሰ።
- 6 ሃይቃና ሃኒዛይታሰ
 ማሶሲዛ ኡሹ
 ሜቶ ቦላ ዲዛይታሰ
 ዎይኔ ኡሹ ኢሚቴ።
- 7 ኢሰቲ ኡዩዲ
 ባንታ ማንቆቴላ ዶጌቶ፤
 ባንታ ቲጋካ ዛሪ ቆፖፊቶ።
- 8 «ባንታ ጊሻሰ ሃሳያናሰ
 ዳንዳዮንታይታሰ
 ኔኒ ሃሳያ፤
 ሚቶታንቻታ ማታ ጊሻሰ
 ኔኒ ሞቴታ።

9 ሃሳያዳ ኢስታስ ሱሬ ፐርዳ ፐርዳ፤
ሂዩሳታኔ
ሚቶታጎቻታ ማታ
ቦንቸሳ» ጋዳ ታማርሳዲስ።

ዎዚናማ ማቸ

- 10 ዎዚናማ ማቸ
ኦኒ ደማናዉ ዳጎዳይዜ?
ኢዛ ዘኦ ኢንቁፊካ
ኬሃ አቆዉስ።
- 11 ኢዚ ኬላ አዋይ
ኢዞ ኡባ ሚሻጎካ
አማኔስ፤
ኢዛስ አይኮይካ ፓጩና።
- 12 ኢዛ ባ ዴኦ ላይሶ ኡባን
ኢዛስ ሎኦ አቲን
ኢታ ሚሽ ኦሉኩ።
- 13 ዶርሳ ኢስኬፊኔ
ታልባ ቡጻ ኤካዳ፤
ኦሶ ዶሲዛ ባ ኩሼን ሱቃዉስ።
- 14 ኢዛ ዛልኣንቻታ ማርካቤ ማላ፤
ባ ካሐ ሃኮ ቢታፊ ኤሃዉስ።
- 15 ኢዛ ባ ሶ አሳስ
ቁማ ካላናሲኔ
ባ ማጫ አይሌታስ
ኦሶ ሻካ አማናስ፤
ሳአይ ቡር ዎንታና ጊሺን
ዴጎዳዉስ።
- 16 ኢዛ ባርካ ቆፓዳ
ሳሻ ጋዴ ሻማዉስ፤
ባ ዴሚዳ ሚሻን
ዎይኔ ቶካዉስ።
- 17 ኢዛ ሚናዳ ባ ኦሶ ፖላዉስ፤
ኢዚ ቁሴቲካ ኦሶስ ሚኖ።
- 18 ኢዛ ባ ኦሶስ
ዎዴይ ዲዛይሳ አኬካዉስ፤
ኦማርሲካ ኢዚ ጸምፔይ ቶኤና።
- 19 ኢዛ ባ ሊቃቃን ሱቃዉስ፤
ባ አፋላ ዳዳዉስ።
- 20 ኢዛ ሂዩሳታስ ባ ኩሼ ሚጫዉስ፤
ሚቶታጎቻታስ
ኪያቴሐ ኢማዉስ።
- 21 ኢዚ ሶ አሳይ ኡባይ
ሆኢዛ ማይኦ ማይኢዳ፤
ሄሳ ጊሻስ ኢዛ
ሻቸ ቡኪኮካ ሂርጉኩ።
- 22 ሂላን ኦንጊዛ
ማይኦ አላዉስ፤
ላይኖኔ ኦቻ ቴራ ሚሳቲዛ
ማይኦ ማይኣዉስ።
- 23 ዴሬ ጨማቲ ዲቡሻ ሺቁዛሶን
ኢዚ ኬላ አዋይ
ቦንቸቲዳ አሳ።
- 24 ላይኖፔ ሴሎ ማይኦታ
ኦላዳ ባይዛዉስ፤
ዛልኣንቻታስካ ዳጎጮ
ዳዳ ሺሻዉስ።
- 25 ኢዛ ሚኖኔ ፑላራ ዲዛ ማጫሳ፤

- ኢዛ ዪዛ ላይላታ
ኡፋይሳን ሞካዉስ።
- 26 አዶ ኤራን ኢዛ ሃሳያዉስ፤
ኢዚ ኢንጻርሳፊ
ሱሬ ዞሬይ ኬኤስ።
- 27 ኢዛ ባ ሶ አሳ ሃኖ
ሎኤላ ካላዉስ፤
አዛላ ሃኖይ ኢዚ ቦላን
ቤቲ ኤሬና።
- 28 ኢዚ ናይቲ ኢዞ፤
«አንጃቲዳሪ» ጌቲስ፤
ኢዚ ኬላ አዋይካ
ኢዞ ጋላቲሼ፤
- 29 «ሎኦ ሚሽ ኦሊዳ
ዳር ማጫሳቲ ዴቴስ፤
ጊዶ አቲን ኔኒ ኢስታ
ኡባፊ አቆሳ» ጌሶ።
- 30 ማላ ሎኦይ ባሌሴስ፤
ፑላይካ ቆኬስ፤
ጊዶ አቲን ጎዳስ ያዩዛ
ማጫሲ ኢዛ አንጃቲዳሪ።
- 31 ኢዚስ ቤሲዛ ኢሞታ ኢሚቲ፤
ኢዛ ኦሊዳ ኦሶይ ኡባይ
ዲቡሻን ኢዞ ጋላቲሶ።

ኤራንቻታ ማጻፋ ጊደ ቆፋ

ኤራንቻታ ማጻፋን ጸፊቲዳይ ቢታ ቦላ አሳ ዲሲ ቃንሕ ጊደይሳፊካ ቦላራ ዳር ሜቶይ፣ ቃጸ ፐርዳይኔ ዳቡራይ ኩሚዳይሳ ኤሪዳ ጊሻሰ «አሳ ዳይይ ጮ ሃዳ» ጊደ ቃቸዳ ኢሲ ኤራ አሳ ቆፋታ። ሄ ኤራንቻታ አሳ ዳይ ሃኖታ ካሌቲዛ ጸሳ ኦሶ ጸራይ ኤራቶንታ ኢዲዴሰ። ጊደ አቲን ኢሲ ባ ዲዛ ላይሕ ኡባን፣ ባሰ ዳንዳዬቲዳ ከና ሚኒ ኦላና ማላኔ ጸሲ አሳሰ ኢሚዳ አሞታታን ኢሲ ኡፋይታና ማላ ቤሲዛይሳ ዞሪሰ። ኤራንቻታ ቆፋታፔ ዳሪዛ ባጋይ ሚሳቶን ቆፋኒኔ ሂዶታ ቃንጸን ኩሚዳይታ፤ ጊደ አቲን * ሃይሲ ሃ ማጻፋይ ጌሻ ማጻፋ ጋርሳን ቤቶይ ጌሻ ማጻፋን ጸጲዳ አማኖ ሃራይ አቶሽን ሃይሳ ሃራ ዳማ ቆፋይኔ ሲዲይ ኢዛን ኩሚዳ ማጻፋካ ጋሌ ኢሲ ቦላ ኦይካና ጋካናሰ ኢዚ አሆ ጊዲዳይሳ ኤሪሴሰ። ሃ ማጻፋዚ አሳ ዳይ ሃራጋ ማላ ቤሲዛ ጊሻሰ ዳር አሳይ ሃይሳ ሃ ማጻፋዛፔ ባና ሚንጭላዛ ሚሽ ዳሚዳሰ። ሄሳሶካ ሃይታ ሃ ቆፋታ ቤሲዛይ፣ ሃ ኢሲ ጌሻ ማጻፋይ ዳኦሰ ጊታ ቢርሼሕ ኢሚዛ ጸሳን ኡፋይሰ ኦላና ማላ ዞሪዛይሳ አሳይ ኤሪዳሰ።

ሃ ማጻፋይ ኦይኪዳ ኩሜላ ቆፋ

- ዲሳ ቢርሼሕ 1:1—2:26
- ኡባሰ ዋዴይ ዳሰ 3:1-8
- ዳይይ ኡባ ዋዴ ሎኦ ጊደንታ ጊሻሰ አኬካን ዳሰ 3:9—6:12
- ዳኦሶ ካሌላዛ ኦጌ 7:1—8:17
- ሲንሳፊ አዚ ሃናኖኮ ኤሪዛይ ዳና 9:1—11:6
- ጸሰ ቦንቸኔ ኢዛሰ አዛዜቴሕ 11:7—12:14

ኡባይካ ሃዳ

- 1 ሃይሲ ዳዊቴ ና ዩሩሳላሜን ካዎቲዳ ኤራንቻታ ቃላ።
- 2 ሄ ኤራንቻይ፣ «ኡባ ሚሽ ሃዳ፤ ሃዳፔካ አዲዳ ሃዳ፤ ኡባ ሚሽካ ሃዳ» ጌሰ።
- 3 አላሜ ቦላ አሳ ናይ ዳቡርዛ ዳቡራ ኡባሰ አይ ዋዴይ ዲዜ?
- 4 ዩሌታይ አዲ ቢሽን ሃራ ዩሌታይ ዩሰ፤ ጊደ አቲን ቢታያ ሜርናሰካ ሚና ዳኡዳሰ።
- 5 አርሼይ ሞኬሲኔ ዉሌሰ፤ ቃሴካ ባ ሞኪዛሶ ባናሰ ኤሶቴሰ።
- 6 ጫርኮይ ዳጌሃ ባጋ ጫርኮሰ፤ ሃራ ዋዴ ፑዴሃ ባጋ ሲሜሰ፤ ቃሴ ዩዩ ዩዩ አዲዳ ባ ሎሲዳ ኦጌን ጌሌሰ።
- 7 ሻፋ ሃሕ ኡባይ

ቢዲ አባን ጌሌሰ፤
ጊደ አቲን አባይ ሙሌካ
ኩሚ ኤሪና፤
ሻፋ ሃላቲ ካሴ ባ ዩዳሶ
ሲሚ ቤቴሰ።

- 8 አሲ ሃሳያናሰ ዳንዳይዛዛፔ ቦላራ ዮኦቲ ኡባይ ሳሌላዛዛ፤ አይፊይ ጸሊዲ ካሊ ኤሪና፤ ሃይሊካ ሲዩዲ፤ «ታሰ ጊዲዳሰ» ጊ ኤሪና።
- 9 ካሴ ሃኒዳይ ሲሚ ኢዚ ሃናና፤ ቃሴ ሃኢ ሃኒሼ ዲዛይካ ካሴ ሃኒዳይሳ። ሃሳ ጊሻሰ ሳሎ ጉፋንሶን አይኮይካ ኦራላ ሚሽ ዳና።
- 10 ኦኒካ፣ «ቤኦቲ! ሃይሲ ኦራላ ሚሻ» ጊኮ ሃሲ ኦራላ ሚሽ ጊዳና፤ ሃሲ ኦኒ ዩሌታናፔ ካሴካ ዲዛ ሚሻ።
- 11 ቤኒ ዋዴ ሃኒዳ ሃኖታ ዛሪዲ ሃሳኢሲዛ ሚሽ ዳና፤ ሲንሳፊ ያናይቲካ ኢሰታፊ ካሊ ያናይታን ቆፊቴቴና።

ኤራንቻታ ዳይ ሎሴፔ ዳሚዳ ቲሚርቲ

- 12 ታኒ ኤራንቻታ ዩሩሳላሜን ኢሰራኤሌሰ ካዎ ጊዳዳ ዳኣዲሰ።
- 13 ታኒ ሳሎ ጉፋንሶን ዲዛ ኡባ ሻካ ኤራናሲኔ አዶ ኤራቴላን ፒልጋ ጸላናሰ ታ ቆፋ ቃቻዲሰ፤ ጸሰ አሳ ናይታ ቶሲዳ ቶሆይ አይ ማላ ዳጸ!
- 14 ሳሎ ጉፋንሶን ሃኒዳ ሃኖታ ኡባ ታ ቤኣዲሰ፤ ጊደ አቲን ኡባይካ ሃዳ፤ ጫርኮ ኦይካና ዩዳሊዛ ማላ።
- 15 ጌላቲዳ ሚሽ ሲቲ ጋናዉ ዳንዳይና፤ ቃሴ ባይንዳ ሚሽ ቆዴታና ዳንዳይና።
- 16 ታኒካ ታ ዋዚናን፣ «ታፔ ካሴ ዩሩሳላሜ ሃራዳ ኡባታፔ ታኒ ጊታኔ አዶ ኤራንቻ ጊዳዲሰ፤ ታኒ አዶ ኤራቴላኒኔ ኤራን ኬሃ ሎሃዲሰ» ጋ ቆጋዲሰ።
- 17 ቃሴ ታኒ አዶ ኤራቴላ፣ ጎሻቴላኔ ኤያቴሕ ሻካ ኤራናሰ ኬሃ ባጸታዲሰ፤ ጊደ አቲን ዉርሴላን ሄሲካ ጫርኮ ኦይካናሰ ዩዳሊዛ ማላ ሃዳ ጊዲዳይሳ ኤራዲሰ።
- 18 አዶ ኤራቴላ ዳሪሽን ጩጩይ ዳሪሰ፤ ኤራይ ዳሪዛ ዋዴካ

* : ሚሴና ጊዛ ቃላዛ ኢሲ ኢሲ ባን ጸሴ ጊሽን ሃራ ባን ጸሳ ዋይኮ ጋልቁ ጌቴቴሰ። 1:16 1ካዎ 4:29-31

ሜቶይ ዳሪሰ።

2

ባና ጸላ ሲቆይ ሃዳ

1 ታኒ ታ ዋዚናን፡ «እኔ ታሰ ገታ ኡፋይሰ አሚዛይ አዛኮ፡ ቃሴ ሎኦ ሚሺ አዛኮ ኤራናሰ ኮያይሰ» ጋ ቆጋዲሰ፤ ገደ አቲን ሄሲ ሃዳ።

2 ቃሴካ፡ «ሚቺ ኤያቴላ፤ አሻሎሲኔ ኡፋይሰ አይ ጎአይ ዲዜ?» ጋዲሰ።

3 ሄሲ ዉሪ ሃኒንካ አቶ ኤራቴላ ዳማናሰ ታ ዋዚናን አሞታዳ ታና ዋይኔ ኡሻን ኡፋይሰናሲኔ ኤያቴላ ኦይካናሰ ባጾታዲሰ፤ ቃሴ አሳይ ሳኦ ሰላ ዲዛ ቃንላ ላይላን ሳሎ ጉፋንሉን ዲዛ ሚሺ ኡባ ሰላ አሊደኮ ኢሰታ ጎአዚዚ አዛኮ ታ ኤራና ኮያዲሰ።

4 ሃሳ ገሻሰ ሃራ ኢሲ ገታ ሚሻታ አላዲሰ፤ ታሰ ከላታካ ከጸዲሰ፤ ዋይኔ ቱራካ ቶካዲሰ።

5 ዲማ ዲማ አታከልቲታ፡ ዲማ ዲማ አይፊ አይፊዛ ሚላታ ቶካዲሰ፤ ዩዩ ኡፋጮቲዛሶ ገረሰዲሰ።

6 ሃ ዲጨዛ ሚላታ ኡሻናሰ ሃላ ኤሊሲዛሶ ዜራ ገረሰዲሰ።

7 አቶማኔ ማጫ አይሌታ ሻማዲሰ፤ ታሰ ሶን ዩሌቲዳ ሃራ አይሌቲካ ዳቲሰ፤ ታፔ ካሴ ዩራሳላሚን ዳኢዳ ኦናፔካ ሰላራ ዳር ሚሄ፡ ዳይሺኔ ደርሳ ዉዳ ሃራዲሰ።

8 ታኒ ዲማ ዲማ ቢታታፔ ገታ አሳታፔኔ ካዎታፔ አቆታ፡ ዋርቃኔ ቢራ ታሰ ዳጋሳዲሰ። ቃሴ አዳኔ ማጫ ዩላንቻታ ሺሻዲሰ፤ ጉጃዳካ አሳ ኡፋይሰናሰ ዳር ማጫ ናይታ ኤሃዲሰ።

9 ሃሳ ገሻሰ ታኒ ታፔ ካሴ ዩራሳላሚን ዳኢዳ ኦፔኔ አቋዳ ገታ አሰ ገዳዲሰ፤ ታ አቶ ኤራቴላይካ ታናራ ዳኢዳሰ።

10 ታ አይፊይ ዳሊዳይሳ ዲጋቤኬ፤ ታ ዋዚናይ አሞቲዳይሳ ኡባ ዲጋቤኬ፤

ታኒ አሊዳ ኡባ
ታ ዋዚናይ ኡፋጮቲዳሰ፤
ታ ዳቡራሰ ዋዴይ ሄሳ።

11 ገደ አቲን ሃሳ ኡባ

አላ ሲማዳ
ታኒ አኮኪዛ ዋዳ
ታኒ ከሃ ዳማና ጋዳ
ዳቡርዳ ዳቡራ ኡባ
ታ ቆፕዛ ዋዳ ኡባይካ ሃዳ፤
ሳሎ ጉፋንሉን
አይ ዋዴይካ ዳና፤
ኡባይካ ጫርኮ አይካናሰ
ዩዳሊዛ ማላ።

12 ሃሳፊ ጉዬ

ታኒ አቶ ኤራቴላ፡
ኤያቴላኔ ጎሻቴላ
አዛኮ ፒልጋ ኤራናሰ
ቆፋ ደማዲሰ፤
ካዎ ሰሆን ካዎቲዳ
ሃራ ካዎይ
ካሴ ኦሴቲዳይሳፊ
ሃራ አይ አላኔ?

13 ቱሙካ ፖኦይ

ቋማፔ ሎኢዛ ማላ
አቶ ኤራቴላካ ኤያቴላፊ
አቋዛይሳ ቤአዲሰ።

14 ኤራ አሳ አይፊይ

ኢዛዴሰ ሁኤ ሰላ ዳሰ፤
ኤያይ ገዲኮ
ቋማ ገደራ ሄሚቴሰ፤
ገደ አቲን
ኢሰታ ናምአ ቃዳይካ
ኢሲኖ ገዲዳይሳ አኮካዲሰ።

15 ታኒ ታ ዋዚናን፡

«ኤያ ጋከዛ ቃዳይ
ታናካ ጋካና፤
ሂሰቲን ታኒ
አቶ ኤራንቻ ገደዳሰ
ዋዴይ አዜ?» ጋዳ ቆጋዲሰ።
ቃሴ ታኒ ታ ዋዚናን፡
«ሃይሲ ኡባይካ ሃዳ» ጋዲሰ።

16 አቶ ኤራንቻይካ ኤያዛ ማላ

ሚርናሰ ሃሳኤቲና፤
ሲንላፊ ያና ላይላታን
ናምአይካ ደገታና፤
ኤያይ ሃይቁዛ ማላ
አቶ ኤራንቻሲካ
ሃይቆይ አቲና።

አሳ ዳፊቴላ ሃዳ

17 ሳሎ ጉፋንሉን ሃኒዛ ሚሺ ኡባይ አቲዛ ገሻሰ ሃ ሳኦ ዳሳይ ታና አቲሰ፤ ሄሲ ኡባይካ ሃዳ፤ ጫርኮ አይካናሰ ዩዳሊዛ ማላ።

18 ሳሎ ጉፋንሉን ታኒ ከሃ ዳቡራ ዳሚዳ ኡባ ታፔ ጉዬን ዩዛ ዩሌታሰ ዩጋዳ ቢዛ ገሻሰ ታኒ ዳቡራ ዳሚዳ ኡባይ ታና አቲሰ።

19 ታፔ ጉዬራ ያናይሲ ኢዚ አቶ ኤራንቻ ገዲን ዋይኮ ኤያ ገዲን ኦኔ ኤሪዛይ? ኢዚ ኦና ገዲኮካ ታኒ ከሃ ዳቡርዳይሳኔ ታ አቶ ኤራቴላን ታኒ ዳሚዳ ኡባ ሰላ ጎዳ ገዳና፤ ሄሲካ ሃዳ።

20 ሃሳ ገሻሰ ሳሎ ጉፋንሉን ሃይሳ ከና አይሰ ዳቡራዲና ጋዳ ታ ዋዚናን ሂደታ ቃንጾ ደማዲሰ።

21 ጋሶይካ አሲ ባ ኡባ አቶ ኤራቴላን፡ ኤራኒኔ ሂላን ዳቡርዳ ዳሚዳ ኡባ አይኮካ ዳቡርገታ አሳሰ አገ ቤሰ፤ ሄሲካ ሃዳኔ ገታ ቆሆ።

22 ሃሳ ገሻሰ ሳሎ ጉፋንሉን አሲ ከሂ ዳፊቲኮኔ ዳቡርኮ ኢዛሰ አይ ዋዴይ ዲዜ?

23 ኢዚ ባ ዳኦ ላይላን ዳቡርዛ ዳቡራይ ኡባይ ዋይኔ ማቶ ጸላ፤ አማርሲካ ኢዛ ጉጌይ ሸምፖ ዳሚና፤ ሄሲ ኡባይካ ሃዳ።

24 አሳሰ ሙሳፊኔ ኡሻፊ ቃሴ ባ አሊዳ ኦሶን ኡፋጮቲላፊ ሃራ ሎኢዛ ሚሺ ዳና፤ ሄሲካ ጸሳ ኩሼፔ አሚቲዛይሳ ታ ቤያዲሰ።

25 ኢዛ አቻፊ አሚቶንታ አገኮ ኦኒ ማናሲኔ ኡፋጮታናሰ ዳንዳይዜ?

26 ጸሲ ባና ኡፋይሲዛ አሳሰ አቶ ኤራቴላ፡ ኤራቴላኔ ኡፋይሰ አሚሰ፤ ገደ አቲን ናጋራንቻይ ጸሳ ኡፋይሲዛይታሰ ዩገ ባና ማላ አቆታ ዳጋሳናሲኔ

አፋናስ ወልቃ አሜሰ፤ ሄሲካ ሃዳኔ ጫርቡ ኦይካናስ ዩዳሊዛ ማላ።

3

ኡባ ሚሻሰካ ዎዴይ ዳስ

1 ኡባሲካ ዎዴይ ዳስ፤ ሳሎፔ ጋርሳ ባጋራ ኦሴቲዛይሳስ ኡባስ ዎዴይ ዳስ።

2 ሄሳ ጊሻሰ ዩሌታናስ ዎዴይ ዳስ፤ ሃይቃናሰካ ዎዴይ ዳስ፤ ቶካናሰ ዎዴይ ዳስ፤ ሸዳናሰካ ዎዴይ ዳስ።

3 ዎቋናሰ ዎዴይ ዳስ፤ አሻናሰካ ዎዴይ ዳስ፤ ላላናሰ ዎዴይ ዳስ፤ ጊምባናሰካ ዎዴይ ዳስ።

4 ዩካናሰ ዎዴይ ዳስ፤ ሚጫናሰካ ዎዴይ ዳስ። ካዮታናሰ ዎዴይ ዳስ፤ ቃሴ ኡፋዬቲሼ ጉፓናሰካ ዎዴይ ዳስ።

5 ሹቶ ላላናሰ ዎዴይ ዳስ፤ ሹቶ ሸሻናሰካ ዎዴይ ዳስ። ኢዲሜታናሰ ዎዴይ ዳስ፤ ሻኬታናሰካ ዎዴይ ዳስ።

6 ኮያናሰ ዎዴይ ዳስ፤ አጋናሲካ ዎዴይ ዳስ። ሺሺ ኦይካናሰ ዎዴይ ዳስ፤ ኬሲ ኦላናሰካ ዎዴይ ዳስ።

7 ዳካናሰ ዎዴይ ዳስ፤ ሲካናሰካ ዎዴይ ዳስ። ጮኡ ጋናሰ ዎዴይ ዳስ፤ ሃሳያናሰካ ዎዴይ ዳስ።

8 ዶሳናሰ ዎዴይ ዳስ፤ ኢጸናሰካ ዎዴይ ዳስ። ኦላሰ ዎዴይ ዳስ፤ ሳርን ዳናሰካ ዎዴይ ዳስ።

9 ሂሰቲን ኦሳንቻይ ባ ዳፊቲ ዳቡርዳይሳፊ አይ ዎዴይ ዳስ?

10 ታኒ ቃሴ አሳ ናይቲ ዳቡርዳ ኦላና ማላ ጸሲ አሚዳ ቶሆይ ኬሂ ዳጾ ጊዲዳይሳ ቤአዲስ።

11 ኡባ ሚሻ ኢዛ ዎዴን ዎዴን ሎኤሊዲ ኦሊዳስ። ጸሲ አሳ ዎዚናን ሜርናቲል ዎሊዳስ፤ ጊዲኮካ ጸሲ ኦሊዳይሳ ኡባ ኮይርፔ ወርሴል ጋካናሰ አሲ ኡባ ኤራናሰ ዳንዳዬና።

12 ሄሳ ጊሻሰ አሲ ባ ዳጾ ላይላን ሎኦ ኦሶ ኦሊዳይሳፊ ኡፋይሲዛዝ ኦሊዳዛፔ አዲዛ ሃራ ሚሹ ባይንዳይሳ ታኒ ኤራዲስ።

13 ቃሴ አሳሰ ኢዛሰ ኢዛ ዳቡራሰ ዎጋ ጊዲዛይ ሚዲኔ ኡዩዲ ባና ኡፋይሲዛይሳ፤ ሄሲካ ኢዛሰ ጸሳፊ አሜቲዳ አሞታ።

14 ጸሳይ ኦሊዳይሲ ኡባይ ሜርናሰ ዳኣናይሳ ታ ኤራይሰ፤ ኢዚ ኦሊዳይሳ ቦላ ጉጃናሰ ዎይቶ ኢዛፔ ጉፋናሰ ዳንዳዬፎና። ጸሲ ሄሳ ኦሊዳይ አሳይ ኢዛ ቦንቻና ማላሳ።

15 ሃኢ ዲዛይሲ

ሃይሳፊ ካሴካ ዲዛይሳ፤ ሲንፋፊ ሃናናይሲ ቤኒካ ዲዛይሳ፤ ጸሲ ካሴ አዲዳይሳ ዛሪ ኮዬስ።

16 ቃሴካ ታኒ ሳሎ ጉፋንሶን ሃራ ሚሻ ቤአዲስ፤ ፒርዳ ሶሆን ማካላቴሊ ዳስ፤ ሱራ ፒርዳ ሶሆን ጌኔይ ዳስ።

17 ታኒካ ታ ዎዚናን፤ «ኡባ ዮኦሲኔ ኦሶስ ዎዴይ ዲዛ ጊሻሰ ጸሲ ጸሎዛኔ ዎርዳንቻዛ ፒርዳስ ሸሻና» ጋዳ ቆፓዲስ።

18 ቃሴ ታኒ ታ ዎዚናን፤ «አሲ ሜሄ ማላ ጊዲዳይሳ ኢሰቲ ኤራና ማላ ጸሲ ፓጮስ።

19 አሳ ቃዳይካ ሜሄይሳ ማላ፤ ናሞኦ ቃዳይካ ኢሲና፤ ኢሶይ ሃይቁዛ ማላ ሃንኮይሲካ ሃይቁስ፤ ናሞኦሰካ ኢሲ ቆሞ ፔናይ ዳስ፤ ሄሳ ጊሻሰ ኢዚ ሜሄፔ ዳማቴና፤ ሄሲካ ሃዳ።

20 ናሞኦይካ ኢሲ ሶሆ ቤቲሰ፤ ናሞኦይካ ቢታፊ ሜዴቲዳ ጊሻሰ ቢታን ሲሜቲሰ።

21 ሂሰቲን አሳ ሸምፖይ ፑዴ ሳሎ ኬዚዛይሳ፤ ሜሃታ ሸምፖይካ ዳጌ ቢታን ጌሊዛይሳ ኦኔ ኤሪዛይ?» ጋዳ ቆፓዲስ።

22 ሄሳ ጊሻሰ አሲ ባ ኦሊዳ ኦሶን ኡፋይሳፊ ሃራ አዲዛ ሚሹ ባይንዳይሳ ታ ቤአዲስ፤ ሄሲካ አሳሰ አሜቲዳ ቃዳ፤ ኢዚ ሃይቁዳፔ ጉዬ ኦሴቲዳ ኦሶታ ኢዛ ዛሪ ኤሂዲ ቤሳናይ ኦኔ?

4

ቆሆ፣ ዳፊቴል፣ ቢዛቴል

1 ታኒ ቃሴካ ሳሎ ጉፋንሶን ዲዛ ቆሆ ኡባ ቤአዲሲኔ አኬካዲስ፤ ቆሃቲዳይታ አፋንል ቤአዲስ፤ ኢሰታ ሚንጮሊዛ አሲካ ዳና፤ ዎልቃይ ኢሰታ ቆሃዛ አሳታ ኩሼን ዳስ፤ ኢሰታ ሚንጮሊዛ አሲካ ዳና።

2 ሄሳ ጊሻሰ ታኒ፤ «ሃኢ ሸምፖራ ፓጻ ዲዛይታፔ ካሴ ሃይቁዳይቲ ኪያ» ጋዲስ።

3 ጊዳ አቲን ሃ ናሞኦታፔካ ቦላራ ሙሉካ ዩሌቶንታይታ ቃዳይ ሎኦ፤ ጋሶይካ ኢሰቲ ሳሎ ጉፋንሶን ኦሴቲዛ ቆሆዛ ሙሉካ ቤኢቤቴና።

4 ሄሳላካ አሳይ ባ አሞቲዳይሳ ዳማናሰ ኬሂ ዳቡርዳ ኦሊዳስ፤ ጊዳ አቲን ሄ ዳቡራይ

ባ ላጌ ቦላ
 ቃናቴላን ዳንደን
 ገዲዳይሳ ታኒ እኩካዲሰ።
 ሄሲካ ሃዳ፤
 ጫርኮ ኦይካናሰ
 ዩዴላዛ ማላ።
 5 አዛላይ ባ ኩሼ ኢዲሚ ኡቴሰ፤
 ባርካ ባና ዎጴሰ።
 6 ጮ ዳቡራኒኔ ጫርኮ ካሎን
 ናሞኡ ኩሼ ዳማናፔ
 ዎፓን ቤተዛ
 ኢሲ ኩጳይ ኪዩሰ።
 7 ቃሴካ ታኒ ሳሎ ጉፋንሉን ዲዛ
 ሚሽ ሃዳ ገዲዳይሳ ቤአዲሰ።
 8 ዩሎይ ዎይኮ አሻይ ባይንዳ
 ቢዛ እሲ ዳሰ፤
 ኢዛ ዳፊቴላሰ ዛዎይ ዳና፤
 ኢዛ አይፊይ ኢዛሰ ዲዛ
 አቆታ ካሊቤና፤
 ኢዚካ፣ «ታኒ ሃይሳ
 ኦሲ ዳቡራዚና?
 ታኒ ታ ሁኤ ኡፋይሳይሳ
 አይሰ ኡዜታዚና?» ገዴሰ።
 ሄሲካ ሃዳኔ ቱጋ ዳኦ።
 9 ኢሰታ ኦሶይ ሎኦ አይፊ ዲማናሰ
 ዳንዳይዛ ገሻሰ
 ኢሲኖ ገዳናፔ
 ናሞኡ ገዴላ ሎኦ።
 10 ቃሴ ናሞኦፊ ኢሶይ ኩንዲኮ
 ኢሶይ ዳንሱሰ፤
 ገዴ አተን ኩንዲኮ ዳንሱዛ
 ላጌይ ባይንዳይይ
 አይ ማላ ቃጴላዜ!
 11 ናሞኦይ ኢሲፊ ኢቺኮ ሆኤሰ፤
 ገዴ አተን ባርካ ኢቺዳዳ
 ዎኒ ሆኦና ዳንዳይዜ?
 12 አሲ ቢዛ ቆሃና ዳንዳይሰ፤
 ናሞኡ ገዲኮ
 ኢዛራ ኤቁታና ዳንዳይሰ፤
 ሄሻን ደቁቲዳ ዎዶሮይ
 ኤሌ ዲጶና።
 13 ዞሬ ኤኮንታ ኤያኔ ጨማ ካዎ ገዳናፔ አጶ
 ኤራቴላ ዲዛ ናቴላ ማንቆይ ሎኦ።
 14 አይሰ ገኮ ኢዚ ሄ ሂዩሳ ገዲዳ ሶሆፔ
 ዳንዲዳ ዎይኮ ቃሾ ከላፊ ከዚዲ ባ ቢታን
 ካዎታናሰ ዳንዳይሰ።
 15 ታኒ ሳሎ ጉፋንሉን ዲዛይቴኔ ሲሜሬቲዛይቴ
 ኡባይ ካዎ አራታ ላቲዛ ዩላጋ ካሊዛይሳ ቤአዲሰ።
 16 ኢዛ ሲንሳን ቆዳይ ባይንዳ ዳሬይ ዳሰ፤
 ካዎታላፊ ኢዚ ከቺዛ ዎዳ ኢዚ ኦላዳይሳሰ ኦኒካ
 ኢዛ ጋላቴና። ሄሲካ ሃዳ፤ ጫርኮ ኦይካናሰ ዩዴላዛ
 ማላ።

5

አዲናሰ ኤሶቶፓ

1 ጳሳ ከሌ ገላሼ ኔ ቶሆ ሸሻ ኤካ፤ ሲያናሰ ሸቆይ
 ኤያታ ያርሾፊ አጴሰ፤ አይሰ ገኮ ኢሰቲ ባንታ ኦሶይ
 ኢታ ገዲዳይሳ ኤራቴና።
 2 ሃሳያናዉ ኤሶቶፓ፤
 ቃሴ ኢሲ ሚሽ ጳሳሰ
 ኢማና ጋዳ ኤሶን ጌፖፋ፤
 አይሰ ገኮ ጳሲ ሳሎን ዳሰ፤
 ኔጌ ገዲኮ ሳኦን ዳሳ፤
 ሄሳ ገሻሰ ኔ ሃሳያና
 ቃላይ ገናራ ገዴ።
 3 ኦሶ ዳሮን አጉሞይ ቤተዛ ማላ
 ሃሳያ ዳሮን
 ኤያቴላ ቃላይ ቆንጨሰ።
 4 ጳሳሰ ኔጌ አዲኒዳ አዲና ጋሞኦንታ ጋላ፤ ኤሶን
 ፖሎንታ አተኮ ኢዚ ኡፋይቴና፤ ሄሳ ገሻሰ ኔጌ
 አዲኔቲዳይሳ ኡባ ፖላ።
 5 ኢሲ ሚሽ ጳሳሰ አዲኔቲዳ ሄ አዲኔቲዳይሳ
 ጋላንታ አጋናፔ ካሴ አዲኔቶንታ አጎይ ሎኦ።
 6 ኔና ኔ ዶናይ ናጋራን ዩሳንታ ማላ ኔ ዶና ሸሻ፤
 ቃሴ ጳሳ ከሌ አሳንቻ ሲንሱ ሸቃዳ፣ «ታ ሃይሳ
 ቆፖንታ አዲኔታዲሰ» ጎፓ። ጳሳ ሃንቁላዳ ኔ ኦሶ
 አይሰ ጳይሲሳይ?
 7 ዳሮ አጉሞይኔ ዳሮ ሃሳያይ ሃዳ፤ ሄሳ ገሻሰ ኔጌ
 ጳሳሰ ያያ።
ዲሬቴላ ሃዳ
 8 ዳሬ ጋርሳን ማንቆይ ሱጉቲን፣ ፐርዳይ ፓጩን፣
 ማታይ ዩጴቲን ኔ ቤኢኮ ሄይታንታን ከሃ ማላሌቶፋ።
 ኢሲ ኢሲ ሃላቃሰ ኢዛፔ ቦላራ ሃላቃይ ዳሰ፤ ቃሴ
 ኡባፓፔ ቦላራ ሃራ ሃላቃቲ ዳቴሰ።
 9 ቢታፊ ቤተዛ ጎኦይ ኡባሳ፤ ካዎይካ ባ ሁኤሰ
 ሄሳፊ ጎኤቴሰ።
 10 ቢራ ሲቁዛ አሳሰ
 ቢራይ ገዲ ኤሬና፤
 ዲሬቴላ ኮይዛ አሲ
 ዲሬቴዲካ ካሊ ኤሬና፤
 ሄሲ ኡባይካ ሃዳ።
 11 አቆታይ ዳሪ ዳሪ ቢሺን
 ሚዛይ ዳሪሰ፤
 ሃሪዳዳሰ አይፊን ቤኦፔ
 ሃራ አዛ ጎኦይ ዲዜ?
 12 ኦሶ ኦላዛ አሲ ጉላ ሚኮ፣
 ዳሮ ሚኮ ሳሮ ጳሰኮ
 ጳሰኪ አቁሰ፤
 ገዴ አተን ዲሬ አሰ
 ዲሬቴላ ጳሰኮ ዲጌሰ።
 13 ሳሎ ጉፋንሉን ከሄ ጨጨሰዚ
 ኢታ ሚሽ ታ ቤአዲሰ፤
 ሄሲካ ኢታ ዎዳን
 ባና ማዶ ገዲ
 አሲ ጉዬ ዩጌ ዳጋሲዳ ሚሽ
 ኢዛዳሰ ሚቶ፤
 14 ዎይኮ ኢሲ ጋሶን
 ጮ ጳይዛ ዲሬቴላ።
 ኢዚ ና ዩሊኮካ
 ሄ ዩሊቴዳይሳሰ
 ላቲሲዛ ሚሽ ዳና።
 15 አሲ ባ አጹ ኡሎፔ ካሎ

- ዩሌቲዳ ማላ ካሎ ቤሰ፤
አይ ኬና ዳቡርኮካ
ኢዚ ባ ዳቡርዳይሳፊ
አይኮካ ኤኪቤና።
- 16 ሄሲካ ኬሂፔ ኢታ፤
አሲ ባ ዩዳ ማላ ሲሚ ቤሰ፤
ኢዛ ዳቡራ ኡባይ
ጫርኮ ኦይኪዛ ማላ
ሃዳ ገዲዛ ገዲኮ
ኢዛሰ አይ ጎአይ ዲዜ?
- 17 ኢዚ ባ ላይሳ ኡባ ጨጨግ፤ ዋዩን፤
ዩሌኒኔ ቋማ
ዲሳን ወርሴሰ።
- 18 አሳ ቃዳይ ሄሳ ገዲዳ ገሻሰ ሳሎ ጉፋንሶን
ጸሲ አሲ ዳኦና ማላ ኢሚዳ ቃንሳ ላይሳ ጋርሳን አሲ
ባ ዳቡርዳ ዳቡራፔ ሙሲኔ ኡሺ ሎኦኔ ቤሲዛይሳ
ገዲዳይሳ ታ አኬካዲሰ።
- 19 ጸሳይ አሳሰ ዲራቴሌኔ አቆ አሚዛይ ባ ዳቡርዳ
ዋጋ ዳሚዲ ሚዲኔ ኡዩዲ ኡፋይታናሳ። ሄሲ ጸሳፊ
ኢዛሰ አሚቲዳ አሞታ።
- 20 ጸሳይ ኢዛ ዋዚናን ኡባ ዋዴ ኡፋይሰ ኩንሌ
ዋላዛ ገሻሰ ኢዚ ባ ዳኦ ላይሳሰ ዳር ሂርጌና።

6

- 1 ሳሎ ጉፋንሶን ሃራ ኢታ ሚሽ ታኒ ቤአዲሰ፤
ሄሲካ አሳሰ ኬሂ ዳጾ።
- 2 አሲ ባ ዋዚናን አሞቲዳ ሚሽ ዳማና ማላ ጸሲ
አሳሰ አቆታ፤ ዲራቴሌኔ ቦንቾ አሚሰ፤ ገደ አቲን
ኬላዋይ ኢሰታን ኡፋይታና ማላ ኩሚላ ማታ ኢዛሰ
አሚና፤ ኢዚ ዳቡራ ዳሚዳይሳን ሃራይ ኡፋይቲሰ፤
ሄሲካ ሃዳኔ ኬሂ ኢታ ሚሻ።
- 3 ኢሲ አሲ ጸቱ ናይታ ጋካናሰ ዩሊ ጨሚዲ
አዲሳ ላይሳ ዳኦናወ ዲንዳይሰ፤ ገደ አቲን ኢዚ ባ
አቆታን ኡፋይቶንታ አገኮኔ ሃይቂዲ ዋጋራ ሞጌቶንታ
አገኮ ኢዛፔ አወጫያይ ኪያ።
- 4 ጋሶይካ ጮ ሃዳ ዩዲ ቋማን ቤሰ፤ ኢዛ ሱንሌካ
ቋማን ካሚቲዳሰ።
- 5 ኢዚ ኤርንታኔ ፖኦ ቤኦንታ አገኮካ ሄ አዳዛፔ
ኢዛሰ አቶ ዋፓይ ዳሰ።
- 6 ኡፋይሰ ባይንዳ ዲሺን ናሞኡ ሺ ላይሳ ዳኢኮካ
ኢዛሰ አዛ ጎአይ ዲዜ? ወርሴላን ናሞአይካ ኢሲ
ሶሆ ባና ዳቴኔ?
- 7 አሲ ዳቡርዲ ኦላዛ
ኡባይ ኡሎሳ፤
ገደ አቲን ኢዛ አሞይ
ሙሌካ ካሊ ኤሪና።
- 8 ሄሰቲን አቶ ኤራንቻይ
ኤያፔ አዛን አቋዜ?
ማንቆይ ሃራታ ሱንላን
ዋኒ ሲሚሬታናኮ ኤርይ
ኢዛ አይ ማዲዜ?
- 9 አሞን ቶይላታናፔ
አይፊን ቤኦይ ኪያ፤
ሄሲካ ሃዳኔ ጫርኮ ኦይካናሰ
ዩዳላዛ ማላ
- 10 ሃኢ ዲዛ ኡባሰ
ካሴቲ ሱንሌ
አሚቲ ኡቲዳሰ፤

- አሲ ሃናናዚ ኤራቲ ኡቲዳሰ፤
አሲ ባፔ ሚኒዛይሳራ
ባጾቴና።
- 11 ሃሳያይ ዳሪሺን
ሃዳ ዮኦይ ዳሪሰ፤
ሄሰቲን ሄሲ አሰ አይ ጎአኔ?
- 12 ሃዳኔ ኤሾ ማላ ኤሌ አቋዛ
ጉላ ላይላታን
አሳሰ ሎኦ ሚሺ ሃናናይሳ
ኤሪዛይ ኦኔ?
ቃሴካ ኢዚ ሃይቂዳፔ ጉዩ
ሳሎ ጉፋንሶን ሃኒዛ ሚሽ
ኢዛሰ ዮታና ዳንዳይዛይ ኦኔ?

7

- ዳኦ ገሻሰ ቆፋ
- 1 ሎኦ ሺቶፊ
ሎኦ ሱንሌ አቋሰ፤
ዩሌታ ጋላሳፊ
ሃይቆ ጋላሲ ሎኦ።
- 2 ገቢራ ኬላ ቡሳፊ
ዩሆ ኬላ ቡሲ ሎኦ፤
ጋሶይካ ሃይቆይ
አሰ ኡባሰ ወርሴላ፤
ሾሞፖራ ፓጻ ዲዛ
አሲ ኡባይ
ሃሳ ባ ዋዚናን
ዋላናሰ ቤሲሰ።
- 3 ሚቻፊ ካዮይ ኪያ፤
ጋሶይካ ካዮይ
ሲንሌ ካራላኮካ
ዋዚና ፖኢሴሰ።
- 4 አቶ ኤራንቻ ዋዚናይ
ካዮ ኬላን ዳሰ፤
ኤያታ ዋዚናይ ገዲኮ
ኡፋይሳ ኬላን ዳሰ።
- 5 ኤያቲ ሳቢሼ ዩዲዛ
ዩላ ሲያናፔ
አቶ ኤራንቻይ ሴሪዛ
ሴራ ኤዘጎይ ሎኦ።
- 6 ኤያታ ሚቹ
ኦቶ ጋርሳን ኤዲሼ
ቋቁቲዛ አጉንሳ ማላ፤
ሄሲካ ሃዳ።
- 7 ጌኔ ኦሶይ አቶ ኤራንቻ
ኤያ ኬሴሰ፤
ማጋንጾይ አሳሰ ዋዚና ሞሪሰ።
- 8 ኢሲ ሚሻሰ ደሚላፊ
ወርሴላ ኪያ፤
ቃሴ ኦቶ-ንቻፊ
ዳንዳያንቻይ ኪያ።
- 9 ኤያታ ሃንቆይ
ኢሰታ ኪኦ ጋርሳን ዲዛ ገሻሰ
ኔኒ ሃንቆሰ ኤሶቶፓ።
- 10 ኔኒ፡ «ሃ ዋዳይ
ካሴ አቋዳ ዋዳታፔ
አይሰ ሎኦዳ?» ጋ ኦይቾፋ፤

- ሄይታንታ ማላ ኮይሻታ ኮይሾይ
አቶ ኤራቴላ ገዳና።
- 11 አቶ ኤራቴላ
ሎኦ ጸንጾ ማላ፤
ኢዛ ጎአይ
ፖኑ ቤኢዛ አሰ ኡባሳ።
- 12 ሚሺ አሰ ኢታፔ
ካሚ አሺዛ ማላ
አቶ ኤራቴላ አሸሰ።
ሄሳፌ ቦላራካ
አቶ ኤራቴላ
ኩላ አዋ ሸምፖ ናጌሰ።
- 13 አኔ ጸሳይ ኦሊዳይሳ
ዋዚናን ዋላ!
ኢዚ ቦካሲዳይሳ
ኦኒ ሉሊሳና ዳንዳይዜ?
- 14 ኔሰ ዋዳይ ሎኢሺን ኡፋይታ፤
ገደ አቲን ዋዳይ ኢቲሺን
ሃይሳ ዋዚናን ዋላ፤
ጸሲ ኢሳ ኦሊዳ ማላ
ሃራካ ኦሊዳ፤
ሄሳ ገሻሰ አሲ
ሲንፋፌ ሃናና ሚሽ
አይኮካ ፒልጊዲ
ኤራና ዳንዳይና።
- 15 ናጋራንቻይ ባ ናጋራራ
አዲሳ ላይላ ዳኢሺን፤
ጸሎይ ባ ጸሎቴላራ
ኤሶን ሃይቂሺን
ሃዳ ገዲዳ ታ ዳኦ ላይላታን
ሃይታ ቤኢዲሰ።
- 16 ሄሳ ገሻሰ ኔ ቆዮንታ ማላ
ኬሃ ጸሎ፤
ዋይኮ ኬሃ
አቶ ኤራንቻ ገደፓ።
- 17 ቃሴ ኬሃ ኢታ አሰ፤
ዋይኮ ኡባ ኤያ አሰ ገደፓ፤
ኔ አይሰ ዋዳይ ባይንዳ ሃይቃይ?
- 18 ኢሳ ኦይኪዲ ሃንኮይሳካ
ዬደንታ አጎይ ሎኦ፤
ጸሳሰ ያዩዛ አሲ
ሺካላቴላ ኢጾሰ።
- 19 አቶ ኤራቴላ አቶ ኤራንቻሰ
አሚዛ ዋልቃይ
ኢሲ ካታማን ዳሬ ሃሪዛ
ታማታፔ አዴሰ።
- 20 ናጋራ ኦሎንታ
ሙሉራ ሱሬ ኦሶኒኔ
ጸሎቴላን ጸላ ካንላዛ አሲ
ቢታ ቦላ ዳና።
- 21 ሃሳዬተዛ ቃላ ኡባ ሃይላ
ዬጋ ሲዮፓ፤
ኔ ሂሰቶንታ አገኮ
ኔ አሸካራይ ኔና ቃንገሺን
ኔ ሲያንዳሳ።
- 22 ቃሴ ኔኒካ ኔ ሁኔን
ሃራታ ቃንገይሳ
ኔ ዋዚናይ ኤሬሰ።
- 23 ሃይሳ ኡባ ታኒ

- አቶ ኤራቴላን
ፒልጋ ጸላዳ፤
«ታኒካ አቶ ኤራንቻ
ገዳናሰ ቃቻዲሰ» ጋዲሰ።
ገደ አቲን ታኒ
ገዳ ማላ ሃኒቤና።
- 24 አቶ ኤራቴላ አይ ገዲዲኮካ
ኬሃ ጨማኔ ሃኮ፤
ሂሰቲን ኦኒ ጋኪ
ኤራና ዳንዳይዜ?
- 25 ሄሳ ገሻሰ አቶ ኤራቴላኔ
ዮኦቲ ሃኒዛይሳ ፒልጋ ኤራናሰ፤
ጸናአናሰ ናጋራ
ኢታቴላኔ
ኤያቴላ ጎሻቴላ
ገዲዳይሳ
አኩካናሰ ታ ዋዚናን
ዩሻ ቆፓዲሰ።
- 26 ኢዚሰ ዋዚናይ ዋጸማዳ ማላ፤
ኢዚ ኩሺቲ አግሪዋቁ ማላኔ
ያርዳ ማላ ገዲዳ
ሃይቆፔ ኢታ
ማጫሰ ቤኢዲሰ፤
ኢዚፔ ኬሲ ኤካናይ
ጸሳሰ ያዩዛ አሰ ጸላ፤
ናጋራንቻ አሰ ገዲዲኮ
ያርዳን ኦይካወሰ።
- 27 አቶ ኤራንቻዚ፤
«ታኒ ካላ ፒልጋ
ጸላዳ ዳሚዳ
ሃራ ሚሺ
ሃይሳፌ ካሊዛይሳ።
ዮኦቲ ሃኒዛይሳ
ሂላቴላን ፒልጊዲ
ዳማናሰ
ኢሳ ኢሳ ቦላ ጉጃ፤
- 28 ሄሲካ ታኒ ሃኦ ጋካናሰ
ፒልጋሼ ቆይዳይሳ
ሺ አቱማሳፔ
ኢሲ ሱሬ አሰ ዳማዲሰ።
ገደ አቲን ሃይታንታ ገደፌ
ኢሲ ሱሬ ማጫሰ ዳማቤኬ።
- 29 ታኒ ሃይሳ ኡባፌ
ኢሲ ሚሽ ታማራዲሰ፤
ጸሲ አሰ ሱሬ
ሂሰቲ ሜዲዳሰ፤
ገደ አቲን አሲ
ዳር ገቴቲዳዝ ገገሲዳሰ» ገዳሰ።

8

- 1 ዮኦታ ቢርሻና ዳንዳይዛ
አቶ ኤራንቻ ማላ
አሲ ኦኔ?
ዮኦታ ኡባ ቢርሻላ
ኤሪዛይ ኦኔ?
አቶ ኤራቴላ
አሳ አይፌሶ ፖኢሴሰ፤
ጸርጶቲዳ ሲንላካ ቢርሻሰ።

ካዎስ አዛዜቴል

2 ኔ ካሴ ጸሳ ሲንገን ጫቁዳ ገሻሽ ካዎስ አዛዜጋ።

3 ካዎ ሲንገላፊ ኤሶን ከዘገ፤ ኢዚ ባ ደሲዳይሳ አላናሰ ዳንዳይዛ ገሻሽ ኢታ ኦሶስ ዙፔቶ።

4 ኡባ ሚሽ አላናሰ ካዎስ ማታይ ዲዛ ገሻሽ። «ሃይሳ አይሰ ኦላይ?» ገዲ ኢዛ ኦይቻናሰ ዳንዳይዛይ ኦኔ?

5 ኢዛሰ አዛዜቴዛ አሲ ኡባይ ቆሄቴና፤ አጼ ኤራቴሌ ዲዛ ዋዚናይ ሊኬ ዋዴኔ ቤሲዛ ኦሶ ኦጌ ሻኪ ኤሬሰ።

6 አሰ ማቶይ ከሂ ኤንኤሊኮካ ኡባ ሚሻሰካ ሊኬ ዋዴኔ ቤሲዛ ኦሶ ኦጌይ ዴሰ።

7 ሲንገላፊ ሃናናይሳ ኤሪዛይ ዴና፤ ሄሳ ገሻሽ ሲንገላፊ ሃናናይሳ ዮታናሰ ዳንዳይዛይ ኦኔ?

8 አሲ ባ ሸምፖ ናጊ አሻናሰ ዳንዳይና፤ ዋይኮ ባ ሃይቃና ጋሳሳ ቦላ ማታይ ዲዛ አሲ ዴና፤ ኦላ ጋሳሰ ኦኒካ ኦላ ዩጊዲ ጉዬ ሲሞንታይሳ ማላ ኢታ ኦሶይካ ባናራ ሜዜቴዳይታ ዩዴና።

ኢታ አሳታ ሃናታኔ ኪያ አሳታ ሃናታ

9 ሳሎ ጉፋንጾን ሃኒዛ ሚሽ ኡባ ታኒ ፒልጋ ቤኦዲሰ፤ አሲ አሰ ቆሃናሰ ዳናቴዛ ዋዴይ ዴሰ።

10 ቃሴ ኢታቴ ቦንቸን ሞጌቴሺኒኔ ጌሻ ካታማን ሳቤቴሺን፤ ጸሳ አሳቴ ጌሻ ካታማን ደጌቴሺን ታ ቤኦዲሰ፤ ሄሲ ኡባይካ ሃዳ።

11 ኢታ ኦሊዳ አሳ ቦላ ኤሶን ፒርዶንታ አጊኮ አሳ ዋዚናይ ኢታ ኦላና ሃልቸን ኩሜሰ።

12 ናጋራንቻይ ጾቴቶ ኢታ ሚሽ ኦሊሺን ኢዛ ላይላይ አዲቁኮካ፤ ጸሳ ቦንቸዛይታሰኔ ጸሳ ያዪዛይታሰ ሎኦይ ሃናናይሳ ታ ኤራይሰ።

13 ገደ ኦቲን ኢታቴ ጸሳሰ ያዮንታ ገሻሽ ሎኦ ሚሽ ኢሰታሰ ሃኔና፤ ኢሰታ ላይሌ ኤሾ ማላ ኤሌ አጳና።

14 ሳኦ ቦላ ኦሴቴዛ ሃራይ ሃዳ ሚሽ ዴሰ፤ ሄሲካ ጸሎቴ ኢታታሰ ቤሲዛ ቁጻቴ፤ ኢታቴ ጸሎታሰ ቤሲዛ ሎኦ ሚሽ ኤኬቴሰ። ሄይቴ ኡባይካ ሃዳ።

15 ሳሎ ጉፋንጾን አሳሰ ሙሳፊ፤ ኡሻሬኔ ኡፋይቴላፊ አጳዛ ሃራ ሚሽ ባይንዳ ገሻሽ ባ ዴኦ ላይላን ኡፋይቴሌ ሎኦ ጋዲሰ፤ ሄሳ ገሻሽ ጸሲ ሳሎ ጉፋንጾን ኢዛሰ ኢሚዳ ላይላታን ኢዚ ባ ኦሶን ኡፋይታና።

16 ታኒ አጼ ኤራቴሌ ኤራናሰኔ አሲ ሃ ሳኦ ቦላን ኦማርሴኔ ጋላሰ ጳሰኮይ ባይንዳ ዳቡርዛ ዳቡራ ኤራናሰ ታ ዋዚናን ፒልጋዲሰ።

17 ሄሳፊ ጉዬ ጸሲ ኦሊዳ ኡባ ቤኦዲሰ፤ ሳሎ ጉፋንጾን ኦሴቴዛ ሚሽ ኦኒካ ኤራና፤ አሲ ከሂ ዳፊቴዲ ፒልጊ ጸሊኮካ ኢዛ ቢርሼላ ዴማናሰ ዳንዳይና። አጼ ኤራንቻይ፤ «ታ ኤራይሰ» ጊኮካ ኡባ ኤራናሰ ዳንዳይና።

9

ኡባሰ ዲዛ ወርሴላ ቃዳ

1 ሄሳ ገሻሽ ሃ ኡባ ዮኦታ ታ ዋዚናን ቆፓዳ አጼ ኤራንቻቴኔ ጸሎቴ ኦሊዛ ኦሶይ ጸሳ ኩሼና፤ ገደ ኦቲን አሲ ሲንገላፊ ባና ናጊዛይሲ ሲቆ ገዲን ዋይኮ ኢጸ ገዲን ኤራና።

2 ጸሎታ ዋይኮ ናጋራንቻታ ገዲን፤ ሱሬታ ዋይኮ ኢታታ ገዲን፤ ጌሻታ ዋይኮ ቱናታ ገዲን፤ ያርሾ ሺሺዛይታ ዋይኮ ያርሾ ሺሾንታይታ ገዲን ኡባታሲካ ወርሴላ ቃዳይ ኢሲና።

ሎኦ አሳሰ ሃኒዛይሳ ማላ ናጋራንቻሰካ ሃኔሰ፤ ጫቁዛይሳሰ ሃኒዛይሳ ማላካ ጫቆሰ ባቢዛይታሰ ሃኔሰ።

3 ሳሎ ጉፋንጾን ኡባ ቦላ ጋኪዛ ኢታቴሌ ሃይሳ፤ ኡባሰ ወርሴላ ቃዳይ ኢሲና፤ ሄሳፊ ቦላራካ አሳ ዋዚናይ ኢታቴላን ኩሚዴሰኔ ገዪዴሰ፤ ወርሴላንካ ሃይቁዳ አሳን ጋይቴሰ።

4 ሃይቁዳ ጋሞሬ ፓጻ ዲዛ ካናይ ኪያ፤ ሄሳላካ ሸምፖራ ፓጻ ዲዛይታ ገዲን ዲዛ አሳሰ ሂዶታይ ዴሰ።

5 ሸምፖራ ፓጻ ዲዛ አሲ ባ ሃይቃናይሳ ኤራሰ፤ ገደ ኦቲን ሃይቁዳይቴ አይኮካ ኤራቴና፤

ኢሰታ ቆፍሲዛ ሚሽ ኡባይ ደጌቴሰ፤ ኢሰታ ጎኤታና ሚሽካ ዴና።

6 ኢሰታ ሲቆይ፤ ኢጸይኔ ቃናቴይ ኡባይ ኢሰታራ ኢሲፊ ቆይዴሰ። ሄሳ ገሻሽ ሳሎ ጉፋንጾን ሃኒዛ ሚሽ ኡባን አይኮ ቃዳይካ ኢሰታሰ ዴና።

7 ባዳ ኔ ካላ ኡፋይሳን ማ፤ ኔ ዋይኔ ኡሻካ ኔ ዋዚናይ ኡፋይቴሺን ኡያ፤ አይሰ ጊኮ ጸሲ ኔ ኦሊዳ ኦሶን ኡፋይቴሰ።

8 ኡባ ዋዴ ኔ ማይኦይ ቦላ ገደ፤ ኔ ሁኤይካ ዛይቴን ቴዬቶ።

9 ሳሎ ጉፋንጾን ጸሲ ኔሰ ኢሚዳ ጉላ ገዲዳ ኔ ዴኦ ላይላታ ኡባን ኔ ሲቁዛ ኔ ማቸይራ ኡፋይሳን ዴኦ፤ አይሰ ጊኮ ሳሎ ጉፋንጾን ኔ ዴኦኒኔ ኔ ዳቡርዳ ዳቡራ ኡባን ሃይሲ ኔሰ ቃዳ።

10 ኔ ኩሼይ ኦላናሰ ዴሚዳይሳ ኡባ ኔ ኩሜላ ዋልቃን ኦላ፤ አይሰ ጊኮ ኔኒ ባና ዲፎን ኦሶይ፤ ሃልቸይ፤ ኤራቴሌ ኦሶ ኤራቴሌ ዴና።

11 ታኒ ሳሎ ጉፋንጾን ሃራ ሚሽ ቤኦዲሰ፤

ዋላን ጸኖይ ፒላታስ
 ኦላን ጸኖይ ዋልቃማታስ ገደና፤
 ካሊ አቶ ኤራንቻታስ፤
 ዲሬቴሊ ከጸታንቻታስ፤
 ሳባይ ኤራንቻታስ ገደና፤
 ገደ ኦቲን ኡባቲካ ዋይይኔ
 ቃዳይ ጋሊዳ ማላ ሃኔቴስ።

12 ቃሴካ ባ ዋይ ኤራንቻታስ ገደና፤
 ካፎይ ያርዳን ጌሊዛ ማላ፤
 ሞሌይ ገቲን ኦይኬቲዛ ማላ፤
 ኦሲካ ቆፖንታ ዲሺን ዪዛ
 ኢታ ዋይታን ኦይኬቴስ።

አቶ ኤራቴሊኔ ኤያቴላ

13 ሃሳታካ ታና ኬሃ ማላሊሲዳ ሃይሳ አቶ ለሚሶ
 ሳሎ ፑፋንታን ቤኣዲስ።

14 ሃሲካ ኢሲ ቢታን ኣማርዳ ኣሳቲ ዳኢዛ ቁሪ
 ካታማይ ዳወስ፤ ህ ካታማዮ ኦላናስ ኢሲ ዋልቃማ
 ካዋይ ዋራጂ ደዲዳስ፤ ኢዚ ዩሾን ሚጸ ገግሲዳስ።

15 ህ ካታማይን አቶ ኤራንቻ ገዲዳ ኢሲ ማንቆ
 ኦሲ ዳስ፤ ኢዚ ባ አቶ ኤራቴላን ህ ካታማዮ
 ኣሺዳስ። ገደ ኦቲን ህ ማንቆዛስ ኦኒካ ቆፒቤና።

16 ሃሳ ገሻሰ ታኒ፡ «አቶ ኤራቴሊ ዋልቃፌ ኣዴስ»
 ጋዲስ። ገዲኮካ ህ ማንቆዛስ ዲዛ አቶ ኤራቴላዚ
 ካዴቴዳስ፤ ኢዛ ቃላይካ ሲዬቴቤና።

17 ኤያታ ኣይሲዛ ዳና ሞሶ፤
 አቶ ኤራንቻይ
 ሊቆን ሃሳይዛ
 ቃላይ ሴቴቴስ።

18 አቶ ኤራቴሊ
 ኦላ ሚሻፌ ኣዴስ፤
 ገደ ኦቲን ኢሲ ናጋራንቻይ
 ዳር ሎኦ ሚሽ ዳይሴስ።

10

1 ሃይቁዳ ኡዲንጾቲ
 ሺቶ ዜቁሌቴስ፤
 ሃሳታካ ጉላ ኤያቴሊ
 አቶ ኤራቴሊኔ
 ቦንቾ ካወሼስ።

2 አቶ ኤራንቻ ዋዚናይ
 ኢዛ ኡሻቾ ካሌሌስ፤
 ገደ ኦቲን ኤያ ዋዚናይ
 ሃዲርሰ ካሌሌስ።

3 ኤያይ ኦጌ ቢሺን
 ኢዛስ ኣኬካይ ፓጩስ፤
 ባ ኤያቴላ ኦናስካ ቆንጩሴስ።

4 ኔ ጎዳይ ኔ ቦላ ሃንቁቲኮ
 ኔ ሶሆ ዩዳፋ፤
 ጋሶይካ ዳንዳይ
 ገታ ሃንቆ
 ጮኡ ሂሰቴስ።

5 ሳሎ ፑፋንታን ታኒ ቤኢዳ
 ኢታ ሚሺ ዳስ፤
 ሃሲካ ዳሬ ሃሪዛዴፌ
 ኬዚዛ ባላ።

6 ኤያቲ ኬሃ ቶቃሶሆን ኡቲን
 ዲሬቲ ሂርኪ ዚቃ ሶሆን ኡቲዳ።

7 ኣይሌቲ ዳናታ ማላ ቶጋን ቢሺን
 ዳናቲ ቃሴ ኣይሌታ ማላ
 ቶሆን ቢሺን ቤኣዲስ።

8 ኦላ ቦኪዛ ኦሲ ህ ኦላን
 ኢዚ ኩንዳና፤
 ቃሴ ዲርሳ ላሊዛ ኦሲ
 ሾሺ ዲካና።

9 ሹቾ ቶቃሊዛይ
 ህ ሹቻን ዳሹቴስ፤
 ቃሴ ሚላ ቁሪዛይ
 ህ ሚላን ቆሃቴስ።

10 ዲንኤ ካልታ ሌፎንታ ኦሊኮ
 ዳር ዋልቃ ወርሴስ፤
 ገደ ኦቲን ሂላን ኦሊኮ
 ኦሲዛ ኣይፊሴስ።

11 ሾሺ ሙሬኖን
 ጃላናፔ ሲንላን ዲኪኮ
 ሙሬኒዛይ ኣይኮካ ጎኤና።

12 አቶ ኤራንቻ ደናፔ
 ኬዚዛ ቃላይ
 ፑላን ኩሚዳዛ፤
 ገደ ኦቲን ኤያይ ባርካ
 ባ ኢንጻርሳን ዳይስ።

13 ኮይርፔ ደሚዲ
 ኢዛ ቃላይ ኤያቴላ፤
 ወርሴላንካ ኢታ ጎሽ ገደስ።

14 ኤያይ ሃሳያ ዳሪሴስ፤
 ቡርፔ ሃናናይሳ
 ኤሪዛይ ዳና፤
 ሃይቁዳዳስ ኢዛፔ
 ፑዩን ሃናናይሳ
 ኦኔ ኢዛስ ዮታና ዳንዳይዛይ?

15 ኤያ ኦሶይ
 ኦሊዛይ ዳቡርሴስ፤
 ኢዚ ካታማ
 ጋሊዛ ኦጌ ኤሪና።

16 ሃኔ ኔ ካዋይ
 ዩላጋ ገዲዳሬ!
 ኔ ዳናቲ ዋንታራ
 ገቢራ ገግሲዛ
 ቢታዬ ኔስ ኣዬ ኣና!

17 ሃኔ ኔ ካዋይ ቦንቹቲዳ
 ዛሬፔ ገዲዳሬ!
 ማላታናስ
 ገደንታ ሚኔታናስ
 ኮሺዛ ዋይ ሚዛ ዳናቲ
 ዲዛ ቢታዬ!
 ኔኒ ኣንጃቲዳር።

18 ኣዳይ ኣዛላ ገዲኮ
 ካራይ ያርጳቴስ፤
 ኢዛ ኩሹቲ ዳቡርኮ
 ኬሊ ኣሌስ።

19 ገቢራይ ሚጩሴስ፤
 ዋይኔ ኡሺ ኣስ ኡፋይሴስ፤
 ሚሺ ዲኮ ሚሺ ሃኔስ።

20 ቆፋንካ ገዲን ካዋ ካቶፓ፤
 ኔ ኣቁዛ ከፊሌን ዳሺ

ዱሪ ቃንጎፋ፤
ቂሬን ፒራዲዛራ ኔ ገዛይሳ
ኤፋ ጋላና ዳንዳያዉሰ።

11

አጼ ኤራንቻይ ኦላና ቤሲዛ ኦሶ

- 1 ኔ ካላ ሃላን ዩጋ፤
ዳሮ ጋላሳታፔ ጉዬ
ኔጊ ዛራ ዳማና።
- 2 ኔሰ ዲዛ አቆ ላፑን ዋይኮ
ኦሰፑን ሶሆን
ሻኬራላ ዋላ፤
አይሰ ገኮ ቢታ ቦላ
አይ ኢታይ ያናኮ ኔጊ ኤራካ።
- 3 ሻራይ ካራጸኮ
ቢታ ቦላ ኢራይ ቡኬሰ።
ሚሊ ፑዳሃ ዋይኮ
ዲጌሃ ኩንዲኮ
ባ ኩንዲዳሶን ኢቺ አቴሰ።
- 4 ጫርኮ ሃናታ ናገዛይ ዜራና፤
ቃሴ ሻራ ማሊዛይ
ባ ካላ ሺሼና።
- 5 ጫርኮይ አዋራ ቢዛኮ
ኢዛ ኦጌ ኤራካ፤
ቃሴ ሺምፖይ ዋይኮ አያናይ
አዪ ኡሎን ዲዛ ሜዲታ ገደን
ዋጊ ጌሊዛኮ ኔ ኤራካ።
ሄሳላካ ኡባ
ሜዲዳ ጸሳ ኦሶ
ኔ ሻካ ኤራና ዳንዳያካ።
- 6 ማላዳራ ኔ ዜራላ ዜራ፤
ኦማርሲካ ኔ ኩሼይ
ኦሶ ቢርሾፎ፤
ጋሶይካ ሃይሲ ዋይኮ ሄሲ።
ዋይኮ ናምኣይ ሎኣናኮ።
ዋይኮ አዋይሲ አይፋናኮ
ኔ ኤራካ።

ዩላጋቴላን ኔና ሜዲዳይሳ ቆፓ

- 7 ፖኦይ ሎኦ፤
አዋ አይፌ ቤኦይ
አይፌ ኡፋይሴሰ።
- 8 አሲ ኬሂ አዲሳ ላይላ
ሃ ሳኣን ዳኢኮ
ሄ ኡባንካ ኡፋዬቶ።
ገደ አቲን ጳማ ጋላሳቲ
ዳሪዛ ገሻሰ ቆፓ፤
ቡሮ ያና ሚሺ
ኡባይካ ሃዳ።
- 9 ሃይሶ ዩላጋዞ!
ኔ ናቴቴላ
ላይላን ኡፋዬታ፤
ኔ ናቴቴላ ላይላን
ኔ ዋዚናን ኡፋዬታ፤
ኔ አይፌይ ጸሊዳ ኡባኔ
ኔ ዋዚናይ አዋቲዳ ኡባ ፖላ፤
ገደ አቲን ኔ ኦሊዳ ኦሶ
ኡባ ገሻሰ ጸሲ
ኔና ፒርዳሰ ሺሻይሳ ኤራ።

- 10 ሄሳ ገሻሰ ኔ ዋዚናፔ
ጩጩ ሃሳ፤
ኢታ ሚሺካ ኔፔ ዲጋ፤
ጋሶይካ ናቴቴላ ኔ ዩላጋቴላ
ኤሌ አቆና።

12

- 1 ሜቶ ጋላሳቲ ዮንታ ዲሺን
ኔጊ፡ «ታና ኡፋይሴቴና»
ገዛ ዋዳቲ ጋኮንታ ዲሺን
ኔ ዩላጋቴላ ላይላን
ኔና ሜዲዳይሳ ቆፓ።
- 2 አዋይኔ ፖኦይ፡
አገናይኔ ጸሊንቴይ
ጳሞንታ ዲሺን፡
ኢራይ ቡኪ ሲሚን
ሻራይ ኩቸንታ ዲሺን
ኔና ሜዲዳይሳ ቆፓ።
- 3 ኬላ ናገዛይቲ ኮኮሪዛ ዋዳ፡
ሚናቲ ኩኒዛ ዋዳ፡
ጋጨዛይቲ ቆዳን ጉላ ገዲዳ
ገሻሰ ጋቺ አገዛ ዋዳ፡
ማሰኮቴራ ጸሊዛይቲ
ደልጁሚዛ ዋዳ፡
4 ዲቡሻሶ ኤፊዛ ኦጌቲ
ኅርዳቲዛ ዋዳ፡
ዋዳይ ሎጩቲዲ
ገራላ አገዛ ዋዳ፡
ካፎ ዋሶይ አሰ ዳንሊዛ ዋዳ፡
ኢሰታ ዩሊካ ዳቡርዛ ዋዳ፡
- 5 ፑዲንላ ኬሲ ጸኒዛ ዋዳ፡
ኦጌ ቡሲ ባቢሲዛ ዋዳ፡
ኦቸሎኔይ ጨዩዛ ዋዳ፡
ቦሌይ ባርካ ባና
ኅቺዛ ዋዳ፡
አሳፔ አዋይ ጳይዛ ዋዳ
አሲ ባ ሜርና ኬላ ባና፤
ዩኪዛይቲካ ባሌን ዩያና።
- 6 ቢራ ሳንሳላታይ
ዲጸንታ ዲሺን፡
ዋርቃ ሳኔይ ሜቆንታ ዲሺን፡
ሃላ ኦቶይ ፑልቶ አቻን
ሜቆንታ ዲሺን፡
ሃላ ኦላፌ ኬሲዛ ዋጉምቦይ
ሜቆሬቶንታ ዲሺን፡
- 7 ቢታይ ዲጌ ቢታን
ሲሞንታ ዲሺን፡
ሺምፖይ ኢሚዳ ጸሳኮ
ሲሞንታ ዲሺን፡
ኔና ሜዲዳ
ጸሳኮ ሲሚ።
- 8 ኤራንቻዚ፡ «ሃዳ!
ሃዳፔካ ሃዳ!
ኡባይካ ሃዳ!» ጌሰ።

ኩሻ ቆፋ

9 ኤራንቻዚ ባ ሁኤሰ አጼ ኤራንቻ ጸላ ገደንታ
አሳካ ኤራቴላ ታማርሲዳሰ። ዳሮ ሎሚሶታ ፒልጊ
ጸሊዳፔ ጉዬን ማራን ማራን ገግሲዳሰ።

10 ኤራንቻቲ ሱሬ ቃላ ዳማናሰ ፒልጊዳሰ፤ ኢዚ ዳፊዳይሲ ሱሬኔ ቱማ።

11 አጵ ኤራንቻ ቃላይ ጨካ ማላ ሆጼ፤ ቃሴ ኢዛ ቶሴቲካ አዳፌ ጳሽኬቲዳ ጳሽኬ ማላ፤ ሄይቲካ ኢሲ ሄንጻንቻፌ ኢሜቲዳይታ።

12 ታ ናዙ! ሃ ኡባፌ ቦላራ
አይ ሚሻፌካ ናጌታ፤
አይኮካ ጉጃፋ፤
ዳሮ ማጻፋታ ዳፊኮካ
ዉርሴላ ዳና፤
ዲናቴ ዳርይ ቦላ ዳቡርሴሰ።

13 ሄኮ ኡባ ሚሻ ሮቴቲዳሰ፤
ዮኦ ኡባሰ ኩሻ ሃይሳ፤
ጸሳሰ ያያ፤ ኢዛ አዛዙ ናጋ፤
ሄሲካ አሳ ናሰ
ኢሜቲዳ ኩሜሳ አሶ።

14 ጸሳይ አሶ ኡባ ቦላ፤
ጌሚዳ ዮኦ ኡባ ቦላ፤
ሎኦ ጊዲን
ኢታ ጊዲንካ ፒርዳና።

ሲቆ ሳባ ጊደ ቆፋ

«ሲቆ ሳባ» ጌቲቲዛ ማጻፋይ ሲቆ ገንጾታ ኢሲ ቦላ ሺሺ ኦይኪዳ ማጻፋ። ሃ ገንጾታፕ ዳሪዛ ባጋቲ ዬላ ዬላሰ ገገዛ ማላ ጸፊቲዳ፤ ሃይቲካ ኣዳይ ማጫይሰ። ማጫይ ኣዳሰ ጸፊዳ ገንጾታ። ሃ ማጻፋይ ኢሲ ኢሲ ቢርሼላታን፣ «ሲቆ ሳባ» ዋይኮ «ማዛሙራል ኡባፌ ኣጂዛ ማዛሙራ» ጌቲቲ ኤሬቴሰ። ሃራ ቢርሼላታን ቃሴ፣ «ሶሎሞን ዬላ» ጌቲቲ ኤሬቴሰ። ኣይሰ ገኮ ኢብራዌታ ቃላን ጸፊቲዳ ማጻፋይ ሶሎሞንይ ጸፊዳሰ ጊዲ ዮቲዛ ገሻሳ። ሃ ዬላይ ከርሰቶሳሲን ዋሳ ኬላሰ ጊደን ዲዛ ጋይቶቲላ ቤሲዛ ለሚሶታ ኦይኪዳ ዬላ። ጊደ ኣቲን ኣይሁዳቲ፣ «ጸሳሲን ኢሰራኤሌ ኣሳሰ ጊደን ዲዛ ሲቆ ቤሲዛ ለሚሶታ ኦይኪዳ ማጻፋ» ጌቲሰ።

ሃ ማጻፋይ ኦይኪዳ ኩሜላ ቆፋ

- ሲቆይ ዋይኔ ኡሻፌ ኣዴሰ 1:1—2:7
- ሲቆይ ኡባ ሚሽ ሎኦ ኦሴሰ 2:8—3:5
- ኤኮኔ ጌሎ 3:6—4:5
- ኤኮኔ ጌሎ ኢሲፊቲላ 4:6—5:16
- ሲቆይ ኡባፌ ኣዴሰ 6:1—7:6
- ታናኔ ኔና ጸላ 7:7—8:4
- ሲቆ ሳባ 8:5-14

1 ማዛሙራ ኡባፌ ኣጂዛ ሶሎሞን ማዛሙራ።

ጌላኦያ

- 2 «ኔ ሲቆይ ዋይኔ ኡሻፌ ኣጂ ኡፋይሴሰ፤ ኔ ሜቴርሻን ዛራ ዛራዳካ ታና ዬራ።
- 3 ኔ ቲዬቲዛ ሺቶይ ኣይ ማላ ሳዊዜ! ኔ ሱንሳይ ጸይጌቲዛ ዋዳካ ኣይ ማላ ኡፋይሴሰዜ! ጌላኦቲ ኔና ሄሳ ገሻሰ ሲቆቴሰ።
- 4 ታና ኔናራ ኤካዳ ባ፤ ሃ ያ፣ ኣኔ ናሞኣይ ኢሲፌ ዋጸሰ! ታ ካዎ፣ ታና ኔ ቁሩጸ ጊደ ጌልላ» ጋዲሰ።

ላጌቲ

«ኢዛን ኩኔ ኣይ ኬና ኡፋይቲደኒ! ኩኔ ኢዛ ሲቆ ዋይኔ ኡሻፌካ ኣሊዲ ናሾሰ። ቱሙካ ማጫሳይ ኡባይ ኔና ሲቃናሰ ቤሴሰ» ጊዳ።

ጌላኦያ

- 5 «ኢንቴኖ ዬሩሳላሚ ማጫሳቶ፣ ሲዪቲ! ታኒ ካሬል ጊዲኮካ ማላ ሎኦ። ታ ካሬላቲላይ ቁዳሬ ዲንካኔ ማላ፤ ጊደ ኣቲን ታ ሜሳይ

ካዎ ሶሎሞን ኬላ ማጋላሻታ ማላ።
6 ታ ሜሳ ካሬሊዳይ ኣዎ ሴላ፤ ታኒ ካሬል ጊዲዳ ገሻሰ ታና ካጅፕቲ።

ታ ኣዪ ና ኢሻቲ ታናራ ኦይቲዲ ታና ዋይኔ ኣታኪልቲ ናጋናሰ ዋሊዳ፤ ሄሳ ገሻሰ ታኒ ታይሳ ናጋቤኬ።

7 ታ ሲቆዛ! ኣኔ ታሰ ዮታ፤ ኔ ዶርሳ ዉዴ ሄሚዛይ ኣዎኔ? ጋላሰ ኣዋፕ ኔ ኢሰታ ጉሪሲዛይ ኣዎኔ? ኔና ዴሚናሰ ኔ ላጌታ ዉዴ ካላሽ ኣይሰ ጮ ቶይላቲዛ ማጫሳ ማላ ጊደ?» ጋዲሰ።

ፓንሳዚ

8 «ሃ ማጫ ኡባፌ ኣጂ ሎኢዛ ማላንቻዬ! ታ ዲዛሰ ኤርንታ ኣገኮ ዶርሳቲ ቢዳ ጌዶ ካላዳ ያ፤ ኔ ዴይሻ ላቃታካ ሄንላንቻታ ዲንካኔ ማታን ሄሚ።»

9 «ታ ጎዴ! ጌብጾ ካዎሰ ፓራ-ጋሪ ጎቺዛ ፓራታ ጊደን ዲዛ ማጫ ፓራይ ማላ ሎኣሳ።

10 ኔ ሻጋላሰይ ሎዡ ጊዴሰ፤ ኔ ቆዴይ ኢንቁ ጌቲቲዛ ሴሎን ኣሌቁቲዳሰ።
11 ኩኔ ኔሰ ቢራን ኣሌቁቲዳ ዋርቃ ጌዴ ኦሲሳና» ጊዴሰ።

ጌላኦያ

- 12 «ካዎይ ማዳን ኡቲ ዲሺን ታ ሺቶ ሳዎይ ኬላ ጊደ ኡባን ቲኑ ጊዴሰ።
- 13 ታ ሲቆዚ ታ ጎንሳታ ጊደን ዲዛ ሳዊዛ ካርቤ ጸንቴ ማላ።
- 14 ታ ሲቆዚ ኤን-ጋዴ ጌቲቲዛ ዋይኔ ቶኪዛ ጋዴን ሞኪዳ ባዞ ጨሻ ማላ» ጋዲሰ።

ፓንሳዚ

15 «ታ ጎዴ! ኔኒ ኣይ ማላ ሎኣይ! ኔኒ ኣይ ማላ ሎኣይ! ኔ ኣይፊቲ ሃራጾ ማላ ሎኤቴሰ» ጊዴሰ።

ጌላኦያ

- 16 «ታ ሲቆዞ፣ ኔኒካ ኣይ ማላ ሎኣይ! ኔ ኬሃ ሎኣሳ፤ ኩ ሄላይ ጨለላ ማታ ማላ ኡፋይሴሰ» ጋዲሰ።

ፓንሳዚ

17 «ኑ ኩላ ቱሲ ለባኖሴ ዚጋ፤ ካራይካ ጸዳን ኦሴቲዳሰ» ገዳሰ።

2

ጌላኦያ

1 «ታኒ ላሻሮኔን ሞኪዛ ጨሻ ማላኔ ጋፉን ሞኪዛ ሱፊ ጨሻ ማላ» ጋዱሰ።

ፓንላዚ

2 «ታ ሲቆያ ማጫሳታ ጋርሳን አጉንላ ገደን ዲዛ ሎኦ ጨሻ ማሳታዉሰ» ገዳሰ።

ጌላኦያ

3 «ታ ሲቆዛ ታኒ ናቲላታራ ጋላ ጸሊዛ ዋዳ፣ ዋራ ገደን ዲዛ አፒሌ ማሳቲሰ፤ ታኒካ ኩሃ ኡፋዬታዲሰ፤ ታኒ ኢዛ ኩዋ ጋርሳን ሹምፓዲሰ፤ ማልኢዛ ኢዛ አይፊዛፔካ ማ ካላዲሰ።

4 ኢዚ ታና ገቢራሰ አሆ ኩላን ጌልሊዳሰ፤ ባ ሲቆ ታ ቦላ ባንዲራ ማላ ጶቁ ጶቁ ኦሊዳሰ።

5 ታኒ ኢዛ ሲቆን ኦይኩታዳ ሃርጋዲሰ፤ ሄሳ ገሻሰ ታና ዛቢቤ አይፊ ማዚዲ ጋዚዲሲቲ፤ አፒሌ ማዚዲ ታና ቤጎሊቲ።

6 ባ ሃዲርሳ ኩሼ ቦላ ታና ቦርኮቲሲዳሰ፤ ባ ኡሻቻ ኩሼን ታና ኢዲሚዳሰ።

7 ኢንቲና ዩሩሳላሜ ዩላጋ ማጫሳቶ! ሲቆይ ባሰ ደሲዲ ዳንዳና ጋካናሰ ኢዛ ኢንቲ ቤጎላንታ ማላ፣ ታኒ ኢንቲና ጌኔሳታኒኔ ባዞ ዉሻን አማታይሰ።

8 ቤኢቲ! ታ ሲቆዛ ጨንጉርሲ ዙማታ ቦላራ ፒሪሼ፣ ዙምቡላታ ቦላራ ጸንጌቲሼ ዩዛይሲ ሲቆቲሰ።

9 ታ ሲቆዚ ዉሻ ላቃ ዋይኮ ጌኔሳ ላቃ ማሳቲሰ። ቤኢቲ! ኢዚ ኑ ኩላ ዳራንቻን ኤቁዳሰ፤ ማሰኮቲራ ሶ ጸሌሰ፤ ማጋላሻ ጸኤራ ጸሉንጊ ጸሌሰ።

10 ታ ሲቆዚ ታና፣ ታ ጎዳ፣ ዳንዳ! ታ ሎኦ! ሃ ያ! ኦኔ ኢሲፊ ቦሰ።

11 ቤያ፣ ባልጎይ አዲዳሰ፤

ኢራይካ አገዳሰ። 12 ኡባሶን ጨሻ ጨዩዳሰ፤ ማዛሙራ ዩዲዛ አገናይካ ጋኪዳሰ፤ ሃራጾ ዩሊካ ኑ ቢታን ሲቆቲሰ።

13 ባላሴይ አይፊ አሞ ደሚዳሰ፤ ዋይኔይ ጨዩዳሰ፤ ኢዛ ጨሻ ሳዋይ ኡባሶን ቱኑ ጌሰ። ሄሳ ገሻሰ ታ ጎዳ፣ ዳንዳ፤ ታ ሎኦ! ሃ ያ፤ ኦኔ ኢሲፊ ቦሰ» ጋዱሰ።

ፓንላዚ

14 «ኔኒ አሮ ደናን ዛላ ዛአ ገደን ዲዛ ሃራጾይ ማላ፤ ኦኔ ኢሲቶ ኔ አይፊሶ ታና ቤሳ፤ ኔ ቃላ ጨንጉርሲካ ታና ሲሳ። አይሰ ገኮ ኔ ጨንጉርሳይ ታና ኡፋይሴሰ፤ ኔ አይፊሰይካ ታና ሎኦሰ» ገዳሰ።

15 ኑ ዋይኔ አታኪልቲይ ጨዩዳሰ፤ ሄሳ ገሻሰ ኑ ዋይኔ አታኪልቲ ገደ ሞሮንታ ማላ ዋራካናታኔ ኢሰታ ቡቱላታ ዋጸማዳን ኦይኪቲ።

ጌላኦያ

16 «ታ ሲቆዚ ታሳ፤ ታኒካ ኢዛሳ፤ ጨለላ ማታ ገደን ኢዚ ባ ማሄ ሄሚሰ።

17 ኦማርሳ ጳማይ ቃራታናሺን፣ ማላደ ጫርኮይ ጫርካናሺን፣ ታ ሲቆዙ! ጌኔሳ ማላ ዋይኮ ዉሻ ላቃ ማላ አሮቲዛ ዙማ ቦላራ ዋጸዳ ሃ ሲማ» ጋዱሰ።

3

ጌላኦያ

1 «ኦማርሰ ኩሜላ ታ ሂጸን ኢቻዳ፣ ታ ሲቆዛ ዳማናሰ አሞታዲሰ፤ ማንሳዳካ ኮያዲሰ፤ ገደ ኦቲን ዳማናሰ ዳንዳያቤኩ።

2 ካታማ ገደን ዲዛ ኦጌታኒኔ ዱቡሻታ ኡባን ዩያዲሰ፤ ታ ሲቆዛ ዳማናሰ አሞታዲሰ፤ ማንሳዳካ ኮያዲሰ፤ ገደ ኦቲን ዳማናሰ ዳንዳያቤኩ።

3 ካታማ ዩዩ ናገዛይቲ ታና ዳሚዳ፤ ታኒ ኢሰታሰ።

(ታ ሲቆዛ ቤዩዳቲ?)
 4 ኢስታፌ ጉሳ ኣቋ ባዳ
 ታ ሲቆዛ ዳማዲሰ፤
 ኢዚ ታፔ ኬሲ ኤኮንታ ማላ
 ሚንግዳ ኦይካዲሰ፤
 ታ ኣዩይ ኩሳ ኤካ ኤፋዲሰ፤
 ታ ዩሌተዳ ኪፊሌ ጌልግዲሰ።
 5 ኢንቴኖ ዩሩሳላሚ ጌላኦቶ!
 ሲቆዚ ባሰ ደሲዲ
 ዳንዳና ጋካናሰ፤
 ኢዛ ኢንቴ ቤገላንታ ማላ፤
 ታኒ ኢንቴና ጌኔሳታኒኒ
 ባዞ ወሻታን ኣማታይሰ» ጋዲሰ።
 ላጌተ
 6 «ካርቤፌ፡ ኤጻኔፔኔ
 ዛልኣንቻታ
 ሳዎፔ ጊጌቲዳ ሺቶ ማላ
 ሳዎ ቱኑ ጋሼኔ
 ጨዋ ማላ ቱሉ ጋሼ
 ባዞራ ዩዛራ
 ሃና ኢዛ ኦኔ?
 7 ሃኮ ቤኢቲ፡ ሶሎሞኔ
 ፓራ-ጋሬያ ዩሳን ዳወሰ፤
 ኢሰራኤሌፔ ደሬቲዳ
 ኡሱፑን ታሙ ኦላ ኣሳቲ
 ኢዞ ኣክቢዲ።
 8 ኢሰቲ ኡባይካ
 ማሻ ኦይሳ ሚዜቲዳ፤
 ኦላ ኤሪዛይታኔ
 ኦማርሰ ዩዛ ሚቶ ኤቁታናሰ
 ኢሶይ ኢሶይ
 ማሻ ጊዲዳ ማላ ኣቁቴሰ።
 9 ካዎ ሶሎሞኔይ
 ፓራ-ጋሬ ጊዲን
 ኡቲዛ ኣራታይ
 ለባኖሴ ሚሳፌ ኦሴቲዳሰ።
 10 ኢዛ ኣራታ ቱሳቲ
 ቢራን ቲዩቲዳ፤
 ዜምፖዚ ዋርቃን ኣሌቁቲዳሰ፤
 ኡቲዛሶዚ ኦቻ ቲራ ሚሳቲዛ
 ቃጨናፔ ኦሴቲዳሰ፤
 ጊደዛ ዩሩሳላሚ
 ጌላኦቲ ሲቆሰ
 ዲዲዳ ኣፋላን ኣሌቁሲዳ» ጊዲ።

ጌላኦያ

11 «ኢንቴኖ ጸዮኔ ጌላኦቶ!
 ኢዚ ኬሂ ኤፋይቲዳ
 ኢዛ ቡላቻ ጋላሰ
 ኢዛ ኣያ ኢዛ ሁኤን ዋሊዳ
 ካላቻ ጎጺ
 ኡቲዳይሳ ቤኣናሰ
 ካዎ ሶሎሞኔኮ
 ሃ ዩቴ» ጋዲሰ።

4

ፓንግዚ

1 «ታ ጎዴ! ኔ ኣይ ማላ ሎኦ!
 ኔኒ ኣይ ማላ ጊጋ!

ኔ ኣይፌቲ ኔ ኣይፌሶ ካሚዛ
 ቁራጨፔ ጊደራ ጸሊዛ ዋዴ
 ሃራጴ ማላ ሎኤቴሰ፤
 ኔ ቢናናይ ጋላኣዴ
 ዙማራ ዲጌ
 ዋዲዛ ዳይሻ
 ወዴ ሚሳቴሰ።
 2 ኢስታ ጊደን ማይኔይ ባይንዳ
 ሚንቴ ሚንቴ ዩሊዛ
 ኢሰኬይ ዲሬቲን
 ሜጨፔቲ ኬዚዛ
 ቦላ ደርሳ ወዴታ ማላ
 ኔ ኣቻቲ ታና ኡፋይሴቴሰ።
 3 ኔ ማቴርሻቲ
 ዞኦ ቃጨና ማላ ሎኤቴሰ፤
 ኔ ሃሳይዛ ዋዴ
 ኬሂ ኡፋይሴቴሰ፤
 ኔ ሻጋላቲ ኣይፌሶ ካሚዛ
 ቁራጨፔ ጊደራ ጸሊዛ ዋዴ
 ኦርማኔ ናምኡ ኬሰ
 ጳልቁዳ ሚሳቴቴሰ።
 4 ኔ ቆዴይ ሺያን
 ቆዴቲዛ ጎንዳሌቲ፤
 ኦላ ማሳራቲ ኢዛ ቦላ
 ካቁቲ ቤቲዛኔ
 ኦላ ሚጻ ጊዳናሰ
 ኦሴቲዳ ዳዊቲ ጊምቤ ሚሳቴሰ፤
 5 ኔ ቋንጥቲ ሚንቴ ዩሌቲዲ፤
 ሱፌ ጨሻታ ጊደን
 ሚዛ ጌኔሳ
 ላቃታ ሚሳቴቴሰ።
 6 ቃማይ ዋንታና ጋካናሰ፤
 ቋማይ ኣቋና ጋካናሰ
 ካርቤይ ዲዛ ዙማ ቦላኔ
 ኤጻኔይ ኢዛ ዙምቡላ ቦላ
 ባዳ ሺምፓና።
 7 ታ ጎዴ!
 ኔ ኣሳቴላይ ኩሚሳ ሎኦ፤
 ኔ ቦላ ኣይኮ ዋሶይካ ባዎ።
 8 ታ ሚሺራዬ! ለባኖሴፔ
 ሃ ዲጌ ዋዲ፤
 ጋዎይኔ ማሃይ ዲዛሶ
 ኣማና ዙማፔ፤
 ሳኒሬ ዙማፔኔ
 ሄርሞኔ ዙማፔ ዋዲዳ
 ሃ ያ።
 9 ታሰ ሲቆ ሚቾ ጊዲዳ
 ታ ሚሺራዬ!
 ኔ ጸሊዛ ጸሎይኔ
 ኔ ቆዴን ዲዛ ኣሌቆይ
 ታ ዋዚና ኤኪዳሰ።
 10 ታሰ ሲቆ ሚቾ ጊዲዳ
 ታ ሚሺራዬ!
 ኔ ሲቆይ ታና ኣይ ማላ ኡፋይሴሴ!
 ኔ ሲቆይ ዋይኔ ኡሻፌ
 ኣዲ ኡፋይሴሴ፤
 ኔ ሺቶይ ኡባፌካ
 ኣዲዲ ሳዊሰ።
 11 ታ ሚሺራዬ!

ኔ ማቴርሻራ
ኤሳ ኢሊሎይ ጸከሰ።
ኔ ደናፔ ኤሰኔ
ማሊ ፑልቴሰ፤
ኔ ማይኦ ሳዎይ
ለባኖሴ ሺቶ ማላ ሳዌሰ።

12 ታሰ ሲቆ ሚቾ ጊዲዳ
ታ ሚሺራዬ!
ኔ ታሰ ዲርሳ ጊደን ናጌቲዛ
ኣታኪልቴ ማላ፣
ኢዛሰ ዩሾይ ሹሬቲዳ
ፑልቶ ሃላ ማላኔ
ኣሲ ጋኮንታ ፒሳ ሃላ ማላ።

13 ኔ ኣቆ ቢዛሰን
ማልኢዛ ሚላ ኣይፊቲ ኩሚዳ፤
ሄይቲካ ኦሮማኔ
ኣታኪልቴሶሆታ ማላ።

14 ናርደሴይ፣ ላዳይ፣
ሳዎ ማታይኔ ቃራፋይ፣
ቃሴካ ኤጸኔ ማላ ሳዊዛ
ዲማ ዲማ
ኣታኪልቴቲ ዳቴሰ፤
ሃራይ ቃሴ ካርቤይ፣
ጎዳሪ ኡላ ጨሻይኔ
ዲማ ዲማ
ሳዎ ኣታኪልቴቲ ሞኬቴሰ።

15 ኔኒ ኣታኪልቴ ኡሺዛ
ፑልቶ ሃላ ማላ፤
ዳኦ ሃሊ ኬዚዛ ኦላ ማላ፤
ለባኖሴ ዙማ ጋርሳፊ
ጎጊዛ ሻፋ
ሃላ ማላ» ጊደሰ።

ጌላኦያ

16 «ፑይሃ ባጋ ጫርኮዞ! ዳንዳ!
ዲጌሃ ባጋ ጫርኮዞ! ሃ ያ!
ታ ኣታኪልቴ ቦላ ጫርካ!
ሄራዚ ኡባይ ሳዎ ቱኑ ጎ።
ታ ሲቆዚ
ባ ኣታኪልቴ ጊደ ዮ፤
ደሬቲዳ ሚላ
ኣይፊታካ ሞ» ጋዲሰ።

5

ፓንላዚ

1 «ታሰ ሲቆ ሚቾ ጊዲዳ ታ ሚሺራዬ!
ታኒ ታ ኣታኪልቴ ጊደ ጌላዲሰ።
ታ ካርቤኔ ታ ሺቶ
ጨሽ ማጸዲሰ፤
ኤሳ ኡኬላ ኢሊሎዛራ
ጋላ ማዲሰ፤
ታ ዎይኔ ኡሻ፣
ታ ማላ ኡያዲሰ» ጊደሰ።

ላጌቲ

«ኣንቴኖ ሲቆቲዛይቶ!
ካላና ጋካናሰ ሚቲ፤
ኣላና ጋካናሰካ ኡዩቴ» ጊደ።

ጌላኦያ

2 «ታኒ ኦማርሰ ጲሰካዲሰ፤

ጊደ ኣቲን ታ ዎዚናይ ቤጊዳሰ፤
ታ ሲቆዚ ካሬ ቆጶሼ፣
ታሰ ሲቆ ሚቾ
ጊዲዳ ሚሺራዬ!
ኔናን ዎሶይ ባይንዳ
ታ ሃራጶዬ!

ኔና ሾባይሰ ታሰ ካሬዛ ደያ፤
ታ ሁኤይ ኬንቾን ዎቂዳሰ።
ታ ቢናናይካ ኦማርሳ ፑሶን
ሙሲዳሰን ጊሺን ሲያዲሰ።

3 ታኒ ታ ማይኦ ኬሳዲሰ፤
ሂሰቲን ዛራ ማይኦ?
ታ ቶሆካ ሚጨታዲሰ፤
ቃሴ ዛራዳ ኡርቃሶ?

4 ታ ሲቆዚ ፔንጌ ጸኤራ
ኩሼ ዩዲዳሰ፤
ሂሰቲን ታሰ ማራጨን
ፖልኡ ጊደሰ።

5 ሄሳፊ ጉዬ ታ ሲቆዛሰ
ካሬ ደያናሰ ዳንዳዲሰ፤
ካሬዛ ደያና ታ ኦይኪሺን
ታ ኩሼፔ ካርቤይ ጸኬቲዳሰ፤
ታ ቢራጴታፔካ
ሺቶይ ጎጊዳሰ።

6 ታ ካሬዛ ደይሺን ታ ሲቆዚ
ሲሚዲ ቢቺዳሰ፤
ኢዛ ቃላ ጨንጉርሳ ሲያናሰ
ኬሃ ኣሞታዲሰ።
ሚንላዳካ ኮያዲሰ፤
ጊደ ኣቲን ዳማናሰ
ዳንዳያቤኬ፤
ጶይጋዲሰ ሺን

ኢዚ ታሰ ኮዩቤና።
7 ካታማ ናጊዛይቲ ታና ዳማ
ዎጲዲ ማዲንሳዳ፤
ካታማ ገሞቤ ናጊዛይቲ
ታ ማይኢዳ ሴሎ ማይኦዛ
ቃሪ ኤኪዳ።

8 ኣንቴኖ ዩራሳላሚ ጌላኦቶ!
ኣንቴ ታ ሲቆዛ
ዳሚዳ ጊዲኮ
ታኒ ኢዛ ሲቆፔ ዳንዲዳይሳን
ሃርጊዳይሳ ሃዳራ
ኢዛሰ ዮቲቴ» ጋዲሰ።

ላጌቲ

9 «ሃኔ ማጫሳ
ኡባፊ ኣቶ ሎኦዬ!
ቱሙ ኔ ሲቆ ላጌዚ
ሃራታፔ ዲማቲዜ?
ኔኒ ሃይሳ ማላ
ኦና ሃዳራ ጊዛይ
ኢዚ ሃራታፔ ዋኒኔ?» ጊደ።

ጌላኦያ

10 «ታ ሲቆይ ዳር ሎኦኔ ሚኖ፤
10,000 ኣቱማሳ ጋርሳን
ኢዛ ማላይ ዳና።

11 ኢዛ ሁኤይ ጌሻ
ዎርቃ ሚሳቲሰ፤
ኢዛ ቢናናይካ ኦሎሲኔ

ዲምእ ካሬሐ ሚሳቴሰ።

12 ኢዛ ኣይፊሬቴ
ሻፋ ላንቁን ዲዛ
ሃራጾታ ማላኔ
ማላን ሜጩቴዳ
ኢንቁታ ማላ።

13 ኢዛ ሻጋላቴ ማልኢዛ
ሳዎ ማታታ ማላ፤
ዲማ ዲማ
ቁማሜቴ ቶኬቴዳ
ኣታኪልቴሶ ሚሳቴቴሰ፤
ኢዛ ሚቴርሻቴ ካርቤ ሺቶይ
ጸኪዛ ሱፊ ጨሻ ማላ
ሎኤቴሰ።

14 ኢዛ ኩሼቴ ኢንቁን ኣሌቁቴዳ
ዎርቃ ጉፊ ማላ ሎኤቴሰ፤
ኢዛ ቦላይ ሲምፔሬ ጌቴቴዛ
ኢንቁን ኣሌቁቴዳ ዳንጋርሳ
ዛሌ ማላ ሎኤሰ።

15 ኢዛ ቶሆቴ ዎርቃን ቶኬቴዳ፥
ዳልዳቻ ቱሳታ ሚሳቴቴሰ፤
ኢዛ ሜቆይ

ለባኖሴ ዚጋን ኣሌቁቴዳ
ለባኖሴ ዙማ ሚሳቴሰ።

16 ኢዛ ቃላይ ኤሳ ማላ ማልኤሰ፤
ኢዛ ቦላይ ሙሌራ ካይሼሰ፤
ኢንቴኖ ዩሩሳላሚ ጌላኦቶ፥
ታ ሲቆዚኔ ታ ላጌዚ
ሃይሳ ሚሳቴሰ» ጋዲሰ።

6

ላጌቴ

1 «ማጫሳ ኡባፊ ሎኦይ!
ኔ ሲቆ ላጌዚ ኣዎ ቢዴ?
ኮነካ ኔናራ ኢሲፊ ኮያናሰ፥
ኢዚ ኣዎ ባጋራ ቢዳኮ
ኮሰ ዮታ» ጌዳ።

ጌላኦያ

2 «ታ ሲቆዚ ደርሳ ወዴ ሄማናሰ
ሎኦ ጨሻታ ማጸናሰ
ሺቶሰ ጎኢዛ ሳዎ
ማታይ ዲዛሶ
ዲጌ ኣታኪልቴ ጌዶ ዎቋዴሰ።

3 ታኒ ታ ሲቆዛሳ፤
ኢዚካ ታሳ፤
ኢዚ ወዴዛ ጨለላ ማታን
ሄሜሰ» ጋዲሰ።

ፓንጻዚ

4 «ታ ጎዴ! ኔኒ ቴርጻ ካታማይ
ሎኢዛ ማላ ሎኣሳ፤
ዩሩሳላሚ ማላ ኬሃ ካይሻሳ፤
ባንዲራ ቶኪዲ ቢዛ
ኦላንቻ ማላ
ያሺሲዛ ቴማራ ዳሳ።

5 ዎዜ ኔና ኔ ኣይፊ
ታፔ ዴንጻርኪ!
ኢሰቴ ታና ዲኢዲ
ቃሾ ኣሰ ኬሲዳ፤
ኔ ቢናናይ ጋላኣዴ ዙማፔ

ዲጌ ዎቋዛ
ዴይሻ ወዴ ሚሳቴሰ።

6 ኢሰታ ጌዲን ማይኔይ ባይንዳ
ሜንቴ ሜንቴ ዩሊዛ ኢሰኬይ
ዲሬቴን ሜጩቴ ኬዚዛ
ቦላ ደርሳ ወዴታ ማላ
ኔ ኣቻቴ ታና ኡፋይሴቴሰ።

7 ኔ ሻጋላቴ ኣይፊሶ ካሚዛ
ቁራጩ ጌደራ ዴሊዛ ዎዴ
ኢርማኔ ናምኡ ኬሲ
ጸልቂዳ ሚሳቴቴሰ።

8 ኡሱፑን ታሙ ማጫ ካዎቴ፥
ኦሰፑን ታሙ
ላጌላ ማጫሳቴ፥
ቃሴ ቆዳይ ባይንዳ
ጌላኦቴ ዳቴሰ።

9 ታኒ ጌዲኮ
ኢሲኒዮ ጸላ ደሳይሰ፤
ኢዚ ቦላ ኣይ ዎሶይ ዳና፤
ኢዛ ሃራጾ ማላ
ካይሻ ኡታዲሰ፤

ኢዛ ባ ኣይይሰካ ሜጶ ኢሲኖ፤
ኢዘ ዩሊዳ ኣያ ኢዘ
ኡባፊ ኣላ ሲቃወሰ።
ጌላኦቴካ ኢዘ
ጶሊዲ ጶሊዲ ሳቤቴሰ፤
ካዎ ማቼቴኔ
ኢዛ ላጌላቴ ኢዘ ናሹቴሰ።

ላጌቴ

10 ሃና ማላደ
ጸልቁ ማላ ሞኪዛራ፥
ኣገና ማላ ጸሊዛራ፥
ኣዎ ማላ ፖኢዛራ፥
ባንዲራ ቶኪዲ ቢዛ
ኦላንቻ ማላ
ያሺሲዛራ
ኢዘ ኦኔ?» ጌቴሰ።

ፓንጻዚ

11 «ታኒ ሸባን ቶኬቴዳ
ኣታኪልቴታ ቤኣናሰ፥
ዎይኔይ ኣጨዳኮ፥
ኢርማኔይካ ጨዩዳኮ
ጶላናሰ

ዲጌ ኦቾሎኔይ
ቶኬቴዛሶ ዎቋዲሰ።

12 ታኒ ቆፖንታ ዲሺን፥
ታ ኣሞይ ታና ኤፊዲ
ካዎ ፓራ-ጋሬታ ቦላ
ኡቴሲዴሰ» ጌዴሰ።

ላጌቴ

13 «ሃኔ ሹላሚ ማጫሳዬ!
ሃ ሲማ፤
ኔና ኦ ሎኤላ ጶላና ማላ
ሃ ሲማ» ጌዳ።

ጌላኦያ

«ዳር ኣሳ ሲንጻን
ዩጶዚ ኣሳ ማላ፥
ታና ሹላሚ ማጫሳዮ
ኣይሰ ጶሊቴ?» ጋዲሰ።

7

ፓንጻዚ

- 1 «ካዎ ናዳ ሎኢዛሬ!
 ኔ ቶሆቲ ኔኒ
 ናጸላ ጫማ ኣላ ዲሺን
 ቤኢዛ ዎዴ ኣይ ማላ ሎኢዛ!
 ኔ ሹቻቲ
 ሂላንቻ ዎጋጩይ ቆጶዲ
 ሎኤሳ ኣሌቁሲዳ
 ኣንቁ ሚሳቲስ።
 - 2 ኔ ጉልኣይ ዎይኔ ኡሺ ኩሚዳ
 ቢሪሌ ሚሳቲስ፤
 ኔ ጸሳይ
 ሎኦ ጨሻን ቃሹቲዳ
 ገሰቲ ሚርቁ ሚሳቲስ።
 - 3 ኔ ቋንቋቲ ሚንቲ ዩሌቲዳ
 ዉሻ ላቃ ሚሳቲቲስ።
 - 4 ኔ ቆጶይ ዳንጋርሳ
 ዛሌን ኣሌቁቲዳ
 ኣዲሳ ገምቤ ሚሳቲስ፤
 ኔ ኣይፌይ ገታ ሃሴቦኔ
 ካታማ ፔንጌ ማታን ዲዛ
 ኤሌ ሃሳ ሚሳቲስ፤
 ኔ ሲጶይ ዳማሰቆ ጸሊሲዲ
 ገምቢዳ ሊባኖሴ
 ገምቤዛ ሚሳቲስ።
 - 5 ኔ ሁኤይ ቃርማሎሴ
 ዙማ ሚሳቲስ፤
 ኔ ሁኤ ቢናናይ
 ጸጾቲ ኡቲዳ
 ጸላታ ሚሳቲስ፤
 ኔ ሁኤ ዳላይካ
 ካዎዛ ዎዚና ኤኪዴስ።
 - 6 ታ ጎዴ!
 ኔ ኣይ ማላ ሎኣይ!
 ኔ ኣይ ማላ ካይሻይ!
 ኔ ሲቆይ ታና
 ኣይ ማላ ኡፋይሲዜ!
 - 7 ኔ ጌሳይ ዛምባ ጌሳ ሚሳቲስ፤
 ኔ ቋንቋይ
 ዛምባ ዉርጫ ሚሳቲስ።
 - 8 ታኒ ሃ ዛምባ ቦላ ኬዛና፤
 ኬዛዳ ኢዛ ኣይፌታ ማጻና፤
 ኔ ቋንቋቲ ዎይኔ ኣይፌ ማላ
 ዉርጫቲ ኡቲዳ፤
 ቃሴ ኔ ፔኖይ
 ኣፒሌ ኣይፌ ማላ ሳዌስ።
 - 9 ኔ ሜቲርሻቲ
 ኤሳ ኢሊሎ ማላ
 ማልኤቲስ» ገዴስ።
- ጌላኦያ
- «ሂሰቲኮ ሄ ሎኦ ኢሊሎይ
 ታ ሲቆዛ ሜቲርሻታ ገደራኔ
 ኣቻታ ገደራ ዲጌ
 ዎሎሎ ገ ጎጎ።
- 10 ታኒ ታ ሲቆዛሳ፤
 ኢዚካ ታና ኣሞቲስ።
 - 11 ታ ሲቆዛ! ሃ ያ፤
 ናምኣይ ካታማፔ ኬዚዲ

- ኣኔ ጌዴ ጋጸሬ ቦሰ፤
 ሃን ኦማርሰ ኣኔ ኢሲፌ ኣላስ።
- 12 ማላደ ዎንታራ
 ኣኔ ዎይኔ ኣታኪልቲ
 ጊደ ቦሰ፤
 ዎይኔይ ጨዩዳኮ፣
 ኦርማኔይካ ኣይፌዳኮ
 ኣኔ ቤኖሰ፤
 ሃን ታኒ ታ ሲቆ
 ኔሰ ቆንጨሳና።
- 13 ኢንኮ ኣይፌ ሳዎይኔ
 ዲማ ዲማ ኣይፌ
 ኢሚዛ ኣታኪልቲቲ
 ኦ ካሬን ኩሚዳ፤
 ታ ሲቆዛ!
 ሃ ኣይፌታፔ ቴሪዳይታኔ
 ኦራሳ ማጾቲዳይታ
 ኔሰ ዎላዲስ።

8

- 1 ኔ ታ ኣዩይ ቋንቋ ቋሚ ዲጨዳ
 ታ ኢሻ ማላ ገዲዳኮ
 ታ ኔና ኦጌን
 ዳማዳ ዩራ ኤኪዳኮ
 ታና ኦኒካ ካጶናኮሺን!
- 2 ታና ታማርሲዳ ታ ኣዩይሶ
 ታ ኔ ኩሺ
 ኦይካዳ ኤፋናኮሺን፤
 ኔ ኤያናሰ
 ኦርማኔፔኔ ዎይኔፔ
 ጉምኤቲዳ ሎኦ ኡሹ
 ታ ኔሰ ኢማናኮሺን።
- 3 ባ ሃዲርሳ ኩሺ ቦላ
 ታና ቦርኮቲሴስ፤
 ኡሻቻ ኩሺንካ
 ታና ቆሜስ።
- 4 ኢንቴኖ ዩራሳላሚ ጌላኦቶ!
 ሲቆዚ ባሰ ደሲዲ
 ዴንዳና ጋካናሰ
 ኢዛ ኢንቲ ቤጎሎንታ ማላ
 ታኒ ኢንቴና
 ሃዳራ ጋይሰ» ጋዲስ።

ላጌቲ

5 «ባ ሲቆ ላጌዛ ቦላ ዜምፓዳ፣
 ባዘፌ ዩዛራ
 ሃና ኦኔ?» ገዳ።

ጌላኦያ

- «ቤኒ ኔ ኣያ
 ኔና ሚጸታ ዩሊዳ
 ኣፒሌ ሚላ ጋርሳፌ
 ታ ኔና ቤጎላ ዳንጻዲስ።
- 6 ሜርና ሲቆን
 ኔ ዎዚናን ታና ዎላ፤
 ታና ጸላ ኔ ቄሴ ቦላ
 ማታሚ ማላ ሾጫ፤
 ኣይሰ ገኮ ሲቆይ
 ሃይቆ ማላ ሚና፤
 ቃናቴይ ዲፎ ማላ

ሜንጾ ኢታ፤
 ኢዚ ላጮይካ ታማ ላጮ ማላ
 ፖፖልኡ ጌሰ።
 7 ሃላ ዳርይ ሲቆ ታማ
 ቶይሳናሰ ዳንዳዬና፤
 ዲኦይካ ሜጨዲ ኤፌና፤
 ኣሲ ባሰ ዲዛ ሚሽ ኡባን
 ሲቆ ሻማናሰ ኮይኮ
 ሲቆይ ሚሻን
 ቤቶንታ ገሻሰ
 ኣሳይ ቁልጪ ካኤሰ» ጋዲሰ።

ላጌቲ

8 «ቆንሲ ኡቶንታ ቁሪ ሚቻ
 ኑሰ ዳዉሰ፤
 ኣዚናይ ኢዞ ኦይቺኮ
 ኑ ኢዚሰ ኣይ ኦላኔ?»

9 ኢዛ ገምቤ ገዲዳኮ
 ኑኒ ኢዚ ቦላ ቢራፔ
 ሻኮ ኦላና፤
 ኢዛ ጌሊዛ ፔንጌ ገዲዳኮ
 ኑኒ ኢዚ ቦላ
 ሊባኖሴ ዚጋፔ
 ሳንቃ ኮሳና» ገዲ።

ጌላኦያ

10 «ቤኢቲ ታኒ ገምቤ፤
 ታ ቆንሳቲካ ሻኮ ማላ፤
 ታኒ ታ ሲቆዛራ ዲዛ ዎዴ
 ኢዚ ኡፋይሲኔ
 ሳርቲል ዳሜሰ።

11 ሶሎሞኔሰ ባኣሊ-ሃሞኔን
 ዎይኔ ቶኪዛሶሆይ ዳሰ፤
 ሄ ዎይኔ ቶኪዛሶሆዛ
 ኦሳንቻታሰ
 ኪራ ኢሚዳሰ፤
 ኢሰቲካ ሁኤን ሁኤን
 ሺ ቢራ ኢዛሰ ኤሄቲሰ።

12 ገደ ኣቲን ታሰ ቡዞ ገዲዳ
 ዎይኔ ቶኪዛሶሆይ ዳሰ፤
 ሶሎሞኔ ኔኒ ሺ ቢራ ኤካ፤
 ኦሳንቻቲ 200 ቢራ
 ኤኮቶ» ጋዲሰ።

ፓንላዚ

13 «ሃኔ ታ ሚሺራዬ!
 ኔ ኣታኪልቲ ገደን
 ዳሼ ሃሳይዛ
 ቃላ ታ ላጌቲ ሲያና ኮዬቲሰ፤
 ኣኔ ታናካ ኔ ቃላ
 ጨንጉርሳ ሲሳ» ገዲሰ።

ጌላኦያ

14 «ታ ሲቆዞ!
 ታኮ ኤሶን ሃ ያ!
 ሳዎ ኣታኪልቲቲ ሞኪዛ
 ዙማታ ቦላራ ጉፒዛ
 ጌኔሳ ዎይኮ ዉሻ
 ላቃ ሚሳታ» ጋዲሰ።

ኢሳያስ ተገቢቱ ገደ ቆፋ

ኢሳያስ ማጻፋይ ከርሰቶሲ ዩሌታናፔ ካሴ ኦሰፕንግ ጾቱ ላይላ ወርሴላ ሄራን ዲዛ ገታ ናቤ ኢሳያስ ሱንግን ጾይጌቲዳሰ፤ ሃይሲ ሃ ማጻፋዚ ሄቹ ኤሬቲዳ ከፊሌታን ሻኬታናሰ ዳንዳዬሰ።

1. ሹም 1-39 ገካናሰ ዲዛ ከፊሌዚ ዲጌሃ ባጋ ካዎቴላ ዩሁዳ ዳሬ ቦላ ኦሶሬ ጌቲቲዛ ዎልቃማ ካዎይ ጋሊዳ ቆሆ ገሻሰ ዮቴሰ፤ ዩሁዳ ዳሬ ማቶን ዩጊደይ ኦሶሬ ዎልቃ ገደንታ ዳሬዛ ናጋራኔ አሳይ ጸሳሰ አዛዜቶንታ ኢጾ፤ ሄሳሶካ አሳይ ጸሳን አማኔቶንታ አገዳይሳ ቤዩዳሰ። ናቤዚ ዳሬዚኔ ዳራ ካሌሊዛይቲ ጸሎቴላኮኔ ቱማቴላ ዲዛሶ ሲማና ማላ ዮቴዳሰ፤ ቃሴካ ጸሳሰ አዛዜቶንታ ኢጾይ ፓጩኔ ቆይሰ ኤሃናይሳ ኢሰታሰ ቆንጩሲዳሰ፤ ሄሳሶካ ቡርፔ ያና ላይላታን አላሜ ዩሻን ሳርቴላ ኩማናይሳኔ ኩማላ ሎኤቴላን አይሳናሰ ዳዋቴ ዜሬላፌ ካዎታናዳይ ያናይሳ ናቤ ኢሳያሲ ካሴቲ ዮቴዳሰ።
2. ሹም 40-55 ገካናሰ ዲዛ ከፊሌዛፔ ዳሪዛ ባጋይ ዩሁዳ አሳይ ዲኤቲ ባቢሎኔ ቢን ሄን ኢሰታ ቦላ ካወሻቴላ ገካናይሳኔ ሂደታይ ኢሰታሰ ቆንጩሲዳሰ ዮቴሰ። ናቤዚ ጸሲ ባ ዳሬዛ ዎዘን አሳይ ሎኦ ኦራላ ዲሰ ዳናሰ ኢሰታ ኢዚ ዩሩሳላሜ ዛራናሰ ዎዳይ ማቴዳይሳ ዮቴዳሰ። ሃይታ ሹምፖታ ጋርሳን ኬሂ ቆንጩ ቤቲዛ አይፊ ዮኦይ ጸሲ ሃኖ ኡባሰ አዎ ገዲዳይሳኔ ባ ዳራሰ ኢዚ ሃልቸዳ ሃልቸይ፣ ጸሳ ከታይ ኢሰራኤሌ አሳ ባጋራ ዳሬ ኡባሰ ገካናይሳ ዮቴሰ። «ጸሳ ኦሳንቻ ገሻሰ» ዮቴዛ ካሴ ጋልአ ጫቆን ዲዛ ኤሬቲዳ ከታታራ ኢሲፌ ቆዳቴቴሰ።
3. ሹም 56-66 ገካናሰ ዲዛ ከፊሌዛፔ ዳሪዛ ባጋይ ዮቴዛይ ጉዬ ባ ዳሬ ዩሩሳላሜ ሲሚ ቢዳይታ ገሻሲኔ ጸሲ ኢሰራኤሌ አሳሰ ኢሚዳ ሂደታ ቃላ ኡባ ፖላናኮ ገዲ ናጌ ቦላ ዲዛ አሳሰ ማርካ ገዳና ማላሳ፤ ቲሺ ሂሰቲ ጸላናሰ ቤሲዛይቲ ጸሎቴላኔ ቱማ ፐርዳ፣ ሳምባታ ቦንቸኔ ያርሾ ሺሾ፣ ቃሴካ ሚኒ ዎሶ። ሃይሳ ሃ ከፊሌዛን ኤሬቲዳ ሹምፖይ 61:1-2 ገዲሺን ዩሱሲ ኮይሮ ኦሶ ኦይኪሼ ባ ጾይጌቲላሰ ማርካ ሺሺዳ ቃላቲ ዳቴሰ።

ሃ ማጻፋይ ኦይኪዳ ኩሜላ ቆፋ

- ገደ ቆፋ 1:1-31
 ዩሁዳ ገሻሲኔ ኢሰራኤሌ ገሻሰ ኦዲዳ ከታታ 2:1—5:30
 ኢሳያስ ሃጋዘን ዲዛ ሃኖታታ 6:1—9:7
 ዩሁዳ ገሻሲኔ ኢሰራኤሌ ገሻሰ ጉጃቲዳ ሃራ ከታታ 9:8—12:6
 ሃራ ዳሬታ ቦላ ጸሳ ቂጻቲ 13:1—23:18
 ዎዬ ቦላ ዲዛ ጸሳ ዳሬሰ ሂደታ ከታ 24:1—27:13
 ጸሲ ማካሊዛ ባ ዳራ ቃጻያና ቃጻዮ 28:1—31:9

- ጸሲ ኤደሜ ቃጻዩዛዳኔ ዩሩሳላሜ አንጂዛዳ 32:1—35:10
 ኦሶሬ፣ ባቢሎኔ፣ ካዎ ሂዘቂያሳኔ ኢሳያስ 36:1—39:8
 ጸሳይ ባ ዳሬ ኦሶዛዳ 40:1—48:22
 ጸሳ ኦሳንቻ 49:1—53:12
 ጸሳይ ባ ኢሚዳ ሂደታ ናገዛዳ 54:1—55:13
 ዳሬይ ወሪካ ጸሳ ባጋ ገዳናሰ ዳንዳዬሰ 56:1-8
 ዳሬ ኦይሲዛይታ ገዲ ኡቲዲ ጸሳሰ አዛዜቶንታይቲ ቃጻዬታና 56:9—59:21
 ሲንጻፌ ያናሰ ዲዛ ዩሩሳላሜ ቦንቸ ሂደታ 60:1—62:12
 ማላሊሲዛ ጸሳ ኦራላ ሜዴቴላታ 63:1—66:24

1 ዩሁዳ ካዎታ ኦዚያ፣ ኢዮኦታሜ፣ አካዜኔ ሂዘቂያሳ ካዎቴላ ዎዳ አዎጾ ና ኢሳያሲ ዩሁዳ ገሻሲኔ ዩሩሳላሜ ገሻሰ ቤኢዳ አጂታ።

ጸሳይ ባ ዳሬዛ ሴሪዳ ሴሪ
 2 ጎዳይ፣ «ሳሎቶ ሲዩቲ!
 ቢታዬ ኔካ ኤዘጋ ሲያ!
 ታኒ ናይታ ዩላዳ
 ዲቻ ጋሊን
 ኢሰቲ ታ ቦላ ማካሊዳ።

3 ቦራይ ባ ጎዳ ኤሬሰ፤
 ሃሬይ ኢዛ ጎዳይ ኢዛሰ ገግሲዳ
 ዜዴካ ኤሬሰ፤
 ኢሰራኤሌይ ገዲኮ
 ታና ኤሬና፤
 ታ ዳሬይካ አኬኬና» ገደሰ።

4 ኢንቴኖ ናጋራንቻ
 ካዎቴላቶ!
 ቆሆን ኩሚዳይቶ!
 ኢታ ኦሊዛ ዜሬላቶ!
 ኢንቴ አዎታ ቱናቴላ
 ካሊዛ ናይቶ!
 ኢንቴና አዬ አና!
 ጎዳ አጋገዴታ፤
 ኢሰራኤሌ ገሻዛ
 ዩገ አገዴታ፤
 ዘኮካ ኢዛሰ ዛሪዴታ።

5 ማካላ ቦላ ማካላ ጉጃዲ
 ኢንቴ አይሰ ዛሪ ዛሪ
 ቃጻዬቴቲ?
 ኢንቴ ሁኤይ ሙሌ ሳኬቲዳሰ፤
 ኢንቴ ዎዚናይካ ዳቡርዳሰ።

6 ሄሳ ጋሶን ሂርኪ
 ቶሆ ጸጉንጻፌ ቢዲ
 ሁኤ ኢሰኬ ገካናሰ
 ፓጻቴላ ኢንቴሰ ባዎ።
 ማዲንሳ፣ ኪጻኔ
 ኡዛሰ ጸላ ገዲዳሰ።
 ሄ ማዲንጻይ ሜጩቴቤና፤
 ቃሹቴቤና፤
 ዛይቴንካ ሹገቤና።

7 ኢንቴ ዳሬይ አይኮይ ባይንዳ
 ባዞ ገዳና፤
 ኢንቴ ካታማቲ ታማን ጸጌታና፤

- አንቲ አይፌይ ደሊሽን
 - አንቲ ቢታ አላጋይ
 - ቦንቁ ኤካና፤
 - ኢስቲ አንቲ ቢታ ቡላ ኬሳና።
- 8 ዲዮን ናያ
 - ዎይኔ ሚላ ገደን ዲዛ
 - ጋሳ ማላ፤
 - ሌሌሄ ገደን ዲዛ
 - ቄሪ ኬላ ማላኔ
 - ሞርኬይ ገደሊዳ
 - ካታማ ማላ ገደዱስ።
- 9 ኡባፌ ዋልቃማ ጎዳይ
 - ኑስ ዜሬላ አሾንታኮ፤
 - ኑኒ ሶዶማ ማላኔ
 - ጋሞራ ማላ ገደናኮሽን።
- 10 አንቲኖ ሶዶማ አይሲዛይቶ!
 - ጎዳ ቃላ ሲዩቲ፤
 - አንቲኖ ጋሞራ ዳሬቶ!
 - ኑ ጸሳ ቲሚርቲ ኤዘገ ሲዩቲ።
- 11 «አንቲ ያርሾ ዳርይ
 - ታስ አይ ኦላኔ?
 - ሃኖ ጋካናስ
 - አንቲ ታስ ሺሺዳ
 - ጸጌቲ ሸቁዛ
 - ጳርሾ አሾኔ
 - ሞጶ ሜህታ አሾ ካላዲስ፤
 - ታኒ ቦራ ሱላን፤
 - ደርሳ ሱላኒኔ
 - ዳይሻ ሱላን ኡፋዬቲኬ።
- 12 አንቲ ታስ ጎይናናስ ዪዛ ዎዳ
 - ሄሳ ኡባ አንቲ
 - ኤኪ ያና ማላኔ
 - ታ ኬላ ዛጎ
 - አንቲ ዬቆና ማላ
 - ኦኒ ኦይቺዳ?
- 13 ሃይሳፌ ጉዬ ሃይሳ
 - ሚሳቲዛ ሃዳ ያርሾ
 - ናሞኣንሎ ሺሾፍቲ፤
 - አንቲ ጨዋሲዛ ኤጸኔይ
 - ታና ሻቲስ፤
 - አገና ጾሮን፤
 - ሳሞባታ ጋላሳታኒኔ
 - አንቲ ጎይናስ ሸቁዛ ጋላሳታን
 - አንቲ ቦንቺዛ ባኣሌቲ
 - ኢታቲላን ኩሚዳ ገሻስ
 - ታኒ ሄይታ
 - ጌንጫ ኣቆናስ ዳንዳይኬ።
- 14 አገና ጾሮን
 - አንቲ ቦንቺዛ
 - ጋላሳታኔ
 - ካሴ አንቲ ዎሊዳ
 - ባኣሌ ጋላሳታ
 - ታ ሺሞፖያ ሃራሴታዲስ፤
 - ሄይቲ ታስ ዳር ዳጾ
 - ቶሆ ገዲዳ ገሻስ
 - ታ ኢስታ ቶካናስ ዳንዳይኬ።
- 15 አንቲ አንቲ ኩሽ

- ዎሳስ ታኮ ሚጨኮ
 - ታኒ ታ አይፌ አንቲፌ
 - ሃራሶ ዛራና፤
 - አንቲ ኩሽን ሱላ
 - ኩሚዳ ገሻስ
 - አንቲ ኬሂ ዎሲኮካ
 - ታ አንቲ ዎሳ ሲዩኬ።
 - 16 ሚጨቲቲ፤ አንቲና ጌሺቲ፤
 - አንቲ ኢታ ኦሶዛ
 - ታ ሲንሳፌ ዲጊቲ፤
 - ኢታ ኦሶካ አጊቲ።
 - 17 ሎኦ ኦሶ ታሚርቲ፤
 - ሱሬ ፐርዳ ኮዩቲ፤
 - ቆሄቲዳይታ ሚንሌሊቲ፤
 - ዪኦታስ ኤቁቲ፤
 - አሞኤታስ ሞቲቲቲ» ገደስ።
 - 18 ቃሴካ ጎዳይ፤ «ሃ ዩቲ
 - ኢሶይ ኢሳራ ኣኔ ቡጾቶስ፤
 - አንቲ ናጋራይ
 - ጾቃ ዞኦ ገዲኮካ
 - ሻቻ ማላ ቦታና፤
 - ሱላ ማላ ዞኢኮካ
 - ፑቶ ማላ ፑቃ ቦላ ገዳና።
 - 19 አንቲ ታስ ኤኖ ገ ኣዛዜቲኮ
 - ቢታ ኣንጅ ማና።
 - 20 አንቲ ታስ ኣካይ ገ ማካሊኮ
 - ማሻይ አንቲና ማና፤
 - ሃይሳ ዮቲዳይ
 - ታና ጎዳ» ገደስ።
- ናጋራይ ኩሚዳ ካታማዮ
- 21 ካሴ ኣሚኔቲዳ ካታማያ
 - ዋናዳ ላይማ ገዳዴ?
 - ካሴ ኢዘን ሱሬ ፐርዳይ
 - ኩሚዳራኔ
 - ጸሎቴላ ኢዘን ኩሚዳራ
 - ሃኢ ገዲኮ
 - ሺሞፖ ዎጲዛይታስ
 - ዲሳሶ ገዳዲስ።
 - 22 ሃኔ ኔ ቢራይ ሺይዴስ፤
 - ኔ ዎይኔ ኡሻይ
 - ሃላን ዬሌቲዴስ።
 - 23 ኔና ካሌሊዛይቲ
 - ማካላንቻታራኔ
 - ካይሶታራ ላጌቲዳ፤
 - ኢስቲ ኡባይካ ማጋንጾ ዶሴቲስ።
 - ማታኤካ ኬሂ ኮዬቲስ፤
 - ዪኦታስ ኣጲ ኤቁቲና፤
 - አሞኤታ ማጋና ሲዬቴና።
 - 24 ሄሳ ገሻስ ጎዳይ፤
 - ኡባፌ ዋልቃማ ጎዳ
 - ኢስራኤሌ ጸሳይ፤
 - «ታኒ ታ ሞርኬታ ቦላ
 - ታ ሃንቆ ጉሳና፤
 - ታና ኩሚዳይታ ቦላካ
 - ታኒ ሃሎ ኬሳና።
 - 25 ታኒ ታ ኩሽ

- ኔ ቦላ ዳንፋና፤
- ኔ ቦላ ዲዛ ኪንፋካ
- ታ ጌሻና፤
- ኔ ቁታካ ኔ ቦላፌ ዲጋና።
- 26 ካሴ ኔና አይሰዛይታ ማላ
- ሃራ ኔና አይሰናይታኔ
- ዘራናይታ ታኒ ኔሰ ዳንፋና፤
- ሄሳፌ ጉዬ ኔኒ፥
- «ዲሎቴሌ ዲዛ አማኔቲዳ
- ካታማዮ» ጌቲታና።
- 27 ጲዮና ሱሬ ፒርዳን፥
- ማርቴላን ሰሚዛይቲ
- ዲሎቴላን ዋዜታና።
- 28 ጊዶ አቲን ማካላንቻቲኔ
- ናጋራንቻቲ ኢሲ ቦላ ሊቃና፤
- ጸሳ አገዛይቲ ወሪካ ጳያና።
- 29 ካሴ ኢንቲ ደሲዛ ካሻታን
- ኢንቲ ዬላታና፤
- ካሴ ኢንቲ ደሪዳ አታኪልቴሶሆታን
- ኢንቲ ካወያና።
- 30 ወርሴላን ኢንቲ ቦንጮይ
- ቆኪዳ ዋላ ማላ፥
- ሃሌ ባይንዳ አታኪልቴሶሆታ
- ማላ ጊዳና።
- 31 ሚኖ አሲ ሃፓ ማላ፤
- ኢዛ ኦሶይካ ፒልኢ ጊዛ
- ላጮ ማላ ጊዳና፤
- ናምአይካ ኢሲ ቦላ ጸጌታና፤
- ሄ ታማ ቶይሳና
- አሲካ ዳና» ጊደስ።

2

ሜርና ሳር

(ሚኪ 4:1-3)

- 1 አሞጾ ና አሳያሲ የሁዳ ዳሬ ጊሻሲኔ ዩሩሳላሚ
- ካታማ ጊሻሰ ቤኢዳ አጃታይ ሃይሳ።
- 2 ዋዴ ወርሴላን ጸሳ ኬሌ
- ኢዛ ቦላ ከጾቲዳ ዙማይ
- ሃራ ዙማ ኡባፌ
- ጶቁ ቤታና።
- ዙምቡላታ ኡባፌ ጶቁ
- ጶቁ ጋና፤
- ኡባ ካዎቴላቲ
- ሄ ጎቻና።
- 3 ዳር አሳይ ዩዲ፥
- «ዋጋይ ጲዮኔፔ፥
- ጎዳ ቃላይ ዩሩሳላሚፕ
- ኬዚዛ ጊሻሰ ሃ ዩቴ!
- ጎዳ ዙማ፥
- ያቆቤ ጸሳ ኬሌ
- አኔ ፑዴ ኬዘሰ።
- ኢዚ ኮይዛይሳሉ
- ኮኒ ባና ማላ
- ኢዚ ኮና ባ ኦጌ ታማርሳና» ጋና።
- 4 ኢዚ ካዎቴላታ ጊደን ፒርዳና፤
- ዳር አሳታ ጋርሳን ዲዛ ፓላማ
- ኢዚ ዲጋና።

- ኢሰቲ ባንታ ጊላ
- ማሻ ማራሻ፥
- ባንታ ቶራካ
- ባጫ ቆጺ ኬሳና።
- ዳሬይ ዳሬ ቦላ
- ማሻ ዳንፋና፤
- ሄሳፌ ጉዬ
- ኢሰቲ ኦላ ታማሬቴና።
- 5 ኢንቴኖ ያቆቤ ዛሬቶ!
- ሃ ዩቴ!
- አኔ ጎዳ ፖኦን ሲሜሬቶስ።
- ጎዳ ጋላስ
- 6 ጎዳዉ! ኔኒ ኔ አሳ
- ያቆቤ ዛሬታ አጋዳሳ።
- ኢሰቲ አርጄይ ሞኪዛ ባጋራ ዲዛ
- አሳታ ማላ ቢታን ኩሚዳ፤
- ፊሊሰጾሜ አሳ ማላ
- ሙሬኔቴስ።
- ኢሰቲ አላጋራ ኢሲፌ ዙፔቴቴስ።
- 7 ኢሰታ ቢታን ቢራይኔ
- ዋርቃይ ኩሚዳስ፤
- ኢሰታ ዳራቴላሰ ዛዋይ ባዋ፤
- ኢሰታ ቢታን ፓራይ ኩሚዳስ፤
- ኢሰታ ፓራ-ጋሬታሰ
- ዛዋይ ዳና።
- 8 ኢሰታ ቢታን ኤቃ ጸሳቲ ኩሚዳ፤
- ባንታ ኩሼን ኦሌ ኬሲዳ
- ሚሻሰ ጎይኔቴስ።
- 9 ሄሳ ጊሻሰ አሲ ኡባይ
- ዘቁ ጋናኔ ካወያና።
- ኢሰታ ቆሆ አቶ ጎፓ።
- 10 ያሺሲዛ ጎዳ ሃንቆፌኔ
- ኢዛ ቴማፔ አታናሰ
- ዛላታኮ ቢዲ
- ቢታ ጊደን ቆቴቴቴ!
- 11 ኦቶራንቻ አይፌይ ጉካና፤
- ሞጴቲዛይቲ ካወያና፤
- ሄ ዋዴ ጎዳይ ጸላ
- ጶቁ ጶቁ ጋና።
- 12 ኡባፌ ዋልቃማ ጎዳይ
- ኦቶራንቻታ፥
- ሞጴቲዛይታኔ
- ጨቄቴዛይታ ካወሻናሰ
- ጋላስ ባሪ ዋሌዳስ።
- 13 አዲሲኔ ጶቃ ጊዲዳ
- ለባኖሴ ዚጋታኔ
- ባሳኔ ዋላታ ኡባ፥
- 14 ጊታ ዙማታኔ
- ጶቃ ዙምቡላታ ኡባ፥
- 15 ካታማ ናጊዛ
- አዲሳ ሚጸታኔ
- ካታማ ዩሾን ዲዛ
- ሚኖ ጊምቤታ ኡባ፥
- 16 ታርሴሴ ማርካቤታኔ
- ቦንቾ ዋሳሎታ ኡባ
- ኢዚ ካወሻና ዋዴይ ዳስ።
- 17 ሞጴቲዛይይ ካወያና፤

- ኦቶራንቻይ ኩንዳና፤
ሄ ጋላስ ጎዳይ ጸላ
ጶቁ ጶቁ ጋና፤
- 18 ኤቃ ጸላቲ ኡባይ
ሙሌራ ጳያና።
- 19 ጎዳይ ሃይሳ ቢታ
ቃላናስ ዴንዲዛ ዎዴ
ያሺሲዛ ጎዳ ሃንቆፊኔ
ኢዛ ቱማፔ ኣታናስ
ኣሳይ ቆቲታናስ
ሹቻ ጋርሲኔ
ኦላይ ዲዛሶ ባቃታና።
- 20 ሄ ጋላስ ኣሳይ ጎይናናስ
ሜዲዳ ባንታ ቢራ።
ዎርቃ ሚሰሌታ
ጊርሲኔ ካፎታስ ኦላና።
- 21 ጎዳይ ሃ ቢታ ቃላናስ
ዴንዲዛ ዎዴ
ኢዛ ያሺሲዛፊኔ
ኢዛ ቱማፔ ዴንዲዳይሳን
ሹቻ ጎንጎሎይኔ
ዛላ ዛኣይ ዲዛሶ ባቃታና።
- 22 ሹምፖይ ሲዴራ ኬዘን
ኣሃ ጊዲዛ ኣሳን ኣማኔቶፍቲ፤
ኣሲ ኣይ ማዳኔ?

3

- ዩሩሳሌም ቦላኔ የሁዳ ቦላ ያና ፒርዳ
- 1 ቤኢቲ፣ ጎዳይ ኡባፊ ዎልቃማ ጎዳይ
ኣሳስ ኮሺዛ ካል።
ሃሊኔ ማዶ ኡባ
ዩሩሳሌምፔኔ
የሁዳፔ ዲጋና።
- 2 ቃራታኔ ኦላንቻታ፣
ፒርዲዛይታኔ ናቤታ፣
ሙሬኒዛይታኔ ጨማታ፣
3 ሃምሳ ሃላቃታኔ ኦላ ጋዳዎታ፣
ዘራንቻታኔ ሃላንቻታ፣
ጨንጫቲላን ቢቲዛይታ
ኡባ ጳይሳና።
- 4 ታኒ ዩላጋ ናይታ
ኢስታ ቦላ ሹማና፤
ቄሪ ናይቲ ኢስታ ሃራና።
- 5 ዴሪይ ዴሪ ቦላ፣
ኣሲ ኢሶይ ኢሳ ቦላ፣
ሾርይ ሾር ቦላ፣
ዩላጋ ናይቲ ጨማታ ቦላ፣
ሹፋርይ ቦንቹቲዳይታ ቦላ
ዴንዳና።
- 6 ኣሲ ባ ኣዎ ኬላን
ባ ኣሻንታፊ ኦይኪዲ፣
«ኔስ ማይኦይ ዲዛ ጊሻስ
ኦና ካሌሊዛይሳ ጊዳ፤
ሃ ላሌቲዳ ሶሆዛ ኣዎቲላ
ኔ ኤካ» ጋና።
- 7 ሂስቲን ኢዚ ሄ ዎዴ
ባ ቃላ ጶቁ ሂስቲዲ፣
«ታኒ ኣይኮካ ማዲኬ፤

- ታሶን ማይኦይኔ ሚዛ ካሊ
ባይንዳ ጊሻስ ታና
ዴሪ ካሌሊዛይ
ሂስቶፍቲ» ጋና።
 - 8 ዩሩሳሌም ጋንዲጋራዉስ፤
የሁዳይካ ኩንዳና ማታዲስ፤
ጋሶይካ ኢስቲ
ባንታ ሃሳያኒኔ
ኦሶን ጎዳራ ኤቁቲሼ
ኢዛ ቦንቻዛ ቶቹቲስ።
 - 9 ኢስታ ኣይፊሶይ
ኢስታ ቦላ ማርካቲስ፤
ኢስቲ ሶዶሜ ኣሳ ማላ
ባንታ ናጋራ ቆቶንታ
ቆንጩን ሃሳዬቲስ፤
ኢስቲ ባንታ ቦላ ኢታ ሚሽ
ኤሂዛ ጊሻስ
ኢስታስ ኣዬ ኣና!
 - 10 ጺሎታስ፣ «ጺሎቲ ባ ሎኦ ኦሶ
ኣይፊ ማና፤
ሄሳ ጊሻስ
ኢስታስ ሎኦ ጊዳና» ጋ ዮታ።
 - 11 ኢታታስ ኣዬ ኣና!
ኢስታ ቦላ ኢታ ሚሼ ያና፤
ኣይስ ጊኮ ኢስቲ
ባንታ ኦሶ ማላ ኤካና።
 - 12 ዩላጋቲ ታ ዴራ ኤንኤሌቲስ፤
ማጫሳቲካ ኢስታ ሃራቲስ፤
ታ ዴሪዘ! ኢንቲና ካሌሊዛይቲ
ኢንቲና ባሌሊዳ፤
ኢንቲ ቢዛ ኦጌፔካ
ኢንቲና ካሬ ኬሲዳ።
- ጎዳይ ባ ኣሳ ቦላ ፒርዳና ፒርዳ
- 13 ጎዳይ ፒርዳናስ ሺሎታን ኡቲዴስ፤
ዴራ ቦላ ፒርዳናስ ዴንዲዴስ።
 - 14 ጎዳይ ዴሪ ጨማታኔ
ካሌሊዛይታ ፒርዳናስ
ኢሲ ቦላ ሺሺዲ፣
«ታኒ ዎይኔ ቶኪዛሶሆዛ
ኢሲዴታ፤
ማንቆታፔ ኢንቲ ቦንቁዳይሲ
ኢንቲ ቆልኣን ዴስ።
 - 15 ታ ዴራ ኣይስ ሜቶን ለቂሲዴቲ?
ማንቆታ ኣይስ ዩሴቲ?
ሃይሳ ዮቲዳይ ታና ጎዳ፣
ኡባፊ ዎልቃማ
ጎዳ ጸላ» ጌስ።
- ጺዮኔ ማጫሳታስ ኢሜቲዳ ሴራ
- 16 ጎዳይ፣ «ጺዮኔ ማጫሳቲ
ኦቶራቲዳ፤
ባንታ ቆዴ ዎርጺ ሂስቲሼ፣
ባንታ ኣይፊን ሶምኢ ቤሲሼ፣
ባንታ ዲጫ ቃሊሼ፣
ባንታ ቶሆን ዲዛ ሳጋዮ
ጊሪሲሼ ሂሜቲቲስ።
 - 17 ሄሳ ጊሻስ ታኒ ጎዳይ

ጸዮን ማጫሳታ ሁኔ
ጨቶን ጎኢሳና፤
ታኒ ጎዳይ ኢሰታ ሁኔ
ቦኣሳና» ጌሰ።

18 ሄ ጋላስ ጎዳይ ጸዮን ማጫሳታ ኣሌቆ ሚሻታ፣
ሄይቲካ ቶሆ ሳጋዮታ፣ ሁኔ ኣሌቆታ፣ ቆጂ ጎዘዳታ፣

19 ሃይላ ጉቲቻታ፣ ኩሼ ሳጋዮታ፣ ኣይፌሶ ካሚዛ
ቁራጩታ፣

20 ሁኔ ጎሴታ፣ ሳጋዮታ፣ ሁኔ ኣሌቆታ፣ ጸሳን
ዳንጨዛ ዳንጮታ፣ ሺቶ ቢልቃጾታ፣ ኣሼንኪታቤታ፣

21 ሰጂ ሚዲጋታ፣ ቢራጂ ሚዲጋታ፣

22 ሴሎ ማይኦታ፣ ጋርሳራ ማይኢዛ ማይኦታ፣
ካባታ፣ ኩሼ ካራጸቲታ፣

23 ሄራጋታ፣ ላይኖታ፣ ጊደራ ማይኢዛ ማይኦታ፣
ቢናና ቃቸዛ ኣሌቆታኔ ኣይፌሶ ካሚዛ ቆሌታ ኡባ
ዳፊ ኤካና።

24 ሺቶ ጸንቆን፣ ዳንጮ ዋደርን፣
ጎፋሬ ቦኣን፣

ሴሎ ማይኦ ማቃን፣
ፑላቲል ፕጌን ላማና።

25 ኢንቴሰ ኣቲማ ኣሳቲ ጌላ ማሻን፣
ኦላንቻቲ ኦላን ሃይቃና።

26 ጸዮን ፔንጌቲ
ካሎ ጋዴን ዋቆ ኡታዳ
ዩኪዛ ማጫሳ ማላ
ዩካናኔ ዚላላና።

4

1 ሄ ዋዴ ላፑን ማጫሳቲ ኢሲ ኣዴ ኦይኪዲ፣
«ማና ካል ጊዲን
ማይኣና ማይኦ
ኮኒ ኮርካ ኮና ዳንዳያና፤
ኔ ሱንላን ጸላ
ጴይጌታና ማላ ሂሰታዳ
ኮ ካዉሻቲላ
ኮፔ ዲጋርኪ!» ጌ ዋሳና።

ዩሩሳላሜ ኦራላቲል

2 ሄ ዋዴ ጎዳ ሚላ ሃጋይ ሎኣናኔ ቦንቼታና፤
ኢሰራኤሌ ኣሳፔ ዳይሼ ኣቲዳይታሰ ሄ ቢታ ካላይ
ጨቆሲኔ ቦንቸሰ ጊዳና።

3 ጸዮንን ኣቲዳይቲ፣ ዩሩሳላሜን ዳዮንታ ኣቲዳይቲ፣
ዩሩሳላሜን ሼምገራ ፓጻ ዲሼ ጸፊቲዳ ኡባታራ፣
«ኢሰቲ ጌሻታ» ጌቲታና።

4 ጎዳይ ጸዮን ማጫሳታ ቁታ ሚጫና፤ ማዴቲ
ኡቲዳ ሱላፊ ዩሩሳላሜ ፕርዳ ኣያናኒኔ ጸጊዛ ኣያናን
ጌሻና።

5 ጎዳይ ጸዮን ዙማ ቦላኔ ሄን ሸቁዛ ኡባታ ቦላ
ጋላስ ሻራኔ ጨዋ፣ ኦማርሰ ኡጸዛ ታማ ፖኦ ኪታና፤
ጸሳ ቦንቸይ ካታማዮ ዳንካኔ ማላ ካሚ ናጋና።

6 ኢዚ ጋላሳ ኣዋ ሱሌፔ ኣሺዛ ኩዋ፣ ኡሾፔኔ
ኢራፔ ባቃቲ ኣቲዛሶሆ ጊዳና።

5

ዋይኔ ቶኪዛ ጋዴ ጊሻሰ ዮቲቲዳ ጊንጾ

1 ታኒ ታ ሰቆ ላጌዛ ጊሻሲኔ
ኢዛ ዋይኔ ቱራ

ቶኪዛሶሆ ጊሻሰ
ሰቆ ማዛሙራ ዩጸና።
ታኒ ሰቆዛ ላጌዛሰ
ኣራዳ ዙምቡላን
ዋይኔ ቱራ ቶኪዛሶሆይ ዳሰ።

2 ቢታ ቦኪዲ፣
ሹቻ ቆሪ ኬሲዲ፣
ኡባፊ ሎኢዛ
ዋይኔ ቱራ ቶኪዳሰ፤
ሂሰቲዲ ኢዛ ናጋናሰ
ሻኮ ጊግሲዳሰ፤
ዋይኔ ኡሹ ጉምኢዛሶሆ
ኦላ ቦኪ ጊግሲዳሰ።
ሄሳፊ ጉዬ ሎኦ ኣይፊ ኣይፋና
ጊዲ ናጌዳሰ፤
ጊደ ኣቲን ጫላ ጸንቂዳ
ኣይፊ ኣይፊዳሰ።

3 ሂሰቲን ታ ሰቆይ፣
«ኢንቴና ዩሩሳላሜን
ዳኢዛይቶ!
ኢንቴና ዩሁዳ ኣሳቶ!
ታፔኔ ታ ዋይኔ ቱራ
ቶኪዛ ሶሆዛፔ ጊደን
ዳኢዛ ዮኦዛ
ኣኔ ሃኢ ኢንቴ ፕርዲቲ።

4 ታኒ ታ ዋይኔ ቱራ
ሶሆዛሰ ኦሊዳይሳፊ
ሃራ ኣይ ኦላናይሲ ኣቲዴ?
ኢዚ ሎኦ ኣይፊ ኣይፋና ጋዳ
ታ ናጊሺን ኣይሰ ጫላ ጸንቂዳ
ኣይፊ ኣይፊዴ?

5 ሃኢ ታኒ ታ ዋይኔ
ቶኪዛ ጋዴዛ ቦላ
ኦላናዝ ኢንቴሰ ዮታይሰ።
ዲርሳ ሾዳና፤
ኢዚካ ዳያና ማላ ኦላና፤
ታኒ ጊምቤዛ ላላና፤
ሄ ሶሆይካ ዱሬታና።

6 ታኒ ሄ ሶሆዛ
ማጎ ቢታ ኦላና።
ሄ ቱራይ ጸንቂቲናኔ
ቡልኤቴና፤
ሂሰቲን ኪንዲቸይኔ
ኣፑንላ ኢዛን ሞካና።
ኢራይ ኢዛን ቡኮንታ ማላ፣
ታኒ ሻራታ ኣዛዛና» ጊዳሰ።

7 ኡባፊ ዋልቃማ
ጎዳ ዋይኔ ቶኪዛ ጋዴይ
ኢሰራኤሌ ኣሳ።
ዩሁዳ ኣሳይ
ኢዚ ኡፋዬቲዛ ኣታኪልቲ።
ኢሰቲ ሱራ ፕርዳ ፕርዳና
ጊዲ ናጌዳሰ፤
ጊደ ኣቲን
ሱላ ጉሲሺን ቤዩዳሰ።
ኢዚ ጸሎቴል ኮዩዳሰ፤

ጊደ ኣተን ሜቶ ዋሶ ሲዩዴስ።

- 8 ሃራታስ ሶሆይ
 ቆያናሽ ጋካናስ።
 ኩል ኩላ ቦላ ጉጂዛይቶ!
 ጋይ ጋይራ ጋላ ኦይላዲ።
 ኢንቴርካ ጸላ ቢታ ቦላ
 ኣኪ ዳኢዛይቶ!
 ኢንቴስ ኣዬ ኣና!
- 9 ኡባፌ ዋልቃማ ጎዳይ
 ታኒ ታ ሃይላራ ሲዩሺን።
 «ጊታ ኩላቲ ካይዚ ኣታና፤
 ሄ ሎኦ ኩላታን ዳኣናስ
 ኣሲ ቆያና።»
- 10 ታሙ ዋጸ ቦራታን
 ቶኪዳ ዋይኔ ኣይፊፔ
 ኢሲ ኦቶ ጊዲዛ ዋይኔ
 ኡሺ ጸላ ኩኣና፤
 ታሙ ቁንኣ ካል ዜሪን
 ኢሲ ቁንኣ ካላ
 ጸላ ኣይፋና» ጊዴስ።
- 11 ማሶሲዛ ኡሹ ኮያናስ
 ማላዶ ጉራራ ዴንዲዲ
 ዋይኔ ኡሻን
 ጸጌታና ጋካናስ።
 ሳኣ ቃሚሲዛይታስ ኣዬ ኣና!
- 12 ኢስታ ጊቢራሶሆን ማሲንቆይ።
 ዲላ። ካራቤይ። ሱሱልኤይ።
 ዋይኔ ኡሺ ዴስ፤
 ጊደ ኣተን
 ኢስቲ ጎዳ ኦሶዛስ
 ዉዴቲቤቴና፤
 ኢዚ ባ ኩሹን ኦላዳ
 ኦሶካ ቦንቲቤቴና።
- 13 ሂሰቲን ታ ዴሬይ
 ኣኩካ ቆይዳ ጊሻስ
 ዲኤቲ ባና፤
 ኢስታ ሹሜቲ ኮሻን ሃይቃና፤
 ኢስታ ዴሬ ኣሳይካ
 ሃላ ሳሞን
 ጸጌቲ ሃይቃና።
- 14 ዲፎይ ባ ጎሞፓ ኣሳዲስ፤
 ባ ዶናካ
 ዛዋፔ ቦላራ ዶያዲስ፤
 ዬሩሳላሜን ዴኢዛ
 ጊታ ኣሳቲኔ
 ሃንኮ ዴሬይ። ዋጫሚዛይታኔ
 ጉፐዛይታ ኢሲ ቦላ ሚታና።
- 15 ኣሲ ኡባይ ቶሹታናኔ
 ካዉያና፤
 ኦቶሪንታቲ ኡባይ ዬላታና።
- 16 ጊደ ኣተን ኡባፌ
 ዋልቃማ ጎዳይ።
 ሱሬ ፐርዳን
 ቶቁ ቶቁ ጋና፤
 ጌሻ ጸሳይ
 ባ ጌሻቴላ

- 17 ሄ ዋዴ ዶርሳቲ
 ባንታ ቆሮን
 ሄሜቲዛ ማላ ሄሜታና፤
 ዶርሳ ላቃቲ ላሌቲዳ ዱሬታ
 ኩላታ ሶሆን ማታ ማና።
- 18 ጨሞ ዋዶሮን ናጋራ
 ጎቹዛይታስ።
 ፓራ-ጋራ ዋዶሮን ኢታቴላ
 ጎቹዛይታስ ኣዬ ኣና!
- 19 «ኩኒ ኩ ኣይፊራ ቤኣና ማላ
 ኣኔ ጸሲ ኤሌሎ!
 ባ ኦሶካ ኤሶሶ!
 ኩኒ ኤራና ማላ
 ኢሰራኤሌ ጌሻይ
 ቆፒዳ ቆፋይ
 ማታን ፖሌቶ»
 ጊዛይታስ ኣዬ ኣና!
- 20 ኢታ ሎኦ። ሎኦዛ ኢታ ጊዛይታስ።
 ቆማ ፖኦ
 ፖኦዛ ቆማ ኦሊዛይታሲኔ
 ጨሚዛይሳ ማልኦ።
 ማልኢዛይሳ ጨሞ
 ኦሊዛይታስ ኣዬ ኣና!
- 21 ባንታና ባርካ።
 «ታኒ ኣቶ ኤራንቻ!
 ታኒ ቃራ ጊዲኪና!»
 ጊ ቆፐዛይታስ ኣዬ ኣና!
- 22 ዋይኔ ኡሻን ኤሬቲዳይታሲኔ
 ማሶሲዛ ኡሹ ዋላካናስ
 ጎቢዛይታስ ኣዬ ኣና!
- 23 ማታኤ ኤኪዲ።
 ሞራንቻታ
 ጲሊሲዛይታሲኔ
 ጲሎ ኣሳታሲ ሱሬ ፐርዳ
 ዲጊዛይታስ ኣዬ ኣና!
- 24 ኢስቲ ኡባፌ ዋልቃማ ጎዳ
 ዋጋ ኢዲዳ ጊሻስ።
 ኢሰራኤሌ ጌሻ ቃላካ
 ካቆዳ ጊሻስ።
 ታማ ላጮይ
 ቡጻ ኣይኪዛ ማላኔ
 ማላ ማታይ ኤጲ ቆይዛ ማላ
 ኢስታ ጸጸይ ዋቃና፤
 ኢስታ ጨሻይካ ቡሃ ማላ
 ላሊቲ ቆያና፤
- 25 ጎዳ ሃንቆይ ኢዛ ዴራ ቦላ
 ኤጲ ኩኢዴስ፤
 ኢዚ ባ ኩሹ ዴንላዲ
 ኢስታ ሹጨዴስ።
 ዙማቲ ቃጲዳ፤
 ሃይቁዳ ኣሳ ኣሃይ
 ኣኔ ቦላ ፐቲ ዬጊዳ
 ቡራ ማላ ጊዲዴስ፤
 ሂሰቲ ፔኢንካ

ኢዛ ሃንቆይ ሲሚቤና፤
ኢዛ ኩሼይ ሃኢካ
ዳንዲዳ ማላ ዳሰ።

26 ጎዳይ ሃኩን ዳኢዛ
ካዎቴላታሰ
ማላታ ዶቃን ኤሴሰ፤
ሳኣ ጋጸን ዳኢዛ
ሞርኬታሰካ ዋይቁሰ፤
ኢሰቲካ ኤሶን ቢቻሪሽ
ፑቱ ጋና።

27 ኢሰታ ጊደን ዳቡራንቻይኔ
ዎቤይ ዳና፤
ኢሰታፊ ኢሶይኔ
ጳሰከናኔ ኢቸና።
ዳሳን ጊጸዳ ቃባቶይካ
ቢርሼቴና፤
ኢሰታ ጫማ ዳፎይካ
ዲጾና።

28 ኢሰታ ዩሻይ ሆጾ፤
ኢሰታ ዎንዳፊይካ
ዎጾቲ ኡቲዳሰ።
ኢሰታ ፓራታ ቁንጫፊሌይ
ዛላ ሹቻ ማላ፤
ኢሰታ ፓራ-ጋራታ ኤርዘይካ
ጎቲ ማላ።

29 ኢሰታ ጸጎይካ
ጋሞ ጸጎ ማላ፤
ዎዳላ ጋሞታ ማላ
ጸጌቲሰ፤
ባንታሰ ሚዛ ሚሽ
ሻንካቲ ኦይኪዲ ጸጌቲሰ፤
ኢሰቲ ኦይኪዳይሳ
ቶኪ ኤኪ ቤቲሰ፤
ኢሰታፊ ዎላ ኤካናይ
ኦኒካ ዳና።

30 ሄ ጋላሰ ኢሰቲ
ጊታ ኣባ ዳምባላ ማላ፤
ኢሰራኤሌ ቦላ ጉማና፤
ኦኒካ ዲጌ ዛሪ
ቢታ ጸሊኮ
ጳማኔ ሜቶ ቤኣና፤
ፖኦይካ ሻራን ካሜታና።

6

ናቤቲላሰ እሳያ ጸይጌቲላ

1 ካዎ ኦዚያይ ሃይቁዳ ላይሳ ጎዳይ ዶቃ ኣራታ
ቦላ ኡቲዳይሳ ቤያዲሰ፤ ኢዚ ማይኢዳ ኣፋላ
ማጫራይ ጸሳ ከላ ኩሚ ኡቲዳሰ።

2 ሱራፊሌ ጌቲቲዛ ኪታንቻቲ ኢዛ፤ ቦላራ ዳቲሰ፤
ኢሲ ኢሲ ሱራፊሌሰ ኡሱፑን ቁፊቲ ዳቲሰ፤ ናምኡ
ቁፊታን ባ ኣይፊሶ ኣይፊሶ ካሜቲሰ፤ ናምኡ ቁፊታን
ባ ቶሆ ቶሆ ካሜቲሰ፤ ናምኡ ቁፊታን ፕራዴቲሰ።

3 ኢሶይ ኢሳራ፤
«ጌሻዉ፣ ጌሻዉ፣

ጌሻዉ
ኡባፊ ዎልቃማ
ጎዳ ጸሳዉ!
ሳኣ ኡባይ

ኢዛ ቦንቸን ኩሚዳሰ» ጊዳ።

4 ኢሰታ ቃላ ጩንጉርሳፊ ዳንዲዳይሳን ጸሳ ከላሰ
ዮቻይ ቃጸዳሰ፤ ቃሴካ ጸሳ ከላ ጩዋይ ጳፒ ጊ
ኩሚዳሰ።

5 ሂሰቲን ታኒ፣ «ታኒ ደናይ ቱኒዳ ኣሳ፤ ቃሴ ደናይ
ቱኒዳ ኣሳታ ጊደን ዳኣይሰ፤ ታኒ ካዎዛ፣ ኡባፊ
ዎልቃማ ጎዳ ጸሳ ታ ኣይፊን ቤኢዳ ጊሻሰ ታሰ ኣይ
ኣና! ታ ጳያዲሰ» ጋዲሰ።

6 ሂሰቲን ሱራፊሌታፔ ኢሶይ ያርሺዛሶዛፔ ቃጸን
ታማ ቦንቆ ኤኪዲ ፕራዲሽ ታኮ ዩዳሰ።

7 ታማ ቦንቆዛን ታ ደና ቦቹዳ፣ «ቤኣ፤ ሃይሲ ታማ
ቦንቆዚ ኔ ደና ቦቹዳሰ፤ ኔ ሞርይ ኔፔ ኪቹዳሰ፤ ኔ
ናጋራይካ ቁጩቲ ኪቹዳሰ» ጊዳሰ።

8 ሄሳፊ ጉዬ ጎዳይ፣ «ኣና ኪቶ? ኑሰ ኦኔ
ኪቲታናይ?» ጊሽን ሲያዲሰ። ታኒካ ዛራዳ፣ «ሂኮ፣
ታና ኪታ» ጋዲሰ።

9 ሂሰቲን ጎዳይ፤

«ባ፤ ባዳ ሃ ኣሳሰ፣
ኣኢንቲ ሲሲ ሲዬታ፤
ጊደ ኣቲን ዩሽ ቆፔኬታ፤
ኣይፊን ጸሌታ ሺን ኣኬኬኬታ»
ጋዲ ኢሰታሰ ዮታ።

10 ሃይሳ ዳራ ዎዚና ዳሚሳ፤
ኢሰታ ሃይሳካ ቱሊሳ፤
ኢሰታ ኣይፊዛካ ቆቁሳ፤
ሂሰቶንታ ኣጊኮ
ኢሰቲ ባንታ ኣይፊን ቤኣና፤
ባንታ ሃይሳን ሲያና፤
ባንታ ዎዚናካ ኣኬካና፤
ሂሰቲዲ ኢሰቲ ታኮ
ሲሚዲ ፓጸና» ጊዳሰ።

11 ታኒካ፣ «ኣቤት ጎዳዉ!

ሃይሲ ኣይዳ ጋካናሰ
ሃናኔ?» ጋዲሰ።

ኢዚካ ዛራዲ ታሰ፣
«ካታማቲ ኢሰታን ዳኢዛ ኣሲ
ጳዩን ኢሰቲ ላሌታና
ጋካናሰ፣
ኬላቲካ ኡባይ
ካይዛና ጋካናሰኔ
ቢታይካ ሙሌራ ኣይኮይ ባይንዳ
ቡላ ጊዳና ጋካናሳ።

12 ታኒ ጎዳይ ኣሳ
ሃሳና ጋካናሳ፤
ቢታካ ኣይኮይ ባይንዳ
ባዞ ኬሳና ጋካናሳ።

13 ታሙ ኣሳፔ ኢሲ ኣሲ
ቢታ ቦላ ኣቲኮ፣
ኢዚካ ጳያና፤
ቃንጸ ዩጊን ኣቲዳ
ዎላ ዲራማ ማላ ጊዳና፤
ጌሻ ዛፊይ ሄሳሶ
ሄ ዲራማ ማላ ጊዳና» ጊዳሰ።

7

ካዎ አካዜስ ዩዳ ከታ

1 ከዚያ ና አዮአታሜይ ዩሊዳ አካዜይ ዩሁዳ ቢታን ካዎቲዳ ዎዴ ኣራሜ ቢታ ካዎ ኤራሶኒኔ ኢሰራኤሌ ቢታ ካዎ ኤሮሜሊዮ ና ፋቁሄይ ዩሩሳላሜ ኦላናሰ ከዚዳ፤ ጊዶ ኣቲን ጸናናሰ ዳንዳይቤቲና።

2 ኣራሜ ዳራይኔ ኤፍራሜ ዳራይ ኢሲ ቦላ ጊዳዲ ኦላሰ ከኢዳይሳ ዳዊቲ ዛሬፕ ካዎቲዳ ካዎይ ሲዩዳ ዎዴ ዎራ ሚሳ ጫርኮይ ቃሊዛ ማላ አካዜ ዎዚናይኔ ዳራ ዎዚናይ ቃጺዳሰ።

3 ሂሰቲን ጎዳይ አሳያሳሰ፡ «ኔኒ ኔ ና ሻአራ-ያሹቤ* ኤካዳ አካዜራ ጋይታናሰ ባዳ ማይኦ ሜጨዛይታ ጎሻኮ ኤፊዛ ኦኔ ማታን ጋና ባጋራ ዳኢዛ ኤሌ ሃላ ዛራ ጸራን ኔኒ ኢዛ ዳማና።

4 ሂሰታዳ ኢዛሰ፡ «ናጌታ፤ ዎፑ ጋ፤ ባቦፋ፤ ሃይታ ታማይ ሚሽን አቲዳ ጩዎቲዛ ዳሩማ ናምአታፕ ኣራሜሰ፡ ኤራሶኒኔ፡ ኤሮሜሊዮ ና ሃንቆሰ ሻባሬቶፋ) ጋ ዮታ።

5 ኣራሜ ቢታ አሳይ ኤፍራሜ አሳራኔ ኤሮሜሊዮ ናራ ኔ ቦላ ኢታ ሚሽ ኦላናሰ፡

6 «ኣኔ ዩሁዳ ቢታን ዎራጃሰ፤ ኣኔ ላሎሰ፤ ኣኔ ኦሰ ኦሰ ሻኬቲ ኤኪዳ ጸቢኤሌ ና ካዎሉሰ) ጊ ማቄቲዳ» ጊዳሰ።

7 ጊዶ ኣቲን ኡባ ሃሪዛ ጎዳይ፡ «ሃይሲ ሃ ኢሰታ ማቆዚ ሚኔና፤ ሙሊካ ፖሊቲና።

8 ጋሶይካ ዳማሰቆይ ኣራሜ ቢታሰ ሁኤ፤ ካዎ ኤራሶኒኔ ዳማሰቆሰ ሁኤ። ኡሱፑን ታማን ኢቻሽ ላይላ ጋርሳን ኤፍራሜ ዳራይ ላሌታና፤ ሲሚዳ ዳራ ጊዳና ዳንዳይና።

9 ቃሴ ሳማሪያይ ኤፍራሜ ቢታሰ ሁኤ፤ ኤሮሜሊዮ ናይ ሳማሪያሰ ሁኤ፤ ኢንቲ ኢንቲ አማናን ሚኒዳ ኤቆንታ ኢጸኮ ሙሊካ ኤቃናሰ ዳንዳይኮታ» ጌሰ።

አማኑኤሌ ዩሳ ቤሲዛ ማላታ

10 ቃሴካ ጎዳይ አካዜሰ፡ 11 «ጎዳይ ኔ ጸሳ ኔሰ ቦላ ሳሎፕ፡ ዎይኮ ሳኣፕ፡ ጋርሰ ጨማሬ ኢሲ ማላታ አማና ማላ ኦይቻ» ጊዳሰ።

12 አካዜይ ጊዳኮ፡ «ኦይቻኬ፤ ጎዳካ ፓጩኬ» ጊዳሰ።

13 አሳያሰ፡ «ኢንቲኖ ዳዊቲ ዛሬቶ፡ ሲዩቲ! ኢንቲ አሳ ሳሌሊዛይሲ ጉጸን ጸሰ ሳሌላናሰ ዳንዳይቲ?

14 ሂሰቲኮ ጎዳይ ባርካ ኢንቲሰ ማላታ ቤሳና፤ ጌላኦይ ሻራና፤ አቱማ ና ዩላና፤ ኢዛ ሱንሳካ፡ «አማኑኤሌ)† ጋዳ ሱንሳና።

15 ኢዚ ኢታኔ ሎኦ ሻኪ ኤሪዛ ዎዴ ሃንጋራ ማሊኔ ኤሰ ማና።

16 ጊዶ ኣቲን ናዚ ኢታኔ ሎኦ ሻኪ ኤራናፕ ሲንሳን ኔኒ ከሂ ያዩዳ ናምኡ ካዎታ ቢታቲ ኣይኮይ ባይንዳ ቡላ ጊዳና።

17 «ኤፍራሜ ቢታይ ዩሁዳ ቢታሬ ሻኬቶሶሬ ዳማን ሃይሳሬ ሲንሳን ሃኒ ኤሮንታ ዎዴ ጎዳይ ኔ ቦላ፡ ኔ ጳራ ቦላኔ ኔ አዎ ከላ ቦላ ኤሃና፤ ኢዚ ኔ ቦላ ኤሃናይሲካ ኣሶሬ ካዎ» ጊዳሰ።

18 ሄ ዎዴ ጎዳይ ሃኮ ቢታን ዲዛ ጊብጸ ሻፋፕ ኡዳንጾታ፡ ኣሶሬ ቢታሬ ማላታ ዎይቁላን ጸይጋና።

19 ኢሰቲ ኡባይካ ዩዳ ባዘ ሾባን፡ ሹቻ ጎንጎሎን፡ ኣጉንላ ቱሻኒኔ ሃላ ኦላታን ጋወኣና።

20 ሄ ዎዴ ጎዳይ ኤፊራዲሴ ሻፋ ፒንላሬ ጋርጺ ኤሂዳ ማጋላን፡ ሂሲካ ኣሶሬ ካዎይ ዩዳ ኢንቲሰ ሁኤ ቢናና፡ ኢንቲ ቡቹኔ ኢንቲ ቦላ ዲዛ ኢሰኬ ኡባ ሚዳና።

21 ሄ ዎዴ ኢሲ አሳሰ ኢሲ ኡሳ ሚዚኔ ናምኡ ዳይሻቲ ጸላ አታና።

22 ጊዳኮካ ኢሰቲ ማጺዛ ማሊ ከሂ ዳር ጊዳዳ ጊሻሰ ኢዚ ኦይሰ ማና፤ ሄ ቢታን አቲዳ አሳይ ኡባይካ ሃንጋራኔ ኤሰ ማና።

23 ሄ ዎዴ ኢሲ ሺ ቢራን ዎሹቲዛ ኢሲ ሺ ዎይኔ ቱራቲ ቶኬቲዳሶሆቲ ኡባይ ኣጉንላኔ ከንዲቾ ጸላ ጊዳና።

24 ቢታ ኡባን ከንዲቾይኔ ኣጉንላ ኩሚዳ ጊሻሰ አሳይ ሄ ቢዛ ዎዴ ዎንዳሬኔ ዩሽ ኦይኪ ባና።

25 ካሴ ጸይሌን ጎዩቲዳ ካላ ኢሚዛ ዙምቡላቲ ከንዲቾኒኔ ኣጉንሳን ኩሚዳ ጊሻሰ ያዩዳ ኢሲ ኣሲካ ሄ ቤና፤ ሜሄይኔ ዶርሲ ላኤቲዛሶ ጊዳና።

8

አሶሬ ካዎ ዩሰ

1 ጎዳይ ታና፡ «ጌታ ጸላ ዎራቃታ ኤካዳ፡ «ማሄር-ሻላል ሃሽ-ባዝ)* ጋዳ ናባቤቲዛ ፒዳሌን ጸፋ።

2 ቁሴ ኦሪያኔ ባራኪዮ ና ዛካራሳ ታሰ አማኔቲዳ ማርካታ ጊዳና ማላ ታ ኢሰታ ጸይጋና» ጊዳሰ።

3 ሄሳሬ ጉዬ ባ ማቾ ናቤይራ ኣቁዳሰ፤ ኢዛካ ሻራዳ አቱማ ና ዩላዳሰ፤ ሂሰቲን ጎዳይ ታና፡ «ኢዛ ሱንሳ፡ «ማሄር-ሻላል ሃሽ-ባዝ) ጋዳ ሱንሳ።

4 ናዚ፡ «ኣሶ! ኣዬ!» ጊ ጸይሰ ኤራናፕ ካሴ ኣሶሬ ቢታ ካዎይ ሳማሪያኔ ዳማሰቆ አቆታ ዲኢ ኤፋና» ጊዳሰ።

5 ቃሴካ ጎዳይ ታሰ፡

6 «ሃ ዳራይ ጮኡ ጊ ጎጊዛ ሴሊሆሜ ሃላታ አጊዳ ኤራሶኒኒኔ ኤሮሜሊዮ ናዛን ኡፋዬቲዳሰ።

7 ሄሳ ጊሻሰ ታኒ ጎዳይ ሚኖኔ ዎልቃማ ጊዳዳ ኤፊራዲሴ ሃላ ሃሮ፡ ኣሶሬ ካዎ ኢዛ ቱማራኔ ቦንቾዛራ ኢሰታ ቦላ ኤሃና፤ ሃላዚ ሻፋዛ ኩሚ ፖሊቻዳ

7:1 2ካዎ 16:5፤ 2ታሪ 28:5-6 * 7:3 ሻአራ-ያሹቤ፡ ሻአራ-ያሹቤ ጊዛይሳ ኢብራቂታ ሱንሳ ቢርሼላይ፡ «አማርዳይቲ ሰማና» ጌሰ። † 7:14 አማኑኤሌ፡ አማኑኤሌ ኢብራቂታ ሱንሳ ቢርሼላን ጸሲ ኦሩራ ዳሰ ጉሳ። 7:14 ማቶ 1:23 * 8:1 ማሄር-ሻላል ሃሽ-ባዝ ጉሲ ዲኣናሲኔ ቦንቃናሰ ኤሌላ።

- ቫፋ ደናን ዲዛ
ቢታ ኡባ ሚታና።
- 8 ቡሪ ኤኪዲ
ዲጌ የሁዳ ዋቆና፤
ቢታ ኩሚዲ አቆና፤
ቆጴ ጋካናሰ
ሚታና» ገደሰ።
ገደ አቲን አማኑኤሌ!
ሚጩቲዳ ኢዛ ቁፌይ
ኔ ቢታ ጋጸፔ
ጋጸ ጋካናሰ
ካሚ ኦይኪዳሰ።
- 9 አንቴኖ ካዎቴፋቶ!
አላሰ ዳንዲዲ ዋሲቴ፤
አንቴ ዲፒ ጋና፤
ሃሆ ዳሬን ዲዛይቲ ኤዘገገቴ!
አላሰካ ገጌቲቴ!
አንቴ ዲፒ ጋና፤
አላሰካ ገጌቲቴ!
አንቴ ሜቄሬታና፤
- 10 አላሰ ዘሬቲቴ፤
ገደ አቲን አንቴሰ ሱሬና፤
ሃልቾ ኩሲቴ፤
ገደ አቲን አንቴሰ ሚኔና።
ጋሶይካ ጸሳይ ኑናራ ዳሰ።
- ጎዳን አማኔቴላ
- 11 ጎዳይ ባ ሚኖ ኩሼ ታ ቦላ ዋሊዲ ታኒ ሃ አሳ
ኦጌ ካሎንታ ማላ ሴሪዳሰ፤
- 12 «ሃይሲ አሳይ፡ ለታ ማቆ»
ገ ዳይገዛ ሚሽ
አንቴ አይኮካ፡
«ለታ ማቆ» ጎፒቴ፤
አሰቲ ባቢዛይሳሰ አንቴ ባቦፍቴ፤
አዛሰ ያርኪያርኮፍቴ።
- 13 አንቴ ዲማሳና ቤሲዛይ
ኡባፌ ዋልቃማ ጎዳ ጸላ፤
አንቴ ያያናሲኔ
ኮኮራናሰ ቤሲዛይ ኢዛ።
- 14 ኢዚ ጌሻሶሆ ገዳና፤
ገደ አቲን ኢዚ
የሁዳ ቢታ አሳሲኔ
ኢሰራኤሌ ኩፋ አሳሰ
ቆጶዳ ሹቲኔ
ኩንዲሲዛ ዛላ ገዳና፤
ዬሩሳሌምን ዲዛ አሳሰ
ኢዚ ገቴኔ ዋጸማዳ ገዳና።
- 15 አሰታፌ ዳርቲ ቆጶታና፤
ኩንዲዲካ ሜቃና፤
ዋጸማዳን
ጌሊ ኦይኬታና» ገደሰ።
- 16 ማርካቴፋ ሎኤፋ ኦይካ፤
ታ ታማሬታ ገደን
ዋጋ ማታሚን ሸጫ።
- 17 ታኒ ባ ሲንሳ ያቆቤ ዛሬታፔ
ጌንሊዳ ጎዳ ናጋና፤

- ኢዛካ ሂደታ ኦላና።
- 18 ታናኔ ታሰ ጎዳይ አሚዳ ናይታ ቤኢቴ። ኮኒ
ጸዮኔ ዙማን ዲዛ ኡባፌ ዋልቃማ ጎዳፔ ኢሰራኤሌሰ
ማላታኔ ማርካ።
- 19 አሳይ አንቴና፡ «ቤሶንታዝ ታታፊቲሼኔ
ሳሱኩቲሼ ሃሳዬቲዛ ቢቲዛይታኔ ሞይቲሌ ጸይገዛይታ
ኦይቲቴ» ገኮ ዳሬይ ባ ጎዳ ኦይቻናሰ ቤሴኔ? ዳኦ
ጸሳ አገዲ ሃይቁዳይታ ኦይሸ አይሰ ኮሺዜ?
- 20 ዋጋኮኔ ማርካቴፋ ቃላኮ ቢቴ! አሰቲ ሃይሳ
ማላ ቃላ አንቴሰ ዮቶንታ አገኮ ዋንታ ፖኦይ ኢሰታሰ
ፖኦና።
- 21 አሰቲ ጩጩሼኔ ጋፊሼ ቢታ ቦላ ቶይላታና፤
አሰቲ ኩሂ ጋፊዳ ዋዳ ሃንቄታና፤ ፑዴ ጸሊዲ ባንታ
ካዎኔ ባንታ ጸሳ ቃንጋና።
- 22 ሄሳፌ ጉዬ አሰቲ ዳጌ ቢታ ጸላና፤ አሰቲ
ጸላናይሲካ ዋዬ፡ ቆማኔ ቆፒ ገዳ ባቢሲዛ ሚሽ
ጸላ፤ አሰቲ ገርዲ ገዳ ቆማን ዩጌታና።

9

- ሲንሳፌ ካዎታና ሳርቴፋ ካዎ
- 1 ጩጩሼ ዲዛይታሰ ሃይሳፌ ጉዬን ሂደታይ
ቆዩና፤ ቤኒ ዋዴ ዛቢሎኔ ቢታኔ ኒፍታሌሚ ቢታ
ካወሺዳሰ፤ ሲንሳፌ ያና ዋዴን ገዲኮ ሜዲቴራኔ አባ
ኦጌን ዳኢዛ ቢታኔ ዮርዳኖሴ ሻፋፔ ሄ ፒንሳን ዳኢዛ፡
«አይዛቤቲ ዳኢዛ ጋሊላ ቢታ» ኢዚ ቦንቻና።
- 2 ቆማን ዳኢዛ ዳሬይ
ዋልቃማ ፖኦ ቤኢዳሰ፤
ሃይቆ ኩዋ ጋርሳን ዲዛ ዳሬታሰ
ፖኦይ ፖኢዳሰ።
- 3 ኔኒ ካዎቴፋ ዳርሳዳሳ፤
አሰታሰ ኡፋይሳ ቦላ
ኡፋይሰ ጉጃዳሳ፤
አሳይ ካላ ሺሺሼኔ
ዲኢ ኤኪዳ ሚሽ ገሼቲሼ
ኡፋዬቲዛ ማላ
አሰቲካ ኔ ሲንሳን ኡፋይታና።
- 4 ካሴ ኔኒ ሚዲያሜ ቢታ
ጸኒዳ ማላ
አሰታ ዳጸዛ ቃምባራ፡
አሰታ ሃሼ ቦላ
ዋጶዳ ዲርቃኔ
አሰታ ዋዬሲ ሃሪዳ
ጉፌ ሜንሳዳሳ።
- 5 አላንቻታ ጫማይ ኡባይ፡
ሱላን ሞሬቲዳ
ማይኦ ኡባይካ
ታማን ዳኔ ገዲ ኤጸና።
- 6 ሄኮ ኑሰ ናይ ዩሌቲዳሰ!
አቲማ ናይካ ኑሰ አሜቲዳሰ!
ሃላቃቴላ
ኢዛ ሃሼ ቦላ ገዳና፤
ኢዛ ሱንሳ፡
«ማላሊሲዛ ዘራንቻ፡
ዋልቃማ ጸሳ፡
ሚርና አዋ፡
ሳርቴፋ ሃላቃ» ጌቲታና።

7 ኢዛ ካዎቲላ እኮቲላሲኔ
 ኢዛ ሳርቲላሰ ዛዋይ ዳና፤
 ሃቺፌ ደሚዲ
 ማርና ጋካናሰ
 ባ ካዎቲላ፥
 ሱሬ ፐርዳኒኔ
 ጸሎቲላን ኤሳና፤
 ሎኤላ ኦይኪዲ ማንላና፤
 ዳዊቲ ካዎቲላ ኣራታን
 ኢዚ ኡታና፤
 ዳራ ኡባ ሃራና፤
 ኡባፌ ዋልቃማ
 ጎዳ ቃናቴይ
 ሄሳ ፖላና።

ኢሰራኤል ቦላ ጸላ ሃንቆ

8 ጎዳይ ያቆቤ ዛሬታ ቦላ
 ፐርዳ ቃላ ከቲዳሰ፤
 ኢዚካ ኢሰራኤል ቦላ ፖሎታና።
 9 ኤፍሬሜኒኔ ሳማሪያን ዳኢዛ
 ዳሬ ኡባይ
 ሄሳ ጸሲ ኦሊዳይሳ ኤራና፤
 ኦቶርኒኔ
 ሞዴቲላን ዳንዲዲ፥
 10 «ጸብፔ ኦሴቲዳ
 ገምቤቲ ላሌቲዳ፤
 ኮኒ ገዲኮ
 ማሰቲዳ ሹቻን
 ዛሬ ገምባና፤
 ኤላቲ ቃንጾቲዳ፤
 ኮኒ ገዲኮ ኢሰታሶሆን
 ዚጋ ላማና» ገዳ።

11 ሄሳ ገሻሰ ጎዳይ
 ኤራሶኔ ሞርኬታ ማንላና፤
 ኢሰታ ሞርኬታ ኢሰታ ቦላ
 ዳንጹሊዲ ኤሃና።
 12 ኣርሼይ ሞኪዛ ባጋፌ
 ኣራሜ ቢታ ኣሳቲኔ
 ኣርሼይ ዉሊዛ ባጋፌ
 ፊሊሰጾሜ ቢታ ኣሳቲ
 ባንታ ዶና ሃንገዲ
 ኢሰራኤል ማታና።
 ሄሲ ኡባይ ሃኒንካ
 ጎዳ ሃንቆይ ኢርጺቤና፤
 ኢዛ ኩሼይካ
 ዳንዲዳሶፔ ሲሚቤና።

13 ዳሬዚ ገዲኮ ባና ሾጪዳ
 ጎዳኮ ሲሚቤና፤
 ኡባፌ ዋልቃማ
 ጎዳካ ኮዩቤና።

14 ሄሳ ገሻሰ
 ጎዳይ ሁኤኔ ጎይና፥
 ዛምባ ሃጋኔ ማቃ
 ኢሰራኤላፔ ኢሲ ጋላሰ ቁጻና።

15 ጨማቲኔ ቦንቸቲዳይቲ ሁኤ፤
 ዋርዶ ታማርሲዛ ናቤቲ ጎይና።

16 ሃይሳ ዳራ ካሌላዛይቲ

ባሌሌቲሰ፤
 ካሊዛ ዳሬይካ ኦገፔ
 ካሬ ኬዚዲ ቶይላቲሰ።

17 ሄሳ ገሻሰ ጎዳይ
 ናቲላ ናይታን ኡፋዬፔና፤
 ዩኦታሲኔ
 ኣምኤታሰ ቃዴፔና፤
 ኡባይካ ኢታ ኦሊዛይታኔ
 ጸላ ያሻቴላ ባይንዳይታ፤
 ኡባ ኣሳ ዶናፔ
 ሃራሲዛ ቃላይ ኬዜሰ፤
 ሄሲ ኡባይ ሃኒንካ
 ጎዳ ሃንቆይ ኢርጺቤና፤
 ኢዛ ኩሼይካ
 ዳንዲዳሶፔ ሲሚቤና።

18 ዳራ ኢታቲላ ከንዲቾኔ
 ኣፑንሳ ጸጊዛ ታማ ማላ፤
 ጳፒ ገዳ ዋራይ ጸጊፔሽን
 ኬዚዛ ጨዋ ቱሳ ማላ
 ሰቲ ገዲ ፑዳ ኬዜሰ።

19 ኡባፌ ዋልቃማ ጎዳ ሃንቆን
 ቢታይ ጸጊታና፤
 ዳሬይካ ታማን ጌሊዛ
 ማላ ማላ ገዳና፤
 ኢሻይ ኢሻሰ ቃዴፔና።

20 ኡሻቻ ባጋራ ቱጻና፤
 ገዶ ኣቲን ጋፋ ቱቁና።
 ሃዲርሳ ባጋራ ማና፤
 ገዶ ኣቲን ካሌፔና።
 ኢሶይ ኢሶይ ባ ዩሊዳ
 ናይታ ማና።

21 ሚናሴይ ኤፍሬሜ ማና፤
 ኤፍሬሜይካ ሚናሴ ማና፤
 ኢሰቲ ኢሲፌ ገዲዲ
 ዩሁዳ ቦላ ዳንዳና።

ሄሲ ኡባይ ሃኒንካ
 ጎዳ ሃንቆይ ኢርጺቤና፤
 ኢዛ ኩሼይካ ዳንዲዳሶፔ
 ሲሚቤና።

10

1 ጌላ ዋጋኔ
 ኣሰ ኡንኤላዛ ኣዋጃ
 ኬሲዛይታሰ ኣዬ ኣና!

2 ማንቆታ ፐርዳ ጌላሲዛይታሰ፥
 ኡንኤቲዳ ታ ዳሬዛ
 ፐርዳ ቦካሲዛይታሰ፥
 ኣምኤታ ኣቆታ ቦንቁዛይታሰ፥
 ዩኦታ ኣቆታ ዴቹ ሚዛይታሰ
 ኣዬ ኣና!

3 ኢንቴና ጸሞሲዛ ዋዴ
 ኢንቴ ኣዋ ጌላንዴቲ?
 ሃኮፔ ባሺ ዩዛ ዋዴ
 ኣይ ሃናንዴቲ?
 ማዶ ዳማናሰ
 ኦናኮ ባቃታንዴቲ?
 ኢንቴ ኣቆታ ኣዋን ቆታንዴቲ?

4 ቃሹቲዳ አሳራ ኢሲፌ ቃሹቴላፌ
 ሹኬቲዛ አሳራ ኢሲፌ
 ሹኬቴላፌ አቲን
 ሃራይ ኢንቴስ አታናሶይ ዳና።
 ሄሲ ኡባይ ሃንንካ
 ጎዳ ሃንቆይ ዶቹቤና፤
 ቃጸያናስ ኢዚ ባ ኩሼ
 ዳንሳ ዋሊዳስ።

አሶሬ ቦላ ያና ጸሳ ፒርዳ

5 ጎዳይ፣ «ታ ሃንቆስ ጉፊ፣
 ታ ኤሂዛ ባሻሰ
 ጸምኦ ጊዲዳ አሶሬ ቢታ
 አሳስ ኣዬ ኣና!

6 ኢሰታ አቆታ ቦንቃና ማላ፣
 ባንታስ ዲኦ
 ቡሪ ሺሻና ማላ፣
 ኢሰቲ ኦጌ ኡርቃላ
 ዬቆታና ማላ፣
 ጸስ ኤርንታ
 ካዎቴላ ቦላ ከታና።
 ታና ሃንቁሊዳ አሳ ቦላ
 ታኒ አሶሬታ ዬዳና።

7 ጊዳ አቲን አሶሬ ካዎይ
 ሃይሳ ሃልቹቤና፤
 ኢዛ ዋዚናን ሃይሳ ማላ
 ቆፋይ ዳና፤
 ኢዛ ሃልቹይ
 ዳር ካዎቴላታ
 ባሻናሲኔ
 ሙሌራ ቆይሳና።

8 ኢዚ፣ «ታ ኦላ ጋዳዋቲ ኡባቲ
 ካዎ ጊዳቴኔ?» ጊ ጩቁቴስ።

9 «ካልናይ ካርካሚሼ ማላ፣
 ሃማቴይ ኣርፋዳ ማላ፣
 ሳማሪያይካ
 ዳማስቆ ማላ ጊዳቴኔ?

10 ዬሩሳላሜኒኔ
 ሳማሪያን ዳኢዛ
 ኤቃ ሚሰሌታፔ
 ዳሪዛ ሚሰሌታ ጎይኒዛ
 ካዎቴላታ ሴራናስ
 ታኒ ታ ኩሼ ዬዳዲስ።

11 ሳማሪያ ቦላኒኔ
 ኢዚ ሚሰሌታ ቦላ
 ታ ኦላይሳዎ ዬሩሳላሜ ቦላኒ
 ኢዚ ሚሰሌታ ቦላ
 ታ ኦላኪና?» ጌስ» ጊዳስ።

12 ጎዳይ ጸዮኔ ዙማ ቦላኒ ዬሩሳላሜ ቦላ ባ ኦላና
 ኦሶ ኡባ ፖሊዳፔ ጉዬ፣ «አሶሬ ካዎ ኢዛ ዋዚና
 ኦቶሬቴላ ጊሻሰኔ ኢዚ ካቆ ኣይፊን ጸሊዛ ጊሻሰ ታ
 ኢዛ ቃጸያና» ጌስ።

13 አሶሬ ካዎይ፣
 «ሃይሳ ኡባ
 ታኒ ታ ሚኖ ቁሴን ኦላዲስ፤
 ቃሴካ ታኒ ኣቆ ኤራንቻኔ
 ኣኬካንቻ፤
 ታኒ ካዎቴላታ

ዛዎ ላላዲስ፤
 ታኒ ኢሰታ አቆታ ቦንቃ ኤካዲስ፤
 ታ ቃራቴላን
 ኢሰታ ካዎታ ካወሻዲስ።

14 አሶ ባ ኩሼ ካፎ ኬላን ዬዳዲዛ ማላ
 ታኒካ ታ ኩሼ
 ካዎቴላታ አቆታን ዬዳዲስ።
 ቃሴ ኣሶ ዶጌቲ አቲዳ
 ጸ-ጸሌታ ሺሺዛ ማላ
 ታኒካ ዳሬ ኡባ ሺሻዲስ።
 ፓላናስ ባ ቁፌ
 ሚጪዳይ ዳና፤
 ዋሳናስ ባ ዶና
 ዶይዳይ ዳና» ጊዳስ።

15 ካልታይ ባናን
 ቃንጸዛዳ ቦላ ጩቁቴዜ?
 ማጋዜይ ባና
 ጎቹዛዳ ቦላ ኦቶሬቴዜ?
 ጸምኣይ ባና ኦይኪዳ አሳ ቦላ
 ባ ሁኤ ቃላና ዳንዳይዜ?
 ጉፊይ አሶ ባይንዳ ባርካ
 ሃሚቲ ኤሪዜ?

16 ሄሳ ጊሻሰ ጎዳይ፣
 ኡባፌ ዋልቃማ ጎዳይ፣
 ዋቂዳ ኢዛ ኦላንቻታ ቦላ
 ጊልቁሲዛ ሃርጌ ዬዳና፤
 ኢዛ ቦንቆዛፔ ጋርሳራ
 ላጪዛ ታማ ዬዳና።

17 ኢሰራኤሌ ፖኦይ ታማ ጊዳና፤
 ጌሻዚካ ታማ ላጮ ጊዳና፤
 ኢሶ ጋላሳን ኢዛ ኣጉንላኔ
 ከንዲቸዛ ታማይ ማና።

18 ሃርጋንቻይ ጊልቁዲ
 ሃይቁዛ ማላ
 ባ ዎራ ቦንቆኔ
 ኣራዳ ቢታ፣
 ኣሾኔ ሼምፖ
 ሙሌራ ቆይሳና።
 19 ኢዛ ዎራን ጉላ ሚላቲ
 ጫሻ አታና፤
 ሄይታካ ቁሪ ናይ
 ቆዲ ወርሳና ዳዳዬስ።

ጫሻ አቲዳ ኢሰራኤሌ ዛሬታ
 20 ሄ ዎዳ ኢሰራኤሌ ዛሬፔ
 ጫሻ አቲዳይቲ፣
 ያቆቤ ኬላፌ አቲዳይቲ
 ሃይሳፌ ጉዬ ባንታና
 ሾጪዳይታ ቦላ ዜምፔቴና፤
 ጊዳ አቲን ጎዳን
 ኢሰራኤሌ ጌሻን
 ቲማፔ አማኔታና።

21 ጫሻ አቲዳይቲ ሲማና፤
 ያቆቤ ኬላፌ
 ጫሻ አቲዳይቲ
 ኡባፌ ዋልቃማ
 ጸሳኮ ሲማና።

22 ኔኖ ኢስራኤል! ኔ አሳይ
 አባ ሻሚንታ ማላ ጊዲኮካ
 ጫሻ አቲዳይቲ ጸላ ሲማና።
 ጸሎቴላን ኩሚዳ
 ጊታ ባሺ አዋጃቲዳሰ።

23 ጎዳይ፣ ኡባፌ ዋልቃማ
 ጎዳይ ሳኦ ኡባ ቦላን
 ኤሃና ቃቸዳ
 ባሽ ኤሃና።

አሶሬ ቦላ ያና ጸላ ፒርዳ

24 ሄሳ ጊሻሰ ጎዳይ፣ ኡባፌ ዋልቃማ ጎዳይ፣
 «ጸዮኔን ዲዛ ታ ዳሬዘ!
 ጊብጾቲ ኔ ቦላ
 ኦሊዳይሳላ
 ጉፌ ኔ ቦላ ዳንሊዳይታ
 ዱርቃን ኔና ቆጶዳ
 አሶሬ አሳሰ ባቦፋ።

25 ታ ኔ ቦላ ኤሂዳ ቁጻቴዛ
 ጉላ ዋዳ ጋርሳን ታ ኤሳና፤
 ታ ኢስታ ቦላካ
 ቦሻ ኤሃና» ጌሰ።

26 ኡባፌ ዋልቃማ ጎዳይ፣
 «ሚዲያሜ አሳ
 ሄሬቤ ዛላ አቻን
 ሸጮይሳላ
 ኢዚ ኢስታ ጸርቃፌራ ዋዳና፤
 ኢዚ ጊብጾታ ቦላ
 ኦሊዳይሳላ
 ባ ጉፌዛ
 አባ ቦላ ዳንላና።

27 ሄ ጋላሰ ኢስታ ቶሆይ
 ኔ ሃሾፔ፣
 ኢስታ ቃምባራይ
 ኔ ሞርጌፌ ኪቻና፤
 ኔ ኦርዳቴላፌ ዳንዲዳይሳን
 ኢዛ ቃምባራይ ሜቃና» ጌሰ።

ዋራጂዛይቲ ዩጊዳ ኦላ

28 ኢስቲ አያቴራ ቢዲ
 ሚጌሮኔ ካንሊ ቤቴሰ፤
 ባሰ ዲዛ ሚሻ
 ማኪማሴን ሺሼቴሰ።

29 ኢስቲ ፒኒዛሶራ አዲ ቢዲ፣
 ኮኒ ጌባን ዲንካኒ አቃና፤
 ኤራማይ ዳጋማዲሰ፤
 ሳኦሌ ካታማ
 ጊቢአይ ባቃታዲሰ።

30 ጋሊሜ ናዬ ኔ ዋሳ!
 ላይሻ ኤዘጋ ሲያ!
 ማንቆ ጊዲዳ አናቶቴ፣
 ኔ ኢዚሰ ዛር አማ።

31 ማዲሚናሃ ባቃታ ቦላ ዳዉሰ፤
 ጌባ ዳሬይ ቆቴታና
 ዋሳን ዳሰ።

32 ኢስቲ ሃቶ ኖቤ ጋካና፤

ኢስቲ ባንታ ኩሼ
 ዩሩሳላሜ ዙምቡላ ቦላ፣
 ጸዮኔ ማጫ ናይ ዙማ ቦላ
 ጨቁቴላን ማንዳና።

33 ቤኢቴ ጎዳይ፣
 ኡባፌ ዋልቃማ ጎዳይ
 ባ ጊታ ዋልቃን
 ሃጋታ ቃንጾሬላና፤
 አዲሳ ሚላቲካ
 ሸሬቲ ዋዳና፤
 ቶቁ ቶቁ
 ጊዳይቲካ ኩንዳና።

34 ጊርዲ ጊዳ ዋራካ
 ካልታራ ቁጻና፤
 ሊባኖሴ ዚጋቲካ
 ዋልቃማዛ ሲንላን ኩንዳና።

11

ሳርቴሊ ኩሚዳ ካዎቴላ

1 ኢሴዬ ዱሩማፔ
 አጫይ ፑርጫና፤
 ኢዛ ጸጸታፔ
 ኢሲ ሃጋይ አይፌ አማና።

2 ጎዳ አያናይ፣
 አቶ ኤራቴሊኔ
 አኩካ አያናይ፣ ዞሬ አያናይኔ
 ዋልቃ አያናይ፣
 ኤራቴላ አያናይኔ
 ጎዳሰ ያሺሲዛ አያናይ
 ኢዛ ቦላ ሸምፓና።

3 ጎዳሰ ያሻን ኢዚ ኡፋዬታና፤
 ባ አይፌን ቤኢዳ ማላኔ
 ባ ሃይላን
 ሲዱዳ ማላ ፒርዳና።

4 ጊዶ አቲን ሂዬሳታሰ
 ጸሎ ፒርዳና፤
 ሳኦ ቦላ ማንቆታሰ
 ሱሬ ፒርዳና፤
 ባ አንጸርሳ ጸምኣን
 ሳኦ ሸጫና፤
 ባ ዶና ፔናን
 ኢታታ ዋዳና።

5 ጸሎቴሊ ኢዛሰ
 ጸሳ ዳንጮ ጊዳና፤
 አማኔቴላይ ኢዛሰ
 ዳባላ ዳንጮ ጊዳና።

6 ካና ሱይቴይ ዶርሳ ላቃራ
 ኢሲፌ ዳና፤
 ማሄይካ ዳይሻ ላቃራ
 ኢሲፌ ኢቻና፤
 ሚዛ ማሪ፣ ጋሞ ማሪኔ
 ሞቶ ማሄይ

ኢሲፌ ሄሚታና፤
 ጉላ ናይ ኢስታ ሄማና።

7 ሚዚኔ ዛርዶይ ኢሲፌ ሄሚታና፤
 ኢስታ ማራቲካ ኢሲፌ ኢቻና፤

ጋሞይ ቦራ ማላ ሃፓ ማና።

8 ቆሚያ ናይ

ኢታ ሾሻ ኦላን ካኣና፤
ቆንሳ ዱሶንታ ናይ
ባ ኩሼ ጎፔ ሾሻ
ኦላን ዬዳና።

9 ጌሺ ጊዲዳ

ታ ዙማ ቦላ ቆሃቴና
ዎይኮ ኦኒካ ቆይና፤
ሃሌ አባ ኩሚዛ ማላ
ሳኣ ኡባይ ጎዳ ኤርን ኩማና።

ዲኤቲ ቢዳይታ ሲሞ

10 ሄ ዎዴ ኢሴዬ ዜሬሌ ካዎቴላታሰ ማላታ ጊዲ
ኤቃና፤ ካዎቴላቲ ኢዛኮ ያና፤ ኢዛ ሼምፖሶይ
ቦንቹታና።

11 ሄ ዎዴ ጎዳይ ናሞኣንላ ባ ኩሼ ሚጪዲ ኣቲዳ
ኣሳ ኣሶሬፔ፣ ፑዳሃ ጊብጸፔ፣ ዱጌሃ ጊብጸፔ፣
ቶጵያፔ፣ ኤላሚፔ፣ ሳናኦሬፔ፣ ሃማቴፔኔ ኣባ ጋጸን
ዲዛ ዳሬታፔ ሺሻና።

12 ካዎቴላታሰ ማላታ ኤሳና፤

ጶቁ ኦሊዲ ዳንላና፤
ኢሰራኤሌፔ ጎዳቲ ቢዳይታ
ዛሪ ኤሃና፤
ላሌቲዳ ዩሁዳ ኣሳ
ኦይዱ ባጋ ቢታ ጋጸፔ
ኢዚ ሺሻና።

13 ኤፍሬሚ ቃናቴቴሌ ኤቃና፤

ዩሁዳ ሞርኩቲካ
ቃንጾታና፤
ኤፍሬሚይ ዩሁዳ ቦላ
ቃናቴና፤
ዩሁዳይካ ኤፍሬሚ ኢጾና።

14 ኢሰቲ ኣርሼይ ዉሊዛ ባጋራ

ፊሊሰጾሚታ ዱጉንላ
ዎጳና፤
ናሞኣይካ ኢሲፌ ጊዲዲ
ኣርሼይ ሞኪዛ ዳሬዛ ቦንቃና፤
ኢሰቲ ኤዶሚ ቦላኔ
ሞኣቤ ቦላ
ባንታ ኩሼ ዳንላና፤
ኣሞኔ ኣሳይ ኢሰታሰ ሃሬታና።

15 ጎዳይ ኢታ ጫርኮን

ጊብጾ ኣባ ሚሊሳና፤
ኢዚ ባ ኩሼ ኤፊራዲሴ
ሻፋ ቦላ ዬዳና፤
ላፑን ኬሲ
ሻኬሬሌ ዬጋና፤
ሄሳ ጊሻሰ
ኣሳይ ቶሆፔ ጫማ
ኬሶንታ ፒናና።

16 ካሴ ኢሰራኤሌይ ጊብጾፔ

ኬዚሺን ሃኒዳይሳላ
ኣሶሬን ኣቲዳ ኣሳይ
ኬዛና ኦጌ ኢሰታሰ ጊሊሳና።

12

ሳባ ማዛሙራ

1 ሄ ዎዴ ኔኒ፣
«ኣቤት ጎዳዉ፣
ካሴ ኔ ታ ቦላ ሃንቁታዳሳ፤
ሃኢ ጊዲኮ ኔኒ
ኔ ሃንቆዛፔ ሲማዳ
ታና ሚንጼሊዳ ጊሻሰ
ታ ኔና ሳባይሰ።

2 «ቤኢቴ፣ ጸሳይ ታ ኣቶቴላ፤
ታኒ ኢዛን ኣማኔቲዛ
ጊሻሰ ባቢኬ፤
ጎዳይ፣ ጸሳይ ታሰ
ሚኖቴሌኔ ዬላ፤
ታ ኣቶቴላይ ኢዛ» ጋንዳሳ።

3 ፓሊዛ ታ ፑልቶታፔ

ሃላ ኡፋይሳን ዱቃንዳታ።

4 ሄ ዎዴ ኢንቴ ጎዳ ጋላቲቴ!
ኢዛ ሱንላካ ጸይገቴ።
ኢዚ ኦሊዳይሳ ካዎቴላታ
ጊደን ኤሪሲቴ።
ኢዛ ሱንላይ ጶቁ ጶቁ
ጊዳይሳ ኣዎጂቴ።

5 ጎዳይ ጊታ ኦሶ
ኦሊዳ ጊሻሰ
ኢዛሰ ዬጸቴ።
ሄሲ ኩሚላ ኣላሚሰ ኤሬቶ።

6 ኢንቴ ጊደን ዲዛ ኢሰራኤሌ
ጊሻይ ጊታ ጊዲዳ ጊሻሰ
ጸዮኔ ኣሳዉ ኢሊሊ ጊቴ፤
ኡፋይሳንካ ዬጸቴ» ጋንዳታ።

13

ባቢሎኔ ቦላ ዮቴቴዳ ቲንቢቴ

1 ኣሞጾ ና ኢሳያሳሰ ጎዳይ ባቢሎኔ ጊሻሰ
ቆንጪሲን ኢዚ ቤኢዳይሲ ሃይሳፌ ካሊዛይሳ፤

2 ኣይኮይ ባይንዳ ሚላ ዲዛ
ዙምቡላ ቦላ ማላታ ኤሲቴ፤
ኢንቴ ቃላ ጶቁ
ሂሰቲ ዋሲቴ፤
ኢሰታ ሹሚታ ፔንጌራ
ጌላና ማላ ማላታ ቤሲቴ።

3 ታ ጸኖን ኡፋይቲዛይታ
ታ ጌሻታ ኣዛዛዲሰ፤
ታ ሃንቆ ኢሰቲ ፖላና ማላ
ታ ኦላንቻታ ጾይጋዲሰ።

4 ዳሮ ዳሬይ ዎጫሚዛ ማላ
ዙማታ ቦላ ዎጫሚዛ
ዎጫማ ሲዪቴ!
ካዎቴላታ ጊደን
ሚቶቲዳ ዳሬይ
ፑጉሚዛ ፑጉንላ ሲዪቴ!
ኡባፌ ዎልቃማ
ጎዳይ ኦላንቻታ
ኦላሰ ሳልፊሲዳሰ።

5 ጎዳይኔ ኢዚ ባ ሃንቆ ፖሊሳናሰ

- ጎሌቲዛ ሚሻቲ
ቢታ ኡባ ጳይሳናስ
ሃሆ ቢታፌ
ሳሎታ ጋጻፔ ዪዳ።
- 6 ጎዳ ጋላሲ
ማቲዳ ጊሻስ ዩከቲ፤
ሄ ጋላሲ ኡባ ዳንዳይዛ
ጸሳ ማታፔ ባሺ ያና።
- 7 ሄሳ ጊሻስ ኩሼ ኡባይ ሲላና፤
አሳ ኡባ ዋዚናይካ ሴራና።
- 8 ኢስቲ ሺርታና፤
ኢስታ ዋዩይኔ ሜቶይ ጋካና፤
ሚጸይ ኦይኪዳ ማጫሳ ማላ
ኢስቲ ሚጸታና፤
ኢሶይ ኢሳራ ዳጋማን ጸሌታና፤
ኢስታ ኦይፌሶይ ዳጋማን
ሻላ ማይኢዳስ።
- 9 ቤኢቲ ጎዳ ጋላሳይ ሜንጾ ኢታ፤
ቢታ ማላ አሻናስ
ኢዚን ዲዛ ናጋራንቻታ
ጳይሳናስ ባሻራኔ
ጊታ ሃንቆራ ያና።
- 10 ሳሎ ጸሊንቴቲኔ
ኢስታ ቡቴቲ ፖኦ ኢሚቴና፤
ኦርሼይ ቡር
ሞኪዳ ማላ ጳማና፤
ኦጊናይካ ባ ፖኦ ኢሙኩ።
- 11 ጎዳይ፡ «ታኒ አላሚ
ኢዚ ኢታቴላ ጊሻስ
ቃጸያና፤
ኢታታካ ኢስታ
ናጋራ ጊሻስ ቃጸያና።
ታኒ ኦቶራንቻታ
ኦቶሬቴላ ሻራና፤
ሜንጾ ኢታታ ኦቶሬቴላ
ታ ካወሻና።
- 12 አቲዳ አሳቲ ሙሩታ
ዋርቃፌ ቦላራ አልኦ ጊዳና፤
ኦፊሬ ዋርቃፌካ አልኦ ጊዳና።
- 13 ሄሳ ጊሻስ ታኒ ኡባፌ
ዋልቃማ ጎዳይ፡
ታኒ ታ ሃንቆ ቆንጨሲዛ ዋዴ
ሳሎ ቃላና፤
ሳኦካ ኢዚ ዳኢዛሶን
ኮኮርሳና ጌሰ።
- 14 ሻንካቲዛዳፌ
ባቃቲዛ ጌኔሳ ማላ፡
ሄሚዛይይ ባይንዳ
ዶርሳ ወዴ ማላ፡
ኦሲ ኡባይ
ባ አሳኮ አሳኮ ሲማና፤
ኢሶይ ኢሶይ ባ ዳሬ ባቃታና።
- 15 ዲኤቲዳ ኡባይ ጫዳታና፤
ኦይኬቲዳ ኡባይ
ማሻን ሃይቃና።
- 16 ኢስታ ኦይፌይ ቤኢሺን

- ኢስታ ናይታ ቡሳካና፤
ኢስታ ኬላቲካ ቦንቄታና፤
ኢስታ ማቼታካ
ሃራይ ጋይታና» ጌሰ።
- 17 ቤኢቲ፡ ቢራሰ ወዴ ጎንታይታ፡
ዋርቃንካ ኡፋዬቶንታይታ
ሜዶኔ ዳሬ አሳ
ታ ኢስታ ቦላ ዳንላና።
- 18 ኢስታ ዋንዳፌቲ ዋዳላታ ወርሳና፤
ቄሪ ናይታካ ማሬቴና፤
ኢስታ ዋዚናይካ
ናይታሰ ሚሼቴና።
- 19 ካዋቴላታሰ ቦንቾ፡
ካላዳዌታሰ
ጨቆ ጊዲዳ ባቢሎኔ
ጎዳይ ሶዶሚ ማላኔ
ጋሞራ ማላ ኢዛ ሺሪ ዩጋና።
- 20 ሄ ቢታን ሙሌካ ኦሲ ዳኤና፤
ኢዚን ኡቲዛ ኦሲካ ዳና፤
ኦራቤ ኦሲካ ሄን
ባ ዲንካኔ ቶኬና፤
ሚሄ ሄሚዛይቲካ
ባንታ ወዴ
ሄን ሺሞፕሴቴና።
- 21 ጊዶ አቲን ባዘ ዶኦቲ
ሄን ኢቻና፤
ኢዚ ኬላን ዋራካናቲ ኩማና፤
ሄን ጉቶቲ ዳኦና፤
ባዘን ዳይሽ ሚሳቲዛ
ዳይዳንላቲ
ኢዚ ቦላ ጉፓና።
- 22 ኢዚ ሚጸን ጎዳሬቲ ዋሳና፤
ሎኢዛ ኢዚ ካዋቴላ
ኬላንካ
ዋራካናቲ ዋሳና፤
ኢዚ ዋዴይ ማቲዳሰ፤
ኢዚ ጋላሳይካ ኦዲቄና።

14

- ዲኤቲላፌ ኢሰራኤሌ አሳ ሲሞ
- 1 ጎዳይ ያቆቤሰ
ናሞአንሶ ቃጴታና፤
ኢሰራኤሌካ
ዛሬላዲ ዶራና።
ኢስታ ኢስታ ቢታን ዋላና፤
ኢማላቲ ዪዲ ያቆቤሶ
አሳራ ዋላኬታና።
- 2 ካዋቴላቲ ኤፊዲ
ኢስታ ኢስታ ቢታ ዛራና።
ኢሰራኤሌ አሳይ ካዋቴላታ
ባሰ ኦይኪዲ
ማጫሳኔ አቲማሳ
ኦይሌ ሂሰቲዲ
ጎዳ ቢታን ሃራና።
ባና ዲኢዳይታ ዛሪ ዲኦና፤

ባና ኡንኤሊዳይታ
ዛሪዲ ሃራና።

ባቢሎን ካዎይ ሃይቂዳይታ ቦላ ጉጃቴላ

- 3 ጎዳይ እንቴና እንቴ ዋዬ፤
ሜቶፔን ኡንኤቴላፊን
ኢታ አይሌቴላፊ
ኔና ሸምፒሲዳ ጋላሲ፤
- 4 እንቴ ባቢሎን ካዎ ቦላ
ቂልጪሽ፤ «ኡንኤሊዳይሳስ
ዎይ ዋኒ ወሪዳ?
ኢዛስ ገሪሲዳይሲ ዋኒ ኤቂዳ!»
- 5 ጎዳይ ኢታ ጸምአን
ሃሪዳይታ ካዎቴላ
ጉፊ ሜንሊዳሲ።
- 6 ካዎቴላታ
ፓጩይ ባይንዳ ሸጪዳይሳ
ቃዴታይ ባይንዳ ጎዲ ጎዲ
ቆጶዳይሳ ሜንሊዳሲ።
- 7 ቢታጎ ሳርኔ
ሸምፖ ዳማዲሰ፤
ኡፋይሳ ማዛሙሪ ዬጸወሰ።
- 8 ሃሪይ ኣቲን ዚጋቲካ፤
ለባኖሴ ጸዲቲካ
ኡፋዬቴዳ፤
ኔካ ኩንዳዳሳ፤
ሚላ ቃንጸዛዳይካ ሃይሳፊ ጉዬ
ካልታ ኑ ቦላ ዳንሌና።

- 9 «ኔኒ ዪዛ ዎይ ሲኦሌይ
ኔና ሞካናስ ገቢታዲሰ፤
ኔና ሞኪ ኤካና ማላ
ሞይቲሌታ፤
አላሜ ቦላ ዳሬ ሃሪዳይታ
ኡባታ ዳንሌላዲሰ፤
ቃሴ ካዎቴላታ ቦላ
ካዎቴዳ ካዎታ
ኢስታ አራታ፤
ዳንሳ ኤሳዲሰ።
- 10 ኢስቲ ኔሰ፤
ሳካ ኑ ማላ ዳቡራዳሳ፤
ኑ ማላካ ገዳዳሳ።
- 11 ኔ ቦንቶይ ዲላ ገሪሳራ
ዲጌ ሲኦሌ ዎዲዳሰ፤
ባዳቲ ኔሰ ጋርሳራ ሂጾቲዳ፤
ጉጸኔቲ ኔሰ ቦላራ
ማይኦ ገዳና ጋና» ጌታ።

- 12 ኔኖ ዎንታ ናዞ፤
ቶሮጃ ጸለንቴዞ፤
ኔ ዎናዳ
ሳሎፔ ዲጌ ኩንዳዲ?
ካዎቴላታ ካወሺዳ
ኔኒ ዎናዳ ዲጌ ዬጌታዲ!
- 13 ኔኒ ኔ ዎዚናን፤
«ታኒ ፑዳ ሳሎ ኬዛና፤
ታ ካዎቴላ አራታካ
ጸሳ ጸለንቴታ፤ ቦላራ
ዶቃን ዎላና፤

ዙማ ቦላ ሸቂዛሶን
እንጃቲዳ ዙማ ቦላ
ዶቃሶሆን
ታ ካዎቴላ
አራታ ቦላ ኡታና።

- 14 ታኒ ሻራቲ ዲዛ ዶቃሶሆፔካ
ፑዳ አዳና፤
ታኒ ታና ኡባፊ
ዶቃ ጸሳ ማላ
አላና» ጋዳሳ።
- 15 ገደ ኣቲን ኔኒ ሲኦሌን
ዲጌ ጪማ ኦላን ዬጌታዳሳ።
- 16 ኔና ቤኢዳይቲ ኡባይ
ቲሺ ሂስቲ ጸሊዲ
ኔና፤ «ቢታ ቃሊዳይሲኔ
ካዎቴላታ
ኮኮሪሲዳይሲ ሃይሴ?
17 ሳኣ ባዞ ኬሲዳይሲ፤
ካታማታካ ላሊዳይ፤
ዲኤቲዳይቲ ባ ዳሬ
ሲሚ ቦንታ ማላ
ዲገዳይ ሃይሴ?» ጋና።
- 18 ካዎቴላታ ካዎቴ ኡባይ
ቦንቶን ዲሰኪዳ፤
ባ ዲፎን ዲፎን ሸምፒዳ።
- 19 ኔ ገዲኮ ኮዬቶንታ ሃጋ ማላ
ዲፎፔ ዎራ ኦሌታዳሳ፤
ማሻን ጫዳቲዳይታን፤
ዲጌ ጪማ ሹቻ
ኦላን ዎዲዳይታን፤
አሳ ኩሽን ሃይቂዳይታን
ካማታዳሳ፤
ኔኒ ቶሆን ዬዴቲዳ
አሃ ማላ ገዳዳሳ።
- 20 ኔኒ ኢስታራ ዲፎን ዳካ፤
ጋሶይካ ኔ ቢታ
ባሻዳሳ፤
ኔ ዳሬዛ ኔ ዳይሳዳሳ፤
ኢታ ኦሊዳይታ ዜሬሊ
ሙሌካ አኬኬቴና።
- 21 ኢስቲ ዳንዲዲ
ቢታ ላቶንታ ማላ፤
አላሜን ባ ካታማ
ኢስቲ ኩንላንታ ማላ
ካሴ ኢስታ አዎታ ናጋራ ጋሶን
አቲማ ናይቲ
ሲፊታናሶሆ ገግሲቴ።
- 22 ኡባፊ ዎልቃማ ጎዳይ፤
«ታኒ ኢስታ ቦላ ዳንዳና፤
ሂስታዳ ኢስታ ሱንላ፤
ኢስታፊ ኣቲዳይታ፤
ኢስታ ዜሬላኔ
ዬሌታ ባቢሎንፔ ዳይሳና።
- 23 ታኒ ባቢሎን ቁጸርሳ አቆሶኔ
ጫሬ ኬሳና፤

ባሻ ፔይዳን ታኒ ኢዛ
ፒታ ቆይሳና» ጌሰ።

አሶሬ ቦላ የቴቲዳ ተንቢቲ

- 24 ኡባፌ ዋልቃማ ጎዳይ፥
«ታኒ ሃልቺዳ ማላ ፖሌታና፤
ታ ቆፒዳ ማላካ ሃናና።
- 25 ታኒ አሶሬ ታ ቢታ ቦላ ሊቁሳና፤
ታኒ ኢዛ
ታ ዙማ ቦላ ዬቆና፤
ኢዛ ቃምባራይ
ታ ዳሬዛ ቦላፌ ዳንዳና፤
ኢዛ ቶሆይካ
ኢሰታ ሃሺፔ ኪቻና»
ጊ ጫቁዳሰ።
- 26 ሳኦ ኡባሰ ቆፌቲዳ
ቆፋይ ሃይሳ፤
ካዎቴሳታ ኡባ ቦላን
ሚጩቲዳ ኩሺይ ሃይሳ።
- 27 ኡባፌ ዋልቃማ ጎዳይ
ሃይሳ ቆፒዳሰ፤
ሄሳ ኢዛ ኦኔ ዲጋናይ?
ኢዚ ባ ኩሺ ዳንሊዳሰ፤
ሄሳ ዛራናይ ኦኔ?

ፊሊሰጾሜታ ቦላ የቴቲዳ ተንቢቲ

- 28 ካዎ አካዜይ ሃይቁዳ ላይሳ ሂዘጊዛ ቃላይ
ዪዳሰ፤
- 29 ኢንቴኖ ፊሊሰጾሜ አሳቶ፥
ኢንቴና ሾጪዳ ጉፊይ
ሜቁዳ ጊሻሰ
ኡባቲ ኡፋዬቶፍቴ፤
ሾሻ ጋርሳፌ
ሃሶ ሾሽ ኬዛና፤
ኢዛ ዜሬሊካ
ጸንጌቲዛ ማርዜራ
ዲዛ ሃሶ ሾሽ ጊዳና።
- 30 ፑቲሳ ማንቆቲ
ዲሳሶ ደማና፤
ሜቶታንቻቲ
ዎፑ ጊዲ ኢቻና።
ጊዶ አቲን ታኒ ኔ ዛሬ
ኮሻን ወርሳና፤
ቃሴ ኔፔ አቲዳይታካ
ዲፒ ሂሰታና።
- 31 «ኔኖ ፔንጌዘ! ወ! ወይ ጋ፤
ኔኖ ካታማዘ! ዋሳ፤
ኢንቴኖ ፊሊሰጾሜ አሳቶ!
ኢንቴ ኡባይካ ሂርጋን ሴሪቴ!
ጋሶይካ ፑዳሃ ባጋፌ
ጩዋይ ኢንቴ ቦላ ዪዳሰ፤
ሄ ጪፍራፔ
ዲዲ አታናይ ዳና።
- 32 ሄ ካዎቴሳታፔ
ኪቲቲ ዪዛ ቃሰታኔታሰ
አይ ጊ ዛራኔ?
ሳዳይ ዲዮኔ

ሚንሊ ኤሲዳሰ፤
ዋዬ ኤኪዳ ዳሬይ
ኢዚ ጋርሳን ሺምፖሶ
ዳሚዳሰን ጊ ዛር።»

15

ሞኦቤ ቦላ የቴቲዳ ተንቢቲ

- 1 ሞኦቤ ቢታ ጊሻሰ ጎዳይ የቴቲዳ ቃላይ ሃይሳ፤
ቂራ-ሞኦቤን ዲዛ
ኤሬያ ላሌታዳሰ፤
ኢሲ ጋላሳ ኦማርሳን ዲፒ ጋዳሰ፤
ቃሴ ቂራ-ሞኦቤን ዲዛ
ቂራያ ላሌታዳሰ፤
ኢሲ ጋላሳ ኦማርሳን ዲፒ ጋዳሰ።
- 2 ዲቦኔ አሳይ ጸሳ ኬሳ ኬዚዳሰ፤
ዬካናሰ ፑዳ
ዙምቡላታ ቦላ ኬዚዳሰ፤
ሞኦቤ አሳይ ኔቦ ጊሻሴ
ሜዳባ ጊሻሰ ዋሴሰ፤
ሁኤይኔ ቡቻይ
ሚልጺ ጊ ሜዳቲዳሰ።
- 3 ኦጌይ ዲዛሶ ኡባን
ማቃ ማይኤቴሰ፤
ፖቄታ ቦላኒኔ
ዳባባይ ዲዛሶን ዬኬቴሰ፤
አፋንሳ ጉሴቴሰ።
- 4 ሃሴቦኒይኔ ኤልኤሌይ ዋሲዳ፤
ኢሰታ ዋሶይካ
ያሃጼ ጋካናሰ ሴቴቲዳሰ።
ሄሳ ጊሻሰ
ሞኦቤ ኦላንቻቲ ዋሲዳ፤
ኢሰታ ዋዚናይካ ኮኮሪዳሰ።
- 5 ታ ዋዚናይ ሞኦቤ
ጊሻሰ ዬኪዳሰ፤
ኢዚፔ ጎዳቲዳ አሳቲ
ዘአሬ ጋካናሰ፥
ኤጊላቴ-ሻሊሺያ
ጋካናሰ ባቃቲዳ፤
ኢሰቲ አፋንሳ ጉሲሺ
ፑዳ ሉሂቴ ኬዚዳ፤
ቃሴ ሆርናይሜ
ኤፊዛ ኦጌራ ቢሺ
ባንቴ ቆያናይሳሰ ዋሲዳ።
- 6 ኒሚሪሜ ሃላቲ ሚጪዳ፤
ማታይ ሹሊዳሰ፤
ጫሬቻይካ ቆይዳሰ፤
ጪሊላ ሚሺካ ቤቴና።
- 7 ሄሳ ጊሻሰ
ኢሰቲ ሃሪዳ አቆታኔ
ኢሰቲ ሺሺዳ ሃር
አሃያ ሻፋ
ቶኪ ፒንሌቴሰ።
- 8 ኢሰታ ዋሶይ
ሞኦቤ ዛዋ
ጋካናሰ ሴቴቴሰ፤

14:24 እሳ 10:5-34፤ ሲፑ 1:1—3:19፤ ሶር 2:13-15 14:28 2ካዎ 16:20፤ 2ታሪ 18:27 14:31 ኤር 47:1-7፤ ሂዚ 25:15-17፤
ኢዩ 3:4-8፤ አዋ 1:6-8፤ ሶር 2:4-7፤ ዛካ 9:5-7 15:1 እሳ 25:10-12፤ ኤር 48:1-47፤ ሂዚ 25:8-11፤ አዋ 2:1-3፤ ሶር 2:8-11

ኢስታ ዋሶይ ኤገላይሜ ጋካናስ
ኢስታ ዚላሳይካ
ቢኤሪ-ኤሊሜ ጋኤስ።

9 ዲሞና ሻፋት
ሱላን ኩሚዳ፤
ጊዲኮካ ታኒ ዲሞና ቦላ
ሄሳፌ ኣጲዛዝ ኤሃና።
ሞኣቤፔ ባቃቲዛይታ ቦላ
ቢታይን ጫሻ ኣቲዳይታ ቦላ
ጋሞ ዬዳና።

16

ሞኣቤስ ሂደታ ጳዮ

1 ባዘ ቢታፌ ሄ ፒንላን ዲዛ ሴላፔ
ዲዮኔ ማጫ ናይ ዙማን
ዳራ ሃሪዛይሳስ
ደርሳ ላቃ ዬዲቲ።

2 ባንታ ከላፌ ጎዴቲዲ
ዋዬቲዛ ካፎታ ማላ
ሞኣቤ ማጫሳቲ
ኣርናኔ ሻፋ ፑርዳን
ሄሳሶ ሃናና።

3 ሞኣቤ ኣሳይ ዩሁዳ ኣሳስ፥
«ኑስ ዘሬ ኢሚቲ፤
ኑስ ፐርዲቲ፤
ሴታ ጋላስ ኢንቲ ኤሾን
ኦማርሳ ጳማ ማላ
ኑና ካሚቲ።
ባቃቲዳይታ ቆቲቲ፤
ጎዴቲዳይታካ
ኣላ ኢሞፍቲ።

4 ሞኣቤፔ ጎዴቲዳይቲ
ኢንቲኮን ታኩቶ፤
ኢስታ ጳይሲዛይታፔ
ኢስቲ ቆቲቲ
ኣቲዛሶሆ ጊዲቲ» ጌስ።

ኤንኤላዛይሳስ ወርሴላ ያና፤
ባሺ ኣታና፤
ኦቶራንቻይ
ቢታ ቦላፌ ጳያና።

5 ኣራታይ ሲቆን ማኒስ፤
ሄ ኣራታን
ዳዊቲ ከላፌ ጊዲዳይ፥
ሱሬ ፐርዳ ኣሞቲዛይ፥
ዲሎቴላ ኤሶሲዛይ
ኢሲ ኣሲ ኣማኔቲላን
ኢዛ ቦላ ኡታና።

6 ዩሁዳ ኣሳይ፥ «ሞኣቤታ ሃላጫ፥
ኦቶራቴላኔ ሞጴቴላ፥
ጩቁቴላኔ
ካጴዛ ሲዩደስ፤
ጊደ ኣቲን ኢስታ ኦቶራቴላ
ሃዳ» ጋና።

7 ሄሳ ጊሻስ ሞኣቤቲ ዋሳና፤
ኢሲ ቦላ ሞኣቤስ ዬካና፤
ቂራ-ሄሪሴቲ ካታማ
ኣሳ ጊሻስ

የሺ ቆፐዲ
ካዮቲሼ ዬካና።
8 ሃሴቦኔ ጎሻ ጋዴቲ
ሴባማ ዋይኔ
ሚላቲ ሹሊዳ፤
ካዋቲላታ ሃሪዛይቲ
ኢያዘሪ ኣጲ ቢዲ
ባዘ ቢታ ካንሲዲ
ባንታ ጸጸ
ኣባ ጋካናስ ዬዲዳይታ
ደሪቲዳ ዋይኔ ሚላታ
ዬጴቲዳ።

9 ሴባማ ዋይኔ ሚላ ጊሻስ
ኢያዘሪ ዬኪዛ ማላ
ታኒካ ዬካይሰ፤
ሃሴቦኔ! ኤልኤሌ!
ታኒ ታ ኣፋንላን
ኢንቲና ሎዲኪሳይስ።
ጋሶይካ ኢንቲስ ሚላ ኣይፌቲ
ጋኪዳ ዋዴ ዲዛ ሆሞቦጫይኔ
ካላ ሺሺዛ ዋዴ ዲዛ
ኡፋይሲ ኣቲዳስ።

10 ኡፋይሳይኔ ኢሊሊሳይ
ኔ ኣታኪልቲይ
ዲዛሶፔ ኪቺዳስ፤
ዋይኔ ቶኪዛሶሆን ዬዲዛ
ዬላይ ዳና፤
ኢሊሲካ ኣቲዳስ።
ዋይኔ ቲራ
ጉሞኢዛሶሆይ ዳና፤
ጉሞኢዛይታ ሆሞቦጫካ
ታ ጳይሳዲስ።

11 ሄሳ ጊሻስ ታ ዋዚናይ
ሞኣቤ ጊሻስ
ቃጴታ ሚላስ ሲሳወሰ፤
ቂራ-ሄሪሴታ ጊሻስ
ታ ማራጩያ ዬካወሰ።

12 ሞኣቤይ ፑዳ
ባ ዙሞቡላ ቦላ ከዚኮካ
ዳቡራ ጸላ፤
ኢዛ ዋሳስ
ባ ኤቃ ከላ ጌሊኮካ
ጎኣይ ዳና።

13 ጎዳይ ሞኣቤ ጊሻስ ካሴቲ ዮቲዳ ቃላይ ሃይሳ።
14 ሃኢ ጊዲኮ ጎዳይ፥ ቃጸሬቲ ኦላዛ ኦሳንቻይ
ጋላስ ቆዲዛ ማላ ሞኣቤ ቦንቸይኔ ኣሳ ጩራቴላይ
ሄቭ ላይላ ጊደን ካወያና፤ ሄን ኣቲዳ ኣሳቲ ጉላታኔ
ዋልቃይ ባይንዳይታ ጊዳና።

17

ዳማስቆ ቦላኔ ኢሰራኤሌ ቦላ ጸሳ ቂጻቲ

1 ዳማስቆ ጊሻስ፥
«ቤኢቲ፥ ሃይሳፌ ሲንላን
ዳማስቆ ካታማቲላ ኣታና፤
ላሌላ ደሪ ጊዳና።

2 ኣርኤሪ ካታማቲ ካይሰ ጊዳና፤
ሜሄ ሃንላሶሆ ጊዳና፤
ኢስታ ባቢሲዛ ሚሺካ ዳና።

- 3 ገምቤቲዳ ካታማይ ኤፍሬሜፔ፥
ካዎቴላ ማታይ
ዳማስቆፌ ዳያና፤
አራሜፔ ጫሻ
አተዳይታ ቦንቾይ
ኢሰራኤሌታይሳ ማላ
ካዉያና» ጌሰ
ኡባፌ ዋልቃማ ጎዳይ።
- 4 «ሄ ዋዴ ያቆቤ
ቦንቾይ ሻሩማታና፤
ኢዛ ዋዶቴላይካ
ሹማና።
- 5 ካል ማጸዛዴይ
ኤቁዳ ካላ ሸሸዲ
ዋዶ ባ ኩሼን ማጸዛ ማላ
ኤራፋይሜ ሾባፌ ማጸዛቴዛ
ፑሹሎ ማላ ገዳና።
- 6 ዋጋራ ሚል ሾጪን
ናምኡ ዋይኮ ሄሹ አይፊቲ
ሃጋ ጼራ ቦላ አቲዛ ማላ
አይዲ ዋይኮ ኢቻሽ አይፊቲ
ዲፕ ገዳ ሃጋታ ቦላ
አቲዛ ማላ
ጉላ ሃጋቲ አታና»
ገ ጎዳ ኢሰራኤሌ
ጸሳይ ሃሳይዴሰ።
- 7 ሄ ዋዴ አሳይ
ባና ሜዲዳይሳኮ ጸላና፤
ኢሰታ አይፊይ
ኢሰራኤሌ ጌሻኮ ጸላና።
- 8 ኢሰቲ ባንታ ኩሼን አሊዳ
ያርሾሶሆታ ጸሌቴና፤
ኢሰቲ ባንታ ኤቃታሰ
ኤጻኔ ጩኣሲዛሶሆታሲኔ
ኣሼሪሰ ጎይናና ኤሲዳ
ቱሳታሰ ቦንቾ ኢሜቴና።
- 9 ሄ ዋዴ ኢሰራኤሌ አሳ ጋሶን
ቦሼቶንታ አቲዳ ሚኖ ካታማቲ
ዋራኔ አይኮይ ባይንዳሶ ገዳና።
- 10 ኔና አሽዛ ጸሳ ባላዳሳ፤
ኔ ኢዛን ቆቴታ አቲዛ
ኔ ዛላካ አኬካቤካ፤
ሄሳ ኔኔ ደሬቲዳ
አታኪልቲ ቶኪኮካ፥
ኦራላ ዜሬል ኔ ዜሪኮካ፥
11 ኔ ቶኪዳ ጋላሰ
ኢዚ ዋካና ማላ
ኔ ኦሊኮካ፥
ኔ ዜሪዳ ዋንቴላ ጋላሰ
ኢዚ ጪያና ማላ ኔ ኦሊኮካ
ሄ ካሳይ ሃርጌኒኔ
ፓጸንታ ሳኮን ሙሌራ ዳያና።
- ዋርኬ ካዎቴላታ ጸኔቴል
12 ቤኣ፥ ዳሮ አሳ ሃንቆ ገሪሲ
አባ ዳምባላ ማላ ኔ ኦሊኮካ
ቤኣ፥ አሳ ዋሶ ዳሮይ
ዋልቃማ ሃላ ማላ

- ጉሜሰ።
- 13 አሳይ ዋልቃማ
ሃላ ማላ ጉሚኮካ፥
ኢዚ ኢሰታ ሴሪኮ
ዙምቡላ ቦላራ ጫርኮን ቢዛ
ጉዲላ ማላ
ጎቴ ጫርኮይ ላሊዛ
ሃፓ ማላ ላሌታና።
- 14 ሄኮ ሳአይ ቃሚሺን
ቆፋይ ባይንዳ
ሺር ገዲዴሰ፤
ሳአይ ዋንታናፔ ካሴቲዲ
አኒካ ቤቲቤና።
ኑ አቆታ ቦንቁዳይታ፥
ኡባ ዋልቃን ኤኪዛይታ
ቃዳይ ሄሳ።

18

- ቶጵያ ቦላ ዮቴቲዳ ተንቢቲ
- 1 ቶጵያ ሻፋታ ማታን ዲዛ
ገሬቲዛ ቁፌይ ዲዛ ቢታይሰ
አዬ አና!
- 2 ሄ ቢታያ ቃስታኔታ
ሻጫፌ ኦሴቲዳ ዋጎሎን
አባ ቦላራ ሻፋፔ ሄ ፒንል
ኪታ ዬዲዛር።
ኢንቴኖ ፒላታ ቃስታኔታ!
አዲሳኔ ቦላ ሹሳ አሳታኮ፥
ሃኮኒኔ ማታን ዲዛይ
ኢሰታሰ ያዪዛ ዴሬታኮ፥
ዋልቃማኔ ቃላይ
ኤሪቶንታ ዴሬታኮ፥
ሻፋ ሃላቲ
ኢዛ ዴሬ ሻኪ ቢዛ
ካዎቴላኮ ቢቴ።
- 3 ኢንቴኖ ሳአ ቦላ ዲዛ አሰ ኡባቶ!
ዙማታ ቦላ ማላታይ ካቁቲሺን
ኢንቴ ቤኣና፤
ዛዬይ ፑኔቲሺን ኢንቴ ሲያና።
- 4 ጎዳይ ታሰ፥ «ታ ጮኡ ጋ ኡታና፤
ሴታ ጋላሰ አዋ ሴላን
ጸልቁቲዛ ሚሻ ማላ
ቦኔ ሆምቤ ማላ፥
ሻራፔ ቡኪዛ
ኢራ ማላ ገዳዳ
ታ ጸላና» ገዴሰ።
- 5 ካል ማጸዛ ዋዴፔ ካሴ
ጪሻ ዋዴይ አዲሺን፥
ጪሻይ ጋኪዲ ዋይኔይ
አይፌ አይፋና ገሺን፥
ዋይኔ ቦላ ዲዛ
ኮሾንታይሳ ጸንቃና፤
ዳዪዳ ሃጋታካ
ቃንጾሬላ ዲጋና።
- 6 ኢሰቲ ኡባይካ ዙማ ቦላ ዲዲ
ባቁ ሚዛ ካፎታሲኔ
ባዞ ደአታሰ አታና፤

ካፎቲ ቦኔ ኩሜል
ሚሼ ሻጫና፤
ባዘ ደኣቲ ባልጎ ኡባን
ሚሼ ሻጫና።

- 7 ሄ ዎዴ ጎዳሰ
ኡባፌ ዎልቃማ
ጸሳሰ ኣዲሳኔ
ሊቆ ኣሳፔ፥
ማታፔ ሃሆፔ
ያዪዛ ዴሬፔ፥
ዎልቃማኔ እዛ ቃላይ
ኤሬቶንታ ዴሬፔ፥
ሻፋቲ ሻኪ ቢዛ
ካዎቴሳፌ
እሞታይ ያና፤
ሜዴቴላ ጎዳይ ዲዛሶ
ፑዴ ጸዮኔ ዙማ ቦላ ያና።

19

ጊብጼ ቦላ የቴቲዳ ቲንቢቴ

- 1 ጊብጼ ጊሻሰ የቴቲዳ ቃላይ፥
«ቤኢቲ፥ ጎዳይ ኤሶቲዛ ሻራ
ቶጊዲ ጊብጼ ዬሰ።
ጊብጼ ኤቃ ጸሳቲ
እዛ ሲንላን ኮኮሬቴሰ፤
ጊብጼ ዎዚናይ
ኢሰታ ጊዶን ሴሬሰ» ጌሰ።

- 2 «ታኒ ጊብጼታ
አሳ አሳ ቦላ ዴንላና፤
አሻይ አሻራ፥ ሾርይ ሾርራ፥
ካታማይ ካታማራ፥
ካዎይ ካዎራ ኦሌታና።

- 3 ጊብጼታ ዎዚናይ ላቤታና፤
ታኒ ኢሰታ ሃልቾ
ሃዳ ኦላና።
ኢሰታ ኤቃ ጸሳታኔ ሞይቲሌታ፥
ቱና ኣያና ጸይጊዛይታኔ
ማርታ ዞሬ ኦይቻና።

- 4 ቃሴ ሜንጼ ኢታ ኣሳ ኩሼን
ታ ጊብጼታ ኣሳ ኢማና፤
ባቢሲዛ ካዎይ
ኢሰታ ሃራና» ጌሰ
ጎዳይ፥ ኡባፌ
ዎልቃማ ጸሳይ።

- 5 ኣባዬ ሻፋ ሃሊ ፓጫና፤
ሃሊ ጉጺ ጉጺ ሜላና።

- 6 ዛራ ሃላቲ ጸንቃና፤
ጊብጼ ካንቲቲ ሚጪ ጳያና፤
ሻጫቲኔ ጫሬ
ማታቲ ሹላና።

- 7 ኣባዬ ሻፋ ላንቄን
ሃላ ማታን ዲዛ
ሚላቲ ሹላና፤
ሻፋ ማታን ዜሬቲዳ
ካሕ ኡባይ
ጫርኮን ፒቲቲ ጳያና፤

- 8 ሞሌ ኣይኪዛይቲ ጩጫና፤
ኣባዬ ሻፋን
ጋቲሌ ዩጊዛይቲ
ኡባይ ዩካና፤
ሃላ ቦላ ባንታ
ጌቲ ዩጊዛይታ
ኡባ ዎልቃይ ኢጸና።

- 9 ፓቴቲዳ ታልባ
ሱቁዛይቲ ጳያና፤
ቃሴ ቦላ ፑቶፌ
ማይኦ ዳዲዛይቲ
ሂዶታ ቃንጸና።

- 10 ማይኦ ዳዲዛይቲ ጩጫና፤
ዳሞዛን ኣቁዛይታ
ዎዚናይ ሜቃና።

- 11 ጸኖሴ ቢታ ሃላቃቲ ኬሂ ኤያ፤
ኣዶ ኤራንቻ ጊዲዳ
ካዎ ፓርኔ ኣዶ ኤራንቻታ
ዞሬይ ሃዳ።

ፓርኔሰ፥ «ታኒ ኣዶ
ኤራንቻታፔ ኢሳ፤
ታኒ ካሴ ካዎታ ካሊዛይ»
ዋኒዲ ጌቲ?

- 12 ኢንቲ ኣዶ ኤራንቻቲ
ሃኢ ኣዎን ዲዛ?
ኡባፌ ዎልቃማ ጎዳይ
ጊብጼ ቦላ ኦላና ቆፒዳይሳ
ኣኔ ኢንቲና ቤሴቶኔ ኤሪሴቶ።

- 13 ጸኖሴ ሃላቃቲ ኤይዳ፤
ሜምፒሳ ሹሜቲ ባሌቲዳ፤
ኢዚ ዴሬ ካሌሊዛ ኤሬቲዳይቲ
ጊብጼ ኣሳ ባሌሊዳ።

- 14 ጎዳይ ኢሰታ ቦላ
ደቕዛ ኣያና ጉሲዴሰ፤
ማላቲዳ ኣሲ ባ ጮሻን
ጋንዲጋርዛ ማላ
ጊብጼይ ባ ኦሶ ኡባን
ጋንዲጋራና ማላ ኦሊዳ።

- 15 ካጩ ዎይኮ ጎይና፥
ዛምባ ዎይኮ ሻጫ
ሄይቲ ኡባይ
ጊብጼሰ ኣይኮካ ሜዴቴና።

- 16 ሄ ዎዴ ጊብጼ ኣሳይ ማጫሳ ማላ ጊዳና። ቃሴ
ኡባፌ ዎልቃማ ጎዳይ ኢሰታ ቦላ ባ ቄሴ ዴንሊዛ
ዎዴ ኢሰቲ ያሻን ኮኮራና።

- 17 ዩሁዳ ኣሳይ ጊብጼ ኣሳ ቦላ ሺር ዴንሌላና፤
ኡባፌ ዎልቃማ ጎዳይ ኢሰታ ቦላን ኦላና ሃልቕዳ
ሃልቕፌ ዴንዲዳይሳን ዩሁዳ ጊሻሰ ሲዩዳ ኡባይ
ሺርታና።

- 18 ሄ ዎዴ ጊብጼ ቢታን ዲዛ ኢቻሽ ካታማቲ
ካናኔ ቃላን ሃሳያና፤ ኡባፌ ዎልቃማ ጎዳይ ባጋ ጊዳናሰ
ጫቃና። ሄ ካታማታፔ ኢሲኒያ ባሻ ካታማ ጌቲታ
ጸይጌታና።

- 19 ሄ ዎዴ ጊብጼ ቢታን ጎዳሰ ያርሾሶይ ኦሴታና፤
ቃሴ ጊብጼ ቢታ ዛዎን ጎዳሰ ቱሲ ኤቃና።

- 20 ሄሲ ኡባፌ ዎልቃማ ጎዳሰ ጊብጼ ቢታን
ማላታኔ ማርካ ጊዳና፤ ኢሰቲ ባንታና ኡንኤሊዛይታፔ

ዳንዲዳይሳን ጎዳኮ ቀሲዛ ዎዴ ኢዚ ኢስታ ኣሺዛዴኔ ማዲዛዴ ከቲዲ ኢስታ ኣሻና።

21 ጎዳይ ባና ገብጾታስ ቆንጨሳና፤ ኢስቲካ ሄ ጋላስ ጎዳ ኤራና፤ ያርሾኒኔ ካፋ ያርሾን ኢዛ ጎይናና። ኢስቲ ጎዳስ ኣዲኔታና፤ ባ ኣዲኔቲዳይሳካ ጋፋና።

22 ጎዳይ ገብጾ ቦሻን ሾጫና፤ ዛሪዲካ ኢስታ ጋፋና፤ ኢስቲካ ጎዳኮ ሲማና፤ ኢዚካ ኢስታ ዎሳ ሲዪዲ ኢስታ ጋፋና።

23 ሄ ዎዴ ገብጾፔ ኣሶሬ ጋካናስ ዎጋ ኦጌይ ኦሴታና፤ ኣሶሬቲ ገብጾ፥ ገብጾ ኣሳይ ኣሶሬ ባና፤ ቃሴ ገብጾቲኔ ኣሶሬቲ ኢሲ ቦላ ጎይናና።

24 ሄ ዎዴ ኢሰራኤሌይ ቢታስ ኣንጆ ገዳናስ ሄሻንፉ ማራን ገብጾራኔ ኣሶሬራ ኢሲፌ ቆዳታና።

25 ኡባፌ ዎልቃማ ጎዳይ ኢስታስ፡ «ታ ዴሬ ገብጾይ፥ ታ ኩሼይ ሜዲዳ ኣሶሬይ፥ ታ ጸንጾ ኢሰራኤሌይ ኣንጆቲዳይታ ገዴቶ» ገ ኣንጃና።

20

ገብጾ ቦላኔ ቶጵያ ቦላ ዮቴቲዳ ቲንቢቲ

1 ኣሶሬ ካዎ ሳርጎኔይ ኦላ ጋዳዎ ከቲን ኣሸዶዴ ጌቴቲዛ ፊሊሰጾሜ ካታማ ኦሊ ኦይኪዳ ላይላ።

2 ሄ ዎዴ ጎዳይ ኣዎጾ ና ኢሳያሳ፡ «ማቃ ኔ ቦላፌ ቃራ፤ ኔ ጫማ ቶሆፔ ኩሳ» ገ ዮቴዴስ፤ ኢዚካ ሄሳፉ ኦሊዴስ፤ ካሎኔ ጫማይ ባይንዳ ሲሜሬቲዴስ።

3 ሄሳፌ ጎዳይ፡ «ታ ኣይሌ ኢሳያሲ ገብጾ ቦላኔ ቶጵያ ቦላ ጋካናይሳስ ማላታ ገዳና ማላ ሄሹ ላይላ ማይኦ ማይኦንታኔ ጫማ ኣሶንታ ዴኢዳ ማላ።

4 ኣሶሬ ካዎይ ገብጾፔ ዲኤቲዳ ጨማታኔ ዬላጋታ፡ ቶጵያፔ ቤቲ ዩዳይታ ካሎኔ ጫማ ኣሶንታ ኤኪ ባና፤ ኢስቲ ዲጫ ካሎ ቃሪ ዬገዲ ዬዴሬሊሼ ገብጾታ ካወሻና።

5 ቶጵያ ሂደታ ኦሊዳይቲኔ ገብጾን ጨቁቲዛይቲ ባባና ካወያና።

6 ሄ ዎዴ ኣባ ማታን ዴኢዛ ዴሬይ፡ «ካሴ ኢስቲ ጨቁቲዳይቲ፡ ኣሶሬ ካዎፔ ኣታናሲኔ ላኣ ኬዛናስ ኦ ኢስታ ገደን ቆቴቲዳይታ ኣዚ ጋኪዳኮ ኣኔ ጴሊቲ፤ ሂሰቲን ኦኒ ዋኒ ኬሲ ኤኪ ኣታኔ? ጋና » ገዴስ።

21

ባቢሎኔ ቦላ ዮቴቲዳ ቲንቢቲ

1 ኣባ ላንቄን ዲዛ ባዞ ቢታስ ዮቴቲዳ ጎዳ ቃላይ ሃይሳፌ ካሊዛይሳ።

ዲጌሃ ባጋፌ ጎቲ ጫርኮይ
ፒቲ ኤኪ ዩዛ ማላ
ዎራጂዛይ ሺር ዴንፊሊዛ
ባዞ ቢታፌ ዬስ።

2 ያሺዛ ኣጂታ ታ ቤኣዲስ፤

ኣሊ ኣሚዛይሲ
ኣሊ ኣሚስ፤
ዲኢዛይሲ ዲኤስ።
ኤላሚ ዴንዳ!
ሚዶኔ ገዳላ!
ኢዛ ጋሊዳ ዎዬ ኡባ
ታ ኤሳና።

3 ሄሳ ገሻስ ታ ጴሳይ ሳኮ ጸላላ ገዲዴስ፤ ሚጻይ ኦይኪዳ ማጫሳ ማላ ታና ሌሶይ ኦይኪዴስ፤ ታኒ ሲዪዳ ዮኦይ ታና ጋዲጋዲሲዴስ፤ ታ ቤኢዳ ዮኦን ሺርታዲስ።

4 ታ ዎዚናይ ፖዲ ገዴስ፤ ታና ያሺ ኮኮሪሲዴስ፤ ታ ኡፋይሳን ናገዳ ኦማርሳይ ታ ቦላ ሂርጋ ዩገዴስ።

5 ኢስቲ ማዳ ገግሲዳ፤ ኡቲዛሶ ገገሲዳ፤ ሚዳኔ ኡዪዳ። ኢንቴኖ ሹሚቶ ዴንዲቲ! ጎንዳሌዛ ዛይቲን ቁጩቲ!

6 ጎዳይ ታና፡ «ባ፤ ዎቹዛ ኣሰ ዎላ፤ ኢዚ ባ ቤኢዳይሳ ዮቶ።

7 ፓራን ጎሹቲዛ ፓራ-ጋሬታ ቤኢዛ ዎዴ ሃሪ ቶገዛይታ ጋሚላ ቶገዛይታ ቤኢዛ ዎዴ ኢዚ ዩሺ ቆፖ፤ ሎኤሊ ዎቾ» ገዴስ።

8 ናገዛይሲካ ዋሲሼ፡ «ጎዳወ፡ ታኒ ጋላስ ጋላስ ፓጩይ ባይንዳ ሻኮ ቦላ ኤቃዲስ፤ ኦማርስ ኡባን ታ ናገዛሶሆን ኤቃዲስ።

9 ቤኢቲ፡ ኢሲ ኣሲ ፓራታን ጎሹቲዛ ፓራ-ጋሬታን ዩዴስ፤ ሂሰቲዲ፡ «ባቢሎኔይ ኩንዲዳሲ! ኩንዲዳሲ! ኢዚ ኤቃ ጸሳ ሚሰሌቲካ ሜቆሬቲ ጋዴን ኩንዲዳ ገ ዛሪዴስ» ገ ዋሲዴስ።

10 ባሌን ቡኬቲዳ ታ ዴሬዞ! ኡባፌ ዎልቃማ ጎዳ ኢሰራኤሌ ጸሳፌ ታ ሲዪዳ ቃላ ኔስ ዮታይስ።

ኤዶሚ ቦላ ዮቴቲዳ ቲንቢቲ

11 ኤዶሚ ገሻስ ዮቴቲዳ ሚኖ ዮኦ፤ ኢሲ ኣሲ ሴይሬፔ ታና ጴይገዲ «ናገዛይሶ! ጋዴይ ዎንታናስ ኣይ ኬና ሳቲይ ኣቲዴ? ናገዛይሶ! ጋዴይ ዎንታናስ ኣይ ኬና ሳቲይ ኣቲዴ?» ገዴስ።

12 ናገዛይሲ ዛሪዲ፡ «ዎንታና፤ ገደ ኣቲን ሲሚዲ ቃማና፤

አይቻና ኮይኮ አይቸቲ፤
ጊደ አቲን ሲሚዲ
ሃ ዪቴ» ጊደሰ።

አራቤ ቦላ ዮቴቲዳ ቲንቢቴ

- 13 አራቤ ጊሻሰ ዮቴቲዳ ሚኖ ዮኦ፤
አንቴኖ ዳዳኔ ዛልአንቻቶ!
አንቴ አንቴ ጫና
ጋሜላታራ አራቤ ባዘን አቃና።
- 14 ሳሚቲዳይታሰ ሃሰ ኤሂቲ፤
አንቴኖ ቲማኔን ዲዛይቶ!
ቤቴ አሳታሰ ካሰ ኤሂቲ።
- 15 ኢሰቲ ጊላ ማሻፊኔ
ኮሆፔ ሾዴቲዳ ጊላ ማሻፊ።
ዋጾቲዳ ዋንዳፊፔኔ
ሱሊዳ ኦላፔ ባቃቲዳ።
- 16 ጎዳይ ታና። «ኮንቲራቴ ኦሳንቻ ኦሶ ጋላሲ ወሪዛ
ማላ ኢሲ ላይላ ጊደን ቁዳሪ ቦንቸይ ኡባይ ወራና።
17 ቁዳሪ ቢታን ዋንዳፊን ዲኪዛ ዋልቃማ
ኦላንቻታፔ ጉላቲ አታና፤ ሄሳ ጎዳ ኢሰራኤሌ ጸሳይ
ዮቴደሰ» ጊደሰ።

22

ዬሩሳላሚ ቦላ ዮቴቲዳ ቲንቢቴ

- 1 አጁታ ዙሌ ቦላ ዮቴቲዳ ሚኖ ዮኦ፤
አንቴና አዚ ሜቲን ኡባይ
ፖቄ ቦላ ኬዚዳቲ?
- 2 ሃኔ ዋጫማይ ኩሚዳ
ካታማዬ!
ሺርይኔ ዲርባይ
ኩሚዳ ካታማዬ!
ኔፔ ሃይቁዳይቲ
ማሻን ሃይቁቤቴና፤
ዋይኮ ኦላን ሃይቁቤቴና።
- 3 ኔና አይሲዛይቲ ኡባይ
ኢሲፊ ባቃቲዳ፤
ዋንዳፊ ዳንሶንታ
ዲሼ ዲኤቲዳ፤
ዋርኬይ ሃሆን ዲሺን
ባቃቲዳ ኡባቶ!
አንቴ ኦይኬቲዳ
ኢሲ ቦላ ቃሽቴዳታ።
- 4 ሄሳ ጊሻሰ ታኒ።
«ታፔ ሃኪቴ፤
አኔ ጫዋ ዬሆ ታ ዬካይሰ፤
ጳይዳ ታ አሳ ጊሻሰ
ታና ሚንሌላና ቆፖፍቴ» ጋዲሰ።
- 5 ጎዳይ ኡባፊ ዋልቃማ
ጸሳይ አጁታ ዙሌን ዋጫማ።
ዲርባኔ ሺር።
ዲርሳታ ላሌላኔ ዙማታኮ
ዋሶ ጋላሲ ዳሰ።
- 6 ኤላሚይ ዋንዳፊ ዪሻ ኮሆ።
ባ ፓራታኔ
ፓራ-ጋሪታ ጊግሲዳሰ፤
ቁሬይካ ባ ጎንዳሌ ኦይኪዳሰ።

- 7 ሎኦ ዙሌቲ ፓራ-ጋሪታን ኩሚዳ፤
ቶጋ አሳቲ ካታማይ
ፔንጌን ኤቁዳ።
- 8 ዩሁዳ ሚጸታ ላሊዳ፤
ሄ ዋዴ ዋራ ጊደን
ሚንጂ ኬላን ዲዛ
ኦላ ማሳራ
ኔ ጸላዳሳ።
- 9 ዳዊቲ ካታማይ
ዳር ላሌቲዳይሳ ቤኢዳታ፤
ዳጌ ባጋራ ሃሰ ኤሊሲዳታ።
- 10 ዬሩሳላሚን ዲዛ
ኬላታ ቆዲዳታ፤
ዲርሳ ኦራላናሰ
ኬላታ ላሊዳታ።
- 11 ካሴ ጋልኦ ኤሌ ሃላ ዛሪዳ።
ኢዛ ሚንጂዛሶ ናምኡ ጊምቤታፔ
ጊደን ጊግሲዳታ።
- ጊደ አቲን አንቴ ሄሳ ኦሊዳይ
ኦናኮ ኤሪቤኬታ፤ ኮይር ሃልቺ
ኦሊዳይሳ ኦኬኪቤኬታ።
- 12 ሄ ጋላሰ
ጎዳይ ኡባፊ ዋልቃማ ጸሳይ
አንቴ ዬካና ማላኔ
ዋሳና ማላ።
አንቴ ሁኔ ቢናና
ቡጫና ማላኔ
ማቃ ማይኦና ማላ ጸይጊዳሰ።
- 13 ጊደ አቲን አንጂኔ ኡፋይሰ።
ቦራኔ ቆርሾ ሹካይ።
አሾ ሙሲኔ
ዋይኔ ኡሺ ዳሰ፤
«ኦኒ ዋንቶ ሃይቃና ጊሻሰ
አኔ ሞሲኔ ኡዮሰ» ጊዳታ።
- 14 ጎዳይ ኡባፊ ዋልቃማ ጸሳይ ሃይሳፊ ካሊዛይሳ
ታሰ ቆንጨሲዳሰ፤ ኢዛካ ታ ሃይሳን ሲያዲሰ፤ «ሃይሲ
ሃ ናጋራዚ አንቴ ሃይቃና ጋካናሰ ወርሲን ወራና።»
- 15 ጎዳይ። ጎዳይ ኡባፊ
ዋልቃማ ጸሳይ።
«ባዳ ካዎ ኬላ
አላፊ ሽቢና።
- 16 ሃይሳን አይ ኦላይ?
ሃይሳ ኔሰ ዲፎ ጊጊሳናሰ።
ጳቃሶሆን ኔ ሞጌታናሶ
ዋጫናሰ። ኔ አሃይ
ኡታናሶ ዛላ ዋጫናሰ
ኦኒ ኔና አዛዚዳ?
- 17 ሃይሶ ሚኖ አዳዘ! ናጌታ፤
ጎዳይ ኔና ሚንሌ ኦይኪዳ
ባ ኩሼን ጩጩሚ ኦይኪዳ
ኦላና ሃኔሰ።
- 18 ኔና ያንባርሻ ማላ ዩሺዳ
አኮ ቢታን ኦላና፤
ኔ ጎዳ ኬላሰ
ኔ ዬላ ጊዳዳሳ፤
ኔ ሄን ሃይቃና፤
ኔ ቦንቸ ፓራ-ጋሪቲካ

ሄን አታና።
 19 ኔ ቦንቹቲዳሶፔ ታ ኔና ካወሻና፤ አላፊቴላፊካ ኔ ጎዴታና» ጋ።
 20 «ሄ ጋላስ ታኒ ኪልቁያሳ ና ታ አሽካራ ኤልያቁሜ ጸይጋና።
 21 ኔ ሴሎዛ ታ ኢዛ ማይዛና፤ ኔ ጌላ ኢዛ ጌዲሳና፤ ኔ ዳናቴላካ ታ ኢዛስ አላ ኢማና። ኢዚ ዩሩሳሌምን ዲዛ አሳሲኔ ዩሁዳ አሳስ አዋ ጌዳና።
 22 ታኒ ዳዊቲ ኩላ ቁልፔ ኢዛ ሃሼን ዋላና፤ ኢዚ ዶዩን ኦኒካ ጎርዳና፤ ኢዚ ጎርዲን ኦኒካ ዶዩና።
 23 ታኒ ኢዛ አማኔቲዛሶሆን ጳሽኬ ማላ ኤሳና፤ ኢዚ ባ አዋ ኩላስ ቦንቹ አራታ ጌዳና።
 24 ቁሪ ጸርፔ ቢዲ ባል ጋካናስ ሶን ዲዛ ሚሽ ኡባ ኮጫን ካቁዛ ማላ ኢዛ አዋ ኩላ ቦንቹ ኡባይ ናይታፔ ቢዲ ና ና ጋካናስ ኢዛ ቦላ ቃጾታና» ጌዴስ።
 25 ጎዳይ ኡባፊ ዋልቃማ ጸሳይ፡ «ሄ ጋላስ አማንሉዛሶን ኤቁዳ ጳሽኬይ ሾዴታና፤ ማቂ ዋላና፤ ኢዛ ቦላ ካቁቲዳ ኡባይ ኩንዲዲ ሜቁሬታና» ጌዴስ፤ ሃይሳ ጎዳይ ዮቲዴስ።

23

ጲርሴ ቦላ ዮቲቲዳ ተንቢቲ

1 ጲርሴ ቦላ ዮቲቲዳ ሚኖ ዮኦ፤ ጲርሴይ ዲፒ ጌ ጳይዳ ጌሻስ ታርሴሴ ማርካቤቶ ዋሲቲ፤ ኩላኔ ዋዴቤይ ባይንዳሶ ጌዳዴስ። ቆጲርሴ ቢታፊ ዋሪይ ኬዚዴስ።
 2 ኢንቴኖ ሃሩርቶ! ኢንቴኖ ዲሬቲዳ ሲዶና ዘልአንቻቶ! ጮኡ ጌቲ!
 3 ጌታ አባራ ሸሆሬፔ ጲርሴስ ካሉ ዩሰ፤ ጲርሴ አቆታይ አባዬፔ ቤቴስ፤ ኢዛ ካዋቲላታስ ዘልኤ ባቶ ጌዳዴስ።
 4 ሃኔ ሲዶና ካታማዬ! ሃኔ አባ ሚጸዬ ኔኒ ዩላታ፤ አባይ፡ «ታኒ ሚጸታቤኬ፤ ናካ ዩላቤኬ፤ አቲማ ናይታኔ ማጫ ናይታ ዲቻቤኬ» ጌዴስ።
 5 ጲርሴፔ ኬዚዛ ፓፑንላይ ጌብጾ ቢታን ሲዬቲዛ ዋዴ ኢስቲ ጩጫና።
 6 ኢንቴኖ ሃሩርቶ! ዚላሊቲ፤ ታርሴሴ ፒኒቲ።
 7 ኢዚ ቶሆይ ኢዞ ሃኮ ዴሬ ኤፊዳራ ሄን ኢዛ ኡታና ማላ ኦሉዳራ፤ ካሴ ቤኒ ካታማያ ኢንጃኔ ኡፋይሳ ካታማያ ሃኒ?

8 ካላቻ ጎዲሲዳሪ ቦላ፡ ባ ዘልአንቻታ ዳናሲዳሪ ቦላ፡ ቢታ ቦላ ቦንቹቲዳ ባይዚዛይቲኔ ላሚዛይቲ ኢዚን ዲዛ ጲርሴ ቦላ ሃይሳ ቆፒዳይ ኦኔ?
 9 ኦቶሬቲዛይታ ኡባ ቦንቹ ካወሻናስ ቃሴ ቢታ ቦላ ቶቁ ቶቁ ጌዳይታ ዘቁ ሂስታናስ ጎዳይ ኡባፊ ዋልቃማ ጸሳይ ሃልቹዴስ።
 10 ኢንቴኖ ታርሴሴ ቢታ አሳቶ! ኢንቴኖ ቴቁዛይ ባይንዳ ጌሻስ አባዬ ሻፋ ማላ ኢንቴ ቢታ ቦላን ኩሚዲ ጎጌቲ።
 11 ጎዳይ ባ ኩሼዛ አባ ቦላ ሚጫዴስ፤ ኢዚ ካዋቲላታካ ዳጋንሉዴስ፤ ካናኔ ሚጸቲ ላሌታና ማላ አዛዚዴስ።
 12 ቃሴካ፡ «ሃኔ ቆጾቲዳ ሲዶና ጌላኦ! ሃይሳፊ ጉዬ ኡፋዬቶፋ፤ ዴንዳ ቆጲርሴ ፒና፤ ሄንካ ኔ ሳር ዴማካ» ጌዴስ።
 13 ኦኔ ባቢሎኔ ቢታ ቤኢቲ፤ ሄ ቢታ አሳይ ፓሶንታ አስ ጌዲዴስ፤ አሶሪ አሳይ ኢዞ ባዞ ዶኦስ ጉፋሶ ኬሲዴስ፤ ኢስቲ ባንታ ሻኮታ ኢዚ ቦላ ጌሞቢዳ፤ ኢዚ ሚጸታ ላሊዳ፤ ቡጴቶይሲ ዶሪ ጌዲዴስ።
 14 ኢንቴኖ ታርሴሴ ማርካቤቶ፡ ዋሲቲ! ኢንቴ ሚጸይ ላሌቲዴስ።
 15 ሄ ዋዴ ጲርሴ ካታማይ ኢሲ ካዋስ ዴኦ ላይላ ኬና ላፑን ታሙ ላይላ ዶጌታና፤ ሄሳፊ ጉዬ ላይማ ማጫሳይ ጌሻስ ዩጾቲዳ ዩሉ ጲርሴ ቦላ ዩጾታና።
 16 ኢስቲ፡ «ሃኔ ዶጌቲዳ ላይማ ማጫሳዬ! ባጋና ዴንላ፤ ካታማይ ጌዴን ዩያ፤ ኔ ሃሳኤታና ማላ ባጋና ሎኤላ ሸጫ፤ ዳር ማዛሙሬ ዩጸ» ጋና።
 17 ላፑን ታሙ ላይላ ፖሌቲዳፔ ጉዬ ጎዳይ ጲርሴ ቆፓና፤ ጌዶ ኦቲን ኢዛ ካሴ ባ ላይማ ኦሶን ሲማና፤ ሳኦ ቦላ ካዋቲላታ ኡባራ ባ ላይማቴላ ዘልኤ ዘልአና።

18 ገዲኮካ ኢዛ ዳሚዳ ኡባይኔ ዋጄይ ጎዳሰ ዲማታና፤ ዳጋቴናኔ ሱዳና፤ ኢዚ ዋጄይ ጎዳ ሲንላን ዳኢዛይታሰ ፓላሂዳ ካላኔ ሎኦ ማይኦ ገዳና።

24

ጎዳይ ሳኦ ሶላ ኤሃና ቁጻቴ

- 1 በኤኢቲ! ጎዳይ ቢታ ቡላ ኬሳና፤ ሙሌራ ጳይሳና፤ ቡዴሳ ዶሬ ሂሰታና፤ ኢዚን ዲዛ ኦሳ ላላና።
- 2 ኡባ ሚሺካ ኢሲ ማላ ገዳና፤ ዳሬዛ ሶላ ሃንዛይሲ ቁሴዛ ሶላ ሃናና፤ ኣይሌ ሶላ ሃንዛይሲ ጎዳ ሶላ ሃናና፤ ኣሸካራይ ሶላ ሃንዛይሲ ጎዳቴይ ሶላ ሃናና፤ ሻሚዛይሳ ሶላ ሃንዛይሲ ባይዚዛይሳ ሶላ ሃናና፤ ታልኤ ኤከዛይሳ ሶላ ሃንዛይሲ ታልኤ ኢሚዛይሳ ሶላ ሃናና፤ ኣጮ ጨገዛይሳ ሶላ ሃንዛይሲ ኣጮ ጨገሲዛይሳ ሶላ ሃናና።
- 3 ቢታይ ሙሌራ ቡላ ገዳና፤ ሙሌራ ቦንቁታና፤ ሃ ቃላ ጎዳይ ሃሳይዳስ።

- 4 ቢታያ ሚላና፤ ኢዚን ዲዛ ኡባይ ቆካና፤ ኣላሚይ ዳቡራና፤ ቢታ ሶላ ኤሬቲዳ ገታ ኣሳቲ ዳቡራና።

- 5 ቢታይ ባ ኣሳን ቱናዲስ፤ ኢስቲ ዋጋ ሚንላዳ፤ ማራ ሞሪዳ፤ ሚርና ጫቆ ቃላ ሚንላዳ።

- 6 ሄሳ ገሻሰ ቃንጌላ ቢታ ሚስ፤ ኢዚን ዳኢዛ ዳሬቲ ባንታ ሞሮን ቃጸዬታና ቤሴስ፤ ሄሳ ገሻሰ ሳኦ ሶላ ዲዛ ኣሳቲ ጸጌቲዳ፤ ኢስታፊ ቆዳን ጉላ ኣሳቲ ኣቲዳ።

- 7 ዋይኔ ቱራይ ሚሊን ዋይኔ ኡሺ ወሪዳስ፤ ካሴ ኡፋዬቲዛ ኡባይ ጨጨዳስ።

- 8 ኡፋይሳን ካራቤ ባቃይ ጮኡ ገዳስ፤ ካኢዛይታ ሆምቦጫይካ ኤቁዳስ፤ ኡፋይሲዛ ዲላ ገሪሲ ጮኡ ገዳስ።

- 9 ሃይሳፊ ጉዬ ኢስቲ ዩጲሼ ዋይኔ ኡሹ ኡዬቴና፤ ኡሻይካ ኡዩዛይታ ጫማና።

- 10 ላሌቲዳ ካታማያ ካይዛዲስ፤ ኬላ ፔንጌቲካ ጎርዴቲዳ።

- 11 ዋይኔ ኡሻ ገሻሰ ዲቡሻን ዋሴቴስ፤ ኡፋይሲ ኡባይ ጨጨን ላሚታና፤ ሆምቦጫ ካሲ ቢታ ሶላፊ ጳይዳስ።

- 12 ካታማያ ሙሌራ ላሌታዲስ፤ ፔንጌቲካ ሚቁሪቲ ኩንዲዳ።

- 13 ዋጋራ ሚላ ኣይፊ ሾጪ ቆቆፊን ዋይኔ ሚላ ቃንጸ ኤከን ኣቲዛ ኣቲዳ ፑሹሎ ማላ ቢታ ሶላ፤ ካዋቴላታ ሶላ ሄሳላ ሃናና።

- 14 ኢስቲ ባንታ ቃላ ቶቁ ሂስቲዲ ኡፋይሳን ዩጲና፤ ኣርሼይ ወሊዛ ባጋፊ ጎዳ ገታቴላ ዮታና።

- 15 ሄሳ ገሻሰ ኣርሼይ ሞኪዛ ባጋራ ዲዛይቶ፤ ኣባን ዲዛ ሃሩሮቲ ጎዳ ኢስራኤሌ ጸሳ፤ ስጎላ ቶቁ ቶቁ ሂስቲቴ።

- 16 ቢታ ጋጸፔ፤ «ዲሎዛስ ቦንቾይ ገደ» ገዛ ማዛሙራ ኑ ሲዩዲስ፤

«ታኒ ገዲኮ ገልቃዳ ሚቁላ ኣታዲስ፤ ታና ኣዬ ኣና! ካዲዛይቲ ካዴቴስ፤ ኣላ ኢሚዛይቲ ኣላ ኢሚቴስ» ጋዲስ።

- 17 ኢንቴኖ ሳኦ ሶላን ዲዛ ኣሳቶ፤ ዳጋማይ፤ ኦላይኔ ዋጲማዳይ ኢንቴና ናጌስ።

- 18 ሳሎ ማስኮቴቲ ደዬቲዳ ገሻሰ፤ ቢታ ዮቻቲካ ቃጲዳ፤ ሺሮፔ ባቃቲዛይ ኦላን ኩንዳና፤ ኦላፊ ኬሲ ኤከዲይካ ዋጲማዳን ኦይኬታና።

- 19 ቢታይ ቃጲዳስ፤ ዛኢዳሲኔ ጳልቁቲ ዋጲዳስ።

- 20 ቢታይ ማላቲዳ ኣሳ ማላ ዩጮቲዳስ፤ ጫርኮይ ሱጊዳ ጋባ ማላ ገዳዲስ። ቢታ ማካላቴላይ ዳጲ ገዲዳ ገሻሰ ኩንዳና፤ ናምኣንላካ ሲሚ ዳንዳና።

- 21 ሄ ጋላስ ጎዳይ ሶላ ሳሎን ዲዛ ዋልቃማታ

ጋርስ ቢታ ቦላ ዲዛ
 ካዎታካ ቃጸያና።
 22 ኢስቲ ኦላን ዲዛ ቃሾ አሳ ማላ
 ኢሲ ቦላ ኡጨታና፤
 ኢስቲ ቃሾ ኬላን
 ጎርዴቲ ኡታና፤
 ዳሮ ዎዴፔ ጉዬ
 ኢስቲ ፐርዳ ኤካና ሺቃና።
 23 ኡባፌ ዎልቃማ ጎዳይ
 ጸዮኔ ዙማኒኔ
 ዬሩሳሌሜን ጨማታ ሲንላን
 ቦንቾን ካዎታና፤
 ሄ ዎዴ አገናይ ሻጴታና፤
 አዎ አይፌይካ ዩላታና።

25

ጸላሳ ሸቁዛ ጋላታ

1 አቤት ጎዳዉ!
 ኔኒ ታ ጸላ።
 ታኒ ኔና
 ቶቁ ቶቁ ሂስታና፤
 ኔ ሱንላካ ሳባና።
 ጋሶይካ ቤኒፔ ቆፊቲዳይሳ
 ማላሊሲዛ ሃኖ ኩሜላ
 አማኔቱላን አላዳሳ።
 2 ኔኒ ካታማዮ
 ሹቻ ዶሪ አላዳሳ፤
 ገምቤቲዳ ካታማዮካ
 ላላዳሳ፤
 ሃይሳፌ ሲንላን ገምቤቲዳ
 አላጋታ ካታማቲ ዴቲና፤
 ሲሚዲ ሙሌካ አሴቲቲና።
 3 ሄሳ ገሻሰ ሚኖ ዳሪቲ
 ኔና ቦንቻና፤
 ሚንጾ ኡታ ካዎቲላቲ
 ኔስ ያያና።
 4 ኔኒ ሂዬሳታሰ ዜምፖ፤
 ሜቶታንቻታሰ ሜቶ ዎዴ
 ኔኒ ዜምፖ፤
 ጎቲ ጫርኮፌ ገሚ አቲዛሶ፤
 አዎ ሴላፔ
 ኩዋቲዛሶ ገዳዳሳ።
 ጋሶይካ ሚንጾ ኡታታ ፔኖይ
 ኬላ ጎዳራ ኢጨቲዛ
 ጎቲ ጫርኮ ማላ።
 5 ባዞ ቢታ ሴላ ማላ።
 አላጋ ኦቶሬቲላ ዋሶ
 ጮኡ አላሳ።
 አዎ ሴላይ ሻራ ኩዋን
 ኢርጺዛ ማላ
 ሚንጾ ኡታታ
 ማዛሙራ ሲርጺ ጋና።
 6 ጎዳይ ኡባፌ ዎልቃማ ጸላይ
 ሃይሳ ዙማ ቦላ ዴሪ ኡባሰ
 ገዲዛ ገታ ገቢራ፤
 ሎኢ ካጺዳ ዎይኔ ኡሹ፤
 ሎኦ አሾኔ ዶሪቲዳ
 ዎይኔ ኡሹ ገገሳና።

7 ሃይሳ ሃ ዙማን
 ዴሪ ኡባ ቦላን
 ዎዴዳ ማጋላሻ፤
 ካዎቲላታ ኡባ ጎዚ
 አይኪዳ ጎሳ ኢዚ ጳይሳና።
 8 ሃይቆ ኢዚ ሜርናሰ ሚታና፤
 ኡባ ሃሪዛ ጎዳይ
 አሳ ኡባ አይፌፔ
 አፋንሉ ቁጫና፤
 ባ ዴራ ካዉሻቲላ
 ቢታ ኡባፌ ዲጋና።
 ሃይሳ ጎዳይ ሃሳይዴሰ።
 9 ሄ ጋላሰ ኢስታሰ፡ «ቤኢቲ
 ኦ ጸላይ ሃይሳ፤
 ኦኒ ኢዛን አማኔቲዳሰ፤
 ኢዚካ ኦና አሺዴሰ፤
 ሃይሲ ጎዳ፤
 ኦኒ ኢዛን አማኔቲዳሰ፤
 ኢዚ አሺዳይሳን ኡፋዬቶሰ፤
 ኡፋይሳን ሆምቦጮሰ» ጋና።

ሞአቤ ቃጸዩቲላ

10 ጎዳ ኩሼይ
 ሃ ዙማ ቦላ ሸምፓና።
 ገዶ አቲን ኡቲላይ
 ኡርቃን ዩዴቲዛ ማላ
 ሞአቤይካ ዩዴታና።
 11 ሃላ ዎዲዛይ
 ባ ኩሼ ሚጨዛ ማላ
 ኢዛ ገደን ዲዛይቲ
 ባንታ ኩሼ ሚጨና፤
 ጸሲ ኢስታ ጌኔ ኦሶ ባሌቶንታ
 ኢስታ ኦቶሬቲላ ካዉሻና።
 12 ኢስቲ ቶቁ ሂስቲ ገምቤዳ ገምቤዛ
 ኢዚ ዲጌ ዘቁ ሂስታና፤
 ዲጌ ዎላና፤
 ካዉሺዲ ዲጌ
 ሳኣን ዎላዲ
 ጉዲላ ቦላ ዩጋና።

26

ጋላታ ማዛሙራ

1 ሄ ጋላሰ ሃ ዩላይ ዩሁዳ ቢታን ዩጴታና።
 ኦሰ ሚኖ ካታማይ ዴሰ፤
 ጸሲ ኢዛ ገምቤታኔ
 ሚጸታ አቶቲላሰ ስሊዴሰ።
 2 ባ አማኖ ናገዳ፤
 ጸሎ ካዎቲላቲ
 ጌላና ማላ ፔንጌታ ዶይቲ።
 3 ኔናን አማኔቲዳ ገሻሰ
 ኔናን ዜምፔዳ ሸምፖዮ
 ኔኒ ኩሜላ
 ሳርቲላን ናጋሳ።
 4 ሜርናሰ ጎዳን አማኔቲቲ፤
 ጎዳይ ኦሰ ሜርና ዛላ።
 5 ቶቃሶሆን ዲዛይታ
 ዘቁ አላና፤
 ቶቁ ገዳ ካታማ

- ካወሻና፤
ዲጌ ቢታን ኦላና፤
ጉዲላራ ዋላካና።
- 6 ቶሆን ይጸጋታና፤
አንኤቲዳይታ ቶሆይኔ
ማንቆታ ቶሆይ ኢዛ ይቆና።
- 7 ዲሎታ ኦጌይ ዋሎ።
ኔኖ ሱሬዘ።
ኔኔ ዲሎታ ኦጌ ዋሊሳሳ።
- 8 አቤት ጎዳወ!
ኔ ዋጋ ኦጌራ ሄማቲሽ
ኩኒ ኔና ሂዳታ ኦሊደሰ፤
ኔ ሱንሳ.ኔ ኔ ጌታቴላ
ኮ ዋዚናሰ አሞ።
- 9 ታ ሸምፖፖ
አማርሲ ኔና ላሞታወሰ፤
ታ አያናይ ማላዶ
ኔና ኮያወሰ፤
ኔ ፐርዳይ ቢታ ቦላ ዩዳ ዋዶ
ሳኣን ዳኢዛ አሳይ
ዲሎቴላ ታማሬሰ።
- 10 ኢታ አሳታሰ ኪያ አሊኮካ።
ኢሰቲ ዲሎቴላ ታማሬቴና።
ሱሬ ቢታን ኢታ ኦሎቴሰ፤
- ጎዳ ጌታቴላካ
አኬኬቴና።
- 11 አቤት ጎዳወ!
ኔ ቁሴይ ጳቀ ጳቀ ጌዳሰ።
ኢሰቲ ጌዲኮ ቤኤቴና፤
- ኔ አሳሰ ኔ ሚሽቴዛይሳ
ቤኤቶኔ ዩላቴቶ፤
ኔ ሞርኬታሰ ገገዳ
ታማይ ኢሰታ ሞ።
- 12 አቤት ጎዳወ!
ኔኒ ኩሰ ሳሮቴላ
ዮች ኦላዳሳ፤
ኮ ኦሶ ኡባ ኔኒ ኦላዳሳ።
- 13 አቤት ጎዳወ ኮ ጸሳወ!
ኔፔ ሃራ አላጋ ጸሳቲ
ኩና ሃሪዳ፤
ኩኒ ጌዲኮ ኔ ሱንሳ
ጸሳ ቦንቸሰ።
- 14 ኢሰቲ ሃይቁዳ፤
ሲሚዲ ሸምፖፖ
ፓጻ ዳኤቴና፤
ኢሰታ ሸምፖይ ሲሚ ዩና፤
ኔኒ ኢሰታ ቃጸያዳሳኔ
ቆይሳዳሳ፤
ኢሰታ ሃሳኢሲዛ ሚሽ ኡባ
ፒታ ቆይሳዳሳ።
- 15 አቤት ጎዳወ!
ኔኒ ካዎቴላ ዳርሳዳሳ፤
ኔኒ ዳራ ዳርሳዳሳ።
ኔኒ ቦንቸታዳሳ፤
ቢታ ዛዋ ኡባካ አሳዳሳ።
- 16 አቤት ጎዳወ!

- ኢሰቲ ሚቶቲዳ ዋዶ ኔኮ ዩዳ፤
ኔኒ ኢሰታ ሱሪዳ ዋዶ።
ሳሱኪ ኔና ዋሴቴሰ።
- 17 አቤት ጎዳወ! ሻራ ማጫሲ
ሚጸን ሚቶቲዛ ማላኔ
ዋሲዛ ማላ
ኩኒካ ኔ ሲንሳን
ሚቶቲዲ ዋሶሰ።
- 18 ኩኒ ሻሪደሰ፤
ሚጸንካ አንኤቲደሰ፤
ጌዶ አቲን ጫርኮ ዩሊደሰ።
ኩኒ ሳኣሰ አቶቴላ ኤሂቦኮ፤
ሳኣን ዲዛ ዴራካ ዩሊቦኮ።
- 19 ጌዶ አቲን ሃይቁዳ
ኔ አሳይ ፓጻና፤
ኢሰታ አሃይካ ዳንዳና።
አንቴኖ ቢታ ጋርሳን ዲዛይቶ!
ዳንዲቴ ኡፋይሳን ዩጸቴ፤
ኔ ጸዛይ ቢታ ያከሲዛ
ማላዶ ጸዛ ማላ
ሳኣይ ሚቲዳይታ ዛራ ጩታና።
- 20 ታ ዴሬዘ! ባ ኔ ኬላ ጌላ፤
ኔ ፔንጌ ኔ ቦላ ጎርዳ፤
ኢዛ ሃንቆይ አቆና ጋካናሰ
ጉላ ዋዶሰ ቆቴታሻ።
- 21 ቢታ ቦላን ዲዛ አሳ
ኢሰታ ናጋራ ጌሻሰ
ቃጸያናሰ።
ጎዳይ ባ ዳኢዛሶፔ ኬዚዲ ዩሰ።
ቢታይካ ባ ቦላን ጉኪዳ
ሱላ ቆንጨሳና፤
ሃይቁዳይታካ
ሃይሳፌ ጉዬ ቆቴኩ።

27

- 1 ሄ ጋላሰ ጎዳይ ለዋታኔ ጌቴቲዛ
ጸንጌቲዛ ሾሻኔ
ጸጹቲዛ ሾሻ
ባ ሚኖ፣ ጌታኔ ዋልቃማ
ጌላ ማሻን ቃጸያና፤
አባን ዲዛ ዋጋ ዶኦ
ቃንጹሬላ ዩጋና።
- 2 ሄ ጋላሰ፣ «ዋይኔ ሚላ ቶኪዛ
ሎኦሶዛሰ ዩጸቴ!
- 3 ታኒ ጎዳይ ኢዛ ናጋይሰ፤
ታኒ ኡባ ጋላሰ ሃላ ኡሻይሰ፤
አማርሲኔ ጋላሰ ኢዛ ናጋይሰ፤
ሄሳ ጌሻሰ ኦኒኔ
ኢዛ ቆሃና።
- 4 ታኒ ሃንቁቲኬ፤
ታናራ ኦሌታናሰ አጉንሊኔ
ከንዲቸይ ኬዚዲኮ
ታ ኢሰታ ኢሲ ቦላ ጸጋና!
- 5 ዋይኮ ታኮ ዩዲ ታና ባንታሰ
ቆቴቲዛሶ ኬሴቶ፤
ታናራ ጌቶ፤
ኤ ታናራ ጌቶ» ጌቴታና።

- 6 ያና ጋላሳታን
ያቆቤይ ጸጸ ዩዳና፤
ኢሰራኤሌይ ኣጫና፤ ጨያና፤
ሂሰቲን ኢስታ ኣይፌይ
ሳኣ ኩማና።
- 7 ኢዞ ሾጪዳይታ ሾጪዳ ማላ
ጎዳይ ኢዞ ሾጪዳ?
ኢዞ ዎጲዳይታ ኢዚ ዎጲዳ ማላ
ኢዞ ዎጲዳ?
- 8 ኦላኒኔ ዲኦን ኔ ኢዞ ቃጸያዳሳ፤
ኣርሼይ ሞኪዛ ባጋ ጫርኮይ
ጫርኪዛ ማላ
ዎልቃማ ጎቴ ጫርኮን
ኔ ኢዞ ጎዳዳሳ።
- 9 ያቆቤይ ያርሾ
ያርሺዛሶ ሹቻታ
ቦቂንታ ሹቻ ማላ
ጋጪ ለቂሲሺን
ኣሹር ጌቴቴዛ
ኤቃ ጸሳይ ሚሰሌኔ
ኤጻኔ ጩዋሲዛ ሶሆታ
ኢሰቲ ዲዛሶሆታፕ ሾዲ ኦሊሺን
ሄ ጋላሰ ሞሮይ ኣቶ ጌቴታና፤
ሄሲ ኢዚ ባ ናጋራ ዲጎይሳሰ
ኩማላ ኣይፌ ጌዳና።
- 10 ገምቤቲዳ ካታማያ ካይዛዲሰ፤
ባዞ ቢታ ማላ
ኦሊቲዳሶ ጌዳዲሰ፤
ማራቲ ሄን ሄማቲዲ
ሄን ኢቻና፤
ኢዚ ሃጋታካ ፖቂ ማና።
- 11 ኢዚ ጸራይ ማሊዲ ማቃና፤
ማጫሳቲካ ሚጸ ኤፋና፤
ኣኩካይ ባይንዳ
ዳሬ ጌዲዳ ጊሻሰ
ኢዞ ማጲዳይ
ኢዛሰ ቃጲቴና፤
ኦሊዳይሲካ ኢዞ ማሬና።
- 12 ሄ ጋላሰ ኤፊራዲሴ ሻፋፕ ሃላ ባይንዳ ጊብጸ
ሻፋ ጋካናሰ ጎዳይ ባ ካፋ ቡካና፤ ኢንቴኖ ኢሰራኤሌ
ኣሳቶ፣ ኢንቴ ኢሶይ ኢሶይ ሺቃና።
- 13 ሄ ጋላሰ ጊታ ዛዬይ ፑኔታና፤ ኣሶሬን
ዲኤቲዳይቲኔ ጊብጸን ኤንኤቲዳይቲ ጉዬ ዩሩሳላማ
ሲሚ ዩዲ ጌሻ ዙማ ቦላ ጎዳሰ ጎይናና።

28

ኤፍሬሚስ ኢማቲዳ ሴራ

- 1 ኤፍሬሚን ዲዛ ማላቲዛይታሰ፣
ኦቶቴታሰ፣
ካላቻ ጌዲዳሪሰ፣
ጨሊላ ሾባ ሁኔን
ኪፒ ጋ ኡቲዳ፣
ኢዛሰ ቦንቾ ሴሎ ጌዲዳ
ሹላ ጨሻይሰ፣
ዎይኔ ኡሻይ ኢስታ ዜሬላሰ
ኦቶቴታሰ ጌዲዳ ካታማይሰ
ኣዬ ኣና!
- 2 ቤኢቲ፣ ጎዳሰ ዎልቃማኔ

- ማኖ ጌዲዳ ኢሶይ ዳሰ፤
ሄሲካ ሻቻ ኡሾ ማላ፣
ጳይሲዛ ጎቴ ጫርኮ ማላ፣
ዎልቃማ ዳምባላ ማላኔ
ዎልቃማ ኢራ ማላ
ዎልቃን ኢዚ ኢዞ
ዲጌ ቢታን ዩጋና።
 - 3 ማላቲዛ ኤፍሬሚ ኣሳታ
ኦቶሮ ካላቻይ
ቶሆን ዩጲታና።
 - 4 ጨሊላ ሾባ ሁኔን ኪፒ ጋ ኡቲዳ
ኢዛሰ ቦንቾ ሴሎ ጌዲዳ
ሹላ ጨሻያ፣
ካፋ ሺሾፕ
ሲንፋን ጋኪን
ኣሲ ቤኢዳ ማላ ጸጸ ኤኪዲ
ሄራካ ሚቲዛ
ባላሴ ማላ ጌዳና።
 - 5 ሄ ጋላሰ ኡባሬ
ዎልቃማ ጎዳይ
ባ ኣሳፕ ጫሻ ኣቲዳይታሰ
ቦንቾ ካላቻኔ
ፑላ ኣኪሊሊ ጌዳና።
 - 6 ኢዚ ፐርዲዛይታሰ
ሱሬ ፐርዲ ፐርዲዛ ኣያና
ኦላ ካታማ ፔንጌሬ ዛሪዛይታሰ
ዎልቃ ጌዳና።
- ማላቲዛ ዩሁዳ ናቤታኔ ቄሴታ፣
- 7 ሃይቲ ዎይኔ ኡሾ
ኡዩዲ ዩጮቴቴሰ፤
ማላሲዛ ኡሻን
ጋንዲጋሬቴሰ።
ቄሴቲኔ ናቤቲ ማላሲዛ
ኡሻን ጋንዲጋርዳ፤
ዎይኔ ኡሻ ጋሶን
ዮኦይ ኢሰታሬ ባሊቲዳሰ፤
ማላሲዛ ኡሻን ጋንዲጋርዳ፤
ኣጂታ ሊኬራ ቤኤቴና፤
ፐርዲ ፐርዲሼ ቆጵጵቴቴሰ።
 - 8 ኢስታ ማዳ ኡባይ ጮሻ ጸላ፤
ጮሻን ሞሬቶንታሶይ
ዳና።
 - 9 ኢሰቲ፣ «ኢዚ ኦና ታማርሲዜ?
ኪታካ ኦሰ ቆንጨሲዜ?
ማላ ኣጊዳ ናይታሴዬ
ጳንፋ ዲሶ ናይታሴ?
10 ኣዛዞ ቦላ ኣዛዞ፣ ኣዛዞ ቦላ ኣዛዞ
ዎጋ ቦላ ዎጋ፣
ዎጋ ቦላ ዎጋ፣
ሃንካ ጉፋራ፣
ሃንካ ጉፋራ
ኦፊሰ» ጋና።
 - 11 ሂሰቲኮ ሲንፋሬ
ጸሳይ ኣላጋታ ቃላኒኔ

አማላታ ደናን
 ሃ አሳሰ ሃሳያና።
 12 ኢዚ ኢሰታሰ፡ «ሃና ሼምፖፖ፤
 ዳቡርዳይ ሼምፖ፤
 ሃና ሼምፖፖ»
 ገዳይ አናሴ?
 ኢሰቲ ገዲኮ
 ሲያና ኮዩቤቴና።
 13 ሄሳ ገሻሰ ጎዳ ቃላይ
 ኢሰቲ ቢዲ ጉዬ ኩንዳና ማላ፡
 ማዲንጸና ማላ፤
 ዋጸማዴን ኦይኬታና ማላ፡
 ዲኤታና ማላ
 አዛዘ ቦላ አዛዘ፡
 አዛዘ ቦላ አዛዘ፡
 ዋጋ ቦላ ዋጋ፡
 ዋጋ ቦላ ዋጋ ገዲዲ፡
 ሃን ጉላራ፡
 ሄን ጉላራ ሃናና።

ጸዮንን ጉላ ሹቶ

14 ሄሳ ገሻሰ
 አንቴኖ ዩሩሳሌምን
 ዲዛ አሳ ሃሪዛ ቁልጪዛይቶ!
 ጎዳ ቃላ ሲዩቴ።
 15 አንቴ፡ «ኮኒ ሃይቆራ ጫቄቴዶስ፤
 ዱፎራካ ሲጌቲዶስ፤
 ዋርዶ ኑስ ዜምፖፖኔ
 ቆቴቲዛሶ ኦሴዶስ፤
 ዋልቃማ ቦሻይ ፒቲ ኤኪ ቢሼ
 ኑና ቦቻናሰ ዳንዳዬና»
 ገ ኦቶሬቲዳታ።

16 ሄሳ ገሻሰ ኡባ
 ሃሪዛ ጎዳይ፡
 «ቤኢቴ! ታኒ ጸዮንን
 ፓጩቲዳ ሹቶ፡
 ዮቻ ሹቶ፡
 ሚኖ ዮቻሰ ገዲዛ
 ቦንቼቲዳ ጉላ
 ሹቶ ዋላና፤
 ኢዛን አማኒዛይ ዩላቴና።

17 ታኒ ሱሬ ፒርዳ ዋቆ ዋዶር፡
 ጸሎቴላካ
 ቱምቤ ማላ ኦላና፤
 አንቴ ዋርዶ ዜምፖፖ ኦሴዳይሳ
 ሻቻ ኢራይ ማጫና፤
 አንቴ ቆቴቲ አቲዛሶዛካ
 ሃላ ሚታና» ጌሰ።

18 አንቴ ሃይቆራ ጫቄቲዳ
 ጫቆይ አታና፤
 አንቴ ዱፎራ ሲጌቲዳ
 ሲጋይ ላሌታና፤
 ዋልቃማ ቦሻይ ፒቲ ኤኪ ቢሼ
 አንቴናካ ፒቲ ኤኪ ባና።

19 ኢዚ ዩዳ ዋዴ ዋዴ

አንቴና ኤኪ ባና፤
 ማላዶ ማላዶ፡
 ቃምኔ ጋላሰ
 አንቴና ፒቲ ኤፋና፤
 ሃ ቃላ አንቴ አኬኪዛ ገዲኮ
 ሸር ቦላ ሸር ኤሃና።

20 ቶሆ ጮጎቲ ኢቸንታ ማላ
 ሂጸይ ቃንሳ፤
 ጋላ ማይኣናሰ
 አፋላይካ ጉላ።

21 ጎዳይ ፓራጸሜ ዙማን
 ኦሴዳ ማላ፡
 ባ ኦሶ፡ ባ አማላ ኦሶ፡
 ሄሲካ ባ ኦራላ
 ኦሶ ኦላናሰ ዳንዳና።
 ቃሴ ጌባኦኔ ዙሌን
 ኦሴዳ ማላካ ኦላና።

22 ጎዳይ፡ ኡባፌ ዋልቃማ ጎዳይ
 ኢዚ ቦሻ ቢታ ኡባ ቦላ
 ኤሃናሰ አዋጂዳይሳ
 ታኒ ሲዩዳ ገሻሰ
 ሃኢ አንቴ ቁልጪዛይሳ አገቴ፤
 አካይ ገኮ አንቴ ቦላ
 ቃሾይ ሚናና።

ጸሳ አጼ ኤራቴሰ

23 ኤዘገዲ ታ ዮቲዛይሳ ሲዩቴ፤
 አኬኪዲ ታ ቃላ ሲዩቴ።

24 ጎሻንቻይ ካሰ ዜራናሰ
 ኡባ ዋዴ
 ሄ ሶሆ ጎዩሼ ዳኢዜ?
 ቃሴ ኢዚ ሃምኤ ለቁሲሼኔ
 ኡባቶ ፒጺሼ ዳኢዜ?

25 ጎሻ ለቁሲዲ አሱታኔ
 አኔጋ ዜሬኔ?
 ገሰቴዛ ኢዛሰ ገገዳሶሆን፡
 ባንጋ ኢዛሰ ገገዳሶሆን
 አርዳ ኢዛሰ
 ገገዳሶሆን ዜሬኔ?

26 ኢዛ ጸሳይ ኢዛ ታማርሴሰ፤
 ሱራ ኦጌካ ኢዛ ቤሴሰ።

27 አሱታይ ሎዳን ቡኬቴና፤
 አኔጋይ ፓራ-ጋራን ቡኬቴና፤
 አሱታይ ጉፌን፡
 አኔጋይ ቁሪ ሎዳን ቡኬቴሰ።

28 ሶሎ ኡካናሰ
 ካላ ጋጩቴሰ፤
 ሄሳ ገሻሰ ኢሲ አሲ
 ማርናሰ ካሰ ቡኬቴና፤
 ካሰ ቡኪዛ ፓራ-ጋራታ
 ኢዛ ቦላራ ላገኮካ
 ካላ ጋጩቴና።

29 ሃይሲ ኡባይ ባ ዙሪን ማላሊሲዛዝ፡
 ባ አጼ ኤራቴላን
 ማላሊሲዛዝ ገዲዳ
 ኡባፌ ዋልቃማ

ጎዳቴ ሃኔሰ።

29

ዳዊቱ ካታማሰ አይ አና

1 ሃኔ ዳዊቱ ኔናን ዴኢዳ
አርኤሌ ካታማዬ! *
ኔና አይ አና!

ላይላ ቦላ ላይላ ጉጃ፤
ባኣሌታካ ዛራ
ዛራዳ ቦንቻ።

2 ጊዶ አቲን ታኒ
አርኤሌ ካታማዮ ጊዶላና፤
ኢዛ ዩካናኔ ዋሳና፤
ኢዛ ታሰ ያርሾ
ያርሺዛሰ ጊዶና።

3 ታኒ ኔ ዩሾን ዲንካናና፤
ታ ኔ ዩሾን ገምቤ
ዩሻ አላና፤
ኔ ዩሾን ሻኮ አላዳ
ታ ኔና ኡንኤላና።

4 ኔኒ ዲጌ ዋቆና፤
ቢታ ጋርሳፌ ዩዬ ሃሳያና፤
ኔ ሃሳያይ ጉዲላ
ጊዶፌ ኬዛና፤
ኔ ጨንጉርሲ
ሞይቲሌ ጨንጉርሳ ማላ
ቢታ ጋርሳፌ ዩዬ ኬዛና፤
ኔ ሃሳያይካ
ጉዲላ ጊዶፌ ሳሱኬታና።

5 ጊዶ አቲን ዳሮ ኔ ሞርኬቲ
ጉዲላ ሱላ ማላ፤
ሜንጾ ኢታቲ ጨርኮን ቢዛ
ሃፓ ማላ ጊዶና፤
ቆፋይ ባይንዳ ዲሺን፤

6 ኡባፌ ዋልቃማ
ጎዳይ ዳዳን፤
ቢታ ቃላን፤
ጊታ ጨንጉርሳን፤
ጎቲ ጨርኮንኔ ዋልቃማ
አባ ዳምባላን
ኡባ ሚዛ ታማ ላጮን ያና።

7 አርኤሌ ኦሊዛ ካዎቲላታ
ኡባ ወዳይ
ኢዚ ቦላኔ ኢዚ ሻኮ ቦላ
ዳፋ ዩጊዛይቲኔ ደዲዛይቲ፤
አጉሞ ማላኔ አማርሰ ቤቲዛ
አጃታ ማላ ጊዶና።

8 ጋፊዳ አሲ አጉሞራ ሚሼ አቁሰ፤
ጊዶ አቲን ኢዚ
ጂሰኮፌ ዳንዲሺን
ጋፋይ አጎንታይሳ ማላ፤
ሳሜቲዳ አሲ
አጉሞራ ኡዩሼ አቁሰ፤
ጊዶ አቲን ቤጊሺን
ዳቡራይኔ ሳሞይ
ኢዛ አጎንታይሳ ማላ
ዲዮኔ ዙማ ኦሊዛ

ካዎቲላታ ኡባ ወዳይ
ሃሳላ ሃናና።

ጸሳ አዛዙ ኢጶይ ኤሂዛ ቁጻቲ

9 ዳማቲዲ ማላሌቲቲ፤
አንቲና አንቲርካ ቆቂሲዲ
ቆቆ ጊዲቲ።
ጊዶ አቲን ዋይኔ ኡሹ
ኡዮንታ ጮ ማላቲቲ፤
ማላሲዛ ኡሹ ኡዮንታ
ዲሼ ጋንዲጋርቲ።

10 ጎዳይ አንቲ ቦላ ዋልቃማ
ጂሰኮ ዩጊዳሰ፤
አንቲ ናቤታ አይፌ ጎዚዳሰ፤
አጃታ ቤኢዛይታ
ሁኤ ጉሉንቲሲዳሰ።

11 ሃ አጃታይ ኢሰታሰ ጸላ ማጻፋ ጊዶን ጎርዴቲ
ዲዛ ቃላ ማላ ጊዲዳሰ። ሃ ጸላ ማጻፋ ናባባናሰ
ዳንዳይዛ አሲ፤ «ሾቤ ኑስ ናባባ» ጊዲ አንቲ አሚኮ፤
ኢዚ አንቲሰ፤ «ጎርዴቲዳ ጊሻሰ ታኒ ናባባናሰ
ዳንዳይኬ» ጋና።

12 ቃሴ ጸላ ማጻፋ ናባባ ዳንዳዮንታ አሳሰ፤ «ሾቤ
ኑስ ናባባ» ጊዲ አንቲ ኢዛሰ አሚኮ ኢዚ አንቲሰ፤
«ታ ናባባ ዳንዳይኬ» ጋና።

13 ጎዳይ፤
«ሃይሲ ዳሬይ ዶናን ጸላ
ታኮ ሺቁሰ፤
ባ ሜቲርሻን ጸላ
ታና ቦንቼሰ፤
ጊዶ አቲን ኢዛ ዋዚናይ
ታፔ ሃኮን ዳሰ።
ኢሰቲ አሲ ታማርሲዳኔ
አሲ ዋሲዳ ዋጋን
ታሰ ጎይኔቲሰ።

14 ሃሳ ጊሻሰ ታኒ ሃ አሳ ቦላ
ማላሊሲዛ ሚሻ ቦላ
ማላሊሲዛ ሚሻ አላሼ
ዛራ ዛራ ኢሰታ ማላሊሳና፤
አጶ ኤራንቻታ
ኤራቴላ ጳያና፤
አኬካንቻታ አኬካይካ
ፔንቲ ባና» ጊዳሰ።

ሲንላፌ ያና ሂዶታ

15 ባንታ ሃልቾ
ጎዳቴ ፔንላናሰ
ዲጌ ጨማ አላን
ዋዲዛይታሰ
ባንታ ኦሶ ቋማን
ኦሲዛይታሰ
«ኩና ኦኒ ቤኣኔ?
ኩና ኦኒ ኤራኔ?»
ጊዛይታሰ አይ አና!

16 አንቲ ዮኦታ ላሚ ዩጌታ፤
ማናታ ኡርቃ ማላ ጸሌታ!
ሜዴቲዳይሲ
ሜዴዳይሳ፤

* 29:1 ኢብራዊታ ቃላራ አርኤሌ ጉሲ ጸሳ ያርሾሶሆ ጉሳ። 29:10 ኦር 11:8 29:13 ማቶ 15:8-9፤ ማር 7:6-7 29:14 1ቆር 1:19

«ኢዚ ታና ሜዲቤና» ጊዜ?
ማና ሚሺ ባና ሜዲዳይሳ?
«ኢዚ ኣይኮካ ኤሪና» ጊዜ?

- 17 ለባኖሴ ላሜቲዲ
አራዳ ጋዴ ጊዳናሰ፤
አራዳ ቢታይ ላሜቲዲ
ዋራ ጊዳናሰ
ጉላ ዋዴይ
ኣቲዳሰ ጊዳይ?
- 18 ሄ ጋላሰ ቱሌይ
ጸላ ማጸፋ ቃላ ሲያና፤
ቆቄ ኣይፊቲካ ሻሩማፔኔ
ጳማፔ ሻኬቲዲ ጸላና።
- 19 ኣሽኬቲ ጎዳን፤
ሂዬሳቲ ኢሰራኤሌ ጌሻን
ዛሪ ዛሪ ኡፋዬታና።
- 20 ማንጾ ኢታቲ ኡባይ ዉራና፤
ቂልጪዛይቲ ቲምኢ ጋና፤
ኢታ ኦላናሰ
ዛማዲ ኡቲዳይቲ ጳያና።
- 21 ኣሰ ዮኦን ሞራንቻ ኬሲዛይቲ፤
ሺሎታን ሞቲቲዛይሳ ቦላ
ዋጺማዴ ዋጺዛይቲ፤
ዋርዶ ማርካን ቲማቲላ
ጸሎታፔ ቦንቁዛይቲ ጳያና።
- 22 ሄሳ ጊሻሰ ኣብራሃማ ዋዚዳ
ጎዳይ ያቆቤሶሰ፤
«ያቆቤይ ሃይሳፊ
ጉዬ ዬላቴና፤
ኢዛ ሲንሉካ ላሜቲና።
- 23 ባንታ ጊደን ታ ኩሼ ኦሶ ጊዲዳ
ባንታ ናይታ ቤኢሺ
ታ ሱጎላ
ጌሻቲላን ናጋና፤
ኢሰቲ ያቆቤ ጌሻዛ
ጌሻቲላ ኤራና፤
ኢሰራኤሌ ጸላ ሲንላን
ያሻቲላን ኤቃና።
- 24 ኣያናን ባሊዳይቲ
ሲሚዲ ኣኩካና፤
ዙዙሚዛይቲካ
ቲሚርቲ ኤካና» ጌሰ።

30

- ጊብጾራ ጨቂቲዳ ሃዳ ጨቆ
- 1 ጎዳይ፡ «ማካላንቻ ጊዲዳ ናይታሰ
ኣዬ ኣና!
ታፔ ጊደንታ ቆፋ ካሌቲሰ፤
ታ ኣያናፔ ጊደንታ
ጨቆ ጨቂቲሰ፤
ናጋራ ቦላ ናጋራ ጉጃቲሰ።
 - 2 ታና ዞሪ ኦይቸንታ
ጊብጾ ዋዴቲሰ፤
ካዋ ፓርኔይ ኢሰታሰ
ጎንዳሌ ጊዳና ማላ
ጊብጾ ኩዋን ኣታና ኮዬቲሰ።

- 3 ጊደ ኣቲን ፓርኔ
ጎንዳሌቲላ
ኢሰታሰ ካዉሻቲላ ጊዳና፤
ጊብጾ ካዋን ኣቲላ
ኢሰታ ቦላ ዬላ ኤሃና።
- 4 ኢሰታ ሹሚቲ ጸኖሴን ዲኮካ፤
ኢሰታ ከቲዳይቲ
ሃኔሴን ዲኮካ፤
5 ኢሰታሰ ዬላቴሊኔ
ካዉሻቲላ ጸላ ጊዳና ኣቲን
ማዶ ዋይኮ ዋዴ
ኢሰታሰ ኤሆንታ
ኣይኮ ጎኣካ ኢሰታሰ
ኢሞንታ ኣሳታ ጋሶን
ኡባይካ ዬላታና» ጌሰ።
- 6 ኔጌቤን ዲዛ ማዶሳታ ጊሻሰ ጎዳይ ዮቲዳ ቃላይ
ዋዳላ ጋሞቲኔ
ማጫ ጋሞቲ ዲዛሶን፤
ማርዜራ ዲዛ ሾሻቲኔ
ጸንጌቲዛ ሾሻቲ ዲዛሶን፤
ሜቶይኔ ጨጨይ ኩሚዳ ቢታራ
ኣዲ ቢዲ፤
ኢሰቲ ጎኦንታ ዴሬታኮ፤
7 ኢዚ ማዶሰ
ሙሌካ ጎኣይ ባይንዳ
ዴሪ ኢሰቲ ጊብጾ ባና፤
ሄሳ ጊሻሰ ታኒ ኢዚ ሱጎላ
«ኣይኮካ ጎኦንታሮ ኤራኣቤ»
ጋ ጸይጋና።

ኣዛዜቶንታ ካዋቲላታ

- 8 ሃኢ ባ፤ ሳሌዳን ኢሰታሰ ጸፋ፤
ጸላ ማጸፋ ቦላካ ጨዳ፤
ሄሲ ቡርፔ ያና ዋዴታን
ሚርናሰ ማርካ ጊዳና።
- 9 ሃይቲ ጎዳ ኣዛዘ
ሲያና ኮዮንታይቲ፤
ማካላንቻ ዴሪኔ
ባሌሊዛ ናይታ።
- 10 ኣጁታ ቤኢዛይታ፤
«ሃይሳፊ ጉዬ ኣጁታ
ቤኦፐቲ» ጋና፤
ናቤታ፡ «ሃይሳፊ ጉዬ ኦሰ
ቲማ ቲንቢቲ ዮቶፐቲ፤
ኦና ኡፋይሲዛዚኔ
ሚቲዛዝ ዮቲቲ።
- 11 ሃይሳ ኦጋፔ ኪቲቲ፤
ሃ ዋጋ ኦጋፔ ሃኪቲ፤
ኢሰራኤሌ ጌሻራ ኦና
ቲራን ጋሶፍቲ» ጋና።
- 12 ሄሳ ጊሻሰ ኢሰራኤሌ ጌሻይ፤
«ኢንቲ ሃ ቃላ ካዲዳ ጊሻሰ፤
ጌኔን ኢንቲ ኣማኔቲዳ
ጊሻሲኔ
ባሌላን ዜምፐዳ ጊሻሰ፤
- 13 ሃይሲ ሃ ናጋራዚ
ጸልቂቲ ኩንዳናኔ
ቆፖንታ ዲሺን ኩንዲዛ

- ጌታ ገምቤ ማለ
ኢስታሰ ጌዳና።
- 14 ማቆራረጫ ጌዳፊ
ታማ ቦንቆ ካሺዛ ኮንአይ፥
ሃሌ ዱቁዛ ኮንአይ
ጳያናሽ ጋካናስ፥
አይኮይካ አቶንታ ቲፊቲዛ
ማና ማሻ ማለ
ቲፊታና» ጌሰ።
- 15 ኡባ ሃሪዛ ጎዳይ፥
ኢሰራኤሌ ጌሻይ፥
«አንገቴ ታኮ ሲሞኒኔ
ታናን ሸምፖን አታና፤
ዎፓኒኔ አማናን
አንገቴ ማናና፤
አንገቴ ጌዲኮ ሄሳሶ
ኦሌቤኬታ።
- 16 ቃሴካ፥ «ቺ! ኑኒ
ፓራን ኡቲ ባቃታና፥ ጌዳታ፤
ሄሳ ጌሻሰ አንገቴ ባቃታና።
ዛሪዲካ አንገቴ፥
ሱኒ ፒላታ ፓራን
ኬሰ ኤኪ ባና፥ ጌዳታ፤
ሄሳ ጌሻሰ አንገቴና
ዬዳላዛይቲ
ፒላታታ ጌዳና።
- 17 አንገቴ ዙማ ሁኤን
ኤቁዳ ባንዲራ ማለ
ዙምቡላታ ጳራን ኤቁዳ
ማላታ ማለ
ጌዲ አንገቴ አታናሽ ጋካናስ
ኢሰ አሳ ማንዳላን 1,000
አሲ ባቃታና፤
ኢቻሽ አሳ ማንዳላን
አንገቴ ኡባይ ባቃታና» ጌሰ።
- 18 ጌዳ አቲን ጎዳይ አንገቴሰ
ኪያ ኦላናስ ናጌሰ፤
አንገቴና ባ ቃጴቴላ
ቤሳናስ ዳንዳሰ፤
ጎዳይ ቱሙ ፐርዲዛ
ጸሳ ጌዲዳ ጌሻሰ
አማኔቲዲ ኢዛ ናጌዛይቲ
አንጃቲዳይታ።

ጸሳ ዳራ አንጃቴላ

- 19 አንገቴኖ ዩራሳላሜን ዳኢዛ ጸዮኔ ዳሬዘ!
ሃይሳፊ ሲንላን አንገቴ ዩኬኬታ፤ አንገቴ ኢዛኮ ዋሲሽን
ኢዚ አንገቴና ዋኒ ማሬኔ? አንገቴ ዋሶ ኢዚ ሲዱዲ
አንገቴሰ ኤሶን ዛር አማና።
- 20 ጎዳይ አንገቴሰ ዋዬ ካሊኔ ሜቶ ሃላ አሚኮካ
ሃይሳፊ ጉዬ አንገቴ አሰታማሬይ አንገቴፊ ቆቴቴና፤ አንገቴ
አይፊቲካ አንገቴ አሰታማሬዛ ቤኣና።
- 21 አንገቴ ሃዲርሰ ዋይኮ ኡሻቶ ጌኮ አንገቴ ጉዬራ፥
«ኦጌዚ ሃይሳ፤ ኢዛራ ቤቱ» ጌዛይሳ አንገቴ ሃይላ
ሲያና።
- 22 ሄሳፊ ቢራን ሜሹቲዳ አንገቴ ኤቃ ጸሳታኔ
ዋርቃን ሜሹቲዳ ሚሰሌታ አንገቴ ሞራና፤ «ኦፔ ሃኪቱ»
ጌዲ ቱና ጫርቃ ማለ አንገቴ ዋራ ዩጋና።

- 23 ኔ ዜሪዳ ካላሰ ኢዚ ኢራ አማና፤ ቢታፊ ሞኪዳ
ካላይ ሙሩታኔ ዳር ጌዳና። ሄ ዎዴ አንገቴ ማሄይ አሆ
ዳምባን ሄማታና።
- 24 ጎሻ ቦራቲኔ ሃሬቲ ባካን ቡኪ ሱራጌቲዳ ሃርቆኔ
ባሶ ማና።
- 25 አሳይ ዉሪዛ ዎልቃማ ጋላሳን ሚጸቲ ላሌቲሽን
ጌታ ዙማታ ኡባታ ቦላፊኔ ዙምቡላታ ኡባታ ቦላፊ
ዱጌ ሃላ ጎጋና።
- 26 ጎዳይ ሚቁዳ ባ ዳራ ኮሊሽን፥ ማዲንላዳይሳ
ፓላሽን፥ አጌናይ አርሼ ማለ ፖኣና። አርሼሰ ኢሲ
ጋላሳ ፖኦይካ ላፑን ጋላሳ ፖኦ ማለ ጌዳና።
- አሶሪ ቃጸዬቲላ**
- 27 ቤኢቲ፥ ጎዳ ሱንላይ
ኤጸዚ ሃንቆራ፥
ሻራ ማለ ጳፒ ጌዳ ጩዋራ
ሃኮፔ ያና፤
ኢዛ ማቴርሻቲ ሃንቆን ኩሚዳ፤
ኢዛ አንጸርሳይካ
ጸጌዛ ታማ ማለ።
- 28 ኢዛ ፔናይካ ቆጴ ጋኪዲ
ሜጪ ኤፊዛ ኪጸ ሃላ ማለ፤
ካዎቴላታካ ጳይሶ
ዛይዛሬን ዛይዛሬሰ፤
አሳ ዳናን ኦጌ ባሌላዛ
ቢጸላ ባርሴሰ።
- 29 ኦማርሰ ጌሻ ባኣሌ
አንገቴ ቦንቲሼ
ዩጸዛይሳሶ አንገቴ ዩጸና፤
ጎዳ ዙማኮ ኢሰራኤሌ ዛላኮ
አሳይ ሱሱልኤ ሱሱልኢሼ
ኡፋይሳን ኬዚዛይሳሶ
አንገቴ ዎዚናይ ኡፋይታና።

- 30 ጎዳይ ኤጸዚ ሃንቆኒኔ
ሚዛ ታማን፥
ጎቲ ጫርኮኒኔ ዳዳን፥
ሻቻ ሹቻን፥
ቲማይ ኩሚዳ ባ ጩንጉርሳ
አሳ ሲሳና፤
ዎጲሼ ባ ቁሳ ኢዚ ቤሳና።
- 31 ጎዳ ጩንጉርሰ
አሶሪ ዳጋንላና፤
ኢዛ ጉፊይካ ኢሰታ ሸጫና።
- 32 ጎዳይ ኢሰታ ቦላ
ዩዲዛ ቁጸቲ ጉፊ
ኡባይ ካራቤ ጌሪሳኒኔ
ዲላ ጌሪሳን
አዛቤቲዳይሳ፤
ኢዚ ባ ዎልቃ ኦላን ቤሲዲ
ኢሰታ ሸጪዳሰ።
- 33 ቤኒ ዎዴፔ ደሚዲ
ቶፊቲ ጌቲቲዛ
ጸጌዛሶይ ጌቲ ኡቲዳሰ፤
ካዎዛሰካ ጌቲ ኡቲዳሰ፤
ጸጋና ጎንጎሎዚካ
አሆኔ ጪማ፤
ኢዛ ጌደን ዳር ታማይኔ
ኤጸና ሚላ ዳሰ፤
ጎዳ ፔናይ ዲኔ ታማ ማለ

ኤል ኬሳና።

31

ጊብዳን አማኔተዛይታስ አዬ አና

1 ፑዴ ኢሰራኤል ጌሻኮ ጸሎንታይታስ፡

ጎዳፕ ማዶ ኮዮንታይታስ፡

ማዶ ዴማናስ

ዳጌ ጊብዳ ዎዲዛይታስ፡

ፓራ-ጋራታ ዳርቴላኒኔ

ባ ፓራ ማኖቴላን

ጨቁተዛይታስ

አዬ አና።

2 ኢዚ ጊዲኮ አዶ ኤራንቻ፤

ኢዚ ባሽ ኤሃና፤

ባ ቃላካ ላሜና፤

ኢታ ኦሊዛይታ ቦላኔ

ቆሆ ኦሊዛይታ

ማዲዛይታ ቦላ

ኢዚ ዴንዳና።

3 ጊብዳ አሳይ አሳፕ አቲን

ጸስ ዴቴና፤

ኢስታ ፓራቲካ አሾፕ አቲን

አያና ጊዴቴና።

ጎዳይ ባ ኩሼ ሚጨዛ ዎዴ

ኢዛ ማዲዛዴይ ቆዶታና፤

ማዴተዛዴይካ ኩንዳና፤

ናምአይካ ኢሲፌ ቆያና።

4 ጎዳይ ታስ፡ «ጋሞይ ዎይኮ

ዎዳላ ጋሞይ ሜሃ ኦይኪዲ

ዳር ሄንላንቻቲ

ጸይጌቲ ሸቂዲ

ኢዛ ቦላ ዩኮ ኢስታ ዎሶይ

ኢዛ ያሽሶንታይሳ

ኢስታ ዎሶይ

ኢዛ ዳጋንሶንታይሳ ማላ

ኡባፌ ዎልቃማ ጎዳይ

ዙማ ቦላኔ ዙምቡላታ ቦላ

ኦላስ ዎቆና።

5 ካፎይ ቦላራ አላንሊዛ ማላ

ኡባፌ ዎልቃማ ጎዳይ

ዬሩሳሌም ካማና፡

ናጋናኔ አሻና፤

ኢዚ ቦላራ አዲዲ

ኢዘ አሻና» ጌስ።

6 ኢንቴኖ ኢሰራኤል አሳዘ!

ኢንቴ ኬሂፕ

ማካሊዳይሳኮ ሲሚቴ።

7 ሄ ዎዴ ናጋራይ ኩሚዳ

ኢንቴ ኩሼቲ ቢራፔኔ

ዎርቃፌ ኦሊዳ ኤቃ ጸሳታ

ኢንቴ ኡባይካ ዎራ ዩጋና።

8 «አሶሬይ አሳ

ማሻ ጊደንታ

ማሻን ሃይቃና፤

አሾ ማይኢዳዴ

ማሻ ጊደንታ

ሃራ ማሻይ ኢዛ ማና፤

ኢዚ ጊላ ማሻ ሲንላፌ ባቃታና፤

ናቴላቲ ደሳይ ባይንዳ

ዎልቃላን ኦላና።

9 ሚኖ ሚጸይ ሺር ጋሶን ኩንዳና፤

ኦላ ጋዳዎቲካ

ኦላ ባንዲራ ቤኢዲ

ዳጋማን ኩማና»

ጌስ ታማይ ጸዮን፤

ታማ ጮጮይ

ዬሩሳሌምን

ዲዛ ጎዳይ።

32

ጸሎቴላን አይሲዛ ካዎ

1 ቤኢቴ፡ ካዎይ ጸሎቴላን ካዎታና፤

ሃሪዛይቲካ

ሱሬ ፐርዳን ሃራና።

2 አሲ ሁኤን ሁኤን

ጨርኮፌ ጌሚዛሶሆ፡

ጎቴፕካ ባቃቲ

አቲዛሶሆ ጊዳና፤

ባዘ ቢታን

ሃላ ፑልቶ ማላ፡

ሳሜቲዳ ቢታን ዎጋ ዛላ

ኩዎ ማላ ጊዳና።

3 ጸሊዛ አሳታ አይፌይ

ሃይሳፌ ጉዬ ቂለምኤና፤

ሲዩዛይታ ሃይላ

ቤጊዲ ኤዘጋና።

4 ታፒታፒዛይታ ዎዚናይ

ኤራናኔ አኩካና፤

ዴድቲዛይታ ኢንጻርሲካ

ቢርሼታና፤

ጌሺዲካ ሃሳያና።

5 ሃይሳፌ ጉዬን ኤያይ

ጊታ አስ ጌቴቴና፤

ዎጋይ ባይንዳ አሲ ቦንቼቴና።

6 ኤያይ ኤያቴላ ሃሳዬሰ፤

ኢዛ ዎዚናይ ኢታቴላ

ዩሺ ቆፔሰ፤

ጸሳስ ያሻቴላ

ባይንዳ ሚሽ ኦሌሰ፤

ጎዳ ቦላ

ባላ ቃላ ሃሳዬሰ፤

ጋፊዳይሳስ ካላ ኢሜና፤

ሳሜቲዳይሳስ ሃላ ኢሜና።

7 ዎጋይ ባይንዳ አሳታ

ሂላቴላ ኢታ፤

ሜቶታንቻታ ማጋናይ ሱሬ ጊዲኮካ

ሃይሳታ ዎርዶራ ቆይሳናስ

ኢታቴላን ዩሺ ቆፔሰ።

8 ጊታ አሳስ ቆፋይካ ጊታ፤

ባ ጊታቴላ ኦሶን

ሚኒ ዴኤሰ።

ፐርዳፌ ጉዬ ያና ኢንጄ ዴኦ

9 ኢንቴኖ ኦቶርይ ቴጨዳ ማጨሳቶ!

- ዳንዲቴ፤ ታ ጊዛዝ ሲዩቴ፤
አንቴኖ ባዲ ጊ ኡተዳ
ማጫ ናይቶ!
- 10 ታኒ አንቴሰ ኖተዛይሳ ኤዘጊቴ።
ላይላይ ቡር ኣዲዳ ማላ።
አንቴ ባዲ
ጊ ኡተዳይቲ ኮኮራና፤
ዎይኔ ቱራይ ኣይፊ ኢሜና
ዲማ ዲማ ኣይፊ
አንቴ ሺሺዛ ዎይይ ዩና።
- 11 አንቴኖ ኦቶርይ
ቴጪዳ ማጫሳቶ! ኮኮራቴ።
አንቴኖ ባዲ ጊዳ
ማጫ ናይቶ!
ሂርጋን ጋጂጋጂቴ።
አንቴ ማይኢዳ ማይኦ
ቃሪ ዩጊቴ፤
አንቴ ዴሳን ማቃ ዳንጪቴ።
- 12 ኣራዳ ቢታ ጊሻሰ
አንቴ ቲራ ኢጪቴ፤
ኣይፊዛ ዎይኔ
ሚላ ጊሻሰ ጩጪቴ፤
- 13 ታ ዳራ ቢታ ጊሻሰ።
ኣጉንሴኔ ከንዲቾይ
ሞኪዳ ቢታ ጊሻሰ።
ሆሞቦጩላን ኢሰታን ጉፒዛ
ኬላታ ኡባ ጊሻሰ።
ሆሞቦጩላን ኢዚን ጉፒዛ
ካታማይሰ ዩኪቴ።
- 14 ሚጸቲ ካይዛና፤
ዳር ሸርቴዛ ካታማያ
ዲሚ ጋና፤
ሚጸቲኔ ቃቶቲ ሚርናሰ ጎንጎሎ።
ሃርዲዳቲ ጉፒዛሶሆኔ
ዉይይ ሃሜቲዛሶ ጊዳና።
- 15 ሄሲካ ሃናናይ ኣያናይ ኑሰ
ቦላፊ ጉካናሼ።
ባዞ ቢታይ ኣራዳ ጊዳናሼ።
ኣራዳ ቢታይ ዎራ
ሚሳታናሼ ጋካናሳ።
- 16 ሄሳፊ ጉዬ ባዞ ቢታን
ሱሬ ፒርዳይ ዳኣና፤
ኣራዳ ቢታንካ
ዲሎቴላ ዳና።
- 17 ዲሎቴላ ኣይፊይ ሳርቴላ፤
ዲሎቴላ ኦሶይ ዎፓኔ
ሚርናሰ ኣማኔቴላ ጊዳና።
- 18 ታ ዳሬይ ሳርይ ዲዛሶን።
ኣማንላዛሶን።
ዎፓይ ዲዛሶን ዎፑ ጊ ዳና።
- 19 ሻቺ ዎራ ኩራኪኮ።
ካታማይካ ሙሌራ ኩንዲኮ።
20 ሻፋይ ዲዛሶን ዲዛሶን
ካላ ዜሪዛይቶ።
አንቴ ቦራታኔ ሃራታ
ሂርጋይ ባይንዳ ሃሚዛይቶ።
አንቴ ኣይ ማላ
ኣንጃቲዳይታ ጊዳንዴቲ!

33

ማዶ ዳማናሰ ዎሲዳ ዎሳ

- 1 ኔሰ ዳዮንታ ዳሼ
ሃራ ዳይሲዛይሶ!
ኔሰ ኣይ ኣና!
ኔና ኣላ ኢሞንታ ዲሺን
ሃራ ኣላ ኢሚዛይሶ!
ኔሰ ኣይ ኣና!
ኔኒ ዳይሶ ኣጊዳ ዎዳ
ኔ ዳያና፤
ኔኒ ኣላ ኢሞ ኣጊዳ ዎዳ
ኔና ኣላ ኢሞና።
- 2 ኣቤት ጎዳዉ! ኑና ማራ፤
ኑኒ ኔና ሂደታ ኦላዲሰ፤
ማላዶ ማላዶ ኑሰ
ዎልቃ ጊዳ፤
ሚቶ ዎዳካ
ኑና ኣሺዛይ ጊዳ።
- 3 ኔ ጩንጉርሳይ ዳዳ ማላ
ጉሚዛ ዎዳ ዳሬይ ባቃቴሰ፤
ኔኒ ዳንዲ ኤቁዛ ዎዳ
ካዎቴላቲ ላሌቴቴሰ።
- 4 ካዎቴላቶ!
ቦሌይ ሸቁዛ ማላ
አንቴፊ ዲኤቲዳይሲ ሸቃና፤
ጉሞባርይ ጉፒዛ ማላ
ኣሳይ ኢዛ ቦላ ዲርባታና።
- 5 ጎዳይ ቦላ ሳሎን ዳኢዛ ጊሻሰ።
ጶቁ ጶቁ ጊዳሰ፤
ኢዚ ዲዮኖ ሱሬ ፒርዳኒኔ
ዲሎቴላን ኩንላና።
- 6 ኢዚ ኔ ዲዛ ላይላ ኡባን
ኣማንላዛ ዮቶ።
ኣቶቴላ። ኣጶ ኤራቴላኔ
ኤራቴላ ጊዳና፤
ጎዳሰ ያሻቴላ
ሃይሳ ሃ ኣቆታታሰ
ቁልፔ ጊዳና።
- 7 ቤኢቴ። ኢሰታ ጎባ ኣሳቲ
ኦጌታን ዎሴቴሰ፤
ሲጋቴላሰ ኪቴቲዳይቲካ
ጫሞ ዩሆ ዩኪቴሰ።
- 8 ዎጋ ኦጌቲ ሳሚዳ፤
ኦጌራ ካንላዛይ ዳና።
ቃቺዳ ቃላይ ላሌቴዳሰ፤
ዘሪዛይቲ ካዴቲዳ፤
ቦንቼቲዛይካ ዳና።
- 9 ቢታያ ዩካዲሲኔ ገልቃዲሰ፤
ለባናሴይ ዩላቲዲ ሹሊዳሰ፤
ላሻርኔይ ኣራቤ ማላ
ባዞ ጊዳዲሰ፤
ባሳኔይኔ ቃርሚሎሴይ
ባንታ ሃይላ ቆቆፊዳ።
- ጸሳ ኢዲዛይታሰ ኢሜቲዳ ሴራ
- 10 ጎዳይ ካዎቴላታሰ።
«ሃኢ ታኒ ዳንዳና፤

- ሃኢ ታኒ ቦንቸታና፤
ሃኢ ታኒ ቶቁ ቶቁ ጋና።
 - 11 አንቲ ኡቱላ ሻሪዲ ሱላ ዩሊዳታ።
አንቲ ሸምፒዛ ሸምፖይ
አንቲና ሚዛ ታማ።
 - 12 ዳሬይ ቦቁንታ ኬዚዛ ሹቻ ማላ
ታማን ጸጌታና፤
ቃሴካ አጉንፋ ቱሻ ማላ
ታማን ኤጸና።
 - 13 አንቲና ሃኮን ዳኢዛይቶ!
ታኒ ኦሊዳይሳ ሲዩቲ፤
ማታን ዲዛይቶ!
ታ ዋልቃ ኤሪቲ» ጌሰ።
 - 14 ጸዮንን ዲዛ
ናጋራንቻቲ ዳጋሚዳ፤
ጸሲ አሰታሰ ባይንዳይቲ ባቢዲ፤
«ኮ ጋርሳፌ ጸጊዛ ታማራ
ዳና ዳንዳይዛይ ኦኔ?» ጌዳ።
ሜርና ታማራ
ዳና ዳንዳይዛይ ኦኔ?» ጌዳ።
 - 15 ጸሎቴላን ሄሜቲዛይ፤
ሱሬ ሃሳይዛይ፤
ባሌላን ቤቲዛ
ዋዴ ካዲዛይ፤
ጉቦ ኤኬናፔ
ባ ኩሼ ሺሺ ኤኪዛይ፤
አሰ ዋዳና ዙፔቲዛይታ ዞሬ
ሲያናፔ ባ ሃይላ ቱጨዛይ፤
ኢታ ቤያናፔ
ባ አይፌ ቁለምኢዛይ፤
 - 16 ሃሳይይ ቶቃሶሆን ዳና፤
ዙማ ሚጸይ ኢዛሰ ሸቁ
አቲዛሶ ጌዳና፤
ኢዛሰ ቁማይ ኢሜታና፤
ሃሊካ ኢዛሰ ፓጩና።
- ቦንቸይ ኩሚዳ ሲንፋራ ያና ላይላ**
- 17 ኔ አይፌቲ ካዋዛ ፑላቴላ ቤኣና፤
ሃኮን ሚጨቲ ዲዛ
ቢታካ ቤኣና።
 - 18 ቤኒ ዋዬይ ኔሰ ቆፊቲሺን ኔኒ፤
«ዋና ሃላቃዚ አዋ ቢዴ?
ጌራ ኤኪዛይሲ አዋ ቢዴ?
ሻኮዛ አላፊዚ
አዋን ዲዜ» ጋና።
 - 19 ሄይታንቲ ቃዴታይ ባይንዳ አሳ፤
ኢሰታ ሃሳያይ
አሳሰ ጌሎንታይታኔ
ኢሰታ አንጸርሲ ዳዶቲዛይታ፤
ሃይሳፌ ጉዬ
አንቲ ኢሰታ ቤዬኬታ።
 - 20 ኮ ባአሌታ ኢዚን ቦንቸዛ
ጸዮን ካታማዮ ቤኢቲ!
ሳርን ዲዛሶሆዮ፤
ቃጸንታ ዲንካኔ ጌዲዳር፤

- ኢዚ ቶሌይ ሾዴቶንታር፤
ኢዚ ዋዶርታፔ
ኢሰናካ ዲጸንታር
ዩራሳላሚ ካታማዮ
ኔ አይፌይ ቤኣና።
- 21 ሄን ጎዳይ ኮሰ ዋልቃ ጌዳና፤
ሄ ሶሆይ ዳልጋ ሻፋኔ
ካንቸ ጌዳና፤
ዋጎሎይ ኢዛ ቦላራ
ባናሰ ዳንዳይና፤
ጌታ ማርካቤቲካ
ኢዛ ቦላራ ቤቲና።
- 22 ጎዳይ ኮሰ ፐርዲዛ ዳና፤
ጎዳይ ኮሰ ዋጋ ኢሚዛዴ፤
ጎዳይ ኮሰ ካዋ፤
ኮና አሻናይካ ኢዛ።
- 23 ኔ ቶሌ ዋዶርይ ለፐዴሰ፤
ቱሳይ ሚኒ ኤቁቤና፤
ሻራዚ ቶሌቲቤና፤
ሄ ዋዴ ዲኤቲዳ
ጌታ ሚሺ ጌሼታና፤
ዋቤይካ አቶንታ ዲኦ ኤካና።
- 24 ጸዮንን ዲሼ፤ «ታ ሳኬታዲሰ»
ጋና አሲ ዳና፤
ሄን ዳኢዛ አሳታ ናጋራይ
አቶ ጌቲታና።

34

- ዳሬ ቦላ ያና ፐርዳ**
- 1 አንቲና ካዋቴላቶ ሸቁዲ ሲዩቲ!
ኔኒ ዳሬዚ አኬካ!
ቢታይኔ ቢታን ዲዛ ኡባይ፤
አላሜይኔ አላሜፔ ዩዳ
ኡባይ ሲዮ!
 - 2 ጎዳይ ካዋቴላ ኡባ ሃንቁቲዳሰ፤
ኢዛ ሃንቆይካ ኢዛ ኦላንቻታ
ኡባ ቦላና።
ኢዚ ኢሰታ ሙሌራ ዳይሳና፤
ሹካሰካ አሊ አማና።
 - 3 ኢሰታፌ ሃይቁዳይቲ ካሬ ኦሌታና፤
ኢሰታ አሃይ ጸንቃና።
ዙማቲ ሱላ ጸላ ጌዳና።
 - 4 ሳሎ ጸለንቲቲ ኡባይ ሴራና፤
ሳሎይ ጋልባ ማላ ጸጾታና፤
ጮራ ጸለንቲቲ ኡባይ ሹሊዲ
ቆቆፊቲዛ
ዋይኔ ሃይላ ማላኔ
ሚሊዲ ሳኣን ዋዲዛ
ባላሴ ሃይላ ማላ ጌዳና።
 - 5 ታ ጌላ ማሻይ
ሳሎታ ጌዶን
ባሰ ጌዳና ጋካናሰ ኡያዲሰ፤
ቤኢቲ፤ ኤዶሜ ቦላ፤
ታኒ ቃንጌዳ አሳ ቦላ
ፐርዳናሰ ዋዳዲሰ።

34:5 አሳ 63:1-6፤ ኤር 49:7-22፤ ሄዚ 25:12-14፤ 35:1-15፤ አዋ 1:11-12፤ ኡባ 1-14፤ ሚላ 1:2-5

- 6 ጎዳ ገላ ማሻይ
 ሱሉ ማይአዲስ፤
 ሞጶካ ካላዲስ፤
 ዶርሳ ላቃ ሱላኒኔ
 ዳይሻ ሱላን ጎዜታዲስ፤
 ቋርሾ ከላሆ
 ሞጶን ጎዜታዲስ፤
 ጎዳይ ቦጺራ ካታማን ያርሾ፤
 ኤዶሜን ዋልቃማ ሹካ
 ገግሲዳ ገሻሳ።
- 7 ቃሴ ኢስታራ ሚንላ፤
 ኮርማይ ዋፋራ ኢሲፌ ኩንዳና፤
 ቢታያ ሱላን ጫጳና፤
 ኢስታ ቢታይ ሞጶን አራዳና።
- 8 ሄሲካ ጎዳይ
 ሃሎ ኬሲዛ ጋላሲኔ
 ጸዮኔ ገሻሰ
 ሞርኬታ ኦሊዛ ላይላ ገዳና።
- 9 ኤዶሜ ካንቼቲ ሺዳ ገዳና፤
 ኢዚ ቢታይ ጸጌቲዛ
 ዲኔ ገዳና፤
 ኢዚ ቢታይ ሺዳ ማላ ኤጸና።
- 10 ኢዘ ሚዛ ታማይ
 ቃማኔ ጋላሰ ቶኤና፤
 ጨዋይካ ሚርናሰ ቱሉ ጋና፤
 ዬሌታፔ ዬሌታ ጋካናሰ
 ካይሰ ገዳና።
 ኦኒካ ናምኣንላ
 ሄራ አጴና።
- 11 ጸሎይኔ ቁጸርሲ ኢዘ ላታና፤
 ጉቶይኔ ቁርይ
 ኢዚን ኬላ ኬጸና፤
 ጸሲ ኤዶሜ ቦላ
 ኢዘ ላላና ዋዶርኔ
 ኢዘ ቋይሳና ቱምቤ ዬዳና።
- 12 ኢዚ ዳናቲ
 ካዎ ጌቲቲ ጾይጌታናሰ
 ዳንዳይዛ ሚሺ ዳና፤
 ኢዚ ሃላቃቲ
 ሙሌራ ፒቲቲ ቋያና።
- 13 ገምቤቲ ዩዩዳ ካታማታ፤
 ኢዚ ሚጸታ ዶዮይኔ
 ኦካይ ላታና፤
 ዋራካናታ ኦላኔ
 ጉቶታ ዲሳሶ ገዳና።
- 14 ባዘ ዶኣቲ ጎዳሬታራ
 ኢሲፌ ዳና፤
 ባዘ ዳይሽ ሚሳቲዛ
 ዳይዳንሳቲ
 ባንታ ገደን ጾይጌታና፤
 ኦማርሳ ሚጴታቲ
 ሄን ሸምጋና፤
 ባንታሰ ዲሳሶ ሄን ዳማና።
- 15 ጉቶይ ሄ ኬላን
 ጰጰሌታ ዬጋና፤
 ዛራዳካ ጰቁሳና፤

- ባ ጨይታካ ሃጸና፤
 ዋሌቲ ዋላን ዋላን
 ሄን ሸቃና።
- 16 ጎዳ ማጸፋን ጸሊቲ፤ ናባቢቴ።።
 ሃይታፔ ኢሲይካ ፓጩና፤
 ኢሲይ ኢሲይ ባሰ
 ዋላ ላጌ ቋይና፤
 ሃይሲ ሃ ኦዛዘዚ
 ኢዛ ዶናፔ ኬዚዳሰ፤
 ኢዛ ኦያናይ ኢስታ
 ኢሲ ቦላ ሸሻና።
- 17 ኢስታ ገሻ ገሻ ኢስታሰ ዋላና፤
 ኢዛ ኩሼይ ሚዛኔን
 ሚዛኔን ገሻና፤
 ኢዛ ሚርናሰ ኢስታሰ ገዳና፤
 ዬሌታፔ ዬሌታ ጋካናሰ
 ኢስቲ ኢዚን ዳኣና።

35

- ዎዜቲዳ ዳሬ ኡፋይሰ
- 1 ባዘይኔ ሚላ ቢታይ ኡፋይታና፤
 ኣይኮይ ባይንዳ
 ባዘይ ኡፋይታና፤
 ጨሻ ማላካ ጨያና።
- 2 ኢዚ ዳር ኡፋይታናኔ ሚጫና፤
 ለባኖሴ ቦንቾይ
 ኢዛሰ ኢሚታና፤
 ቃርሚሎሴኔ ላሻርኔ
 ቲማ ኢዚ ማይኣና፤
 ኑ ጎዳ ቦንቾኔ
 ጸሳ ገታቲላ ኢስቲ ቤኣና።
- 3 ዳቡርዳ ቁሴታ ሚንላቴ፤
 ኣርጋጨዳ ጉልባታታ ሚንላቴ።።
- 4 ዎዚናን ያሻይ ዲዛይታ
 «ሚኒቲ! ያዮፍቲ!
 ኢንቲ ጸሲ ዩዲ ሃሎ ኬሳና፤
 ኢዚ ኢንቲና ኣሻናሲኔ
 ሃሎ ኬሳናሰ ያና» ጌቲ።
- 5 ሄ ዎዳ ቆቂታ ኣይፌይ ጸላና፤
 ቱሌታ ሃይሌ ሲያና።
- 6 ዎቤይ ጌኔሳ ማላ ጉጋና፤
 ዲዳ ዶናይ ኡፋይሳን ዬጸና፤
 ባዘፌ ሃላ ኬዛና፤
 ፑልቶይ ባዘ ቢታፌ ፑልታና።
- 7 ጸጊዛ ቢታን
 ኤሌ ሃላ ኩማና፤
 ሚላ ቢታቲ ሃላ ፑልታና፤
 ዎራካናቲ ኣቁዛ ኦላን
 ማታይ፣ ማቃይኔ
 ሻጫይ ሞካና።
- 8 ሄን ዎጋ ኦጌይ ኦሴታና፤
 ኢዚካ፣ «ጌሻቲላ
 ኦጌ» ጌቲታና።

ቱናቲ ሄ ኦጌራ ቤቴና፤
ኦጌዚ ሄ ኦጌራ ቢዛይታሰ
ጸላ ገዳና፤

ገላቲ ሄ ኦጌራ
ባና ዳንዳዬቴና።

9 ሄን ጋሞይ ዳኤና፤
ዳፊ ሚዛ ደኣይካ ኢዛን ኬዜና፤
ሄይታንቲ ሄን ቤቴቴና፤
ዋዜቲዳይቲ ጸላ ሄራ ባና።

10 ጎዳይ ማዲዳይቲ ሲማና፤
ኢሰቲ ዩዲሼ ጸዮን ጌላና፤
ሜርና ኡፋይሳ
ካላቻ ማላ ጎዳና፤
ኢንጄኔ ኡፋይሰ ዳማና፤
ጨጭይኔ ካዮይ
ሄፔ ባቃታና።

36

ዩሩሳሌም ቦላ ሴናኪራሜ ማንዴ
(2ካዋ 18:13-27፤ 2ታሪ 32:1-19)

1 ካዋ ሂዘቂያሲ ካዋቲዳ ታማኔ ኦይዳንላ ላይላን፤
አሶሪ ካዋ ሴናኪራሜይ ገምቤቲዳ ዩሁዳ ካታማታ
ኡባ ኦሊ ኦይኪዳሰ።

2 አሶሪ ካዋይ ላኪሼ ጌቲቲዛ ካታማፔ ኦላ ጋዳዋ
ጮራ ኦላንቻታራ ካዋ ሂዘቂያሳኮ ዩሩሳሌም
ዩዲዳሰ። ኦላ ጋዳዋዚ ማይኦ ሜጨዛዳዛ ጋዳኮ
ኤፊዛ ኦጌፔ ቆዋ ባጋራ ዲዛ ኤሌ ሃላኮ ኢዛ ዛራ
ላንቁን ኤቁዳሰ።

3 ካዋ ኬላ ኣይሲዛ ኪልቂያሳ ና ኤልያቁሜይ፤
ጸፊዚ ሼቢናይኔ ታሪኬ ጸፊዚ ኣሳፊ ና ዮኣሂ ኢዛኮ
ካሬ ኬዚዳ።

4 ኦላ ጋዳዋዚ ኢሰታሰ፡ «ሂዘቂያሳሲ፡ ሰልቃማ
አሶሪ ካዋ፡ ኔኒ ሃይሳ ማላ ኔ ኣማኔቲዳይ ኣዛኔ?»

5 ኔኒ ኦላ ኤራቴሌኔ ሚኖ ኦላንቻቲ ታሰ ዳቲሰ
ጋሳ፤ ገደ ኣቲን ኔኒ ጎኣይ ባይንዳ ቃላ ጸላ ሃሳያሳ፤
ሂሰቲን ኔ ኦናን ኣማኔታዳ ታ ቦላ ማካላይ?

6 ሄኮ ኔኒ ኣሲ ኢዛ ኦይኪ ዳርቲን ሜቁዲ
ማዲንሳዛ ማቃ ሚሳቲዛ ገብጾን ኣማኔታዳሳ፤ ገብጾ
ካዋ ፓርኔይካ ኢዛን ኣማኔቲዛ ኡባሰ ሄሳ ማላ።

7 «ኔኒ ታሰ፡ ሓኒ ጎዳን፡ ኦ ጸሳን ኣማኔቶሰ» ገኮ፤
ኢዛሰ ጎይኒዛ ቆቃሶሆታኔ ያርሾሶሆታ ሂዘቂያሲ
ላሊዲ ዩሁዳ ኣሳኔ ዩሩሳሌም ኣሳ፡ ሓንቲ ጎይናሰ
ቤሲዛይ ሃይሳ ማላ ኢሲ ያርሾሶን ጸላ ገዳናሰ
ቤሴሰ» ገቤኔ?

8 «ኣኔ ሃኢ ሃ ያዳ ታ ጎዳ አሶሪ ካዋራ ገጋና ማላ
ሃሳያ፤ ኔሰ ቶጋ ዳንዳይዛ ኣሳቲ ዲኮ 2,000 ፓራታ
ታኒ ኔሰ ኣማና።

9 ኔኒ ገብጾ ፓራ-ጋሪታኒኔ ቶጋንቻታን ኣማኔቲዛ
ገዲኮ ታ ጎዳ ኦላንቻታፔ ኢሲ ላፋ ቡቴዛ ኔ ዋሰታ
ዛራኔ?

10 ቃሴ ሃይሳ ቢታ ቆይሳናሰ ጎዳ ኣዛዘይ ባይንዳ
ታ ዩዳ ኔሰ ሚሳቲዜ? ጎዳይ ባ ሁኤራ ሃይሳ ዳራ
ታኒ ኦላ ቆይሳና ማላ ታሰ ዮቲዳሰ» ገደሰ።

11 ኤልያቁሜይ፡ ሼቢናይኔ ዮኣሂ ኦላ ጋዳዋዛ፡ «ኦ
ኤሪዛ ኣራሜ ቃላራ ኦሰ ኔ ኣይሌታሰ ዮታ፤ ገምቤዛ
ቦላ ዲዛ ዳፊዚ ኤሪዛ፡ ኢብራቂታ ቃላን ኦሰ ዮቶፓ»
ገዳ።

12 ገደ ኣቲን ኦላ ጋዳዋዚ ዛሪዲ፡ «ታ ጎዳይ ታና
ኪቲ ዩዲዳይ ሃይታ ሃ ዮኦታ ኔ ጎዳሲኔ ኔሰ ጸላ
ዮታናሴ? ኢንቲ ማላ ባንታ ሺያ ማናሲኔ ባንታ ሼሽ
ኡያናሰ ገምቤ ቦላ ኡቲዳ ኣሳሳራ ዮታና ማላ
ገደሰ።»

13 ሄሳፊ ጉዬ ኦላ ጋዳዋዚ ኢብራቂታ ቃላራ ባ
ቃላ ቆቁ ሂሰቲዲ፡ «ዋጋ ዋልቃማ ኣሶሪ ካዋ ቃላ
ሲዩቴ!»

14 ካዋዚ፡ «ሂዘቂያሲ ኢንቲና ጨሞፎ፤ ኢዚ
ኢንቲና ኣሻና ዳንዳዬና።

15 ጎዳይ ቱማ ኦና ኣሻና፤ ሃ ካታማያካ ኣሶሪ ካዋሰ
ኢማቲኮ» ገዲ ኢንቲ ጎዳን ኣማኔታና ማላ ኦላፎ»
ገደሰ።

16 «ሂዘቂያሲ ገዛይሳ ሲዮፒቴ። ኣሶሪ ካዋይ
ኢንቲና፡ ሓታናራ ሲጌቲቴ፤ ሃ ታኮ ኬዚቴ። ሄሳፊ ጉዬ
ኢንቲ ኡባይካ ኢንቲ ዋይኔፔኔ ኢንቲ ባላሴፔ ማንዴታ፤
ኢንቲ ቦኪዳ ኦላፊ ሃላ ኡያንዴታ።

17 ሄሳ ኢንቲ ሃናናይ ታኒ ያዳ ኢንቲና ኢንቲ ቢታ
ሚሳቲዛ ዳሬ ዳንሳ ኡፋና ጋካናሳ፡ ሄ ቢታይ ካሴኔ
ዋይኔ ኡሺ፡ ካላ ቢታኔ ዋይኔ ኣታኪልቲይ ኩሚዳ
ቢታ» ጌሰ።

18 «ሂዘቂያሲ፡ ሓዳይ ኦና ኣሻና» ገዲ ኢንቲና
ጨሞፎ። ሃና ጋካናሰ ካዋቲሳታ ጸሳታፔ ባ ዳራ ኣሶሪ
ካዋ ኩሼፔ ኣሺዳ ጸሲ ዲዜ?

19 ሃማቲ ጸሳቲኔ ኣርፋዴ ጸሳቲ ኣዋን ዲዛ?
ሴፋርዋይሜ ጸሳቲ ኣዋን ዲዛ? ሃይቲ ሳማሪያ ታ
ኩሼፔ ኣሺዳ?

20 ሃይታ ሃ ዳሬታ ጸሳታ ኡባፊ ባ ዳራ ታ ኩሼፔ
ኣሻና ዳንዳይዳይ ኣዋይሴ? ሂሰቲን ጎዳይ ዩሩሳሌም
ታ ኩሼፔ ዋሰቲ ኣሻና ዳንዳይዜ?» ገደሰ።

21 ገደ ኣቲን ካዋዚ ኢሰታሰ፡ «ኢዛሰ ኣይኮካ
ዛርፒቴ» ገ ኣዛዚዳ ገሻሰ ኣሳይ ኢሲ ቃላካ ቃቶንታ
ጮኦ ገደሰ።

22 ሄሳፊ ጉዬ ካዋ ኬላ ኣይሲዛ ኪልቂያሳ ና
ኤልያቁሜይ፡ ጸፊ ሼቢናይኔ ታሪኬ ጸፊዚ ኣሳፊ ና
ዮኣሂ ባንታ ማይኦ ዳኪዲ ሂዘቂያሳኮ ቢዳ፤ ሂሰቲዲ
ኣሶሪታ ኦላ ጋዳዋይ ገዳይሳ ኡባ ኢዛሰ ዮቲዳ።

37

ካዋ ሂዘቂያሲ እሳያ ኦይቺዳ ዛሬ
(2ካዋ 19:1-7)

1 ካዋ ሂዘቂያሲ ሄሳ ሲዩዳ ማላ ባ ማይኦ
ዳኪዳሰ፤ ሄሳፊ ጉዬ ማቃ ማይኢዲ ጎዳ ኬላ
ጌሊዳሰ።

2 ካዋ ኬላ ኣይሲዛ ኤልያቁሜይ፡ ጸፊ ሼቢናይኔ
ቁሴታፔ ኤሬቲዳይቲ ኡባይ ማቃ ማይኢዲ ኣሞጾ ና
ናቤ እሳያሳኮ ባና ማላ ኪቲዳሰ።

3 ኢሰቲካ እሳያሳሰ ቢዲ፡ «ሂዘቂያሲ፡ ሓ ጋላሳይ
ጨጭ፡ ቁጻቴኔ ካወሻቲላ ጋላሳ፤ ሄሲካ ናይ ዩሌታና
ሃኒሺን ኣቤይ ኢጲዛ ጋላሳ ማላ ገዲዳሰ።

4 ዳኦ ጸሳ ጫያና ማላ ኢዛ ጎዳ ኣሶሪ ካዋይ
ኪቲዳ ኦላ ጋዳዋ ቃላ ጎዳ ኔ ጸሳይ ሲዮንታ ኣጌና።
ቃሴ ጎዳ ኔ ጸሳይ ሄ ሲዩዳ ቃላ ጋሶን ኢዛ ቃጸዮንታ
ኣጌና። ሄሳ ገሻሰ ኔኒ ሼምፖራ ፓጻ ኣቲዳ ጫሻታ
ገሻሰ ዋሳ» ጌሰ።

5 ካዋ ሂዘቂያሲ ኪቲዳይቲ እሳያሳኮ ዩዳ ዋይ፡

6 ኢሳያስ ኢስታስ ዛሬዲ፡ «ኢንቴ ጎዳሲ ቢዲ፡ ሳዳይ ኔና፡ አሶሬ ካዎ አሸካራቲ ታና ጫዩሺን ኔኒ ሲዩዳ ጫሻ ቃላስ ሂርጎ።»

7 ቤያ፡ ታ ኢዛ ቦላ ኢያና ኪታና፤ ኢዚ ዎሬ ሲዩዳ ባ ዳሬ ሲሚ ባና፤ ሄን ባ ዳሬን ማሻን ሃይቃና ማላ ታ ኦላና ገቲ» ገደሰ።

አሶሬቲ ናምእንሎ ከቲዳ ማንዴ ቃላ (2ካዎ 19:8-19)

8 አሶሬ ካዎይ ላኪሽ ካታማፔ ዳንዲ ቢዳይሳ ኦላ ጋዳዋዚ ሲዩዳ ጉዬ ሲሚደሰ። ሂስቲዲ ካዎዚ ሊቢና ካታማ ኦሊሽን ዳሚደሰ።

9 ካዎ ሴናኪሬሚይ፡ ቶጵያ ካዎ ቲራቄይ ኢዛ ኦላና ዩዛይሳ ሲዩዳሰ፤ ሄሳ ሲዩዳ ማላ ሂዘቄያሳስ ኪታ ዩዲዲ።

10 «ዩሁዳ ካዎ ሂዘቄያሳስ፡ «ዩሩሳላሚይ አሶሬ ካዎ ኩሽን ገሌና» ገን ኔ አማኔቲዳ ጸሲ ኔና ጨዋፎ።

11 ሄኮ አሶሬ ካዎቲ ቢታ ኡባ ቦላ ኢስቲ ኦሊዳይሳኔ ሙሌራ ኢስታ ቆይሲዳይሳ ኔ ሲያዳሳ። ሂስቲን ኔ ኬሳ ኤካ ኢታና ሚሳቲዜ?

12 ካሴ ታ አዋቲ ቆይሲዳ ጎዛኔን፡ ካራኔኔኔ ኤራሬሴን ሄሳላካ ታላሳሬን ዳኢዛ ኤዴኔ አሳ ኢስታ ጸሳቲ ሄ ቢታታ አሺዶ?

13 ሃማቲ ካዎይ፡ አርፋዴ ካዎይ፡ ሴፋርዎይሚ ካዎይ፡ ሄና ካዎይኔ ኢዎ ካዎይ አዋን ዲዞ?» ገደሰ።

ሂዘቄያሳ ዎሳ

14 ሂዘቄያሳ ዳብዳቤዛ ከቲቲዳ አሳታፔ ኤኪዲ ናባቢዳሰ። ጎዳ ኬላ ኤኪ ኤፊዲ ጎዳ ሲንሳን ሚጨዳሰ።

15 ሂስቲዲ ጎዳ ዎሲሹ፡
16 «አቤት ጎዳወ፡ ኡባሬ ዎልቃማ ጸሳወ፡ ኪሩቤታፔ ገደን ኡቲዛ ኢሰራኤሌ ጸሳወ፡ ሳአ ካዎቲሳታ ኡባ ቦላ ኔ ጸሳ ጸሳ። ሳሎኔ ሳአ ኔኒ ሚቆዳሳ።»

17 አቤት ጎዳወ፡ ኔ ሃይላ ሃ ዩጋዳ ኤዘጋ። አቤት ጎዳወ፡ ኔ አይሬ ፖጋዳ ሃ ጸላ፡ ኔና ዳኦ ጸሳ ጫያናሰ ሴናኪሬሚይ ከቲዳ ቃላ ሲያ።

18 «አቤት ጎዳወ ቱማካ፡ አሶሬ ካዎቲ ሃ ካዎቲሳታ ኢስታ ቢታ ኡባ ባዞ ኬሲዳ።»

19 ኢስታ ጸሳታ ታማን ጸገዳ፤ ኢስታ ጸሳቲ ዎኒካ ሚላሬኔ ሹቻሬ አሳ ኩሽን ማሴቲ ኬዚዳ ሚሰሊፔ ኦቲን ጸሳታ ገደቲና።

20 ሃኢካ አቤት ጎዳወ፡ ኦ ጸሳወ ኔኒ ጎዳይ ጸላ ጸሳ ገዲዳይሳ ሳአ ካዎቲሳቲ ኡባይ ኤራና ማላ ኦና ኢዛ ኩሽፔ አሻ!» ገ ዎሲዳሰ።

ኢሳያስ ካዎ ሂዘቄያሳስ ዩዲዳ ኪታ (2ካዎ 19:2-37)

21 ሄሳሬ ጉዬ አዎጾ ና ኢሳያስ ካዎ ሂዘቄያሳሰ፡ «ጎዳይ ኢሰራኤሌ ጸሳይ፡ «ኔኒ አሶሬ ካዎ ሴናኪሬሚይ ማንዲዳ ማንዴላ ገሻሰ ዎሲዳ ዎሳ ታ ሲያዲሰ» ገሰ።»

22 «ጎዳይ ሴናኪሬሚ ገሻሰ ዮቲዳ ቃላይ፡ «ገላኦያ ጸዮኔ ናያ ኔና ካቆዲሲኔ ሌቃዲሰ። ዩሩሳላሚ ናያ ኔ ባቃቲሺን ቤአዳ ባ ቆዴ»

ቃላዲሰ።
23 ኔ ኦና ጫያይኔ ካወሻይ? ኦና ቦላ ኔ ቃላ ቆቁ ሂስታ ሃሳያይ? ኦቶሮ አይሬን ኦና ጸላይ? ኢሰራኤሌ ገሻ ቦላ ገደኔ!

24 ኔኒ ከቲዳ አሳታ ባጋራ ጎዳ ቦላ ዳሮ ጫሻ ቃላ ሃሳያዳሳ። ቃሴካ፡ «ታኒ ጮራ ፓራ-ጋሬታን ዙማታ ካራ፡ ለባናሴ ሁኤ ኬዛዲሰ። ሂስታዳ አዲሳ ዚጋታኔ ኡባሬ ሎኢዛ ጸዲታ ቃንጸዲሰ። ታኒ ኬሂ ቆቃሰሆታኒኔ ኬሂ ካይሸዛ ዎራን ጋካዲሰ።»

25 ታኒ አላጋ ቢታታን ሃላ ኦላታ ቦካዲሰ፡ ኢስታሬካ ሃላ ኡያዲሰ። ገብጼ ቢታን ዲዛ ፑልቶ ሃላታ ኡባ ታ ቶሆን ዩቆ ሚሊሳዲሰ» ጋዳሳ።

26 «ታኒ ዳሮ ዎዴፔ ካሴ ቃቹዳይሳ፡ ታ ቤኒ ሃልቹዳይሳ ኔ ሲያቤኪ? ሃኢ ገዲኮ ፖሌታና ማላ ኦላዲሰ፤ ኔኒካ ገምቤቲዳ ካታማታ ላላዳ ሹቻ ዶሬ ኬሳና።»

27 ኢስታ ዳራሰ ዎልቃይ ኢዲዳሰ፤ ኢስቲካ ዳጋሚዳኔ ካወዱዳ። ኢስቲ ጋዴን ዲዛ ዶዛታ ማላ፡ ሙልኦ ጫሬቻታ ማላ፡ ኬላ ካራን ሞኪዳ ማታ ማላኔ ኬሰንታ ቆይዳ ካላ ማላ ገዲዳ።»

28 «ገደ አቲን ኔኒ ኡቲዛሰ፡ ኔ አይዴ ያዳ አይዴ ባናኮ፡ ኔ ታ ቦላ ዎና ሃንቆን ዳንዳኮ ታ ኤራይሰ።»

29 ኔኒ ታ ቦላ ሃንቆን ዳንዳቲዳ ገሻሰኔ፡ ኔ ሃላጨዛይሲ ታ ሃይላን ዎቆዳ ገሻሰ፡ ታኒ ኔ ሲዴን ዳፎ አላና፤ ኔ ዶናንካ ቢጸላ ባርሳና፤ ኔ ዩዳ ኦጌራካ ታ ኔና ጉዬ ዛራ ዩዳና» ገደሰ።

30 «ሄሳሬ ጉዬ ኢሳያስ ካዎ ሂዘቄያሳሰ፡

ሃይሲ ኔሰ ማላታ ገደ፤
 ሃ ላይሳ ኢገቲ ኣዛባ ሞኪዳ
 ካላ ማና፤
 ዪዛ ላይሳካ ኣዛባፌ
 ዋጂ ሞኪዳዝ ማና።
 ገደ ኣቲን ሄቫጎላ ላይሳ
 ኢገቲ ዜራናኔ ማጻና፤
 ዋይኔ ቶካናኔ
 ኢዛ ኣይፌካ ሺሻና።

31 የሁዳፔ ኣቲዳ ጫሻቲ
 ጸጸ ዲጌ ዩዲዲ
 ቦላን ኣይፌ ኣይፋና።

32 ኣቲዳ ጫሻቲ ዩራሳላሚፔ፣
 ሸምፖራ ፓጸ ኣቲዳይቲ
 ጸዮኔፔ ኬዛና።
 ኡባፌ ዋልቃማ ጎዳ
 ዚልኤቲላ ሃሳ ኦላና።

33 «ኣሶሬ ካዎ ገሻሰ ጎዳይ፣
 ሳሶሬ ካዎይ
 ሃ ካታማ ጌሌና፤
 ኢዚ ቦላ ባ ዎንዳፌ ዱኬና፤
 ኢዚ ቦላ ባ ጎንዳሌ
 ኦይኪዲ ዩና፤
 ቃሴ ካታማ የሾን
 ቢታ ደሬን ጎርዳና።

34 ባ ዪዳ ኦጌራ ጉዩ ሲማና፤
 ኢዚ ሃ ካታማኖ ጌሌና ጌሰ።

35 ታኒ ታ ቦንቾ ገሻሰኔ
 ታ ኣሸካራ ዳዊቲ ገሻሰ፣
 ሃ ካታማኖ
 ካማ ኣሻና» ገደሰ።

36 ሄ ጋላሳ ኦማርሲ ጎዳ ከታንቻይ ኬኢዲ፣ ኣሶሬ
 ኣሳይ ዲንካኒ ዲዛሶን፣ 185,000 ኣቱማሳታ
 ዋጂዳሰ። ሂሰቲን ኣሳይ ማላዶ ሱራዲ ቤኢዛ ዎዴ
 ሃይቁዳ ኣሳ ኣሃይ ሄን ኩሚዳሰ።

37 ሄሳ ገሻሰ ኣሶሬ ካዎ ሴናኪሬሚይ ኬሲ
 ኤኪዳሰ፤ ጉዩ ሲሚ ቢዲካ ናናዌ ካታማን ኡቲዳሰ።

38 ሳናኪሬሚ ባ ጸሳ ኒሰራኬ ኬላን ጎይኒሽ
 ዳኢሺን፣ ኢዛ ናይቲ ኣዲራሚሌኬይኔ ሳርሳሬይ ማሻን
 ኢዛ ዎጂዳ። ሂሰቲዲ ኣራራቲ ቢታ ባቃቲዳ። ኢዛ ና
 ኣሴራዶይይ ኢዛሶሆን ካዎቲዳሰ። *

38

ሃርጌፌ ሂዝቂያሳ ፓጸ
 (2ካዎ 20:1-11፤ 2ታሪ 32:24-26)

1 ሄ ዎዴ ካዎ ሂዝቂያሲ ሃርጌዲ፣ ሃይቃና
 ማቲዳሰ። ሂሰቲን ኣዎጾ ና ናቤ ኢሳያሲ ኢዛኮ ቢዲ፣
 «ጎዳይ ኔና፣ ሳኒ ሃይቃናፔ ኣቲን ሃርጌዛፔ ፓጸካ፤
 ሄሳ ገሻሰ ኔ ኬላ ገጊሳ» ጌሰ።

2 ሂሰቲን ሂዝቂያሲ ኬላ ጎዳኮ ሲሚዲ ጎዳ
 ዎሲዳሰ።

3 ዎሲሽ፣ «ኣቤት ጎዳዉ፣ ታኒ ኔ ሲንሳን
 ኣማኔቲላኒኔ ኩሚላ ዎዚናፔ ኔና ኡፋይሲዛ ሚሽ ኦላሽ
 ታ ዋና ዳኢዳኮ ኔኒ ኣኬካና ማላ ታኒ ኔና ዎሳይሰ»
 ገ ዎሲዳሰ፤ ሂዝቂያሲካ ኬሄ ጫዎ ዩሆ ዩኪዳሰ።

4 ሃሳፌ ጉዩ ጎዳ ቃላይ ኢሳያሳኮ ዩዳሰ።

* 37:38 ኢብራዊታ ቃላሪ ኣሲራዶይ ኤሳር-ሃዶን ጌቲቲሰ።

5 ሂሰቲዲ፣ «ኔኒ ባዳ ሂዝቂያሳ፣ ጎዳይ ኔ ኣዎ
 ዳዊቲ ጸሳይ፣ ታኒ ኔ ዎሳ ሲያዲሰ፤ ኔ ኣፋንላካ
 ቤኣዲሰ። ኔ ላይሳ ቦላ ታኒ ኔሰ ታማኔ ኢቻሹ ላይሳ
 ጉጃና።

6 ኔናኔ ሃ ካታማኖ ኣሶሬ ቢታ ካዎዛ ኩሸፔ ኣሻና፤
 ታኒ ሃ ካታማይ ቦላ ዪዛይሳ ቲቃና» ጌሰ። ገደሰ።

7 ኢሳያሲ ጉጃዲካ፣ «ጎዳይ ኔሰ ገዳ ቃላ
 ፖላናይሳሰ ማላታይ ሃይሳፌ ካሊዛይሳ፤

8 ቤያ፣ ኣካዜይ ፑዴ ኬኣናሰ ገግሲዳ ኬቻታ ቦላ
 ዎጂዛ ኣዎ ኩዎይ ታሙ ኬቻ ጉዩ ሲሚ ባና ማላ ታኒ
 ኦላና» ገደሰ። ሂሰቲን ኩዎይ ታሙ ኬቻ ጉዩ
 ሲሚዲ ቢዳሰ።

9 የሁዳ ካዎ ሂዝቂያሲ ሃርጌ ፓጸዳፔ ጉዩን
 ጸፊዳ ቃላይ ሃይሳፌ ካሊዛይሳ፤

10 ታኒ፣ «ታ ዴኦ ላይሳሰ ቡርን ባጋ ጋኪዛ ዎዴ፣
 ሃይቆ ፔንጌራ ጌላና ቤሲዜ? ታሰ ኣቲዳ ላይሳይ ታፔ
 ቦንቁታናሰ ቤሲዜ?» ጋዲሰ።

11 ቃሴካ፣ «ታኒ ሸምፖራ ፓጸ
 ዳኢዛይታ ቢታን
 ኔና ጎዳ ዛራ ቤኢኬ፤
 ሃይሳፌ ጉዩን
 ታ ኣሳ ዜሬላ ቤኢኬ፤
 ሃ ሳኣን ዳኢዛይታ
 ገደንካ ዳኢኬ።

12 ታ ኬላ ሄንሳንቻታ
 ዲንካኔ ማላ ሸዴቲዳሰ፤
 ታፔካ ኤኬቲዳሰ፤
 ሸማኔይ ኣፋላ ዎንዲራሽን
 ጸጸዛ ማላ፣
 ታኒ ታ ዴኦ ጸጸዲሰ፤
 ኢዚካ ታና ዎንዲራሽፔ
 ዲላዳሰ።
 ማላዶፔ ኦማርሲ ጋካናሰ፣
 ኔኒ ታና ቆይሳናሰ ኤሶታዳሳ።

13 ሳኣይ ዎንታና ጋካናሰ
 ታኒ ኔና ዳንዲያን ናጋዲሰ፤
 ገደ ኣቲን ጋዎ
 ማላ ኢዚ
 ታ ሚቁላ ኡባ ሚንጮሬላዳሰ።
 ቃሴ ማላዶፔ ኦማርሲ ጋካናሰ
 ኔኒ ታና ቆይሳናሰ
 ኤሶታዳሳ።

14 ታኒ ጨራሻኔ
 ሃላ ካፎ ማላ ዎሳዲሰ፤
 ሃራጾ ማላካ ጉጉማዲሰ።
 ታ ኣይፌቲ ፑዴ ሳሎ
 ጸሊዲ ዳቡርዳ።
 ኣቤት ጎዳዉ፣ ታኒ ኡንኤታዲሰ፤
 ኔኒ ታና ሃኒፌ ኬሳ!» ጋዲሰ።

15 ሂሰቲን ታ ኣይ ጋኔ?
 ኢዚ ባ ሁኤራ ታሰ ዮቲዳሰ፤
 ቃሴካ ባ ሁኤራ
 ሃይሳ ኦላዳሰ፤
 ታ ሸምፖፖ
 ኬሂፔ ጨጨዳ ገሻሰ፣
 ታ ዴኦ ላይሳ ኡባን

- 16 አቤት ጎዳው ሄይታጎታ ማላ
የኦታጎ አሳይ ፓጸ ደሰ።
ታ አያናይካ ሄይታጎታጎ
ዴኦ ደማና።
ኔ ታና ፓላዳሳ፣
ታና ሽምፖራ ፓጸ ዋላዳሳ!
- 17 ሄኮ ታ ማቶን ጨጨዳይሲ
ታሰ ጎአሰ ጊዲዳሰ።
ኔኔ ታ ሽምፖ ባሻ ኦላፊ
ኔ ሲቆን ናጋዳሳ፤
ኔኔ ታ ናጋራ ኡባ
ኔፔ ጉዬ ዛራዳ ኦላዳሳ።
- 18 ዲሮይ ኔና ጋላቲና፤
ሃይቆይካ ኔና ሳቤና።
ዲጌ ኦላን ዋዲዛይቲ
ኔ አማኔቲላ ሂደታ ኦሴቲና።
- 19 ታኒ ሃቶ ኔና ጋላቲዛይሳ ማላ
ሽምፖራ ፓጸ ዴኢዛይቲ ጸላ
ኔና ጋላታና፤
ኔ አማኔቲላ ገሻሰ
አዋቲ ባ ናይታሰ የቴቲሰ።

- 20 ጎዳይ ታና አሻና፤
ሄሳ ገሻሰ ኦኒ
ኑ ዴኢዛ ላይላታ ኡባን፣
ጎዳ ኬላን
ዋጾቲዳ ዲላን ዬጸና።
- 21 አሳያሲ ካሴ፣ «ባላሴ ማላ አይፊ ዳዲዲ፣ ኢዛ
ኪጸ ቦላ ዋላቲ። ሂሰቲኮ ኢዚ ፓጸና»
ጊ ዋላዳሰ።
- 22 ሂዘቂያሲካ፣ «ታኒ ፓጸዳ ጎዳ ኬላ ፑዴ
ኬዛናይሳሰ ማላታይ አዜ?» ጊዲ አሳያሳ ኦይቺ
ዋላዳሰ።

39

ባቢሎንፔ ከቲቲ ዪዳ አሳታ
(2ካዎ 20:12-19)

- 1 ሄ ዋዴ ባቢሎን ካዎይ ባሊዳኔ ና፣
ማርዶኬ-ባልዳኔይ ሂዘቂያሲ ሃርጊ ፓጸዳ ገሻሰ
ዳብዳቤኔ አምታ ኢዛሰ ዬዲዳሰ።
- 2 ሂዘቂያሲ ከቲቲዳይታ ኡፋይሳን ሞኪ ኤኪዳሰ፤
ሂሰቲዲ ካዎ ማንጃ ኬላን ዲዛ ቢራ፣ ዋርቃ፣ ዲማ
ዲማ ሳዎታ፣ ዶሬቲዳ ዛይቲ፣ ቃሴ ኦላ ማሻ፣ ኢዛሰ
ዲዛ ማሽ ኡባ ኢሲኖካ ኦሾንታ ዲሼ ቤሲዳሰ። ኢዛ
ማንጃ ኬላን ዲዛ ማሽ ጊዲን ኢዛ ካዎቲላ ጋርሳን
ዲዛ ማሽ ኡባ ቤሶንታ ኦሼዳ ማሽ ዳና።
- 3 ሄሳፊ ጉዬ ናቤ አሳያሲ ካዎ ሂዘቂያሳኮ ዪዲ፣
«ሃ አሳቲ ኔና አይ ጊዶ? ኢሰቲ ኔኮ አዋፔ ዪዶ?»
ጊ ኦይቺዳሰ።
ሂዘቂያሲካ ዛራዲ ኢዛሰ፣ «ሃ አሳቲ ታኮ ሃኮ
ቢታፊ ባቢሎንፔ ዪዳ» ጊዳሰ።
- 4 አሳያሲ ቃሴካ፣ «ኔ ካዎቲላ ኬላፊ አይ
ቤኢዶ?» ጊዳሰ።

- ሂዘቂያሲ፣ «ታ ካዎቲላ ኬላን ዲዛ ኡባ ቤኢዳ፤ ታ
ቤሶንታ ኦሼዳ ኢሲ ማሽካ ዳና» ጊዳሰ።
- 5 ሄሳፊ ጉዬ አሳያሲ ሂዘቂያሳሰ፣ «ኡባፊ ዋልቃማ
ጎዳይ ገዛይሳ ሲያ፤
- 6 ኔ ካዎቲላ ኬላን ዲዛ ኡባይ፣ ካሴ ኔ አዋቲ
ሃቶ ጋካናሰ ሺሺዳ ኡባይ ዲኤቲዲ ባቢሎን ባና
ዋዴይ ያና፤ ኢሲኖካ ኦሾንታ ማጸ ኤፊዛ ዋዴይ ያና
ጌሰ ጎዳይ።
- 7 ኔፔ ዬሌቲዳይቲኔ ኔ ዜሪላፊ ዬሌቲዳይቲ ዲኤቲ
ቢዲ ባቢሎን ካዎ ኬላን ጉንዲላ ጊዲዲ ኦላና»
ጊዳሰ።
- 8 ሂዘቂያሲ ዛራዲ፣ «ኔኒ የቲዳ ጎዳ ቃላይ ሎኦ»
ጊዳሰ። ሂዘቂያሲ፣ «ታኒ ዴኢዳ ላይላን ታሰ ሳርኔ
ዎፓ ጊዶ» ጊ ቆፒዳ ገሻሳ።

40

ጸሳ ዴሬ ማንሴሊዛ ቃላ

- 1 ኢንቲ ጸሳይ፣
«ማንሴሊቲ!
ታ ዴሬዛ ማንሴሊቲ!
- 2 ዬሩሳላሜሰካ ሹሳ
ቃላራ የቲቲ፤
ኢዚሰ አዋጂቲ፤
ኢዛ አይሌቲላን
ኦሊዛ ዋዴይ ወሪዳሰ፤
ኢዚ ናጋራ ዋጋይ ጨጌቲዳሰ፤
ኢዛ ባ ናጋራ ኡባ ገሻሰ
ጎዳፔ ናምኡ ኩሼ
ቁጸቲ ኤካዲሰ» ጌሰ።
- 3 አዋጂ የቲዛይ ጨንጉርሲ፣
«ባዘን ጎዳ ኦጌ ገግሲቲ፤
ኑ ጸሳሰ አራባ ባዘን
ኦኮ ኦጌ ገግሲቲ።
- 4 ሸባይ ኡባይ ፑዴ ቶቁ ጋና፤
ዙማይኔ ዙምቡላይ ዘቁ ጋና፤
ኩንዲኩርጮ ቢታይ
ኢሲ ገና ጊዳና፤
ኩርፖቲ ዴምባ ጊዳና።
- 5 ሄ ዋዴ ጎዳ
ቦንቾይ ቆንጫና፤
ኦሾ ማይኢዳ ኡባይ
ሄሳ ሃሳይዳሰ» ጌሰ።
- 6 ጨንጉርሲ ታና፣
«ዋሳ!» ጊዳሰ።
ታኒካ፣ «አይ ጋ ዋሶ?» ጋዲሰ።
ኢዚካ፣ «ኦሲ ኡባይ ማታ ማላ፤
ኢዛ ቦንቾ ኡባይካ
ዴምባ ጨሻ ማላ።
- 7 ጎዳይ ባ ሽምፖ
ኢዛ ቦላን ሽምፕሺን
ማታይ ማሌሰ፤
ጨሺካ ቆኬሰ፤
ቲማፔ ዴሬይ ማታ ማላ።
- 8 ማታይ ማሌሰ፤
ጨሻይካ ቆኬሰ፤
ጊዶ ኦቲን ኑ ጸሳ ቃላይ

- ሜርናስ ሚኒ ዳስ»
ጋዳ ዋሳ ገደሰ።
- 9 ኔኖ ሚሺራቾ
ጸዮኔስ የቲዛይሶ፣
ጶቃ ዙማ ቦላ ኬዛ፤
ኔኖ ሚሺራቾ
ዬሩሳላሜስ የቲዛይሶ፣
ኔ ጨንጉርሳ
ጶቁ ሂስታ ዋሳ፤
ጶቁ ሂስታ፣ ባቦፋ፤
ዩሁዳ ካታማታስ፣
«ሄኮ ኢንቴ ጸሳ»
ጋዳ የታ።
- 10 ሄኮ ኡባ ሃሪዛ ጎዳይ
ዋልቃራ ዬስ፤
ኢዛ ቁሴይ ኢዛ ገሻስ ሃራና።
ቤኢቴ ኢዛ ዋይቶይ ኢዛራ ዳስ፤
ኢዚ ጨጋና ኦሶ ዋጋይካ
ኢዛራ ዳስ።
- 11 ኢዚ ባ ወዳ
ሄንጎንቻ ማላ ሄሜስ፤
ባ ላቃታካ
ባ ቁሴን ቶኬስ፤
ባ ኪኦንካ ኢዲሜስ፤
ቆንጢዛይታካ
ሎዳራ ካሌሌስ።
- 12 ሃላታ ባ ኩሼ
ኩዳን ማኪዳይ፣
ሳሎታ ታቆኪዳይ፣
ባና ዳቾን
ማኪ ኦይኪዳይ፣
ዙማታ ባ ሜዛኔን፣
ዙምቡላታካ ሜዛኔን ዋላዳይ ኦኔ?
- 13 ጎዳ አያና ሻኪ ኤሪዳይ፣
ኢዛ ዘሪዛዳ ገዲ
ታማርሲዳይ ኦኔ?
- 14 ኤራቴላ ዳማናስ ጎዳይ
ኦና ዘሪ ኦይቺዳ?
ሱሪ ኦኔ ኢዛ ታማርሲዳይ ኦኔ?
ኤራቴላ ኢዛ ታማርሲዳይ፣
ኦኔካ ኦኔካ ኢዛ ቤሲዳይ ኦኔ?
- 15 ቤኢቴ ካዋቴላቲ ጎምቦ ገደን
ጸኪዳ ሃላ ማላ፤
ኢስቲ ሜዛኔ ቦላ ዲዛ
ጉዲላ ማላ ቆዳቴቴስ፤
ሃሩርታ ሊቆ
ቢታ ማላ ጌዳሪስ።
- 16 ለባኖሴይ ያርሾሶሆ
ታማስ ገዲኩ፤
ኢዚ ሜዳሳታ ቆዳይካ
ጸጌቲዛ ያርሾስ ጉላ።
- 17 ካዋቴላቲ ኡባይ ኢዛ ሲንጎን
ኦይኮካ ገዳቴና፤
ኢስቲ ኦይኮራካ
ጋኪ ቆዳቶንታ
ሃዳ ሚሻ ማላ።
- 18 ሂስቲን ኢንቴ ጸሳ

- ኦናራ ገኒሴቲ?
ኦይ ሚሰሌራ ጋላ ገኒሴቲ?
- 19 ኤቃ ሚሰሌይ ገዲኮ
ሂላ ኩሼን ማሴቲዳስ፤
ሂሳ ዋርቃ
ኦላዛዳይ ቦላራ
ዋርቃን ሜሼስ፤
ቡራ ሳንሳላታካ ኢዛስ ገኒሴስ።
- 20 ሂሳ ማላ ያርሾ
ሺሻናስ ዳንዳዮንታ
ማንቆ ኦሲ ሙሶንታ
ሚሳ ደሪስ፤
ኩንደንታ ሚሰሌ ኤሳናስ
ኤሪቴዳ ሂላ ኮዬስ።
- 21 ኢንቴ ሂሳ ኤሪኬቲ?
ዋይኮ ሲዩቤኬቲ?
ቤኒ ቤኒ ኢንቴስ የቴቲቤኔ?
ሳኦይ ሜዴቶሶፊ ደሚን
ኢንቴ ኦኬኪቤኬቲ?
- 22 ኢዚ ቢታ ዩሾፔ ቦላራ
ባ ኦራታን ኡቴስ፤
ቢታ ቦላ ዲዛ ዳሪይ
ቦሌ ማላ፤
ሳሎታ ማጋላሻ ማላ ሚጨስ፤
ዲሳሶ ዲንካኔ ማላ ቶኬስ።
- 23 ሃላቃታ ሃዳ ሂስታና፤
ሃ ቢታ ኦይሲዛይታካ
ፒቲ ቆይሴስ።
- 24 ኢስቲ ቶኬቲዲ ጋምኦንታ ዲሺን፣
ዜሪቴዲ ታኮንታ ዲሺን፣
ቡር ጸጸ ዬደንታ ዲሺን
ኢስታ ቦላ ጫርኮ ዬዲን ሜሊዳ፤
ጎቴይ ኢስታ ሱላ ማላ
ፒቲ ኤፊዳስ።
- 25 ጌሻዚ ኢስታስ፣
«ታና ኦናራ ገኒሴቲ?
ታናራ ገናቲዛይ ኦኔ?» ጌስ።
- 26 ኢንቴ ኦይፊ ቆቁ ሂስቲዲ
ፑዳ ሳሎ ዴሊቴ፤
ሃይታንታ ኡባ
ሜዲዳይ ኦኔ?
ሳሎ ጸሊንቴታ
ኢሳ ኢሳ ኬሲዛይ፣
ኢስታ ሱንጎን ሱንጎን
ዴይገዛይ ኢዛ።
ኢዚ ባ ገታቴላኒኔ
ባ ኤራቴላ ሚኖቴላፊ
ዳንዲዳይሳን
ኢስታፊ ኢሶይካ ቆዳና።
- 27 ያቆቤ ኔ ኦይስ ሂሳታ ጋይ?
ኢስራኤሌ ኔ ኦይስ ሂሳታ ሃሳያይ?
«ታ ኦኔይ ጎዳፔ ጌሚዳስ፤
ታ ፐርዳይ ጸሳ ኦቻን
ወዲ ጌቴቲቤና» ኦይስ ጋይ?
- 28 ኔ ኤራቤኪ?
ኔ ሲያቤኪ?
ጎዳይ ሜርና ጸሳ፤

ኢዚ ቢታ ኡባካ ማዲያይሳ።
 ኢዚ ዳቡሬና፤ ኣዛሌና፤
 ኢዛ ኣኬካይካ
 ኦናንካ ፒልጌቲና።
 29 ማኖቴላ ባይንዳዳሰ
 ማኖቴላ ኢማሰ፤
 ዳቡርዳይሳሰ ዋልቃ ጉጂሰ።
 30 ዩላጋቲካ ዳቡሬቴሲኔ
 ኣዛሌቴሰ፤
 ናቴላቲካ
 ቆዳቴዲ ኩንዳቴሰ፤
 31 ጊዶ ኣቲን ጎዳ
 ሂዶታ ኦላዛይቲ
 ባንታ ዋልቃ ኦራዲሴቴሰ፤
 ኢሰቲ ጎሌ ማላ ፒራዳና፤
 ኢሰቲ ዳቡርንታ ዋጻና፤
 ኢሰቲ ባና፤ ኣርጋጨፍቴና።

41

ኢሰራኤል ማዶ

1 ጎዳይ፡ «ኢንቴኖ ሃሩሮቶ፡
 ጮኡ ገቲ፤
 ካዎቴላቲ ባ ዋልቃ ኦራጮቶ፤
 ሸቂዲ ሃሳዬቶ፤
 ኣኔ ፒርዳ ሸሎታ
 ሲንላን ጋይቶሰ።
 2 ኣርሼይ ሞኪዛ ባጋፊ
 ኢሳ ዳንላዲይ፡
 ዲሎቴላን ባሰ ሃጋዚሳና
 ዴይጊዳይ ኦኔ?
 ኢዚ ካዎቴላታ
 ኢዛሰ ኣላ ኢማሰ፤
 ኢዚ ኢሰታ ገላ ማሻን
 ቢታ ኬሲዳሰ፤
 ባ ዋንዳፊን ጫርኮይ
 ላሊዳ
 ሱላ ማላ ኬሲዳሰ።
 3 ኢሰታ ጎዳ ዩዲዲ
 ማቶይ ባይንዳ ኣጂ ቢዳሰ፤
 ኢዛ ቶሆይ ካሴ ዩዳንታ
 ኦጌራ ሃማቲዳሰ፤
 4 ሃይሳ ኦላዲይኔ ፖሊዳይ
 ዩሌታ ቤኒሶፊ ዴይጊዳይ ኦኔ?
 ጎዳይ ኮይሮይታራካ
 ዉርሴላይታራካ
 ዲዛይ ታና» ጌሰ።
 5 ሃሩሮቲ ቤኢዲ ያዩዳ፤
 ሳኣ ጋጸቲካ ኮኮሪዳ፤
 ኢሲ ቦላ ሸቂዲ ሲንላ ዩዳ።
 6 ኢሶይ ኢሳራ ማዳቴሰ፤
 ባ ኢሻካ፡
 «ኣይኮይ ባ ማና» ጌሰ።
 7 ሂላንቻይ ዋርቃ ኦላዛይሳ
 ማንሌሌሰ፤
 ናሪቃን ቆጶ ሌኢሲዛይይ
 ቢራታ ማርጮን
 ሴሪሲዛይሳ ማንሌሌሰ፤
 ቢራታ ሴሪሲ ኦይሴላይ፡

«ሎኦ» ጌሰ፤
 ኤቃ ጸሳ ሚሰሌይ ኩንዳንታ ማላ
 ሚሰማሬን ቶርጌሰ።

8 ጎዳይ፡ «ጊዶ ኣቲን ኔኖ
 ታ ኣሸካራ ኢሰራኤሌ፡
 ታ ዶሪዳ ያቆቤ፡
 ታ ላጌዛ ኣብራሃማ
 ዜሪላዞ፡
 9 ታኒ ኔና ቢታ
 ጋጸፔ ኤሂዳይሶ፡
 ሳሎይ ዳንጸሶፔ
 ዴይጊዳይሶ፡
 ታ ኔና ታ ኣይሌዞ)
 ጊዳይሶ ታ ኔና
 ዳራዲሰ ኣቲን ኦላጋቤኬ።
 10 ታኒ ኔናራ ዲዛ ጊሻሰ ያዮፋ፤
 ታኒ ኔ ጸሳ ጊዲዳ ጊሻሰ
 ዳጋሞፋ።
 ታኒ ኔና
 ሚንሳናኔ ማዳና።
 ታ ዲሎቴላ ኡሻቻ ኩሼን
 ዜምፒሳ ኦይካና።
 11 «ቤኣ ኔ ቦላ ሃንቄቲዳ ኡባይ
 ኬሂ ዩላታናኔ ካዉያና፤
 ኔናራ ኤቄቴዛይቲ
 ቲምኢ ጊ ጳያና።
 12 ኔኒ ኔ ሞርኬታካ
 ኮያዳካ ዳማካ፤
 ኔና ኦላዛይቲ ፒቴቲ ጳያና።
 13 ጋሶይካ ታኒ ጎዳ ኔ ጸሳይ፡
 ታ ኔና ማዳና፤ ያዮፋ
 ታ ኔ ኡሻቻ
 ኩሼዛ ኦይካና።
 14 ኔኖ ጉጶኔዞ ያቆቤ፡
 ኔኖ ቁሪ ኢሰራኤሌ፡
 ሪያዮፋ ታኒ
 ኔና ማዳና) ጌሰ።
 ኔና ዋዚዛይ
 ኢሰራኤል ጌሻዛ።
 15 ቤኣ ታኒ ኔና ኦራሳ፡
 ቃራኔ ኣቻራ ዲዛ
 ካላ ቡኪዛ ሎዳ ኦላና፤
 ኔኒ ዙማታ ጎያ ሊቁሳና፤
 ዙምቡላታካ ዩዳ
 ሃፓ ኬሳና።
 16 ኔኒ ኢሰታ ሱራጋና፤
 ጫርኮይ ኢሰታ ፒቲ ኤፋና፤
 ጎቴይካ ኢሰታ ላላና።
 ጊዶ ኣቲን ኔኒ
 ጎዳን ኡፋይታና፤
 ቃሴ ኢሰራኤል ጌሻን
 ቦንቹታና።
 17 ሂዩሳቲኔ ማቶታንቻቲ
 ሃላ ኮያና፤
 ጊዶ ኣቲን
 ኣይኮካ ዳማቴና፤
 ሃላ ሳሞን ኢሰታሰ

ፖራንዳይ ሜሊዳሰ፤
ጊዳ ኣቲን ታኒ ጎዳይ
ኢሰታሰ ዛር ኢማና፤
ታኒ ኢሰራኤሌ ጸሳይ
ኢሰታ ዩጋ ኣጊኬ።

18 ታኒ ቡላቲዳ
ዙምቡላታ ቦላ ሻፋታ፤
ሸባታን ፑልቶታ ቆሳና፤
ባዞ ቢታ ኤሌ ሃል፤
ሳሜቲዳ ቢታን
ሃላ ፑልቶ ኬሳና።

19 ባዞ ቢታን ዚጋ፤
ኦዶሮ፣ ባርሴኔቲኔ፤
ዎጋራ ሚላ ሞይዛና፤
ኣይኮይ ባይንዳ ባዞን ጸዳ፤
ፑንሳኔ ኦንላ ቶካና።

20 ሄሳ ጊሻሰ ኣሳይ
ሄሳ ቤኣናኔ ኤራና፤
ጎዳ ኩሼይ
ሃይሳ ኦሊዳይሳ፤
ኢሰራኤሌ ጌሻይ ሜዲዳይሳ
ኢሰቲ ኢሲፌ ዩሺ ቆፓናኔ
ኣኬካና» ጌሰ።

ጸሳይ ዋርዶ ጸሳታ ኢጶሰ

21 ጎዳይ፡
«ኣኔ ኢንቲ ሞቶ
ኤኪዲ ሃ ሸቂቲ» ጌሰ።
ያቆቤ ካዎይ፡ «ኣኔ ኢንቲ ሞቶ
ዳፋ ሃ ኤሂቲ» ጌሰ።

22 ቡርፔ ሃናናይሳ ዮታና ማላ
ኢንቲ ኤቃ ጸሳታ ሃ ኤሂቲ፤
ኑ ኣኬካና ማላኔ
ኢሰታ ዉርሴላካ ኤራና ማላ
ካሴ ዮኦቲ ኣዛኮ ኑሰ ዮቲቲ፤
ቡርፔ ሃናና ሚሻታ ኤሪቲ።

23 ኢንቲ ጸሳታ ጊዲዳይሳ
ኑ ኤራና ማላ፡
ሲንሳፌ ሃናና
ሚሻታ ኑሰ ዮቲቲ፤
ኑኒ ዳጋማና ማላኔ ያያና ማላ፡
ሎኦ ጊዲን ዎይኮ
ኢታ ሚሽ ኦሊቲ።

24 ሄኮ ኢንቲ ኣይኮ
ቆዳን ጌሎንታይታ፤
ኢንቲ ኦሪይ ሙሌካ ሃዳ፤
ኢንቲና ዶሪዳይቲ ሃራሲዛይታ።

25 «ታኒ ፑዳሃ ባጋፌ
ኢሳ ዳንላዲሰ፤
ኢዚካ ዩሰ።
ኣርሼይ ሞኪዛ ባጋራ ዩዛይሲ
ታ ሱንላ ጸይጊዛይሳ፤
ማናይ ኤርቃ ዩዲዛ ማላ
ኢዚ ካሌሊዛይታካ
ዩዲሰ።

26 ኑኒ ኤራና ማላ ኮይርቲ
ኑሰ ኣዎጂዳይ፡

«ኢዚ ሊኬ» ኑ ጋና ማላ
ኑሰ ካሴቲ ዮቲዳይ ኦኔ?
ኦኒካ ዮቲቤና፤
ሲንላቲዲ ዮቲዳይ ዳና፤
ኢንቲፌ ኣይ ቃላ
ሲዩዳይካ ዳና።

27 ኮይርታዳ፡ «ሄኮ ታኒ ቤኣዲሰን
ጋዳ ጸዮኔሰ ኣዎጂዳይ ታና፤
ዩሩሳላሜሰ ሚሺራቾ ዮቲዛዳ ኢማዲሰ።

28 ታኒ ጶሊዛ ዎዳ ኦኒካ ዳና፤
ኢሰታ ጊዳን ዙራንቻይ ባዎ፤
ታ ኦይቺዳ ዎዳ
ዛር ኢሚዛይካ ዳና።

29 ቤኣቲ ኢሰቲ ኡባይካ ሃዳ፤
ኢሰታ ኦሪሰካ ጎኣይ ዳና፤
ኢሰታ ሚሰሌቲካ
ኣይኮይ ባይንዳ ጫርኮ ማላ» ጌሰ።

42

ጎዳ ኣሽካራ

1 ጎዳይ፡ «ታኒ ካ
ኦይኪዳ ታ ኣሽካራይ፡
ታ ኢዛን ኡፋዬቲዛ
ሙሩታይ ሃይሳ፤

ታኒ ታ ኣያና
ኢዛ ቦላ ዎላዲሰ፤
ኢዚ ካዎቲላታሰ
ሱራ ፒርዳ ኤሃና።

2 ዎሴና፤ ባ ቃላ ቶቂሴና፤
ባ ጨንጉርሳካ
ኦጌ ቦላ ኬሂ ሲሴና።

3 ዲንጨቲዳ ማቃ ኢዚ
ሚንሴና፤
ጨዎቲዛ ሙቃዳ ኢዚ ቶይሴና፤
ኣማኔቲላን ኢዚ
ሱራ ፒርዳ ኤሃና።

4 ኢዚ ቢታ ቦላ ሱራ ፒርዳ
ኤሃና ጋካናሰ ዳቡራና፤
ሂደታካ ቃንጾና፤
ሃሩርቲ ኢዛ ዎጋን
ኣማኔታና» ጌሰ።

5 ሳሎታ ሜዲዳይ፡
ኢሰታ ሚጨዳይካ፡
ሳኣኔ ኢዚን ዲዛ ኡባ ጊግሲዳይ፡
ባ ዴሪሰ ፔኖ
ኢዚን ዳኢዛ ኣሳታሰ ሸምፖ
ኢሚዛ ጎዳ ጸሳይ፡

6 «ታኒ ጎዳይ
ኔና ጸሎቲላን ጸይጋዲሰ፤
ታ ኔ ኩሼ ኦይካና፤
ታ ኔና ናጋና።
ታኒ ኔና ካዎቲላሰ
ጫቆ ቃላ፡
ኣይዛቤታሰካ ፖኦ ሂሰታና

7 ኔ ቆቂታ ኣይፌ ደይኣና፤
ዲኤቲዳይታ ቃሽ

ከላፊ ቢርሻና፤
ጳጳሪን ኡቲዳይታካ
ካርቻሌፊ ከሳና። *

- 8 «ታኒ ጎዳ፤ ሃይሲ ታ ሱንላ፤
ታ ቦንቾ ሃራሰ
አላ አሚኬ፤
ታ ጋላታካ
ኤቃ ጸሳታሰ ሼጲኬ።
- 9 በኢቲ ቤኒ ዮኡቲ ፖሎቲዳ፤
ሃኢ ታኒ ኦራላ
ሚሽ አዋጃይሰ፤
ኢዚ ሞካናፕ ሲንሳ
ታ ኢንቴሰ ዮታይሰ» ጌሰ።

ጋላታ ማዛሙራ

- 10 ኢንቴኖ ዲጌ አባን ዋጂዛይቶ፤
ሄን ዲዛ ኡባቶ!
ኢንቴኖ ሃራርቶ!
ሄንካ ዲዛ ኡባቶ!
ጎዳሲ ኦራላ ማዛሙራ ዩዲቴ፤
ቢታ ጋጸፕ ዶሚዲ
ኢዛሰ ጋላታ ማዛሙራ ሽሽቴ።
- 11 ባዛይኔ ካታማቲ
ባንታ ጨንጉርሳ
ጳቆ ሂሰቴቶ፤
ቁዳሬይ ዳኢዛ ጉታይ ኡፋዬቶ፤
ሴላ ዴሪ አሳቲ
ኡፋይሳን ዩዶቶ፤
ዙማ ጸራንካ ኢሊሌቶ።
- 12 ኢሰቲ ቦንቾ ጎዳሰ አሜቶ፤
ኢዛ ጋላታይካ
ሃራርታን አዋጃቶ።
- 13 ጎዳይ ኦላ ቃራ ማላ ኬዛና፤
ኦላንቻ ማላ ሆኤቲ ዴንዳና።
ጨቁቴላ ጋይሮ ሲሳና፤
ባ ሞርኬታካ ኦሊ ጸናና።

ጎዳይ ባ ዴራ ማዳና አሚዳ ሂዶታ

- 14 ጎዳይ፡ «ታኒ አዲሳ ዋዴሶፊ
ጮኡ ጋዲሰ፤
ሲርጲ ጋዲሰ፤
ታና ቁምኣ ኦይካዲሰ፤
ሃኢ ገዲኮ ሚጸ ኦይኬቲዳ
ማጫሳ ማላ ዋሳይሰ፤
ሼናታይሰኔ ባናካይሰ።
- 15 ታኒ ዙማታኔ
ዙምቡላታ ዋዲሳና፤
ደዛታ ኡባ ሚሊሳና።
ሻፋታ ሃራር ቢታ ከሳና፤
ኤሌ ሃላታካ
ሚጨንቻና።
- 16 ታኒ ቆቁታ ኢሰቲ ኤርንታ
ኦጌ ካሌላና፤
ኢሰቲ ሜዜቶንታ ኦጌራካ
ታ ኢሰታ ኤፋና፤
ጳጳሪ ታ ኢሰታ

ሲንላን ፖኢሳና፤
ኩንዲኩርጮ ሶሆታ ታ ገሊሳና፤
ሃይታንታ ኡባ
ታ አላንታ አገኬ።
17 ኤቃ ጸሳታን
አማኔቲዛይቲ ገዲኮ
ሚሰሌታካ፡ «ኢንቴ ኦ ጸሳታ»
ገዛይቲ ጉዬ ሲማና፤
ኢሰቲ ሙሌራ ካወያና» ጌሰ።

ኢሰራኤሌ አሳ ቆቁቴሊኔ ቱሌቴሳ

- 18 ጎዳይ፡ «ኢንቴኖ ቱሌቶ ሲዩቴ!
ኢንቴኖ ቆቁቶ
በኢቴኔ ጸሊቴ!
19 ታ አሽካረራ
ታኒ ከቲዳዴፊ አቲን
ሃራ ቱሌይ ኦኔ?
ታሰ አማኔቲዳዴ ማላ
ቆቁይ፡
ጎዳ አሽካራ ማላ
ቆቁይ ኦኔ?
- 20 ዳሮ ሚሽ በኢዴታ ሺን
ኦኬኪቤኬታ፤
ኢንቴ ሃይላይ ዶያ ዴሰ ሺን
ሲዩኬታ» ጌሰ።
- 21 ጎዳይ ባ ዲሎቴላ ገሻሰ ገዲ፡
ባ ዋጋ ገታኔ
ቦንቾ ኬሲዳ ገሻሰ ኡፋዬቲዴሰ።
- 22 ሃ ዴሬይ ቦጌቲዳኔ ቦንቁቲዳ፤
ኦላ ገደን ዋጂዳ፤
ዋይኔ ከላይ ኢዛ ቦላ
ጎርዴቲዳ ዴሬ፤
ኢሰቲ ቦጌቲዳ፤
ኢሰታ አሽዛዴይ ዴና፤
ኢሰቲ ዲኤቲዳ፤
«ኢሰታ ዛሬቴ» ገዛይካ ባዋ።
- 23 ኢንቴ ገደሬ ሃይሳ ሲዩዛይ፡
ሲንላፊ ያና ዋዴሰ
ኦኬኪ ሲዩዛይ ኦኔ?
- 24 ያቆቤይ ቦጌታና ማላ፡
ኢሰራኤሌይ ዲኤታና ማላ
ኦሊዳይ ኦኔ?
ናጋራ ኦሊዲ
ኦ ቆሂዳ ጎዳ ገዴኔ?
ኢሰቲ ኢዛ ኦጌ ካላናሲኔ
ኢዛ ዋጋሰ አዛዜታና ኮዮንታ
አገዳ ገሻሳ።
- 25 ሄሳ ገሻሰ ኤዲዛ ባ ሃንቆዛ፡
ኢታ ኦላ ኢሰታ ቦላ ዩዲዴሰ፤
ታማ ላጮን ኢሰታ ገደላዴሰ፤
ኢሰቲ ገዲኮ ሄሳ ኦኬኪቤቴና፤
ኢሰታ ጸገዴሰ ሺን
ኢሰቲ ዋዚናን ዋሊቤቴና።

43

ጸሳ ዴራ አሽዛዴ

* 42:7 ካርቻሌ ጉሲ ቃሾ ከላ ዋይኮ ዋይኔ ከላ።

- 1 ሃኢ ጊዲኮ ያቆቤ፥
ኔና ሜዲዳይ፥
ኢሰራኤል! ኔና ገግሲዳ ጎዳይ፥
«ታኒ ኔና
ዎዚዳ ገሻሰ ያዮፋ።
ታኒ ኔና ኔ ሱንጎን ጸይጋዲሰ፤
ኔኒ ታሳ።
- 2 ኔኒ ሃላ ጊደራ ጥነዛ ዎዳ፥
ታኒ ኔናራ ጊዳና።
ኔኒ ጥነሽን
ሻፋይ ኔና ሚቴና፤
ኔኒ ታማ ጊደራ ቢሽን
ኔና ጸጌና፤
ታማ ለጮይካ ኔና ማና።
- 3 ጋሶይካ ታኒ ጎዳ ኔ ጸሳይ፥
ኢሰራኤል ጌሻይ ኔሰ ጳሌ፤
ታ ኔ ገሻሰ
ገብጾ ዎዘ አማና፤
ቶጵያኔ ሴባ
ኔ ገሻሰ አላ አማና።
- 4 ኔኒ ታ ሱንጎን አልኦኔ
ቦንቾ ጊዲዳ ገሻሰ፥
ታኒ ኔና ሲቁዛ ገሻሰ፥
አሳ ኔ ገሻሰ፥
ካዎቴላታ
ኔ ሽዎፖ ገሻሰ
ለሜ አማና።
- 5 «ታኒ ኔናራ ዲዛ
ገሻሰ ያዮፋ፤
ታኒ ኔ ናይታ አርሼይ
ዎኪዛ ባጋፌ ኤሃና፤
ኔና አርሼይ ዉሊዛ ባጋፌ ሽሻና።
- 6 ታኒ ፑዳሃ ባጋ፥ «ሃማ»
ዲጌሃ ባጋካ፥ «ዬዳ» ጋና፤
ታ አቱማ ናይታ ሃሆፕ፥
ታ ማጫ ናይታካ
ቢታ ጋጸፕ፥
- 7 ታ ሱንጎን ጸይጌቲዳ ኡባ፥
ታ ቦንቾሰ ታ ሜዲዳይታ፥
ታኒ ገግሲዳይሳኔ
ታ ኦሊዳይሳ
ሃሚቴ» ጋና።
- 8 አይፌይ ዲሺን ቆቁዳይታ፥
ሃይሊካ ዲሺን
ቱሊዳይታ ኬሳ።
- 9 ካዎቴላቲ ኡባይ
ኢሰፌ ሸቆቶ፤
አሳይካ ኢሰ ቦላ ሸቆ፤
ኢሰታፌ ካሴቲዳ
ሃይሳ ኦሰ ዮቲዳይ ኦኔ?
ቤኒ ሚሽ ኦሰ አዎጂዳይ ኦኔ?
ሃራቲ ሲዱዲ፥
«ሃይሲ ቱማ» ጋና ማላ፥
ኢሰታ ቱማቴላይካ
ቆንጫና ማላ
ባንታ ማርካታ ኤሃቶ።

- 10 «ኢንቴ ታና ኤራና ማላኔ
አማናና ማላ፥
ኢዚ ታና ጊዲዳይሳ
ኢንቴ አኬካና ማላ፥
ታ ማርካቲኔ ታ ደሪዳ
ታ አይሌቲ ኢንቴና።
ታፕ ካሴ
ሃራ ጸሲ ኦሴቲቤና፤
ታፕ ጉዬንካ
ሃራ ጸሲ ዳና።
- 11 ታና፤ ታኒ ጎዳ፤
ታፕ አቲን ሃራ አሽዛይ ዳና።
- 12 ታኒ ቆንጫሳዲሰ፤
አሻዲሲኔ ዮታዲሰ፤
ኢንቴ ጊደን ሃራ
አላጋ ጸሲ ዳኢቤና።
ታኒ ጸሳ ጊዲዳይሳሰ
ኢንቴ ታ ማርካታ።
- 13 ቤኒሶፌ ደማዳ ታኒ ታና፤
ታ ኩሼፕ
ኬሲ ኤካናይ ዳና፤
ታ ኦሊዳይሳ ለማናዉ
ዳንዳይዛይ ኦኔ?» ጌሰ ጎዳይ።

አማኔቶንታ ኢሰራኤሉሰ ጸሳ ማርቴላ

- 14 ጎዳይ ኢንቴና ዎዚዛ
ኢሰራኤል ጌሻይ፥
«ኢንቴ ገሻሰ ባቢሎኔ ቦላ
ኦላንቻታ ኪታና፤
ኢሰቲ ጨቁቲዛ ማርካቤታን፥
ባቢሎኔታ ኡባ
ቤታና ማላ ኦላና።
- 15 ታኒ ጎዳይ ኢንቴ ጌሻይ፥
ኢሰራኤል ሜዲዳ
ኢንቴ ካዎ» ጌሰ።
- 16 አባ ጊደራ ኦጌ፥
ዎልቃማ ሃላ
ጊደራ አዲዛሶ
ኬሲዳ ጎዳይ፥
- 17 ፓራ-ጋሬታኔ ፓራታ፥
ኦላንቻታኔ
ሚኖ አሳታ ኡባ ኤሂዲ፥
ኢሰቲ ዛሪ ዳንደንታ ማላ
ዘቆሊሲዳ ጎዳይ፥
ሙቃዳ ቢድንጎ ማላ
ኢሰታ ጳይሲዳ ጎዳይ፥
- 18 «ቤኒ ዮኦታ ሃሳኦፕቴ፤
ካሴ አዲዳይሳ ባሊቴ።
- 19 ሄኮ ታ ኦራላ
ሚሽ ኦላና፤
ኢዚካ ሃኢ ሃናና፤
ኢንቴ ዩሽ ቆፕኬቲ?
ታኒ ባዘን ኦጌ ገሊሳና፤
ታኒ አይኮይ ባይንዳ ባዘንካ
ሻፋታ ኬሳና።
- 20 ባዘ ደአቲ፥
ዎራካናቲኔ ጉቶቲ
ታና ቦንቻና።

- ታኒ ባዞ ቢታን ሃል።
 አይኮይ ባይንዳ ባዞንካ
 ፑልቶ አማና፤
 ታ ደሪዳ ታ ዳራሰ
 ሃል አማና።
- 21 ታኒ ታሰ ገግሲዳ ዳሬይ
 ታ ጋላታ አዋጃና ማላ
 ታ ሃይሳ ኦላና።
- 22 «ያቆቤ፥ ኔ ታና ጸይጋቤካ፤
 ኢሰራኤል፥ ኔ ታና ሳሌታዳሳ።
- 23 ኔኒ ታሰ ጸጌቲዛ ያርሾሰ
 ደርሰ ኤሃቤካ፤
 ኔ ያርሾንካ
 ታና ቦንቻቤካ።
 ታኒ ኔና ካላ ያርሾን
 ዋዩሳቤኬ፤
 ኤጸኔ ያርሾንካ
 ሳሌላቤኬ።
- 24 ኔኒ ታሰ ሎኦ
 ሳዊዛ ኤጸኔ ሻማቤካ፤
 ዋዶ ያርሾን ታና ካልሳቤካ።
 ገደ አቲን ኔ ናጋራ ቶሆ
 ታና ቶሳዳሳ፤
 ቆሆን ታና ዳቡርሳዳሳ።
- 25 «ታ ገሻሰ ጋዳ
 ኔ ቆሆዛ ጳይሲዛይ ታኒ ታና፤
 ኔ ናጋራ ታ ቆፒኬ።
- 26 አኔ ካሴ አዲዳይሳ
 ታና ቆፍሳ፤
 አኔ ኢሲፌ ሺቂዲ ቆዴቶሰ፤
 ኔ ቱማቴላ አኔ ኤሪሳ።
- 27 ኔ አዋ ኮይሮይሲ
 ናጋራ ኦሊዳሰ፤
 ኔ አሰታማሬቲካ
 ታ ቦላ ማካሊዳ።
- 28 ሄሳ ገሻሰ ታኒ ኔ
 ጸሳ ኩላ ሃላቃታ ካወሻና፤
 ያቆቤ ባሻሰ፥
 ኢሰራኤልካ ጫሻሰ
 አላ አማና» ጌሰ።

44

ደሪቲዳ ኢሰራኤል

- 1 ጎዳይ፥ «ገደ አቲን
 ታ አሽካራ ያቆቤ፥
 ታ ደሪዳ ኢሰራኤል፥ ሲያ።
- 2 ኔና ሜዲዳይ፥
 ኔ አይይ ኡሎን ኦሊዳይ፥
 ኔና ማዲዛ ጎዳይ፥
 ታ አሽካራ ያቆቤ!
 ታኒ ደሪዳ ዩሹሩኔ! ያዮፋ።
- 3 ታኒ ሳሜቲዳ ቢታን
 ሃል ጉሳና፤
 ማላ ቢታንካ ሻፋ ጎጊሳና።
 ታኒ ታ አያና ኔ ዜሬላ ቦላ፥

- ታ አንጆ ኔሰ
 ና ና ቦላ ጉሳና።
- 4 ኢሰቲ ዳምባን ጨለላ ማታ ማላ፥
 ሻፋ ደናን ዲዛ ማላ ማላ
 ሞካና ጌሰ።
- 5 ኢሶይ፥ «ታኒ ጎዳሳ ጋና፤
 ሃራይ ባና ያቆቤ
 ሱንላን ጸይጋና፤
 ሃራይ ቃሴ ባ ኩሼ ቦላ፥
 «ታኒ ጎዳሳ ገ ጸፋና፤
 ኢዚ ባና ኢሰራኤል ሱንላን
 ጸይጋና» ጌሰ።
- ጎዳፔ አቲን ሃራ ጸሲ ዳና
- 6 ኢሰራኤል ካዎይኔ ኢሰታ ዋዚዛይ፥
 ጎዳይ ኡባፌ
 ዋልቃማ ጸሳይ፥
 «ኮይሮይ ታና፤ ወርሴላካ ታና።
 ታፔ ሃራ ጸሲ ባዋ።
- 7 ታ ማላይ ኦኒ ዲዜ? አኔ ዮቶ፤
 ኮይሮ ታ ዳራሰ ታ ዮቶ ዩጊሺን
 አዚ ሃኒዳኮ፥
 ሲንላፌካ
 አዚ ሃናናኮ ዮቶ፤
 አኔ ታሰ ቆንጨሶ፤
 ቡር ሃናና ሚሻ ገሻሰ
 ሲንላቲ ዮቶ፤
 ቡር ያናይሳ ካሴቲ ዮቶ።
- 8 ያዮፍቴ፤ ዳጋሞፍቴ።
 ሃይሳ ታኒ ኢንቴሰ
 ዮታቤሰና?
 ቤኒሶፌ ታ ኢንቴና
 ኤሪሳቤኪና?
 ሄሳሰ ኢንቴ ታ ማርካታ።
 ታፔ አቲን ሃራ ጸሲ ዲዜ?
 ሙሊካ ዳና፤
 ዋይኮ ሃራ ዛላይ ዲዜ?
 ዳና፤ ታ ኦናካ ኤሪኬ» ጌሰ።

- 9 ኤቃ ሚሰሌታ ሜዲዛይቲ
 ኡባቲ ሃዳ፤
 ሚሰሌታ ኢሰታፌ
 ኦሊዛ ሚሻቲካ ሃዳ፤
 ኢሰታሰ ዮቲዛይቲካ ቆቄ፤
 ኢሰታሰ ኤራቴላ ዳና፤
 ኢሰቲ ዩላታና።
- 10 አይኮካ ጎኦንታ ኤቃ ጸሳ
 ማሲ ገግሲዛይ ኦኔ?
- 11 ኤቃ ጸሰ ሜዲዛይ አሰ አቲን
 ሃራ ገዳና፤
 ኢዚኔ ኢዛ ሚሳቲዛይቲ ዩላታና፤
 ኡባይካ ሺቂዲ
 ኢሲ ቦላ ኤቁቶ፤
 ኢሰቲ ዳጋማናኔ ዩላታና።
- 12 ቢራታ ቆጸዛይ ናሪቃ ኦይኬሰ፤
 ጸፋ ቦንቆ ቦላ
 ዋላ ኦሎሰ፤
 ኤቃ ጸሰ ናሪቃን ቆጸዲ

ሚሰሌ ገጊሴሰ፤
 ባ ሚኖ ቁሴን ገጊሴሰ።
 ሄሳፌ ጉዬ ጋፌሰ፤
 ዋለቃ ቆዩሰ፤
 ሃላ ሳሜቴሰ፤ ዳቡሬሰ።

- 13 ማሲዛይ ዋድሮን ዋዴሰ፤
 ችኩን ማላታ ዋሴሰ፤
 ማርሳራ ዋጩሰ፤
 ኢርሳሴን ኢዛ ቦላ
 ማላታ ዋሴሰ፤
 አሳ ሚሳቲሲ ገጊሴሰ፤
 አሳ ማላ ፑላሴሰ፤
 ጎይኖሶን ኤፊ ዋሴሰ።
- 14 ዚጋ ሚላ ቃንጾሰ፤
 ዋላ ዋይኮ ዋቆላ ደሬሰ፤
 ዋራን ዲዛ ሚላታራ
 ኢሲፌ ዲጫና ማላ አጌሰ፤
 ዋይኮ ጸዳ ቶኬሰ፤
 ኢዛካ ኢራይ ዲቼሰ።
- 15 አሲ ኤሶሰ ጎኤቴሰ፤
 ኢዛፔ ጉላ ኤኪዲ
 ታማን ኤላ ሆኤሰ፤
 ኤኬሊካ ኢዛን ኤኬሰ፤
 ኢዛፔ ማሲዲ
 ኤቃ ጸሰ ገጊሴሰ፤
 ኢዛሰካ ጎይኔሰ።
 ኤቃ ጸሰ ኦሴሰ፤
 ኩንዲዲካ ኢዛሰ ዚጌሰ።
- 16 ባጋ ሚላ ኤሴሰ፤
 ኢዛ ቦላካ ቁማ ካሴሰ፤
 አሾ ኢዛን ጸዳዲ ካሊ ሜሰ፤
 ታማዛ ሆኤሰ፤
 «ኤሮሾ ታና ሆኤዳሰ፤
 ታማዚካ ታሰ ቤቴሰ» ጌሰ።
- 17 ቃሴ አቲዳ ሚላዛ
 ባሰ ኤቃ ጸሰ ገጊሴሰ፤
 ሆኪዲ ኢዛሰ ዚጌሰ፤
 ኢዛካ ጎይኔሰ፤
 ኢዛ ዋሲሼ፤
 «ኔኒ ታ ጸሳ ገዲዳ ገሻሰ
 ታና አሻ» ጌሰ።
- 18 ኢሰቲ አይኮካ ኤሬቴናኔ
 አኬኬቴና፤
 ኢሰቲ ጾሎንታ ማላ
 ኢሰታ አይፌይ ጎዜቴዳሰ፤
 ኢሰቲ ዩሺ ቆፖንታ ማላ
 ኢሰታ ዋዚናይ ጎርዴቴዳሰ።
- 19 ኦኒካ ታኪ ገ ቆፐቤና፤
 ኤራቴላ ዋይኮ
 አኬካይ ባይንዳ ገሻሰ፤
 «ባጋ ታማን ኤላዲሰ፤
 ኢዛ ቦንቆን ካላ ካላዲሰ፤
 ኢዛን አሾ ጸዳዳ ማዲሰ፤
 ሂሰቲን አቲዳይሳን ዋሰታዳ
 ታኒ ሃራሲዛ ሚሽ ኦላቴ?
 ሚላ አኖሰ ታኒ

- ጎይናና ቤሲዜ?»
 ጋናሰ ዳንዳይቤና።
 - 20 ኤያ ዋዚናይ ኢዛ ባሌሊን
 ኢዚ ቢዲንላ ቃምኤሰ፤
 ባና አሻና ዳንዳይና፤
 «ሃይሲ ታሰ ኡሻቻ ኩሼን
 ዲዛይ ዋርዶ ገዴኔ?
 ጋናሰ ዳንዳይቤና።»
 - 21 ጎዳይ፡ «ኢሰራኤሌ ኔኒ
 ታ አሸካራ ገዲዳ ገሻሰ፤
 «ያቆቤ ሃይሳ ቆፓ፤
 ታኒ ኔና ኦላዲሰ፤
 ኔኒ ታ አሸካራ።
 ኢሰራኤሌ ታኒ ኔና ደገኬ።»
 - 22 ታኒ ኔ ሞሮ ሻራ ማላ፡
 ኔ ናጋራካ ማላዶ ቱላላ ማላ
 ቁጫ ቆይሳዲሰ፤
 ታኒ ኔና ዋዚዳ ገሻሰ
 ሃ ታኮ ሲማ» ጌሰ።
 - 23 ጎዳይ ሃይሳ ኦላዳ ገሻሰ
 ሳሎቶ ዩዲቴ፤
 ጨማ ቢታቶ ኡፋይሳን ኢሊሊቴ።
 ኢንቴኖ ዙማቶ፤
 ኢንቴኖ ዋራቶ፤
 ሚላቶ ኡባይ ኢሊሊቴ፤
 ጋሶይካ ጎዳይ
 ያቆቤ ዋዚዳሰ፤
 ባ ቦንቆ
 ኢሰራኤሌ ቦላ ቆንጨሲዳሰ።
- ዩራሳላሜይ አሳ ዲሳሶ ገዳና
- 24 ኔና አዪ ኡሎን ሜዲዲ
 ዋዚዳ ጎዳይ፡
 «ኡባ ሜዲዳ
 ሳሎታ ታርካ ፒዲሲዳይ፡
 ሳኦካ ሚጨዳይ ታና ጎዳ።»
 - 25 ታኒ ዋርዶ ናቤታ ማላታ
 ሃዳ ኦላና፤
 ቢቲዛይታካ ኤያ ኬሳና።
 ታኒ አጾ ኤራንቻታ
 ሺራ ዩጋና፤
 ኢሰታ ኤራቴላካ
 ሃዳ ኦላና።
 - 26 ታ አሸካራዛ ቃላ ታ ፖላና፤
 ታ ከቲዳይታ ዘሬ ታ ሚንላና፤
 ታኒ ዩራሳላሜ፡
 «ኔኒ አሲ ዲዛሶ ገዳና፡፡
 ዩሁዳ ካታማታካ፡
 «ኢሰቲ ኬዴታና፡፡
 ኢሰታ ላሌላካ፡
 «ታኒ ኦራዲሳና» ጋና።
 - 27 ታኒ ጨማ ሃላካ፡
 «ኔ ሜላ ገዳ!
 ኔ ሻፋታካ
 ታ ሚሊሳና» ጋና።
 - 28 ቂርሴካ፡
 «ኢዚ ታ ሃንላንቻ፤

ኢዚ ታ ሺኔ ፖላና፣ ጋና፤
ዩሩሳሌም ይካ፣
(ሲማ ኤቁ) ጋና፤
ጸላ ከላሰ፣
(ኢዛ ዮቺ ዩጌቶ) ጋና» ጌስ።

45

ቂርቤ ደራቴል

- 1 «ታ ቲይዳይሳሰ፣
ኡሻቻ ታ ኦይኪዳይሳሰ፣
ካዎታ ጌል ቢርሻና ማላኔ
ካዎቴላቲ ኢዛ ሲንላን
ሃሪታና ማላ፣
ፔንጌቲ ጎርዳቶንታ ማላ
ኢዛ ሲንላን ፔንጌታ
ደያናሰ ቂርቤሰ ጎዳይ።
- 2 ታኒ ኔ ሲንላራ ባና፤
ዙማታ ባሳ ገናሳና፤
ጸርቂማላ ፔንጌታ ማንላና፤
ቢራታ ኮላታታካ ቃንጸና።
- 3 ኔና ኔ ሱንላን ጸይጊዳ ጎዳይ፣
ኢሰራኤል ጸላይ ታና ጌዲዳይሳ
ኔ ኤራና ማላ፣
ጌማሶን ዳጋቲዳ አቆታ፣
ጳማሶን ዲዛ ሃር
ታ ኔሰ አማና።
- 4 ታ አሽካራ ያቆቤ ገሻሲኔ
ታኒ ደሪዳ ኢሰራኤል ገሻሰ፣
ኔ ታና ኤሮንታ አገሪካ
ታኒ ኔና ኔ ሱንላን ጸይጋዲሰ፤
ቦንቾ ሱንላካ
ኔሰ አማዲሰ።
- 5 ታኒ ጎዳ፤
ታፔ ሃራይ ኦኒካ ዳና፤
ታፔ ሃራ ጸሲ ዳና፤
ኔ ታና ኤሮንታ አገሪካ
ታ ኔና ማንላና።
- 6 ሄሲካ አሳይ
አርሼይ ሞኪዛሶፔ ቢዲ
አርሼይ ወሊዛሶ ጋካናሰ
ታፔ ሃራይ ባይንዳይሳ
ኤራና ማላሳ።
ታኒ ጎዳ፤
ታፔ ሃራይ ኦኒካ ዳና።
- 7 ታኒ ፖኦ ኦሳዲሰ፤
ጳማካ ማዳዲሰ፤
ታ ዱሬሳይሲኔ ማንቂሳይሰ፤
ሃይሳ ኡባ ኦሊዛ
ጎዳይ ታና።
- 8 ኢንቴሮ ሳሎቶ፣
ቦላፌ ጸሎቴል ቡኪሲቴ፤
ሻራቲካ ዲጌ ጸኪሲቴ፤
ቢታይ ደዬቶ፤
አቶቴል ሞኮ።
ጸሎቴልካ ኢዛራ ኢሲፌ ዲጮ።
ታኒ ጎዳይ ሄሳ ማዳዲሰ።

ጸላይ ማዳቴላሲኔ ታሪኬሰ ጎዳ

- 9 «ማና ሚሻታ ጊደፌ
ባና ማዳዲሳራ ማ
ርሼቲዛይሳሰ
አዬ አና!
ኡርቃይ ባና ማዳዲሳ፣
(ኔ አይ ኦላይ?) ጌ ኤሪዜ?
ኔ ኦሊዛ ኦሶይ፣
(ኔሰ ኩሼይ ባ) ጌ ኤሪዜ?
- 10 ባ አዎ፣
(አይሰ ታና ሃይሳል ዩላዲ?)
ባ አዮ፣
(አይሰ ኔ ሃይሳል ሚጸታዲ?)
ጌዛዴሰ አዬ አና!
- 11 «ኢሰራኤል ጌሻይ፣
ኢዛ ማዳዲሳ ጎዳይ
ሲንላፌ ሃናና
ሃናታ ገሻሰ፣
ታና ናይታ ገሻሰ
ታና ኦይቼቲ?
ታ ኩሼ ኦሶታ ገሻሰ አዛዜቲ?
- 12 ሳኦ ኦሊዳይ ታና፤
አሲካ ኢዚ ቦላ ማዳዲሰ።
ሳሎታ ታኒ ታ ኩሼን ቶላዲሰ፤
ኢሰታ ቦላ
ሳሎ ማዳዲሳ ተገላግሎ።
- 13 ታኒ ቂርቤ ጸሎቴልን ማንላና፤
ኢዛ ኦጌ ኡባ ገገሳና፤
ታ ካታማዮ ኢዚ
ዛሪ ኤሳና፤
ዲኤቲዳ ታ አሳ ሚሽ
ቃንጸሶንታ ጮ
ኢዚ ማላ ዩዳና » ጌሰ
ጎዳይ ኡባፌ
ዎልቃማ ጸላይ።
- 14 ጎዳይ፣ «ገብጸ ዱሬቴላኔ
ቶጵያ ዛልኤይ፣
ቃሴ ጌሳን አዲሰ ጌዲዳ
ሳባ አሳቲካ ኔኮ ያና፤
ኔይታ ገዳና።
ኢሰቲ ኔና ካሳና፤
ሳንሳላታን ቃሼቲ ኔኮ ዩዲ
ኔሰ ጎይናና፤
ኢሰታሰ፣ «ቱማፔ ጎዳይ
ኔናራ ዳሰ፤
ኢዛፔ አቲን ሃራ ጸሲ ዳና
ጌዲ ዎሳና» ጌሰ።
- 15 አሺዛ ኢሰራኤል ጸላወ፣
ቱማፔ ኔኒ ኔና
ጌንላዛ ጸላ።
- 16 ኤቃ ጸላታ ማዳዲሳይቲ
ኡባይ ዩላታና፣ ጉጸና
ኢሲ ቦላ ካዉያና።
- 17 ኢሰራኤል ጌዲኮ
ጎዳን ማርና አቶቴል አታና፤
ኢንቴካ ማርናሰ
ዩላቴኬታኔ

ካወደከታ።

18 ሳሎታ ማዲያይ ኢዚ ጎዳ፤
 ቢታ ገግሲዲ ማዲያይ፤
 ሳኦት የኛ ይገዳይ፤
 ኢዛ ኦሳ ዲሳሶ
 ገዳና ማላ ኦቲን
 ጮ ማላ ዋላናስ
 ማዲያንታ ጎዳይ፤
 ታኒ ጎዳ፤
 ታፔ ሃራይ ዳና።

19 ታ ጳማ ቢታን
 ገማን የታቤኬ፤
 ያቆቤ ዜሬላታስ፤
 «ታና ጮ ሃዳ ኮዩቲ» ጋቤኬ።
 ታኒ ጎዳይ ቱማ ሃሳያይሰ፤
 ሱሬ የኦ ኦዋጃይሰ።

ሳሎኔ ሳኦ ማዲያ ደሳኔ ባቢሎኔ ኤቃታ

20 «አንቴኖ ካዎቲላታፔ
 ቤቲዳይቶ!
 ኢሲፌ ሸቂዲ ሃዩቲ፤
 ማታ ሸቂቲ።
 ማላፌ ኦሴቲዳ ኤቃ ጸሳ
 ቶኪዛይታሰ፤፤
 አሻናዉ ዳንዳዮንታ
 ጸሳ ዋሰዛይታሰ
 ኤራቲሌ ዳና።

21 አኔ አንቴ ሞቶ የቲቲ፤ ሺሺቲ፤
 ኢሰቲ አኔ ኢሲፌ
 ሸቂዲ ዘሬቲቶ።
 ሃይሳ ኮይርቲዲ
 አዋጃዳይ ኦኔ?
 ቤኒ የቲዳይ ኦኔ?
 ታና ጎዳ ገዲኪና?
 ጸሎይኔ አሸዛ ጸሲ
 ታፔ ኦቲን ሃራይ ዳና።

22 «አንቴኖ ቢታ ጋጸን
 ዳኢዛ ኡባቶ!
 ታኮ ሰሚዲ አቲቲ።
 ታኒ ጸሳ፤ ታፔ አቲን
 ሃራይ ዳና።

23 ጉልባቲይ ኡባይ
 ታ ሲንላን ጉልባታና፤
 ኢንጸርሰ ኡባይካ ታናን ጫቃና፤
 ታኒ ታርካ ታ ሁኡን ጫቃዲሰ፤
 ጉዬ ሰሞንታ ቃላይ
 ታ ዶናፔ
 ጸሎቲላን ከዚዳሰ።

24 «ኢሰቲ ታ ገሻሰ ሃሳይሹ፤
 «ጸሎቲሌኔ ዋልቃይ
 ጎዳን ጸሳ ዳሰ» ገና» ጌሰ።

ኢዛ ቦላ ሃንቆን ዳንዲዳይቲ
 ኡባይ ኢዛኮ ዩዲ ዩላታና።

25 ገዶ አቲን ኢሰራኤሌ ዜሬላ ኡባይ
 ጎዳን ጸላና፤

ቦንቸካ ዳማና።

46

ባቢሎኔ ጸሳታ

1 ቤሌይ ካወደደሰ፤
 ኔቦይ ከሂ ጉዲዳሰ፤
 ኢሰታ ኤቃ ጸሳቲ
 ጫና ማሃታን ጫኔቲዳ፤
 ኢሰቲ ኦይኪ ዩዩዛ
 ሚሰሌቲ ቶሆ፤
 ዳቡርዳ ማደሳታሰ ዳጸ ባኦ።

2 ኢሰቲካ ኢሲ ቦላ ዱጌ ጉፋናና፤
 ጫናካ አሻና
 ዳንዳዬቲና፤
 ኢሰቲካ ዲኤቲዲ ባና።

3 ጎዳይ፤ «አንቴኖ ያቆቤ
 ሶ አሳቶ!
 ኢሰራኤሌፔ አቲዳ ኡባቶ!
 አንቴ አንቴ አዩ ኡሎን
 ሻራ አቶሳፌ ሃ ሲሚን
 አንቴና ታ ኦይኪዳይቶ!
 አንቴ ዩሌቶሶፌ ደማዳ
 ታ ቶኪዳይቶ!
 ታ ገዛ ሲዩቲ።

4 አንቴ ጨሚዲ
 ፑሉማና ጋካናሰካ
 አንቴና ቶኪዛይ ታና፤
 ታኒ ታና፤
 ታኒ አንቴና ሚዳዲሰ፤
 ታኒ አንቴና ቶካና፤
 ታኒ አንቴና ካፋና፤
 ታ አንቴና አሻና።

5 «ታና ኦናራ ገኒሴቲ?
 ታና ኦናራ ሊኪሴቲ?
 ኦኒ ኢሲኖ ሚሳታና ማላ
 ታና ኦናራ ጌዳሬቲ?»

6 አማርዳ አሳቲ ዋርቃ
 ባንታ ካራዲቲፔ ቆሌቲሰ፤
 ቢራካ ማዛኔን
 ጌዳሬቲሰ፤
 ኢሰቲ ሴሪሲ ቲገዛ
 ሂላንቻ ቃጸሬቲሰ፤

ኢዚካ ኢሰታሰ ጸሳ
 ሂሰቲ ማዴሰ።
 ኢሰቲካ ኢዛሰ ጎይኔቲሴኔ
 ያይኔቲሰ።

7 ዳንሳዲ ባንታ
 ሃሹን ቶኬቲሰ፤
 ዛሪዲ ሄ ዳንሳዲ
 ሶሆን ዋሌቲሰ፤
 ኢዚካ ሄን ኤቃ ጌሰ፤
 ሄፔ አዋካ ቃጸና፤
 ኦኒካ ኢዛኮ ዋሲኮ
 ዛር አማና፤
 ማቶፔካ ኢዛ አሸና።

8 «አንቴኖ ሞራንቻቶ!

ሃይሳ አከኪቴ፤
 የሺካ ቆፒቴ፤
 አንቴ ዋዚናን ቁምኢ አይኪቴ።
 9 ካሴ ቤኒ ዋዴ
 ሃኒዳ የኦታ አከኪቴ፤
 ታኒ ጸሳ፤
 ታፔ ሃራይ ዳና፤
 ታኒ ጸሳ፤
 ታ ማላይ ኦኒካ ዳና።
 10 ወርሴላን ሃናይሳ ኮይርታ፤
 ቡርፔ ያናይሳ ቤኒ የታዲሰ፤
 ታ ሃልቾይ ሚና፤
 ታና ኡፋይሲዛዝ ኡባ
 ታ ኦላና፤ ጋዲሰ።
 11 አርሼይ ሞኪዛ ባጋፊ
 ቦንቁዛ አርጋንሳ፤
 ሃሆ ቢታፊ ታ ቆፋ
 ፖሊዛ አሰ ታኒ ጸይጋና።
 ታ የቲዳይሳ ታ ኦላና፤
 ታ ሃልቾይሳ ታ ፖላና።

12 «አንቴና ዋዚና ሹቻቶ፤
 ጸሎታላፊካ ሃኪዳይቶ፤
 ታና ሲዩቴ።
 13 ታኒ ታ ጸሎታላ ኤሆን ዳይሰ፤
 ሃሆ ገዳና።
 ታ አቶታላይ ጋምኤና፤
 ታኒ ጸዮኔ አቶታላ።
 ኢሰራኤሌ ቦንቾ
 ማይዛና» ጌሰ።

47

ባቢሎን ቦላ ያና ፒርዳ
 1 ጎዳይ፤ «ሃኔ ባቢሎን ጌላኦ፤
 ጉዲላ ቦላ ዋዳ ኡታ፤
 ሃኔ ባቢሎንታ ናዬ፤
 ኔ አራታፔ ዋዳ፤
 ቢታን ኡታ፤
 ሃይሳፊ ጉዬ
 ኔኒ ማላ ሎኦኔ ዳልቁዳልቃ
 ጌቲታ ጸይጌታካ።
 2 ዋጸ ኤካዳ ካሳ ጋጫ፤
 ኔ ጎሳ ቃራ፤
 ኔ ቃሚሳዛ ቃራ፤
 ኔ ጸፋ ቤሳ፤
 ጋዲጋዳሼ ሻፋ ፒና።
 3 ኔ ካሎቲላ ቆንጮ፤
 ዬላቸዛ ኔ ካሎይ ቤቶ፤
 ታኒ ሃሎ ማካና፤
 ታ ኦናካ አኒኬ» ጌሰ።
 4 ኔና ዋዚዛ
 ኢሰራኤሌ ጌሻሰ፤
 ሱንሳይ ጎዳ ኡባፊ
 ዋልቃማ ጸሳ።
 5 «ሃኔ ባቢሎንታ ናዬ፤

ቆማሶ ጌላዳ ጮኡ ጋ ኡታ፤
 ሃይሳፊ ጉዬ ኔ ካዋቲላታ
 ጎዳቴዮ ጌቲታ ጸይጌታካ።
 6 ታኒ ታ ዳራ ሃንቁታዲሰ፤
 ታኒ ጸንጸዛካ ቲኒሳዲሰ፤
 ታኒ ኢሰታ ኔ ኩሼን
 አላ አማዲሰ።
 ኔኒ ገዲኮ
 ኢሰታሰ ቃዴታቤካ፤
 ጨሚዳይታ ቦላካ
 ከሂ ዳጾ ቃምባራ
 ዋላዳሳ።
 7 ኔኒ፤ ታኒ ሜርናሰ
 ጎዳቶ ገዳና፤ ጋዳሳ።
 ገደ አቲን ሃይታንታ
 አከካቤካ፤
 ኢሰታ ወርሴላ
 አይ ገዳናኮ ቆፓቤካ።
 8 «ሃኔ አሻሎ ዲሰ ዲዛሬ!
 ኔርካ ኔናን
 አማኔታ ኡቲዳሬ!
 ኔ ዋዚናን፤ ታና፤
 ታፔ አቲን ሃራይ ባ።
 ሃኒፊ ጉዬ ታኒ አምኦ ገዲኬ፤
 ዬላዳ ቆሚዳር ገዲኬ፤
 ገዛሬ ሲያ!
 9 ሃ ናምኡ የኦቲ፤
 አምኤቲላኔ ዬሊ ቶንላ
 ቆፋይ ባይንዳ ኢሰ ጋላሰ
 ኔ ቦላ ጋኪ ዋዳና፤
 ኔ አይ ከና ቢቲኮካ፤
 ኔ አይ ከና ሙሬኒኮካ
 ኢሰቲ ኔ ቦላ
 ኩሜላ ዋልቃራ ያና።
 10 ኔኒ ኔ ኢታቲላን አማኔታዳ፤
 ታና ኦኒኔ ቤኤና፤ ጋዳሳ።
 ቃሴ፤ ታና፤
 ታፔ አቲን ሃራይ ዳና
 ኔ ገዳ ዋዴ
 ኔ አቶ ኤራቲላይኔ
 ጨንጫቲላ
 ኔና ባሌላዳ፤ ጋዳሳ።
 11 ባሺ ኔ ቦላ ያና፤
 ኔኒ ዋሰታ ሙሬና
 ዛራናኮ ኤራካ፤
 ኔ ቃንጾ አማዳ
 ኔ ዳንዳዮንታ ቆሆይ
 ኔ ቦላ ጋካና።
 ኔ ቆፖንታ ሜቶይ
 ኔ ቦላ ዲንጋቴ ያና።
 12 ሃኮ ቤአ፤
 ኔኒ ናቲላፊ ደማዳ
 አላሼ ዳቡርዳ ቢታታኔ
 ዳር ሙሬናታ
 ጉጃ ጉጃ አላ፤
 ኦኔ ኤሪዛይ ኔሰ ሃናናኮ፤
 ኦኔ ኤሪዛይ ኔኒ

- ኔ ሞርኬታ ሺሮሳናኮ?
- 13 ኔ ኤኪዳ ዘሪ ኡባይ
 ኔና ዳቡራራ አሺዳሰ፤
 አገናፔ አገና ጋካናሰ
 ጸለንቲ ጸሊ ካዪዛይቲ፥
 ጸለንቲ ታይቢዛይቲ
 አኔ ሃ ዬቶ፤
 ኔና ጋኪዛ ማቶፔ
 አኔ ኢሰቲ ኔና አሹቶ፥
- 14 ሃኮ ኢሰቲ ሃፓ ማላ፤
 ታማይ ኢሰታ ማና፥፥
 ታማ ላጮፔ ዴንዲዳይሳን
 ባና አሻናሰ
 ዳንዳይቲና፥፥
 አሲ ሆኦና ቦንቆይ ዳና፤
 ኡቲዲ ሆኦና
 ታማይካ ዳና፥፥
- 15 ናቴላፌ ደማዳ
 ኔ ኢሰታራ ዳቡርዳይቲ፥
 ኔ ኢሰታራ ዘልኢዳይቲ፥
 ኢሰቲ ኦላና ዳንዳይዛይ
 ሃይሳ ጸላ፤
 ኢሰይ ኢሰይ ባ ሞር
 ጉጂ ጉጂ ባና፤
 ጊዶ አቲን ኔና
 አሻናይ ዳና» ጌሰ፥፥

48

ሲሞንታ ኢዲዳ ኢሰራኤሌ

- 1 ጎዳይ፥ «አንቲኖ ኢሰራኤሌ ሱንላን ጸይጌቲዳ፥
 ያቆቤሶ አሳቶ!
 የሁዳ ዛሬፔ ቤቲዳይቶ!
 አንቲኖ ጎዳ
 ሱንላን ጫቁዛይቶ!
 ቱማቴላኔ
 ዲሎቴላን ጊደንታ፥
 ኢሰራኤሌ ጸሳ ጸይጌዛይቶ!
 ሃይሳ ሲዪቴ፥፥
- 2 ሱኒ ጌሻ ካታማይን
 ዲዛይታ) ጊዲ
 አንቲርካ አንቲና ጸይጌዛይቶ!
 ኢሰራኤሌ ጸሳን
 አማኔቲዛይቶ!
 ጎዳይ ኡባፌ
 ዋልቃማ ጸሳይ
 ጌዛይሳ ሲዪቴ፥፥
- 3 «ካሴ ሃኒዳ ሚሻታ
 ታኒ ዳር ዋዴፔ ሲንላን
 የታ ዋላዲሰ፤
 ታ ደናፔ ኬዚዳሰ፥፥
 ኢሰቲ ኤሪታና ማላካ
 ታኒ ኦላዲሰ፤
 ታ ዲንጋቲ ኦሊን
 ኢሰቲካ ፖሌቲዳ፥፥
- 4 ኔ አይ ማላ ሲሞንታ
 አሰ ጊዲዳኮ
 ታ ኤራይሰ፤
 ኔ ሞርጌ ሻያይ ቢራታ ማላ፥

- ኔ ኮንኬይ ጸርቁማላ ሚሳቲሰ፥፥
- 5 ሃሳ ጊሻሰ ሃይታ ሃ የኦታ
 ቤኒ ታ ኔሰ የታዲሰ፤
 ኢሰቲ ፖሌታናፔ ሲንላን
 ታ ኔና ኤሪሳ ዋላዲሰ፤
 ሃሰካ፥ ታ ኤቃ ጸሳቲ
 ሃይሳ ኦሊዳ፤
 ሚላፌ ማሴቲዳ ሚሰሌቲኔ
 ቢራታፔ ኦሴቲዳ ታ ጸሳቲ
 ሃይሳ ታሰ አዛዚዳ)
 ጎንታ ማላሳ፥፥
- 6 «ሃይታ ሃ የኦታ
 ኔ ሲያዳሳ፤
 አኔ ኡባካ ጸላ፤
 ኢሰቲ ሊኬ ጊዲዳይሳ
 ኔኒ ኔ ሁኤራ ማርካቲኪ?
 ሃኢፔ ደማዳ
 ኦራላ ሚሻታ፥
 ኔፔ ጌሚዳይታኔ
 ኔ ኤርንታ የኦታ
 ታ ኔሰ የታና፥፥
- 7 ሄይቲ ሃኢ ሚዴቲዳ አቲን
 ካሴ ጊዳና፤
 ኢሰታ ጊሻሰ ኔ ሃቺፌ አቲን
 ካሴ ሲያቤካ፤
 ሃሳ ጊሻሰ፥
 ሱ፥ ታ ኢሰታ ጊሻሰ ኤራይሰ)
 ጋና ዳንዳያካ፥፥
- 8 ኔኒ ሲያቤካ ዋይኮ ኤራቤካ፤
 ኔ ሃይላ ቤኒፔካ
 ደዩቲቤና፥፥
 ጋሶይካ ኔኒ ካሴካ
 ጨሚዛዴኔ
 ናቴላፌ ደማዳ
 ኔ ማካላንቻ
 ጌቲቲዳይሳ
 ታ ኤራዲሰ፥፥
- 9 «ታ ሱንላ ጊሻሰ ጋዳ
 ታኒ ታ ሃንቆ ጋሞኢሳና፤
 ታ ጋላታ ጊሻሰ ጋዳ
 ታ ኔፔ ቱቃና፤
 ታ ኔና ቃንጸንታ
 አጋና ማላሳ፥፥
- 10 ቤአ ቢራ ማላ ጊደንታ አጊኮካ
 ኔና ጋጫዲሰ፤
 ታማ ማላ ሚቶን ፓጫዲሰ፤
- 11 ታ ጊሻሰ ጋዳ፥
 ታኒ ታ ጊሻሰ ጋዳ ኦላይሰ፥፥
 ታርካ ታና ዋሰታ
 ካጫሻቲላሰ
 አላ አሞ?
 ታ ቦንቾ ኦናሰካ አሚኬ፥፥
- ጸሲ ደሪዳ ኦሳንቻ
- 12 «ኔኖ ያቆቤ፥
 ታኒ ጸይጌዳ ኢሰራኤሌ
 ታኒ ጌዛ ሲያ፥፥

ታኒ ኢዛ፤
 ኮይሮይካ ታና፤
 ወርሱላይካ ታና።
 13 ቢታሰ የኛ ዩጊዳይ
 ታ ኩሼ፤
 ሳሎታ ሚጫዳይ
 ታ ኡሻቻ ኩሼ።
 ታ ኢሰታ ጴይጊዛ ዎዳ
 ኢሰቲ ኡባይካ
 ኢሲ ቦላ ኤቄቴሰ።

14 «ኢንቲ ኡባይካ
 ኢሲ ቦላ ሸቄዲ ሲዱቴ፤
 ኤቃ ጸሳታፔ ካሴ
 ሃይታንታ የቲዳይ ኦኔ?
 ጎዳሰ ደሪቲዳ ላጌይ
 ኢዚ ባቢሎኔ ቦላ
 ሃልቲዳይሳ ፖላና፤
 ኢዛ ቁሴይካ
 ባቢሎኔታ ቦላ ጊዳና።

15 ታኒ ታርካ የታዲሰ፤
 ቱሙካ ታ ጴይጋዲሰ፤
 ታ ኢዛ ኤሃና፤
 ኢዛ ኦሶይካ ኢዛሰ ፖሌታና።

16 «ታኮ ሃ ሸቄዲ ሃይሳ ሲዱቴ፤
 ታኒ ኮይሮፔ ደማዳካ
 ጌማን ሃሳያቤኬ፤
 ኢዚ ፖሌቲሺን
 ታ ሄን ዳይሰ» ጌሰ።

ሃኢካ ኡባ ሃሪዛ
 ጎዳይኔ ኢዛ ኢያናይ
 ታና ኩቲዳ።

17 ጎዳይ ኔና ዎዚዳ
 ኢሰራኤሌ ጌሻይ፤
 «ታኒ ጎዳ ኔ ጸሳይ፤
 ኔና ጎኢዛዝ ታማርሲዛይሳ፤
 ባናሰ ቤሲዛ ኦጌራ
 ኔና ካሌሊዛይ ታና።

18 ኔኒ ታ ኣዛዞ ሲዱዳ ጊዳዳኮ፤
 ኔሰ ሳርቲሊ ሻፋ ማላ፤
 ኔሰ ጸሎቴሊካ
 ኣባ ዳምባላ ማላ ጊዳናሺን።

19 ኔ ዜሬሊ ኣባ ሻሚንታ ማላ፤
 ኔ ናይቲካ ቆዳይ ባይንዳ
 ጉዳላ ማላ ጊዳናሺን፤
 ኢሰታ ሱንሳ ቁጩቴና፤
 ታ ሲንሳፊ
 ጳዩቴናሺን» ጌሰ።

20 ባቢሎኔ ቢታፊ ኬዚቴ፤
 ባቢሎኔ ኣሳፔ ባቃቲቴ!
 ሃይሳ ኢሊሊሳን ኤሪሲቴ፤ ኣዎጂቴ፤
 ቢታ ጋጸ ጋካናሰ የቲቴ፤
 «ጎዳይ ባ ኣሸካራ
 ያቆቤ ዎዚዳሰ» ጊቴ።

21 ኢዚ ኢሰታ ባዞ ቢታራ
 ካሌሊሺን
 ኢሰቲ ሳማቲቤቴና።
 ኢዚ ኢሰታሰ ዛላፊ
 ሃሳ ፑልቲሲዳሰ፤
 ኢዚ ዛላ ጸልቂዳሰ፤
 ሃሳካ ቆቂ ኬዚዳሰ።
 22 «ኢታታሰ ሳርይ ባ» ጌሰ ጎዳይ።

49

ጎዳ ኦሳንቻ

1 ኢንቲኖ ሃሩርቶ፤
 ታ ጊዛይሳ ሲዱቴ።
 ኢንቲኖ ሃሆን ዲዛ
 ካዎቴላቶ፤
 ሃይሳ ኤዘጊቴ።
 ታኒ ታ ኣዩ ኡሎን ዲሺን
 ጎዳይ ታና ጴይጊዳሰ፤
 ታ ዩሌቶንታ ዲሺን ታና
 ታ ሱንሳን ጴይጊዳሰ።

2 ታ ኢንጸርሳ
 ጊላ ማሻ ማላ ቃራሲዳሰ፤
 ባ ኩሼ ኩዋን
 ታና ጌንሊዳሰ፤
 ኢዚ ታና ሆጶ
 ዪሻ ማላ ኦሊዳሰ፤
 ሂሰቲዲ ባ ኮሆ ጊዳን
 ታና ቆቴዳሰ።

3 ኢዚ ታና፤ «ኢሰራኤሌ
 ኔ ታ ኣይሌ፤
 ታኒ ታ ቦንቾ
 ኔናን ቆንጩሳና» ጊዳሰ።

4 ጊዳ ኣቲን ታኒ፤
 «ታኒ ማላ ጮ ዳቡራዲሰ፤
 ጎኣይ ባይንዳ
 ጮ ሃዳ ሚሻን
 ታ ዎልቃ ወርሳዲሰ፤
 ጊዳኮካ ታ ኦሶዛሰ
 ኩሼ ዛራናይ ጎዳ፤
 ታ ዎጋይካ
 ታ ጸሳ ማታና» ጋዲሰ።

5 ሃኢ ታኒ ጎዳ ኣይፊ
 ሲንሳን ቦንቼታዲሰ፤
 ጸሳይ ታሰ ዎልቃ ጊዳዳሰ፤
 ታኒ ያቆቤ
 ኢዛኮ ዛራና ማላ፤
 ኢሰራኤሌ ኢዛኮ ሺሻና ማላ
 ኦሊዳ ጎዳይ
 ሃኢካ ዛራዲ፤

6 «ኔኒ ታሰ ኦሳንቻ ጊዳሊ፤
 ያቆቤ ቆሞታ
 ኔ ዛራናይሲኔ
 ታ ናጊዳ ኢሰራኤሌ ዛራዳ
 ኔ ኤሃናይሲ
 ሂሲ ኔና ዳጾና፤
 ቃሴካ ታ ኣቶቴላ

48:12 እሳ 44:6፤ ኣጂ 1:17፤ 22:13 48:20 ኣጂ 18:4 48:22 እሳ 57:21 49:1 ኤር 1:5 49:2 ኢብ 4:12፤ ኣጂ 1:16
 49:6 እሳ 42:6፤ ሉቃ 2:32፤ ሃዋ 13:47፤ 26:23

ቢታ ጋጸ ኔ ጋላና ማላ፥
ታኒ ኔና ካዎቲላታሰ
ፖኦ ሂሰታና» ጌሰ።

7 ካዲቲዳይሳሰኔ
ካዎቲላን ኢጾቲዳይሳሰ፥
ዳሬ ሃሪዛይታ
አሽካራ ጊዲዳ ኔሰ፥
ጎዳይ፥ ኢሰራኤሌ
አሺዛ ጌሻይ፥
«ካዎቲ ኔና ቤኢዲ ዳንዲ ኤቃና፤
ካዎ ናይቲ ኔና ቤኢዲ
ኔሰ ዚጋና፤
ጋሶይካ ኔና ደሪዳ ጎዳይ፥
ኢሰራኤሌ ጌሻይ
አማኔቲዳዳ» ጌሰ።

ኢሰራኤሌ ዛሪ ኤሶ

8 ጎዳይ፥ «ታኒ ደሪዳ ዎዴ
ኔ ኦይሻ ዛራና፤
አቶቲላ ጋላሰ
ታኒ ኔና ማዳና፤
ዳራሰ ጫቆ ቃላ ጊዳና ማላ፥
ቢታዮካ ኔ ዛራ ኤሳና ማላ፥
ካሴ ቢታ ዩጊ ዳይዳይታሰ
ኢሰታ ጸንጾ
ኔ ዛራ አማና ማላ፥
ታ ኔና ማዳና፤
ታ ኔሰ ኦላና።

9 ኔኒ ዲኤቲዳይታ፥
(ሃ ኬዚቲ!)
ዳማን ዲዛይታ፥
(ፖኦን ኬዚቲ)
ጋና ማላ ታ ኦላዲሰ።
ኢሰቲ ኦጌይ ዲዛሶን ዲዛሶን
ካሳ ማና፤
አይኮይ ባይንዳ ዙምቡላ ቦላ
ሄማቲዛሶ ዴማና።

10 ኢሰቲ ጋፌቲቲና
ዎይኮ ሳማቲቲና፤
ኢሰታ ባዙ ቢታ ሴላይ
ዎይኮ አዋ ሴላይ ቆሄና።
ኢሰታሰ ቃዴቲዛይ
ኢሰታ ካሌላና፤
ሃላ ፑልቶይ ዲዛሶን
ኢሰታ ሄማና።

11 «ታ ዙማታ ኡባ
ኦጌ ኬሳና፤
ታ ዎጋ ኦጌቲካ ቶቁ ጋና።

12 ሄኮ ኢሰቲ ሃሆ ዳሬፔ ያና፤
ኢሰ ኢሰኔቲ ፑዳሃፔ፥
ባጋይቲ ኦርሼይ ዉሊዛ ባጋፌ፥
ሃንኮ አቲዳይቲ ሲኒሜፔ
ያና» ጌሰ። *

13 ሳሎቶ አንቲ፥ ኢሊሊ ጊቲ፤
ቢታዬ ኔኒ ኡፋይታ።

አንቲኖ ዙማቶ ኡፋይሳን ዬጸቲ፤
ጋሶይካ ጎዳይ
ባ ዳራ ሚንጤሰ፤
ሜቶታንቻታሰ ቃዴቲሰ።

14 ጸዮና ጊዲኮ፥
«ጎዳይ ታና አጊዳሰ፤
ጎዳይ ታና ባሊዳሰ» ጋዲሰ።

15 ጎዳይ፥ «አያ ባ ዳንጢዛ ና
ባላናሰ ዳንዳያዜ?
ባ ዬሊዳ ናሰ ቃዴቲኬ?
ኦኔ ኤሪዛይ
ኢዛ ባላና ዳንዳያዉሰ፤
ታኒ ጊዲኮ ኔና ባሊኬ።

16 ሄኮ ታኒ ኔና
ታ ኩሼ ቃኦን ጸፋዲሰ፤
ኔ ዲርሳ ጊምቤቲካ ኡባቶ
ታ ሲንላን ዴቲሰ።

17 «ኔ አቱማ ናይቲካ
ኤሶን ሰማና፤
ኔና ላሊዳይቲ ኔፔ ባቃታና።

18 አኔ ቶቁ ጋዳ
ኔ ዩሾ ጾላ፤
ኔ ናይቲ ኡባይ ኢሲፌ ሸቁዲ
ኔኮ ያና።
ታኒ ጎዳይ ታ ዴኦን ጫቃይሰ፤
ኔኒ ኢሰታ ኡባ
አሌቆ ማላ ማይኦና፤
ኔ ኢሰታ ሚሺራ ማይኦ ማላ
ማይኦና» ጌሰ።

19 «ኔ ላሌታዳ ቡላ ጊዲኮካ፥
ኔ ቢታይ ሙሌራ ዳይኮካ፥
ሃቶ ኔኒ ኔ ዳሪዛሰ
ጸንሳ ጊዲኮካ፥
ኔና ሚቲዳይቲ
ኔፔ ሃካና።

20 ጩጩ ዎዴ ኔ ዬሊዳ ናይቲ፥
ኔ ሃይሊ ሲዩሺን፥
(ሃይሲ ጋዳይ
ኑሰ ኬሂ ጸሚዳሰ፤
ኑ ዳናሰ ኑሰ
ጊዲዛሶ አማ) ጋና።

21 ኔኒ ኔ ዎዚናን፥
(ሃይታ ታሰ ዬሊዳይ ኦኔ?
ታኒ ጩጩዛዳኔ ማይኔ፤
ታኒ ጎዴቲዳዳኔ
ኢጾቲዳዳ ጊዳ ዲሺን
ሃይታንታ ዲቶዳይ ኦኔ?
ታኒ ታርካ አታዲሰ ሺን
ሂሰቲን ሃይታንቲ
አዋፔ ዩደ?) ጋሳ» ጌሰ።

22 ኡባ ሃሪዛ ጎዳይ፥ «ቤኦ፥
ታኒ ካዎቲላታ
ማላታን ጸይጋና፤

49:8 2ቆር 6:2 49:10 አጁ 7:16-17 * 49:12 ሲኒሜ ጌቲቲዛይ ሃኢ ዎዴን አሰዋ ጌቲቲዛ ጌብጼ ካታማኮ።

ታኒ ታ ባንዲራ ኣሳሰ
 ቶቁ ሂሰታ ኤሳና፤
 ኔ ኣቱማ ናይታ
 ኢሰቲ ኢዲሚ ኤሃና፤
 ኔ ማጫ ናይታካ
 ባንታ ሃሼን
 ቶኪዲ ኤሃና።
 23 ካዎቲ ኔና ዲቹዛ
 ኣዎታ ገዳና፤
 ኢሰታ ማቹቲ ኔና ዲቹዛ
 ኣዎታ ገዳና፤
 ኢሰቲ ጉፋኒዲ ኔሰ ጎይናና፤
 ኔ ቶሆ ቦላፌ
 ባናካ ላጫና፤
 ኔካ ታኒ ጎዳ
 ገዲዳይሳ ኤራና፤
 ታናን ሂደታ ኦሊዛይቲ
 ዬላቲቲና» ጌሰ።

24 ዲኢ ኤኪዳ ሚሽ ኦላንቻታፕ
 ጉዬ ዛራናሰ።
 ዲኤቲ ቢዳይታ
 ማንጾ ኢታታ ኩሼፕ
 ኣሻናሰ ዳንዳዬቲዜ።

25 ገደ ኣቲን ጎዳይ።
 «ቱሙካ ኦላንቻቲ
 ዲኢ ኤፊዳ ሚሽ
 ኬሰ ኤካናሰ።
 ማንጾ ኢታታ ኩሼፕ
 ዲኤቲዳይታ ኣሻናሰ
 ዳንዳዬቲሰ፤
 ኔናራ ኦሊቲዛይታራ ታ ኦሊታና፤
 ኔ ናይታካ ታኒ ኣሻና።

26 ኔና ኡንኤሊዛይቲ
 ባንታርካ ባ ኣሾ ማና፤
 ዎይኔ ኡሻን
 ማላቲዛ ማላ
 ባንታርካ ባ ሱፋን
 ማላታና፤
 ሄሳፌ ጉዬ ኣሳ ዜሬል ኡባይ።
 ታኒ ጎዳ። ኔና ኣሺዛይሳ።
 ኔና ዎዚዛይሳኔ
 ያቆቤ ዎልቃማ ገዲዳይሳ
 ሄሳን ኤራና» ጌሰ።

50

ኢሰራኤሌ ናጋራኔ ጸሳ ኣይሌ ኣዛዜቲል

1 ጎዳይ። «ታኒ ኢንቲ ኣዮ
 ኣንጃ ዬዲዳ ዎራቃታይ
 ኣዎን ዲዜ።
 ዎይኮ ታ ኢንቲና
 ኣይ ታልኣ ኤኪዳዳሰ ባይዛዲና?
 ቤኢቲ ኢንቲ ኢንቲ
 ናጋራ ገሻሰ ባይዜቲዳታ፤
 ኢንቲ ዋሮ ገሻሰ
 ኢንቲ ኣያ ኣንጃታ ባዲሰ።
 2 ታኒ ዪዛ ዎዴ ሄን

ኣሲ ኣይሰ ጳይዴ?
 ታ ጴይጊዛ ዎዴ
 ዛሮ ኢሚዛ ኣሲ
 ሄን ዋኒ ጳይዴ?
 ኢንቲና ዎዛና ሚሽ ጨጋናሰ
 ታ ኩሼይ ቃማዴ?
 ዎይኮ ኢንቲና ኣሻናሰ
 ታሰ ዎልቃይ ጉል?
 ቤኢቲ ታ ሃንቆን
 ኣባ ማሊሳይሰ፤
 ሻፋታካ ባዞ ኬሳይሰ
 ኢሰታን ዲዛ ዋሌቲ
 ሳሞን ሃይቁዲ ዜቁቴሰ።

3 ታኒ ሳሎ ጳሚሳና፤
 ታኒ ኢዛ ማቃ ማይዛና» ጌሰ።

4 ኡባ ሃሪዛ ጎዳይ ታሰ
 ኢንጻርሳ ኤራቲል ኢሚዳሰ፤
 ሄሳ ገሻሰ ዳቡራንቻታሰ
 ታ ኣይ ጋና ቤሲዛኮ ታ ኤራይሰ፤
 ማላደ ማላደ
 ታና ቤጎልሰ፤
 ታማርሼ ዲዛ ታማሬ ማላ
 ሲያናሰ ታ ሃይል ደዬሰ።

5 ኡባ ሃሪዛ ጎዳይ
 ታ ሃይል ደይዳሰ፤
 ታኒ ማካላንቻ ዲኬ፤
 ጉዬካ ባቃታቤኬ።

6 ታ ዘኮ ሾጨዛይታሰ።
 ታ ቡቻ ሾዲዛይታሰ
 ኣላ ኢማዲሰ፤
 ታ ኣይፌሶ ጨቻፌ
 ጌንሳቤኬ።

7 ኡባ ሃሪዛ ጎዳይ
 ታና ማዲዛ ገሻሰ
 ታኒ ካወይኬ፤
 ሄሳ ገሻሰ ታ ኣይፌሶ
 ዳልዳቻ ሹቻ ማላ
 ኦላዲሰ፤
 ታኒ ዬላቶንታይሳ ኤራይሰ።

8 ታ ጲሎቴላ ቆንጨሲዛዴይ
 ታ ማታን ዴሰ፤
 ሂሰቲን ታና ዋታና
 ዳንዳይዛይ ኢዚ ኦኔ?
 ኣኔ ኢሲፌ ቲራን ጋይቶሰ!
 ታ ባልጋራይ ኦኔ?
 ኣኔ ሃዮ!

9 ቤኢቲ። ኡባ ሃሪዛ ጎዳይ
 ታና ማዴሰ፤
 ሂሰቲን ታ ቦላ ፒርዳናይ ኦኔ?
 ቤኢቲ። ኢሰቲ ኡባይካ
 ማይኦ ማላ ጨጋና፤
 ቢላይ ኢሰታ ማና።

10 ኢንቲ ገደፌ ጎዳሰ ያዩዛይ።
 ኢዛ ኣይላ ቃላሰ
 ኣዛዜቲዛይ ኦኔ?
 ሄሳዴይ ጳማን

ቢዛ ገዲኮኔ
ፖኦይ ኢዛሰ ባይንዳ ኣጊኮ
ኢዚ ጎዳ ሱንላን
አማኔቶ፤
ባ ጸላንካ ዜምፖ።

11 ሃኢ ገዲኮ ኢንቴ ታማ ኤሌዲ፥
ላጨዛ ኢንቴ ጸምፔ ጸምፔ
ኦይኪዳ ኡባቲ
ኢንቴ ፖኦን ቢቴ፤
ኢንቴ ኦይሊዳ ጸምፔ
ፖኦን ሰሜሬቲቴ፤
ኢንቴ ታ ኩሼፔ
ኤካናይሲ ሃይሳ፤
ኢንቴ ኢታ ሜቶን ኩንዳና።

51

ጲዮኒስ ሜርና ኣቶቴላ

1 «ኢንቴኖ ጲሎቴላ ካሊዛይቶ፥
ጎዳ ኮይዛይቶ ሲዪቴ።
ኢንቴ ኢዛፔ ጳልቄቲ
ኬዚዳ ዛላዛኔ
ኢንቴ ቦኬቲ ኬዚዳ
ኦላ ጸሊቴ።
2 ኢንቴ ኣዋ ኣብራሃሚኮ፥
ኢንቴና ዩሊዳ ሳራኮ ጸሊቴ።
ኢዚ ባርካ ዲሺን
ታኒ ኢዛ ጸይጋዲስ፤
ታኒ ኢዛ ኣንጃዲሲኔ ዳርሳዲስ።

3 «ጎዳይ ጲዮኖ
ቱሙ ሚንጮላና፤
ኢዚ ላሌቴላ
ቃጴታን ጸላና፤
ኢዚ ባዞ ቢታዛ ኤዴኔ ማላ፥
ኢዚ ባዞ ቢታዛ
ጎዳ ኣታኪልቴሶሆ ማላ
ኦላና፤
ኢሻሎይኔ ኡፋይሲ፥
ጋላታይኔ ዩላ ጨንጉርሲ
ኢዚን ሴቴታና።

4 «ታ ባጋቶ ታ ገዛይሳ ሲዪቴ፤
ታ ዳሬዞ ታ ገዛ ኤዝጋ፤
ዋጋይ ታፔ ኬዛና፤
ታ ፕርዳይ ካዋቴላታሰ
ፖኦ ገዳና።

5 ታ ጲሎቴላይ
ኤሶቲ ዩላ ቦላ፥
ታ ኣቶቴላይ ማቲሼ ዳስ፤
ታ ቄሴይ ካዋቴላታሰ
ቱማ ፕርዳ ኤሃና፤
ሃሩርቲ ታኮ ጸላና፤
ታ ቄሴካ ሂደታ ኦላና።

6 ፑዴ ጶቁ ገዲ ሳሎታ ጸሊቴ፤
ዚቁ ገዲ ዲጌ ሳኣካ ጸሊቴ።
ሳሎቲ ጨዋ ማላ
ቲምኢ ገ ጳያና፤
ሳኣይካ ኣፋላዲን ጨጋና፤
ኢዚን ዴኢዛ ኣሳይ ኡዴንጾ ማላ

ኤሶን ጳያና፤
ታ ኣቶቴላይ ሚርናሰ ዳና፤
ታ ጲሎቴላሰካ
ዉርሴሊ ዴና።»

7 ጎዳይ፥ «ኢንቴኖ
ጲሎቴላ ኤሪዛይቶ፥
ታ ዋጋ ኢንቴ ዋዚናን
ዋሊዳ ኣሳቶ
ታ ገዛ ሲዪቴ።
ኣሳይ ኢንቴና ካጲሺን ባቦፍቴ፤
ኢሰቲ ኢንቴና
ጫዪሺን ዳጋምፍቴ።

8 ቢላይ ማይኦ ሚዛ ማላ
ኢሰታ ማና፤
ኢሰቲ ጉጹኔይ ሚዳ
ሱፌ ማላ ገዳና፤
ታ ጲሎቴላ ገዲኮ ሚርናሰ፥
ታ ኣቶቴላ ዩሊታፔ
ዩሊታ ጋካናሰ ዳና» ጌሰ።

9 ኣቤት ጎዳ ቄሴይ ዴንዳ፤
ዋልቃ ማይኣ፤
ካሴ ኣጲዳ ዋዴታን፥
ሚሚንቴ ቃንጾሬሊዳይ፥
ገታ ዳዌዛ ጫዲዳይ
ኔና ገዲኪ?

10 ዋዜቲ ኣቲዳይቲ ፒናና ማላ፥
ኣባኔ ጨማ
ሃላ ሚሊሲዳይ፥
ጨማ ገደራ ኦጌ ገግሲዳይ
ኔና ገዲኪ?

11 ጎዳይ ዋዚዳይቲ ሲማና፤
ዩጲሼካ ጲዮኔ ጌላና፤
ሚርና ኡፋይሳ ካላቻ
ሁኤን ጎጳና፤
ኢሰቲ ኢንጃኔ ኡፋይሳ
ዲስ ዳማና፤
ጨጨይኔ ዩሆይ
ኢሰታፌ ባቃታና።

12 ጎዳይ፥ «ኢንቴና ሚንጲዛይ
ታኒ ጸላ ኢዛ፤
ሃይቁዛ ኣሳ ዜሬላ፥
ማታ ማላ ሹሊዛ ኣሳ ናሰ
ኣይሰ ባባይ?

13 ኔና ሚጲዳይሳ፥
ሳሎታ ቶሊዳይሳ፥
ሳኣሰ ዮቾ ዩጊዳይሳ ኔ ባላዳሳ፤
ኔና ጳይሳናሰ ጊጌቲዳ
ሚንጾ ኢታዛ ጋሶፔ
ዴንዲዳይሳን
ኡባ ጋላሰ ሺሮን ዳሳ፤
ሂሰቲን ሄ ሚንጾ ኢታዛ ሃንቆይ
ሃኢ ኣዋን ዲዜ?

14 ቃሹቲዳይቲ ኤሶን ቢርሼታና፤
ኢሰቲ ባ ቃሹቲዳ
ኦላ ገደን ሃይቄቴና፤
ካሊ ኢሰታሰ ፓጨና።

15 ጋሶይካ ዳምባላይ ዴንዳና ማላ
ኣባ ቃሊዛ

52

ታኒ ጎዳይ ኔ ጸሳ፤
 ታ ሱንላ ጎዳ
 ኡባፌ ዋልቃማ ጸሳ።
 16 ታኒ ታ ቃላ
 ኔ ደናን ዋላዲስ፤
 ታ ኩሼ ኩዋን ካማዲስ፤
 ሳሎታ ኢስቲ ዲዛሶን ዋሊዳይ።
 ቢታስ ዮች ዩጊዳይ።
 ጸዮኖ፣ ሳኔ ታ ዴሬ
 ጊዳይ ታና» ጌስ።

ጎዳ ሃንቆ

17 ጎዳ ኩሼፔ ሃንቆ
 ኡሹ ኡዩዳሬ።
 ኦርጮካ አሸንታ።
 አስ ጋንዲጋርሲዛ ኡሹ
 ጸጸ ሂስታ ኡዩዳሬ።
 ሃኔ ዩሩሳላሜ ዴንዳ!
 ዴንዳ፣ ዴንዳ ኤቃ!

18 ኢዛ ዩሊዳ ናይታ ኡባፌ
 ካሌሊዛይ ኢሶይካ ባዋ፤
 ቃሴ ኢዛ ዲቹዳ
 ናይታ ኡባፌካ
 ኢዚ ኩሼ ኦይከዛይ
 ኢሶይካ ባዋ።

19 ቤኣ ባሻ ቦላ ባሺ
 ኔ ቦላ ዩዳሰ፤
 ሂስቲን ኔና ኦኔ
 ሚንጮላናይ?
 ኢስቲካ ላሌቴሌኔ ቆይሰ።
 ኩሻኔ ማሻ።

20 ኔ አቱማ ናይቲ ዳቡርዳ፤
 ዋጸማዴን ኦይኬቲዳ
 ጌኔሳ ማላ
 ኦጌ ጋጸን ኡባን ኢቹዳ።
 ጎዳ ሃንቆይኔ
 ኔ ጸሳ ሴራይ
 ኢስታ ቦላ ኩሚዳሰ።

21 ሄሳ ጊሻሰ ዋይኔ
 ኡሻን ጊደንታ
 ጮ ማላቲዛሬ ሃይሳ ሲያ

22 ባ ዴራ አሺዛ ኔ ጎዳይ
 ኡባፌ ዋልቃማ ጸሳይ።
 «ቤኣ፤ ኔና ጋንዲጋርሲዛ
 ኡሻ ኔ ኩሼፔ
 ታ ኤካዲስ።
 ታ ሃንቆ ጸኣፔ
 ናምኣንሎ ኡያካ።

23 ታኒ ሄሳ ኔና ኡንኤሊዛይታ
 ኩሼን ዋላና።
 ኢስቲ ኔና፣ ሳኒ ኔ ቦላራ
 ሄሚቲዲ አቆና ማላ ዛቁላን ጊዳ።
 ሂስቲን ኢስቲ አቆና ጋካናሰ
 ኔ ዘኮ ኢስታሰ ቢታ ማላኔ
 ኦጌ ማላ አላዳሳ» ጌስ።

ጸሳይ ዩሩሳላሜ አሻና

1 ሃኔ ጸዮኔ ዴንዳ፤ ዴንዳ፤
 ዋልቃ ማይኣ፤
 ጌሻ ካታማዬ
 ዩሩሳላሜ!
 ኔ ቦንቾ ማይኦ ማይኣ፤
 ሃይሳፌ ጉዬ ቃጸሬቶንታይኔ
 ቱናይ ኔ ጊደ ጌሌና።
 2 ሃኔ ዩሩሳላሜ፣ ዴንዳ፤
 ጉዲላ ፒታ፤ ኔ አራታን ኡታ።
 ዲኤቲዳ ጸዮኔ ናዬ።
 ኔ ቆጴን ቃሼቲዳ
 ሳንሳላታ ኬሳ ዩጋ።
 3 ጎዳይ፣ «ኢንቴ ጮ
 ሃዳ ባይዘቲዳታ፤
 ሃኢካ ሚሺ ባይንዳ
 ጮ ኢንቴ ዋዜታና» ጌስ።

4 ኡባ ሃሪዛ ጎዳይ፣
 «ኮይር ታ ዴሬይ ዴኣናሰ
 ዲጌ ጊብጼ ዋጲዳሰ፤
 ጉዬፔ አሶሬይ ጋሶይካ ባይንዳ
 ኡንኤሊ ሃሪዳሰ።

5 ሂስቲን ታ ዴሬይ
 ጋሶይካ ባይንዳ
 ዲኤቲ ቢቹን
 ታሰ ሃን ኣዚ ዲዜ?
 ኢስታ ሃሪዳይቲ
 ኢስታ ቦላ ቁልጪዳ፤
 ጋላሰ ኩሚላ ታ ሱንላ
 ፓጩይ ባይንዳ ጮዬቴሰ።

6 ሄሳ ጊሻሰ ታ ዴሬይ
 ታ ሱንላ ኤራና፤
 ሄ ጋላሰ ካሴካ ዮቲዳይ
 ታና ጊዲዳይሳ ኢስቲ ኤራና።
 ኤ ሄሲ ታና» ጌስ።

7 ዙማ ቦላ ኤቂዳ ቶሆቲ፣
 ሚሺራቾ ኤኪ ዩዛ ቶሆቲ፣
 ሳርቴላ ዮቲዛይቲ፣
 ሎኦ ሚሺራቾ ዮቲዛይቲ፣
 አቶቴላ አዋጂዛይቲ፣
 ጸዮኖካ፣
 «ኔ ጸሳይ ካዋቲዳሰ»
 ጊዛ ቶሆቲ ኣይ ማላ ሎኦ!

8 ሃኔ ሲያ! ኔና ናጊይዛይቲ
 ባንታ ቃላ ቶቁ ሂስቲዳ።
 ኢሲ ቦላ ኢሊሊሺ ዩጶቴሰ፤
 ጎዳይ ጸዮኔ ሲሚዛ ዋዴ፣
 ኢስቲ ኢዛ
 ባንታ ኣይፌራ ቤኣና።

9 ኢንቴኖ ዩሩሳላሜን
 ቆሌቲዳ ሶሆቶ!
 ኢንቴ ኢሲ ቦላ ኢሊሊሳን ዩጶቴ፤
 ጎዳይ ባ ዴራ ሚንጮሊዳሰ፤
 ዩሩሳላሜ ካታማካ ዋዚዳሰ።

10 ጎዳይ ባ ጌሻ ቁሳ
 ካዎቴላታ ኡባ
 ሲንላን ቆንጨሳና፤
 ቃሴ ቢታ ጋጸን ዲዛ ኡባይካ
 ኑ ጸሳ ኣቶቴላ ቤኣና።

11 እንቴኖ ጎዳ ኬላ
 ሚሻታ ቶኪዛይቶ!
 ሻኬቲቴ፣ ሻኬቲቴ፤
 ሄፔ ኬዚቴ።
 ቱና ሚሻ ሰቸፍቴ፤
 ሄፔ ኬዚቴ፤
 እንቴ ሁኤሲካ ጌይቴ።

12 ጊዲኮካ ኤሶን ኬዘኬታ፤
 ዎይኮ ቤቲ ቤኬታ፤
 ጎዳይ እንቴፊ ሲንላ ኣጲዲ
 እንቴና ካሌላና፤
 ኢሰራኤሌ ጸሳይካ
 ጉዬራ እንቴና ናጋና።

ሜቶይ ኢዛ ጋኪዛ ኦሳንቻ

13 ጎዳይ፣ «ቤኢቴ፣
 ታ ኣሽካራይ ኣኬካን ኦላና፤
 ኢዚ ኤሬቲዳዴ ጊዳና፣
 ኢዚ ጶቁ ጶቁ ጋና፤
 ኢዚ ኬሂ ቦንቹታና።

14 ዳሮ ኣሳይ ኢዛን
 ዳጋማናሼ ጋካናሰ
 ኣሰ ኡባፊ ቆሃቲዳ ጊሻሰ
 ኢዛ ሚጳይ
 ኣሳ ሚጳቴ ላሜቲዳሰ።

15 ሄሳ ጊሻሰ ኢዚ
 ዳሮ ካዎቴላታ ማላሊሳና፤
 ኢዛ ጋሶን ካዎቴላቲ
 ባንታ ዳና ኦይካና፤
 ኢሰታሰ ዮቴቶንታይሳ
 ኢሰቲ ቤኣና፤
 ኢሰቲ ሲዩ ኤሮንታ
 ሚሻ ኣኬካና» ጌሰ።

53

1 ዳሬዚ፣ «ኑኒ ዮቴዳይሳ
 ኦኔ ኣማኒዳይ?
 ጎዳ ቁሴይ ኦናሰ ቆንጨዳ?

2 ኢዚ ኢዛ ሲንላን ጫሬቻ ማላ፣
 ማላ ቢታፊ ሞኪዛ
 ጸጸ ማላ ሞኪዳሰ፤
 ኑ ኢዛ ጸላናሰ ሸጫቴላ
 ዎይኮ ቲማይ ዳና፤
 ኑ ኢዛ ዳሳናሰ
 ኢዛ ማላይ ሎኤና።

3 ኢዚ ኣሳን ካዴቲዳይኔ
 ኢዴቲዳይ፤
 ኢዚ ሃርጌፊኔ ሜቶፔ
 ሻኬቲ ኤሮንታ ኣሳ፤
 ኢዚ ኣሲ ኢዛ ቤኣናፔ
 ባ ኣይፊሶ ሃራሶ ዛሪዛ ኣሳ ማላ

ካዴቲዳይ ጊዲዳሰ፤
 ኑኒካ ኢዛ ቦንቹቤኮ።

4 «ቱሙካ ኢዚ ኑ ሃርጌ
 ባሰ ኤኪዳሰ፤
 ቃሴ ኑ ሳኮካ ኢዚ ቶኪዳሰ።
 ኑኒ ጊዲኮ ኢዛ ጋኪዳ ሜቶይ፣
 ዳሰፊ ኢዛሰ ኢሚቲዳዛ
 ጊዲ ቆፒዳሰ።

5 ጊዳ ኣቲን ኢዚ
 ኑ ሞሮ ጊሻሰ ጫዳቲዳሰ፤
 ኑ ቆሆ ጊሻሰ ለቁዳሰ፤
 ኢዛ ቦላ ዎጲዳ ቁጻቴይ
 ኑሰ ሳሮ ኤሂዳሰ፤
 ኢዛ ማዲንላን ኑ ፓጺዳሰ።

6 ኑኒ ኡባይ ዳርሳ ማላ
 ቶይላቲ ጳይዳሰ፤
 ኑኒ ኢሶይ ኢሶይ ኑ ኦጌ ቢዳሰ፤
 ጎዳይ ኑ ኡባ ቆሆ
 ኢዛ ቦላ ዎሊዳሰ።

7 «ኢዚ ኡንኤቲዳሰኔ ዎዬቲዳሰ፤
 ጊዳ ኣቲን ዳናካ ፖጊቤና።
 ዳርሳ ላቃ ማላ
 ሹኬታናሰ ላጌቲዳሰ፤
 ባ ኢሰኬ ቃንጺዛይታ ሲንላን
 ጮኡ ገዛ ዳርሳ ማላ
 ኢዚ ዳናካ ጸቁቤና።

8 ኢዛ ሜቶላኒኔ ፐርዳን ኤፊዳ፤
 ኢዚ ታ ዳራ ሞሮ ጊሻሰ
 ዳሽቲዳ፣ ፓጻይ ዲዛ ቢታፊ
 ዲጌቲዳይሳ ኢዛ ዜሬላፊ
 ኣኬኪዳይ ኦኔ?

9 ኢዚ ኣይኮ ጌኔ ሃሳዮንታ፣
 ኣይ ሞሮካ ኦሶንታ፣
 ኢዛ ሃይቆይ ኢታታራ
 ኢሲፊ ቆዳቲዳሰ፤
 ጊዳ ኣቲን ኢዚ ዲሬታ
 ዲፎን ሞጌቲዳሰ።

10 «ኢዛ ሊቁላኔ ዎዬዚ
 ጎዳ ሼኔ ጊዲዳሰ፤
 ጎዳይ ኢዛ ሼምፖ
 ናጋራ ያርሾ ኦሊኮካ
 ኢዚ ባ ዜሬላ ቤኣና፤
 ጎዳ ሼኔይ
 ኢዛ ኩሼን ፖሌታና።

11 ኢዛ ሼምፖይ ዎዬቲዳፔ ጉዬ
 ኢዚ ዳኦ ፖኦ
 ቤኣናኔ ኡፋዬታና።
 ታ ጺሎ ኣይሌዚ ባ ኤራቴላን
 ዳርታ ጸሊሳና፤
 ኢሰታ ሞሮካ ቶካና።

12 ሄሳ ጊሻሰ ኢዛ ጋኪዛ ጊሻ
 ጊታ ኣሳታ ጊሻራ ኢሲፊ ሂሰታና፤
 ዲኢ ኤሂዳይሳ ዎልቃማታራ

ኢዚ ኢሲፌ ገሼታና፤
 ኢዚ ባ ሸምፖ
 ሃይቆስ ኣሉ ኢሚዲ፤
 ኢታ ኦሉዛይታራ
 ኢሲፌ ቆዴቲዳ ገሻሰ፤
 ዳርታ ናጋራ ቶኪዴሰ፤
 ቆሃዳይታ ገሻሰ
 ጋናቲዴሰ» ጋና።

54

ጸዮኔስ ሲንላፌ ያና ቦንቾ

- 1 ጎዳይ፡ «ሃኔ ማይኔ ማጫሳይ፡
 ና ዬላ ኤርንታራ ዬጻ፤
 ኢሊሊ ጋዳ ኡፋይሳን ዋሳ፤
 ሃኔ ሚጻታ ኤርንታራ፡
 ባ ኣዚናራ ዲዛሪ ናይታፔ
 ኣዚናይ ኣጊዳሪ
 ናይቲ ዳራና» ጌሰ።
- 2 ኔ ዱንካኔ ኤሳናሶ ኣሳ፤
 ኔ ዱንካኔ ማጋላሻታካ
 ኣሳ ቶላ፤ ጸንሶፋ፤
 ኔ ዋድርታ ኣዲሳ፤
 ጳሽኬታካ ሚንላ ኤሳ።
- 3 ኔኒ ኡሻቻ ባጋራኔ
 ሃዲርሳ ባጋራ ኣካና፤
 ኔ ዛሬቲ ካዎቲታ ላታና፤
 ሂሰቲዲ ኣይኮይ ባይንዳ
 ኢሰታ ካታማታን ኢሰቲ ዳና።
- 4 «ኣይኮይ ባ ባቦፋ፤
 ኔ ዬላታካ፤
 ሂርጎፋ፤ ኔ ካዉያካ፤
 ኔ ዬላጋቲላ ዬላ
 ኔኒ ደጋና፤
 ኔ ኣምኤቲላ ቦርካ
 ሃይሳፌ ሲንላን ሃሳኣካ።
- 5 ኔና ሜዲዳይሲ ኔስ ኣዚና፤
 ኢዛ ሱንላይካ ኡባፌ
 ዋልቃማ ጎዳ።
 ኔና ዋዚዳይ
 ኢሰራኤሌ ጌሻ፤
 ኢዚ ቢታ ኡባ ጸሳ ጌቲቲሰ።
- 6 ናቲላን ኤኪዲ
 ካዲዳ ማቺ ማላ፤
 ኔኒ ዋዚና ሜቁዳኔ
 ካዲቲዳ ማቺ ማላ፤
 ጊደ ኣቲን ጎዳይ
 ኔና ጉዬ ዛሪ ጸይጋና»
 ጌሰ ጸሳይ።
- 7 «ጉላ ዋዴ ታኒ ኔና ኣጋዲሰ፤
 ጊደ ኣቲን ጊታ ቃዴታን
 ታ ኔና ዛራ ሸሻና።
- 8 ታ ጉላ ዋዴሰ
 ኬሃ ሃንቁቲዳ ገሻሰ፡
 ታ ኣይፌሶ ኔፔ ጌንላዲሰ፤
 ጊደ ኣቲን ታ ሜርና

ኪያቲላን ኔስ ቃዴታና»
 ጌሰ ኔና ዋዚዛ ጎዳይ።

- 9 «ሃይሲ ታስ ኖሄ ዋዴ ሃሉ
 ቢታ ዛሪ ጳይሶንታ ማላ
 ታ ጫቆይሳላ
 ሃኢካ ኔ ቦላ ዛራዳ
 ሃንቁቶንታ ማላኔ
 ሴርንታ ማላ ታ ጫቃዲሰ።
- 10 ዙማቲ ቃዲኮ፡
 ዙምቡላቲ ባ ዲዛሶፔ
 ኪቸኮካ፡
 ኔስ ዲዛ ታ ሲቆይ ቃዴና፤
 ኔናራ ታ ጫቁዳ
 ሳርቲላ ቃላይ ላሌቲና»
 ጌሰ ኔና ማሪዛ ጎዳይ።
- 11 ጎዳይ፡ «ሃኔ
 ኡንኤቲዳ ካታማዬ!
 ጎቲ ጫርኮን ሸጩቲዳሬ!
 ሚኔቶንታሬ! ቤኣ፡
 ታኒ ኔና ቦንቼቲዳ
 ሹቻታን
 ኣሌቁሳ ኬዳና፤
 ሴምፔራ ሹቾ ኔስ
 ዮቾ ዬጋና።
- 12 ታኒ ኔ ቁሰቲ ዘኦ ኢንቁን፡
 ኔ ፔንጌታ ጸልቁዛ ኢንቁታን፡
 ኔ ዲርሳታ ቦንቼቲዳ
 ሹቻታን ኦላና።
- 13 ኔ ኣቲማ ናይቲ ኡባይ
 ጎዳፔ ታማርዳይታ ጊዳና፤
 ኔ ናይታ ሳርቲላካ ዳራና።
- 14 ኔኒ ጸሎቲላን ሚና ኤቃና፤
 ጌኔ ኦጌራ ኣይሶይ
 ኔፔ ሃካና።
 ኔና ባቢሲዛ ሚሺ ዴና፤
 ሸርቲላ ኔፔ ሃካና፤
 ኔ ማታካ ሸቁና።
- 15 ኦኒካ ኔና ቆሃኮ፡
 ሄሲ ታፔ ጊዴና፤
 ኔና ቆሃዳይ ዲኮ
 ኔ ሲንላን ኩንዳና፤
- 16 «ቤኣ፡ ጸፋይ ታማን ቦንቃና ማላ
 ዋምፒና ፑኒዛይሳ፡
 ኦላ ሚሽ ቆጸዛ ዋጋጩ
 ሜዲዳይ ታና።
 ቃሴ ባሽ ጋላና ማላ
 ሜዲዳይካ ታና፤
 ባሽዛይሳ
 ሜዲዳይካ ታና።
- 17 ኔና ቆሃናሰ ኦሴቲዳ
 ሚሺ ኦሌና።
 ኔና ሞቲዛ ኢንጸርሰ ኡባ
 ኔ ላላና፤
 ሄሳ ገሻሰ ጎዳ ኣይሌታ
 ጸንጾይ ሃይሳ፤

ኢሰቲ ታፔ ዳማና
አንጃይ ሄሳ» ጌሰ።

55

ጸሳፌ ቤተዛ ማርቴላ

1 ጎዳይ፡ «ኢንቴኖ ሳሜቲዳይቶ
ኡባይካ ሃ ዩቴ!

ሃላኮ ሃ ዩቴ፤
ኢንቴኖ ሚሺ ባይንዳይቶ
ሻሚቴ፤ ሚቴ።

ሃ ዩቴ፤ ሚሺ ባይንዳይ
ቃንጸንታ ዋይኔ ኡሺኔ
ማላ ሻሚቴ።

2 ጎኑንታ ካላሰ

አይሰ ኢንቴ ሚሻ ቆይሱቴ?
ኢንቴና ካልሰንታ ሚሻሰ

አይ ኤካናሰ
ኢንቴ ዋልቃ ወርሱቴ?

ሲዩቴ፤ ታ ጊዳዝ ሲዩቴ፤

ሎኦ ጊዳዳዝ ሚቴ፤
ሎኦ ቁማን ኢንቴና ኡፋይሲቴ።

3 ኢንቴ ሃይላ ደይዲ

ሃ ታኮ ሸቂቴ፤
ኢንቴ ሸምፖራ ፓጻ ዳና ማላ
ታ ጊዛ ኤዝጊ ሲዩቴ፤

ካሴ ታ ደዋቴራ ጫቂዳ
ሚኖ ሲቆን ኢንቴናራካ
ሜርና ጫቆ ጫቂታና።

4 ቤኢቴ፡ ታኒ ኢዛ ዳራሰ ማርካ፡

ካሌሊዛይኔ
ኦላ ጋዳዋ ኦላዲሰ።

5 ቤኦ፡ ኔኒ ኤርንታ

ካዋቴላታ ጸይጋና፤
ኔና ኤርንታ ካዋቴላታ
ኔኮ ኤሶን ያና።

ጋሶይካ ጎዳ ኔ ጸሳይ
ኢሰራኤሌ ጌሻይ ባ ቦንቸን
ኔና ቶቁ ቶቁ
ሂሰቲዳሰ» ጌሰ።

6 ጎዳይ ቤተዛ ዋዴ

ኢዛ ኮዩቴ፤
ማታን ዲዛ ዋዴ

ኢዛ ጸይጊቴ።

7 ኢታ አሲ ባ ኦጌ፡

ቆሂዛይካ ባ ቆፋ አጎ፤
ጎዳኮ ሲሞ።

ኢዚካ ኢዛ ማራና፤
ኢዛ ማርቴላይ

ዳር ጊዳዳ ጊሻሰ
ኢዚ ኑ ጸሳኮ ሲሞ።

8 ጎዳይ፡ «ታ ቆፋይ

ኢንቴ ቆፋ ማላ፡
ኢንቴ ኦጌይካ

ታ ኦጌ ማላ ጊዳና።
9 ሳሎቲ ሳኦቴ ቶቂዳ ማላ፡

ታ ኦጌይ ኢንቴ ኦጌቴ፡

ታ ቆፋይካ
ኢንቴ ቆፋቴ ቶቂሰ።

10 ኢራይኔ ሻቸ

ሳሎፔ ዋዲዲ
ቢታ ካልሲዲ፡

ቢታይ ሞኪሳና ማላኔ
አይፌ ኢማና ማላ፡

ዜሪዛዳሰ ዜሪላ፡ ሚዛዳሰ ካላ
ኢሞንታ ዲሼ

ጉዬ ሲሞንታይሳ ማላ፡

11 ታ ደናፔ ኬዚዛ ቃላይካ
ጮ ሃዳ ሃ ታኮ ሲሜና፤

ጊዳ ኦቲን ኢዚ
ታኒ ኮዩዳይሳ ኦሌሰ፤

ባ ኪቴቲዳ ዋና
ቆፋካ ፖሌሰ።

12 ኢንቴ ኡፋይሳን ኬዛና፤

ሳርን ሞይዜታና።
ዙማቴኔ ዙምቡላቴ

ኢንቴ ሲንሳን
ኢሊሊሳራ ዩጸና፤

ዳምባን ዲዛ ሚላቲ ኡባይካ
ባንታ ኩሼ ባቃና።

13 አጉንላ ጊሻሰ ጸዳይ፡

ኪንዲቾ ጊሻሰ ባርሲኔቴ
ጌቴቲዛ ሚሊ ሞካና፤

ሂሲካ ጎዳ ሃሳኢሲዛ
ሚሺ ቆንታ ማላ

ሜርናሰ ማላታ ጊዳና» ጌሰ።

56

አዛዜቲዛ ኡባሰ አሜቲዳ አቶቴላ

1 ጎዳይ፡ «ቱሙ ፒርዳ ናጊቴ፤

ሎኦ ኦሊቴ፤
ጋሶይካ ታ አቶቴላይ

ማታን ዳሰ፤
ታ ጸሎቴላይካ

ኤሶን ቆንጫና።

2 ሳምባታ ቱኒሶንታ ቦንቸዛይ፡

ኢታ ኦሶፔ ባ ኩሼ
ሺሺዛይኔ ናጊዛይ፡

ሃይታንታ ፖሊዛይ
አንጃቲዳዴ» ጌሰ።

3 ጎዳኮ ሸቂዳ ቤቴይ፡

«ጎዳይ ታና ባ አሳፔ
ቱሙ ሻካና» ጎፖ።

ጉንዲላይካ፡
«ታኒ ሚሊዳ ሚላ» ጎፖ።

4 ጎዳይ፡ «ታ ሳምባታታ

ቦንቸዛ ጉንዲላታሰ፡
ታና ኡፋይሲዛ ሚሻ ደሪዛይታሰ፡

ታ ጫቆ ቃላ ናጊዛይታሰ፡
5 ታ ኬላኒኔ

ታ ጊምቤታ ጊዳን
ኣቲማ ናይታፔኔ

ማጫ ናይታፔ አጲዛ
 ሃሳኢሲዛ ሚሺኔ
 ሱንሸ ኢሰታሰ ኢማና፤
 ማርናሰ ዳዮንታ ሱንሸ
 ታ ኢሰታሰ ኢማና።
 6 ጎዳሰ ሃጋዛናሰ፤
 ባና ጎዳራ ጋሊ
 ዋጺዳ ቤቴ አሳታ
 ጎዳ ሱንሸ ሰቁዛይታኔ
 ኢዛሰ ጎይኒዛይታ።
 ሳምባታ ቱኒሶንታ
 ቦንቹዛ ኡባታኔ
 ጫቆ ቃላ ናጊዛይታ።
 7 ታኒ ታ ጌሻ ዙማ ቦላ
 ኢሰታ ኤሃና፤
 ታ ዋሳ ኬላ ጊዶን
 ታ ኢሰታ ኡፋይሳና።
 ታሰ ያርሾ ያርሺዛሶዛ ቦላን
 ኢሰቲ ሺሺዛ
 ጸጌቲዛ ያርሾኔ
 ሃራ ያርሾታ ታ ኤካና፤
 ጋሶይካ ታ ኬላይ
 ኡባ አሳ
 ዋሳ ኬላ ጌቲታና» ጌሰ።

8 ላሌቲዳ ኢሰራኤሌ ሺሺዛ፤
 ኡባ ሃሪዛ ጎዳይ፤
 «ሺቂዳይታ ቦላ ጉጃ፤
 ታኒ ሃራታካ ዛራ ሺሻና» ጌሰ።

ኢታታ ቦላ ጸሳ ዋላሴ

9 ኢንቴኖ ዶኦቶ፤
 ኢንቴኖ ዋራ ዶኦቶ
 ኡባይካ ሃ ዪቴ፤
 ኢንቴ አቻራካ
 ፑዜራሊቴ።
 10 ኢሰራኤሌ አሳ ናጊዛይቲ ቆቄ፤
 ኢሰታሰ ኤራቴሊ ዳና
 ኢሰቲ ኡባይ ቦጫንታ ካና ማላ፤
 ቦጫናሰ ዳንዳዬቴና፤
 ኢሰቲ ኢቹዲ አጉማቴቴሰ፤
 ኢሰቲ ጲሰካንቻ።
 11 ኢሰቲ ጋንጃማ ካና ማላ፤
 ሚዲ ካሊ ኤራቴና።
 ኢሰቲ አኬካይ ባይንዳ
 ሄንላንቻታ፤
 ኢሰቲ ኡባይ
 ባንታ ኦጌ ኦጌ ቤቴሰ፤
 ኢሶይ ኢሶይ ባ ጎኣ ጸላ ጸሌሰ።
 12 ኢሰቲ ኢሶይ ኢሳራ፤
 «ሃ ዪቴ፤
 ዋይኔ ኡሹ አኔ ኡዮሰ።
 አኔ ማላታና
 ጋካናሰ ኡዮሰ!
 ዋንቶይካ ሃቻ ማላ ጊዳና፤
 ዋይኮ ሃቹሬካ አጲ
 ሎኦ ጊዳና» ጌቲታና።

57

ጺሎታ ጋኪዛ ሜቶ
 1 ጺሎ አሲ ሃይቁሰ፤
 ሄሳ ኦኒካ ዋዚናን ዋጮና፤
 ጸሳሰ አቂዛ አሳታ
 ሽምግይ ኤኬቴሰ፤
 ጺሎቲ ኢታፔ አታና ማላ
 ኤኬቴዳይሳ ኦኒካ አኬኬና።
 2 ሱሬቴላን ቢዛይቲ ሳርን ጌላና፤
 ሃይቁዲካ ባ ሄላን
 ሳርን ሽምግና።
 ኢታታ ቦላ ያና ፒርዳ
 3 ጎዳይ፡ «ኢንቴኖ ማር ናይቶ፤
 ኢንቴኖ ላጌላዛይሳኔ
 ላይማቲዛሪ ዜሬላቶ፤
 ኢንቴ ሃ ዪቴ።
 4 ኢንቴ ኦና ቦላ ቂልጫቴ?
 ኢንቴ ኢንጸርሲ ኦና ቦላ ኬሴቴ?
 ኢንቴ ማካላንቻታ ናይታኔ
 ዋርዳንቻታ ዛሬ ጊዳኬቴ?
 5 ኢንቴ ዋላ ጋርሳኒኔ
 ዳሻ ሚላታ ጋርሳን
 ዚታን ጸጌቲዛይታ ጊዳኬቴ?
 ዙሌታኒኔ ዛላ ዛኣታ ጋርሳን
 ኢንቴ ናይታ
 ያርሺዛይታ ጊዳኬቴ?
 6 ሃኔ ዙሌን ዲዛ ሊቆ ሹቻቲ
 ኔሰ ኤቃ ጸሳታ፤
 ኢሰቲካ ኔ ቃዳታ፤
 ቱሙካ ኔ ኢሰታ ቦላ
 ኡሻ ያርሾ ጉሳዳሳ፤
 ካላ ያርሾካ ሺሻዳሳ፤
 ሂሰቲን ሃ ዮኦታ ጊሻሰ
 ታ ጮኦ ጋኔ?
 7 ኔ ሂጸ ጶቀ ጊዳ
 አዲሳ ዙምቡላ
 ሁኤን ሂጸዳሳ፤
 ሄን ኔ ያርሾ
 ሺሻና ኬዛዳሳ።
 8 ኔ ፔንጌሬኔ ቆሲላላፌ
 ሶ ባጋራ ኤቃ ሚሰሌታ ኤሳዳሳ።
 ታና አጋዳ ኔ ሂጸ ቃራዳሳ፤
 ኢዛ ቦላ ኬዛዳ ኬሃ ቃራዳሳ፤
 ኔ ደሲዳይታራ ቃላ ጊጋዳሳ፤
 ኢሰታ ካሎካ ቤአዳሳ።
 9 ዋጋራ ዛይቲ ኤካዳ፤
 ሺቶ ኢዛ ቦላ ጉጃዳ
 ሞሎኬ ጌቲቲዛ
 ኤቃ ጸሳኮ ባዳሳ፤
 ኔሰ ኪቴቲዛይታ
 ሃኮ ዴሪ ኪታዳሳ፤
 ዲጌ ሲኦሌ ጋካናሰ
 ካንላዳሳ።
 10 ኔ ኦጌ ዳሮፔ
 ዳንዲዳይሳን ዳቡራዳሳ፤
 ጊዶ አቲን፤

56:7 ማቶ 21:13፤ ማር 11:17፤ ሉቃ 19:46

ህደታይ ባዋ ጋቤካ።
ኔ ዋልቃይ ሃ ኦራዲዳሰ፤
ሄሳ ገሻሰ ኣርጋጫቤካ።

- 11 «ኔኒ ታሰ ዋርደቲዳይ፥
ኦሰስ ያያዳ?
ኦሰስ ሂርጋዳ?
ኔ ታና ቆፖንታ ኣገዳይ፥
ሃይሳካ ኔ ዋዚናን
ቁምኣንታ ኣገዳይ፥
ታሰ ኔ ያዮንታ ኢዲዳይ፥
ታኒ ጮኡ ገዳ ገሻሰ ገዳይ?»
- 12 ታኒ ኔ ዲሎቴሴኔ
ኔ ኦሶ ቆንጩሳና፤
ኢሰቲካ ኔና ጎኤቴና።
- 13 ኔኒ ማዶ ዳማናሰ
ዋሲዛ ዋዴ፥
ኣኔ ኔ ሺሺዳ ኤቃ ጸሳቲ
ኔና ኣሹቶ!
ኢሰታ ኡባካ
ጫርኮይ ኤኪ ኤፋና፤
ጉሳ ፔናይ
ኢሰታ ላሊ ዳይሳና፤
ገዶ ኣቲን ታና ባሰ
ባቃታሶ ኦሊዳ ኣሲ
ቢታዮ ላታና፤
ታ ገሻ ዙማዮ
ባሰ ሚሽ ኦላና» ገሰ።

ዋዚናይ ሜቂዳይታሰ ኢሜቲዳ ሚንጮሶ

- 14 ጎዳይ፥ «ባሲቴ፥ ባሲቴ!
ኦጌ ገግሲቴ፤
ታ ዳራ ኦጋፔ ቆጶዲዛ ሚሽ
ኡባ ዲጊቴ» ገሰ።
- 15 ቆቁ ገዳይሲ፥
ኡባ ሃሪዛይሲ፥
ኢዛሰ ሱንሳይካ
ጌሽ ጌቴቲዳይሲ፥
ሜርናሰ ዳኢዛይሲ፥
«ካወዪዳይታ ኣያና
ዳንጮላናሰ፥
ዋዚናይ ሜቂዳይታ
ሚንጮላናሰ፥
ቆቁ ገዳ ገሻሶሆን
ታ ዳኣይሰ፤
ቃሴካ ዋዚናይ
ሜቂዳይታራኔ
ኣያናን ኣሽኬ ገዲዳይታራ
ታኒ ዳኣና።
- 16 ኣሳ ኣያናይ ታ ሲንሳን
ዳቡሮንታ ማላ
ታ ሜዲዳ ኣሳሰ
ፔናይ ኤቆንታ ማላ
ታ ሜርናሰ ዋላሲኬ፤
ታ ኡባቶ ሃንቁቲኬ።
- 17 ኢዛ ናጋራ ገሻሲኔ
ኢዛ ዪቁቴላ ገሻሰ
ታ ሃንቁታዲሰ፤

ታ ኢዛ ቃጸያዲሰ፤
ታ ሲንሳካ ሃንቆን
ኢዛፔ ጌንሳዲሰ፤
ገዶ ኣቲን ሃኢካ ሲሚዲ
ኢዚ ባ ኦጌን ቢዴሰ።

- 18 ታኒ ኢዛ ኦጌታ ቤኣዲሰ፤
ገዲኮካ ታ ኢዛ
ፓላና ካሌላና፤
ኢዛሲኔ ኢዛ ገሻሰ
ዩኪዛ ገሻታ ታ ሚንጮላና።
- 19 ኢሰራኤል ቢታን
ዩኪዛይታ ዶናን
ታ ጋላታ ዋላና።
ማታኒኔ ሃሆን ዲዛይታሰ
ሳርይኔ ዋፓይ ገዶ።
ታኒ ኢሰታ ፓላና» ገሰ።
- 20 ገዶ ኣቲን ኢታቲ ዳምባላይ
ኡርቃኔ ቡራ ኬሲዛ ማላ
ጮኡ ጋናሰ
ዳንዳዮንታይሳ ማላ
ቡላኬቲዛ ኣባ ማላ።
- 21 ታ ጸሳይ፥
«ኢታታሰ ሳርይ ባዋ» ገሰ።

58

ቱሙ ጸማ

- 1 ጎዳይ፥ «ኔ ቃላ
ቆቁ ሂሰታ ዋሳ፤
ኣይኮካ ኣሸፋ።
ኔ ጨንጉርሳ ዛዬ ማላ ሲሳ።
ታ ዳራሰ ኢሰታ ማካላቴላ፥
ያቆቤ ኬላ ኣሳሲካ
ኢሰታ ናጋራ ዮታ።
- 2 ኢሰቲ ታና ሃኙ ሃኙ ኮዬቴሰ፤
ታ ኦጌዛ ኤራናሰ
ላሞቲዛ ሚሳቴቲሰ።
ሱሬ ሚሽ ኦሊዳ
ካዋቴላ ማላኔ
ባ ጸሳ ኣዛዞ ዬገ
ኣጎንታ ዳሬ ማላ፥
ኢሰቲ ታና
ሱሬ ፐርዳ ኦይቹቴሰ፤
ጸሲ ኢሰታኮ ሺቃናይሳ
ኢሰቲ ዶሲዛ ሚሳቴሰ» ገሰ።
- 3 ኢሰቲ ሸቂዲ፥ «ኔ ኤኮንታሺን
ኦ ኣዛሰ ጸሚዶኒ?
ኔ ወዲ ጎንታሺን ኣይሰ ኦና
ካወሺዶኒ?» ጋና።
ጎዳይ ዛሪዲ ኢሰታሰ፥
«ገዲኮካ ኢንቲ ጸሚዛ ጋላሰ
ኢንቲ ዋዚና ቆፋ ማላ ኦሌታ፤
ኢንቲሰ ኦሊዛይታፔ
ቦንቁታ።
- 4 ኢንቲ ጸማይ
ኦሻኒኔ ፓላማን፥
ጌኔ ኦሶኒኔ ዋዴታን ፖሌቴሰ፤
ሃይሳፌ ሲንሳን
ኢንቲ ጸሚዛይሳ ማላ

ሃቸፌ ጉዬ እንቲ ዋሳይ
 ሳሎን ሲዬታና ጊዲ
 ሂደታ አላፍቲ።
 5 ታኒ ደሪዳይ ሃይሳ ማላ ጾማ?
 አሲ ባና ካጧሻናይ
 ሃይሳ ማላ
 ጋላስ ጸላ?
 ሻጫ ማላ ባና
 ዘቁ ሂስቴሌ?
 ዋይኮ ማቃ ማይኢዲ
 ቢዲንሳ ሶላ ቡሉሌቴሌ?
 ሂስቲን ኔ ጾማ ጋ
 ጼይጊዛይሲ ሃይሴ?
 ጎዳይ ሄሳ ማላን ኡፋዬቴዜ?

6 «በኢቲ ታኒ ደሪዳ ጾማይ፥
 ኡንኤቲዳይታ ሳንሳላታ
 እንቲ ዲዳና ማላ፥
 ቃምባራ ዋደሮ
 እንቲ ቢርሻና ማላ፥
 ኡንኤቲዳይታ እንቲ
 ላኦ ዬዳና ማላ፥
 ቶሆ ጊዲዳ ቃምባራ እንቲ
 ማንላና ማላ ጊዴኔ?

7 ቃሴካ ኔ ቁማፔ
 ጋፊዳዴስ ሻካናሰ፥
 ቶይላቲዳ ማንቆዛ
 ኔሶ ጌልላናሰ፥
 ካሎቲዳ ቤኣዳ ማይዛናሰ፥
 ኔሰ አሾ ዳቦዛሰ ኔ ሲንሳ
 ኔ ቱኮንታ ማላ ጊዴኔ?

8 ኔ ሄሳሉ አሉኮ ኔ ፖኦይ
 ዋንታ ጸልቁ ማላ ጫራና፤
 ፓጻቴሌ ኔሰ ኤሶን ጋካና፤
 ጸሎቴሌ ኔፔ
 ሲንላራ ባና፤
 ጸሳ ቦንቾይ
 ኔና ጋራዳና።

9 ሄ ዋዴ ኔኒ ጼይጋና፤
 ጎዳይካ ኔሰ ኮያና።
 ኔኒ ማዶ
 ዴማናሰ ዋሳና፤
 ኢዚካ፥ (ታ ኔሰ ዳይሰ) ጋና።

«ኔ ኔፔ ሜቶሊዛ ቃምባራ፥
 ኢታ ሃሳያኔ
 ቢራዴን ማላታ
 ቤሲዛይሳ አጊኮ፥

10 ጋፊዳዴስ ኔ ቃዴቲኮ፥
 ቆሂቲዳይቲ ካላና ማላ
 ኔ ሂስቲኮ
 ኔሰ ፖኦይ ቆማ
 ጊደን ፖኦና፤
 ኔሰ ቆሚዳይሲካ
 ሴታ ጋላሳ ማላ ጊዳና።

11 ጎዳይ ኔና ኡባቶ ካሌላና፤
 አዋይ ጸጊዳ ቢታን
 ኔ አዋ ኢዚ ኩንላና፤

ኔ ሜቁላታካ
 ኢዚ ማንላና።
 ኔኒ ሃሰ አላዳ አታኪልቴሶሆኔ
 ሙሊካ ቶኦንታ
 ፑልቶ ማላ ጊዳና።
 12 ኔ ዳቦቲ ቤኒ ዮቻታ ዬጋና፤
 ካሴ ላሌቲዳይታ ዛሪ ኬጻና፤
 ኔኒ ላሌቲዳ ጊምቤ
 ዛሪ ኡራጸሲዛይ፥
 ዋጋ ኦጌቲ ዲዛ ካታማታ
 ዛሪ ጊግሲዛይ ጌቲታና» ጌሰ።

ሳምባታ ቦንቾን ቤቲዛ ጎኣ

13 ቃሴካ፥ «ኔ ቶሆቲ
 ሳምባታ ሻሮንታ ማላ
 ኔ ሼምፕሲኮ ዲማቲዳ
 ታ ጋላሳን
 ኔ ዋዚና ቆፋ አላንታ አጊኮ፥
 ሳምባታ ጋላሳ ኡፋይሰ፥
 ጎዳሰ ዲማቲዳ ጋላሳ
 ኔኒ ቦንቾ ጋላሰ
 ጋ ጼይጊኮ፥
 ኔ ሼኔ ማላ
 ኔ ኦሊዛይሳፊኔ
 ሃዲ ዮኦፔ ኔ ናጌቲኮ፥

14 ሄ ዋዴ ኔ ጎዳን ኡፋዬታና።
 ቢታ ቦላን ቆቃሶሆታን
 ታ ኔና ቶጊሳና፤
 ኔ አዋ ያቆቤ ጸንጾ
 ኔ ካላ ማና ማላ ኦላና»
 ጊዲ ጎዳይ ሃይሳ
 ባ ዶናን ሃሳይዴሰ።

59

ናጋራ ማራቴሌኔ ዋዜቴሌ

- 1 ሄኮ ጎዳ ኩሼይ እንቲና
 አሻናሰ ቃሚቤና፤
 ኢዛ ሃይሌ
 ሲያናፔ ቱሊቤና።
- 2 ጊዶ አቲን እንቲ ቆሆይ እንቲና
 እንቲ ጸሳፊ ሻኪዴሰ፤
 እንቲ ናጋራይ ኢዛ ኣይፊሶ
 እንቲፊ ጌንሳዴሰ።
 ሃሳ ጊሻሰ ኢዚ ሲዬና።
- 3 እንቲ ኩሼይ ሱላን፥
 እንቲ ቢራዴይካ
 ቆሆን ሙሊቲዴሰ፤
 እንቲ ዶናይ ዋርዶ ሃሳይዴሰ፤
 እንቲጻርሳቲ ኢታ ዮኦ ሲሲዳ።
- 4 ጸሎቴላን ሞቲዛይ ባዋ፤
 ቱማቴላን ፒርዲዛይ
 ኦኒካ ዴና።
 ሃዲ ዮኦን አማኔቴቴሰ፤
 ዋርዶ ሃሳይቴሰ፤
 ሼሮ ቃንላቲዲ ኢታቴሌ ዬሊዳ።
- 5 ኢሰቲ ሾሻ

- ጰጰሌ ሃጽዳ፤
አቻር ከል ከጸዳ፤
ኢስታ ጰጰሌታ
ሚዛ እሲ ሃይቄስ፤
ኢስታፊ ኢሶይ ማቄኮ
ፑኪዛ ሸሺ ከዜስ።
- 6 ኢስታ ቃጨናይ ማይኦ ጊዳና፤
ኢስቲ ኦሊዳይሳን ባንታ ቦላ
ካማና ዳንዳዬቴና፤
ኢስታ ኦሶይ ኢታ፤
ኢስታ ኩሼታን
ማካላ ኦሶይ ኩሚዳስ።
- 7 ኢስታ ቶሆቲ ናጋራኮ ዎጾቴስ፤
ጸሎ ሱል ጉሳናስ ኤሶቴቴስ፤
ኢስቲ ኢታ ቆፋ ቆፔቴስ።
ባሺኔ ቆሆይ
ኢስቲ ኦጳዳ ኦጌ ኡባስ ማላታ።
- 8 ኢስቲ ሳርቴላ ኦጌ ኤሬቴና፤
ኢስቲ ቢዛ ኦጌን
ሱሬ ፐርዳይ ባዋ፤
ኢስቲ ባንታ ኦጌ ጌላሲዳ፤
ሄ ኦጌራ ቢዛይ ሳር ዳሜና።
- 9 ሄሳ ጊሻስ ሱሬ ፐርዳይ ኦፔ ሃኪዳስ፤
ጸሎቴላካ ኦኮ ጋኬና።
ኦኒ ፖኦ ኮዪዳስ፤
ጊዳ ኣቲን ኡባይ ቋማ ጊዳዳስ፤
ዋጋጋ ፖኦ ኮዪዳስ፤
ጊዳ ኣቲን ሳካና
ቋማ ጊዳዳስ።
- 10 ቆቄ ማላ
ገምቤዛ ቦላ ጋንዲጋርዳስ።
ኦ ሄሜታይ ኣይፊይ ባይንዳ
ኣሳ ማላ ታታፊቴል ጊዳዳስ፤
ኣርሼይ ወሊሺን ሃኒዛ
ሴታ ጋላስ ቋጾቴዳስ።
ቃሴ ሚኖ ኣሳታ ጊዳን ኦኒ
ሃይቄዳ ኣሳ ማላ ጊዳዳስ።
- 11 ኦኒ ኡባይ ዛርዳ ማላ ላዎስ፤
ሃራጾታ ማላካ
ጨጨሽ ጉጉሞስ፤
ኦኒ ሱሬ ፐርዳ ኮዪዳስ፤
ጊዳ ኣቲን ዳሚቤኮ፤
ኣታና ኮዪዳስ፤
ጊዳ ኣቲን ኢዚ ኦፔ ሃኪዳስ።
- 12 ጋሶይካ ኦ ቆሆይ
ኦ ሲንሳን ዳሪዳስ፤
ኦ ናጋራይካ
ኦ ቦላ ማርካቴዳስ።
ኦ ሞርይ ኦፔ
ሻኬቴቤና፤
ኦ ማካላቴላካ
ኦኒ ኤርስ።
- 13 ኦኒ ጎዳ ቦላ ማካሊዲ
ዎርዳ ሃሳይዳስ፤
ኦ ጸሳ ካሎ ኣጊዲ

- ሼርኢ ጊዳስ፤
ማካላቴላኒ
ጌኔ ዮኦ ሃሳይዳስ።
ኦ ዎዚናይ ሻሪ ኡቲዳ
ዎርዳ ሃሳይዳስ።
- 14 ሄሳ ጊሻስ ሱሬ ፐርዳይ
ጉዬ ሱጌቴዳስ፤
ጸሎቴላካ ኦፔ ሃኪዳስ፤
ቱማቴላ ኦጌ ቦላ
ቋጾቴዳስ፤
ሱሬቴላካ ጌላናስ
ዳንዳይቤና።
- 15 ቱማቴላ ኣዎንካ ቤቴና፤
ኢታቴላፊ ሃኪዳይ
ቆሄቴስ፤
- ጎዳይ ቤኢዲ ሱሬ ፐርዳይ
ቋዳይ ጊሻስ ጨጨዳስ።
- 16 ኦኒካ ባይንዳይሳ ቤኢዳስ፤
ኢዛኮ ጋናቴዛይ ባይንዳይሳ
ቤኢዲ ማላሌቴዳስ፤
ሄሳ ጊሻስ ኢዛ ቄሴይ
ኢዛስ ኣቶቴል ኤሂዳስ፤
ኢዛ ጸሎቴላ ኢዛ ካፊ ኦይኪዳስ።
- 17 ኢዚ ጸሎቴላ ጸሩሬ ማላ
ቲራን ማይኢዳስ፤
ኣቶቴላ ቢራታ ቆቤ ማላ
ባ ሁኤ ቦላ ዎላዳስ።
ማይኦ ጋርሳራ ማይኢዛ ማላ
ሃሎ ከሶ ማይኢዳስ፤
ማይኦ ጎጲ ማይኢዛ ማላ
ቃናቴ ቦላራ ጎጲዳስ።
- 18 ኢስታ ኦሶ ማላ
ሃንቆ ባ ባልጋራታስ።
ፐርዳ ባ ሞርኬታስ ኢዚ ቃንጻና።
ሃሩር ቢታታስ ኢስታ
ኦሶ ኦሶ ማላ ኢማና።
- 19 ጎዳ ፔናይ ሱጌ ኤኪ ቢዛ
ዎልቃማ ዲኦ ማላ ያና።
ሄሳ ጊሻስ ኣርሼይ
ወሊዛ ባጋራ ዲዛይቲ
ጎዳ ሱንሳስ ያያና፤
ኣርሼይ ሞኪዛ ባጋራ ዲዛይቲ
ኢዛ ቦንሻስ ሃሬታና።
- 20 ጎዳይ፡ «ዎዚዳይይ ጸዮንሲኔ
ያቆቤ ዛሬታን ባንታ ናጋራ
ፓጲዳይታኮ ያና» ጌስ።
- 21 ቃሴካ ጎዳይ፡ «ታ ባጋራ ታሲኔ ኢስታስ ዲዛ
ጨቆ ቃላይ ሃይሳ፤ ኢንቴ ቦላ ዲዛ ታ ኣያናይኔ ታኒ
ኢንቴ ደናን ዎላዳ ታ ቃላይ ሃቺፊ ደሚዲ ሜርና
ጋካናስ፡ ኢንቴ ደናፔ፡ ኢንቴ ናይታ ደናፔኔ ኢንቴ
ዜሬላ ደናፔ ሻኬቴና» ጌስ።

60

ሲንሳፊ ያና ጸዮን ቦንሻ
1 ጎዳይ፡ «ኦ ፖኦይ ዪዳ ጊሻስ
ዳንዳዳ ፖኢሳ፤

ጎዳ ጦንቸይ
 ኔ ጦላ ፖኢዳስ።
 2 ቤኣ፡ ጳማይ ሳኣ ካማና፤
 ሳኣና ጳማይ
 ዳራ ገዚ ኦይካና፤
 ጊዶ ኣትን ጎዳይ ኔሰ ጋካና፤
 ባ ጦንቸካ
 ኔ ጦላ ፖኢሳና።
 3 ካዎቲላት ኔ ፖኦኮ፡
 ካዎቲካ ኔ ዎንታ
 ጸለቁኮ ያና።
 4 «ጳቁ ጋዳ ኔ ዩሾ ጸላ፤
 ኢሰቲ ኡባይ ኢሲፌ ሺቁዲ
 ኔኮ ያና፤
 ኔ ኣቲማ ናይቲ ሃሆፔ፡
 ኔ ማጫ ናይቲካ
 ኢዲሞን ኔኮ ያና።
 5 ሄ ዎዳ ኔ ቤኣና ኔ ጸላና፤
 ኔ ዎዚናይ ኡፋይሳን ኩማና፤
 ኣባን ዲዛ ኣቆታይ
 ኔኮ ያና፤
 ካዎቲላት ዱሬቴላ
 ኔሰ ጊዳና።
 6 ጋሚላ ማራቲ፡
 ሚዲያሜፔኔ ኤፋፔ ዪዳ
 ጋሚላ ማራቲ
 ኔ ቢታ ካማና።
 ዎርቃኔ ኤጳኔ
 ኤኪዲ ሳባፔ ዪዛይቲ
 ጎዳ ጋላታ ኣዎጀና።
 7 ቁዳሬፔ ዶርሳታ ዉዳይ
 ኡባይ ኔኮ ሺቃና፤
 ኔባዮቲ ዳሬ ጳርሾቲ
 ኔና ጎኣና፤
 ሃይታንቲ ታሰ ያርሾ
 ያርሺዛሶዛ ቦላ
 ኤኬቲዳ ያርሾታ ጊዳና፤
 ታኒካ ታ ጦንቸ
 ኬላ ፑላሳና።
 8 «ሃራጵይ ባ ኣቁዛሶ
 ቢዛ ማላኔ
 ሻራ ማላ
 ቢዛይቲ ሃይታንቲ ኦኔ?
 9 ቱሙካ ሃራሮቲ
 ታናን ሂዶታ ኦሌቴሰ፤
 ኢዚ ኔና ባ ጦንቸ
 ማይዚዳ ጊሻሰ፡
 ጎዳ ኔ ጸሳ ጦንቸሰ፡
 ኢሰራኤሌ ጌሻሰ
 ሃኮፔ ኔ ኣቲማ ናይታ፡
 ኢሰታ ቢራራኔ ዎርቃራ
 ጋላ ኤሃናሰ ታርሴሴ ማርካቤቲ
 ሲንላቲ ኬዛና።
 10 «ኣላጋቲ ኔ ጊምቤ ጊምባና፤

ኢሰታ ካዎቲ ኔሰ ሃጋዛና፤
 ታ ሃንቆን ታ ኔና
 ሾጪዳ ጊዲኮካ፡
 ታ ቃዴታ ሲቆ ኔና ቤሳና።
 11 ኔ ፔንጌቲ ኡባቶ ዶያ ዳኣና፤
 ጋላሰ ጊዲን ኦማርሰ
 ሙሌካ ጎርዴቴቴና፤
 ሄሲካ ኣሳይ ካዎቲላታ
 ዱሬቴላ
 ኔኮ ኤሃናሳ፤
 ኢሰታ ካዎቲካ
 ጸኖን ኔኮ ጌላና ማላሳ።
 12 ኔሰ ሃራቶንታ ካዎቲላኔ
 ዳሬይ ሙሌካ ዲፒ ጋና።
 13 ታ ኬላይ ዲዛሶ ኣለቁሳናሰ፡
 ሊባናሴ ጦንቸይ
 ጉጋንላ፡ ጸዲይኔ
 ባርሴኔቴይ ኔኮ ያና፤
 ታ ቶሆይ ኤቁዛሶዛ ታ ጦንቸና።
 14 ኔና ኡንኤላዳይታ ኣቲማ ናይቲ
 ዘጊሼ ኔኮ ያና፤
 ኔና ካዲዳ ኡባቲ
 ኔ ቶሆ ጦላ ኩንዳና፤
 «ሃኔ ጎዳ ካታማዬ!
 ኢሰራኤሌሰ ጌሻ ሚሽ ጊዲዳ
 ጸዮኔ) ጊ ጸይጋና።
 15 «ሃኔ ኢጵታዳ ዩጌቲዳሬ፡
 ኦኒካ ኔ ጊዶራ ካንላ
 ቢዛር ጊዶንታ ኣጊኮካ
 ታኒ ኔና ሚርና ጩቆሲኔ
 ዩሌታ ኡባሰ ኡፋይሰ ሂሰታና።
 16 ኔኒ ካዎቲላታ ማላ ኡያና፤
 ካዎታ ጳንላካ ጳማና።
 ሄሳፌ ጉዬ ታኒ ጎዳይ
 ኔና ኣሺዛይሳ፡
 ኔና ዎዚዛይሳኔ
 ያቆቤ ዎልቃማ ጊዲዳይሳ
 ኔኒ ኤራና።
 17 ጸርቁማላ ሶሆን ዎርቃ፡
 ቢራታ ሶሆን ቢራ ኤሃና፤
 ሚላ ሶሆን ጸርቁማላ፡
 ሹቻ ሶሆን ቢራታ ኤሃና፤
 ሳሮቴላ ኔና ኣይሲዛዳ፡
 ጸሎቴላካ ኔሰ
 ሃላቃ ሂሰታና።
 18 ሃይሳፌ ጉዬ ኔ ቢታን ሺርይ፡
 ኔ ዘዎንካ ላሌቴላኔ
 ባሺ ሲዬቴና።
 ጊዶ ኣትን ኔ ዲርሳ
 ጊምቤ ኣቶቴላ፡
 ኔ ፔንጌታካ ጋላታ ጋዳ
 ኔ ጸይጋና።
 19 «ሄሳፌ ጉዬ ጋላሰ
 ኣዎ ፖኦይ ኔሰ ኮሼና፤
 ኦማርሲካ ኣጊናይ ፖኦና፤
 ጋሶይካ ጎዳይ ኔሰ

ሜርና ፖኦ ገዳና፤
 ኔ ጸሳይ
 ኔሰ ሰንቸ ገዳና።
 20 ኔ ኣርሼይ
 ሃይሳፌ ጉዬ ጌሌና፤
 ኔ ኣገናይካ
 ፖኦ እሞ ኣገና።
 ጎዳይ ኔሰ
 ሜርና ፖኦ ገዳና፤
 ኔ ጩጩዳ ጋላሳቴ ገዳና።
 21 ኔ ኣሳይ ኡባይ
 ጸሎ ገዳና፤
 ቢታዮካ ሜርናሰ ላታና፤
 ኢሰቲ ታ ሰንቸ ቆንጩሳናሰ
 ታኒ ቶኪዳ ፑቲታ፤
 ታ ኩሼ ኦሶታ።
 22 ኔፔ ካሎዚ ሺ፥
 ኡባፌ ዉርሴላ ካሎዚ
 ዋልቃማ ካዋቲሐ ገዳና፤
 ታኒ ጎዳ፤
 ዋዴይ ጋኪዛ ዋዴ
 ታኒ ሄሳ ኤሶን ፖላና» ጌሰ።

61

ኣቶቲላ ሚሺራቸ

1 ኡባ ሃሪዛ ጎዳ ኣያናይ ታ ሶላ ዴሰ፤
 ሃዩሳታሰ ሚሺራቸ
 ዮታና ማላ፥
 ጎዳይ ታና ቲይዴሰ።
 ኢዚ ታና ዋዚናይ ሜቁዳይታ
 ኮላና ማላ፥
 ዲኤቲዳይታ ላኣ ኬሳና ማላ፥
 ቃሽቲዳይታሰ ቢርሽሐ
 ኣዋጃና ማላ ከቲዴሰ።
 2 ዶሴቲዳ ጎዳ ላይሐ፥
 ኑ ጸሳይ ሃሎ ኬሲዛ ጋላሳ
 ኣዋጃና ማላ፤
 ዩኪዛይታ ኡባ
 ሚንሴላና ማላ
 ታና ከቲዴሰ።
 3 ቃሴካ ጸዮኔን ካዮቲዛይታ
 ደሺሳና ማላ፥
 ቢዲንላ ገሻሰ
 ፑላቲላ ካላቻ፤
 ዩሆ ገሻሰ ኡፋይሳ ዛይቲ
 ኢሰታ ሁኤን ታ ጉሳና ማላ፥
 ጩጩ ኣያና ገሻሰ ጋላታ ሴሎ
 ታ ኢሰታ ሶላ ጎጶና ማላ
 ታና ከቲዴሰ፤
 ኢሰቲካ ኢዛ ሰንቸ
 ቆንጩሳና ማላ
 ጎዳይ ቶኪዳ ጸሎ ሚሐ
 ጌቲቲ ጶይጌታና።
 4 ኢሰቲ ቤኒ ላሌቲዳይታ
 ዛሪ ኬጸና፤

ካሴ ዋዴ ኩንዲዳይታካ
 ዛሪ ኤሳና፤
 ዳር ዩሌታታፔ
 ካሴ ኩንዲዳይታ፤
 ላሌቲዳ ካታማታ
 ዛሪ ኬጸና።
 5 ኣማላቲ ኢንቲ ዶርሳ
 ዉዴታ ሃማና፤
 ኣላጋ ቢታ ኣሳቲ
 ኢንቲ ጋዴኒኔ
 ኢንቲ ዋይኔ
 ኣታኪልቲ ገደን ኦላና።
 6 ኢንቲ ቃሴ፥ «ጎዳ ቁሴታ»
 ጌቲቲ ጶይጌታና፤
 ኣሳይካ ኢንቲና፥
 «ኑ ጸሳ ኦሳንቻታ»
 ገዲ ጶይጋና፤
 ኢንቲ ካዋቲላታ ኣቆታ ማና፤
 ኢሰታ ዲሬቲላንካ
 ኢንቲ ጩቁታና።
 7 ታ ዴሬይ ዩላቲዳይሳ ቆጴ
 ናምኡ ኩሼ ኤካና፤
 ካዉዩዳይሳ ቆጴ
 ባንታ ጸንጶን ኡፋይታና፤
 ባንታ ቢታሰ
 ናምኡ ኩሼ ላታና፤
 ሜርና ኡፋይሴ ኢሰታሰ ገዳና።
 8 ታኒ ጎዳይ ሱሬ ፐርዳ ዶሳይሰ፤
 ሰንቃኔ ቆሆ ኢጸይሰ።
 ታ ኣማኔቲላን
 ኢሰታሰ ቤሲዛይሳ ኢማና፤
 ኢሰታራ ሜርና ጫቆ
 ቃላ ጌላና።
 9 ኢሰታ ዛሬቲ ካዋቲላታ ገደን፥
 ኢሰታ ናይቲ ዴሬ ገደን
 ኤሬቲዳይታ ገዳና፤
 ኢሰቲ ቤኢዛ ኡባይ ጎዳይ ኣንጂዳ
 ዴሬ ገዲዳይሳ ኤራና፤
 10 ታኒ ጎዳን ኬሃፔ ኡፋይታይሰ፤
 ታ ሽምፖያካ
 ታ ጸሳን ሆምሶጫዉሰ፤
 ሚሺራይ ባ ሁኤን
 ካላቻ ጎጸዛ ማላ፥
 ሚሺራያካ ባና ኢንቁን
 ሴሌሲዛ ማላ
 ኣቶቲላ ማይኦ ታና ማይዚዴሰ፤
 ጸሎቲላ ሴሎካ
 ታ ሶላ ጎጸዴሰ።
 11 ቢታይ ጫሬቸ ጫሪሲዛ ማላ፥
 ኣታኪልቲሶሆይ
 ፑቲ ፑቲሲዛ ማላ፥
 ኡባ ሃሪዛ ጎዳይ
 ካዋቲላታ ኡባ ሲንላን
 ጸሎቲላኔ ጋላታ ጫሪሳና።

62

ጸዮኒስ ኦራላ ሱንሳ

- 1 ኢዚ ጸሎቴሉ ማላዶ ፖኦ ማላ ጸላናሼ ጋካናስ፡
 ኢዚ አቶቴሉ ጸምፔ ማላ
 ፖኦናሼ ጋካናስ
 ታ ጸዮኒ ገሻስ ጮኡ ጊኬ፤
 ዩሩሳሌም ገሻሲካ
 ሰርጺ ጊኬ።
- 2 ካዎቴላቲ ኔ ጸሎቴሉ፡
 ካዎቴካ ኔ ቦንቾ ቤአና፤
 ጎዳይ ባ ዶናን ሱንሳዳ
 ኦራላ ሱንሳን
 ኔ ጸይጌታና።
- 3 ኔኒ ጎዳ ኩሼ
 ቦንቾ አኪሊሌ፡
 ኔ ጸሳ ኩሼን ካዎታ
 ካላቻ ጊዳና።
- 4 ሃይሳፌ ጉዬ ኔኒ፡
 «አዚናይ ዩጊ አጊዳር» ጌቴታካ፡፡
 ቃሴ ኔ ቢታያካ፡
 «ዩጌታ አቴዳር» ጌቴቱኩ፡፡
 ጊዶ አቴን፡
 «ታ ኡፋይሲ ኢዚና» ጌቴታና፤
 ኔ ቢታያካ፡
 «አዚናይ ዲዛር» ጌቴታና፤
 ጎዳይ ኔናን ኡፋይታና፤
 ኔ ቢታያካ
 አዚናራ ዲዛር ጊዳና።
- 5 ፓንሉ ጌላኦ ኤኪዛ ማላ፡
 ኔ ናይቲ ኔና ኤካና፤
 ሚሺራዚ ሚሺራይን
 ኡፋይቲዛ ማላ፡
 ኔ ጸሲ ኔናን ኡፋይታና።
- 6 ሃኔ ዩሩሳሌም!
 ናጊዛይታ
 ኔ ዲርሳታ ቦላ ኤሳዲስ፤
 ኢስቲ ጋላሲካ
 ኦማርስ ጉዬ ጌቴና፤
 አንቴና ጎዳኮ ዋሲዛይቶ፡
 ሙሌካ ሸምፖፍቴ፤
- 7 ኢዚ ዩሩሳሌም ሚንሳና
 ጋካናሲኔ
 ቢታ ኡባ ቦላ ኤሬቲዳ
 ካታማ ኦላና ጋካናስ
 ኢዛስ ሸምፖ ኢምፍቴ።
- 8 ጎዳይ ባ ኡሻቻ ኩሼኒኔ
 ባ ዋልቃማ ቁሴን፡
 «ሃይሳፌ ጉዬ ታ አንቴ ካላ
 አንቴ ሞርኬታስ
 ቁማ ጊዳና ማላ ኢሚኬ፤
 ቃሴ አንቴ ዳቡሪ ኬሲዳ
 ኦራላ ኡሻ
 አላጋቲ ኡዬቴና።
- 9 ጊዶ አቴን ካላ ሸሸዳይቲ ማና፤
 ጎዳካ ጋላታና፤
 ዎይኔ ቴራ ማጺ ሸሸዳይቲ
 ታ ኬላ ፔንጌን ኡያና»

ጊ ጫቂዳስ።

- 10 አዲቴ! ኢዛ ፔንጌታ ባጋራ
 ካንሉ ቢቴ፤
 ዴራስ ኦጌ ባሲቴ፤
 ጊገሲቴ፤ ሹቻታ ዲጊቴ፤
 ካዎቴላታስ ማላታ ኤሲቴ።
- 11 ቤኢቴ፡ ጎዳይ
 ሳኦ ጋጾ ጋካናስ፡
 «ጸዮኔ ማጫ ናይስ፡
 «ሄኮ ኔና አሺዛይይ ዩስ፤
 ኔ ዋጋይ ኢዛ ኩሼን ዴስ፤
 ኔ ቃዳይ ኢዛኮን ዴስ» ጊቴ።
 ጊዲ አዎጂዳስ።
- 12 ኢስቲ፡ «ጎዳይ ዎዚዳ
 ጌሻ ዳራታ፤
 ኔካ ዩጌታ አቶንታር
 ኮዩቲዛ ካታማዮ» ጌቴታና።

63

ጸሳ ጸኖኔ ኢዚ አሺዛ ዎልቃ

- 1 ኤዶም ቢታን ዲዛ
 ቦጺራ ካታማፔ
 ዘኦ ሴሎ ማይኦ ማይኢዲ
 ዩዛይ ሄሲ ኢዚ ኦኔ?
 ሃይሲ ቦንቾ ማይኢዲ
 ባ ዎልቃ ጌታቴላን ሃሚቴሽ
 ዩዛይ ኢዚ ኦኔ?
 «ጸሎ ሃሳይዛይኔ
 አሻናስ ዎልቃይ ዲዛይ
 ታና ጊዲኪና!» ጌስ ጎዳይ።
- 2 ኔ ሴሎ ማይኦይ ዎይኔ ጉምኢዛ
 አሳታ ማይኦ ማላ
 አይስ ዘኢዴ?
- 3 «ጉምኢዛሰሆዛን ዎይኔ
 ታኒ ታርካ ዩዳዲስ፤
 ካዎቴላታፔ ኦኒካ
 ታናራ ዴና፤
 ታኒ ኢስታ ታ ሃንቆን ዩዳዲስ፤
 ታ ባሻንካ
 ኢስታ ዲርጾሬላዲስ፤
 ኢስታ ሱሉ ታ ሴሎ
 ማይኦ ቦላ ዳጩቲዳስ፤
 ታ ማይኦይ ኡባይ ሞሬቲዳስ።
- 4 ታኒ ሃሎ ኬሳና
 ጋላሳይ ታ ዎዚናን ዴስ፤
 ታ ዎዛና ጋላሳይካ ጋኪዳስ።
- 5 ታኒ ጸላዲስ ሸን
 ማዲዛይ ቤቲቤና፤
 ማዲዛይይ ባይንዳ ጊሻስ
 ታኒ ማላሌታዲስ
 ታስ አቶቴሉ ኤሂዳስ፤
 ታ ሃንቆይካ ታና ሚንሉዳስ።
- 6 ታ ሃንቆን ካዎቴላታ
 ዩዳዲስ፤
 ታ ባሻን ኢስታ ማላሳዲስ፤
 ኢስታ ሱላካ

ቢታን ጉሳዲስ» ጋና።
ጸሳይ ኢስራኤልስ ኦሊዳ ኪያቴል

7 ጎዳ ኪያቴሉ፥
ጎዳይ ኑስ ኦሊዳ
ኦሶ ኡባ ገሻሰ፥
ኢዚ ጋላቴተዛ
ኦሶዛ ገሻሰ፥
ኢዛ ሲቆዛኔ
ኢዛ ኪያቴላ ኬና፥
ኢስራኤል ኬላስ
ኢዚ ኦሊዳይሳ፥
ኤ ኢዚ ኦሊዳ
ሎኦ ኦሶታ ገሻሰ
ታ ዮታና።

8 ጎዳይካ፥ «ቱሙካ፤
ኢሰቲ ታ ዳሬታ፤
ኢሰቲ ታሰ ዋርዶቶንታ
ኣቱማ ናይታ» ገዳስ።
ሄሳ ገሻሰ ኢዚ ኢሰታ
ኣሺዛዳ ገዳዳስ።

9 ኢሰታ ማቶ ኡባን ጨጨዳስ፤
ኢዛ ዲሳ ኤሪሲዛ ኪታንቻይ
ኢሰታ ኣሺዳስ፤
ኢዚ ባ ሲቆኒኔ
ባ ማርቴላን
ኢሰታ ዋዚዳስ።
ካሴ ኣቋዳ ዋዳ ኡባን
ኢሰታ ዳንሳዳሴኔ ቶኪዳስ።

10 ኢሰቲ ገዲኮ ማካሊዳ፤
ኢዛ ጌሻ
ኣያናካ ሚሺሲዳ
ሄሳ ገሻሰ ኢዚ ሲሚዲ
ኢሰታሰ ሞርኬ ገዲዳስ፤
ኢሰታ ኦሊዳስ።

11 ሄሳፊ ጉዬ ኣሳይ ቤኒ ዋዳዛኔ
ሙሴ ዋዳ ዩሺ ቆፒዳስ፤
ባ ደርሳታ ሄንሳንቻታራ
ኡባፊ ኬሲዳይሲ
ኢዚ ኣዋን ዲዜ?
ባ ጌሻ ኣያና
ኢሰታ ገደን ዋሊዳይሲ
ሃኢ ኣዋን ዲዜ?

12 ቦንቹቲዳ ዋልቃማ ቄሴ፥
ሙሴስ ኡሻቻ ኩሼ
ቦላ ዋሊዳስ፤
ባሰ ሜርናሰ ሱንላ ኬሳናሰ፥
ሃላታ ኢሰታ
ሲንላን ሻኪዳስ።

13 ፓራይ ኣይኮይ ባይንዳ ባዞ ቢታራ
ካንሳ ቢዛ ማላ፥
ኢሰታካ ጨማ ገደራ
ካሊሳ ፒንሳዳስ፤
ሄሳ ገሻሰ
ኢሰቲ ቆጶቴቤቴና።

14 ዲጌ ዙሌ ዋዲዛ

ሜሄ ወዴ ማላ፥
ጎዳ ኣያናይ ኢሰታሰ
ሼምፖ ኢሚዳስ፤
ኢዚ ዳራ ሄሳሶ
ካሊሳዳይ፥ ኔ ሱንላ
ቦንቹሳናሳ።

ማዶ ዳማናሰ ዋሲዛ ዋሳ

15 ኣቤት ጎዳወ፥
ዲማቲዳ፥ ቦንቹቲዳኔ
ቆቁ ገዳ ኔ ኣራታፔ
ሳሎፔ ዲጌ ጸላ፤
ኔ ዋልቃይኔ
ኔ ሚሹቲዛ ሚሾይ ኣዋኔ?
ኔ ኣሽኬቴላይኔ
ኔ ቃዲቴላ
ኑፔ ሃኪዳስ።

16 ኣብራሃሜይ ኑና ኤርንታ ኣገኮ፥
ኢስራኤሌይካ
ኑና ኣኬኮንታ ኣገኮካ
ኔኒ ኑስ ኣዋ።
ኣቤት ጎዳወ፥ ኔኒ ኑስ ኣዋ፤
ቤኒሶፊካ ደሚዲ
ኔ ሱንላይ ኑና ዋዚዳይሳ።

17 ኣቤት ጎዳወ፥
ኑኒ ኔ ኦፔፔ ኬዛና ማላ፥
ኑ ዋዚና ቱሊሳዳ
ኔሰ ያዮንታ ማላ
ኣይሰ ኦላይ?
ኔ ኣይሌታ ገሻሰ ጋዳ፥
ኔሰ ጸንጾ ገዲዳ
ቆሞታ ገሻሰ
ጋዳ ኑኮ ሲማ።

18 ጉላ ዋዳሰ ኔ ዳሬይ
ጌሻሶሆዛ ላቲዳስ፤
ሃኢ ገዲኮ ኑ ሞርኬቲ
ኔ ኬላ ዩዲዳ።

19 ሄኮ ቤኒሶፊ ኑኒ ኔይታ፤
ገደ ኣቲን
ኢሰታ ኔኒ ሃራቤካ፤
ኢሰቲ ኔ ሱንላንካ
ጸይጌቲቤቴና።

64

1 ኣቤት ጎዳወ፥ ኔኒ ሳሎታ ዳካዳ ዲጌ ዋቆርኪ!
ዙማቲ ኔ ሲንላን ኮኮሬቶ።
2 ቃይጸሬ ታማይ
ሃላ ፔንቲሲዛ ማላ፥
ኔ ሞርኬታ ማታን ኔ ሱንላ
ኤሬታና ማላ ዋቆ፤
ካዋቴላታካ
ኔ ሲንላን ኮኮርሳ።
3 ካሴካ ኔኒ ኑ ቆፖንታ
ያሺሲዛ ሚሽ
ኔ ኦሊዳ ዋዳ
ኔ ዋዲን ዙማቲ ኮኮሬዳ።
4 ቤኒሶፊ ደሚዲ ሂደታ ኦሊ
ናገዛይታሰ ጋኪዛ
ማላታ ኦሊዳይ ኔፔ ኣቲን

ሃራ ጸሰ ቤኢዳ አይፈይኔ
 ሲዱዳ ሃይሉ ሙሉካ ዳና።
 5 ሱሬ ሚሽ ኡፋይሳን
 ኦሊዛይታኔ
 ኔ ኦጌ ቆጥዛይታ
 ኔኒ ማዳሳ፤
 ጊዶ አተን ኦኒ ኢሰታ ቦላ
 ፓጩይ ባይንዳ
 ናጋራ ኦሊዳ ገሻሰ
 ሄኮ ኔኒ ኦ ቦላ
 ሃንቁታዳሳ፤
 ሂሰቲን ኦኒ ዋኒ
 አታና ዳንዳይዘኒ?
 6 ኦኒ ኡባይካ
 ቱና አሳ ማላ ጊዳደሰ፤
 ኦ ጸሎቴላ ኦሶ ኡባይ
 ቱኒዳ ጫርቃ ማላ።
 ኦኒ ኡባይካ
 ቦንጮ ማላ ቆከደሰ፤
 ኦ ናጋራይ ኦና ጫርኮ ማላ
 ፒቲ ኤፊዳሰ።
 7 አኒካ ዋሳን
 ኔ ሱንላ ጸይጌና፤
 ኔና ኦይካና
 ፓጩዛይካ ዳና፤
 ኔኒ ኔ አይፈሶ
 ኦፔ ጌንሳዳሳ፤
 ኦ ናጋራይ ኦና
 ቆይሳና ማላ አጋዳሳ።
 8 ጊዳደካ አቤት ጎዳዉ፡፡
 ኔኒ ኦሰ አዋ፤ ኦኒ ኡርቃታ፤
 ኔኒ ኦና ሜዲዳይሳ፤
 ኦኒ ኡባይካ
 ኔ ኩሼን ሜዲቲዳይታ።
 9 አቤት ጎዳዉ፡፡ ኬሃ ሃንቁቶፋ፤
 ኦ ናጋራካ ሜርናሰ ቆፖፋ፤
 ኦሰ ዋሴታ፤
 ኦ ኡባይ ኔ ዳሬ ጊዳዳ ገሻሰ
 ኔ አይፈሶ ኦኮ ሃ ዛራ።
 10 ኔ ጌሻ ካታማቲ አይኮይ ባይንዳ
 ባዞ ጊዳዳ፤
 ጸዮናካ አይኮይ ባይንዳ
 ባዞ ቢታ ጊዳዳሰ፤
 ዩሩሳላሜይካ ዩጌታ አታዱሰ።
 11 ኦ አዋቲ ካሴ ኔና
 ኢዛን ጋላቲዛ ጸሳ ኬላይ
 ታማን ጸጌቲዳሰ፤
 ካሴ ሎኦሶቲ ኡባቲካ ቆይዳ።
 12 አቤት ጎዳዉ፡፡
 ሃይሲ ኡባይ ሃኒንካ
 ኔ ሲሚኪ?
 ኔኒ ጮኡ ጋዳ ኦና
 ዛዋይ ባይንዳ ቁጻቲ ቃጻይ?

65

ፒርዳኔ አቶቴላ

1 ጎዳይ፡ «ታና ዋሶንታይታሰ
 ታ ቆንጫዲሰ፤
 ታና ኮዮንታይታሰ ቤታዲሰ።
 ታ ሱንላ ጸይጌንታ
 ካዋቴላሰ፡
 «ዩ! ዩ!» ጋ ኮያዲሰ።
 2 ማካላንቻ ዳሬታሰ፡
 ኢታ ኦጌራ ቢዛይታሰ፡
 ባንታ ዋዚና ኦሞ ካሊዛይታሰ፡
 ታ ኩሼ ጋላሰ ኩሜላ ሚጫዲሰ።
 3 አታኪልቴሶሆን ያርሾ ያርሺዛይቲ፡
 ኡርቃሬ ሜዲቲዳ
 ያርሾሶሆታ ቦላ
 ኤጸኔ ጩዋሲዛይቲ፡
 ኡባ ዋዴ ታና
 ሃንቁላዛ ዳሬታ።
 4 ዱፎ ጊደን ኡቲዛይቲ፡
 ጌማሶሆን አቁዛይቲ፡
 ጉዳንላ አሾ ሚዛይቲ፡
 ኢሰቲ ባንታ ኦቶታ ቱኒዳ አሾ
 ጫምባ ኩንላዛይታ።
 5 ኢሰቲ፡ «ታ ጌሽ ጊዳዳ ገሻሰ
 ኪቻ፤ ታ ማታ ዮፓ፤
 ታኮ ሺቆፓ» ጊዛይታ።
 ሃይሳ ማላ ዳሬይ
 ታ ሲዴን ጩዋ ማላኔ
 ጋላሰ ኩሜላ ኤጸዛ
 ታማ ማላ።
 6 «ቤኢቲ፡ ታ ሲንሳን
 ጸፊቲ ኡቲዳሰ፤
 ታ ጮኡ ጊኬ፤
 ጊዶ አተን ኢዛ ኦሶ ኦሶ ማላ
 ታ ኢዛሰ አማና፤
 ኢሰታ ሃኖ ማላ
 ታ ኢሰታሰ ጨጋና።
 7 አንቲ ናጋራ ሃሎኔ
 አንቲ አዋታ ናጋራ
 ሃሎ ታ ኬሳና።
 ኢሰቲ ዙማታ ቦላ ጸጌቲዛ
 ያርሾ ሺሺዳ ገሻሰ፡
 ዙምቡላታ ቦላ
 ታና ጫዱዳ ገሻሰ፡
 ኢሰቲ ማኪዳ ሚሻን
 ኢሰታሰ ዛሪ ማኬታና፤
 ኢሰቲ ካሴ ኦሊዳ ኦሶ ኩሼ
 ዛሪ ኤካና» ጌሰ።
 8 ጎዳይ፡ «ዋይኔ ወርጮ ጊደን
 ኢሊሎይ ዲዛ ማላ
 አሳይካ፡ «ኢዛ ጊደን
 ሎኦ ሚሺ ዲዛ ገሻሰ
 ኢዛ ቃንጻፍቲ» ጊዛ ማላ፡
 ታኒካ ታ አይሌታ ገሻሰ
 ጋዳ ሃሳላ ኦላና፤
 ሙሉራ ታኒ ኢሰታ ቆይሲኬ።
 9 ታኒ ያቆቤ ዜሬላታፔኔ

የሁዳ ዜሬላፌ ታ ዙማታ
ላታናይታ ታ ኤሃና፤
ደሬቲዳ ታ ዳሬይ
ኢስታ ላታና፤

10 ታ ኣሸካራቲካ ሄን ዳና።
ታና ሚንላ ኮይዛ ታ ዳሬዛስ።
ላሻርኔይ ደርሳ ወዳይ
ሄሜቲዛሶ።
ኣኮሬ ዙሌይ ወዳ ሜሄይ
ፔኢዛሶ ገዳና።

11 ገደ ኣቲን ጎዳ ኣጊዳ ኢንቴስ።
ታ ጌሻ ዙማ ደገዳ ኢንቴስ።
ታ ባሶ ጌቲቲዛ
ኤቃ ጸሳሰ ሶሆ
ገገሲዳ ኢንቴስ።
ርጋይ ጌቲቲዛ ኤቃ ጸሳሰ
ዋላኬቲዳ ዋይኔ ኡሹ
ዋንጫን ኩንላዳ ኢንቴስ።

12 ታ ጸይገን ዛርንታ
ኢዲዳ ገሻሰ።
ታ ዮቲን ሲዮንታ
ኢዲዳ ገሻሰ።
ታ ሲንላንካ
ኢታ ኦሊዳ ገሻሰ።
ታና ሃንቁሊዛ ሚሽ
ኢንቴ ደሪዳ ገሻሰ።
ታ ኢንቴና ማሻሰ
ኣላ ኢማና፤
ኢንቴ ኡባይካ ሹኬታናሰ
ቆዴ ኢማና» ጌሰ።

13 ሄሳ ገሻሰ።
ኡባ ሃሪዛ ጎዳይ።
«ቤኢቲ፣ ታ ኣሸካራቲ ማና፤
ኢንቴ ገዲኮ ጋፋና፤
ታ ኣሸካራቲ ኡያና፤
ኢንቴ ገዲኮ ሳሜታና፤
ታ ኣሸካራቲ ኡፋይታና፤
ኢንቴ ገዲኮ ዩላታና።

14 ታ ኣሸካራቲ
ዋዚናፔ ኡፋይሳን ዩጸና፤
ኢንቴ ገዲኮ ዋዚናይ ሜቂን
ኢንቴ ዋሳና፤
ኢንቴ ኣያናይ ሜቂዳ ገሻሰ
ኢንቴ ዋ ዋ ገዲ ዋሳና።

15 ኢንቴ ኢንቴ ሱንላ
ደሬቲዳ ታ ዳሬይ
ቃንጋና ማላ ኣላ ኢማና፤
ኡባ ሃሪዛ ጎዳይ
ኢንቴና ዋቆና፤
ባሰ ሃንዚዛይታሰ ገዲኮ
ኢዚ ሃራ ሱንላ ኢማና።

16 ሄሳ ገሻሰ ቢታይ ቦላ
ኣንጃ ኮይዛዳይ
ቲማ ጸሳ
ሱንላን ኣንጃታና፤
ቢታይን ጫቂዛ ኣሲ

ቲማ ጸሳ
ሱንላን ጫቃና፤
ካሴ ኣጲዳ ማቶቲ ደጌቲዳ፤
ታ ኣይፌፔካ ጌሚዳ» ጌሰ።

ኦራላ ሜዴታታ

17 ጎዳይ፣ «ሄኮ።
ታኒ ኦራላ ሳሎታኔ
ኦራላ ሳኣ ሜቆና፤
ካሴ ኣጲዳ ሚሻቲ
ቆፌቲቲናኔ
ሃሳኤቲቲና።

18 ገደ ኣቲን
ታኒ ሜቆዛይሳን ኡፋይቲቲ፤
ሚርናሰ ሆምቦጪቲ፤
ታኒ ዩሩሳላሜ ኡፋይሳሰ።
ኢዚ ደራካ ሆምቦጪቲ
ሚቆና።

19 ታኒ ዩሩሳላሜን ኡፋይታና፤
ታኒ ታ ዳሬዛን ሆምቦጪና፤
ሃይሳፌ ጉዩን ዩሆይኔ
ዋሶይ ሄን ሴቲቲና።

20 ሃይሳፌ ጉዩን
ሄን ጉላ ዋዴሰ
ሹምፖራ ፓጸ
ዳና ዩቆይ ዋይኮ
ዋዴ ካሎንታ
ጪማይ ዳና፤
ጸቲ ላይላ ኩሚዳ ኣሲ ሃይቂኮ
ዋዴይ ጋኮንታ
ሙልቂቲ ሃይቂዳ
ኣሳ ማላ ቆዴታና፤
ኣሲ ጸቲ ላይላ
ኩምንታ ሃይቂኮ
ቦሻን ሃይቂዳ ማላ
ቆዴቲሰ።

21 ሄ ዋዴ ኣሳይ ኬላ ኬጸና፤
ኢዛንካ ዳና፤
ዋይኔ ሚላ ቶኪዲ
ኢዛ ኣይፌ ማና።

22 ሃይሳፌ ጉዩ ሃራ ኣሲ
ኢዛን ዳና ኬላ ኬጸቲና፤
ዋይኮ ሃራይ ማና
ሚሺ ቶኬቲና፤
ታ ዳራ ላይላ
ሚላ ላይላ ማላ ኣዲቃና፤
ታኒ ደሪዳይቲ ባንታ
ኩሹ ኦሶን
ኣዲሳ ላይላ ኡፋይታና።

23 ኢስታ ዳቡራይ ሃዳ ኣቲና፤
ቃዳ ኢታ ናካ ዩሌቲና፤
ኢስቲኔ ኢስታ ዜሬላ
ጎዳይ ኣንጂዳ ዳሬ ገዳና።

24 ኢስቲ ቡር ታና ጸይጋናፔ
ካሴታ ታኒ ኮያና፤
ኢስቲ ታሰ ዮቲ ወርሶንታ
ታ ሲያና።

25 ካና ሱይቲይኔ ደርሳ ላቃይ

ኢሲፌ ማና፤
 ጋሞይ ቦራ ማላ
 ማታ ማና፤
 ሾሽ ጉዲላ ላጫና፤
 ታ ጌሻ ዙማ ቦላ
 ኢሰቲ ቆሃቴቴና፤
 ባሽካ ኢሰታ ቦላ
 ዬና» ጌሰ።

66

ፕርዳኔ ሂደታ

- 1 ጎዳይ፡ «ሳሎይ ታሰ አራታ፤
 ሳኣይካ ታሰ ዩጲዛሶ፤
 ሂሰቲን አንቴ ታሰ
 ኬጸና ኬሴኔ
 ታ ሸምፓና ሶይ አዋይሴ?»
- 2 ሃይታ ኡባ
 ታ ኩሼይ አላቤኔ?
 ሃይቲ ቤታና ማላ ኦሊዳይ
 ታና ገዲኪና?
 ታኒ አሽኬ፤
 ዋዚናይ ሜቁዳዳይ
 ታ ቃላሰካ ኮኮሪዛዳኮ
 ታ ጸላይሰ።
- 3 «ገደ አቲን ታሰ ቦራ ያርሽዛዳይ
 አሰ ዋጲዛዳ ማላ፡
 ደርሳ ላቃ ያርሽዛዳይ
 ካና ጩሊ ዋጲዛ አሳ ማላ፤
 ካላ ያርሾ ሽሽዛዳይ፡
 ጉዲንሳ ሱሐ
 ሽሽዛዳ ማላ፤
 ቆፊሶሰ ኤጸኔ ታሰ ጩኣሲዛዳይ፡
 ኤቃ ጸሰ ጎይኒዛ አሳ ማላ፤
 ኢሰቲ ባንታ ኦጌ ደሪዳ፤
 ኢሰታ ሸምፖያካ
 ኢሰታ ቴናቴላን ኡፋይታዉሰ።
- 4 ሄሳ ገሻሰ ሚቶ
 ታ ኢሰታ ቦላ ጋላና፤
 ኢሰቲ ያዩዳ ሚሸካ
 ታ ኢሰታ ቦላ ኤሃና፤
 ጋሶይካ ታ ጸይጊዛ ዋዳ
 ኢሰቲ ኮዩቤቴና፤
 ታ ዮቲሽን ኢሰቲ ኤዘጊቤቴና፤
 ታ ሲንላን ኢታ ሚሽ ኦሊዳ፤
 ታና አቲዛ ሚሽ ደሪዳ» ጌሰ።
- 5 አንቴኖ ቃላሰ ኮኮሪዛይቶ፡
 ሃይሳ ጎዳ ቃላ ሲዩቴ፤
 «አንቴ አሻንቲ
 አንቴና ኢጲዳይቶ፡
 ታ ሱንላ ገሻሰ
 አንቴና ኬሲ ዩጊዳይቶ!
 አንቴና፡ ላኔ ጎዳይ
 ቦንቼቶ!
 ኣኔ አንቴ ኡፋይሳካ ቤኦሰ) ገዳ፤
 ገዲኮካ ኢሰቲ

- 6 ሄሳ ካታማን ዲዛ ዋሶዛ ሲዩቴ፤
 ጸሳ ኬላን ዲዛ
 ጫባ ሲዩቴ፤
 ሄሰካ ጎዳ ጩንጉርሳ፤
 ኢዚ ባ ሞርኬታሰ
 ቤሲዛ ዋጋ ቃንጸና።
- 7 ሚጸታናፔ ካሴታ ዩላዉሰ፤
 ሚጸ ዋዩ ቤኦንታ ዳሼ
 አቲማ ና ዩላዉሰ።
- 8 ሄሳ ማላ ዮኦ ሲዩ ኤሪዛይ ኦኔ?
 ሄሳ ማላ ዮኦ
 ቤኢ ኤሪዛይ ኦኔ?
 ዳሪይ ኢሲ ጋላሰ ሜዴቲ ኤሪዜ?
 ዋይኮ ካዋቴላቲ
 ቁጲዳ ኣይፊይይ
 ጸላናሼ ጋካናሰ
 ቤቲ ኤሪዛ?
 ጸዮኖ ቡር ሚጸይ ኦይኪሽን
 ሄራካ ባ ናይታ ዩላዉሰ።
- 9 ዩሌታና ማቲዳይሳ
 ዩሌቶንታ ማላ
 ታኒ ዲጋዚና?» ጌሰ ጎዳይ።
 «ዩሊሽን ዩሊዛ ኡሎ
 ታ ጎርዳ ኤራዚና?»
 ጌሰ ኔ ጎዳይ።
- 10 «አንቴኖ ዩሩሳላሞ
 ሲቁዛ ኡባቶ፡
 ኢዚራ ኡፋይቲቴ፤
 አንቴ ኢዚራ ሆምቦጫቴ፤
 ኢዚሰ ዩኪዳ ኡባቲ
 ኢዚራ ኬሂ ኡፋይቲቴ።
- 11 ሚንጫሊዛ ኢዚ ጳንሳ
 አንቴ ጳሚዲ ካላና፤
 አንቴሰ ገዳናሼ ጋካናሰ
 አንቴ ኡያና፤
 ኬሂፔ ዳር ገዲዳ
 ኢዚ ዳራቴላን
 አንቴ ኡፋይታና» ጌሰ ጎዳይ።
- 12 ጎዳይ፡ «ቤኢቴ፡
 ታኒ ኢዚሰ ሳርቴሐ
 ገታ ሻፋ ማላ ጎጊሳና፤
 ካዋቴላታ አቆታ
 ሻፋ ሃላ ማላ ጎጊሳና
 አንቴ ኢዚ ኪኦን
 ኢዲሜቲ ጳማና፤
 ኢዚ ኪኦን ኡቲዲ አንቴ ጉፓና።
- 13 አያ ባ ና ኣልኢሲዛ ማላ
 ታካ አንቴና ኣልኢሳና፤
 አንቴ ዩሩሳላሜን
 ሚኔታና» ጌሰ።
- 14 አንቴ ሄሳ ቤኢዛ ዋዳ
 አንቴ ዋዚናይ ኡፋይታና፤
 አንቴ ሚቁላይካ
 ማታ ማላ ጩሊላና፤
 ቃሴ ጎዳ ኩሼይ

ኢዛ አይሌታ ቦላ ዲዛይሲ ኤሬታና፤
ኢዛ ሃንቆይ ገዲኮ
ኢዛ ሞርኬታ ቦላ ቆንጫና።

15 ሄኮ ጎዳይ ታማ ላጮን ያና፤
ኢዛ ፓራ-ጋሬቴ ጎቴ ጫርኮ ማላ፤
ኢዚ ባ ዩሎ ሃንቆን፤
ባ ሴራ ታማ ላጮን ቆንጫሳና።

16 ታማኒኔ ማሻን
ጎዳይ ባ ፒርዳ
አሳ ኡባ ቦላ ኤሃና፤
ዳሮቲ ጎዳ
ማሻን ሹኬታና።

17 ጎዳይ፡ «አታኪልቴይ ዲዛሶሆ ቢዲ ኢሰታፌ
ኢሳሰ ጎይናናሰ ባና ጌሺዛይቲኔ ዲማሲዛይቲ፡ ጉዲንጎ
አሾኔ ኤጬፎ አሾ፡ ቱኒዳ ሚሻታ ሚዛ ኡባቲ ባ
ፒርዳ ወርሴላን ኢሲፌ ኤካና» ጌሰ።

18 «ታኒ ኢሰታ ኦሶኔ ኢሰታ ቆፋ ኤሪዛ ገሻሰ፡
ካዎቴላታ ኡባኔ ዲማ ዲማ ቃላን ሃሳይዛ ኡባታ
ኢሲፌ ሺሻናሰ ያና፤ ኢሰቲካ ዩዲ ታ ቦንቾ ቤኣና።

19 ታኒ ኢሰታ ገዲን ማላታ ኦላና፤ ኢሰታፌ አቲዳ
ኢሲ ኢሲኔታ ጌዴ ካዎቴላታኮ፡ ታርሴሴ፡ ፑዳ፡
ዎንዳፌን ኦሌቲዛ ኤሬቲዳ ሉዴታኮ፡ ቱባሌኔ ያዎኔ
ሄሳሶካ ታ ጎባቴላ ሲዮንታይታኮኔ ታ ቦንቾ
ቤዮንታይታኮ ሃኮን ዲዛ አሳ ገዲን ዲዛ ሃሩርታኮ ታ
ዬዳና፤ ታ ቦንቾ ካዎቴላታ ገዲን ዮታና።

20 ጎዳሰ ያርሾ ገዲና ማላ ኢንቴ አሻታ ኡባታ
ካዎቴላታ፤ ቦንቾቲዳ ታ ዙማ ዬሩሳላሜ ፓራን፡
ፓራ-ጋሬኒኔ ጋሬን፡ ባቁሎኒኔ ጋሜላን ኢሰታ ኤሃና።
ኢሰራኤሌ አሳይ ካላ ያርሾ ዎጋን ዲዛ ማላ ጌሻ
ሚሻን ዎሏዲ ጎዳ ኮሐ ሺሺዛ ማላ ሃይታካ ሺሻና።

21 ታኒካ ኢሰታፌ ባጋይታ ቄሴታኔ ለዌታ ገዲና
ማላ ታ ዶራና» ጌሰ።

22 ጎዳይ፡ «ታኒ ሜዳና ኦራላ ሳሎቲኔ ኦራላ ሳኣይ
ታ ሲንጎን ሚኒ ዳናይሳላ ኢንቴ ሱንጎኤኔ ኢንቴ ዜሬላ
ሱንጎ፤ ሄሳሶ ሚኒ ዳና።

23 አገና ጾሮፔ ቢዲ ሃራ ኣገናይ ጾራና ጋካናሰ፡
ኢሲ ሳምባታፔ ቢዲ ሃራ ሳምባታ ጋካናሰ፡ አሰ
ገዲዳ ኡባይ ታሰ ጎይናና ያና።

24 ኢሰቲ ኮዚዲ ታ ቦላ ማካሊዳ አሳታ ኣሃ
ቤኣና። ኢሰታ ሚዛ ጉጹኔይካ ሃይቄና፤ ኢሰታ ሚዛ
ታማይካ ቶኤና። ኢሰቲ አሳ ዜሬሐ ኡባሰ ሃራሲዛዝ
ገዲና» ጌሰ።

ኤርማሳ ቲንቢቲ ገደ ቆፋ

ቲንቢቲ የተዘ ኤርማሳ ከርስቶሲ ዩሌታናፕ ካሴ ላፑን ጾቱ ላይሳ ወርሴላኒኔ ኡሱፑን ጾቱ ላይሳ ደሜቲዛ ዎዴ ዴኢዳስ። ኤርማሳ ዳር ዎዴ ኦሊዳ ባ ኦሶን ኢሰታ ኤቃ ጸሳ ጎይኖኒኔ ኢሰታ ናጋራ ኦሶ ጋሶን ጸሳ ኣሳ ቦላ ገታ ባሺ ጋካናይሳ ሚንሉዲ ኤሪሲዳስ፤ ኢዚ የተዳ ቲንቢቲታፕ ባጋይ ፖሌቲዛ ዎዴ ፓጻ ዲዲ ባ ኣይፊን ቤኢዳስ። ባቢሎኔ ካዎ ናቡካዳናጸሬይ ዩሩሳላሜ ኦይኪዲ ካታማዮኔ ጸሳ ኬላ ላሎይሳ፣ የሁዳ ካዎይኔ ኣሳፕካ ዳሪዛ ባጋይ ዲኤቲዲ ባቢሎኔ ቢዳይሳ ቤኢዳስ። ፑጂዲካ ኤርማሳ ኣሳይ ዲኤፕ ሲማናይሳኔ ኢሰራኤሌ ካዎቲሉ ሲሚ ኤቃናይሳ ካሴቲዲ የተዳስ።

ኤርማሳ ማጻፋ ኦይዲ ኬሲዲ ቤኣናሰ ዳንዳዬቲስ። 1። ኢዮሲያሳ፣ ኢዮኣቁሜ፣ ኢዮኣኪኔኔ ሴዴቂያሳ ካዎቲላ ላይሳታን የሁዳ ኣሳሲኔ ኢሰታ ካሌሉዛይታስ ጸሳፊ ዩዳ ቃላ። 2። ዲማ ዲማ ቲንቢቲታ፣ ኤርማሳ ዴኦን ፖሌቲዳ ኣይፊ የኦታኔ ኤርማሳ ጸፊ ባርኬይ ጸፊ ዎሊዳ የኦታ። 3። ዲማ ዲማ ኣላጋ ቢታ ኣሳሰ ጸሳፊ የተቲዳ ቲንቢቲ ቃላ። 4። ዩሩሳላሜ ኦይኬቲሉኔ ኣሳይ ዲኤቲዲ ባቢሎኔ ባናይሳ የተዳ ጉጂ ታሪኬታ።

ኤርማሳ ባ ኣሳ ኬሂ ዎዚናፕ ሲቁዛዴኔ ኢሰታ ቦላ ባሻ ፐርዳ ቲንቢቲ ኣላናሰ ኬሂፕ ዳር ኢጸዛ ኣሳ። ናቤቲላን ኢዚ ኦላና ማላ ጸሲ ኢዛ ጸይገዳ ገሻሰ ባና ጋኪዳ ሜቶ ጋሶን ኢዚ ጩጩዳ ሚኖ ጩጩይ ኢዛ ማጻፋ ገደን ዳር ሶሆን ጸፊቲ ኡቲዳስ። ጸሳ ቃላይ ኢዛ ዎዚና ገደን ታማ ማላ ጸገዛ ገሻሰ ካሚዲ ዲጋናሰ ዳንዳዮንታይሳ ቆንጩሲዳስ።

ሃ ማጻፋን ዲዛ ገታ ቲንቢቲ ቃላታፕ ኢሶቲ ኢሶቲ ሜቶይ ኩሚዳ ኤርማሳ ላይሳፊ ካንሉዲ ጸሲ ኢሰታስ ኢሚዛ ኦራላ ጫቆ ቃላይ ፖሌታና ዎዴዛ ቤሲዛይታ፤ ሄ ኦራላ ጫቆ ቃላይ ኣሳ ዎዚናን ጸፊቲዛ ገሻሰ ኢሰታ ኣኬኪሲዛ ኣሰታማሬ ኮሾንታ ኢሰታ ናጋና። (31:31-34)።

ሃ ማጻፋይ ኦይኪዲ ኩሜላ ቆፋ

- ጸሳን ኤርማሳ ደሬቲላ 1:1-19
- የሁዳ ቦላኔ ኢሰራኤሌ ቦላ ጸሲ ኤሃና ቁጻቲ 2:1—25:38
- ዎርዳ ናቤታራ ኤርማሳ ኤቁቲላ 26—29
- ጸሲ ባ ዴራ ዲኤቲዳሶፕ ዛራናይሳ 30—33
- ዲማ ዲማ ኤርማሳ ኦሶታ 34—38
- ዩሩሳላሜ ኩንዴላኔ የሁዳን ሜዴቲዳ ሃናታ 39—42
- ገቢጾ ቢታን ኤርማሳ 43—44
- ባርኬስ ኪቲቲዳ ኪታ 45
- ናቤዚ ዲማ ዲማ ዴሬታስ የተዳ ቲንቢቲ 46—51
- ዩሩሳላሜ ኩንዴላ ገሻሰ የተቲዳ የኦታ 52

1 ቢኒያሜ ቢታን ኣናቶቲ ካታማን ዲዛ ቁሴታፕ ኢሳ ኪልቂያሳ ና ኤርማሳ የተዳ ቃላይ ሃይሳፊ ካሊዛይሳ።

2 ኣሞኔ ና የሁዳ ካዎ ኢዮሲያሳ ካዎቲዳ ታማኔ ሄሻንላ ላይሳን ጎዳ ቃላይ ኤርማሳኮ ዩዳስ።

3 ቃሴ ኢዮሲያሳ ና የሁዳ ካዎ ኢዮኣቁሜይ ካዎቲዳ ላይሳታን ጎዳ ቃላይ ኤርማሳኮ ዩዳስ። ሄሳፊ ጉዬ ኢዮሲያሳ ና ሴዴቂያሳ ካዎቲን ታማኔ ኢሲንላ ላይሳን ሄ ዎዴ ኢቻሻንላ ኣገናን ዩሩሳላሜ ኣሳይ ዲኤቲዲ ባና ጋካናሰ ጎዳ ቃላይ ኤርማሳ ባጋራ ኢዛሰ የተቲዳስ።

ኤርማሳ ደሬቲላ

- 4 ጎዳ ቃላይ ታኮ ሂዝጊሼ ዩዳስ።
- 5 «ኤርማሳ! ታኒ ኔና ኔ ኣዬይ ኡሎን ሜቆናፕ ካሴ ኤራይሰ። ኔኒ ዩሌታናፕ ሲንላን ታ ኔና ዲማሳ ዎላዲሰ። ቃሴካ ካዎቲላታስ ናቤ ገዳና ማላ ሹማዲሰ።»
- 6 ሂሰቲን ታኒ፣ «ኡባ ሃሪዛ ጎዳዉ! ታኒ ቡር ና ገዲዳ ገሻሰ ኣይ ጋ ሃሳያናኮ ታ ኤሪኬ» ጋዲሰ።
- 7 ገደ ኣቲን ጎዳይ ታና፣ « (ታኒ ና) ጎፓ። ታኒ ኔና ኪቲዛ ኣሳ ኡባኮ ባ። ታኒ ኣዛዚይሳ ኡባካ የታ።
- 8 ታኒ ኔና ኣሻናሰ ኔናራ ዲዛ ገሻሰ ኔ ኢሰታስ ያዮፋ፤ ታኒ ጎዳይ ሃይሳ ኔሰ የታይሰ» ገዴሰ።
- 9 ጎዳይ ባ ኩሼ ዩዲዲ ታ ሜቲርሻታ ቦቺዳ፣ «ሂኮ ኔ የታና ታ ቃላ ኔ ደናን ዎላዲሰ።
- 10 ኔኒ ሾዳናሲኔ ላላናሰ፣ ቆይሳናሲኔ ሺራ ዩጋናሰ፣ ኬጻናሲኔ ቶካናሰ ዴሬታ ቦላኔ ካዎቲላታ ቦላ ታኒ ሃቕ ኔና ሹማዲሰ» ገዴሰ።
- 11 ጎዳ ቃላይ ታኮ ዩዲ፣ «ኤርማሳ! ኔ ኣይ ቤኣይ?» ገ ኦይቺዳስ። ታኒካ፣ «ኦቕሎኔ ሃጋ ቤኣይሰ» ጋዲሰ።
- 12 ጎዳይ ታና፣ «ኔኒ ሊኬ ቤኣዳሳ። ታኒካ ታ ቃላይ ፖሌታናይሳ ቲሺ ሂሰታ ቤኣይሰ» ገዴሰ።
- 13 ጎዳ ቃላይ ቃሴካ ታኮ ዩዲ፣ «ሃራይ ኣዚ ኔሰ ቤቲዜ?» ገ ኦይቺዳስ። ታኒካ ዛራዳ፣ «ኢሲ ፔንቲዛ ኦቶይ ፑዴሃ ባጋፊ ሃ ጌዲ ገ ኡቲዳይሲ ቤቲስ» ጋዲሰ።
- 14 ጎዳይ ታሰ፣ «ፑዴሃ ባጋፊ ባሺ ቆቁዲ ሃ ቢታን ዲዛ ኣሳ ኡባ ቦላ ጉካና።
- 15 ታኒ ፑዴሃ ባጋን ዲዛ ካዎቲላታ ሃ ያና ማላ ጸይጋና፤ ዩሩሳላሜኒኔ ኢዚ የሾን ዲዛ የሁዳ ካታማታ ቦላ ሜቶ ጋሊዲ ኢሰታ ኦይካና፤ ሄሳፊ ጉዬ ዩሩሳላሜ ጌሊዛ ፔንጌታ ቦላ ባንታ ኣራታ ሚጫና።
- 16 «የሁዳ ኣሳይ ታና ኣገዲ፣ ሃራ ኤቃ ጸሳታሰ ኤጻኔ ጩዎሲዳ ገሻሰ፣ ባ ኩሼን ኦሊ ኬሲዳይታ ጎይኒዳ ገሻሰ ታ ዴራ ቦላ ፐርዳ ኣዎጃዲሰ።
- 17 «ኔኒ ገዲኮ ገጌታ! ዴንዳ ኤቃዳ ታኒ ኔና ኣዛዚዛይሳ ኡባ ኢሰታስ የታ፤ ኢሰታስ ያዮፋ። ኔኒ ኢሰታስ ያዩኮ ታኒ ኔና ኢሰታ ሲንላን ጉጂ ያሺሳና።
- 18 «ሃቕ ታኒ ኔና ሃ ቢታ ኡባ ቦላ፣ የሁዳ ካዎታ ቦላ፣ ሃላቃታ ቦላ፣ ቁሴታ ቦላኔ ሃ ቢታ ኣሳ ቦላ ኔ ኤቁታ ዳንዳያና ማላ ገሞቤቲዳ ካታማ፣ ቢራታ ቱሲኔ ጸርቁማላፕ ኦሴቲዳ ቢራታ ዲርሳ ማላ ኦላዲሰ።

19 ኢስቲ ኔናራ ኦሌታና፤ ገዶ ኣቲን ታኒ ኣሻናስ ኔናራ ኢሲፌ ዲዛ ገሻስ ኔና ጸኔቴና። ታኒ ጎዳይ ሃይሳ ኔስ ዮታይስ» ገደሰ።

2

ኢስራኤል ኣሳይ ኦሊዳ ናጋራ

- 1 ጎዳ ቃላይ ዪዲ ታስ።
- 2 «ባ! ባዳ ዋሳ፤
ዩሩሳላሜ ኣሳ
ሃይሳን ሲሳ፤
ጎዳይ፡ ሩኔ ናቴቴላን
ኣይ ከና ኣማኔቲዳኮ።
ቃሴ ኔኒ ቡሮ ሚሺራን ዳሼ
ታና ኣይ ከና ሲቁዳኮ።
ዜሬሊ ዜሬቶንታ
ባዘ ቢታን
ኔ ዋስታ ካሊዳኮ
ታ ኣኩካይስ።
- 3 ሄ ዋዳ ኢስራኤሌይ
ጎዳስ ገሻ፤
ኮይሮ ሺሺዛ
ጸራ ካሳ ማላ፤
ኢዘ ሚቲዳይቲ
ሞራንቻ ገዲዳ፤
ኢስታ ቦላ ባሺ ዪዳስ) » ገሰ።
- 4 ኢንቴና ያቆቤ ከላ ኣሳቶ!
ኢስራኤሌ ዛሬ ኡባቶ!
ጎዳ ቃላ ሲዩቲ!
5 ጎዳይ፡ «ካሴ ኢንቴ ኣዋቲ
ታፔ ሃኪዳይ፡
ሃዳ ዮኦ ካሊዳይ፡
ባ ሁኤሲካ
ጎኣይ ባይንዳይታ ገዲዳይ
ታፔ ኣይ ሞሮ ዳሚዲ?»
- 6 ኢስቲካ፡ ሓና ገብጸፔ ከሲዳይ፡
ባዘን ሳሚዳ ኦጌራ፡
ኩንዲኩርጮ ቢታራ፡
ሚላኔ ቆማ ቢታራ፡
ኣሲ ኣቆንታሶራ፡
ኦና ካሌሊ ኤሂዳ
ጎዳይ ኣዋን ዲዜ?»
ገ ኦይቺቤቴና።
- 7 ኢንቴ ኢዚ ኣይፌኔ
ኢዚ ኣንጅ ማና ማላ
ታኒ ኢንቴና ኣራዳ ቢታ ኤሃዲስ፤
ገዶ ኣቲን ኢንቴ ዪዲ
ታ ቢታ ቱኒሲዳታ፤
ታ ጸንጾዮ
ሃራሴታና ማላ ኦሊዳታ።
- 8 ቁሴቲካ፡ ሳዳይ ኣዋን ዲዜ?»
ገ ኦይቺቤቴና፤
ታ ዋጋይ ኢስታ ኩሼን ዲዛ
ኣሳቲካ ታና ኤሪቤቴና።
ዳሬ ካሌሊዳይቲካ
ታ ቦላ ማካሊዳ።
ናቤቲ ባኣሌ ሱንሳን
ቲንቢቲ ዮቲዳ፤

ጎኣንታ ሚሻታካ
ካሊዳ» ገደሰ።

- 9 ቃሴካ ጎዳይ፡
«ሄሳ ገሻስ ታኒ
ኢንቴናራ ቡሮ ፒርዳታና፤
ኢንቴ ናይታ ናይታራካ ሞቲታና።
- 10 ከቲሚ ፒኒ ጸሊቴ፤
ቁዳሬ ከቲዲ
ሎኤሊ ጸሞሲቴ፤
ሂስቲዲ ኣኔ ሃይሳ ማላ ሃናይ
ካሴ ሃኒ ኤሪዛኮ ቤኣቴ።
- 11 ኢስቲ ቱሙ ጸሳታ
ገደንታ ኣገኮካ ባ ኤቃ ጸሳታ
ሳሚዳ ካዋቲሊ ዲዜ?
ታ ዳሬይ ገዲኮ
ኢስታስ ቦንቾ ገዲዳይሳ
ሳሚዳስ» ገሰ።
- 12 ቃሴካ ኡባፌ
ዋልቃማ ጎዳይ፡
«ሳሎቶ፡ ሃሩ ፖራ!» ገቴ፤
ከሂ ዳጋሚዲ ኮኮሪቴ!
- 13 ታ ዳሬይ ናሞኦ
ኢታ ሚሻታ ኦሊዳስ፤
ዳኦ ሃሳ ፑልቶ ገዲዳ
ታና ኣገደሰ፤
ሃሳ ኦይካናስ ዳንዳዮንታ
ሉኬቲዳ ኦላታ ባስ ቦኪዳ።
- 14 ኢስራኤሌይ ካሬፔ ዪዳ ኣይሌ?
ዋይኮ ሶን ዩሌቲዳ ኣይሌ?
ሂስቲን ኣይስ
ቦንቃስ ኣቋ ኢሜቲዳ?
- 15 ጋሞቲ ኢዛ ቦላን ጸገዲ፤
ኢስቲ ባንታ ቃላ ቆቁ ሂስቲዲ
ኢዛ ቦላ ጋርማሚዳ፤
ኢስቲ ኢዛ ቢታ ቡላ ከሲዳ፤
ኢዛ ካታማቲካ ጸገቲዳኔ ካይዚዳ።
- 16 ቃሴካ ሚምፒሳኔ
ጸፊናሴ ኣሳቲ
ኔ ሁኤ ቡሉሲዳ።
- 17 ኦጌ ኔና ካሌሊዳይሳ
ጎዳ ኔ ጸሳ ኣጋዳ
ሃይሳ ኔ ቦላ ኤሂዳይ
ኔና ገዲኪ?
- 18 ሺሆሬ ሻፋፔ ሃላ ኡያናስ፡
ኣይ ኤካናስ
ዲጌ ገብጸ ዋቆዲ? *
ዋይኮ ኤፊራጲሴ ሻፋፔ
ሃላ ኡያናስ
ዲጌ ኣሶሬ ቤላ
ኣይስ ኮሺዳ?
- 19 ኔ ኢታቲሊ ኔ ቦላ
ቁጻቴ ጋላና፤
ኔ ታና ካዳይሲ ኔ ቦላ
ሃንቆ ኤሃና።
ጎዳ ኔ ጸሳ ኔ ኣገሺን፡
ታስ ያሻቴላ
ኔ ዉዲ ጎንታ ኢዲሺን

* 2:18 ሺሆሬ ሻፋይ ናይሌ ሻፋስ ጋባራ ሃላ።

አይ ማላ ኢታይኔ
ጫሞ ሚሽ
ኔ ቦላ ጋካናኮ ቆፓ፤
እኔ እኩካ» ጌሰ።

20 ኡባ ሃሪዛ ጎዳይ፥
«ቤኒፕ ደማዳ ታኒ
ኔ ቃሞባራ ማንገዳዲሰ፤
ኔና ቃቸዳ
ሚሽካ ዲገዳዲሰ።
ሂሰቲንካ፥
(ታኒ ኔሰ ኦሊኬ) ጋዳሳ።
ሂሰታዳ ጶቃ ዙሞቡላታ
አቻን ሚጻ ጋርሳን
ላይማታናሰ ኢቻዳሳ።

21 ታኒ ኔና ሙሩታ
ዜሬላፊ ኤካዳ፥
ሎኦ ዋይኔ ቱራ ማላ ቶካዲሰ።
ሂሰቲን ኔኒ ዋና ጉዬ ሰማዳ
ዋራን ሞኪዲ ሞሬቲዳ
ዋይኔ ቱራ ማላ ጊዳዲ?

22 ኔኒ ሃዲንጩን ማጩቲኮካ፥
ዋይኮ ዳሮ ሳሙናን ማጩቲኮካ
ኔ ሞሮ ቁታይ ሃኢካ
ታ ሲንገላን ዳሰ» ጌሰ
ኡባ ሃሪዛ ጎዳይ።

23 ኔኒ ዋናዳ፥ «ታኒ ቱናቤኬ፤
ታኒ ባኦሌ ኤቃታሰ
ጎይናሰ ዋጸቤኬ»
ጋናሰ ዳንዳያይ?
ኔኒ ሸባን ኦሊዳይሳ
እኔ ቆፓ፤
ኔኒ ኦሊዳይሳ እኔ እኩካ፤
ኔኒ ያኔ ሃ ዋጸሬቲዛ
ጋማላ ማላ ጊዳዳሳ።

24 ኔኒ ባዘ ቢታን ባሰ ዶሴ
ሂሰታዳ ዚታ ኬዛ
ሲንጌላሽ ዋጸዛ
ሃርዲዳ ማላ ጊዳዳሳ፤
ኢዛ ቢራሳሰ ኬዛይቸኮ
ኦኔ ኢዛ ቱቃናሰ ዳንዳይዛይ?
ኢዛ ቢራሰ ኬዚን
ኢዛ ኮይዛይቲ ኡባቲ
ዋዮንታ ደማቲሰ።

25 ኔ ቶሆይ አርጋጫና
ጋካናሰ ዋጸፋ፤
ኔ ደናይ ሳሞን ማላና
ጋካናሰ ቶይላቶፋ፤
ኔ ጊዲኮ፥ «ጮ ዳቡርፓ፤
ታኒ ኤቃ ጸሳታ ዳጎዲሰ፤
ታኒ ኢሰታ ካላና» ጋዳሳ።

26 «ካይሶይ ኦይኬቲዲ ዬላቲዛ ማላ
ኢሰራኤሌ አሳይ ዬላቲዳሰ፤
ኢሰቲካ፥ ኢሰታ ካዋቲ፥
ኢሰታ ሹማቲ፥
ኢሰታ ቄሴቲኔ ኢሰታ ናቤቲ
ኡባይ ሄሳሶ ዬላታና።

27 ኢሰቲ ሚሳ፥

«ኔኒ ታ አዋ) ጌቲሰ፤
ቃሴ ሹቸ፥
«ኔኒ ታና ዬላዳሳ) ጌቲሰ።
ኢሰቲ ታሰ ባ ሲንገላ
ዛራናይሳ አጊዲ
ዘኮ ዛሪዳ፤
ጊዳ አቲን ኢሰታ
ሚቶይ ጋኪዳ ዋዳ፥

28 ሂሰቲን እኔ ኢንቴ ኢንቴሰ
ሚጲዳ ጸሳቲ አዋን ዲዘ?
ዩሁዳ፥ ኢንቴ ሚቶቲዛ ዋዳ
ኢሰቲ ኢንቴና አሻናሰ
ዳንዳይኮ
እኔ ኢንቴና ዬዲ አሹቶ!
ኢንቴኖ ዩሁዳ አሳቶ!
ኢንቴ ጸሳቲ ኢንቴ
ካታማታ ማላ ጮራ» ጊዳሰ።

29 ጎዳይ፥ «ኢንቴ ታናራ
አይሰ ሞቲቲቲ?
ኢንቴ ኡባይካ
ታ ቦላ ማካሊዳታ።

30 ታኒ ኢንቴ ናይታ
ጮ ሚላ ቃጸያዲሰ፤
ኢሰቲ ጊዲኮ ባይቤቲና፤
ጋፊዳ ጋሞ ማላ
ኢንቴ ማሻይ
ኢንቴ ናቤታ ሚዳሰ» ጌሰ።

31 ኢንቴኖ ሃ ዋዳ ዬሌታቶ!
ጎዳ ቃላ ዩሽ ቆፐቲ፤
«ታኒ ኢንቴሰ ኢሰራኤሌ
አሳሰ ባዘ ማላ
ዋይኮ ሳካና ጶማይ ዲዛ
ቢታ ማላ ጊዳዲና?
ሂሰቲን አይሰ ታ አሳይ፥
«ኔኒ ኦ ሹኔ ማላ ሃናና፤
ሲሚዲካ ኔኮ ዮኮ) ጊዜ?

32 ጌላኦይ ባ አሌቆ ዋይኮ
ሚሽራያ ባ ሚሽራቲጻ
ማይኦ ባላ ኤራዜ?
ታ ዳሬይ ጊዲኮ
ታና ዳሮ ዋዳ
ጋካናሰ ባሊዳሰ።

33 ዚታን እሰ ኦይካናሰ
ኔ አይ ማላ ኤራንቻ?
ሁሰኩ ሁሰኪዛ
ኢታ ማጫሳቲካ
ኔ ሃናቲጻፊ ዳሮ
ኢታ ሚሽ ታማሬቲሰ።

34 ኔ ኢሰታ ካይሶቲጻን ኦይኮንታ
ዲሎ ማንቆታ ሱላ
ኔ ማይኦ ቦላ ቤቲዳሰ።
ኔኒ ሃይሳ ኡባ
ኦላ ዋላዳካ፥

35 (ታኒ ዲሎ፤ ቱማፔ ኢዛ ሃንቆይ
ታና ጋኬና) ጋሳ።
ኔኒ፥ (ታኒ ናጋራ
ኦላቤኬ)

ጊዛ ገሻሰ
 ታኒ ኔ ቦላ ፐርዳና።
 36 ሂሰቲን ኔ ኦጌ ለማ ለማ
 ኣይሰ ዋዳይ?
 ካሴ ኔና ኣሶሬ ቢታይ
 ካዉሺዳ ማላ
 ገብጾ ቢታይ ኔና ካዉሻና።
 37 ኔኒ ኣማኔቲዛይታ
 ጎዳይ ካዉሺዳ
 ገሻሰኒ
 ኢሰታፊካ ማዶ
 ዳሞንታ ገሻሰ
 ሃይሳፊካ ኔ ሁኤ ኩሸን
 ባቃ ኦይካዳ ኬዛና።

3

ኣማኔቲንታ ኢጲዳ ኢሰራኤሌ
 1 «ኢሲ ኣሲ ባ ኬጻዮ ኣንጂ ዬዲን
 ኢዛ ባዳ ሃራ ኣዚና ጌሊኮ።
 ካሴ ኣንጂ ዬዲዳይይ
 ሲሚ ኢዚኮ ቢዜ?
 ኢዚ ቢኮ ሄ ቢታያ
 ሙሌ ቱኔኮ?
 ኔኒ ገዲኮ ኔ ሲቁዛ
 ጮራ ላጌታራ ላይማታዳሳ፤
 ሂሰታዳካ ሃኢ ኔኒ
 ታኮ ሲማና ኮያይ?» ጌሰ።
 2 «ኣኔ ቆቁ ጋዳ ኣይኮይ ባይንዳ
 ዙሞቡላታ ጸላ፤
 ኔኒ ላይማሰ እቸንታሶይ
 ሄሳን ዲዜ?
 ቦንቃና ባዘን ኡቲዳ
 ፓንጋ ማላ
 ኦጌ ዶናን ኡታዳ
 ኔ ላጌጻታ ናጋዳሳ፤
 ሂሰታዳ ኔኒ ላይማቲላኒ
 ኢታቲላን ቢታዮ ቱኒሳዳሳ።
 3 ሄሳ ገሻሰ ፑሴይካ
 ፑሶንታ ማላ ዳጌቲዳሰ፤
 ባልጎ ኢራይካ ቡኮንታ ኣጊዳሰ፤
 ኔ ገዲኮ ሃኖ ጋካናሰ
 ላይማቲላ ኣጋቤካ፤
 ኔኒ ዬላቶንታካ ኢጲዳሳ።
 4 ሃኢ ኔኒ ታና።
 ሳታ ኣዋወ።
 ታሰ ናቲቲላ ላጌዘ!
 5 ኔኒ ኡባቶ ታ ቦላ ሃንቁታኔ?
 ኔ ሃንቆይ ሚርናሴ?» ጋዳሳ።
 ኤ ኔኒ ሂዘጋሳ፤
 ገዶ ኣቲን ኔኒ ዳንዳይዳ ኬና
 ኢታ ሚሽ ኡባ
 ኦሳሳ» ጌሰ።

ማርቲላሰ ኢሰራኤሌ ነሁዳ ጸይጌቲላ
 6 ካዋ ኢዮሲያሲ ካዋቲዳ ላይላ ጎዳይ ታሰ። «ሃና
 ኣማኖይ ባይንዳ ኢሰራኤሌይ ኦሲዳይሳ ኔኒ ቤኣዲ?»

ኢዛ ቆቃ ዙሞቡላታ ቦላ ኬዛዳ ዳሻ ሚላታ ጋርሳን
 ላይማታዲሰ።
 7 ኢዛ ሃይሳ ኡባ ኦሳዳካ ታኮ ሲማና ጋዳ ቆፓዲሰ
 ሺን ሲማቤኩ። ቃሴ ኣማኔቲንታ ኢዚ ሚሻ ዩሁዳይካ
 ሄሳ ቤያዲሰ።
 8 ኣማኖይ ባይንዳ ኢሰራኤሌ ዳሬቲ ላይማቲዳ
 ገሻሰ ኣንጂ ዋራቃታ ኢማ ዬዳዲሰ፤ ኢሰራኤሌ ሚሻ
 ኣማኔቲንታ ዩሁዳይካ ሃይሳ ቤኣሽ ያዮንታ ኬዛዳ
 ላይማቲሺን ቤኣዲሰ።
 9 ባ ካዉሻቲላን ቢታ ቱኒሳዲሰ፤ ሚላራካ ሹቻራካ
 ላይማታዲሰ።
 10 ሄሳን ኡባንካ ኢዚ ሚሻያ። ኣማኔቲንታ ዩሁዳይ
 ጮ ሲሚዳ ሚሳታዉሲፊ ኣቲን ኩሚላ ዋዚናፔ ታኮ
 ሲማቤኩ» ገዳሰ።
 11 ጎዳይ ታሰ። «ኣማኔቲንታ ዩሁዳፔ ኣማኖይ
 ባይንዳ ኢሰራኤሌይ ጸላ ቤታዲሰ።
 12 «ባ፤ ባዳ ፑዳሃ ባጋሰ።
 ሳሃ ኣማኖይ ባይንዳ
 ኢሰራኤሌ ሲማ!
 ታኒ ማርታይ
 ኩሚዳዳ ገዲዳ ገሻሰ
 ኔኒ ኢታ ኣይፊን ጸሊኬ፤
 ሚርናሰካ ሃንቁቲኮ»
 ጌሰ ጎዳይ።
 13 ገዲኮኒ ኔኒ።
 ሳዳ ኔ ጸሳ ቦላ
 ማካላቲላን።
 ኔ ቦንቆካ ኣላጋ ጸሳታሰ
 ዳሻ ሚላታ ጋርሳን
 ኣላ ኢሞኒኔ
 ታሰ ኣዛዜቶንታ ኢጲን ኔኒ
 ሞራንቻ ገዲዳይሳ
 ጸላ ኣማና
 ጌሰ ጎዳይ» ገዳሰ።
 14 ቃሴካ ጎዳይ። «ኢንቲኖ
 ኣማኔቲንታ
 ኣሳቶ። ሲሚቲ፤
 ታኒ ኢንቲሰ ኣዚና፤
 ታኒ ኢንቲ ገደፊ
 ኢሲ ካታማፔ ኢሳ።
 ኢሲ ቆሞፊ ናሞኣታ ዶራዳ
 ጲዮኔ ኤሃና።
 15 «ሄሳፊ ጉዬ ታኒ ታ ዋዚና ማላ ኢንቲና
 ኤራቲላኒ ኣኬካን ሄሚዛ ሄንላንቻታ ኢንቲሰ ኢማና።
 16 ቃሴካ ጎዳይ ኢንቲ ቆዳይ ቢታ ቦላ ጮራቲዛ
 ዋዳ። ሳዳ ጫቆ ቃላ ታቦታ ገ ጸይጌኬታ። ኢዚ
 ኢሰታሰ ቆፊቲና ኣኬኬቲና። ቆዩና ነራይ ኦሴቲና።
 17 ሄ ዋዳን ኢሰቲ ዬራሳላሚ። ሳዳ ኣራታ ገ
 ጸይጋና። ካዋቲላ ኡባፊ ኣሳይ ጎዳ ሱንላ ቦንቆናሰ
 ዬራሳላሚ ሺቃና። ሄሳፊ ኢሰቲ ባንታ ኢታ ዋዚና
 ሃኖቲላ ካሌቲና።
 18 ሄ ጋላሳታን ዩሁዳ ኣሳቲ ኢሰራኤሌ ኣሳታራ
 ጋይቲዲ ፑዳሃ ባጋ ቢታፊ ታኒ ካሴ ኢንቲ ኣዋታሰ
 ጲንጾ ሂሰታ ኢሚዳ ቢታ ኢሲፊ ያና» ጌሰ።

ጸሳ ዳሬይ ኤቃ ሚሰሌታሰ ጎይኒዳ ጎይኖ
 19 ጎዳይ። «ታኒ ኔና
 ኣቲማ ናይታ ማላ

ዎሰታ ዎላናኮ፡
 ደራቲዳ ቢታዮኔ
 ኣይ ካዎቴሉካ ዳሞንታ
 ሎኦ ቢታዮ
 ኔና ላቲሳና ቆፓዲሰ።
 ቃሴ ታና፡ (ታ ኣዋወ!) ጋዳ
 ጸይጋና ሚሳቲዳሰ፤
 ታና ካሊዛሶፔ
 ጉዬ ሲሞንታ ሚሳታዳሳ፤
 20 ጊዳ ኣቲን ኢሰራኤሌ ኣሳወ!
 ኢንቴ ባ ኣዘናሰ
 ኣማኔቶንታ ማጫሳ ማላ
 ታሰ ኣማኔቲቤኬታ» ጌሰ።
 21 ኢሰቲ ጎዳ ባንታ ጸሳ ባሊዲ
 ባንታ ኦጌ ጌላሲዳ ጊሻሰ
 ኢሰራኤሌ ዳራ ዋሶይ፡
 ሚሻ ዩሆይ ኣይኮይ ባይንዳ
 ዙሞቡላታ ቦላ ሲዬቴሰ፤
 22 ኢሰቲ፡ «ኢንቴኖ ኣማናይ ባይንዳ
 ኣሳቶ! ታኮ ሲሚቴ።
 ኢንቴ ኣማኔታና ማላ፡
 ታኒ ኢንቴና ፓላና» ጊዳሰ።
 ሂሰቲን ኢሰታሰ፡
 «ኤር፡ ኮኒ ኔኮ ሲማና።
 ኣይሰ ጊኮ ኔኒ ጎዳ
 ኦ ጸሳ።
 23 ኦኒ ዙሞቡላታ ቦላኔ
 ዙሞታ ቦላ ኤቃ ጸሳታሰ
 ጎይኖይ ቱማፔ ኦሰ ባላ፤
 ቱማፔ ኦሰ ኢሰራኤሌታሰ
 ኣቶቴሉ ጎዳ ኦ ጸሳ።
 24 ኦኒ ዩላጋቴላፌ ደሚን
 ኦ ኣዋቲ ዳቡሪ
 ዳሚዳ ኣይፌታ፡
 ኢሰታ ደርሳታኔ ሜሄታ፡
 ኢሰታ ማጫ ናይታኔ
 ኣቱማ ናይታ
 ቱና ጸሳቲ ሚ ዳይሲዳ።
 25 ኦኒ ዩላጋቴላፌ ደሚዲ
 ሃቕ ጋካናሰ፡
 ኦኒካ ኦ ኣዋቲካ
 ጎዳ ኦ ጸሳ ቦላ
 ናጋራ ኦሊዳሰ፤
 ጎዳሰ ኦ ጸሳሰ
 ኣዛዜቲቤኮ፤
 ሄሳ ጊሻሰ ኣኔ ኦኒ ዩላቴላ
 ጉሉንቲዲ ኢቕሰ፤
 ቃሴ ካወሻቴሉ ኦና
 ኣፋላ ማላ ካሞ» ጌቴሰ።

4

ማሪታናሰ ጸይሰ
 1 ጎዳይ፡ «ኢሰራኤሌ ኣሳወ!
 ሲሚኮ ሃ ታኮ ሲሚቴ።
 ኢንቴ ሃራሲዛ ሚሻታ
 ታ ሲንላፌ ዲጊኮ፡
 ያዮንታ ሚኒ ኤቁኮ፡
 2 ኢንቴ ቱማን፡

ሱሬቴላኒኔ ጸሎቴላን፡
 (ዳኦ ጎዳይ ቤዪን!)
 ጊዲ ጫቁኮ፡
 ሄ ዎይ ካዎቴላቲ
 ኢዛን ኣንጄታናኔ
 ቦንቹታና» ጌሰ።
 3 ጎዳይ ዩሁዳ ኣሳሰኔ
 ዩሩሳላሚን ዲዛይታሰ፡
 «ኦላ ጋይ ጎደቴ፤
 ኣጉንላ ጊዳን ዜርፒቴ።
 4 ኢንቴኖ ዩሁዳ ኣሳቶ፡
 ዩሩሳላሚን ዲዛይቶ!
 ጎዳሰ ኢንቴ ቃጸሬቴቴ፤
 ኢንቴ ዎዚና
 ኢታቴላ ዲጊቴ፤
 ሂሰቶንታ ኣጊኮ
 ኢንቴ ኦሊዳ
 ኢታቴላ ጊሻሰ
 ታ ሃንቆይ ታማ ማላ
 ኤጲ ኬዛና፤
 ኦኒካ ኢዛ ቶይሳናሰ
 ዳንዳዬና» ጌሰ።

ፑዳሃ ባጋፌ ያና ባሽ

5 ጎዳይ፡ « (ቢታ ኡባን
 ዛዬ ፑኒቴ!)
 ጊዲ ዩሁዳን ዮቴቴ።
 ዩሩሳላሚንካ ኣዋጂቴ፤
 (ኢሲፌ ሸቁቴ!
 ኣኔ ገምቤቲዳ ካታማታኮ
 ባቃቶሰ!) ጊ ዋሲቴ።
 6 ጲዮኔ ጌላናሰ ባንዲራ ኦይኪቴ!
 ኤሶን ባቃቲ ኣቲቴ፤
 ኣይሰ ጊኮ ታኒ ፑዳሃ ባጋፌ
 ሃንቆይ ባሽ ኤሃና።
 7 ጋሞይ ባ ዲዛሶፔ ኬዚዳሰ፤
 ካዎቴላታ
 ዳይሲዛይ ኪቴቲዳሰ፤
 ኦ ቢታዮካ ቡላሳናሰ
 ባ ዲዛሶፔ ኬዚዳሰ፤
 ኦ ካታማቲ ላሌታና፤
 ኩንዲዳካ ካይዚ ኣታና።
 8 ሄሳ ጊሻሰ ማቃ ማይኢቴ፤
 ካዮቴሹ፡ (ወ! ወይ)
 ጊ ዩኪቴ።
 ኣይሰ ጊኮ ጎዳ ሃንቆ ሴላይ
 ኦ ቦላፌ ሲሚቤና» ጌሰ።
 9 ቃሴካ ጎዳይ፡
 «ሄ ጋላሰ ካዎ ዎዚናይኔ
 ሹሜታ ዎዚናይ ታሃና፤
 ቁሴቲ ዳጋማና፤
 ናቤቴካ ኮኮራና» ጌሰ።
 10 ሂሰቲን ታኒ፡ «ኣቤት ኡባ ሃሪዛ ጎዳወ! ማሻይ
 ኢሰታ ቆዴን ዎዲን፡ (ኢንቴሰ ሳኣይ ሳር ጊዳና) ጋዳ
 ሃ ኣሳኔ ዩሩሳላሚ ኣይሰ ኬሃ ባሌላዲ?» ጋዲሰ።
 11 ሄ ዎይን ሃ ኣሳሰኔ ዩሩሳላሚሰ፡ «ባዛን ዲዛ
 ኣይኮይ ባይንዳ ዙሞቡላታፔ ጸጊዛ ጫርኮይ ታ ዳራ
 ቦላ ጫርካና፤ ጊዳ ኣቲን ሄሲ ካላ ሱራጋናሰኔ ጌሻናሰ
 ጊዳና።

12 ሄሳፊካ ኬሂ ዋልቃሚዛ ጫርኮይ ታ ኣዛዘን ጫርካና፤ ሃኢ ታኒ ኢስታ ቦላ ፒርዳና» ጌቴቲ ዮቴታና።

ዋርኬን የሁዳ ዶዴቴሳ

13 ቤኢቴ! ዋርኬይ ሻራ ማላ ቢታ ኩሚዳሰ፤ ኢዛ ፓራ-ጋሪቲካ ጎቴ ጫርኮ ማላ ዩቴሰ፤ ኢዛ ፓራቲካ ጎሌ ካፎታ ማላ ኤሶቴቴሰ፤ ኣዬ ኣና ኑ ዳያና ጎሰ!

14 ኔኖ ዩሩሳላሚ! ኔ ኣታና ኮይኮ ኔ ዋዚና ኢታቴሳ ሜጬታ፤ ኢታ ቆፋይ ኔ ዋዚናን ኣይዴ ጋካናሰ ጋምኣኔ?

15 ጩንጉርሲ ዳኔፔ ሴቴቴሰ፤ ኤፍሬሚ ዙማታ ቦላ ባሺ ኣዋጃቴሰ።

16 «ካዎቴሳታሰ ዮቴቴ፤ ዩሩሳላሚሰካ፤ ሩዲ ኢንኤሊ ዛይቲ ሃሆ ቢታፊ ያና፤ የሁዳ ካታማታ ቦላካ ጩቁታና፤

17 ኢዛ ታ ቦላ ማካሊዳ ጊሻሰ ካሕ ናጊዛ ኣሳ ማላ ኢስቲ የሁዳ ጊዶላና ጌቴ።

18 ኔ ሃኖይኔ ኔ ኦሶይ ሄሳ ኔ ቦላ ኤሂዳሰ፤ ሄሲ ኔሰ ቁጻቴ፤ ሄሲካ ኣይ ማላ ጫሚዛዜ! ኣይ ማላ ዋዚና ሜንሳዛዜ!» ጌሰ ጎዳይ።

19 ዋኖ ታኒ! ታኒ ሃይሳ ዋስታ ዳንዳያኔ! ታና ሜቴዳሰ! ታ ዋዚናይ ሂርጌሰ፤ ታኒ ጩኡ ጋናሰ ዳንዳይኬ። ኣይሰ ጊኮ ታኒ ዛዬ ጩንጉርሲኔ ኦላ ጩንጉርሰ ሲያዲሰ።

20 ኢታ ሚሺ ኢታ ሚሻ ካሌሰ፤ ሙሌ ቢታይ ዋሬቴዳሰ፤ ታ ዳንካኔቴኔ ማጋላሻቲ ኤሶን ዳይዳ።

21 ታኒ ኣይዴ ጋካናሰ ኦላ ማላታ ጸላኔ? ታ ኣይዴ ጋካናሰ ዛዬ ጊሪሰ ሲያኔ?

22 ጎዳይ፥ «ታ ኣሳይ ኤያ፤ ኢስቲ ታና ኤሬቴና። ኢስቲ ዩሺ ቆፖንታይታ፤ ኢስቲ ኣኬካይ ባይንዳይታ፤ ኢስቲ ኢታ ሚሻ ኦላናሰ ኤራንቻታ፤

ሎኦ ኦላናሰ ኤራይ ፓጩዳይታ» ጌሰ።

23 ታኒ ሳኣ ጸላዳ ሳኣይ ሎኤ ጊንጎታይሳኔ ጮ ሚላ ዲዛይሳ ቤኣዲሰ። ቃሴ ሳሎታ ጸላዳ ኢስታን ፖኦይ ባይንዳይሳ ቤኣዲሰ።

24 ታኒ ዙማታ ጸላዳ ኢስቲ ኮኮሪሺኔ ዙምቡላቲ ኡባይ ዮንኢዮንኢሺን ቤኣዲሰ።

25 ታኒ ጸላዲሰ ሸን ኣይ ኣሲካ ቤኣቤኬ፤ ሳሎ ካፎቲካ ኡባይ ፒራዲ ዳይዳ።

26 ኣራዳ ቢታይ ባዘ ጊዲዳይሳ ቤኣዲሰ፤ ጎዳ ሲንሳን፤ ኢዛ ሱሌ ሃንቆ ሲንሳን ሄ ካታማቲካ ላሌቲዳ።

27 ጎዳይ፥ «ሙሌ ቢታይ ቡላታና፤ ጊዶ ኣቲን ታኒ ኢዙ ሙሌራ ዳይሲኬ።

28 ሄሳ ጊሻሰ ሳኣይ ዩካና፤ ሳሎይካ ዳማና። ኣይሰ ጊኮ ታኒ ጋዲሰ፤ ሄ ቆፋ ታ ላምንታ ማላ ቃቻዲሰ» ጌሰ።

29 ፓራ ኣሳታኔ ዋንዳፊ ኣሳታ ካቻ ጋሶን ኣሳይ ካታማ ኡባፊ ባቃታና። ባጋይ ዋጲዲ ዋራ ጋርሰ ጌላና፤ ባጋይ ቃሴ ዛላ ቦላ ኬዛና፤ ካታማይ ኡባይ ኣሲ ባይንዳ ካይዚ ኣታና።

30 ሃኔ ባሻሰ ኡቴዳሬ! ኔኒ ኣይ ኦላይ? ኔ ዙማይኦ ኣይሰ ማይኣይ? ዋርቃ ኣሌቆካ ኣይሰ ኣሳይ? ኔ ኣይፊ ጩር ኣይሰ ቴያይ? ኔኒ ጮ ሚላ ኔና ሎኤሳሳ፤ ኔ ላጌላቲ ኔና ካዲዳ፤ ኢስቲ ኔና ዋዳናሰ ኮዬቴሰ።

31 ታኒ ኮይር ባይራ ና ዩላናሰ ሚጻቲዛ ማጫሳ ማላ ኔ ዋሲሺን ታ ሲያዲሰ፤ ዩሩሳላሚ ማጫ ናያ ፔናይ ቱጩታናሺ ጋካናሰ ዋሲሺኔ ባ ኩሺ ሚጫዳ፤ «ታ ዋኖ! ሄኮ ታና ዋዳና ጌቴሰ!» ጊሺን ሲያዲሰ።

5

ዩሩሳላሚ ኣሳ ናጋራ

1 ጎዳይ፡ «አኔ ዩሩሳሌም ኦጌታ ቦላ ከዚዲ
 ፑዳኔ ዲጌ ዩሺ
 ዳሊቴኔ አከቢቴ፤
 ዳሬይ ዲላተዛሶታን
 ዲሎቴላ ኮይዛይኔ
 ሱሬ ፒርዲዛ ከዚዲ
 አንቴ አሳይካ ዳሚኮ
 ታኒ ዩሩሳሌም ማራና።

2 ጊደ አተን አሰታሰ፡
 ሳዳይ በዩንን ጊ ጫቁኮካ
 አሰቲ ቱማፕ
 ዋርዶ ጫቁቴሰ» ጌሰ።

3 አቤት ጎዳዉ!
 ኔ አይፊቴ ቱማ ዳሊቴኔ?
 ኔኒ አሰታ ሾጫዳሳ ሺን
 አሰታ ሳኪቤና።
 ኔኒ አሰታ ኪንቴሬላዳሳ፤
 ጊደ አተን
 አሰቲ ሰሚቤቴና፤
 አሰቲ ባንታ ዋዚና
 ሹቻፊ አላ ሚንሊዳ፤
 ባንታ ናጋራፕካ
 ሰሞንታ አዲዳ።

4 ሃሳፊ ጉዬ ታኒ ታ ዋዚናን፡
 «ሃይቲ ማንቆታኔ ኤያታ፤
 ሄይቲ ጎዳ ኦጌኔ
 ባንታ ጸሳ ዋጋ ኤርንታይታ።

5 ሃሳ ጊሻሰ ታኒ
 ጊታ አሳታኮ ባና፤
 አሰታሰካ ዮታና፤
 ጋሶይካ ጎዳ ኦጌኔ
 ባንታ ጸሳ ዋጋ ኤሬቴሰ»
 ጋዳ ቆጋዲሰ።
 ጊደ አተን አሰቲ ኡባይካ
 አሰፊ አዛ ቃምባራ ሚንሊዳ፤
 ቃሾዛካ ዲሊዳ።

6 ሃሳ ጊሻሰ ጋሞይ
 ዋራፕ ከዚዲ
 አሰታ ሚንሊሬላና፤
 አሰታ ፑዜሬላና፤
 ማሄይ አሰታ ካታማታ ዩሾ
 ዛማዲ ናጋና።
 ሄ ካታማታፕ ከዚዛ ኡባ
 አዚ ፑዛና።
 ጋሶይካ አሰታ
 ማካላቴላኔ
 ካዶይ ዳሪደሰ።

7 ጎዳይ፡ «ታኒ አንቴ ናጋራ
 አይሰ አቶ ጎ?
 አንቴ ናይቲ ታና አጊዳ፤
 ኤቃ ጸሳታንካ ጫቁዳ፤
 ታኒ አሰታ ካልሳ ሚዛዲሰ፤
 አሰቲ ጊዲኮ ላይማቲዳኔ
 ላይማ ከላ ቢዳ።

8 አሰቲ ጳኤቴዳ
 ኮርማ ጋራ ማላ ጊዲዳ፤
 አሰቲ አሶይ አሶይ
 አሳ ማቾ
 ላጌላናሰ ካሊዳ።

9 ቱሙፕ ታኒ ሃ ዮኦታ ጊሻሰ
 አሰታ ቃጸያናሰ ቤሴኔ?
 ታኒ ታ ሁኤራ
 ሃሳ ማላ ካዋቴላ ቦላ
 ሃሎ ከሳና ቤሴኔ?» ጌሰ።

10-11 ቃሴካ ጎዳይ፡
 «ዋይኔ ቱራ ጊደ ቢዲ
 አዛ ሞሪቴ፤
 ጊደ አተን ሙሌራ ጳይሶፍቴ።
 አሰቲ ጎዳሰ ጊደንታ ጊሻሰ
 አዚ ሃጋታ ታርሺ ታርሺ ዩጊቴ፤
 አሰራኤሌ አሳይኔ
 ዩሁዳ አሳይ ሙሌራ
 ታና ካዲዳ» ጌሰ።

12 አሰቲ ጎዳ ቦላ ዋርዶ ሃሳይዳ፤
 «አዚ ኦና አይኮካ ኦሌና፤
 አታ ሚሺካ
 ኦ ቦላ ጋከና፤
 ኦላኔ ኮሻ
 ኦኒ ሙሊካ ቤኦኮ።

13 ናቤቲ ጫርኮ ማላ አተን
 አሰታ ጊደን ቃላይ ዳና፤
 አሰቲ ጊዛዚ ኡባይ
 አሰታ ቦላ ጋኮ» ጌቴሰ።

14 ሃሳ ጊሻሰ ጎዳይ
 ኡባፊ ዋልቃማ ጸሳይ፡
 «አሰቲ ሃ ቃላ ሃሳይዳ ጊሻሰ
 ታኒ ታ ቃላ
 ኔ ዶናን ታማ ከሳና።
 ሃ አሳካ ሚላ ከሳና፤
 ታማይካ አሰታ
 ሚ ጳይሳና» ጌሰ።

15 ጎዳይ አንቴና፡
 «አንቴኖ አሰራኤሌ አሳቶ!
 ታኒ አንቴ ቦላ ሃሆ ቢታፊ
 አሰ ካዋቴላ ኤሃና።
 አዚ ዋልቃማኔ
 ቤኒሶፊ ዲዛ ካዋቴላ።
 አዛ ቃላይ አንቴሰ ኤሬቴና፤
 አዛ ሃሳያይ አንቴሰ ጌሌና።

16 አሰታ ማሻ ኮሆይ ደያ ዲዛ
 ዲፎ ማላ፤
 አሰቲ ኡባይካ ዋልቃማ
 ኦላንቻታ።

17 አሰቲ አንቴ ካላኔ
 ቁማ ፒቲ ማና።
 አንቴ አቱማ ናይታኔ
 ማጫ ናይታ ዋቆ።
 አንቴ ዶርሳኔ ሚዛ
 ቦንቁዲ ማና።
 አንቴ ዋይኔ ቴራኔ
 ባላሴ ቴራ
 ቦንቁዲ ማና።
 አንቴ አማኔቲዛ ጊምቤቲዳ
 ካታማታካ አሰቲ ባንታ
 ማሻን ጳይሳና» ጌሰ።

18 ጎዳይ ኤርምያ፡ «ጊደ አተን
 ሄ ጋላሳታን
 ታኒ አንቴና ሙሌራ ጳይሰኬ።

- 19 አሳይ ኔና፡ ሱ ጎዳ ኑ ጸሳይ
ኑ ቦላ ሃይሳ ኡባ
አይሰ ኦሊዳ?»
ጊዲ አይቸዛ ዎዴ
ኔኒ ኢሰታሰ፡ ለኢንቲ ታና ጎዳ
አጊዲ አንቲ ቢታን
አላጋ ጸሳታሰ ኦሊዳ ማላ፡
አንቲካ አሳ ቢታን አላጋታሰ
ሄሳሶ ኦላና ጋ» ጊዳሰ።
- 20 ቃሴካ ጎዳይ፡
«ሃይሳ ያቆቤሶ አሳታሰ ዮታ፤
የሁዳ ቢታንካ ሂዘጋ አዋጃ፤
- 21 አንቲኖ አይፌይ ዲሺን
ዳሞንታይቶ!
ሃይሊ ዲሺን ሲዮንታይቶ!
ኤያኔ የሺ ቆፖንታይቶ!
ሃይሳ ሲዩቲ!
- 22 አንቲ ታሰ ያያናሰ ቤሴኔ?
አንቲ ታ ሲንላን
ኮኮራናሰ ቤሴኔ?
አይሰ ጊኮ ኢዚ ሜርናሰ
ካንሊ ቦንታ ማላ፡
ታኒ አንጮ አባሰ ዛዋ ኦላዲሰ።
ዳሞባላይ ቡላኬቲኮካ
ዛዋፔ አይና፤
ኢዚ ጉሚኮካ
ፒናናሰ ዳንዳይና።
- 23 ጊዳ አቲን ሃ ዴራሰ ሙሜኔ
ማካላ ዎዚናይ ዴሰ፤
ኢሰቲ ኦጌ አጊ ዎራ ቢዳ።
- 24 ኢሰቲ ባንታ ዎዚናን፡
ሱሰ ሲላ ኢራኔ ጋባ ኢራ
ዎዴን ዎዴን ቡኪሲዛ፡
ካላ ሺሾ ዎዴ
ኑሰ ዎዴራ ኤሂዛ ጎዳ
ኑ ጸሳሰ
ኣኔ ያዮሰ» ጊቤቴና።
- 25 ለአንቲ አታ ኦሶይ
ሃይታ አንቲና ዲጊዳሰ።
አንቲ ናጋራይ አንቲና
ሎኦ ሚሻፌ
አሺዳሰ» ጋ» ጌሰ።
- 26 ጎዳይ፡ «ታ አሳ ጊዳን
አታ አሳቲ ዳቴሰ።
ካፎታ ኦይካናሰ
ናጊዛ አሳ ማላ
ኢሰቲ ዎጸማዴ ዎሊዲ
አሳ ኦይካናሰ ናጌቴሰ።
- 27 ካፎ ኬላን ካፎይ ኩሚዳ ማላ
ኢሰታ ኬላን
ባሌላይ ኩሚዳሰ።
ሄሳ ጊሻሰ ኢሰቲ
ዲሬኔ ዎልቃማ ጊዲዳ።
- 28 ኢሰቲ ኦርዲዳኔ ሞዲዳ፤
ኢሰታ ኢታቴላሰ ዛዋይ ዳና።
ዩኦቲ ሱሬ ፒርዳ ዳማና ማላ
ኢሰታሰ ኤቂቤቴና፤
ማንቆታ ማታ ጊሻሲካ

- ሞቴቴቴና።
- 29 ሂሰቲን ታኒ ሃይታ
ሃ ዮታ ጊሻሰ፡
ኢሰታ ቃጸያናሰ ቤሴኔ?
ሃሳ ማላ ካዎቴላ ቦላ
ታ ሃሎ ኬሳናሰ
ቤሴኔ?» ጌሰ።
- 30 ቃሴካ ጎዳይ፡
«ዳር ባቢሲዛ ሚሺኔ
ዳጋንሊዛ ሚሺ
ቢታ ቦላን ሃኒዴሰ።
- 31 ናቤቲ ዎርዶ ቲንቢቴ ዮቴቴሰ፤
ቁሴቲካ ኢሰታ ዘሬን አይሴቴሰ።
ታ አሳይካ ሄሳ ማላ
ሚሽ ዶሴሰ!
ሂሰቲን ጩርሴላን
አንቲ አይ ኦላኔ?» ጌሰ።

6

- ዩሩሳላሜይ ሞርኬታን ደዳቴላ
- 1 ጎዳይ፡ «አንቲኖ ቢኒያሜ ዛሬቶ!
ፑዳሃ ባጋፌ ኢታ ሚሺኔ
ባሺ ያና ጊዛ ጊሻሰ
አንቲ ሺሞፖ
አሻናሰ ባቃቴቴ!
ዩሩሳላሜፔ ኬዘቴ!
ቴቁሄ ካታማን ዛዬ ፑኒቴ!
ቤቴ-ሃካሪሜን ማላታ ቤሲቴ!
- 2 ታኒ ማላ ሎኦኔ
ኡፋይሲዛ ጸዮኔ
ናዮ ዳይሳና።
- 3 ሄንላንቻቲ
ባንታ ወዴ ኤኪዲ
ኢዚ ቦላ ያና፤
ሂሰቲዲ ኢዚ ዩሾን
ባንታ ዲንካኔ ቶካና፤
ባንታ ወዴ ባንታ
ሶሆን ሶሆን ሃማና።
- 4 ኢሰቲ ኢሶይ አሳ፡ «ዩሩሳላሜራ
ኦሌታናሰ ጊጌቴቴ! ዳንዲቴ!
ኣኔ ኑኒ ኢዞ ሴታ ጋላሰ ኦሎሰ።
ጊዳ አቲን አዬ አና!
ሳአይ ቃሜሰ፤
ኦማርሳ ኩዋይ
አዲቂ አዲቂ ቤሰ።
- 5 ሄሳ ጊሻሰ ዳንዲቴ!
ኣኔ ኦማርሰ ኦሎሰ፤
ሂሰቲዲ ኢዚ ሚጸካ
ኣኔ ላሎሰ»
ጊዲ ማቁቲዳ» ጌሰ።
- 6 ኡባፌ ዎልቃማ ጎዳይ፡
«ሚላታ ቃንጸቴ።
ዩሩሳላሜ ጊምቤ ላንቄን
ቢታ ዶሪቴ፤
ሃ ካታማይን ቆሆይ
ኩሚዳ ጊሻሰ
ኢዚሰ ቂጻቴይ ቤሴሰ።

7 ኦላፌ ሃላ ፑልቲዛ ማላ ኢዛካ
 ባ ኢታቲላ ፑልቲሳወሰ፤
 ማካላ ሚሸኔ
 ባሻ ሚሸ
 ኢዚ ጊዶን ሴቴቴሰ፤
 ኡባ ዎዴ ኢዚ ሳኮይኔ
 ማዲንሳ ታሰ ቤቴሰ።

8 ሃኔ ዩሩሳላሚ ናጌታ፤
 ኔ ኣካይ ጊኮ
 ታ ኔፔ ሻኬታና፤
 ቃሴ ኔ ቢታካ
 ቡላሳና» ጌሰ።

ኢሰራኤል ኣሳ ማካላቴሳ

9 ኡባፌ ዎልቃማ ጎዳይ፥
 «ዎይኔ ቴራ ኢሲኖካ
 ኣሾንታ ማጺዛ ማላ
 ኢሰራኤል ኣሳፕ
 ኣቲዳይታ ሃሳሶካ
 ማጺ ሸሸቴ።
 ዎይኔ ቴራ ማጺዛ ኣሳ ማላ
 ኢንቴ ኩሽ ሃጋታ ጊዶ
 ናምኣንሶካ ዩዲቴ» ጌሰ።

10 ታኒ ኦናሰ ዮቶ?
 ኦና ሴሮ?
 ኦኒ ታ ጊዛዝ ሲያኔ?
 ሄኮ ኢሰታ ሃይላ
 ቱሌ ጊዲዳ ጊሻሰ
 ኢሰቲ ሲዬቴና፤
 ጎዳ ቃላይ
 ኢሰታሰ ቂዴሰ ኬዚዳሰ፤
 ኢሰቲ ኢዛን ኡፋዬቴቴና።

11 ሄሳ ጊሻሰ ጎዳ ሃንቆይ
 ታናን ኩሚ ኡቴዳሰ፤
 ታኒ ሃ ሃንቆዛ
 ታ ኡሎን ኦይካና ዳንዳይኬ።
 ሂሰቲን ጎዳይ ታና፥
 «ታ ሃንቆዛ ኦጌን ዲዛ
 ጉላ ናይታ ቦላኔ
 ሸቂዳ ዩላጋ ናይታ ቦላ ጉሳ፤
 ማቻኔ ኣዚናይ፥
 ጨሚዳ ኣሳቲካ
 ኬሲ ኤኪ ኣቴቴና።

12 ታኒ ሄ ቢታን ዲዛይታ ቦላ
 ታ ኩሽ ዩዲዛ ዎዴ
 ኢሰታ ኬላቲ፥ ኢሰታ ጋዴቴኔ
 ኢሰታ ማቸቲካ ኣቶንታ
 ኡባይ ሃራታሰ ጊዳና» ጌሰ።

13 ቃሴካ ጎዳይ፥
 «ጉላይካ ጊታይካ
 ኡባይ ባ ጎኣሰ ዩቄቴሰ።
 ናቤቴኔ ቄሴቴ ኡባይ
 ኣሰ ባሌሌቴሰ።

14 ኢሰቲ ታ ዴራ ማዲንሳ
 ቄሪ ሚሻ ማላ ጸሊዳ፤
 ፓጸና ማላ ኮሺዛ
 ኦሰ ኦሊቤቴና፤
 ሳሮይ ባይንዳ፥

15 ሃ ሃራሲዛ ኦሶዛ ጊሻሰ
 ኢሰቲ ዩላቲዶ?
 ኣካይ ሙሊካ ዩላቲቤቴና፤
 ኢሰቲ ዩላይ ኣዛኮ ኤሬቴና።
 ሄሳ ጊሻሰ ኢሰቲ ኩንዲዛይታራ
 ኢሲፌ ኩንዳና፤
 ታኒ ኢሰታ ቃጸዪዛ ዎዴ
 ኢሰቲ ካወያና» ጌሰ።

16 ጎዳይ፥ «ዳጋላ ኦጌ ቦላ
 ኤቂ ጸሊቴ፤
 ቤኒ ኦጌዮ ኦይቸቴ፤
 ሎኦ ኦጌይ ኣዎሪ? ኢዚራ ቤቴ፤
 ኢንቴ ኢንቴ ሸምፖሰ
 ሸምፖ ዴማና፤
 ኢንቴ ጊዲኮ፥
 «ኦ ኢዚራ ቦኮ!» ጊዴታ።

17 ታ ኢንቴና ናጊዛይታ ዎላዲሰ፤
 «ዛይይ ፑኔቲሺን ሲዬቴ» ጋዲሰ፤
 ኢንቴ ጊዲኮ፥
 «ኦኒ ሲዮኮ» ጊዴታ።

18 ሄሳ ጊሻሰ ካዎቴላቶ፥ ሲዬቴ!
 ኢንቴኖ ማርካቶ!
 ኢሰታ ቦላ ኣዚ
 ጋካናኮ ኣኬቤቴ።

19 ቢታዬ ሲያ!
 ኢሰቲ ታ ቃላ
 ሲዮንታ ኢዲዳ ጊሻሲኔ
 ታ ዎጋካ ካዲዳ ጊሻሰ
 ታኒ ዴራ ቦላ

20 ኢሰታ ኢታ ቆፋ ማላ ባሽ ኤሃና።
 ኤጸኔይ ሳባ ቢታፌ
 ሳዊዛ ቂማሚይ
 ሃኮ ቢታፌ ዪኮ
 ታና ኣይ ጋኔ?
 ጸጌቲዛ ኢንቴ ያርሾዛካ
 ታ ኤኪኬ፤
 ኢንቴ ሸሸዛ ሃራ ያርሾይካ
 ታና ኡፋይሴና» ጌሰ።

21 ሄሳ ጊሻሰ ጎዳይ፥
 «ታኒ ሃ ዴራ ሲንላን
 ቆጶዚ ሚሽ ዎላና፤
 ኣዎቴኔ ኣቲማ ናይቲ
 ኢዛን ቆጶታና፤
 ሾሮቴኔ ላጌቲ
 ቆያና» ጌሰ።

ፑዴሃ ባጋፌ ዎራጂዛ ኦላንቻታ

22 ቃሴካ ጎዳይ፥
 «ሃኮ ፑዴሃ ባጋፌ
 ኦላንቻቲ ዩቴሰ፤
 ጊታ ካዎቴላ ሳኣ ጋጸፔ
 ዴንላ ቦላ ዴሰ።

23 ኢሰቲ ዎንዳፌኔ ቶራ ኦይኪዳ።
 ኢሰቲ ማንጾ ኢታታኔ
 ቃዴታይ ባይንዳይታ፤
 ኢሰቲ ባንታ ፓራታ ቶጊዛ ዎዴ

አባይ ጉሚዛ ማላ
 ጉሚቴሰ።
 አንቴና ጸዮን ማጫ ናይቶ!
 ኢሰቲ ገቢቲዲ አንቴና
 ኦላናሰ ዩቴሰ» ጌሰ።

24 ኦኒ ሃ ዮኦ ሲዩን
 ኑ ቄሴይ
 ከምኢሊሽ ገደሰ።
 ማጫሰ ሚጻይ ኦይኪዳ ማላ
 ኑና ጩጩይ ኦይኪዳሰ።

25 ሞርኬይ ማሻ ገደደሰ፤
 ኡባሶን ሸርይ ኩሚዳሰ፤
 ሄሳ ገሻሰ ካሬ ኬዘገገ፤
 ኦገንካ ሃሚቶፍቴ።

26 ታ ዳሬቶ ማቃ ማይኢቴ፤
 ቢዲንሳ ቦላ ቡሉሉቲቴ፤
 ሚጸ ኢሲ ናይ ሃይቂዳ አሳ ማላ
 ጫሞ ዩሆ ዩኪቴ፤
 ጋሶይካ ኑ ቆፖንታ ዲሸን
 ቆይሲዛይ ኑ ቦላ ያና።

27 ጎዳይ ኤርምያ፡ «ኤርምያ!
 ቢራታ ፓጩዛዳ ማላ
 ኔኒ ታ ዳሬዛ ኦጌኔ
 ኢሰታ ሃሚታ ፓጩና ማላ
 ታ ኔና ሞላዲሰ፤

28 ኢሰቲ ኡባይ ዚርሸ ዩዩዛይታኔ
 ዮቲን ኤኮንታ
 ማካላንቻታ፤
 ኢሰቲ ጸርቂማላ ማላኔ
 ቢራታ ማላ፤
 ኢሰቲ ኡባይካ ሞሮ ኦላዛይታ።

29 ቢራታ ሴሪሳናሰ ሞሞፒና
 ሎኤሳ ፑና፤
 ገደ ኣቲን ኢታቲ ሙሉራ
 ፒቲቲ ኬዘንታ ገሻሰ
 ሄሲ ጮ ሃዳ ዳቡራ።

30 ጎዳይ ኢሰታ ካቂዳ ገሻሰ
 ኢሰቲ ካቂቲዳ ቢራ
 ጌቲቲ ጸይጌታና» ጌሰ።

7

ኤርምያ ጸሓፊን ታማርሲዳ ቲሚርቲ
 1 ጎዳፔ ኤርምያሰ ዩዳ ቃላይ ሃይሳፌ ካሊ
 ዲዛይሳ፤
 2 «ኔኒ ጎዳ ጸሓ ኬላ ፔንጌን ኤቃ፤ ሂሰታዳ ሃ ቃላ፡
 «አንቴና ጎዳሰ ጎይናናሰ ሃ ፔንጌታራ ጌሊዛ ዩሁዳ
 አሳቶ፡ ኡባይካ ጎዳ ቃላ ሲዩቲ!» ጋ ኣዋጅ።
 3 ኡባፌ ሞልቃማ ጎዳ ኢሰራኤሌ ጸሓይ፡ «አንቴ
 ኦጌኔ አንቴ ኦሶ ሎኤሊቴ፤ አንቴ ሂሰቲኮ ታ አንቴና
 ሃይሳን ዳና ማላ ኦላና» ጌሰ።
 4 ጩሞ ቃላን፡ «ሃይሲ ጎዳ ጸሓ ኬላ! ሃይሲ ጎዳ
 ጸሓ ኬላ! ሃይሲ ጎዳ ጸሓ ኬላ!» ገዲ አማኔቶፍቴ።
 5 አንቴ አንቴ ኦጌኔ አንቴ ኦሶ ሎኤሊኮ፡ አንቴ
 ገደን ሰራቴሊ ዲኮ።

6 ቤቲ ዩዳ አሳታኔ ዩኦታ፡ ኣምኤታ አንቴ ቆሆንታ
 ኣገኮ፡ ሃይሳ ሃ ቢታ ቦላ ጸሎ ሱሐ ጉሶንታ ኣገኮ፡
 አንቴና ቆሂዛ ኤቃ ጸሓታ አንቴ ካሎንታ ኣገኮ።

7 ታኒ አንቴ ኣዋታሰ ሚርናሰ ጸንጾ ሂሰታ ኣሚዳ ሃ
 ቢታይን ታ አንቴና ሞላና።

8 ሄኮ አንቴ ሃዳ ገዲዳ ሞርዶ ቃላን ኣማኔቲዳታ።»

9 ጎዳይ፡ «አንቴ ካይሶቲታ፡ አሰ ሞቆታ፡
 ላይማቲታ፡ ሞርዶ ጫቂ ማርካቲታ፡ ባኣሌ ኤቃ ጸሓሰ
 ያርሾ ያርሼታ፡ ሃይሳፌ ካሴ አንቴ ኤርንታ ኤቃ
 ጸሓታሰ ጎይኔታ።

10 ሂሰቲዲ ታ ሱንላን ጸይጌቲዳ ጸሓ ኬላ ዩ ታ
 ሲንላን ኤቂዳ፡ «ኦኒ ሎኦ ደሰ!» ገሼ ሃይታ ሃራሲዛ
 ሚሻታ ኦሶን ዳታ።

11 ታ ሱንላን ጸይጌቲዳ ሃ ጸሓ ኬላይ አንቴሰ
 ፓንጋቲ ቆቲቲዛ ጎንጎሎ ገዲዳ? አንቴ ኦላዛይሳ
 ኡባ ታኒ ታ ኣይፌራ ቤኣዲሰ» ጌሰ።

12 ጎዳይ፡ «ታኒ ታ ሱንላይ ኢዛን ዳና ማላ ታ
 ደሪዳሰ ሴሎ ቢቲ፤ ታ ኣሳ ኢሰራኤሌ ኢታቲላ ጋሶን
 ታኒ ሄን ኦላዲይሳ ቢዲ ቤኢቴ።

13 አንቴ ሃሳ ኡባ ኦላሸን ታኒ አንቴሰ ዛራ ዛራዳ
 ዮታዲሰ፤ ገደ ኣቲን አንቴ ሲዮንታ ኢዲዳታ፤ ታኒ
 አንቴና ጸይጋዲሰ ሸን አንቴ ታሰ ኮዩቤኬታ።

14 ሃሳ ገሻሰ ታኒ ሴሎን ኦላዲይሳ ማላ ሃኢካ
 ሃይሳን አንቴ ኣማኔቲዛ፡ ታ ሱንላይ ኢዛን ጸይጌቲዛ
 ሃ ጸሓ ኬላ ቦላካ ኦላና፤ አንቴሰኔ ካሴ አንቴ ኣዋታሰ
 ኢሚዳ ሲሆን ሃይሳን ታኒ ሴሎ ቦላ ኦላዲይሳ ማላ
 ዛራዳ ኦላና።

15 አንቴ ኣሻታ ኤፍሬሜ ዛሬታ ታኒ ዲጊዳ ማላ ታ
 ሲንላፌ አንቴናካ ዲጋና» ጌሰ።

16 ጎዳይ፡ «ኤርምያ፡ ኔ ሞሲንካ ታ ሲዮንታ ገሻሰ
 ኔ ሃይሳ ዳራሰ ሞሶፋ፤ ኢሰታሰ ሾቦፋ ሞይኮ ኢሰታሰ
 ጋናቶፓ።

17 ኢሰቲ ዩሁዳ ካታማታኒኔ ዩራሳላሚ ኦጌታን ኣይ
 ኦላዛኮ ኔ ቤኢኪ?

18 «ሳሎ ጎዳቲዮ» ጌቲቲዛ ጸሓይሲ ኡኬላ ኡካናሰ
 ማጫሳቲ ቂሌ ሙኑቄቲሰ፤ ናይቲ ሚሳ ሚጸጌቲሰ፤
 ኣዋቲ ታማ ኤሌቲሰ። ኢሰቲ ታና ቆሃና ገዲ ኡሻ
 ያርሾ ሃራ ጸሓታሰ ያርሼቲሰ።

19 ኢሰቲ ሃይሳ ኡባ ኦላዛይ ታና ቆሃናሴ? ሃይሳን
 ቆሃቲዲ ዩላታናይ ባንታ ሁኤሰ ኢሰታ ገዳቴኔ?»
 ገደሰ።

20 ሃሳ ገሻሰ ኡባፌ ሞልቃማ ጎዳይ፡ «ታ ዩሎይኔ
 ታ ሃንቆይ ሃ ሲሆ ቦላ፡ ሚደሳታ ቦላ፡ ጋይን ዲዛ
 ሚሳ ቦላኔ ካላ ቦላ ጉካና፤ ሂሰቲዲ ኤዳና፤ ቶኣናሰካ
 ዳንዳዩና» ጌሰ።

21 ኡባፌ ሞልቃማ ጎዳ ኢሰራኤሌ ጸሓይ፡ «አንቴ
 ጸጊ ሸሸዛ ያርሾዛ ገዲን ሃራ ያርሾታራ ጉጂዲ
 ኣሾዛራ አንቴሰ ሚቲ።

22 ታኒ አንቴ ኣዋታ ገብጾ ቢታፌ ኬሲዳ ሞዳ
 ጸጊቲዛ ያርሾ ገሻሰ ገዲን፡ ሃራ ያርሾ ገሻሰ ገዲን፡
 ታ ኢሰታሰ ዮታቤኬ ሞይኮ ኢሰታ ኣዛዛቤኬ።

23 ገደ ኣቲን ታኒ ኢሰታሰ፡ «ታሰ ኣዛዘቲቴ፤
 ሂሰቲኮ ታኒ አንቴ ጸሓ ገዲና፤ አንቴካ ታ ዳሬ ገዳና፤
 አንቴሰ ሎኣና ማላ ታኒ አንቴና ኣዛዘዛ ኦጌ ኡባራ
 ቢቲ» ጋዳ ኣዛዛዲሰ።

24 ኢሰቲ ገዲኮ ታ ገዛዝ ሲዩቤቴና፤ ሞዚናን
 ሞላ ሲያናሰካ ኮዩቤቴና፤ ኢሰቲ ባንታ ኢታ ሞዚና

ቆፋ ሚንላ ካሊዳ፤ አሰቲ ሲንሌ ቡሰ ኣጊዲ ጉዬ ጉዬ ቢዳ።

25 እንቲ ኣዋቲ ገብጾ ቢታፊ ኬዚዳ ጋላሳፊ ደሚዳ ሃኖ ጋካናሰ ታኒ ታ ኣይሌ ገዲዳ ናቤታ አሰታሰ ኪታሼ ዳይሰ።

26 ዳሬዚ ገዲኮ ታ ገዛዝ ሲዩቤና፤ ዋዚናን ዋላ ሲያናሰካ ኮዩቤና፤ አሰቲ ባንታ ሞርጌ ሚንላዳኔ አሰታ ኣዋቲ ኦሊዳ አታ ሚሻፊ ኣጳዛ አታ ሚሽ ኦሊዳ።

27 «ሃይሳ ኡባ ኔኒ አሰታሰ ኮታና፤ ገደ ኣቲን አሰቲ ኔ ገዛይሳ ሲዩቲና፤ ኔኒ አሰታ ጸይጋና ሺን አሰቲ ኔሰ ኮዩቲና።

28 ሃሳ ገሻሰ ኔኒ አሰታሰ፡ «ሃይሲ ዳሬዚ ጎዳ ባ ጸሳሰ ኣዛዜቶንታኔ አዛ ዞሬ ኤኮንታ ዳሬ፤ ቱማይ ዳና፤ አሰታ አንጸርሳፊ ጳይዳሰ።

29 ሃንቆይ አዛ ቦላ ጋኪዳ ሃ ዩሌታ ጎዳይ ካጲዳ ገሻሲኔ ኣጊዳ ገሻሰ እንቲ ሁኔ ሜዲዲ ዋራ ዩጊቲ፤ ኣይኮይካ ባይንዳ ዙሞቡላታ ቦላ ኬዚዲ ዚላላቴጋ» ጌሰ።

ሹካ ሹኪዛሶ ሃኖሜ ሾባ

30 ቃሴካ ጎዳይ፡ «ዩሁዳ ኣሳቲ ታ ሲንላን አታ ሚሽ ኦሊዳ፤ ሃራሲዛ ኤቃ ጸሳታ ኤሂዲ ታ ሱንላን ጸይጌቲዳ ጸሳ ኬላን ዋላዲ ቲኒሲዳ።

31 አሰቲ ባንታ ኣቱማ ናይታኔ ማጫ ናይታ ታማን ጸጊዲ ያርሻናሰ፡ ሃኖሜ ና ሾባን ቶፊቲ ጌቲቲዛ ያርሾሶሆ ገምቢዳ። ገደ ኣቲን ሄሲ ታኒ አሰታ ኣዛዘንታይሳኔ ታ ቆፋን ባይንዳይሳ።

32 ሃሳ ገሻሰ ሄ ሶሆይ ሃኖሜ ና ሾባ ዋይኮ ቶፊቲ ጌቲቲዛይሲ ኣቲዲ ሹካ ዙሌ ጌቲቲ ጸይጌታና ጋላሳቲ ዩቲሰ። ጋሶይካ ሞጎሶይ ጳያና ጋካናሰ ሃይቂዳ ኣሳቲ ቶፊቲን ሞጌታና።

33 ሄ ዋይ ሄ ኣሳታ ኣሃይ ሳሎ ካፎታሲኔ ሳኣ ደኣታሰ ቁማ ገዳና፤ አሰታ ባቢሲዲ ጎዲዛ ሚሺ ዳና።

34 ታኒ አሊሲ፡ ኡፋይሳ ጨንጉርሲኔ ሚሺራታ ጨንጉርሰ ዩሁዳ ካታማታፔኔ ዩራሳላሜ ኦጌታፔ ጳይሳና፤ ቢታያካ ቡላ ገዳ ኣታና» ጌሰ።

8

1 ኡባፊ ዋልቃማ ጎዳይ፡ «ሄ ዋይን ዩሁዳ ካዋታ ሜቁላ፡ ሹሜታ ሜቁላ፡ ቁሴታ ሜቁላ፡ ናቤታ ሜቁላኔ ዩራሳላሜን ዲዛ ኣሳታ ሜቁላ ኡባይ ዲፎፔ ማጽቲዲ ኬዛና።

2 ሂሰቲዲ አሰቲ ሲቂዳ፡ ኪቲቲዳ፡ ካሊዳ፡ ዞሬ ኦይቶዳኔ ጎይኒዳ ኣርሼ ሲንላን፡ ኣጊና ሲንላኒኔ ሳሎ ጸለንቲታ ኡባ ሲንላን ሚጨታና። አሰታ ሜቁላይ ሺቁና ዋይኮ ሞጌቲና፤ ገደ ኣቲን ቢታ ቦላ ኦሌቲዳ ቡራ ማላ ገዳና።

3 ሃ አታ ኣሳ ኩሹፔ ኣቲዳይቲ ኡባይ ታ አሰታ ጎዳ ዩዲዳሶ ኡባን ዳኦፔ ሃይቆ ዶራና» ጌሰ።

ናጋራ ጋሶን ጋኪዛ ቂጻቲ

4 ጎዳይ ታና፡ «ኣሳሰ፡ ሳሲ ኩንዲኮ ኩንዲዳሶሆፔ ሲሚዲ ዳንዴኔ? ዋይኮ ኣሲ ባሊዳ ገዲኮ ጉዬፔ ባ ባላፔ ሲሜኔ?»

5 ሂሰቲን ሃይሲ ዳሬዚ ኣይሰ ጉዬ ሲሚ ቢዜ? ዩራሳላሜይ ኣይሰ ኡባቶ ጉዬ ሲማዜ? አሰቲ ጌኔ ኦሶ ሚንላ ኦይኪዳ፤ ሲሚናሰካ ኮዩቲና።

6 ታኒ አሰታ ሎኤላ ኤዘጋዲሰ፤ አሰቲ ሱሬ ሃሳዩቲና፤ ታ ኣይ ኣሳዲና? ጌሰ። ገደ ኣቲን ባ አታ ኦሶ ፓጸዛይ አሶይካ ዳና፤ ኦላሰ ዲርጊዛ ፓራ ማላ ኡባይካ ባሰ ባሰ ዋጾሰ።

7 ሺሚላ ጌቲቲዛ ካፎቲ ባንቲ ሲሚዛ ዋይ ኤሬቴሰ፤ ሃራጾቲ፡ ዳጊጨጾቲኔ ዋላ ጌቲቲዛ ካፎቲ ባ ዳንዲ ቢዛ ዋይ ኤሬቴሰ፤ ገደ ኣቲን ታ ዳሬይ ጎዳ ዋጋ ኤሪቤና። *

8 ዋርዳንቻ ጸፊቲ ባንታ ቢኢሬን ታ ዋጋ ዋርዶራ ጸፊዳ፤ ሂሰቲን ዋኒዲ፡ ሳኒ ኣጶ ኤራንቻ፤ ጎዳ ዋጋይ ኦናራ ዳሰ ጌቲ?

9 ኣጶ ኤራንቻቲ ዩላታና፤ አሰቲ ካዉያናኔ ዋጲማይን ኦይኬታና። ጎዳ ቃላራ አሰቲ ኤቁቲቺን አሰታሰ ኣዛ ኤራቴላ ዲዜ?

10 ሃሳ ገሻሰ ታኒ አሰታ ማቺታ ሃራ ኣዚናታሰ፡ አሰታ ቢታታካ ኣላጋታሰ አማና፤ ጉላይካ ጊታይካ ኡባይ ባንታ ጎኣሰ ዩቁቲቲሰ። ናቤቲኔ ቁሴቲካ ኡባይ ኣሰ ባሌሌቴሰ።

11 አሰቲ ታ ዳሬዛ ማዲንሳ ቁሪ ሚሻን ቆዲዲ ማደንታ ጳሌ አሜቲሰ፤ ሳርይ ባይንዳ፡ ሳር፡ ሳር፡ ጌቲሰ።

12 ቱና ኦሶ ኦሊዲ ዩላቲዶ? ቺ! ሙሌካ ዩላቲቤቲና። አሰቲ ዩላይ ኣዛኮካ ኤሬቴና። ሃሳ ገሻሰ አሰቲካ ኩንዲዳይታራ አሲፊ ኩንዳና፤ ታ አሰታ ቃጸዩዛ ዋይ አሰቲ ካዉያና» ጌሰ።

13 ጎዳይ፡ «አሰቲ ጎዬ ኬሲዳ ካላ ኡባ ታ አሰታፊ ኤካይቻና፤

7:31 ለቁ 18:21፤ 2ካዋ 23:10፤ ኤር 32:35 7:34 ኤር 16:9፤ 25:10፤ ኣጂ 18:23 * 8:7 ዳጊጨጾይ ካፎ ቆሞ ገዲዳይሳ ቆንጨሲሰ። 8:11 ሃዚ 13:10 8:12 ኤር 6:12-15

ኢስታ ዋይኔ ቱራን
 አይፊይ ቆያና፤
 ባላሴ ሚሊካ አይፊ አሜና፤
 ኢስታ ቦንጮቲካ ቆካና፤
 ታኒ ኢስታሰ አሚዳይሲ
 ኢስታፊ ኤኬቲቻና» ጌሰ።

- 14 ሂሰቲን አሳቲ፡
 «ኩኒ ሃይሳን አይሰ ኡቲና?
 አኔ ኢሲ ቦላ ሸቂቲ፤
 ገምቤቲ ኡቲዳ ካታማታን
 ባቃቲ ቢዲ ሄን ሃይቆስ፤
 ጎዳ ኑ ጸሳይ ኑና
 ሃይቃና ማላ ፒርዲዳስ፤
 ኩኒ ኢዛ ቦላ
 ናጋራ ኦሊዳ ገሻሰ
 ኑ ኡያና ማላ ማርዜራ ዲዛ
 ሃላ አሚዳስ።
- 15 (ሳርይ ያና) ገዲ
 ሂዳታ ኦሊዳስ፤
 ገደ አቲን
 ሎኦ ሚሺ ዪቤና።
 (ኩኒ ፓጸና) ገዲ አሞቲዳስ፤
 ገደ አቲን ዳጋማ ጸላ ገዲዳስ።
- 16 ሞርኬታ ፓራ ፔሮይ
 ዳኔ ካታማፔ ሲዬቲስ፤
 ኢስታ ዋዳላ ፓራታ ጫሻን
 ቢታይ ኡባይ ቃጾስ፤
 ቢታዮኔ ቢታይ ቦላ
 ዲዛ ኡባ፤
 ካታማዮኔ ኢዚን ዲዛ ኡባ
 ሚታናስ ዪዳ» ጌቲስ።
- 17 ጎዳይ፡ «ቤኢቲ፡
 ታኒ ማርዜራ ዲዛ ሾሻታ፡
 ሙሬኒዛይታ ሂላቲላ
 ቲቃናስ ዳንዳዮንታ
 ሃሶ ሾሻታ
 አንቲ ገደ ዪዳና፤
 ኢስቲ አንቲና ዲካና» ጌሰ።

ኤርምያ ዳራሰ ጨጨዳ ጨጨ

- 18 ታ ጨጨዛ ዋዳ
 ታና ሚንሌላዛይሶ!
 ታ ዋዚናይ ኮሄ ሜቂዳስ።
- 19 ታ አሳይ ሃሆ ቢታን ዲሾ
 ዋሲዛ ዋሶ ሲያ።
 ኢስቲ፡ «ጎዳይ ጸዮኔን ዳኔ?
 ኢዚ ካዋይካ ሄን ዳኔ?»
 ገዲ ዋሴቲስ።
 ሂሰቲን ጎዳይ ኢዛስ፡
 «ኢስቲ ባሰ ማሲዳ ሚሰሌታን፡
 ሃዳ ገዲዳ ኤቃ ጸሳታን
 ታና አይሰ ሃንቁሊዳ?» ጌሰ።
- 20 ሂሰቲን አሳይ፡
 «ሄኮ ካላ ሸሾ
 ዋዳይ አዲዳስ፤
 ቦኔይካ ዉሪዳስ፤
 ኩኒካ አቲቤኮ»

- ገዲ ዋሴቲስ።
- 21 ታ ዳሬይ ማዲንጸሺን
 ታኒካ ማዲንጸዲሰ፤
 ዬካዲሲኔ ዳጋማዲሰ።
- 22 ጋላአዳን ቲዩዛ ቆሌይ ዳኔ?
 ዋይኮ ሄን አከሚይ ዳኔ?
 ሂሰቲን ታ ዳራ ማዲንላ
 አይሰ ፓጸቤኔ?

9

- 1 ሹኬቲዳ ታ ዳራ ገሻሰ ኦማርሲኔ
 ጋላሰ ታ ዬካና ማላ
 ታ ሁኤይ ሃላ ኦላ፡
 ታ አይፊቲካ ፑልቶ ማላ
 አፋንላ ጎጊሲዳኮ
 ታ አይ ማላ ደሳንዲና!
- 2 ታኒ ታ ዳራፔ ሻኬታዳ
 ሃካ ባና ማላ
 ባዞን ማንዳራይ አቁዛሶሆ
 ታሰ ኦኔ አማናይ!
 ኢስቲ ኡባይካ ላይማቲዛይታኔ
 ባሌላዛይታ ገዲዳ።
- 3 ጎዳይ፡ «ኢስቲ ባንታ አንጸርሰ
 ዋርዶ ሃሳያናሰ
 ዋንዳፊ ማላ ገግሲዳ፤
 ቱማን ገደንታ ዋርዶራ
 ቢታይ ቦላ ሚኒዳ፤
 ኢስቲ ኢታ ቦላ ኢታ
 ጉጂ ጉጂ ቢዳ፤
 ታናካ ኤሬቲና» ጌሰ።
- 4 ቃሴካ ጎዳይ፡
 «አሻይ አሻ ባሌላስ፤
 ላጌይ ባ ላጌ ዘጊሬሰ፤
 ሄሳ ገሻሰ አሻይ
 አሻፔ ናጌቶ፤
 ላጌይ ባ ላጋን አማኔቶፎ።
- 5 ላጌይ ባ ላጌ ጨሜሰ፤
 ቱማ ሃሳይዛይ ዳና፤
 ኢስቲ ባንታ አንጸርሰ
 ዋርዶ ሃሳያ ታማርሲዳ።
 ናጋራ ኦሶን
 ባንታና ዳቡርሴቲስ።
- 6 ኔኒ ባሌላይ ኩሚዳሶን ዳሳ፤
 ኢስቲ ባንታ ጨሞ ጋሶን ታና
 ኤራና ኮዩቤቲና» ጌሰ።
- 7 ሄሳ ገሻሰ ኡባፊ
 ዋልቃማ ጎዳይ፡
 «ታኒ ኢስታ ቢራታ ማላ
 ፓጫዳ ሴሪሳ ጌሻና።
 ታ ዳራ ናጋራ ገሻሰ
 ታ ሃይሳፊ ሃራ
 አይ ኦላና ዳንዳያዚና?
- 8 ኢስታ አንጸርሳይ
 ዋዲዛ ዪሻ ማላ፤
 ኢስቲ ጨሞ ሃሳያ ሃሳዬቲስ።
 ኡባይካ ባንታ ላጌታራ
 ሲቆ ቃላን ሃሳዬቲስ፤
 ገደ አቲን ባንታ ዋዚናራ
 ዋጸማዳ ገጊሴቲስ።

9 ሂሰቲን ሃይታ ሃ የኦታ ገሻሰ
 ታ ኢሰታ ቃጸያና ቤሴኔ?
 ታኒ ታ ሁኤስ ሃይሳ ማላ
 ካዎቲላ ቦላ
 ሃሎ ከሲኪና?» ጌሰ።

10 ታኒ ቃቃ ዳሬታሰ
 ዬካናኔ ዋሳና፤
 ባዞን ሃንጻሶሆታሰ
 ካዮታና።
 ጋሶይካ ኢሰቲ ጳይዳ፤
 ሄራ ኢሲ አሲኔ ካንጮና።
 ማሄ ዋሶይ ሲዬቲና፤
 ሳሎ ካፎቲኔ ደኣቲ
 ባቃቲዲ ቢቸዳ።

11 ጎዳይ፡ «ዬሩሳሌም ካታማ
 ታኒ ቡጵቲ ካይዚዳሶኔ
 ዋራካናቲ ካኢዛሶ ኦላና።
 የሁዳ ካታማታካ
 አሲ ባይንዳሶ
 ቡላ ከሳና» ጌሰ።

12 ሄሳ አከካናሰ ዳንዳይዛ አቋ ኤራንቻይ ኦኔ?
 ጎዳይ ኢዛሰ ቆንጨሰን ሃይሳ ኢዛሰ የታና
 ዳንዳይዛይ ኦኔ? ቢታያ አሲ ባይንዳ ካይሰ አይሰ
 ገዳዳ?

13 ጎዳይ፡ «ሃይሲ ሃኒዳይ ኢሰታሰ ታኒ ኢሚዳ ዋጋ
 ኢሰቲ አገዲ አዛዜቶንታ ገሻሲኔ ታ ማራ ካሎንታ
 አገዳ ገሻሳ።

14 ሂሰቲዳ ኢሰቲ ባንታ ዋዚና ሙሜቲላን ቢዲ
 ባንታ አዋቲ ታማርሲዳ ማላካ ባኣሌ ጌቲቲዛ ኤቃ
 ጸሳ ካሊዳ» ገዳሰ።

15 ሄሳ ገሻሰ ኡባፌ ዋልቃማ ጎዳ ኢሰራኤሌ
 ጸሳይ፡ «ቤኢቲ፡ ታኒ ሃ አሳ ጫሚዛ ቁማ ሚዛናኔ
 ማርዜራ ዲዛ ሃላ ኡሻና።

16 ኢሰታ ዋይኮ ኢሰታ አዋቲ ኤርንታ ካዎቲላታ
 ገደን ታኒ ኢሰታ ላሳና። ታኒ ኢሰታ ጳይሳና ጋካናሰ
 ማሻን ዬዳላና» ጌሰ።

ዬሩሳሌም አሳ ዚላሰ

17 ቃሴካ ኡባፌ ዋልቃማ ጎዳይ፡
 «አኔ ዬሆ ዬኪዛ ማጫሳታ ጸይገቲ፤
 ዚላሰ ሎኤላ ኤሪዛ ማጫሳታ ኤሂቲ።

18 ኢሰቲ ኤሶን ዬቶ፤
 ኑ አይፌራ አፋንላ
 ጎጋናሼ ጋካናሲኔ
 ኑ ሲጸንገላራ አፋንላ ፑልታና
 ጋካናሰ ኑ ገሻሰ ዚላሌቶ።

19 ጸዮኔን ዚላሳ ጩንጉርሲ ሲዬቲሰ፤
 ሱኒ ጳይደሰ!
 ኑኒ ከሂ ካወደደሰ!
 ኑ ከላ ላሌቲቸዳ ገሻሰ
 ኑ ቢታ አገዲ ዳንዲ ቦሰ)
 ገ ዚላሌቲሰ» ጌሰ።

20 ኢንቲኖ ማጫሳቶ!
 ጎዳ ቃላ ሲዩቲ!
 ኢንቲ ሃይላይ ኢዛ ደናፔ ከዚዛ
 ቃላ ኤዘጎ።
 ኢንቲ ማጫ ናይታ
 ዚላሰ ታማርሲቲ፤
 ኢሲኒያ ሃንኮር ዬሆ ታማርሱ።

21 ሃይቆይ ናይታ ኦጌፔ፡
 ናቴላ ናይታ ዱቡሻፔ
 ፒቲ ጳይሲዳሰ፤
 ኑ ማሰኮቲታራ ጌሊዳሰ፤
 ኑ ቆልኣ ገደ ካንላዳሰ።

22 ሄሳ ገሻሰ ጎዳይ ታና፡
 « አሳ አሃይ ቡራ ማላ
 ዳምባን ላሌታና፤
 ካላ ሺሺዛይቲ ጉዬን አገዳ
 ፑሹሎ ማላ አታና፤
 ኢሰታ ኦኒካ ሺሺና ጋ»
 ገዲ አዛዚዳሰ።

23 ጎዳይ፡ «አቋ ኤራንቻይ
 ባ አቋ ኤራቲላን ጩቁቶፎ፤
 ዋልቃማይ ባ ዋልቃን ጩቁቶፎ፤
 ዋይኮ ዱሬይ ባ ዱሬቲላን ጩቁቶፎ።

24 ገደ አቲን ጩቁቲዛ ኦኒካ
 ታኒ ጎዳ ገዲዳይሳ ኤርኒኔ
 ቢታ ቦላ ሲቆ፡ ሱራ ፒርዳኔ
 ጸሎቲላ ኦላዛይ ታና ገደይሳ
 አከንን ጩቁቶ።
 ታኒ ሃይታን ኡፋዬታይሰ» ጌሰ።

25 ቃሴካ ጎዳይ፡ «ቤኢቲ፡ ባንታ አሾ ጸላ ቃጸሬቲዳ
 አሳ ታኒ ቃጸያና ዋዳይ ዬሰ።

26 ሃይቲካ ገብጾ፡ የሁዳ፡ ኤደሜ፡ አሞኔ፡ ሞኣቤኔ
 ባንታ ሁኔ ጨሪ ሜዲዲ ባዞን ዲዛ አሳ ኡባታ። ሃ
 ካዎቲላታን ዲዛ አሳይ ኡባይ ቲሙካ ቃጸሬቲቤና፤
 ኢሰራኤሌ አሳ ኡባ ዋዚናይካ ቃጸሬቲቤና» ጌሰ።

10

ጸሴኔ ኤቃ ጸሳታ

1 ኢንቲኖ ኢሰራኤሌ አሳቶ!
 ጎዳይ ኢንቲሰ የቲዛ ቃላ ሲዩቲ!

2 ጎዳይ፡ «ካዎቲላታ ኦጌ
 ኢንቲ ታማርፒቲ።
 ኢሰቲ ሳሎ ቦላ
 ማላታ ቤኢዲ ሺርቲኮካ፡

3 ጋሶይካ ዳሬታ ዋጋይ ሃዳ።
 ኢሰቲ ሚላ ዋራፔ ቃንጾቲሰ፤
 ሂላይ ማሲ ገገሴሰ።

4 ኢሰቲ ቢራኒኔ
 ዋርቃን አሌቂሴቲሰ፤
 ቃጸንታ ማላ ናሪቃራ
 ሚሲማሪን ቋሺኪዲ
 ኦይሌቲሰ።

5 ኢሰታ ኤቃ ጸሳቲ
 ኢሰታ ካላ ገደን
 ደኣ ዳጋንጻናሰ
 ኤሲዛ ሚሰሌ ማላ።
 ሃሳያናሰ ዳንዳይቲና።
 ሄሚታናሰ
 ኢሰቲ ዳንዳዮንታ ገሻሰ
 አሳይ ኢሰታ ቶኬሰ።
 ኢሰቲ ኢታ ገዲን
 ዋይኮ ሎኦ ሚሽ
 ኢንቲ ቦላ ኦላናሰ

ዳንዳዮንታ ገሻሰ
 ኢስታሰ ሙሉካ ያዮፍቴ» ጌሰ።
 6 አቤት ጎዳወ!
 ኔ ማላይ ኦኒካ ዳና።
 ኔኒ ገታ፤
 ኔ ሱንሳይካ ገታኔ ዋልቃማ።
 7 አቤት ካዋቴላታሰ ካዋ!
 ኔሰ ያዮንታይ ኦኒ?
 ኔሰ ቦንቸይ ቤሴሰ፤
 ጋሶይካ ኣጼ ኤራንቻታ
 ጋርሳኒኔ
 ኢስታ ካዋቴላታ ኡባ ጋርሳን
 ኔ ማላይ ዳና።
 8 ሃዳ ገዲዳ ሚሳፌ ማሴቲዳ
 ኤቃ ጸሳታፔ
 ቲሚርቲ ታሚርዛ ኡባይ
 ኤያኔ ዳማ።
 9 ሄ ኤቃ ጸሳቲ ታርሴሴፔ
 ዪዳ ቢራኒኔ
 ኡፋዜፔ ዪዳ
 ዋርቃን ኣሌቁቲዳ።
 ኢስቲ ዋይኔ ኡሻኒኔ
 ኦቻ ቲራ ሚሳቲዛ
 ሚጳራ ዲዛ
 ማይኦን ካሚቲዳ።
 ኢስቲ ኡባይ ኩሼ ኦሶ
 ሂላታን ኦሴቲዳ።
 10 ገዶ ኣቲን ጎዳይ ቱሙ ጸሳ፤
 ኢዚ ዳኦ ጸሳኔ ሚርና ካዋ።
 ኢዚ ሃንቁቲዛ ዋዴ
 ቢታይ ቃጾሰ፤
 ካዋቴላቲካ
 ኢዛ ዪሎ ዳንዳዮቴና።
 11 ጎዳይ፡ «ኢንቲካ፡ ሂይቲ ሳሎኔ
 ሳኣ ሚጳንታ ጸሳቲ
 ሳኣፔኔ ሳሎ ጋርሳፌ
 ጳያና ጌታ» ጌሰ።
 12 ባ ዋልቃን ሳኣ ሚጳዲዳይ፡
 ባ ኣጼ ኤራቴላን
 ኣላሚ ኤሲዳይ፡
 ባ ኣኬካን
 ሳሎ ሚጨዳይ ጎዳ።
 13 ኢዚ ጉሚዛ ዋዴ፡
 ሳሎን ዲዛ ኡባይ ቃጾሰ።
 ኢዚ ሻራ ሳኣ ጋጾፔ
 ፑዴ ዳንፊሰ።
 ኢዚ ኢራራ ዳዳ ዬዴሰ፤
 ጫርኮካ ባ ሚንጃሶፔ ኬሴሰ።
 14 ኣሲ ኡባይ ኤራ ጳይዲ ዳሚዴሰ፤
 ዋርቃ ቤሪሰዛ ኣሲ ኡባይ
 ባ ኦሊዳ ኤቃ ጸሳታን
 ዬላቲዴሰ።
 ጋሶይካ ኤቃ ጸሳቲ ዋርዶ፤
 ኢስታሰ ሼዋፖይ ዳና።
 15 ኢስቲ ጮ ቁጴሰ
 ሚጴቲዳ ሚሻ።
 ፒርዳይ ኢስታ ቦላ ጋኪዛ ዋዴ
 ኢስቲ ጳያና።

16 ገዶ ኣቲን ያቆቤ ቃዳይ
 ሃይታ ማላ ገዴና።
 ጋሶይካ ኢዚ ኡባ ሚጳዲዳይ፤
 ኢሰራኤሌይ ዶሬቲዳ ዴሬ።
 ኢዛ ዶሪዳይሳ ሱንሳይ
 ኡባፌ ዋልቃማ
 ጎዳ ጸሳ።
 ቡርፔ ያና ኢታ
 17 ኢንቲኖ ሞርኬይ ገዶላዲዳቶ!
 ዲዛ ሚሽ ዲዛሶፔ ሺሺቴ።
 18 ጋሶይካ ጎዳይ፡
 «ታኒ ሃ ሳኣ ቦላ ዲዛ ኣሳ
 ሃኢ ጌዴ ካሬ ኬሳዳ ጎዳና።
 ኢስታሰ ኤሬታና ማላ
 ታ ኢስታ ቦላ ሜቶ ኤሃና» ጌሰ።
 19 ዋኖ ኣይ ሃኖ!
 ታ ማዲንሳይ
 ፓጾንታ ማዲንሳ።
 ገዶ ኣቲን ታ ታና፡
 «ሃይሲ ታ ሃርጌ፤
 ታኒ ዳንዳያናሰ ቤሴሰ» ጋዲሰ።
 20 ታ ዳንካይይ ላሌቲዴሰ፤
 ኢዛ ዋዶርይ ኡባይ ዲጾሬቲዴሰ።
 ታ ናይቲ ኡባይ
 ታፔ ሻኬቲዲ ቢቹዳ፤
 ሃይሳፌ ጉዬ ሲሚቴና፤
 ታ ዳንካና ዛሬዲ ቶላናሰ
 ዋይኮ ታ ማጋላሻ ካቃናሰ
 ሃኢ ኢሲ ኣሲኔ ኣቲቤና።
 21 ሃንሳንቻቲ ዳሚዳ፤
 ኢስቲ ጎዳ ኦይቹቤቴና።
 ሃሳ ገሻሰ ኢስታሰ ኢንጃቲቤና፤
 ኢስታ ዉዴ ኡባይ ላሌቲዴሰ።
 22 ሲዪቲ! ኢታ ዮኦይ ዩሳ ቦላ ዴሰ፤
 ሂሲ፡ «ፑዴሃ ባጋራ ዲዛ
 ካዋቴላን
 ጌታ ቡልኣኬቴላ
 ዩሳን ዴሰ» ገዛይሳ።
 ኢዛ ኦላንቻቲ ዪዲ
 ዩሁዳ ካታማታ ባዞኔ
 ዋራካናታ ዲሳሶ ኬሳና።
 23 አቤት ጎዳወ! ኣሳ ዴኦይ
 ኢዛዴ ኩሼን ደንታይሳኔ
 ባ ሃሚታካ ባርካ
 ባ ሼኔ ማላ
 ሎኤላና ዳንዳዮንታይሳ
 ታ ኤራይሰ።
 24 አቤት ጎዳወ! ታና ሴራ፤
 ገዶ ኣቲን ገናራ ገዶ።
 ታኒ ሙሉራ ጳዮንታ ማላ
 ኔኒ ሃንቆራ ታ ቦላ ዮፓ፤
 25 ያቆቤ ሙሉራ
 ሚ ሚቲዳይታ ቦላኔ
 ኔ ሱንሳ ጾይጎንታ
 ኣሳታ ቦላ ጉሳ።
 ኢዛ ዲሳሶካ
 ካይዚሲዳ ገሻሰ

ኔኒ ኔ ሃንቆዛ ኔና ኤርንታ
ዴሬታ ቦላኔ
ኔ ሱንሳ ጸይሳንታ
ካዎቴላታ ቦላ ጉሳ።

11

ኤርምያን ጎዳ ጫቆ ቃላ

1 ጎዳ፤ ኤርምያን ደዳ ቃላይ ሃይሳፊ ካሊዛይሳ፤

2 «ሃ ጫቆ ቃላታ ሲያ፤ ሂስታዳ የሁዳ አሳሲኔ
ዩሩሳሌም ካታማን ዲዛይታስ ዮታ።

3 ጎዳ ኢስራኤል ጸሳይ፤ ሃይሳ ጫቆ ቃላስ
አዛዜቶንታ አሲ ቃንጌቲዳይ ጊዶ።

4 « ሃይሲ አዛዘዚ ቤኒ ኢንቴ አዎታ ጊብጾ
ቢታፊ፤ ቢራታ ስሪሲዛ ጮጮ፤ ኬሲዛ ዎዳ ታ ቃላ
ሲዩዳኮ፤ ታ አዛዘ ናጊዳኮ ኢስቲ ታ ናይታ፤ ታኒ
ኢስታ ጎዳ ጊዳና ማላ ታኒ ኢስታስ ኢሚዳ ቃላ።

5 ሂሳን ማላኔ ኤሲ ጎጊዛ ቢታ ካሴ ኢንቴ አዎታስ
አማናስ ታኒ ጫቁዳ ጫቆ ፖላና፤ ጋዲስ» ጌሰ።
ታኒካ፤ «ኤር፤ ጎዳ፤ አሚን» ጋዲስ።

6 ሂሳፊ ጉዬ ጎዳይ ታስ፤ «ሃይሳ ታ ቃላ ኡባ
የሁዳ ካታማታኒ ዩሩሳሌም ኦጌታን፤ ሃ ጫቆ ቃላ
ሲዩቲ፤ ሲዩዲ ኢዛ ካላቲ።

7 ካሴ ኢንቴ አዎታ ታኒ ጊብጾ ቢታፊ ኬሶሳ፤ ሃኛ
ጋካናስ፤ ዛራ ዛራዳ፤ ታስ አዛዜቲቲ!» ጋዳ ስራዲስ።

8 ኢስቲ ጊዲኮ ባ ዎዘና ኢታቴላ ካሊዳ ኣቲን
ታስ አዛዜቲቤቲና፤ ባ ሃይላካ ሃ ታኮ ዩጊቤቲና፤ ሄሳ
ጊሻስ ኢስቲ ካላና ማላ ታ አዛዚዳ ጫቆ ቃላ
ፖሎንታ ኣጊዳ ጊሻስ ታ ኢስታ ቦላ ቃንጌላ ኤሃዲስ»
ጊዳስ።

9 ዛሪዳካ ጎዳይ ታስ፤ «የሁዳ አሳ ጊደኒኔ
ዩሩሳሌምን ዲዛይታ ጊደን ኢታ ማቆይ ዳስ።

10 ኢስቲ ካሴ ታ ቃላ ሲዮንታ ኢዲዲ ናጋራ
ኦሊዳ ባንታ አዎታ ማላካ ናጋራ ኦሊዳ፤ ኢስቲ ሃራ
ጸሳታስ ጎይኒዳኔ ኢስታ ካሊዳ፤ ኢስራኤል አሳይኔ
የሁዳ አሳይ ታኒ ካሴ ኢስታ አዎታራ ጫቁቲዳ ጫቆ
ቃላ ላሊዳ።

11 ሄሳ ጊሻስ ጎዳይ ኢስታስ፤ «ኢስቲ ባቃቲዲ
አታናስ ዳንዳዮንታ ሜቶ ታ ኢስታ ቦላ ኤሃና። ኢስቲ
ታኮ ዋሲኮካ ታ ሲዩኬ።

12 ሄ ዎዳ የሁዳ ካታማታ አሳቲኔ ዩሩሳሌም አሳቲ
ቢዲ ባንቲ ኤጸኔ ጩዋሲዛ ኤቃ ጸሳታስ ዋሳና፤ ጊዶ
ኣቲን ሜቶ ዎዳ ሄ ጸሳቲ ሙሊካ ኢስታ ማዳቲና።

13 ኢንቴኖ የሁዳ አሳቶ! ኢንቴ ጸሳቲ ኢንቴ
ካታማታ ከና ጮራ። ቃሴ ባኣሌ ጌቲቲዛ ሄ ዩላቲዛ
ጸሳስ ኤጸኔ ጩዋሳናስ ኢንቴ ኤሲዳ ያርሺዛሶሆቲ
ዩሩሳሌም ኦጌታ ከና ጮራ» ጌሰ።

14 «ኤርምያ፤ ኢስቲ ሜቶቲዲ ታና ዋሲኮ ታ
ሲዮንታ ጊሻስ ኔ ኢስታ ጊሻስ ታና ዎሶፋ፤ ኢስታ
ጊሻስ ጋናቶፓ ዎይኮ ኦይቸፋ።

15 ታ ሲቆያ ባ ኢታቴላ
ዳርታራ ቃጾሬላሽ
ታሳራ ኢዚስ
አዛ ጋይቶቴሌ ዲዛይ?
አዲኔቴሌ ዎይኮ
አሾ ያርሾይ
ኔና ቁጸቲፔ
አሻና ዳንዳይዜ?
ኔ ሄይታንታ ፖላዳ
ኤፋይታና ዳንዳይያ?

16 ጎዳይ ኔና፤ «ዲጪዛ፤
ሎኦ አይፊ አይፊዛ ዎጋራ ሚላ»
ጊዲ ሱንሳዲስ።

ጊዶ ኣቲን ኢዚ ዎልቃማ
ጎቲ ጫርኮ ጊሪሳን ጸጋና፤
ኢዚ ሃጋቲካ ሜቁራቲ ዎቆና።

17 «ኢስራኤል አሳቲኔ የሁዳ አሳቲ ባኣሌስ ኤጸኔ
ጩዋሲዲ ታና ዩሎሲዳ ጊሻስ ኢንቴና ቶኪዳ ኡባፊ
ዎልቃማ ጎዳይ ኢንቴ ቦላ ኢታ ሚሽ ኤሃናስ
አዎጃዲስ» ጊዳስ።

ኤርምያ ዎቆናስ ማቁቲዳ ማቆ

18 ጎዳይ ኢስታ ማቆ ታስ ቆንጪሲዳ ጊሻስ ታኒ
ኤራዲስ፤ ሄ ዎዳ ኢስቲ ኢታ ኦሊዛይሳ ኢዚ ታና
ቤሲዳስ።

19 ታኒ ሹካስ ካሌሊዲ ኤፊዛ ደርሳ ላቃ ማላ
ጊዳዲስ። ኢስቲ ታ ቦላ፤ «ኣኔ ኦኒ ሚላ ቃንጸዲ
ኢዛ አይፊዛራ ጋሊ ቆይሶስ። ኢዛ ሱንሳይ ሙሊካ
ሃሳኤቶንታ ማላ፤ ኣኔ ኦኒ ኢዛ ፓጸ ዲዛይታ ጊዶፊ
ቆቃሊዲ ቆይሶስ» ጊዲ ኢስቲ ማቁቲዳይሳ ታኒ
ኤራቤኬ።

20 ዎዘና ከላሆ ፓጫ ጸሊዛ

ኡባፊ ዎልቃማ ጎዳዉ!

ታ ዮኦታ ኔስ አማዲስ፤

ኔኒ ኢስታ ቦላ

ሃሎ ኬሲሽን

ታ ቤያና።

21 ሄሳ ጊሻስ፤ «ጎዳ ሱንሳን ቲንቢቴ ዮቶፓ፤ ኔ
ዮቲኮ ኦ ኩሼን ሃይቃና» ጊዲ ኔና ዎቆናስ ኮይዛ
ኣናቶቲ ኣሳ ጊሻስ ጎዳይ ጊዛይሲ ሃይሳ።

22 ኡባፊ ዎልቃማ ጎዳይ፤ «ታኒ ኢስታ ቃጸያና፤
ኢስታ ናቲላ ናይቲ ማሻን ሃይቃና፤ ኢስታ ማጫ ናይቲኔ
ኣቲማ ናይቲ ኮሻን ሃይቃና፤

23 ኢስታፊ ኢሶይኔ ኣቲና፤ ጋሶይካ ታኒ ኢስታ
ቃጸዩዛ ላይላ ኣናቶቲ ኣሳ ቦላ ኢታ ሚሽ ኤሃና»
ጌሰ።

12

ኤርምያ ኦይሻ

1 ኣቤት ጎዳዉ!

ታኒ ኔናራ ፓላማቲዛ ዎዳ

ኡባንካ ኔ ጸሎ።

ኢታ አሳቲ ኦሊዛይሲ

ኢስታስ ኣይስ ኢንጃቲዜ?

አማኔቶንታይቲ

ኣይስ አሻሎ ዲስ ዲዛ?

2 ኔኒ ኢስታ ቶካዳሳ፤

ሂስቲን ጸጸ ዩዲዳ፤

ዲጪዲ ኣይፊ ኣይፊዳ።

ኢስቲ ኔና ደናፔ ዩጌቲና፤

ኔኒ ጊዲኮ ኢስታ ዎዘናፔ

ሃኮን ዳሳ።

3 ጊዶ ኣቲን ኣቤት ጎዳዉ!

ኔኒ ታና ኤራሳ።

ታና ቤኣሳ፤

ታኒ ኔስ

ኣይ ቆፒዛኮ ፓጫሳ።

ሹኬታና ቢዛ ደርሳታ ማላ

ኔኒ ኢስታ ላጋ!

ሹካ ጋላሳስ ኢስታ ዲማ
 ሻካ ዋላ!
 4 ኢራይ ቆይን ቢታይ
 ኣይይ
 ጋካናስ ማላኔ?
 ማታይካ ኣይይ ጋካናስ ማላኔ?
 ኣሳ ኢታቴሳፌ ዳንዲዲይሳን
 ማደሳቲኔ ካፎቲ ቆይዳ።
 ሄሳ ቦላካ ኣሳይ።
 «ጎዳይ ኩ ኦሊዛይሳ
 ዳማና» ጌሰ።

ጎዳይ ኤርምያ ኦይሻስ ኢሚዳ ዛር

5 ጎዳይ ኤርምያሳስ።
 «ኔኒ ቶሆን ዋጺዛ ኣሳታራ
 ዋጺዳ ደቡርኮ
 ፓራራ ዋና ጋዴ ዋጺኔ?
 ኔኒ ሳር ቢታን ቆጵጵቲኮ።
 ዮርዳኖሴ ዋራ ጋርሳን
 ዋና ሄማታኔ?»

6 ኔ ኢሻቲኔ
 ኔ ሶሆ ኣሳቲ
 ኔና ሂሊዳ፤
 ኔ ቦላ ዋሲዳ፤
 ሄሳ ጊሻስ ኢስቲ ኔስ
 ሎኦ ሃሳይኮካ
 ኔ ኢስታ ኣማኖፓ።

7 ታኒ ታ ኩላ ኣጋና፤
 ታ ጸንጸዮካ ዩጋ ኣጋና፤
 ታኒ ታ ሰቁዛ ኣሳ
 ኢስታ ዋርኬታ ኩሼን
 ኣላ ኢማና።

8 ታ ጸንጸያ
 ዋራ ጊደን ዲዛ ጋሞ ማላ
 ታ ቦላ ዳንዲዳሰ፤
 ታ ቦላካ ጸጋዲሰ፤
 ሄሳ ጊሻስ ታኒ ኢዞ ኢጸዲሰ።

9 ታ ጸንጸያ ጸርጮቲ
 ማና ጊደላዳ
 ካፎ ማላ ጊደቤኬ?
 ቢዲ ዋራ ደኣታ
 ኡባ ሺሺቲ፤
 ኢስቲ ኢዞ ዲላላ
 ማና ማላ ጸይጊቲ።

10 ዳር ሄንላንቻቲ
 ታ ዋይኔ ቱራ ሶሆ ሞሪዳ፤
 ታኒ ኢዛን ኡፋይቲዛ
 ታ ጋዴዛ ቡላሲዳ።

11 ሄ ቢታይ ታ ስንላን
 ባዞ። ቡላኔ
 ማላ ቢታ ጊዳና፤
 ኢዚስ ቆፐዛይ ባይንዳ ጊሻስ
 ቢታያ ባዞ ጊዳና።

12 ባዞን ዲዛ ዙሞቡላታ ቦላፌ
 ቆይሲዛይቲ ያና፤
 ጋሶይካ ጎዳ
 ማሻይ ቢታ
 ሃ ጋጸፐ
 ሄ ጋጸ ጋካናስ ማና።
 ሄሳ ጊሻስ

ኦኒካ ኣታናስ ዳንዳዬና።

13 ኢስቲ ጊስቲ ዜሪዲ
 ኣፑንላ ጫካና፤
 ኢስቲ ዳር ደቡራናሺን
 ኣይኮካ ዳማቲና፤
 ዳር ዜሪዲ ጎዳ ሃንቆ
 ጋሶን ኢንቲ ጉላ
 ዳሚዲ ዬላታና» ጊዳሰ።

14 ጎዳይ። «ታኒ ታ ዳሬ ኢስራኤሌስ ኢሚዳ ጸንጸ
 ቢታ ኦይኪዛ ኢታ ሾርታ ታኒ ኢስታ ኢስታ ቢታፌ
 ቆቃላና። ቃሴ ዩሁዳ ኣሳታካ ኢስታ ጊደፌ ቆቃላና።

15 ጊደ ኣቲን ታኒ ኢስታ ኢስታ ቢታፌ ቆቃሊዳፐ
 ጉዬ ዛራዳ ማራና፤ ታኒ ኢስታ ዳሬኒኔ ኢስታ ጸንጸን
 ጸንጸን ዛራ ኤሃና።

16 ካሴ ታ ኣሳ ባኣሌ ሱንላን ጫቃና ማላ
 ታማርሶይሳሳካ። «ጎዳይ ቤኣን!» ጊዲ ታ ሱንላን
 ጫቁኮ ኢስቲ ታ ኣሳ ጊደን ጸጵዲ ዳና።

17 ታ ጊዛዝ ኤኮንታ ካዋቴላ ዲኮ ታ ኢዛ
 ሙሌራ ቆቃላ ቆይሳና» ጌሰ።

13

ላይናፔ ኦሴቲዳ ዳንጮ

1 ጎዳይ ታና። «ባዳ ላይናፔ ኦሴቲዳ ዳንጮ ሻማዳ
 ኔ ጸሳን ዳንጫ፤ ጊደ ኣቲን ሃላን ቦሺሶፓ» ጊዳሰ።

2 ሄሳ ጊሻስ ታኒ ጎዳይ ኣዛዚዳ ማላ ዳንጮ
 ሻማዳ ታ ጸሳን ዳንጫዲሰ።

3 ጎዳ ቃላይ ናሞኣንላ ታኮ ዩዲ።

4 «ኔኒ ሻማ ዳንጫዳ ዳንጫዛ ኤካዳ ኤፊራዲሴ
 ሻፋ ባ፤ ሂሰታዳ ዛላ ዛኣ ጊደን ቆታ» ጊዳሰ።

5 ሂሰቲን ታኒ ጎዳይ ታስ ዮቲዳ ማላ ኤፋዳ
 ኤፊራዲሴ ሻፋ ላንቄን ቆታዲሰ።

6 ዳር ጋላሳፌ ጉዬ ጎዳይ። «ዳንዳ ኤፊራዲሴ ሻፋ
 ባዳ ታኒ ኔና። «ሄን ቆታ» ጊዳ ዳንጫዛ ኬሳ» ጊዳሰ።

7 ሂሰቲን ታኒ ኤፊራዲሴ ሻፋ ባ ቦካዳ ዳንጫዛ
 ታ ቆቲዳሶፔ ኬሳዲሰ፤ ጊደ ኣቲን ሄ ዳንጫዚ
 ሞሬቲዲ ሙሌራ ጎኔንታዝ ጊዲዳሰ።

8 ሄሳፌ ጉዬ ጎዳ ቃላይ ታኮ ዩዲ።

9 «ጎዳይ ታኒ ዩሁዳ ኣሳ ኦቶሬቴላኔ ዩራሳላማ ኣሳ
 ጩቁቴላ ሄሳ ማላ ቆይሳና።

10 ታ ቃላ ሲዮንታ ኢዲዲ። ባንታ ዋዚና ሙማቴላ
 ካሊዲ። ኤቃ ጸሳታስ ኦላናሰኔ ጎይናናሰ ቢዛ ሃ ኢታ
 ኣሳይ ሃይሳ ዳንጫዛ ማላ ሙሌካ ጎኔንታይሳ ጊዳና።

11 ዳንጫይ ኣሳ ጸሳ ባቂ ኦይኪዛ ማላ ዩሁዳ
 ኣሳይ ኡባይኔ ኢስራኤሌ ኣሳይ ኡባይ ታኮ ሺጵ ጋና
 ማላኔ ታ ሱንላስ ጋላታኔ ቦንቾ ኢማና ማላ ታ ኦሊን
 ኢስቲ ታ ጊዛዝ ሲዩቤቴና» ጌሰ።

ዋይኔ ኡሻ ኦቶ

12 ቃሴካ ጎዳ ኢስራኤሌ ጸሳይ። «ኤርምያ!
 ኣሳሰ። «ኦቶ ኡባን ዋይኔ ኡሻይ ኩማና» ጌሰ። ኢስቲ
 ኔስ ዛሪዲ። «ኦቶ ኡባን ዋይኔ ኡሻ ኩማናይሳ ዋኒ ኦ
 ኤርኮን?» ጊኮ።

13 ኔኒ ኢስታሰ። «ጎዳይ ታኒ ሃ ቢታን ዲዛ ኣሳ
 ኡባ። ዳዊቲ ካዋቴላ ኣራታን ኡቲዛ ካዋታ። ቄሴታ።
 ናቤታኔ ዩራሳላማን ዲዛ ኣሳ ኡባካ ታ ዋይኔ ኡሻን
 ማላሳና።

14 ታኒ ኢሲ አሰ ሃራ አሳራ፥ አዋ ሩራ ኦሻና፤ ታኒ ኢሰታ ዳይሳና አቲን ኢሰታሰ ሚሾቲኬ፤ ቃዴቲኬ፤ ማሪኬ፤ ጌሰ ጋ» ጌዴሰ።

ኦቶሬቴሌ ኤሂዛ አይፊ

- 15 ጎዳይ ዮቲዴሰ፤
 ዋዚናን ዋላ ሲዩቴ፤
 አገቱ ኦቶራንቻ ጌዶፒቴ።
- 16 ኢዚ ዱማ ኤሆንታ ዲሺን
 ዱሚዳ ዙማታ ቦላ ኢንቴ ቶሆይ
 ዱዴቶንታ ዲሺን
 ጎዳሰ ኢንቴ ጸሳሰ
 ቦንቾ አሚቴ፤
 ኢንቴ፥ «ፖኦይ ያና»
 ጌዲ ሩጌታ፤
 ጌዶ አቲን
 ኢዚ ዱማን ለማና፤
 ሳካና ዱማ ኦላና።
- 17 ኢንቴ ሲዮንታ ኢዲኮ፥
 ኢንቴ ኦቶሬቴላ ገሻሰ
 ታ ሼምፖያ ጌማን ዩካና፤
 ጎዳ ወዴይ
 ዲኤቲ ቢቺዳ ገሻሰ
 ታኒ ጫሞ ዩሆ ዩካይሰ፤
 ታ አይፊፕ አፋንላ
 ሃላ ማላ ጎጌሰ።
- 18 ጎዳይ ታና፥ «ካዋዛሰኔ
 ኢዛ አዮ ጎዳቲይሰ፥
 ሳኒቴ ቦንቾ ካላቻይ
 ኢንቴ ሁኤፕ
 ዋዳና ገሻሰ፥
 ኢንቴ ካዋቴላ አራታፕ
 ዲጌ ዋዳቴ።
- 19 ኔጌቤ ቢታን ዲዛ ካታማቲ
 ኡባይ ጎርዳታና።
 ኢሰታ ደያናዴይካ ዴና፤
 ዩሁዳ አሳይ ኡባይ
 ዲኤቲዲ ባና፤
 ኢሰታ ኦጌይካ
 ጎርዳታና ጋ» ጌዴሰ።
- 20 ቃሴካ ጎዳይ፥ «አኔ ዶቁ ጌዲ
 ፑዴሃ ባጋፊ ዩዛይታ ዴሊቴ፤
 ኢንቴሰ አሚቲዳ ወዴይ፥
 ኢንቴ ጨቁቲዛ ደርሳቲ
 አዋን ዲዞ?»
- 21 ኔኒ ኔሰ ዳቦ ጌዳና ማላ
 ኮዩዳይቲ ኔና ጸኒዲ
 ሃሪዛ ዋዴ
 ኔ አይ ጋኔ?
 ዩሎ ሚጸይ ኦይኪዳ
 ማጫሳ ማላ
 ኔና ሚጸይ ኦይኬኔ?
- 22 ኔኒ ኔ ዋዚናን፥
 «ሃይሲ ኡባይ ታ ቦላ
 አይሰ ጋኪዳ?» ጌኮ፥
 ኔ ማይኦይ ቃሬቲን
 ኔ ሱጌቲዳይ፥
 ኔ አሳ ኩሺን ዋዩ ቤኢዳይ
 ኔ ናጋራይ ዳሪዳ ገሻሳ።
- 23 ቱሙ ቶጵያ አሲ ባ ሚዳ፥

- ዋይኮ ማሂይ ባ ማሳራቴላ
 ለማናሰ ዳንዳይዜ?
 ኢንቴ ኢታ ኦላ ሜዘቲዳይቲ
 ሎኦ አላናሰ
 ዳንዳይኬታ» ጌዴሰ።
- 24 ጎዳይ፥ «ባዛ ጫርኮይ
 ሱላ ላሊዛ ማላ
 ታኒካ ኢንቴና ላላና።
- 25 ኢንቴ ታና ደጊዳ ገሻሰኔ
 ዋርዶ ጸሳታን
 አማኔቲዳ ገሻሰ
 ኢንቴ ሳማይኔ
 ኢንቴ ቃዳይ ሃይሳ።
- 26 ኢንቴ ካሎቴሌ
 ቤታናሼ ጋካናሰ
 ታኒ ኢንቴ ማይኦ ቃራዳ
 ኢንቴ ሲንሳ ካማና።
- 27 ኢንቴ ዙሞቡላታ ቦላኔ
 ዴምባን ኦላዳ ሃራሲዛ ኦሶ
 ታኒ ቤኢዲሰ፤
 ኢንቴ ላይማቴላኔ ኢንቴ ዚታ
 ሃኖታ ታ ቤኢዲሰ፤
 ዩሩሳላሜ ኔሰ አይ አና!
 ኔኒ አይዴ ጋካናሰ
 ኔ ቱናቴላፊ
 ጌዮንታ ዳኔ?» ጌሰ።

14

ኮሻ፥ ጋፋኔ አላ

- 1 ጎዳይ ኮሻ ገሻሰ ኤርምያሰ
 ዮቲዳ ቃላይ ሃይሳፊ ካሊዛይሳ፤
- 2 «ዩሁዳ ቢታይ ዩኬሰ፤
 ካታማቲካ ፖርቁ ጌቲሰ፤
 አሳይ ቢታ ቦላ ኡቲዲ ጨጫሰ፤
 ዩሩሳላሜፕካ
 ዋሶይ ሴቴቲሰ።
- 3 ዱሬቲ ባንታ አይሌታ
 ሃላ ዱቃናሰ ከቴቲሰ።
 ኢሰቲካ ሃላ ኦላይ
 ዲዛሶ ቤቲሰ፤
 ጌዶ አቲን ሃላ ዴማቴና፤
 ባንታ ኦቶ ሚላ
 ቶኪ ኤኪዲ ሰሜቲሰ።
 ዩላቲዲኔ ሂዶታ ቃንጸዲ
 ባንታ ሁኤ ጉሉንቴቲሰ።
- 4 ኢራይ ቡኮንታ ገሻሰ
 ቢታይ ሚሊዲ ዛኤሰ።
 ጎሻንቻቲ ዩላቲዲ
 ባንታ ሁኤ ጉሉንቴቲሰ።
- 5 ማታይ ባይንዳ ገሻሰ
 ቆርኬይ ባ ዩሊዳ ማራ
 ዴምባን ዩጋዳ ባወሰ።
- 6 ሃርዲዳቲ አይኮይ ባይንዳ
 ዙሞቡላታ ቦላ ኤቁዳ፤
 ዋራካናታ ማላ
 ሃላ ኮዩዲ ሌሶቴቲሰ።
 ኢሰታሰ ሚዛ ሚሺ
 ዳይዳ ጋሶን ኢሰታ አይፊይ
 ዴላናሰ ዳቡርዴሰ» ጌዴሰ።

7 አሳይ፡ «አቤት ጎዳወ!
 ኔ ሲንሳፊ ባቃታ ዳርሲደሰ፤
 ኔ ሱንሳ ገሻሰ
 ኮሰ ኢሲ ሚሽ ኦላ፤
 ኮኒ ኔፔ ዳርቲ
 ጉዬ ሲሚደሰ፤
 ኔ ቦላን ናጋራ ኦሊደሰ።»

8 አቤት ኢሰራኤል ሂደታወ!
 ሜቶ ዋዳ አሽዛይሶ!
 ኔኒ ቢታን አማላ ማላ፡
 ኢሲ ኦማርስ አቁዲ ቢዛ
 ኦጌ አሳ ማላ አይሰ ሃናይ?

9 ኔኒ ሃኒዛዚ ጳይዳ አሳ ማላ፡
 አሻናሰ ዋልቃይ ጳይዳ
 ኦላንቻ ማላ አይሰ ገዳይ?
 አቤት ጎዳወ!
 ኔኒ ኦ ገደን ዳሳ፤
 ኮኒካ ኔ ሱንሳን ጸይጌቲደሰ፤
 ኮና ኔኒ አጎፋርኪ!» ገደሰ።

10 ሃ አሳታ ገሻሰ ጎዳይ፡
 «ኢሰቲ ቶይላቴቱላ ከሂ ደሴቲሰ፤
 ባንታ ቶሆ ናጌቴና።
 ሂሳ ገሻሰ ጎዳይ
 ኢሰታን ኡፋዬቴና፤
 ሃኢ ኢዚ ኢሰታ ቆሆ ቆፕሰ፤
 ኢሰታ ናጋራ ጋሶን
 ኢሰታ ቃጸዬሰ» ገደሰ።

11 ሂሳፊ ጉዬ ጎዳይ ታና፡
 «ሃ ዳራ ሎኦቴሳሰ ዋሶፋ።»

12 ኢሰቲ ጸሚ ዋሲኮካ
 ታኒ ኢሰታ ዋሶ ሲዩኬ፤
 ጸጌቲዛ ያርሾኔ
 ካላ ያርሾዛ
 ኢሰቲ ያርሾኮካ
 ታኒ ኢሰታ ያርሾዛ ኤኪኬ።
 ታኒ ኢሰታ ማሻን፡
 ኮሻኒኔ ኢታ ሃርጌን
 ጳይሳና» ገደሰ።

13 ሂሰቲን ታኒ፡ «አቤት ኡባፊ ዋልቃማ ጎዳወ!
 አዬ አና! ናቤቲ ኢሰታሰ፡ ለንቴ ኦላ ቤኤኬታ ዋይኮ
 ኮሻይ አንቴና ዳሜና፤ ታኒ አንቴሰ ወርሴላ ጋካናሰ
 ሳርቴላ አማና» ገደሰ።

14 ሂሰቲን ጎዳይ ታሰ፡ «ናቤቲ ታ ሱንሳን ዋርዶ
 ዮቴቲሰ። ታኒ ኢሰታ ኪታቤኬ፡ አዛዛቤኬ፡ ኢሰታሰካ
 ዮታቤኬ። ኢሰቲ አንቴሰ ዋርዶ አጂታ፡ ሙሬኖ ዮኦ፡
 ሃዳ ዮኦኔ ባንታ ዋዚናን ዲዛ ባሌላ ዮኦ ዮቴቲሰ።»

15 ሂሳ ገሻሰ ታ ኪቶንታ ዲሺን፡ ለላይኔ ኮሻይ ሃ
 ቢታይ ቦላ ዬና» ገደሰ ታ ሱንሳን ዋርዶ ተንቢቲ
 ዮቴዛ ናቤታ ታኒ ኦላኒኔ ኮሻን ጳይሳና።

16 ቃሴ ኢሰቲ ተንቢቲ ዮቴዳ ዳሬይካ ኮሻኒኔ ኦላ
 ጋሶን ዬሩሳላሚ ዲቡሻታን ኩንዳና፤ ኢሰታሰ፡ ኢሰታ
 ማቼታ፡ ኢሰታ አቲማ ናይታኔ ማጫ ናይታ ኦሃ
 ሞጊዛይ ጳያና፤ ታኒ ኢሰታ ሞሮ ማላ ኢሰታ ቦላ
 ቁጸቲ ኤሃና» ገደሰ።

17 ሃ ቃላ ኢሰታሰ፡
 « ታ ዳሬይ

ከሂ ዳሼቲዲ
 ማዲንጺዳ ገሻሰ፡
 ታ አይፊቲ ኦማርሲኔ
 ጋላሰ ሼምፖንታ አፋንጾቴሰ።»

18 ታኒ ጋጸሬ ቢኮ፡
 ማሻን ሃይቁዳይታ ቤአይሰ፤
 ካታማ ጌሊኮ
 ኮሻይ ወርሲዳይታ ቤአይሰ።
 ናቤቲኔ ቁሴቲ
 ባ ኤርንታ ዳሬ ባቃቲዳ፡
 ጌሰ ጎዳይ» ገደሰ።

19 አቤት ጎዳወ!
 ኔኒ ዩሁዳ ሙሌካ አጋዲ?
 ጸዮኔ አሳ ሃራሴታዲ?
 ኔኒ ኮና ፓጸንታ ማላ
 ኦላዳ አይሰ ዳቻዲ?
 ኮኒ ሳርቴላ ናጌደሰ፤
 ገደ አቲን ሳርቴላ
 ዳሚቤኮ፤
 «ፓጸና ዋዳይ ያና»
 ገደ ናጌደሰ፤
 ገደ አቲን ዳጋማ ጸላ ገደዳደሰ።»

20 አቤት ጎዳወ!
 ኮኒ ኦ ኢታቴላ ኤሪደሰ፤
 ኦ አዋታ ቆሆካ አኬኪደሰ፤
 ቱማፕካ ኔ ቦላ
 ናጋራ ኦሊደሰ።

21 ኮና ኔ ሱንሳ ገሻሰ
 ጋዳ ካጵፓርኪ!
 ኔ ቦንቾ አራታ ካወሾፋ።
 ኔኒ ኮናራ ጫቁቲዳ
 ጫቆዛ ቆፓ፤
 ኔ ጫቁዳ ቃላ ሞፓ።

22 ካዋቴላታ ኤቃ ጸሳቲ
 ኢራ ቡኪሳና ዳንዳይዞ?
 ሳሎቲ ባ ሼኔን
 ፑሴ ዲጌ ዬዳናሰ ዳንዳይዞ?
 ዳንዳይቴና፤
 አቤት ኦ ጎዳወ!
 ሂሳ ኡባ አላና
 ዳንዳይዛይ ኔና፤
 ሂሳ ገሻሰ ኮኒ ኔናን
 ሂደታ ኦላሰ።»

15

የሁዳ አሳ ቦላ ጋካና ፒርዳ
 1 ሂሳፊ ጉዬ ጎዳይ ታሰ፡ «ሙሴይኔ ሳሚሊ ታ
 ሲንሳን ኤቁዳኮካ ታ ዋዚናይ ሃ ዳራሰ ሚሼቴና፤
 ኢሰታ ታ ሲንሳፊ ዲጋ፤ ኢሰቲ ቤቶ።»

2 ቃሴ ኢሰቲ ኔና፡ ለኒ አዋ ቢና? ገደ አይቸኮ፡
 ኔ ኢሰታሰ፡ ሃይቆሰ
 ፒርዳቲዳይቲ ሃይቃና፤
 ማሻሰ ፒርዳቲዳይቲ
 ማሻን ሹኬታና፤
 ኮሻሰ ፒርዳቲዳይቲ
 ኮሻን ወራና፤

ዲኤታናስ ፐርዴቲዳይቲ
ዲኤቲ ባና።»

3 «ጎዳይ፣ ታኒ ኦይዲ ቆሞ ባሽ ኢስታ ቦላ ኤሃና፤
ሄይቲካ ኢስታ ዋዳናስ ማሻ፣ ኢስታ ኣሃ ጎቻናስ ካናታ፣
ኢስታ ኣሾዛ ሚዲ ዳይሳናስ ሳሎ ካፎታኔ ሳኣ ደኣታ።»

4 ሂዘቂያሳ ና፣ ዩሁዳ ካዎ ሚናሴይ ዬሩሳሌምን
ኦሊዳ ፓላ ጊሻስ ታኒ ኢስታ ቦላ ሳኣ ካዎቲላታ
ኡባስ ዲጋንሊዛዝ ኦላና፣ ጌስ ጋዳ ዮታ» ጊዴስ።

5 «ሃኔ ዬሩሳሌም!
ኔስ ኦኔ ቃዴታናይ?
ኔስ ሚሼታናይ ኦኔ?
ኔ ሎኤቲላ
ጌሊ ኦይቻናይ
ኦኔ?» ጌስ።

6 «ኔ ታና ኢጋዳሳ፤
ጉዬ ጉዬ ባሳ፤
ሄሳ ጊሻስ ታኒ ኔ ቦላ
ታ ኩሼ ዳጎላዳ
ኔና ዳይሳና፤
ሃይሳፌ ጉዬ ኔስ ቃዴቲኬ።»

7 ታኒ ኢስታ ካላ ሱራጊዛ ማላ
ሱራጋዳ ካታማታ
ፔንጌን ላላና፤
ኢስቲ ባ ኦጌፔ
ሲሞንታ ኣጊዳ ጊሻስ
ታኒ ታ ዴሬዛ ካዮን ኩጎላና፤
ኢስታ ቦላካ ባሽ ኤሃና።

8 ታኒ ኢስታ ኣሞኤታ ቆዳ
ኣባን ዲዛ ኣጠፎፔካ ዳርሳና፤
ሚኖ ኣዬታ ዳይሲዛዝ
ሴታ ጋላስ ታ ኢስታ ቦላ ኤሃና፤
ኢስቲ ቆፖንታ ዲሺን
ዳጋማኔ ሺሮ
ታ ኢስታ ቦላ ዬጋና።

9 ላፑን ናይቲ ሃይቂዳ ኣያ
ዳጋማን ዳቡራና፤
ፔናራ ዳያና
ኢዚስ ጋላሳይ ቃማና፤
ኢዛ ዬላታናኔ ካዉያና፤
ኣቲዳይታካ ሞርኬታ ማሻስ
ኣላ ኢማና» ጌስ ጎዳይ።

ኤርምያ ባ ሜቶ ጎዳስ ማጋኒዴስ

10 ታ ኣዬ! ሃና ፖራ!
ታኒ ኣስ ኡባስ ኦሻሲኔ
ፓላማስ ጊዳና ማላ
ኣይስ ታና ዬላዲ?
ታኒ ኦናስካ ታልኤ ኢማቤኬ፤
ኦናፔካ ታልኤ ኤካቤኬ፤
ጊዳ ኣቲን ኣሲ ኡባይ
ታና ቃንጌስ።

11 ጎዳይ፣ «ቱማፔ ታኒ ኔና
ሎኦ ሚሻስ ኣሻ ኤካና፤
ቱማፔ ኔ ሞርኬቲ
ሚቶ ዋዴኔ
ዋዬ ዋዴ
ኔና ሾባና ማላ
ታኒ ኦላና።»

12 ኣሲ ቢራታ፣ ፑዴሃ ባጋፌ ዩዳ ቢራታ
ዋይኮ ጸርቁማላ
ሚንላና ዳንዳይዜ?

13 ኔ ዴሬ ኡባን ኦሴቲዳ
ናጋራ ጊሻስ
ኔ ኣቆታ ኡባ ዲኢዛይታስ
ጮ ኣላ ኢማና።

14 ታ ሃንቆይ ኢንቲ ቦላ
ታማ ማላ ኤጸና፤
ሃሳ ጊሻስ ኔኒ
ኔ ኤሮንታ ቢታን
ኔ ሞርኬታስ
ታኒ ኔና ኣይሌሳና» ጊዴስ።

15 ኣቤት ጎዳዉ! ኔ ኤራሳ።
ታና ቆፓ፤ ሞካካ ጸላ፤
ታና ዬዴሊዛይታ ቦላ
ሃሎ ኬሳ፤
ኔ ዳንዳያንቻ ጊዲዳ
ጊሻስ ታና ዳይሶፋ፤
ኔ ጋሶን ታና ጋኪዛ ካዴዛ
ኔ ቆፓ።

16 ኣቤት ኡባፌ
ዋልቃማ ጎዳዉ!
ታኒ ኔ ሱጎላን
ጴይጌቲዳ ጊሻስ
ኔ ቃላይ ታኮ ዩን ማዲስ፤
ሂስቲን ኔ ቃላይ ታስ ፓሽካኔ
ዋዚና ኡፋይስ ኢማዴስ።

17 ጉፐዛይታራ ኡታቤኬ፤
ኢስታራካ ጉፐቤኬ።
ኔኒ ኔ ኩሼ ታ ቦላ
ዳንሊዳ ጊሻሲኔ
ኔ ሃንቆ ታ ቦላ ዬዲዳ ጊሻስ
ታኒ ታርካ ኡታዲስ።

18 ታ ቦላ ሃርጌይ ኣይስ ሚኒዴ?
ታ ማዲንላይ
ኣይስ ዳሪ ዳሪ ቢዴ?
ኣይስ ፓጸንታ ኢጲዴ?
ኔኒ ታስ ባሌሊዛ
ሻፋ ማላኔ
ጨሚዛ ፑልቶ ማላ
ኣይስ ጊዳዲ?

19 ሃሳ ጊሻስ ጎዳይ፣
«ኔኒ ሲሚኮ ታ ኔና
ዛራ ኤሳና፤
ኔካ ታስ ኦላና።
ሃዳ ዮኦ ኣጋዳ
ቦንቾ ቃላ ጸላ ሃሳይኮ
ኔኒ ታ ደና ጊዳና።
ኢስቲ ኔኮ ሲማና ኣቲን
ኔ ኢስታኮ ሲማካ።»

20 ታ ኔና ሃ ዴራስ
ጊምቤ ኦላና፤
ጸርቁማላፔ ኦሴቲዳ
ጊምቤ ማላ ሂስታና፤
ታኒ ኔና ኣሻናሲኔ
ዋላ ኤካናስ

ኔሩ ዲዛ ገሻሰ
ኢስቲ ኔሩ ኦሎታና ሺን
ኔሩ ጸኔቱና።

21 ኢታታ ኩሼፔ ታኒ ኔሩ ዎዛና፤
ሜንጾ ኢታታ ቆሆፔካ
ታ ኔሩ ኣሻና» ጌሰ።

16

ባሻ ጋላሰ

1 ጎዳ ቃላይ ታኮ ዪዲ፥

2 «ኔኒ ሃይሳን ማቾ ኤኮፋ፤ ኣቲማ ናካ፥ ማጫ ናካ
ዮሎፓ» ጌደሰ።

3 ሃ ቢታ ቦላ ዮሎፔካ ኣቲማ ናይታኔ ማጫ ናይታ
ገሻሰ፥ ኢስታ ዮሎዲ ኣይታኔ ኣዎታ ገሻሰ ጎዳይ፥

4 «ኢስቲ ኢታ ሃርጌን ሃይቃና፤ ኢስታሰ ዮሆይ ዳና፤
ሞጎካ ሞጌቲቲና፤ ኢስታ ኣሃይ ቢታ ቦላን ቡራ ማላ
ዮጌቲ ኣታና፤ ኢስቲ ማሻኒኔ ኮሻን ዉራና፤ ኢስታ ኣሃይ
ሳሎ ካፎታሲኔ ዎራ ዶኣታሰ ቁማ ጌዳና» ጌደሰ።

5 ጎዳይ ታሰ፥ «ታኒ ታ ኣንጆዛ፥ ታ ሲቆዛኔ ታ
ማርቲፋ ሃ ዳራ ቦላፊ ዳንፋዲሰ፤ ሃሳ ገሻሰ ዮሆ
ኬላ ጌሎፓ፤ ዮካናሲኔ ካዮታናሰ ሃ ቦፓ።

6 ዲራቴኔ ማንቆቲ ሃ ቢታይ ቦላ ሃይቃና፤ ኢስቲ
ሞጌቲቲና። ኢስታ ዮሆይካ ዮኬቲና፤ ኢስታሰ ባ ቦላ
ቃጫናይ ዳና፤ ባ ሁኔካ ቡጫናይ ዳና።

7 ካዮቲዛይታ ሚንጫናሰ ሾቾ ኤሃናይ ዳና፤ ቃሴካ
ኣዎይ ሃይቁዳ ዎይኮ ኣያ ሃይቁዳ ኣሰ ሚንጫናሰ ሾቾ
ኡሹ ኤሃናይ ዳና።

8 «ጌቢራይ ዲዛ ኬላካ ጌሎፓ፤ ማናሲኔ ኡያናሰ
ኢስታራ ኢሲፊ ኡቶፋ።

9 ታኒ ኢሰራኤሌ ጸሳይ ኡባፊ ዎልቃማ ጎዳይ፥
«ሃኮ፥ ታኒ ኡፋይሲኔ ኢሊሊሳ ጩንጉርሰ፥ ሚሺራዛ
ጩንጉርሲኔ ሚሺራይ ጩንጉርሲ ሃይሳፊ ታ ዲጋና፤
ሃሳ ኢንቲ ዎዳን ኢንቲ ኢንቲ ኣይፊራ ቤኣና» ጌሰ።

10 «ኔኒ ሃ ቃላ ኡባ ሃ ኣሳሰ ዮቲዛ ዎዳ ኢስቲ
ኔና፥ ሳዳይ ኣይሰ ሃይሳ ማላ ጌታ ባሻ ኑ ቦላ
ኣዎጂዳ? ኑኒ ኣይ ዎሪዶኒ? ጎዳ ኑ ጸሳሰ ኣይ ናጋራ
ኦሊደኒ?» ጌ ኦይቻና።

11 ሃ ዎዳ ኔኒ ኢስታሰ፥ «ካሴ ኢንቲ ኣዎቲ ታና
ኣገዳ ገሻሳ፥ ኢስቲ ኤቃ ጸሳታ ካሊዲ ኢስታሰ
ኦሊዳ ገሻሲኔ ጎይኒዳ ገሻሳ፤ ታና ኣገ ባቃቲዲ ታ
ዎጋ ናጎንታ ኢጲዳ ገሻሳ፤

12 ኢንቲ ካሴ ኢንቲ ኣዎታፔካ ኣጲዳ ኢታ ኦሊዳ
ገሻሳ፤ ቤኢቲ፤ ኢንቲ ኢሶይ ኢሶይ ኢንቲ ዎዚና
ኢታቲፋ ካሊዳታ፤ ታሰካ ኣዛዜቶንታ ኢጲዳታ።

13 ሃሳ ገሻሰ ታኒ ኢንቲና ሃ ቢታይፊ ዳንፋዳ ኢንቲ
ዎይኮ ኢንቲ ኣዎቲ ኤርንታ ቢታ ኤፋ ኦላና፤ ሃን ኢንቲ
ኤቃ ጸሳታሰ ጋላሲኔ ኦማርሰ ጎይናና። ታኒ ሙሌካ
ኢንቲሰ ቃጴቲኬ» ጋና» ጌደሰ።

ዲኤቲፋፊ ሲሞ

14 ጎዳይ፥ «ሃሳ ገሻሰ ኣሳይ፥ ሲሰራኤሌ ኣሳ
ጌብጾ ቢታፊ ኬሲዳ ጎዳይ ቤዪን» ጌዲ ጫቆንታ
ዎዳይ ያና።

15 «ጊደ ኣቲን ኢሰራኤሌ ኣሳ ፑዳሃ ባጋ ቢታፊኔ
ኢስታ ኢዚ ላሊዳ ቢታታ ኡባፊ ዛሪዲ ኤሂዳ ጎዳይ
ቤዪን» ጌዲ ጫቆና ዎዳይ ያና፤ ጋሶይካ ታኒ ካሴ

ኢስታ ኣዎታሰ ኢሚዳ ጸንጾ ቢታን ዛራዳ ኢስታ
ኤሃና» ጌሰ።

ያና ቁጸቲ

16 ጎዳይ፥ «ሃኢ ጌዲኮ ታኒ ሞሌ ኣይኪዛ ዳር
ኣሳታ ኪታና፤ ኢስቲካ ኣይካና። ሃሳፊ ጉዬ ታኒ ዳር
ሻንካቲዛ ኣሳታ ዮዳና፤ ኢስቲካ ዙማቲ ዲዛሶፔ፤
ዙሞቡላቲ ዲዛሶፔኔ፥ ዛላታ ጎንጎሎፔ ሻንካቲዲ
ኣይካና።

17 ታ ኣይፊይ ኢስታ ኦጌ ኡባ ቤኤሰ፤ ኢስቲ ታፔ
ጌሚቲና፤ ኢስታ ናጋራይካ ታ ኣይፊፔ ጌሚቤና።

18 ኢስቲ ታ ቢታ ኣሃ ማላ ጌዲዳ ሃራሲዛ ኤቃ
ጸሳታን ቲኒሲዳ ገሻሲኔ ታ ጸንጾካ ዮላቺዛ ሚሻታን
ኩንጫዳ ገሻሰ ታኒ ኢስቲ ኦሊዳ ቆሆዛ ገሻሲኔ ናጋራ
ገሻሰ ናሞኡ ኩሼ ቃጸያና» ጌሰ።

ኤርማሳ ዎሳ

19 ታሰ ሚናቴሌኔ ሚጸ ጌዳዳ

ሜቶ ጋላሰ ታ ሺቃ
ኣቲዛሶ ጌዲዳ ጎዳዉ!
ካዎቲፋቲ ሳኣ ጋጸፔ ኮኮ ዪዲ፥
«ካሴ ኑ ኣዎቲ
ባና ኣይኮካ ማደንታ
ኤቃ ጸሳታሰ ጎይኒዳ።

20 ኣሲ ባሰ ጸሰ
ሚፋናሰ ዳንዳይዜ?
ኤ ዳንዳያናሺን
ኢስቲ ሚፋዛይቲ
ቲሙ ጸሰ ጌዴቲና!» ጋና።

21 ጎዳይ፥ «ሃሳ ገሻሰ
ሃኢ ታ ኢስታ ታ ዎልቃኔ
ታ ጌታቲላ ታማርሳና፤
ኢስቲካ ታ ሱንፋይ
ጎዳ ጌዲዳይሳ ኤራና» ጌሰ።

17

ዩሁዳይ ኦሊዳ ናጋራ ገሻሰ ኢሚቲዳ ቁጸቲ

1 ጎዳይ፥ «ዩሁዳ ናጋራይ
ቢራታ ቢኢሬኒኔ
ሆጾ ኣልማዜ ጸራን ጸፊቲዳሰ፤
ኢስታ ዎዚና ቦላኔ
ኢስቲ ያርሺዛሶን ዲዛ
ካጩታ ቦላ ጸፊቲዳሰ።

2 ኢስታሰ ናይቲካ ኣቶንታ ጪሊላ
ሚላታ ጋርሳኒኔ
ጶቃ ዙሞቡላታ ቦላ ዲዛ
ያርሾሶታኔ
ኣሺር ጌቲቲዛ
ኤቃ ሚሰሌዮ ቆፔቲሰ።

3 ኔ ቢታን ኦሴቲዳ ናጋራ ጋሶን
ዙማታ ቦላኔ
ዙሞቡላታ ቦላ ዲዛ
ኔ ኣቆታ፥
ኔ ዲራቴሌኔ ኔ ጎይናሶታ
ታኒ ዲኦሰ ኣላ ኢማና።

4 ኔ ሞር ጋሶን
ታ ኔሰ ኢሚዳ ጸንጾዛፔ
ኔ ማላ ኣታና፤

ኔና ታኒ ኔ ኤርንታ ቢታን
 ኔ ሞርኬታስ ኣይሌሳና።
 ጋሶይካ ማርናስ
 ታማ ማላ ኤጲዛ
 ታ ሃንቆዛ
 ኔ ዴንሴላዳሳ» ጌሰ።

ዲማ ዲማ ሌሚሶታ

5 ጎዳይ፡ «ኣሳን ኣማኔቲዛይ፡
 ኣሾ ማይኢዳ ኣሳን ጨቁቲዛይ፡
 ባ ዎዚና ጎዳፕ
 ሃሲዛይ ቃንጌቲዳዳ።

6 ኢዚ ባዘን ዲዛ
 ቁሪ ዎራ ማላ ጊዳና፤
 ኢዚ ሎኦ ሚሽ ቤኤና፤
 ኢዚ ኣሲ ባይንዳ ማጺኔ ቢታን
 ባዘን ሚላ ሶሆን ኡታና።

7 ጊዶ ኣቲን ጎዳን ኣማኔቲዛ ኣሲ፡
 ኢዚ ኣማኔቲዛይ
 ጎዳ ጊዲዳይይ ኣንጃቲዳዳ።

8 ኢዚ ሃላ ላንቁን ቶኬቲዲ፡
 ባ ጸጸ ዲጌ ሃላን ዬዲዳ
 ሚላ ማላ።
 ኣዎ ሴላሰካ ያዬና፤
 ኢዛ ሃይላይ
 ጨሊሊዳ ማላ ዳና፤
 ኣዎይ ዳሪዳ ላይላካ ባቤና፤
 ኣይፌ ኣሞፔካ ፓጩና።

9 ኣሳ ዎዚናይ ኡባ ሚሻፊካ ጌኔ፤
 ኢዛሰ ፓጸቲላካ ዴና፤
 ኢዛ ኤራናስ ኦኒ ዳንዳያኔ?

10 ታኒ ጎዳይ ኣሰ ኡባሰ
 ኢዛ ኦጌ ማላኔ
 ኢዛ ኦሶ ማላ ኣማናስ
 ኣሳ ዎዚና ፒልጋይሲኔ
 ኢዛ ካሃ ፓጫይሰ» ጌሰ።

11 ቤሶንታ ኦጌራ ኣቆታ ዳጋሲዛ ኣሲ
 ባ ጸቁሶንታ ጨዬ
 ሃጵዛ ኩራቾ ማላ።
 ኢዛ ላይላይ ቡር ባጋቲሺን
 ኢዚ ኣቆታ ኣጊ ባና፤
 ወርሴላን ኢዛ ኤያፔላ
 ቆንጨፎ ኬዛና።

12 ኦ ጸሳ ኬላ ዲዛሶይ
 ቤኒፔ ደሚዲ ጶቁ ጊዳ
 ቦንቾ ኣራታ።

13 ኢሰራኤሌስ ሂደታ ጊዲዳ ጎዳዉ!
 ኔና ኣጊ ቢዳ ኡባይ ዬላታና፤
 ኔና ዴኦ ሃላ ፑልቶ ጊዲዳ
 ጎዳ ኣጊዳ ጊሻሰ
 ባ ኣይፌሶ ኔፔ
 ሃራሶ ዛሪዛይቲ
 ጉዲላ ቦላ
 ጸፊቲዳይሳ ማላ ጊዳና።

ኤርማሳ ዎሳ

14 ኣቤት ጎዳዉ! ታና ፓላ፤

ታኒካ ፓጸና፤
 ታና ኣሻ፤
 ታኒካ ኣታና፤
 ጋሶይካ ታ ጋላታይ ኔና።

15 ኣሳይ ታና ዛሪ ዛሪዲ፡
 «ጎዳ ቃላይ ኣዎን ዲዜ?
 ኣኔ ሃኢ ፖሌቶ!» ጌቴሰ።

16 ሄንሳንቻ ጊዳዳ
 ኔሰ ኦላናፔ
 ጉዬ ጋቤኬ፤
 ታ ኢሰታስ ኢታ ጋላሰ
 ኣሞቶንታይሳ ኔ ኤራሳ፤
 ታ ደናፔ ኬዚዛይሲ
 ኔ ሲንሳን ቆንጨ።

17 ታና ዳጋንሊዛይ ጊዳፓ፤
 ኔኒ ታስ ሜቶ ጋላሰ
 ታ ባቃታ ኣቲዛሶሆ።

18 ታና ዬዴሊዛይቲ ዬላቴቶ፤
 ታና ዬላሶፓ፤
 ኢሰቲ ዳጋሜቶ፤
 ጊዶ ኣቲን ታና ዳጋማፔ ቆታ፤
 ኢሰታ ቦላ ኢታ ጋላሰ ኤሃ፤
 ኢሰታ ቦላ ዳኮ ባሽ ኤሃ።

ሳምባታ ቦንቾ

19 ጎዳይ ታና፡ «ዩሁዳ ካዎቲ ካታማ ጌሊዛሶኒኔ
 ኬዚዛሶ ዴራ ፔንጌኒኔ ሃራ ዬራሳላሚ ፔንጌታ ኡባን
 ባዳ ኤቃ።

20 ሂሰታዳ ኢሰታሰ፡ «ሃ ፔንጌታራ ጌሊዛ ዩሁዳ
 ካዎቶ! ዩሁዳ ኣሳቶ! ዬራሳላሚን ዲዛ ኣሰ ኡባቶ
 ጎዳ ቃላ ሲዩቴ!» ጋ» ጌሰ።

21 ጎዳይ ታሰ፡ «ሳምባታ ጋላሰ ቶሆ ቶኪዲ
 ዬራሳላሚ ፔንጌታራ ጌሎንታ ማላ ኢንቴሰ ናጌቲቲ!

22 ሳምባታ ጋላሳን ኢንቴ ኬላፌ ቶሆ ቶኪዲ
 ኬሶፍቴ፤ ዎይኮ ኣይኮ ኦሶኔ ኦሶፍቴ። ካሴ ኢንቴ
 ኣዎታ ታኒ ኣዛዚዳ ማላ፡ ሳምባታ ጋላሰ ዲማሲዲ
 ቦንቾቴ።

23 ኢሰቲ ጊዲኮ ሲዩቤቴና፤ ዎዚናካ ዎሊቤቴና፤
 ኢሰቲ ሲዮንታ ማላኔ ሲሞንታ ማላ ባ ዎዚና
 ሙሚሲዳ።

24 ጊዶ ኣቲን ኢንቴ ታኒ ጎዳይ ዮቲዛይሳ ናጌቲ
 ኣዛዜቲኮ፡ ሳምባታ ጋላሳን ኣይ ሚሻኪ ቶኪዲ ሃና ሃ
 ካታማይ ፔንጌታራ ጌሎንታ ኣጊኮ፡ ሳምባታ ጋላሰ
 ዲማሲዲ ኢዛን ኣይ ኦሶኔ ኦሶንታ ቦንቾኮ፡

25 ዳዊቲ ካዎቲሳ ኣራታን ኡቲዛ ካዎቲኔ ኢሰታ
 ሹሜቲ ሃ ካታማይ ፔንጌራ ጌላና፤ ኢሰቲ ባ ፓራታኒኔ
 ባ ፓራ-ጋሪታ ቦላ ኡቲዲ ዩሁዳ ኣሳይኔ ዬራሳላሚ
 ኣሳይ ኣዛቢን ያና፤ ሃ ካታማያ ማርናስ ኣሲ ዲዛ
 ካታማ ጊዳና።

26 ኣሳይ ጸጌቲዛ ያርሾኔ ሃራ ያርሾ፡ ካላ ያርሾ፡
 ኤጸኔኔ ጋላታ ያርሾ ኤኪዲ፡ ዩሁዳ ካታማታፔ፡
 ዬራሳላሚ ዩሾን ዲዛ ሞላታፔ፡ ቢኒያሚ ቢታፌ፡
 ጋቆፔኔ ጌዜፌ ቃሴካ ኔጌቤ ቢታፌ ጎዳ ኬላ ያና።

27 ጊዶ ኣቲን ኢንቴ ሳምባታ ጋላሳን ዲማሶንታ
 ኢዲዲ ሳምባታ ጋላሰ ቶሆ ቶኪዲ ዬራሳላሚ
 ፔንጌታራ ጌሊዲ ታ ኣዛዘ ማንሊኮ ታኒ ዬራሳላሚ
 ፔንጌታ ቦላ ኢዚ ሚጸታ ሚዛ ቶኦንታ ታማ ታ
 ኤላና» ጊዴሰ።

18

ማና ከላን ኤርምያ

- 1 ጎዳ ማታፔ ኤርምያሳኮ፡
- 2 «ዳንዳዳ ማናሶ ባ፤ ሄን ታ ኔሰ ታ ኪታ የታና»
- ጊዛ ቃላይ ዪዳሰ።
- 3 ታኒካ ዳጌ ማናዛሶ ባዲሰ፤ ኢዚ ባ ሜዲዛ
- ኢርዛ ቦላ ኦቶ ሜዲሽን ቤኣዲሰ።
- 4 ኢዚ ሜዲሽን ኦቶዚ ኢዛ ኩሽን ሞሪቲዳሰ፤
- ሂሰቲን ኢዚ ሄ ኡርቃ ዛሪዲ ባ ኮዪዳ ማላ ሜዲዳሰ።
- 5 ሄ ዋዴ ጎዳ ቃላይ፡
- 6 «ኢሰራኤል ኣሳወ! ማናዚ ኦሊዛይሳ ታ
- ኢንቴና ኦላናሰ ዳንዳይኪና? ኢሰራኤል ኣሳወ!
- ኡርቃይ ማና ኩሽን ዲዛይሳ ኢንቴካ ታ ኩሽን ዳታ።
- 7 ታኒ ኢሲ ዳሪይ ዋይኮ ኢሲ ካዋቴላ ሾዴታና
- ማላ፡ ላሌታና ማላኔ ዳያና ማላ የቲኮ፡
- 8 ሄ ታኒ የቲዳ ካዋቴላይ ባ ኢታቴላፌ ኣጊዲ
- ሲሚኮ፡ ታኒ ኢሰታ ቦላ ኤሃና ጊዳ ኢታ ሚሽ ኤሆንታ
- ኣጋጋና።
- 9 ቃሴ ሃራ ዋዴካ ታኒ ኢሲ ዳሪ ዋይኮ ኢሲ
- ካዋቴላ ሚንላ ኤሳናሰ የቲኮ፡
- 10 ታ ሲንላን ኢታ ሚሽ ኦሊኮኔ ታሰ ኣዛዜቶንታ
- ኢጸኮ፡ (ታ ኢዛሰ ኦላና) ጊዳ ሎኦ ሚሻ ኡባ ኦሎንታ
- ኣጋጋና» ጌሰ።
- 11 ጎዳይ፡ «ሄሳ ጊሻሰ፡ ኤርምያ ሃኢ ዩሁዳ
- ኣሳታሲኔ ዩሩሳላሚን ዲዛይታሰ ባዳ፡ (ሄኮ ታኒ ኢንቴ
- ቦላ ባሽ ገጊሶ ቦላ ዳይሰ፤ ኢንቴ ቦላ ኢታ ሚሽ
- ሜዳሽ ዳይሰ፤ ሄሳ ጊሻሰ ኢንቴ ኡባይካ ኢንቴ ቢዛ
- ኢታ ኦጌፔ ሲሚቲ፤ ኢንቴ ኦጌኔ ኢንቴ ኦሶ ሱሪሲቴ» ጋ
- የታ።
- 12 ጊዳ ኣቲን ኢሰታሰ፡ «ዳቡርፓ፤ ኦ ሃልቺዳ ኦጌራ
- ባና፤ ኦኒ ኢሰይ ኢሰይ ኦ ኢታ ዋዚና ቆፋ ካላና»
- ጌቲሰ» ጊዳሰ።
- 13 ሄሳ ጊሻሰ ጎዳይ፡
- «ኣኔ ካዋቴላታ፡
- «ሃይሳ ማላ ሚሽ
- ኢንቴ ጊዳን ሴቴቲ ኤሪዜ?»
- ጊ ኦይቺቴ።
- ጌላኦያ ኢሰራኤሌይ ሃራሲዛ
- ኢታ ሚሽ ኦላዳሰ።
- 14 ሹቶ ጸላ ጊዲዳ
- ለባናሴ ዙማታ
- ቦላፌ ሻቺ ዳዪ ኤሪዜ?
- ላዴ ቦላፌ ዲጌ ጎጊዛ
- ኢርጸ ሃላ
- ጎጌላ ኣጊ ኤሪዜ?
- 15 ታ ዳሪይ ጊዲኮ ታና ባሊዳሰ፤
- ኢሰቲ ጎኦንታ ጸሳታሰ
- ኤጸኔ ጩዋሴቴሰ፤
- ባንታ ኦጌራ ቢዲ ዳጸቲዳ፤
- ቤኒ ኦጌፔ ካሪ ኬዚዳ፤
- ባሴቶንታ ዲዛ ኩንዲኩርጮ
- ኦጌራ ቢዳ።
- 16 ኢሰታ ቢታይ ቡላኔ
- ሜርናሰ ካዴቲዳዝ ጊዳና፤
- ሄራ ኣዲዛ
- ኡባይ ማላሌታና፤
- ባ ሁኤካ ቁዲሽ ቃላና።

- 17 ኣርሼይ ሞኪዛ ባጋ ጫርኮ ማላ
- ታኒ ኢሰታ ኢሰታ
- ሞርኬታ
- ሲንላን ላላና።
- ኢሰቲ ዳይዛ ጋላሰ ታ ኢሰታሰ
- ዘኮ ዛራና ኣቲን
- ታ ኣይፌሶ ቤሲኬ» ጌሰ።

ኤርምያ ቦላ ማቁቲዳ ማቆ

- 18 ኢሰቲካ፡ «ኣኔ ሃ ዪቴ፤ ኤርምያ ቦላ ማቁቶሰ፤
- ዋጋይ ቁሴታ ኣቻን፡ ዘሪይ ኣቶ ኤራንቻታ ኣቻን፡
- ቃላይካ ናቤታ ኣቻን ዳዬና፤ ኣኔ ሃ ዪቴ፤ ኦ ኢንጻርሳን
- ኢዛ ቶቾሰ፤ ኢዚ ጊዛይሳካ ኡባ ሲዮኮ» ጊዳ።
- 19 ኣቤት ጎዳወ! ታ ጊዛዝ ሲያ፤
- ታ ሞርኬቲ ታ ቦላ
- ሃሳይዛይሳ ኤዝጋ።
- 20 ሎኦ ኦሊዳዳሰ ኢታ ዛሪዛ?
- ኢሰቲ ጊዲኮ
- ታሰ ኦላ ቦኪዳ፤
- ኔ ሃንቆይ ኢሰታፌ ሲማና ማላ
- ኔ ሲንላን ኤቃዳ
- ኢሰታ ጊሻሰ
- ታ የቲዳይሳ ቆፓ።
- 21 ሄሳ ጊሻሰ
- ኢሰታ ናይታ ኮሻሲኔ
- ማሻሰ ኣላ ኣማ፤
- ኢሰታ ማጫሳቲ ማይኔኔ
- ኣምኤታ ጊዳቶ፤
- ኢሰታ ኣቲማሳቲካ
- ፓራ ሃይቆን ወሪቶ፤
- ኢሰታ ናቴላ ናይቲ
- ኦላሶን ማሻሰ ጊዳቶ
- 22 ኢሰቲ ታና ኩንዲሳናሰ
- ኦላ ቦኪዛ ጊሻሲኔ
- ታ ቶሆሰካ ዋጸማዴ
- ዋሊዳ ጊሻሰ
- ኢሰቲ ቆፖንታ ኔኒ ኢሰታ ቦላ
- ቦንቁዛይታ ዬዲን
- ኢሰታ ከላን ዋሶይ ኬዞ።
- 23 ጊዳ ኣቲን ኣቤት ጎዳወ!
- ኢሰቲ ታና ዋዳናሰ ማቁቲዳይሳ
- ኡባ ኔኒ ኤራሳ፤
- ኔኒ ኢሰታ ኢታቴላ
- ኣቶ ጎፓ፡
- ዋይኮ ኢሰታ ናጋራ
- ኔ ሲንላፌ ቁጮፋ፤
- ኢሰቲ ኔ ሲንላን
- ጸኔቲዲ ኩንዳቶ፤
- ኔ ሃንቆ ጋላሰ
- ኔ ኢሰታ ማርፓ።

19

ሌሚሶሰ ሜቂዳ ጎምቦ

- 1 ጎዳይ ኤርምያሰ፡ «ባዳ ማናፔ ጎምቦ ሻማ፤
- ሂሰታዳ ኔናራ ዳሪ ጨማታፔ ቁሴታፔ ጉላታ ኤካዳ፤
- 2 ኮንኣ ሜቆ ፔንጌ ኣቻራ ኣቆዳ ሄኖሜ ና ሸባ ባ፤
- ሄን ታኒ ኔሰ የቲዛ ቃላ ኣዋጅ።

3 ለእንቴኖ የሁዳ ካዎቶ! ዩሩሳሌምን ዲዛ ዳወዘ! ጎዳ ቃላ ሲዩቲ! ኡባሬ ዋልቃማ ጎዳ ኢሰራኤል ጸላይ፡ ሲያናሰ ሃይላሰ ኢቲዛ ሚሽ ሃ ቢታ ቦላ ታኒ ኤሃና።

4 ጋሶይካ አሳይ ታና አገዲ ሃይሳ ሃ ሶሆዛ ኤቃ ጎይኒዛሶሆ ኬሲዳሰ፤ ኢሰቲ ጊዲን ዋይኮ ካሴ ኢሰታ አዋቲ፡ ዋይኮ የሁዳ ካዎቲ ኤርንታ ኤቃ ጸላታሰ ያርሺዳ፤ ሃይሳ ሃ ሶሆዛን ጸሎ ሱሉ ጉሲዳ።

5 ቃሴ ታኒ ኢሰታ አዛዘንታይሳ፡ ዋይኮ ኢሰታሰ የቶንታይሳ፡ ዋይኮ ታ ዋዚናን ቆፖንታይሳ ባንታ አቲማ ናይታ ባኣሌሰ ታማን ጸጊ ያርሻናሰ ጎይኒዛሶሆ ዙዋቡላታ ኦሊዳ።

6 ሃሳ ጊሻሰ አሳይ ሃ ሶሆዛ ሹካ ሾባ ጋናፔ አቲን ቶሬቲ ዋይኮ ሄኖማ ና ሾባ ጊ ጸይጎንታ ዋይይ ያና።

7 « ሃ ሶሆን የሁዳ ሃልቾኔ ሃልቾኔ ሃልቾ ታ ላላና፤ ኢሰቲ ባንታ ዋርኬታ ማሻኒኒ ባንታና ዋዳናሰ ኮይዛይታ ኩሼን ሃይቃና ማላ ታኒ ኦላና፤ ኢሰታ አሃ ሳሎ ካፎታሲኔ ዋራ ደኣታሰ ቁማ ሂሰታ አማና።

8 ታኒ ሃ ካታማኖ ሙሌራ ዳይሳና፤ ሚቻሰካ ኬሳና፤ ኢዚ ማታራ አዲዛ አሳይ ኡባይ ሃኖ ፓላ! ጊ ቁዲ ካኣና።

9 ኢሰቲ ባንታ ማጫ ናይታ አሾኔ ባንታ አቲማ ናይታ አሾ ማና ማላ ታኒ ኦላና፤ ኢሰታ ዋዳናሰ ኮይዛ ኢሰታ ዋርኬቲ ኢሰታ ጊዳሊን ኢሰቲ ኡባይ ኢሶይ ኢሳ አሾ ማና። ጌሰ።

10 «ሃሳሬ ጉዬ ኔናራ ኢሲሬ ቢዳ አሳታ ሲንላን ሃ ጎምቦዛ ማንላ።

11 ሂሰቲዲ ኢሰታሰ ኡባሬ ዋልቃማ ጎዳ ጸላይ፡ ማናዛ ጎምቦይ ሜቁዳይሳሶኔ ሲሚ ኮሌታና ዳንዳኖንታይሳሶ ታኒ ሃ ካዎቲላኔ ሃ ካታማ ሃሳላ ኦላና፤ አሳይ አሃ ዋጊዛሶይ ባይንዳ ጊሻሰ ቶሬቲን ዋጋና።

12 ታኒ ሃ ሶሆዛኒኒ ኢዛን ዲዛ አሳ ቦላ ሃሳላ ኦላና፤ ታኒ ሃ ካታማኖ ቶሬቲ ማላ ኦላና።

13 ባንታ ኬላ ካራ ቦላ ሳሎ ሜዴቲላታሰ ኤጸኔ ጨዋሲዲኔ ኤቃ ጸላታሰ ኡሹ ሺሺዳይቲ ዩሩሳሌም አሳ ኬላቲኔ የሁዳ ካዎታ ኬላቲ ቶሬቲ ማላ ቲናና። ጌሰ። *

14 «ሃሳሬ ጉዬ ኤርምሳ ጎዳይ ቲንቢቲ የታናሰ ኪቲዳ ቶሬቲፔ ሲሚ ዩዲ ጎዳ ኬላ ዲቡሻን ኤቁዲ፤

15 ኡባሬ ዋልቃማ ጎዳ ኢሰራኤል ጸላይ፡ ለሲዩቲ! ኢሰቲ ባንታ ዋዚና ሹቻሲዲ ታ ቃላ ሲኖንታ ኢዲዳ ጊሻሰ ታኒ ሃ ካታማ ቦላኔ ኢዛ ማታን ዲዛ ዋላታ ኡባ ቦላ ኤሃና ጊዳ ኢታ ሚሽ ኡባ ኢሰታ ቦላ ኤሃና ጋይሰን ጌሰ» ጊዳሰ።

20

ኤርምያን ፓሽኩሬ

1 ሃ ዋይ ጎዳ ኬላን አሚሬ ና ቁሴ ፓሽኩሬይ ኤርምሳ ቲንቢቲ የቲሺን ሲዩዲ፡

2 ናሴ ኤርምሳ ሾጪዳሰ፤ ጸሳ ኬላሬ ፑዴ ባጋራ ዲዛ ቢኒያሚ ገምቤ ፔንጌ ቦላ አግሪዋቁን ቃቺዳሰ።

3 ዋንቴላ ጋላሰ ፓሽኩሬይ ኤርምሳ ቃሾፔ ቢርሺን ኤርምሳ ኢዛሰ፡ «ሃቺሬ ዶሚን ጎዳይ ኔ ሱንላ ማጎርሚሳቢቤ * ጋና አቲን ፓሽኩሬ ጌና።

4 ጋሶይካ ጎዳይ፡ ታኒ ኔናኔ ኔ ላጌታ ኡባ ዳጋማሰ አላ አማና፤ ኢሰቲ ኔኒ ጸሊሺን ባንታ ዋርኬታ ማሻን ዉራና፤ ታኒ የሁዳ አሳ ኡባ ባቢሎኔ ካዎ ኩሼን አላ አማና፤ ኢዚ ኢሰታ ዲኢዲ ባቢሎኔ ኤፋና፤ ሂሰቲዲ ሃን ኢሰታ ማሻን ሲፋና።

5 ሃ ካታማይ አቆታ፡ ኢዛ ኦላ ዳሚዳ ኡባ፡ የሁዳ ካዎታ አቆታኔ ኢሰታሰ ዲዛ አልኦ ሚሽ ኡባ ታኒ ኢሰታ ዋርኬታሰ አላ አማና፤ ኢሰቲካ ዲኢ ኤኪዲ ባቢሎኔ ኤፋና።

6 ፓሽኩሬ! ኔኒኔ ኔ ሶሆን ዲዛ ኡባይካ ዲኤቲዲ ባቢሎኔ ባና። ኔኒኔ ኔ ኢሰታሰ ዋርዶ ቲንቢቲ የቲዳ ኔ ላጌቲ ኡባይ ሃን ሃይቃናኔ ዋጌታና። ጌሰ» ጊዳሰ።

ኤርምሳ ዙዋንላ

7 አቤት ጎዳዉ!
ኔኒ ታና ጪማዳሳ፤
ታኒካ ጪማታዲሰ።
ኔኒ ታፔ ኬሃ ሚናዳ
ታና ጸናዳሳ።
ጋላሰ ኩሜላ ታኒ አሳሰ
ሚቻሰ አታዲሰ፤
ኡባይካ ታና ቁዴሰ።

8 ታኒ ሃሳይዛ ዋዴ
ኡባን ዋሳይሰ፤
«ሺርኔ ባሽ» ጋ አዋጃይሰ፤
ሃሳ ጊሻሰ ጎዳ ቃላይ
ታሰ ኩሜላ ጋላሰ ታ ቦላ
ጫሼኔ ቁዴ ኤሂዳሰ።

9 ታኒ፡ «ሃይሳሬ ጉዬ
ጎዳ ሱንላ ዳንሊኬ፤
ኢዛ ሱንላንካ
ሃሳይኬ» ጊኮ
ኢዛ ቃላይ ታ ዋዚና ጊዶን
ታማ ማላ፡
ታ ሜቁላ ጊዶንካ
ሱርቁንቶ ማላ ጊዲዳሰ፤
ሃሳ ጊሻሰ
ታ ካማ ኦይካናሰ ጸኒዳሰ፤
ሙሌራካ ኤቁታናዉ
ዳንዳያቤኬ።

10 «ኡባሶን ሺርይ ዳሰ፤
ሂሊቲ አኔ ኩኒካ ሂሎሰ» ጊዲ
ዳርቲ ሳሱኬቲሺን ታ ሲያዲሰ፤
ታ ኩንዳላ ናጌቲሼ ዲዛ
ታ ላጌቲ ኡባይ፡
«ኦኔ ኤሪዛይ
ባሌታና ዳንዳይዛኮ
ሂሰቲኮ ኩኒ ኢዛ ጸናናኮኔ
ኮ ሃሎ ኬሳናኮ» ጌቲሰ።

11 ጊዶ አቲን ጎዳይ ያሽሲዛ
ቶራ ቃራ ማላ ታናራ ዳሰ፤
ሃሳ ጊሻሰ ታና ዩዳሊዛይቲ
ዱዴታና አቲን ታና ጸኔቲና፤

19:5 ለዌ 18:21 * 19:13 ኬላ ካራ ቦላ ኤጸኔ ጨዋሶይ ኢሰራኤል አሳይ ባ ኬላ ቦላ ፖቁ ማላ ኦሊዲ ያርሾ ሺሺዛ ዋጋ። * 20:3 ማጎርሚሳቢቤ፡ ማጎርሚሳቢቤ ጌቲቲዛይሳ ኢብራዊታ ቃላ ቢርሺሊ ኡባ ሚሻንካ ዳጋማ ጉሳ።

ኢስቲ ኢታ ካወሸ ካወያና ኣቲን
ኢስታሰ ጊጌና፤
ኢስታ ካወሻቴፋይ
ሙሉካ ደጌቴና።

12 እቤት ኡባፌ
ዋልቃማ ጎደዉ!
ጸሎዛ ፓጩዛይሶ!
ዋዚናኔ ካሃ
ፒልጋ ጸሊዛይሶ!
ታኒ ታ ሞቶ ኔስ
ኣፋ ኢሚዳ ገሻስ
ኔኒ ኢስታ ቦላ ሃሎ ኬሲሺን
ታ ኣይፌን ቤኣናስ ታና ጋ።

13 ጎዳስ ዩጸቴ!
ኢዛስ ጋላታ ሺሺቴ፤
ኢዚ ሜቶታንቻታ ሸምፕ
ኢታታ ኩሼፔ አሺሰ።

14 ታኒ ዩሌቲዳ ጋላሳያ
ቃንጌቲዳሮ ጊደ፤
ታ ኣዬያ ታና ዩሊዳ
ጋላሳያ ኣንጃቴፋ!

15 ታ ኣዋስ፡ «ኔስ ሚሺራቾ፤
ኔስ ኣቲማ ናይ ዩሌቲዳስ!»
ጊ ዮቲዳይ ቃንጌቲዳይ ጊደ፤

16 ሄሳይይ ጎዳይ ቃጴታይ ባይንዳ
ሺሬቹ ዩጊዳ
ካታማታ ማላ ጊደ፤
ማላደ ዋሶ፡ ጋላሳ ሴታን
ኦላ ሸሮ ሲዮ።

17 ታ ኣያ ታስ ዱፎ ጊዳና ማላ፤
ኢዚ ኡሎይ ታስ ሜርና
ዱሳሶ ጊዳና ማላ
ታና ሄን ኣይስ ዋጲቤኔ?

18 ታኒ ሜቶኔ ጩጩ ቤኣናሲኔ
ታ ዴኦ ላይላ ኡባ
ካወሻቴፋን
ወርሳናስ ታ ኣዪ ኡሎፔ
ኣይስ ኬዛደና?

21

ዩሩሳላሜ ጸኔቴፋ ገሻስ ዮቲቲዳ ቲንቢት

1 የሁዳ ካዋ ሴዴቂያሲ ማልኪያ ና ፓሽኩሬኔ
ማኢሳያ ና ቁሴ ሶፎናሳ ኤርምያሱ ከቲዳ ዋዴ ጎዳ
ቃላይ ኤርምያሱ ዩዴስ።

2 ከቲቲዳይቲካ፡ «ባቢሎኔ ካዋ ናቡካዳናጸሬይ ባ
ኦላንቻታሪ ሃ ካታማ ጊደፊዳ ገሻስ ኣኔ ኦስ ጎዳ
ኦይቻ። ጎዳይ ቤኒይሳ ማላ ማላሊሲዛ ኦሶ ኦ ገሻስ
ኦሊዳ ኢዛ ጉዬ ዛራናኩ ኦኒ ኤሪዜ» ጊ ኦይቹዳ።

3 ኤርምያ ጊዳኩ ኢስታሰ፡ «ቢዲ ሴዴቂያሳስ፡

4 ሳዳ ኢስራኤሌ ጸሳይ ኔና ገምቤዛፔ ካሬ ባጋራ
ደዲ ኡቲዳ ባቢሎኔ ካዋኔ ኢዛ ኦላንቻታ ኦላናስ
ኢንቴ ኩሼን ኢንቴ ኦይኪዳ ኦላ ሚሻ ታኒ ኢንቴ ቦላ
ጉዬ ዛራና። ኢስታ ሃ ካታማዮ ዛራ ጌልፋና።

5 ታኒ ታ ሁኤራ ቂጸቴስ ዳንፊዳ ኩሼኒኔ ሚኖ
ቂሴን፡ ሃንቆኒኔ ባሻን፡ ጊታ ቦሻን ታ ኢንቴና ጫዳና።

6 ታኒ ሃ ካታማይን ዲዛ ኣሳኔ ማሃ ሸጫና፤
ኢስቲካ ኢታ ሃርጌን ወራና።

7 ሄሳፌ ጉዬ የሁዳ ካዋ ሴዴቂያሳኔ ኢዛ ሹሜታ፡
ኢታ ሃርጌፌ፡ ማሻፌኔ ኮሻፔ ኣቲዳ ዴራ ባቢሎኔ
ካዋ ናቡካዳናጸሬሲኔ ኢስታ ዋጳናስ ኮይዛ ሞርኬታስ
ታኒ ጎዳይ ኣፋ ኢማና። ኢዚ ኢስታ ቃራ ማሻን ዋጳና፤
ኢስታ ማሬና፤ ኢስታሰ ሚሹቴናኔ ቃጴቴና፡ ጌስ» ጊቴ።

8 ጎዳይ ኤርምያ፡ «ጉጃዳካ ሃይሳ ዴራሰ፡ ሳዳይ
ሄኮ ታኒ ኢንቴ ሲንፋን ዴኦ ኦጌኔ ሃይቆ ኦጌ ዋፋዲስ።

9 ሃኖ ሃ ካታማይን ታኪዛ ኡባይ ማሻን፡ ኮሻኒኔ
ኢታ ሃርጌን ሃይቃና፤ ጊደ ኣቲን ካታማይፔ ኬዚ
ቢዲ ካታማ ደዲ ኦይኪዳ ባቢሎኔ ኣሳታስ ባ ኩሼ
ኢሚዳ ኣሲ ባ ሸምፕ ኣሻናኔ ዴኦን ዳና።

10 ታኒ ሃ ካታማሰ ሎኦ ኦፋናስ ጊደንታ ኢታ
ኦፋናስ ቃቻዲስ፤ ኢዛ ባቢሎኔ ካዋስ ኣጳ ኢሚታና፤
ኢዚካ ኢዛ ታማን ጸጋና፡ ጌስ።

11 «ቃሴካ የሁዳ ካዋ ኬፋ ኣሳሰ፡
ሳዳ ቃላ ሲዩቴ!

12 ኢንቴኖ ዳዊቴ ሶ ኣሳዉ!
ኢንቴ ኦሊዳ ኢታ ኦሶ ጋሶን
ኤጸን ኦኒካ ቶይሳና
ዳንዳዮንታ ታማ ማላ
ታ ሃንቆይ ኢንቴ ቦላ
ኤጸንታ ማላ
ዋንታን ዋንታን ሱሬ ፒርዲቴ፤
ቦንቂቲዳይታ ኡንኤሊዛይታ
ኩሼፔ ኣሺቴ» ጌስ ጋ።

13 ሳኒ ሸባፌ ፑዴ ባጋራ
ሹቹ ዳሪ ዲዛሶን ዲዛ
ዩሩሳላሜ!
ታኒ ኔ ቦላ ዳንዳዲስ፤
ኦ ቦላ ኦኔ ዳንዳናይ?
ኦ ኬላ ኦኔ
ጸሊ ጌላናይ?» ጊዛሬ!

14 ታኒ ኔና ኔ ኦሶ ማላ ቃጸያና፤
ታኒ ኔ ዋራን ታማ ዩዳና፤
ኢዛ የሾን ዲዛይሳካ
ኡባ ጸጋና» ጌስ።

22

ኤርምያ የሁዳ ካዋ ኬፋ ኣሳሰ ዮቲዳ ቃላ

1 ጎዳይ፡ «ዲጌ የሁዳ ካዋ ሶ ባዳ፡
2 ሳኖ ዳዊቴ ካዋቴፋ ኣራታ ቦላ ኡቲዳ የሁዳ
ካዋ! ኔኒኔ ኔ ሹሜቲ፡ ሃ ፔንጌታራ ጌሊዛ ኣስ ኡባይ
ጎዳ ቃላ ሲዩቴ» ጋ» ጌስ።

3 ጎዳይ፡ «ሱሬ ፒርዳኔ ጸሎ ኦሊቴ፤ ቦንቂቲዳይታ
ኡንኤሊዛይታ ኩሼፔ ኣሺቴ፤ ቤቴታ፡ ዩኦታኔ ኣምኤታ
ቆሆፒቴ፤ ሃ ሶሆንካ ጸሎ ሱላ ጉሶፍቴ።

4 ሃይታ ኣዛዘታ ኢንቴ ሎኤሊ ናጊኮ ዳዊቴ ካዋቴፋ
ኣራታ ቦላ ኡቲዛ ካዋቲ ባ ሹሜታራኔ ባ ዴሬ ኣሳራ
ፓራጋሬኔ ፓራ ቶጊዲ ሃይሳ ካዋቴፋ ኬፋ ፔንጌራ
ጌላናኔ ኬዛና።

5 ጊደ ኣቲን ኢንቴ ታ ኣዛዘታ ናጎንታ ኢጲኮ፡ ሳሃ
ካዋቴፋ ኬፋይ ሙሉራ ጳያና፡ ጋዳ ታኒ ታርካ ታናን
ጫቃይስ» ጊዴስ።

6 ጎዳይ የሁዳ ካዋ ኬፋሰ፡

«ኔኒ ታሰ ጋላኣዳ ቢታኔ
ለባኖሴ ዙማ ጴራ ማላ
ሎኢኮካ ታኒ ኔና
ኣዳፌ ባዘኔ

ኣሲ ኢዛን ባይንዳ
ካታማ ኦላና።
7 ታኒ ኔና ኦሊዛይታ ሁኤን ሁኤን
ኦላ ሚሽ ኦይላዳ
ኔ ቦላ ዩዳና፤
ኢሰቲ ዘጋፔ ማሴቲዳ ቱቁታ
ቃንጴሬሲዳ ታማን ዩጋና።

8 «ዲማ ዲማ ካዎቲላፌ ዩዳ ኣሳይ ሃ ካታማይራ
ኣጳ ቢሹ፣ ሳዳይ ሃኖ ጊታ ካታማዮ ኣይሰ ሃይሳላ
ኦሊዳ?» ጊዲ ባ ጋርሳን ሃሳዎታና።

9 «ኢሰቲ፣ ሳዳ ባንታ ጸሳራ ጫቁቲዳ ጫቆ ኣጊዲ
ኤቃ ጸሳታሰ ጎይኒዳ ጊሻሲኔ ኢሰታሰ ኦሊዳ ጊሻሳ
ጋና» ጌሰ።

ኤርምያ ሻሉሜ ጊሻሰ ዮቲዳ ቃላ

10 ሃይቁዳ ካዎ
ኢዮሲያሳሰ ዩኮፍቲ
ዎይኮ ካዮቶፍቲ፤
ሄሳ ኣጊዲ ዲኤቲ ቢዳ
ሻሉሜሰ ሚሹቲዲ ዩኪቲ።
ጋሶይካ ኢዚ ሙሌካ
ጉዬ ሲሜና፤
ባ ዩሌቲዳ ቢታ
ናምኣንላ ቤኤና።

11 ባ ኣዎ ሶሆን
ዩሁዳን ካዎቲዲ ዲሹ
ሃ ሶሆፔ ቢዲ
ኢዮሲያሳ ና ሻሉሜ ጊሻሰ
ጎዳይ፣ «ኢዚ ሙሌካ
ጉዬ ሲሜና።

12 ኢዚ ዲኤቲ ቢዳ ቢታን
ሄን ሃይቃና፤
ሲሚ ዩዲ ሃ ቢታዮ ቤኤና።

ኤርምያ ኢዮኣቁሜ ጊሻሰ ዮቲዳ ቃላ

13 «ባ ካዎቲላ ኬላ
ጌኔን ኬጸዛይሳሰ፣
ፒርዳ ጌላሲዲ
ፖቄ ኬጸዛይሳሰ፣
ኣሰ ጮ ማላ ኦሲሲዛይሳሰ፣
ኢዛ ዎልቃ ዎጋ ጨጎንታዳሰ፣

14 ኢዚ፣ ሳታ ፖቄኔ
ኣሆ ካዎቲላ ኬላ
ታሰ ኬጸና፣ ጊዛዳሰ
ኣዩ ኣና!
ኢዚ ባ ኬላሰ
ጊታ ማሰኮቲታ ኬሴሰ፤
ዚጋ ሚላን ኣሌቁሴሰ፤
ዘኦ ቃላሜካ ቲዩሰ።

15 «ኔ ካዎቲላ ኬላ
ዳር ዘጋ ሚላን ኬጸዳይሲ
ኔሰ ካዎቲዳ ሚሳቲዜ?
ኔ ኣዎይ ሱሬ ፒርዳኔ

ጸሎ ኦሊዳ ጊሻሰ
ሚዛዚኔ ኡዩዛዚ ፓጨዳ?
ኢዛሰ ኡባ ሚሽካ ኢንጃቲዳሰ።

16 ኢዚ ማንቆታሲኔ ማቶታንታሰ
ፒርዳ ጌላሲቤና፤
ሄሳ ጊሻሰ ኡባ
ሚሽካ ኢዛሰ ኤኖ ጊዳሰ፤
ታሰ ኤር ጉሲ ሄሳ ጊዳኔ?

17 ጊዳ ኣቲን ኔ ኣይፌይኔ
ኔ ዎዚናይ ሹምፕዳይ
ሃ ሄ ሹጩቾን
ዳሚዛ ጎኣን፣
ጸሎታ ሱላ ጉሶን፣
ኣሳ ኡንኤላኒኔ
ጌኔ ኦሶና» ጌሰ።

18 ሄሳ ጊሻሰ ጎዳይ
ዩሁዳ ካዎ ኢዮሲያሳ ና
ኢዮኣቁሜ ጊሻሰ፣
«ዎ ታ ኢሻዉ!
ዎይ ዎይ ታ ሚቼ!
ቃሴ፣ ታ ጎዳዉ ዎ ዎ!
ኔ ጊታቲላ ዎ ዎ!
ጊዲ ዚላሌቲና።

19 ሃሬይ ሞጌቲዛ ማላ
ኢዚ ሞጌታና፤
ኢዛ ኣሃይ ዩሩሳላሚ
ፔንጌታፔ ጎሹቲዲ
ካሬ ኦሌታና» ጌሰ።

ዩሩሳላሚ ጊሻሰ ኤርምያ ዮቲዳ ቃላ

20 ጎዳይ ዩሩሳላሚ፣
«ፑዳ ለባኖሴ ባዳ ዎሳ፤
ኔ ቃላካ ባሳኔን ሲሳ፤
ኣባሪሜን ኤቃዳ ዎሳ፤
ጋሶይካ ኔሰ ኦላ ላጌቲ
ኡባይ ዉሪዳ።

21 ኔኒ ሳር ዲሺን
ታ ኔሰ ሚንላ ዮታዲሰ፤
ጊዳ ኣቲን ኔኒ፣ ሰሊዩኬን ጋዳሳ።
ዩላጋቲላፌ ደሚን
ኔ ኦጌይ ሃይሳ፤
ኔኒ ታሰ ኣዛዜቶንታ ኢጸዳሳ።

22 ኔ ሄንላንታ ኡባ
ጫርኮይ ኤፋና፤
ኔ ላጌቲ ኡባይ ዲኤቲ ባና፤
ኔ ኢታቲላ ኡባ ጋሶን
ዩላታና ካዉያና።

23 ሃኔ ለባኖሴን ዲዛሬ!
ኔ ኬላ ዚጋ
ሚላፌ ኬጸዳሬ!
ሚጸይ ኦይኪዳ ማጫሳ ማላ
ሚቶይ ኔ ቦላ ዩሺን
ዎና ዎሳንዲ!» ጌሰ።

24 ጎዳይ፣ « ታኒ ታ ዳኦን ጫቃይሰን ዩሁዳ ካዎ
ኢዮኣቁሜ ና ኢኮኒያኔ ኔኒ ታሰ ኡሻቻ ኩሹ ቃላባቲ
ማታሚ ጊዲዳኮካ ታ ኔና ኬሳ ኦላና።

25 ኔና ዋጻናስ ኮይዘይታስ፡ ኔኒ ያዩዛ ባቢሎኔ ካዎ ናቡካዳናጸሬሲኔ ኢዛ ኦላንቻታስ ታኒ ኔና ኣላ ኢማና።

26 ታኒ ኔናካ ኔና ዩሊዳ ኔ ኣዩዮካ ኢንቲ ዩሊቶንታ ኣላጋ ቢታን ኦላ ኣጋና፤ ኢንቲካ ሄን ሃይቃና።

27 ኢንቲ ሲማናስ ላሞቲዛ ቢታዮ ሙሉካ ሲማኬታ» ጌሰ።

28 ሃይሲ ኢኮኒያኔይ ካዴቲዳ ማቀዳ ኦቶ ማላ

ኦኒካ ኮዮንታ ሚሼ?

ኢዚኔ ኢዛ ናይቲ

ኣይሰ ካሬ ኦሌቲ ኣቲዶ?

ኢሰቲ ባ ኤሮንታ ኣላጋ ቢታን

ኣይሰ ዩጌቲ ኣቲዶ?

29 ሃኔ ቢታዩ፡ ሃኔ ቢታዩ!

ጎዳ ቃላ ሲያ!

30 ጎዳይ፡ «ዩሁዳ ኣይሳናስ

ኣሲ ባይንዳ ጊሻሰ፡

ዳዊቲ ኣራታን ኡታና

ኢሳዴይካ ኬኦንታ ጊሻሰ፡

ኢሲ ፓጸ ኣሲ ኬዘንታ ጊሻሰ

ኢዛሰ ዴኦ ላይላ

ኡባን ኢንጃቶንታ

ጶንላ ኣሰ ጊዲ ጸፍቲ» ጌሰ።

23

ሲንሳፊ ያና ሂደታ

1 ጎዳይ፡ «ታ ሄንሳሶሆን ዲዛ ታ ደርሳታ ጳይሲዛይታሲኔ ላሊዛ ሄንሳንቻታስ ኣዩ ኣና!» ጌሰ።

2 ጎዳ ኢሰራኤሌ ጸሳይ ባ ኣሳ ሄሚዛ ሄንሳንቻታሰ፡ «ኢንቲ ታ ደርሳታ ላሊዲ ዋራ ዩዲዳ ጊሻሲኔ ኢንቲ ኢሰታ ሎኤሊ ጸሎንታ ኣጊዳ ጊሻሰ ኢንቲ ኢታቲላሰ ቤሲዛ ቁጻቲ ታ ኢማና።

3 ሃሳፊ ጉዬ ታ ወዴፔ ኣቲዳይታ ካሴ ታ ጎዳ ዩዲዳ ዴሬ ኡባፊ ታኒ ታርካ ሺሻዳ ካሴ ታ ሄሚዛሶሆ ዛራ ኤሃና፤ ኢሰቲካ ሄሳን ዩሌቲዲ ጮራታና።

4 ታኒ ሎኤሊ ሄሚዛ ሄንሳንቻታ ኢሰታሰ ዴንሳና፤ ኢሰቲ ናሞኣንሳ ባቤቲናኔ ዳጋሚቲና፤ ኢሰታፊ ኢሳዴይካ ጳይና» ጌሰ።

5 ጎዳይ፡ «ታኒ ዳዊቲሰ ጸሎ ዛሬ ዴንሳና ዋዴይ ያና፤

ኢዚ ቱሙ ፕርዳኔ

ጸሎቲሳ ኦሊዛዴ፡

ኣጶ ኤራቲላን ሃሪዛ ካዎ ጊዳና።

6 ኢዛ ካዎቲላ ላይላን

ዩሁዳይ ኣታና፤

ኢሰራኤሌይካ ሳርን ዳና፤

ኢዛ ሱንሳ፡

ጎዳይ ኦሰ ጸሎቲላ) ጌቲታና።

7 ሃሳ ጊሻሰ ኣሳይ

ሃይሳፊ ጉዬ ኢዛ፡

፡ኢሰራኤሌ ኣሳ ጊብጸ ቢታፊ

ኬሲዲ ኤሂዳ ጎዳይ ቤኢን)

ጊ ጫቆንታ ዋዴይ ያና ጌሰ ጎዳይ።

8 ጊዳ ኣቲን፡ ፡ኢሰራኤሌ ዛሬታ

ፑዴሃ ባጋ ቢታፊኔ

ኢዚ ኢሰታ ላሊዳ ሃራ ዴሬታፔ

ኬሲዳ ዴኦ ጎዳይ ቤኢን)

ጊ ጫቆና ዋዴይ ያና፤

ሃሳፊ ጉዬ ኢሰቲ

ባንታ ዴሬን ዳና» ጌሰ።

ዋርዶ ናቤታ

9 ናቤታ ጊሻሰ ታ ዋዘናይ ማቀዳሰ፤ ታ ማቆላቲ ኡባይካ ኮኮሪዳ።

ጎዳ ጋሶኔኔ

ኢዛ ጌሻ ቃላ ጋሶን

ዋይኔ ኡሹ ኡዩዲ

ማላቲዛ ኣሳ ማላ ጊዳዲሰ።

10 ቢታያ ላይማን ጸላ ኩማዲሰ፤

ቃንጌቲዳ ጊሻሰ ዩካወሰ፤

ባዘን ዲዛ ማሂ ሄንሳሶሆቲ ማሊዳ፤

ናቤቲካ ጌላ ኦጌ ካሊዳ፤

ባሰ ኢማቲዳ ማታ

ዋጋይ ባይንዳ ጎኤቲዳ።

11 ጎዳይ፡ «ናቤቲ፡ ቁሴቲ

ጸሎቲላ ኦጌራ ቤቲና፤

ታ ኬላ ጋርሳንካ ኢሰቲ

ኦሊዛ ኢታቲላ ታ ቤኣዲሰ።

12 ሃሳ ጊሻሰ ኢሰታ ኦጌይ ሃሊጸና፤

ኢሰቲካ ጳማን ኩንዳና፤

ኢሰቲ ጋንዲጋርዲ ኩንዳና፤

ኢሰቲ ቃጻዬቲዛ ዋዴ

ታ ኢሰታ ቦላ ፓላ ሚሽ ኤሃና።

13 ታኒ ሳማሪያን ዲዛ ናቤታ ቦላ

ኡፋይሶንታ ሚሽ ቤኣዲሰ፤

ኢሰቲ ባኣሌ ሱንሳን

ቲንቢቴ ዮቲዳ፤

ታ ዴራ ኢሰራኤሌካ ባሌሊዳ።

14 ዩራሳላሚን ዲዛ ናቤታ ቦላ

ዴዲዛ ኢታ ሚሽ ቤኣዲሰ፤

ኢሰቲ ላይማቲቲሰ፤

ዋርዶቲላን ዴኤቲሰ፤

ኦኒካ ባ ኢታ ኦሶፔ

ሲሞንታ ማላ

ኢታታ ሚንሌቲሰ፤

ታ ማታን ኢሰቲ ኡባይካ

ሶዶሜ ማላ፡

ኢዚን ዲዛ ኣሳይካ

ጋሞራ ማላ» ጌሰ።

15 ሃሳ ጊሻሰ ኡባፊ ዋልቃማ ጎዳይ

ሃይታ ናቤታ ጊሻሰ፡

«ዩራሳላሚን ዲዛ ናቤታፔ

ቲና ሚሽ ኬዚዲ

ቢታ ኡባን ላሊቲዳ ጊሻሰ

ታ ኢሰታ ጫሞ ካላ ሚዛና፤

ቃሴ ማርኬቲዳ

ሃላ ኡሻና» ጌሰ።

16 ኡባፊ ዋልቃማ ጎዳይ፡

«ሃይቲ ናቤቲ ቲንቢቴ

ኢንቲሰ ዮቲዛይሳ ሲዮፒቲ፤

ኢሰቲ ኢንቲና

ዋርዶ ሂደታን ኩንሌቲሰ፤

- ኢስቲ ጎዳፔ ገደንታ
ባፔ ሜዳ ኤኪ ዮቴቴሰ።
- 17 ታና ካዲዛይታ ኢስታሰ።
ሳዳይ እንቴሰ
ሳሮ ገዳና ገዳሰን ገቴሰ፤
ባንታ ዋዚና ሙሜቴፋ
ካሊዛይታ ኡባ
ኢስታሰ። «ኢታ ሚሺ
እንቴና ጋኬና» ገቴሰ።
- 18 ኢዛ ቃላ ሲያናሲኔ ኣዛዜታናሰ
ጎዳይ ዳኢዛ ሺቆን ኢስታፊ
ኦኔ ኤቃናይ?
ኢዛ ቃላ ኤዘገ ሲዩዳይ ኦኔ?
19 ጎዳ ሃንቆይ ጎቴ ጫርኮ ማላ ዳንዳና፤
ሚኖ ዳምባላይ
ኢታ ኣሳታ ሁኤ ሸጫና።
- 20 ኢዛ ዋዚና ቆፋ
ሙሉራ ፖሎንታ ዲሺ
ኢዛ ሃንቆይ ጮ ሃዳ ሲሚና፤
ጉዩፔ ዪዛ ላይባታን ሃይሳ
ቆንጩን እንቴ ኤራና።
- 21 ሃይታ ሃ ናቤታ ታ ኪታቤኬ፤
ገደ ኣቲን ኢስቲ ባንታ ኪታ
ኤኪ ዋጾቴሰ፤
ታ ኢስታሰ ዮቶንታ
ቴንቢቴ ዮቴቴሰ።
- 22 ኢስቲ ታ ዘሬን ኤቁዳኮ
ታ ቃላ ታ ዳራ ሲሳና፤
ኢታ ኦጌፔኔ ኢታ ኦሶፔ
ኢስታ ዛራና።
- 23 ታኒ ማታሰ ጸላ ጸሴ?
ሃሆሰካ ጸሰ ገዲኪና?
- 24 ታኒ ቤኣንታ ማላ ገመሶን
ቆቴቲ ኣታና ኣሲ ዲዜ?
ሳሎኔ ሳኣ ኩሚዳይ
ታና ገዲኪና! » ገሰ ጎዳይ።
- 25 ጎዳይ። «ታኒ ኣጉሚታዲሰ፤ ታኒ ኣጉሚታዲሰ»
ገሺ ታ ሱንጎን ዋርዶ ቴንቢቴ ሃሳይዛ ናቤታ ቃላ
ሲያዲሰ።
- 26 ሃ ዮኦይ ባንታ ዋዚና ባሌፍን ዋርዶ ቴንቢቴ
ሃሳይዛ ናቤታ ዋዚናን ኣይዳ ጋካናሰ ጋምኣኔ?
27 ኢስታ ኣዋቲ ባኣሌ ገቴቲዛ ኤቃዛ ጋሶን ታ
ሱንጎ ዳገዳ ማላ። ኢስቲ ኢሶይ ኢሳሰ ዮቲዛ ኣጉሞን
ታ ኣሳይ ታ ሱንጎ ዳገና ማላ ኦሊዳ ኢስታሰ ሚሳቴሰ።
- 28 ኣጉሚቲዛ ናቤይ ባ ኣጉማ ዮቶ፤ ታ ቃላይ ኢዛን
ዲዛይይ ገዲኮ ሄ ቃላ ኣማኔቴፋን ዮቶ፤ ሃፓሲኔ ካፋ
ኣይፊሰ ኣይ ገይቶቴላ ዲዜ?
29 «ታ ቃላይ ታማ ማላኔ ሹቕ ቁሪዛ ናሪቃ ማላ
ገዳኔ?» ገሰ።
- 30 ጎዳይ። «ሃሳ ገሻሰ ቃላ ኢሶይ ኢሳፊ ካይሲ
ካይሲ ኤኪዲ ታፔ ኤኪዳ ማላ ዮቲዛ ናቤታራ ታ
ኤቁታይሰ።
- 31 ባንታ ደና ጨንጫቴፋን። ሳዳይ ሂዘገሰን ገዛ
ናቤታራ ታ ኤቁታይሰ» ገሰ።
- 32 ጎዳይ። «ታኒ ዋርዶ ኣጉሞ ካሊዲ ቴንቢቴ
ዮቲዛ ናቤታራ ኤቁታይሰ፤ ታ ኪቶንታ ዲሺን ዋይኮ ታ
ሹሞንታ ዲሺን ጸላቴፋን ዋርዶ ዮኦ ዮቴቴሰ፤ ታ

ዳሬዛካ ባሌቴሰ፤ ሃይሳ ሃ ዳሬዛ ኣይኮካ ጎኤቴና»
ገሰ።

ዋርዶ ናቤታ ቴንቢቴ
33 ጎዳይ ታሰ። «ሃ ዳሬይ። ዋይኮ ናቤይ። ዋይኮ
ቁሴይ። ሳዳሰ ቶሆ ገዲዳይ ኣዜ?» ገዲ ኣይቸኮ።
ሳዳሰ ቶሆይ እንቴና፤ ሃሳ ገሻሰ ታኒ እንቴና ዋራ
ኦላና» ገሰ ጋ ዮታ።

34 ናቤይ። ዋይኮ ቁሴይ። ዋይኮ ኣይ ኣሲካ።
«ሃይሲ ጎዳ ቶሆ» ገዲ ሃሳይኮ ታኒ ሃሳዳኔ ኢዛ ሶሆ
ኣሳ ቃጸያና።

35 ኢሶይ ኢሶይ ባ ላጌ ዋይኮ ባ ዳቦ። ሳዳይ ኣይ
ዛር ኣሚዳ?» ዋይኮ። ሳዳይ ዮቲዳይ ኣዜ?» ገዲ
ኦይቻናሰ ቤሴሰ።

36 ሃይሳፊ ጉዩን ገዲኮ። ሳዳ ቶሆ» ገዲ እንቴ
ሃሳናሰ ቤሴና። ጋሶይካ ኣሰ ኡባሰ ኢዚ ሃሳይዳ
ቃላይ ኢዛሰ ቶሆ ገዲዛ ገሻሰ ዳኦ ጸሳ። ኡባፊ
ዋልቃማ ጎዳ ኦ ጸሳ ቃላ እንቴ ቦኪሴታ።

37 ሃሳ ገሻሰ ናቤዛሰ። ሳዳይ እንቴሰ ኣይ ዛር
ኣሚዳ?» ዋይኮ። ሳዳይ ዮቲዳይ ኣዜ?» ጋዳ
ኦይቻናሰ ቤሴሰ።

38 ገደ ኣቲን እንቴ። «ሃይሲ ጎዳ ቶሆ» ገዲ።
ጎዳይ ታኒ እንቴና። «ሃይሲ ጎዳ ቶሆ» ጎፐቴ ገንካ
እንቴ። «ሃይሲ ጎዳ ቶሆ» ገደታ።

39 ሃሳ ገሻሰ እንቴና። ቃሴካ እንቴሰኔ እንቴ
ኣዋታሰ ታ ኣሚዳ ካታማይራ ጋሳዳ ዩጋ ኣጋና፤ ታ
ሲንፋፊካ ዋራ ኦላና።

40 ሚርናሰ ደጌቶንታ ሚርና ዩላቴላኔ ካዉሻቴላ ታ
እንቴ ቦላ ኤሃና» ገደሰ።

24

ኤርምያ ኣጂታን ቤኢዳ ናምኡ ኬሸታ
1 ባቢሎኔ ካዋ ናቡካዳናጾሬይ ኢዮኣቁሚ ና። ዩሁዳ
ካዋ ኢኮኒያኔኔ ኢዛ ሹሜታ። ኣናጾታኔ ዋጋጩታ
ዩራሳላሚፔ ዲኢዲ ባቢሎኔ ኤፊዳፔ ጉዩ ጸሳ
ኬፋፊ ሲንጎ ባጋራ ባላሴ ቴራይ ኢዛን ኩሚ ኡቲዳ
ናምኡ ኬሸታ ጎዳይ ኣጂታን ታና ቤሲዳሰ።

2 ኢሲ ኬሸዛን ሻቼ ጋኪዳ ኬሂ ሎኢዛ ባላሴ ቴራ
ሚሳቲዛይ ዳሰ። ናምኣንጎ ኬሸዛን ሜቲቶንታ ማላ
ዋራቴዳ ኬሂ ኢታ ባላሴ ቴራይ ዳሰ።

3 ጎዳይ ታና። «ኤርምያ። ሄሲ ኔኒ ቤኢዛይ ኣዜ?»
ገዲ ኣይቸዴሰ። ታኒካ። «ባላሴ ቴራ ቤኣይሰ፤ ሎኦ
ቴራይ ኬሂፔ ሎኦ፤ ገደ ኣቲን ኢታ ቴራይ ሜቲቶንታ
ማላ ዋራቴዳ ኬሂ ኢታ» ጋዲሰ።

4 ቃሴካ ጎዳ ቃላይ ታኮ ዩዲ።

5 «ጎዳ ኢሰራኤሌ ጸሳይ። ሃይሳ ሎኦ ባላሴዛ
ማላ ታኒ ሃይሳፊ ባቢሎኔ ቢታ ዩዲዳ ዩሁዳፔ
ዲኤቲዳይሳ ሎኦን ቆፓና።

6 ታኒ ሎኦ ኣይፊን ኢስታ ጸላና፤ ቃሴ ታኒ ኢስታ
ዛራዳ ሃ ቢታ ኤሃና። ታ ኢስታ ገረሳና ኣቲን ላሊኬ፤
ታ ኢስታ ቶካና ኣቲን ሸዲኬ።

7 ታኒ ጎዳ ገዲዳይሳ ኤሪዛ ዋዚና ኢስታሰ ኣማና፤
ኢስቲ ባንታ ኩሚፋ ዋዚናፔ ታኮ ሲማና ገሻሰ ኢስቲ
ታ ዳሬ ገዳና፤ ታኒካ ኢስታ ጸሰ ገዳና።

8 « ሳዳ ኣቲን ጎዳይ። ሜቲቶንታ ኬሂ ኢታ
ባላሴዛ ማላ ዩሁዳ ካዋ ሴዳቁያሳኔ ኢዛ ሹሜታ።

ቃሴካ ዩሩሳሌምን ጫሻ አቲዳይታኔ ገብጾን ዲዛይታ ታ ሃሳብ አላና።

9 ቢታ ቦላ ካዎቱላታ ኡባ ሲንላን ሃራሴቲዛይታኔ ጫዬቲዳይታ ገዳና፤ ኢስታ ላላ ዩዲዛሶ ኡባን ኢስቲ ቂዴሰ፣ ለሚሶሰ፣ ካዴሰኔ ቃንጌላሰ ታ ኢስታ አላና።

10 ታኒ ኢስታሲኔ ኢስታ ኣዎታሰ አሚዳ ቢታፊ ኢስቲ ሙሌራ ጳያና ጋካናሰ፣ ማሻ፣ ኮሻኔ ኢታ ሃርጌ ኢስታ ቦላ ዩዳና ጌሰ» ገዴሰ።

25

ላፑን ታሙ ዲኤቲላ ላይላታ

1 ዩሁዳ ካዎ ኢዮሲያሳ ና ኢዮኣቄሚይ ካዎቲዳ አይዳንላ ላይላን፣ ባቢሎኔ ካዎ ናቡካዳናጾሬይ ካዎቲዳ ኮይሮ ላይላን ዩሁዳ ኣሳ ኡባ ገሻሰ ኤርምያኮ ዩዳ ቃላይ ሃይሳ።

2 ናቤ ኤርምሲ ዩሁዳ ኣሳ ኡባሲኔ ዩሩሳሌምን ዲዛ ኡባታሰ።

3 «ዩሁዳ ካዎ ኣሞኔ ና ኢዮሲያሳ ካዎቲዳ ታማኔ ሃሻንላ ላይላፊ ደሚዲ ሃኙ ጋካናሰ ናሞኡ ታማኔ ሃሻ ላይላ ኩሚላ ጎዳ ቃላይ ታኮ ዩዳሰ። ሂስቲን ታኒካ ዛራ ዛራዳ ኢንቴሰ ዮታዲሰ፤ ገዶ አቲን ኢንቴ ሲዮንታ ኢዲዳታ።

4 «ጎዳይ ባ አይሌ ገዲዳ ናቤታ ኡባ ዛሪ ዛሪዲካ ኢንቴኮ ከቲዳሰ፤ ገዶ አቲን ኢንቴ ኢስታ ሲዮንታ ኢዲዳታ፤ ኢስታሰካ ዉዲ ጎንታ ኢዲዳታ» ገዴሰ።

5 ኢስቲ፣ «ኢንቴ ኡባይካ ኢንቴ ኢታ ኦፔቴ ኢንቴ ኢታ ኦፔቴ ሃኢ ሲሚቴ። ሂስቲን ጎዳይ ኢንቴሲኔ ኢንቴ ኣዎታሰ ሜሪ ሜርናሰ አሚዳ ቢታን ኢንቴ ዳና።

6 ኤቃ ጳሳታሰ ኦላናሲኔ ጎይናሰ ካሎፍቴ፤ ቃሴ ኢንቴ ኩሼይ ኦላዳ ሚሻን ታና ዩሎሶፕቴ። ሂስቲኮ ታ ኢንቴ ቦላ ኢታ ኦላኬ» ገዴ።

7 ጎዳይ፣ «ኢንቴ ታና ሲዮንታ ኣገዳ ገሻሰ ኢንቴ ኩሼይ ኦላዳ ሚሻ ኡባን ታና ሃንቄላይታ፤ ሂስቲዲ ኢንቴ ቦላ ኢታ ሚሻ ኤሂዳታ» ጌሰ።

8 ሃሳ ገሻሰ ኡባፊ ዎልቃማ ጎዳይ፣ «ኢንቴ ታ ቃላሰ ኣዛዜቶንታ ኢዲዳ ገሻሰ።

9 ታኒ ፑይሃ ባጋ ዴራ ኡባኔ ታ አይሌ ገዲዳ ባቢሎኔ ካዎ ናቡካዳናጾሬ ዴይጋና። ሂስታዳ ኢስታ ሃ ቢታ ቦላ፣ ሃ ቢታን ዲዛ ኣሳ ቦላኔ ሂራን ዲዛ ካዎቲላታ ኡባ ቦላ ኤሃና፤ ታኒ ኢንቴና ሙሌራ ጳይሳና፤ ቃሴ ሜርናሰ ኣሲ ካዲዛኔ ቂዲዛ ቡላ ኬሳና።

10 ታኒ ኢስታፊ ኡፋይሲኔ ኢሊሊሳ ጨንጉርሳ፣ ሚሻራዛኔ ሚሻራይ ጨንጉርሳ፣ ዎጻ ገሪሲኔ ጸምፔ ፖኦ ጳይሳና።

11 ሃ ቢታይ ሙሌራ ቡላኔ ካይሰ ገዳና፤ ሃ ካዎቲላቲካ ባቢሎኔ ካዎሰ ላፑን ታሙ ላይላ ሃራታና።

12 «ላፑን ታሙ ላይላይ ፖሌቲዳፔ ጉዬ ባቢሎኔ ካዎ፣ ኢዛ ዴራኔ ኢዛ ቢታ ሞሮ ገሻሰ ታኒ ቃጻያና፤ ኢስታ ቢታካ ሜርናሰ ቡላ አላና።

13 ታኒ ሃ ቢታ ቦላ ሃሳይዳይሳ ኡባ፣ ሃ ማጻፋዛን ጻፊቲዳይሳ፣ ኤርምሲ ካዎቲላታ ኡባ ቦላ ዮቲዳ ቲንቢቴታ ኤሃና።

14 ባቢሎኔ ዴሬይ ዳሮ ካዎቲላታሲኔ ገታ ካዎታሰ አይሌ ገዳና፤ ኢስታ ኩሼ ኦሶ ማላ ታ ኢስታሰ ቃንጻና» ጌሰ።

ጸሳ ሃንቆ

15 ጎዳ ኢሰራኤሌ ጸሳይ ታሰ፣ «ሃይሳ ታ ሃንቆ ዎይኔ ኡሻዚ ኩሚዳ ዎንጫ ሄይ፤ ኤፋዳ ታኒ ኔና ኪቲዛ ካዎቲላታ ኡባ ኡሻ።

16 ኢስቲ ኡዩዳ ዎዴ ጋንዲጋራና፤ ኢስታ ቦላ ታ ዩዲዳ ኦላ ጋሶን ኢስቲ ጎያና» ገዴሰ።

17 ሂስቲን ታኒ ጎዳ ኩሼፔ ዎንጫ ኤካዳ ኢዚ ታና ኪቲዳ ካዎቲላታኮ ባዳ ኢስታ ኡሻዲሰ።

18 ሃኙ ሃኒዳይሳ ማላ ኢስቲ ቡላ፣ ኣሲ ሃራሴቲዛይታ፣ ካዲዛይታኔ ቃንጌቲዳይታ ገዳና ማላ ዩሩሳሌምኔ ዩሁዳ ካታማ ኣሳታ፣ ኢስታ ካዎታኔ ኢስታ ሹሜታ ኡባ።

19 ገብጾ ቢታ ካዎ፣ ኢዛ አይሌታ፣ ኢዛ ሹሜታ፣ ኢዛ ዴራ ኡባ።

20 ሃን ዲዛ ዎላካ ዴራ ኡባ፣ ኡዴ ቢታ ካዎታ ኡባ፣ ፊሊሰጾሜ ካዎታ፣ ኣሰቄሎናን፣ ጋዛን፣ ኣቃርኔኔ ኣዛጾኔን አቲ ዲዛ ዴራ ኡባ።

21 ኤደሚ፣ ሞኣቤኔ ኣሞኔ።

22 ጲርሴኔ ሲዶና ኣባፊ ሃ ፒንላ ጋጾን ዲዛ ካዎታ።

23 ዳዳኔ፣ ቴማ፣ ቡዜኔ ባንታ ሁኤ ጋሜ ሜዲዛ ኣሳ ኡባታ።

24 ኣራቢያ ቢታ ካዎታ ኡባኔ ባዞ ቢታን ዲዛ ዎላካ ዴራ ካዎታ ኡባ።

25 ዘሚሬ፣ ኤላሚኔ ሜዶኔ ካዎታ ኡባ ኡሻዲሰ።

26 ሃሆኒኔ ማታን ዲዛ ፑይሃ ባጋ ካዎታ ኡባ።

ታራን ታራን ቢታ ቦላ ዲዛ ካዎቲላታ ኡባ ኡሻዲሰ። ኢስታ ኡባፊ ጉዬ ባቢሎኔ ካዎይካ ኡያና።

27 ሃሳ ገሻሰ ጎዳይ ታና፣ «ኡባፊ ዎልቃማ ጎዳ ኢሰራኤሌ ጸሳይ ኢንቴና፣ ሉዩቴ፤ ማላቲቴ፤ ጮዩቴ ናሞኣንላ ኢንቴ ዴንዶንታ ማላ ታ ኢንቴ ገዶ ዩዲዛ ኦላ ሲንላን ኩንዲቲ» ጌሰ።

28 ገዶ አቲን ኢስቲ ኔ ኩሼፔ ዎንጫ ኤኮንታኔ ኡዮንታ ኢዲኮ ኢስታሰ፣ ሉባፊ ዎልቃማ ጎዳይ ኢንቴ ዶሶንታ ኡያና።

29 ቤኢቴ፤ ታ ሱንላይ ዴይጌቲዳ ካታማዮ ታ ጳይሶ ደማና፤ ሂስቲን ኢንቴ ቃጻዬቶንታ አቲ ባኔ? ታኒ ሳኣን ዲዛ ኡባ ቦላ ኦላ ዴይጌዳ ገሻሰ ኢንቴ ቃጻዬቶንታ አቲኬታ» ጌሰ።

30 ሃሳ ገሻሰ ጎዳይ ኤርምሳሰ።

«ሃ ቃላ ኡባ ኢስታ ቦላ

ቲንቢቴ ዮታ፤

ሳዳይ ቦላፊ ዎሳና፤

ባ ዲዛ ጌሻ ሶሆፔ

ዳዳቲዛ ባ ጉንላ ሲሳና፤

ኢዚ ባ ቢታ ቦላ ኬሂ ዎሳና፤

ዎይኔ ማጻሼ ዩዲዛ ማላ

ሳኣን ዲዛ ኡባ ቦላ ኢዚ ጉማና።

31 ጎዳይ ካዎቲላታ ቦላ ፒርዲዛ ዎዴ

ኢዛ ጨንጉርሳይ

ቢታ ጋጾ ጋካናሰ ሲዬታና፤

ኢዚ ኣሰ ኡባ ቦላ ፒርዳና፤

ኢታታካ ማሻሰ

ኣላ አማና) » ገዴሰ።

32 ጎዳይ ኡባፊ ዎልቃማ ጸሳይ፣

«ቤኣ፣ ኢታ ሚሻ ካዎቲላፊ

- ካዎቲል አኪ አኪ ቢዳስ፤
 ሳኦ ጋጾፔ ዋልቃማ ጎቲ
 ጫርኮይ ዳንዲዳስ» ጌሰ።
- 33 ሄ ዋዴን ጎዳይ ዋዲዳይታ ኣሃይ
 ቢታ ጋጾፔ ቢታ ጋጾ ጋካናስ
 ፖርጩ ጊ ኩንዳና፤
 ኢስታስ ዩኩቴና፤
 ኢስታ ኣሃይ ሺቄናኔ ሞጌቴና፤
 ቢታ ቦላ ቡራ ማላ ኦሌታና።
- 34 ኢንቴኖ ሄንጎንቻቶ!
 ዩኩቴኔ ዋሲቴ።
 ኢንቴኖ ወዳ ሄሚዛይቶ!
 ቢዲንጎን ጌንዴሬቴቴ።
 ኢንቴ ሹኩታና
 ዋዴይ ጋኪዳ ጊሻስ
 ሎኢ ማዴቲዳ ማና ሚሺ
 ቲንቼቲዛ ማላ
 ኢንቴ ኩንዲ ቲንቼታና።
- 35 ሄንጎንቻቲ ባቃቲዛሶይ ዳና፤
 ወዴ ሄሚዛይቲ ኬሲ ኤኪ
 ኣቲዛሶይ ባ።
- 36 ጎዳይ ኢስቲ ሄሚዛሶሆ
 ዳይሲዳ ጊሻስ ሄንጎንቻታ ዋሶኔ
 ወዴ ሄሚዛይታ ዩሆ ሲዩቴ።
- 37 ጎዳ ሃንቆ ሴላ ጋሶን
 ሳሮ ቢታይ ቡላ ጊዳና።
- 38 ጋሞይ ባ ኣቁዛሶፔ ዩጊ ቢዛ ማላ
 ኢንኤላዛይሳ ማሻጩ
 ጎዳ ሃንቆ ዳንዲዳይሳን
 ኢስታ ቢታያ ቡላ ጊዳና።

26

ኤርምያ ቦላ ሺቄዳ ፒርዳ

- 1 የሁዳ ካዎ ኢዮሲያሳ ና ኢዮኣቄሜይ ካዎቲዳ
 ኮይሮ ላይላን ሃይሳፌ ካሊ ዲዛ ቃላይ ጎዳ ኣቻፌ
 ዩዳስ።
- 2 ጎዳይ ታና፡ «ጎዳ ኬላ ዛጎን ኤቃዳ ጎዳ ኬላን
 ጎይናናስ የሁዳ ካታማታፔ ዩዛ ዳሬ ኡባስ የታ፤ ታኒ
 ኔና፡ «የታ» ጋዳ ኣዛዚዳ ቃላ ኡባፌ ኢሲኖካ ኣሾንታ
 ወርሳ የታ።
- 3 ኢስቲ ሲዩዲ ባ ቢዛ ኢታ ኦፔፔ ሲማናኮ ኦኔ
 ኤሪዛይ? ታኒካ ኢስቲ ኦሊዳ ኢታቲላ ጊሻስ ኢስታ
 ቦላ ኤሃና ጊዳ ቁጻቴዛ ኣጋና።
- 4 ኔ ኢስታስ፡ «ጎዳይ ኢንቴና ኢንቴ ታ ጊዛዝ
 ሲዮንታ ኢዲኮ፡ ታ ኢንቴስ ኢሚዳ ታ ዋጋ ናጎንታ
 ኢዲኮ።
- 5 ኢንቴ ሲያና ማላ ታ ኦሳንቻታ ዛራ ዛራ ታ
 ኢንቴኮ ዩዲዳ ናቤታ ቃላ ኢንቴ ሲዮንታ ኢዲኮ።
- 6 ታኒ ሃ ኬላ ሴሎ ማላ ኣላና፤ ሃ ካታማዮካ ሳኦ
 ቦላ ዲዛ ካዎቲላ ኡባ ሲንጎን ቃንጌቴዳሮ ሂስታና
 ጌሰ ጋ» ጊዳስ።
- 7 ኤርምያ ጎዳ ኬላን ሃ ቃላ የቲሺን ቄሴቴ፡
 ናቤቴኔ ዳሬይ ወሪ ሲዩዳ።
- 8 ጊዳ ኣቲን ኤርምያ ዳሬዛስ የታና ማላ ጎዳይ
 ኢዛስ የቲዳይሳ ዳሬዛስ የቲ ወርሲዳ ማላ ቄሴቴ።

- ናቤቴኔ ዳሬዚ ወሪ ኢዛ ኦይኪዲ፡ «ኔና ዋዳናስ
 ቤሴስ!
- 9 ኔኒ፡ «ሃይሲ ኬላዚ ሴሎ ማላ ጊዳና፤ ቃሴ ሃና
 ካታማያ ቡላኔ ካይሰ ጊዳና፤ ጋዳ ጎዳ ሱንጎን ኣይሰ
 ቲንቢቴ የታይ?» ጊዳ። ሂስቲዲ ጎዳ ኬላን ሺቄዳ
 ኣሳይ ኡባይ ኤርምያ ጊዳሊዳስ።
- 10 የሁዳ ሹሜቲ ሃሳ ኡባ ሲዩዳ ማላ ካዎቲላ
 ኬላፌ ኬዚዲ ጎዳ ኬላ ቢዳ። ሂስቲዲ ጎዳ ኬላስ፡
 «ኦራላ ፔንጌ» ጌቴቲዛሶ ፔንጌዛን ቢ ኡቲዳ።
- 11 ቄሴቴኔ ናቤቴ ሹሜታሲኔ ዳሬ ኡባስ፡ «ኢንቴ
 ኢንቴ ሃይላን ሲዩዳ ማላ ሃ ኣዳዚ ሃኖ ካታማይ ቦላ
 ቲንቢቴ የቲዳ ጊሻስ ኢዛስ ሃይቆይ ቤሴስ!» ጊዳ።
- 12 ኤርምያ ሹሜታሲኔ ዳሬ ኡባስ፡ «ሃ ኢንቴ
 ሲዩዳ ቃላ ኡባ ሃ ኬላ ቦላኔ ሃኖ ካታማይ ቦላ ታ
 የታና ማላ ጎዳይ ታና ኪቲዳስ።
- 13 ሃኢካ ኢንቴ ኦፔኔ ኢንቴ ኦሶ ሎኤላቴ፤ ጎዳ
 ኢንቴ ጸሳስ ኣዛዜቴቴ፤ ኢንቴ ሂስቲኮ ጎዳይ ኢንቴ
 ቦላ ኤሃና ጊ የቲዳ ኢታ ሚሻ ኢዚ ኣጋጋና።
- 14 «ታኒ ጊዲኮ ሃኮ ኢንቴ ኩሹን ዳይሰ፤ ኢንቴስ
 ሎኦኔ ሱሪ ሚሳቲዛይሳ ታ ቦላ ኦሊቴ።
- 15 ጊዳ ኣቲን ሃይሳ ኢንቴ ሲዩዳ ቃላ ኡባ ታኒ
 ኢንቴስ የታና ማላ ጎዳይ ታስ ኣዳፌ የቲዳ ጊሻስ
 ኢንቴ ታና ዋዲኮካ ኢንቴ ጸሎ ሱላ ጉሲዲ ኢንቴ
 ኢንቴ ሁኤሲኔ ሃኖ ካታማይን ዲዛ ኣሰ ኡባ ሞራንቻ
 ሂስቲንታ ማላ ናጌቴቴ» ጊዳስ።
- 16 ሂስቲን ሹሜቲኔ ዳሬዚ ኡባይ ቄሴታሲኔ
 ናቤታስ፡ «ሃይሲ ኣዳዚ ጎዳ ኦ ጸሳ ሱንጎን ሃሳይዳ
 ጊሻስ ሃይቃናስ ቤሴና!» ጊዳ።
- 17 ዳሬ ጨማታፔካ ኢሲ ኢሲ ኣሳቲ ዳንዲ ኤቄዲ
 ሺቄዳ ዳራስ፡
- 18 «ሂዝቄያሲ የሁዳን ካዎቲዲ ዲዛ ዋዴ
 ሞሪሹቴፔ ዩዳ ሚኪያሲ የሁዳ ዳሬ ኡባስ፡
 «ኡባፌ ዋልቃማ ጎዳ ጸሳይ፡
 «ዲዮኔይ ጎሻ ጋይ ማላ ጎይታና፤
 ዩሩሳላሚይ ላሊ ኮሪዳ
 ኬላ ማላ ጊዳና፤
 ጸሳ ኬላይ ኢዛ ቦላ
 ኬጾቲዳ ዙማይ
 ዋራ ማይኣና» ጊዳስ።
- 19 «ሂስቲን፡ የሁዳ ካዎ ሂዝቄያሲኔ የሁዳ ኣሳይ
 ኡባይ ኢዛ ዋዲዳ? ሂዝቄያሲ ጎዳስ ያዩዲ ኢዛፔ
 ማሮ ዋሲቤኔ? ጎዳይካ ባ ኤሃና ጊ ቆፒዳ ቁጻቴዛ
 ኣጋጊቤኔ? ጊዳ ኣቲን ኦኒ ኦርካ ኦ ቦላ ፓላ ኢታ
 ሚሻ ኤሃና ሃኖስ» ጊዳስ።
- 20 ቃሴካ ቤኒ ዋዴ ቄሪያቴ-ዩኣሪሚ ጊዛሶን ዲዛ
 ሻማኤ ና ኦሪዮይ ዳስ፤ ኢዚካ ኤርምያ የቲዳ ማላ
 ሃ ካታማ ቦላኔ ሃ ቢታ ቦላ ጎዳ ሱንጎን ቲንቢቴ
 የቲዳስ።
- 21 ካዎ ኢዮኣቄሜይ፡ ኢዛ ኦሳንቻቲ፡ ኢዛ ኦሳንቻቲ
 ኦሪዮይ የቲዳይሳ ሲዩዳ ዋዴ ካዎዚ ኢዛ ዋዳናስ
 ኮዩዳስ። ኦሪዮይ ሃሳ ሲዩዲ ባቢዳ ጊሻስ ጊብጾ
 ቢታ ባቃቲዳስ።
- 22 ጊዳ ኣቲን ካዎ ኢዮኣቄሜይ ኣኪቦሪ ና
 ኤልናታኔኔ ሃራ ኣሳታካ ኢዛ ቦላ ጉጂዲ ጊብጾ ቢታ
 ኪቲዳስ።

23 ኢስቲ ኦሪዮ ገብጾፔ ኮይኪ ኤሂዲ ካዎ ኢዮአቄሜኮ ኤፊዳ። ካዎዚ ኢዛ ማሻን ዎጲዲ ኢዛ ኣሃ ቤተዳይ ሞገቲዛሶን ኤፊ ዩገደስ።
 24 ገደ ኣቲን ሳፋኔ ና ኣኪቃሜይ ኤርምያ ባጋ ገዲዳ ገሻሰ ኣሳይ ኤርምያ ዎጲና ማላ ኣሉ ኢሚቤና።

27

የሁዳ ኩንዴል

1 የሁዳ ካዎ ኢዮሲያሳ ና ሴዴቂያሲ ካዎቲዳ ኮይሮ ላይላን ጎዳ ቃላይ ኤርምያኮ ዩደስ።
 2 ጎዳይ ታሰ። «ሚላፊ ቃምባራ ገገሳዳ ዳፎ ኢዛን ጌልላዳ ኔ ሞርጌን ዎጲ።
 3 የሁዳ ካዎ ሴዴቂያሳኮ ዩሩሳላሜ ዩዳ ኣሳታ ቦላ ኤደሜ ካዎስ። ሞእቤ ካዎስ። ኣሞኔ ካዎስ። ጸርሴ ካዎስኔ ሲደና ካዎስ ኪታ ዩዳ።
 4 ኢስቲ ባንታ ጎዳታ ኤሪሳና ማላ ኢስታስ ኡባፊ ዎልቃማ ጎዳ ኢስራኤል ጸሳይ ኢንቲ ጎዳታስ ሃይሳ ዮቲቲ።
 5 ታ ገታ ዎልቃኒኔ ሚጨቲዳ ታ ኩሼን ሳኣኔ ሳኣ ቦላ ዲዛ ኣሰኔ ሜሄ ሜጳዲስ። ኢስታ ታ ደሲዳደስ ኢማና።
 6 ሃኢካ ሃይታ ሃ ዳሬታ ኡባ ታ ኣይሌዛ ባቢሎኔ ካዎ ናቡካዳናጸሬስ ኣላ ኢማና፤ ዎራ ደኣታካ ታ ኢዛስ ሃሪሳና።
 7 ኢዛ ዳሬይ ሃራስ ሃሪታና ጋካናስ ካዎቲላቲ ኡባይ ኢዛስ። ኢዛ ናሰኔ ኢዛስ ና ናስ ሃሪታና። ሃሳፊ ጉዬ ዳሮ ካዎቲላቲኔ ገታ ካዎቲ ኢዛ ሃራና።
 8 «ገደ ኣቲን ኣይ ዳሬይ ዎይኮ ኣይ ካዎቲላኔ ሃ ባቢሎኔ ካዎ ናቡካዳናጸሬስ ኣዛዜቶንታ ኢጲኮኔ ኢዛ ቃምባራን ጌሎንታ ኢጲኮ። ታኒ ጎዳይ ሄ ካዎቲላ ኢዛ ኩሼን ጳይሳና ጋካናስ። ኦላን። ኮሻኒኔ ኢታ ሃርጌን ቃጸያና።
 9 ሃሳ ገሻሰ ኢንቲና። «ባቢሎኔ ካዎስ ሃሪቲኬታ» ገዛ ኢንቲ ናቤታ። ሙሬኒዛይታ። ኣጉሞ ኣጉሜቲዛይታ። ሞይቲሌ ጸይገዛይታ ሲዮፒቲ።
 10 ጋሶይካ ኢንቲ ኢንቲ ቢታፊ ሾይታና ማላ። ታ ኢንቲና ጎዳና ማላ። ጳይሳና ማላ ኢስቲ ኢንቲስ ዎርዶ ቲንቢቴ ዮቲቲስ።
 11 ገደ ኣቲን ኣይ ካዎቲላካ ባቢሎኔ ካዎ ቃምባራን ጌሊዲ ባ ሁኤ ዘቂ ሂስቲዲ ኢዛስ ኦሊዛ ገዲኮ ታኒ ጎዳይ ሄ ዳራ ሄን ባ ዳሬን ኣቲዲ ጎዴሹ ዳና ማላ ኦላና» ገደስ።
 12 ታኒ የሁዳ ካዎ ሴዴቂያሳሲካ ሃይሳ ሃ ኪታ ዮታዲስ፤ «ኢንቲ ሞርጌ ባቢሎኔ ካዎ ቃምባራ ጋርሳን ዘቂ ሂስቲቲ፤ ኢዛሰኔ ኢዛ ዳራስ ሃጋዚቲ፤ ሂስቲኮ ኢንቲ ሹምፖራ ፓጸ ዳና።
 13 ጎዳይ ባቢሎኔ ካዎስ ሃሪቶንታ ኢጲዛ ካዎቲላታ ቦላ ኤሃና ገዳ ኦላን። ኮሻኒኔ ኢታ ሃርጌን ኔኒኔ ኔ ዳሬይ ኣይስ ዉሬቲ?
 14 ዎርዶ ናቤቲ ኢንቲስ። «ኢንቲ ባቢሎኔ ካዎስ ሃሪቲኬታ» ገዛ ዎርዶ ቲንቢቴ ሲዮፒቲ።
 15 «ታኒ ኢስታ ኪታቤኬ፤ ኢስቲ ታ ሱንላን ዎርዶ ቲንቢቴ ዮቲቲስ፤ ሃሳ ገሻሰ ታኒ ኢንቲናኔ ኢንቲስ ናቤታ ጎዳ ኬሳና፤ ኢንቲካ ጳያና» ጌስ ጎዳይ።»
 16 ሃሳፊ ጉዬ ታኒ ቄሴታሲኔ ሃ ዳሬ ኡባስ። «ጎዳይ። ሳዳ ኬላ ሚሻይ ባቢሎኔ፤ ኤሌ ሲማና»

ገዛ ናቤታ ቃላ ሲዮፒቲ። ጋሶይካ ኢስቲ ኢንቲስ ዎርዶ ቲንቢቴ ዮቲቲስ።
 17 ሃሳ ገሻሰ ኢስቲ ዮቲዛይሳ ሲሲ ኣገዲ ባቢሎኔ ካዎስ ሃሪቲቲ፤ ኢንቲ ሹምፖራ ፓጸ ዳና፤ ሃ ካታማያ ኣይስ ላሌታ ኣታኔ?
 18 ኢስቲ ቱሙ ናቤታ ገዲኮ። ቱሙካ ጎዳ ቃላይ ዲዛ ገዲኮ ጎዳ ኬላን። የሁዳ ካዎ ኬላኒኔ ዩሩሳላሜን ኣቲዳ ሚሻቲ ባቢሎኔ ዲኤቲ ቦንታ ማላ ኣኔ ጎዳ ኡባፊ ዎልቃማ ጸሳኮ ሾቢ ዎሴቶ።
 19 ጎዳይ ኡባፊ ዎልቃማ ጸሳይ ሃ ካታማን ኣቲዳ ቱሳታ ገሻሰ። ጸርቂማላ፤ ኦሴቲዳ ገታ ሳኔዛ ገሻሰ። ጋሬታ ገሻሰኔ ሃራ ኣቲዳ ኡባ ሚሻታ ገሻሰ።
 20 ሃይቲ ሃ ሚሻቲ ባቢሎኔ ካዎ ናቡካዳናጸሬይ የሁዳ ካዎ ኢዮአቄሜ ና ኢኮኒያኔ። የሁዳኒኔ ዩሩሳላሜን ዲዛ ሹሜታ ዲኢዲ ኤፊዛ ዎዴ ኣቲዳ ገሻሰ።
 21 ጎዳ ኬላን። የሁዳ ካዎ ኬላኒኔ ዩሩሳላሜን ኣቲዳ ሚሻታ ገሻሰ ኡባፊ ዎልቃማ ጎዳ ኢስራኤል ጸሳይ።
 22 «ኢስቲ ባቢሎኔ ቢታ ዲኤቲ ባና፤ ታኒ ኢስታ ጸሞሳና ጋላሲ ጋካናስ ሄን ዳና፤ ሄ ዎዴ ታ ኢስታ ዛራ ኤሃዳ ካሴ ኢስታሶሆን ዎላና» ጌስ» ገደስ።

28

ኤርምያኔ ዎርዶ ናቤ ሃናኒያ

1 ሄ ዎዴ የሁዳ ካዎ ሴዴቂያሲ ካዎቲዳ ኦይዳንላ ላይላን ኢቻሻንላ ኣገናን ጌባኦኔ ኣስ ኣዙሬ ና ናቤ ሃናኒያይ ጎዳ ኬላን ቄሴታ ሲንላኒኔ ዳሬ ኡባ ሲንላን ታስ።
 2 «ኡባፊ ዎልቃማ ጎዳ ኢስራኤል ጸሳይ። «ባቢሎኔ ካዎይ ኢንቲና ቶሲዳ ቃምባራ ታ ሚንላና።
 3 ባቢሎኔ ካዎ ናቡካዳናጸሬይ ጎዳ ኬላፊ ዲኢ ኤኪዲ ኤፊዳ ሚሻታ ኡባ ታኒ ናሞኡ ላይላ ገደን ዛራዳ ሃ ሶሆ ኤሃና።
 4 ቃሴ ታኒ የሁዳ ካዎ ኢዮአቄሜ ና ኢኮኒያኒኔ የሁዳ፤ ዲኤቲዲ ባቢሎኔ ቢዳ ኣሳ ኡባ ዛራዳ ሃ ሶሆ ኤሃና። ጋሶይካ ባቢሎኔ ካዎይ ኢንቲና ቶሲዳ ቃምባራ ታ ሚንላና» ጌስ» ገደስ።
 5 ሂስቲን ጎዳ ኬላ ገደን ኤቂዳ ቄሴታ ሲንላኒኔ ዳራ ሲንላን ናቤ ኤርምያ ናቤ ሃናኒያስ።
 6 «ኣሚን! ጎዳይ ኦላ! ጎዳ ኬላ ሚሻታኔ ዲኤቲዲ ቢዳ ኣሳ ኡባ ባቢሎኔ፤ ዛሪ ኤሂዲ ጎዳይ ባ ዮቲዳ ቃላ ፖሎ!
 7 ገዲኮካ ኣኔ ታ ኔሲኔ ሃ ኣሳስ ዮቲዛ ቃላ ሲያ።
 8 ኔፔኔ ታፔ ካሴ ሲንላን ዳኢዳ ናቤቲ ዳሮ ዳሬታ ቦላኔ ገታ ካዎቲላታ ቦላ ኦላ ገሻሰ። ባሻ ገሻሰኔ ኢታ ሃርጌ ገሻሰ ቲንቢቴ ዮቲዳ።
 9 ገደ ኣቲን ሳርቲላ ገሻሰ ቲንቢቴ ዮቲዳ ናቤይ ኢዚ ዮቲዳ ቃላይ ፖሌቲዛ ዎዴ ቱማፔ ጎዳይ ኢዛ ኪቲዳይሲ ሂሳን ኤሬቲስ» ገደስ።
 10 ሃሳፊ ጉዬ ናቤ ሃናኒያይ ናቤ ኤርምያ ሞርጌፊ ቃምባራ ኤኪዲ ሚንላዲስ።
 11 ሂስቲዲ ሃናኒያይ ኣሳ ኡባ ሲንላን። «ጎዳይ። «ታኒ ናሞኡ ላይላታ ገደን ባቢሎኔ ካዎ ናቡካዳናጸሬ ቃምባራ ካዎቲላታ ኡባ ሞርጌፊ ዳንላዳ ሃይሳላ ሚንላና» ጌስ» ገደስ። ሄ ዎዴ ናቤ ኤርምያ ኣጋገዲ ባ ኦጌ ቢዳስ።

12 ናቤ ሃናኒያይ ናቤ ኤርምያ ሞርጌፊ ቃምባራ ማንሉዳ ጉላ ዋዴፔ ጉዬ ጎዳ ቃላይ ናቤ ኤርምያኮ ዪዲ።

13 «ባዳ ሃናኒያስ፡ ሳኒ ሚላ ቃምባራ ማንላዳሳ፤ ታኒ ጊዲኮ ኢዛ ገሻሰ ቢራታ ቃምባራ ገረሳና፤ ጌሰ ጎዳይ ጋዳ ዮታ።

14 ቃሴካ ኡባፊ ዋልቃማ ጎዳ ኢሰራኤሌ ጸሳይ፡ ሳቢሎኔ ካዋ ናቡካዳናጸሬሰ ሃጋዛና ማላ ታኒ ሃ ካዋቲላታ ኡባ ሞርጌን ቢራታ ቃምባራ ዋላና፤ ኢሰቲካ ኢዛሰ ሃሬታና። ሃራይ ኣቶሽን ዋራ ዶኣታ ቦላካ ጎዳቲላ ኢዛሰ ኢማና፤ ጌሰ» ጊዴሰ።

15 ሃሳፊ ጉዬ ናቤ ኤርምያ ናቤ ሃናኒያስ፡ «ሃናኒያ ሲያ! ጎዳይ ኔና ከቲቤና፤ ጊዶ ኣቲን ኔኒ ሃ ኣሳይ ዋርዶ ሚሻን ኣማኔታና ማላ ኣላዳሳ።

16 ሃሳ ገሻሰ ጎዳይ፡ ታኒ ኔና ሃ ሳኣ ቦላፊ ዲጋና፤ ኔኒ ጎዳ ቦላ ማካላ ሃሳይዳ ገሻሰ ኔ ሃ ላይላ ሃይቃና፤ ጌሰ» ጊዴሰ።

17 ናቤ ሃናኒያይ ሄ ላይላ ላፑንላ ኣገናን ሃይቁዳሰ።

29

ዲኤቲ ቢዳ ኣሳሰ ጸፊቲዳ ዳብዳቤ

1 ናቤ ኤርምያ ዲኤቲ ቢዳ ሃይቆንታ ሸምፖራ ፓጻ ዲዛ ጨማታሰ፡ ቁሴታሰ፡ ናቤታሰኔ ናቡካዳናጸሬይ ዬሩሳላሚፔ ዲኢዲ ባቢሎኔ ኤፊዳ ሃራ ኣሰ ኡባሰ ዬሩሳላሚፔ ዬዲዳ ዳብዳቤይ ሃይሳፊ ካሊዲ ጸፊቲዳይሳ።

2 ሃይሲ ሃኒዳይ ካዋ ኢኮኒያኔይ፡ ጎዳቲያ ኢዛ ኣያ፡ ካዋ ኩላ ኣሳንቻቲ፡ ዩሁዳኔ ዬሩሳላሚ ካሌላዛይቲ፡ ሂላንቻቲኔ ዋጋጨቲ ዬሩሳላሚፔ ዲኤቲ ቢዳፔ ጉዬና።

3 ኤርምያ ዩሁዳ ካዋ ሴዴቂያሲ ባቢሎኔ ካዋ ናቡካዳናጸሬሰ ከቲዛ ሳፋኔ ና ኤልኣሳ ቦላኔ ከልቂያሳ ና ጋማሪያ ቦላን ሄ ዳብዳቤዛ ዬዲዳሰ።

4 ዳብዳቤዛዚካ፡ «ኡባፊ ዋልቃማ ጎዳ ኢሰራኤሌ ጸሳይ ታኒ ዬሩሳላሚፔ ባቢሎኔ ዲኢሳ ዬዲዳ ኣሳሰ።

5 «ኩላ ኩዲዲ ኡቲቲ፤ ዶዛታ ቶኪዲ ኢሰታ ኣይፊ ሚቲ፤

6 ኤኬቲዲ ማጫ ናይታኔ ኣቲማ ናይታ ዬሊቲ፤ ኢንቲ ኣቲማ ናይቲኔ ማጫ ናይቲ ኤኬታና ማላኔ ጌሌታና ማላ ኣሊቲ፤ ኢሰቲካ ኣቲማ ናይታኔ ማጫ ናይታ ዬሌቶ፤ ኢንቲ ሄን ቆዳን ጮራቲቲ ኣቲን ጉጸፍቲ።

7 ኢንቲ ዲኤቲ ቢዳ ካታማይሰ ሳርቲላኔ ዱሬቲላ ኮዩቲ፤ ሄ ካታማይሰ ጎዳ ዋሲቲ፤ ኢዛ ዱሬቲኮ ኢንቲካ ዱሬታና፤ ጌሰ።

8 ቱሙካ ኡባፊ ዋልቃማ ጎዳ ኢሰራኤሌ ጸሳይ፡ «ኢንቲ ጊዶን ዲዛ ናቤቲኔ ማርቲ ኢንቲና ባሌላፊቶ፤ ኢሰቲ ኢንቲ ገሻሰ ኣጉሚቲዛ ኣጉሞ ሲዮፒቲ።

9 ኢሰቲ ታ ሱንላን ዋርዶ ቲንቢቲ ዮቲቲሰ ታ ኢሰታ ከታቤኬ» ጌሰ።

10 «ጎዳይ፡ «ኢንቲ ባቢሎኔን ዳና ላፑን ታሙ ላይላ ፖሊቲዳፔ ጉዬ ታ ኢንቲና ሞካ ጸላና፤ ታኒ ኢንቲና ሃ ቢታ ዛራ ኤሃና ጊዳ ሎኦ ቃላዮካ ኢንቲሰ ፖላና።

11 ታ ኢንቲሰ ሃልቺዳ ሃልቺ ኤራይሰ፤ ሄ ሃልቺዛሰ ፖሎይ ሎኦኔ ሂዶታ ኢሚዛዛ፡ ኢንቲና ጎኢዛዛ ኣቲን ቆሃዛዛ ጊዳና።

12 ኢንቲካ ታና ጸይጋና፤ ሸቂዲ ታና ዋሳና፤ ታኒካ ሲያና።

13 ኢንቲ ታና ኮያና፤ ኢንቲ ታና ኩሜላ ዋዚናፔ ኮይኮ ዴማና።

14 ታኒካ ኢንቲሰ ቤታና። ታ ኢንቲ ዲኤቲ ቢዳ ቢታፊ ዛራና፤ ታኒ ኢንቲና ላላ ዬዲዳ ካዋቲላፊኔ ሶሆ ኡባፊ ሸሻና፤ ሂሰታዳ ታኒ ኢንቲና ዲኤሰ ዬዳናፔ ካሴ ኢንቲ ዴኢዳ ሶሆ ጉዬ ዛራዳ ኤሃና፤ ጌሰ።

15 «ኢንቲካ፡ ሳዳይ ናቤ ኦሰ ባቢሎኔን ዴንሉዴሰ» ጋና።

16 ጊዶ ኣቲን ጎዳይ ዳዊቲ ካዋቲላ ኣልጋን ኡታና ካዋ ገሻሰ፡ ኢንቲናራ ዲኤቲ ቦንታ ሃን ኣቲዳ ዳቦታ ገሻሰኔ ሃ ካታማን ኣቲዳ ዴራ ኡባ ገሻሰ።

17 ቱሙካ ጎዳይ ኡባፊ ዋልቃማ ጸሳይ፡ ታኒ ኢሰታ ቦላ ኣላ፡ ኮሻኔ ኢታ ሃርጌ ዬዳና፤ ቃሴ ታኒ ኢሰታ ማናሰ ገንጎታ ሞሬቲዳ ባላሴ ቲራ ማላ ኣላና።

18 ታኒ ኢሰታ ማሻን፡ ኮሻኔ ኢታ ሃርጌን ዬዳናና፤ ሂሰታዳ ታኒ ኢሰታ ሳኣ ካዋቲላታ ኡባ ሲንላን ካዴሲኔ ቂዴሰ ኬሳና፤ ቃሴ ታኒ ኢሰታ ዬዳላ ዬዲዳ ዴራ ጊዶን ቃንጌላሲኔ ዳጋማሰ፡ ቦሬሲኔ ካዴሰ ማላታ ጊዳና።

19 ጋሶይካ ታ ኣሳንቻ ናቤታ ቦላ ታኒ ኢሰታሰ ዛራ ዛራዳ ከቲዳ ታ ቃላ ኢሰቲ ሲዮንታ ኢዲዳ። ኢንቲካ ዲኤቲ ቢዳይቲ ሲዮንታ ኢዲዳታ» ጌሰ።

20 « ታኒ ዬሩሳላሚፔ ባቢሎኔ ዲኢሳ ዬዲዳ ኣሳቶ! ኢንቲ ኡባይካ ጎዳ ቃላ ሲዩቲ» ጌሰ።

21 ኡባፊ ዋልቃማ ጎዳ ኢሰራኤሌ ጸሳይ ታ ሱንላን ዋርዶ ቲንቢቲ ኢንቲሰ ዮቲዛ ቆላያ ና ኣካቤ ገሻሰኔ ማኢሳያ ና ሴዴቂያሳ ገሻሰ ታኒ ኢሰታ ባቢሎኔ ካዋ ናቡካዳናጸሬሰ ኣላ ኢማና፤ ኢንቲ ጸሊሸን ኢዚ ኢሰታ ዋሳና።

22 ሃሳፊ ጉዬ ዩሁዳፔ ዲኤቲ ቢዳ ባቢሎኔን ዲዛ ኣሳይ ኡባይ፡ ሳዳይ ኔና ባቢሎኔ ካዋይ ታማን ጸ-ጊዳ ሴዴቂያሳ ማላኔ ኣካቤ ማላ ኣሉ» ጊዲ ቃንጋና።

23 ኢሰቲ ባ ላጌታ ማቺታራ ላይማቲላን ታ ኢሰታሰ ዮቶንታ ቃላ ታ ሱንላን ዋርዶ ዮቶን ኢሰራኤሌ ቦላ ቆሆ ጋሊዳ፤ ሃሳ ታኒ ኤራይሰ፤ ታኒ ሃሳሰ ማርካ» ጌሰ ጎዳይ።

ሻማኤሰ ከቲቲዳ ከታ

24 ኔሃላሚ ዴሬ ኣሰ ሻማኤሰ፡

25 «ኡባፊ ዋልቃማ ጎዳ ኢሰራኤሌ ጸሳይ፡ «ዬሩሳላሚን ዲዛ ኣሰ ኡባሰ፡ ማኢሳያ ና ቁሴ ሶፎናሳሲኔ ሃራ ቁሴታ ኡባሰ ኔኒ ኔ ሱንላን ዳብዳቤታ ዬዳዳሳ» ጌሰ። ኔ ሶፎናሳሰ፡

26 ጎዳ ኩላን ሃላቃ ጊዳና ማላ ኔና ጎዳይ ዮዳሄ ሶሆን ቁሴ ኣሊዲ ሹሚዳሰ፤ ታኒ ናቤ» ጊሼ ጎዩዲ ቲንቢቲ ዮቲዛ ኣይ ኣሳ ቶሆ ኣግሪሞቂን፡ ኢዛ ቆዴካ ሳንሳላታን ዜጸ ቃቻናሰ ቤሴሰ።

27 ሂሰቲን፡ ታኒ ናቤ» ኣናቶቲ ዴሬ ኣሰ ኤርምያ ኣይሰ ሴራቤኪ?

28 ሃ ኣዴዚ፡ «ኢንቲ ዲኤቲላን ጋምኣና ዋዴይ ኣዳሳ ጊዲዳ ገሻሰ ኢንቲሰ ኩላ ኩዲዲ ኢዛን ዲቲ፤ ዶዛታካ ቶኪዲ ኢሰታ ኣይፊ ሚቲ» ጊዲ ኦሰ ባቢሎኔ ከታ ዬዲዳሰ» ጊዴሰ።

29 ቁሴ ሶፎናሲ ናቤ ኤርምያሰ ሃ ዳብዳቤዛ ናባቢዳሰ።

30 ሂሳብ ጎዳ ቃላይ ኤርምያስ፡

31 «ሃይሳ ሃ ከታ ዲኤቴላን ዲዛይታሰ ኡባስ፡ ሩሃላሜ ዴሬ ኣሰ ሻማኤይ ታኒ ኪቶንታ ቲንቢቴ ዮቲዴሰ፤ ኢንቴ ዋርዶን ኣማኔታና ማላ ኦሊዴሰ» ጋ ኪታ።

32 ጎዳይ፡ ሩታኒ ኔሃላሜ ዴሬ ኣሰ ሻማኤይ ኢዛ ሶ ኣሳ ቃጸያና። ታ ቦላ ኢዚ ማካላ ሚሽ ሃሳይዳ ጊሻሰ ሃ ዴራ ጊዶን ኢዛሰ ዛሬይ ኣቴና፤ ቃሴ ታኒ ታ ዴራሰ ኦላና ሎኦ ሚሻካ ጋኪ ቤዬና ጊዴሰ» ጊሼ ዪዴሰ።

30

ጎዳይ ባ ዴራሰ ኢሚዳ ሂዶታ ቃላ

1 ጎዳፔ ኤርምያስ ዪዳ ቃላይ ሃይሳፌ ካሊዛይሳ።

2 ጎዳ ኢሰራኤል ጸሳይ ኤርምያ፡ «ታኒ ኔሰ ዮቲዳ ቃላ ኡባ ማጸፋን ጸፋ።

3 ታኒ ታ ዴሬ ኢሰራኤል ኔ ዩሁዳ ካሴ ኢሰታ ኣዋታሰ ታ ኢሚዳ ቢታ ኢሰታሰ ዛራ ኤሃና ዋዴይ ጋኪዴሰ፤ ኢሰቲካ ላታና» ጌሰ።

4 ጎዳይ ኢሰራኤላን ኔ ዩሁዳሰ ዮቲዳ ቃላይ ሃይሳፌ ካሊዛይሳ።

5 ጎዳይ፡ «ታኒ ባቦኔ ሸር ዋሶ ሲያይሰ፤ ሳርይካ ዴና።

6 ኣኔ ኦይቲቴኔ ኣኬኪቲ! ኣዴይ ዬላናሰ ዳንዳይዘ? ሂሰቲን ኣዴይ ኡባ ሚጸይ ኦይኪዳ ማጫሳ ማላ ባ ኩሼ ባ ኡሎ ቦላ ዋሊን ኣሳ ኡባ ሰንሐ ካሬቲን ታ ቤኢዛይ ኣዛሴ?

7 ሄ ጋላሳይ ኣይ ማላ ዳጋንጢዛ ጋላሰ ጊዳኔ! ሄሳ ማላ ጋላሲ ዴና፤ ሄ ጋላሳይ ያቆቤ ዜሬላታሰ ማቶ ጋላሰ ጊዳና፤ ጊዶ ኣቲን ኢሰቲ ሄ ማቶዛፔ ኣታና» ጌሰ።

8 ጎዳይ ኡባፌ ዋልቃማ ጸሳይ፡ «ሄ ጋላሰ ታኒ ኢሰታ ዋርጌፌ ቃሞባራ ሚንላና፤ ኢሰቲ ቃሼቲዳ ሳንሳላታካ ዲላና፤ ሃይሳፌ ጉዬን ኣላጋይ ኢሰታ ሃሬና።

9 ጊዶ ኣቲን ጎዳሰ ባንታ ጸሳሲኔ ታኒ ኢሰታሰ ካዋሊዳ ካዋ ዳዊቲ ዛሬሰ ኢሰቲ ሃሬታና» ጌሰ።

10 «ሄሳ ጊሻሰ ታ ኣይሌ ያቆቤ ዛሬቶ ያዮፍቲ! ኢንቴኖ ኢሰራኤላቶ ዳጋሞፍቲ! ኢንቴ ሃሆሶን ዲሺን ታኒ ኢንቴና ኣሻና፤

ኢንቴ ዛሬታካ ኢሰቲ ዲኤቲዳ ቢታፌ ኬሳ ኤካና፤ ያቆቤ ዛሬቲ ሲሚዲ ሳርኒኔ ዋፓን ኡታና፤

ኢሰታ ያሺሳና ኣይ ሚሺካ ዴና።

11 ታኒ ኢንቴና ኣሻናሰ ኢንቴናራ ዳይሰ፤ ታኒ ኢንቴና ካዋቲላታ ጊዶን ላላዲሰ፤ ሄ ካዋቲላታ ሙሌራ ቆይሳና፤

ጊዶ ኣቲን ኢንቴና ሙሌራ ቆይሰኬ፤ ታኒ ቁጸቲይ ባይንዳ ጮ ኣጊኬ፤ ጊዲኮካ ታኒ ኢንቴና ጊናራ ቃጸያና» ጌሰ ጎዳይ።

12 ጎዳይ፡ «ኢንቴ ማቆይ ኮሌቲና፤ ኢንቴ ማዲንላይ ፓጾና።

13 ኢንቴ ጊሻሰ ሞቲቲዛይ ዴና፤ ኢንቴ ማዲንላሰካ ቆሌይ ቤቴና፤ ኢንቴሰ ፓጾይ ዴና።

14 ኢንቴ ላጌቲ ኡባይ ኢንቴና ዶጊዳ፤ ኢሰቲ ኢንቴ ጊሻሰ ወዴቲቴና፤ ታኒ ኢንቴና ሞርኬ ሸጪዛ ማላ ሸጫዲሰ፤ ማንጾ ኢታ ኣሳ ማላ ታ ኢንቴና ቃጸያዲሰ። ጋሶይካ ኢንቴ ቆሆይ ጊታ፤ ኢንቴ ናጋራይካ ዳር።

15 ቆሌይ ባይንዳ ኢንቴ ሃርጌሲኔ ኢንቴ ማዲንላ ጊሻሰ ኣይሰ ዋሴቲ? ኢንቴ ሞርይ ጊታኔ ኢንቴ ናጋራይ ዳር ጊዲዳ ጊሻሰ ሃይታ ኡባ ታ ኢንቴ ቦላ ኦላዲሰ» ጌሰ።

16 «ጊዶ ኣቲን ኢንቴና ዲፒ ሂሰቲ ሚዳ ኡባቲ ሃሳላ ማቲታና፤ ኢንቴ ሞርኬ ኡባቲካ ዲኤቲ ባና፤ ኢንቴና ቦንቁዳይቲ ቦንቁታና፤ ኢንቴና ቦጊዛይቲ ቦጌታና።

17 ኢንቴና ጊዲኮ ታኒ ዛራዳ ፓዪሳና፤ ኢንቴ ማዲንላካ ፓላና። ጋሶይካ ኢሰታሰ፡ ሳኪቲዳር፤ ኣኒካ ኮዮንታ ጸዮኖ ጊዳ ጊሻሳ» ጌሰ ጎዳይ።

18 ጎዳይ፡ «ታኒ ያቆቤ ኬላ ዛራ ኬጸና፤ ኢዚ ዲዛሶሰካ ቃጴታና፤ ካታማያካ ካሴ ባ ላሌቲዳሶን ሲማ ኬጾታና፤ ካዋቲላ ኬላይካ ካሴ ባ ዲዛሶን ሲሚ ኬጾታና።

19 ኢሰታፌ ጋላታ ዬላይኔ ኢሊሊሳ ጩንጉርሲ ሲዬታና፤

- ታኒ ኢሰታ ዳርሳና፤
ኢሰታ ቆዳይካ ፓጩና፤
ታኒ ኢሰታ ቦንቸተዳ ዳሬ ኦላና፤
ኢሰታ ካዴተዳይታ ገዳቴና።
- 20 ኢሰታ ዜሬላይ
ቤኒ ዋዴ ዲዛ ማላ ዳና፤
ኢሰታ ማባራይካ ታ ሲንላን
ሚኒ ኤቃና፤
ኢሰታ ኡንኤላዛ ኡባካ
ታኒ ቃጸያና።
- 21 ኢሰታ ካሌላዛይ ኢሰታ ባጋፌ ገዳና፤
ኢሰታ ኦይሲዛይ
ኢሰታ ገደፌ ዳንዳና፤
ታኒ ኢዛ ታኮ ሺሻና፤
ኢዚካ ታኮ ሺቃና።
ታ ሺሻንታ ዲሺን ጸሊዲ
ታኮ ሺቃናይ ኦኔ?
- 22 ሄሳ ገሻሰ ኢንቴ ታ ዳሬ ገዳና፤
ታኒካ ኢንቴ ጸሰ ገዳና» ጌሰ።
- 23 ቤኢቴ ጎዳ ሃንቆይ
ዳምባላ ማላ ዳንዳና፤
ቡልኦኩቲዛ ጎቴ ጫርኮይ
ኢታታ ዋቋና።
- 24 ኢዛ ዋዚና ቆፋ ፖሎንታ ጎዳ ሃንቆይ
ጮ ሃዳ ጉዬ ሲሚና፤
ሄሳ ዪዛ ዋዴታን ኢንቴ ኦኩካና።

31

- 1 ጎዳይ፡ «ሄ ዋዴ ታኒ ኢሰራኤል
ቆሞ ኡባታሰ ጸሰ ገዳና፤
ኢሰቲካ ታ ዳሬ ገዳና» ጌሰ።
- 2 ጎዳይ፡ «ማሻፌ ኦኩዳ ዳሬይ
ባዞ ቢታን
ታፔ ኪያቴላ ዳማና፤
ታኒካ ኢሰራኤሌሰ
ሺሞፖ ኢማናሰ ያና» ጌሰ።
- 3 ጎዳይ ኡሰ ሃሆሶፔ ቆንጪዲ፡
«ታኒ ኢንቴና
ሚርና ሰቆን ዳሳዲሰ፤
ሄሳ ገሻሰ ታ ቃዴቴላን
ኢንቴና ታኮ ሺሻዲሰ።
- 4 ኢሰራኤሌ ዳሬዘ!
ታኒ ኢንቴና ዛራ ኬጸና፤
ኢንቴካ ኬጸታና።
ኢንቴ ካራቤ ዛሪ ዳንላዲ
ኡፋይሳን ሆሞቦጪዛይታራ
ኢንቴ ሆሞቦጪና።
- 5 ኢንቴ ዛሪዲ ሳማሪያ
ዙሞቡላታ ቦላ
ዋይኔ ቶካና፤
ጎሻንቻቲ ቶካና፤
ኢሰቲ ኦይፊዛ
ኦይፊዛንካ ኡፋይታና።
- 6 ኤፍሬሚ ዙሞቡላታ ቦላ
ናገዛይቲ፡
ነሃ ዪቴ፤
ጎዳ ኑ ጸሳኮ
ፑዴ ጸዮኔ ኦኔ ኬዘሰ
ገ ደይጋና ዋዴይ ያና» ጌሰ።

- 7 ጎዳይ፡ «ያቆቤ ዳራሰ
ኡፋይሳን ዩጸቴ፤
ካዋቴላታ ሃላቃሰ ኢሊሊ ገቴ፤
ኢንቴ ጋላታካ ሲሲቴ፤
ጎዳዉ ኢሰራኤሌፔ
ጫሻ ኦኩዳ
ኔ ዳራ ኦሻ) ገቴ።
- 8 ቤኢቴ ታኒ ኢሰታ
ፑዴሃ ባጋፌ ኤሃና፤
ቢታ ጋጸፔካ
ታኒ ሺሻና፤
ኢሰታ ገደን ቆቋቴኔ ዋቤቴ፡
ኦይይ ባይንዳ ማጫሳቴኔ
ሚጸቲዛይቲ ዳና፤
ኬሂ ዳሪዲ
ባንታ ዳሬ ሲማና።
- 9 ታኒ ኢሰታ ዛራዳ ኤሂዛ ዋዴ
ኢሰቲ ዩኪሼኔ
ዋሲሼ ያና።
ታኒ ኢሰታ ፑልቶ
ሃላ ኦቻራ
ሱሬ ኦጌራ ካሌላና።
ጋሶይካ ታኒ ኢሰራኤሌሰ ኦዋ፤
ኤፍሬሚይካ ታሰ ባይራ ና።
- 10 «ኢንቴኖ ካዋቴላቶ
ጎዳ ቃላ ሲዪቴ!
ሃሆን ዲዛ ኦባ ጋጸታንካ፡
ኢሰራኤሌ ላሊዲይ
ኢዚ ኢሰታ ዛሪ ሺሻና፤
ባ ዉዴዛካ
ሃንላንቻ ማላ
ኢዚ ሃማና) ገዲ ኦዋጂቴ።
- 11 ጋሶይካ ጎዳይ
ያቆቤ ዋዛና፤
ኢዛፔ ሚኒዛይታ ኩሼፔ
ኢዛ ኬሲ ኤካና።
- 12 ኢሰቲ ዪዲ ጸዮኔ ዙማ ቦላ
ኡፋይሳ ማዘሙራ ዩጸና፤
ኢሰቲ ጎዳ ኪያቴላ ገዲዳ
ካላን፡ ዋይኔ ኡሻን፡
ዛይቴን፡ ዳይሻኒኔ
ዶርሳ ላቃታን፡ ዋፋኖታኒኔ
ኡሳታን ኡፋይታና፤
ኢሰቲ ሃላ ፓጮንታ
ኦታኪልቴ ሶሆ ማላ ገዳና፤
ሃይሳፌ ጉዬ ኢሰቲ ሙዙቴቴና።
- 13 ሄ ዋዴ ጌላኦቲ
ኡፋይቲዲ ዩጸና፤
ዋዳላቴኔ ጪማቲ ጉፓና፤
ታ ኢሰታ ዩሆዛ
ኡፋይሳን ላማና፤
ታ ኢሰታ ሙዙቴላፌ
ሚንሌላና፤
ታ ኢሰታሰ ኡፋይሰ ኢማና።
- 14 ታኒ ቄሴታ ኬሃ ኦንጃና፤
ታ ዳሬዛካ
ኪያቴላ ካላና» ጌሰ።
- 15 ጎዳይ፡ «ዋሶይኔ ጫሞ ዩሆይ

ኤራማ ካታማፔ ሴቴቲዳሰ፤
ኢዚ ናይቲ ወራዳ ገሻሰ
ኤራሄላ ዩካዲሰ፤

16 ጎዳይ፡ «ዩኮፋኔ እፋንጸፋ፤

ኔ ዳቡራይ ጮ ሃዳ ኦቴና፤
ሞርኬታ ቢታፊ ኢሰቲ ሲማና።

17 ሲንጻፊ ኔሰ

ሂዳታይ ዲዛ ገሻሰ
ኔ ናይቲ ባንታ
ቢታ ሲማና» ጌሰ።

18 «ኤፍሬሜይ ጫሞ ሚላሰ ሚላሊሺን

አዳፊ ታ ሲያዲሰ፤
«ሎሆንታ ዋፋኖ ማላ
ታና ቃጸያዳሳ፤
ታኒካ ቃጸይታዲሰ፤
ኔኒ ጎዳ ታ ጸሳ፤
ኔኒ ታና ዛራ፤
ታኒካ ሲማና።

19 ታ ኔፔ ሃካ ቢዳፔ ጉዬ

ሲማዳ ሞዴታዲሰ፤
ታ ኦኬኪዳ ዋዴ
ታ ሁኤ ባቃዲሰ፤
ታ ዩላጋቴላ
ካወሻቴላ ቶካዲሰ፤
ዩላታዳ ጉጸዲሰን ጌዳሰ።

20 ኤፍሬሜይ ታ ደሳዳ

ኡፋዬቲዛ ታ ናዛ ጌዴኔ?
ዳሮ ዋዴ ታ ኢዛራ
ኤቁታ ሃሳይኮካ
ዛራዳ ኢዛ ገሻሰ ታ ቆፓይሰ፤
ታ ማራጩይ ኮኮሪሰ፤
ታ ኢዛሰ ኬሃ ቃዴታይሰ»
ጌሰ ጎዳይ።

21 ጎዳይ፡ «ኦጌን ማላታ ኤሳ፤

ቢዛሰ ቤሲዛ ማላታ ቶካ፤
ኔ ባና ዋጋ ኦጌዛ እኬካ፤
ጌላኦ ኢሰራኤሌ ሲማ፤
ሂሰታዳ ኔ ካታማታ ጌላ።

22 ሃኔ ካዲዳ ናዬ!

ኔ አይዴ ጋካናሰ ቶይላታኔ?
ጎዳይ ሳኦ ቦላ
ኦራላ ሚሽ ሜዳና፤
ሄሲካ ማጫይ
አዴ ደዳና» ጌሰ።

ጸሳ ዴሪሰ ሲንጻፊ ያና አሻሎ ዴኦ

23 ኡባፊ ዋልቃማ ጎዳ ኢሰራኤሌ ጸሳይ፡ «ታኒ
ኢሰታፊ ዲኤቲዳ ሚሻ ታ ኢሰታሰ ዛሪዛ ዋዴ ኢሰቲ
ዩሁዳ ቢታኒኔ ኢዚ ካታማታን፡ «ኔኖ ዲሎቴላ አቁዛ
ጌሻ ዙማዙ! ጎዳይ ኔና ኦንጆ!» ጌዛ ቃላ ዛሪ
ጎኤታና።

24 ጎሻንቻቲኔ ሜሃ ሃሮን አቁዛይቲ ዩሁዲኒኔ ዩሁዳ
ካታማታን ኢሰፊ ዳና፤

25 ታኒ ላባኒዳ ሹምፖኖ ኦራዲሳና፤ ዳቡርዳሮካ
ሚንጻና» ጌሰ።

26 ሃ ዋዴ ታኒ ዲሰኮፊ ቤጋዳ ዩሻ ጸላዲሰ፤ ታኒ
ማልኦ ዲሰኮ ዲሰካዲሰ።

27 ጎዳይ፡ «ታኒ ኢሰራኤሌ ቢታኒኔ ዩሁዳ ቢታን
አሲኔ ሜሃ ኮንጻዛ ዋዴይ ያና።

28 ኢሰታ ዲቃላናሰ፡ ላላናሰ፡ ሺራ ዩጋናሰ፡
ዳይሳናሲኔ ባሽ ኢሰታ ቦላ ኤሃናሰ ኬሃ ታኒ ሚኒዳ
ማላ ኢሰታ ዛራ ኬጸናሲኔ ቶካናሰ ኬሃ ሚናና» ጌሰ።

29 «ሃ ዋዴ አሳይ፡
«አዋቲ ዋይኔ ሚላ ቴራ
ጫሊዳይሳ ሚን
ኢሰታ ናይታ ኦቺ ዚልኢዳሰን
ጌቴቲዛ ለሚሶ
ናምኦንሳ ሃሳይቴና።

30 ጌዳ አቲን አሳይ ኢሶይ ኢሶይ ባ ናጋራን ናጋራን
ሃይቃና፤ ዋይኔ ቴራ ቃወኤ ሚዳ አሳ ኦቺ ኡባይ
ዚልኦና» ጌሰ ጎዳይ።

31 ጎዳይ፡ «ታኒ ኢሰራኤሌ ዴራራኔ
ዩሁዳ ዴራራ ኦራላ ጫቆ
ጫቁታና ዋዴይ ያና።

32 ሃ ጫቆዚ ታኒ ኢሰታ ጌብጾፔ
ኬሳናሰ ኢሰታ ኮሹ ኦይካዳ
ኢሰታ አዋታራ ጫቁቲዳ
ጫቆዛ ማላ ጌዳና፤
ታኒ ኢሰታሰ
አዚና ማላ ጌዳ ዲሺን
ኢሰቲ ታናራ ዲዛ
ጫቆ ቃላዛ ላሊዳ» ጌሰ።

33 «ጌዳ አቲን ታኒ ጎዳይ

ሃ ዋዴፔ ጉዬ
ኢሰራኤሌ ዴራራ
ታ ጫቁታና ጫቆይ ሃይሳ፤
ታኒ ታ ዋጋ
ኢሰታ ዋዚናን ጸፋ ዋላና፤
ታኒካ ኢሰታሰ ጸሳ ጌዳና፤
ኢሰቲካ ታ ዴሬ ጌዳና።

34 ሃይሳፊ ጉዬ ኦኒካ ባ ላጌ

ዋይኮ ባ ኢሻ፡
«ጎዳ ኤራ» ጌዲ ታማርሴና፤
ጋሶይካ ጉላፊ ደሚዲ
ጌታ ጋካናሰ
ኢሰቲ ኡባይ ታና ኤራና፤
ታኒካ ኢሰታ ቆሆ አቶ ጋና፤
ኢሰታ ናጋራካ ናምኦንሳ
ዛራ ቆፒኬ» ጌሰ ጎዳይ።

35 ጋላሳን ፖኢሳና ማላ

አርሼ ዋላዳይ፡
ኦማርሳን ፖኢሳና ማላ አገናኔ
ጸለንቲታ አዛዚዳይ፡
ዳምባላይ ጉማና ማላ አባ ቃላዛይ
ኢዛ ሰንጻይ ጎዳ ኡባፊ
ዋልቃማ ጸሳ ጌቴቲዛይሰ፡

36 «ሃ ኤቁዲ ዲዛ ሚዴታ ዋጋይ

ታ ሲንጻፊ ኪቺኮ
ሃ ዋዴ ኢሰራኤሌ ዜሬላቲ
ታ ሲንጻን
ሜርናሰ ካዋቴላ ጌዲዲ

ዲሳይ አታና» ቤስ።
 37 ጎዳይ፡ «ቦላን ዲዛ ሳሎታ
 ጋኪ ዋቆናሰ ዳንዳዩቲኮ፡
 ዎይኮ ጋርሳን ዲዛ ቢታ ጸጸ
 ጋኪ ፕልጊ ኤራናሰ ዳንዳዩቲኮ
 ሄ ዎዴ ታኒ ኢሰራኤሌይ ኦሊዳ
 ኦሶ ኡባ ጊሻሰ
 ታ ኢሰታ ዩጋ አጋና» ቤስ።
 38 ጎዳይ፡ «ሃናኒኤሌ ገምቤፌ ዶሚዲ ጉላ ፔንጌ
 ጋካናሰ ካታማያ ታሰ ጎዳሰ ኦሴታና ዎዴይ ያና።
 39 ዋቆ ዎዶርዚ ሄፔ ዶሚ ሲቲ ጊዲ ጋሬቤ
 ዙምቡላታራ ኦቲዲ ጎአሃ ጋካናሰ ሚጩታና።
 40 አሃይኔ ቢዲንጢ ዩጌቲዛ ሾባ ኡባይ ኣርሼይ
 ሞኪዛ ቁዲርኔ ሾባራ ቢዲ ፓራ ፔንጌ ጋካናሰ ዲዛ
 ቲቋ ጊዳ ደምባይ ኡባይ ጎዳሰ ዶሚቲዳዝ ጊዳና፤
 ሄሳፌ ጉዬ ሄ ካታማያ ሾዳቲኩኔ ላሌቲኩ» ቤስ።

32

ኤርምያ ሻሚዳ ጋዴ

1 የሁዳ ካዎ ሴዴቂያሲ ካዎቲዳ ታማንላ ላይላን፡
 ባቢሎን ካዎ ናቡካዳናጸሬይ ካዎቲዳ ታማኔ ኦሰፑንላ
 ላይላን ጎዳ ቃላይ ኤርምያኮ ዩዴሰ።
 2 ሄ ዎዴ ባቢሎን ካዎ ኦላንቻቲ ዩሩሳላሜ
 ጊዳዲ፤ ናቤ ኤርምያ የሁዳን ካዎቲላ ኩላ ዛጎን
 ዲዛ ዛቤታ ኩላን ጎርዴቲ ኡቲዴሰ።
 3 ካሴ የሁዳ ካዎ ሴዴቂያሲ ኢዛ፡ «ኔ ሃይሳ ማላ
 ቲንቢቲ ዋና ዮታይ? ጎዳይ፡ ታኒ ሃና ሃ ካታማዮ
 ባቢሎን ካዎ ኩሼን ኣላ ኢማና፤ ኢዚካ ሃራና።
 4 የሁዳ ካዎ ሴዴቂያሲ ባቢሎን ካዎሰ ኦቲ
 ኢማታና፤ ካዎዛ ሲንላን ኡቁዲ ኢዛ ሃሳይሳና፤ ኢዚካ
 ባ ኣይፊራ ቤኣና ኣቲን ባቢሎንታ ኩሼፔ ኩሲ ኤቢ
 ኣቲና።
 5 ሄሳፌ ጉዬ ኢሰቲ ሴዴቂያሳ ባቢሎን ኤፋና፤
 ሂሰቲን ታኒ ኢዛ ቦላ ፐርዳና ጋካናሰ ኢዚ ሄን ዳና፤
 ኢንቲ ባቢሎን ኣሳታራ ኦሌቲኮ ኢንቲሰ ጊጌና» ቤስ
 ጋሳ» ጊዲ ሄሳ ጊሻሰ ቃሺሲዴሰ።
 6 ኤርምያካ ጎዳ ቃላይ ታኮ፡
 7 «ኔ ኣዎ ኢሻ ሻሎማ ና ሃናምኤሌይ ኔኮ ዩዲ፡
 ለናቶቲ ካታማን ዲዛ ታ ጋዴዛ ሻማ፤ ጋሶይካ
 ሻማናሰ ዳቦቲላ ጋላዚይ ኔና» ቤስ» ጊሼ ዩዴሰ።
 8 ጎዳይ ጊዳ ማላ፡ ታ ኣዎ ኢሻ ና ሃናምኤሌይ ታኮ
 ዛቤቲ ናጊዛሶ ዛጎ ዩዲ፡ «ቢኒያማ ቢታን ኣናቶቲን
 ዲዛ ታ ጋዴዛ ዎዛናሰ ቤሲዛይ ኔና ጊዲዳ ጊሻሰ ኔሰ
 ቡዘላ ሻማ» ጊዴሰ፤ ሃይሲካ ጎዳ ቃላ ጊዲዳይሳ
 ኤራዲሰ።
 9 ሂሰቲን ኣናቶቲ ካታማን ዲዛ ጋዴዛ ታ ኣዎ ኢሻ
 ና ሃናምኤሌይ ታማኔ ላፑን ሳቂሌ ቢራ ኢማዳ
 ሻማዲሰ።
 10 ሂሰታዳ ማርካታ ሲንላን ወሌ ዋራቃታ ፓራማዳ
 ጎርዳዲሰ፤ ሚሻካ ሜዛኔን ዎላዳ ቆዳ ኢማዲሰ።
 11 ሄሳፌ ጉዬ ኦ ሃሳዩቲዳ ፓቲላ ዮኦታ ኦይኪዲ
 ጎርዴቲዳኔ ጎርዴቶንታ ወሌ ዋራቃታ ታ ኩሼን
 ኤካዲሰ።
 12 ሂሰታዳ ፓራማቲዳ ወሌ ዋራቃታ ታ ኣዎ ኢሻ ና
 ሃናምኤሌ ሲንላን፡ ፓራሚዳ ማርካታ ሲንላንኔ ዛቤ

ናጊዛ ኩላ ዛጎን ኡቲዳ ኡባ ኣይሁዳታ ሲንላን
 ማኢሴያ ና፡ ኔሪያ ና ባርኬሰ ኢማዲሰ።
 13 ሄሳፌ ጉዬ ኢሰታ ሲንላን ታኒ ባርኬሰ ኣዛዘ
 ኢማዲሰ፤
 14 ኡባፌ ዎላቃማ ጎዳ ኢሰራኤሌ ጸሳይ፡
 «ጎርዴቲዳይሳኔ ጎርዴቶንታ ዲዛ ናምኡ ወሌ
 ዋራቃታቲ ሞራቶንታ ዲሼ ዳሮ ዎዴ ጋምኣና ማላ
 ኤፋዳ ኦቶ ጊደን ዎላ» ቤስ።
 15 ኡባፌ ዎላቃማ ጎዳ ኢሰራኤሌ ጸሳይ፡ «ሃ
 ቢታን ኣሳይ ኩላ፡ ጎሻ ጋዴኔ ዎይኔ ቶኪዛሶሆ ዛሪ
 ሻማና» ቤስ።

ኤርምያ ዎሳ

16 ታኒ ኔሪያ ና ባርኬሰ ጋዴዛ ሻሚዳ ወሌ ዋራቃታ
 ኢማዲፔ ጉዬ ጎዳ፡
 17 «ኣቤት ኡባፌ ዎላቃማ ጎዳዉ! ኔኒ ሳሎታኔ
 ሳኣ ኔ ጊታ ዎላቃኒኔ ሚጩቲዳ ኔ ኩሼን ሚቆዳሳ፤
 ኔና ጸኒዛ ኢሲ ሚሺካ ዴና።
 18 ኔኒ ኔ ሲቆኔ ኪያቴላ ሺ ዩሌታ ጋካናሰ ቤሳሳ፤
 ጊዳ ኣቲን ኣዎታ ሞሮ ኢሰታ ናይታ ቦላ ዛራሳ። ኣቤት
 ጊታኔ ዎላቃማ ጸሳዉ! ኔ ሱንሳይ ጎዳ ኡባፌ
 ዎላቃማ ጸሳ።
 19 ኔ ሃልቾይ ጊታ፤ ኔኒ ኔ ኦሶን ሚና፤ ኔ ኣይፊቲ
 ኣሳ ኦጌ ኡባ ጸሌቲሰ፤ ኢሳሰ ኢሳሰ ኢዛ ኦጌ ማላኔ
 ኢዛ ኦሶ ማላ ኔ ኢማና።
 20 ኔኒ ጊብጾን ማላታታኔ ኦራሳ ሚሽ ኦላዳሳ፤ ሃቶ
 ጋካናሰካ ሃ ኦራሳ ኦሶታ ኢሰራኤሌ ኣሳ ጊደኒኔ ሃራ
 ካዎቲላታ ኡባ ጊደን ኦላዚይሳ አጋቤካ። ሄሳፌ
 ዴንዲዳይሳን ኔ ሱንሳይ ኡባሶን ኤሬቲዴሰ።
 21 ኔኒ ማላታኒኔ ኦራሳ ሚሻን፡ ኔ ሚኖ ቁሴኒኔ
 ሚጩቲዳ ኩሼን ኬሂ ያሺሲዛ ፑላቴላን ኔ ዴሬ
 ኢሰራኤሌ ጊብጾፔ ኩሳዳሳ።
 22 ኢሰታ ኣዎታሰ ኔኒ ኢማና ጋዳ ጫቂዳ ማሴኔ
 ኤሲ ኢዚፔ ጎጊዛ ሃና ሃ ቢታዮ ኔ ኢሰታሰ ኢማዳሳ።
 23 ሂሰቲን ኢሰቲ ሄ ቢታ ጌሊዲ ሳቲዳ፤ ጊዳ
 ኣቲን ኔሰ ኣዛዘቲቤቲና፤ ኔ ዎጋካ ናጊቤቲና፤ ኢሰቲ
 ኦላና ማላ ኔኒ ኣዛዚዳይሳ ኡባካ ኦሊቤቲና፤ ሄሳ
 ጊሻሰ ኔኒ ኢሰታ ቦላ ሃ ቦሻ ኡባ ኤሃዳሳ።
 24 «ሄኮ ባቢሎንቲ ካታማዮ ኦይካናሰ ገምቤ ዩሾን
 ቢታ ዶሪዲ ጊዳዲዳ፤ ኦላፔ፡ ኮሻፔኔ ኢታ ሃርጌፌ
 ዴንዲዳይሳን ካታማያ ኢሰታራ ኦሌቲዛ ባቢሎንታ
 ኩሼን ኣቆ ኢማታና ሃናዉሰ፤ ኔኒ ሃኢ ቤኢዛይሳ ማላ
 ኔ ዮቲዳ ኡባይ ፖሌቲሼ ዴሰ።
 25 ኣቤት ኡባፌ ዎላቃማ ጎዳዉ! ካታማያ
 ባቢሎንታሰ ኣቆ ኢማቲላ ቦላ ዲሺን፡ ርጋዳ ቢራን
 ሻማ፤ ሻማሼ ማርካ ሲንላን ሻማ» ጋሳ» ጋ ዎሳዲሰ።
 26 ሄሳፌ ጉዬ ጎዳ ቃላይ ኤርምያኮ ዩዲ፡
 27 «ታኒ ጎዳይ ኣሰ ኡባሰ ጸሳ፤ ቱማፔ ታና ጸኒዛ
 ሚሺ ዲዜ?» ጊዴሰ።
 28 ሄሳ ጊሻሰ ጎዳይ፡ «ታኒ ሃ ካታማዮ
 ባቢሎንታሰኔ ባቢሎን ካዎ ናቡካዳናጸሬሰ ኣላ ኢማና፤
 ኢሰቲካ ኢዛ ኦይካና።
 29 ካታማዮ ኦሊዛ ባቢሎንቲ ዩዲ ካታማይ ጊዳ
 ጌላና፤ ኢዘካ ታማን ጸጋና፤ ታና ሃንቁላናሰ ኣሳይ
 ባንታ ኩላ ፖቁ ፖቁ ቦላ ባኣሌሰ ኤጸኔ
 ጩኣሲዳሶሆታኔ ኤቃ ጸሳታሰ ኡሻ ያርሾ ሺሺዳ
 ኩላታ ኡባ ኢሰቲ ጸጋና» ቤስ።

ኢዛካ፣ ሳዳይ ኑስ
ጸሎቱላ» ገና።

17 «ሳዳይ፣ ሩዊቱ ዜሬላፊ ኢስራኤል ካዎቱላ አራታን ኡቲዛ ኣሲ ሙሌካ ጳዩና።

18 ለዌ ዛሬ፣ ገዲዳ ቄሴታ፣ ጸጌቲዛ ያርሾ፣ ካላ ያርሾን ሃራ ያርሾ ሺሻናስ ኡባ ዎዳ ታ ሲንላን ኤቁዛ ኣሲ ኢስታ ጋርሳፊ ጳዩና» ጌሰ።

19 ጎዳ ቃላይ ኤርምያሱ ዩዳሰ።

20 ጎዳይ፣ «ታኒ ጋላሳሲ ኦማርሳስ ዎሊዳ ዎጋ ኢንቲ ላሊዲ ጋላሳሲ ኦማርሲ ባንታስ ዎዲዳ ዎጋን ኦሶንታ ማላ ታ ጫቆዛ ኢንቲ ላላና ዳንዳይኮ።

21 ሄ ዎዳ ታኒ ዳዊቲሲኔ ታስ ቄሴቲላን ኦላና ማላ ለዎታስ ጌሊዳ ጫቆ ቃላ ላላና ዳንዳይቲሲ፤ ሃሳፊ ጉዬ ዳዊቲ ዛሬ፣ ካዎቱላ አራታን ኡታና ኣሲ ዳና።

22 ታኒ ታ ኦሳንታ ዳዊቲ ዛሬታኔ ታ ሲንላን ሃጋዚዛ ለዌ ቆዎታ ቆዳይ ባይንዳ ሳሎ ጸለንቲታ ማላኔ ማከን ወርንታ ኣባ ሻሚንታ ማላ ዳርሳና» ጌሰ።

23 ጎዳ ቃላይ ቃሴካ ኤርምያሱ ዩዳ፣

24 «ሃ ኣሳይ፣ ሳዳይ ባ ደሪዳ ናምኡ ካዎቱላታ ዩጊ ኣጊዳስ» ጌ ሃሳይዛይሳ ኔ ኣኩካቤኪ? ኢስቲ ታ ዳራ ካዲዳ ካዎቱላን ቆዲቤቲና» ጌሰ።

25 ጎዳይ፣ «ጋላሳሲ ኦማርሳስ፣ ሳሎሲኔ ሳኣስ ዎጋ ኤሲዳይ ታና ጊዳንታ ኣጊኮ።

26 ታኒ ያቆቤ ዜሬላታኔ ታ ኣይሌ ዳዊቲ ዜሬላታ ኣጋጋና፤ ዳዊቲ ዛሬ፣ ኣብራሃሚ፣ ዩሳቃኔ ያቆቤ ዛሬታ ቦላ ካዎታና ማላ ደሪኬ፤ ታኒ ኢስታስ ቃዲታና፤ ኢስታፊ ዲኤቲዳይሳካ ኢስታስ ዛራና» ጌሰ።

34

ካዎ ሴዴቂያሳስ ዮቲቲዳ ሴራ ቃላ

1 ባቢሎኔ ካዎ ናቡካዳናጸሬይ፣ ኢዛ ኦላንታቲ ኡባይኔ ኢዚ ሃሪዛ ካዎቱላ ጋርሳን ዲዛ ካዎቲኔ ዳሬ ኡባይ፣ ዩራሳላሚኔ ኢዚ ዩሾን ዲዛ ካታማታ ኡባ ኦሊዛ ዎዳ ሃ ቃላይ ጎዳ፣ ኤርምያሱ ዩዳሰ።

2 ጎዳ ኢስራኤል ጸሳይ፣ «ዩሁዳ ካዎ ሴዴቂያሳስ ባዳ፣ ታኒ ሃ ካታማዮ ባቢሎኔ ካዎ ኩሼን ኣላ ኢሞና፤ ኢዚካ ሃ ካታማዮ ታማን ጸጋና።

3 ኔኒ ኢዛ ኩሼ፣ ኩሳ ኤካካ፤ ኔኒ ዲኤታና ኢዛስ ኣቆ ኢሞታና፤ ኔኒ ኔ ኣይፊን ባቢሎኔ ካዎ ቤኣና፤ ኔናራ ኢዚ ቲራን ጋይቲ ሃሳያና፤ ሃሳፊ ጉዬ ኔኒ ባቢሎኔ ቢታ ባና።

4 « ጊዳ ኣቲን ዩሁዳ ካዎ ሴዴቂያሳ! ጎዳ ቃላ ሲያ! ኔኒ ኦላን ሃይቃካ፤

5 ኔኒ ሳር ሃይቆ ሃይቃና፤ ኔ፣ ሲንላን ካዎቲዳ ኔ ኣዎቲ ሃይቂን ኢስቲ ቦንቾስ ታማ ኤሊዳ ማላ ኔኒ ሞጌቲዛ ጋላሲካ ኢስቲ ኔ ቦንቾስ ታማ ኦላና፤ ሂስቲዲ «ዎ! ዎ! ኑ ካዎዘ!» ጊዲ ኔስ ዩካና፤ ሃይሳ ሃ ቃላ ዮቲዳይ ታና ጎዳ» ጌሰ ጋዳ ዮታ» ጊዳሰ።

6 ሃሳፊ ጉዬ ናቤ ኤርምያሲ ሃ ቲንቢቲ ኡባ ዩሁዳ ካዎ ሴዴቂያሳስ ዩራሳላሚን ዮቲዳሰ።

7 ሄ ዎዳ ባቢሎኔ ካዎ ኦላንታቲ ዩራሳላሚ ካታማኔ ዩሁዳን ኢስታ ዩሾይ ገምቤቲ ኡቲን ኣቲዳ ላኪሼኔ ኣዜቄ ጌቲቲዛ ካታማታ ኦሊሼ ዳቲሰ። ገምቤቲ ኡቲዳ ካታማታ፣ ኣቲዳይቲ ሃይታ ጸላ።

ኣይሌቲላፊ ላኣ ኬሰ

8 ካዎ ሴዴቂያሲ ኣይሌቲላ ጋርሳን ዲዛይታ ላኣ ኬሳናስ ዩራሳላሚን ዲዛ ኣሳ ኡባራ ጫቂቲዳ፣ ጉዬ ጎዳ ቃላይ ኤርምያሱ ዩዳሰ።

9 ኢሶይ ኢሶይ ኢብራዌ ጊዲ ኡቲዲ ኣቲማ ኣስ ጊዲን ዎይኮ ማጫ ኣስ ጊዲን ኣይሌቲላን ዲዛይ ላኣ ዩዳና ቤሴስ፤ ኣይሁዳታ፣ ኦኒካ ባ ኣሻ ኣይሌ ሂስቲ ሃራናስ ቤሴና።

10 ሃይሳ ሃ ጫቆ ቃላን ኩዩዳ ሹሜቲኔ ዳሬይ ኡባይ ባንታ ኣቲማኔ ማጫ ኣይሌታ ኣይሌቲላፊ ኬሳናሲኔ ናምኣንላ ዛሪዲ ኣይሌቲላን ሃርንታ ኣጋናስ ቃላ ቃቺዳ።

11 ጊዳ ኣቲን ባንታ ቆፋ ላሚዲ ኣይሌቲላፊ ላኣ ዩዲዳ ባንታ ኣቲማኔ ማጫ ኣይሌታ ዛሪዲ ኣይሌቲላን ሃሪዳ።

12 ሃሳ ጊሻስ ጎዳ ቃላይ ኤርምያሱ ዩዳሰ።

13 ጎዳ ኢስራኤል ጸሳይ፣ «ታኒ ኢንቲ ኣዎታ ጊብጾ፣ ኣይሌቲላ ቢታፊ ኬሲዳ ዎዳ ኢስታራ።

14 ጎና ኣይሌቲላሰ ኣሊ ኣሚዳ ኢንቲ ዳቦ ኢብራዌታ ኡሱፑን ላይላ ሃሪዳ፣ ጉዬ ላፑንላ ላይላን ላኣ ዩዳ» ጋዳ ጫቂላዲሰ፤ ጊዳ ኣቲን ኢንቲ ኣዎቲ ታ ጊዛዝ ሲዮንታ ኢዲዲ ባ ሃይላ ሃራሶ ዩጊዳ።

15 ሃኢ ኢንቲ ማርቲላን ጌሊዲ ታ ሲንላን ሎኦ ኦሶ ኦሊዳታ፤ ኢንቲ ኢሶይ ኢሶይ ኢብራዌ ጊዲዳ ኢንቲ ዳቦቲ ኣይሌቲላፊ ላኣ ኬዛና ማላ ኣዎጂዳታ፤ ታ ሱንላይ ኢዛን ጸይጌቲዛ ኬላን ታ ሲንላን ጫቆ ቃላ ጌሊዳታ።

16 ጊዳ ኣቲን ሃኢካ ኢንቲ ኢንቲ ቆፋ ላሚዲ ታ ሱንላ ቲኒሲዳታ። ኢንቲ ላኣ ዩዲዳ ኣቲማኔ ማጫ ኣይሌታ ዛሪዲ ኣይሌቲላን ሃሪዳታ» ጌሰ።

17 ሃሳ ጊሻስ ታኒ ጎዳይ፣ «ኢንቲ ታስ ኣዛዜቶንታ ኢዲዲ ኢንቲ ኣሻታኔ ኢንቲ ዳቦታ ኣይሌቲላፊ ላኣ ዩዲዳ ኣዎጂ ኣዎጂቤኬታ፤ ቤኣቲ ታኒ ኢንቲ ቦላ፣ ሩላኣ» ኣዎጂ ኣዎጂና፤ ሃሲካ ኦላን፣ ኢታ ሃርጌኒኔ ኮሻን ኢንቲ ኩንዳና ኣዎጂ፤ ታኒ ኢንቲና ሳኣ ቦላ ዲዛ ካዎቲላቲ ሻጾቲዛ ሚሻ ኦላና።

18 ታናራ ጫቂቲዳ ቃላ ሚንሊዳይታኔ ታ ሲንላን ጫቂቲዳ ቃላ ፖሎንታ ኣሳታ ኢስቲ ማሪ ሹኪ ኢዛ ኣሾ ናምኡ ኬሲ ሻኪ ዎሊዲ ኢዛ ጊደራ ኣዲዳይሳላ ታኒካ ኢስታ ኦላና።

19 ዩሁዳኔ ዩራሳላሚ ካሌሊዛይታ፣ ካዎ ኬላ ሹሜታ፣ ቄሴታኔ ማራ ኣሻ ጊደራ ኣዲዳ ዳራ ኡባ።

20 ታኒ ኢስታ ሹምፖ ዎዳናስ ኮይዛ ኢስታ ሞርኬታ ኩሼን ኣላ ኢሞና፤ ኢስታ ኣሃይ ሳሎ ካፎታሲኔ ደኣታስ ቁማ ጊዳና» ጌሰ።

21 ጎዳይ፣ «ታኒ ዩሁዳ ካዎ ሴዴቂያሳኔ ኢዛ ሹሜታ ኢስቲ ዎዳና ኮይዛ ኢስታ ሞርኬታ ኩሼን ሃይቲካ ጉላ ዎዳስ ኢንቲና ኦሎ ኣጊዳ ባቢሎኔ ካዎ ኦላንታታ ኩሼን ኣላ ኢሞና።

22 ታኒ ኢስታ ኣዛዛና፤ ኢስቲ ሃ ካታማዮ ኦላና ማላ ታኒ ዛራ ኤሃና፤ ኢስቲካ ካታማዮ ኦሊ ኦይካናኔ ታማን ጸጋና፤ ታኒ ዩሁዳ ካታማታ ኣሲ ባይንዳሶ ቡላ ኬሳና» ጌሰ።

35

ኤሬካቤታ አማኔታ

- 1 የሁዳ ካዎ ኢየሱያሳ ና ኢየሳቄሜ ካዎቲፋ ላይላን ጎዳ ቃላይ ኤርማሳኮ ዪዲ፤
- 2 «ኤሬካቤታኮ ባዳ ኢስታ ሃ ጸሳ ኬላ ኤካ ያ፤ ኢስታ ከፊሌ ጌልላዳ ኢስታኮ ኡያናሰ ዎይኔ ኡሹ አማ» ገደሰ።
- 3 ሂሰቲን ታኒ ባዳ ኤሬካቤ ና፤ ኤርማሳ ናዛ ያኢዛኔ፤ ኢዛ ኢሻታኔ ኢዛ አቱማ ናይታ ኡባኔ ኤሬካቤ ዛሬታ ኡባ ጸይጋዲሰ።
- 4 ኢስታ ጸሳ ኬላ ኤሃዳ ሃናኔ ናይታ ከፊሌ ጌልላዲሰ፤ ሃናኔ አዎ ጌዴሊያይ ጸሳ አሳ፤ ሄ ከፊሌዚ ፔንጌ ናጊዛ ሻሎሜ ና ማእሳያ ከፊሌፔ ቦላ ባጋራ ሹሜታ ከፊሌ ማታን ደሰ።
- 5 ሄሳፌ ጉዬ ታኒ ኤሬካቤታ ሲንላን ዎይኔ ኡሹ ኩሚዳ ኦቶታኔ ዎንጫታ ዎላዳ፤ «ሃይሳ ዎይኔ ኡሻ ኡዩቲ» ጋዲሰ።
- 6 ገደ አቲን ኢስቲ ዛሪዲ፤ «ኑኒ ዎይኔ ኡሹ ኡዮኮ፤ ኑ አዎ ኤሬካቤ ና ኢየናዳቤይ ኑና፤ ለንቴካ አንቴ ናይቲካ ዎይኔ ኡሹ ሜርናሰ ኡዮፕቲ፤
- 7 ኬላ ኬጸፍቲ፤ ካል ዜርፕቲ፤ ዎይኔ ቶኮፍቲ፤ ኡባቶ ዲንካኔን ዲቲ፤ ሃይታፔ ኢሲናካ አንቴሰ ዲፑ። ሄሳላ አንቴ ኦሊኮ አንቴ ኢማላቲል ዲዛ ቢታን ዳር ላይል ዳና» ገደሰ።
- 8 ኑ አዎ ኤሬካቤ ና ኢየናዳቤይ ኑና ኣዛዚዳ ኡባ ኑኒ ፖሊደሰ፤ ኑኒኔ ኑ ማቸቲ፤ ኑ አቱማ ናይቲኔ ኑ ማጫ ናይቲ ዎይኔ ኡሹ ኡዩ ኤርኮ።
- 9 ኑ ኢዛን ዳና ኬላካ ኬጸቤኮ፤ ዎይኔ ቶኪዛ ጋዴይ፤ ጎሻ ጋዴይ፤ ዜሬላ ካሊካ ኑሰ ዳና።
- 10 ኑኒ ዲንካኔ ገደን ዳኢደሰ፤ ኑ አዎ ኢየናዳቤይ ኑና ኣዛዚዳ ኡባ ኑ ናጊደሰ።
- 11 ገደ አቲን ባቢሎኔ ካዎ ናቡካዳናጸሬይ ሃ ቢታዮ ዎራጂዳ ዎዴ፤ ሃ ዩቲ ባቢሎኔ ኦላንቻፕፔኔ ኣራሜ ኦላንቻፕፔ ባቃቲ ኣታናሰ ዬሩሳላሜ ቦሰ» ገደሰ፤ ሄሳ ገሻሰ ኑ ዬሩሳላሜን ኡቲደሰ» ገደሰ።
- 12 ሄሳፌ ጉዬ ጎዳ ቃላይ ኤርማሳኮ ዪዲሰ።
- 13 ኡባፌ ዎልቃማ ጎዳ ኢስራኤሌ ጸሳይ፤ «ባዳ የሁዳ ኣሳሲኔ ዬሩሳላሜ ኣሳሰ፤ ታ ቃላ ናጋና ማላ ሃይሳፌ ታማሬኬቲ?» ጋ ዮታ።
- 14 ኤሬካቤ ና ኢየናዳቤይ ባ ናይታ ዎይኔ ኡሹ ኡዮንታ ማላ ኣዛዚዳሰ፤ ሄ ኣዛዘይካ ናጌቲዳሰ፤ ኢስቲ ባንታ አዎ ኣዛዘ ናጊዳ ገሻሰ ሃቶ ጋካናሰ ዎይኔ ኡሹ ኡዩቲና፤ አንቴ ገዲኮ ታ አንቴሰ ዛራ ዛራዳ ዮቲንካ ኣዛዘቲቤኬታ።
- 15 ታሰ ኦሳንቻ ገዲዳ ናቤታ ዛራ ዛራ አንቴኮ ከታዲሰ፤ ሂሰታዳ፤ ለንቴ ኡባይካ አንቴ ኢታ ኦጌፔ ሃኢ ሲሚቲ፤ አንቴ ኦሶካ ሎኤላቲ፤ ኤቃ ጸሳታሰ ጎይፍፍቲኔ ኦላፍቲ። ሂሰቲኮ፤ ታኒ ጎዳይ አንቴሲኔ አንቴ አዎታሰ ኢሚዳ ቢታን አንቴ ዳና» ጋዲሰ። አንቴ ገዲኮ አንቴ ሃይላ ታኮ ዩጊዲ ሲዩቤኬታ።
- 16 ኤሬካቤ ና ኢየናዳቤይ ዜሬላቲ ኢስታ አዎይ ኢስታ ኣዛዚዳ ኣዛዘ ፖሊዳ፤ ገደ አቲን ሃ ኣሳይ ታሰ ኣዛዘቲቤና» ገሰ።
- 17 ሄሳ ገሻሰ ኡባፌ ዎልቃማ ጎዳ ኢስራኤሌ ጸሳይ፤ «ቤኢቲ፤ ታኒ የሁዳ ኣሳ ቦላኔ ዬሩሳላሜን ዲዛይታ ኡባ ቦላ ኤሃና ገደ ኢታ ሚሽ ታ ኤሃና፤

- ጋሶይካ ታ ኢስታሰ ዮቲን ሲዩቤቲና፤ ታ ኢስታ ጸይጊን ኢስቲ ታሰ ኮዩቤቲና» ገሰ።
- 18 ሄሳፌ ጉዬ ኤርማሲ ኤሬካቤ ዜሬላታሰ፤ «ኡባፌ ዎልቃማ ጎዳ ኢስራኤሌ ጸሳይ አንቴና፤ ለንቴ አንቴ አዎ ኢየናዳቤይ ኣዛዘቲዳ ገሻሰ፤ ኢዛ ዎጋ ካሊዳ ገሻሲኔ ኢዚ ኣዛዘዳ ሚሽ ኡባካ ፖሊዳ ገሻሰ።
 - 19 ኤሬካቤ ና ኢየናዳቤይ ታሰ ጎዳሰ ኦሊዛ አቱማ ኣሲ ኣይዴካ ቆዩና» ገሰ።

36

ባርኬይ ዴራሰ ናባቢዳ ጸላ ማጻፋ

- 1 የሁዳ ካዎ ኢየሱያሳ ና ኢየሳቄሜ ካዎቲዳ ኦይዳንላ ላይላን፤ ጎዳ ቃላይ ኤርማሳኮ ዪዲ፤
- 2 «ጸላ ማጻፋ ኤካዳ ታኒ ኢየሱያሳ ካዎቲፋ ዎዴፔ ደማዳ ታ ኔሰ ዮቶ ኦይኮሶፌ ሃቶ ጋካናሰ ኢስራኤሌ ቦላ፤ የሁዳ ቦላኔ ሃራ ካዎቲፋታ ኡባ ቦላ ሃሳይዳ ቃላ ኡባ ጸፋ።
- 3 ታኒ የሁዳ ኣሳ ቦላ ኤሃና ጋዳ ሃልቲዳ ቦሻ ኡባ ኣሳይ ሲዩዲ ኢሶይ ኢሶይ ባ ቢዛ ኢታ ኦጌፔ ሲማናኮ ኦኔ ኤሪዛይ? ታኒካ ኢስታ ቆሆኔ ኢስታ ናጋራ አቶ ጋና» ገደሰ።
- 4 ሄሳ ገሻሰ ኤርማሲ ኔሪያ ና ባርኬ ዴይጊደሰ፤ ሂሰቲዲ ጎዳይ ኢዛሰ ዮቲዳይሳ ኡባ ባርኬሰ ዮቲን ኢዚ ጸላ ማጻፋን ጸፊደሰ።
- 5 ሄሳፌ ጉዬ ኤርማሲ ባርኬሰ፤ «ታኒ ጎዳ ኬላ ጌሎንታ ማላ ዲጌቲዳ ገሻሰ ጌላና ዳንዳይኬ።
- 6 ሄሳ ገሻሰ ኔኒ ኣሳይ ጸሚዛ ጋላሰ ጎዳ ኬላ ባዳ፤ ታኒ ዮቲን፤ ኔኒ ጸላ ማጻፋን ጸፊዳ ጎዳ ቃላ ኢስታሰ ናባባ፤ ባንታ ካታማታፔ ዪዳ የሁዳ ኣሰ ኡባሲካ ናባባ።
- 7 ሃይሳ ዴራ ቦላ ጎዳይ ዮቲዳ ሃንቆይኔ ቦሻይ ዴጸ ገዲዳ ገሻሰ ኢስታፌ ኢሶይ ኢሶይ ባ ናጋራ ጎዳ ሲንላን ፓዲዲ ባንታ ኢታ ኦጌፔ ኢስቲ ሲማናኮ ኦኔ ኤሪዛይ?» ገደሰ።
- 8 ኔሪያ ና ባርኬይ ናቤ ኤርማሲ ኢዛሰ ዮቲዳይሳ ኡባ ፖሊደሰ፤ ጎዳ ኬላን ጎዳ ቃላ ጸላ ማጻፋፔ ናባቢደሰ።
- 9 የሁዳ ካዎ ኢየሱያሳ ና ኢየሳቄሜ ካዎቲዳ ኢቻሻንላ ላይላን፤ ኡዲፋንላ ኣጊናን፤ ዬሩሳላሜን ዲዛ ኣሰ ኡባሲኔ የሁዳ ካታማታፔ ዪዳ ኣሳሰ ጎዳ ሲንላን ጸማና ማላ አዎጂዳ።
- 10 ባርኬይ ጸላ ማጻፋን ጸፊቲዳ ኤርማሳ ቃላ ጎዳ ኬላፌ ፑዴ ባጋን ዲዛ ዛጎን፤ «ኦራላ ፔንጌ» ጌቲቲዛ ጸሳ ኬላ ፔንጌ ኣቻን ዲዛ ሳፋኔ ና ጸፊ ጋማሪያ ከፊሌን ኤቁዲ ዴሬ ኡባሰ ናባቢደሰ።
- 11 ሳፋኔ ናዛ ጋማሪያ ና ሚኪያሲ ጸላ ማጻፋፔ ናባቤቲዳ ጎዳ ቃላ ኡባ ሲዩዲ፤
- 12 ካዎቲፋ ኬላን ጸፊዛ ከፊሌ ቢደሰ፤ ሹሜቲ ኡባይ ጸፊ ኤልሻማይ፤ ሻማኤ ና ዳላያይ፤ ኣኪቦሬ ና ኤልናታኔይ፤ ሳፋኔ ና ጋማሪያይ፤ ሃናኒያ ና ሴዴቁያሲኔ ሃራ ሹሜቲ ኡባይ ሃን ኡቲዳ።
- 13 ባርኬይ ዴራሰ ጸላ ማጻፋፔ ናባቢሺን ሲዩዳ ቃላ ኡባ ሚኪያሲ ኢስታሰ ዮቲዳፔ ጉዬ፤
- 14 ሹሜቲ ኡባይ ኩሹ ና፤ ሹሌሚያ ና፤ ናታኒያ ና የሁዳ፤ «ዴራሰ ኔ ናባቢዳ ጸላ ማጻፋ ኤካዳ ያ» ገዲ

ባሮኬስ ከታ ዩዲዳ፤ ኔሪያ ና ባሮኬይ ጸላ ማጻፋ ኤኪዲ ኢስታኮ ዩዲዳ፤

15 ኢስቲካ ኢዛ፡ «እኔ ኡታዳ ኑስ ማጻፋ ናባባ» ገዳ። ባሮኬይካ ኢስታስ ናባቢዳስ።

16 ኢስቲካ ቃላ ኡባ ሲዩዲ ባ ጋርሳን ኢሶይ ኢሳ ያሻቴላን ጽሊዲ ባሮኬስ ሃይሳ ሃ ቃላ ኡባ፡ «ኑኒ ካዋዛስ የታናስ ቤሴስ» ገዳ።

17 ቃሴካ ዛሪዲ፡ «ኑኒ ሃ ቃላ ኡባ ዋስታ ጸፊዳኮ ኑስ የታ፤ ኤርማሲ ባ ደናን የቲን ጸፋዲ?» ገዲ ባሮኬ ኦይቺዳ።

18 ባሮኬይካ፡ «ኤ፡ ሃ ቃላ ኡባ ኤርማሲ ባ ደና፤ ታስ የቲዳስ፤ ታኒካ ቃላሚን ጸላ ማጻፋን ጸፋዲስ» ገ ዛሪዳስ።

19 ሹሜቲ ባሮኬ፡ «ኔኒኔ ኤርማሲ ቢዲ ቆቲቲቲ፤ አንቲ አዋን ዲዛኮ ኦኒካ አንቲና ኤርፖ» ገዳ።

ጸላ ማጻፋዛ ጸጌቴላ

20 ሹሜቲ ጸላ ማጻፋዛ ጸፊ ኤልሻማ ኪፊሌን ዋሊዳ፤ ገዩ ካዋዚ ዲዛ ዛጎ ቢዲ ኢዛስ ሃኒዳ ኡባ የቲዳ።

21 ሂስቲን ሄ ማጻፋ ኤሃና ማላ ካዋዚ ዩሁዳ ከቲዳስ፤ ዩሁዳይካ ጸላ ማጻፋ ኤልሻማ ኪፊሌ፤ ኢሂዲ ካዋዛሲኔ ኢዛ የሹን ኤቁዳ ሹሜታስ ናባቢዳስ።

22 ኡዲፋንላ አገናን ሳኦይ ባልጎ ገዲዳ ገሻስ ካዋዚ ባልጎ ኢዛን ጋምኢዛ ኬላን ዳስ፤ ሄ ዋዴ ኢዛ ሲንሳን ጮጮ ታማይ ኤጲሼ ዳስ።

23 ዩሁዳይ ሄቹ ዋይኮ ኦይዲ ሶሆታ ናባቢዳ፤ ገዩ ካዋዚ ሄ ሶሆታ ጸላ ማጻፋ፤ ጸፊዛ ማጋላን ቃንጺ ቃንጺዲ ኩሜላ ማጻፋይ ጸጌቲ ዉራና ጋካናስ ታማዛን ዩጊዳስ።

24 ካዋዛ ገዲን ዋይኮ ሄ ቃላ ሲዩዳ ሹሜቲ ኡባይ ኦይኮካ ያዩቤቴና፤ ባንታ ማይኦካ ዳኪቤቴና።

25 ኤልናታኔይ፡ ዳላያይኔ ጋማሪያይ ካዋዚ ጸላ ማጻፋ ታማን ጸጎንታ ማላ ዋሲንካ ኢዚ ኢስታ ዋሳ ሲዩቤና።

26 ሄሳፊካ ቦላራ ጸፊ ባሮኬኔ ናቤ ኤርማሳ ኦይኪ ቃቻና ማላ ካዋዛ ና ዩራሂምኤሌ፡ ኦዛሪኤሌ ና ሳራያኔ ኦብዲኤሌ ና ሹሌሚያ ኦዛዚዳስ፤ ገዲ ኦቲን ጎዳይ ኢስታ ቆቲዳስ።

ኤርማሲ ናምኦንሳ ዛሪ ጸፊዳ ማጻፋ

27 ኤርማሲ የቲሺን ባሮኬይ ጸፊዳ ጸላ ማጻፋ ካዋዚ ጸጌዳ፤ ገዩ ጎዳ ቃላይ ኤርማሳኮ ዩዲ፡

28 «ሃኢካ ሃራ ጸላ ማጻፋ ኤካዳ ዩሁዳ ካዋ ኢዮኦቁሜይ ካሴ ጸጌዳ ጸላ ማጻፋ ገደን ዲዛ ቃላ ኡባ ጸፋ።

29 ቃሴ ዩሁዳ ካዋ ኢዮኦቁሜስ፡ «ባቢሎን ካዋይ ቱማ፤ ዩዲ ሃ ቢታ ቆይሳና፤ ኢዚን ዲዛ ኦሳን ሜሄ ዉርሳና ጋዳ ኦይስ ጸፋዲ?» ጋዳ ጸላ ማጻፋ ጸጋዳ» ገሴ ጎዳይ ጋዳ የታ።

30 ሄሳ ገሻስ ጎዳይ ዩሁዳ ካዋ ኢዮኦቁሜ ገሻስ፡ «ዳዊቲ ካዋቴላ ኦታታን ኡታናይ ኢዛ ዛሪ፤ ቤቴና፤ ኢዛ ኦሃይካ ጋላሳ አዋ ሴላሲኔ ኦማርሳ ኬንቸሰ ዩጌቲ ኦታና።

31 ኢዛኔ ኢዛ ናይታ፡ ኢዛ ሹሜታ ኢስታ ኢታቴላ ገሻስ ታ ኢስታ ቃጸያና፤ ታ ገዛዝ ኢስቲ ሲዮንታ ኢዲዳ ገሻስ ታ ኢስታ ቦላ ኤሃና ገዲ ባሽ ኡባ

ኢስታ ቦላ፡ ዩራሳላሚኒኔ ዩሁዳን ዲዛ ኦሳ ቦላ ኤሃና» ገሴ።

32 ሄሳፊ ገዩ ኤርማሲ ሃራ ጸላ ማጻፋ ኤኪዲ ኔሪያ ና ጸፊ ባሮኬስ ኢሚዳስ፤ ሂስቲን ባሮኬይ ዩሁዳ ካዋ ኢዮኦቁሜይ ታማን ጸጌዳ ጸላ ማጻፋ ቃላ ኡባ ኤርማሲ ኢዛስ ደናን የቲን ጸፊዳስ። ቃሴ ኤርማሲ ሄሳ ሚሳቲዛ ሃራ ቃላካ ገጂን ኡባካ ባሮኬይ ጸፊዳስ።

37

ኤርማሳኔ ካዋ ሴዴቂያሳ

1 ባቢሎን ካዋ ናቡካዳናጾሬይ ኢዮኦቁሜ ና ኢዮኦኪኔ ሶሆን ኢዮሲያሳ ና ሴዴቂያሳ ዩሁዳ ቢታን ካዋሊዳስ።

2 ገደ ኦቲን ሴዴቂያሳ፡ ኢዛ ሹሜቲኔ ዳሬ ኦሳይ ኡባይ ጎዳይ ናቤ ኤርማሳ ባጋራ የቲዳ ቃላስ ኦዛዜቴቤቴና።

3 ካዋ ሴዴቂያሳ፡ ሹሌሚያ ና ዩካሌኔ ማኢሳያ ና ቁሴ ሶፎናሳ ናቤ ኤርማሳኮ፡ «ጎዳ ኑ ጸሳ ኑስ ዋሳ» ገዲ ከቲዳስ።

4 ሄ ዋዴ ኤርማሲ ቡር ቃሾ ኬላ ጌሎንታ ዲዛ ገሻስ ባ ሹኔ ማላ ሲሜሬቲሼ ዳስ።

5 ገብጾ ካዋ ኦላንቻቲ ገብጾ፤ ኬዚዲ ዩዛይሳ ዩራሳላሚ ገደሊዳ ባቢሎን ኦላንቻቲ ሲዩዳ ዋዴ ኢስቲ ዩራሳላሚ፤ ኢዲ ገዩ ሲሚዳ።

6 ሄሳፊ ገዩ ጎዳ ቃላይ ናቤ ኤርማሳኮ ዩዲ፡

7 ጎዳ ኢሰራኤሌ ጸሳይ፡ «ታና ኢንቲ ኦይቻና ማላ ኢንቲና ከቲዳ ዩሁዳ ካዋስ፡ «ቤኢቲ፡ ኢንቲና ማዳናስ ኬዚዳ ገብጾ ካዋ ኦላንቻቲ ባንታ ቢታ ገዩ ሲሚ ባና።

8 ባቢሎን ኦላንቻቲካ ሲሚ ዩዲ ሃኖ ሃ ካታማዮ ኦሊ ኦይካና ኢዛ ጸጋና» ገቲ» ገሴ።

9 ጎዳይ፡ « ባቢሎን ኦላንቻቲ ኑና ቱማ፤ ኢገ ቢዳ» ገዲ ቆፖፍቴ፤ ኢስቲ ኢገ ቦንታ ገሻስ ኢንቲና ኢንቲርካ ባሌሶፍቴ።

10 ኢንቲናራ ኦሊቲዛ ባቢሎን ኦላንቻታ ኢንቲ ጸኒን ኢስታ ዲንካኔ ገደን ማዲንጺዳ ኦሲ ጸላ ኦቲኮካ ሄይቲ ዩዲ ሃኖ ሃ ካታማዮ ጸጋና» ገሴ።

ኤርማሳ ቃሹቴላ

11 ባቢሎን ኦላንቻቲ ገብጾ ካዋ ኦላንቻታ ጋሶን ዩራሳላሚ ዩጌ ኬዚዳ፤ ገዩ፡

12 ሄ ዋዴ ኤርማሲ ዳራ ገደን ባና ጋኪዛ ጸንጾ ኤካናስ ቢኒያሜ ቢታ ባናስ ዩራሳላሚ፤ ዳንዲዳስ።

13 ገደ ኦቲን ኢዚ ቢዲ ቢኒያሜ ፔንጌ ጋኪሺን ዛቤታ ሃላቃ ሃናኒያ ናዛ ሹሌሚያ ና ዩሪያይ ኢዛ፡ «ኔኒ ዳራ ካዳዳ ባቢሎን ኦሳኮ ባና ጋሳ!» ገዲ ኦይኪዳስ።

14 ኤርማሲካ፡ «ኔኒ ገዛይሲ ዋርደ፤ ታኒ ካዳዳ ባቢሎን ቢዛ ኦስ ገዲኬ» ገደዳ፤ ገደ ኦቲን ዩሪያይ ኢዚ ገዛይሳ ሲዮንታ ኢዲዳ ኤርማሳ ኦይኪ ኤኪዳ ሹሜታኮ ኤፊዳስ።

15 ሹሜቲካ ኬሂ ሃንቁቲዲ ኤርማሳ ዋዳዳ፤ ሄሳፊ ገዩ ኢስቲ ቃሾ ኬላ ሂስቲዳ ጸፊ የናታኔ ኬላን ኤፊ ቃቺዳ።

16 ኤርማሲ ሄን ቢታ ጋርሳን ዲዛ ቃሾ ኬላን ዳር ዋዴ ጋምኢዳስ።

17 ሄሳፌ ጉዬ ካዎ ሴዴቂያሲ አሰ ከተዲ ኤርማሳ ባ ዲዛሶ ካዎ ከሐ ጾይጊ ኤሂሲዳሰ፤ ኢዛ ጸላ ኤፊዲ፡ «ጎዳፔ ዩዳ ቃላይ ነገን ዲዜ?» ጊ ኦይቸዳሰ። ኤርማሲ ዛሪዲ፡ «ኤ ዳሰ፤ ነኒ ባቢሎን ካዎ ኩሼን አቆ አሜታና» ጊዳሰ።

18 ቃሴካ ኤርማሲ ካዎ ሴዴቂያሳሰ፡ «ኢንቴ ታና ቃሹ ከሐን ዩጋናሰ ታኒ ኢንቴ ቦላ፡ ኢንቴሰ ኦሊዛ ሹሜታ ቦላ ዎይኮ ሃ አሳ ቦላ አይ ሞሮ አላዲና?

19 ሳኒ ባቢሎን ካዎይ ኢንቴናን ሃ ቢታዮ ዩዲ ኦሌና፤ ጊዲ ኢንቴሰ ቲንቢቲ ዮተዳ ናቤቲ ሃኢ አዎን ዲዛ?

20 ሄሳ ጊሻሰ ታ ጎዳዉ ካዎ! ታ ጊዛዛ ኤዘጋ! ታ ኔና ዎሳይሰ። ታኒ ሄን ሃይቆንታ ማላ ጸፊ ዮናታኔ ሶ ዛራ ዩዳ።» ጊዳሰ።

21 ካዎ ሴዴቂያሲ ዛቤ ናጊዛይታ ዛጎን ዳና ማላኔ ሄ ካታማይን ዲዛ ካላ ዉራናሹ ጋካናሰ ካላ ካላዛይታ ሄራፔ ጋላሰ ጋላሰ ኢሲ ኢሲ ቡዳናይ ኢዛሰ አሜታና ማላ አዛዚዳሰ፤ ሄሳ ጊሻሰ ኤርማሲ ዛቤ ናጊዛይታ ዛጎን ዳኢዳሰ።

38

አላን ኤርማሳ ዩጌታ

1 ማታኔ ና ሻፋጺያይ፡ ፓሽኩሬ ና ጎዳሊያሳይ፡ ሹሌሚያ ና ዩካሌይኔ ማልኪያ ና ፓሽኩሬይ ኤርማሲ አሰ ኡባሰ ዮተዳ ቃላታ ሲዩዳ።

2 ጎዳይ፡ «ሃኖ ካታማይን ኣተዛ ኦኒካ አላን፡ ከሻኒኔ ኢታ ሃርጌን ሃይቃና፤ ጊዳ ኣተን ባቢሎንታኮ ቢዛ ኦኒካ ሃይቁና፤ ባ ሁኤ አሻና፤ ፓጸካ ዳና» ጌሰ።

3 ቃሴካ ጎዳይ፡ «ሃኖ ካታማያ ቱማፔ ባቢሎን ካዎ አላንቻታ ኩሼን አቆ አሜታና፤ ኢሰቲካ ኢዛ ሃራና» ጊዳሰ።

4 ሄሳፌ ጉዬ ሹሜቲ ካዎዛኮ ቢዲ፡ «ሃይሲ አዳዚ ሃ ካታማይን ኣተዳ አላንቻታኔ ዳራ ሂዳታ ቃንጺሲዛይ ጊዲዳ ጊሻሰ ኢዚ ሃይቃናሰ ቤሴሰ፤ ሃይሲ አዳዚ ዳሬይ ቆያና ማላ ኮዩሰ ኣተን ዳራሰ ሎኦ ሚሽ ኮዩና» ጊዳ።

5 ካዎ ሴዴቂያሲ ዛሪዲ፡ «ኢዚ ኢንቴ ኩሼን ዳሰ፤ ካዎዚ ኢንቴናራ ኤቁቲዲ አይኮካ ኦላና ዳንዳዩና» ጊዳሰ።

6 ሂሰቲን ኢሰቲ ኤርማሳ ካዎ ከሐ ናጊዛ ዛቤታ ዲቡሻን ዲዛ ካዎ ና ማልኪያ ሃላ አላን ዩጊዳ፤ ኢሰቲ ኢዛ ዎዳሮ ዲጌ አላን ዎሊዳ፤ ሄ ዎዳ ሄ አላዛን ኤርቃፊ ኣተን ሃላ ዳና፤ ኤርማሲ ሄ ኡርቃን ሚቲቲዳሰ።

7 ጊዳ ኣተን ቶጵያ አሰ ጊዲዳ ካዎ ከሐን ኦሊዛ አቢሜሌኬ ጌቲቲዛ ኢሲ ጉንዲላይ ኤርማሲ አላን ዩጌቲዳይሳ ሲዩዳሰ፤ ሄ ዎዳ ካዎይ ቢኒያሜ ፔንጌን ኡቲ ዲሺን።

8 አቢሜሌኬ ካዎ ከሐፊ ከዚዲ፡

9 «ታ ጎዳዉ ካዎ! ሃይቲ አሳቲ ናቤ ኤርማሳ ቦላ ከሂ ኢታ ሚሽ ኦሊዳ፤ ሃኖ ካታማይን ካላ ቆይዳ ዎዳን ኢዚ ከሻን ሃይቃና ማላ አላን ዩጊዳ» ጊዳሰ።

10 ካዎዚካ ቶጵያ አሰ አቢሜሌኬሰ፡ «ሄሹ ታሙ አሰ ኔናራ ኤካ ባዳ ኤርማሲ ሃይቆንታ ዲሺን ኦላፊ ከሳ» ጊ አዛዚዳሰ።

11 ሂሰቲን አቢሜሌኬ ኣሳ ባናራ ኤኪዲ ካዎቲላ ሚንጃ ከሐን ጋርሳ ባጋራ ዲዛ ከፊላኮ ቢዳሰ፤ ሄፔ

ጨጋ ጫርቃኔ ጨጋ ማይኦ ኤኪ ዎዳሮን ቃቸዲ ዲጌ ኤርማሳሰ ዩጊዳሰ።

12 ቶጵያ አሰ አቢሜሌኬይ ኤርማሳ አላ ጊዳ ዲጌ ጸይጊዲ፡ «ኔና ቁምኣንታ ማላ ሃይሳ ጨጋ ጫርቃይኔ ጨጋ ማይኦ ኢዛ ቦላ ጸጾቲዳ ዎዳሮዛ ኔ ሾጸ ጊዳ ጌልሳ» ጊዳሰ። ኤርማሲካ ኢዚ ጎይሳሶ ኦሊዳሰ።

13 ሂሰቲን ሄ ዎዳሮዛን ኢዛ አላፊ ከሲዳ፤ ኤርማሲካ ዛቤታ ዛጎን ጋምኢዳሰ።

ሴዴቂያሲ ኤርማሳ ናምኣንላ ኦይቸዳ ኦይሻ

14 ሄሳፌ ጉዬ ካዎ ሴዴቂያሲ ኤርማሳ ከቲ ኤሂሲዲ ጎዳ ከሐ ጌሊዛ ሄሻንሶ ፔንጌ ማታን ኢዛሰ፡ «ታኒ ኢሲ ሚሽ ኔና ኦይቻይሰ፤ ነኒ ታፔ አይኮካ ቆቶፋ» ጊዳሰ።

15 ኤርማሲ ዛሪዲ ሴዴቂያሳሰ፡ «ታ ኔሰ ዛር አሚኮ ኔ ታና ዎቂኪ? ታ ዘሪን ኔ ኤካካ» ጊዳሰ።

16 ካዎ ሴዴቂያሲ ኤርማሳሰ፡ «ሹምፖ ኑሰ አሚዳ ዳኦ ጸሲ ቤኢን ታ ኔና ዎቂኬ፤ ኔና ዎቆናሰ ኮይዚይታሰካ ታ አላ አሚኬ» ጊዲ ቆታን ጫቂዳሰ።

17 ኤርማሲ ሴዴቂያሳሰ ዛሪዲ፡ «ኡባፊ ዎልቃማ ጎዳ ኢሰራኤሌ ጸሳይ፡ ባቢሎን ካዎ አላ ሃላቃታሰ ኔ ኩሼ ነኒ አሚኮ ኔ ሹምፖይ ኣታና፤ ሃና ካታማያካ ጸጌቲኩ፤ ነኒኔ ኔሶ አሳይ ሹምፖጌ ፓጸ ዳና።

18 ጊዳ ኣተን ባቢሎን ካዎ አላ ሃላቃታሰ ነኒ ኔ ኩሼ አምንታ ኢዲኮ ሃና ካታማያ ባቢሎንታሰ አቆ አሜታና፤ ኢሰቲካ ኢዛ ጸጋና፤ ነኒካ ኢሰታ ኩሼፔ ከሳ ኤካካ» ጌሰ።

19 ቃሴካ ካዎ ሴዴቂያሲ ኤርማሳሰ፡ «ባቢሎን ባቃቲ ቢዳ አይሁዳቲ ታ ቦላ ቁቂ ካኦንታ ማላ ታና ኢሰታ ኩሼን አላ አሚናኮ ጋዳ ባባይሰ» ጊዳሰ።

20 ኤርማሲካ ዛሪዲ፡ «አይኮይ ባዎ! ኢሰቲ ኔና አላ አሚቴና፤ ታ ኔሰ ዮተዛ ጎዳ ቃላሰ አዛዜታ፤ ሄሲካ ኔሰ ሎኦ ጊዳና፤ ኔ ሹምፖይካ አታና።

21 ጊዳ ኣተን ነኒ ኩሼ አምንታ ኢዲኮ ጎዳይ ታና ቤሲዳ ሚሽ ዳሰ።

22 ዩሁዳ ካዎቲላ ከሐን ኣተዳ ማጫሳቲ ኡባይ ዲኤቲዲ ባቢሎን ሹሜታሰ አቂ አሜታና፤ ሄ ማጫሳቲ፡

« ኔኒ ኢሰታን አማኔቲዳ ኔ ሲቆቲ ኔና ባሌሊዳኔ ጸኒዳ፤ ኔ ቶሆይ ኡርቃን ሚቲቲዳሰ፤ ኔ ሲቆቲካ ኔና ዩጊ ቢዳ» ጋና።

23 «ኔ ማቸቲኔ ኔ ናይቲ ኡባይ ባቢሎን አሳሰ አቂ አሜታና፤ ነኒካ ባቢሎን ካዎ ኩሼን ኦይኬታና ኣተን ኢሰታ ኩሼፔ ከሳ ኤካካ፤ ሃና ካታማያካ ታማን ጸጌታና» ጊዳሰ።

24 ሴዴቂያሲ ኤርማሳሰ ዛሪዲ፡ «ሃይሳ ኑ ሃሳይዳይሳ ኦኒካ ኤርፖ፤ ኣካይ ጌኮ ኔ ሃይቃና።

25 ሹሜቲ ታ ኔናራ ሃሳይዳይሳ ሲዩ ኔኮ ዩዲ፡ «ኔኒ ካዎዛ አይ ጌን ኢዚ ኔና አይ ጊዳኮ ኑሰ ዮታ፤ ቆቶንታ ኑሰ ዮታ፤ ኔ ሂሰቶንታ ኣጊኮ ኑ ኔና ዎቆና፤ ኢሰቲ ጌኮ።

26 ነኒ ኢሰታሰ፡ «ታኒ ሄን ሃይቆንታ ማላ ታና ዛሪዳ ዮናታኔ ሶ ዩዳ። ጋዳ ዎሳዲሰ» ጋዳ ዮታ» ጊዳሰ።

27 ሄሳፌ ጉዬ ሹሜቲ ኡባይ ኤርማሳኮ ዩዲ ኢዛ ኦይቸዳ፤ ኢዚካ ካዎዚ ኢዛ አዛዚዳ ቃላ ኡባ ኢሰታሰ ዮተዳሰ። ኢዚ ካዎዛራ ሃሳይዳይሳ ሲዩዳ

ኢሲ አሲካ ባይንዳ ገሻሽ ሄሳፊ ቦላራ ኢዛ ሃሳይሲቤቲና።
28 ዩራሳላሜይ ኦይኬታና ጋካናስ ኤርምሲ ዛቤታ ዛጎን ጋምኢዳስ።

39

ዩራሳላሜ ኩንዳል (2ካዎ 25:1-12፣ ኤርም 52:4-16)

- 1 ሴዴቂያሲ የሁዳን ካዎቲዳ ኡዲፋንላ ላይላን፣ ታማንሳ አገናን፣ ባቢሎን ካዎ ናቡካዳናጸሬይን ኢዛ ኦላንቻቲ ኡባይ ዩዲ ዩራሳላሜ ዎራጂ ገደል ኦይቢዳ።
- 2 ሴዴቂያሲ ካዎቲዳ ታማን ኢሲንሳ ላይላን፣ ኦይዳንላ አገናን፣ ኡዲፋንሳ ጋላሳን ባቢሎን ኦላንቻቲ ካታማይ ገምቤ ሜንላዳ።
- 3 ሄ ዎዴ ባቢሎን ካዎ ሹሜቲ፣ ኔቦ ዳሬ አስ ኔጋጋሌ-ሳርሳሬይ፣ ዋና ሹሜ ኔቦ ሳርሲኪይይ፣ ጾቃ ሹሜ ኔጋጋሌ-ሳርሳሬይ፣ ሄሳላካ ሃራ ባቢሎን ሹሜቲ ጌሊዲ ገደ ፔንገን ኡቲዳ።
- 4 የሁዳ ካዎ ሴዴቂያሲን ኢዛ ኦላንቻቲ ኡባይ ባቢሎን ኦላንቻቲ ቤኢዳ ዎዴ ባቃቲዳ፤ ኦማርሳራ ካዎይ ዶዛ ቶኪዛሶሆ ባጋራ ናምኡ ገምቤታፔ ገደራ ካታማፔ ኬዚዲ ዮርዳኖሴ ዙሉ ቢዳ።
- 5 ገደ አቲን ባቢሎን ኦላንቻቲ ኢሳታ ጉዬራ ዩዳል ኤኪዲ ኢያርኮ ዳምባን ጋኪ ኦይኪዳ፤ ሴዴቂያሲ ዲኢዲ ሃማቲ ቢታን ኤሬቢላ ካታማን ዲዛ ካዎ ናቡካዳናጸሬይ ኤፊዳ፤ ሂሳቲን ካዎ ናቡካዳናጸሬይ ሄን ሴዴቂያሳ ቦላ ፐርዲዳስ።
- 6 ባቢሎን ካዎይ ኤሬቢላ ካታማን ሴዴቂያሳ አቲማ ናይታ ኢዚ ቤዩሺን ሲፊዳስ፤ የሁዳን ዲዛ ሹሜታ ኡባካ ዎዲዳስ።
- 7 ሴዴቂያሳ ኦይፊታ ዎጪ ኬሲዲ ኢዛ ባቢሎን ቢታ ኤፋናስ ጸርቂማላ ሳንሳላታን ቃቺዳስ።
- 8 ሄ ዎዴ ባቢሎን ኦላንቻቲ ካዎ ኬላን አሳይ ዲዛ ኬላታ ኡባ ታማን ጸጊዳ፤ ዩራሳላሜ ገምቤካ ላሊዳ።
- 9 ባቢሎን ካዎ ቦንቾ ናጊዛ ዛቤታ ኦዛዚዛ ናቡዛራዳይይ ካታማን አቲዳ አሳታይ ካዲዲ ባናን ጋጊዳ አሳታ ኡባ ኢሲፊ ዲኢዲ ባቢሎን ቢታ ኤፊዳስ።
- 10 ገደ አቲን ካዎ ቦንቾ ናጊዛ ዛቤታ ኦዛዚዛ ናቡዛራዳይይ ኦይኮይካ ኢሳታስ ባይንዳ ማንቆታፔ ጉሳታ የሁዳን አገዲ፣ ኢሳታስ ዎይን ቱራ ሶሆታን ጎዩዛ ጋዴታ ኢሚዳስ።

ኤርምያ ቢርሼቴል

- 11 ባቢሎን ካዎ ናቡካዳናጸሬይ ካዎ ቦንቾ ናጊዛ ዛቤታ ኦዛዚዛ ናቡዛራዳይ ባጋራ ኤርምሳ ገሻሽ።
- 12 «ኢዛ ኤካዳ ቃላያ፤ ኢዚ ኮይዛይሳ ኡባ ፖላ አቲን ቆሆፓ» ገዲ ኦዛዚ ኢሚዳስ። *
- 13 ሄሳ ገሻሽ ናቡዛራዳይይ፣ ዋና ሹሜ ኔቡሻዚባይ፣ ጾቃ ሹሜ ኔጋጋሌ-ሳርሳሬ ሄሳላካ ሃራ ባቢሎን ካዎ ሹሜታ ኡባ።
- 14 ከቲዲ ኤርምሳ ዛቤታ ዛጎፔ ኬሲዳ፤ ሂሳቲዲ ሳፋይ ና፣ አኪቃሜ ና ጎደሊያሳይ ባ ሶ ኤፋና ማላ ሃዳሪዳ፤ ሄሳፊ ዳንዲዳይሳን ኤርምሲካ ባ ዳሬ አሳራ ኢሲፊ ዳኢዳስ።

* 39:12 ቃላያ ገዛይሲ ቆሄቲዳ አሳስ ኢሜቲዛ ቃላባ ቤሴስ።

- አቢሜሌኬስ ኢሜቲዳ ሂዶታ
- 15 ኤርምሲ ዛቤታ ዛጎን ቃሹቲ ዲዛ ዎዴ ጎዳ ቃላይ ኢዛኮ ዩዳስ፤
- 16 ኡባፊ ዎልቃማ ጎዳ ኢሰራኤሌ ጸሳይ ኤርምሲ ቢዲ ቶጵያ ዳሬ አስ ገዲዳ አቢሜሌኬስ፣ «ሃይሳፊ ካሴ ታኒ ዮቲዳ ማላ ሃ ካታማይ ቦላ ዲቶ ገደንታ ባሽ ኤሃዳ ታ ቃላ ታ ፖላና፤ ሄሲ ኡባይ ሃኒዛ ዎዴ ኔኒካ ሃ ካታማን ኡታዳ ኔ ኦይፊን ቤኣና።
- 17 ገደ አቲን ሄ ጋላሳን ታኒ ኔና አሻና፤ ኔኒ ያዩዛ አሳታ ኩሼን አቆ ኢሜታካ።
- 18 ታኒ ኔና አሻና፤ ኔኒ ታናን ኢሜኔቲዳ ገሻሽ ሹምፖራ ፓጻ አታና አቲን ማሻን ሲፊታካ» ገዲ ዮታና ማላ ኦዛዚዳስ።

40

- ጎደሊያሳ ማታን ኤርምሳ ዱስ
- 1 ካዎ ቦንቾ ናጊዛ ዛቤታ ኦዛዚዛ ናቡዛራዳይይ ኤርምሲ ዩራሳላሜይ የሁዳፔ ዲኤቲዲ ባቢሎን ቢታ ቢዛ አሳታ ገደን ኤራማን ሳንሳላታን ቃሹቲ ዲዛይሳ ቤኢዲ ኢዛ ቃሹፔ ቢርሼሲዳስ፤ ሄሳፊ ጉዬ ጎዳ ቃላይ ኤርምሳኮ ዩዳስ።
- 2 ካዎ ቦንቾ ናጊዛ ዛቤታ ኦዛዚዳይሲ ኤርምሳ ጸላ ኤኪዲ ኢዛስ፣ «ጎዳ ኔ ጸሳይ ሃይሲ ባሻይ ሃ ቢታይ ቦላ ያናይሳ ዮቲዳስ።
- 3 ሃኢካ ጎዳይ ባ ገደ ማላ ኤሂዲ ባ ቃላ ፖሊዳስ፤ ሃይሲ ኡባይ ሃኒዳይ አንቲ ጎዳ ቦላ ናጋራ ኦላዳ ገሻሽን ኢዛስ ኦዛዜቶንታ ኢዲዳ ገሻሳ።
- 4 ቤያ፣ ሃኢ ኔ ቃሹታ ኡቲዳ ሳንሳላታ ኔ ኩሼፔ ቢርሻዲስ፤ ታናራ ባቢሎን ቢታ ባና ገኮ አቆ፤ ኔ ደሲዛ ገዲኮ ታናራ ባቢሎን ዩቆ፤ ታኒ ኔና ቃላያና፤ ኔ ደሶንታ አገኮ ቦፓ፤ ቤኣ ዳሬ ኡባይ ኔ ሲንሳን ዳስ፤ ኔ ደሲዳሶ ባ» ገደስ።
- 5 ኤርምሲ ቡር ዛር ኢሞንታ ዲሺን ናቡዛራዳይይ ጉጂዲ፣ «ባቢሎን ካዎ ናቡካዳናጸሬይ ኢዛ የሁዳ ካታማታ ቦላ ሹሚ ዎላዳ ሳፋይ ና፣ አኪቃሜ ና ጎደሊያሳኮ ባ፤ ኢዛራ ኢሲፊ ዳራ ገደን ኡታ፤ ዎይኮ ኔና ሎኢዛሶ ባ» ገደስ። ዛቤታ ኦዛዚዳይሲ ኢሞታን ሸንቄ ኢሚዲ ኢዛ ሞይዚዳስ።
- 6 ኤርምሲ ሚጸጸን ዲዛ አኪቃሜ ና ጎደሊያሳኮ ቢዳስ፤ ኢዛራ ኢሲፊ ሄን አቲዳ ዳራ ገደን ዳኢዳስ።

ጎደሊያሳ ሃይቆ (2ካዎ 25:22-24)

- 7 የሁዳፔ ኢሲ ኢሲ ኢሞርዳ ኦላ ቃራቲን ኦላንቻቲ ባንታ ኩሼ ባቢሎን ካዎስ ኢሞንታ ገሻሽ ዳምባን ላሌቲ ኡቲዳ፤ ባቢሎን ካዎይ አኪቃሜ ና ጎደሊያሳይ ሄ ቢታዮ ሃራና ማላ ሹሚዳይሳን ዲኤቲዲ ባቢሎን ቦንታ አቲዳ ማንቆ አቲማሳታ፣ ማጫሳታን ናይታ ቦላ ማታ ኢሚ ዎላዳይሳ ሲዩዳስ።
- 8 ሂሳቲዲ ናታኒያ ና ኢሰማኤሌይ፣ ቃሬሃ ናይቲ ዮሃናይይን ዮናታይይ፣ ታኒሁሜታ ና ሳራያ፣ ናጸፊ ካታማፔ ዩዳ ኤፋያ ናይቲን ማኢካቲ ካታማ አስ ያኢዛይይ ባንታ ኦላንቻታ ኡባራ ጎደሊያሳኮ ሚጸጸ ዩዳ።
- 9 ሳፋይ ና አኪቃሜ ና ጎደሊያሳይ ኢሳታሲን ኢሳታ ኦላንቻታስ፣ «ባቢሎንታስ ሃሬታናስ ያዮፍቲ፤ ሃኖ

ቢታይን ኡቲዲ ባቢሎን ካዎስ ሃጋዚቴ፤ ሂስቲኮ ኡባ ሚሽ ኢንቴስ ሎኦ ገዳና።

10 ታኒ ሚጸጸን ኡታዳ ባቢሎን ቢታፌ ኑኮ ዪዛ አሳታራ ኢንቴ ገሻስ ሃሳያና፤ ኢንቴ ገዲኮ ኢንቴ ዲዛ ሄራን ሄራን ዎይኔ፣ ዎጋራ ዛይቴኔ ቦኔ ካላ አይፌ ኡባ ሺሽቴ» ገዲ ቃላ ጌሊዳስ።

11 ሄ ዎዴ ሞክቤን፣ አሞኔን፣ ኤዶሚኔ ሃራ ቢታታን ዲዛ አይሁዳ ኡባይ ባቢሎን ካዎይ አማርዳ አሳታ ዩሁዳን አሺዳይሳኔ ኢስታ ቦላ ሳፋኔ ና አከቃሚ ና ጎደሊያሳ ሹሚዳይሳ ሲዪዳ።

12 ኡባቲካ ባ ላላቲ ዲዛ ዴሬፔ ዩሁዳ ቢታ ሲሚዳ። ሂስቲዲ ጎደሊያሳይ ዲዛሰ ሚጸጸ ዪዳ፤ ሄን ዳር ዎይኔኔ ቦኔ ካላ አይፌ ዳጋሲዳ።

13 ሃሳፌ ጉዬ ቃሪሃ ና ዮሃናኔይኔ ቡር ኩሽ ኢሞንታ ዲዛ ኦላ ቃራቲ ኡባይ ጎደሊያሳኮ ሚጸጸ ዪዳ።

14 «አሞኔ ካዎ ባኣሊሲ ናታኒያ ና ኢስማኤሌ ኔና ዎዳና ማላ ዩዲዳይሳ ኤርኪ?» ገዳ። ገደ አቲን አከቃሚ ና ጎደሊያሳይ ኢስቲ ገዛይሳ አማኒቤና።

15 ሃሳፌ ጉዬ ቃሪሃ ና ዮሃናኔይ ሚጸጸን ዲዛ ጎደሊያሳኮ ዪዳ። «ኦኒካ ኤርንታ ዲሺን ባዳ ናታኒያ ና ኢስማኤሌ ታኒ ዎዳና፤ ጋሶይካ ባቃቲዲ ኑኮ ዪዳ አሳይ ላሌታና ማላኔ ዩሁዳን አቲዳ አሳይካ ዳያና ማላ አይስ ኔና ዎዳና ገዜ?» ገዲ ጸራን ዮቲዳስ።

16 ገደ አቲን አከቃሚ ና ጎደሊያሳይ ቃሪሃ ና ዮሃናኔ፣ «ኔኒ ኢስማኤሌ ገሻስ ታስ ዮቲዳይሲ ኡባይ ዎርዶ ገዲዳ ገሻስ ሃሳ ማላ ሚሽ ኦላፋ» ገዳስ።

41

1 ዩሁዳን ካዎ ኬላ አሳፔ ኦላንቻታ ሹሚታፔ ኢሶይ ኤልሻማ ና፣ ናታኒያ ና ኢስማኤሌይ ላፑንላ አገናን ታሙ አሳታራ ኢሲፌ ሚጸጸን ዲዛ አከቃሚ ና ጎደሊያሳኮ ቢዳስ። ኢስቲ ኡባይ ካላ ማዳን ዲሺን።

2 ናታኒያ ና ኢስማኤሌይኔ ኢዛራ ዲዛ ታሙ አሳቲ ባንታ ማሻ ማሻ ኬሲዲ ባቢሎን ካዎይ ዩሁዳ ሃራና ማላ ሹሚዳ ሳፋኔ ና አከቃሚ ና ጎደሊያሳ ዎዳዳ።

3 ሃሳ ቦላካ ቃሴ ኢስማኤሌይ ሚጸጸን ጎደሊያሳራ ዲዛ አይሁዳታኔ ባቢሎን ኦላንቻታ ኡባ ዎዳዳስ።

4 ጎደሊያሳይ ሃይቂን ዎንቴላ ጋላስ ኦኒካ ኢዛ ሃይቆ ኤርንታ ዲሺን።

5 ሴኬሚፔ፣ ሴሎፔኔ ሳማሪያፔ ኦሳፑን ታሙ አሳቲ ካዮቲሹ፣ ባንታ ቡቾ ሚዲዲ፣ ባንታ ማይኦ ዳኪዲኔ ባንታ ቦላካ ፑዚዲ ካላ ያርሾኔ ኤጻኔ ጎዳ ኬላ ኤኪ ዪዳ።

6 ናታኒያ ና ኢስማኤሌይ ሚጸጸፌ ኬዚዲ ዩኪሽ ኢስታራ ጋጋናስ ቢዳስ፤ ኢስታራ ጋገዲ፣ «አከቃሚ ና ጎደሊያሳኮ ሃ ዪቴ» ገዳስ።

7 ኢስቲ ካታማይ ገደ ጌሊዳ ማላ ናታኒያ ና ኢስማኤሌይኔ ኢዛራ ዲዛ አሳቲ ሄ አሳታ ዎዳዲ ሃላ ኦላን ዩገዳ።

8 ገደ አቲን ሄ ሃይቂዳ አሳታራ ዲዛ ታሙ አሳቲ ኢስማኤሌ፣ «ኦና ዎዳጋርኪ! ኦኒ ኦ ሾቃን ቆቲዳ ዳር ገሰቴይ፣ ባንጋይ፣ ዎጋራ ዛይቴይኔ ኤሲ ዳስ» ገዳ። ኢዚካ ኢስታ ሃንኮይታራ ዎዳንታ አጋገዳስ።

9 ኢስማኤሌይ ጎደሊያሳራ ኢሲ ቦላ ዎዳዳ አሳ ኡባ ኦላዳ ኦላይ ኢሰራኤሌ ካዎ ባሽይ ኦላናስ ዪዳ ዎዴ ካዎ አሳይ ኢዛስ ባቢዲ ባና አሻናስ ቦኪሲዳ ገታ ኦላ። ናታኒያ ና ኢስማኤሌይ ሄ ኦላ አሃን ኩንላዳስ።

10 ኢስማኤሌይ ካዎ ማጫ ናይታኔ ሚጸጸን አቲዳ አሳ ኡባ ዲኢዳስ። ሄይቲ ካዎ ቦንቾ ናገዛ ዛቤታ አዛዚዛ ናቡዛራዳኔይ አከቃሚ ና ጎደሊያሳራ ኢሲፌ ሚጸጸን ዎላዳይታ። ኢዚ ኢስታ ዲኢ ባናራ ኤኪዲ አሞኔ ቢታ ባናስ ዳንዲዳስ።

11 ቃሪሃ ና ዮሃናኔይኔ ኢዛራ ኢሲፌ ዲዛ ኦላ አሳ ሹሚቲ ኢስማኤሌይ ኦላዳ ኢታ ሚሽ ኡባ ሲዪዳ።

12 ናታኒያ ና ኢስማኤሌ ኦላናስ ባ አሳ ኡባ ኤኪዲ ቢዳ፤ ኢስማኤሌካ ጌባኦኔን ዲዛ ገታ ኤሌ ሃላ ማታን ጋኪ ኦይኪዳ።

13 ኢስማኤሌይ ዲኢዲ ባናራ ኤፊዳ አሳይ ኡባይ ቃሪሃ ና ዮሃናኔይ ኢዛራ ዲዛ ኦላ አሳ ሹሚታ ቤኢዳ ዎዴ ኬሂ ኡፋዬቲዳ።

14 ኢስማኤሌይ ሚጸጸፌ ዲኢ ኤፊዳ አሳይ ኡባይ ኬሲ ኤኪ ቢዲ ቃሪሃ ና ዮሃናኔን ጋይቲዳስ።

15 ገደ አቲን ናታኒያ ና ኢስማኤሌይኔ ሃራ ኦሳፑን አሳቲ ኢሲፌ ዮሃናኔፔ ኬሲ ኤኪዲ አሞኔ ቢታ ባቃቲዳ።

ባቃቲ ገብጹ ቡስ

16 ሃሳፌ ጉዬ ቃሪሃ ና ዮሃናኔይኔ ኢዛራ ዲዛ ኦላ ቃራቲ ኡባይ ናታኒያ ና ኢስማኤሌይ አከቃሚ ና ጎደሊያሳ ዎዳ ሲሚዲ ሚጸጸፌ ዲኢዲ ኤሂዳ ኦላንቻታ፣ ማጫሳታ፣ ናይታኔ ካዎ ኬላን ኦላዚ ሹሚታ ኡባ ጌባኦኔፔ ዛሪዲ ኤኪ ቢዳ።

17 ሄፔ ዳንዲዲ ገብጹ ቢሽ ቤቴሊሃሚ ማታን ዲዛ ጌርት-ኬሚአሚ ጋኪ ሺሞፒዳ፤

18 ኢስቲ ገብጹ ቢዳይ ባቢሎን አሳፔ ኬሲ ኤኪ አታናሳ፤ ናታኒያ ና ኢስማኤሌይ ባቢሎን ካዎይ ቢታዮ ሃራና ማላ ሹሚ ዎላዳ አከቃሚ ና ጎደሊያሳ ዎዳዳ ገሻስ ኢስቲ ባቢሎንታስ ባቢዳ።

42

ዴሬይ ኤርምያ አይቺዳ አይሻ

1 ኦላ ቃራቲ፣ ቃሪሃ ና ዮሃናኔይ፣ ሆሻኢያ ና አዛሪያሲኔ አሳይ ኡባይ ጉላፌ ገታ ጋካናስ ዪዳ።

2 ናቤ ኤርምሳስ፣ «ኦኒ ካሴ ዳር፣ ሃኢ ኔ ቤኢዛ ማላ ጉላ አቲዳስ፤ ሃሳ ገሻስ ኦ ኔና ዎሲዛ ዎሳ ሲያ፤ ሃይሳ አቲዳ ዴር ገሻስ ጎዳ ኔ ጸሳ ዎሳ።

3 ኦኒ ቢዛ ኦጌኔ ኦ ኦላና ሚሽ ኢዚ ኦና ቤሳና ማላ ጎዳ ኔ ጸሳ ዎሳ» ገዳ።

4 ናቤ ኤርምሳስ ዛሪዳ፣ «ሎኦ፤ ኢንቴ ገዳ ማላካ ጎዳ ኢንቴ ጸሳ ታኒ ዎሳና፤ ቃሴ ኢንቴፌ አይኮካ ቆቶንታ ኢዚ ዮቲዳይሳ ኡባ ዛራዳ ታ ኢንቴስ ዮታና» ገዳስ።

5 ኢስቲ ዛሪዳ ኤርምሳስ፣ «ጎዳ ኔ ጸሳይ ኔ ባጋራ ኑስ ከቲዛይሳ ኡባ ኦኒ ፖሎንታ ኣገኮ ጎዳይ ኦ ቦላ ቲሙኔ አማኔቲዳ ማርካ ገዳ።

6 ጎዳ ኦ ጸሳስ አዛዜቲን ኑስ ሎኦ ገዳና ማላ ኑስ ገገን ገገንታ ኣገን ኔና ኦ ኢዛኮ ከቲዛ ጎዳስ ኦ ጸሳስ ኦ አዛዜታና» ገዳ።

7 ታሙ ጋላሳፌ ጉዬ ጎዳ ቃላይ ኤርምሳኮ ዪዳስ።

8 ሂሳብን ኢዚ ቃሪሃ ና የሃናኔ፣ ኢዛራ ዲዛ ኦላ ቃሪታኔ ኦሰ ኡባ ጉላፊ ጌታ ጋካናሰ ጸይጊዲ።

9 «እንቲ ዋሳ ታኒ ኢዛቡ ሸሻና ማላ እንቲ ታና ከቲዳ ጎዳ ኢሰራኤል ጸሳይ።

10 ታ እንቲ ቦላ ኤሂዳ ባሻ ጋሶን ጩጩዳ ገሻሰ እንቲ ሃ ቢታን ኡቲቦ ታኒ እንቲና ኬጻናፕ ኦቲን ላሊኬ፤ ቶካናፕ ኦቲን ሾዲኬ።

11 እንቲ ሃኢ ባቢሲዳ ባቢሎኔ ካዋሰ ባቦፍቴ! ታ እንቲና ኢዛ ኩሼፕ ዋላ ኤካናሲኔ ኦሻናሰ እንቲናራ ዲዛ ገሻሰ ያዮፍቴ!

12 ኢዚ እንቲና ማራና ማላኔ እንቲ ቢታ ዛራና ማላ ታኒካ እንቲና ማራና ጌሰ።

13 «ጊዳ ኦቲን እንቲ፣ ሃ ቢታይን ኡቶቦ» ጊዳ ጎዳሰ እንቲ ጸሳሰ ኣዛዜቶንታ ኢጸኦ።

14 ቃሴ እንቲ፣ ሱላ ቤዮንታሶ፣ ኦላ ዛዬይ ፑኔቶንታሶኔ ኮሻይ ባይንዳሶ ጊብጼ ቢዲ ሄን ዳና ጊቦ።

15 እንቲና የሁዳን ጫሻ ኦቲዳይቶ! ጎዳ ቃላ ሲዩቴ። ኡባፊ ዋልቃማ ጎዳ ኢሰራኤል ጸሳይ፣ ሱላኒ ጊብጼን ዳና ጊዲ ቆፋ ቃቸዲ ቢዛ ጊዲኦ።

16 እንቲ ባቢዳ ማሻይ እንቲና ሄን ዳማና፤ እንቲ ሂርጊዳ ኮሻይካ እንቲና ካሊዲ ጊብጼ ጋካናሰ ባና፤ እንቲካ ሄን ሃይቃና።

17 ጊብጼን ዳና ጊዲ ቆፋ ቃቸዲ ቢዳ ኦሳይ ኡባይ ኦላን፣ ኮሻኒኔ ኢታ ሃርጌን ሃይቃና፤ ታኒ ኢሰታ ቦላ ኤሂዛ ኢታ ሚሻፊ ኢሳዳይካ ኬሲ ኤኪ ኦቲና፣ ጌሰ።

18 «ኡባፊ ዋልቃማ ጎዳ ኢሰራኤል ጸሳይ፣ ታ ሃንቆይኔ ቦሻይ ዩሩሳላሚን ዲዛይታ ቦላ ጉኪዳ ማላ እንቲ ጊብጼ ጌሊዛ ዋዴ እንቲ ቦላካ ጉካና፤ እንቲ ዳጋማሰ፣ ቁዴሰ፣ ቃንጌላሲኔ ፓልቁሰ ማላታ ጊዳንዳታ፤ ሃ ቢታ ዛሪ ቤኤኬታ» ጌሰ።

19 «የሁዳን ጫሻ ኦቲዳይቶ! ጎዳይ እንቲና፣ ጊብጼ ቦፕቴ!» ጊዴሰ። ታኒካ ሃቾ እንቲሰ ሚንላ የቲዳይሳ ኤሪቴ።

20 እንቲ ታና፣ ሳኒ ኑ ገሻሰ ጎዳ ኑ ጸሳ ዋሳ፤ ኢዚ ኔሰ የቲዳይሳ ኡባካ ኑሰ የታ፤ ኦኒካ ኢዛሰ ኣዛዜታና» ጊዲ ታና ጎዳ እንቲ ጸሳኦ ከቲዳ ዋዴ እንቲ ሸምፖ ቆይሲዛ ባላ ሚሸ ኦሊዴታ።

21 ታኒ ኢዚ ጊዳ ሚሸ ኡባ ሃቾ እንቲሰ ቆንጩን የታዲሰ፤ ጊዳ ኦቲን እንቲ ጎዳይ ታ ባጋራ እንቲሰ ከቲዳ ቃላሰ እንቲ ሃኢካ ኣዛዜቲቤኬታ።

22 ሄሳ ገሻሰ እንቲ ቢዲ ዳናሰ ኮይዛ ቢታን እንቲ ኦላን፣ ኮሻኒኔ ኢታ ሃርጌን ሃይቁዲ ዉራና» ጊዴሰ።

43

ጫሻ ኦቲዳ ኦሳ ባቃታ

1 ጎዳይ ከቲዳ ቃላ ኡባ ኤርማሲ ኢሰታሰ የቲዳ ዉርሲዳፕ ጉዬ።

2 ሆሻኢያ ና ኣዛሪያሲ፣ ቃሪሃ ና የሃናኔይኔ ኦቶራንቻቲ ኡባይ ኤርማሳ፣ «ኔኒ ዋርዶ የታሳ! ጎዳ ኑ ጸሳይ፣ ሃን ዳናሰ ጊብጼ ቦፕቴ» ጋዳ ኔ የታና ማላ ኔና ከቲቤና።

3 ጊዳ ኦቲን ባቢሎኔ ቢታ ኦሳይ ኑና ዋቆና ማላ ዋይኮ ዲኢዲ ባንታ ቢታ ኤፋና ማላ ኔኒ ኑና ኢሰታ ኩሼን ኦሳዳ ኢማና ማላ ኔሪያ ና ባርኬይ ኔና ኑ ቦላ ዳንጹላዳሰ» ጊዳ።

4 ሄሳ ገሻሰ ቃሪሃ ና የሃናኔይ ኦላ ቃሪቲ ኡባይ ኩሚላ ዳሪዚ የሁዳ ቢታን ዳና ማላ ጎዳይ ኢሰታ ኣዛዚዳ ኣዛዙ ፖሎንታ ኢጸዲ።

5 ሂሰቲዲ ቃሪሃ ና የሃናኔይኔ ኦላ ቃሪቲ ኡባይ የሁዳ ቢታን ዳናሰ ካዋቲላታ ኡባፊ ሰሚዳይታኔ የሁዳይ ጫሻ ኦቲዳይታ ኡባ ኤኪ ቢዳ።

6 ቃሴ ካዋ ቦንቾ ናጊዛ ዛቤታ ኣዛዚዛ ናቡዛራዳይይ ሳፋኔ ና፣ ኣኪቃሚ ና ጎዳሊያሳ ኩሼን ዋላዳ ካዋ ማጫ ናይታ፣ ናቤ ኤርማሳኔ ኔሪያ ና ባርኬ፣ ቃሴካ ኦቲማሳታ፣ ማጫሳታኔ ቄሪ ናይታ ኤኪ ቢዳ።

7 ጎዳ ቃላሰ ኣዛዜቶንታ ኢጸዲ ጊብጼ ቢታ ጌሊዳ፤ ጌዴ ጸፊናሴ ጋካናሰ ካንላ ቢዳ።

8 ጸፊናሴን ጎዳ ቃላይ ኤርማሳኦ ዩዲ።

9 «ጊታ ሹቻታ ኤካዳ የሁዳ ኦሳይ ቤኢሸን ጸፊናሴን ዲዛ ጊብጼ ካዋቲላ ኬላ ፔንጌን ጹቤፕ ኦሴቲዳ ዉይጌዛን ሞጋ።

10 ኡባፊ ዋልቃማ ጎዳ ኢሰራኤል ጸሳይ ታሰ፣ ታኒ ከታዳ፣ ታ ኣይሌዛ ባቢሎኔ ካዋ ናቡካዳናጸሪ ኤሂሳና፤ ሂሰታዳ ሃ ሞጌቲዳ ሹቻታ ቦላን ኢዛ ካዋቲላ ኦሪታ ዋላና። ሂሰቲዳፕ ጉዬ ኢዚ ባ ካዋቲላ ዲንካና ኢዛ ቦላን ኤሳና።

11 ኢዚ ዩዲ ጊብጼ ኦላና፤ ሃይቆሰ ቤሲዛይታ ሃይቆሰ፣ ዲኦሰ ቤሲዛይታ ዲኦሰ፣ ማሻሰ ቤሲዛይታ ማሻሰ ኣሉ ኢማና።

12 ጊብጼን ኤቃ ጸሳታ ኬላን ታማ ዩዳናኔ ኢሰታ ሙሌራ ጸጋና፤ ኢሰታ ኤቃ ጸሳታካ ዲኢ ኤፋና። ሃንላንቻይ ባ ሃንላ ማይኦ ማይኢዛ ማላ ኢዚ ጊብጼ ቢታፊ ቡሪ ኤኪዲ ሳርን ባና።

13 ጊብጼ ቢታን ሂሊያፖሊሳ ጌቲቲዛ ካታማን ኣዋ ኦርሼ ጸሰ ጌቲቲዛ ኤቃ ጸሳታ ሃወልቲታ ኢዚ ሚንጹራላና፤ ጊብጼን ኤቃ ጸሳታ ኬላታካ ታማን ጸጋና፣ ጌሰ ጋዳ ኢሰታሰ የታ» ጊዴሰ።

44

ኤቃሰ ጎይኖይ ኤሂዳ ሚቶ

1 ጊብጼን ፑዴሃ ባጋራ ዲዛ ሚጊዳሊን፣ ጸፊናሴኒኔ ሚምፒሳን ሂሳላካ ጊብጼፕ ዲጌሃ ባጋን ዲዛ ኣይሁዳ ኣሳሰ ጎዳ ቃላይ ኤርማሳኦ ዩዲ።

2 ኡባፊ ዋልቃማ ጎዳ ኢሰራኤል ጸሳይ፣ «ዩሩሳላሚ ቦላኒኔ የሁዳ ካታማታ ኡባ ቦላን ታኒ ኤሂዳ ባሻ ኡባ እንቲ እንቲ ኣይፊራ ቤኢዴታ፤ ኢሰቲ ሃቾ ጋካናሰ ኦኒካ ደንታ ባዘ ቢታ ጊዲ ኦቲዳ።

3 ሄሲ ሃኒዳይ ኢሰቲ ኦላዳ ኢታ ኦሶ ገሻሳ፤ ኢሰታ ጊዲን፣ እንቲና ዋይኮ እንቲ ኣዋታ ጊዲን፣ ባ ኤርንታ ሃራ ኤቃ ጸሳታሰ ኤጻኔ ጩዋሴላኒኔ ኢሰታሰ ጎይናን ታና ሃንቁላዳ።

4 ታኒካ ኢሰታሰ፣ ሃይሳ ታና ሃራሲዛ ሚሸ ኦላፍቴ!» ጋዳ ታሰ ኦላዛ ናቤታ ኢሰታኦ ዛራ ዛራ ዩዳዲሰ።

5 ኢሰቲ ጊዲኦ ኤር ጊ ኤኪቤቲና፤ ኢሰቲ ባ ኦላዛ ኢታ ኦሶፕ ሰሚቤቲና፤ ሃራ ኤቃ ጸሳታሰ ኤጻኔ ጩዋሴላ ኣጊቤቲና።

6 ሄሳ ገሻሰ የሁዳ ካታማታ ቦላኔ ዩሩሳላሚ ኦጌታ ቦላ ታ ሃንቆይኔ ባሻ ዋዲ ታማ ማላ ኤጸዲሰ፤ ሃቾ እንቲ ቤኢዛ ማላ ኦኒካ ደንታ ማላ ላሌቲዳሶ ጊዲዳሰ።

7 «ሃኢካ ኡባሬ ዋልቃማ ጎዳ ኢሰራኤል ጸሳይ፡ ለኢንቴስ ዜሬላ ዩሁዳን አቶንታ ማለ፡ ማጫሳታ ቦላኔ አቱማታ ቦላ፡ ጌታ ናይታ ቦላኔ ቁሪ ናይታ ቦላ ባሽ ያና ማላ ኣይሰ ኮዬቲ?»

8 ኢንቴ ዳናስ ጌሊዳ ሃ ጊብጾ ቢታን ሃራ ኤቃ ጸሳታስ ኤጻኔ ጨዋሴላን ኢንቴ ኢንቴ ኩሸን ሜዲዳ ሚሻታን ታና ኣይሰ ሃንቁሌቲ? ቢታ ቦላ ዲዛ ካዎቲታታ ኡባ ጊደን ቃንጌላሲኔ ቁጼሰ ማላታ ጊዳና ማላ ኢንቴርካ ኢንቴና ቆይሳና ኮዬቲ?»

9 ካሴ ኢንቴ አዋቲ፡ የሁዳ ካዎቲኔ ኢሰታ ማቼቲ፡ ቃሴ ኢንቴኒኔ ኢንቴ ማቼቲ የሁዳ ካታማታኒኔ ዩሩሳላሚ ኦጌታን ኦሊዳ ኢታቲላ ኡባ ደጊዴቲ?»

10 ኢንቴ ሃቶ ጋካናስ ኢንቴናቲላ ዘቁሲዲ ታስ ቦንቾ አሚቤኬታ፤ ቃሴ ታኒ ኢንቴሲኔ ኢንቴ አዋታስ ዋሊዳ ዋጋኔ ማራ ካሊቤኬታ» ጌሰ።

11 «ሃሳ ጊሻሰ ኡባሬ ዋልቃማ ጎዳ ኢሰራኤል ጸሳይ፡ ለታኒ ኢንቴ ቦላ ሜቶ ኤሃናሲኔ የሁዳ ኡባ ቆይሳናስ ቃቻ ዳንዳዲሰ።

12 የሁዳን ጫሻ አቲዳይቲ ጊብጾ ቢዲ ህን ዳና ቃቼዳ ኡባታ ታኒ ዳንላ ቆይሳና፤ ኢሰቲ ኡባይ ቆይና፤ ጊብጾ ቢታን ማሻኒኔ ኮሻን ዉራና፤ ጌታፔ ጋሼ ጋካናስ ዲዛ ኡባይ ማሻኒኔ ኮሻን ሃይቃና፤ ፓልቁስ፡ ዳጋማስ፡ ቃንጌላሲኔ ቁጼሰ ኬዛና።

13 ታኒ ዩሩሳላሚ ኦላን፡ ኮሻኒኔ ኢታ ሃርጌን ቃጸይዳ ማላ ጊብጾ ቢታን ዲዛይታካ ቃጸያና።

14 ጊብጾ ቢዲ ዲዛ ጫሻ አቲዳ የሁዳ ኣሳቲ ሰሚዲ የሁዳ ቢታ ባና አዎቲኮካ ቤቲ ዩዳ ጉላታፔ አቲን ኬሲ ኤኪዲ የሁዳ ቢታ ሲማና ኣሲ ኢሳዴይካ ዳና ጌሰ» ጊዳሰ።

15 ኢሰታ ማቼቲ ሃራ ኤቃ ጸሳታስ ኤጻኔ ጨዋሴላይሳ ኤሪዛ አቲማሳቲ ኡባይኔ ህን ዲዛ ማጫሳቲ ኡባይ ህሲካ ፑዳሃ ባጋ ጊብጾኒኔ ዲጌሃ ባጋ ጊብጾን ዲዛ ዳሬ ኡባይ ኢሲሬ ሸቂዲ ኤርማሳሰ።

16 «ኔኒ ጎዳ ሱንላን ኮሰ ዮቲዛይሳ ኡባ ኮኒ ሲዮኮ።

17 ኮኒ ኦላና ጊዳ ሚሻ ኡባ ኦላሰ፤ ኮኒ፡ ኦ አዋቲ፡ ኦ ካዎቲኔ ኦ ሃላቃቲ የሁዳ ካታማታኒኔ ዩሩሳላሚ ኦጌታን ካሴ ኦሊዳ ማላ፡ ኮኒካ ሳሎ ካዎኮ ጌቲቲዛ ኤቃ ጸሳይሰ ኤጻኔ ጨዋሴሰ፤ ኡሻ ያርሾካ ኢዚሰ ያርሾሰ፤ ኮኒ ካሴ ሃሳ ኦሊዛ ዋዴ ኮሰ ቲርፓ ካሊ ዳሰ፤ ኮኒ ሎኦ ዳሰ ዳኢደሰ አቲን ኣይኮ ኢታካ ቤኢቤኮ።

18 ጊዳ አቲን ሳሎ ካዎይሰ ኤጻኔ ጨዋሴላኔ ኡሻ ያርሾ ሸሾ ኦ አጎሪፔ ሃ ሰሚን ኡባ ሚሻ ኮሰ ፓጪዳሰ፤ ኮኒ ማሻኒኔ ኮሻን ዉሮን ደሰ» ጊዳ።

19 ማጫሳቲካ፡ «ኮኒ ሳሎ ካዎይሰ ኤጻኔ ጨዋሴሰ፤ ኡሻ ያርሾ ሸሻ፤ ኢዚ ሚሰሌ ሚሳቲሲዲ ቁሪ ኡኬሳ ኦ ሸሻን ሃሳ ኡባ ኦ ኣዚናቲ ኤርንታ ዲሺን ኦ ኦሊዳኒ?» ጊዳ።

20 ኤርማሲ ባሰ ዛሮ አሚዳ አቲማሳሰ፡ ማጫሲኔ ኡባ ኣሳሰ።

21 «ኢንቴኒኔ ኢንቴ አዋቲ፡ ኢንቴ ካዎቲኔ ኢንቴ ሸሚቲ፡ ቃሴ ቢታይን ዲዛ ኣሳይ ኡባይ የሁዳ ካታማታኒኔ ዩሩሳላሚ ኦጌታን ኢንቴ ኤጻኔ ጨዋሴላይሳ ጎዳይ ኤርንታኔ ደጊዳ ኢንቴሰ ሚሳቲኬ?»

22 ኢንቴ ኦሊዳ ኢታኔ ሃራሲዛ ኦሶ ጎዳይ ጮኡ ጋናስ ዳንዳዮንታ ጊሻሰ ሃቶ ኢንቴ ቤኢዛ ማላ ኢንቴ ቢታይ ቃንጌላሰ ማላታ፡ ኣሲ ባይንዳ ባዞ ቢታ ጊዲዳሰ።

23 ቤኢቲ፡ ሃቶ ሃ ባሻይ ኡባይ ኢንቴና ጋኪዳይ ኢንቴ ሃራ ኤቃ ጸሳታስ ኤጻኔ ጨዋሴላ ጊሻሰ፡ ጎዳ ቆሃዲ ጊሻሰ፡ ጎዳ ቃላ ናንንታ ኢጲዳ ጊሻሰ፡ ኢዛ ዋጋ፡ ማራኔ ኣዛዞ ቦንቾንታ ኣጊዳ ጊሻሳ» ጊዳሰ።

24 ሃሳሬ ጉዬ ኤርማሲ ዳራሰ፡ አቲማሲኔ ማጫሰ ኡባሰ፡ «ኢንቴና የሁዳፔ ዩዲ ጊብጾ ቢታን ዲዛ ኣሳቶ! ኡባይካ ጎዳ ቃላ ሲዩቲ!»

25 ኡባሬ ዋልቃማ ጎዳ ኢሰራኤል ጸሳይ ኢንቴኒኔ ኢንቴ ማቼቲ፡ ለኮኒ ሳሎ ካዎይሰ ኤጻኔ ጨዋሳናሲኔ ኡሻ ያርሾ ሸሻናሰ ኦ ኣዲኒዳ ኣዲና ኣዳሬ ኦ ፖላና ኢንቴ ጊዳ ቃላ ፖሊዳታ፤ ሂሰቲኮ ጉዬ ጎፐቲ፤ ኢንቴ ኣዲኒዳ ቃላ ፖሊቲ።

26 ኢንቴና ጊብጾ ቢታን ዲዛ የሁዳ ኣሳቶ! ጎዳ ቃላ ሲዩቲ! ጎዳይ፡ ለሃይሳሬ ጉዬ ጊብጾ ቢታን ኣዎ ባጋንካ ዲዛ የሁዳ ኣሲ ኮኒካ ዴኦ ጎዳይ ቤኢን! ጊዲ ታ ሱንላ ጸይጊ ጫቆንታ ማላ ታኒ ታ ጌታ ሱንላን ጫቃዲሰ።

27 ታኒ ኢሰታ ቦላ ሎኦ ሚሻ ኤሃናስ ጊደንታ ኢታ ሚሻ ኤሃናስ ባጸታና፤ ጊብጾን ዲዛ የሁዳ ኣሳይ ሙሊራ ዉራና ጋካናሰ፡ ኦላኒኔ ኮሻን ሃይቃና።

28 ጊዳ አቲን ኦላፔ አቲዳ ጉላቲ ጊብጾፔ ሲሚዲ የሁዳ ጌላና፤ ህ ዋዴ ጊብጾን ዳና ቢዲ ህን አቲዳ የሁዳ ጫሻቲ ኡባይ ታ ቃላፔኔ ኢሰታ ቃላፔ አዋይሲ ቱሙ ጊዳናኮ ኢሰቲ ኤራና።

29 «ታኒ ኢንቴና ሃ ሶሆን ቃጸያናሲኔ ታኒ ኢንቴ ቦላ ኤሃና ጊዳ ኢታ ሚሻ ፖሊታናይሳ ኢንቴ ኤራና ማላ ታ ሃይሳን ኢንቴና ቃጸያናይሳሰ ሃይሳሬ ካሊዛይሲ ኢንቴሰ ማላታ ጊዳ።

30 ህሲካ፡ ለታኒ የሁዳ ካዎ ሴዴቂያሲ ኢዛሰ ሞርኬ ጊዲዲ ኢዛ ዋቆናሰ ኮይዛ ባቢሎኔ ካዎ ናቡካዳናጸሬ ዋቆናሰ ኮይዛ ኢዛ ሞርኬታስ ታ ኣላ ኢማና ጌሰ ጎዳይ» ጊዳሰ።

45

ባሮኬስ ዮቲቲዳ ኪታ

1 ኢዮሲያሳ ና ኢዮአቁሚይ የሁዳን ካዎቲዳ ኦይዳንላ ሳይላን፡ ኔሪያ ና ባሮኬይ ሃ ቃላታ ኤርማሲ ዮቲን ሲዩዲ ማጻፋን ጸፊዳሰ። ህ ዋዴ ኤርማሲ ኢዛሰ ዮቲዳ ቃላይ፡

2 «ባሮኬ! ኔና ጎዳ ኢሰራኤል ጸሳይ፡

3 ኔኒ፡ ሳዳይ ታ ሳኮ ቦላ ጩጩ ጉጂዳ ጊሻሰ ታስ ኣዩ ኣና! ታኒ ዳሮ ዩኪዳ ጊሻሰ ዳቡራዲሰ፤ ሸምፖይካ ታስ ባዎ ጋዳሳ» ጌሰ።

4 ጎዳይ፡ «ታኒ ቢታ ቦላ ኬጲዳይሳ ላላና፤ ታ ቶኪዳይሳካ ሾዳና።

5 ሂሰቲን ኔኒ ኔሰ ጌታ ሚሻ ኮያይ? ኣሳ ናይታ ኡባ ቦላ ታኒ ባሽ ኤሃና ጊሻሰ ኦ ሃሳ ኮዮፓ፤ ጊዳ አቲን ኔኒ ቢዳሶ ኡባን ታ ኔ ሸምፖ ኣሻና» ጌሰ።

46

ጊብጾ ጊሻሰ ዮቲቲዳ ኪታ

1 ካዎቱላታ ገሻሰ ናቤ ኤርምያሱ ዩዳ ጎዳ ቃላይ
 ሃይሳፌ ካሊ ዲዛይሳ፤
 2 ገብጾ ገሻሰ የሁዳ ካዎ ኢዮሲያሳ ና
 ኢዮአቄሜይ ካዎቲዳ ኦይዳንሶ ላይሳን፣ ኤፊራዲሴ
 ሻፋ ማታን ዲዛ ካርካሚሼን፣ ባቢሎን ካዎ
 ናቡካዳናጾሬይ ጸኒዳ ገብጾ ካዎ ኒካ ኦላ ኦላ ቦላ
 ዮቲቲዳ ኪታይ ሃይሳፌ ካሊ ዲዛይሳ፤
 3 «ኢንቲ ዋጋ ጎንዳሌኔ
 ቄሪ ጎንዳሌ ገግሲቲ፤
 ሂሰቲዲ ኦላሰ ኬዚቲ!
 4 ኢንቲ ፓራታ ኮሪዲ ቶጊቲ፤
 ኢንቲ ሁኦን
 ቢራታ ቆቤ ዋሊዲ፣
 ኢንቲ ሶሆ ሶሆ ኦይኪቲ!
 ኢንቲ ቶራ ሌፍቲ፤
 ኢንቲ ኦላ ማይኦካ ማይኦቲ!
 5 ገዶ ኦቲን ሃይሲ
 ታኒ ቤኢዛይ ኦዜ?
 ኬሂ ያዩዲ ጉዬ ኡንዲዳቲሰ፤
 ዋልቃማ ኢሰታ ኦላንቻቲ
 ጸኔቲዳ፤
 ጉዬ ሲሚ ጸሎንታ
 ኤሶን ባቃቲቲሰ፤
 ኡባሶን ሸርይ ዳሰ።
 6 ፒላታይ ባቃቲ ኦቲና፤
 ሚናይካ ኬሲ ኤኪ ኦቲና፤
 ዩዳ ገጋን ኤፊራዲሴ ሻፋ
 ማታን ቆጶቲ ኩንዲዳ።
 7 ሃይሲ ኦባዬ ሻፋ ማላ
 ኪዲዲ ጉፐዛይ
 ቃሴ ዲኦ ሃላ ማላ
 ጎጊዛይ ኦኔ?
 8 ገብጾይ ኦባዬ ሻፋይ
 ኪዲዲ ጉፐዛ ማላ ጉፐሰ፤
 ዲኦ ሃላ ማላ ጸንጌቲሰ፤
 ገብጾይ፣ ሩታኒ ኬዛዳ
 ቢታ ካማና፤
 ካታማታኔ ኢሰታን ዲዛ
 ኦሳ ቆይሳና ጌሰ።
 9 ፓራቶ ጉፐ ኬዚቲ፤
 ፓራ-ጋራቶ ኦዳራሲቲ፤
 ጎንዳሌ ኦይኪዳ
 ቶጶያ ኦሳይኔ
 ዩጾ ኦሳይ፣
 ዋንዳፌ ዋጺ ኦይኪዳ
 ሚና ገዲዳ ሉዲሜ ኦሳቲ፣
 ኢንቲ ሚና ኦላንቻቲ
 ኦላሰ ዳንዲቲ።
 10 ሄ ጋላሳይ ጎዳ
 ኡባፌ ዋልቃማ
 ጸሳ ጋላሳ፤
 ኢዚ ባ ሞርኬታ ቦላ
 ሃሎ ኬሲዛ ጋላሳ፤
 ማሻይ ካላና
 ጋካናሰ ማና፤
 ሳሞ ኦላና ጋካናሰካ
 ሱሐ ኡያና፤
 ጎዳይ ኡባፌ ዋልቃማ

ጸሳይ ዩዳ ገጋን ኤፊራዲሴ
 ሻፋ ማታን
 ኢሰታሰ ያርሾ ገግሲ ዋሊዳሰ።
 11 ሃኔ ገብጾ ጌላኦ፤
 ዩዳ ጋላኦ ኬዛ፤
 ቲዬቲዛ ቆሌ ኤካ ያ፤
 ገዶ ኦቲን ኒኒ
 ቆሌ ጮ ሜላ ዳርሳሳ፤
 ኔ ፓጻካ።
 12 ካዎቱላቲ
 ኔ ዩላቲላ ሲያና፤
 ኔ ዩሆይ ቢታ ኩማና፤
 ኦላንቻይ ኦላንቻራ
 ኦይኬቲ ኩንዳና»
 ጌሰ ጎዳይ።
 13 ባቢሎን ካዎ ናቡካዳናጾሬይ ገብጾ ቢታ ዩዲ
 ኦላናይሳ ጎዳይ ናቤ ኤርምያሰ ዮቲዳ ቃላይ ሃይሳፌ
 ካሊ ዲዛይሳ፤
 14 «ሃይሳ ገብጾን ዮታ፤
 ቃሴ ገብጾ ካታማታን
 ሚገደሌን፣ ሚሞፒሳኒኔ
 ጸፊናሴን ኦዋጃ።
 ኢንቲ ዩሾን ዲዛይታ
 ማሻይ ማና
 ገጌቲዳ ገሻሰ
 ኢንቲ ዲዛሶን ዲዛሶን
 ገጌቲ ኡቲቲ።
 15 ዋልቃማ ገዲዳ ኦጵሴ ጌቲቲዛ
 ኤቃ ጸሳይ ኦይሰ ኩንዲዳ?
 ጎዳይ ኢዛ ሱጊ ዩጊዳ ገሻሰ
 ኤቃና ዳንዲይቤና።
 16 ኢዛ ካሊዛ ኦሳቲ
 ዛሪ ዛሪ ቆጶታና፤
 ኢሶይ ኢሳ ቦላ ኩንዳና፤
 ሳኔ ዳንዲቲ!
 ጌዬ ኦ ዳሬኔ
 ኦ ኦሳኮ ኦኔ ሲሞሰ፤
 ሞርኬ ማሻፊካ
 ኦኔ ኬሲ ኤኮሰ ጋና።
 17 ኢሰቲ ሄን፣ ሩገብጾ ካዎ ፓርኔይ
 ባሰ ኢሜቲዳ ቃዳን
 ጎኤቶንታ ዲሼ
 ጮ ታ ዳይሰ ታ ዳይሰ ገ
 ጨቄቲዛዳ ገ ጸይጋና ገዳሰ።
 18 ኢዛ ሱንላይ ጎዳ
 ኡባፌ ዋልቃማ
 ጸሳ ጌቲቲዛ ካዎይ፣
 ታኒ ታ ዳኦን ጮቃይሰ፤
 ዙማታ ገደን ዲዛ
 ታቦሬ ዙማ ሚሳቲዛይ፣
 ኦባ ኦቻን ዲዛ
 ቃርሚሎሴ ዙማ
 ሚሳቲዛ ኢሳዳይ ያናሰ ዳሰ።
 19 ኢንቲኖ ገብጾ ቢታን ዲዛይቶ!
 ዲኤቲ ባናሰ
 ኢንቲሰ ዲዛዝ ገግሲቲ፤
 ሚሞፒሳ ላሌታዳ ኢዚን
 ኦሲ ባይንዳ ቡላ ገዳና።

20 ጊብዬ ቢታይ ሎኦ ኡሳ ማላ፤
ጊደ ኣተን ሳዲዛ
ቦዴይ ፑዳሃ ባጋፊ ያና።

21 ሚሻን ሻሚቲ ዱዳ
ኢዚ ኦላንቻቲ
ሞዲዳ ዋፋኖ ማላ።
ኢሰቲ ቃዳዬታና
ዋዴይ ጋኪዳ ገሻሲኔ
ኢሰቲ ጳያናሰ ዋዴይ
ማቲዳ ገሻሰ
ኢሰቲ ኢሲፊ
ጉዬ ሰሚ ባቃታና፤
ባ ዲዛሶን ሚኒ ኤቁዲ
ኤቁታናሰ ዳንዳዬቴና።

22 ሞርኬይ ጸኒ ጸኒ ዩሺን
ጊብዬ ኣሳይ ባቃቲሽ
ሾሽ ሱይቁዛ ማላ ሱይቃና፤
ሚሳ ቃንጸና ቢዛ ኣሳ ማላ
ኢዚ ሞርኬቲ ኢዛ ቃንጸና
ካልታ ኤኪ ያና።

23 ጳፒ ጊዳ ዋራ ጊዲኮካ
ዋራይ ቁዴቴሰ፤
ኢሰታ ዳሮቴሳይ ቦሌ ማላ፤
ኢሰቲ ቆዴታናሰ ዳንዳዬቴና።

24 ጊብዬ ማጫ ናያ ዬላታና፤
ፑዳሃ ባጋ ዴሬሰ
ኣጳ ኢሚታና።»

25 ኡባፊ ዋልቃማ ጎዳ ኢሰራኤሌ ጸሳይ፣ «ቴቤሱ
ጸሳ ኣሞኔ ቦላ፣ ፓሮኔ ቦላ፣ ጊብዬ ቦላኔ ኢዚ ኤቃ
ጸሳታ ቦላ፣ ኢዚ ካዎታ ቦላኔ ፓሮኔን ኣማኔቲዛይታ
ቦላ ታኒ ቁጻቴ ኤሃና።

26 ኢሰታ ዋዳናሰ ኮይዛ ባቢሎኔ ካዎ ናቡካዳናጾሬ
ኩሼኒኔ ኢዛ ኦላንቻታ ኩሼን ታ ኣላ ኢማና። ጉላ
ዋዴፕ ጉዬ ጊብዬይ ካሴይሳላ ኣሲ ዲዛሶ ጊዳና»
ጌሰ።

27 «ታ ኦሳንቻ ያቆቤ ያዮፋ፤

ኢሰራኤሌ ሺሮቶፓ፤
ታ ኔና ሃሆ ቢታፊ
ኔ ዛሬካ ዲኤቲ

ቢዳሶፕ ኣሻና።
ያቆቤይካ ሰሚዲ
ሳሮቴሳን ዋፑ ጊ ዳና፤
ኢዛ ባቢሳና ሚሺካ ዴና።

28 ታ ኔናራ ዲዛ ገሻሰ

ታ ኦሳንቻ ያቆቤ ባቦፋ።
ታ ኔና ኢዛን ላሊዳ ካዎቴሳ
ኡባ ሙሌራ ጳይሲኮካ
ኔና ጊዲኮ

ሙሌራ ጳይሲኮ።
ታ ኔሰ ቤሰዛ ቁጻቴ ቃጸያና ኣቲን
ማላ ኣገኬ» ጌሰ ጎዳይ።

47

ፊሊሰጾሜ ገሻሰ ዮቴቲዳ ኪታ

1 ፓሮኔይ ጋዛ ኦሊ ኦይካናፕ ካሴ ፊሊሰጾሜታ
ገሻሰ ጎዳፕ ኤርምያኮ ዩዳ ቃላይ ሃይሳፊ ካሊ
ዲዛይሳ።

2 ጎዳይ፣ «ቤኢቴ፣ ፑዳሃ ባጋን
ሃላ ኩሚ ኩሚ ቤሰ፤
ዋልቃማ ዲኦ ጊዳና፤
ዴሬዮኔ ኢዚ ጊደን
ዲዛይታ ኡባ
ኢዚ ካታማታኔ
ካታማታን ዲዛ
ኣሳ ኡባ ሚታና።
ዴሬዚካ ባ ቃላ
ጶቁ ሂሰቲ ዋሳና፤
ሄ ቢታን ዲዛ ኣሳይ ኡባይ
ጫሞ ዬሆ ዬካና።

3 ፓራ ቶሆ ገሪሲ
ሞርኬ ፓራ-ጋሬታ ዋሶ፣
ፓራ-ጋሬታ ቶሆይ ጌንዴሪሽ
ገሪዛ ገሪሳ ጋሶን
ኣዋቲ ባንታ ናይታ ኣሻናሰ
ጉዬ ሰሚ ጸሌቴና፤
ኢሰታ ኩሼይካ ሲላ ጊዳና።

4 ፊሊሰጾሜ ኣሳ ኡባ ጳይሳናሰ፣
ባሰ ኣቲዲ ሃራታ ማዲዛይታ
ኡባ ጸርሴፕኔ
ሲዳናፕ ዲላ ኣሻናሰ
ዋዴይ ጋኪዴሰ።
ጎዳይ ካፍቶሬ ጋጸን
ኣቲዳ ፊሊሰጾሜ ኣሳ
ጳይሳና ዴንዲዴሰ።

5 ጋዛይ ካዮሰ
ባ ቢናና ሜዴታና፤
ኣሰቁሎናይ ባ ዶና ቦላ
ኩሼ ዋላና፤
ኢንቴኖ ዴምባ ቦላ
ጫሻ ኣቲዳይቶ!
ኢንቴ ኣይዴ ጋካናሰ
ኢንቴ ቦላ ቃጫሽ ዳኔ?

6 «ኢንቴ፣ ነኔ ጎዳ ማሻዉ!
ኔ ኣይዴ ሽምፓኔ?
ኔ ኮሆን ሰማ ጌላ፤
ኔኒ ጮኡ ጋዳ ኡታ፣ ጋና።

7 ጊደ ኣቲን ጎዳይ ኣሰቁሎናኔ
ኣባ ጋጸ ኦላና ማላ ኣዛዚሺን
ዋኒ ሽምፓናሰ
ዳንዳዬቴዜ?» ጌሰ።

48

ሞኣቤ ገሻሰ ዮቴቲዳ ኪታ

1 ሞኣቤ ገሻሰ ኡባፊ ዋልቃማ ጎዳ ኢሰራኤሌ
ጸሳይ፣

«ኔቦይ ጳያና ገሻሰ
ኢዚሰ ኣዬ ኣና!
ቂሪያታይሜይ ካዉያናኔ
ኦይኬታና፤

- ሚጸቲካ ኦይኬታናኔ
ላሌታና።
- 2 ሃይሳፌ ጉዬ ሞአቤይ
ቦንቸቱኩ፤
አሳይ ሃሴቦኔን ኡቲዲ፥
«ሃ ዪቴ! ሃኖ ካታማዮ
አኔ ቆይሶስ»
ገዲ ኢዚ ቦላ ዱላታና።
ሃኔ ማዲሜኔ!
ኔና ቡር ጮኡ ሂሰታና፤
ማሻይ ኔና ጎዳና።
- 3 ሆርናይሜፔ ከዚዛ ቆይሳ
ዋሶኔ ገታ ባሻ ዋሶ
ገሪሰ ሰይቲ፤
- 4 ሞአቤይ ሜቃና፤
ኢዚ ናይቲካ ዋሶ ሲሳና።
- 5 ጫሞ ዬሆ ዬካና፤
ሉሂቲ ፑዲንሳ ከዛና፤
ባና ጋኪዳ ኢታ ሜቶፔ
ዳንዲዳይሳን ጫሞ ዬሆ
ዬኪሼ ሆርናይሜ
ዲጉንሳ ዋቆና።
- 6 ባቃቲዲ ኢንቲ ሹምፖ አሺቲ፤
ባዞን ቱሻ ዋራ ገዲቲ።
- 7 ኢንቲ ኦሊዳ ኦሶኔኔ
ኢንቲ አቆታን
ኢንቲ አማኔቲዛ
ገሻሰ ኢንቲካ ዲኤታና፤
ካሞሼይካ ባ ቄሴታራኔ
ባ ሹሜታራ ዲኤቲ ባና።
- 8 ካታማ ኡባ ቦላ
ቆይሲዛይ ያና፤
ኢሲ ካታማይካ
ከሲ ኤኪ አቲና፤
ጎዳይ ዮቲዳ ገሻሰ
ሹባይ ቆያና፤
ዳምባቲካ ቆያና።
- 9 ሞአቤይ ፒራቆ አታና ማላ
ኢዚሰ ቄፌ አሚቲ፤
ኢዚ ካታማቲ አይኮይ ባይንዳ
ቡላ ገዳና።
- 10 «ጎዳ ኦሶስ ወዲ ጎንታዳይ
ቃንጌቲዳዳ ገደ!
ኢዛ ማሻይ
ሱሳ ጉሶንታ ማላ
ዲገዛዳይ ቃንጌቲዳዳ ገደ።
- 11 «ሞአቤይ ዬላጋቲላፌ
ደሚዲ ጋጩቶንታ
ቶጩራ ዲዛ ዋይኔ
ኡሻ ማላ ዋፓን ዳሰ፤
ኦቶፔ ኦቶን ላሚቲቤና፤
ኢዚ ዲኤቲ ቢ ኤሬና፤
ኢዛ ማልኦይ
ካሴ ዲዛ ማላ ዳሰ፤
ኢዛ ሳዋይካ ላሚቲቤና።
- 12 ገደ አቲን ኦቶዛ ላሚዛ አሳታ
ታ ኪታና ዋዳይ ያና፤

- ኢሰታካ ዋራ ጉሲዲ
ኦታ ጸላ አሻና፤
ዲቁዛ ሚሻታካ
ሚንጮራሌ ዬጋና።
- 13 ኢሰራኤሌ አሳይ ቤቴሌን
አማኔቲ ዲሼ
ዬላቲዳይሳሶ
ሞአቤ አሳይካ
ባ ጸሳን
ካሞሼን ዬላታና።
- 14 «ኢንቲ፥ ሩኒ ሚኖ ኦላንቻታ»
ጋናሰ ዋኒ ዳንዳይዳቲ?
- 15 ቤኢቲ ሞአቤ ቢታይ ቆያና፤
ኢዚ ካታማቲካ ዋራጃታና፤
ደሬቲዳ ኢዚ ዬላጋ ናይቲካ
ሹኬታናሰ ዲጌ ዋቆና፤
ኢዛ ሱንሳይ ጎዳይ ኡባፌ
ዋልቃማ ጸሳይ፥
- 16 «ሞአቤሰ ኩንዳላ
ዋዳይ ጋኪዳሰ፤
ባሺ ኢዛ ቦላ ኤሶን ያና።
- 17 ኢዛ ዩሾን ዲዛ ኡባይ
ኢዛ ገታቲሳ ኤሪዛይቲ ኡባይ
ኢዛሰ ዬኪቲ፤
ኢንቲ፥ «ሚኖ ኢዛ ጨካይ፥
ቦንቸቲዳ ጸንባርይ
ዋኒ ሜቁዳ?» ገቲ።
- 18 «ሞአቤ ቆይሳናይ
ኔ ቦላ ያና፤
ገምቤቲዳ ኔ ካታማታ
ኢዚ ቆይሳና፤
ሃኔ ዲቦኔ ናዬ!
ኔ ቦንቸዛፔ
ዲጌ ዋቆ፤
ሚላ ቢታ ቦላ ዋቆ ኡታ።
- 19 ሃኔ አርኤሬን ዲዛሬ!
ኔኒ ኦጌ ደናን ኤቃዳ ጸላ፤
ባቃቲዛ አቲማሰ፥
ከሳ ኤካ ቢዛ ማጫሰ፥
«አዜ ሜዴቲዳይ?»
ጋዳ ኦይቻ።
- 20 ሞአቤይ ላሌቲዲ ካወዱዳሰ፤
«ወ! ወይ» ገዲ ዋሰቲ፤
ሞአቤይ ሙሉራ ቆይዳይሳ
አርና ኻፋ አቻን አዋጁቲ!
- 21 ፒርዳይ ቦላ ገዜ ቢታን
ሆሎኔ ቦላ፥
ያሃጼ ቦላ፥
ሚፋአቲ ቦላ፥
- 22 ዲቦኔ ቦላ፥
ኔቦ ቦላ፥
ቤቲ-ዲቢላታይሜ ቦላ፥
- 23 ቂሪያታይሜ ቦላ፥
ቤቲ-ጋሙሌ ቦላ፥
ቤቲ-ማኦኔ ቦላ፥
- 24 ቂሪያቲ ቦላ፥ ቦጲራ ቦላ፥

- ሃሆኒኔ ማታን ዲዛ ሞኣቤ
 ካታማታ ኡባ ቦላ ዪዳስ።

25 ሞኣቤ ካጩይ ቃንጾቲዳስ፤
 ኢዛ ቁሴይካ ማቁሬቲዳስ።

26 «ኢዚ ጎዳ ካዲዳ ገሻሰ
 ሞኣቤ ኡሻን ማሰሲቲ፤
 ሞኣቤይ ባ ጩሻ ቦላ ጌንዳሬቶ፤
 ቂደስ ኣቶ።

27 ኔኒ ካሴ ኢሰራኤሌ ቂዳቤኪ?
 ኢዚ ገሻሰ ኔ ሃሳይዛ ዎዳ
 ኔኒ ኔ ሁኤ ቃላቤኪ?
 ኢዛ ካይሶታራ ካይሶታሾ
 ኦይኬታዳ?

28 ኢንቲኖ ሞኣቤን ዲዛይቶ!
 ካታማፔ ኬዚ ቢዲ
 ዛላ ገደን ዲቲ፤
 ኣፎ ደናን ባ ኬላ ኬዲዛ
 ሃራጹይ ማላ ገዲቲ።

29 ሞኣቤ ኦቶሬቲላ።
 ባና ቶቁ ሂሰቲላ።
 ጩቁቲላኔ
 ዎዚና ሙሙቴላ
 ኑ ሲዪደስ።

30 ታኒ ኢዛ ዎልቃ ኤራይሰ፤
 ገደ ኣቲን ሂሲ ሃዳ፤
 ኢዛ ጩቁቲላሰ ጎኣይ ዳና።

31 ሂሳ ገሻሰ
 ታኒ ሞኣቤሰ ዩካይሰ፤
 ሞኣቤ ዳሬ ኡባሰ።
 «ዉ! ዉይ» ጋይሰ፤
 ቂሬ-ሂራሴ ኣሳሲካ
 ዩሆ ጩንጉርሰ ሲሳይሰ።

32 ኔኖ ሴባማ ዎይኔ ማላዞ!
 ኢያዜሬሰ ዩኮይሳፊ
 ኣላዳ ታኒ ኔሰ ዩካይሰ።
 ኔ ሃጋቲ ዳዩዲ ኣባ ፒኒዲ
 ኢያዜሬ ጋኪዳ፤
 ገደ ኣቲን ኔሰ ማጻ ጋኪዳ
 ካላ ኣይፊኔ
 ዎይኔ ቆይሳናይ ዪዳስ።

33 ሞኣቤን ኣታኪልቲሶፔኔ
 ጎሻ ጋዴፔ
 ሃሹ ሂሰቲዛዚኔ
 ኡፋይሲ ቆይዳስ፤
 ዎይኔ ኡሺ ጉሞኣን
 ዎዶንታ ማላ ማላሳዲሰ፤
 ኦኒካ ኢዛ ኢሊሊሽ ጉሞኤና፤
 ሄን ኣሳ ቃላይ ሲዩቲኮካ
 ኢሊሊሳ ጩንጉርሰ ገደና።

34 «ሃሴቦኔፔ ቢዲ ኤልኤሌኔ
 ያሃጾ ጋካናሰ።
 ዘኣሬፔ ቢዲ ሆርናይሜ።
 ኤገላቲ-ሻሊሺያ ጋካናሰ
 ኢሰታ ዋሶይ ኬሂ ሴቲቲሰ፤
 ኒሚሪሜ ሃላ ሚሊዳስ።

35 ቶቃሶሆታ ቦላ ያርሺዛይታኔ
 ባንታ ኤቃ ጸሳታሰ

- ኤጻኔ ጩዋሲዛይታ
 ታኒ ሞኣቤ ቢታፊ ቆይሳና።

36 «ታ ዎዚናይ ሞኣቤሲኔ
 ቂሬ-ሂራሴ ኣሳሰ ዛዩን
 ዩከዛ ኣሳ ማላ ዩኬሰ፤
 ጋሶይካ ኢሰታ ዲሬቲላ
 ቆይዳስ።

37 ኣሰ ኡባ ሁኤይኔ
 ቡቲ ሜዳቲዳስ፤
 ባንታ ኩሼካ ጩዳሬሊዳ፤
 ቃሴ ማቃ ማይኢዳ።

38 ሞኣቤን ዲዛ ኬላ
 ኡባኒኔ ዲባባን
 ዩሆፔ ኣቲን
 ሃራይ ዳና፤
 ጋሶይካ ታኒ ሞኣቤ ዳሬ
 ሞሆ ኦቶ ማላ
 ማንሌሬላ ዩጋዲሰ።

39 «ሞኣቤይ ኣይ ሜቆ ሜቂዳ!
 ኣሳይ ኣይ ዩሆ ዩኪዜ!
 ሞኣቤይ ኣይ ማላ
 ዩላቲዲ ዘኮ ዛሪዳ!
 ሞኣቤይ ባ ሂራን ዲዛ
 ኣሳ ኡባሰ
 ጩሻሲኔ ሻባርሳሰ
 ማላታ ገዲዳስ» ጌሰ።

40 ጎዳይ፣ «ጎሌይ ባ ቁፊ
 ፒዲ ሂሰቲ
 ፒራዲ ዎዲዛ ማላ።
 ሞኣቤ ቦላ ዎዳና።

41 ኢዛ ካታማቲኔ
 ኢዛ ሚጻቲ ኦይኬታና፤
 ሄ ጋላሰ ሞኣቤ
 ኦላንቻታ ዎዚናይካ
 ሚጻ ኦይኬቲዳ ማጫሳ
 ዎዚና ማላ ገደና።

42 ሞኣቤይ ጎዳ
 ካዉሺዳ ገሻሰ ቆይና፤
 ኢዛ ካዎቲላይካ ኣታና።

43 ኔኖ ሞኣቤ ዳሬዞ!
 ኔና ሻባርሲ፣ ኦላይኔ
 ዎጺማዳይ ናጌሰ።

44 «ሻባርሳፊ ባቃቲ ኣቲዳ ኡባይ
 ኦላን ጌላና፤
 ኦላፊ ኬዚዳይ
 ዎጺማዳን ኦይኬታና፤
 ታኒ ሞኣቤይ ቃጻዬቲዛ
 ላይላ ኤሃና ገሻሳ።

45 «ሃሴቦኔፔ ሞኣቤ ሊጾ።
 ጩቁቲዛይታ ፒዲ
 ጸጊዛ ታማይ።
 ታማ ላጩይ ሲሆኔ
 ኬላፊ ኬዚዳስ፤
 ባቃቲ ቢዳይቲ
 ሃሴቦኔ ኩዋ ጋርሳን

ባናሶ ጳይዲ ኤቂዳ።
 46 ሞክሮ ኔሰ አዬ አና!
 ካሞሽሰ ጎይኒዛ
 ዳሬይ ወሪ ወሪዳሰ።
 ኔ አቱማ ናይቲ ኡባይ ዲኤቲዳ፤
 ማጫ ናይቲ ኡባይካ ዲኤቲ ቢዳ።

47 «ጊድ አቲን ወርሴላን ሞክሮ፤
 ዲኤቲ ቢዳይታ ታ ዛራና» ጌሰ።
 ሞክሮ ቦላ ፐርዳቲዳ
 ፐርዳይ ሄሳ።

49

አሞኔ ዳሬሰ ዮቲቲዳ ኪታ

1 አሞኔ አሳ ጎዳይ፤
 «ኢሰራኤሌይ አቱማ
 ናይታ ዩሊቤኔ?
 ዎይኮ ኢዛ ላታናይቲ ባዎ?
 ሂሰቲን ሚልኮሚይ *
 ጋዴ አይሰ ላቲዳ?
 ኢዛ አሳቲ አይሰ ካታማይን ዲዛ?»

2 አሞኔ ካታማ ኤራባ ቦላ
 አላ ዋሶ ጨንጉርሲ
 ሴቲታና ዎይይ ያና።
 ኢዛ ቡዴታዳ ደሬቲዳ
 ደሬ ጊዳና፤
 ኢዚ ጉታቲ ኡባይ ጸጌታና፤
 ኢሰራኤሌይ ባና ኬሲ ጎዲዳይታ
 ባ ዳሬፔ ኬሳ ጎዳና።

3 ሃኔ ሃሴቦኔ!
 አዬ ካታማይ
 ጳይዳ ጊሻሰ ዩካ፤
 ኤራባ ማጫ ናይቶ ዋሲቲ፤
 ማቃ ማይኢዲ ዩከቲ፤
 ጋሶይካ ሚልኮሚይ
 ባ ቄሴታራኔ
 ባ ሹማታራ ዲኤቲዲ ባና፤
 ዲርሳ ጊደን
 ያኔ ሃ ዎጾሬቲቲ።

4 ሃኔ ካዲዳሬ!
 ኔኒ ኔ ሾባታን
 አይሰ አማኔታይ?
 ኔኒ ሎኦ ካላ አሚዛ
 ኔ ሾባን አይሰ ጨቁታይ?
 ኔኒ ኔ ዲሬቲላን ጨቁታዳ፤
 (ታና ኦኔ ቦቻናይ?) ጋሳ።

5 ታኒ ኔ ዩሾን ዲዛይታ፤
 ኔ ቦላ ሺር ኤሃና፤
 አንቲ ኡባይካ ጎዳታና፤
 ባቃታ ቦላ ዲዛይታ
 ሺሻና አሲ ቤቲና።

6 «ሃሳፌ ጉዬ ታኒ
 አሞኔ አሳፔ ዲኤቲዳ
 ሚሻ ዛራና» ጌሰ።

ኤደሜ ጊሻሰ ዮቲቲዳ ኪታ

7 ኤደሜ ጊሻሰ ጎዳይ ኡባሬ ዎልቃማ ጸሳይ፤
 «አዶ ኤራቴላ
 ቲማኔ አሳፔ ጳይዳ?
 ዘሬይ አኬካንቻታ፤
 ሃኪዳ?
 ኢሰታ አዶ ኤራቴላይ ጨንጊዳ?
 8 ታኒ ኤሳዌ ቃጸዪዛ ዎዴ
 ታ ኢዛ ቦላ ባሻ
 ኤሂዛ ጊሻሰ
 አንቲ ዲዳኔን ዲዛይቲ
 ጉዬ ሲሚ ባቃቲቲ፤
 ጨማ አላ ጊደን ቆቲቲቲ።

9 ዎይኔ ማጸዛይቲ አንቲኮ ዩዲ
 ማጸሺ ፑሹሎ
 አሺ ኤሬቲኔ?
 ካይሶቲ ካይሶታና ጌሊኮ
 ባ ኮዩዳይሳ ጸላ
 ኤኬቲሰ ዳቲኔ?
 10 ጊደ አቲን ታኒ ኤሳዌ
 ጋጸ ካሎ አሻና፤
 ኢዚ ቆቲቲ አቶንታ ማላ
 ኢዚ ቆቲታናሶሆታ
 ታኒ ቆንጨኑ ኬሳና፤
 ኢዛ ናይቲ፤ ኢዛ ዳቦቲኔ
 ኢዛ ሾርቲ ጳያና፤
 ኢዚካ ባ ሁኤሰ ዳና።

11 «ዩሊዳ አያኔ አዎይ ባይንዳ
 ኔ ጋርሳን ዲዛ ናይታ
 ኔ አጋጋ፤
 ታ ኢሰታ ዲቻና፤
 አሞኤቲካ ታናን
 አማኔቲቶ» ጌሰ።

12 ጎዳይ፤ «ጸዎ ኡያና ቤሶንታይታሰ ጸዎ ኡሺ
 አቶንታይሳ ጊዲኮ ኔኒ ዋና ቁጻቴፔ አታኔ? ኔሰ
 ቃጸዬቴላ አቲና፤ ኔ ኡያናሰ ቤሴሰ።

13 ቦጸራይ ላሌታዳ ዳጋማሰ፤ ቂዴሲኔ ቃንጌላሰ
 ማላታ ጊዳና ማላ ታኒ ታናን ጨቃዲሰ፤ ኢዚ ካታማቲ
 ኡባይ ሜርናሰ አይኮይ ባይንዳ ቡላ ጊዳና» ጌሰ።

14 ጎዳፔ ዩዳ ኢሲ ኪታ ሲያዲሰ፤
 «ኤደሜ ቦላ
 ዎራጃናሰ ሸቂቲ፤
 ኦሌታናሰ ዳንዲቲ!» ጊ ዮቲዛ
 ቃሰታኔይ ካዎቲላታኮ
 ከቲቲዳሰ።

15 ጎዳይ፤ «ሃኢ ታኒ ኔና
 ካዎቲላታ ጊደን ላፋ፤
 አሳ ጊደንካ
 ካዴቲዳዳ አላና።

16 ኔኖ ዛላ ጎንጎሎ
 ጊደን ዲዛይሶ!
 ኔኖ ቶቃ ዙሞቡላ
 ሁኤን ኡቲዳይሶ!
 ኔ ዮሞቢዛ ዮሞባይኔ
 ኔ ዎዚና
 ኡቶርይ ኔና ባሌላዳሰ፤
 ኔኒ ኔ ኬላ ጎሌ ማላ

* 49:1 ሚልኮሚይ አሞኔቲ ጎይኒዛ ኤቃ ጸሳታፔ አሳ። 49:1 ሂዘ. 21:28-32፤ 25:1-7፤ አሞ 1:13-15፤ ሶፎ 2:8-11 49:7 አሳ 34:5-17፤ 63:1-6፤ ሂዘ. 25:12-14፤ 35:1-5፤ አሞ 1:11-12፤ ኣብ 1-14፤ ሚል 1:2-5

ጾቃሶሆን ከጸሐኮካ
ታኒ ኔና
ሄፔ ዱጌ ኦላና» ጌሰ።

17 ጎዳይ፡ «ኤደሜይ
ዳጋማሰ ማላታ ጊዳና፤
ሄራ አጁዛ አሰ ኡባይ
ኢዚ ቦላ ጋኪዳ ባሽ ቤኢዱ
ማላሌተሽ ቁቆና።

18 ሶደሜይን ጋሞራይ
ባንታ የሾን ዲዛ ካታማታራ
ኢሲፌ ቆይዳ ማላ
ኤደሜይ ቆይና፤
ኦኒካ ሄ ቢታን ዳኤና፤
ኢሳዳይካ ኢዚን ኡቴና» ጌሰ።

19 ጎዳይ፡ «ጋሞይ
ዮርዳኖሴ ዎራታፔ
ሜህ ሄሚዛ ዳምባን
ከዚ ዎጁዛ ማላ
ታኒካ ኤደሜይ ቆፖንታ
ዲሺን ከዛ ዎቆና፤
ኢዛ ቢታፌ ታ ኢዛ ጎዳና፤
ታ ደሪዳይሳ
ኢዛ ቦላ ሹማና፤
ታ ማላይ ኦኔ?
ታናራ ኤቁታና
ዳንዳይዛይ ኦኔ?
ታናራ ኤቁታና ዳንዳይዛ
ሄንጎንቻይ ኦኔ?» ጌሰ።

20 ሄሳ ጊሻሰ ታኒ ጎዳይ
ኤደሜ ቦላ ፖላናሰ ሃልቹዳ ሃልቾኔ
ቴማኔን ዲዛይታ ቦላ
ታ ቆፒዳ ቆፋ ሲዩቴ!
ጉላ ወዳቴ ጎሽቴ ባና፤
ሄሳ ጋሶን ወዳይ ሄሜቴዛሶ
ሙሌራ ቆይሳና።

21 ኤደሜ ኩንዳላ ገሪሰ
ቢታ ቃላና፤
ኢሰታ ዋሶይካ
ዘኦ ኣባ ጋካናሰ
ኮሹሜሰ።

22 ጎሌ ማላ ዱጌ ሲቴ ጊ
ኢዚ ቦላ ዎቆና፤
ባ ቁፌታካ ቦጸራ ቦላ ሚጫና፤
ሄ ዎዳ ኤደሜ ኦላንቻቲ
ሚጸይ ኦይኪዳ
ማጫሳ ማላ ሂርጋና።

ዳማሰቆ ጊሻሰ ዮቴቲዳ ኪታ

23 ጎዳይ ዳማሰቆ ጊሻሰ፡
«ሃማቴ ኣሳይኔ ኣርፋዳ ኣሳይ
ዳማሰቆ ካታማ
ቆዮ ሲዩዱ ዳጋሚዳሰ፤
ኣባ ዳምባላ ማላ ሺርቲዳሰ፤
ኢሰታ ዎዚናይካ ሴሪዳሰ።

24 ዳማሰቆይ ዳቡራዱሰ፤
ባቃታናሰ ጉዬ ሲማዱሰ፤

ኮኮራዱሰ፤
ሚጸይ ኦይኪዳ
ማጫሳ ማላ ጩጩይን
ቱጋይ ኢዛ ኦይኪዳሰ።

25 ታ ኢዚን ኡፋዬቴዛ ኤሬቴዳ ካታማያ
ዋና ዬጌታ ኣታዳ?

26 ሄ ዎዳ ኢዚሰ ናቴላ
ኣቱማ ናይቲ ኡባይ
ከኢዳሶን ከኢዳሶን
ኦኔ ቦላ ኩንዳና፤
ኦላንቻቲ ኡባይካ
ሃይቁ ወራና።

27 ታኒ ዳማሰቆ ካታማ የሾን ዲዛ
ጊምቤ ቦላ ታማ ዬዳና፤
ሄ ታማይ ቤኒ-ሃዳዳ
ሻኮ ማና» ጌሰ።

ቁዳሪ ጊሻሰኔ ሃጾሪ ጊሻሰ ዮቴቲዳ ኪታ።

28 ባቢሎኔ ካዎ
ናቡካዳናጾሬይ
ኦሊ ጸኒዳ ቁዳሪ
ካዎቴላ ጊሻሰኔ
ሃጾሪ ካዎቴላ ጊሻሰ
ጎዳይ፡ «ዳንዲዱ ቁዳሪ ኦሊቴ!
ኣርሼይ ሞኪዛ ባጋራ ዲዛ
ዴራ ዲፒ ሂሰቴቴ።

29 ኢሰታ ዱንካኔታኔ
ኢሰታ ወዳታ ኤኪቴ!
ኢሰታ ኣቆሶይኔ ኢሰታ ጋሜላቴ
ኡባይ ኣቶንታ ኤኬታና፤
ሂሰቴዱ ኢሰታሰ፡ «ኢሰታ ቦላ
ሺር ቦላ ሺርይ ዩዳሰ»
ጊዱ ዋሳና።

30 «ኢንቴኖ ሃጾሪን ዲዛይቶ!
ባቢሎኔ ካዎ
ናቡካዳናጾሬይ
ኢንቴ ቦላ ኢታ ሚሽ ኦላና
ማቁቴ ኡቴዳ ጊሻሰ ባቃቴቴ፤
ቢዱ ጩማ ጎንጎሎን ቆቴቴቴ።

31 «ዳንዲቴ! ሂርጋይ ባይንዳ
ባጁ ጊ ኡቴዳ
ባናን ኣማኔቴ ኡቴዳ
ካዎቴላ ኦሊቴ!
ኢቢላ ዎይኮ ኮላታይ
ባይንዳ ዲሺን ባርካ ዲዛ
ዴራ ቦላ ዎራጂቴ» ጌሰ።

32 ጎዳይ፡ «ኢሰታ ጋሜላቴ ቦንቁታና፤
ኢሰታ ወዳታካ ቡሪ ኤኪ ባና፤
ባንታ ሁኔ ጋሜ ሂሰቴ
ሜዳቴዳይታ
ታኒ ጫርኮን ላላና፤
ታኒ ኡባሶራ ኢሰታ ቦላ
ቦሻ ኤሃና።

33 «ሃጾሪይ ዎራካናታ
ዱሳሶ ጊዳና፤

ሜርናሰ ቡላ ገዳና፤
ኦሪካ ሃን ዳኤና፤
ኣይ ኣሲካ ኢዚን ኡቴና» ጌሰ።

ኤላሜ ገሻሰ ዮቴቲዳ ኪታ

34 የሁዳ ካዎ ሴዴቂያሲ ካዎቲዳ
ኮይሮ ላይሳ ጎዳፕ
ኤላሜ ገሻሰ

35 ኡባፌ ዋልቃማ ጎዳይ፤
«ሄኮ ኢዚ ዋልቃቴላሰ
ዮኛ ገዲዳ
ኤላሜ ዋንዳፌታ
ታ ሜንላና።

36 ኦይዱ ባጋ ጉላታፕ
ታኒ ኤላሜ ቦላ
ኦይዱ ጫርኮታ ኤሃና፤
ኢሰታ ሄ ኦይዱ ባጋ ጫርኮታን
ታ ላላና፤
ኤላሜፕ ዲኤቲ ቢዳይቲ
ጋኮንታ ካዎቴላይ ዳና።

37 ኢሰታ ሸምፖ ዋዳና ኮይዛ
ኢሰታ ሞርኬታ ሲንሳን
ታኒ ኤላሜ ያርኪያርኪሳና፤
ኢሰታ ቦላ ባሽ ኤሃና፤
ሄሲካ ታ ኢሰታ ቦላ
ኤሃና ሃንቆ፤
ታኒ ኢሰታ ሙሌራ
ዳይሳና ጋካናሰ

38 ታኒ ኣራታ ኤላሜን ቶካና፤
ታኒ ኢዚ ካዎታኒ
ሹሜታ ዳይሳና።

39 «ገዶ ኣቲን ወርሴላ ዋዳታን
ታኒ ኤላሜ ዛራ
ኢሻልሳና» ጌሰ።

50

ባቢሎን ገሻሰ ዮቴቲዳ ኪታ

1 ባቢሎን ቢታኔ ባቢሎን ኣሳ ገሻሰ ጸሲ ናቤ
ኤርማሳ ባጋራ ዮቴዳ ቃላይ ሃይሳፌ ካሊዛይሳ፤

2 «ካዎቴላታ ኡባ
ገደን ኣዋጂቴ!
ባንዲራ ጶቄ ሂሰቲ
ኦይኪዱ ኣዋጂቴ!
ኣይኮካ ኣሾንታ ዲሹ፤
«ሄኮ ባቢሎንይ ኦይኬታና፤
ቤሌይ ካወያና፤
ማርዱኬይ ሸርን ኩማና፤
ኢዚ ኤቃ ጸሳቲ ካወያና፤
ኢዚ ኤቃ ሚሰሌቲ
ሜቄሬታና» ጌቴ።

3 ፑዴሃ ባጋፌ
ኢሲ ካዎቴላይ ዩዲ
ባቢሎን ቢታ ኦላና፤
ሄሳፌ ዳንዲዳይሳን

ኣሲኔ ሜሄይ ባቃታና፤
ቢታዮካ ቡላ ኬሳና፤
ኦሪካ ኢዚን ዳና።»

ኢሰራኤሌን የሁዳ ኣሳ ሲሞ

4 ጎዳይ፤ «ሄ ዋዳኒኔ ሄ ጋላሳታን
ኢሰራኤሌ ኣሳይኔ
የሁዳ ኣሳይ ኢሲፌ ያና፤
ጎዳ ባንታ ጸሳ
ኮዩሽኔ ዩኪሽ ያና።

5 ኢሰቲ ጸዮን ኤፊዛ ኦጌ ኦይቻና፤
ባንታ ሲንሳ ሄ ዛራና፤
ዩዲ ሙሌራ ዶጌቶንታ ሜርና
ጫቆ ቃላን
ጎዳራ ኦይኬታና።

6 «ታ ዳሬይ ዳይዳ
ዶርሳ ማላ ገዲዳሰ፤
ኢሰታ ሄንላንቻቲ
ኢሰታ ባሌሊዳ
ዋራ ካሌሊዳ፤
ዙማታ ቦላኔ
ዙምቡላታ ቦላ ቶይላቲዳ፤
ባ ኣቁዛሰካ ደገዳ።

7 ዳሚዳ ኡባይ ኢሰታ ቆሄሰ፤
ኢሰታ ሞርኬቲ፤
ኣቲ ቦላ ሞርይ ባ፤
ሃይሲ ሜቶይ ኢሰታ ጋኪዳይ
ባንታ ኣዎታሰ
ሂደታ ገዲዳ ጎዳ፤
ቴማፕ ኢሰታሰ ዲሳሶ ገዲዳ
ጎዳ ቆሃዳ ገሻሳ» ገዳ።

8 «ባቢሎንፕ ባቃቲቴ!
ኢሰታ ቢታካ ዩዲቴ!
ዉዴ ካሌሊዛ
ዳይሻ ኦርጌ ማላ ገዲቴ።

9 ታኒ ፑዴሃ ባጋፌ
ዋልቃማ ካዎቴላታ
ባቢሎን ቦላ
ዳንሌሳና፤
ኢሰቲካ ኢዚ ቦላ ሳልፋና፤
ሂሰቲዱ ኢዙ ሃፕ ኦይካና፤
ኢሰታ ዋንዳፌይ ዩደንታ
ሎሃዳ ኦላንቻታ ማላ።

10 ባቢሎን ቢታይ ቦንቄታና፤
ኢዙ ቦንቄዛይቲ ባሰ ገዳናሽ
ጋካናሰ ቦንቃና» ጌሰ።

ባቢሎን ኩንዴሳ

11 «ኢንቴኖ ታ ጸንጸ
ቦንቄ ኤኪዳይቶ!
ኢንቴ ኡፋይቲዳ ገሻሲኔ
ኡፋይሳን ማጉሊዳ ገሻሰ፤
ዳምባን ጸኪቴዛ ኡሳ ማላ
ኢንቴ ሊፍጾቲዳ ገሻሰ፤
ዋዳላ ፓራ ማላ
ኢንቴ ጫገዳ ገሻሰ፤

12 ኢንቴ ኣያ ኬሃ ዩላታና፤

አንቲና ዩሊዳራካ ካዉያና፤
ካዎቲላታ ኡባ ጊደን
ኢዛ ጉሳ ጊዳና፤
ኢዛ አሲ ባይንዳሶ፡
ሃሌ ባይንዳ ቢታኔ
ባዛ ጊዳና።

13 ጎዳ ሃንቆ ጋሶን
ኢዛ ባዛ ጊዳና ኣቲን
አሲ ኢዚን ዳና፤
ኢዚ ቦላ ጋኪዳ ባሻ ጋሶን
ባቢሎኔራ ኣጂ ቢዛ
ኡባይ ማላሌተሼ ኢዛ ቁጻና።

14 «አንቲኖ ዩሻን ዱኪዛይቶ!
ባቢሎኔ ኦላናሰ
ኢዚ ዩሻን ሳልፍቲ፤
ናጋራ ኦሊዳ ጊሻሰ
አንቲ ዩሻ ኢሲኖካ ኣሾንታ
ኢዚ ቦላ ዩዲቲ።

15 ኡባ ባጋራካ
ኢዚ ቦላ ማጉሊቲ!
ኢዛ አንቲሰ ኩሼ ኢማና፤
ኢዚ ሚጸቲኔ
ጊምቤቲ ላሌታና፤
ሃይሲ ጎዳይ ሃሎ ኬሲዛ
ኦጌ ጊዲዳ ጊሻሰ
አንቲ ኢዚ ቦላ ሃሎ ኬሲቲ፤
ኢዛ ሃራታ ቦላ ኦሊዳ ማላ
አንቲ ኢዚ ቦላ ኦሊቲ።

16 ባቢሎኔፔ ዜሬሌ ዜሪዛይሳ፡
ካላ ሺሾ ዎዴ ጫካናሰ
ባጫ ኦይኪዳይሳ ጳይሲቲ፤
ኡንኤሊዛይታ
ማሻሬ ዳንዲዳይሳን
ኢሶይ ኢሶይ
ባ ኣሳኮ ሲሞ፤
ባ ዳሬካ ባቃቶ።

17 «ኢሰራኤሌይ ጋዎይ ጎዲዲ ላሊዳ ዉዴ ማላ
ጊዲዳሰ፤
ኮይር ኣሶሬ ካዎይ
ፑዜሬሌ ሚዴሰ፤
ጉዬፔ ባቢሎኔ ካዎ ናቡካዳናጾሬይ
ሜቁላ ጶጊዳሰ»
ጌሰ ጎዳይ።

18 ሄሳ ጊሻሰ ኡባሬ ዎልቃማ
ጎዳ ኢሰራኤሌ ጸሳይ፡
«ኣሶሬ ካዎ ታኒ ቃጸይዳ ማላ
ባቢሎኔ ካዎኔ
ኢዛ ቢታ ቃጸያና።

19 ጊደ ኣቲን ታኒ ኢሰራኤሌ
ካሴ ኢዚ ሄሜቲዛሶ ኢዛ ዛራና፤
ቃርሜሎሴኒኔ ባሳኔ ዳሬን
ኢዚ ሄሜታና፤
ቃሴ ኢዚ ኤፍሬሜ
ዙምቡላታ ቦላኔ
ጋላኣዴ ዙምቡላታ ቦላ
ካላናሼ ጋካናሰ
ማና» ጌሰ።

20 ሄ ዎዴታኒኔ ሄ ጋላሳታን ጎዳይ፡
«ኢሰራኤሌ ሞሮይ ኮዬታና፤
ጊደ ኣቲን ኢሲኖካ ቤቲኩ፤
ዩሁዳ ናጋራይካ ኮዬታና፤
ጊደ ኣቲን ሙሌካ ቤቲና፤
ሃይቆፔ ታ ኣሺዳ ሾጌታ
ታ ማራና» ጌሰ።

ባቢሎኔ ቦላ ያና ፒርዳ

21 «ሚራታይሜኒኔ ፓቆዳን ዲዛ ኣሳ ጎዲቲ፤
ዎጲቲኔ ሙሌራ ጳይሲቲ፤
ታኒ አንቲና ኣዛዚዳይሳ
ኡባ ኦሊቲ።

22 ሄ ቢታን ኦላ ሺርይኔ
ጊታ ባሻ ዎሶይ ሴቲቲዳሰ።

23 ኣላሜ ኡባ ለቁሲዛ ማደሻይ
ዎኒ ሜቁዴ?
ዎኒ ሊቁዴ?
ካዎቲላታ ጊደን ዎና
ባቢሎኔይ ቡላ ጊዳዴ?

24 ሃኔ ባቢሎኔ!
ታ ኔሰ ዎጸማዴ ዎላዲሰ፤
ኔካ ኤርንታ ዳሼ ኦይኬታዳሳ፤
ኔኒ ጎዳራ ኤቁቲዳ ጊሻሰ
ቤታዳ ኦይኬታዳሳ።

25 ጎዳይ ባ ኦላ ማሳራ ዎሊዛ
ሚንጃ ኬላ ደይዳሰ፤
ባ ሃንቆ ኦላ ማሳራ ኬሲዳሰ፤
ጎዳይ ኡባሬ
ዎልቃማ ጸሳይ
ባቢሎኔ ቢታን ኦሊዛ
ኦሶይ ዳሰ።

26 ያራ ሃራ ኢዚ ቦላ ዎራጂቲ፤
ኢዚ ጎታራታ ላሊቲ፤
ዲኤቲዳ ሚሻ
ካላ ማላ ደሪቲ፤
ሙሊራ ኢዙ ጳይሲቲ፤
ኢዚን ኣይኮይካ ኣቶፎ።

27 ኢዚ ዎፋኖታ ኡባ ሹኪቲ፤
ዱጌ ሹኪቲዛሶ ዎዴቶ!
ኢሰቲ ቃጸዬታና ዎዴይኔ
ጋላሳይ ጋኪዳ ጊሻሰ
ኣዬ ኣና!

28 «ጎዳ ኦ ጸሳይ
ሃሎ ኬሲዳይሳ፡
ጸሳ ኬላ ጊሻሰ
ሃሎ ኬሲዳይሳ
ባቢሎኔፔ ቤቲዳይቲኔ
ጎዴቲዳይቲ
ጸዮኔን ሃሳይዛይሳ ሲዩቲ።

29 «ዎንዳሬን ኦሊዛይታ
ባቢሎኔ ቦላ ጸይጊቲ፤
ኢሳይይካ ኬሲ ኤኪ ቦንታ ማላ
ኢሰታ ጊደሊዲ ዱንካኒቲ፤
ጎዳ ኢሰራኤሌ ጌሻ
ካዉሺዳ ጊሻሰ

ኢዚ ኦሶ ማላ ኢዚሰ ዛሪቴ፤
 ኢዛ ሃራታ ቦላ ኦሊዳይሳ፤
 ኢዚ ቦላ ኦሊቴ።

30 ሄሳ ገሻሰ
 ኢዚ ናቴላ ኣቲማ ናይቲ
 ኣጵሶን ኣጵሶን
 ሃይቃና፤
 ኢዚ ኦላንቻቲ ኡባይ
 ሄ ጋላሰ ኩንዳና» ጌሰ ጎዳይ።

31 ጎዳይ ኡባፌ ዋልቃማ ጸሳይ፤
 «ኔኖ ኦቶራንቻዙ!
 ታኒ ኔ ቦላ ዴንዳዲሰ፤
 ኔኒ ቃጸዩታና ዋይይኔ
 ጋላሳይ ጋኪዴሰ።

32 ኦቶራንቻይ ቆጵቲዲ ኩንዳና፤
 ዴንሳናይካ ዴና፤
 ኢዛ የሾን ዲዛይታ
 ኡባ ሚዛ ታማ
 ኢዛ ካታማታ ቦላ
 ዩዳና» ጌሰ።

33 ጎዳይ ኡባፌ ዋልቃማ ጸሳይ፤
 «ኢሰራኤል ኣሳይኔ የሁዳ ኣሳይ
 ኢሰ ቦላ ቆሄቲዴሰ፤
 ዲኢዳይቲ ኡባይ
 ኢሰታ ሚንላ ኦይኪዳ፤
 ኢሰታ ዩዳናሰ ኢዲዳ።

34 ጊዶ ኣቲን ኢሰታ ዋዚዛይ ሚና፤
 ኢዛ ሱንሳይካ
 ጎዳ ኡባፌ
 ዋልቃማ ጸሳይ፤
 ኢሰቲ ቢታሰ ሸምፖ ኢማናሰ
 ኬሂ ባጾቲሰ፤
 ጊዶ ኣቲን ባቢሎንን ዲዛይታሰ
 ሸምፖ ቆይሴሰ» ጌሰ።

35 ጎዳይ፡ «ማሻይ
 ባቢሎን ኣሳ ቦላ ዩዴሰ፤
 ኢዚን ዲዛ ኣሳታ ቦላ፤
 ማታይ ዲዛ ኣሳታ ቦላኔ
 ኣጵ ኤራንቻታ ቦላ
 ሰፋናሰ ሾዴቲዴሰ።

36 ማሻይ ዋርዶ ጊዲዳ
 ኢዚ ናቤታ ቦላ ዩዴሰ፤
 ኢሰቲ ኤያታ ጊዳና፤
 ማሻይ ኢሰታ
 ኦላንቻታ ቦላ ሾዴታና፤
 ኢሰቲካ ሸርታና።

37 ኢሰታ ፓራታ ቦላኔ
 ኢሰታ ፓራ-ጋራታ ቦላ
 ቃሴ ኢዚ ጊዶን ዲዛ
 ሃራ ዴሬ ዋታዲራታ ቦላ
 ማሻይ ያና፤
 ኢሰቲካ ማጫሳታ ማላ ጊዳና፤
 ማሻይ ኢዚ ኣቆታ
 ኡባ ቦላ ያና፤
 ኢሰቲካ ቦንቁታና።

38 ቢታያ ባቢሲዛኔ ኣሰ ጎሺዛ
 ኤቃ ጸሳታን ኩሚዳ ገሻሰ

ኢዚ ሃላታ ቦላ
 ኣርሼይ ኬዛና፤
 ኢሰቲካ ማላና።

39 «ሄሳ ገሻሰ ባዘ ዶኣታሲኔ
 ጎዳሬሰ ዲሳሶ ጊዳና፤
 ጉቶሰ ኣቆሶ ጊዳና፤
 ሃይሳፌ ጉዬ ኦኒካ
 ኢዚን ዴና፤
 ዩሌታፔ ዩሌታ ጋካናሰ
 ኢዚን ኡታናይ ቤቴና።

40 ሶዶሜኔ ጋሞራ ካታማ
 ኢሰታ የሾን ዲዛ ዴሬታ
 ኣሲ ዶንታ ማላ ኦሊዴሰ፤
 ሄሳቃካ ኦኒካ
 ሄን ዴና፤
 ኢዚን ኡታናይካ ቤቴና» ጌሰ።

41 «ቤኢቲ! ፑዳሃ ባጋፌ
 ኣሳይ ዩሳ ቦላ ዴሰ፤
 ኢሰ ዋልቃማ ካዎቴሌኔ
 ዳር ካዎቲ
 ሳኣ ጋጸፔ ዴንዲዳ።

42 ኢሰቲ ዋንዳፌታኔ
 ማሻታ ኦይኪዳ፤
 ኢሰቲ ማሮንታ ማንጾ ኢታታ፤
 ማሮካ ኦሌቴና፤
 ኢሰቲ ፓራታ ቶጊሺን
 ኢሰታ ጊሪሳይ
 ኣባ ዳምባላ ማላ ጉሜሰ፤
 ሃኔ ባቢሎን ማጫ ናዩ!
 ኦላሰ ጊጌቲዳ ኦላንቻታ ማላ
 ኔ ቦላ ያና።

43 ባቢሎን ካዎይ
 ኢሰታ ገሻሰ ሲዩዴሰ፤
 ኢዛ ኩሼቲካ ዶጪዳ፤
 ኢዛ ጩጩይ ኦይኪዴሰ፤
 ሚጻይ ኦይኪዳ
 ማጫሳ ማላ ሳኬቲዴሰ።

44 ጋሞይ ዮርዳኖሴ ዋራታፔ
 ማሄ ሄሚዛ ዴምባን
 ኬዚ ዋጲዛ ማላ
 ታኒካ ባቢሎንይ ቆፖንታ
 ዲሺን ኬዛ ዋጲና፤
 ኢዚ ቢታፌ ታ ኢዛ ጎዳና፤
 ታ ዶሪዳይሳ ኢዚ ቦላ ሹማና፤
 ታ ማላይ ኦኔ?
 ታናራ ኤቁታና
 ዳንዳይዛይ ኦኔ?
 ታናራ ኤቁታና ዳንዳይዛ
 ሄንላንቻይ ኦኔ?

45 ሄሳ ገሻሰ ጎዳይ
 ባቢሎን ቦላ
 ሃልቲዳ ሃልቲ፤
 ባቢሎን ቢታ ቦላ
 ቆፒዳ ቆፋ ሲዩቲ!
 ጉላ ወዴይ ጎሼቲ ባና፤
 ኢሰታ ጋሶን ሄሚዛሶሆዛ

ሙሉራ ዳይሳና።
 46 ባቢሎን ኩንዳላ ገሪሲ
 ቢታ ቃላና፤
 ኢዚ ዋሶይ ካዎቴላ
 ኡባ ጋርሳን ኮሹማና» ጌሰ።

51

ባቢሎን ዳዮ ገሻሰ ዮቴተዳ ኪታ
 1 ጎዳይ፥ «ቤአቴ! ባቢሎንኔ
 ኢዚን ዲዛይታ ቦላ
 ዳይሲዛ ጫርኮ ታኒ ዬዳና።
 2 ኢዚ ሱራጋናሲኔ
 ኢዘ ዳይሳናሰ አላጋታ
 ታ ባቢሎን ቦላ ኪታና፤
 ኢዘ ማቶተዳ ጋላሰ
 ኢዘ ደዲ ኦይኪዲ ኡንኤላና።
 3 ዋንዳፌ ዲኪዛይቲ
 ባ ዋንዳፌ ዲካናሰ፥
 ባ ኦላ ማይኦ
 ማይኣና ጋካናሰ
 ሼዎፖ አዎፍቴ፤
 ናቴላ ኢዚ ናይታሰ ቃዴቶፍቴ፤
 ኢዚ ኦላንታታ ሙሉራ ዳይሲቴ።
 4 ኢሰቲ ባቢሎን ቢታን ሲፊቴዲ፥
 ኢዚ ኦጌታን ሃይቃና ጋካናሰ
 ማዲንጸዲ ኩንዳና።
 5 ኢሰታ ቢታፖ ኢሰራኤል
 ጌሻ ሰንላን
 ሞርን ኩሚዳ ገዲኮካ
 ኢሰራኤልኔ ዩሁዳ ኡባፌ
 ዋልቃማ ጎዳይ ኢሰታ ጸሳይ
 ኢሰታ ዩጌ ኣጌቤና።

6 «ባቢሎንቴ ባቃቲ ኬዚቴ!
 ኤሌሊዲ አንቴ ሼዎፖ አሺቴ፤
 ኢዚ ናጋራ ጋሶን ዳዮፕቴ፤
 ሃይሲ ጎዳይ ሃሎ ኬሲዛ ዎዴ
 ኢዚ ኦሶ ማላ ኢዚሰ አማና።

7 ባቢሎንይ ጎዳ ኩሼን
 ዋርቃ ደኣ፤
 ቢታ ኡባ ማሳሳዲሰ፤
 ካዎቴላቲ ኡባይ
 ኢዚ ዎይኔ ኡሻ ኡዪዳ፤
 ሄሳ ገሻሰ ሃኢ ጎዪዳ።

8 ባቢሎንይ ቆፖንታ ዳሼ
 ኩንዳ ሜቃና፤
 ሄሳ ገሻሰ ኢዚሰ ዋሲቴ!
 ኦኔ ኤሪዛይ ኢዛ ፓጸናኮ
 ኢዚ ማዲንሳሰካ ዳሌ ኮዪቴ።

9 «አሳይ፥ ሓኒ ባቢሎን
 ፓላናሰ ባጾቲዳሰ፤
 ኢዘ ገዲኮ ፓጸና ዳንዳዩኩ፤
 ኢዚ ፐርዳይ
 ፑዴ ሳሎ ጋኪዳ ገሻሰ
 ሻራን ጋካናሰካ
 ቶቁ ገዳ ገሻሰ

ኢዘ አጋገዲ አኔ
 ኦ ዴሬ ዴሬ ሲሞሰ።
 10 ጎዳይ ኦ ሱራቴላ ገሻሰ
 ማርካቲዳሰ፤
 አኔ ሃ ዪቴ፤ ጎዳ ኦ ጸሳይ
 ኦሊዳይሳ
 ጸዮን ኣዎጆሰ) ገዴሰ።

11 «ቶራታ ሌፍቴ፤
 ጎንዳሌታካ ገግሲቴ፤
 ጎዳይ ባቢሎን ዳይሳና
 ቆፕዳ ገሻሰ
 ሜዶኔ ካዎታ ዴንጼሊዳሰ፤
 ጎዳይ ሃሎ ኬሳና፤
 ባ ኬላ ገሻሰ
 ሃሎ ኬሳና።

12 ባቢሎን ገምቤታ ቦላ
 ማላታ ኤሲቴ፤
 ሚንሳ ናጌቴ፤
 ዛቤ ናጌዛይታ ኤሲቴ፤
 ዛማዲ ኡቲዲ ኦሊዛይታ ገግሲቴ።
 ጎዳይ ባቢሎን አሳ ቦላ
 ቆፕዳ ቆፋኔ ባ ሃልቾ ፖላና።

13 ሃኔ ዳር ሻፋታ
 ማታን ዲዛሬ!
 አቆታን ኬሃ ዲሬቲዳሬ!
 ኔ ዳያና ዎዴይ ጋኪዳሰ፤
 ኔሰ ዉርሴሊ ጋኪዳሰ» ጌሰ።

14 ጎዳይ ኡባፌ
 ዋልቃማ ጸሳይ፥
 «ቦሌይ ቢታ ኩሚዛ ማላ
 ዳር አሰ ታ ኔ ቦላ ዬዳና፤
 ሄይቲ ኔና ጸኒዳ ኡፋይሳፌ
 ዴንዲዳይሳን ኔ ቦላ
 ጨቁታና» ገዲ
 ባ ሱንላን ጫቂዳሰ።

ጋላታ ዬላ

15 «ጸሲ ባ ዋልቃን
 ሳኣ ሜዲዳሰ፤
 ባ አዶ ኤራቴላን
 አላሜ ገግሲዳሰ፤
 ሳሎታካ ባ አኬካን ሚጪዳሰ።

16 ኢዚ ባ ጨንጉርሳ ሲሲዛ ዎዴ
 ሳሎን ዲዛ
 ሃላቲ ጉሚቴሰ፤
 ሻራታ ኢዚ ሳኣ ጋጸፔ ኤሄሰ፤
 ኡራራ ዋልቃንላ ኪቴሰ፤
 ባ ሚንጆሶሆፕካ
 ጫርኮ ኪቴሰ።

17 «አሰ ኡባይ ደማኔ
 ኤራቴላ ባይንዳይሳ ገዲዳሰ፤
 ዋርቃ ሴሪሲዛይቲ ኡባይ
 ባ ኦሊዳ
 ኤቃ ሚሰሌታን ዬላቲዳ፤
 ኢሰቲ ገግሲዳ ሚሰሌቲ ዋርዶኔ
 ሼዎፖይ ባይንዳይታ።

18 ኢስቲ ሃዳኔ ካዴቲዳይታ፤
 ኢስታ ቦላ ፐርዳይ ዪዛ ዎዴ
 ኢስቲ ዳያና።
 19 ያቆቤ ቃዳይ ገዲኮ
 ሄይታጎታ ማላ ገዲና፤
 ኢዚ ኡባ ሜዲዳይሳ፤
 ኢስራኤል ኣሳይ
 ኢዚ ባስ ዶሪዳ ዴሬ፤
 ኢዛ ሱንሳ ጎዳ
 ኡባሬ ዎልቃማ ጸሳ» ጌስ።

ጸሳ ጸምእ

20 ጎዳይ፡ «ባቢሎኔ
 ኔኒ ታ ጸምእኔ ኦላ ማሳራ፤
 ኔናን ጎኤታዳ
 ታኒ ዴሬ ኡባ
 ሜንፍሬላዲሰ፤
 ቃሴ ካዎቴላታካ
 ዳይሳዲሰ።
 21 ኔናን ፓራታኔ
 ፓራ ቶገዛይታ ዳይሳዲሰ፤
 ፓራ-ጋራታኔ
 ኢስታ ላገዛይታ
 ሜንፍሬላዲሰ።
 22 ኔናን ማጫሳታኔ
 ኣቲማሳታ ሜንፍሬላዲሰ፤
 ጨማታኔ ናቴላታ
 ሜንፍሬላዲሰ፤
 ፓንሳታኔ ጌላኦታ
 ሜንፍሬላዲሰ።
 23 ኔናን ሄንላንቻታኔ
 ወዴታ ሜንፍሬላዲሰ፤
 ጎሻንቻታኔ ቦራታ
 ሜንፍሬላዲሰ፤
 ዴሬ ሃሪዛይታኔ ሹሜታ
 ሜንፍሬላዲሰ» ጌስ።

ባቢሎኔ ቦላ ዪዛ ቁጻቴ

24 ጎዳይ፡ «ጸዮኔ ቦላ
 ኢስቲ ኦሊዳ ኢታ ኦሶ ገሻሰ
 ባቢሎኔሰኔ ኢዘን ዲዛ ኡባሰ
 ኢንቲ ኢንቲ ኣይሬን ቤኢሺን
 ኢስታ ኦሶ ማላ
 ታ ኢስታሰ ኢማና» ጌስ።
 25 ጎዳይ፡ «ሃኔ ዳይሰዛ ዙማዬ!
 ቢታ ኡባ ዳይሰዛሬ!
 ታ ኔ ሁኤ ቦላ ዳይሰ፤
 ታኒ ታ ኩሺ
 ኔ ቦላ ዴንላና፤
 ታ ኔና ኣፎ ሁኤፐ
 ዲጌ ቡሉላና፤
 ታ ኔና ጸጌቲዳ
 ዙማ ሂሰታና።
 26 ኔፔ ዮቻ ሹቹ ቤቴና፤
 ጉላሰ ገዲዛ
 ሹቹ ኤኬቴና፤
 ኔኒ ሜርናሰ ቡላ ገዳና» ጌስ።
 27 «ቢታ ኡባ ቦላ
 ባንዲራ ዴንላቴ፤
 ካዎቴላታ ገደን

ዛዬ ፑኒቴ፤
 ካዎቴላታ ኢዚ ቦላ
 ኦላሰ ገግሲቴ፤
 ኣራራቴ፡ ማናኔኔ
 ኣሽኬናዜ ካዎታ
 ኦላሰ ኢዚ ቦላ ጴይጊ ሺሺቴ፤
 ኦላ ጋዳዎ ኢዚ ቦላ ሹሜቴ፤
 ቦሌ ወዴ ማላ
 ፓራታ ኢዚ ቦላ ዬዲቴ።
 28 ሜዲኔ ካዎታ፡
 ኢዘ ኣይሰዛይታኔ
 ኢዚ ሹሜታ ኡባ፡
 ኢስቲ ሃሪዛሶን ዲዛ
 ካዎቴላታ ኡባ
 ኢዚ ቦላ ኦላሰ ገግሲቴ።
 29 ባቢሎኔ ኦኒካ ደንታ
 ባዙ ቢታ ሂሰታናሰ
 ጎዳይ ቆፐዳ ቆፋይ
 ፖሌታና ዎዴይ ጋኪዳ ገሻሰ
 ቢታይ ኮኮሪሰ፤
 ሜቶንካ ፖፖርቁ ጌስ።
 30 ባቢሎኔ ኦላንቻቲ ኦላ ኣጊዳ፤
 ባንታ ሚጸን ኡቲዳ፤
 ኢስታሰ ዎልቃይ ወሪዴሰ፤
 ኢስቲ ማጫሳ ማላ ገዲዳ፤
 ኢስታ ኬላቲካ ጸጌቲዳ፤
 ኢዚ ፔንጌ ኮላታቲ ሜቁራቲዳ።
 31 ካታማያ ሙሌራ ኦይኬቲዳይሳ
 ባቢሎኔ ካዎሰ ዮታናሰ፡
 ኢሲ ዮምባይ ሃራ ዮምባሰ፡
 ኢሲ ቃሰታኔይ ሃራ ቃሰታኔሰ
 ሃራካ ቶሆ ቦላ ካሌሰ።
 32 ሻፋ ፒኒዛ ፑርዴቲ
 ኦይኬቲዳይሳ፡
 ሻፋ ማታን ዲዛ ሚጸቲ
 ጸጌቲዳይሳ፡
 ኢስታ ዎታዳራቲ ባቦን
 ቡልኣኬቲዳይሳ፡
 ዳጋሚዳይሳ ዮታናሰ
 ዎጶሬቴቴሰ» ጌስ።
 33 ኡባሬ ዎልቃማ ጎዳ
 ኢስራኤል ጸሳይ፡
 «ባቢሎኔ ማጫ ናይቲ
 ካል ቡካናሰ ገገዛ ባሌ ማላ፤
 ካላ ሺሾ ዎዴይ ኢዚ ቦላ
 ኤሶን ጋካና» ጌስ።
 34 ባቢሎኔ ካዎ
 ናቡካዳናጸሬይ
 ዬሩሳላሚ ኣቆታ ቦንቁዴሰ፤
 ጋጪ ሊቂሲዴሰ፤
 ኣይኮይ ባይንዳ
 ካይሳ ኦቶ ኬሲዴሰ፤
 ዳዌይ ሚቲዛ ማላ
 ዴራ ሚቲዴሰ፤
 ማልኦ ሚዛ ማላ ሚዲ
 ጉዬፔ ኦና ኬሲ ጩቲዴሰ።
 35 ሄሳ ገሻሰ ጸዮኔ ኣሳይ፡
 «ኦ ቦላ ጋኪዳ ጌኔይ
 ባቢሎኔ ቦላ ጋኮ» ጌስ፤

ዩሩሳሌም፡ «ኑ ሱሉ
 ባቢሎንን ዲዛ
 አሳታ ቦላ ጊደ» ጋዉስ።
 36 ሄሳ ገሻሰ ጎዳይ፡
 «ኔ ገሻሰ ታ ሞቲታና፤
 ኔ ሃሎካ ኬሳና፤
 ኢዚ አባኔ ፑልቶ ሃላታ
 ታ ሜሊሳና።
 37 ባቢሎን ደረሰህ
 ደረተዘሰ ገዳና፤
 ዋራካናቲ ካኢዘሰ ገዳና፤
 ዳጋማሲኔ ቁጭሰ
 ማላታ ገዳና፤
 ኦኒካ ኢዚን ዳና።
 38 ኢዚን ዲዛ አሳይ
 ዋዳላ ጋሞ
 ማላ ጸጌሰ፤
 ጋሞ ማራ ማላ ዳሪሰ፤
 ኢሰቲ ሆኤቲ ዳንዳቲሽን
 ታ ኢሰታሰ ገቢራ ገገሳና፤
 ኢሰቲ ማሳታና ማላ ኦሳና።
 39 ሚጫሽ ሜርናሰ ቤጎንታ
 ጳሰኮ ጳሰካና።
 40 ላቃ ማላ፡ ጳርሾ ማላኔ
 ኮርቤ ማላ
 ታ ኢሰታ ሹካሰ ኤፋና።
 41 «ሼሻካ ዋና ዲኤታዳ! *
 ሳኦ ኡባይ ኢዚን ጨቁቲዛራ
 ዋና ኦይኬታዳ!
 ባቢሎን ያዋቲላታ
 ኡባ ሲንላን
 ኦይ ማላ ዳጋንሊዛዝ ገዳዳ።
 42 አባይ ባቢሎን ቦላ ኬዛና፤
 ዳምባላይካ ጉሚሽ
 ኢዘ ሚታና
 43 ኢዚ ካታማቲ አሲ ባይንዳሶ፡
 አሲ ሞኪ ዴሎንታሶ፡
 ሜላኔ ባዘ ቢታ፡
 አይኮይ ባይንዳ
 ቡላ ቢታ ገዳና።
 44 ቤሌ ታኒ ባቢሎን ቃጸያና፤
 ኢዚ ሚቲዳይሳካ ታ ጮሻና፤
 ሃይሳፌ ካዋቲላይ
 ኢዘኮ ጎጌና፤
 ባቢሎን ገምቤይ ኩንዳና።
 45 ታ ዳራቶ! ኢዚፔ ኬዚፔ፤
 ኢንቲ ሽምፖ አሺፔ፤
 ያሽዛ ጎዳ ሃንቆፌ
 ኬሰ ኤኪ ኦቲፔ።
 46 ዋሪይ ቢታይን ሴቲቲሽን
 ሂዳታ ቃንጸፍቲን ባባፍቲ፤
 ካዋይ ካዋ ቦላ ዳንዲዛይሳ፡
 ማካላቲሌ ቢታይ ቦላ
 ዲዛይሳ ኢሲ ዋሪይ ሃ ላይላን፡
 ሃራይ ላይሌ ካሊዲ ያና።
 47 ቱማፔ ታኒ ባቢሎን
 ኤቃ ጸሳታ

ቃጸያና ዋዳይ ያና፤
 ቢታያ ኩሜሌ ካዉያና፤
 ሲፌቲዳይቲ ኡባይ
 ኢዚን ፖርጫ ገ ኩንዳና።
 48 ጳይሲዛይቲ ፑዳሃ ባጋፌ ዩዲ
 ኢዘ ኦሊዛ ገሻሰ
 ሳሎይኔ ሳኦይ
 ቃሴ ኢሰታ ገደን ዲዛ ኡባይ
 ባቢሎን ቦላ
 ኢሊሊ ጋና» ጌሰ።
 49 ጎዳይ፡ «ቢታ ኡባን ሲፌቲዳይቲ፡
 ባቢሎን ጋሶን ኩንዲዳ ማላ
 ኢሰራኤልን ሲፌቲዳይታ ጋሶን
 ባቢሎን ኩንዳና
 ቤሳዉሰ» ጌሰ።
 ባቢሎን ዲዛ ኢሰራኤል አሳሰ ከቲቲዳ ኪታ
 50 ኢንቲኖ ማሻፌ ኬሰ ኤኪ ኦቲዳይቶ!
 ቢፔ፤ ሃይሳን ታኮፍቲ፤
 ሃኮ ቢታን ዲዛይቶ
 ጎዳ ኦኬኪፔ፤
 ዩሩሳሌም ነቲፔ።
 51 «አላጋቲ ገሻሰሆ
 ጎዳ ኬሌ ጌሊዳ
 ገሻሰ፡ «ኑኒ ጫዩቲደሰ፤
 ዩላይ ኑ ሲንሌ ካሚዳሰ፤
 ካዉሻቲሊካ
 ጉሉንቲደሰ» ጌቲ» ጌሰ።
 52 ገደ ኦቲን ጎዳይ፡
 «ባቢሎን ኤቃ ጸሳታ
 ቃጸያና ዋዳይ ያና፤
 ኢዚ ቢታ ኡባን
 ማዲንጸዳይቲ ጎታራና።
 53 ባቢሎን ፑዳ ሳሎ ኬዚኮካ፡
 ጳቁ ገዳ ሚኖ ሚጸ
 ኦሊኮካ ታኒ ጳይሲዛይታ
 ኢዚ ቦላ ዩዳና» ጌሰ።
 ባቢሎን ጳዮ
 54 «ባቢሎንፔ ዋሶይ ሲዩታና፤
 ኢሰታ ቢታፌ ጌታ ባሻ
 ጨንጉርሲ ሲዩታና።
 55 ጎዳይ ባቢሎን ጳይሳና፤
 ኬሃ ዋሲዛ ኢዚ ዋሶዛ
 ጮኤ ሂሰታና፤
 ኢሰታ ሞርኬቲ
 ጌታ ሃላ ማላ ጉማና፤
 ኢሰታ ዋሶይካ ኮሹማና።
 56 ባቢሎን ጳይሲዛ ሚሽ ያና፤
 ኢዚ ኦላንቻቲ ዲኤታና፤
 ኢሰታ ዋንዳፌይካ ሜቃና፤
 ጎዳይ ጌኔ ኦሶ ገሻሰ
 ሃሎ ኬሲዛዳኔ
 ኢዚ ሃኒዛ ሚሽ ኡባሰ
 ቤሲዛ ዋጋ ቃንጸዛ ጸሳ።
 57 ኢዚ ሹሜታኔ አጵ ኤራንቻታ

* 51:41 ሼሻካይ ባቢሎን ካታማ ጉሳ። 51:48 ኦጂ 18:20 51:49 ኦጂ 18:24

ኢዛ ሃሪዛይታኔ ጌታ አሳታ፤
ኢዚ ኦላንቻታ ታኒ ማሰሳና፤
ኢሰቲ ሜርናስ ኢቻና፤
ሰሚዲካ ቤጌቲና» ጌሰ
ኢዛ ሱንላ ጎዳ
ኡባፌ ዋልቃማ

ጳላ ጌቲቲዛ ካዎይ።
58 ጎዳይ ኡባፌ ዋልቃማ ጳላይ።
«ጉባይ ዳልጋ ጌዲዳ
ባቢሎኔ ገምቤቲ ላሌታና፤
ጶቁ ጌዳ ኢዚ ፔንጌቲካ
ታማን ጸጌታና፤

አሳይ ሃዳ ዳቡሬስ፤
ካዎቲታ ዳቡሬይ
ታማስ ጸላ ጌዳና» ጌሰ።
59 ዩሁዳ ካዎ ሴዴቂያሲ ካዎቲዳ ኦይዳንሶ ላይላን
ካዎዛ ገቤ ዛቤዚ ማኢሴያ ናዛ ኔሪያ ና ሳራያይ
ካዎዛራ ባቢሎኔ ቢዳ ዋዴ ናቤ ኤርማሲ ኢዛሰ
ዮቲዳ ኪታይ ሃይሳ።

60 ኤርማሲ ባቢሎኔ ገሻሰ ካሴ ጸፊ ዋላዳይሳ
ኡባ ባቢሎኔ ቦላ ያና ባሽ ኡባ ጸላ ማጻፋን ጸፊደስ።
61 ሳራያሰካ፡ «ኔኒ ባቢሎኔ ጋኪዳ ማላ ሃይሳ ቃላ
ኡባካ ኔ ቃላ ጶቁ ሂሰታዳ ናባባናይሳ ባሎፓ።

62 ኔኒ፡ ሓቤት ጎዳዉ! ኔኒ ሃኖ ሃ ሶሆዩን አሰ
ጌዲን ማሄይ ሙሌራ ጳያና ጋካናሰ ሜርናስ ቡላ
ኬሳና ጋዳሳ» ጋ።

63 ኔኒ ሃይሳ ጸላ ማጻፋዛ ናባባ ወርሲዳፔ ጉዬ
ኢዛ ጌዲን ሹቶ ቃቻዳ ኤፊራጲሴ ሻፋን ኤፋ ዬጋ።

64 ሂሰታዳ፡ «ባቢሎኔይካ ታ ኢዚ ቦላ ኤሂዛ
ባሻፌ ዴንዲዳይሳን ሃይሳሶ ሚቲታና፤ ናምኣንሶ ሰማ
ዴንዲኩ፤ ኢዚ አሳይካ ኩንዳና» ጋ» ጌሰ። ኤርማሲ
ሃሳይዳ ቃላይ ሃይሳን ፖሌቲደስ።

52

ዩራሳላሜ ኩንዳላ
(2ታሪ 24:18-20፤ 25:1-7)

1 ሴዴቂያሲ ካዎቲዛ ዋዴ ኢዛሰ ላይላይ ናምኡ
ታማኔ ኢሲና፤ ኢዚ ዩራሳላሜን ታማኔ ኢሲ ላይላ
ካዎቲደስ፤ ኢዛ አይይ ሱንላ ኣምጸሎ ጌዲሺን ኢዛ
ሊቢና ዴሬ አሰ ኤርማሳ ና።

2 ሴዴቂያሲካ ኢዮአቁሜይ አላይሳሶ ጎዳ ሲንላን
ኢታ ሚሽ አሊደስ።

3 ጎዳይ ዩራሳላሜ ቦላኔ ዩሁዳ ቦላ ሃሳ ኡባካ
ጋሊዳይኔ ወርሴላን ኢዚ ባ ሲንላፊ ዲጊዳይ
ሃንቁቲዳ ገሻሳ።

ሴዴቂያሲካ ባቢሎኔ ካዎ ቦላ ማካሊደስ።

4 ሃሳ ገሻሰ ሴዴቂያሲ ካዎቲዳ ኡዲፋንሳ ላይላን
ታማንሳ አገናን ታማንሳ ጋላሰ ባቢሎኔ ካዎ
ናቡካዳናጸሬይ ባ ኦላ ዋታዳራታ ኡባ ሺሺ ኤኪዲ
ዩራሳላሜ ቦላ ዋራጂደስ። ካታማዮካ ጌደሊደስ፤
ዩዩ አጳናሰ ኩላ ኩሊደስ።

5 ካታማያካ ካዎ ሴዴቂያሲ ካዎቲን ኢዛሰ ላይላይ
ቢዲ ታማኔ ኢሲ ላይላ ጌዳና ጋካናሰ ጌደሊዳ ማላ
ጋምኣደስ።

6 ኦይዳንሳ አገናን ኡዲፋንሳ ጋላሰ ሄ ካታማይን
ኮሻይ ሚኒዳ ገሻሰ ዴሬዛሰ ማና ካሊ ጳይደስ።

7 ሄ ካታማይ ገምቤይ ላሌቲደስ፤ ኦላ አሳይ
ኡባይካ ኬዚ ባቃቲደስ። ባቢሎኔ ዴሬ አሳይ ሄ
ካታማይ ዩሽን ዲኮካ ካዎዛ ኣታኪልቲ ኣቻን ናምኡ
ገምቤታ ጌዲን ዲዛ ፔንጌዛራ ጌደላ ካታማይፔ ኬሲ
ኤኪ ባቃቲዳ ኣራቤ ጌቲቲዳሰ ቢዳ።

8 ባቢሎኔ ዴሬ ኦላንቻቲ ካዎ ሴዴቂያሳ ዩዴሊዲ
ኢያርኮ ዴምባን ኢዛ ጋኪዳ፤ ዋታዳራቲ ኡባይካ
ኢዛፔ ሻኬቲዲ ላሌቲላን ዲሺን ካዎዛ ኦይኪዳ።

9 ኢዛ ሃማቲ ዴሬን ኤሬቢላ ጌቲቲዳሰን ዲዛ
ባቢሎኔ ካዎኮ ኤፊዳ፤ ባቢሎኔ ካዎይ ሄን ኢዛ ቦላ
ፒርዲደስ።

10 ኤሬቢላን ባቢሎኔ ካዎይ ሴዴቂያሳ ኣቱማ
ናይታ ኢዛ ሲንላን ሹኪደስ፤ ዩሁዳ ዴሬ ሹሜታ
ኡባካ ዋዲደስ።

11 ሴዴቂያሳ ኣይፊታካ ዋጪ ኬሲደስ፤ ጸርቂማላ
ሳንሳላታን ኢዛ ቃቸዲ ባቢሎኔ ኤፊደስ፤ ሂሰቲዲ
ኢዚ ሃይቃና ጋካናሰ ሄን ቃሾ ኬላን ጋምኢሲደስ።

12 ባቢሎኔ ካዎ ናቡካዳናጸሬይ ካዎቲዳ ታማኔ
ኡዲፋንሳ ላይላን ኢቻሻንሶ አገናን ታማንሳ ጋላሰ
ባቢሎኔ ካዎዛ ቦንቾ ናጊዛ ዋታዳራታ ሃላቃይ ካዎ
ሹሜ ናቡዛራዳይይ ዩራሳላሜ ዩደስ።

13 ጎዳ ኬላዛኔ ካዎቲላ ኬላ ሃሳሳካ ዩራሳላሜን
ዲዛ ኬላ ኡባካ ታማን ጸጌደስ፤ ሃራ ዋልቃማ
ኬላታካ ዲፒ ሂሰቲ ጸጌደስ።

14 ካዎዛ ቦንቾ ናጊዛ ዋታዳራታ ሃላቃፔ ጋርሳራ
ዲዛ ባቢሎኔ ኦላንቻቲ ኡባይ ዩራሳላሜ ዩሽን ዲዛ
ገምቤዛ ኡባ ላሊዳ።

15 ናቡዛራዳይይ ኢሲ ኢሲ ማንቆታ፡ ካታማይ
ጌዲን ኣቲዳ አሳታ፡ ሂላንቻታኔ ባቃቲዲ ባቢሎኔ
ካዎሰ ኩሼ ኢሚዳይታ ዴንላ ኤፊደስ።

16 ጌዳ ኣቲን ናቡዛራዳይይ ሃንኮ ሄ ቢታን ዲዛ
ማንቆታ ዋይኔ ቶካናሲኔ ጎሻንቻታ ጌዳና ማላ ሄን
ኣጌደስ።

17 ባቢሎኔ ዴሬ አሳይ ጎዳ ኬላን ዲዛ ጸርቂማላ
ቱሳታ፤ ሚሻታ ኢሰታ ቦላ ዋላዲ ኢሲ ሶሆፔ ሃራሶ
ኤፊዛ ጋሬታኔ ጸርቂማላፔ ኦሴቲዳ ሃላ ጎንጌታ
ሚንሴሬላ ዩጊዳ፤ ጸርቂማላ ኡባካ ባቢሎኔ ኤኪ
ቢዳ።

18 ሄይታፔ ሃራካ ጸርታ፡ ታማ ካሺዛ ኮንኣታ፡
ቃጶታ፡ ኬሬታ፡ ጨልፋታኔ ጎዳ ኬላ ጌዲን ኦሶሰ
ጎኢዛ ጸርቂማላፔ ኦሴቲዳ ሚሻታ ኡባካ ኤኪ ቢዳ።

19 ካዎ ቦንቾ ናጊዛ ዋታዳራታ ሃላቃይ ሙሩታ
ዋርቃፊኔ ሙሩታ ቢራፔ ኦሴቲዳ ሚሻታ ኡባ፡ ጉቃ
ሳኔታ፡ ኤጻኔ ጩዋሲዛ ጸናታ፡ ኬሬታ፡ ቁሪ ጸርታ፡
ጸምፔ ኢሰታ ቦላ ዋላዲ ሚሻታ፡ ጨልፋታኔ ኡሻ
ያርሾ ኢሰታን ሺሺዛ ጸኣታ ኤኪ ቢደስ።

20 ካዎ ሶሎሞኔይ ጎዳ ኬላሰ ጸርቂማላፔ
ኦሴሲዳ ናምኡ ቱሳቲ፡ ሃላ ጎንጌ፡ ኢዛፔ ጋርሳ ባጋራ
ዲዛ 12 ዋፋኖቲኔ ሚሻታ ኢሰታ ቦላ ዋላዲ ኢሲ
ሶሆፔ ሃራሶ ኤፊዛ ጋሬቲ ኬሂ ዴጶቲስ።

21 ኢሲ ኢሲ ቱሳ ጌሳይ 18 ዋጳ፡ ጎምፓይ ዩዩ
ኣጳናሰ 12 ዋጳ፤ ኢዛሰ ጌደይ ደያ ጌዲዳ ገሻሰ ኢሳ
ኢሳ ደና ኦርዴቲላይ ኦይዲ ቢራጄይ ዋዲዛ ኬና።

22 ኢሲ ቱሳ ሁኤ ቦላ ዋዲዛ ጸርቂማላፔ ኦሴቲዳ
ቁሰቲይ ደስ፤ ኢሲ ኢሲ ጸርቂማላፔ ኦሴቲዳ ቁሰቲ

አዲሳቱላይ 5 ዋቋ ገዲሺን ዩዩ አቆናሰ ኦርሞኔ ሚላ አይፌ ሚሳቲዛ ጌጾን ጌጾቲዳሰ፤ ሃንኮ ቱሳይካ ሄ ኦርሞኔ አይፌ ሚሳቲዛ ጌጾን ጌጾቲ ካሴይሳራ ኢሲኖ ሚሳቲዳሰ።

23 ኡዱፋን ታማኔ ኡሱፑን ኦርሞኔ ሚላ አይፌቲ ሚሊ ባጋራ ዋዬይ ባይንዳ ቤተዛይታ ገዲሺን ዩሾዛን ዲዛ ኦርሞኔ ሚላ አይፌታ ቆዳይ ጾታ።

24 ካዎዛ ቦንቾ ናጊዛ ዎታዳራታ ሃላቃይ ካሴ ቄሴታ ሃላቃ ሳራያ፣ ኢዛፔ ጋርሳራ ዲዛ ቄሴ ሶፎናሳኔ ፔንጌ ናጊዛ ሄቸ ዛቤታ ቃቺ ኤፊዳሰ።

25 ካታማ ገደን አቲዳ አሳፔ አላንቻታሰ አላፌ ገዲዳ አላ ጋዳዎ፣ ካዎ ዞሪዛ ላፑናታ፣ ዴሬዛ ገደፌ አላንቻታ ደሪዛ አላ ጋዳዎ፣ ጸፊዛኔ ካታማ ገደን ቤቲዳ ሃራ 60 አሳታ ኤኪ ቢዳሰ።

26 ካዎዛ ቦንቾ ናጊዛ ዎታዳራታ ሃላቃ ናቡዛራዳኔይ ሄይታንታ ኡባ ኤኪዲ ባቢሎኔ ካዎይ ዲዛሶ ኤሬቢላ ጋሊዳሰ።

27 ካዎዚካ ኢሰታ ሄን ኤሬቢላን ዲፒ ሂሰቲ ዎቋዳሰ፤ ዩሁዳይካ ሄሳ ማላን ባ ቢታፌ ዲኤታ ባዲሰ።

28 ናቡካዳናጾሬይ ዲኢ ኤፊዳ ዴሬዛ ቆዳይ ሃይሳፌ ካሊ ዲዛይሳ፤

ኢዚ ባ ካዎቲዳ ላፑንላ ላይላን 3,023 አይሁዳታ፣

29 ባ ካዎቲዳ ታማኔ ኦሰፑንላ ላይላን ናቡካዳናጾሬይ 832 አሰ፣

30 ባ ካዎቲዳ ናምኡ ታማኔ ሄቸንላ ላይላን ናቡዛራዳኔይ 745 አይሁዳታ ዲኢ ኤፊዳሰ፤

ኢዚ ዲኢ ኤፊዳ አሳ ቆዳይ ኢሲ ቦላ 4,600።

ኢዮአኪኔ ቢርሼቲላ

31 ዩሁዳ ካዎ ኢዮአኪኔይ ዲኤቲዳ ሄቸ ታማኔ ላፑንላ ላይላን ዮራ-ሚርዴቄይ ባቢሎኔን ካዎቲዳሰ፤ ሄ ላይላንካ ታማኔ ናምኡንላ አገናን ናምኡ ታማኔ ኢቻቫንላ ጋላሳን ዩሁዳ ካዎ ኢዮአኪኔ ቆፒዳሰ፤ ቃሾ ኬላፊካ ኢዛ ኬሲዳሰ።

32 ኢዛ ሎኦ ቃላን ሃሳይሲዳሰ፤ ባቢሎኔን ኢዛራ ቃሾሶን ዲዛ ካዎታ ኡባታፔ ቦላራ ኣሊዲ ኢዛ ቦንቾሶን ዎሊዳሰ።

33 ኢዮአኪኔይ ቃሾሶን ዲሼ ማይኢዳ ማይኦዛ ኢዛፔ ቃሪ ዩጊዳሰ፤ ሄሳፌ ቢዲ ሃይቃና ጋካናሰ ባ ዲዛ ዎዳ ኡባን ካዎዛ ማዳፌ ሚሼ ጋምኢዳሰ።

34 ባቢሎኔ ካዎ ኢዮአኪኔይ ቢዲ ሃይቃና ጋካናሰ ፓጩይ ባይንዳ ኡባ ዎዳ ኢዛሰ ማና ቃላባ ኢሚዳሰ።

ኤርምያ ዘላለ ጊደ ቆፋ

ኤርምያ ዘላለ ከርስቶሲ ዩሌታናፔ ካሴ 586 ላይላን ዩሩሳሌም ላላተዳ ገሻሲን ዳሪይ ጎዳተዳ ገሻሲ ኢቻሹ ዘላሳ ገንጾታ ሸሺ እይኪዳስ፤ ሃ ማጻፋን ዳሪዛ ባጋይ ዩሆ ገሻሲን ካፍቴላ ገሻሰ ዮቲዛ ገዲኮካ እሲ ጸሳን አማኔታና ገሻሲን ሂደታ ቃንጸንታ ዳና ማላ ታማርሲዛ ገንጾ ከፊሌይካ ኢዛን ዳስ፤ ሃይቲ ዘላሳቲ ኣይሁዳ ኣሳይ ከርስቶሲ ዩሌታናፔ ካሴ 586 ላይላን ዳሪ ሶላ ጋኪዳ ባሻ ዩሺ ቆጋና ማላ ላይላን ላይላን ጸማኒኔ ካፍቴላን ጸሳ ጎይና ዋጋታ ኢስቲ ፖሊዛ ጋላሳታን ጎኤቴቲስ።

ሃ ማጻፋይ ኦይኪዳ ኩሜላ ቆፋ

ኮይር ዘላለ፡- ዩሩሳሌም ዋይኔ ካፍቴላ 1:1-22
ናምእንላ ዘላለ፡- ጸሲ ዩሩሳሌም ሶላ ዩጊዳ ቁጻቲ 2:1-12
ሄቫንላ ዘላለ፡- ሲንላፌ ያና ሂደታ 3:1-66
ኦይዳንላ ዘላለ፡- ዩሩሳሌም ጳዮ 4:1-22
ኢቻሻንላ ዘላለ፡- ማርቴላ ዳማናሰ ዋሳ 5:1-22

ዩሩሳሌም ዋይኔ ካፍ

1 ካሴ ኢዚን ዳር ካዋቲላይ
ዲዛ ካታማያ
ዋናዳ ኦሌታ አታዳ!
ዳሪታ ገደን ካሴ ገታ ገዲዳራ
ዋናዳ አምኢ ማላ ገዲዳ!
አዉራጃታ ጋርሳን
ጎዳቶ ገዲዳራ
ሃኢ ዋናዳ ኣይሌ ገዲዳ!

2 ኢዛ ገደላ
ጫዋ ዩሆ ዩካወሰ፤
ኢዚስ ኣፋንላይካ
ሻጋላራ ጎጌስ፤
ኢዚ ላጌታፔ ኢዞ
ሚንሌላዛይ
ኦኒካ ዳና፤
ኡባቲካ ኢዞ ካዲዳ፤
ዛሪዲካ ኢዚስ ሞርኬ ገዲዳ።

3 ዩሁዳይ ዳር ዋይቲዳፔኔ
ቶሽቲዳፔ ጉዬ ዲኤታዲስ፤
ኢዛ ካዋቲላታ
ገደን ኡታዲስ፤
ኢዚስ ሸምፕዛሶይካ ጳይዳስ፤
ኢዛ ማቶ ጋርሳን ዲሸን
ጎዲዛይቲ ኡባይ ኢዞ ዳሚዳ።

4 ኦኒካ ኢዚ ባኣሌታ
ሶንቻናሰ
ዮንታ ገሻሰ ጸዮኔ ኦጌቲ ዩኬቴስ፤
ኢዚ ፔንጌታራ ጌሊዛይኔ
ኬዚዛይ ዳና፤
ኢዚ ቁሴቲ ጩጩቴስ፤
ጌላኦቲካ ሙዞቴቲስ፤
ኢዛካ ገታ ማቶ
ጋርሳን ቱጋታወሰ።

5 ኢዚ ናጋራይ ዳር ገዲዳ ጋሶን

ጎዳይ ኢዚ ሶላ ማቶ ዩጊዳስ፤
ኢዚ ሞርኬቲ ኢዞ ሃሪዳ፤
ኢዚ ናይቲካ ሞርኬታን ዲኤቲዳ፤
ኢዚ ሞርኬታስ ዲሲ ሎኢዳስ።

6 ጸዮኔ ማጫ ናይፔ
ኢዚ ፑላቴላኔ ቴማይ
ሻኬቲ ከቺዳስ፤
ኢዚ ዳናቲ ማታ
ሚዛሶይ ጳይዳ
ጌኔሳ ማላ ገዲዳ፤
ኢስቲ ባና ጎዲዛይታፔ
ዋልቃይ ዉሪን ባቃቲዳ።

7 ዩሩሳሌም ማቶቲዳ ዋይኒኔ
ዋይቲዳ ጋላሳታን
ካሴ ኢዚስ ዲዛ ኣቆታ
ዩሻ ቆጋወሰ፤
ኢዞ ሞርኬ ኩሸን
ኩንዲዳ ዋይ
ኢዞ ማዲዛይ
ኦኒካ ባይንዳ ዋይ፤
ኢዚ ሞርኬቲ ኢዚ ኩንዳላ
ቤኢዲ ኢዚ ሶላ ሚጫዳ።

8 ዩሩሳሌም ዳር ዳጾ
ናጋራ ኦላዲስ፤
ካዲሰካ ኣታዲስ፤
ኢዛ ካሎ ዲሸን ቤኢዳ ገሻሰ
ካሴ ኢዞ ሶንቺዳይቲ ኡባይ
ኢዞ ካጲዳ፤
ኢዛካ ባ ባጋራ ዩላታዳ
ቢታ ጾላሽ ጉዬ ሲማዲስ።

9 ኢዚ ቱናቴላ
ኢዚ ማይኦ ሶላ ቤቲዳስ፤
ሲንላፌ ኢዚ ሶላ ሃናናይሳ
ኢዞ ቆጋቤኩ፤
ኢዚ ኩንዳላ
ዳጋንላዛዝ ገዲዳስ፤
ኢዛ፡ «ታ ጎዳ ጸሶ!
ታ ማቶቲዛ ማቶዛ ቤኣ፤
ታ ሞርኬቲ ታና ጸኒዳ»
ጋ ዋሲንካ
ኢዞ ሚንሌላዛይ
ኦኒካ ቤቲቤና።

10 ኢዚ ኣቆታ ኡባ ሶላ
ሞርኬይ ባ ኩሽ ዩዲዳስ፤
ጸሳ ኣሳ ሸቆን
ጌሎንታ ማላ ኔኒ ዲጊዳይቲ
ኤቃ ጸሳታስ
ጎይኒዛ ኣይዛቤቲ
ጌዬ ኢዚ ጸሳ ኩላን
ጌሊሸን ቤኣዲስ።

11 ኢዚ ኣሳይ ሚዛ ካል ዳማናሰ
ኮሻን ዳቡሬስ፤
ሸምፖራ ፓጻ ዳናሰ ባስ ዲዛ
ኣቆታ ማና ካላራ ላሚቴስ፤
ዩሩሳሌም ኣሳይ፡ «ኣቤት ጎዳዉ!
ኦኒ ካዉዲዳስ፤
ኦና ጾላዳ ኦስ ቆጋ።

12 «ጎዳ ጸሲ

ባ ያልቃማ ሃንቆዛ
 ኑ ቦላ ዩዲዳ ዎዴ
 ኑ ቦላ ጋኪዳ ማቶ ማላ
 ማቶይ ጋኪዳ አሲ ዲዛ ገዲኮ
 አንቴኖ ኑጌራ አቋ ቢዛ
 ኡባቶ አኔ ቤአቴ!
 ሃ ማቶይ አንቴሰ
 ካዉሻ ማሳቴዜ?

13 «ኢዚ ቦላ ቋቃሶሆፔ
 ታማ ዩዲዳሰ፤
 ሄ ታማዚካ ኑሰ
 ማቆላን ጌሊዳሰ፤
 ኑ ቶሆታ ቃቻናሰ
 ገቴ ዩጌዳሰ፤
 ሂሰቴዲ ኑና
 ገዬ ዛሪ ኩንዲሲዳሰ፤
 ኩማላ ጋላሰ
 ኑና ዳቡርሲዳሰ፤
 ጮ ማላካ ቶይላሲዳሰ።

14 «ታ ናጋራ ሺሺ ቃቸዲ
 ታ ሞርጌን ዎሊዳሰ፤
 ታ ዎልቃካ ወርሲዳሰ፤
 ታኒ ኤቁታናሰ
 ዳንዳዮንታ ሞርኬታሰ
 ጎዳይ ታና አሉ አሚዳሰ።

15 «ኑ ጋርሳን ዲዛ ኦላንቻታ
 ኡባታራ ጸሲ ኤቁቴዳሰ፤
 ኑ ገደፌ ዩላጋታ ቆይሳናሰ
 ኦላንቻታ ኑ ቦላ ዩዲዳሰ።
 ዎይኔ ማላ አይፌ
 ኡሹ ኬሳናሰ
 ዩቋዛ ማላ
 ጎዳይ ቦሼቶንታ
 ጌላኦ ማሳቴዛ
 ዩሁዳ አሳ ዩቋዳሰ።

16 «ሞርኬይ ኑ ቦላ ጎቢዳሰ፤
 ኑ ናይቴካ ባርካ አቴዳ፤
 ኑና ዞሪ ማንጮሊዛይቴ
 ኑፔ ሃኪዳ፤
 ሄሳ ገሻሰ ታ ዩካይሲኔ
 አፋንሳ ጉሳይሰ።

17 ጸዮና ባ ኩሼ ማጫዲሰ፤
 ኢዞ ማንጮሊዛይይ ዳና፤
 ያቆቤ ዛሪታሰ ሾሮቴ
 ኢዛሰ ሞርኬ ገዳና ማላ
 ጸሲ አዛዞ ኩሲዳሰ፤
 ዩሩሳላሜይካ ኢሰታ ገደን
 ቱና ማሻ ማላ ቆይታዲሰ።

18 «ጸሲ ጸሎ፤
 ታኒ ገዲኮ
 ኢዛ አዛዞ ቦላ ማካላዲሰ፤
 አንቴ ወሪካ ሲዩቴ፤
 ታ ማቶዛካ ጸሊቴ፤
 ማጫ ናይቴኔ

ናቴላ አቱማ ናይቴ
 ታፔ ዲኤቴ ቢዳ።
 19 ታኒ ታ ደሲዛይታ ጸይጋዲሰ፤
 ኢሰቴ ገዲኮ ታና ካዲዳ፤
 ታ ቁሴቴኔ ጨማቴ
 ባ ሹምፖ አሻናሰ
 ካላ ኮዩሼ
 ካታማይ ገደን ወሪዳ።

20 «አቤት ጎዳዉ!
 ታ ዎዬዛ ቤአ!
 ታ ገደ አሳቴላይ ማቶቴዳሰ፤
 ታ ኬሃ ማካላዲሰ፤
 ታ ዎዚናይካ ማቆዳሰ፤
 ካሬን ገዲን ሶን
 ዳራ ሃይቆይ ወርሴሰ።

21 «ዳሬይ ታ ዘላሊዛይሳ ሲዩዳሰ፤
 ገደ አቴን ኦኒካ ታና
 ማንጮሊዛይይ
 ቤቴቤና፤
 ታ ሞርኬቴ ኡባይካ
 ታ ማቶቶይሳ ሲዩዳ፤
 ኔኒ ኦሎይሳካ ኤሪዲ
 ኢሰቴ ኡፋዬቴዳ፤
 ኔ ኢሰታ ቦላ ኤሃና ጋ
 ቃቸዳ ጋላሳያ ዩ፤
 ኢሰቴካ ታ ማላ ዘላሌቶ።

22 «ኢሰታ ኢታቴላ
 ኔ ሲንሳን ቤቶ፤
 ታ ናጋራ ጋሶን
 ኔ ታ ቦላ ኦሎይሳ
 ኢሰታ ቦላካ አላ፤
 ታ ጨጫዳ ዘላሊዛ
 ዘላሳይ ዳሪዳሰ፤
 ታ ዎዚናይካ ዳቡርዳሰ።
 ገሼ ዋሴቴሰ።

2

ጸሲ ዩሩሳላሜ ቦላ ኤሂዳ ሃንቆ
 1 ጎዳይ ጸዮኔ ማጫ ናዮ ባ ሃንቆን ዎሰቴ
 ካዉሼዳ!

ኢሰራኤሌ ቦንቾ
 ሳሎፔ ዲጌ ሳኣን ዩጌዳሰ፤
 ኢዚ ባ ሃንቆ ጋላሰ
 ባ ቶሆ ሹምፔሲዛሶ
 ገዲዳሮ ዛሪ
 ቆፓናሰ ኮዩቤና።

2 ያቆቤ ዲሳሶ ኡባ ጸሲ
 ቃቋይታይ ባይንዳ ቆይሲዳሰ፤
 ዩሁዳ ዳሪ ማጸታ
 ኢዚ ባ ሃንቆን ላሊዳሰ፤
 ኢዚ ካዎቴላኔ
 ዳሪ አይሲዛይታ
 ካዉሼዲ ዲጌ

ቢታን ዩጌዳሰ።
 3 ኢዚ ባ ገታ ሃንቆን
 ኢሰራኤሌ ዎልቃ ለቁሲዳሰ፤

- ሞርኬይ ኢዛ ኦላናሰ ዪዛ ዎዴ
 ባ ማዶ ኩሼ
 ኢሰታፌ ዴንሉዴሰ፤
 ባ ዩሾን ዲዛ ኡባ
 ሚዛ ታማ ላጮ ማላ
 ኢዛ ሃንቆይ ያቆቤ ቦላ
 ኤጲ ኬዚዴሰ።
- 4 ኢዚ ሞርኬ ማላ
 ዎንዳፌ ዳፊ ኦይኪዴሰ፤
 ኢዛ ኡሻቻ ኩሼይ
 ዪሻ ዩዳናሰ ገገሲዴሰ፤
 ባና ሎኢዛይታ ኡባ
 ሞርኬ ማላ ሹኪዴሰ፤
 ጲዮኔ ዲንካኔታ ቦላካ
 ባ ሃንቆ ታማ ማላ ቆሊዴሰ።
- 5 ጸሲ ሞርኬ ማላ ገዲዲ
 ኢሰራኤሌ ዲፒ ሂሰቲዴሰ፤
 ካዎቲላ ኬላካ
 ቆይሲዴሰ፤
 ኢዚ ሚጸካ ላሊዴሰ፤
 ዩሁዳ ኣሳ ቦላ
 ካዮኔ ዘላሰ ዳርሲዴሰ።
- 6 ኢዚ ባ ኬላ ካላ ገደን ዲዛ
 ጋባ ሾዲዛ ማላ
 ሾዲ ኦሊዴሰ፤
 ጸሲ ጲዮኖ
 ኢዛ ላይላን ላይላን
 ቦንቺዛ ባኣሌታኔ
 ሳምባታታ ዲጊዴሰ፤
 ኢዚ ባ ሚኖ ሃንቆን
 ካዎዛኔ ቄሴዛ
 ካዉሺዴሰ።
- 7 ጎዳይ ያርሾ
 ያርሺዛሶሆዛ ካቋዴሰ፤
 ባ ኬላካ ኣጊዴሰ፤
 ባ ካዎቲላ ኬላ ገምቤታ
 ሞርኬሰ ኣሉ ኢሚዴሰ፤
 ባኣሌ ጋላሳታን
 ኦሊዛይሳሶ
 ኢሰቲ ጎዳ ኬላን
 ኬሂ ዋሲዳ።
- 8 ጎዳይ ጲዮኔ ካታማ ገምቤ
 ላላናሰ ቃንጺ ዴንዲዴሰ፤
 ሚጾ ዎዶርዛ ፒዲሲዴሰ፤
 ኢዚ ኢሰታ ቆይሶንታ ኣጌና፤
 ሚጸቲኔ ገምቤቲ ላሌቲዳ፤
 ኢሰቲካ ኢሲፌ ቆይዳ።
- 9 ኢዚ ፔንጌቲ ዲጌ ቢታን ጌሊዳ፤
 ካሬ ጎርዲዛ ቢራታ ኮላታቲ
 ሜቄሪቲ ዎቋዳ፤
 ኢዚ ካዎዛኔ ዳናቲ
 ኣይዛቤታን ዲኤቲ ቢዳ፤
 ሃይሳፌ ጉዬ ካሴ ኢሰታሰ ዲዛ
 ዎጋይ ኦሌና፤
 ኢዚ ናቤታሰካ ሃይሳፌ ጉዬ
 ጎዳፔ ኣጅታይ ቆንጮና።
- 10 ጲዮኔ ዴሬ ጨማቲ
 ቢታ ቦላ ጮኡ ገ ኡቲዳ፤
 ኢሰቲ ባ ሁኤን ጉዲላ ላሊዳ፤

- ማቃካ ማይኢዳ፤
 ዩሩሳላሚ ጌላኦቲ
 ዲጌ ቢታ ጸሊዳ።
- 11 ታ ዴሬይ ወሪዴሰ፤
 ናቲላ ናይቲኔ ቄሪ ናይቲ
 ካታማ ገደን ላባኒ ኩንዲዳ።
 ሄሳ ገሻሰ ታ ኣይፌይ
 ኣፋንላን ባልጂሚዴሰ፤
 ታሰ ማራጩይ ኮኮሪዴሰ፤
 ታ ዎዚናይካ ሴሪዴሰ፤
- 12 ኦላሶን ማዲንጺ ኩንዲዳ
 ኣሳታ ማላ
 ካታማይ ገደን ኢሰቲ ዳቡርዳ፤
 ኢሰቲ ባንታ ኣዬታ።
 «ካሊኔ ሃሉ
 ኮሰ ኣዋን ዲዜ?»
 ገ ኦይቺሼ ኢሰቲ ቄሴ ቦላ
 ቦርኮቲዲ ሸምፖ ኬዚዳ።
- 13 «ሃኔ ዩሩሳላሚ!
 ታ ኔ ገሻሰ
 ኣይ ጋናሰ
 ዳንዳያዚና?
 ታ ኔና ኣዛራ ገናሳ ጸሎ?
 ሃኔ ደሴቲዳ
 ጲዮኔ ጌላኦ!
 ታ ኔና ዎስታ ሚንጮላናሰ
 ዳንዳያዚና?
 ኔ ማዲንሳይ
 ኣባፊካ ጨማቲሰ፤
 ኔና ፓላናሰ
 ዳንዳይዛይ ኦኔ?»
- 14 ኔ ናቤታ ኣጅታይ
 ዎርዴኔ ጮ ሃዳ፤
 ኔ ናጋራ ቆንጮሲዲ
 ኔና ዲኤቲላፌ ኣሹቲና፤
 ኢሰቲ ኔሰ ዮቲዛ ቲንቢቲይ
 ባሌላዛዚኔ
 ኦጌፔ ካሬ ኬሲዛዛ።
- 15 ኔ ኣቻራ ኣቋ ቢዛ ኡባይ
 ኔ ቦላ ባ ኩሼ ባቂ ካኣና፤
 ቢታ ኡባን
 ኣጵ ሎኦ ጌቲቲዛ
 ካታማያኔ
 ዴሪ ኡባይ ኡፋዬቲዛ
 ካታማያ ሃኒ?» ጋና፤
 ቂቋሼካ ባ ሁኤ ቃላና።
- 16 ኔ ሞርኬቲ ኡባይ ኢሲፌ
 ባንታ ደና ኬሂ ደይዳ፤
 ባንታ ኣቻ ሳጺሽ ቂቋዳ፤
 «ኮኒ ኢዘ ሚቲደሰ!
 ኮኒ ኣሞቲዳራ ሃና፤
 ሸምፖራ ፓጻ ዲዲ
 ጋኪ ኣይፌን ቤኢደሰ» ገዳ።
- 17 ጸሲ ባ ቆፒዳይሳ ኦሊዴሰ፤
 ዳር ዎዶፔ ካሴ ዮቲዳ
 ቃላ ፖሊዴሰ፤

- ኢዚ ኔና ቃዴታይ ባይንዳ ላሊዳ፤ ኔ ዋዩተሺን ሞርኬይ ኡፋዩታና ማላ ኔ ሞርኬታ ዶቁ ዶቁ ሂሰቲዳ።
- 18 ዩሩሳሌም ገምቤ ገደን ዲዛ አሳዉ! ጸሳኮ ዋሲቲ፤ አንቲ አፋንሳ ኦማርሲኔ ጋላሰ ዲኦ ማላ ጎጎ፤ አንቲካ ሸምፖፍቲ፤ አንቲ አይፊሲካ ሸምፖ አምፍቲ።
- 19 ቃማ ኩሜሳ ዳንዲዲ ዋሲቲ፤ ጎዳ ሲንላን አንቲ ዋዚና ሃላ ማላ ጉሲቲ፤ ኦጌ ደናን ኮሻቲ ኩንዲዳ ኔ ናይታ ሸምፖ ገሻሰ ኔ ኩሹ ፑዳ ኢዛኮ ዳንላዳ ዋሳ።
- 20 አቤት ጎዳዉ! ሃይሳ ኔ ቤኣ! ኔኒ ሃይሳሉ ካሴ ኦና ቦላ ኦላ ኤሪዛኮ ኣኔ ኣኩካ፤ ኣያ ዩላ ዲቺዳ ና ዛራ ማናሰ ቤሲዜ? ቄሴይኔ ናቤይ ጸሳ ኩላን ሃይቃናሰ ቤሲዜ?
- 21 ዩላጋቲኔ ጨማቲ ሃይቄዲ ኦጌን ኩንዲ ኣቲዳ፤ ዩላጋ ማጫሳቲኔ ኣቲማቲ ማሻን ሃይቄዳ፤ ኔ ሃንቄቲዳ ጋላሰ ኢሰታ ዋዳዳ፤ ቃዴታይ ባይንዳካ ሹካዳሳ።
- 22 ባኣሌ ጋላሰ ዲጊሳሰ ጸይጊዛ ማላ ታ ሞርኬታ ታ ቦላ ጸይጋዳሳ፤ ኔ ሃንቆ ጋላሰ ኣኒካ ኬሲ ኤኪቤና፤ ዋይኮ ሸምፖራ ፓጸ ኣቲዳይ ዳና፤ ታ ዩላ ዲቺዳይታ ሞርኬይ ታፔ ዳይሲዳ።

3

- ማሪቲላን ቤቲዛ ሂደታ
- 1 ጎዳ ሃንቆ ጉፊን ዋዩ ቤኢዳ ኣሲ ታና።
 - 2 ኢዚ ታና ባ ሲንላፊ ኬሲ ዩዲዳ፤ ፖኦይ ባይንዳ ጌዳ ዳማን ታና ጌልሊዳ።
 - 3 ኢዚ ኩሜላ ጋላሰ ዛሪ ዛሪዲ ታና ሸጨዳ።
 - 4 ኢዚ ታ ኣሳቲላካ ጨጌሲዳ፤ ታ ሜቄላታካ ሜንሴሬሊዳ።

- 5 ኢዚ ታና ሜቶኒኔ ኢታ ቱጋ ገደ ዩጊዳ።
- 6 ሃይቄዲ ጋምኢዳ ኣሳ ማላ ታኒ ዳማን ዳና ማላ ኦሊዳ።
- 7 ታ ኬዘንታ ማላ ታ ዩሻዛ ዲርዳ፤ ሚና ሳንሳላታን ታና ቃቺዳ።
- 8 ታኒ ማዶ ኮያዳ ዋሳ ጸይጊንካ ኢዚ ታ ዋሳ ሲያናሰ ኮዩቤና።
- 9 ታ ኦጌዛ ማሰቲዳ ሹቻን ጎርዲዳ፤ ታ ኣዳ ቢዛ ኦጌዛካ ጌላሲዳ።
- 10 ኢዚ ታሰ ዛማዲ ኡቲዳ ዛርዶ ማላ ጊዲዳ፤ ቃሴካ ቆቲቲ ናጊዛ ጋሞ ማላ ጊዲዳ።
- 11 ታና ታ ቢዛ ኦጌፔ ጎቺ ኬሲዲ ዲሴሬሊ ዩጊዳ፤ ታና ኣሲ ባይንዳሶን ኦላጊዳ።
- 12 ኢዚ ባ ዋንዳፊ ዳፊ ኦይኪዳ፤ ታና ጫዳናሰ ባ ዩሽ ጊግሲ ዋሊዳ።
- 13 ኢዚ ዩሻ ዩዲዲ ታሰ ዋዚና ኣይፊን ጫዲዳ።
- 14 ታኒ ታ ዳሬ ኣሳሰ ቂዴ ሚሽ ጊዲዳ፤ ጋላሰ ኩሜሳ ታ ቦላ ቂዴ ማዛሙራ ዩጸቲ።
- 15 ኢዚ ታ ዳኦዛ ጫሞን ኩንሊዳ፤ ኢዚ ታና ጨዩ ኡሹ ካልሲዳ።
- 16 ኢዚ ታ ኣቶ ሹቻን ሜንሊዳ፤ ኢዚ ታና ጉዲላን ዩዴቲዳ።
- 17 ታ ሸምፖይሰ ሳርቲሊ ዳይዳ፤ ኡፋይሲ ኢዚ ኣዛኮኔ ታ ባላዲ።
- 18 ሃሳ ገሻሰ፤ «ታ ቦንቾይ ታፔ ሻኬቲዳ፤ ታኒ ጸሳፊ ናጊዛ ሂደታ ኡባይ ዳይዳ» ጋዲ።
- 19 ታ ዋዩኔ ታ ቶይላቲላ ታ ቆፒሺን ታ ዳኦይ ታና ጫሚዳ።
- 20 ኡባ ዋዩካ ታ ሃይሳ ቆፒሺን ታ ዋዚናይ ጨጨዳ።
- 21 ጊዲኮካ ታኒ ሃይሳ ቆፒዛ ዋዳ ታሰ ሲንላፊ ሂደታይ ዳ።
- 22 ሃሲካ ኩኒ ዳዮንታ ኣጊዳይ ጎዳ ሲቆይ ዳር ጊዲዳ ጋሶና፤

ኢዛ ቃጭታይካ ማርናስ
 ወሮንታ ገሻሳ።
 23 ኢስቲ ማላዶ ማላዶ ኦራላ፤
 ኔ ኣማኔቲላይካ ዳር።
 24 ታስ ቃዳይ ጎዳ፤
 ሄሳ ገሻሳ ታ ኢዛን ጸላ
 ሂደታ ኦላይስ።
 25 ጎዳይ ባና ሂደታ
 ኦላዛይታስኔ
 ኢዛ ኮይዛይታስ ሎኦ።
 26 ጎዳይ ኣስ ኣሸዛ ኣሸዛ
 ኢዛይይ ጮኡ ገ ናገኮ ሎኦ።
 27 ኣሲ ዩላጋቴላ ዋዴን
 ቃምባራ ቶኪኮ ሎኦ።
 28 ጎዳይ ኢዛ ቶሲዳ ገሻሳ
 ኢዚ ባርካ ጮኡ ገ ኡቶ።
 29 ሲንላፌ ኢዛስ ሂደታይ ዳና
 ዳንዳይዛ ገሻሳ
 ባና ዚቁ ሂስቲ ሃሪሶ።
 30 ባቃና ኮዩዳዴስ
 ኢዚ ባ ሻጋላ ቤሶ፤
 ካወሻቴላ ካ ኤኮ።
 31 ጎዳይ ኣሴ ማርናስካ
 ዩጊ ኣጌና።
 32 ኢዚ ኣሳ ቦላ ማቶ ኤሂኮካ
 ባ ማርና ሲቆን
 ሲሚ ቃጭቲስ፤
 33 ኢዚ ኦዲዲ ኣሳ ቦላ ማቶ
 ዋይኮ ዋዬ ኤሂ ኤሪና።
 34 ዴራን ዲዛ ቃሾ ኣሳይ
 ኡባይ ጌኔን ዩጭቲሺን፤
 35 ኡባፌ ቆቃ ጸሳይ ቤዩሺን
 ኣሳስ ኣሳቲላ
 ማታይ ዲጌቲዛ ዋዴ፤
 36 ቃሴካ ቱማ ፐርዳይ
 ጌላቲዛ ዋዴ
 ጎዳይ ሄሳ ማላ
 ሃናታ ዴማኔ?
 37 ጸሲ ኣዘዘንታ ዲሺን
 ባ ገዳዝ ፖላናስ
 ዳንዳይዛይ ኦኔ?
 38 ኢታ ገዲን ዋይኮ ሎኦ ገዲን
 ባ ገዳዝ ፖሊዛይ
 ኡባፌ ቆቃ ጸሳ ገዴኔ?
 39 ሂስቲን ሺምፖራ
 ፓጸ ዲዛ ኣሲ ባ ናጋራን
 ቃጸዩቲሺ ኣዛስ ዙዙሚዜ?
 40 ሄሳ ኣገዲ ኦኔ
 ኦ ኦኔ ኣኔ ፐልጊ ጴሎስ፤
 ጎዳኮካ ሲሞስ።
 41 ኣኔ ኦኔ ኦ ዋዘናኔ
 ኦ ኮሺ ሳሎን ዲዛ
 ጸሳኮ ፑዴ ዴንላዲ፤
 42 «ኦ ጎዳዉ! ኦኔ ማካሊዶስ፤
 ናጋራካ ኦላዶስ፤
 ሄሳ ገሻሳ ኔኔ
 ኦና ማራቤካ።
 43 ኔኔ ሃንቆን ኮማዳ

ኦና ጎዳዳሳ፤
 ኔ ኦና
 ቃጭታይ ባይንዳ ዋዳዳሳ።
 44 ዋሳይ ኔኮ ኣጂ
 ቦንታ ማላ
 ኔና ሻራን ካማዳሳ።
 45 ኔ ኦና ኣይዛቤታ ገደን
 ኦርጮኔ ቡራ ኬሳዳሳ።
 46 ኦ ሞርኬቲ ኡባይ
 ባ ደና ኦ ቦላ ደይዳ።
 47 ኦኔ ባሻኒኔ
 ላሌቴላን ማቶኒኔ
 ሺሮን ኮምዶስ» ጎስ።
 48 ታ ዴሬይ ወሪዳ ገሻሳ
 ታ ኣይፌፔ ኣፋንላ
 ዲኦ ማላ ጎጊዴስ።
 49 ሺምፖንታ ኡባ ዋዴ
 ታ ኣይፌፔ ኣፋንላ ፑኬስ።
 50 ሄሲ ሃናናይ ጸሲ ሳሎፔ
 ዲጌ ጸላና ጋካናሳ።
 51 ታኒ ዲዛ ካታማን ዲዛ
 ኡባ ማጫሳታ ቦላ
 ጋኪዳ ማቶዛ
 ታኒ ታ ኣይፌን ቤኢዳ ገሻሳ
 ታ ዋዘናይ ጮጫዴስ።
 52 ጋሶይካ ባይንዳ
 ታስ ሞርኬ ገዲዳይቲ
 ካፎ ማላ ታና ሻንካቲዳ።
 53 ኢስቲ ታኒ ሺምፖራ
 ፓጸ ዲሺን ዲጌ ኦላን ዩጊዳ፤
 ሹቸካ ታ ቦላ ኦሊዳ።
 54 ሃላ ኮሚዲ
 ታስ ሁኔ ቦላራ ጎጊዴስ፤
 ታኒ ቆዳዲስ ጋዳ ቆፓዲስ።
 55 ታ ጎዳዉ!
 ታኒ ጪማ ኦላ ገደን ዳሺ
 ኔ ሱንላ ጴይጋዲስ።
 56 ታ ዋሶ ኔ ሲያና ማላ
 ታ ኔና ዋሲን ሲያዳሳ።
 57 ታ ኔና ጴይጊዳ ዋዴ
 ኔ ታኮ ሺቃዳ፤
 «ያዮፋ» ጋዳሳ።
 58 ጎዳ! ኔ ታስ ሞቲታዳ
 ታና ኣሻዳሳ።
 59 ጎዳዉ! ኔ ታ ቦላ
 ጋኪዳ ቆሆዛ ቤያዳሳ፤
 ኔ ታስ ፐርዳ።
 60 ታ ሞርኬቲ ታ ቦላ
 ሃሎ ኬሳናስ ቆፐዳይሳኔ
 ኢስቲ ታ ቦላ
 ዙፔቲዳይሳ ኔ ቤያዳሳ።
 61 ታ ጎዳዉ!
 ኢስቲ ታና ጫዩዳ ጫሻኔ
 ታ ቦላ ማቁቲዳ ማቆዛ
 ኔ ሲያዳሳ።
 62 ጋላስ ኮሚላ ታ ሞርኬቲ
 ታ ቦላ ሳሱኬቲቲሲኔ
 ዙዙሚቲስ።
 63 ኔ ኢስታ ጴላ!

ኢስቲ ኤቁዲ ገዲን ኡቲዲ
 ባ ዩፋን ታና ጫዳቲስ።
 64 ታ ጎዳዉ! ኔ ኢስታስ
 ኢስታ ኦሶ ማላ ኢማ።
 65 ኢስታ ዋዚና ዳሚሳ፤
 ኔ ቃንጌላ ኢስታ ጋኮ።
 66 አቤት ጎዳዉ!
 ኔ ኢስታ ኔ ሃንቆን ጎዳ፤
 ሳሎ ጋርሳፊ ጳይሳ።

4

ዩሩሳሌም ቦላ ጋኪዳ ቁጻቲ

1 ዋርቃይ ዋኒ ታሲዳስ፤
 ዋላካይ ባይንዳ ሙሩታ ዋርቃይ
 ዋኒ ላማቲዳ!
 ጸሳ ኬላ
 ኬዴቲዳ ቦንቾ ሹቻቲ
 ኦጌ ዶናን ላሌቲዳ።

2 ካሴ ቦንቾቲዳ
 ዋርቃ ሚሳቲዛ
 ጸዮኔ ናይቲ ሃኢ ዋኒዲ
 ኩሼን ኡርቃፊ ቲሊዲ ሜጲዳ
 ማና ሚሻ ማላ ገዲዶ!

3 ዋራካናቲ ባ ማራታ ዲቻናስ
 ባ ጳንሳ ጳንሳቲስ፤
 ታ ዳሬይ ገዲኮ
 ባዘን ዲዛ
 ያንቻ ካፎታ ማላ
 ማንጾ ኢቲዳስ።

4 ዳር ሳማቲዳ ገሻስ
 ጉላ ናይታ ኢንጸርሲ
 ፑዳ ጎንጊራላራ ኦይኬቲዳስ፤
 ናይቲ ካላ ዋሲዳ ሺን
 ኦኒካ ኢስታስ ኢሚቤና።

5 ካሴ ሎኦ ካላ ሚዛይቲ
 ሃኢ ሜቶቲዲ
 ኦጌ ቦላ ቶይላቲዳ፤
 ካሴ ሎኦ ማይኦ ማይኢዲ
 ኢሻሎን ዲጨዳይቲ
 ሃኢ ቢዲንላን ኢቹዳ።

6 ታ ዳሬዛ ቦላ ጋኪዳ ቁጻቲይ
 ኦና ኩሼይካ
 ቦቾንታ ዲሺን
 ኤሶን አቆ ዋጲዳ
 ሶዶሜ ካታማ
 አሳ ጋኪዳ ቁጻቲዛፕካ
 ኬሂ ኢታ።

7 ኢስታ ካሌላዛይቲ
 ሻቻፊ አቲዳ ጌሻ፤
 ማላፊ አቲ ቦላ፤
 ኢስታ ቦላይ ዘኦ ኢንቁፊ
 አቲዳ ኦሪሳ፤
 ቃሴ ኢስታስ ሜጲይካ
 ሰሞፔሬ ጌቲቲዛ
 ሹቻ ማላ።

8 ሃኢ ገዲኮ ኢስታ ሜጲይ
 ሻላፔካ አቲ ካሬቲዳስ፤
 ኦኒካ ኢስታ ኦጌን ቤኢዲ ኤሬና፤
 ኢስቲ ሜቁላ ጸላ ኣቲዳ፤
 ማላ ሚላ ማላ ገዲዳ።

9 ኮሻን ሃይቁዳይታፔ
 ማሻን ሃይቁዳይቲ ሎኦ፤
 10 ታ አሳ ቦላ ጋኪዳ ሃንቆ ጋሶን
 ናይታስ ሚሹቲዛ አዩቲ
 ባ ዩሊዳ ናይታ
 ባ ኩሼራ ዶይሲ ሚዳ።

11 ጸሲ ባ ዋለቃማ
 ሃንቆዛ ቆንጨሲዳስ፤
 ጸዮኖ ዲፒ ሂስቲ
 ጳይሲዛ ታማ ኦይሴላዳስ።

12 ቢታ ቦላ ዲዛ ካዎታፔ
 ዋይኮ አላሜ ቦላ ዲዛ
 አሳፔ ኦኒካ ኢስታ ሞርኬቲ
 ዋይኮ ዋራጂዛይቲ
 ዩሩሳሌም ፔንጌታ
 ሜንላ ጌላና ገዲ
 ኦኒካ ቆፒቤና።

13 ሃይሲ ሃኒዳይ ናቤቲኔ
 ቁሴቲ ኦላዳ
 ናጋራ ጋሶና፤
 ቃሴ ኢስቲ ጸሎታ ሱላ
 ጉሲዳ ገሻሳ።

14 ቆቄ አሳ ማላ
 ኢስቲ ኦጌ ቦላ ጋዲጋዳና፤
 ኢስቲ ሱላን ቲዲ ገሻስ
 ኢስታ ማይኦ ቦቻናስ
 ጸሊዛዳይ ዳና።

15 ሃሳ ገሻስ አሳይ ኢስታ ቦላ፡
 «ከቺቲ! ኢንቲ ቱና! ሃኪቲ!
 ኦና ቦቾፍቲ!» ገ ዋሳና።

ሃሳ ጋሶን ኢስቲ ባቃቲዲ
 ካዎቲላ ገደን ቶይላቲሹ
 አሳይ ኢስታስ፡ «ኢንቲ ኦናራ
 ሃይሳን ዳናስ
 ዳንዳዩኬታ» ገዳ።

16 ኢስታ ላሊዳይ ጸሳ፤
 ሃይሳፊ ጉዩ ኢዚ ኢስታስ ቆፔና፤
 ኢስታ ቁሴታስ ቦንቾይ ኢሜቲና፤
 ጨማታሰካ ፑላይ ዳና።

17 ኦ አይፊይ ማዶ ዳማናስ
 ዶሊሹ ጮ ሜላ ዳቡርዳስ፤
 ኦና ኢሻናስ
 ዳንዳዮንታ ዳሬታፔ
 ማዶ ዳማናስ
 ላሞታን ናገዶስ።

18 አሳይ ኦ ጌዶን ኤቁዛ ገሻስ

- ኑ ኦጌራ ሃሜታናስ
ዳንዳይቤኮ፤
ኑስ ወርሴላ ማቲዳስ፤
ኑ ላይላ ወሪዳስ፤
ኑ ጳይዛ ዋዳይ ጋኪዳስ።
- 19 ኑና ጎዲዛይቲ ሳሎራ ፓሊዛ
ጎሌፌ ኣጳይ ኤሶቴቴስ፤
ኢሰቲ ኑና ዙማ ቦላራ ጎዲዳ፤
ባዘን ኑና ዙጊ ናጊዳ።
- 20 ኑኒ ኢዛ ኩዋ ጋርሳን
ኡቲ ዳኣና ጊ ቆፕዳይሳ፤
ጸሲ ቲይዳይሳ፤
ኑስ ዳኦ ሹምፖካ ጊዲዳይሳ
ባንታ ዋጺማዳን ኦይኪዳ።
- 21 ኢንቴኖ ኡጾ ቢታን ዲዛ
ኤዶሜ ኣሳቶ!
ኡፋይሰ ኖጮጮ ጊቴ!
ጊዶ ኣቲን ቃዳይ
ኢንቴናካ ጋካና፤
ኢንቴ ማላታናኔ
ካሎ ኣታና።
- 22 ኢንቴኖ ጸዮኔ ኣሳቶ!
ኢንቴ ሞሮ ጋሶን ቃጸዬቶይሲ
ኢንቴሰ ጊዳና፤
ሃይሳፌ ጉዬ ኢንቴና
ዲኤቲዳ ቢታን ጋምኢሴና፤
ጊዶ ኣቲን ኤዶሜ ኣሳቶ!
ኢዚ ኢንቴና ኢንቴ
ናጋራ ጊሻሰ ቃጸያና፤
ኢዚ ኢንቴ ሞሮዛካ
ቆንጮ ኬሳና።

5

ማሪታናስ ዋሲዳ ዋሳ

- 1 ኣቤት ጎዳዉ!
ኑ ቦላ ጋኪዳይሳ ኔ ቆፓ፤
ኑ ካዉሻቴላካ ጸላ።
- 2 ኑ ቢታ ኣላጋቲ ላቲዳ፤
ኑ ኬላካ
ባሰ ዲሳሶ ኦሊዳ።
- 3 ኑኒ ዪኦ ጊዲዳስ፤
ኑ ኣዬቲ ኣምኤታ ጊዲዳ።
- 4 ኑኒ ኑ ሃላ
ሚሻን ሻሚ ኡዪዳስ፤
ኑኒ ኑ ሚላካ
ሻሚ ኤኪዳስ።
- 5 ኑና ጎዲዛይቲ
ኑስ ጊዶን ኤቁዳ፤
ኬሂ ዳቡርዳስ፤
ሹምፖካ ዲጌቲዳስ።
- 6 ኑኒ ካላ ካላናስ ጊዲ
ኣሶሬ ኣሳታሲኔ
ጊብጾስ ኩሼ ኢሚዳስ።
- 7 ኑ ኣዋቲ ናጋራ ኦሊዳ፤
ኑኒ ኢሰታ ቁጸቴ ኤኪዳስ።
- 8 ኣይሌቲ ኑና ሃሪዳ፤
ኢሰታ ኩሼፔ ኑና ኬሲ

- ኤካናይ ኦኒካ ዳና።
- 9 ባዘን ዲዛ ኦላ ጋሶን
ኑኒ ኑ ሹምፖ
ኦሊ ኢሚዳ ካላ ዳሚዳስ።
- 10 ኮሻ ዳሮፔ
ዳንዲዳይሳን ሃርጊዳስ፤
ኑ ሜሳይካ
ሻላ ማላ ጊዲዳስ።
- 11 ማጫሳታ ጸዮኔን ቱኒሲዳ፤
ጌላኦታካ ዩሁዳ ካታማታን
ዋልቃን ኦይኪ ካዉሼዳ።
- 12 ዳናታ ካቁዳ፤
ጨማታካ ቦንቱቤቴና።
- 13 ዬላጋ ኣቲማ ናይቲ
ዋጸን ጋጫና ማላ
ዋልቃላዳ፤
ፓንሳቲ ዳጾ ሚላ
ቶኪዲ ጋዲጋዲዳ።
- 14 ጨማቲ ፕርዳናስ
ኡቲዛ ዲቡሻ ኣጊዳ፤
ፓንሳቲካ
ባንታ ማዛሙራ ኣጊዳ።
- 15 ኡፋይሲ ኑ ዋዚናፔ ጳይዳስ፤
ኑ ዲሪሲካ
ዬሆን ላሚቲዳስ።
- 16 ካላቻይ ኑ ሁኤፔ ኩንዲዳስ፤
ኑ ናጋራ ኦሊዳ ጊሻሰ
ኣዬ ኣና!
- 17 ሃሳ ጋሶን
ኑ ዋዚናይ ዳቡርዳስ፤
ኑ ኣይፌይካ ባልጂሚዳስ።
- 18 ጸዮኔ ቢታይ ቡላ ጊዲዳ ጊሻሰ
ዋራካናቲ ጉፕዛሶሆ ጊዲዳስ።
- 19 ኣቤት ጎዳዉ!
ኑኒ ሜርናስ ሃራሳ፤
ኔ ካዋቲላይ ዬሌታፔ
ዬሌታ ጋካናስ ዳና።
- 20 ኔ ኑና ኣይሰ ኡባ ዋዳ
ጮኡ ጋይ?
ቃሴ ኣይሰ
ሃይሳ ጋካናስ ኣጋጋዲ?
- 21 ጎዳዉ! ኑኒ ኑና ኔኮ ዛራ፤
ኦኒካ ኔኮ ሲማና!
ቤኒ ኑ ቦንቻዛ ዛራዳ
ኑና ኦራላ!
- 22 ኔ ሃሳላ ኦሎንታ ኣጊኮ
ኑና ሙሌራ ኣጋዲ?
ኔ ሃንቆዛሰካ ዛዋይ ባዌ?

ሂዘቁላ ተንቢት ጊደ ቆፋ

ናቤ ሂዘቁላ ዩራሳላሚያ ከርሰቶሳ ዩሌታፔ ካሴ፡ 586 ላይላን ላሌታናፔ ሲንላኒኔ ላሌታናፔ ጉዩን ዲኤቲዲ ባቢሎንን ዳኢዳሰ። ኢዚ ተንቢትን የቲዳ ቃላይ ዲኤቲ ቢዲ ባቢሎንን ዲዛይታሲኔ ዩራሳላሚን ዲዛ እሳታሳ፤ ሂዘቁላ ተንቢት ማጻፋይ ኦይዱ ኣይፊ ዮኦን ሻኬቲስ። 1. እሳ ቦላ ጸሳ ፒርዳይ ያና ማቲዳይሳኔ ዩራሳላሚያ ኦይኬታዳ ላሌታና ማቲዳይሳ ቆፍሴስ (1-3)። 2. ጸሳይ ባ እሳ ኡንኤሊዳኔ ባሌሊዳ ዲማ ዲማ ካዎቲላታ ቃጸያናስ የቲዛ ቃላ (4-24)። 3. ዩራሳላሚ ኩንዳላፊ ሲሚን ኢሰራኤሌ እሳ ሚንላናስ ኢሚቲዳ ኪታኔ ሲንላፊ ኢዚስ ያና ሎኦ ቃዳ ገሻስ የቲቲዳ ሂደታ ቃላ (25-39)። 4. ጸሳ ኬሊኔ ኢሰራኤሌ ካዎቲላታ ቤኒይሳላ ሃናይሳ ሂዘቁላ ዲማ ሚሰሌን ቆንጨሲዳስ (40-48)።

ሂዘቁላ ገታ ኣማኖይኔ ኣኬካይ ዲዛ እሳ። ሲንላፊ ሃናና የኦታ ኢዚ ኣጂታን ቤዩዳስ። ኢዛ ኪታታፔ ዳሪዛ ባጋቲ ቆንጨን ለሚሶራ ፖሊቲዳ። ሂዘቁላ ቆንጨሲ ቤሲዳይ ጊደ ዎዚናኒኔ ኣያናን ኦራላቲላ ኮሺዛ ገሻስ ኢሶይ ኢሶይ ባ ናጋራ ገሻስ ኦይሼታና፤ ሄሳፊካ ቦላራ ዳሪዛ ኦራላቲላን ያና ሂደታ ቆንጨሲዳስ። ሂዘቁላ ቁሴኔ ናቤ ጊዲዳ ገሻስ ጸሳ ኬላ ገሻሲኔ ጌሻቲላ ገሻስ ዲማ ዉዳቲዳይሳ ቤሲዳስ።

ሃ ማጻፋይ ኦይኪዳ ኩሜላ ቆፋ

- ሂዘቁላ ናቤቲላሰ ዳሪቲሊኔ ጸሳ ቦንቾ ቤኦ 1:1—3:27
- ሂዘቁላ ለሚሶን ቆንጨሲዳ ዩራሳላሚኔ የሁዳ ቆዮ 4:1—5:17
- ባሺ ማቲዳይሳ ቆንጨሲላ 6:1—7:27
- ጸሳ ቦንቾይ ናጋሪንቻ ጊዲዳ ዩራሳላሚ ኣጊ ቡስ 8:1—11:25
- የሁዳ ኩንዳሊኔ ዩራሳላሚ ኩንዳላ 12:1—24:27
- ሃራ ካዎቲላታ ቦላ የቲቲዳ ፒርዳ 25:1—32:32
- ዳሬይ ባ ናጋራፔ ሲማና ማላ ሂዘቁላ ኢሚዳ ሴራ 33:1-20
- ዩራሳላሚ ኩንዳላ 33:21-22
- ጸሲ ዳራ ዛራናሲኔ የሁዳ ኣሻናስ ኢሚዳ ሂደታ 34:1—37:28
- ጎጌ ጸኔቲሊኔ ኢሰራኤሌ ሲሞ 38:1—39:29
- ሲንላፊ ኦሴታና ጸሳ ኬላ ገሻስ ሂዘቁላ ቤኤዳ ኣጂታ 40:1—46:24
- ጸሳ ኬላ ጊደፊ ፑልቲዛ ሃላ 47:1-12
- ኢሰራኤሌታ ቆሞን ቆሞን ጋካና ጸንጾ 47:13—48:35

ጎዳ ቦንቾ

- 1 ሃሹ ታማንላ ላይላን፡ ኦይዳንላ ኣጊናን፡ ኢቻሻንላ ጋላሳን፡ ታኒ ኮቦሬ ሻፋን ዲኤቲዲ ቢዳይታ ጊደን ዳሺ ሳሎቲ ዶዩቲን ጸሳ ኣጂታ ቤኣዲሰ።
- 2 ካዎ ኢዮኣኪኔይ ዲኤቲዳ ኢቻሻንላ ላይላን፡ ሄ ኣጊናን ኢቻሻንላ ጋላሳን፡

- 3 ባቢሎንን ኮቦሬ ሻፋ ማታን ዲዛ ቡዜ ና ቁሴ ሂዘቁላኮ ጎዳ ቃላይ ዩዳሰ፤ ጎዳ ዎልቃይ ታና ኦይኪዳስ።
- 4 ታኒ ዶቁ ጋ ጸሊሺን ፑዳሃ ባጋፊ ጎቲ ጫርኮይ ዩዛይሳ ቤኣዲሰ፤ ኢዛፔ ዎልቃንላ ዎዎጨ ጊዛ ጂፕ ጊዳ ሻራ ገታ ፖኦይ ጊደላ ዎሊዳሰ፤ ታማዛስ ጊዳ ኣዳይ ቢራታ ቦንቆ ሚሳቲስ።
- 5 ታማዛ ጊደን ሺምፖራ ፓጸ ዲዛ ኦይዱ ሜዴቲላታ ሚሰሌይ ዳስ፤ ኢሰታ ሜዳይካ እሳ ሜዳ ሚሳቲስ።
- 6 ኢሰታስ ኢሳስ ኢሳስ ኦይዱ ኣይፊሶይኔ ኦይዱ ቁፊይ ዳስ።
- 7 ኢሰታስ ሲቲ ጊዳ ሉሌ ቶሆይ ዳስ፤ ኢሰታ ቶሆይ ማራ ቁንጨሬሌ ማላኔ ቁጨቲዲ ጸልቁዛ ጸርቁማላ ሚሳቲስ።
- 8 ኢሰታስ ኦይዱ ባጋራ ቁፊታ ጋርሳን እሳ ኩሼይ ዳስ፤ ሄ ኦይዳታሲካ ኣይፊሶቲኔ ቁፊቲ ዳቲስ።
- 9 ኢሰታ ቁፊቲ ኢሶይ ኢሳራ ዲሼቲቲስ፤ ኢሰቲ ኡባይካ ጉዩ ሲሚ ጸሎንታ ሲቲ ጊዲ ሲንላ ቤቲስ።
- 10 ኢሰታ ኣይፊሶይ ሃይሳፊ ካሊ ዲዛይሳ ማላ፤ ኢሰታ ኦይዳታሲካ ኢሳስ ኢሳስ ሲንላ ባጋራ እሳ ኣይፊሶ ማላይ ዳስ፤ ኡሻቻ ባጋራ ጋሞ ኣይፊሶ ማላይ፡ ሃዲርሳ ባጋራ ቦራ ኣይፊሶ ማላይ፡ ቃሴካ ኢሰታ ኢሳስ ኢሳስ ጉዩ ባጋራ ጎሌ ኣይፊሶ ማላይ ዳስ።
- 11 ኢሰታ ኣይፊሶይ ሃሳ ሚሳቲስ፤ ኢሰታ ቁፊይ ፑዳ ያንጌቲ ኡቲዳሰ፤ ኢሰታስ ኢሳስ ኢሳስ ናሞኡ ናሞኡ ቁፊይ ዳስ፤ ኢሳ ኢሳ ቁፊይ ሃንኮይሳ ቁፊራ ዲሼቲ ኡቲዳሰ።
- 12 ኢሰቲ ኡባይካ ሲቲ ጊዲ ሲንላ ቤቲስ፤ ጉዩ ሲሞንታ ጸሳ ኣያናይ ቢዛሶ ኣዎካ ቤቲስ።
- 13 ሃ ሺምፖራ ፓጸ ዲዛ ሜዴቲላታ ሜዳይ ኤጲዛ ታማ ቦንቆኔ ጸምፔ ሚሳቲስ፤ ሄ ሺምፖራ ፓጸ ዲዛ ሜዴቲላታ ጊደን ታማይ ያኔ ሃ ቃጸሰ፤ ታማዚ ጸሊሰ፤ ኢዛ ጊደፊካ ዎልቃንላ ኬዜስ።
- 14 ሃ ሺምፖራ ፓጸ ዲዛ ሜዴቲላቲ ዎልቃንላ ኤሶን ዎዎጨ ጊዛ ማላ ያኔ ሃ ሲሜሬቲቲስ።
- 15 ታ ሃ ኦይዱ ሺምፖራ ፓጸ ዲዛ ሜዴቲላታ ጸላሼ፡ ኦይዱ ኣይፊሶቲ ሺምፖራ ፓጸ ዲዛ ሜዴቲላታ ማታን ኢሲ ኢሲ ኢርዘ ቢታ ቦላ ቤያዲሰ።
- 16 ሄ ኢርዘታ ሜዳይኔ ሃናታይ ሃይሳፊ ካሊዛይሳ ማላ፤ ኣልኦ ሹቻ ማላ ጸልቁቲስ፤ ኦይዳታ ሜዳይካ ኢሲ ማላ፤ ኢሲ ኢሲ ኢርዘይ ሃራ ኢርዘራ ቃጾቲ ኡቲዳ ሚሳቲስ።
- 17 ኢሰቲ ቢዛ ዎዳ ሜዴቲላቲ ኦይዱ ባጋ ዩያና ዳንዳዩቲስ፤ ሜዴቲላቲ ቢዛ ዎዳ ኢርዘቲ ያኔ ሃ ጌቲና።
- 18 ሄ ኦይዱ ኢርዘታስ ኦሽሽይ ዳስ፤ ሃ ኦይዱ ኢርዘቲ ገታኔ ባቢሲዛዛ፤ ዩዩ ኣዳናስካ ኢሰታን ኣይፊቲ ኩሚዳ።
- 19 ሃ ሺምፖራ ፓጸ ዲዛ ሜዴቲላቲ ቢዛ ዎዳ ኢሰታ ሚሊን ዲዛ ኢርዘቲካ ቤቲስ፤ ሄ ሺምፖራ ፓጸ ዲዛ ሜዴቲላቲ ቢታፊ ፑዳ ዳንዲዛ ዎዳ ኢርዘቲካ ኢሰታራ ኢሲፊ ዳንዳቲስ።

20 ጸላ አያናይ ቢዛሶ ኣዋካ ኢሰቲ ቤቴሰ፤ አያናይ ኢስታ ጊዶን ዲዛ ገሻሰ ኢርዘቲ ኢስታራ ኢሲፊ ዮዳ ዳንዳቴሰ።

21 ዳኦይ ዲዛ ማዴቴላቲ ቢዛ ዎዳ ኢርዘቲካ ቤቴሰ፤ ኢሰቲ ኤቁዛ ዎዳ ኢርዘቲካ ኤቁቴሰ፤ ቃሴ ኢርዘቲ ኢስታራ ኢሲፊ ዮዳ ዳንዳቴሰ።

22 ሃ ሸዎፖራ ፓጻ ዲዛ ማዴቴላታ ሁኤፔ ቦላራ ባቢሲዛኔ ማሰቶቴ ማላ ጸልቁዲ ኣይፊ ጫዲዛ ሳሎ ጉፋንጾ ማሳቲዛይ ማጮቴ ዳሰ።

23 ሃ ሳሎ ጉፋንጾዛፔ ጋርሳ ባጋራ ኢስታ ቁፊይ ሲቲ ጊዲ፣ ኢሶይ ኢሳኮ ማጮቴ ኡቲዳሰ፤ ቃሴ ኢስታ ኡባሲካ ኢስታ ቦላ ካሚዛ ናምኡ ናምኡ ቁፊይ ዳሰ።

24 ሃ ሸዎፖራ ፓጻ ዲዛ ማዴቴላቲ ፒራዲዛ ዎዳ ኢስታ ቁፊታ ገሪሳ ሲያዲሰ፤ ሃ ገሪሳይ ዲኦ ሃላ ጉንጎ ማላ፣ ኡባ ዳንዳይዛ ጸላ ጮንጉርሳ ማላኔ ጮራ ኦላንቻታ ዎጫማ ማላ ሃኒዛይሳ ሲያዲሰ። ኢሰቲ ፒራዲ ኣገዛ ዎዳ ባንታ ቁፊዛ ሺጵ ሂሰቴቴሰ።

25 ኢሰቲ ፒራዲዛይሳ ኣገዲ ባንታ ቁፊዛ ሺሺዳ ማላ ኢስታ ሁኤፔ ቦላራ ዲዛ ሳሎ ጉፋንጾፊ ቦላራ ገሪሰ ሴቴቴዳሰ።

26 ኢስታፊ ቦላራ ዲዛ ሳሎ ጉፋንጾፊ ዶቁ ጊዲ ሰምፔሬ ኣራታ ማሳቲዛይ ዳሰ፤ ሃ ኣራታ ቦላ ኣሰ ማሳቲዛዚ ኡቲዳሰ።

27 ኢዛሰ ጸሰ ማሳቲዛሶፔ ዮዳ ባጋይ ታማን ቦንቁዳ ቢራታ ማሳቲዛይሳ፤ ጸሰ ማሳቲዛሶፔ ዲጌ ባጋይ ታማ ማሳቲዛይሳ ቤኣዲሰ፤ ኢዛ ዩሾን ጸሊዛ ፖኦይ ዳሰ።

28 ኢዛ ዩሾን ዲዛ ጸሊዛ ፖኦይ ኢራ ጋላሰ ሻራ ቦላ ኤቁዳ ዙላ ማሳቲሰ።

ሄሲካ ጎዳ ቦንቾ ቆንጮጾ ማሳቲሰ። ታኒ ሄሳ ቤኢዳ ዎዳ፣ ቢታን ዲጌ ጉፋናዳ ኢሳዴ ሃሳያ ጮንጉርሰ ሲያዲሰ።

2

ናቤቴላሰ ሂዘቁላ ጸይጌቴላ

1 ኢዚ ታና፣ «ሃይሶ ኣሳ ናዉ! ዳንዳ ኔ ቶሆን ኤቃ፤ ታኒ ኔሰ ዮታና» ጊዳሰ።

2 ኢዚ ታሰ ዮቲሺን ጸላ አያናይ ታ ጊዶ ጌሊዲ ታና ታ ቶሆን ኤሲዳሰ። ኢዚ ታሰ ዮቲዛይሳካ ሲያዲሰ።

3 ኢዚካ ታሰ፣ «ሃይሶ ኣሳ ናዉ! ታ ቦላ ማካሊዳ ማካላንቻ ዳሬ ኢሰራኤሌ ኣሳኮ ታ ኔና ኪታይሰ፤ ኢሰቲኔ ኢስታ ኣዎቲ ሃኛ ጋካናሰካ ታ ቦላ ማካሊዳ።

4 ኢሰቲ ዩላይ ባይንዳይታኔ ዎዘና ሙሙታ ጊዲዳ ገሻሰ ታኒ ኔና ኢስታኮ ኪታይሰ። ኔ ባዳ ኢስታሰ፣ «ኡባ ሃሪዛ ጎዳይ ዮቲዳሰ» ጋ ዮታ፤

5 ኢሰቲ ማካላንቻ ኬላ ጊዲዳ ገሻሰ ኢሰቲ ሲዩኮካ ሲዮንታ ኢጲኮካ ኢስታ ጊዶን ናቤይ ዲዛይሳ ኢሰቲ ኤራና።

6 ሃይሶ ኣሳ ናዉ! ኢስታሰ ዎይኮ ኢስታ ቃላሰ ባቦፋ! ኣጉንጎኔ ከንዲቾይ ኔ ዩሾን ዲኮካ ቃሴ ማሰማሶታ ጊዶን ኔ ኡቲኮካ ባቦፋ። ኢሰቲ ማካላንቻ ዛሬ ጊዲኮካ ኢሰቲ ኔና ገዛይሳሰ ባቦፋ፤ ኢስታሰ ዳጋዎፋ።

7 ኢሰቲ ማካላንቻ ዛሬ ጊዲዳ ገሻሰ ኢሰቲ ሲዩኮካ ሲዮንታ ኢጲኮካ ታ ቃላ ኢስታሰ ዮታ።

8 ኔኒ ጊዲኮ ሃይሶ ኣሳ ናዉ! ታ ኔሰ ዮቲዛይሳ ሲያ! ሃ ማካላንቻ ዛሬታ ማላ ማካሎፋ፤ ኔ ዶና ዶያዳ ታኒ ኔሰ ኢሚዛይሳ ማ» ጊዳሰ።

9 ሃሳፊ ጉዬ ታኒ ጸሊሺን ኢሲ ኩሼይ ታኮ ማጮቴዳይሳ ሃራካ ቤኣዲሰ፤ ሃ ኩሼዛን ጸላ ማጻፋይ ዳሰ።

10 ኢዚ ታ ሲንጎን ሃ ጸላ ማጻፋ ቢርሺዳሰ፤ ሃ ጸላ ማጻፋን ጊዶ ባጋራኔ ካሬ ባጋራ ዚላሲ፣ ዩሆይኔ ዎሶ ቃላይ ጸፊቲ ኡቲዳሰ።

3

1 ቃሴ ኢዚ ታሰ፣ «ሃይሶ ኣሳ ናዉ! ሃይሳ ኔ ሲንጎን ዲዛይሳ ማ፤ ሃይሳ ጸላ ማጻፋ ማዳኔ ባዳ ኢሰራኤሌ ኣሳሰ ዮታ» ጊዳሰ።

2 ሂሰቲን ታ ሃንጊን ኢዚ ታና ጸላ ማጻፋ ባርሲዳሰ።

3 ሂሰቲዲ ኢዚ ታና፣ «ሃይሶ ኣሳ ናዉ! ሃ ታኒ ኔና ባርሲዛ ጸላ ማጻፋዛ ማ፤ ኔ ኡሎ ኢዛን ኩንጎ» ጊዳሰ። ታ ማን ታ ዶናን ኤሳ ማላ ማልኢዳሰ።

4 ሃሳፊ ጉዬ ኢዚ ታና፣ «ሃይሶ ኣሳ ናዉ! ዳንዳዳ ኢሰራኤሌ ኣሳኮ ባ፤ ታ ቃላካ ኢስታሰ ዮታ።

5 ኔኒ ኪቴቲዳይ ኢሰራኤሌ ኣሳሳፊ ኣቲን ኢስታ ሃሳያይ ኣሳሰ ጌሎንታ ዳሬኮኔ ቃላይ ኤሬቶንታ ዳሬታኮ ጊዳና።

6 ቃሴ ታኒ ኔና ኢስታ ሃሳያይ ኣሳሰ ጌሎንታ ዳሬታኮ፣ ቃላይ ኤሬቶንታ ዳሬታኮ፣ ኢስታ ቃላ ኤራናሰ ዳንዳዬቶንታ ዳር ዳሬታኮ ኪታቤኬ፤ ቱማ ጋይሰ ታኒ ኔና ኢስታኮ ኪቲዳኮ ኢሰቲ ኔኒ ዮቲዛይሳ ሲያና።

7 ጊዶ ኣቲን ኢሰራኤሌ ኣሳይ ዘባኔ ዎዘና ሙሙ ጊዲዳ ገሻሰ ታ ዮቲዛይሳ ሲያና ኮዩቤቴና፤ ሃሳ ገሻሰ ኢሰቲ ኔ ዮቲዛይሳካ ሲዩቴና።

8 ቤኣ ታኒ ኔና ኢስታሰ ሲንጎ ኢሞንታ ሚኖ ኣሰ ሂሰታና።

9 ታኒ ኔና ዩላይ ባይንዳይኔ ዛላፊካ ኣዲዳ ሚኖ ሂሰታና፤ ኢሰቲ ማካላንቻ ዛሬ ጊዲኮካ ኢስታሰ ባቦፋኔ ኮኮርፓ» ጊዳሰ።

10 ቃሴ ኢዚ ታና፣ «ሃይሶ ኣሳ ናዉ! ታኒ ኔሰ ዮቲዛ ቃላ ኡባ ማንጎዳ ኢዘጋኒ ኔ ዎዘናን ዎላ።

11 ሃኢ ባዳ ዲኤቲ ዲዛ ኔ ኣሳሰ ዮታ። ኢሰቲ ሲዩን ሲዮንታ ኢጲን ኢስታሰ፣ «ኡባ ሃሪዛ ጎዳይ ሃይሳ ማላ ጌሰ» ጋዳ ዮታ» ጊዳሰ።

12 ሃሳፊ ጉዬ ታና አያናይ ዮዳ ዶቁ ሂሰቲ ዳንጲዳሰ፤ ጎዳ ቦንቾይ ባ ዲዛሶፔ ዳንዲሺን * ታፔ ጉዬ ባጋራ ዎልቃማ ጉንጎላ ጮንጉርሰ ሲያዲሰ።

13 ቃሴ ሸዎፖራ ፓጻ ዲዛ ማዴቴላታ ቁፊይ ኢሶይ ኢሳራ ቦሽቴሽኔ ኢስታ ማላን ዲዛ ኢርዘቲ ሲሲዛ ዎልቃማ ጉንጎላ ጮንጉርሲ ዳሰ።

14 ሃሳፊ ጉዬ ታና አያናይ ዮዳ ዶቁ ሂሰቲ ሃራሶ ኤፊዳሰ፤ ታኒ ጫሞኒኔ ሃንቆ አያናን ኩማዳ ባዲሰ፤ ጎዳ ጌታ ዎልቃይ ታና ኦይኪዳሰ።

15 ኮቦሬ ሻፋ ማታን ቴሊ-ኣቢቤን ዲኤቲ ዲዛይታኮ ያዲሰ፤ ታኒ ዳጋማዳ ኢስታ ጊዶን ላፑን ጋላሰ ኡታዲሰ።

1:22 ኣጂ. 4:6 1:24 ኣጂ. 1:15፤ 19:6 1:26 ሂዘ. 10:1፤ ኣጂ. 4:2-3 1:27 ሂዘ. 8:2 2:10 ኣጂ. 5:1 3:3 ኣጂ. 10:9-10
* 3:12 ጎዳ ቦንቾይ ባ ዲዛሶፔ ዳንዲሺን ገዛይሳ ኢሲ ኢሲ ገሻ ማጻፋታን ጎዳ ቦንቾይ ኢዚ ዲዛሰን ጋላቴቶ ጌሰ

ሂዘቁላ ሹማቴል
(ሂዘ. 33:1-9)

16 ለጥንቅቅ ጋላሰ ወርሴላን ጎዳ ቃላይ ታኮ ዩዳሰ፤
 17 ኢዚካ፡ «ሃይሶ አሳ ናዉ! ታኒ ኔና ኢሰራኤል አሳ ቦላ ናጌ ሂሰታ ሹማዲሰ፤ ሄሳ ገሻሰ ታ ደናፔ ከኤዛ ቃላ ሲያ፤ ታ ኔሰ ዮተዛ ሴራካ ኢሰታሰ አላ።
 18 ታኒ ናጋራንቻዛ፡ ሉዳ ኔኒ ሃይቃና፡ ገዛ ዋዴ ኔኒ ኢዛ ሴሮንታ ኣገኦ ዋይኮ ኢዚ ባ ኢታ ሃኖፔ ሲማና ማላኔ ባ ሸምፖ አሻና ማላ ኔ ዮቶንታ ኣገኦ ሄ ናጋራንቻይ ባ ናጋራን ሃይቃና፤ ኔናካ ኢዛ ሱላ ገሻሰ ታ ኦይቻና።
 19 ገደ አተን ኔኒ ናጋራንቻ ሴሪን ኢዚ ባ ናጋራፔኔ ባ ኢታ ሃኖፔ ሲምንታ ኢዲኮ ኢዚ ባ ናጋራን ሃይቃና፤ ኔኒ ገዲኮ ኔ ሸምፖ አሻና» ገዴሰ።
 20 «ቃሴ ጸሎ አሲ ባ ጸሎቴላፊ ጉዬ ሲሚዲ ናጋራ ኦሊኮ ታኒካ ጳጳዛ ሚሽ ኢዛ ሲንላን ዋሊኮ ኢዚ ሃይቃና፤ ኔኒ ኢዛ ሴሮንታ ገሻሰ ኢዚ ባ ናጋራን ሃይቃና፤ ኢዚ ካሴ ኦሊዳ ጸሎ ኦሶይ ዛሪ ቆፊቴና፤ ታኒ ኔና ኢዛ ሱላ ኦይቻና።
 21 ገደ አተን ጸሎ አሲ ናጋራ ኦሊንታ ማላ ኔኒ ሴሪኮ፡ ኢዚ ኔ ሴራ ሲዩዲ ናጋራ ኦሊንታ ኣገኦ፡ ቱሙካ ሸምፖራ ፓጸ ዳና፤ ኔካ ኔ ሸምፖ አሻና» ገዴሰ።

ሂዘቁላ ደና ዲዴቴል

22 ሄን ጎዳ ዋልቃይ ታና ኦይኪዳሰ፤ ኢዚካ ታና፡ «ዳንዳዳ ቆልታተዛ ዴምባ ባ፤ ሄን ታኒ ኔሰ ዮታና» ገዴሰ።
 23 ታኒካ ዳንዳዳ ቆልታተዛ ዴምባ ባዲሰ፤ ካሴ ኮቦሬ ሻፋ ማታን ታኒ ቤኢዳ ቦንቸዛ ማላ ጎዳ ቦንቸይ ኤቁዳይሳ ሄን ቤኢዳሰ፤ ታኒካ ሲንላ ጉላ ጉፋናዲሰ።
 24 አያናይ ታ ገደ ጌሊዲ ታና ታ ቶሆን ኤሲዳሰ፤ ሂሰታዲ ታና፡ «ባ፤ ኔ ሶሆ ጌላዳ ኔ ቦላ ፔንጌ ጎርዳ።
 25 ሃይሶ አሳ ናዉ! ዋደሮን ዋዲዲ አሳ ገደን ሲሜሬቶንታ ማላ ኢሰቲ ኔና ቃቻና።
 26 ኢሰቲ ማካላንቻ ዴሬ ገዲዳ ገሻሰ ኔ ኢሰታ ሙሮንታ ማላ ኔ አንጸርሳ ታ ጎንገራላራ ኦይላና፤ ኔኒካ ደና ዲዴ ገዴና።
 27 ገደ አተን ታኒ ኔሰ ዮተዛ ዋዴ ታኒ ኔ ደና ደያና፤ ኔኒካ ኢሰታሰ፡ «ኡባ ሃሪዛ ጎዳይ ሃይሳ ማላ ጌሰ» ጋና፡ ኢሰቲ ማካላንቻ ዴሬ ገዲዳ ገሻሰ ሲያና ኮይዛይ ሲዮ፤ ሲዮንታ ኢዲዛይ ሲዮ።» ገዴሰ።

4

ሂዘቁላ ዩራሳላሚ ገሻሰ ዮተዳ ለሚሶ

1 «ሃይሶ አሳ ናዉ! ኡርቃፊ ሜዴቴዳ ኢሲ ጸቤ ኤካዳ ኔ ሲንላን ዋላ፤ ሂሰታዳ ዩራሳላሚ ሚሰሌ ኢዛ ቦላ ኦላ።
 2 ሂሰታዳ ዋታዳሪይ ገደላዛ ማላ ኢዛ ገደላ፤ ሚጸ ኢዚን ገገሳ፤ ቢታ ሸሻ ደራ፤ ኦላ ዋሳናታ ኢዚ ዩሾን ገገሳ፤ ገምቤዛ ላሊዛ ዲራማ ኢዚ ዩሾን ዋጸ።
 3 ቃሴ ቢራታ ባሼ ኤካዳ ኔፔኔ ካታማፔ ገደን ቢራታ ገምቤ ማላ ኤሳ። ኔ ሲንላ ኢዚኮ ዛራዳ ዴሬቃ፤ ኢዛ ደዴቴዳሮ ገደና፤ ኔካ ኢዛ ደዳና። ሄሲካ ኢሰራኤል አሳሰ ማላታ ገደና።
 4 «ታኒ ኢሰራኤል ከላ ሙሪዛይሳሰ ማላታ ገደና ማላ ኔኒ ሃዲርሳ ሚሌን ኢቻ፤ ኔኒ ሃዲርሳ ሚሌን

ኢቻዳ ዋዴታ ኡባን ኢሰራኤል ከላ ባላ ማላ ገደና ማላ ቤሳና።
 5 ኢሰራኤል ከላይ ባ ባላን ዋኒ ቃጸዬታናኮ ኔ ቤሳና ማላ ታ ኔሰ 390 ጋላሳታ አማዲሰ፤ ኢሲ ኢሲ ጋላሳይ ኢሰቲ ቃጸዬታና ኢሲ ኢሲ ላይላ ቤሴሰ።
 6 «ሃሳፊ ጉዬ ኔኒ ኡሻቻ ሚሌን 40 ጋላሰ ኢቻ፤ ሄሲ ዩሁዳ አሳይ ባ ባላን ዋኒ ቃጸዬታናኮ ቤሲዛ ማላታ ገደና፤ ኢሲ ኢሲ ጋላሳይ ኢሰቲ ቃጸዬታና ኢሲ ኢሲ ላይላ ቤሴሰ።
 7 ኔ ሲንላ ዩራሳላሚ ደዴቴላኮ ዛራዳ ዴሬቃ፤ ኔ ኩሼ ዳንላዳ ማንዳሼ ቲንቢቲ ኢዚ ቦላ ዮታ።
 8 ሄ ደዴቴላ ኣገናይ ዉራና ጋካናሰ ኔ ሚሌ ሸሮንታ ማላ ታ ኔና ዋደሮን ቃቻና።
 9 «ሃኢ ኔኒ ገሰቴኔ ባንጋ፡ ባኤላኔ ሚሲራ፡ ማሊዶኔ ሙርቃ ኤካዳ ኦቶን ዋላ፤ ኢዛፔ ካላ ማ፤ ሂሰታዳ ኔኒ ሃዲርሳ ሚሌን ኢቻ ዲዛ 390 ጋላሳታን ማና።
 10 ሃቾ ሃቾ ኔ ማና ካላ ጌዳራ ዋላ፤ ኢዛ ዋዴን ዋዴን ኢሲ ዘላ ማ።
 11 ኔ ኡያና ሃላካ ማካ ዋላ፤ ሄሳ ኢዛ ዋዴን ዋዴን ናምኡ ኩባያ ኡያ።
 12 ሄ ዋላኬቴዳ ካላ ኤካዳ ዴራ ሲንላን ባንጋ ኡከላ ማላ ሸኢ ከፊን ኡካዳ ማ።»
 13 ጎዳይካ፡ «ሄሳ ማላ ሃኖታን ኢሰራኤል አሳይ ታኒ ኢሰታ ላላና ካዋቴላታ ገደን ኢሰቲ ቱና ካላ ማናይሳሰ ማላታ» ገዴሰ።
 14 ሂሰቲን ታኒ ዛራዳ፡ «ሃይ! ኡባ ሃሪዛ ጎዳዉ! ሙሌካ ታ ሄሳ ማላን ቱና ኤሪኬ፤ ታኒ ዩላጋቴላፊ ደማዳ ባዉታ ዋይኮ ደኣይ ዋዲዳይሳ ማ ኤሪኬ፤ ቱኒዳ ኣሸይካ ታ ደናኮ ሸቁ ኤሪና» ጋዲሰ።
 15 ኢዚካ ታና፡ «ኤሮ ሎኦ፡ ሸኢ ከፊን ኡከዛይሳ አጋዳ ኦሻ ከፊን ኡካ» ገዴሰ።
 16 ቃሴካ ጎዳይ ታና፡ «ሃይሶ አሳ ናዉ! ኣከካ፤ ታኒ ዩራሳላሚከ ካላ ዩዛሶታ ዲላና ሃናይሰ፤ አሳይ ካላ ሂርገሼ ማካን ማና፤ ሃላካ ያዩሼ ጉላራ ኡያና።
 17 ሄሳን ኢሰታሰ ዲዛ ካላ ኔ ሃላ ፓጫና፤ ኢሶይ ኢሳ ቤኢሼ ጮልኡ ጋና፤ ኢሰቲ ባንታ ናጋራ ጋሶን ገላቁ ዳያና።

5

ዩራሳላሚ ቦላ ዩዛ ባሻ ማላታ

1 «ሃይሶ አሳ ናዉ! ቃራ ማሻ ኤካዳ ማጋላን ሚዲዛ ማላ ኔ ሁኤኔ ኔ ቡቹ ኢዛን ሜዳ። ሂሰታዳ ኔ ቢናና ሜዛኔን ጌዳራዳ ሄቹ ከሳ ሻካ።
 2 ኔ ደዲዛ ዋዴይ ዉርሺን ኔኒ ሻኪዳ ቢናናሰ ኢሲ ኩሼዛ ዩራሳላሚ ካታማ ሚሰሌ ገደን ጸጋ፤ ናምኣንላ ኩሼዛ ካታማይ ዩሾን ገላ ማሻን ቃንጾሬላ ዩጋ፤ ኣቲዳ ሄቸንላ ኩሼዛ ጫርኮ ቦላ ላላ፤ ታኒ ኢሰታ ማሻን ዩዴሬላና።
 3 ቢናናፔ ጉላ ኤካዳ ኔ ሴሎ ማይኦ ጸራን ቃቻ።
 4 ቃሴ ሄ ቢናናፊ ጉላራ ኤካዳ ታማን ጸጋ፤ ታማይ ሄፔ ከዚዲ ኢሰራኤል አሳ ማና» ገዴሰ።
 5 ኡባ ሃሪዛ ጎዳይ፡ «ዴሬታ ኡባ ኢዚ ዩሾን ዋላዳ ካዋቴላታ ገደን ዋሊዳ ዩራሳላሚ ካታማያ ሃኖ።
 6 ገደ አተን ኢዛ ባ ኢታ ኦሶን፡ ባ ዩሾን ዲዛ ቢታታፔኔ ካዋቴላታፔ ጌዴ ኢታዳ ታ ዋጋ ቦላኔ ማራ

ቦላ ማካላዲሰ፤ አዳካ ኢዛ ታ ዎጋ ካጻዲሰ፤ ታ ማራካ ካላቤኩ» ጌሰ።

7 ሃሳ ገሻሰ ኡባ ሃሪዛ ጎዳይ፡ «አንቴ አንቴ ዩሾን ዲዛ ካዎቴላታ፤ አጲ ጩቦተዛይታ ገዲዳታ፤ ታ ማራ ካሊቤኬታ፤ ታ ዎጋሰካ አዛዘቲቤኬታ፤ ሃራይ አቶሽን አንቴ ዩሾን ዲዛ ካዎቴላታ ናገዛ ዎጋዮካ ናገቤኬታ» ጌሰ።

8 ሃሳ ገሻሰ ኡባ ሃሪዛ ጎዳይ፡ «ሄኮ፡ ታኒ ታ ባጋራ ኔ ቦላ ዳንዲዲሰ፤ ካዎቴላታ ሲንላን ታኒ ኔ ቦላ ፒርዳ ኤሃና።

9 ኔ ሃራሲዛ ኤቃ ጸሳታ ጎይኒዳ ጋሶን ታኒ ሃይሳፊ ካሴ ኦላ ኤርንታ ሚሺኔ ሃይሳፊ ጉዩካ ኦላንታ ሚሽ ታ ኔ ቦላ ኦላና።

10 ሃሳፊ ዳንዲዲዳሳን ኔ ገደን አዋቲ ባንታ ናይታ፡ ናይቲ ባንታ አዋታ ማና፤ ታ ኔ ቦላ ፒርዳ ኤሃና፤ ኔ፤ አቲዳይታ ታኒ ጫርኮን ላላና።

11 ሃሳ ገሻሰ ኡባ ሃሪዛ ጎዳይ፡ ታኒ ዴኦ ጸሳ ገዲዳይሳን ጫቃይሰ፡ ኔኒ ታ ኬላ ቱና ሚሰሌታኒኔ ሃራሲዛ ኔ ኦላ ኡባን ቱኒሲዳ ገሻሰ ታ ኔና ቡጫ ጳይሳና፤ ታ ኔና ቃጴታ አይፊን ጸሊኬኔ ማሪኬ።

12 ኔ አሳፔ አሲ ኩሼይ ካታማ ገደን ኢታ ሃርጌኒኔ ኮሻን ሃይቃና፤ ናምአንሎ ኩሼይ ካታማ ገምቤፊ ካሬራ ማሻን ወራና፤ አቲዳ ሃዳንሎ ኩሼዛ ታኒ ጫርኮሰ ላላና፤ ማሻ ሾዳ ዩዳላና።

13 «ሃሳፊ ጉዩ ታ ሃንቆይ ደቻና፤ አሰታ ቦላ ቦሻይካ ሲማና፤ ታ አሰታ ቦላ ሃሎ ኬሲኮ ታሰ ዎፑ ጋና፤ ታ አሰታ ቦላ ባሻ ጋሊዳፔ ጉዩ ታኒ ጎዳይ ዚልኤታ ሃሳይዳይሳ አሰቲ ኤራና።

14 «ኔ ዩሾን ዲዛ ካዎቴላታ ገደን ኔ ማታራ አጲዛ ኡባ ሲንላን ታኒ ኔና ቡላሳና፤ ቂጴሰ አላ አማና።

15 ሃንቆኒኔ ቦሻን ቃሴካ ዩሎኒኔ ሃንቆን ታ ኔ ቦላ ፒርዳ ኤሃዛ ዎዴ ኔ ዩሾን ዲዛ ካዎቴላታሰ ኔኒ ቂጴሰኒ ሚቻሰ፡ ሴራሴኔ ዲጋማሰ ማላታ ገዳና። ታኒ ጎዳይ ሃይሳ ዮታዲሰ።

16 ዲኪዛ ዎንዳፊ ማላ ዎጲዛኔ ጳይሲዛ ኮሻ ታ አንቴ ቦላ ዩዲዛ ዎዴ ተማፔ ታ አንቴና ጳይሳናሰ ዩዳይሰ፤ ታ አንቴሰ ኮሻ ቦላ ኮሻ ኤሃና፤ ታኒ ካሊ ዩዳሰ ሚሊሳና።

17 ታኒ ኮሻኔ ዎራ ዶኦታ አንቴ ቦላ ዩዳና፤ አሰቲካ አንቴና ናይ ባይንዳይታ ኦላና፤ ታ አንቴ ቦላ ኢታ ሃርጌ፡ ሱሊኔ ማሻ ኤሃና፤ ታኒ ጎዳይ ሃይሳ ዮታይሰ» ጌሰ።

ሜቄሬታና፤ ሹኬቲዳ አንቴ አሳታ አሰታሰ ጎይኒዛ ኤቃ ጸሳታ ሲንላን ታ ዩጋና።

5 ታኒ አሰራኤሌ አሳ አሃ ኢሰታ ኤቃታ ሲንላን ኢቸሳና፤ አንቴ ሜቄላታካ አንቴ ያርሺዛሶሆታ ዩሾን ላላና።

6 አንቴ አሰታን ዲዛ ካታማቲ ኡባይ ካይሰ ገዳና፤ አንቴ ጎይኒዛሶቲ ኡባይ ላሊታና፤ ሃሳካ አንቴ ያርሺዛሶሆቲ ቱናና፤ ላሊቲ ጳያና፤ አንቴ ኤቃ ጸሳቲ ኒፒ ገ ሜቄሬታና፤ አንቴ ኤጸኔ ያርሺዛሶሆቲ ኒፒ ገ ሜቄሬታና፤ አንቴ ኩሼ ኦሶቲ ዲፒ ገ ጳያና።

7 አንቴ አሳይ ሹኬቲዳ አንቴ ገደን ኩንዳና፤ ታኒ ጎዳ ገዲዳይሳ አንቴ ሃሳን ኤራና።

8 « ነታኒ አንቴፊ ማሻፊ ኬሲ ኤኪ አቲዳ ጉላታ አሻና፤ ሃሳፊ ጉዩ ካዎቴላታ ገደኒኔ ዳሬታ ገደን አንቴና ታ ላላና።

9 ሃይቲ ሃይቆፔ አቲዳይቲ ዲኤቲ ቢዳሶን ዲሼ አሰቲ ታና ቆፓና፤ አሰቲ ታፔ ሃኪዲ ላይማቴላን ኩሚዳ ዎዚናኒኔ ዚታይ ኩሚዳ ኤቃ ጸሳታ ካሊዛ አንቴ አይፊታን ታና ሚሺሲዳታ፤ ባ ኦሊዳ ኢታቴላፊኔ ሃራሲዛ ኤቃ ጸሳታ፤ ዳንዲዲዳሳን አሰቲ ባርካ ባና ሃራሴታና።

10 ቃሴካ ታኒ ጎዳ ገዲዳይሳ አሰቲ ኤራና፤ ታኒ አሰታ ቦላ ኢታ ሚሽ ኤሃና ገዳይሲ ጮ ሃዳ ገዳና።

11 « ኡባ ሃሪዛ ጎዳይ፡ ዩሎን ኔ ኩሼ ባቃ፤ ኔ ቶሆንካ ቢታ ቃካሼ፡ ወ! ወይ) ጋ ዋሳ፤ አሰራኤሌ አሳይ ኦሊዳ ኢታቴላፊኔ ሃራሲዛ ሃና፤ ዳንዲዲዳሳን ማሻን፡ ኮሻኒኔ ኢታ ሃርጌን ወራና።

12 ሃሆን ዲዛይቲ ኢታ ሃርጌን ሃይቃና፤ ማታን ዲዛይቲ ማሻን ኩንዳና፤ ቃሴ ሽምገራ ፓጸ አቲዳይቲ ኮሻን ወራና፤ ታ ሃንቆዛ ሃይሳ ማላን አሰታ ቦላ ፖላና።

13 አሰታ አሳፔ ሹኬቲዳይቲ ያርሾ ያርሺዛሶሆታ ዩሾ ኡባን፡ አሰታ ኤቃ ጸሳታ ገደ ኡባን፡ ዙምቡላታ ቦላ ኡባን፡ ዙማታ ጸራ ቦላ ኡባን፡ ጨለላ ሚላ ጋርሳታን ኡባኒኔ ዎጋ ዎላታ ጋርሳታ ኡባን፡ ባንታ ኤቃ ጸሳታሰ ሳዊዛ ያርሾ ያርሺዛሶሆታ ኡባን ዩጌቲ አቲዳይታ አንቴ ቤኢዲ ሃ ዎዴ ታኒ ጎዳ ገዲዳይሳ አንቴ ኤራና።

14 ታኒ ታ ኩሼዛ አሰታ ቦላ ዳንላና፤ አሰቲ ዲዛሶሆታ ዲጌሃን ባዙ ቢታፊ ቢዲ ፑዳሃን ዲቢላ ጋካናሰ ቡላ ሂሰታና፤ ታኒ ጎዳ ገዲዳይሳ አሰቲ ሃ ዎዴ ኤራና» ገደሰ።

6

አሰራኤሌ ዙምቡላታ ቦላ ዮቲቲዳ ቲንቢት

1 ጎዳ ቃላይ ታኮ ዩዲ፡
2 «ሃይሶ አሳ ናወ! ኔ አይፊሶ ፑዴ አሰራኤሌ ዙምቡላታኮ ዛራዳ ሃንቁታሼ አሰታ ቦላ ቲንቢት ዮታ።

3 ኢሰራኤሌ ዙምቡላቶ! ኡባ ሃሪዛ ጎዳ ቃላ ሲዩቲ! ኡባ ሃሪዛ ጎዳይ ዙምቡላታሰ፡ ፖጎኖታሰ፡ ካካታሲኔ ዙሌታሰ፡ ታ አንቴ ቦላ ማሻ ኤሃና፤ አንቴ አሰታ ቦላ ጎይኒዛሶሆታካ ጳይሳና።

4 አንቴ አሰታ ቦላ ያርሾ ያርሺዛሶሆቲካ ላሊታና፤ ቃሴ አንቴ አሰታ ቦላ ኤጸኔ ጩቀሲዛሶሆቲካ

7

አሰራኤሌ ወርሴላ

1 ጎዳ ቃላይ ታኮ ዩዲ፡
2 ታና «ሃይሶ አሳ ናወ! ኡባ ሃሪዛ ጎዳይ አሰራኤሌ ቢታሰ፡ ሃይሲ ወርሴላ! ቢታይ ቦላ ኦይዲ ባጋራካ ወርሴላ ዩሰ።

3 ሃኢካ ኔ ወርሴላ ጋኪዳሰ! ታኒ ታ ሃንቆዛ አንቴ ቦላ ጉሳና፤ አንቴ ሃኖ ማላ ታ አንቴ ቦላ ፒርዳና፤ ሃራሲዛ ኤቃ ጸሳታሰ አንቴ ጎይኒዛ ገሻሰ ታ ኔሰ ቤሲዛ ቁጻቲ አማና።

4 ታ አንቴና ቃጴታ አይፊን ጸሊኬኔ ታ አንቴና ማሪኬ፤ አንቴ ሃኖታ ማላ ታ አንቴ ቦላ ፒርዳና፤ አንቴ

ገደን ዲዛ ሃራሲዛ ኤቃ ጸሳታ ታ ቆንጨሳና፤ ታኒ ጎዳ ገዲዳይሳ አንቴ ሄ ዎዴ ኤራና፤ ጌሰ።

5 «ኡባ ሃሪዛ ጎዳይ፣ «ሄኮ ቦሻይ! ሴቴቴ ኤርገታ ቦሻይ» ይሰ።

6 ወርሴል ጋኪዳሰ! ወርሴል ጋኪዳሰ! አንቴ ቦላ ዳንዲዳሰ፤ ሄኮ ጋኪዳሰ!

7 አንቴና ሃኖ ቢታይ ቦላ ዲዛይቶ! አንቴና ቆይሳና ፐርዳይ አንቴ ቦላ ጋኪዳሰ፤ ዎዴዚ ጋኪዳሰ፤ ዙምቡላታ ቦላ ኡፋይሳ አሊሰ ገደንታ ሺርይ ጋኪዳሰ።

8 ሃኢ ማታን ታኒ ታ ሃንቆዛ አንቴ ቦላ ጉሳና፤ ታኒ ታ ሃንቆ አንቴ ቦላ ፖላና፤ አንቴ ሃኖታ ማላ ታ አንቴ ቦላ ፐርዳና፤ ሃራሲዛ ኤቃ ጸሳታሰ አንቴ ጎይኒዛ ገሻሰ ታ አንቴሰ ቤሲዛ ቁጽቴ አማና።

9 ታ አንቴና ቃዴታ አይፊን ጸሊኬ፤ ታ አንቴና ማሪኬ፤ አንቴ ሃኖታ ማላ ታ አንቴ ቦላ ፐርዳና፤ አንቴ ገደን ዲዛ ሃራሲዛ ኤቃ ጸሳታ ታ ቆንጨሳና፤ ታኒ ጎዳ ገዲዳይሳ አንቴ ሄ ዎዴ ኤራና።

10 « «ሄኮ ጋላሳ! ሄ ጋላሳይ ጋኪዳሰ! አንቴ ባሻይ አንቴ ፔንጌን ዳሰ! አታቴላ ጉፊይ ጉምቢዳሰ፤ ኦቶሬቴል ጨዩዳሰ።

11 ማካላይ ዲጫዳ አታቴል ሾጨዛ ጉፊ ገዳዲሰ፤ አሳፔ አይኮይካ አቴና፤ አሰታ ጮራቴላፊ፣ አሰታ አቆታፔኔ አሰታ ቦንቾፊ አይኮይካ አቴና።

12 ዎዴዚ ጋኪዳሰ፤ ጋላሳይካ ማቲዳሰ! ሃንቆይ ዳሬ ኡባ ቦላ ጋኪዳ ገሻሰ ባይዚዛይ ጩጮፖ፤ ሻሚዛይካ ኡፋዬቶሬ።

13 አሰቲ ናምአይ ሾምፖራ ፓጸ ዲሺን ባይዚዳይሲ ባ ባይዚዳይሳ ዛርፖ፤ ሄሳሎካ ኩሚላ አሰራኤሌ ቦላ ዮቴቲዳ አጃታይ ላሚቴና። ባ ናጋራ ጋሶን ኦኒካ ባ ሾምፖ አሻና ዳንዳይና።

14 ታ ሃንቆይ አሳ ኡባ ቦላ ዱዳ ገሻሰ አሰቲ ዛይ ዛይኮኔ ኡባ ሚሽ ገግሲኮ ኦላሶ ባናይ ኦኒካ ዳና።

አሰራኤሌ ናጋራ ጋሶን ያና ቁጽቴ

15 « «ካሬራ ኦላይ ዳሰ፤ ሶራ አታ ሃርጌይኔ ኮሻይ ዳሰ፤ ካታማፔ ካሬን ዲዛይቲ ኦላን ወራና፤ ካታማን ዲዛይቲ ኮሻኒኔ አታ ሃርጌን ወራና።

16 አሰታፊ ኬሲ ኤኪ አቴዛይቲ ሾባ ገደፊ ጎዲን ሃርጌሽ ፐራዲ ቢዲ ዙምቡላ ቦላ ጉጉሚዛ ሃራዴታ ማላ ባንታ ናጋራ ጋሶን ዚላሊሽ ዙማ ቦላ ዳና።

17 ኩሽ ኡባይ ደጫና፤ ያሻን ጉልባቴ ኡባይካ ሃጸና።

18 አሰቲ ማቃ ማይአና፤ አሰቲ ዳጋማን ሸርታና፤ አሰታ ኡባ አይፊሶይ ዬላ ማይአና፤ አሰታ ኡባ ሁኔይካ ቡሊሴታና።

19 አሰቲ ባንታ ቢራ ኦጌን ኦላና፤ አሰታ ዎርቃይካ ቱና ማላ ቆይታና፤ ጎዳ ዎልቃማ ሃንቆ ጋላሰ አሰታ ቢራይኔ ዎርቃይ አሰታ አሾና፤ አሰታ ቢራይኔ ዎርቃይ አሰቲ ናጋራን ኩንዳና ማላ አሰታሰ ቆጶ ገዲዳሰ፤ ቢራይኔ ዎርቃይ አሰታ ካልሴና፤ አሰታ ኡሎካ ኩሚና።

20 አሰቲ ባንታ ሎኦ አሌቆን ኦቶሬቲዳ፤ ሄይታ ባንታ ሃራሲዛ ኤቃ ጸሳታኔ ማሲ ገግሲዳ ዬላቺዛ ሚሰሌታ ኦላናሰ ጎኤቴዳ። ሄሳ ገሻሰ ታኒ ሄ ሎኦ አሌቆዛ አሰታሰ ቱና ከሳና።

21 ታኒ አሰታ አሌቆታ አላጋታሰ ዲአሰ፤ ቢታ ቦላ ዲዛ አታታሰ ቦንቃሰ አላ አማና፤ ሄይቲካ አሰታ ቲኒሳና።

22 ታኒ ታ አይፊሶ ሃራሶ ዛራና፤ ቦንቼቲዳ ታ ኬላ ፓንጋቲ ጌላናኔ ቲኒሳና።

23 « «ሱሬ ፐርዳይ ቆይን ቢታይ ሱላ ጉኮን ኩሚዳ ገሻሰ፤ ካታማያካ ማካላ ኦሶን ኩሚዳ ገሻሰ ኔኒ ሳንሳላታ ገሊሳ።

24 ካዎቴላታ ጋርሳፊ ዳር አታታ ኤሃዳ አሰታ ኬላን ዲዛ አቆታ ታ ቦንቁሳና፤ ዎልቃማታ ኦቶሬቴል ታኒ ቆይሳና፤ አሰቲ ጎይኒዛሶሆታ ቲኒሳና።

25 ሺርይ ዩዛ ዎዴ አሰቲ ሳርቴል ኮያና ሺን ዳሚቴና።

26 ሚቶይ ሚቶ ቦላ ቃሴ አታ ዮኦይ አታ ዮኦ ቦላ ያና፤ አሰቲ ናቤፔ አጃታ ዳሚናሰ ባዴታና፤ ዎጋ ቲሚርቴይ ቁሴፔ፣ ዘሬይካ ጨማፔ ቆያና።

27 ካዎይ ዬካና፤ ሃላቃይ ሂደታ ቃንጸና፤ ሄ ቢታ አሳ ኩሽይ ባቦን ኮኮራና። ታኒ አሰታ ኦሶ ማላ አሰታሰ አማና፤ አሰቲ ሃራታ ቦላ ፐርዲዳ ማላ ታኒ አሰታ ቦላ ፐርዳና። ታኒ ጎዳ ገዲዳይሳ አሰቲ ሄ ዎዴ ኤራና፤ ጌሰ» ገሽ ዩዳሰ።

8

ጸሳ ኬላን ኤቃ ጸሳታሰ ጎይኖ

1 ኡሱፑንላ ላይላን፣ ኡሱፑንላ አገናን፣ ኢቻሻንላ ጋላሳን ታኒ ታሶን ኡታ ዲሺን፣ ዩሁዳ ጨማቲካ ታ ሲንላን ኡቲ ዲሺን፣ ኡባ ሃሪዛ ጎዳ ዎልቃይ ታና ኦይኪዳሰ።

2 ታኒ ሄራካ ቲሺ ሂሰታ ጸላሼ አሳ ና ሚሳቲዛ ሚሰሌ ቤአዲሰ፤ አዛሰ ጸሰ ሚሳቲዛሶፔ ፑዳ ባጋይ ታማን ቦንቁዳ ቢራታ ሚሳቲዛይሳ፤ ጸሰ ሚሳቲዛሶፔ ዱጌ ባጋይ ታማ ሚሳቲዛይሳ ቤአዲሰ፤ አዛ ዮሾን ጸሊዛ ፖኦይ ዳሰ።

3 አዚካ ኩሽ ሚሳቲዛ ሚሽ ዬዲዲ ታ ሁኔ ቢናና ኦይኪዳሰ፤ አያናይ ታና ሳኦፔኔ ሳሎፔ ገደን ዳንሴዲ ጸሳ አጃታን ዬራሳላሚ ኤፊዳሰ፤ ፑዳሃ ባጋራ ዲዛ ጸሳ ኬላ ገደ ዳባባ ጌሊዛ ፔንጌራ ጌልላዲ፣ ጎዳ ቃናቴ ዳንሴላዛ ኤቃ ጸሳይ ዲዛሶ ታና ኤፊ ጋሊዳሰ።

4 ሄኮ ካሴ ታኒ ቆልታቲዛ ዳምባን አጃታን ቤኢዳ አሰራኤሌ ጸሳ ቦንቾይ ሄን ዳሰ።

5 አዚካ ታሰ፣ «ሃይሶ አሳ ናዉ! ፑዳሃ ባጋ ጸላ» ገደሰ። ታኒካ ጸላዲሰ፤ ሄኮ ያርሾ ያርሽዛሶ ፔንጌፊ ፑዳሃ ባጋራ ጌሊዛሶ ቦላ ጎዳ ቃናቴ ዳንሴላዛ ኤቃ ጸሳይ ዳሰ።

6 ቃሴካ አዚ ታሰ፣ «ሃይሶ አሳ ናዉ! አሰራኤሌ አሳይ ታና ታ ጌሻ ኬላፊ ሃሳናሰ ሃይሳን ኦሊዛ ሃራሲዛ ኤቃ ጸሳታሰ ጎይኒዛይሳ ኔ ቤአይ? ኔ ቡር ሃይሳፊካ ሃራሲዛ ኤቃ ጸሳታሰ ጎይኖ ኔ ቤአና» ገደሰ።

7 ሃሳፊ ጉዬ አዚ ታና ዛጎ ፔንጌ ኤሂዳሰ፤ ሄኮ ታኒ ገምቤዛ ጸሊሽን ጸኤይ ቤቲዳሰ።

8 አዚ ታና፣ «ሃይሶ አሳ ናዉ! ጎዳ ሉካ» ገደሰ፤ ታኒካ ገምቤዛ አሳ ሉካዳ አሲ ፔንጌ ዳማዲሰ።

9 ቃሴካ አዚ ታና፣ «አኔ ጌላዳ አሰታ ሃይሳን ኦሊዛ ሃራሲዛ ኤቃ ጸሳታሰ ጎይኖ ኤታ ቱናቴላ ጸላ» ገደሰ።

10 ታኒካ ጌላዳ ጸሊሺን ቲራን ጎሹቲዛ ሽምግራ ገጽ ዲዛ ሚዴቲቲቲ ዲማ ዲማ ቱና ደኣቲ ኡባይ፡ ኢሰራኤል ኩላ ኤቃ ጸጎታ ሚሰሌ ኡባይ ገምቤዛ ቦላ ዩዩ ኣቆናሰ ዎጩቲዳሰ።

11 ኢሰታፊ ሲንሳ ባጋራ ኢሰራኤል ኩላፊ ላፑን ታሙ ጨማቲ ኤቂ ዳቲሰ፤ ቃሴ ሳፋኔ ና ያኢዛኔያይካ ኢሰታ ገደን ኤቂዳሰ። ኡባይካ ኤጸኔ ጨዋሲዛ ሚሽ ባንታ ኩሽን ኦይኪ ዳቲሰ፤ ሎኦ ሳዎ ሳዋዛ ኤጸኔ ጨዋይ ቱሉ ገ ኩዜሰ።

12 ቃሴ ጸሲ ታና፡ «ሃይሶ ኣሳ ናወ! ኢሰራኤል ኩላ ጨማቲ ኢሰይ ኢሰይ ቆልኣ ገደን ቆማሶን ባንታ ኤቃ ሚሰሌ ኩላን ኢሰቲ ኦሊዛይሳ ቤያይ? ጋሶይካ ኢሰታ፡ ሳዳይ ኦና ቤዬና፤ ጎዳይ ቢታ ኣገደሰ» ገደሰ።

13 ቃሴካ ኢዚ ታና፡ «ሃሳፊካ ኣቋዛ ሃራሲዛ ኤቃ ጸጎታሰ ኢሰቲ ጎይኒዛይሳ ኔኒ ቡር ቤያና» ገደሰ።

14 ሃሳፊ ጉዬ ኢዚ ታና ጸጎ ኩላሰ ፑዳሃ ባጋራ ዲዛ ፔንጌዛኮ ኤሃዴሰ፤ ሃን ቲሙዜ ጌቲቲዛ ባንታ ኤቃ ጸጎሰ ዩከዛ ማጫሳቲ ኡቲዳይሳ ቤያዲሰ።

15 ኢዚካ ታና፡ «ሃይሶ ኣሳ ናወ! ሃይሳ ቤያይ? ሃሳፊካ ኣቋዛ ሃራሲዛ ኤቃ ጸጎታሰ ኢሰቲ ጎይኒዛይሳ ኔኒ ቡር ቤያና» ገደሰ።

16 ሃሳፊ ጉዬ ኢዚ ታና ጎዳ ኩላሰ ሶ ባጋ ዛጎ ኤፊዳሰ፤ ሃሳን ጸጎ ኩላ ፔንጌን ዳራንቻፊኔ ያርሺዛሶሆፕ ገደን ናምኡ ታማኔ ኢቻሽ ገዲዛ ኣቲማሳቲ ዳቲሰ፤ ኢሰቲ ባንታ ዘኮ ጎዳ ኩላኮ፡ ባንታ ኣይፊሶ ኣርሼይ ዋኪዛ ባጋ ዛሪዲ ኣርሼሰ ጉፋኒ ጎይኔቲሰ።

17 ጎዳይ ታና፡ «ሃይሶ ኣሳ ናወ! ሃይሳ ቤያይ? ዩሁዳ ኣሳይ ሃይሳን ኦሊዛ ሃራሲዛ ኤቃ ጸጎታሰ ኢሰቲ ጎይኒዛይሰ ላፋ ሚሹ? ኢሰቲ ቢታ ማካላ ኦሶን ኩሽዲ ዛሪ ዛሪዲ ታና ሃንቁላናወ ቤሲዜ? ሃኮ ኢሰቲ ታና ኣይ ማላ ጫዩዛኮ ታና ሃንቁላናሰ ባሰ ዳንዳዩቲዳ ኡባ ኢሰቲ ኦሊዛይሳ ቤኣ።

18 ሃሳ ገሻሰ ታኒ ኢሰታ ቦላ ሃንቆን ያና፤ ታኒ ኢሰታሰ ቃዴቲኬኔ ኢሰታ ቦላ ያና ሃናታፕ ታ ኢሰታ ኣሽኬ፤ ኢሰቲ ታኮ ዋሲኮካ ታ ሲዩኬ» ገደሰ።

9

ኤቃ ጸጎሰ ጎይኒዛይታ ሃይቆ

1 ሃሳፊ ጉዬ ታኒ ሲዩሺን ባ ቃላ ቆቁ ሂሰቲዲ፡ «ካታማኖ ቃጸያና ዶሬቲዳይቲ ባ ኦላ ሚሻ ኦይኪዲ ሃ ዬቶ» ገ ዋሲሺን ሲያዲሰ።

2 ሃኮ ቆይሲዛ ኦላ ሚሽ ባ ኩሹን ኦይኪዳ ኡሱፑን ኣሳቲ ፑዳሃ ባጋን ዲዛ ጋና ባጋ ፔንጌዛራ ዩዳ፤ ኢሰታራ ላይኖ * ማይኢዲ፡ ባ ሚሌን ጸፊዛ ሚሽ ኮርጅን ኦይኪዳ ኢሲ ኣሲ ዳሰ። ኢሰቲ ገደ ጌሊዲ ጸርቁማላፕ ኦሴቲዳ ያርሺዛሶ ላንቁን ኤቁዳ።

3 ሃሳፊ ጉዬ ኢሰራኤል ጸጎ ቦንቾይ ኪሩቤፕ ቦላራ ካሴ ባ ዲዛሶፕ ዳንዲዲ ጸጎ ኩላ ዳርማቶ ቢዳሰ። ጎዳይ ላይኖ ማይኢዲ ባ ሚሌን ጸፊዛ ሚሽ ኮርጅን ኦይኪዳ ኣዳዛ ዳይገደሰ።

4 ጎዳይ ዳይገደዲ ኢዛ፡ «ዩሩሳላሜ ካታማ ኡባ ባዳ ኢዚ ገደን ኦሴቲዳ ሃራሲዛ ኤቃ ጸጎታ ገሻሰ

ሚሹቲዲ ዩኪዛ ኣሳታ ሊጴ ቦላ ማላታ ዋላ» ገደሰ።

5 ታኒ ሲዩሺን ኢዚ ሃራታሰ፡ «ኢዛ ጌደ ካሊዲ ካሊዲ ካታማይን ዲዛ ዎዲቲ! ኦናካ ሚሹቲ ኣሽፍቲ።

6 ጨማታ፡ ናቲላታኔ ጌላኦታ፡ ማጫሳታኔ ጉላ ናይታ ኡባካ ሹኪቲ፤ ገደ ኣቲን ማላታራ ዲዛ ኣሰ ኦናካ ቦቾፍቲ። ዎዲ ታ ኩላን ደሚቲ» ገደሰ። ሃሳ ገሻሰ ኢሰቲ ጸጎ ኩላ ሲንሳን ኤቁዲ ዎዲ ጨማታን ደሚዳ።

7 ሃሳፊ ጉዬ ጎዳይ ኢሰታሰ፡ «ታ ኩላ ቱኒሲቲ፤ ዛጎታካ ኣሃን ኩንሊቲ፤ ቢቲ» ገደሰ፤ ኢሰቲካ ኩዚዲ ካታማ ገደን ኡባን ዩዩዲ ዎዲ ደሚዳ።

8 ኢሰቲ ዎዲን ዲሺን ታኒ ታርካ ሊጴ ቦላ ዲጌ ቢታን ጉፋናዳ ኣዬ ኣና! «ኣቤት ኡባ ሃሪዛ ጎዳወ! ኔኒ ዩሩሳላሜ ቦላ ባሽ ዩዳዳ ኢሰራኤል ኣሳፕ ኣቲዳ ጫሻታ ኡባ ቆይሳና ሃናይ?» ጋ ዋሳዲሰ።

9 ኢዚ ዛሪዲ ታሰ፡ «ኢሰራኤል ኩላ ናጋራይኔ ዩሁዳ ኩላ ናጋራይ ኬሂ ዳሪዳሰ፤ ቢታያ ሱሉ ጸላ ገዳዲሰ፤ ቃሴ ካታማያ ጌላቲላን ኩማዲሰ፤ ጋሶይካ ኣሳይ፡ ሳዳይ ቢታ ኣገደሰ፤ ጎዳይ ቤኤና» ገደሰ።

10 ሃሳ ገሻሰ ታኒ ኢሰታሰ ኢሰታ ሃኖ ማላ ኢማና ኣቲን ታ ኢሰታሰ ቃዴቲኬ፤ ኢሰታ ቦላ ዩዛ ሜቶፕ ታ ኢሰታ ኣሽኬ» ገደሰ።

11 ሃሳፊ ጉዬ ላይኖ ማይኢዲ፡ ባ ሚሌን ጸፊዛ ሚሽ ኮርጅን ኦይኪዳ ኢሳይይ ሲሚዲ፡ «ኔኒ ታና ኣዛዚዳ ማላ ኦላዲሰ» ገደሰ።

10

ጎዳ ኩላፊ ጸጎ ቦንቾ ሻኬቲላ

1 ታኒ ጸሊዛ ዎዳ ሰምፔሪ ጌቲቲዛ ኢንቁፊ ኦሴቲዳ ኣራታ ሚሳቲዛይ ኪሩቤታ ሁኤ ቦላ ሳሎ ማላ ሚጨቲ ዲዛ ሚሽ ቤኣዲሰ።

2 ጎዳይ ላይኖ ማይኢዳ ኣዳዛ፡ «ኪሩቤታፕ ጋርሳ ባጋራ ኢርዘታ ገደራ ካንላዳ ባ፤ ሂሰታዳ ታማ ቦንቆ ኔ ኩሹን ኩጸታ ኤካዳ፡ ካታማይ ቦላ ላላ» ገደሰ። ታ ጸሊሺን ኣዳዚ ታማ ኤካናሰ ጌሊዳሰ።

3 ኣዳዚ ገደ ጌሊዛ ዎዳ ኪሩቤቲ ጸጎ ኩላፊ ዲጌሃ ባጋራ ኤቁዳ፤ ገደ ዛጎዛካ ሻራይ ኩሚዳሰ።

4 ጎዳ ቦንቾይ ኪሩቤታ ቦላፊ ዳንዲዲ ጸጎ ኩላ ዳርማቶ ቢዲ ኤቁዳሰ። ጎዳ ኩላ ሻራይ ኩሚዳሰ፤ ዛጎዚ ጸሊዛ ጎዳ ቦንቾን ኩሚዳሰ።

5 ኪሩቤታ ቁፊታ ገሪሳይ ኡባ ዳንዳይዛ ጸጎይ ሃሳይሺን ሲዩቲዛ ጨንጉርሳ ማላ ካሪ ዛጎን ሲዩቲሰ።

6 ጎዳይ ላይኖ ማይኢዳ ኣዳዛ፡ «ኪሩቤታ ማታፕ ኢርዘታ ገደፊ ታማ ኤካ» ገዲ ኣዛዚን፡ ኢዚ ጌሊዲ ኢርዘታፕ ኢሳ ኣቻን ኤቁዳሰ።

7 ኪሩቤታፕ ኢሰይ ባንታ ገደን ዲዛ ታማኮ ባ ኩሹዛ ዩዲዲ፡ ኢዛፕ ጉላ ኤኪዲ፡ ላይኖ ማይኢዳ ኣዳዛ ኩሹን ዎሊን ኢዚካ ኤኪዲ ኩዚዳሰ።

8 ኪሩቤታ ቁፊፕ ጋርሳ ባጋራ ኣሳ ኩሹ ሚሳቲዛዚ ቤቲሰ።

9 ታኒ ጸሊዛ ዎዳ ኪሩቤታ ሚሌሶን ኣይዲ ኢርዘቲ ዳቲሰ፤ ኢሲ ኢሲ ኪሩቤ ሚሌን ኢሲ ኢሲ

* 9:2 ላይኖ፡ ላይኖ ጌቲቲዛይሲ ኣምራሶ ቃላን ቤፍታ ዎይኮ ሃሪ ጌቲቲሰ። 9:4 ኣጁ 7:3፤ 9:4፤ 14:1 10:1 ሂዘ. 1:26፤ ኣጁ 4:2 10:2 ኣጁ 8:5 10:9 ሂዘ. 1:15-21

ኢርዘይ ዲዛይሳ ቤአዲስ፤ ሄ ኢርዘቲ ኢንቁ ማላ ጸሎቲስ።

10 ኢስቲ ኦይዳይካ ኢሶይ ኢሳ ሚሳቲቲስ፤ ኢሲ ኢሲ ኢርዘይ ሃራ ኢርዘራ ኢሲፌ ኦይኮቲ ኦሴቲዳ ሚሳቲስ።

11 ኢርዘቲ ባና ዳንዲዛ ዎዴ ከሩቤቲ ባናሰ ሰሚዲ ኦይዲ ባጋ ባናሰ ዳንዳዬቲስ፤ ከሩቤቲ ቢዛ ዎዴ ኢርዘቲ ያኔ ሃ ጎንታ ሲቲ ገ ቤቲስ። ከሩቤቲ ቢዛ ዎዴ ኢርዘቲ ያኔ ሃ ጎንታ ሁኤይ ሰሚዳ ኣዎ ባጋካ ቤቲስ።

12 ኢስታ ኩሚላ ቦላጎ፣ ኢስታ ዘኮን፣ ኢስታ ኩሼን፣ ኢስታ ቁፊታኒኔ ኦይዲ ኢርዘታ ኡባን ኣይፌይ ኩሚዳስ።

13 ኢርዘቲ፣ «ኤቻቲዛ ኢርዘታ» ጌቲቲ ዳይጌቲሺን ታ ሲያዲስ።

14 ኢሲ ኢሲ ከሩቤሰ ኦይዲ ኣይፌሶይ ዳስ። ኮይሮይሲ ከሩቤ ኣይፌሶ፣ ናዎኣንጎሳዚ ኣሳ ኣይፌሶ፣ ሄቫንጎሳዚ ጋዎ ኣይፌሶኔ ኦይዳንጎሳዚ ጎሌ ኣይፌሶ ሚሳቲስ። *

15 ሄሳፌ ጉዬ ከሩቤቲ ፑዴ ዳንዲዳ። ሄይቲካ ታኒ ኮቦሬ ሻፋ ማታን ቤኢዳ ሸዎፖራ ፓጻ ዲዛ ሚዳቲላታ።

16 ቃሴ ከሩቤቲ ባና ቃጸዛ ዎዴ ኢስታ ሚሊን ዲዛ ኢርዘቲካ ቃጸቲስ፤ ከሩቤቲ ቢታፌ ፑዴ ዳንዳናዉ ባንታ ቁፊታ ያንገዚ ዎዴካ ኢስታ ሚሊን ዲዛ ኢርዘቲካ ኢስታፊ ሻኬቲቲና።

17 ከሩቤቲ ሲቲ ገ ኤቁዛ ዎዴ ኢርዘቲካ ኤቃ ጌቲስ፤ ከሩቤቲ ቢታፌ ፑዴ ቶቁ ገ ዳንዲዛ ዎዴ ኢርዘታ ገደን ሸዎፖራ ፓጻ ዲዛ ሚዳቲላታ ኣያናይ ዲዛ ገሻሰ ኢርዘቲካ ኢስታራ ኢሲፌ ዳንዳቲስ።

18 ሄሳፌ ጉዬ ጎዳ ቦንቾይ ጸሳ ኬላ ዳርማቻፌ ዳንዲዲ ከሩቤታ ቦላ ኤቁዳስ።

19 ታኒ ጳሊሺን ከሩቤቲ ባንታ ቁፊታ ያንገዲ ኢርዘታራካ ኢሲፌ ቢታፌ ፑዴ ዳንዲ ቢዳ። ኢስቲ ኣርሼይ ሞኪዛ ባጋራ ዲዛ ጎዳ ኬላ ዩሾን ዲዛ ገምቤ ፔንጌን ኤቁዳ፤ ኢሰራኤሌ ጸሳ ቦንቾይካ ኢስታፊ ቦላራ ዳስ።

20 ሃይቲ ኮቦሬ ሻፋን ኢሰራኤሌ ጸሳ ጋርሳን ታ ቤኢዳ ሸዎፖራ ፓጻ ዲዛ ሚዳቲላታ፤ ኢስቲካ ከሩቤታ ገዲዳይሳ ታ ኣከካዲስ።

21 ኢስታሰ ኢሳሰ ኢሳሰካ ኦይዲ ኣይፌሶይኔ ኦይዲ ቁፊይ ዳስ፤ ኢስታ ቁፊታፔ ጋርሳ ባጋራ ኣሳ ኩሼ ሚሳቲዛዚ ዳስ።

22 ኢስታ ኣይፌሶይካ ኮቦሬ ሻፋ ማታን ታ ቤኢዳይታ ሚሳቲስ። ኢስቲ ኢሶይ ኢሶይ ሲቲ ገዲ ሲንሳ ቤቲስ።

11

ኢሰራኤሌ ዳራ ካለሌዛይታ ቦላ ፐርዳቲዳ ፐርዳ

1 ሄሳፌ ጉዬ ኣያናይ ታና ፑዴ ዳንዲዲ ኣርሼይ ሞኪዛ ባጋራ ዲዛ ጎዳ ኬላ ገምቤ ፔንጌ ኤሄዳስ። ጌሊዘሶ ፔንጌ ቦላ 25 ኣቲማሳቲ ዳቲስ፤ ኢስታ ገደን ዳራ ካለሌዛ ኣዙሬ ና ያኢዛኔያኔ ባናያ ና ፓላጲያ ቤኣዲስ።

2 ጎዳይ ታና፣ «ሃይሶ ኣሳ ናዉ! ሃ ኣቲማሳቲ ሃ ካታማን ኢታ ሃልቾ ሃልቹዛይታኔ ጌኔ ዘሬ ዘጋዛይታ።

3 ኢስቲካ፣ «ኬላቲ ኬጴታና ዎዴይ ሃኢ ገዳና። ሃና ካታማያ ኣሾ ዶይሲዛ ዲሰቲ፤ ኩኒካ ኣሾ» ጌቲስ።

4 ሄሳ ገሻሰ ኔኒ ኢስታ ቦላ ቲንቢቲ ዮታ! ኣሳ ናዉ! ቲንቢቲ ዮታ» ገዳስ።

5 ሄሳፌ ጉዬ ጎዳ ኣያናይ ታ ቦላ ዎዳዲ ታሰ። «ጎዳይ፣ ኢሰራኤሌ ኣሳዉ! ኢንቲ ሄሳ ማላ ጌታ፤ ታኒ ኢንቲ ኣይ ቆፐዛኮ ኤራይስ።

6 ሃ ካታማይን ኢንቲ ዳር ኣሳ ዎዳዲ ኦጌ ኡባን ኣሃ ኩንሊዳታ።

7 «ሄሳ ገሻሰ ኡባ ሃሪዛ ጎዳይ፣ «ኢንቲ ዎዳዲ ሄን ኦሊዳ ኣሃቲ ኢስታ ኣሾ፤ ቃሴ ሃ ካታማያካ ኣሾ ዶይሲዛ ዲሰቲ፤ ገዶ ኣቲን ሃ ካታማይፔ ታኒ ኢንቲና ኬሳና።

8 ኢንቲ ማሻሰ ያዩዳታ፤ ታኒ ሄ ኢንቲ ያዩዳ ማሻ ኢንቲ ቦላ ኤሃና» ጌሰ።

9 ታኒ ኢንቲና ሃ ካታማይፔ ኬሳዳ ኣላጋታ ኩሼን ኣሳ ኢማና፤ ታ ኢንቲና ቃጸያና።

10 ኢንቲ ማሻን ዉራና፤ ታኒ ኢንቲና ኢንቲ ቢታን ፐርዳና። ታኒ ጎዳ ገዲዳይሳ ኢንቲ ሄ ዎዴ ኤራና።

11 ሃ ካታማያ ኢንቲስ ኣሾ ዶይሲዛ ዲሰቲ ገዲኩ፤ ኢንቲካ ኢዚ ገደን ኣሾ ገዳኬታ። ታኒ ኢንቲና ኢንቲ ቢታን ፐርዳና።

12 ታኒ ጎዳ ገዲዳይሳ ኢንቲ ሄ ዎዴ ኤራና። ኢንቲ ኢንቲ ዩሾን ዲዛ ካዎቲላታ ዎጋ ካሊዳ ገሻሰ ታ ኣዛዘ ፖሊቤኬታ፤ ታ ዎጋካ ናጊቤኬታ» ገዳስ።

13 ታኒ ቲንቢቲ ዮቶ ቦላ ዲሺን ባና ና ፓላጲያይ ሃይቁዳስ፤ ታኒካ ሲንሳ ጉሳ ጉፋናዳ፣ «ኣቤት ኡባ ሃሪዛ ጎዳዉ! ኢሰራኤሌፔ ጫሻ ኣቲዳይታ ሙሌራ ቆይሳኔ?» ጋዳ ታ ቃላ ቶቁ ሂሰታ ዋሳዲስ።

ዲኤቲ ቢዳይታሰ ጎዳይ ኢሚዳ ሂደታ

14 ሄሳፌ ጉዬ ጎዳ ቃላይ ታኮ ዩዲ፣

15 «ሃይሶ ኣሳ ናዉ! ኔ ኢሻቲ ኔ ዳቦቲኔ ኢሰራኤሌ ኣሳይ ኡባይ ዲኤቲዲ ጎዳፔ ሃሲዳ፤ ሃና ቢታያ ኑስ ጸንጸ ገዳ ኢሚታዲስ» ገዲ ዲኤቶንታ ዩራሳላሚን ኣቲዳይቲ ሃሳይዳ።

16 «ሄሳ ገሻሰ ኔኒ፣ «ኡባ ሃሪዛ ጎዳይ፣ ታኒ ኢስታ ሃሆን ዲዛ ካዎቲላታ ገደን ዩዲኮካ፣ ዳሬታ ገደን ሳሊኮካ፣ ኢስቲ ቢዳ ዳሬ ኡባን ጉላ ዎዴ ታኒ ኢስታራ ገዳና» ገዳስ።

17 «ሄሳ ገሻሰ ኔኒ፣ «ኡባ ሃሪዛ ጎዳይ፣ ካዎቲላታ ገደፌኔ ኢንቲ ላሌቲዳ ቢታታፔ ታኒ ኢንቲና ሺሻ ዘራና፤ ኢሰራኤሌ ቢታካ ታኒ ዘራዳ ኢንቲስ ኢማና» ጌሰ።

18 «ኢስቲ ጉዬ ሰሚ ዩዲ ቱኒዳ ኢዚ ሚሰሌታኔ ሃራሲዛ ኢዚ ኦሶታ ታ ቆይሳና።

19 ታኒ ኢስታሰ ኢሲ ዎዚና ኢማና፤ ቃሴ ኦራሳ ኣያናካ ኢስታ ገደን ታ ዎላና። ታኒ ኢስታፊ ሹቶ ሚሳቲዛ ዎዚና ዲጋዳ ኣሾ ማላ ሹሳ ዎዚና ኢማና።

20 ሄሳ ገሻሰ ኢስቲ ታ ኣዛዘ ፖላና፤ ታ ዎጋካ ናጋና። ኢስቲ ታ ዳሬ ገዳና፤ ታኒካ ኢስታ ጸሰ ገዳና።

21 ገደ ኣቲን ባንታ ዎዚና ቱኒዳ ሚሰሌታኮኔ ሃራሲዛ ኦሶታኮ ዘራዳይታሰ ኢስታ ኦሶ ማላ ታ ኢስታሰ ኢማና» ገዳስ።

10:12 ኣጂ 4:8 * 10:14 ከሩቤ ገዛይሳ ኢሲ ኢሲ ጌሻ ማጻፋን ቦራ ጌቲቲስ 10:14 ሃዘ 1:10፤ ኣጂ 4:7 11:19 ሃዘ 36:24-28

ዬሩሳሌም ጎዳ ቦንቾ ሻኬቱል

22 ሃሳፊ ጉዬ ከሩቤቲ ባንታ ቁፊታ ያንጊዳ፤ ኢርዘቲ ኢስታ ሚሌን ዳቲስ፤ ኢሰራኤል ጸሳ ቦንቾይካ ኢስታፊ ቦላራ ዳስ።

23 ጎዳ ቦንቾይ ካታማይ ጊዳፊ ዳንዲ ቢዲ ኣርሼይ ሞኪዛ ባጋራ ዲዛ ዙማ ቦላ ኤቁዳስ።

24 ኣያናይ ታና ፑዴ ዳንሲዳስ፤ ጸሳ ኣያናይ ታስ ኢሚዳ ኣጂታን ባቢሎንን ዲዛ ዲኤቲዳይታኮ ታና ኤፊዳስ። ሃሳፊ ጉዬ ታኒ ቤኢዳ ኣጂታይ ታፔ ሻኬቲ ቢዳስ።

25 ሂሰቲን ጎዳይ ታና ቤሲዳ ሚሻታ ኡባ ዲኤቲላን ዲዛይታስ የታዲስ።

12

ሂዘቁላ ለሚሶን ቤሲዳ ማላታታ

1 ጎዳ ቃላይ ታኮ ዩዲ።

2 «ሃይሶ ኣሳ ናወ! ኔኒ ማካላንቻ ዳራ ጊደን ዳሳ። ኢስቲ ማካላንቻ ጊዲዳ ገሻሰ ኢስታስ ኣይፊይ ዳስ ሺን ዳሚቲና፤ ኢስታስ ሃይሌ ዳስ ሺን ሲዬቲና።

3 ሃሳ ገሻሰ ኣሳ ናወ! ኢስቲ ቤኢሺን ጋላስ ኔስ ዲዛ ሚሽ ሺሻ ኤካዳ ጎዳታናስ ገቢታ፤ ኔ ዲዛሶፔ ዳንዳዳ ሃራሶ ባ። ኢስቲ ማካላንቻ ጊዲኮካ ኣኬካናስ ዳንዳዬቲስ።

4 ጋላስ ኢስቲ ዳሊሺን ኔስ ዲዛ ሚሽ ጎዳቲ ቢዛ ኣሳ ማላ ኬሳ፤ ኦማርሲካ ኢስቲ ዳሊሺን ዲኤቲ ቢዛ ኣሳ ማላ ኬዛ።

5 ኢስቲ ዳሊሺን ኔ ኬላ ጎዳ ሉካዳ ኔስ ዲዛ ሚሽ ኬሳ።

6 ኔኒ ኬሲዳ ሚሻ ኢስቲ ዳሊሺን ጋዳይ ቆሚሺን ኔ ሃሸን ቶካዳ ኬዛ። ታ ኔና ኢሰራኤል ኬላስ ማላታ ኦሊዳ ገሻሰ ጋይ ቤኦንታ ማላ ኔ ሲንሳ ካማ» ጊዳስ።

7 ታኒካ ኢዚ ታና ኣዛዚዳ ማላ ኦላዲስ። ዲኤቲ ቢዛ ኣሳ ማላ ጋላስ ታስ ዲዛ ሚሽ ሺሻ ቃቻዳ ጎዳቲ ቢዛ ኣሳ ማላ ኬሳዲስ፤ ኦማርሰ ታ ኬላ ጎዳ ታ ኩሼን ሉካዲስ፤ ኢስቲ ዳሊሺን ቃቻ ዋሊዳ ሚሻ ሃሸን ቶካዳ ቆሚሺን ባዲስ።

8 ዋንቲላ ጋላስ ማላዶራ ጎዳ ቃላይ ታኮ ዩዲ።

9 «ሃይሶ ኣሳ ናወ! ማካላንቻ ኢሰራኤል ኣሳይ ኔና። ሳኒ ኦሊዛይ ኣዜ?» ጊዲ ኔና ኦይቹዳስ ጊዳይ።

10 ኔኒ ኢስታስ። ሉባ ሃሪዛ ጎዳይ ሃ ቲንቢቲይ። ዬሩሳሌምን ዲዛ ሃላቃሲኔ ኢሰራኤል ኣሳ ኩሜሳሳ

11 ኔኒ ኢስታስ።

« ታኒ ኢንቲሰ ማላታ፤ ታኒ ኦሊዳ ማላ ሃሳሶ ኢስታ ቦላካ ሃናና፤ ኢስቲ ዲኤቲዲ ሃራ ቢታ ባና» ጋ።

12 «ኢስታ ጊደን ዲዛ ሃላቃይ ኦማርሳራ ባስ ዲዛ ሚሽ ሺሺ ቶኪዲ ኬዛና፤ ኢዚ ባቃቲ ባና ማላ ገምቤይ ሉኬታና፤ ቢታ ቤኦንታ ማላ ባ ኣይፊሶ ካማና።

13 ታኒ ታ ገቲ ኢዛ ሲንሳን ዬጋና፤ ኢዚ ዋጸማዳንካ ኦይኬታና፤ ታኒ ኢዛ ካላዳዊታ ቢታ ባቢሎኔ ኤሃና፤ ጊደ ኣቲን ኢዚ ሃ ቢታ ቤኦንታ ሃይቃና።

14 ኢዛ ዩሾን ዲዛ ኢዛ ማዲዛይታኔ ኢዛ ኦላንቻታ ኡባ ታኒ ኡባሶ ፒሰኪ ሂሰታና፤ ታኒ ኢስታ ማሻን ዩዳላና።

15 «ኢስታ ታኒ ዳሬታ ጊደኔ ካዋቲላ ጊደን ላሊዛ ዋዴ ታኒ ጎዳ ጊዲዳይሳ ኢስቲ ኤራና።

16 ኢስቲ ባንቲ ቢዳ ካዋቲላታ ጊደን ባንታ ቱና ኦሶ ፓጻና ማላ። ታኒ ኢስታፊ ጉላታ ኦላፔ። ኮሻፔኔ ኢታ ሃርጌፊ ኬሲ ኤካና ማላ ኦላና። ታኒ ጎዳ ጊዲዳይሳ ኢስቲ ሃ ዋዴ ኤራና» ጊዳስ።

ያሻን ኮኮሪዛ ናቤ ማላታ

17 ጎዳ ቃላይ ታኮ ዩዲ።

18 «ሃይሶ ኣሳ ናወ! ኔ ካል ኮኮራሽ ማ፤ ቃሴ ኔ ሃላካ ጋዢጋዢኔ ባባሽ ኡያ።

19 ቢታን ዲዛ ኣሳስ። ሉባ ሃሪዛ ጎዳይ ኢሰራኤል ቢታን ዲዛ ዬሩሳሌም ኣሳስ። ኢስቲ ባንታ ካል ሂርጊሽ ማና፤ ባንታ ሃላካ ጋዢጋዢኔ ባባሽ ኡያና። ሂን ዲዛ ኣሳይ ኡባይ ጌናንቻ ጊዲዳ ገሻሰ ኢስታ ቢታይ ካይዛና።

20 ካሴ ኢስታን ኣሲ ኩሚዳ ካታማቲ ካይዛና፤ ቢታንካ ቡላታና። ታኒ ጎዳ ጊዲዳይሳ ኢንቲ ሃ ዋዴ ኤራና» ጌሰ» ጋ ጊዳስ።

ኣሳ ለሚሶስ ጎዳይ ኢሚዳ ዛር

21 ጎዳ ቃላይ ታኮ ዩዲ።

22 «ሃይሶ ኣሳ ናወ! ኢሰራኤል ቢታን። ሰዋዴይ ኣዲቁዳስ፤ ኣጂታይ ኡባይካ ሃዳ ጊዲዳስ» ጊዲ ኢንቲ ቶሴ የቲዛይ ኣዜ?

23 ሃሳ ገሻሰ ኢስታስ ኔኒ። ሉባ ሃሪዛ ጎዳይ። ታኒ ሃይሳ ሃ ቶሴዛ ዲጋና፤ ኢስቲ ዛሬሊዲ ሃይሳ ሃ ቶሴዛ ኢሰራኤል ቢታን ጎኤቲቲና» ጌሰ ጋ። ቃሴካ ኔኒ ኢስታስ። ሉጂታይ ኡባይካ ፖሌታና ዋዴይ ማቲዳስ።

24 ሃይሳፊ ጉዬ ኢሰራኤል ዳራ ጊደን ዋርዶ ኣጂታይኔ ኣስ ሙሬኖ ኦሶይ ዳና።

25 ታኒ ጎዳይ ሃሳና ኮዩዳይሳ ሃሳና፤ ታ ሃሳይዳ ቃላይካ ጋምኦንታ ፖሌታና፤ ኢንቲኖ ማካላንቻ ኣሳቶ! ታኒ የቲዳይሳ ኡባ ኢንቲ ላይላን ታኒ ፖላና» ጌሰ ኡባ ሃሪዛ ጎዳይ» ጊዳስ።

26 ቃሴካ ጎዳ ቃላይ ታኮ ዩዲ።

27 «ሃይሶ ኣሳ ናወ! ኢሰራኤል ኣሳይ። ሃይሲ ኣዳዚ ቤኢዛ ኣጂታይ ቡር ዳር ላይላፊ ጉዬን ሃናናዛ፤ ኢዚ የቲዛ ቲንቢቲይካ ዳር ላይላፊ ጉዬን ሃናናዛ» ጌሰ።

28 ሃሳ ገሻሰ ኔኒ ኢስታስ። ሉባ ሃሪዛ ጎዳይ። ታኒ የቲዳ ቃላፔ ጋምኣናዚ ዳና፤ ታ ጊዳ ኡባይ ፖሌታና» ጌሰ» ጊዳስ።

13

ዋርዶ ናቤታ ሂሌቲል

1 ጎዳ ቃላይ ታኮ ዩዲ።

2 «ሃይሶ ኣሳ ናወ! ቲንቢቲ የቲዛ ኢሰራኤል ናቤታ ቦላ ኔኒ ቲንቢቲ የታ፤ ባፔ ሜዲ ኤሲዲ ቲንቢቲ የቲዛይታ። ጎዳ ቃላ ሲዩቲ!

3 ኡባ ሃሪዛ ጎዳይ። ሉሲ ሚሽካ ቤኦንታ ባንታ ኣያና ካሊዛ ኤያ ናቤታስ ኣዬ ኣና!

4 ኢሰራኤል ኣሳወ! ኢንቲ ናቤቲ ላሌቲዳሶሆታን ዲዛ ሻናታ ማላ።

5 ጎዳ ጋላሳን ዪዛ ኦላን ዲርሳይ ሚኒ ኤቃናሰ ዳንዳና ማላ ጳጳቁቲዳ ኢሰራኤል ገምቤዛ ሚንላ ገምባናሰ ኢንቲ ሄ ኬዚቤኬታ።

6 ኢሰታ ኣጂታይ ኢሰታ ቲንቢቲይ ዋርዶ። ኢሰቲ ጎዳይ ከቶንታ ዲሺን ጎዳይ ሃይሳሉ ጌሰን ጌቲሰ። ኢሰቲካ ባ ዮቲዳይሲ ፖሌታና ጌዲ ናጌቲሰ።

7 ታኒ ዮቶንታ ዲሺን፡ «ጎዳይ ሂዘጌሰን ገሼ ኢንቲ ዋርዶ ኣጂታይ ዋርዶ ቲንቢቲ ዮቲዳይሳ ጌዴ?» ጌሰ።

8 ሄሳ ገሻሰ ኡባ ሃሪዛ ጎዳይ፡ «ኢንቲ ዮቲዳ ቲንቢቲይ ኢንቲ ቤኢዳ ኣጂታይ ዋርዶ ጌዲዳ ገሻሰ ታኒ ኢንቲ ቦላ ዳንዳይሰ።

9 ታ ኩሼይ ዋርዶ ኣጂታ ቤኢዳይታ ቦላይ ሙሬኒዛ ናቤታ ቦላ ዳንዳይ። ኢሰቲ ታ ዳራ ዱላታን ጌሌቲና፤ ኢሰራኤል ኣሳ ማዘጋባን ጳፊቲቲና፤ ኢሰራኤል ቢታካ ጌሌቲና። ታኒ ኡባ ሃሪዛ ጎዳ ጌዲዳይሳ ኢንቲ ሄ ዋዴ ኤራና።

10 «ሳርይ ባይንዳ ዲሺን፡ «ሳርይ ዳሰ» ገሼ ታ ዳራ ባሌጳቲሰ፤ ቃሴ ዳሬዚ ሹቕ ኬሊሺን ኢሰቲ ኣኖን ማሼቲሰ።

11 ሄሳ ገሻሰ ኣኖን ማሼዛይታሰ፡ «ከላዚ ዋዳናይሳ ዮታ! ሃንሺሽ ኢራይ ቡካና፤ ታኒ ዋልቃማ ሹቕ ማላ ሻቕ ዬዳና፤ ጎቲ ጫርኮይካ ዳንዳና» ጌዲ ዮቲቲ።

12 ከላዚ ላሌቲዛ ዋዴ ዳሬይ፡ «ኢንቲ ማሼዳ ኣኖይ ኣዋ ቢዳ?» ጌዲ ኢንቲና ኦይቕንታ ኣጌና» ጌሰ።

13 ሄሳ ገሻሰ ኡባ ሃሪዛ ጎዳይ፡ «ገምቤ ዲርሳ ጳይሳናሰ ታኒ ታ ዪሎን ጎቲ ጫርኮ ዬዳና፤ ታ ሃንቆን ሻቕ ዬዳና፤ ሃንሺሽ ኢራ ጌታ ባሻራ ከታና።

14 ኢንቲ ኣኖን ማሼዳ ከላ ታ ላላና፤ ኢዛ ዮቺ ቤታናሽ ጋካናሰ ታ ላላና፤ ገምቤዚ ከንዲዛ ዋዴ ኢንቲ ኢዛ ጌዶን ዉራና፤ ታኒ ጎዳ ጌዲዳይሳ ኢንቲ ሄ ዋዴ ኤራና።

15 ሄሳ ገሻሰ ታኒ ታ ባሻዛ ገምቤዛ ቦላይ ኣኖዛ ማሼዳ ኣሳታ ቦላ ዬዳና፤ ታኒ ኢንቲና፡ «ገምቤዛ ገምቤዛራ ጋሊዲ ኣኖ ማሼዳይቲ ዳቲና።

16 ዬራሳላሚሰ ቲንቢቲ ዮቲዳይቲኔ ሳርይ ባይንዳ ዲሺን ሳርቲላ ኣጂታ ኢዚሰ ቤኢዳ ኢሰራኤል ናቤቲ ጳይዳ» ጋይሰ።

ዋርዶ ቲንቢቲ ዮቲዛ ማጫ ናቤታ ቦላ ዮቲቲዳ ቲንቢቲ

17 «ሃይሶ ኣሳ ናዉ! ባፔ ሜጲ ኤኪዲ ቲንቢቲ ዮቲዛ ኢንቲ ዳራ ማጫ ናይታኮ ኔ ኣይሬሶ ሃንቆን ዛራ፤ ኢሰታ ቦላ ቲንቢቲ ዮታ።

18 ኢሰታሰ ኡባ ሃሪዛ ጎዳይ፡ «ዳሬ ሸምፖ ዋጺማዴ ማላ ኦይካናሰ ሙሬኖ ሚሽ ሲኪሲዲ ባንታ ቁሴን ኣሊዛይታሲኔ ዲማ ዲማ ቆሞ ቢታ ጎሰ ሁኤሰ ገግሲዛ ማጫሳታሰ ኣዬ ኣና! ታ ኣሳ ሸምፖ ዋጺማዴን ጌልሊዲ ኢንቲ ኢንቲ ሸምፖ ኣሻኔ?

19 ኩቺ ጌዶንታ ባንጋሲኔ ባርሰ ጌዶንታ ካላሰ ጌዲ ዋርዶ ሲዪዛ ታ ዳራሰ ኢንቲ ዋርዶቲሽ ሃይቃና ቤሶንታይሳ ዋጺሽ፡ ዳናሰ ቤሶንታይታ ኣሺሽ ታ ሱንላ ዳሬ ሲንላን ካዉሺዳታ» ጌሰ።

20 «ሄሳ ገሻሰ ኡባ ሃሪዛ ጎዳይ፡ «ኢንቲ ካፎ ጲሬን ኦይኪዛ ማላ ኣሳ ሸምፖ ኦይኪዛ ሙሬኖ ሚሻ ቦላ

ታ ዳንዳይሰ፤ ታኒ ኢዛ ኢንቲ ቁሴፔ ዳላ ኦላና፤ ኢንቲ ጲሬን ካፎ ኦይኪዛ ማላ ኦይኪዳ ታ ዳራ ታ ኬሳ ኤካና።

21 ታኒ ኢንቲ ቢታ ጎሳ ዳፋ ዬጋዳ ታ ዳሬዛ ኢንቲ ኩሼፔ ዋላ ኤካና፤ ሃይሳሬ ጉዬ ኢሰቲ ኢንቲ ሼኔን ኣቁቲና፤ ታኒ ጎዳ ጌዲዳይሳ ኢንቲ ሄ ዋዴ ኤራና።

22 ታኒ ቆሆንታ ጸሎዛ ኢንቲ ዋርዶራ ጨጨሲዳ ገሻሰ፡ «ናጋራንታይ ባ ኢታ ኦፔቲ ሰሚዲ ባ ሸምፖ ኣሸንታ ማላ ኢንቲ ኢዛ ኢዛ ናጋራን ሚንጫይታ።

23 ሄሳ ገሻሰ ሃይሳሬ ጉዬ ዋርዶ ኣጂታ ቤኤኬታ፤ ሙሬኖካ ሙሬኔኬታ፤ ታ ዳራ ኢንቲ ኩሼፔ ዋላ ኤካና፤ ታኒ ጎዳ ጌዲዳይሳ ኢንቲ ሄ ዋዴ ኤራና» ጌሰ።

14

ኤቃ ጸሰ ጎይኒዛይታ ሂሊቲላ

1 ኢሰራኤል ጨማታፔ ጉላቲ ታኮ ዪዲ ታ ሲንላን ኡቲዳ።

2 ሂሰቲን ጎዳ ቃላይ ታኮ ዪዲ፡

3 «ሃይሶ ኣሳ ናዉ! ሃይቲ ኣሳቲ ኤቃ ጸሳታ ባንታ ዋዚናን ዋሊዳ፤ ባንታ ኢታቲላ ጳጲዛ ሹቕ ማላ ባንታ ሲንላን ዋሊዳ፤ ሂሰቲን ኢሰቲ ታፔ ኢሲ ሚሽ ኦይቻና ማላ ቃላ ኣሞዬ?»

4 ሄሳ ገሻሰ ኔኒ ኢሰታሰ፡ «ኡባ ሃሪዛ ጎዳይ ኢሰራኤል ኣሳፔ ኦኒካ ኤቃ ጸሰ ባ ዋዚናን ዋሊዳ፡ ባ ኢታቲላ ጳጲዛ ሹቕ ባ ሲንላን ዋሊዳ ናቤኮ ዪኮ ታኒ ጎዳይ ታ ሁኤራ ኢዛሰ ኢዛ ኤቃ ጸሳታ ቆዳ ማላ ኢዛሰ ዛራና።

5 ባንታ ኤቃ ጸሳታ ጋሶን ታፔ ሻኬቲዳ ኢሰራኤል ኣሳ ኡባ ዋዚና ሃ ታኮ ዛራናሰ ታ ሄሳ ኦላና» ጌሰ።

6 «ሄሳ ገሻሰ ኢሰራኤል ኣሳሰ፡ «ኡባ ሃሪዛ ጎዳይ፡ ማሬቲቲ! ኢንቲ ኤቃ ጸሳታፔ ሰሚቲ! ሃራሲዛ ኢንቲ ኦሶ ኡባ ኣጊቲ!

7 « ኢሰራኤል ኣሳፔ ኦኒካ ጌዲን ዋይኮ ኢሰራኤል ቢታን ዲዛ ቤቲ ኣሳፔ ኦኒካ ጌዲን፡ ታፔ ሻኬቲላን ኤቃ ጸሳታ ባ ዋዚናን ዋሊዳ፡ ባ ኢታቲላ ጳጲዛ ሹቕ ሂሰቲ ባ ሲንላን ዋሊዳ ታፔ ኦይቻና ናቤኮ ዪኮ ታኒ ጎዳይ ታ ሁኤራ ኢዛሰ ዛር ኣማና።

8 ኢታቲላን ታኒ ታ ኣይሬሶ ሄሳዳኮ ዛራና፤ ቶሴሲኔ ቁዴሰ ታ ኢዛ ኬሳና፤ ታኒ ኢዛ ታ ዳራ ጌዶሬ ዲጋና፤ ታኒ ጎዳ ጌዲዳይሳ ኢንቲ ሄ ዋዴ ኤራና።

9 « ናቤዛ ቲንቢቲ ዮታና ማላ ባሌላኮ፡ ሄ ናቤዛ ባሌላይ ታና ጎዳ፤ ታኒ ታ ቁሴ ኢዛ ቦላ ዳንላዳ ታ ዳሬ ኢሰራኤል ጌዶሬ ኢዛ ጳይሳና።

10 ኢሰታ ቆሆይ ኢሰታሰ ጌዳና፤ ናቤዚኔ ኢዛ ኦይቻና ዪዳይይ ናምኣይ ኢሲ ገና ቁጻቲ ኤካና።

11 ሄሳሬ ጉዬ ኢሰራኤል ኣሳይ ኦፔ ባሊዲ ታፔ ሻኬቲና፤ ሰሚዲ ባ ናጋራን ኡባን ባና ቲኒሴና። ኢሰቲ ታ ዳሬ ጌዳና፤ ታኒካ ኢሰታ ጸሳ ጌዳና» ጌሰ ኡባ ሃሪዛ ጎዳይ» ጌዳሰ።

ዮራሳላሚ ቦላ ዋልቃማ ፒርዳ

12 ጎዳ ቃላይ ታኮ ዪዲ፡

13 «ሃይሶ ኣሳ ናዉ! ኢሲ ዳሬይ ታናን ኣማኔቶንታ ኢዲዲ ናጋራ ኦሊኮ፡ ታኒ ታ ኩሼዛ ዬዳዳ ካላ ፑልቶ ሚሊሲኮ፡ ኮሻ ዬዳዳ ማሄኔ ኣሰ ዋጺኮ፡

14 ኖሃይ፡ ዳኔሊኔ ኢዮቢ ሃ ሄዛቲ ሃን ዲኮካ ኢስቲ ባንታ ጸሎቴላን ባንታ ሽምፖ ጸላላ አሻና» ጌስ ኡባ ሃሪዛ ጎዳይ።

15 «ታኒ ዋራ ደኣታ ዳራ ቦላ ከቲን ሄ ደኣቲ ዳራ ዶንላ ሂስቲን፡ ኢስታፊ ዳንደይሳን ሄራ ኣሲ ኣቆና ዳንዳዮንታ ዋራ ገዲኮ።

16 ኡባ ሃሪዛ ጎዳይ፡ ታኒ ዳኦ ጸሳ ገዲዳይሳን ጫቃይስ፤ ሃ ሄዛቲ ኣሳቲ ሄ ቢታን ዲዛኮካ ኢስቲ ባንታና አሻና ኣቲን ባንታ ኣቲማ ናይታ ዋይኮ ማጫ ናይታ አሻናስ ዳንዳዮቴና። ቢታያ ገዲኮ ዋራ ገዳና ጌስ።

17 «ዋይኮ ታኒ ሃ ቢታ ቦላን ማሻ ኤሃዳ፡ «ሃ ቢታራ ማሻይ ካንሎ» ጋዳ ማሄኔ ኣስ ቆይሲኮ።

18 ኡባ ሃሪዛ ጎዳይ፡ ታኒ ዳኦ ጸሳ ገዲዳይሳን ጫቃይስ፡ ሃ ሄዛቲ ኣሳቲ ሄ ቢታን ዲዛኮካ ኢስቲ ባንታና አሻና ኣቲን ባንታ ኣቲማ ናይታ ዋይኮ ማጫ ናይታ አሻናስ ዳንዳዮቴና» ጌስ።

19 «ዋይኮ ታኒ ቢታይ ቦላ ኢታ ሃርጌ ዬዳዳ፡ ታ ሃንቆን ኣሳይ ሱሉ ጉሳና ማላ ኦላዳ ኣሳኔ ማሃ ዋቆ ወርሲኮ።

20 ታኒ ኡባ ሃሪዛ ጎዳይ ታኒ ዳኦ ጸሳ ገዲዳይሳን ጫቃይስ፡ ኖሃይ፡ ዳኔሊኔ ኢዮቢ ሃ ቢታን ዲኮካ ኢስቲ ባ ጸሎቴላን ባንታና ጸላ አሻና ኣቲን ባንታ ኣቲማ ናይታ ዋይኮ ባንታ ማጫ ናይታካ ኣሽቴና።

21 «ኡባ ሃሪዛ ጎዳይ፡ ታኒ ኣሳኔ ማሃ ዋቆናስ ዬሩሳላሜ ቦላ ታ ኦይዲ ፒርዳታ፡ ማሻ፡ ኮሻ፡ ዋራ ደኣታኔ ኢታ ሃርጌ ዬዳዳዛ ዋዴ ኢዚ ኣይ ኮና ኣቆ ኢታ ሚሽ ገዳንዴ።

22 ገዲኮካ ሃፕ ኣማርዳ ኣሳቲ ኮሲ ኤኪዲ ኣታና፤ ኣቲማ ናይቲኔ ማጫ ናይቲ ኢንቴኮ ያና፤ ኢንቴ ኢስታ ሄማሊኔ ኢስታ ኦሶ ቤኢዳ ዋዴ ታኒ ዬሩሳላሜ ቦላ ኤሃዳ ማቶዚኔ ጋሊዳ ኢታ ባሻዚ ኡባይ ሊኬ ገዲዳይሳ ኢንቴ ኤራና።

23 ኢስታ ሄማታኔ ኢስታ ኦሶ ኢንቴ ቤኢዲ ሚኔታና፤ ታኒ ኢስታ ቦላ ጮ ሃዳን ኦሶንታይሳ ኢንቴ ኤራና» ጌስ።

15

ዋይኔ ቱራ ለሚሶ

1 ጎዳ ቃላይ ታኮ ዩዲ፡ 2 «ሃይሶ ኣሳ ናዉ! ዋይኔ ቱራይ ዋራን ዲዛ ሃራ ሚላታ ኡባ ሃጋፊ ኣዛን ኣቆዜ?»

3 ጎኢዛ ሚሽ ኦላናስ ኢዛ ኣኖፔ ኤኮቴ ኤሪዜ? ኢሲ ሚሽ ካቃናስ ኮጫይ ኢዛፔ ኤኮቴ ኤሪዜ?

4 ኢዚ ኤጸና ማላ ታማን ዬጊዳፔ ጉዬን ናምኡ ባጋ ጸራ ታማይ ሚዲ ገደዛ ላቢኮ ሄሲ ጎኣናስ ዳንዳይዜ?

5 ሎኦ ገዲ ኡቲዲ ኣይ ጎኣካ ኢሞንታ ኣገኮ ታማይ ጸጊዳፔኔ ላቢዳፔ ጉዬ ኮሄ ጎኣይ ባይንዳዝ ገዳና።

6 «ሃሳ ገሻሰ ኡባ ሃሪዛ ጎዳይ፡ ታኒ ዋራ ሚላ ገደን ዲዛ ዋይኔ ኣኖ ታማን ኤጸና ማላ ታ ኣሳ ኢሚዳይሳላ ዬሩሳላሜን ዲዛይታካ ኣሳ ኢማና።

7 ታኒ ታ ኣይፊሶ ኢታቴላን ኢስታ ቦላ ዛራና፤ ኢስቲ ታማፔ ኮሲ ኤኪ ኣቲዳ ገዲኮካ ቡር ኢስታ ታማይ ማና፤ ታኒ ታ ሲንላ ኢታቴላን ኢስታኮ ዛሪዛ ዋዴ ታኒ ጎዳ ገዲዳይሳ ኢንቴ ኤራና።

8 ኢስቲ ኣማኔቶንታ ኣገዳ ገሻሰ ታኒ ቢታዮ ኣሲ ባይንዳ ቡላ ኮሳዲሰ» ጌስ» ገዳሰ።

16

ኣማኖይ ፓጪዳ ዬሩሳላሜ ሃኖቴላ

1 ጎዳ ቃላይ ታኮ ዩዲ፡ 2 «ሃይሶ ኣሳ ናዉ! ዬሩሳላሜስ ኢዛ ኦሊዛ ሃራሲዛ ኦሶታ ኢዚሰ ቆንጩራ ዮታ።

3 ኡባ ሃሪዛ ጎዳይ ዬሩሳላሜስ፡ «ኔ ማይዛይኔ ኔ ዬሌታይ ካናኔ ቢታፊ ዩዳሰ፤ ኔ ኣዋይ ኣሞራ ቢታ ኣሳ፤ ኔ ኣዩያካ ሃቴ ቢታ ኣሳ።

4 ኔ ዬሌቲዳ ጋላስ ኔ ጉልኣይ ቃንጾቴቤና፤ ጌያናስ ሃላን ሚጩታቤካ፤ ማጺኔን ሾሼታቤካ፤ ጫርቃንካ ጸጺታቤካ።

5 ቃቆታ ኣይፊን ኔና ጸሊዲ ዋይኮ ኔስ ሚሹቲዲ ሃይታፔ ኢሲኖካ ኔስ ኦሊዳዳይ ዳና፤ ኔኒ ዬሌቲዳ ጋላስ ካቆቲዳ ገሻሰ ዳሞባን ዬጌታ ኣታዳሳ።

6 «ታ ሄራ ካንላ ባሼ ኔኒ ኔ ሱላን ሞሬታዳ ቃኮቴሺን ቤኣዲሰ፤ ኔኒ ኔ ሱላ ገደን ኢቻ ዲሺን ታ ኔና፡ «ሽምፖራ ፓጸ ዳ» ጋዲሰ።

7 ታኒ ኔና ዳሞባ ጋዴን ዲዛ ካላ ማላ ዲቻዲሰ፤ ኔኒ ዲጫ ጋካዳ ኢንቁ ማላ ኣልኦ ገዳዳሳ፤ ኔ ቆንላቲ ኡቲዳ፤ ኔ ቢናናይካ ዲጪዳሰ፤ ገደ ኣቲን ኔኒ ኣዩ ኡሎፔ ዬሌቲዳ ማላ ፒጺኒ ካሎ ዳሳ።

8 «ቃሴካ ታ ሄራ ኣቆ ባሼ ጸላዲሰ፤ ኔ ጌሎ ጋኪዳ ጌላኦ ገዲዳይሳ ቤኣዳ ታ ማይኦ ማጫራ ኔ ቦላ ዬጋዳ ኔ ካሎቴላ ካማዲሰ፤ ኔስ ጫቃይሰ፤ ኔናራ ቃላ ጌላዲሰ፤ ኔ ታሳ» ጌስ ኡባ ሃሪዛ ጎዳይ።

9 «ታኒ ኔ ቦላይ ሱላን ሞሬቲዳይሳ ሃላን ማጫ ጌሻዳ ዛይቴ ቲያዲሰ።

10 ታኒ ኔና ጸባቤ ቃሚሳ ማይዛዳ ጋልባፊ ኦሴቲዳ ሎኦ ጫማካ ኣሊሳዲሰ፤ ሎኦ ላይኖፔ ኦሴቲዳ ጎሴ ኔና ጎዚሳዲሰ፤ ቃሴ ሴሎ ኩታካ ቁማይሳዲሰ።

11 ኔና ታ ኣሌቆን ፖጪሳዲሰ፤ ኔ ኩሼን ሳጋዮ፡ ኔ ቆቆን ማጪፋራ ኣላዲሰ።

12 ቃሴ ኔ ሲጴኒኔ ኔ ሃይላን ጉቲቻ ኣላዲሰ፤ ኔ ሁኤንካ ሎኦ ካላቻ ጎጲሳዲሰ።

13 ኔኒ ዋርቃኒኔ ቢራን ኣሌቁታዳሳ፤ ኔ ማይኦይ ኡባይ ሎኦ ላይኖ፡ ሲልኮኔኔ ጸባቤ፤ ኔ ቁማይ ሊቆ ጳሌ፡ ኤሲኔ ዋጋራ ዛይቴ። ኔኒ ኮሃ ፑላታዳ ካዋ ማቾ ገዳዳሳ።

14 ታ ኔስ ኢሚዳ ቲማፔ ዳንዲዳይሳን ኔ ፑላቴላ ኩማላ ገዲዳ ገሻሰ ኔ ዋራይ ካዋቴላታ ገደን ኤሪቴዳሰ» ጌስ ኡባ ሃሪዛ ጎዳይ።

15 «ገደ ኣቲን ኔኒ ኔ ፑላቴላን ጩቁታዳሳ፤ ኮኢዳ ኔ ሱንላ ኔኒ ላይማቴላስ ጎኡታዳሳ፤ ኣቆ ቢዛ ኡባራ ኔ ሼኔ ማላ ላይማታዳሳ፤ ኔኒ ኔናቴላ ቤታስ ቤታስ ኣሳ ኢማዳሳ።

16 ኔ ማይኦታፔ ጉላታ ኤካዳ ኔ ላይማታሽ ጎይኒዛሰሆታ ኣሌቁሳ ገጊሳዳሳ፤ ሃሳ ማላ ሃናታይ ሃይሳፊ ሲንላን ሃኒቤና፤ ሃይሳፊ ጉዬንካ ሃኔና።

17 ታኒ ኔስ ኢሚዳ ዋርቃፊኔ ቢራፔ ኦሴቲዳ ሎኦ ኣሌቆታ ኤካዳ ኣቲማሳ ሚሰሌታ ኔስ ኦላዳሳ፤ ሂሰታዳ ኢስታራ ላይማታዳሳ።

18 ኔ ጸባቤታ ኤፋዳ ኢስታ ቦላ ጎጲዳሳ፤ ቃሴ ታ ዛይቴኔ ታ ኤጸኔ ኢስታስ ሽሻዳሳ።

19 ቃሴ ኔ ማና ማላ ታ ኔሰ ኢሚዳ ቁማ፣ ሄሲካ ሙሩታ ጲሌ፣ ኤሲኔ ዋጋራ ዛይቲ ሳዎ ቱኑ ጊዛ ኤጻኔ ማላ ኦላዳ ኔ ኢሰታሰ ያርሾ ሺሻዳሳ፤ ሄሳ ማላ ኦሶይ ፖሌቲዳሰ።

20 «ቃሴካ ኔ ታሰ ዩሊዳ አቱማ ናይታኔ ማጫ ናይታ ኢሰቲ ማና ማላ ኤፋዳ ሚሰሌታሰ ያርሻዳሳ። ሄሳ ኔ ኦሊዳይ ኔ ላይማቲዛይሲ ጉጺኔ?»

21 ኔኒ ታ ናይታ ሹካዳ ኤቃ ጸሳታሰ ያርሻዳሳ።

22 ሃ ሃራሲዛ ኔ ኦሶታኒ ኔ ላይማቲዳ ኡባን ኔ ኦይይ ኡሎፕ ኔ ፒጺኒ ካሎ ዩሊቲዳ ማላ ኔ ሱላን ሞሬታዳ ቃኩታሽ ዲዛ ዩላጋቲላ ዎይታ ኔ ቆፓቤካ።

23 « ሳይ አና! ሃኔ ኔሰ አይ አና! » ጌሰ ኡባ ሃሪዛ ጎዳይ፤ ኔ ኦሊዳ ኢታ ሚሻታ ኡባሬካ ቦላራ ሃራ ጉጃዳ።

24 ኔሰ ፖሳና ጊጊሳዳሳ፤ ሃ ኡባን ኔሰ ጎይኒዛሶሆታ አላዳሳ።

25 ኦይዱ ኦጌ ዶናን ኡባን ጎይኒዛሶሆታ ጊጊሳዳሳ፤ ኔናቲላ አጂ ቢዛ ኡባሰ ላይማቲላሰ ሺሻዳ ኔ ፑላቲላ ቱኒሳዳሳ።

26 ዜታ ኮዚዳ ኔ ሾር ጊብጼ አሳታራ ላይማታዳሳ፤ ቡቲፔ ዳር ኔ ላይማቲላን ታና ሃንቁላዳሳ።

27 ሄሳ ጊሻሰ ታኒ ታ ቁሴ ኔ ቦላ ዳንላዳ ኔሰ አሚዛ ጎአታፔ ፓጫንቻዲሰ፤ ኔ ኢታ ሃናታፔ ዳንዲዳይሳን፣ ኔ ፖኮ ኦሶን ዩላቲዛ ኔ ሞርኬ ፊሊሰጾሚ ማጫ ናይታ አሞሰ አላ ኢማዲሰ።

28 ኔና ቡር አሎንታ ጊሻሰ አሶሬታራካ ላይማታዳሳ፤ ሃሳፊ ጉዩካ አላቤካ።

29 ኔ ቱናቲላ ዛልአንቻታ ቢታ ባቢሎኔ ጋካናሰ ዳርሳዳሳ፤ ሂሰታዳካ አላቤካ።

30 « ሳይላይ ባይንዳ ላይማ ማጫሳ ማላ ሄሳ ኡባ ኔ ፖሊዳይ አይ ማላ ላፋ ዎዚናይ ኔሰ ዲኔ? » ጌሰ ኡባ ሃሪዛ ጎዳይ።

31 ኦይዱ ኦጌ ዶና ኡባን ኔሰ ፖሳናታ ጎይኒዛሶሆታ ጊጊሳዳሳ፤ ጊዲኮካ ሃራ ላይማን አቁዛ ማጫሳታ ማላ ሚሽ ቃንጺሳቤካ።

32 « ሃኔ ላይማ ማጫሳዬ! ኔኒ አዚናይ ዳኢሺን ሃራ አዳራ ላይማቲዛ ማጫሳ ማላ። »

33 አይ ላይማ ማጫሳሰ አሞታይ አሜቲሰ፤ ኔ ጊዲኮ ኔ ላኔታሰ ጌዴ አሞታ አማሳ፤ አሞ ባጋራካ ዩዳይቲ ኔናራ ላይማታና ማላ ባሌላናሰ ሞጎታ አማሳ።

34 ሄሳ ጊሻሰ ኔ ላይማቲላይ ሃራታፔ ዱማ፤ ላይማታናሰ ኮይዛዴይ ኔናራ ጊጋናሰ ሜቶቲና፤ ኔኒ ኢዛሰ አሞታ አማሳ አቲን ኢዚ ኔሰ አሞታ አሜና፤ ኔ ሃናታይ ሃንኮይታፔ ዱማቲሰ » ጌሰ » ጌሰ ኡባ ሃሪዛ ጎዳይ።

ዩሩሳሌም ቦላ ያና ፒርዳ

35 ሃኔ ላይማ ማጫሳዬ፣ አኔ ጎዳ ቃላ ሲያ!

36 ኡባ ሃሪዛ ጎዳይ፣ «ኔኒ ኔ ላይማቲላ አሞን ኔ ማይኦ ቃራዳ ኔ ካሎቲላ ኔ ላኔታ ቤሲዳ ጊሻሰ፣ ሃራሲዛ ኤቃ ጸሳታ ኔ ጎይኒዳ ጊሻሰ ኢሰታሰ ኔኒ ኔ ናይታ ሱላ ያርሺዳ ጊሻሰ። »

37 ኔኒ ኢሰታን ኡፋዬቲዳ ኔ ላኔታ ኡባ፣ ኔ ሲቁዛይታኔ ኔ ኢጺዛይታ ኡባ ታ ሺሻና፤ ኡባ ባጋፊ ኔ ዩሾን ሺሻዳ ኢሰታ ሲንላን ኔ ካሎቲላ ታ ቃራና፤ ኢሰቲካ ኔ ካሎቲላ ኡባ ቤኣና።

38 ታኒ ላይማቲዛ ማጫሳታ ቦላኔ ሺሞፖ ዎጂዛ ማጫሳታ ቦላ ፒርዲዛ ማላ ኔ ቦላ ፒርዳና፤ ታ

ሃንቆኒኔ ሚሾናን ሺሞፖ ዎጂናሽ ጋካናሰ ታ ሃሎ ኮሳና።

39 ታኒ ኔና ኔ ላኔታሰ አላ አሚና፤ ኢሰቲካ ኔ ፖሳናታኔ ኔ ዙሞቡላ ቦላ ጎይኒዛሶሆታ ላላና፤ ኢሰቲ ኔ ማይኦ ቃራ ኤካና፤ ሎኦ ኔ አሌቆታ ቦንቁ ኤካና፤ ኔና ፒጺኒ ካሎኔ ኩሼ ሚላ አሻና።

40 ኢሰቲ ኔ ቦላ ዳሬ ዳንላና፤ ሹቻራ ኔና ኩራካና፤ ማሻራ ኢሰቲ ኔና ቃንጾሬላና።

41 ኔ ኬላታ ታማን ጸጋና፤ ዳር ማጫሳታ ሲንላን ኔ ቦላ ቁጻቲ ኤሃና፤ ኔ ላይማቲላ ታ ኔና ዲጋና፤ ሃይሳፊ ጉዬ ኔ ሲቆታሰ ኔ ሚሽ ቃንጸካ።

42 ሄሳን ኔ ቦላ ዲዛ ታ ሃንቆይ ኢርጻና፤ ታ ሴላ ሃንቆይ ኔፔ ሃካና፤ ታ ጮኡ ጋና አቲን ሃይሳፊ ጉዬ ሃንቁቲኬ።

43 «ኔ ታና ሃይታን ሃንቁላዳሳ አቲን ኔ ዩላጋቲላ ዎይታ ቆፓቤካ፤ ሄሳ ጊሻሰ ኔ ኦሶ ማላ ታ ኔሰ አሚና » ጌሰ ኡባ ሃሪዛ ጎዳይ። ኔ ኦሊዳ ኢታ ኦሶታ ቦላ ሃራ ዚታቲላ ጉጃቤኪ?»

ዩሩሳሌም ማጫ ናይታ ናሞአታ

44 «ዩሩሳሌም! አሰ ኡባይ ለሚሶ ሃሳይሼ፣ ማጫ ናይ አዩን ኬዜሰ » ጊ ኔ ቦላ ለሚሶ ሃሳይሰ።

45 ቱሙ ኔኒ ባ አዚናኔ ባ ናይታ ሻቲቲዛ ኔ አይይ ና፤ ኔኒ ባንታ አዚናታኔ ባንታ ናይታ ሻቲቲዛ ኔ ሚቼታ ማላ። አንቲ አያ ሂቲ ቢታ አሳ፤ አንቲ አሞይ ቃሴ አሞሬ ቢታ አሳ።

46 ኔሰ ባይራ ሚቼያ ኔፔ ፑዴሃ ባጋራ ባ ማጫ ናይታራ ዲዛ ሳማሪያ፤ ኔሰ ካሎ ሚቼያ ኔፔ ዲጌሃ ባጋራ ዲዛ ሶዶሞ።

47 ኔኒ ኢሰታ ኦጌ ቡሲኔ ኢሰታ ኢታ ኦጌ ካሎ ጸላ ጊደንታ ጉላ ዎዴን ኢሰታፊ ቦላራ ኢታ ኦሊዛር ጊዳዳሳ።

48 ታ ኡባ ሃሪዛ ጎዳይ ታኒ ዳኦ ጸሳ ጊዲዳይሳን ጫቃይሰ፣ ኔኒኔ ኔ ማጫ ናይቲ ኦሊዳይሳ ማላ ኔ ሚቾ ሶዶማኔ ኢዚ ማጫ ናይቲካ ኦሊቤቲና።

49 ኔ ሚቼያ ሶዶማ ኦሊዳ ናጋራይ ሃይሳ፣ ኢዛኔ ኢዚ ማጫ ናይቲ ኦቶራንቻ፣ ካሊዳይታኔ አንጄ ዱሰ ዲዛይታ፤ ኢሰቲ ማንቆታኔ ሜቶቲቲዳይታ ማዲ ኤሬቲና።

50 ኢሰቲ ኦቶራንቻ ጊዲዲ ታ ሲንላን ሃራሲዛ ሚሽ ኦሊዳ፤ ሄሳ ጊሻሰ አንቲ ቤኢዳ ማላ ታ ሲንላፊ ጳይሳዲሰ።

51 ሳማሪያይ ኔ ኦሊዳ ናጋራሰ ባጋ ጊዳናይሳካ ኦላቤኩ፤ ኔኒ ጊዲኮ ኢዚፔ ኬሂ ኢታ ጊዲዳ ኦሶ ኦሶን ሄ ኡባን ኔኒ ኔ ሚቼታ ጸሎ አሳ ማላ ሚሳቲሳዳሳ።

52 ኔኒ ኔ ሚቼታ ጸሎ ማላ ቆዳዳ ጊሻሰ ዩላ ማይኦ፤ ኔ ናጋራይ ኢሰታይሳፊ ኬሂ ኢታ ጊዲዳ ጊሻሰ ኢሰቲ ኔፔ ጸሎ፤ ኔኒ ኔ ሚቼታ ጸሊሲዳ ጊሻሰ ዩላ ቁማኦ።

53 «ታኒ ጊዲኮ ሶዶሞኔ ኢዚ ማጫ ናይታ፣ ሃሳሳካ ሳማሪያፔ ኢዚ ማጫ ናይታፔ ኤኬቲዳ ዲኦ ታ ዛራና፤ ኢሰታፊ ዲኤቲዳይሳ ታ ዛሪዛ ዎዴ ኔፔ ዲኤቲዳይሳካ ዛራና።

54 ኔ ኦሊዳ ኡባን ኔ ካዉያናኔ ኬሃ ዩላታና፤ ሃሳን ኔ ሚቼቲ ሚኔታና።

55 ኔ ሚቾ ሶዶማኔ ኢዚ ማጫ ናይቲ፣ ቃሴካ ሳማሪያይ ኢዚ ማጫ ናይቲ ካሴ ባ ዲዛ ሃናታን

ሲማና፤ ኔኔ ኔ ማጫ ናይቲካ ካሴ ኢንቲ ዲዛ ሃኖታን ሲማና።

56 ካሴ ኔ ኦቶሬቲዛ ዎዴ ኔ ሚቾ ሶዶሚሰ ሱንሳ ጸይጋናሰካ ኮያቤካ።

57 ሄሲ ኔ ናጋራይ ቆንጫናፔ ሲንላን ሃኒዳሰ፤ ሃኢ ገዲኮ ኔ የሾን ዲሼ ኔና ካቋዛ ኤዶሜ ማጫ ናይታሲኔ ኢዚ ሾርታ ኡባሰ፣ ቃሴ ፊሊሰጾሜ ማጫ ናይታሰ ቁጭሰ ኣታዳሳ።

58 ኔ ፖኮ ሃኖሲኔ ኔ ኢታ ኦሶሰ ቤሲዛ ቂጻቲ ኤካና» ጌሰ።

ሜርናሰ ላሌቶንታ ጫቆ ቃላ

59 ኡባ ሃሪዛ ጎዳይ፣ «ታ ቃላ ካቋዳ ገሻሰ ታናራ ጌሊዳ ጫቆ ቃላ ላላዳሳ፤ ሄሳሰ ኔ ኦሊዳ ማላ ታ ኔ ቦላ ኦላና።

60 ገዶ ኣቲን ኔ ናቴላን ዲሺን ታ ኔናራ ጫቂዳ ቃላ ቆፓና፤ ቃሴ ማርናሰ ኤቂ ዳና ጫቆ ቃላ ታ ኔናራ ጫቂታና።

61 ኔኒ ኔሰ ባይራ ሚቻታኔ ካሎ ሚቻታ ሞካ ኤኪዛ ዎዴ ኔ ሄሜሳ ቆፓ ኤካዳ ዩላታና፤ ኢሰቲ ኔሰ ማጫ ናይታ ገዳና ማላ ታ ኔሰ ኢማና፤ ገዶ ኣቲን ታ ኔናራ ጌሊዳ ጫቆ ቃላ ማላ ገዳና።

62 ሄሳ ገሻሰ ታ ኔናራ ጫቆ ቃላ ኦራዲሳና፤ ታኒ ጎዳ ገዲዳይሳ ኔ ሄ ዎዴ ኤራና።

63 ታኒ ኔ ኦሊዳ ሞር ኡባ ኣቶ ገዳ ዎዴ ኔ ቆሆይ ኔ ዎዚናን ካርፒ ገ ጌሊዛ ዎዴ ኔ ዩላታና፤ ኔ ካወሻቲላፊ ዳንዲዳይሳን ኔ ዶና ሙሌካ ዶያካ» ገዳሰ።

17

ጎሌታ ለሚሶኔ ዎይኔ ቱራ ለሚሶ

- 1 ጎዳ ቃላይ ታኮ ዩዲ፣
- 2 «ሃይሶ ኣሳ ናወ! ኢሰራኤሌ ኣሳ ማሌሶ ማሌላ፤ ኔ ኢሰታሰ ለሚሶን ማሌሶ ዮታ።
- 3 ኡባ ሃሪዛ ጎዳይ፣ «ዎጋ ቁፊይኔ ኣዲሲኔ ጮራ ባለይ ዲዛ ኢዛሰ ሜቆይ ማሳራ ገዲዳ ገታ ጎሌይ ዳሰ። ኢዚካ ለባናሴ ዩዲ ዚጋ ሚላ ጸራን ኡቲዲ ኤንቁሎዛ ጸንቁዳሰ።
- 4 ሄ ሚላዛ ጸራፔ ኤንቁሎዛ ጸንቁ ኤኪዲ ዛልኣንቻታ ዳሬ ኤፊዳሰ፤ ዛልኣንቻታ ካታማን ቶኪዳሰ።
- 5 « ሃሳፊ ጉዬ ሄ ቢታፊ ዜሬሳ ኤፊዲ ሎኦ ቢታን ሃላ ኩሚዳሶን ሃሳ ናጌ ሚላ ማላ ቶኪዳሰ።
- 6 ኢዚ ሞኪዳ ዎዴ ቃንላኔ ዳዩዳ ዎይኔ ቱራ ገዲዳሰ፤ ሃጋቲ ጎሌዛ ባጋ ዲጨዳ፤ ጸጸቲ ገዲኮ ኢዛ ጋርሳን ኣቲዳ፤ ሄሳ ገሻሰ ኢዚ ዎይኔ ቱራ ገዲዳሰ፤ ሃጋታ ኬሲዳሰ፤ ጨለላ ሃይላታካ ኬሲዳሰ።
- 7 « ቃሴ ዎጋ ቁፊቲኔ ጮራ ባለን ካሜቲዳ ገታ ጎሌይ ዳሰ፤ ሄ ቶኩቲዳ ዎይኔ ሚላዚ ሃሳ ዳማናሰ ባ ቶኩቲዳሶፔ ባ ጸጸዛ ጎሌዛኮ ዩዲዳሰ፤ ሃጋካ ኢዛኮ ሚጨዳሰ።
- 8 ገዶ ኣቲን ሃጋ ኬሳና ማላ፣ ኣይፌ ኣይፋና ማላኔ ሎኦ ዎይኔ ሚላ ገዳና ማላ ኢዛ ማታን ዳር ሃላ ዲዛሶን ኣራዳ ቢታን ካሴ ቶኩቲዳሰ» ጌሰ።
- 9 «ኔኒ ኢሰታሰ፣ «ኡባ ሃሪዛ ጎዳይ፣ ሄ ቱራይ ዲጫኔ? ኮይር ጎሌዚ ሹላና ማላ ጸጸዛ ሾዲን ኢዛ

ኣይፌዚ ቆቆፊቲኔ? ኤንቁሎዛ ኡባይ ሚላና፤ ኢዛ ጸጸፔ ሾዳናሰ ሚኖ ቁሴኔ ዳር ኣሳ ዎልቃ ኮሺና።

10 ኢዚ ሃራሶን ቶኩቲዲ ኦይካንዳሻ? ኣርሼይ ሞኪዛ ባጋ ጫርኮይ ሾጨኮ ሃን ባ ዲጨዳሶን ኢዚ ሙሌራ ሜሌኔ?» » ገዳሰ።

ሌሚሶዛ ቢርሼላ

- 11 ሄሳፊ ጉዬ ጎዳ ቃላይ ታኮ ዩዲ፣
- 12 «ሃይሳ ማካላንቻ ኬላ ኣሳሰ፣ «ሃይታ ለሚሶታ ቢርሼላ ኣዛኮኔ ኢንቲ ኤሬኬቲ?» ሄሰካ ባቢሎኔ ካዎይ ዩራሳላሚ ዩዲ ኢዚ ካዎዛኔ ኢዚ ዳናታ ዲኢ ኤኪ ባቢሎኔ ሲሚ ቢዳሰ።
- 13 ቃሴ ካዎ ኬላ ኣሳፔካ ኢሳ ኤኪዲ ኢዛራ ኢሲፊ ቃላ ጌሊዳሰ፤ ኢዛካ ጫቁሊዳሰ፤ ቢታይ ቦላ ኤሬቲዛ ኣሳታ ዲኢ ኤኪ ቢዳሰ።
- 14 ኢዚ ሄሳ ኦሊዳይ ሄ ቢታይን ዲዛ ካዎቴላያ ካወያዳ ኢዛራ ጌሊዳ ቃላ ናጋዳ ዳና ማላ ኣቲን ናምኣንሳ ዳንዶንታ ማላ ኦላናሳ።
- 15 ገዶ ኣቲን ዩሁዳ ካዎይ ኢዛ ቦላ ማካሊዲ፣ ፓራታኔ ዳር ኦላንቻታ ዳማናሰ ቃሰታኔታ ገብጾ ቢታ ከቲዳሰ። ኢዛሰ ሄሲ ሃናንዳ? ሃይሳ ማላ ኦሊዳይ ኬሲ ኤኪ ኣታንዳ? ጌሊዳ ጫቆ ቃላ ላሊዳይይ ቃጸዬቶንታ ኣታንዳ?
- 16 «ኡባ ሃሪዛ ጎዳይ፣ ታኒ ዳኦ ጸሳ ገዲዳይሳን ጫቃይሰ። ኢዚ ጫቆዛ ካቋዲ ጌሊዳ ቃላ ላሊዳሶን ኢዛ ኣራታ ቦላ ኡቲሲዳ ካዎዛ ቢታ ባቢሎኔን ኢዚ ሃይቃና።
- 17 ባቢሎኔ ኦላንቻቲ ኣሰ ዎቆናሰ ካታማይ ገምቤ የሾን ቢታ ዶሪዛ ዎዴኔ ሚጸታ ገግሲዛ ዎዴ ገብጾ ካዎ ፓርኔ ኦላንቻታራኔ ዳር ቡቲታራ ዩዲ ኦላን ኢዛ ማዳና ዳንዳዬና።
- 18 ካሴ ኢዚ ጫቂዳ ጫቆዛ ካቋዲኔ ካሴ ባ ጌሊዳ ቃላ ላሊዳ ባ ኩሼ ኢሚዳፔ ጉዬ ሃይታንታ ኡባ ኦሊዳ ገሻሰ ቃጸዬቶንታ ኣቲና» ጌሰ።
- 19 «ሄሳ ገሻሰ ኡባ ሃሪዛ ጎዳይ፣ ታኒ ዳኦ ጸሳ ገዲዳይሳን ጫቃይሰ፤ ኢዚ ጫቂዳ ጫቆዛ ካቋዲ ጌሊዳ ቃላ ላሊዳ ገሻሰ ታኒ ታ ጫቆ ቃላ ኢዛ ሁኤ ቦላ ኤሃና።
- 20 ታ ገቲ ኢዛ ቦላ ሚጨና፤ ኢዚ ታ ዎጸማዳን ኦይኬታና፤ ኢዚ ታሰ ኣማኔቶንታ ኣገዳ ገሻሰ ታ ኢዛ ባቢሎኔ ኤፋዳ ሄን ኢዛ ቦላ ፐርዳና።
- 21 ባቃቲዛ ኢዛ ኦላንቻቲ ኡባይ ማሻን ሃይቃና፤ ጫሻ ኣቲዳይቲ ዲማ ዲማሶ ላሌታና። ሃይሳ ሃሳይዳይ ታና ጎዳ ገዲዳይሳ ኢንቲ ሄ ዎዴ ኤራና» ጌሰ።
- 22 «ኡባ ሃሪዛ ጎዳይ፣ ታኒ ሁኤራ ኣዲሳ ዚጋ ጸራፔ ኤንቁሎዛ ጸንቃ ኤካዳ ኡባፊ ቆቃ ዙማ ሁኤን ቶካና።
- 23 ቆቁ ገዳ ኢሰራኤሌ ዙማ ሁኤን ቶካና፤ ኢዚ ሃጋታ ኬሳና፤ ኣይፌ ኣይፋና፤ ሎኦ ዚጋ ገዳና፤ ዲማ ዲማ ቆዎ ካፎቲ ኡባይ ሃን ባሰ ዲሳሶ ኬጸና፤ ኢዛ ሃጋታ ኩዎን ሽምፓና።
- 24 ዎራ ሚላ ኡባይ፣ ኣዲሳ ሚላታ ዚቂ ሂሰቲዛይ፣ ቃንላ ሚላታ ቆቁ ሂሰቲዛይ ታና ጎዳ ገዲዳይሳ ኢሰቲ ሄ ዎዴ ኤራና፤ ጨለላ ሚላታ ታኒ ሚሊሳይሰ፤ ሚላ ሚላታ ታኒ ጨለላሳይሰ» ጌሰ።
- «ታኒ ጎዳይ ሃይሳ ሃሳይዳይሰ፤ ኢዛካ ኦላና» ገዳሰ።

18

አሲ ባ ኦሊዳ ኦሶ ማላ ፐርዳታና

- 1 ጎዳ ቃላይ ታኮ ዪዲ፥
- 2 «ኢሰራኤል ቢታ ገሻሰ፥ ላዋቲ ቃወኤ ዋይኔ ማን ናይታ ኣቺ ዘልኢዳሰ፥ ጊዲ ኢንቴ ቶሴ ዮቲዛይ ኣዜ?»
- 3 «ታኒ ኡባ ሃሪዛ ጎዳይ! ታኒ ዳኦ ጸሳ ጊዲዳይሳን ጫቃይሰ፥ ሃይሳፌ ጉዬን ኢንቴ ሃይሳ ማላ ቶሴ ኢሰራኤል ቢታን ዮቲኬታ።
- 4 ቤኢቴ ኣሳ ኡባ ሽምግሮ ታሳ፤ ዩሊዳይታ ሽምግሮ ታሰ ጊዲዳ ማላ ኢሰታ ናይታ ሽምግሮካ ታሳ፤ ናጋራ ኦሊዳ ሽምግሮ ሃይቃና።
- 5 ሱሬቴላኒኔ ዋጋን ኦሊዳ ኢሲ ኣሲ ዲኮ፥
- 6 ዙምቡላታ ቦላ ኤቃ ጸሳታሰ ያርሹቲዳይሳ ኢዚ ሜና፤ ኢሰራኤል ቢታንካ ዲዛ ኤቃ ጸሳታኮ ጸሌና፤ ባ ላጌዛ ማቼይራ ላይማቲና፤ ማጫሳ ዋጋይ ዪሺን ማጫሳራ ኣቁና።
- 7 ኦናካ ኡንኤሌና፤ ጊዳ ኣቲን ኦይሶ ኤኪዳ ሚሻካ ታልኤ ኤኪዳዳሰ ዛሬሰ፤ ጋፊዳዳሰ ባ ካሕ፥ ካሎቲዳዳሰ ባ ማይኦ ኢሜሰ ኣቲን ዋልቃራ ባሰ ቦንቂ ኤኬና።
- 8 ኢዚ ዲቻሰ ታልኤና፤ ቡቲ ዳር ዲቸካ ኤኬና፤ ባ ኩሼ ሞርፔ ናጌሰ፤ ኣሳሰ ሱሬ ፐርዳ ፐርዳሰ።
- 9 ታ ማራ ካሌሰ፤ ታ ዋጋካ ሱሬቴላን ፖሌሰ። ሄሲ ጸሎ ኣሳ፤ ኢዚ ሽምግራ ፓጻ ዳና» ጊዳሰ።
- 10 ኡባ ሃሪዛ ጎዳይ፥ «ሃ ቢታኔዛሰ ሽምግ ዋጂዛ፥ ዋይኮ ሃይሳፌ ካሊ ዲዛይታፔ ኢሳ ኦሊዳ ኢሲ ማካላንቻ ናይ ዳኢኮ።
- 11 ኢዛ ኣዋይ ሄይታፔ ኢሳካ ኦሶንታ ኣጊኮ፥ ናዚ ዙምቡላታ ቦላ ያርሹሰ ሸቂዳይሳ ሚኮ፥ ባ ላጌዛ ማቼይራ ላይማቲኮ።
- 12 ሂዩሳኔ ሚቶቲቲዳዴ ኡንኤሊኮ፥ ዋልቃራ ዳፊ ኤኪኮ፥ ኦይሶ ኤኪዳይሳ ዛርንታ ኢጸኮ፥ ኤቃ ጸሳታኮ ሲሚኮ፥ ሃራሲዛ ኦሶታ ኦሊኮ።
- 13 ዲቻሰ ታልኢኮ፥ ቡቲ ዳር ዲቸ ኤኪኮ።

- ሄሳ ማላ ኣሲ ሽምግራ ፓጻ ዳና? ሙሌካ ዳና! ኢዚ ሃይታ ሃራሲዛ ሚሻታ ኦሊዳ ገሻሰ ኢዚ ቱሙካ ሃይቃና፤ ባ ሱላን ባርካ ኦይሹታና፤ ቱሙካ ሃይቃና።
- 14 «ሃ ኢታ ኣዳዛ ናዚ ጋኪዲ ና ዩሊኮ ኢዛ ናዚ ካሴ ኣዋይ ኦሊዳ ናጋራ ኡባ ቤኢዲ ኢዛሶ ኦሶንታ ኣጊኮ።
- 15 ዙምቡላታ ቦላ ያርሹ ሸሹዳይሳ ኢዚ ሞንታ ኣጊኮ፥ ኢሰራኤል ቢታን ዲዛ ኤቃ ጸሳታ ጎይናንታ ኣጊኮ፥ ባ ላጌዛ ማቼይራ ላይማቲኮ ኣጊኮ።
- 16 ኣሰ ኡንኤሊኮ ኣጊኮ፥ ታልኤ ኢማናሰ ኦይሶ ኦይቸንታ ኣጊኮ፥ ዋልቃራ ቦንቂ ኤኮንታ ኣጊኮ፥ ጊዳ ኣቲን ባ ካሕ ጋፊዳዳሰ፥ ባ ማይኦ ካሎቲዳዳሰ ኢሚኮ።
- 17 ባ ኩሼ ኢታ ኦሶፔ ሸሹ ኤኪኮ፥ ዲቸ ዋይኮ ቡቲፔ ዳር ዲቸ ኤኮንታ ኣጊኮ፥ ታ ዋጋ ናጊኮ፥ ታ ማራ ካሊኮ።
- ኢዚ ሽምግራ ፓጻ ዳና ኣቲን ባ ኣዋ ናጋራን ሃይቃና።
- 18 ጊዳ ኣቲን ኢዛ ኣዋይ ኣሳ ማታ ናቁዳ ገሻሰ፥ ባ ኢሻፔ ዋልቃራ ቦንቂ ኤኪዳ ገሻሰ፥ ዳራ ጊዳን ቤሶንታ ሚሸ ኦሊዳ ገሻሰ ኢዚ ባ ናጋራን ሃይቃና።
- 19 «ኢንቴ ጊዲኮ፥ ላይ ባ ኣዋ ናጋራን ኣይሰ ቃጸዩቴኔ?» ጌታ። ናዚ ሱሬኔ ቱማ ኦሊዳ ገሻሰ፥ ታ ማራካ ሚንሊ ናጊዳ ገሻሰ ኢዚ ሽምግራ ፓጻ ዳና።
- 20 ሃይቃናሰ ቤሲዛይ ናጋራ ኦሊዳ ሽምግራ። ናይ ባና ዩሊዳይታ ናጋራን ቃጸዩቴና፤ ሄሳ ማላንካ ዩሊዳይቲ ባ ናይታ ናጋራን ቃጸዩቴና። ጸሎይ ባ ጸሎቴላ ኣይፊ ማና፤ ናጋራንቻይካ ባ ናጋራ ጋቲ ኤካና።
- 21 «ጊዳ ኣቲን ናጋራንቻይ ባ ኦሊዳ ናጋራ ኡባፊ ሲሚዲ ታ ማራ ኡባ ናጊኮ፥ ሱሬኔ ቱማ ጊዲዳ ኦሶ ኦሊኮ ኢዚ ሙሌካ ሽምግራ ፓጻ ዳናፔ ኣቲን ሃይቃና።
- 22 ኢዛ ቆሆይ ኡባይ ቆዴቴና። ኢዚ ጸሎቴላ ኦጌን ቢዳ ገሻሰ ሽምግራ ፓጻ ዳና።
- 23 ቱማፔ ናጋራንቻ ሃይቆን ታ ኡፋይታዚና? ጌሰ ኡባ ሃሪዛ ጎዳይ። ሄሳፊ ቦላራ ኢዚ ባ ቢዛ ኢታ ኦጌፔ ሲሚዲ ሽምግራ ፓጻ ዲኮ ታና ኡፋይሴኔ?
- 24 «ጊዳ ኣቲን ጸሎ ኣሲ ባ ጸሎቴላፊ ሲሚዲ ናጋራ ኦሊኮ፥ ናጋራንቻይ ኦሊዛ ቱና ሚሸ ኦሊኮ ቱማፔ ኢዛዳይ ሽምግራ ፓጻ ዳና? ኣካይ፤ ኢዚ ኦሊዳ ጸሎቴላፊ ኢሶይካ ኢዛሰ ቆዴቴና፤ ኢዚ ኣማኔቶንታ ኢጸዳ ጋሶኒኔ ኢዚ ኦሊዳ ናጋራ ኡባ ጋሶን ኢዚ ሃይቃና።
- 25 «ኢንቴ ጊዲኮ፥ ሳዳ ኦጌይ ሱሬ ጊዳና፤ ጌታ። ኢንቴኖ ኢሰራኤል ኣሳቶ! ሃኢ ሲዩቴ! ታ ኦጌይ ሱሬ ጊዳኔ? ጌላይ ኢንቴ ኦጌ ጊዳኔ?»
- 26 ጸሎ ኣሲ ባ ጸሎቴላፊ ሲሚዲ ናጋራ ኦሊዛ ዋይ ባ ናጋራ ጋሶን ሃይቃና፤ ባ ኦሊዳ ቆሆ ጋሶን ኢዚ ሽምግራ ፓጻ ዳና።

27 ናጋራንቻይ ገዲኮ ባ ኢታ ኦሶፔ ሲሚዲ አማኔቱላን ዲኮ ኢዚ ባ ሼሞፖ አሻና።

28 ኢዚ ባ ኦሊዳ ቆሆ ኡባ ዩሺ እኬኪዲ፣ ባ ኦሊዳ ኢታቲላ ኦሶ ኡባፊ ሲሚዳ ገሻሰ ኢዚ ሼሞፖ ፓጻ ዳና ኣቲን ሃይቄና።

29 ኢሰራኤል ኣሳይ ገዲኮ፣ ሳዳ ኦይ ሱሬ ገዳና ገዲ። ኢንቴኖ ኢሰራኤል ኣሳቶ! ታ ኦይ ሱሬ ገዳኔ? ጌላይ ኢንቴ ኦይ ገዳኔ?

30 «ሃሳ ገሻሰ ኢንቴኖ ኢሰራኤል ኣሳቶ! ሃሳ ገሻሰ ኢንቴ ኦሶ ኦሶ ማላ ታ ኢንቴ ቦላ ፐርዳና፤ ሃኢ ማርቲላን ጌሊቲ፤ ኢንቴ ናጋራን ጳዮንታ ማላ ኢንቴ ናጋራ ኡባፊ ሲሚቲ።

31 ኢንቴ ታ ቦላ ኦሊዳ ቆሆ ኡባ ዋራ ኦሊቲ፤ ኢንቴሰ ኦራሳ ዋዚናይኔ ኦራሳ ኣያናይ ዴኔ፤ ኢንቴኖ ኢሰራኤል ኣሳቶ ኣይሰ ሃይቄቲ?

32 ኦኒካ ሃይቃናይሳ ታ ኮይኬ ጌሰ ኡባ ሃሪዛ ጎዳይ፤ ታኮ ሃ ሲሚዲ ሼሞፖ ፓጻ ዲቲ» ገዴሰ።

19

ኢሰራኤል ዳናታ ገሻሰ ዘላላቲዳ ዘላሰ

1 ጎዳይ፣ «ኢሰራኤል ዳናታ ገሻሰ ዘላሰ ዘላላና ማላ ታሰ ዮቲዳሰ፤

2 ኢዚካ ታሰ፣

« ሳ ኣያ ካሴ

ጋሞታ ገደን

ኣይ ማላ ጋሞ!

ዋዳላ ጋሞታ

ገደን ኢቻዲሰ፤

ባ ማራታካ ሄን ዲቻዲሰ።

3 ባ ማራታፔ ኢሳ ኢዛ ዲቸን፣

ኢዚ ሚኖ ጋሞ ገዲዳሰ፤

ኢዚ ሻንካቲሳ ታማርዲ

ኣሰ ሚዳሰ።

4 ካዎቲላቲ ኡባይ ኢዛ ሃኖ ሲዩዳ፤

ኢሰቲ ቦኪዳ ኦላን

ጌሊዲ ኦይኬቲዳሰ፤

ኢሰቲካ ኢዛ ሲዴን ዳፎ ኣላ

ጎቹዲ ገብጹ ቢታ ኤፊዳ።

5 « ኢዛ ሂደታ ኦሊዳይሰ

ጫልቃሚዳይሳ፣

ኢዛ ናገዳይሰ ፖሌቶንታይሳ

ቤኢዳ ዋዴ፣

ባ ማራታ ገደፊ

ናሞኣንሰዛ ዲቻዳ፣

ሚኖ ጋሞ ኬሳዲሰ።

6 ኢዚ ጋሞታ ገደን ኖቹ ገዴሰ፤

ሚኒ ሚኒካ ቢዳሰ፤

ዋዲ ሙሰ ኤሪዳ ኣሳካ ሚዳሰ።

7 ኢዚ ኢሰታ ሚጸ ሚንጫሬላዳሰ፤

ኢሰታ ካታማታካ ካይዚሰዳሰ፤

ቢታይኔ ቢታን ዲዛ ኣሳይ ኡባይ

ኢዛ ጸጎፔ ዳንዲዳይሳን

ኮኮሪዳ።

8 ኢዛ ዩሸን ዲዛ ካዎቲላቲ

ኡባይ ኢዛ ቦላ ዳንዲዳ፤

ባንታ ዴሬ ኡባፊ

ኢዛ ቦላ ሸቂዳ፤

ባንታ ገቲ ኢዛ ኦይካና ዩገዳ፤

ኢዚ ኢሰታ ኦላን

ጌሊዲ ኦይኬቲዳሰ።

9 ሲዴን ዳፎ ዩገዳ

ኮላ ገደን ጌልላዳ፤

ባቢሎኔ ካዎኮ ኤፊዳ፤

ናሞኣንሰ ኢዛ ጨንጉርሲ

ኢሰራኤል ዙማታ ቦላ

ሴቲቶንታ ማላ፣

ኢሰቲ ኢዛ ቃሾ ኬሳ ጌልላዳ።

10 « ሳ ኣያ ሃላ

ደናን ቶኬቲዳ

ዋይኔ ቲራ ማላ፤

ጎሻ ጋዴን ዳር ሃላ ዲዛ

ገሻሰ፣ ዳዩዳ ኣይፊዳ

ዋይኔ ቲራ ሚሳታዲሰ።

11 ኢዚ ሃጋቲ ካዎቲላሰ

ቤሲዛ ሚኖ ጉፊታ።

ጨፔ ገዳ ሃይላታ ገደን፣

ባ ኣዲሳቲላኒኔ

ባ ጮራ ሃጋታን

ሎኣ ቤታዲሰ።

12 ገደ ኣቲን ሃንቆን ጳቃሌታዲሰ፤

ዲጌ ቢታን ኦሌታዲሰ፤

ኣርሼይ ሞኪዛ ባጋ ጫርኮይ

ኢዛ ሚሊሲዳሰ፤

ኢዛ ኣይፊዳ ኣይፊዛ ቆቆፊዳሰ፤

ሚኖ ኢዚ ሃጋቲ ዳጋሚዳ፤

ታማይካ ኢሰታ ሚዳሰ።

13 ሃኢ ሃሳ ሳሚቲዳ ሚላ ቢታን

ባዘን ቶኬታዲሰ።

14 ኢዚሰ ዋጋ ሃጋታ

ኢሳፊ ታማይ ኬዚዳሰ፤

ኢዛ ኣይፊዳ ኣይፊዛ ሚዳሰ፤

ካዎቲላሰ ገዲዛ ኢሰ ሚኖ

ሃጋይካ ኣቲቤና፤

ሃይሲ ዘላሳ፤ ጨጮ ጋላሰ

ሚላሳሰ ገዳና ጋ» ገዴሰ።

20

ማካላንቻ ገዲዳ ኢሰራኤል

1 ኦኒ ዲኤቲዳ ላፑንላ ላይላን፣ ኢቻሻንላ ኣገናን፣

ታማንላ ጋላሳን፣ ኢሰራኤል ጨማታፔ ጉላቲ ጎዳ

ኦይቻናሰ ዩዲ ታ ሲንላን ኡቲዳ።

2 ጎዳ ቃላይ ታኮ ዩዲ፣

3 «ሃይሶ ኣሳ ናዉ! ኢሰራኤል ጨማታሰ ኡባ ሃሪዛ

ጎዳይ፣ ሳኒቴ ታ ቆፋ ኦይቻና ዩዳቲ? ታኒ ዴኔ ጸሰ

ገዲዳይሳን ጫቃይሰ፤ ኢንቴ ታና ኦይቹዲ ኤራና ማላ

ኮይኬ» ጌሰ ጋዳ ዮታ» ገዴሰ።

4 ኡባ ሃሪዛ ጎዳይ፣ «ሃይሶ ኣሳ ናዉ! ሃይታንታ ኔ

ፐርዳሰ ሸሻኔ? ቱማፔ ኔ ኢሰታ ፐርዳሰ ሸሻኔ?

ሃራሲዛ ካሴ ኢሰታ ኣዎታ ኦሶዛ ኢሰታሰ ቆንጨሳ።

5 ኢሰታሰ፣ ናኒ ኢሰራኤል ደሪዳ ዋዴ፣ ያቆቤ

ዛሬታሰ ታ ኮሼ ዳንላዳ ጫቃዲሰ፤ ገብጹ ቢታን

ታናቲላ ኢሰታሰ ቆንጨሳዲሰ፤ ታ ኮሼካ ዳንላ

ጫቃዳ ጎዳይ ታኒ ኢንቴ ጸሳ» ገዴሰ።

6 ታን ኢስታ ገብጾ ቢታፌ ኩሳዳ ኡባፌ ሎኦ ገዲዳ ማህይ ኤሲ ጎጊዛ ቢታ ታ ኢስታስ ገብሳ ዋሊዳ ቢታ ጌልላና። ጋዳ ጫቃዲሰ።

7 ቃሴ ታን ኢስታስ፣ ለንቴፌ ኢሶይ ኢሶይ ኢንቴ ኣይፌታ ሸምፒሲዳ ቱና ሚሰሌታ ዲጊቴ፤ ገብጾ ኤቃ ጸሳታን ኢንቴና ቱሲፒፒ። ጎዳይ ታን ኢንቴ ጸሳን ጋዲሰ።

8 «ኢስቲ ኢሶይ ኢሶይ ገዲኮ ታ ቦላ ማካሊዳ፤ ታ ዮቲዛይሳካ ሲያና ኮዪቤቴና፤ ኢስቲ ባንታ ኣይፌታ ኢስታ ቦላ ዋሊዳ ቱና ሚሰሌታ ዲጊቴና፤ ገብጾ ኤቃ ጸሳታካ ኣጊቤቴና። ሄሳ ገሻሰ ኢስቲ ገብጾን ዲሺን ታን ታ ሃንቆ ኢስታ ቦላ ጉሳና፤ ፖላና ጋካናሽ ኢስታ ቦላ ዩዳናስ ቃቻዲሰ።

9 ገደ ኣቲን ኢስቲ ካሴ ዲዛ ካዎቴላ ገደንኔ ኢስቲኤሌ ኣሳ ገብጾፔ ዋዛናስ ታን ቃላ ጌሊዛ ዋዳ ኢስታ ማታን ታ ቆንጨዳ ካዎቴላታ ሲንላን ታ ሱንላ ቱናንታ ማላ ታ ሱንላ ገሻሰ ጌንጫዲሰ።

10 «ሄሳ ገሻሰ ታን ኢስታ ገብጾፔ ኩሳዳ ባዛ ኤሃዲሰ።

11 ኣሲ ናገዛኮ ሸምፖራ ፓጻ ዋሊዛ ማራ ታ ኢስታስ ኢማዲሰ፤ ታ ዋጋካ ታ ኢስታ ኤሪሳዲሰ።

12 ቃሴ ኢስታ ገሸዲይ ታና ጎዳ ገዲዳይሳ ኢስቲ ሄ ዋዳ ኤራና ማላ ታሲኔ ኢስታስ ገደን ማላታ ገደና ማላ ታ ሳምባታ ኢስታስ ኢማዲሰ።

13 «ገደ ኣቲን ኢስቲኤሌ ኣሳይ ባዛ ቢታን ታ ቦላ ማካሊዳ። ኣሲ ናገዳኮ ሸምፖራ ፓጻ ዋሊዛ ታ ዋጋ ናገቤቴና፤ ታ ማራ ማንላዳ፤ ታ ሳምባታካ ሙሌራ ቱኒሲዳ። ሂሰቲን ታን ታ ሃንቆ ኢስታ ቦላ ጉሳዳ ባዛ ቢታን ኢስታ ቆይሳናስ ቃቻዲሰ።

14 ገደ ኣቲን ታን ኢስታ ገብጾፔ ኩሲሺን ቤኢዳ ካዎቴላታ ሲንላን ታ ሱንላ ቱናንታ ማላ ታ ሱንላ ገሻሰ ጌንጫዲሰ።

15 ቃሴ ታን ኢስታ ኡባፌ ሎኦ ገዲዳ ማህይ ኤሲ ጎጊዛ ቢታ ታ ኢስታስ ኢማዲ ቢታ ታ ኢስታ ጌልላኪ ጋዳ ታ ኩሼ ዳንላዳ ባዛ ቢታን ኢስታ ሲንላን ጫቃዲሰ።

16 ጋሶይካ ኢስቲ ታ ዋጋ ማንላዳ፤ ታ ኢስታስ ኢማዲ ማራካ ናገቤቴና፤ ታ ሳምባታካ ቱኒሲዳ፤ ኢስታ ዋዛናይ ኢስታ ኤቃ ጸሳታራ ኦይኬቴዳሰ።

17 ታን ገዲኮ ኢስታ ቃቆታን ጸላዲሰ ኣቲን ባዛ ቢታን ኢስታ ሙሌራ ቆይሳቤኬ።

18 ባዛ ቢታን ኢስታ ናይታሰ፣ ላሳይ ኢንቴ ኣዎታ ማራ ካሎፍቴ፤ ኢስታ ዋጋካ ናገፒቴ፤ ኢንቴና ኢስታ ኤቃ ጸሳታን ቱሲፒፒ።

19 ጎዳይ ታን ኢንቴ ጸሳ። ታ ማራ ካሊቴ፤ ታ ዋጋ ናጋናስ ማንቴ።

20 ታሲኔ ኢንቴሰ ገደን ማላታ ገደና ማላ ታ ሳምባታ ኢንቴሰ ዲማ ጋላስ ሂሰቲቴ፤ ጎዳይ ታን ኢንቴ ጸሰ ገዲዳይሳ ኢንቴ ሄ ዋዳ ኤራና። ጋዲሰ።

21 «ኢስታ ናይቲ ታ ቦላ ማካሊዳ፤ ኣሲ ናገዲ ሸምፖራ ፓጻ ዳና ማላ ታ ኢማዲ ማራ ካሊቤቴና፤ ታ ዋጋ ማን ናገቤቴና፤ ታ ሳምባታካ ቱኒሲዳ። ሂሰቲን ታን ታ ሃንቆ ባዛን ኢስታ ቦላ ጉሳዲሰ፤ ታ ሃንቆይ ፖሊታና ጋካናስ ኢስታ ቦላ ኤሃናስ ቃቻዲሰ።

22 ገደ ኣቲን ታን ኢስታ ገብጾፔ ኩሲሺን ቤኢዳ ካዎቴላታ ሲንላን ታ ሱንላ ቱናንታ ማላ ታ ኩሼ ሸሻዲሰ።

23 ቃሴካ ታን ኢስታ ካዎቴላታ ገደን ላላናይሳይ ዲማ ዲማ ዳሬታ ገደ ቆርጫናይሳ ባዛ ቢታን ታ ኩሼ ዳንላዳ ኢስታ ሲንላን ጫቃዲሰ።

24 ጋሶይካ ኢስቲ ማራ ካቆዳ፤ ታ ዋጋ ናገቤቴና፤ ታ ሳምባታ ቱኒሲዳ፤ ኢስታ ኣይፌይ ኢስታ ኣዎታ ኤቃ ጸሳታራ ሸዲዳሰ።

25 ሄሳ ገሻሰ ታን ኢስታ ሎኦ ገደንታ ማራሲኔ ኢስታ ሸምፖራ ፓጻ ዋላንታ ዋጋስ ኣላ ኢማዲሰ።

26 ኢስታ ባይራ ናይታ ታማን ጸጊ ያርሺዲ ቱናና ማላ ኦላዲሰ፤ ታ ሄሳ ኦላዲይ ኢስቲ ዳጋሚዲ ታን ጎዳ ገዲዳይሳ ኤራና ማላሳ።

27 «ሄሳ ገሻሰ ኣሳ ናዉ! ኢስቲኤሌ ኣሳስ ኡባ ሃሪዛ ጎዳይ፣ ለንቴ ኣዎቲ ታናን ኣማኔቶንታ ኣገዲ ሃይሳን ታና ጫዪዳ።

28 ታን ኢስታስ ኢማና ጫቂዳ ቢታ ኢስታ ኤሃ ጌልላዳ ዋዳ ቆቁ ገዳ ዙምቡላታ ኡባኔ ጨሊሎ ሚሳ ኡባታ ቤኢዳ፤ ሃን ባንታ ያርሾ ያርሺዳ፤ ባንታ ካላ ያርሾ ሺሺዲ፣ ሳዎ ቱኑ ጊዛ ኤጸኔ ጨዋሲዲ፣ ኡሻ ያርሾካ ሺሺዲ ታ ሃንቆ ዳንላላዳ) ጌሰ።

29 ታንካ፣ ለንቴ ቢዛ ቆቃሶሆዚ ኢዚ ኣዜ?» ጋዲሰ። ሃኙ ጋካናስ ኢዛ ሱንላይ ባማ ጌቴቴ ጸይጌቴሰ፤ ኢዛስ ቢርሼላይ ጎይኒዛ ቆቃሶሆታ ጉሳ» ጌሰ።

30 ሄሳ ገሻሰ፣ «ኡባ ሃሪዛ ጎዳይ ኢስቲኤሌ ኣሳስ፣ ለንቴ ኣዎቲ ኦላዲ ማላ ኢንቴኒካ ኢንቴናቴላ ቱኒሲቴ? ቱኒዳ ኢስታ ኤቃ ሚሰሌታ ኣዎቴላን ኣይሰ ጸጌቴቴ?

31 ኢንቴ ያርሾ ሺሺዛ ዋዳ ኡባን ኢንቴ ናይታ ታማን ጸጊ ያርሺሽ ኤቃ ጸሳታን ሃኙ ጋካናስ ቱኒሽ ዳታ፤ ኢንቴኖ ኢስቲኤሌ ኣሳቶ! ኢንቴ ታ ቆፋ ኦይቻና ማላ ታ ኢንቴሰ ኤር ጎ? ታን ዳኦ ጸሰ ገዲዳይሳን ታናን ጫቃይሰ፤ ኢንቴ ታና ኦይቻና ማላ ታ ኢንቴሰ ኤኖ ጊኬ) ጌሰ» ጋዳ ዮታ።

32 ኡባ ሃሪዛ ጎዳይ፣ «ኢንቴ፣ ለንቴ ሚላሲኔ ሹቻሰ ጎይኒዛ ካዎቴላ ማላኔ ኣላሚ ቦላ ዲዛ ዳራ ማላ ገደና ኮኖሰ) ገዲ ቆፒታ። ገደ ኣቲን ኢንቴ ቆፋይ ሙሌካ ኢንቴሰ ሃኔና።

ጎዳይ ቃጸዬሲኔ ማሪሰ

33 «ኡባ ሃሪዛ ጎዳይ፣ ታን ዳኦ ጸሰ ገዲዳይሳን ታናን ጫቃይሰ) ታን ታ ሚኖ ቄሴኒኔ ሚጨቴዳ ታ ኩሼን ሃንቆ ጉሳሽ ታ ኢንቴ ቦላ ካዎታና።

34 ካዎቴላታ ገደፌ ታን ኢንቴና ኩሳና፤ ኢንቴ ላሊቲዳ ቢታ ኡባፌ ታ ሚኖ ቄሴኒኔ ሚጨቴዳ ታ ኩሼን ሃንቆ ጉሳሽ ኢንቴ ላሊቲ ቢዳ ዳሬ ኡባፌ ታ ኢንቴና ሸሻና።

35 ታን ኢንቴና ካዎቴላታሰ ዲዛ ባዛ ቢታ ኤሃና፤ ሂሰታዳ ሃን ታ ኢንቴና ቆንጨጌን ፐርዳና።

36 ገብጾ ባዛን ኢንቴ ኣዎታ ካሴ ታ ፐርዲዳ ማላ ኢንቴናካ ታ ፐርዳና ጌሰ ኡባ ሃሪዛ ጎዳይ።

37 ታን ኢንቴና ታ ካዎቴላ ጉፌ ጋርሳራ ኣላና፤ ታ ጫቆ ቃላራካ ኢንቴና ጋላ ኦይሰላና

38 ታ ቦላ ማካሊዳይታኔ ታና ቆሃዳይታ ታን ኢንቴ ገደፌ ዲጋና፤ ሃኢ ኢስቲ ዲዛ ቢታፊካ ታ ኢስታ ኩሳና፤ ገደ ኣቲን ኢስቲ ኢስቲኤሌ ቢታ ጌሊቴና። ታን ጎዳ ገዲዳይሳ ኢንቴ ሄ ዋዳ ኤራና» ጌሰ።

39 ኢሰራኤል አሳቶ! ኡባ ሃሪዛ ጎዳይ ኢንቴና፡ «ኢንቴ ሃኢ ታኒ ዮተዛይሳ ሲዮንታ ኢጸኮ ቢዲ ኡባይካ ኢንቴ ኤቃ ጸሳሰ ጎይኒቴ! ጊዶ ኣቲን ኢንቴ ሃይሳፌ ጉዬ ዛሪዲ ኢንቴ ያርሾኒኔ ኢንቴ ኤቃ ጸሳታን ታ ጌሻ ሱንሳ ቱኒሴኬታ።

40 ታ ጌሻ ዙማ ቦላ፡ ቶቁ ጊዳ ኢሰራኤል ዙማ ቦላ ሃን ኢሰራኤል አሳይ ኡባይ ታሰ ኡባ ሃሪዛ ጎዳሰ ጎይናና። ታኒካ ሃን ኢንቴና ሞካ ኤካና፤ ኢንቴ ካላ ያርሾ፡ ኢንቴ ባይራ አሞታኔ ጌዱዳ ኢንቴ ያርሾታ ኡባ ታኒ ሃን ኮያይሰ።

41 ኢንቴ ላሌቲ ዲዛ ካዎቴላ ጊዶፌ ታኒ ኢንቴና ኤሂዛ ዎዴኔ ሃራ ቢታታፔ ታኒ ኢንቴና ሺሺዛ ዎዴ፡ ሳዎ ቶንጉ ጊዛ ያርሾ ኤከዛ ማላ ታኒ ኢንቴና ኤካና። ታኒ ኢንቴ ጊዶን ጌሽ ጊዲዳይሳ ካዎቴላታ ሲንላን ቆንጨሳና።

42 ታኒ ካሴ ኢንቴ አዎታሰ ኢማናሰ ታ ኩሼ ዳንሳ ጫቂዳ ኢሰራኤል ቢታ ኢንቴና ዛራ ጌልላዛ ዎዴ ታኒ ጎዳ ጊዲዳይሳ ኢንቴ ሄ ዎዴ ኤራና።

43 ሃን ኢንቴ ኢንቴ ኦኔ ኢንቴናቴላ ቱኒሲዳ ኦሶታ ኡባ ኢንቴ ኣኩካና፤ ኢንቴ ፖሊዳ ኢታ ኦሶ ኡባን ኢንቴርካ ኢንቴና ሃራሴታና።

44 ኢንቴኖ ኢሰራኤል አሳቶ! ኢንቴ ኢታ ኦኔ ኢንቴ ኢታ ኦሶ ማላ ጊዶንታ ታ ሱንሳ ጊሻሰ ጋዳ ታ ኢንቴና ዎቹዛ ዎዴ ኡባ ሃሪዛ ጎዳይ ታኒ ጸሰ ጊዲዳይሳ ኢንቴ ኤራና» ጌሰ።

ዲጌሃ ባጋ ዳራ ቦላ ዮቴቲዳ ቲንቢቲ

45 ጎዳ ቃላይ ታኮ ዪዲ፡

46 «ሃይሶ አሳ ናዉ! ዲጌሃ ባጋ ሲማዳ ጸላ፤ ዲጌሃ ባጋ ዳራ ቦላ ዮታ፤ ዲጌሃ ባጋን ዲዛ ዎራ ቦላ ቲንቢቲ ዮታ።

47 ዲጌሃ ባጋ ዎራሰ፡ «ጎዳ ቃላ ሲያ!» ጋ፤ ኡባ ሃሪዛ ጎዳይ፡ «ታኒ ኔ ቦላ ታማ ኦይላና፤ ታማዚካ ጨሊላኔ ማላ ማላ ኡባ ማና፤ ፖፖልኡ ጊዛ ላጮዚ ቶኤና፤ ዲጌሃፔ ቢዲ ፑዳሃ ጋካናሰ ዲዛ አሳ አይፌሶ ኡባ ላባና።

48 ታኒ ጎዳይ ሃሳ ኦይሴላዳይሳ አሲ ኡባይ ቤአና፤ ሄ ታማይካ ቶኤና» ጌሰ» ጊዳሰ።

49 ታኒካ ዛራዳ፡ «ኡባ ሃሪዛ ጎዳዉ! አዬ አና! ኢሰቲ ታ ጊሻሰ ኡባ ጋላሰ፡ «ኢዚ ለሚሶ ጸላ ዮቴሰ» ጌቲሰ» ጋዲሰ።

21

ፐርዳሰ ገጊ ኡቲዳ ጎዳ ማሻ

1 ጎዳ ቃላይ ታኮ ዪዲ፡

2 «ሃይሶ አሳ ናዉ! ኔ አይፌሶ ጌዴ ዬራሳላሚኮ ዛራ፤ ጸሳ ኬላ ቦላ ቃላ ዮታ፤ ኢሰራኤል ቢታ ቦላ ቲንቢቲ ዮታ።

3 ኢሰታሰ ጎዳይ፡ «ታ ኔ ቦላ ዳንዳዲሰ፤ ታኒ ታ ማሻ ኮሆፔ ሾዳዳ ጸሎ አሳኔ ኢታ አሳ ኔ ጊዶፌ ዲጋና።

4 ጸሎኔ ዎርዶ ዳይሳና ታ ማሻይ ዲጌሃፔ ፑዳሃ ጋካናሰ ዲዛ ዳራ ኡባ ቦላ ኮሆፔ ሾዳታና።

5 ታኒ ጎዳይ ታ ማሻ ኮሆዛፔ ሾዳዳይሳኔ ዛራዳ ጉዬ ኮሆን ጉዬ ጌልላንታይሳ አሲ ኡባይ ኤራና።»

6 «ሃሳ ጊሻሰ ሃይሶ አሳ ናዉ! ሜቂዳ ዎዚናን ጫሞ ኦሌ ኦላ።

7 ኢሰቲ ኔና፡ «አይሰ ኦላይ?» ጊ ኦይቹኮ፡ ኔኒ፡ «ሲንላራ ዪዛ ኢታ ዎራ ጊሻሰ ኦላይሰ፤ ዎዚና ኡባይ ታሃና፤ ኩሼ ኡባይ ዶጫና፤ ሸምፖ ኡባይ ፖቶ ጋና፤ ጉልባቴ ኡባይ ሃጸና» ጋ ዮታ። ኡባ ሃሪዛ ጎዳይ፡ «ቤኢቴ ሃሲ ያናኔ ፖሌታና» ጌሰ።

8 ጎዳ ቃላይ ታኮ ዪዲ፡

9 «ሃይሶ አሳ ናዉ! ቲንቢቲ ዮታ፤ ጎዳይ፡ «ማሻ! ማሻ፡ ለፊቲዳኔ ቁጩቲዳ ማሻ!

10 ለፊቲዳይ ሲፋናሰ፡ ቁጩቲዳይ ዎልቃንላ ማላ ጸላናሳ። ሂሰቲን ሃሲ ኦና ዎኒ ኡፋይሳና ዳንዳይዜ?» ኢዛ ማሻዚ ታ ናዛ ካዎቴላ ጉፊ ጮ ጉፊ ማላ ካዲዳሰ።

11 ኩሼን ኦይካና ማላ ማሻይ ቁጩቲዳ ኢማቲዳሰ፤ ዎዲዛይሲ ኩሼን ኦይካናሰ ማሻይ ለፊቲዳ ኢማቲዳሰ።

12 ሃይሶ አሳ ናዉ! ሃይሲ ታ ዳሬ ቦላ ኢሰራኤል ዳናታ ኡባ ቦላ ዪዳሰ፤ ሃሳ ጊሻሰ ዬሆኔ ዋሶ ሲሳ፤ ኢሰቲ ታ ዳሬዛራ ኢሲፊ ማሻሰ ኢማቲዳ፤ ሃሳሰ ኔ ጊሻሰ ኔ ቲራ ኢጫ።

13 ቱማፔ ፓጩይ ያና፤ ኢዛ ማሻይ ካዲዳ ካዎቴላ ጉፊዛሰ ዉርሴላ ባይንዳ አገኮ ዋናኔ?» ጌሰ።

14 «ሃኢካ አሳ ናዉ! ቲንቢቲ ዮታ፤ ኔ ኩሼካ ባቃ። ማሻይ ናምኡቶ ዎይኮ ሃቡቶ ሾጮ፤ ሃሰካ ኬሂ ዎዲዛ፤ ሲፊዛኔ ኡባሶራ ኢሰታ ዶዲ ኦይኪዳ ማሻ።

15 ዎዚና ኡባይ ታሃና ማላ፡ ኩንዲዛይቲ ዳራና ማላ፡ ታኒ ኢሰታ ፔንጌታ ኡባን ፖፖልኡ ጊዛ ማሻ ዎላዲሰ። አዬ አና፡ ፖፖልኡ ጋና ማላ ቁጩቲዳሰ፤ ሲፋናሰካ ኮሆፔ ሾዳቲዳሰ።

16 ሃይሶ ማሻዘ! ኔ ቃራቲዳ ባጋራ ሃዲርሲኔ ኡሻኝ ቃንጸ።

17 ታኒካ ታ ኩሼ ባቃና፤ ታ ሃንቆይካ ኢርጸና ጋዲሰ ታኒ ጎዳይ» ጊዳሰ።

ባቢሎን ካዎዛ ማሻ

18 ጎዳ ቃላይ ታኮ ዩዲ፡

19 «ሃይሶ አሳ ናወ! ባቢሎን ካዎዛ ማሻይ ዩዛ ናምኡ ኦጌታን ማላታ ቱሰ ኤሳ። ናምኡ ኦጌቲካ ኢሲ ደሬፔ ደሜቲሰ። ካታማ ኤፊዛ ኦጌቲ ሻኬቲዛሶን ማላታ ቱሰ ኤሳ።

20 አሞኔታ ካታማ ኤራባ ቢዛ ማሻሰ ኢሲ ኦጌዛን ማላታ ቱሰ ኤሳ፤ ቃሴ ዩሁዳኔ ገምቤቲዳ ዩሩሳላሜ ካታማ ቢዛ ማሻሰ ናምኡን፡፡ ኦጌዛን ማላታ ቱሰ ኤሳ።

21 ባቢሎን ካዎዛ ባ ባናሶ ማርሊ ዳማናሰ ዳጋላ ኦጌታን ኤቃና፤ ባ ዎንዳፊታ ቃሴሊዲ ሳማ ዩጋና፤ ባ ኤቃ ጸሳታካ ዘሬ ኦይቻና፤ ቲሬ ሚጪ ያላና።

22 ኢዚ ቢዲ ገምቤ ፔንጌ ላሊዛ ዲሩማታ ኤሃና ማላ፡ ዎቆናሰ አዛዛና ማላ፡ ጩቁቲላ ሲሳና ማላ፡ ገምቤ ፔንጌዛ ላሊዛ ዲሩማታ ካታማታ ፔንጌን ኤሳና ማላ፡ ቢታ ሺሺ ዶራና ማላን ሚጸታ ጊሳና ማላ ዩሩሳላሜ ሳማይ ኢዛሰ ኡሻቻ ኩሺን ኬዚዳሰ።

23 ሄሲካ ኢዛሩ ጫቁቲዳ አሳታሰ ባላ ካሌላ ሚሳቲዳሰ። ኢዚ ጊዲኮ ኢሰታ ቆሆ ኢሰታ ቆፍሳና፤ ኢሰቲ ዲኢ ኤኪዲካ ባና።

24 «ሃሳ ጊሻሰ ኡባ ሃሪዛ ጎዳይ፡ ለንጉቲ ኦሊዳ ሚሽ ኡባን ኢንጉቲ ቆንጩራ ናጋራ ኦሊዲ ኢንጉቲ ቆሆዛ ኢንጉቲ ቆፍሲዳ ጊሻሰኔ ሃሳላካ ኢንጉቲ ኦሊዳ ጊሻሰ ኢንጉቲ ዲኤቲ ባና።

25 « ሃይሶ ጌኔኔ ቱና ጊዲዳ ኢሰራኤሌ ዳናዘ! ኔ ቃጸዩቲዛ ዎዳይ ጋኪዳሰን ጌሰ፤ ቱናኔኔ ኢታቲላን ኩሚዳ ኢሰራኤሌ ዳናዘ።

26 ኡባ ሃሪዛ ጎዳይ፡ ሳ ሁኤን ዲዛ ጎሳ ቢርሻ፤ ኔ ካላቻ ዳንላ። ሃይሳፊ ጉዬ ካሴይሳ ማላ ሃኔና፤ ዘቂ ጊዳይ ቆቆ ጋና፤ ቆቆ ጊዳይካ ዘቂ ጋና።

27 ቡላሳና! ቡላሳና! አዎቲላ ቤሲዛዳይ ያና ጋካናሰ ኢዛ ቤኒ ማላ ሃኔኩ፤ ታ ኢዛሰ ኢዘ አላ አማና ጌሰ።

28 «ሃይሶ አሳ ናወ! ኡባ ሃሪዛ ጎዳይ ኔና አሞኔታ ጊሻሰኔ ኢሰታ ጫሻ ጊሻሰ፡

ማሻ! ማሻ!

ዎቆናሰ ሸዴቲዳ

ቆይሳናሰ ቁጩቲዳ፡

ዎልቃንላ ማላ ፖፖልኡ

ጋና ቁጩቲዳ ማሻ።

29 ኔ ጊሻሰ ቤኢዳ ዎርዶ አጁታይ፡

ኔሰ ዮቲቲዳ

ሙሬኖይ ዲኮካ፡

ኢሰታሰ ጌኔ ጸኣይ ኩሚሺን፡

ኢሰታ ባሬይ ጋኪሺን

ሲፊታና ቤሲዛ ኢታታ

ቆቆ ቦላ ዎቆና።

30 ማሻ ኮሆዛን ዛራ፤

ኔ ሜቆቲዳ ቢታን፡

ኔ ዩሌቲዳ ዳሬን ሄን

ታ ኔ ቦላ ፐርዳና።

31 ታኒ ታ ሃንቆ ኔ ቦላ ፐሳና፤

ታኒ ታ ሃንቆ ታማ

ኔ ቦላ ኤላና፤

ኢታቲላን ኤሬቲዳ

ሜንጾ ኢታ አሳታሰ

ታ ኔና አላ አማና።

32 ኔኒ ኤሶ ሚላ ጊዳና፤

ኔ ዳሬን ኔ ሱላ ጉካና፤

ሃይሳፊ ጉዬ ኔና ቆፍሲዛ

ሚሺ ዳና፤

ታኒ ጎዳይ ሃይሳ

ዮታዲሰን

ጌሰ» ጊዳሰ።

22

ዩሩሳላሜ ናጋራ

1 ጎዳ ቃላይ ታኮ ዩዲ፡

2 «ሃይሶ አሳ ናወ! ኔ ኢዚ ቦላ ፐርዲኪ? ሃኖ ሱላ ጉሲዛ ካታማይ ቦላ ፐርዲኪ? ሃራሲዛ ኢዚ ኦሶዛ ኢዚሰ ቆንጩን ዮታ።

3 ኡባ ሃሪዛ ጎዳይ ኢዚሰ፡ ሳሃ ኔ ጊደን ሸምፖ ዎቆኒኔ ኤቃ ጸሳታ ጊሊሶን ኔና ቱኒሲዳሬ! ኔ ቦላ ፐርዳ ኤሶሲዛ ካታማዬ!

4 ኔኒ ጉሲዳ ሱላን ቆሃዳሳ፤ ኔ ጊሳሲዳ ኤቃ ጸሳታ ቱናዳሳ፡ ሄ ጋሶን ኔ ባሬ ማቲሳዳሳ፤ ኔ ላይላካ ቃንላዳሳ፤ ታ ኔና ካዎቲላታሰ ቁቆሰ፡ ዳሬ ኡባሰ ናቻሰ ኬሳና።

5 ሃኔ ካወሺኔ ሸርይ ኔናን ኩሚዳሬ! ማታኒኔ ሃኮን ዲዛይቲ ኔና ቁቆና።

6 « ቤኣ፡ ኔ ጊደን ዲዛ ኢሰራኤሌ ዳናቲ ኢሶይ ኢሶይ ሱላ ጉሳናሰ ባ ማታን ጎኤቲቲሰ።

7 አዎቲኔ አዬቲ ኔ ጊደን ካወቆዳ፤ ቤቲ አሳቲ ኡንኤቲዳ፤ ዩኦቲኔ አምኤቲ ቱጋ ቤኢዳ።

8 ጌሻ ሚሻታ ታይታ ካወሻዳሳ፤ ታ ሳምባታታካ ቱኒሳዳሳ።

9 ሸምፖ ዎቆናሰ ፓፑንላ ጋሊዛይቲ ኔ ጊደን ዳቲሰ፤ ዙምቡላታ ቦላ ዲዛ ኤቃ ጸሳታሰ ያርሼቲዳይሳ ሚዛይቲኔ ላይማቲዛይቲ ኔ ጊደን ዳቲሰ።

10 ባ አዎ ማቆይራ ዘንኢዛይቲ ኔ ጊደን ዳቲሰ፤ ማጫሳ ዎጋይ ዩዛ ዎዳ ዎጋ ማላ ጌዮንታ ዲዛ አገናታን ማጫሳታ ዎልቃን ኦይኪዛይቲ ኔ ጊደን ዳቲሰ።

11 ኔ ጊደን ኢሶይ ባ ላጌዛ ማቆይራ ላይማቲሰ፤ ሃራይ ባ ናዛ ማቆ ቱኒሴሰ፤ ሃራይ ቃሴ ባ አዎ ናኤይራ ዎልቃን ዘንኤሰ።

12 ኔ ጊደን ዲዛ አሳቲ ሱላ ጉሳናሰ ማጋንጾ ኤኬቲሰ፤ ኔኒካ ዩሎኔ ቡቲ ዳር ዲቕ ኤካዳ ኔ ላጌዛፔ ቤሶንታ ዎቆ ቦንቃሳ፤ ታናካ ባሌታዳሳ ጌሰ ኡባ ሃሪዛ ጎዳይ።

13 « ሳኒ ኔሰ ቤሶንታ ኤኪዳ ጎኣ ቦላኔ ኔኒ ጉሲዳ ሱላ ቦላ ታኒ ታ ኩሺ ባቃና።

14 ታኒ ኔና ቃጸዩዛ ጋላሰ ኔ ዎዚናን ኔ ሙርታ ኤቃኔ? ዎይኮ ኔ ኩሺይ ሄ ዎዳ ሚናና ዳንዳይዙ? ታኒ ጎዳይ ሃይሳ ዮታዲሰ፤ ኢዛካ ታኒ ኦላና።

15 ታኒ ኔና ካዎቲላታ ጊደን ላላና፤ ዳሬ ኡባ ጊደንካ ላላና፤ ኔ ቱናቲላካ ታኒ ኔ ቦላፊ ጌሻና።

16 ካዎቲላታ ጊደን ቱናዳ ታኒ ጎዳ ጊዲዳይሳ ሄ ዎዳ ኔኒ ኤራና » ጊዳሰ።

ጌሺዛ ጎዳ ታማ

17 ጎዳ ቃላይ ታኮ ዩዲ፡

21:29 ኤር 49:1-6፤ ሃዘ 25:1-7፤ አዎ 1:3-15፤ ሶር 2:8-11 22:7 ኬሳ 20:12፤ 22:21-22፤ ዛሬ 5:16፤ 24:17 22:8 ሌዌ 19:30፤ 26:2 22:11 ሌዌ 18:7-20 22:12 ኬሳ 22:25፤ 23:8፤ ሌዌ 25:36-37፤ ዛሬ 16:19፤ 23:19

18 «ሃይሶ አሳ ናዉ! ኢሰራኤሌ ከላይ ቢራታ ሺኣ ማላ ጊዲዳሰ፤ ኢሰቲ ኡባይካ ታማ ጊደን ሴሪ ኣቲዛ ጸርቁማላ፥ ቆርቆር፥ ቢራታኔ ኢርሳሴ ሺኣ ማላ።

19 ሃሳ ጊሻሰ ኡባ ሃሪዛ ጎዳይ፥ ሓንቴ ኡባይካ ቢራታ ሺኣ ማላ ጊዲዳ ጊሻሰ ታኒ ኢንቴና ዩራሳላሚ ሺሻና።

20 ኣሳይ ቢራ፥ ጸርቁማላ፥ ቢራታ፥ ኢርሳሴኔ ቆርቆር ሴሪሳናሰ ታማን ዩጊ ዎምፒናን ፑኒዛ ማላ፥ ታኒካ ታ ሃንቆኒኔ ታ ባሻን ኢንቴና ካታማይ ጊዳ ሺሻዳ ሃን ታ ኢንቴና ሴሪሳና።

21 ታኒ ኢንቴና ሺሻዳ ታ ሃንቆ ታማ ኢንቴ ቦላ ታ ፔናን ኤላና፤ ኢንቴካ ሃን ሴሪ ኣታና።

22 ቢራይ ታማ ጮጮን ሴሪዛ ማላ ኢንቴካ ካታማይ ጊደን ሴሪና። ታኒ ጎዳይ ታ ሃንቆ ኢንቴ ቦላ ጉሲዳይሳ ሄ ዎዳ ኢንቴ ኤራና ጌሰ» ጊዳሰ።

ኢሰራኤሌ ዳናታ ናጋራ

23 ጎዳ ቃላይ ታኮ ዩዲ፥

24 «ሃይሶ አሳ ናዉ! ሓንቴ ኢንቴ ሃንቆ ጋላሲካ ኢራ ዳሞንታ ቢታ» ጋ ዮታ።

25 ኢዚ ዳናታ * ባ ዎዳዳይሳ ፑዚሽ ጸጊዛ ጋሞ ማላ ኢዚ ጊደን ዳላቴቲሰ፤ ዳራ ዎዳቴሰ፤ ኢሰታ ኣቆታኔ ኢሰታሰ ዲዛ ኣልኦ ሚሻታ ቦንቁ ኤኬቴሰ፤ ዳር ማጫሳታ ኣምኤታ ሂሰቴቲሰ።

26 ኢዚ ቁሴቲ ታ ዎጋ ቦላ ማካሌቲሰ፤ ታ ጌሻ ሚሻታካ ቱኒሴቲሰ። ኢሰቲ ጌዩዳይሳ ቱናፔ ሻኬቴና፤ ጌሽኔ ጌሽ ጊደንታይሳ ሻኪ ታማርሴቲና፤ ታ ሳምባታታ ዩጊ ኣጊዳ፤ ሃሳ ጋሶን ታ ኢሰታ ጊደን ካዴታዲሰ።

27 ኢዚ ጊደን ዲዛ ጌታ ኣሳቲ ሃይቁዳይሳ ፑዚዛ ካና ሱይቲ ማላ፤ ኢሰቲ ቤሶንታ ዳራቴላ ሺሻናሰ ሱላ ጉሴቲሰ።

28 ኢዚ ናቤቲ ጎዳ ኣኖን ቲዩዛ ማላ ዎርዶ ኣጅታኒኔ ሙሬናን ኢሰታሰ ቡሪ ሺሽቴሰ፤ ኢሰታሰ ጎዳይ ዮቶንታ ዲሺን፥ ሓባ ሃሪዛ ጎዳይ ሃይሳ ማላ ጌሰ» ጌቲሰ።

29 ሄ ቢታን ዲዛ ኣሳይ ቦንቁቲሰ፤ ቦንቁቲሰ፤ ፐርዳ ጌላሲዲ ሂዩሳኔ ሚቶታንቻታ ኡንኤሌቲሰ፤ ቤቲ ኣሳካ ቆሃቲሰ።

30 «ታኒ ቢታኖ ዳይሶንታ ማላ ዲርሳ ዲሪዛዳ፥ ላላቲዳ ባጋራ ታ ሰንገላን ኢዚ ጊሻሰ ኤቁዛዳ ኢንቴ ጊዳፊ ታ ኮያዲሰ፤ ጊደ ኣቲን ኢሳዳካ ዳማቤኬ።

31 ሃሳ ጊሻሰ ታ ሃንቆ ታ ኢሰታ ቦላ ጉሳና፤ ታ ዎልቃማ ሃንቆዛን ታ ኢሰታ ጸጋና፤ ኢሰቲ ኦሊዳይሳ ታ ጌዳ ኢሰታ ቦላ ዛራና ጌሰ ኡባ ሃሪዛ ጎዳይ» ጊዳሰ።

23

ላይማቲዛ ናምኤ ሚቹታ

1 ጎዳ ቃላይ ታኮ ዩዲ፥
2 «ሃይሶ አሳ ናዉ! ኢሲ ኣይፔ ዩሌቲዳ ናምኤ ማጫቲ ዳቲሰ።

3 ኢሰቲ ቡር ናቴላን ዲሽ ጊብጾ ቢታን ላይማቲላ ደሚዳ፤ ሃን ኢሰቲ ዲሺን ቆንጎላ ቲራን ኡቲዳሰ፤ ኣዳ ናይቲ ኢዛን ካኢዳ፤ ኢሰታ ጌላኦቲላይካ ኤኬቴዳሰ።

4 ኢሰታፊ ባይራይ ሱንገላይ ኦሆሎ፤ ካሎይ ሱንገላ ኦሆሊቦ። ኢሰታ ናምኣካ ታ ኤኪን ታሰ ማጫ ናይታኔ

ኣቲማ ናይታ ዩሊዳ። ኦሆላ ሳማሪያ፥ ኦሆሊባ ዩራሳላሚ ቆንጫሴቲሰ።

5 «ኦሆላ ታሰ ማቾ ጊዳ ኡታዳ ሃራራ ላይማታዲሰ፤ ኦላንቻ ጊዲዳ ባ ሲቆ ኣሶሬታራ ላጌላናሰ ኣሞታዲሰ።

6 ኢሰቲ ኦቻ ቲራ ሚሳቲዛ ማይኦ ማይኢዳ ዳሪ ኣይሲዛይታኔ ኣዛዚዛይታ፤ ኢሰቲ ኡባቲካ ማላ ሎኦ፥ ናቴላኔ ፐላታ ቶጋንቻታ።

7 ኢዛ ባናቴላ ላይማቲላሰ ደሬቲዳ ኣሶሬ ኣሳሰ ኣላ ኢማዲሰ። ኢዚራ ላይማቲዳ ኣሳታ ኤቃ ጸሳታ ኡባን ቱናዲሰ።

8 ኢዛ ጊብጾን ደሚዳ ላይማቲላ ኣጋቤኩ፤ ሃን ኢዚ ዩላጋቴላ ዎዳ ኣቲማሳቲ ኢዚራ ዘንኢዳ፤ ኢዚ ጌላኦቲላ ቆንጎላ ጎርፔሬሊዳ፤ ባ ኣሞቲዳ ኣሞቲላ ኢዚ ቦላ ፖሊዳ።

9 «ሃሳ ጊሻሰ ኢዚራ ኢሲፊ ላይማታና ኣሞቲዳ ኣሶሬ ላጌላታሰ ታኒ ኢዞ ኣላ ኢማዲሰ።

10 ኢሰቲ ኢዞ ቃሪዲ ካሎ ኣሺዳ፤ ኢዚ ኣቲማ ናይታኔ ማጫ ናይታ ኢዚፔ ቦንቁዳ፤ ኢዞካ ማሻን ሲፊዳ፤ ኢዞካ ማጫሳታ ማታን ሃይሲኤሰ ኣታዲሰ፤ ፐርዳይ ኢዚ ቦላ ፐርዳቲዳሰ።

11 «ኢዚ ሚቹያ ኦሆሊባይ ሃሳ ቤኣሽ ዚታኒኔ ላይማቲላን ባ ሚቹይፊ ኣቆ ሞሬቲዳር ጊዳዲሰ።

12 ቃሴካ ሃሪዛይታራኔ ኣዛዚዛይታራ፥ ሴሎ ማይኦ ማይኢዳ ኦላንቻታራ፥ ፐላታ ቶጋንቻታራኔ ማላ ሎኦ ጊዲዳ ኣሶሬ ናቴላታራ ላይማታናሰ ኣሞታ ካላዲሰ።

13 ኢዞካ ባና ቱኒሲዳይሳ ቤኣዲሰ፤ ኢሰቲ ናምኣይካ ኢሲ ኦጌ ቢዳ።

14 «ኢዛ ባ ላይማቲላን ጉጃ ጉጃ ባዲሰ፤ ኢዛ ጎዳ ቦላ ዎጮቲ ኦሴቲዳ ጾቃ ዘኦ ቃላሚን ቲዩቲዳ ካላዳዎ ዳሪ ኣይታ ሚሰሌ ቤኣዲሰ።

15 ኢሰቲካ ባንታ ጾሳን ቃባቶ ዳንጫዳይታኔ ባንታ ሁኤ ቦላ ቁራጮ ጸዲዳይታ። ኢሰቲ ኡባይካ ካላዳዎፔ ዩዳ ባቢሎኔ ዳሪ ዳናታ ሚሳቲቲሰ።

16 ኢዛ ኢሰታ ሚሰሌታ ቤኢዳ ማላ ዚታ ኣሞን ጸጌታዳ ካላዳዎታኮ ኣሰ ኪታዲሰ።

17 ባቢሎኔቲካ ኢዚኮ ዩዲ ኢዚ ሃጸኮ ጌሊዳ፤ ባንታ ዚታ ኣሞን ኢዞ ቱኒሲዳ፤ ኢዛ ኢሰታን ቱኒዳፔ ጉዩ ኢዛ ኢሰታ ኢጸዳ ኢሰታፊ ሃራሶ ሸርኢ ጋዲሰ።

18 ኢዛ ቆንጫን ላይማቲዳፔኔ ባ ካሎቴላ ቃሪዳ ዎዳ፥ ታኒ ኢዚ ሚቹይፊ ሃራሶ ሸርኢ ጊዳ ማላ ኢዞ ኢጸዳ ኢዚፔ ሸርኢ ጋዲሰ።

19 ጊደ ኣቲን ካሴ ጊብጾን ኢዛ ናቴላን ላይማቲዳይሰ ቆፊቲን ካሴይሳፊ ኣቆ ላይማታዲሰ።

20 ኢሰታ ኣቲማቲላይ ሃሪይሳ ማላ፥ ኢሰታፊ ኬዚዛ ዜሬላይ ዎዳላ ፓራይሳ ማላ ጊዲዳ ባ ላጌላታራ ላይማታናሰ ኣሞታዲሰ።

21 ኢን ጊብጾ ቢታን ዲዛ ዎዳ ኔ ጌላኦቲላ ኢሚዳይሳኒኔ ኔ ናቴላ ቆንጎላን ኣቲማሳቲ ካኢዳይሳን ኔ ጌላኦቲላ ቱናቴላ ኣሞታዳሳ።

ጎዳይ ናምኤ ሚቹታ ቦላ ኤሃዳ ፐርዳ

22 «ሃኔ ኦሆሊቤ! ኡባ ሃሪዛ ጎዳይ፥ ኣኔ ኢጸዳ ኢሰታፊ ሸርኢ ጊዳ ኔ ላጌላታ ታ ኔ ቦላ ዳንጎና፤ ኢሰታካ ኡባ ባጋፊ ታ ኔ ቦላ ኤሃና።

23 ኢሰቲካ ባቢሎኔታኔ ካላዳዎታ፤ ኢሰታራ ፓቆዳ፥ ሱሃ፥ ቆኣይኔ ኣሶሬቲ ኡባይ ዳቲሰ፤ ሄይቲካ ማላ ሎኦኔ ሚኖ ጊዲሺን ኡባቲካ ፓራ ቶጊዲ ዳሪ

* 22:25 ዳናቲ ጊዛይሳ ኢብራዊታ ማጸፋን ናቤቲ ጌሰ። 22:26 ላዌ 10:10

አይሲዛይታኔ አዛዚዛይታ፡ ፓራ-ጋሪ አዛዚዛይታኔ ቆቃ ሹማታ።

24 ኢስቲ ኦላ ማሳራ፡ ፓራ-ጋሪኔ ጋሪ ኤኪዲ ዳር ዳሪይ ኔ ቦላ ያና፤ ኢስቲ ዋጋ ጎንዳሌኔ ቄሪ ጎንዳሌ ኦይኪዲ፡ ቢራታ ቆቤ ዋሊዲ፡ ኔ ዩሾን ሳልፋና፤ ኢስቲ ኔ ቦላ ፐርዳና ማላ ታ ኔና ኢስታሰ አላ ኢማና፤ ኢስቲካ ባ ዋጋን ኔና ቃጸያና።

25 ታ ዘልኤቴላ ሃንቆ ኔ ቦላ ኤሃና፤ ኢስቲካ ኔ ቦላ ሃንቆን ኬዛና፤ ኢስቲ ኔ ሲዴኔ ኔ ሃይሳ ቃንጸና፤ ኔ ባጋታፔ አቲዳይቲ ማሻን ሲፊታና፤ ኔ ማጫ ናይታኔ አቲማ ናይታ ኔፔ ቦንቁ ኤካና፤ ኢስታፊ ጫሻ አቲዳይታካ ታማይ ማና።

26 ኢስቲ ኔ ማይኦ ቃሪ ኤካና፤ ዶሬቲዳ ኔ አሌቆታ ኔፔ ዋሊ ኤካና።

27 ኔኒ ገብጸን ዶሚዳ ላይማቴላኔ ዚታ ታ ኔፔ ዲጋና፤ ኔካ ኔ አይፊታ ሄይታንታኮ ዴንሳካ፤ ሃይሳፊ ጉዬ ኔ ገብጸ ቆፓካ። ጌሰ።

28 «ኡባ ሃሪዛ ጎዳይ፡ ሳኒ ሃራሴታዳ ኢስታፊ ሸርኢ ገዳይታሴኔ ኔ ኢጸዛይታሰ ታ ኔና አላዳ ኢማና።

29 ኢስቲካ ኔና ኢጸሹ ኔኮ ሸቃና፤ ኔ ዳቡርዳይሳ ኡባ ኔፔ ኢስቲ ቦንቃና፤ ኔ አዬይ ኡሎፔ ኬዚዳ ማላ ካሎ አሻና። ዬላቸዛ ኔ ዚታ አሞይ ቆንጫና፤ ኔ ላይማቴላይኔ ዛዋይ ባይንዳ ቱናቴላይ ሃይሳ ኔ ቦላ ኤሂዴሰ።

30 ጋሶይካ ኔኒ ካዋቴላታራ ላይማታናሰ አሞታዳ ኢስታ ኤቃ ጸሳታን ቱናዳሳ።

31 ኔኒ ኔ ሚቹይ ኦጌን ቢዳ ገሻሰ ታኒ ኔና ኢዚ ጹኣ ኦይላና። ጌሰ።

32 «ኡባ ሃሪዛ ጎዳይ፡
« አኮኔ ጨማ ገዲዳ ጹኣ፡
ኔ ሚቹይ ጹኣ ኔ ኡያና፤
ጹኣዚ ዳር ኦይኪዛ ገሻሰ
ጫሼኔ ናቕ ኔ ካላና።

33 ኔ ሚቹ ሳማሪያ ጹኣን፡
ሸርቸዛኔ ላሊዛ ጹኣን፡
ማላኒኔ ጨጭን ኔ ኩማና።

34 ኔኒ ጮንጎርሳዳ ኡያና፤
ሂሰታዳ ኔኒ ጹኣካ
ሚንጮራላና፤
ኔ ቆንላካ ጋራና፤
ኡባ ሃሪዛ ጎዳይ
ታኒ ሃይሳ ዮታዲሰ። ጌሰ።

35 «ሃሳ ገሻሰ ኡባ ሃሪዛ ጎዳይ፡ ሳኒ ታና ዶጊዳ ገሻሴኔ ታሰ ዞኮ ዛሪዳ ገሻሰ ኔኒ ኔ ላይማቴላኔ ዚታ ጋቴ ቶካና። ጌሰ» ገዴሰ።

36 ጎዳይ ታሰ፡ «ሃይሶ አሳ ናዉ! ኢሆሊ ቦላኔ ኢሆሊቢ ቦላ ኔ ፐርዳኔ? ሂሰቲኮ ሃራሲዛ ኢስታ ኦሶዛ ኔ ኢስታሰ ዮታ።

37 ኢስቲ ላይማቴዳ፤ ኢስታ ኩሼይካ ሱላን ሞሪቲዴሰ። ኢስቲ ባንታ ኤቃ ጸሳታራ ላይማቴዳ፤ ባንታ ኤቃ ጸሳታሰ ቁማ ገዳና ማላ ሃራይ አቶሺን ኢስቲ ታሰ ዬሊዳ ናይታካ ኢስታሰ ታማን ጹጊ ያርሺዳ።

38 ሃሳፊካ ሃራ ሚሽ ኢስቲ ታ ቦላ ኦሊዳ፤ ሄ ጋላሲካ ጸሳ ኬላ ታይሳ ቱኒሲዳ፤ ታ ሳሞባታካ ካዉሺዳ።

39 ኢስቲ ባንታ ናይታ ኤቃ ጸሳታሰ ያርሺዳ ጋላሰ ታ ኬላ ጌሊዲ ቱኒሲዳ። ኢስቲ ታ ኬላን ሃሳ ማላ ኦሊዳ።

40 «ሃሳፊካ ቦላራ አዳቲ ሃኮ ቢታፊ ያና ማላ አሰ ከቲዳ፤ ኢስቲካ ዩዳ፤ ኔኒ ኔ ቦላ ሚጮታዳሳ፤ ኔ አይፊሶ ፑላሳዳኔ አሌቆታን ፑላታዳ ናጋዳሳ።

41 ሎኢ ገገዳ አርጃታን ኡታዳሳ፤ ታ ኤጸኔዛኔ ዛይቲዛ ኔ ዋሊዳ ጸራጾዛ አርጃታ ሲንላን ዋላዳሳ።

42 «ካኢዛ አሳታ ካቸ ኢዚ ዩሾን ዴሰ፤ ሸር ሚጳዛ አሳታራ ባዞፊ ዩዳ ማላቴዛይቲ ዴቲሰ፤ ማጫሳይ ቦላኔ ኢዚ ሚቹይ ቦላ ሳጋዮ፡ ኢስታ ሁኤንካ ካይሺዛ ካላቻ ዋሊዳ።

43 ታኒካ ታ ዋዚናን፡ ሳኢ ቦላይ ላይማቴላን ገልቁዳሪራ፡ ሃኢካ ኢዚ ዴይ ሃሳ ማላ ገዲዳሪራ ላይማ ማጫሳይራ ዚንኤቶ። ገዲሰ።

44 ኢስቲካ ኢዚራ ዚንኤዳ፤ አሲ ላይማ ማጫሳራ ዚንኤዛ ማላ ሃ ዬላይ ባይንዳ ማጫሰ ኢሆሊራኔ ኢሆሊባራ ዚንኤዳ።

45 ጌሻቲ ገዲኮ ላይማ ማጫሳታ ቦላኔ ሸምፖ ዋጂዛ ማጫሳታ ቦላ ቤሲዛ ፐርዳ ፐርዳና፤ ኢስቲ ላይማ ማጫሰ ገዲዳ ገሻሰ ኢስታ ኩሼይ ሱላን ሞሪቲዴሰ።

46 «ኡባ ሃሪዛ ጎዳይ ዴራ ኢስታ ቦላ ዴንጮላ ኤሃ፤ ሸርሲኔ ቦንቃሰ ኢስታ አላ ኢማ።

47 ዴሬይ ኢስታ ሹቻን ኩራካና፤ ኢስቲ ገላ ማሻን ኢስታ ቃንጾሬላና፤ ኢስታ አቲማ ናይታኔ ማጫ ናይታ ዋጃና፤ ኢስታ ኬላካ ጹጋና።

48 ሃሳ ታኒ ማጫሳቲ ኡባይ ናጌታና ማላኔ ኢንቲ ኢታ ሃሮ ካሎንታ ማላ ዚታቴላ ቃቄ ኦሎንታ ማላ ታ ቢታፊ ቱቃና።

49 ኢንቲ ኢንቲ ዚታ ጋቴ ኤካና፤ ኢንቲ ኤቃ ጸሳታ ጎይኖን ኦሊዳ ናጋራ ቁጸቲ ኢንቲ ቶካና፤ ታኒ ኡባ ሃሪዛ ጎዳ ገዲዳይሳ ኢንቲ ሄ ዋዴ ኤራና» ገዴሰ።

24

ዲስቲ ሌሚሶ

1 ኦኒ ዲኤቲዳ ኡዲፋንላ ላይላን፡ ታማንላ አገናን፡ ታማንላ ጋላሳን ጎዳ ቃላይ ታኮ ዩዲ፡

2 «ሃይሶ አሳ ናዉ! ሃቕ ሃሮ ጋላሳዮ ዱማ ማዘጋባ፤ ባቢሎኔ ካዋይ ዬሩሳላሚ ሃ ጋላሳይን ዶዲ ኦይኪዴሰ።

3 ሃ ማካላንቻ ኬላሰ ሃይሳፊ ካሊ ዲዛ ሌሚሶዛ ዮታ፤ ኡባ ሃሪዛ ጎዳይ፡

« ሳራታ ዲስቲ ታማ ቦላ ዋላ፤ ሃሳፊ ጉዬ ኢዛን ሃላ ጉጃ።

4 ጌዳፔኔ ሚሳፊ ቃንጸዳ፡
ሎኦ ሎኦ አሾ ሙጸዳ፡
ዶሬቲዳ ሚቁላታ
ጨኬራላዳ

ኢዛን ዩጋ።

5 ዉዴዛፔ ሞጶ ዶርሰ
ኤካ ሹካ፤
ኢዛ ሚቁላ ዶይሳናሰ
ኤሶ ሚላ ዳርሳ ዋላ፤
ሱጵ ጋናሼ
ጋካናሰ ዶይሳ፤
ሚቁላዚካ ካጾ። ጌሰ።

6 «ኡባ ሃሪዛ ጎዳይ፡
 ለሺኢዳ ቢራታ ዲሰቴይሰ፡
 ኢዚ ሺኢ ዩደንታሪስ፡
 ሱሐ ጉሲዳ ካታማይሰ
 ኣዩ ኣና!
 ሻካናሰ ሳማ ዩጎንታ
 ኢሳ ኢሳ ኬሳዳ ካይሰ ኣሻ።

7 ኢዚ ገደን ኣሳ ሱሐ ዳሰ፤
 ዛላ ቦላ ቆንጮሶን

ጉሳዲሰ ኣቲን
 ቢታይ ካማናሰ ዳንዳይዛ
 ጋዴን ጉሳቤኩ።

8 ታ ሃንቆይ ኤጸና ማላኔ
 ሃሎ ከሳናሰ
 ታስ ኢንጃታና ማላ፡
 ኢዚ ካማናሰ ዳንዳዮንታ ማላ፡
 ኢዚ ሱሐ ዛላ ቦላ
 ቆንጮሶን ጉሳዲሰ) ጌሰ።

9 «ሄሳ ገሻሰ
 ኡባ ሃሪዛ ጎዳይ፡
 ለሱሐ ጉሲዳ ካታማይሰ
 ኣዩ ኣና!
 ታኒ ኢዛ ጸጌታና
 ሚሕ ጉጋና።

10 ኤሶ ሚሕ ደራ፤
 ታማካ ኤላ።
 ሳዎ ጉጃዳ ኣሾዛ
 ሎኤላ ደይሳ፤
 ማቆላዚካ ሚጮ።

11 ሺኢዚ ሴራና ማላኔ
 ቢራታ ሺኢዚ
 ታማን ጸጌታና ማላ፡
 ማላ ዲሰቴይ ሴላና ጋካናሰ፡
 ታማዚ ቦንቃናሽ ጋካናሰ
 ጮጮዛ ቦላ ዋላ።

12 ዳሮ ዋልቃይ ወሪኮካ
 ደራቲዳ ቢራታ ሺኢ
 ታማንካ ዩዳና ዳንዳዩና።

13 « ኔ ቲዲይይ ኔ ባላጌ ኦሶና፤ ታ ሃንቆይ ኔ ቦላ
 ፖሌታናሽ ጋካናሰ ሃይሳፊ ጉዬ ኔ ጌሽ ገዳካ፤ ጋሶይካ
 ታኒ ኔና ኔ ቱናቲላፊ ጌሻና ኮዩንካ ኔ ጌያና ደሳቤካ።

14 « ታኒ ጎዳይ ሃይሳ ዮታዲሰ፤ ታ ኦሳናሰ ዋዳይ
 ጋኪዳሰ፤ ታ ጉዬ ገኬ፤ ቃቆቲኬኔ ሲጲኬ፤ ኔ ኦጌ
 ማላኔ ኔ ኦሶ ማላ ኔ ቦላ ፕርዳታና) ጌሰ» ገዳሰ።

ሂዘቁላ ማቆይ ሃይቆ

15 ጎዳ ቃላይ ታኮ ዩዲ፡
 16 «ሃይሶ ኣሳ ናዉ! ኔኒ ኔ ኣይፌ ሸምፕሲዛ ሚሻ
 ታኒ ታ ሃንቆን ኔፔ ኤካ ዲጋና፤ ኔኒ ገዲኮ ዋሶፋ፤
 ዩኮፋ፤ ኣፋንላካ ጉሶፋ።
 17 ኔ ቃላ ዚቁ ሂሰታዳ ካዮታሽ ሚላላ ኣቲን
 ሃይቁዳይሳሰ ዩኮፋ፤ ኔ ሁኤፔ ቁራጮ ዲጎፋ፤ ኔ
 ቶሆፔ ጫማ ኬሶፋ፤ ኔ ደና ጋላ ካሞፋ፤ ሾቸካ
 ሞፓ» ገዳሰ።

18 ታኒካ ዋንታራ ዳራሰ ሃሳ ዮታዲሰ፤ ሄ ጋላሳ
 ኦማርሳ ዋዴ ታ ኬላ ኣዩያ ሃይቃዲሰ፤ ዋንቲላ ጋላሰ
 ማላደ ጎዳይ ታና ኣዛዚዳ ማላ ኦላዲሰ።

19 ዳሬዚ ታና፡ «ኦሰ ኣይ ኪታ ዮታና ኮያዳ ኔ
 ሃይሳ ኦላዲኮ ኦሰ ዮቲኪ?» ገ ኦይቹዳሰ።

20 ታኒካ ዳራሰ ዛራዳ፡ «ጎዳ ቃላይ ታኮ ዩዲ፡

21 ኢሰራኤሌ ኬላሰ ኡባ ሃሪዛ ጎዳይ፡ ለኢንቴ
 ጮቄቲዛ ዋልቃ፡ ኢንቴ ኣይፌ ሸምፕሲዛሶዛኔ ኢንቴ
 ዋዚናሰ ኡፋይሰ ገዲዳ ጸሳ ኬላ ታይሳ ታ ቲኒሳና።
 ኢንቴ ዩጊ ቢዳ ኢንቴ ማጫ ናይቲኔ ኣቲማ ናይቲ
 ማሻን ወራና።

22 ታ ኦላዲ ማላ ሄ ዋዴ ኢንቴካ ኦላና፤ ኢንቴ ደና
 ጋላ ካሜኬታ፤ ሾቸካ ማኬታ።

23 ኢንቴ ሁኤፔ ቁራጮ ዲጌኬታ፤ ኢንቴ ቶሆፔ
 ጫማ ኬሰኬታ፤ ኢንቴ ኢንቴ ናጋራን ገልቃና፤ ኢሶይ
 ኢሳራ ቶኪ ሸምፓና ኣቲን ካዮሰ ኡቴኬታኔ ዩኬኬታ።

24 ሄ ዋዴን ሂዘቁላ ኢንቴሰ ማላታ ገዳና፤ ኢዚ
 ኦላዲ ማላ ኢንቴካ ኦላና) ገዳሰ። ኡባ ሃሪዛ ጎዳይ
 ታና ገዲዳይሳ ሃይሲ ሃኒዛ ዋዴ ኢንቴ ኤራና» ጌሰ።

25 ጎዳይ ታና፡ «ሃይሶ ኣሳ ናዉ! ባንታ ዋልቃ፡
 ባንታ ኡፋይሳ፡ ባንታ ቦንቆ፡ ኢሰታ ኣይፌሰ ሸምፖሶኔ
 ኢሰታ ዋዚናሰ ኡፋይሰ ገዲዳ ኢሰታ ማጫ ናይታኔ
 ኣቲማ ናይታ ጋላ ታ ኢሰታፊ ኤኪዛ ዋዴ፡

26 ሄ ጋላሰ ኬሲ ኤኪ ኣቲዳ ኣሲ ሄ ፓፑንጎላ
 ዮታናሰ ኔኮ ያና።

27 ሄ ጋላሰ ኔ ደናይ ደዩታና፤ ኔኒካ ኢዛራ ሃሳያና፤
 ሃሳፌ ጉዬ ኔ ደና ዲዳ ገዳካ፤ ኔ ኢሰታሰ ማላታ
 ገዳና፤ ታኒ ጎዳ ገዲዳይሳ ኢሰቲ ሄ ዋዴ ኤራና»
 ገዳሰ።

25

ኣሞኔ ቦላ ዮቲቲዳ ቲንቢቲ

1 ጎዳ ቃላይ ታኮ ዩዲ፡
 2 «ሃይሶ ኣሳ ናዉ! ኔ ሲንሕ ኣሞኔ ቢታኮ ዛራዳ
 ኢሰታ ቦላ ቲንቢቲ ዮታ።

3 ኢሰታሰ፡ ለኡባ ሃሪዛ ጎዳ ቃላ ሲዩቲ፤ ኡባ ሃሪዛ
 ጎዳይ ታ ኬላይ ቲኒዳ ዋዴ፡ ኢሰራኤሌ ቢታይ
 ቡላቲዳ ዋዴ፡ ዩሁዳ ኣሳይ ዲኤቲ ቢዳ ዋዴ፡ ኢንቴ
 ኢሰታሰ ሃሹ! ገዳ ገሻሰ፡

4 ኣርሼይ ሞኪዛ ባጋራ ዲዛ ዳሬዛሰ ኢንቴ ሃራታና
 ማላ ታ ኢንቴና ኣላ ኢማና። ኢሰቲካ ኢንቴ ገደን
 ባንታ ዲንካኔ ቶኪዲ ዳና፤ ኢንቴ ሚላታ ኣይፌ ማና፤
 ኢንቴ ማላካ ኢሰቲ ኡያና።

5 ታኒ ኤራባ ካታማ ጋሚላቲ ሄሚቲዛሶ፡ ኣሞኔ
 ደርሳቲካ ሄሚቲዛሶ ኬሳና፤ ታኒ ጎዳ ገዲዳይሳ ኢንቴ
 ሄ ዋዴ ኤራና) ጋ ዮታ።

6 ኡባ ሃሪዛ ጎዳይ፡ ለኢንቴ ዋዚና ኢታቲላ ጋሶን
 ኢሰራኤሌ ኩንዳላን ኢንቴ ኡፋይቲዲ ኩሽ ባቂዳ
 ገሻሰኔ ጉፔ ካኢዳኔ ቁቋዳ ገሻሰ፡

7 ታኒ ታ ቁሴ ኢንቴ ቦላ ዳንላና፤ ታኒ ካዎቲላቲ
 ኢንቴፊ ቦንቃና ማላ ኦላና፤ ታ ኢንቴና ካዎቲላታ
 ገደፊ ሾዳና፤ ኣሳፔካ ሻካዳ ቆይሳና፤ ታ ኢንቴና ዲፕ
 ሂሰታና። ታኒ ጎዳ ገዲዳይሳ ኢንቴ ሄ ዋዴ ኤራና)
 ጌሰ።

ሞኣቤ ቦላ ዮቲቲዳ ቲንቢቲ

25:1 ኤር 49:1-6፤ ሂዘ 21:28-32፤ ኣሞ 1:13፤ ሶሮ 2:8-11
2:8-11

25:8 ኣሳ 15:1—16:14፤ 25:10-12፤ ኤር 48:1-47፤ ኣሞ 2:1-3፤ ሶሮ

8 «ኡባ ሃሪዛ ጎዳይ፡ ለሞክሮይን ሴይሬይ፡ በኢቲ፡ የሁዳ ኣሳይ ሃራ ካዎቲታ ማላ ጊዲዴሰ ጊዳ ገሻሰ፡

9 ኢሰታ ቢታ ዛዎ ቦላ ዲዛይታኔ ኢዚሰ ቦንቾ ጊዲዳ ካታማታ ቤቲ-ያሽሞቲ፡ ባኣሊ-ሜኦኔ፡ ቁሪያታይሜ፡ ደማዳ ሞክሮ ሚጻ ቃራ ዩጋና፡

10 ሞክሮቲኔ ኣሞኔቲ ኢሰታሰ ሃሪታና ማላ ታ ኢሰታ ኣርሼይ ወሊዛ ባጋራ ዲዛ ዴራሰ ኣባ ኢማና፤ ኣሞኔ ኣሳሰ ሃይሳፊ ጉዬ ካዎቲታ ማታን ኢሰታ ቆፍሱዛ ሚሺ ዳና፡

11 ታኒ ሞክሮ ቃጻያና፤ ታኒ ጎዳ ጊዲዳይሳ ኢሰቲ ሄ ዎዴ ኤራና፡ ጌሰ፡

ኤደሜ ቦላ ዮቲቲዳ ቲንቢቲ

12 «ኡባ ሃሪዛ ጎዳይ፡ ለኤደሜይ የሁዳ ቦላ ሃሎ ኬሲዳ ገሻሰኔ ሄሳን ሞራንቻ ጊዲዳ ገሻሰ፡

13 ኡባ ሃሪዛ ጎዳይ፡ ታኒ ታ ቁሴ ኤደሜ ቦላ ዳንፋና፡ ኢዛ ኣሳኔ ሜሃ ታ ዎታና፤ ታ ኢዛ ቡላ ሂሰታና፤ ቲማኔ፡ ቢዲ ዳዳኔ ጋካናሰ ኢሰቲ ማሻን ወራና፡

14 ታ ዴሬ ኢሰራኤሌ ዳንፋዳ ኤደሜ ቦላ ሃሎ ኬሳና፤ ኢሰቲካ ታ ሃንቆ ማላኔ ታ ቦሻ ማላ ኤደሜ ዴራ ቦላ ኦፋና፤ ታኒ ሃሎ ኬሲዳይሳ ኢሰቲ ሄ ዎዴ ኤራና፡ ጌሰ፡

ፊሊሰጾሜ ቦላ ዮቲቲዳ ቲንቢቲ

15 «ኡባ ሃሪዛ ጎዳይ፡ ለፊሊሰጾሜቲ ዎዚና ኢታቲታን ዳንዲዲ ሃሎ ኬሲዳ ገሻሰኔ የሁዳካ ካሴ ጋሞኢዳ ሞርኬቲታን ካታዲ ቆይሳና፡

16 ኡባ ሃሪዛ ጎዳይ፡ ታኒ ታ ቁሴ ፊሊሰጾሜ ኣሳ ቦላ ዳንፋና፤ ኬሊቲ ኣሳ ቃንጻና፤ ኣባ ጋጸን ኣቲዳይታካ ቆይሳና፡

17 ታኒ ኢሰታ ቦላ ዎልቃማ ሃሎ ኬሳና፤ ታ ቦሻንካ ኢሰታ ቃጻያና፤ ታ ኢሰታ ቃጻዪዛ ዎዴ ኢሰቲ ታኒ ጎዳ ጊዲዳይሳ ኤራና፡ ጌሰ» ጊዴሰ፡

26

ጸርሲ ቦላ ዮቲቲዳ ቲንቢቲ

1 ኮኒ ዲኤቲዳ ታማኔ ኢሲንፋ ላይፋን፡ ኣገናሰ ኮይሮ ጋላሳን ጎዳ ቃላይ ታኮ ዩዲ፡

2 «ሃይሶ ኣሳ ናዉ! ጸርሲ ዩራሳላሜ ገሻሰ፡ ራሬታ ፔንጌይ ሃሹ ሜቃዱሰ፤ ኢዚ ፔንጌቲ ታሰ ዎቁ ጊ ደዩቲዳ፤ ሃኢ ኢዛ ላሌቲዳ ገሻሰ ታ ኢዛ ዲሬታና፡ ጊዴሰ፡

3 ኡባ ሃሪዛ ጎዳይ፡ ሃኔ ጸርሴ ታ ኔ ቦላ ዳንዲዳይሰ፤ ኣባ ዳሞባላይ ዳንዲዳይ ማላ ታ ኔ ቦላ ዳር ዴሬ ዳንፋና፡

4 ኢሰቲ ጸርሲ ገምቤዛ ሙሌራ ቆይሳና፤ ኢዚ ናጌ ገምቤታካ ላላና፤ ታኒ ኢዚ ቢታ ፒታ ቆይሳዳ ካሎ ዲዛ ዛላ ኬሳና፡

5 ታኒ ኡባ ሃሪዛ ጎዳይ ሃይሳ ዮቲዳ ገሻሰ ኢዛ ኣባ ጊዴን ጌቲ ሚጫ ሜሊሲዳር ጊዳና፤ ካዎቲታ ኢዚሰ ዲዛዝ ቦንቃና፡

6 ሄ ቢታን ኣባፊ ሃኪ ዲዛ ጉታቲ ማሻን ወራና፤ ታኒ ጎዳ ጊዲዳይሳ ኢሰቲ ሄ ዎዴ ኤራና፡

7 «ኡባ ሃሪዛ ጎዳይ፡ ለካዎታሰ ካዎ ጊዲዳ ባቢሎኔ ካዎ ናቡካዳናጾሬ ፓራታራኔ ፓራ-ጋሪታራ፡ ቶጋንቻታራኔ ዳር ኦላንቻታራ ፑዳሃ ባጋፊ ጸርሲ ቦላ ታ ኤሃና፡

8 ኢዚ ዴራሰ ጊዴን ዲዛ ኔ ጉታታ ማሻን ወርሳና፤ ኢዚ ዩሾን ኬላ ኬላና፤ ኔ ገምቤሰ ጾራ ጋካናሰ ቢታ ዴራና፤ ኢዚ ባ ጎንዳሌዛካ ኔ ቦላ ዳንፋና፡

9 ገምቤዛ ላሊዛ ሚሻን ዲርሳ ላላና፤ ኦላ ማሳራን ናጌ ገምቤታካ ላላና፡

10 ፓራ ዳርቲላፊ ዳንዲዳይሳን ጉዲላይ ኔና ጎዚ ኦይካና፤ ኣሳይ ገምቤይ ላሌቲዳ ካታማ ማላ ኢዚ ኔ ፔንጌታራ ጌሊዛ ዎዴ፡ ፓራታ፡ ፓራ-ጋሪታኔ ጋሪታ ጨንጉርሳፊ ዳንዲዳይሳን ኔ ገምቤቲ ቃጻና፡

11 ኔ ኦጌቲ ኡባይ ፓራ ቶሆን ዴሬታና፤ ኔ ዴራ ማሻን ዎታና፤ ኔ ዎልቃማ ቱሳቲካ ሳኣን ኩንዳና፡

12 ኔ ኣቆታ ኢሰቲ ቦንቃና፤ ኔ ሻቃጩ ኢሰቲ ቦንቁ ኤካና፤ ኔ ዲርሳ ኢሰቲ ላላና፤ ኔ ሎኦ ኬላታካ ኡባ ቆይሳና፤ ኔ ሹቻኔ ኔ ሚላ፡ ኔ ዲርሳ ላሌላ ዴጌ ኣባን ዩጋና፡

13 ኔ ዩላ ታኒ ሲርጺ ሂሰታና፤ ሃይሳፊ ጉዬ ኔ ዲላ ገሪሰ ሴቲቲና፡

14 ታ ኔና ካሎ ዲዛ ሎቻ ዛላ ኦፋና፤ ኔኒ ሞሌ ጊቲ ሚጫዛር ጊዳና፤ ናሞኣን፡ ሲማ ኦሴታካ፤ ሃይሲ ሃናይ ታኒ ጎዳይ ዮቲዳ ገሻሳ፡ ጌሰ፡

15 «ኡባ ሃሪዛ ጎዳይ ጸርሲሰ፡ ለማዲንጺዳይቲ ቶቁሺን፡ ኔ ጊዴን ሼምፖ ዎታሺን፡ ኔ ኩንዳላ ገሪሳፊ ዳንዲዳይሳን ሃራቲ ቃጻቲ፡

16 ኣባ ጋጸን ዲዛ ሃላቃቲ ኡባይ ባንታ ካዎቲላ ኣራታፔ ዎታና፡ ባንታ ሴሎ ማይኦ ዩጋና፤ ባንታ ጸባቤ ማይኦ ቃሪ ዩጋና፡ ባቦን ኩሚዲ ቢታ ቦላ ኡቲ ኮኮሪኔ ኔ ቦላ ጋኪዳ ሃናዛ ጋሶን ኢሰቲ ሺርታና፡ ጌሰ፡

17 ኔ ገሻሰ ዚላሊሹ፡

« ኔ ኣሳይ ኣባ ጊዴን ዲዛ፡ ኤሬቲዳ ካታማዬ ኔ ዎና ቆይዲ!

ኔናን ዲዛ ኣሳራ ኔ ኣባ ጊዴን ዎልቃማኮሺን፡

ሃን ዲዛ ኣሳ ኣቻን ኔ ያሽሲዳርኮሺን፡

18 ሃኢ ኔ ኩንዳላ ጋላሰ ኣባ ጋጸን ዲዛ ዴሬቲ ሂርጊዳ፤

ኔ ላሌቲዳ ጋሶን ሃራቲካ ቃጻዲ፡ ጌሰ፡

19 «ኡባ ሃሪዛ ጎዳይ፡ ለኢሰታን ኣሲ ባይንዳ ካታማታ ማላ ታኒ ኔና ካይዚሲሺን፡ ዎጋ ጊታ ኣባን ታኒ ኔና ዩጋዳ ካሚሺን፡

20 ቤኒ ዎዴ ኣሳቲ ጌሊዳ ኦላን ዎታዘይታራ ታ ኔና ዲጌ ዎላና፤ ዲጌ ኦላን ጌሊዛይታራ ታ ኔና ኢሲፊ ቤኒ ላሌቲዳ ዲዛ ቢታ ጋርሳን ታ ኔና ዎላና፤ ሄሳፊ ጉዬ ኔኒ ቢታ ቦላ ሼምፖ ፓጻ ዲዛይታ ጋርሳን ኔሰ ዴኦሶ ዴማካ፤

25:14 ኣሳ 34:5-17፤ 63:1-6፤ ኤር 49:7-22፤ ሃዘ 35:1-15፤ ኣሞ 1:11-12፤ ኣብ 1-14፤ ሚል 1:2-5 25:15 ኣሳ 14:29-31፤ ኤር 47:1-7፤ ኣጾ 3:4-8፤ ኣሞ 1:6-8፤ ሶፎ 2:4-7፤ ዛካ 9:5-7 26:1 ኣሳ 23:1-18፤ ኣጾ 3:4-8፤ ኣሞ 1:9-10፤ ዛካ 9:1-4፤ ማቶ 11:21-22፤ ለቃ 10:13-14 26:13 ኣጾ 18:22 26:16 ኣጾ 18:9-10 26:21 ኣጾ 18:21

21 ታኒ ኔ ወርሴላ ሚቸዘዘ ኦላና፤ ሃሳፌ ጉዬ ኔ ዳኣካ፤ ኔ ኮዬታናሺን ቤታካ፤ ጊዶ ኣቲን ኔኒ ናምኣንሶ ሙሉካ ቤታካን ጌሰ» ጊዳሰ።

27

ጸርሲስ ዘላሌቲዳ ዘላሰ

- 1 ጎዳ ቃላይ ታኮ ዩዲ፤
- 2 «ሃይሶ ኣሳ ናወ! ጸርሲ ጊሻስ ዘላላ።
- 3 ኣባን ጌሊዞሶ ፔንጌን ዲዛሪሲኔ ዳሮ ኣባ ጋጸታን ዲዛ ዳሬታራ ዘልኢዛ ጸርሲስ፤ ኡባ ሃሪዛ ጎዳይ፤ «ሃኔ ጸርሲ፤ ሳኒ ኔና ኮሃፕ ሎኦ» ጋዳሳ፤
- 4 ኔ ዘዋይ ኣባ ጊዶን ዳሰ፤ ኔና ኦሊዳይቲ ኮሃ ሎኦሊ ኦሊዳ።
- 5 ኔ ሳንቃታ ኡባ፤ ሳኒሬፔ ዩዳ ዲዳን ኦሊዳ፤ ማርካቤ ቱሳቲ ሊባኖሴፔ ዩዳ ዚጋፔ ጊጊዳ።
- 6 ባሳኔፔ ዩዳ ዋላፔ ማርካቤ ላጊዛ ሚሽ ኦሊዳ፤ ቆጲሮሴ ዘዋፔ ዩዳ ዚጋ ሚላ፤ ዳንጋርሳ ዘሊን ኣሌቆሲዲ ኔ ወይጌዛ ኦሊዳ።
- 7 ኔ ማርካቤዛ ጸባቤይ ገብጾ ቤታ ላይኖፔ ኦሴቲዳሰ፤ ሃሲ ኔና ባንዲራ ማላ ገኢዳሰ። ሳሎ ሚሳቲዛኔ ኦቻ ቲራ ሚሳቲዛ ኔ ሻራቲ ቆጲሮሴፔ ዩዳ።
- 8 ማርካቤ ሶሎሊሲዛይቲ ሲዶናፔኔ ኣርዋዴፔ ዩዳይታ፤ ሃኔ ጸርሲ፤ ኔ ማርካቤ ላጊዛይቲ ሎሃዳ ኔ ኣሳታ።
- 9 ጌባለፔ ሎሃዳ ዳናቲኔ ሃላንቻቲ ኔ ማርካቤታ ኮላናሰ ኔ ጊዶን ዳቲሰ፤ ኣባ ሶላራ ቢዛ ማርካቤቲኔ ማርካቤ ላጊዛይቲ ኡባይ ሃሪጌቲዲ ኔናራ ዘልኤታናሰ ኔኮ ዬቲሰ።
- 10 «ፓሪሴ፣ ሉዴኔ ፑጾ ኣሳቲ ዋታዳራ ጊዲዲ ኔ ኦላንቻታ ጊዶን ኔና ሃጋዜቲሰ፤ ኔሰ ቲማ ጊዳና ማላ ባንታ ጎንዳሌኔ ባንታ ቢራታ ቆቤ ኔ ጎዳ ሶላ ካቂዳ።

- 11 ኣርዋዴኔ ሃሌኬ ኣሳቲ ኔ ጊምቤታ ኡባሶራ ናጌቲሰ፤ ጋማዴፔ ዩዳ ኣሳቲ ኔ ጊምቤ ጊዶን ዳቲሰ፤ ኢሰቲ ባንታ ጎንዳሌ ኔ ጊምቤዛ ዩሾን ካቂዳ፤ ኔ ፑላቴላ ኩሜላ ኦሊዳ።
- 12 «ኮሃ ዳሮ ጊዲዳ ኔ ዳሬቲላ ጋሶን ታርሴሴይ ኔናራ ዘልኤን ጋይታዲሰ፤ ኢዛ ቢራኔ ቢራታ፣ ቆርቆሮኔ ኢርሳሴ ኤሃዳ ኔ ሻቃጩታ ላሜ ኤካወሰ።
- 13 «ያዋኔይ፣ ቱባሌይኔ ሜሽኬይ ኔናራ ኢሲፌ ዘልኤቲሰ፤ ኣይሌታኔ ጸርቂማላፔ ኦሴቲዳ ሚሻታ ሻቃጩራ ላሜቲሰ።
- 14 «ቤቲ-ቶጋርማ ኣሳቲ ጫና ፓራታ፣ ኦላ ፓራታኔ ባቁሎታ ሻቃጩን ላሜቲሰ።
- 15 «ኤርዶሴ * ኣሳቲ ዘልኤን ኔናራ ጋይቲዳ፤ ዳሮ ሃራሮ ዳሬቲ ኔ ሻቃጩታ ዳንጋርሳ ዘሌኒኔ ዘጾ ጌቲቲዛ ሚላን ላሜቲሰ።
- 16 «ኮሃ ዳሮ ጊዲዳ ኔ ኣቆታ ጋሶን ኣራሚይ ኔናራ ዘልኤን ጋይታዲሰ፤ ኔ ሻቃጩካ ቤሉሬን፣ ኦቻ ቲራ ሚሳቲዛ ጫርቃን፣ ጸባቤን፣ ሎኦ ላይኖን፣ ሃሌሎኒኔ ዘኦ ኢንቁን ላሜቲሰ።
- 17 «ዩሁዳይኔ ኢሰራኤሌይካ ኣቶንታ ኔናራ ዘልኤን ጋይቲዳ፤ ኢሰቲ ሚኒቲፔ ዩዳ ጊሰቲ፣ ማሊዳ፣ ኤሰ፣ ዛይቲኔ ባላሳኔ ጌቲቲዛ ጳሊዛ ዛይቲ ኔ ሻቃጩዛራ ላሜቲሰ።
- 18 «ኔ ዳሮ ዳሬቲላኔ ኢሻሎ ዲሳ ጋሶን ዳማሰቆ ኣሳቲ ሃልቦኔ ዋይኔ ኡሺኔ ዘሃሬ ዳሬ ዶርሳ ኢሰኮ ሺሺዲ ኔናራ ዘልኤቲዳ።
- 19 «ኦዜሌን ዲዛ ዳኔይኔ ጊርኬ ኣሳይ ኔ ዲማ ዲማ ሚሻ ሻሚዳ፤ ኢሰቲ ኔ ሚሻራ ላማናሰ ኣሌቂቲዳ ቢራታ፣ ዲማ ዲማ ሳዋታኔ ቃራፋ ኤሃዳ።
- 20 «ዳዳይኔ ኔ ሻቃጩ ገላሴራ ላማወሰ።
- 21 «ኣራቢያ ሃላቃቲኔ ቁዳሬ ሃላቃቲ ኡባይ ኔ ላጌታ፤ ኢሰቲ ላቃ፣ ጳርሾኔ ዳይሾ ኤሃዲ ኔናራ ዘልኤቲሰ።
- 22 «ሳባ ዘልኣንቻቲኔ ኤራኢሜ ዘልኣንቻቲ ኔናራ ዘልኤቲቲሰ፤ ዶሬቲዳ ቂማሜ ኡባ፣ ኣልኦ ሹቲኔ ዋርቃ ሺሺዲ ሻቃጩን ኔናራ ዘልኤቲቲሰ።
- 23 «ካራኔ፣ ካኔ፣ ኤዴኔ፣ ሳባ፣ ኣሶሬኔ ኪልማዳ ዘልኣንቻቲ ኔናራ ዘልኤቲቲሰ።
- 24 ሃይቲካ ኔ ጊያ ጊዶን ሎኦ ማይኦ፣ ሳሎ ሚሳቲዛ ካባ፣ ጸባቤ፣ ሃሳላካ ቢራታ ቃላሚን ጸሊዛኔ ሚኒ ዳዴቲዳ ሲጋጃ ኤሃዲ ኔናራ ዘልኤቲቲሰ።
- 25 «ታርሴሴ ማርካቤቲ ኔ ሻቃጩ ጫኒ ጫኒ ኤፊዳ፤ ኔኒ ኣባ ጊዶን ዳጾ ጫና ጫኔታዳ ዳሳ።
- 26 ማርካቤ ሶሎሊሲዛይቲ ጪማ ኣባ ጊዶን ኔና ኤፊዳ፤ ጊዶ ኣቲን ኣርሾይ ሞኪዛ ባጋ ጫርኮይ ኣባ ጊዶን ኔና ሚንሱሬሊዳሰ።

* 27:15 ኢርዶሴ ጊዛይሳ ሃራ ሃራ ቢርሾላቲ ዳዳኔ ጌቲሰ። 27:25 ኣጃ 18:11-19

- 27 ማርካቤ ዳፋይ
 ኔ ቦላ ጋኪዛ ጋላስ
 ኔ አቆታይ፥ ኔ ሻቃጩይ፤
 ኔ ዛልኤ ሚሻይ፥
 ኔ ማርካቤዛ ሶሎሊሲዛይቲ፥
 ማርካቤዛን ቢዛይቲ፤
 ማርካቤ ኦሳንቻቲ፥
 ኔ ዛልኦንቻቲ፤
 ኔ ዋታዳራቲ ኡባይ፥
 ማርካቤዛን ዲዛይቲ ኡባይ፥
 ዲጌ ጨማ አባን ሚቲታና።
- 28 ኔ ማርካቤ ሶሎሊሲዛይቲ
 ዋሲሺን፥
 አባ ጋጸን ዲዛይቲ
 ያርኪያርኬቲስ።
- 29 ማርካቤ ሶሎሊሲዛይቲ ኡባይ
 ባንታ ማርካቤታ ኦሊ ባና፤
 ማርካቤ ሶሎሊሲዛይቲ፤
 ማርካቤን ዲዛይቲ ኡባይ
 ዋዲዲ አባ ጋጸን ኤቃና።
- 30 ባንታ ቃላ ቶቄ ሂስቲዲ
 ጫዋ ዩሆ ኔስ ዩካና፤
 ባንታ ሁኤን ጉዲላ ቆሊዲ
 ቢዲንሳ ቦላ ቡሉሌታና።
- 31 ኔ ጊሻስ ካዮቲዲ
 ባንታ ሁኤ ቡሉሳና፤
 ማቃካ ማይኦና፤
 ዋዚናፔ ጨጫዲ
 ጫዋ ዩሆ ኔስ ዩካና።
- 32 ኔ ጊሻስ ኢስቲ ዋሲሺ
 ዩካና፤
 ኢስቲ ኔስ ዚላሊሺ፥
 ሳባን ሚቲቲ ጮኡ ጊዲይ፥
 ጸርሴ ማላይ ኦኔ? ጋና።
- 33 ኔ ሻቃጩይ
 አባሬ ፒኒ ኬዚዳ ዋዴ፥
 ዳር ዳሬታ ካልሳሳ፤
 ኔኒ ኔ ጊታ አቆታኒ፤
 ኔ ሻቃጩዛን ቢታን ዲዛ
 ካዋቲላታ ዲሬሳዲሳ።
- 34 ሃኢ ጊዲኮ ጨማ ሃላን
 አባ ጊደን ማቄሬታ
 ኩንዲዲሳ፤
 ኔ ጫናይ፤ ጫኔቲዳ
 አሳይ ኡባይ
 ኔናራ አባን ሚቲቲዳ።
- 35 አባ ጋጸን ዳኢዛ አሳይ ኡባይ
 ኔ ቦላ ጋኪዳይሳ ቤኢዲ
 ዳጋሚዳ።
 ኢስታ ካዋቲካ ሂርጋን ኮኮሪዳ፤
 ኢስታ አይሬሶይ ላማቲዳስ።
- 36 ሃራ ካዋቲላታ ጊደን ዲዛ
 ዛልኦንቻቲ
 ኔ ቦላ አይ ኬና ዋይቂዳ!
 ኔ ዉርሴላይ
 ዳጋንሳዛዝ ጊዲዳስ፤
 ኔ ማርናስ ቤታካ» ጊዳስ።

28

- ጸርሴ ሃላቃ ቦላ ዮቲቲዳ ቲንቢቲ
- 1 ጎዳ ቃላይ ታኮ ዪዲ፥
 - 2 «ሃይሶ አሳ ናዉ! ጸርሴ ሃላቃስ ኡባ ሃሪዛ ጎዳይ፥
 «ኔ ዋዚናይ ኦቶርን ኩሚዲ፥
 ታኒ ጸሳ፤
 ጸሳ አራታን አባስ
 ጊደ አዳን ኡታዲስ፤ ጊዳስ።
 አይኮስካ ኔኒ ታኒ ጸሳ ማላ
 አዶ ኤራንቻ ቆፒኮካ
 ኔኒ አሳ አቲን ጸስ ዳካ።
 - 3 ኔኒ ዳኔላፔ ቦላራ
 አዶ ኤራንቻ?
 ኔፔ ጌሚዳ
 ጸራ ዮኦይ ዳኔ?
 - 4 ኔ አዶ ኤራቲላኒ፤
 ኔ አኮካን
 ኔ አቆታ ዳጋሳዳሳ፤
 ዋርቃኔ ቢራ
 ኔ ሚንጃ ኬላን
 ሺሻዳሳ።
 - 5 ኔ ዛልኤ ኦሶ ኤራቲላን
 ኬሃ ቢዳ ጊሻስ፥
 አቆታ ቦላ አቆታ ዳጋሳዳሳ፤
 ኔ አቆታ ዳርቲላፊ
 ዳንዲዳይሳን
 ኔ ዋዚናይ ኦቶርን
 ኩሚዳስ ጋዳ ዮታ።
 - 6 «ሃሳ ጊሻስ
 ኡባ ሃሪዛ ጎዳይ፥
 ታኒ ጸሳ ማላ
 አዶ ኤራንቻ)
 ጋዳ ኔኒ ቆፒዛ ጊሻስ፥
 - 7 ካዋቲላታ ጊደን
 ኬሂ ሜንጾ ኢታ ጊዲዳ አላጋታ
 ታ ኔ ቦላ ኤሃና።
 ኢስቲ ኔ አዶ ኤራቲላ
 ፑላቲላ ቦላ
 ባንታ ማሻ ሾዳና፤
 ጊታ ኔ ቦንቸዛካ ቲኒሳና።
 - 8 ኔና ዲጌ ኦላን ዩጋና፤
 ጨማ ሃላን አባ ጊደን
 ኢታ ሃይቆ ኔ ሃይቃና።
 - 9 ሂስቲን ኔኒ ኔና ዋዲዛይታ
 ሲንላን፥
 ታኒ ጸሳ፤ ጋንዲ?
 ኔና ዋዲዛይታ ኩሺን
 ኔ ጌላሺ
 ኔኒ አሳ አቲን ጸስ ዳካ።
 - 10 ኔኒ አላጋታ ኩሺን
 አማናንታ አሳታ
 ሃይቆ ማላ ሃይቃና፤
 ኡባ ሃሪዛ ጎዳይ፥
 ታኒ ሃይሳ ዮታዲስ)
 ጌስ» ጊዳስ።
- ጸርሴ ካዋ ኩንዳላ

11 ቃሴካ ጎዳ ቃላይ ታኮ ዩዲ፥
12 «ሃይሶ አሳ ናዉ! ጸርሴ ካዎ ገሻሰ ዚላላሽ
ኡባ ሃሪዛ ጎዳይ ኔና፥

« አጵ ኤራቴላን ኩማዳ፥
ኩማላ ፑላቴላ ማይኣዳ
ኔኒ አሳሰ ቱሙ ለሚሶ ጊዳዳሳ።
13 ኔኒ ኤዳኔን፥
ጸሳ አታኪልቴ ጊደን ዳኣዳሳ፤
ቦንቾ ሹቻዚ ኢሶይ ኢሶይ
ኔና አሌቁሲዳሰ፤
ኢሰቲካ ሳርዲዮኔ፥
ቶጸዚዮኔኔ አልማዜ፥
ማርጊዳ፥ ኢያሰጲዳኔ ሰምፔሬ፥
ቤሉሬ፥ ቢሪሌኔ አልኦ ኢንቁ፤
ኔ ማይኦቲካ ጸልቁዛ
ኢንቁኔ ዋርቃ፤
ሃይቲ ኔኒ ማይዳቴዳ
ጋላሰ ኦሴቲዳ።

14 ኔኒ ናጊዛ
ኪሩቤ ጊዳዳ ቲዬታዳሳ፤
ሄሳሰ ታ ኔና ሹማዲሰ፤
ኔኒ ካሴ ጌሻ ዙማን
ጸሳይሳን ዳኣዳሳ፤
ታማ ማላ ሹቻታ ጊደን
ሲማሬታዳሳ።
15 ኔኒ ማይዳቴዳ ጋላሳፊ ደሚን፥
ኢታቴላ ኔ ቦላ
ቤቲዳ ጋላሰ ጋካናሰ፥
ኔኒ ኦጌ ኡባን
ቦሬይ ባይንዳ ዳኣዳሳ።

16 ኔ ዛልኤይ ማኒዳ ገሻሰ፥
ማካላቴላን ኩማዳሳ፤
ናጋራካ አላዳሳ።
ሄሳ ገሻሰ ታ ኔና
ጸሳ ዙማ ቦላፊ
ካዉሻዳ ዩዳዳዲሰ፤
ሃይሶ ናጊዛ ኪሩቤ!
ታ ኔና ታማ ሚሳቲዛ
ሹቻታ ጊደፊ ኬሳዲሰ።

17 ኔ ፑላቴላ ጋሶን፥
ኔ ዋዚናይ ኦቶሬቲዳሰ፤
ኔ ቦንቾ ጊታቴላፊ
ዳንዲዳይሳን፥
ኔ አጵ ኤራቴላ ቱኒሳዳሳ፤
ሄሳ ገሻሰ ታኒ ኔና
ዲጌ ቢታን ኦላዲሰ፤
ሃራ ካዎታ ሴራናሰ
ማላታ አላዲሰ።

18 ኔ ናጋራኒኔ ኔ ጨዋ ዛልኤ
ዳርፔ ዳንዲዳይሳን፥
ኔ ጎይኒዛ ኬላታ
ቱኒሳዳሳ።
ሄሳ ገሻሰ
ታኒ ታማይ ኔ ጊደፊ
ኬዛና ማላ ኦላዲሰ፤
ኢዚካ ኔና ሚዳሰ።

ኔና ቤኢዛ ኡባ ሲንላን፥
ቢታ ቦላ ኔና ቢዲንላ ኬሳዲሰ።
19 ኔና ኤሪዛ ካዎቴላቲ ኡባይ፥
ኔ ቦላ ጋኪዳይሳን ዳጋሚዳ።
ኔ ዉርሴላ
ጨጨሲዛዝ ጊዲዳሰ፤
ሃይሳፊ ጉዬ ኔሰ
ዳኦይ ዳና ጌሰ» ጊዳሰ።

ሲደና ቦላ ዮቴቲዳ ቲንቢቲ

20 ጎዳ ቃላይ ታኮ ዩዲ፥
21 «ሃይሶ አሳ ናዉ! ኔ አይፊሶ ሲደና ባጋ ዛራዳ
ቲንቢቲ ኢዚ ቦላ ዮታ።
22 ኔኒ ዳራሰ ኡባ ሃሪዛ ጎዳይ ኔና፥
«ሃኔ ሲደና ታኒ ኔ ቦላ ዳንዳዲሰ፤
ኔ ጊደን ታኒ ቦንቾታና፤
ቁጸቲ ታኒ ኢዚ ቦላ ኤሂሺን፥
ታ ጌሻቴላካ
ታ ኢዚ ጊደን ቆንጨሲሺን፥
ታኒ ጎዳ ጊዲዳይሳ ኢሰቲ ኤራና።
23 ታኒ ኢዚ ቦላ ኢታ ሃርጌ ኤሃና፤
ኢዚ ኦጌታን ሱላ ጉካና ማላ
ታ ኦላና፤
ኡባ ባጋራ ዩዛ
ማሻን ሲፊቲዳይቲ፥
ኢዚ ጊደን ኩንዳና፤
ሄሳፊ ጉዬ
ታኒ ጎዳ ጊዲዳይሳ
ኢሰቲ ኤራና።

24 « ሃይሳፊ ጉዬ ኢሰራኤል አሳ ኡንኤላዛ
ኪንዲቾይኔ ጨዲዛ አጉንላ ጊዲዳ ሾርቲ ኢሰታ ዩሾን
ዳቴና፤ ሄሳን ታኒ ኡባ ሃሪዛ ጎዳ ጊዲዳይሳ ኢሰቲ
ኤራና ጌሰ» ጊዳሰ።

ኢሰራኤል አሳ አንጃቴላ

25 ኡባ ሃሪዛ ጎዳይ፥ «ታ ኢሰራኤል ዳራ ኢሰቲ
ላሌቲዳ ካዎቴላታ ቢታፊ ሺሺዛ ዎዴ፥ ካዎቴላቲ
ዳሊሺን ታ ጌሻቴላ ታኒ ኢሰታ ጊደን ቆንጨሳና፤
ሄሳፊ ጉዬ ኢሰቲ ታኒ ታ አይሌ ያቆቤሰ ኢሚዳ ባንታ
ቢታን ዳኣና።

26 ሄን ኢሰቲ ሳርን ዳና፤ ኬላታ ኬጻና፤ ዎይኔ ቱራ
ቶኪዛሶሆታ ገገሳና፤ ኢሰቲ ካጵዳ ሾርታ ታ ቃጸዩዛ
ዎዴ ኢሰቲ ሳርን ዳና፤ ሄሳፊ ጉዬ ታኒ ጎዳይ ኢሰታ
ጸሰ ጊዲዳይሳ ኢሰቲ ኤራና» ጌሰ።

29

ጊብጼ ቦላ ዮቴቲዳ ቲንቢቲ

1 ኦኒ ዲኤቲዳ ታማንላ ላይላን፥ ታማንላ አገናን፥
ታማኔ ናምአንላ ጋላሳን ጎዳ ቃላይ ታኮ ዩዲ፥
2 «ሃይሶ አሳ ናዉ! ኔ አይፊሶ ጊብጼ ካዎ ፓርኔኮ
ዛራዳ ኢዛ ቦላኔ ጊብጼ ቢታ ኡባ ቦላ ቲንቢቲ ዮታ።
3 ኔኒ ኢዛሰ ኡባ ሃሪዛ ጎዳይ፥

«ሻፋ ሃላ ጊደን ኢቺዳ
ሃይሶ ጊታ ደኣዙ!
ጊብጼ ካዎ ፓርኔ!
ታ ኔ ቦላ ዳንዳዲሰ፤

28:20 እዩ 3:4-8፤ ዛካ 9:1-2፤ ማቶ 11:21-22፤ ሉቃ 10:13-14
ጌሻ ማጻፋቲ ናይሌ ሻፋ ጊ ጎኤቴቲሰ

29:1 እሳ 19:1-25፤ ኤር 46:2-26 * 29:3 አባዬ ሻፋዛ ኢሲ ኢሲ

«አባዬ ሻፋይ ታይሳ፤
 ታኒ ታሰ ሜዳዲሰ» ጋሳ። *
 4 ጊዳ አተን ኔ ሲጮን
 ታ ዳፎ አላና፤
 ኔ ሻፋታን ዲዛ ሞሌታ
 ኔ ጎጋራ ኦይሴላና።
 ኔሰ ጎጋን ሻቢዳ
 ሞሌታ ኡባራ
 ታ ኔና ኔ ሻፋታ፤
 ጎቻ ኬሳና።
 5 ኔና ኔ ሻፋታን ዲዛ
 ሞሌታ ኡባ፤
 ታ ባዞ ቢታን ዩጋ አጋና፤
 አይኮይ ባይንዳ ዳምባን
 ኔ ኩንዳና፤
 ኔና ሺሻናይኔ
 ዳንላናይ ዳና፤
 ዋራ ደአታሲኔ ሳሎ ካፎታሰ፤
 ኔኒ ቁማ ጊዳና ማላ
 ታ አላ አማና።
 6 «ሄሳፌ ጉዬ ገብጸን ዲዛ ኡባይ ታኒ ጎዳ
 ገዲዳይሳ ኤራና።
 «አሰራኤል ኬላን ኔኒ አሳሰ ማቃ ጉፌ ገዲዳሳ።
 7 አሰቲ ኔና ኦይኪዳ ዋዴ ሜቃዳ አሰታ ሾጳዛ
 ጫዳዳሳ፤ አሰቲ ኔናን ዜምፒዳ ዋዴ ሜቃዳ አሰታ
 ዘኮ ዲላዳሳ።
 8 ሄሳ ገሻሰ ኡባ ሃሪዛ ጎዳይ ታኒ ማሻ ኔ ቦላ
 ኤሃና፤ ኔ አሳታኔ አሰታ ማሃታ ዋዳና።
 9 ገብጸይ ላሌቲዳ ቡላ ቢታ ገዲና። ሄሳፌ ጉዬ
 ታኒ ጎዳ ገዲዳይሳ አሰቲ ኤራና።
 « አባዬ ሻፋይ ታይሳ፤ ታኒ ኢዛ ሜዳዲሰ» ጋዳሳ።
 10 ሄሳ ገሻሰ ታኒ ኔ ቦላ ኔ ሻፋታ ቦላ ዳንዳዲሰ፤
 ገብጸ ቢታ ሚገደሌፔ ቢዲ አሲዋ ጋካና። ሄፔካ
 ቢዲ ቶጵያ ዛዋ ጋካናሰ ላላዳ ታኒ ቡላሳና።
 11 አሰ ገዲን ማሄ ገዲን ሄራ አጲቤና፤ ኦይዱ
 ታሙ ላይላ ጋካናሰ ኦኒካ ኢዚን ዳና።
 12 ታኒ ገብጸ ቢታ ዳይዳ ቢታታፔ አሲኔይ ማላ
 ቡላሳና፤ ኢዚ ካታማቲካ ላሌቲዳ ካታማታ ገዲን
 ኦይዱ ታሙ ላይላ ጋካናሰ ካይሰ ገዲና፤ ገብጸታካ
 ታኒ ካዋቴላታ ገዲን ላላና፤ ዳሬታ ገዲን ታ አሰታ
 ዜራና።
 13 «ኡባ ሃሪዛ ጎዳይ፣ ኦይዱ ታሙ ላይላፌ ጉዬ
 ታኒ ገብጸታ አሰቲ ላሌቲ ዲዛ ካዋቴላታ ገዲፌ
 ሺሻና።
 14 ታኒ አሰታሰ ዛራ አሻሎ ዳኦ አማና፤ ካሴ አሰታ
 አዋታ ቢታ ጳጲሮሴ ታ አሰታ ዛራና፤ ኢዛካ ካዋቴላታ
 ኡባፌ ላፋ ገዲና።
 15 ሃራ ካዋቴላታፔ ቦላራ ኢዛ ባና ቶቁ ሂሰታና
 ዳንዳዩኩ፤ ታኒ ኢዛ ኬሃ ላፋ ሂሰታና፤ ሄሳ ገሻሰ ኢዛ
 ሃራ ካዋቴላታ ዛራ ሃራና ዳንዳዩኩ።
 16 ገብጸይ ሃይሳፌ ጉዬ አሰራኤሌይ ኢዚን
 ዜምፒዛ ዳሬ ገዲኩ፤ ማዶ ዳማናሰ ኢዚኮ አሰቲ
 ሰሚዳ ዋዴ አሰቲ ኦሊዳ ናጋራ አሰቲ ቆፍሲዛ ዳሬ
 ገዲና፤ ሄሳፌ ጉዬ ታኒ ኡባ ሃሪዛ ጎዳ ገዲዳይሳ
 አሰቲ ኤራና ገሰ» ገዳሰ።

ገብጸ ዳኔቲሳ

17 ኔኒ ዲኤቲዳ ናምኡ ታማኔ ላፑንላ ላይላን፤
 ኮይሮ አገናን፤ ኮይሮ ጋላሳን ጎዳ ቃላይ ታኮ ዩዲ፤
 18 «ሃይሶ አሳ ናዉ! ባቢሎኔ ካዋ ናቡካዳናጸሬይ
 ዋልቃማ አላ ጸርሴ ቦላ ዳንሌሊዳሰ፤ ኡባ ሀኤይ
 ቦኣቲዳሰ፤ ኡባ ሃሺይካ ጋሬቲዳሰ፤ ገዲኮካ ኢዚኔ
 ኢዛ ኦላንቻቲ ጸርሴ ቦላ አሰቲ ዋራጂዲ ዳሚዳ
 ዋዴይ ዳና።
 19 ሄሳ ገሻሰ ኡባ ሃሪዛ ጎዳይ፣ «ታኒ ገብጸ ቢታ
 ባቢሎኔ ካዋ ናቡካዳናጸሬሰ አላ አማና፤ ኢዚሰ ዲዛ
 አቆታ ኡባ ኢዚ ባሰ ሚያና፤ ኢዛ ኦላንቻታሰ ዳሞዛ
 ገዲና ማላ ቢታይን ዲዛ ሚሽ ኡባ ቦንቃናኔ ፒቲ
 ኤፋና።
 20 ኢዚኔ ኢዛ ኦላንቻቲ ታሰ ዳቡርዳ ገሻሰ ኢዛሰ
 ዳቡራ ጋቴ ገዲና ማላ ገብጸ ታ ኢዛሰ አማዲሰ»
 ገሰ።
 21 «ሄ ጋላሰ ታኒ አሰራኤሌ ኬላሰ ካጩ ሞይዛና፤
 አሰታ ገዲን ታ ኔ ዶና ዶያና፤ ሄሳን ታኒ ጎዳ
 ገዲዳይሳ አሰቲ ኤራና» ገዳሰ።

30

ገብጸ ቦላ ያና ቁጻቲ
 1 ጎዳ ቃላይ ታኮ ዩዲ፤
 2 «ሃይሶ አሳ ናዉ! ሃይሳ ማላ ጋዳ ቲንቢቲ ዮታ፤
 ኡባ ሃሪዛ ጎዳይ፤
 « «ዉ! ዉይ» ጋ ዋሳ፤
 «ሄ ጋላሳይሰ አይ አና!» ጋ።
 3 ጋላሳይ ማቲዳሰ!
 ጎዳ ጋላሳይ ጋኪዳሰ!
 ሄ ጋላሳይ ሻራ ጋላሳ፤
 ካዋቴላታ ኡባሰ
 ባሻ ጋላሳ።
 4 ገብጸ ቦላ አላይ ያና፤
 ቶጵያ ቦላካ ቱጋይ ያና።
 ዳሮቲ ገብጸን ሹኩቲ ኩንዳና፤
 ኢዚ አቆታይ ቦንቁታና፤
 ኢዚ ዮቻቲካ ላሌታና።
 5 «ቶጵያይኔ ፑዴይ፣ ሉዳይኔ አራቤይ፣ ሊቢያይኔ
 ጫቆ ቃላ ቢታ አሳይ ገብጸራ አሲፌ ማሻን ዉራና።
 6 «ኡባ ሃሪዛ ጎዳይ፤
 «ገብጸራ ዙፔቲዛይቲ ኩንዳና፤
 ኢዛ ኦቶሬቲዛ ሚኖቴላይ ዳያና፤
 ሚገደሌፔ ቢዲ
 አሲዋ ጋካናሰ፤
 አሰቲ ማሻን ሃይቃና» ገሰ።
 7 ቡላ ቢታታ ገዲን
 አሰቲ አጲ ቡላ ገዲና፤
 አሰታ ካታማቲካ
 ላሌቲዳ ካታማታ ገዲፌ
 አሳ ገዲና።
 8 ታኒ ገብጸን ታማ ኦይሊዛ ዋዴ፤
 ኢዛ ማዲዛይቲ ኡባይ
 ኩንዲዛ ዋዴ፤
 ታኒ ጎዳ ገዲዳይሳ
 አሰቲ ሄ ዋዴ ኤራና።
 9 «ሄ ጋላሰ ታ ቃሰታኔቲ ማርካቤን ቢዲ ባጲ ጋ
 ኡቲዳሶፕፔ ኬሳናሰ ቶጵያ ዳጋንላና፤ ገብጸይ ዳማን

ሚቲቲዛ ዎዴ ኢስታ ጨጨይ ኦይካና፤ ቱማፔ ሄ ጋላሳይ ያና።።

10 ኡባ ሃሪዛ ጎዳይ፡

«ባቢሎን ካዎ ናቡካዳናጾሬ ኩሼን ቆዳይ ባይንዳ ጊብጾ ዳሬ ኣሳ ታ ዳይሳና።።

11 ካዎቲላታ ኡባሬ

ሚንጾ ኢታ ጊዲዳ ኢዚኔ ኢዛ ኦሳንቻቲ ቢታዮ ዳይሳናስ ያና ማላ ኦላና፤ ባንታ ማሻ ጊብጾ ቦላ ሸዲዲ ቢታዮ ኣሃ ጸላ ሂስታና።።

12 ኣባዬ ሻፋ ታኒ ሚሊሳና፤

ቢታዮካ ኢታ ኣሳታስ ባይዛና፤ ኣላጋታ ኩሼን ቢታዮኔ ኢዚን ዲዛ ኡባ ታ ቡላ ሂስታና፤ ታኒ ጎዳይ ሃይሳ ዮታዲስ።።

13 «ኤቃ ጸሳታ

ታ ዳይሳና፤ ማምፕሳን ዲዛ ሚስሌታ ታ ዲፒ ሂስታና፤ ሃይሳሬ ጉዬ ጊብጾን ሃላቃታናይ ዳና፤ ቢታይ ቦላ ታ ያሻቴሐ ከታና።።

14 ታኒ ጸጺሮሴ ቢታ

ቡላ ሂስታና፤ ጸናሴ ቦላ ታማ ዬዳና፤ ቴቤሴ ቦላ ቁጻቴ ዬጋና።።

15 ጊብጾስ ሚጸ ጊዲዳ

ሲና ቦላ ታ ባሻ ጉሳና፤ ቆዳይ ባይንዳ ቴቤሴ ኣሳ ታ ዳይሳና።።

16 ታኒ ጊብጾ ቦላ ታማ ኤላና፤

ሲኔይ ጨጨን ቡልኣኬታና፤ ቴቤሴይ ዳምባላን ሚቲታና፤ ማምፕሳይ ዲጸንታ ጨጨ ጊዶ ጌላና።።

17 ሄሊዮቴኔ

ቡባስቴ ናቴላቲ ማሻን ሲሬታና፤ ሄ ካታማቲካ ዲኤታና።።

18 ታኒ ጊብጾ ቃምባራ ሚንሊዛ ዎዴ

ጸፊናሴን ጋላሳይ ቃማና፤ ሃሳሬ ጉዬ ኢዛ ኦቶሬቲዳ ኢዚ ሚኖቴላይ ኩንዳና፤ ኢዛ ሻራን ካሚታና፤ ኢዚ ጉታቲካ ዲኤታና።።

19 ሃሳ ጊሻስ ታ ጊብጾ ቦላ

ታ ቁጻቴ ኤሃና፤ ኢስቲካ ታኒ ጎዳ ጊዲዳይሳ ሄ ዎዴ ኤራና» ጊዴስ።።

ጊብጾ ካዎ ኩንዴላ

20 ኦኒ ዲኤቲዳ ታማኔ ኢሲንላ ላይላን፣ ኮይሮ ኣገናን፣ ላፕንላ ጋላሳን ጎዳ ቃላይ ታኮ ዪዲ፣

21 «ሃይሶ ኣሳ ናዉ! ታኒ ጊብጾ ካዎ ቄሴ ሚንላዲስ፤ ኢዚ ፓጻና ማላ ኢዛ ቄሴይ ኮሌቲቤና፤ ዎይኮ ኢዚ ማሻ ኦይኪ ዳንዳያና ማላ ኢዛ ኩሼይ ማቃን ኮሌቲቤና።።

22 ሃሳ ጊሻስ ኡባ ሃሪዛ ጎዳይ፡ ታኒ ጊብጾ ካዎ ፓሮኔ ቦላ ዳንዳዲስ፤ ኢዛስ ፓጻ ቄሴዛራኔ ሚቆ ቄሴዛራ ናምኣ ጋላ ሚንላና፤ ኢዛ ማሻይ ኢዛ ኩሼፔ ኬሲ ኤኪ ዎቆና ማላ ታ ኦላና።።

23 ታኒ ጊብጾ ኣሳ ካዎቲላታ ጊዶን ላላና፤ ሃራ ዳሬታ ጊዶንካ ዜራና።።

24 ታኒ ባቢሎን ካዎ ቄሴ ሚንላዳ ታ ማሻካ ኢዛ ኦይላና።። ጊዶ ኣቲን ፓሮኔ ቄሴዛ ታ ሚንላና፤ ኢዚካ ባ ሞርኬዛ ሲንላን ኢታ ማዲንጺዳ ኣሳ ማላ ቶቃና።።

25 ባቢሎን ካዎ ቄሴ ታ ሚንላና፤ ጊዶ ኣቲን ፓሮኔ ቄሴይ ዳቡራና፤ ታኒ ታ ማሻ ባቢሎን ካዎ ኩሼን ኦይሊን ኢዚካ ቃሊሺን ታኒ ጎዳ ጊዲዳይሳ ኢስቲ ኤራና።።

26 ታ ጊብጾታ ካዎቲላታ ጊዶን ላላና፤ ዳሬታ ጊዶንካ ዜራና፤ ሃሳሬ ጉዬ ታኒ ጎዳ ጊዲዳይሳ ኢስቲ ሄ ዎዴ ኤራና» ጊዴስ።።

31

ሊባኖሴ ዚጋ ለሚሶ

1 ኦኒ ዲኤቲዳ ታማኔ ኢሲንላ ላይላን፣ ሄዳንላ ኣገናን፣ ኮይሮ ጋላሳን ጎዳ ቃላይ ታኮ ዪዲ፣

2 «ሃይሶ ኣሳ ናዉ! ጊብጾ ካዎ ፓሮኔሴኔ ቆዳይ ባይንዳ ኢዛ ዳራስ፡

« ሪታቲላን ኔናራ ጊናታናይ ኦኒ?»

3 ኢዛ ሃጋይ ዎራስ ኩዋ ጊዲዲ ዳሮ ሉሌ ጊዲዲ ኢዛ ጸራይ ሳሎ ጋኪ ዲቺዛ

ሊባኖሴ ዚጋ ሚሳቲዛ ኣሶሬ ጾሊቴ።።

4 ሃላቲ ኢዛ ጫሪሲዳ፤ ጨማ ፕልቶቲካ ኢዛ ዲቺዳ፤

ኢስታ ካንቺ ሃላቲ ጎጊዳ፤

ኢስታ ጸጸይ ዲዛሶ ኡባ ኢርጺሲዳ፤

ዳምባን ዲዛ ሚላታ ኡባኮ ዛራ ሃላ ዬዲዳ።።

5 ሃላ ካሊዳ ጊሻስ ዎራ ጊዶን ዲዛ ሚላ ኡባሬ፡

ኬሂ ኣዲቁዴስ፤ ኢዛ ሃጋቲ ዳዪዳ፤

ኤንቁሎቴ ኣዲቁዳ።።

6 ሳሎ ካፎቲ ኡባይ ኢዛ ሃጋታ ቦላ ባንታ ኬላ ኬዲዳ፤

ዎራ ዶኣቲ ኡባይ ኢዛ ሃጋታ ጋርሳን ማራታ ዬሊዳ፤

ጊታ ካዎቲላታ ኡባይ ኢዛ ኩዋ ጋርሳን ዳኢዳ።።

7 ዳዪዳ ኢዛ ሃጋታራ ኢዛስ ፕላዚ ኬሂ ሎኦ፤

ኢዛ ጸጸቲ ሃላ ዳሪ ዲዛሶ ቢዳ።።

8 ጸላ ጋናቲን ዲዛ ዚጋቲካ
 ኢዛራ ገናታና ዲንዳይቤቴና፤
 ጸደቲካ ኢዛ ሃጋታራ
 ገናቲቴና፤
 ዋላቲካ ኢዛ ሃጋራ
 ገናቲቴና፤
 ጸላ ጋናቲን ዲዛ
 ኣይ ሚሊካ
 ሎኤቴላን ኢዛ ጋኬና።

9 ታኒ ኢዛ ዳር ሃጋታራ ጋላ
 ፑላሳ ሜዳዲሰ፤
 ጸላ ጋናቲን ዲዛ
 ሚላቲ ኡባይ
 ኢዛ ኣሞታና ማላ
 ኦላዲሰን ጌሰ ጋ።

10 «ሃሳ ገሻሰ ኡባ ሃሪዛ ጎዳይ፣ ልጅ፣ ገዳ
 ቦንጮታ ቦላ ጸራ ጾቁ ሂሰቲዲ ባና ዛራዲሰዲ
 ገሻሰ፣ ባ ኣዲሳቲላን ኢዚ ኦቶሬቲዳ ገሻሰ።
 11 ታኒ ኢዛ ኢታቴላ ኬና ኢዛ ኦሶ ጋቲ ኢማና ማላ
 ካዋቴላታ ሃሪዛይሰሰ ታ ኢዛ ኣላ ኢማዲሰ። ታ ኢዛ
 ኬሳ ዋራ ኦላዲሰ።
 12 ካዋቴላታ ጋርሳን ኬሂ ሜንጾ ኢታ ኣላጋቲ ኢዛ
 ቃንጾሬላ ዩጊዳ፤ ኢዛ ኡንቁሎቲ ዙማታኒኔ ዙሌታን
 ኩንዲዳ፤ ኢዛ ሃጋቲካ ሜቁሬቲ ሃላ ዛራታን ዋዲዳ፤
 ቢታን ዲዛ ካዋቴላቲ ኡባይ ኢዛ ኩዋ ጋርሳሬ
 ኬዚዲ ዩጊ ቢዳ።
 13 ሳሎ ካፎቲ ዩዲ ኩንዲዳ ሚላ ቦላ ኡቲዳ፤
 ዋራ ደኣቲካ ኡባይ ኩንዲዳ ሚላ ሃጋታ ቦላ ኡቲዳ።
 14 ሃሳ ገሻሰ ሃላ ላንቁን ዲዛ ኣይ ሚሊካ ባ ጸራ
 ጩቱ ገዳ ቦንጮታ፣ ቦላራ ጾቁ ሂሰቲዲ ሃይሳሬ
 ጉዩ ባና ኦቶሮን ዛራዲሰና፤ ቃሴካ ኣይ ሚሊካ
 ሎኤላዲ ሃይሳሶ ኣዲቁና፤ ኡባይካ ሃይቁዲ ዲጌ
 ዲፎን ጌሊዛይታራ ኢሰሬ ሃይቃና ማላ ፐርዴቲዳሰን
 ጌሰ።
 15 «ኡባ ሃሪዛ ጎዳይ፣ ኢዚ ዲጌ ዲፎን ጌሊዳ
 ጋላሰ ጨማ ፑልቶታ ኢዛ ገሻሰ ካዮን ካማዲሰ፤
 ሻፋታ ቴቃዲሰ፤ ጎጊዛ ሃላቲካ ኤቁዳ፤ ታ ኢዛ ጋሶን
 ለባናሴ ቆማ ማይዛዲሰ፤ ዋራ ሚላቲ ኡባይ ሚሊዳ።
 16 ዲጌ ዲፎን ጌሊዛይታራ ታ ኢዛ ጌልሊዛ ዋዴ
 ኢዚ ኩንዲሸን ሰይቲዳ ገሪሳይ ካዋቴላታ
 ዳጋንሊዳሰ፤ ሃሳሬ ጉዩ ኤዴኔ ሚላቲ፣ ዲማኔ
 ደሬቲዳ ለባናሴ ሚላቲ፣ ሃላ ካሊዳ ሚላቲ ኡባይ
 ቢታ ጋርሳን ዲሸ ሚኔቲዳ።
 17 ካዋቴላታ ገደሬ ኢዛራ ዙፔቲዳይቲ፣ ኢዛ ኩዋ
 ጋርሳን ዴኢዳይቲ፣ ማሻን ሰፊቲዳይታራ ጋይታናሰ
 ዲጌ ዲፎን ዋዲዳ።
 18 «ኤዴኔን ሚላታ፣ ፑላቴላኒኔ ኣዲሳቲላን ነናራ
 ገናታናይ ኦኔ? ገደ ኣቲን ኔኒካ ሃሳሶ ኤዴኔ ሚላታራ
 ኢሰሬ ቢታ ጋርሰ ጌላና፤ ማሻን ሃይቁዳይታራ
 ኣማኖንታይታራ ኢሰ ቦላ ኢቻና።
 «ፓሮኔን ቆዳይ ባይንዳ ኢዛ ዴራ ጋካናይሰ ሃይሳ፤
 ታኒ ኡባ ሃሪዛ ጎዳይ ሃይሳ ዮታዲሰ» ገዴሰ።

32

ፓሮኔ ገሻሰ ዚላሊቲዳ ዚላሰ
 1 ኦኒ ዲኤቲዳ ታማኔ ናምኣንሎ ላይላን፣ ታማኔ
 ናምኣንሎ ኣገናን፣ ኮይር ጋላሳን ጎዳ ቃላይ ታኮ ዩዲ፣

2 «ሃይሶ ኣሳ ናዉ! ገብጾ ካዋ ፓሮኔስ ዚላላሾ፣
 « ኦኒ ካዋቴላ ገደን
 ጋሞ ማላ፤
 ኣባ ገደንካ ሚሚንቴ ማላ፤
 ኔኒ ሻፋታን ቦቦልጩ ጋሳ፤
 ሃላታ ኔ ቶሆን ዋዳሳ፤
 ፑልቶታ ኡሎሳሳ።

3 « ኦኡባ ሃሪዛ ጎዳይ፣
 ዳር ዴሬ ሸሻዳ፣
 ታ ገቲዛ ኔ ቦላ ዩጋና፤
 ኢሰቲ ኔና ታ ገቲዛራ
 ጎቺ ኬሳና።

4 ታ ኔና ቢታ ቦላ ዩጋና፤
 ዴምባ ቦላካ ሚጫና፤
 ሳሎ ካፎቲ ኡባይ
 ኔ ቦላ ኡታና ማላ
 ታ ኦላና፤
 ዋራ ደኣቲ ኡባይ
 ኔና ዩቁቲ ሚ ካላና።

5 ታኒ ኔ ኣሾ ዙማታ ቦላ ላላና፤
 ዙሌታካ ኔ ኣሃን ኩንላና።

6 ቢታ ኔ ሱላን ታ ጫዲሳና፤
 ኔፔ ጎጊዛይሰ ዙሌታ ኩሚዲ
 ዙማታ ጋካናሰ ዲዛ
 ኣጌ ኡባ ካማና።

7 ታ ኔና ቆይሲዛ ዋዴ
 ሳሎታ ጎዳና፤
 ኢሰታ ጸለንቴታካ ቆሚሳና፤
 ኣዋካ ሻራን ካማና፤
 ኣገናይካ ባ ፖኦ ዲጋና።

8 ሳሎን ፖኢሲዛ ፖኦታ ኡባ፣
 ኔ ቦላ ታ ቆሚሳና፤
 ኔ ቢታ ቦላ
 ታ ቆማ ኤሃና ጌሰ።

9 «ኔ ቦላ ዩዳ ባሻ
 ታ ሲሲዛ ዋዴ
 ኔ ኤርንታ ቢታን
 ካዋቴላታ ገደን፣
 ዳር ኣሳታ ዋዚና ጩጩሳና።

10 ዳር ኣሳይ ኔ ቦላ ጋኪዳ ሜቶን
 ዳጋማና ማላ ታ ኦላና፤
 ታኒ ታ ማሻ ኢሰታ ሲንላን
 ሾዳ ሴሲሸን
 ኔ ቦላ ጋኪዳ ሃናዛ ጋሶን
 ኢሰታ ካዋቲ ዳጋማን
 ኖዡ ጋና፤
 ኔኒ ኩንዲዛ ጋላሰ ኢሶይ ኢሶይ
 ባ ሸምፖሰ
 ያሻን ኣይሬ ቁጸን ኮኮራና።

11 «ኡባ ሃሪዛ ጎዳይ
 ገብጾ ካዋሰ፣
 ነባቢሎኔ ካዋ ማሻይ
 ኔ ቦላ ያና።

12 ካዋቴላታ ኡባሬ

ከሄ ማንጾ ኢታ ገዲዳ፣
 ዋልቃማ አሳታ ማሻን
 ኔ ሺሺዳ ኦላንቻቲ
 ኩንዳና ማላ ታ ኦላና፣
 ገብጾ ኦቶሬቴላ
 ኢሰቲ ኩንዲሳና፣
 ኢዚሰ ጮራ ኦላንቻታካ
 ቆይሳና።

13 ዳር ሃላ ማታን ዲዛ
 ኢዚ ወዳታ ታ ቆይሳና፣
 ሄሳፌ ጉዬ አሳ ቶሆን
 ዬዴቴቴና፣
 ማሄ ቶሆይ ኡሎሴና።

14 ሂሰታዳ ታ ኢዚ ሃላታ ጸሊሳና፣
 ኢዚ ሻፋታ ዛይቴ ማላ
 ታ ጎረሳና።

15 ታ ገብጾ ቡላሲሺን
 ቢታይን ዲዛይ ኡባይ ቆይሺን፣
 ሄን ዲዛ ኡባ ታኒ ሾጪሺን፣
 ታኒ ጎዳ ገዲዳይሳ ኢሰቲ
 ሄ ዋዳ ኤራና» ገሰ» ገዴሰ።

16 ኡባ ሃሪዛ ጎዳይ፣ «ሄሲ ኡባይ ኢዚ ገሻሰ
 ዘላሌቴዛ ዘላላ፣ ካዋቴላታ ማጫ ናይቲ ዘላላና፣
 ገብጾሲኔ ኢዚ ጮራ ኦላንቻታ ገሻሰ ዘላሊሽ
 ኮይዛና» ገሰ።

ገብጾሰ ወርሴላ ካዮ

17 ኑኒ ዲኤቲዳ ታማኔ ናምኣንሉ ላይላን፣ ሄ
 አገናን፣ ታማኔ ኢቻሻንሉ ጋላሳን ጎዳ ቃላይ ታኮ
 ዪዲ፣

18 «ሃይሶ አሳ ናዉ! ገብጾ ኦላንቻ ጮራታ ገሻሰ
 ዬካ! ኢዘኔ ዋልቃማ ካዋቴላታ ማጫ ናይታ ዲጌ
 ዲፎን ገሊዛይታራ ኢሲፌ ዲጌ ቢታ ጋርሰ ገልላ።

19 ኔኒ ኢሰታሰ፣ «ኢንቴ ሃራታፔ ኣቋዲ ሎኤቲ?
 ዲጌ ዋቆዳ ኣማኖንታይታራ ኢሲፌ ኢቻ» ጋ ዮታ።

20 ኢሰቲ ማሻን ሲፌቲዳይታ ገደን ኩንዳና፣
 ማሻይ ሾዴቲዳሰ፣ ኢዛ ባ ዳር ኦላንቻታራ ኢሲፌ
 ጎሹቱ።

21 ዳፎ ገደን ዋልቃማ ሃላቃቲ ገብጾ ገሻሲኔ
 ኢዚራ ዙፔቲዛይታ ገሻሰ ኢሰቲ ዲጌ ዋቆዳ፣ «ማሻን
 ሃይቆዳይታራኔ ኣማኖንታይታራ ኢሲ ቦላ ኢቹዳ» ጋና።

22 «አሶሬይ ባ ኩሚላ ኦላንቻታራ ዳዉሰ፣ ኢዚፔ
 ማሻን ኩንዲዳይታኔ ሲፌቲዳይታ ዲፎን ደዳታ
 ኡታዲሰ።

23 ኢሰታ ዳፎይ ጪማ ኦላ ገደን ዳሰ፣ ኢዚ
 ኦላንቻቲ ኢዚ ዳፎ ዩሾን ኮሬቲዳ፣ ገጸ ዲዛይታ
 ቢታን ሺር ዳንሉዳይቲ ኡባይ ሹኩቲዳ፣ ማሻንካ
 ወሪዳ።

24 «ኤላማ ሄን ዳዉሰ፣ ኢዚ ኦላንቻቲ ኡባይ ኢዚ
 ዲፎ ዩዩ ኣቋ ዳቴሰ፣ ኡባቲካ ሹኩቲዳ፣ ማሻንካ
 ሃይቆዳ፣ ገጸ ዲዛይታ ቢታን ሺር ዳንሉዳ ኡባቲ
 ኣማኖንታ ቢታ ጋርሰ ገሊዳ፣ ዲጌ ቢታ ጋርሰ
 ገሊዳይታራ ኢሲፌ ዬላ ማይኢ ገሊዳ።

25 ኢዚ ዳፎ ዩሾን ዲዛ ኩሚላ ኦላንቻታራ
 ሹኩቲዳይታ ገደን ሂጻይ ኢዚሰ ገብጌዳሰ። ኢሰቲ
 ኡባይ ኣማኖንታይታኔ ማሻን ሲፌቲዳይታ፣ ኢሰታ
 ሺርይ ሸምፖራ ገጸ ዲዛይታ ቢታን ዋሬኬቲዳ ገሻሰ

ዲጌ ዳፎን ገሊዛይታራ ኢሲ ቦላ ዬላ ማይኢና፣
 ሹኩቲዳይታ ገደን ኢሰቲ ኢቻና።

26 «ሚሹኬይኔ ቱባሌ ዳፎይ ባንታ ኦላንቻታ
 ዳፎን ደዳቲ ኡታና፣ ኢሰቲ ኡባይካ ኣማኖንታይታ
 ገዲ ኡቲዲ ሸምፖራ ገጸ ዲዛይታ ቢታን ባ ሺር
 ዳንሉዳ ገሻሰ ማሻን ሃይቆዳ።

27 ዳር ላይላፌ ካሴ ሃይቆዳ ኦላ ቃራቲ ባንታ
 ማሻ ቦርኮቲዳ፣ ባንታ ጎንዳሌ ባንታ ቲራ ቦላ
 ኦይኪዲ፣ ባንታ ኩሚላ ኦላ ሚሽ ኡባራ ዳፎን
 ገሊዳይታ ማላ ቦንቸን ሞጌቲቤቴና። ሃ ኦላንቻቲ
 ሸምፖራ ገጸ ዲዛይታ ቢታን ዲዛ ዋልቃማ አሳታ ቦላ
 ሺር ዳንሉዳ ገሻሰ ኢሰታ ናጋራ ቁጻቴይ ኢሰታ ማቁላ
 ቦላ ሸምፓና።

28 «ፓርኔ! ኔኒካ ሄሳሉ ሜቃና፣ ማሻን
 ሲፌቲዳይታራኔ ኣማኖንታይታራ ኔ ኢሲ ቦላ ኢቻና።

29 «ኤደማ ሄን ዳኣዉሰ፣ ኢዚ ካዋቴኔ ኢዘ
 ሃሪዛይቲ ኡባይ ሄን ዳቴሰ፣ ኢሰቲ ዋልቃራ ዲዛይታ
 ገዲኮካ ማሻን ሲፌቲዳይታራ፣ ዲጌ ዳፎን
 ገሊዳይታራኔ ኣማኖንታይታራ ኢሲ ቦላ ኢቹዳ።

30 «ፑዳሃ ባጋ ሃሪዛይቲኔ ሲደናቲ ኡባይ ሄን
 ዳቴሰ፣ ሃይሳፌ ካሴ ኢሰቲ ባ ዋልቃን ኣማኔቲዲ ሺር
 ዳንሉዳይታ ገዲኮካ ሹኩቲዳይታራ ኢሲፌ ዬላን
 ኩንዲዳ፣ ማሻን ሲፌቲዳይታ ኣማኖንታይታራኔ ዲጌ
 ዳፎን ዋቆዳይታራ ኢሲፌ ዬላ ማይኢ ኢቻና።

31 «ፓርኔይኔ ኢዛ ኦላንቻቲ ኡባይ ኢሰታ ቤኣና፣
 ማሻን ሲፌቲዳ ባ ኦላንቻታ ኡባ ካዮፔ ኢዚ ሚኔታና።

32 ታኒ ሃይሳፌ ካሴ ካዋቴላቲ ኡባይ ገብጾ ካዋሰ
 ያዖና ማላ ሸምፖራ ገጸ ዲዛይታ ቢታን ሺርይ ኣካና
 ማላ ኮይኮካ ፓርኔይኔ ኢዛ ኦላንቻቲ ኡባይ ማሻን
 ሲፌቲዳይታራኔ ኣማኖንታይታራ ኢሲፌ ኢቻና፣ ታኒ
 ኡባ ሃሪዛ ጎዳይ ሃይሳ ዮታዲሰ» ገዴሰ።

33

ዋሽሶ ሂዘቁላ ሹሚቴላ

1 ጎዳ ቃላይ ታኮ ዪዲ፣

2 «ሃይሶ አሳ ናዉ! ኔ ዴሬ አሳሰ ዮታ፣ ኔኒ
 ኢሰታሰ፣ «ታኒ ቢታ ቦላ ማሻ ኤሂሺን ሄ ዴሬ አሳይ
 አሳ ገደፌ ዋሽ ኣሰ ደሪዲ ዋሊኮ።

3 ኢዚካ ቢታይ ቦላ ማሻይ ዩሺን ቤኢዲ ዴራ
 ሚንሉ ኤሪሳናሰ ዛዬ ፑኒኮ።

4 ሄሳፌ ጉዬ ኦኒካ ዛዬዛ ሲዩዲ ናጌቶንታ ኣገኮ፣
 ማሻዚ ዪዲ ኢዛ ሸምፖ ቆይሲኮ፣ ሱላ ኣጮይ ኢዛ
 ቦላ ዴኤሰ።

5 ዛዬዛ ሲዩዲ ናጌቶንታ ኣገኮ ኢዛ ሱላይ ኢዛ
 ቦላ ገዳና፣ ኢዚ ናጌቲዳኮ ባና ኣሻና

6 ገደ ኣቲን ዋሽ ኣዴዚ ማሻይ ዪዛይሳ ቤኢዲ
 ዴራ ኤሪሳናሰ ዛዬ ፑናንታ ኣገኮ ኢሰታ ገደፌ ኢሲ
 አሳ ሸምፖ ማሻይ ዋቆኮ ኢዛይይ ባ ናጋራ ገሻሰ
 ሃይቃና፣ ገደ ኣቲን ኢዛ ሱላ ገሻሰ ዋሽ ኣዴዚ
 ኦይሹታና ማላ ታኒ ኦላና» ጋ ዮታ።

7 «ሃይሶ አሳ ናዉ! ታኒ ኔና ኢሰራኤሌ ኬላሰ ዋሽ
 ኣሰ ሂሰታ ደራዲሰ፣ ሄሳ ገሻሰ ታ ኔሰ ዮቲዛ ቃላ
 ሲያ፣ ታ ሴራካ ኢሰታ ኤሪሳ።

8 ታኒ ኢታዛ፣ «ሃይሶ ኢታዛ፣ ኔኒ ቱማፔ ሃይቃና
 ታኒ ገዲ ዋዴ፣ ኢዚ ባ ኦጌፔ ሲማና ማላ ኔ ኦላንታ

አገሪክ ሄ አታ አዳዚ ባ ናጋራን ሃይቃና፤ ኔኒ ገዲኮ ኢዛ ሱላ ገሻሽ አይሼታና።

9 ገደ አቲን አታ አሲ ባ ኦጌፔ ሲማና ማላ ኔ ዮቲን አዲኮ ኢዚ ባ ናጋራን ሃይቃና፤ ኔኒ ገዲኮ ኔ ሼምፖ አሻና።

ጎዳ ሱሬ ፒርዳ

10 «ሃይሶ አሳ ናወ! ኢሰራኤል አሳሰ አንቲ። ሩ ናጋራይኔ ኑ ቆሆይ ኑና ዳዲዳሰ፤ ሃሳፌ ዳንዲዳይሳን ኑኒ ቆያና ጎሰ፤ ሂሰቲን ኑኒ ዋኒ ዳና ዳንዲዳይዘኒ?» ጌታ።

11 ኔኒ ኢሰታሰ ኡባ ሃሪዛ ጎዳይ። ታኒ ታ ዳኦን ጫቃይሰ፤ አሰቲ ባ ኦጌፔ ሲሚዲ ሼምፖራ ፓጻ ዳና ማላ አቲን አታ አሳታ ሃይቆን ታ ኡፋዬቲኬ፤ ሲሚቲ! አንቲ አታ ኦጌፔ ሲሚቲ! ኢሰራኤል ኬላ አሳቶ አይሰ ሃይቁቲ?» ጋዳ ዮታ።

12 «ሃይሶ አሳ ናወ! ሃኢካ ኔ ዳሬ አሳታሰ። ሩሎ አሲ አዛዘ ማንላዛ ዋዳ ኢዛሰ ካሴ ጸሎቴላይ ኢዛ አሸና፤ ናጋራንቻይ ባ ናጋራፔ ሲሚኮ ኢዚ ካሴ ናጋራፔ ዳንዲዳይሳን ቆዬና። ጸሎ አሲ ናጋራ ኦሊኮ ኢዚ ካሴ ጸሎቴላፌ ዳንዲዳይሳን ሼምፖራ ፓጻ ዳና) ጋ ዮታ።

13 ጸሎ አሰ ቱማፔ ኔኒ ሼምፖራ ፓጻ ዳና ገን ኢዚካ ባ ጸሎቴላን አማኔቲዲ አታ ኦሊኮ ኢዛ ጸሎ ኦሶታፔ ኢሶይካ ቆፌቲና፤ ኢዚካ ባ ናጋራ ጋሶን ሃይቃና።

14 ቃሴ አታ አሰ ኔ ቱማፔ ሃይቃና ገኮ። ኢዚ ባ ናጋራፔ ሲሚዲ ሱሬኔ ሊኬ ገዲዳ ሚሽ ኦሊኮ።

15 ኢዚ ታልአዳይሳሰ ኦይሶ ኤኪዳይሳ ዛሪኮ። ባ ካይሲዳይሳ ዛሪ አሚኮ። ዳኔ አሚዛ አዛዘታ ኢዚ ካሊኮ። አታ ሚሽካ ኢዚ ኦሶንታ አገኮ ቱማፔ ኢዚ ዳኔን ዳና አቲን ሃይቁና።

16 ኢዚ ኦሊዳ ናጋራፔ ኢሶይካ ቆፌቲና፤ ኢዚ ሱሬኔ ሊኬ ገዲዳ ሚሽ ኦሊዳ ገሻሽ ቱማፔ ሼምፖራ ፓጻ ዳና።

17 «ሃሳላ ሃንኮካ ኔ ዳሬ አሳይ። ሳዳ ኦጌይ ሱሬ ዳና) ጌሰ፤ ገደ አቲን ሱሬ ገደንታይ ኢሰታ ኦጌ።

18 ጸሎ አሲ ባ ጸሎቴላ ኦሶ አገዲ አታ ሚሽ ኦሊኮ ኢዚ ባ ናጋራን ሃይቃና።

19 ገደ አቲን አታ አሲ ባ አታቴላ ኦሶፔ ሲሚዲ ሱሬኔ ሊኬ ሚሽ ኢዚ ኦሊኮ። ኢዚ ሃሳ ኦሊዳ ገሻሽ ሼምፖራ ፓጻ ዳና።

20 አንቲኖ ኢሰራኤል ኬላ አሳቶ አንቲ። ሳዳ ኦጌይ ሊኬ ዳና) ጌታ፤ ገደ አቲን አሳ አሳ ቦላ አንቲ ኦጌ ማላ ታ ፒርዳና» ገደሰ።

ዩሩሳላሜ ኩንዳል

21 ኑኒ ዲኤቲዳ ታማኔ ናምኣንላ ላይላን። ታማንላ አገናን። ኢቻሻንላ ጋላሳን። ዩሩሳላሜፔ ኬሲ ኤኪ ዩዳ ኢሲ አሲ ካታማይ ኩንዲዳይሳ ታሰ ዮቲደሰ።

22 ሄ ቢታኔይ ያናፔ ሲንላ ጋላሳ ኦማርሳ ዋዳ ጎዳ ኩሼይ ታ ቦላ ሼምፖራ ታ ዳና ደይዳሰ፤ ዋንቲላ ጋላሰ ማላዳ አዳዚ ታኮ ጋኪዳ ማላ ታ ሃሳያና ዳንዲዳይሰ፤ ሃሳፌ ጉዬ ጮኡ ጋቤኬ።

23 ሃሳፌ ጉዬ ጎዳ ቃላይ ታኮ ዩዲ።

24 «ሃይሶ አሳ ናወ! ኢሰራኤል ቢታን ላሌቲ ዲዛ አሳቲ። ሩክራሃማይ ባርካ ዲዛ ኢሲ አሰ ገዲኮካ

ቢታኖ ላቲዳሰ፤ ኑኒ ገዲኮ ጮራ፤ ቱማፔ ቢታያ ኑሰ ጸንጾ ገዳ ኢማታዲሰ) ጌቲሰ።

25 ሃሳ ገሻሽ ኔኒ ኢሰታሰ ኡባ ሃሪዛ ጎዳይ። ሩክራ ሱላ ጋሊ ማታ፤ አንቲ አይፌታካ አንቲ ኤቃ ጸሳታኮ ዳንላታ፤ ሼምፖ ዋዳታ። ሂሰቲን ሃሳ ማላ ሃናን ቢታኖ ላታና ቆፔቲ?

26 አንቲ አንቲ ማሻን አማኔቲታ፤ አንቲ ሃራሲዛ ሚሻታ ኦሊታ፤ አንቲ ኢሶይ ኢሶይ አንቲ ላጌታ ማቼታ ቲኒሴታ። ሂሰቲን አንቲ ሃይሳ ማላ ሃናን ቢታኖ ላታና ቤሲዜ? ጌሰ።

27 «ኔ ኢሰታሰ ኡባ ሃሪዛ ጎዳይ። ታኒ ዳኔ ጸሰ ገዲዳይሳን ጫቃይሰ፤ ላሌቲሼ አቲዳይቲ ማሻን ወራና፤ ጋጸሬን ዲዛይታ ፑዜሬላ ማና ማላ ታኒ ዋራ ደኣታሰ አላ አማና፤ ሚኖ ሚጸኒኔ ጎንጎሎ ገደን ዲዛይቲ አታ ሃርጌን ሃይቃና።

28 ታኒ ቢታኖ ቡላኔ አሲ ባይንዳ ካይሰ ኬሳና፤ ኢዛ ጮቁቲዛ ዋልቃይ ኢዜፔ ወራና፤ ኢሰራኤል ዙማቲ ኦኒካ ኢዛራ ካንላ ቦንታ ማላ ቡላ ገዳና።

29 ኢሰቲ ኦሊዳ ሃራሲዛ ኦሶፔ ዳንዲዳይሳን ታኒ ቢታኖ ቡላኔ አሲ ባይንዳ ካይሰ ሂሰቲሺን ታኒ ጎዳ ገዲዳይሳ ኢሰቲ ሄ ዋዳ ኤራና) ጌሰ።

30 «ሃይሶ አሳ ናወ! ኔ ገሻሽ ኔ ዳሬ አሳይ ኬላ ፔንጌን ፔንጌኒኔ ጎዳ ጸጸን ኢሶይ ኢሳራ ሃሳይታና፤ ኢሶይ ኢሳራ ሃሳይቲሼ። ሩክራ ሃ ዩቲ፤ ጎዳፔ ዩዳ ኪታ ሲኖሰ) ጌቲሰ።

31 ኡባ ጋላሰ ኢሰቲ ኦሊዛ ማላ ታ ዳሬይ ኔኮ ያና፤ ኔ ቃላ ሲያናሰ ኢሰቲ ኔ ሲንላን ኡታና፤ ገደ አቲን ሲዩዳይሳ ፖሌቲና። ባንታ ማቲርሻን ዳር ሲቆ ቆንጨሴቲሰ፤ ገደ አቲን ኢሰታ ዋዚናይ ቤሶንታ ጎኣን ሼምፖራ።

32 ኢሰቲ ኔ ቃላ ሲዩዳ ኦሶን ፔይሾንታይታ ገዲዳ ገሻሽ። ኔኒ ኢሰታሰ ሎኦ ቃናን ሲቆ ማዛሙራ ዩዲዛኔ ዩላ ማሳራን ሎኤላ ካኢዛ ዩላንቻ ገዳዳሳ።

33 «ሃይሲ ኡባይ ቱማፔ ፖሌታና፤ ኢሰታ ገደን ናቤይ ዲዛይሳ ኢሰቲ ሄ ዋዳ ኤራና» ገደሰ።

34

ኢሰራኤል ሄንላንቻታ

1 ጎዳ ቃላይ ታኮ ዩዲ።

2 «ሃይሶ አሳ ናወ! ኢሰራኤል ሄንላንቻታ ቦላ ቲንቢቲ ዮታ፤ ቲንቢቲ ዮታሼ። ሩክራ ሃሪዛ ጎዳይ። ባና ጸላ ዳሊዛ ኢሰራኤል ሄንላንቻታሰ አዬ አና! ሄንላንቻቲ ወዳዛ ሄማናሰ ቤሴኔ?

3 አንቲ ማላ ኡዬታ፤ ኢዛ ኢሰኬፌ ዳዳቲዳ ሱፊዛ ማይኤታ፤ ዋዳዳይታ ሹኪ ሜታ ሺን ወዳዛ ዳሌኬታ።

4 ዳቡርዳይታ ሚንላላቤኬታ፤ ሃርጌዳይታ ጳሊቤኬታ፤ ማቁዳይታ ኮሊቤኬታ፤ ቶይላቲዳይታ ዛሪቤኬታ፤ ጳይዳይታ ኮዩቤኬታ። አንቲ ኢሰታ ጌኔኒኔ ማንጾ አታቴላን ሃራይታ።

5 ወዳቲ ሄንላንቻይ ባይንዳ ገሻሽ ላሌቲዳ፤ ላሌቲዳይቲ ዋራ ደኣታሰ ቁማ ገዲዳ።

6 ታ ወዳቲ ዙማታ ቦላኔ ዙምቡላታ ኡባ ቦላ ቶይላቲዳ። ቢታ ጋዴ ጋካናሰ ላሌቲዳ፤ ገደ አቲን ኢሰታ ጸሞሲዳይ ዋይኮ ኮዩዳይ ዳና) ጋ።

7 «ሃሳ ገሻሰ አንቴኖ፣ ሄንላንቻቶ፣ ጎዳ ቃላ ሲዩቲ!

8 ኡባ ሃሪዛ ጎዳይ፣ ሓኒ ዳኦ ጸሰ ገዲዳይሳን ጫቃይሰ፤) ጌሰ፤ ታ ሄንላንቻቲ ታ ወዳዘ ኮኾንታ ገሻሰኔ ታ ወዳዘ፤ ኣሊዲ ባንታና ጸሊዛ ገሻሰ ታ ወዳይ ሄንላንቻይ ቆዩን ቦንቁቲዳሲኔ ዶኣ ኡባሰ ቁማ ገዲዳሰ።

9 ሃሳ ገሻሰ ሄንላንቻቶ፣ ጎዳ ቃላ ሲዩቲ!

10 ኡባ ሃሪዛ ጎዳይ፣ ሓኒ ታ ሄንላንቻታ ቦላ ዳንዳዲሰ፤ ታ ወዳታ ገሻሰ ታ ኢሰታ ኦይቻና፤ ሃይሳፊ ጉዬ ሄንላንቻቲ ባንታና ጸሎንታ ማላኔ ታ ወዳዘ ሃሞንታ ማላ ኦላና፤ ኢሰታ ዶና፤ ታኒ ታ ወዳዘ ዩገሳና። ሃይሳፊ ጉዬ ኢሰታሰ ቁማ ገዳቴና) ጌሰ።

ሎኦ ሄንላንቻ

11 «ኡባ ሃሪዛ ጎዳይ፣ ሓኒ ታርካ ታ ወዳታ ኮያና፤ ታ ኢሰታ ናጋና።

12 ሄንላንቻይ ባ ወዳታራ ዲሺ ላሌቲዳ ወዳታ ኮይዛ ማላ ታኒካ ታ ወዳታ ኮያና፤ ሻራ ጋላሲኔ ቆማ ጋላሰ ኢሰቲ ላሌቲዳሶ ኡባፊ ታ ኢሰታ ሸሻና።

13 ካዎቲላታ ገደፊ ታ ኢሰታ ኬሳና፤ ዳሬይ ዲዛሶ፤ ታ ኢሰታ ሸሻና፤ ታ ኢሰታ ኢሰታ ቢታ ዛራ ኤሃና፤ ኢሰራኤሌ ዙማታ ቦላ፣ ሻፋታ ላንቁኒኔ ቢታይ ቦላ ዲሳሶ ኡባን ታ ኢሰታ ሃማና።

14 ታኒ ኢሰታ ሎኦ ቆሮን ሃማና፤ ቆቃ ኢሰራኤሌ ዙማቲ ኢሰቲ ሃማቲዛሶሆ ገዳና፤ ሎኦ ቆሮይ ዲዛ ማታን ኢሰቲ ኢቻና፤ ሄን ኢሰራኤሌ ዙማታ ቦላ ጨለላሶን ኢሰቲ ሃማታና።

15 ታኒ ታርካ ታ ወዳታ ሃማናኔ ሸምፕሳና።

16 ታኒ ቆይዳይሳ ኮያና፤ ቶይላቲዳይሳካ ዛራና፤ ማቀዳይሳ ኮላና፤ ዳቡርዳይሳካ ሚንጮላና። ገደ ኣቲን ታኒ ሞዲዳይታኔ ሚኒዳይታ ቆይሳና፤ ወዳዘ ዎጋራ ሃማና።

17 « ኡባ ሃሪዛ ጎዳይ፣ አንቴ ኢዛ ወዳ ገዲዳ ገሻሰ፣ ኢዚ አንቴ ገሻሰ ኢታ ገደኒኔ ሎኦ ገደን፣ ቆርሾ ገደኒኔ ኦርጌ ገደን ታ ፐርዳና።

18 ጨለላ ቆሮን አንቴ ሃማቲዛይሲ አንቴሰ ገዳኔ? ሚሸን ኣቲዳ ማታ አንቴ ዩዴታና ቤሲዜ? አንቴ ጸሎ ሃላ ኡዩዛይሲ አንቴሰ ገዳኔ? ኣቲዳይሳ አንቴ አንቴ ቶሆን ቡልቆሳናሰ ቤሲዜ?

19 ታ ወዳቲ አንቴ አንቴ ቶሆን ዩዴቲዳ ማታ ማናሲኔ አንቴ አንቴ ቶሆን ቡልቆሲዳ ሃላ ኡያናሰ ቤሲዜ?) ጌሰ።

20 «ሃሳ ገሻሰ ኡባ ሃሪዛ ጎዳይ ኢሰታሰ፣ «ቤኢቲ፣ ታኒ ታርካ ሞዶ ማሄታሲኔ ገለቃ ማሄታሰ ገደን ፐርዳና።

21 ላፋታ አንቴ አንቴ ሃሸኒኔ አንቴ ቡንቃሸን ሱጊዛ ገሻሰ፣ ኢሰቲ ጎዳቲ ባና ጋካናሰ አንቴ አንቴ ካጩን ኢጨዛ ገሻሰ።

22 ታኒ ታ ወዳዘ ኣሻና፤ ሃይሳፊ ጉዬ ኢሰታ ቦንቁቲቴና፤ ሎኦ ማሄታ ገደኒኔ ኢታ ማሄታ ገደን ታ ፐርዳና።

23 ታ ኢሰታ ቦላን ኢሲ ሄንላንቻ ታ ኣይሌ ዳዊቲ ዎላና፤ ኢዚ ኢሰታ ሃማናኔ ኢሰታሰ ሄንላንቻ ገዳና።

24 ታኒ ጎዳይ ኢሰታ ጸሰ ገዳና፤ ታ ኣይሌ ዳዊቲ ኢሰታ ገደን ሃሪዛዳ ገዳና፤ ታኒ ጎዳይ ሃይሳ ኮታዲሰ።

25 « ሓኒ ኢሰታራ ሳርቴላ ጫቆ ቃላ ጌላና፤ ሃሳፊ ጉዬ ታኒ ኢሰታ ዎራ ዶኣ፤ ሸምፕሳና፤ ኢሰቲካ ባዘ ቢታን ሳርን ዳኣና፤ ዎራ ገደንካ ዎፓን ኢቻና።

26 ኢሰታ ዩሸኒኔ ታ ዙምቡላታ ዩሸን ዲዛሶሆታ ታ ኣንጅና። ዎዳን ዎዳን ታ ኢሰታሰ ኢራ ኢማና፤ ኢዚካ ኢሰታሰ ኣንጅ ኢራ ገዳና።

27 ጋዴን ዲዛ ሚላቲ ኣይፊ ኢማና፤ ቢታይካ ካሳ ሞይዛና፤ ኣሰ ኡባይ ባ ቢታ ቦላ ሳርን ዳና። ታ ኢሰታ ቃምባራ ሚንላዳ ኢሰታ ኣይሌቲላን ሃሪዳይታ ኩሸፔ ዎዚዛ ዎዳ ታኒ ጎዳ ገዲዳይሳ ኢሰቲ ኤራና።

28 ሃሳፊ ጉዬ ሃራ ካዎቲላቲ ኢሰታ ቦንቁቲና፤ ዎራ ዶኣቲካ ኢሰታ ፑዜቴና፤ ኢሰቲ ሳርን ዳና፤ ኢሰታ ባቢሳና ሚሺ ዳና

29 ሃሳፊ ጉዬ ኢሰቲ ኮሻቶንታ ማላ፣ ካዎቲላታ ጫሼ ቶኮንታ ማላ ኣይፊ ኢሞን ኤሬቲዳ ኣራዳ ቢታ ታ ኢሰታሰ ኢማና።

30 ታኒ ጎዳይ ኢሰታ ጸሳይ ኢሰታራ ዲዛይሳኔ ኢሰራኤሌ ኬላ ታ ዳሬ ገዲዳይሳ ሄ ዎዳ ኢሰቲ ኤራና።

31 አንቴ ታ ወዳቲ ታ ሃሚዛ ታ ወዳታ፤ አንቴ ታ ኣሳ፤ ታኒካ አንቴ ጸሳ፤ ታኒ ኡባ ሃሪዛ ጎዳይ ሃይሳ ኮታዲሰ) ጌሰ» ገዳሰ።

35

ኤደሚ ቦላ ኮቴቲዳ ቲንቢቲ

1 ጎዳ ቃላይ ታኮ ዩዲ፣
2 «ሃይሶ ኣሳ ናወ! ኔ ሲንሳ ሃንቁታሽ ሴይሬ ዙማኮ ዛራ፤ ኢዛሰ ቲንቢቲ ኮታ።

3 ኔኒ ኢዛሰ ኡባ ሃሪዛ ጎዳይ፣ ሃይሶ ሴይሬ ዙማዘ! ታ ኔ ቦላ ዳንዳዲሰ፤ ታኒ ታ ኩሼ ኔ ቦላ ዳንላና፤ ኔና ቡላኔ ኣሲ ባይንዳሶ ኬሳና።

4 ኔ ካታማታ ታኒ ላላና፤ ኔ ቡላታና። ሃሳፊ ጉዬ ታኒ ጎዳ ገዲዳይሳ ኔኒ ኤራና።

5 « ሲሰራኤሌታ ቦላ ጋዚዛ ቁጻቲይ ከሂ ጫሚን ኢሰቲ ባንታና ጋዚዛ ሚቶዛ ኤኪዛ ዎዳ ኔኒ ቤኒ ላንጩኮ ኦይካ ኡታዳ ኔ ኢሰታ ማሻሰ ጋላዳሳ።

6 ኡባ ሃሪዛ ጎዳይ ታኒ ዳኦ ጸሰ ገዲዳይሳን ጫቃይሰ፤ ኔ ሱሌ ጉካና ማላ ታ ኔና ኢዛሰ ኣሳ ኢማና፤ ኢዚካ ኔና ዩዳላና፤ ሱላ ጉሲዛይሳ ኔ ኢጸንታ ገሻሰ ሱላ ጉሲዛይቲ ኔና ዩዳላና።

7 ታኒ ሴይሬ ዙማ ቡላኔ ኣሲ ባይንዳሶ ኬሳና፤ ኢዚ ቦላ ፑዳ ኬዚዛይታኔ ዲጌ ዎዲዛይታ ታ ዲጋና።

8 ኔ ዙማታ ታ ኣሃን ኩንላና፤ ማሻን ሲፊቲዳይቲ ኡባይ ኔ ዙማታን፣ ኔ ዙሌታኒኔ ኔ ሃሌ ጎጊዛሶ ኡባን ኩንዳና።

9 ታ ኔና ማርናሰ ቡላ ሂሰታና፤ ኔ ካታማቲ ዲሳሶ ገዳቴና፤ ሃሳፊ ጉዬ ታኒ ጎዳ ገዲዳይሳ አንቴ ኤራና) ጌሰ ጋ።

10 «ታኒ ጎዳይ ሃን ዲሸን አንቴ፣ ሃይቲ ናሞኡ ካዎቲላቲኔ ናሞኡ ዳሬቲ ኑሰ ገዳና፤ ኑኒካ ኢሰታ ላታና) ገዳታ።

11 ሃሳ ገሻሰ ኡባ ሃሪዛ ጎዳይ ታኒ ዳኦ ጸሰ ገዲዳይሳን ጫቃይሰ፤ አንቴ ኢሰታ ኢዲዛ ጋሶን፣ አንቴ ኢሰታ ቦላ ቆንጨሲዳ ሃንቆኔ ቃናቲ ከና ታ አንቴ ቦላ ፐርዳና፤ ታ አንቴ ቦላ ፐርዲዛ ዎዳ ታናቲላይ ኢሰታ ገደን ኤሬታና ማላ ታ ኦላና።

12 ሃሳፊ ጉዬ ኢሰራኤሌ ዙማታ ገሻሰ ኔኒ፣ ሓሰቲ ኣሲ ባይንዳሶ ገዲዳይ፤ ኑ ኢሰታ ማና ማላ

ኑስ አሜቲዳ፣ ጋዳ ኔ ካዴን የቲዳይሳ ታኒ ጎዳይ ሲደዳይሳ ኔኒ ሄ ዎዴ ኤራና።

13 ኔኒ ታ ቦላ ኦቶሬታዳሳኔ ጸላቴላን ሃሳያዳሳ፤ ታኒካ ሄሳ ሲያደሰ።

14 «ኡባ ሃሪዛ ጎዳይ፣ ስሙላ ቢታይ ኡፋዬቲዛ ዎዴ ታ ኔና ቡላሳና።

15 ኢሰራኤል ኬላ ጸንጾይ ቡላ ገዲዳ ዎዴ ኔ ኡፋዬቲዳ ገሻሰ ታኒካ ኔ ቦላ ሃሳሉ ኦላና፤ ሃይሶ ሴይሬ ዙማዙ! ኔኒኔ ኩሜላ ኤዶሜይ ቡላታና፤ ሃሳፌ ጉዬ ታኒ ጎዳ ገዲዳይሳ ኢሰቲ ኤራና፣ ጌሰ» ገደሰ።

36

ኢሰራኤል ዙማታ አንጃቴላ

1 ጎዳይ፣ «ሃይሶ አሳ ናዉ! ኢሰራኤል ዙማታሰ ቲንቢቲ የታ፤ ኢሰታሰ ኔኒ፣ ሲሰራኤል ዙማቶ! ጎዳ ቃላ ሲደቱ!

2 ኡባ ሃሪዛ ጎዳይ፣ ኔ ገሻሰ ሞርኬቲ ቤኢቲ! ሄይቲ ቤኒ ዙማቲ ኑስ ጸንጾ ገዲዳ» ገደ፤

3 ሃሳ ገሻሰ ኔኒ ቲንቢቲ የታ፤ ኡባ ሃሪዛ ጎዳይ፣ ሲባ ባጋራ ደዲዲ ኦሊሼ አንቴና ቆሃዳ ገሻሰ ሃንኮ ኣቲዳ ካዎቲላታሰ አንቴ ጸንጾ ገዲዳታ፤ ዳሬታሲካ ሚቻሲኔ ቂዴሰ ገዲዳታ» ጌሰ ጋ።

4 ሃሳ ገሻሰ ኢሰራኤል ዙማቶ! ኡባ ሃሪዛ ጎዳ ቃላ ሲደቱ! ኡባ ሃሪዛ ጎዳይ ዙማታሲኔ ዙማቡላታሰ፣ ዙሌታሲኔ ሃላ ዛራታሰ፣ ላሌቲዲ ቡላቲዳሶታሲኔ አንቴ የሾን ዲዛ ሃራ ካዎቲላታን ቦንቂቲዲኔ ቂዴቲዲ ማላ ኣቲዳ ካታማታሰ።

5 ኡባ ሃሪዛ ጎዳይ፣ ስሙፕ ኤጸዛ ታ ቃናቲቲላን ኣቲዳ ዳሬታ ኡባ ቦላኔ ኤዶሜ ኡባ ቦላ ሃሳያደሰ። ኢሰቲ ዎዘናፕ ኡፋዬቲሼኔ ካዴን ኩሚዲ ታ ሄሚዛ ቢታ ኦይኪዲ ቦንቂ ኤካናሰ ባሰ ጸንጾ ኦሊዳ» ጌሰ።

6 ሃሳ ገሻሰ ኢሰራኤል ቢታ ገሻሰ ኔኒ ቲንቢቲ የታ። ዙማታሰ፣ ዙማቡላታሰ፣ ዙሌታሲኔ ሃላ ዛራታሰ ኡባ ሃሪዛ ጎዳይ፣ ሲንቴ ካዎቲላታ ቂዴን አንቴ ኩሚዳ ገሻሰ፣ ሃንቆን ኩሚዳ ታ ቃናቲን የታይሰ» ጌሰ።

7 ሃሳ ገሻሰ ኡባ ሃሪዛ ጎዳይ፣ ስታኒ ታ ኩሼ ዳንላዳ ጫቃይሰ፤ አንቴ የሾን ዲዛ ካዎቲላታ ቦላ ናቻ ቃላይ ያና» ጌሰ።

8 «ኢሰራኤል ዙማቶ፣ አንቴ ገዲኮ ታ ዳሬ ኢሰራኤሌሰ ሃጋ ኬሳና፤ ኢሰቲ ማታ ዎዴ ባንታ ዳሬ ሲሚዛ ገሻሰ ኣይፌካ ኢሰታሰ ኣይፋና።

9 አንቴ ገሻሰ ታሰ ሲዬቲሰ፤ ታ አንቴና ሎኦ ኣይፌን ደላና፤ አንቴካ ጎዬታና፤ ዙሪላካ አንቴ ቦላ ዙሪታና።

10 ኢሰራኤል ኬላ ኩሜላ ኣቶንታ ታ አንቴ አሳ ቆዳ ዳርሳና፤ ካታማቲ አሳ ዱሳሶ ገደና፤ ላሌቲዳሶቲ ሲሚ ገምቤታና።

11 ታኒ አንቴ ቦላ አሳ ቆዳኔ ማሃታ ቆዳ ጉጃና፤ ኢሰቲ ዬሌታናኔ ጮራታና፤ ቤኒሳ ማላካ አንቴ ቦላ አሳይ ዳና ማላ ታኒ ኦላና፤ ታኒ አንቴና ካሴፕ ኣላ ዱሪሳና፤ ሃሳፌ ጉዬ ታኒ ጎዳ ገዲዳይሳ አንቴ ኤራና።

12 ታ ዳሬ ኢሰራኤል አሳይ አንቴናን ሲሜሬታና ማላ ታ ኦላና፤ ኢሰቲ አንቴና ላታና፤ አንቴካ ኢሰታሰ ጸንጾ ገደና፤ ሃይሳፌ ጉዬ አንቴ ኢሰታ ዬሎይ ባይንዳይታ ኦሌኬታ።

13 «ኡባ ሃሪዛ ጎዳይ፣ ዳሬዚ አንቴና፣ «ቢታያ ኣሰ ፑዙሬላ ማና፤ ካዎቲላካ ናይ ባይንዳዝ ሂሰታና» ገደ።

14 ሃሳ ገሻሰ ሃይሳፌ ጉዬ ቢታያ ኣሰ ሙኩ፤ ካዎቲላካ ናይ ባይንዳዝ ሂሰቲኬ።

15 ሃይሳፌ ጉዬ ታ ኔና ካዎቲላታ ናቶ ሲሲኬ፤ ኔ አሳ ጫሻን ማቶታካ፤ ኔኒ ካዎቲላታሰካ ጴጶ ገደካ ጌሰ» ገደሰ።

16 ቃሴካ ጎዳ ቃላይ ታኮ ዩዲ፣

17 «ሃይሶ አሳ ናዉ! ኢሰራኤል አሳይ ባንታ ቢታን ዲዛ ዎዴ ባንታ ኦሶኒኔ ባንታ ዱሳን ቢታየ ቲኒሲዳ፤ ማጫሳይ ኣገና ዎጋይ ዩዛ ዎዴ ቲኒዛ ማላ ኢሰታ ካንደይ ታ ሲንላን ቱና።

18 ኢሰቲ ቢታይ ቦላ ሱላ ጉሲዳ ገሻሲኔ ባንታ ኤቃ ጸሳታን ቢታ ቲኒሲዳ ገሻሰ ታ ሃንቆ ኢሰታ ቦላ ጉሳዲሰ።

19 ታኒ ኢሰታ ካዎቲላታ ገደን ላላዲሰ፤ ኢሰቲካ ዳሬ ኡባን ላሌቲዳ፤ ታኒ ኢሰታ ቦላ ኢሰታ ካንዶ ማላኔ ኢሰታ ኦሶ ማላ ፒርዳዲሰ።

20 ኢሰቲ ባ ቢዳ ካዎቲላታ ኡባ ገደን ታ ጌሻ ሱንላ ቲኒሲዳ፤ ኢሰታ ገሻሰ፣ «ሃይቲ ጎዳ ዳሬታ፤ ገደ ኣቲን ኢሰቲ ኢዛ ዳራ ዩጊ ቢዳ» ጌቲቲዳሰ።

21 ኢሰራኤል ኬላይ ባ ቢዳ ካዎቲላታ ኡባ ገደን ቲኒሲዳ ታ ጌሻ ሱንላ ገሻሰ ታሰ ሴቴቲሰ።

22 «ሃሳ ገሻሰ ኢሰራኤል ኬላሰ ኡባ ሃሪዛ ጎዳይ፣ ሲንቴና ኢሰራኤል ኬላ አሳቶ! ታኒ ሃይሳ ኡባ ኦሊዛይ አንቴ ቢዳ ካዎቲላታ ኡባ ገደን ቲኒሲዳ ታ ጌሻ ሱንላ ገሻሳፌ ኣቲን አንቴ ገሻሰ ገደና።

23 አንቴ ኢሰታ ማታን ቲኒሲን ካዎቲላታ ገደን ቲኒዳ ጌታ ታ ሱንላ ጌሻቴላ ታኒ ቤሳና። ኢሰቲ ደሊሼን አንቴ ባጋራ ታኒ ታ ጌሻቴላ ቆንጨሲዛ ዎዴ ካዎቲላቲ ታኒ ጎዳ ገዲዳይሳ ኢሰቲ ሄ ዎዴ ኤራና። ታኒ ኡባ ሃሪዛ ጎዳይ ሃይሳ የታይሰ።

24 « ስታኒ አንቴና ካዎቲላታ ገደፌ ኬሳና፤ ዳሬ ኡባፌ ታ ሺሻና። ሂሰታዳ አንቴና አንቴ ቢታ ዛራ ኤሃና።

25 ታኒ አንቴና ጸሎ ሃላን ኣራጫና፤ አንቴካ ጌያና፤ ሂሰታዳ ታ አንቴና አንቴ ኤቃ ጸሳታ ኡባፌኔ አንቴ ቱናቲላ ኡባፌ ጌሻና።

26 ታኒ አንቴሰ ኦራላ ዎዘና ኢማና፤ ኦራላ ኣያናካ አንቴ ገደን ታ ኣይሳና፤ ቃሴ ሹቻ ዎዘና አንቴ ገደፌ ኬሳዳ ኣሾ ዎዘና ኢማና።

27 ታኒ ታ ኣያና አንቴ ገደን ኣይሳና፤ አንቴ ታ ማራ ካላና ማላኔ ታ ዎጋ ሚንላ ናጋና ማላ ኦላና።

28 ታኒ ካሴ አንቴ ኣዎታሰ ኢሚዳ ቢታን አንቴ ዳና፤ አንቴ ታ ዳሬ ገደና፤ ታኒካ አንቴ ጸሳ ገደና።

29 አንቴ ቱናቲላፌ ታ አንቴና ጌሻና፤ ካላ ታ ሙሩቲሳናኔ ዳርሳና፤ ኮሻካ አንቴ ቦላ ኤሂኬ።

30 ኮሻ ጋሶን አንቴ ካዎቲላታ ገደን አንቴ ካወዱዲ ዬላቶንታ ማላ ሚላ ኣይፌኔ ካላ ታ አንቴሰ ዳርሳና።

31 ሄ ዎዴ አንቴ አንቴ ኢታ ኦኔኔ ቲኒዳ አንቴ ኦሶታ አንቴ ኣከካና፤ አንቴ ናጋራ ገሻሲኔ ሃራሲዛ አንቴ ኦሶታ ገሻሰ አንቴርካ አንቴ አንቴና ባሻሼታና።

32 ታኒ ሃይሳ ኦሊዛይ አንቴ ገሻሰ ገደንታይሳ ኤሪቲ፤ አንቴና ኢሰራኤል አሳቶ! አንቴ አንቴ ኦሶን ዬላቲቲኔ ባሻሼቲቲ፤ ታኒ ኡባ ሃሪዛ ጎዳይ ሃይሳ የታይሰ» ጌሰ።

33 «ኡባ ሃሪዝ ጎዳይ፣ ታኒ ኢንቴና ኢንቴ ናጋራ ኡባሬ ጌሺዛ ጋላሰ ኢንቴ ካታማቲ ሲሚዲ ኣሳ ዱሳሶ ጊዳና፤ ቡዳቲዳይቲ ሲሚዲ ገምቤታና።

34 ቢዛኔ ዪዛ ኣሳ ኣይፊን ኣሲ ባይንዳሶ ጊዲ ቤቲዛ ቡላ ቢታይ ጎዳታና።

35 ኢሰቲ ሃይሲ ኣሲ ባይንዳሶዚ ኤዳኔ ጋናቴ ሚሳቲዳሰ፤ ሳይዳ፣ ላሌቲዳኔ ቡላቲዳ ካታማቲ ኣሳ ዱሳሶኔ ገምቤቲዳሶ ጊዲዳ ጋና።

36 ሃሳፊ ጉዬ ካሴ ኢንቴ ዩሾን ኣቲዳ ካዎቴላቲ ካሴ ቡዳቲዳ ካታማታ ዛራ ኬዲዳይ፣ ኣሲ ባይንዳሶታ ጩሊሊሲዳይ ታና ጎዳ ጊዲዳይሳ ኢሰቲ ሄ ዎዳ ኤራና። ታኒ ጎዳይ ሃይሳ ዮታዲሰ፤ ታኒ ዮቲዳይሳካ ታ ፖላና፤ ጌሰ።

37 «ኡባ ሃሪዝ ጎዳይ፣ ቀሴካ ኢሰራኤሌ ኣሳ ዎሳ ታ ኤሮ ጋ ሲያና፤ ኢዛካ ታ ኢሰታሰ ፖላና፤ ሂሰታዳ ኢሰታ ቆዳ ወዳ ማላ ጮራሳና።

38 ዩራሳላሚን ባኣሌ ጋላሰ ያርሼታና ሸቂዛ ማህ ማላ ታ ዳርሳና፤ ቤኢቲ ካሴ ላሌቲዳ ካታማቲ ዳሮ ኣሳሰ ዱሳሶ ጊዳና፤ ሃሳፊ ጉዬ ታኒ ጎዳ ጊዲዳይሳ ኢሰቲ ሄ ዎዳ ኤራና፤ ጌሰ» ጊዳሰ።

37

ሚላ ማቄላቲ ዲዛ ሾባ

1 ጎዳ ኩሼይ ታ ቦላ ዳሰ፤ ኢዚካ ታና ጎዳ ኣያናን ኬሲዳሰ፤ ማቄላቲ ኩሚ ኡቲዳ ሾባን ታና ዎሊዳሰ።

2 ኢዚ ታና ሄን ዩሼ ቤሲዳሰ፤ ታኒካ ኬሂ ሸቶ ጊ ማሊዳ ዳሮ ማቄላቲ ኩሚዳይታ ሾባ ጊዳን ቤኣዲሰ።

3 ኢዚ ታና፣ «ሃይሶ ኣሳ ናዉ! ሃ ማቄላቲ ሲሚዲ ሸምፖራ ፓጻ ዳናሰ ዳንዳይዘ?» ጊዳሰ። ታኒካ፣ «ኡባ ሃሪዝ ጎዳዉ፣ ሃሳ ኔ ጸላ ኤራሳ» ጊዳሰ።

4 ሂሰቲን ኢዚ ታና፣ «ሃይታ ሃ ማቄላታሰ ቲንቢቴ ዮታ፤ ለንቴና ሚላ ማቄላቶ፣ ጎዳ ቃላ ሲዩቴ!

5 ኡባ ሃሪዝ ጎዳይ ሃይታ ሃ ማቄላታሰ ፔኖ ታ ኢማና፤ ኢንቴኒካ ሸምፖራ ፓጻ ዳና።

6 ታ ኢንቴ ቦላ ሻያታ ዎላዳ፣ ኣሾይካ ኢንቴ ቦላ ሲማና ማላ ኦላዳ፣ ኢንቴሰ ሻያ ኢማና፤ ታ ኢንቴና ኣሾ ማይዛና፤ ቦላራካ ጋልባን ካማና፤ ኢንቴ ጊዳ ፔኖ ጌልላና፤ ኢንቴካ ሸምፖራ ፓጻ ዳና፤ ሃሳፊ ጉዬ ታኒ ጎዳ ጊዲዳይሳ ኢንቴ ኤራና፤ ጋ» ጊዳሰ።

7 ሃሳ ጊሻሰ ታኒ ኣዛዜቲዳ ማላ ቲንቢቴ ዮታዲሰ፤ ታኒ ቲንቢቴ ዮቲሺን ሳሱኩቴላ ገሪሲ ሴቴቲዳሰ፤ ማቄላቲ ኢሳይ ኢሳራ ኦይኩቲዳ።

8 ታ ጸሊሺን ኢሰታ ቦላን ሻያይ ዳሰ፤ ሻያ ቦላ ኣሾይ ዳሰ፤ ኣሾዛ ቦላ ጋልባይ ካሚ ኦይኩዳሰ፤ ጊዳ ኣቲን ሸምፖራ ኢሰታን ባዎ።

9 ሃሳፊ ጉዬ ኢዚ ታና፣ «ሃይሶ ኣሳ ናዉ! ጫርኮሰ ቲንቢቴ ዮታ፤ ኡባ ሃሪዝ ጎዳይ፣ ለጫርኮዘ፣ ኦይዲ ባጋ ጫርኮታፔ ሃያ፤ ሃይቲ ሃይቂዳይቲ ሸምፖራ ፓጻ ዳና ማላ ኢሰታ ቦላ ኡፋ ጋ ፑና፤ ጌሰ» ጊዳሰ።

10 ሃሳ ጊሻሰ ኢዚ ታና ኣዛዚዳ ማላ ቲንቢቴ ዮታዲሰ፤ ፔኖይካ ኢሰታ ጊዳ ጌሊዳሰ፤ ኢሰቲካ ፓጻዳ፤ ኬሂፔ ዳሮ ኦላንቻታ ጊዲዲ ኤቂዳ።

11 ሃሳፊ ጉዬ ኢዚ ታሰ፣ «ሃይሶ ኣሳ ናዉ! ሃይቲ ማቄላቲ ኩሚ ኢሰራኤሌ ኣሳ ለሚሶ፤ ኢሰቲካ፣ ሱ ማቄላቲ ማሊዳ፤ ኩሰ ሂዳታይ ባዎ፤ ኩ ዱዲ ኣቲዳሰ፤ ጌቲሰ።

12 ሃሳ ጊሻሰ ኢሰታሰ ኡባ ሃሪዝ ጎዳይ፣ ታ ዳሬዘ! ታኒ ኢንቴ ዳሬ ዳያና፤ ኢሰታ ጊዳፊ ታ ኢንቴና ኬሳና፤ ኢሰራኤሌ ቢታካ ታ ኢንቴና ዛራ ኤሃና።

13 ሃሳፊ ጉዬ ታ ዳሬቶ፣ ታኒ ኢንቴ ዳሬ ዳያዳ ኢንቴና ኬሲዛ ዎዳ ኢንቴ ታኒ ጎዳ ጊዲዳይሳ ኤራና።

14 ታኒ ታ ኣያና ኢንቴ ጊዳን ዎላና፤ ኢንቴካ ሸምፖራ ፓጻ ዳና፤ ታ ኢንቴና ኢንቴ ቢታን ዎላና፤ ሃሳፊ ጉዬ ታኒ ጎዳይ ዮቲዳ ማላ ኦሊዳይሳ ኢንቴ ኤራና፤ ታኒ ጎዳይ ሃይሳ ዮታይሰ፤ ጌሰ» ጊዳሰ።

ኢሲ ካዎቴላኔ ኢሲ ካዎ

15 ጎዳ ቃላይ ታኮ ዩዳ፣

16 «ሃይሶ ኣሳ ናዉ! ኢሲ ጉፊ ኤካዳ ኢዛ ቦላ፣ ሃይሶ ዩሁዳሰኔ ኢዚራ ዙፔቲዛ ኢሰራኤሌሳ» ጋዳ ጸፋ፤ ቃሴ ሃራ ጉፊ ኤካዳ ኢዛ ቦላ፣ ሃይሶ ኤፍሬሚሰ፣ ዮሴፊሰኔ ኢዛራ ዙፔቲዛ ኢሰራኤሌ ኬላ ኣሳ ኡባሳ» ጋዳ ጸፋ።

17 ኢሰቲ ኢሲ ጉፊ ሚሳታና ማላ ኢሰታ ኔ ኩሼን ጋጋ ኦይካ።

18 «ኔ ዳሬ ናይቲ፣ ሃይሳ ኔ ኣይ ጋና ኮዩዳኮ ኩሰ ዮቲኪ?» ጊ ኦይቸዛ ዎዳ።

19 ኔ ኢሰታሰ፣ ኡባ ሃሪዝ ጎዳይ፣ ታኒ ኤፍሬሚ ኩሼን ዲዛ ዮሴፊ ጉፊኔ ኢዛራ ዙፔቲዛ ኢሰራኤሌ ቆዎታ ጉፊ ኤካና፤ ዩሁዳ ጉፊዛራ ጋጋዳ ታ ኢሲ ጉፊ ሂሰታና፤ ኢሰቲካ ታ ኩሼን ኢሲ ጉፊ ጊዳና፤ ጋ።

20 ኔ ኢሰታ ቦላ ጸፊዳ ጉፊታ ኢሰታ ሲንላን ኦይካ።

21 ኔኒ ኢሰታሰ ኡባ ሃሪዝ ጎዳይ፣ ታኒ ኢሰራኤሌ ኣሳ ኢሰቲ ቢዳ ካዎቴላታ ጊዳፊ ኬሳና፤ ታኒ ኢሰታ ኡባሶፔ ሸቫዳ ኢሰታ ቢታ ዛራ ኤሃና።

22 ቢታይ ቦላ ኢሰራኤሌ ዙማታን ታ ኢሰታ ኢሲ ካዎቴላ ኦላና፤ ኢሰታ ኡባ ቦላ ኢሲ ካዎይ ካዎታና። ሃይሳፊ ጉዬ ኢሰቲ ናምኡ ዳሬ ጊዳቴና፤ ኢሰታ ካዎቴላይ ናምኡ ኬዚ ሻኬቴና።

23 ኢሰቲ ባንታ ኤቃ ጸሳታን፣ ሃራሲዛ ባንታ ሚሰሌታን፣ ዎይኮ ባንታ ናጋራንካ ባንታናቴላ ቲኒሴቴና። ጋሶይካ ኢሰቲ ታና ኣጊዲ ኦሊዳ ናጋራ ኡባፊ ታ ኢሰታ ኣሻናኔ ጌሻና፤ ኢሰቲ ታ ዳሬ ጊዳና፤ ታኒካ ኢሰታ ጸሰ ጊዳና።

24 « ታ ኣይሌ ዳዊቲ ኢሰታ ቦላ ካዎታና፤ ኡባሲካ ኢሲ ሄንላንቻይ ዳና፤ ኢሰቲ ታ ዎጋ ካላና፤ ታ ማራካ ሚንላ ናጋና።

25 ታኒ ታ ኣይሌ ያቆቤሰ ኢሚዳኔ ኢንቴ ኣዎቲ ዳኢዳ ቢታን ኢሰቲ ዳና። ሄን ኢሰታሰ፣ ኢሰታ ናይቲኔ ኢሰታ ናይታ ናይቲ ሚርናሰ ዳና፤ ታ ኣይሌ ዳዊቲ ኢሰታ ቦላ ሚርናሰ ካዎ ጊዳና።

26 ታኒ ኢሰታራ ሳርቴላ ጫቆ ቃላ ጌላና፤ ሄ ጫቆ ቃላይካ ሚርናሰ ጊዳና። ታኒ ኢሰታ ሚንላና፤ ጮሪሳና፤ ታ ኬላካ ኢሰታ ጊዳን ሚርናሰ ዎላና።

27 ታ ዱሳሶይ ኢሰታኮን ጊዳና፤ ታ ኢሰታ ጸሳ ጊዳና፤ ኢሰቲካ ታ ዳሬ ጊዳና።

28 ታ ኬላይ ሚርናሰ ኢሰታ ጊዳን ዲዛ ዎዳ ኢሰራኤሌታ ጌሺዛይ ታና ጎዳ ጊዲዳይሳ ካዎቴላቲ ኤራና፤ ጌሰ» ጊዳሰ።

38

ጎጌ ቦላ ዮቲቲዳ ቲንቢቴ

1 ጎዳ ቃላይ ታኮ ዩዲ፡
 2 «ሃይሶ አሳ ናዉ! ኔ ኣይፊሶ ጌዳ ማጎጌ ቢታን ዲዛ ማሽኬሲኔ ቱባሌሰ ዋና ሃላቃ ጎጌ ቦላ ዛራ፤ ኢዛ ቦላ ቲንቢቲ ዮታ።
 3 ኔኒ ኢዛሰ ኡባ ሃሪዛ ጎዳይ፡ ማሽኬሲኔ ቱባሌሰ ዋና ሃላቃ ጌዲዳ ሃይሶ ጎጌ ታኒ ኔ ቦላ ዳጎዳዲሰ።
 4 ታ ኔና ጉዬ ዛራና፤ ታኒ ኔ ሲዴን ዳፎ አዳዳ ኩሚላ ኔ ኦላንቻታራ፡ ኔ ፓራታራ፡ ኔ ቶጋ አሳታ ኢሰታ ኩሚላ ኦላ ማሳራራ፡ ዋጋ ጎንዳሌኔ ቄሪ ጎንዳሌ ኦይኪዳይታ ኡባ፡ ባንታ ገላ ማሻ ቤሲዛይታ ኡባ ታ ኬሳና።
 5 ጎንዳሌ ኦይኪዳይቲኔ ቢራታ ቆቤ ዋሊዳ ኡባቲ፡ ፓሪሴይ፡ ቶጽያይኔ ፑጾይ ኢሰታራ ገዳና።
 6 ቃሴ ጎሚሪ ኢዛ ኦላንቻታራ ፑዳሃ ባጋን ሃኮን ዲዛ ቤቲ-ቶጋርማ ኢዛ ኦላንቻታራኔ ዳር ካዋቲላታ ታ ኔናራ ኬሳና።
 7 « ሳኒኔ ኔ ዩሾን ሸቂዳ አሳይ ኡባይ ዳጎዲቲ፤ ገቢቲቲ፤ ኔካ ኢሰታ ካሌሊዛዳ ገዳ።
 8 ዳር ዋዴፕ ጉዬ ኔኒ ኦላሰ ጸይጌታና፤ ሲንላፊ ያና ላይላታን ኦላፕ ሸምፕዳሪ፡ ኢዚ አሳይ ዳር ካዋቲላታ ገዳፊ ኬዚ ሸቂዳሪ፡ ዳር ዋዴሰ ቡላ ገዲዳ ኢሰራኤል ዙማታ ቦላ ኡቲዳ ዳራ ቦላ ኔ ዋራጃና። ኢሰታ ካዋቲላታ ገዳፊ ኬዚዲ ሃኢ ሳርን ዳና።
 9 ኔኒ፡ ኔ ኦላንቻቲኔ ኔናራ ዲዛ ዳር ካዋቲላታ ጎቲ ጫርኮ ማላ ዳጎዳና፤ ሻራ ማላ ኢንቲ ቢታ ካማና።
 10 « ሉባ ሃሪዛ ጎዳይ ሄ ዋዴ ኔ ካሃን ቆፋይ ጌሊን ኔኒ ኢታ ሚሽ ሃላቻና።
 11 ኔኒ ኢሰታሰ፡ ዲርሳይ ባይንዳ ዳፊታ ቢታ ታ ዋራጃና፤ ኢሰቲ ኡባይካ ዲርሳይ ባይንዳ፡ ፔንጌይኔ ቢራታ ኮላታይ ባይንዳ ዲሺን ሳርኒኔ ሂርጋይ ባይንዳ ኡቲዳ ዳራ ታ ኦላና።
 12 ታኒ ኢሰታፊ ቦንቃና ኔ ዳፋ ኤካና፤ ሄሳላካ ካዋቲላታ ገዳፊ ሸቂዲ ቢታሰ ገዳ አዳን ዳና፤ ኢሰቲ ማህኒኔ ሻቃጩታን ዲሬቲዳ፡ ሄ ቢታይን ዲዛ ዳር ቦላ ታ ኩሼ ጎንዳና።
 13 ሳባ አሳይ፡ ዳዳኔ አሳይ፡ ታርሴሴ ዳሬ ዛልአንቻቲኔ ኢዚ ጉታቲ ኡባይ ኔና፡ ሱና ቦንቃናሰ ያዲ? ኔኒ ኔ ኦላንቻታ ሸሸዲዳ ዳፋ ኤካናሰ፡ ዋርቃኔ ቢራ ሸሻ ኤፋናሰ፡ ማሃኔ ሻቃጩ ቡራ ኤፋናሰ፡ ዳር ሚሽ ዲኣ ኤካዳ ሲማናሴ?» ጋና።
 14 «ሃሳ ገሻሰ አሳ ናዉ፡ ጎጌ ቦላ ቲንቢቲ ዮታ፤ ኢዛሰ ኡባ ሃሪዛ ጎዳይ፡ ሳዎ ዋዴ ታ ዳሬ ኢሰራኤሌይ ሳርን ኡቲዳይሳ ኔኒ ኤራዳ አኬኪኪ?
 15 ፑዳሃ ባጋፊ ሃሆ ቢታፊ ኔ ያና፤ ኔኒ ኔናራ ዲዛ ጮራ ካዋቲላቲ ፓራ ቶጊዲ ኬሂ ሚኖኔ ዋልቃማ ኦላንቻ ገዲዲ ያና።
 16 ቢታ ካሚዛ ሻራ ማላ፡ ኔኒ ታ አሳ ኢሰራኤሌ ቦላ ዋራጃና። ሃይሶ ጎጌ ታ ጌሻቲላ ካዋቲላታ ሲንላን ታኒ ቆንጫሲሺን ኢሰቲ ታና ኤራና ማላ ሲንላፊ ያና ዋዴታን ታ ቢታይ ቦላ ታ ኔና ኤሃና። ጌሰ።
 17 «ኡባ ሃሪዛ ጎዳይ፡ ታ ቤኒ ዋዴ ታ አይሌ ኢሰራኤሌ ናቤታ ባጋራ ኢዛ ገሻሰ ዮቲዳ ሄ ቢታኔይ ኔና ገዲኪ? ኢሰቲ ሄ ዋዴ ታኒ ኔና ኢሰታ ቦላ ኤሃናይሳ ዳር ላይላታን ቲንቢቲ ዮቲዳ» ጌሰ።

ጎጌ ቦላ ያና ፒርዳ

18 «ሄ ዋዴ ኡባ ሃሪዛ ጎዳይ፡ ሳገይ ኢሰራኤሌ ቢታ ኦሊዛ ዋዴ ሚኖ ታ ሃንቆይ ሱላና።
 19 ሄ ዋዴ ታኒ ታ ቃናቲኒኔ ባቢሲዛ ታ ሃንቆን ኢሰራኤሌን ቢታይ ኬሂ ቃጸና ጋ ዮታዲሰ።
 20 አባ ሞሌቲ፡ ሳሎ ካፎቲ፡ ዋራ ዶኣቲ፡ ቢታ ቦላ ቲራን ጎሹቲዛ አይ ሚዴቲላቲካ፡ ሄሳላ ቢታ ቦላ ዲዛ አሰ ኡባይ ታ ሲንላን ኮኮራና፤ ዙማቲ ሸሬቲ ሸሬቲ ዋዳና፤ አፎቲ ዋዳና፤ ዲርሳ ገምቤይ ኡባይ ላሌታና።
 21 ታኒ ታ ዙማታ ኡባን ጎጌ ቦላ ማሻ ዳይጋና፤ ኢሳ አሳ ማሻይ ኢዛዳ አሻ ቦላ ሸምፓና፤ ታኒ ኡባ ሃሪዛ ጎዳይ ሃይሳ ዮታይሰ።
 22 ታኒ ኢታ ሃርጌኒኔ ሸምፖ ዋዶን ኢዛ ቦላ ፒርዳና፤ ዋልቃማ ኢራ፡ ዋልቃማ ሻቻ፡ ጸጊዛ ዲኔ ታማ ኢዛ ቦላ፡ ኢዛ ኦላንቻታ ቦላኔ ኢዛራ ዲዛ ጮራ ካዋቲላታ ቦላ ታ ቡኪሳና።
 23 ታኒ ታ ጌታቲላኔ ታ ጌሻቲላ ሄሳን ቤሳና። ቃሴ ዳር ካዋቲላታ ሲንላን ታኒ ታናቲላ ኤሪሳና። ሄሳፊ ጉዬ ታኒ ጎዳ ገዲዳይሳ ኢሰቲ ኤራና። ጌሰ።

39

ጎጌ ጸኔቲላ

1 «ኡባ ሃሪዛ ጎዳይ፡ ሳይሶ አሳ ናዉ! ጎጌ ቦላ ቲንቢቲ ዮታ። ማሽኬሲኔ ቱባሌሰ ዋና ሃላቃ ገዲዳ ሃይሶ ጎጌ ታ ኔ ቦላ ዳጎዳዲሰ።
 2 ታኒ ኔና ጉዬ ዛራና ናንቻና፤ ታ ኔና ፑዳሃ ባጋፊ ሃኮሶፕ ኤሃዳ ኢሰራኤሌ ዙማታ ቦላ ዩዳና።
 3 ኔሰ ሃዲርሳ ኩሼን ዲዛ ኔ ዋንዳፊዛ ታ ሸጫና፤ ኔኒ ኡሻቻ ኩሼን ኦይኪዳ ዩሻዛ ታ ቆቆፍሳና።
 4 ኔኒ፡ ኔ ኦላንቻቲኔ ኔናራ ዲዛ ካዋቲላቲ ኡባይ ኢሰራኤሌ ዙማታ ቦላ ኩንዳና፤ ታኒ ኢንቲ አሻዛ ፑዚ ሚዛ አንኮታሲኔ ዋራ ዶኣታሰ ማና ማላ አላ ኢማና።
 5 ታኒ ኡባ ሃሪዛ ጎዳይ ዮቲዳ ገሻሰ ኢንቲ ሚሊዲ ገዳ ሚምባን ኩንዳና።
 6 ሚጎጌ ቢታኒኔ አባ ዳናን ሂርጋይ ባይንዳ ባዲ ገዲ ዲዛይታ ቦላ ታኒ ታማ ዩዳና። ታኒ ጎዳ ገዲዳይሳ ኢሰቲ ሄሳን ኤራና።
 7 « ታ ጌሻ ሱንላይ ታ ዳራ ኢሰራኤሌን ኤሬታና ማላ ታ ኦላና፤ ሃይሳፊ ጉዬን ታ ጌሻ ሱንላይ ካዲታና ማላኔ ካዉያና ማላ ታ ኮይኬ፤ ሄሳን ካዋቲላቲ ታኒ ጎዳይ ኢሰራኤሌ ጌሻ ገዲዳይሳ ኤራና።
 8 ኡባ ሃሪዛ ጎዳይ ቤኢቲ፡ ሄ ጋላሳይ ያና ኣቲና ጋዳ ታኒ ዮቲዳ ጋላሳይ ሃይሳ።
 9 « ሳሳፊ ጉዬ ኢሰራኤሌ ካታማታን ዲዛ አሳይ ኡባይ ኬዚዲ፡ ኦላ ሚሻታ፡ ዋጋ ጎንዳሌታኔ ቄሪ ጎንዳሌታ፡ ዋንዳፊታ፡ ዩሻታ፡ ኦላንቻታ ጸምኣታኔ ቶራታ ሸሸዲ ታማን ኤላና። ሄሳ ላፑን ላይላ ኩሚላ ኢሰቲ ኤሶሰ ጎኤታና።
 10 ኢሰቲ ሸሸዲ ኦላ ሚሻታ ኤሶሰ ጎኤታና ገሻሰ ኢሰታሰ ካሬፕ ሚላ ሚጸኔ ዋራፕ ሚላ ቃንጾ ኮሸና። ኢሰታፊ ቦንቁ ኤኪዳይታፕ ኢሰቲካ ቦንቁ ኤካና፤ ኢሰታፊ ዳፊ ኤኪዳይታፕ ኢሰቲ ዳፊ ኤካና፤ ታኒ ኡባ ሃሪዛ ጎዳይ ሃይሳ ዮታይሰ።
 11 « ሳዎ ዋዴ አሳይ ኣርሼይ ሞኪዛ ባጋራ ዲጌ አባን ቢዛሶ ዙሌን ኢሰራኤሌ ቢታን ታ ጎጌሰ ዲፎ ኢማና፤ ጎጌይኔ ኢዛ ኦላንቻቲ ሄን ሞጌታና ገሻሰ

ማንዳሪዛ አሳታ ኦጌይ ጎርዳታና፤ ሄሳ ገሻሰ ሄ ሶሆይ ሃሞን ጎጌ ሾባ ጌቲታና።

12 « ሲታዮ ጌሻናሰ ኢሰራኤል አሳይ ላቸን አገና ኩሜል ኢሰታ ሞጊሼ ታካና።

13 ሄ ቢታ አሳይ ኡባይ ኢሰታ ሞጋና፤ ታኒ ታ ቦንቾ ቤሲዛ ወደ ኢሰታሰ ቦንቾ ገዳና፤ ታኒ ኡባ ሃሪዛ ጎዳይ ሃይሳ ዮታይሰ።

14 « ላቸን አገና፤ ጉዬ አቲዳ አሃይ ዲኮ፣ ቢታይ ጌያና ማላ፣ ዩዩ ዩዩዲ አቲዳ አሃ ሞጋና አሳቲ ዶሬታና።

15 ኢሰቲ ቢታይ ቦላ ዩዩሺን፣ ኢሰታፊ ኢሶይ አሳ ሜቁል ዳሚዲ ዱፎ ቦኪዛይቲ ሃሞን ጎጌ ዙሌን ሞጋናሽ ጋካናሰ ሜቁላይ ዲዛሶን ማላታ ዋላና።

16 ሄን ኦላንቻታ ካታማያ ዲዛ ገሻሰ ቢታዮ ኢሰቲ ጌሻና ጌሰ።

17 «ኡባ ሃሪዛ ጎዳይ፣ ሳይሶ አሳ ናዉ! ዲማ ዲማ ቆሞ ካፎታኔ ዋራ ዶኦታ፣ ኢንቲ ዲዛሶ ኡባፊ ሸቁቲዲ ታኒ ኢንቲሰ ገግሲዳ ያርሾኮ ሃ ዩቲ፤ ሄሲካ ኢሰራኤል ዙማታ ቦላ ሃናና ጌታ ያርሾ፤ ኢንቲ ሄን አሾ ማናኔ ሱል ኡያና።

18 ኢንቲ ቆሾ አሾኔ ላቃ አሾ ሚዛ ማላ፣ ዳይሻ አሾኔ ዋፋዮ አሾ ሚዛ ማላ ዋልቃማ አሳታ አሾ ማና፤ ቢታ ቦላ ሃላቃታ ሱልካ ኢንቲ ኡያና፤ ሃይቲ ኡባይ ሞዲዳ ባሳኔ ሜሃታ።

19 ታኒ ኢንቲሰ ገግሲዛ ያርሾዛ ኢንቲ ካላናሽ ጋካናዉ ማና፤ ቃሴ ማላታናሽ ጋካናሰ ኢንቲ ሱል ኡያና።

20 ታ ማዳን ፓራታ፣ ቶጋንቻታ፣ ዋልቃማ አሳታኔ ዲማ ዲማ ቆሞፊ ሸቁዳ ሃራ ዋታዳራታ አሾ ካላናሽ ጋካናሰ ኢንቲ ማና፤ ጌሰ።

21 «ካዋቲላታ ገደን ታኒ ታ ቦንቾ ቆንጨሳና፤ ካዋቲላቲ ኡባይ ታኒ ኢሰታ ቦላ ኤሂዳ ቁጽቴኔ ታ ኢሰታ ቦላ ዳዴዳዳ ኩሼ ቤኦና።

22 ሄ ጋላሳፊ ደሚዲ ኢሰራኤል አሳይ ታኒ ጎዳይ ኢሰታ ጸሰ ገዲዳይሳ ኤራና።

23 ኢሰራኤል አሳይ ታሰ አማኔቶንታ ኢዲዲ ናጋራ ኦሊዳ ጋሶን ኢሰቲ ጎዳቲዳይሳ ካዋቲላቲ ኤራና። ሄሳ ገሻሰ ታኒ ታ አይፊሶ ኢሰታፊ ጌንፋዲሰ፤ ታኒ ኢሰታ ኢሰታ ሞርኬታሰ አሳ አማዲሰ፤ ኢሰቲ ኡባይ ማሻን ዉሪዳ።

24 ኢሰታ ቱናቲላ ማላኔ ኢሰታ ቆሆዛ ማላ ታ ኢሰታ ቦላ ፐርዳዲሰ፤ ታ አይፊሶካ ታ ኢሰታፊ ጌንፋዲሰ።

25 «ሄሳ ገሻሰ ኡባ ሃሪዛ ጎዳይ፣ ሳሂ ያቆቤይ ጎዳቲዳሶ፤ ታኒ ኢዛ ዛራዳ አሻልሳና፤ ኢሰራኤል አሳ ኡባሰ ታ ቃዴታና፤ ታ ጌሻ ሱንፋ ገሻሰ ታኒ ሚሼታና።

26 ኢሰታ ባቢሲዛ ኦኒካ ባይንዳ ዲሺን ኢሰቲ ባንታ ቢታን ሳርን ዲዛ ወደ ባንታ ካዉሻቲላኔ ካሴ ታሰ አማኔቶንታ ኢሰቲ ዳኢዳ ወደታ ዶጋና።

27 ታኒ ካዋቲላታ ኡባ ገደፊ ኢሰታ ዛራ ኤሂዛ ወደ፣ ኢሰታ ሞርኬታ ቢታፊ ታ ኢሰታ ሸሺዛ ወደ፣ ታ ጌሻቲላ ታኒ ኢሰታ ባጋራ ዳር ካዋቲላታ ሲንፋን ቤሳና።

28 ታኒ ኢሰታ ካዋቲላ ገደን ላሌታና ማላ ኦሊዳ ገዲኮካ አሳካ አሾንታ ኢሰታ ኢሰታ ዳሬ ታ ዛራና፤

ሄሳፊ ጉዬ ታኒ ጎዳይ ኢሰታ ጸሰ ገዲዳይሳ ኢሰቲ ኤራና፤ ታኒ ኢሰታፊ አሳኔ ካዋቲላ ገደን አገኬ።

29 ታኒ አያና ኢሰራኤል አሳ ቦላ ጉሳና ገሻሰ ሃይሳፊ ጉዬ ታኒ ታ አይፊሶ ኢሰታፊ ጌንፋኬ። ታኒ ኡባ ሃሪዛ ጎዳይ ሃይሳ ዮታይሰ ጌሰ» ገደሰ።

ሲንፋፊ ኬጾታና ጸሳ ኬል

40

(40:1—48:35)

ሂዘቁላ አጁታን ዩራሳላሜ ቡስ

1 ኮኒ ዲኤቲዳ ናሞኡ ታማኔ ኢቻሻንፋ ላይላን፣ ኮይሮ አገናን ታማንፋ ጋላሳን፣ ዩራሳላሜይ ኩንዲዳ ታማኔ ኦይዳንፋ ላይላን ሄ ጋላሰ ጎዳ ኩሼይ ታ ቦላ ዳሰ፤ ኢዚካ ታና ዩራሳላሜ ኤፊዳሰ።

2 ጸሳ አጁታን ኢዚ ታና ኢሰራኤል ቢታ ኤፊዳ ዶቃ ዙማ ቦላ ዋሊዳሰ፤ ሄ ዙማፔ ዲጌሃ ባጋራ ካታማ ሚሳቲዛ ገምቤ ኬላታ ቤአዲሰ።

3 ኢዚ ታና ሄ ኤፊዳሰ፤ ሂሰቲን ታኒ ጸርቁማላ ሚሳቲዛ ኢሲ አሰ ቤኦዲሰ፤ ኢዚ ላይናፔ ኦሴቲዳ ዋዶሮኔ ዋቆ ሚል ባ ኩሼን ኦይኪዲ ጌሊዛ ፔንጌ ቦላ ኤቁዳሰ።

4 አዳዚ ታና፣ «ሃይሶ አሳ ናዉ! ኔ አይፊን ጸላ፤ ኔ ሃይላን ሲያ፤ ታ ኔና ቤሲዛይሳ ኡባ ዋዚናን ዋላዳ ኤዘጋ። ኔ ሃ ዩዳይ ሃይሳሰ ገዲዳ ገሻሰ ኔ ቤኢዳ ኡባ ኢሰራኤል ኬላሰ ዮታ» ገደሰ።

አርሼ ኬሳ ባጋ ፔንጌ

5 ታኒ ጸሳ ኬላ ሙሌራ ዩዩ አዲዳ ዲርሳ ገምቤ ቤኦዲሰ። አዳዛ ኩሼን ኡሱፔን ዋቆ ገዲዛ ዛንጌ ቤኦዲሰ፤ ኢሲ ኢሲ ዋቆ ሚሻይ ዋቆኔ ታቆኮ ገደሰ፤ ኢዚ ገምቤዛ ዋቆዳሰ፤ አኮቲላይ ኢሲ ዋቆ፣ ጌሳይካ ኢሲ ዋቆ ገዲዳሰ።

6 ሃሳፊ ጉዬ አርሼ ኬሳ ባጋራ ዲዛ ዲርሳ ፔንጌኮ ቢዳሰ። ኬቻታ ኬዚዲ ጌሊዛ ፔንጌዛ ማዲራኬ ዋቆዳሰ፤ ኢዛሰ ጌሳይ ኡሱፔን ዋቆ ገዲዳሰ።

7 ዛቤታ ኬላሰ ጌሳይኔ ጎምፓይ ኡሱፔን ኡሱፔን ዋቆ፣ ኬላታ ገደን ዲዛ ገምቤ ኦርዳቲላይ ኢቻሽ ዋቆ ገዲዳሰ፤ ጸሳ ኬላፊ ሲንፋ ባጋራ አዲ ቢዛሶን ዲዛ ዳራንቻን ገደ ባጋራ ዲዛ ማዲራኬዛሰ ዉይጌዛ ዋቆይ ኡሱፔን ገዲዳሰ።

8 ሃሳፊ ጉዬ ጌሊዛሶራ ካንፊ ቢዛ ዳራንቻ ዋቆዳሰ።

9 ኢዛሰ አዲሳቲላይ 8 ዋቆ፣ ቲቁታ ኦርዳቲላይ 2 ዋቆ ገደሰ፤ ጌሊዛሶ ፔንጌን ዲዛ ዳራንቻይ ጸሳ ኬላ ገናን ዳሰ።

10 አርሼይ ሞኪዛ ባጋ ፔንጌዛሰ ሃዲርሳ ባጋራኔ ኡሻቻ ባጋራ ኢሲ ገና ገዲዳ ሃሹ ሃሹ ዛቤ ኬላቲ ዳቲሰ፤ ኢሰታ ገደን ሻኪዛ ገምቤታ ኦርዳቲላይ ኢሲ ገናኔ ኢሲ ማላ።

11 ሃሳፊ ጉዬ ፔንጌዛ ጎምፓ ዋቆዳሰ፤ ኢዛ ጎምፓይ ታሙ ዋቆ፣ አዲሳቲላይ ታማኔ ሃሹ ዋቆ ገዲዳሰ።

12 ዛቤ ኬላታሰ አሳሰ አሳሰ ሲንፋ ባጋራ አዲሳቲላይ ኢሲ ዋቆ ገምቤ ገዲዳ ዲርሳይ ዳሰ፤ ዛቤታ ኬላ ጎምፓይ ኢሲ ገና ገዲዳ ኡሱፔን ኡሱፔን ዋቆ።

13 ዛቤ ከላሰ ጉዬ ባጋ ጎዳፔ ደሚዲ ሃራይሳ ጸራ ጋካናሰ ዲዛ ጌሎሶ ፔንጌ ዋዲዳሰ፤ ኢሲ ጎዳፔ ቢዲ ሃንኮ ጎዳ ጋካናሰ 25 ዋቋ ጊዲዳሰ።

14 ጌሊዛሶ ፔንጌ የሾን ዲዛ ከኢ ከኢ ኦቲዳ ገምቤታ ኡባ ሲንላን ዲዛሶዛ ዋዲን 20 ዋቋ ጊዲዳሰ፤ ዋዲቲዳይካ ዛጎዛፔ ሲንላ ባጋራ ዲዛ ሲሜሬቲዛሶ ዳራንቻ ጋካናሳ።

15 ጌሊዛ ፔንጌሬ ቢዲ ሲሜሬቲዛሶዛ ዳራንቻ ጋካናሰ ዲዛ ኦዲሳቴላይ 15 ዋቋ ጊዲዳሰ።

16 ከፊሌቲ ሲሜሬቲዛሶን ዲዛ ዳራንቻታ ማላ ሃዲርሳ ባጋራኔ ኡቫቻ ባጋራ ኢሰታሰ ጉላ ማሰኮቲቲ ዳቲሰ። የዪ ኦቋናሰ ዲዛ ማሰኮቲቲ ጌሊዛ ፔንጌዛፔ ሲንላ ባጋራ ዲዛይታ ጊዲሺን ኢሲ ኢሲ ከፊሌሰ ሃዲርሳ ባጋራኔ ኡቫቻ ባጋራ ጎዳ ቦላ ዛምባ ማላ ማሰሌይ ጊጌቲ ኡቲዳሰ።

ካሬ ባጋ ዛጎ

17 ሃሳፌ ጉዬ ኦዲዲ ካሬ ባጋ ዛጎ ታና ኤፊዳሰ፤ ሃን ዛጎዛ የሾን የቻ ሹቺ ዩጌቲ ኡቲዳ ሲሜሬቲዛሶሆታ ቤኦዲሰ፤ ኢሰታ የሾንካ 30 ከፊሌቲ ዳቲሰ።

18 ሹቺ ዩጌቲ ኦሴቲዳ ዛጎዛ ገምባሰ ኡባ የሾ ጋከሰ፤ ካሬ ዛጎዛ ጊደ ዛጎፔ ዚቆሰ።

19 ሃፔ ዲጌ ባጋራ ጌሊዛ ፔንጌ ሲንላፊ ደሚዲ ጊደ ዛጎዛ ፔንጌ ጋካናሰ ዲዛሶዛ ዋዲዳሰ፤ ኦርሼይ ሞኪዛ ባጋራ ጊዲን ፑዳሃ ባጋራ ዲዛ ኦዲሳቴላይ 100 ዋቋ ጊዲዳሰ።

ፑዳሃ ባጋ ፔንጌ

20 ሃሳፌ ጉዬ ፑዳሃ ባጋ ጊናራ ዲዛ ጌዴ ካሬ ዛጎ ከሲዛ ፔንጌዛ ኦዲሳቴላኔ ኦኮቴላ ዋዲዳሰ።

21 ኮይሮ ፔንጌዛ ማላ ሃይሲካ ማሌ ባጋራ ዲዛ ሃቡ ሃቡ ዛቤ ከላታሰ፤ ኢሰታ ጊደን ከኢ ከኢ ቤቲዛ ገምቤታሲኔ ሲሜሬቲዛሶ ዳራንቻታሰ ዋቋይ ኢሲ ጊና፤ ኦዲሳቴላይ 50 ዋቋ፤ ጎምፓይ 25 ዋቋ ጊዲዳሰ።

22 ማሰኮቲቲ፣ ሲሜሬቲዛሶ ዳራንቻቲኔ ዛምባ ማላታ ማሰሌቲ ኦርሼይ ሞኪዛ ባጋራ ዲዛይታራ ኢሲ ማላ፤ ሃ ኤፊዛ ላፑን ከቻቲ ዳቲሰ፤ ሲሜሬቲዛሶን ዲዛ ዳራንቻቲ ኢሰታ ጊናን ዳቲሰ።

23 ኦርሼይ ሞኪዛ ባጋራ ዲዛይሳላ ፑዳሃ ባጋራ ዲዛ ፔንጌ ጊና ጌዴ ጊደ ዛጎ ጌልላዛ ፔንጌይ ዳሰ፤ ኢሲ ፔንጌዛፔ ቢዲ ሃራ ፔንጌ ጋካናሰ ዲዛይሳ ዋዲዳሰ፤ ሃሲካ 100 ዋቋ ጊዲዳሰ።

ዳጌሃ ባጋ ፔንጌ

24 ሃሳፌ ሲሚዲ ሃ ቢታኔይ ታና ዳጌሃ ባጋ ዲርሳ ፔንጌ ካሌሌዳሰ፤ ካሌሌን ባዳ፣ ሃሳን ሃራ ዲርሳ ፔንጌ ቤያዲሰ። ኢዚ ቱቄታኔ ጊደ ከፊሌታ ሊኪዛ ዋዴ ሃራታራ ኢሲ ጊና ጊዲዳሰ።

25 ሊኬ ሃራታ ማላ፣ ሃ ዲርሳ ፔንጌ ማታን ዲዛ ከፊሌታሰ ኡባሰ ማሰኮቲቲ ዳቲሰ። ዲርሳ ፔንጌዛ ዘኖይ 50 ዋቋ፤ ኦሆቴላይካ 25 ዋቋ።

26 ሃ ጋሊዛ ላፑን ዴካቲ ዳቲሰ። ዳራንቻይ ዳባባ ሲንላን ወርሴላ ባጋራ ዳሰ። ፔንጌዛ ቦላ ሃ ባጋራኔ ሃ ባጋራ ዛምባ ማሰሌይ ማዴቲ ኡቲዳሰ።

27 ጊደ ዳባባሰካ ሃራ ፔንጌይ ዳሰ። ሃ ቢታኔይ ሃ ናምኡ ዲርሳ ፔንጌታፔ ጊደን ዲዛሶሆ ማዛኒን 100 ዋቋ ጊዲዳሰ።

ጊደ ዳባባሰ ዳጌሃ ባጋ ፔንጌ

28 ሃ ቢታኔይ ታና ዳጌሃ ዲርሳ ፔንጌ ባጋራ ሄኒ ጊደ ዳባባሰ ኤፊዳሰ። ኢዚ ዲርሳ ፔንጌ ማዛኒን ሃራ ፔንጌታራ ሊኬ ጊዲዳሰ።

29 ሃሳሰ ናጊዛይታ ከፊሌቲ፣ ጎዳቲኔ ዳራንቻቲ ኡባይ ሃራ ዲርሳ ፔንጌታራ ኢሲ ማላ። ሃ ዲርሳ ፔንጌ የሾን ዲዛ ከፊሌታ ኡባሰ ማሰኮቲቲ ዳቲሰ። ሃ ጊደ ፔንጌ ዘኖይ 50 ዋቋ፤ ኦሆቴላይካ 25 ዋቋ።

30 ኢዛ የሾን ዳራንቻቲ ዳቲሰ፤ ኢሰታ ዘኖይ 25 ዋቋ፤ ኦሆቴላይካ 5 ዋቋ።

31 ሃ ዳራንቻቲ ካሬ ባጋ ዳባባ ጸሌሰ። ፔንጌ ቦላ ሃ ባጋራኔ ሃ ባጋራ ዛምባ ማሰሌይ ማዴቲ ኡቲዳሰ። ሃ ጋሊዛ 8 ዴካቲ ዳቲሰ።

ጊደ ዳባባሰ ኦርሼ ኬሳ ባጋ ፔንጌ

32 ሃ ቢታኔይ ታና ኦርሼ ኬሳ ባጋ ዲርሳ ፔንጌራ ሄኒ ጊደ ዳባባሰ ኤፊዳሰ። ኢዚ ሃ ዲርሳ ፔንጌ ማዛኒን ሃራ ፔንጌታራ ኢሲ ጊና ጊዲዳሰ።

33 ናጊዛይታ ከፊሌቲ፣ ጎዳቲኔ ዳራንቻይ ኡባይ ሃራ ዲርሳ ፔንጌታራ ኢሲ ማላ። ሃ ዲርሳ ፔንጌ የሾን ዲዛ ከፊሌታ ኡባሰ ማሰኮቲቲ ዳቲሰ። ሃ ፔንጌ ዘኖይ 50 ዋቋ፤ ኦሆቴላይካ ናምኡ ታማኔ ኢቻሽ ዋቋ።

34 ዳራንቻይ ካሬ ባጋ ዳባባ ጸሌሰ። ፔንጌ ቦላ ሃ ባጋራኔ ሃ ባጋራ ዛምባ ማሰሌይ ማዴቲ ኡቲዳሰ። ሃ ጋሊዛ 8 ዴካቲ ዳቲሰ።

ጊደ ዳባባሰ ፑዳሃ ባጋ ፔንጌ

35 ሃ ቢታኔይ ታና ፑዳሃ ባጋ ዲርሳ ፔንጌኮ ኤፊዳሰ። ኢዚ ሃ ዲርሳ ፔንጌ ማዛኒን፣ ኢዚካ ሃራ ፔንጌታራ ኢሲ ጊና ጊዲዳሰ።

36 ናጊዛይታ ከፊሌቲ፣ ጎዳቲኔ ዳራንቻይ ኡባይ ሃራ ዲርሳ ፔንጌታራ ኢሲ ጊና። ሃ ዲርሳ ፔንጌዛ የሾን ማሰኮቲቲ ዳቲሰ። ሃ ፔንጌዛ ዘኖይ 50 ዋቋ፤ ኦሆቴላይካ 25 ዋቋ።

37 ዳራንቻይ ካሬ ባጋ ዳባባ ጸሌሰ። ፔንጌ ቦላ ሃ ባጋራኔ ሃ ባጋራ ዛምባ ማሰሌይ ማዴቲ ኡቲዳሰ። ሃ ጋሊዛ ኦሰፑን ዴካቲ ዳቲሰ።

ያርሾይ ሺቁዛ ከፊሌታ

38 ካሬ ዳባባሰ ፑዳሃ ባጋራ፣ ጊደ ዲርሳ ፔንጌ ዳራንቻራ ኦይኬቲዳ ሃራ ከፊሌይካ ዳሰ። ጸጌቲዛ ያርሾሰ ኤሂዛ ማሃ ኦሾይ ማጩቲዛይ ሃ ከፊሌና።

39 ሃ ዳራንቻን ሃ ባጋራ ናምኡ ጸራጳዛቲ፣ ሃ ባጋራካ ናምኡ ጸራጳዛቲ ዳቲሰ፤ ጸጌቲዛ ያርሾሰ፣ ናጋራ ያርሾሲኔ ቆሆ ያርሾሰ ሹኪዛ ማሃ ኡባይ ሹኬቲዛይ ሃ ጸራጳዛታ ቦላና።

40 ዳራንቻሬ ካሬ ባጋራ ፑዳሃ ዲርሳ ፔንጌ ማታን ናምኡ ጸራጳዛቲ ሃ ባጋራ፣ ናምኡ ጸራጳዛቲ ሃ ባጋራ ዳቲሰ።

41 ሃሳ ጊሻሰ ያርሾሰ ሺቁዳ ማሃይ ኢሰታ ቦላ ሹኬቲዛ ሙሌራ ኦሰፑን ጸራጳዛቲ ዳቲሰ፤ ኢሰታሬ ኦይዳቲ ዳራንቻን ዳቲሰ፤ ኦይዳቲ ቃሴ ካሬ ዳባባን ዳቲሰ።

42 ቃሴ ጸጌቲዛ ያርሾ ዋላናሰ ጊግሲዳ፣ ሹቻሬ ማሰቲዲ ኦሴቲዳ ኦይዳ ጸራጳዛቲ ዳቲሰ። ኢሰታሰ ጽቃቴላይ ኢሲ ዋቋ፤ ኦዲሳቴላይ ኢሲ ዋቋ፤ ታቋኮ፤ ቃሴ ኦሆቴላይካ ኢሲ ዋቋ፤ ታቋኮ። ጸጌቲዛ ያርሾኔ ሃራ ያርሾታ ኡባ ሹኪዛ ማሻቲ ሃ ጸራጳዛታ ቦላን ኡቲዳሰ።

43 ኦይዱ ቢራዴ አዳቂዛ ካቆ ሆኮቲ ጎዳዛ ቦላ ዩዩ አዲዱ ዲሽኬቲ ኡቲዳ። ያርሾሰ ሺሺዛ አሾይ ኡባይ ሄ ጸራጸዛታ ቦላ ዋዴሰ።

44 ሄሳፌ ጉዬ ሄ ቢታኔይ ታና ጊዶ ዳባባ ጌልሌዳሰ። ሄሳን ፔንጌቲ ጊዶ ዳባባኮ ዶዬቲዛ ናምኡ ከፊሌቲ ዳቲሰ። ኢሰታፌ ኢሲ ከፊሌይ ፑዳሃ ዲርሳ ፔንጌ ማታራ ዲጌሃ ባጋ ጸሌሰ፤ ናምኢንላይ ቃሴ ዲጌሃ ዲርሳ ፔንጌ ማታራ ፑዳሃ ባጋ ጸሌሰ።

45 ሄ ቢታኔይ ታና፣ «ዲጌሃ ባጋ ጸሌዛ ከፊሌይ ጸሳ ከላን ኦሊዛ ቄሴታይሳ።

46 ፑዳሃ ባጋ ጸሌዛ ከፊሌይ ቃሴ ያርሺዛሶን ኦሊዛ ቄሴታይሳ። ቄሴቲ ኡባይ ሳዶቄ ዛሬፔ ዩሌቲዳ ሌቄታ፤ ጎዳኮ ሸቂዲ ኦላናሰ ቤሴቲሰ ጌቲቲዳይ ኢሰታ ጸላ» ጊዳሰ።

ጊዶ ዳባባኔ ጸሳ ከላ

47 ሄ ቢታኔይ ዳባባ ሚዛኒን አዲሳቲላይ 100 ዋዳ፣ አሆቴላይካ 100 ዋዳ ጊዲዳሰ። ዳባባን ጸሳ ከላፌ ሲንላ ባጋራ ኢሲ ያርሺዛሶሆይ ዳሰ።

48 ሄሳፌ ጉዬ ኢዚ ታና ጸሳ ከላ ዳራንቻ ኤፊዳሰ። ዳራንቻ ጌሊዛሶን ዲዛ ቆሲላላ ሚዛኒን ዶቃቲላይ 5 ዋዳ፤ አሆቴላይካ 14 ዋዳ። ሃዲርሳራኔ ኡሻቻራ ዲዛ ጎዳታ ኦርዳቲላይ ሄቸ-ሄቸ ዋዳ ጊዲዳሰ።

49 ዳራንቻ አዲሳቲላይ 20 ዋዳ፤ አሆቴላይካ 12 ዋዳ። ሄ ጋሊዛ ታሙ ዴካቲ ዳቲሰ። ጌሊዛሶን ኡሻቻራኔ ሃዲርሳራ ኤቂዳ ናምኡ ቱቄቲ ዳቲሰ።

41

1 ሄሳፌ ሲሚዲ ሄ ቢታኔይ ታና ጸሳ ከላን ዲዛ ጌሻሶሆ ጌልሌዳሰ። ሄ ጌሻሶሆ ጎዳ ኦርዳቲላ ሚዛኒን ኡሶቸን ዋዳ ጊዲዳሰ።

2 ፔንጌ አሆቴላዚ ቃሴ ታሙ ዋዳ ጊዲዳሰ። ሃዲርሳራኔ ኡሻቻራ ዲዛ ጎዳታ አሆቴላይ ኢቻሽ ኢቻሽ ዋዳ። ቃሴ ኢዚ ጌሻሶሆ ዋዳን አዲሳቲላ 40 ዋዳ፣ አሆቴላይካ 20 ዋዳ ጊዲዳሰ።

3 ሄሳፌ ጉዬ ቆልኦ ጌሊዳሰ። ሄ ጌሊዛ ፔንጌ ጎዳ ኦርዳቲላ ዋዳን ናምኡ ናምኡ ዋዳ ጊዲዳሰ። ፔንጌዛ አሆቴላይ ኡሶቸን ዋዳ ጊዲዳሰ፤ ሃዲርሳራኔ ኡሻቻራ ዲዛ ጎዳታ አሆቴላይ ላቸን ላቸን ዋዳ።

4 ቃሴ ኢዚ ቆልኦ ዋዳዳሰ፤ አዲሳቲላይ 20 ዋዳ፣ አሆቴላይካ 20 ዋዳ ጊዲዳሰ። ሄሳፌ ጉዬ ኢዚ ታና፣ «ሃይሲ ኡባፌ አዲዛ ጌሻሶሆ» ጊዳሰ።

ጸሳ ከላ ዩሾን ከጸቲዳ ከፊሌታ

5 ሄ ቢታኔይ ጸሳ ከላ ጎዳ ዋዳዳሰ፤ ሂሰቲን ኦርዳቲላይ ኡሶቸን ዋዳ ጊዲዳሰ። ሄ ጎዳዛራ ኦይኬቲዲ፣ ጸሳ ከላ ገምቤ ዩሾን ከጸቲዳ ኦይዱ ኦይዱ ዋዳ ኦኪዛ ዳር ከፊሌቲ ዳቲሰ።

6 ሄ ከፊሌቲ ኢሶይ ኢሳ ቦላ ከጸቲዳ ሄቸ-ፖቄ ጊዲሺን ኢሲ ኢሲ ፖቄሰ ሄቸ-ታሙ ከፊሌቲ ዳቲሰ። ዘንጋልላ ዩጊዛ ሚሊ ጌሻሶሆዛ ጊዶ ጌሎንታ ማላ፣ ኮይር ጎዳራ ኦይሴሊ ዋሊዳ።

7 ሄ ከላይ ጋርሳ ወርሴላ ፖቄን ኦርዲዳ ጊሻሲኔ ፑዳ ሸቂሼ ሌኢዛ ጊሻሰ፣ ከፊሌቲካ ፑዳ ሸቂዛ ዋዳ፣ ኦኪ ኦኪዱ ቤቲሰ። ኮይር ወይጌፔ ጊዶ ፖቄዛራ ካንሊዲ፣ ወርሴላ ፖቄዛ ጋካናሰ ኤፊዛ ዴካቲ ዳቲሰ።

8 ታኒ ጸሳ ከላ ዩሾን ዶቄ ጊዳ ባሳይ ዲዛይሳ ቤያዲሰ። ኢዛ ዩሾን ዲዛ ከፊሌቲ ሄ ባሳ ቦላን ከጸቲዳ፤ ሄ ባሳይ ጊዶ ዳባባፔ ኡሶቸን ዋዳ ዶቄሰ።

9-11 ሄ ከፊሌታሰ ካሬ ባጋ ጎዳ ኦርዳቲላይ ኢቻሽ ዋዳ። ከፊሌታ ጌሊዛ ናምኡ ፔንጌቲ፣ ኢሶይ ፑዳሃ ባጋራ፣ ኢሶይ ቃሴ ዲጌሃ ባጋራ ዳቲሰ፤ ቃሴ ሄ ከፊሌታ ዩሾን ዲዛ ባሳዛ አሆቴላይ ኢቻሽ ዋዳ። ጸሳ ከላ ባሳፔጌ ጊዶ ዳባባን ዲዛ ከፊሌታፔ ጊዶን ዲዛ ሚላ ሶሆይ ናምኡ ታሙ ዋዳ።

ኦርሼ ጌሎሶ ባጋራ ከጸቲዳ ከላ

12 ጸሳ ከላፌ ኦርሼ ጌሎሶ ባጋራ ዲዛ ሚላ ሶሆ ጊናራ ኢሲ ከላይ ዳሰ። ሄ ከላሰ አዲሳቲላይ ኡዲፋን ታሙ ዋዳ፤ አሆቴላይካ ላቸን ታሙ ዋዳ። ሄ ከላ ጎዳይ ኢቻሽ ዋዳ ኦርዳ።

ጸሳ ከላይ ዋዳቲዳሰ

13 ሄ ቢታኔይ ጸሳ ከላሰ ካሬ ባጋ ዋዳዳሰ፤ ሂሰቲን አዲሳቲላይ ጸቲ ዋዳ። ጸሳ ከላ ዘኮሶፔ ቢዲ፣ ሄኒ ኦርሼይ ወሊዛ ባጋ ከላ ዘኮሶ ጋካናሰ ዲዛሶሆ ዋዳን፣ ጸቲ ዋዳ ጊዲዳሰ።

14 ኦርሼ ከሳ ባጋራ ዲዛ ጸሳ ከላ አሆቴላይ ናምኡ ሚላ ሶሆታ ጉጂዲ ዋዳን ጸቲ ዋዳ ኦኪሰ።

15 ናምኡ ባጋራካ ዲዛ ካንሊዛ ሶሆታ ጉጂዲ ኦርሼይ ወሊዛ ባጋራ ዲዛ ከላ አዲሳቲላ ዋዳዳሰ፤ ሂሰቲን ጸቲ ዋዳ ጊዲዳሰ።

ጸሳ ከላሰ ጊዶ ኦሶታ

ጸሳ ከላ ጌሻ ሶሆይ፣ ኢዛ ቆልኦይኔ ኢዛ ዳራንቻይ

16 ወይጌፔ ቢዲ ማሰኮቲታ ጋካናሰ፣ ሚላን ሊጩቲ ኡቲዳሰ፤ ማሰኮቲቲካ ሚላን ሊጩቲ ኡቲዳ።

17-18 ጸሳ ከላሰ ሶ ባጋ ከፊሌታ ጎዳይ ፔንጌታፔ ቦላ አዳና ጋካናሰ፣ ዛምባታኔ ከሩቤታ ሚሰሌታን አሌቄቲ ኡቲዳሰ፤ ከፊሌታን ዩዩ አዳናሰካ ዛምባ ሚሰሌኒኔ ከሩቤ ሚሰሌን ዋላካን ሚዴቲ ኡቲዳሰ። ከሩቤታሰ ኡባሰ ናምኡ ናምኡ አይፊሶይ ዳሰ።

19 ኢሲ ባጋራ አሳ አይፊሶ ሚሳቲዛይ ዛምባ ሚሰሌዛኮ ጸሌሰ፤ ቃሴ ሃራ ባጋራ ጋም አይፊሶ ሚሳቲዛይ ዛምባ ሚሰሌዛኮ ጸሌሰ።

20 ወይጌፔ ዳንዲ ቢዲ ፔንጌታፔ ቦላ ባጋን ዲዛሶሆ ጋካናሰ፣ ጌሻሶሆ ጎዳ ዩሾ ኡባይ ሄሳ ማላን አሌቄቲዳሰ።

21 ጸሳ ከላ ፔንጌ ቆሲላላቲ ኡባይ ኦይዱ ዘዘ ጊዲዲ ማሰቲዳይታ፤ ኢሰቲ ኡባይካ ኢሲ ጊና።

ሚላፌ ኦሴቲዳ ያርሾ ያርሺዛሶ

22 ኡባፌ አዲዳ ጌሻሶሆ ጌሊዛሶ ሲንላን ሚላፌ ኦሴቲዳ ያርሾ ያርሺዛሶ ሚሳቲዛይ ቤቲሰ። ኢዚካ ኦይዱ ዘዘ ጊዲዲ ጌሳይ ሄቸ-ዋዳ፣ አሆቴላይ ናምኡ ዋዳ፣ አዲሳቲላይ ናምኡ ዋዳ፤ ጉላቲ፣ ዮቻቲኔ ዘዘቲ ሚላፌ ኦሴቲዳ፤ ሄ ቢታኔይ ታና፣ «ሃይሲ ጎዳ ሲንላን ዲዛ ጸራጸዛ» ጊዳሰ።

ጸሳ ከላ ፔንጌታ

23 ጌሻ ሶሆዛሰ ኢሲ ፔንጌይ ዳሰ፤ ቃሴ ኡባፌ አዲዳ ጌሻ ሶሆዛሰ ኢሲ ፔንጌይ ዳሰ።

24 ኢሲ ኢሲ ፔንጌሰ ጊዶን ዳኮቲዲ ዶዬቲዛ ናምኡ ሳንቃቲ ዳቲሰ።

25 ጌሻሶሆ ጎዳታ ቦላ ኦሴቲዳ ማላ፡ ፔንጌታ ሳንቃታ ቦላካ ኪሩቤታኔ ዛምባታ ሚሰሌይ ኦሴቲ ኡቲዳስ። ዳራንቻፔ ቦላ ባጋራ ሲንሳራ ዲዛ ሳንቃይ ሚላፌ ኦሴቲዳይሳ።

26 ሃ ዳራንቻ ጎዳታ ሚሌን ማሰኮቲቲ ዳቲስ። ናምኡ ባጋ ጎዳቲካ ዛምባ ሚሰሌን ኦላቁቲዳ፤ ሃዲርሳ ባጋራ ኡሻቻ ባጋራ ዲዛ ኪፊሌታስ ዴካ ባጋራ ካሚዛ ካራይ ዳስ።

42

ጸሳ ኬላ ማታን ኬጾቲዳ ናምኡ ኬላታ

1 ሃሳፌ ጉዬ ሃ ቢታኔይ ታና ፑዳሃ ባጋ ፔንጌራ ካሬ ዳባባ ካሌሊዳስ፤ ሂሰቲዲ ጸሳ ኬላ ጊዶ ዳባባ ገምቤራ ኦይኬቲዳ ኬላታ ታና ኤሂዳስ።

2 ሃ ኬላ ፔንጌይ ፑዳሃ ባጋ ሲሚዲ ጾቱ ዋቋ ኦዲሲኔ ኢቻሽ ታሙ ዋቋ ኦሆ።

3 ጊዶ ዛገፔ ናምኡ ታሙ ዋቋ ሃኪዲ ቃሴ ሲንሳ ባጋራ ካሬ ዛገዛን ዲዛ ሂጾቲዳ ሹቻፌ ሲንሳ ባጋራ ኢሶይ ኢሳኮ ጸሊዛ ሂቹ ዳሊ ዲዛ ፖቄይ ዳስ።

4 ሃ ኪፊሌታ ፔንጌቲ ፑዳሃ ባጋ ጾሌቲስ፤ ኢሰታፊ ሲንሳ ባጋራ ታሙ ዋቋ ኦሆኔ ጾቱ ዋቋ ኦዲሲ ጊዲዳ ጊዶራ ኦሊዛ ኦጌይ ዳስ።

5 ሃ ኬላስ ቦላ ሃቫንላ ፖቄይ ናምኦንላዛፔ ጾሚስ፤ ናምኦንላይ ቃሴ ኮይሮይሳፌ ጾሚስ። ጋሶይካ ኢሰቲ ኢሶይ ኢሳፌ ጉዬ ሸቄ ሸቄዲ ገምቤቲዳ ገሻሳ።

6 ቃሴ ኢሰቲ ሃቹ ፖቄ ጊዲዳ ገሻሳኔ ካሬ ዳባባን ዲዛ ሃራ ኬላታ ማላ ኢሰታስ ቱሳይ ባይንዳ ገሻሳ፤ ሃሳ ገሻሰ ቦላራ ዲዛ ፖቄ ኪፊሌቲ ጋርሳ ባጋን ዲዛ ፖቄ ኪፊሌታፔ ጾሚቲስ።

7 ሃ ኪፊሌታፔ ሲንሳ ባጋራ፡ ካሬ ዳባባ ጊዶን ኢቻሽ ታሙ ዋቋ ኦዲቁዛ ዲርሳ ገምቤይ ዳስ።

8 ካሬ ዳባባ ባጋራ ዲዛ ኪፊሌታ ኦዲሳቲላይ ኢቻሽ ታሙ ዋቋ ጊዲሺን ጸሳ ኬላ ሲንሳን ዲዛ ኪፊሌታ ኦዲሳቲላይ ጾቱ ዋቋ ጊዳስ።

9 ካሬ ዳባባፔ ጋሳ ጌሊዛ ዋዴ ኦርሼ ኬላ ባጋራ ጋርሳ ኪፊሌታ ጌሊዛ ፔንጌይ ዳስ።

10 ጸሳ ኬላፌ ዲጌሃ ባጋራ ካሬ ባጋን ዲዛ ገምቤራ ኦይኬቲ ኬጾቲዳ ካሬ ዳባባኮ ሲሚዳ ኪፊሌቲ ዳቲስ።

11 ሃ ኬላ ኪፊሌታ ሲንሳን ኦሳይ ሃሚቲዛ ኦጌይ ዳስ። ሃ ኬላይ ፑዳሃ ባጋን ዲዛ ኬላራ ኢሲ ማላ፤ ኦዲሳቲላይ፡ ኦሆቲላይ፡ ኪፊሌቲኔ ፔንጌቲ ኡባይ ኢሲ ገና።

12 ዲርሳ ገምቤይ ወሪዛሶን ኦርሼ ኬላ ባጋን ዲዛ ገምቤዛስ ዲጌሃ ባጋራ ዲዛ ኪፊሌታ ጌሊዛሶ ፔንጌይ ዳስ።

13 ሃሳፌ ጉዬ ሃ ቢታኔይ ታና፡ «ሃይቲ ኪፊሌቲ፡ ፑዳሃ ባጋራኔ ዲጌሃ ባጋራ ጸሳ ኬላ ካሬ ዳባባኮ ጸሊዛይቲ ቁሴታ ኪፊሌታ። ኢሰታ ጊዶን ጎዳ ሲንሳን ኦሊዛ ቁሴቲ ኡባፌ ኦዲዳ ጌሻ ቁማ ማና። ሃ ኪፊሌቲ ጌሽ ጊዲዳ ገሻሰ፡ ኡባፌ ኦዲዳ ጌሻ ኦሞታ፡ ሃይቲካ ካሳ ያርሾ፡ ናጋራ ያርሾኔ ቆሆ ያርሾ ኡባ ኢሰቲ ሃሳን ዋላና።

14 ጸሳ ኬላ ጌሊዳ ቁሴቲ ካሬ ዳባባ ኬዚዛ ዋዴ፡ ጎዳስ ኦሊዛ ዋዴ ማይኢዳ ጌሻ ማይኦ ኬሲዲ፡ ሃ ኪፊሌታን ዋላንታ ኬዜቲና። ጋሶይካ ማይኦቲ ጌሻ።

ኢሰቲ ካሬ ኦሳኮ ኬዚሽ ካሴ ማይኢዛ ሃራ ማይኦታ ማይኢዲ ኬሳናስ ኮሼስ» ጊዳስ።

ጸሳ ኬላ ካሬ ባጋ ዩሾ

15 ሃ ቢታኔይ ጸሳ ኬላ ጊዶ ዳባባን ዲዛ ኬላታ ዋቋ ወርሲዲ፡ ኦርሼ ኬላ ባጋ ጸሊዛ ዲርሳ ፔንጌራ ታና ካሬ ኬሲዳስ። ሂሰቲዲ ጸሳ ኬላ ሃራ ዩሼ ኦሊዲ ዋቋዳስ።

16 ዋቋዛ ጉፌ ኤኪዲ፡ ኦርሼ ኬላ ባጋ ዋቋን፡ ኦዲሳቲላይ 500 ዋቋ ጊዲዳስ።

17 ሲሚዲ ፑዳሃ ባጋ ሃ ጉፊዛን ዋቋዳስ፤ ሂሰቲን 500 ዋቋ ጊዲዳስ።

18 ሲሚዲ ዲጌሃ ባጋ ዋቋዳስ፤ ሂሰቲን 500 ዋቋ ጊዲዳስ።

19 ሲሚዲካ ኦርሼ ኬላ ባጋ ዋቋዳስ፤ ኢዚካ 500 ዋቋ ጊዲዳስ።

20 ሃሳ ማላ ኦሊዲ ኢዚ ኦይዲ ባጋታካ ሚዛኒዳስ። ኢዛ ዩሾን 500 ዋቋ ኦዲቁዲ፡ 500 ዋቋ ኦሊዛ ዲርሳ ገምቤይ ዳስ። ሃ ገምቤይ ጌሻሶሆ ሃንኮ ጮ ሶሆፔ ሻካናሳ።

43

ጸሳ ኬላ ሲሚዳ ጎዳ ቦንቾ

1 ሃሳፌ ጉዬ ሃ ቢታኔይ ታና ኦርሼ ኬላ ባጋ ጸሊዛ ፔንጌኮ ኤሂዳስ።

2 ታኒ ኢሰራኤሌ ጸሳ ቦንቾይ ኦርሼ ኬላ ባጋፌ ዩዛይሳ ቤያዲስ። ኢዛ ዩሳ ጩንጉርሳይ ዳር ኪጸ ሃላ ጉንላ ማላ፤ ቃሴ ቢታይካ ኢዛ ቦንቾን ፖኢዳስ።

3 ታኒ ቤኢዳ ኦዲታይ ካሴ ጎዳይ ዩራሳላሚ ካታማ ቆይሳናስ ዩዳ ዋዴ ቤኢዳ ኦዲታ ሚሳቲስ፤ ቃሴ ኮሶሪ ሻፋ ማታን ታኒ ቤኢዳ ኦዲታካ ሚሳቲስ። ሃሳ ቤያዳ ታኒ ሲንሳ ጉላ ጉፋናዲስ።

4 ጎዳ ቦንቾይ ኦርሼ ኬላ ጸሊዛ ፔንጌራ ጸሳ ኬላ ጊዶ ጌሊዳስ።

5 ሃ ዋዴ ጎዳ ኦያናይ ታና ፑዳ ዳንሊዲ ጊዶ ዳባባ ጌልሊዳስ፤ ሃኮ ጎዳ ቦንቾይ ጸሳ ኬላ ኩሚዳስ።

6 ሃሳን ሃ ቢታኔይ ታ ሚሌን ኤቁ ዲሺን ኢሶይ ጸሳ ኬላ ጊዶፌ ታስ ሃሳይሺን ታ ሲያዲስ።

7 ኢዚ «ሃይሶ ኦሳ ናወ፡ ሃይሶ ታ ኦልጋ ሶሆኔ ታ ቶሆይ ዩዲዛ ሶሆ። ታኒ ኢሰራኤሌ ኦሳ ጊዶን ሚርናስ ዳና። ሃይሳፌ ጉዬ ኢሰራኤሌ ኦሳ ጊዲን፡ ኢሰታ ካዋቲላ ጊዲን፡ ሃራ ጸሳታስ ጎይኒዲ ዋይኮ ሽምፖይ ባይንዳ ባንታ ካዋታ ሃወልቲ ጎይኖን ታ ጌሻ ሱንሳ ቱኒሴቲና።

8 ዋኒዲ ገኮ፡ ኢሲ ጎዳ ጸላላይ ታናኔ ኢሰታኔ ሻኪን፡ ባንታ ፔንጌ ታይሳ ሚሌን፡ ባንታ ፔንጌ ሚላካ ታይሳ ሚሌን ዋሊዳ። ሂሰቲዲ ባንታ ሼኒሲዛ ኦሶን ታ ጌሻ ሱንሳ ቱኒሲዳ። ሃሳ ገሻሰ ታኒ ታ ሃንቆን ኢሰታ ቆይሳዲስ።

9 ሃኢ ሲሚ ሃራ ጸሳታስ ጎይኒዛይሳ ኦጌቶ፤ ባንታ ካዋታ ሃወልቲካ ታ ኦቻፌ ዲጌቶ። ሂሰቲኮ ታኒ ኢሰታ ጊዶን ሚርናስ ዳና።»

10 «ሃይሶ ኦሳ ናወ፡ ታኒ ኔና ቤሲዳ ጸሳ ኬላ ኢሰራኤሌ ኦሳስ ዮታ፤ ኢሰቲ ባንቲ ኦሊዳ ናጋራን ዩላታና ማላ፡ ኢዛ ሚቆዛኔ ኢዚ ኬጾቲዳ ማራ ኢሰታስ ዮታ።

11 ኢሰቲ ባንቲ አሊዳይሳን ዩላቲዛይታ ገዲኮ፡
 ጸሳ ከላ ማጃ፡ አዚ ከጆቲዳ ማራ፡ ከዚዛ ሰሆታ፡
 ጌሊዛ ሰሆታኔ ኢዛ ኩሚላ ሚሰሌ ኢሰታሰ ቆንጨሳ፡፡
 ሃሳንካ ቃሴ ኢዛ ዋጋ ኡባኔ ኢዛ ማራ ኡባ ኢሰታ
 ኤሪሳ፡፡ ቃሴ ሄ ከላይ ዋሊ ከጆቲዳኮ፡ ኢሰቲ ዋጋ
 ኡባ ናገሩሲኔ ፖላናሰ ዳንዳያና ማላ ኔኒ ኢሰቲ
 ጸሊሽን ጸፋ፡፡

12 ጸሳ ከላ ዋጋይ ሃይሳ፡ ጸሳ ከላይ ከጆቲዳ ዳሬ
 ሁኔይኔ ኢዛ የሾን ዲዛ ሄራይ ኡባይ ኡባሬ አጂዳ
 ጌሻ ገዳና፡፡ ኤ፡ ጸሳ ከላ ዋጋይ ሃይሳ፡፡

ያርሺዛሶ

13 «ያርሺዛሶይ ካሴ ጸሳ ከላ ዋጂዛይሳንካ፡ ኢሲ
 ዋጃ ቦላ ኦይዱ ቢራጄታ ጉጂዳ፡ አዲሳ ዋጃን
 ዋጂቲዳሰ፡፡ ያርሺዛሶዛ ባሳ የሾን ኢሲ ዋጃ
 ዘቆዛይሳኔ ኢሲ ዋጃ ኦከዛ ኦላይ ዳሰ፤ ሄ ኦላሰ ካሬ
 ባጋ ዶና የሾይ ኢሲ ታቆኮ ኦከሰ፡፡ ያርሺዛሶዛ
 ቆቃቲላይ ሃይሳ ማላ፡፡

14 ባሳፔ ቢዱ ኮይሮ የሾ ጋካናሰ ናምኡ ዋጃ፤
 ናምኦንላ የሾይ ኢሲ ዋጃ ሶኮ ሸቂ ዶሚዱ ኦይዱ
 ዋጃ ቆቁሰ፤ ቃሴካ ኢሲ ዋጃ ገዶ ሸቂዱ፡፡

15 ያርሾይ ጸጌቲዛ ጮጮይ ዲዛ ሃቫንላ የሾይ
 ኦይዱ ዋጃ ቆቁሰ፡፡ አዚ ኦይዱ ዘዜ ገዲዱ፡፡ ኦይዱ
 ጉላንካ ኢሲ ኢሲ ካጮይ ዳሰ፡፡

16 ያርሾ ጸጌዛ ጮጮይ ኦይዱ ዘዜ ገዲዱ፡፡
 አዲሳቲላይ ታማኔ ናምኡ ዋጃ፡፡ አሆቲላይካ ታማኔ
 ናምኡ ዋጃ፡፡

17 ሃሳሳካ ናምኦንላ ከቻይ ኦይዱ ባጋራ ገና
 ገዲዱ አዲሳቲላይ 14 ዋጃ፡፡ አሆቲላይካ 14 ዋጃ፡፡
 ኢዛሰ ባጋ ዋጃ ዘዜይኔ የዩ አቆናሰ ኢሲ ዋጃ ኦላይ
 ዳሰ፤ ያርሺዛሶዛ ቆካቲ ኦርሾይ ሞኪዛሶ ባጋ ገናን
 ዳቲሰ» ገደሰ፡፡

18 ቃሴካ ኢዚ ታና፡ «ሃይሶ አሳ ናወ፡ ኡባ ሃሪዛ
 ጎዳይ፡፡ ያርሺዛሶ ዋጋይ ሃይሳ፡፡ ጸጌዛ ያርሾ
 ያርሻናሲኔ ሱላ አራጫናሰ፡፡ ያርሺዛሶ ገምቢዱ ፖሊዛ
 ጋላሰ፡፡

19 ታኮ ሸቂዱ፡፡ ታሰ ኦሊዛ ሳዶቄ ዛሬፔ ዩሌቲዳ
 ሌዌ ዛሬ ቁሴታሰ ናጋራ ያርሾ ኦላዳ ኢሲ ዋፋኖ አማ፡፡
 ታኒ ኡባ ሃሪዛ ጎዳይ ሃይሳ የታይሰ፡፡

20 ኔኒ ሄ ሱላሬ ኤካዳ፡፡ ኦይዱ ካጮታ፡፡ ናምኦንላ
 የሾ ኦይዱ ዘዜዛኔ ሄ የሾሰ ጋጾ ቲያ፡፡ ሃሳ ማላ
 ኦላዳ ያርሺዛሶዛ ቲናቲላሬ ጌሻ፡፡

21 ቃሴ ናጋራ ያርሾሰ አማቲዳ ሄ ዋፋና ኤካዳ፡፡
 ጸሳ ከላ ገዲዱ፡፡ ጌሻ ሰሆፔ ካሬ ባጋራ ኢዛሰ
 አዛዜቲዳ ሰሆን ጸጋ፡፡

22 « ሰንቲላ ጋላሰ ቦሬይ ባይንዳ ዲዛ ኢሲ
 ዳይሻ ኦርጌ ኤካዳ ናጋራ ያርሾሰ ያርሻ፡፡ ካሴ ዋፋኖዛ
 ሱላን ጌሺዳ ማላ፡፡ ሄ ዳይሻ ኦርጌዛ ሱላን ያርሺዛሶ
 ጌሻ፡፡

23 ሂሰታዳ ቦሬይ ባይንዳ ዲዛ ኢሲ ዋፋኖ ቦሬይ
 ባይንዳ ዲዛ ኢሲ ቆርሾ ኤካዳ፡፡

24 ናምኦካ ጎዳ ሲንላ ሸቂ፡፡ ሂሰቲዳፔ ጉዬ ቁሴቲ
 ኢሰታ ቦላ ማጸኔ ዩጊዱ ጎዳሰ ጸጌቲዛ ያርሾ ሂሰቲ
 ያርሾቶ፡፡

25 « ሳፑን ጋላሰ ኩሚላ፡ ሃቶ ሃቶ ኢሲ ዳይሻ
 ኦርጌ ናጋራ ያርሾሰ፡፡ ቃሴ ኢዛ ቦላ ቦሬይ ባይንዳ
 ዋፋኖ ኢሲ ቆርሾ ሸቂ፡፡

26 ቁሴቲ ሳፑን ጋላሰ ኩሚላ ያርሺዛሶዛ ቲናቲላሬ
 ጌሹቶ፡፡ ሂሰቲዱ ጎዳሰ ኢዛ ዲማሴቶ፡፡

27 ሃ ጋላሳቲ ወሪዛ ዋዴ፡፡ ኦሰፑንላ ጋላሳሬ
 ዶሚዱ፡፡ ቁሴቲ ኢንቲ ጸጌቲዛ ያርሾኔ ኢንቲ ኢሲሬቲላ
 ያርሾ ያርሺዛሶ ቦላን ያርሾቶ፡፡ ሄ ዋዴ ታኒ ኢንቲናን
 ኡፋዬታና፡፡ ታኒ ኡባ ሃሪዛ ጎዳይ ሃይሳ የታይሰ፡፡
 ጌሰ» ገደሰ፡፡

44

ኦርሾ ከሳ ባጋ ፔንጌ ዋጋ

1 ሃሳሬ ጉዬ ሄ ቢታኔይ ታና ጉዬ ዛሪዱ ጸሳ
 ከላሰ ኦርሾ ከሳ ባጋራ ዲዛ ካሬ ባጋ ዲርሳ ፔንጌኮ
 ኤሂዳሰ፤ አዚ ኤሂዛ ዋዴ ዲርሳ ፔንጌይ ጎርዳቲ
 ኡቲዳሰ፡፡

2 ጎዳይ፡፡ «ታና ሃ ፔንጌይ ጎርዳን ዳኦናፔ አቲን
 ናምኦንላ ዶዬቲና፡፡ አሲካ ኢዛራ ጌሌና፤ አይሰ ጊኮ
 ጎዳ ኢሰራኤሌ ጸሳይ ኢዛራ ጌሊዳሰ፡፡ ሃሳ ጊሻሰ ሄ
 ፔንጌይ ጎርዳን ዳና፡፡

3 ገዲኮካ ኢሰራኤሌ ሃላቃይ ጎዳ ሲንላን ኡከላ
 ማናሰ ሃሳን ኡታና ዳንዳዬሰ፡፡ ፔንጌ ዳራንቻራ ኢዚ
 ጌላናሲኔ ከዛናሰ ዳንዳዬሰ» ገደሰ፡፡

ጸሳ ከላ ጌሎ ዋጋ

4 ሃሳሬ ጉዬ ሃሳዳይ ታና ፑዳሃ ፔንጌኮ ኤፊዛ
 ኦጌራ ኤፊዱ፡፡ ጸሳ ከላሰ ሲንላ ባጋ ጋሊዳሰ፡፡ ሃሳን
 ታኒ ጸሊዛ ዋዴ ሄኮ፡፡ ጎዳ ቦንቶይ ጸሳ ከላ ኩሚ
 ኡቲዳይሳ ቤያዲሰ፤ ቤያዳ ታ ሲንላ ጉላ ጉፋናዲሰ፡፡

5 ሂሰቲን ጎዳይ ታና፡፡ «ሃይሶ አሳ ናወ፡፡ ጸሳ ከላ
 ዋጋታ ኡባኔ ኢዛ ማራታ ኡባ ጸሊዛይሳን ታኒ ኔሰ
 የቲዛይሳ ኔ ሃይሳን ሚንላዳ ሲያ፤ ኔ አይሬንካ
 ሚንላዳ ዳላ፡፡ ጸሳ ከላ ጌላናሲኔ ከዛናሰ ቤሲዛ
 አሳቲኔ ቤሶንታ አሳቲ አዋይታኮ ሚንላዳ አከካ፡፡

6 ማካላንቻ ኢሰራኤሌ አሳሰ ኡባ ሃሪዛ ጎዳይ፡፡
 ሳኒቴኖ ኢሰራኤሌ አሳቶ፡፡ ኢንቲ ኦሊዛ ቲና ኦሶይ
 ኤቆ፡፡

7 ኢንቲ ታሰ ታ ቁማ፡፡ ሞጶኔ ሱላ ያርሾ ኦሊዱ
 ሸሺዛ ዋዴ፡፡ ዋዘናይኔ አሾይ ቃጸሬቶንታ አላጋ አሳታ
 ጸሳ ከላ ጌላዲ ኢሰቲ ኢዛ ቲኒሳና ማላ ኦሊዳታ፡፡
 ኢንቲ ቲናቲላ ኡባ ቦላካ ጉጂዱ ታ ጫቆዛ ላሊዳታ፡፡

8 ቃሴ ታ ጌሻ ሚሻታ ቦላ አዋቶንታ ኢዲዱ፡፡ ታ
 ከላን አላጋታ አዋሲዳታ፡፡

9 ሃሳ ጊሻሰ ኡባ ሃሪዛ ጎዳይ፡፡ ኢሰራኤሌ አሳ
 ገደን ዲዛ አላጋ አሲ፡፡ ባ ዋዘናኒኔ ባ አሾን
 ቃጸሬቶንታይ፡፡ ኦኒኔ ታ ጸሳ ከላ ጌሎ፡፡

ሌዌቲ ኤከዛ ቁጻቲ

10 « ሳፑፔ ሃኪዳ ሌዌቲ፡፡ ኢሰራኤሌ አሳይ ታና
 አገዱ ዋራ ሲሚን፡፡ ባንታ ኤቃታሰ ጎይናናሰ ዋራ
 ሲሚዳይቲ ባንታ ቁጻቲ ኤከቶ፡፡

11 ገዲኮካ ኢሰቲ ጸሳ ከላን ኦሳንቻ ገደቶ፤ ጸሳ
 ከላ ዲርሳ ፔንጌታ ናጌቶ፤ ጸሳ ከላ ኦሶካ ኦሊቶ፡፡
 ኢሰቲ ጸጌዛ ያርሾኔ አሳይ ኤሂዛ ሃራ ያርሾ ሹከቶ፤
 ቃሴ አሳሰ ኦላናሰ ኢሰቲ አሳኮ ሸቂቶ፡፡

12 ገደ አቲን ኢስቲ ካሴ ኢሰራኤል አሳ ኤቃታሰ ጎይኒሲዳ ገሻሲኔ አሳ ናጋራን ኮንገዛ ጳጳሪ ገደዳ ገሻሰ፡ ኢስቲ ባንታ ናጋራ ቁጻቴ ኤካና ማላ ታኒ ኩሼ ዳንፋዳ ጫቃዲሰ፡ ታኒ ኡባ ሃሪዛ ጎዳይ ሃይሳ የታይሰ፡

13 ኢስቲ ቁሴ ገደዳዬ ኦላናሰ ታኮ ሺቁቴና፤ ወይኮ ታሰ ዲማቲዳ ገሻኮኔ ኡባፌ አዲዳ ገሻኮ ሺቁቴና፡ ኢስቲ ባንታ ኦሊዳ ቱና ኦሶ ገሻሰ ዬላ ማይኤቶ፡

14 ገደደኮካ ኢስቲ ጸሳ ኬላን አዋታና ማላኔ ኢዛ ገደን ኦላናሰ ዲዛ ኦሶ ኡባካ ኦላና ማላ፡ ታኒ ኢስታ ስንላና፡

ቁሴታ ዋጋ

15 « ሪደ አቲን ኢሰራኤል አሳይ ታና አገዲ፡ ዋራ ሰሚዳ ወዴ፡ ጸሳ ኬላ ዋጋ አማኔቲዲ ፖሊዳ፡ ለዌ ዛሬ ቁሴቲ ሳዶቁ ዛሬቲ ታሰ ኦላናሰ ታኮ ሺቁቶ፡ ዋዶኔ ሱላ ሺሺቪ፡ ኢስቲ ታ ሲንላን ኦሌቶ፡ ታኒ ኡባ ሃሪዛ ጎዳይ ሃይሳ የታይሰ፡

16 ጸሳ ኬላ ኢስቲ ጌሌቶ፤ ታሰ ኦላናሰ ታ ያርሺዛሶ ኢስቲ ሺቁቶ፤ አዋቴላካ ኢስቲ ኦይኬቶ፡

17 ኢስቲ ጸሳ ኬላሰ ገደ ዳባባ ጌሊዛ ወዴ፡ ላይናፕ ዳዴቲዳ ማይኦ ማይኤቶ፤ ገደ ዳባባ ፔንጌን ወይኮ ጸሳ ኬላ ገደን ኦሊዛ ወዴ፡ ሱፊ ማይኦ ማይኦፊቶ፡

18 ኢስቲ ባንታ ሁኤን ላይኖ ሻሽ ጸጾቶ፤ ባንታ ጸሳንካ ላይኖ ሱፊ ገጾቶ፡ ባና ጫዋሲዛ ሚሽ ኦይኮካ ማይኦፊቶ፡

19 አሳይ ዲዛ ካሬ ዳባባ ኢስቲ ኬዚዛ ወዴ፡ ጸሳ ኬላን ኦሊሼ ማይኤዳ ማይኦ ቃሪዲ ገሻ ኪፊሌታን ዋሌቶ፡ ሂሰቶንታ ኦጊኮ ኢስቲ ባንታ ገሻ ማይኦን አሳ ጎዳሰ ገሻና፡

20 « ቁሴቲ ባንታ ሁኤ ማዴቶፊቶ፡ ወይኮ ባንታ ቢናና ኦዲሶፊቶ፤ ባንታ ሁኤ ሊኬን ቃንጺሴቶ፡

21 አይ ቁሴይካ ገደ ዳባባ ጌሊዛ ወዴ ወይኦ ኡሹ ኡኖ፡

22 ኢስታ አዚናይ ሃይቁዳ፡ ወይኮ አንጃታ ቢዳ ማጫሰ ማቾ ኤኮፊቶ፡ ኢሰራኤል አሳፕ ጌላኦ ኤኬቶ፤ ወይኮ አዚናይ ቁሴ ገደዳዬ ዲሼ ሃይቁዳ ማጫሳ ኤኬቶ፡

23 « ቁሴቲ ጎዳሰ ዲማቲዳይሳፊኔ ዲማቶንታ ጮ ዲዛይሳፊ ገደን ዲዛ ዲማቲላ ታ አሳ ታማርሴቶ፡ ቃሴ ገሻፊኔ ቱናፕ ገደን ዲዛ ዲማቲላ ኢስታ ቤሴቶ፡

24 አይ ዋቶይ ዳንዲኮካ ቁሴቲ ታ ዋጋይ የቲዛይሳ ማላ ፐርዴቶ፡ ታ ማራኔ ታ ዋጋ ናገዲ፡ ታ ባኦሌታ ቦንቼቶ፤ ታ ሳምባታካ ዲማሲዲ ቦንቼቶ፡

25 « ቁሴይ ሃይቁዳ ኦሃኮ ሺቁዲ ባና ቱኒሶ፡ ገደኮካ ሃይቁዳይሲ አዋ፡ ወይኮ አየ፡ ወይኮ ዬሊዳ አቲማ ና፡ ወይኮ ማጫ ና፡ ወይኮ ኢሻ፡ ወይኮ አዚና ጌሎንታ ሚቾ ገደኮ ቦቻና ዳንዳይሰ፡

26 ጌዱዳፕ ጉዬ ላፑን ጋላሰ ታኮ፡ ሃሳፊ ጉዬ ኢዚ ገሽ ገደና፡

27 ሃሳፊ ሰሚዲ ገሻሶሆን ኦላናሰ ገደ ዳባባ ቢዛ ጋላሰ፡ ባ ናጋራሰ ያርሾ ሺሾ፡ ታኒ ኡባ ሃሪዛ ጎዳይ ሃይሳ የታይሰ፡

28 « ቁሴታሰ ላታይ ባዋ፤ ታኒ ኢስታሰ ላታ፡ ኢሰራኤል ቢታን ኢስታሰ አይ ላታ አሞፍቴ፤ ኢስታ ላታይ ታና፡

29 ኢስቲ ካላ ያርሾ፡ ናጋራ ያርሾኔ ቆሆ ያርሾ ሜቶ፡ ኢሰራኤል ቢታን ጎዳሰ ዲማቲዳይ ኡባይ ኢስታሳ፡

30 ኮይር ጋከዛ ዲማ ዲማ ካላሰ ኮይር አይፊይኔ አንቴ ጎዳሰ አሚዛ አሞታ ኡባይ ቁሴታሳ፡ አንቴ ኬላን አንጃይ ሺምፓና ማላ፡ አንቴ ዲሌፊ ኮይር ኩሼ ኢስታሰ አሚቲ፡

31 ቁሴቲ ባጫቲዳይሳ ወይኮ ደአይ ወዳዳይሳ ካፎ አሾ ገደን፡ ማሄ አሾ ገደን አይኮካ ሞፕቶ፡

45

ጎዳሰ ዲማቲዛ ገሻ

1 « ሲታ አንቴ ላታናሰ ሳማን ሻኪዛ ወዴ፡ ሄ ቢታፊ ኢሲ ሳማ ጎዳሰ ዲማሲዲ ዋላቴ፡ ሄሲካ ታማኔ ናምኡ ኪሎ ሜቲሬኔ ባጋ አዲቁዛኔ ታሙ ኪሎ ሜቲሬ አኪዛ ሶሆ ገደ፡ ሄ ሶሆይ ሙሌካ ገሻሶሆ ገደ፡

2 ሄ ሶሆፕ አዲሳቴላይ 500 ዋዳ፡ አሆቴላይካ 500 ዋዳ ገደዳ ኦይዲ ጉላይ ዲዛይ ጸሳ ኬላሰ ገደ፤ ኢዛ የሾን ኢቻሽ ታሙ ዋዳ ገደዳ ደያ ሶሆይ ደዮ፡

3 ሄ ጎዳሰ ዲማቲዳ ሶሆፕ አዲሳቴላይ ታማኔ ናምኡ ኪሎ ሜቲሬኔ ባጋ፡ አሆቴላይ ቃሴ ኢቻሽ ኪሎ ሜቲሬ ገደዳ ሶሆ ዋዳዳ ሻካ፡ ሄ ሶሆይ ኡባፊ አዲዳ ገሻ ሶሆይ ጸሳ ኬላሰ ገደ፡

4 ሄሲ ጸሳ ኬላ ገደን ጎዳሰ ኦላናሰ፡ ኢዛኮ ሺቁዛ ቁሴታሰ ዲማቲዳ ገሻሶሆ ገደ፤ ቃሴ ኢስቲ ባንታ ኬላ ኬጺዛ ሶሆኔ ጸሳ ኬላሰካ ገሻሶሆ ገደ፡

5 ቃሴ አቲዛ ታማኔ ናምኡ ኪሎ ሜቲሬ ባጋ አዲቁዛኔ ኢቻሽ ኪሎ ሜቲሬ ባጋ አኪዛ ሶሆይ ጸሳ ኬላን ኦሊዛ ለዌታሰ ላታ ገደ፤ ኢስቲ ባሰ ዴኢዛ ካታማታ ሄሳን ኬጾቶ፡

6 « ሄ ጎዳሰ ዲማቲዳ ሶሆዛ ሚሌን ታማኔ ናምኡ ኪሎ ሜቲሬኔ ባጋ አዲቁዛኔ ናምኡ ኪሎ ሜቲሬኔ ባጋ አኪዛ ሶሆይ ካታማ ኬጻናሰ ዴኦ፤ ሄ ሶሆይ ኢሰራኤል አሳሰ ኡባሰ ገደ፡

ኢሰራኤል ሃላቃሰ አሚቲዳ ገሻ

7 « ሲሰራኤል ሃላቃሰ አሚቲዳ ገሻይ ናምኡ ባጋራካ ጎዳሰ ዲማቲዳ ሶሆኒኔ ካታማ ሶሆን ዛዋቴሰ፡ ኢዚ አርሼ ጌሎሶ ባጋራ ሜዲቴራኔ አባ ጋኬሰ፤ አርሼ ኬሳ ባጋራ ቢዲ ኢሰራኤል ቢታ ዛዋ ጋኬሰ፤ ኢዛሰ አዲሳቴላይካ ኢሲ ቆሞሰ አሚቲዛ ጸንጾ ገና ገደሰ፡

8 ሄ ገሻይ ኢሰራኤል ቢታ ሃላቃሰ ላታ ጋዴ ገደ፡ ሃይሳፊ ሰንላን ታ ሃላቃቲ ታ አሳ ዋዩሶፕቶ፤ ኢስቲ ኢሰራኤል አሳይ ኡባይ ባ ዛሬን ዛሬን ጋዴ ኤካና ማላ ኦሌቶ፡

ሃላቃሰ አሚቲዳ ዋጋ

9 « ሱባ ሃሪዛ ጎዳይ፡ አንቴኖ ኢሰራኤል ሃላቃቶ፡ አንቴሰ ሃኢ ገደና! አንቴ ሻባርሲዛይሳኔ አሳ ኡንኤላዚይሳ ኦጊቲ፤ ሱፊ ፐርዳኔ ጸሎቴላ ኦሊቴ፡ ታ አሳ ኢስታ ላታ ቢታፊ ቆቃሊዲ ጎዲዛይሳ ኦጊቲ፡ ታኒ ኡባ ሃሪዛ ጎዳይ ሃይሳ የታይሰ፡

46

10 እንቲ ኡባሲካ ሊኬ ጌዳራይኔ ማካ ሚሽ ዴ።
 11 እንቲሰ ማካ ሚሻሰ ጊዶ ጊዳዛ ሆሚሬ ጌቲቲዛ ማካ ሚሽ ዴ፤ ኢሲ ባዶሴይ ሆሚሬሰ ታማሬ ኢሲ ኩሼ ጊዳሺን፤ ኢሲ ኤፌይ ሆሚሬሰ ታማሬ ኢሲ ኩሼ ጊዳሰ። ሆሚሬይ ናምኡ ጌዳራታሲካ ኤሬቲዳ ማካ ጌዳራ ሚሽ ጊዶ። *
 12 ኢሲ ሳቁሌይ ናምኡ ታሙ ጌራ ጊዳሰ፤ ናምኡ ታሙ ሳቁሌ ቦላ ናምኡ ታማኔ ኢቻሽ ሳቁሌ ቃሴካ ታማኔ ኢቻሽ ሳቁሌ ጉጂሽን ኢሲ ሚናኔ ጊዳሰ። †
 13 « ሳንቲቲ አምታ አሚሼ ሃይሳ ማላ ሂሰቲ አሚቲ። እንቲ ቡኪ ሺሺዛ ጊሰቴሬ ኡሱቸን ታማሬ ኢሲ ኩሼ፤ ባንጋሬ ኡሱቸን ታማሬ ኢሲ ኩሼ።
 14 ቃሴ ዋጋራ ዛይቲ፤ ጳታ፤ ኢሲ ኩሼ አሚቲ። ሃይታ ሚዛኒዛ ዋዴ፤ ኒኒ ማኪዛ ሚሻይ ባቲ ጊዶ። ታሙ ባቲይ ኢሲ ሆሚሬ ዋይኮ ኢሲ ኮሬ ጊዳሰ።
 15 ኢሰራኤሌ አሳይ ሄሚዛ ናምኡ ናምኡ ጴቲ ማህይ ዲዛ ኢሲ ወዳ፤ ኢሲ ኢሲ ማህ አሚቲ። ሃይቲ አሳ ናጋራ አቶ ጊሳናሰ ካላ ያርሾ፤ ጸጌቲዛ ያርሾ ኢሲሬቲላ ያርሾ ጊዳቶ። ታኒ ኡባ ሃሪዛ ጎዳይ ሃይሳ ፍታይሰ።
 16 ቢታን ዲዛ አሳይ ኡባይ ሃይሳ ኡባ ኢሰራኤሌ ሃላቃሰ አም።
 17 ሃላቃዚ ኢሰራኤሌ አሳይ ቦንቲዛ ባኣሌታን፤ አገሪይ ጳሪዛ ጋላሳታኒ ሳምባታታን ጸጌዛ ያርሾታ፤ ካላ ያርሾታኔ ኡሻ ያርሾታ ሺሺ አም። ኢሰራኤሌ አሳ ናጋራ አቶ ጊሳናሰ፤ ናጋራ ያርሾታ፤ ካላ ያርሾታ፤ ጸጌቲዛ ያርሾታኔ ኢሲሬቲላ ያርሾታ ኡባ ኢዚ ሺሺ አም።
 18 « ሳንቲቲ ሃሪዛ ጎዳይ፤ ኮይሮ አገሪን፤ ኮይሮ ጋላሰ ቦሬይ ባይንዳ ዲዛ ኢሲ ዋፋኖ ጸሳ ኬላ ጌሻናሰ ሺሻ።
 19 ቁሴይ ሃ ናጋራ ያርሾ ሱላሬ ኤኪዳ፤ ጸሳ ኬላ ፔንጌ ቆሲላላታ፤ ያርሺዛሰ ዩሾን ዲዛ ኦይዳ ዘዜታኔ ጊዶ ዳባባ ኤሬዛ ዲርሳ ፔንጌ ቆሲላላታ ቲዮ።
 20 ኦኒካ ቆፖንታ ዋይኮ ኤርንታ ኢዲ ኦሊዳ ናጋራ አቶ ጊሳናሰ፤ አገሪሰ ላቸንላ ጋላሳን ሃሳ ማላንካ አላ። ሂሰታዳ ጸሳ ኬላ ቱናቲላሬ ጌሻ።
 21 « ሳንቲቲ አገሪን፤ ታማኔ ኦይዳንላ ጋላሳን ፓዚጋ ባኣሌ ቦንቲቲ፤ ቃሴ ላቸን ጋላሰ ጋካናሰ ኢርሾይ ጌሎንታ ኡኬላ ሚቲ።
 22 ሃ ኮይሮ ጋላሳን ሃላቃይ ባ ጊሻሲኔ ባ አሳ ጊሻሰ ናጋራ ያርሾ ኦሊዳ ኢሲ ዋፋኖ ሺሺ አም።
 23 ሃ ባኣሌይ ቦንቲቲዛ ላቸን ጋላሳታን ሃች ሃች ላቸን ዋፋኖታኔ ላቸን ጳርሾታ ኡባይካ ቦሬይ ባይንዳ ቦላራ ዲዛይታ ጸጌቲዛ ያርሾ ኦሊዳ፤ ጎዳሰ ሺሻ። ሃሳራካ ኢሲሬ ናጋራ ያርሾሰ ሃች ሃች ኢሲ ዴይሻ ኦርጌ ሺሺ አም።
 24 ኢሲ ኢሲ ዋፋኖ ኢሲ ኢሲ ጳርሾ ያርሺዛ ዋዴ፤ ካላ ያርሾሰ ታማኔ ላቸን ኪሎ ጊራሚ ጊሰቴኔ ሃሹ ሃሹ ለቲሮ ዛይቲ ሺሺ አም።
 25 « ላቸንላ አገሪን፤ ታማኔ ኢቻሻንላ ጋላሳን ደሚዛ ላቸን ጋላሰ ባኣሌ ዋዴን ኡባን፤ ናጋራ ያርሾ፤ ጸጌቲዛ ያርሾ፤ ካላ ያርሾኔ ዛይቲ ካሴይሳሬ ዲማሶንታ ሃላቃይ ሺሺ አም።

ያርሾ ዋጋ

1 « ሳንቲቲ ሃሪዛ ጎዳይ፤ ጊዶ ዳባባ ጌልሊዛ ኣርሾ ኬሳ ባጋ ዲርሳ ፔንጌይ ኦሶ ጋላሰ ኡሱቸንካ ጎርዴቲ ጋምኦ፤ ጊዶ ኣቲን ሳምባታ ጋላሲኔ አገሪይ ጳሪዛ ጋላሰ ደዬቶ።
 2 ኢሰራኤሌ አሳ ሃላቃይ ዲርሳሰ ፔንጌ ባጋ ዳባባ፤ ጌሊዛ ዳራንቻ ባጋራ ጌሊዳ፤ ዲርሳ ፔንጌ ሚላ ማታን ኤቆ። ቁሴቲ ኢዚ አሚዳ ጸጌቲዛ ያርሾኔ ኢሲሬቲላ ያርሾ ያርሾቶ። ኢዚ ሃሳን ዲርሳ ፔንጌን ጎይኒ ሰሚዲ ካሬ ኬዘ። ጊዶ ኣቲን ዲርሳ ፔንጌይ አማርሳና ጋካናሰ ጎርዴቶ።
 3 ሄ ቢታ አሳይካ ሳምባታኒ አገሪይ ጳሪዛ ዋዴን ሄ ጊዶ ዳባባ ዲርሳ ፔንጌ ጌሊዛሰን ጎዳ ሲንላን ጎይኔቶ።
 4 « ሃላቃይ ሳምባታ ጋላሰ ጎዳሰ ጸጌቲዛ ያርሾ ኦሊዳ፤ ኡሱቸን ደርሳ ላቃኔ ኢሲ ጳርሾ፤ ኡባይካ ቦሬይ ባይንዳ ዲዛይታ ሺሻ።
 5 ኢሲ ጳርሾራ ታማኔ ላቸን ኪሎ ጊራሚ ካላ ያርሾ ሺሻ። ደርሳ ላቃታራ ሺቁዛ ካላ ያርሾይ ሃላቃይ ባሰ ሺሻናሰ ኮዩዳይሳ ኬና ሺሻ አም። ቃሴ ታማኔ ላቸን ኪሎ ጊራሚ ካላራ ሃሹ ሃሹ ለቲሮ ዛይቲ ሺሻ አም።
 6 አገሪይ ጳሪዛ ጋላሰ ጋላሰ ቃሴ ኢሲ ዋፋኖ፤ ኡሱቸን ደርሳ ላቃኔ ኢሲ ጳርሾ፤ ቦሬይ ባይንዳ ቦላራ ዲዛይታ ኡባ ሺሻ አም።
 7 ኢሲ ኢሲ ዋፋኖ ኢሲ ኢሲ ጳርሾ ያርሺዛ ዋዴ፤ ካላ ያርሾሰ ታማኔ ላቸን ኪሎ ጊራሚ ጊሰቴኔ ሃሹ ሃሹ ለቲሮ ዛይቲ ሺሻ አም። ደርሳ ላቃታራ ሺቁዛ ካላ ያርሾይ ሃላቃይ ባሰ ሺሻናሰ ኮዩዳይሳ ኬና ጊዶ።
 8 ሃላቃይ ጌልሊሾ፤ ዲርሳ ፔንጌ ዳራንቻራ አጲዲ ጌሎ፤ ኬዚሾካ ሃሳራ ኬዘ።
 9 « ሳንቲቲ ሃሪዛ ጎዳይ፤ ሃሪዛ ጎዳይ ባኣሌ ጋላሰ ጎዳ ሲንላን ጎይናሰ ዩዛ ዋዴ፤ ጎይናሰ ፑዴሃ ባጋ ፔንጌራ ጌሊዳይቲ ዲንሃ ባጋ ፔንጌራ ኬዜቶ፤ ቃሴ ዲንሃ ባጋ ፔንጌራ ጌሊዳይቲ ፑዴሃ ባጋ ፔንጌራ ኬዜቶ። አይ ኣሲኔ ባ ሲንላን ዲዛ ፔንጌራ ሰቲ ጊዳ ኬዘ ኣቲን ባ ጌሊዳሶራ ኬዘ።
 10 ኢሰቲ ጌሊዛ ዋዴ ሃላቃይ ኢሰታራ ጌሎ፤ ኢሰቲ ኬዚዛ ዋዴካ ኢሰታራ ኬዘ።
 11 « ሳንቲቲ ጋላሳታኒ ላይላ ባኣሌታን ኢሲ ኢሲ ዋፋኖ ኢሲ ኢሲ ጳርሾራ ሺቁዛ ካላ ያርሾይ ታማኔ ላቸን ኪሎ ጊራሚ ጊሰቴኔ ሃሹ ሃሹ ለቲሮ ዛይቲ ጊዶ። ቃሴ ደርሳ ላቃታራ ሺቁዛ ያርሾይ ሃላቃይ ባሰ ሺሻናሰ ኮዩዳይሳ ኬና ጊዶ።
 12 ሃላቃይ ባ ደሳን አሚዛ ያርሾ፤ ጸጌቲዛ ያርሾዛ፤ ዋይኮ ኢሲሬቲላ ያርሾዛ ጎዳሰ ኤሃዛ ዋዴ፤ ኣርሾይ ሞኪዛሰ ባጋ ጊዶ ዳባባ ፔንጌይ ኢዛሰ ደዬቶ። ባ ጸጌ ሺሻዛ ያርሾዛ ዋይኮ ኢሲሬቲላ ያርሾ ሳምባታ ጋላሰ ኢዚ ሺሻዛ ማላ ሺሻ አም። ሂሰቲዲ ኢዚ ኬዚዲ ቢን ዲርሳ ፔንጌይ ጎርዴቶ።
 ሃች ሃች ሺሻዛ ያርሾ
 13 « ሃላቃይ ሃች ሃች ቦሬይ ባይንዳ ቦላራ ዲዛ ኢሲ ላይላ ጊዳዳ ኢሲ ደርሳ ጸጌዛ ያርሾ ኦሊዳ

* 45:11 ኢሲ ሆሚሬይ ናምኡ ጴታኔ ናምኡ ታሙ ኪሎ ጊራሚ ዋይኮ ናምኡ ጴታኔ ናምኡ ታሙ ለቲሮ ጊዳሰ። † 45:12 ኢሲ ሳቁሌይ ታማኔ ኢሲ ጊራሚ ባጋ ዴዳሰ።

ጎዳስ ሺሺ አም፤ ኢዚ ሄሳ ማላዶ ማላዶ ፓጩይ ባይንዳ ኤሆ።

14 ሄሳራካ ናምኡ ከሎ ገራሚ ዲሌይ ኢሲ ለቲር ዛይቲን ሙኑቁቲዳ፣ ማላዶ ማላዶ ካላ ያርሾ ገዲዲ ሺቆ። ሃይሲ ኢንቲ ጎዳስ ሃኙ ሃኙ ሺሺዛ ያርሾ ዋጋ።

15 ሃይሲ ሲሚ ዳርሾይ፣ ካላይኔ ዛይቲይ ፓጩይ ባይንዳ ማላዶ ማላዶ ጸጌቲዛ ያርሾ ገዲ ሺቃናሰ ቤሴሰ።

ሃላቃ ጋዳስ አሜቲዳ ዋጋ

16 « ሉባ ሃሪዛ ጎዳይ፣ ሃላቃይ ባ ጋዳፔ ሻኪዲ፣ ባ አቱማ ናይታፔ አሳሰ አሚኮ፣ ሄሲ ሄ ናዛሲኔ ኢዛ ናሰ ላታ ገዴሰ።

17 ገዶ አቲን ሃላቃይ ባ ጋዳፔ ሻኪዲ ባ አይሌታፔ አሳሰ አሚኮ፣ ኢቻሽ ታማንላ ላይላ ባአሌይ ጋካናሰ ሄ ጋዳይ ኢዛይሳ። ሃሳፌ ጉዬ ሃላቃሰ ሲሞ፣ ሄሲ ሃላቃሰ ገዲዳ ገሻሰ ሜርናሰ ኢዛሲኔ ኢዛ ናይታሰ ላታ ገዴሰ።

18 ሃላቃይ አሰ ሱጊዲ አሳ ላታ ጋዳ ዋልቃን ኤኮፎ። ታ አሳይ ባ ላታ ጋዳፔ ደቃሌቶንታ ማላ፣ ኢዚ ባ አቱማ ናይታሰ ባ ጋዳፔ አሞ፣ ጌሰ» ገዴሰ።

ያርሾ ደይሲዛ ስሆታ

19 ሃሳፌ ጉዬ ሄ ቢታኔይ ታና ፑዳሃ ጸሊዛ ጌሽ ገዲዳ ቁሴታ ከፊሌታኮ ጌሊዛሶ ኤሂዴሰ። ሄይቲካ ገዶ ዳባባኮ ጋሊዛ ዳጌሃ ባጋ ዲርሳ ፔንጌ ማታን ዲዛይታ። ኢሰታፊ አርሼ ጌሎሶ ባጋራ ኢሲ ስሆ ኢዚ ታና ቤሲዴሰ።

20 ሄ ስሆይ ቁሴቲ ናጋራ ያርሾኔ ቆሆ ያርሾ ደይሲዛ ስሆኔ ካላ ያርሾ ኡኪዛ ስሆ፤ ሃ ስሆን ጎኤቲዛ ጋሶይካ ሄ ጌሻ ያርሾታ አሳኮ ካሬ ዳባባ ኬሲን፣ አሳይ ጌሻ ሚሽ ቦቺዲ ጌዮንታ ማላ ናጋናሳ።

21 ሃሳፌ ጉዬ ሄ ቢታኔይ ታና ካሬ ባጋ ዛጎ ኤፊዲ ሄ ዛጎዛሰ ኦይዱ ጉላ ታና ዩሺዴሰ። ሄ ዳባባ ዞዜን ኡባንካ ቁሪ ዳባባቲ ዲዛይታ ቤያዲሰ።

22 ኢሰታሰ ኡባሲካ ዛጎይ 40 ዋቋ፤ አሆቴላይካ 30 ዋቋ፤ ኦይዱ ጉላን ዲዛ ዳባባቲካ ኢሲ ገና።

23 ሄ ኦይዱ ዳባባታ ዩሾንካ ሹቻ ገምቤይ ዳሰ፤ ቃሴ ገምቤዛ ላንቁዛን ኢዛኮ ሸቂዲ አሴቲዳ፣ ኢሰታሰ ታማ ኤሊዛሶሆቲ ዳቲሰ።

24 ሄ ቢታኔይ ታና፣ «ሃይቲ ኡባይ ጸሳ ኬላን ኦሊዛይቲ ኤሂዛ ያርሾ ደይሲዛ ስሆታ» ገዴሰ።

47

ጸሳ ኬላ ጋርሳፊ ፑልቲዛ ሃላ

1 ሄ ቢታኔይ ዛሪዲ ታና ጸሳ ኬላ ጌሊዛሶ ኤፊዴሰ። ጸሳ ኬላ ጌሊዛ ፔንጌፊ ጋርሳሪ ሃላይ ፑልቲዳ፣ ጸሳ ኬላፊ አርሼ ኬላ ባጋ ጎሌሰ። ጋሶይካ ጸሳ ኬላ ፔንጌይ አርሼይ ሞኪዛሶ ሲሚ ዲዛ ገሻሳ፤ ጸሳ ኬላሰ ዳጌሃ ባጋራ ዳጌ ጎሊዲ፣ ያርሺዛሶፔ ዳጌሃ ባጋራ ካንሉሰ።

2 ኢዚ ታና ፑዳሃ ፔንጌ ባጋራ ኬሲዲ፣ አርሼኮ ጸሊዛ ፔንጌ ዩሾራ ካሌሊዲ ኤፊዴሰ። ሄ ፔንጌፊ ዳጌሃ ባጋራ ሃላ ጎሌሰ።

3 ሄ ቢታኔይ ሜዛኒዛ ሜቲሬ ባ ኩሺን ኦይኪዲ፣ አርሼ ኬላ ባጋ ቢዲ ጎሊዛ ሃላ ካሊዲ 1,000 ዋቋ ዋቋዴሰ። ታናካ ሃላራ ካሌሊ ፒንሉዴሰ፤ ሃላዚ ታሰ ቁርጾ ጋኬሰ።

4 ናምኢንሉካ 1,000 ዋቋ ዋቋዲ ሃላራ ታና ካሌሊ ፒንሉዴሰ። ሃላይ ታሰ ጉልባቲ ጋኪዴሰ። ቃሴ 1,000 ዋቋ ዋቋዲ ታና ሃላራ ካሌሊ ፒንሉዴሰ። ሄ ዋዶ ሃላዚ ታሰ ጾሳ ጋኪዴሰ።

5 ኢዚ ቃሴካ 1,000 ዋቋ ዋቋዴሰ። ገዶ አቲን ሄ ሃላዚ ዳር ጨማ ገዲዳ ገሻሰ ታኒ ፒናናሰ ዳንዳያቤኬ፤ ኢዚ አሲ ዋቋንታ ፒናናሰ ዳንዳዮንታ ሻፋ ገዲዴሰ።

6 ሄ ቢታኔይ ታና፣ «ሃይሶ አሳ ናወ፣ ሃይሳ ቤያዲ?» ገዴሰ። ሃሳፌ ጉዬ ኢዚ ታና ሻፋ ጋጸኮ ጉዬ ዛሪዴሰ።

7 ታኒ ሲማዳ ሄ ጋኪዛ ዋዶ፣ ሻፋዛ ደናን ሃ ባጋራኔ ሄ ባጋራ ኬሂ ዳር ሚሊ ዲዛይሳ ቤያዲሰ።

8 ኢዚ ታና፣ «ሃላይ አርሼ ኬላ ባጋ ቢታኮ ጎሊዲ አራቤ ዙሌን ጌሌሰ። ኢዚ ሄሳን ጎሊዲ ማጺኔ አባን ጌሊዛ ዋዶ ሄ ሃላዚ ኦራጺዲ ጸሎ ሃላ ኬዜሰ።

9 ሃ ሻፋይ ጎሊዲ ቢዛ ስሆን ዲዛ፣ ሾምኡሾምኡ ገዛ ሜዴቲላቲ ኡባይ ፓጻ ዳና፤ ቃሴ ሄ ሻፋይ ሄ ጎሊዲ አባ ሃላ ኦራጺሲዲ ጸሊሲዛ ገሻሰ፣ ቆዳን ዳር ጮራቲዳ ሞሊቲ ሄን ዳና። ሃሳፌ ዳንዲዳይሳን ሄ ሻፋይ ጎሊዛሶን ዲዛይ ኡባይ ፓጻ ዳና።

10 ሞሌ ኦይኪዛይቲ አባ ደናን ኤቃና፤ ኤን-ጋዳፔ ቢዲ ኤን-ኤገላይሜ ጋካናሰ ዲዛ ስሆይ ሞሌ ጊቲ ሚጠዛሰሆ ገዳና። ሚዲቲራኔ አባን ዲዛ ሞሊታ ማላ፣ ሃሳንካ ዳር ዲማ ዲማ ቆሞ ሞሊቲ ዳና።

11 ገዶ አቲን አባ ደናን ዲዛ ጫሬይኔ ኤሌ ሃላ ማጺኔ ገዲዲ አታናፔ አቲን ኦራጺና።

12 ሄ ሻፋ ደናን ሃ ባጋራኔ ሄ ባጋራ አይፊ አይፊዛ ዳር ዲማ ዲማ ቆሞ ሚላቲ ሞኬቲሰ። ኢሰታ ሶንጮይ ቆቆፊቲና፤ አይፊዛይሳካ አጌቲና። ጸሳ ኬላፊ ኬዚዛ ሃላ ኢሰታኮ ጎሊዛ ገሻሰ ኢሰቲ አገናን አገናን ኦራላ አይፊ አይፋና። ኢሰቲ አይፊዳ አይፊይ ቆማ ገዳና፤ ኢሰታ ሃይላቲካ ቆሌ ገዳና» ጌሰ።

ቢታ ዛዋታ

13 ኡባ ሃሪዛ ጎዳይ፣ «ኢሰራኤሌ ዛሬታሰ ታማኔ ናምኢታሰ ቢታ ላታ ጋዳ ኦላዳ ኔኒ ሻካና ዛዋይ ሃይሳ። ዮሴፊ ዛሬታሰ ናምኡ ገሻይ አሜቶ።

14 ታኒ ካሴ ኢንቲ አዋታሰ ሃ ቢታ ላቲሳናሰ ታ ኩሺ ዳንላ ጫቃዲሰ፤ ሃኢ ኢንቲ ኡባይካ ኢሲ ገና ሻኬቲ ላቲቲ።

15 ቢታሰ ፑዳሃ ባጋ ዛዋይ ሃይሳ፡

«ሚዲቲራኔ አባፊ ዳንዲዲ ሄቲሎኔ ካታማኔ ሃማቲ ፒንላ ካንሉዲ ዴዳዴ ካታማ ጋኬሰ።

16 ሃሳፌ ቃሴ ዳማሰቆፊኔ ሃማቲፔ ገዶ ዛዋን ዲዛ ቤርታኔ ሲብራይሜ ካታማታ ካንሉዲ ሃዉራኔ ዛዋን ዲዛ ቲኮና ካታማ ጋኬሰ። *

17 ሃሳ ገሻሰ ኢሰራኤሌ ዛዋይ ሃማቲ ቢታ ፑዳሃ ባጋን አገዲ፣ ሚዲቲራኔ አባፊ አርሼ ኬላ ባጋራ ቢዲ፣ ዳማሰቆ ቢታ ዛዋን ዲዛ ሃጸራ-ኤናኔ ካታማ ጋኬሰ።

46:17 ለዌ 25:10 47:1 ዛካ 14:8፤ ዮሃ 7:38፤ እጁ 22:1 ጌቲቲሰ።

47:12 እጁ 22:2 * 47:16 ቲኮናይ ኢብራዌታ ማጻፋን ሃዘር-ሃቲኮን

27 ዛቢሎኔ ዛዋራ ኦይኬቲዲ ኦርሼ ኮሳሶ ባጋፌ ኦርሼ ጌሎሶ ባጋ ጋካናሰ ዲዛ ኢሲ ጊሻይ ጋዴ ዛሬሰ ኢሜቶ።

28 ጋዴ ዲጌሃ ዛዋይ ታማሬ ካታማፔ ዴንዲዲ፣ ማሪባ ቃዴሴን ዲዛ ፑልቶዛራ ካንሉዲ፣ ጊብጾ ሻፋ ካሊ ቢዲ ማዲቴራኔ ኣባ ጋኮሰ።

29 «ኢንቲ ኢሰራኤሌ ቆሞታሰ ላታ ቢታ ሂሰቲዲ ኢንቲ ሻካና ቢታይ ሃይሳ፤ ሃይቲ ኢሰታ ጋካና ጊሻ። ታኒ ኡባ ሃሪዛ ጎዳይ ሃይሳ የታይሰ።

ካታማ ፔንጌታ

30-31 «ካታማፔ ኮዚዛ ፔንጌቲ ሃይታ። ኢሰቲ ኢሰራኤሌ ዛሬታ ሱንሳን ጸይጌታና። ፑዴሃ ዲርሳ ጊምቤይ 2,250 ሜቲሬ ኣዲቃና፤ ሄ ጊምቤዛን ኦርቤሌ ፔንጌ፣ ዩሁዳ ፔንጌኔ ሌዌ ፔንጌ ጌቲቲዛ ሄቩ ፔንጌቲ ዳና።

32 ኦርሼ ኮሳሶ ባጋራ ዲዛ ዲርሳ ጊምቤይ 2,250 ሜቲሬ ኣዲቃና፤ ሄ ጊምቤዛን ዮሴፌ ፔንጌ፣ ቢኒያሜ ፔንጌኔ ዳኔ ፔንጌ ጌቲቲዛ ሄቩ ፔንጌቲ ዳና።

33 ዲጌሃ ባጋራ ዲዛ ዲርሳ ጊምቤይ 2,250 ሜቲሬ ኣዲቃና፤ ሄ ጊምቤን ሲሞና ፔንጌ፣ ዪሳኮሬ ፔንጌኔ ዛቢሎኔ ፔንጌ ጌቲቲዛ ሄቩ ፔንጌቲ ዳና።

34 ኦርሼ ጌሎሶ ባጋራ ዲዛ ዲርሳ ጊምቤይ 2,250 ሜቲሬ ኣዲቃና፤ ሄ ጊምቤን ጋዴ ፔንጌ፣ ኣሴሬ ፔንጌኔ ኒፍታሌሜ ፔንጌ ጌቲቲዛ ሄቩ ፔንጌቲ ዳና።

35 ካታማ ዩሻይ ሙሌራ ዋዲን 9,000 ሜቲሬ ጊዳና። ሄ ዋዴፔ ዶሚዲ ሄ ካታማይ፣ ሳዳይ ሄን ዴሰን ጌቲቲ ጸይጌታና» ጌሰ።

ዳኔላ ቲንቢቲ ጊደ ቆፋ

ዳኔላ ማጻፋይ ጸፊትዳይ ካሴ አይሁዳ ዳሬ አሳይ ሃንኮ አራማጭታ ካዎ ጋርሳን ገዳቴላኔ ገታ ማቶይ ኢስታ ቦላ ጋኪዳ ዋዳ፤ ሄ ዋዳ ጸፊዚ ታሪኬታኔ ላ ቤኢዳ እጅታታን አሳ ሚንጭሱ፤ ጸሲ ሄ ዋልቃራ ዋዩሲ ሃሪዘይሳ ዲጊዲ ላ ዳሬዛስ ካሴ ቦንቸዛ ዛራናይሳ ሂደታ አሚዳሰ። ሃይሲ ሃ ማጻፋዚ ናምኡ ኪፊሉን ሻኬቲስ።

1. ዳኔላኔ ኢዛራ ኢሲፊ ዲኤቲ ቢዲ ዲዛ ጉላ አሳታሰ ጸሳ ቦላ ዲዛ ሚኖ አማኖኔ ኢስቲ ኢዛሰ አዛዜቲዛ አዛዜቲላን ኢስታ ሞርኬቲ ዬላቲዳይሳ ዮቴስ፤ ሄሲ ሄ ታሪኬዚ ፖሌቲዳይ ባቢሎኔ ካዎቲላ ዋዳን ፓሪሴ ካዎቲላ ዋዳ (1-6)።
2. ዳኔላ ቤኢዳ ዲማ ዲማ እጅታታ ጊዲሺን ሃይቲካ ባቢሎኔ ካዎፔ ደሚዲ ዲማ ዲማ ካዎቲ ካዎታናይሳኔ ኩንዳናይሳ፣ ቃሴካ አራማጭ ዳሬ አይሲዛይቲ ሙሌራ ዲፒ ጊ ቆዩን ጸሳ ዳሬይ ካሴ ላ ዲዛ ዳሬ ሰሚ ጌላናይሳ ለሚሶን ቆንጨሲዛ እጅታታ ኦይኪዳሰ (7-12)።

ሃ ማጻፋይ ኦይኪዳ ኩሜላ ቆፋ

ዳኔላኔ ኢዛ ላጌ ሄኻታ 1:1-21
 ካዎ ናቡካዳናጸሬ አጉሞ 2:1-49
 ጸሲ ሲዲራቃ፣ ሚሳቃኔ አብዲናሳ ታማፔ አሺዳሰ
 3:1-30
 ጨቁቴላ ካዎ ናቡካዳናጸሬ ቦላ ጋሊዳ ሜቶ
 4:1-37
 ካዎ ቤሊሻጸሬኔ ኢዛ ኬላ ጎዳ ቦላ ጸፊቲዳ ቃላ
 5:1-31
 ጸሲ ዳኔላ ጋሞ ደናፔ አሺዳ አሾ 6:1-28
 ዳኔላ እጅታን ቤኢዳ ኦይዲ ደኣታ 7:1-28
 ዳኔላ እጅታን ቤኢዳ ቆርሾኔ ዳይሻ ኦርጌ 8:1-27
 ዳኔላ ባዳራሰ ሞሲዳ ዋሳ 9:1-27
 ዳኔላ ጸግርሴ ሻፋ ኣቻን ቤኢዳ ጸሳ ኪታንቻዛ
 10:1—11:45
 ዳኔላ ዋዳ ወርሴላ ገሻሰ ቤኢዳ እጅታ 12:1-13

ናቡካዳናጸሬ ካዎቲላ ኬላን ዳኔላኔ ኢዛ ላጌታ
 1 ካዎ ኢዮአቁሜይ ዩሁዳን ካዎቲዳ ሄኻንሶ ላይላን ባቢሎኔ ካዎ ናቡካዳናጸሬይ ዬሩሳላሚ ደዲዳሰ።
 2 ጎዳይ ዩሁዳ ካዎ ኢዮአቁሜ አማርዳ ጸሳ ኬላ ሚሻታራ ኢዛ ኩሼን አላ አሚዳሰ፤ ኢዚካ ላ ጸሳ ኬላን ዋላና ሳናኑሪ ኤፊዳሰ፤ ኢዚ ዲኢ ኤፊዳ ጸሳ ኬላ ሚሻ ኡባካ ላ ኤቃ ጸሳታ ሚሼ ዋሊዛ ኬላን ዋሊዳሰ።
 3 ሃሳፊ ጉዬ ካዎ ናቡካዳናጸሬይ ላ አሳንቻታ ሃላቃ አሺፊናዜይ ካዎሶ አሳፔኔ ዳናታ ዜሬላፊ ጊዲዳ አሰራኡሉታ ኤሃና ማላ አዛዚዳሰ።
 4 ሄ ደሬቲዳይቲ ናቴላኔ ካዎ ኬላን ኦላናሰ ዳንዳይዛ ኤራቴላ ዲዛይታ ጊዳና ማላ፣ ማላ ሎኦታ፣ አዶ ኤራቴላ ዲዛይታ፣ ዩሺ ቆፒዛይታ፣ ኡባ ኤሶን ኤኪዛይታኔ ኢስታ አሳቴላ ቦላ ቦሬይ ባይንዳይታ

ጊዳና ማላ ቆፍሲዳሰ፤ ሄይታ ቃሴ ባቢሎኔ ቃላኔ ሄ ዳሬ ቃላን ጸፎ ዋጋ ታማርሳና ማላ አዛዚዳሰ።
 5 ኢስቲ ማና ካላኔ ኡያና ዋይኔ ኡሺ ካዎዛ ማዳፊ ጊዳና ማላ አዛዜቲዳሰ፤ ሂስቲዲ ሄኹ ላይላ ታማሪ ኤሪዳፔ ጉዬ ኢስቲ ካዎዛ ሲንሳ ሺቁዲ ካዎ ኬላን ኦላና ማላ ዮኦይ ቃሺቲዳሰ።
 6 ሄ ደሬቲዳይታ ጊዳፊ ዩሁዳ ቆሞፊ ዳኔላ፣ ሃናኒያይ፣ ሚሻኤሌይኔ አዛሪያሲ ዩዳ።
 7 ካዎዛ ሹሜታ ሃላቃይ ኢስታ ሱንላ ላሚዲ ዳኔላ ቢልጸሰሬ፣ ሃናኒያ ሲዲራቃ፣ ሚሻኤሌ ሚሳቃ፣ አዛሪያሳ ቃሴ አብዲናሳ ጊ ሱንላዳሰ።
 8 ዳኔላ ካዎዛ ማዳፊ ሚዲኔ ዋይኔ ኡሻ ኡዩዲ ባና ቱኒሶንታ ማላ ቆፋ ቃቺዳሰ፤ ሂስቲዲ ሄሳ ሄ ቆፋዛ ኤር ጊ ኤካና ማላ አሺፊናዜ ዋሲዳሰ።
 9 ጸሲ ዳኔላሰ ሹሜዛ ሲንላን ቲማ አሚዲ ቃዴታና ማላ አላዳሰ።
 10 ጊደ ኣቲን አሺፊናዜይ ካዎዛሰ ባቢዳ ገሻሰ ዳኔላሰ፣ «ኢንቴ ማና ካላኔ ኡያና ኡሹ ኢንቴሰ አዛዚዳይ ካዎዛኩ፤ ኢንቴ ቃሴ ሃንኮ ናቴላታፔ ገልቁዲኔ ላፊ ቤቲኮ ካዎፔ ኢንቴ ቦላ ሜቶ ጋሲሳና ጊ ዮፕቲዳሰ።
 11 ሃሳፊ ጉዬ ዳኔላ፣ ሃናኒያ፣ ሚሻኤሌኔ አዛሪያሳ ናጊ ካላ ሚዛና ማላ ሹሜታ ሃላቃ አሺፊናዜይ ዋሲዳይኮ ዳኔላ ቢዲ፣
 12 «ኑኒ ኣታኪልቲ ሚሼኔ ሃላ ኡዩሼ ጋሞአና ማላ ኔ ኑና ኔ አሳንቻታ ኣኔ ታሙ ጋላሰ ጋካናሰ ፓጫ ቤያ።
 13 ሃሳፊ ጉዬ ኑና ሃንኮ ካዎዛ ማዳፊ ሚዛ ናቴላታራ ጋላ ፓጫ ጸላዳ ኔ ደሲዳዝ ኑ ቦላ ኦላ» ጊዳሰ።
 14 ኢስታ ናጊዛይሲካ ሄ ቆፋዛ ኤኪዲ ታሙ ጋላሰ ጋካናሰ ኢስታ ፓጫዳሰ።
 15 ሄ ታሙ ጋላሳይ ወሪዳፔ ጉዬ ካዎዛ ማዳፊ ሚዛ ናቴላ ኡባፊ አዳዲ ኢስታ አሳቴላይ ሎኡዲኔ ኦርዲዲ ቤቲዳሰ።
 16 ሄ ጋላሳይ ደሚዲ ኢስታ ናጊዛይሲ ካዎ ማዳፊ ኢስታሰ ዩዛ ሎኦ ቁማኔ ዋይኔ ኡሻ አጊዲ ኣታኪልቲ ኢሞ ኦይኪዳሰ።
 17 ጸሲካ ሄ ኦይዲ ናቴላታሰ አዶ ኤራቴላ፣ ጸፎ ኤራቴላኔ ኣኩካ አሚዳሰ፤ ዳኔላሰ ጊዲኮ ሃሳፊካ ቦላራ እጅታኔ አጉሞ ቢርሺዛ ኤራቴላ ዳሰ።
 18 ካሴ ካዎዚ ዋሊዳ ሄኹ ላይላይ ጋኪን አሺፊናዜይ ሄ ናቴላታ ኡባ ኤኪ ኤፊዳ ናቡካዳናጸሬ ሲንሳ ሺሺዳሰ።
 19 ካዎዚካ ኢስታ ኡባ ሃሳይሲዳ ዋዳ ኢስታ ጊደፊ ዳኔላራ፣ ሃናኒያራ፣ ሚሻኤሌራኔ አዛሪያሳራ ጊናቲዛ አሲ ቤቲቤና፤ ሃሳ ገሻሰ ኢስቲ ካዎዛ ሲንላን ኦላና ማላ ደሬቲዳ።
 20 ካዎዚ ኦይቺዳ አይ አዶ ኤራቴላኔ ኣኩካን ኢዚ አይሲዛ ዳሬን ዲዛ ማርታፔ፣ ሳጋታፔ፣ ታሙ ኩሼፔ አዳ ቤቲዳ።
 21 ዳኔላካ ፓሪሴ ካዎ ቁርሲ ካዎቲዳ ኮይር ላይላ ጋካናሰ ካዎቲላ ጋርሳን ኦሊሼ ጋሞኢዳሰ።

2

ናቡካዳናጸሬ አጉሞ

1 ናቡካደናጾሬ ካዎቲዳ ናምኣንሎ ላይላን ኣጉሞ ኣጉሞቲዳሰ፤ ሄ ኣጉሞዛ ጋሶን ከሄ ጩጩን ጳሰሶይ ኢዛሰ ጳይዳሰ።

2 ሄሳ ገሻሰ ኢዛኮ ዪዲ ሄ ኢዛ ኣጉሞዛ ቢርሼል ኢዛሰ ዮታና ማላ ማሮቲ፣ ሳጋቲ፣ ሙሬኒዛይቲኔ ጸለንቲ ታይቢዛይቲ ጴይጌታና ማላ ኣዛዚዳሰ፤ ኢሰቲካ ዪዲ ኢዛ ሲንሳን ኤቁዳ።

3 ካዎዚ ኢሰታሰ፡ «ታኒ ኣጉሞ ኣጉሞታዲሰ ሺን ሄ ኣጉሞዚ ኢዚ ኣዛኮ ኤራናሰ ታኒ ከሄ ጩጩዲሰ» ገዳሰ።

4 ጸለንቲ ታይቢዛ ኤራንቻቲ ካዎዛሰ፡ «ካዎይ ማርናሰ ካዎቶ! ኔ ኣይ ኣጉሞቲዳኮ ኣኔ ኑሰ ዮታ፤ ኑኒ ኢዛ ቢርሼል ኔና ኤሪሳና» ገዲ ኢዛሰ ኣራማይኬ ቃላን ሃሳይዳ። *

5 ካዎዚካ ኢሰታሰ፡ «ታ ኣጉሞቲዳ ኣጉሞዛኔ ኢዛ ቢርሼል ኢንቲ ታሰ ዮቶንታ ኣጊኮ ኢንቲ ኣሳቲላ ሙጵሬላዳኔ ኢንቲ ከላታ ፒሰኪ ሂሰታ ላላ ዬጋና።

6 ገዶ ኣቲን ኢንቲ ታ ኣጉሞዛኔ ኢዛ ቢርሼል ጋሊ ታሰ ዮቲኮ ታ ኢንቲሰ ኣሞታ፡ ዋይቶኔ ጊታ ቦንቾ ኣማና፤ ሄሳ ገሻሰ ታ ኣጉሞዛ ኢዛ ቢርሼላራ ታሰ ዮቲቲ» ገ ኣዎጂዳሰ።

7 ኢሰቲካ ዛሪዲ፡ «ካዎ! ኔ ኣጉሞይ ኢዚ ኣዛኮ ኑሰ ኔ ኣይሌታሰ ዮቲኮ ኑኒ ኑሰ ኢዛ ቢርሼል ዮታና» ገዲ።

8 ካዎዚ ሄሳ ሲዪዳ ማላ፡ «ታ ኦላና ቃቺዳይሳ ኢንቲ ኤሪሳ ገሻሰ ኢንቲ ታ ቆፋ ጋምኢሳናሰ ሂኒዛይሳ ታ ኤሪይሰ።

9 ኢንቲ ታሰ ኣጉሞዛ ዮታናሰ ዳንዳዮንታ ኣጊኮ ኢንቲሰ ኡባታሲካ ኢሲ ማላ ቁጻቲይ ጊጌቲ ኡቲዳሰ፤ ዮኦቲ ኢንቲሰ ላሚታና ሚሳቲን ዋርዶኔ ጌኔ ቃላ ሃሳያን ጮ ማላ ዋዴ ወርሳናሰ ኮዪዳታ፤ ኮይርቲዲ ኣጉሞዛ ኢንቲ ታሰ ዮቲኮ ኢዛ ቢርሼል ኢንቲና ዋዪሶንታይሳ ታ ኤሪይሰ» ገዳሰ።

10 ጸለንቲ ታይቢዛ ኤራንቻቲ ኢዛሰ፡ «ካዎ! ኔ ኦይቺዳይሳ ኔሰ ዛራና ዳንዳይዛ ኣሲ ኣላሚ ቦላ ቤቲና፤ ኣይ ካዎይካ ጊታኔ ዋልቃማ ገዲኮካ ሃይሳ ማላ ኦይቺ ማርታ፡ ሳጋታኔ ጸለንቲ ታይቢዛ ኤራንቻታ ኦይቺ ኤሪና።

11 ካዎ! ኔኒ ኦይቺዛ ኦይቻይ ከሄ ዳጾ ገዲዳ ገሻሰ ኣሳራ ኢሲፊ ዶንታ ጸሳታ፤ ኣቲን ኣሲ ኔሰ ቆንጩሳናሰ ዳንዳይና» ገ ዛሪዳ።

12 ሂሲ ካዎዛ ዪሎቺዳሲኔ ሃንቁሊዳሰ፤ ሄሳ ገሻሰ ባቢሎኔን ዲዛ ኣቶ ኤራንቻቲ ወሪካ ሃይቃና ማላ ኣዛዚዳሰ።

13 ኣቶ ኤራንቻቲ ሃይቃና ማላ ኣዎጂይ ከዚዳሰ፤ ዳኔላኔ ኢዛ ላጌታ ኮዪዲ ዋቆና ማላ ኣሰ ከቲቲዳሰ።

ኣጉሞዛኔ ኢዛ ቢርሼል ጸሲ ዳኔላሰ ቆንጩሴል

14 ካዎሰ ዛቤታ ሃላቃ ኣርዮኬይ ባቢሎኔን ዲዛ ኣቶ ኤራንቻታ ዋቆናሰ ዪዳ ዋዴ ዳኔላ ኢዛኮ ሸቁዲ ሂላኒኔ ማልኦ ቃላን ኢዛ ሃሳይሲዳሰ።

15 ዳኔላ ካዎ ሹማዛ፡ «ካዎይ ሃይሳ ዳጾ ኣዎጂ ኣይሰ ከሲዳ?» ገዲ ኦይቺዳሰ፤ ኣርዮኬይ ዮኦዛ ዳኔላሰ ቆንጩሲ ዮቲዳሰ።

16 ዳኔላ ሄ ዋዴ ካዎዛኮ ጌሊዲ ኣጉሞዛ ቢርሻናሰ ጉላ ዋዴይ ኢዛሰ ኣሚታና ማላ ዋሲዳሰ።

17 ሄሳፊ ጉዬ ዳኔላ ባሶ ሲሚ ቢዲ ሄ ሃኒዳ ዮኦዛ ባ ላጌታሰ ሃናኒያሰ፡ ሚሻኤሌሲኔ ኣዛሪያሳሰ ዮቲዳሰ።

18 ኢዚኔ ኢዛ ላጌቲ ሃንኮ ኣቲዳ ባቢሎኔ ኤራንቻታራ ኢሲፊ ሃይቆንታ ማላ፡ ሳሎ ጸሲ ኢሰታሰ ማሮቲል ዬዳና ማላኔ ሄ ጵራ ዮኦዛ ቆንጩሳና ማላ፡ «ዋሲቲ» ገዲ ኢሰታ ቆፍሲዳሰ።

19 ሄ ጵራ ዮኦይ ዳኔላሰ ኦማርሲ ኣጂታን ቆንጩዳሰ፤ ሄሳ ገሻሰ ኢዚ ሳሎ ጸሳ ጋላቲዳሰ።

20 ዳኔላ፡ «ኣቶ ኤራቲልኔ ዋልቃይ ኢዛሳ፤ ሄሳ ገሻሰ ጸሳ ሱንላ ማርፔ ማርናሰ ኣንጃቶ።

21 ኢዚ ዋዴታኔ ኣጊናታካ ላሚሰ፤ ካዎታ ኣራታን ኡቲሴሰ፤ ካዎቲላ ኣራታፔካ ዲጌ ዋሌሰ፤ ኤራንቻታሰ ኣቶ ኤራቲል ኣኬኪዛይታሲካ ኤራቲል ኣሚሰ።

22 ኢዚ ጩማ ገዲዳ ጵራ ዮኦታኔ ጌሚዳይታ ቆንጩሴሰ፤ ኡባ ዋዴ ኢዛ ማታን ፖኦይ ዳሰ፤ ሄሳ ገሻሰ ኢዚ ጳማን ዲዛዝ ኤሪሰ።

23 ካሴ ታ ኣዎታ ጎዳዉ! ታ ኔና ጋላታይሰ፤ ታ ኔና ቦንቻይሰ፤ ኔ ታሰ ኣቶ ኤራቲልኔ ዋልቃ ኣማዳሳ፤ ኑ ዋሳካ ሲያዳሳ፤ ካዎዛ ኣጉሞዛካ ኑሰ ቆንጩሳዳሳ» ገ ጋላቲዳሰ።

ኣጉሞዛኔ ኢዛ ቢርሼል

24 ሄሳፊ ጉዬ ዳኔላ ባቢሎኔ ኤራንቻታ ዋቆና ማላ ካዎዛ፤ ኣዛዘይ ኢዛሰ ኣሚቲዳ ኣርዮኬኮ ቢዲ፡ «ባቢሎኔ ኤራንቻታ ኔ ዋዶፓ፤ ታና ጌዴ ካዎዛኮ ጌልላ፤ ሂሰቲኮ ታ ኢዛሰ ኢዛ ኣጉሞዛ ቢርሻና» ገዳሰ።

25 ኣርዮኬይ ሄራካ ዳኔላ ጌዴ ካዎ ናቡኬዳናጾሬ ሲንላ ሸሺዲ፡ «ካዎ! ኔ ኣጉሞዛ ቢርሼል ኔሰ ዮታናዳ ዩሁዳ ዴሬፔ ዲኤቲ ዪዳይታ ገዶፊ ኢሳዳ ዳማዲሰ» ገ ዮቲዳሰ።

26 ካዎዚካ ቢልጳሶሬ ጌቲቲዳ ዳኔላ፡ «ታ ኣጉሞቲዳ ኣጉሞዛ ኢዛ ቢርሼላራ ኔ ታሰ ዮታናሰ ዳንዳይያ?» ገ ኦይቺዳሰ።

27 ዳኔላካ ኢዛሰ፡ «ካዎ! ኣይ ኣቶ ኤራንቻቲ፡ ሳጋቲ፡ ማርቲኔ ሙሬኒዛይቲ ኔ ኦይቺዳ ጵራ ዮኦዛ ኔሰ ዮታናሰ ዳንዳይፍና።

28 ገዶ ኣቲን ጵራ ዮኦ ኡባ ቆንጩሲዛ ጸሲ ሳሎን ዳሰ፤ ኢዚ ቡር ሲንሳፊ ያና ላይላታን ሃናናይሳ ኡባ ኔሰ ቆንጩሲዳሰ፤ ኔኒ ኔ ሂሳን ኢቻ ዳሼ ቤኢዳ ኣጉሞይኔ ኣጂታይ ሃይሳፊ ካሊዛይሳ።

2:2 ሜጴ 41:8 * 2:4 ኣራማይኬ ቃላ ገዛይሲ ኣራሜ ዴሬ ቃላ ገዲሺን ሄ ዋዴ ዳር ኣሲ ሄ ቃላ ኤሪዛ ገሻሰ ሸም 2:4-7:28 ጋካናሰ ዲዛይሲ ኣራማይኬ ቃላን ጸፊቲዳሰ።

29 «ካዎ! ኔኒ ኔ ሃላን ኢቻ ዳሼ ሲንላፌ ሃናና የኦታ ቆገዳሳ፤ ሃ ዎዴ ጸራ ቆንጨሲዛ ጸሳይ ቡር ሲንላፌ ሃናና የኦታ ኔና ቤሲዳሰ።

30 ሃይሲ ሃ ጸራ የኦታ ታሰ ቆንጨዳይ ታኒ ሃንኮ አሳፔ አቶ ኤራንቻ ገዲዳ ገሻሰ ገዴና፤ ገዴ ኣቲን ኔኒ ሃ ኣጉሞዛ ቢርሼል ኤራና ማላኔ ኔ ዎዚና ገዴን ሲሜራቲዛ ቆፋ ሻካ ኤራናሳ።

31 «ካዎ! ኔ ሲንላን ከሂ ገታ ጸልቁዜን ባቢሲዛ ሚሰሌይ ኤቁዳይሳ ቤኣዳሳ።

32 ሃ ሚሰሌዛ ሁኤይ ገሻ ዎርቃፌ፣ ኢዛ ቲራይኔ ኢዛ ኩሼቲ ቢራፔ፣ ኢዛ ኡሎይኔ ዎዲራይ ጸርቁማላፔ ኦሴቲዳ፤

33 ኢዛ ሱሌቲካ ቢራታፔ፣ ቶሆ ያቻታፔ ባጋይ ቢራታፔኔ ባጋይ ማና ኡርቃፌ ሜዴቲዳሰ።

34 ኔኒ ሚሰሌዛ ጸሊሺን ገታ ሹቹ ኣሲ ቦቾንታ ባ ዲዛሶፔ ቆቃሌቲዲ ቢራፔኔ ማና ኡርቃፌ ኦሴቲዳ ሚሰሌዛ ቶሆታ ሜንሌሬላ ለቁሲዳሰ።

35 ሃራካ ቢራታዚ፣ ማና ኡርቃዚ፣ ጸርቁማላዚ፣ ቢራዚኔ ዎርቃዚ ወሪ ሜቁራቲ ዎቂዳ፤ ቦኔ ካላ ባሌን ዲዛ ሱላ ማላ ገዲዳ፤ ጫርኮይ ኢስታ ኢሲናካ ኣሾንታ ፒቲ ኤፊዳሰ፤ ሚሰሌዛ ቦላ ኩንዲዳ ሹቻዚ ገዲኮ ኢዚ ቢታ ኩማናሼ ጋካናሰ ገታ ዙማ ገዲዳሰ።

36 «ሃኮ ኣጉሞዚ ሃይሳ፤ ኢዛ ቢርሼላይካ ሃይሳፌ ካሊዚይሳ።

37 ካዎ! ኔኒ ካዎታሰ ካዎ፤ ሳሎ ጸሲ ኔሰ ካዎቲላ፣ ማታ፣ ዎልቃኔ ቦንቾ ኢሚዳሰ።

38 ኢዚ ኔኒ ቢታ ኡባ ሃራና ማላ ኦላዳሰ፤ ኢዚ ኔሰ ኣሳ፣ ሜሃ፣ ደኣታኔ ካፎታ ቦላ ጎዳቲላ ኢሚዳሰ፤ ሃሳ ገሻሰ ዎርቃ ሁኤዚ ኔና።

39 «ኔፔ ጉዬ ኔፔ ሲሚዛ ካዎይ ዳንዳና፤ ኢዛፔካ ካሊዲ ጸርቁማላን ለሚሰቲዳ ሃቻንላ ካዎይ ዳንዳና፤ ኢዚካ ኩሜላ ኣለማ ሃራና።

40 ቃሲካ ቤቲዳ ሚሽ ኡባ ሜንሌሬላ ዬጊዛ ቢራታ ማላ ሚኖ ገዲዳ ኦይዳንላ ካዎይ ካዎታና፤ ቢራታይ ኡባ ሜንሌሬላ ለቁሲዛ ማላ ኢዚ ባፔ ካሴ ካዎቲዳ ካዎታ ሜንሌሬላ ዬጋና።

41 ኢዛ ቶሆቲኔ ኢዛ ቶሆ ቢራቆቲ ባጋይ ቢራታፔ ባጋይ ማና ኡርቃፌ ገዲዳይሳ ኔ ቤኢዳ ማላ ሃ ካዎቲላይ ናምኡ ከዚ ሻከቲዳ ካዎቲላ ገዳና፤ ቢራታይኔ ኡርቃይ ዎላከቲዳይሳ ኔ ቤኢዳ ማላ ሃ ካዎቲላፌ ባጋይ ቢራታ ማላ ሚኖ ገዳና።

42 ኢዛ ቶሆታ ቢራቆታፔ ባጋይ ቢራታ፣ ባጋይ ማና ኡርቃ ገዲዳ ማላ ሃ ካዎቲላፌ ባጋይ ሚኖ፣ ባጋይ ቃሴ ላፋ ገዳና።

43 ቢራታይኔ ማና ኡርቃይ ዎላከቲዳይሳ ማላ ኣሳይ ኡባይ ዎላካ ገዳና፤ ገዴ ኣቲን ቢራታይ ማና ኡርቃራ ኦይከቶንታይሳላ ኢሰቲካ ባ ገዴን ኢሲኖ ገዲ ኦይከቲቲና።

44 «ሃይታ ሃ ካዎታ ዎዴን ሳሎ ጸሳይ ሙሌራካ ላሌቶንታኔ ሃራ ዴሬሰ ኣቂ ኢሜቶንታ ካዎቲላ ኤሳና፤ ሃ ካዎቲላዚ ሃራ ካዎቲላታ ሙሌራ ለቁሳና፤ ኢስታ ወርሴል ጋካናወካ ቆይሳና፤ ሃ ካዎቲላዚ ባ ሁኤሰ ሜርናሰ ሚኒ ዳና።

45 ኣሲ ቦቾንታ ዲሺን ዙማ ቦላፌ ቆቃሌቲዲ ቢራታፔ፣ ጸርቁማላፔ፣ ማና ኡርቃፌ፣ ቢራፔኔ ዎርቃፌ ኦሴቲዳ ሚሰሌዛ ለቁሲዳ ሹቻ ኣጃታ ቢርሼላይ ሃይሳ፤ ገታ ጸሳይ ቡር ሲንላፌ ሃናናይሳ ካዎ ኔና

ቤሲዳሰ፤ ኣጉሞዚካ ቱማ፤ ኢዛ ቢርሼላዚካ ኣማንላዚዛ» ገ ዮቲዳሰ።

ካዎዚ ዳኔላሰ ኢሚዳ ኢምታ

46 ሃሳፌ ጉዬ ካዎ ናቡካዳናጸሬይ ባ ሁኤ ዲጌ ቢታ ጋሊዲ ዳኔላሰ ዘገዴሰ፤ ኢዛካ ቦንቹዳሰ፤ ኢዛሰ ያርሻኔ ኤጸኔ ሺሻና ማላ ኣዘዚዳሰ።

47 ካዎዚ ዳኔላ፣ «ሃይሳ ጸራ የኦዛ ኔ ቢርሻና ዳንዳይዳ ገሻሰ ቱማፔ ኣንቲ ጸሳይ ጸሳታሰ ጸሳ፤ ኢዚ ካዎታሰ ጎዳ፤ ኢዚ ጸራ ቆንጨሲዛ ጸሳ» ገዴሰ።

48 ሃሳፌ ጉዬ ካዎዚ ዳኔላ ገታ ቦንቾሶን ዎሊዳሰ፤ ከሂ ዳር ኢምታታ ኢዛሰ ኢሚዳሰ፤ ባቢሎኔ ካዎቲላ ኡባ ኣይሲዛዴ ሂሰቲዳሰ፤ ባቢሎኔ ኤራንቻታ ኡባ ቦላ ሃላቃ ሂሰቲ ሹሚዳሰ።

49 ሃሳፌካ ቦላራ ዳኔላ ካዎዚ ቆፍሲን ካዎዚ ሲዲራቃ፣ ሚሳቃኔ ኣብዲናጎ ባቢሎኔ ኣወራጃታ ኡባ ቦላ ኣይሲዛይታ ሂሰቲ ሹሚዳሰ፤ ዳኔላ ገዲኮ ካዎ ከፋን ኡቲዳሰ።

3

ናቡካዳናጸሬይ ኤሲዳ ኤቃ ሚሰሌ

1 ካዎ ናቡካዳናጸሬይ ጌሳይ 60 ዎቆ፣ ጎምፓይ 6 ዎቆ ገዲዳ ዎርቃ ሚሰሌ ኦሲሲዲ ባቢሎኔ ዴሬን ዲራ ዴምባን ኤሲዳሰ።

2 ሃ ኢዚ ኤሲዳ ሚሰሌዛ ኣንጂሳናሰ ገታ ኣሳታ፣ ሹሜታ፣ ዴሬ ኣይሲዛይታ፣ ካዎዛ ዘሪዛ ኣሳታ፣ ሚንጃ ከፋ ኣላፊታ፣ ዳናታ፣ ዎጋ ኤሪዛይታኔ ሃራ ዲማ ዲማ ኣወራጃን ዲዛ ሹሜታ ዴይገሲዳሰ።

3 ሃይቲ ዴሬ ኣይሲዛይቲ ወሪካ ሃ ሚሰሌዛ ኣንጂሳናሰ ኢሲፌ ሸቁዲ ሃ ሚሰሌዛ ሲንላን ኤቁዳ።

4 ሃ ዎዴ ኣዎጃ ኣዎጃዚ ኢሳይይ ባ ቃላ ቆቁ ሂሰቲዲ፣ «ኣንቲኖ ዲማ ዲማ ዴሬፔ፣ ዲማ ዲማ ካዎቲላፌኔ ዲማ ዲማ ቃላን ሃሳይዛሶፔ ዩዳይቶ!

5 ዛዬኔ ዲንኬ ገሪሰ፣ ማሲንቆኔ ዲላ ገሪሰ፣ ሱሱልኤን ባጋና ገሪሰ፣ ቃሴካ ዬላ ገሪሰ ኡባ ሲዩዳ ማላ ዲጌ ቢታን ጉፋኒዲ ካዎ ናቡካዳናጸሬይ ኤሲዳ ዎርቃ ሚሰሌዛሰ ጎይናና ቤሴሰ።

6 ቢታን ጉፋኒዲ ጎይናንታይ ኣኒካ ዲኮ ላጩዛ ኢቶኔ ታማን ዬጌታና» ገ ኣዎጃዳሰ።

7 ሃሳ ገሻሰ ዲማ ዲማ ዴሬፔ፣ ዲማ ዲማ ካዎቲላፌኔ ዲማ ዲማ ቃላን ሃሳይዛሶፔ ዩዳ ኣሳቲ ኡባይ ዲንኬ ገሪሰ፣ ማሲንቆኔ ዲላ ገሪሰ፣ ባጋናኔ ሱሱልኤ ገሪሰኔ ዬላ ገሪሰ ሲዩዳ ማላ ቢታን ጉፋኒዲ ካዎ ናቡካዳናጸሬይ ኤሲዳ ዎርቃ ሚሰሌዛሰ ጎይኒዳ።

ዎርቃ ሚሰሌዛሰ ጎይናንታ ኢዲዳ ሃቻታ

8 ሃ ዎዴ ጸሊንቲ ፒልጊዛ ኢሲ ኢሲ ባቢሎኔ ኤራንቻቲ ሸቁዲ ኣይሁዳታ ሞቲዳ።

9 ካዎ ናቡካዳናጸሬሰካ፣ «ካዎ! ኔኒ ሜርናሰ ካዎታ!

10 ካዎ! ኔኒ፣ «ዛዬ፣ ዲንኬ፣ ማሲንቆ፣ ዲላ፣ ባጋና፣ ሱሱልኤን ዬላ ገሪሰ ሲዩዳይ ኣኒካ ቢታ ቦላ ጉፋኒዲ ዎርቃ ሚሰሌዛሰ ጎይናናሰ ቤሴሰ።

11 ቢታን ጉፋኒዲ ሚሰሌዛሰ ጎይናንታይ ዲኮ ላጩዛ ኢቶኔ ታማን ዬጌቶ» ጋ ኣዎጃዳሳ።

12 ሃኮ ኔኒ ባቢሎኔ ኣወራጃታ ኣይሳና ማላ ሹሚዳ ሲዲራቁ፣ ሚሳቁኔ ኣብዲናጎ ጌቲቲዛ ኣይሁዳ

አሳቲ ኔ አዛዙ ፖሎቴና፤ ኔ ኤቃ ጸሳታሰ ሃጋዜቴና፤ ኔ ኤሲዳ ዋርቃ ሚሰሌዛሰ ጎይኔቴና» ገ ዮተዳ።

13 ካዋዚ ሃሳ ሲዩዲ ከሃ ሃንቁቲዲ ሲዲራቃ፡ ሚሳቃኔ አብዲናጎ ጸይጋና ማላ አዛዚዳሰ፤ ኢሰቲካ ኤሃዲ ካዋዛ ሲጎላ ሺሺዳ።

14 ካዋ ናቡካዳናጸሬይ፡ «ሃይቶ ሲዲራቃ፡ ሚሳቃ፡ አብዲናጎ! ኢንቴ ታ ኤሲዳ ዋርቃ ሚሰሌዛሰ ጎይናጎታ ኢዲዳይሲኔ ታ ኤቃ ጸሳታሰ ሃጋዘንታ ኢዲዳይሲ ቱማ?»

15 ሃኢካ ዛዬ፡ ዲንኬ፡ ማሲንቆኔ ዲላ፡ ባጋና ኩሱልኤ፡ ዩላ ገሪሰ ኡባ ኢንቴ ሲዩዲ ታ ኤሲዳ ሚሰሌዛ ሲጎላን ቢታ ቦላ ጉፋኒዲ ኢንቴ ጎይኒኮ ኢንቴሰ ኪያ ገዳና፤ ኢንቴ ጎይናጎታ ኢዲኮ ሄ ላጨዛ ኢቶኔ ታማን ሄራካ ዩጌታና፤ ኢንቴና ታ ኩሺፔ አሻና ጸሲ ኢንቴሰ ባይንዳይሳ ኢንቴ ኤሪቴ!» ገዳሰ።

16 ሲዲራቃ፡ ሚሳቃኔ አብዲናጎይ ካዋዛሰ፡ «ካዋ! ሃይሳ ሃ ዮኦዛሰ ገዲ ኑ ገሻሰ ኔሰ ዛር አማና ቤሴና።

17 ካዋ! ኑሂ ሃይሳ ላጨዛ ኢቶኔ ታማን ዩጌቲዛ ገዲኮካ ኑሂ ኢዛሰ ጎይኒዛ ጸሳይ ሃይሳ ላጨዛ ኢቶኔ ታማፔኔ ኔ ኩሺፔ ኢዚ ኑና አሻና ዲንዳዬሰ።

18 ገደ እቲን ካዋ! ኢዚ ኑና አሻንታ ኢኮካ ኑሂ ኔ ኤቃ ጸሳታሰ ሃጋዘንታይሳኔ ኔ ኤሲዳ ዋርቃ ሚሰሌዛሰ ኑ ጎይናጎታይሳ ኔ ኤራ» ገ ዛሪዳ።

ዳኔላ ላጌ ሄሻታ ቦላ ፐርዳቴዳ ፐርዳ

19 ሄ ዋዴ ናቡካዳናጸሬይ ሲዲራቃ ቦላ፡ ሚሳቃ ቦላኔ አብዲናጎ ቦላ ከሃ ሃንቁቲን ኢዛ ሜጳይካ ላማቲ ዋጂዳሰ፤ ላጨዛ ኢቶኔ ታማዚ ካሴፔ ላፑን ኩሺ ዳሪ ኤጻና ማላ አዛዚዳሰ።

20 ሄ ሄሹ አሳታ ቃቺዲ ላጨዛ ኢቶኔ ታማን ዩጋና ማላ ባ ኦላ አሳ ገደፌ አማርዳ ሚኖ አሳታ አዛዚዳሰ።

21 ሃሳ ገሻሰ ኢሰቲ ሴሎ ማይኦዛ፡ ሱሬዛ፡ ሁኤን ጸጸዛይሳኔ ሃራ ማይኦታካ ማይኢዳ ማላ ቃሹቲዲ ላጨዛ ኢቶኔ ታማን ዩጌቲዳ።

22 ካዋዚ አሚዳ ሚኖ አዛዘዛ ኢቶኔ ታማዚ ከሃ ኤጸዛ ገሻሰ ሲዲራቃ፡ ሚሳቃኔ አብዲናጎ ታማን ዩጌዳ ኦላ አሳታ ሄ ታማ ሴላይ ዋጂዳሰ።

23 ሄ ሄሹ አሳቲ ገዲኮ ኢሰቲ ሚንላ ቃቺን ላጨዛ ኢቶኔ ታማን ዩጌቲዳ።

24 ሃሳፌ ጉዬ ካዋ ናቡካዳናጸሬይ ባ ኡቲዳሰሆፔ ማላሌቲሽ ዳንዲ ኤቁዲ፡ «ኑሂ ቃቺዲ ኤጸዛ ኢቶኔ ታማን ዩጌዳ አሳቲ ሄሻታ ጸላ ገዳቴኔ?» ገዲ ባና ዞሪዛይታ ኦይቺዳሰ፤ ኢሰቲካ፡ «ካዋ! ኤ ሄሻታ!» ገዳ።

25 ካዋዚካ፡ «ሃኮ ሃኢ ታኒ ኢሰታ ታማዚ አይኮካ ቦቾንታ ቃሾፔ ቢርሼቲዲ ላጨዛ ኢቶኔ ታማ ገደን ሄ ሃ ሲሜሬቲዛ ኦይዲ አሳታ ቤኦይሰ፤ ኦይዳንሶዚካ ጸሳታ ና ሚሳቲሰ» ገዳሰ።

ኢቶኔ ታማፔ እቲዳ ሄሻታ ሹሜቴላ

26 ሃሳ ገሻሰ ናቡካዳናጸሬይ ሄ ኤጸዛ ኢቶኔ ታማኮ ሸቂ ባ ቃላ ቆቂ ሂሰቲዲ፡ «ኢንቴና ኡባፌ ቆቃ ጸሳ ኦሳንቻቶ! ሲዲራቃ፡ ሚሳቃ፡ አብዲናጎ! ከዚዲ ሃ ዩቴ!» ገዲ ጸይገዳሰ፤ ኢሰቲካ ታማዛ ገደፌ ከዚዳ።

27 ሃሳፌ ጉዬ ገታ አሳቲ፡ ሹሜቲ፡ ዴሬ አይሲዛይቲ፡ ካዋዛ ዞሪዛይቲ ወሪ ሄ ኢሰታ ዩሾን ሸቂዳ፤ ታማይ ኢሰታ አሳቲላ ቆሆንታይሳ፡ ሁኤ

ቢናናፔ ኢሲኔያካ ቦሼቶንታይሳ፡ ኢሰታ ሴሎ ማይኦዚ ሜጳ ላዋንታይሳኔ ጨዋ ጨዋ ጎንታይሳ ቤኢዳ።

28 ሃሳፌ ጉዬ ታኒ ካዋ ናቡካዳናጸሬይ፡ «ኢዚ ባ ኪታንቻ ከቲዲ ባ ኦሳንቻታ አሸዳ ሲዲራቃ፡ ሚሳቃኔ አብዲናጎ ጸሳይ ጋላቴቶ! ኢሰቲካ ባ ጎዳን አማኔቲዲ ባ ጸሳሰ እቲን ሃራ ኤቃ ጸሳታሰ ኦሎኔ ጎይኖኮ ገዲ ካዋዛ አዛዘ ኢዲዲ ባ ሹምፖ አላ አሚዳ።

29 «ሃይሳ ማላ አሸዛ ሃራ ጸሲ ዳና፤ ሃሳ ገሻሰ ዲማ ዲማ ዳሬይ፡ ዲማ ዲማ ካዋቴላ ዋይኮ ዲማ ዲማ ቃላን ሃሳይዛ አይ አሲካ ሲዲራቃ፡ ሚሳቃኔ አብዲናጎ ጸሳ ቦላ ጫሻ ቃላን ሃሳይኮ ሃሳይይ ሹኬቶ፤ ኢዛዳ ከላይ ላሌቲ ደሬቶ» ጋ አዛዛዲሰ።

30 ሃሳፌ ጉዬ ካዋዚ ሲዲራቃ፡ ሚሳቃኔ አብዲናጎ ባቢሎኔ አወራጃታን ሹሚዳሰ።

4

ናቡካዳናጸሬይ ቤኢዳ ናምአንሎ አጉዋ

1 ካዋ ናቡካዳናጸሬይ አላሜ ቦላ ዲማ ዲማ ዳሬታሰ፡ ዲማ ዲማ ካዋቴላታሲኔ ዲማ ዲማ ቃላን ሃሳይዛ አሳታሰ ኡባሰ፡ ሳርይ ኢንቴሰ ገደ!

2 ኡባፌ ቆቃ ጸሳይ ታሰ ኦላዲ ገታኔ ማላሊሲዛ ኦሶታ ታ ኢንቴሰ ዮታናሰ ኮያይሰ።

3 ጸሲ ቤሲዛ ማላታይ አይ ማላ ገታ! ማላሊሲዛ ኢዛ ኦሶቲ አይ ማላ ሚኖ! ጸሲ ሜርናሰ ካዋ፤ ኢዛ ካዋቴላይ ዩሌታፔ ዩሌታ ጋካናሰ ዳኤሰ።

4 ታኒ ናቡካዳናጸሬይ ታ ከላን ታሰ ኢንጂን ታ ካዋቴላንካ ኢሻሎን ዳይሰ።

5 ገደ እቲን ጋላሳታፔ ኢሲ ጋላሰ ታኒ ታ ሃላን ኢቻ ዳሼ ዳር ዳጋንላዛ አጉዋፔ አጃታ ቤያዲሰ።

6 ሃሳ ገሻሰ ሄ አጉዋዛ ቢርሼላ ታሰ ዮታና ማላ ባቢሎኔን ዲዛ ኤራንቻቲ ወሪ ታኮ ያና ማላ አዛዛዲሰ።

7 ቢቲዛይቲ፡ ማርቲ፡ ሳጋቲ፡ ጸላንቴ ታይቢዛ ኤራንቻቲኔ ሙሬኒዛይቲ ኡባይ ታኮ ዩን ታ ኢሰታሰ ታ አጉዋዛ ዮታዲሰ ሺን ኢሰቲ አጉዋዛ ቢርሻና ዳንዳይቤቴና።

8 ሃሳፌ ጉዬ ታ ጸሳ ሱንላን ቢልጸሶሬ ጌቲቲ ጸይጌቲዛይሰኔ ጌሻ ጸሳታ አያናይ ኢዛን ዲዛ ዳኔሊ ጌሊዲ ታ ሲንላን ኤቁን ታ አጉዋዛ ኢዛሰ ዮታዲሰ።

9 ታኒካ፡ «ኤራንቻታሰ ሃላቃ ገዲዳ ቢልጸሶሬ! ጌሻ ጸሳታ አያናይ ኔናን ዲዛይሳኔ ጸራ ዮኦይ ወሪካ ኔፔ ጌዋንታይሳ ታ ኤራይሰ፤ ሃሳ ገሻሰ ታኒ ቤኢዳ አጉዋዛ ኔ ታሰ ቢርሻ።

10 «ታኒ ታ ሃላን ኢቻ ዳሼ ኢሲ ዋጋ ገታ ሚላ ዳይሲ ቢታ ቦላ ኤቁዳይሳ አጃታን ቤያዲሰ።

11 ሃሲ ሄ ሚላዚ ከሃ ዲጨዳሰ፤ ሚኒዳሰ፤ ኢዛ ጸራይካ ሳሎ ጋኪዳሰ፤ ሳኦ ጋጸ ጋካናሰ ቤቲዳሰ።

12 ኢዛ ሃይላይ ጨሊላ፤ ኢዛ አይፌይ ዴሬ ኡባሰ ገዳና ጋካናሰ ዳሪዳሰ፤ ኢዛ ኩዋይ ደኣታሰ ሹምፔዛሶ ገዲዳሰ፤ ሳሎ ካፎቲካ ኢዛ ሃጋታ ቦላ ባ

ኩላ ከጸዲኢ ኢዛን ዳቴስ፤ ሽምግራ ዲዛ ሜዴቴላቲ ወሪካ ሄ ሚላዛ ኣይፌ ማቴስ።

13 «ታኒ ታ ሂላን ኢቻ ዳሼ ኣጅታን ኢሲ ጌሻ ኪታንቻይ ሳሎፔ ዲጌ ዋዲሽን ቤኣዲስ።

14 ኢዚካ ባ ቃላ ቶቁ ሂስቲዲ፣ ሳሃይሳ ሚላዛ ቃንጸቴ፤ ኢዛ ሃጋታ ኡባ ጉሪቴ፤ ኢዛ ሃይላ ኡባ ዩዲቴ፤ ኢዛ ኣይፌዛ ላለቴ፤ ኢዛ ኩዋ ጋርሳን ዲዛ ደኣቲኔ ኢዛ ሃጋታ ቦላ ዲዛ ካፎቲ ባቃቴቶ።

15 ጊዶ ኣቲን ኢዛ ዱሩማዛኔ ጸጸዛ ቢራታፔኔ ጸርቁማላፔ ኦሴቲዳ ሳንሳላታን ዩሺ ቃቸዲ ሄን ዳምባን ማታ ጊዶን ቢታ ጋርሳን ኣጋጊቴ፤ ኢዚ ሳሎፔ ዋዲዛ ኬንቸን ሙሶ!

ኢዚ ደኣታራ ቱሻ ጊዶን ዳኦ።

16 ኢዛ ካሃይ ኣሳይሳፌ ላማቶ፤ ላፑን ላይሌ ጋካናስ ኢዛስ ማሄ ካሃይ ኢማቶ።

17 « ሳ ፐርዳ ቃሾይ ጌሻ ኪታንቻታ ባጋራ ቆንጪ ዮቲቲዳስ፤ ሄሲካ ኡባፌ ቶቃ ጸሳስ ሳኣ ካዎታ ቦላ ኢዛስ ገዳቲሌ ዲዛይሳኔ ካዎቲላታካ ባ ደሲዳዳስ ኢሚዛይሳ፣ ኣሳፔ ካዲቲዳይታ ኢስታ ቦላ ኢዚ ሹሚዛይሳ፣ ማዴታ ኡባይ ኤራና ማላሳ» ጊዳስ።

18 «ታኒ ካዎ ናቡካዳናጸሬይ ቤኢዳ ኣጉሞይ ሃይሳ፤ ቢልጸሶሬ! ኔኒ ታስ ኣጉሞዛ ቢርሻ፤ ታ ካዎቲላን ዲዛ ኤራንቻቲ ቢርሻላ ታስ ዮታናስ ዳንዳይቤቴና፤ ኔ ጊዲኮ ጌሻ ጸሳታ ኣያናይ ኔናን ዲዛ ጊሻስ ታስ ቢርሻላ ዮታና ዳንዳያሳ» ጊዳስ።

ካዎ ኣጉሞ ቢርሻላ

19 ሄ ዋዴ ቢልጸሶሬ ጌቲቲዛ ዳኔሊ ኬሂ ዳጋሚዲ ሃኒዛዝ ቆይዳስ፤ ባ ቆፋን ጉላ ዋዴስ ጩጩዳስ፤ ካዎዚካ ኢዛ፣ «ቢልጸሶሬ! ኣጉሞዛ ጊዲን ዋይኮ ኢዛ ቢርሻላይ ኔና ዳጋንላፎ» ጊዳስ።

ቢልጸሶሬይካ ኢዛስ፣ «ካዎ! ኔ ኣጉሞዚ ኔና ኢጸዛይታስ፣ ቢርሻላይካ ኔ ሞርኬታስ ጊዶ።

20 ኬሂ ዲጪ ሚኒን ኔ ቤኢዳ ሚላዚ ጸራይካ ኢዛስ ሳሎ ጋኪን ቢታ ኡባን ቤቲዛ ሚላዚ።

21 ኢዛ ሃይላቲ ጪሊሊዲይ፣ ኢዛ ኣይፌይ ዳሬ ኡባስ ጊዳና ጋካናስ ዳሪዳይ፣ ደኣቲካ ኢዛ ኩዋ ጋርሳን ሽምግራይ፣ ካፎቲካ ኢዛ ሃጋታ ቦላ ባስ ኬላ ኬጲ ዳኢዳይ።

22 «ካዎ! ሄ ሚላይ ኔና፤ ኔ ጊታቲላይ ዲጪዲ ሳሎ ጋኪዳስ፤ ኔ ካዎቲላይካ ቢታ ጋጸ ጋኪዳስ።

23 «ካዎዙ! ኔ ቤኢዳ ጌሻ ኪታንቻይ ሳሎፔ ዋዲዲ፣ ሳኒቴ ሚላዛ ቃንጸ ቆይሲቴ፤ ኣቲዳ ዱሩማዛኔ ጸጸዛ ቢራታፔኔ ጸርቁማላፔ ኦሴቲዳ ሳንሳላታን ዩሺ ቃቸዲ ዳምባን ማታ ጊዶን ቢታ ጋርሳን ኣጋጊቴ፤ ሄን ሳሎ ኬንቸን ሙሶ፤ ላፑን ላይሌ ኢዚ ደኣታራ ዳኦ» ጊዛይሳ ሲያዳሳ።

24 «ካዎ! ሄኮ ቢርሻላይ ሃይሳ፤ ኡባፌ ቶቃ ጸሳይ ታ ሳዳ ካዎዛ ቦላ ገሌታና ማላ ኬሲዳ ኣዋጃይ ሃይሳፌ ካሊዛይሳ።

25 ኔኒ ኔ ዳሬዛፔ ሻኬታዳ ጎዴታና፤ ኔስ ዲሳሶይካ ዋራ ደኣታራ ጊዳና፤ ላፑን ላይሌ ገሌታና ጋካናስ ኔኒ ማሄ ማላ ማታ ማና፤ ኔኒ ኬንቸን ሙሳና፤ ሄሲ ወሪ ኔና ጋካናይ ኡባፌ ቶቃ ጸሳይ ካዎታ ኡባ ቦላ ኢዛስ ገዳቲሌ ዲዛይሳኔ ኢዚ ካዎቲላ ወርሲካ ባ ደሲዳዳስ ኢሚዛይሳ ኔ ሻካ ኤራና ጋካናሳ።

26 ዱሩማዚ ጸጸዛራ ሄን ጋዴ ጊዶን ኣታና ማላ ኢዚ ኣዛዚዳይ ጸሳስ ኣላማ ቦላ ኩሜላ ማታይ

ዲዛይሳ ኔ ኤራዳ ኔኒ ሲማ ኔ ካዎቲላን ኡታናይሳ ቤሴስ።

27 ሄሳ ጊሻስ ካዎ! ታኒ ታ ባጋራ ኔና ዘሪዛይሳ ሲያ፤ ኔኒ ናጋራ ኦሶ ኣጋ፤ ሱሬ ኦሶ ኡባ ዋዴ ኦላ፤ ኔ ኢታ ኦሶ ኣጋዳ ቆሃቲዛይታስ ቃዴታ፤ ሄሳላ ኔ ኦላኮ ኔ ሳሮን ዲሳ ላይላይ ኣዱቆንታ ኣጌና» ጊዳስ።

ኣጉሞዛ ገሌቲላ

28 ሄሲ ወሪካ ካዎ ናቡካዳናጸሬ ቦላ ጋኪዳስ።

29 ታማኔ ናምኡ ኣጊናፔ ጉዬ ኢዚ ባቢሎኔን ካዎቲላ ኬላ ገቁ ቦላ ሲሜሪቴሼ።

30 «ታ ሚኖ ዋልቃን ታ ቦንቸስ ካዎስ ዲሳሶ ጊዳና ማላ ታ ኦሲሲዳ ጊታ ባቢሎኔ ካታማያ ሃኖ ጊዳኬ?» ጊዳስ።

31 ኢዚ ቡር ሃሳያ ባ ደናፔ ኬሲ ወርሶንታ ዲሺን ሳሎፔ፣ «ካዎ ናቡካዳናጸሬ! ኔ ቦላ ፐርዳቲዳ ፐርዳይ ሃይሳፌ ካሊዛይሳ። ሄኮ ኔ ካዎቲላይ ኔፔ ኤኬቲዳስ።

32 ኔኒ ዳሬዛ ጋርሳፌ ጎዴታና፤ ኔስ ዲሳሶይ ዋራ ደኣታራ ጊዳና፤ ላፑን ላይሌ ኩማና ጋካናስ ኔኒ ማሄ ማላ ማታ ማና፤ ሄሲካ ሃናናይ ኡባፌ ቶቃ ጸሳይ ካዎታ ኡባ ቦላ ኢዛስ ገዳቲሌ ዲዛይሳኔ ካዎቲሌ ወርሲካ ኢዚ ባ ደሲዳዳስ ኢሚዛይሳ ኔ ሻካ ኤራና ጋካናሳ» ጊዛ ቃላይ ዩዳስ።

33 ሄ ቃላይ ሄሪካ ካዎ ናቡካዳናጸሬ ቦላ ገሌቲዳስ፤ ሄሳ ጊሻስ ኢዚ ዳሬዛ ጋርሳፌ ጎዴቲዳስ፤ ማሄ ማላ ማታ ሚዳስ፤ ሳሎፔ ዋዲዛ ኬንቸን ኢዚ ሙሲዳስ፤ ኢዛ ቢናናይካ ጎሌ ካፎ ባሌ ማላ ዲጪዳስ፤ ኢዛ ጸጉንላካ ካፎ ጸጉንላ ማላ ጊዲዳስ።

ካዎ ናቡካዳናጸሬስ ዋዚና ካሃይ ሲሚን ጸሳ ጋላቲዳስ

34 ካዎ ናቡካዳናጸሬይ፣ «ላፑን ላይላቲ ኣዲዳፔ ጉዬ ታኒ ታ ኣይፌታ ፑዴ ሳሎ ዳንላዲስ፤ ታስ ዋዚና ካሃይ ሲሚዳስ፤ ኡባፌ ቶቃ ጸሳ ጋላታዲስ፤ ማርናስ ዲዛ ጸሳ ሳባዲስ፤ ቦንቸካ ኢዛስ ኢማዲስ፤ ኢዛ ካዎቲላይ ማርናሳ፤

ኢዛ ካዎቲላይ ዩሌታፔ ዩሌታ ጋካናስ ዳና።

35 ቢታ ቦላ ዲዛ ዳሬቲ ወሪካ ኢዛ ኣቻን ቄሪ ኡኤ ማላ፤ ሳሎን ዲዛ ኦሳንቻታ ቦላኔ ቢታ ቦላ ዲዛ ዳራ ቦላ ኢዚ ባ ደሲዳዝ ኦላስ፤ ኢዛ ሸኔ ዲጋናስ ዳንዳይዛይኔ «ኔ ሃይሳ ኣዛስ ኦላይ?» ጋናይ ኦኒካ ዳና።

36 «ታ ዋዚና ካሃይ ታኮ ሲሚን ሄሪካ ታ ካዎቲላስ ቦንቸይ፣ ኣዮቲሌኔ ቴማይ ሲሚዳስ፤ ካሴ ታና ዘሪዛይቲኔ ታ ሹማቲ ታና ኡፋይሳን ሞኪ ኤኪዳ፤ ካሴ ታኒ ካዎቲላ ኣራታን ሲማ ኡታዲስ፤ ካሴይሳፌ ቦላራ ኣዶ ቦንቸታዲስ።

37 «ሄኮ ቤኣቲ! ታኒ ናቡካዳናጸሬይ ሳሎ ካዎስ ጋላታ፣ ቦንቸኔ ሳባ ሸሻይሲ፤ ኢዛ ኦሶ ኡባይ ሊኬ፤ ኢዛ ኦጌይካ ሱሬ፤ ኦቶራንቻታ ኢዚ ካወሻናስ ዳንዳይሲ» ጊዳስ።

5

ቤሊሻጸሬይ ገግሲዳ ገቢራ

1 ጋላሳታ፣ ኢሲ ጋላሳ ካዎ ቤሊሻጸሬይ ሺያን ቆይተዋል ገታ ሹሜታስ ከሄ ገታ ገቢራ ገግሲዳስ፤ ኢዚ አሳራ ዎይኔ ኡሹ ኡዩሼ ቃሚሲዳስ።

2 አሳይ ዎይኔ ኡሻ ኡዩሼን ቤሊሻጸሬይ ካሴ ኢዛ ኣዎ ናቡካዳናጸሬይ ዩሩሳላሚን ዲዛ ጸሳ ከላፊ ቦንቁ ኤቢዳ ዎርቃፊኔ ቢራፔ ኦሴቲዳ ጸኣታ ኤሃና ማላ ባ ኦሳንቻታ ኣዛዚዳስ፤ ካዎዚ ሄሳ ኦሊዳይ ኢዚኔ ኢዛ ሹሜታ፣ ኢዛ ማቼቲኔ ኢዛ ላጌላቲ ሄ ጸኣታን ዎይኔ ኡሹ ኡዩና ኮዩዳ ገሻሳ።

3 ኢዛ ኦሳንቻቲካ ሄ ዩሩሳላሚ፣ ጸሳ ከላፊ ቢዳ ዎርቃፊኔ ቢራፔ ኦሴቲዳ ጸኣታ ሄራካ ኤሂዳ፤ ካዎዚኔ ኢዛ ሹሜታ፣ ኢዛ ማቼቲኔ ኢዛ ላጌላቲ ሃይታ ሃ ጸኣታን ኡዩዳ።

4 ኡሻ ኡዩሼ ዎርቃፊ፣ ቢራፔ፣ ጸርቁማላፔ፣ ቢራታፔ፣ ሚላፊኔ ሹቻፊ ኦሴቲዳ ኤቃ ጸሳታ ጋላቲዳ።

5 ቆፖንታ ዲሺን አሳ ኩሹ ቢራዴቲ ቤቲዳ ጸሳ ከላን ጸዎፔ ዎሊዛሶፔ ሲንሳ ባጋራ ሜሼቲ ዲዛ ካዎ ከላን ጎዳ ቦላ ጸፎ ኦይቢዳ፤ ሄ ቢራዴቲ ጸፊሺን ካዎዚ ቤዩዳስ።

6 ሄ ዎዳ ካዎዚ ከሄ ዳጋሚዳስ፤ ኢዛ ኣይፊሶይ ላሚቲዳስ፤ ኢዛ ኩሹቲኔ ቶሆቲ ዶጪዳ፤ ኢዛ ጋዴይ ኮኮሪዳስ።

7 ካዎዚ ሳጋታ፣ ማርታኔ ጸሊንቲ ቆዳዛይታ ባኮ ገልላና ማላ ኣዛዚዳስ። ኢሰቲካ ጸይጌቲ ዩን ካዎዚ ባቢሎኔ ኤራንቻታስ፣ «ሃይሳ ጸፊቲዳ ቃላ ናባቢዳ ኢዛ ቢርሼላ ታስ ዮታና ዳንዳይዛይይ ኦኒካ፣ ኦቻ ቴራ ሚሳቲዛ ሴሎ ማይኦ ማይኦና፤ ዎርቃፊ ኦሴቲዳ ጌጾ ቆዴን ኣላና፤ ኢዛዴይ ታ ካዎቴላንካ ሄሻንላ ማራን ሹሜታና» ገዴስ።

8 ኣዶ ኤራንቻቲ ካዎዛኮ ሹቁዳ ሺን ሄ ጸፊቲዳይሳ ናባባናሲኔ ኢዛ ቢርሼላ ካዎዛ ኤሪሳናስ ዳንዳይዳይ ኦኒካ ኢሰታ ገዴፊ ቤቲቤና።

9 ካዎ ቤሊሻጸሬይ ካሴፔ ከሄ ባቢዳ ገሻሰ ኢዛ ኣይፊሶይ ላሚቲ ላሚቲ ቢዳስ፤ ኢዛ ሹሜታስ ሃኒዛዚ ጳዩን ዳጋሚዳ።

10 ጎዳቲያ ካዎዛ ጨንጉርሲኔ ሹሜታ ቃላ ሲያዳ ገቢራይ ኢዛን ዲዛ ከላ ገላዳ፣ «ካዎ! ኔኒ ሜርናስ ካዎታ! ዳጋዎፋ፤ ኔ ኣይፊሶይ ላሚቲ።»

11 ገሻ ጸሳታ ኣያናራ ዲዛ ኢሳዴይ ኔ ካዎቴላ ገዴን ዳስ፤ ሃሳዴይካ ካሴ ኔ ኣዎይ ካዎቴላን ዲሺን ኢዛስ ጸሳታ ማላ ኣዶ ኤራቴላ፣ ኤራቴላኔ ኣከካይ ኢዛን ኩሚዳይ ገዴ ቤቲዳስ፤ ሃሳ ገሻሰ ካሴ ኔ ኣዎይ ካዎ ናቡካዳናጸሬይ ኢዛ ማርታስ፣ ሳጋታስ፣ ሙሬኒዛይታሲኔ ጸሊንቲ ታይቢዛይታስ ኡባታስ ሃላቃ ኦሊ ሹሚዳስ።

12 ኢዚ ኣጉሞኔ ማሌላ ቢርሻናሲ፣ ቆቴቲዳ ጸራ ዮኦታካ ቆንጫሳናስ ሎኦ ኣያናይ፣ ኤራይኔ ኣከካይ ዳስ፤ ሃሳ ገሻሰ ካሴ ኔ ኣዎ ናቡካዳናጸሬይ ኢዛ፣ «ቢልጸሶሬ» ገ ሱንላዳ ዳኔላ ኔ ጸይጌሳ ኤሂሲኮ ኢዚ ሃይሳ ጸፊቶይሳ ቢርሼዳ ኔስ ዮታና» ጋዴስ።

ዳኔሊ ካዎዛስ ጸራ ዮኦዛ ቆንጫሴላ

13 ሄ ዎዳ ሄራካ ዳኔላ ካዎዛ ሲንላ ሺሺዳ፤ ካዎዚካ ኢዛ፣ «ታ ኣዎይ ካዎ ናቡካዳናጸሬይ ዩሁዳ ዳሬፔ ዲኢ ኤሂዳይታፔ ዳኔላ ጌቲቲዛይሲ ኔኔ?»

14 ኔ ቦላ ገሻ ጸሳታ ኣያናይ ዲዛይሳኔ ኔስ ኤራቴላ፣ ኣከካይኔ ኣዶ ኤራቴላ ዲዛይሳ ታኒ ሲያዳስ።

15 ኣዶ ኤራንቻቲኔ ሳጋቲ ኡባይ ሃይሳ ጸፊቲዳይሳ ናባቢዳ ቢርሻና ማላ ታ ሲንላ ሹቁዳ፤ ኢሰቲ ገዴኮ ኢዛ ቢርሼላ ታና ኤሪሳናስ ዳንዳይቤቲና።

16 ኔኒ ገዴኮ ጸራ ዮኦታ ቢርሻናሲኔ ዎዩሲዛ ሚሻታ ዉርሳ ቆንጫሳናስ ዳንዳይዛይሳ ታ ሲያዳስ፤ ሃሳ ገሻሰ ኔኒ ሃይሳ ጸፊቲዳይሳ ናባባዳ ታስ ቢርሻ ዮቲኮ ኢሰቲ ኔና ኦቻ ቴራ ሚሳቲዛ ሴሎ ማይኦ ማይዛና፤ ዎርቃፊ ኦሴቲዳ ሞጋ ኔ ቆዴን ኣላና፤ ታ ካዎቴላንካ ሄሻንላ ማራን ታ ኔና ሹሚና» ገዴስ።

17 ዳኔሊካ ኢዛስ፣ «ካዎ! ኔ ታስ ኢሚና ኢሞታይ ኔስ ገዴ፤ ኔ ታስ ኢሚናይሳካ ሃራስ ኢሚና፤ ታኒ ገዴኮ ሄ ጸፊቲዳይሳ ናባባዳ ቢርሼላ ኔስ ዮታና።»

18 «ካዎ! ኡባፊ ቶቃ ጸሳይ ካሴ ኔ ኣዎ ናቡካዳናጸሬሰ ካዎቴላኔ ገታቴላ፣ ቦንቻኔ ቴማቴላ ኢሚዳስ።»

19 ኢዚ ኢሚዳ ገታቴላፊኔ ማታፔ ዳንዳይዳይሳን ዲማ ዲማ ዳሬቲ፣ ዲማ ዲማ ካዎቴላቲ፣ ዲማ ዲማ ቃላን ሃሳይዛይቲ ኡባይ ኢዛስ ኮኮሪዳኔ ያዩዳ።

ኢዚካ ባ ዎዳና ኮዩዳይሳ ዎዴስ፤ ኣሻና ኮዩዳይ ኣሼሰ፤ ባ ቶቁሳና ኮዩዳይሳ ቶቁሴስ፤ ካዉሻና ኮዩዳይ ካዉሼሰ።

20 ገዴ ኣቲን ኢዚ ኦቶሬቲዳ ዎዴኔ ኢዛ ዎዚናይ ሙሚዳ ዎዴ፣ ባ ካዎቴላ ኣራታፔ ዎዴዳስ፤ ቦንቻይካ ኢዛፔ ቃሬቲዳስ።

21 ኢዚካ ዳሬ ገዴፊ ጎዴቲዳስ፤ ኢዛ ካሃይካ ላሚቲዳ ኢዛስ ሚሄ ካሃይ ኢሚቲዳስ፤ ኢዚ ሚሄ ማላ ማታ ሚሼ ሃርዲዳታራ ዳኢዳስ፤ ኣቁዛሶይ ጳዩን ኢዛ ቦላይ ጸዛን ሙሲዳስ፤ ሄሲ ሃሳላ ሃኒዳይ ኡባፊ ቶቃ ጸሳይ ካዎቴላ ኡባ ቦላ ጎዳ ገዴዳይሳኔ ካዎቴላ ኡባ ባ ኮዩዳ ኣሳስ ኢሚናስ ዳንዳይዛይሳ ኢዚ ኤራና ጋካናሳ።

22 «ቤሊሻጸሬ! ኔኒ ኢዛ ና ገዴ ኡታዳ ሃሳ ኡባ ኤራሼ ኔኒ ኔና ዘቁ ሂሰታቤካ።»

23 ሃሳፊ ቦላራካ ሳሎ ጎዳ ቦላ ኔ ኦቶሬታዳ ኔርካ ኔና ቶቁ ቶቁ ሂሰታዳሳ፤ ጸሳ ከላፊ ዲኤቲ ዩዳ ዎርቃፊኔ ቢራፔ ኦሴቲዳ ሚሻታ ኔኒ ኤሂሳዳ፣ ኔኒ ኔ ሹሜታ፣ ኔ ማቼቲኔ ኔ ላጌላቲ ኢሲፊ ኢሰታን ዎይኔ ኡሹ ኡዩዳ፣ ሂሰቲዳ ጸላናሰ፣ ሲያናሰ፣ ኣከካናስ ዳንዳይዮንታይታ ዎርቃፊ፣ ቢራፔ፣ ጸርቁማላፔ፣ ቢራታፔ፣ ሚላፊኔ ሹቻፊ ኦሴቲዳ ኤቃ ጸሳታ ጋላቲዳታ፤ ኔ ሹሞፖኔ ኔ ኦጌ ባ ኩሹን ኦይቢዳ ጸሳ ቦንቻቤካ።

24 ሃሳ ገሻሰ ኢዚ ጸፊዛ ጸፊዳ ኩሹዛ ዩዲዳስ።

25 «ጸፊቲዳይሲካ፣ ማኔ! ማኔ! ቴቁሌ! ፋሪስ» ገሰ።

26 ሃሳ ቢርሼላ ሃይሳፊ ካሊዛይሳ፤ ማኔ! ጉሲ፣ «ጸሲ ኔ ካዎቴላ ላይሳ ቆዲዳስ፤ ዉርሴላካ ጋሊዳስ» ጉሳ።

27 ቴቁሌ! ጉሲ፣ «ኔኒ ሜዛኔን ጌዳሬታዳሳ፤ ካዉያ ቤታዳሳ» ጉሳ።

28 ፋሪስ! ጉሲ፣ «ኔ ካዎቴላ ሻኬቲ ዎዴዳስ፤ ሚዳኔታሲኔ ፓሪሴታስ ኢሚቲዳስ» ጉሳ» ገ ዛሪዳስ።

29 ሃሳፊ ጉዩ ቤሊሻጸሬ ኣዛዘን ሄራካ ዳኔላ ኦቻ ቴራ ሚሳቲዛ ሴሎ ማይኦ ማይዚዳ፤ ዎርቃፊ ኦሴቲዳ

ሞገስ ለዚህ ቆይታ እሴትን ለዚህ ካዎቱን ሃሻንሎ ማራን ሹሚዳ።

30 ሃ ጋላ ጎረቤት ለሰሎን ካዎ ቤሊሻጸሬይ አሳ ኩሼን ሃይቁደስ።

31 ሃ ዋዴ ሊዛስ ላይላይ 62 ጊዲዳ ሜዶኔ ዳሬ አስ ዳሪዮሲ ካዎቱላ ኦይኪዳስ።

6

ጋሞታ ኦላን ዳኔላ ዩጌቱሳ

1 ካዎ ዳሪዮሲ ባ ካዎቱላ ኡባ ጊደን ባፔ ጋርሳራ ቢታ ሃሪዛ 120 ዳናታ ሹሚናስ ኮዩዳስ።

2 ቃሴ ካዎዛስ እይኮይካ ፓጮንታ ማላ፣ ሄ ቢታ ሃሪዛይታ ጸላና ማላ ሃሹ አሳታ ሃላቃ ኦሊዲ ደሪዳስ፤ ደሬቲዳይታፔ ኢሶይ ዳኔላ።

3 ዳኔላ ሃንኮ ዳሬ እይሲዛይታፔኔ ዳናታፔ አቆ ኤራቱላን ኩሚዳዳ ጊዲ ቤቲዳ ጊሻስ ካዎዚ ኢዛ ባ ካዎቱላ ቦላ ሹሚናስ ቆፒዳስ።

4 ሃሳፌ ጉዬ ሃንኮ ዳሬዛ እይሲዛይታፔ ዳናቲ ዳኔላ ኦሊዛ ካዎ ኦሶዛ ቦላ ካሳሴ ዳሚዲ ሞታና ኮዩዳ፤ ጊደ አቲን ዳኔላ ኬሂ ባና ናጊዛዴ፣ አማኔቲዳዴኔ ኢዛ ኦሶዛ ቦላ ዋሶይ ባይንዳ ጊሻስ ኢዛፔ ሞሮ ዳሚናስ ዳንዳይቤቲና።

5 ሃሳ ጊሻስ ኢሳቲ ባ ጋርሳን፣ «ኑ ዳኔላ ሞታናስ ኮይኮ ኢዛ ጸሳ ሞገስ ጋሶንፔ አቲን ሃራ ኦጌራ ኑ ኢዛ ሞታናስ እይ ሞሮካ ዳሚናስ ዳንዳዮኮ» ጊዳ።

6 ሃሳፌ ጉዬ ዳሬ እይሲዛይታፔ ዳናቲ ኢሲ ቦላ ካዎዛኮ ቢዲ፣ «ካዎ ዳሪዮሳ! ኔኒ ሚርናስ ካዎታ!

7 ኔኒ ኔ ካዎቱላ ጋርሳን ዳሬ እይሳናስ ኡቲዳይቲ ካዎቱላን ቆቃ ሹሚቲ፣ ሞኮኔቲ፣ ዳናቲ፣ ዳሬዛ እይሲዛይታፔ ዘሪዛይቲ፣ ኔኒ ኢሲፌ ዘሬ ቃቸዳ ኢሲ ሚሺ ዳስ፤ ሄሲካ ሃቸሬ ቢዲ ሃሹ ታሙ ጋላስ ጋካናስ እይ አሲካ ኔናፔ አቲን ሃራ እይ ጸሲካ ዋይኮ ሃራ አስ ዋሶንታ ማላ ኔ አዋጃ፤ ሄሳ ሄ አዋጃ አላንታይይ ጋሞታ ኦላን ዩጌታና ማላ ኔ አዛዛ።

8 ሃሳ ጊሻስ ካዎ! ሃይሲ አዋጃዚ ሜዶኔኔ ፓሪሴ ሞገስ ማላ ላሚቶንታ ሚኖ ጊዳና ማላ ኔኒ ኢዛ ቦላ ኔ ፒሪማ ዋላ» ጊዳ።

9 ሃሳ ጊሻስ ካዎ ዳሪዮሲ አዋጃዛ ጸፊ ፓራሚዲ ኬሲዳስ።

10 ዳኔላ አዋጃዚ ፓራሚቲዲ ኬዚዳይሳ ኤሪዳ ማላ ባሶ ቢዳስ፤ ፖቄ ቦላ ማስኮቲይ ዩሩሳላሚ ባጋ ሲሚዲ ደዩቲ ዲዛ ከፊሌዛን ካሴ ዋሲዛይሳ ጋላስ ጋላስ ሃሹቶ ጉልባቲዲ ዋሲዳስ፤ ባ ጸሳካ ጋላቲዳስ።

11 ሃይቲ ዙፔቲዳ አሳቲ ኢሲፌ ቢዲ ዳኔላ ባ ጸሳ ዋሲሺን ዳሚዳ።

12 ኡባይካ ኢሲፌ ካዎዛኮ ቢዲ፣ «ካዎ! ኔኒ ሃይሳፌ ካሴ ቢዲ ሃሹ ታሙ ጋላስ ጋካናስ ኔፔ አቲን አሲ ሃራ እይ ጸሳኪካ ዋይኮ አሳስ ሆኪ ጎይኒዛ አሲ ጋሞታ ኦላን ዩጌታና ማላ አዋጃ ፓራማ ኬሳቤኪ?» ጊ ኦይቸዳ።

ካዎዚካ «ኤ፣ ሜዶኔኔ ፓሪሴ ሞገስ ማላ ላሚቶንታ ሚኖ አዋጃይ አዋጃቲዳስ» ጊዳስ።

13 ኢሳቲካ፣ «ካዎ! ሂሳቲን ሃኮ ዩሁዳፔ ዲኤቲ ዩዳይታፔ ኢሶይ ዳኔላ ኔና ኔ ጸፋ ኬሲዳ አዋጃዛ ቦንቸና፤ ኢዚ ሃኢካ ጋላስ ጋላስ ሃሹቶ ባ ጸሳ ዋሲስ» ጊዳ።

14 ካዎዚካ ሃሳ ሲዩዲ ኬሂ ጨጨዳስ፤ ዳኔላ አሻናስ ቆፋ ቃቸዳስ፤ አርሼይ ዉላና ጋካናስ ኢዛ አሻና ኦጌ ሚቆናስ ዳሬቲዳስ።

15 አሳቲካ ኢሲፌ ካዎዛኮ ቢዲ «ካዎ! ሚዶኔኔ ፓሪሴ ሞገስ ኢሲ ካዎይ ባ አዋጃዳ አዋጃ ዋይኮ ባ አዛዚዳ አዛዙ ላማናስ ዳንዳዮንታይሳ ኔ ኤራ!» ጊዳ።

16 ሃሳ ጊሻስ ዳኔላ ኦይኬቲ ዩዲ ጋሞታ ኦላን ዩጌታና ማላ ካዎዚ አዛዚዳስ። ካዎዚካ ዳኔላ፣ «ኔኒ ኡባ ዋዴ አማኔቱላን ኢዛስ ጎይኒዛ ኔ ጎዳይ ኔና አሾ» ጊዳስ።

17 ኦላዛ ደና ሹቻራ ጎርዲዲ ዳኔላ ቦላ ኦሴቶይሲ ላሚቶንታ ማላ ካዎዚ ባ ሚዲጋ ማታሚኒኔ ሹሚታ ሚዲጋ ማታሚን ሾጪዳስ።

18 ሃሳፌ ጉዬ ካዎዚ ጌዳ ባሶ ካዎ ኬሳ ሲሚዳስ፤ ካዎካ ሚሴና፤ ኢዛ ኡፋይሲዛ ሚሺ ኢዛኮ ሺቆንታ ማላ ኢዲዲ ቆሰኮይ ባይንዳ አቁዳስ።

19 ማላደ ሞንታራ ቡሮ ባዛይ ዘኢሺን ካዎዚ ዳንዲዲ ኤሶን ጋሞታ ኦላኮ ቢዳስ።

20 ኢዚ ሄ ጋኪዳ ማላ ጨጨሽ፣ «ዳኑ ጸሳ አሳንቻ ዳኔላ! ኔኒ ኢዛስ አማኔቱላን ኦሊዛ ኔ ጸሳይ ኔና ጋሞታፔ አሻናስ ዳንዳይዳ?» ጊዲ ጸይጊዳስ።

21 ዳኔላካ ኢዛስ፣ «ካዎ! ኔኒ ሚርናስ ካዎታ!

22 ጋሞቲ ታና ቆሆንታ ማላ ጸሲ ባ ኪታንቻ ታኮ ኪቲዲ ኢሰታ ደና ጎርዲዳስ፤ ኢዚ ሃሳላ ኦሊዳይ ታኒ ኢዛ አቻን ጸሎኔ ኔናካ ታኒ ቆሆንታይሳ ኢዚ ኤሪዛ ጊሻሳ» ጊ ዛሪዳስ።

23 ካዎዚ ኬሂ ኡፋዬቲዳስ፤ ዳኔላካ ጋሞ ኦላ ጊደፌ ኬሳና ማላ አዛዚዳስ። ዳኔላ ባ ጸሳን አማኔቲዳ ጊሻስ ኢዚ ኦላፌ ኬዚዳ ዋዴ ኢዛ ቦላ ኢሲ ቆሆይካ ጋኪሴና።

24 ሃሳፌ ጉዬ ካሴ ዳኔላ ዋርዶራ ሞቲዳ አሳቲ ባ ማቸታራ፣ ባ ናይታራ ኦይኬቲ ዩዲ ጋሞታ ኦላን ዩጌታና ማላ ካዎዚ አዛዚን ጋሞታ ኦላን ኢሰታ ዩጊዳ፤ ኢሰቲ ኦላን ዲጌ ጋኮንታ ዲሺን ጋሞቲ ፑዚ ዩጊዲ ኢሰታ ሚቁላታ ኒፊፊ ሂሰቲ ሚንጭራዲ።

25 ሃሳፌ ጉዬ ካዎ ዳሪዮሲ አላሜ ቦላ ዲዛ ዳራስ፣ ካዎቱላታሲኔ ዲማ ዲማ ቃላን ሃሳይዛ አስ ኡባስ ሃይሳፌ ካሊዛ ኪታ ጸፊ ኪቲዳስ፤

«ሳሮይ ኢንቲስ ጊደ!

26 ታ ካዎቱላን ዲዛ ዳሬይ ዉሪካ ዳኔላ ጸሳስ ያያና ማላኔ

ኢዛ ቦንቻና ማላ
ታኒ አዋጃ ኬሳዲስ፤
ኢዚ ሚርናስ ዳኢዛ ዳኑ ጸሳ፤
ኢዛ ካዎቱላ ጸዮንታ
ካዎቱላ፤
ኢዛ ካዎቱላሰካ
ዉርሴላ ዳና።

27 ኢዚ አሽሲኔ ማዳስ፤
ኢዚ ሳሎኒኔ ሳኦን ማላታታኔ
ማላሊሲዛ ሚሻታ ኦሌስ፤
ኢዚ ዳኔላ ጋሞታ
ደናፔ አሽዳስ» ጊዳስ።

28 ሃሳ ጊሻስ ዳኔላ ካዎ ዳሪዮሳ ካዎቱላ ዋዴኒኔ ፓሪሴ ዳሬ አስ ቂሮሳ ካዎቱላ ላይሳ ኡባን ኢዛስ ዳኑይ ኢንጃቲዳስ።

7

ዳኔላስ አጁታን ቆንጨዳ ኦይዱ ደአታ (7:1—12:13)

1 ባቢሎን ካዎ ቤለሸጸሬይ ካዎቲዳ ኮይሮ ላይሳ ዳኔሊ ባ አልጋን ኢቺ ዲሼ አጉሞኔ አጁታ ቤዩዳስ፤ ሃሳፌ ጉዬ ባ ቤኢዳ አጉሞዛ ጸፊዳስ።

2 ዳኔሊ፡ «ሳሎ ጫርኮ ኦይዳቲ ዎጋ አባ ቃሊሺን አማርስ አጁታን ቤያዲስ።

3 ዲማ ዲማ ቆሞ ዎጋ ጊታ ኦይዱ ደአቲ አባፌ ኬዚዳ።

4 «ኮይሮ ደአዚ ጋሞ ሚሳቲስ፤ ኢዛስ ጎሌ ቁፌ ማላ ቁፌቲ ዳቲስ፤ ታኒካ ጸሎን ዲሺን ሄ ቁፌቲ ሾይቲ ሾይቲ ዎዲዳ፤ ሄ ደአዚ ዶቁ ጊዲ አሳ ማላ ናሞኡ ቶሆታን ኤቁዳስ፤ ኢዛስ አሳ ዎዚናይ ኢሜቲዳስ።

5 «ናሞአንሎ ደአዚ ዛርዶ ደአ ሚሳቲስ፤ ኢዚ ኢሲ ሚሎን ዶቁ ጊ ኤቁዳስ፤ ኢዚ ባ አቻን ሄቹ ሚሎ ሜቁላታ ሳጺ ኦይኪዳስ፤ ሳ ኮዩዳ ኬና አሾ ማ፣ ጊዛ ቃላይ ኢዛስ ዮቲቲዳስ።

6 «ታኒ ሃሳ ጸሎን ዲሺን ማሄ ሚሳቲዛ ሃራ ደአይ ኬዚዳስ፤ ኢዛስ ካፎ ቁፌ ሚሳቲዛ ኦይዱ ቁፌቲ ዘኮ ቦላ ዳቲስ። ኦይዱ ሁኤቲ ኢዛስ ዳቲስ፤ ጎዳቲላካ ኢዛስ ኢሜቲዳስ።

7 «ሃሳፌ ጉዬ ኦይዳንሎ ደአዛ ታ ቤያዲስ፤ ኢዚካ ኬሂ ባቢሲዛ፡ ዳጋንሊዛዚኔ ዎልቃማ ደአ፤ ሄ ደአዛስ ፑዜሬሊዛኔ ሜንሌሬሊዛ ቢራታ ሚሳቲዛ ጊታ አቻቲ ዳቲስ። ኢዚ ሚሺን አቲዳይሳ ባ ቶሆታን ዬዴቲስ፤ ካሴ አዲዳ ደአታ ኡባፌ ኢዚ ዲማ፤ ኢዛስ ታሙ ካጩቲ ዳቲስ።

8 «ታኒ ካጩታ ጊሻስ ቆፋን ዲሺን ካጩታ ጊዶራ ሃራ ኢሲ ጉላ ካጩይ ኬዚዳስ። ኮይሮ ካጩታፕ ሄቫቲ ሾይቲ ዎዲዳ፤ ሄ ጉላ ካጩዛስ አሳ አይፌይኔ ኦቶሬቲላን ሃሳይዛ ደናይ ዳስ።

9 «ታ ጸሎን ዲሺን
አራታቲ ሚጩቲዳ፤
ቤኒ ቤኒሶፌ ዲዛይሲ
ኢዛ ቦላ ኡቲዳስ፤
ኢዛ ማይኦይ
ሻቻ ማላ ቦላ፤
ኢዛ ቢናናይካ
ፑቶ ማላ ቦላ፤
ኢዛ አራታይ ታማ ላጮ፡
ኢዛ ፓራ-ጋሬቲ ኤጺዛ ታማ ማላ።

10 ኢዛ ሲንሳራ ታማ ሃሊ
ፑልቲ ጎጌስ፤
ኢዛስ ዳር ሺያን ቆዳቲዛ
አሳንቻቲ ዳቲስ፤
ቆዳይ ባይንዳ ዳሬይ
ኢዛ ሲንሳን ኤቁዳስ፤
ፒርዳ ሺሎታይካ ኡቲዳስ፤
ማጸፋቲካ ደዬቲዳ።

11 «ታኒ ሄ ካጩዚ ሃሳይዛ ኦቶሮ ቃላፕ ዳንዲዳይሳን ታ ኢዛኮ ጉጃ ጉጃ ጸላዲስ፤ ሄ ደአዚ ኦይኬቲዲ ሹኬታና ጋካናሲኔ ኢዛ አሾይ ሲፋሌቲዲ

ጌዳ ላጩዛ ታማን ኦሌታና ጋካናስ ታኒ ጸሎ አጋቤኮ።

12 ሃንኮ አቲዳ ደአታ ጎዳቲላ ኢስታፌ ኤኬቲዳስ፤ ጊዶ አቲን ጉላ ዎዳስ ኢስቲ ሸሞፖራ ፓጻ ዳኦና ማላ ፒቃዳይ ኢሜቲዳስ።

13 «አሳ ና ሚሳቲዛዳይ ሳሎ ሻራይ ኢዛ ጊዶላ ኦይኪን ዩዛይሳ ኦማርስ አጁታን ቤያዲስ፤ ኢዛ ጌዳ ቤኒ ቤኒሶፌ ዲዛይሳኮ ሺሺዳ።

14 አላሜ ቦላ ዲዛ አስ ኡባይ፡ ካዎቲላቲ ኡባይኔ ዲማ ዲማ ቃላን ሃሳይዛ ዛሬቲ ኡባይ ኢዛስ ሃጋዛና ማላ ጎዳቲላ፡ ቦንቶይኔ ካዎቲላ ኢዛስ ኢሜቲዳስ፤ ኢዚ ሜርናስ ሃራና፤ ኢዛ ካዎቲላስካ ወርሴላ ዳና።

አጁታዛ ቢርሼላ

15 «ታኒ ዳኔሊ ሃይሳ ታ ቤኢዳ አጁታን ኬሃ ሜቶታዲስ፤ ታ ሸሞፖያካ ጩጫዳስ።

16 ታስ ሄን ጋዳን ኤቁዳይታፕ ኢሳኮ ሸቃዳ ሃይሳ ኡባ ቱሙ ቢርሼላ አዛኮ ኦይቻዲስ፤ ኢዚካ ታስ ሃሳ ኡባ ቢርሼላ ዮቲዳስ።

17 ኢዚካ ታስ፡ ሳይቲ ዎጋ ጊታ ኦይዱ ደአቲ ቢታፌ ዳንዳና ኦይዱ ካዎታ።

18 ጊዶ አቲን ኡባፌ ዶቃ ጸሳ ጌሻቲ ኢዛ ካዎቲላ ባስ ኤካና፤ ሜርናስ ኦይካና፤ ኤ ሜርናስ ኢስቲ ኦይካና፤ ጊዳስ።

19 «ሃሳፌ ጉዬ ታኒ ሃንኮ ደአታ ኡባፌ ዲማቲዲ ያሺሲዛ ኦይዳንሎ ደአሲ ዲዛ ቱሙ ቢርሼላ ኤራናስ ኮያዲስ። ሄ ደአስ ቢራታ አቲኔ ጸርቁማላ ጸጉንሊ ዳስ፤ ኢዚ ባናራ ጋይቲዳ ኡባ ሜንሌሬላ ሜስ፤ ሚሺን አቶይሳ ባ ቶሆን ዬዴሬቲስ።

20 ቃሴካ ሄ ደአዛ ሁኤን ዲዛ ታሙ ካጩታ ጊሻስ፡ ኢስታ ጊዶን ሞኪዳ ካጩ ጊሻሲኔ ሄ ካጩታ ጊዶፌ ሾይቲዳ ሄቹ ካጩታ ጊሻስ ሃሳላካ ሃራታፕ አዲዛ አሳ አይፌ ሚሳቲዛ አይፌታ ጊሻስ፡ ኦቶሮቲላን ሃሳይዛ ደናይ ኢዛስ ዲዛ ሃ ካጩዛ ጊሻስ ታ ኤራናስ ኮያዲስ።

21 ቤኢቲ ታ ጸሊሺን ሃይሲ ሃ ካጩዚ ጌሻታ ቦላ ኦላ አዎጁዲ ኢስታ ጸኒዳስ።

22 ሄሲካ ሃኒዳይ ቤኒ ቤኒሶፌ ዲዛይሲ ያና ጋካናሲኔ ኡባፌ ዶቃ ጸሳይ ጌሻታስ ቱማ ፒርዳ ፒርዳና ጋካናሳ። ጌሻቲ ኢዛ ካዎቲላ ላቲዛ ዎዳይ ጋቢዳስ።

23 «ኢዚካ ታስ ሃሳ ቢርሼላ፡ ሳይ ኦይዳንሎ ደአዚ ቡርፕ ቢታ ቦላ ዳንዳና ኦይዳንላ ካዎቲላ፤ ሄሲ ሄ ካዎቲላይ ኡባፌ ዲማ ጊዲዳ ጊሻስ ኢዚ ቢታ ኡባ ዎራጂዲ ባ ቶሆን ዬዳና፡ ለቁሳናኔ ማና።

24 ታሙ ካጩቲ ሄ ካዎቲላ ጊዶፌ ኬዛና ታሙ ካዎታ፤ ሃሳፌ ጉዬ ካሴ ካዎታፕ ሃራ ዲማ ካዎይ ዳንዲዳ ሄ ታሙ ካዎታፕ ሄቫታ ሺሪ ዬጋና።

25 ኢዚ ኡባፌ ዶቃ ጸሳ ቦላ ማካላ ቃላ ሃሳያና፤ ኢዛ ጌሻታ ኢዚ ዎዩሳና፤ ኢዛ ቦንቶ ባኦሌታኔ ኢዛ ዎጋ ላማናስ ኢዚ ዳፊታና፤ ጌሻቲ ሄቹ ላይሊኔ ባጋ ጋካናስ ኢዛ ጎዳቲላ ጋርሳን ዳኦና።

7:3 እጁ 13:1፤ 17:8 7:6 እጁ 13:2 7:7 እጁ 12:3፤ 13:1 7:8 እጁ 13:5-6 7:9 እጁ 20:4፤ 1:14 7:10 እጁ 5:11፤ 20:12 7:13 ማቶ 24:30፤ 26:64፤ ማር 13:26፤ 14:62፤ ሉቃ 21:27፤ እጁ 1:7፤ 13፤ 14:14 7:14 እጁ 11:15 7:18 እጁ 22:5 7:21 እጁ 13:7 7:22 እጁ 20:4 7:24 እጁ 17:12 7:25 እጁ 12:14፤ 13:5-6

26 « ሩሃሳፌ ጉዬ ፐርዳ አራታይ ሚጠፍታና፤ እዚ ካዎቲላይ ኢዛፔ ቃሪቲ ኤኬቲን ኢዚ ሚርናሰ ሙሉራ ቆያና።

27 ሳሎፔ ጋርሳራ ዳኢዛ ካዎቲላ ኡባ ማታይ፡ ዎልቃይን ገታቲላይ ኡባፌ ቆቃ ጸሳ ዳሬ ገሻታሰ እሚታና። እዚ ካዎቲላይካ ሚርና ካዎቲላ ገዳና፤ ዳሬዛ ሃሪዛይቲ ኡባቲ ኢዛሰ አዛዜታና ኢዛሰ ጎይናና ገዳሰ።

28 «ታ አጂታ ቢርሼላ ሃይሳን ፖሌቲሰ፤ ታኒ ዳኔሊ ታ ቆፋን ኬሃ ጩጫዲሰ፤ ታ አይፌሶይ ላሚቲዳሰ፤ ገደ አቲን ታኒ ሃይሳ ወርሳካ ታ ዎዚናን ቁምኣ ኦይካዲሰ» ገደሰ።

8

ዳኔሊ አጂታን ቤኢዳ ቆርሾኔ ኦርጌ

1 ቤሊሻጸሬይ ካዎቲዳ ሃዳንላ ላይላን ታኒ ዳኔሊ ሃይሳፌ ካሴ ቤኢዳይሳፌ ሃራ አጂታ ቤያዲሰ።

2 ኤላማ አወራጃን ሱሳ ገምቤ ማታን አጂታን ታና ቤያዲሰ፤ አጂታዛን ታኒ ኡላዬ ሻፋ አቻን ዳይሰ።

3 ታኒ ቆቁ ሂሰታ ጸላሽ ሄ ሻፋዛ አቻን ናምኡ ገታ ካጩቲ ዲዛ ኢሲ ቆርሾይ ኤቁዳይሳ ቤያዲሰ፤ ካጩቲ አዲሳ፤ ሄ ካጩታፔ ኢሶይ አዲቁ ኤኬሰ፤ ገደ አቲን ኢዚ ሞኪዳይ ጉዬፔ።

4 ሄ ቆርሾዚ ባ ካጩን አርሼይ ወሊዛ ባጋ፡ ፑዳሃ ባጋኔ ዳጌሃ ባጋ ቃይጩሰ፤ አይ ሚዳሳይካ ኢዛራ ኤቁታና ዳንዳይቤና፤ ኢዛ ኩሼፔካ አሻና ዳንዳይዛይ ዳና፤ ኢዚ ባ ኮዬዳ ማላ ኦሲዳሰ፤ ሂሰቲዲ ካሴፔካ ሚኒ ሚኒ ቢዳሰ።

5 ታኒ ሃሳ ሄ አጂታዛ ገሻሰ ዩሻ ቆፐሽን ኢዛ አይፌታፔ ገደን ገታ ካጩይ ዲዛ ዳይሻ ኦርጌይ ቶሆን ጋዴ ዩቶንታ ዲሼ ቢታ ካንሱዲ ቆፖንታ አርሼይ ወሊዛ ባጋፌ ዩዳሰ።

6 ካሴ ሻፋ አቻን ኤቁ ዲሺን ታ ቤኢዳ ናምኡ ካጩራ ዲዛ ቆርሾዛኮ ሃንቆራ ዲዲሚ ዩዲ ኢጨዳሰ።

7 ኢዚ ቆርሾዛኮ ሸቁሽን ታ ቤያዲሰ፤ ኢዚ ቆርሾዛ ሃንቆን ኢጨዲ ቆርሾዛ ካጩታ ናምኣታ ሚንሱሬላ ዩጊዳሰ፤ ቆርሾዛካ ኢዛራ ኤቁታናሰ ዎልቃ ቆይዳሰ፤ ሃሳ ገሻሰ ኦርጌዚ ቆርሾዛ ዳጌ ቢታ ቦላ ዩጊዲ ኢዛ ባ ቶሆን ዩቆ ኤቁዳሰ፤ ቆርሾዛ ዳይሻፌ አሻና ዳንዳይዛይ ቤቲቤና።

8 ዳይሻ ኦርጌዚ ኬሃ ሚኒ ሚኒ ዎልቃቲ ቢዳሰ፤ ገደ አቲን ኢዚ ባ ዎልቃን ሚኒ ሚኒ ቢዳ ዎዴ ኢዛሰ ገታ ካጩዚ ሚቁ ዎዴዳሰ፤ ሄ ካጩዛሶሆዛን ሃራ ኦይዲ ገታ ካጩቲ ሞኪዳ፤ ኢሰቲ ኡባይካ ሳሎ ጫርኮ ኦይዳታ ባጋ ሰሚ ዲጨዳ።

9 ሃይታ ኦይዲ ካጩታፔ ኢሳ ቦላ ሃራ ጉላ ካጩይ ሞኪዳሰ፤ ሄ ጉላ ካጩዛ ዎልቃይ ዳጌሃ ባጋኔ አርሼይ ሞኪዛ ባጋ ጌዴ ሎኦ ዳሬይኮ ኬሃ ዲጨ ዲጨ ቢዳሰ። *

10 ፑዴ ሳሎ ሚዳቲላታኮ ጋካናሰ ቆቁ ገደሰ፤ ሳሎ ጸሊንቲታፔ አማርዳይታ ዳጌ ቢታ ቦላ ዩጊዲ ኢሰታ ቦላ ዳሬቲዳሰ።

11 ሳሎን ዲዛ ሚዳቲላታ ሃላቃራ ገናታና ኮዬዲ ባና ቆቁ ዶቁ ሂሰቲዳሰ፤ ጋላሰ ጋላሰ ሸቁዛ ያርሾዚ ኢዛሰ ሸቆንታ ማላ ዲጊዳሰ፤ ጸሳ ኬላካ ቱኒሲዳሰ።

12 ማካላቲላ ጋሶን ገሻታ ኦላንቻቲኔ ጋላሰ ጋላሰ ሸቁዛ ያርሾዚ ኢዛሰ እሚቲዳሰ፤ ኢዚ ኦላዛ ሚሺ ወሪካ ኢዛሰ ገጊ ገጊ ቢዳሰ፤ ቱማይካ ዳጌ ሳኣን ኦላቲዳሰ።

13 ሃሳፌ ጉዬ ገሻታፔ ኢሶይ ሃሳይሺን ታ ሲያዲሰ፤ ቃሴ ገሻታፔ ሃራይ ኢሶይ ኢዛሰ፡ «ሃቶ ሃቶ ያርሾዚ ያርሾ አጂታይ ፖሌታና ዎዴይ አይዴ? ሃ ማካላቲላ ጋሶን ዩዛ ባሻይ አወዴ ጋካናሰ ጋምኦኔ? ቃሴካ ሳሎ ኦላንቻቲኔ ጸሳ ኬላይ አወዴ ጋካናሰ ዩዴቲሽ ዳኔ?» ገ ኦይቺዳሰ።

14 ሄ ኦይሼቲዳ ገሻይካ፡ «2,300 ማላዶኔ አማርሰ ጋካናሰ ጋምኦና፤ ሃሳፌ ጉዬ ጸሳ ኬላይ ጌያና» ገሺን ታ ሲያዲሰ።

አጂታዛ ቢርሼላ

15 ታኒ ዳኔሊ ሃይሳ አጂታዛ ጸሊሽኒኔ ዩሻ ቆፐሽን አሴ ሚሳቲዛይ ታ ሲንላን ኤቁዳሰ።

16 ኡላዬ ሻፋፔ ሄ ፐንላን፡ «ጋብሬሌ! ሃይሳ አዳዛሰ አጂታዛ ቢርሼላ ዮታ!» ገ ዋሲዛ አሳ ጩንጉርሰ ሲያዲሰ።

17 ጋብሬሌይ ታ ኤቃ ዲዛሰ ማቲ ማቲ ዩሺን ታ ዳጋማዳ ሲንላ ጉላ ጉፋናዲሰ፤ ኢዚካ፡ «አሳ ናወ! ሃይሲ አጂታዚ ቤሲዛይ አላሚ ወርሴላ ገሻሰ ገዲዳይሳ ኔ አኬካ» ገደሰ።

18 ኢዚ ሃሳ ዮቲሽን ታኒ ቢታ ቦላ ሲንላ ጉላ ጉፋናዲሰ፤ ኬሃ ጲሰኮ ሴራዲሰ፤ ኢዚ ገዲኮ ታና ካፊዲ ፑዴ ዳንሱ ታ ቶሆን ኤሲዳሰ።

19 ኢዚ ታና፡ «ሃይሲ አጂታዚ አላሚ ወርሴላን ሃና ዮኦታ ቤሴሰ፤ ጉዬፔ ሃንቆ ዎዴ አዚ ሃናናኮ ታ ኔሰ ዮታና።

20 ኔ ቤኢዳ ናምኡ ካጩራ ዲዛ ቆርሾዚ ሚዶኔኔ ፓሪሴ ካዎቲላታ ቤሴሰ።

21 ዳይሻ ኦርጌዚ ገሪኬ ካዎቲላ ቤሴሰ፤ ኢዛ አይፌታ ገደን ዲዛ ገታ ካጩዚ ኮይር ካዎዛ ቤሴሰ።

22 ሚቁዳሶዛን ሞኪዳ ኦይዲ ካጩቲ ሄ ካዎቲላይ ኦይዲ ኬዛናይሳ ቤሴቲሰ፤ ገደ አቲን ኮይር ካዎቲላ ማላ ሚኖ ገደንታይሳ ቤሴሰ።

23 «ኢሰታ ካዎቲላ ወርሴላ ዎዴይ ጋኪሺን ማካላንቻቲ ኢታቲላን ጉጂ ጉጂ ቢዛ ዎዴ ባቢሲዛ ሲንሱ ዲዛ ባሌላዛ ካዎይ ካዎታና።

24 ሄ ካዎዚ ኬሂፔ ሚናና፤ ገደ አቲን ባ ዎልቃን ሚኔና፤ ሻጲዛ ኢታ ሚሽ ኦላና፤ ኢዚ ኦላዛ ኡባይ ኢዛሰ ገጋ ገዳና፤ ገታ አሳታኔ ገሻታ ቆይሳና።

25 ኢዚ ማካላንቻ ገዲዳ ገሻሰ ሸጩቺ ሸጩቺ ዳሬታና፤ ኢዚ ባና ባርካ ገታ ማላ ቆዳና፤ ሳርን ዶሰ ገሺን ኢዚ ዳርታ ቆይሳና፤ ካዎታ ካዎ ቦላ ኢዚ ዳንዳና፤ ሂሰቲኮካ ዛሪዲ ኢዚ ቆያና፤ ገዲኮካ አሳ ዎልቃን ገደና።

26 «ማላዶኔ አማርሳ ዎዴ ሸቁዛ ያርሾ ገሻሰ ኔ ቤኢዳ አጂታይ ቱማ፤ ገደ አቲን ሃ አጂታይ

7:27 እጁ 20:4፤ 22:5 * 8:9 ሎኦ ዳሬ ገዛይሲ ካሴ አይሁዳቲ ባንታ ዳሬ ኢሰራኤሌ ቤሳናሰ ጎኤቲዛ ቃላ። 8:10 እጁ 12:4 8:16 ሉቃ 1:19፡26

ፖለቲካና ሱር ዳር ላይላፊ ጉዳይ ገደብ ኔ ዋዚናን ቁምኣ ኦይካ» ገደብ።

27 ታሰ ዳኔላሰ ዋልቃይ ኢዲዳሰ፤ ዳር ዋደካ ሳኬታ ኢቻዲሰ፤ ሄሳፊ ጉዳ ዳንዳዳ ካዎ ኦሶሶ ባዲሰ፤ ታ ቤኢዳ ኣጅታን ኬሃ ዳጋማዲሰ፤ ታ ኤራፔ ቦላ ገዲደሰ።

9

ዳኔላ ዋሳ

1 ሜዶኔ ዴሬ ኣሰ ኣርጾኪሲሴ ና ዳሪዮሲ ባቢሎንን ካዎቲደሰ።

2 ኢዚ ካዎቲዳ ኮይር ላይላ ታኒ ዳኔላ ካሴ ናቤ ኤርማሳሰ ኢሜቲዳ ጎዳ ቃላ ማላ ዩሩሳላሜይ ላሌታዳ ላፑን ታሙ ላይላ ጋምኣናይሳ ጌሻ ማጻፋታፔ ኣኩካዲሰ።

3 ሄሳ ገሻሰ ታኒ ማቃ ማይኣዳኔ ቢዲንጻ ቦላ ኡታዳ ጸማናሰ፤ ዋሳናሴ ጋናታናሰ ታ ኣይፊ ፑዴ ጎዳ ጸሳኮ ዳንሳዲሰ።

4 ታኒ ጎዳ ታ ጸሳ ዋሳሼኔ ፓጸሼ፡ «ኣቤት ጎዳ ጸሳወ፡ ኔና ሲቁዛይታሴ ኔ ኣዛዘታ ናገዛይታሰ ኔኒ ኔ ጫቂዳ ቃላኔ ሜርና ሲቆዛ ናገዛ ገታኔ ያሺሲዛ ጸሳ።

5 ኔኒ ገዲኮ ናጋራ ኦሊደሰ፤ ኔና ቆሂደሰ፤ ኢታ ሚሽ ኦሊደሰ፤ ማካሊደሰ፤ ኔ ኣዛዘታፔ ኔ ዋጋፔ ካሬ ኬዚደሰ።

6 ኔኒ ኔ ካዎታሰ፡ ኔና ኣይሲዛይታሰ፡ ቤኒ ኔ ኣዎታሴ ሄ ቢታይ ቦላ ዲዛ ዴሬ ኡባሰ ኔ ሱንጻን ዮቲዳ ናቤ ገዲዳ ኔ ኦሳንቻታ ሲዩቤኮ።

7 «ኣቤት ጎዳወ! ኔኒ ጸሎ፤ ኔኒ ገዲኮ ኔሰ ኣማኔቶንታ ገሻሰ ኔና ቢታ ኡባ ቦላን ኔ ላሊዳ ዩሁዳ ኣሳይ፡ ዩሩሳላሜ ኣሳይኔ ኩሜላ ኢሰራኤሌ ኣሳይ ማታን ገዲን ሃሆን ዲዛ ኡባይ ሃኢ ዩላቲደሰ።

8 ኣቤት ጎዳወ! ኔኒ ወሪካ ኔና ቆሂዳ ገሻሰ ኔ ካዎታ፡ ኔና ኣይሲዛይታኔ ካሴ ኔ ኣዎታኔ ኔና ዩላይ ጋኪደሰ።

9 ኣቤት ጎዳ ኔ ጸሳወ! ኔኒ ኔ ቦላ ማካሊኮካ ኔኒ ማሪዛኔ ኣቶ ገዛ ጸሳ።

10 ኣቤት ጎዳ ኔ ጸሳወ! ኔኒ ኔሰ ኣዛዘቲቤኮ፤ ኔ ኦሳንቻ ገዲዳ ናቤታ ባጋራ ኔ ኢሚዳ ዋጋታ ናገቤኮ።

11 ኢሰራኤሌ ኣሳይ ኡባይ ኔሰ ኣዛዘቲቤና፤ ኔ ዋጋካ ኡባ ሚንሉዲ ካሬ ኬዚደሰ።

«ኔኒ ኔና ቆሂዳ ገሻሰ ኔ ኦሳንቻዛ ሙሴ ዋጋን ጸፊቲዳ ጫቆዚኔ ቃንጌላዚ ኔ ቦላ ጋኪደሰ።

12 ሲንቲ ቦላኔ ኢንቲና ካሌላዚታ ቦላ ታ ገታ ሜቶ ኤሃና፤ ጋዳ ካሴ ኔ ዮቲዳይሳ ኡባ ኔ ቦላ ፖላዳሳ፤ ሄ ዋዴ ዩሩሳላሜ ቦላ ጋኪዳ ቂጻቲ ማላይ ሃራሶ ኣዋንካ ጋኪቤና።

13 ካሴ ሙሴ ዋጋን ጸፊቲዳ ማላ ኔኒ ሃይሳ ሃ ሜቶዛ ወርሳካ ኔ ቦላ ኤሃዳሳ፤ ጎዳ ኔ ጸሳወ! ሄሲ ወሪ ሃኒንካ ኔኒ ኔ ናጋራፔ ሲሚዲኔ ቱማ ካሊዲ ኔፔ ማርቲላ ዳማናሰ ኮዩቤኮ።

14 ጎዳ ኔ ጸሳይ ባ ኦሊዛ ኦሶ ኡባን ጸሎ፤ ጎዳይ ኔ ቦላ ባሽ ኤሃናሰ ሞጴቲቤና።

15 «ኣቤት ጎዳ ኔ ጸሳወ! ሃይሳፊ ካሴ ኔኒ ኔ ዴሬዛ ኔ ሚናቲላን ገላጸፔ ኬሳዳ ሃቕ ጋካናሰ ኔ

ሱንጻይ ኤራታና ማላ ኦላዳሳ፤ ኔኒ ገዲኮ ናጋራ ኦሊደሰ፤ ኔና ቆሂደሰ።

16 ኣቤት ጎዳወ! ኔኒ ካሴ ኦሊዳ ጸሎ ኦሶዛ ገሻሰ ጋዳ ኔ ካታማ ዩሩሳላሜ፤ ኔ ጌሻ ዙማፔ ኔ ሃንቆዛ ዛራ፤ ኔ ናጋራ ኔ ኣዎታ ቆሆ ጋሶን ዩሩሳላሜይኔ ኔ ዴሬይ ኔ ዩሾን ዲዛ ዴራ ገደን ቂጴሰ ኣቲደሰ።

17 «ኣቤት ኔ ጸሳወ! ሃኢ ኔ ኦሳንቻ ዋሳኔ ጋናቲላ ሲያ፤ ኣቤት ጎዳወ፡ ኔ ሱንጻ ገሻሰ ጋዳ ላሌቲዳ ኔ ኬሳኮ ኔ ሲንጻ ዛራ።

18 ኣቤት ጸሳወ! ኔ ሃይላ ታኮ ዛራዳ ታ ዋሳ ሲያ፤ ኔ ኣይፊ ደይኣዳ ኔ ጳይዛይሳኔ ኔ ሱንጻ ጳይጌቲዳ ካታማዮ ቤኣ፤ ኔኒ ኔና ዋሲዛይ ኔ ገታ ማርቲላን ኣማኔቲዲ ኣቲን ኔ ጸሎቲላን ጨቁቲዲ ገዴና።

19 ኣቤት ጎዳወ! ኔ ዋሳ ኤዘጋ! ኔና ማራ! ኔኒ ሲያዳ ኦላ! ሃኖ ካታማይኒኔ ዴራ ቦላ ኔ ሱንጻ ጳይጌቲዳሰ፤ ጎዳ ኔ ሱንጻ ገሻሰ ጋዳ ጋምኦፋ» ጋ ዋሳዲሰ።

ጋብሬሌይ ቆንጨሲዳ ኣጅታ

20 ታኒ ታ ናጋራኔ ታ ዴሬ ኢሰራኤሌ ኣሳ ናጋራ ፓጸሼ ጌሻ ዙማ ገሻሰ ጎዳ ታ ጸሳ ሲንጻን ኣጎንታ ዋሳዲሰ።

21 ታኒ ዋሳ ቦላ ዳሼ ኮይር ኣጅታን ቤኢዳ ጋብሬሌይ ኦማርሳ ዋዴ ያርሾይ ሸቁዛ ዋዴን ታኮ ኤሶን ፒራጲሼ ዩደሰ።

22 ኢዚ ታና ታማርሲሼ፡ «ዳኔላ! ሃኢ ታ ኔሰ ኣቶ ኤራቲላኔ ኣኩካ ኢማና ያዲሰ።

23 ኔ ኬሃ ደሴቲዳዴ ገዲዳ ገሻሰ ኔ ቡር ዋሳ ደሚሽን ጸሰ ኔ ዋሳ ሲዩዴሰ፤ ታኒካ ሄሳ ኔሰ ዮታና ያዲሰ፤ ሄሳ ገሻሰ ሃኢ ታ ኔሰ ዮቲዳይሳ ዋዚናን ዋላ፤ ኣጅታዛካ ኣኩካ።

24 «ማካላቲላ ኤሳናሰ፡ ናጋራ ዲጋናሰ፡ ቆሆ ወርሳናሰ፡ ሜርና ጸሎቲላ ኤሃናሰ፡ ኣጅታኔ ቲንቢቲ ማታሚን ሾጫናሰ፡ ጌሽ ገዲዳ ገደ ቆልኣ ቲሰታናሰ ኔ ዴራ ገሻሴ ኔ ጌሻ ካታማይ ገሻሰ ላፑን ታሙ ሳሚንታይ ኣዎጃቲደሰ።

25 «ኔ ሃይሳ ኤራ፡ ኣኩካ፤ ዩሩሳላሜ ዛሪ ኦላናሴ ኦራፋናሰ ኣዎጃይ ኬዚዳ ጋላሳፊ ደሚዲ ሃሪዛ ቲዩቲዳዴይ ያና ጋካናሰ ላፑን ሳሚንታኔ ኡሱፑን ታማኔ ናምኡ ሳሚንታ ገዳና፤ ዩሩሳላሜ ኦጌቲኔ ኢዚሰ ዲርሳቲ ዛሪ ኦራጻና፤ ሄሲ ፖሊታናይ ሜቶ ዋዴና። *

26 ኡሱፑን ታማኔ ናምኡ ሳሚንታታፔ ጉዩን ቲዩቲዳዴይ ኣይኮ ሞርይ ባይንዳ ኣሳ ኩሼን ሃይቃና፤ ቡር ያና ሃላቃዛ ኣሳቲ ዩሩሳላሜኔ ጸሳ ኬላ ዲፒ ሂሰቲ ጳይሳና፤ ኢዛ ወርሴላካ ሃላ ዲኦ ማላ ያና፤ ወርሴላ ጋካናሰ ኦላይ ጉጂ ጉጂ ባና፤ ባሽ ኣዎጃቲደሰ።

27 ሃላቃዚ ዳር ኣሳራ ኢሲ ሳሚንታሰ ጫቂታና፤ ሳሚንታሰ ባጋ ቦላ ያርሾዛኔ ካላ ኢሞታ ዲጋና፤ ኢሰታሶሆን ባሽ ኤሃዛ ቱናቲላ ጸሳ ኬላ ጌልላና፤ ሄሲካ ሃናናይ ሄ ባሻ ካሌላዚሳ ቦላ ኣዎጃቲዳ ቂጻቲይ ፖሊታና ጋካናሳ» ገደሰ።

9:2 ኤር 25:11፤ 29:10 9:21 ሉቃ 1:19:26 * 9:25 ላፑን ታሙ ሳሚንታ፡ ላፑን ሳሚንታኔ ኡሱፑን ታማኔ ናምኡ ሳሚንታ ገዚይሳ ኢሲ ኢሲ ጌሻ ማጻፋን ላይላታን ቆዳቲሰ። 9:27 ዳኔ 11:31፤ 12:11፤ ማቶ 24:15፤ ማር 13:14

10

ዳኔላ ጸግርቤ ሻፋ አቻን ዲሼ ቤኢዳ አጀታ

1 ፓሪቤ ካዎ ቁርቢ ካዎቲዳ ሃቸንሎ ላይላን ቢልጸሶሬ ጌቲቲዛ ዳኔላ አጀታ ቤኢዳሰ፤ አጀታን ኢዛሰ የቲቲዳ ቃላይ ቱማ፤ ሂሲካ ዎልቃማ ኦላ ጊሻሰ ቆንጨሲዛዛ፤ ኢዚ ሄ ኪታ ኤራና ማላ ኢዛሰ አክካይ አጀታን አሚቲዳሰ።

2 ሄ ዎዴ ታኒ ዳኔላ ሃቸ ሳሚንታ ኩሜላ ዩካዲሰ።

3 ሃቸ ሳሚንታቲ አቆና ጋካናሰ አሾ ጊዲን ሃራ ሎኦ ካላ ማቤኬ፣ ዎይኔ ኡሹ ጋንጸ ኤካቤኬ፤ ሺጨሲዛ ሚሸካ ቲዬታቤኬ።

4 ላይላሰ ኮይር አገናይ ጌሊዳ ናምኡ ታማኔ አይዳንሎ ጋላሰ ታኒ ዎጋ ሻፋ ጸግርቤ አቻን ኤቃዲሰ።

5 ታኒ ቶቁ ጋ ጸሊሸን ሌኤ ሃራ ማይኢዲ ዎርቃ ቃባቶ ዳንጨዳ ኢሲ አሰ ቤያዲሰ።

6 ኢዛ ቦላይ አንቁ ማላ ጸልቁሰ፤ ኢዛ አይፊሶይ ዎልቃንሳ ማላ ፖፖልኡ ጌሰ፤ ኢዛ አይፊቲካ ታማ ላጮ ሚሳቲቲሰ፤ ኢዛ ቶሆቲኔ ኢዛ ኩሼቲ ታማን ቦንቁዳ ጸርቁማላላ ጸልቁቲሰ፤ ኢዛ ቃላ ጊሪሳይ ዳር ዴሬ ቃላ ማላ ኮሹሜሰ።

7 ሄ አጀታዛ ታኒ ዳኔላ ጸላ ቤያዲሰ፤ ሃንኮ ታናራ ዲዛይቲ ጊዲኮ አይኮካ ቤዩቤቴና፤ ኬሂ ዳጋሚዳ ጊሻሰ ባቃቲ ቢዲ ቆቲቲዳ።

8 ታኒካ ሄሳ ኬሂ ማላሊሲዛ አጀታ ጸላሽ ታርካ አታዲሰ፤ ታሰ ዲዛ ዎልቃይ ዉሪን ዳቡራዲሰ፤ ታ አይፊሶይካ ኬሂ ጌልቁዳሰ።

9 ሄሳፊ ጉዬ ቃላ ጨንጉርሰ ሲያዲሰ፤ ታ ሄ ጨንጉርሳ ሲዩዛ ዎዴ ሲንሳ ጉላ ቢታን ጉፋናዲሰ፤ ዎልቃማ ጳሰኮ ሴራዲሰ።

10 ሄኮ ታና ኢሲ ኩሼይ ቦቹዳሰ፤ ታ ኮኮሪሽን ኢዚ ታና ካፊዲ ታ ኩሼኒኔ ታ ቶሆ ጉልባቲን ኤሲዳሰ።

11 ኢዚካ፣ «ኬሂ ደሴቲዳ ዳኔላ! ሄኮ ታኒ ኔኮ ከቲታ ያዲሰ፤ ኔኒ ኔ ዲዛሶን ሲቲ ጋ ኤቃ፤ ታ ኔሰ የቲዛይሳ አክካ!» ጊዳሰ። ኢዚ ታሰ ሄሳ የቲን ታኒ ኮኮራሽ ዳንዳ ኤቃዲሰ።

12 ቃሴካ ኢዚ ታሰ፣ «ዳኔላ ኔኒ ባቦፋ፤ ኔኒ አከካ ዳማናሲኔ ኔና ኔ ጸሳ ሲንሳን ኔ ሁኤ ካዉሾ ደሚዳ ኮይር ጋላሳፊ ሃ ሰሚን ኔ ቃላይ ሲዬቲዳሰ፤ ታኒ ኔ ቃላሰ ዛር ኤካዳ ሃ ኔኮ ከቲታ ያዲሰ።

13 ጊዳ ኣቲን ፓሪቤ ካዎቲዳ ሃላቃይ ታናራ ናምኡ ታማኔ ኢሲ ጋላሰ ኤቁቲዳሰ፤ ፋሪቤ ካዎቲላ ታኒ ታኪሲዳይሳ ቤኢዲ ዋና ሃላቃታ፤ ሚካኤሌይ ታና ማዳናሰ ዩዳሰ፤ ታኒካ ኢዛ ፋሪቤ ሃላቃራ ሄን አጋዳ ያዲሰ።

14 አጀታዚ ፖሊታናሰ ቡር ሲንሳፊ ዳር ላይላ ዲዛ ጊሻሰ ሲንሳፊ ኔ ዴሬዛ ቦላ ሃናና የኦታ ኔሰ ቆንጨሳናሰ ታ ያዲሰ» ጊዳሰ።

15 ኢዚ ሃይሳ ታሰ የቲዛ ዎዴ ታ ጋናዚ ቆዩን ዳጌ ቢታ ጸላዲሰ።

16 ሄሳፊ ጉዬ አሰ ሚሳቲዛዳይ ባ ኩሼ ዩዲዲ ታ ሜቲርሻታ ቦቹዳሰ፤ ታኒካ ኢዛሰ፣ ታ ዳና ደያዳ ሃሳያ ደማዲሰ፤ ታ ሲንሳን ዲዛይሳ፣ «ታ ጎዳዉ! ሃይሳ አጀታ ጋሶን ታ ሳኬታዲሰ፤ ዎልቃይካ ታሰ ዉሪዳሰ።

17 ታኒ ኔ ኦሳንቻዚ ኔናራ ዋና ሃሳያና ዳንዳያዚና? ታ ጎዳዉ! ታሰ አቤይ ኢዲዳሰ፤ ታኒ ፔና ኬሳ ሸምፓናሰካ ጸኔታዲሰ» ጋዲሰ።

18 አሰ ሚሳቲዛ ኪታንቻዚ ቃሴካ ታና ቦቹን ታኒ ሚናዲሰ።

19 ኢዚካ ታና፣ «ኬሂ ደሴቲዳይሶ! ኔሰ ሳር ጊዳና፤ ባቦፋ አይኮይ ባ ሚና!» ጊዳሰ። ኢዚ ታሰ የቲን ታኒ ሚናዳ፣ «ታ ጎዳ! ኔኒ ታሰ ሚናቴላ አሚዳ ጊሻሰ አኔ ኔ የታናይሳ ታሰ የታ!» ጋዲሰ።

20 ኢዚ ቃሴካ ታሰ፣ «ታኒ ኔኮ አዛሰ ዩዳኮ ኔኒ ኤራይ? ፓሪቤ ሃላቃ ኦላናሰ ታ ኤሶን ሲማና፤ ታ ሲሚኮ ገርኬ ሃላቃይ ያና።

21 ኮይርታዳ ቱማ ማጸፋን ጸፊቲዳይሳ ታ ኔሰ ቆንጨሳና፤ ሃ ሃላቃታራ ታ ኦሊቲሽን አንቲ ሃላቃ ሚካኤሌ፤ ኣቲን ሃራይ ታና ማዲዳይ ባዎ።

11

1 «ሜዶኔ አሰ ዳሪዮሲ ካዎቲዳ ኮይር ላይላ ታኒ ኢዛ ማዳናሲኔ ኢዛ ሚንላናሰ ኢዛ አቻን ኤቃ ዳይሰ።

ፑዴሃ ባጋ ካዎታኔ ዳጌሃ ባጋ ካዎታ

2 «ሃኢካ ታኒ ኔሰ ቱማ የታና፤ ሃራ ሃቸ ካዎቲ ቡር ፓሪቤ ቦላ ካዎታና፤ ሄይታ ሃቸታ ካሊዲ ኦይዳንሎ ካዎታና ካዎዚ ሃንኮ ካሴይታ፤ ዳሬቲላን አቆና፤ ኢዛሰ ዳሬቲላ ኬሂ ዳሪሽን ኢዚ ባ ቦላ ሃራ ካዎታ ጉጂ ኤኪዲ ጊሪቤ ካዎቲላ ቦላ ዳንዳና።

3 ሄሳፊ ጉዬ ዎልቃማ ካዎይ ዳንዳና፤ ኢዛ ካዎቲላይካ ጊታ ጊዳና፤ ኢዚ ባ ኮዩዳዚ ኡባ አላና።

4 ጊዳ ኣቲን ኢዚ ዳር ሚኒዳ ዎዴ ኢዛ ካዎቲላይ ላሌታና፤ አላሜ ቦላ አይዳ ኬዚ ሻኬቲ ዎጂዲ ኦይዳ ባጋ ባና፤ ኢዛ ዜሬላ ጊዳንታይቲ ኢዛ ካዎቲላን ካዎታና፤ ጊዲኮካ ኢሰታፊ ኢሶይካ ኢዛ ማላ ሚኔና፤ ጋሶይካ ካዎቲላይ ላሌቲን ሃራቲ ጊሼቲ ኤኪዳ ጊሻሳ።

5 «ዳጌሃ ባጋ ካዎይ ሚናና፤ ጊዳ ኣቲን ኢዛ ኦላንቻታ አዛዚዛይታ፤ ኢሶይ ካዎዛ፤ ኬሂ ሚናና፤ ኢዛ ካዎቲላይ ኬሂ ጊታ ጊዳና።

6 ጉላ ላይላታ፤ ጉዬ ዳጌሃ ባጋ ካዎይ ፑዴሃ ባጋ ካዎራ ላጌቲላ ጫቆ ጫቁታና፤ ዳጌሃ ባጋ ካዎይ ባ ናዮ ፑዴሃ ባጋ ካዎዛሰ ማቾ ሂሰቲ አሚና፤ ጊዳ ኣቲን ኢዛ ባ ዎልቃ ሚንላናሰ ዳንዳዮንታ ጊሻሰኔ ካዎዛ ዎልቃይ ሚናንታ ጊሻሰ ካሴ ጌሊዳ ጫቆ ቃላዚ ሚኔና፤ ሄሳ ጊሻሰ ኢዛ ባና ማዲዛይታራ፣ ባ አዋራኔ ባሰ አዛዜቲዛይታራ አሳ ኩሼን አቆ አሚታና።

7 «ሄራካ ኢዚ ዳቦ ጊዲዳ ኢሳዳይ ኢዚ ሶሆ አይካናሰ ዳንዳና፤ ፑዴሃ ባጋ ካዎዛ ኦላንቻታራ ኦላ ኦይኬታና፤ ኢሰታሰ ኦላ ሚጸካ ሚንላ ጌሊዲ ኢዚ ኢሰታ ጸናና።

8 ኢሰታ ኤቃ ጸሳታ ሚሰሌታ፣ ቢራፔኔ ዎርቃፊ ኦሴቲዳ ሚሻታ ዲኢ ኤኪዲ ዳጌ ጊብጾ ኤፋና፤ ጉላ ላይላታሰ ዳጌሃ ባጋ ካዎይ ፑዴሃ ባጋ ካዎራ ኦሊቲላ ኤሳና።

9 ሄሳፊ ጉዬ ፑዴሃ ባጋ ካዎይ ዳጌሃ ካዎይ ሃሪዛ ዳራ ኦላናሰ ዎራጃና፤ ጊዳ ኣቲን ኢዚ ባ ዩዳ ኦኔራ ጉዬ ሲሚ ባቃቲዲ ባ ዴሬ ባና።

10 ጉዳይ ባጋ ካዎ አቱማ ናይቲ ኦላስ ገቢቲሼ ኬሂ ዋልቃማ ኦላንቻታ ሸሻና፤ ሄ ኦላ አሳይካ ባ ሲንላን ዲዛ ቢታ ማጪ ኤፊዛ ዋልቃማ ዲኦ ሃላ ማላ ባ ሞርኬ ማጸ ቦላ ማቶ ጋላና።

11 «ሄ ዋዴ ዲገሃ ካዎይ ኬሂ ሃንቁቲዲ ጉዳይ ባጋ ካዎራ ኦላታናስ ዳንዲዳስ፤ ጉዳይ ባጋ ካዎይ ሸሸዲ ዋልቃማ ኦላንቻቲ ጸኔታና።

12 ዲገሃ ባጋ ካዎይ ዳር ኦላንቻታ ዲኢዲ ዋዴ ባ ዋዚናን ኦቶሬታና፤ ዳር ሸያን ቆዴቲዛ ኦላንቻታካ ኢዚ ወርሳና፤ ገዲኮካ ኢዚ ጸኒዳ ማላ ማኒ ዳና።

13 ጉዳይ ባጋ ካዎይ ጌዴ ባ ዳሬ ሲሚዲ ካሴይሳፊ ማንሉዲ ኦላንቻታ ገቢሳና፤ ጉላ ላይላታፕ ጉዩ ኢዚ ባ ኦላንቻታ ኩሜላ ኦላ ማሽ ገዲሲ ኤኪዲ ያና።

14 «ሃሳፊ ጉዩ ዳር አሳይ ዲገሃ ባጋ ካዎ ቦላ ማካላና፤ ዳኔላ ኔኒ ሃይሳ አጅታዛን ቤኢዲይሲ ወሪካ ፖሌታና ማላ ኔ ባጋ አሳፕ ማካላንቻቲ ቢታ ቦላ ሸር ዳንላና ሸን ኢስታ ቆፋይ ፖሌቲና።

15 ሃሳ ገሻስ ጉዳይ ባጋ ካዎይ ኢሲ ገምቤይ ዩዩ አቋዳ ካታማዮ ገደሉዲ ኢዛ ኦይካና፤ ዲገሃ ባጋ ዋታዳራቲ ኢስታራ ኤቁታናስ ዳንዳዬቲና፤ ኢስታ ጋርሳፊ ዳራቲዳ ማኖ ኦላንቻቲካ ኢዛራ ኤቁቲ ዳንዳያና ዋልቃይ ኢስታስ ዳና።

16 ጉዳይ ባጋፊ ዋራጅናይሲ ባ ኮዩዳ ማላ ኦላና፤ ኢዛራ ኤቁቲ ዳንዳያናይ ዳና፤ ኢዚ ሎኦ ቢታዮ ሃራና፤ ኢዛ ጳይሳናስካ ዋልቃ ዳማና።

17 «ጉዳይ ባጋ ካዎይ ባ ኦላንቻታ ኩሜላ ሸሸ ኦላስ ዋራጅናስ ቆጋና፤ ሃንኮ ባስ ሞርኬ ገዲዳ ዲገሃ ባጋ ካዎራ ሲጌቲዲ ጫቁታና፤ ሄ ካዎዛ ኩንዲሳናስ ባ ናዮ ኢዛስ ማቾ ሂሰቲ ኢማና፤ ገደ አቲን ኢዛ ቆፋይ ፖሌቲና።

18 ሃሳፊ ጉዩ አባ አቻን ዲዛ ዳሬታ ቦላ ማቶ ጋሉዲ ኢስታ ሃራና፤ ገደ አቲን ኦላንቻታ ሃላቃይ ኢዛ ኦቶሬቲላ ፕርሺሳና፤ ኢዚ ኦሉዳ ኡባ ኢዛ ቦላ ዛራና።

19 ሂሰቲዲ ሄ ካዎዚ ካሴ ባ ዳሬ ማጸታን ሲማና፤ ገደ አቲን ቆጵቲዲ ኢዚ ኩንዳና፤ ናምአንሎ ቤቲና።

20 «ኢዛሶሆን ሃራ ካዎይ ካዎታና፤ ሄ ካዎቲዳ ካዎዚ ባ ካዎቲላ ቦንቾ ናጋናስ ገራ ገራሲዛ አስ ሹማና፤ ገደ አቲን ሄ ካዎዚ ጉላ ዋዴፕ ጉዩ ዳሬይ ዳንዲን ዋይኮ ኦላን ገደንታ ኢዚ ጮ ሃይቁ ጳያና።»

ሜንጾ ኢታ ገዲዳ ጉዳይ ካዎ

21 ታስ አጅታ ቢርሺዛ ኪታንቻዚ፡ «ኢዛፕ ጉዩ ኢሲ ካዴቲዳ አሲ ዳንዳና፤ ኢዛስ ካዎቲላ ቦንቾይ ኢማቲቤና፤ ገደ አቲን ዳሬዚ ቆፖንታ ሳርን ዲሸን ዩዲ ጌኔራ ካዎቲላ ኦይካና።

22 ሃሳፊ ጉዩ ኢዛራ ኤቁቲዛ ዳር ኦላንቻቲ ኢዛ ሲንላፊ ፒቲቲ ጳያና፤ ጫቁሉዛ ሃላቃዚካ ሃይቃና።

23 ኢዚ ኢዛራ ሲጌቲላስ ጫቁቲዳፕ ጉዩ ጨሞን ጌኔ ኦሶ ኦላና፤ አማርዳ አሳታ ኦይኪዲ ማኒ ማኒ ባና።

24 ኢዚ ኬሂ ዳራቲዳ ዳሬ ቆፖንታ ዲሸን ዋራጅ ኦይካና፤ ካሴ ኢዛ አዋቲ ኦሉ ኤርንታ ማሽ ኢዚ ኦላና፤ ኢዚ ዲኢ ኤኪዳይሳ ኡባ ባ ኦላንቻታስ ገሸቺ

ኢማና፤ ኦላ ማጸታ ቦላካ ማቶ ጋላናስ ቆፋ ቃቻና፤ ገደ አቲን ሄሲ ጉላ ዋዴሳ።

25 «ዋልቃማ ኦላንቻታ ገግሲዲ ኦላታናስ ዲገሃ ባጋ ካዎ ቦላ ዋራጅና፤ ዲገሃ ባጋ ካዎይካ ባ ባጋራ ዳር ዋልቃማኔ ማኖ ኦላንቻታ ገግሲዲ ባ ቦላ ዩዛ ኦላ ቲቃናስ ዳንዳና፤ ገደ አቲን ኢዛ ቦላ ካሴቲዲ ማቁቲዳ ማቁቲላፊ ዳንዳይሳን ኢዚ ኢስታራ ኤቁታናስ ዳንዳዬና።

26 ኢዛራ ኢሲፊ ማዛ ኢዛ ላጌቲ ኢዛ ጳይሳናስ ማቁታና፤ ኢዛ ኦላንቻቲ ኡባይ ወራና፤ ዳርቲካ ኦላን ሃይቃና።

27 ሃሳፊ ጉዩ ሄ ናምኡ ካዎቲ ባንታ ዋዚናን ጌኔ ቆፋ ኦይኪ ኢሲ ማዳፊ ማናስ ኢሲፊ ኡታና፤ ኢሶይ ኢሳስ ባሌላ ዮኦ ሃሳይና፤ ገዲኮካ ባሬዚ ጋኮንታ ገሻስ ኢስታ ቆፋይ ፖሌቲና።

28 ጉዳይ ባጋ ካዎይ ባስ ሸሸዲ አቆታ ኤኪዲ ባ ዳሬ ሲማና፤ ገደ አቲን ኢዛ ዋዚናይ ጌሻ ጫቆ ቃላ ጳይሳናስ ዳንዳና፤ ጫቆ ቃላ ቦላ ኢታ ማሽ ኦላና፤ ሃሳፊ ጉዩ ባ ዳሬ ሲሚ ባና።

29 «ባሬቲዳ ጋላሳን ዲገሃ ባጋ ዛሪ ዋራጅና፤ ገደ አቲን ኢዛስ ካሴይሳ ማላ ሃኔና።

30 አርሼይ ወሊዛ ባጋራ ዲዛ ዳሬይ ማርካቤን ዩዲ ኦሊዛ ገሻስ ኢዚ ኬሂ ዳጋማና፤ ጉዩ ሲሚ ባና፤ ጌሻ ጫቆ ቃላ ቦላ ሃንቁታና፤ ሲሚዲካ ጌሻ ጫቆ ቃላ ካዲዳይታራ ላጌታና።

31 «ኢዛ ኦላንቻቲ ጸሳ ኬላኔ ዳርሳ ቱኒሳና፤ ሃቾ ሃቾ ሸቁዛ ያርሾዛ ዲጋና፤ ባሽ ኤሃዛ ቱናቲላ ቶካና።

32 ካዎዚ ጫቆ ቃላዛ ካዲዳይታ ባሌሉዲ ኦጌፕ ኢስታ ካሬ ኬሳና፤ ባ ጸሳ ኤሪዛ ዳሬይ ገዲኮ ሳና፤ ማኒካ ካዎዛራ ኤቁታና።

33 «ዳሬ ገደን ዲዛ አቋ ኤራንቻቲ ዳርታ ታማርሳና፤ ገደ አቲን ኢስቲ ጉላ ዋዴስ ታማን ጸጌታና፤ ማሻን ሲፊታና፤ ዲኤታና ኢስቲ ሃራዳይሲካ ቦንቁቲ ኤኬታና።

34 ሃ ዳጸ ማቶዚ ኢስታ ቦላ ጋኪዳ ዋዴ ኢስቲ አማርዳ ማዶ ዳማና፤ ዳር አሳቲ ኢስታ ባጋ ማሳቲዲ ኢስታኮ ሸቃና ሸን ዋዚናፕ ገደና።

35 አቋ ኤራንቻታፕ ኢሶቲ ኢሶቲ ቆጵታና፤ ሃሳላ ሃኒዲ ወርሴላ ዋዴይ ጋካናስ ኢስቲ ጋጮቲዲ፤ ጌዩዲኔ ኢስታ ቦላ ዋሶይ ባይንዳይታ ገዲዲ ኬዛና፤ ሃሲ ኡባይ ሃናይ ዳሲ ባሪዳ ዋዴይ ጋካናሳ።

36 «ጉዳይ ባጋ ካዎይ ባ ቆፕዳይሳ ኡባ ፖላና፤ ኢዚ ባና ኤቃ ጸሳታፕካ ቦላራ ቆቁ ቆቁ ሂሰታና፤ ጸሳታፕ አቋ ጸሳ ቦላ ሃይሳፊ ካሴ ሴቲቲ ኤርንታ ጫሻ ቃላ ሃሳያና፤ ጸሳ ሃንቆይ ፖሌታና ጋካናስ ኢዚ ኦሊዛ ኡባይ ኢዛስ ኢንጃታና፤ ካሴ ባሬቲዳይሲ ፖሌታና ቤሴስ።

37 ሃ ካዎዚ ካሴ ባ አዋታ ኤቃ ጸሳታ ካወሻና፤ ማጫሳቲ ደሲዛ ኤቃ ጸሳታ ኢዚ ሌቃና፤ ኢዚ ባና ኡባፊካ ቦላራ ጸሊዛ ገሻስ ኤቃ ጸሳታ ኡባ ቁሊ ጋና።

38 ኢስታሶሆን ማጸታ ጸሳ ቦንቻና፤ ካሴ ኢዛ አዋቲ ኤርንታ ጸሳስ ዋርቃ፡ ቢራ፡ አሌቆ ማሻታ፡ አልኦ ሹቻታኔ ሃራ ዳር ኢሞታታ ሸሸዲ ቦንቻና።

39 አላጋ ጸሳታ ማዶን ኢዚ ማኖ ማጸታ ዋራጅ ኦይካና፤ ኢዛስ ሃራቲዛይታ ኬሂ ቦንቻና፤ ዳር ዳሬ

ሃራና ማላ ኢስታ ሹማና፤ ቃሴ ቢታዮካ ኢስታስ ሻኪ ሻኪ አማና።

40 «ወርሴላ ዋዴይ ጋኪሺን ዳጌሃ ባጋ ካዎይ ፑዳሃ ባጋ ካዎዛ ቦላ ኦላስ ዋራጃና፤ ፑዳሃ ባጋ ካዎይ ፓራ-ጋራ፤ ቶጋጌኔ ማርካቤታን ጎኤቲዲ ኦላ ኤቁታና፤ ዲኦ ሃላ ማላ ዳሮ ዴሬታ ዋራጃ ኦይካና።

41 ሎኦ ቢታዮካ ዋራጃ ኦይካና፤ ዳሮ ዴሬቲ ኢዛ ኩሺን ኩንዳና፤ ጊዲኮካ ኤዶሜይ፣ ሞኦቤይ ኦሞኔ ዴሬቲ ኢዛ ኩሺፔ ኦታና።

42 ኢዚ ባ ጎዳቲላ ዳሮ ዴሬታ ቦላ አሳና፤ ሄ ዎዴ ጊብጾይካ ኢዛፔ ኩሳ ኤካ አቱኩ።

43 ዎርቃ፣ ቢራኔ ጊብጾ አቆታ ኡባ ቦንቂ ኤካና፤ ሊቢያ አሳይኔ ቶጽያ አሳይ ኢዛስ ሃሬታና።

44 ሄሳፌ ጉዬ አርሼይ ሞኪዛ ባጋራኔ ፑዳሃ ባጋራ ዪዛ ዋራይ ኢዛ ዳጋንላና፤ ኢዚ ከሄ ሃንቁቲዲ ዳሮ አሳታ ዎቆናሲኔ ቆይሳናስ ዴንዳና።

45 ኢዚ ባ ካዎቲላ ዳንካኔዛ አባፌኔ ጌሻ ዙማፔ ጊደን ቶካና፤ ጊደ አቲን ሄሲ ወሪ ሃኒንካ ኢዛስ ወርሴላ ጊዳና፤ ኢዛ ማዳናይካ ቤቲና» ጊዴስ።

12

ዎዴ ወርሴላ

1 ካሴ ታስ አጃታዛ ቢርሺዛ ኪታንቻዚ ታስ፣ «ኔ ዴሬዛ ናጊዛ ጊታ ኪታንቻስ ሃላቃ ሚካኤሌይ ኢዚ ሄ ዎዴ ቆንጫና፤ አሳ ዜራላ ሜዴቶሶፌ ሄ ዎዴ ጋካናስ ሃኒ ኤርንታ ዎልቃማ ሜቶይ ሃናና፤ ኢስታ ሱንላይ ማጸፋን ጸፌቲዳ ኡባ አሳይ ኦታና።

2 ኢስቲ ሃይቁን ቢታይ ሚዳይቲ ወሪካ ዴንዳና፤ ኢስታ ጋርሳፌ ባጋይቲ ሜርና ዴኦስ፣ ባጋይቲ ሜርና ካወሻሲኔ ዎዴስ ዴንዳና።

3 ሄ ዎዴ አቶ ኤራንቻቲ ሳሎ ፖኦ ማላ ጸላና፤ ዳሮታ ጸሎቲላ ኦጌ ካሌላዳይቲ ወሪ ሜሪፔ ሜርና ጋካናስ ሳሎ ጸሊንቲታ ማላ ጸልቃና።

4 «ዳኔላ! ኔኒ አላሜ ወርሴላ ጋካናስ ሃይሳ ማጸፋዛ ጎርዳዳ ማታሚን ሾጫ፤ ሄ ዎዴ አሳይ ኤራቲላ ዳርሳናስ ያኔ ሃ ዎዴሬታና» ጊዴስ።

5 ሄሳፌ ጉዬ ታ ሲንላን ሃላ ሻፋ ዳናን ሃራ ናምኦታ ሄ ፒንላኒኔ ሃ ፒንላን ኤቁዳይታ ቤአዲስ።

6 ኢስታ ጊደፌ አሳይ ሌኤ ሃሪ ማይኢዲ ሄ ሻፋዛፔ ፑዴ ባጋራ ኤቁዳ ኪታንቻዛ፣ «ሃይቲ ማላሊሲዛ ሃናቲ ፖሌታናስ አይ ኩና ዎዴይ አቲዴ?» ጊዲ ኦይቹዴስ።

7 ሌኤ ሃሪ ማይኢዲ ሻፋፔ ጋና ባጋራ ኤቁዳ ኪታንቻዚ ባ ኩሺታ ፑዴ ሳሎ ዴንላዲ፣ «ሄሲ ሄዙ ላይላኔ ባጋ ጋምኦና፤ ጌሻ አሳታ ዎልቃይ ወርሺን ሃይቲ ወሪካ ፖሌታና» ጊዲ ሜርናስ ዴኢዛይሳን ጫቁሺን ሲያዲስ።

8 ኢዚ ጊዛይሳ ሲያዲስ ሺን ታስ ጌሊቤና፤ ሂስቲን ታኒ፣ «ታ ጎዶ! ሃይሳ ኡባ ወርሴላ አይ ጊዳኔ?» ጋ ኦይቻዲስ።

9 ኢዚካ ታስ፣ «ዳኔላ! ሃይሳ አላሜዛ ወርሴላ ጋካናስ ሃይሲ ቲንቢቲ ቃላዚ ጎርዳቲዲ ማታሚን ሾጫቲዳ ጊሻስ ኔኒ ባ።

10 ዳሮቲ ቆራታና፣ ጋጩቲ ጌያናኔ ኢስታ ቦላ ዎሶይ ባይንዳይታ ጊዳና፤ ኢታቲ ጊዲኮ ባንታ ኢታቲላ ጉጂ ጉጂ ባና፤ ኢታታፔ ኢሶይካ አኬኬና፤ ጊደ አቲን አቶ ኤራንቻቲ አኬካና።

11 «ጋላስ ጋላስ ሺቁዛ ያርሾይ ዲጌቶሳፌኔ ባሻ ቱናቲላ ደሜቶሳፌ ሃ ሲሚን 1,290 ጋላስ ጊዳና።

12 ጌንጪዲ 1,335 ጋላሳቲ አቆና ጋካናስ ባ አማኖ ናጊዛይ አንጃቲዳ አሳ።

13 «ዳኔላ! ኔኒ ወርሴላ ጋካናስ ባ፤ ሄሳፌ ጉዬ ኔ ሾምፓና፤ ወርሴላ ጋላስ ኔስ ጊጊዳ ጸንጾ ኔ ላታና» ጊዴስ።

ሆሴኤ ቲንቢቲ ጊደ ቆፋ

ናቤ ሆሴኤይ ኪርሰቶሲ ዩሌታናፔ ካሴ 721 ላይላን ሳማሪያ ካታማያ ላሊታናፔ ካሴ ዲዛ ናቤ። ሄ ዎዴ ማቶይ ኩሚዳ ኢታ ዎዴዛን ናቤ አዎጾፔ ጉዬ ፑዳሃ ባጋራ ዲዛ ኢሰራኤል ካዎቴላ ጋርሳን ቲንቢቲ ዳራሰ ዮቲዳሰ። ሆሴኤይ ዳሬዚ ኤቃ ጸሰ ጎይነዛይሳኔ ጎዳን አማኔቲላ ፓጪሲዳይሳ ቆንጪሲ ዮቲዳሰ። ሆሴኤይ ሄሳ ዳሬዚ ጎዳን አማኔቶንታይሳ አሳ ኤሪሳናሰ አማኔቶንታ ማቸ ኤኪዲ ኢሰታሰ ለሚሶ ጊዲዲ ኢሰታ ታማርሴሰ፤ ኢዛ ማቸያ ጎሜራ ኢዛሰ አማኔቶንታይሳላካ ዳሬዚ ጎዳ ባ ጸሳ አጋጊዴሰ፤ ሄሳ ጋሶን ፐርዳይ ኢሰራኤል ቦላ ያና ጌሰ፤ ጊደ አቲን ወርሴላን ጎዳይ ባ ዳሬዛ ኬሂ ሰቁዛ ገሻሰ ባኮ ዛሪዲ ባሲኔ ዳራሰ ጊደን ዲዛ ኢሲፊቴላ ኦራዲሲዳሰ፤ ሄ ጌታ ሲቆዚ ሃይሳፊ ካሊ ዲዛ ቃላን ቆንጪዳሰ፤ «ኢሰራኤል አሳወ! ታ ኔና ዎሰታ አጋጎ? ታ ኔና ዎሰታ ሃራሰ አላ አዎ? ታ ኔና ሰቁዛ ሲቆይ ኬሂ ጌታ ጊዲዳ ገሻሰ ሄሳ ኡባ አላናሰ ታ ዎዚናይ ኮዩና።» [11:8]

ሃ ማጻፋይ ኦይኪዳ ኩሚሳ ቆፋ
 ሆሴኤ ሶ አሳይ አማናይ ባይንዳይታሰ ለሚሶ ጊዳሰ 1:1—3:5
 ጎዳይ ኢሰራኤል፣ ዩሁዳኔ ኢሰታ ካሌላዛይታ ዋላሴ 4:1—5:15
 ዳሬዚ ጎዳኮ ሰሚዳ ሚሳቲሶ 6:1—7:10
 ጎዳን አማኔቶንታ ኢዲዳ ኢሰራኤል ዳራ 7:11—8:14
 ኢሰራኤል ዳሬዚ ባሰ ቤሲዛ ቁጻቲ ኤኮ 9:1-16
 ኢሰራኤል ዳራሰ ዮቲዳ ሚኖ ቆፊሶ 10:1-15
 ጎዳይ ዳራ ሰቁዛ ሲቆ 11:1-11
 ጎዳይ ዳራ ቦላ ዩዲዳ ፐርዳ 11:12—13:16
 ናጋራፔ ማራቲሊኔ አንጃ ሂደታ 14:1-9

1 ኦዚያይ፣ ኢዮኦታማይ፣ አካዜይኔ ሂዛቂያሲ ኢሰይ ኢሳፊ ካሊ ካሊዲ ዩሁዳን ካዎቴዳ ዎዴ ሄሳላካ ኢዮኦሳ ና ኢዮርባኦማይ ኢሰራኤልን ካዎቴዳ ዎዴ ቢኤሬ ና ሆሴኤኮ ዩዳ ጎዳ ቃላይ ሃይሳፊ ካሊዛይሳ።

ሆሴኤ ማቸኔ ኢዛ ናይታ
 2 ጎዳይ ሆሴኤ ባጋራ ኢሰራኤል ናይታሰ ቃላ ቡር ዮቲሼ ሆሴኤሰ፣ «ታ ዳሬይ ታፔ ሻኬቲዲ ኢታ ላይማ ላይማቲዛ ገሻሰ ኔኔ ባዳ ኢሲ ላይማቲዛ ማጫሰ ኔሰ ማቸ ኤካ፤ ኢዚፔ ኔሰ ናይታ ዩላ» ጊዳሰ።
 3 ሄሳ ገሻሰ ሆሴኤይ ቢዲ ዲቢላዬማ ናዮ ጎሜር ማቸ ኤኪዳሰ፤ ኢዛካ ቃንላታዳ ኢዛሰ አቱማ ና ዩላዲሰ።
 4 ሄሳፊ ጉዬ ጎዳይ ሆሴኤሰ፣ «ኢዩኔ ኢዛ ዜሬላቲ ኢዝራኤልን ዎዲዳ አሳታ ጌደን ኢዩ ዜሬላታ ታ ቃጸያና ዎዴይ ሃሆ ጊዳና፤ ኢሰራኤል ካዎቴላ ሃይሳፊ ጉዬ ኩንዳና ማላ ታ ኦላና።»

5 ሄ ዎዴ ኢዝራኤል ሾባን ኢሰራኤል ኦላ አሳ ኡባ ታ ሚንሌራላና፤ ሄሳ ገሻሰ ኔ ናዛ ሱንላ፣ «ኢዝራኤል» ጋዳ ሱንላ» ጊዳሰ።

6 ጎሜራ ቃሴካ ቃንላታዳ ማጫ ና ዩላዲሰ። ጎዳይካ ሆሴኤሰ፣ «ታኔ ሃይሳፊ ጉዬ ኢሰራኤል አሳሰ ቃዴቲኬ፤ ታ ኢሰታ ማሪኬ፤ ሄሳ ገሻሰ ኔኔ ኢዚ ሱንላ፣ «ሎሩሃማ» ጋ ሱንላ።*

7 ዩሁዳ አሳሰ ጊዲኮ ታኔ ታ ሲቆ ቤሳና። ታኔ ጎዳይ ኢሰታ ጸሳይ አሻና፤ ታ ኢሰታ አሻናይሲ ኦላ ዎላቃን ጊዳና፤ ማሻን፣ ቶራን ዎይኮ ፓራኒኔ ፓራን ኦሊዛይታን ጊዳና» ጊዳሰ።

8 ጎሜራ ባ ናዮ ጳንላ ዳሊዳፔ ጉዬ ቃሴካ ቃንላታዳ አቱማ ና ዩላዲሰ።

9 ጎዳይካ ሆሴኤ፣ «ሃይሳፊ ጉዬ ኢሰራኤል አሳይ ታ ዳሬ ጊዳና፤ ታኒካ ኢሰታ ጸሰ ጊዲኬ። ሄሳ ገሻሰ ኔኔ ኔ ናዛ ሱንላ፣ «ሎአሚ» ጋ ጾይጋ» ጊዳሰ። †

ኢሰራኤል አሳሰ አሜቲዳ ሂደታ
 10 ጊዲኮካ ኢሰራኤል አሳይ ቆዳይ ባይንዳ አባን ሻሚንታ ማላ ዳራና። ሃኢ ጸሰ፣ «ኢንቲ ታ ዳሬ ዳከታ» ጌቲቲዳሰሆን፣ «ኢንቲ ዳኦ ጸሳ ናይታ» ጌቲቲ ጾይጌታና ዎዴይ ያና።

11 ሄ ዎዴ ዩሁዳ አሳይኔ ኢሰራኤል አሳይ ሰሚዲ ኢሲኖ ጊዳና። ናምኦቲ ባንታና አይሳናዴ ኢሲ አሰ ዳራና። ቃሴካ ኢሰቲ ባንታ ዳሬን ዲቻኒኔ ዲሬቲላን ዳኦና። ኢዝራኤል ጋላሳይ ጌታ ጊዳና።

2

1 ሄሳ ገሻሰ ኢንቲ ኢንቲ አሻታ ኢሰራኤል ናይታ፣ «አሚ»* ኢንቲ ሚቹታካ «ኡሩሃማ» ጊ ሱንላ፣።

አማኔቶንታ ኢዲዳ ኢሰራኤል አሳ ቃጸዬቲላ

2 «ታ ናይቶ! ኢንቲ አዮ ዞሪቲ፤ ሃይሳፊ ጉዬ ኢዛ ታሰ ማቸ ጊዲኮ፤ ታኒካ ኢዚሰ አዚና ጊዲኬ፤ ባ ሰንላፊ ላይማ ሱኬ ሃና፣ ባ ዎዲራ ጊደፊ ላይማቲላ ዲጉ።

3 ኢዛ ሰሞንታ ኢዲኮ ኢዛ ባ አዩይ ኡሎፔ ካሎ ዩሌቲዳ ማላ ታ ኢዞ ጸሬ ካሎ አሻና። ባዞ ማላኔ ማላ ቢታ ማላ ታ ኢዞ ኦላና። ታ ኢዞ ሃሳ ሳሞን ዎቆና።

4 ላይማ ማጫሳፊ ዩሌቲዳ ገሻሰ ኢዚ ናይታሰ ታ ሚሹቲኬ።

5 ኢሰታ አያ ላይማ፤ ካወሻ ሃናን ሻራዲሰ። ኢዛ ባ ደናራ፣ «ታኔ ታ ላጌላታኮ ባይሰ፤ ኢሰቲ ታሰ ካሊኔ ሃሌ፣ ሱፊፔኔ ለኤ ሃሬፔ

1:1 2ካዎ 14:23—15:7፤ 15:32—16:20፤ 18:1—20:21፤ 2ታሪ 26:1—27:8፤ 28:1—32:33 1:4 2ካዎ 10:11 * 1:6 ሎሩሃማ ጉሲ ታ ዳራ ታ ማሪኬ ጉሳ። † 1:9 ሎአሚ ጉሲ ታ ዳሬ ጊዳና። 1:10 ኦር 9:26 * 2:1 አሚ ጉሲ ታ ዳሬ ጉሳ።

ዳዳቲዳ ማይኦ፥
 ዋጋራ ዛይቲኔ
 ዋይኔ ኡሹ ኢማና፤ ጋዲሰ።
 6 ሄሳ ገሻሰ ታኒ ኢዚ ኦጌ
 አጉንሳራ ጎርዳና፤
 ኢዛ ከዘና ፔንጌ
 ዳሞንታ ማላ
 ታኒ ገምቤ ዩሻ
 አላ ጎርዳና።
 7 ኢዛ ባ ላጌሶታ
 ዳማናሰ ዋጻና ሺን
 ኢሰታኮ ጋካናሰ ዳንዳዩኩ።
 ኢዛ ኢሰታ
 ዳሮ ኮያና ሺን ዳሙኩ፤
 ሃይሳፌ ጉዬ፥
 ሳይሳ ሃ ዳሳፌ
 ታሰ ካሴ ዳሳይ ሎኦ፤
 ሄሳ ገሻሰ ቤኒ ታ አዚናኮ
 ታ ሲማ ባና፤ ጋና።
 8 ታኒ ኢዚሰ ካሴ ካሳ፥
 ዋይኔ ኡሹኔ
 ዋጋራ ዛይቲ ኢማዳይሳኔ
 ቃሴካ ኢዛ ባኦሌ ጌቲቲዛ
 ኤቃ ጸሳሰ ያርሾ ቢራኔ
 ዋርቃ ኢዚሰ ዳርሲዳይ
 ታና ገዲዳይሳ
 ኢዛ ሻካ ኤራቤኩ።
 9 ሄሳ ገሻሰ
 ካላ ካጸዛ ዋዳ
 ሃ ካጸዛ ካላ፥
 ዋይኔ አይፌይ ቲሪዛ ዋዳ
 ዋይኔ ኡሻ፥
 ታኒ ኢዚፔ ዋላ ኤካና።
 ሄሳሶካ ኢዛ ባ ካሎቲሳ
 ካሞንታ ማላ ሱፊፔኔ
 ሌኤ ሃሬፔ
 ዳዳቲዳ ማይኦዛ
 ታ ኢዚፔ ቃራ ኤካና።
 10 ኢዚ ላጌሶታ ሲንሳን
 ታ ኢዛ ካሎ አሻና፤
 ኢዛ ታ ኩሹፔ
 አሻናይ ዳና።
 11 ኢዛ ባ ኡፋይሳ ባኦሌታ ኡባ፥
 ላይሳን ላይሳን
 ቦንቺዛ ባኦሌታ፥
 አገና ጾሮን ጾሮን
 ቦንቺዛ ባኦሌታ፥
 ሳሞባታታኔ ሃራ ኢዛ
 ዳማ ዳማ ደራ
 ቦንቺዛ ባኦሌታ
 ናሞኦንሎ ኦሎንታ ማላ
 ታ ዲጋና።
 12 ኢዛ ባ ላጌሶታፔ
 ባሰ ዋጋ ጋዳ
 ኤከዳ ዋይኔ ሚላታኔ
 ባላሴ ሚላታ ታ ቶቃላና።
 ኢሰታካ ዋራ ደኣቲ ማና።
 13 ባኦሌ ጌቲቲዛ ኤቃ ጸሳሰ

ኤጸኔ ጨዋሳናሲኔ
 ሎኦ ጌጾ ዋላዳ
 ኢዛ ባ ላጌሶታ ካላዳ
 ታና አገዳ ገሻሰ
 ታ ኢዛ ቃጸያና።
 8ሲ ባ ዳራ ሲቁዛ ሲቆ
 14 «ሄሳ ገሻሰ ታ ኢዛ
 ማቃዳ ባዘ ኤፋና፤
 ሃን ታ ኢዚራ ሲቆ ቃላን
 ሃሳይሳና።
 15 ካሴ ኢዚ ዋይኔ ኣታኪልቲዛ
 ታ ኢዚሰ ዛራና፤
 ማቶ ሾባ ታ ኢዚሰ
 ሃይታ ፔንጌ ሂሰታና፤
 ሃን ኢዛ ገብጸፔ ከዚዳ ጋላሰ
 ናቲላን ዳሼ ዬጲዳ ማላ
 ዬጲና።
 16 ኢዛ ሄ ጋላሲ ታና፥
 ሓ ኣዚናዙ፤ ጋ ጸይጋና ኣቲን
 ሃይሳፌ ጉዬ፥
 ሳኦሌ፤ ጌቲቲዛ
 ኤቃ ጸሳ ሱንሳን
 ታና ጸይጉኩ።
 17 ባኦሌ ጌቲቲዛ
 ኤቃ ጸሳታ ሱንሳ
 ታ ኢዚ ዳናፔ ዲጋና፤
 ሃይሳፌ ጉዬ
 ኢሰታ ሱንሳ ዳንዳና።
 18 ሄ ዋዳ ደኣታራ፥
 ካፎታራኔ ቢታ ቦላ
 ጎሹቲዛ ሜዴቲላ ኡባታራ
 ታ ኢንቲ ገሻሰ ጫቂታና።
 ኡባይካ ሳሮን ዳና ማላ
 ኦላ፥ ቶራኔ፥ ማሻ
 ቢታ ቦላፌ ታ ዲጋና።
 19 ሃኔ ኢሰራኤሌ!
 ታ ኔና ሜርናሰ ታሰ ገገሳና፤
 ታ ኔሰ ጸሎቲላኔ
 ሱራቲላን ፐርዳና፤
 አጎንታ ሲቆኔኔ ቃዴታን
 ታ ኔና ታሰ ኦይቻ ገገሳና።
 20 ታኒ ኣማኔታዳ ኔና
 ታሰ ማቾ ገገሳና።
 ኔኒካ ታኒ
 ጎዳ ገዲዳይሳ ኤራና።
 21 «ሄ ጋላሰ ታኒ ዛሮ ኢማና፤
 ታኒ ሳሎ ኣዛዛና፤
 ሳሎይካ ሳኦሰ ዛሮ ኢማና።
 22 ቢታይ ካሳ፥ ዋይኔ ኡሹኔ
 ዛይቲ ኢማና፤
 ኢሰቲካ ኢዘራኤሌሰ ዛሮ ገዳና።
 23 ታኒ ታ ዳሬዮ ቢታ ቦላ ቶካና።
 ሳሞርቲላ ባይንዳሮ፤ ጌቲቲዳሮ
 ታ ዛራዳ ማራና፤
 ሓ ማሪኬን ገዲዳይሳ
 ዛራ ማራና፤

«አንቲ ታ ዳሬ ዳኬታ»
 ጌቲቲዳታ።
 «ታ ዳሬታ» ጋዳ
 ታ ጸይጋና ጋና፤
 ኢስቲካ ታና።
 «ኔኒ ኑ ጸሳ» ጋና» ጌስ።

3

ሆሴኤ ዓ ማቼይራ ማቃይኒዳስ

1 ጎዳይ ታና። «ኢስራኤል አሳይ ሃራ ጸሳታኮ ሲሚዲ ዛቢቤ ኡኬላ ሺሻና ኮዩዳስ፤ ሃሳራካ ጎዳይ ኢስታ ሲቁዛይሳ ማላ ኔካ ባዳ ባ ላጌላታ ሲቃዳ ላይማታሼ ዲዛ ካሴ ኔ ማቼዮ ዛራዳ ሲቃ» ጌዳስ።

2 ሃሳ ጌሻስ ታ ኢዞ ታማኔ ኢቻሹ ሳቁሌ ቢራኒኔ 150 ኪሎ ባንጋን ሻማዲስ።

3 ታ ኢዞ። «ኔ ላይማቲዛይሳኔ ሃራ አስ ካሊዛይሳ አጋዳ ታናራ ዳሮ ዎዶ ጸሎቴላን ዳኔ፤ ታኒካ ኔናራ አማኔቴላን ዳና» ጋ ዘራዲስ።

4 ሃሳላካ ኢስራኤል አሳይ ካዎይ ባይንዳ ዎይኮ ካሌላዛይይ ባይንዳ፤ ያርሾይ ባይንዳ ዎይኮ ኤቃ ጸሳታ ሃወልቲይ ባይንዳ፤ ቁሴቴላ ማይኦይ ባይንዳ ዎይኮ ኤቃ ጸሳታ ሚሰሌይ ባይንዳ ዳሮ ዎዶ ዳኔና።

5 ሃሳፊ ጉዬ ኢስራኤል ዳሬይ ጎዳ ባ ጸሳኮኔ ባ ካዎ ዳዊቲኮ ሲማና። ወርሴላ ዎዶ ኢስቲ ያሻን ኮኮሪሼ ጎዳኮኔ ኢዛ ኣንጀኮ ያና።

4

ኢስራኤል ቦላ ዳንዲዳ ዎቶ

1 ሃኖ ቢታይ ቦላ ዲዛ አሳ ኡባ ቦላ ጎዳይ ሺሻዛ ዎቶይ ዳስ።

ሃሳ ጌሻስ ኢስራኤል አሳዉ!
 ኢዚ ኢንቴና ጌዛይሳ ሲዩቲ፤
 «ሃኖ ቢታይ ቦላፊ
 አማኔቴላይ።

2 ሃን ዲዛይ ቃንጌላ፤ ዎርዶ፤ ሸምፖ ዎቶ፤ ላይማቴላኔ ጫቁዳ ቃላ ሙሲ ጸላ ዳስ።

ጌኔይኔ ሸምፖ ዎቶይ
 ዳሪ ዳሪ ቤስ።

3 ሃሳ ጋሶን ቢታይ ቦላ ኮሻይ ዬስ፤ ኢዚ ቦላ ዲዛይ ወሪ ጌልቁስ፤ ማሃቲ፤ ደኣቲ፤ ካፎቲኔ አባ ጌዶን ዲዛ ዎሎቲ ኡባይ ወሬቴስ።»

ጎዳይ ቁሴታ ቦላ ሃንቁቲዳስ

4 ጎዳይ። «አንቴኖ ቁሴቶ ታ ኢንቴና ሞቲዛ ሚሺ ዳስ፤ ሃሳ ጌሻስ ኦኒካ ሃራ አሳራ ፓላማቶፎ፤ ቃሴ ኦኒካ ሃራ አስ ዎቶፖ።

5 አንቲ ኦማርሲኔ ጋላስ ቆዴቴታ፤ ናቤቲካ ኢንቴናራ ቆዴቴቴስ።

ሃሳ ጌሻስ ታኒ ኢንቴ አዮ ኢስራኤል ቆይሳና።

6 ታ ዳሬዛስ ኤራቴላ ፓጪዳ ጌሻስ ቆይዳስ። ኢንቴ ታና ኤራናስ ኮዮንታ ጌሻስ

ታኒካ ኢንቴ ታስ ቁሴታ ጌዲ ኦላና ማላ ኮይኬ።

ኢንቴ ታ ዎጋ ባሌቲዳ ጌሻስ ታኒካ ኢንቴ ናይታ ባላና።

7 ቁሴታ ቆዳይ ዳሪ ዳሪ ቢሺን ኢስቲ ታ ቦላ ኦላዳ ናጋራይ ዳሪ ዳሪ ቢዳስ፤

ባንታ ቦንቻካ ካዉሻን ላሚዳ።

8 ታ ዳሬዛ ናጋራይ ኢስታስ ሙሳስ ኪዩዳስ፤ ሃሳ ጌሻስ ዳሬይ ናጋራ ኦላዛይሳ

ኬሂ ዶሲዳ።

9 አንቴ ቁሴቲካ ዳራፔ ዲማቴኬታ፤

ሃሳ ጌሻስ ታ ኡባካ ኢዛይ ሃኖ ማላ ኢዛ ቃጸያና፤ ኢዛ ኦሶ ማላካ ኢዛስ ኢማና።

10 ታ ዳሬይ ታና ጎዳ አጌዳ ጌሻስ ኢስቲ ማናሺን ካሌቴና፤

ላይማታናሺን ጮራቴቴና» ጌስ።

ጎዳይ ኤቃ ጸሳታስ ጎይኖ ኢዳስ

11 «ላይማቴላስ። ጫሊዳ ዎይኔ ኡሻስ። ማልኦ ዎይኔ ኡሻ ሱኬስ ባንታና ኣላ ኢሚዳ፤ ሃሳንቲ ታ ዳሬዛ ዎዘና ኤኪዳ።

12 ሃሳ ጌሻስ ሚላፊ ኦሴቲዳ ኤቃ ጸሳ ዞሪ ኦይቼቴስ፤ ኢስቲ ኢዛን ማርላዛ ጉፊዚካ ኢስታስ ዛር ኢሚዛ ሚሳቴስ፤ ላይማቴላ ቆፋይ ባሌላዳስ፤ ባንታ ጸሳስ

አማኔቲቤቴና።

13 ዙማይ ዲዛሶን ዲዛሶን ያርሾ ያርሼቴስ፤ ዙምቡላታ ቦላ።

ጌታ ዳሻ ሚላታ ኩዋ ጋርሳን ጸጌቲዛ ያርሾ ያርሼቴስ። ሃሳ ጋሶን ኢንቴ ማጫ ናይቲ ላይማን ዳና፤

ኢንቴ ናይታ ማቼቲ ላይማታና።
 14 አንቴ ማጫ ናይቲኔ ኢንቴ ናይታ ማቼቲ

ላይማተሽን ታኒ ኢስታ ቃጸይኬ፤
 ጋሶይካ ኢንቴ ኣቱማሳቲ
 ላይማ ማጫሳታራ ሱኬቴቴሰ፤
 ኤቃ ጸሳታሰ ላይማቴላ
 ያርሾ ሺሺዛይታራ
 ኢንቴካ ኢዛላ ያርሾታ።
 ሄሳ ጊሻሰ ኣኩካይ ባይንዳ
 ዳሬይ ቆያና።

15 «ኢንቴኖ ኢሰራኤል ኣሳቶ!
 ኢንቴ ላይማተኮካ
 የሁዳ ኣሳይ
 ላይማታና ማላ ኦሎፍቴ፤
 ሄሳ ጊሻሰ ታሰ ጎይናናሰ
 ጌልጌላ ዋይኮ
 ቤቴ-ኣዌኔ ጌቴተዛሶ ሶፐቴ፤ *
 «ዳኦ ጎዳይ ቤዪን» ጊዲ
 ታ ሱንጎን ጫቆፍቴ።

16 ኢሰራኤል ዳሬይ ማካላንቻ
 ኡሳ ማላ ማካሊዳሰ፤
 ሂሰተን ጎዳይ ኢስታ
 ደርሳ ላቃታ ማላ
 ሎኦሶን ዋሰቲ ሄማኔ?

17 ኤፍሬሜይ ኤቃ ጸሳታ ጎይኖን
 ኦይኬቴዳ ጊሻሰ
 ኢስታ ጌዳ ኣጋጊቴ።

18 ዋይኔ ኡሹ ኡዪዳፔ ጉዬ
 ላይማቴሰ።
 ኢስታ ኣይሰዛይተካ
 ዬላቸዛ ሚሽ ደሴቴሰ።

19 ኢስታ ጎቴ ጫርኮይ ፐቴ ኤፋና፤
 ኢስታ ያርሾይ ኢስታ ሶላ
 ዬላ ኤሃና።

5

1 ኢንቴኖ ቁሴቶ ሃይሳ ሰዪቴ!
 ኢሰራኤል ኣሳቶ ኣኩከቴ!
 ካዎ ኩላ ኣሳቶ
 ሃይሳ ኤዘጊቴ!
 ሄኮ ፐርዳይ ኢንቴ ሶላ ዪዳሰ፤
 ጋሶይካ
 ኢንቴ ሚጺጸን ናርጸ።
 ታሶሬ ዙማን ጊቴ ጊዲዳታ።

2 ማካላንቻቲ ሾምፖ ዋጶ
 ካሴፔ ሃ ዳርሲዳ፤
 ሄሳ ጊሻሰ ታኒ ኢስታ
 ኡባካ ቃጸያና።

3 ታኒ ኢሰራኤል ኣሳ ኡባ ኤራይሰ።
 ኢሰራኤሌይ ታ ኣይፊፔ
 ጌማቤኩ፤
 ኤፍሬሜ፣ ኔኒ ላይማቴላ
 ጎይኖን ቱናዳሳ። *

4 ኢሰራኤል ኣሳይ ኦሊዳ ሞርይ
 ኢስቲ ባ ጸሳኮ
 ሲሞንታ ማላ ዲጊዳሰ።
 ላይማቴላ ኣያናይ

ኢስታ ዋዚና ኩሚዳሰ።
 ሄሳ ጊሻሰ

5 ኢሰቲ ጎዳ ኤሬቴና።
 ኢሰራኤል ኣሳ ኦቶርይ
 ኢስታ ሶላ ሲሚ ማርካቴሰ።
 ኢስቲ ባንታ ናጋራን ቆጶታና።
 የሁዳይካ ኢስታራ ኢሲፊ
 ቆጶቲ ኩንዳና።

6 ኢስቲ ጎዳ ኮያናሰ
 ባንታ ዉዴ ሜሃታኔ
 ሚዛታካ ላጊ ኤፋና፤
 ጊዳ ኣቲን ኢዚ ኢስታፊ
 ሻኬቴዳ ጊሻሰ
 ኢስቲ ኢዛ ዳሜቴና።

7 ኢስቲ ኤቃ ጸሳታሰ
 ጎይኒዛ ጊሻሰ
 ጎዳሰ ኣማኔቲቤቴና፤
 ኢስቲ ላይማን ናይታ ዬሊዳ።
 ሄሳ ጊሻሰ ኢስቲ ኣጊና ጶርን
 ሶንቸዛ ባኣሌይ
 ኢስታኔ ኢስታ ናይታ
 ኢሲፊ ቆይሳና።

ኢሰራኤሌኒኔ የሁዳ ጊዳን ዳንዳና ኦላ

8 ኣሳይ ኦላሰ ከዛና ማላ
 ጊቢኣን ዛዬ ዛዪቴ፤
 ኤራማን ጸራምባ ፑኒቴ።
 ቤቴ-ኣዌኔን፣
 «ቢኒያሜ ባጋቶ!
 ኮ ኢንቴናራ ደሰ» ጊሹ ዋሲቴ።

9 ቁጻቴይ ዪዛ ዋዶ
 ኤፍሬሜይ ቡላ ጊዳና፤
 ሃይሲ ኢሰራኤል ሶላ
 ጋካናይሳ
 ታ ሎኤላ ኤሪሳይሰ» ጌሰ።

10 ጎዳይ፣ «የሁዳ
 ካሌላዛይቲ ቆሰ
 ሾዲዛ ኣሳ ማላ
 ጊዲዳ ጊሻሰ
 ታኒ ታ ሃንቆ ሃላ ዲኦ ማላ
 ኢስታ ሶላ ዬዳና።

11 ኢሰራኤል ኣሳይ ሃዳ ጸሰ
 ካሎን ሚኒዳሰ።
 ሄሳ ጋሶን ናቂቲዳታኔ
 ፐርዳን ቆሃቲዳታ።

12 ሄሳ ጊሻሰ ታኒ
 ኢሰራኤል ኣሳ ፐኖ ማላ፣
 የሁዳ ኣሳሰ ቃሴ
 ቁኖ ማላ ጊዳና።

13 ኢሰራኤሌይ ባ ሳኮዛ፤
 የሁዳይካ ባ ማዲንላ ቤኢዲ
 ኢሰራኤሌይ ኣሶሬኮ
 ባ ኣይፍሶ ዛራዲሰ፤
 ኢሰራኤሌይ ማዶ ዳማናሰ
 ጊታ ኣሶሬ ካዎኮ
 ቃሰታኔ ኪታዲሰ።

* 4:15 ቤት-ኣዌኔ፣ ቤት-ኣዌኔ ጉሲ ኢታቴላ ኩላ ጊዲሺን ቤትኤሌሰ ኣሜቴዳ ጫቻ ሱንጎ። * 5:3 ኤፍሬሜ፣ ኤፍሬሜ ጌቴተዛይሰ ኢሰራኤሌሰ ናምኣንሶ ሱንጎ።

ገደ አቲን ኢዚ ኢንቴና አሻናሰ
 ዎይኮ ኢንቴ ማዲንግ
 ፓላናሰ ዳንዲይቤና።
 14 ሄሳፌ ዳንዲዳይሳን
 ታኒ ኢሰራኤሌሰ ጋሞ ማላ
 የሁዳሰካ ዎዳላ
 ጋሞ ማላ ገዳና፤
 ታ ኢሰታ ኒፊፊ ሂሰታ
 ማንጮሬላ ዩጋና፤
 ቦንቃ ኤካዳ ባና፤
 ኦኒካ ኢሰታ ታ ኩሾፔ
 አሻናሰ ዳንዲዳይና።
 15 ኢሰቲ ባ ባላ ኤሪዲ ታኮ ሲማና ጋካናሰ
 ታኒ ኢሰታፌ ሃካና።
 ኢሰታ ቦላ ማቶይ ዳሪዛ ዎዳ
 ኢሰቲ ታና ማንጻ ኮያና» ጌሰ።

6

ዎዚናፔ ገደንታ ማርቴሳ

1 ዳሬዚ፣ «ሃ ዩቴ፣
 ኦኔ ጎዳኮ ሲሞሰ!
 ኢዚ ኑና ማንጻዳ ማላ
 ኢዚካ ኑና ዛሪዲ ኮላና፤
 ኢዚ ኑና ማዲንጻዳ ማላ
 ዛሪዲካ ኢዚ ኑ ማዲንጻ
 ፓላና።
 2 ናሞኤ ጋላሳታፔ ጉዬ
 ኢዚ ኑና ቤጎላና፤
 ሄሻንሶ ጋላሰ
 ኢዚ ኑና ዳንጎላና፤
 ኑኒካ ኢዛ ሲንጎላን
 ፓጻ ዳና።
 3 ኦኔ ኑኒ ጎዳ ኤርሰ!
 ኑ ኢዛ ሎኤላ ኤራናሰ
 ኦኔ ማኔቶሰ!
 ኢዚ ዎንታ ፖኑ ማላ
 ኑሰ ቆንጫና፤
 ቢታ ካልሲዛ አሱራ ኢራ ማላኔ
 ባልጎ ኢራ ማላ
 ኢዚ ኑኮ ያና» ጌሰ።
 4 ጎዳይ፣ «ኤፍሬሜ አሳቶ!
 የሁዳ አሳቶ!
 ታ ኢንቴና ዎሰቲኮ ሎኦ?
 ኢንቴ ታና ሲቂዛ ሲቆይ
 ማላደ ሻራ ማላኔ
 ማላደ ጸዛ ማላ
 ጮ ቲሞኢ ገ ኤሶን ጳዬሰ።
 5 ሄሳ ገሻሰ
 ታኒ ታ ናቤታ ባጋራ
 ኢንቴና ቃንጾሬላዲሰ፤
 ታ ደናፔ ከኢዛ ቃላን
 ታ ኢንቴና ዎዳዲሰ።
 ታ ፒርዳይካ ኢንቴ ቦላ
 ዎልቃንጻ ማላ ፖኢዳሰ።
 6 ታኒ ያርሾሬ አላዳ ማርቴሳ ደሳይሰ።
 ጸጌቲዛ ያርሾሬ አላዳ
 ጸሰ ኤር ደሳይሰ።
 7 ኢሰቲ ቃሴ ካሴ አዳሜ

ጌቲቲዛሶን
 ታናራ ጌሊዳ
 ጮቆ ቃላ ላሊዳ፤
 ሄንካ ኢሰቲ ታናን
 አማኔቲቤቴና።
 8 ጋላአዳይ ሱላን ሞሬታዲሰ፤
 ኢታ አሳታ ዲሳሶ ገዳዲሰ።
 9 ፓንጋቲ አሴ ዎዳናሰ
 ዛማዲዛ ማላ
 ቁሴቲካ ዙፔቲዲ ሄሳሶ ኦፊቴሰ።
 ጌዴ ሴኬሜ ኤፊዛ ኦጌ ቦላካ
 ናገ ናገ አሰ ዎዴቴሰ፤
 ዩላቲዛ ኢታ ሚሽ
 ኦፊቴሰ።*
 10 ዲዢገንጻዛ ኢታ ሚሽ
 ኢሰራኤሌን ቤያዲሰ፤
 ኤፍሬሜ ኤቃሰ ጎይናኒኔ
 ላይማቴላን ቲኒዳሰ።
 11 «ኢንቴና የሁዳ አሳቶ!
 ታ ኢንቴና ቃጸያና ጋላሰ
 ባራ ዎላዲሰ።

7

1 «ታኒ ታ ዳሬ ኢሰራኤሌ
 አሳ ፓላናሰኔ
 ዛራዳ ዲራሳናሰ ኮይዛ ዎዳ፤
 ኤፍሬሜ ናጋሪይኔ
 ሳማሪያ አሳ ኢታቴላ
 ከሂ ዳሪ ቤቴዳሰ።
 ኢሰቲ ኢሶይ አሳሰ ዎርዶቴቴሰ፣
 ካይሶቲ ከፊ ቦኪ ጌሊዲ
 ካይሶቴቴሰ፣
 ፓንጋቲ ኦጌ ቦላ
 አዶሶን አዶሶን
 ቦንቁቴሰ።
 2 ገደ አቲን ታኒ ሃይሳ
 ኢሰታ ኢታቴላ ወርሳ ኤሪዛይሳ
 ኢሰቲ አኬኪቤቴና።
 ሄሳ ገሻሰ ኢሰታ
 ኢሰታ ናጋራይ ገደላ
 ዎላዳሰ፤
 ኢሰታ ኢታ ኦሶይ
 ታፔ ጌሚቤና» ጌሰ።
 ካዎ ከላን ዳንዲዳ ኢታ ማቆ
 3 ጎዳይ፣ «ኢሰቲ ካዎዛ ባ ኢታቴላን
 ሃላቃታካ ባንታ ዎርዶን
 ባሌፊቴሰ።
 4 ኢሰቲ ወሪካ ላይማቴዛይታ፣
 ቡኬሶይ ዳንዳና ጋካናሰ
 ዳቦ ኤኪዛይይ
 ታማ ኤላናሰ
 ኮሾንታ ሴሊሲዳ ጮጮ ማላ።
 5 ኑ ካዎዛ ባኦሌ ጋላሰ
 ሃላቃቲ ዎይኔ ኡሻን
 ማሶ ሌላ ገዳ።
 ኢዚካ ቁዳዛይታራ ዙፔቲዳሰ።
 6 ኢሰታ ዎዚናይ

6:6 ማቶ 9:13፤ 12:7 * 6:9 ሴኬሜይ ጸሳ ከላ ዲዛሶ።

ጮጮ
 ታማ ማላ ሴሊዳሰ፤
 ጌኔን ኢዛኮ ሸቄቲሰ።
 ኢስቲ ኦማርሲ ኩሜላ
 ሃንቆ ጩዋቲሼ ኣቄቲሰ
 ዋንቲላ ጋላሰ ኤጲዛ ታማ ማላ
 ፖፖልኤ ጌቲሰ።
 7 ወሪካ ታማ ጮጮ ማላ ሴሊዳይታ፤
 ባንታና ኣይሲዛይታ
 ዲፒ ሂሰቲ ወርሲዳ።
 ኢስታ ካዋቲካ ኩንዲዳ፤
 ኢስታፌ ኦኒካ
 ታኮ ሸቄቤና።

ኢስራኤል ኣሳይ ሃራ ካዋቲላታራ ዋላኬቲዳሰ

- 8 «ኤፍሪሜይ ሃራ ካዋቲላታራ ዋላኬቲዳሰ፤
 ኢዚ ሸራቶንታ ኣቲዳ
 ኤኬላ ማላ።
- 9 ኣላጋቲ ኢስታ ዋልቃ ሚዳ፤
 ጊዶ ኣቲን ኢስቲ ሄሳ
 ኤሪቤቲና።
 ኢዛ ሁኤይ ፑሉንላ ጫዲዳሰ፤
 ጊዶ ኣቲን ኢዚ ሄሳ ኤሪቤና።
- 10 ኢስራኤል ኣሳ ኦቶራቲላ
 ኢስታ ቦላ ማርካቲሰ፤
 ሄሲ ወሪ ሃኒንካ
 ኢስቲ ጎዳ ባንታ ጸሳኮ
 ሲሚቤቲና፤
 ኢዛካ ኮዩቤቲና።
- 11 «ኢስራኤል ኣሳይ ኤሌ ባሌቲዛኔ
 ቆፋይ ባይንዳ
 ሃራጺ ካፎ ማላ።
 ኢሲቶ ጊብጾ ጸይጌሰ፤
 ሃራ ዋዳ
 ቃሴ ኣሶሬኮ ሲሜሰ፤
- 12 ኢስቲ ፒራጂሽን ታ ጊቲ
 ኢስታ ቦላ ዩጋና፤
 ሳሎ ካፎታ ማላ
 ዲጌ ጎቻ ዋፋና፤
 ኢስቲ ኦሊዳ ኢታ ኦሶ ጊሻሰ
 ታ ኢስታ ዳሬ ሲንላን
 ቃጸያና።
- 13 ኢስቲ ታፔ ሃኪ ቢዳ ጊሻሰ
 ኢስታሰ ኣዩ ኣና!
 ታ ቦላ ኢስቲ ማካሊዳ ጊሻሰ
 ኢስታ ቦላ ጳይሲዛዚ ዮ፤
 ታኒ ኢስታ ዋዛና ኮያዲሰ፤
 ኢስቲ ጊዲኮ ታ ቦላ
 ዋርዶ ሃሳዩቲሰ።
- 14 ኢስቲ ባ ሂጸ ቦላ
 ኢቲዲ ዩኬቲሰ፤
 ጊዶ ኣቲን ዋዚናፕ
 ታኮ ዋሴቲና፤
 ካሳሲኔ
 ኡሻሰ ሸቄቲሰ፤
 ጊዶ ኣቲን ታፔ ሸርኢ ጊዳ።
- 15 ታኒ ኢስታ ታማርሳዲሲኔ
 ኢስታ ሚንላዲሰ፤

ኢስቲ ጊዲኮ ታ ቦላ ዳንዲዳ።
 16 ታፔ ሃኪዲ
 ሃዳ ሚሻኮ ሲሚዳ፤
 ኢስቲ ጫዳና ጸንጊን
 ዋራ ቢዛ ቶራ ማላ።
 ኢስታ ካሌላዛይቲካ
 ባንቲ ሃሳይዛ ኢታ
 ቃላ ጋሶን
 ማሻን ወራና፤
 ሃሳፌ ዳንደይሳን ኢስቲ ጊብጾ
 ቢታን ቂጴሰ ኣታና።

8

ኢስራኤል ኣሳ ቦላ ዩዳ ጎዳ ሃንቆ

- 1 «ኣሳይ ታናራ ዲዛ
 ጫቆ ቃላ ሳሊዳሰ፤
 ታ ዋጋ ቦላካ ማካሊዳሰ።
 ሄሳ ጋሶን ሞርኬይ
 ኣርጋንላ ማላ
 ጎዳ ኬላ ቦላ
 ኣላንሌሰ።
 ሄሳ ጊሻሰ
 ኢስቲ ናጌታና ማላ
 ዛዩ ፑና!
- 2 ኢስቲካ፣ «ጸሳወ!
 ኦ ኔና ኤርሰን ጊሼ
 ታኮ ዋሴቲሰ።
- 3 ጊዶ ኣቲን ኢስራኤል ኣሳይ
 ሎኦ ሚሽ ኢጲዳ ጊሻሰ
 ሞርኬይ ኢስታ ጎዳና።
- 4 «ታ ሼኔ ጊደንታ ኢስቲ ባሰ
 ካዋታ ካዋሊዳ፤
 ታና ኦይቶንታ ዲሼ
 ዳናታ ደራዳ፤
 ባ ቢራፔኔ ባ ዋርቃፌ
 ባና ጳይሳና ኤቃ ጸሳታ
 ባሰ ኦሊዳ።
- 5 ሳማሪያ ዳሬ ኣሳቶ!
 ማሪ ሚሳቲሰ ኢንቲ ሜጲዳ
 ኤቃ ጸሳቲ ታና ሻቲቲሰ።
 ታ ሃንቆይ ኢንቲ ቦላ
 ታማ ማላ ኤጾሰ፤
 ኢንቲ ሞሮ ኦሶን
 ኣይዴ ጋካናሰ ኢንቲ ጋምኣኔ?
- 6 ሂላንቻይ ማራ ሚሰሌ
 ሜጲዳ ኤቃ ጸሳቲ
 ጸሰ ጊዳናሰ ዳንዳዬቲና።
 ሄሳ ጊሻሰ
 ማር ሚሳቲ ኦሴቲዳ
 ሳማሪያ ኤቃ ጸሳቲ
 ሜቆራቲ ዋጳና።
- 7 ኢስቲ ጫርኮ ዜሪዲ ጎቲ ሸሻና፤
 ቡጸ ቦላ ኣይፌይ ዳና፤
 ጲሌይካ ቤቲና፤
 ኣይፊኮካ ኣላጋቲ ማና።
- 8 ኢስራኤሌይ
 ሃራ ካዋቲላታ ጊደን
 ሃራይሶ ሚሻ ማላ ጊዲዳ።

- 9 ባርካ ባዞ ቢታን ቶይላቲዛ
 ሃርዲዳ ማለ
 ጌዳ አሰሪ ዳሬ ቢዳ።
 ባና ማዳና ማለ
 ካዎታሰ ሚሼ አሚዲ
 ባሰ ዳቦ ሻሚዳ።
 10 ኢሰቲ ባና ካዎታሰ
 አሊ ባይዚኮካ
 ሃኢ ታ ኢሰታ ሺሻና፤
 ካዎቲኔ ዳናቲ
 ኢሰታ ቦላ ጋሊዛ
 ሚቶፔ ዳንዲዳይሳን
 ኢሰቲ ጉጺ ጉጺ ባና።
- 11 «ኤፍሬሜይ ናጋራ ወርሳናሰ
 ዳሮ ያርሾሶሆ ኦሊዳሰ፤
 ጊደ አቲን ሄ ያርሾሶሆቲ
 ናጋራ ኦሊዳሰ ጊዲዳ።
- 12 ታ ኢሰታሰ ታ ዎጋ ጋርሳን ዲዛ
 ዳሮ ሚሻታ ጸፋዲሰ።
 ኢሰቲ ጊዲኮ
 ሃዳ ሚሻ ማለ ቆዲዳ።
- 13 ኢሰቲ ሎኦ ያርሾ ሺሼቲሰ
 ሄ ያርሾ አሾዛካ ሜቲሰ፤
 ጊደ አቲን ጎዳይ
 ኢሰታን ኡፋዬቲቤና።
 ሄሳ ጊሻሰ ኢዚ ኢሰታ
 ኢታቲላ ዛሪ ቆጋና፤
 ኢሰታ ናጋራ ጊሻሰ ቃጸያና።
 ኢሰቲካ ጊብጼ ሰማና።
- 14 «ኢሰራኤል ዳሬይ
 ባሰ ጊታ ካዎቲላ
 ከላታ ከጸደሰ፤
 ጊደ አቲን ባና ሚጺዳይሳ ባሊዳሰ።
 ዩሁዳ ዳሬይካ ዳሮ ሚኖ
 ካታማታ ኦሊዳሰ፤
 ጊደ አቲን ታኒ ሄ ካታማታ ቦላ
 ታማ ዬዳና፤
 ኢሰታ ሚጸታካ
 ታማይ ማና» ጊዳሰ።

9

- ኢሰራኤል ቦላ ያና ቁጸቲ
- 1 ኢሰራኤል አሳዉ! ኡፋዬቶፍቲ!
 ሃራ ካዎቲላታ ማለ
 ኡፋይሰ ኖጮጮ ጎጥቲ!
 አይሰ ጊኮ ኢንቲ ኢንቲ ጸሳሰ
 አማኔቲቤኬታ
 ካላ ባሌ ኡባን
 ላይማቲላሰ
 አሚዛ ዎጋ ደሲዳታ።
 - 2 ሄሳ ጊሻሰ ሃይሳፌ ጉዬ
 ኢንቲ ካላ ባሊፔ ካላ።
 ዎይኔ ጉምኢዘሶሆፔ
 ዎይኔ ኡሹ ዳሚኬታ።
 ኦራላ ዎይኔ ኡሺካ

- 3 ኢሰራኤል ዳሬይ ጎዳይ
 ኢሰታሰ አሚዳ ቢታን ኡቲና።
 ኤፍሬሜይ ዲጌ ጊብጼ ሰማና፤
 አሰራካ ቢዲ ቲኒዳ ካላ ማና።
- 4 ሄን ጎዳሰ ዎይኔ ኡሹ
 ያርሻናሰ ዳንዳዬቲና፤
 ኢሰታ ያርሾይካ
 ጎዳ ኡፋይሰና።
 ሄሳ ጊሻሰ ኢሰታሰ ያርሾዚ
 ሾቻ ካላ ጊዳና፤
 ኢዛ ሚዛ ኡባይ ቲናና።
 ሄ ካላዚ ጮ ጋፋሰ
 ሚዛ ካላ ጊዳና አቲን
 ጎዳ ከላ ያርሾሰ ሺቆና።
- 5 ሂሰቲን ኢንቲ ዳማ ዳማ
 ባኣሌ ጋላሳታኒኔ
 ጎዳ ባኣሌ ጋላሳታን
 አይ ኦላቲ?
- 6 ኢሰቲ ባሻፌ አታናሰ ቤቲኮካ
 ጊብጼይ ኢሰታ ሺሻና፤
 ሚምፒሳ ጌቲቲዘሶን
 ኢሰታ ዎጋና፤
 ኢሰቲ ሃሪዳ ቢራይ ወሪካ
 ሻራፋ ማይኢ አታና፤
 ኢሰታ ዲሳሶ
 ኡባ አጉንላ ላታና።
- 7 ቃጸያና ዎዳይ ጋኪዳሰ፤
 ፒርዳ ጋላሰካ ጋኪዳሰ፤
 ሄሳ ኢሰራኤል አሳይ ኤር።
 ኢንቲ ኦሊዳ ናጋራይ
 ዳሮ ጊዲዳ ጊሻሰኔ
 ኢንቲ ሞርኬቲላ ጊታ ጊዲዳ
 ጊሻሰ ናቤይ ኤያ ማላ።
 ጸሳ አያናይ ኢዛ ቦላ
 ሹምፒዳዳይ
 ጎሻ ማለ ቆዳቲዳሰ።
- 8 ናቤይ ጸሳራ ጊዲዳ
 ኤፍሬሜ ናጊዛዳ፤
 ጊደ አቲን ኢዛ ኦጌ
 ኡባን ዎጸማዳይ።
 ኢዛ ጸሳ ከላን ኢጾይ
 ኢዛ ናጌሰ።
- 9 ኢሰራኤል አሳይ
 ካሴ ጊቤአ ዎዳ ዲዛ
 አሳ ማለ ከሂ ቲኒዳሰ፤
 ጸሰ ኢሰታ ቆሆዛ ቆፒዲ
 ኢሰታ ናጋራ ጊሻሰ
 ኢሰታ ቃጸያና።
- ናጋራ ጋሶን ኢሰራኤል አሳ ኩንዳላ
 10 ጎዳይ፣ «ታኒ ኢሰራኤል አሳ
 ዳሚዳ ዎዳ ታሰ ባዞ ቢታን
 ዎይኔ ሚላ አይፌ
 ዳሚዳ ሚሳቲዳሰ።
 ታኒ ካሴ ኢንቲ አዎታ
 ቤኢዳ ዎዳ

ታስ ኮይሮ ካዲዳ ባላሴ ሚላ
 አይፌ ቤኢዳ ሚሳቲዳስ።
 ኢስቲ ባኣሊ-ፔኦሬ ጋኪዳ ዋዴ
 ባንታናቲላ ዩላቲዛ
 ኤቃ ጸሳሰ ዲማሲዳ።
 ኢስቲካ ሄ ባ ሲቂዛ
 ኤቃ ጸሳ ማላ ቱኒዳ።

11 ኤፍሬሜ ቦንቾይ
 ካፎይ ፒራጂዛ ማላ
 ፒራጂ ጳያና፤
 ሃይሳፌ ጉዬ ና ቃንላቲላ፤
 ሻራይኔ ና ዩሎይካ ዴና።

12 ና ዩሊዲ ዲቺኮካ
 ኢስቲ ጳማና ጋካናሰ
 ታ ኢስታ ዋቆና።
 ታ ኢስታፌ ታ አይፌሶ ዛሪዳ ዋዴ
 ኢስታሰ አዩ አና!

13 ኤፍሬሜይ ጸረሴ ማላ
 ሎኦ ጋዴን ቶኬቲን ቤአዲሰ፤
 ሃኢ ገዲኮ ኤፍሬሜይ
 ባ ናይታ ሸምፖ ዋቆዛይታሰ
 አላ አማና።

14 ጎዳዉ! ኔ ሃ ዴራሰ
 አይ አማኔ?
 አዉጫዪዛ ኡሎኔ
 ሹላ ቆንሳ አማ!

ኢስራኤል አሳ ቦላ ጸሳ ፐርዳ

15 «ኢስቲ ጌልጌላን
 ኦሊዳ ኢታቲላ
 ጋሶን ታ ኢስታ ኢዲዲሰ፤
 ኢስቲ ኦሊዳ ኢታ ኦሶ ገሻሰ
 ታ ኬላፌ ታ ኢስታ ጎዳና፤
 ሃይሳፌ ጉዬካ
 ታ ኢስታ ደሲኬ፤
 ኢስታ ካሌላዛይቲ
 ኡባይ ማካላንቻታ።

16 ኤፍሬሜይ ሾጩቲዳሰ፤
 ኢስታሰ ጸጸይካ ሚሊዳሰ፤
 ኢስቲ አሻሎን ዲቺዳ ናይታ
 ታ ዋቆና» ጌሰ።

ሆሴኤይ ኢስራኤል አሳ ሴሪዳሰ

17 ኢስቲ አዛዜቶንታ ኢዲዳ ገሻሰ
 ታ ጸሲ ኢስታ ዩጊ አጋና፤
 ኢስቲካ ካዋቲላታ ገደን
 ጮ ቶይላታና።

10

1 ኢስራኤል አሳይ ዳዩዳ
 ዋይኔ ሚላ ማላ።
 ኢስቲ ዳሮ አይፌ አይፌዳ፤
 አይፌዚ ዳሪዳ ኬና
 ዳሮ ያርሾሆ ሜጂዳ።
 ኢስታ ቢታያ ሎኦ አይፌ አማዳ
 ኢስታ ዱሬሲዳ ማላ

2 ኢስቲ ጎይኒዛ ቱሳታ አሌቁሲዳ።
 ኢስታ ዋዚናን ጌኔይ ኩሚዳሰ፤
 ኢስቲ ባ ኦሊዳ ጌኔዛ
 ዋጋ ኤካና።
 ጎዳይ ኢስቲ ያርሾ
 ያርሾዛሶሆታ
 ኡባ ላላና።
 ኢስቲ ጎይኒዛ ኤቃ ጸሳ
 ቱሳታካ ሾዳና።

3 ኢስቲካ፡ «ኦሰ ካዋይ ዴና፤
 ኦኒ ጎዳ ቦንቾንታ
 ገሻሰ ካዋይ ዲዛኮካ
 ኢዚ ኦሰ አይ ኦላኔ?» ጋና።

4 ኢስቲ ዋርደራ ጫቂዳ
 ቃላ ጌሌቲሰ፤
 ሃዳ ሂደታ ኦሌቲሰ፤
 ሃሳ ገሻሰ ካላ ገደን
 ማርዜራ ዲዛ ሃሩማ ማታይ
 ሞኪዛ ማላ
 ኢስታ ገደን ጌኔ ፐርዳይ ዳራና።

5 ሳማሪያ ካታማን ዲዛ ዴሬይ
 ቤቲ-አዌንን ዲዛ
 ማራ ሚሰሌን ኦሴቲዳ
 ኤቃ ጸሳሰ ያዩሰ።
 ኢዛፔ ቦንቾይ ቃሬቲ
 ኪቺዳ ገሻሰ
 አሳይ ዩኬሰ።
 ሄ ኤቃ ሚሰሌዛ ቁሴቲካ
 ዋሴቲሰ።

6 ሄ ኤቃ ሚሰሌዚ ገታ ገዲዳ
 አሶሪ ካዋሰ ኪያቲላ አሜታና።
 ኤፍሬሜይ ካዉያና፤
 ኢስራኤሌይካ ባንታ ኤቃ
 ጸሳ ገሻሰ ዩላታና።

7 ሳማሪያ ካዋይ
 ሃላ ጎፖንቶ ማላ
 ጮ ጳያና።

8 ኢስራኤሌሰ ናጋራ ገዲዳ
 ቤት-አዌንን ጎይኒዛሶሆ
 ዙሞቡላዚ ጳያና፤
 አካይኔ አሃይ ሞካና፤
 ሄ ዋዴ ዴሬይ ዙማታ፡
 «ኦና ቆቲቲ!»
 ዙሞቡላታካ
 «ኦና ካሚቲ!» ጋና።

ጎዳይ ኢስራኤል አሳ ቃጸያና
 9 ጎዳይ፡ «ኢስራኤል አሳዉ!
 ገሰኣን ናጋራ ኦሶፕፕ
 ሃቾ ጋካናሰ
 ጌባኦኔን ናጋራ ኦሊዛይታ
 አላይ ዉርሲቤኔ?»

10 ታኒ ኮይዛ ዋዴ ኢስታ ቃጸያና፤
 ኢስቲ ኦሊዳ
 ዳኮ ናጋራ ገሻሰ
 ቁጻቲይ ኢስታ ቦላ ጋካና፤
 ካዋቲላቲ
 ኢስታ ቦላ ዴንዳና።

11 ኢሰራኤሌይ ካል ቡካናሰ
 ደሲዛ ማህ ማላ፤
 ገደ ኣቲን ሎኢዛ ኢዚ ሞርጌ ቦላ
 ቃሞባራ ዋላና፤
 ኤፍሬሜ ዋጻና፤
 ዩሁዳይ ጎያና፤
 ያቆቤ ናይቲ
 ዋጻቲዲ ቢታ ፒጻና።

12 ጎዳይ ዩዲ ጸሎቴል
 ኢንቲ ቦላ ኢራ ማላ
 ቡኪሳና ጋካናሰ
 ሃና ኢንቲ ኢዛ ኮይዛ ዋጻ
 ገዲዳ ገሻሰ ኦላ ጎዩቴ፤
 ኢንቲሰ ጸሎቴል ዜሪቴ፤
 ሚኖ ሲቆ ኣይፊ ማጸቴ።

13 «ኢንቲ ገዲኮ ኢንቲ ዋልቃኒኔ
 ኢንቲ ኦላ ቃራታ ዳርቴላን
 ኣማኔቲዲ ኢታቴል ዜሪዴታ፤
 ናጋራ ሺሺዳታ፤
 ዋርድቴላ ኣይፊ ሚዳታ።

14 ሺለማኔይ ቤቲ-ኣርቤሌ
 ጌቴቲዛ ካታማ ኦላን ካሴ
 ላሊዳይሳላኔ
 ኣዩታ ናይታራ ጋል
 ቢታ ቦላ
 ዲንጩሬላ ዉርሲዳ ማላ
 ሺርይ ዳራ ቦላ ያና።
 ኢንቲ ዳራ ኣሳ ቦላ ዋልቃማ
 ኦላይ ያና፤
 ኢንቲ ሚጻይ ላሊታና።

15 ቤቴሌ! ኔ ኢታቴል
 ገታ ገዲዳ ገሻሰ
 ኔ ቦላካ ሃሳላ ሃናና፤
 ሄ ጋላሳያ ጋኪዛ ዋጻ
 ኢሰራኤሌ ካዋይ
 ሙሌራ ጳያና» ጌሰ።

11

ኢሰራኤሌሰ ጎዳ ሲቆ

1 ጎዳይ፡ «ኢሰራኤሌይ ቡር
 ዩጳን ዲሺን ደሳዲሰ።
 ሂሰታዳ ታ ናዛ
 ታ ገብጾ ቢታፊ ጸይጋዲሰ።

2 ገደ ኣቲን ታ ኢሰታ ጸይጊዳ ኬና
 ኢሰቲ ታፔ ጌዳ
 ሃኪ ሃኪ ቢዳ።
 ባኣሌሰ ያርሾ ሺሺዳ፤
 ኢዛ ሚሰሌታሲካ
 ኤጻኔ ጩዋሲዳ።

3 ኤፍሬሜሰ ኩሽዛ ኦይካዳ
 ሄሜል ታማርሲዳይ ታና፤
 ገደ ኣቲን ኢሰታ ፓላዳይ
 ታና ገዲዳይሳ
 ኢሰቲ ኤሪቤቴና።

4 ታ ኢሰታ ቃዴታ ዋድርኒኔ
 ሲቆ ሳንሳላታን

ታኮ ሺሻዲሰ፤
 ኢሰታ ሞርጌፊ
 ቃሞባራ ዳንላዲሰ፤
 ዘቂ ጋ ሆካዳ ኢሰታ ሚዛዲሰ።

5 «ሂሰቲን ኢሰቲ
 ማርቴላን ጌሎንታ ገሻሰ
 ዲጌ ገብጾ ሲሜቴኔ?
 ኣሶሬይ ኢሰታ ሃሬኔ?

6 ኢሰታ ኢታ ሃልቾ ገሻሰ
 ሞርኬ ቶራይ ኢሰታ
 ካታማታ ኦላና፤
 ኢሰታ ካታማታ ፔንጌታካ
 ሜንጮሬላ ዩጋና።
 ኢሰቲካ ሙሌራ ጳያና።

7 ታ ዳሬይ
 ታፔ ሃካናሰ ኮዩዳሰ፤
 ገዲኮካ ኢሰቲ ታኮ ኡባፊ
 ዋልቃማ ጸሳኮ ዋሲኮ
 ታ ኢሰታ ኣሺኬ።

8 «ኤፍሬሜ! ታ ኔና
 ዋሰታ ኣጋጋኔ?
 ኢሰራኤሌ ታ ኔና
 ዋሰታ ኣሳ ኢማኔ?
 ታ ካሴ ኣዳማኒኔ
 ጸቦይሜን ኦሊዳይሳላ
 ዋሰታ ኔ ቦላ ኦላ?
 ታ ዋዚናይ ገደን ቃጸዴሰ፤
 ታ ማርቴላይ
 ኔና ኣሻና ዳንዲዳሰ።

9 ታኒ ኢንቲ ገደን ዲዛ ጌሻ
 ጸሳ ኣቲን ኣሰ ገዲኬ።
 ታ ሃንቆራ ኢንቲኮ ዩኬ፤
 ታ ቦሻ ሃንቆ
 ኢንቲ ቦላ ዩዲኬ፤
 ኤፍሬሜ ዛራዳ ጳይሲኬ።

10 «ታኒ ጎዳይ ኢሰታ ኣሻናሰ
 ጸገዛ ጋሞ ማላ
 ታኒ ታ ቃላ ሲሲሺን
 ኢሰቲ ታና ካላና፤
 ታ ናይቲ ኮኮሪሽ
 ኣርሼይ ሞኪዛ ባጋፊ ያና።

11 ገብጾፔ ካፎ ማላ
 ኣሶሬፔ ሃራጾ ማላ
 ፒራዲ ያና።
 ታኒ ኢሰታ ኢሰታሶሆን
 ዋላና» ጌሰ።

ኢሰራኤሌ ናጋራኔ ዩሁዳ ናጋራ

12 ጎዳይ፡ «ኤፍሬሜ ዋርድን
 ኢሰራኤሌይካ ጌኔን
 ታና ገደላዳሰ፤
 ዩሁዳይ ጸሳሰ
 ሃራቶንታዳ፤
 ኣማኔቲዳ ጌሻዛራ
 ኤቁቴዛዳ» ጌሰ።

12

- 1 ኤፍሬሜይ ጫርኮ ሃንላንቻ፤
 ጋላስ ኩሜላ ኣርሼይ ሞኪዛ
 ባጋ ጫርኮ ካሌስ፤
 ዋርዶኔ ማካላ ዳሪሴስ።
 ኣሶሬ ዳራራ
 ጫቆ ቃላ ጌሌስ፤
 ዋጋራ ዛይቲ ጌብጾ ቢታ ዬዴስ።
- 2 ጎዳይ የሁዳ ዳራ ቦላ
 ሺሺዛ ሞቶይ ዳስ፤
 ኢዚ ያቆቤ ኢዛ
 ሃኖታ ማላ ቃጸያና።
 ኢዛ ኦሶ ማላ ኢዛስ ኢማና።
- 3 ያቆቤይ ቡር
 ባ ኣዬይ ኡሎን ዲሼ
 ባ ኢሻ ቶሆ ቂርጾ ኦይኪዳስ፤
 ኣሳ ዛዋ ጋኪዳፔ ጉዬ
 ጸሳራ ባጾቲዳስ።
- 4 ኪታንቻራ ባጾቲዳ
 ኢዛ ጸኒዳስ፤
 ኢዛ ሲንላን ቲማ ዳማናስ
 ዬኪ ዋሲዳስ፤
 ኢዛካ ቤቲሌን ዳሚዳስ፤
 ሄን ኢዛራ ሃሳዬቲዳስ።
- 5 ጎዳይ ኡባሬ ዋልቃማ ጸሳይ
 ኢዛስ ኤሬቲዳ ሱንላይ ጎዳ።
- 6 ሃሳ ጊሻስ ኔ ጸሳኮ ሲማ፤
 ሲቆኔ ቱሙ ፐርዳ
 ሎኤላ ኦይካ፤
 ኡባ ዋዴ
 ኔ ጸሳን ኣማኔታ።
- 7 «ዛልኣንቻቲ
 ዋርዶ ጌዳራን ባይዜቲስ፤
 ሸጩቸካ ደሴቲስ።
- 8 ኤፍሬሜይ፥ (ታኒ ዱሬ፤
 ታ ዱሬታዲስ፤
 ታስ ሃይሲ ኡባይ ዲሺን
 ኣይ ቆሆይካ
 ዋይኮ ናጋራይ
 ታ ቦላ ጋኪና)
 ጊ ጩቄቲስ።
- 9 «ኣንቲና ጌብጾ ቢታሬ ኬሲዳ
 ጎዳ ኣንቲ ጸሳይ ታና፤
 ላይላ ባኣሌ ጋላስ
 ካሴ ኣንቲ ኦሲዛ ማላ
 ኣንቲ ኣንቲ ዱንካኔን ዳና ማላ
 ታ ኦላና።
- 10 «ታኒ ካሴታዳ ናቤታስ ዮታዲስ፤
 ዳር ኣጂታ ታ ኢስታ ቤሳዲስ፤
 ኢስታ ባጋራ ለሚሶን ዮታዲስ።
- 11 ጋላኣዴን ኢታቲላ ኩሚዳስ፤
 ኣሳይካ ሹፋር ጸላ።
 ጌልጌላን ሚርጎታ ያርሾስ

ሺሺዛ?
 ኢስታ ያርሺዛሶይ ማቄሬቲዳ
 ጎሻ ጊደን ኮሬቲዳ
 ሹቻ ማላ ጊዳና» ጌስ።

- 12 ያቆቤይ ማሰጴጶሚያ
 ባቃቲዳስ፤
 ኢሰራኤሌይ ማቸ ኤካናስ
 ሄን ሃጋዚዳስ፤
 ኢዚሰ ኣማና ጨሎሻ ጊሻስ
 ደርስ ሃሚዳስ።
- 13 ጎዳይ ናቤ ባጋራ ኢሰራኤሌ
 ጌብጾፔ ኬሲዳስ፤
 ናቤዛ ባጋራ ኢስታ
 ኢሻልሲ ኦይኪዳስ።
- 14 ጊዶ ኣቲን ኤፍሬሜይ
 ኢዛ ኬሂ ሃንቄላዳስ፤
 ኢዛ ጎዳይ ኢዚ ሱላ ጉሲዳ ማላ
 ቆሆዛ ኢዛ ቦላ ጋላና፤
 ኢዚ ለቂዛ ለቆዛ ጊሻስ
 ኢዛስ ቤሲዛዝ ቃንጸና።

13

- ኢሰራኤሌ ቦላ ያና ወርሴላ ፐርዳ።
- 1 ኤፍሬሜይ ኢሰራኤሌ ዳሬዛ ጊደን
 ቦንቹቲ ዲዛ ጊሻስ
 ኢዚ ሃሳይሺን ኣሳይ
 ኡባይ ኮኮሬስ።
 ጊዶ ኣቲን ባኣሌስ
 ጎይኒዳ ጊሻስ
 ቆሂዳስ፤ ሃይቂዳስ።
 - 2 ሃኣካ ናጋራ ቦላ
 ናጋራ ጉጂዳ፤
 ባንታ ጨንጫቲላን ሚሰሌታ
 ባስ ጊግሲዳ፤
 ቢራፔ ኤቃ ጸሳታ
 ባንታስ ሜዲዳ፤
 ሃይቲ ወሪካ
 ኣሳ ኩሺን ኦሴቲዳይታ፤
 ሃይታ ሃ ኣሳታ ጊሻስ።
 «ኣስ ያርሾ ሂሰቲ ሺሹቲስ፤
 ማራ ሚሰሌን ኦሴቲዳ ኤቃ
 ጸሳታ ዬሬቲስ» ጌቲቲዳስ።
 - 3 ሃሳ ጋሶን ኢስቲ ዋንታ
 ማላዶ ሻራ ማላ
 ጮ ቲምኢ ጋና፤
 ማላዶ ጸዛ ማላካ ጮ
 ዋዲ ቆያና፤
 ዋይኮ ባንጋ ቡኪዛ ባሌፔ
 ጎቲ ጫርኮይ ኤፊዛ
 ሱላ ማላ ጊዳና፤
 ዋይኮ ኬላሬ
 ኬዚዲ ቤቲሼ
 ጮ ቆይዛ ጩዋ ማላ ጊዳና።
 - 4 ጎዳይ፥ «ኔና ጌብጾፔ ኬሲዳይ
 ታና ጎዳ ኔ ጸሳ፤

ኔሰ ታፔ አቲን
 ሃራ ጸሲ ዳና፤
 ኔና አሺዳይ ታፔ አቲን
 ሃራ ጸሰ ጊዳና።
 5 ባዞ ቢታን ካሴኔ ሃላ ባይንዳሶን
 ኔና አሻልሳ ዋላዲሰ።
 6 ጊዳ አቲን ታ ሚዘን
 ኢሰቲ ካሊዳ፤
 ካሊዲ አቶሬቲዳ፤
 ሄሳፌ ጉዬ ታና ባሊዳ።
 7 ሄሳ ጊሻሰ ታኒ ኢሰታ ቦላ
 ጋሞ ማላ ያና፤
 ማሄ ማላ ኦጌ ቦላ
 ዛማዳ ኡታና።
 8 ኢዚ ማራቲ ቦንቄቲዳ ዛርዶ ማላ
 ታ ኢሰታ ሸጫና፤
 ፑዜሬላና፤
 ታ ኢሰታ ጋሞ ማላ
 ፑዜሬላ ሚታና፤
 ዋራ ዶኦ ማላ ዱሴሬላና።

9 «ኢሰራኤሌ ዳሬዘ!
 ኔ ታ ቦላ ዳንዲዳ ጊሻሰኔ
 ኔና ማዲዛ ታናራ
 ኔ ኤቄቲዳ ጊሻሰ
 ኔ ጳያና፤
 10 ኔ ታና፣ «ታሰ ካዎኔ
 ሃላቃታ አማ» ጋዳሳ፤
 ሂሰቲን ሃኢ ኔና አሻና
 ካዎይ አዋን ዲዜ?
 ኔ ካታማታን ዲዛ
 ሃላቃቲ ኡባይ
 ሃኢ አዋን ዲዛ?
 11 ታ ሃንቄታሽ
 አንቲሰ ካዎ አማዲሰ፤
 ጊዳ አቲን ታኒ ቦሻንካ
 ኢዛ ሻራዲሰ።

12 «ኤፍሬሜ ቆሆይ ዶሬቲዳሰ፤
 ኢዛ ናጋራይካ
 ማዘጋቤን ጻፌቲዳሰ።
 13 ሚጻይ ኦይኪዳ ማጫሳ ማላ
 ኢዛ ቦላ ሜቶይ ያና፤
 ኢዚ ጊዲኮ
 አጶ ኤራቴላ ባይንዳ
 ኤያ ና፤
 ዩሌቲዛ ዋይይ ጋከን
 ባ አዩይ ኡሎፔ ዩሌታናሰ
 ኮዮንታ ና ማላ።

14 ታኒ ኔና
 ዱፎ ዋልቃፌ አሻና፤
 ሃይቆፔካ ዋዛና።
 ሃይቆ! ኔ ዋጲዛ
 ዋልቃይ አዋን ዲዜ?
 ዱፎዘ! ኔኒ አሰ ጳይሴዛ ዋልቃይ
 አዋን ዲዜ?
 ታኒ ኢዛሰ ቃጴቲኬ።
 15 ኢዚ ባ አሻታ ጊደን

ዱሬ ጊዲኮካ
 ጎዳፔ ኪቲቲዳ ጫርኮይ
 አርሼይ ሞኪዛ ባጋራ
 ባዞ ቢታፌ ዳንዲዳ ያና።
 ፑልቶይ ቶኦና፤
 ሃላ ኦላይካ ማላና፤
 ኢዛሰ ዲዛ አልኦ አቆታይ
 ሚንጃ ኬላፌ ቦንቄታና።
 16 ሳማሪያ አሳይ
 ባንታ ጸሳ ቦላ
 ማካሊዳ ጊሻሰ
 ባንታ ቆሆ ቶካና፤
 ማሻንካ ሲፌታና፤
 ቄሪ ናይቲ ቢታ ቦላ
 ዲንጨታና፤
 ቃንጻራ ዲዛ ማጫሳታ
 ኡሎይ ዳኬታና» ጌሰ።

14

አሳይ ማሪታና ማላ አዋጃቲዳ አዋጃ
 1 ኢሰራኤሌ ዳሬዘ!
 አንቲ አንቲ ናጋራ ጋሶን
 ኩንዲዳ ጊሻሰ
 ጎዳ አንቲ ጸሳኮ ሲሚቲ።
 2 ፓጶላ ቃላ ኤሰ
 ጎዳኮ ሲሚዲ፣
 «ኦ ናጋራ ኡባ አቶ ጋ፤
 ኦኒ ኦ ዶናፔ ጋላታ
 ሸሻና ማላ
 ኔ ማርቲላን ኦና ኤካ።
 3 አሰሬይ ኦና አሸና፤
 ኦኒ ኦላ ፓራታንካ
 አማኔቶኮ፤
 ሃይሳፌ ጉዬ ኦኒ
 ኦ ኩሼን ሜጲዳ
 ኤቃ ጸሳታ፣
 «ሃይቲ ኦ ጸሳታ» ጎኮ።
 ማንቆቲ ኔፔ ቃጴቴላ
 ዳሜቲሰ» ጌቲ።

ኦራላ ዳኤሰ ሂደታይ አሜቲዳሰ
 4 ጎዳይ፣ «ታ ሃንቆይ
 ኢሰታ ቦላፌ ሲሚዳ ጊሻሰ
 ታሰ አማኔቶንታ ኢዲዳ
 ታ ዳራ
 ታ ፓላና፤
 ታ ኢሰታ ጮ ማላ ሲቃና።
 5 ታኒ ኢሰራኤሌ አሳሰ
 ፑሴ ኢራ ማላ ጊዳና፤
 ኢሰቲካ ሎኦ ጨሻ ማላ ጨያና፤
 ሊባኖሴ ዚጋ ማላ
 ጸጸ ዩዳና።
 6 ኢሰታ ሃጋይ ዲጫና፤
 ዋጋራ ሚላ ማላ
 ኢሰቲ ሎኦና፤ ሊባኖሴ ዚጋ ማላ
 ሎኦ ሳዎ ሳዋና።
 7 ኢሰቲ ሲሚዲ

ታ ኩዋ ጋርሳን ኡታና፤
 ጫሬቻ ካላ ማላ
 ኢሰቲ ጨለላና፤
 ዋይኔ ማላ ማላ ኢሰቲ ጨያና።
 ኢሰታ ሱንሳ ለባኖሴ
 ዳሬ ዋይኔ
 ኡሻ ማላ ኡባሶን ኤሬታና።
 8 ኤፍሬሜ! ታሰኔ ኤቃ ጸሳታሰ
 ኣይ ጋይቶቴሉ ዲዜ?
 ኔ ዋሳ ሲዪዛይኔ
 ኔና ናጊዛይ ታና፤
 ታኒ ኡባ ዋዴ ጨለላ ኡቲዳ
 ማላ ማላ፤
 ኔ ኣይፊዛይ
 ታፔ ዳንዲዳይሳና» ጌሰ።

ኩሻ ቃላ

9 ኣጵ ኤራንቻይ
 ሃ ዮኦታ ኣከካና።
 ኣከከዛዴይ ሃ ዮኦታ ኤራና፤
 ጎዳ ኦጌይ ሱሬ፤
 ጸሎቲ ኢዛን ሄሜቴቴሰ።
 ናጋራንቻቲ ጊዲኮ
 ኢዛን ጶጶቴቴሰ።

አዩኤል ተንቢት ጊደ ቆፋ

ናቤ አዩኤል ሃይሳ ቢታ ቦላ አይዳጅ አይዳጅ
 ጋካናሰ ዳኢዳኮ አዛ ዳሳ ገሻሰ ኤሬተዛ ዳር ሚሽ
 ዳና፤ ጊደ አተን ማጻፋዚ ቤተዳይ ከርሰቶሲ
 ዩሌታናፕ ካሴ 500 ላይላ ሄራን ዋይኮ 400 ላይላ
 ሄራን ጊደና ጌቲቲ ቆፊቲስ። ሄሲ ሄ ዋዴዚካ ፓሪሴ
 ካዎቲላ ዋዴና፤ አዩኤል አሰራኤል ዳሬን ዋልቃማ
 ቦሌይ ዳንዲዲ ዳር ሚሽ ሞሪን ኮሻይ ቢታ ቦላ
 ዳንዲዳይሳ ዮቲስ፤ ሄይቲ ሄ ሃናቲ ጎዳ ዩሳ ጋላሳይ
 ማቲሽን አዛ ጌሻ ቆፋራ ኤቲቲዛይታ ኡባ አዚ
 ቃጸያናይሳ ጉጂዲ ኤሪሴስ። ናቤዚ ዳሬይ ማርቲላን
 ጌላና ማላ ጸሲ አሳ ዴይጊዛይሳ ቆንጨሴላን አሳይ
 ማርቲላን ጌሊኮ አዚካ ቤኒ ዳሬዛ ሃናቲላኮ ሲሚዲ
 ዳራ አንጃናይሳ አሳ ቆፍሴስ፤ አዛ ተንቢቲዛ ጊደፊ
 ኬሂ ቆንጨ ቤቲዛ ኡፋይሳ ቃላይ ጸሲ ማጫኔ አቲማ
 ናቲላታ ቦላ፣ ጨማታ ቦላ፣ ዳሬዛ ኡባ ቦላካ ባ አያና
 ዩዳናይሳ ቆንጨሴስ።

ሃ ማጻፋይ ኦይኪዳ ኩሜላ ቆፋ

ቦሌኔ ሞርኬ ኦላ 1:1—2:17
 ጎዳ ጋላስ 2:18-32
 ጎዳይ ካዎቲላታ ቃጸያና ቃጸዮ 3:1-21

ቦሌይ ጋሊዳ ቆሆ

- 1 ሲንላፊ ሃናናይሳ ጸሲ አዩኤሌስ ዮቲዳ ቃላይ ሃይሳ፤
- 2 አንቲ ጨማቲ ሃይሳ ሲዩቲ፤
 ዩሁዳ ዳሬን ዲዛይቲ ዉሪካ
 ሃይሳ ኤዘጊ ሲዩቲ።
- ሃይሳ ማላ ሃናይ ካሴ
 አንቲ ዋዴ ጊዲን ዋይኮ
 ካሴ አንቲ አዎታ ዋዴ
 ሃኒ ኤሪዜ?
- 3 አንቲ ሃይሳ አንቲ ናይታስ ዮቲቲ፤
 አንቲ ናይቲ ቃሴ
 ባንታ ናይታስ ዮቲቶ፤
 ናይታ ናይቲካ
 ካሊዛ ዩሌታስ ዮቲቶ።
- 4 ጎንደይ ሚሽን አቲዳ ካላ
 ቢታ ማቲ ቦሌይ ሚዳስ፤
 አዛፕ አቲዳይሳ ኡሾ ጫርኮላ
 ሾጨዛ ዲኦ ማላ
 ቦሌይ ጳይሲዳስ፤
 አዛፕ አቲዳይሳ ቃሴ
 ጉሞባርይ ሚዳስ።
- 5 ሃሳፊ ጉዬ ዋይኔ ኡሾ
 አንቲ ዳሞንታ
 ገሻሰ ዩኪቲ፤
 አንቲኖ ማሶቲዛይቶ!
 አንቲ ጳሰኪዛሶፕ
 ቤጊዲ ዋሲቲ፤
 አንቲኖ ዋንታን ዋንታን
 ዋይኔ ኡሾ ኡዩዛይቶ!
 ጫሞ ዩሆ ዩኪቲ።

- 6 ቆዳይ ባይንዳ ቦሌይ
 ኦላ አሳ ማላ
 ታ ዳሬዛ ቦላ ዩዳስ፤
 አዛ አቻይ
 ጋሞ አቻ ማላ፤
 አዛ ጋጊና አቻይ
 ማጫ ጋሞ
 ጋጊና አቻ ማላ።
- 7 ታ ዋይኔ ሚላ አይፊዛ
 ሙሌራ ጳይሲዳስ፤
 ባላሴ ጌቲቲዛ ሚላ
 ኡባ ማንጤሬላዳስ፤
 ሚላ ሃጋቲ
 ሙሌራ ቦጻና ጋካናሰ
 ፖቆዛ ሙሌራ ፖቂ
 ዳንሊቲዳስ።
- 8 ሃሳ ገሻሰ አዛ ኤካና
 ገግሲዳይሲ ሃይቂን
 ማቃ ማይኦዳ ዩኪዛ
 ጌላኦይ ማላ አንቲካ ዩኪቲ።
- 9 ጎዳ ከላን ያርሾስ ሽቃና
 ካላ ጊዲን ዋይኮ
 ዋይኔ ኡሻይ ባይንዳ ገሻሰ
 ጎዳስ ኦሊዛ ቄሴቲ
 ዩኪቲስ።
- 10 ጎዳዲ ዜሪዳ ካላይ ሚሊ ጳዩን
 ዋይኔ ሚላይ ቶኬቲዲ
 ሚሊዳ ገሻሰ ዛይቲይ ጳይዳስ፤
 ሃሳ ገሻሰ
 ቢታያ ዩካዉሰ።
- 11 ጌሰቲይኔ ባንጋይ ሃራይካ
 ቦኔ ካሊ ዉሪካ
 ጳይዳ ገሻሰ
 አንቲኖ ጎሻንቻቶ
 ጨጨቲ፤
 አንቲኖ፣ ዋይኔ ሚላታ
 ጎዳቲካ ዩኪቲ።
- 12 ዋይኔ ሚላቲኔ ባላሴ
 ሚላቲ ሹሊዳ፤
 ኦርማኔኔ ቲሚሪ ሚላቲ፣
 ላዳይኔ ሃራ አይፊ አይፊዛ
 ሚላቲ ዉሪካ ሚሊዳ፤
 ሃሳ ጋሶን አዳፊ
 ኡፋይሲ አሳፕ ሃኪዳስ። *
- 13 አንቲ አንቲ ጸሳ
 ያርሾ ሸሸዛ ካላ ጊዲን
 ዋይኮ ዋይኔ ኡሽ
 ባይንዳ ገሻሰ
 አንቲኖ ታ ጎዳ
 ኦሳንቻታ ጊዲዳ
 ቄሴቶ! አኔ ሃ ዩዲ
 ማቃ ማይኦዳ
 ኩሜላ ኦማርሰ ዩኪቲ።
 አንቲኖ ያርሾ ያርሾዛሶን
 ኦሊዛይቶ!
 አንቲኖ፣ «ዉ! ዉይ!» ጊ ዋሲቲ።
- 14 ዲማ ጸማ ጋላስ አዎጂቲ፤

1:6 አጂ 9:8 * 1:12 ላዳ፣ ላዳ ጌቲቲዛይሲ አሲ አሲ ባጋ ጋሞላ ቃላን ጳኖ ጌቲቲስ።

አያና ሺቆስ አሳ ጸይጊቴ፤
 ዳራን ዲዛ ጨማታኔ አሳ ኡባ
 ኑ ጎዳ ከላን ሺሺዲ
 ፑዳ ጎዳኮ ቀሰቴ።

15 አዬ አና! ጎዳ ጋላሲ ማቲዳሰ።
 ኡባ ዳንዳይዛ ጸሳይ
 ጳይሲዛዝ ኤሂዛ
 ጋላሲ ጋኪዳሰ።
 ሄ ጋላሳይሰ አዬ አና!

16 ካሊ ኑ ሲንጻፌ ጳይዳሰ፤
 ኡፋይሲኔ ኢሊሲ ኑ ጸሳ
 ከጻፌ ሙሌ ጳይዳሰ።

17 ዜሬቲዳ ካላይ
 ዉሪ ቢታ ጋርሳን
 ዋቂ ጳይዳሰ፤
 ካሊ ቢታፌ ጳይዳ ጊሻሰ
 ካሴ ካላ ዋሊዛ ማሻቲ
 ዉሪካ ማላ ዳቴሰ።
 ጎታራቲካ ላሌቲዳ።

18 ሜሂይ ማዛ ማታይ ጋዳን
 ባይንዳ ጊሻሰ
 ማሂቲ ኮሻቲዲ ዋሴቲሰ፤
 ደርሳ ዉዳቲካ ማታይ ጳዪን
 ዳሮ ዋዬ ቦላ ዳቴሰ።

19 ጎዳዉ! ዳምባ ማታ ኡባ
 ታማይ ሚዳ ጊሻሰ
 ዋራ ሚላካ
 ታማይ ሚዳ ጊሻሰ
 ታ ኔኮ ዋሳይሰ።

20 ሻፋቲ ሚሊዳ ጊሻሰ
 ዳምባን ዲዛ ማታይ ዉሪካ
 ጸጌቲዳ ጊሻሰ
 ዋራ ደኣቲካ
 ኔኮ ዋሴቲሰ።

2

ጸሳ ዩሳ ጋላሰ ቤሲዛ ማላታ

1 ጸዮኔን ዛዬ ዛዪቴ፤
 ጌሻ ዙማ ቦላ ዋሰቴ!
 ጎዳ ዩሳ ጋላሲ
 ጋኪዳ ጊሻሰ
 ቢታ ቦላ ዲዛይ
 ዉሪካ ኮኮሮ።

2 ሄ ጋላሳይ ጳማኔ
 ቱላላ ጋላሳ፤
 ሻራኔ ሳካና
 ጳማ ጋላሳ፤
 ዋንታ ፖኦይ ኤሶን
 ዙማታ ጋኪዛ ማላ
 ዋልቃማ ቦሌይ
 ቢታ ኡባን ማይኣና፤
 ሄሳ ማላይ
 ሃይሳፌ ካሴ ሃኒቤና፤
 ሃይሳፌ ጉዬንካ ሃኔና።

3 ሄ ቦሌቲ ባ ሲንጻን ቤቲዳዚ
 ኡባ ታማ ማላ ማና፤
 ታማ ላጮ ማላ ጸ-ጋና፤

ቡሮ ኢሰታ ጋኮንታ ቢታይ
 ኤዴኔ ጋናቴ ማላ
 ጨሊላ ቢታ ሺን
 ኢሰቲ ጋኪ ኣጳዳ ቢታይ
 አይኮይ ባይንዳ
 ባዙ ቢታ ጊዳና፤
 ቦሌቲ ሚሺን አቲዳ
 ሚሺካ ቤቴና።

4 ኢሰታሰ ሜጳይ ፓራ ማላ፤
 ኢሰታ ቡሳይ
 ኦላ ፓራ ቡሳ ማላ።

5 ፓራ-ጋራ ጊሪሳ ማላ
 ጊሪሰ ሲሲሼ
 ዙማታ ቦላራ ጉፔቲሰ፤
 ታማይ ቡራ ሚዛ ማላ
 ቤቲዳ ሚሻ
 ኡባ ጸ-ጋና፤
 ጊጌቲዳ ሚኖ ኦላንቻታ
 ሳልፌ ማላ ጊራቴሰ።

6 ኢሰታ ቤኢዲ ዳራይ ኮኮራና፤
 አሳ አይፌሶይ ዉሪካ
 ባቦን ቦታና።

7 ኦላ ቃራታ ማላ
 ጌዴ ሲንጻ ቤቴሰ፤
 ኦላንቻታ ማላ
 ዲርሳ ቦላራ ጉፔ ኣጳና፤
 ዉሪካ ሲቲ ጊዲ
 ጌዴ ሲንጻ ባና፤
 ባ ቢዛ ኦፔፔ ሃራ ኦጌ ቤቴና።

8 ኢሶይ ኢሳራ ሱጌቴቴና፤
 ኢሶይ ኢሶይ ባ ኦጌ ዬዳና፤
 ባ ሞርኬ ኦላ ሚሽ ኡባ
 ጳይሲዲ ኣጳ ባና፤
 አይኮይካ ኢሰታ ቴቄና።

9 ኢሰቲ ካታማዛ ዋራጅና፤
 ካታማ ጊምቤዛ ቦላ
 ኢሰቲ ዋጳና፤
 ጉፔ ጉፔዲ
 ከላታ ቦላ ከዛና፤
 ካይሶ ማላ ማሰኮቲራ
 ሶ ጌላና።

10 ቢታይ ኢሰታ ሲንጻን ኮኮራና
 ሳሎይካ ቃጳና፤
 አዋ አይፌይኔ አጊናይ ጳማና፤
 ጸሊንቴይካ ፖኦ አማና።

11 ጎዳይ ባ ኦላንቻታ
 ሲንጻን ዳዳ ማላ ጉማና፤
 ኢዛ ኦላንቻቲ አይ ማላ ዳር!
 ኢዛ ኣዛዙ ኦሊዛይቲ
 አይ ማላ ዋልቃማ!
 ቱማፔካ ጎዳ ጋላሳይ
 ከሂ ዋልቃማ፤
 ከሂ ባቢሲዛ ሄ ጋላሳ
 ዳንዳይ ኤቃናይ ኦኔ?

ማራቴላ ጸይሰ

12 ጎዳይ፥ «ሃኢካ ጊዲኮ ጸማን ዩሆኒኔ ጨፍጨፍን ኢንቲ

ኩሜላ ዋዚናፕ
 ሃ ታኮ ሲሚቲ።
 13 እንቲ እንቲ ካዮ ቤሳናሰ
 ማይኦ ዳኬል ጸላ ጊዳና፤
 ሄሳፌ ቦላራ እንቲ ዋዚናይ
 ማቂን ማሬቲቲ፤
 ጎዳ እንቲ ጸሳይ
 ኪያኔ ማሪዛ ጸሳ።
 ሃንቆሰካ ኤሶቲና፤
 ማርና ሲቆን ኢዚ ዱሬኔ
 ቃጸያናሰ ኤሶቶንታ ጸሳ፤
 ሄሳ ጊሻሰ እንቲ
 ኢዛኮ ሲሚቲ።
 14 እኔ ኤሪዛይ ጎዳ እንቲ ጸሳይ
 ባ ሃንቆዛ ዛሪዲ
 እንቲና አንጃናኮ።
 እንቲካ ሄ ዋዳ ጎዳ
 እንቲ ጸሳሰ ካላ ያርሾኔ
 ኡሻ ያርሾ ሺሻንዴታ።
 15 ጸዮኔ ዙማ ቦላ ዛዬ ፑኒቲ፤
 ዳሬዛ አያና ሺቆሰ ጾይጊቲ፤
 ጸማካ አዋጁቲ።
 16 ዳሬዛ ኡባ ኢሲ ሶ ሺሺቲ፤
 ጌሻ ዲላታሰ ጊግሲቲ፤
 ጨማታ ጾይጊቲ፤
 ናይታኔ ቡሮ ጳሚዛ
 ናይታካ ኡባ ሺሺቲ፤
 ሚሺራቲካ ሚሺራ ኬሳፌ
 አቶንታ ኬዜቶ።
 17 ጎዳሰ ኦሊዛ ቁሴቲካ
 ያርሾ ያርሺዛሶዛሲኔ
 አሲ ሲሜሬቲዛሶ
 ጊደን ኤቂዲ ዬኬቶ፤
 ጎዳወ! ኔኒ ኔ ዳሬዛሰ ቃጴታ፤
 ካዎቲላቲ ኢሰታ ጸሳይ
 አዋን ዲዜ?
 ጊዲ ኦና ካጻናሲኔ
 ኢሰቲ ኦ ቦላ
 ሚጨ ካአና ማላ
 ኔ ኢሰታ ኦላፋ» ጌቶ።

ጎዳይ ባ ዳራሰ አሚዳ ሂደታ

18 ጎዳይ ቢታይሰ ዲዛ
 ሚሹቲላፌ ዳንዲዳይሳን
 ባ ዳሬዛሰ ቃጴቲዳሰ።
 19 ሄሳ ጊሻሰ ጎዳይ፡
 «እንቲ ካል፡ ዋይኔ ኡሺኔ
 ዋጋራ ዛይቲ ካላና ጋካናሰ
 ታ እንቲሰ አማናሰ
 ሃይሳፌ ጉዬ
 ካዎቲላቲ እንቲና
 ባሰ ካሳ ሚሽ ሂሰታና ማላ
 ታ ኢሰታሰ አላ አሚኬ።።
 20 ፑዳሃፕ ያና ኦላንቻታ
 ታ እንቲፌ ሃሳና፤
 ዲጌ ባዞ ዛራ ጎዳና፤
 ሲንላቲ ዪዛይታ ዲጌ
 ሃይቆ አባን ዬዳና፤

ጉዬራ ዪዛይታ ማዲቲራኔ
 አባን ዬዳና፤
 ሄን ኢሰታ አሃይ ዜቃና፤
 ቱማፕ ታኒ ጎዳይ
 ጊታ ሚሽ አላዲሰ።
 21 ቢታዬ ባቦፋ፤
 ጎዳይ ኔሰ ኦሊዳ
 ጊታ ሚሻ ጊሻሰ ኡፋዬታ!
 22 እንቲኖ ቢታ ቦላ ዲዛ
 ደአቶ ባቦፍቲ፤
 ካሴ እንቲ ኢዛን ሃሚቲዛ
 ጋዳይ ጨሊሊዳሰ፤
 ሚላቲካ አይፊዳ፤ ባላሴይኔ
 ዋይኔ ሚላይ
 ኬሂ ዳሮ አይፊዳሰ።
 23 እንቲኖ ጸዮኔ ዳሬቶ፡
 ጎዳን እንቲ ጸሳን
 ኡፋይሰ ኦሊቲ፤
 ኢዚ ቱሙ ፒርዲዲ
 ባዴሳ ኢራኔ
 ኦፊንላ ኢራ ዋጋራ አሚዳሰ።
 24 እንቲ ካሴ ካል ቡኪዛ ባሌን
 ካላ ኩማና፤
 ዋይኔ ኡሺኔ
 ዋጋራ ሚላ ዛይቲይ
 ካሴ ኢሰታን ጉምኤቲዛ
 ኦላታ ኩሚ ፓላሃና።
 25 ሃይሳፌ ካሴ ዋልቃማ ኦላንቻ
 ሚሳቲዛ ታ ዬዲዳ ኡሾ
 ጨርኮላ ሾጨዛ ቦሊቲ፡
 ጉምባርቲኔ ጎንዶቲ፡
 ካሴ ሚዳ ካላ ጊሻሰ
 ታ እንቲሰ ዛራ አማና።
 26 እንቲ ቡሮ ዳሮ ሚዲ ካላና፤
 እንቲሰ ማላሊሲዛ ሚሻታ
 ታ ኦሊዳ ጊሻሰ
 እንቲ ታና ጎዳ
 እንቲ ጸሳ ጋላታና፤
 ሃይሳፌ ጉዬ ታ ዳራ
 ዬላይ ጋኬና።
 27 ኢሰራኤሌ አሳቶ
 ታኒ እንቲ ጊደን ዲዛይሳኔ
 ጎዳ እንቲ ጸሲ
 ታና ጸላ ጊዲዳይሳኔ
 ታፕ ሃራይ ባይንዳይሳ
 እንቲ ኡራና፤
 ሃሳፌ ጉዬ ታ ዳሬዛ
 ዬላይ ጋኬና» ጊዴሰ።

ጎዳ ጋላሳ

28 ጎዳይ፡ «ሃይሳፌ ጉዬ
 ታኒ አሳ ኡባ ቦላ
 ታ አያና ጉሳና፤
 እንቲ ማጫ ናይቲኔ አቱማ
 ናይቲ ቲንቢቲ ሃሳያና፤
 ጨማ አሳይካ አጉሞ አጉሚታና፤
 ዬላጋ ናቲላቲ አጁታ ቤያና።
 29 ሃሳላካ ሄ ጋላሳታን
 ታሰ ኦሊዛ ማጫሳ ቦላኔ

አቱማሳ ቦላ ታኒ
 ታ ኣያና ጉሳና።
 30 ሳሎኒኔ ሳኣን ማላሊሲዛ
 ሚሻታ ታ ቤሳና፤
 ሱሌ፣ ታማይኔ
 ጨዋ ቱሲ ቤታና።
 31 ገታ ባቢሲዛ ጎዳ ጋላሳይ
 ያናፔ ካሴቲዲ ኣርሼይ ጹማና፤
 ኣገናይካ ሱሌ ኣላና።
 32 ጎዳ ሱንሕ ጸይጊዛይ
 ወሪካ ኣታና፤
 ጎዳይ ካሴ
 ዮቲዳ ማላ
 ጸዮኔ ዙማ ቦላፌኔ
 ዩሩሳላሜፔ
 ኣቶቴሌ ቤታና፤
 ኣታናይታ ጋርሳን ጎዳይ
 ጸይጊዳይቲ ዳና» ገደሰ።

3

ካዎቴላታ ቦላ ዪዳ ፒርዳ
 1 ጸሲ፣ «ሄ ዎዴ ታኒ ዩሩሳላሜፔኔ
 የሁዳፔ ዲኤቲ ኤኬቲዳ
 ሚሻ ኡባ ዛራና።
 2 ታኒ ካዎቴላታ
 ኡባ ሸሻዳ
 ዲጌ ኢዮሳፊጾ
 ዙሌ ዎላና።*
 ሄንካ ታ ኢሰታ ቦላ ፒርዳና፤
 ጋሶይካ ታ ዴሬ ኢሰራኤሌ ኣሳ
 ካዎቴላታ ገደን ላሊዲ
 ኢሰቲ ቢታ ገሼቲ
 ኤኪዳ ገሻሳ።
 3 ኢሰቲ ባ ዲኢ ኤሂዳ
 ታ ዴሬታ ገሼቲ ኤካናሰ
 ኢሰታ ቦላ ሳማ ዩጊዳ፤
 ላይማ ማጫሳታ ዴማናሰ
 አቱማ ናይታ ኣሌ ኢሚዳ፤
 ዎይኔ ኡሹ ኡያናሰ
 ማጫ ናይታ
 ኣይሌቴሳሰ ባይዚዳ።
 4 ኢንቴኖ ጸርሴ፣
 ሲዳናኔ ፊሊሰጾሜ ኣሳቶ!
 ኢንቴ ኣይ ኦሊሼ ዴቲ?
 ኢንቴ ታ ቦላ
 ሃሎ ኬሳና ቆፔቲ?
 ኢንቴ ሄሳ ማላ ቆፒኮ
 ታኒካ ካሴታዳ ኢንቴ ቦላ
 ሃሎ ኬሳና።
 5 ታ ቢራ፣ ዎርቃኔ
 ታሰ ዲዛ ኣልኦ ሚሻ
 ኡባ ኢንቴ ቦንቂ ኤኪዲ
 ኢንቴ ኤቃ ኬሌ ጌልሌዳታ።
 6 የሁዳኔ ዩሩሳላሜ ዩሌታታ
 ኢሰታ ዴሬ ቆሳፊ ሃሲ ኤፊዲ

ገሪኬ ኣሳሰ ባይዚዳታ።
 7 «ሄኮ ታኒ ሃኢ ኢሰቲ ባይዚቲ ዲዛሶፔ ኢሰታ
 ዴንሌላዳ ዛራና፤ ኢንቴ ኢሰታ ቦላ ጋሌዳ ቆሆዛ ታ
 ኢንቴ ቦላ ዛራ ኤሃና።
 8 ኢንቴ ማጫ ናይቲኔ አቱማ ናይቲ የሁዳ ኣሳሰ
 ባይዚታና ማላ ታ ኦላና፤ ኢሰቲካ ሃሆ ዴሬን ዲዛ
 ሳባኔ ኣሳሰ ኣሌ ባይዛና፤ ሃይሳ ወርሳ ዮቲዳይ ታና
 ጎዳ።
 9 «ሃይሳ ኡባ
 ካዎቴላታሰ ኣዎጂቲ!
 ኦላሰ ገጌቲቲ!
 ኦላ ቃራታ ዴንሌሌቲ!
 ኢንቴ ኦላንቻቲ ኡባይ
 ኬዚዲ ዋርኬታ ኦሌቶ!
 10 ማራሻ ገላ ማሻ ቆጸቲ፤
 ባጫ ቃሴ ቶራ ቆጸቲ፤
 ላፋይካ ባና፣
 ታኒ ሚኖ ኣሳ» ጎ።
 11 ኢንቴኖ የዪ ኣቆናሰ ዲዛ ካዎቴላቶ!
 ኢንቴ ወሪካ ኤሶን ኬዚቲ!
 ሂርኪ ሸባን ኢሲ ቦላ ሸቂቲ።
 ጎዳወ፣ ኔኒ
 ኔ ኦላንቻታ ኪታ!
 12 «ካዎቴላቲ ኡባይ ዴንዲዲ
 ዲጌ ኢዮሳፊጾ ሸባ ቤቶ፤
 ታኒ ጸሳይ ኢንቴ የሸን ዲዛ
 ካዎቴላታ ቦላ ፒርዳናሰ
 ታ ሄን ኡታና።
 13 ኢሰታ ኢታቴሌ ኬሂ ዳሪዴሰ፤
 ሄሳ ገሻሰ ካጸዳ ካሌ
 ባጫን ጫኬቲዛ ማላ
 ኢሰታ ጫኪቲ፤
 ዎይኔ ሚሳ ኣይፌይ
 ጉምኤቲዛሶን ኩሚዲ
 ዩዴቲዛ ማላ
 ኢንቴ ኢሰታ ዩዴቲቲ» ገደሰ።
 14 ዮኦ ፒርዲዛ ዙሌን
 ጎዳይ ፒርዲዛ ጋላሲ ጋኪዴሰ፤
 ሄሳ ገሻሰ ዳር ዴሬይ
 ሄን ሸቂ ኡቲዴሰ።
 15 ሄ ጋላሰ ኣርሼይኔ
 ኣገናይ ጹማና፤
 ጸሊንቴይካ ፖኤና።
 16 ጎዳይ ጸዮኔ ዙማ ቦላ
 ዩሩሳላሜን ዲሼ
 ባቢሲዛ ባ ቃላ ገሪሰ ሲሳና፤
 ሳሎይኔ ሳኣይ ቃጻና፤
 ጎዳይ ገዲኮ
 ባ ዴሬ ኢሰራኤሌሰ
 ሸቂ ኣቲዛሶ ገዳና።
 ጸሳ ዴራ ኣንጅቲሕ
 17 «ኢሰራኤሌ ኣሳወ! ሄ ዎዴ ታኒ
 ጎዳ ኢንቴ ጸሳ ገዲዲይሳ

2:31 ማቶ 24:29፤ ማር 13:24-25፤ ሉቃ 21:25፤ ኣጁ 6:12-13 2:32 ኦር 10:13 * 3:2 ኢብራዊታ ቃላራ ኢዮሳፊጾ ጉሲ ጸሲ ፒርዳሰ ጉሳ። 3:4 ኤር 47:1-7፤ ሃዚ 25:15—28:26፤ ኣዎ 1:6-10፤ ሶፎ 2:4-7፤ ዛካ 9:1-7፤ ማቶ 11:21-22፤ ሉቃ 10:13-14 3:10 ኣሳ 2:4፤ ሚኪ 4:3 3:13 ኣጁ 14:14-16፤19-20፤ 19:15

አጎጥኑ ኤራና፤
 ታኒ ጌሽ ጊዲዳ ታ ዙማ
 ጸዮኑ ሰላ ዳኣና፤
 ዩሩሳላሜይ አንጃቲዳ
 ካታማ ጊዳና፤
 ሄሳፌ ጉዩ ሃራ አላጋ ዋታዳራይ
 ኢዞ ዋራጃና።

- 18 «ሄ ዋዴ ዙማቲ ወሪካ
 ዋይኔ ሚላን ኩማና፤
 ዙምቡላን ዳሮ ማላ ሚዛቲ
 ሄማታና፤
 ገዳ ኩላፌ
 ፑልቶይ ፑልታና፤
 ዩሁዳ ዳሬን ዲዛ ሻፋታ
 ኡባ ሃሊ ኩማና፤
 ሺጺማ ሾባይ ሃላ ካላና።
- 19 ጊብጾ አሳይኔ ኤዶማ አሳይ
 ዩሁዳ አሳ ሰላ
 ጌኔ ኦሊዳ ጊሻሰ
 ቃሴካ ጸሎ አሳ ዋዲዳ ጊሻሰ
 ጊብጾይ ባዞ ጊዳና፤
 ኤዶማይ አሲ ባይንዳሶ ጊዳና።
- 20-21 ሄሳ ጋካናዉ ታኒ
 ሃሎ ኩሶንታ አጊዳ
 ጸሎታ ሱላ ጊሻሰ
 ሃሎ ኩሳና፤
 ዩሁዳይኔ ዩሩሳላሜይ
 ቃሴ ማርናስ ታ ዳሬይ
 ዳኢዛሶ ጊዳና፤
 ታኒካ ጸሳይ
 ጸዮኑ ዙማ ሰላ
 ዳኣና» ጊዴሰ።

አሞጾ ቲንቢቲ ጊደ ቆፋ

አሞጾስ ቲንቢቲ ሃሳያ ኤራቴላ ዳና፤ እዚ ቲንቢቲ ሃሳዮ ቲሚርቲ ታሚርቢና። [7:14] ጊደ አቲን እዚ ፑዳ ሃን ዲዛ ካዎቴላ ጋርሳን ዲዛ ዳሬዛስ እዚ ኪታ ጋላና ማላ ኪቲቲዳ ዎዴ አሞጾይ የሁዳን ዲዛ ቲቁሄ ጌቲቲዛ ካሴ እዚ ዲዛ ጉታዮ ዩጊዲ ቢዳስ። እዚ ሄፔካ ዳንዲዲ አሰራኤሌ አሳሰ ኤሬቲዳ ጎይናሶ ጊዲዳ ጌዴ ቤቴሌ ካታማ ቢዳስ። ሃይሳ ሃ ማጻፋዛን ኮይር ቦላ አሞጾይ ዳሬዛ አማቴስ፤ ሄሳሬ አሰራኤሌ አሳ ሃራፔካ ሎኦ ዲሲ ዲዛ ዲሬታ አማቴስ። ሄ ዲሬቲ ዳሬዛ ቦንቁዲ ባሰ አይሌ ሂሰቲ ሃራናሰ አሰታሰ ጊታ ዎላቃይ ዳስ። አሰታፊ ዳርቲ ጎይናሰ ሃራ ኤቃ ጸሳቲ ዲኮካ አሰታ ናጊዛይ ጎዳ ጊዲዳይሳ ባ ዎዚናን ቆፔቴስ። አሞጾይ ጊዲኮ አሰቲ ባ ናጋራ ጊሻሰ ቃጻይታናይሳ አሰታሰ ዮቲዳስ። «አታ ሚሽ አጸቲ ሎኦ ጊዲዳዚ ሰቁቴ። ፐርዳ ፐርዲዛሶን ፐርዳ ቱጮፍቴ። ማዴቴላ ጎዳይ አቲዳ አሰራኤሌ ዳራ እዚ ማርንታ አጌና።» [5:15]

ሃ ማጻፋይ ኦይኪዳ ኩሜላ ቆፋ
ዳሬቲ ባ ሞርን ቃጻይቴስ 1:1—3:2
አሰራኤሌይኔ ሳሚሪያይ ጳያና ጳይሰ 3:3—6:14
አሰራኤሌ ቁጻቲ ጊሻሰ አሞጾይ ቤኢዳ ኢቻሹ አጃታታ 7:1—9:10
አሰራኤሌሰ ዲዛ ሎኦ ሂደታ 9:11-15

1 ኦዚያይ የሁዳ ካዎ፤ ሄሳላካ አዮአሳ ና አዮርባኦሚይ አሰራኤሌ ካዎ ጊዲ ዲሺን ሄሰካ ቢታይ ቃጻናፔ ናሞኤ ሳይላፊ ሰንሳን አሰራኤሌ ጊሻሰ ቲቁሄን ማሄ ሄሚዛይታ ጊደፊ አሞጾይ ቤኢዳ ዮቲዳ ቃላይ ሃይሳፊ ካሊ ዲዛይሳ፤

2 አሞጾይ፡
«ጎዳይ ጸዮኔፔ
ባ ቃላ ቶቁ ሂሰቲ ሲሴስ፤
ዬፋሳላሚፔ ጊራስ፤
ማሄይ ሄሚቲዛሶቲ ማላና፤
ቃርሚሎሴ ዙማን ዲዛ
ጨለላቲ ሹላና» ጊዳስ።

አሰራኤሌ ሄራን ዲዛ ዳሬታ ቦላ ያና ፐርዳ

3 ጎዳይ አራሜስ፡
«ዳማስቆ አሳይ ዛሪ ዛሪዲ
ኦሊዳ ናጋራ ጊሻሰ
ታ አሰታ ቃጻዮንታ ኣጊኬ፤
አሰቲ ጋላኦዴ አሳ
ቢራታ ኣቻራ ዲዛ ካሰ
ቡኪዛ ሎዳን ቡኪዳ።»

4 ካዎ አዛሄሌ ኬላን
ታማ ዬዳና፤
ሄ ታማይ ካዎ ቤሲ-ሃዳዴ
ሚጻታ ማና።

5 ዳማስቆ ካታማ ፔንጌታ

ታ ማንሴራላና፤
ቤቲ-ኤዴኔ ዳሬ ካዎዛኔ
አዎ ዙላን ዲዛ አሳ
ታ ጳይሳና፤
አራሚ ዳሬ አሳይካ ዲኤቲዲ
ጌዴ ቁሬ ዳሬ ባና» ጌስ።

6 ጎዳይ ፊሊሰጾሚስ፡
«ጋዛ አሳይ ዛሪ ዛሪዲ ኦሊዳ
ናጋራ ጊሻሰ
ታ አሰታ ቃጻዮንታ ኣጊኬ፤
አሰታ ዳሬዛ ኡባ ዲኢ ኤፊዲ
ኤደሚስ ባይዚዳ።»

7 እዚ ጊምቤታ ማና ማላ
ጋዛ ሚጻን ታኒ ታማ ዬዳና።

8 አሰቁሎና ዳሬ ካዎዛኔ
አሸደዴ ዳሬ አሳ
ታ ፐታ ጳይሳና፤
ፊሊሰጾሚን ዲዛይቲ
ዉሪ ዉራና ጋካናሰ
ታኒ ታ ኩሼ ኣቃርኔ ቦላ
ዳንላና» ጌስ።

9 ጎዳይ ጸርሴስ፡ «ጸርሴ አሳይ
ዛሪ ዛሪዲ
ኦሊዳ ናጋራ ጊሻሰ
ታ አሰታ ቃጻዮንታ ኣጊኬ፤
አሰቲ ባ አሻቲላ
ጫቆ ቃላ ሳሊዲ
ባ ዲኢዳ ዳሬዛ
ኡባ ኤደሚስ ባይዚዳ።»

10 ሄሳ ጊሻሰ ታኒ ጸርሴ ካታማ
ጊምቤታ ቦላ ታማ ዬዳና፤
ሄ ታማይ
እዚ ሚጻታካ ማና» ጌስ።

11 ጎዳይ ኤደሚስ፡ «ኤደሚ አሳይ
ዛሪ ዛሪዲ ኦሊዳ
ናጋራ ጊሻሰ
ታ አሰታ ቃጻዮንታ ኣጊኬ፤
አሰቲ ባ አሻታ
አሰራኤሌ ናይታሰ
ቃዴቶንታ ማሻን ጎዳዳ፤
ባ ሃንቆ ደሺሶንታ ኤዲዲ
አሰታሰ ሚሼቶንታ
ኡባ ዲፒ ሂሰቲዳ።»

12 ሄሳ ጊሻሰ ታኒ
ቲማኔ ጊምቤታ ቦላ
ታማ ዬዳና፤
ሄ ታማይ
ቦጲራ ሚጻታካ ማና» ጌስ።

13 ጎዳይ አሞኔስ፡
«አሞኔ አሳይ ዛሪ ዛሪዲ
ኦሊዳ ናጋራ ጊሻሰ
ታ አሰታ ቃጻዮንታ ኣጊኬ፤
አሰቲ ዳሬ ዛዎ አሳናሰ
ጋላኦዴ ዳሬ

1:1 2ካዎ 15:1-7፤ 2ታሪ 26:1-23፤ 2ካዎ 14:23-29 1:2 እዩ 3:16 1:5 እሳ 17:1-3፤ ኤር 49:23-27፤ ዛካ 9:1 1:6 እሳ 14:29-31፤ ኤር 47:1-7፤ ሂዚ 25:15-17፤ እዩ 3:4-8፤ ሱር 2:4-7፤ ዛካ 9:5-7 1:10 እሳ 23:1-8፤ ሂዚ 26:1—28:19፤ እዩ 3:4-8፤ ዛካ 9:1-4፤ ማቶ 11:21-22፤ ሉቃ 10:13-14 1:11 እሳ 34:5-17፤ 63:1-6፤ ኤር 49:7-22፤ ሂዚ 25:12-14፤ 35:1-15፤ ኦብ 14፤ ሚላ 1:2-5
1:13 ኤር 49:1-6፤ ሂዚ 21:28-32፤ 25:1-7፤ ሱር 2:8-11

- ገራ ማጫሳታ
ኡሎ ዳኪዳ።
- 14 ሄሳ ገሻሰ ኤራባ ካታማ
ገምቤታ ቦላ
ታኒ ታማ ዬዳና፤
ሄ ታማይ ኢሰታ ሚጸታ ማና።
ሄሳፌ ጉዬ ኦላ ጋላሳን
ዋሶይ ዳራና፤
ኦላዚካ ጎቴ ጫርኮ ማላ
ኤሶታና።
- 15 ኢሰታ ካዎይኔ
ዳናቲ ዲኤታና» ጌሰ።

2

- 1 ጎዳይ ሞክሮስ።
«ሞክሮስ አሳይ ዛሪ ዛሪዲ
ኦላዲ ናጋራ ገሻሰ
ታ ኢሰታ ቃጸዮንታ ኣገኤ፤
ኢሰቲ ኤዶሜ ካዎ ሚቄላ
ቢዲንሐ ገዳና ጋካናሰ ጸጊዳ።
- 2 ሄሳ ገሻሰ ታኒ ሞክሮስ ቦላ
ታማ ዬዳና፤
ሄ ታማይ ቁሪያቲ
ሚጸታ ማና።
ኦላንቻቲ ማጉልላ።
ዋሶኔ ዛዬ ገሪሰ ሲሲሽ
ሞክሮስ አሳ ዎጂ ወርሳና።
- 3 ታኒ ኢሰታ ሃሪዛ ካዎዛኔ
ዳናታ ኡባ ጳይሳና» ጌሰ።
- 4 ጎዳይ ዩሁዳ። «ዩሁዳ አሳይ
ዛሪ ዛሪዲ
ኦላዲ ናጋራ ገሻሰ
ታ ኢሰታ ቃጸዮንታ ኣገኤ፤
ኢሰቲ ታ ዎጋ ካጲዳ፤
ታ ኣዛዞታካ ናጎንታ ኢዲዳ፤
ካሴ ኢሰታ ኣዋቲ ጎይኒዳ ኤቃ
ጸሳታ ካሊዲ ኢሰቲ ባሌቲዳ።
- 5 ሄሳ ገሻሰ ታኒ ዩሁዳ ቦላ
ታማ ዬዳና፤
ሄ ታማይ ዬሩሳላሚ
ሚጸታ ማና» ጌሰ።
- 6 ጎዳይ ኢሰራኤሌስ።
«ኢሰራኤሌ አሳይ
ዛሪ ዛሪዲ ኦላዲ
ናጋራ ገሻሰ
ታ ኢሰታ ቃጸዮንታ ኣገኤ።
ጸሎ አሳታ ቢራሰ።
ሚቶቲዳይሳ ቶሆ
ጫማሰ ባይዚዳ።
- 7 ኢሰቲ ማንቆታ ጉዳላ ቦላ
ጌንዳሪሲዲ ኢሰታ
ሁኔ ዬዴቲቲሰ፤
ቆሃቲዳይታሰ ጌላ ፒርዴቲሰ፤
ኣዎይኔ ናይ
ኢሲ ማጫሳይራ ላይማቲቲሰ፤
ኢሰቲ ሄሳሶ ኦላ ኦላዲ
ታ ሱንሐ ቲኒሴቲሰ።

- 8 አሳፔ ኦይሶ ኤኬቲዳ
ማይኦ ሂጺዲ
ያርሾ ያርሺዛሶዛ
ጋርሳን ኣቄቲሰ፤
ኢሰቲ ባንታ ጸሳ ኬላን
ኤዳሲ ኤኪዲ ዎይኔ ኡሹ
ኢዛን ኡዬቲሰ።
- 9 «ኢሰታሰ ኣዲሳቲላይ
ዚጋ ሚላ ማላ፤
ሚኖቲላይካ ጸዲ ማላ
ገዲዳ ኣሞሪ አሳ ታኒ
ኢንቲ ሲንላፌ ጳይሳዲሰ፤
ኣይፎንታ ማላ
ጸጸፔ ሾዳ ዲጋዲሰ።
- 10 ታኒ ኢንቲሰ ኣሞሪ ዴሪ
ቢታ ኢማናሰ
ኢንቲና ገብጾፔ ኬሳዲሰ፤
ኦይዲ ታሙ ላይሐ ኩሜሐ
ባዘራ ካሌላ
ኤሃዳ ላቲሳዲሰ።
- 11 ቃሴካ ታኒ ኢንቲ
ኣቲማ ናይታ ጋርሳፌ ናቤታ።
ናቲላታ ገደፌ
ናዚራዌታ ዴንላዲሰ።
ኢሰራኤሌ ዴሪዘ!
ሄሲ ቱሙ ገዴኔ?» ጌሰ።
- 12 ጸሳይ። «ኢንቲ ገዲሶ ናዚራዌታ
ዎይኔ ኡሹ ኡሹዴታ፤
ናቤታካ ቲንቢቲ
ዮቶንታ ማላ ኣዛዚዴታ።
- 13 ቤኢቲ ዳር ካሐ ዴዴቲ
ጫኔቲዳ ጋሪይ
ጋርሳራ ዲዛ ሚሽ ለቁሲዛ ማላ
ታኒካ ኢንቲና ለቁሳና።
- 14 ፒላታ ኣሲ ኬሲ ኤኪ ኣቲና፤
ሚኖይካ ባ ሚኖቲላን
ማዴቲና፤
ዎልቃማይካ
ባ ሹሞፖ ኣሹና።
- 15 ዎንዳፌ ኦይኪዳዴይ ባ ዲዛሶን
ሚኒ ኤቁዲ ኦላ ዛሪና፤
ፒላታ ኦላንቻይካ
ዎጺ ኣቲና፤
ቶጋንቻይካ ባ ሹሞፖ ኣሹና።
- 16 ኦላ ቃራቲካ ሄ ጋላሰ
ጎር ካሎ ባቃታና» ጌሰ።

3

- ኢሰራኤሌ አሳ ቦላ ጋካና ሃንቆ
1 ኢሰራኤሌ አሳዉ! ገብጾፔ ኬዚዳ ኢሰራኤሌ
አሳሰ ኢንቲሰ ጎዳይ ዮቲዳ ቃላ ሃይሳ ሲዩቲ።
- 2 ጸሳይ። «ኩሜላ ኣላሚን ዲዛ ዴሪ
ኡባፌ ታ ኢንቲና ጸላ ዳራዲሰ፤
ኢንቲ ኦላዛ
ናጋራ ኡባ ገሻሰ
ታ ኢንቲና ቃጸያይሰ» ጌሰ።

- 3 ናሞኡ አሳቲ ኦጌ ኢሲፌ ባና ጊዲ ቃቸንታ አጊኮ ኢሲፌ ባናሰ ዳንዳይዞ?
- 4 ጋሞይ ዋራ ጊደን አይኮ ሚዛ ሚሽ ሻንካቲ ዳሞንታ ዲሼ ጮ ማላ ጸጊ ኤሪዜ? ዎዳላ ጋሞይ አይኮ ሚዛ ሚሽ ዳሞንታ ዲሼ ባ ዲዛሶን ጮ ማላ ባ ቃላ ሲሲ ኤሪዜ?
- 5 ያርዳይ ዎይኮ ጊቴይ ባይንዳሶን ጮ ማላ ጋዴን ካፎይ ኦይኬቲ ኤሪዜ? ዎይኮ ዲዛይ ኢሲ ሚሽ ባና ቦቸንታ ዲሽን ጮ ማላ ፒሪ ኤሪዜ?
- 6 ካታማ ጊደን ኦላሰ ዛዬይ ፑኔቲሽን ባቦን ኮኮሮንታ አሲ ዲ ኤሪዜ? ጎዳ ሽኔይ ባይንዳ ዲሽን ካታማ ቦላ ኢታ ሚሽ ጋኪ ኤሪዜ?
- 7 ጎዳይ ባ ጹራ ባ ኦሳንቻ ናቤታሰ ኮይሮቲ ዮቶንታ ዲሼ አይኮካ ኦፊና።
- 8 ጋሞይ ጸጊን ሲዱዲ ዳጋሞንታይ ኦኔ? ጎዳይ ባ ጹራ ኢዛሰ ዮቲን ቲንቢቲ ሃሳዮንታይ ኦኔ?

ሳማሪያ ኩንዳል

- 9 አሽደዳኒኔ ጊብጸን ዲዛ ሚጸታን ዲዛ ኡባሰ፣ «ሳማሪያ ዙማታ ቦላ ሸቂቲ፤ ሄን ኢሰታን ኦሴቲዛ ጌኔ ኦሶኔ ቡልኦኬቲዛይሳ ዳሊቲ» ጊ አዎጃቲ።
 - 10 ጎዳይ፣ «ሃይቲ ዳሬቲ ሎኦ ኦሶ ኤሪቴና። ማካላኒኔ ጌኔን ኤኪዳ ሚሻን ባ ሚጸ ኩንዳቲሰ።
 - 11 ሄሳ ጊሻሰ ኢንቲ ዳሬ ሞርኬይ ዎራጃና፤ ኢንቲ ሚጸታ ላሊዲ ኢንቲ ኬላካ ቦንቃና» ጌሰ።
 - 12 ጎዳይ፣ «ሄንላንቻይ ጋሞ ደናፕ ደርሰ ዎላ ኤኪዛ ዎዳ ደርሳሰ ናሞኡ ጌዳታ ዎይኮ ዲጸ ሃይሳታ ዎላ ኤኪዛ ማላ
- ሳማሪያ ቢታን አሻሎን ኡቲዳ ኢሰራኤል አሳፔ ጉላቲ ጸላ አታና» ጌሰ።
- 13 ሳሎ ጎዳይ፣

- «ሄኮ ኦኔ ሃይሳ ሲዱቲ! ያቆቤ ዜሪሳ ቦላ ማርካቲ።
- 14 ኢሰቲ ኦሊዳ ናጋራ ጊሻሰ ታኒ ኢሰራኤል አሳ ቃጸዪዛ ዎዳ ቤቴሌን ዲዛ ያርሾ ያርሺዛሶሆታ ታኒ ላላና፤ ያርሺዛሶሆታ ቦላ ዲዛ ካጮቲ ሚቄሬቲ ኩንዳና።
- 15 ኢሰቲ ኢዛን ቦኔኔ ባልጎ ዲዛ ኬላታ ኡባ ታ ላላ ዳይሳና፤ ዳንጋርሳ ዛሊን ሎኤላ ኦሊቁሲዳ ኬላቲ ወሪካ ላሊታና፤ ጊታ ኬላቲ ወሪካ ዳያና» ጌሰ።

4

- 1 ዲኬቲዳ ባሳኔ ሚዛታ ማላ ኢንቲ አሳቲላ ኦርዲሲዳ ሳማሪያ ማጫሳቶ! ሃይሳ ቃላ ሲዱቲ! ኢንቲ ዳቡራንቻታ ካወሸታ፤ ማንቆታ ቦላካ ጎዳቲታ፤ ኢንቲ አዘናታ፣ «ኦሰ ማሶሲዛ ኡሹ ኦሂቲ» ጌታ።
- 2 ሄሳ ጊሻሰ ጎዳይ ባ ጌሻቲላን፣ «ኢንቲሰ ሲዴን ዳፎይ አዲን ኢንቲ ባና ዎዳይ ያና፤ ኢንቲፌ ሄን ቢታ ቦላ ኦቲዳይቲ ቃቤ ማንጸኮን ኦይኬቲ ቢዛ ሞሌ ማላ ኦይኬቲ ባና።
- 3 «ኢንቲፌ ኢሶይ ኢሶይ ኢንቲ ማታን ዲዛ ሉኮራ ጎሹቲ ጎሹቲ ኬዚዲ ጌዳ ሄሪሞኔን ዩጌታና» ጊ ጫቂዳሰ።

ኢሰራኤል አሳይ ባንታ ባላፔ ሲሚቤቴና

- 4 ጎዳይ፣ «ኢሰራኤል ዳሬዞ! ቤቴሌ ቢዲ ናጋራ ኦሊቲ! ጌልጌላካ ቢዲ ናጋራ ጉጂ ኦሊቲ! ጋላሰ ጋላሰ ኢንቲ ያርሾ ያርሺቲ! ሄሻንሉ ጋላሰ ጋላሰ ኢንቲ ኦሰራታ አሚቲ።
- 5 ኢንቲ ኦላናሰ ኮይዛይ ሄሳ ጊዲዳ ጊሻሰ ኢርሾይ ኢዛን ዲዛ ኡኬል ጋላታ ያርሾ ሸሺቲ፤ ኢንቲ ሄሳ ኢንቲ ሸኔ ማላ ሸሺዛ ጊሻሰ ኢዛን ጮቄቲቲ» ጌሰ።
- 6 «ኢንቲሰ ደናን ባቆና ካላራ ታ ዳይሳዳ ኢንቲ ካታማታን ኡባን ኮሻ ዩዳዲሰ። ኢንቲ ጊዲኮ ሃ ታኮ ሲሚቤኬታ።
- 7 ኢንቲ ካላይ ጋካናፔ ቡር ሄሹ አጊናይ ዲሽን ሲንላታ ታ ኢንቲሰ ኢራይ ቡኮንታ ማላ ዲጋዲሰ፤ ኢሲ ካታማን ቡኪሽን ሃራ ካታማን ቡኮንታ ማላ ዲጋዲሰ፤ ኢሲ ጋዴን ቡኪሽን ሃንኮ ኢሳ ጋዴን ኢራይ ዳዩን ማሊዳሰ።

8 አሳይ ሃላ ኡያናሰ ኮዩሼ ሃ ካታማፔ ሄ ካታማ ቢዳሰ፤ ጊደ ኣቲን ባሰ ጊዲዛ ሃሌ ዳሞንታ ኣጊዳ ጊሻሰ ኡዩዲ ኣላናሰ ዳንዳይቤቴና፤ ኣንቴካ ታኮ ሰሚቤኬታ።

9 «ኣንቴ ካላ ማሊሲዛ ሃርጌ ታ ከታዲሰ፤ ኣንቴ ኣንቴ ኣታኪልቴኔ ዋይኔ ማላታ፣ ባላሴኔ ዋጋራ ማላታ ኡባ ቦሌይ ማዳሰ፤ ጊደ ኣቲን ኣንቴ ሃ ታኮ ሰሚቤኬታ» ጌሰ።

10 «ታ ካሴ ጊብጾ ቢታ ቦላ ዩዲዳ ኢታ ሃርጌዛ ማላ ሃርጌ ኣንቴ ቦላ ዩዲዳሰ፤ ኣንቴ ናቴላ ናይታ ማሻን ሃይቃና ማላ ኦላዲሰ፤ ኣንቴ ፓራታካ ዲኤታና ማላ ታ ኦላዲሰ፤ ኣንቴ ዲዛሶን ሃይቁዳ ኣሳ ኣሃ ጸንቆይ ኣንቴ ሰዴ ቱጨዳሰ፤ ኣንቴ ጊዲኮ ሃ ታኮ ሰሚቤኬታ።

11 ሶደማኔ ጋሞራ ካሴ ታ ጳይሲዳ ማላ ኣንቴፊ ዳርታካ ታ ጳይሳዲሰ፤ ኣንቴ ኣቲዳይቲካ ታማይ ማሻን ኣቲዳ ማላ ዳርጫ ማላ ጊዲዳታ ሺን ኣንቴ ሃ ታኮ ሰሚቤኬታ።

12 «ኣንቴኖ ኢሰራኤሌ ኣሳቶ ታኒካ ኣንቴ ቦላ ሄሳሶ ኦላና፤ ሄሳ ጊሻሰ ኣንቴ ታናራ ኣንቴ ጎዳራ ጋይታናሰ ኣኔ ገጌቲቲ!» ጌሰ።

13 ዙማታ ኦሊዲዳይ ጫርኮታ ማዲዳዳይ ባ ቆፒዳይሳ ኣሳሰ ቆንጨሲዛይ ጋላሳ ፖኦ ጌዴ ጳማን ላሚዛይ ቢታ ቦላ ጳቃሶሆን ሄማተዛይሳ ሰንሳይ ጎዳ ሳሎ ጸሳ።

5

ኢሰራኤሌ ኣሳ ማሬቴላ

1 ኢሰራኤሌ ኣሳዉ! ኣንቴ ጊሻሰ ታ ዚላሊዛ ዚላሰ ሰዩቴ።

2 «ጌላኦያ ኢሰራኤሌይ ኩንዳዲሰ፤ ናሞኣንሶ ዳንዳናሰ ዳንዳዩኩ፤ ኢዘ ማዲ ዳንላናይ ባይንዳ ጊሻሰ ኢዛ ባርካ ባ ዳሬን ኩንዳ ኣታና።»

3 ኡባ ሃሪዛ ጎዳይ፣ «ኢሰራኤሌ ካታማ ኢሲኔይፔ 1,000 ኦላንቻቲ ኦላሰ ባናሺን ኢሰታፊ ሃይቆንታ ፓጸ ኣታናይ 100 ኣሳታ ጸላ ጊዳና፤ ሃራ ካታማፔካ 100 ኦላ ኣሳቲ ኦላሰ ባናሺን ኢሰታፊ 10 ኣሲ ጸላ ሰሚ ያና» ጊዳሰ።

4 ጎዳይ ኢሰራኤሌ ኣሳሰ፣ «ኢሰራኤሌ ኣሳዉ! ሃ ታኮ ሰሚቴ፤ ኣንቴ ሃይቆንታ ዳኣና።

5 ኣንቴ ቤርሳቤሄ ቦፒቴ፤ ቤቴሌይ ላሌታዳ ሙሌራ ጳያና፤ ጌልጌላን ዲዛ ኣሳይ ዲኤታና፤ ሄሳ ጊሻሰ ቤቴሌ ጊዲን ዋይኮ ጌልጌላ ቦፒቴ» ጊዳሰ።

6 ሃ ጸሳኮ ሰሚቴ፤ ሂሰቲኮ ኣንቴ ሸምፖራ ፓጸ ዳኣና፤ ኣካይ ጊኮ ጸሲ ታማ ማላ ኢሰራኤሌ ዳራ ማና፤ ቤቴሌን ዲዛይታካ ታማይ ማና፤ ሄ ታማ ቶይሳናይ ኢሰታሰ ቤቴና።

7 ኣንቴኖ ፒርዳ ጌላሲዛይቶ! ቲማካ ጌዴ ዋርዶን ላሚዛይቶ ኣንቴሰ ኣዩ ኣና!

8 ፒሊያዲሴ ጌቴቲዛ ላፑን ጸለንቴታኔ ኦርዮኔ ጌቴቲዛ ኢሲ ቦላ ዲዛ ጸለንቴታ ማዲዳይ ጋላሳ ኦማርሳን፣ ኦማርሳ ጋላሳን ላሚዛይ፣ ኣባ ሃላ ኣዛዚዲ ቢታ ቦላ ጎጊሲዛይ።

9 ዋልቃማታኔ ኢሰታ ማጸታ ላሊ ጳይሲዛይ ኢዛ፤ ኢዛሰ ሰንሳይካ ጸሳ።

10 ኣንቴ ቃሴ ኣንቴና ፒርዳሶን ሃንቁዛይ ኢጾታ፤ ቲሙ ሃሳይዛይካ ካዴታ።

11 ማንቆታ ኡንኤቤታ፤ ኢሰታ ዋልቃራ ካላ ገሪሴታ፤ ኣንቴሰ ማሴቲዳ ሹቻፊ ኬላ ኬዲዳታ ሺን ሄ ኬላን ዳኬታ። ኣራዳ ቢታን ዋይኔ ማላ ቶኪዳታ ሺን ኢዛፔ ኣጌቲዳ ዋይኔ ኡሹ ኡዩኬታ።

12 ኣንቴ ቆሆይ ኣይ ማላ ዳርኮኔ ኣንቴ ናጋራይ ኣይ ማላ ዳጸኮ ታ ኤራይሰ፤ ኣንቴ ጸሎ ኣሳታ ኡንኤቤታ፤ ማታኤ ኤኪዲ ፒርዳሶን ማንቆታሰ ጌላ ፒርዳታ።

13 ሄሳ ጊሻሰ ሄ ዋዴ ዋዴ ኢታ ጊዲዳ ጊሻሰ ኣኬካይ ዲዛ ኣሲ ጮኡ ጌሰ።

14 ኣንቴ ሸምፖራ ፓጸ ዳኣና ማላ ሎኦፔ ኣቲን ኢታ ኦሞቴ፤ ኣንቴ ሄሳሶ ኦሊኮ ኣንቴ ጊዳ ማላ ጎዳይ ሳሎ ጸሳይ ኣንቴናራ ጊዳና።

15 ኢታ ሚሽ ኢጲቴ፤ ሎኦ ገዲዳዝ ደሲቴ፤ ፐርዳ ፐርዲዳሶን ቱሙ ፐርዳ ጌላሶፐቴ። ጎዳይ ሳሎ ጸሳይ ኣቲዳ ኢሰራኤል ኣሳ ማራናኮ ኦኔ ኤሪዛይ?

16 ሄሳ ገሻሰ ጎዳይ ሳሎ ጸሳይ፡ «ኦጌ ቦላኔ ዲቡሻይ ዲዳሶን ኡባን ዋሶይኔ ዩሆይ ሲዬታና፤ ጎሻንቻቲ ኮይሳሰ ዘላላዚይቲ ዩሆሰ ጸይጌታና።»

17 ዋይኔ ሚሳ ቶኬቲዳሶን ኡባን ዩሆ ጸላ ገዳና፤ ሄሲካ ዉሪ ሃናናይ ታ ኢንቴ ገደራ ኣጂዛ ገሻሳ» ጌሰ።

ጸሳ ፐርዳ ጋላሳ

18 ኢንቴኖ ጎዳ ጋላሰ ናገዚይቶ! ኢንቴሰ ኣዬ ኣና! ሄ ጋላሳይ ጳማፔ ኣቲን ፖኦ ጋላሰ ገደንታ ገሻሰ ኢንቴ ኣይሰ ሄ ጋላሳ ኮዬቲ?

19 ሄ ጋላሳይ ኣሲ ጋዋፌ ኣታናሰ ቆቲቲሼ ዛርድራ ጋገዛ ማላ ዋይኮ ኬሲ ኤኪ ባሶ ጌሊዲ ባ ኩሼን ኬላ ጎዳ ኦይኪን ሸሽ ዲኪዳ ማላ ሃናና።

20 ጎዳይ ፐርዲዳ ጋላሳይ ኢንቴሰ ጳማፔ ኣቲን ፖኦ ገዳና፤ ሄ ጋላሳይ ኢዛን ኣይኮ ፖኦይካ ባይንዳ ገርዲ ገዳ ጳማ ገዳና።

21 «ታኒ ኢንቴ ላይላን ላይላን ቦንቸዛ ባኣሌዛ ካጳይሲኔ ኢጸይሰ፤ ኢንቴ ጎይኖሰ ሸቂዛ ሸቆይካ ታና ኡፋይሴና።»

22 ታማን ጸጌቲዛ ያርሾኔ ካላ ያርሾ ኢንቴ ታሰ ሸሽኮካ ታ ሄሳ ኢንቴፌ ኤኪኬ፤ ጳኬቲዳ ኢንቴ ሜሄታፔ ኢንቴ ታሰ ኢሲፌቲላ ያርሾሰ ሸሽኮ ታ ኢዛ ኣይፌንካ ጸሊኬ።

23 ኢንቴ ዩጲሼ ታ ሃይላን ካጮፍቴ፤ ኢንቴ ዲላ ገሪሰ ታ ሲያናሰ ኮይኬ።

24 ገደ ኣቲን ቱሙ ፐርዲይ ጎገዛ ሃላ ማላ፤ ጸሊጮቲላካ ሚጮንታ ፑልቶ ማላ ጎ።

25 «ኢሰራኤል ኣሳዉ! ቱማፔ ኢንቴ ኦይዲ ታሙ ላይላ ባዙ ቢታን ዲዛ ዋይ

ቱሙ ያርሾኔ ካላ ጸራ ታሰ ሸሽዳቲ?

26 ኢንቴ ኢንቴሰ ኦሊዳ፤ «ካዋ ዛኩቴ» ጌቲቲዛ ኤቃ ጸሳይ፤ ቃሴካ፤ «ኩዌኔ» ጌቲቲዛ ኢንቴ ሜጲ ኬሲዳ ጸሊንቴ ሚሳቲዛ ኤቃ ጸሳይ ቶኪዳታ።

27 ታኒ ኢንቴና ዳማሰቆፌ ጌዴ ሃሳ ጎዳና» ጌሰ ጎዳይ ሳሎ ጸሳይ።

6

ኢሰራኤል ቃጸዬቴላ

1 ጸዮኔን ባጂ ገ ኡቲዳይቶ! ሳማሪያ ዙማ ቦላ ሂርጋይ ባይንዳ ዲዛይቶ! ኢሰራኤል ኣሳይ ማዶ ኮዩዲ ኢንቴኮ ዩዛይቶ! ኢንቴኖ ዴሬ ሃላቃቶ! ኢንቴሰ ኣዬ ኣና!

2 ኣኔ ኢንቴ ጌዴ ካላናሄ ካታማ ቢዲ ጸሊቴ፤ ሃፔካ ኣጂዲ ሃማቲ ጌቲቲ ጸይጌቲዛ ገታ ካታማዮኔ ዲጌ ፊሊሰጾሜ ካታማ ጌቲ ዋጂቴ፤ ኢሰቲ ኢንቴ ናምኡ ካዋቲላታፔ ሎኢዞ? ኢሰታ ቢታይ ኢንቴ ቢታፌ ኣኪዜ?

3 ኢንቴ ቃሴ፡ «ኢታ ጋላሲ ኤሌ ጋኬና» ገዛ ቆፋን ኢንቴ ዳናቴላን ጌኔ ኦሶ ኤሶሴታ።

4 ኢንቴ ዳንጋርሳ ዛሊፔ ኦሴቲዳ ኣላጋን ኢቼታ፤ ኦሃላ ላቃ ኣሾኔ ማራ ኣሾ ሚሼ ሶፋ ቦላ ኡቲ ሸምፔታ።

5 ዳዋቲ ማላ ዩላ ሚሽ ኢንቴሰ ገገሲዲ ባጋናኒኔ ዲማ ዲማ ማዛሙራ ዩጲዛይቶ!

6 ዋይኔ ኡሹ ቢሪሌራ ገደንታ ኦቶራ ኡዩዛይቶ! ኬሂ ኣልኦ ገዲዳ ሸቶ ቲዬቲዛይቶ! ኢሰራኤል ዴራ ቦላ ጋኪዳ ሜቶ ገሻሰ ቃጴቶንታይቶ ኢንቴና ኣዬ ኣና!

7 ሄሳ ገሻሰ ሄራ ኣሳፔ ኮይሮ ኢንቴ ዲኤታና፤ ሄ ዋይ ኢንቴ ካሴ ኡፋይሳን ጉፐዛ ጉፋይኔ ባጂ ገ ዲዛ ዲሲ ኣታና።

8 ጎዳይ ሳሎ ጸሳይ፡ «ኢሰራኤል ኣሳ ኦቶራቴላ ታኒ ሃራሴታዲሰ፤ ኢሰታ ሚጸቲካ ታና ሹኔቴሰ፤

ሃሳ ገሻሰ ታኒ ካታማዮኔ ኢዚን ዲዛይታ ኡባ ሞርኬሰ ኣላ ኢማና» ገዲ ባርካ ባናን ጫቂዳሰ።

9 ኢሲ ኬላን ታማቲ ኣቲኮ ሄ ኣቲዳይቲካ ሃይቃና።

10 ሃይቂዳይታፔ ኢሳዴሰ ማታ ዳቦ ገዲዳዴይኔ ሞጎ ዋጋ ፖሊዛይይ ኣሃዛ ኬላፌ ኬሲ ኤፋና፤ ሄ ዋይ ኢዛይይ ሶን ዲዛ ኢሲ ኣሰ ጸይጌዲ፡ «ኔናራ ኣቲዳ ሃራ ኣሲ ዲዜ?» ገዲ ኢዛ ኦይቻና ሸን ኢዛይይ ቃሴ፡ «ኣቲዳ ኣሲ ኦኒካ ዴና» ጋና። ኦይቸዛይሰካ ዛሪዲ፡ «ጎዳ ኦ ጸሳ ሱንላ ጸይጋናሰ ቤሶንታ ገሻሰ ጮኡ ጋ!» ጋና።

11 ጎዳ ኣዛዘን ዋጋ ኬላቲ ላሌታና፤

ጉላ ከላቲካ ላላቲ ኣታና።
 12 ፓራይ ሹቻ ቦላ ቶጌቲዜ? ጎሻንቻይ ኣባ ጊደን ቦራ ዋጺ ጎያናሰ ዳንዳይዜ? ኣንጉቲ ጊዲኮ ፒርዳ ማርዘን ላሚዳታ፤ ቱማካ ጌዴ ጫሞን ሺርዳታ።
 13 ኣንጉቲ ሎዲባሬ ካታማ ጸኒዳ ጊሻሰ ኡፋዬቲዳታ፤ * «ቃርናይሜ ካታማዮ ኮኒ ኮ ዋልቃን ኦይኪደሰ» ጊዲ ጩቁቲታ። †
 14 ጎዳይ ሳሎ ጸሳይ፤ «ኢሰራኤል ኣሳወ! ታኒ ኣንጉቲ ቦላ ሃራ ዋልቃማ ዴሬ ዳንላና፤ ሄሲካ ፑዳሃ ባጋፊ ሃማቲ ፔንጌፊ ዶሚዲ ዳጌሃ ባጋራ ኣራቤ ሸባ ጋካናሰ ኣንጉቲና ኡንኤላና» ጌሰ።

7

አሞጾይ ኣጂታን ቤኢዳ ቦላ
 1 ጎዳይ ኣጂታን ቦላይ ያናይሳ ታና ቤሲዳሰ፤ ሄኮ ካዎ ካሊ ማጾቲ ወሪዳፔ ጉዬ ጌደራ ጫሪዳ ኣዛባ ካላ ቦላ ጸሲ ማቲ ቦላይ ከዛና ማላ ኣሊዳሰ።
 2 ቦሊዚካ ቢታ ቦላ ዲዛ ጨለላ ኡባ ፒቲ ሚዳይሳ ታኒ ቤያዳ፤ «ኡባፊ ዋልቃማ ጎዳዉ! ኔ ዴሬ ቆሆዛ ማራርኪ! ኔ ዴሬ ኢሰራኤሌሰ ዋልቃይ ባይንዳ ጊሻሰ ኢዚ ሃይሳ ዋሰቲ ኤቁቲ ዳንዳያን?» ጋ ዋሳዲሰ።
 3 ጎዳይካ ኢሰታሰ ሚሹቲዲ፤ «ሃይሲ ኔ ቤኢዳይሲ ፖሌቲና» ጊዲ ታሰ ዮቲዳሰ።

አሞጾይ ኣጂታን ቤኢዳ ፒርዳ ታማ
 4 ኡባፊ ዋልቃማ ጎዳይ ታና ኣጂታ ቤሲዳሰ፤ ጎዳይ ቃጸያናሰ ታማ ፒርዳ ዬዲዳሰ፤ ታማዚካ ዋጋ ጌታ ኣባ ሚቸዲ ቢታ ሙሰ ኦይኪደሰ።
 5 ሄ ዋዴ ታኒ፤ «ኡባፊ ዋልቃማ ጎዳዉ! ሃይሳ ታማ ቶይሳርኪ! ኔ ዴሬ ኢሰራኤሌሰ ዋልቃይ ባይንዳ ጊሻሰ ኢዚ ሃይሳ ዋሰቲ ኤቁቲ ዳንዳያን?» ጋ ዋሳዲሰ።
 6 ጎዳይካ ኢሰታሰ ሚሹቲዲ፤ «ሃይሲ ኔ ቤኢዳይሲ ፖሌቲና» ጊዲ ታሰ ዮቲዳሰ።

አሞጾይ ኣጂታን ቤኢዳ ቱምቤ
 7 ጎዳይ ታና ሃራ ኣጂታ ቤሲዳሰ፤ ቱምቤን ሲቲ ጊ ኦሴቲዳ ገምቤ ኣታን ጸሲ ባ ኩሽን ቱምቤ ኦይኪ ኤቁዳይሳ ቤያዲሰ። * 8 ኢዚካ፤ «አሞጾ! ሄሲ ኔ ቤኢዳይሲ ኢዚ ኣዜ?» ጊ ኦይቸዳሰ። ታኒካ፤ «ቱምቤኮ!» ጋዲሰ። ጎዳይ ዛሪዲ ታሰ፤ «ቱምቤን ሲቲ ጊ ኦሴቶንታ ገምቤ ማላ ታ ዴሬ ኢሰራኤሌይ

ጌላቲዳሰ፤ ሄሳ ጊሻሰ ሃይሲ ቱምቤዚ ኢሰራኤሌ ናይታ ጌላቲላ ቤሲዛ ለሚሶ፤ ታኒካ ኢሰታ ቃጸዮንታ ኣጊኬ።
 9 ዩሳቂኔ ኢዛሰ ናዛ ናይቲ ጎይኒዛ ቶቃሶሆቲ ላሌታና፤ ኢሰራኤሌ ናይቲ ጎይኒዛሶሆቲ ላሌታና፤ ኢዮርባኣሜ ካዎቲላ ታኒ ሙሊራ ጳይሳና» ጊዳሰ።

አሞጾይ ኣማሲያሴ
 10 ቤቴሌ ቄሴ ጊዲዳ ኣማሲያሴ ኢሰራኤሌ ካዎ ኢዮርባኣሜኮ፤ «ሄኮ ኣሞጾይ ኢሰራኤሌ ኣሳ ጊደን ኡቲዲ ኔ ቦላ ኣሳ ዳንጮሰ፤ ሄሳ ማላ ኦሶን ቢታ ሺሪ ዬጌሰ።
 11 ኢዚካ፤ «ኢዮርባኣሜይካ ኦላን ሃይቃና፤ ኢሰራኤሌ ዴሬይ ባ ዴሬፔ ዲኤቲ ባና ጌሰ» ጊ ኪቲዳሰ።
 12 ኣማሲያሴ ኣሞጾሰ፤ «ኔኖ ኣጂታ ቤኢዳይሰ! ሃይሳፊ ዳንዳ ኪቻ፤ ዲጌ ዩሁዳ ቢታ ባዳ ሄን ቲንቢቲ ዮታሹ ኔሰ ሚዛ ሚሽ ዳማ።
 13 ቤቴሌይ ጊዲኮ ካዎይ ጎይኒዛሶኔ ካዎ ዲሳሶ ጊዲዳ ጊሻሰ ቲንቢቲ ዮቶፓ» ጊዳሰ።
 14 ኣሞጾይ ኣማሲያሳሰ፤ «ታኒ ዉዴ ሚሃ ሃሚዛዴኔ ኤላ ኣይፊ ማጺዛዴ ኣቲን ታ ሁኤሰ ናቤ ዋይሶ ናቤ ና ጊዲኬ። †
 15 ጊደ ኣቲን ጎዳይ ሚሃ ሃሚዛሶሆፔ ታና ጸይጊዲ፤ «ባ! ታ ዴሬ ኢሰራኤሌሰ ቲንቢቲ ዮታ» ጊዲ ኣዛዚዳይ ጎዳ።

16 «ሃኢካ ጎዳይ ኔና ጊዛይሳ ሲያ፤ ኔኒ ታና፤ «ኢሰራኤሌ ኣሳ ቦላ ቲንቢቲ ዮቶፓ፤ ዩሳቃ ዜሬላ ጊዲዳ ኢሰራኤሌ ዴሬዛካ ሳባኮፓ» ጋ ዲጋዳሳ።
 17 ሄሳ ጊሻሰ ኣማሲያሳ! ኔ ጊሻሰ ጎዳይ፤ «ኔ ማቸያ ካታማ ጊደን ላይማ ማጫሰ ጊዳና፤ ኔሰ ማጫ ናይቲኔ ኣቱማ ናይቲካ ኦላን ሃይቃና፤ ኣላጋቲ ኔ ቢታ ዋደሮን ዋጲ ጊሹቲ ኤካና፤ ኔኒካ ኣላጋ ቢታን ሃይቃና፤ ኢሰራኤሌ ኣሳይ ባ ቢታፊ ዲኤቲዲ ኣላጋ ዴሬ ባና ጌሰ» ጊ ዮቲዳሰ።

8

አሞጾይ ኣጂታን ቤኢዳ ቲራይ ኩሚዳ ኬሹ
 1 ኡባፊ ዋልቃማ ጎዳይ ታና ሃራ ኣጂታ ቤሲዳሰ፤ ሄሲካ ቲራይ ኢዛን ኩሚ ዲዛ ኬሹ።
 2 ጎዳይ ታና፤ «ሄሲ ኔ ቤኢዳይሲ ኣዜ?» ጊ ኦይቸዳሰ፤ ታኒካ ኢዛሰ፤ «ቲራራ ዲዛ ዳቻ ቤያይሰ» ጋዲሰ፤ ቃሴካ ጸሲ ታሰ፤ «ታ ዴሬ ኢሰራኤሌሰ ዉርሴላ ጋኪዳሰ፤ ሃይሳፊ ጉዬን ታኒ ኢሰታ ቃጸዮንታ ኣጊኬ።

* 6:13 ሎዲባሬ ጌቲቲዳይሲ ካታማ ሱንላ ጊዲሸን ኢብራዌታ ቃላራ ሃዳ ሚሽ ጉሳ። † 6:13 ቃርናይሜ ጌቲቲዳይሲ ጉላ ካታማ ሱንላ፤ ኢብራዌታ ቃላራ ካጩይ ዋልቃ ለሚሶ ጊዲ ቤቴሰ። * 7:7 ቱምቤይ ገምቤ ገምቤዛይቲ ገምቤዛ ሲቲ ሂሰቲ ገምባናሰ ጎኤቲዛ ሚሽ። † 7:14 ኤላ ኣይፊ፤ ኤላ ኣይፊ ጌቲቲዳይሳ ኢሲ ኢሲ ባጋ ጋሞላ ቃላን ቦባ ኣይፊ ጌቲቲሰ።

3 «ኢስቲ ጸሳ ከላን ሲሲዛ ዩላይ ሄ ዎዴ ዩሆን ለማታና፤ ዳሮ አሳ አሃይ አዋን አዋንካ ኩንዲ አታና፤ አዋንካ ጮ ዩጌቲ አታና» ጌሰ።

ኢስራኤል ኩንዴል

4 ኢንቴና ማቶቲዳ አሳ ቆሃዛይቶ! ቃሴ ማንቆታ ቢታፌ ቆይሳና ከይዛይቶ! ሃይሳ ሲዩቲ!

5 ኢንቴ፡ «ኑኒ ኑ ካላ ባይዛና ማላ አገና ጾሮን ቦንቸዛ ባአሌይ አይዴ አቆኒሻ! ኑኒ ካላ ገያ ጌልላናሰ ሳሞባታይካ ኑስ አይዴ አቆኒሻ! ሄ ባአሌይ አቆኮ ኑኒ ማካ ሚሻ ጉሱዲ አልኦ ዋጋን ባይዛና፤ ቃሴካ ዋርዶ ማዛኔን አሳ ባሌላና።

6 ገሰቲ ሃርቆካ ሙሩታ ገሰቲ ዋጋን ባይዛና፤ ማንቆታ ቢራን፣ ማቶቲዳይታካ ቶሆ ጫማን ሻማና» ጌታ።

7 ያቆቤይኔ ኢዛ ዜሬላቲ ኢዛን ጩቁቲዛ ጎዳይ፡ «ኢስቲ ኦሊዳ ኦሶ ኡባ ታኒ ባሊኬ፤

8 ሃይሳ ጌዶን ቢታይ ቡሮ ቃጻና፤ ቢታይ ቦላ ዲዛይ ወሪካ ዩካና፤ አባዬ ሻፋይ ኪጲዲ ጉሚዛይሳሶ ቢታ ኡባይ ቃሊ ዮሺኩዮሺካና» ጌዲ ባርካ ባናን ጫቂዴሰ።

9 ኡባፌ ዋልቃማ ጎዳይ፡ «ሄ ዎዴ ታኒ ጋላሳ ሴታን አዋ አርሼ ወልሳና፤ ጋላሳ ሴታን ጋዴ ቆሚሳና።

10 ኢንቴ ላይላን ላይላን ቦንቸዛ ባአሌዛ ዩሆን ለማና፤ ኢንቴ ዩዲዛ ዩላካ ዋሶን ለማና፤ ዲዛ ፔጺ ኢሲ ናይ ሃይቁን ጫሞ ዩሆ ዩኪዛ አሳ ማላ ኢንቴ ኢንቴ ሁኤ ቢናና ቡጪዲ ማቃ ማይኦና ማላ ታኒ ኢንቴና ኦላና፤ ሄ ወርሴላ ጋላሳይ ጫሞ ጋላሰ ጌዳና።

11 ሃኮ ታኒ ቢታ ቦላ ኮሻ ኤሃና ዎዴይ ያና፤

ሄሲካ አሳይ ጸሳ ቃላ ሲያና ጋፋኔ ሳሞ አቲን ካላ ጋፋኔ ሃላ ሳሞ ጌዴና።

12 ዴሬይ ወሪ ፑዳሃፔ

ዲጌሃ ጋካናሰ አርሼይ ሞኪዛሶፔ ወሊዛሶ ጋካናሰ ጎዳ ቃላ ኮሻ ያኔ ሃ ዩሞታናሺን ዴሚና።

13 ሄ ዎዴ ሎኦ ጌላኦቲኔ

ሚና ፓንላቲ ሳሞፔ ዴንዳናይሳን ዳቡራና።

14 ሳማሪያ ዴሬን፡ «አሻሞ»

ጌቲታ ጾይጌቲዛ ኤቃ ጸሳይን ጫቁዛይቲ፡ «ዳኔ ጸሳይ ቤዩን» ዎይኮ፡ «ቤርሳቤሄ ጸሳይ ቤዩን»

ጌ ጫቁዛይቲ ወሪካ ኩንዳና፤ ባ ኩንዲዳሶሆፔ ሙሌካ ዴንዳናሰ ዳንዳይቲና» ጌሰ።

9

ኢስራኤል ቦላ ያና ፓርዳ

1 ጎዳይ ያርሾ ያርሺዛሶዛ ሚሌን ኤቁ ዲሺን ታ ቤያዲሰ፤

ኢዚካ ታና፡ «ጸሳ ከላ ዮቻይ ቃጻና ጋካናሰ ከላ ቁሰቲ ሾጫ ላላዳኔ አሳ ቦላ ኩንዳና ማላ ኦላ፤ ሃሳፌካ አቲዳይታ ታኒ ኢስታ ማሻራ ዎቆ ቆይሳና፤ ኢስታፌ ኦኒካ ባቃቲና፤ ባቃቲኮካ ታፔ ኬሲ ኤኪ አቴና።

2 ኢስቲ ዲፎ ቦኪ ጌሊዳኮካ

ታ ኩሼይ ኢስታ ሃፔ ሾዲ ሃ ከሳና፤ ኢስቲ ፑዴ ሳሎ ኬዚዳኮካ ታኒ ኢስታ ሃፔ ሃ ዲጌ ጎቻ ዎላና።

3 ኢስቲ ፑዴ ቃርሚሎሴ ዙማ ቦላ

ኬዚ ቆቴቲዳኮካ ታ ካሌታ ባዳ ኢስታ ሃፔ ዎላና፤ ኢስቲ ዲጌ ጪማ አባ ጊዶ ጌሊዲ ታፔ ቆቴቲዛኮካ ሄን ኢስታ ሾሺ ዲካና ማላ ታ አዛዛና።

4 ኢስቲ ባ ሞርኬታ ኩሼን

ዲኤቲ ቢኮካ ሄን ኢስቲ ማሻን ሃይቃና ማላ ታ አዛዛና፤ ታኒ ኢስታ ቦላ ታ አይፌ ሎኦሰ ጌዶንታ ኢታሰ ዛራና» ጌ አዛዚዴሰ።

5 ኡባ ሃሪዛ ጎዳይ

ኢዚ ቢታኖ ቦቹሰ፤ ኢዛካ ሴራወሰ፤ ኢዚን ዲዛ ኡባይ ዩኬሰ፤ ናይሌ ሻፋይ ኪጲ ጉሚዛ ማላ ቢታ ኡባይ ቃጾሰ፤ ቃሴ ዛሪዲ ኪጲ ሃሊ ዎቆዛ ማላ ዎቆና።

6 ባ ዲሳሰ ሳሎ ኦሊዳይ፡

ሳሎካ ሳኦፔ ቦላን ሚንሱዳይ፡ አባ ሃላ አዛዚዲ ቢታ ቦላ ጎጊሲዛይ ኢዛሰ ሱንላይ ጎዳ።

7 ጎዳይ፡ «ኢስራኤል አሳዉ!

ኢንቴ ታሰ

ቶጵያ አሳ ማላ ጊዴኬቲ?
 ታኒ ኢንቴና
 ጊብጾፔ ኬሶይሳል
 ፊሊሰጾሜ አሳ ቃርጾሴፔ
 ቃሴ ሶሪያ አሰ
 ቂሬፔ ኬሳቤኪና?

8 ታኒ ኡባ ሃሪዛ ጎዳይ
 ጌዴ ናጋራንቻ
 ኢሰራኤሌ አሳ
 ካዎቴላኮ ጸላይሰ፤
 ታ ኢዛ ቢታሬ ሙሌራ ጳይሳና፤
 ጊዶ አቲን ያቆቤ ዜሬል
 ኡባ ጳይሰኬ» ጌሰ።

9 «ቤኢቲ ካል
 ዛይዛሪን ዛይዛሪዛ ማላ
 ኢሰራኤሌ አሳ
 ኢይዛቤ ካዎቴላ
 ጊዶን ዛይዛራና ማላ
 ታ ኢዛዛና፤
 ጊዶ አቲን ኢሰታሬ ኢሳዴይካ
 ዎራ ዎጂ ጳይና።

10 ሉባ ሶላ አይኮ ኢታይካ ጋኬና
 ዎይኮ ኑና ቦቼና) ጊዛ
 ታ ዴሬ አሳ ጋርሳን ዲዛ
 ናጋራንቻቲ ኡባይ
 ኦላን ሃይቃና» ጌሰ ጎዳይ።

ኢሰራኤሌ አሳ ሲሞ ሂደታ

11 «ጮ ኩንዲ ላሌቲዳ ኬላ ማላ ጊዲዳ
 ዳዊቲ ዜሬላታ ካዎቴላሰ
 ታኒ ዛራ ኡሳና ዎዴይ ያና፤
 ታኒ ገምቤዛ ዛራ ገምባና፤
 ላሌቲዳይሳካ ኦራጺሳና፤
 ካሴይሳል ዛራ ኦሳና።

12 ሃሳላካ ኤዶሜ ዴሬን
 አቲዳይታኔ
 ታ ሱንላን ጸይጌቲዳ ዴሬታ
 ኡባ ኢሰቲ ላታና»
 ጌሰ ጎዳይ።

13 «ካል ማጺዛይቲ ማጺ ወርሶንታ
 ዲሺን ጎሻ ዎዴይ ጋኬሰ፤
 ዎይኔ አይሬ ጉምኢዛዴይ
 ጉምኢ ገሰንታ ዲሺን
 ዎይኔ ፑቲ
 ቶኪዛ ዎዴይ ጋኬሰ፤
 ሄ ዎዴ ማልኢዛ ሎኦ ዎይኔ
 ኡሺ ዙማፔ ፑልታና፤
 ዙምቡላታፔካ ጎጋና።

14 ዲኤቲ ቢዳ ኢሰራኤሌ አሳ
 ሃ ኢሰታ ዴሬ ዛራ ኤሃና፤
 ላሌቲዳ ካታማታ ዛሪ
 ኬጺዲ ኢዛን ዴኣና፤
 ኢሰቲ ዎይኔ ቶኪዲ
 ኢዛፔ አጌቲዳ ኡሹ ኡያና፤
 ዲማ ዲማ አይሬዛ ሚል
 ቶኪዲ ኢዛ አይሬ ማና።

15 ታ ዴሬ ኢሰራኤሌ አሳ
 ታኒ ካሴ ኢሰታ ቢታን
 ዛራዳ ቶካና፤

ታኒ ኢሰታሰ አሚዳ ቢታሬ
 ኢሰቲ ናምኣንሳ ጾቃሌቲ
 ጳይቴና»
 ጌሰ ጎዳይ ሳሎ ጸሳይ።

አብዱዩ ተንቢት ጊደ ቆፋ

ሃይሲ ጉላ ማጸፋዚ ቤተዳይ ከርሰቶሲ ዩሌታናፕ ካሴ 586 ላይላን ዩሩሳላሜይ ላሌተዳፕ ጉዩ ቆንጩን ኤሬቶንታ ዋዳና። ሄ ዋዳ ኣርሼይ ሞኪዛ ዲጌሃ ባጋራ ዲዛ ዩሁዳሰ ኣዲሳ ዋዳሶፌ ሞርኬ ጊዲዳ ኤዶሜ ኣሳይ ዩሩሳላሜ ላሌተላን ኡፋዬተዲ ቢታ ኦሊ ኦይኪዛይታ ማዲሼ ካታማይ ሃር ኡባ ቦንቁሰ፤ አብዱዩይ ኤዶሜ ኣሳ። ሃንኮ ኢሰራኤሌ ሞርኬታራ ኢሲ ቦላ ሚኖ ቁጻቴይኔ ጸኔቴላ ጋካናይሳ ካሴቲ ዮተዳሰ።

ሃ ማጸፋይ ኦይኪዳ ኩሜላ ቆፋ
ኤዶሜ ኦቶሪቴላኔ ቁጻቴ 1-9
ኤዶሜ ማንጾ ኢታቴላ 10-14
ኢሰራኤሌ ጻኖ 15-21

ናቤ አብዱዩይ ቤኢዳ ኣጂታ
1 አብዱዩይ ቤኢዳ ኣጂታ፤

ጎዳይ ኤዶሜ ገሻሰ
አብዱዩ ከተዳሰ፤
ኑ ሰዪዳ ጸሳ ከታይ።
«ታኒ ጸሳይ ኤዶሜ ቦላ
ሜቶ ጋላና ማላ ኣዛዛዳ
ዳራ ጊደ ኣሰ ከታዲሰ» ጌሰ።

2 ጎዳይ ኤዶሜሰ።
«ታ ኔና ዳራ ኣሳፕ ላፊሳና፤
ኔኒ ኣሰ ኡባን
ሌቁተዳዘ ጊዳና።

3 ኔኖ ዛላ ጎሞፓን ዲዛይሶ!
ኔ ዲሳሶ ጹቃሶሆን
ኬጲዳይሶ!
ታ ዲዛሶፕ ታና ዚቃሶ
ዋላና ዳንዳይዛይ ኦኔ?
ገዛይሶ!
ኔ ዋዚና ኦቶሮቴላ
ኔና ባሌሊዳሰ።

4 ኔ ጎሌ ካሮ ማላ
ኬሃ ፑዴ ፒራጲኮካ።
ኔ ኬላ ጸለንቴ ጊደን
ኬጲኮካ
ታ ኔና ሄፕ
ሃ ዲጌ ዋላና።

5 «ካይሶቲ ዋይኮ ቦንቁዛይቲ
ኦማርሰ ዪኮ
ባሰ ጊዲዛይሳ ኤኬቴሰ፤
ካላ ማጸዛይቲ ፒጾ ኣሼቴሰ፤
ጊደ ኣቲን ኔ ሞርኬቲ
ኢሲኖካ ኣሼቴና። *

6 ኢንቴኖ ኤሳዌ ዜሬላቶ!
ኢንቴ ኬላ ቦንቁቲዳሰ፤
ሄኮ ኢንቴ ሃርይ ዉሪ
ቦጌቲዳሰ።

7 ኔናራ ጫቁቲዳ ላጌቲ

ኔና ባሌሊዳ፤
ኔና ደሲዛ ላጌቲ
ኔ ቦላ ሞርኬቴላን ዳንዲዳ፤
ኔ ካላ ሚዳይቲ ኔሰ ያርዳ
ዋሊዲ ኔና
ኔ ዳራፕ ጎዲዳ፤
ጊደ ኣቲን ኢሰቲ ሄሳ ኔ ቦላ
ኦሊሺን ኔኒ ኤራቤካ።

8 «ሄ ዋዳ ኤዶሜፕ
ኣጵ ኤራንቻታ።
ኤሳዌ ዙማፕ
ኤራቴላ ጳይሳና።
9 ኤዶሜ ዳራን ዳኢዛ
ኣሳቲ ዉሪካ ሃይቃና፤
ቴማኔ ኦሊዛ ዋልቃማ
ኦላንቻቲ ባላና።

ጸሳይ ኤዶሜ ቃጸዪዛ ጋሶ
10 «ኔ ኢሻ ያቆቤ ዜሬላታ
ኔኒ ጌኔ ዋጲዳ ገሻሰ
ኔ ካዉያዳ ሚርናሰ ጳያና።

11 ዩሩሳላሜ ሞርኬቲ
ፔንጌ ማንላዲ
ሃሪዳ ሚሽ ኡባ
ቦንቁዛ ዋዳ
ኔኒ ላንቁራ ኤቃ ጸላዳሳ፤
ሄሳ ገሻሰ ዩሩሳላሜ ቦላ
ሳማ ዩጊ ጊሼቲ
ኤኪዳይታፕ
ኔኒ ዲማታካ።

12 ዩሁዳ ዳራን ዳኢዛ ኢሻታ ቦላ
ጋኪዳ ማቶን ኔኒ ኡፋዬታና
ኮሼናሺን ኡፋዬታዳሳ፤
ቃሴ ኢሰታ ጳዮንኔ ማቶን
ኡፋዬታና ኡቶሬታና
ኔሰ ቤሴናሺን ኡቶሬታዳሳ።

13 ታ ዳራይ ጳይዛ ጋላሰ
ኢሰታ ፔንጌራ
ኔኒ ጌላና ቤሴናሺን፤
ኢሰቲ ጳይዛ ጋላሰ ማቶቲሺን
ኔኒ ኡፋዬታና ቤሴናሺን፤
ቃሴካ ኢሰቲ ጳይዛ ጋላሰ
ኔ ኢሰታ ሃር
ቦጋና ኔሰ ቤሴናሺን።

14 ጎዳቲዲ ቆቴቲዳይታ ዋጳና
ኔ ኦይዲ ኦጌ ቦላ
ናጋና ቤሴናሺን ናጋዳሳ፤
ቃሴ ኣቲዳ ኣሳታ
ሜቶ ጋላሰ ኔ ኣላ
ኢማናሰ ቤሴናሺን
ኢማዳሳ።

15 «ታ ጸሳይ ኣሳ ኡባ ቦላ
ፒርዲዛ ዋዳይ ጋኪዳ ገሻሰ
ኤዶሜ! ኔ ኦሊዳ
ኢታ ኦሶይ

* 1:5 ፒጾ፡ ፒጾ ጌቲቲዛይሲ ኣሚራላ ቃላን ቃርሚያ ጌቲቴሰ። 1:14 ኢሳ 34:5-17፤ 63:1-6፤ ኤር 49:7-22፤ ሂዘ 25:12-14፤ 35:1-15፤ ኣሞ 1:11-12፤ ሚል 1:2-5

ኔ ቦላ ሲማና፤
ሄሳ ገሻሰ ኔ ኦሶ ማላ
ኔ ኤካና።

16 አንጃቲዳ ታ ዙማ ቦላ
አንቲ ዋዬ ኡሹ ኡዩዳ ማላ
አንቲ ዩሾን ዲዛ ሃንኮ ዳሬይ
ዋዬ ኡሹ ኡያና፤
ኡዩዳይቲ ዉሪካ ጃያና።

ኢሰራኤል ዳሬ ጾኖ

17 «ዲዮኔ ዙማን ማቶፔ
አታናይ ዳና፤
ሄ ዙማያካ ጌሽ ገዳና፤
ያቆቤ ዳሬይ ቦንቄቲዳ
ባ ሃሮ ዛሪ ኤካና።

18 ያቆቤ ዜሬላቲ ታማ ማላ፡
ዮሴፌ ዜሬላቲ
ታማ ላጮ ማላ ገዲን
ኤሳዌ ዜሬላቲ
ኡቱላ ማላ ገዳና፤
ታማይ ኡቱላ ሚዛ ማላ
ያቆቤ ዜሬላቲኔ
ዮሴፌ ዜሬላቲ
ኤሳዌ ዜሬላታ ጃይሳና።

19 «የሁዳ ዳሬፔ
ዲጌሃ ባጋራ ዲዛ
ኔጌቤ አሳይ ኤዶሜ
ቢታ ላታና፤
ኣርሼይ ዉሊዛ ባጋራ
ጋጃን ዲዛ አሳቲ
ፊሊስጶሜ፥ ኤፍሬሜኔ
ሳማሪያ ቢታ ላታና፤
ቃሴ ቢኒያሜ ዜሬላቲ
ጋላኣዳ ቢታ ላታና።

20 ቤቲ ቢዳ ኢሰራኤል አሳይ
አላሂ ጌቲቲዛ
ዳሬፔ ሲሚዲ
ካናኔ ቢታፌ
ሲራፍታ ጋካናሰ
ዲዛ ቢታ ላታና፤
ቤቲ ቢዲ
ሲራፍታ ዳሬን ዲዛ
ኢሰራኤል አሳይ
ኔጌቤን ዲዛ ካታማታ ላታና።

21 አቲዳ ኢሰራኤል አሳቲ
ዲዮኔ ዙማ ቦላ ኡቲዲ
ኤዶሜ ዳሬ አይሳና፤
ቃሴ ካዎቲሳይካ
ጸሳሰ ገዳና» ገ ዮቲዳሰ።

ዮና ቲንቢት ጊደ ቆፋ

ዮና ቲንቢት ደሳለኝ አዛዜቲኬ ጊደ ኢሲ ናቤ ቦላ ጋኪዳ ዲማ ዲማ ማቶታ ዮቲዛ ማጻፋ ጊደዳ ገሻሰ ሃራ ቲንቢት ማጻፋታፔ ዲማቲሰ። ጸሲ ዮና፣ «ኢሰራኤል አሳሰ ሚኖ ሞርኬ ጊደዳ ገታ አሶሬ ካዎቲሳሰ ዋና ካታማ ናናዌ ባ!» ጊደ ኢዛ አዛዚዳሰ።

ዮናሲ ጊደኮ፣ «ጸሳይ ካታማዮ ቆይሳናሰ ኢሚዳ ሚኖ ቆሬሶዛሰ ኢዚ ጊደ ማላ ኦፊና» ገ ቆፒዳ ገሻሰ ጸሳ ቃላ ኤኪዲ ናናዌ ባናሰ ኮዩቤና፤ ዳር ሃናቲ ሃንዳፔ ጉዬ ኬሂ ኡፋዬቶንታ ዲሼ አዛዜቲዳሰ፤ ኢዚ ቡር ሃናና ጊደ ኢዛ ቃላዚ ፖሊቶንታ ኣገን ላንጩቲዳሰ።

ዮ ማጻፋዚ ጸሳሰ ኢዛ ማዴታ ኡባ ቦላ ጎዳቲሊ ዲዛይሳ ኤሪሰሰ። ሃራፔካ ጸሲ ሲቆኔ ማሪዛ ጎዳ ጊደዳ ገሻሰ ባ ዴር ሞርኬታ ቦላ ሃንቁቲዲ ሙሌራ ቆይሳናፔ ኣቶ ጊደ ማራናሰ ደሲዛይሳ ቤሴሰ።

ሃ ማጻፋይ ኦፊኪዳ ኩሜሳ ቆፋ

ጎዳፔ ዮናሳ ባቃታ 1:1-7

ዮናሳ ዋሳ 2:1-10

ዮናሲ ናናዌ ቢን ዴሪዛ ማሪቲሳ 3:1-11

ጸሲ ዴሪዛ ማሪዳ ገሻሰ ዮናሳ ሃንቁቲሳ 4:1-11

ዮናሲ አዛዜቶንታ ኢጸ

1 አማቲ ና ዮናሳኮ ጎዳ ቃላይ፡

2 «ዴንዳዳ ሄ ገታ ካታማ ናናዌ ባ፤ ሄ ካታማ አሳ ኢታቲሳ ታ ቤኢዳይሳ ኢሰታሰ ዮታ» ገሼ ዩዳሰ።

3 ጊደ ኣቲን ዮናሲ ጎዳ ሲንጻፊ ባቃቲዲ ታርሴሴ ቢታ ባናሰ ዴንዲዳሰ፤ ኢዚ ዮጶ ካታማ ዋዲዲ ታርሴሴ ቢዛ ማርካቤ ዴሚዳሰ፤ ጎዳ ሲንጻፊ ባቃቲዲ ኢሰታራ ታርሴሴ ባናሰ ሚሽ ቃንጸዲ ማርካቤዛን ጌሊዳሰ።

4 ማርካቤዚ ቢሺን ጎዳይ አባ ቦላ ጎቲ ጫርኮ ዴንጼን አባ ዳምባላይ ኬሂ ዳሪዳ ገሻሰ ማርካቤዚ ማቃና ጋኪዳሰ።

5 ሂሰቲን ማርካቤዛን ዲዛ አሳይ ባቢዳ ገሻሰ ዉሪካ ባ ጸሳኮ ዋሲዳሰ፤ ቃሴ ማርካቤዚ ካዉያና ማላ ኢዛ ገደን ዲዛ ጫና ዴንጼዲ አባን ኦሊዳ፤ ገደኮካ ዮናሲ ማርካቤዛሰ ጋርሳ ኪፊሌ ዋዲዲ ሄን ዴጸ ቆሰኮ ዋዲዳሰ።

6 ማርካቤዛ ሃላቃይ ኢዛኮ ቢዲ፣ «አይሰ ቆሰካዲ? ዴንዳዳ ኔ ጸሳ ዋሳ! ኢዚ ባ ሎኦ አይፊን ጶሊዲ ኦና አሻናኮ ኦኒ ኤሪዜ!» ገዳሰ።

7 ማርካቤዛን ዲዛ አሳይ ኢሶይ ኢሳ፣ «ሃ ዩቲ! ሃይሲ ኢታ ሚሽ ኦና ጋሶን ኦና ጋኪዳኮ ኤሪናሰ ኣኔ ሳማ ዩጎሰ» ገዳ፤ ሂሰቲን ኢሰቲ ሳማ ዩገን ሳማይ ዮናሳ ቦላ ዋዲዳሰ።

8 ሃሳፊ ጉዬ ኢሰቲ ዮናሳ፣ «ሃይሲ ኢታ ሚሽ ኦና ጋሶን ኦ ቦላ ጋኪዳኮ ኣኔ ኦሰ ዮታ! ኔ ኦሶይ ኣዜ? ኣዎፔ ያዲ? ኔ ዴሪይ ኣዎ? ኔኒ ኦና ዜሬፊ?» ገ ኦይቸዳ።

9 ሂሰቲን ዮናሲ ዛሪዲ፣ «ታኒ ኢብራዌ አሳ፤ አባኔ ቢታ ማዲዳ ሳሎ ጎዳ ጎይናይሰ» ገዳሰ።

10 ሃሳ ገሻሰ ጸሳ ሲንጻፊ ኢዚ ባቃቲዛይሳ ኢዚ ኢሰታሰ ዮቲዳይሳፊ አሳይ ኤሪዳ ገሻሰ ኬሂ ባቢዲ፣ «ሃይሶ አይ ፓላ ሚሽ ኦላዲ?» ገዳ።

11 ቃሴ አባ ዳምባላይ ካሴይሳፊ ሃ ዳሪዳ ገሻሰ አሳይ ዮናሳ፣ «ኦሰ አባይ ጮኡ ጋና ማላ ኦና ኦኒ ዋሰቲኖ?» ገዲ ኦይቸዳ።

12 ኢዚካ ኢሰታሰ፣ «ሃይሲ ዋልቃማ ዳምባላይ ኢንቲ ቦላን ዴንዲዳይ ታ ጋሶን ገዲዳይሳ ታ ኤሪይሰ፤ ሃሳ ገሻሰ ታና ዴንጼዲ አባን ኦሊቲ፤ ሂሰቲኮ አባይ ኢንቲሰ ጮኡ ጋና» ገዳሰ።

13 ጊደ ኣቲን ማርካቤዛን ዲዛ አሳይ ማርካቤዛ ጉዬ አባ ላንቁ ኬሳናሰ ሚንጼ ላጊዳ ሽን አባ ዳምባላይ ኬሂ ዳሪዳ ገሻሰ ኬሳናሰ ዳንዳይቤቲና።

14 ሃሳ ገሻሰ ኢሰታሰ፣ «አቤት ጎዳዉ! ሃይሳ አዴዛ ሽምፖ ገሻሰ ኦኒ ኦና ቆይሶንታ ማላኔ ሃይሳ ጌሻ ሱላ አጮዛካ ኦኒ ኦፔ ኦይቸንታ ማላ ኦኒ ኦና ኬሂ ዋሶሰ። አይሰ ገኮ ጎዳዉ ኦኒ ኔ ኮዩዳ ማላ ኦላዳሳ» ገዲ ጎዳኮ ዋሲዳ።

15 ሃሳፊ ጉዬ ዮናሳ ዴንጼዲ አባን ኦሊን አባ ዳምባላይ ጮኡ ገዳሰ።

16 ሂሰቲን አሳይ ጎዳሰ ኬሂ ባቢዳሰ፤ ጎዳሰ ያርሾ ያርሾዳ፤ አዲናካ አዲኔቲዳ።

17 ዮናሳ ሚታና ማላ ኢሲ ገታ ሞሌ ጎዳይ ገግሲን ሄ ሞሌዛ ኡሎን ዮናሲ ሄቹ ጋላሲኔ ሄቹ ኦማርሰ አቁዳሰ።

2

ዮናሳ ዋሳ

1 ዮናሲ ሞሌዛ ኡሎን ዲሼ ባ ጎዳኮ፡

2 «ታኒ ቲጋ ገደን ዳሼ ጎዳ ጸይገን ኢዚ ታሰ ኮዩዳሰ፤ ታኒ ሃይቁዳይቲ ዲዛ ጨማ ገደን ዳሼ ኦኮ ዋሳዲሰ፤ ኔካ ታ ዋሶ ሲያዳሳ።

3 ኔ ታና ጨማ አባ ገደ ዲጌ ዩጋዳሳ፤ ሃላ ታና ደዲዳሰ፤ ኔ ዳምባላይ ታ ቦላራ አዲዳሰ።

4 ሃሳ ገሻሰ ታኒ፣ «ታ ኔ ሲንጻፊ ዋራ ኦሊታዲሰ፤ ገዲኮካ ታ ኔ ጌሻ ኬላ ቃሴካ ዛራ ቤኣና» ገዳሰ።

5 «ሃላይ ታሰ ቆዴ ጋካናሰ ሚቲዳሰ፤ ጨማ አባይ ታና ሚቲዳሰ፤ አባ ገደን ዲዛ ማታይካ ታ ሁኡ ቦላ ጸጹቲዳሰ።

6 ታኒ ዙማታ ጋርሰ ዲጌ ዋዲዳሰ፤ ሄን ቢታ ጋርሳን ማርናሰ ጎርዳን ኡታዲሰ፤ ገዲኮካ ኣቤት ታ ጎዳዉ! ኦኒ ታ ሽምፖ ጨማ ኦላፊ ኬሳዳሳ።

7 «ታኒ ሃይቃና ማቲዳ ዋዴ ኦና ጎዳ ቆፓዲሰ። ታ ዋሳይካ ኦኮ ፑዳ ጌሻ ኬላ ጋኪዳሰ።

8 ሃዳ ኤቃታ ካሊዛይቲ ዉሪ ኦናን ጎዳን አማኔታናይሳ አገዳ።

9 ገደ ኣቲን ታ ጋላታ ኦሰ ያርሻና፤ ታ አዲኔቲዳይሳ ኡባካ ጋላና፤ አይሰ ገኮ ኣቶቲላ ጎዳፔ ዩሰ» ገ ዋሲዳሰ።

10 ሃሳፊ ጉዬ ጎዳይ ሞሌዛ አዛዚን ሞሌዚ ዮናሳ ቢታ ቦላ ጮዩዳሰ።

3

ዮናሳ አዛዜቲሳ

1 ጎዳ ቃላይ ናምኣንሎ ዮናሳኮ፡

2 «ዳንዳዳ ሄ ጌታ ካታማ ናናዌ ባዳ ታኒ ኔስ የተዛ ቃላ ኢስታስ አዋጃ» ጊሼ ዩዳስ።
 3 ሂስቲን ዮናሲ ዳንዳዳ ጎዳ ቃላዳ ናናዌ ቢዳስ። ናናዌይ ከሄ ጌታ ካታማ፤ ሃ ጋጸፔ ሄ ጋጸ ጋካናስ ሄዙ ጋላስ ሄሜሌስ።
 4 ዮናሲ ናናዌ ካታማ ቢ ጋኪዲ ኢሲ ጋላሳ ኦጌ ማላ ካታማስ ጊዶ ቢዲ፣ «ኦይዲ ታሙ * ጋላሳፊ ጉዬ ናናዌይ ጳያና» ጊዲ አዋጂዳስ።
 5 ሂስቲን ናናዌ አሳይ ጸሳ አማኒዲ ጸማ አዋጂዳስ፤ ጌታታፔ ጉጻታ ጋካናስ ወሪካ ማቃ ማይኢዳ።
 6 ዮኦዚ ናናዌ ካዎኮ ጋኪን ኢዚ ባ ካዎቴላ አራታፔ ዎጲዲ ካዎቴላ ማይኦ ማይኢዳይሳ ቃሪዲ ማቃ ማይኢዲ ቢዲንላን ኡቲዳስ።
 7 ሂስቲዲ ናናዌ አሳስ፣ «ካዎዛፔኔ ካዎ ኦሳንቻታፔ ኢሜቲዳ አዛዞ ማላ ሃቺፊ ዶሚዲ አሲኔ ሜሄይ ኡባይ አይኮካ ሞፖ፤ ሃሊካ ኡዮፖ።
 8 አሳይካ ሜሄይካ ወሪ ማቃ ማይኦ፤ አሲ ወሪ ሚንሊዲ ጸሳኮ ዋሶ፤ ባ ኢታ ኦጌፔኔ ቆሆ ኦሶፔካ ሲሞ።
 9 ሂስቲኮ ጸሳይ ኦስ ቃጴቲዲ ኦ ጳዮንታ ማላ ባ ዎልቃማ ሃንቆፊ ሲማናኮ ኦኔ ኤሪዛይ» ጊዳስ።
 10 ኢስቲ ባ ኢታ ኦጌፔ ሲሚዳይሳ ጸሳይ ቤኢዲ ኢስታስ ቃጴቲዲ ኢስታ ሶላ ኤሃና ጊዳ ፒርዳ አጊዳስ።

4

ዮናሳ ዩሎኔ ጸሳ ቃጴቲሳ

1 ዮናሲ ጊዲኮ ሄ ሃናዛ ኡባን ኡፋዬቲቤና፤ ሄሳ ጊሻስ ከሄ ሃንቁቲዳስ፤
 2 ሄሳፊ ጉዬ ጎዳ፣ «አቤት ጎዳወ! ታኒ ቡር ታ ዳሪን ዳሼ ጊዳይሲ ሃይሳ ጊዳኔ? ታ ኔ ሲንሳፊ ቤታዳ ታርሴሴ ባናስ ኤሶቲዳይሲ ሃሳሳ፤ ቃጴታይኔ ማርታይ ኔናን ኩሚዳ ጸሳ ኔ ጊዲዳይሳ፣ ሃንቆሰ ኤሶቶንታይሳኔ አጎንታ ሲቆን ኩሚዳይሳ፣ ቃሴ ኤሃና ጊዳ ኢታ ሚሺካ አጊዛ ጸሳ ኔ ጊዲዳይሳ ታኒ ካሴካ ኤሪይስ።
 3 አቤት ጎዳወ! ሃኢ ታ ሼሞፖ ኤካ፤ ፓጸ ዳሳፊ ታስ ሃይቆይ ሎኦ» ጊ ዎሲዳስ።
 4 ሂስቲን ጎዳይ ኢዛስ፣ «ቱሙ ኔ ሃይሳስ ሃንቁታናስ ቤሲዜ?» ጊዳስ።
 5 ዮናሲ ካታማፔ ከዚ ቢዲ ኣርሼይ ሞኪዛ ባጋን ኡቲዳስ፤ ካታማ ሶላ ጋኪዛዝ ቤያናስ ሄን ባስ ዳሴ ዳሲዲ ኢዛ ኩዋን ኡቲዳስ።
 6 ኣርሼ ሴላፔ ዮናሳ አሻናስ ጎዳይ ኢሲ ጎሴ ዳሊሲዳስ፤ ሄ ጎሴይ ዲጨዲ ዮናሳ ኩዋሲዳስ፤ ዮናሲ ሄ ጎሴይ ጊሻስ ከሄ ኡፋዬቲዳስ።
 7 ጊዶ ኣቲን ዎንቴላ ጋላስ ማላዶ ጸሳይ ጉጶኔ ኪቲዳስ፤ ሄ ጉጶኔያ ጎሴይ ጸጸ ዱሊን ጎሴያ ማላዲስ።
 8 ኣርሼይ ሞኪዛ ዎዶ ጸሳይ ጸጊዛ ጫርኮ ኣርሼይ ሞኪዛ ባጋፊ ዩዲዳስ፤ ሃሳፊ ዳንዲዳይሳን ዮናሲ ዳቡራና ጋካናስ አዎይ ዮናሳ ሁኤ ጸጊዳስ፤ ሂስቲን ኢዚ፣ «ፓጸ ዳናፔ ታስ ሃይቆይ ሎኦ» ጊዳስ።
 9 ሂስቲን ጸሳይ ዮናሳስ፣ «ቱሙ ኔሂ ሃ ጎሴይ ጊሻስ ሃንቁታናስ ታስ ቤሲዜ?» ጊዳስ።

ዮናሲካ፣ «ኤ! ሃይቃና ጋካናስ ሃንቁታናስ ቤሲስ» ጊዳስ።
 10 ሂስቲን ጎዳይ ዮናሳስ፣ «ኢሲ ጋላስ ሞካዳ፣ ናሞኣንሶ ጋላስ ሜሊዳ ጎሴይስ ኔኒ ኢዚን ዳቡርንታሪሴ ኢዞ ዲቸንታሪስ ሃይሳ ማላ ሚሼታሳሺን፣
 11 ኡሻቺኔ ሃዲርስ ሻኪ ኤርንታ ጶታኔ ናሞኡ ታሙ ሺያፔ ሶላራ ዲዛ ዳሪይኔ ዳር ማሄይ ዲዛ ሃ ጌታ ናናዌ ካታማይስ ታ ሚሼታናስ ቤሲኔ?» ጊዳስ።

* 3:4 ኦይዲ ታሙ ጊዛይሳ ላፑን ታሙ ኤራንቻታ ቢርሼላን ሄዙ ጋላስ ጌስ። 3:5 ማቶ 12:41፤ ሉቃ 11:32 4:2 ከሳ 34:6 4:3 1ካዎ 19:4

ሚኪያሳ ቲንቢቲ ጊደ ቆፋ

ሚኪያሳን ኢሳያሳይ ዲዛ ዎዴ ዲዛ ናቤ ጊዲሺን ኢዛሰ ዩሌታይ ዲጌሃ ባጋ ዩሁዳን ካዎቲፋ ጋርሳን ዲዛ ኢሲ ዴሬ ጋርሳን ዲዛ ካታማን ዳሰ፤ አዎጾይ ፑዳሃ ባጋ ካዎቲፋ ቦላ ሜቶይ ጋካናይሳ ዮቶይሳላ ሚኪያሳካ ሄ ሃኖቲ ዩሁዳ ካዎቲፋ ቦላ ጋካናይሳ ካሴቲ ዮቲዳሰ። ዳሬዚ ኦሌዛ ኢታ ሃኖቲ ፐርዳ ፓጩ ጊሻሰ ጸሲ ባ ፐርዳ ኤሃናይሳ ቆፍሲዳሰ፤ ጊደ ኣቲን ሚኪያሳ ቲንቢቲ ቃላይ ሲንፋፌ ሂደታይ ዲዛይሳ ቤሲዛ ማላታታካ ጋላ ኦይኪዳሰ። ሃራፕካ ሎኤላ ጸላናሰ ቤሲዛ ኪፊሌቲ ጸሳ ጎዳቲፋ ጋርሳን ኩሚሳ አላሚን ሳርቲላ ዳናይሳ (4:1-40)፣ ዳዊቲ ዜሬፋፊ ጌታ ካዎይ ዩኮ ዳሬዛሰ ሳርቲላ አሚታናይሳ (5:2-40) ሄሳሶካ ካሴ ኢሰራኤል ናቤቲ ዮቲዳ ቃላይ ኡባይካ ኢሲ ጸቂሴን ቃሹቲዳ ማላ ቆንጨሴቲሰ፤ ሃና ሄ ጸቂሴያካ፣ «ኢዚ ኑፔ ኮይዛይሳ ኑ ኦላና ማላ፣ ኪያቲላ ኩሚዳ ሲቆ ኑ ቤሳና ማላኔ ኑኒ ኑ ጎዳራ ኩሚሳ አሸኩቲፋን ዳና ማላሳ።» [6:8]

ሃ ማጻፋይ ኦይኪዳ ኩሚሳ ቆፋ

- ጎዳይ ባ ኣሳ ቃጸዩሰ 1:1—2:11
- ሲንፋራ ዲዛ ሂደታ 2:12-13
- ጸሲ ዳሬ ካሌላዛ ኢታታኔ ዎርዶ ናቤታ ቃጸያና 3:1-12
- ኦራሳ ኢሰራኤሌን ጸሳ ኬላ ኦራሳ 4:1—5:15
- ኢሰራኤሌይ ኦሊዳ ቆሆ ቆንጨዳ 6:1—7:7
- ዳሬዚ ጸሳኮ ሲሞ 7:8-20

1 ዩሁዳ ካዎ አዮአታሜ፣ ኣካዜኔ ሃዝቂያሳ ዎዴ ሞሬሽቲ አሰ ጊዲዳ ሚኪያሳኮ ሳማሪያ ጊሻሲኔ ዩራሳላሚ ጊሻሰ ዩዳ ጸሳ ቃላይ ሃይሳ፣

- 2 ኢንቴኖ ዳሬቶ፤
 - ኢንቴ ወሪካ ሲዩቲ!
 - ሃ ቢታ ቦላ ዲዛይቲ ወሪካ
 - ሃ ኤዝጊ ሲዩቲ፤
 - ሳሎ ጎዳይ ባ ጊሻ ኬላን
 - ኡቲዲ ኢንቴ ኢታ ኦሶዛ
 - ኢንቴ ቦላ ማርካቲሰ።

ሳማሪያ ቦላኔ ዩራሳላሚ ቦላ ዩዳ ፐርዳ

- 3 ሄኮ ጸሲ ባ ዲዛሶፕ ያና፤
 - ዩዲካ ቢታ ቦላን
 - ጶቃሶሆን
 - ጶቃሶሆን ሃሚታና።
- 4 ሙቃዳይ ታማ ቤኢዲ
 - ሴሪዛ ማላኔ
 - ሃላ ኣፎራ
 - ዲጌ ጎጊዛ ማላ
 - ሄ ዎዴ ዙማቲ
 - ኢዛ ቶሆ ጋርሳን ሴራና፤
 - ሸባቲካ ጳልቁቲ
 - ዎቆና።

5 ሄሲ ወሪ ሃናናይ ያቆቤይ ኦሊዳ ሞሮ ጊሻሲኔ ኢሰራኤሌ ናይታ ናጋራ ጊሻሳ፤ ኢሰራኤሌ ኣሳይ ኢታ

ኦላናሰ ጋሶ ጊዲዳይ ኦኔ? ኢዚሰ ዋና ካታማዮ ሳማሪያ ጊዳኬ? ዩሁዳ ኣሳይ ኤቃ ጎይኒዲ ናጋራ ኦላና ማላ ጋሊዳይ ኦኔ? ዩራሳላሚ ጊዳኬ?

6 ሄሳ ጊሻሰ ታኒ ሳማሪያ ኬላ ላሊቲዳሶኔ ዎይኔ ሚላ ቶኬቲዛሶ ኬሳና፤ ኢዛ ኬጾቲዳ ዮቻ ሹቻ ታ ዲጌ ሸባን ኦላናኔ ኢዚ ጸጸ ሸዳ ቆይሳና።

7 ኢዚ ኤቃቲ ወሪካ ሜቁሬታና፤ ኢዚ ኤቃ ኬላን ዲዛ ላይማቲዛይታሰ አሚቲዳዚ ወሪ ታማን ጸጌታና፤ ኢዚ ሚሰሌታካ ኡባ ታ ቆይሳና፤ ኢዛ ባሰ አሚቲዳይሳ ላይማን ሸሺዳ ማላ ሃኢካ ኢዚሰ ዲዛዚ ላይማን ኤኪዛዝ ጊዳና።

ዩሆኔ ጩጩ
8 ሄሳ ጌዶን ታኒ ዩካይሰ፣ ወ! ወይ ጋይሰ፤ ታ ጫማይ ባይንዳ ሚላ ቶሆኒኔ ሚላ ካሎ ባይሰ፤ ዎራካና ማላ ዋሳይሰ፤ ጉቶ ማላ ዋሳይሰ።

9 ኢዚ ማዲንሳይ ፓጸንታዝ ጊዳና፤ ኢዚፔ ኣቂ ዩሁዳሳራ ጊዳና፤ ታ ዳሬይ ጌሊዛ ፔንጌ ዩራሳላሚ ጋኪዳሰ።

10 ጌቲ ዳሬን ሃሳዮፕቲ፤ ዩሆ ሙሌካ ዩኮፍቲ፤ ቤቲ-ሊኦፋራን ጉዲላ ቦላ ጌንዳሬቲቲ።

11 ኢንቴኖ ሻፊሬን ዲዛይቶ ማይኦይ ባይንዳ ካሎ ዩላቲሼ ኣቂቲ፤ ጸኢናን ዲዛይቲ ሄፔ ኬዜቲና፤ ቤቲ-ኤዜሌይ ጩጩ ቦላ ዳወሰ፤ ኢንቴሰካ ጋኪ ሸምፓናሶ ጊዳናሰ ዳንዳዩኩ።

12 ሚቶፔ ሸምፓናሰ ኮሻን ማርቲን ዲዛይቲ ማቶን ዎይቲቲሰ፤ ሄሲካ ዩራሳላሚ ፔንጌ ጋካናሰ ኢታ ሚቶይ ጸሳ ኣቻፊ ዩዳ ጊሻሳ።

13 ኢንቴኖ ላኪሼን ዲዛይቶ ፓራታ ጋሬራ ጋላ ኦይሴላቲ። ጸዮኔ ማጫ ናይታሰ ኮይሮ ናጋራይ ኢንቴናኮ። ኢሰራኤሌሰ ቆሆይ ኢንቴ ኣቻፊ ቤቲዳሰ።

14 ሄሳ ጊሻሰ ኢንቴ ሞሬሽቲ-ጋቲሰ አሞታ አማና፤ ኣኪዚቤ ካታማይ ኢሰራኤሌ ካዎታ ባሌላዛ ካታማ ጊዳና።

15 ኢንቴኖ ማሬሻን ዲዛይቶ! ታ ኢንቴና ጸኒዛዳ ኢንቴ ቦላ ኤሃና፤ ኢሰራኤሌሰ ቦንቾ ጊዲዳዚ ኣዲላሚ ሃ ያና።

16 ኢንቴ ኢሰታን ኡፋይቲዛ ኢንቴ ናይቲ ኢንቴፊ ዲኤቲ ባና ጊሻሰ ኢንቴ ሁኤ ቡሉሲቲ።

2

ኣሳ ቆፋኔ ጸሳ ቆፋ

1 ኢታ ኦላናሰ ቆፐዛይታሰኔ ሃጸን ዲሼ ጌኔ ኦላናሰ ዮኦ ቱኪዛይታሰ ኣዬ ኣና! ኦማርሰ ቆፓይሳ ማላዶ ዎንታራ ፖሌቲሲኔ ሄሳ ኦላናሰካ ዎልቃራ ዳቲሰ።

2 ኣሳ ጋዴ አሞቲዳ ማላ ኦይኬቲሰ፤ ኣሳ ኬላካ አሞቲዲ ኤኬቲሰ፤ ባ ላጌ ኬላኔ ቢታ ባሌላን ኤኬቲሰ።

3 ሄሳ ጊሻሰ ጸሲ፣ «ሄኮ ታ ሄሳ ማላ ዳሬ ቦላ ቆይሲዛዝ ኤካ ያና ቆፓዲሰ፤ ኢንቴ ቃሴ ሄሳፊ ኬሲ ኤካና ዳንዳዩኬታ፤ ኢንቴ ቦላ ሚቶይ ዩዛ ጊሻሰ ሄሳፊ ጉዬ ኢንቴ ኦቶሬቲፋን ሲሜራቲኬታ።

4 ሃ ዎዴ ዳሬይ ኢንቴ ቦላ ሚጫ ካኣና፤ ኢንቴና ቁቂሼ፣
« ኾ ሙሌራ ቆይደሰ፤
ታ ዳሶ ጋዴይ ሃራሰ ጊሹቲዳሰ፤
ታፔ ቦንቁ ኤኪዲ

ኑ ቢታ ኑና ጸኒዳይታስ
ጊሺዳስ ጊ ዘላላና» ጊዳስ።

5 ሃሳ ጊሻስ
ጸሳ ዲላታ ጊደን
ጋዴ ሳማ ዩጊ ጊሻናዴይ
ኦኒካ ዳና።

ዋርዶ ናቤታ

6 ኢስታ ናቤቴ፣ «ቲንቢቴ ኑ ቦላ የቶፓ፤ ሄይታንታ
ጊሻስ ቲንቢቴ ኑስ የቶፓ፤ ኑ ቦላ ካዉሻቴሌ ጋከና»
ጋና።

7 «ያቆቤ ሶ አሳቶ ሄሳላ ጌታናስ ቤሲዜ? ጸሳ
አያናይ አጊ አጼሬኔ? ሄይታንታ ማላካ ኦሌዜ?» ጊ
ኦይቻና፤ «ሱሬ ኦጌ ሄሜቲዛይታስ ታ ቃላይ ሎኦ ኦሌ
ኤሬኔ?»

8 ወርሴላን ኢንቴ ታ ዳሬታ ቦላ ሞርኬ ጊዲ
ዳንዲዳታ፤ ኢስታስ ኦላ ቆፋይ ባይንዳ ዲሺን
ሳሮቴላራ አጲዛይታ ቦላሬ ሴሎ ማይኦ ኢንቴ ቃሪ
ኤኪዳታ።

9 ኢስቲ ደሲዛ ኢስታ ከላሬ ታ አሳ ማጫ ናይታ
ኬሲ ኤሬዳታ፤ ታ ቦንቻካ ኢስታ ናይታ፤ ሜርናስ
ኤኪዳታ።

10 ዳንዲዲ ሄሳሬ ኪቺቴ፤ ሄሲ ኢንቴስ ሹምፖሶ
ጊዳና፤ ጋሶይካ ቱኒዳሲኔ ዳሮ ሞሬቲዳስ።

11 ባሌሊዛ ዋርዶ አሲ ዩዲ፣ «ዳሮ ዋይኔ ኡሹ
ጊሻሲኔ ማላሲዛ ኡሻ ጊሻስ ጊዲ ቲንቢቴ ኢንቴስ
የታና» ጊኮ ሃይሳ ዳሬዛስ ደሴቲዳ ናቤ ጊዳና።

አስ አሻናስ ኢሜቲዳ ሂደታ

12 «ያቆቤ! ቱማፔ ታ ኢንቴና ኢሲሶ ሺሻና፤
ኢሰራኤሌታፔ አቲዳይታ ታ ኢሲ ቦላ ኤሃና፤ ዩሬ
ጊደን ዲዛ ሜሄ ማላኒ ዳምባን ሄሜቲዛ ሜሄ ማላ
ታኒ ኢንቴና ኢሲ ቦላ ሺሻና፤ ኢንቴ ዳሬይ ወሪ አስ
ጸላ ጊዳና።

13 ሜንሊዛይ ኢስታሬ ካሴቲ ኬዚ ባና፤ ኢስቲካ
ፔንጊዛ ሜንሊዲ ኬዚ ባና፤ ኢስታ ካዎይ ጸሳይ
ኢስታሬ ሲንሌ አጲ ካሌላና» ጊዳና።

3

ኢታ ኦጌ ካሌሊዛይታኔ ዋርዶ ናቤታ ቦላ ጸሳ ሃንቆ

1 ቃሴካ፣ «ኢንቴና ያቆቤ ካሌሊዛይታኔ ኢሰራኤሌ
ኬላ አሳ ሃሪዛይቶ ሲደቴ፤
ኢንቴ ቱሙ ፐርዳ ኤራናስ
ኢንቴስ ቤሴኔ?»

2 ኢንቴ ሎኦ ኢዲዳታ፤
ኢታ ቃሴ ደሲዳታ፤
ታ አሳ ጋልባ ሸቂዳታ፤
ኢስታ አሸካ
ሜቁላሬ ሻኪዳታ።

3 ታ አሳ አሸ ሚዳታ፤
ጋልባካ ሸቂዳታ፤
ኢስታ ሜቁሊካ
ሜንሌሬሊዳታ፤
አሸ ጫጨዛ ባሹን
ጫጨዛ ማላኔ
ዲስቴን ደይሲዛ አሸ ማላ

ቃንዴሬሊዳታ» ታ ጋዲሰ።

4 ኢስቲካ ፑዴ ጸሳኮ
ዋሳና ሺን
ጸሲ ኢስታ ዋሶ ሲዬና፤
ኢታቴላ ጊሻስ ሄ ዋዴ
ጸሳይ ባ አይሬሶ
ኢስታሬ ሃራሶ ዛራና።

5 ጸሲ፣ «ታ ዳሬ ባሌሊዛ ናቤቴ
አሲ ኢስታ ሚዚኮ፣
ሳሮቴሌ ዳስ ጌቲስ።
ሙዞንታ አጊኮ ቃሴ፣
ሱላይ ዩሰን
ጊ አዋጅናስ ዳንዴቴቴስ።

6 ሃሳ ጊሻስ ኢስታ ቦላ
ቃማይ ቤቶንታ፣
ቋማይ ኤርንታ ጋኪ
ዋጳና፤
ናቤታ ቦላ አርሼይ ጌላናኔ
ጋላሳይ ኢስታስ ቃማና።

7 ቡር ማርቲዛይቲ ካዉያና፤
ቲንቢቴ የቴዛይቲ ዩላታና፤
ወሪካ ባ አይሬሶ ካማና፤
ጋሶይካ ኢስታስ ዛርይ
ጸሳ አቻሬ ባይንዳ
ጊሻሳ» ጊዳስ።

8 ታ ቃሴ ያቆቤስ
ኢዛ ቆሆዛ፣
ኢሰራኤሌሲካ
ኢዛ ናጋራ የታናስ
ዋልቃን፣ ጸሳ አያናን፣
ቱማ ፐርዳኒኔ
ሚናቴላን ኩማዲሰ።

9 ኢንቴኖ ያቆቤ ሶ አሳ
ካሌሊዛይቶ!
ኢንቴኖ ኢሰራኤሌ ዳሬ ሃሪዛይቶ!
ቱሙ ፐርዳ ካጲዛይቶ!
ቱሙ ጊዲዳዝ
ኡባ ሚርቁዛይቶ!
አኔ ሲደቴ።

10 ጸዮኔ፣ አሳ ሱላ ጉሶኒኔ
ዩሩሳላሜ ኢታቴላን
ኩንሊዛይቶ!
አኔ ሲደቴ።

11 ካሌሊዛይቲ ማታኤስ ፐርዳቴስ፤
ቁሴቲ ሚሻ ጊሻስ
ታማርሴቴስ፤
ናቤቲካ ሚሼ
ሚዳ ጊሻስ የቴቴስ።

ሃሳ ኡባ ኦሊዲካ፣
«ጸሲ ኑ ጊደን ዳስ ጊዳኔ?
አይ ኢታይካ ኑ ቦላ ጋከና» ጊሹ
ጸሳን ጨቁቴቴስ።

12 ሃሳ ጊሻስ ኢንቴ ጌደን
ጸዮኔይ ጎሻ ቢታ ማላ
ጎዬታና፤
ዩሩሳላሜይካ ቆሌቲዳ
ኬላ ደሬ ጊዳና፤

ጸሳ ከላይ ዲዛ ዙማይካ
ሻራፋ ማታይ ኢዛ ቦላ
ዲጪዳ ዙማ ጊዳና።

4

ጸሳ ዙማ

1 ወርሴላ ዋዴ

ጸሳ ከሌ

ኢዛ ቦላ ዲዛ ዙማይ
ሃራ ዙማ ኡባሬ
ኣጲ ቤታና፤
ሃራ ዙማታፔ ቦላራ
ጶቁ ጋና፤
ዴሬይካ ኢዛኮ ጎቻና።

2 ዳር ካዎቴላቲ ኢዛኮ ዪዲ፣

«ጸሳ ዙማኮ ሃ ዪቲ፤
ያቆቤ ጎዳኮ እኔ ቦሰ፤
ኑ ኢዛ ኦጌራ ባና ማላ
ኑና ኢዚ ባ ኦጌ
ታማርሳና» ጊዳ፤
ዎጋይ ዲዮኔፔ፣ ጸሳ ቃላይ
ቃሴ ዩሩሳላሜፔ ያና።

3 ኢዚ ዳር ኣሳ ጊደን ፐርዳና፤

ሃሆኒኔ ማታን ዲዛ
ዎልቃማ ካታማ ጊደን ዲዛ
ኦሽ ኤሳና፤
ኢሰቲ ባ ጊላ
ማሻ ማራሻ፣
ባ ቶራካ ባጫ ሂሰቲ ቆጶና፤
ኢሲ ካዎይ ሃራ ካዎ ቦላ
ማሻ ዴንጮና፤
ሄሳሬ ጉዬ ኢሰቲ
ኦላ ቲሚርቲ ታማራቴና።

4 ኢሲ ኣሲ ባ ዎይኔ ሚላ ጋርሳንካ

ባ ባላሴ ሚላ ጋርሳን ኡታና፤
ኢሰታ ባቢሲዛ ሚሺ ዴና፤
ኡባሬ ዎልቃማ
ጎዳ ደናይ
ሃይሳ ዮቲዴሰ።

5 ሃንኮ ዴሬይ ባ ኤቃ ሱንላን ቤሰ፤ ኑኒ ቃሴ
ሜርናፔ ሜርና ጋካናሰ ኑ ጎዳ ሱንላን ባና።

ቡርፔ ሃናና ጸሳ ቆፋ

6 ጎዳይ፣ «ታኒ ሄ ጋላሰ ጉንዲዳይታ ሺሻና፤ ቤቲ
ቢዳይታኔ ሙዙታና ማላ ታ ኣላ ኢሚዳይታ ኡባ ኢሲሶ
ሺሻና።

7 ጉንዲታፔ ኣቲዳይታኔ ቆሂቲዳይታ ታ ኢሰታ ሚኖ
ዴሬ ከሳና፤ ሄ ጋላሳይሬ ደሚዲ ሜርና ጋካናሰ ጎዳይ
ዲዮኔ ዙማን ኢሰታ ቦላ ካዎታና።

8 ሃይሶ ኔናን ኡቲዲ ሚሄ ሄሚዛ ጶቃ ዙማዞ!
ዲዮኔ ማጫ ናይታ ናጋና ገጋ ኡቲዳ ዙማዞ! ቤኒ ኔ
ሃሪዛ ዴሬይ ኔሰ ሲማና፤ ኔ ካዎቴላይ ዩሩሳላሜ ማጫ
ናይሰ ጊዳና።

9 ሂሰቲን ኔ ሃኢ ኣዛሰ ዋሳይ? ኔሰ ካዎይ ባዩ?
ኔኒ ሚጸይ ኦይኪዳ ማጫሳይ ማላ ኡንኤቲዳይ ኔና
ዞሪዛይ ጳይኔ?

10 ሃኔ ዲዮኔ ማጫ ናዬ! ሚጸቲዛ ማጫሳይ ማላ
ኔ ሚቶታና፤ ሃኢ ቃሴ ኔ ካታማፔ ጌዴ ከዛዳ ጮ
ዴምባን ዴኣና ቤሲዛ ገሻሰ ባቢሎኔ ባና፤ ኔ ሄ ባዳ
ሄን ኔ ሞርኬታ ኩሼፔ ኣታና፤ ጎዳይ ኔና ሄን ኔ
ሞርኬታፔ ኣሻና።

11 ሃኢ ቃሴ ዳር ሃንኮ ዴሬ ኣሳይ ኔ ቦላ ሺቁዴሰ፤
ኢሰቲካ፣ «ሃና ቲኒዳዝ ጊዳ! ኑ ኣይሬይ ዲዮኖ
ቁዴን ጶሎ» ጋና።

12 ጊደ ኣቲን ኢሰቲ ጸሳ ቆፋ ኤሬቴና፤ ቡኬታናሰ
ባሌን ሺቁዛ ሚርቁ ካላ ማላ ባና ሺሺዛዴ ቆፋ
ኢሰቲ ኤሬቴና።

13 ሃኔ ዲዮኔ ናዬ ዴንዳዳ ካላ ቡካ፤ ታ ኔሰ ቢራታ
ካጮኔ ጸርቁማላ ጸጉንሳ ኣማና፤ ኔካ ሃንኮ ዴሬዛ
ኢዛን ሊቁሳና» ጊዴሰ። ኢሰቲ ጌኔን ሺሺዳይሳ ጸሳሰ።
ኢሰታ ሃርካ ኡባ ቢታ ኡባ ሃሪዛ ጎዳሰ ኔ ሺሻንዳሳ።

5

ቤቴሊሄሜፔ ሃሪዛዴይ ያናይሳሰ ኣሜቲዳ ሂደታ ቃላ

1 ሃኔ ኔኒ ኦላ ኣሳታ ካታማዬ፣ ኔ ኦላ ኣሳ ዚርሳ።
ኑና ኦይካናሰ ዩዩ ኣጲዳ፤ ኢሰራኤሌ ሃሪዛይሳሰ
ሻጋላን ጉሬራ ሾጫና።

2 ሃኔ ኔ ቃሴ ቤቴሊሄሜ ኤፍራታ፣ ዩሁዳ ዛርኬታፔ
ኔኒ ጉላ ጊዲኮካ ኢዛሰ ከሳይ ካሴ ቤኒ ዎዴፔ
ጊዲዳ ኢሰራኤሌ ሃሪዛዴይ ኔ ጊደሬ ታሰ ከዛና።

3 ሃሳ ገሻሰ ዩሊዛራ ሚጸታዳ ዩላና ጋካናሰ
ኢሰራኤሌይ ዩጌታ ኣታና፤ ሃንኮ ኣቲዳ ኣሻቲካ
ሲሚዲ ኢሰራኤሌ ኣሳራ ዋላኬታና።

4 ጎዳ ዎልቃን ጎዳ ባ ጸሳ ሱንላ ጊታቲላን ሚኒ
ኤቃና ኔ ሚሄ ኢዚ ሄማና፤ ሄ ዎዴ ኢዛ ዎልቃቴላይ
ቢታ ጋጸ ጋካና ገሻሰ ኣሳይ ገጋ ዴሰ ዳና።

5 ኢሰታሰ ሳርቴላ ኢዛ ጊዳና።
ጎዳይ ኢሰራኤሌ ኣሳ ኣሻና ኢሰታ ሞርኬታ
ጳይሳና ኣሶሬ ኣሳይ ኑ ቢታ ዎራጂሺን ኑ ሚጸታካ *
ሚንሳ ጌሊሺን ላፑን ሄሚዛይታ ሄሳሬካ ኦሰፑን
ሃላቃታ ኑ ኢዛ ቦላ ዴንላና።

6 ኣሶሬ ዴሬይ ማሻን ናሙሩዴ ዴሬይ ኮሆፔ
ሾዴቲዳ ጊላ ማሻን ሃሪታና፤ ኣሶሬ ኣሳይ ኑ ቢታ
ዎራጂሺኒ ኑ ጳሰ ቦቺሺን ኢዚ ኑና ኣሻና።

7 ያቆቤ ዜሬላሬ ኣቲዳይቲ ዳር ዴሬ ጊደን ጸሳ
ኣቻሬ ዎጲዛ ኢራ ማላ ማታ ቦላ ሎዳራ ፑሲሼ ቢታ
ካሌላዛ ፑሴ ኢራ ማላ ኣሳፔ ኣይኮካ ኮዮንታ ኣሳ
ጊዳና።

8 ዎራ ደኣታ ጊደን ዲዛ ጋዎይ፣ ባ ቶሆራ ኢጪ
ሚንጮራሺ ቢዛ ማላ፣ ሚንጮራይሳካ ኢዛፔ ኦኒካ
ዎላ ኤካናሰ ዴንዳዮንታይሳ ማላ፤ ዳር ዳርሳ ጊደን
ዲዛ ዎዳላ ጋዎ ማላ፤ ያቆቤ ዜሬላሬ ኣቲዳይቲ ሃንኮ
ዴሬታ ጊደኒኔ ዳር ኣሳ ጊደን ሄሳ ማላ ጊዳና።

9 ኔ ኩሼይ ኔ ሞርኬታ ጸኒዲ ጶቁ ጶቁ ጋና፤ ኔ
ሞርኬቲ ወሪካ ጳያና።

10 ሃ ዎዴ ጸሰ፣ «ታ ኢንቲ ጊደሬ ኢንቲ ጋራታ
ጳይሳና፤ ጋራ-ጋራታካ ሙሌራ ጳይሳና።

11 ኢንቲ ቢታን ዲዛ ካታማታካ ጳይሳና፤ ኢንቲ
ሚጸታካ ኡባ ላላና።

12 ኢንቲ ማርቲዛይሳካ ጳይሳና፤ ሃሳሬ ጉዬ
ማርቲኬታ።

4:3 እዩ 3:10 5:2 ማቶ 2:6፤ ዮሃ 7:42 * 5:5 ኑ ሚጸታ ጊዛይሳ ካሴ ዎዴ ቢርሺላቲ ኑ ቢታ ጌቲሰ።

13 ማሴቲ ከዚያ አንቲ ኤቃ ሚሰሌታኔ አንቲ ኤቃሶሆታካ ታ አንቲ ጊደፌ ጳይሳና፤ ሃይሳፌ ጉዬ አንቲ አንቲ ኩሼን ኦሊዳይታሰ ጎይኔኬታ።

14 አሼር ጌቲቲዛ ኤቁዛ ሚሰሌዮ ታ አንቲ ጊደፌ ሾዳና፤ ታ አንቲ ካታማካ ጳይሳና።

15 ታሰ አዛዜቶንታ ዳሬታ ዋልቃማ ሃንቆን ታ ሃሎ ከሳና» ጌሰ።

6

ጸሳይ ኢሰራኤል ናይታ ሞቲዛ ሞቶ

1 ጸሰ ገዛይሳ ሲዩቲ፤ «ዳንዲቲ! አንቲ ሜቶ ዙማታሰ ዮቲቲ፤ ዙማቲካ አንቲ ገዛይሳ ሲዩቶ።

2 ዙማቶ! ጸሳ ሞቶ ሲዩቲ፤ አንቲኖ ቢታ ሚኖ ጸጸቶ ሲዩቲ፤ ጸሳሰ አሳራ ፓላማይ ዳሰ፤ ኢዚ ኢሰራኤል ናይታራ ፐርዳቲሰ።

3 ታ ዳሬዘ! ታ ኔና ዋሰታዲና? ታ ኔሰ አዛን ቶሆ ጊዳዲና? ኣኔ ታሰ ዛር ኢማ።

4 ታ ኔና ገብጾፔ ከሳዲሰ፤ ኣይሌቲላ ቢታፊካ ዋዛዲሰ፤ ኔና ካሌላና ማላ ሙሴ፤ ኣርኔኔ ማራሞ ኔሰ ዬዳዲሰ።

5 ታ ዳሬዘ! ሞኣቤ ካዎይ ባላቂይ ኢዛ ዘሪን ቢኦሬ ና ባላሚይ ኢዛሰ ዛርይሳ ኣኔ ዩሺ ቆፐቲ፤ ጸሳ ጸሎቲላ ኦሶ አንቲ ሻኪ ኤራና ማላ፤ ሺጸሜፔ ጌልጌላ ጋካናሰ አንቲ ሃሚቶይሳ ኣኔ ቆፐቲ» ጊዳሰ።

6 ታ ኣይ ኤካዳ ጸሳ ሲንፊ ሺቆ? ዳኔ ጸሳሰ ዋሰታ ጎይና? ጸጌቲዛ ያርሾ ኢሲ ላይላ ማራራ ጋላ ኤካ ባዳ ኢዛ ሲንፊ ሺቆሻ?

7 ኢሲ ሺ ጳርሾታኔ 10,000 ጎጊዛ ዛይቲይ ጸሳ ኡፋይሳንዳሻ? ታ ኢዛ ቆሆይሳ ገሻሰ ታ ባይራ ናዛ ኢሚዛኮ ታ ሺምፖ ናጋራ ገሻሰ ታ ኡሎፔ ዋዲዳ ዬሎ ኢዛሰ ኢሞሻ?

8 አሳ ናወ! ኢዚ ኔና ሎኦ ሚሽ ቤሲዳሰ ጸሰ ኔፔ ኮይዛይ ኣዜ? ሎኦ ኦላና ማላ ማርቲላ ኔ ደሳና ማላኔ ጸሳ ሲንፋን ኔኒ አሽኬቲላራ ባና ማላ ጊዳኔ?

ኢሰራኤል ናይታ ቆሆኔ ጸሳ ሃንቆ

9 ጸሳሰ ባቦይ ኣዲዳ ኤራቲላ፤ ሲዩቲ! ጸሰ ካታማኖ ሃዘጊ ጸይጌሰ፤ «ኢዛ ሃንቆ ጉፊዛ ቆፐቲ፤ ሃሳካ ገግሲዳይ ኦኖኮ ዋዘናን ዋላቲ።»

10 ኢታቲላ ኩላቶ! አንቲ ጌኔን ሺሺዳ አንቲ ሚሽ ዋርዶ ማካ ሚሻን ማኪ አንቲ ሺሺዳ ሺኒዛ ሚሻ ታ ደጋኔ?

11 ባሌላዛ ማካ ሚሽ ኣይኪዳዳ፤ ዋርዶ ማካ ሚሻ ካራጸቲን ጸንቲዳዳ ጸሊሳናሰ ታሰ ቤሲዜ?

12 ኢዚ ዳሬን ዳሬ አሳቲ አሰ ቆሃዛዳንታ፤ ኢዚን ዲዛ አሳይ ዋርዳንቻ ጸላ፤ ኢሰታ ኢንጻርሳይ ባሌላዛ ኢንጻርሳ።

13 ሃሳ ገሻሰ ታ ኔና ጳይሳና ዳንዳዲሰ፤ ኔ ናጋራ ጊደን ታ ኔና ላላና።

14 ኔ ማናሺን ካላካ፤ ኔ ቃንላይ ጮ ሚላ ዳና፤ ኔ ሺሻናሺን ኣይኮካ ኔሰ ሺቆና፤ ኔ ሺሺዳይሳ ታኒ ማሻሲኔ ቶራሰ ኣላ ኢማና።

15 ኔ ዜራና ሺን ማጻካ፤ ዋጋራ ሚላ ዛይቲ ኔ ጉምኣና ሺን ሃ ዛይቲዛ ቲዬታ፤ ዋይኔ ሚላ ኣይፊ ጸንቃ ሺሻናሺን ዋይኔ ኡሹ ኔ ኡያካ።

16 ካዎ ኦሚሬ ዋጋኔ ካዎ ኣካቤ ኩላ ዋጋ ኔ ኡባ ሺሻ ኣይካዳሳ፤ ኔካ ኢሰታ ሃይሲኤ ካላዳሳ። ሃሳ ገሻሰ ኔና ጳይሳሰ፤ ኔ ዳሬዛካ ታኒ ቂዴሰ ኣላ ኢማና፤ ዳሬይ ኔ ቦላ ቂዳ ካኣና።

7

ኢሰራኤል አሳ ዋዬ

1 ታና ኣዬ አና! ዋይኔ ሚላ ጊደፌ ማጸሸን ኣቲዳ ሚላ ኣይፊ ሶኔ ቆሪዛ አሳ ሚላ ጊዳዲሰ፤ ሚቲቲዛ ዋይኔ ሚላ ኣይፊይ ዳና፤ ኔ ኢዛሰ ኣሞቲዛ ኤሌሊ ጋኪዛ ባላሰ ሚላ ኣይፊይካ ቤቲቤና።

2 ጸሳሰ ባቢዛ ኣሰ ቢታ ቦላፊ ጳይዳሰ፤ ሱሬ ኣሲ ኢሳይይካ ባዋ፤ ኣሲ ወሪካ ሱላ ጉሳናሰ ዙጌሰ፤ ኢሲ ኢሲ ኣሲ ባ ኢሻ ያርዴን ኣይኬሰ።

3 ኢዛ ኩሼይ ኢታ ኦላናሰ ታማርዳሰ፤ ዳሬ ሃሚዛይይ ኩሼ ጌንላ ኮዬሰ፤ ፐርዲዛ ዳናይካ ማታኤ ኤኬሰ፤ ዋልቃማቲ ባና ኮሺዳዚ ኦላቲሰ፤ ወሪካ ኢሲ ቦላ ዲላቲቲሰ።

4 ኢሰታ ጋርሳፊ ሎኦ ጌቲቲዳይይ ኣጉንላ ማላ ኬሂ ሎኦ ጌቲቲዳይይ ቃሴ ከንዲቾ ማላ አንቲና ናገዛይታሰ ዋዳይ ጋኪዳሰ፤ ጸሳ ፐርዳ ጋላሳይ ጋኪዳሰ፤ አሳይ ሺርታና ዋዳይ ጋኪዳሰ፤

5 ኔ ላጌ ኣማኖፓ፤ ኔ ላጌንካ ኣማኔቶፋ፤ ኔ ኪኦን ኔናራ ኣቁዛሪሰካ ኔ ዮቲዛዝ ኣኬካዳ ዮታ።

6 ኣቲማ ናይ ባ ኣዎ ካቆና፤ ማጫ ናይካ ባ ኣዩ ቦላ፤ ና ማቻካ ባ ቦሎቲይ ቦላ ዳንዳና፤ ኣሳሰ ሞርኬይ ሶ ኣሳ ጊዳና።

7 ታኒ ጊዲኮ ጸሳ ሂደታ ኦላይሰ፤ ታና ኣሺዳ ታ ጸሳ ናጋይሰ፤ ታ ጎዳይካ ታሰ ሲያና።

ጸሳፊ ዩዳ ማርታ

8 ታ ሞርኬዘ! ታ ቦላ ጋኪዳዚ ኔና ኡፋይሶፎ፤ ኩንዲኮካ ታ ዳንዳና፤ ታ ጳማን ኡቲኮካ ጸሳይ ታሰ ፖኦ ጊዳና።

9 ታ ኢዛ ቆሃዳ ገሻሰ ኢዚ ታ ገሻሰ ኤቃና ጋካናሲኔ ታሰ ፐርዳና ጋካናሰ ጸሳይ ሃንቁቲኮካ ታ ዳንዳና፤ ኢዚ ታና ፖኦን ኬሳና፤ ታኒካ ኢዛ ጸሎቲላ ቤያና።

10 ታ ሞርኬዛካ ሃሳ ቤያንዲሰ፤ ኢዛ ዬላታና። ታና፤ «ጎዳ ኔ ጸሳይ ኣዎን ዲዜ?» ጊዳሪ ኩንዳላ ታ ኣይፊቲ ቤያና፤ ኣጌ ኡርቃ ማላ ኢዛ ዬዳታና።

11 አንቲ አንቲ ካታማ ገምቤ ገምቢዛ ዋዳይኔ አንቲ ጳሰካ ኣሲዛ ጋላሲ ያና።

12 ሃ ጋላሰ አሳይ ኣሶሬፔ ገብጾ ካታማታ፤ ገብጾፔ ኤፊራዲሴ ሻፋ ጋካናሰ፤ ኣባፊ ኣባኮ፤ ዙማፔ ዙማኮ ጋካናሰ አንቲኮ ያና።

13 ኢሰታ ኦሶ ጌዶኔ ኢዚን ዲዛ ኣሳ ጋሶን ቢታያ ኣይኮይ ባይንዳዝ ጊዳና።

ጋላታኔ ዋሳ

14 ዋራ ጊደኒኔ ጨለላ ማታ ጊደን ባርካ ዲዛይቲ ኔ ሜሂ ጊዲዳ ኔ ዳሬታ ኔኒ ኔ ጉፊራ ሃማ፤ ቤኒ ዋዳ ማላ ኢሰቲ ባሳኔኔኔ ጋላኣዳን ሃሚቲቶ።

15 ኔ ካሴ ገብጾፔ ከዚዳ ዋዳዛ ማላ ታኒ ታ ማላታ ኢሰታ ቤሳና።

16 አይዛቤቲ ሄሳ ቤያናኔ ዩላታና፤ ኢስታሰካ ዋልቃይ ቋያና፤ ኢስቲ ባ ዶና ባ ኩሼን ቱጫና፤ ኢስታ ሃይሳካ ቱላና።

17 ቢታ ቦላራ ቲራን ጎሼቲዛ ሜዴቴላታ ማላ፣ ሾሻ ማላ ኢስቲ ቢታ ላጫና፤ ባ ዲዛ ጎንጎሎ ጊዶፊ ኮኮሪሽ ኬዛና፤ ባቢሽ ጎዳ ኑ ጸሳኮ ሲማና፤ ኢስቲካ ኢንቴሰ ባባና።

18 ቋይሽ አቲዳ ዜሬላ ናጋራ አቶ ጊ ማሪዛ ኔ ማላ ጸሲ ኦኔ? ኔኒ ሜርናሰ ሃንቄታካ፤ ማሮ ጌሊዛይሳን ኔ ኡፋዬታሳ።

19 ሲማዳካ ኑስ ኔ ቃዴታሳ፤ ኑ ናጋራካ ኔ ቶሆ ጋርሳን ዩቋሳ፤ ኑ ቆሆዛካ ኡባ ጌዴ ጨማ አባ ጊዶ ዩጋሳ።

20 ቤኒ ዋዴፔ ኦይካዳ ካሴ ኑ አዋታሰ ጫቆ ቃላ ኔ ጌሊዳ ማላ ያቆቤሰ አማኔቴላ አብራሃሜሰ ማሮቴላ ኦላሳ።

ናሆሜ ቲንቢቲ ጊደ ቆፋ

ናሆሜይ ቤኒሶፌ ኢሰራኤል አሳሰ ዋልቃማ ሞርኬ ጊዲዳ አሶሬ ዋና ካታማ ናናዌ ቆዮ ጊሻሰ ዮቲዛ ገንጾ። ናናዌይ ኪርሰቶሲ ዩሌታናፔ ካሴ ላፑንጎ ጾቱ ላይላሰ ወርሴጎ ሶላ ኢዛ ቆያናይሳ፣ ጸሲ ማንጾ ኢታ ዳሬ ሶላኔ ኦቶራንቻታ ሶላ ፒርዳናይሳ ቤሴሰ።

ሃ ማጻፋይ ኦይኪዳ ኩሚሳ ቆፋ

ዳር ያሺዛ ጸሳ ሃንቆ 1:1-6
አሶሬ ሶላ ኦይዳ ፒርዳይ ኢሰራኤል ዳራሰ ሂደታ ጊደል 1:7-15
አሶሬ ዋና ካታማ ናናዌ ቆዮ 2:1—3:19

1 ኤልቆሼ ዳሬ አሰ ናሆሜይ ናናዌ ቆዮ ጊሻሰ ዮቲዳ አጁታ ማጻፋይ ሃይሳፌ ካሊዛይሳ።

ናናዌ ሶላ ቆንጨዳ ጸሳ ሃንቆ

2 ጎዳይ ዚልኤቲዛኔ ሃሎ ኬሲዛ ጸሳ፤ ጎዳይ ሃሎ ኬሲዛኔ ሃንቆን ኩሚዳ ጸሳ።

ጎዳይ ሃሎ ኬሲዛዳኔ ፓላ ሚሺ ኢዛን ኩሚዳዳ።

ጎዳይ ባ ባልጋራታ ሶላ ሃሎ ኬሴሰ፤ ባ ሞርኬታ ሶላ ባ ሃንቆ ኤሄሰ።

3 ጎዳይ ሃንቁታናሰ ኤሶቲና፤ ኢዛ ዋልቃይካ ገታ። ጎዳይ ሞራንቻ ቃጸዮንታ ኣጌና፤ ጎቲ ጫርኮይኔ ኣባ ዳምባላይ ኢዛሰ ኦጌ፤ ሻራይ ኢዛ ቶሆ ጉዳላ።

4 አባ ሴሪዲ ሚሊሴሰ፤ ሻፋታ ኡባ ሚጨንቼሰ። ባሳኔይኔ ቃርሜሎሴይ ሹሊዳ። ሊባኖሴ ጨሻቲካ ቆቆፌቲዳ።

5 ዙማቲ ኢዛ ሲንጎን ኮኮሪዳ፤ ዙምቡላቲካ ሴሪዳ። ኢዛ ሲንጎን ቢታይ፣ ኣላሚይኔ ኢዘን ዲዛ ኡባቲ ቃጸዳ።

6 ኢዛ ሃንቆራ ኤቁታና ዳንዳይዛይ ኦኔ? ኢዛ ሃንቆ ሚኖዛ ቶካና ዳንዳይዛይ ኦኔ? ኢዛ ሃንቆይ ታማ ማላ ኤጲዳሰ፤ ዛላቲካ ኢዛ ሲንጎፌ ዛኢዳ።

7 ጎዳይ ሎኦ፤ ሚቶ ጋላሲካ ቆቲቲ ኣቲዛሶ። ኢዛን ኣማኔቲዛይታ ናጌሰ።

8 ጊደ ኣቲን ኢዚ ናናዌ

ዋልቃማ ዲኦ ሃላን ቆይሳና፤ ባ ሞርኬታ ቆማይ ዲዛሶ ዩዳላና።
9 ኢሰቲ ጸሳ ሶላ ኣይ ዱላቲኮካ ኢዚ ኢሰታ ቆይሳና። ሚቶይ ናምኣንፉ ዳንዳና።
10 ኢሰቲ ኣጉንጎን ቃጾታና፤ ባ ዋይኔ ኡሻን ኢሰቲ ማላታና፤ ታማይ ኢሰታ ቡጻ ማላ ማና።
11 ሃኔ ናናዌ! ጎዳ ሶላ ኢታ ዱላቲዛይቲኔ ኢታ ዙሬ ዙሬቲዛይቲ ኔ ጋርሳፌ ቤቲዳ፤
12 ጎዳይ፣ «ኢሰቲ ኣይ ዋልቃማታኔ ዳርታ ጊዲኮካ ኢሰቲ ቃንጾቲ ቆያና። ሃይሶ ዩሁዳ ኔኔ ሃይሳፌ ካሴ ታ ኔና ኡንኤሊዳ ጊዲኮ ሃይሳፌ ጉዩ ታ ኔና ኡንኤሊኬ።»
13 ሃኢካ ታ ኢሰታ ቃምባራ ኔ ሞርኬፌ ሚንጎ ዲጋና፤ ኔ ኢዛን ቃሹቲዳ ሳንጎላታካ ዱላ ዩጋና» ጌሰ።
14 ሃኔ ናናዌ ጎዳይ ኔና፣ «ሃይሳፌ ሲንጎን ኔ ሱንጎ ጸይጊዛ ዩሌታይ ዳና። ኔ ኤቃ ጸሳታ ኬላን ዲዛ ማሴቲ ገጊዳ ሚሰሌታኔ ሴሪሲ ገግሲዳ ኤቃ ጸሳታ ቆይሳና፤ ኔ ኢታ ጊዲዳ ጊሻሰ ኔ ሞጌታናሶ ታ ቦካና» ጌሰ።
15 ሃኮ ሚሺራቾ ዮቲዛይሲ፣ ሳርቲል ኣዋጂዛይሲ ዙማ ሶላራ ዩሳን ዳሰ። ዩሁዳ ኔ ባኣሌታ ቦንቻ፤ ኔ ኣዲኔቲዳይሳ ጋላ፤ ሃይሳፌ ጉዩ ኢታቲ ኔ ዳሬ ዋራጃቲና፤ ኢሰቲ ሙሌራ ቆያና።

2

ናናዌ ኩንዳል

1 ሃኔ ናናዌ! ኔና ቆሃናይ ኔ ሶላ ዩዳሰ፤ ኔ ሚጻ ናጋ፤ ኔ ኦጌ ጸሞሳ፤ ሚንጎ ገጸ፤ ኔ ዋልቃ ኡባ ሚንጎ።
2 ቆይሲዛይቲ ኢሰታ ሚላ ኣሺኮካ፣ ኢሰቲ ዋይኔ ኣታኪልቲ ቶኪዛሶሆ

- መሥራ ጳይሲኮካ
ኢሰራኤል ቦንቸ ኡባ ማላ
ጎዳይ ያቆቤ
ቦንቸካ ዛራና።
- 3 ኢዛ ዋታዳራታ ጎንዳሌይ ዘኦ፤
ኢዛ ኦላንቻቲካ
ዘኦ ማይኦ ማይኢዳ፤
ኢሰቲ ኦሌታናሰ ገጌቲዳ ጋላሰ
ኢሰታ ፓራ-ጋራታ
ቢራታይ ጸልቁሰ፤
ኢሰታ ቶራ ቶማይ ሉዴሰ።
- 4 ፓራ-ጋራቲ ዳምባን
ያኔ ሃ ቡራቁቲሰ፤
ኦጌታ ቦላካ
ሾምኡሾምኡ ጌቲሰ፤
ላጪዛ ጸምፔ ሚሳቲቲሰ፤
ዋልቃንሳ ማላ
ዋዋጪ ጌቲሰ።
- 5 ደራቲዳ ኦላንቻታ ጸይጌሰ፤
ገዶ ኣቲን ኢሰቲ ዪሼ
ኦጌን ጳጳራቲቲሰ፤
ካታማ ገምቤኮ ዋጳቲሰ፤
ኦላ ቲቁዛ ጎንዳሌይካ
ሄን ዳሰ።
- 6 ሻፋ ፔንጌይ ዋጊ ጊ ደዬቲዳሰ፤
ካዋቲሳ ኬላ ኩንዲዳሰ።
- 7 ናናዌይ ካወዪን
ኢዚ ካዋያ ዲኤታዳ ቡሲ
ኣቶንታይሲ ካሴቲ ኮቴቲዳሰ።
ኢዚ ማጫ ኣይሌቲ
ሃራጶ ማላ ዬካና፤
ባንታ ቲራካ ኢጫና።
- 8 ናናዌይ ኤሌ ሃላ ማላ፤
ኢዚ ሃላካ ሚጫና።
«ኤቃ! ኤቃ!» ጊ ኢሰቲ ዋሳና፤
ገዶ ኣቲን ጉዬ
ሰሚዛይ ዳና።
- 9 ኢዛ ሚንጃ ኩላን
ዳጋቲዳ ኣቆታሰ
ቆዳይ ዳና፤
ቢዲ ቢራካ፣
ዋርቃካ ቦንቁ ኤኪቲ።
- 10 ቆጪሬታዲሰ፤ ቦንቁታዲሰ፤
ካሎታዲሰ፤ ዋዚናይ ታሂዳሰ፤
ጉልባቲይ ኮኮሪዳሰ፤
ኣሾይ ቃጺዳሰ፤
ኣይፊሶይካ ገልቁዳሰ።
- 11 ጋሞቲ ካሴ ዳኢዛ ጎንጎሎይ፣
ኢሰታ ማራቲ ሚዛሶይ፣
ማጫ ጋሞይኔ
ኣዳ ጋሞይ ቢዛሶሆይ፣
ኢሰታ ማራቲ ሂርጋይ ባይንዳ
ሚዛሶይ ሃኢ ኣዋን ዲዜ?
- 12 ጋሞይ ባ ማራታሰ
ገዳናይሳ ኬና ዋጲዳሰ፤
ማጫሳታሰካ ጨሊ ዋጲዳሰ፤
ባ ዋጲዳይሳ ባ ሸምፐዛሶን፣
ባ ቦንቁ ሸሺዳይሳ
ባ ጎንጎሎ ኩንላዳሰ።

- 13 ኡባሬ ዋልቃማ ጎዳይ፣
«ታ ኢንቲ ቦላ ዳንዳዲሰ፤
ኢንቲ ፓራ-ጋራታካ ጸጋና፤
ኢንቲ ጋሞ ማራታ ማሻይ ማና፤
ኢንቲሰ ማና ሚሺካ
ቢታ ቦላ ኣሸኬ፤
ኢንቲ ከቲዛይታ ጨንጉርሲ
ሃይሳሬ ጉዬ ሴቲቲና»
ጊ ኣዋጃሰ።

3

ናናዌሰ ኣዬ ኣና

- 1 ሱላ ካታማይሰ ኣዬ ኣና፤
ዋርደይኔ ቦንቃይ
ኢዚን ኩሚዳሰ፤
ኢዚፔ ቆጪሬቲ ሸቁዳይሲ
ኤፊንካ ዉሪና።
- 2 ጸርቃሬ ገሪሲ፣
ኢሪዘ ጨንጉርሲ፣
ፒላታ ፓራ ኣዳራሶይ፣
ፓራ-ጋራታ ገሪሲ ሲዬቲዳሰ።
- 3 ቶጋንቻይ ቶጌሰ፤
ማሻይ ፖፖልኡ ጌሰ፤
ቶራይ ጸልቁቲሰ፤
ዳርይ ሃይቁዳሰ፤
ኣሃይ ኣሃ ቦላ ኮራቲዳሰ፤
ኢዛሰ ቆዳይካ ዳና፤
ኣጲ ቢዛሶይካ
ቤቲቤና።
- 4 ሃይሲ ኡባይ ሃኒዳይ
ቡቲ ኣሳዳ
ኣሰ ባሌላዛኔ
ሙሬኒዛ ላይማይ ጋሶና።
ኢዛ ባ ላይማቲላን
ካዋቲላ፣ ማሮቲላን
ዳሪዛ ኣይሌሲዳር።
- 5 ኡባሬ ዋልቃማ ጎዳይ፣
«ሃኔ ታኒ ኔ ቦላ
ዋርኬቲላን ዳንዳዲሰ፤
ታኒ ኔ ቃሚሳ ቃራ
ኔ ኣይፊሶ ካማና፤
ኔ ካሎቲላ ዳራሰ፣
ዬላቲላ ካዋቲላታሰ
ታ ቤሳና።
- 6 ታኒ ኔ ቦላ ቡራ ኦላና፤
ታ ኔና ካዳና፤
ቂዴሰካ ኣላ ኢማና።
- 7 ኔና ቤኢዛይቲ ኔፔ ባቃቲሼ፣
ናናዌይ ላሌታዲሰ፤
ኢዚሰ ዬካናይ ኦኔ? ጋና።
ኔና ሚንሌላናዳ
ታ ኣዋፔ ዳማኔ?» ገዳሰ።
- 8 ኔኒ ኣባዬ ሻፋ ኣቻን ዲዛ፣
ሃላን ደዳታ ዲዛ
ኖኤ ኣሞኔፔ ጎባይ?
ሻፋዚ ኢዚሰ ቲቁ ሃላዚካ
ኢዚሰ ገምቤ።
- 9 ቶጵያይኔ ገብጶይ ኢዚሰ
ዛዋይ ባይንዳ ዋልቃ፤

ፑዴይኔ ሊቢያይ
 ኢዞ ማዲዛይታ፤
 10 ጊዶ ኣቲን ኢዞ ዲኤታዲስ፤
 ጎዴታ ባዲስ፤
 ኢዚ ናይቲ ኦጌታ ቲዳ ቦላ
 ዲንጩቲዳ፤
 ኢዚ ዳናታ ቦላ
 ሳማይ ዋዲዳ፤
 ኢዚ ጊታ ኣሳቲ
 ኡባይ ሳንሳላታን ቃሼቲዳ።

11 ኔኒካ ቃሴ
 ማላታና፤ ቆቲታና፤
 ሞርኬታፕ ኣቲዛሶ ኔ ኮያና።

12 ኔ ሚዳቲ ኡባይ ሙሳስ ጋኪዳ
 ባላሴ ሚላስ ኮይሮ ኣይፌ ማላ፤
 ኢስቲ ቃዲዛ ዋዴ
 ኢስታ ኣይፌቲ
 ሚዛዴ ደናን ዋዴቴስ።

13 ሄኮ ኔ ኦላ ኣሳይ
 ዉሪካ ማጫ ዳላ!
 ኔ ዛዋቲ ኔ ሞርኬታስ
 ዋጊ ጊ ደዬቲዳ፤
 ኢስታ ኮላታታካ ታማይ ሚዳስ።

14 ኔና ጊዶሊዛ ዋዴስ
 ሃላ ዲቃ፤
 ኔስ ቲቁ ሚንላ ጊጊሳ፤
 ማና ኡርቃ ኮያ፤
 ኡርቃ ዬዳዳ
 ደቤ ኦላ።

15 ኔና ሄን ታማይ ማና፤
 ማሻይካ ኔና ቃንዳና፤
 ጉሞባሮይ ሚዛ ማላ
 ኔና ጋርጫና፤
 ጉሞባሮ ማላ ዬሌታ፤
 ቦሌ ማላ ዳራ።

16 ኔ ዛልኣንቻታ
 ሳሎ ዳለንቴፕካ ዳርሳዳሳ።
 ኢስቲ ጊዲኮ ቢታዮ ቦሌ ማላ
 ፕቲ ሚዲ ፕራዲ ቢዳ።

17 ኔና ናጊዛይቲ ቦሌ ማላ፤
 ኔ ጊታ ኣሳቲ ሜጎ ጋላስ
 ጊሞቤ ጋርሳን
 ኡቲዛ ጉሞባሮ ማላ።
 ኢስቲ ኣርሼይ ኬዚሺን
 ፕራዲቴስ፤
 ኢስቲ ፕራዲ ቢዛሶይ
 ኣዋኮ ኤሬቴና።

18 ኣሶሬ ካዎ፥
 ኔ ሄንላንቻቲ ዲስኪዳ፤
 ኔ ጊታ ኣሳቲ ዋፑ ጊ ኢቺዳ፤
 ኔ ዴሬይ ሺሺዛይ ዳዩን
 ዙማ ቦላ ላሌቲዳስ።

19 ኔ ማዲንላ ፓላና
 ዳንዳይዛይ ዳና፤
 ኔኒ ሃይቆስ ጋሊዛ
 ሚቆ ሚቃዳሳ፤
 ኔ ጊሻስ ሲዩዳ ኡባይ
 ኔ ኮንዳላን ኡፋይቲ

ኩሼ ባቃና፤
 ዛዋይ ባይንዳ
 ኔ ሜንዶ ኢታቴሊ
 ቦቾንታይ ኦኔ?

አምባ ተንቢት ጊደ ቆፋ

ሃ ማጻፋይ ናምኡ ኪፊሌታን ሻኬታና ዳንዳዬስ፤ ሃ ማጻፋን ኮይር ናምኡ ሽምግብ ናቤ አምባቆይ ጸሓፊ ሃሳይዳ ሃሳታ ቆንጨሰሰ። አምባቆይ የሁዳን ፐርዳይ ጌላቲዳይሳሰን ሞር ኦሶይ ዳሪዳይሳሰ ኤቁቱላ ቃላ ሲሲዳሰ፤ ባቢሎን ኣሳይ የሁዳ ዳሪ ቃጻያና ጊዛ ዛር ጸሲ ኢዛሰ አሚዳሰ። ጊደ ኣቲን አምባቆይ ባቢሎን ኣሳይ የሁዳ ዳሪ፤ ኣቲዳ ናጋራንቻ ጊዲዳ ገሻሰ የሁዳ ዳሪይ ኢሰታ ኩሼን ዋኒ ቃጻይታይ? ጊዲ ጎዳ ኦይቲዳሰ። ጎዳይ ኢዛ ኦይሻሰ ባቢሎን ኣሳይ ሲንሳፊ ባንታ ዋዳን ቃጻይታና ጊዛ ዛር አሚዳሰ።

ሃ ማጻፋሰ ወርሴላ ሽምግብ አምባቆይ ጎዳ ቦንቻ ገሻሰን ኢዛ ማታ ገሻሰ ሺሺዳ ጋላታ ዋሳ ቤሴስ።
ሃ ማጻፋይ ኦይኪዳ ኩሜላ ቆፋ
አምባቆ ማጋና ነጎዳ ዛር 1:1—2:4
ናጋራንቻታ ቦላ ያና ፐርዳ 2:5-20
አምባቆ ዋሳ 3:1-19

1 ናቤ አምባቆሰ ኣጂታን ቆንጨዳ ኪታይ ሃይሳፊ ካሊዛይሳ።

አምባቆሰ ኮይር ዙዩን

2 ጎዳዉ! ኔ ታና ማዳና ማላ ታ ኔና ጸይገሸን ኔ ኣይዳ ጋካናሰ ሲዩኪ? «ቆሆይ ዳሪዳሰ» ጋዳ ታ ዋሲሸን ኔ ኣይዳ ጋካናሰ ኣሺኪ?

3 ኔ ታና ኣዛሰ ቆሆይ ዳሪሸን ቤሳይ? ሃይሳ ማላ ጌኔ ኦሶይ ኦሴቲሸን ኔ ዋና ጮኡ ጋዳ ጸሓይ? ሞርይኔ ማካላይ ታ ሲንሳን ዳሰ። ኦሺኔ ፓላማይ ቤታ ቦላ ዳሪዳሰ።

4 ሃሳ ገሻሰ ዋጋይ ለፐዳሰ፤ ቱማ ፐርዳይ ዳና፤ ቱማ ፐርዳይ ጌላታና ማላ ኢታቲ ጸሎታ ኡንኤፊቲስ።

ጸሓፊ አሜቲዳ ዛር

5 «ኣንቴሰ ዮቲቲንካ ኣማኖንታ ኣንቴና ታ ኣንቴ ፓጻ ዲሸን ኢሲ ሚሽ ኦላና ገሻሰ ኣኔ ሃኢ ኣሳ ጸሎቲ፤ ቤኢዲኔ ዳር ማላላቲቲ።

6 ባሰ ገደንታ ኬላን ዲዛሰ ኦይካናሰ ቤታ ኡባ ዋራጂዛ ሽምግ ኢታታኔ ፐላታታ ባቢሎን ዳሪ ኣሳ ታኒ ዳንላና።

7 ኢሰቲካ ባቢሲዛይታኔ ዳጋንሊዛይታ፤ ኢሰታ ፐርዳይኔ ቦንቻይ ኢሰታፊ ኬዛና።

8 ኢሰታ ፓራይ ማሃፐካ ፐላታ፤ ኦማርሳ ካና ሱይቲታፐካ ሜንጾ ኢታ፤ ኢሰታ ቶጋ ኣሳይካ ቶ ፐላታኔ ሃሆፐ ዩዛይታ። ባቂ ኤኪዲ ኤሌሊዛ ጎሌ ካሮ ማላ ፐራዴቲስ።

9 ወሪካ ጌኔሰ ገጸ ኬዚዳ፤ ኢሰታ ኦላ ኣሳይ ባዘ ቤታ ጫርኮ ማላ ጌዴ ሲንላ ሆርደፊስ። ዲኤቲዳይታ ኣጮ ማላ ሺሸሰ።

10 ካዎታ ለቁሰ፤ ዳሪ ሃሪዛይታ ቁጂ ካኤሰ፤ ኦላ ሚጻ ኡባ ለቁሰ፤ ቤታ ኢሲሶ ሺሺ ጉፐዲ ካታማታ ባሰ ኦይኬስ።

11 ሃሳፊ ጉዬ ጎቲ ጫርኮ ማላ ፐቲ ኤኪ ቤሰ፤ ሃይቲ ባ ዋላቃ ባሰ ጸሳ ኬሲዳ ናጋራንቻታ» ጌሰ።

አምባቆሰ ናምኣንሳ ዙዩን

12 ኣቤት ጎዳዉ! ኔ ሜርናሶፊ ዳሳ ጊዲኪ? ታ ጌሻዉ፤ ታ ጸሳዉ፤ ኔኒ ናጊዛ ገሻሰ ኔኒ ሃይቆኮ፤ ጎዳዉ ኢሰታ ፐርዳና ማላ ኔ ኢሰታ ሹማዳሳ። ዛላዘ! ኢሰቲ ኦና ቃጻያና ማላ ኔ ኢሰታሰ ማታ አማዳሳ።

13 ኔ ኣይፊቲ ኢታ ጸሎንታ ማላ ኬሂ ጌሻ፤ ኔኒ ቆሆ ጮኡ ጋ ጸሓናሰ ዳንዳያካ፤ ሂሰቲን ኣሰ ባሌሊዛይታ ኣዛሰ ጮኡ ጋዳ? ሃ ኣሳቲ ባፔ ኬሂ ጸሊዛ ኣሳታ ዳይሲሸን ኔ ኣዛሰ ጮኡ ጋይ?

14 ኔኒ ኣሳ ኣባ ጊደን ዲዛ ሞሌ ማላኔ ጎዳይ ኢሰታሰ ባይንዳ ኣባ ጊደን ዲዛ ሜዴቲላ ማላ ኣሳዳሳ።

15 ኢታ ሞርኬይ ኢሰታ ወርሲካ ማንጸኮራ ኦይኪ ኬሳና፤ ኢዚ ኢሰታ ጌቲንካ ኦይኪ ጎቻና፤ ባ ዋሊዳሰን ኢሰታ ሺሺ ዋላና፤ ሃሳንካ ኡፋዬቲዲ ሃሹ ጋና።

16 ሃሳንካ ሽምግብ ዲዛ ገሻሰን ኢዚ ሚዛ ቁማይ ሞጶ ጊዲዳ ገሻሰ ባ ኦይኪዳ ጌቲዛሰ ያርሾ ያርሼሰ፤ ቃሴካ ባ ሺሺዛሰዛሰ ኤጻኔ ጩዋሴሰ።

17 ሂሰቲን ኢዚ ዋንቲን ዋንቲን ፓጮይ ባይንዳ ባ ጌቲ ዩጊ ዩጊ ሞሌ ኦይኪዛ ማላ ዳሪዛካ ሚሻይ ባይንዳ ዋላናሰ ቤሲዬ?

2

1 ታኒ ናጌ ናጊዛሰን ኤቃና፤ ሚጻ ጊምቤ ቦላ ኬዛዳ ሄን ታካና። ታ ኦይሻሰ ጎዳይ ኣይ ዛር አማናኮ ታ ዲዛሰን ዳዳ ኢዛ ናጋና።

አምባቆ ኦይሻሰ ጎዳይ አሚዳ ዛር

2 ጸሲ አምባቆሰ።
«ዋዲሰንታ ናባቤታና ማላ
ኔሰ ኣጂታን ቆንጨዳይሳ
ሳሌዳ ቦላ
ሎኤላ ዋጫ ጻፋ።

3 ኔ ኣጂታዚ
ባሰ አሜቲዳ ዋዴ ናጌሰ፤
ኢዚካ ወርሴላ
ገሻሰ ዮቲሰ፤
ዋርደቲና።
ጋምኣና ሚሳቲኮካ ናጋ፤
ኢዚ ቱማፔ ያና፤
ሙሌካ ጋምኤና።

4 «ሄኮ ኢዚ ኦቶሪቲዳሰ፤
ኢዛ ኣሞይ ሱሪ ጊዳና፤
ጸሎ ኣሲ ጊዲኮ ኣማኖን ዳሰ።

5 ዲሬቲላ ኣሰ ባሌሴሰ።*
ኦቶሪንቻሰ ሙሌካ
ሽምግብ ዳና፤
ኢዚ ዲሮ ማላ ዮራ፤
ዋጂዛ ሃይቆ ማላካ
ካሎ ኤሬና፤
ዳሪ ኡባ ሺሸሰኔ
ዲኢ ኤኪ ቤሰ።

6 ሂሰቲን ሃሳ ማላ

1:5 ሃዋ 13:41 1:17 2ካዋ 24:2 2:3 ኢብ 10:37 2:4 ኦር 1:17፤ ጋላ 3:11፤ ኢብ 10:38 * 2:5 ሃይሳን ዲሬቲላ ጊዛይሳ ኢሲ ኢሲ ቢርሹላቲ ዋይኔ ኦሹ ጌቲስ።

- አሳ ቦላ ቁጭኒኔ
ካጭን አሳይ፥ ላካይሲ ኤኪዳ
ሻቃጩዛ ባሰ ሺሺዛዳሰ፥
ጌንን ዲሬቲዛዳሰ አዬ አና!
ሄሳሉ አይዴ ጋካናሰ
ሺሻኔ?)
ገ ኢዛ ቦላ ሚጩኔ?
7 ኔ አጮን ዩጊዳ አሳቲ
ኔ ቆፖንታ ኔ ቦላ
ዴንዳቴኔ?
ኢሰቲ ቤጊዳ
ኔና ዳጋንላቴኔ?
ሄሳፌ ጉዬ
ኔ ኢሰታ ኩሼን ኩንዳና።
- 8 ኔ ዳሮ ዳሬ ሚሻ
ቦንቁዳ ገሻሰ
ሃንኮ ቦንቁቶንታይቲ
ኔና ቦንቃና፤
ኔ አሳ ሱሉ ጉሳዳሳ፤
ዳራ፥ ካታማኔ
ኢዛን ዲዛይታ ወርሳ ዳይሳዳሳ።
- 9 «ዋርዶራ ባሌሉ ኤኪዳ ሚሻን
ባሰ ዳና ኬሉ
ኬዲዛዳሰኔ
ባ ሞርኬ ኩሼፔ አታናሰ
ባ ኬሉ ቶቃሶሆን ኬዲዛዳሰ
አዬ አና!
- 10 ዳሮ አሳ ሺምፖይ
ዳያና ማላ ቃቻዳሳ፤
ኔ ኬላ ቦላኔ
ኔ ቦላ ዳይሲዛዝ ኤሃዳሳ።
- 11 ገምቤ ገደን ሹቹ ዋሴሰ፤
ገደን ጎዳ ኤቁዳ ሚላቲካ
ኢዛሰ ዛር ኢሚቴሰ።
- 12 «ሱሉ ጉሲዲኔ ኢታ ኦሊዲ
ካታማ ኤሲዛይታሰ አዬ አና!
- 13 አሳ ኦሶይ ኡባይ
ታማን ጸጌታና ማላ
ዳሬይካ ሚላ ዳቡራና ማላ
ጎዳይ ኡባፌ
ዋልቃማ ጸሳይ
ኡባ ዋሲቤኔ?
- 14 አባይ ኩሚዛ ማላ ቢታይ
ጎዳ ጌታቴሉ ኤሮን ኩማና።
- 15 «አሳ ካሎቴሉ ቤያናሰ
ባ ላጌታ ኡሹ
ኡሺዛዳሰኔ
ኢሰቲ ኡዩዲ ማላታና ጋካናሰ
ዋይኔ ኡሹ ዲቁዛዳሰ
አዬ አና!
- 16 ኔጌ ቦንቶ ገሻሰ ዩላታና፤
ሄሲካ ሃኢ ታራይ ኔሰ ገዲዳ
ገሻሰ ኡያዳ ጋንዲጋራ፤
ኔ ካሎታ።
ጎዳ ኡሻቻ ኩሼን ዲዛ

- ሃንቆ ጸአይ ኔ ቦላ ሲማና፤
ካሴ ኔሰ ዲዛ ቦንቶዛ
ካወሻቲላን ላማና።
- 17 ኔ ሊባኖሴ ቦላ
ኦሊዳ ጌኔይ
ኔና ሚታና፤
ኔጌ ሚደሳታ ዳይሲዳይሲ
ዛሪ ኔና ዳጋንላና፤
ሄሲካ ኔ አሳ ሱሉ ጉሲዳ
ገሻሰኔ
ዳሬታ፥ ካታማታጌ
ኢሰታን ዲዛይታ
ኔ ኡባ ዳይሲዳ ገሻሳ።
- 18 «አሳ ኩሼይ ማሲ ገግሲዳ ኤቃኔ
ዋርዶ ሃሳይዛ ሚሰሌሰ
አይ ጎአይ ዲዜ?
ሂሰቲን ኢዛ ኦሊዳዳይ
ባርካ ባ ኦሶን አማኔቲዛ
ገሻሰኔ
ኢሰቲካ ሃሳያናሰ ዳንዳዮንታ
ኤቃ ኦሊዛ ገሻሳ።
- 19 ሚላ፥ ሩኔ ቤጋ!።
ሺምፖይ ባይንዳ ሹቻካ፥
ሩኔ ዳንዳ!። ገዛዳሰ አዬ አና!
ቱሙካ ኢዚ ታማርሳና
ዳንዳይዜ?
ሂኮ ኢዚ ቦላራ ዋርቃኒኔ
ቢራን ቲዬቲዳሰ፤
ኢዛሰ ሺምፖይካ ዳና።
- 20 ጎዳይ ገዲኮ ባ ጌሻ
ኬላን ዳሰ።
ቢታ ቦላ ዲዛ ዳሬይ ወሪካ
ኢዛ ሲንላን ጮኡ ጎ» ገዳሰ።

3

- እምባቆ ዋሳ
1 ናቤ እምባቆይ ዬላን ሺሺዳ ዋሳ።
- 2 አቤት ጎዳወ!
ታ ኔ ጎባቴላ
ገሻሰ ሲያዲሰ።
ጎዳወ ኔ ኦሶይካ
ታና ያሺሲዳሰ፤
ኔጌ ኔ ኦሶ
ኑ ዋዴን ኦራላ፤
ኔ ኦሶቲ ኑ ዋዴንካ
ኤሬታና ማላ ኦላርኪ!
ሃንቆ ዋዴካ
ማርቴሉ ቆፓርኪ!
- 3 ጸሲ ቲማኔፔ ጌሻይካ
ፓራኔ ዙማ ቦላፌ ዩዳሰ፤
ኢዛ ቦንቶይ
ሳሎ ካሚ ኦይኪዳሰ፤
ኢዛ ጋላታይካ
ቢታ ቦላ ኩሚዳሰ።
- 4 ኢዛ ፖኦይ አዋ ኣርሼ ፖኦ ማላ፤

አዋ ጸልቆይ
 ኢዛ ኩሼፔ ኮዚዳሰ፤
 ኢዛ ዋልቃይካ ሄን ቆቴቲዳሰ።
 5 ኢታ ሃርጌይ
 ኢዛፔ ሰንገራ ቢዳሰ፤
 ሃዳ ሃይቆይካ
 ኢዛ ጌዶ ካሊዳሰ።
 6 ኢዚ ኤቁን ቢታይ ቃጺዳሰ፤
 ኢዚ ጸሊዲ አሳ ኮኮሪዳሰ፤
 ማርናሰ ዲዛ ዙማቲ
 ላሌቲል ፒሰኪ ጊዳ፤
 ቤኒሶፊ ዲዛ
 ዙማቲካ ዋዲዳ፤
 ኢዛ ኦጌይ ማርናሰ።
 7 ቶጵያ ዲንካኔቲ
 ማቶቲቲሺን፣
 ሚዲያማታ ዲሳሶይ
 ቡልኦኩቲሺን ታ ቤያዲሰ። *

8 ጎዳዉ! ኔ ሃሳታ ቦላ
 ሃንቁታዲ?
 ኔ ሃንቆይ ሃላ
 ፑልቶታ ቦላ ዲዜ?
 ኔ ኔ ፓራታኔ
 ጸኒዛ ፓራ-ጋሬታ ቶጋዳ
 ካሌሊዳ ዋዳ አባ ቦላ
 ሃንቁታዲ?
 9 ኔ ኔ ዋንዳፌ ገጊሳዳሰ፤
 ዪሻይ ኔሰ ያና ማላ
 አዛዛዳሰ፤
 ቢታ ጸልቃዳ ሃል ኬሳዳሰ።
 10 ዙማቲ ኔና ቤኢዲ ማኒዳ፤
 ሃላ ዳምባላይ
 አጺ ቢዳሰ፤
 አባይ ጨቁቲዳሰ፤
 አባ ዳምባላካ
 ፑዳ ዳንሊዳሰ።
 11 ኔ ፒሪሳ ዬዲዳ
 ኔ ዪሻታፔኔ
 ጸልቁቲዛ ኔ ቶራ ፖኦፔ
 ዳንዲዳይሳን አርሼይኔ
 አገናይ ባ ዲዛሶን ኤቁ አቲዳ።
 12 ኔ ቢታ ቦላ
 ሃንቆን ሰማሬታዳሰ፤
 ዳሬታካ ሃንቆን ዬቆዳሰ።
 13 ኔ ኔ ዳሬ አሻናሲኔ
 ኔ ቲይዳዳ አሻናሰ ኮዛዳሰ፣
 ኢታ ዳሬ ካሌሊዳ
 ሊቀሳዳሰ፣
 ሁኤፔ ቶሆ ጸጉንል ጋካናሰ
 ካሎ አሻዳሰ።
 14 ጎቲ ጫርኮ ማላ
 ኑና ላላናሰ ዪዳይሳ፣
 አይኮይ ባይንዳ ማንቆዛ
 ጌማራ ሚታናሰ አሞቲዛይሳ፣
 ኦላንቻታ ሃላቃ ጊዲዳይሳ

ኢዛ ዛራ ጫዳዳሰ።
 15 ኔ ኢ አባ ኔ ፓራታን
 ዬጺሲዛ ዋዳን
 ጨማ አባይ ቃጺሰ።
 16 ታኒ ሲያዲሰ፤
 ታ ዋዚናይካ ዳጋሚዳሰ፤
 ኢዛ ገርሳፌ ዳንዲዳይሳን
 ታ ማቴርሻይ ኮኮሪዳሰ።
 ባቦን ታሰ ማራጨይ ቃጺዳሰ።
 ታሰ ፑልባቲይ ኮኮሪዳሰ፤
 ጊዲኮካ ኑ ቦላ
 ዋራዲዛ ዳሬዛ ቦላ
 ማቶይ ያና ጋላሰ
 ታ ጌንጫ ናጋይሰ።
 17 ባላሴ ጌቲቲዛ ሚላይ
 አይፎንታ አገኮካ
 ዋይኔ ሚላፌ
 አይፌይ ቤቶንታ አገኮ
 ዋጋራ ሚሊካ አይፎንታ አገኮ
 ጎሻ ጋዳይ
 ካል አሞንታ አገኮ
 ዶርሲ ዪሬን ዳንታ አገኮካ
 ሚዚ ዜጺን ዳንታ አገኮካ
 18 ታኒ ታ ጎዳን ኡፋዬታና፤
 ታ ኢዛን አቲዳ
 ጸሳን ኡፋዬታና።
 19 ጎዳ ታ ጸሳይ ታሰ ዋልቃ፤
 ታ ቶሆታ ኢዚ
 ጌኔሳ ቶሆ ማላ ሚንሉ፤
 ኢዚ ታና ቶቃሶሆራ ሃማላና።
 ዬጺዛይታ ካሌሊዳሰ
 ዬላ ሚሻን ዬጸቲዳ ማዛሙሬ።

* 3:7 ቶጵያ ጌቲቲዛ ቃላይ ላፑን ታሙ ኤራንቻታ ቢርሼላን ጊዲሺን ኢብራዊታ ቃላን ኩሻን ጌሰ፤ ኩሼኔ ኩሼይ ዲማ ዲማ ሃራ ቃላታ፤ ቶጵያይ ኢብራዊታ ቃላን ኩሼ ጌቲቲሰ አቲን ኩሻን ጊዳና። ኩሻን ጌቲቲዛይቲ ኤዶሜ ማታን ዳኢዛ አራቤ ዛሬታኮ። 3:19 2ሳሜ 22:34፤ ማዘ 18:33

ሶፎናሳ ቲንቢቴ ገደ ቆፋ

ናቤ ሶፎናሳ ሳ ከታ ከርሰቶሲ ዩሌታናፔ ሲንላን ላፑንላ ጾታ ላይሳይ ባጋፌ አዲሽን አሊደስ፤ ሄ ዎዴ ካዎ ዮሰያሲ ከርሰቶሲ ዩሌታናፔ ካሴ ኡሱፑን ጾታኔ ናሞኡ ታማኔ ኢሲ ላይላን ጫቆ ቃላይ ኦራጸናፔ ታሙ ላይላፌ ሲንላን ገደንታ አገና። ሃ ማጻፋዚ ሃራ ናቤቲ ዮተዳ ቲንቢቴራ ጋይቲዛ ቲንቢቴ ኦይኪደስ። ሄይቲካ ዩሁዳይ ኤቃ ጸሳታሰ ጎይኒዳ ጋሶን ቁጻቴይ ኢዚ ቦላ ጋከዛ ዎዴ ኢዛ ሙሉራ ቆያናይሳ ቤሴቴሰ። ሄሳሳካ ጎዳይ ሄ ዎዴ ሃራ ካዎቴላታ ቃጻያናይሳካ ዮቴሰ። ዩራሳላሜይ ላሌቲኮካ ዳሮ ላይላታፔ ጉዬ ካታማያ ካሴ ባ ዲዛ ማላ ሃናና፤ አሽኬቴኔ ጸሎቴላ ካሊዛ አሳይ ኢዚን ዳኦና።

ሃ ማጻፋይ ኦይኪዳ ከሜላ ቆፋ

ዩሁዳ ቦላ ያና ፒርዳ 1:1-18
ማርቲላን ጌሎ 2:1-3
ኢሰራኤሌ ሾርታ ቦላ ያና ፒርዳ 2:4-15
ዩሁዳይኔ ሃራ ካዎቴላቲ ጎዳኮ ሲማና 3:1-20

1 አሞጾ ና አዮሲያሲ ዩሁዳን ካዎቴዳ ዎዴ ሂዝቁያሳ ና፣ አማሪያ ና፣ ጎደሊያሳ ና፣ ኩሼ ና ሶፎናሳኮ ዪዳ ጎዳ ቃላይ ሃይሳፌ ካሊዛይሳ።

ጎዳፔ ያና ፒርዳ

2 ጎዳይ፡ «ታኒ ቢታ ቦላ ዲዛዝ ኡባ ቆይሳና» ጌሰ።
3 ጎዳይ፡ «አሴኔ ሜዳሳታ ቆይሳና፤ ሳሎ ካፎታኔ አባ ገደን ዲዛ ሞሌታ ታ ቆይሳና፤ ታ አሳ ዜሬላ ቢታ ቦላፌ ቆይሲዛ ዎዴ ኢታቲ ላሌቲዳ ቡራ ዶሬ ማላ ገዳና» ጌሰ።

4 ጎዳይ፡ «ታኒ ዩሁዳኒኔ ዩራሳላሜን ዲዛ አሰ ኡባ ቃጻያና፤ ቃሴካ ባአሌ፣ ኢሰታ ኤቃ ጸሳታኔ ላይማቲዛ ቁሴታ ሃይሳፌ ታ ሚልጺ ሂሰታ ቆይሳና።

5 ፎቄ ቦላ ከዚዲ ሳሎ ሜዴቴላታሰ ጎይኒዛይታ፣ ጎዳሰ ጎይኒሼኔ ኢዛ ሱንላን ጫቂሼ ሲሚ ዎዲዲ ቃሴ ሚልኮሚ ሱንላን ጫቂዛይታ፣

6 ጎዳ ካላናፔ ጉዬ ሲሚዛይታ፣ ጎዳ ኮዮንታይታ፣ ኢዚ ኢሰታ ማዳና ማላ ኦይቸንታይታ

ታ ቆይሳና» ጌሰ።

7 ጎዳ ጋላሳይ ማቲዳ ገሻሰ ኡባ ሃሪዛ ጎዳ ሲንላን ጮኡ ገቴ፤ ጎዳይ ያርሾ ገግሲደስ፤ ባ ጾይገዳይታ ባሰ ዲማሲደስ።

8 «ጎዳ ያርሾ ጋላሰ ዳናታኔ ካዎዛ ናይታ፣ አማላ ማይኦ ማይኢዛይታ ኡባ ታ ቃጻያና።

9 ሄ ዎዴ አላጋ ጸሳታ ፔንጌን ጉፐዛይታ፣ ባንታ ጎዳታ ከላ ማካላቴላኒኔ ባሌሶን ኩንሲዛይታ ታ ቃጻያና» ጌሰ ጎዳይ።

10 ጎዳይ፡ «ሄ ዎዴ ሞሌ ፔንጌ ባጋራ ዋሶይ፣ ካታማሰ ናሞኦንላ ዲቡሻን ዩሆይ፣ ዙሞቡላታ ቦላ ጌታ ሽርይ ሲዬታና።

11 ኢንቴኖ ማኪቴሻ ገያን ዲዛይቶ! ዋሲቴ፤ ጋሶይካ ኢዛን ዛልኢዛ ዛልአንቻቲ

ኡባይ ዉራና፤ ቢራን ዛልኢዛይቲካ ኡባይ ሃይቃና።

12 ሄ ዎዴ ታ ዩራሳላሜ ገደዛ ጸሞፔራ ኮያና፤ አይኮ ሂርጋይ ባይንዳ ባዲ ጌ ኡቲዳይታ፣ ዎይኔ ኡሹ ጋጪ ኤኪቺን ኦርጮ ቦላ አቲዳ ዎይኔ ኡሻ ማላ ገዲዳይታ፣ ሲታ ገዲን ዎይኮ ሎኦ ገዲን ጎዳይ አይኮካ ኦፊና ገዛይታ ታ ቃጻያና።

13 ኢሰቲ ሃሪዳ ሃርይ ቦንቁታና፤ ኢሰታ ከላይ ላሌታና፤ ኢሰቲ ከላ ከጸናሺን ባ ከጺዳ ከላን ዳቴና፤ ዎይኔ ሚላ ቶካናሺን ባ ቶኪዳ ዎይኔዛፔ ኦሴቲዳ ኡሻ ኡዩቴና» ጌሰ።

ዎልቃማ ጎዳ ጋላሳ

14 «ጎዳፔ ያና ጌታ ጋላሳይ ማቲዳስ፤ ሂሲካ ኤሶን ያና፤ ጎዳ ጋላሳን ሲዬታና ዩሆይ ጫሞ፤ ሄን ኦላንቻቲ ጫሞ ዋሶ ዋሳና።

15 ሄ ጋላሳይ ባሻ ጋላሰ፣

ሜቶኔ ጨጨጭ ጋላስ፡
ሺርኔ ጳይሳ ጋላስ፡
ጳማ ጋላሲኔ ቱላላ ጋላስ፡
ሻራኔ ገርዲ ገዳ ጳማ
ጋላስ ገዳና።

16 ሄ ጋላሳይ
ገምቤቲዳ ካታማታ ቦላኔ
አዲሳ ገምቤታ ቦላ
ኦላ ዛዬይኔ
ኦላ ዋሶይ
ሲዬቲዛ ጋላስ ገዳና።

17 አሳይ ቆቁል ሄሜታና ማላ
አሳ ቦላ ታኒ ጨጨጭ ዬዳና፤
አሳይ ጎዳ ቦላ ናጋራ
ኦሊዳ ገሻሰ
ኢሰታ ሱሊ ዲኦ ማላ ጉካና፤
ኢሰታ አሃይካ
ቡራ ማላ ኦሌታና።

18 ጎዳ ባሻ ጋላስ
ኢሰታ ቢራይኔ ዋርቃይ
ኢሰታ አሻናሰ ዳንዳዬና።
ቢታይ ኩሜል
ኢዛ ሃንቆን ጳያና፤
ኢዛ ዘልኤቴሳ ሱሊን
ቢታ ኡባይ ጸጌታና፤
ቢታ ቦላ ዲዛ ኡባ ቦላ
ቆፖንታ ዲሺን ወርሴል ኤሃና»
ጌሰ ጎዳይ።

2

1 አንቴኖ ዬላይ ባይንዳ ዳሬቶ!
እኔ ኢሲ ቦላ ሸቂቲ!

2 ባሻ ጋላሳይ
ጋካናፔ ካሴቲዲ፡
ሄ ጋላሳይ ሱላ ማላ ዳንሊ
ጳይሶንታ ዲሺን፡
ጎዳፔ ሚኖ ሃንቆይ
አንቴ ቦላ ዮንታ ዲሺን
ጎዳፔ ባሻ ጋላሲ
አንቴ ቦላ ጋኮንታ
ዲሺን ሸቂቲ።

3 አንቴኖ ቢታ ቦላ ዲዛ አሽኩቶ፤
ኢዛ አዛዞካ ፖሊዛይቶ!
ጎዳ ኮዩቲ፤
ጸሎቴሊኔ አሽኩቴል ኮዩቲ፤

ጎዳ ሃንቆ ጋላሳፌ
አንቴ አታናኮ
ኦኔ ኤሪዛይ!

ፊሊሰጾሜ ዳሬ ቦላ ዮቴቲዳ ፒርዳ

4 ጋዛይ ቡላ ቢታ ገዳና፤
አሰቆሎናይካ ላሌታ አታና።
አዛጾኔይ ሴታ ጋላሰ ካይዛና።
አቃርኔይ ሾዴታና።

5 አንቴኖ አባ አቻን ዲዛይቶ!
ኬሊቲ ዳሬ አሳቶ፡

አንቴሰ አዬ አና! *
ፊሊሰጾሜ ዳሬ አሳይ ዲዛ
ካናኔ ቢታዬ!
ኔ ቦላ ዮቴቲዳ
ጎዳ ቃላይ
ሃይሳፌ ካሊዛይሳ፤
«ታ ኔና ሙሌራ ጳይሳና፤
ኔናን ዲዛ አሳፔ
አታና አሲ ዳና።

6 ካሊቲ አሳይ ዲዛ
አባ አቻ ቢታይ
ሄንጻንቻታ ዲሳሶኔ
ደርሳ ዪሬ ገዳና።

7 ሄሲካ ዩቡዳፔ ጫሻ
አቲዳይታሰ ገዳና፤
ኢሰቲካ ሄን ባሰ
አቆታ ዳማና፤

ጋዴይ ቃሚሺን
አሰቆሎና ካታማን ዲዛ
ኬጻታን አቃና፤
ጎዳይ ኢሰታ ጸሳይ
ኢሰታ ናጋና፤
ኢሰታፌ ዲኤቲዳይሳካ
ኢሰታሰ ዛራና።»

ሞአቤ ቦላኔ አሞኔ ቦላ ዮቴቲዳ ፒርዳ።

8 ጎዳይ፡
«ሞአቤ አሳይ ጫዩዛይሳኔ
አሞኔ አሳይ ቁጵዛይሳ ታ ሲያዲሰ።
ታ ዳራ ጫዩዳ፤
ኢሰቲ ታ ዳራ ቦላካ
ማንዲዳ» ጌሰ።

9 ሄሳ ገሻሰ ጎዳይ ኡባፌ
ዋልቃማ ኢሰራኤሌ ጸሳይ፡
«ታኒ ታ ዳኦ
ጸሳቴላን ጫቃይሰ፤
ሞአቤይ ሶዶሜ ማላ
አሞኔይ ጋሞራ ማላ፡
ሻራፋይ ማይኢዳሶ ማላኔ
ማጺኔ ቦኪ ኤኪዳ ኦላ ማላ
ሜርናሰ ቡላ ገዳና።
ታ አሳፔ ጫሻ አቲዳይቲ
ኢሰታ ሃር ቦንቃናኔ
ኢሰታ ቢታ ላታና» ጌሰ።

10 ባንታ ኦቶርቴላፌ ዳንዲዳይሳን
ኢሰቲ ኡባፌ ዋልቃማ
ጸሳ ዳራ ጫዩዳ
ገሻሰኔ
ቁጵዳ ገሻሰ
ሄሲ ኢሰታ ቦላ ጋካና።

11 ጎዳይ ሄ ቢታ ኤቃ ጸሳታ
ኡባ ጳይሲዛ ዋዴ
ኢዚ ኢሰታ ያሺሲዛይሳ ገዳና፤
አባ አቻን ዲዛ ዳሬቲ ኡባይ
ኢሶይ ኢሶይ ባ ዲዛሶን ዲሼ
ኢዛሰ ጎይናና።

ቶጵያ ቦላኔ አሶራ ቦላ ዮቴቲዳ ፒርዳ

* 2:5 ካሊቲ ዳሬ አሳታ፡ ካሊቲ ዳሬ አሳታ ጉሲ ፊሊሰጾሜ አሳታ ጉሳ። 2:8 አሳ 15:1—16:14፤ 25:10-12፤ ኤር 48:1—49:6፤ ሂዚ 21:28-32፤ 25:1-11 2:9 ሜዴ 19:24

- 12 «እንቴኖ ቶጵያ አሳቶ!
እንቴ ታ ማሻን ሲፊታና።»
- 13 ኢዚ ባ ኩሼ ፑዳሃ ባጋን ዲዛ
ዳሬታ ቦላ ዳንፋና፤
አሶሬ ጳይሳና።
ናናዌካ ቡላሳና፤
ባዞ ቢታ ማላ ሜሊሳና።
- 14 ደርሳ ወዳይኔ ማሄ ወዳይ፥
ሜዴቴላፌ ኡባ ቆሞይ
ሄን ሸምጋና።
ጉቶይኔ ቁጸርሲ
ኢዚ ገምቤታን አቃና።
ኢሰታ ዋሶይ ማሰኮቴታራ
ሴቴታና።
ገምቤዛ ላሌላ
አሳ አሳ ፔንጌን ደሬታና፤
ኬላታ ቶኪ ኤቁዳ
ዚጋ ጎዳቲ ካሎታና።
- 15 ካሴ ኡፋይሳን ዲዛ
ካታማያ ሃኖ፤
ኢዛካ ባ ዋዚናን፥
«ታ ጸላ ዳይሰ፤
ታፔ ሃራይ
ኦኒካ ዳና» ገዳራ
ሂሰቲን ሃኢ ዋናዳ
ዋራ ደኣቲ ጉሪዛሶ
ባዞ ቢታ ገዳ አታዳ?
ኢዚ አቻራ አዲ ቢዛ ኡባይ
ኢዞ ቁዲሼ ባ ኩሼ ወዳሶ።

3

- ዩሩሳሌም ሲንፋፌ ያና ቃዳ
- 1 ማካላንቻይሲኔ ቱኒዳሪሰ፥
አሰ ኡንኤሊዛይታ ካታማይሰ
አዬ አና!
 - 2 ኢዛ ኦናሰካ አዛዜቱኩ፤
ኦኒ ዞሪንካ ኤኩኩ፤
ጎዳንካ አማኔቱኩ፤
ባ ጸሳኮካ ሸቁኩ።
 - 3 ኢዞ ካሌሊዛይቲ
ጸጊዛ ጋሞ ማላ።
ኢዞ አይሲዛይቲካ ዋንቶሰ አሾንታ
ሚዛ ካና ሱይቲ ማላ።
 - 4 ኢዚን ዲዛ ናቤቲ ኦቶሪንቻታኔ
አሰ ባሌሊዛይታ።
ቄሴቲ ጸሳ ኬላ
ቱኒሴቴሰ፤
ዋጋ ቦላካ ማካሌቲሰ።
 - 5 ኢዚን ዲዛ ጎዳይ ኢዚ ዲሎ።
ሙሌካ ባሌቲ ኤሬና፤
ማላዶ ማላዶ ሱሬ ፐርዳሰ፤
ኡባ ጋላሲካ ዳቡሪ ኤሬና፤
ገዳ አቲን ማካላንቻታሰ
ዩላይ ዳና።
 - 6 ጎዳይ፥ «ታኒ ዳሬታ ጳይሳዲሰ፤
ኢሰታ ሚጸይ ሙሌራ ጳይዳሰ፤
ኦኒካ ኢዛራ አዲንታ ማላ

- ኢሰታ ኦጌ ካይዚሳዲሰ፤
ኢሰታ ካታማቲ ሙሌራ ጳይዳ፤
ኢሲ አሲካ ዳና፤
ኢሰታን ዳአናይካ ዳና።
- 7 ታ ሄ ካታማኖ፥
ቱማፔ ኔኒ ታሰ ያያና፤
ታ ሴሪሽን ኔ ኤካና ጋዲሰ ሽን፤
ሄሳ ገሻሰ
ኢዚ ዲሳሶይ ጳይና፤
ኢዚ ቦላ ቁጸቲይ ጋኬና።
ገዳ አቲን ታ ዳሬይ ኢታ ኦሶን፥
ካሴፔ ጌዳ
ሚኒ ሚኒ ቢዳሰ» ጌሰ።
- 8 ጎዳይ፥ «ሄሳ ገሻሰ ታ ፐርዳና
ጋላሳይ ጋካናሰ ዲሺቴ፤
ታኒ ዳሬ አሳኔ
ካዋታ ሸሻናሰ ቃቻዲሰ።
ታኒ ታ ሚኖ ሃንቆዛ ኢሰታ ቦላ
ጉሳናሰ ቃቻዲሰ።
ታ ሃንቆ ታማን
ኩሜላ ቢታይ ኤጻና።
- 9 ሄ ዋዳ አሳይ ኡባይ
ጎዳ ሱንሰ ጸይጋና ማላኔ
ሲጋን ኢዛሰ ሃጋዛና ማላ
ታ ኢሰታ ደና ጌሻና።
- 10 ቶጵያ ሻፋታፔ
ሄ ፐንፋን ላሌቲ ዲሼ
ታሰ ጎይኒዛ ታ ዳሬይ
ታሰ ያርሾ ኤሃና።
- 11 እንቴ ታ ቦላ ፖሊዳ ቆሆ
ኡባፌ ዳንዲዳይሳን፤
ሄ ጋላሰ ዩላቴኬታ፤
ባ ኦቶሬቲላን ኡፋዬቲዛይታ፥
ሃኖ ሃ ካታማይፔ ታ ዲጋና።
ሄሳፌ ጉዬ ታ ጌሻ ዙማን፥
እንቴ ታ ቦላ ኦቶሬቲኬታ።
- 12 ጎዳ ሱንፋን አማኔቲዛ፤
አሽኬታኔ ባንታና
ካወሽዛይታ፤
ታ እንቴ ገደን አሻና።
- 13 ኢሰራኤሌፔ ጫሻ አቲዳይቲ
ናጋራ ኦሴቴና።
ዋርዶ ሃሳዬቴና፤
ኢሰታ ደናንካ
ጌኔ ሃሳያይ ዳና።
ሄሳ ገሻሰ ኢሰቲ ሚዳ
ሳርን ዳኣና፤
ኢሰታ ባቢሳና ሚሺካ ዳና።
- 14 ሃኔ ዲዮኔ ናዬ አኔ ዩጸ!
ኢሰራኤሌ አሳዉ አኔ ኢሊሊቲ!
ሃኔ ዩሩሳሌም ናዬ!
ኩሜላ ዋዚናፔ ኡፋዬታ!
ኡፋዬታሼ ሃሹ ጋ!
- 15 ጎዳይ ኔ ቦላ
ዩዛ ቁጸቲዛ ዲጊዳሰ፤
ኔ ሞርኬታካ ኔፔ ዛሪዳሰ።

ጎዳይ ኢሰራኤል ካዎይ
ኔናራ ዳሰ፤

ሃይሳፌ ጉዩ
አይ ኢታሲካ ባባካ።
16 ሄ ዎዴ አሳይ ዩሩሳላሜስ፥
ረዲዮኔ ኔ ባቦፋ፤
ኔ ቁሴይ ዳቡር።

17 ጎዳ ኔ ጸሳይ ኔናራ ዳሰ፤
ኢዚ አሺዛ ሚኖ ኦላንቻ።
ኢዚ ኔናን ዳሮ ኡፋዬቲሰ፤
ኢዚ ባ ሲቆን ኔና ዎፒሳና፤
ኔ ዬላን ኢዚ ቦንቹቲዲ
ኡፋዬታና ጋና።

18 «ቦንቻ ባኣሌ ጋላሳቲ
አቲዳ ገሻሰ
ኔኒ ሙዙቲዳይሳኔ፥
ኔሰ ቶሆ ገዲዳ ዬላ
ታ ኔፔ ዲጋና።

19 ሄ ዎዴ ኔና ኡንኤሊዳይታ
ታ ቃጸያና።
ዎቤታ ታ አሻና፤
ላሌቲዳይታካ
ታ ሺሻና።
ኢሰቲ ካወዱዳ ዴሬ ኡባን
ታ ኢሰታ ቦንቻሲኔ
ሳባሰ ጋላና።

20 ሄ ዎዴ ታ ኢንቴና ሺሻና፤
ኢንቴ ዴሬ ታ ኢንቴና ዛራና።
ኢንቴ ኢንቴ አይፌራ ቤዩሺን፥
ኢንቴፌ ዲኤቲዳ ሚሻ
ታ ኢንቴሰ ዛሪዛ ዎዴ
ቢታ ቦላ ዲዛ
ዴሬ ኡባ ሲንፋን
ታ ኢንቴሰ ሳባኔ
ቦንቻ ኢማና» ጌሰ።

ሃጌ ተንቢት ጊደ ቆፋ

ሃጌ ተንቢትን የተተዳ ቃንላ ከታተ ከርሰቶሳ ዩሌታፔ 500 ላይላፌ ሲንላን ጸሲ ናቤ ሃጌ ባጋራ አሊዳ ከታታ። ዳሪይ ቤቴፔ ሲሚዲ ዩሩሳላሚን ዱስ ደሚን ጉላ ላይላቲ አጳኮካ ጸሳ ከላይ ካሴ ላለቲዳሶሆን ዳሰ፤ ሄሳ ጊሻስ ዩዳ ከታይ ዳሪዛ ካለሊዛይታን ኢስቲ ጸሳ ከሌ ከጸላና ማላ ዳንሌላናሳ፤ ዳሪዚ ኦራጺዲኔ ጌሻቴላን ዲኮ ጸሲ ሲንላፌ አሳሰ ሳርቴሌኔ ዱራቴሌ አማናይሳ የቴሰ።

ሃ ማጻፋይ ኦይኪዳ ኩሜሳ ቆፋ
ጸሳ ከላይ ከጸታና ማላ ጎዳ አዛዞ 1:1-15
ጎዳይ ዳሪዛስ አሚዳ አንጆኔ ሚንሌሉ 2:1-19
ጎዳይ ዜሩባቤሌስ አሚዳ ሂዶታ 2:20-23

ጸሳ ከሌ ከጸታና ማላ አሚቲዳ አዛዞ
1 ዳሪዮሲ ካዎቲዳ ናምኣንሎ ላይላን ኡሱፑንላ አገናይ ጌሊዳ ኮይሮ ጋላስ። ጎዳ ቃላይ ናቤ ሃጌ ባጋራ ዩሁዳ ዳሪ ሃሪዛ ሳላቲያሌ ና ዜሩባቤሌስኔ ቄሴታ ሃላቃ አዮሳዶቄ ና ኢያሶኮ ሂዘጊሼ ዩዳስ።
2 ጎዳይ ኡባፌ ዎልቃማ ጸሳይ። «ሃይሲ ዳሪይ። «ጸሳ ከሌ ከጸታዛ ዎዳይ ቡሮ ጋኪቤና» ጌሰ።»
3 ጎዳ ቃላይ ናቤ ሃጌ ባጋራ ሂዘጊሼ ዩዳስ።
4 «ታ ከላይ ላለቲ ዲሺን አንቴ ሎኦ ከላን ዳናስ ሃይሲ አንቴሰ ቤሲዛ ዎዳይ?»
5 ሄሳ ጊሻስ ጎዳይ ኡባፌ ዎልቃማ ጸሳይ አንቴና። «አኔ አንቴ ኦላይሳ ቆፐፐ።»
6 ዳሮ ዜሪዳታ ሺን ጉላ ማጺ ሺሺዳታ። ሚዳታ ሺን ካሊቤኮታ፤ ኡዩዳታ ሺን አሊቤኮታ፤ ማይኢዳታ ሺን ማይኦይ አንቴና ሆኢቤና፤ ዳሞዛ ኤኪዳታ ሺን አንቴ ኤኪዳ ዳሞዛይ ዳከላ ካራጺቴን ዎሊዳይሳ ማላ» ጌሰ።
7 ጎዳይ ኡባፌ ዎልቃማ ጸሳይ። «አኔ አንቴ ኦሊዳይሳ ቆፐፐ።»
8 ፑዳ ዙማ ቦላ ከዚዲ ሚላ ኤኪ ዩቴ፤ ከላካ ከጸቲ፤ ታኒካ ኢዛን ኡፋይታናኔ ቦንቼታና» ጌሰ።
9 ጎዳይ ኡባፌ ዎልቃማ ጸሳይ። «አንቴ ዳሮ ዳማና ገዳታሺን ጉላ ዳሚዳታ፤ ሂናካ አንቴሶ ጌልሊዳ ዎዳ ታ ፑና ጳይሳዲሰ። ሄሳ ታ ኦሊዳይ አንቴሰ አይ ሚሳቲዜ? ታ ከላይ ላለቲ ኡቲን አንቴ ወሪካ አንቴ ከሌ ከጸናስ ዎጺዛ ጊሻሳ።
10 ሄሳ ጊሻስ አንቴ ጌደን ሳሎፔ ፑሴይካ ዲጌቲዳሰ፤ ቢታይካ ካላ ዲጊዳሰ።
11 ታኒካ ጎሻታ ቦላኔ ዙማታ ቦላ። ካላ ቦላኔ ኦራላ ዎይኔ ኡሻ ቦላ። ዛይቴ ቦላ። ቢታይ አሚዛ አይፌ ኡባ ቦላ። አሳ ቦላ። ሚሄ ቦላኔ አንቴ ኩሼ ኦሶ ኡባ ቦላ ኮሻ ኤሃና» ጌሰ።

ጎዳስ ዳራ አዛዜቱላ
12 ሃሳፌ ጉዬ ሳላቲያሌ ና ዜሩባቤሊይ ቄሴታ ሃላቃ አዮሳዶቄ ና ኢያሶይኔ ዲኤቴላፌ ሽምፖራ ፓጻ ሲሚዳ አሳይ ጎዳ ባንታ ጸሳ ቃላኔ ናቤ ሃጌ ባጋራ ጸሲ ከቲዳ ቃላስ አዛዜቲዳ። አሳይካ ጎዳስ ያዩዳሰ።

13 ቃሴካ ጎዳይ ከቲዳ ሃጌይ ሄሳ ጎዳ ከታ ዳሪዛስ። «ጎዳይ ታ አንቴናራ ዳይሰ» ጌሰ ጊዲ የፐዳሰ።
14 ሄሳ ጊሻስ ጎዳይ ዩሁዳ አይሲዛ ሳላቲያሌ ና ዜሩባቤሌ። ቄሴታ ሃላቃ አዮሳዶቄ ና ኢያሶይኔ ዲኤቴላፌ ሽምፖራ ፓጻ ሲሚዳ ዳሪዛ ኡባ ዎዚና ዳንሌሊዳሰ። አሳይካ ዩዲ ባ ጎዳ ኡባፌ ዎልቃማ ጸሳ ከሌ ከጸ ደሚዳሰ።
15 ሄሲካ ዳሪዮሲ ካዎቲዳ ናምኣንሎ ላይላን ኡሱፑንላ አገናይ ጌሊዳ ናምኡ ታማኔ ኦይዳንሎ ጋላስ ሃኒዳሰ።

2

ኦራላ ከጸቲዛ ጸሳ ከላ ቦንቼ
1 ላፑንላ አገናይ ጌሊዳ ናምኡ ታማኔ ኢሲንላ ጋላስ ጎዳ ቃላይ ናቤ ሃጌ ባጋራ ሂዘጊሼ ዩዳስ።
2 ጎዳይ ኡባፌ ዎልቃማ ጸሳይ ሃጌሰ። «ዩሁዳ አይሲዛ ሳላቲያሌ ና ዜሩባቤሌስ። ቄሴታ ሃላቃ አዮሳዶቄ ና ኢያሶይኔ ዲኤቴ ሽምፖራ ፓጻ ኣቲ ሲሚዳ አሳሰ።
3 «አንቴ ጋርሳን ሃይሳ ከላ ካሴ ኢዚ ቦንቼራ ዲሺን ቤኢዳዳይ ኦኔ? ሃኢ ቃሴ አንቴሰ አይ ሚሳቲ ቤቴዜ? ሃይሲ አንቴ ኣቻን ቆዳን ጌሎንታዝ ጊዳይ?
4 ሃኢ ቃሴ ዜሩባቤሌ ሚና! ቄሴታ ሃላቃ አዮሳዶቄ ና ኢያሶ ሚና! አንቴኖ ሃ ዳሪ አሳቶ ወሪካ ሚኒቴ! ታ አንቴናራ ዲዛ ጊሻስ ኦሊቴ» ጋ የታኔ ኦይቻ።
5 አንቴ ጊብጾፔ ከዚዛ ዎዳ ታ አንቴሰ። «ታ አያናይ አንቴናራ ዲዛ ጊሻስ ባቦፍቴ» ጊዳ ቃላይ ሃይሳ።
6 «ጎዳይ ኡባፌ ዎልቃማ ጸሳይ። «ማታ ዎዳ ታ ናምኣንሎ ሳሎኔ ሳኦ። አባኔ ቢታ ኢሲቶ ቃላና።
7 ካዎቲላታ ኡባ ታ ቃሴላና። ካዎቲላታ ኡባ ሃሮይ ሃ ያና ማላ ታ ኦላና። ሃይሳ ሃ ከላን ታ አንጆ ኩንላና።
8 ኩሜሳ አላሚን ዲዛ ቢራይኔ ዎርቃ ኡባይ ታሳ።
9 ሃይሳ ሃ ከላ ቦንቼይ ካሴ ከላ ቦንቼፌ አጳና። ታኒ ሃይሳን አንቴሰ ኩሜሳ ሳርቴሌ አማና» ጌሰ።

ናቤ ሃጌይ አሚዳ ዞሪ
10 ዳሪዮሲ ካዎቲዳ ናምኣንሎ ላይላን ኡዲፋንሎ አገናይ ጌሊዳ ናምኡ ታማኔ ኦይዳንሎ ጋላስ ጎዳ ቃላይ ናቤ ሃጌ ባጋራ ሂዘጊሼ ዩዳስ።
11 ጎዳይ ኡባፌ ዎልቃማ ጸሳይ። «ሙሴ ዎጋይ አይ ጊዛኮ ቄሴታ ሃላቃታ ሂዘጋ ኦይቻ።
12 ኢሲ አሲ ጸሳስ ያርሼቲዛ ኣሾ ባ ኣፋላ ቃላምኦ ጊደን ኤኪኮ ሄ ማይኦዛራ ዲዛ ኣሾይ። ዎይኮ ኡከሌ ዎይኮ ዎዳይ ዎይኮ ዎይኔፔ ኣጌቲዳ ጫጃይ ዎይኮ ዛይቴይ ዎይኮ ሃራ አይ ቆሞ ካላ ኢዚ ቦቹኮ ሄ ቦቹቲዳይሲ ጌሽ ጊዳንዳ?» ጊዲ ኦይቹን ቄሴቲካ። «ጌሽ ጊዳና» ጊዲ ዛሪዳ።
13 ሃጌይ ቃሴካ። «አሃ ቦቹዲ ቲዲዳ አሲ ሃይታፔ ኢሳ ቦቹኮ ሄ ቦቹቲዳ ካላይ ቱናንዳ?» ጊ ኦይቹን ቄሴቲካ። «ኤ ቱናና» ጊዲ ዛሪዳ።
14 ሃሳፌ ጉዬ ሃጌይ። «ሃይሲ ዳሪይኔ ሃይሳ ባጋ አሳይካ ሃሳ ማላ፤ ኢስታ ኦሶይኔ ኢስቲ ታሰ ሺሺዛ ኢሞታይ ወሪካ ሃሳ ማላ ታ ሲንላን ቱና» ጌሰ ጎዳይ።

ጸሲ ዜሩባቤሌስ አሚዳ ሂደታ

15 «ጎዳይ፣ ሐላጅ ደሚዳ ጸሳ ከላ ገምቤታ ደማናፕ ካሴ አንቴ ቦላን ጋኪዳይሳ አከከቱ።

16 አንቴ ናምኡ ኮንታሌ ካላ ኤካና ጊዲ ካላ ደሬኮ ቢዳታ ሺን ኢሲ ኮንታሌ ጸላ ዳሚዳታ። ኢሲ ጸቱ ሊቲሮ ጊዲዛ ዋይኔ ኡሹ ኤካናሰ ጊዲ ዋይኔ ኡሹ ጉምኢዛሶሆ ቢዳታ ሺን ፔጺ ኦይዱ ታሙ ሊቲሮ ጸላ ዳሚዳታ።

17 ታኒ አንቴ ኩሼይ ኦሊዳዝ ወርሳ ኩቱልኤን፣ ቆሻኒኔ ሻቻን ጳይሳዲሰ፤ ጊዲኮካ አንቴ ቃሴ ሃ ታኮ ሲሚቤኬታ።

18 ሃና ሃ ኡዱፋንላ አገናይፕ ሃቾ ሃ ናምኡ ታማኔ ኦይዳንሉ ጋላሳሬ ሃ ሲሚን ጸሳ ከላሰ ዮቺ ዩጌቲዳ ጋላሰ ጋካናሰ ዲዛ ዋይዛ ዋዚናን ዋሊቲኔ ዩሺ ቆፒቲ።

19 ሃኢ ዜሬላሰ ጊዲዛ ካላ ጎታራን ጳይኮ፣ ቃሴካ ዋይኔይኔ ባላሴ ሚሊ፣ ኦሮማኔይኔ ዋጋራ ሚሊ ኡባይ ሃቾ ጋካናሰ ኣይሬ ኣይፎንታ ኣገኮካ፣ ሃቺሬ ደማዳ ታኒ አንቴና ኣንጃና ጌሰ» ጊዴሰ።

20 ሄ አገናን ናምኡ ታማኔ ኦይዳንሉ ጋላሰ ጎዳ ቃላይ ቃሴካ ሂዘጊሼ ሃጌኮ ዪዴሰ።

21 ጎዳይ ሃጌሰ፣ «ዩሁዳ ሃሪዛ ዜሩባቤሌስ፣ ሐኒ ሳሎኔ ሳኦ ቃላና» ጊዴሰ ጋዳ ዮታ።

22 ካዋታ ታ ኢሰታ ኣራታፕ ዲጋና፤ አላጋ ካዋታሰ ዲዛ ዋልቃ ታ ጳይሳና፤ ፓራ-ጋሬታኔ ኢሰታ ቶጋንቻታ ታ ሺራ ዩጋና፤ ፓራቲኔ ፓራ ቶጊዛይቲ ኢሶይ ኢሳራ ባንታ ጊደን ሃይቄታና።

23 ሄ ጋላሰ ታኒ ታ ኣይሌ ሳላቲያሌ ና ዜሩባቤሌ ታ ኔና ኤካና፤ ታ ኔና ታሰ ማታሜ ሾጪዛ ቃላባቲ ሂሰታና፤ ታ ኔና ደራዲሰ» ጊዴሰ።

ዛካሪያ ቲንቢቲ ጊደ ቆፋ

ናቤ ዛካሪያ ማጻፋይ ናምኡ ኬዚ ሻኬቲዳ። 1።
 ሹም 1-8 ኪርሰቶሲ ዩሌታናፕ ካሴ ኢቻሽ ዴታኔ ናምኡ ታሙ ላይላፊ ቢዲ ኢቻሽ ዴታኔ ታማኔ ኦሰፕን ላይላ ጋካና ዲዛ ላይላታ ጋርሳን ዲማ ዲማ ዋዴታን ናቤ ዛካሪሲ ዮቲዳ ቡርፔ ሃናና ቃላታ ኦይኪዳ ከፊሌታኮ። ሄይቲካ ሄ ቲንቢቲ ቃላቲ አጃታ ማላን ሸቁዳይታ ጊደሺን ዩራሳላሚ ኦራጶ ገሻሰ ጎዳ ኬላይ ሲሚ ኬዴታናይሳ ገሻሰ። ጎዳይ ዴሬዛ ቡር ገሻናይሳ ገሻሰኔ ሲንላፊ ያና ማሲሄዛ ገሻሰ ዮቲዳይታ። 2። ሹም 9-14 ጋካናሰ ዲዛ ከፊሌዚ ጉዬፕ ታኪዲ ሃናናይሳ ዮቲዳ ቃላታ። ሄይቲ ሄ ቡርፔ ሃናና ቃላቲ ዮቲዳይ ቡርፔ ያና ኪርሰቶሳ ገሻሰኔ ወርሴላ ፐርዳ ገሻሳ።

ሃ ማጻፋይ ኦይኪዳ ኩሜላ ቆፋይ

- ኮይር አጃታይ ፓራታኔ ቶጋ ኣሳታ 1:1-7
- ናምኣንሎ አጃታይ ሜዶሳታ ካጩታ 1:18-21
- ሄቫንሎ አጃታይ ዋቆ ዋዶር 2:1-13
- ኦይዳንሎ አጃታይ ናቤ ዛካሪሲ ቄሴታ ሃላቃ ገሻሰ ቤኢዳ አጃታ 3:1-10
- ኢቻሻንሎ አጃታይ ጸምፔኔ ዋጋራ ሚላታ 4:1-14
- ኡሱፑንሎ አጃታይ ፐራዲዛ ጸላ ማጻፋ 5:1-4
- ላፑንሎ አጃታይ ዳቾ ጊደን ዲዛ ማጫሳዮ 5:5-11
- ኦሰፕንሎ አጃታይ ፓራ-ጋሬታ 6:1-8
- ኢያሶ ቲይዲ ካዋሳና ማላ ኢሜቲዳ ኣዛዘ 6:9-15
- ጸሲ ቤሶንታ ጸማ ኤኮንታይሳ 7:1-7
- ኣዛዜቶንታ ኢጶይ ጎዴቲላሰ ጋሶ ጊደላ 7:8-14
- ጸሲ ዩራሳላሚ ገሻሰ ኢሚዳ ሂዶታ 8:1-23
- ጸሲ ባ ዴሬዛ ኣሺዲ ኢሰታ ሞርኬታ ቃጸያናይሳ 9:1—11:3
- ኢሰራኤሌ ኣሳ ካሌላዚ ናምኣታ 11:4-17
- ዩራሳላሚ ጸና 12:1-9
- ዴሬዚ ኦላን ጫዴቲዳይሳሰ ቃዴቲዲ ጎዳኮ ሲም 12:10—13:9
- ወርሴላ ኦላኔ ጎዳ ጸና 14:1-21

ኣሳይ ጸሳኮ ሲማና ማላ ጎዳይ ጸይጌሰ
 1 ዳሪዮሲ ካዋቲዳ ናምኣንሎ ላይላን ኦሰፕንሎ ኣገናን ጎዳ ቃላይ ኢዶ ና ባራካዬ ና ናቤ ዛካሪሳኮ ዪዳሰ፤
 2 «ጎዳይ ካሴ ኢንቲ አዋታ ቦላ ኬሂ ሃንቄቲዳ።
 3 ሃኢ ጊዲኮ ኣሳሰ። ታኮ ሃ ሲሚቲ፤ ታኪካ ኢንቲኮ ሲማና፤ ጌሰ ኡባፊ ዋልቃማ ጎዳይ።
 4 ካሴ ናቤቲ ኢንቲ አዋታሰ። ሲንቲ ኢንቲ ኢታ ኦጌፔኔ ኢንቲ ኦሰፕ ሲሚቲ፤ ጊዲ ሚንላ ዮቲዳ፤ ጊደ ኣቲን ኢሰቲ ቃሴ ሲዩቤቲናኔ ታ ኣዛዘካ ናጊቤቲና፤ ሄሳ ማላ ኢንቲ ኢንቲ አዋታ ማላ ሃናፕቲ።
 5 ካሴ ኢንቲ አዋቲ ሃኢ ኣዋን ዲዛ? ናቤቲካ ማርናሰ ዴኣንዴቶ?
 6 ጊደ ኣቲን ታኒ ታ ናቤታ ባጋራ ዮቲዳ ቃላቲኔ ዋጋቲ ኢንቲ አዋታ ቦላ ጋኪቤቲኔ? ሲሰቲካ ማርቲላን ጌላሊሽ ኡባፊ ዋልቃማ ጎዳይ ባ ኮዪዳ

ማላ ኑ ኦሶ ማላኔ ኑ ኦጌ ማላ ኑሰ ቤሲዛዘ ኑ ቦላ ኦሊዳሰ » ጊዳ።

ዛካሪሲ አጃታን ቤኢዳ ፓራታ

7 ዳሪዮሲ ካዋቲዳ ናምኣንሎ ላይላን ሹባጶ ጌቲቲዛ ታማኔ ኢሲንሎ ኣገናን ናምኡ ታማኔ ኦይዳንሎ ጋላሳን ጎዳ ቃላይ ኢዶ ና ባራካዬ ና ናቤ ዛካሪሳኮ ዪዳሰ።
 8 ኦማርሳ ዋዴ አጃታን ዘኦ ፓራ ቶጊዳ ኢሳዴ ቤኣዲሰ፤ ሄ ኢዚካ ሸባ ጊደን ባርሲኔቲ ሚላታ ጋርሳን ኤቁዳሰ፤ ቃሴ ኢዛ ጉዬራ ዳማ። ዘኦኔ ቦላ ፓራቲ ዴቲሰ።
 9 ታኒካ። «ታ ጎዳ ሃይታንቲ ኣዜ?» ጋዳ ኦይቻዲሰ፤ ታናራ ሃሳይዛ ኪታንቻዚ ቃሴ። «ሃይታንቲ ኢሰቲ ኣዛኮ ታኒ ኔና ቤሳና» ጊዳሰ።
 10 ሄ ባርሲኔቲ ሚላ ጋርሳን ኤቁዳይሰ። «ሃይቲ ቢታ ኡባ ቦላ ሲሜሬቲ ጸሞሳና ማላ ጎዳይ ከቲዳይታ» ጊዳሰ።
 11 ኢሰቲካ ባርሲኔቲ ሚላ ጋርሳን ኤቁዳ ጎዳ ኪታንቻሰ። «ኑ ቢታ ኡባ ቦላ ሲሜሬቲ ጸሞሲዶሰ፤ ቢታ ኡባይ ዋፑ ጊዲ ዳሰ» ጊዳ።
 12 ሄሳፊ ጉዬ ጎዳ ኪታንቻይ። «ኡባፊ ዋልቃማ ጎዳወ! ላፑን ታሙ ላይላታን ኔ ኢሰታ ቦላ ሃንቄቲዳ ዩራሳላሚኔ ዩሁዳ ካታማታ ኔ ኣዪዳ ጋካናሰ ማርኪ?» ጊዳሰ።
 13 ጎዳይካ ታናራ ሃሳይዛ ኪታንቻሰ ኡፋይሲዛ ቃላኒኔ ሚንሌላዚ ቃላን ማልሌ ዛራዴሰ።
 14 ቃሴካ ታናራ ሃሳይዛ ኪታንቻዚ። «ሃይሳ ቃላ ዮታ፤ ኡባፊ ዋልቃማ ጎዳይ። ታኒ ጸዮኔሲኔ ዩራሳላሚሰ ኬሃ ቃዴታይሰ።
 15 ጊደ ኣቲን ሳርቲላ ዴሚዲ ዋጋን ዲዛ ካዋቲላታ ኬሃ ሃንቄታዲሰ፤ ሄሳሰ ጋሶይካ ታኒ ታ ዴሬዛ ቦላ ጉላራ ሃንቄቲን ካዋቲላቲ ታ ቆፋፔ ቦላራ ታ ዴራ ቆሂዳ» ጊዳሰ።
 16 «ሄሳ ገሻሰ ኡባፊ ዋልቃማ ጎዳይ። ታኒ ታ ማርቲላ ዩራሳላሚሰ ኢማና፤ ሄንካ ታ ኬላይ ሲሚ ኦራዲዲ ኬዴታና፤ ዩራሳላሚ ካታማያካ ዋዶርን ዋዴታና» ጌሰ።
 17 «ካሌላዲካ ኪታንቻዚ። ሲሰፊ ዋልቃማ ጎዳይ ታ ካታማቲ ኬሂ ዴሬታና፤ ጎዳይ ዩራሳላሚ ካሴ ማላ ማዳናኔ ባ ካታማ ሂሰቲ ዶራና » ጊ አዋጃቲ።

ዛካሪሲ አጃታን ቤኢዳ ኦይዲ ካጩታ

18 ሄሳፊ ጉዬ አጃታን ኦይዲ ካጩታ ቤኣዲሰ።
 19 ታናራ ሃሳይዛ ኪታንቻዚ። «ሃይቲ ኣዜ?» ጋ ኦይቻዲሰ፤ ኢዚካ። «ሃይቲ ዩሁዳ ኣሳ። ኢሰራኤሌ ኣሳኔ ዩራሳላሚ ኣሳ ላሊዳ ካጩታ» ጊዳሰ።
 20 ሄሳፊ ካሌላዲ ጎዳይ ናሪቃ ኦይኪዳ ኦይዲ ዋጋጩታ ታና ቤሲዳሰ።
 21 ታኒካ። «ሃይታንቲ ኣይ ኦላና ዪዶ?» ጋ ኦይቻዲሰ። ኢዚካ። «ሃይቲ ኦይካ ቆቁ ጊ ዴሎንታ ማላ ዩሁዳ ቢታ ላሊዳ ካጩታ፤ ሃ ዋጋጩቲ ዩዳይ ኢሰታ ዳጋንላናሲኔ ዴራ ላላናሰ ዩሁዳ ቦላ ባንታ ካጩ ዴንሊዳ ካዋቲላታ ካጩ ሚንላ ኦላናሳ» ጊዳሰ።

2

ዛካሪሲ አጃታን ቤኢዳ ዋቆ ዋዶር

1 ቃሴካ ታ አጃታን ዋቆ ዋዶር ባ ኩሼን ኦይኪዳይሳ በአዲስ።
 2 ታኒካ ኢዛ፡ «ኔ አዋ ባይ?» ጋ ኦይቻዲስ። ኢዚ ቃሴ፡ «ዬሩሳሌም አዲሳቲላይኔ አኮቲላይ አፑን ዋቆኮ ዋቆ በይና ባይስ» ገዴስ።
 3 ሄ ታናራ ሃሳይዛ ኪታንቻይ ቢዴስ። ሃራ ኪታንቻይካ ኢዛራ ጋጋናሰ ዪዴስ።
 4 ሂሰቲዲ ኢዛስ፡ «ዋጸ ባዳ ሄሳ ናቴላ አዳዛስ፡ «ዬሩሳሌም ደራሳ ላይ ኢዛን ዲዛ አሳ ዳርቴላፊኔ ማሄ ዳርቴላፊ ዴንደይሳን ካታማ ዩሾን ገምቤ ዲርሳ ኮሼና።
 5 ታኒ ታርካ ኢዚሰ ታማ ዲርሳ ገዳና፤ ኢዚ ገደን ታኒ ኢዚሰ ቦንቾ ገዳና፤ ጌሰ ጋዳ ዮታ» ገዴስ።

ቤቲዳ አሳ ሲዎ

6 ጎዳይ ባ ዴራ፡ «ታ ካሴ አንቲና ኦይዱ ባጋ ላላዲሰ፤ ሃኢ ገዲኮ ፑዳሃ ባጋፊ ባቃቲ ኬዚቴ፤ ሃ ዪቴ።
 7 ሃኔ ጸዮኔ ሃ ያ፤ ባቢሎኔ ማጫ ናይታራ ዴኢዛሬ ኢሰታ ገዶፊ ባቃታ።
 8 ኡባሬ ዋልቃማ ጎዳይ፡ ባ ቦንቾ ቆንጫሳና ማላ ባ አሳ ቦንቁዳይታ ካዎቲላኮ ታና ኪቲዴሰ፤ አንቲና ቦቹዛይ ታሰ አይፊ ጫር ቦቹዛ ማላ።
 9 ሄኮ ታኒ ታ ኩሼ ኢሰታ ቦላ ዴንላና፤ ኢሰታ አይሌቲ ኢሰታ ቦንቃና፤ ሄሳፊ ጉዬ ኡባሬ ዋልቃማ ጎዳይ ታና ኪቲዳይሳ አንቲ ኤራና።
 10 «ሃኔ ጸዮኔ ናዬ እኔ ኢሊላ፤ ኡፋዬታ፤ ታኒ ያዳ ኔ ገደን ዳና» ጌሰ ጎዳይ።
 11 ሄ ጋላሰ ዳር ካዎቲላቲ ጎዳኮ ሸቂዲ ኢዛ ዴሬ ገዳና፤ ኢዚካ ኔ ገደን ዴኣና፤ ኡባሬ ዋልቃማ ጎዳይ ታና ኔኮ ኪቲዳይሳ ኔካ ኤራና።
 12 ጎዳይ ጌሻ ቢታይን ዩሁዳ ባሰ ቡዞ ሂሰቲ ላታና፤ ዬሩሳሌምካ ዛሬ ደራና።
 13 ጎዳይ ጌሽ ገዲዳ ባሰዛቴ ዴንዲዳ ገሻሰ አሾ ማይኢዳ ኡባይ ኢዛ ሲንላን ጮኡ ጎ።

3

ቄሴታ ሃላቃሰ ገዲዛ ጌሻ ማይኦ

1 ሄሳፊ ጉዬ ቄሴታ ሃላቃ ኢያሶይ ጎዳ ኪታንቻ ሲንላን ኤቁዳይሳን ዳላኤይካ ኢዛ ሞታናሰ ኢዛቴ ኡሻቻ ባጋራ ኤቁዳይሳ ታና አጃታን በሲዴስ።
 2 ጎዳይ ቃሴ ዳላኤ፡ «ሃይሶ ዳላኤ ጎዳይ ኔና ሴር፤ ዬሩሳሌም ደራዳ ጎዳይ ኔና ሃንቆ፤ ሃይሶ አዳዚ ታማቴ አቲዳ ዳርጫ ገዴኔ?» ገዴስ።
 3 ኢያሶይካ ቂታ ማይኦ ማይኢዳ ኪታንቻዛ ሲንላን ኤቁዴስ።
 4 ኪታንቻዚ ባ ሲንላን ኤቁዳይታ፡ «ሃሳ ቂታ ማይኦዛ ኢዛ ቦላፊ ቃሪ ዲጊቴ» ገዴስ፤ ኢያሶሰካ፡ «ሄኮ ታ ኔ ናጋራ ኔቴ ዲጋዲሰ፤ ታ ኔና ሎኦ ማይኦ ማይዛና» ገዴስ።
 5 ቃሴ ታኒካ፡ «ጌሻ ጎሴ ኢዛ ሁኡን ጎዚሲቴ» ጋ አዛዛዲሰ፤ ጎዳ ኪታንቻይ ኢዛ አቻን ኤቁ ዲሺን ጌሻ ጎሴ ኢዛ ሁኡን ጎዚሲዳኔ ማይኦካ ማይዚዳ።
 6 ጎዳ ኪታንቻይካ ኢያሶይ ናጌታና ማላ ኢዛሰ ዞሬ አሚዴስ።

7 ኡባሬ ዋልቃማ ጎዳይ፡ «ኔ ታ ኦጌን ቢኮ፡ ኔ ታ አዛዛ ናጊኮ ታ ኬላ ኔ አይሳና፤ ጊቤዛሲካ ኔ አዋታና። ቃሴካ ሃይሳን ኤቁዳይታራ ኢሲፊ ኔ ጌላና ማላኔ ኬዛና ማላ ታ ኔሰ ማታ አማና።
 8 «ሃይሶ ቄሴታ ሃላቃ ኢያሶ ሲያ! ኔ ማታን ኔና ኦላ ማዲዛይቲ ቡር ሲንላፊ ሃናና ሎኦ ማላታ ገዲዳ ገሻሰ ኢሰቲካ ሲዬቶ፤ ሄኮ ታኒ ቡር ፑርጫዛ ታ አይሌዛ ኤሃና።
 9 በያ! ታኒ ኢያሶ ሲንላን ላፑን አይፊይ ዲዛ ሹቾ ዋላና፤ ታ ሄ ሹቻ ቦላን ዳፊቲዛዛ ዋጫ ዋጫ ዳፋና፤ ሄ ቢታይ ናጋራካ ታ ኢሲ ጋላሰ ዲጋና» ጌሰ።
 10 ኡባሬ ዋልቃማ ጎዳይ፡ «ሄ ዋዴ ኢሶይ ኢሶይ ባ ዋይኔ ሚላ ጋርሳኔ ባ ባላሴ ሚላ ጋርሳን ባ ላጌ ዲጊሳሰ ዳይጋና» ጌሰ።

4

ዛካርያ አጃታን በኢዳ ጸምፔ ዋላዛሶኔ ዋጋራ ሚላ

1 ታና ሃሳይሲዳ ኪታንቻዚ ሲሚ ዪዲ ኢሲ ኢሲ አሲ ዲሰኮፊ በጊዛ ማላ ታና በጎላዴስ።
 2 ኢዚካ፡ «ሃይሶ ሄሲ ኔ በኢዛይሲ አዜ?» ገዴስ። ታኒካ «ሄኮ ኢዛ ቦላ ዛይቲ ኦቶይ ዲዛ ኩሚላራ ዋርቃ ገዲዳ ጸምፔ ዋላዛ ባላ በአዲስ፤ ሄ ባላታ ቦላ ላፑን ቦምባይ ዲዛ ላፑን ጸምፔታ በአዲስ።
 3 ቃሴካ ናምኡ ዋጋራ ሚላታ በአዲስ፤ ኢሰታፊ ኢሶይ ዛይቲራ ዲዛ ኦቶዛቴ ኡሻቻ ባጋራ ዲዛይሳ ቃሴ ኢሶይ ሃዲርሳ ባጋራ ዲዛይሳ በአዲስ» ጋዲሰ።
 4 ታናራ ሃሳይዛ ኪታንቻዛ፡ «ታ ጎዶ! ሃይታንቲ አዜ?» ጋ ኦይቻዲስ።
 5 ኢዚካ ታሰ፡ «ሃይቲ አዛኮ ኔ ኤርኪ?» ገዴስ። ታኒካ ኢዛሰ፡ «ታ ጎዳዉ! ታ ኤሪኬ» ጋዲሰ።
 6 ቃሴካ፡ «ጎዳይ ዜሩባቤሌሰ ዮቲዳ ቃላይ ሃይሳ፡ ታ አያናንቴ አቲን ዋልቃኔኔ ሚኖቲላን ገዴና፤ ጌሰ ኡባሬ ዋልቃማ ጎዳይ።
 7 «ሃይሶ ገታ ዙማዞ ኔ አዜ? ኔ ዜሩባቤሌ ሲንላን ቲጂ ገዳ ዴምባ ገዳና፤ ቃሴ ዜሩባቤሌይ ጸሳ ኬላ ኬጸ ጊጊዲ ቁሰቲ ሹቻ ፑዴ ኬሲዛ ዋዴ አሳይ፡ «ሃሹ ሃሹ ሎኦን ፖሌቲዴሰ» ገዴሳና» ጌሰ።
 8 ቃሴ ጎዳ ቃላይ ታኮ ዪዴስ፤
 9 «ዜሩባቤሌ ኩሼይ ሃይሳ ጎዳ ኬላሰ ዮቻ ሹቾ ዋላዴሰ፤ ኢዛ ኩሼይ ኬጸ ፖላና፤ ሃሳፊ ጉዬ ኡባሬ ዋልቃማ ጎዳይ ታና አንቲኮ ኪቲዳይሳ አንቲ ኤራና።
 10 «ጉላ ሚሻቲ ሃኒዛ ጋላሰ ካጂዳይ ኦኔ? አሳይ ዜሩባቤሌ ኩሼን ቱምቤ በኢዲ ኡፋዬታና፤ ሃይቲ ላፑን ጸምፔታ ኢሰታ ቦላ ዋላዛ ላፑን ባላቲ አላሚ ቦላ ዩዩ ጸሊዛ ጎዳ አይፊታ።»
 11 ሃሳፊ ጉዬ ታኒ ኪታንቻዛ፡ «ጸምፔዛቴ ኢሰታ ቦላ ዋላዛ ባላታቴ ኡሻቻ ባጋራኔ ሃዲርሳ ባጋራ ዲዛይቲ ሃይቲ ዋጋራ ሚላቲ ኢሰቲ አዜ?» ጋ ኦይቻዲስ።
 12 ቃሴካ፡ «ናምኡ ዋርቃ ቦምባታ አቻን ዋጋራ ዛይቲይ ኢሰታፊ ጉኪዛ ናምኡ ቦምባታ ማታን ዲዛ ናምኡ ዋጋራ ሃጋቲ አዜ?» ጋ ኦይቻዲስ።

3:1 እዝ 5:2፤ እጁ 12:10 3:2 ዩሁ 9 3:8 ኤር 23:5፤ 33:15፤ ዛካ 6:12 3:10 ሚኪ 4:4 4:3 እጁ 11:4 4:6 እዝ 5:2
4:10 እጁ 5:6 4:11 እጁ 11:4

13 እዚካ ታና፡ «ሃይቲ አዛኮ ኔ ኤርኪ?» ጊዳሰ፤ ታኒካ እዛሰ፡ «ታ ጎደ! ታ ኤሪኬ» ጋዲሰ።

14 እዚ ቃሴካ፡ «ሃይቲ ናምኣቲ ሜዴቱላ ኡባ ጎዳ ሲንላን ኦላና ቲዬቲዳ አሳታ» ጊዳሰ።

5

ፕራዲዛ ጸላ ማጻፋ

1 ታ ዛራዳ ጸሊሺን ሄን ታ ሲንላን እሲ ፕራዲዛ ጸላ ማጻፋ ቤኣዲሰ።

2 እዚካ ታና፡ «አይ ጸላይ?» ጊ ኦይቺዳሰ። ታኒካ እዛሰ፡ «አዲሳቲላይ ናምኡ ታሙ ዋቋ፡ ጎምፓይ ታሙ ዋቋ ጊዲዳ እሲ ፕራዲዛ ጸላ ማጻፋ ቤኣዲሰ» ጋዲሰ።

3 እዚካ ታሰ፡ «ሃ ጸላ ማጻፋ ጊደን ቢታ ኡባ ቦላ ያና ቃንጌሊ ጸፊቲ ኡቲዳሰ፤ ሄ ማጻፋን እሲ ባጋራ፡ ሳይሶ ኡባይ ቢታ ቦላፊ ቆያና» ጌቲቲ ጸፊቲዳሰ፤ ቃሴካ ሃንኮ ባጋራ፡ «የርዶ ጫቂዛ ኡባይ ቆያና» ጌቲቲ ጸፊቲዳሰ።

4 ኡባፊ ዋልቃማ ጎዳይ፡ «ታኒ ቃንጌሊ ኤሃና፤ እዚካ ካይሶታ ኬሊኔ ታ ሱንላን የርዶ ጫቂዛይታ ኬሊ ጌላና፤ አሰታሰ ሄን ዲዛ ኬላ፡ ሚላኔ ሹቻ ኡባ ቆይሳና» ጌሰ።

ዳቾ ጊደን ዛካራሲ አጂታን ቤኣዳ ማጫሳዮ

5 ሄሳፊ ካሊዲ ታናራ ሃሳዬቲዛ ኪታንቻይ ታኮ ዪዲ፡ «ሃይሲ ዪዛይ አዛኮ ቆቁ ሂሰታ ጸላ» ጊዳሰ።

6 ታኒካ እዛ፡ «ሃይሲ አዜ?» ጋ ኦይቻዲሰ። እዚካ «ሃይሲ ማካ ዳቾ» ጊዳሰ፤ ቃሴካ ጉጂዲ፡ «ሃይሲ ቢታ ቦላ ዲዛ አሳይ ኦሊዳ ቆሆዛ ቤሲዛ ማላታ» ጊዳሰ።

7 ሄሳፊ ጉዬ አርሳሴ ጌቲቲዛ ቢራታፔ ኦሴቲዳ ካማይ ቃሬቲዛ ዋዴ ዳቾዛ ጊደን ኡቲዳ እሲ ማጫሳዮ ቤኣዲሰ።

8 ኪታንቻዚካ ታሰ፡ «ሃና ቱና» ጊ ዮቲዲ እዛ ጉዬ ዛሪ ዳቾዛ ጊደ ናቂ ጌልሊዳሰ፤ ሄ ዳቾ ካማዛካ ዛሪ ካሚዳሰ።

9 ሄሳፊ ጉዬ ታኒ ፑዴ ቆቁ ጋ ጸሊሺን እሰታሰ ቁፊታን ጫርኮይ ዲዛ ናምኡ ማጫሳታ ቤኣዲሰ፤ እሰታሰ ቁፊይካ ካፎ ዋሌ ቁፊ ማላ፤ እሰቲ ሄ ዳቾዛ ዴንሊ ኤኪዲ ፑዴ ሳሎ ፕራዲዳ።

10 ታኒካ ታናራ ሃሳይዛ ኪታንቻዛ፡ «ሃይቲ ዳቻ አዋ ኤፊዞ?» ጋ ኦይቻዲሰ።

11 እዚካ፡ «እዛሰ ኬሊ ኬጸናሰ ሳናኦሬ ዴሬ ኤፊቲሰ፤ ኬጾቲ ጊዚ ዋዴ ዳቾዛ ሄን ዋላና» ጊዳሰ።

6

ዛካራሲ አጂታን ቤኣዳ ፓራ-ጋሬታ

1 ቃሴካ ሃራ አጂታን ኦይዲ ፓራ-ጋሬቲ ናምኡ ጸርቁማላ ዙማታ ጊደራ ዪዛይታ ቤኣዲሰ።

2 ኮይሮ ጋሬዛ ጎቺዛ ፓራዚ ዞኦ፡ ናምኣንሉዚ ካሬላ።

3 ሄቫንሉዚ ቦላ፡ ኦይዲንሉዚ ቃሴ ማሳራ ጊዲሺን ፓራቲ ኡባይካ ዋልቃማ።

4 ታኒካ ታናራ ሃሳይዛ ኪታንቻዛ፡ «ታ ጎደዉ! ሃይታንቲ አዜ?» ጋ ኦይቻዲሰ።

5 ኪታንቻዚካ፡ «ሃይቲ ሳኣ ኡባ ጎዳ ሲንላን ኦሊዳሰ፤ ኬዚዳ ሳሎ አያና ኦይዲታ።

6 ካሬላ ፓራቲ ጎቺዛ ጋሬይ ፑዴሃ ባጋ፡ ቦላ ፓራቲ ጎቺዛ ጋሬይ አርሼ ጌሎሶ ባጋ፡ ማሳራ ፓራቲ ጎቺዛ ፓራይ ዲጌሃ ባጋራ ዲዛ ዴሬ ቤቲሰ» ጊዳሰ።

7 ሚኖ ፓራቲ ቡሮ ኬዚሼ ቢታ ኡባ ቦላ ሲሜሬታናሰ ለሶቲቲሰ፤ እዚካ እሰታ፡ «አንቲ ሳኣ ኡባ ጋርሰ ቢዲ ጸሞሲቲ» ጊዳሰ፤ እሰቲካ ቢዲ ጸሞሲዳ።

8 ቃሴካ ኪታንቻዚ ታሰ፡ «ፑዴሃ ባጋ ዴሬታ ቢዳ ፓራቲ ታ አያና ሹምፕሲዳ» ጊዲ ባ ቃላ ቆቁ ሂሰቲ ዮቲዳሰ።

ኢያሶ ሁኤ ቦላ ዋቋዳ ካላቻ

9 ጎዳ ቃላይ ታኮ ዪዳሰ።

10 ባቢሎኔ ዴሬፔ ዲኦፔ ሲሚዳ ሄልዳዬፔኔ ያዳያፔ ዋርቃኔ ቢራ ኤካዳ ሄ ጋላሲካ ሶፎናሳ ና ኢዮሲያሳ ሶ ባ።

11 እሰቲ አሚዳ ቢራፔኔ ዋርቃፊ ካላቻ ሚቆዳ ኢዮሳዶቁ ና ቁሴታ ሃላቃ ኢያሶ ሁኤን ጎጸ።

12 ኔኒ እዛሰ፡ «ኡባፊ ዋልቃማ ጎዳይ፡ «እዛ ሱንላይ ሃጋ» ጌቲቲዳይሲ ሃይሳ፤ እዚካ ባ ዲዛሶን ዳያና፤ እዚ ጎዳ ኬላ ዛሪዲ ኬጸና።

13 እዚ ጎዳ ኬላ ኬጸና፤ እዚ ካዋ ማላ ቦንቾ ማይኣና፤ ባ ካዋቲላ አራታን ኡቲዲ ሃራና፤ ቃሴካ እዚ ባ አራታን ኡቲዲ ቁሴቲላን ኦላና፤ ሄ ናምኣቲካ ሳርቲላኒኔ ሲጋን ኦላና» ጌሰ ጋ ዮታ።

14 ሄ ካላቻዚካ ሄሌሚሰ፡ ጸቢያሰ፡ ያዳያሲኔ ሶፎናሳ ና ሄኔሰ ጎዳ ኬላ ጊደን እሰቲ ሃሳኢሲዛዘ ጊዳና።

15 ሃይቲ ሃሆን ዲዛይቲ ዪዲ ጎዳ ኬላይ ኬጾቲሺን እሰታ ኦሶን ማዳና፤ አንቲካ ታና ኡባፊ ዋልቃማ ጎዳይ ኪቲዳይሳ ኤራና። ጎዳ አንቲ ጸሳሰ አንቲ ዋዚናፔ አዛዜቲኮ ሄሲ ወሪ አንቲሰ ሃናና።

7

ጎዳይ ኤኮንታ ጸማ

1 ዳሪዮሲ ካዋቲዳ ኦይዲንሉ ላይላን ካሴሎ ጌቲቲዛ ኡዲፋንላ አገናን ኦይዲንሉ ጋላሰ ጎዳ ቃላይ ዛካራሳኮ ዪዳሰ።

2 ቤቲሌ አሳይ ጎዳይ ዋሳናሰ ሳርሳሬኔ ኤርጌሚ-ሚሌኬ እሰታራ ዲዛይታራ እሲፊ ከቲዳ።

3 እሰቲካ ኡባፊ ዋልቃማ ጎዳ ኬላ ቁሴታኔ ናቤታ፡ «ኦ ካሴ ዳሮ ዋዴ ኦሊዳይሳ ማላ ኢቻሻንላ አገናን ጨጫናሲኔ ጸማናሰ ኦሰ ቤሲዜ?» ጊዲ ኦይቺዳ።

4 ቃሴካ ጎዳ ቃላይ ታኮ ዪዳሰ፤

5 «ሃ ዴሬ አሳኔ ቁሴታ፡ «ካሴ አቋዳ ላፑን ታሙ ላይላታን ኢቻሻንላ አገናን ላፑንላ አገናን አንቲ ጸሚዳ ጸማይኔ አንቲ ጨጫዳ ጨጫይ ታ ቦንቾሴ?»

6 ካሴ አንቲ ሚዳይሲኔ ኡዲዳይሲ አንቲሰ ጸላ ጊዳኔ?»

7 ዩሩሳላሚይኔ እዚ አቻን ዩዩ አቋ ዲዛ ካታማቲ ሳርቲላኒኔ ዲሬቲላን ዲዛ ዋዴ ዲጌሃ ባጋ ዙማታ ጋርሳኒኔ አርሼይ ጌሊዛ ባጋን ዲዛ ዙማታ ጋርሳን ካሴ እሲ ሄን ዲዛ ዋዴ ጎዳይ ባ ናቤታ ባጋራ ዮቲዳ ቃላይ ሃይሳ ጊዳኔ?» ጋ ኦይቻ።

8 ጎዳ ቃላይ ቃሴካ ዛካራሳኮ ዪዳሰ፤

9 «ኡባፌ ዋልቃማ ጎዳይ፣ ጭሙ ፐርዳ ፐርዲቲ፣ ኢንቲ ጋርሳን ኢሶይ ኢሳራ ማሬቲቴኔ ኢሶይ ኢሳሰ ቃዲቲቴ።

10 አምኤታ፣ ዩኦታ፣ ቤቲ አሳታኔ ማንቆታ ሜቶላፍቲ፣ ኢሶይ ኢሳሰ ኢንቲ ዋዚናን ኢታ ቆፖፍቲ፣ ጌሰ።

11 «ኢሰቲ ቃሴ ሲያና ኮዩቤቴና፣ ዘኮ ዛሪዲ ባ ሃይላ ቱጨዳ።

12 ባ ዋዚና ዛላ ሹቻ ማላ ሚንሊዲ፣ ኡባፌ ዋልቃማ ጎዳይ ካሴ ናቤታ ባጋራ ባ ኣያናን ከቲዳ ቃላ ዋይኮ ዋጋ ሲዮንታ ኢዲዲ፣ ሄሳ ጊሻሰ ኡባፌ ዋልቃማ ጎዳይ ኢሰታ ቦላ ከሂ ሃንቁቲዳሰ።

13 ታ ኢሰታ ዴይጊሺን ኢሰታ ሲዩቤቴና፣ ሄሳ ጊሻሰ ኢሰቲ ታና ዴይጊሺን ታኒካ ሲዩኮ» ጌሰ ኡባፌ ዋልቃማ ጎዳይ።

14 ኢሰቲ ኤርንታ አላጋ ዴሬ ጊዶ ጎቲ ጫርኮን ኢሰታ ላላዲሰ፣ ኢሰታፌ ጉዬራ ሃራይ ኦኒካ ሄ ቦንታ ማላኔ ሃ ዮንታ ማላ ቢታያ አሲ ባይንዳ ቡላ ቢታ ጊዳዲሰ፣ ኢሰቲ ሎኦ ቢታዮ ቡላ ኦሊዳይ ሄሳ ማላና።»

8

ዩሩሳሌም ኦሩሳናሰ ጎዳይ ኢሚዳ ሂዶታ

1 ቃሴካ ኡባፌ ዋልቃማ ጎዳይ ታኮ ዩዳሰ፣

2 ኡባፌ ዋልቃማ ጎዳይ፣ «ታ ጸዮኒሰ ዳር ሚሹታይሰ፣ ኢዚ ሚሻይ ታና ጸጌሰ» ጌሰ።

3 ጎዳይ፣ «ታ ጌዴ ጸዮኒኮ ሲማና፣ ዩሩሳሌምንካ ዴኣና፣ ዩሩሳሌምይካ ቱሙ ካታማ ጌቲታወሰ፣ ኢዛካ ኡባፌ ዋልቃማ ጎዳሰ ጌሻ ዙማ ጌቲታና» ጌሰ።

4 ኡባፌ ዋልቃማ ጎዳይ፣ «ኣዴ ጨማቲኔ ማጫ ጨማቲ ካሴ ማላ ዩሩሳሌም ዲቡሻን ኡታና፣ ኢሰታፌ ኢሶይ ኢሶይ ጨማቲላ ጋሶን ጉፌ ኦይኪዲ ሄማታና።

5 ካታማይን ዲዛ ኦኒታን ካኢዛ ማጫ ናይቲኔ አቲማ ናይቲ ኩማና» ጌሰ።

6 ኡባፌ ዋልቃማ ጎዳይ፣ «ሃይሲ ካሴ ዲኤቶንታ አቲዳ ኢሰራኤሌ ናይታሰ ማላሊሲዛዝ ሚሳታና ሺን ታና ኡባፌ ዋልቃማ ጎዳ ማላሊሳናሰ ዳንዳይኮ?» ጌሰ።

7 ኡባፌ ዋልቃማ ጎዳይ፣ «ታኒ ታ ዴሬታ አርሼይ ሞኪዛ ባጋ ዴሬታፔኔ ወሊዛ ባጋ ዴሬታፔ አሻና።

8 ኢሰቲ ዩሩሳሌምን ዴኣና ማላ ታ ኢሰታ ዛራ ሃ ኢሃና፣ ኢሰቲካ ታ ዴሬታ ጊዳና፣ ታኒካ ጸሎቲላኒኔ አማኔቲላን ኢሰታ ጸሳ ጊዳና» ጌሰ።

9 ኡባፌ ዋልቃማ ጎዳይ፣ «ኡባፌ ዋልቃማ ጎዳ ኬላሰ ዮቺ ዩጌቲሺን ሄን ዲዛ ናቤቲ ዮቲዳ ቃላ ሃኢ ሲዩዛይቲ ኡባይ ኡባፌ ዋልቃማ ጎዳ ኬላ ኬጸናሰ ኢንቲ ኩሼ ሚንሊቲ።

10 ሃይሳፌ ካሴ አሳሰ ዳሞዛይ ኢማቲ ኤሬና፣ ማሄሰካ ኪራይ ኢማቲ ኤሬና። ሞርኬይ ዲዛ ጊሻሰ ኦኒካ ባ ኦሶ ዋጋራ ኦሊ ኤሬና፣ ካሴ ታኒ አሳይ ላጌይ ላጌ ቦላ ዴንዳና ማላ ኦሊዳ ጊሻሰ ሄሲ ሃኒዳሰ።

11 ሃኢ ቃሴ ታ ካሴ ኦሊዳ ማላ ሃይሳ ሃን አቲዳ ዴሬዛ ቦላ ኦሊኬ» ጊ አሞጃሰ።

12 ዜሬላይ ሎኦ ሞካና፣ ዋይኔ ሚላይ አይፋና፣ ቢታይካ ካላ ኢማና፣ ሳሎይካ ኢራ ኢማና፣ ሄይታ ወርሳካ ሃን ሃይሳን አቲዛ ዴሬዛሰ ጸንጾ ሂሰቲ ኢማና።

13 ዩሁዳ ዴሬኔ ኢሰራኤሌ ዴሬ አሳቶ! ኢንቲ ካሴ ካዋቲላታ ጊዶን ቃንጌቲዳ ዴሬ ማላ ቆዴቲዳታ፣ ሃኢ ጊዲኮ ታ ኢንቲና አሻና፣ ኢንቲካ አንጀሰ ጊዳና፣ ሄሳ ጊሻሰ ባቦፍቲ፣ ሚኒቲ።

14 ኡባፌ ዋልቃማ ጎዳይ፣ «ካሴ ኢንቲ አዋቲ ታና ሃንቁሊዳ ጊሻሰ ታኒካ ሚሻይ ባይንዳ ኢንቲና ቃጸያና ቃቻዲሰ» ጌሰ።

15 «ሃኢ ቃሴ ዩሩሳሌምሲኔ ዩሁዳ ዴራሰ ሎኦ ኦላናሰ ታ ቃቺዳ ጊሻሰ ባቦፍቲ።

16 ኢንቲ ኦላናሰ ቤሲዛ ሚሻቲ ሃይታንታ፣ ኢንቲ ኢንቲ ጋርሳን ኢሶይ ኢሳራ ቱሙ ሃሳዬቲቴ፣ ኢንቲ ዲቡሻንካ ቱማኔ ሱሬ ፐርዳ ፐርዲቲ።

17 ኢሶይ አሳ ቆሃናሰ ጌኔ ቆፖፍቲ፣ ዋርዳ ማርካቶፍቲ፣ ታ ሃይታንታ ኡባ ኢጸይሰ» ጌሰ ጎዳይ።

18 ቃሴካ ኡባፌ ዋልቃማ ጎዳ ቃላይ ታኮ ዩዳሰ፣

19 «ኦይዳንላ አጊናን፣ ኢቻሻንላ አጊናን፣ ላፑንላ አጊናኒኔ ታማንላ አጊናን ኢንቲ ጸማዚ ጸማይ ዩሁዳ ዴራሰ ኡፋይሳ ጋላሲኔ ባኣሌ ጋላሰ ጊዳና፣ ሄሳ ጊሻሰ ኢንቲ ቱማቲሊኔ ሳርቲላ ኮዩቲ።»

20 ኡባፌ ዋልቃማ ጎዳይ፣ «ዳር ካታማታን ዲዛ ዴሬይ ዩሩሳሌም ጎጋና ዋዴይ ያና።

21 ኢሲ ካታማይን ዲዛ አሳይካ፣ ሳዳ አንጆ ዋሳናሲኔ ኡባፌ ዋልቃማ ጎዳ ኮያናሰ አኔ ሃ ዩቲ፣ አኔ ኤሶን ቦሰ፣ ኦኒካ ቦሰ» ጊሹ ሃራ ካታማ ባና።

22 ዳር ዴሬይኔ ዋልቃማ ካዋቲካ ኡባፌ ዋልቃማ ጎዳ ኮያናሲኔ ኢዛ ዋሳናሰ ዩሩሳሌም ያና።

23 «ሂ ጋላሳታን ዲማ ዲማ ዴሬፔ ዲማ ዲማ ቃላን ሃሳይዛ ታሙ አሳቲ ኢሲ ኣይሁዳ አሳ ማይኦ ማጫራ ኦይኪዲ፣ ሳኒቴናራ ጸሲ ዲዛይሳ ኦ ሲዩዳ ጊሻሰ ኦ ኢንቲናራ ኢሲፌ ባና፣ ጋና» ጊዳሰ።

9

ኢሰራኤሌ አሳ ሞርኬታ ቦላ ያና ፐርዳ

1 ኢሰራኤሌ አሳ ኡባ ኣይፌይ

ፑዴ ጎዳኮ ዴሌሰ፣

ሄሳ ጊሻሰ ጎዳይ

ካሴ ዮቲ ዋሊዳ ማላ

ሴዲሬኬ ቦላኔ

ዳማሰቆ ቦላ ፐርዳና።

2 ሃ ፐርዳዚካ ዳማሰቆ ዛዋን ዲዛ

ሃማቲ ቦላ፣

አዲ ኤራቲሊ ዲዛ

ጸርሴ ካታማታ ቦላኔ

ሲዶና ካታማታ ቦላ ጋካና።

3 ጸርሴ ካታማያ ባሰ ሚና

ሚጸ ጊሊዳዲሰ፣

ቢራ ቢታ ማላ፣

ዋርቃካ ጉዲላ ማላ

ሺሻ ጉፓዲሰ።

4 ጊዶ አቲን ጎዳይ

ኢዛ ጉፐዳይሳ

ዋሊ ኤካና፣

ኢዚሰ አባ ጊዶን ዲዛ ዋልቃ

ኡባ ጳይሳና፣

ኢዛካ ታማን ጸጌታ ጳያና።

5 አሰቁሎናይ ሄሳ ቤኢዲ ያያና፣

8:16 ኤፌ 4:25 9:1 ኢሳ 17:1-3፣ ኤር 49:23-27፣ ኣሞ 1:3-5 ማቶ 11:21-22፣ ሉቃ 10:13-14

9:4 ኢሳ 23:1-18፣ ሄዘ 26:1—28:26፣ ኢዩ 3:4-8፣ ኣሞ 1:9-10፣

ጋዛይ ማቶን ኡንኤታና፤
 ሄሳሳካ አቃሮኔይ
 ሂደታካ ቃንጸና፤
 ጋዛይ ቃሴ
 ካዎይ ባይንዳሮ ጊዳና፤
 አስቆሎናይ ቡላ ጊዳና።
 6 ዋላካ ዳሬይ አዛጸኔ ኦይካና፤
 ጨቁቲዛ ፊሊሰጾሜ አሳ
 ታ ቆይሳና።
 7 ታኒ ኢሰታ ዶናፔ ሱሐ፤
 ኢሰታ ጋጮፔ ሞንታ ማላ
 ዲጌቲዳ ካሐ ዲጋና፤
 ሃንኮ አቲዳይቲ ታ ዳሬ ጊዳና፤
 የሁዳ ቢታን ሃላቃታና፤
 አቃሮኔ አሳይካ
 ያቡሴ አሳ ማላ ጊዳና።
 8 ታኒ ጊዲኮ ታ ኬላ
 ቦንቁዛ ዋልቃማታፔ ናጋና፤
 ሃይሳፌ ጉዬ ኡንኤላዛይ
 ታ ዳራ ላቲና።
 ታኒ ሃኢ ሚና ናጋይሰ።
 ቡሮ ያና ጸዮኔ ካዎ
 9 ሃኔ ጸዮኔ ናዬ
 ኬሃ ኡፋዬታ።
 ሃኔ ዬሩሳላሚ ናዬ
 ኡፋይሳን ኢሊላ፤
 ጸሎኔ አሽዛ ኔ ካዎይ
 አሽኬ ጊዲዲ ሃሬዮኔ
 ሃሬይ ጉቲ ቶጊዲ ኔኮ ዬሰ።
 10 ፓራ-ጋሬታ ኤፍሬሜፔ
 ኦላ ፓራታ ዬሩሳላሚፔ
 ታ ኤካ ቆይሳና።
 ታኒ ኦላ ቶራታ
 ሚንሴሬላና።
 ሳሮቴሐ ካዎቴላታሰ አዎጃና።
 ኢዚ አባሬ አባን
 ጋካናሰ ሃራና፤
 ኤፊራጸሴ ሻፋፔ ሳኦ ጋጸ
 ጋካናሰ ኢዚ አይሳና።
 11 ታ ኔናራ ሱላን
 ጫቁቲዳ ጫቆዛ ጊሻሰ
 ሃሊ ባይንዳ ኦላን
 ቃሽቲዳ አሳታ
 ታ ቢርሻዳ ዬዳና።
 12 ኢንቴሮ ሂደታይ ዲዛ ቃሾ አሳቶ!
 ኢንቴ ካሴ ዲዛ ሚጸን ሲሚቴ፤
 ካሴ ኢንቴሰ ዲዛ አቆታ
 ዳኮ ሂሰታ ታ ኢንቴሰ ዛራና።
 13 የሁዳ ዋንዳፌ ማላ
 ኤፍሬሜካ ዪሻ ማላ
 ታ ጎኤታና፤
 ሃኔ ጸዮኔ ታኒ ኔ ናይታ
 ጊሪኬ ዳሬ ቦላ
 ዳንሴላና፤
 ኔናካ ታኒ ዋልቃማ
 ማሻ ማላ
 ሂሰታ ጎኤታና።

ጎዳይ ቆንጫና
 14 ጎዳይ ኢሰታ ቦላ ቆንጫና፤
 ኢዛ ዪሻይ ዋልቃንላ ማላ
 ፖፖልኡ ጋና፤
 ኡባሬ ዋልቃማ ጎዳይ
 ጸሩምባ ፑናና።
 ዳጌሃፔ ኬዚዛ ጎቲ ጫርኮ ማላ
 ኢዚ ባና።
 15 ኡባሬ ዋልቃማ ጎዳይ
 ኢሰታሰ ጎንዳሌ ጊዳና፤
 ኢሰቲ ባ ሞርኬታ
 ኡባ ቆይሳና፤
 ኢሰቲ ያንባርሻን
 ኦሊዛይታ ዬቆና፤
 ኢሰቲ ዋይኔ ኡሹ
 ኡዪዳ አሳ ማላ ዋሳና፤
 ያርሾ ሱሊ ኬሬ ኩሚ
 ያርሾሶሆ ቦላ ጉኪዛ ማላ
 ኢሰታ ሞርኬታ
 ሱሊካ ጉካና።
 16 ሄ ዋዳ ጎዳይ ኢሰታ ጸሳይ
 ባ ዳራ ባሰ ዉዴ ሜሄ
 ሂሰቲ አሻና፤
 ካላቻ ቦላ ዲዛ
 ሴሎይ ጸልቁዛ ማላ
 ኢሰቲካ ጸሳ ዳሬን ጸላና።
 17 ኢሰቲ አይ ማላ ሎኦኔ
 ፑላ አሰ ጊዳኔሻ!
 ካሊ ናቴላታ
 ዋይኔ ኡሹ ጌላኦታ
 አንቃርሳና።

10

ጎዳይ የሁዳ ናጋናሰ ዋሊዳ ሂደታ
 1 ጎዳይ ኢንቴሰ አሱራ ኢራ
 ኢማና ማላ ዋሲቴ።
 ኢራ ሻራ ከቲዛይ ጎዳ፤
 ኢዚ ኡባ አሳሰ
 ጊዲዛ ኢራ ኢሜሰ፤
 ኢሳሰ ኢሳሰ ቶካናሰ
 ደዛ ኢሜሰ።
 2 ኤቃ ጸሳቲ
 ባሌሶ ዮኦ ዮቴቴሰ፤
 ማሮቲ ዋርዶ አጁታ ቤዬቴሰ፤
 ካዪዛይቲ ዋርዶ
 አጉሞ አጉሚቴቴሰ፤
 አሳካ ጮ ሃዳ ዮኦን
 ሚንሴሴቴሰ፤
 ሃሳ ጊሻሰ ዳሬይ
 ሃሚዛይይ ባይንዳ ዶርሳ ማላ
 ጮ ሚላ ቶይላቲሽ ቆሄቲዳሰ።
 3 ጎዳይ፣ «ታ ሃንቆይ
 ሃንላንቻታ ቦላ
 ታማ ማላ ኤጲ ኬዚዳሰ።
 ዳራ ካሌሊዛይታ
 ታ ቃጸያና።

9:5 ኢሳ 14:29-31፤ ኤር 47:1-7፤ ሂዘ 25:15-17፤ ኢዩ 3:4-8፤ አሞ 1:6-8፤ ሶሮ 2:4-7 9:9 ማቶ 21:5፤ ዮሃ 12:15 9:10 ማዛ 72:8 9:11 ኬሳ 24:8

- ታኒ ኡባሬ ዋልቃማ ጎዳይ
 - ባ ወዴ ገዲዳ ዩሁዳ አሳ
 - ኦላስ ገገዳ ፓራ ማላ ኦላና።
- 4 ዩሁዳፔ ጉላን ዋሊዛ
 - ሹቸ።
 - ዲንካኔ ቶሊዛ ዲሸኬይ።
 - ኦላ ቶራይኔ
 - ዴሬ ኡባ ሃሪዛይ ኬዛና።
- 5 ኢስቲ ኡባይካ ኢሲ ቦላ
 - ኦጌን ዲዛ ኡርቃ ዩዲዛ
 - ሚኖ ኦላንቻታ ማላ ገዳና፤
 - ጎዳይ ኢስታራ ዲዛ ገሻስ
 - ፓራን ኦሌቲዛይታ ኢስቲ ጸናና።
- 6 «ታኒ ዩሁዳ ኬል ሚንላና፤
 - ታ ኢስታስ ቃዴቲዛ ገሻስ
 - ኢስቲ ካሴ ዲዛስታ ኢስታ ዛራና፤
 - ታኒ ጎዳ ኢስታ ጸሳ ገዲዳ ገሻስ
 - ታ ኢስታ ዋሳ ሲያና፤
 - ኢስቲካ ሃይሳሬ ካሴ
 - ታ ዩጋ ኤርንታ
 - አሳ ማላ ገዳና።
- 7 ኤፍሪሜ አሳይ
 - ዋልቃማ አሳ ማላ ገዳና፤
 - ኢስታ ዋዚናይ
 - ዋይኔ ኡሹ ኡዱዳ
 - አሳ ማላ ኡፋዬታና፤
 - ኢስታ ናይቲ ኢስታ
 - ቤያናኔ ኡፋዬታና፤
 - ኢስቲካ ጎዳን ኡፋዬታና።
- 8 ታኒ ኢስታ ዋይቁላን ጸይጋዳ
 - ኢሲ ቦላ ሸሻና፤
 - ቱማፔ ታ ኢስታ ዋዛና፤
 - ካሴ ማላ ታ ኢስታ ዳርሳና።
- 9 ታኒ ኢስታ ዴሬታ ገደን ላሊኮካ
 - ኢስቲ ሄን ሃሆ ዴሬን ዲሼ
 - ታና ቆፓና፤
 - ኢስታኔ ኢስታ ናይቲ
 - ሼምፖራ ፓጸ አቲዲ
 - ጉዬ ሲማና።
- 10 ታኒ ኢስታ ገብጾፔ ኬሳና፤
 - አሶሬፔካ ሸሻና፤
 - ኢስታስ ኡቲዛሶይ
 - ኡንአናሼ ጋካናስ
 - ታኒ ኢስታ ጋላአዴኒኔ
 - ሊባናሴን ሸሻና።
- 11 ኢስቲ አባ ገደራ
 - ዋዬቲ አዳና፤
 - አባ ዳምባላይ ጮኡ ጋና፤
 - ጨማ አባይካ ወሪ ሚጫና፤
 - ኦቶራንቻ አሶሬ ዴሬ
 - አሳይ ካወያና፤
 - ገብጾ ካዋቲላ
 - ጸምአይ ሚቃና።
- 12 ታኒ ኢስታ ጎዳን ሚንላና፤
 - ኢስቲካ ኢዛ ሱንላን
 - ሲሜሬታና» ጌሰ።

11

ፒርዳ ለሚሶ

- 1 ሊባኖሴ ኔናን ዲዛ
 - ዚጋ ሚላ
 - ታማይ ማና ማላ
 - ኔ ፔንጌታ ደያ።
- 2 ጸዳቶ! ዚጋ ሚላይ
 - ኩንዲዳ ገሻስ ዩኪቲ፤
 - ቦንቼቲዳ ሚላቲ ዳይዳ፤
 - ባሳኔ ዋላቲ «ወ! ወይ»
 - ገ ዋሲቲ፤
 - ዲፒ ገዳ ዋራይ ቁጾቲዳሰ።
- 3 ሄንላ ናይታ ዋሶ ሲዩቲ፤
 - ኢስታ ቦንቻይ ቃሬቲዳሰ፤
 - ዮርዳኖሴ ሻፋ ደናን ዲዛ
 - ዲፒ ገዳ ዋራይ
 - ወሪዳ ገሻስ
 - ጋሞታ ጸጎ ሲዩቲ።

ናምኡ ቆሞ ሄንላንቻታ

- 4 ጎዳ ታ ጸሳይ ኔና። «ሹኬታናስ ደሬቲዳ ደርሳታ ዲካ።
 - 5 ኢስታ ሻሚ ሹኪዳይቲ ቃጸዩቲቲና፤ ኢስታ ባይዚዳይቲ። ሳዳይ ጋላቲቶ፤ ኦ ዲሬቲዳሰን ጌቲሰ።
 - ኢስታ ሄሚዛይቲካ ኢስታስ ቃዴቲቲና።
 - 6 «ሃይሳሬ ጉዬ ሃ ቢታይ ቦላ ዲዛ አሳስ ታ ቃዴቲኬ፤ ታኒ ታ ባጋራ ኢሳ ኢሳ ኢዛ ላጌሲኔ ኢዛ ካዋስ አላ ኢማና፤ ኢስቲካ ቢታ ኡንኤላና፤ ታኒካ ኢስታ ኢስታ ኩሼፔ አሺኬ» ጌሰ።
 - 7 ሄሳ ገሻስ ታኒ ባይዚዛይታሲኔ ሻሚዛይታስ ቃጸሬታ ሹኬታናስ ደሬቲዳ ደርሳታ ሄሚዛይ ገዲዲሰ፤ ደርሳታካ ሄማሼ ናምኡ ጉሬታ ኤካዳ አሳ። «ኪያቲል» ናምኢንላዛ። «ኢሲሬቲል» ጋ ሱንላዲሰ።
 - 8 ኢሲ አገና ገደን ሜሄ ሄሚዛ ሄሻታ ዲጋዲሰ፤ ኢስቲካ ታና ኢዲዳ ገሻስ ታኒካ ኢስታ ሳሌታዲሰ።
 - 9 ታኒ ኢስታስ። «ሃይሳሬ ጉዬ ታኒ ኢንቲና ሄሚኬ፤ ሃይቃናይቲ ሃይቁቶ፤ ዳያናይቲካ ዳዬቶ፤ አቲዳይቲካ ኢሶይ አሳ አሾ ሞ» ጋዲሰ።
 - 10 ቃሴካ ዴሬ ኡባራ ታ ጫቁቲዳ ቃላ ላላናሰ። «ኪያቲል» ጋዲ ሱንላዲዳ ታ ጉሬዛ ሚንላዲሰ።
 - 11 ሄ ጋላስ ካሴ ጫቆዚ ላሌቲዳሰ፤ ኡንኤቲ ኡቲዲ ታና ጸሊዛ ደርሳቲ ሄሲ ጎዳ ቃላ ገዲዳይሳ ኤሪዳ።
 - 12 ታኒካ ኢስታስ። «ኢንቲሰ ሎኦ ሚሳቲቲ ታ ዋጋ ታስ ቃንጾቲ፤ አካይ ገቦ አጋገቲ» ጋዲሰ፤ ሄሳ ገሻስ ኢስቲ ታስ ሄሹ ታሙ ሳቂሌ ቢራ ቃንጾዳ።
 - 13 ጎዳይካ ኢስቲ ታስ ኢማና ገገዳ ካዴቲዳ ቢራ ኤካዳ። «ሚንጃ ኬላን ዋላ!» ገደሰ። ታኒካ ሄ ሄሹ ታሙ ሳቂሌ ቢራ ኤካዳ ጎዳ ኬላ ገደን ሚንጃሶን ዋላዲሰ።
 - 14 ሄሳሬ ቃሴ ኢሰራኤሌኔ ዩሁዳ ኢሻቲል ላላዳ። «ኢሲሬቲል» ጋዲ ታ ሱንላዲዳ ናምኢንላ ጉሬዛካ ሚንላዲሰ።
 - 15 ቃሴካ ጎዳይ ታና። «አዛላ ሄንላንቻቲ ኦይኪዛ ሚሽ ኢስታሬ ዋላ ኤካ።
 - 16 ሄቦ ታኒ ቢታ ቦላ ኦራላ ሄንላንቻ ዴንላና፤ ሄ ሄንላንቻይ ካሴ ዳይዳይሳ ዛሪ ቆፔና፤ ላሌቲዳይሳካ ኮዬና፤ ሚቁዳይሳካ ኮሌና፤ ፓጸዳይሳካ ዲኬና፤ ገደ

አቲን ሞጲዳይሳ አሾ ማና፤ ቁንጨሬሌካ አሾንታ ዲፒ ሂሰታና።

17 ወደዛ ዩጊ አጊዛ ጎኣይ ባይንዳ ሄንጻንቻሰ አዩ አና!

«አዛ ኡሻቻ አይፌኔ
አዛ ቁሴ ማሻይ ጫዶ፤
አዛ ቁሴይ ሲሎ፤
አዛ ኡሻቻ አይፌይካ
ቁልቾ ጊ ቆቆ» ጊዳሰ።

12

ዩሩሳሌምን ዲዛ ሂደታ

1 ሳሎ ሚጢዳ ጎዳይ፣ ሳኦ ሜጲዳ ጎዳይ አሳ ናይታሰ ዴኦ ሸምፖ ኢሚዳ ጎዳይ ኢሰራኤሌ ናይታሰ ዮቲዳ ቃላይ ሃይሳፌ ካሊዛይሳ፤

2 «ታኒ ዩሩሳሌም አዘ ዩዩ አጲ ዲዛ ዳሬታሰ ማሉዛ ዎይኔ ኡሹ አዛን ተጊዛ ቢሪሌ ማላ ኦላና፤ ዩሩሳሌም ደዳና ማላ ዩሁዳ ካታማዮካ ደዳና።

3 ቢታ ቦላ ዲዛ ዳሬይ አዚ ቦላ ዴንዲዛ ጋላሰ ታኒ ዩሩሳሌም ዳሬ ኡባሰ ሱጊን ቃጸንታ ዛላ ኬሳና፤ አዘ ቃላና ፓጪ ጸሊዛይ ባሰ ቆሂታና።

4 ሄ ጋላሰ ታኒ ቶጋ ፓራታ ዳጋማን፣ ፓራታ ቶጊዳ አሳ ጎሻና፤ ኢሰታ ሞርኬታ ፓራታ ቆቁሳና፤ ጊዳ አቲን ዩሁዳ አሳ ታኒ ታ ኪያ አይፌን ናጋና።

5 ዩሁዳ አሳ ካሌሊዛይቲ ባንታ ዎዚናን፣ ሩሳሌም ዎልቃማ ጎዳይ ኢሰታ ጸሲ ጊዲዳ ጊሻሰ ዩሩሳሌምን ዲዛ አሳይ ሚና» ጋና።

6 «ታ ሄ ጋላሰ ዩሁዳ ካሌሊዛይታ ደሬ ሚላ ጊደን ዲዛ ታማ ጮጮ ኬሳና፤ ካላ ሚርቄ ጊደን ዲዛ ጸምፔ ላጮ ኬሳና፤ ኢሰቲ ባፔ ሃዲርሳራኔ ኡሻቻራ ዩዩ አጲ ዲዛ ዳሬታ ጸጋና፤ ዩሩሳሌምይ ጊዲኮ ባ ዲዛሶፔ ሙሌካ ቃጸኩ።

7 «ዳዊቲሶ አሳኔ ዩሩሳሌምን ዲዛይታ ቦንቻይ ዩሁዳ ቦንቻፌ አጸንታ ማላ ታኒ ጎዳይ ካሴታዳ ዩሁዳ አሳሰ ጸኖ አማና።

8 ሄ ጋላሰ ኢሰታ ጊደን ዳር ላፋ ጊዲዳይ ዳዊቲ ማላ ሚና ጊዳና፤ ዳዊቲሶ አሳይ ቃሴ ኢሰታፌ ሲንጴ ሲንጴ ቢዛ ጸሳ ማላኔ ጎዳ ኪታንቻ ማላ ጊዳና፤ ዩሩሳሌምን ዲዛይታሰ ጎዳይ ጎንዳሌ ጊዳና።

9 ሄ ጋላሰ ዩሩሳሌም ኦላና ዴንዲዛ ካዎቲላታ ኡባ ጳይሳናሰ ታ ዴንዳና።

ባንቲ ጫዲዳይሳሰ ዩኪዳ ዩሆ

10 «ሄ ዎዴ ዳዊቲ ኬላ አሳ ቦላኔ ዩሩሳሌምን ዲዛ አሳ ቦላ ኪያቲላ አያናኔ ዎሳ አያና ታ ጉሳና፤ ታና ጫዲዳይቲ ታኮ ጸላና፤ ኢሰቲካ አሲ ባሰ ዲዛ ኢሲ ናይ ሃይቁን ዩኪዛ አሳ ማላ ኢዛሰ ዩካና፤ ባይራ ናሰ አሲ ዩኪዛ ማላ ጫሞ ዩሆ ዩካና።

11 ሄ ዎዴ ማጊደ ጌቲቲዛ ሃዳዳይ ኤርሞናሰ ዩኮይሳሶ ዩሩሳሌምንካ ሄሳ ማላ ጊታ ዩሆ ጊዳና።

12 ቢታ ቦላ ዲዛ ቆሞይ ኡባይ ባሰ ባሰ ዩካና፤ ኢሰታ ማቼቲካ ባሰ ባሰ ዩካና፤ ሄሳ ማላን ዳዊቲ ባጋፌ አቲማሳይ ባ ማቼታራ፣ ናታኔሶ አሳይ ባንታ ማቼታራ ዩካና።

13 ለዌ ባጋቲ ባንታ ማቼታራ፣ ሸምኤ ባጋቲ ባንታ ማቼታራ።

14 ሃንኮ አቲዳ ቆሞታፔ አቲማሳይ ኡባይ ባንታ ማቼታራ ዩካና» ጌሰ።

13

ናጋራፔ ጌማዛሙራ

1 ኡባፌ ዎልቃማ ጎዳይ፣ «ሄ ጋላሰ ዳዊቲ ኬላ አሳኔ ዩሩሳሌምን ዲዛ አሳ ናጋራፔኔ ቱናቲላፌ ጌሻናሰ ፑልቶይ ፑልታና።

2 «ታኒ ሄ ዎዴ ቢታፌ ኤቃ ጸሳታ ሱንሳ ጳይሳና፤ ሄሳፌ ናምኣንሶ ኢሰቲ ቆፊቲቲና፤ ኢሰታ ናቤታኔ ቱና አያናታ ቢታይ ቦላፌ ታ ዲጋና።

3 ኦኒካ ታኒ ናቤ ጊኮ ኢዛዴ ዩሊዳ አዎይኔ አዩያ ኢዛ ኔ ጎዳ ሱንጻን ዎርዶ ሃሳይዳ ጊሻሰ ኔሰ ሃይቆይ ቤሴሰ ጌቶ፤ አዚ ቲንቢቲ ሃሳይሺን አዚ ዩሊዳይቲ አዚ ጫዴቶ።

4 ሄ ዎዴ ዎርዶ ሃሳይዳዴይ ኦኒካ ባ ሃሳይዳ ዎርዶ ቲንቢቲን ዩላታና፤ ባሌላናሰ ኢሰኬራ ዲዛ ናቤታ ማይኦ ማይኤና።

5 አዚካ፣ ታ ጎሻ አሳ አቲን ናቤ ጊዲኬ፤ ታ ናቲቲላፌ ደማዳ ሃኖ ጋካናሰ ጎሻንቻ» ጋና።

6 አሲ አሲ፣ ሄሲ ኔ ቦላ አይ ማዲንጴ?» ጊ አይቸኮ አዚ፣ ታ ሃይሳ ታ ላጌታሶን ዳሼ ማዲንጸዲሰ» ጊዳሰ።

ሃንጻንቻይ ሾጮቲን ኢዛ ደርሳታ ላሌቲሳ

7 «ኡባፌ ዎልቃማ ጎዳይ፣ ማሻ! ታ ሃንጻንቻ ታ ዳር ደሲዛይሳ ቦላ ቤጋ!

ሃሚዛይሳ ሾጫ፤ ደርሳቲካ ላሌታና፤ ታኒካ ታ ቁሴ ጉሳታ ቦላ ዴንጻና» ጌሰ።

8 ጎዳይ፣ «ቢታ ኡባን ዲዛ ሃቸ ኩሼ አሳፔ ናምኡ ኩሼይ ጳያና፤ አሲ ኩሼ አሲ አታና።

9 ሄ አቲዳ አሲ ኩሼ አሳ ታ ጌዴ ታማን ዩጋና፤ ቢራ ታማን ጌሺዛ ማላ ታ ጌሻና፤ ዎርቃ ማላካ ፓጫና፤ ኢሰቲ ታ ሱንሳ ጸይጋና፤ ታኒካ ኢሰታሰ ኮያና፤ ታ ኢሰታሰ፣ ታ ዳሬታ» ጋና፤ ኢሰቲካ፣ ሩ ጎዳ» ጊዳሰ።

14

ዩሩሳሌምን ካዎቲላታ

1 ሃኮ ጎዳይ ፒርዲዛ ጋላሲ ጋኪዳሰ፤ ኔፔ ቦንቁዳ ሚሻ ኔ አይፌይ ቤኢሺን ኢሰቲ ጊሼቲ ኤካና።

2 ዩሩሳሌም ኦላና ማላ ካዎቲላታ ኡባ ታ ሺሻና፤ ካታማያካ ኦይኬታና፤ ኬላ ጊደን ዲዛ ሚሺ ቦንቁታና፤ ማጫሳታራካ ዎልቃን ኢቻና፤ ካታማ አሳፔ ባጋይ ዲኤታና፤ አቲዳ ዳሬይ ቃሴ ካታማይፔ ኬዜና።

12:10 ዮሃ 19:37፤ እጁ 1:7

12:14 ማቶ 24:30፤ እጁ 1:17

13:7 ማቶ 26:31፤ ማር 14:27

3 ሃሳፌ ጉዬ ጎዳይ ካሴ ኦላ ጋላስ ኦሌቲዛ ማላ ሄ ካዎቲላታ ኦላናስ ዳንዳና።

4 ሄ ዎዴ ኢዛ ቶሆይ ዩሩሳላሜፔ ኦርቪይ ሞኪዛ ባጋራ ዳብራዛይቲ ዙማ ቦላ ኤቃና። ዳብራዛይቲ ዙማይካ ኦርቪይ ሞኪዛሶፔ ወሊዛሶ ጋካናስ ናምኡ ኬዚ ሻኬቲ ዎቆና፤ ባጋ ዙማይ ፑዴሃ ባጋ፣ ባጋይ ዲጌሃ ባጋ ሻኬቲዲ ጊደን ዎልቃማ ሾባይ ሜዴታና።

5 ኢንቲኒካ ኣዜሌ ጋካናስ ዙማ ታኒ ናምኡ ኬሲ ሻኪዳ ሾባራ ባቃታና፤ ካሴ ዩሁዳ ካዎ ኦዚያ ዎዴ ቢታይ ቃጶን ቤኒ ኢንቲ ኣዎቲ ጋንጊዳ ማላ ኢንቲ ጋንጋና፤ ሃሳፌ ጉዬ ጎዳ ታ ጸሳይ ጌሻታራ ኢሲፌ ያና።

6 ሄ ዎዴ ታ ከንቾይ፣ ሻቺኔ ፖኦይ ሙሌካ ዳና።

7 ሄ ጋላሳይ ጋላሲኔ ቃማይ ባይንዳ ጎዳይ ኤሪዛ ዲማ ጋላስ ጊዳና፤ ሄ ጋላሲ ፖኦይ ፖኦሺን ዳናና።

8 ሄ ዎዴ ዩሩሳላሜፔ ዳኦ ሃሊ ፑልታና፤ ኢዛፔ ባጋይ ኦርቪይ ሞኪዛ ባጋን ዲዛ ሃይቆ ኣባን ጌላና፤ ባጋይ ቃሴ ኦርቪይ ወሊዛ ባጋራ ዲዛ ሜዲቲራኔ ኣባን ጌላና፤ ቦኔ ጊዲን ባልጎ ጊዲን ላይሰ ኩሜሰ ፓጩይ ባይንዳ ጎጊሹ ዳናና።

9 ሄ ዎዴ ጎዳይ ቢታ ኡባ ቦላ ካዎታና፤ ሄ ዎዴ ጎዳይ ኢሳ ጸላ፤ ኢዛ ሱንሳይካ ኢሳ ጊዳና።

10 ፑዴሃ ባጋራ ጌባፔ ደሚዲ ዩሩሳላሜ ዲጌሃ ባጋራ ዲዛ ኦርሞኔ ካታማ ጋካናስ ዲዛ ኣወራጃይ ቲቆ ዳምባ ጊዳና፤ ዩሩሳላሜ ካታማያ ቢኒያሜ ፔንጌፌ ቤኒ ፔንጌ ጌራራኔ ጉላ ፔንጌ ጋካናስ ሃሳሶካ ሃናኒኤሌ ገምቤፌ ጌዴ ካዎ ኬላሶ ዎይኔ ኡሹ ጉምኢዛሶሆ ጋካናስ ቶቁ ጋዳ ኢዛ ሚና ዳናና።

11 ዩሩሳላሜይ ዳሮ ኣሲ ዳናሶ ጊዳና፤ ሃሳፌ ጉዬ ኢዛ ቆዩኩ፤ ኢዚን ዲዛ ዳሬይ ሂርጋይ ባይንዳ ዎፓን ዳና።

12 ዩሩሳላሜ ኦላና ዳንዲዛ ዳሬ ቦላ ጎዳይ ቦሻ ሃርጌ ኤሃና፤ ኢሰታ ሹምፖራ ፓጶ ዲሺን ኢሰታ ኣሾይ ዎቃና፤ ኢሰታ ኣይፌይኔ ኢንጻርሳይ ሄን ባ ዲዛሶን ዎቃና።

13 ሄ ዎዴ ጎዳይ ኢሰታ ቦላ ሂርጋኔ ባቦ ዩዳና፤ ኢሰቲካ ኢሶይ ኢሶይ ባ ላጌዛ ቦላ ቆሆ ጋላና።

14 ዩሁዳ ኣሳይ ዩሩሳላሜ ባጋ ጊዲዲ ኦሌታና፤ ባና ዩዩ ኣቋዳ ካዎቲላቲ ሃሪዳ ኣቆታ ኡባ ዎርቃ፣ ቢራ፣ ማይኦኔ ቆዳይ ባይንዳ ሚሽ ዲኢ ኤካና።

15 ሄሳ ሚሳቲዛ ቦሻይ ሞርኬቲ ዲዛሶን ዲዛሶን፣ ፓራታ፣ ባቁሎታ፣ ጋሜላታኔ ሃሪታ ቦላኔ ሃራ ሜሄ ኡባ ቦላ ያና።

16 ሃሳፌ ጉዬ ዩሩሳላሜ ኦላና ኬዚዳ ካዎቲላታፔ ሃይቆንታ ኣቲዳ ኡባይ ኡባፌ ዎልቃማ ጎዳሰ ጎይናሲኔ ዳሴ ባኣሌ ቦንቻናስ ላይላን ላይላን ዩሩሳላሜን ሺቃና።

17 ኡባፌ ዎልቃማ ጎዳሰ ጎይናሰ ዩሩሳላሜ ሺቆንታ ቢታ ካዎቲላታ ኡባሰ ኢራይ ቡኬና።

18 ጊብጾ ኣሳይካ ሄ ቦንታ ኢራይ ኢሰታሰ ቡኬና፤ ዩሩሳላሜ ኬዚዲ ዳሴ ባኣሌ ቦንቻንታ ኢጶዳ ካዎቲላታ ቦላ ጎዳይ ኤሃና ቦሻ ኢሰታ ቦላ ኤሃና።

19 ጊብጾ ኣሳካ ጊዲን ሃራ ዳሬ ኣሳ ካዎታ ጊዲን፣ «ዳሴ ባኣሌ ኦ ቦንቻኮ» ጊኮ ኢሰታ ቦላ ያና ቁጻቲይ ሃይሳፌ ቦላን ዲዛይታ፤

20 ሄ ዎዴ ፓራታ ቆዴን ቃሼቲዛ ዳላ ኡባ ቦላ፣ «ሃይሲ ጸሳስ ዲማቲዳይሳ» ጊዛ ቃላይ ጸፊታና፤ ጎዳ

ኬላ ጊደን ካሰ ካሊዛ ኦቶቲካ ያርሾ ያርሺዛሶ ሲንላን ዲዛ ሳኔታ ማላ ዲማታና።

21 ዩሩሳላሜኒኔ ዩሁዳን ዲዛ ኦቶይ ወሪካ ሜዴቲላ ኡባፌ ዎልቃማ ጎዳሰ ዲማቲዳዝ ጊዳና፤ ያርሾ ሺሺዛ ኣሳይ ወሪካ ኦቶታ ኤኪዲ ያርሾ ኣሾ ኢሰታን ደይሳና፤ ሄ ዎዴ ኡባፌ ዎልቃማ ጎዳ ኬላ ጊደን ኣይ ዛልኣንቻይካ ዳና።

ሚልካሳ ቲንቢቲ ጊደ ቆፋ

ሚልካሳ ቲንቢቲ ማጻፋይ ኪርሰቶስ ዩሌታናፕ ኢቻሹ ጾቱ ላይላፊ ካሴ ዩሩሳላሜን ዲዛ ጸሓፊ ናሞኦንፍ ኬጾቲዳፕ ጉዬ ቤቲዳስ። ናቤዚ ዳር ሚንሳ ቆፍሲዛይ ቄሴታ ጊዲን ወይኮ ዳሬዚ ጸሓፊ ጫቁቲዳ ጫቆ ቃላ ኦራጲሳናስ ኮሺዳስ፤ ጸሓፊ ዳሬይ ባ ዲሳን ጊዲን ጸሓፊ ጎይኖን ጮ ማላ ዩዳ ዩዳቲዲ ሞሬቲዳይሲ ቆንጮን ቤቲስ። ቄሴቲኔ ዳሬዚ ጸሓፊ ቤሲዛ ያርሾ ያርሾንታ ጊሻሲኔ ካሴ ኢስታስ ኢሜቲዳ ዎጋን ኢስቲ ጸሓፊ ባለላናስ ፓጪዳ። ሄሳ ጊሻሲ ጸሓፊ ባስ ባ ኦጌ ጊሻሳኔ ጫቆ ቃላ ኦራጲሳናስ ካሴቲዲ ኪታ ጋሊዛዳ ዩዳዲ ሄሳፊ ጉዬ ዳሬዛ ቦላ ፐርዳናሲኔ ዳሬዛ ጊሻናስ ኢዚ ያና።

ሃ ማጻፋይ ኦይኪዳ ኩሜሳ ቆፋ
ጎዳይ ኢሰራኤሌ ዳራ ሲቁዛ ሲቆ 1:1-5
ቄሴታ ቦላ ጸሓፊ ፐርዳ 1:6—2:9
ጫቆ ቃላ ላሌቲል 2:10-17
ጎዳ ያስ 3:1-4
ጸስ ባሌላናስ ቤሴና 3:5-15
ኢማኔቲዳይታስ ኢሜቲዛ ወይቶኔ ኢታታ ቃጻዬቲል 3:16—4:6

1 ሚልካሳ ባጋራ ኢሰራኤሌ ናይታስ ዩዳ ጎዳ ቃላ፡

ጸሲ ኢሰራኤሌ ኣሳ ሲቁዳስ
2 ጎዳይ፡ «ታ ኢንቴና ደሳዲስ» ጌስ፤ ኢንቴ ጊዲኮ፡ «ኔ ኦና ኣዛን ደሳዲ?» ጌታ። ጎዳ ጸሲ፡ «ኤሳቄይ ያቆቤ ኢሻ ጊዳይ? ታ ያቆቤ ደሳዲስ።»
3 ጊደ ኣቲን ኤሳቄ ኢጸዲስ፤ ኢዛ ዳሬን ዲዛ ዙማታ ባዞ ኬሳዲስ፤ ኢዛ ጋዴዛካ ባዞን ዲዛ ዎራካናታስ ኣላ ኢማዲስ» ጊዳይ።
4 ኤደሚይ፡ «ኮ ካታማቲ ላሌቲን ኢስታ ዛሬ ኤሳና» ኢስቲ ጊን ኡባፊ ወልቃማ ጎዳ ጸሓ ቃሴ፡ «ኢስቲ ዛሬዲ ኦላና ሺን ታ ኢስቲ ኦላይሳ ዛሬ ላላና፤ ኢስቲካ፡ «ኢታ ዳሬኔ ጎዳይ ማርናስ ሃንቁቲዳ ዳሬ ጌቲታና።»
5 ሄሳካ ኢንቴ ኢንቴ ኣይፊራ ቤያና፤ ኢንቴካ፡ «ኢሰራኤሌ ናይታ ዳሬ ቆሳፊ ሃራሶንካ ጎዳይ ጌታ ጋና።»

ቦሬቲዛ ያርሾ
6 «ናይ ባ ኣዎ፡ ኣይሌይካ ባ ጎዳ ቦንቼሰ ሺን ታ ኢንቴስ ኣዎ ጊዲኮ ኣዛስ ታና ቦንቼኬቲ? ታኒ ጎዳ ጊዲኮ ኣዛስ ታስ ያዬኬቲ? ጌስ ሜዴቲላ ጎዳይ፤ ቄሴቶ! ታ ሱንላ ካወሺዛይ ኢንቴና። «ኢንቴ ቃሴ፡ ኦኒ ኔ ሱንላ ዎስቲ ካወሺዲ?» ጌታ።
7 ኢንቴ ታስ ያርሾ ሺሺዛሶን ቱኒዳ ካል ዎሌታ» ሂስቲ ዎሌዲ፡ «ኦ ኔና ዎስቲ ቱኒሲዲ?» ጌታ። ኢንቴ፡ «ጎዳ ማዳይ ቶሽቲዳዛ» ጉሳና፤ ኢንቴ፡ «ጎዳ ማዳይ ካዴቲዳዛ ጉሳና።»
8 ኢንቴ ቆቄ ማሄ ያርሾስ ኤሂዛይሲ ሄሲ ቆሆ ጊዳይ? ዎቤ ወይኮ ሳኬቲዛ ማሄ ኢንቴ ያርሾስ ሺሺዛይሲ ሄሲ ቆሆ ጊዳይ? ሄይታንታ ማላ ኢንቴና

ኣይሲዛ ዳናታስ ኢንቴ ኢሚዛኮ ኢስቲ ኢንቴፊ ኡፋይሳን ኤካኔ?» ጌስ ኡባፊ ወልቃማ ጎዳይ።
9 «ሃኢ ቃሴ ኢዚ ኦስ ሚሼታና ማላ ጸሓ ዎሲቲ፤ ሄሳ ማላ ያርሾ ኢንቴ ሺሺን ጸሲ ኢንቴፊ ኤካንዳ?» ጌስ ኡባፊ ወልቃማ ጎዳ ጸሓይ።
10 «ታስ ያርሾ ያርሾዛሶን ጎኣይ ባይንዳ ታማ ኢንቴ ኤሶንታ ማላ ኢንቴፊ ኢሳይይካ ጸሓ ኬላ ፔንጌ ጎርዲዛኮ ኣዜ ዲዛይ! ታ ኢንቴናን ኡፋዬቲኬኔ ኢንቴ ኩሼፕ ኣይ ያርሾካ ኤኪኬ» ጌስ ኡባፊ ወልቃማ ጎዳ ጸሓይ።
11 ኣዎ ኣርሼይ ኬዚዛሶፕ ደሚዲ ኣርሼይ ወሊዛሶ ጋካናስ ታ ሱንላይ ዳሬ ኡባ ጊዲን ቦንቼታና፤ ቤቶሶን ኡባን ታ ሱንላስ ኤጸኔይኔ ጌሻ ያርሾ ኣሳይ ሺሻና፤ ታ ሱንላ ኣሳ ኡባ ኣቻን ቦንቼታና።
12 «ኢንቴ ቃሴ፡ ሳዳ ማዳይ ቱና ያርሾ፤ ካሳይካ ካዴቲዳይሳ» ጊዲ ካወሺታ።
13 ቃሴካ፡ «ሃይሲ ዳቡራ» ጉሳን ሌቆ ሚጸሊል ኢዛ ቦላ ሚጸሊታ» ጌስ ኡባፊ ወልቃማ ጎዳ ጸሓይ። «ቦንቄ ኤኪዳ ማሄ ዎቤኔ ሃርጊዛ ማሄ ኢንቴ ያርሾ ሺሺን ኢንቴ ኩሼፕ ታ ሄሳ ኤካናስ ቤሲዜ?» ጌስ ኡባፊ ወልቃማ ጎዳ ጸሓይ።
14 «ደርሳታ ጋርሳን ሎኦ ቆርሾይ ዲዛይሳ ኢማናስ ኣዲኔቲዲ ቃሴ ባሌሶን ኢዛ ቦላ ዎሶይ ዲዛ ማሄ ጎዳስ ያርሾ ሺሺዛይይ ቃንጌቶ፤ ታ ጌታ ካዎ፤ ታ ሱንላካ ዳሬ ኩሜላ ባላናስ ቤሲዛ ሱንላ» ጌስ ኡባፊ ወልቃማ ጎዳ ጸሓይ።

2

1 «ሃኢካ ቄሴቶ ሃይሲ ሃ ኣዛዞይ ኢንቴስ ኢሜቲዳስ።»
2 ኢንቴ ታ ጊዛዝ ሲዮንታ ኢጸኮኔ ኢንቴ ኢንቴ ዎዚና ታ ሱንላ ቦንቻናስ ጊሊሶንታ ኣጊኮ ታ ኢንቴ ቦላ ቃንጌል ዩዳና፤ ታ ኢንቴና ኣንጃና ኣንጃዛ ቃንጌላን ላማና፤ ኢንቴ ታና ቦንቻናስ ኢንቴ ዎዚና ጊሊሶንታ ኣጊዳ ጊሻሰ ኣዳፊ ታ ሃይሳ ኡባ ኢንቴ ቦላ ኦላና» ጌስ ኡባፊ ወልቃማ ጎዳይ።
3 «ኢንቴ ጋሶን ኢንቴ ናይታ ታ ሃንቃና፤ ኢንቴ ያርሾስ ሺሺዛ ማሄ ቶጮ ታ ጌዳ ኢንቴ ኣይፊ ቦላ ላላና፤ ኢንቴካ ኢዛሬ ኢሲፊ ቆያና።»
4 ታ ሌቄራ ጫቁዳ ጫቆ ቃላይ ሚናና ማላ ሃይሳ ኢንቴና ቆፍሳናስ ታ ዩዳይሳ ኢንቴ ኤራና» ጌስ ኡባፊ ወልቃማ ጎዳይ።
5 «ታ ኢዛራ ጫቁዳ ጫቆይ ዳኤኔ ሳርቲላ ጫቆ፤ ሃይታካ ታ ኢዛስ ኢማዲስ፤ ሃሲካ ቦንቻ ኤሂዳስ፤ ኢዚካ ታስ ያዩዳስ፤ ታ ሱንላካ ቦንቻዳስ።»
6 ኢዛ ዳናን ቱሙ ቲሚርቲይ ዳስ፤ ኢሲ ባላ ሚሺካ ኢዛ ዳናን ቤቲቤና፤ ሳርቲላኒኔ ሱሬቲላን ታናራ ሃሜቲዳስ፤ ዳር ኣሳካ ናጋራፕ ዛሬዳስ።
7 ቄሴይ ኡባ ዳንዳይዛ ኡባፊ ወልቃማ ጎዳስ ከቲቲዛዳ ጊዲዳ ጊሻሰ ኢዛ ዳናይ ኤራቲል ናጋናስ ኣሳይ ኢዛ ዳናፕ ቲሚርቲይ ኮያናስ ቤሴስ» ጌስ ኡባፊ ወልቃማ ጎዳይ።
8 ጊደ ኣቲን ኢንቴ ኢዛ ኦጌፕ ካሬ ኬዚዳታ፤ ዳር ኣሳይካ ኢንቴ ቲሚርቲይን ቆጶታና ማላ ኦሊዳታ፤ ሌቄ ጫቆካካ ላሊዳታ።

1:3 ኦር 9:13 1:5 ኣሳ 34:5-17፤ 63:1-6፤ ኦር 49:7-22፤ ሃዚ 25:12-14፤ 35:1-15፤ ኣዎ 1:11-12፤ ኣሳ 1-14 1:8 ዛሬ 15:21
2:4 ታይ 3:11-13 2:5 ታይ 25:12

9 ሂሳብን አንቲ ታ ኦገን ቦንታ ገሻሲኔ አንቲ አንቲ ቲማርቲዛ ዲማ ማዶ ኦሊዳ ገሻሰ አንቲ አሳ ኡባ ሲንላን ካዴታና ማላኔ አንቲ ጉጸና ማላታ ኦላዲሰ።

የሁዳይ አማኔቲቤና

10 ኑ ወሪካ አሳዳ ና ገደኮኒ? ኑና ማዲዳይ አሲ ጸሳ ገደኔ? ሂሳብን ኑ አሳይ አሳሰ አማኔቶንታ አጊዲ ካሴ ኑ አዋታ ጫቆ አዛሰ ቱኒሲዛኒ?

11 የሁዳይ አማኔቲቤና፤ አሰራኤሌኒኔ ዬሩሳላሜን ሃራሲዛ ሚሺ ሃኒዳሰ፤ የሁዳይ አላጋኔ አላጋ ጸሳሰ ጎይኒዛ ማጫ ናይታ ማቾ ኤኪዲ ጎዳ ጸሲ ደሲዛ ኢዛ ኩላ ቱኒሲዳሰ።

12 ሂሳ ማላ ኦሊዛ አይ አሲካ ሳሎ ጎዳሰ ያርሾ ኤሃዛ ገዲኮካ ጎዳይ ያቆቤ ዲንካናፕ ኢዛ ዲጎ።

13 ቃሴ አንቲ ኦላና ሃራ ሚሽ ጎዳሰ ያርሾ ሺሺዛሰዛ አንቲ አይፋንላን ሚሻና፤ ሃሳፌ ጉዬ አንቲ ያርሾኮ ጸሎንታ ገሻሲኔ ኡፋይሳን ኤኮንታ ገሻሰ አንቲ ዬካናኔ ዋሳና።

14 አንቲካ፡ «ኢዚ አዛሰ ኑ ያርሾዛ ኤኮንታ አዲዳ?» ገዲ ኦይቻና፤ ሃሲካ ሃኒዳይ አንቲ ጫቆን ኤኮቲዳ ናቴቴላ ማቼታራ ጫቁቲዳ ቃላ አንቲ አማኔቶንታ ላሊዳ ገሻሳ፤ ጎዳ ጸሲ አንቲ ገደን ማርካ።

15 ጎዳ ጸሲ አንቲሴኔ ማቼታሰ አሲ አሳቴሌኔ አሲ አያናይ ዳና ማላ ኦሊቤኔ? ጸሲ አንቲና አዛሰ አሲኖ ኦሊዳ? አዛሰ ዋና ቆፋይ ጸሳሰ ገሻ ዜሬላ አንቲ ዬላና ማላ ገደኔ? ሂሳ ገሻሰ አንቲፌ አሳይ አሳይ ባ ማቼይሰ ጫቁዳ ቃላ ፓጩንቻንታ አማኔቲላን ናጎ።

16 «አይሰ ገኮ ታኒ ጎዳ አሰራኤሌ ጸሳይ አዚናይ ባ ማቾ አንጂ ዬዲዛይሳ አዳይሰ፤ አንቲፌ አሳይይካ ሂሳ ማላ ገኔ ኦሪ ኦሊኮ ታ ሂሳ አዳይሰ፤ ሂሳ ገሻሰ አንቲ አንቲ ማቼታራ ጫቁቲዳ ቃላ ላዋንታ ማላ ናጌቲቲ» ገሰ ጎዳ አሰራኤሌ ጸሳይ።

ፕርዳ ዋዳ

17 አንቲ ጮ ሃዳ ሃሳያን ጎዳ ሳሌሊዳታ፤ «ኑ ኢዛ አዛን ሳሌሊዳኒ?» ጌታ፤ አንቲ ኢዛ ሳሌሊዳይ፡ «ኢታ ኦሊዛይቲ ኡባይ ጸሳ ሲንላን ሎኦ፤ ኢዘካ አሰታን ኡፋይቲሰ» ጉሳን ዋይኮ «ቲማ ፕርዲዛ ጸሲ አዋን ዲዜ?» ጉሳና።

3

1 «ሂኮ ታኒ ባና ኦጌ ባሳና አሰ ታፕ ሲንላራ ዬዳና፤ አንቲ ኮይዛ ጎዳይ አንቲ ቆፖንታ ጸሳ ኬላ ጋከ ዋቆና፤ አንቲ ኡፋይሳን ናጊዛ ጫቆ ቃላ ኪታ ኤኪ ዩዛ ታ ኪቲዳዳይ ያና።

2 ኢዚ ያና ጋላሳ ቲቃና ዳንዳይዛይ ኦኔ? ኢዚ ቆንጩዛ ጋላሰ ኢዛ ሲንላን ኤቃናሰ ዳንዳያናይ ኦኔ? ኢዚ ጮጮ ታማ ማላ ዋይኮ ማይኦ ሜጩዛ ሳሙና ማላ፤

3 ቢራ ታማን ሴሪሲዲ ሎኤሊ ገሺዛ አሳ ማላ ኡታና፤ ሌዌ ናይታ ዋርቃ ማላኔ ቢራ ማላ ገሻና፤ ሃሳፌ ጉዬ ጎዳሰ ያርሾ ሺሺዛ ዲሎ አሳቲ ዳና።

4 ሃ ዋዳ የሁዳይኔ ዬሩሳላሜን ሺቁዛ ያርሾይ ካሴ አዲዳ ዋዳ ማላ ጎዳ ኡፋይሲዛ ያርሾ ገዳና።

5 «ሂሳ ገሻሰ ታ አንቲኮ ፕርዳና ያና፤ ሙሬኒዛይታ፡ ላይማቲዛይታ፡ ዋርዶ ማርካ ማርካቲዛይታ፡ ዋርዶ ጫቆ ጫቁዛይታ፡ ኦሪ ኦሲሲዲ ሚሻ ዲጊዛይታ፡ አምኤታኔ ዩኦ ናይታ ዳቼዛይታ፡ ቤቴ አሳታሰ ፕርዳ ቱጩዛይታ፡ ታሰ ባቦንታይታ ቦላ ማርካታናሰ ታ ኤሌሳይሰ» ገሰ ኡባፌ ዋልቃማ ጎዳ ጸሳይ።

አሰራታ አዋ ገሻሰ

6 «ታኒ ላሜቶንታ ጸሳ፤ ሂሳ ገሻሰ አንቲኖ ያቆቤ ናይቶ! አንቲ ቆይቤኬታ» ገሰ ጎዳይ።

7 «አንቲ ካሴ አንቲ አዋታ ዋዴፕ ደሚዲ ታ አዛዘታፕ ሃኪዳታ፤ አሰታካ ናጊቤኬታ፤ ሃ ታኮ ሰሚቲ ታኒካ አንቲኮ ሰማና፤ አንቲ ገዲኮ፡ «ኑኒ ኔኮ ዋኒ ሰሚና?» ጌታ» ገሰ ኡባፌ ዋልቃማ ጎዳ ጸሳይ።

8 «አሲ ጸሳ ሚሽ ካይሶቲ ኤሪዜ? አንቲ ገዲኮ ካይሶቲታ፤ አንቲ ቃሴ፡ «ኑ አይ ካይሶቲዳኒ?» ገዲ ኦይቼቲ፤ አንቲ አሰራታኔ ማባ ታፕ ካይሶቲዳታ።

9 አንቲ አሰራኤሌ አሳይ ኡባይ ታ ሚሽ ካይሶቲዳ ገሻሰ አንቲ ቃንጌቲዳይታ።

10 ታ ኬላን ሚዛ ካሊ ዳና ማላ አንቲካ ታና ሃይሳን ፓጫናሰ አኔ ታማፌ አሲኖ ኡባ ሃ ታ ጎታራን ጌልሊቲ፤ ታ አንቲሰ ሳሎ ማሰኮቲ ደዮንታ አጊኮኔ አንቲሰ ዋሊዛሰይ ቆያና ጋካናሰ ታ አንቲሰ አንጂ ፓላሂሶንታ አጊኮ ቤያንዳታ» ገሰ ኡባፌ ዋልቃማ ጎዳ ጸሳይ።

11 ታ አንቲ ገሻሰ አንቲ ቢታን ሞኪዛ ካላ ቆሃዛ ሚሻቲ አንቲ ካላ ሞንታ ማላ ታ ሃንቃና፤ አንቲ ካላይካ ሜቲቲና፤ አንቲ ጋይ ገደን አንቲ ቶኪዳ ዋይኔ ሚላይ አይፌይ ባይንዳ ጮ ሚላ ዳና፤

12 «ሃሳፌ ካሊዲ አንቲ ዳሬይ ካሎ ቢታ ገዲዳ ገሻሰ ሃራ ዳሬይ ወሪካ አንቲና አንቲ አንጂቲዳ ዳሬታ ገ ዳይጋና» ገሰ ኡባፌ ዋልቃማ ጎዳ ጸሳይ።

13 «አንቲ ታ ቦላ ጸላቲላ ቃላ ሃሳይዳታ» ገሰ ኡባፌ ዋልቃማ ጎዳ ጸሳይ። «አንቲ ገዲኮ፡ «ኑ ቦላ ኑ አይ ሃሳይዳኒ?» ጌታ።

14 ቃሴካ አንቲ፡ «ጸሳሰ ኦሪይ ሃዳ፤ ኢዛ አዛዘታ ናጎይኔ ሜዴቲላ ጎዳ ሲንላን ሙዛቲዛ አሳ ማላ ዳኦይ ኑና አይ ማዲዳ?»

15 ሃኢ ኑ ኦቶራንቻቲ አንጂቲ ዲሺን ኢታ ኦሊዛይቲ ዲሬቲሺን ጸሳ ፓጩዛይቲ ኬሲ ኤኪ አቲሺን ቤዮሰ» ጌታ» ገሰ ኡባፌ ዋልቃማ ጎዳ ጸሳይ።

16 ሃ ዋዳ ጎዳሰ ባቢዛ አሳቲ ባ ጋርሳን አሶይ አሳራ ሃሳይቲዳ ጎዳ ጸሲካ አሰቲ ገዛይሳ ሎኤሊ ሲዩዳሰ፤ ጎዳሰ ባቢዛይታሰ ቃሴካ ኢዛ ሱንላ ቦንቹዛይታሰ አሰቲ ኦሪይ ባሌቶንታ ማላ ቆፍሲዛ ማጻፋይ ኢዛ ሲንላን ጸፊቲዳሰ።

17 «ታኒ ኦሊዛ ጋላሰ አሰቲ ታሰ ቡዞ ሚሽ ገዳና» ገሰ ኡባፌ ዋልቃማ ጎዳ ጸሳይ፤ «አዋይ ባሰ ኦሊዛ ና አሺዛ ማላ ታኒካ አሰታ አሻና።

18 ሃ ዋዳ ቃሴካ ዲሎኔ ናጋራንቻ ገደን ጸሳሰ ኦሊዛይታ ገደኒኔ ኦላንታይታ ገደን ዲዛ ዲማቲላ አንቲ ቤያንዳታ።

4

ፕርዳ ጋላሰ

1 «ሄኮ ጮጮ ታማ ማላ ኤጲዛ ጋላሲ ያና፤
ኦቶራንቻቲኔ ኢታ ኦሊዛይቲ ወሪካ ማላ ሃፓ ማላ
ጊዳና፤ ሄ ያና ጋላሳይካ ኢሰታ ጸጋና፤ ጸራካ ጸጸካ
ኣሼና» ጌሰ ኡባፌ ዋልቃማ ጎዳ ጸሳይ።

2 «ታ ሱንጎሳሰ ባቢዛ ኢንቴሰ ቃሴ ጸሎቴላ ኣርሼይ
ባ ቄፌ ጋርሳን ፓሊዛዝ ኤካ ያና፤ ኢንቴካ ቢርሺ
ዬዲዳ ጋሎ ማራ ማላ ጸኬቲሽ ኬዛና።

3 ታኒ ኦሊዛ ጋላሰ ኢንቴ ኢታታ ኢንቴ ቶሆ ጋርሳን
ዬጳና፤ ኢሰቲ ኢንቴ ቶሆ ጫማ ጋርሳን ቢዲንሳ
ጊዳና» ጌሰ ኡባፌ ዋልቃማ ጎዳ ጸሳይ።

4 «ኢሰራኤሌ ናይቲ ኡባይ ኣዛዜታና ማላ ታኒ ታ
ኦሳንቻ ሙሴ ባጋራ ኮሪቤ ዙማ ቦላ ታ ኢሚዳ ዋጋኔ
ኣዛዘታ ቆፒቲ» ጌሰ ኡባፌ ዋልቃማ ጎዳ ጸሳይ።

5 «ሄኮ ኬሂ ጊታኔ ያሺሲዛ ኡባፌ ዋልቃማ ጎዳ
ጋላሳይ ጋካናፔ ካሴ ታ ኢንቴሰ ናቤ ኤላሳ ዬዳና»
ጌሰ ኡባፌ ዋልቃማ ጎዳይ።

6 «ታ ያዳ ቢታ ቃንጌላን ጳይሶንታ ማላ ኢዚ ኣዋታ
ዋዚና ናይታኮ፣ ቃሴ ናይታ ዋዚና ኣዋታኮ ዛራና» ጌሰ
ኡባፌ ዋልቃማ ጎዳይ።

ማቶሳ ጸፊዳ

ኑ ጎዳ ዩሱስ ኪርስቶስ ሚሺራች ቃላ ገደ ቆፋ

ማቶሳ ሚሺራች ቃላይ፡ ዩሱስ ኪርስቶስ ቡርጥ ያናይሳ ሰንገላሲዳ ኢዛ ገሻስ የቲቲዳ ዳሬ አሻናዳይ ኢዛ ገዲዳይሳኔ ጸሲ ካሴ ጋልኣ ጫቆ ማጻፋን ባ ዳሬዛሰ አሚዳ ሂደታ ቃላ ኩንፊዳይ ኢዛ ባጋራ ገዲዳይሳ የቲዛ ሚሺራች ቃላራ ዳስ። ሄሲካ ሄ ሚሺራች ቃላይ፡ ዩሱስ ኪርስቶስ ኢስታ ገደን ዩሉቲ ዲጪዳ ኣይሁዳ ኣሳስ ጸላላ ገደንታ ኣላሚ ኣሳስ ኩሜላሳ።

ማቶሳ ሚሺራች ቃላይ፡ ዳርጥ ናጌቲላን ጊጌቲዳ ማጻፋ። ማጻፋዚ ኮይርጥ ዩሱሳስ ዩሉታ ገሻስ የቶ ደሚዳ ኢዛ ጸንቃታ ገሻሲኔ ኢዚ ፓጩቲዳ ፓጩዛ ሎኤፊ የቲዳጥ ጉዩ ኢዚ ጋለላ ዳሬን ሳባኪዳይሳ፡ ታማርሲዳይሳኔ ኣሳ ሃርጌሬ ፓሉዳይሳ ቆንጪሴስ። ቃሴካ ዩሱሲ ጋለላ ዳሬጥ ዩሩሳላሚ ቢዳይሳ፡ ኢዚ ሃይሳ ሃ ኣላሚዛ ቦላ ዳኢዳ ዳኦ ገሻሲኔ ሃ ኣላሚዛ ቦላ ጋምኢዳ ወርሴላ ላይላን ወርሴላ ሳሚንታን ሃኒዳ ሃናታ ገሻስ የቲስ። ሄይቲካ ዩሱሲ ካቲቲዳይሳ፡ ሃይቲዳይሳኔ ሃይቆጥ ዳንዲዳይሳ።

ሃ ሚሺራች ቃላዚ፡ ዩሱሲ ጸሳ ዎጋ ቢርሻናስ ኢዛሰ ጎዳቲላ ዲዛዳይ ጸሳ ካዎቲላ ገሻስ ታማርሲዛ ገታ ኣስታማሬ ሂስቲ ሺሼስ። ኢዛ ቲሚርቲዛጥ ዳሪዛ ባጋይ ኢቻሹ ዲማ ዲማ ኪፊላን ሻኬቲስ።

1. ጸሳ ካዎቲላን ዲዛይታ ሃኖ፡ ኢስታ ኦሶ፡ ኢስታ ሼኔ፡ ኢስቲ ሃናና ማላ ኢስታስ ቤሲዛዚኔ ኢስታስ ቤሲዛ ወርሴላ ኤጻ ሻኪ ኤሪሲዛ ዙማ ቦላ ሳባኪዳ ቃላ (ሼምፕ 5-7)
2. ታማኔ ናምኡ ኢዛ ኣሸካራቲ ሚሺራች ቃላ የታናስ ኪቲቲ ቢሺን ኢስታስ ኢሜቲዳ ዎጋታ (ሼምፕ 10)
3. ጸሳ ካዎቲላ ገሻስ ሺቂዳ ዲማ ዲማ ሌሚሶታ (ሼምፕ 13)
4. ዩሱሳ ዎስቲ ካላናኮን ኢስታስ ጌላና ማላ ኢሜቲዳ ቲሚርቲ (ሼምፕ 18)
5. ሃይሳ ሃ ዎዳዛ ወርሴላ ገሻሲኔ ጸሳ ካዎቲላይ ያናይሳ ገሻስ ኢሜቲዳ ቲሚርቲ (ሼምፕ 24-25)

ሃ ማጻፋይ ኦይኪዳ ኩሜላ ቆፋ

- ዩሱስ ኪርስቶስ ዩሉታ ዛርኬኔ ኢዛ ዩሉታ
 1:1—2:23
 ጸማቂዛ የሃኒሳ ኦሶ 3:1-12
 ዩሱሳ ጸማቂቲላኔ ኢዛ ፓጩቲላ 3:13—4:11
 ዩሱሲ ጋለላን ኦሶ ደሚሳ 4:12—18:35
 ዩሱሲ ጋለላጥ ዩሩሳላሚ ቡስ 19:1—20:34
 ወርሴላ ሳሚንታን ዩሱሳ ጋኪዳ ሜቶታ
 21:1—27:66
 ዩሱሲ ሃይቆጥ ዳንዲ ቤቲዳስ 28:1-20

ዩሱስ ኪርስቶስ ዩሉታ ዛርኬ (ሉቃ 3:23-38)

- 1 ዳዊቲ ና፡ ኣብራሃሚ ና ገዲዳ ዩሱስ ኪርስቶስ ዩሉታ ዛርኬይ ሃይሳሬ ካሊዛይሳ፤
- 2 ኣብራሃሚ ዩሳቃ ዩሉዳስ፤ ዩሳቂ ያቆቤ ዩሉዳስ፤ ያቆቤይ ዩሁዳኔ ኢዛ ኢሻታ ዩሉዳስ፤
- 3 ዩሁዳይ ቲማሪጥ ፋሬሴኔ ዛራ ዩሉዳስ፤ ፋሬሴይ ኤስሮሚ ዩሉዳስ፤ ኤስሮሚይ ኣራሚ ዩሉዳስ፤
- 4 ኣራሚይ ኣሚናዳቤ ዩሉዳስ፤ ኣሚናዳቤይ ኔኣሶኔ ዩሉዳስ፤ ኔኣሶኔይ ሶሎሞኔ ዩሉዳስ፤
- 5 ሶሎሞኔይካ ቦኤዬ ኤሪቢጥ ዩሉዳስ፤ ቦኤዬይ ኡሩቲጥ ኢዮቤዳ ዩሉዳስ፤ ኢዮቤዳይ ኢሴዩ ዩሉዳስ፤
- 6 ኢሴዩይ ካዎ ዳዊቲ ዩሉዳስ፤ ዳዊቲ ኦሪዮ ማቼይሬ ሶሎሞኔ ዩሉዳስ።
- 7 ሶሎሞኔይ ኤርቢኣሚ ዩሉዳስ፤ ኤርቢኣሚይ ኣቢያ ዩሉዳስ፤ ኣቢያይካ ኣሳሬ ዩሉዳስ፤
- 8 ኣሳሬይ ኢዮሳፊዳ ዩሉዳስ፤ ኢዮሳፊዳይ ኢዮራሚ ዩሉዳስ፤ ኢዮራሚይ ኦዚያ ዩሉዳስ፤
- 9 ኦዚያይ ኢዮኣታሚ ዩሉዳስ፤ ኢዮኣታሚይ ኣካዜ ዩሉዳስ፤ ኣካዜይ ሂዘቂያሳ ዩሉዳስ፤
- 10 ሂዘቂያሳ ሚናሴ ዩሉዳስ፤ ሚናሴይ ኣሞጾ ዩሉዳስ፤ ኣሞጾይ ኢዮሲያሳ ዩሉዳስ፤
- 11 ኢዮሲያሳ ባቢሎኔ ዲኦ ላይላ ኢኮኒያኔኔ ኢዛ ኢሻታ ዩሉዳስ።
- 12 ባቢሎኔ ዲኦጥ ጉዩ ኢኮኒያኔይ ሳላቲያሌ ዩሉዳስ፤ ሳላቲያሌይ ዜሩባቤሌ ዩሉዳስ፤
- 13 ዜሩባቤሌይ ኣቢዮዳ ዩሉዳስ፤ ኣቢዮዳይ ኤልያቂሚ ዩሉዳስ፤ ኤልያቂሚይ ኣዛሬ ዩሉዳስ፤
- 14 ኣዛሬይ ሳዶቂ ዩሉዳስ፤ ሳዶቂይ ኣኪሚ ዩሉዳስ፤ ኣኪሚይ ኤሊዮዳ ዩሉዳስ፤
- 15 ኤሊዮዳይ ኣላዛሬ ዩሉዳስ፤ ኣላዛሬይ ማታኔ ዩሉዳስ፤ ማታኔይ ያቆቤ ዩሉዳስ፤
- 16 ያቆቤይካ ኪርስቶስ ጌቲቲዳይሳ ዩሱሳ ዩሉዳ ማራሞ ኤካና ገገሲዳ የሴሬ ዩሉዳስ። *
- 17 ሃሳ ገሻስ ኣብራሃሚጥ ዩዲ ዳዊቲ ጋካናስ ታማኔ ኦይዲ ዩሉቲላ፤ ቃሴ ዳዊቲጥ ባቢሎኔ ዲኦ ዎዳ ጋካናስ ታማኔ ኦይዲ ዩሉቲላ፤ ባቢሎኔ ዲኦጥ ኪርስቶስ ዩሉታ ጋካናስ ታማኔ ኦይዲ ዩሉታ ገዳስ።

ዩሱስ ኪርስቶስ ዩሉታ

- 18 ዩሱስ ኪርስቶስ ዩሉታ ታሪኬይ ሃይሳሬ ካሊ ዲዛይሳ፤ ኢዛ ኣዮ ማራማ የሴሬስ ጊጌታ ዲሺን ኢዚ ኢዚራ ጋይቶንታ ጸሎ ኣያናን ቃንጻታዳ ቤታዲስ።
- 19 ኢዛ ገገሲዳ የሴሬይ ጸሎ ኣስ ገዲዳ ገሻስ ማራሞ ኣሳ ሲንጻን ቆንጪኮ ኬሶንታ ቆታራ ኣጋናስ ባ ዎዚናራ ቃቺዳስ።
- 20 ሃይሳ ኢዚ ቆጥሺን ጸሳ ኪታንቻይ ኣጉሞራ ኢዛሰ ቆንጪዲ፡ «ዳዊቲ ና የሴሬ!» ኔ ገገሲዳ ማራማ ቃንጻቲዳይ ጸሎ ኣያናን ገዲዳ ገሻስ ኢዛ ኔሶ ኤፋናስ ባቦፋ።
- 21 ኢዛ ኣቲማ ና ዩላና፤ ኢዚ ኣስ ናጋራጥ ኣሻናይ ገዲዳ ገሻስ ኢዛ ሱንላ ኔ፡ «ዩሱሳ» ጋ ሱንጻና» ገዳስ።
- 22-23 ጎዳይ ናቤ ኢሳያሳ ደናን፡ «ሂኮ! ጌላኦይ ቃንጻታና፤ ኣቲማ ናካ ዩላና፤ ናዛ ሱንጻይካ ኣማኡኤሌ ጌቲታና፤ ሃሳ ቢርሼሊካ፡ «ጸሲ ኦሩራ ዳስ» ጌቲቲዳ

* 1:16 ኪርስቶስ ኪርስቶስ ጉሲ፡ «ማሲሄ» ዎይኮ «ቲቲዳይሳ» ጉሳ። 1:18 ሉቃ 1:27 1:21 ሉቃ 1:31 1:22-23 ኢሳ 7:14

ጸፊቲዳይሲ ፖሊታና ማላ ሃይሲ ወሪካ ሃኒዳሰ»
ገደሰ።

24 የሱፊይካ ጳጳስፊ በገደላ ጎዳ ከታገቻይ ኢዛ
አዛዚዳ ማላ ማራሞ ባሶ ኤፊዳሰ።

25 ገደ አቲን ባዳ ኢዛ ኮይሮ ናዛ ዬላና ጋካናሰ
ኢዛ ኤኪቤና። ዬላቲዳ ጉላ ናዛ ሱጎላ፣ «ዬሱሳ»
ገደሰ።

2

አርሼይ ሞኪዛ ባጋሬ ዩዳ ኤራንቻታ

1 ካዎ ሄርዶሳ ዎዴ ዬሱሱ በቴሊሃሜ ዩሁዳን
ዬላቲዳፕ ጉዬ አርሼይ ሞኪዛ ባጋሬ ኤራንቻቲ
ዬሩሳላሜ ዩዳ።

2 «ዬላቲዳ አይሁዳ ካዎይ አዎን ዲዜ? አዎ
አርሼይ ሞኪዛ ባጋራ ዲዛ ጸለንቴዛ ቤኢዳ ኢዛሰ
ጎይናና ዩዳሰ» ገደላ ኦይቸዳ።

3 ካዎ ሄርዶሲ ሄሳ ሲዩዲ ዳጋሚዳሰ፤ ዬሩሳላሜን
ዲዛ አሳይ ወሪ ኢዛራ ዳጋሚዳሰ።

4 ኢዚካ ቄሴታ ሃላቃታኔ ዎጋ ታማርሲዛይታ ኡባ
ሺሺዳ፣ «ከርሰቶሲ አዎን ዬሌታኔ?» ገደላ
ኦይቸዳሰ።

5-6 ኢስቲካ ኢዛሰ፣ «ናቤይ፣ የሁዳ ቤታን ዲዛሬ
ሃኔ በቴሊሃሜ!

ታ ዳሬ ኢስራኤሌ ናገዛዳይ

ኔፔ ኬዛና ገሻሰ

ሃንኮ ዩሁዳ ሃሪዛይታፔ

አዛንካ ጉጸካ

ገደላ ጸፊዳ ገሻሰ ኢዚ

በቴሊሃሜ ዩሁዳን ዬሌታና»

ገደላ ዮቲዳ።

7 ሃሳፊ ጉዬ ሄርዶሲ ሃ ኤራንቻታ ጌማራ
ጸይገሲዲኔ ኢስታ ሃሳይሲዲ ጸለንቴዛ ኢስታሰ
በቴዳ ዎዴዮ ሻኪ ኤሪዳሰ።

8 ኤራንቻታ በቴሊሃሜ ዬዲዲ፣ «ቢዲ ጉላ ናዛ
ኮዩቴ፣ ታኒካ ባዳ ኢዛሰ ጎይናና ማላ ዳሚዳ ማላ ሃ
ታኮ ሲሚዲ ኢዚ አዎን ዲዛኮን ታሰ ዮቲቴ» ገደሰ።

9 ኤራንቻቲካ ካዎይ ኢስታሰ ገዳይሳ ሲዩዳፔ ጉዬ
ሲሚ ቢዳ፤ አርሼይ ሞኪዛ ባጋራ ኢስታሰ በቴዳ
ጸለንቴይ ኢስታ ካሌላዲ ጉላ ናዛ ዲዛሰ ጋሏዳሰ።

10 ኢስቲ ጸለንቴዛ ቤኢዳ ዳሮ ኡፋይቲዳ።

11 ከሌ ገሊዲ ጉላ ናዛ ኢዛ አዮ ማራሚራ
ዳሚዲኔ ጉልባቲዲ ኢዛሰ ጎይኒዳ፤ ባ ሳጺኔ ሳጺኔ
ዳይዲ ዎርቃ፣ ኤጸኔኔ ካርቤ ጌቴቲዛ ሚሽ ኢዛሰ
ኢሚዳ።

12 ኢስቲ ሄርዶሳኮ ሲሞንታ ማላ አጉሞን ኬሃ
ናጌታና ማላ ጌቴቲዳ ገሻሰ ሃራ ኦጌራ ባ ዳሬ
ሲሚዳ።

ገብጾ ቢታ በቴ ቡሰ

13 ኤራንቻቲ ቢዳፔ ጉዬ ጎዳ ከታገቻይ የሱፊሰ
አጉሞራ በቴዳ፣ «ሄርዶሲ ጉላ ናዛ ዎዳና ኮይዛ
ገሻሰ ኔ ሲማና ዎዳ ታ ኔና ኤሪሳና ጋካናሰ ዳንዳዳ
ጉላ ናዛ አዩይራ ኤካዳ ዲጌ ገብጾ ቢታ ባቃታዳ ሄን
ዳሻ» ገደሰ።

14 ሃሳ ገሻሰ የሱፊይ ዳንዳዲ አዩዮ ናዛራ
ኤኪዲ ገደላራ ዲጌ ገብጾ ቢታ ቢዳሰ።

15 ሄርዶሲ ሃይቃና ጋካናሰ ሄን ዳኢዳሰ። ሄሳንካ፣
«ታ ናዛ ታ ገብጾ ቢታሬ ጸይጋዲሰ» ገደላ ጎዳይ
ካሴ ናቤ ደናን ሃሳይዳይሲ ፖሊቲዳሰ።

16 ኤራንቻቲ ኢዛ ባሌላዳይሳ ኤሪዳ ዎዴ ሄርዶሲ
ኬሃ ሃንቁቲዳሰ። ኤራንቻቲ ኢዛሰ ካሴ ዮቲዳ ማላ
ባ አሰ ከቴዲ ናሞኡ ላይሴኔ ናሞኡ ላይሳ
ኩሞንታይታ በቴሊሃሜኒኔ በቴሊሃሜ ዩሻን ዲዛ
ጉላ አቲማ ናይታ ኡባ ዎዳሲዳሰ።

17-18 ሄሳን፣ «ዬሆይኔ ገታ ዋሶ ገሪሳይ

ኤራማን ሲዬቲዳሰ፤

ኢራኤላ ባ ናይታሰ ዬካዲሰ፤

ናይቲ ወሪ ወሪዳ ገሻሰ

ሚናናሰ ዳንዳዮንታ ኢጸዲሰ»

ጌቴቲዳ ናቤ ኤርማሳን

ዮቴቲዳይሲ ፖሊቲዳሰ።

ገብጾፔ ናዚሬቴ ሲሞ

19 ሄርዶሲ ሃይቁዳፔ ጉዬ ጎዳ ከታገቻይ አጉሞራ
የሱፊሰ ገብጾ ቢታን በቴዳ፣

20 «ዳንዳዳ ጉላ ናዛኔ ኢዛ አዩዮ ኤካዳ ኢስራኤሌ
ቢታ ሲማ፤ ናዛ ዎዳና ኮይዛይቲ ሃይቁዳ» ገደሰ።

21 የሱፊይ ዳንዳዲ ናዛ አዩይራ ኤኪዲ

ኢስራኤሌ ቢታ ሲሚዳሰ።

22 ገደ አቲን አርካላዎሴይ ባ አዎ ሄርዶሳ ሶሆን
ዩሁዳን ካዎቲዳይሳ ሲዩዲኔ ሃ ባናሰ ባቢዳሰ፤ ጎዳይ
አጉሞራ ኢዚ ሃ ቦንታ ማላ ዮቲዳ ገሻሰ ጋሊላ
አወራጃ ቢዳሰ።

23 ናዚሬቴ ጌቴቲዛ ካታማዮ ቢዲ ሄን ዲሰ
ኦይኪዳሰ። ሄሳንካ ካሴ ናቤታን «ናዚሬቴ አሰ
ጌቴታና» ጌቴቲዳ ሲጎላሬ ሃናናይሳ ካሴቲ
ዮቴቲዳይሲ ፖሊቲዳሰ።

3

ጸማቂዛ ዮሃኒሳ ሳባኮ

(ማር 1:1-8፤ ሉቃ 3:1-18፤ ዮሃ 1:19-28)

1-2 ሃ ዎዴ ጸማቂዛ ዮሃኒሲ አሳሰ፣ «ሳሎ ካዎቴሌ
ማቲዳ ገሻሰ ኢንቴ ናጋራፔ ሲሚቴ» ገ ሳባኪሼ
ዩሁዳ ባዛራ ዩዳሰ።

3 «ጎዳ ኦጌ ኦሊቴ፤

ዎጋ ኦጌዛካ ሎኤሊቴ

ገሼ ባዛ ቢታን

ዎሲዛ ቃላ»

ጌቴቲዳ ካሴ ናቤ ኢሳያሳን

ዮቴቲዳይሲ ዮሃኒሳ

ገሻሳ።

4 ዮሃኒሲ ጋሚላ ኢሰኬፊ ኦሴቲዳ ማይኦ
ማይኤሰ። ባ ጸሳን ዳፎ ገዳሰ፤ ኢዚ ሚዛ ቁማይ
ዳጌራ ኤሲኔ ቦሌ።

5 ዬሩሳላሜ፣ ኩሚላ ዩሁዳፔኔ ዮርዳናሴ ሻፋ

ማታን ዲዛ ዳሬ አሳይ ወሪ ዮሃኒሳኮ ዎዳዲ፣

6 ባ ናጋራካ ኢዛሰ ፓጺሼ ዮርዳናሴ ሻፋን ኢዛ

ኩሼን ጸማቂቲዳሰ።

7 ዳር ፋርሳቁቴኔ ሳዲቃዌቲ ኢዚ ጸማቂዛሶ ዩሺን
ቤኢዲ ዮሃኒሲ፣ «ኢንቴኖ ሸሻቶ! ኢንቴ ሲጎላራ ዲዛ
ሃንቆሬ አታና ማላ ኢንቴና ኦኒ ቤሲዳ?»

8 ኢንቴ ኢንቴ ናጋራፔ ሲሚዳይሳ ቤሲዛ ኦሶ ኦሊቴ።

9 ሱ ኣዋይ ኣብራሃሚይ ኮስ ዴስ) ጊዛይሳን ኢንቴርካ ኢንቴና ባሌፍቴ፤ ታ ኢንቴስ ጸሲ ሃይታ ሹቻታ፤ ኣብራሃሚስ ና ሂስቲ ዴንፋናስ ዳንዳዬስ ጋይስ።

10 ሃኮ ካልታይ ቃንጸናስ ሚላታ ጋርሳን ጊቴ ኡቲዴስ፤ ሃሳ ጊሻስ ሎኦ ኣይፌ ኣይፎንታ ሚሊ ዉሪ ቃንጸታናኔ ታማን ዬጌታና።

11 ታኒ ማርቴላስ ሃላን ጸማቃይስ፤ ሃራይ ኣቶሺን ታ ኢዛ ጫማ ቶካናስ ቤሶንታዴይ ታፔ ኣጂዛ ሚናይ ጉዬራ ያና፤ ኢዚካ ጸሎ ኣያናኒኔ ታማን ኢንቴና ጸማቃና።

12 ካል ሱራጊዛ ላይዳይ * ኢዛ ኩሺን ዴስ፤ ኢዚካ ባ ካላ ባሌዛ ፒቲ ጌሻና፤ ባ ጊስቴዛካ ዲኤን ቆላና፤ ሃፓ ጊዲኮ ቶኦንታ ታማን ጸጋና» ጊዴስ።

ዬሱሳ ጸማቁቴል
(ማር 1:9-11፤ ሉቃ 3:21-22)

13 ሄ ዋዴ ዬሱሲ ዮሃንሳን ጸማቁታናስ ጋሊላፕ ዮርዳኖሴ ሻፋ ቢዴስ።

14 ጊዶ ኣቲን ዮሃንሲ፡ «ሃይሲ ሃኔና፤ ታኒ ኔናን ጸማቁታና ቤሲሺን ኔኒ ዋናዳ ታኮ ያይ?» ጊዲ ኢዛራ ማርሼቲዴስ።

15 ዬሱሲካ፡ «ኣይኮይ ባ፡ ኤር ጋርኪ? ሃይሳ ኦሊዲ ኮኒ ጸሎቴል ኡባ ፖላናስ ኮስ ቤሴስ» ጊዴስ። ዮሃንሲካ ኢዛ ቆፋ ኤር ጊ ኤኪዴስ።

16 ዬሱሲ ጸማቁቲዲ ሃላፌ ኬዚዳ ማላ ሄራካ ሳሎይ ዶዬቲን ጸሳ ኣያናይ ሃራጴ ሚሳቲዲ ኢዛ ቦላ ዋጂሺን ቤዩዴስ።

17 ሳሎፔካ፡ «ታኒ ኢዛን ኡፋዬቲዛ ናዚኔ ታ ሲቁዛ ታ ናዚ ሃይሳ» ጊዛ ቃላይ ሲዬቲዴስ።

4

ዬሱሳ ፓጩቴል
(ማር 1:12-13፤ ሉቃ 4:1-13)

1 ሃሳፌ ጉዬ ጸሎ ኣያናይ ጸላኤን ፓጩታና ማላ ዬሱሳ ዲጌ ባዘ ቢታ ኤፊዴስ።

2 ኦይዲ ታሙ ጋላሲኔ ኦይዲ ታሙ ቃማ ጸሚዳፔ ጉዬ ዬሱሲ ጋፊዴስ።

3 ፓጩዛይሲ ዬሱሳኮ ሸቁዲ፡ «ኔ ጸሳ ና ጊዲኮ ኣኔ ሃይታ ሹቻታ ኡኬል ጊዳና ማላ ኣዛዛ» ጊዴስ።

4 ዬሱሲካ፡ « ኣሲ ጸሳ ዶናፔ ኬዚዛ ቃላንፔ ኣቲን ካላን ጸላ ዴና) ጌቲቲ ጸፊቲዴስ» ጊዲ ኢዛስ ዛሪዴስ።

5 ቃሴካ ጸላኤይ ዬሱሳ ጌሻ ካታማዮ ኤፊ ጸሳ ኬላ ቁስቲ ቦላ ኬሲዲ፤

6 «ኔ ጸሳ ና ጊዲኮ ኣኔ ሃይሳፌ ዲጌ ጉፓ፤ ኣይስ ጊኮ

« ኣኔ ቶሆይ ሹቻን ጳጳቶንታ ማላ ኪታንቻቲ ባ ኩሺራ ኔና ኦይኪ ዴንፋና ማላ ኔ ጊሻስ ጸሲ ባ ኪታንቻ ኪታና) ጌቲቲ ጸፊቲዴስ» ጊዴስ።

7 ዬሱሲካ፡ «ጌሻ ማጸፋን፡ ሳዳ ኔ ጸሳ ፓጩፋ) ጌቲቲ ጸፊቲዴስ» ጊዲ ዛሪዴስ።

8 ቃሴካ ጸላኤይ ዬሱሳ ኬሂ ጳቃ ዙማ ቦላ ኬሲዲ ሳሎ ጉፋንፊን ዲዛ ካዎቴላ ቦንቸዛራ ኡባ ኤሂ ቤሲዲ፤

9 «ኔ ኩንዳዳ ታስ ጎይኒኮ ሃይሳ ኡባ ታ ኔስ ኢማና» ጊዴስ።

10 ዬሱሲ፡ «ሃይሶ ጸላኤ! ታ ሲንፋፌ ኔ ሃካ! ኣኔ ጎዳ ኔ ጸሳስ ጎይና፤ ኢዛስ ጸላላ ኣዛዜታ) ጌቲቲ ጌሻ ማጸፋን ጸፊቲዴስ» ጊዴስ።

11 ሃሳፌ ጸላኤይ ኢዛ ኣጊዲ ቢዴስ፤ ኪታንቻቲካ ዩዲ ኢዛ ማዲዳ።

ዬሱሲ ሳባኮ ዶሚል
(ማር 1:14-15፤ ሉቃ 4:14-15)

12 ዬሱሲ፡ ዮሃንሲ ቃሹቲዳይሳ ሲዩዲ ጌዴ ጋሊላ ሲሚዴስ።

13 ናዚሬቲ ካታማ ኣጊዲ ዛቢሎኔ ኒፍታሌሜ ሄራን ኣባ ማታን ዲዛ ቁፊርናሆሚ ካታማን ዲስ ኦይኪዴስ።

14-16 «ሃሳን ዛቢሎኔኒ ኒፍታሌሜ ቢታን፡ «ዮርዳኖሴፔ ሄ ፒንፋን

ኣባ ሳንቁራ ኤፊዛ ኦጌ ማታን ዲዛ ኣይዛቤ ጊዲዳ ጋሊላ ዴሬ ኣሳይ፡ ጳማን ዲዛ ዴሬይ ዋልቃማ ፖኦ ቤዩዴስ።

ሃይቆ ኩዋ ጊዶን ዲዛ ዴሬስ ፖኦይ ፖኦዴስ»

ጌቲቲዲ ናቤ ኢሳያሳ ዶናን ካሴቲዲ ሃሳዬቲዳይሲ ፖሌቲዴስ።

17 ዬሱሲ ሄ ዋዴፔ ሃ ሲሚን፡ «ሳሎ ካዎቴል ማቲዴስ፤ ማርታን ጌሊቲ» ጊዲ ሳባኮ ኦይኪዴስ።

ኮይር ዬሱሳ ካሊዳይታ ጳይጌቴል
(ማር 1:16-20፤ ሉቃ 5:1-11)

18 ዬሱሲ ጋሊላ ኣባ ሳንቁራ ኣጂሹ ናምኡ ኢሻንታ፡ ሄይቲካ ጳጳርሳ ጌቲቲዛ ሲሞናኔ ኢዛ ኢሻ ኢንዲራሳ ቤዩዴስ። ኢስቲካ ሞሌ ኦይኪዛይታ ጊዲዳ ጊሻስ ሞሌ ኦይኪዛ ጌቲ ኣባን ዬጊሹ ዴቲስ።

19 ዬሱሲ ኢስታ፡ «ሃ ዩቲ! ታና ካሊቲ! ታ ኢንቴና ኣስ ኦይኪዛ ኣስ ኬሳና» ጊዴስ።

20 ኢስቲ ሄራካ ሞሌ ኦይኪዛ ጌቲዛ ዩጊ ኣጊዲ ዬሱሳ ካሊዳ።

21 ጉል ሲንፋ ቢሹ ሃራ ናምኡ ኢሻንታ ዛብደሳ ና ናምኣታ ያቆቤኔ ዮሃንሳ ቤዩዴስ፤ ኢስቲካ ባ ኣዋ ዛብደሳራ ዋሳሎ ጊዶን ሞሌ ጌቲ ሎኤፍቴስ። ዬሱሲካ ኢስታ ጳይጊን

22 ኢስቲ ሄራካ ዋሳሎዛኔ ባ ኣዋ ኣጊዲ ኢዛ ካሊዳ።

ዬሱሲ ሃርጊዛይታ ፓሊዴስ
(ሉቃ 6:17-19)

23 ዬሱሲ ኣይሁዳታ ኢስታ ዋሳ ኬላን ታማርሲሹኔ ካዎቴላ ሚሺራች ቃላ ሳባኪሹ ቃሴ ዴሬ ጊዶን ኣይ ሃርጌይካ ሳኪዛይታ ፓሊሹ ኩሜላ ጋሊላን ዩዩዴስ።

3:9 ዮሃ 8:33 3:10 ማቶ 7:19 * 3:12 ካል ሱራጊዛ ላይዳ ጊዛይሳ ኣማራላ ቢርሸላይ ሜንሹ ጌስ፤ ሃሳ ጊሻስ ኮኒ ላይዳ ጊዛይሳ ሚስሊን ጎኤቲዴስ። 3:17 ሜዴ 22:2፤ ማቶ 12:18፤ 17:5፤ ማር 1:11፤ ሉቃ 9:35 4:1 ኢብ 2:18፤ 4:15 4:4 ዛሬ 8:3 4:6 ማዛ 91:11-12 4:7 ዛሬ 6:16 4:10 ዛሬ 6:13 4:12 ማቶ 14:3፤ ማር 6:17፤ ሉቃ 3:19-20 4:13 ዮሃ 2:12 4:17 ማቶ 3:2 4:23 ማቶ 9:35፤ ማር 1:39 * 4:24 ቢጮ፡ ቢጮ ጌቲቲዛይሲ ኢሲ ኢሲ ባጋ ጋሞላን ከር ዋይኮ ቡሉንፋ ሃርጌ ጌቲቲስ።

24 ሄሳ ጋሶን ሎኦ ናሾይ ኩሚላ ሶሪያ ቢታን ሲዩቲዳስ፤ ዳሬይካ ዲማ ዲማ ሳኮን ዳር ዋዩቲዳይታ፡ ዳይዳንላ ኢስታን ጌሊዳይታ፡ ቢጮ * ሃርጌይ ዲዳይታኔ ሲሊዳይታ ኢዛኮ ኤሂን ኡባካ ፓላዳስ።

25 ሄሳፊ ዳንዲዳይሳን ጋሊላፕ፡ ታሙ ካታማታፕ፡ † ዩሩሳላሚፕ፤ ዩሁዳፕ፡ ዮርዳኖሴ ሻፋ ፒንላፊ ዩዳ ዳር አሳይ ኢዛ ካሊዳስ።

5

ዩሱሲ ዙማ ቦላ ታማርሲዳ ቲሚርቲ

1 ዳር ዳሬይ ሸቀዳይሳ በኤዲ ዩሱሲ ፑዳ ዙማ ቦላ ኬዚ ኡቲዳስ፤ ኢዛ ካሊዳይቲካ ኢዛኮ ዩዳ።

2 ኢዚካ ኢስታ ሂዘጊ ታማርሲ ኦይኪዳስ፤

ቱሙ አንጃ ዳማና አሳታ

(ሉቃ 6:20-23)

3 «አያናን ባና ካወሸዛይቲ አንጃቲዳይታ፤ አይስ ጊኮ ሳሎ ካዎቴላ ኢስታሳ።

4 ቃዴቲዳይቲ አንጃቲዳይታ፤ አይስ ጊኮ ኢስቲ ሚኔታና።

5 አሸኬቲ አንጃቲዳይታ፤ አይስ ጊኮ ኢስቲ ቢታ ላታና።

6 ጸሎቴላ ጋፊዳይቲኔ ሳሚቲዳይቲ አንጃቲዳይታ፤ አይስ ጊኮ ኢስቲ ካላና።

7 አሳስ ሎኦ ኦሊዳይቲ አንጃቲዳይታ፤ አይስ ጊኮ ኢስታሳካ ሎኦይ ኦሴታና።

8 ዋዚና ጸሎቴ አንጃቲዳይታ፤ አይስ ጊኮ ኢስቲ ጸሳ ቤያና።

9 ሳርቴላ ኦሊዳይቲ አንጃቲዳይታ፤ አይስ ጊኮ ኢስቲ ጸሳ ናይታ ጌቲቲ ጸይጌታና።

10 ጸሎቴላ ጊሻስ ሳዴቲዳይቲ አንጃቲዳይታ፤ አይስ ጊኮ ሳሎ ካዎቴላ ኢስታሳ።

11 «ታ ጋሶን አሳይ ኢንቴና ጫዩኮ፡ ሳዲኮኔ ኢታ ዮኦ ዋርዶራ ኢንቴ ቦላ ሃሳይኮ ኢንቴ አንጃቲዳይታ።

12 ኢንቴ ሳሎን ዳማና ዋጋይ ኬሂ ጊታ ጊዲዳ ጊሻስ ኡፋይሳን ጉፒቴ። ኢንቴፊ ሲንላን ዲዛ ናቤታካ ሄሳላ ሳዲዳ።

ማጺኔኔ ፖኦ ለሚሶ

(ማር 9:50፤ ሉቃ 14:34-35)

13 «ኢንቴ ሃ ቢታ አሳስ ማጺኔ ማላ። ማጺኔይ ባ ማልኦቴላ ዩዲዛ ጊዲኮ ጌዴ ካሬ ዩጌቲዲ ዩዴቴላፊ አቲን ዛሬዲ ዳማናስ ዳንዳይዜ?

14 ኢንቴ አላሚስ ፖኦ። ዙማ ቦላ ዲዛ ካታማያ ቆቲታናስ ዳንዳይኩ።

15 ኢሲ ጸምፕ ኦይላዲ ኬላን ዲዛ አሳ ኩሚላስ ፖኦና ማላ ቶቃሶሆን ዋሴስ አቲን ጌማሶሆን ዋላ ኤሬና።

† 4:25 ታሙ ካታማፕ፡ ታሙ ካታማታፕ ጌቲቲዳይሲ ጊሬኬ ቃላ ሃሳይዳይቲኔ አይሁዳ ጊደንታ ዳሬቲ ኢሲፊ ዲዛሶይ ታሙ ካታማታ ጌቲቲሰ። ሄ ካታማታፕ ዳር ባጋቲ ጋሊላ አባፊ አርሼይ ጌሊዛሶ ባጋራኔ ፑዳሃ ባጋራ ኦሻቻ ቦላ ዳቴሰ። 5:4 ኢሳ 61:2 5:5 ማዛ 37:11 5:6 ኢሳ 55:1-2 5:10 1ጴጵ 3:14 5:11 1ጴጵ 4:14 5:12 2ታሪ 36:16፤ ሃዋ 7:52 5:13 ሉቃ 14:34-35 5:14 ዮሃ 8:12፤ 9:5 5:15 ማር 4:21፤ ሉቃ 8:16፤ 11:33 5:16 1ጴጵ 2:12 5:18 ሉቃ 16:17 5:21 ኬሳ 20:13፤ ዛሬ 5:17 5:27 ኬሳ 20:14፤ ዛሬ 5:18 5:31 ዛሬ 24:1-4፤ ማቶ 19:7፤ ማር 10:4

16 ሄሳላካ አሳይ ኢንቴ ሎኦ ኦሶ በኤዲ ሳሎን ዲዛ ኢንቴ አዋ ቦንቻና ማላ ኢንቴ ፖኦይ አሳ ሲንላን ፖኦ።

ሙሴ ዋጋ ጊሻስ

17 «ታኒ ሙሴ ዋጋኔ ናቤታ ቃላ ሻራና ዩዳ ኢንቴሰ ሚሳቶፖ፤ ፖላናስ ያዲስ አቲን ሻራናስ ያቤኬ።

18 ታ ኢንቴሰ ቱሙ ጋይሰ፡ ሳሎይኔ ሳኦይ አቆና ጋካናስ ሙሴ ዋጋይ ወሪ ፖሌታና አቲን ዋጋፕ ኢሲ ፒዳሌይካ ዋይኮ ቁሪናካ ሻሬቲኩ።

19 ሄሳ ጊሻስ ኦኒካ ሃ አዛዘታፕ ጉዲዛር ጊዲኮካ ኦሶንታ ዩጊ አዲኮ፡ ሃንኮይታካ ዩዴ አቆና ማላ ታማርሲኮ ሳሎ ካዎቴላን ሄሳዳይ ጉላ ጌቲቲ

ጸይጌታና፤ ጊዶ አቲን ሃይታ አዛዘታ ኦሊ ፖሊሽ ሃንኮይታ ፖላና ማላ ታማርሲኮ ሄሳዳይ ሳሎ ካዎቴላን ጊታ ጌቲታና።

20 ታ ኢንቴሰ ጋይሰ፡ ኢንቴ ጸሎቴላ ፋርሳዌታፕ፤ ሙሴ ዋጋ ታማርሲዳይታ ጸሎቴላፊ አዶንታ ኢጊኮ ሳሎ ካዎቴላ ጌላና ዳንዳይኬታ።

አሰ ዋቆናስ ቤሴና

21 «ካሴ አሳታሰ፡ «ዋዶፓ፤ ዋዶዳዳ ቦላ ፒርዳታና፤ ጌቲቲዳይሳ ኢንቴ ሲዩዳታ።

22 ታ ቃሴ ኢንቴሰ ጊዛይ ባ አሻ ቦላ ኦጌይ ባይንዳ ሃንቁቲዛዳ ቦላ ፒርዳታና፤ ኦኒካ ባ አሻ፡ «ናፓይ» ጊዛይዳ ዲላታ ሲንላን ኦይሼታና። «ኤያይ» ጊዛይ ጋናሚ ታማ ፒርዳይ ናጌሰ።

23 ሄሳ ጊሻስ ኔኒ ያርሾ ሺሺዛሶን ጸሳስ ያርሻና ጊሸን ኔ አሻይ ኔ ቦላ ሚሽቲዳዚ ኔስ ቆሬቲኮ።

24 ኔ ያርሽዳይሳ ሄን ያርሽዳሶን አጋዳ ኮይር ባዳ ኔ አሻራ ጊጋ፤ ሄሳፊ ጉዬ ሲማዳ ኔ ያርሾዛ ጸሳስ ሺሻ።

25 «ኔና ሞቲዳ ኔ ሞርኬይ ኔ ቦላ ፒርዲሶንታ ማላ፡ ፒርዲዛ ዳናይ ቃቺዳይሳስ ኔና ኦሊ አሞንታ ማላ፡ ቃሾ ኬላን ኔ ዋዶንታ ማላ ቡር ኦጌ ቦላ ዳሼ ኔ ሞርኬራ ኤሌላ ጊጋይቻ።

26 ታ ኔስ ቱሙ ጋይሰ፤ ኢዚ ፒርዲሲ ወርሲዳ ጊዲኮ ወርሴላ ሳንቲዮ ቃንጸና ጋካናስ ቃሾፕ ኔኒ ቢርሼታካ።

ላይማታናስ ቤሴና

27 « «ላይማቶፓ» ጊዛይሳ ኢንቴ ሲዩዳታ።

28 ታኒ ጊዲኮ ኢንቴና ሂዘጋይሰ፤ ማጫስ አዋ አይፊራ ጸሊዳዳይ ወሪ ባ ዋዚናን ኢዚራ ላይማቲዳስ።

29 ናጋራ ኦላናስ ኔ ኡሻቻ አይፊይ ኔስ ጋሶ ጊዲኮ ኔፕ ኬሳ ዋራ ዩጋ፤ ኔ አሳቴላይ ኩሚላ ጌዴ ጋናሚ ታማን ዩጌታናፕ ኔ አሳቴላፊ ኢሲና ፓጩኮ ሎኦ።

30 ኔ ኡሻቻ ኩሼይ ናጋራ ኦሶስ ጋሶ ጊዲኮ ኔፕ ቃንጸ ዲጋ፤ ኔ አሳቴላይ ኩሚላ ጋናሚን ዩጌታናይሳፊ ኔ አሳቴላፊ ኢሲ ቢሊቴይ ኔስ ፓጩ ጊዲኮ ሎኦ።

31 « «ማቶ አንጃ ዩዲዳይደ ፒርማ ዋራቃታ ኢዚሰ አማና ቤሴስ» ጌቲቲዳስ።

† 4:25 ታሙ ካታማፕ፡ ታሙ ካታማታፕ ጌቲቲዳይሲ ጊሬኬ ቃላ ሃሳይዳይቲኔ አይሁዳ ጊደንታ ዳሬቲ ኢሲፊ ዲዛሶይ ታሙ ካታማታ ጌቲቲሰ። ሄ ካታማታፕ ዳር ባጋቲ ጋሊላ አባፊ አርሼይ ጌሊዛሶ ባጋራኔ ፑዳሃ ባጋራ ኦሻቻ ቦላ ዳቴሰ። 5:4 ኢሳ 61:2 5:5 ማዛ 37:11 5:6 ኢሳ 55:1-2 5:10 1ጴጵ 3:14 5:11 1ጴጵ 4:14 5:12 2ታሪ 36:16፤ ሃዋ 7:52 5:13 ሉቃ 14:34-35 5:14 ዮሃ 8:12፤ 9:5 5:15 ማር 4:21፤ ሉቃ 8:16፤ 11:33 5:16 1ጴጵ 2:12 5:18 ሉቃ 16:17 5:21 ኬሳ 20:13፤ ዛሬ 5:17 5:27 ኬሳ 20:14፤ ዛሬ 5:18 5:31 ዛሬ 24:1-4፤ ማቶ 19:7፤ ማር 10:4

32 ታኒ ቃሴ እንገናኝ ሂዘጋይሰ፡ ሃራ አሳራ ላይማተሽን ቤኦንታ ዲሼ ባ ማቸ ኣንጂዛይይ ወሪ ኢዛ ላይማታና ማላ ኦሌስ፡ ሃሳቶካ ኣንጅተዳር ኤኪዛይይካ ላይማተዳ ማላ ቆዴቴስ፡፡

ጫቆ ገሻስ

33 «ካሴ አሳታሰ፡ «ዋርዶ ጫቆ፤ ጸሓ ሲንፋን ኔ ጫቆዳይሳ ናጋ» ጌቴተዳይሳ እንገቴ ሲዱዳታ፡፡

34 ታ ቃሴ እንገናኝ ኣይኮካ ጫቆፍቴ ጋይሰ፤ ሳሎይ ጸሓሰ ኡተዛ አራታ ገዲዳ ገሻስ ሳሎን ጫቆፍቴ፡፡

35 ቢታይ ጸሓ ቶሆይ ዩጂዛሶ ገዲዳ ገሻስ ቢታንካ ጫቆፍቴ፡፡ ዋጋ ካዋ ካታማ ገዲዳ ገሻስ ዩሩሳላሚንካ ጫቆፍቴ፡፡

36 እንገቴ ሁኤንካ ጫቆፍቴ፤ እንገቴ ሁኤ ቢናናፕ ኢሲኔዮካ ቦላ ዋይኮ ካራላ ሂሰታናሰ ዳንዳዬኤታ፡፡

37 ሃሳ ገሻስ እንገቴ እንገቴ ገዲን ሃሳዎተሽን እንገቴ ሃሳያይ፡ «ኤ» ጋናዝ ገዲኮ፡ «ኤ» ገቴ፤ «አካይ» ጋናዝ ገዲኮ፡ «አካይ» ገቴ፤ ሃሳፊ ሃራይ ወሪ ኢታ አሳፕ ዩዛዛ፡፡

ሃሎ ኬሶ ገሻስ (ሉቃ 6:29-30)

38 « ሳይፊ ገሻስ ኣይፊ፡ ኣቶ ገሻስ ኣቶ» ጌቴተዳይሳ እንገቴ ሲዱዳታ፡፡

39 ታ ቃሴ እንገቴስ ገዛይ ኢታ ኦሊዳዳራ ኤቆቶፍቴ፤ ገዶ ኣቲን ኔሰ ኡሻቻ ሻጋላ ባቁዛዳሰ ሃንኮይሳካ ዩሻ ቤሳ፡፡

40 ኢሲ ኣሲ ኔኒ ጋርሳራ ማይኢዳይሳ ኔፕ ኤካናሰ ኔና ሞቲኮ ቦላራ ማይኢዳይሳካ ጉጅዳ ኢዛሰ ኢማ፡፡

41 ኢሲ ኣሲ ኔና ኢሲ ሳቴ ኦጌ ኔ ባና ማላ ዋልቃሊኮ ኢሲፊ ናምኡ ዳኮ ገዳና ኦጌ ኢዛራ ባ፡፡

42 ኔና ዋሲዛዳሰ ኢማ፤ ኔፕ ታልኤ ኤካናሰ ኮይዛዳሰ ዘኮ ዛርፓ፡፡

43 « ሳ ላጌ ሲቃ፤ ኔ ሞርኬ ኢጸ» ጌቴተዳይሳ ሲዱዳታ፡፡

44 ታ ቃሴ እንገቴና እንገቴ ሞርኬታ ደሲቴ፤ እንገቴና ጎዲዛይታሰ ዋሲቴ ጋይሰ፡፡

45 እንገቴ ሃሳቶ ኦሊኮ እንገቴ ሳሎ ኣዋሰ ናይታ ገዳና፡፡ ኢዚ ኣርሼ ኢታታሲኔ ሎኦታሰ ኢሲ ቦላ ጋላ ኢማሰ፡፡ ኢራካ ጸሎታሲኔ ናጋራንቻታሰ ኢሲ ቦላ ቡኪሴሰ፡፡

46 እንገቴና ደሲዛይታ ጸሓ እንገቴ ደሲኮ እንገቴስ ኣዛ ጎኣይ ዲኬ? ቃራጸ ቃንጸሲዛይቲ ሃሳቶ ኦሌቴኔ?

47 እንገቴ ኢሻታ ጸላ እንገቴ ሳርቲኮ ሃንኮይታፕ ኣዛን ሎኤቲ? ኣማኖንታይቲካ ሃሳቶ ኦሌቴሰ፡፡

48 ሃሳ ገሻስ እንገቴ ሳሎ ኣዋይ ዋሶይ ባይንዳይታሰ ገዲዳ ማላ እንገቴካ ዋሶይ ባይንዳዴ ገዲቴ፡፡

6

ማንቆስ ማዶ ኢዋ

1 «ኣሲ እንገቴና ቤያና ማላ ኣሳ ሲንፋን ሎኦ ኦሎንታ ማላ ናጌቴቴ፤ ሃሳቶ ኦሊኮ እንገቴ ሳሎ ኣዋፕ ጎኣ ዴሚኬታ፡፡

2 እንገቴ ማንቆታሰ ማዶ ኢሚዛ ዋዴ ኣሲ ታና ቤዮ ገዲ ኣሳ ሲንፋን ቦንቼታናሰ ኦጌኒኔ ኣይሁዳ ዋሳ

ኬፋን ጸሩሞባ ፑኒሲዛ ቆጴፕ ቆሞን ሃኒዛይታላ ኦሎፍቴ፡፡ ታ እንገቴሰ ቱሙ ጋይሰ፤ ኢሰቲ ባ ዋጋ ኡባ ሃን ኤኪዳ፡፡

3 እንገቴ ማንቆታሰ ኢሚሺን ኡሻቻ ኩሼይ ኦሊዛ ሃዲርሳ ኩሼይ ኤርፖ፡፡

4 እንገቴ ኢሞይ ጌማን ገዲ፤ ቆታን ኦሴተዳይሳ ቤኢዛ እንገቴ ኣዋይካ እንገቴ ዋጋ እንገቴሰ ኢማና፡፡

ዋሳ ገሻስ (ሉቃ 11:2-4)

5 «እንገቴ ዋሲሼ ቆጴፕ ቆሞን ሃኒዛይታ ማላ ሃናፕቴ፤ ኢሰቲ ኣሲ ቤያና ማላ ኣይሁዳ ዋሳ ኬፋታኒኔ ኦይዲ ኦጌ ቦላ ኤቁዲ ዋሳናሰ ደሴቴሰ፡፡ ታ እንገቴሰ ቱሙ ጋይሰ፤ ኢሰቲ ኩሚፋ ዋጋ ኤኪቸዳ፡፡

6 ኔኒ ዋሳና ጌሊዛ ኔ ኪፊሌ ጌላ፤ ካሪካ ኔ ቦላ ጎርዳዳ ጌማን ዲዛ ኔ ኣዋኮ ዋሳ፡፡ ጌማን ኦሴተዳይሳ ቤኢዛ ኔ ኣዋይ ኔ ኦሶ ማላ ኔሰ ኢማና፡፡

7 «ኣማኖንታ ኣሳይ ኢሲ ቃላ ዛሪ ዛሪ ዋሲኮ ኢሰታሰ ሲዩቲዛ ሚሳቲን ኢሰቲ ዛሪ ዛሪ ገዛይሳላ እንገቴካ ዋሲሼ ኢሲ ቃላ ዛሪ ዛሪ ጎፕቴ፡፡

8 ገዶ ኣቲን እንገቴ ኣዋይ እንገቴ ዋሳናፕ ካሴቲዲ እንገቴሰ ኣዚ ኮሺዛኮ ኤሪዛ ገሻስ እንገቴ ኢሰታ ሚሳቶፕቴ፡፡

9 እንገቴ ዋሲሼ፡ « ሳሎን ዲዛ ኦ ኣዋወ! ኔ ሱንላ ኣንጅቶ፡፡

10 ኔ ካዋቴላ ሃ ዮ፤ ኔ ሼኔይ ሳሎን ገዲዳ ማላ ሳኣንካ ሃና፡፡

11 ሃቸሰ ገዲዛ ካላ ኦሰ ሃቶ ኢማ፡፡

12 ኦ ኦና ቆሃዳይታሰ ኣቶ ገዛ ማላ ኔካ ኦ ቆሆ ኦሰ ኣቶ ጋ፡፡

13 ኢታፕ ኦና ኣሻ ኣቲን ኦና ፓጩን ጌለላፋ፤ ቦንቸይ ሜሪፕ ሜርና ጋካናሰ ኔይሳ፡፡

14 «እንገቴ እንገቴና ቆሃዳይታሰ ኣቶ ገኮ እንገቴ ሳሎ ኣዋይካ እንገቴሰ ኣቶ ጋና፡፡

15 ቃሴ እንገቴ ኣሳ ናጋራ ኣቶ ጎንታ ኢጸኮ እንገቴ ኣዋይካ እንገቴ ናጋራ ኣቶ ጌና፡፡

16 «እንገቴ ጸማ ጸሚሼ ቆጴፕ ቆሞን ጸሚዛይታላ ሹሎፍቴ፡፡ ኢሰቲ ባ ጸሚዛይሳ ኣሲ ኤራና ማላ ባ ኣይፊሶ ኢሴቴሰ፡፡ ታ ቱሙ ጋይሰ፤ ሃሳቶ ኦሊዛይቲ ባ ዋጋ ኩሚፋ ኤኪቸዳ፡፡

17 ኔኒ ጸማ ጸማሼ ኔ ኣይፊሶ ሜጩታ፡ ኔ ሁኤ ቲዬታ፡፡

18 ሃሳቶ ኔ ጸሚኮ ጌማን ዲዛ ኔ ኣዋይ ጸላላ ኤሪዛዛኒ ኣሲ ኦኒካ ኢርንታ ቆታን ገዲና፡፡ ቆታን ኦሴተዳይሳ ቤኢዛ ኔ ኣዋይካ ኔ ዋጋ ኔሰ ኢማና፡፡

ሳሎን ዲዛ ሃር (ሉቃ 12:33-34)

5:32 ማቶ 19:9፤ ማር 10:11-12፤ ሉቃ 16:18፤ 1ቆር 7:10-11 5:33 ለዌ 19:12፤ ታይ 30:2፤ ዛሬ 23:21 5:34 ያቆ 5:12፤ ማቶ 23:22 5:35 ኢሳ 66:1፤ ማዛ 48:2 5:38 ኬሳ 21:24፤ ለዌ 24:20፤ ዛሬ 19:21 5:48 ለዌ 19:2፤ ዛሬ 18:13 6:1 ማቶ 23:5 6:5 ሉቃ 18:10-14

19 «ቢላይ ሚዛሶን ቡቁዲ ሺይዲ ሞሬተዛሶን፣ ካይሶይ ቦኪዲ ካይሳናሰ ዳንዳይዛሶን፣ ሃ ቢታ ቦላ ኢንቴሰ ሚሽ ሺሾፍቴ።

20 ጊዶ ኣቲን ቢላይ ማናሰ፣ ቡቁዲ ዎይኮ ሺይዲ ሞሬቶንታሶን፣ ካይሶይ ቦኪ ኤካና ዳንዳይንታሶን ሄን ሳሎን ኢንቴሰ ሚሽ ሺሾፍቴ።

21 ኔ ሚሻይ ዲዛሶን ኔ ዎዚናይ ሄን ዳሰ።

22 «አይፊይ ኣሳቴሳሰ ፖኦ፤ ሄሳ ገሻሰ ኔ አይፊይ ፓጻ ገዲኮ፣ ኔ ኩሜላ ኣሳቴሳይካ ፖኦ ገዲና።

23 ኔ አይፊይ ሃርጋንቻ ገዲኮ፣ ኔ ኩሜላ ኣሳቴሳይካ ቆማ ዳላ ገዲና። ሂሰቲኮ ኔናን ዲዛ ፖኦይ ቆማ ገዲኮ፣ ቃሴ ቆማይ ዋኒዲ ገርዲ ገዲ ቆማ ገዲንዳ?

24 «ኢሲ ኣሲ ናሞኡ ጎዳሰ ኦላና ዳንዳይና። ኢሳ ኢዲዲ ናሞኣንሰዛ ደሳና፤ ዎይኮ ኢሳ ቦንቸዲ ናሞኣንሰዛ ለቃና፤ ጸሳሲኔ ሚሻሰ ናሞኣታሰ ጋላ ኦላናሰ ዳንዳይና።

ዳር ቆፖፍቴ

25 «ሄሳ ገሻሰ ታ ኢንቴና ኢንቴ ዲሳ ገሻሰ፣ «አይ ሚና? አይ ኡዩና? አይ ማይኢና?» ገዲ ሂርጎፍቴ ጋይሰ። ሸምፖይ ቁማ፣ አሾይ ማይኦፊ አዴኔ?

26 ኣኔ ሳሎ ካፎታ ጸሊቴ! ዜሬቴና፤ ማጾቴና፤ ዲኤን ቆሌቴና፤ ገዶ ኣቲን ኢንቴ ሳሎ ኣዎይ ኢሰታ ሚዜሰ። ኢንቴ ኢሰታፊ ኮሂ ኣዴኮቴ?

27 ኣኔ ኢንቴፊ ዳር ዎይቴዲ ባሰ ኢሜቴዳ ላይላ ቦላ ሃራ ኢሲ ጋላሰ ጉጅና ዳንዳይዛ ኣሲ ዲዜ?*

28 «ቃሴ ማይኦ ገሻሰ ኣዛሰ ሂርጌቴ? ኣኔ ጮ ዳምባን ዲዛ ጨሻታ ጸሊቴ፤ ዳቡሬቴና ዎይኮ ሱቁቴና።

29 ሄሳ ገሻሰ ታ ኢንቴና ገዛይ ሃራይ ኣቶሺን ካዎ ሰሎሞኔይካ ባ ቦንቸራ ሃ ጨሻታፔ ኢሲኔይ ማላ ሎኦ ማይኢቤና።

30 ኢንቴና ፓጩ ኣማናይ ዲዛይቶ! ሃቶ ኣሳ ኣይፊን ቤቲዲ ዎንቶ ታማን ዎቆና ማታ ሃይሳላ ማይዚዛ ጸሲ ኢንቴና ሄሳፊ ሎኤላ ኣላ ማይዛናሰ ዳንዳይኔ?

31 ሄሳ ገሻሰ ኦ አይ ማኔ? አይ ኡያኔ? አይ ማይኣኔ? ገዲ ሂርጎፍቴ።

32 ሃንኮ ኣማናንታ ኣሳይ ሃይሳ ዳማናሰ ዳር ቆፔሰ። ሃይሲ ወሪ ኢንቴሰ ኮሺዛይሳ ኢንቴ ሳሎ ኣዎይ ኤሬሰ።

33 ሃራፔ ሲንሳቲዲ ጸሳ ካዎቴላ ጸሎቴላ ኮዩቴ፤ ሃይቲ ወሪ ኢንቴሰ ጉጅታና።

34 ሄሳ ገሻሰ ዎንቶሰ ኮሂ ቆፖፍቴ፤ ዎንቶ ሜቶይ ዎንቶሰ ኣቆ፤ ኢሲ ኢሲ ጋላሳይ ባሰ ባሰ ገዲዛ ሜቶራ ዳሰ።

7

ሃራ ኣሳ ቦላ ፐርዳናሰ ኮሺና (ሉቃ 6:37-42)

1 «ኢንቴ ቦላ ፐርዳናንታ ማላ ሃራ ኣሳ ቦላ ፐርዳፍቴ።

2 ኢንቴ ፐርዲዳ ማላ ኢንቴ ቦላካ ፐርዳታና። ኢንቴ ማኪዳ ሚሻራ ኢንቴሰ ማኬታና።

3 ኔ አይፊን ዲዛ ገታ ሚላ ቤኣንታ ዳሼ ኔ ኢሻ ኣይፊን ዲዛ ቁሪ ቡራ ኣዛሰ ጸላይ?

4 ኔ አይፊን ገታ ሚላ ዲሺን ኔ ኢሻ፣ «ኣኔ ታ ኔ ኣይፊፔ ቁሪ ቡራኖ ኬሳይሰ» ጋናሰ ዎና ዳንዳይና?

5 ኔና ቆዴፔ ቆሞን ሃኒዛይሰ ካሴታዳ ኔ ኣይፊን ዲዛ ገታ ሚላ ኬሳይቻ። ሃሳፊ ጉዩ ኔ ኢሻ ኣይፊን ዲዛ ቡራ ኬሳናሰ ሎኤላ ጸላንዳሳ።

6 ባ ቶሆን ዩቶንታ ማላኔ ሲሚዲ ኢንቴና ሳጺ ዳኬሬላንታ ማላ ኣንጅቲዳይሳ ካናታ ሲንላን ዩጎፍቴ፤ ቃሴ ኢንቴ ዎርቃካ ጉዳንላታ ሲንላን ዩጎፍቴ።

ዎሲቴ፣ ኮዩቴ፣ ቆጶቴ (ሉቃ 11:9-13)

7 «ዎሲቴ ኢንቴሰ ኢሜታና፤ ኮዩቴ ኢንቴ ዳማና፤ ካሬ ቆጶቴ ኢንቴሰ ደዩታና።

8 ዎሲዳ ኡባሰ ኢሜታና፤ ኮይዛ ኣሲ ዳማና፤ ቆጶዛዳሰ ካሬይ ደዩታና።

9 ኢንቴ ገዶፊ ኣሳዳሰ ናይ ኡኬላ ዎሲኮ ሹቶ ኢሚዛ ኣዎይ ዳንዳይ?

10 ዎይኮ ሞሌ ዎሲኮ ሸሽ ኢሚዛዳይ ዳንዳይ?

11 ሂሰቲን ኢንቴ ኢታታ ገዲ ኡቲዲ ኢንቴ ናይታሰ ሎኦ ሚሽ ኢሞ ኤሪዛይታ ገዲኮ ኢንቴ ሳሎ ኣዎይ ኢዛ ዎሲዛይታሰ ዋኒዲ ኣጲዛ ሎኦ ሚሽ ኢሜኔ?

12 ሄሳ ገሻሰ ሃራ ኣሲ ኢንቴሰ ኦላና ማላ ኢንቴ ኮይዛይሳ፣ ኢንቴካ ሃራታሰ ኦላቴ። ሙሴ ዎጋይኔ ናቤቴ ገዛይሲ ሃይሳ።

ኣሆ ፔንጌኔ ጸንላ ፔንጌ (ሉቃ 13:24)

13 «ጸንላ ፔንጌራ ጌሊቴ፤ ቆሶሶ ኤፊዛ ኦጌይ ገታ፤ ፔንጌይካ ኣሆ፤ ዳር ኣሳይ ሄ ፔንጌዛራ ጌሌሰ።

14 ዳኦሰ ጋላዛ ኦጌይ ገዲኮ ጸንላ፤ ፔንጌይካ ጸንላ፤ ጌላናይቲካ ጉላታ ዳላ።

ዎርዶ ናቤታ (ሉቃ 6:43-44)

15 «ኢሰታሰ ገዶ ባጋይ ካና ሱይቴ * ማላ ገዲ ኡቲዲኔ ደርሳ ኢቴ ማይኢ ጌሊዲ ኢንቴ ገዶን ኦላዛ ዎርዶ ናቤታፔ ናጌቴቴ።

16 ኢንቴ ኢሰታ፣ ኢሰታ ኦሶን ኤራንዳታ። ኣጉንላ ዎራፔ ዎይኔይ፣ ኪንዲቾ ኣጉንላፊ ባላሴ ኣይፊይ ማጾቴዜ?

17 ሄሳላካ ሎኦ ሚላ ወሪ ሎኦ ኣይፊሰ፤ ኢታ ሚላካ ኢታ ኣይፊ ኣይፊሰ።

18 ሎኦ ሚላ ኢታ ኣይፊ ኣይፋናሰ ዳንዳይንታይሳ ማላ ኢታ ሚላ ሎኦ ኣይፊ ኣይፋናሰ ዳንዳይና።

19 ሎኦ ኣይፊ ኣይፎንታ ሚላ ወሪካ ቃንጾታናኔ ታማን ዩጌታና።

20 ሄሳ ገሻሰ ኢንቴ ኢሰታ ኢሰቲ ኣይፊዛ ኣይፊን ሻኪ ኤራና።

21 «ሳሎን ዲዛ ታ ኣዎ ሼኔ ፖሎንታ ዲሼ ታና፣ ሳይ! ጎይ!» ገዛይ ወሪ ሳሎ ካዎቴላ ጌሊና።

6:19 ያቆ 5:2-3 * 6:27 ባሰ ኢሜቴዳ ላይላ ቦላ ሃራ ኢሲ ጋላሰ ጉጅና ዳንዳይዛ ኣሲ ዲዜ? ገዛይሳ ኢሲ ኢሲ ጌሻ ማጻፋታ ቢርሼላን «ባሰ ዲዛ ኣዳሳቴላ ቦላ ኢሲ ዎቆ ፑዳ ጉጅናሰ ዳንዳይዛ ኣሲ ዲዜ?» ገዛዚ ዳሰ። 7:2 ማር 4:24 7:12 ሉቃ 6:31 * 7:15 ካና ሱይቴ፣ ካና ሱይቴይ ኢሲ ኢሲ ባጋ ጋሞላ ቃላን ሱቆሜ ጌቴቴሰ። 7:19 ማቶ 3:10፤ ሉቃ 3:9 7:20 ማቶ 12:33

22 ሃ ጋላስ ዳርቲ፣ ሳይ! ጎይ! ኑኒ ኔ ሱንጎን ቲንባቲ የቲቤኮኒ? ኔ ሱንጎን ዳይዳንጎ ኬሲቤኮኒ? ኔ ሱንጎን ዳር ማላታ ኦሊቤኮኒ?» ጋና።

23 ሃ ዎዴ ታ ኢስታስ፣ ታ ኢንቴና ሙሉካ ኤሪኬ! ኢንቴ ኢታቲ ታፔ ሃኪቴ። ጋዳ ቆንጩራ ታ ኢስታስ የታና።

ኬፍ ኬጺዛ ኤሪኔ ኤያ ኣሳ ለሚሶ (ሉቃ 6:47-49)

24 «ሂስቲኮ ሃይሳ ታ ቃላ ሲዩዲ ኦሶን ፔይሽዛዴይ ባ ኬፍ ዛላ ቦላ ኬጺዛዴ ሚሳቲስ።

25 ዴጾ ኢራይ ቡኪን ሃርይካ ሃርቲዴስ፤ ጫርኮይካ ጫርኪዴስ፤ ኬፍካ ሱጊዴስ ሸን ዛላ ቦላ ኬጾቲዳ ጊሻስ ኩንዲቤና።

26 «ሃይሳ ታ ቃላ ሲዩዲ ኦሶንታዴይ ጊዲኮ ባ ኬፍ ኣጩ ቦላ ኬጺዳ ኤያ ኣሳ ማላ።

27 ዴጾ ኢራይ ቡኪን ሃርይካ ሃርቲዴስ፤ ጫርኮይካ ጫርኪዴስ፤ ሃ ኬፍካ ሱጊዴስ፤ ኬፍካ ኢታ ኩንዴላ ኩንዲዴስ። ጊዴስ።

28 ዩሱሲ ታማርሲ ዉርሲን ኣሳይ ኢዛ ቲሚርቲዛን ማላሌቲዴስ።

29 ጋሶይካ ሙሴ ዎጋ ታማርሲዛይታ ማላ ጊደንታ ኢዚ ጎዳቲላ ዲዛ ኣሳ ማላ ታማርሲዴስ።

8

ዩሱሲ ኢንፎራቻ ሃርጌይ ኦይኪዳ ኣዴዛ ፓሊዴስ (ሉቃ 6:37፣41-42)

1 ዩሱሲ ዙማ ቦላፌ ዎዲን ዳር ዴሬይ ኢዛ ካሊዴስ።

2 ኢሲ ኢንፎራቻ * ሃርጌይ ዲዛዴይ ዩሱሳኮ ሸቂዲ ኢዛ ሲንጎን ጉልባቲዲ፣ «ጎይ! ኔ ኮይኮ ታና ፓላናስ ዳንዲያሳ» ጊዴስ።

3 ዩሱሲ ባ ኩሼ ዩዲዲ፣ «ታ ደሳዲስ፤ ፓጸ!» ጊን ኣዴዚ ሃ ሃርጌዛፔ ሄራካ ፓጸዴስ።

4 ቃሴካ ዩሱሲ ኣዴዛ፣ «ኔ ፓጸዲይሳ ኦናሰካ የቶፓ፤ ጊደ ኣቲን ባዳ ኔና ቁሴስ ቤሳ። ኢስቲ ኣዛዚዳ ያርሾዛ ጋላ፤ ሄሲካ ኢስታስ ማርካ ጊዳና» ጊዴስ።

ዩሱሲ ማቶ ሃላቃዛ ኣሸካራ ፓሊዴስ (ሉቃ 7:1-10)

5 ዩሱሲ ቁፊርናሆሚ ጋኪዳ ማላ ማቶ ሃላቃይ ኢዛኮ ሸቂዲ ኢዛ ሂዘጊ ዎሲዴስ።

6 «ጎይ! ታ ኣሸካራይ ኬሂ ሳኬቲዲ ኬፍን ኢቺ ዴስ» ጊዴስ።

7 ዩሱሲካ ኢዛሰ፣ «ታ ባዳ ፓላና» ጊዴስ።

8 ማቶ ሃላቃዚ ኢዛሰ ዛሪዲ፣ «ታ ኔና ታ ኬፍ ጌልፋናስ ቤሲዛዴ ጊዲኬ፤ ጊደ ኣቲን ኔ ሃን ዳዳ ኢሲ ቃላ ጸላ ጊኮ ታ ኣሸካራይ ፓጸና።

9 ታሰካ ታና ኣዛዚዛ ሃላቃቲ ታፔ ቦላራ ዴቲስ፤ ቃሴካ ታሰ ኣዛዘቲዛ ዎታዳራቲ ታፔ ጋርሳራ ዴቲስ፤ ኢስታፊ ኢሳ፣ «ባ!» ጊኮ ቤስ፤ ቃሴ ኢሳ፣ «ሃ ያ!» ጊኮ ዩሰ፤ ታኒ ታ ኣሸካራዛ፣ «ሃሳ ኦላ!» ጊኮ ኦሴስ። ጊዴስ።

10 ዩሱሲ ኢዛ ዛርዛን ማላሌቲዲ ባና ካሊዛይታስ፣ «ታ ኢንቴሰ ቱሙ ጋይስ፤ ሃራይ ኣቶሺን ኢስራኤሌ ኣሳ ጋርሳን ሃይሳ ማላ ኣማኖይ ዲዛዴ ኢሳዴካ ዴማቤኬ።

11 ታ ኢንቴሰ የታይስ፤ ዳርቲ ኣርሼይ ሞኪዛ ባጋፊኔ ዉሊዛ ባጋፊ ያና። ሳሎ ካዎቲላ ማዳን ኣብራሃሚንታራ ዩሳቃንታራ ናቆቤንታራ ኢሲፊ ኡታና።

12 ሳሎ ካዎቲላ ኢስታስ ጊዳና ቤሲዛ ኣሳቲ ሄን ካሬ ቋማን ዩጌታና። ሄንካ ዩሆኔ ኣቻ ጋርጩቶ ጊዳና» ጊዴስ።

13 ዩሱሲካ ማቶ ሃላቃዛሰ፣ «ባ! ኔ ኣማኖ ማላ ኔስ ሃና» ጊዴስ፤ ኣሸካራዚ ሄራካ ፓጸዴስ።

ዩሱሲ ዳርታ ፓሊዴስ (ማር 1:29-34፤ ሉቃ 4:38-41)

14 ዩሱሲካ ቡር ጳጳርሳ ኬፍ ጌሊሺን ጳጳርሳ ቦሎቲያ ሚሾ ሃርጌ ሳኬታዳ ኢቺዳር ቤዩዴስ።

15 ኢዚ ኩሼ ዩሱሲ ቦቺን ሚሾ ሃርጌዚ ኣጊዴስ። ኢዛካ ዴንዲዳ ዩሱሳ ሞካዲስ።

16 ሃ ጋላሳ ኦማርስ ዳይዳንጎ ኦይኪዳ ዳር ኣሳታ ዩሱሳኮ ኤሂዳ። ኢዚካ ቲና ኣያናታ ባ ቃላራ ኢስታፊ ኬሲዴስ፤ ሃርጋንቻታ ኡባካ ፓሊዴስ።

17 ኢሳያሲ፣ «ኢዚ ኔ ሃርጌ ኤኪዴስ፤ ኔ ሳኮካ ቶኪዴስ» ጊዳ ቃላይ ሃይሳን ፖሌቲዴስ።

18 ዳር ኣሳይ ኢዛ ጊዳዲዳይሳ ቢዩዲ ዩሱሲ ኣሳ ኣባፊ ሃ ፒንጎ ፒናና ማላ ኣዛዚዴስ።

19 ሃ ዎዴ ኢሲ ኣይሁዳ ኣማኖ ታማርሲዛዴይ ኢዛኮ ሸቂዲ፣ «ኣስታማሬ! ኔ ቢዛሶ ኣዎካ ታ ኔና ካላና» ጊዴስ።

20 ዩሱሲካ ኢዛሰ ዛሪዲ፣ «ዎራካናታስ ኦላይ ዴስ፤ ሳሎ ካፎታስ ኬፍ ዴስ፤ ታስ ኣሳ ናስ ጊዲኮ ሁኔ ጌልላዛሰይካ ዴና» ጊዴስ።

21 ኢዛ ካሊዛ ኢሲ ሃራ ኣሲ ቃሴ፣ «ጎይ! ኮይር ባዳ ታ ኣዎ ሞጎ?»፣ ጊዴስ።

22 ኢዚ ቃሴ፣ «ሃይቂዳይቲ ባ ሃይቁላ ሞጌቶ፤ ኔኒ ጊዲኮ ታና ካላ» ጊዴስ።

ዩሱሲ ኣባ ዳምባላ ጮኡ ሂስቲዴስ (ማር 4:35-41፤ ሉቃ 8:22-25)

23 ሃሳፊ ጉዩ ዩሱሲካ ዎጎሎን ጌሊን ኢዛ ካሊዛይቲካ ኢዛራ ኢሲፊ ቤዳ።

24 ቆፖንታ ኣባ ጊደን ዳምባላይ ዴንዲዲ ዎጎሎኖ ሚታና ጋካናስ ኢስታ ዎዩሲዴስ። ሄሲ ዉሪ ሃኒሺን ዩሱሲ ቋሰኪዴስ።

25 ኢዛ ካሊዛይቲ ኢዛ ቤጎሊዲ፣ «ጎይ! ኔ ቆዮስ፤ ኦና ኣሻ!» ጊዳ።

26 ዩሱሲካ ኢስታስ፣ «ኢንቴኖ ኣማኖይ ፓጩዴይቶ! ኣዛሰ ሃይሳ ማላ ባቤቲ?» ጊዴስ። ሃሳፊ ዴንዲዲ ጫርኮዛኔ ኣባ ዳምባላ ኢዚ ሃንቂን ሄራካ ሲርጺ ጊዴስ።

27 ኢስቲካ፣ «ሃይሲ ኣባይኔ ጫርኮይካ ኢዛሰ ኣዛዘቲዛዴይ ኢዚ ዎኒዳዴ?» ጊዲ ማላሌቲዳ።

ቲና ኣያናፔ ፓጸዳ ናምኡ ኣሳታ (ማር 5:1-20፤ ሉቃ 8:26-39)

* 8:2 ኢንፎራቻ፣ ኢንፎራቻ ገሻ ማጸፋይ ቆንጩሲዛ ማላ ኣሳቲላ ቦላ ቦላራ ጋልባን ኬዚዛ ዴማ ዴማ ሃርጌታ ኡባ ቤሲስ። 8:11 ሉቃ 13:29 8:12 ማቶ 22:13፤ 25:30፤ ሉቃ 13:28 † 8:21 ታ ኣዎ ሞጎ? ጊዛይሲ ኢዛ ኣዎይ ሃይቃና ጋካናዉ ሄሚዲ ሃይቁኮ ሞጊ ያናስ ዲዛ ኢዛ ኣዎዛ ቤሲዛ ሚሳቲስ።

28 እዚ አባ ፒኒዲ ጌርጌሴኖኔ ጌቲቲዛ ዴሬ ጋኪዳ ማላ ዳይዳንላ ኦይኪዳ ናምኡ አሰ ዳይቲ ባ ዲዛ ዲፎፕ ኬዚዲ ኢዛራ ጋጊዳ። አሲ ሄ ኦጌዛራ አቆናሰ ዳንዳዬቶንታ ማላ አሳሰ ዳር ኬሂ ማቶ ጊዲ ዳቲሰ።

29 ኢሰቲካ፡ «ጸሳ ናዉ! ኔሰ ኦናራ አዛ ኢሲፊቴላ ዲዜ? ዎዴይ ጋኮንታ ዲሺን ኦና ጸጋና ያዲ?» ጊ ዋሲዳ።

30 ሄን ኢሰታፊ ጉላ ሃኪዲ ዳር ጉዲንፋ ወዴይ ኢሲ ቦላ ሄሚቲሰ።

31 ዳይዳንፋቲ ዬሱሳ፡ «ኔ ኦና ኬሳና ጊዲኮ ሃይታን ዳር ጉዲንፋታን ኦ ጌላና ማላ ኦሰ ፒቃዴ ኢማ» ጊዲ ዋሲዳ።

32 ዬሱሳ ኢሰታ፡ «ቢቲ!» ጊዴሰ። ዳይዳንፋቲካ ኢሰታፊ ኬዚዲ ጉዲንፋታን ጌሊዳ። ጉዲንፋቲ ወሪካ ባ ዲዛሰ አፎራ ቢቻሪሾ አባን ጌሊዲ ሃላን ሚቲቲ ሃይቁዳ።

33 ጉዲንፋ ሄሚዛይቲ ኤሌሊዲ ካታማይ ዲዛሰ ቢዲ ጉዲንፋይ ሃኖይሳኔ ዳይዳንላ ኢሰታ ኦይኪዳ አሳታ ቦላ ሃኒዳይሳ ኡባ አሳሰ ዮቲዳ።

34 ካታማ አሳይ ወሪ ዬሱሳ ጋጋናሰ ኬዚዴሰ። ዬሱሳ ቤኢዲኔ ኢሰታ ዴሬ ዬዲ ባና ማላ ኢዛ ዋሲዳ።

9

ጉንዳ አዴዛ ፓጾ

(ማር 2:1-12፤ ሉቃ 5:17-26)

1 ሄሳፊ ጉዬ ዬሱሳ አባ ቦላ ዋሳሎራ ፒኒዲ ካሴ ባ ዲዛ ካታማ ዩዴሰ።

2 ሄን ኢሲ ጉንዳ አዴዛ፡ አሳይ ሃላራ * ቶኪዲ ዬሱሳኮ ኤሂዴሰ። ዬሱሳካ ኢሰታ አማኖ ቤኢዲ ጉንዳ አዴዛ፡ «አይኮይ ባ፤ ሃይሶ ናዘ! ኔ ናጋራይ አቶ ጌቲቲዳሰ» ጊዴሰ።

3 ሄ ዎዴ ሙሴ ዋጋ ታማርሲዛይቲ፡ «ሃይሲ ጸሳ ጫሻ» ጊዲ ባ ዎዚናን ቆፒዳ።

4 ዬሱሳ ኢሰታ ቆፋ ኤሪዳ፡ «አንቲ ዎዚናን ኢታ ዮኦ አዛሰ ቆፒቲ?»

5 «ኔ ናጋራይ አቶ ጌቲቲዳሰ» ጉሳፊኔ «ዴንዳዳ ባ!» ጉሳፊ አዋይሲ ካወሸ?

6 ጊዶ አቲን አሳ ናሰ ቢታ ቦላ አሴ ናጋራፕ ማራናሰ ሸኔይ ዲዛይሳ ኤራና ማላሳ» ጊዲ ጉንዳ አዴዛ «ዴንዳ! ኔ ሃላ ኤካዳ ኔሶ ባ» ጊዴሰ።

7 ጉንዳ አዴዚካ ዴንዲዲ ባሶ ቢዴሰ።

8 ዴሬይካ ሄሳ ቤኢዲ ማላሌቲላኔ ባቦን ኩሚዲ ሃይሳ ማላ ጎዳቲላ አሳሰ ኢሚዳ ጸሳ ጋላቲዳሰ።

ዬሱሳ ማቶላ ጸይጊዴሰ

(ማር 2:13-17፤ ሉቃ 5:27-32)

9 ዬሱሳ ሄፔ ዴንዲዲ ቢሾ ኢሲ ማቶላ ጌቲቲዛዴይ ቃራጾ ቃንጸሲዛሰን ኡቲዳይሳ ቤኢዲ፡ «ታና ካላ!» ጊን ዴንዲዲ ኢዛ ካሊዴሰ።

10 ዬሱሳ ማቶላሰን ማዳ ቦላ ዲሺን ዳር ቃራጾ ቃራጸዛይቲኔ ናጋራንቻቲ ኢዛኮ ዩዲ ኢዛራኔ ኢዛ ካሊዛይታራ ኢሲፊ ማናሰ ኡቲዳ።

11 ፋርሳዊቲ ሄሳ ቢዩዲ ዬሱሳ ካሊዛይታ፡ «አንቲና ታማርሲዛይሲ ቃራጾ ቃንጸሲዛይታራኔ

ናጋራንቻታራ ዋኒ ኢሰታራ ኢሲፊ ካላ ሚዜ?» ጊ ኦይቺዳ።

12 ዬሱሳካ ኢሰቲ ጊዛይሳ ሲዩዲ ኢሰታሰ፡ «አኪሜይ ኮሺዛይ ሳኬቲዳይታሰ አቲን ሳኬቶንታ ፓጾታሰ ጊዴና።

13 ሄሳ ጊሻሰ፡ «አንቲ ቢዲ ያርሾ ጊዶንታ ማርቴላ ደሳይሰ» ጊዛ ቃላ ቢርሼላ ታማርቲ። ናጋራንቻታ ጸይጋና ያዲሰ አቲን ጸሎታ ጸይጋናሰ ያሴኬ» ጊዴሰ።

ዬሱሳ ካሊዛይቲ ጸማ ጸሞንታ ጋሶ

(ማር 2:18-22፤ ሉቃ 5:33-39)

14 ጸማቁዛ ዮሃንሳ ካሊዛይቲ ዬሱሳኮ ዩዲ፡ «ኦኒኔ ፋርሳዊቲ ጸሚሺን ኔና ካሊዛይቲ አዛሰ ጸሚቲኔ?» ጊ ኦይቺዳ።

15 ዬሱሳ ኢሰታሰ፡ «ሚሺራ ላጌቲ ሚሺራዚ ኢሰታራ ዲሺን ሙዞታና ቤሲዜ? ሚሺራይ ኢሰታፊ ኤኬታና ዎዴይ ያና፤ ኢሰቲ ሄ ዎዴ ጸማና።

16 «ጋልኦ ማይኦ ቦላ ኦራላ ዋሶ ዎላ ሲኪዛ አሲ ዴና። ጋልኦ ቦላ ኦራላ ዎላ ሲኪኮ ኦራላዚ ጋልኦዛ ፔዴሬላዲ ዴኬላ ሃ ዳርሳና።

17 ኦኒካ ኦራላ ዎይኔ ኡሹ ጋልኦ ሉካሞን ጉጃና። ጉጃዛ ጊዲኮ ሉካሞዚ ጳቃና፤ ዎይኔ ጫጃዚካ ጉካና፤ ሉካሞዚካ ጎኦይ ባይንዳዝ ጊዳና። ጊዶ አቲን ኦራላ ዎይኔ ጫጃይ ኦራላ ሉካሞዛን ጉጃቲሰ። ሄሳ ማላራ ዎይኔ ጫጃዚኔ ሉካሞዚ ሎኦን ናጌቲዲ ጋምኤሰ» ጊዴሰ። †

ያኢርሳ ናዮኔ ዬሱሳ አፋላ ማጫራ ቦቺዳ ማጫሳዮ (ማር 5:21-43፤ ሉቃ 8:40-56)

18 ዬሱሳ አሳ ሃሳይሰን ዲሺን ኢሲ ሹሜይ ኢዛ ሲንፋን ኩንዲዲ፡ «ታሰ ና ዳራ ሃይቃና ጋወሰ። ኢዛ ፓጾ ዳና ማላ ያዳ ኔ ኩሼ ኢዚ ቦላ ዎላርኪ?» ጊን፡

19 ዬሱሳ ዴንዲዲ ኢዛራ ቢዴሰ፤ ዬሱሳ ካሊዛይቲካ ኢዛራ ቢዳ።

20 ታማኔ ናምኡ ላይላ ኩሜላ ኢዚፔ ሱላ ጉኪዛ ኢሲ ማጫሳያ ዬሱሳፔ ጉዬራ ያዳ ኢዛ አፋላ ማጫራ ቦቻዲሰ።

21 ኢዛ ሄሳ አሊዳይ፡ «ኢዛ አፋላ ማጫራ ታ ቦቺዳኮ ፓጾና» ጊዛ አማኖይ ኢዚ ዎዚናን ዲዛ ጊሻሰ ቦቻዲሰ።

22 ዬሱሳካ ጉዬ ሲሚ ጸሊዲ ማጫሳዮ፡ «አይኮይ ባ፤ ታ ናዬ! ኔና ኔ አማኖይ ፓሊዴሰ» ጊን ማጫሳያ ሄራካ ፓጾ ጋዲሰ።

23 ዬሱሳካ ሹሜዛ ሶ ማታ ጋኪሺን ዴሬይ ዛዬራኔ ዲንኬራ ዋሲሾ ዬኪዛይሳ ቤኢዲ፡

24 «ኪቺቲ! ናያ ጳሰካዲሰ አቲን ሃይቃቤኩ» ጊን ኢሰቲ ኢዛ ቦላ ሚጪዳ።

25 ዴሬይ ወሪ ኬላፊ ኬዚን ኢዚ ኬላ ጌሊዲ ናይ ኩሼ ኦይኪዴሰ፤ ናያካ ዴንዳ ኤቃዲሰ።

26 ኢዛ ጎባቲላ ሄ ዴሬ ኡባን ሴቲቲዳሰ።

ዬሱሳ ቆቂታኔ ዳና ዲዴዛ ፓሊዴሰ

27 ዬሱሳካ ሄፔ ቢሺን ናምኡ ቆቂቲ፡ «ዳዊቲ ናዉ! ኦና ማራርኪ!» ጊዲ ዋሲሾ ኢዛ ጌዶ ካሊዳ።

28 ቆቂቲካ ዬሱሳ ጌሊዳ ኬላ ኢዛ ካሊዲ ጌሊዳ። ዬሱሳካ ኢሰታሰ፡ «ታ አንቲ ኦይፊ ፓላና

* 9:2 ሃላ፡ ኢሲ ኢሲ ባጋ ጋሞላ ቃላን ሃላ ጉሲ ዛጸ ጉሳ። ጉሳ። 9:20 ታይ 15:38፤ ዛሬ 22:12

9:13 ማቶ 12:7 † 9:17 ሉካሞ፡ ሉካሞ ኢሲ ኢሲ ባጋ ጋሞላ ቃላን አጎር

ዳንዳይዳይ ለማንኛው? » ገደ አይቸደስ። አስተካ፡ «ኤ፣ ጎደ!» ገደ።
 29 ሃሳፊ ጉዬ ዩሱሲ አስታ አይፊ ቦቸዳ፡ «አንቲ አማኖ ማላ አንቲሰ ሃኖ!» ገደሰ።
 30 አስታ አይፊይካ ጸሊዳሰ። ዩሱሲካ፡ «ሃይሳ አንካ ኤርንታ ማላ» ገደ ማንላ ዮቲዳሰ።
 31 ገደ አቲን አስቲ ቢዲ ሄራ ኡባሶን ዩሱሳ ገሻሰ ዋራሲዳ።
 32 አስቲ ሄፔ ከዚሽን ዳይዳንላ ኦይኪዳ አሲ ዶና ዱዳ አሰ ዩሱሳን ኤሂዳ።
 33 ዳይዳንላዚ ከዚዳፔ ጉዬ ሄ ዶና ዱዳ አዳዚ ሃሳያ ኦይኪዳሰ፤ ዳሬዚካ ማላላቲዳ፡ «ሃይሳ ማላ ሃኖይ አሰራኤሌ ቢታን ሃንን ኑ ቤዩ ኤርኮ» ገደ።
 34 ገደ አቲን ፋርሳዌቲ ዛሪዳ አዛ፡ «ዳይዳንላ ከሲዛይ ዳይዳንላታ ሃላቃና» ገደ።

ዩሱሲ ዳራሰ ማሸቲዳሰ

35 ዩሱሲ አይሁዳታ ዋሳ ከላን አይሁዳታ ታማርሲሽኔ ጸሳ ካዋቲላ ማሸቲዳቸ ቃላ ዮቲሽ ቃሴካ ሃርጌ ኡባፊ አሳ ፓሊሽ ጉታታን ጉታታን ዩዩዳሰ።
 36 አሳይ ወሪ ሃሚዛዳይ ባይንዳ ዶርሳ ማላ ከሄ ማቶቲቲዳ ጸሊዛይ ባይንዳዳ ገደዳይሳ ቤኢዳ ዋዳ አስታሰ ዳር ማሸቲዳሰ።
 37 ባና ካሊዛይታሰካ፡ «ማጸ ጋኪዳ ካላይ ዳር ሽን ማጸ ሽሽዛይቲ ጉላታ።
 38 ሄሳ ገሻሰ ካላ ጎዳይ ካላኮ ኦሳንቻታ ዩዳና ማላ ዋሲቲ!» ገደሰ።

10

ዩሱሳ ካሊዛ ታማኔ ናምኣታ ከቲቲላ (ማር 3:13-19፤ ሉቃ 6:12-16)

1 ዩሱሲ ባና ካሊዛ ታማኔ ናምኣታ ባኮ ጸይጊዳ፡ አስቲ ቲና አያናታ ከሳና ማላ ቃሴካ ሳኮፔኔ ሃርጌፊ ፓላና ማላ አስታሰ ጎዳቲላ አሚዳሰ።
 2 ታማኔ ናምኡ ሃዋራታ ሱንሳይ ሃይሳፊ ካሊዛይሳ፤ ኮይሮይ ጸጽርሳ ጌቲቲዛ ሲሞና፡ አዛ አሻ አንዲራሳ፡ ዛብዶሳ ና ያቆቤኔ አዛ አሻ ዮሃንሳ፡
 3 ፒሊጶሳኔ ባርቲሌሞሳ፡ ቶማሳኔ ቃራጸ ሺሺዛ ማቶሳ፡ ኢልፊዮሳ ና ያቆቤኔ ታዶሳ፡
 4 ባ ባጋሰ ማሸቲዛ ሲሞና * ጉዬፔ ዩሱሳ ሃይቆሰ አላ አሚዳ አሰቆርንቶ † ዩሁዳ።
 5 ሃይታ ታማኔ ናምኣታ ኡባ፡ «አይዛቤታ ገደ ቦፒቲ፤ ሳማሪያ አሳ ካታማ ጌሎፒቲ።
 6 ገደ አቲን አሰራኤሌ ዳራ ጋርሳፊ ቆይዳ ዶርሳታኮ ቢቲ።
 7 ቢዲኔ፡ ሳሎ ካዋቲላ ማቲዳሰ!» ገደ ሳባኪቲ።
 8 ሃርጋንቻታ ፓሊቲ፡ ሃይቂዳይታ ሃይቆፔ ዳንላቲ፡ አንቸራቻ ሃርጊዛይታ ጌሽቲ፤ ዳይዳንላታ ከሲቲ፤ አንቲ ማላ ኤኪዳይሳ ማላ አሚቲ፤

9 ዋርቃ፡ ቢራ ዋይኮ ጸርቂማላ ገደን አንቲ ከሴን ኦይኮፍቲ።
 10 ኦሳንቻሰ ሃቸሰ ሃቸሰ ገደዛዛ ኮሺዛ ገሻሰ አንቲ ኦሴሰ ገደ ሸንቄ፡ ኮሻንታ ማይኦ፡ ጫማ ዋይኮ ጉፊ ኤኪ ቦፒቲ።
 11 «አሲ ካታማ ዋይኮ አሲ ጉታ አንቲ ጌሊዛ ዋዳ አንቲና ሞካናዳ ኮዩ ዳሚዳ አዛ ከላን ሸምፒቲ፤ ሄፔ ከዛና ጋካናሰ ሄን ዲሺቲ።
 12 አንቲ ኦና ከሊካ ጌልሹ፡ ሳር) ጌቲ።
 13 ሄ ከላይ ሳርታይ ቤሲዛ ከሌ ገደኮ አንቲ ሳርታይ ሄ ከላሰ ገደ፤ ሳርታይ ቤሶንታ ከሌ ገደኮ አንቲ ሳርታይ አጊ አንቲሰ ሲሞ።
 14 አይ አሲካ አንቲና ሞኪ ኤካናሲኔ አንቲ ጊዛ ሲያናሰ ኮኾንታዳ ገደኮ ሃሳዳ ከላፊ ዋይኮ ሄ ካታማፔ ከዚሽ አስታ ቦላ ዩዛ ጎሜፔ አንቲ አቲዳይሳሰ ማርካ ገደና ማላ አንቲ ቶሆ ቦላ ዳዛ ጉዳላ ፒቲዳ ከዚቲ።
 15 ታ አንቲሰ ቱሙ ጋይሰ፤ ፒርዳ ጋላሰ ሄ ካታማይ ቦላ ጋካና ፒርዳይ ሰዶሜ ቦላኔ ጋምራ ቦላ ጋኪዳ ፒርዳፊ ዳጸ ገደና።
 16 «ታ አንቲና ዶርሳ ማላ ካና ሱይቲታ ገደራ ከታይሰ። ሄሳ ገሻሰ ሸሻ ማላ ጪንጫታኔ ሃራጶ ማላ አሽኬታ ገደቲ።
 17 አሳይ አንቲና ኦይኪዳ ፒርዳዛ ዳላታሰ ሸሻና፤ አይሁዳቲ ባ ዋሳ ከላን አንቲና ጋራፋና፤ ሄሳ ገሻሰ አስታፊ ናጌቲቲ።
 18 ታ ጋሶን ዳሬ ሃሪዛይታኮኔ ካዋታኮ አንቲና ኤፋና፤ አስታ ሲንሳኔኔ አማኖንታ አሳታ ሲንሳን አንቲ ማርካ ገደና።
 19 አንቲና አስቲ ኦይኪዛ ዋዳ፡ ሉ አይ ገ ሃሳይና? ዋዘጊ ዛር አሚኖ?» ገ ሃርሳፍቲ። ሄ ዋዳ አንቲ ጋናዚ አንቲሰ አሚታና።
 20 አንቲናን ሃሳያይሌ አንቲ ኣዋ አያናፔ አቲን አንቲና ገደኬታ።
 21 «አሻይ ባ አሻ ሃይቆሰ አላ አማና፤ አዋይ ባ ና ቦላ፡ ናይቲ ባና ዩሊዳይታ ቦላ ማካላቲላን ዳንዲዳ ሃራ አሳን ሞጲሳና።
 22 ታ ገሻሰ አሲ ወሪካ አንቲና ኢጸና። ገደ አቲን ወርሴላ ጋካናሰ ሚኒ ኤቂዳይ አዚ አታና።
 23 አሳይ አንቲና አንቲ ዲዛ ሄራፔ ጎዲኮ ሃራሰ ከቸቲ፤ ታ አንቲሰ ቱሙ ጋይሰ፤ አንቲ አሰራኤሌ ካታማ ኡባ ጋኮንታ ዲሺን ታ አሳ ናይ ያና።
 24 «አሽካራይ ጎዳፔ ዋይኮ ካሊዛዳይ ካሊላዛዳፊ አጼና።
 25 ታማራይ ባና ታማርሲዛይሳ ማላ ዋይኮ አሽካራይ ባ ጎዳ ማላ ገደኮ ሄሲ አዛሰ ገደና። ከላ አዋ፡ (ቢኤሊዜቡላ) ገኮ አዛ ሶ አሳ አይሰ ሃሳፊ አታ ጌቲኔ!
 26 «ሄሳ ገሻሰ አስታሰ ባቦፍቲ፤ ጌሜቲዳይ ቆንጮንታ ቆቲቲዳይ ጌሽ ከዘንታ አቲና።

9:34 ማቶ 10:25፤ 12:34፤ ማር 3:22፤ ሉቃ 11:15 9:35 ማቶ 4:23፤ ማር 1:39፤ ሉቃ 4:44 9:36 ማር 6:34 * 10:4 ባ ባጋሰ ማሸቲዛ ሲሞና፡ ሃይሰ ሃ ሱንሳይ ጉጃቲዳይ አሲ አሲ አሳቲ አዚ ባ ሃይማኖቲዛሰ ማሸቲዛ ገሻሳ ጌቲሰ። ሃራቲ ቃሴ አዚ አሰ አይሌቲላፊ ከሲዛ አሲ ዳርጂቲ ገደን ዳዛ ገሻሳ ጌቲሰ። † 10:4 አሰቆርንቶ፡ ሃይሳ ሃ ቃላ ገሻሰ ሸቂዛ ናምኡ ቆፋቲ ዳቲሰ፤ አሰይ ዩሁዳይ አሰቆርንቶ ጌቲቲዛ ዳሬፔ ዩዳይሳ ቤሳናሰ ጎኤቲሽን ሃራቲ ቃሴ ዩሁዳ ዋርዳንቻኔ ባሌላዛይሳ ገደ ጫያናሰ ጎኤቲዛ ሱንሳ ጌቲሰ። 10:7 ሉቃ 10:4-12
 10:10 1ቆር 9:14፤ 1ጸም 5:18 10:14 ሃዋ 13:51 10:15 ማቶ 11:24 10:16 ሉቃ 10:3 10:17 ማር 13:9-11፤ ሉቃ 12:11-12፤ 21:12-15 10:22 ማቶ 24:9፤ ማር 13:13፤ ሉቃ 21:17 10:24 ሉቃ 6:40፤ ዮሃ 13:16፤ 15:20 10:25 ማቶ 9:34፤ 12:24፤ ማር 3:2፤ ሉቃ 11:15 10:26 ማር 4:22፤ ሉቃ 8:17

27 ታ ኢንቴስ ቆማራ የተደረሰ ፖኦን ሃሳይቴ፤ ሃይላን ሲደዳይሳ ቆንጮን ሃሳይቴ።
 28 አሾ ዋጂኮፌ ኣቲን ሽምፖ ዋጃናስ ዳንዳየንታይታስ ባቦፍቴ፤ ሃሳፌ አሾኔ ሽምፖ ጋላ ጋናሚ ታማን ቆይሳናስ ዳንደይዳይሳስ ባቦፍቴ።
 29 ኢሲ ሳንቴን ባይዘቴዛ ናምኡ ሲኔ ካፎታፔ ኢሲኒያካ ኢንቴ ሳሎ ኣዋ ሽኔይ ባይንዳ ጮ ኩንዳ ኣቲኩ። †
 30 ሃራይ ኣቶሺን ኢንቴ ሁኔ ቢናናይካ ታይቦን ደስ።
 31 ሃሳ ጊሻስ ባቦፍቴ። ዳር ሲኔ ካፎታፔ ኢንቴ ዋጋይ ኣጂ ቦንቸቲዳዛ።
 32 «ኣሳ ሲንላን ታስ ማርካቲዳስ ታኒካ ሳሎን ዲዛ ታ ኣዋ ሲንላን ኢዛደስ ማርካታና።
 33 ቃሴ ኣሳ ሲንላን ታና ካዲዳዳ ታኒካ ሳሎን ዲዛ ታ ኣዋ ሲንላን ኢዛ ካዳና።
 34 «ታኒ ቢታ ቦላ ሳርቴላ ኤሃናስ ዪዳ ኢንቴስ ሚሳቶፖ፤ ማሻ ኤሃናስ ኣቲን ሳርቴላ ኤሃናስ ያቤኬ።
 35 ታኒ ዪዳይ ና ኣዋፔ፤ ማጫ ና ኣይፔ፤ ና ማቾ ቦሎቲፔ ሻካናሳ።
 36 ኣሳስ ሞርኬይ ሶ ኣሳ ጊዳና።
 37 «ታፔ ኣሉዲ ባ ኣዋ ዋይኮ ባ ኣዮ ሲቁዛዳይ ታስ ጊዳናስ ቤሴና። ታፔ ኣሉዲ ባ ኣቱማ ና ዋይኮ፤ ማጫ ና ሲቁዛዳይ ታስ ጊዳናስ ቤሴና።
 38 ባ ማስቃሌ ቶኪዲ ታና ካሎንታ ኣሲ ታስ ጊዳናስ ቤሴና።
 39 ባ ሽምፖ ኣሻናስ ኮይዛዳይ ቆይሴስ፤ ባ ሽምፖ ታ ጊሻስ ኣሉ ኢሚዛዳይ ኣሽሱ።
 40 «ኢንቴና ሞኪ ኤኪዛዳይ ታናካ ሞኪ ኤኬስ። ታና ሞኪ ኤኪዛዳይ ታና ኪቲዳዳካ ሞኪ ኤኬስ።
 41 ኢሲ ናቤ ናቤቴላን ሞኪ ኤኪዛዳይ ሄ ናቤዛ ዋጋ ደማና። ጸሎ ኣስ ኢዛ ጸሎቴላ ጊሻስ ሞኪ ኤኪኮ ሄ ጸሎዛ ዋጋ ኤካና።
 42 ሃሳ ጊሻስ ታ ኢንቴስ ቱሙ ጋይስ፤ ኦኒካ ሃይታ ጉላታፔ ታና ካሊዛይ ጊዲዳ ጊሻስ ኢሲ ጸኣ ኢርጸ ሃላ ኡሺኮ ሂሲሳካ ዋጋይ ቆይና» ጊደስ።

11

ጸማቂዛ የሃኒሲ ኪቲዳ ኣሳታ (ሉቃ 7:18-35)

1 ዬሱሲካ ባና ካሊዛ ታማኔ ናምኡ ኣሳታስ ኣዛዛ ኢሚ ወርሲዳፔ ጉዬ ታማርሳናሲኔ ሳባካናስ ጋሊላን ዲዛ ካታማታ ቢደስ።
 2-3 የሃኒሲ ቃሾ ኬላን ዲሼ ኪርስቶሲ ኦሊዛ ሃናታ ሲደዲ ባና ካሊዛይታ ኢዛኮ ዬዲዲ፣ «ኣስ ኣሽዛዳይ ያና ጌቲቲዳይ ኔኔዬ? ሃራ ናጊና?» ጊዲ ኦይቸደስ።
 4 ዬሱሲካ ዛሪዲ፣ «ቢዲ ኢንቴ ሲደዳይሳኔ ኢንቴ ቤኢዳይሳ የሃኒሳስ የቲቲ።
 5 ቆቁቲ ጸሎቴስ፤ ዋቤቲ ሄማቴቲስ፤ ኢንቸራቻ ሃርጊዛይቲ ፓዶቴስ፤ ቱሎቲ ሲዬቴስ፤ ሃይቁዳይቲ ሃይቆፔ ፓጺ ደንዴቴስ፤ ማንቆታስ ሚሺራች ቃላይ የቲቲስ።
 6 ታናን ቆጶቶንታዳይ ኣንጃቲዳዳ» ጊደስ።

† 10:29 ሲኔ ካፎ፣ ሲኔ ካፎ ኢሲ ኢሲ ባጋ ጋሞላ ቃላን ሲኔ ጊዛይሲ ጋሼ ካፎ ጉሳ። 10:33 2ጸም 2:12 10:38 ማቶ 16:24፤ ማር 8:34፤ ሉቃ 9:23 10:39 ማቶ 16:25፤ ማር 8:35፤ ሉቃ 9:24፤ 17:33፤ የሃ 12:25 10:40 ማር 9:37፤ ሉቃ 9:48፤ የሃ 13:20
 * 11:14 ማቶ 17:10-13፤ ማር 9:11-13 11:20-21 ማቃ፣ ማቃ ጌቲቲዳይሲ ኢሲ ኢሲ ባጋ ጋሞላ ቃላን ዋር ጌቲቲስ። 11:24 ማቶ 10:15፤ ሉቃ 10:12

7 የሃኒሳ ካሊዛይቲ ቢዳፔ ጉዬ ዬሱሲካ ኣሳስ የሃኒሳ ጊሻስ፣ «ኣይ ቤያናስ ዳጌ ባዞ ቢዳቲ? ጫርኮይ ቃሊዛ ሾምቦቆ ቤያናስ ዪዳቲ?
 8 ዋይኮ ኣይ ቤያናስ ኬዚዳቲ? ሎኦ ማይኦ ማይኢ ዲዛይታ ቤያና ዪዳቲ? ሎኦ ማይኦ ማይኢዲ ሎኦ ካዳን ካዋታ ኬላን ዳቲስ።
 9 ሂሳቲን ኣይ ቤያና ኬዚዳቲ? ናቤ ቤያና ኬዚዳቲ? ኤ፣ ታ ኢንቴስ ጋይስ፣ ናቤፔ ኣጂዛይሳ ቤያናሳ።
 10 « ሳና ባና ኦጌ ኔስ ጊሻናይ ኔፔ ካሴታ ታ ኔስ ኪታና ጌቲቲዲ ኢዛ ጊሻስ ካሴ ጸፊቲዳዳይ ኢዛኮ!» ጊደስ።
 11 «ታ ኢንቴስ ቱሙ ጋይስ፤ ማጫሳፌ ዬሎቲዳ ኣሳፔ ጸማቂዛ የሃኒሳ ሚሳቲዛ ኣሲ ቢታ ቦላ ዳንዲቤና። ጊዲኮካ ጸሳ ካዋቴላን ኣስ ኡባፌ ላፋ ኣሲ የሃኒሳፔ ኣቆና።
 12 «ጸማቂዛ የሃኒሳ ዋይፔ ሃ ሲሚን ሃኢ ጋካናስ ሳሎ ካዋቴላያ ዳር ባጼ ቦላ ዳዉስ። ሚኖ ኣሳቲ ጸላ ኢዛ ደማና።
 13 ናቤቲካ ሙሴ ዋጋይካ ዉሪ የሃኒሳ ዋይ ጋካናስ ቡርፔ ሃናናይሳ የቲዳ።
 14 ሂሳቲኮ ኢንቴ ኤካና ኮይኮ ኢዚ ያና ጌቲቲዳ ኤላሲ ኢዛኮ!
 15 ሲደዛ ሃይላ ዲዛ ኣሲ ሲዮ!
 16-17 «ሃይሳ ሃ ዋይ ኣሳ ኣዛን ሎሚሶ? ጊያን ኡቲዲ ባ ላጌታ፣ ሳ ኢንቴስ ዲላ ዲጸን ኢንቴ ዲሪቤኬታ! ዬሆ ዚላስ ዚላሊን ዬኪቤኬታ!» ጊዛ ናይታ ሚሳቲቲስ።
 18 የሃኒሲ ሙሳፌኔ ኡሻፌ ናጌቲዲ ዪዳ ጊሻስ፣ «ኢዚ ዳይዳንሳራ ደስ» ጊዳ።
 19 ታ ኣሳ ናይ ማሼኔ ኡያሼ ዪን፣ «ሃይሲ ሚዲ ካሎንታ ኣሳ፣ ኡሻንቻ፣ ቃራጸ ሺሺዛይታሲኔ ናጋራንቻታስ ላጌኮ!» ጊዳ። ጊዳ ኣቲን ጸሳ ኤራቴላ ባ ኦሶን ጸላዲስ» ጊደስ።

ኣማኖንታ ኢጲዳ ጊሻስ ዋላሴቲዳ ካታማታ (ሉቃ 10:13-15)

20-21 ሃሳፌ ጉዬ ዬሱሲ ኢዚ ማላታታ ኦሊዳ ካታማ ኣሳይ ማርቴላን ጌሎንታ ኣጊዳ ጊሻስ፣ «ኩራዚኔኔ ቤቴሳይዳ! ኢንቴና ኣዬ ኣና! ኢንቴ ቦላ ኦሴቲዳ ማላታይ ጸርሴ ቦላኔ ሲደና ቦላ ኦሴቲዳኮ ኢሰቲ ማቃ * ማይኢዲኔ ቢዲንላን ኡቲዲ ቤኒ ማርቴላን ጌላናኮሺን።
 22 ሃሳ ጊሻስ ታኒ ኢንቴስ ጊዛይ ፐርዳ ጋላስ ኢንቴፌ ኣጂ ጸርሴሲኔ ሲደናስ ቁጻቲይ ካዉያና።
 23 «ሃኔ ቁፊርናሆሚ ፑዴ ሳሎ ቆቁ ቆቁ ጋናስ ኮያዲ? ጊዳ ኣቲን ኔኒ ዳጌ ሲኦሎ ዋቆንዳሳ፤ ኔ ቦላ ኦሴቲዳ ማላታይ ሶደሚን ኦሴቲዳኮ ሶደሚይ ሃቾ ጋካናስ ዳናኮሺን።
 24 ሃሳ ጊሻስ ታ ኔና ጊዛይ ፐርዳ ጋላስ ቁጻቲይ ኔፔ ሶደሚስ ካዉያና» ጊደስ።

ኪርሰቶስ አሚዛ ሽምፖ
(ሉቃ 10:21-22)

25 ሄ ዎዴ ዩሱሲ፡ «ሳሎኔ ሳኦ ጎደ! ታ አዋወ!
ሃይሳ ዳሮ ኤሪንቻታፔኔ ጨንጫታፔ ቆታዳ ቂሪ
ናይታሰ ኔ ቆንጨሲዳ ገሻሰ ታ ኔና ጋላታይሰ።

26 ታ አዋወ! ኤ ሃይሲ ኔ ሲንፋን ሎኦ ኔ ሼኔ
ገዲ ቤተዳሰ።

27 «ወሪካ ታ አዋፔ ታሰ አሜቲዳሰ፤ አዋፔ ኦቲን
ናዛ ገሻሰ ኤሪዛ ኦሲ ባ፤ ቃሴ ናዛፔኔ ናዚ ባ ሼኔን
ቆንጨሲዳ ኦሳፔ ሃራይ አዋ ኤሪዛ ኦሲ ባ።

28 «ቶሆይ ዳዲዳይቶ፡ ዳቡርዳይቶ፡ ኢንቴ ወሪካ
ታኮ ሃ ዪቴ፤ ታኒካ ኢንቴሰ ሽምፖ አማና።

29 ታ ቃምባራ ቶኪቴ፤ ታፔካ ታማርቴ፤ ታኒ ታ
ዎዚናን ኦዳኔ አሸኬ፤ ኢንቴ ሽምፖሰ ኢንቴ ሽምፖ
ዳማና።

30 ታ ቃምባራይ ሻይኮኔ ታ ቶሆይ ካወሻ» ገደሰ።

12

ሳምባታ ገሻሰ ሽቂዳ ኦይሾ
(ማር 2:23-28፤ ሉቃ 6:1-5)

1 ሃሳፌ ጉዬ ዩሱሲ ሳምባታ ጋላሰ ካላ ገደራ
ኦዲ ቢደሰ። ኢዛ ካላዛይቲካ ጋፊዳ ገሻሰ ቲያ
ዲሊዲ ሸጌቹ ሙሰ ኦይኪዳ።

2 ፋርሳዌቲ ሃሳ ቤኢዲ ዩሱሳ፡ «ሄኮ ኔና
ካላዛይቲ ሳምባታ ጋላሰ ኦሴታናሰ ቤሶንታይሳ
ኦሴቲስ» ገደ።

3 ኢዚካ ኢሰታሰ ዛሪዲ፡ «ዳዊቲኔ ኢዛሪ ዲዛ
ኦሳቲ ጋፊዳ ዎዴ ኢዚ ኦይ ኦሊዳኮን ናባቢቤኬቲ?

4 ጳሳ ኬሌ ጌሊዲ ቄሴታፔ ኦቲን ዳዊቲኔ ኢዛሪ
ዲዛይቲ ቦቻናሰ ቤሶንታ ዳማቲዳ ኤኬሌ ሚዳሰ።

5 ቃሴ ቄሴቲ ሳምባታ ሻሪዲ ጳሳ ኬላ ገደን ኦሶ
ኦሊኮ ዎሮ ገደንታይሳ ሙሴ ዎጋፔ ናባቢቤኬቲ?

6 ገዲኮካ ታ ኢንቴሰ ገዛይ ጳሳ ኬላፌ ኦዲዛዳይ
ሃን ዳሰ።

7 «ታኒ ያርሾ ገደንታ ማርቴሌ ዳሳይሰ» ገዛ ቃላይ
ኦይ ጉሳኮ ኢንቴ ኤሪዛኮ ጸሎታ ቦላ
ፕርዴኬታኮሽን።

8 ኦሳ ናይ ሳምባታሰ ጎዳ» ገደሰ።

9 ሄፔ ኢዚ ኦዲ ቢሼ ኦይሁዳታ ዎሳ ኬላ
ጌሊዳሰ።

10 ሃንካ ኢሲ ኩሼ ሲሊዳዳይ ዳሰ። ዩሱሳ
ዎታናሰ ጋሶ ኮዪዲ፡ «ሳምባታ ጋላሰ ፓላናሰ
ቤሰዜ?» ገዲ ኢዛ ኦይቹዳሰ።

11 ኢዚካ ኢሰታ፡ «ኢንቴፌ ኢሳዳ ደርሲ ሳምባታ
ጋላሰ ኦላን ጌሊኮ ባ ደርሳ ኢዚ ጌሊዲ ኦላፌ ጎቹ
ኬሲ ኤሪኔ?»

12 ሂሰቲኮ ኦሲ ደርሳፌ ኬሂ ኦዲኔ? ሃሳ ገሻሰ
ሳምባታ ጋላሰ ሎኦ ኦሶይ ዲጌቴና» ገደሰ።

13 ቃሴካ ኦዲዛ፡ «ኔ ኩሼ ፕዲሳ!» ገደሰ፤
ኦዲዛካ ባ ኩሼ ፕዲሲን ሂንኮ ኩሼዛ ማላ ፓጻ
ገዲዳሰ።

14 ገደ ኦቲን ፋርሳዌቲ ሄፔ ኬዚዲ፡ ዩሱሳ ዎሰቲ
ኦይኪ ዎሳናኮ ባ ገደን ዘራቲዳ።

ጸሲ ደሪዳ ኦሽካራ

15 ዩሱሲ ኢሰታ ቆፋ ኤሪዲ ሄፔ ሃራሶ ሸርኢ
ገደሰ። ዳሮ ዳሪይ ኢዛ ካሊዳሰ፤ ሃርጋንቻታካ ኡባ
ፓሊዳሰ።

16 ኢዚ ኦናኮኔ ኦሳሰ ዮቶንታ ማላ ኢሰታ
ኦዚዳሰ።

17-21 ሄሰካ ሃኒዳይ ናቤ ኢሳያሳን፡

«ታ ደሪዳይኔ

ታ ኢዛን ኡፋዬቲዛ

ታ ናይ ሃይሳኮ!

ታ ኢያና ታ ኢዛ ቦላ ዎላና፤

ኢዚካ ኦማኖንታ ዳሪታሰ

ቱሙ ፕርዳ አዎጃና፤

ማርሼቴና፤

ዎይኮ ዎሴና።

ኢዛሰ ቃላይካ

ካሪን ሲዬቴና፤

ሱሪ ፕርዳ ጸኖሰ

ጋላና ጋካናሰ

ዲንጨቲ ኡቲዳ ሾምቦቆካ

ሜንሌናኔ ጨዋቲዛ

ሙቃዳካ ቶይሴና፤

ኦይዛቤቲ ኢዛ ኡፋይሳን ናጋና»

ጌቴቲ ዮቴቲዳ ቲንቤቴ

ቃላይ ፖሊታና።

ዩሱሳኔ ቢኤሊዜቡላ
(ማር 3:20-30፤ ሉቃ 11:14-23)

22 ሃሳፌ ጉዬ ዳይዳንሌ ኦይኪን ጸላናሲኔ ሃሳያናሰ
ዳንዳዮንታ ኢሲ ኦሰ ዩሱሳኮ ኤኪ ዩዳ። ዩሱሳካ
ኢዛ ፓሊን ኦዲዚ ጸላናሲኔ ሃሳያናሰ ዳንዳይዳሰ።

23 ኦሳይ ወሪካ ማላሌቲዳ፡ «ሃይሲ ኦዲዚ ዳዊቲ
ናሻ?» ገደሰ።

24 ገደ ኦቲን ፋርሳዌቲ ሃሳ ሲዩዲ፡ «ሃይሲ
ኦዲዚ ዳይዳንሌ ኬሲዛይ ዳይዳንሳ ሃላቃ
ቢኤሊዜቡላ ዎልቃን ጳላ ገደናሰ ቤሴሰ» ገደ።

25 ዩሱሳካ ኢሰታ ቆፋ ኤሪዲ፡ «ባ ገደን ኢሶይ
ኢሳፌ ሻኬቲዛ ካዎቴሌ ወሪካ ኩንዳና፤ ባ ገደን
ሻኬቲዛ ካታማይ ዎይኮ ኬላ ኢሲ ሚኔና።

26 ጳላኤይ ጳላኤ ኬሲዛ ገዲኮ ጳላኤይ ባ ገደን
ሻኬቲዳሰ ጉሳ። ሃሳላ ሃንኮ ኢዛ ካዎቴሌ ዎኒ ሚናና
ዳንዳይዳሰ?

27 ታኒ ቢኤሊዜቡላ ዎልቃን ኬሲዛ ገዲኮ ኢንቴ
ናይቲ ኦዛ ዎልቃን ኬሳኔ? ሃሳ ገሻሰ ኢንቴ ናይቲ
ኢንቴ ቦላ ፕርዳና።

28 ገደ ኦቲን ታኒ ዳይዳንሌ ኬሲዛይ ጳሳ ኢያናን
ገዲኮ ጳሳ ካዎቴሌ ኢንቴኮ ዩዳሰ ጉሳ።

29 «ዎይኮ ኢሲ ኢሲ ዎልቃራ ዲዛዳ ኬሌ ጌሊዲ
ሚሼ ቦንቃና ኮይኮ ካሴቲዲ ሄ ዎልቃራ ዲዛ ኦዲዛ
ኦይኪ ቃቸንታ ዎሰቲ ቦንቃኔ? ቃቸዳፔ ጉዬ ቦንቃና
ዳንዳይዳሰ።

30 «ታናራ ገደንታዳይ ታናራ ኤቄቴሰ፤ ታናራ
ኢሲፌ ሸሾንታ ኢሲ ወሪካ ላሊሰ።

31 ሃሳ ገሻሰ ታ ኢንቴሰ ቱሙ ጋይሰ፤ ናጋራ ኦሶይኔ
ጨሼ ወሪ ኦሳሰ ኦቶ ጌቴታና ሸን ጸሎ ኢያና
ጨዩዳዳይ ማሪቴና።

32 ኦይ ኢሲካ ኦሳ ና ቦላ ሃሳይዛ ኢታ ቃላ ገሻሰ
ማሪታናሽን፡ ጸሎ ኢያና ቦላ ሃሳይዛ ኢታ ቃላይ

ገዲኮ ሃይሳ ሃ ዋዳን ገዲን ዋይኮ ቡር ያና ዋዳን ገዲን ማርይ ዳና።

ሎኦ ሚሊ ሎኦ አይፊን ኤሬቴሰ (ሉቃ 6:43-45)

33 «ሚሊ ወሪ አይፊን ኤሬቴዛይሳ ማላ ኢንቴ ሎኦ አይፊ ዳማናሰ ኢንቴሰ ሎኦ ሚሊ ደ፤ ኢንቴሰ ኢታ ሚሊ ዲዛ ገዲኮ ኢንቴ ኢታ አይፊ ኤካና።

34 ኢንቴኖ ማርዜራ ዲዛ ሸሻቶ! ኢንቴ ኢታታ ገዲ ኡተዲ ዋኒ ሎኦ ሃሳያናሰ ዳንዳዬቴ? ኡሎ ገዲን ኩሚዳዚ ዳናራ ሃሳዬቴሰ።

35 «ሎኦ አሲ ባ ዋዚናን ኩንሊ ዋሊዳ ሎኦ ቆፋፔ ሎኦ ሃሳዬሰ፤ ኢታ አሲካ ባ ዋዚናን ኩንሊ ዋሊዳ ኢታቴሳፊ ኢታ ዮኦ ኬሰሰ።

36 ገዲ ኣቲን ታ ኢንቴሰ ገዛይ አሳይ ባ ሃሳይዳ ሃዳ ቃላ ኡባ ገሻሰ ፒርዳ ጋላሰ ወሪካ አይጄታና።

37 ጋሶይካ ኔ ቃላፔ ዳንዲዳይሳን ኔ ጸላዳ አታናኔ ኔ ቃላፔ ዳንዲዳይሳን ኔ ቦላ ፒርዳታና» ገዴሰ።

ማላታ ቤያናሰ ሸቂዳ አይሾ (ማር 8:11-12፤ ሉቃ 11:29-32)

38 ሃሳፊ ጉዬ ኢሲ ኢሲ ሙሴ ዋጋ ታማርሲዛይቲኔ ፋርሳዌቲ ዬሱሳ፣ «አሰታማሬ! ኦ ኔፔ ማላሊሲዛ ማላታ ቤያና ኮኖሰ» ገዴ።

39 ኢዚ ኢሰታሰ ዛሪዲ፣ «ሃ ኢታኔ ላይማ ዬሌታይ ማላታ ኦይቼሰ፤ ገዴ ኣቲን ናቤ ዮናሳ ማላታፔ ኣቲን ሃራ ማላታይ አማቴና።

40 ዮናሲ ገታ ሞሌ ኡሎ ገዴን ሃሹ ቃማኔ ሃሹ ጋላሰ ጋምኢዳ ማላ አሳ ናይካ ሃሹ ጋላሲኔ ሃሹ ቃማ ቢታ ጋርሳን ጋምኣና።

41 ናናዌ አሳይ ፒርዳ ጋላሰ ሃይሳ ሃ ዬሌታራ ዳንዲዳ ሃ ዬሌታ ቦላ ፒርዳና፤ ጋሶይካ ናናዌ አሳይ ዮናሳ ማርካቴላን ማርቴላ ጌሊዳ ገሻሳ። ሃኮ ዮናሳፔ አጂዛይይ ሃን ዳሰ።

42 ዲጌሃ ዳሬ ካዎያ ሶሎሞኔ ኤራቴላ ሲያናሰ ቢታ ጋጸፔ ዳንዲዳ ዬዳ ገሻሰ ፒርዳ ጋላሰ ኢዛ ሃይሳ ሃ ዬሌታራ ዳንዲዳ ሃ ዬሌታ ቦላ ፒርዳና። ሃኮ ሶሎሞኔፔ አጂዛይይ ሃይሳን ዳሰ።

43 «ቱና አያናይ አሳፔ ኬዚዲ ሸምፖ ዳማናሰ ሃላ ባይንዳ ማላ ቢታን ዳቡሬሰ። ገዴ ኣቲን ባ ኮይዛ ሸምፖዛ ዳማና።

44 ሃሳፊ ቃሴ ካሴ ታ ዲዛሶ ሰማ ባና ገዲ ቤኒሶ ኢዚ ሰሚሺን ካሴ ኢዚ ዲዛሶይ አይኮይካ ባይንዳ ማላ ኬላ ገዲዲ ጌዬዳይሳኔ ጌቲ ዲዛይሳ ዳሜሰ።

45 ሃሳፊ ቢዲ ሃራ ባፔ ኢቲዛ ላፑን ኢታ አያናታ ባናራ ኤኪዲ ዬሰ። ኢሰቲካ ሃ አዳዛን ጌሊዲ ዳኣና። ሃ አዳዛሰ ካሴ ዲሳፊ ጉዬ ዲሳይ ኢታ ገዴና። ሃይሳ ኢታ ዬሌታሰካ ሃሳ ማላ ሃናና» ገዴሰ።

ዬሱሳ አዬዮኔ ኢዛ አሻታ (ማር 3:31-35፤ ሉቃ 8:19-21)

46 ዬሱሲ አሳሰ ዮቲሺን ኢዛ አዬያኔ አሻቲ ኢዛ ዮቻና ኮዬዲ ካሬን ኤቂዳ።

47 ኢሲ አሲ፣ «ሃኮ ኔ አያኔ ኔ አሻቲ ኔና ሃሳይሳናሰ ካሬን ኤቂዳ ኔና ኮዬቴሰ» ገዴሰ። *

48 ዬሱሲካ፣ «ታ አያ ኦኔ? ታ አሻቲቶ! ኢሰቲ አናንቴ?» ገዴሰ።

49 ባ ኩሼራ ባና ካሊዛይታኮ ማላቲዲ፣ «ታ አያኔ ታ አሻቲ ሃይታንታ።

50 ሳሎን ዲዛ ታ አዋ ሼኔ ኦሊዛይቲ ወሪካ ታሰ አሻ፣ ሚቾኔ አዮ» ገዴሰ።

13

ዜሬላ ዜሪዛዳ ሌሚሶ (ማር 4:1-9፤ ሉቃ 8:4-8)

1 ሄ ጋላሰ ዬሱሲ ኬላፊ ካሬ ኬዚዲ አባ ላንቄን ኡቲዳሰ።

2 ዳር ዳሬይ ኢዛ ዩዩ አጂ ገዴሊዳ ገሻሰ አሳ አባ ጋጸን አገዲ ዋጎሎ ገዴ ጌሊ ኡቲዲ፣

3 ዳር ዮኦ ሌሚሶራ፣ «ኢሲ ጎሻንቻይ ዜሬላ ዜራናሰ ኬዚዳሰ።

4 ኢዚ ዜሪሸን ኢሲ ኢሲ ዜሬላ ኦጌ ዳናን ዋጂን ካፎቲ ዩዲ ማጺ ሚዳ።

5 ኢሲ ኢሲ ዜሬላ ሚላኔ ሹቻቲዛ ቢታ ቦላ ዋጂን ቢታይ ሚላ ቢታ ገዲዳ ገሻሰ ኤሌ ጫሪዳሰ።

6 ገዴ ኣቲን አዋይ አዋቲን ሹሊዲኔ ጸጸ ዬዶንታ አገዳ ገሻሰ ሚሊዳሰ።

7 ኢሲ ኢሲ ዜሬላይ አጉንላ ገዴን ዋጂዳሰ፤ አጉንላይካ ዲጪዲ ጫሬቻ ጩሊዳሰ።

8 ሃራ ዜሬላካ አራዳ ቢታን ዋጂዲ አይፊካ አይፊዳሰ፤ ኢሶይ ዳቱ፣ ኢሶይ ኡሱፑን ታሙ፣ ኢሶይ ሃሹ ታሙ አይፊ ኢሚዳሰ።

9 ሲዩዛ ሃይላ ዲዛይይ ሲዮ!» ገ ዮቲዳሰ።

10 ሃሳፊ ጉዬ ኢዛ ካሊዛይቲ ኢዛኮ ሸቂዳ፣ «ኔ አዛሰ ሌሚሶራ ዮታይ?» ገዴ።

11 ኢዚካ ኢሰታሰ፣ «ሳሎ ካዋቴላ ጸራ ኤርይ ኢንቴሰ አሜቲዳሰ፤ ኢሰታሰ ገዲኮ አሜቲቤና።

12 ዲዛይሰ ዲዛይሳ ቦላ ጉጃታናኔ ዳራና ሺን ባይንዳዳፊ ሃና ዲዛራካ ኤኬታይቻና።

13 ታ ሃይሳሉ ሌሚሶራ ዮቲዛይ ኢሰቲ ሲዩሺ ኤዘጎንታ ገሻሲኔ ጸሊሹ ዳምንታ ገሻሳ።

14-15 «አሳያሲ፣ ላንቴ ሲሰ ሲያና ሺን ዩሺ ቆፔኬታ፤

ጸሎ ጸላና ሺን ዋዚናን ዋሌኬታ፤ ዳሬዛ ዋዚናይ ሙሚዳሰ፤ ኢሰታ ሃይላይካ ሲዬና፤ ጸሎንታ ማላ

ባ አይፊ ቁለምኢዳ፤ ሃሳ ማላ ገዴንታኮ ኢሰቲ ባ አይፊራ ቤኢዲኔ ባ ሃይላራ ሲዩዲ ባ ዋዚናን ዩሺ ቆፒዲ ታኮ ሃ ሲሚን ታ ኢሰታ ፓላናሺን) ገዴ ቲንቤቲ ቃላይ ኢሰታን ፖሌቲዳሰ።

12:33 ማቶ 7:20፤ ሉቃ 6:44 12:34 ማቶ 3:7፤ 23:33፤ 15:18፤ ሉቃ 3:7፤ 6:45 12:38 ማቶ 16:1፤ ማር 8:11፤ ሉቃ 11:16
12:39 ማቶ 16:4፤ ማር 8:12 * 12:47 ኢሲ ኢሲ ጌሻ ማጸፋታን ታይሶ ኦይዲ ታማኔ ላፑና ቦላ ዲዛ ቃላይ ዳና። 13:2 ሉቃ 5:1-3
13:12 ማቶ 25:29፤ ማር 4:25፤ ሉቃ 8:18፤ 19:26 13:14-15 ኢሳ 6:9-10

16 «እንገባ ዓይኔዎች ያለዎት ገሻሽ ኢት ሃይላት ሲደዘኑ ገሻሽ ኢት ክንጃትዳይታ።

17 ታ ኢትጠ ቱሙ ጋይሰ፤ ዳር ናቤቲኔ ዳር ደሎ አሳቲ ሃኢ ኢት ቤኢዳይሳ ቤያናሲኔ ሃኢ ኢት ሲደዘይሳ ሲያናሰ አዋቲዳ ሺን ኢስታሰ ሃኒቤና።

18 «ሂስቲኮ ሃኢ ዜሬላ ሌሚሶዛ ቢርሼል ሲደቱ።

19 ካዋቲላ ቃላ ሲደዱ ዩሺ ቆፖንታ አይ አሳ ዋዚናፕካ ጸላኤይ ዩዱ ዜሬቲዳ ዜሬላ ኤሶን ማጺቻና። ሄሲካ ኦፔ ቦላ ዋዲዳ ዜሬላ።

20 ሹቻ ቦላ ዜሬቲዳይሲ ቃላ ኡፋይሳን ሲደዱ ሄሪካ ኡፋይሳን ኤቢዛዴ ሚሳቲስ።

21 ገደ አቲን ጸጸ ዩዳናሰ ዳንዳዮንታ አገዳ ገሻሽ ዳር ጋዎኦንታ ቃላ ጋሶን ማቶይኔ ጎዴቲላ ዩዛ ዋዴ ኤሌሊ ዱዴቲስ።

22 አጉንሳ ገደን ዜሬቲዳ ዜሬላይ ቃላ ሲደዱ ሃይሳ ሃ አላሚዛሰ ዳር ማቶቲላኒ ዱሬቲላ ቆፋን ባሌቲዳኔ ጩሌቲዳ አይፊ አዎንታ አሳ ማላ።

23 ሎኦ ቢታን ዜሬቲዳ ዜሬላይ ቃሌ ቃላ ሲደዱ ዩሺ ቆፕካዳ ሚሳቲስ፤ ሎኦ አይፊ አይፊስ፤ ኢሶይ ዴቲ፣ ኢሶይ ኡሶፑን ታሙ፣ ኢሶይ ሄቹ ታሙ አይፊ አሚዳስ» ገደሰ።

ሌሾ ሌሚሶ

24 ዩሱሲ ቃሌካ ሃራ ሌሚሶ ኢስታሰ፡ «ሳሎ ካዋቲላ ባ ጎሻ ጋዴን ሎኦ ዜሬል ዜሬዳዴ ሚሳቲስ።

25 ገደ አቲን አሲ ዉሪ ኢቺዳ ዋዴ ሞርኬይ ዩዱ ገሰቲዛ ገደን ሌሾ ዜሬዳ ቢዳስ።

26 ገሰቲዛ ዲጪዱ አይፊ አይፊዛ ዋዴ ሌሾይካ ኢዛራ ኢሲፊ ቤቲዳስ።

27 «ካላ ጎዳዛ አሽካራቲ ጎዳዛኮ ሸቂዳ፣ ጎዳ! ኔኒ ኔ ጎሻን ሎኦ ዜሬል ዜሬቤኪ? ሃይሲ ሌሾይ አዋፕ ዩዳ?» ገደ።

28 «ኢዚካ ኢስታሰ፡ «ሃሳ ሞርኬይ ኦላዳስ» ገደሰ። አሽካራቲካ፡ «ኑ ቢዱ ሌሾዛ ሾዳና ማላ ኮያይ?» ገ አይቺዳ።

29 «ኢዚካ ኢስታሰ፡ «ሃካይ ሃኔና፤ ጋሶይካ ኢንቴ ሌሾዛ ሾዳሼ ገሰቲዛራ ጋላ ሾዳና፤

30 አገቲ! ማጸ ዋዴይ ጋካናሰ ኢሲፊ ዲጮ፤ ሄ ዋዴ ማጺዛይቲ ሌሾዛ ካሴቲዳ ቆሪ ማጺዱ ታማን ጸጋናሰ ሚርቁን ሚርቁን ቃቸቲ፤ ገሰቲዛ ቃሌ ሸሽዱ ጎታራን ገልላቲ» ጋዳ ታ ኢትጠ ዮታና» ገ ዮቲዳስ።

ሚላ አይፊ ሌሚሶኔ ኢርሾ ሌሚሶ

(ማር 4:30-32፤ ሉቃ 13:18-19)

31 ሃራ ሌሚሶ ኢስታሰ፡ «ሳሎ ካዋቲላ ኢሲ አሲ ባ ጋዴ ገደን ዜሬዳ ባርዛፊ ሚላ አይፊ ማላ።

32 ባርዛፊ ሚላ አይፊ ሃራ ሚላ አይፊ ኡባፊ ዳር ላፋ ገደኮካ ዲጫዳ ሚላ ኡባፊ ገታ ገዳወሰ። ሳሎ ካፎቲካ ኢዚ ሃጋ ቦላ ኬዲዳ ዳና ጋካናሰ ገታ ሚላ ገዳወሰ» ገደሰ።

33 ሃኢካ ሃራ ሌሚሶ ኢስታሰ፡ «ሳሎ ካዋቲላ ማጫሲ ቡኬሶይ ዳንዳና ማላ ቡኬሶ ገደን ጉጂዳ ጉላ ኢርሾ ሚሳታወሰ» ገደሰ።

34 ዩሱሲ ሃይሳ ኡባ አሳሰ ሌሚሶራ ዮቲዳስ። ሌሚሶይ ባይንዳ ኢሲኖካ ዮቲቤና።

35 ሄሲካ ካሴ ናቤ ዳና።

«ታ ዳና ሌሚሶን ታ ዳያና፤

አላሚይ ማጺቶሶፕ

ሃ ሲሚን

ቆቲቲዳይሳ ታ ሃሳያና»

ጌቲቲ ዮቲቲዳይሲ ፖሌቲዳስ።

ሌሾ ሌሚሶዛ ቢርሼል

36 ሃሳፊ ዩሱሲ አሳ አገዱ ሶ ጌሊዳስ። ኢዛ ካሊዛይቲ ኢዛኮ ሸቂዳ፣ «ካላ ገደን ዲዛ ሌሾዛ ገሻሽ ኔ ዮቲዳ ሌሚሶዛ ቢርሼል ኑሰ ዮታ» ገደ።

37 ኢዚካ ኢስታሰ ዛሪዳ፣ «ሎኦ ዜሬል ዜሬዳይ አሳ ና።

38 ጎሻይ ሃይሳ አላሚዛ፤ ሎኦ ዜሬላይ ካዋቲላ ናይታ ገዲዳይሳ ቤሴስ፤ ሌሾይ ቃሌ ጸላኤ ናይታ።

39 ሌሾዛ ዜሬዳ ቢዳ ሞርኬይ ዳቡሎሳ። ማጸ ዋዴይ አላሚ ዉርሴል ገዲሺን ማጺዛይቲ ጸሳ ኪታንቻታ።

40 «ሌሾይ ቆሪቲዳ ታማን ጸጌቲዛ ማላ አላሚ ዉርሴላን ሄሳላ ሃናና።

41 አሳ ናይ ባ ኪታንቻታ ኪታና፤ ኢስቲካ ናጋራሰ ጋሶ ገዲዳይታኔ ኢታ ኦላዛይታ ኢዛ ካዋቲላ ገደፊ ኡባ ቆሪ ኬሳና።

42 ዩሆይ ዲዛሶኒኔ አቶ ጋርጪዛሶን ዳር ዋልቃማ ታማን ኢስታ ዩጋና።

43 ሄ ዋዴ ጸሎቲ ባ አዋ ካዋቲላን አርሼ ማላ ፖኦና። ሲደዛ ሃይላ ዲዛዳይ ሲዮ!

ቆታን ዲዛ ሃርኔ ኢንቁ ጌቲቲዛ ዋርቃ ሌሚሶ

44 «ሳሎ ካዋቲላ ጋዴ ገደን ቆቲቲዳ ሚሼ ሚሳቲስ። ኢሲ አሲ ሄ ሚሻዮ ዴሚዳ ዛሪ ቆቲዳስ። ኡፋይሳፊ ዴንዲዳይሳን ቢዱ ባሰ ዲዛዛ ኡባ ባይዚዱ ሄ ሚሺያ ዲዛ ቢታ ሻሚዳስ።

45 «ሄሳላካ ሳሎ ካዋቲላ አልኦ ዋርቃ ኮይዛ ዛልአንቻ ሚሳቲስ።

46 ዳር አልኦ ገዲዳ ኢንቁ ጌቲቲዛ ሹቶ ዴሚዳ ማላ ቢዱ ባሰ ዲዛ ኡባ ባይዚዱ ሻሚዳስ።

ሞሌ ጌቲ ሌሚሶ

47 «ቃሌካ ሳሎ ካዋቲላ አባ ገደን ዩጌቲዳ ዲማ ዲማ ሞሌ ኦይኪዳ ሞሌ ጌቲ ሚሳቲስ።

48 ሞሌ ኦይኪዳይቲ ጌቲይ ኩሚን ጎቺዳ አባ ሳንቁ ኬሲዳ። ሄን ኡቲዳ ሎኦ ሎኦ ሞሌ ቆሪዳ ኬሺን ጉጂዳ። ኢታ ሞሌታ ዋራ ዩጌዳ።

49-50 አላሚ ዉርሴላን ሄሳላ ሃናና። ኪታንቻቲ ዩዱ ናጋራንቻታ ጸሎታፕ ሻኪዱ ዩኪዛሶኔ አቶ ጋርጪዛሶ ጌዴ ቶኦንታ ታማን ዩጋና።

51 «ዩሱሲ ኢስታ ሃይሲ ዉሪ ኢትጠ ጌሊዳ?» ገደሰ። ኢስቲካ «ኤ» ገደ።

52 ኢዚካ ዛሪዳ፣ «ሃሳ ገሻሽ ሳሎ ካዋቲላ ጸራይ ጌሊዳ ሙሴ ዋጋ ታማርሲዛይይ ኦኒካ ኢዛሰ ሚንጂ ዋላዳ አልኦ ሚሻፊ ኦራላኔ ጋልኦ ሚሽ ኬሲዛዳ ሚሳቲስ» ገደሰ።

ናቤይ ባ ዴሪን ቦንቸቲና

(ማር 6:1-6፤ ሉቃ 4:16-30)

53 ዩሱሲካ ሃይታ ሌሚሶታ ዮቲ ዉርሲዳ ሄፕ ሃራሶ ቢዳስ።

54 ባ ዴሪ ቢዱ አይሁዳታ ዋሳ ኬላን አሳ ታማርሶ ኦይኪዳስ። ኢስቲካ ማላሌቲዳ፣ «ሃይሲ አይዚ ሃይሳ ኤራቲላኔ ሃይታ ማላታታ ኦላና ዋልቃ አዋፕ ዴሚዳ?»

55 ሃይሲ ኣናጾዛ ና ዴኔ? ኢዛ ኣዩይ ሱንሊ ማራሞ ገዴኔ? ኢዛ ኢሻቲ ያቆቤ፣ ዮሴፌ፣ ሲሞና ነሁዳ ገዴቲኔ?

56 ሚቻቲ ኩናራ ዲዛይታ ገዴቲኔ? ሂሰቲን ሃይሲ ኣዳዚ ሃይሳ ኡባ ኣሞፔ ኤኪዴ?» ገዴ።

57 ሃሳ ገሻሰ ኢሰቲ ኢዚ ገዛይሳ ኤኪቤቲና።

ዩሱሲካ ኢሰታሰ፣ «ናቤይ ባ ዴሬኒኔ ባ ኬላን ቦንቻቲና ኣቲን ሃራሶን ቦንቻቲሰ» ገዴሰ።

58 ኢሰቲ ኣማናገታ ኣጊዳ ገሻሰ ዳር ማላታታ ሃን ኦሊቤና።

14

ጸማቁዛ ዮሃንሳ ሃይቆ (ማር 6:14-29፤ ሉቃ 9:7-9)

1 ሄ ዎዴ ጋለላ ዴሬ ሃሪዛ ሄርዶሲ ኣሳይ ዩሱሳ ናሺዛይሳ ሲዩዴሰ።

2 ሄርዶሲ ባ ኣሽካራታሰ፣ «ሃሳ ገዴኮ ጸማቁዛ ዮሃንሲ ሃይቆፔ ዴንዲዲ ዩዴሰ ጉሳካ! ሃይሲ ወሪ ገታ ማላታይ ኢዛ ኩሼን ኦሴቲዛይ ሃሳሳ» ገዴሰ።

3 ሄርዶሲ ባ ኣሻ ፒሊጶሳ ማቾ ሄርዲያዲ ጋሶን ዮሃንሳ ኦይሊዲ ቃሾ ኬላን ዩገዴሰ።

4 ጋሶይካ ዮሃንሲ ሄርዶሳ፣ «ኔ ኢዛ ኤካና ማላ ዎጋ ገዴና ገዳ ገሻሳ» ገዴሰ።

5 ሄርዶሲካ ዮሃንሳ ዎቆናሰ ኮዩሺን ኣሳይ ዮሃንሳ ናቤ ማላ ጸሊዛ ገሻሰ ባቢዴሰ።

6-7 ሄርዶሲ ባ ዩሌታ ጋላሰ ሄርዲያዲ ናያ ዩላን ኢዛ ኡፋይሲዲ ገሻሰ ናያ ኢዛ ኦይቺዳዝ ኡባ ኢማናሰ ኢዚሰ ጫቂዴሰ።

8 ናያካ ኣዩይ ዘሬን፣ «ጸማቁዛ ዮሃንሳ ሁኤ ኬሬን ዎላዳ ሃኢ ሃንጎ ጋሰ ኢማ» ገዴሰ።

9 ሄ ዎዴ ካዎዚ ኢዛሰ ሚሹቲዴሰ። ገዴ ኣቲን ጫቂዳ ገሻሲኔ ኢዛራ ዲዛ ኢማላታ ገሻሰ ገዴ ናዩ ኦይሻይ ፖሌታና ማላ ኣዛዚዴሰ።

10 ከቲዲኔ ዮሃንሳ ዎይኔ ኬላን ዲሺን ቆጶ ቃንጸሲዴሰ።

11 ቃንጾቲዳ ሁኤዛ ኬሬን ዎሊዲ ናይሰ ኢሚዳ። ናያካ ኤካዳ ባ ኣዩይሰ ኢማዴሰ።

12 ዮሃንሳ ካሊዛይቲ ኢዛ ኣሃ ኤኪዲ ሞገዲኔ ሃንዳይሳ ኡባ ዩሱሳሰ ዮቲዳ።

ዩሱሲ ኢቻሹ ሺ ኣሳ ሚዚዴሰ (ማር 6:30-44፤ ሉቃ 9:10-17፤ ዮሃ 6:1-14)

13 ሃሳ ሲዩዳ ማላ ዩሱሲ ካሴ ባ ዲዛሶ ኣጊዲኔ ዎሳሎን ጌሊዲ ባርካ ሃራ ኣሲ ባይንዳሶ ቢዴሰ። ዴሬይካ ሃሳ ሲዩዲ ካታማይ ዲዛሶፔ ቶሆራ ኢዛ ካሊዴሰ።

14 ዩሱሲካ ዎሳሎዛፔ ዎጲሹ ዳር ኣሳ ቤኢዲ ኣሳሰ ሚሹቲዴሰ። ሳኬቲዛይታካ ፓሊዴሰ።

15 ጋዴይ ቃሚ ቃሚ ቢዛይሳ ቤኢዲ ኢዛ ካሊዛይቲ ኢዛኮ ሺቂዳ፣ «ሃይሲ ኦ ዲዛሶይ ባዘ፤ ጋዴይካ ቃሚ ቃሚ ቢዛ ገሻሰ ጌዴ ጉታታን ጉታታን ቢዲ ባሰ ማናዝ ሻማና ማላ ኣሳ ዩዳ» ገዴ።

16 ገዴ ኣቲን ዩሱሲካ ኢሰታ፣ «ኢንቲ ኣሳሰ ማናዝ ኢሚቲ ኣቲን ኣሳይ ባናሰ ኮሼና» ገዴሰ።

17 ኢሰቲካ ኢዛሰ ዛሪዲ፣ «ሃይሳን ኦሰ ኢቻሹ ኡኬላፌኔ ናሞኡ ሞሌፔ ኣቲን ሃራይ ባ» ገዴ።

18 ኢዚካ ኢሰታ፣ «ኣኔ ሃይታ ዲዛይታ ሃ ታሰ ኤኪ ዩቲ» ገዴሰ።

19 ቃሴካ ኣሳይ ማታ ቦላ ኡታና ማላ ኣዛዚዴሰ። ኢቻሹ ኡኬሊኔ ናሞኡ ሞሌታ ባ ኩሼን ኦይኪዲ ባ ኣይፌ ፑዴ ሳሎ ቆቁ ሂሰቲ ጋላቲዲ፣ ኡኬላ ሚንሊ ባና ካሊዛይታሰ ኢሚዴሰ። ኢሰቲካ ኣሳሰ ኢሚዴ።

20 ኣሳይ ወሪካ ሚዲ ካሊዴሰ። ሃሳፌ ጉዬ ኢዛ ካሊዛይቲ ኣሳፔ ሚሺን ኣቲዳይሳ ታማኔ ናሞኡ ለማቲ ኩሚሳ ሺሺዳ።

21 ሚዳ ኣሳይ ማጫሳቲኔ ጉላ ናይቲ ጉጃቶንታ ኣቲማሳይ ጸላ ኢቻሹ ሺ ገዴናዛ።

ዩሱሲ ኣባ ቦላ ሃሚቲዴሰ (ማር 6:45-52፤ ዮሃ 6:15-21)

22 ሄራካ ኢዛ ካሊዛይቲ ዎሳሎን ጌሊዲ ጌዴ ፒንሳ ኢዛፔ ካሴቲዲ ፒናና ማላ ኣዛዚዲ ኣሳ ሞይዛናሰ ባሰ ጉዬ ኣቲዴሰ።

23 ዴሬዛ ሞይዚዳፔ ጉዬ ዎሳ ዎሳናሰ ባርካ ዙማ ቦላ ኬዚዴሰ። ጋዴይ ቆሚንካ ሃን ዙማ ቦላ ባርካ ዴሰ።

24 ሄ ዎዴ ዎሳሎያ ኣባ ካንላ ቢሺን ዳሞባላይ ዴንዲዲ ዳር ሚቶላ ኦይኪዴሰ።

25 ኦማርሰ ኮይሮ ኩቶይ ባቂሺን ዩሱሲ ኣባ ቦላራ ሃሚቲዲ ኢዛ ካሊዛይቲ ዲዛሶ ዩዴሰ።

26 ዩሱሳ ካሊዛይቲካ ኢዚ ኣባ ቦላራ ሃሚቲ ዩሺን ቤኢዲ ባቢዳ ገሻሰ ኢዛ ሞይቲሌ ገዴኔ ዎሲዴ።

27 ዩሱሲ ሄራካ፣ «ኣይኮይ ባ! ታናኮ፤ ባቦፍቲ!» ገዴሰ።

28 ጴጽሮሲ፣ «ጎዶ! ኔና ገዴኮ ታ ኣባ ቦላራ ሃሚታዳ ኔኮ ባና ማላ ታና ኣዛዛ» ገዴሰ።

29 ዩሱሲ ኢዛ፣ «ሃ ያ!» ገዴሰ። ጴጽሮሲካ ዎሳሎዛፔ ዎጲዲ ሃላ ቦላራ ሃሚቲዲ ዩሱሳኮ ዩዴሰ።

30 ገዴ ኣቲን ጫርኮዛ ዎላቃ ቢዩዲ ባቢዳ ገሻሰ ሃላን ሚቲቲሳ ኦይኪዲ፣ «ጎዶ! ታና ኣሻ!» ገ ዎሲዴሰ።

31 ዩሱሲ ሄራካ ባ ኩሹ ዩዲ ኦይኪዲ፣ «ኔኖ፣ ኣማናይ ፓጪዳይሶ! ኣዛሰ ሲቆዲ?» ገዴሰ።

32 ዩሱሲኔ ጴጽሮሲ ዎሳሎዛን ጌሊዲ ማላ ጫርኮይ ሲርጲ ገዴሰ።

33 ሃሳፌ ጉዬ ዎሳሎን ዲዛይቲ፣ «ቱሙ ኔኒ ጸሳ ና!» ገዴ ኢዛሰ ጎይኒዴ።

ዩሱሲ ጌንሴሬጶን ሃርጋንቻታ ፓሊዴሰ

34 ዩሱሲኔ ኢዛ ካሊዛይቲ ኣባ ፒኒዲ ጌንሴሬጶ ጌቲቲዛሶ ጋኪዳ።

35 ሃን ዲዛይቲ ዩሱሳ ገዴዲይሳ ኤሪዲ፣ ሄ ሄራን ዩዩ ኣቆናሰ ዲዛ ኣሳሰ ከታ ዩዴዲ። ኣሳይካ ሃርጋንቻታ ኡባ ዩሱሳኮ ኤሂዴሰ።

36 ሃርጋንቻቲ ኢዛ ኣፋላ ጴራ ጸላ ቦቻና ማላ ዩሱሳ ዎሲዴ። ቦቻዳይቲ ወሪካ ፓሊዴ።

15

1 ቃሴካ ዩሩሳላሚፔ ዩዳ ፋርሳዌቲኔ ሙሴ ዎጋ ታማርሲዛይቲ ዩሱሳኮ ሺቂዲ፣

2 «ኔና ካሊዛይቲ ካሴ ኦ ኣዎታ ዎጋ ኣዛሰ ጳይሲዛ? ቁማ ማናሰ ኩሹ ሚጮፔቲና» ገዴ።

3 ዩሱሲካ አሰታሰ። «አንቲ አንቲ ዋጋሰ ጊዲ ጸሳ አዛዙ አይሰ ሻሬቲ?»

4 ጸሱ። «ኔ አዮኔ ኔ አዋ ቦንቻ፤ ባ አዋ ቦላ ዋይኮ ባ አዩ ቦላ አታ ቃላ ሃሳይዳዳይ ሃይቆ!» ጊ አዛዚዳሰ።

5 አንቲ ጊዲኮ አይ አሲካ ባ አዋ ዋይኮ ባ አዮ። «ታ አንቲሰ ኦላናሰ ቤሲዛዛ አይ ሚሺካ ጸሳሰ ያርሾ አላ ሸሻዲሰ» ጊኮ።

6 «ሃ አዳዚ ባ አዋ ዋይኮ ባ አዮ ቦንቻዳሰ» ጌታ፤ ሄሳ ጊሻሰ አንቲ ዋጋ ጊሻሰ ጸሳ ቃላ ሻሬታ።

7-9 አንቲኖ ቆዴፕ ቆዋን ሃኒዛይቶ! አሳያሲ አንቲ ጊሻሰ ዮተሼ።

« ሃይሲ ዳሬይ ታና ደናን ጸላ ቦንቻሰ፤ ዋዚናይ ጊዲኮ ታፕ ሃኪዳሰ፤ ማላ ሃዳ ታና ጎይኔሰ፤ አሰታ ተሚርቲይካ አሲ ዋሊዳ ዋጋ) ጊዲዲ ሲንሳፌ ሃናናይሳ ዮተዳይሲ ቱማ» ጊዳሰ።

10 ዩሱሲ አሳ ባኮ ጸይጊዲ። «ሲዬቲ ዋዚናን ዋሊቲ።

11 አሰ ቱኒሲዛይ አዛዳ ደናራ ሃ ኬዚዛይሳፌ አቲን ደናራ ዲጌ ጌሊዛይ ቱኒሴና» ጊዳሰ።

12 ቃሴ አዛ ካሊዛይቲ አዛኮ ሸቁዲ። «ፋርሳዌቲ ኔ ጊዳይሳ ሲዬዲ ሃንቁቲዳይሳ ኤራዲ?» ጊዳ።

13 አዚ አሰታሰ። «ታ አዋ ሳሎይሲ ቶኮንታ ማሊ ወሪካ ጶቃሌታና።

14 አሰታ አጋጊቲ፤ አሰቲ ቆቁቲ ካሌሊዛ ቆቁታ ጊዲዳ ጊሻሰ። ቆቁቲ ቆቁ ካሌሊኮ ናምአይ አሰይ አሳራ ኦይኬቲዲ አፎን ወላና» ጊዳሰ።

15 ጸጽሮሲ ዩሱሳ። «ኔ ዮተዳ ሌሚሶዛ ኑሰ ቢርሻ» ጊዳሰ።

16 አዚካ። «አንቲ ሃኢ ጋካናሰካ ኤሪቤኬታ ጉሴ?»

17 ደናራ ጌሊዛይ ወሪ ዲጌ ቃንሳ ካንሊዲ ጌዳ ካሪ ኬዚዛይሳ ኤሪኬቲ?»

18 ደናራ ኬዚዛይ ጊዲኮ ዋዚናፕ ፑልቲሰ። አሰ ቱኒሲዛይ ሄሳ።

19 አታ ቆፋይ። ሸምፖ ዋጶይ። ላይማይ። ላይማታናሰ ቃቃቶይ። ካይሶይ። ዋርዶ ማርካቲሊኔ አሳ ሱንሳ ሞርይ ወሪ ዋዚናፕ ፑልቲሰ።

20 አሰ ቱኒሲዛይ ሃይታንታፌ አቲን ኩሽ ሜጤቶንታ ሙሲ አሰ ቱኒሴና» ጊዳሰ።

ካናኔ ዳሪ ማጫሳይ አማኖ (ማር 7:24-30)

21 ዩሱሲ ሄፕ ኬዚዲ ጸርሴኔ ሲዶና ጌቲቲዛ ዳሪ ቢዳሰ።

22 አሲ ካናኔ ማጫሰ ዲዛራ ሄ ሄሪፕ ኬዛዳ ዩሱሳኮ ያዳ። «ጎዶ። ዳዊቲ ናወ! ታሰ ሚሼታ! ታ ናያ ቱና አያናይ ኦይኪን ኬሃ ዋያወሰ» ጋዳ ዋሳዲሰ።

23 ጊዶ አቲን አዚ አሲ ቃላካ አዚሰ ዛሪቤና። ሂሰቲን ሄ ዋዳ አዛ ካሊዛይቲ አዛኮ ሸቁዲ። «ኑና ካላ ካላ ዋዩሲዛ ጊሻሰ ኔ አዘ ሞይዛ» ጊዲ አዛ አይቺዳ።

24 አዚካ አሰታሰ። «ታኒ አሰራኤሌ ኬላፌ ዳይዳ ደርሳታኮ ጸላ ኪቲታዲሰ» ጊዳሰ።

25 ማጫሳያካ ዩሱሳ ቶሆ ቦላ ኩንዳዳ። «ጎዶ! ታና ማዳርኪ!» ጋዲሰ።

26 አዚካ አዚሰ ዛሪዲ። «ናይታ ካሳ ኤኪዲ ካና ቡቱላታሰ ዩጋናሰ ቤሴና» ጊዳሰ።

27 አዛካ። «ኤ ጎዶ፤ ቡቱላቲካ ባ ጎዳ ማዳፌ ጋዳን ዋጶዳ ካሳ ማጸ ሜቲሰ» ጋዲሰ።

28 ዩሱሲካ ማጫሳዮ። «ሃኔ ማጫሳዬ። ኔ አማናይ ጊታ! ኔ ኮዩዳ ማላ ኔሰ ሃኖ» ጊዳሰ። ማጫሳይ ናያ ሄራካ ፓጻዲሰ።

29 ዩሱሲ ሄፕ ዳንዲዲ ጋሊላ አባ ላንቁ ቢዲ ሄን ዲዛ አሲ ዙማ ቦላ ኬዚ ኡቲዳሰ።

30 ቆዳን ዳር ዳሪይ ዋቤታ። ቆቁታ። ሲላታ። ሃሳዮንታ ዲዳታ ሃራታካ ዳር ሃርጋንቻታ ኤሃዲ አዛ ሲንጻን ዋሊዳሰ፤ አዚካ አሰታ ፓሊዳሰ።

31 ዲዳይ ሃሳይሺን። ቶሆ ሲላይ ፓጻሺን። ዋቤይ ሲቲ ጊ ሃሚቲሺን። ቆቁይ ጸሊሺን ቤኢዲ አሳይ ማላሌቲዳሰ፤ አሰራኤሌ ጎዳካ ጋላቲዳሰ።

ዩሱሲ ኦይዲ ሺ አሰ ሚዚዳሰ (ማር 8:1-10)

32 ዩሱሲ ባና ካሊዛይታ ጸይጊዲ። «አሳይ ታናራ ሄቭ ጋላሰ ጋምኢዳ ጊሻሲኔ ማና ካሊ ባይንዳ ጊሻሰ አሳይ ታና ሚቼሰ። ኦጌ ቦላን ጋፋን ዳቡርዲ ኩንደንታ ማላ ማላ ኡሎራ ዩዳና ኮይኬ» ጊዳሰ።

33 አዛ ካሊዛይቲ። «ሃይሳን አይኮይካ ባይንዳ ባዞ ቢታን ሃይሳ ኬና ዳሪ ሚዛናሰ ጊዲዛ ቆማ ኑ አዋፕ ዳማኔ?» ጊዳ።

34 ዩሱሲ አሰታ። «አንቲሰ አፑን ኡኬሊ ዲዜ?» ጊ አይቺን አሰቲካ። «ላፑን ኡኬሊኔ ቂ ጉላ ሞሌቲ ዳቲሰ» ጊዳ።

35 አዚካ ዳሪዚ ጋዳን ኡታና ማላ አዛዚዳሰ።

36 ላፑን ኡኬላኔ ሞሌዛ ባ ኩሽን አይኪዲ ጋላቲዳፕ ጉዬ ሚንሊዲ ባና ካሊዛይታሰ አሚዳሰ፤ አሰቲካ ዳራሰ ጊሺዳ።

37 አሳይ ወሪካ ሚዲ ካሊዳሰ፤ ዩሱሳ ካሊዛይቲ አሳፕ አቲዳይሳ ላፑን ሌማቲ ኩሜሳ ሺሺዳ።

38 ሚዳይቲካ ናይቲኔ ማጫሳይ ባይንዳ አዳቲ ጸላ ኦይዲ ሺ ጊዲዳ።

39 ዩሱሲ ዳሪዛ ሞይዚዳፕ ጉዬ ዋሳኡን ጌሊዲ ማጊዶኔ ጌቲቲዛሶ ቢዳሰ።

16

1 ፋርሳዌቲኔ ሳዲቃዌ ጌቲቲዛይቲ ዩሱሳኮ ሸቁዲ አዛ ፓጫናሰ «ሳሎፕ ኑና ማላታ ቤሳ» ጊዲ አይቺዳ።

2 አዚካ አሰታሰ። «ኦማርሳ ዋዳ ሳሎይ ዘአኮ። ስጋይ አዋታና» ጌታ።

3 ዋንታ ቦላ። «ሳሎይ ዳጺኮ ሃች አራይ ቡካና» ጌታ፤ ሳሎ ሜቃ ጸሊዲ ሻኪ ኤሬታ ሺን ታ ያና ዋዳ ማላታ ሻኪ ኤራናሰ ዳንዳዬኬታ። *

4 ሃይሲ አታኔ ላይማ ዩሌታይ ማላታ ኮዩሰ፤ ጊዶ አቲን ዮናሳ ማላታፕ አቲን ሃራ ማላታይ አዛሰ አሚቲና» ጊዳሰ። ዩሱሲ አሰታ ሄን አጊዲ ሃራሶ ቢዳሰ።

15:14 ሉቃ 6:39 15:18 ማቶ 12:34 16:1 ሉቃ 11:38 ሌሚሶዛ ጎኤቲቲና። 16:4 ማቶ 12:39፤ ሉቃ 11:29

* 16:3 አሲ አሲ ጌሻ ማጻፋታን ታይቦ ናምኦኔ ሄቭ ቦላ ዩሱሲ ሃሳይዳ

5 አባ ፒኒዳ ማላ ዩሱሳ ካሊዛይቲ ቁማ ኤኪ ባናይሳ ባሌቲዳ።
 6 ዩሱሳ፡ «ቆፒቴ፤ ፋርሳዌታ ኢርሾፊኔ ሳዲቃዌታ ኢርሾፊ ናጌቲቴ» ገደሰ።
 7 ኢሰቲ ቃሴ ባ ገደን፡ «ኑኒ ካል ኦይኮንታ ገሻሰ ሄሳ ገደሰ» ገደዱ ኢሰይ ኢሳራ ሃሳዬቲዳ።
 8 ዩሱሳ ኢሰታ ቆፋ ኤሪዳ፡ «ኢንቴኖ አማናይ ፓጩዳይቶ! ካል ኦይኮንታ ገሻሰ አዛሰ ኢሰይ ኢሳራ ሃሳዬቲዳ?»
 9 ኢቻሹ ኡኩል ኢቻሹ ሺ አሳሰ ገደዱ አፑን ለማቴይ ቲርፒን ኢንቴ ዳንጢዳኮ ዩሺ ቆፒኬቲ?
 10 ሄሳዳካ ላፑን ኡኩል ኦይዳ ሺ አሳሰ ገደዱ አፑን ለማቴይ ቲርፒን ኢንቴ ዳንጢዳኮ ዋዚናን ዋሊቤኬታ ጉሴ?

11 ሂሰቲን ታ ኢንቴሰ ዮቲዳይ ካላ ገሻሰ ገደንታይሳ አይሰ ዩሺ ቆፒኬቲ? ሃኢካ ፋርሳዌታ ኢርሾፊኔ ሳዲቃዌታ ኢርሾፊ ናጌቲቴ» ገደሰ።
 12 ሃኢ ኢዚ ኢሰታ ቆፍሲዛይ ቡኩሶ ዳንፋናሰ ጉጂዛ ኢርሾ ገሻሰ ገደንታ ፋርሳዌታኔ ሳዲቃዌታ ቲሚርቴፊ ናጌታና ማላ ገደዱይሰ ኢሰታሰ ጌሊዳሰ።

ጴጥሮስ ዩሱሳ ጸሓፊ ስላና ገደይሳ ዮቲዳሰ

13 ዩሱሳ ቁሳሪያ ፒሊጲሲሶዮሴ ጌቲቲዛ ቢታ ጋኪዳ ዋዳ ባና ካሊዛይታ፡ «አሳይ ታና አሳ ና ኦና ገዜ?» ገደዱ ኦይቺዳሰ።
 14 ኢሰቲካ፡ «ኢሲ ኢሲ አሳይ፡ «ጸማቁዛ ዮሃንሳ» ጌሰ፤ ባጋ አሳይ፡ «ኤላሳ» ጌሰ፤ ባጋይ፡ «ኤርማሳ ዋይኮ ናቤታፔ ኢሳ ገደንታ አገና» ጌሰ» ገደዱ።
 15 ኢዚካ ኢሰታ፡ «ኢንቴ ታና ኦና ጌቲ?» ገደሰ።
 16 ሲሞና ጌቲቲዛ ጴጥሮስ፡ «ኑኒ ኪርሰቶሳ ዳኦ ጸሓ ና ገደዱከ?» ገደዱ ዛሪዳሰ።
 17 ዩሱሳ፡ «ዮና ና ሲሞና! ኑኒ ኢንጃቲዳዳ! ኑሰ ሃይሳ ቆንጨሲዳይ ሳሎን ዲዛ ታ አዋፔ ኣቲን አሾኔ ሱል ገደና።»
 18 ኑኒ ዛላ፤ ሃይሳ ዛላ ቦላ ታኒ ታ ዋሳ ከል ከጸና፤ ጋናሜ ፔንጌቲካ ኢዛ ጸኔቴና።
 19 ሳሎ ካዋቴሳ ቁልፔታ ታ ኑሰ አማና፤ ኑኒ ቢታ ቦላ ሃኖ ገዛይ ወሪ ሳሎንካ ሃናና። ቢታ ቦላ ኔ ሃኖፖ ገደይሰ ወሪካ ሳሎንካ ሃኔና» ገደሰ።
 20 ቃሴካ ኢዚ ኪርሰቶሳ ገደዱይሳ ኢሰቲ ኦናሰካ ዮቶንታ ማላ ባና ካሊዛይታሰ ሎኤል ዮቲዳሰ። †

ዩሱሳ ባ ቦላ ጋካና ሜቶ ገሻሰ ናምእንጥካ ዮቲዳሰ

21 ሄሳፊ ሃ ሲሚን ዩሱሳ ዩሩሳላሜ ባናይሳ፡ ሄን ዳሪ ጨማታን፡ ቁሴታ ሃላቃታኒኔ ሙሴ ዋጋ ታማርሲዛይታ ኩሼን ዋዬ ኤካናይሳ፡ ሃይቃናይሳኔ ሄቫንሶ ጋላሰ ሃይቆፔ ዳንዳናይሳ ባና ካሊዛይታሰ ቆንጨሲ ዮቲዳሰ።
 22 ጴጥሮስ ዩሱሳ ጌዳ ኢሲ ባጋ ዛሪዳ፡ «ጎደ! ሃይሲ ኔ ቦላ ጋኮፎ!» ገደዱ ሃንቁዳሰ።
 23 ዩሱሳ ጴጥሮስ ሸቁዳ፡ «ሃይሶ ጸላኤ! ሃይሳፊ ከቻ! ኑኒ አሳዛፔ ኣቲን ጸሓ ዮኦይ ኔ ዋዚና ገደን ባይንዳ ገሻሰ ኔ ታሰ ቆጶ ገደዳሳ» ገደሰ።

24 ቃሴካ ዩሱሳ ባና ካሊዛይታሰ፡ «ታና ካላናሰ ደሲዛ አሲ ባና ካደ፤ ባ ማሰቃሌ ቶኪዳ ታና ካሎ።»
 † 25 ባ ሸምፖ አሻና ኮይዛ አሲ ወሪ ዳይሳና፤ ገደዱ ኣቲን ባ ሸምፖ ታ ገሻሰ ዳይሲዛይይ አሻና።
 26 አሲ አላሚን ዲዛዝ ኩሜል ሃሪዳ ባ ሸምፖ ዳይሲኮ ኢዛ ኣይ ማዳኔ? ዋይኮ አሲ ባ ሸምፖ ገሻሰ ቃንጸና ዳንዳይዛዚ ኣዜ?
 27 አሳ ናይ ባ አዋ ቦንቸራኔ ሳሎ ኪታንቻታራ ያና፤ ኢሳሰ ኢሳሰ ኢዛ ኦሶ ማላ ኢዛዳ ዋጋ አማና።
 28 ታ ኢንቴሰ ቱሙ ጋይሰ፤ ሃይሳን ኤቁዳ አሳታ ገደፊ አሳ ናይ ባ ካዋቴሳራ ዩሺን ቤያና ጋካናሰ ሃይቆይ ኢሰታ ቦቸንታ አሳቲ ዳቲሰ» ገደሰ።

17

ዩሱሳ ሜቶ ላሚቴል (ሉቃ 9:28-36)

1 ኡሱፑን ጋላሳፊ ጉዬ ዩሱሳ ጴጥሮስ ያቆቤ ቃሴካ ያቆቤ ኢሻ ዮሃንሳ ባናራ ኡኪዳ ኢሰታራ ጸላ ቶቃ ዙማ ቦላ ከዚዳሰ።
 2 ኢሰቲ ሄን ዲሺን ዩሱሳ ሜቶ ላሚቴዳሰ፤ ኢዛ ኣይፊሶይ አዋ ኣርሼ ማላ ፖኤዳሰ፤ ኢዛ ማይኦይካ ፖኦ ማላ ጸልቁዳሰ።
 3 ሄራካ ሙሴይኔ ኤላሲ ዩሱሳራ ሃሳይሼ ኢሰታሰ ቤቲዳሰ።
 4 ጴጥሮስ ዩሱሳ፡ «ጎደ! ኑ ሃንን ዲዛኮ ኑሰ ሎኦኮ! ኔ ሼኔ ገደኮ ኢሲ ዳሴ ኑሰ፡ ኢሲ ዳሴ ሙሴሰ፡ ኢሲ ዳሴ ኤላሳሰ ሄቻ ዳሴ ኦሶኒ?» ገደሰ።
 5 ኢዚ ቡር ሃሳያን ዲሺን ፖኤዛ ሻራይ ኢሰታ ካሚዳሰ፤ ሻራ ጋላራ፡ «ታኒ ኢዛን ኡፋዬቲዛ ታ ደሲዛ ታ ናይ ሃይሳ፤ ኢዚ ገዛይሳ ሲዩቴ» ገዛ ቃላ ገሪሰ ሲዩቴ።
 6 ኢዛ ካሊዛይቲካ ሄሳ ሲዩዳ ማላ ዳጋሚዳ ቢታ ቦላ ጉፋኒዳ።
 7 ዩሱሳ ኢሰታኮ ሸቁዳ ኢሰታ ባ ኩሼን ቦቺዳ፡ «ዳንዳቲ፤ ባቦፍቴ!» ገደሰ።
 8 ኢሰቲ ቶቁ ገ ጴሊሺን ዩሱሳፔ ኣቲን ኢዛራ ሃራ አሰ ኦናካ ቤኢቤቴና።
 9 ኢሰቲ ዙማዛ ቦላፊ ዋቆሺን ዩሱሳ፡ «አሳ ናይ ሃይቆፔ ዳንዳና ጋካናሰ ኢንቴ ቤዮይሳ ኦናሰካ ዮቶንታ ማላ» ገ ኣዛዚዳሰ።
 10 ዩሱሳ ካሊዛይቲ፡ «ሂሰቲን ሙሴ ዋጋ ታማርሲዛይቲ፡ ኤላሲ ካሴቲዳ ያና ቤሴሰ አዛሰ ገዛ?» ገ ኦይቺዳ።
 11 ኢዚካ ኢሰታሰ፡ «ቱማኮ፤ ኤላሲ ዩዳ ወርሲካ ገረሳና።»
 12 ታ ኢንቴሰ ገዛይ ኤላሲ ዩዳሰ፤ ገደዱ ኣቲን አሳይ ባ ኮዩዳ ማላ ኢዛ ቦላ ኦሊዳሰ ኣቲን ኢዛ ኤሪቤና፤ ሃሳዳካ አሳ ናይ ኢሰታ ኩሼን ዋዬ ቤያና» ገደሰ።
 13 ሄ ዋዳ ዩሱሳ ካሊዛይቲ ዩሱሳ ኢሰታሰ ዮቲዳይሰ ጸማቁዛ ዮሃንሳ ገሻሰ ገደዱይሳ ኤሪዳ።

16:6 ሉቃ 12:1 16:9 ማቶ 14:17-21 16:10 ማቶ 15:34-38 16:14 ማር 6:14-15፤ ሉቃ 9:7-8 16:16 ዮሃ 6:68-69
 16:19 ማቶ 18:18፤ ዮሃ 20:23 † 16:20 ኪርሰቶሳ ጉሲ ጸሓፊ ተዩቲዳዳ ጉሳ። ‡ 16:24 ማሰቃሌ ጉሲ ሜቶ ጉሳ። 16:25 ማቶ 10:39፤ ሉቃ 17:33፤ ዮሃ 12:25 16:27 ማቶ 25:31፤ ማዛ 62:12፤ ኦር 2:6 17:1 2ጴጥ 1:17-18 17:5 ሜጴ 22:2፤ ዛሬ 18:5፤ ማቶ 3:17፤ 12:8፤ ኢሳ 2:7፤ ማር 1:11፤ ሉቃ 3:22 17:10 ሚኪ 4:5 17:12 ማቶ 11:14

ዳይዳንሉ ኦይኪዳ ኢሲ ና ዩሱሲ ፓሊዳሰ (ማር 9:14-29፤ ሉቃ 9:37-43)

14-15 ዩሱሲኔ ኢዛ ካሊዛይቲ አሳኮ ሲሚዳ ማላ ኢሲ ኢሲ ዩሱሳኮ ሸቂዳ ኢዛ ሲንላን ጉልባቲዳ፤ «ጎዶ! ታ ና ዳይሳ ሰላፊ ዩጊዛ ሃርጌይ ዳር ዋዩሲዛ ገሻሰ ታሰ ማራርኪ! ዳር ዋዩ ታማን ኩንዳሰ፤ ሃላንካ ጌሌሰ።»

16 ታኒ ናዛ ኔና ካሊዛይታኮ ኤሃዲሰ ሺን ኢሰቲ ኢዛ ፓላና ዳንዳይቤቲና» ገደሰ።

17 ዩሱሲ፡ «እንቲና አማናንታ ጌላ ዩሌታቶ! አይዳ ጋካናሰ ታ እንቲናራ ዳኔ? ቃሴ አይዳ ጋካናሰ ታ እንቲና ዳንዳያኔ? ኣኔ ናዛ ሃ ታኮ ኤሂቲ» ገደሰ።

18 ሃሳፊ ጉዬ ዩሱሲ ዳይዳንላዛ ሰሪዲ ናዛ፤ ኬሲዳሰ፤ ናዛካ ሄ ሳቲ፤ ሲሚዳ ፓሊዳሰ።

19 ዩሱሳ ካሊዛይቲ ጸላላ ኢዛኮ ሸቂዳ፡ «ኦኒ ዳይዳንሉ ኬሳናሰ አዛሰ ዳንዳይቤኮኒ?» ገደዱ ኦይቸዳ።

20 ኢዛካ ኢሰታሰ፡ «እንቲሰ አማኖይ ፓጩ ገደዳ ገሻሰ ዳንዳይቤኮታ፤ ታ እንቲሰ ቱሙ ጋይሰ፤ ቁሪ ጋሼ አይፊ ማላ አማኖይ እንቲ ሰላ ዲዛኮ ሃይሳ ዙማ፡ «ሃይሳፊ ዳንዳዳ ጌዳ ባ!» እንቲ ገደኮ ኢዛ እንቲሰ ባና። እንቲና ጸናናይ ዳና።

21 ሃይሳ ማላይ ገደኮ ጸማኒኔ ዋሳን ኣቲን ሃራን ኬዜና» ገደሰ። *

22 ኢሰቲ ጋሊላን ኢሲፊ ዲሺን ዩሱሲ ኢሰታሰ፡ «ታና ኣሳ ና ኣሳሰ አሊ አማና።»

23 ኢሰቲካ ኢዛ ዋዳና፤ ኢዛካ ሃዳንሎ ጋላሰ ዳንዳና» ገን ኢዛ ካሊዛይቲ ኬሂ ሚሼቲዳ።

ጸሳ ኬላ ገራ ቃንጾ

24 ዩሱሲኔ ኢዛ ካሊዛይቲ ቁፊርናሆሜ ጌቲቲዛሰ ጋኪዳ፤ ጉዬ ጸሳ ኬላ ገራ ኤኪዛይቲ ጸጽርሳኮ ሸቂዳ፡ «እንቲ ኣሰታማሬይ ጸሳ ኬላ ገራ ናምኡ ዲናሬዛ † ኣይሰ ቃንጾኔ?» ገደ።

25 ኢዛካ ኢሰታሰ፡ «ቃንጾሰ» ገደሰ። ጸጽርሲ ሰ ጌሊዳ ማላ ዩሱሲ ካሰቲዳ፡ «ሲሞና ዳሬ ካዋቲ ገራ ገደን ዋይኮ ቃራጸ ገደን ባ ናይታ፤ ኤኪዛዬ? ሃራታ፤ ኤኪዛ ሚሳቲዜ?» ገደሰ።

26 ጸጽርሲካ፡ «ሃራታ፤ ኤኪዜቲሰ» ገደሰ። ዩሱሲ፡ «ሂሰቲኮ ናይታ ሰላ ኣጮይ ባ ጉሳካ!

27 ሂሰቲኮካ ኢሰታ ኦ ዱጵሎንታ ማላ ኔ ሞሌ ኦይኪዛ ገቲ ኤካ ባዳ ኣባን ዩጋ፤ ኮይር ኦይኪዳ ሞሌዛ ደና ፖቃዳ ኔ ዳሚዳ ሚሻ ኤካዳ ታ ሱንሳራኔ ኔ ሱንሳራ ገራ ቃንጾ» ገደሰ።

18

ሳሎ ካዋቲላን ኡባፊ ኣቆናይ ኦኔ? (ማር 9:33-37፤ ሉቃ 9:46-48)

1 ሄ ዋዩ ዩሱሳ ካሊዛይቲ ኢዛኮ ሸቂዳ፡ «ሳሎ ካዋቲላን ኦ ጋርሳን ኡባፊ ኣቆናይ ኦኔ?» ገ ኦይቸዳ።

2-3 ዩሱሲ ኢሲ ና ዳይጊ ኤሂዲ ኢሰታ ገደን ኤሲዲ፡ «ታ እንቲሰ ቱሙ ጋይሰ፤ እንቲ ሲሞንታ ኢጲኮኔ ጉላ ናይታ ማላ ሃኖንታ ኢጲኮ ሙሉካ ሳሎ ካዋቲላ ጌሌኮታ።»

4 ሃሳ ገሻሰ ሃ ናዛ ማላ ባና ዚቁሲዛይይ ሳሎ ካዋቲላን ኡባፊ ኣቆና።

5 ሃይሳ ማላ ጉላ ና ታ ሱንላን ኤኪዛይይ ታና ኤኬሰ።

6 «ገደ ኣቲን ታና ኣማኒዛ ጉላታ፤ ኢሳዳ ዱጵሊዛይ ዳጾ ዋጾ ሹቺ ኢዛ ቆዴን ቃሼቲን ኣባ ጨማን ዩጌቲዲ ሚቲቲኮ ኢዛሰ ሎኦ ገደና።»

7 ሃና ኣላሚያ ኣሰ ዱጵና ጋሶ ገደዳ ገሻሰ ኢዚሰ ኣዬ ኣና! ዱጵይ ዩሰ ኣጌና ሺን ዱጵዛሰ ጋሶ ገደዛይሰ ኣዬ ኣና!

8 ኔ ኩሼይ ዋይኮ ኔ ቶሆይ ኔና ዱጵናሰ ጋሶ ገደኮ ኔ፤ ቃንጾ ዲጋ! ኔኒ ናምኡ ኩሼራ ዋይኮ ናምኡ ቶሆራ ጌዳ ሜርና ታማን ዩጌታና፤ ዋይኮ ዋይኮ ቶሆ ሰላ ገደዳ ሄ ጌዳ ዳኦይ ዲዛሶ ጌሎይ ኔሰ ሎኣና።

9 ሃሳላካ ኔ ኣይፊይ ኔሰ ዱጵ ገደኮ ኔ፤ ኬሳ ዩጋ! ናምኡ ኣይፊራ ጌዳ ጋናሚ ታማን ኔ ዩጌታና፤ ኢሲ ኣይፊራ ዳኦይ ዲዛሶ ኔ ጌሊዛይሲ ኔሰ ሎኦ።

10 «ሃይታ ጉላታ ገደፊ ኢሲኔኖካ እንቲ ካዳንታ ማላ ናጌቲቲ! ታ እንቲሰ ቱሙ ጋይሰ፤ ሳሎን ዲዛ ኢሰታ ኪታንቻቲ ሳሎን ታ ኣዋ ኣይፊሶ ኡባ ጋላሰ ጸሌቲሰ።»

11 ኣሳ ናይ ዳይዳይታ ኣሻናሰ ዩደሰ። *

ዳይዳ ደርሳ ለሚሶ (ሉቃ 15:3-7)

12 «ኣኔ ታሰ ኖቲቲ፡ ኢሳዳሰ ጸቲ ደርሲ ዲኮ ቃሴ ኢሰታፊ ኢሲና ዳይኮ፡ ሃንኮ ኡዲፋን ታማኔ ኡዲፋናታ ዙማ ሰላ ዩጊዳ ዳይዳር ኮያና ቢ ኤሬኔ?»

13 ታ እንቲሰ ቱሙ ጋይሰ፤ ሃንኮ ዳኖንታ ኣቲዳ ኡዲፋን ታማኔ ኡዲፋን ደርሳታ፤ ኣሊዲ ቤቲዳ ደርሳይን ኡፋዬቲሰ።

14 ሃሳላካ ሃ ጉላታ ገደፊ ኢሶይ ዳያና ማላ ሳሎን ዲዛ እንቲ ኣዋ ሸኔ ገደና።

ቆሂዳዳሰ ኣይ ኦላና ቤሲዛኮ

15 «ኔ እሻይ ኔና ቆሂኮ ኢዛኮ ባዳ ኢዛ ጸላላ ኔናራ ኤካዳ ኢዛ ሞሮ ኢዛሰ ኖታ፤ ኢዚ ኔ ጊዛ ሲዩኮ ኔ እሻ ኔ ኣሰ ሂሰታሳ።»

16 ኢዚ ኔ ጊዛይሳ ሲኖንታ ኢጲኮ ኖኦይ ወሪ ናምኡ ማርካን ዋይኮ ሃዥ ማርካን ላዲዛ ገሻሰ ኢሳዳ ዋይኮ ናምኡ ኣሰ ኔናራ ኤካ ባዳ ኢዛ ሃሳይሳ።

17 ኢዚ ኢሰታካ ሲኖንታ ኢጲኮ ዋሳ ኬላሰ ኖታ፤ ዋሳ ኬላኖካ ሲኖንታ ኢጲኮ ኢዛይ ኔ ኣማኖንታዳ ማላኔ ኖቲን ሲሞንታ ኢታ ኣሳ ማላ ቆዳ።

18 «ታ እንቲሰ ቱሙ ጋይሰ፤ ቢታ ሰላ እንቲ ቃቸዳይ ወሪ ሳሎንካ ቃሼቲዳ ገደና፤ ቢታ ሰላ እንቲ ቢርሺዳዚ ሳሎንካ ቢርሹቲዳይሳ ገደና።»

17:20 ማቶ 21:21፤ ማር 11:23፤ 1ቆር 13:2 * 17:21 ኢሲ ኢሲ ገሻ ማጸፋታን ታይሶ ናምኡ ታማኔ ኢሳ ሰላ ዲዛ ቆፋይ ጉጃቲቤና፤ ቃላይካ ማር 9:29 ዲዛይሳ ማላ። † 17:24 ኢሲ ዲናሬይ ሄ ዋዩ ኢሲ ኣሳሰ ናምኡ ጋላሳ ዳሞዛ ላጌ። 17:24 ኬሳ 30:13-15፤ 38:26 18:1 ሉቃ 22:24 18:2-3 ማር 10:15፤ ሉቃ 18:17 18:5 ማር 9:42-48፤ ሉቃ 17:1-2 18:9 ማቶ 5:29 18:11 ሉቃ 19:10 * 18:11 ኢሲ ኢሲ ገሻ ማጸፋቲ ታይሶ ታማኔ ኢሳ ሰላ ዲዛ ቆፋ ጉጃቲሰ፤ ኢዛካ ሉቃሳ ሸምፖ 10 ሰላ ዲዛይሳ ማላ። 18:15 ሉቃ 17:3 18:16 ዛሬ 19:15 18:18 ማቶ 16:19፤ ኖሃ 20:23

19 ቃሴካ ታ ኢንቴስ ቱሙ ጋይስ፤ ቢታ ቦላ ኢንቴ ርምኡ ጊዲዲ ኣይ ሚሸካ ኢሲፌ ዶሳን ኢንቴ ኦይቸኮ ሳሎን ዲዛ ታ ኣዋይ ኢንቴስ ኢማና።

20 ርምኡ ዋይኮ ሃቡ ጊዲዲ ታ ሱንጎን ኢንቴ ሸቁዛሶን ሃን ኢንቴ ጊደን ታ ዳና» ጊዳስ።

ማር ጊሻስ

21 ሄ ዋዴ ጴጥሮሲ ዩሱሳኮ ሸቁዲ፣ «ጎዶ! ታ ኢሻይ ታና ቆሂኮ ታ ኢዛስ ኣፑንቶ ኣቶ ጎ? ላፑንቶ ኣቶ ጎ?» ጊዳስ።

22 ዩሱሳካ ኢዛስ ዛሪዲ፣ «ላፑን ታሙቶ ላፑን ኣቲን ላፑንቶ ጸላ ጋ ጊኬ፤

23 «ሃሳ ጊሻስ ሳሎ ካዋቴሌ ባ ኣሸካራታ ቦላ ዲዛ ሚሸ ሸሻና ኮዩዳ ካዋ ሚሳታወሰ።

24 ሚሻ ቆዳ ኦይኪዳ ማላ ኢዛ ኣሸካራታፔ ዳር ሚሎኔ ቢራ † ኣጮይ ኢዛ ቦላ ዲዛዴ ኤኪ ዩዳ።

25 ኣሸካራዚካ ባ ቦላ ዲዛ ኣጮዛ ቃንጸይ ጸኒዳ ጊሻስ ኢዚካ ኢዛ ማቸያካ ኢዛ ናይቲኔ ኢዛስ ዲዛዚ ወሪ ባይኬቲዲ ሚሻይ ቃንጸታና ማላ ኢዛ ጎዳይ ኢዛ ኣዛዚዳስ።

26 ሄ ዋዴ ኣሸካራዚ ጎዳዛ ቶሆ ቦላ ኩንዲዲ፣ «ታኒ ታ ቦላ ዲዛ ኣጮዛ ወርሳ ኔስ ቃንጸና ጋካናስ ታስ ጉፋ ዋዴ ኢማርኪ!» ጊዲ ዋሲዳስ።

27 ኢዛ ጎዳይካ ኢዛስ ሚሸቲዲ ኢዛ ኣጮዛ ኡባ ማሪዲ ዩዲዳስ።

28 «ሄ ኣሸካራዚካ ባ ጎዳ ኣቻፌ ኬዚዳ ማላ ጉፋ ኣጮይ † ኢዛ ቦላ ዲዛ ባ ላጌ ዳሚዲኔ፣ «ኔ ቦላ ዲዛ ታ ሚሻኾ ሃኢ ሃኒን ቃንጸ» ጊዲ ጩሌ ኦይኪዳስ።

29 ሄ ኢዛ ላጌ ኣሸካራይ፣ «ታስ ጉፋ ዋዴ ኢማርኪ! ታ ኔስ ቃንጸና» ጊዲ ኢዛ ቶሆ ቦላ ኩንዲዲ ዋሲዳስ።

30 «ጊደ ኣቲን ኢዛስ ጉፋ ዋዴ ኢማናስ ኮዮንታ ኢዲዲ ኢዛ ላጌዚ ባ ቦላ ዲዛ ኣጮዛ ቃንጸና ጋካናስ ቃሾ ኬፋን ዩጊዳስ።

31 ኢዚ ሃሳ ኦሊሽን ቤኢዳ ኣሳይኔ ሃንኮ ኢዛ ላጌ ኣሸካራቲ ዳር ሚሸቲዳ። ቢዲካ ሃኒዳይሳ ኡባ ባ ጎዳስ ዮቲዳ።

32-33 «ሄ ዋዴ ጎዳዚ ሄ ኣሸካራ ጴይጊሲ ኤሂዲ፣ ሃይሶ ኔዮ! ኢታዞ፣ ኔ ታና ዋሲን ኔ ቦላ ዲዛ ኣጮዛ ታ ኔስ ኣጋዲሲ ሸን ታ ኔና ማሪዳ ማላ ኔኒካ ኔ ላጌዛ ማራናስ ቤሴኔ?

34 ጊዲ ኢዛ ቦላ ዲዛ ኣጮዛ ኢዚ ኡባ ቃንጸና ጋካናስ ቃቻና ማላ ቃቸዛይታስ ኣሌ ኢሚዳስ።

35 ሃሳ ጊሻስ ኢንቴ ኢሶይ ኢሳ ዋዚናፔ ማርንታ ኣጊኮ ሳሎን ዲዛ ታ ኣዋይካ ኢንቴና ማሪና» ጊዳስ።

19

ዩሱሲ ኤኮ ጊሻሲኔ ጌሎ ጊሻስ ታማርሲዳስ (ማር 10:1-12)

1 ዩሱሲ ዮቲ ወርሲዳፔ ጉዬ ጋለላ ኣጊዲ ዮርዳኖሴ ፒንፋን ዲዛ ዩሁዳ ኣወራጃ ቢዳስ።

2 ዳር ዳሬይ ኢዛ ሃን ካለን ኢዚካ ሃርጋንቻታ ጋሌዳስ።

3 ፋርሳዌቲ ኢዛ ጋጮናስ ኢዛኮ ሸቁዲ ኣይ ጋሶንካ፣ «ኣሲ ባ ማቸ ኣንጂ ዩዳና ቤሲዜ?» ጊ ኦይቸዳ።

4 ኢዚካ ኢስታስ፣ «ጸሲ ኮይሮፔ ማጫኔ ኣዴ ሚጲዳይሳ ናባቢቤኬቲ? ጊዳስ።

5 ቃሴካ፣ «ኣሲ ባ ኣዋኔ ባ ኣዮ ኣጊዲ ባ ማቸራ ኢሲፌ ጊዳስ። ርምኣይካ ኢሲ ኣሾ ጊዳቴስ» ጌቲቲዳይሲ ሃይሳ ጋሶን ጊዳኔ? ጊዳስ።

6 ርምኣይ ኢሲ ኣሾ ኣቲን ሲንፋፌ ርምኡ ጊዳቴና። ሃሳ ጊሻስ ጸሲ ጋሌ ዋዲዳይሳ ኣሲ ሻኮፎ» ጊዳስ።

7 ኢስቲካ ኢዛስ፣ «ሂስቲን ሙሴይ፣ «ኣሲ ባ ማቸ ኣንጂ ዩዲዳ ኣንጂ ዋራቃታ ኢዚስ ኢሚ ዩዳ» ጊዲ ኣዛስ ኣዛዚዳ?» ጊዳ።

8 ዩሱሳካ ኢስታስ፣ «ሙሴይ ኢንቴ ዋዚና ሙሚቴላ ቤኢዲ ማቸታ ኢንቴ ኣንጅና ማላ ፒቃዴ ኢንቴስ ኢሚዳስ ኣቲን ኮይሮፔ ሃሳ ማላ ጊዳና።

9 «ታ ኢንቴስ ቱሙ ጋይስ፤ ባ ኣዚናፔ ሃራራ ላይማቶንታ ዲሺን ባ ማቸ ኣንጂ ዩዲዳ ሃራ ማቸ ኤኪዳይ ወሪ ላይማቴስ። ኣንጅቲዳርካ ኤኪዳይ ኢዚራ ላይማቴስ» ጊዳስ።

10 ዩሱሳ ካለዛይቲ ኢዛስ፣ «ማቸ ዋጋይኔ ኣዚና ዋጋይ ሃይሳ ማላ ጊዲኮ ማቸ ኤኮንታ ኣጎይ ሎኦ» ጊዳ።

11 ጊደ ኣቲን ዩሱሲ ኢስታስ፣ «ኢሲ ኢሲ ዲማ ኢዋታይ ዲዛ ኣሳታፔ ኣቲን ሃይሳ ቲማርቴዛ ኣኒካ ኤካናስ ዳንዳይና።

12 ጋሶይካ ኢሲ ኢሲ ኣሳይ ባ ኣዩ ኡሎፔ ዩሎቲሽ ሹፋ ጊዲ ዩሎቴስ፤ ኢሲ ኢሲ ኣሳይ ኣሳ ኩሽን ቃራቲቲዲ ጉንዲሎስ፤ ኢሲ ኢሲ ኣሳይ ሳሎ ካዋቴላስ ጊዲ ባና ባርካ ጉንዲላ ኦሊዛ ኣሲካ ዳስ። ሃይሳ ኤካናስ ዳንዳይዳይ ኤኮ» ጊዳስ።

ዩሱሲ ጉፋ ናይታ ኣንጂዳስ (ማር 10:13-16፤ ሉቃ 18:15-17)

13 ሄ ዋዴ ዩሱሲ ኢስታ ቦላ ባ ኩሽ ዋሊዲ ዋሳና ማላ ጉፋ ናይታ ኢዛኮ ኤኪ ኤሂዳ፤ ጊደ ኣቲን ኢዛ ካለዛይቲ ናይታ ኤሂዳ ኣሳታ ቦላ ሃንቁቲዳ።

14 ዩሱሲ፣ «ናይቲ ሃ ታኮ ዩቶ፤ ዲጎፍቴ፤ ሳሎ ካዋቴሌ ሃይታንታ ማላሳ!» ጊዳስ።

15 ባ ኩሽ ናይታ ቦላ ዋሊዲ ኣንጂዳፔ ጉዬ ሃፕ ዳንዲ ቢዳስ።

ዲሬ ጊዲዳ ናቴፋ ኣዳዛ ኦይሻ (ማር 10:17-31፤ ሉቃ 18:18-30)

16 ሃሳፌ ጉዬ ኢሳዳይ ዩሱሳኮ ሸቁዲ፣ «ኣስታማሪ! ሚርና ዳኦ ዳማናስ ታኒ ሎኦ ኦሶ ኣይ ኦሶ?» ጊ ኦይቸዳስ።

17 ዩሱሲካ፣ «ታና ኣዛስ ሎኦ ጊሻስ ኦይቻይ? ሎኦይ ኢሲ ጸሳ ጸላ፤ ዳኦይ ዲዛሶ ኔ ጌላና ኮይኮ ኣዛዘታ ናጋ» ጊዳስ።

18:21 ሉቃ 17:3-4 18:22 ሜጴ 4:24 † 18:24 ዳር ሚሎኔ ቢራ፣ ዳር ሚሎኔ ቢራ ጌቲቲዳይሲ ኣማራፋ ማጸፋን፣ «ሜክሊቲ» ጌሰ፤ ኢሲ ሚክሊቲይ ሄ ዋዴ ኢሲ ኣሳስ ታማኔ ኢቻሹ ላይሳ ዳዋዛፔ ቦላ ጊዲዳይሳ ቤሴስ። † 18:28 ጉፋ ኣጮይ፣ ጉፋ ኣጮይ ጊዛይሳ ኣማራፋ ማጸፋን፣ «ጴቱ ዳናሬ» ጌሰ፤ ሄ ዋዴ ኢሲ ኣሳስ ኢሲ ጋሳ ኦሶ ዳዋዛ ቤሴስ። 19:4 ሜጴ 1:27፤ 5:2 19:5 ሜጴ 2:24 19:7 ዛሬ 24:1-4፤ ማቶ 5:31 19:9 ማቶ 5:32፤ 1ቆር 7:10-11 19:18-19 ኬሳ 20:13-16፤ ዛሬ 5:17-20፤ ሉዌ 19:18

18-19 አዳዘ። «አዛዘቲ አዋይቲ?» ገዲ ኦይቲዳ። ዩሱሲካ ዛሪዲ። «አሰ ዋጆ፣ ላይማቶ፣ ካይሶቶ፣ ዋርዶ ማርካቶ፣ ኔ አዋኔ ኔ አዮ ቦንቻ፣ ኔ ሾሮ ኔ ማላ ሲቃ» ገዲ።

20 ናቴላዚ ዛሪዲ። «ሃይሳ ወርሳ ታ ናጋዲ። ሃራይ አዚ ታሰ ፓጪዳ?» ገዲ።

21 ዩሱሲካ ዛሪዲ። «ኔ ሙሌ ጸላና ኮይኮ ባዳ ኔ ሃሪዳዝ ኡባ ባይዛዳ ሚሻ ወርሳ ማንቆታሰ አማ፤ ኔኒ ሳሎን ሚሻ ዳማንዳ፣ ሃሳፌ ጉዬ ሲማ ያዳ ታና ካላ» ገዲ።

22 አዳዚ ሃሳ ሲዩዲ ኢዛሰ ዳር ሚሻ ዲዛ ገሻሰ ኬሃፕ ሚሹቲሹ ቢዳ።

23 ዩሱሲ ባና ካሊዛይታ። «ታ አንቴሰ ቱሙ ጋይሰ፤ ዱሬቲ ሳሎ ካዋቴላ ገላናይሲ ዳር ሜቶ።

24 ቃሴካ ታኒ አንቴሰ ገዛይ ዱሬይ ሳሎ ካዋቴላ ገላናይሳፌ ጋሜላይ * ናርፕ ሉኮራ አዴላ ካወያና» ገዲ።

25 ሃሳ ሲዩዲ ኢዛ ካሊዛይቲ ዳር ቆፒዲ። «ሂሰቲን ኦኒ አታናሰ ዳንዳይዜ?» ገዲ ዩሱሳ ኦይቲዳ።

26 ዩሱሲካ አሰታ ጸሊዲ። «ሃይሲ አሳ አቻን ዳንዳይቲና፤ ጸሳ አቻን ገዲኮ ወሪካ ዳንዳይቲሰ» ገዲ።

27 ጸጽሮሲ ኢዛሰ ዛሪዲ። «ኑ ኡባካ አገዲ ኔና ካሊዳሰ፤ ሂሰቲን ሃኢ ኑ አይ ዳማኔ?» ገዲ።

28 ዩሱሲካ አሰታሰ። «ታ አንቴሰ ቱሙ ጋይሰ፤ አሳ ናይ ቡሮ ያና ኦራላ አላማን ባ ቦንቻ አራታ ቦላ ኡቲዛ ዋዴ አንቴ ታና ካሊዳይቲ ታማኔ ናምኡ አራታታ ቦላ ኡቲዲ ታማኔ ናምኡ አሰራኤሌ ናይታ ቦላ ፒርዳና።

29 ታ ሱንሳ ገሻሰ ገዲ ባ ኬላ። ባ አሻታ። ባ ሚቸታ። ባ አዋ። ባ አዮኔ ባ ናይታ። ዋይኮ ባ ቢታ አገዛ አሲ ወሪ ጾቱ ኩሼ ዳኮ ኤካና፤ ሜርና ዴካ ላታና።

30 ገደ አቲን ዳር ሲንሌ ገዲዳ አሳቲ ጉዬ ገዳና፤ ዳር ጉዬን ዲዛ አሳቲ ሲንሳታና።

20

ዋይኔ አታኪልቲ አሳንቻታ ለሚሶ

1 «ሳሎ ካዋቴላ ባ ዋይኔ አታኪልቲ ገደን ኦሊዛ አሳንቻታ ቃጸራናሰ ማላዶራ ኬዚዳ አሲ አታኪልቲይ ዲዛ ጋዳዴ ሚሳታወሰ።

2 አሲ ጋላሳ ዳሞዛ ገዲዛዝ ሃሳዬቲዲ ገገዳፕ ጉዬ አሳንቻታ ዋይኔ አታኪልቲ ኦሶ ኮይሊዳ።

3 «ማላዶ ሄቸ ሳቲን ኬዚዲ ኦሶይ ባይንዳ ማላ ገያይ ኤቁዳሶን ኤቁዳ ሃራ አሳታ ዳሚዳ።

4 «አንቴ ቢዲ ታ ዋይኔ ገደን ኦሊቲ፤ ታ አንቴሰ ቤሲዛ ሚሹ አማና» ገዲ።

5 አሰቲካ ቢዳ። ቃሴካ ጋላሳፌ ኡሱፑን ሳቲኔኔ ኡዲፋን ሳቲ ቦላ ኬዚዲ ሃራ አሳንቻታ ኦሶን ገልሊዳ።

6 ኦማርሳ ዋዴ ታማኔ አሲ ሳቲ ገዲሽን ኬዚዲ ጮ ኤቁዳይታ ሃራታ ዳሚዲ። «አንቴ ኩሜላ ጋላሰ ኦሶይ ባይንዳ አዛሰ ሃይሳን ኤቁዳቲ?» ገ ዩይቲዳ።

7 «አሰቲካ። ሉና ኦሲሲዛ አሲ ዳይዳ ገሻሰ ኤቁዳሰ» ገዲ። አዚካ አሰታ። «አንቴካ ቢዲ ታ ዋይኔ አታኪልቲ ገደን ኦሊቲ» ገዲ።

8 «ጋዴይ ቃሚሽን ዋይኔ አታኪልቲዛ ጎዳይ አሳንቻታ አላፊዛሰ። ሉዬፕ ዩዳይታፕ ደማዳ ኮይሮ ዩዳይታ ጋካናሰ ዲዛ አሳንቻታ ኡባ ጸይጋዳ አሰታ ኦሶ ጋቲ ቃንጸ» ገዲ።

9 ታማኔ አሲንሳ ሳቲ ቦላ ኦሶን ገሊዳይቲ ዩዲ አሶይ አሶይ ኩሜላ ጋላሳ ጋቲ ኤኪዳ።

10 «ኮይሮ ኦሶን ገሊዳይቲ ዩሼ ባ ዋዚራራ ሃንኮይታፕ ቦላራ ዳር ዳማና ገ ቆፒሽን አሰታሰካ ሃንኮይታራ ገና አሚዳ።

11-12 ሚሻ ኤኪሹ ቃንጸዛዴ ቦላ። «ሃይቲ ወርሴላን ኦሶን ገሊዲ አሲ ሳቲ ጸላ ኦሊዳይቲ ኩሜላ ጋላሰ ኦሶን ዳቡርዲኔ አዋን ጸጌቲዲ ፔኢዳ ኩሲኔ አሰታሰ ዋሰታ አሲ ገና ቃንጸይ?» ገዲ።

13-14 «አዚካ አሰታፌ አሳዳ። «ታ ጃላዘ! ኔና ቆሃቤኮ፤ አሲ ጋላሳሰ ገዲዛ ዳሞዛን ኦላናሰ ታናራ ገጋቤኪ? ሃኢ ሃይ ኔ ገሻ ኤካዳ ባ፤ ኔሰ አሚዳይሳ ማላ ወርሴላን ዩዳይሳሰካ ታ አማና ኮያይሰ።

15 ሂሰቲን ታ ሚሻን ታ ደሲዳዝ ኦላናሰ ዳንዳይኪና? ዋይኮ ታ ኪያ ገዲዳይሲ ኔና ቃናቲሲዜ?»

16 «ጉዬን ዲዛይቲ ሲንሌ። ሲንሌን ዲዛይቲ ጉዬ አዳና» ገዲ።

ዩሱሲ ባ ሃይቆ ገሻሰ ሃቸንሳ ዮቲዳሰ (ማር 10:32-34፤ ሉቃ 18:31-34)

17 ዩሱሲ ዩራሳላሚ ቢሼ ባና ካሊዛ ታማኔ ናምአታ ዳማ ሻኪ ኤኪዲ።

18 «ሂያ ኦኒ ዩራሳላሚ ባና ጎሰ፤ አሳ ናይ ቁሴታ ሃላቃሲኔ ሙሴ ዋጋ ታማርሲዛይታሰ አዲ አሚታና፤ አሰቲካ አዚ ሃይቆና ማላ ኢዛ ቦላ ፒርዳና።

19 ኢዛ ቦላ ቁዲ ካኣናሲኔ ጋራፋና ማላ። ዋዳና ማላካ ዴሬታሰ አሊ አማና፤ ሃቸንሳ ጋላሰ አዚካ ሃይቆፕ ዳንዳና» ገዲ።

ዛብደሳ ናይታ አዩይ ኦይሻ (ማር 10:35-45)

20 ሃሳፌካ ዛብደሳ ናይታ አያ ባ ናይታራ ዩሱሳኮ ሽቃዳ ኢዛ ሲንሳን ጉልባታዳ ዩሱሲ ኢዚሰ አሲ ሚሻ ኦላና ማላ ዋሳዲ።

21 አዚካ ኢዛ። «አይ ኮያይ?» ገዲ። «አዚካ። «ሃይቲ ታ ና ናምአቲ ኔ ካዋቴላን አሶይ ኔ ኡሻቻራ። አሶይ ኔ ሃዲርሳራ ኡታና ማላ ኦላርኪ!» ገዲ።

22 ዩሱሲካ ዛሪዲ። «አንቴ ዋሲዛዝ ኤሬኬታ፤ ታኒ ኡዩዛ ጸኣ አንቴ ኡያና ዳንዳያኔ?» ገዲ። «አሰቲካ። «ኤ ዳንዳዮሰ» ገዲ።

23 አዚካ። «ታ ጸኣፕ ቱሙ አንቴ ኡያናሽን ታ ኡሻቻኒኔ ታ ሃዲርሳን ኡቲላ ታ አዋይ ግግሲዳዳንታሰ አቲን ታኒ አሚዛዝ ገዳና» ገዲ።

24 ታማቲ ሃሳ ሲዩዲ ናምኡ አሻታ ቦላ ሃንቁቲዳ።

25 ዩሱሲ አሰታ አሲ ቦላ ጸይገዲ። «አይዘቤ ሃላቃቲ ባ ሃሪዛ ዴሬ ቦላ ጎዳቲዛይሳ ማላ ጎዳቲላ ዲዛይቲ ዋልቃራ ሃሪዛይሳ አንቴ ኤሬታ።

* 19:24 ጋሜላይ፡ ጋሜላይ ገዛይሳ አሲ አሲ ባጋ ጋሞላ ቃላን ጋሊ ጌቲ። 19:28 ማቶ 25:31፤ ሉቃ 22:30 19:30 ማቶ 20:16፤ ሉቃ 13:30 20:8 ሉቁ 19:13፤ ዛሬ 24:15 20:16 ማቶ 19:30፤ ማር 10:31፤ ሉቃ 13:30 20:26 ማቶ 23:11፤ ማር 9:35፤ ሉቃ 22:26

26 እንቲ ጊደን ሃሳ ማላ ሃናናሰ ቤሴና፤ እንቲፊ ገታ ጊደና ኮይዛይይ እንቲሰ አሉዛዳ ጊደ።

27 እንቲፊ ሶላ ጊደናሰ ኮይዛይይ እንቲፊ ጋርሰ ጊደ።

28 አሳ ናይ አሳይ አዛሰ ኦፋና ማላ ጊደንታ አዚ አሳሰ ኦፋናሰን ባ ሹምፖ ዳርታ ጊሻሰ አሉ ኢማናሰ ዩዳሰ» ጊደሰ።

ዩሱሲ አይፊ ቆቄ አሰ ናምኣታ ፓሊዳሰ (ማር 10:46-52፤ ሉቃ 18:35-43)

29 ዩሱሲ ባና ካሊዛይታራ ኢያርኮፊ ኬዚ ቢሺን ዳር ዳሬይ ኢዛ ካሊዳሰ።

30 ሃን አይፊይ ቆቄዳ ናምኡ አሳቲ ኦጌ ዶናን ኡቲ ዳቲሰ። ዩሱሲ አቋ ቢዛይሳ ሲዩዳ፤ «ጎዶ! ዳዊቲ ናወ፤ ኦና ማራ!» ጊደ ዋሲዳ።

31 ዳሬዚ፤ «ሃይዚቲ!» ጊደ ሃንቁዳሰ፤ ጊደ አቲን አሰቲ ዳርሲ ዋሲሹ፤ «ጎዶ! ዳዊቲ ናወ፤ ኦና ማራ!» ጊደ።

32 ዩሱሲካ ኤቁ አሰታ ዳይጊዳ፤ «ታ እንቲሰ አይ ኦፋና ማላ ኮይቲ?» ጊደሰ።

33 አሰቲካ፤ «ኦ አይፊይ ዳላና ማላ ኮዮሰ» ጊደ።

34 ዩሱሲ አሰታሰ ሚሹቲዳ አሰታ አይፊታካ ባ ኩሹራ ቦሹቹን ሄራካ ዳሊዳ ኢዛ ካሊዳ።

21

ዩሱሲ ገታ ቦንቸን ዩሩሳላሜ ጌሊዳሰ (ማር 11:1-11፤ ሉቃ 19:28-38፤ ዮሃ 12:12-19)

1 አሰቲ ዩሩሳላሜ ማታን ዳብራዛይቲ ዙማ ሶላ ዳዛ ቤቲፋጌ ጌቲቲዛሶ ጋኪዳ ማላ ዩሱሲ ባና ካሊዛይታፕ ናምኣታ ከቲዳሰ።

2 «ሃና እንቲ ማታን ዳዛ ጉታዮ ቢዳ እንቲ ሄ ጋኪዳ ማላ አሲ ሃራ ዳዛራ ባ ጉቲይራ ቃሹታ ዳሺን እንቲ ዳማና። ቢርሺዳ ሃ ታኮ ኤኪ ዩቲ።

3 ኦኒካ እንቲና፤ «አይሰ ሃይሳሶ ኦፊቲ?» ጊኮ፤ «ጎዳይ አሰታ ኮይሰ» ጊቲ፤ እንቲና ኦይቸዛይይ ሄራካ ዩዳና።

4-5 «ሃይሲካ ሃኒዛይ ካሴ ናቤን ዲዮኒሰ ሂዘጊቲ፤

«ሃኮ! ኔ ካዎይ አሸኬ ጊዳዳ ሃራዮን ሃራይ ጉቲዮ ቶጊዳ ኔኮ ያና»

ጌቲቲዳይሲ ፖሊታናሳ» ጊደሰ።

6 ኢዛ ካሊዛይቲ ዩሱሲ አሰታሰ ዮቲዳ ማላ አሉዳ።

7 ሃራዮ ኢዚ ጉቲይራ ኤሃዳ ባ ማይኦ አሰታ ሶላ ዎሊን ኢዚካ ሃራታ ቶጊዳሰ። *

8 ዳራፕ ዳሪዛ ባጋይ ባ ማይኦ ኦጌ ሶላ ሚጪዳሰ፤ ባጋ አሳይ ሚላ ቦንጮ ዳሉ ዳሉ ኦጌ ሶላ አሉ አሉ ዩጊዳሰ።

9 ኢዛፕ ሲንፋራ ቢዛ ዳሬይን ጉዩራ ካሊዛ ዳሬይካ ባ ቃላ ቶቁ ሂሰቲዳ፤

«ሆሳኢና! ዳዊቲ ናይ ጋላቲቶ!

ጎዳ ሱንፋን

ዩዳይ አንጃቲዳዳ!

ዳሲ ጋላቲቶ!» ጊደ። †

10 ኢዚ ዩሩሳላሜ ጌሊዳ ማላ ካታማ አሳይ ወሪ፤ «ሃይሲ ኦኒ?» ጊዳ ያርክ ያርኪዳሰ።

11 ኢዛ ካሊዳ ዩዳ ዳሬዚካ፤ «ሃይሲ ጋሊላ ጊደን ዳዛ ናዚሬቲፕ ዩዳ ናቤ ዩሱሳ ጊዳይ?» ጊዳሰ።

ዩሱሲ ጸሳ ኬፋን ዛልኤ ዛልኢዛ አሳ ጎዳዳሰ (ማር 11:15-19፤ ሉቃ 19:45-48፤ ዮሃ 2:13-22)

12-13 ሃሳፊ ጉዩ ዩሱሲ ጸሳ ኬፋ ጌሊዳ ጸሳ ኬፋ ካራ ጊደን ጋላን ባይዚዛይታኔ ሻሚዛይታ ጎዳዳሰ።

ሚሽ ላሚዛይታ ጸራጸዛታኔ ሃራጶ ባይዚዛይታ ኦይዳ ሺሪ ሺሪ ዩጊዳ፤ « ታ ኬፋይ ዎሳ ኬፍ ጌቲቲሰን ጌቲቲዳ ዳሬቲዳሰ፤ እንቲ ቃሴ ቦንቁዛይታ ጎንጎሎ ሂሰቲዳታ» ጊዳሰ።

14 አይፊ ቆቄታኔ ቶሆይ ሲሊዳ አሳታ ዩሱሳኮ ጸሳ ኬፍ ኤሃዳ። ኢዚካ አሰታ ፓሊዳሰ።

15 ጊደ አቲን ቁሴታ ሃላቃቲኔ ሙሴ ዎጋ ታማርሲዛይቲ ኢዚ ኦሊዳ ማላታታ ቤኢዳይሳኒኔ ጉላ ናይቲ፤ «ዎዜ ካዎ፤ ጋላታይ ዳዊቲ ናሰ ጊደ!» ጊዳ ዋሲዛይሳ ሲዩዳ ጊሻሰ ዳር ሃንቁቲዳ።

16 አሰቲካ ዩሱሳ፤ «ሃይቲ ናይቲ ጊዛይሳ ሲያይ?» ጊዳ፤ ዩሱሲካ አሰታሰ፤ «ኤ ሲያዳሰ፤ ናይታ ዶናኒኔ ቆሚዛ ቁሪ ናይታ ዶናን ታኒ ጋላታ ጊሊሳዳሰ ጊዛሶ ሙሉራካ ናባቢ ኤሬኬቲ?» ጊዳሰ።

17 አሰታ ዩጊ አጊዳ ሄ ካታማፕ ኬዚዳ ቢታኒያ ጌቲቲዛሶ ቢዳ ሃን አቁዳሰ።

አይፊይ ባይንዳ ባላሴ ሚሊዮ (ማር 11:12-14፤ 20-24)

18 ዩሱሲ ዎንቲላ ጋላሰ ማላዶ ጉዩ ካታማ ሲሚሽን ኢዛ ጋፊሲዳሰ።

19 ኦጌ ማታን አሲ ባላሴ ጌቲቲዛ ሚላ ቤኢዳ ጌዴ ኢዘኮ ሸቁሽን ሃይላ ጸላላፕ አቲን አይፊይ ባይንዳይሳ ቤኢዳ፤ «ሃያፕ ጉዩ ኔ ሶላ አይፊይ ዶፖ!» ጊን ባላሴ ሚላያ ሄራካ ሚላዳሰ።

20 ዩሱሳ ካሊዛይቲ ሃሳ ቤኢዳኔ ማላላቲዳ፤ «ሃና ባላሴያ ዎናዳ ሄራካ ሚላዳ?» ጊዳ።

21 ዩሱሲካ አሰታ፤ «ታ እንቲሰ ቱሙ ጋይሰ፤ እንቲሰ አማኖይ ዳኮኔ እንቲ ሲቆንታ አገኮ ባላሴ ሚላይ ሶላ ሃኒዳይሳ ማላ ጸላላ ጊደንታ ሃይሳ ዙማ፤ ሃይሳፊ ቆቃሌታዳ ዳጌ አባን ጌላ» እንቲ ጊዳኮካ ኢዚ ጌላና» ጊዳሰ።

22 እንቲሰ አማኖይ ዳኮ እንቲ ዎሳን ኦይቸዳ ሚሽ ኡባካ ኤካና።

ዩሱሳ ጎዳቲላ ጊሻሰ ሸቁዳ ኦይሻ (ማር 11:27-33፤ ሉቃ 20:1-8)

23 ዩሱሲ ጸሳ ኬፍ ጌሊዳ ታማርሲሺን ቁሴታ ሃላቃቲኔ ዳሬ ጪማቲ ኢዘኮ ሸቁዳ፤ «ሃይሳ ወርሳ ኦና ሹኔን ኦላይ? ሃይሳ ኦፋናሰ ሹኔ ኔሰ ኦኒ ኢሚዳ?» ጊዳ ኢዛ ኦይቸዳ።

24 ዩሱሲካ አሰታሰ ዛሪዳ፤ «ታኒካ እንቲና አሲ ሚሽ ኦይቻይሰ፤ እንቲ ታሰ ዛሪኮ ታኒካ ሃይታ ኦና ሹኔን ኦሊዘኮ እንቲሰ ዮታና።

25 ዮሃኒሳ ጸንቃታይ አዎፕ ዩዳ? ሳሎፕ ዩዳዬ? አሳፕ?» ጊዳሰ። አሰቲካ፤ «ኦ፤ ሳሎፕ ዩዳሰ» ጊኮ፤ «ሂሰቲን አዛሰ አማኒቤኬቲ?» ጋና ጊዳ ባ ጊደን አሰይ አሰይ አሳራ ዙሬቲዳ።

21:4-5 ዛካ 9:9 * 21:7 ሃራታ ቶጊዳሰ፤ ሃራታ ቶጊዳሰ ጊዛይሲ ንኢሽ ጋርሳን ዳሰ፤ ሃራይ ቃሴ ቲንቢቲይ ፖሊታና ማላ ሃራ ጉቲ ሶላ ኡቲዳሰ ጌሰ ባጋ ጌሻ ማጸፋይ። † 21:9 ሆሳኢና ኢብራዊታ ቃላራ ሆሳኢና ጉሲ፤ «ኦቶቲላ» «ኦና አሻርኪ!» ጉሳ። 21:12-13 አሳ 56:7፤ ኤር 7:11

26 ቃሴ ኑ፣ (አሳፕ) ጊኮ፣ አሳይ ወሪካ የሃኒሳ ናቤ ጊዲ አማኒዛ ገሻሽ ኑ ባቦሰ» ጊዲ።

27 ሄሳ ገሻሽ ዩሱሳሰ፣ «ኑ ኤሮኮ» ጊዲ ዛሪዳ። ኢዚካ ኢሰታሰ፣ «ሃይታ ታ ኦና ሼኔን ኦሊዛኮ ታኒካ ኢንቴሰ የተኮ» ጊዲ።

ናምኡ ናይታ ለሚሶ

28 ዩሱሳ ኢሰታ፣ «ኢንቴሰ አይ ሚሳተዜ? ናምኡ አቱማ ናይ ዲዛ ኢሳይይ ዳሰ፤ ኢዚካ ኮይሮ ናዛኮ ቢዲ፣ ታ ናዛ! ሃች ጌዴ ዋይኔ ሚሳሶ ባዳ ኦላ» ጊዲ።

29 ናዚ ቃሴ፣ (ቢኮ፣) ጊዲኔ ጉዩፕ ሙዙቲዲ ቢዳሰ።

30 «ናምኢንሶ ናዛካ ካሴይሳሳካ፣ (ባ!) ጊን ናዚ፣ (ኤሮ!) ጊዲ ቦንታ አጋጊዳሰ።

31 ሃይታ ናምኢንታ አዋ ሼኔ ፖሊዳይ አዋይሴ?» ጊዲ ኦይቸዳሰ። ኢሰታካ፣ «ኮይሮ ናዛ!» ጊዲ። ዩሱሳካ ኢሰታሰ፣ «ታ ኢንቴሰ ቱሙ ጋይሰ፤ ቃሪጸ ቃንጸሲዛይቲኔ ላይማቲዛይቲ ሳሎ ካዋቱላ ኢንቴፊ ሲንሳን ጌላና።

32 «ጸማቂዛ የሃኒሲ ኢንቴና ጸሎቱላ ኦጌ ቤሳናሰ ኢንቴኮ ዩዳሰ ሸን ኢንቴ ኢዚ ገዛይሳ አማኒቤኮታ፤ ጊደ አቲን ቃሪጸ ቃንጸሲዛይቲኔ ላይማቲዛይቲ ጊዲኮ አማኒዳ፤ ኢዚ ሃኒዳይሳ ኢንቴ ቤዩ ሲሚዲካ ማሮቲሳን ጌሊዲ አማኒቤኮታ» ጊዲ።

ዋይኔ ሚሳ ጊደን ኦሊዛ ጎሻንቻ ለሚሶ (ማር 12:1-12፤ ሉቃ 20:9-19)

33 «ሃራ ለሚሶካ ሲዩቲ፤ ዋይኔ ሚሳ ቶኪዛሶሆይ ዲዛይይ ሄ ዋይኔዛሰ ቢርዳ ዩሺ ኦሊዲ ዋይኔዛ አይፊ ጉምኦናሰ ኦላ ቦኪዳሰ። ዋይኔዛ ናጋናሰ ሚሳ ቦላ ሻኮ ቶ ገግሲዳሰ። ሄሳፊ ጉዩ ጋዴዛ ዋይኔ ሚሳራ ጎዩዛይታሰ ኪራ አሚዲ ሃራ ዳሬ ቢዳሰ።

34 ቦኔይ ጋኪሸን ዋይኔ ሚሳዛ አይፊ ኤካናሰ ባ አሸካራታ ጋዴዛ ጎዩዛይታኮ ዩዲዳሰ።

35 ጋዴዛ ጎዩዛይቲ አሸካራታ ኦይኪዲ ኢሳ ዋዲዳ፤ ኢሳ ቃሴ ሹቻን ጫዲዳ።

36 ጋዳ ጎዳይ ካሴይታፕ ኦዲዛ ሃራ አሸካራታ ዩዲዳሰ። ጎዩዛይቲ ሃኒካ ካሴይታ ቦላ ኦሊዳይሳ ማላካ ኢሰታ ቦላካ ፖሊዳ።

37 ወርሴላን ኦኔ ኤሪዛይ፣ (ኢሰቲ ኢዛ ቦንቻናኮ) ጊዲ ባ ና ኦሊ ዩዲዳሰ።

38 ጊደ አቲን ጋዳ ጎዩዛይቲ ናዛ ቤኢዳ ማላ፣ (ሃይሲ ኢዛ ሳታናይሳኮ! ኦኔ ሃ ዩቲ፤ ኢዛ ዋዲዳ ጋዳ ሳቶሰ) ጊዲ።

39 ናዛ ኦይኪዲ ዋይኔይ ቶኮቲዳሶዛፕ ካሬ ኬሲዲ ዋዲዳ።

40 «ኤሮ! ዋይኔዛ ጎዳይ ዩዛ ዋዴ ሄ ጋዳ ጎዩዛ አሳታ ዋሰታና ኢንቴሰ ሚሳተዜ?» ጊዲ።

41 ኢሰታካ፣ «ሄይታ ኢታታ ዳር ዋዩሲ ዋዲዳ ዋይኔይ ቶኮቲዛ ጋዳፕ ቤሲዛ ዋይኔ አይፊ ዋዴራ ኢዛሰ አሚዛ ሃራ ጎሻንቻታሰ ጋዳ ኪራሳና» ጊ ኢዛሰ ዛሪዳ።

42 ዩሱሳካ ኢሰታሰ፣ «ጌሻ ማጸፋን፣ (ገምቤ ኬጸዛይቲ ኢታ ጊዲ ዋራ ዩጊዳ ሹቻይ

ኬላሰ ጉላ ቦላ ዋዲዳ ሹቻ ጊዲዳሰ፤

ጸሲ ሃይሳ ኦሊዳሰ፤ ኢዛ ኦሶይካ

ኑ አይፊሰ ማላሊሲዛዛ) ጌቲቲ ጸፊቲዳይሳ ናባቤኮቲ?

43 «ሄሳ ገሻሽ ታ ኢንቴሰ ጸሳ ካዋቱላ ኢንቴፊ ኤኮታዳ አይፊ አይፊዛ ዳሬታሰ አሚታና።

44 ሃይሳ ሹቻ ቦላ ኩንዲዛይ ሜቃና፤ ሹቻይ ኢዛ ቦላ ዋዲዳይካ ሊቃና» ጊዲ። §

45 ቄሴታ ሃላቃቲኔ ፋርሳዌቲ ኢዛ ለሚሶይ ኢሰታ ገሻሽ ጊዲዳይሳ ኤሪዳ።

46 ጊደ አቲን ኢሰቲ ኢዛ ኦይኪ ቃቸንታ ማላ አሳይ ዩሱሳ ናቤ ማላ ጸሊዛ ገሻሽ ባቢዳ።

22

ሳርጌሰ ጸይጌቲዳ አሳታ ለሚሶ (ሉቃ 14:15-24)

1 ቃሴካ ዩሱሳ ሃራ ለሚሶ፣

2 «ሳሎ ካዋቱላ ባ ናሰ ሳርጌ ገግሲዳ ኢሲ ካዋ ሚሳታወሰ።

3 ካዋይካ ዲጊሳሰ የተዳይታ ጸይጋናሰ ባ አሸካራታ ዩዲዳሰ፤ ጸይጌቲዳይቲካ፣ (ኑ ቦኮ) ጊዲ።

4 «ቃሴካ ሃራ አሸካራታ፣ (ካሴ ኢሰታሰ የተዳይታ ሄኮ ታ ሳንጋ ቦራታኔ ሞዲዳ ሜሄታ ሹካዳ ዲጊሳ ገጊሳዲሰ፤ ወሪካ ገጌቲዳ ገሻሽ ሳርጌሶ ሃ ዩቲ!) ጊዲ የተቲ።

5 ጸይጌቲዳይቲ ጊዲኮ ኢዛ ጸይሳ ወዳን ዩሳንታ አገዲ ኢሶይ ባ ጎሻሶሆ፣ ኢሶይ ባ ዛላኤሶ ቢዳሰ።

6 ሃንኮ አቲዳይታ አሸካራቲ ኦይኪዲ ዳር ዋዩሲዲ ዋዲዳ።

7 «ካዋይካ ሃንቄቲዲ ዋታዳራታ ዩዲዲ አሸካራዛ ዋዲዳይታ ዳይሲዳሰ፤ ኢሰታ ካታማ ጸጊዳሰ።

8 ባ አሸካራታካ፣ (ሳርጌዛ ዲጊሳይ ገጊዳሰ፤ ጊደ አቲን ሳርጌዛሰ ጸይጌቲዳይቲ ሳርጌሰ ቤሲዛይታ ጊዲቤቲና።

9 ጌዴ ኦጌ ቦላ ኬዚዲ ኢንቴ ዳሚዳ አሰ ኡባ ሃ ዲጊሳሰ ጸይጌቲ» ጊዲ።

10 አሸካራቲካ ኦጌ ቦላ ኬዚዲ ባ ዳሚዳይታ ሎኦታካ ኢታታካ ኡባ ሺሺዲ ሳርጌዛሰ አማላ ኩንሳዲ።

11 «ካዋይካ ጸይጌቲዳ አማላ ቤያናሰ ሶ ጌሊዛ ዋዴ ሳርጌ ማይኦ ማይኦንታ አሰ ዳሚዳሰ።

12 (ሃይሶ! ሳርጌ ማይኦ ማይኦንታ ዋናዳ ሃ ጌላናሰ ዳንዳዳዲ?) ጊ ኦይቸን አዳዛሰ ዛሪና ቃላይ ዳይዳሰ።

13 ካዋይካ ባ አሸካራታ፣ (ሃይሳ አዳዛ ቶሆኔ ኩሽ ሺሺ ቃቸዲ ሄን ካሬን ዲዛ ዱማን ኬሲ ኦሊቲ፤ ሄን ዩሆኔ አቻ ጋርጬች ጊዳና።)

14 «ጸይጌቲዳይቲ ዳርታ፤ ዶሬቲዳይቲ ጊዲኮ ጉላታ» ጊ የተዳሰ።

21:32 ሉቃ 3:12፤ 7:29-30 ቶ 21:33 ሻኮ፣ ሻኮ ኢሲ ኢሲ ባጋ ጋዋሶ ቃላን ቱላ ጌቲቲሰ። 21:33 ኢሳ 5:1-2 21:42 ማዛ 118:22-23 § 21:44 ኢሲ ኢሲ ገሻ ማጸፋቲ ታይሶ ኦይዲ ታማኔ ኦይዲ ቦላ ዲዛይሳ ጉጃቲሰ፤ ቆፋዚካ ሉቃሳ ሸምፖ 20:18 ዲዛይሳ ሚሳቲሰ። 22:13 ማቶ 8:12፤ 25:30፤ ሉቃ 13:28

ገራ ቃንጻናሰ ሸቂዳ ኦይሾ
(ማር 12:13-17፤ ሉቃ 20:20-26)

15 ሄሳፌ ጉዬ ፋርሳዊቲ ኬዚ ቢሸ። «ኢዛ ደናፕ ባላ ቃላ ዋሰቲ ዳሚ ኦይኪና?» ገዲ ዘሬቲዳ።

16 ባና ካሊዛይታ ሄርደሳ አሳታራ ኢዛኮ ከቲዳ። «አሰታማሬ! ኔኒ ቱማንቻኔ ጸሳ ኦጌ ቱማፕ ታማርሲዛይ ገዲዳይሳኔ ኦናሰካ ዳማ ማዶ ኦሎንታ ኡባካ ኢሲ ማላ ኔ ጸሊዛይሳ ኦ ኤርሰ።

17 ኔሰ አይ ሚሳቲዛኮ አኔ ኦሰ ዮታ፤ ቁሳሬሰ ገራ ቃንጻናሰ ቤሲዜ? ቤሲኔ?» ገዲ።

18 ዬሱሲካ ኢሰታ ጌኔ ቆፋ ኤሪዳ። «አንቴና ቆጴፕ ቆሞን ሃኒዛይቶ! ታና ዮኦን ባሌሲ ኦይካናሰ አዛሰ ኮዬቲ?

19 አንቴ ገራ ቃንጸዛ ሚሻ አኔ ታና ቤሲቴ» ገን ኢሰቲካ ኢሲ ዳናሬ ጌቲቲዛ ሚሽ ኢዛሰ አሂዳ።

20 ኢዚካ። «ሃይሳ ሚሻ ቦላ ዲዛ ሚሰሌይኔ ጸፊቲዳ ሱንሳይ ኦናይሴ?» ገዲ።

21 ኢሰቲካ ኢዛሰ። «ቁሳሬይሳ» ገዲ። ኢዚካ ኢሰታሰ ዛሪዳ። «ቁሳሬይሳ ቁሳሬሰ። ጸሳይሳ ጸሳሰ አሚቴ» ገዲ።

22 ሄሳ ሲዱዲ ኢሰቲ ማላሌቲዳ ኢዛ አገ ቢዳ።

ሃይቂዳይታ ዳንሳ ገሻሰ ሸቂዳ ኦይሾ
(ማር 12:18-27፤ ሉቃ 20:27-40)

23 «ሃይቂዳይታሰ ዳንደይ ባ» ገዲ አማኒዛ ሳዱቃዊቲ ሄ ጋላሰ ዬሱሳኮ ሸቂዳ።

24 «አሰታማሬ! ሙሴይ። ሳሳይይ ማቾ ኤኪዲ ና ዬሎንታ ሃይቂኮ ኢዛ አሻይ ሃይቂዳይሳ ማቾ ኤኪዲ ባ አሻ ላቲዛ ና ኢዛሰ ዬሎ» ገዲ።

25 ኦ ኣቻን ላፑን አሻቲ ዳቲሰ ሺን ኮይር አሻይ ማቾ ኤኪዲ ና ዬሎንታ ሃይቂዳ ገሻሰ ካሎ አሻይ ኢዛ ማቾኖ ኤኪዳሰ።

26 ናምእንሎ አሻይካ ሃይቂዳ አሻሎ ና ዬሎንታ ሃይቂዳሰ፤ ሄሳሳካ ሃኒሺን ማጫሳያ ላፑንሳ አሻ ጌላዲሰ።

27 ወርሴላን ማጫሳያ ሃይቃዲሰ።

28 ሄሳ ገሻሰ ላፑናቲ ወሪካ ኢዛ ኤኪዳሺን ሃይቆፕ ዳንሳ ጋላሰ ማጫሳያ ላፑናታፕ አዋይሳ ማቾ ገዲኔ?» ገዲ።

29 ዬሱሲካ ኢሰታሰ ዛሪዳ። «ጌሻ ማጻፋታኔ ጸሳ ዋልቃ አንቴ ኤርንታ ገሻሰ ባሌቲታ።

30 ሃይቆፕ ዳንዲዳፕ ጉዬ አሳይ ሳሎ ከታንቻታ ማላ ገዳና ኣቲን ኤኬቲቲናኔ ጌሌቲና።

31-32 ሃይቂዳይታ ዳንሳ ገሻሰ ገዲኮ ጸሰ። «ታኒ ኣብራሃሚ ጸሳ። ዪሳቃ ጸሳ። ያቆቤ ጸሳ» ገዲ አንቴሰ ዮቶይሳ ናባቢኬቲ? ጸሲ ፓጸታ ጸሳ ኣቲን ሃይቁላታ ጸሰ ገዲና» ገዲ።

33 ዳሬዚካ ሄሳ ሲዱዲ ኢዛ ቲሚርቲዛን ማላሌቲዳሰ።

ኡባሬ ኣጲዛ ኣዛዘ
(ማር 12:28-34፤ ሉቃ 10:25-28)

34 ዬሱሲ ሳዱቃዊታ ጮኡ ሂሰቲዳይሳ ሲዱዲ ፋርሳዊቲ ኢሲ ቦላ ሸቂቲዳ።

35-36 ኢሰታ ገደፌ ኢሲ ሙሴ ዋጋ ሎኤሲ ኤሪዛይይ ዬሱሳ ፓጫናሰ ኮዱዳ። «አሰታማሬ! ሙሴ

ዋጋታ ገደን ኡባሬ ኣጲዛይ አዋይሴ?» ገዲ ኦይቹዳሰ።

37 ኢዚካ ዛሪዳ። « ኔ ጎዳ ጸሳ ኔ ኩሚሳ ዋዚናፕ። ኔ ኩሚሳ ሸምፖሬ። ኔ ኩሚሳ ቆፋፕ ደሳ።»

38 ሃይሲ ኮይርኔ ኡባሬ ኣጲዛ ኣዛዘ።

39 ናምእንሎካ ኢዛ ሚሳቲሰ። ሄሲካ። «ኔ ሸር ኔ ሁኤ ማላ ደሳ» ገዲዳ።

40 ሙሴ ዋጋይኔ ናቤታ ቲሚርቲይ ወሪካ ሃይታ ናምኡ ኣዛዘታን ቃሹቲሰ» ገዲ።

ኪርሰቶሳ ገሻሰ ሸቂዳ ኦይሾ
(ማር 12:35-37፤ ሉቃ 20:41-44)

41 ፋርሳዊቲ ኢሲ ቦላ ሸቂቲ ዲሺን ዬሱሲ ኢሰታ።

42 «ኪርሰቶሳ ገሻሰ አንቴ ኣይ ጌቲ? ኢዚ ኦና ና?» ገዲ ኦይቹዳሰ፤ ኢሰቲካ ኢዛሰ ዛሪዳ። «ኢዚ ዳዊቲ ና» ገዲ።

43-44 ኢዚካ ኢሰታሰ።

«ሂሰቲን ዳዊቲ

ጸሎ ኣያና ዋልቃን።

(ጸሳይ ታ ጎዳ)

ገዲ ዋኒ ጸይገዴ?

ታ ኔ ሞርኬታ ኔ ቶሆ ጋርሳን

ጉልባቲሳና ጋካናሰ

ኔ ታ ኡሻቻን ኡታ!» ገዲ።

45 ሄሳ ገሻሰ ዳዊቲ ኢዛ። «ታ ጎዳ» ገዲ ጸይገኮ ዋኒዲ ኢዛሰ ና ገዳና ዳንዳይዜ?» ገዲ።

46 ኢዛሰ ኢሲ ቃላ ዛሪና ዳንዳይዳ ኣሲ ዋይኮ ሄ ጋላሳፌ ሲሚን ኢዛ ኦይሾ ኦይቻና ጸሊዳ ኣሲ ኦኒካ ቤቲቤና።

23

ዬሱሲ ፋርሳዊታኔ ሙሴ ዋጋ ታማርሲዛይታ ካጲዳሰ
(ማር 12:38-39፤ ሉቃ 11:43-46፤ 20:45-46)

1 ቃሴካ ዬሱሲ ዳሬዛሲኔ ባና ካሊዛይታሰ።

2 «ሙሴ ዋጋ ታማርሲዛይቲኔ ፋርሳዊቲ ሙሴ ዋምቦራ ቦላ ኡቲዳ።

3 ሄሳ ገሻሰ ኢሰቲ አንቴሰ ዮቲዛይሳ ኡባ ኦሊቲኔ ናጌቲ፤ ገዲ ኣቲን ኢሰቲ ደናን ሃሳይዛይሳ ማላ ኦሶን ቤሶንታ ገሻሰ አንቴ ኢሰታ ኦሶ ካሎፍቴ።

4 «ሄሳሳካ ኣሲ ቶካናሰ ዳንዳዮንታ ዳጸ ቶሆ ቃቹዲ ኣሳ ሃሼ ቦላ ዋሕቲሰ፤ ባሰ ገዲኮ ቢራጴ ጸራንካ ቦቹቲና።

5 ኢሰታ ኦሶ ኡባ ኣሲ ቤያና ማላ ኦሕቲሰ፤ ባ አሽንኪታቤ ጌሻ ማጻፋ ገደፌ ጸፊ ኤኪዳ ኢሲ ኢሲ ጸቂሴታ ከታቤ ሲኪዲ ሊጸ ቦላ ዋይኮ ኩሼን ቃቹዛዘ ኦሕቲሰ። ባ ማይኦ ማጫራ ኣዲሴቲሰ።

6 ዲገሳይ ዲዛሶን ቦንቾሶ ኣይሁዳ ዋሳ ኬላንካ ሲንሳይ ኡታና ደሴቲሰ።

7 ሄሳሳካ ገያ ገደን ሳር ጌቲታናሲኔ ኣሳይ ኢሰታ። «አሰታማሬ!» ጋና ማላ ኮዬቲሰ።

8 «አንቴ ገዲኮ። ሳሰታማሬ» ጌቲቲ ጸይጌቶፍቴ፤ አንቴ ኣሰታማሬይ ኣሳ ጸላላ ገዲሺን አንቴ ወሪካ ኢሶይ ኢሳሰ አሻንታ።

9 ሳሎን ኢንቴስ ኢሲ አዋይ ጸላላ ዲዛ ገሻሽ ቢታ ቦላ ኦናካ፡ <አዋዉ!> ገ ጸይጎፒቴ።

10 ኢንቴ ኦስታማሬይ ኢሲ ከርሰቶሳ ጸላ ገዲዳ ገሻሽ ኢንቴ፡ <ሳስታማሬንቶ!> ገቴቶፍቴ።

11 ኢንቴ ገዲን ኡባሬ ኦጲዛዳይ ኢንቴስ ኦሲዛዳ ገዲና።

12 ባና ቶቂሲዛዳይ ካዉያና፤ ባና ካዉሺዛዳይ ቦንቼታና።

13 «ኢንቴኖ ቆጴፔ ቆዋን ሃኒዛይቶ፡ ሙሴ ዋጋ ታማርሲዛይቶ! ኢንቴኖ ፋርሳዌቶ! አሳይ ጸሳ ካዎቴሳ ጌሎንታ ማላ አሳ ቦላ ኢንቴ ፔንጌ ጎርዲዛ ገሻሽ ኢንቴና አይ አና! ኢንቴ ኢንቴስ ጌሌኬታኔ ጌላናስ ኮይዛይታካ ጌልሌኬታ።

14 ኢንቴኖ ቆጴፔ ቆዋን ሃኒዛይቶ! ሙሴ ዋጋ ታማርሲዛይቶ፡ ቃሴካ ፋርሳዌቶ! ኢንቴስ አይ አና! አዚናይ ባይንዳ ማጫሳታ ኬሳ ካሎሲሽ አሳ አይሬ ሲንሳን አዲሳ ዋሳ ኢንቴ ዋሲዛ ገሻሽ ኢንቴ ኢታ ፒርዳ ፒርዳታና። *

15 «ኢንቴኖ ቆጴፔ ቆዋን ሃኒዛይቶ! ሙሴ ዋጋ ታማርሲዛይቶ! ቃሴካ ፋርሳዌቶ! ኢሲ አስ አይሁዳ አማኖን ጌልላናስ አባ ቦላራኔ ቢታ ቦላራ ዩዩ ዳቡርዲኔ አማንሉዳ አሳ ኢንቴሬ ናዎኡ ኩሽ አሉዲ ጋናሜ ና ኢንቴ ኬሲዛ ገሻሽ ኢንቴስ አይ አና!

16 «ኢንቴኖ ኢንቴስ ቆቂ ኡቲዲ ሃራታ ካሌሊዛይቶ! ኢንቴስ አይ አና! <ኦኒካ ጸሳ ኬላን ጫቂኮ አይኮይ ባ> ገዲ ኦቲን፡ <ጸሳ ኬላ ገዲን ዲዛ ዋርቃን ጫቂኮ ጫቆ ጎሜይ ጋካና> ጌታ።

17 ኢንቴኖ ቆቂዳይቶ! ባሌቲዳይቶ! ዋርቃፊኔ ዋርቃ ዲማሲዳ ጸሳ ኬላሬ አዋይሲ አጲኬ?

18 ሃሳላካ፡ <ኦኒካ ያርሾ † ያርሺዛሶ ቦላ ጫቂኮ አይኮይ ባ፤ ገዲ ኦቲን ያርሺዛሶን ዲዛ ያርሾዛ ቦላ ጫቂኮ ጫቆይ ጎሜሰን> ጌታ።

19 ኢንቴኖ ቆቂቶ! ያርሾፊኔ ያርሾ ሺሺዛሶፔ አዋይሴ አጲዛይ?

20 ሃሳ ገሻሽ ያርሾ ሺሺዛሶ ቦላ ጫቂዛዳይ ያርሾሶዛ ቦላኔ ያርሺዛሶ ቦላ ዲዛ ኡባ ሚሻን ጫቂሰ።

21 ሃሳላካ ጸሳ ኬላዛ ቦላ ጫቂዳይ ጸሳ ኬላኒኔ ኢዛ ገዲን አቂዛይሳን ጫቂሰ።

22 ሳሎን ጫቂዛዳይካ ጸሳ አልጋኒኔ አልጋ ቦላ ኡቲዳይሳን ጫቂሰ።

23 «ኢንቴኖ ቆጴፔ ቆዋን ሃኒዛይቶ፡ ሙሴ ዋጋ ታማርሲዛይቶ፡ ፋርሳዌቶ! ኢንቴስ አይ አና! አሱታፔ፡ አኑጋፔ ካትካልአፊ ታማሬ ኢሲኖ አሜታ፤ ገዲ ኦቲን ዋጋታፔ ዋናቲዛይታ ሃይቲካ ቱማ ፒርዳ፡ ማርቴሌኔ አማኔቴሳ ገዲኮ ካጲዳታ። ሃይታ አጎንታ ዲሽ ሃይታንታ ኢንቴ ኦላናስ ኢንቴስ ቤሴስ ሺን አገዳታ።

24 ኢንቴኖ ቆቂ ኡቲዲ ካሌሊዛይቶ! ኡኤ ጋጪዲ ኡዬታ ሺን ጋሚላ ሙሜ ሚቲታ!

25 «ኢንቴኖ ቆጴፔ ቆዋን ሃኒዛይቶ፡ ሙሴ ዋጋ ታማርሲዛይቶ፤ ፋርሳዌቶ! ኢንቴስ አይ አና! ጸ-አሲኔ

ኬሬስ ቦላ ባጋ ቁጩታ ሺን ኢዛ ገዲን ዲዛይሳ ኢንቴ ቦንቃኒኔ ኡዜቴላን ሺሺዳታ።

26 ኔኖ ቆቂ ፋርሳዌቶ! ኮይርታዳ ጸ-አሲኔ ኬሬስ ገዲ ባጋ ጌሻ! ሃሳሬ ጉዬ ካሬ ባጋይ ጌሽ ገዲና።

27 «ኢንቴኖ ቆጴፔ ቆዋን ሃኒዛይቶ፡ ሙሴ ዋጋ ታማርሲዛይቶ፡ ቃሴ ፋርሳዌቶ! ቦላ ባጋይ ኖራን ሚሹቲዲ ሎኢዛይቲ ገዲይ ገዲኮ ሃይቂዳይታ ማቁሌኔ ዳር ቱናቴላን ኩሚዳ ዲፎታ ሚሳቲዛ ገሻሽ ኢንቴስ አይ አና!

28 ኢንቴካ ቦላ ባጋራ አሳስ ጸሎ አሳታ ሚሳቲታ፤ ኢንቴ ገዲይ ገዲኮ ጨዋኒኔ ኢታቴላን ኩሚዳሰ።

29 «ኢንቴኖ ዶናን ጨሚዛይቶ! ሙሴ ዋጋ አስታማሬቶ፡ ቃሴካ ፋርሳዌቶ! ኢንቴስ አይ አና! ናቤታ ዲፎ ሎኤሊዛይቶ! ጸሎ አሳታ ዲፎ ሃወልቴራ ገግሲዛይቶ!

30 ኑ አዋቲ ናቤታ ዋጲዛ ዋዴ ኑ ዲዛኮ ኢሰታራ ዙፔቶኮ ሺን።

31 ኢንቴ ናቤታ ዋጲዳ አሳታ ናይታ ገዲዳይሳ ኢንቴ ዶናራ ኢንቴርካ ኢንቴ ኢንቴ ቦላ ማርካቲታ።

32 ሂሰቲኮ ኦሴቲዲ ፖሌቶንታ ኦጌ ቦላ ዲዛ ኢንቴ አዋታ ኦሶ ፖሊቴ።

33 «ኢንቴኖ ዲኪዛ ኢታ ሾሻ ናይቶ! ጋናሜ ታማ ፒርዳሬ ኢንቴ ዋኒ አታኔ?

34 ሃሳ ገሻሽ ናቤታኔ ኤራንቻታ አስታማሬታካ ታ ኢንቴስ ዩዳና። ኢንቴ ኢሰታ ገደሬ ኢሲ ኢሲ አሳታ ዋጲና። ባጋይታ ኢንቴ ካቃና፤ ባጋይታ ኢንቴ አይሁዳ ዋሳ ኬላን ጋራፋናኔ ሄ ካታማፔ ሃራ ካታማ ኢንቴ ጎዳና።

35 ሃሳ ገሻሽ ጸሎ አቤሌ ሱላሬ ሃ ሲሚን ጸሳ ኬላኒኔ ያርሾ ያርሺዛሶ ገዲን ኢንቴ ዋጲዳ ባራኪኖ ና ዛካራሳ ሱላ ጋካናስ ቢታ ቦላ ጉኪዳ ጸሎታ ሱላ ኡባስ ኢንቴ ኦይሼታና።

36 ታ ኢንቴስ ቱሙ ጋይሰ፤ ካሴ አጲዳ ዮኦ ኡባስ ሃይሲ ሃ ዩሌታይ ኦይሼታና።

37 «ሃኔ ዩሩሳላሜ! ናቤታ ዋጲዛሬ! ነኮ ኪቲቲዳይታ ሹቻራ ጫዲዛሬ! ሃኔ ዩሩሳላሜ፡ ኩቶ አያ ባ ጨዬታ ባ ቁሬ ገዲ ሺሺዛ ማላ ታ ኔ ናይታ ሺሻናስ አፑን ዋዴ ኮያዲናሺን ኔ ገዲኮ ኮያቤካ።

38 ሃኮ ኢንቴ ኬሊ ካይሰ ገዲ አታና።

39 ታ ኢንቴስ ቱሙ ጋይሰ፤ ኢንቴ ጎዳ ሱንላን ዩዛዳይ አንጃቲዳዳ ጋና ዋዴይ ጋካናስ ናዎኦንላ ታና ቤዬኬታ» ገዴሰ።

24

ዋዴ ወርሴላ ማላታታ (ማር 13:1-2፤ ሉቃ 21:5-6)

1 ዩሱሲ ጸሳ ኬላሬ ኬዚ ቢሸን ኢዛ ካሊዛይቲ ጸሳ ኬላዚ ሹቻን ኬጾቲዳይሳ ቤሳና ኮዩዲ ዩሱሳኮ ሺቂዳ።

2 ኢዚካ ኢሰታሰ፡ «ሃይሳ ኡባ ጸሌቲ? ታ ኢንቴስ ቱሙ ጋይሰ፤ ሃይሲ ኢንቴ ቤኢዛ ኢሶይ አሳ ቦላ ዲዛ ሹቻይ ላሌቶንታ ኢሲ ሹቹካ ሃይሳሶ ዳና» ገዴሰ።

23:11 ማቶ 20:26-27፤ ማር 9:35፤ 10:43-44፤ ሉቃ 22:26 23:12 ሉቃ 14:11፤ 18:14 * 23:14 ኢሲ ኢሲ ገሻ ማጸፋቲ ታይቦ ታማኔ ኦይዲ ቦላ ዲዛ ቆፋ ጉጃቴስ፤ ቆፋዚካ ማርቆሳን ሸምፖ 12:40 ዲዛይሳ ሚሳቲሰ። † 23:18 ያርሾ፡ ያርሾ አሲ ባ ጎዳስ ገዲ ኦሊዛ ኦሶይ ወሪ ያርሾ ጌቲቴስ። 23:22 አሳ 66:1፤ ማቶ 5:34 23:23 ሉዌ 27:30 23:27 ሃዋ 23:3 23:33 ማቶ 3:7፤ 12:34፤ ሉቃ 3:7 23:35 ሜዴ 4:8፤ 2ታሪ 24:20-21 23:38 ኤር 22:5 23:39 ማዛ 118:26

3 ኢዚ ዳብራዛይት ጌቲቲዛ ዙማ ቦላ ኡቲ ዲሺን ኢዛ ካሊዛይት ጸላላ ኢዛኮ ሸቂዲ፡ «ኣኔ ኑስ የታ፤ ሃይሲ ኔ ጊዛይሲ ኣይዳ ሃናኔ? ኔ የሳሲኔ ዋዴ ወርሴላሰ ማላታይ ኣዜ?» ጊ ኦይቺዲ፡፡

4 ዩሱሲካ ዛሪዲ፡ «ኣኒካ ኢንቴና ባሌሉንታ ማላ ናጌቲቲ፡፡

5 ቡሮ ዳርቲ፡ ታ ከርሰቶሳ) ጊሼ ታ ሱንላን ያና፤ ዳርታካ ባሌላና፡፡

6 ኦላኔ ኦላ ጊሻሰ ሃሳዬቲዛ ዋሪ ኢንቴ ሲያና፡፡ ሃ የኦቲ ወሪካ ዋልቃሪ ፖሌታና ሺን ወርሴላ ቡሮ ጊዲዳ ጊሻሰ ኢንቴ ሃይሳን ዳጋሞንታ ማላ ናጌቲቲ፡፡

7 ዳሪይ ዳሪ ቦላ፡ ካዋይ ካዋ ቦላ ዴንዳና፤ ዲማ ዲማ ዳሪን ኮሻይኔ ቢታ ቃሊ ሃናና፡፡

8 ሃሲ ወሪካ ሚጸሰ ሌሶ ማላ፡፡

9 ሃ ዋዴ ኢንቴና ዋይሰ ኣሊ ኢማና፤ ኢንቴና ዋዳና፤ ታ ሱንላ ጋሶን ዳሪ ኡባን ኢንቴ ኢጾቲዳይታ ጊዳና፡፡

10 «ሃ ዋዴ ዳር ኣሳይ ቆጶታና፤ ኢሶይ ኢሳ ኣሊ ኢማናኔ ባ ጊደን ኢጾታና፡፡

11 ዳር ዋርዶ ናቤቲ ዴንዳናኔ ዳርታ ባሌላና፡፡

12 ኢታቴሊ ዳሪዛ ጊሻሰ ዳርታፔ ሲቆይ ኢርጻና፡፡

13 ወርሴላ ጋካናሰ ሚኒዳዴይ ኣታና፡፡

14 ዳሪ ኡባሰ ማርካ ጊዳና ማላ ሃይሲ ካዋቴላ ሚሺራች ቃላይ ኩሜላ ኣላሜን የቲታና፤ ሃሳፌ ጉዬ ወርሴላ ያና፡፡

15 «ሃሳ ጊሻሰ ናቤ ዳኔላን የቲቲዳይሳ ማላ፡ (ሃራሲዛ ቱናቴሊ) ኣንጄቲዳሶን ኤቁዳይሳ ኢንቴ ቤኢዛ ዋዴ ናባቢዛዴይ ዋዚናን ዋላ፤

16 ሃ ዋዴ የሁዳን ዲዛይቲ ፑዳ ዙማ ቦላ ጋንጌቶ፡፡

17 ኬላ ካራ ቦላ ዲዛዴይ ኦኒካ ባ ሚሽ ኬላፌ ኬሳና ጊዲ ዲጌ ዋዳዴ፡፡

18 ጋዴ ጊደን ዲዛዴይ ኦኒካ ባ ማይኦ ኤካና ጊዲ ሶ ሰሞፎ፡፡

19 ሃ ጋላሳታን ቃንላራ ዲዛ ማጫሳታሲኔ ና ቆንላዛ ኣይታሰ ኣይ ኣና!

20 ሃሳ ጊሻሰ ኢንቴ ጋንጎይ ባልጎ ዋይኮ ሳሞባታ ጋላሰ ጊደንታ ማላ ዋሲቲ፡፡

21 ሃ ዋዴ ኣላሜይ ሜዴቶሶፔ ሃቶ ጋካናሰ ሃኒ ኤርንታ ሚሺ ሲንላፊካ ኢዛ ሚሳቲዛይ ባይንዳ ዋልቃማ ሜቶይ ሃናና፡፡

22 ሃ ጋላሳቲ ቃሞንታኮ ኣሾ ማይኢዳ ኣሲ ወሪ ኣቴና ሺን ደሪቲዳይታ ጊሻሰ ሃ ጋላሳቲ ቃማና፡፡

23 «ሃ ዋዴ ኦኒካ፡ (ሃኮ ከርሰቶሲ ሃይሳን ዴሰ!) ዋይኮ፡ (ሃሳን ዴሰ) ጊዛዴ ኣማኖፕቲ፡፡

24 ዋርዶ ከርሰቶሲኔ ዋርዶ ናቤቲ ቡሮ ዴንዲዲ ኢሰታሰ ዳንዳይቲኮ ደሪቲዳይታ ባሌላናሰ ጊዲ ዋልቃማ ማላታታኔ ካሴ ኦሴቲ ኤርንታ ሚሽ ኦላና፡፡

25 «ሃኮ ሃይሳ ታ ኢንቴሰ ካሴታ የታይሰ፡፡

26 ሃሳ ጊሻሰ፡ (ሃኮ ሃርኪ ባዘን ዴሰ) ጊዲ ኢንቴሰ የቲኮ ሃ ከዘፕቲ፤ (ሃኮ ኢልፕኔን ዴሰ) ጊኮ ኣማኖፕቲ፡፡

27 ዋልቃንላ ኣርሼይ ሞኪዛሶራ ዋልቃሚዲ ኣርሼይ ወሊዛሶ ጋካናሰ ፖኢዛይሳ ማላ ኣሳ ና የሳይካ ሃሳሶ ሃናና፡፡

28 ኣሃይ ዲዛሶ ኣንኮይ ሸቂሰ፡፡

29 «ሄራካ ሄ ኢታ ሜቶ ጋላሳታፔ ጉዬ ኣርሼይ ቆማና፤ ኣገናይ ባ ፖኦ ዲጋና፤ ጸሊንቴቲ ሳሎፔ ቆቆፊታና፤ ሳሎ ዋልቃማቲካ ቃጻና፡፡

30 «ሄ ዋዴ ኣሳ ና ማላታይ ሳሎ ቦላ ቤታና፡፡ ቢታ ቦላ ዲዛ ዳሪይ ወሪ ዩካና፤ ኣሳ ናይካ ሳሎ ሻራ ቦላ ዳር ዋልቃራኔ ጊታ ቦንቾራ ዩሺን ኣሳይ ቤያና፡፡

31 ከታንቻታካ ዳር ዋልቃማ ጸራሞባ ጊሪሳራ ዩዳና፡፡ ኢሰቲካ ደሪቲዳይታ ኦይዲ ጉላፔ ሳሎሰ ሃ ጋጾፔ ሄ ጋጾ ጋካናሰ ኡባ ኢሲሶ ሸሻና፡፡

32 «ባላሴ ጌቲቲዛ ሚላፌ ሃይሳ ታማርቲ፤ ባላሴ ሚላይሰ ኡንቁሎይ ጨሊሊዛ ዋዴ ኢዛ ሃይላ ኬሲሺን ቦኔይ ማቲዳይሳ ኢንቴ ኤሬታ፡፡

33 ሃሳላካ ሃይታ ኢንቴ ቤኢዛ ዋዴ ኢዚ ፔንጌ ማቲዳይሳ ኢንቴ ኤራና፡፡

34 ታ ቱሙ ጋይሰ፤ ሃይሲ ወሪ ፖሌታና ጋካናሰ ሃ ዩሌታይ ኣዴና፡፡

35 ሳሎይኔ ሳኣይ ኣቆና ሺን ታ ቃላይ ጊዲኮ ሙሌካ ኣዴና፡፡

ጎዳይ ያና ጋላሰ ኦኒካ ኤሬና (ማር 13:32-37፤ ሉቃ 17:26-30፤34-36)

36 «ሃ ጋላሳዮኔ ሄ ሳቴዮ ኣዋፔ ኣቲን ሳሎ ከታንቻታ ጊዲንካ ናዛ ጊዲንካ ኦኒካ ኤሬና፡፡

37 ኖሄ ዋዴ ሃኒዳይሳ ማላ ኣሳ ና ዩሲ ሃሳ ማላ ጊዳና፡፡

38 ቆይሲዛ ሃላፌ ካሴ ኖሄይ ማርካቤን ጌሊዛ ጋላሰ ጋካናሰ ኣሳይ ሚሼኔ ኡዩሼ፡ ኤኪሼኔ ጌልሼ ጋምኢዳሰ፡፡

39 ሃ ዋዴይ ጋካናሰ ኣዚ ሃናናኮ ኣሳይ ኤርንታኔ ቆፖንታ ባሻ ሃሊ ዩዲ ሚቲዳይሳ ማላ ታ ኣሳ ናይ ዩዛ ዋዴይካ ሃሳሶ ሃናና፡፡

40 «ሃ ዋዴ ናሞኡ ኣሳቲ ኢሲፌ ጎሻን ፔኣና ሺን ኢሰታፌ ኢሳዴይ ኤኬታና፤ ኢሳዴይ ኣታና፡፡

41 ናሞኡ ማጫሳቲ ዋጸን ኢሲፌ ጋጫና ሺን ኢሰታፌ ኢሲኔያ ኤኬታና፤ ኢሲኔያ ኣታና፡፡

42 «ሂሰቲኮ ኢንቴ ጎዳይ ያና ጋላሳ ኢንቴ ኤርንታ ጊሻሰ ቤጊዲ ናጌቲ፡፡

43 ሃይሳ ዋዚናን ዋሊቲ፤ ካይሶይ ቃማፌ ኣፋንላ ሳቲ ቦላ ያናኮን ኤሪዛኮ ኢዛ ሚሽ ካይሶይ ኤኮንታ ማላ ኬላ ኣዋይ ቤጊዲ ናጋና፡፡

44 ኣሳ ናይካ ኢንቴ ቆፖንታ ሳቲ ቦላ ያና፤ ኢንቴካ ሃሳሶ ጊጌቲዳይታ ጊዲቲ፡፡

45 «ዋዴራ ሶ ኣሳ ቁማ ሚዛና ማላ ጎዳይ ባ ኬላ ኣሳ ቦላ ሹሚዳ ኣማኔቲዛ ጨንጫ ኦሳንቻይ ኦኔ?

46 ኬላ ኣዋይ ሲሚዲ ዩዛ ዋዴ ኢዛሰ ኢሚዳ ሃዳራ ኦሊ ፖሊሼ ቤቲዳ ኦሳንቻይ ኣንጄቲዳይሳ፡፡

47 ታ ኢንቴሰ ቱሙ ጋይሰ፤ ጎዳይ ኢዛ ባ ሃሪዳ ኡባ ቦላ ሹማና፡፡

48 ጊደ ኣቲን ሄ ኦሳንቻይ ኢታ ጊዲዲ፡ ታ ጎዳይ ጋምኢዲ ያና) ጊ ቆፕዲ፡፡

49 ዴንዲ ሃንኮ ኦሳንቻታ ዋቆ ኦይኪኮ ማላቲዛይታራ ሚኮኔ ኡዩኮ፡፡

24:9 ማቶ 10:22 24:13 ማቶ 10:22 24:15 ዳኔ 9:27፤ 11:31፤ 12:11 24:17 ሉቃ 17:31 24:26 ሉቃ 17:23-24
24:28 ሉቃ 17:37 24:29 ኢሳ 13:10፤ 34:4፤ ኢዩ 2:10፤31፤ 3:15፤ ኣጁ 6:12-13፤ ሂዚ 32:7፤ ኢዩ 2:10፤ 3:15 24:37 ሜዴ 6:5-8 24:39 ሜዴ 7:6-24

50 ኢዚ ቆፖንታ ጋላሳኒኔ ኤርንታ ሳቴን ኢዛ ጎዳይ ዩዲ።
 51 ኢዛ ቃንጾሊ ካኣና፤ ኢዛ ኤዳ ቆጆፔ ቆሞን ሃኒዛይታራ ኦላና። ሃንካ ዩሆይኔ ኣቻ ጋርጩቹ ሃናና።

25

ታሙ ጌላኦታ ለሚሶ

1 «ሄ ዎዴ ሳሎ ካዎቴሊያ ሚሺራ ሞካናሰ ጸምፔ ኦይኪዲ ኬዚዳ ታሙ ጌላኦታ ሚሳታወሰ።
 2 ሄ ታማታፔ ኢቻሹ ጌላኦታ ኤያታ፤ ሃንኮ ኢቻሻቲ ጨንጫታ።
 3 ኤያቲ ኩራዜ፣ ጸምፔ ኦይኪዲ ሺን ወሪኮ ጉጃና ሃራ ናጌ ላምባ ኦይኪቤቴና።
 4 ጨንጫቲ ጊዲኮ ባ ኩራዜዛሪ ወሪኮ ጉጃና ላምባ ሃራ ጸርሙሴን ኦይኪዲ።
 5 ማቸዮ ኤካና ሚሺራይ ዮንታ ጋምኢን ጳሰኮይ ዳጺን ኣሳይ ወሪካ ጳሰኪዳ።
 6 «ሌላ ጊደል ጊዲሺን፣ «ሚሺራዚ ዩሰ! ኬዚዲ ሞኪ ኤኪቴ!» ጊዛ ጸይሳ ቃላይ ሰይቴዳ።
 7 ሄ ዎዴ ጌላኦታ ወሪካ ዳንዲዲ ባ ጸምፔ ጸምፔ ኦይሴሶኔ ጊጌቴል ኦይኪዲ።
 8 ኤያቲ ጨንጫታ፣ «ኩ ጸምፔይ ቶኣና ጊዛ ጊሻሰ ኢንቴ ላምባፊ ኮሰ ኢሚቴ» ጊዳ።
 9 «ጨንጫ ጌላኦታ ኢሰታሰ ዛሪዲ፣ «ኩሰ ዲዛ ላምባይ ኮሳራኔ ኢንቴሳራ ጊደንታ ጊሻሰ ቢዲ ላምባ ባይዚዛይታፔ ኢንቴሰ ሻሚቴ» ጊዳ።
 10 ኢሰቲ ላምባ ሻማና ቢ ኪቸን ሚሺራዚ ጋኪ ዎጲዳ። ካሴ ጊጌቲ ኡቲዳ ጌላኦታ ቡላቻሶ ኢዛራ ጌሊዳ፤ ካሪይካ ጎርዳቲዳ።
 11 «ጉል ጋምኢሽ ሃንኮ ጌላኦታ ዩዲ፣ «ጎደ! ጎደ! ካሪ ኮሰ ደያ!» ጊዳ።
 12 ኢዚካ ዛሪዲ፣ «ታ ኢንቴሰ ቱሙ ጋይሰ፤ ታ ኢንቴና ኤሪኬ!» ጊዳ።
 13 ሄሳ ጊሻሰ ያና ጋላሳ ዎይኮ ሳቴዛ ኢንቴ ኤርንታ ጊሻሰ ጊጌቲዲ ናጌቴ።

ሄቶ ኦሳንቻታ ለሚሶ (ሉቃ 19:11-27)

14 «ጸሳ ካዎቴሊ ባሰ ዲዛዝ ኡባ ባ ኣሸካራታሰ ሃዳራ ኢሚዲ ሃራ ዳሪ ባና ዳንዲዳ ኢሲ ኣሰ ሚሳቴሰ።
 15 ኣሸካራታሰ ኢሳሰ ኢሳሰ ኢሰታ ዎልቃ ማላ ጊግሲዲ ኢሳሰ ኢቻሹ ሺ ቢራ፣ ኢሳሰ ናምኡ ሺ ቢራ፣ ሃንኮይሳሰ ቃሴ ኢሲ ሺ ቢራ ኢሚዲ ቢዳ።
 16 ኢቻሹ ሺ ቢራ ኤኪዳ ኣዳዚ ሄራካ ሚሻን ዛልኤ ኦይኪዲ ሃራ ኢቻሹ ሺ ቢራ ዎጲሲዳ።
 17 ቃሴካ ናምኡ ሺ ቢራ ኤኪዳይሲ ሃራ ናምኡ ሺ ቢራ ዎጲሲዳ።
 18 ኢሲ ሺ ቢራ ኤኪዳይሲ ባ ጎዳ ቢራ ቢታን ሞጊዲ ቆቲዳ።
 19 «ኣሸካራታ ጎዳይ ባ ቢዳሶን ዳር ዎዴ ጋምኢ ሲሚዲ ሚሻ ኢሰታራ ሳላኤቲዳ።
 20 ኢቻሹ ሺ ቢራ ኤኪዳ ኣሸካራይ ሃራ ኢቻሹ ሺ ቢራ ዎጲሲዳይሳ ኤኪ ዩዲ፣ «ጎደ! ኔ ታሰ ኢቻሹ

ሺ ቢራ ኢሚዳሳ ሺን ሃኮ ሃይሳ ታ ሃራ ኢቻሹ ሺ ቢራ ዎጲሲዳ።» ጊዳ።
 21 ኢዛ ጎዳይካ፣ «ሎኦ ኦላዳሳ፤ ኔኖ ሎኦ ኣማኔቲዳ ኣሸካራዙ! ኔኒ ጉላ ሚሻን ኣማኔቲዳ ኣሰ ጊዲዳ ጊሻሰ ታ ኔና ዳር ሚሻ ቦላ ሹማና፤ ጌዴ ኔ ጎዳ ኡፋይሳሶ ጌላ» ጊዳ።
 22 «ሄሳላካ ናምኡ ሺ ቢራ ኤኪዳይሲ ጎዳዘኮ ሸቂዲ፣ «ጎደ! ኔ ታሰ ናምኡ ሺ ቢራ ኢሚዳሳ ሺን ሃኮ ሃራ ናምኡ ሺ ቢራ ዎጲሲዳ።» ጊዳ።
 23 ጎዳዚካ፣ «ሎኦላዳሳ፤ ሃይሶ ሎኦኔ ታሰ ኣማኔቲዳ ኣሸካራዙ! ኔኒ ጉላን ኣማኔቲዳዬ ጊዲዳ ጊሻሰ ታ ኔና ዳር ሚሻ ቦላ ሹማና፤ ጌዴ ኔ ጎዳ ኡፋይሳሶ ጌላ» ጊዳ።
 24 «ኢሲ ሺ ቢራ ኤኪዳ ኣሸካራዚ ሸቂዲ፣ «ጎደ! ኔኒ ዜርንታሶፔ ማጺዛዴኔ ላሎንታሶፔ ሺሺዛ ሚንጾ ኢታ ኣሰ ጊዲዳይሳ ታ ኤራይሰ።
 25 ሄሳ ጊሻሰ ታ ባባዳ ቢታ ቦካዳ ኔ ቢራ ቦኪዳ ኦላን ሞጋዳ ቆታዲሰ፤ ኔ ሚሽ ሃሳ ቤያ!» ጊዳ።
 26 «ኢዛ ጎዳይ ዛሪዲ፣ «ሃይሶ ኢታ ኣዛላ ኣሸካራዙ! ታኒ ዜርንታሶፔ ማጺዛዳ ላሎንታሶፔ ሺሺዛዴ ጊዲዳይሳ ኔ ኤራይ?»
 27 ሂሰቲን ታ ሲማ ዩዛ ዎዴ ታ ሚሻ ዩሎራ ታ ኤካና ማላ ቲርፒሲ ዛልኢዛ ኣሳሰ ኔ ኢማናሰ ቤሴሲሺን» ጊዳ።
 28 « «ኣኔ ሃኢ ኢዛፔ ሺ ቢራ ኤኪዲ ታሙ ሺ ቢራይ ዲዛዳሰ ኢሚቴ።
 29 ዲዛዳሰ ጉጃታና ኔ ዳሪ ዳሪ ባና፤ ባይንዳዴፊ ሄ ዲዛ ጉላያካ ኢዛፔ ኤኬታይቻና።
 30 ሃይሳ ጎኣይ ባይንዳ ኣሸካራ ጌዴ ዩኪዛሶኔ ኣቼይ ጋርጩቲዛሶ ሃን ካሪን ዲዛ ቆማን ኬሲ ዩጊቴ» ጊዳ።

ወርሴላ ፐርዳ

31 «ኣሳ ናይ ባ ኪታንቻታ ኡባራ ቦንቸን ዩዛ ዎዴ ባ ቦንቸ ኣልጋ ቦላ ኡታና።
 32 ዳሪይ ወሪ ኢዛ ሲንሊ ሺቃና፤ ኢዚካ ሜሄ ሃሚዛዴይ ዳይሽ ዶርሳፊ ቆሪ ሻኪዛ ማላ ኣሳ ኢሳ ኢሳፊ ቆሪ ሻካና።
 33 ዶርሳታ ባ ኡሻቻ ባጋራ፣ ዳይሻታ ሃዲርሳ ባጋራ ኡሳና።
 34 ሄ ዎዴ ካዎይ ኡሻቻ ባጋራ ዲዛይታ፣ «ኢንቴና! ታ ኣዎይ ኢንቴና ኣንጂዳይቲ ሃ ዩቴ! ኣላሜይ ሜጴቶሶፔ ኢንቴሰ ጊጌቲዳ ካዎቴላ ላቲቴ! ጋና።
 35 ጋሶይካ ታኒ ጋፊን ታና ሚዚዳታ፤ ታ ሳሜቲን ታና ኡሺዳታ፤ ታ ኢማል ጊዳዳ ዩን ታና ሞኪ ኤኪዳታ።
 36 ታ ካሎቲን ታና ማይዚዳታ፤ ታ ሳኬቲን ታና ሃርጊሲዳታ፤ ታ ቃሸቲን ታና ኦይቹዳታ» ጋና።
 37 «ጸሎቲካ ዛሪዲ፣ «ጎደ! ኔ ጋፊን ኩ ኔና ኣይዴ ሚዚዳኒ? ዎይኮ ኔ ሳሜቲን ኣይዴ ቤኢዲ ኩ ኔና ኡሺዳኒ?
 38 ኩ ኣይዴ ኔና ቤኢዲ ኢማላቴል ሞኪዳኒ? ዎይኮ ኣይዴ ኔ ካሎቲን ቤኢዲ ኔና ማይዚዳኒ?
 39 ሃሳላካ ኔ ሳኬቲን ዎይኮ ቃሸቲን ኣይዴ ቤኢዲ ኔና ኦይቹዳኒ?» ጋና።

25:1 ሉቃ 12:35 25:14 ሉቃ 19:11-27 25:29 ማቶ 13:12፤ ማር 4:25፤ ሉቃ 8:18 25:30 ማቶ 8:12፤ 22:13፤ ሉቃ 13:28
 25:31 ማቶ 16:27፤ ማቶ 19:28

40 ካዎይካ ዛሪዲ፣ ታ ኢንቴስ ቱሙ ጋይስ፤ ሃይታ ላፋ ገዲዲ ታ ኢሻታፔ ኢሳዴስ ኦሊዲይሲ ኢንቴ ታስ ኦሊዲ ማላ) ጋና።

41 «ቃሴካ ሃዲርሳ ባጋራ ዲዛይታስ፣ ላንቴኖ ቃንጌቲዳይቶ! ታፔ ሻኬቲዲ ዳቡሎሳሲኔ ኢዛ ኪታንቻታስ ጊጌቲዳ ሜርና ታማን ቢቲ ጋና።

42 ጋሶይካ ታ ጋፊን ታና ሚዚቤኬታ፤ ታ ሳሜቲን ታና ኡሺቤኬታ፤

43 ታና ኢማላቴል ሞኪቤኬታ፤ ታ ካሎቲን ታና ማይዚቤኬታ፤ ታ ሳኬቲኒኔ ቃሼቲን ታና ኦይቸቤኬታ ጋና።

44 «ኢስቲካ ዛሪዲ፣ ሳደ! ኔ ጋፊን ዎይኮ ኔ ሳሜቲን ዎይኮ ኔ ኢማል ገዲን ዎይኮ ኔ ካሎቲኒኔ ኔ ሳኬቲን ዎይኮ ኔ ቃሼቲን ኮ ኔና ቤኢዲ ኣይዴ ኔኮ ጋኪቤኮኒ?» ጋና።

45 «ሃ ዎዴ ኢዚካ ኢስታስ ዛሪዲ፣ ታ ኢንቴስ ቱሙ ጋይስ፤ ሃይታ ላፋ ታ ኢሻታፔ ኢሳዴስ ኢንቴ ኦላንታ ኢገዲይሲ ታስ ኢንቴ ኦላንታ ኢገዲ ማላ) ጋና።

46 ሃይቲ ጌዴ ሜርና ፒርዳን ባና፤ ጸሎቲ ገዲኮ ሜርና ዴኦኮ ባና» ገዴስ።

26

እይሁዳቲ ዩሱሳ ዎዳናስ ማቄቲል (ማር 14:1-2፤ ሉቃ 22:1-2፤ ዮሃ 11:45-53)

1-2 ዩሱሲ ሄሳ ሃሳዩ ዉርሲዳፔ ጉዬ ባና ካሊዛይታስ፣ «ናሞኡ ጋላሳፊ ጉዬ ፓዚጋ ገዲዲይሳ ኤሬቲ? ኣሳ ናይ ካቄታናስ ኣጂ ኢሜታና» ገዴስ።

3-4 ሄሳፊ ጉዬ ቄሴታ ሃላቃቲኔ ዴሬ ጨማቲ ቃያፋ ጌቲቲዛ ቄሴታ ሃላቃ ጊቤን ሸቂዲ ሃላራ ዩሱሳ ኦይሊዲ ዎዳናስ ማቄቲዳ።

5 ገደ ኣቲን፣ «ኣሳ ገደን ኦሺ ዴንደንታ ማላ ባኣሌ ጋላስ ገደፖ» ገዲ ቃቸዳ።

ዩሱሳ ሺቶ ቲይዳ ማጫሳዮ (ማር 14:3-9፤ ዮሃ 12:1-8)

6 ዩሱሲ ቢታኒያን ኢንቸራቻ ሃርጌራ ዲዛ ሲሞና ጌቲቲዛዴ ሶን ዲሺን፣

7 ኢሲ ማጫስ ዲዛራ ጋቲይ ኬሂ ኣልኦ ገዲዳ ኣልባስጸርሴ * ሺቶ ቢልቃጾ ኩሚል ኦይካዳ ዩሱሳኮ ሸቃዳ ኢዚ ማዳን ኡቲ ዲሺን ኢዛ ሁኤ ቦላ ሺቶዛ ጉሳዲስ።

8 ኢዛ ካሊዛይቲ፣ «ሄሳ ቤኢዲ ሃይሲ ኣዛስ ማላ ሞሬቲዜ?»

9 ሺቶዚ ዳር ጋቲስ ባይዜቲዲ ሚሻይ ማንቆታስ ኢሜቲዛኮቸ?» ገዴ።

10 ዩሱሲ ሄሳ ኤሪዲ፣ «ሃኖ ማጫሳዮ ኣዛስ ዎዩሴቲ? ኢዛ ታስ ሎኦ ኦላዲስ።

11 ማንቆቲ ኡባ ዎዴ ኢንቴናራ ዴቲስ፤ ታ ገዲኮ ኡባ ዎዴ ኢንቴናራ ዲኬ።

12 ኢዛ ሺቶዛ ታ ቦላ ጉሲዳይሲ ታና ሞሳስ ጊገሳናሳ።

13 ታ ኢንቴስ ቱሙ ጋይስ፤ ሃይሲ ሚሺራች ቃላይ ሳባኬቲዛ ኣላሜ ዩሻን ኣሞንካ ኢዛ ኦሊዲይሲ ኢዛ ቆፍሲዛዝ ገዲዲ ሃሳይታና» ገዴስ።

ዩሱሳ ኣሊ ኢማናስ ዩሁዳ ጊጌቲል (ማር 14:10-11፤ ሉቃ 22:3-6)

14 ሄሳፊ ጉዬ ታማኔ ናሞኣታፔ ኢሶይ ኣስቆርንቶ ዩሁዳ ጌቲቲዛይሲ ቄሴታ ሃላቃታኮ ቢዲ፣

15 «ታ ኢንቴስ ኢዛ ኣላ ኢሚኮ ኢንቴ ታስ ኣይ ኢማኔ?» ገዴስ። ኢስቲካ ኢዛስ ሄሹ ታሙ ቢራ ኢዛ ኩሺን ታይቢ ኢሚዳ።

16 ሄ ጋላሳፊ ሲሚዲ ዩሁዳይ ዩሱሳ ኢስታስ ኣሊ ኢማናስ ኢንጂ ዎዴ ናጊሼ ጋሞኢዴስ።

ኅዳ ካዎ

(ማር 14:12-21፤ ሉቃ 22:7-13፤ ዮሃ 13:21-30)

17 ኡኩል ባኣሌ ጌቲቲዛ ባኣሌ ጋላስ ኢዛ ካሊዛይቲ ዩሱሳኮ ሸቂዲ፣ «ኔ ፓዚጋ ማናሶ ኣሞን ጊገሳና ማላ ኮያይ?» ገዴ።

18 ኢዚካ ኢስታስ ዛሪዲ ጌዴ ካታማ ቢዲ ኤቤሎ ጌቲቲዛ ኣስ፣ «ኣስታማሬይ፣ ታ ዎዴይ ማቲዳ ጊሻስ ታና ካሊዛይታራ ፓዚጋ ታ ኔ ኩልን ቦንቻና ገዴስ» ገዴ።

19 ኢዛ ካሊዛይቲካ ዩሱሲ ኢስታ ኣዛዚዳ ማላ ፓዚጋ ካዎ ጊገሲዳ።

20 ጋይይ ኦማርሲሺን ዩሱሲ ታማኔ ናሞኣታራ ማዳን ኡቲዴስ።

21 ኢስቲ ሙሳን ዲሺን ኢዚ ኢስታስ፣ «ታ ቱሙ ጋይስ፤ ኢንቴፊ ኢሶይ ታና ኣሊ ኢማና» ገዴስ።

22 ኢስቲካ ኬሂ ሙዘቲዲ ታራን ታራን፣ «ሳደ ታኔሻ?» ገዴ።

23 ኢዚካ ዛሪዲ፣ «ታና ኣሊ ኢማናዴይ ኬሬን ታናራ ኩሼ ዩዲዛዴ።

24 ኢዛ ጊሻስ ካሴ ጸፊቲዳይሳ ማላ ኣሳ ናይ ባና፤ ገደ ኣቲን ኣሳ ና ኣሊ ኢሚዛዴስ ኣዬ ኣና! ሄሳዴይ ዩሉቶንታ ኣቲዳኮ ኢዛስ ሎኦኮሺን» ገዴስ።

25 ኢዛ ኣሊ ኢማና ዩሁዳይ፣ «ኣስታማሬ! ታኔሻ?» ገዴስ። ኢዚካ፣ «ኤ፣ ኔ ገዳ ማላ» ገዴስ።

26 ኢስቲ ሙሳን ዲሺን ዩሱሲ ሚዛ ቁማፔ ኤኪዲ ኣንጂዴስ። ማንሊዲኔ ባና ካሊዛይታስ ኢሚዲ፣ «ሄኢቲ ሚቲ፤ ሃይሲ ታ ኣሾኮ» ገዴስ።

27 ቃሴካ ኡሻ ዴንሊዲ ጋላቲዲኔ ባና ካሊዛይታስ ኢሚዲ፣ «ዉሪካ ሃይሳፊ ኡዩቲ፤

28 ዳር ኣሳ ናጋራፔ ማራና ጉኪዛ ታ ኦራላ ጫቆ ሱላይ ሃይሳ።

29 ታ ኢንቴስ ጊዛይ ታ ኣዎ ካዎቲላን ታ ኢንቴናራ ኦራላ ዎይኔ ኡሻ ኡያና ጋካናስ ሃይሳፊ ጉዬ ሃይሳ ዎይኔ ኡሻ ኢንቴናራ ኡዩኬ» ገዴስ።

30 ዩሳ ዩዲዳፔ ጉዬ ፑዴ ዳብራዛይቲ ጌቲቲዛ ዙማ ቦላ ኬዚዳ።

ጴጆርሲ ኢዛ ካዳናይሳ ዩሱሲ ካሴቲ ዮቲዴስ (ማር 14:27-31፤ ሉቃ 22:31-34፤ ዮሃ 13:36-38)

31 ዩሱሲ ኢስታስ፣ «ኢንቴ ዉሪ ሃች ኦማርሲ ታናን ቆጵቲዲ ታና ዩጌ ባና፤ ሃሚዛይሳ ታ ሾጫና፤ ማሄቲ ላሌታና) ጌቲቲዲ ካሴ ጸፊቲዴስ።

32 ገደ ኣቲን ታኒ ዴንዲዳፔ ጉዬ ኢንቴፊ ሲንላታዳ ጋሊላ ባና» ገዴስ።

25:46 ዳኔ 12:2 26:1-2 ኬሳ 12:1-27 * 26:7 ኣልባስጸርሴ፡ ኣልባስጸርሴ ቦንች ሚሽ ኢዛፔ ኦሴቲዛ ቦላ ኣልኦ ሹቻ። 26:7 ሉቃ 7:37-38 26:11 ዛሬ 15:11 26:15 ዛካ 11:12 26:23 ማዛ 41:9 26:28 ኬሳ 24:8፤ ኤር 31:31-34 26:31 ዛካ 13:7 26:32 ማቶ 28:16

33 ጴጥሮስ ዛሬዲ፡ «ሃንኮይቲ ወሪ ኔ ጋሶን ጴጵቲኮካ ታኒ ሙሉካ ጴጵቲኬ!» ገደሰ።
 34 ዬሱሲካ ኢዛስ ዛሬዲ፡ «ቱሙ ጋይሰ፤ ሃች ኦማርስ ኩቶይ ዋሶንታ ካሴታዳ ሄቸቶ ኔ ታና ካዳና» ገደሰ።
 35 ጴጥሮስ ቃሴ፡ «ኔናራ ታ ሃይቃና ኮሺኮካ ሙሉካ ታ ኔና ካዲኬ!» ገደሰ። ዬሱሳ ካሊዛ ሃንኮይቲካ ኩሜል ኢዛይሳላካ ገደሰ።

ጌቲሴማኔን ዬሱሳ ዋሳ
 (ማር 14:32-42፤ ሉቃ 22:39-46)

36 ሃሳፌ ጉዬ ዬሱሲ ባና ካሊዛይታራ ጌቲሴማኔ ጌቲቲዛሶ ቢደሰ። ኢስታካ፡ «ሄ ባዳ ታ ዋሲሺን ኢንቲ ሃይሳን ኡቲሺቲ» ገደሰ።
 37 ጴጥሮሳራ ዛብደሳ ናይታ ናምኣታ ባናራ ኤኪ ቢዲ ሙዞቲልኔ ዳር ቆፊቲል ኦይኪደሰ።
 38 ሃሳፌካ፡ «ታ ሹምፖሃ ሃይቃና ጋካናስ ዳር ሙዞታዲስ፤ ታናራ ሚኒዲ ሃኒን ታከቲ» ገደሰ።
 39 ኢስታፊ ጉል ጌዴ ሃኪ ቢ ጉፋኒዲ፡ «ታ ኣዋወ! ኔስ ዳንዳዬቲኮ ሃይሲ ሜቶይ ታፔ ኣቶ፤ ገደ ኣቲን ታኒ ኮዬዳ ማላ ገደንታ ኔኒ ኮዬዳ ማላ ሃና» ገ ዋሲደሰ።
 40 ሃሳፌ ሲሚዲ ባና ካሊዛይታኮ ዩዲ ኢስቲ ጲስኪሺን ዳሚደሰ። ጴጥሮሳካ፡ «ሃይቶ ኣሳቶ! ኢንቲ ታናራ ኢሲ ሳቲካ ሚናናስ ጸኒዴ?»
 41 ፓጩን ኢንቲ ጌሎንታ ማላ ሚኒዲ ዋሲቲ፤ ኣያናይ ጌቲደሰ ሺን ኣሾይ ገዲኮ ዳቡራንቻ» ገደሰ።
 42 ቃሴካ ናምኣንሳ ቢዲ፡ «ታ ኣዋወ! ታ ሃይሳ ኡያናይሲ ታስ ኣቶንታ ሚሽ ገዲኮ ኔ ሹኔይ ፖሎቶ» ገዲ ዋሲደሰ።
 43 ቃሴካ ኢዚ ዩሺን ኢስታ ኣይፊን ጲስኮይ ዳዲዳ ገሻስ ኢቸዳይታ ቤዩደሰ።
 44 ኢስታ ኣገዲ ቃሴካ ቢዲ ሄቸንሳ ካሴ ዋሲዳ ቃላ ዛሪ ዋሲደሰ።
 45 ሃሳፌ ባና ካሊዛይታኮ ሲሚዲ፡ «ሃኢካ ሹምፐ ጲስኪደቲ? ሄኮ ሃኢ ሳቲይ ማቲደሰ፤ ኣሳ ናይ ናጋራንቻታ ኩሹን ኣጲ ኢሜታና።»
 46 ዳንዲቲ ኣኔ ቦስ! ታና ኣሉ ኢሚዛዳይ ዩሳ ቦላ ደስ» ገደሰ።

ዬሱሳ ኣይኬቲል
 (ማር 14:43-50፤ ሉቃ 22:47-53፤ ዮሃ 18:3-12)

47 ኢዚ ሃሳይሺን ታማኔ ናምኣታፔ ኢሶይ ዩሁዳይ ዩደሰ። ቁሴታ ሃላቃቲኔ ዳሬ ጨማቲ ዩዲዳ ዳር ኣሳይ ቶራኔ ዱርቃ ኦይኪዲ ዩሁዳራ ኢሲፊ ደሰ።
 48 ዩሁዳይካ፡ «ታ ዩሪዛዳይ ኢዛ ገዲዳ ገሻስ ኣይከቲ» ገዲ ካሴ ዮቲ ዋሲደሰ።
 49 ሲቲ ገ ዬሱሳኮ ቢዲ፡ «ኣስታማሬ! ሳር» ገሽ ዬሱሳ ዩሪደሰ።
 50 ዬሱሲካ፡ «ታ ላጌ! ኔ ዩዳ ቆፋ ፖላ» ገደሰ። ሄራካ ኣሳይ ሸቂዲ ዬሱሳ ኦይኪ ቃቸደሰ።
 51 ዬሱሳራ ዲዛይታፔ ኢሶይ ገላ ማሻ ሾዲዲ ቁሴታ ሃላቃዛ ኣሽካራ ሃይል ቃንጸደሰ።
 52 ዬሱሲካ፡ «ኣኔ ኔ ማሻ ኮሆን ዛራ ጌልላ፤ ማሻ ሾዲዛይቲ ማሻን ጲያና።»

53 ኮሺኮ ታኒ ታ ኣዋ ኦይቸዛኮ ዳር ሺያን ቆዴቲዛ ኦሊዛ ኪታንቻ ታስ ዩደንታ ኣጋና ኔስ ሚሳቲዜ?
 54 ሃሳላ ኦሊኮ ቃሴ ጌሻ ማጸፋታን ሃናና ጌቲቲዳይሲ ዋኒ ፖሎታኔ?» ገደሰ።
 55 ሄ ዋዴ ዬሱሲ ኣሳ፡ «ፓንጋ ኦይኪዛ ኣሳላ ማሻኔ ዱርቃ ኤኪዲ ታና ኦይካና ዩዳቲ? ዋንቲን ዋንቲን ጸሳ ኬላን ኡታዳ ታ ታማርሲሺን ካሴ ኦይኪቤኬታ ሺን።»
 56 ገደ ኣቲን ሃይሲ ወሪካ ሃኒዳይሲ ካሴ ናቤቲ ጌሻ ማጸፋታን ዮቲዳይሲ ፖሎታናሳ» ገደሰ። ሄ ዋዴ ዬሱሳ ካሊዛይቲ ኢዛ ዩገዲ ጲይዳ።

ፒርዳ ዲላታ ሲንል ዬሱሳ ኣጴል
 (ማር 14:53-65፤ ሉቃ 22:54-55፤63-71፤ ዮሃ 18:13-14፤19-24)

57 ሄ ዋዴ ዬሱሳ ኦይኪዲ ኣሳቲ ሙሴ ዋጋ ኣስታማሬቲኔ ዳሬ ጨማቲ ኢሲፊ ሸቂዳሶን ቁሴታ ሃላቃ ቃያፋኮ ኤፊዳ።
 58 ገደ ኣቲን ጴጥሮስ ቁሴታ ሃላቃ ገቤ ጋካናስ ሃሆራ ዬሱሳ ካሊደሰ። ገቤ ገደ ጌሊዲ ሃኒዛይሳ ወርሴል ቤያናሰ፡ ገቤ ናገዛይታራ ኡቲደሰ።
 59 ሄ ዋዴ ቁሴታ ሃላቃቲኔ ኣይሁዳታ ዲላታይ ኩሜል ዬሱሳ ዋጲሳናስ ዋርዶ ማርካ ኮዩደሰ።
 60-61 ዳር ዋርዶ ማርካቲ ሸቂኮካ ቤሲዛ ማርካቲ ዳሚቤቲና፤ ገደ ኣቲን ጉዬፔ ናምኡ ኣስ ዳይቲ ሸቂዲ፡ «ሃይሲ ኣዴዘ፡ ታኒ ጸሳ ኬላ ላላዳ ሄቸ ጋላሳራ ዛራዳ ኬጸና ዳንዳያይሰ» ገደሰ። ገዲ ማርካቲዳ።
 62 ሃሳ ሲዩዳ ቁሴታ ሃላቃይ ኡቲላፊ ዳንዲ ኡቂዲ፡ «ሃይቲ ኣሳቲ ኔ ቦላ ማርካቲዛይሳስ ኣይኮካ ዛሪኪ?» ገደሰ።
 63 ዬሱሲካ ጮኡ ገደሰ። ቁሴታ ሃላቃይ፡ «ታ ኔና ዳኦ ጸሳ ሰንላን ኣይቻይሰ! ኔኒ ጸሳ ና ኪርሰቶሳ ገዲኮ ታስ ዮታ!» ገደሰ።
 64 ዬሱሲካ፡ «ኔ ሳይሳካ ማላ፤ ገደ ኣቲን ኢንቲስ ኡባስ ታ ዮቲዛይ ሲንላፊ ኣሳ ናይ ዋልቃማዛ ኡሻቻን ኡቲዲ ሳሎ ሻራራ ዩዛ ዋዴ ኢንቲ ቤያና» ገደሰ።
 65 ሄ ዋዴ ቁሴታ ሃላቃይ ባ ማይኦ ዳኪዲ፡ «ጸሳ ቦላ ጫሻ ቃላ ሃሳይደሰ፤ ኦስ ሃይሳፊ ኣጲዛ ሃራ ኣዛ ማርካ ኮሺኬ! ጸሳ ቦላ ጫሻ ቃላ ኢዚ ሃሳይሺን ኢንቲ ኢንቲ ሃይላራ ሲዩዳታ።»
 66 ኢንቲስ ኣይ ሚሳቲዜ?» ገደሰ። ኢስቲካ ዛሪዲ ኢዛሰ፡ «ሃይቆይ ኢዛስ ቤሴስ» ገደሰ።
 67 ሄ ዋዴ ዬሱሳ ኣይፊሶን ጨቲሾ ኢዛ ኢጨዳ፤ ባጋይቲ ኢዛ ባቂሾ።
 68 «ኪርሰቶሳ! ኔ ኔና ናቤ ጋሳ ሺን ኔና ባቂዳይ ኦናኮን ኣኔ ኦስ ዮታ» ገደሰ።

ጴጥሮስ ዬሱሳ ካዲደስ
 (ማር 14:66-72፤ ሉቃ 22:56-62፤ ዮሃ 18:15-18፤25-27)

69 ሃሳፌ ጉዬ ጴጥሮስ ቁሴታ ሃላቃዛ ገቤን ኡቲ ዲሺን ኬላ ገደን ኦሊዛ ኢሲ ማጫስ ዲዛራ ኢዛኮ ሸቂዳ፡ «ኔኒካ ጋሊላ ዬሱሳራ ዲዛደ!» ገደሰ።
 70 ኢዚ ቃሴ፡ «ኔ ኣይ ገዛኮ ታ ኤሪኬ!» ገዲ ኡባ ኣሳ ሲንላን ካዲደሰ።

71 ጊቤዛ ፔንጌ ኢዚ ቢሺን ኢሲ ሃራ ኦሳንቻያ ኢዛ ጸላዳ ሄን ዲዛይታሰ። «ሃይሲ ኣዳዚ ናዚሬቲ ዩሱሳራ ዲዛይኮ!» ገዲሰ።

72 ኢዚካ፡ «ታ ኢዛ ኤሪኮ!» ገዲ ናምኣንሎ ካዲዳሰ።

73 ጉል ጋምኢሺን ሄን ኤቁዳ ኣሳቲ ሸቁዲ ጸጽሮሳ፡ «ኔ ሃሳያይ ኔ ሃይታራ ዲዛይሳ ቆንጨሴሰ፤ ቱማፔ ኔ ኢሰታ ባጋ ኣሳ» ገዲ።

74 ኢዚካ ጨቁሼኔ ኣማቲሼ፡ «ሄሳ ኣዳዛ ታ ኤሪኮ!» ገዲሰ። ሄራካ ኩቶይ ዋሲዳሰ።

75 ሄ ዋዴ ዩሱሲ ካሴ ጸጽሮሳሰ፡ «ኩቶይ ዋሳናሰ ኔ ታና ሄቸቶ ካዳና» ገዲ ዮቲዳ ቃላይ ቆፌቲን፡ ጸጽሮሲ ካሬ ከዚዲ ጨዋ ዩሆ ዩኪዳሰ።

27

የሁዳ ካቄቲል

(ማር 15:1፤ ሉቃ 23:1-2፤ ዮሃ 18:28-32)

1 ማላዶ ዋንታራ ቄሴታ ሃላቃቲኔ ዳሬ ጨማቲ ወሪካ ዩሱሳ ዋዳና ኦጌ ዘሪቲዳ።

2 ዩሱሳ ቃቺ ኤፊዲ ዳሬ ሃሪዛ ጲላጸሳሰ ኣሉ ኢሚዳ።

3-4 ኢዛ ኣሉ ኢሚዳ የሁዳይካ ዩሱሳ ቦላ ፒርዳቲዳይሳ ቤኢዲ፡ «ታ ኢዛ ኣላ ኣሞንታ ኣጋርኪና» ገዲ ባ ኤኪዳ ሄቸ ታሙ ቢራ ቄሴታ ሃላቃታሲኔ ዳሬ ጨማታሰ ዛሪ ኢሚዳ፡ «ጲሎ ኣሰ ኣላ ኢሚዳ ገሻሰ ታ ሞራዲሰ» ገዲሰ። ኢሰቲካ፡ «ሂሰቲን ኮሰ ኣይ ሜቶ! ኔ ኤራ ኤካ!» ገዲ።

5 ሄሳ ገሻሰ የሁዳይ ቢራ ኤፊዲ ጸሳ ከላ ገደን ዩጊዲ ከዚ ቢዲ ጨሌቲ ሃይቁዳሰ።

6 ቄሴታ ሃላቃቲ ቢራ ዳንሉዲ፡ «ሱላ ዋጋ ገዲዳ ገሻሰ ጸሳ ከላ ሚሻን ጉጅናሰ ቤሴና» ገዲ።

7 ባ ገደን ዘሪቲዲ ኢማል ገዲዳ ኣሳታሰ ዲፎ ገዳና ማላ ኢሲ ኡርቃ ሚሽ ሜጲዛ ሂላዛ ጋዴ ሻሚዳ።

8 ሄሳ ገሻሰ ሄ ጋዴይ ሃቶ ጋካናሰ ሱላ ጋዴ ጌቲቲሰ።

9-10 ኢዛሰ ዋጋ ገዳና ማላ፡ «ኢሰራኤሌ ናይቲ ሄሪጊዳ ሄቸ ታሙ ቢራ ቆዲ ኤኪዳ። ጸሲ ታና ኣዛዚዳ ማላ ኡርቃ ሜጲዛ ሂላዛ ጋዴሰ ኢሚዳ» ጌቲቲዲ ናቤ ኡርማሳ ደናን ዮቲቲዳይሲ ፖሌቲዳሰ።

ጲላጸሳ ሲንል ዩሱሳ ሸቆ

(ማር 15:2-5፤ ሉቃ 23:3-5፤ ዮሃ 18:33-38)

11 ሄ ዋዴ ዩሱሲ ዳሬ ሃሪዛይሳ ሲንል ሸቆዳሰ። ዳሬ ሃሪዛይሲካ፡ «ኔ ኣይሁዳ ካዋ?» ገዲ ኢዛ ኦይቺዳሰ። ዩሱሲካ፡ «ኔ ገዳ ማላ ገደ» ገዲሰ።

12 ቄሴታ ሃላቃቲኔ ዳሬ ጨማቲ ኢዛ ሞቲሺን ዩሱሲ ኢሰታሰ ኣይኔ ዛሪቤና።

13 ሄ ዋዴ ጲላጸሲ ዩሱሳ፡ «ኣፑን ዮኦን ኔና ሞቲዛኮ ሲዩኪ?» ገዲሰ።

14 ዳሬ ሃሪዛይሲ ከሂ ማላሌታና ጋካናሰ ዩሱሲ ኢሲ ቃላካ ዛሪቤና።

15 ዳሬ ሃሪዛይሳሰ ባኣሌ ጋላሰ ዳሬይ ቃሾ ኣሳፔ፡ «ኤቤሎይ ኮሰ ቢርሹቶ!» ገ ኦይቺኮ ኢሳዳ ቢርሺዛ ዋጋይ ዳሰ።

16 ሄ ዋዴ ጌኔ ኦሶን ኤሬቲዳ ባርባኔ ጌቲቲዛ ኢሳዳይ ቃሾሶን ዳሰ።

17 ዳሬይ ሸቆዳ ማላ ጲላጸሲ፡ «ባርባኔፔኔ ኪርሰቶሳ ጌቲቲዛ ዩሱሳፔ ታ ኢንቲሰ ኦና ቢርሻና ማላ ኮይቲ?» ገዲሰ።

18 ጲላጸሲ ኢሰታ ጮ ቃናቲሰ ኣሉ ኢሚዳይሳ ኤሪሼ ኦይቺዳሰ።

19 ኢዚ ፒርዳ ኣልጋ ቦላ ኡቲ ዲሺን ኢዛ ማቺያ፡ «ኢዛ ጋሶን ሃቶ ታኒ ኣጉሞራ ዳር ሜቶታዲሰ፤ ሄሳ ጲሎ ኣዳዛ ቦላ ኔ ኣይኮካ ኦሶንታ ማላ» ገዛ ኪታ ጲላጸሳሰ ዩዳዲሰ።

20 ገደ ኣቲን ቄሴታ ሃላቃቲኔ ጨማቲ ኢሰታሰ ባርባኔይ ቢርሹታና ማላኔ ቃሴ ዩሱሳ ዋዳና ማላ ዋሳናሰ ዳሬዛ ቃላይ ጋጋና ማላ ኦሉዳ።

21 ዳሬ ሃሪዛይሲ፡ «ናምኣታፔ ኦና ቢርሻና ማላ ኮይቲ?» ገ ኦይቺን ኢሰቲ፡ «ባርባኔ ቢርሻ!» ገዲ።

22 ጲላጸሲካ፡ «ሂሰቲኮ ኪርሰቶሳ ጌቲቲዛ ዩሱሳ ዋሰቶ?» ገዲሰ። ኢንቲ ወሪካ፡ «ካቄቶ!» ገዲ።

23 ጲላጸሲካ ኣዛሰ? «ኢዚ ኣይ ኢታ ኦሉዳ?» ገዲ ኢሰታ ኦይቺዳሰ። ኢሰቲካ ቃሴ ከሂ ዋሲዳ፡ «ካቄቶ!» ገዲ።

24 ጲላጸሲ ሃኒዛይሲ ወሪካ ኣሳይ ባ ገደን ቡልኣኮቴላፊ ኣቲን ሃራ ኣይ ጎኣይ ባይንዳይሳ ዩሺ ጸሊዲ፡ «ሃይሳ ኣዳዛ ሱላ ጎሜፔ ታ ጌሻ፤ ሃይሳፊ ጉዩ ኢንቲ ሸኔ» ገዲ ሃል ኤሂሲዲ ዳሬዛ ሲንላን ባ ኩሼ ሜጨቲዳሰ።

25 ዳሬይ ወሪ፡ «ኢዛ ሱሉ ኦ ቦላኔ ኦ ናይታ ቦላ ጋኮ» ገዲ ዛሪዳሰ።

26 ሄ ዋዴ ባርባኔ ኢሰታሰ ቢርሺዲ ዩሱሳ ጋራፊሲዳፔ ጉዩ ካቃና ማላ ኣሉ ኢሚዳሰ።

ዩሱሳ ቦላ ዋታዳራታ ቁልጫ

(ማር 15:16-21፤ ዮሃ 19:2-3)

27 ሃሳፊ ዋታዳራቲ ዩሱሳ ጌዴ ዳሬ ሃሪዛይሳ ጊቤ ኤኪ ቢዲ ወሪ ሸቆዲ ዩሱሳ ገደ ኣሉዳ።

28 ኢዛ ማይኦ ቃሪዲ ሃራ ዘኦ ማይኦ ማይዚዳ።

29 ኣጉንላ ኣኪሊሌ ጳጲዲ ገግሲዳ፤ ኢዛ ሁኔ ቦላ ዋሉዳ፤ ሸምቦቆ ጉፊ ኡሻቻ ኩሼን ኦይሉዲኔ ኢዛ ሲንላን ጉልባቲዳ፡ «ኣይሁዳ ካዋ! ኢንቲሰ ቶ!» ገዲ ኢዛ ቁጲዳ።

30 ኢዛ ቦላ ጨቲዳ፤ ሸምቦቆ ጉፊዛ ኢዛ ኩሼፔ ኤኪዳ ዩሱሳ ሁኔን ዛሪ ዛሪዲ ሸጨዳ።

31 ኢዛ ቦላ ቁጲ ካኢዳፔ ጉዩ ቃሴካ ዘኦ ማይኦዛ ቃሪ ኤኪዲኔ ካሴ ኢዛ ማይኦዛ ዛሪ ማይዚዲ ካቃናሶ ኤኪ ቢዳ።

ዩሱሳ ካቄቲል

32 ኢሰቲ ኤኪ ቢሺን ቃሪና ጌቲቲዛሶፔ ዩዳ ሲሞና ጌቲቲዛይሳ ዳሚዲ ማሰቃሌዛ ኢዛ ዋልቃራ ቶሲዳ።

33-34 ቢርሹላይ፡ «ሁኔ ጉጌ» ጌቲቲዛ ጎልጎታ ጋኪሺን ጨዩራ ዋላኮቲዳ ዋይኔ ጫጃ፡ «ኡያ» ገዲ ኢሚዳ፤ ገደ ኣቲን ኢዚ ጋንጺ ኤኪዲ ኡያና ኮዩቤና።

35 ኢዛ ካቄዳፔ ጉዩ ኢዛ ማይኦዛ ቦላ ሳማ ዩጊዲ ገሸቲዳ።

36 ሄን ኡቲዲ ኢዛ ናገዳ።

37 «ሃይሲ ኣይሁዳ ካዋ ዩሱሳ» ገዛ ሞቶ ቃላ ኢዛ ሁኔፔ ቦላራ ዋሉዳ።

38 ናምኡ ፓንጋታፔ ኢሶይ ዩሱሳፔ ኡሻቻ ባጋራ፡ ኢሶይ ሃዲርሳ ባጋራ ኢዛራ ኢሲፊ ካቄቲዳ።

39-40 ኦገራ አጂ በዛ አሳይ ጫዩሼኔ ሁኔ ቃሊሹ። «ጸላ ከላ ላላዳ ሄሹ ጋላሳን ዛራ ከጸና ገዛይሶ! ኣኔ ኔና ኣሻ፤ ኔ ጸላ ና ገዲኮ ኣኔ ማሰቃሌዛ ቦላፊ ዎጃ» ገዳ።

41 ቄሴታ ሃላቃቲ ዳሬ ጨማታራ ገዲዲ ኢዛ ቦላ ቂጂሹ፤

42 «ሃራ ኣሳ ኣሺዳሰ ሺን ባና ኣሻናሰ ዳንዳይቤና፤ ኢዚ ኢሰራኤሌ ካዎ ገዲኮ ኣኔ ሃኢ ማሰቃሌ ቦላፊ ዎጃ፤ ኮኒካ ኢዛ ኣማናና።

43 ጸላን ኣማኔቲዳሰ፤ ባና ጸላ ና ገዲ ማላ ጸሲ ኢዛ ደሲዛ ገዲኮ ኣኔ ሃኢ ኢዛ ኣሾ» ገዳ።

44 ኢዛራ ኢሲፊ ካቂቲዳ ፓንጋቲካ ሄሳላ ጫሻ ቃላ ኢዛ ቦላ ቆቆፊዳ።

ዩሱሳ ሃይቆ

(ማር 15:33-41፤ ሉቃ 23:44-49፤ ዮሃ 19:28-30)

45 ጋላሰ ኡሱፑን ሳቲፔ ቢዲ ኡዱፋን ሳቲ ጋካናሰ ኩሜላ ቢታይ ጁሚዳሰ።

46 ኡዱፋን ሳቲ ገዲሺን ዩሱሲ ቃላ ቶቁ ሂሰቲዲ። «ኤሎሄ! ኤሎሄ! ላማ ሳባቂታኔ» ገዲ ዋሲዳሰ። ሄሳ ጉሳሰ ቢርሼላይ። «ታ ጸሶ! ታ ጸሶ! ታና ኣይሰ ኣጋዲ?» ጉሳ።

47 ሄን ኤቂዳ ኣሳፔ ኢሲ ኢሲ ኣሳቲ ኢዛ ዋሶዛ ሲዩዲ። «ኤላሳ ጸይጌሰ» ገዳ።

48 ኢሰታፊ ኢሳዳይ ዎጺ ቢዲ ዛንሻ ሚሳቲዛ ሳፊኔጌ ጌቲቲዛ ሚሽ ኤኪዲ ጫሊዳ ዎይኔ ጫጃን ዩጊ ጫጲሲዲኔ ሾምቦቆ ጌቲቲዛ ሚላ ጴራን ቃጲዲ ኡያና ማላ ዩሱሳ ደናኮ ሺሺዳሰ።

49 ሃንኮ ኣሳይ ቃሴ። «ኣጋጌቲ ኣኔ። ኤላሲ ዩዲ ኢዛ ኣሺሺን ቤያና» ገዳ።

50 ዩሱሲ ቃሴካ ቶቃ ቃላን ዋሲዲ ሾምፖ ኬዚዳሰ።

51 ሄ ዎዴ ጸላ ከላ ማጋላሻይ ቦላ ሁኤራ ዲጌ ሲሚ ዳኬቲዲ ናምኡ ኬዚዳሰ፤ ቢታይ ቃጲዳሰ፤ ዛላቲ ዛኢዳ።

52 ዱፎቲ ዳዩቲዳ፤ ካሴ ሃይቂዳ ጸላ ኣሳፔ ዳሪዛ ባጋይ ዳንዲዳሰ።

53 ዱፎፔ ኬዚዲ ዩሱሳ ዳንላፊ ጉዩ ጌሻ ካታማ ጌሊዲ ዳርታ ኣይፊን ቤቲዳ።

54 ማቶ ሃላቃይኔ ኢዛራ ኢሲፊ ዩሱሳ ናገዛይቲ ቢታ ቃላኔ ሃኒዳይሳ ኡባ ቤኢዲ ዳር ባቢዳ። ቃሴ። «ሃይሲ ቱማፔ ጸላ ናኮ!» ገዳ።

55 ጋሊላፔ ዩዲ ዩሱሳ ኮሺዛዛን ኦሊ ማዳናሰ ካሊዛ ዳር ማጫሳቲ ሃኒዛይሳ ወርሲካ ሃሆራ ጴሊሼ ሄን ዳቲሰ።

56 ኢሰታ ገደን ማግዳሌፔ ዩዳ ማራሚራኔ፤ ያቆቤኔ ዮሴፊ ኣዮ ማራሚራ፤ ቃሴካ ዛብደሳ ናይታ ኣዩይራ ኢሲፊ ዳቲሰ።

ዩሱሳ ሞጌቲላ

(ማር 15:42-47፤ ሉቃ 23:50-56፤ ዮሃ 19:38-42)

57 ጋይይ ኣማርሲሺን ዮሴፊ ጌቲቲዛ ኢሲ ዱሬ ኣዳ ዳይሲ ኣርማቲያሴ ጌቲቲዛሶፔ ዩዳሰ። ኢዚካ ባ ባጋራ ዩሱሳ ካሊዛዳ።

58 ኢዚ ጲላጸሳ ሲንሉ ሸቂዲ ዩሱሳ ኣሃ ኢዛሰ ኢማና ማላ ዋሲን ጲላጸሲካ ኢዛሰ ኢማና ማላ ኣዛዚዳሰ።

59 ዮሴፊይ ኣሃ ኤኪዲ ጌሽ ገዲዳ ሞሳ ኣፋላን ጸጺዳሰ።

60 ሹቶ ዎጪዲ ባሰ ገገሲዳ ዱፎን ኤፊ ዎሊዲ ገታ ሹቶ ጌንዴሪሲ ዱፎዛ ጎርዲዳሰ።

61 ሄ ዎዴ ማግዳሌ ማራሚራኔ ሃንኮ ማራሚራ ዱፎዛ ገናን ኡቲዳ።

62 ሳምባታሰ ገጌቲዛ ዎንቴላ ጋላሰ ቄሴታ ሃላቃቲኔ ፋርሳዌቲ ጲላጸሳ ሲንሉ ሸቂዳ።

63 «ሳደ! ሄ ዎርዳይ ካሴ ፓጻ ዲሼ። ሃሹ ጋላሳፊ ጉዩ ታ ዳንዳና ገዲ ቃላይ ኮ ዎዚናን ቲርቹ ገዳሰ።

64 ሄሳ ገሻሰ ኢዛ ካሊዛይቲ ኢዛ ኣሃ ካይሶቲ ኤኪዲ ዳራሰ። «ኢዚ ሃይቆፔ ዳንዲዳሰ» ገዲ ዎሬሶንታ ማላ ሃሻንላ ጋላሰ ጋካናሰ ዱፎይ ናጌታና ማላ ኣዛዛ፤ ኣካይ ገኮ ካሴይሳፊ ጉዩ ባላይ ኣጴላ ገዳና» ገዳ።

65 ጲላጸሲ። «ኢንቴሰ ናገዛይቲ ዳቲሰ፤ ቢዲኔ ኢንቴሰ ኤሬቲዳ ማላ ናገሲቲ» ገዳሰ።

66 ኢሰቲካ ቢዲ ዱፎዛ ደና ማታሚን ጎርዲዲ ናጋና ዛሴ ኤሲዳ።

28

ሃይቆፔ ዩሱሳ ዳንላ

(ማር 16:1-8፤ ሉቃ 24:1-12፤ ዮሃ 20:1-10)

1 ሳምባታይ ኣጂዳፔ ጉዩ ሳሚንታፊ ኮይር ጋላሰ ቡር ሳሎይ ዘኢሺን ማግዳሌ ማራሚኔ ሃንኮ ማራማ ዱፎዛ ቤያና ቢዳ። *

2 ቆፖንታ ዲሺን ገታ ቢታ ቃሊ ሃኒዳሰ፤ ጎዳ ኪታንቻይካ ሳሎፔ ዎጂ ዱፋኮ ቢዲ ሹቶ ጌንዴሪሲዲ ኢዛ ቦላ ኡቲዳሰ።

3 ኪታንቻዛሰ ሜጳይ ዎልቃንላ ፖኦ ማላ፤ ኢዛ ማይኦይካ ሻቻ ማላ ቦላ።

4 ዱፎ ናገዛይቲ ኪታንቻዛሰ ባቢ ኮኮሪዲኔ ሃይቆላ ሚሳቲዳ።

5-6 ኪታንቻዚ ማጫሳታ። «ባቦፍቲ፤ ኢንቴ ካቂቲዳ ዩሱሳ ኮይዛይሳ ታ ኤራሪሰ፤ ኢዚ ሃኢ ሃን ባ፤ ኢዚ ካሴ ዮቲዳ ማላ ሃይቆፔ ዳንዲዳሰ፤ ሃ ዩዲ ኢዚ ኢቸዳሶ ቤኢቲ።

7 ሃኢካ ኤሌሊ ቢዲ ኢዛ ካሊዛይታሰ። ሃይቆፔ ዳንዲዳሰ። ኢንቴፊ ካሴቲዲ ጋሊላ ቤሰ፤ ኢንቴ ኢዛ ሃን ዳማና ገዲ ዮቲቲ። ሄኣ ታ ኢንቴሰ ዮታዲሰ» ገዳሰ።

8 ማጫሳቲካ ባቦኒኔ ኡፋይሳን ኩሚዲ ኢዛ ካሊዛይታሰ ዮታናሰ ኤሌሊዲ ዎላን ዱፎዚ ዲዛሶ ዩጊ ኣጊዲ ቢዳ።

9 ሄራካ ዩሱሲ ኢሰታ ዳሚዲ። «ሃይቶ ሳር» ገዳሰ። ኢሰቲካ ዩሱሳኮ ሸቂዲኔ ኢዛ ቶሆ ኦይኪዲ ኢዛሰ ጎይኒዳ።

10 ዩሱሲ ኢሰታ። «ባቦፍቲ! ቢዲኔ ኢሰቲ ጋሊላ ባና ማላ ታ ኢሻታሰ ዮቲቲ። ኢሰቲ ታና ሄን ቤያና» ገዳሰ።

ናጊዛይታ ማርካቴሳ

11 ማጫሳቲ ቡሮ ኦጌ ቦላ ዲሺን ናጊዛይታፔ ባጋቲ ካታማ ቢዲ ሃኒዳይሳ ኡባ ቁሴታ ሃላቃታሰ ዮቲዳ።

12-13 ቁሴታ ሃላቃቲካ ዳሬ ጨማታራ ሸቄቲዳ ዘሬቲዳ፤ ዋታዳራታሰ ጊዲዛ ሚሽ ኢሚዳ፡ « ሉኒ ጳሰኮን ዲሺን ኢዛ ካሊዛይቲ ቃማራ ዩዲ ካይሶቲ ኤፊዳ) ጊቲ ጊዳ።

14 ሃይሲ ዋሬይ ዳሬ ሃሪዛይሳ ማታን ሲዩቲኮካ ኑኒ ኢዛሰ ሎኤሳ ዮታና፤ አይኮ ኢታይካ ኢንቴ ቦላ ጋኮንታ ማላ ኑ ኦላና» ጊዳ።

15 ዋታዳራቲካ ሚሻ ኤኪዲ ኢሰቲ ጊዳ ማላ ኦሊዳ፤ ሃይሲ ዮኦዚ ሃች ጋካናሰ አይሁዳታ አቻን ዳሮሶን ዮቲቲሽ ዳሰ።

ባና ካሊዛይታ አይፊን ዩሱሳ ቤቶ (ማር 16:14-18፤ ሉቃ 24:36-49፤ ዮሃ 20:19-23፤ ሃዋ 1:6-8)

16 ሄሳፌ ጉዬ ዩሱሳ ካሊዛ ታማኔ ኢሲኔቲ ዩሱሲ ኢሰታ ቤሲዳ ጋሊሳን ዲዛ ዙማ ቦላ ኬዚዳ።

17 ዩሱሳ ቤኢዳ ማላ ኢዛሰ ጎይኒዳ፤ ኢሰታ ጋርሳፌ ጉዲዛ ባጋቲ ሲዲዳ።

18-20 ዩሱሲካ ባና ካሊዛይታኮ ሸቄዳ፡ «ሳሎኒኔ ሳኦን ጎዳቲሳ ታሰ ኢማቲዳሰ። ሄሳ ጊሻሰ ቢዲ ዳሬ ኡባ አዋ፡ ናዛኔ ጸሎ ኣያና ሱንላን ጸማቂሽ፡ ታና ካሊዛይታ ኦሊቲ፤ ታ ኢንቴና ኣዛዚዳይሳ ኡባ ናጋና ማላ ታማርሲቲ። ታኒካ ኣላማ ዉርሴሳ ጋካናሰ ኢንቴናራ ዳይሰ» ጊዳሰ።

ማርቆስ ጸፊዳ

ኑ ጎዳ ዩሱስ ኪርስቶስ ሚሺራች ቃላ

ጊዳ ቆፋ

ማርቆስ ሚሺራች ቃላይ፡ «ሃይሲ ጸሳ ና ዩሱስ ኪርስቶስ ሚሺራች ቃላስ ኮይሮ» ጉሳን ደሜስ፡ ሃይሳ ሃ ሚሺራች ቃላዛ ጊዳን ዩሱሲ ኦሳንቻኔ ኢዚ ጎዳቴላራ ዲዛይ ጊዳ ሸቂዳስ፡ ጎዳቴላዛ ኢዛ ቲሚርቲን፡ ዳይዳንሳታ ቦላ ዲዛ ዋልቃኔ ኢዚ ኦሳ ናጋራ ኦቶ ጊዳይሳን ኤሬቲዳስ፡ ዩሱሲ፡ «ናጋራ ኦይሌቴላፊ ኦሳ ከሲ ኤካናስ ታ ሸምፖ ኦሳ ገሻሰ ኦሳ ኢማናስ ዩዳ ኦሳ ናይ ታና» ጊዳ ባርካ ዮቲዳስ፡

ማርቆስ ዩሱሳ ታሪኬ ሸሺዳይ ቆንጮኔኔ ዋልቃይ ኩሚዳ ኦጌራ ጊዳሺን ኢዚ ቲሺ ሂሰቲ ያሊዳይ ዩሱሳ ቃላኔ ኢዛ ቲሚርቲዛ ጊዳንታ ኢዚ ኦሊዳ ጊታ ማላታ ኦሶታ፡ ኢዚ ጸማቂዛ ዮሃንሳ ገሻሰ፡ ዩሱሳ ጸንቃታ ገሻሰኔ ኢዚ ኤኪዳ ሜቶዛ ገሻሰ ቃንሳራ ዮቲዳ፤ ጉዩ ዩሱሲ ታማርሲዳ ቲሚርቲዛ ገሻሰኔ ኢዚ ሃርጋንቻታ ፓሊዳይሳ ቢርሺ ዮቲሰ፡ ዩሱሳ ካሊዛይቲ ጉዩ፤ ዩሱሳ ሎኤላ ኤሪ ኤሪ ቢዳ ማላ ዩሱሳራ ኤቁቲዛይቲ ቃሴ ዩሱሳ ካሴ፤ ኦሊ ኢጲ ኢጲ ቢዳ፡ ማጸፋስ ወርሴላ ሸምፖቲ ዩሱሲ ቢታ ቦላ ዳኢዳ ወርሴላ ላይላን ወርሴላ ሳሚንታን ፖሌቲዳ ኦሶታ፡ ሃራፔካ ኢዛ ካቁቴላ ገሻሰኔ ኢዛ ዳንላ ገሻሰ ዮቲቴሰ፡

ማርቆስ ሚሺራች ቃላስ ወርሴላን ዲዛ ናምኤ ኪፊሌቲ ኢሲ ኢሲ ማጸፋታን ጸላ ዳቴሰ፡

ሃ ማጸፋይ ኦይኪዳ ኩሜላ ቆፋ

ሚሺራች ቃላስ ኮይሮ ደሜሳ 1:1-13

ዩሱሲ ባ ኦሶ ኮይሮ ጋሊላን ደሚዳስ

1:14—9:50

ዩሩሳሌምን ዩሱሳ ኦሶ 10:1-52

ዩሩሳሌምን ሄ ሄራን ወርሴላ ሳሚንታን ዩሱሳ

ጋኪዳ ሜቶ 11:1—15:47

ሃይቆፔ ጎዳ ዳንሳ 16:1-8

ሃይቆፔ ዳንዲዳ ጎዳ ቆንጮኤኔ ፑዳ ሳሎ ቡስ

16:9-20

ጸማቂዛ ዮሃንሳ ማርካቴሳ

(ማቶ 3:1-12፤ ሉቃ 3:1-18፤ ዮሃ 1:19-28)

1 ጸሳ ና ዩሱስ ኪርስቶስ ኮይሮ ሚሺራችይ ሃይሳ፤ *

2 ናቤ ኢሳያሳ ባጋራ፡

«ሄኮ ኔስ ኦጌ ሎኤላናስ

ታ ኪታናዳ

ኔፔ ሲንሳራ ዩዳና፡፡

3 ሳዳስ ኦጌ ገግሲቲ፤

ኢዚ ባና ኦጌ ሱሪሲዲ ኦሊቲ፤

ገሺ ባዞ ቢታን

ዋሲዛ ገሪስ»

* 1:1 ኢሲ ኢሲ ገሻ ማጸፋታን ጸሳ ና ጊዛ ቃላዛ ጸፊቲቤና፡፡

ጌቲቲ ጸፊቲዳስ፡፡

4 ሃሳላካ ጸማቂዛ ዮሃንሳ ኦሳ ጸማቂሽ፡ «ኢንቲ ናጋራ፤ ሲሚዲ ጸማቂቲቲ፡ ጸሲ ኢንቲ ናጋራ ኦቶ ጋና» ጊ ኦቶጂሽ ባዞራ ኬዚ ዋዲዳስ፡፡

5 ዩሁዳ ዳሪይ ኩሜሳ ዩሩሳሌም ኦሳይ ወሪ ዮሃንሳኮ ቢ ቢዲ ባ ናጋራ ናጋራ ፓጺ ፓጺ ዮርዳኖሴ ሻፋን ዮሃንሳ ኩሽን ጸማቂቲዳስ፡፡

6 ሄ ዋዳ ዮሃንሳ ማይኢዛይ ጋሜላ ኢሰኬፊ ኦሴቲዳ ማይኦ፤ ቃሴ ባ ጸሳን ዳፎ ገዳሰ፤ ኢዚ ሚዛ ቁማይ ቦሌኔ ዳጌራ ኤሳ፡፡

7 ኢዚ፡ «ታኒ ሆካዳ ኢዛ ጫማ ቃሾ ቢርሻናስ ቤሶንታይ፡ ታፔ ኦዲዛይ ታፔ ጉዩራ ያና፡፡

8 ታኒ ኢንቲና ሃላን ጸማቃይሰ፤ ኢዚ ጊዲኮ ኢንቲና ጸሊሎ ኦያናን ጸማቃና» ጊ ሳባኪዳስ፡፡

ዩሱሳ ጸማቂቲላኔ ፓጮቴሳ

9 ሄ ዋዳ ዩሱሲ ጋሊላ ጊዳን ዲዛ ናዚሬቲ ጌቲቲዛ ካታማይ፤ ዮርዳኖሴ ሻፋ ዩዲ ዮሃንሳ ኩሽን ጸማቂቲዳስ፡፡

10 ዩሱሲ ጸማቂቲዲ ሃላፊ ኬዚዳ ማላ ሳሎይ ዳይቲን ጸሊሎ ኦያናይ ኢዛ ቦላ ሃራጾ ሚሳቲዲ ዋዲሽን ቤዩዳስ፡፡

11 ቃሴካ፡ «ታ ደሲዛ ናይ ኔና፡ ኔናን ታ ኡፋዬታይሰ» ጊዛ ቃላ ገሪሲ ፑዳ ሳሎ፤ ሴቲቲዳስ፡፡

12 ሄራካ ጸሊሎ ኦያናይ ኢዛ ዳጌ ባዞ ካሌላ ኤፊዳስ፡፡

13 ሄን ባዞንካ ኦይዲ ታሙ ጋላስ ጋካናስ ጸላኤራ ፓጮቴሽ ጋምኢዳስ፤ ደኦታራ ኢሲፊ ዳኢዳስ፤ ኪታንቻቲካ ኢዛ ማዲዳ፡፡

ዩሱሳ ካላና ማላ ኦይዲ ኦሳታ ዳይጌቲሳ

14-15 ዮሃንሳ ቃሾ ኬሳ ጌሊዳ፤ ጉዩ ዩሱሲ ጸሳ ሚሺራች ቃላ ሳባኪሽ ጋሊላ ቢዳ፡ «ዋዳይ ጋኪዳስ፤ ጸሳ ካዋቴላ ማቲዳስ፤ ናጋራ፤ ሲሚቲ፤ ሚሺራች ቃላን ኦማኒቲ» ጊዲ ሳባኪዳስ፡፡

16 ዩሱሲ ጋሊላ ኦሳ ኦቻራ ኦዲን ሲሞኒኔ ኢዛ ኢሻ ኢንዲራሲ ሞሌ ኦይኪዛይታ ጊዲዳ ገሻሰ ኢሰቲ ሞሌ ኦይኪዛ ጌቲ ኦባን ዩጊሽን ቤዩዳስ፡፡

17 ዩሱሲ ኢሰታ፡ «ሃ ዩቲ! ታና ካሊቲ፤ ኢንቲ ሞሌ ኦይኪ ሸሺዛ ማላ ታ ኢንቲና ኦሳ ኦይኪዛይታ ኦሳና» ጊዳስ፡፡

18 ኢሰቲ ሄራካ ሞሌ ጌቲዛ ዩጊ ኦጊዲ ዩሱሳ ካሊዳ፡፡

19 ጉሳ ጌዳ ሲንሳ ኦዲዲ ዛብደሳ ና ያቆቤይኔ ኢዛ ኢሻ ዮሃንሳ ዋሳሎን ኡቲዲ ሞሌ ጌቲ ገግሲሽን ቤዩዲ ሄራካ ኢሰታ ዳይጌቲዳስ፡፡

20 ኢሰቲካ ባ ኦቶ ዛብደሳኔ ኢዛሰ ቃጸሬቲ ኦሊዛ ኦሳታራ ኢሲፊ ዋሳሎዛ ጊዳን ኦጊዲ ዩሱሳ ካሊ ቢዳ፡፡

ዩሱሲ ፓሊዳ ቲና ኦያናይ ኢዛ ቦላ ዲዛይ

21 ሄፔካ ቁፊርናሆሜ ቢዳ፡ ሄራካ ዩሱሲ ኦይሁዳታ ሳሞባታ ጋላስ ኦይሁዳታ ዋሳ ኬሳ፤ ጌሊዲ ታማርሶ ኦይኪዳስ፡፡

* 1:1 ኢሲ ኢሲ ገሻ ማጸፋታን ጸሳ ና ጊዛ ቃላዛ ጸፊቲቤና፡፡ 1:2 ሚሳ 3:1 1:3 ኢሳ 40:3 1:6 2ካዋ 1:8 1:11 ሜዴ 22:2፤ ማዛ 2:7፤ ኢሳ 42:1፤ ማቶ 3:17፤ 12:18፤ ማር 9:7፤ ሉቃ 3:22 † 1:21 ኦይሁዳታ ዋሳ ኬሳ ጌቲቲዛይሲ ኦማራሳ ቃላን «ሚኩራቤ» ጌቲቲሰ፡፡

22 ጸፊታ ማላ ገደንታ ጎዳቴላራ ዲዛ አሳ ማላ ኢዚ ታማርሲን አሳይ ወሪ ኢዛ ቲሚርቴዛን ማላላቴዳስ።

23 ሄ ዎይ አይሁዳታ ዎሳ ከላን ቱና አያናይ ኢዛ ቦላ ዲዛ አሳይይ።

24 «ናዚሬቴ ዬሱሳ ኔ ኑፔ አይ ኮያይ? ኑና ጳይሳና ያዲ? ኔ ኦናኮ ታ ኔና ኤራይስ፤ ኔኒ ጸሳ ጌሻዛ» ገዲ ዋሲዳስ።

25 ዬሱሳካ ቱና አያናዛ፡ «ጮኡ ጋዳ ኢዛፔ ከዛ!» ገ ሃንቁዳስ።

26 ቱና አያናይ አዳዘ ጌንዳሪሲዲ ኢዚ ቃኮቴሺን ኢዛፔ ዋሲሼ ከዚዳስ።

27 ዳሬይ ወሪ፡ «አሶ ሃይሲ አዛ ፓላ? ሃይሲ ጎዳቴላራ ዲዛ ኦራላ ቲሚርቴ፤ ቱና አያናታካ አዛዜስ፤ ኢሰቲካ ኢዛስ አዛዜቴቴስ» ገ ማላላቴሼ አሳይ ባ ገደን ኢሶይ አሳ ኦይሼች ኦይኪዳስ።

28 ሄራካ ኢዛ ኦሶ ዎሬይ ጋለላ ዩሾን ዲዛ ዳሬ ኡባን ሲዬቴዳስ።

ዬሱሲ ዳር ሃርጋንቻታ ፓላዳስ

29 አይሁዳታ ዎሳ ከላፌ ከዚዳ ማላ ያቆቤራኔ ዮሃንሳራ ኢሲፌ ጌዳ ሲሞናሶኔ አንዲራሳሶ ጌሊዳ።

30 ሄ ጌሊዳ ማላ ሲሞና ሶሎቴያ ሚሻ ሃርጌ ሳኬታዳ አቸዳይሳ ኢዛስ ዮቲዳ።

31 ሄሳ ገሻስ ዬሱሲ ኢዚኮ ሸቂዲ ኢዚ ኩሼ ኦይኪ ዳንላዳስ። ሚሻይ ኣጊን ኢዛ ዳንዳዳ ኢሰታ ዋካዲስ።

32 ኣርሼይ ወሊዳፔ ጉዬ ጋዳይ ጳሚሺን አሳይ ሃርጋንቻታኔ ዳይዳንላ ኦይኪዳ አሳ ወርሲ ዬሱሳኮ ኤኪ ዪዳስ።

33 ሄ ካታማዬን ዲዛ አሳይ ወሪ ከላ ካሬን ሸቂዳስ።

34 ኢዚካ ዳማ ዳማ ሃርጌን ሳኬቲዳይታ ዳርታ ፓላዳስ፤ ዳር ዳይዳንላታካ ከሲዳስ፤ ገደ አቲን ዳይዳንላቲ ዬሱሲ ኦናኮ ኤሪዛ ገሻስ ኢሰቲ ሃሳና ማላ ዬሱሲ ኮዩቤና።

ዬሱሲ ጋለላን ታማርሲዳ ሚሺራች ቃላ

35 ባዘይ ዘክንታ ዬሱሲ ማላዶ ዎንታራ ዳንዲዲ አሲ ባይንዳሶ ቢዲ ሄን ዎሳ ኦይኪዳስ።

36 ሲሞኒኔ ኢዛራ ዲዛይቲ ዬሱሳ ኮያና ከዚ ቢዳ።

37 ኢሰቲ ኢዛ ዳሚዲ፡ «አሲ ወሪ ኔና ኮሻን ዳስ» ገዲ።

38 ዬሱሲካ፡ «ታ ዪዳይ ታማርሳናስ ገዲዳ ገሻስ ሚሺራች ቃላ ዮታናስ ማታን ዲዛ ጉታታ ኣኔ ቦስ» ገዲ።

39 ሄሳ ገሻስ አይሁዳታ ዎሳ ከላን ጌሊ ጌሊ ሳባኪሼኔ ዳይዳንላ ከሲሼ ጋለላ ካታማ ኩሜላን ዩዪዳስ።

ዬሱሲ አንቸራቻ ሃርጌዳይ ፓላዳስ

40 ኢሲ አንቸራቻ ሃርጌዳይ ዬሱሳኮ ሸቂዲኔ ኢዛ ሲንላን ጉልባቲዲ፡ «ኔ ሼኔ ገዲኮ ኔ ታና ፓላና ዳንዳያሳ» ገ ዋሲዳስ።

41 ዬሱሲካ አዳዘስ ሚሸቲዲ ባ ኩሼ ዬዲ ኢዛ ቦቸዲ፡ «ኔ ፓዳና ማላ ታ ኮያይስ፤ ፓዳ!» ገዲ።

42 ሄራካ አዳዘ አንቸራቻ ሃርጌይ ኣጊን አዳዘ ፓላዳስ።

43-44 ዬሱሲካ አዳዘስ፡ «ኦናሰካ ሃይሳ ኔ ዮቶንታ ማላ ናጌታ፤ ገደ አቲን ባዳ ቁሴስ ኔና ቤሳ። ዳሬዛስ ማርካ ገዲና ማላ ኔ ፓዲዳይሳስ ሙሴይ ኣዛዚዳ ያርሾ ሸሻ» ገዲ ከሄ ሚንላ ዮቲዳስ።

45 ገደ አቲን አዳዘ ከዚ ቢዲ ባ ቢዳ ኡባሶን ዎሬ ዳርሲ ጳርጨዳስ። ሄሳ ጋሶን ዬሱሲ አይ ካታማንካ ቆንጩራ ጌላናሰ ዳንዳይቤና። ሄሳፌ ዳንዲዳይሳን ካታማፔ ካሬራ አሲ ባይንዳሶን ዲስ ኦይኪዳስ። አሳይ ገዲኮ ዳማ ዳማሶፔካ ኢዛኮ ዩዳስ።

2

ዬሱሲ ቶሆ ሲላ አዳዘ ፓላዳስ

(ማቶ 9:1-8፤ ሉቃ 5:17-26)

1 ጉላ ጋላሳፌ ጉዬ፡ «ዬሱሲ ቁሬርናሆሜ ሲሚዲ ሶን ዳስ» ገዛ ዎሬ አሳይ ሲዩዳስ።

2 ሄሳ ገሻስ ከላራ፡ ካሬራ ኡቲዛሶይ ጳያና ጋካናስ ዳር ዳሬይ ሸቂዳስ። ኢዚካ ጸሳ ቃላ አሳስ ሳባኪዳስ።

3 ኦይዲ አሰ ዳይቲ ቶሆይ ሲሊዳ ኢሲ አሰ ቶኪዲ ኢዛኮ ኤሄዳ።

4 አሳ ዳርቴላፌ ዳንዲዳይሳን ዬሱሲ ዲዛሶ ጋላናሰ ዳንዳዮንታ ገሻስ ዬሱሲ ዲዛ ገናራ ካራ ቃሪዲ ሃርጋንቻዛ ኢዚ ኢቸዳ ሃላራ * ዬሱሳ ሲንላ ዲጌ ዎላዳ።

5 ዬሱሲ አሳታ አማኖ ቤኢዲ ቶሆይ ሲሊዳ አዳዘ፡ «ታ ናዘ! ኔ ናጋራይ ኣቶ ጌቴቲዳስ» ገዳስ።

6-7 ሄን ጋዳን ኡቲዳ ኢሲ ኢሲ ሙሴ ዎጋ ጸፊቲ ባ ዎዚናራ ሃይሲ አዳዘ ዎስቲ ሃይሳሉ ገዜ? «ጸሳ ቦላ ጫሻ ቃላ ሃሳዬስ። ኢሲ ጸሳፌ አቲን ናጋራ ማራና ዳንዳይዛይ ኦኔ?» ገዲ ቆፒዳ።

8 ዬሱሲ ሄራካ ኢሰቲ ባ ዎዚናሰ ቆፒዳይሳ ባ አያናን ኡሪዲ፡ «አንቲ ዎስቲ ሃይሳሉ ቆፒቲ?»

9 ቶሆይ ሲሊዳ አዳዘ፡ «ኔ ናጋራይ ኣቶ ጌቴቲዳስ» ጉሳፌኔ «ዳንዳዳ ኔ ሃላ ቶካዳ ባ» ጉሳፌ ኣዎይሲ ማቲዜ?»

10 ገደ አቲን አሳ ናስ ቢታ ቦላን ናጋራ ማራና ጎዳቴላ ዲዛይሳ አንቲ ኤራና ማላ» ገዲ ቶሆ ሲላ አዳዘ።

11 «ዳንዳዳ ኔ ቶኬታ ዩዳ ሃላ ቶካዳ ኔሶ ባ» ገዲ።

12 ኢዚካ ዳንዲዲ አሳይ ወሪ ቤዩሺን ሃላ ቶኪዲ ቢዳስ። ሄን ጋዳን ዲዛ አሳይ ወሪ ሃኖዛን ማላላቴዲ፡ «ካሴ ሃይሳ ማላይ ሃኒን ቤዩቤኮ» ገዲ ጸሰ ጋላቲዳስ።

ሌዌ ጸይጌቴላ

(ማቶ 9:9-13፤ ሉቃ 5:27-32)

13 ቃሴካ ዬሱሲ ጋለላ አባ ላንቁ ቢዳስ። ዳር ዳሬይ ኢዛኮ ዩን ኢዚካ ዩዳ አሳ ታማርሲዳስ።

14 ኢዚ ኦጌራ ኣጲ ቢሺን ኢልፊዮሳ ና ሌዌይ ቃራጸ ሺሺዛሶን ኡቲዳይሳ ቤኢዲ፡ «ሃ ያ ታና ካላ» ገዳስ። ኢዚካ ዳንዲዲ ዬሱሳ ካሊዳስ።

15 ሄሳፌ ጉዬ ሌዌ ሶን ካላ ማዳን ኡቲ ዲሺን ቃራጸ ሺሺዛ ዳር ኣሳቲኔ ናጋራንቻቲ ኢዛራ ካሊ ዩዳ ገሻስ ኢሰቲ ዬሱሳራኔ ኢዛ ካሊዛይታራ ኢሲፌ ማዳን ኡቲዳ።

* 2:4 ሃላራ፡ ሃላራ ገዛይሳ ኢሲ ኢሲ ባጋ ጋሞላ ቃላን ዛጸራ ጌቴስ።

16 ፋርሳዊታ ባጋፊ ጊዲዳ ሙሴ ዎጋ ታማርሲዛይቲ ዩሱሲ ናጋራንቻታራኔ ቃራጸ ሺሺዛይታራ ሚሺን ቤኢዲ ኢዛ ካሊዛይታ፡ «ቃራጸ ቃንጸሲዛይታራኔ ናጋራንቻታራ ኣዛሰ ሚዜ?» ጊዲ ኦይቺዳ፡፡

17 ዩሱሲካ ኢሰቲ ጊዛይሳ ሲዩዲ፡ «ኣኪሜይ ሃርጋንቻታሰ ኮሺሰ ኣቲን ሃርጋንቻታሰ ጊዳና፡ ታኒካ ናጋራንቻታ ጸይጋናሰ ያዲሰ ኣቲን ጸሎታ ጸይጋናሰ ያሴኬ» ጊዳሰ፡፡

ጸማ ጊሻሰ ሺቂዳ ኦይሾ (ማቶ 9:14-17፤ ሉቃ 5:33-39)

18 ዮሃንሳ ካሊዛይቲኔ ፋርሳዊቲ ጸማ ጸሜቲስ፡ ኢሲ ኢሲ ኣሳቲ ዩሱሳኮ ዩዲ፡ «ዮሃንሳ ካሊዛይቲኔ ፋርሳዊታ ካሊዛይቲ ጸሜቲስ ሺን ኔና ካሊዛይቲ ኣዛሰ ጸሜቲኔ?» ጊ ኦይቺዳ፡፡

19 ዩሱሲካ ኢሰታሰ፡ «ሚሺራይ ኢሰታራ ዲሺን ሚሺራ ላጌቲ ጸሚ ኤሪዘ? ሚሺራይ ኢሰታራ ዲሺን ጸሚ ኤሪቲና፡፡

20 ሚሺራይ ኢሰታራ ኤኬታና ዎይይ ያና፡ ሄ ዎይ ኢሰቲ ጸማና፡፡

21 «ጋልኣ ማይኦ ቦላ ኦራላ ዎሶ ዎላ ሲኪዛይይ ኦኒካ ዳና፤ ሃሳላ ኦላኮ ኦራላዚ ጋልኣ ዳኪ ዳኪ ዩኒሰ፤ ዳኬላይካ ካሴፔ ጌዴ ኣጲ ኢቲስ፡፡

22 ሃሳላካ ኦራላ ዎይኔ ጫጄ ጋልኣ ሉካሞን ዎላዛይይ ዳና፡ ዎላዛ ጊዲኮ ዎይኔ ጫጄዚ ጋልኣ ሉካሞዛ ጳሴሰ፤ ዎይኔ ጫጄዚኔ ሉካሞዚ ናምኣይ ዎራቲቲስ፡ ሃሳ ጊሻሰ ኦራላ ዎይኔ ጫጄይ ዳናሰ ቤሲዛይ ኦራላ ሉካሞና» ጊዳሰ፡፡

ሳምባታ ጊሻሰ ሺቂዳ ኦይሾ (ማቶ 12:1-8፤ ሉቃ 6:1-5)

23 ዩሱሲ ኣይሁዲታ ሳምባታ ጋላሰ ጊሰቲ ቲያ ጊዶራ ኣጲሺን ኢዛ ካሊዛይቲ ኢዛራ ኢሲፊ ቢሾ ቲያ ጸጸ ኦይኪዳ፡፡

24 ፋርሳዊቲ፡ «ኔና ካሊዛይቲ ሳምባታ ጋላሰ ዲጌቲዳ ሚሽ ኣዛሰ ኦላዘ?» ጊዲ ዩሱሳ ኦይቺዳ፡፡

25 ኢዚካ ኢሰታሰ፡ «ዳዊቲ ጋፊዲ ሚዛ ሚሽ ኮዩዳ ዎይ ኢዛራ ኢሲፊ ዲዛይታራ ኢዚ ኦላዲይሳ ናባቢቤኬቲ?»

26 ኣቢያታራይ ቄሴታ ሃላቃቲላን ዲሺን ኢዚ ጸሳ ኬሌ ጌሊዲ ቄሴቲ ጸላላ ማና ቤሲዛ ዳማ ካላ ባሰ ሚዲኔ ባናራ ዲዛይታሰ ኢሚዳሰ» ጊዳሰ፡፡

27 ቃሴካ ዩሱሲ ኢሰታሰ፡ «ሳምባታይ ኣሳሰ ሜጴቲዳሰ ኣቲን ኣሲ ሳምባታሰ ሜጴቲቤና፡፡

28 ሃሳ ጊሻሰ ታ ኣሳ ናይ ሳምባታ ጎዳ» ጊዳሰ፡፡

3

ኩሼ ሲሊዳ ኣዳዘ ፓጸቲላ (ማቶ 12:9-14፤ ሉቃ 6:6-11)

1 ሃራ ጋላሰ ዩሱሲ ኣይሁዳ ዎሳ ኬሌ ጌሊዳሰ፡ ሄንካ ኩሼይ ሲሊዳይይ ዳሰ፡፡

2 ዩሱሳ ሞታናሰ ጋሶ ኮይዛ ኣሳቲ ኢዚ ኣይሁዲታ ሳምባታ ጋላሰ ፓላናኮን ጊዲ ፓላሺን ቤያና ኮዩዳ፡፡

3 ኢዚካ ኩሼይ ሲሊዳ ኣዳዘ፡ «ሄን ሺቂ ኡቲዳ ኣሳ ሲንሳን ዳንዳ ኤቃ» ጊዳሰ፡፡

4 ሃሳፊ ጉዩ ዩሱሲ ኣሳ፡ «ሳምባታ ጋላሰ ቤሲዛይ ሎኦ ኦሶዩ? ኢታ ኦሶ? ኣሳ ሺምፖ ኣሾዩ? ዎይኮ ሺምፖ ዎጶ?» ጊዲ ኦይቺዳሰ፡፡ ኢሰቲካ ጮኡ ጊዳ፡፡

5 ኢሰታ ዎዚና ሹቻቲላን ሚሹቲዲ ኢዛ ጊዳሊዲ ዩዩ ኣጲ ኤቂዳ ኣሳ ሃንቆራ ጸሊዲ ኣዳዘ፡ «ኔ ኩሼዛ ፒዲሳ!» ጊዳሰ፡፡ ኣዳዘካ ባ ኩሼ ፒዲሲን ኩሼዚ ሙሊራ ፓጸዳሰ፡፡

6 ፋርሳዊቲ ኬዚ ቢዲ ኢዛ ዎሰቲ ጳይሳናኮ ሃርዶሳ ባጋ ጊዲዳ ኣሳታራ ዘሬቲዳ፡፡

ኣባ ሳንቄን ዳር ኣሳ ሺቆ

7 ዩሱሲ ባና ካሊዛይታራ ኣባኮ ቢዳሰ፡፡ ጋለላፔኔ ዩሁዳፔ ዩዳ ዳር ዳሬይ ኢዛ ካሊዳሰ፡፡

8 ኢዚ ኦላዛይሳ ሲዩዲ ኣሳይ ዩሁዳፔ፡ ዩራሳላሚፔ፡ ኤዶሚፔ፡ ዮርዳኖሴ ፒንሳን ዲዛ ዳሬታፔ ቃሴ ጸርሴፔኔ ሲዶና ሄራፔ ኢዛኮ ዩዳሰ፡፡

9 ኣሳይ ዳራዳ ጊሻሰ ኢዛ ኦንኤላንታ ማላ ጉላ ዎጎሎ ኢሰቲ ጊሻሳና ማላ ባና ካሊዛይታ ኣዛዚዳሰ፡፡

10 ኢዚ ዳር ሃርጋንቻታ ፓላዳ ጊሻሰ ሳኮይ ዎዩሲዛይቲ ወሪ ኢዛ ባ ኩሼራ ቦቻናሰ ዳፊቲዳ፡፡

11 ቱና ኣያናቲካ ዩሱሳ ቤኢዳ ማላ ኢዛ ሲንሳን ኩንዲዲ፡ «ኔኒ ጸሳ ና» ጊዲ ዎሲዳ፡፡

12 ጊዶ ኣቲን ኢዚ ኣናኮ ቱና ኣያናቲ ቆንጪሶንታ ማላ ኬሂፔ ሃንቄዳሰ፡፡

ዩሱሳ ካሊዛ ታማኔ ናምኣታ ደሬቲላ (ማቶ 10:1-4፤ ሉቃ 6:12-16)

13 ዩሱሲ ፑዴ ዙማ ቦላ ኬዚዲ ባ ኮይዛይታ ባኮ ያና ማላ ጸይጊዳሰ፤ ኢሰቲካ ኢዛኮ ዩዳ፡፡

14 ኢዛራ ኢሲፊ ጊዳና ማላኔ ሳባካናሰ ዩዳና ማላ ታማኔ ናምኣታ፡ «ሃዎሬታ» ጊ ሱንሳዳሰ፡፡

15 ኣሳፔ ዳይዳንሳታ ኬሳና ማላ ኢሰታሰ ጎዳቲላ ኢሚዳሰ፡፡

16 ኢዚ ሱንሳዳ ታማኔ ናምኣታ ሱንሳ ሃይሳፊ ካሊዛይሳ፤ ጸጽሮሳ ጌቲቲዳ ሲሞና፡፡

17 ቢኦሪኔጌሴ ዎይኮ ዳዳ ናይታ ጌቲቲዳ ዛብዶሳ ናይታ ያቆቤኔ ዮሃንሳ፡፡

18 ኢንዲራሳ፡ ፒሊጸሳ፡ ባርቲሊሞሳ፡ ማቶሳ፡ ቶማሳ፡ ኢልፊዮሳ ና ያቆቤ፡ ታዶሳ፡ ባ ባጋሰ ሚሹቲዛ ሲሞና፡፡

19 ዩሱሳ ኣላ ኢሚዳ ኣሰቆርንቶ ዩሁዳ፡፡

ዩሱሳኔ ቢኤሊዜቡላ (ማቶ 12:22-32፤ ሉቃ 11:14-23፤ 12:10)

20 ሃሳፊ ጉዩ ዩሱሲ ኢሲ ሶ ጌሊዳሰ፡፡ ኢዚኔ ኢዛ ካሊዛይቲ ካላ ማና ዎይይ ኢሰታሰ ጳያና ጋካናሰ ዳሬይ ቃሴካ ዳሪ ሺቂዳሰ፡፡

21 ኢዛ ሃናታ ሲዩዳ ኢዛ ዳቦቲ፡ «ሳዮንታ ኣጌና» ጊዲ ባናራ ኤኪ ባናሰ ኢዚ ዲዛሶ ጋኪዳ፡፡

22 ዩራሳላሚፔ ዩዳ ጸፊቲካ፡ «ቢኤሊዜቡላ ጌቲቲዛ ዳይዳንሳታ ሃላቃይ ኢዛ ቦላ ዳሰ፡፡ ኢዚ ዳይዳንሳታ ኬሲዛይ ዳይዳንሳታ ሃላቃ ዎልቃንኮ!» ጊዳ፡፡

23 ኢዚካ ኢሰታ ጸይጊዲ ለሚሶራ፡ «ጸላኤይ ኣሳፔ ጸላኤ ዎሰቲ ኬሳኔ?»

24 ባ ጊዶን ሻኮይ ዲዛ ካዎቲላ ሚናናሰ ዳንዳዩና፡፡

25 ኢሲ ኬላ ኣሲካ ባ ጊዶን ሻኬቲኮ ኤቃናሰ ዳንዳዩና፡፡

26 ሃሳቡን ጸላኤይ ባ ጋርሳን አሰይ አሳራ ቫኬቲኮኔ ኢጵቲኮ ሚኒ ኤቃናሰ ዳንዳዬና። ሄሲካ ኢዛሰ ወርሴሳ ገዳና።

27 «ሃሳ ጋሶን አሳዳይ ኮይርቲዲ ዋልቃማ አሰ ቃቸንታ ዲሼ ዋልቃማዛ ሶ ጌላናሴኔ ኢዛ ሚሼ ቦንቃናሰ ዳንዳዬና፤ ኢዛ አቆ ቦንቃናሰ ዳንዳዬቲዛይ ዋልቃማዛ ቃቸኮ ጸላላ።

28 «ታ ኢንቴሰ ቱሙ ጋይሰ፤ አሳ ናይታሰ ናጋራይኔ ጫሺ ወሪ ማሬታና።

29 ገዶ ኣቲን ጸሎ አያና ቦላ ጫሻ ቃላ ሃሳይዛ አሳ ኡባሰ ማርናሰ ናጋራ ኣጮ ገዳና ኣቲን ማሬቲና» ገዳሰ።

30 ሃሳ ኢዚ ገዳይ ኢሰቲ ኢዛ፣ «ኔ ቦላ ቱና አያናይ ዳሰ» ገዳ ገሻሳ።

ዩሱሳ ኣዩዮኔ ኢዛ ኢሻታ
(ማቶ 12:46-50፤ ሉቃ 8:19-21)

31 ሃሳፌ ጉዬ ኢዛ ኣዩያኔ ኢዛ ኢሻቲ ካሬ ዩ ኤቁዲኔ ኣሴ ኢዛኮ ከቲ ዳይገሲዲ።

32 ኢዛ ገደላ ኡቲዳ ዳር አሳይ፣ «ሃኮ ኔ ኣዩያኔ ኔ ኢሻቲ ካሬን ኤቁዲ ኔና ኮዩቴሰ» ገዳ።

33 ኢዚካ ዛሪዲ፣ «ታ አያ ኦኔ? ታ ኢሻቲ ኦናንቴ?» ገዳሰ።

34 ኢዛ ዩዩ ኡቲዳ አሳኮ ዳሊዲ፣ «ታ ኣዩያኔ ታ ኢሻቲ ሃይታንታኮ!

35 ጸሳ ሼኔ ኦላዛይ ወሪ ኢዚ ታ ኢሻ፣ ታ ሚቸኔ ታ አዮ» ገዳሰ።

4

ዜሬሳ ዜሪዛዳ ለሚሶ
(ማቶ 13:1-9፤ ሉቃ 8:4-8)

1 ቃሴ ዩሱሲ ሃራ ዋዳ አባ አቻን ታማርሶ ኦይኪዳሰ። ኢዛኮ ኮሂ ዳር ዳሬይ ሸቁዳ ገሻሰ አባ ገደን ዲዛ ዋሳሎ ዲዛሪን ጌሊዲ ኡቲዳሰ፤ አሳይካ ወሪ አባ አቻን ሸቁዳሰ።

2 ኢዚካ ዳር ዮኦታ ለሚሶን ሂዝጊ ታማርሲዳሰ።

3 «ሲዩቲ! አሳዳይ ዜሬሳ ዜሪናሰ ኮዚዳሰ።

4 ኢዚ ዜሪሸን ኢሲ ኢሲ ዜሬላ ኦጌ ቦላ ዋዲዳሰ። ኦጌ ቦላ ዋዲዳ ዜሬሳ ካፎቲ ማጺ ሚዳ።

5 ባጋይ ሚላ ቢታን ዋዲዳሰ። ሄ ቢታይ ሚላ ገዲዳ ገሻሰ ሃራካ ጫሪዳሰ።

6 ገዶ ኣቲን አርሼይ ኮዚዳ ማላ ሹሊዲ ጸጸ ዩደንታ ገሻሰ ሚሊዳሰ።

7 ቃሴ ኢሲ ዜሬላ ኣጉንሳ ገደን ዋዲዳሰ፤ ኣጉንሳይካ ዲጪዲ ጩሊዳ ገሻሰ ኣይፊቤና።

8 ሃራ ዜሬላ ቃሴ ሎኦ ኦርዳ ቢታ ቦላ ዋዲዳ ገሻሰ ጫሪዲ ዲጪዳሰ፤ ኣይፊካ ኣይፊዳሰ፤ ኢሶይ ሄቸ ታሙ፣ ኢሶይ ቃሴ ኡሱፑን ታሙ፣ ኢሶይ ቃሴ ጸቱ ኣይፊዳሰ።»

9 ዩሱሲ ቃሴካ፣ «ሲዩዛ ሃይላ ዲዛዳይ ሲዮ!» ገዳሰ።

ዩሱሲ ለሚሶራ ዮቲዛ ጋሶ
(ማቶ 13:10-17፤ ሉቃ 8:9-10)

3:29 ሉቃ 12:10 4:1 ሉቃ 5:1-3 4:21 ማቶ 5:15፤ ሉቃ 11:33 4:22 ማቶ 10:26፤ ሉቃ 12:2 4:24 ማቶ 7:2፤ ሉቃ 6:38
4:25 ማቶ 13:12፤ 25:29፤ ሉቃ 19:26

10 ዩሱሲ ባርካ ዲሺን ታማኔ ናምኣቲኔ ካሴ ኢዛራ ዲዛ አሳይ ኢዚ ዮቲዳ ለሚሶዛ ገሻሰ ኢዛ ዛሪ ኦይቸዳ።

11 ኢዚካ ኢሰታሰ፣ «ኢንቴሰ ጸሳ ካዋቲሳ ጸራ ኤርይ ጌሊዳሰ ሺን ካሬን ዲዛይታሰ ገዲኮ ዮኦይ ወሪ ለሚሶራ ዮቲቴሰ።

12 ሄሲካ ካሴ፣ «ኢሰቲ ቤኢዲ ቤኢዳይሳ ኣኬኮንታ ማላኔ ሲሞንታ ማላ፣ ቃሴካ ኢሰታ ናጋራይ ማሬቶንታ ማላኮ» ገዳሰ።

13 ቃሴካ ዩሱሲ፣ «ሃይሲ ለሚሶይ ኢንቴሰ ጌሊቤኔ? ሂሰቲን ሃራ ለሚሶ ኢንቴ ዋሰቲ ኤራኔ?»

14 ዜሪዛዳይ ቃላ ዜሪሰ።

15 ኢሲ ኢሲ አሳቲ ኦጌ ቦላ ዋዲዳ ዜሬሳ ሚሳቲቴሰ፤ ኢሰቲ ቃላ ሲዩዛ ዋዳ ጸላኤይ ዩዲ ሃራካ ኢሰቲ ሲዩዳ ቃላ ኢሰታ ዋዚናፔ ኤከቸሰ።

16 ሃሳቡን ሃራቲ ሚላ ቢታ ቦላ ዋዲዳ ዜሬሳ ሚሳቲቴሰ። ኢሰቲ ቃላ ሲዩዲ ኡፋይሳን ኤኬቴሰ።

17 ገዶ ኣቲን ኢሰቲ ጸጸ ዩደንታ ገሻሰ ጉላ ዋዳ ጋምኢሺን ቃላ ጋሶን ሚቶይ ዋይኮ ጎዳታይ አሳታ ቦላ ዩዛ ዋዳ ሃራካ ጸጸቴቴሰ።

18 ሃራቲ ቃሴ ኣጉንሳ ገደን ዋዲዳ ዜሬሳ ሚሳቲቴሰ፤ ኢሰቲ ቃላ ሲሰ ሲዩቴሰ።

19 ገዶ ኣቲን ሃ ቢታ ሚቶይ፣ ሚሻ ሲቆይኔ ሃራ ኣዋይ ኢሰቲ ሲዩዳ ቃላ ጩሊዲ ኣይፊ ኣይፎንታ ማላ ዲጌሰ።

20 ሃንኮይቲ ሎኦ ቢታን ዜሬቲዳ ዜሬሳ ሚሳቲቴሰ፤ ሃይቲካ ቃላ ሲዩዲ ኤኪዛዳኔ ሃቸ ታሙ ኣይፊ፣ ኡሱፑን ታሙ ኣይፊኔ ጸቱ ኣይፊ ኣይፊዳይታ» ገዳሰ።

ጌማን ዲዛ ጸምፔ
(ሉቃ 8:16-18)

21 ቃሴካ ዩሱሲ፣ «ጸምፔ ኦይላዲ ጌማሶን ዋይኮ ኣርሳ ጋርሳን ዋላ ኤሬቲ? ፖኣና ማላ ቆንጩሶን ዋላታ ገዳኔ?»

22 ሃሳ ገሻሰ ቆቲቲዲ ቆንጩ ኮዘንታይ፣ ፖኦን ኮዘንታ ጌማን ኣታናይ ባ።

23 ሃሳ ገሻሰ ሲዩዛ ሃይላ ዲዛዳይ ሲዮ!» ገዳሰ።

24 ጉጂዲካ፣ «ኢንቴ ሲዩዛይሳ ዋዚናን ዋላቲ፤ ኢንቴ ማኪዛ ሚሻራ ኢንቴሰ ማኬታና፤ ሃሳፊካ ዳርይ ጉጂታና።

25 ዲዛዳሰ ጉጂታና ሺን ባይንዳዳፊ ኢዛሰ ዲዛራካ ኤኬታይቻና» ገዳሰ።

ዲጪዛ ዜሬሳ ለሚሶ

26 ቃሴካ ዩሱሲ፣ «ጸሳ ካዋቲላያ ዜሬሳ ዜሪዛ ኢሲ አሰ ሚሳታወሰ።

27 ዜሪዳዳይ ኦማርሰ ጳሰኬሰ። ዋንቲሺን ዳንዳሰ፤ ገዶ ኣቲን ኢዚ ኤርንታ ዲሺን ዜሬቲዳ ካላይ ሞኪዲ ዲጩሰ።

28 ጋዳያካ ኮይር ጫሪቶ፣ ካሉላዳ ፑዴ፣ ቃሴካ ፑዴዛ ቦላ ሎኦ ኣይፊ ኢማወሰ።

29 ካላይ ካጺዳፔ ጉዬ ቦኔይ ጋኪን ኬላ ኣዋይ ሃራካ ማጸ ኦይኬሰ» ገዳሰ።

ሳናፊጩ ሚላ ኣይፊ ለሚሶ

30 ዩሱስ፡ «ጸላ ካዎቹል ኑ አዛራ ጊረሳን? አዛራ ለሚሳን?»
 31 ቢታ ቦላ ኡባሬ ላፋ ጊዲዳ ሳናፊጩ ኣይፊ ሚሳታወሰ።
 32 ዜሬታዳ ዲጪዳፕ ጉዬ ቃሴ ኣታኪልቲታ ኡባሬ ኣጳዛ ገሻሰ ካፎቲ ዩዲ ሄ ኣታኪልቲይ ሃጋታ ኩዋ ጊደን ሸምፔቲስ» ጊደስ።
 33 ዩሱሲካ ኣሳይ ኤካናሰ ዳንዳይዳይሳ ከና ሃይታ ሚሳቲዛ ሃራ ዳሮ ለሚሶራ ኢሰታሰ ዮቲደስ።
 34 ኣይ ሚሸ ጊዲኮካ ኣሳሰ ለሚሶይ ባይንዳ ዮቲ ኤሬና። ኢዚኔ ኢዛ ካሊዛይቲ ጸላ ዲዛ ዎዴ ጊዲኮ ወርሲ ቢርሺ ዮቲስ።
 35 ሄ ጋላሰ ጋዴይ ቃሚሺን ባና ካሊዛይታ፡ «ኣኔ ጌዴ ሄ ፒንሳ ፒናሰ» ጊደስ።
 36 ኢሰቲ ኣሳ ሄን ኣጋጊዲ ኢዚ ኡቲ ዲዛ ዎሳሎዛራ ዩሱሳ ኤኪ ቢዳ። ሃራ ዎሳሎቲካ ኢሰታራ ኢሲፊ ዴቲስ።
 37 ሄ ዎዴ ዎልቃማ ዳምባላይ ኣባ ቦላ ዴንዲዲ ዎሳሎዛ ሃሊ ኩማና ጋካናሰ ሸጩቹደስ።
 38 ጊደ ኣቲን ዩሱሲ ቦርኮሳ ቦርኮቲዲ ዎሳሎዛሰ ጉዬ ባጋን ኢቹደስ። ኢሰቲካ ኢዛ ዴንሳዲ፡ «ኣሰታማሬ! ኑኒ ቆይሺን ኔና ሜቲኔ?» ጊደ።
 39 ኢዚካ ዴንዲዲ ጫርኮዛ፡ «ጮኡ ጋ!» ኣባካ፡ «ዎፑ ጋ!» ጊደስ፤ ጫርኮይካ ጮኡ ጊደስ፤ ሙሉካ ጮኡ ጊደስ።
 40 ባና ካሊዛይታካ፡ «ሃይሳላ ኣዛሰ ባቢዴቲ? ሃይሳ ጋካናሰ ኢንቲስ ኣማናይ ባዌ?» ጊደስ።
 41 ኢሰቲካ ከሄ ባቢዲ ባ ጊደን ኢሶይ ኢሳራ፡ «ጫርኮይኔ ኣባይ ኢዛሰ ኣዛዜቲዛይ ሃይሲ ኦኔ?» ጌቲቲዳ።

5

ዩሱሲ ቱና ኣያናፕ ፓላዳዳ (ማቶ 8:28-34፤ ሉቃ 8:26-39)

1 ኣባ ፒኒዲ ጌዴ ጌርጌሴኖኔ ጌቲቲዛሶ ቢዳ።
 2 ዩሱሲ ዎሳሎይፕ ዎጲዳ ማላ ቱና ኣያናይ ኢዛ ቦላ ዲዛዴይ ዲፎፕ ከዚዲ ዩሱሳራ ጋጋና ኢዛኮ ዩደስ።
 3 ሃይሲ ኣዴዚ ዲፎሶን ዲዛዴኔ ሃራይ ኣቶሺን ኦኒካ ኢዛ ሳንሳላታንካ ቃቻናሰ ዳንዳይቤና።
 4 ዳሮ ዎዴ ቶሆ ቢራታራኔ ሳንሳላታራ ቃሸቲስ። ጊደ ኣቲን ኩሼ ሳንሳላታ ዲሴሊ ዩጌስ፤ ቶሆ ቢራታካ ሚንፊሬሊ ዩጌስ፤ ኦኒካ ኢዛ ኦይኪዲ ቲቃናሰ ዳንዳይቤና።
 5 ጋላሰኔ ቃማ ዲፎታ ጊደኒኔ ዙማታ ቦላ ዩዩ ዩዩ ዎሲሽ ባ ቦላ ሹቻራ ቃንጹሬሊዲ ማዲንፊስ።
 6 ኢዚካ ዩሱሳ ሃሆን ቤኢዳ ማላ ዎላን ኢዛኮ ዩዲ ኢዛ ሰንሳን ጉልባቲዲ ጎይኒደስ።
 7 ከሄ ዎሲዲ፡ «ሃይሶ ዎጋ ጸላ ና ዩሱሳ፡ ኔሰ ታራ ኣዚ ዲዜ? ጸላ ሱንሳን ታ ኔና ዎሳይሰ ታና ዎዩሶፓ» ጊደስ።
 8 ኢዚ ሄሳ ጊዳይ ዩሱሲ ካሴ፡ «ኔኒ ቱና ኣያናይ ሃይሳፊ ከዛ» ጊዳ ገሻሳ።
 9 ሃሳፊ ቃሴ ዩሱሲ ኢዛ፡ «ኔ ሱንሳ ኦኔ?» ጊዲ ኦይቹደስ። ኢዚካ፡ «ኔኒ ዳሮታ ጊዲዳ ገሻሰ ታ ሱንሳ ለጎኔ * ጌቲቲስ» ጊደስ።

10 ሄ ዴሬፕ ከሲ ዩደንታ ማላ ዩሱሳ ከሄ ዎሲደስ።
 11 ሄን ማታን ዙማ ቦላ ዳሮ ጉዲንሳ ሄሚቲስ።
 12 ቱና ኣያናቲ፡ «ኑ ጉዲንሳታን ጌላና ማላ ኔሰ ኤር ጋርኪ?» ጊዲ ዩሱሳ ዎሲዳ።
 13 ኢዚካ ኢሰታሰ፡ «ኤር» ጊደስ። ቱና ኣያናቲካ ኣዴዛፕ ከዚዲ ጉዲንሳታን ጌሊዳ። ናምኡ ሺ ጊዲዛ ጉዲንሳቲ ወሪ ኣፎዛራ ዲጉላ ጌንዴሬቲ ዎጲዲ ኣባን ሚቲቲዳ።
 14 ጉዲንሳ ሄሚዛይቲ ባቃቲዲ ሃኒዳይሳ ካታማኒኔ ዴሬ ጊደን ዮቲዳ። ዴሬይካ ሃኒዳይሳ ቤያናሰ ባ ዲዛሶፕ ዲዛሶፕ ከዚደስ።
 15 ዩሱሳኮ ዩዲ ዳሮ ዳይዳንሳ ኢዛ ቦላ ዲዛ ኣዴዛ ዎዚናይ ኢዛሰ ሰሚን ማይኦ ማይኢዲኔ ዎጋራ ኡቲዳይሳ ዩዳ ኣሳይ ቤኢዲ ባቢደስ።
 16 ሃይሳ ቤኢዳ ኣሳይ ዳይዳንሳ ኢዛ ቦላ ዲዛ ኣዴዛ ገሻሲኔ ጉዲንሳቲ ሃናይሳ ዴሬዛሰ ዮቲደስ።
 17 ሃሳፊ ጉዬ ሄ ዴሬ ኣሳይ ዩሱሲ ኢሰታ ዴሬ ዩዲዲ ባና ማላ ዎሲደስ።
 18 ዩሱሲ ዎሳሎን ጌሊሺን ዳይዳንሳቲ ኢዛፕ ከዚዳ ኣዴዚ ዩሱሳራ ዳናሰ ዎሲደስ።
 19 ዩሱሲ ቃሴ ኢዚ ኦይቹዳይሳ ኣካይ ጊዲ፡ «ኔኒ ጌዴ ኔሶ ባ፤ ጎዳይ ኔሰ ኣይ ማላ ጊታ ሚሸ ኦሊዳኮኔ ኢዚ ኔሰ ኦሊዳ ማሮቲላ ኔሶ ኣሳሰ ዮታ» ጊደስ።
 20 ኣዴዚካ ባሶ ቢዲ ዩሱሲ ኢዛሰ ኦሊዳ ጊታ ሚሸ ወርሲ ታሙ ካታማ ጌቲቲዛ ዴሬን ዮቲን ሲዩዳይ ወሪካ ማላሊቲደስ።
 21 ቃሴካ ዩሱሲ ዎሳሎን ጌሊዲ ጌዴ ፒንሳ ፒኒዲ ኣባ ኣቻን ዲሺን ዳሮ ኣሳይ ኢዛ ኣኙ ሸቂዲኔ ኢዛ ጊደሊደስ።
 22 ኣይሁዲታ ዎሳ ከላ ሃላቃታፕ ኢሶይ ኢያኢርሳ ጌቲቲዛይሲ ኢዚ ዲዛሶ ቢዲ ዩሱሳ ዴሚዳ ማላ ኢዛ ቶሆ ቦላ ኩንዲዲ
 23 «ታሰ ጉላ ና ዲዛራ ሃይቃና ጋወሰ። ኢዛ ሃይቆንታ ፓጸ ዳና ማላ ኔ ሃ ያዳ ኔ ኩሼ ኢዚ ቦላ ዎላርኪ?» ጊዲ ከሄ ዎሲደስ።
 24 ዩሱሲካ ኢዛራ ኢሲፊ ቢደስ። ዳሮ ኣሳይ ኢዛ ኡንኤላና ጋካናሰ ካሊደስ።
 25 ታማኔ ናምኡ ላይሳ ኩሚሳ ሱሊ ኢዚ ቦላፊ ጉኪዛ ማጫሰ ዲዛራ ሄን ኣሳራ ዳወሰ።
 26 ኢዛ ባሰ ዲዛ ሚሸ ወርሳና ጋካናሰ ኣኪሚፕ ኣኪሚ ላሞን ዳሮ ዳቡራዲስ። ጊደ ኣቲን ሳኮይ ኢዚሰ ጌዴ ዳሪደስ ኣቲን ኣይኮካ ሎኢቤና።
 27 ኢዛ ዩሱሳ ገሻሰ ሲዩዳ ማላ ኣሳ ጊደራ ዩሱሳ ጉዬራ ካላዳ ኢዛ ማይኦ ቦቻዲስ።
 28 ጋሶይካ፡ «ታ ኣይ ሃናዳካ ኢዛ ማይኦ ኩሼራ ቦቻ ቦቻዳኮካ ፓጸና» ጋዳ ቆፒዳ ገሻሳ።
 29 ጉኪዛ ሱላይ ሄራካ ኤቂ ኣጊደስ፤ ኢዛካ ፓጸዳይሳ ባ ኣሳቲላን ኤራዲስ።
 30 ባፕ ዎልቃይ ከዚዳይሳ ዩሱሲ ኤሪዲ ጌዴ ኣሳኮ ሲሚዲ፡ «ታ ማይኦ ኦኔ ቦቻዳይ?» ጊደስ።
 31 ኢዛ ካሊዛይቲ ቃሴ፡ «ሃይሲ ዴሬይ ኡንኤቲዲ ሱጌቲሺን ቤያሽ ዋናዳ፡ (ታና ቦቻዳይ ኦኔ?) ጋይ» ጊደ።
 32 ዩሱሲ ሃሳ ኦሊዳይ ኦናኮኔ ቤያናሰ ዩሺ ዴሊደስ።

* 5:9 ለጎኔ፡ ለጎኔ ጉሲ ዳሮ ዎታዳራታ ቡቲ [ጪፍሪ] ጉሳ።

33 ማጫሳያካ ባሰ አዚ ዋኒዳኮ ኤራዳ ባባሽኔ ኮኮራሽ ያዳ ዩሱሳ ሲንሳን ጉፋናዳ ቱማ ወርሳ ኢዛሰ ዮታዲሰ።

34 ኢዚካ፡ «ታ ናዩ! ኔ አማኖይ ኔና አሺዳሰ። ሳርን ባ! ኔ ዋዬፕ ፓጻ!» ገዴሰ።

35 ዩሱሳ ቡር ሃሳያን ዲሺን አይሁዳታ ዋሳ ኬላ ሃላቃ ኢያኢሮሳ ሶፔ ዩዲ ኢያኢሮሳሰ፡ «ኔ ናያ ሃይቃዲሰ፤ ጎዳ ማላ አዛሰ ዳቡርሳይ?» ገዴ።

36 ገዴ አቲን ዩሱሳ ኢሰታ ሃሳያ ሌፕ ሂሰቲዲ አይሁዳታ ዋሳ ኬላ ሃላቃዛ፡ «ኔ አማኖ ጸላ አማና አቲን ባቦፋ!» ገዴሰ።

37 ጸጽሮሳ፡ ያቆቤራ ናቆቤ አሻ ዮሃንሳፕ አቲን ሃራይ ኦኒካ ኢዛ ካላና ማላ ኮዩቤና።

38 ገዴ አይሁዳታ ዋሳ ኬላ ሃላቃዛሶ ጋኪዳ ማላ አሳይ ዋሺሽ ጫሞ ዩሆ ዩኪዛይሳ ቤዩዴሰ።

39 ሶ ጌሊዲ፡ «ሃይሲ ወሪ አዛ ዋሶኔ አዛ ዩሆ? ናያ ጳሰካዲሰ አቲን ሃይቃቤኩ» ገዴሰ።

40 ቃሴ አሳይ ወሪ ኢዛ ቦላ ሚጪዴሰ፤ አሳ ወርሲካ ኬላፊ ኬሲዲ ናዩ አዋኔ ናዩ አዩዮ ቃሴካ ኢዛራ ኢሲፊ ዩዳይታ ኢዛ ካሊዛይታ ጸላ ካሌላዲ ናያ ዲዛሶ ጌሊዴሰ።

41 ናይ ኩሽካ አይኪዲ፡ «ጸቢታ ኩሞ!» ገዴሰ። «ጸቢታ ኩሞ!» ጉሳሰ ቢርሽላ፡ «ሃኔ ናዬ ዴንዳ» ጉሳ።

42 ናያካ ሃራካ ዴንዳ ኤቃዲሰ፤ ያኔ ሃ ሄማታዲሰ። ኢዚሰካ ላይሳይ ታማኔ ናሞአ፤ አሳይካ ሄ ሃናዛን ዳር ማላሌቲዴሰ።

43 ዩሱሳ ሃይሳ ኦኒካ ኤርንታ ማላ ኬሂ ሚንላ ዮቲዴሰ፤ «ናይሰ ማና ቁማ አሚቲ» ገዴሰ።

6

ናዚሬቲ አሳይ ዩሱሳ ኤኪቤና (ማቶ 13:53-58፤ ሉቃ 4:16-30)

1 ሃሳፊ ጉዩ ዩሱሳ ሄፕ ዴንዲዲ ገዴ ባ ዴሬ ቢዴሰ። ኢዛ ካሊዛይቲካ ኢዛራ ቢዴ።

2 አይሁዳታ ሳሞባታይ ጋኪን አይሁዳታ ዋሳ ኬላ ጌሊዲ ታማርሲሺን ሲዩዳ አሳይ፡ «ሃይሲ አዳዚ ሃይሳ ወርሲ አዋፕ ኤኪዴ? ሃይሲ ኢዛሰ አሚቲዳ ኤራቲላይ አዜ? ቃሴ ሃይቲ ኢዚ አላዚ ማላታቲ ዋኒ ኢዛ ኩሽን ሃኒዘ?» ገሽ ማላሌቲዴ።

3 «ሃይሲ አናጸዛ ገዴኔ? ማራሚ ና ያቆቤንታ ዮሳንታ፡ ዩሁዳንታኔ ሲሞናንታ አሻ ገዴኔ? ኢዛ ሚቹቲ ኦናራ ሃን ኦ ማታን ዲዛይታ ዴቲኔ?» ገዴ ሃሳፊ ዴንዲዳይሳን ኢዛን ኡፋዬቲቤቴና።

4 ዩሱሳካ ኢሰታሰ፡ «ናቤይ ቦንቹቶንታይ ባ ዴሬን ባ ዳቦታ ገደኒኔ ባሶ አሳ አቻን ጸላ» ገዴሰ።

5 ሄን ጉላ ሃርጋንቻታ ቦላ ኩሽ ዋላ ፓሶሪፕ አቲን ሃራ አይኮ ማላታካ አላናሰ ዳንዳይቤና።

6 ኢሰታሰ አማኖይ ባይንዳይሳ ቤኢዲ ማላሌቲዴሰ። ሃሳፊካ ዩሱሳ ጉታን ጉታን ዩዩ ዩዩ ታማርሲዴሰ።

ዩሱሳ ከቲ ዩዲዳ ታማኔ ናሞአታ (ማቶ 10:5-15፤ ሉቃ 9:1-6)

7 ታማኔ ናሞአታ ባኮ ጳይገዲ ናሞኡ ናሞኡ ሂሰቲ ከቲሽ ቱና አያናታ ቦላ ኢሰታሰ ጎዳቲላ አሚዴሰ።

8 ኢዚ፡ «ኦጌሰ ገዲዛ ጉፊ አቲን ኦጌ ሸንቄ ዋይኮ ኮርጅ ዋይኮ ሚሽ አይኮፍቴ።

9 ጫማ አላቲ ገዴ አቲን ላማና ማይኦ አይኮፍቴ።

10 ኢሲ ኬላ አንቲ ጌሊኮ ሄ ካታማፕ አንቲ ኬዛና ጋካናሰ ሄ ኬላን ዲቲ።

11 አዋንካ ኦኒካ አንቲና ሞኪ ኤኮንታ ኢዲኮ ሄፕ ኬዚሽ ሄ ዴሬታ ቦላ ማርካ ገዴና ማላ አንቲ ቶሆ ቦላ ዲዛ ጉዲላ ቆቆፍቴ» ገዴ አዛዚዴሰ። *

12 ኢሰቲካ ሄፕ ኬዚዲ ዴሬይ ማርቴላን ጌላና ማላ ሳባኪዴ።

13 ዳር ዳይዳንጎታ ኬሲዳ፤ ዳር ሃርጋንቻታ ዛይቲ ዩቲ ዩዲ ፓላዲ።

ጸማቂዛ ዮሃንሳ ሃይቆ (ማቶ 14:1-12፤ ሉቃ 9:7-9)

14 ዩሱሳ ሱንላ ካሴፕ ኤሬቲ ኤሬቲ ቢሸን ካዋ ሄርዲሲ ሄሳ ሲዩዴሰ። ኢሲ ኢሲ አሳቲ፡ «ሃይሳ ማላ ማላታታ አላዛይ ጸማቂዛ ዮሃንሲ ሃይቆፕ ዴንዲና» ገዴ።

15 ባጋይቲ፡ «ኤላሳ» ጌቲሰ፤ ባጋ አሳይ ቃሴ፡ «ካሴ ናቤታፕ ኢሳ ሚሳቲሰ» ጌቲሰ።

16 ሄርዲሲ ዮኦዛ ሲዩዴ፡ «ታ ኢዛ ቆቆ ቃንጸሲዳ ዮሃንሲ ሃይቆፕ ፓላ ዴንዲዴሰ» ገዴሰ።

17 ሄርዲሲ ባ አሻ ፕሊጶሳ ማቶ ሄርዲያደ ኤኪዳ ጋሶን አይኮቲዲ ቃሽታና ማላ አዛዚዲ ዮሃንሳ ቃሽ ኬላ ጌላላዴሰ።

18 ዮሃንሲ ሄርዲሳ፡ «ኔ አሻ ማቶ ኔ ኤኮንታ ማላ ዋጋይ ኔና ዲጌሰ» ገዴ ገሻሰ ቃቹዴሰ።

19 ሄርዲያዳ ሃሳ ገሻሰ ሆሎታዳ ኢዛ ዋዲሳናሰ ኮያዲሰ ሸን ዳንዳያቤኩ።

20 ጋሶይካ ዮሃንሲ ጸሎኔ ጌሻ አሰ ገዲዳይሳ ሄርዲሲ ኤሪዛ ገሻሰ ዮሃንሳሰ ባቤሲኔ ኢዛ ናጌሰ። ዮሃንሲ ዮቲዛይሳ ሄርዲሲ ሲዩዴ ሄርጊዛ ገዲኮካ ኢዚ ዮቲዛይሳ ዋዚናፕ ሲዩሰ።

21 ሄርዲሳ ዩሌታ ጋላሰ ቦንቻናሰ ቆቃ ሹማታሰ፡ ኦላ ዋታዲራታ አዛዚዛ ዋናታሰኔ ጋሊላ ቢታን ኬሂ ኤሬቲዛ ገታ አሳታሰ ገቢራ ኬሲዴሰ፤ ሄሲካ ሄርዲያዲሰ ገጋ ጋላሰ ገዴዴሰ።

22 ሄርዲያዲ ማጫ ናያ ጌላዳ አሳ ሰንላን ማዛሙራ ዩዲን ሄርዲሳኔ ኢዚ ጳይገዳ አሳ ኢዚ ዩላይ ኡፋይሲዴሰ። ካዋዚካ ናዮ፡ «ኔ ኮይዛ ሚሽ ኡባ ታና አይቻ፤ ታ ኔሰ አማና» ገዴሰ።

23 ቃሴካ ታ ካዋቲላ ባጋ ገዲዳኮካ ኔ አይቹኮ ኡባ ታ ኔሰ አማና ገዴ ኢዚሰ ጫቂዴሰ።

24 ናያ ኤሌላ ኬዛዳ ባ አዩዮ፡ «ካዋዛ አይ አይቶ?» ጋዲሰ። አዩያካ፡ «ጸማቂዛ ዮሃንሳ ሁኔ ቃንጸዳ አማ ጋ» ጋዲሰ።

25 ናያካ ኤሌላ ኬዛዳ ካዋዛኮ ጌላዳ፡ «ጸማቂዛ ዮሃንሳ ሁኔ ኬሬን ዋላዳ ኔ ታሰ አማና ማላ ኮያይሰ» ጋ አይቻዲሰ።

26 ካዋይ ሄ ዮኦዛን ዳር ሞቆቲዴሰ፤ ገዴ አቲን ጳይጌቲዳ አማላ ገሻሲኔ ጫቂዳ ቃላ ገሻሰ ኢዚሰ አካይ ጋናሰ ኮዩቤና።

6:4 ዮሃ 4:44 6:8 ሉቃ 10:4-11 * 6:11 ገሊዜ ኦራላ ጫቆ ማጸፋይኔ 1,947 ማርቴላ ላይላን ጸፊቲዳ አማራላ ጌሻ ማጸፋይ ሃይሳፊ ካሊዲ ዲዛ ቆፋ ጉጃቲሰ፤ «አንቲሰ ቱማ ጋይሰ፤ ሄ ካታማፕፕ ሰደሚሲኔ ጋሞራሰ ፐርዳ ጋላሰ ሎአና።» ሃይሳ ሃ ቆፋይ ገሪኬ ቃላን ቢርሽቲዳ ማጸፋታን ዴና። 6:11 ሃዋ 13:51 6:13 ያቆ 5:14 6:18 ሉቃ 3:19-20

8 ጸላ ዋጋ አገዲ አሲ ዋሊዳ ዋጋ ናጌቲስ።
 9 ቃሴካ፡ «እንቲ ዋጋሽ ገዲ ጸላ ዋጋ እንቲ ኣጋገዛ ጨንጫቲላ ኦጌይ እንቲስ ደሰ።
 10 ኣይሰ ገዢ ሙሴይ፡ ሳ ኣየኔ ኔ ኣዋ ቦንቻ፤ ባ ኣየኔ ባ ኣዋ ጫዳዳይ ሙላካ ሃይቆ» ገደሰ።
 11 ገደ ኣቲን እንቲ ቃሴ፡ «አሲ አሲ ባ ኣዋ ዋይኮ ባ ኣዋ እንቲ ታፔ ዳማናስ ኮሺዛ ማዶ ታ ጸላስ ኢማዲስ» ገዢ።
 12 እንቲ ቃሴ ሃይሳይይ ባ ኣዋሰካ ባ ኣዋይሲ ሃራ ኣይኮካ ኦላና ማላ ኮዬኮታ።
 13 ሃሳ ገሻስ እንቲ ዋጋ ናጋና ገዲ ጸላ ቃላ ላማታ። ሃይታንታ ሚሳቲዛ ዳርታ ኦላታ» ገደሰ።
 14 ቃሴካ ዩሱሲ ኣሳ ባኮ ጸይገዲ፡ «ወሪካ ታ ገዛ ሲዩቲይ ዋዚናን ዋሊቲ።
 15 ካሪፔ ኡሎ ገደ ጌሊዲ ኣስ ቲኒሲዛ አሲ ሚሻካ ዳና፤ ሃራፔካ ኣሴ ቲኒሲዛይ ኮላ ኣዋፔ ጌዴ ካሪ ኮዚዛ ሚሻ።
 16 ሲዩዛ ሃይላ ዲዛይ ሲዮ!» ገደሰ። *
 17 አዚ ኣሳ ካሪን ኣገዲ ኮላ ጌሊን አዛ ካሊዛይቲ አዚ ዮቲዳ ለሚሶዛ ቢርሼላ ዩሱሳ ኦይቲዳ።
 18 አዚካ አሰታ፡ «እንቲሰካ ዮኦይ ጌሌኔ? ካሪፔ ጌሊዲ ኣሴ ቲኒሲዛ ሚሻ ኣዚካ ዳና።
 19 ካሪፔ ጌሊዛይ ጌዴ ዋዚናን ገደንታ ዲጌ ቃንሳ ገደ ጌሌስ፤ ቃሴ ሃፔ አዛይ ኣሳቲላፊ ጌዴ ካሪ ኮዜስ» ገደሰ፤ ዩሱሲ ሃሳ ገደይ አሲ ሚዛ ካላ ወሪካ ጌሽ ገዲዲይሳ ቆንጨሳና።
 20 ካሌላዲካ፡ «ኣሳፔ ኮዚዛዚ ኣሴ ቲኒሲስ።
 21 ኣሳ ዋዚና ገደፊ ኮዚዛይ ኢታ ቆፋታ፡ ላይማ ኣዋኔ ካይሶቲላ፡ ኣሴ ዋዶ፡ ላይማቲላ፡
 22 ዩቁቲላ፡ ኢታቲላ፡ ባሌላ፡ ላይማ ካስ፡ ቃናቲላ፡ ኣሳ ሱንላ ሞሮ፡ ኦቶሬቲላኔ ኣዛላ።
 23 ሃይቲ ኢታ ሃኖቲ ወሪ ኣሳፔ ኮዜቲሲኔ ኣሴ ቲኒሲቲስ» ገደሰ።

አሲ ማጫሳይ ኣማና
 (ማቶ 15:21-28)

24 ዩሱሲ ሃፔ ኮዚዲ ጸርሴ ጌቲቲዛ ዳሬ ቢዳስ፤ ሃን አሳይ ኮላ ጌሊዲ አዚ ሃን ዲዛይሳ አሲ ኤርንታ ማላ ኮዩዳስ። ገደ ኣቲን አዚ ሃን አዛ ዲሳይ ቆቲታናስ ዳንዳይቲቤና።
 25 ሃራካ አሲ ቲና ኣያናይ ኦይኪዳ ጉላ ና ዲዛሪ ኣያ ዩሱሲ ሃን ዲዛይሳ ሲያዳ አዛኮ ያዳ አዛ ቶሆ ቦላ ኩንዳዲስ።
 26 ማጫሳያ ገሪኬ ቃላ ሃሳይዛ ማጫስ ሸን አዛ ዩሌቲዳሶይ ሲርፊንቁ ጌቲቲስ። አዛካ ዩሱሲ ናይፔ ቲና ኣያና ኮሳና ማላ ዋሳዲስ።
 27 ዩሱሲ ዛሪዲ አዚስ፡ «ናይታ ቁማ ኤኪ ካናስ ዩጋናስ ቤሶንታ ገሻስ ኮይር ናይቲ ሚ ካላቶ» ገደሰ።
 28 አዛካ ዛራዳ፡ «ኤ ጎዶ! ካናቲካ ማዳ ማታን ዳኢዲ ናይታ ኩሸፔ ጋዴን ዋዲዳይሳ ማቲስ» ገደሰ።
 29 አዚካ፡ «ሃሰቲኮ ኔኒ ሃሳ ገደ ገሻስ ባ! ዳይዳንሳይ ኔ ናይፔ ኮዚዳስ» ገደሰ።
 30 አዛ ሲማዳ ሶ ቢሸን ናያ ዳይዳንሳይ ዩዲን ፓጸዳ ሃጸን ኢቲዳር ዳማዲስ።

ዩሱሲ ፓሊዳ ደና ዲዳይ ሃይላ ቲሌ ኣዳዘ
 31 ሃሳፊ ዩሱሲ ጸርሴ ቢታፊ ዳንዲዲ ሲደና ጌቲቲዛሶራ ኣዲ ታሙ ካታማ ጌቲቲዛሶራ ካንላዲ ጌዴ ጋሊላ ኣባኮ ጋኪዳስ።
 32 ኣሳይ አሲ ሃይላ ቲሌኔ ደና ዲዳይ ኣሰ አዛኮ ሃ ኤኪ ዩዲ ዩሱሲ አዛ ቦላ ባ ኩሸ ዋላና ማላ ዋሳዲ።
 33 ዩሱሲካ አዛ ኣሳፔ ሻኪ ኤኪ ቢዲ ባ ኩሸ ቢራዲታ ኣዳዘ ሃይላን ጌልላዳስ፤ ቃሴካ ጩቶ ጩቲዲ ኣዳዘ አንጸርስ ቦቲዳስ።
 34 ፑዴ ሳሎ ጸሊዲኔ ቶኪ ሸምፒዲ፡ «ኤፍታ» ገደሰ። ሃሲካ፡ «ፖጌታ» ጉሳ።
 35 ሃራካ ኣዳዘ ሃይላቲ ፖጌቲዳ፤ አንጸርሳይካ ቢርሸቲን ጌሽ ሃሳይዳስ።
 36 ዩሱሲ ሃይሳ ቤአዳይቲ ኦናሰካ ዮቶንታ ማላ ኣዛዚዳስ፤ ገደ ኣቲን ኣሳይ አዚ ኣዛዚዳይሳፊ ቦላራ ኮሃ ጉጂዲ ዮቲዳስ።
 37 ዳሪዚካ ኮሃ ማላሌቲዲ፡ «አዚ ኦላዳይሲ ወሪ ሎኦ፤ ቲሌቲ ሲያና ማላ፡ ደና ዲዳይቲ ሃሳያና ማላ ኦላዳስ» ገደሰ።

8

ዩሱሲ ኦይዲ ሸ አስ ሚዚዳስ
 (ማቶ 15:32-39)

1 ሃ ዋዳ ቃሴ ዳር አሲ ሸቁዳስ። ሸቁዳ ኣሳስ ሚዛ ካላ ባይንዳ ገሻስ ዩሱሲ ባና ካሊዛይታ ጸይገዲ።
 2 «ሃይቲ ኣሳቲ ታናራ ሃሹ ጋላስ ጋካናስ ጋምኢዳ ገሻሲኔ ቃሴካ አሰታሰ ሚዛ ካላ ባይንዳ ገሻስ ታና ሚቸቲስ።
 3 አሰታፊ አሲ አሲ ኣሳቲ ሃሆፔ ዩዳ ገሻስ ሃይሳ ጋራ ታ አሰታ ሶ ዩዲኮ ዳቡርዲ ኦጌ ቦላ ኩንዳና» ገደሰ።
 4 አዛ ካሊዛይቲካ ዛሪዳ፡ «ሃይሳ ባዘን ሃይሳ ማላ ዳሬ ሚዛና ቁማ ኣዋፔ ዳማኔ?» ገደሰ።
 5 አዚካ አሰታ፡ «እንቲኮን ኣፑን ኡኮላ ዲዜ?» ገደሰ። ገደ ኦይቲዳስ፡ አሰቲካ፡ «ላፑን ኡኮላ ዳስ» ገደሰ።
 6 አዚካ ኣሳይ ጋዴን ኡታና ማላ ኣዛዚዳስ፤ ላፑን ኡኮላ ባ ኩሸን ኦይኪ ጋላቲዲኔ ሚንላዲ ኣሳስ ገሸቻና ማላ ባና ካሊዛይታስ ኢማን አሰቲካ ዳሬዛስ ገሸዲ።
 7 ቃሴካ ሃን ዲዛ ቁሪ ጉላ ሞሌታ ገሻስ ጸላ ጋላቲዲ ጉላ ሞሌታ ኣሳስ ገሸቻና ማላ ባና ካሊዛይታ ኣዛዚዳስ።
 8 ዳሬይካ ሚዲ ካሊዳስ። ሃሳፊካ አዛ ካሊዛይቲ ማዳፊ ፓላሂዳ ካላ ላፑን ለማቲ ኩሚላ ዳንላዲ።
 9-10 ሃሳ ሚዳ ኣሳይ ኦይዲ ሸ ገደና። ሃ ኣሳ ሞይዚዲ ባና ካሊዛይታራ ዋጎሎን ጌሊዲ ጌዴ ዳልማኔታ ጌቲቲዛሶ ቢዳስ።
 11 ፋርሳዋቲ ዩዲ ዩሱሳራ ፓላሚቲላ ኦይኪዳ፤ አዛ ፓጫናስ ኮዩዲ ባንታና ሳሎፔ ማላታ ቤሳና ማላ ኦይቲዳ።
 12 አዚካ ቶኪ ሸምፒዲ፡ «ሃይሲ ዩሌታዚ ኣዛስ ማላታ ኮይኮ? ታ እንቲስ ቲማ ገይስ፤ ሃይሳ ዩሌታስ አሲ ማላታይካ ኢማቲና» ገደሰ።

7:10 ኮሳ 20:12፤ 21:17፤ ዛሬ 5:16፤ ለዋ 20:9 * 7:16 አሲ አሲ ጌሻ ማጸፋቲ ታይቦ 16 ቦላ ዲዛ ቆፋ ጉጂቲስ። 8:11 ማቶ 12:38፤ ሉቃ 11:16 8:12 ማቶ 12:39፤ ሉቃ 11:29

13 ኢስታ ሄን አገዲኔ ዋጎሎን ጌሊዲ ሄ ፒንሳ ፒኒደሰ።

ፋርሳዊታ ኢርሾኔ ሄርደሳ ኢርሾ (ማቶ 16:5-12)

14 ኢዛ ካሊዛይቲ ካላ ኦይኮንታ ባሉቲዳ ገሻሰ ኢሲ ኡኩሌ ኣቲን ዋጎሎ ገደን ሃራ ኣይ ካሊካ ዳና።

15 ዩሱሲ ኢስታ፡ «ፋርሳዊታ ኢርሾፊኔ ሄርደሳ ኢርሾፊ ናጌቲቲ» ገዲ ኣዛዚደሰ።

16 ኢስቲ ቃሴ ባ ገደን ኢሶይ ኢሳራ፡ «ኢዚ ኑና ሃይሳ ገዛይ ኑስ ካሊ ባይንዳ ገሻሳ» ገ ሃሳዩቲዳ።

17 ቃሴ ዩሱሲ ኢስታ ቆፋ ኤሪዲ፡ «ኑስ ካሊ ባይንዳ ገሻሰ ጋሳ ገዲ ኢንቲ ገደን ኣዛሰ ሃሳዩቲቲ? ሃኢካ ዩሺ ቆፒኩቲ? ዋዚናንካ ዋሌኩቲ? ዋይኮ ኢንቲ ዋዚናይ ሹቻቲዳ?»

18 ኢንቲስ ኣይፊይ ዳሰ ሺን ጸሌኩቲ? ሃይሊ ዳሰ ሺን ሰዩኩቲ? ኣኩኩኩቲ?

19 ኢቻሹ ኡኩላ ኢቻሹ ሺ ኣሳሰ ታ ማንላ ኢሚን ኣፑን ለማቲ ኩሚላ ካላ ዳንሊዳቲ?» ገደሰ።

ኢስቲካ ዛሪዲ፡ «ታማኔ ናምኡ» ገዲ።

20 ኢዚካ፡ «ላፑን ኡኩላ ኦይዲ ሺ ኣሳሰ ታ ማንላ ኢሚን ኣፑን ለማቲ ኩሚላ ካላ ዳንሊዳቲ?» ገ ኦይቺን ኢስቲካ፡ «ላፑን» ገዲ።

21 ኢዚካ ኢስታሰ፡ «ሂስቲን ሃኢ ጋካናሰ ዩሺ ቆፒኩኩታካ!» ገደሰ።

ዩሱሲ ቤቴሳይዳን ፓሊዳ ቆቄ ኣዳዘ

22 ሄሳፊ ጌዴ ቤቴሳይዳ ጌቴቲዛሶ ቢዳ፤ ጉላ ኣሳቲካ ኣይፊ ቆቄ ኣሰ ዩሱሳኮ ኤሂዲ ዩሱሲ ኢዛ ቦቻና ማላ ዋሲዳ።

23 ኢዚካ ሄ ቆቄዛ ኩሺ ኦይኪ ጎቺዲ ኣሲ ዲዛሶፕ ጌዴ ካሬ ኩሲዲ ኣዳዘ ኣይፊን ጨቴዲኔ ባ ኩሺ ኢዛ ቦላ ዋሊዲ፡ «ሃኢ ኔስ ኣዚ ቤቴዙ?» ገ ኦይቺደሰ።

24 ኢዚካ ቆቄ ገ ጸሊዲ፡ «ኣሳይ ሚላ ሚሳቲዲ ቃጸቲሺ ቤቴሰ» ገደሰ።

25 ቃሴካ ዩሱሲ ባ ኩሺታ ኢዛ ኣይፊታ ቦላ ዋሊደሰ፤ ሄራካ ኢዛ ኣይፊቲ ጸሊዳ፤ ፖኦይካ ኢዛሰ ሰሚን ወርሲካ ጌሺ ጸሊደሰ።

26 ቃሴ፡ «ሃ ጉታታ ገደ ጌሎፓኔ ኦናሰካ ዮቶፓ» ገዲ ኢዛ ጌዴ ኢዛሶ ዩዲደሰ። *

ዩሱሲ ጸሳፊ ከቴቲዳዳ ገዲዳይሳሰ ጸጽርሳ ማርካቴላ

(ማቶ 16:13-20፤ ሉቃ 9:18-21)

27 ዩሱሲ ባና ካሊዛይታራ ቁሳሪያ ፒሊጲሲዮሴ ጌቴቲዛ ዳሬ ኣቻን ዲዛ ጉታታ ቢደሰ፤ ኢስቲ ኦኔ ቦላ ዲሺን ባና ካሊዛይታ፡ «ታና ኣሳይ ኦና ገዙ?» ገዲ ኦይቺደሰ።

28 ኢስቲካ ዛሪዲ ኔና፡ «ጸማቂዛ ዮሃኒሳ ገዛይቲካ ዳቴሰ፡ ባጋይቲ ቃሴ ኤላሳ ጌቴሰ፤ ሃራቲ ቃሴ ናቤታፕ ኢሳዳ ጌቴሰ» ገዲ ዮቲዳ።

29 ካሊሊዲካ፡ «ኢንቲቶ ታና ኦና ጌቲ?» ገዲ ኦይቺደሰ፡ ጸጽርሲ፡ «ኔኒ ከርሰቶሳ» ገደሰ።

30 ዩሱሲካ ባ ገሻሰ ኦናሰካ ኢስቲ ዮቶንታ ማላ ሚንሊ ዮቲደሰ።

ዩሱሲ ባ ሃይቃናይሳ ካሴቲዲ ዮቲደሰ (ማቶ 16:21-28፤ ሉቃ 9:22-27)

31 ሄሳፊ ዩሱሲ ባና ካሊዛይታ፡ «ኣሳ ናይ ዳር ዋዩ ቤያናይሳኔ ዳሬ ጨማታን፡ ቁሴታ ሃላቃኒኔ ጸፊታን ካዲታና፤ ኣሳ ኩሺን ሃይቃና፡ ሃይቆፕ ሄሻንላ ጋላሰ ዳንዳና ቤሴሰ» ገዲ ታማርሶ ኣይኪደሰ።

32 ኢዚካ ሄሳ ኢስታሰ ቆንጨሲ ዮቲደሰ፡ ጸጽርሲካ ኢዛ ዳማ ሻኪ ኤፊዲ፡ «ሄሳላ ጎፓ!» ገዲ ሃንቁደሰ።

33 ዩሱሲ ቃሴ ባና ካሊዛይታ ዩሺ ጸሊሺ ጸጽርሳ፡ «ሃይሶ ጸላኤ ኔ ታፕ ጌዴ ጉዬ ባ! ኔኒ ኣሳዛፕ ኣቲን ጸሳዝ ቆፓካ!» ገዲ ሃንቁደሰ።

34 ሄሳፊ ጉዬ ኣሳ ባና ካሊዛይታራ ኢሲፊ ባኮ ጸይገዲ፡ «ታና ካላናሰ ደሲዛዳይ ዲኮ ባና ካደ፤ ባ ማሰቃሌ ቶኪዲ ታና ካሎ።

35 ባ ሺምፖ ኣሻና ደሲዛዳይ ቆይሳና ሺን ታ ገሻሲኔ ታ ሚሺራቾ ቃላ ገሻሰ ባ ሺምፖ ቆይሲዛዳይ ወሪካ ኣሻና።

36 ኣሲ ኣላሚ ኩሚላ ሃሪኮኔ ባ ሺምፖ ቆይሲኮ ኢዛ ኣይ ጎኣኔ?

37 ዋይኮ ኣሲ ባ ሺምፖ ገሻሰ ላሚ ኤካናይ ኣዚ ዲዜ?

38 «ሃይሳ ላይማኔ ናጋራንቻ ዩሌታ ገደን ዲሺ ታናኒኔ ታ ቃላን ዩላቲዛ ኣሲ ወሪ ታ ኣሳ ናይ ታ ኣዋ ቦንቾራኔ ጌሻ ኪታንቻታራ ዩዛ ዋዴ ኢዛን ዩላታና» ገደሰ።

9

1 ካሊሊዲካ ዩሱሲ «ታ ኢንቲስ ቱማ ጋይሰ፤ ሃይሳን ኤቁዳ ኣሳፕ ጸሳ ካዋቴሊ ዋልቃራ ዩሺን ቤያና ጋካናሰ ሃይቆንታ ጋምኣና ኢሲ ኢሲ ኣሳቲ ዳቴሰ» ገደሰ።

ዩሱሳ ሚቆ ላሚቴላ

2 ኡሱፑን ጋላሳፊ ጉዬ ዩሱሲ ጸጽርሳ፡ ያቆቤኔ ዮሃኒሳ ባናራ ካሊሊ ኤኪዲ ኢሲ ገታ ዙማ ቦላ ኬዚደሰ። ኢስቲ ባርካ ዲሺን ኢስታ ሲንላን ኢዛ ሚቆይ ላሚቴ ዋዲደሰ።

3 ኢዚ ማይኢዳ ማይኦይ ቢታ ቦላ ኦኒካ ማይኦ ሜጨዲ ሃሳ ማላ ቦላናሰ ዳንዳዮንታ ቦላ ቦቲደሰ።

4 ሄ ዋዴ ኤላሳኒ ሙሴይ ዩሱሳራ ሃሳዩቲሺ ኢስታሰ ቤቲዳ።

5 ጸጽርሲ ዩሱሳ፡ «ኣስታማሬ! ኔኒ ሃን ሃይሳን ዲዛኮ ኑስ ሎኦ፤ ኔስ ኢሲ ዳሴ፡ ሙሴሰ ኢሲ ዳሴ፡ ቃሴ ኤላሳሰ ኢሲ ዳሴ፡ ሄሹ ዳሴታ ኑ ኦሊኮቺ?» ገደሰ።

6 ዳር ባቢዳ ገሻሰ ጸጽርሲ ባ ገዛይሳ ኤሪዲ ገቤና።

7 ሄራካ ሻራይ ኢስታ ካሚን ሻራ ገደራ፡ «ሃይሲ ታ ደሲዛ ታ ናዛኮ! ኢዚ ገዛ ሲዩቲ» ገዛ ቃላ ገሪሲ ዩደሰ።

8:15 ሉቃ 12:1 8:18 ኤር 5:21፤ ሄዚ 12:2፤ ግር 4:12 * 8:26 ገሊኤ ጫቆ ኦራሳ ማጻፋዚ 1,947 ማርቴላ ላይላን ጸፊቲዳ ኣማራላ ገሻ ማጻፋዚኔ ኢሲ ኢሲ ቤኒ ገሪኬ ቃላን ጸፊቲዳ ገሻ ማጻፋቲ ሃይሳፊ ካሊዛ ቆፋ ጉጃቴሰ፤ ሂስቲኮ ሃይሳ ኦናሰካ ዮቶፓ። 8:28 ግር 6:14-15፤ ሉቃ 9:7-8 8:34 ማቶ 10:38፤ ሉቃ 14:27 8:35 ማቶ 10:39፤ ሉቃ 17:33፤ ዮሃ 12:25 9:2 2ጴጽ 1:17-18 9:7 ማቶ 3:17፤ ግር 1:11፤ ሉቃ 3:22

8 ሄራካ ኢስቲ ዩቪ ጸሊን ዩሱሳፔ ኣቲን ኦኒካ ሄራ ኣሲ ኢስታራ ዴና።

9 ኢስቲ ዙማ ቦላፊ ዲጌ ዎቋሺን ኣሳ ናይ ሃይቆፔ ዴንዳና ጋካናሰ ሃይሳ ኢስቲ ቤኢዳይሳ ኦሳሰካ ዮቶንጎ ማላ ኣዛዚዳሰ።

10 ኢስቲካ ባሰ ዮቲዳ ቃላ ባ ዎዚናን ኦይኪዳ ሺን፣ «ሃይቆፔ ዴንዳ ጉሲ ኣይ ጉሴ?» ጊዲ ባ ጊዲን ሃሳዬቲዳ።

11 ቃሴ ኢስቲ ሙሴ ዎጋ ታማርሲዛይቲ፣ «ካሴቲዲ ኤላሲ ያና ኮሼሰ ኣዛሰ ጊዞ?» ጊዲ ኢዛ ኦይቸዳ።

12 ዩሱሲ ኢስታሰ፣ «ቱሙካ ኤላሲ ካሴቲ ዩዲ ወርሲካ ገሊሳና። ሂስቲንካ ኣሳ ናይ ዳሮ ዎዩ ኤካናሲኔ ካቋታናሰ ቤሴሰ ጌቲቲ ጸፊቲዳይሲ ኢንቴሰ ኣይ ሚሳቲዬ?»

13 ጊዲ ኣቲን ታ ኢንቴሰ ጊዛይ ኤላሲ ጊዲኮ ዩዳሰ ሺን ኣሳይካ ኢዛ ገሻሰ ጸፊቲዳ ማላ ባና ኮሺዳ ማላ ኢዛ ቦላ ኦሊዳሰ» ጊዳሰ።

ዩሱሲ ኢታ ኣያናፔ ፓሊዳ ናዛ
(ማቶ 17:14-20፤ ሉቃ 9:37-43)

14 ጌደን ኣቲዳ ዩሱሳ ካሊዛይታኮ ኢስቲ ሲሚ ዩሺን ዳሮ ኣሳይ ኢስታ ጊዳሊን ሙሴ ዎጋ ታማርሲዛይቲ ኢስታታ ፓላሚቲዛይሳ ቤኢዳ።

15 ዳሪይ ኢዛ ዴሚዳ ማላ ማላሊቲዲ ሳሮካናሰ ኢዛኮ ዎጲዳሰ።

16 ኢዚካ ኢስታ፣ «ኢንቴ ኢስታራ ኣዛ ገሻሰ ፓላሚቲቲ?» ጊዲ ኦይቸዳሰ።

17 ኣሳ ጊዳፊ ኢሳዳይ፣ «ኣስታማሬ! ቱና ኣያናይ ኢዛን ጌሊን ዶና ዲዲዳ ታ ና ዳይሳ ታ ኔኮ ኤካ ያዲሰ።

18 ኣያናዚ ዴንዲዛ ዎዳ ቦላፊ ዩጌሰ፤ ዶናራ ጎፖንቶ ኬሲ ኬሲ ዩጌሰ፤ ኣቻካ ጋርጩሰ፤ ኣሳቴላካ ዘዲሴሰ፤ ቱና ኣያና ኬሴቶ ጋዳ ኔና ካሊዛይታ ታ ዮቲን ኢስቲካ ዳንዳይቤቴና» ጊዳሰ።

19 ዩሱሲካ ኢስታሰ ዛሪዲ፣ «ኢንቴኖ ኣማኖንታ ዩሌታቶ፣ ኣይዴ ጋካናሰ ታ ኢንቴናራ ዳኔ? ቃሴ ኣይዴ ጋካናሰ ታ ኢንቴና ዳንዳይኔ? ኣኔ ናዛ ሃ ኤሂቴ» ጊዳሰ።

20 ኣሳይካ ናዛ ኢዛኮ ኤሂዳሰ፣ ቱና ኣያናይ ዩሱሳ ቤኢዳ ማላ ናዛ ሄራካ ጋዴን ጌንዳሪሲዲ ኮኮሪሲዲኔ ዶናራ ጎፖንቶ ጮፑ ሂስቲዳሰ።

21 ዩሱሲ ናዛ ኣዎ፣ «ሃይሲ ሃርጌይ ኢዛ ኣዩዳሳፔ ኦይኪዳ?» ጊዳሰ። ናዛ ኣዎይካ፣ «ናቴላፊ ዶሚዲ» ጊዳሰ።

22 «ኢዛ ዎቋናሰ ኮዩዲ ዳሮ ዎዳ ታማንካ ሃላንካ ዩጌሰ። ኔሰ ዳንዳይቲኮ ኦሰ ሚሼታኔ ኦና ማዳ» ጊዳሰ።

23 ዩሱሲ ቃሴ፣ « ኔሰ ዳንዳይቲኮ» ጋይ? ኣማኒዛዳሰ ወሪካ ዳንዳይቲሰ» ጊዳሰ።

24 ናዛ ኣዎይ ሄራካ፣ «ታ ኣማናይሰ ሺን ታ ኣማናይ ላፋ፣ ታና ማዳርኪ!» ጊዲ ዋሲዳሰ።

25 ኣሳይ ዎጫሚሼ ቡሬቲ ኤኪዲ ኢዛኮ ዩዳይሳ ዩሱሲ ቤኢዲ፣ «ሃይሲ ቱሌኔ ዲዴ ኣያናዙ! ሃይሳ ናዛፔ ኬዛ፣ ኔ ቃሴ ሰማዳ ጌሎንታ ማላ ታ ኔና ኣዛዛይሰ» ጊዲ ቱና ኣያና ሴሪዳሰ።

26 ቱና ኣያናዚካ ኬሂ ዋሲዳሰ፤ ናዚካ ኬሂ ቃኬቲዳፔ ጉዩ ናዛፔ ኬዚዳሰ። ዳሮቲ ሃይቂዳሰ ጋና ጋካናሰ ናዚ ኣሃ ሚሳቲዳሰ።

27 ጊዳ ኣቲን ዩሱሲ ናዛ ኩሼ ኦይኪ ዴንፊዳሰ፤ ናዚካ ዴንዲ ኤቂዳሰ።

28 ዩሱሲ ሶ ጌሊዳፔ ጉዩ ኢዛ ካሊዛይቲ፣ «ኦ ኢዛፔ ቱና ኣያና ኬሳናሰ ኣዛሰ ዳንዳይቤኮኒ?» ጊዲ ኢዛ ኦይቸዳ።

29 ኢዚካ ኢስታሰ፣ «ሃይሳ ማላይ ኬዛና ዳንዳይዛይ ዎሳኒኔ ጸማን ጸላ» ጊዳሰ።

ዩሱሲ ባ ሃይቆ ገሻሲኔ ባ ዴንዳ ገሻሰ ቃሴካ
ዮቲዳሰ

(ማቶ 17:22-23፤ ሉቃ 9:43-45)

30 ሄፔ ዴንዲዲ ጋሊላ ባጋሪ ኣቋ ቢዳ፤ ዩሱሲ ባ ዲዛሶ ኦኒካ ኤራና ማላ ኮዩቤና።

31 ጋሶይካ ዩሱሲ ባና ካሊዛይታሰ፣ «ኣሳ ናይ ኣሳ ኩሼን ኣቋ ኣሚታና፤ ኢስቲካ ኢዛ ዎቋና፣ ሃዘንጎጎ ጋላሳፊ ጉዩ ኢዚ ዴንዳና» ጊዲ ኢስታ ታማርሲዛ ገሻሳ።

32 ጊዳ ኣቲን ኢዚ ጊዛይሲ ኢስታሰ ጌሊቤና፤ ኢዛ ኦይቻናሰካ ባቢዳ።

ኡባፊ ኣቋዛይ ኦኔ?

(ማቶ 18:1-5፤ ሉቃ 9:46-48)

33 ሃሳፊ ጉዩ ቂፊርናሆሚ ቢዳ፤ ኢዚ ኬሌ ጌሊዲ፣ «ኢንቴ ዩሼ ኦኔ ቦላ ኣዛ ገሻሰ ፓላሚቲዳቲ?» ጊ ኦይቸዳሰ።

34 ኢስቲ ቃሴ ኦኔ ቦላ፣ «ኦ ጊደን ኦፔ ኡባፊ ኣቋዛይ ኦኔ?» ጊዲ ፓላሚቲዳ ገሻሰ ወሪካ ጮኡ ጊዳ።

35 ኢዚ ኡቲዳፔ ጉዩ ታማኔ ናሞኣታ ጸይጊዲ፣ «ኮይሮ ጊዳና ኮይዛዳይ ኡባፊ ወርሴሌኔ ኡባታሰ ኣሸካራ ጊዳ» ጊዳሰ።

36 ቂ ጉላ ና ኤሂዲ ኢስታ ጊደን ኤሲዳሰ። ኢዲሚዲ፣

37 «ሃይታ ጉላ ናይታፔ ኢሳዳ ታ ሱንላን ሞኪ ኤኪዛዳይ ታናካ ሞኪ ኤኬሰ፤ ታና ሞኪ ኤኪዛዳይ ወሪ ታና ጸላላ ጊደንታ ታና ከቲዳይሳካ ሞኪ ኤኬሰ» ጊዳሰ።

ኦና ኢጸንታይ ወሪ ኦ ባጋ

(ሉቃ 9:49-50)

38 ዮሃኒሲካ፣ «ኣስታማሬ! ኢሳዳይ ኔ ሱንላን ዳይዳንጎ ኬሲሺን ኦ ቤይዶሰ። ኢዚ ኦና ካሎንታ ገሻሰ ኬሶንታ ማላ ዲጊደሰ» ጊዳሰ።

39 ዩሱሲ ቃሴ፣ «ዲጎፍቲ፤ ኦኒካ ታ ሱንላን ማላታ ኦሊዲ ኤሶቲዲ ታ ቦላ ኢታ ሃሳያናሰ ዳንዳይና።

40 ኦናራ ኤቆቶንታይ ወሪ ኦናራ ዳሰ።

41 ታ ኢንቴሰ ቱሙ ጋይሰ፤ ኢንቴ ቲዩቲዳ ኪርሰቶሳሰ ጊዲዳ ገሻሰ ታ ሱንላን ኢሲ ዋንጫ ሃላ ኢንቴና ኡሺዳዳይ ወሪ ባ ኦሶይሰ ዎጋ ቋዩና።

ኣሳሰ ቋጶ ጊዳናፔ ናጌቲላ

(ማቶ 18:6-9፤ ሉቃ 17:1-2)

42 «ሃይታ ታና አማኒዛ ሃ ጉላታፔ አሳዳሰ ጳጳ ጊዲዛይ ወሪ ዳጾ ዋጻ ሹቺ ኢዛ ቆጴን ቃሹቲን ዲጌ ኣባ ጊዶ ኦሎቲዳኮ ኢዛሰ ሎኦ ጊዳና።

43 ሃሳ ጊሻሰ ኔ ኩሼይ ኔና ባሌሊኮ ኔፔ ቃንጸ ዬጋ፤ ናምኡ ኩሼራ ዳዳ ጌዳ ጋናሚ ታማን ኔ ባናይሳፌ ኩሼ ዲጸ ጊዳዳ ጌዳ ዳኦን ጌሎይ ኔሰ ሎኦ ጊዳና።

44 ጋናሚን ጉጹኔይ ሃይቁና፣ ታማይኔ ቶኤና። *

45 ኔና ኔ ቶሆይ ባሌሊኮ ኔፔ ቃንጸ ዲጋ፤ ናምኡ ቶሆራ ዳዳ ጌዳ ጋናሚ ታማን ዬጌታናፔ ኔ ዋቤ ጊዳዳ ጌዳ ዳኦን ጌሎይ ኔሰ ሎኦ።

46 ጋናሚን ጉጹኔይ ሃይቁና፣ ታማይኔ ቶኤና።

47 ኔና ኔ ኣይፌይ ባሌሊኮ ዋጫ ኬሳዳ ኔፔ ዲጋ፤ ናምኡ ኣይፌራ ዳዳ ጌዳ ጋናሚን ዬጌታናፔ ኢሲ ኣይፌራ ጸሳ ካዋቴላ ጌሎይ ኔሰ ሎኦ።

48 ጋናሚን ጉጹኔይ ሃይቁና ታማይኔ ቶኤና።

49 «ቡር ኣሲ ወሪ ታማን ፓጩታና።

50 «ማጺኔይ ሎኦ፤ ጊዶ ኣቲን ማጺኔይ ባ ማጺኔቴላ ዬዲኮ ኢንቴ ዋሰቲ ኢዛ ማልኦ ኤራኔ? ኢንቴ ኣሳቴላን ማጺኔይ ዳኦ። ኢንቴ ኢንቴ ጊዶን ደሴቲቴ» ጊዳሰ።

10

ማቾ ኣንጂ ዬዳናሰ ቤሴና (ማቾ 19:1-12፤ ሉቃ 16:18)

1 ዬሱሲ ሃፔ ዳንዲዲ ጌዳ ዩሁዳ ጌቲቲዛ ዳሬኔ ዮርዳናሴ ሻፋፔ ፒንላን ዲዛ ዳሬ ቢዳሰ። ዳሬይካ ቃሴ ኢዛ ዩዩ ዳጲን ኢዚ ካሴ ባ ኦሊዛ ማላ ኣሳ ታማርሲዳሰ።

2 ኢሲ ኢሲ ፋርሳዌቲ ኢዛኮ ዩዲ፣ «ኣሲ ባ ማቾ ኣንጂ ዬዳናሰ ቤሴኬ?» ጊዲ ኢዛ ፓጩ ኦይሾ ኦይቺዳ።

3 ኢዚካ ኢሰታሰ፣ «ሙሴይ ኢንቴና ኣይ ጊ ኣዛዚዳ?» ጊዲ ዛሪ ኦይቺዳሰ።

4 ኢሰቲካ ኢዛሰ፣ «ሙሴይ ታ ኢዛ ኣንጂ ዬዳዲሰ ገዛ ዋሪቃታ ጸፊ ኢሚዲ ኣንጂ ጊዳሰ» ጊዳ።

5 ዬሱሲካ ዛሪዲ ኢሰታ፣ «ሙሴይ ሃይሳ ማላ ዋጋ ጸፊዳይሲ ኢንቴ ዋዚናይ ሚኒዳ ጊሻሳ።

6 ጊዶ ኣቲን ኮይር ጸሲ ሜጲሽ ማጫኔ ኣዳ ኦሊ ሜጲዳሰ።

7 ሃሳ ጊሻሰ ኣሲ ባ ኣዋኔ ባ ኣዮ ኣጊዲ ባ ማቺራ ዋጾቴሰ።

8 ናምኣይ ኢሲ ኣሾ ጊዳቴሰ፤ ሃሳ ጊሻሰ ኢሰቲ ናምኣይ ኢሲኖፔ ኣቲን ናምኡ ዳቴና።

9 ሃሳ ጊሻሰ ጸሲ ጋሊ ዋጺዳይታ ኣሲ ሻኮፎ» ጊዳሰ።

10 ቃሴካ ኢሰቲ ሶ ጌሊን ኢዛ ካሊዛይቲ ሄ ዮኦዛ ጊሻሰ ዛሪ ኢዛ ኦይቺዳ።

11 ኢዚ ኢሰታሰ፣ «ኦኒካ ባ ማቾ ኣንጂ ዬዲዲ ሃራ ማጫሰ ኤኪኮ ሄ ማጫሳይ ቦላ ላይማ ኦሌሰ።

12 ማጫሳያካ ባ ኣዚና ኣጋዳ ሃራ ኣዳ ጌሊኮ ኢዛካ ላይማታወሰ» ጊዳሰ።

ዬሱሲ ጉላ ናይታ ኣንጂዳሰ (ማቾ 19:13-15፤ ሉቃ 18:15-17)

13 ዬሱሲ ባ ኩሼ ዋላና ማላ ኣሳይ ናይታ ኢዛኮ ኤሂዳሰ። ኢዛ ካሊዛይቲ ቃሴ ኤሂዳ ኣሳ ቦላ ሃንቁቲዳ።

14 ዬሱሲ ሃሳ ቤዩ ሃንቁቲዲ፣ «ናይቲ ታኮ ዬቶ፤ ዲሳፍቲ፤ ጸሳ ካዋቴላ ሃይታንታ ማላሳ።

15 ታ ኢንቴሰ ቱሙ ጋይሰ፤ ጸሳ ካዋቴላ ሃይሳ ጉላ ናይታ ማላ ኤኮንታዳይ ኢዚን ሙሊካ ጌሊና» ጊዳሰ።

16 ናይታ ኢዲሚዲ ኢሰታ ቦላ ባ ኩሼ ዋሊዲ ኣንጂዳሰ።

ኢሲ ዲሪ ኣዳ (ማቾ 19:16-30፤ ሉቃ 18:18-30)

17 ሃፔ ቡር ኦፔ ኬዚሽን ኢሳዳይ ዋጺሽ ኢዛኮ ጋኪዲኔ ኢዛ ሰንላን ጉልባቲዲ፣ «ኪያ ኣሰታማሬንቶ! ታኒ ሚርና ዳኦ ዳማና ማላ ኣይ ኦላና ታሰ ቤሲዜ?» ጊ ኦይቺዳሰ።

18 ዬሱሲካ፣ «ኣዛሰ ታና ኪያ ጋይ? ኢሲ ጸሳፊ ኣቲን ኪያይ ባ» ጊዳሰ።

19 «ኔኒ ኣዛዘታ ኤራይ? «ዋጾፓ፤ ላይማቶፓ፤ ካይሶቶፓ፤ ዋርዶ ማርካቶፋ፤ ኣሰ ባሌላፋ፤ ኔ ኣዋኔ ኔ ኣዮ ቦንቻ» ጊዛይታ» ጊዳሰ።

20 ኣዳዚካ ዛሪዲ፣ «ኣሰታማሬ! ታ ሃይታ ወርሳ ናቴላፊ ኦይካዳ ናጋዲሰ» ጊዳሰ።

21 ዬሱሲ ኢዛ ጸሊዲኔ ደሲዲ፣ «ሂሰቲኮ ሃኢ ኔሰ ኢሲ ሚሽ ፓጩሰ። ባዳኔ ኔሰ ዲዛ ወርሳ ባይዛ፤ ሚሻ ማንቆታሰ ኢማ፤ ኔኒ ሳሎን ሸቁዳ ሚሽ ዳማንዳሳ፤ ሂሰታዳኔ ሃ ያዳ ታና ካላ» ጊዳሰ።

22 ኣዳዚካ ሃሳ ሰዩዲ ዳር ዩሎቴዳሰ፤ ኢዛሰ ዳር ኣቆታይ ዲዛ ጊሻሰ ሙዘቲሽ ቢዳሰ።

23 ዬሱሲ ዩሽ ኣሊ ጸሊዲ ባና ካሊዛይታ፣ «ዳሬታሰ ጸሳ ካዋቴላ ጌሎይ ኣይ ማላ ዳጸ!» ጊዳሰ።

24 ኢዛ ካሊዛይቲካ ኢዛ ሃሳያን ማላላቲዳ፤ ዬሱሲ ቃሴ ዛሪዲ፣ «ናይቶ! ጸሳ ካዋቴላ ጌሎይ ኣይ ማላ ዳጸ ሚሽ!

25 ዲሪይ ጸሳ ካዋቴላ ጌላናይሳፊ ጋሚላይ ናርፔ ሉኮራ ኣቆናይሲ ካወያና!» ጊዳሰ።

26 ኢዛ ካሊዛይቲካ ዳርሲ ማላላቲዲ ባ ጊዶን ኢሶይ ኢሳ፣ «ሂሰቲን ኦኒ ኣታና ዳንዳይዜ?» ጊዳ።

27 ዬሱሲ ኢሰታ ጸሊዲ፣ «ሃይሲ ኣሳሰ ዳንዳይቴና፤ ጸሳ ማታን ጊዲኮ ሃሳ ማላ ጊዳና። ጸሳሰ ወሪካ ዳንዳይቴሰ» ጊዳሰ።

28 ጳጵርሲ ቃሴ፣ «ሄኮ፤ ኦኒ ወርሲካ ኣጊዲ ኔና ካሊዲሰ» ጊዳሰ።

29 ዬሱሲካ ዛሪዲ፣ «ታ ኢንቴሰ ቱሙ ጋይሰ፤ ታ ጊሻሲኔ ሚሽራቾ ቃላ ጊሻሰ ጊዲ ባ ኬሌ፣ ዋይኮ ባ ኢሻታ፣ ዋይኮ ባ ሚቺታ፣ ዋይኮ ባ ኣዮ፣ ዋይኮ ባ ኣዋ፣ ባ ናይታ፣ ዋይኮ ባ ጋይ ኣጊዳ ኣሲ ወሪ፣

30 ሃይሳ ሃ ዋይዛን ሃኢ ጎዴታራ ኬላታ፣ ኢሻታ፣ ሚቺታ፣ ኣይታ፣ ናይታኔ ጋይካ ጳቲ ኩሼ ኣሊ ኤኮንታይኔ ቡር ያና ኣላሚዛንካ ሚርና ዳኦ ላቶንታዳይ ዳና።

9:43 ማቾ 5:30 * 9:44 ኢሲ ኢሲ ጌሻ ማጸፋቲ ታይሶ 44ኔ 46 ቦላ ዲዛ ቆፋ ጉጃቴሰ፤ ቆፋዚካ ታይሶ 48 ቦላ ዲዛይሳ ሚሳቴሰ።
9:47 ማቾ 5:29 9:48 ኢሳ 66:24 9:50 ማቾ 5:13፤ ሉቃ 14:34-35 10:4 ዛሬ 24:1-4፤ ማቾ 5:31 10:6 ሜጴ 1:27፤ 5:2
10:12 ማቾ 5:32፤ 1ቆር 7:10-11 10:15 ማቾ 18:3 10:19 ኬሳ 20:12-16፤ ዛሬ 5:16-20 10:31 ማቾ 20:16

31 ገደ አቲን ሲንገጥድ ዳርቲ ጉዳታና፤ ጉዳቲዳይቲ ሲንገጥና» ገደሰ።

ዩሱሲ ባ ሃይቂ ዳንዳናይሳ ሃሻንጎላ ዮቲዳሰ

32 ኢሰቲ ዩሩሳላሜ ኤፊዛ ኦጌ ቦላ ዲሺን ዩሱሲ ኢሰታፊ ሲንገጥ ሲንገጥ ቤሰ። ኢዛ ካሊዛይቲ ኢዛ ቡሳን ማላላቲዳ። ሃንኮ ኢዛ ጋሶን ዲዛ አሳይ ቃሴ ኢዛሰ ባቢዳሰ፤ ቃሴካ ታማኔ ናምኣታ ዳሬዛፔ ዲማ ሻኪዲ ባ ቦላ አዚ ጋካናኮን ኢሰታሰ ሃዘገ ዮቲዳሰ፤

33 «ኦኒ ዩሩሳላሜ ኬዛና፤ አሳ ናይ ቂሴታ ሃላቃታሲኔ ሙሴ ዋጋ ታማርሲዛይታሰ አጂ አሚታና፤ ኢሰቲካ ኢዛ ቦላ ሃይቆ ፐርዳ ፐርዳና ኤሬ አሳሰ አላ አማና።

34 ኢዛ ቦላ ቂጂ ካኣና፤ ኢዛ ቦላ ጨታና፤ ኢዛካ ጋራፋና ነ ዋጃናሺን ኢዚ ሃሹ ጋላሳፊ ጉዳ ሃይቆፔ ዳንዳና።»

ያቆቤይን ዮሃንሲ ዋሲዳ ዋሳ

(ማቶ 20:20-28)

35 ቃሴ ዛብደሳ ናይቲ ያቆቤይን ዮሃንሲ ኢዛኮ ሸቂዲ። «አሰታማሬ! ኦኒ ኔና ዋሲዳይሳ ኔ ኦሰ ወርሳ አላና ማላ ኦ ኮዮሰ» ገደ።

36 ኢዚካ ኢሰታሰ። «ታ ኢንቴሰ አይ አላና ማላ ኮዩቲ?» ገደሰ።

37 ኢሰቲካ። «ኦኒ ኔ ካዎቲጎ ቦንቸን ዲዛ ዋዴ ኦፔ አሳይይ ኔ ኡሻቸን። አሳይይ ኔ ሃዲርሳን ኡታና ማላ ኦሰ ኤር ጋርኪ?» ገደ።

38 ዩሱሲካ። «ኢንቴ ኦይቸዛይሳ ኤሬኬታ፤ ታኒ ኡያና ኡሻ ኡያናሲኔ ታኒ ጸማቂቲዛ ጸንቃታ ኢንቴ ጸማቂታናሰ ዳንዳያንዴቲ?» ገደሰ።

39 ኢሰቲካ ዛሬዲ። «ኤ፤ ዳንዳዮሰ» ገደ። ዩሱሲካ። «ታ ኡዩዛ ኡሻ ኢንቴ ኡያና ኔ ታ ጸማቂቲዛ ጸንቃታ ኢንቴ ጸማቂታና።

40 ገደ አቲን ታ ኡሻቸራ ዋይኮ ታ ሃዲርሳራ ኡቴላ ጸሲ ኢሰታሰ ገባሲዳይታሰ አቲን ታ አማና ሚሽ ገደና» ገደሰ።

41 ታማቲ ሃሳ ሲዩዲ ያቆቤይን ዮሃንሳ ቦላ ሃንቁቲዳ።

42 ዩሱሲካ ኢሰታ ኢሲ ቦላ ሸሸዲ። «ዳሬ ሃላቃ ጌቲቲዛይቲ ዳሬ ሃሪዛይሳ ማላ ኢሰታ ሹሜቲ ኢሰታ ቦላ ባ ጎዳቲላ ቤሲዛይሳ ኢንቴ ኤሬታ።

43 ገደ አቲን ኢንቴ ገደን ገታ ገደና ኮይዛ ኡባይ አሸካራ ገደ።

44 ሲንገጥ አጃና ኮይዛይ ወሪካ ኡባሰ አይሌ ገደ።

45 አሳ ናይ ገደኮ አሳሰ አላናሲኔ ባ ሸምፖ ዳርታ ገሻሰ አላ አማናሰ ዩዳሰ አቲን አሴ ኦሲሳናሰ ዩቤና» ገደሰ።

ባርጸዋሳ አይፊ ፓጾቲላ

(ማቶ 20:29-34፤ ሉቃ 18:35-43)

46 ሃፔ ጌዴ ኢያርኮ ቢዳ፤ ዩሱሲኔ ኢዛ ካሊዛይቲ ሃራ ዳር አሳታራ ኢያርኮፊ ኬዚሸን ጸዋሳ ና ባርጸዋሳ ጌቲቲዛ አይፊ ቆቂይ ኦጌ ቦላ ኡቲዲ ዋሴሰ።

47 ኢዚካ ዩዛይ ናዚሬቲ ዩሱሳ ገዲዳይሳ ሲዩዲ። «ዳዊቲ ና ዩሱሳ ታና ማራ» ገዲ ኬሂ ዋሲዳሰ።

48 ዳርቲ ኢዚ ጮኡ ጋና ማላ ሃንቁዳ፤ ገደ አቲን ኢዚ። «ዳዊቲ ናወ! ታና ማራ» ገዲ ኬሂ ዋሲዳሰ።

49 ዩሱሲካ ኤቂዲ። «ኢዛ ሃ ጸይጌቲ» ገደሰ። ኢሰቲካ ቆቂዛ። «አይኮይ ባ ዳንዳ ኔና ጸይጌሰ» ገደ።

50 ኢዚካ ባ ማይኦ ቃሪ ዩጌዲ ፑሱኩ ገ ዳንዲ ኤቂዲ ዩሱሳኮ ዩዳሰ።

51 ዩሱሲካ። «ታ ኔሰ አይ አላና ማላ ኮያይ?» ገደሰ። ቆቂዚካ። «አሰታማሬንቶ! ታ ጸላና ኮያይሰ» ገደሰ።

52 ዩሱሲካ ዛሬዲ። «ባ ኔና ኔ አማኖይ ፓላዳሰ» ገደሰ። ሃራካ ኢዛ አይፊይ ጸሊዳሰ። ኢዚካ ዩሱሳ ካሊ ቢዳሰ።

11

ገታ ቦንቸራ ዩሱሲ ዩሩሳላሜ ቡሰ
(ማቶ 21:1-11፤ ሉቃ 19:28-40፤ ዮሃ 12:12-19)

1 ኢሰቲ ጌዴ ዩሩሳላሜን ዳብራዛይቲ ጌቲቲዛ ዙማ አቸን ዲዛ ቤቴፋጌኔ ቢታኒያ ጌቲቲዛሶ ማቲዳ ዋዴ ዩሱሲ ባና ካሊዛይታፔ ናምኣታ።

2 «ጌዴ ኢንቴ ሲንገጥን ዲዛ ጉታዮ ቢቲ። ኢንቴ ሄ ጌሊዳ ማላ ሄን አሲ ቶጊ ኤርንታ ቃሸን ዲዛ ሃሪ ጉቲ ኢንቴ ዳማና፤ ቢርሸዲ ኢዛ ሃ ኤኪ ዩቲ።

3 ኦኒካ ኢንቴና። «ሃይሳ አይሰ አላቲ?» ገታ ጎዳሰ ኮሺሰ ገዲ ዮቲቲ፤ ኢዚካ ኢንቴሰ ኤሶን ዛሬ ዩዳና» ገ ከቲዳሰ።

4 ኢሰቲካ ቢዲ ኢሲ ኬላ ካሬን ኦጌ ቦላ ቃሸቲ ዲዛ ሃሪ ጉቲ ዳሚዲ ቢርሸዲ።

5 ሄን ኤቂዳ ኢሲ ኢሲ አሳቲ። «ሃሪ ጉቲዛ አዛሰ ቢርሸቲ?» ገ አይቸዳ።

6 ዩሱሳ ካሊዛይቲ ዩሱሲ ኢሰታሰ ገዳ ማላ አሳታሰ ዮቲን ኤር ኤኪ ቢቲ ገዳ።

7 ጉቲዛካ ዩሱሳኮ ኤሂዲ ባ ማይኦ ኢዛ ዘኮ ቦላ ዩጌን ዩሱሲ ኢዛ ቶጊዳሰ።

8 ዳር አሳይ ባ ማይኦ ኬሲ ኬሲ ኦጌ ቦላ ሚጨዳሰ። ባጋ አሳይ ጨሊላ ሚላ ሃይላ ቃንጺ ቃንጺዲ ኦጌ ቦላ ሳሊዳሰ።

9 ዩሱሳፔ ሲንገጥኔ ጉዩራ ዲዛ አሳይ ቃላ ቶቂ ሂሰቲዲ።

«ሆሳኢና፤ ጎዳ ሱንገን
ዩዛይይ አንጃቲዳዳ።

10 ሃና ዩዛራ ኦ አዋ
ዳዊቲ ካዎቲላያ
አንጃቲዳር፤

ሆሳኢና! ቦላ ሳሎን
ጸሲ ቦንቸቶ»

ገሼ ዋሲዳሰ።

11 ዩሱሲ ዩሩሳላሜ ጋኪዲ ሃሳፊካ ጸሳ ኬላ ጌሊዳሰ። ሄ ሃራን ዲዛይሳ ኡባ ጸሊዲ ጋዳይ ቃሚዳ ገሻሰ ታማኔ ናምኣታራ ጌዴ ቢታኒያ ኬዚዳሰ።

ዩሱሲ ቃንጊዳ ባላሴ ሚላዮ

(ማቶ 21:18-19)

12 ዋንቴላ ጋላሰ ኢሰቲ ቢታኒያፔ ኬዚ ቢሸን ዩሱሲ ጋፊዳሰ።

13 ኢዚ ኢሲ ሃይላ ጨሊሊዳ ባላሴ ጌቲቲዛ ሚላ ሃሆን ቤኢዲ አይፊይ ዳናኮን ገዲ ኢዚኮ ዩዳሰ። ገደ አቲን ባላሴ ሚላ አይፎንታ ዋዴ ገዲዳ ገሻሰ ሃይላፊ አቲን ኢሲ አይፊካ ኢዚፔ ዳሚቤና።

14 ሃሳ ገሻሽ ሚላዮ፡ «ሃኒፌ ጉዬ ማርናስ ኦኒካ ኔፔ ኣይፌ ሞፖ!» ገደሰ። ኢዛ ካሊዛይቲካ ኢዚ ገዛይሳ ሲዩዳ።

15 ጌዬ ዩሩሳላሜ ቢዳ፤ ሄፔካ ጸሳ ኬሌ ጌሊዲ ሄን ባይዚዛይታ ካሚዛይታ ኬሲ ጎዶ ኦይኪዳሰ። ሚሽ ላሚዛይታ ጸራጳዛኔ ሃራጶ ባይዚዛይታ ኦይዬ ጉፋንላ ጉፋንላ ዩጊዳሰ።

16 ኦኒካ ኣይ ሚሽ ቶኪዲ ጸሳ ኬላ ጊቤ ጊዶራ ኣዶንታ ማላ ዲጊዳሰ።

17 ኢስታካ ታማርሲሼ፡ «ታ ኬሊ ዳሬ ኡባሰ ዋሳ ኬሌ ጊዳና ጌቲቲ ጸፊቲቤኔ? ጊዶ ኣቲን ኢንቲ ካይሶታ ጎንጎሎ ኬሲዳታ» ገደሰ።

18 ቄሴታ ሃላቃቲኔ ሙሴ ዋጋ ታማርሲዛይቲ ሄሳ ሲዩዲ ኢዛ ዋሰቲ ጳይሳናኮን ኦጌ ኮሽ ኦይኪዳ። ጊዶ ኣቲን ዳሬይካ ኢዛ ቲሚርቲዛን ማላሌቲዳ ገሻሽ ኢዛሰ ባቢዳ።

19 ኢስቲካ ጋይይ ቃሚን ካታማይፔ ኬዚ ቢዳ።

20 ዋንቴላ ጋላሰ ማላዶ ኢስቲ ኦጌራ ኣዲ ቢሺን ባላሴ ሚላያ ጸጸፔ ሚሊዳሮ ቤኢዳ።

21 ዮኦዚ ኢዛ ዋዚናን ኣኬኬቲን ጳጳርሲ ዩሱሳ፡ «ኣስታማሬ! ሄኮ፡ ሃና ኔ ቃንጊዳ ባላሴያ ሚላዲሰ» ገደሰ።

22 ኢዚካ ዛሪዲ፡ «ጸሳ ኣማኒቲ።

23 ታ ኢንቴሰ ቱሙ ጋይሰ፤ ሳኒካ ሃይሳ ዙማዛ ኔ ቆቃሊታዳ ኣባን ጌላ) ገዛኮ ሃሳካ ዋዚናን ሲዶንታ ኣማኒዳኮ ኢዛዳሰ ሃናና።

24 ሃሳ ገሻሽ ኢንቲ ዋሳን ኦይቺዳዝ ኡባ ኤኪዳ ማላ ኣማኒኮ ኢንቴሰ ሃናና።

25 ሃሳሎካ ኢንቲ ዋሳሰ ኤቁዛ ዋዴ ኢንቲ ሳሎ ኣዋይ ኢንቲ ናጋራ ኣቶ ጋና ማላ ኢንቲካ ኢንቲና ቆሂዳይታ ናጋራ ኡባ ኣቶ ጌቲ።

26 ኢንቲ ኣቶ ጎንታ ኢጲኮ ኢንቲ ሳሎ ኣዋይካ ኢንቲ ናጋራ ኣቶ ጌና» ገደሰ። *

27 ቃሴካ ዩሩሳላሜ ዩዳ፤ ዩሱሲ ጸሳ ኬላ ካሬ ጊዶን ያኔ ሃ ዩዩቲሺን ቄሴታ ሃላቃቲ፡ ሙሴ ዋጋ ታማርሲዛይቲኔ ዳሬ ጨማቲ ኢዛኮ ሸቁዲ።

28 «ሃይሳ ኔ ኦሊዛይ ኣይ ጎዳቲላራ? ሃይታ ኔ ኦላና ማላ ሃይሳ ማላ ጎዳቲላ ኔሰ ኦኒ ኢሚዳ?» ገዳ።

29 ዩሱሲካ ኢስታሰ ዛሪዲ፡ «ኣኔ ታኒካ ኢንቲና ኢሲ ኦይሾ ኦይቻይሰ፤ ኢንቲካ ታሰ ዛሪኮ ታኒካ ሃ ዮኦታ ኣይ ጎዳቲላራ ኦሊዛኮ ኢንቴሰ ዮታና።

30 ዮሃኒሳ ጸንቃታይ ጸሳፌዬ? ኣሳፔ? ኣኔ ታሰ ዛሪቲ» ገደሰ።

31 ኢስቲካ ባ ጊዶን ኢሶይ ኢሳራ፡ «ኦ ሳሎፔ ገኮ ኢዚ ኦና፡ ሳሰቲን ኣዛሰ ኢዛ ኣማኒቤኬቲ?» ጋና፤

32 «ኦ ኣሳፔ» ገኮ» ዮሃኒሲ ቱሙ ናቤ ጊዲዳይሳ ዳሬይ ዉሪ ኣማኒዛ ገሻሽ ሃሳሎ ጋና ባቢዳ።

33 ሃሳ ገሻሽ፡ «ኦ ኤርኮ» ጊዲ ዩሱሳሰ ዛሪዳ። ዩሱሲካ፡ «ሂሰቲኮ ታ ሃይታ ኣዛ ጎዳቲላራ ኦሊዛኮ ታኒካ ኢንቴሰ ዮቲኬ» ገደሰ።

12

ዋይኔ ሚላ ቶኪዛ ጎሻ ኣሳታ ሌሚሶ (ማቶ 21:33-46፤ ሉቃ 20:9-19)

1 ቃሴ ኢስታሰ ሌሚሶራ ዮቲሼ፡ «ኢሳይይ ባ ዋይኔ ሚላ ቶኪዳሰ። ኬላ ዩሺ ኣሊ ኬሊዳሰ፤ ዋይኔ ሚላ ኣይፌ ጉሞኣና ኦላ ቦኪዳሰ። ናጌ ኬሌካ ኬጲዳሰ። ሃሳፌ ጎሻንቻታሰ ኪራ ኢሚዲ ሃራ ዳሬ ቢዳሰ።

2 ሚላይ ኣይፊዛ ዋዴ ዋይኔ ሚላ ኣይፌ ኤካዳ ያ ጊዲ ኣሸካራታፔ ኢሳይ ጎሻንቻታኮ ዩዲዳሰ።

3 ጎሻንቻቲ ኣሸካራዛ ኦይኪ ሾጪዲ ጮ ሚላ ኩሼ ዩዲዳ።

4 ናሞኣንሎካ ሃራ ኣሸካራ ዩዲዳሰ። ጎሻንቻቲ ሃኢካ ኣሸካራ ኦይኪዲ ኢዛሰ ሁኤታራ ቆኢዲኔ ካዉሺዲ ዛሪ ዩዲዳ።

5 ሃኢካ ዛሪዲ ሃራ ኣሸካራ ዩዲዳሰ። ሄ ዩደይሳካ ዋዲዳ፤ ሃራ ዳርታ ጊዶፌ ኢሲ ኢሲ ኣሳታ ቆጶዲ፤ ባጋይታ ዋዲዳ።

6 «ሃኢካ ከቲቶንታ ኣቲዳ ሃራይ ዳሰ፤ ኢዚካ ኣዋይ ደሲዛ ባ ናዛ። ታ ናዛ ኢስቲ ቦሳና) ጊ ቆፔዲ ዉርሴላን ባ ናዛ ዩዲዳሰ።

7 ጎሻንቻቲ ቃሴ ባ ጊዶን፡ ሳይሲ ዋና ኢዛ ላታና ናዛ፤ ሃ ዩቲ ኦ ኢዛ ዋዲኮ ቢታይ ኦሰ ጊዳና) ጊዳ።

8 ሃሳ ገሻሽ ሄን ኦይኪ ዋዲዲ ዋይኔ ሚላይ ዲዛሶፔ ሃራሶ ኬሲ ዩጊዳ።

9 «ሂሰቲን ዋይኔ ሚላ ጎዳይ ኣይ ኦላና ኢንቴሰ ሚሳቲኬ? ኢዚ ያና፤ ጎሻንቻታካ ዋዳና፤ ዋይኔ ሚላ ሃራታሰ ኢሚና።

10-11 ጊሻ ማጻፋን፡ ሹቻ ኬሌ ኬጲዛይቲ ሃኔና ጊዲ ዋራ ዩጊዳ ሹቻይ ኬላ ጉላሰ ቦላ ሁኤ ጊዲዳሰ፤ ሃሳካ ጎዳይ ኦሊዳሰ። ሃሰካ ኦ ኣይፌሰ ማላሊሲዛዝ ጌቲቲዲ ጸፊቲዳይሳ ናባቢቤኬቲ?» » ገደሰ። *

12 ኢዚ ኢስታሰ ሌሚሶዛ ዮቲዳይ ኢስታ ገሻሰ ጊዲዳይሳ ኣይሁዳ ሃላቃቲ ኤሪዳ ገሻሰ ኢዛ ኦይካናሰ ኮዩዳ፤ ጊዶ ኣቲን ኣሳሰ ባቢዳ ገሻሰ ኣጊ ቢዳ።

ጊራ ገሻሰ ሸቁዳ ኦይሾ (ማቶ 22:15-22፤ ሉቃ 20:20-26)

13 ዩሱሳ ዮኦን ቃጸና ማላ ፋርሳዋታፔኔ ሄርዶሳ ባጋታፔ ጉላ ኣሳታ ደሪዲ ኢዛኮ ዩዲዳ።

14 ኢስቲካ ኢዛኮ ዩዲ፡ «ኣስታማሬ! ኔኒ ሞርይ ባይንዳ ኣሰ ጊዲዳይሳ ኦ ኤርሰ፤ ኔ ኦናሰካ ባባዳ ዋርዶ ማዳካ፤ ጸሳ ኦጌ ጸላላ ቱሙ ታማርሳሳ። ኦርሚ ካዋ ቆሳሬሰ ጊራ ቃንጸናሰ ቤሲዜዬ? ቤሴኔ? ኦ ቃንጸኖዬ? ቃንጸፊኖ?»

15 ዩሱሲ ኢስታ ኦይሻይ ቆዴፔ ቆሞ ጊዲዳይሳ ኤሪዳ፡ «ኣዛሰ ታና ቃጸና ኮዩቲ? ኣኔ ኢሲ ዲናሬ ሃሚቲ ታ ቤያይሰ» ገደሰ።

16 ኢስቲካ ሚሻ ኤሂን፡ «ሃይሲ ኢዛ ቦላ ዲዛ ሚሰሌዚ ኦና ሚሰሌ? ኢዛ ቦላ ጸፊቲዳይሲ ኦና ጊዜ?» ገደሰ። ኢስቲካ፡ «ቆሳሬይሳ» ገዳ።

17 ዩሱሲካ፡ «ቆሳሬይሳ ቆሳሬሰ፡ ጸሳይሳ ጸሳሰ ኢሚቲ» ገደሰ። ኢስቲካ ኢዛ ዛርን ማላሌቲዳ።

11:17 ኢሳ 56:7፤ ኤር 7:11 11:23 ማቶ 17:20፤ 1ቆር 13:2 * 11:26 ኢሲ ኢሲ ጌሻ ማጻፋቲ ታይቦ 26 ቦላ ዲዛ ቆፋ ጉጃቲሰ።
11:26 ማቶ 6:14-15 * 12:10-11 ዮቻ ሹቻይ፡ ቱሲ ኬሌ ናጊዛይሳ ማላ ሹቻ ኬሌ ኩንዶንታ ማላ ናጊዛይሳ። 12:10-11 ማዛ 118:22-23

ሃይቆፔ ዳንላ ገሻሰ ሸቂዳ ኮይሾ
(ማቶ 22:23-33፤ ሉቃ 20:27-40)

18 ሃሳፌ ጉዬ ሃይቆዳይታሰ ሃይቆፔ ዳንላ ባ ገዛ ሳዱቃዊቲ ኢዛኮ ዩዲ ኢዛ ሃዘጊ ኦይቸዳ።

19 «አስታማሬ! ኢሲ ኣሲ ማቸ ኤኪዲ ና ዩሎንታ ሃይቆኮ ሃይቆዳይሳ አሻይ ኢዛ ማቸዮ ኤኪዲ ኢዛሰ ላታ ና ዩላና ማላ ካሴ ሙሴይ ኮሰ ጸፊዳሰ።

20 ጊዶ ኣቲን ላፑን ኢሻንቲ ዳቲሰ፤ ኢሰታፊ ባይራይ ማቸ ኤኪዲ ና ዩሎንታ ሃይቆዳሰ።

21 ካሎዚ ሄ ማጫሳዮ ኤኪዲ ሃኢካ ና ዩሎንታ ሃይቆዳሰ፤ ሄሸንላይካ ዩሎንታ ሃይቆዳሰ።

22 ላፑናቲካ ሄ ማጫሳዮ ኤኪዲ ላታ ዩሊቤቴና፤ ወርሴላን ማጫሳያካ ሃይቆዳሰ።

23 ሂሰቲን ላፑናቲካ ኢዞ ኤኪዳሺን ሃይቆፔ ዳንዳይ ዲዛ ገዲኮ ሃ ማጫሳያ ኢሰታፊ ኦና ማቸ ገዳኔ?» ገዳ።

24 ዩሱሲካ ኢሰታሰ፡ «ኢንቴ ባሌቲዛይ ጌሻ ማጸፋታኔ ጸሳ ዋልቃ ኤርንታ ገሻሳ።

25 ሃይቆዳይቲ ዳንዲዛ ዋዴ ሳሎ ኪታንቻታ ማላ ገዳና ኣቲን ኤኬቴቴናኔ ጌሌቴና።

26 ሃይቆዳይታ ዳንላ ገሻሰ ገዲኮ ሙሴ ማጸፋን ሄሲካ ቁሪ ዋራ ገደን ኤዲዛ ታማ ገደፊ ጸሲ፣ ታኒ ኣብራሃሜ ጸሳ፤ ዩሳቃ ጸሳ፤ ያቆቤ ጸሳ) ገዛይሳ ናባቢኬቲ?

27 ጸሲ ፓጸታ ጸሳ ኣቲን ሃይቆላታ ጸሰ ገዳና፤ ሄሳ ገሻሰ ኢንቴ ዳር ባሌቲዳታ» ገዳሰ።

28 ኢሰቲ ፓላማን ዲሺን ጸፊታፔ ኢሳዴይ ኢሰታ ፓላማ ሲዩዲኔ ዩሱሲ ኦይሸቲዳይሳሰ ሎኤሊ ዛሪዳይሳ ኣኬኪዲ፡ «ኤር! ኣዛዘታ ኡባሬ ኣጂዛይ ኣዋይሴ?» ገዲ ኦይቸዳሰ።

29 ዩሱሲ ኢዛሰ፡ «ኡባሬ ኣጂዛይ ሃይሳ፡ ላኢሰራኤሌ ሲያ! ጎዳ ኦ ጸሲ ኢሲ ጎዳ።

30 ኔካ ጎዳ ኔ ጸሳ ኔ ኩሜላ ዋዚናፔ፡ ኔ ኩሜላ ሸምፖሬ፡ ኔ ኩሜላ ቆፋፔ፡ ኔ ኩሜላ ዋልቃፊ ደሳ።

31 ናምኣንላይካ፡ ሳ ላጌ ኔ ሁኤ ማላ ደሳ) ናምኣታፔ ኣጂዛ ኣዛዘይ ባ።»

32 ጸፊዚካ፡ «አስታማሬ! ሎኦ ጋዳሳ፡ (ጸሲ ኢሲኖ ገዲዳይሳኔ ኢዛፔ ሃራይ ባይንዳይሳ) ኔ ዮቲዳይሲ ሊኬ።

33 ኢዛ ኔ ኩሜላ ዋዚናፔ ኔ ኩሜላ ቆፋፔ ኔ ኩሜላ ዋልቃፊ ደሰይ ቃሴካ ኔ ላጌ ኔ ሁኤ ማላ ደሰይ ጸጌቲዛ ያርሾሬኔ ሃራ ያርሾ ኡባሬ ኣጄሰ» ገዳሰ።

34 ዩሱሲካ ኣዴዚ ዩሺ ቆፐዲ ዛሪዳይሳ ቤኢዲ፡ «ኔኒ ጸሳ ካዋቲላፊ ሃሆን ዳካ» ገዳሰ። ሃሳፌ ጉዬ ኢዛ ኦይቻናሰ ጸሊዳዴይ ቤቲቤና።

35 ዩሱሲ ጸሳ ኬላ ጋላን ታማርሲሺ፡ «ሙሴ ዋጋ ታማርሲዛይቲ ኣዛሰ፡ (ከርሰቶሳ ዳዊቲ ና) ገዘ?

36 ዳዊቲ ጸሎ ኣያናን ሃሳይሺ፡ ሳዳይ ታ ጎዳ፡ ኔ ሞርኬታ ታ ኔ ቶሆ ጋርሰ ኣላና ጋካናሰ ታ ኡሻቻን ኤታ» ገዳሰ።

37 ሂሰቲን ዳዊቲ ባ ደናራ ኢዛ፡ ሳዳ) ገኮ ዋኒዲ ሲሚ ኢዛሰ ና ገዳኔ?» ገዳሰ። ዳር ዴሬይካ ኢዚ ገዛይሳ ኡፋይሳራ ሲዩዳሰ።

38 ኢዚ ታማርሲሺ፡ «ሙሴ ዋጋ ታማርሲዛይታፔ ናጌቲቴ፡ ጋዴራ ጎሽቲዛ ኣዲሳ ማይኦ ማይኢዲ ዩሺ ዩያና ደሴቴሰ፤ ኣዋንካ ኣጂ ኣጂ ኣሲ ኢሰታሰ ቦንቸ ሳርታ ኢማና ማላ ኮዩቴሰ።

39 ኣይሁዳታ ዋሳ ኬላን ቶቃሶ፡ ገቢራሶንካ ቦንቸሶ ኮዩቴሰ።

40 ኢሰቲ ኣዚናይ ባይንዳ ማጫሳ ኬላ ካሎሴቴሰ፤ ቃሴካ ባና ቤሳናሰ ኣዲሳ ዋሳ ዋሴቴሰ። ሃይታንቲ ኢታ ፐርዳ ፐርዳታና» ገዳሰ።

ኣምኤይ ሙጸዋታ
(ሉቃ 21:1-4)

41 ዩሱሲካ ኣሳይ ሙጸዋታ ዩገዛሶን ኡቲዲ ዳር ኣሳቲ ኢሚዛይሳ ጸሳ ኬላ ሚሻ ሸሸዛ ሳጺኔን ዩገዛይሳ ጸሊዳሰ። ዳር ዳራሬቲ ዳር ሚሽ ዩገዳ።

42 ኢሲ ኣዚናይ ባይንዳ ኣምኤ ዲዛራ ኢሲ ሲኪናሬ ዳርንታ ጸርቆማላ ቢራታፔ ኦሴቲዳ ናምኤ ሚሽ ዩጋዲሰ።

43 ዩሱሲ ባና ካሊዛይታ ጸይገዲ፡ «ታ ኢንቴሰ ቱሙ ገይሰ፤ ሳጺኔዛን ዩገዳ ኡባሬ ሃና ማንቆ ኣምኤያ ኣጄላ ዩጋዲሰ።

44 ሃይቲ ወሪ ባሰ ዲዛ ቲርፓ ሚሻሬ ዩገዳሺን ሃና ቃሴ ባ ማንቆቴላፊ ባሰ ዲዛይሳ ሲንላፊ ኢዞ ኮሺዛይሳራ ወርሳ ኢማዲሰ» ገዳሰ።

13

ዩሱሲ ካሴቲ ዮቲዳ ጸሳ ኬላ ላሌቴላ
(ማቶ 24:1-2፤ ሉቃ 21:5-6)

1 ኢዚ ጸሳ ኬላፊ ኬዚሺን ኢዛ ካሊዛይታፔ ኢሶይ፡ «አስታማሬ! ሃይሲ ኬላይኔ ኬላይ ኬጾቲዳ ሹቻይ ኣይ ማላ ሎኢዛኮ ሃይሳ ቤያይ?» ገዳሰ።

2 ዩሱሲካ ዛሪዲ፡ «ሃይታ ገታ ኬላታ ጸላይ? ሹቻቲ ኢሶይ ኢሳ ቦላ ዲዛ ማላ ዳቴና፤ ወሪካ ላሌታና» ገዳሰ።

ዋዴ ወርሴላ ማላታታ
(ማቶ 24:3-14፤ ሉቃ 21:7-19)

3 ዩሱሲ ጸሳ ኬላ ገናራ ዳብራዛይቲ ዙማ ቦላ ኡቲ ዲሺን ጸጽርሲ፡ ያቆቤይ፡ ዮሃኒሲኔ ኢንዲራሲ ጸላ ኢዛኮ ሸቂዲ።

4 «ሃይሲ ኣይዴ ሃናናኮ ኦሰ ዮታ። ሃይሲ ወርሴላን ፖሌታናሰ ማላታይ ኣዜ?» ገዳ ኦይቸዳ።

5 ዩሱሲካ ኢሰታሰ፡ «ኦኒካ ኢንቴና ባሌላንታ ማላ ናጌቲቴ።

6 ቡር ዳርቲ፡ «ታ ኪርሰቶሳ) ገሺ ታ ሱንላን ያና፤ ዳርታካ ባሌላና።

7 ኢንቴ ኦላኔ ኦላ ዋሬ ሲዩዛ ዋዴ ዳጋሞፍቴ፤ ሄሲ ሃናናይሲ ኣቴና፤ ወርሴላ ገዲኮ ቡርና።

8 ዴሬይ ዴሬ ቦላ፡ ካዋይ ካዋ ቦላ ዳንዳና፡ ዳርሶን ቢታ ቃላኔ ኮሻይ ሃናና፤ ሄይቲ ወሪ ሚጸሰ ሌሶ ማላ።

9 «ኢንቴ ኢንቴሰ ናጌቲቴ። ቡር ኢንቴና ዴሬ ዲላታን ኣሉ ኢማና። ኢሰቲ ኢንቴና ኣይሁዳታ ዋሳ ኬላን ጋራፋና። ኢንቴ ታ ማርካታ ገዳና ማላ ታ ገሻሰ ዴሬ ዳናታ ሲንላኒኔ ካዋታ ሲንላን ኤቃና።

10 ኮይሮቲዲ ሚሺኖች ቃላይ ዳሬ ኡባስ ሳባኬታና ቤሴስ።

11 ኢንቴ ኦይኬቲዲ ፐርዳስ ሸቁዛ ዋዴ ሂና ሂ ሳቲዬን ኢንቴስ ኢሜቲዛር ሃሳይቴ ኦቲን ቢዲ፣ ሓ ኦይ ጊና? ጊዲ ካሴቴ ሂርጎፍቴ፤ ሃሳያናይ ጸሎ ኦያናፍ ኦቲን ኢንቴና ጊዴኬታ።

12 «ኢሻይ ኢሻ፣ ኦዋይ ባ ና ሃይቆስ ኦሳ ኢማና፤ ናይቲ ባና ዬሊዳይታ ቦላ ማካላና፤ ዋዳና።

13 ታ ጋሶን ኢንቴ ኦሳ ኡባን ኢጸቲዳይታ ጊዳና፤ ወርሴሳ ጋካናስ ሚኒ ኤቁዳዳይ ጊዲኮ ኦታና።

ዬሩሳሌም ቦላ ጋካና ጊታ ሜቶ
(ማቶ 24:15-21፤ ሉቃ 21:20-24)

14 «ኢንቴ ሃራሲዛ ቱናቴሳ ኢዛስ ቤሶንታሶን ኤቁዳሽ ቤይኮ ናባቢዛዳይ ዋዚናን ዋሳ፤ የሁዳን ዲዛይቲ ፑዴ ዙማ ቦላ ባቃቲቶ።

15 ኬላ ካራን ዲዛዳይ ሶ ጌሎፖ፤ ባ ሚሽ ኬሳና ጊዲ ኬላ ጌሎፖ።

16 ጎሻሶን ዲዛዳይ ባ ማይኦ ኤካናስ ጉዬ ሲሞፎ።

17 ሂ ጋላሳታን ሻራ ማጫሳታሲ ና ቶንላዛይታስ ኦዬ ኦና!

18 ሂሲካ ባልጎን ጊዳንታ ማላ ጸስ ዋሲቴ።

19 ጸሲ ኮይሮ ሜዴቴሳ ኡባ ሜዶሶፊ ሃኢ ጋካናስ ዋይኮ ሃይሳፊ ጉዬ ኢዛ ሚሳቲዛይ ባይንዳ ጊታ ሜቶይ ሃናና።

20 ጎዳይ ሂ ጋላሳታ ቃንሎንታኮ ኦኒካ ኦቲና ሺን ባስ ዶሬቲዳይታ ጊሻስ ኢዚ ሂ ጋላሳታ ቃንሎዳስ።

21 «ሂ ዋዴ ኦኒካ፣ ሓኮ ኪርስቶሲ ሃይሳን ዳስ ጊኮ ዋይኮ፣ ሓኮ ሃን ዳስ ጊኮ ኦማኖፕቴ።

22 ዋርዶ ኪርስቶሳቲኔ ዋርዶ ናቤቲ ቡሮ ዴንዲዲ ማላታታኔ ካሴ ሃኒ ኤርንታ ፓላ ሚሽ ኦላና፤ ኢስታስ ዳንዳዬቲኮ ሃራይ ኦቶሺን ዶሬቲዳይታካ ባሌላና።

23 ሃሳ ጊሻስ ናጌቲቴ፤ ሂ ዋዴይ ጋኮንታ ዲሺን ሃራ ሃይሳ ወርሳ ታ ኢንቴስ የታዲስ።

ኪርስቶሳስ ናምኦንሎ የሰ
(ማቶ 24:29-31፤ ሉቃ 21:25-28)

24 «ሂ ዋዴ ሂ ሜቶዛፕ ካሊዲ ኦርሼይ ቶማና፤ ኦጊናይካ ፖኢሱኩ።

25 ጸሊንቴቲ ሳሎፕ ቆቆፊታና፤ ሳሎን ዲዛ ዋልቃማቲ ቃጸና።

26 «ሂ ዋዴ ኦሳ ናይ ጊታ ዋልቃራኔ ቦንቸራ ሳሎ ሻራራ ዩሺን ኦሳይ ኢዛ ቤያና።

27 ኢዚካ ኪታንቻታ ዬዲዲ ኦይዲ ባጋፊ ቢታ ጋጸፕ ጋጸ ጋካናስ ዲዛ ባስ ዶሬቲዳይታ ሺሻና።

ባላሴ ሚሳይ ለሚሶ
(ማቶ 24:32-35፤ ሉቃ 21:29-33)

28 «ለሚሶዛ ባላሴ ሚሳፊ ታማርቴ። ኡንቁሎይ ጨሊሊዛ ዋዴ ሃይሳ ኬሲሺን ቦኔይ ማቲዳይሳ ኢንቴ ኤሪታ። *

29 ሃሳዳካ ሃይቲ ታ ጊዳይቲ ፖሌቲሺን ኢንቴ ቤይኮ ዋዴይ ማቲ ዩዲ ፔንጌ ጋኪዳይሳ ኤሪቴ።

30 ታ ኢንቴስ ቱሙ ጋይስ፤ ሃ የኦቲ ፖሌታና ጋካናስ ሃይሲ ሃ ዬሌታይ ኦዴና።

31 ሳሎይኔ ሳኦይ ኦዳና ሺን ታ ቃላይ ጊዲኮ ኦዴና።

ጎዳይ ያና ጋላሳዮኔ ሳቲዮ ኦኒካ ኤሪና
(ማቶ 24:36-44)

32 «ቃሴ ሂ ጋላሳይ ጊሻስ ዋይኮ ሂ ሳቲይ ጊሻስ ታ ኦዋፕ ኦቲን ሳሎ ኪታንቻታ ጊዲንካ ናዛ ጊዲንካ ኦኒካ ኤሪና።

33 ሃሳ ጊሻስ ዋዴይ ኦይዴኮ ኢንቴ ኤርንታ ጊሻስ ናጌቲቴ፤ ሚኒቴኔ ዋሲቴ።

34 ሃሲካ ባ ኬሳ ኦሽካራታስ ኦጊዲ ኦሽካራታ ኦሳ ኦሶ ኦይሊዲ ፔንጌ ናጊዛይሲ ቤጊዲ ናጋና ማላ ኦዛዚዲ ቢዳ ኦሳ ሚሳቲስ።

35 «ሂሰቲኮ ኬላ ኦዋይ ኦይዴ ያናኮ ዋይኮ ሌላ ጊዶሳ ያናኮ ዋይኮ ኮይሮ ኩቶይ ባቂሺን ያናኮ ዋይኮ ዋንታ ቦላ ባዘይ ዘኢሺን ያናኮ ኢንቴ ኤርንታ ጊሻስ ቤጊዲ ናጌቲቴ።

36 ኢንቴ ቆፖንታ ዲሺን ኢዚ ዩዲ ኢንቴ ቶስኪዲሺን ኢንቴና ዳሞፎ።

37 «ታ ኢንቴስ የቲዛይሳ ኦሳ ኡባስ የታይስ፤ ሚኒዲ ናጌቲ! ጋይስ» ጊዴስ።

14

ዬሱሳ ዋዳናስ ኦሳ ማቄቴሳ
(ማቶ 26:1-5፤ ሉቃ 22:1-2፤ ዮሃ 11:45-53)

1 ፓዚጋኔ ኡኬላ ሙሳ ባኦሌ ጋላሳይ ቦንቸታናስ ናምኡ ጋላሲ ኦቲሺን ቄሴታ ሃላቃቲኔ ሙሴ ዋጋ ታማርሲዛይቲ ዬሱሳ ባሌላ ኦይኪዲ ዋዳና ኦጌ ኮዩዳ።

2 ጊዶ ኦቲን፣ «ኦሳይ ሜቶ ሜዶንታ ማላ ባኦሌ ጋላሳታን ጊዶፖ» ጊዳ።

3 ኢዚ ቢታኒያ ጌቲቲዛሶን ኢሲ ኢንቸራቻ ሃርጋንቻ ጊዲዳ ሲሞናሶን ቁማ ቦላ ዲሺን ዋጋይ ዳር ኦልኦ ጊዲዳ ናርዶሴ ጌቲቲዛ ሸቶይ ኩሚ ኡቲዳ ኦልባስጸርሴ ቢልቃጾ ኦይኪዲ ኢሲ ማጫሳያ ቢልቃጾዛ ሜንላዳ ሸቶዛ ዬሱሳ ሁኔ ቦላ ጉሳዲስ።

4 ሃን ዲዛ ኦሳታፕ ኢሲ ኢሲ ኦሳቲ፣ «ሃይሲ ሸቶዚ ኦዛስ ዋጋይ ባይንዳ ጉኪዜ?» ጊዲ ባ ጊዶን ሃንቄቲዳ።

5 «ሸቶዚ ባይዜቲዳኮ ሃሹ ጾቱ ዲናሬፕ ቦላራ ባይዜቲዲ ማንቆታስ ኢሜቴኔሺን!» ጊዲ ማጫሳዮካ ካዲዳ።*

6 ጊዶ ኦቲን ዬሱሲ ኢስታስ፣ «ኦጌቲ! ሃና ማጫሳዮ ኦዛስ ዋዩሴቲ? ኢዛ ታስ ሎኦ ሚሽ ኦላዲስ።

7 ማንቆቲ ኦይ ዋዴካ ኢንቴናራ ዳቲስ። ኢንቴ ኮዩዳ ዋዴ ኦይዴካ ኢስታ ማዳናስ ዳንዳዬታ፤ ታ ጊዲኮ ኡባ ዋዴ ኢንቴናራ ዲኬ።

8 ሃና ባ ኦላናስ ዳንዳይዛሪ ኬና ኦላዲስ። ታስ ሞሳስ ጊዳና ማላ ታ ኦሽ ካሴታ ቲያዲስ።

13:11 ማቶ 10:17-20 13:13 ማቶ 10:22 13:14 ዳኔ 9:27፤ 11:31፤ 12:11 13:16 ሉቃ 17:31 13:19 ዳኔ 12:1፤ ኦጂ 7:14 13:25 ኦሳ 34:4፤ ኦጂ 6:13፤ ኦጂ 2:10 13:26 ዳኔ 7:13፤ ኦጂ 1:7 * 13:28 ሃይሲ ሃ ቆላይ ቤሲዛይሲ ኢስታ ዳራን ዲዛ ሚላቲ ኦጫዛይኔ ሃይላቲ ጨሊሊዛይ ቦኔ ጊዲዳይሳ ቤሳና። 13:34 ሉቃ 12:36-38 14:1 ኬሳ 12:1-27 14:3 ሉቃ 7:37-38
* 14:5 ሃሹ ጾቱ ዲናሬ ጉሲ ቤኒ ዋዴ ኦሳስ ላይላ ዳሞዛ። 14:7 ዛሬ 15:11

9 ታ አንቴስ ቱሙ ጋይስ፤ ሃይሲ ሚሺራች ቃላይ አላሚ ኩሚላን ሳባኪቲዛሶን አዋንካ ኢዛ ኦሊዳይሲ ኢዛ ሃሳኢሲዛዝ ገዲዲ ሃሳዬታና» ገደሰ።

ዩሱሳ አሊ አማናሰ ዩሁዳ ገጌቴላ
(ማቶ 26:14-16፤ ሉቃ 22:3-6)

10 ሃሳፌ ጉዬ ታማኔ ናምኣታፔ ኢሶይ አሰቆርንቶ ዩሁዳይ ዩሱሳ አሊ አማናሰ ቄሴታ ሃላቃታኮ ቢደሰ።

11 ኢሰቲካ ሃሳ ሲዩዲ ኡፋዬቲዳ፤ ኢዛሰ ሚሼ አማናሰ ኢዛራ ገገዲ፤ ሃሳ ገሻሰ ዩሱሳ አሊ አማናሰ አንጃ ዋዴ ናገሼ ጋምኢደሰ።

12 ፓዚጋ ዶርሲ ሹኬቲዛ ኡኬላ ሙሳ ቦንቺዛ ኮይሮ ጋላሰ ዩሱሳ ካሊዛይቲ ዩሱሳኮ ሸቂዲ፤ «ፓዚጋ ካዎ ማናሶ አዋን ገገሳና ማላ ኮያይ?» ገ ኦይቺዳ።

13 ኢዚካ ባና ካሊዛይታፔ ናምኣታ፡ «ካታማ ቢቲ፤ አንቴ ቢሸን ሃሌ ኦቶራ ቶኪዳ አሳዴይ አንቴናራ ጋጋና።

14 ኢዚ ቢዲ ጌሊዛሶ ጋካናሰ ኢዛ ካሊቲ። ኬላዳዛሰ፡ «አሰታማሬይ ኔና፡ ታና ካሊዛይታራ ፓዚጋ ካዎ ማናሰ ታሰ ገዲዛ አማላ ሸምፖሶይ አዋይሰ? ገደሰ» ገቴ።

15 ኢዚካ ቦላ ፖቄ ቦላ ዲዛ ገገ ኡቲዳ አሆሶ አንቴና ቡሳና፤ ሃን ኢዛን ገገሲቲ» ገ ከቲደሰ።

16 ኢዛ ካሊዛይቲካ ኬዚዲ ካታማ ቢዳ። ወሪካ ዩሱሲ ገዳ ማላ ሃኒ ቤቲደሰ፤ ፓዚጋካ ሃን ገገሲዳ።

17 ጋዴይ ቃሚሽን ዩሱሲ ባና ካሊዛ ታማኔ ናምኣታራ ጋኪደሰ።

18 ኢሰቲ ማዳን ዲሸን፡ «ታ አንቴስ ቱሙ ጋይስ፤ አንቴ ገደፌ ኢሶይ ኢዚካ ታናራ ኢሲፌ ሚዛይሲ ታና አሊ አማና» ገደሰ።

19 ኢሰቲካ ሙዛቲዳ፡ «ታኔሻ? ታኔሻ?» ገዲ ኢሶይ ኢሶይ ዩሱሳ ኦይቺዳ።

20 ኢዚካ ኢሰታሰ፡ «ታማኔ ናምኣታፔ ኢሶይ ታናራ ባ ኩሼ ኬሬን ዩዲዛዴ።

21 ካሴ ጸፊቲዳ ማላ አሳ ናይ ኢዛ ገሻሰ ሃይቃና ሸን አሳ ና አሊ አሚዛደሰ አዬ አና! ሃሳዴይ ካሴ ዩሌቶንታ ኣቲዳኮ ኢዛሰ ሎኦኮሸን!» ገደሰ።

ጎዳ ካዎ ኤኮ ዎጋ
(ማቶ 26:26-30፤ ሉቃ 22:14-23፤ 1ቆር 11:23-25)

22 ኢሰቲ ሚሸን ኡኬላ ኤኪ አንጂዲኔ ሚንሊዲ ባና ካሊዛይታሰ፡ «ሃይሳ ታ አሾ ሃኢቲ» ገ አሚደሰ።

23 ኡሻካ ዴንሊ ጋላቲዲ ኢሰታሰ አሚን ኢሰቲ ወሪካ ኡዩዳ።

24 ቃሴ ዩሱሲ፡ «ሃይሲ ዳርታ ገሻሰ ጉካና ታ ኦራላ ጫቆ ሱላ።

25 ታ አንቴስ ቱሙ ጋይስ፤ ኦራላ ዋይነፔ ገገዳ ኡሻ ጸሳ ካዎቲላን ታ ኡያና ዋዴ ጋካናሰ ናምኣንላ ሃይሳ ኡዩኬ» ገደሰ።

26 ሃሳፌ ጉዬ ዩሳ ኢሲፌ ዩዲዲ ፑዴ ዳብራዛይቲ ዙማ ቦላ ኬዚዳ።

27 ዩሱሲ፡ « ታ ሃሚዛይሳ ሸጫና፤ ሄ ዎዴ ኢዛ ዶርሳቲ ላሌታና» ጌቲቲ ጸፊቲዳይሳ ማላ አንቴ ወሪካ ታናን ጁጴታና።

28 ታ ዴንዲዳፔ ጉዬ ገዲኮ ታ አንቴፌ ካሴታዳ ጋሊላ ባና» ገደሰ።

29 ጴጵሮሲካ፡ «አሳይ ወሪ ጁጴቲኮካ ታኒ ጁጴቲኬ!» ገደሰ።

30 ዩሱሲካ፡ «ታ ኔሰ ቱሙ ጋይስ፤ ሃቶ አማርሰ ኩቶይ ናምኡቶ ዋሳና ጋካናሰ ኔኒ ታና ሃቡቶ ካዳና» ገደሰ።

31 ጴጵሮሲ ቃሴ፡ «ታ ኔናራ ሃይቁዛኮካ ሙሌካ ኔና ካዲኬ» ገዲ ኬሂ ሚንሊ ዮቲደሰ። ሃንኮይቲካ ወሪ ኢዛይሳላ ገዳ።

ጌቲሴማኔን ዩሱሳ ዋሳ
(ማቶ 26:36-46፤ ሉቃ 22:39-46)

32 ሃሳፌ ጉዬ ጌቲሴማኔ ጌቲቲዛሶ ቢዳ፤ ዩሱሲካ ባና ካሊዛይታ፡ «ታኒ ዋሲሸን አንቴ ሃይሳን ጋምኢሸቲ» ገደሰ።

33 ጴጵሮሳ፡ ያቆቤኔ ዮሃኒሳ ባናራ ኤኪ ቢደሰ። ኬሂ ቆፒደሲኔ ሚቶቲደሰ።

34 ቃሴካ ኢሰታሰ፡ «ታ ሸምፖያ ዳሮ ሚቶታዲሰ አንቴ ሃን ዲሸቲ። ጁሰኮንታ ናገቴ» ገደሰ።

35 ኢሰታ አቻፌ ጉላ ሃኪ ቢ ቢታ ቦላ ጉፋኒዲ ሄ ሳቲያ ኢዛፔ አቆና ማላ ዋሲደሰ።

36 «ታ አዋወ! ኔሰ ወሪ ዳንዳዬቲስ፤ ሃይሳ ዋዬ ጹኣ ታፔ ሃሳ። ገዲኮካ ኔ ሸኔፔ ኣቲን ታ ሸኔይ ሃናፖ» ገደሰ።

37 ኢዚ ሄፔ ሲሚ ዩሸን ኢዛ ካሊዛይቲ ጁሰኪዳይታ ቤኢደሰ። ጴጵሮሳካ፡ «ሲሞና ጁሰካዲ? ሃራይ ኣቶሸን ኢሲ ሳቲካ ሚናዳ ናገይ ኔና ጸኒዴ?»

38 አንቴ ፓጩን ጌሎንታ ማላ ቤገዲ ዋሲቲኔ ሚነቲ። አያናይ ገገቲ ኡቲደሰ ሸን ኣሾይ ገዲኮ ዳቡራንቻ» ገደሰ።

39 ቃሴካ ቢዲ ኮይሮይሳላ ዋሲደሰ።

40 ኢዚ ናምኣንላ ሲሚ ዩሸን ኢሰታ ኣይፌን ጁሰኮይ ዴጸን ጁሰኪዳይታ ዴሚደሰ ሸን ኢሰቲ ኢዛሰ ኣይ ዛራናኮን ኤሪቤቲና።

41 ሃቡንላ ዩዳ፡ «ሃኢካ አንቴ ኢቺዲ ሸምፔቲ? ሃኢ ገዳና፤ ሳቲያካ ጋካዲሰ፤ ሃኮ አሳ ናይ ናጋራንቻታ ኩሼን ኣጁ አሚታና።

42 ኣኔ ኤቂቲ ቦሰ፤ ታና አሊ አማናዴይ ዩደሰ» ገደሰ።

ዩሱሳ ኦይኬቴሊኔ ኣጁ አሚቴላ
(ማቶ 26:47-56፤ ሉቃ 22:47-53፤ ዮሃ 18:3-12)

43 ዩሱሲ ቡሮ ሃሳያን ዲሸን ታማኔ ናምኣታፔ ኢሶይ ዩሁዳይ ዩደሰ። ኢዛራ ኢሲፌ ቄሴ ሃላቃታፔ ሙሴ ዎጋ ታማርሲዛይታፔ ከቲቲዳ ዳሮ አሳይ ገላ ማሻኔ ዳርቃ ኦይኪዲ ዩደሰ።

44 ኢዛ አሊ አማና ዩሁዳይ ኢሰታሰ፡ «አሳ ገደፌ ታ ዩሪዛይይ ኢዛ ገዲዳ ገሻሰ ኦይኪዲ ሎኤላ ናገ ኤፍቲ» ገዲ ካሴቲ ማላታ አሚ ዋሊደሰ።

45 ጋኪዳ ማላ ዩሁዳይ ዩሱሳኮ ሸቂዲ፡ «አሰታማሬ!» ገዲ ዩሪደሰ።

46 አሳቲካ ዩሱሳ ኦይኪዳ።

47 ኢዛ አቻን ኤቂዳ ኢሶይ ማሻ ኮሆፔ ሾዲ ቄሴታ ሃላቃዛ አሸካራ ሃይላ ቃንጸደሰ።

48 ዩሱሲካ ኢሰታሰ፡ «ፓንጋ ማላ ታና ኦይካና ማሻኔ ዳርቃ ኦይኪዲ ዩቲ?»

49 ዋንቲን ዋንቲን ጸሓኝ ታማርሳሽ ታ
አንቲናራ ዲሸን ኦይኪቤኬታ ሸን ካሴ ጸፊቲዳይሲ
ፖሎታና ማላ ሃይሲ ሃኒዳሰ» ገደሰ።

50 ሄ ዋዴ ኢዛ ካሊዛይቲ ወሪ ኢዛ ዩጊ ኣጊ ቢዳ።

51 ባ ካሎቴላ ቄሪ ናጸላን ካሚዳ ኢሲ ናይ ዩሱሳ
ካሊሸን ኣሳይ ኢዛ ኦይኪን።

52 ናዚ ናጸላ ዩጊዲ ካሎ ኪቺዳሰ።

ፒርዳ ዲላታኮ ዩሱሳ ሸቆ

(ማቶ 26:57-68፤ ሉቃ 22:54-55፥63-71፤ ዮሃ
18:13-14፥19-24)

53 ዩሱሳካ ጌዳ ቄሴታ ሃላቃኮ ኤፊዳ፤ ቄሴታ
ሃላቃቲ፣ ዳሬ ጨማቲኔ ሙሴ ዋጋ ታማርሲዛይቲ ሄን
ኢሲፊ ወሪ ሸቆዳ።

54 ጳጳርሲካ ዩሱሳ ሃሆራ ካሊሸ ቄሴታ ሃላቃዛ
ጊቤ ጋካናሰ ቢዳሰ። ኢዚ ሄን ኡተዲ ሃራ ኣሳታራ
ታማ ሆኢሸን።

55 ቄሴታ ሃላቃቲኔ ዳሬ ጨማቲ ወሪ ዩሱሳ ዋቆናሰ
ማርካታና ኣሰ ኮዩዳ ሸን ዳማናሰ ዳንዳይቤቴና።

56 ዳርቲ ኢዛ ቦላ ዋርዶራ ማርካቲኮካ ማርካታ
ቃላይ ኦይኪቴቤና።

57 ኢሲ ኢሲ ማርካቲ ዳንዲዲ ዋርዶራ።

58 «ሃይሲ ኣዳዚ፣ ታ ኣሳ ኩሸን ኬጸቲዳ ጸሓ
ኬላ ላላዳ ኣሳ ኩሸይ ቦቾንታዝ ሃራ ሄቹ ጋላሳራ ታ
ኬጸና» ገሸን ኑ ሲዩደሰ» ገ ማርካቲዳ።

59 ገዶ ኣቲን ኢሰታ ማርካቲላ ኢሲ ቦላ ዋቆቤና።

60 ቄሴታ ሃላቃይካ ኢሰታ ሲንሳን ኤቂዳ፣ «ሃይቲ
ኔ ቦላ ማርካቲዛይሲ ኣዜ? ኔ ኣዛሰ ዶና ዛሪኪ?»
ገዲ ዩሱሳ ኦይቺዳሰ።

61 ገዶ ኣቲን ዩሱሲ ኢሰታሰ ኣይኮካ ዛርንታ
ጮኡ ገዳሰ፤ ቄሴታ ሃላቃይ ቃሴካ፣ «ኣንጃቲዳ ጸሓ
ናይ ኪርሰቶሲ ኔኔ?» ገ ኦይቺዳሰ።

62 ዩሱሲካ ዛሪዳ፣ «ኣ፤ ታናኮ! ኣሳ ናይ ዋልቃማ
ጸሓ ኡቫቻን ኡቲሸኒኒ ሳሎ ቫራራ ዩሸን ኣንቲ ኢዛ
ቤያና» ገዳሰ።

63 ቄሴታ ሃላቃይ ባ ማይኦ ዳኪዳ፣ «ኑሰ ሃራ ኣዛ
ማርካ ኮሸዜ?»

64 ኢዚ ጫሻ ቃላ ጸሓ ቦላ ሃሳይሸን ኣንቲ
ሲዩዳታ፤ ሃኢቶ ኣንቲሰ ኣይ ሚሳቲዜ?» ገዳሰ።
ኢሰቲካ፣ «ኢዛሰ ሃይቆይ ቤሴሰ» ገዲ ወሪካ ኢሲ
ቃላን ፒርዲዳ።

65 ሄ ዋዴ ኢሲ ኢሲ ኣሳቲ ኢዛ ቦላ ጩቶ
ጩቲዳ፤ ኢዛ ኣይፊ ጎዚ ኦይኪዲ ኢጨሸ፣ «ኣኔ
ቲንቢቲ ዮታ» ገዳ። ባጋይቲ ቃሴ ሻጋላን ባቂሾ
ኤፊዳ።

ጳጳርሲ ዩሱሳ ካዲዳሰ

(ማቶ 26:69-75፤ ሉቃ 22:56-62፤ ዮሃ
18:15-18፥25-27)

66 ጳጳርሲ ዲጌ ባጋራ ሄን ጊቤ ገደን ዲሸን
ቄሴታ ሃላቃ ጋራዳታ፤ ኢሲኒያ ያዲሰ።

67 ጳጳርሲ ታማ ሆኢሸን ቲሺ ሂሰታ ጸላዳ፣ «ኔኔ
ናዚሬቴ ዩሱሳራ ዳሳ ገዲኪ?» ገዲሰ።

68 ኢዚ ቃሴ፣ «ኔ ጊዛይሳዳ ታ ኤሪኬ፤ ኔ ጊዛይሲ
ታሰ ጌሊና» ገዲ ካዲዳሰ። ሄሳፊ ጌዴ ፔንጌ ፖቂ
ኤቂ ዲሸን ሄራካ ኩቶይ ዋሲዳሰ።

69 ሄ ጋራዳያ ኢዛ ቤኢዳ ማላ ሄን ኤቂዳ ኣሳታሰ፣
«ሃይሲ ኣዳዚ ኢዛራ ዲዛ ኣሳታ፤ ኢሳዳኮ!» ገዳ
ቃሴካ ሃሳያዲሰ።

70 ኢዚ ቃሴካ ካዲዳሰ። ጉላ ዋዴ ጋምኢሸን ሄን
ኤቂዳ ኣሳቲ ጳጳርሲ፣ «ኔኔ ጋሊላ ኣሳ፣ ሃሳ ገሻሰ
ቲማፔ ኔ ኢሰታፊ ኢሳዳ» ገዳ።

71 ገዶ ኣቲን ኢዚ ቃሴ፣ «ኣንቲ ጊዛዳ ታ
ኤሪኬ!» ገሸ ጫቆኔ ባና ቃንጌላ ኦይኪዳሰ።

72 ሄራካ ኩቶይ ናምኣንላ ዋሲዳሰ። ጳጳርሲካ፣
«ኩቶይ ናምኣ ዋሳናሰ ኔ ታና ሄቻ ካዳና» ገዲ ዩሱሳ
ቃላይ ኢዛሰ ቆፊቲን ሃቂሚ ዩኪዳሰ።

15

ዩሱሳ ጲላጸሳኮ ኤፊዳ

(ማቶ 27:1-2፥11-14፤ ሉቃ 23:1-5፤ ዮሃ
18:28-38)

1 ማላዶ ዋንታራ ቄሴታ ሃላቃቲ፣ ዳሬ ጨማቲኔ
ሙሴ ዋጋ ታማርሲዛይቲ ኩሚሳ ሻንጎ ኣላፊታራ
ኢሲፊ ዘሬቲዲ ዩሱሳ ቃቺ ኤኪ ኤፊዲ ጲላጸሳሰ
ኣሊ ኢሚዳ።

2 ጲላጸሲካ ዩሱሳ፣ «ኔ ኣይሁዳታ ካዎ?» ገ
ኦይቺዳሰ። ዩሱሲካ፣ «ኤ፣ ኔ ገዳ ማላ» ገዲ ኢዛሰ
ዛሪዳሰ።

3 ቄሴታ ሃላቃቲካ ዳር ዮኦ ኢዛ ቦላ ሸሺ ሞቲዳ።

4 ጲላጸሲ ቃሴ፣ «ኔ ኣዛሰ ኦይቫ ዛሪኪ? ሄኮ ኔና
ዳር ዮኦን ሞቲቲሰ» ገዲ ቃሴካ ኦይቺዳሰ።

5 ገዶ ኣቲን ዩሱሲ ሃኢካ ኢዛሰ ኣይኮካ ዛር
ኢሞንታ ገሻሰ ጲላጸሲካ ማላሉቲዳሰ።

6 ፓዚጋ ባኣሌ ጋላሰ ጲላጸሲ ዳሬይ ቢርሻና ማላ
ኦይቺዳዳ ቢርሺ ዩዲዛ ዋጋይ ካሴ ዳሰ።

7 ኢታ ኦሶን ዳሬ ቦላ ዳንዲዲ ሸምፖ ዋቆዳ
ኣሳታራ ኢሲፊ ቃሸቲዳ ባርባኔ ጌቲቲዛ ኢሳዳይ ዳሰ።

8 ዳሬይካ ዩዲ ካሴ ሎሴ ገዲዳይሳ ኢዚ ኦሳና
ማላ ጲላጸሳ ዋሲዳሰ።

9 ጲላጸሲካ ኢሰታሰ፣ «ታ ኣንቲሰ ኣይሁዳ ካዎ
ቢርሻና ማላ ኮዩቲ?» ገ ኦይቺዳሰ።

10 ጲላጸሲ ሃሳላ ኦይቺዳይ ካሴ ቄሴታ ሃላቃቲ
ዩሱሳ ቃናቲን ኣሊ ኢሚዳይሳ ኤሪዛ ገሻሳ።

11 ቄሴታ ሃላቃቲ ቃሴ፣ «ኢዛ ኤጸ ባርባኔይ
ቢርሸቶ!» ገ ኦይቻና ማላ ዳሬዛ ዳንጌላዳ።

12 ጲላጸሲ፣ «ሂሰቲኮ ኣንቲ ኣይሁዳ ካዎ ጊዛ
ኣዳዛ ዋሰታና ማላ ኮዩቲ?» ገዳሰ።

13 ኢሰቲ ቃሴካ፣ «ካቃ! ካቃ!» ገ ዋሲዳ።

14 ጲላጸሲካ፣ «ኣይ ኢታ ኦሊዳ?» ገ ኢሰታ
ኦይቺዳሰ። ኢሰቲ ቃሴ፣ «ካቃ! ካቃ!» ገዲ ካሴ፤
ኣሊ ዋሲዳ።

15 ጲላጸሲካ ዳሬዛ ኡፋይሳና ገዲ ባርባኔ ኢሰታሰ
ቢርሺዳሰ። ዩሱሳ ጋራፊዲ ካቃናሰ ኣሊ ኢሚዳሰ።

ዋታዳራቲ ዩሱሳ ቦላ ቂልጪዳ

(ማቶ 27:27-30፤ ዮሃ 19:2-3)

16 ዋታዳራቲ ዩሱሳ ዳሬ ሃሪዛይሳ ጊቤ ኤኪ ቢዲ
ኣቲዳ ዋታዳራቲ ኡባ ሸሸዳ።

17 ዩሱሳ ዘኦ ማይኦ ማይዚዳ፤ ኣጉንላ ኣኪሊሊ
ጸጺዲ ኢዛ ሁኤን ዋሊዳ።

18 ሃሳፊካ፡ «አይሁዳ ካዎ ሳርይ ኔስ ገደ!» ገሼ ኢዛ ሳርሊዳ።

19 ኢዛ ሁኔ ጉፊራ ሾጪዳ፤ ኢዛ ቦላካ ጩቲዳ፤ ጉልባቲዳ ኢዛስ ጎይኒዳ።

20 ኢዛ ቦላ ቁጂ ካእዳ፤ ጉዬ ካሴ ማይዚዳ ዘኦ ማይኦዛ ቃሪ ኤኪዳ ካሴ ኢዛ ማይኦዛ ዛሪ ማይዚዳ ካቃናሶ ኤኪ ቢዳ።

ዩሱሳ ካቁቴስ

(ማቶ 27:31-44፤ ሉቃ 23:27-43፤ ዮሃ 19:17-27)

21 አላኪሳንድርሳኔ ኤራርሳ ኣዎ ሰሞና ጌቲቲዛ ኢሲ ቃሪና ዳሪ ኢሲ ዳሪ፤ ካታማ ዪዛይሳ ዩሱሳ ማስቃሌ ዋልቃሪ ኦይኪ ቶሲዳ።

22 ሃሳፊ ጉዬ ዩሱሳ ጎልጎታ ጌቲቲዛሶ ኤፊዳ፤ ኢዛስ ቢርሼሳይ፡ «አሳ ሁኔ ጉጌ» ጉሳ።

23 ካርቤ ጌቲቲዛ ጫሞሮ ዋላኪቲዳ ዋይኔ ጫጃ ኡያና ማላ ኢዛስ አሚን ኢዚ ኤኮንታ ኢዲዳ።

24 ሃሳፊ ጉዬ ኢዛ ካቁዳ፤ ኢዛ ማይኦ ኢሳዳ ኢሳዳ ኣዎይሲ ጋካናኮ ገዲ ሳማ ዩገዲ ገሼቲዳ።

25 ኢስቲ ኢዛ ካቁሽን ዋንታፊ ሃቡ ሳቲ ገዲዳ።

26 ኢስቲ ማስቃሌ ቦላ ጸፊ ሺሺዳ ሞቶ ቃላይ፡ «አይሁዳ ካዎ» ገዛ ቃላ።

27 ኢዛራ ኢሲፊ ናሞኡ ፓንጋታ ኢሳ ኢዛ፤ ኡሻቻራ ኢሳ ሃዲርሳራ ካቁዳ።

28 ሃሳንካ ካሴ ማጻፋይ፡ «ኢታታራ ኢሲፊ ታይቤቲዳስ» ገዲ ቲንቢቲ ቃላይ ፖሌቲዳስ። *

29 ኦጌራ አጂ ቢዛይቲካ ባ ሁኔ ቃሊሽ፡ «ኦይ! ኦይ! ጸሳ ኩላ ላላዳ ሃቡ ጋላሳን ኩጸናይ ኔኔ?» ገዲ ኢታ ጫሽ ጫዪሽ።

30 «ኣኔ ሃኢ ማስቃሌ ቦላፊ ዋዳዳ ኔና አሻ» ገዲ።

31 ሃሳሶካ ቁሴታ ሃላቃቲኔ ሙሴ ዋጋ ታማርሲዛይቲ ባ ገደን ኢሶይ ኢሳስ፡ «ሃራታ አሺዳስ ሺን ባና አሻና ዳንዳይቤና» ገዲ ኢዛ ቁጂዳ።

32 «ኦ ኢዛ ቤኢዳ አማናና ማላ ኣኔ ሃይሲ ኪርሰቶሲ ኢሰራኤሌታ ካዎይ ሃኢ ማስቃሊ፤ ዋዳ» ገዲ። ኢዛራ ካቁቲዳይቲካ ኢዛ ቦላ ጫሽ ኮሪዳ።

ዩሱሳ ሃይቆ

(ማቶ 27:45-56፤ ሉቃ 23:44-49፤ ዮሃ 19:28-30)

33 ኡሱፑን ሳቲ፤ ዶሚዳ ኡዱፋን ሳቲ ጋካናሰ ቢታይ ወሪ ቶሚዳ።

34 ኡዱፋን ሳቲ ቦላ ዩሱሳ፡ «ኤሎሃ! ኤሎሃ! ላማ ሳባቁታኔ» ገዲ ቃላ ቶቁ ሂስቲዳ ዋሲዳ። ሃሳስ ቢርሼሳይ፡ «ታ ጸሶ! ታ ጸሶ! ኔ ታና ኣዛሰ አጋዲ?» ጉሳ።

35 ሃን ኤቁዳ አሳ፤ ኢሲ ኢሲ አሳቲ ሃሳ ሲዩዳ፡ «ኤላሳ ዳይጌሰኮ!» ገዲ።

36 ሃሳፊ ኢሲ አሲ ኤሌሊ ቢዳ ጫሊዳ ዋይኔ ጫጃ † ኢሰፖንጃ ማላ ሚሻን ጌልሏ ኬሲዳ ሚላ ዳራን ኦይሊዳ ኡያና ማላ ዩሱሳስ ሺሺዳ። ሃሳፊ ቃሴ፡ «ኣኔ አጋጌቲ፤ ኤላሲ ዩዳ ኢዛ ካቆ፤ ዋሊሽን ኦ ቤያና» ገዲ።

37 ሃሳፊ ዩሱሳ ቃላ ቶቁ ሂስቲ ዋሲዳ ሽምፖ ኬዚዳ።

38 ጸሳ ኬሌ ማጋላሻይ ሁኔራ ዳጌ ናሞኡ ኬዚ ዳኬቲዳ።

39 ዩሱሳ ገናራ ኤቁዳ ኢሲ ማቶ ሃላቃይ ዩሱሳ ሃሳ ገታ ቃላራ ዋሲዳ ሽምፖ ኬዚሽን ቤኢዳ፡ «ሃይሳይይ ቱሙ ጸሳ ናኮሽን» ገዲ።

40 ሃ ዋዳ ማጫሳቲ ሃኒዛይሳ ሃሆን ዲዳ ዳሊዳ። ኢስታ ገደፊ ማግዳሌ፤ ዩዳ ማራማኔ ካሎቲዛ ያቆቤ ዮሳ አዮ ማራማራ ቃሴካ ሳሎማራ ኢሲፊ ዳቲስ።

41 ሃይቲ ማጫሳቲ ጋሊላን ዩሱሳ ካሊሽኔ ኢዛሰ ኦሊሽ ጋሞኢዳይታ። ኢስታራካ ኢሲፊ ሃራ ዳር ማጫሳቲ ዩራሳላሚ ቢዳ።

42 ጋዴይ ቃሚ ቃሚ ቢሽን ሳሞባታሰ ገጌቲዛ ጋላሲ ጋኪዳ።

43 ዳሪ ጩማታ ገደን ቦንቼቲዳ ኢሲ አርማቲያሴ ዳሪ አሰ ዮሴፊ ጌቲቲዛይሲ ጸሳ ካዎቲላ ናገሽ ዲዛይይ ባቦንታ ጸላጸሳኮ ቢዳ ዩሱሳ አሃ ዋሲዳ።

44 ጸላጸሰካ ኢዚ ሂኒ ዋዳ ኤሌራ ሃይቁዳይሳ ሲዩዳ ማላሊቲዳ። ማቶ ሃላቃ ዳይጌሲዳ፡ «ኢዚ ሃይቁ ጋሞኢዳ?» ገዲ ኦይቼዳ።

45 ኢዚ ሃይቁዳይሳ ማቶ ሃላቃይ ጌሽ ኤሪዳ፤ ጉዬ ዩሱሳ አሃ ዮሴፊስ አሚዳ።

46 ዮሴፊይካ ሞሳ ማይኦ ሻሚዳ አሃ ማስቃሊ፤ ዋሊዳ ሞሳ ማይኦን ጸዲዳ ሹቻፊ ዋጩቲዳ ዳራን ሞገደሰ። ዳፋ ዶና ሹቻራ ጎርዲዳ።

47 ማግዳሌ፤ ዩዳ ማራማራኔ ዮሴፊ አዮ ማራማራ ዩሱሳ አሃ አዋን ሞገዳኮ ቤኢዳ።

16

ሃይቆ፤ ዩሱሳ ዳንላ

(ማቶ 28:1-8፤ ሉቃ 24:1-12፤ ዮሃ 20:1-10)

1 ሳሞባታይ አጂዳ፤ ጉዬ ማግዳሌ ማራማ፡ ያቆቤ አዮ ማራማራኔ ሳሎማራ ኢሲፊ ቢዳ ዩሱሳ አሃ ቲያናሰ ሺቶ ሻሚዳ።

2 ሳሚንታፊ ኮይር ጋላስ ማላዶ ዋንታራ ቡር አርሼይ ኬዚዳ ማላ ዩሱሳ ዳራኮ ቡር ቢሽን፡

3 «ዳራዛ ዶና፤ ሹቻ ኦስ ኦኒ ንጌዳሪሳኔ?» ገዲ ባ ገደን ሃሳይቲዳ።

4 ኢስቲ ቶቁ ገ ዳሊሽን ዳር ገታ ሹቻይ ዳራዛ ዶና፤ ንጌዳሪዳይሳ ቤኢዳ።

5 ዳራዛ ገደ ጌሊዳ ማላ ኢሲ ቦላ ማይኦ ማይኢዳ ፓንላ ኡሻቻ ባጋራ ኡቲዳይሳ ቤኢዳ ዳጋሚዳ።

6 ኢዚ ቃሴ ኢስታስ፡ «ዳጋሞፍቲ! አንቲ ካቁቲዳ ናዚሬቲ ዩሱሳ ኮይታ፤ ኢዚ ዳንዲዳስ፤ ሃን ዳና፤ ኢስቲ ኢዛ ዋሊዳሶ ሃይሳ ቤኢቲ።

7 ገደ አቲን አንቲ ቢዳ ኢዛ ካሊዛይታሲን ጸጽርሳሰ ካሴ አንቲሰ ዮቲዳ ማላ አንቲፊ ካሴቲዳ ኢዚ ጋሊላ ባና። አንቲ ኢዛ ሃን ዳማና ገዲ ኢስታስ ዮቲቲ» ገዲ።

* 15:28 ኢሲ ኢሲ ጌሻ ማጻፋቲ ታይቦ 28 ቦላ ዲዛ ቆፋ ጉጃቲስ፤ ቃላዚካ ሉቃሳን 22:37 ቦላ ዲዛይሳ ሚሳቲስ።

15:28 ኢሳ 53:12 15:29 ማዛ 22:7፤ 109:25፤ ማር 14:58፤ ዮሃ 2:19 15:34 ማዛ 22:1 † 15:36 ጫሊዳ ዋይኔ ጫጃ ካቁቲዳ

ኢሲ ባ ዋዩ ባላና ማላ ኡሹቲስ። 15:38 ኬሳ 26:31-33 15:41 ሉቃ 8:2-3 16:7 ማቶ 26:32፤ ማር 14:28 * 16:8 ኢሲ

ኢሲ ቤኒ ጌሻ ማጻፋታን ታይቦ ኦስፑና፤ ጉዬ ዲዛ ቆፋይ ሃይሳፊ ካሊዳ ጸፊቲዳ። ማጫሳቲ ጸጽርሳኮን ባ ላጌታኮ ቢዳ ኪታንቻዚ ኢስታስ ዮቲዳይሳ ኡባ ኢስታስ ዮቲዳ። ሃሳፊ ጉዬ ዩሱሳ አሻሻ ላሚቶንታ ጌሻ ሚሺራቾ ቃላ አርሼይ ሞኪዛሶ፤ ወሊዛሶ ጋካናሰ ባና ካሊዛ ታማሪታ ባጋራ ከቲዳስ።

8 ማጫሳተካ ማላሌቲሼኔ ኮኮሪሼ ዲፋፔ ኬዚ ባቃቲዳ። ባቢዳ ገሻሰ ኦናሰካ ኣይኮካ ቃቲቤቴና። *

9 ሳሚንታፌ ኮይሮ ጋላስ ዋጋ ዋንታ ማላደራ ኢዚ ሃይቆፔ ዴንዲዳፔ ጉዬ ዩሱሲ ኢዚፔ ላፑን ዳይዳንሳ ኬሲዳ ማግዳሌ ማራሚስ ኮይሮ ቤቲዳስ። †

10 ኢዛካ ባዳ ካሴ ኢዛራ ዲዛይቲ ካዮቲሼኔ ዩኪሼ ዲሺን ዳማዳ ዮታዲሰ።

11 ኢስቲ ዩሱሲ ፓጸ ዲዛይሳኔ ኢዛ ታ ዩሱሳ ቤያዲስ ገዳይሳ ሲዩዲ ኣማኒቤቴና።

ዩሱሲ ባና ካሊዛ ናምኣታስ ቤቲዳስ (ሉቃ 24:13-35)

12 ሄሳፌ ጉዬ ኢዛ ካሊዛይታፔ ናምኣቲ ጌዴ ዳሬ ጋርስ ቢሺን ዩሱሲ ኢስታስ ሃራ ኣስ ሚሳቲ ቤቲዳስ።

13 ኢስቲካ ሲሚዲ ሄሳ ኢዛ ካሊዛይታፔ ኣቲዳይታስ ዮቲዳ፤ ገዶ ኣቲን ኢዛ ካሊዛይቲ ሲዩዲ ኣማኒቤቴና።

ዩሱሲ ባና ካሊዛ ታማኔ ኢሲኔታስ ቤቲዳስ (ማቶ 28:16-20፤ ሉቃ 24:36-49፤ ዮሃ 20:19-23፤ ሃዋ 1:6-8)

14 ሄሳፌ ጉዬ ታማኔ ኢሲኔቲ ማዳ ቦላ ዲሺን ዩሱሲ ኢስታስ ቆንጨዳስ። ኢዚ ሃይቆፔ ዴንዲን ኢዛ ቤኢዳ ኣሳቲ ኢስታስ ዮቲን ሲዩዲ ኣማኖንታ ኣገዳ ገሻሰ ኢስታስ ኣማኖይ ባይንዳይሳኔ ኢስታ ዋዚና ሙሜቴላ ገሻሰ ኢስታ ቦሪዳስ።

15 ኢስታሰካ፡ «ኣላሜ ኡባሶ ቤቴ፡ ሚሺራች ቃላ ሜዴቴሳ ኡባሰ ሳባኪቴ።

16 ኣማኒዳይኔ ጸማቄቲዳይ ኣታና። ኣማኖንታይ ገዲኮ ፒርዴታና።

17 ታና ኣማኒዛይታ ሃይቲ ማላታቲ ካላና። ኢስቲ ታ ሱንላን ዳይዳንሳታ ኬሳና፤ ኦራላ ቃላንካ ሃሳያና።

18 ኢስቲ ሾሻታ ባ ኩሼራ ኦይካና፤ ዋዲዛ ማርዜ ኡዩኮካ ኢስታ ቆሄና። ባ ኩሼ ሃርጋንቻታ ቦላ ዋላ ዋሲኮ ሃርጋንቻቲ ፓጸና» ገዴሰ።

ፑዴ ሳሎ ዩሱሳ ቡስ (ሉቃ 24:50-53፤ ሃዋ 1:9-11)

19 ጎዳ ዩሱሲ ሄሳ ዮቲዳፔ ጉዬ ፑዴ ሳሎ ዳንዲ ቢዲ ጸሳ ኡሻቻን ኡቲዳስ።

20 ኢዛ ካሊዛይቲ ሄሳፌ ኬዚዲ ኡባሶን ኣዲ ኣዲ ሳባኪዳ። ጎዳይካ ኢስታራ ኦላዳስ። ኢስታ ቲሚርቴዛ ኤኪዲ ኦላዳይታስ ባ ዮቲዳ ቃላካ ማላታ ኦላ ኦላ ሚንላዳስ።

† 16:9 ኢሲ ኢሲ ቢርሼሳታኒኔ ኢሲ ኢሲ ሃራታፔ ዲቄቲዳ ገሻ ማጸፋታን ታይቦ 9-20 ጋካናስ ዲዛ ቆፋይ ጸፊቲቤና። 16:15 ሃዋ 1:8

ሉቃስ ጻፊዳ

ኑ ገዳ ዩሱስ ኪርስቶስ ሚሺራች ቃላ

ጊዳ ቆፋ

ሉቃስ ሚሺራች ቃላይ ዩሱስ ዳር ዋዴፔ ካሴ ያና ጌቴቲ ናቤታን ኢሰራኤል ኣሳሰ ዮቴቲ ኡቲን ኢሰራኤል ኣሳይ ናጊ ኡቲዳ ኪርስቶስ፡ «ኣስ ኡባ ኣሺዛዴ» ጊዳዳይሳ ቆንጨሳናሳ፡ ሉቃስ ዩሱስ፡ «ማንቆታስ ሚሺራች ቃላ ሳባካናስ» ባ ኣዋፔ ኪቴቲዳዴ ጊዳዳይሳን ሚሺራች ቃላዚካ ኣሳሰ ዳዛ ዲማ ዲማ ሚቶስ ኦጌ ቤሲዛይሳ ዮቴስ፡ ሉቃስ ሚሺራች ቃላዛ ጊዳን ሃራፔካ ዩሱስ ሂደታ ጊሻስ ዮቴዛ ኮይሮ ሸምፖታኒኔ ወርሴላ ሸምፖታን ሎኤሊ ዮቴዳይ ሂደታ ጊሻሳ፡ ዩሱስ ፑዴ ሳሎ ቢዳፔ ጉዬ ኣማናይ ዋኒ ናምኣጎሶ ዲጨዳኮ ሃዋሬታ ማጻፋን ሃይሳ ጻፊዳይ ሄ ማጻፋዛን ዮቴዳስ፡

ኪታንቻቲ ዩጲዳ ዩላ ጊሻስ ዩሱስ ዩሉቲን ማህ ሄሚዛይቲ ኢዛ ቤኢዳይሳ፡ ዩሱስ ቡሮ ጉላን ዲሺን ጸሳ ኬሌ ቢዳይሳ ኣሳሰ ሚሻ ጊዳዳ ሄ ሳማሪያ ኣዴዛ ኦሶን ቆዩ ቤቲዳ ናዛ ታሪኬይ ሄይቲ ወሪካ ሉቃስ ሚሺራች ማጻፋን ጸላላ ቤቴቲስ፡ ኢዛ ሚሺራች ቃላዛን ጋጸፔ ጋጸ ጋካናስ ኣዳፊ ዮቴዳይ ዋሳ ጊሻስ፡ ጲሎ ኣያና ጊሻስ፡ ማጫሳታስ ዩሱስ ኦሶ ጊዳን ኢስታስ ኢሜቲዳ ጊሻኔ ጸሲ ናጋራ ኣቶ ጊዳይሳ ዮቴስ ጉሳ፡

ሃ ማጻፋይ ኦይኪዳ ኩሜላ ቆፋ

- ጌሎሶ 1:1-4
- ጸማቂዛ ዮሃንሳ ዩሉቴሌኔ ዩሱስ ዩሉቴላ 1:5—2:52
- ጸማቂዛ ዮሃንሳ ኦሶ 3:1-20
- ዩሱስ ጸማቂቴላኔ ፓጨቴላ 3:21—4:13
- ዩሱስ ባ ኦሶ ኮይሮ ጋሊላን ደሚዳስ 4:14—9:50
- ጋሊላፔ ዩሩሳላሚ ቡስ 9:51—19:27
- ዩሩሳላሚኒኔ ሄ ሄራን ወርሴላ ሳሚንታን ዩሱስ ጋኪዳ ሚቶ 19:28—23:56
- ገዳ ዴንላ ቆንጨሳኒ ፑዴ ሳሎ ቡስ 24:1-53

- 1 ቦንቾ ቶፊሎሳ! ኑ ኣቻን ሃኒዳ ዮኦታ ጊሻስ ዳር ኣሳቲ ባስ ሃኒዳ ማላ ጻፊዳ፡
- 2 ሄ ታሪኬዚካ ኮይሮፔ ዴንላዳ ባ ኣይፊራ ቤኢዳ ማርካቲኔ ጸሳ ቃላ ዮቴዳይቲ ኦስ ኣሊዳይሳ፡
- 3 ታኒካ ታ ባጋራ ጸጸፔ ዴንላዳ ኬሃ ናጌታዳኔ ፓጫ ጸላዳ ታሪኬዛ ወርሳ ሲንሌ ጸፊታናስ ቤሲዛይሳ ሲንላሳዳ ካሊዳ ጸፊታናስ ቤሲዛይሳ ካሌላዳ ናጌታዳ ኔስ ጸፋና ማላ ታስ ሎኦ ጊዳ ቤቴዳስ፡
- 4 ሃይሳ ኡባ ታ ኦሊዛይ ኔ ታማርዳይሲ ቱማ ጊዳዳይሳ ኔና ኤሮ ጉሳሳ፡

ጸማቂዛ ዮሃንሲ ዩሉታናይሳ ኪታንቻ ጋብሬሌይ ካሴቲዳ ዮቴዳ ቃላ
 5-6 ሄርዶሲ ዩሁዳ ቢታን ካዋቲዳ ዋዴ ኣቢያ ጌቴቲዛ ቄሴታ ሃላቃዛ ባጋፊ ቄሴቴላ ኦሶ ታራይ ኢዛ

ጋኪዳ ዛካራሳ ጌቴቲዛ ኢሲ ቄሴይ ዳስ፡ ኢዛ ማቼያካ ኤልሳቤጾ ጌቴታወስ፤ ኢዛካ ኣርኔ ባጋ ኣሳ፡ ናምኣቲካ ገዳ ኣዛዘኔ ኢዛ ዋጋ ዋሶይ ባይንዳ ናጊዲ ዲዛይታኔ ጸሳ ሲንላን ጲሎ ኣሳ፡

7 ጊዳ ኣቲን ኤልሳቤጾ ና ዩሎንታ ማይኔ ጊዳዳ ጊሻስ ኢስታስ ናይ ባ፤ ናምኣቲካ ዋዴይ ቢዳ ኣሳ፡
 8 ዛካራሲ ጸሳ ሲንላን ቄሴቴላ ኦሶ ታራይ ኢዛ ጋኪን ኢዚ ኦሊሺን

9 ቄሴታስ ዲዛ ዋጋ ማላ ጸሳ ኬላን ጌሊዲ ኤጻኔ ጨዋሳና ማላ ኤጻይ ኢዛ ጋኪዳስ፡

10 ኤጻኔይ ጨዋቲሺን ኣሳይ ወሪካ ካሬን ዲዲ ዋሶስ፡

11 ገዳ ኪታንቻይ ኤጻኔይ ጨዋቲዛ ሶፔ ኡሻቻ ባጋራ ኤቂዲ ዛካራሳስ ቤቴዳስ፡

12 ዛካራሲካ ኢዛ ቤኢዲ ኬሂ ዳጋሚዲ ባቢዳስ፡

13 ኪታንቻይ ዛካራሳስ፡ «ባባፋ! ኔ ዋሳይ ሴቴቲዳስ፤ ኔ ማቼያ ኤልሳቤጾ ኔስ ኣቱማ ና ዩላና፤ ኢዛ ስንላካ ኔ ዮሃንሳ ጋዳ ስንላና፡፡

14 ኢዛ ዩሉታን ኔኒ ዳር ኡፋዬታና፤ ዳር ኣሳይካ ኡፋዬታና፡፡

15 ገዳ ሲንላን ኢዚ ጌታ ጊዳና፡፡ ዋይኔፔ ኦሴቲዳ ጫጄ ጊዳንካ ሃራ ማላሲዛ ኡሹ ጊዳንካ ኢዚ ኡዬና፤ ኢዚ ቡሮ ባ ኣዬይ ቃንላን ዲሼ ጲሎ ኣያናን ኩማና፡፡

16 ኢሰራኤል ኣሳፔ ዳርታ ኢስታ ጸሳኮ ዛራና፡፡

17 ኣዋታ ዋዚና ኢስታ ናይታኮ፡፡ ኣዛዜቶንታይታካ ጌዴ ጲሎታ ጨንጫቴላኮ ዛራና ማላኔ ገዳስ ቤሲዛ ዴሬ ጊሻና ማላ ኤላሳ ኣያናኒኔ ኢዛ ዋልቃን ገዳፔ ሲንላራ ኢዚ ባና» ጊዳስ፡፡

18 ዛካራሲ ኪታንቻዛስ፡ «ታኒ ጨማ፤ ታ ማቼያካ ጨማዱስ፤ ታኒ ሃይሳ ኣዛን ኤራኔ?» ጊዳ ኦይቼዳስ፡፡

19 ኪታንቻዚካ ዛራዲ፡ «ታኒ ጸሳ ሲንላን ኤቂዛ ጋብሬሌ፡፡ ታኒካ ሃ ሚሺራችዛ ኔስ ጋላናስ ኪቴታዳ ያዲስ፡፡

20 ሄኮ ኔኒ ባ ዋዴን ፖሌታና ታ ቃላ ኣማናንታ ኢዲዳ ጊሻስ ኔ ዶናይ ዲዳና፤ ኔኒካ ሃሳያና ዳንዳያካ» ጊዳስ፡፡

21 ሄ ዋዴ ዴሬይ ዛካራሲ፡ «ጸሳ ኬላፊ ኬዘንታ ኣዛስ ጋምኢዳኮ» ጊዳ ሞጴቲሼ ናጊዳስ፡፡

22 ኢዚ ጸሳ ኬላፊ ኬዚዲ ኣሳ ሃሳይሳናስ ዳንዳይቤና፤ ማላቲ ማላቲ ቤሶፔ ኣቲን ሃሳያናስ ዳንዳያንታ ኣጊን ኣሳይ ኢዚ ጸሳ ኬላን ጸሳፊ ኦራሳ ሚሻ ቤኢዳይሳ ኤሪዳስ፡፡

23 ዛካራሲካ ባ ኦሶ ታራይ ፖሌቲዳፔ ጉዬ ባሶ ሲሚዳስ፡፡

24 ሃሳፊ ጉዬ ኢዛ ማቼያ ኤልሳቤጾ ና ቃንላታዱስ፡ ኢቻሻንሶ ኣጊናይ ጋካናስ ኣሲ ባና ቤኦንታ ማላ ቆቴታዱስ፡፡

25 ኢዛካ፡ «ገዳይ ባ ማርታን ታ ሉቄቲዳይሳ ኣሳ ጊዳፊ ዲጋናስ ሃ ዋዴዛን ሃይሳ ታስ ኦሊዳስ» ጋዲስ፡፡

ዩሱስ ዩሉታናይሳ ጋብሬሌይ ካሴቲ ዮቴዳስ
 26 ኤልሳቤጾ ቃንላቲዳ ኡሱፑንላ ኣጊናን፡፡ ጸሲ ባ ኪታንቻ ጋብሬሌ፡፡ ጋሊላ ቢታን ዲዛ ናዚሬቴ ጌቴቲዛ ካታማ ዩዲዳስ፡፡

27 እዚካ ካዎ ዳዊቱ ዜሬል ገዲዳ የሰፊ ጌቲቲዛ አሳሰ ገጋ ኡቲዳ ማራሞ ጌቲቲዛ ጌላኦይኮ ኪቲቲዳስ።

28 ዩዲኔ እዚ ዲዛሶ ጌሊዲ፣ «ሃኔ ጸሲ ኔና አንጂዳሬ ሳር! ጎዳይ ኔናራ ዳስ ኔኒካ አንጃቲዳር» ገዴስ።

29 ማራማ ኪታንቻ ሃሳያን ኬሃ ዳጋማዳ፣ «ሃይሲ አይ ገዛ ሳርካ?» ጋዳ የኦዛ ኬሃ ቆጋዲስ።

30 ኪታንቻይካ ማራሞ፣ «ጸሲ ኔናን ኡፋዬቲዛ ገሻሰ ባቦፋ!

31 ኔኒ ቃንሳታና፤ አቱማ ናካ ዬላና፤ ሱንሳካ ዬሱሳ ጋዳ ሱንሳና።

32 እዚካ ገታ ገዳና፤ ኡባሬ ቦላ ገዲዳ ጸሳ ና ጌቲታና፤ ጎዳ ጸሲ እዛ አዎ ዳዊቱ ካዎቲላ እዛሰ አማና።

33 እዚ ኢሰራኤል ናይታ ቦላን ማርናሰ ካዎታና፤ እዛ ካዎቲላሰካ ወርሴላ ዳና» ገዴስ።

34 ማራማካ ኪታንቻስ፣ «ታኒ አዳ ጌላቤኬ ሺን ሃይሲ ዋኒ ሃናኔ?» ጋዳ ኦይቻዲስ።

35 ኪታንቻይካ ማራማስ፣ «ጸሎ አያናይ ኔ ቦላ ዎፋና፤ ኡባሬ ቦላ ጸሳ ዎልቃይ ኔ ቦላ ኩዎሳና፤ ሄሳ ገሻሰ ዬሌታና ናዚ ጌሻ ጸሳ ና ጌቲታና።

36 አሲ ዬሉኩ፤ እዛ ማይኔ ገዲ ሃሳይዛ ኔ ዳቦያ ኤልሳቤጸ ጨማቲላን አቱማ ና ቃንሳታዳ ዬላናሰ ኡሱፑንሳ አገና ኦይካዲስ።

37 ጸሳሰ ሃናንታ ሚሺ ዳና» ገዴስ።

38 ማራማካ ዛራዳ፣ «ሄኮ ታኒ ጸሳ አይሌ ዲኪና፤ ኔ ገዳ ማላ ታሰ ሃና» ገን ኪታንቻይ እዚ፤ ሻኬቲዲ ቢዴስ። ማራማ ኤልሳቤጸ ቤያና ባዲስ።

39 ማራማካ ሄ ዎዴ ማታራ ኤሶታ ዳንዳዳ ፑዴ ጌዜ ዳሬን ዲዛ እሲ ዩሁዳ ካታማ ባዲስ።

40 ዛካራሳ ኬሌ ጌላዳ ኤልሳቤጸ ሳርታዲስ።

41 ኤልሳቤጸ ማራማ ሳርካ ሰዪዳ ማላ ቃንሳን ዲዛ ናዚ እዚ ቃንሳን ጉፒዴስ፣ ኤልሳቤጸንካ ጸሎ አያናይ ኩሚዴስ።

42 እዛካ ባ ቃላ ጶቁ ሂሰታዳ፣ «ማጫሳ ኡባሬ ኔ አንጃቲዳር፤ ኔ ቃንሳን ዲዛ ናዚካ አንጃቲዳይሳ።

43 ታ ጎዳ አያ ታኮ ያዳ ታና ኦይቻናሰ ታኒ ኦኔ?

44 ኔ ሳርካ ቃላ ታ ሰዪዳ ማላ ታ ኡሎ ገደን ዲዛ ናይ ኡፋይሳን ጉፒዴስ።

45 ፖሌታና ገዲ ጎዳይ እዚሰ የቲዳይሳ አማኒዳራ እዛ አንጃቲዳር» ጋዲስ።

ማራማ ጋላታ ዎሳ

46-49 ማራማካ፣ «እዚ ባ አይሌይ

ካወሻቲላ

ጸሊዳ ገሻሰ

ታ ሺሞፒያ ጎዳ ጶቁ

አሳዳ ቦንቻወሰ።

ታ አያናይካ ታና አሺዛ

ታ ጸሳን ኡፋዬታወሰ።

ዎልቃማ ጎዳይ ታሰ

ገታ ሚሹ ኦሊዳ ገሻሰ

ሃቸሬ ሰንሳን አሲ ወሪ ታና

አንጃቲዳር ጋና።

እዛ ሱንሳይካ ጌሻ።

50 እዛ ማሪይ እዛሰ ባቢዛይታሰ ና ና ጋካናሰ ዳና።

51 ባ ዎልቃን ዳር ሚኖ

አሶ እሊዴስ፤

ባ ዎዚና ቆፋን

አቶሪቲዛይታ ላሊዴስ።

52 ካዎታ ካዎቲላሬ ዎሊዴስ፣

አሽኬታ ቃሴ

ጶቁ ጶቁ ሂሰቲዴስ።

53 ጋሬዳይታ ሎኦ ሚሻን ካልሲዴስ፤

ዲሬታ ገዲኮ

ሚላ ኩሼ ዬዲዴስ።

54-55 ካሴ ኑ አዎታሰ

አብራሃሚሲኔ እዛ

ቆሞታሰ ገዳ ሂደታ ቃላ

ናጋናሰ ባ ማሪቲላ

ዩሺ ቆፒዲ

ባ አይሌ ኢሰራኤል

ማዲዴስ» ጋዲስ።

56 ማራማካ ኤልሳቤጸ አቻን ሄዙ አገና ሲሬ ጋሞአዳ ባሶ ሲማዲስ።

ጸማቂዛ የሃኒሳ ዬሌቲላ

57 ኤልሳቤጸሲ ዬሎ ጋላሳይ ጋኪን አቱማ ና ዬላዲስ።

58 እዚ ጉታቲኔ ዳቦቲካ ጎዳይ እዚሰ ገታ ማሪቲላ ኦሊዳይሳ ሰዪዲ እዚራ እሲሬ ኡፋዬቲዳ።

59 ዬሌቲዳ አሰፑንሳ ጋላሰ ቃጸራሰ ዩዳ። እዛ አዎ ሱንሳን ዛካራሳ ገዲ ሱንሳና ኮዩዳ።

60 ገደ አቲን አዬያ፣ «ሃኔና፤ እዛ ሱንሳ የሃኒሳ ጌቲቶ» ጋዲስ።

61 አሰቲካ እዚሰ፣ «ኔ ዳቦታፔ የሃኒሳ ጌቲቲዳ ጸይጌቲዳ አሲ ኦኒካ ባ» ገዴ።

62 አዎይ ዛካራሲ ናዛ ኦና ገዲ ሱንሳና ኮዩዳኮ ማላታን አይቸዳ።

63 ዛካራሲካ ጸፊዛ ሚሽ እዛሰ አማና ማላ አይቸ ኤኪዲ ሱንሳይ፣ «የሃኒሳ» ገ ጸፊን አሳይ ወሪካ ማላሌቲዴስ።

64 ሄራካ ዛካራሳ ደናይ ፖጌቲዲ አንጸርሲ ቢርሼቲን ጸሳ ጋላታ አይኪዴስ።

65 እዛ ጉታቲ ወሪ ዳር ባቢዳ። ሃይሲ ወሪካ ጶቃ ጌዜ ቢታን ዩሁዳ ዳሬን፣ ኡባሶን ሃሳዬቲዴስ።

66 ሃይሳካ ሰዪዳ አሲ ወሪካ፣ «ሃ ጉላ ናይ አይ ሃናኔሻ?» ገዲ ሃናዛ ወርሲካ ባ ዎዚናን አይኪዴስ፤

ጎዳ ኩሼይ ቱማፔ እዛራ እሲሬ ዴስ።

ዛካራሲ የቲዳ ቲንቢቲ

67 ናዛ አዎይ ዛካራሲ ጸሎ አያናን ኩሚዲ ቲንቢቲ ሃሳይሼ፣

68 «ዩዲ ባ አሳ አሺዳ ገሻሰ ኢሰራኤል ጸሲ ጋላቲቶ።

69-70 ቤኒ ዎዴ ባ ጌሻ ናቤታ ደናን ሃሳዬቲዳይሳ ማላ

ባ አይሌ ዳዊቲ ኬላን

አሺዛ ዎልቃ

ኑሰ ዳንሊዴስ።

71 እዚ ኑና ኑ ሞርኬታፔኔ

ኑና ኢዲዛይታ ኩሼፔ ኣሼሰ።
 72 ሃይሳ ኢዲ ኣሉዲይ ኑ ኣዋታሰ ባ ማርቴላ ቤሳናሳ፣ ባ ጌሻ ጫቆዛ ዩሺ ቆፓናሳ።
 73-75 ካሴ ኑ ኣዋ ኣብራሃሚስ ጫቂዲይሳ ቆፓና ማላኔ ኑ ሞርኬታ ኩሼፔ ኢዲ ኑና ኬሲን ኑኒ ኢዛሰ ባቦይ ባይንዳ ኦላናሲኔ ኑ ዲዛ ዎዴ ኡባን ባ ሲንላን ኑና ጌሻቴላኒኔ ጸሎቴላን ኤሳናሳ።
 76 ጎዳ ኦጌ ገሊሳናሰ ኔ ኢዛፔ ሲንሳራ ቢዛ ገሻሰ ታ ናዞ ኔኒ ዎጋ ጸሳ ናቤ ጌቴታና።
 77 ኣሳይ ባ ናጋራፔ ማራቴዳ ገሻሰ ዴሪሰ ኣቶቴላ ኤራቴላ ኔ ኢማና ማላ፣
 78 ኑ ጸሳ ሎኦ ማርቴላፊ ዴንዲዲይሳን ሳሎፔ ኑስ ኣርሼይ ኬዚዴሰ።
 79 ሄሲካ ቆማን ዲዛይታሲኔ ሃይቆ ኩዋ ገደን ዲዛይታሰካ ፖኢሳና ማላኔ ኑ ቶሆታካ ሳርቴላ ኦጌ ካሉላናሳ» ገደሰ።
 80 ጉላ ናዚካ ዲጪዴሰ፤ ኣያናንካ ሚኒዴሰ፤ ኢሰራኤሌ ኣሳሰ ቆንጩን ቤታና ጋካናሰ ባዞ ቢታን ዴኢዴሰ።

2

ዩሱሳ ዩሌቴላ
 (ማቶ 1:18-25)
 1 ሄ ዎዴ ቢታ ቦላን ዲዛ ኣሲ ወሪካ ታይቤቴዲ ጸፊታና ማላ ኦርሚ ካዎ ኣወጊሰጸሳፔ ኣዎጃይ ኬዚዴሰ።
 2 ሄሲካ ቁሪኔዎሳ ጌቴቲዛይሲ ሶሪያ ዴሬ ሃሪዛ ዎዴ ሃኒዳ ኮይሮ ዴሬ ታይቦ።
 3 ሄሳ ገሻሰ ኣሲ ወሪ ጸፊታናሰ ባ ዴሬ ዴሬ ቢዴሰ።
 4 ዮሴፊይካ ኣሾ ዳቦቴላን ዳዊቴ ባጋፊ ገዲዳ ገሻሰ ጋሊላ ኣወራጃ ገደን ዲዛ ናዚሬቴ ካታማፔ ዩሁዳ ኣወራጃ ቤቴሊሃሚ ጌቴቲዛ ዳዊቴ ካታማፔ ዩዴሰ።
 5 ኢዚ ጸፊታና ቢሽን ኢዛሰ ጌታ ዳሼ ዩላና ማቲዳ ማራሚራ ቢዴሰ።
 6 ኢሰቲካ ሄን ዲሺን ኢዚሰ ዩሎ ዎዴይ ጋኪዴሰ።
 7 ኢዛካ ኮይሮ ኣቶማ ና ዩሊዲይሳፊ ጉዬ ኢማሊ ኣቁዛ ኬላን ኣቁዛሶይ ባይንዳ ገሻሰ ናዛ ጫርቃራ ጸጸዳ ሚዛ ሲንላን ኢሺሳዲሰ።

ሚሃ ሃሚዛይታኔ ኪታንቻታ
 8 ቤቴሊሃሚ ኣቻን ደርሰ ሃሚዛ ኣሳቲ ደርሳ ናገሼ ኦማርሳራ ካሬን ኣቁዛይቲ ዴቴሰ።
 9 ጎዳ ኪታንቻይካ ኢሰታኮ ዩዴሰ፤ ጎዳ ቦንቾ ፖኦይካ ኢሰታ ላንቄን ዩዩ ኣቆናሰ ፖኢዴሰ። ኢሰቲካ ኬሂ ዳጋሚዳ ገሻሰ።
 10 ኪታንቻይ ኢሰታ፣ «ባቦፍቴ! ታኒ ኣሳ ኡባሰ ገዲዛ ገታ ኡፋይሳ ሚሺራች ኤካ ያዲሰ።
 11 ሃኙ ካዎ ዳዊቴ ካታማ ቤቴሊሃሚን ሽምፖ ጳሌይ ዩሌቴዴሰ። ኢዚካ ጎዳ ኪርሰቶሳ ጌቴቴሰ።
 12 ጫርቃራ ጸጸቴ ኢቺዳ ጋጪኖ ና ዴማንዴታ፤ ሄሲካ ኢንቴሰ ማላታ ገደ» ገደሰ።
 13 ኢዛራካ ሃራ ዳር ሳሎ ኪታንቻቲ ቤቴዳ። ጸሳ ጋላቲሼ፣
 14 «ቦላ ሳሎን ጸሳሰ ቦንቾይ ገደ፤ ሳርቴላካ ቢታ ቦላን ኢዚ ደሲዛ ኣሳ ኡባሰ ገደ» ገደ።
 15 ኪታንቻቲ ኢሰታፊ ሻኬቴዲ ሳሎ ሲሚን ደርሳ ሃሚዛይቲ ባ ገደን ኢሶይ ኢሳ፣ «ኣኔ ሃ ዩቴ ጎዳይ ኑስ ቆንጪሲዲይሳኔ ሃኒዲይሳ ቤቴሊሃሚ ካታማ ቢዲ ቤዮሰ» ገደ።
 16 ኢሰቲካ ኤሌሊ ቢዲ ማራሚራ፣ ዮሴፊራኔ ሚዛ ሲንላን ኢቺዳ ናዛ ዴሚዳ።
 17 ቤኢዳፔ ጉዬ ጎዳ ኪታንቻይ ናዛ ገሻሰ ኢሰታሰ ዮቴዲሳ ኡባ ዛሪ ዮቴዳ።
 18 ሃሚዛይቲ ዮቴዲይሳ ሲዩዳ ኣሳይ ወሪ ኬሂ ማላሌቴዴሰ።
 19 ገደ ኣቲን ማራማ ዮኦዛ ወርሳ ባ ዎዚናን ዎላ ዴንላ ቆፓሼ ጋምኣዲሰ።
 20 ሃሚዛይቲካ ሃኒዲይሲ ወሪካ ኪታንቻይ ኢሰታሰ ዮቴዳ ማላ ገዲዲ ቤቴዳ ገሻሰ ሲዩዲይሳሲኔ ቤኢዲይሳሰ ኡባሰ ጸሳ ጋላቲሼኔ ቦንቾሼ ሲሚዳ።
ጋጪኖ ና ዩሱሳ ጸሳ ኬላ ኤፊዳ
 21 ናዚ ዩሌቴን ኦስፑንላ ጋላሳን ቃጸራቴዛ ዎዴይ ጋኪን ኣዩያ ኢዛ ቃንላታናፔ ካሴ ኪታንቻይ ገዳ ማላ ዩሱሳ ጌቴቲዲ ሱሚዴሰ።
 22-23 ሙሴ ዎጋ ማላ ኢሰቲ ጌይዛ ዎዴይ ወሪን ዮሴፊይኔ ማራማ ጉላ ናዛ ዩሱሳ ጎዳ ጸሳ ሲንላ ሺሻናሰ ኤኪዲ ዩራሳላሚ ኬዚዴሰ። ሄሲካ ጎዳ ዎጋን ኮይሮ ዩሌቴዛ ኣቶማ ናይ ወሪ ጎዳሰ ዲማ ገዳና ጌቴቲዲ ጸፊቲዲይሳ ፖላናሲኔ
 24 ቃሴካ ጎዳ ዎጋን ናምኡ ሃራጴታኔ ዎይኮ ናምኡ ሃራጴ ጪዩታ ጌቴቲዲይሳ ማላ ያርሾ ሺሻናሳ።
 25 ሄ ዎዴ ዩራሳላሚ ካታማን ጸሎኔ ጸሳ ባቢዛ ኢሲ ሲሞና ጌቴቲዛ ኣሲ ዴሰ፤ ኢዚካ ኢሰራኤሌ ናይታ ኣቶቴላ ናገዛ ኣሳኔ ጸሎ ኣያናይ ኢዛ ቦላ ሽምፒዳ ኣሳ።
 26 ቃሴካ ኪርሰቶሳ ቤኣንታ ዲሼ ሃይቆንታ ማላ ጸሎ ኣያናይ ኢዛሰ ቆንጪዴሰ።
 27 ኢዚካ ሄ ዎዴ ጸሎ ኣያናይ ካሌሊን ጸሳ ኬላ ላሻ ጋላ ጌሊዴሰ። ናዛ ኣዩይራኔ ኣዎራ ሙሴ ዎጋን ቤሲዛይሳ ፖላናሰ ጉላ ናዛ ዩሱሳ ኤኪዲ ጌሊዳ ዎዴ።
 28 ሲሞኒ ናዛ ኤኪ ኢዲሚዲ ጸሳ ጋላቲሼ፣

29-31 «ጎደ! ኔ ጫቂዳ ቃላ ማላ
 ሃኢ ታኒ ኔ ኣይሌይ
 ኔ ኣሺዛይሳ
 ታ ኣይፌራ ቤኢዳ ገሻሰ
 ሂኣ ታና ሳርን ኤካ፤
 ኣሳ ኡባ ሲንሳን
 ኔ ገግሲዳ ኣቶቴላ
 ሃኢ ታኒ ታ ኣይፌራ ቤያዲሰ።

32 ሃይሲካ ኡባ ዳሬሰ
 ገጫቲዳይሳ ቆንጫሲዛ ፖኦ፤
 ኔ ዳሬ ኢሰራኤሌሲካ
 ቦንቾ» ገዴሰ።

33 ኢዛ ኣዋይኔ ኣያ ኢዛ ገሻሰ ሃሳዬቲዳ ዮኦዛን ማላሌቲዳ።

34 ሲሞኒካ ኢሰታ ኣንጂዴሰ፤ ማራሞካ፣ «ዳር ኣሳ ዋዚና ቆፋይ ቆንጫና ማላ ሃይሲ ኢሰራኤሌን ዲዛ ዳርታሰ ቆየሲኔ ኣቶቴላሳ፤ ኢዛ ኢዲዛይታሰ ቃሴ ማላታ ገዳና ማላ ደሬቲዳሰ።

35 ቃሴካ ዳርታ ዋዚና ቆፋይ ቆንጫና ማላ ናዛ ሚሻይ ቃራ ማሻ ማላ ኔ ዋዚና ጳልቃና» ገዴሰ።

36 ቃሴካ ኣሴሬ ባጋሬ ፋኑኤሌ ና ሃና ጌቲቲዛ ጪሚዳ ናቤይ ዳወሰ፤ ኢዛካ ባ ኮይር ኣዚናራ ላፑን ላይሳ ኩሚሳ ዳኣዲሰ።

37 ላይሳይ ኢዚሰ ኦሰፑን ታማኔ ኦይዲ ላይሳ ገዳና ጋካናሰ ኦማርሲኔ ጋላሰ ጸማሼኔ ዋሳሼ ጸሳ ኬላሬ ሻኬቶንታ ኣምኤቲላን ጋምኣዲሰ።

38 ሄ ዋይካ ሺቃዳ ጸሳ ጋላታዲሰ፤ ዬሩሳላሚ ዋዜቲሳ ናገሼ ዲዛይታሰ ኡባሰ ጉላ ናዛ ገሻሰ ዮታዲሰ።

ናዚሬቲ ሲሞ

39 ዮሴፌራኔ ማራሚራ ጎዳ ዋጋን ኣዛዘቲዳይሳ ፖሊዲ ጋሊላ ኣወራጃን ዲዛ ባሶ ናዚሬቲ ካታማ ሲሚዳ።

40 ጉላ ናዚካ ዲጪዲ ሚኒ ሚኒ ቢዴሰ፤ ኣቶ ኤራቲላን ኩሚዴሰ፤ ጸሳ ኣቶ ኪያቴላካ ኢዛ ቦላ ዴሰ።

41 ኢዛ ኣዋይኔ ኢዛ ኣያ ላይሳን ላይሳን ፓዚጋ ቦንቻናሰ ዬሩሳላሚ ቤቲሰ።

42 ናዘሰ ላይሳይ ታማኔ ናምኡ ላይሳ ኩሚዳ ዋይ ካሴ ሎሴ ገዲዳይሳ ማላ ፓዚጋ ቦንቻና ኬዚዳ።

43 ፓዚጋ ባኣሌዛ ቦንቻዲ ባሶ ሲሚሺን ዬሱሲ ዬሩሳላሚን ኣቲዴሰ። ዬሊዳይቲካ ኢዚ ኣቲዳይሳ ኤሪቤቲና።

44 ባናራ ኢሲሬ ቢዛ ኦጌ ኣሳራ ዳሰ ገሼ ኢሲ ጋላሳ ኦጌ ቢዳ። ገደ ኣቲን ኢዚ ኢሰታራ ባይንዳይሳ ኤሪዳ ባ ዳቦታ ኣቻኒኔ ላጌታ ኣቻን ዲዛኮ ገዲ ኮዩዳ።

45 ኮዩ ኮዩዲ ቤቶንታ ኢዲን ዬሩሳላሚ ሲሚዳ።

46 ሄቱ ጋላሳሬ ጉዬ ጸሳ ኬላን ታማርሲዛይታ ገደን ኡቲዲ ሲዩሼ፣ ኣሳታ ኦይቹሼኔ ኢሰታ ኦይሻ ዛሪሼ ጸሳ ኬላን ዲሺን ዳሚዳ።

47 ሲዩዳይቲ ዉሪ ዬሱሳ ኣኩካኒኔ ኢዛ ዛርዛን ዳር ማላሌቲዳ።

48 ዮሴፌይኔ ማራማ ኢዛ ቤኢዳ ዋይ ማላሌቲዳ። ማራማካ፣ «ታ ናዘ ኣይሰ ሃይሳ ማላ ኣላዲ? ኔ ኣዋይኔ ታኒ ኔና ኮዩሼ ኬሂ ሜቶቲቲዳሰ» ጋዲሰ።

49 ኢዚካ ዛሪዲ፣ «ታና ኣይሰ ኮዩዳቲ? ታኒ ታ ኣዋ ኬላን ዳናሰ ቤሲዛይሳ ኤሪቤኬቲ?» ገዴሰ።

50 ገደ ኣቲን ኢሰታሰ ኢዚ ዮቲዳይሲ ጌሊቤና።

51 ሃሳሬ ጉዬ ኢሰታራ ኢሲሬ ናዚሬቲ ዋይዲ ኢሰታሰ ኣዛዘቲሼ ዳኢዴሰ። ኢዛ ኣያ ማራማካ ሄ ሃኒዳ ሚሻ ኡባ ባ ዋዚናን ናጋሼ ጋምኣዲሰ።

52 ዬሱሲ ኣቶ ኤራቲላን፣ ጌሳኒኔ ሳባን ጸሳ ሲንሳኒኔ ኣሳ ሲንሳን ዲጪዴሰ።

3

ጸማቂዛ ዮሃንሳ ቲሚርቲ (ማቶ 3:1-12፤ ማር 1:1-8፤ ዮሃ 1:19-28)

1 ጸቢራዶሴ ጌቲቲዛ ቁሳሬይ ካዋቲዳ ታማኔ ኢቻሻንላ ላይሳን ጳንጸሳ ጲላጸሳ ጌቲቲዛይሲ ዩሁዳ ቢታ ሃሪዛ ዋይ ሄርዶሲ ጋሊላ ቢታ ሃሪዛ ዋይ፣ ኢዛ ኢሻይ ፒሊጸሲ፣ ኢዳሪያሳኔ ጸራኮንዶሴ ቢታ ሃሪዛ ዋይ ሊሳኖሲካ ኣብሎኔ ቢታ ሃሪዛ ዋይ፣

2 ሃናይኔ ቃያፋይ ቄሴታ ሃላቃ ገዲዳ ዋይ ጸሳ ቃላይ ባዞ ቢታን ዲዛ ዛካራሳ ና ዮሃንሳኮ ዩዴሰ።

3 ዮሃንሲ ዮርዳኖሴ ሻፋ ኣቻን ዲዛ ዳሬታ፣ «ኢንቲ ናጋራ ኣቶ ጋናሰ ናጋራፔ ሲሚዲ ጸማቂቲቲ» ገዲ ዮቲዳሰ፤

4 ሄሲካ ቃሴ ናቤ ኢሳያሲ፣
 «ባዞን ሂዝገዲ ዋሲዛ
 ኣሳ ኮሺንቲ፣
 ሳዳሰ ኦጌ ገግሲቲ፣
 ባሲዲካ ሎኤላቲ።»

5 ሾባ ቢታይ ዉሪ ኩማና፤
 ዙማቲኔ ዙምቡላቲ ዉሪ
 ዘቂ ጋና፤
 ጌላ ኦጌይ ሲቲ ጋና፤
 ሞሪቲዳ ኦጌይ ሎኦ ገዳና።

6 ኣሳ ዜሬሳ ኡባ ኣሺዛ
 ጸሳ ዋልቃ ቤያና፣
 ገዲ ባዞን ዋሲዛ
 ኣሳ ቃላ ገሪሰ»
 ገዲ ባ ማጸፋን ጸፊዳ ማላ።

7 ዮሃንሲካ ኢዛ ኩሼን ጸማቂታና ዪዛ ኣሳሰ፣
 «ኢንቲኖ ሃ ሾሻ ናይቶ! ያና ዲዛ ጸሳ ሃንቆሬ ሃካና ማላ ኦኒ ኢንቲና ዙሪዳ?»

8 ኢንቲ ናጋራ ኦሶፔ ሲሚዳይሳ ኤሪቢዛ ኦሶ ኣሊቲ፤
 ሱ ኣዋይ ኣብራሃሚይ ኦሶ ዳሰ፣ ጉሰ ኣኒቲ ገዴሰ።
 «ጸሲ ባሰ ገኮ ሃ ሹቻታፔ ኣብራሃሚሰ ና ኦሊ ዳንላናሰ ዳንዳይዛይሳ ኤሪቲ»

9 ካልታይ ሚሳ ቃንጸናሰ ሚሳ ጸጸን ዳሰ። ሎኦ ኣይሬ ኣይፎንታ ኢታ ሚሳ ዉሪ ቃንጸቲዲ ታማን ዩጌታና» ገዴሰ።

10 ኣሳይካ፣ «ሂሰቲን ኣይ ኦሊኖ?» ገዲ ኦይቹዳሰ።

11 ዮሃንሲካ ኣሳሰ፣ «ናምኡ ማይኦይ ዲዛይ ኢሲ ማይኦይ ባይንዳ ኣሳሰ ኢሞ፤ ቃሴካ ቁማይ ዲዛይካ ባይንዳዳሰ ሻኪ ኢሞ» ገዴሰ።

12 ቃራጸ ሺሺዛይቲካ ጸማቂታናሰ ዩዲ፡ «አሰታማሪ! ኑ አይ ኦሊኖ?» ጊዳ።
 13 «ኢዚካ፡ ለኢንቲ አዛዘቲዳይሳሳ ሰላራ ቃራጸ ሺሺፍቲ» ጊዳሰ።
 14 «ዎታዳራቲካ፡ ሉኒ ቃሰ አይ ኦሊኖ?» ጊዳ አይቸዳ። ኢዚካ፡ ሉና ሚሺካ ዎልቃን ኤኮፍቲ፤ ቃሰካ እናካ ዎርዶን ሞቶፒቲ፤ ኢንቲ ዳሞዛይ ኢንቲሰ ጊዳና) » ጊዳሰ።
 15 አሳይ ዮሃንሳ ቤኢዲ፡ «ሃይሲ ኪርሰቶሳ?» ጊዳ ባ ዎዚናን ሲጰዳሰ።
 16 ዮሃንሳካ ኡባሰ፡ «ታኒ ኢንቲና ሃሳን ጸማቃይሰ፤ ጊዳ ኣቲን ታ ኢዛ ጫማ ቢርሻናሰ ቤሶንታይ ታፔ ኣጰዛይይ ያና። ኢዚ ኢንቲና ጸሎ ኣያናኒኔ ታማን ጸማቃና።
 17 ባሌዛን ዲዛ ካላ ጋፊዛፔ ጌሻናሰ ካል ሱራጊዛ ላይዳይ ኢዛ ኩሺን ዳሰ። ባሌዛ ኩሚል ጌሻና፤ ጊሰቲዛ ቃሰ ዲኤን ቆላና፤ ጋፊዛካ ቶኦንታ ታማን ጸጋና» ጊዳሰ።
 18 ዮሃንሳ አሳ ሃራ ዲማ ዲማ ዞሬ ቃላራ ሚንሉ ዞሪሽ ሚሺራች ቃላ ዮቲዳሰ።
 19 ጊዳ ኣቲን ጋሊላ ቢታ ሃሪዛ ሄርዶሲ ባ ኢሻ ማቾ ሄርዶያዶ ኤኪዳ ጊሻሲኔ ሃራ ዳር ኢታ ኦሊዳ ጊሻሰ ዮሃንሳ ኢዛ ሃንቁዳ ጊሻሰ።
 20 ካሴ ሞርዛ ሰላ ሃራ ጉጂዲ ሄርዶሲ ዮሃንሳ ቃሾ ኬላን ዩጊዳሰ።

ዩሱሲ ጸማቂቲዳሰ
(ማቶ 3:13-17፤ ማር 1:9-11)

21 አሳይ ጸማቂቲዳፔ ጉዬ ዩሱሲካ ጸማቂቲዳሰ፤ ኢዚ ዎሲሺን ሳሎይ ዶዩቲዳሰ።
 22 ጸሎ ኣያናይካ ሃራጾ ሚሳቲዲ ኢዛ ሰላ ዎጰዳሰ። «ሳሎፔ፡ ሓ ዶሲዛ ናይ ኔና፤ ኔናን ታኒ ኡፋዩታይሰ) » ጊዛ ቃላይ ዩዳሰ።

ዩሱሳ ዜሬላ ዛርኬ
(ማቶ 1:1-17)

23 ዩሱሲ ጸሳ ኦሶ ኦይኪሺን ኢዛሰ ላይላይ ጌዴ ሄቭ ታሙ ጊዳና። አሳይካ ኢዚ ዮሴፌ ና፡ ኤሌ ና፡
 24 ማቴ ና፡ ለዌ ና፡ ሚልካ ና፡ ዩሁዳ ና፡ ዮሴፌ ና፡
 25 ማቶቲዮ ና፡ ኣሞጾ ና፡ ናሆሜ ና፡ ኢሲሊሜ ና፡ ናጌ ና፡
 26 ማቴ ና፡ ማቶቲዮ ና፡ ሴሜዬ ና፡ ዮሴፌ ና፡ ዩሁዳ ና፡
 27 ዮናኔ ና፡ ኤሬሴ ና፡ ዜሩባቤሌ ና፡ ሳላቲያሌ ና፡ ኔሬ ና፡
 28 ሚልካ ና፡ ሃዴ ና፡ ዮሳ ና፡ ቆሳሜ ና፡ ኤሊሞዳሜ ና፡ ኤራ ና፡
 29 ኢያሶ ና፡ ኤልኤዜሬ ና፡ ኢዮራሜ ና፡ ማቴ ና፡ ኤሌ ና፡
 30 ሲሞና ና፡ ዩሁዳ ና፡ ዮሴፌ ና፡ ዮና ና፡ ኤልያቂሜ ና፡
 31 ሚሊያ ና፡ ማይናኔ ና፡ ማጻቲ ና፡ ናታኔ ና፡ ዳዊቲ ና፡
 32 ኢሴዬ ና፡ ኢዮቤዴ ና፡ ቦኤዜ ና፡ ሶሎሞኔ ና፡ ናሶኒ ና፡
 33 ኣሚናዳቤ ና፡ ኣራሜ ና፡ ኣርኔ ና፡ ኤሰሮሜ ና፡ ፋሬሴ ና፡ ዩሁዳ ና፡

34 ያቆቤ ና፡ ዩሳቃ ና፡ ኣብራሃሜ ና፡ ታራ ና፡ ናኮሬ ና፡
 35 ሴሮሄ ና፡ ኤራጉዌ ና፡ ፋሌቄ ና፡ ኣቤሬ ና፡ ሳላ ና፡
 36 ቃዩናሜ ና፡ ኣርፋኪሲዴ ና፡ ሴሜ ና፡ ሮሄ ና፡ ላሚሄ ና፡
 37 ማቲሳላ ና፡ ሄናኬ ና፡ ያሬዴ ና፡ ማላልኤሌ ና፡ ቃዩናሜ ና፡
 38 ሄናሴ ና፡ ሴቲ ና ኣዳሜ ና፡ ጸሳ ና ጌቲሰ።

4

ዩሱሳ ፓጩቲል
(ማቶ 4:1-11፤ ማር 1:12-13)

1 ዩሱሲ ጸሎ ኣያናን ኩሚዲ ዮርዳናሴ ሻፋፔ ሲሚዳ ማላ ጸሎ ኣያናይ ኢዛ ካሌሊዲ ባዞ ቢታ ኤፊዳሰ።
 2 ሄንካ ጸላኤን ኦይዲ ታሙ ጋላሰ ፓጩቲዳሰ። ሄ ፓጩቲዛ ጋላሳታን ኣይኮካ ሞንታ ጊሻሰ ወርሴላን ጋፊዳሰ።
 3 ጸላኤይካ ዩሱሳ፡ «ኔ ጸሳ ና ጊዲኮ ኣኔ ሃይሳ ሹቻ ካል ጊዳና ማላ ኣዛዛ» ጊዳሰ።
 4 ዩሱሲካ ዛሪዲ፡ «ኣሲ ካላን ጸላ ዳና ጌቲቲዲ ጸፊቲዳሰ» ጊዲ ጸላኤሰ ዛሪዳሰ።
 5 ሄሳፊ ካሊዲ ጸላኤይ ዩሱሳ ኢሲ ጰቃ ዙማ ሰላ ኬሲዲ ሳሎ ጉፋንፉን ዲዛ ካዎቲላታ ቂጲዳ ኣይፊይ ዶላናሰ ቤሲዲ፡
 6 «ሃይሲ ኔ ቤኢዛ ቢታ ካዎታ ጎዳቲላኔ ቦንቾይ ወሪካ ታሰ ኢሜቲዳሰ፤ ታኒካ ታ ዶሲዛዳሰ ኢማናሰ ዳንዳይዛ ጊሻሰ ኔሰካ ኢማና።
 7 «ሄሳ ጊሻሰ ኔኒ ኩንዳዳ ታሰ ጎይኒኮ ሃይሲ ወሪካ ኔሰ ጊዳና» ጊዳሰ።
 8 ዩሱሲካ ዛሪዲ፡ «ኔ ጎዳ ጸሳሰ ኩንዳዳ ኢዛሰ ጸላ ጎይና ጌቲቲዲ ጸፊቲዳሰ» ጊዳሰ።
 9-11 ሄሳፊካ ዩሱሳ ዩሩሳላሚን ጸሳ ኬላ ጾራ ኬሲ ኤሲዲ ጸሳ ማጻፋን፡ «ኔና ናጋና ማላ ጸሲ ኔ ጊሻሰ ባ ኪታንቻ ኣዛዛና፤ ሉ ቶሆይ ሹቻን ጳጳቶንታ ማላ ኪታንቻቲ ባ ኩሼራ ኔና ጰቁ ሂሰቲ ኦይካና) ጌቲቲዲ ጸፊቲዳ ጊሻሰ ኣኔ ኔ ጸሳ ና ጊዲኮ ሃይሳፊ ዲጌ ኩንዳ» ጊዳሰ።
 12 ዩሱሲካ፡ «ኔ ጎዳ ጸሳ ፓጩታ» ጌቲቲዳሰ ጊዲ ዛሪዳሰ።
 13 ጸላኤይካ ባ ፓጩናይሳ ወርሲዳፔ ጉዬ ባሰ ኢንጄ ዎዳይ ቤታናሽ ዩሱሳፔ ሻኬቲዳሰ።

ዩሱሲ ጋሊላን ታማርሶ ኦይኪዳሰ
(ማቶ 4:12-17፤ ማር 1:14-15)

14 ዩሱሲካ ጸሎ ኣያና ዎልቃን ጋሊላ ሲሚዳሰ፤ ኢዛ ጎባቲሉ ጋሊላ ኣቻን ዲዛ ዴሬታን ሲዩቲዳሰ።
 15 ኢዚካ ኣይሁዳታ ዎሳ ኬላን ታማርሲሺን ኢዛ ቲሚርቲይ ሎኢን ኣሳይ ወሪካ ኢዛ ጋላቲዳሰ።

ናዚሬቲን ዩሱሳ ኢጾቲል
(ማቶ 13:53-58፤ ማር 6:1-6)

16 ሄፔ ባ ዩሌቲዳ ካታማ ናዚሬቲ ዩዲ ካሴ ሳሞባታ ጋላሰ ኣይሁዳ ዎሳ ኬል ጌሊዛ ማላ ጌሊዲ ጸሳ ማጻፋ ናባባናሰ ዴንዲ ኤቂዳሰ።

17 ናቤ አሳያሳ ማጸፋይ ኢዛስ አሜቲን ማጸፋ ደይዳ ማላ።

18-19 «ጎዳ አያናይ ታ ቦላ ዳስ፤ ማንቆታስ ሚሺራች ቃላ የታና ማላ ታና ቲይዳስ፤ ቃሽቲዳይታስ ቢርሽቴል፤ ቆቄቲ ዳላና ኦጌ ታ አዋጃና ማላ፤ ማቶቲቲዳይታ አሻና ማላ፤ ደሴቲዳ ጎዳ ላይላ አዋጃ ታ የታና ማላ ታና ከቲዳስ» ገዛሶ ዴሚ ናባቢዳስ።

20 ማጸፋካ ጎርዲዲ አይሁዳ ዋሳ ኬፍ ናገዛይሳስ ዛሪ አሚዲ ኡቲዳስ። አይሁዳታ ዋሳ ኬፍን ዲዛይቲ ወሪካ ኢዛ ቲሺ ሂስቲ ዳሊዳ።

21 ኢዛካ አሰታስ፡ «ሃይሲ አንቴ አንቴ ሃይሳራ ሲዩዳ ማጸፋ ቃላይ ሃኙ ፖሌቲዳስ» ገዳስ።

22 አሳይ ወሪካ ኢዛ ገሻሰ ሎኦ ጸላላ ሃሳይቲስ፤ ቃሴካ ኢዛ ደናፔ ኬዛዛ ሎኦ ቃላፔ ዴንዲዳይሳን ማለላቲዳ፡ «ሃይሲ የሴፊ ና ገዳይ?» ገዳ።

23 ኢዛካ፡ «ጳሌ ጎዳ ኔርካ ኔና ፓላ፤ ቁፊርናሆሚን ኔኒ ኦሊሽን ኦ ሲዩዳይሳ ሃይሳን ኔ ካታማንካ ኦላ ገዛ ለሚሶ አንቴ ታ ቦላ ማላታናይሳስ ሲዴይ ባ» ገዲ አሰታስ የቲዳስ።

24 ቃሴካ፡ «ታ አንቴስ ቱማ ጋይስ፤ ናቤይ ባ ዩሌቲዳ ዴሬን ቦንቸቲ ኤሬና።

25-26 «ገዳ ኣቲን ታ አንቴስ ቱማ ጋይስ፤ ሃዙ ላይሌኔ ባጋ ጋካናስ ሳሎይ ጎርዳቲን ዋልቃማ ኮሻይ ቢታ ቦላ ሃኒዳ ኤላሳ ዋዴ ሄ ላይላታን ኣዚናይ ባይንዳ ዳር ማጫሳቲ አሰራኤሌ ቢታን ዴቲስ ሺን ኤላሲ አሰታፊ አሲኔይኮካ ከቲቲቤና። ገዳ ኣቲን ሲደና ጌቲቲዛ ቢታን ሴራጲታ ጌቲቲዛ ካታማን ዲዛ አሲ ኣዚናይ ባይንዳ ማጫሳይኮ ከቲቲዳስ።

27 ናቤ ኤልሳኤ ዋዴ አሰራኤሌ ዴሬን ዳር አንቸራቻ ሃርገዛይቲ ዴቲስ፤ ገዳ ኣቲን ሶሪያ ቢታ ኣስ ኒአማኔፔ ኣቲን ሄ ዳርታፔ ኦኒካ አንቸራቻ ሃርገሬ ፓጺቤና» ገዳስ።

28 አይሁዳታ ዋሳ ኬፍን ዲዛይቲ ወሪካ ሄሳ ሲዩዲ ዳር ሃንቁቲዳ።

29 ባ ኡቲዳሶሆፔ ዴንዲ ኤቁዲ ዩሱሳ ካታማፔ ካሪ ኬሲዲ ዲጌ ዛሪ ዩዳናስ አሰታ ካታማያ ኦሴቲዳ ዙማ ቦላ ኣፎቲዛሶን ኦሴቲዳሶ ኤኪ ኤፊዳ።

30 ገዳ ኣቲን ኢዚ አሰታ ገደራ ሻኪ ዩጊዲ ኣጴ ቢዳስ።

ዩሱሲ ቱና አያና ኬሲዳስ

31 ሃፔካ ጋሊላ ኣወራጃን ዲዛ ቁፊርናሆሚ ጌቲቲዛ ካታማ ዋዴዳስ፤ ሃንካ ሳሞባታ ጋላስ ዳር ኣሳ ታማርሲ ኦይኪዳስ።

32 ኢዚ ጎዳቲላራ ሃሳይዛ ገሻሰ ኢዛ ቲሚርቲዛን ማለላቲዳ።

33 አይሁዳታ ዋሳ ኬፍን ቱና አያናይ ኦይኪዳ ኣዳይ ዳስ። ኢዛካ ባ ቃላ ጶቁ ሂስቲዳ።

34 «ናዚሬቲ ዩሱሳ ሃኢ ታ ዋኖ? ኔናራ ታና ኣዚ ጋሊዳ? ኔ ዩዳይ ኦና ጳይሳናስ? ኔ ኦናኮ ታ ኤራይስ፤ ኔ ጸሳ ጲሎዛ ገዲኪ?» ገዲ ዋሲዳስ።

35 ዩሱሲካ ቱና አያናዛ ሃ ኣዳዛፔ፡ «ጮኡ ጋዳ ኬዛ» ገዲ ሴሪዳስ፤ ቱና አያናዚካ ዳር ኣሳ ሲንላን ኣዳዛ ቦላፊ ዩጊዲ ኢሲ ቆሆካ ጋላንታ ዩዲ ኬዚዳስ።

36 አሳይ ወሪካ ማለላቲዳ ባ ገደን ኢሶይ አሳራ፡ «ኣሶ ሃይሲ ኣይ ገዛ ቲሚርቲ? ጎዳቲላራ፤ ዋልቃራ ኢታ አያና ኣዛዜስ፤ አሰቲካ ኬዜቲስ» ገዲ ሃሳይቲዳ።

37 ዩሱሳ ጎባቴሌካ ኡባሶ ጋኪዳስ።

ዩሱሲ ዳር ሃርጋንቻታ ፓሊዳስ (ማቶ 8:14-17፤ ማር 1:29-34)

38 ሃሳፊ ጉዩ ዩሱሲ አይሁዳ ዋሳ ኬፍፊ ኬዚዲ ሲሞና ኬፍ ጌሊዳስ። ሲሞና ቦሎቴያ፡ «ዋልቃማ ሚሽ ሃርጌይ ኦይኪን ሳኬታዳ ዲሺን ዩሱሳ ኢዛ ፓላርኪ!» ገዲ ዋሲዳ።

39 ዩሱሲካ ኢዚኮ ሸቁዲ ሚሽ ሃርጌዛ ሴሪዳስ። ሚሻ ሃርጌይካ ዩዲን ሃራካ ዴንዳ ኤቃዳ አማላታ ሞካዲስ።

40 ኣርሼይ ወላና ገሸን ዳማ ዳማ ሃርጌይ ኦይኪዳ ኣሳ ወርሲ ኢዛኮ ኤኪ ዩዳ። ኢዛካ ሃርጊዛ ኣሳ ኡባ ቦላ ባ ኩሼ ዋሊዲ ፓሊዳስ።

41 ቱና አያናቲ ቃሴካ ዩሱሳ፡ «ኔኒ ጸሳ ና» ገሼኔ ዋሲሼ ዳር ኣሳታፔ ኬዚዳ፤ ገዳ ኣቲን ኢዚ አሰታ ሴሪዳስ፤ ቱና አያናቲ ኢዚ ከርሰቶሳ ገዲዳይሳ ኤሪዛ ገሻሰ አሰቲ ኢሲኖካ ሃሳያና ማላ ኮዩቤና።

ጋሊላን ዩሱሳ ቲሚርቲ

42 ጋይይ ዋንቴሺን ዩሱሲ ኢሲ ኣሲካ ባይንዳሶ ቢዳስ። ዳር ኣሳይካ ኢዛ ኮዩሼ ኢዚ ዲዛሶ ጋኪዳስ። ኢዚ አሰታፊ ሻኬቲዲ ቦንታ ማላ ዲጋናስ ኮዩዳ።

43 ገዳ ኣቲን አሰታስ፡ «ጌይ ሃራ ካታማ ባዳ ጸሳ ካዋቴላ ሚሺራች ቃላ የታናስ ታስ ቤሴስ፤ ታኒ ከቲቲዳ ጌታ ቆፋይ ሃሳ» ገዳስ።

44 ኢዛካ ዩሁዳን ኣይሁዳታ ዋሳ ኬፍን ቃላ ጉጂ የቲዳስ።

5

ዩሱሲ ኮይር ሃዋሬታ ዳይጊዳስ (ማቶ 4:18-22፤ ማር 1:16-20)

1 ዩሱሲ ጌንሴሬዶ ኣባ ላንቁን ኤቁዲ ጸሳ ቃላ ታማርሲሺን ሲዩዛ ኣሳይ ኢዛ ኡንኤሊዳስ።

2 ሄ ዋዴ ናሞኡ ዋሳሎቲ ኣባ ኣቻን ዲሺን ዩሱሲ ቤዩዳስ። ሞሌ ኦይኪዛይቲ ዋሳሎታፔ ዋዴዲ ሞሌ ጌቲታ ሚጮቴስ።

3 ዩሱሲ ዋሳሎታፔ ሲሞና ዋሳሎን ጌሊዲ ቢታፊ ጌይ ኣባ ገደ ሸሻና ማላ ኦይቸዲኔ ዋሳሎ ገደን ኡቲዳ ኣሳ ታማርሲዳስ።

4 ታማርሲ ወርሲዳፔ ጉዩ ሲሞና፡ «ኣባይ ጨማቲዛሶ ሸቃ ሞሌ ኦይካናስ አንቴ ጌቲዛ ኣባ ገደ ዩጌቲ» ገዳስ።

5 ሲሞኒ ዩሱሳስ ዛሪዲ፡ «ጎዳ! ቃማ ኩሚሳ ዳቡሪ ኣቁዲ ኢሲኖካ ኦይኪቤኮ፤ ገዳ ኣቲን ኔ ቃላን ጌቲዛ ኦ ዩጋና» ገዳስ።

6 ጌቲዛ ዩጊዳ ዎዴ ዳር ዋሌ ኦይኪዳ። ጌቲይካ ዳኪቲዳስ።

7 ሃራ ዋጎሎን ዲዛይቲ ዩዲ ኢስታ ማዳና ማላ ኩሼራ ወቲ ዳይጊዳ። ኢስቲካ ዩዲ ናምኡ ዋጎሎታ ዋሌ ኩጎሊዳ። ዋጎሎቲካ ዲጌ ሚቲቲል ኦይኪዳ።

8 ሲሞና ጌቲቲዛ ጳጳርሲ ሃሳ ቤኢዲ ዩሱሳ ቶሆ ቦላ ኩጎዲዲ። «ጎዶ! ታ ናጋራንቻ ጊዲዳ ገሻስ ታ ኣቻፌ ኪቻ» ጊዳስ።

9 ኢዚ ሃሳ ጊዳይ ኢዚኔ ኢዛራ ዲዛይቲ ኦይኪዳ ዳር ዋሌዛን ማላሌቲዳ ገሻሳ።

10 ቃሴካ ሲሞና ላጌቲ ዛብደሳ ናይቲ ያቆቤይኔ የሃኒሲ ወሪካ ማላሌቲዳ። ዩሱሲካ ሲሞና። «ባቦፋ! ሃይሳፌ ጉዬ ኔ ኣስ ኦይኪዛዳ ጊዳና» ጊዳስ።

11 ኢስቲካ ዋጎሎታ ቢታኮ ሺሺዲ ወርሲካ ዩጊ ኣጊዲ ዩሱሳ ካሊዳ።

ዩሱሲ ኢንቲራቻ ሃርጌፌ ፓሊዳ ኣዳዛ

12 ዩሱሲ ካታማታፔ ኢሲኔይን ዲሺን ኢንቲራቻ ሃርጌይ ቦላ ወርሲ ኦይኪዳ ኢሲ ኣሲ ሃ ካታማን ዳስ፤ ሃ ኣዳዚካ ዩሱሳ ቤኢዲ ኢዛ ሲንሳን ኩጎዲዲ። «ጎዶ! ኔ ኮይኮ ታና ፓላና ዳንዳያሳ» ጊዲ ዋሲዳስ።

13 ዩሱሲ ባ ኩሼ ዩዲ ቦቲዲ። «ታ ዳሳዲስ። ፓጳ» ጊዳስ። ኢንቲራቻይ ሃራካ ቆይዳስ።

14 ዩሱሲ ኢዛስ። «ሃይሳ ኦናስካ የቶፓ፤ ጊዳ ኣቲን ባዳ ኔና ቁሴ ሃላቃስ ቤሳ፤ ኢስታስ ማርካ ጊዳና ማላ ኔ ጌዩዳይሳስ ሙሴይ ኣዛዚዳ ያርሾዛ ሺሻ» ጊዲ ኣዛዚዳስ።

15 ጊዳ ኣቲን ኢዛ ገሻስ ኣሳይ ሃሳይዛ ዎሬይ ካሴፔ ኣኪ ኣኪ ቢዳስ፤ ኬሂ ዳር ኣሳይ ኢዛ ሃሳያ ሲያናሲኔ ባና ሳኪዛ ሃርጌፌ ፓጳናስ ኢዛኮ ሺቁዳስ።

16 ዩሱሲ ዳር ዎዴ ኣሲ ባይንዳሶ ቢዲ ዋሲዳስ።

ዩሱሲ ፓሊዳ ሲላ ኣዳዛ
(ማቶ 9:1-8፤ ማር 2:1-12)

17 ዩሱሲ ታማርሲሺን ኣሳይ ጋሊላፔኔ የሁዳፔ ቃሴካ ዩሩሳላሜፔ ዩዳ ፋርሳዌቲኔ ዎጋ ታማርሲዛይቲ ሃን ኡቲዳ። ኢዚ ፓላና ማላ ጎዳ ዎልቃይ ኢዛራ ዳስ።

18 ሃ ዎዴ ኣሳይ ኢሲ ኩሜላ ቦላይ ሲሊዲ ቃጸንታ ሃርጋንቻ ሃላራ ቶኪ ኤኪ ዩዲ ኬፍ ጌልሊዲ ዩሱሳ ሲንሳን ዎላናስ ፓጌዲ።

19 ኣሳ ዳርቲላፌ ዳንዲዳይሳን ኬፍ ጌልላናስ ጸኔቲዳ ገሻስ ፑዴ ኬላ ካራ ቦላ ኬዚዲኔ ካራ ቃራዲ ሃርጋንቻዛ ሃላራ ቶኪ ኤሂዲ ኣሳ ጊዳራ ዩሱሳ ሲንሳን ዎሊዳ።

20 ዩሱሲ ኢስታ ኣማኖ ቤኢዲ። «ሃይሶ ኔኔ ኔ ናጋራፔ ማራታዳሳ» ጊዳስ።

21 ሙሴ ዎጋ ጸፊዛይቲኔ ፋርሳዌቲ። «ሃይሲ ጸሳ ቦላ ጸላቲላን ሃይሳላ ሃሳይዛይ ኢዚ ኦኔ? ኢሲ ጸሳፌ ኣቲን ናጋራ ማራናስ ኦኔ ዳንዳይኬ?» ጊዲ ቆፒዳ።

22 ዩሱሲ ኢስታ ቆፋ ኤሪዳ ገሻስ። «ኣንቲ ኣንቲ ዎዚናን ኣይስ። ሃሳላ ቆፒቲ?»

23 ሳ ናጋራይ ኣቶ ጌቲቲዳስ) ጉሳፌኔ (ዳንዳዳ ባ) ጉሳፌ ኣዎይሲ ካወሼ?»

24 ጊዳ ኣቲን ታ ሃይሳ ጊዳይ ኣሳ ናስ ቢታ ቦላ ኣስ ናጋራፔ ማራናስ ጎዳቲሊ ዲዛይሳ ኣንቲ ኤራና ማላ» ጊዳስ፤ ቃሴካ ሃ ሲላ ኣዳዛ። «ኔና ጋይስ! ዳንዳ ኤቃ! ኔ ሃላ ቶካዳ ባ!» ጊዳስ።

25 ኢዚ ሃራካ ኢስታ ሲንሳን ዳንዲ ኤቁዳስ፤ ካሴ ባ ኢቲዳ ሃላ ቶኪዲ ጸሳ ጋላቲሼ ባሶ ቢዳስ።

26 ሃ ዎዴ ኣሲ ወሪ ማላሌቲዳስ። ጸሳ ጋላቲሼ። «ሃቶ ማላሊሲዛዛ ቤኢዳስ» ጊዲ ዳር ባቢዳ።

ማቶሳ ጌቲቲዛ ሌዌ ዳይጌቴላ
(ማቶ 9:9-13፤ ማር 2:13-17)

27 ሃሳፌ ጉዬ ዩሱሲ ሃፔ ኬዚ ቢዳስ። ሌዌ ጌቲቲዛ ኢሲ ቃራጸ ቃንጸሲዛይሲ ቃራጸ ቃንጸዛሶን ኡቲዳይሳ ቤኢዲ። «ታና ካላ» ጊዳስ።

28 ኢዚካ ወርሲ ኣጊዲ ኢዛ ካሊዳስ።

29 ሌዌይካ ዩሱሳስ ባ ኬላን ጊታ ዲጊሳ ዲጊሲዳስ። ቃራጸ ቃንጸሲዛ ዳር ኣሳቲኔ ሃራ ኣሳቲካ ኢስታራ ኢሲፌ ማዳን ኡቲዳ።

30 ፋርሳዌቲኔ ኢስታ ጸፊቲ። «ቃራጸ ቃንጸሲዛይታራኔ ናጋራንቻታራ ኢሲፌ ኣዛስ ሜቲ?» ጊዲ ዩሱሳ ካሊዛይታ ቦላ ዙዙሜቲዳ።

31 ዩሱሲካ ኢስታስ። «ሃርጋንቻታስ ኣቲን ፓጳ ኣሳስ ኣኪሜ ኮሼና።

32 ታኒካ ናጋራንቻታ ማርቲላኮ ዛራናስ ያዲስ ኣቲን ጸሎታ ጳይጋናስ ያቤኬ» ጊዳስ።

ጸማ ገሻስ ኦይሼቲዳ ኦይሾ
(ማቶ 9:14-17፤ ማር 2:18-22)

33 ኢስቲካ ዛራዲ። «የሃኒሳ ካሊዛይቲ ዳር ዎዴ ጸሜቲሴኔ ዎሴቲሴ። ፋርሳዌታ ካሊዛይቲካ ኢዛሶ ኦፍቲሴ። ኔና ካሊዛይቲ ጊዲኮ ኡባ ዎዴ ሜቲሴኔ ኡዩቲሴ» ጊዳ።

34 ዩሱሲካ ኢስታስ ዛራዲ። «ሚሺራይ ኢሲፌ ዲሺን ዲጊሳስ ጳይጌቲዳይቲ ጸማናስ ቤሲዜ?»

35 ጊዳ ኣቲን ሚሺራይ ኢስታፌ ሻኬታና ዎዴይ ያና፤ ኢስቲ ሃ ዎዴ ጸማና» ጊዳስ።

36 ኢስታስ። «ኦራሳ ማይኦፌ ቃንጸ ኤኪዲ ጋልኣ ማይኦ ቦላ ዎሊ ሲኪዛዳይ ዳና፤ ዎሊ ሲኪኮ ኦራሳዚ ጋልኣራ ጋጎንታ ገሻስ ጋልኣዛ ዳካና።

37 ዎይኔፔ ኦሴቲዳ ኦራሳ ጫጃ ጋልኣ ሉካሞን ኩጎሊዲ ዎሊዛ ኣሲ ኦኒካ ዳና፤ ዎሊዛ ጊዲኮ ዎይኔፔ ኦሴቲዳ ኦራሳ ጫጃይ ጋልኣዛ ዳካና። ዎይኔ ጫጃዚካ ቢታን ጉካና፤ ጋልኣ ሉካሞይ ሲንሳፌ ጎኦንታዝ ጊዳና።

38 ሃሳ ገሻስ ኦራሳ ዎይኔ ጫጃይ ኦራሳ ኦጎርን ጉጃታናስ ቤሴስ።

39 ሂስቲኮ ጫላ ዎይኔ ጫጃ ኡዩዳፔ ጉዬ ጫሎንታዝ ኡያና ኮይዛይ ኦኒካ ዳና ጋሶይካ ጫላይ ሎኦ ጊዲዳ ገሻሳ» ጊዳስ።

6

ሳሞባታ ገሻስ ኦይሼቲዳ ኦይሾ
(ማቶ 12:1-8፤ ማር 2:23-28)

1 ኢሲ ሳሞባታ ጋላስ ዩሱሲ ካላ ጊዳራ ኣጂ ቢሺን ኢዛ ካሊዛይቲ ቲያ ጸጸ ኤኪዲ ባ ኩሼን ሺጌቺ ሚሺን።

2 ፋርሳዌታፔ ኢሲ ኢሲ ኣሳቲ። «ሳሞባታ ጋላስ ኦላናስ ቤሶንታይሳ ኣይስ ኦፍቲ?» ጊዳ።

3 ዩሱሲካ ኢስታስ። «ዳዊቲ ኢዛራ ዲዛ ኣሳቲ ጋፊዳ ዎዴ ኢዚ ኦሊዳይሳ ናባቢቤኬቲ?»

4 ኢዚ ጸሳ ከሌ ገሊዲ ቁሴቲ ጸላ ማና ማላ አዛዜቲዳ ዲማ ኡኬላ ባሰ ሚዲ ባናራ ዲዛይታሰ አሚዳሰ» ገዲ ዛሪዳሰ።

5 ቃሴካ ዩሱሲ፡ «አሳ ናይ ሳምባታ ጎዳ» ገዲ ኢሰታሰ ዮቲዳሰ።

ዩሱሲ ፓሌዳ ኩሼ ሲላ አዳዛ
(ማቶ 12:9-14፤ ማር 3:1-6)

6 ዩሱሲካ ሃራ ሳምባታ ጋላሰ አይሁዳ ዋሳ ከሌ ገሊዲ ታማርሲሺን ኡሻቻ ኩሼይ ሲሊዳ ኢሲ አሲ ሄን ዳሰ።

7 ሙሴ ዋጋ ታማርሲዛይቲኔ ፋርሳዌቲ ዩሱሳ ሞታናሰ ጋሶ ኮዩዲ እኔ ኢዚ ሳምባታ ጋላሳን አዳዛ ፓሌኮ ቤያና ገዲ ናገሼ ጋምኢዳ።

8 ዩሱሲካ ኢሰታ ዋዚና ቆፋ ኤሪዲ ኩሼይ ሲሊዳ አዳዛ ኡባ ሰንሳን፡ «ዳንዳ ኤቃ» ገዳሰ። አዳዚካ ዳንዲ ኤቁዳሰ።

9 ዩሱሲካ ኢሰታ፡ «ታ ኢንቴና ኢሲ ሚሽ እኔ ኦይቻይሰ፤ ሳምባታ ጋላሰ ኦላናሰ ቤሲዛይ ሎኦ ኦሶዬ? ኢታ ኦሶ? ሼምፖ አሾ ዋይኮ ጳይሶ?» ገዲ ኦይቻዳሰ።

10 ቃሴካ ዩሱሲ ባ ዩሾን ዲዛ ኡባ ዩሺ ጸሊዳፕ ጉዬ አዳዛ፡ «ኔ ኩሼ ፒዲሳ» ገዳሰ፤ አዳዚካ ዩሱሲ ገዲ ማላ ኦሊዳሰ። ኢዛ ኩሼይካ ፓሊዳሰ።

11 ገዲ አቲን አሳቲ ሃንቁቲዳ፤ ዩሱሳ ቦላ አይ ኦላናሰ ኮሺዛኮ ባ ገደን ዘሬቲዳ።

ታማኔ ናምኡ ሃዋሬታ ዶሬቲላ
(ማቶ 10:1-4፤ ማር 3:13-19)

12 ሄ ጋላሳታፔ ኢሲ ጋላሰ ዩሱሲ ዋሳናሰ ዙማ ቦላ ከዚዲ ኦማርሰ ኩሚላ ጸሳ ዋሲሼ አቁዳሰ።

13 ጋዴይ ዋንቲሺን ባና ካሊዛይታ ጸይገዲ ኢሰታፊ ታማኔ ናምኦታ ዶሪዳሰ። ኢሰታካ፡ «ሃዋሬታ» ገዲ ሱንላዳሰ።

14 ኢሰቲካ ጳጳርሳ ገዲ ሱንላዳ ሲሞና ኢዛ አሻ ኢንዲራሳ፡ ያቆቤ፡ ዮሃንሳ፡ ፒሊጶሳ፡ ባርቲሊሞሳ፡

15 ማቶሳ፡ ቶማሳ፡ ኢልፊዮሳ ና ያቆቤ፡ ባ ባጋሰ ሚሽቲዛ ሲሞና፡

16 ያቆቤ ና ዩሁዳኔ ዩሱሳ አሌ ኢሚዳ አሰቆርንቶ ዩሁዳ።

ዩሱሲ ዳር አሰ ታማርሲዳሲኔ ፓሌዳሰ
(ማቶ 4:23-25)

17 ዩሱሲካ ኢሰታራ ኢሲፊ ዙማ ቦላፊ ዲጌ ዋጲዲ ዳምባሶን ኤቁዳሰ። ኢዛ ካሊዛይታፔ ዳር አሳይ ሄን ዳሰ፡ ዩሁዳፔኔ ዩራሳላሚፔ፡ ቃሴካ ጸርሴፔኔ ሲዶና አባ አቻፊ ዩዳ ኬሂ ዳር አሳይካ ሄን ዳሰ።

18 ኢሰቲካ ዩዳይ ዩሱሲ ገዛይሳ ሲያናሲኔ ሃርጌፊ ፓጻናሳ፤ ቱና አያናይካ ዋዩሲዛይቲ ወሪ ፓሊዳ።

19 ዋልቃይካ ኢዛፔ ከዚዲ ዳርታ ፓሌዛ ገሻሰ አሳይ ወሪ ኢዛ ቦቻናሰ ዩዳሰ።

አንጅኔ ዋዬ ጋሶታ
(ማቶ 5:1-12)

20 ዩሱሲካ ባና ካሊዛይታሰ፡ «ጸሳ ካዋቴላይ ኢንቴሰ ገዲዳ ገሻሰ ኢንቴና ማንቆቶ! ኢንቴ አንጅቲዳይታ፤

21 «ኢንቴ ጉዬፔ ካላና ገሻሰ ሃኢ ጋፊዛይቶ!

ኢንቴ አንጅቲዳይታ፤

ኢንቴ ጉዬፔ ሚጫና ገሻሰ

ኢንቴኖ ሃኢ ዩኪዛይቶ!

ኢንቴ አንጅቲዳይታ፤

22 አሳይ ታ ገሻሰ ኢንቴና ኢዲሺን

ባ ገደፊ ሻኪሺን፡

ቦሪሺኒኔ

ኢንቴና ኢታ ሱንላራ ጸይገሺን

ኢንቴ አንጅቲዳይታ፤

23 «ኢንቴሰ ሳሎን ገታ ዋይቶይ ዲዛ ገሻሰ ሄ ዋዴ ኡፋይሳን ጉፒፔ፤ አይሰ ገኮ ኢሰታ አዋቲ ናቤታ ቦላ ሄሳሶ ኦሊዳ።

24 «ገደ አቲን ኢንቴኖ ዲሬቶ!

ኢንቴ ሃኢ ኡፋዬቲዳ ገሻሰ

ኢንቴሰ አዬ አና!

25 ኢንቴኖ ሃኢ ካሊዳይቶ!

ኢንቴና አዬ አና!

ኢንቴ ጉዬፔ ጋፋና፤

ኢንቴኖ ሃኢ ሚጫዛይቶ!

ኢንቴሰ አዬ አና!

ኢንቴ ጉዬፔ

ሚሼታናኔ ዩካና።

26 «አሲ ወሪ ኢንቴ ገሻሰ ሎኦ ሃሳይዛ ዋዴ ኢንቴሰ አዬ አና! አይሰ ገኮ ኢሰታ አዋቲ ዋርዶ ናቤታሰ ሄሳ ማላ ኦሊዳ።

ሞርኬ ሲቆ ገሻሰ
(ማቶ 5:38-48፤ 7:12)

27 «ገደ አቲን ታ ዮቲዛይሳ ሲዩዛይቶ! ታኒ ኢንቴሰ ዮቲዛይ ኢንቴ ሞርኬታ ሲቁቴ፤ ኢንቴና ኢዲዛይታሰ ሎኦ ኦሊቴ፤

28 ኢንቴና ቃንገዛይታ አንጂቴ፤ ኢንቴና ቆሂዛይታሰ ዋሲቴ፤

29 ኢሲ ሻጋላን ባቁኮ ናምኦንሎ ሻጋላ * ጉጃ ቤሳ፤ ኢኒካ ኔ ቦላራ ማይኢዳይሳ ቃሪ ኤኪኮ ጋላራ ማይኢዳይሳካ ዲሳ።

30 «ኔና ዋሲዛ ኡባሰ ኢማ፤ ኔ ሚሻ ኤኪዳ አሲ ዛሪ ኢማና ማላ ኦይቻፋ።

31 «አሲ ኢንቴሰ ኦላና ማላ ኢንቴ ኮይዛይሳሶ ኢንቴካ ሃራ አሳሰ ኦሊቴ።

32 «ናጋራንቻቲካ ባና ሲቁዛይታ ሲቁዛ ገሻሰ ኢንቴ ኢንቴና ሲቁዛይታ ጸላ ሲቁኮ ኢንቴሰ አይ ዲማ አንጅይ ዲዜ?

33 ኢንቴ ኢንቴሰ ሎኦ ኦሊዛይታሰ ጸላላ ሎኦ ኦሊኮ ኢንቴሰ አይ ዲማ አንጅይ ዲዜ? አይሰ ገኮ ናጋራንቻቲካ ሄሳሶ ኦሊቴሰ።

34 ታልኤ ኤኪዲ ዛራና ዳንዳዬቴሰ ገዛይታሰ ጸላ ኢንቴ ታልኤኮ ኢንቴ ሃራ አይ ዲማ አንጅ ዳማኔ? አይሰ ገኮ ናጋራንቻቲካ ኢሰቲ ታልኤዳይሳ ሲሬ ዛሪዲ ኤካናሰ ናጋራንቻታሰ ታልኤቴሰ።

6:22 1ጴጥ 4:14 6:23 2ታሪ 36:16፤ ሃዋ 7:52 * 6:29 ሻጋላ፡ ሻጋላ ገቴቲዛይሰ ኢሲ ኢሲ ባጋ ጋሞላ ቃላን ቁንጸሌ ገቴቴሰ።
6:31 ማቶ 7:12

35 ገደ አቲን ጸሲ ባና ጋላቶንታይታሲኔ ኢታታሰ ኪያ ገደዱ ማላ ኢንቲ ሞርኬታ ሰቂቲ፤ ሎኦ ኦሊቲ፤ ጉዩፔ ዛሪ ኤካናሰ ቆፖንታ ዲሺ ታልኤ ኢሚቲ፤ ሄሳንካ ኢንቲሰ ኩሺ ዛርይ ገታ ገደና፤ ቃሴካ ኢንቲ ሞጋ ጸሳ ና ገደና።

36 ኢንቲ አዋይ ኪያ ገደዱ ማላ ኢንቲካ ኪያታ ገደቲ።

ሃራ አሳ ቦላ ፐርደናሰ ቤሴና
(ማቶ 7:1-5)

37 «ኢንቲ ሃራታ ቦላ ፐርደና፤ ኢንቲ ቦላካ ፐርደቲና፤ ኢንቲ ቦላ ፐርደይ ዳሮንታ ማላ ሃራታ ቦላ ፐርደ ዳሪሶፍቲ፤ አሳሰ አቶ ገቲ፤ ኢንቲሰካ አቶ ገቲታና።

38 ኢሚቲ! ኢንቲሰካ ኢሚታና፤ ኢንቲሰ ኢንቲ ማኪዳ ሚሻን ሰሚዲ ማኬታና፤ ሃራፔካ ናቂ ባቄቲዲ ዪጌቲ ኩሚዲ ሞራ ጉካናሽ ሎኦ ማኪዳ ሚሻን ማኬቲዲ ኢንቲሰ ኢሚታና» ገደሰ።

39 ቃሴካ ዩሱሲ ኢሰታሰ ለሚሶን፤ «ቆቄይ ቆቄ ካሌላናሰ ዳንዳይኬ? ካሌላኮካ ናሞአቲ ኢሶይ ኢሳራ ኦይኬቲዲ ኦላን ጌሌቲኔ?

40 ታማሪይ ባና ታማርሲዛዴፊ አዴና፤ ገደ አቲን ሎኤላ ታማርዳ አሲ ዉሪ ባ አሰታማሪ ማላ ገደሰ።

41 «ኔ አይፊ ገደን ዲዛ ቱሳ ጸሎንታ ዳሼ ኔ ኢሻ አይፊ ገደን ዲዛ ቡራ አይሰ ጸላይ?

42 ኔ አይፊን ዲዛ ቱሳ ቤኦንታ ኔ ኢሻ፤ «ታኒ ኔ አይፊን ዲዛ ቡራ ኢኔ ኬሳይሰ» ጋናሰ ሞሰታ ዳንዳያይ? ኔኖ ቆጴፔ ቆሞን ሃኒዛይሶ ኮይርታዳ ኔ አይፊን ዲዛ ቱሳ ኬሳ፤ ሄሳፊ ጉዩ ኔ ኢሻ አይፊን ዲዛ ቡራ ኬሳናሰ ሎኤላ ጸላንዳሳ።

ሚላ ባ አይፊን ኤሬቲሰ
(ማቶ 7:17-20፤ 12:34-35)

43 «ሎኦ ሚላ ኢታ አይፊ አይፊና፤ ቃሴካ ኢታ ሚላ ሎኦ አይፊ አይፊና።

44 ሚላ ዉሪካ ባ አይፊን አይፊን ኤሬቲሰ፤ አጉንሳፊ ባላሴ ጌቲቲዛ ሚላ አይፊይ ማጾቲና፤ ላዴፔ ዋይኔ አይፊይ ቃንጾቲና።

45 ሎኦ አሲ ባ ዋዚና ኩሚዳ ሎኦ ሚሻ ኬሴሰ፤ ኢታ አሲካ ባ ዋዚና ኩሚዳ ኢታ ሚሻፊ ኢታ ኬሴሰ፤ አሲ ዉሪካ ባ ዋዚና ኩሚ ፓላሂዳይሳ ባ ደናን ሃሳዬሰ።

ናሞኦ ቆሞ ኬፍ ኬጺዛ አሳታ
(ማቶ 7:24-27)

46 «ታኒ ገዛይሳ ኦኤኬታ ሺን አይሰ ታና፤ ሳደ! ጎደ!» ጌቲ?

47-48 ታኮ ዪዲኔ ታ ቃላ ሲዩዲ ፖሊዛይ ዉሪ ኦና ሚሳቲዛኮ ታ ኢንቲና ቤሳና፤ ኬፍ ኬጺናሰ ዚቂ ኦላ ቦኪዲ ሹቻ ቦላን ባ ኬፍ ኬጺዳ አሳ ሚሳቲሰ። ሃር ሃላ ዪዲ ሄ ከላ ሱገደሰ፤ ገደ አቲን ሚኒ ኬጺቲዳ ገሻሰ ቃሳናሰ ዳንዳይሴና።

49 ገደ አቲን ታ ቃላ ሲዩዲ ፖሎንታ አሲ ባ ኬፍ ሎኤላ ባሰንታኔ ገደን ሹቻ ዩሳንታ ኬጺዳ አሳ ሚሳቲሰ፤ ሃርይካ ኬፍ ሱገን ኬላይ ሄራካ ኩንዲዲ ኢታ ላሌላ ላሌቲደሰ» ገ ዮቲደሰ።

7

ዩሱሲ ፓሊዳ ማቶ ሃላቃዛ አሽካራዛ
(ማቶ 8:13፤ ዮሃ 4:3)

1 ዩሱሲ ሄሳ ዉርሲካ ዴሬ ሲንላን ዮቲ ዉርሲዳፔ ጉዩ ቂፊርናሆሚ ገዛሶ ቢ ጌሊደሰ።

2 ሄን ቂፊርናሆሚን ማቶ ሃላቃይ ዳሰ፤ ሄ አዳዛሰ ኢዚ ሰቂዛ አሽካራይ ሃርገዲ ሃይቆሰ ሹሞፖ ቦላ ዳሰ።

3 ኢዚካ ዩሱሳ ገሻሰ ሲዩዲ፤ «ባ አሽካራ ፓላና ማላ ዩሱሳ ዋሴሪኬቲ!» ገዲ ኢሲ ኢሲ አይሁዳ ባጋ አሳታፔ ጨማታ ዩሱሳኮ ዩዲደሰ።

4 ኪቲቲዲ ቢዳ አሳቲ ዩሱሳኮ ዩዲ፤ «ሃይሳ አዳዛ ገሻሰ ኔ አሽካራዛ ፓላና ቤሴሰ።

5 አይሰ ገኮ ሃይሲ አዳዚ ኦ አሳ ዳር ደሴሰ፤ ኦሰካ አይሁዳ ዋሳ ኬፍ ኬጺሲዳይ ኢዛ» ገዲ ሚንላ ሞሲዳ።

6 ዩሱሲካ ኢሰታራ ቢደሰ። ዩሱሲ አዳዛ ኬላኮ ማቲዛ ዋዴ አዳዚ ባ ላጌታ ዩሱሳኮ ዩዲዳ፤ «ጎደ! ኔ ታ ኬፍ ጌላናሰ ቤሴና፤ ታኒካ ኔና ታ ኬፍ ጌልላናሰ ቤሴዛ አሰ ገደንታ ገሻሰ ሃ ያሽ ዳቡርፓ።

7 ታኒ ኔ ሲንላን ቤታናሰ ቤሶንታ አሰ ገዲዳ ገሻሰ ኔኮ ባቤኬ፤ ሄሳ ገሻሰ ኔኒ ሄን ዳዳ ቃላ ጸላ ገኮ ታ አሽካራይ ፓላና።

8 ታሰካ ታና አዛዚዛ አሲ ታፔ ቦላራ ዳሰ። ታፔ ጋርሳራ ታኒ አዛዚዛ ዋታዳራቲ ዳቲሰ። ኢሳ፤ «ሃ ያ!» ገኮ ዩሰ፤ ኢሳ፤ «ሃ ባ!» ገኮ ቤሰ፤ አሽካራይካ፤ «ሄሳ ኦላ!» ገኮ አዛዜቲዳይሳ ኦፊሰ» ገደሰ።

9 ዩሱሲካ አዳዚ ገዳይሳ ሲዩዲ አዳዛ ሃናቴላን ማላሌቲደሰ፤ ጉዩ ሰሚዲ ባና ካሊዛ ዴራሰ፤ «ታ ኢንቲሰ ገዛይ ሃይሳ ማላ ገታ አማኖ ሃራይ አቶሺን ኢሰራኤሌ ናይታ ገደንካ ዳማቤኬ» ገደሰ።

10 ዩሱሳኮ ኪቲቲዳ አሳቲ ጉዩ ኪቲዳ ሃላቃዛሶ ሲሚዲ አሽካራዚ ፓሊዳይሳ ቤኢዳ።

ዩሱሲ ሃይቆፔ ፓሊዳ አሞኤይ ናዛ

11 ሄሳፊ ጉዩ ዩሱሲ ጋሞኦንታ ዲሺ ናይኔ ጌቲቲዛ ካታማ ባና ካሊዛይታራኔ ዳር ዴሬራ ኢሲፊ ቢደሰ።

12 ኢዚ ቢዲ ካታማ ጌሊዛ ሚጸ ጋኪሺን ሄ ካታማይፔ ዳር አሳይ አሃ ቶኪ ኤኪዲ ኬዚ ዋጲደሰ። ሃይቆዳይሲ ባ አይሰ ኢዚ ሚጸ ኢሲኖ። አይሰካ አዚናይ ባ፤ ካታማፔ ዳር አሳይ ኢዚራ ኢሲፊ ዳሰ።

13 ጎዳይካ ኢዞ ቤኢዳ ዋዴ ኢዚሰ ሚሹቲዲ፤ «አይኮይ ባ፤ ዩኮፋ!» ገደሰ።

14 ሸቂዲ አሃ ቶኪዳ ሃላ ቦቹን አሃ ቶኪዳይቲ ሲቲ ገ ኤቂዳ። ዩሱሲካ፤ «ሃይሶ ናዞ ኔና ጋይሰ ዳንዳ!» ገደሰ።

15 ሃይቆዳ ናዚካ ሱሪ ኡቲዲ ሃሳያ ኦይኪደሰ። ዩሱሲካ ናዛ አይሰ ኤፊ ኢሚደሰ።

16 አሳይ ዉሪካ ኬሂ ባቢዲ ጸሳ ጋላቲሺ፤ «ገታ ናቤይ ኦ ገደፊ ዳንዲደሰ፤ ጸሰካ ሃይሳ ዴሬዛ ዩዲ ቤዩደሰ» ገደሰ።

17 ሃይሲ ዩሱሳ ገሻሰ ሃሳዬቲዛ ሎኦ ሃሳያይ ኩሚላ ዩሁዳኒኔ ዩሁዳ ዩሾን ዲዛ ዳሬታን ኬዚደሰ።

ጸማቂዛ ዮሃኒሳፔ ዩሱሳኮ ኪቲቲዳ አሳታ
(ማቶ 11:19)

18 ጸማቂዛ የሃሊሳ ካሊዛይቲካ ሃይሳ ኡባ የሃሊሳስ የቲዳ። የሃሊሳስ ኢስታ ጊደፊ ናምኣታ ጸይጊዲ።

19 «ኢዚ ያና ጌቲቲዲ ሃሳዩቲዛይሲ ኔኔዬ? ሃራ ኣስ ናጊኖ? ጊ ኦይቸቲ» ጊዲ ጎዳኮ ዩዲዳስ።

20 ቢዳ ኣሳቲ ዩሱሳኮ ጋኪዲ። «ጸማቂዛ የሃሊሳ። «ኢዚ ያና ጌቲቲዲ ሃሳዩቲዛይሲ ኔኔዬ? ሃራ ኣስ ናጊኖ?» ጊዲ ኔኮ ኦና ዩዲዳስ» ጊዲ።

21 ሄ ዎዴ ዩሱሲ ዳር ኣሳ ዎዩ፤ ሃርጌፊኔ ቱና ኣያናታ፤ ጋሊዳስ። ዳር ቆቄታ ኣይፊይካ ጸሊዳስ።

22 የሃሊሳ ከቲን ኢዛኮ ዩዲዳታ። «ቢዲ ኢንቲ ኢንቲ ኣይፊራ ቤኢዳይሳኔ ሲዩዲይሳ የሃሊሳስ የቲቲ። ኣይፊ ቆቄቲ ጸሊቲስ፤ ቶሆ ዎቤቲ ሱሬ ሄሜቲቲስ፤ ኢንቲቶ ሃርጊዛይቲ ጋሊዳ፤ ቱሌቲ ሲዩዳ፤ ሃይቆዲይቲ ሃይቆ፤ ዳንዲዳ፤ ማንቆታስ ሚሺራች ቃላይ የቲቲስ።

23 ታናን ጳዴቶንታ ኣሲ ወሪካ ኣንጃቲዳይሳ» ጊዳስ።

24 የሃሊሳ ከቲዳ ኣሳቲ ዩሱሳ ኣቻፊ ቢዳ፤ ጉዬ ዩሱሲ ዳር ኣሳስ የሃሊሳ ጊሻስ። «ኢንቲ ኣይ ቤያናስ ባዞ ከዚዳቲ? ጫርኮይ ያኔ ሃ ቃሴሊዛ ሾምቦቆ ቤያናስ?»

25 ኣይ ቤያናስ ከዚዳቲ? ሎኢዛ ማይኦ ማይኢዳ ኣስ ቤያና ከዚዳቲ? ሎኦ ማይኦ ማይኢዳ ዋርጺ ዋርጺ ጊዛይቲ ኢሻሎ ዲስ ዲዛይቲ ካዎ ከፋን ዳቲስ።

26 ሂስቲኮ ኣይ ቤያናስ ከዚዳቲ? ናቤ ቤያናስ? ኤ ታ ኢንቲስ ቱማ ጋይስ፤ ኢንቲ ከዚዳይ ናቤ፤ ኣጲዛዳ ቤያናሳ።

27 ጸሳ ቃላን። «ኔ ባና ኦፔ ኔስ ባሲ ሎኤፋና ከቲቲዳ ኣስ ታ ኔፔ ሲንፋራ ዩዳና» ጌቲቲዲ ኢዛ ጊሻስ ጸፊቲዳይሲ ኢዛኮ።

28 «ታኒ ኢንቲስ ጊዛይ ማጫሳፊ ዩሌቲዳ ኣሳ ጊደን የሃሊሳ፤ ኣጲዛዳይ ኦኒካ ዳና፤ ጸሳ ካዎቲፋን ጊዲኮ ኣስ ኡባፊ ጉሉ ጌቲቲዳ ኣሲ የሃሊሳ፤ ኣቆና» ጊ የቲዳስ።

29 ቃራጸ ቃንጺሲዛይቲካ ኣቶንታ ሃይሳ ዩሱሳ ቃላ ሲዩዲይቲ ወሪካ የሃሊሳ ኩሼን ጸማቂቲዲ ጸሳስ ቤሲዛ ቦንቾ ኢሚዳ።

30 ፋርሳዊቲኔ ሙሴ ዎጋ ኤራንቻቲ የሃሊሳ ኩሼን ጸማቂቶንታ ጊሻስ ጸሲ ኢስታስ ዎና ቆፋ ኦሊዲ ሺሺዳይሳ ሃራይሲዳ።

31 ቃሴካ ዩሱሲ ዛሪዲ። «ሂስቲኮ ሃኢ ዩሌታ ኣዛን ለሚሶ? ኢስቲ ኣይ ሚሳቲዛ?»

32 ጊያን ኡቲዲ ባ ጊደን ኢሶይ ኢሳራ ጸይጊቲዲ። «ኢንቲስ ኦኒ ዲላ ዲዲዳስ ሺን ዲሪቤኬታ፤ ዚላስ ዚላሊዳስ ሺን ዩኪቤኬታ ጊዛ ናይታ ሚሳቲቲስ» ጊዳስ።

33 ኣይስ ጊኮ ጸማቂዛ የሃሊሳ ካላ ሞንታኔ ዎይኔ ኦሴቲዳ ጫጃ ኡዮንታ ዩን። «ዳይዳንላ ኢዛ ቦላ ዳስ» ጊዳታ።

34 ኣሳ ናይ ቃሴ ሚሼኔ ኡዩሼ ዩን። «ጋንጃማኔ ኢሻንቻ። ቃራጸ ሺሺዛይታራኔ ናጋራንቻታራ ላጌቲስ» ጊዳታ።

35 ሂሳ ጊሻስ ኤራቲላ ቱማቲላይ ኢዚ ናይታ ኡባታ ኣቻን ኣማኔቲዳስ» ጊዳስ።

ዩሱሳ ቶሆ ሺቶ ቲይዳ ማጫሳዮ

36 ሃሳፊ ጉዬ ፋርሳዊታ፤ ኢሲ ኣሲ ቁማ ማናስ ዩሱሳ ባሶ ጸይጊን ዩሱሲ ጸይጊዳ ፋርሳዊዳ ቢ ኡቲዳስ።

37 ሄ ካታማን ዲዛ ኢሲ ናጋራንቻ ማጫሳ ዲዛራ ዩሱሲ ፋርሳዊዛ ከፋን ቁማ ማዳ ቦላን ዲዛይሳ ሲያዳ ኢሲ ኣልባሰጸርሴ ቢልቃጾ ሺቶ ኤካ ያዲስ።

38 ሂስታዳ ዩሱሳ፤ ጉዬራ ኢዛ ቶሆ ኣቻን ኤቃዳ ዩካሼኔ ባ ኣፋንፋን ኢዛ ቶሆ ጫጲሳዳ ባ ሁኤ ቢናናራ ቁጫሼኔ ዩራሼ ሺቶዛ ቲያዲስ።

39 ዩሱሳ ቁማስ ጸይሲዳ ፋርሳዊይካ ሃሳ ቤኢዲ። «ሃይሲ ኣዳዚ ናቤ ጊዲዳኮ ሃና ኢዛ ቦቲዳ ማጫሳዮ ኢዛ ኦናኮኔ ኣይ ኦሊዛ ኣሳኮ ኤራናኮሺን፤ ኢዛ ናጋራንቻኮ ሺን» ጊዲ ባ ዎዚናን ቆፐዳስ።

40 ዩሱሲ። «ሲሞና! ኔስ ታ የታናዚ ዳስ» ጊዳስ። ሲሞንካ። «ኣስታማሬ! ኤር የታ» ጊዳስ።

41 ዩሱሲ ዛሪዲ። «ኢሲ ሚሼ ታልኤ ኢሚዛዳፊ ታልኤ ኤኪዳ ናምኡ ኣሳቲ ዳቲስ፤ ኢስታፊ ኢሳ ቦላ ኢቻሹ ጸት ዲናሬይ ዳስ፤ ናምኣንፋዛ ቦላ ኢቻሹ ታሙ ዲናሬይ * ዳስ።

42 ኢስታስ ቃንጺዛ ሚሺ ጳዩን ታልኤ ኢሚዳይሲ ናምኣታ ኣጮዛ ኡባካ ማሪዳስ፤ ሂስቲኮ ሃ ናምኣታ፤ ሃ ታልኤ ኢሚዳይሳ ዳርሲ ደሳናይ ኣዎይሴ?» ጊዳስ።

43 ሲሞንካ ዛሪዲ። «ዳር ኣጮይ ማሪቲዳይሳ ጋዳ ቆፐይስ» ጊዳስ። ዩሱሲካ። «ቱሙ ፐርዳዳሳ» ጊዳስ።

44 ሄ ማጫሳይኮ ዩዩዲ ሲሞና። «ሃኖ ማጫሳዮ ጸላይ? ታ ኔ ከሌ ጌሊን ኔ ታ ቶሆስ ሃሌ ሺሻቤካ፤ ኢዛ ጊዲኮ ታ ቶሆ ባ ኣፋንፋን ጫጲሳዳ ባ ሁኤ ቢናናራ ቁጫዲስ።

45 ኔኒ ኡባካ ታና ዩራቤካ፤ ኢዛ ጊዲኮ ታ ጌሎሶፔ ደማዳ ታ ቶሆ ዩር ኣጋቤኮ።

46 ኔ ታ ሁኤ ዛይቲ ቲያቤካ ሺን ኢዛ ጊዲኮ ታ ቶሆ ሺቶ ቲያዲስ።

47 «ሃሳ ጊሻስ ታ ኔና ጊዛይ ኢዛ ታና ከሃ ደሲዳ ጊሻስ ኢዛ ባ ዳር ናጋራ፤ ማሪታዲስ፤ ጉላራ ማሪቲዛ ኣሳ ሲቆይካ ጉላ» ጊዳስ።

48 ዩሱሲ ማጫሳዮ። «ኔ ናጋራ፤ ማሪታዳሳ» ጊዳስ።

49 ኢዛራ ኢሲፊ ማዳን ኡቲዳ ኢማላቲካ። «ሃይሲ ናጋራ ማሪዛይ ኢዚ ኦኔ?» ጊዲ ባ ዎዚናራ ቆፐዳ።

50 ዩሱሲካ ማጫሳዮ። «ኔና ኔ ኣማናይ ኣሺዳስ፤ ሳርን ባ!» ጊዳስ።

8

ዩሱሳ ካሊዳይታኔ ኢዛስ ኦሊዳ ማጫሳታ

1 ሃሳፊ ጉዬ ዩሱሲ ጸሳ ካዎቲላ ሚሺራች ሳባኪሼ ዲማ ዲማ ካታማታ ጊደራኔ ጉታታ ጊደራ ኣጲዳስ። ኣጲ ቢዛ ዎዳ ኢዛ ካሊዛ ታማኔ ናምኣቲ ኢዛራ ዳቲስ።

2 ቃሴካ ቱና ኣያና፤ ኢታ ሃርጌፊ ጋሊዳ ኢሲ ኢሲ ማጫሳቲ ኢዛራ ዳቲስ። ኢስቲካ ላፑን ቱና ኣያናይ ኢዚ፤ ከዚዳ ማግዳሌ ጌቲቲዛ ዳሬ፤ ዩዳ ማራዎ።

7:22 ኣሳ 35:5-6፤ ኣሳ 61:1 7:27 ሚል 3:1 7:29 ማቶ 21:32፤ ሉቃ 3:12 * 7:41 ዲናራ፤ ዲናሬይ ሄ ዎዳ ኢሲ ኣሳንቻስ ኢሲ ጋላሳ ዳሞዛ።

3 ካዎ ሄርደሳሶን ኦሊዛ ኩዛ ማቾ የሃኖ ቃሴካ ሶሲኖኔ ሃራ ዳሮ ማጫሳቲ ዳቴሰ፤ ኢስቲካ ባንታሰ ዲዛ ሚሻራ ዩሱሳስ ኦሊዛይታ።

ካል ዜሪዛዳ ለሚሶ
(ማቶ 13:1-9፤ ማር 4:1-9)

4 ዳሮ ዳሪይ ኢሲፌ ሺቁ ዲሺን ቃሴካ አሳይ ዲማ ዲማ ካታማፔ ኢዛኮ ዎዲዛ ዎዳ ዩሱሲ ለሚሶራ ታማርሲሹ።

5 «ኢሲ ጎሻንቻይ ዜሬል ዜራናስ ኬዚዳስ፤ ኢዚ ዜሪሸን ባጋይ ኦጌን ዎዲዳ አሳ ቶሆን ዩዴቲዳስ፤ ሳሎ ካፎቲካ ዩዲ ማጺ ሚዳ፤

6 ኢሲ ዜሬላይ ሹቻ ጋዴን ዎዲዳ ሄራካ ጫሪዳስ፤ ጋዴዚካ ሚላ ጋዴ ገዲዳ ገሻስ ኤሌ ሚሊዳስ።

7 ቃሴካ ሃራ ዜሬል ኦጌን ገዲን ዎዲዳስ፤ ኦጌንላይካ ኢዛራ ኢሲፌ ዲጩዲ ጫሪቻይካ ዲጫንታ ማላ ጩሊዳስ።

8 ቃሴካ ሃራ ዜሬላይ ኦራዳ ጋዴን ዎዲዳስ፤ ጫሪዳ ደቱ ኩሼ ኦይፊዳስ» ገዳስ።

ዩሱሲ ለሚሶን ሃሳይዳ ጋሶ
(ማቶ 13:10-17፤ ማር 4:10-12)

ዩሱሲ ሃሳያ ወርሲዳፔ ጉዬ ቃላ ቶቁ ሂሰቲዳ፤ «ሲዩዛ ሃይላ ዲዛ አሲ ሲዮ!» ገዳስ።

9 ዩሱሳ ካሊዛይቲ፤ «ዜሬላ ለሚሶዛስ ቢርሹል አማ» ገዲ ኦይቸን።

10 ኢዚካ ኢስታስ፤ «ጸሳ ካዎቲላ ጸራ ኤሮይ ኢንቴስ አማቲዳስ፤ ሃራታስ ገዲኮ ለሚሶራ ዮታይሰ ቃሴካ ሃራቲ ቤኢዲ ዎዚናን ዎላንታ ማላ፤ ሲዩዲ ዩሺ ቆፖንታ ማላ ሃረዳስ።

ዩሱሲ ቢርሹዲ ዜሬላ ለሚሶ
(ማቶ 13:18-23፤ ማር 4:13-20)

11 «ዜሬላዛ ለሚሶይካ ሃይሳ፤ ዜሬል ጌቲቲዳይሲ ጸሳ ቃላ።

12 ኦጌ ላንቁን ዎዲዳይሲ ቃላ ሲዩዛይታ፤ ገዳ ኦቲን ኢስቲ አማኒዲ አቶንታ ማላ ጸላኤይ ዩዲ ቃላ ኢስታ ዎዚናፔ ኤኪቸዛይታ።

13 ሹቻ ቦላ ዎዲዳይቲካ ቃላ ሲዩዲ ኡፋይሳራ ኤኪዛይታ፤ ኢስቲካ ሃኢስ አማኔቲስ ኦቲን ሚቶይ ኢስታ ቦላ ጋኪዛ ዎዳ ጸጸ ዩዳንታ ገሻስ ኤሌራ አማኖ ካዲዛይታ።

14 ኦጌን ገዲን ዎዲዳይቲ ቃላ ሲዩዛይታ፤ ሄይቲካ ሃይሳ ሃ አላሜ ቆፋኒኔ አቆታን፤ ሃ ቢታ ቦላ ዲሳ ሎኤቲላን ጩሊቲዲ ሎኤላ ኦይፊ አማቲና።

15 ኦራዳ ቢታን ዎዲዳይሲ ቃላ ሱሬኒኔ ሎኦ ዎዚናን ሲዩዲ ናገዛይታ፤ ዳንዲያን ሚኒዲ ኦይፊ ኦይፊዛይታ።

ቆንጩሶን ዲዛ ጸምፔ
(ማር 4:21-25)

16 «ፖኦ ፖኢሲዲ ባላ ገዲን ዎይኮ አርሳ ጋርሳን ዎሊዛ አሲ ዳና፤ ገዳ ኦቲን ኬሌ ጌሊዛ አሳስ ፖኦና ማላ ቆንጩሶን ዎላቲስ።

17 ቆቲቲዲ ቆንጩ ኬዛንታይ፤ ፖኦን ኬዚዲ ኤሬቶንታ ጌማን ኦታና ሚሺ ዳና።

18 «ሃሳ ገሻስ ኢንቴ ሲዩዛይሳ ናጌቲ ሲዩቲ፤ ዲዛ አሳስ ጉጃታና፤ ባይንዳዳስ ኡባፌ ኢዛስ ዲዛ ሚሳቲዛራካ ኤኬታይቻና» ገ ዛሪዳስ።

ዩሱሳኔ ኢዛ ኢሻታ
(ማቶ 12:46-50፤ ማር 3:31-35)

19 ሃሳፌ ጉዬ ዩሱሳ ኦያኔ ኢዛ ኢሻቲ ዩሱሳኮ ዩዳ፤ ገዳ ኦቲን አሳ ዳርቲላፌ ዳንዲዳይሳን ኢዛኮ ሺቃናስ ዳንዳይቤቲና።

20 ሄ ዎዳ አሳይ ዩሱሳስ፤ «ኔ ኦዩያኔ ኔ ኢሻቲ ኔና ቤያናስ ኮዩዲ ካሪን ኤቁዳ» ገዲ ዮቲዳ።

21 ዩሱሲካ ዛሪዳ፤ «ታ ኦያኔ ታ ኢሻቲ ጸሳ ቃላ ሲዩዲ ናገዛይታ» ገዳስ።

ዩሱሲ አባ ዳምባላዛ ሴሪዳስ
(ማቶ 8:23-27፤ ማር 4:35-41)

22 ኢሲ ጋላስ ዩሱሲ ባና ካሊዛይታራ ዎጎሎ ገዳ ጌሊዳ፤ «ኦባፌ ሄ ፒንላ ፒናስ» ገዳስ።

23 ኢስቲካ ፒኒሺን አባ ቦላ ዳምባላይ ዳንዲዲ ዎዩሲዛ ዎዳ ዩሱሲ ዲስኪዳስ፤ ሃሊካ ዎጎሎዛ ገዳ ጌሊን አሳይ ዳሮ ሚቶቲቲዳስ።

24 ዩሱሳ ካሊዛይቲ ኢዛኮ ሸቁዳ፤ «ጎዶ! ጎዶ! ኑ ወራና ሃኖስ» ገዲ ዩሱሳ ዲስኪዳ ዳንዲዳ።

ኢዚካ ቤገዲ ጫርኮዛኔ አባ ዳምባላ ሴሪን ጫርኮይኔ አባ ዳምባላይ ጫኦ ገዳስ።

25 ኢዚካ ባና ካሊዛይታ፤ «ኢንቴ አማኖይ አዎ ቢዳ?» ገዳስ፤ ኢስቲካ ባ ገዲን ባቢሺኔ ማላላቲሹ፤ «ጫርኮኔ ሃሌ ኦዩዚዛይ፤ ኢስቲካ ኢዛስ ኦዩዚቲዛይ ኢዚ ኦኔ?» ገዳ።

ዳይዳንላ ኦይኪን ዩሱሲ ፓሌዳ አዳዛ
(ማቶ 8:28-34፤ ማር 5:1-20)

26 ኢዛፔ ጉዬ ጋሊላፔ ሄ ፒንላን ዲዛ ጌርጌሴኖኔ ጌቲቲዛ ዳሪ ዎጎሎራ ፒኒዳ።

27 ዩሱሲ ዎጎሎዛፔ ጋዴን ዎዲን ዳይዳንላ ኢዛ ቦላ ዲዛ ኢሳይይ ካታማፔ ኬዚዲ ኢዛ ዳሚዳስ፤ ሄ አዳዚ ዳሮ ዎዳ ማይኦ ማይኦንታ ካሎ ዲዛዳኔ ኬላን አቆንታ ዳፎ ባስ አቆሶ ኦሊዳ አሳ።

28 ዩሱሳ ቤኢዳ ዎዳ ዎሲሹ ዩሱሳ ሲንላን ኩንዲዳስ፤ ቃላ ቶቁ ሂሰቲዳ፤ «ቦንቾ ጸሳ ና ዩሱሳ! ታሲኔ ኔስ ኦይ ጋይቶቲላ ዲዜ? ኔ ታና ዎዩሶንታ ማላ ታ ኔና ዎሳይሰ» ገዳስ።

29 ቱና ኦያናይ ሃሳ ጋናስ ዳንዳይዳይ አዳዛፔ ኬዛና ማላ ዩሱሲ ኦዩዚዳ ገሻሳ። ቱና ኦያናዚካ ዎዳን ዎዳን ዳንዲዛ ገሻስ አዳዚ ሳንሳላታኒኔ ቢራታን ቶሆ ቃቸ ናገንካ ቃሹቲዳ ሳንሳላታ ዳሴሬሊዲ ኢዛ ቦላ ዲዛ ዳይዳንላይ ኢዛ ዳጌ ባዞ ዛሪ ኤፊስ።

30 ዩሱሲ፤ «ኔ ሱንላ ኦኔ?» ገዲ ኦይቸዳስ፤ ኢዚካ ዳሮ ዳይዳንላቲ ኢዛን ጌሊዲ ዲዛ ገሻስ ታ ሱንላ፤ «ሉንኔ» ገዳስ።

31 ዳይዳንላቲካ ባና ወርሴላ ባይንዳ ጩማ ኦላን ዩጎንታ ማላ ሚንላዲ ዎሲዳ።

32 ሄንካ ዙማ ቦላ ዳሮ ጉዳንላ ሄማቲስ፤ ዳይዳንላቲ፤ «ጉዳንላ ወዳዛን ጌሊቲ» ገዲ ኦዩዛና ማላ ዎሲን ዩሱሲ፤ «ኤሮ ጌሊቲ!» ገዳስ።

33 ዳይዳንላቲ አዳዛፔ ኬዚዲ ጉዳንላን ጌሊዳ። ጉዳንላቲ አፎዛ ዳጉንላራ ቢቻሪሹ ቢዲ አባን ጌሊ ሚቲቲዳ።

34 ሃሚዛይቲ ሃኒዳይሳ ቤኢዳ ዋዴ ቤርቲ ቢዲ ካታማ አሳሰኔ ዴሬ አሳሰ ዮቲዳ።
 35 ሃኒዳይሳ ቤያና ገዲ አሳይ ባ ዲዛሶፕ ዩሱሳኮ ዩዴሰ፤ ዳይዳንሳይ ኢዛፕ ኬዚዳ አዴዚካ ካሃይ ሰሚን አፋላ ማይኢዲ ዩሱሳ ቶሆ ገደን ኡቲዳይሳ ቤኢዲ ባቢዳ።
 36 ዳይዳንሳን ኦይኬቲዳ አዴዚ ፓጺሺን ቤኢዳይቲ ኢዚ ዋኒ ፓጺዳኮ ዴሬዛሰ ዮቲዳ።
 37 ጌርጌሴኖኔ ማታን ዲዛ አሳይ ኬሂ ባቢዳ ገሻሰ ዩሱሳ፡ «ሃይሳፊ ኪቻ!» ገዲ ዋሲዳ፤ ኢዚካ ዋጎሎዛን ጌሊዲ ሰሚ ቢዴሰ።
 38 ዳይዳንሳይ ኢዛፕ ኬዚዳ አዴዚ ዩሱሳራ ኢሲፊ ዳና ማላ ዋሲዴሰ።
 39 ገደ አቲን ዩሱሲ ኢዛ፡ «ኔሶ ሰማዳ ጸሲ ኔሰ ኦሊዳ ገታ ሚሽ ኡባ ዮታ» ገዲ ዋይዚዴሰ፤ አዴዚካ ዩሱሲ ኢዛሰ ኦሊዳ ገታ ሚሽ ባ ካታማን ዲዛ አሳሰ ኡባሰ ቆንጨን ዮቲሼ ቢዴሰ።

ኢያኢሮሳ ናዮኔ ዩሱሳ ማይኦ ቦቺዳ ማጫሳዮ
 (ማቶ 9:18-26፤ ማር 5:21-43)

40 አሳይ ወሪ ዩሱሳ ዩሳ ናጊሼ ጋምኢዳ ገሻሰ ኢዚ ሰሚሽን ኡፋይሳን ሞኪ ኤኪዴሰ።
 41 ሄ ዋዴ ኢያኢሮሳ ጌቲቲዛ አይሁዳ ዋሳ ኬላ ሃላቃይ ዩዲ ዩሱሳ ቶሆ ቦላ ኩንዲዲ ባሶ ባና ማላ ዋሲዴሰ።
 42 ኢዚ ሄሳላ ኦይቺዳይ ኢዛሰ ታማኔ ናምኡ ላይሰ ኩሚዳ ኢሲ ማጫ ናይ ሳኬታዳ ሼምፖ ቦላ ዲዛ ገሻሳ።
 ኢዚ ሄ ቡሳን ዲሺን ዴሬይ ዳሪዲ ባ ገደን ሱጌቲዲ ኢዛ ኬሂ ኡንኢሲዴሰ።
 43 ታማኔ ናምኡ ላይሰ ሱላ ኢዚፕ ጉኪሺን ዲዛ ኢሲ ማጫሳዮ ባሰ ዲዛ ሚሻ ወርሳ ቆሌ ኤሪዛ አሳታሰ አማ ወርሲን ኢዛ ፓላናሰ ዳንዳይዳ አሲ አሳዴይካ ዳና።
 44 ኢዛካ ጉዩራ ሺቃዳ ዩሱሳ አፋላ ማጫራታ ቦቻዲሰ፤ ኢዚፕ ጉኪዛ ሱላይ ሄራካ ኤቂ አገዴሰ።
 45 ዩሱሲካ፡ «ታና ቦቺዳይ ኦኔ?» ገዴሰ። ወሪካ ኦኔ ቦቺቤኮ ገ ካዲዳ ዋዴ ጴጵሮሲ ዛሪዲ፡ «ጎዶ! አሲ ወሪ ዩዩ አጲዲ ኔና ሱጌራሊዲ ኡንኢሴሰ» ገዴሰ።
 46 ገደ አቲን ዩሱሲ፡ «አሲ ታና ቦቺዳይ፤ ዋልቃይ ታፕ ኬዚዳይሳ ታ ኤራይሰ» ገዴሰ።
 47 ማጫሳዮ ኤሪቶንታ ቆቲታዳ ባናሰ ዳንዳዮንታይሳ ኤራዳ ኮኮራሼ ያዳ ዩሱሳ ሲንሳን ከንዳዴሰ፤ ኢዛካ ዩሱሳ ዋና ቦቺዳኮኔ ቃሴካ ኤሌራ ዋና ፓጺዳኮ ኡባ አሳ ሲንሳን ዮታዲሰ።
 48 ኢዚካ፡ «ታ ናዩ! ኔ አማኖይ ኔና ፓሊዴሰ፤ ሳርን ባ!» ገዴሰ።
 49 ዩሱሲ ቡር ማጫሳይሰ ሃሳያ ቦላ ዲሺን አይሁዳ ዋሳ ኬላ ሃላቃ ኢያኢሮሳ ኬላፊ ኢሲ አሲ ኢያኢሮሳሰ፡ «ኔ ናያ ሃይቃዲሰ፤ ሄሳ ገሻሰ ሃይሳፊ ጉዩ አሰታማሪዛ ማላ ዳቡርሶፋ!» ገዴሰ።
 50 ዩሱሲ ሄሳ ሲዩዲ ኢያኢሮሳ፡ «አይኮይ ባ፤ ባቦፋ! አማና አቲን ኔ ናያ ፓጻና» ገዴሰ።
 51 ዩሱሲ ኢያኢሮሳ ኬላ ጌሊዛ ዋዴ ጴጵሮሳ፡ ዮሃኒሳኔ ያቆቤ ቃሴካ ናዩ አዋፕኔ አይፕ አቲን ሃራይ ኦኔካ ኢዛራ ጌላና ማላ ኮዩቤና።

52 ሄ ዋዴ አሳይ ወሪ ናይሰ፡ «ዉ! ዉይ» ገ ዋሲ ዩኪሺን ዩሱሲ፡ «ዩኮፍቲ፤ ኢዛ ኢቻዲሰ አቲን ሃይቃሴኮ» ገዴሰ።
 53 አሳይካ ናያ ሃይቂዳይሳ ኤሪዛ ገሻሰ ዩሱሳ ቦላ ሚጫዴሰ።
 54 ገደ አቲን ናዩ ኩሼ ኢዚ ኦይኪዲ፡ «ታ ናዩ! ዳንዳ!» ገዴሰ።
 55 ናይሰ ሼምፖይካ ሲሚዴሰ፤ ሄራካ ዴንዳ ኤቃዲሰ፤ ዩሱሲካ ኢዚሰ ሚዛ ሚሽ አማና ማላ አዛዚዴሰ።
 56 ናዮ ዩሊዳይቲካ ማላላቲዳ፤ ገደ አቲን ኢዚ ሃኒዳይሳ ኦናሰካ ዮቶንታ ማላ አዛዚዴሰ።

9

ሚሺራች ቃላ ዮታና ማላ ዩሱሲ ከቲዳ ሃዋሬታ
 (ማቶ 10:5-15፤ ማር 6:7-13)

1 ዩሱሲካ ታማኔ ናምኡ ሃዋሬታ ኢሲፊ ጴይጊዲ ዳይዳንሳታ ኬሳና ማላኔ ሃርጌሬ ፓላና ማላ ኢሰታሰ ዋልቃኔ ጎዳቲሰ አሚዴሰ።
 2 ቃሴካ ጸሳ ካዋቲሰ ዮታናሲኔ ሃርጊዛይታ ፓላናሰ ኢሰታ ከቲዴሰ።
 3 ኢሰታሰ፡ «ኦጌ ቢሼ ጉሬ ዋይኮ፡ ቃራጺቲ ዋይኮ፡ ቁማ ዋይኮ፡ ሚሼ ዋይኮ ናምኡ ማይኦ ኦይኪ ባናሰ ኮሼና።
 4 አንቲካ ሄ ካታማይፕ ኬዛና ጋካናሰ ኮይር ጌሊዳ ኦና ኬላንካ ገዲን ሄን ጋምኢቲ።
 5 ካታማ አሳይ አንቲና ሞኪ ኤኮንታ ኢጲኮ ሄ ካታማይፕ ኬዚዲ አንቲና ሞኮንታይታሰ ማርካ ገደና ማላ አንቲ ቶሆን ዲዛ ጉዲላ ፕቲዲ ኬዚፕ» ገዴሰ።
 6 ኢሰቲካ ጎዳይ ገደ ማላ ኬዚዲ ሚሺራች ቃላ ዮቲሼኔ ሃርጋንቻታ ፓሊሼ ጉታን ጉታን ዩዩዳ።

ሃርዶሲ ሲዩዳ ዩሱሳ ዋሪ
 (ማቶ 14:1-12፤ ማር 6:14-29)

7-8 ሄ ዋዴ ኢሲ ኢሲ አሳቲ፡ «ዮሃኒሲ ሃይቆፕ ዳንዲዴሰ» ባጋይቲ፡ «ኤላሲ ኬዚዲ ቤቲዴሰ» ቃሴ ባጋይቲ፡ «ቤኒ ናቤታፕ ኢሶይ ሃይቆፕ ዳንዲዴሰ» ገዲ ሃሳዩቲካ ገሻሰ ዩሁዳ ቢታ ሃሪዛ ሃርዶሲ ሄሳ ሲዩዲ ሃኒዛ ሚሻን ባ ዋዚናን ማቶቲቲዴሰ።
 9 ሃርዶሲካ፡ «ታኒ ኢዛ ቆጼ ቃንጺዳ ጸማቂዛ ዮሃኒሲ ሃይቂዴሰ። ሂሰቲን ኢዛ ገሻሰ ሃይሳ ማላ ሃሳዩቲሺን ታ ሲዩዛይሲ ኢዚ ኦኔ?» ገዲ ኢዛ ባ አይፊራ ቤያና ኮዩዴሰ።

ዩሱሲ ሚዚዳ ኢቻሹ ሺ አሳ
 (ማቶ 14:13-21፤ ማር 6:30-44፤ ዮሃ 6:1-14)

10 ሃዋሬቲካ ሲሚዲ ኢሰቲ ኦሊዳይሳ ኡባ ዩሱሳሰ ዮቲዳ፤ ኢዚካ ኢሰታ ጸላ ባናራ ኤኪዲ ቤቲሳይዳ ጌቲቲዛ ፖሳን ዲዛ ካታማ ቢዴሰ።
 11 ገደ አቲን ዳር አሳይ ሄሳ ኤሪዲ ኢሰታ ካሊዴሰ፤ ኢዚካ ኢሰታ ሞኪ ኤኪዲ ጸሳ ካዋቲሰ ገሻሰ ዮቲዴሰ፤ ቃሴካ ሃርጌሬ ፓላናሰ ቤሲዛይታ ፓሊዴሰ።
 12 ጋይይ ለምኢሺን ታማኔ ናምኡ ሃዋሬቲ ኢዛኮ ሽቂዲ፡ «ኦኒ ዲዛይ ባዞ ቢታን ገዲዳ ገሻሰ አሳይ

ቢዲ ባስ አቃናሶኔ ሚዛ ሚሽ ኮያና ማላ አሳ ሞይዛ» ገደ።

13 ገደ አቲን ኢዚ ኢስታስ ዛሪዲ፡ «አንቲ ኢስታስ ሚዛዝ አሚቲ» ገደሰ። ኢስቲካ፡ «ኑስ ኢቻሹ ኡኬላፊኔ ናሞኡ ሞሌፔ ሃራይ ባ፤ ሃ አሳስ ገዲዛ ካል ኮሺኮ ሻማናስ ቤሴስ» ገደ።

14 ዩሱሲካ ባና ካሊዛይታ፡ «አሳ ኢቻሹ ታሙ፡ ኢቻሹ ታሙ ሂሰቲ ሻኪ ሻኪ ኡቲሲቲ» ገደሰ። ሄንካ ኢቻሹ ሺ ገዲዛ አቲማሳይ ዳሰ።

15 ዩሱሳ ካሊዛይቲካ ዩሱሲ አዛዚዳ ማላ አሳ ኡባ ኡቲሲዲ።

16 ዩሱሲካ ኢቻሹ ኡኬላኔ ናሞኡ ሞሌታ ኦይኪ ፑዳ ሳሎ ጾሊዲ ጸሳ ጋላቲዳሰ፤ ኢዚካ ኡኬላ ሚንሊዲ አሳ ጋላና ማላ ባና ካሊዛይታስ አሚዳሰ።

17 አሳይ ዉሪካ ሚዲ ካሊዳሰ። ዩሱሳ ካሊዛይቲካ አሳፔ አቲዳ ታማኔ ናሞኡ ሌማቲ ኩሜል ማዳፊ ዳንሊዲ።

ጴጥሮሳ አማኖኔ ኢዛ ማርካቴል

(ማቶ 16:13-19፤ ማር 8:27-29)

18 ኢሲ ጋላስ ዩሱሲ ባርካ ዋሲሺን ኢዛ ካሊዛይቲ ኢዛኮ ዩዳ። ኢዚካ ኢስታ፡ «አሳይ ታና ኦና ገዜ?» ገዲ ኦይቺዳሰ።

19 ኢስቲካ ኢዛሰ፡ «ኢሲ ኢሲ አሳይ ጸማቂዛ ዮሃንሳ፤ ባጋይቲ ኡላሳ፤ ሃራቲ ቃሴ ቤኒ ናቤታፔ ኢሶይ ሃይቆፔ ዳንዲዳሰ ገደሰ» ገደ።

20 ኢዚካ ኢስታ፡ «አንቲቶ ታና ኦና ገቲ?» ገዲ ኦይቺዳሰ። ጴጥሮሳካ፡ «ኔ፤ ጸሳፊ ከቲቲዳ ከርስቶሳ» ገዲ ዛሪዳሰ።

ዩሱሳ ካሎይ ቃንጺሲዛ ዋጋ

(ማቶ 10:38-39፤ 16:24-28፤ ማር 8:34-38፤ ሉቃ 14:25-27)

21 ዩሱሲካ ኢስታ፡ «ሃይሳ ኦናሰካ ዮቶፔቲ» ገዲ ሚንሊ ዮቲዲ

22 ቃሴካ፡ «አሳ ናይ ዳር ዋዬ ኤካናስ ቤሴስ፤ ዳሪ ጨማታን፡ ቄሴ ሃላቃታን፤ ሙሴ ዋጋ ጸፊዛይታን ኢጾታና፡ ኢስታ ኩሺን ሃይቃናኔ ሄኻንሎ ጋላሳን ሃይቆፔ ዳንዳና» ገደሰ።

23-24 ቃሴካ ኡባሰ፡ «ባ ሸምፖ አሻና ገዛ አሲ ዉሪ ጳይሳና ሺን ባ ሸምፖ ታ ገሻስ ገዲ ጳይሲዛ አሲ አሻና። ሄሳ ገሻስ ታና ካላና ኮይዛ አሲ ዲኮ ባና ካዶ፤ ኡባ ጋላስ ባ ማሰቃሌ ቶኪዲ ታና ካሎ።

25 አሲ አላሚ ጎኦ ሙሌ ዳሚዲ ባ ሸምፖ ጳይሲኮ አዛ ጎኦይ ዲዜ?

26 ኦኒካ ታናኒኔ ታ ቃላን ዩላቲኮ አሳ ናይ ባ ቦንቸራ፡ አዋ ቦንቸራኔ ገሻ ኪታንቻታ ቦንቸራ ዩዛ ዋዳ ታኒ ኢዘን ዩላታና።

27 ታ ኢንቲስ ቱሙ ገይሰ፤ ሃይሳን ኤቂዳ አሳፔ ሃይቃናፔ ሲንላን ጸሳ ካዋቲል ቤያና ኢሲ ኢሲ አሳቲ ዳቲስ» ገደሰ።

ዩሱሳ ሜዶ ላሚቴል

(ማቶ 17:1-8፤ ማር 9:2-8)

28 ዩሱሲ ሄሳ ገደ ኦስፑን ጋላሳ ማላፔ ጉዬ ዋሳናስ ዙማ ቦላ ኬዚዳሰ፤ ቢሼ ባናራ ጴጥሮሳ፡ ዮሃንሳኔ ያቆቤ ኤኪ ቢዳሰ።

29 ኢዚ ዋሲሺን ኢዛ አይፊሶይ ላሚቴዳሰ። ኢዛ ሚጳይካ ዋልቃንሳ ማላ ጸልቂዲ ቦቲዳሰ።

30 ናሞኡ አሳቲ ሙሴይኔ ኤላሲ ኢዛራ ሃሳዬቲዳ 31 ኢስቲካ ቦንቸራ ቆንጨዲ ዩሩሳላሚን ፖሌታና ዲዛ ዩሱሳ ሃይቆ ገሻስ ሃሳዬቲዳ።

32 ጴጥሮሳኔ ኢዛራ ዲዛይታ ዳጾ ጳሰኮይ ኦይኪዳሰ፤ ኢስቲካ ጳሰኮፊ ቤጊዲ ዩሱሳ ቦንቸኔ ናሞኡ አሲ ኢዛራ ኤቂዳይታ ቤኢዳ።

33 ሄ ናሞኡ አሳቲ ዩሱሳፔ ሻኬቲ ቢሺን ጴጥሮሲ ዩሱሳ፡ «ጎዶ! ኢሲ ዳሴ ኔስ፤ ኢሲ ዳሴ ሙሴስ፤ ኢሲ ዳሴ ኤላሳስ ኦላዲ ሃን ዲዛኮ ኑስ ሎኦኮሺን» ገደሰ፤ ገደ አቲን ጴጥሮሲ ባ ገዛይሳ ኤርጎታ ገደሰ።

34 ኢዚ ሄሳ ሃሳይሺን ሻራይ ዩዲ ኢስታ ገንሊዳሰ። ሻራ ገደ ገሊዲ ባቢዳ።

35 ሻራ ገደፊካ፡ «ታኒ ዶሪዳ ታ ናይ ሃይሳ፤ ኢዛ ሲዩቲ» ገዛ ቃላይ ሴቲቲዳሰ።

36 ቃላይ ሴቲቲዳ ዋዳ ዩሱሲ ጸላ ቤቲዳሰ። ዩሱሳ ካሊዛይቲካ ሃኒዳ ሚሽ ኡባ ባ ዋዚናን ኦይኪዳ አቲን ኦናሰካ ዮቲቤቲና።

ዩሱሲ ኢታ አያናፔ ፓሊዳ ናዛ

(ማቶ 17:14-18፤ ማር 9:14-27)

37 ዋንቲላ ጋላስ ኢስቲ ዙማ ቦላፊ ዋዲን ዳር አሳይ ዩዲ ዩሱሳራ ገገዳሰ።

38 ሃ ዋዳ አሳ ገደፊ ኢሳይይ ቃላ ጶቁ ሂሰቲዲ «ታማርሲዛይሶ! ታስ ኢሲ ናይ ጸላ ዲዛ ገሻስ ኢዛ ኔ ጴላና ማላ ታ ኔና ዋሳይሰ።

39 ኢዛ ኢታ አያናይ ኦይኪሺን ሃሳኦይ ባይንዳ ዋሲስ፤ ቃኬቲሼ ደናራ ጎፖንቶ ኬሴስ፤ ቆሆ ጋሊዳፔ ጉዬ ዳር ዋዪሲዲ አኔስ።

40 ኔና ካሊዛይቲ ናዛፔ ኬሳና ማላ ኢስታ ታ ዋሳዲሰ፤ ገደ አቲን ኬሳና ዳንዳይቤቲና» ገደሰ።

41 ዩሱሲካ ኢስታስ ዛሪዲ፡ «አማኖንታ ሃ ዋዳ ዋቤ አሳቶ! ታኒ ኢንቲናራ አይዳ ጋካናስ ዳኔ? ኢንቲናካ አይዳ ጋካናስ ዳንዳያኔ? ናዛ አኔ ሃ ኤሃ!» ገደሰ።

42 ናዚ ዩሺን ኢታ አያናይ ኢዛ ቦላፊ ዩገን ቃኬቲዳሰ። ዩሱሲካ ኢታ አያናዛ ሴሪዲ ናዛ ፓሊዳ ናዛ አዋስ አሚዳሰ።

43 አሳይካ ዉሪ ጸሳ ገታቲላን ማላሌቲዳሰ።

ዩሱሲ ባ ሃይቆ ገሻስ ናሞኦንሎ ዮቲዳሰ

(ማቶ 17:22-23፤ ማር 9:30-32)

ኢዚ ኦሊዳይሳን አሳይ ዉሪ ማላሌቲሺን ዩሱሲ ባና ካሊዛይታ፡

44 «አሳ ናይ አሳ ኩሺን አጲ አሚታና፤ ኢንቲካ ሃ ዮኦዛ ባሎፔቲ» ገደሰ።

45 ገደ አቲን ኢዚ ገዛይሲ ኢስታስ ገሊቤና። ጋሶይካ ኢስቲ አኬኮንታ ማላ ዮኦዚ ኢስታፊ ገሚቲዳሰ፤ ዛሪዲካ ኦይቸንታ ማላ ባቢዳ።

ኡባፊ አጲዛይ ኦኔ?

(ማቶ 18:1-5፤ ማር 9:33-37)

46 ኢዛ ካሊዛይቲ፡ «ኦኒ ኦናፔ አጲዜ?» ገዲ ባ ገደን ፓላሚቲዳ።

47 ዩሱሲካ ኢስታ ዋዚና ቆፋ ኤሪዲ ጉላ ና ኤኪ ዩዲ ባ ማታን ኤሲዲ።

48 «ሃ ጉላ ናዛ ታ ሱንላን ኤኪዛዳይ ኦኒካ ዲኮ ታና ኤኬስ፤ ታና ኤኪዛዳይካ ታና ከቲዳይሳ ኤኬስ፤ ኢንቴፊ ኡባታፔ ጉዲዛዳይ ኢዚ ኡባፊ ኦጼስ» ገደሰ።

ኢንቴ ገዛይሳ ኢጸንታይ ኢንቴ ባጋ
(ማር 9:38-40)

49 ዮሃንስ፡ «ጎደ! ኢሲ ኦሲ ኔ ሱንላን ዳይዳንሕ ኬሲሽን ኑ በኢደስ፤ ገደ ኦቲን ኢዚ ኑናራ ካሎንታ ገሻሽ ኑ ኢዛ ዲጋናስ ኮዩደስ» ገደሰ።

50 ዩሱሲካ፡ «ኢንቴና ኢጸንታ ኦሲ ወሪ ኢንቴ ባጋ ገዲዳ ገሻሽ ዲጎፍቴ» ገደሰ።

ሳማሪያ ኦሳይ ዩሱሳ ሞካናስ ኮዩቤና

51 ዩሱሲ ሳሎ በዛ ዋይይ ማቲዳ ገሻሽ በሩሳላሜ ባናስ ዳንዲደስ።

52 ኢዚካ ሲንሳሲዲ ኦሴ ከቲዳስ፤ ኢሰቲካ ኮሺዛ ሚሽ ገሻሻናፔ ካሴቲዲ ሳማሪያ ቢታን ዲዛ ኢሲ ጉታ ቢዳ።

53 ገደ ኦቲን ዳሬይ ኢዚ ዩሩሳላሜ ቢዛይሳ ኤሪዳ ገሻሽ ሞኪ ኤኪቤና።

54 ኢዛ ካሊዛይታፔ ያቆቤይኔ ዮሃንስ ሃንዛይሳ በኢዲ፡ «ጎደ! ኤላሲ ኦላይሳ፡ ስማይ ሳሎፔ ዋጂዲ ኢስታ ዲፒ ሂሰቶ!» ገዲ ኦዛዛና ማላ ኮያይ?» ገዲ። *

55 ገደ ኦቲን ዩሱሲ ኢስታኮ ዩዩዲ፡ «ኢንቴስ ኦይ ማላ ኦያናይ ዲዛኮ ኤሬኬቲ? ኦሳ ናይ ዩዳይ ኦሳ ሸምፖ ኦሻናስ ኦቲን ጳይሳናስ ገደና» ገዲ ኢስታ ሴሪደስ።

56 ኢስቲ ወሪካ ሃራ ጉታ ቢዳ።

ዩሱሳ ካሊዛይታ ጋኪዛ ፓጩ
(ማቶ 8:19-22)

57 ኢስቲካ ቢሽን ኢሲ ኦሲ ኢስታኮ ሸቂዲ፡ «ኔኒ ቢዛ ኡባሶ ታ ኔና ካላና» ገደሰ።

58 ዩሱሲ፡ «ዋራካናታስ ኦቂዛ ኦላይ፡ ካፎታስ ቃሴ ኦቂዛ ካፎ ኬሊ ዳስ፤ ገደ ኦቲን ኦሳ ናስ ባ ሁኤ ኦይሲዛሶይካ ባ» ገደሰ።

59 ዩሱሲካ ሂንኮይሳ፡ «ታና ካላ» ገደሰ። ሃ ኦዳዚካ «ጎደ! ታ ካሴታ ባዳ ታ ኦዋ ሞጎ?» ገደሰ።

60 ዩሱሲካ፡ «ኦጋጋ፡ ሃይቂዳይቲ ሃይቂዳይታ ሞጌቶ፡ ኔኒ ገዲኮ ባዳ ጸሳ ካዎቴላ ኦሳስ ዮታ» ገደሰ።

61 ቃሴካ ሃራ ኦሲ፡ «ጎደ! ታ ኔና ካላና ሺን ኮይሮ ሶ ባዳ ታ ኬላ ኦሳ ሳሮ ጋዳ ዮ?» ገደሰ።

62 ገደ ኦቲን ዩሱሲ፡ «ቦራ ካሶ ኦይኪዲ ጎዩሽ ጉዬ ዛሪ ጴሊዛዳይ ኦኒካ ጸሳ ካዎቴላስ ቤሴና» ገደሰ።

10

ዩሱሲ ከቲዳ ላፑን ታማኔ ናምኦታ

1 ሃሳፊ ጉዬ ጎዳይ ሃራ ላፑን ታማኔ ናምኦ * ኦስ ደሪዲ ሱንሳዳስ፤ ኢስታካ ናምኦ ናምኦ ሂሰቲዲ ኢዚ ባና ሶሆታኔ ካታማታ ወርሲካ ኢስቲ ካሴቲዲ ባና ማላ ከቲዳስ።

2 «ማጸ ጋኪዳ ካላይ ዳር፤ ካላ ማጸ ሸሸዛይቲ ጉላታ፤ ሃሳ ገሻሽ ካላ ጎዳይ ካላ ማጸዲ ሸሸዛይታ ካላይ ዲዛሶ ዩዳና ማላ ዋሲቴ።

3 ሃሳ ገሻሽ ቢቴ፤ ደርሳቲ ካና ሱይቴ ገደራ ቢዛ ማላ ታ ኢንቴና ዩዳይስ።

4 ኮሮጃ ዋይኮ ቃራጸቲ ዋይኮ ጫማ ኤኮፍቴ፤ ኦኒ ቦላ ኦናካ ሳሮ ጎፒቴ።

5 «ኢንቴ ኦና ኬሊካ ጌሊዛ ገዲኮ ኮይሮቲዲ፡ «ኬላ ኦሶ ሳሮ!» ገቴ።

6 ሃ ኬላን ሳሮ ደሲዛ ኦሲ ዲኮ ኢንቴ ሳርታይ ሃ ኬላን ሸምፓና፤ ሳሮ ደሲዛ ኦሲ ደንታ ኦኒኮ ኢንቴ ሳርታይ ኢንቴስ ሲማና።

7 ኢንቴስ ማና ሸሸዲ ካላ ኡባ ሚሼኔ ኡዩሼ ሃ ኢንቴ ጌሊዳ ኬላን ኡቲቴ፤ ኦሊዛዳስ ባ ዋልቃ ዋጋ ኤካናስ ኢዛስ ቤሴስ፤ ሃ ኬላፊ ሃ ኬላ ዩዮፒቴ።

8 «ኢንቴ ኦይ ካታማካ ጋኪዛ ዋይ ኦሳይ ኢንቴና ሞኪ ኤኪኮ ኢስቲ ኢንቴስ ኦሊዳ ቁማ ሚቴ።

9 ሃ ካታማን ዲዛ ሃርጋንቻታ ፓሊዲ፡ «ጸሳ ካዎቴላ ኢንቴኮ ማቲዳስ» ገዲ ዮቲቴ።

10 ገደ ኦቲን ኢንቴ ቢዲ ኢሲ ካታማ ጌሊሽን ሃ ካታማ ኦሳይ ኢንቴና ሞኪ ኤኮንታ ኢጸኮ ሃ ካታማ ኦሳይ ሸቂዛ ዲቡሻ ኬዚዲ፡

11 «ኑ ቶሆ ቦላ ዲዛ ኢንቴ ካታማ ጉዲዳ ኢንቴስ ማርካ ገደና ማላ ኑ ቶሆ ቦላፊ ፒቶስ፤ ገደ ኦቲን ጸሳ ካዎቴላይ ኢንቴኮ ማቲዳይሳ ኤሪቴ» ገቴ።

12 ታ ኢንቴስ ዮታይስ ፐርዳ ጋላስ ሃ ካታማ ፐርዳፊ ሶዶማ ካታማ ፐርዳይ ካወሼ ገደና።

ኦማኖንታ ኢጸዳ ገሻሽ ዋላሴቲዳ ካታማታ
(ማቶ 11:20-24)

13 «ኩራዚኔ ኔስ ኦዩ ኦና! ቤቲሳይዳ ኔስ ኦዩ ኦና! ኢንቴናን ኦሴቲዳ ማላታቲ ጸርሴኒኔ ሲደናን ኦሴቲዳኮ ኢስቲካ ማቃ ማይኢዲኔ ቢዲንሐ ጎርፔቲዲ ሃ ዋይ ቤኒ ማሪታናሽን።

14 ገደ ኦቲን ፐርዳ ዋይ ኢንቴፊ ጸርሴሲኔ ሲደናስ ካወያና።

15 ሃኔ ቁፊርናሆማ ፑዳ ሳሎ ቶቁ ቶቁ ጋዲ? ኔኒ ዲጌ ሲኦሌ ዋጳና፡

16 «ኢንቴ ገዛይሳ ሲዩዛ ኦሲ ታና ሲዩስ፤ ኢንቴና ኤኮንታ ኦሲ ታናካ ኤኬና፤ ታና ኤኮንታይካ ታና ከቲዳይሳ ኤኬና» ገደሰ።

ዩሱሲ ከቲዳ ላፑን ታማኔ ናምኦቲ ቢደሶፔ ሲሚዳ

17 ላፑን ታማኔ ናምኦቲካ ኡፋዬቲሼ ሲሚዲ፡ «ጎደ! ሃራይ ኦቶሽን ዳይዳንላቲካ ኔ ሱንላን ኑስ ሃራቲዳ» ገ ዮቲዳ።

18 ኢዚካ ኢስታስ፡ «ጸላኤይ ዋልቃንላ ማላ ሳሎፔ ኩንዲሽን ታ ቤያዲስ።

9:48 ማቶ 10:40፤ ሉቃ 10:16፤ ዮሃ 13:20 * 9:54 ኢሲ ኢሲ ጌሻ ማጸፋቲ፡ «ኤልያሲ ኦላይሳ ማላ» ገዛ ቃላ ጉጃቲስ። 9:54 2ካዎ 1:9-16 9:61 1ካዎ 19:20 * 10:1 ላፑን ታማኔ ናምኦታ ኢሲ ኢሲ ጌሻ ማጸፋታ ቢርሼላን «ላፑን ታማ» ገቴስ። 10:2 ማቶ 9:37-38 10:3 ማቶ 10:16 10:4 ማቶ 10:7-14፤ ማር 6:8-11፤ ሉቃ 9:3-5 10:7 1ቆር 9:14፤ 1ጴም 5:18 10:12 ሚዴ 19:24-28፤ ማቶ 10:15፤ 11:24 10:13 ኦሳ 23:1-18፤ ሂዚ 26:1—28:26፤ ኢዩ 3:4-8፤ ኦሞ 1:9-10፤ ዛካ 9:2-4 10:15 ኦሳ 14:13-15 10:16 ማቶ 10:40፤ ማር 9:37፤ ሉቃ 9:48፤ ዮሃ 13:20 10:19 ማዛ 91:13

19 «ሂስቲኮ ሾሽኔ ማሲማሶ ኢንቲ ዩቆና ማላ ሞርኬ ዋልቃ ኡባ ቦላ ኢንቲሰ ጎዳቲል ታ ኢማዲሰ፤ ኢንቲና ቆሂዛ ኢሲ ሚሺካ ደና። 20 ኢንቲ ሱንጎይ ሳሎን ጸፊቲዳ ገሻሰ ኡፋዬቲቲ ኣቲን ቱና ኣያናቲ ኢንቲሰ ሃራቲዳ ገሻሰ ኡፋዬቶፍቲ» ገደሰ።

ዩሱሲ ባ ኡፋይሳ ቆንጨሴል
(ማቶ 11:25-27፤ 13:16-17)

21 ሄ ዋዴ ዩሱሲ ጸሎ ኣያናን ኡፋዬቲዲ፤ «ሳሎሲን ሳኣሰ ጎዳ ገዲዳ ኣሶ! ሃይሳ ወርሳካ ኣቋ ኤራንቻታፔ ኤራንቻታፔ ቆታዳ ቁሪ ጉላ ናይታሰ ኔ ቆንጨሲዳ ገሻሰ ታኒ ኔና ጋላታይሰ፤ ኤ፡ ታ ኣዋወ! ሃይሲ ኔ ሎኦ ሸኔይ ሃኒደሰ።

22 «ወሪ ታ ኣዋ ማታፔ ታሰ ኢማቲደሰ፤ ቃሴካ ኢዛ ናይ ኦናኮ ኣዋፔ ኣቲን ኤሪዛይ ባ፤ ኣዋይ ኦናኮ ናዛፔ ኣቲን ዋይኮ ናዚ ኢዛሰ ቆንጨሳናሰ ደሲዳዴፊ ኣቲን ኤሪዛይላ ባ» ገደሰ።

23 ባና ካሊዛይታኮ ሲሚዲ ኢሰታሰ ዲማ፡ «ኢንቲ ቤኢዛይሳ ቤኢዛ ኣይፊቲ ኣንጃቲዳይታ።

24 ታ ኢንቲሰ ቱማ ጋይሰ፤ ዳር ናቤቲኔ ካዋቲ ኢንቲ ሃኢ ቤኢዛይሳ ቤያናሰ ኮዩዲ ቤዩቤቲና፤ ኢንቲ ሃኢ ሲዩዛይሳካ ሲያናሰ ኮዩዲ ሲዩቤቲና» ገደሰ።

ኣሳሰ ቃዴቲዛ ሳማሪያ ኣዳዛ

25 ኢሲ ጋላሰ ሙሴ ዋጋ ታማርሲዛ ኢሲ ኣሲ ዩሱሳ ፓጫናሰ ኮዩዲ፡ «ታማርሲዛይሶ! ታኒ ማርና ዴኦ ላታናሰ ኣይ ኦሎ?» ገዲ ኦይቺደሰ።

26 ዩሱሲካ ዛሪዲ፡ «ዋጋ ማጻፋን ኣይ ጌቲቲ ጸፊቲዳ? ኢዛፔ ክሰ ጌሊዳይ ኣዜ?» ገዲ ኦይቺደሰ።

27 ኣዳዚ ዛሪዲ፡ «ኔ ጎዳ ጸሳ ኔ ኩሜላ ዋዚናፔ፡ ኔ ኩሜላ ሸምፖፊ፡ ኔ ኩሜላ ዋልቃፊኔ ኔ ኩሜላ ቆፋፔ ሲቃ፤ ኔ ላጌካ ኔ ሁኤ ማላ ሲቃ ጌሰ» ገዲ ዛሪደሰ።

28 ዩሱሲካ፡ «ሎኦ ዛሪዳሳ፡ ኔኒካ ሃሳሉ ኦሊኮ ማርና ዴኦ ዳማና» ገደሰ።

29 ኣዳዚ ባና ጸሊሳናሰ ኮዩዲ፡ «ሂስቲን ታ ላጌይ ኦኔ?» ገዲ ዩሱሳ ኦይቺደሰ።

30 ዩሱሲካ ዛሪዲ፡ «ኢሲ ኣዳዚ ዩሩሳላማፔ ኢያርኮ ዋዲሺን ፓንጋቲ ዳሚዲ ኢዛ ማይኦ ቃሪ ኤኪዲ፤ ከሂ ቆዳራዲ ሃይቆፔኔ ፓጻፔ ገደን ዩጊ ኣገዲ ቢዲ።

31 ኢሲ ቁሴይ ሄ ኦጌራ ባሰ ዲጌ ዋዲሸ ኣሙንሶንታ ሄ ቆዳቲዳ ኣዳዛ ዳሚዲ ፖቄሳራ ዩጊ ኣዲደሰ።

32 ቃሴካ ኢሲ ለዌ ባጋ ኣሳፔ ኢሲ ኣዳዚ ሄ ኦጌራ ኣዲሸ ቆዳቲዳ ኣዳዛ ቤኢዲ ሃኢካ ፖቄዲ ኣዲደሰ።

33 ኢሲ ሳማሪያ ቢታ ኣሲ ሄ ኦጌራ ኣዲ ቢሸ ቆዳቲዳ ኣዳዛ ቦላ ጋኪ ዋዲደሰ፤ ኣዳዛ ቤኢዲ ከሂ ሚሸቲደሰ።

34 ኣዳዛኮ ሸቄዲ ማዲንላ ቆላና ማላ ዋጋራ ሚላ ዛይቲኔ ዋይኔ ጫጃ ማዲንላ ቦላ ጉሲዲ ቃቺደሰ፤ ኣዳዛ ባ ሃሪ ቶጊሲዲ ኢማሌ ሸምፕዛሶ ኤፊዲ ሎኤሌ ጸሊደሰ።

35 ዋንቲላ ጋላሰ ኢማሌ ሸምፕዛ ከላ ጎዳሰ ናምኡ ዲናሪ ኢሚዲ፡ «ኔና ሃራ ሚሸ ከሲሲኮ ታ ሲማሼ ክሰ ኢማና፤ ኔፔ ከሳዳ ሎኤላ ናጋ» ገደሰ።

36 «ሂስቲኮ ሃ ሄዥ ኣሳታፔ ፓንጋታን ቆዳቲዲ ሃይቆፔኔ ፓጻፔ ገደን ዩጌቲዳደሰ ከሂ ማታ ላጌይ ክሰ ኣዋይሳ ሚሳቲዜ?» ገደሰ።

37 ሙሴ ዋጋ ታማርሲዛይሰካ፡ «ሂሲ ኢዛሰ ኔ ሚሸቲዳይሳኔ ማዲዳይሳ!» ገደሰ። ዩሱሲካ ኢዛሰ፡ «ኔካ ባዳ ኢዛይሳሉ ኦላ» ገደሰ።

ዩሱሲ ማርታኔ ማራሚ ሶ ቢዴሰ

38 ዩሱሲኔ ኢዛ ካሊዛይቲ ኦጌ ቢሸን ዩሱሲ ኢሲ ጉታ ጌሊደሰ፤ ማርታ ጌቲቲዛ ኢሲ ማጫሳያ ባሶን ዩሱሳ ዋካ ኤካዲሰ።

39 ኢዚሰ ማራሚ ጌቲቲዛ ኢሲ ሚቺያ ዳወሰ። ማራሚካ ኢዛፔ ቃላ ሲያሼ ጎዳ ቶሆ ጋርሳን ኡታዲሰ።

40 ገደ ኣቲን ማርታይ ኦሶ ዳርፔ ዴንዲዳይሳን ዳቡራዳ ዩሱሳኮ ሸቃዳ፡ «ጎዳ! ታ ሚቺያ ኦሶ ኡባ ታ ቦላ ኣጋዳ ኡቲሸን ኔኒ ጮኡ ጋይ? ኢዛ ታና ማዳና ማላ ኢዚሰ ዮታ ኣቲን» ጋዲሰ።

41 ገደ ኣቲን ጎዳይ ኢዚሰ፡ «ሃኔ ማርታ! ኔኒ ዳር ሚሻ ገሻሰ ቆፋ ዳራሳ፤ ዲርባታሳ፤ ቲጋታሳ።

42 ኮሺዛይ ገዲኮ ኢሲ ሚሸ ጸላ፤ ማራሚካ ሎኦ ኤጸ ደራዲሰ፤ ሄሲካ ኢዚፔ ኤኮቲና» ገደሰ።

11

ዩሱሲ ታማርሲዳ ዋሳ
(ማቶ 6:9-13፤ 7:7-11)

1 ኢሲ ጋላሰ ዩሱሲ ኢሲሶን ዋሲደሰ፤ ኢዚ ዋሳ ወርሲሸን ኢዛ ካሊዛይታፔ ኢሶይ፡ «ጎዳ! ጸማቂዛ ዮሃኒሲ ባና ካሊዛይታ ዋሳ ታማርሲዳይሳሉ ኔካ ኦና ዋሳ ታማርሳ!» ገደሰ።

2 ኢዚካ ኢሰታሰ፡ «ዋሲሸ፡ ሩኦ ኣዋወ! ኔ ሱንላ ኣንጃቶ፤ ኔ ካዋቲላ ሃ ዮ።

3 ሃቺሰ ገዲዛ ቁማ ኦሰ ኢማ።

4 ኦና ቆሃዳይታ ኦ ማሪዛ ማላ ኦና ማሪ፤ ፓጩንካ ኦና ጌልሉፋ) ገ ዋሲቲ» ገደሰ።

5-6 ቃሴካ፡ «ኢንቲፊ ኢሳደሰ ላጌይ ዲኮ ለላ ገደላ ሄ ላጌዛሶ ቢዲ፡ ሩታሰ ኢሲ ኢማሌ ኣጌፔ ዩን ሚዛና ካላ ባይንዳ ገሻሰ ሄዥ ሶሎይ ዲኮ ታሰ ታልኣርኪ?»

7 ላጌዚካ ዛሪዲ፡ «ኮና ዋዩሶፓ፤ ካሪይካ ጎርዳቲደሰ፤ ታኒካ ናይታራ ኢቻዲሰ። ሃኢ ዴንዳዳ ኢማናሰ ዳንዳይኬ» ጋንዴ?

8 ታኒካ ኢንቲሰ ዮታይሰ፤ ላጌቲላ ገሻሰ ዴንዲዲ ኢምንታ ኣገኮካ ኢዚ ኦይሸን ሳሌሌዳ ገሻሰ ዴንዲዲ ኮይዛይሳ ኡባ ኢሚደሰ።

9 «ሃሳ ገሻሰ ታኒ ኢንቲሰ ገዛይ ዋሲቲ ኢንቲሰ ኢማታና፤ ኮዩቲ ኢንቲ ዳማና፤ ካሪ ቆጶቲ ኢንቲሰ ደዩታና።

10 ኣይሰ ገኮ ዋሲዛይ ወሪ ኤካና፤ ኮይዛይካ ዳማና፤ ካሪ ቆጶዚዳሰካ ደዩታና።

11 «ኢንቲፊ ኣዋ ገዲ ኡቲዲ ኢዚ ዩሊዳ ናይ ሞሌ ኦይቺኮ ሾሽ ኢሚዛይ ዳንዴ?

12 ወይን ጳጳሌ ኦይቸኮ ማሰማሶ አሚዛይ ዳንዴ?

13 አንቲ ኢታታ ገዲሼ አንቲ ናይታሰ ሎኦ አምታ አም ኤሪኮ ሳሎን ዲዛ አንቲ ኣዋይ ባና ዋሲዛይታሰ ጸሎ ኣያና ዋሰቲ ዳርሲ አሚኔ?» ገዴሰ።

ዩሱሳኔ ቢኤሊዜቡላ
(ማቶ 12:22-30፤ ማር 3:20-27)

14 ኢሲ ጋላሰ ዩሱሲ ሃሳይሶንታ ዲዴ ዳይዳንሳ ኬሲዴሰ። ዳይዳንሳዚካ ኬዚዳፔ ጉዬ ዶና ዲዴ ኣዳዚ ሃሳይዴሰ፤ ቤኢዳ ኣሳቲካ ዳርሲ ማለሌቲዳ።

15 ገዴ ኣቲን ኢሲ ኢሲ ኣሳቲ። «ቢኤሊዜቡላ ጌቲቲዛ ዳይዳንሳታ ሃላቃን ዳይዳንሳታ ኬሰሰ» ገዴ።

16 ኢሲ ኢሲ ኣሳይ ኢዛ ፓጫናሰ። «ሳሎፔ ማላታ ቤሳ» ገዴ ኣይቸዴሰ።

17 ገዴ ኣቲን ዩሱሲ ኢሰታ ቆፋ ኤሪዳ። «ባ ገዴን ሻኬቲዛ ካዋቲላ ወሪ ጳያና፤ ባ ገዴን ሲጋይ ባይንዳ ኬላካ ኩንዳና።

18 አንቲ ታና። «ቢኤሊዜቡላን ዳይዳንሳታ ኬሰሰ» ገዴ ሃሳይታ ሺን ጸላኤይካ ባ ገዴን ኢሶይ ኢሳፊ ሻኬቲኮ ኢዛ ካዋቲላ ዋኒ ሚናኔ?»

19 ሂሰቲኮ ታኒ ዳይዳንሳታ ቢኤሊዜቡላን ኬሰኮ አንቲ ናይቲ ኦናን ኬሳንዴቶ? ሃሳ ገሻሰ አንቲ ናይቲ አንቲ ቦላ ፐርዲዛይታ ገዴና።

20 ገዴ ኣቲን ታኒ ዳይዳንሳታ ኬሰዛይ ጸሳ ዋልቃን ጋኪዴሰ፤ ጸሳ ካዋቲላይ አንቲኮ ማቲዳሮ ኤሪቲ።

21 «ሚና ኣሲ ሎኤላ ገዴቲዳ ባ ኬላ ናገኮ ኬላን ዲዛ ሚሺ ሎኦን ናገጌቲሰ።

22 ገዴ ኣቲን ኢዛፔ ሃራ ሚና ኣሲ ዩዲ ጸኒኮ ኢዚ ኣማኔቲዳ ኦላ ሚሻታ ዋላ ኤኪዲ ኢዛሰ ዲዛ ሃርዛካ ወርሲ ሃራሰ ገሻና።

23 «ታናራ ገዴንታይ ታናራ ኤቁቲሰ፤ ታናራካ ሺሾንታይይ ላሌሰ።

ኢታ ኣያናይ ኣጊ ቢዳሶ ሲሚ ዩሰ
(ማቶ 12:43-45)

24 «ቲና ኣያናይ ኣሳፔ ኬዚዳ ዋዴ ሽምፖሶ ኮዩሼ ሃላ ባይንዳ ማላሶን ዋዴቲሰ፤ ሽምፖሶይ ጳይኮ። ታኒ ካሴ ኬዚዳሶ ጉዬ ሲማና» ጌሰ።

25 ኢዛፔ ሲሚዲ ዩሺን ካሴ ኢዚ ኣጊ ቢዳ ኬላይ ፐቲቲዲኔ ገጊ ኡቲዳይሳ ዴሚሰ።

26 ሃሳፊ ሲሚ ቢዲ ባፔ ኢቲዛ ሃራ ላፑን ዳይዳንሳታ ባናራ ኤኪዲ ዩሰ፤ ኢሰቲካ ጌሊዲ ሃን ዳና፤ ሃሳዴሰካ ኮይሪይሳፊ ጉዬይሲ ኬሃ ኢታ ገዴና» ገዴሰ።

ቱሙ ኣንጆ

27 ዩሱሲ ሃሳ ሃሳይዛ ዋዴ ኣሳ ገዴፊ ኢሲ ማጫሰ ዲዛራ ባ ቃላ ቶቁ ኦላዳ። «ኔና ቶኪዳ ቃንሌኔ ኔ ቶሚዳ ቶንላቲ ኣንጆቲዳይታ» ጋዴሰ።

28 ገዴ ኣቲን ኢዚ። «ኣንጆቲዳይቲ ጸሳ ቃላ ሲዩዲ ኣዛዜቲዛይታ» ገዴሰ።

ዮናሲ ማላታ ገዴሳ
(ማቶ 12:38-42፤ ማር 8:12)

11:15 ማቶ 9:34፤ 10:25 11:16 ማቶ 12:38፤ 16:1፤ ማር 8:11 11:23 ማር 9:40 11:30 ዮሃ 3:4 11:31 1ካዎ 10:1-10፤ 2ታሪ 9:1-12

29 ዳር ዴሪይ ዩሱሳኮ ሸቂዳ ዋዴ ዩሱሲ። «ሃይሲ ዩሌታይ ኢታ ዩሌታ፤ ገታ ማላታ ቤያናሰ ኮዩሰ፤ ገዴ ኣቲን ዮናሳ ማላታፔ ሃራ ዲማ ማላታይ አሚቲና።

30 ጋሶይካ ዮናሲ ናናዋ ኣሳሰ ማላታ ገዴዳ ማላ ኣሳ ናይ ታኒ ሃ ዩሌታሰ ማላታ ገዴና።

31 ዲጌሃ ዴሬ ማጫ ካዎያ ሶሎሞኔ ኤራቲላ ቤያናሰ ቢታ ጋጸፔ ዴንዳዳ ዩዳ ገሻሰ ፐርዳ ዋዴ ኢዛ ሃ ዩሌታራ ዴንዳዳ ፐርዳና፤ ሄኮ ሶሎሞኔፔ ኣቋዛዴይ ሃን ዴሰ።

32 ዮናሲ ሳባኪሺን ሲዩዲ ናናዋ ኣሳይ ባ ናጋራፔ ማራቲዳ ገሻሰ ሃ ዩሌታራ ኢሲፊ ዴንዲዲ ፐርዳና፤ ገዴ ኣቲን ዮናሳፔ ኣቋዛይ ሃን ዴሰ።

33 «ጸምፔ ኦይሊዲ ካሬፔ ጌሊዛ ኣሳሰ ፖኣና ማላ ቆንጩሶን ዋሌቲሰ ኣቲን ጌማሶን ዋሊዛ ኣሲ ዴና።

34 ኔ ኣሳቲላሰ ፖኦይ ኔ ኣይፊ፤ ኔ ኣይፊይ ፓጸ ገዴኮ ኔ ኩሚላ ኣሳቲላይካ ፖኦ ገዴና፤ ኔ ኣይፊይ ሳኬቲኮ ኔ ኩሚላ ኣሳቲላይ ቋማ ገዴና።

35 ሃሳ ገሻሰ ኔናን ዲዛ ፖኦይ ቋሞንታ ማላ ናጌታ።

36 ሂሰቲኮ ኔ ኣሳቲላይ ፖኦ ገዴኮ ቋሚዳ ኣሳቲላ ዴና ኣገኮ ኔ ኩሚላ ኣሳቲላይ ጸምፔይ ሎኤላ ፖኢዛ ማላ ሎኤ ቤታና» ገዴሰ።

ዩሱሲ ዋላሲዳ ፋርሳዌታኔ ዋጋ ታማርሲዛይታ
(ማቶ 23:1-36፤ ማር 12:38-40)

37 ዩሱሲ ሃሳያ ወርሲዳ ማላ ኢሲ ፋርሳዌይ ባናራ ቁማ ማናሰ ዩሱሳ ጸይገዴሰ።

38 ዩሱሲ ቁማ ማና ኩሼ ሚጩቶንታ ኣገዳይሳ ቤኢዲ ማላሌቲዳ።

39 ጎይይ ኢዛሰ። «ሃኢ አንቲ ፋርሳዌቲ ጸኣሲኔ ኬሬሰ ቦላ ባጋ ሚጩ ጌሼታ፤ አንቲሰ ገዴ ባጋዚ ኡዜቲላኒ ኢታቲላን ኩሚዴሰ።

40 አንቲና ኤያቶ! ካሬ ባጋ ሚቋዳይ ገዴ ባጋ ሚቋቤኔ?»

41 ዮኦን ገዴኮ ገዴን ዲዛይሳ ሙጶዋታ አሚቲ፤ ሃ ዋዴ ወሪካ አንቲሰ ጌሽ ገዴና።

42 «አንቲና ፋርሳዌቶ! አንቲሰ ኣዬ ኣና! ኣኦጋፔኔ ጸሎታፔ ቃሴካ ዲማ ዲማ ካሳፊ ታማፊ ኢሲና ኬሴታ፤ ገዴ ኣቲን ቱሙ ፐርዳኔ ጸሰ ደሳናይሳ ኣጊ ኣቋታ፤ ገዴኮካ አንቲ ኣጊ ኣቋናሰ ቤሴና፤ ሃንኮይሳ ኣጎንታ አንቲ ኦላና ቤሲዛይቲካ ሃይታ።

43 «አንቲና ፋርሳዌቶ! አንቲሰ ኣዬ ኣና! ኣይሁዳ ዋሳ ኬላን ኡታናሰ ቦንቾ ኦይይ ኮዬታ፤ ጌያ ገዴንካ ኣሳይ አንቲ ሲንላን ሆካና ማላ ደሴታ።

44 ኣሲ ኤርንታ ኢዛ ቦላሪ ቢዛ ቆቲቲ ዲዛ ዴፎ አንቲ ሚሳቲዛ ገሻሰ አንቲሰ ኣዬ ኣና!» ገዴሰ።

45 ሙሴ ዋጋ ኤሪዛይታፔ ኢሶይ ዛሪዳ፤ «ኣሰታማሬ! ኔ ሃሳላ ሃሳይዛ ዋዴ ኦናካ ጫያሳ» ገዴሰ።

46 ዩሱሲካ ዛሪዳ። «አንቲና ሙሴ ዋጋ ኤሪዛይቶ አንቲሰካ ኣዬ ኣና! ኣሲ ቶካናሰ ዳንዳዮንታ ዴጾ ቶሆ ኣሰ ቶሴታ፤ አንቲ ገዴኮ ቢራቋ ጸራንካ ቦቼኬታ።

47 «አንቲ ኣዋቲ ዋቋዳ ናቤታ ዴፎ አንቲ ሎኤሊዛ ገሻሰ አንቲሰ ኣዬ ኣና።

48 ሂሰቲኮ አንቲ አንቲ ኣዋታ ኦሶ ሚንሊዛ ማርካታ፤ ኢሰቲ ናቤታ ዋቋዳ፤ አንቲካ ኢሰታ ዴፎ ሎኤላታ።

49 «ሃሳ ገሻሽ ጸሓዊ ሌሎች፤ ለገቢታኔ ሃዋሪታ ታ ኢስታስ ይደርገ፤ ኢስቲካ ኢስታፊ ኢሳ ኢሳ ዋዳ፤ ሃራታካ ጎደና።»

50 ሃሳ ገሻሽ ሃ ይሌታይ ቢታይ ሜዴቶሶፊ ሃኢ ጋካናስ ጉኪዳ ናቤታ ኡባ ሱላ ገሻሽ ኦይሼታና።

51 እቤሌ ሱላፊ ደሚዲ ያርሺዛሶፔኔ ጸሓ ከላ ገደን ጉኪዳ ዛካራሳ ሱላ ጋካናስ ኮዬቴስ» ጋዲስ። ኤ ታ ኢንቴስ ገዛይ ሃ ይሌታይ ሃይሳስ ኦይሼታና።

52 «እንገደኖ ዋጋ ኤሪዛይቶ! ኢንቴስ አይ አና! ኤራቴላ ፔንጌ ቁልፔ ዋልቃራ ዋላ ኤኪዲ ኢንቴስካ ጌሊቤኬታ፤ ጌላናይታካ ዲጌታ» ገደስ።

53 ዩሱሲ ሄፔ ከዚዳፔ ጉዬ ጸፊቴኔ ፋርሳዌቲ ኤቁቴሼ ኦይሻን ሸምፖ ዲጊዳ።

54 ኢዛ ደናፔ ከዚዛ ቃላን ኢዛ ቃጸናስ ናጌቲዳ።

12

ቆይቴ ቆዋ ሃናቴላ ገሻሽ ዩሱሳ ቆፊሶ

1 ሃ ዋዴ ዳር ዴሬይ ባ ገደን ኢሶይ ኢሳራ ዩዴታና ጋካናስ ሸቁ ኡቲዳሼ ዩሱሲ ባና ካሊዛይታ፤ «ፋርሳዌታ ኢርሾፊ ናጌቲቲ፤ ሄሲካ ቆይቴ ቆዋ ሃና።»

2 ቆንጮንታ ካሜቲዲ አታናይኔ ኤሬቶንታ ቆታን አታና ሚሺ ዳና።

3 ሃሳ ገሻሽ ኢንቴ ጌማን ሃሳይዳዚ ዉሪ ቆንጮ ከዛና፤ ቃሴካ ኢንቴ ቆልኣን ሃይሳን ሳሱኬቲ ሃሳይዳዚ ዉሪ ዴሬ ሲንላን ኮቴታና።

ኦናስ ባባናስ ቤሲዛኮ

(ማቶ 10:28-31)

4 «ታ ለጌቶ! ታ ኢንቴስ ገዛይ አሾ ጸላ ዋዳናፔ አቲን ሃራ አይኮካ ኦላናስ ዳንዳዮንታይታስ ባቦፍቴ።»

5 ገደ አቲን ኢንቴ ባባናስ ቤሲዛይ ኦናኮ ታ ኢንቴና ቤሳና፤ አሾ ዋዳዳፔ ጉዬ አሾኔ ሸምፖ ኢሲፊ ጋላ ጋናሜ ታማን ዩጋናስ ዳንዳይዛይሳስ ባቤቲ፤ ኤ ኢዛስ ባቤቲ ጋይስ።

6 «ሲኔ ካፎ ኢቻሻቲ ናምኤ ሳንቴስ ባይዜቴቴስ፤ ገደ አቲን ኢስታፊ ኢሲኔዮካ ጸሲ ደጌና።»

7 ኢንቴ ሁኔ ቢናናይ ኩሜላ ታይሶን ዴስ፤ ሃሳ ገሻሽ ባቦፍቴ፤ ዳር ሲኔ ካፎታፔ ኢንቴ አዴታ።

ኪርሰቶሳ ገሻሽ ማርካቴላ

(ማቶ 10:32-33፤ 12:32፤ 10:19-20)

8 «ታ ኢንቴስ ኮታይስ፤ ታ ገሻሽ አሳ ሲንላን ማርካቴዛ አሳ ኡባስ አሳ ናይ ቃሴካ ጸሓ ኪታንቻ ሲንላን ኢዛ ገሻሽ ማርካታና።»

9 ገደ አቲን አሳ ሲንላን ታና ካዲዳይይ ጸሓ ኪታንቻ ሲንላን ካዴታና።

10 «አሳ ና ቦላ ካዉሻ ቃላ ሃሳይዛዴስ ናጋራይ ዉሪ ማሬታናሺን ጸሎ አያና ጫዩዛይይ ማሬቴና።»

11 «አሳይ ኢንቴና ኦይኪዲ ዴሬ ሃሪዛይታኮኔ ጎዳቲዛይታኮኔ አይሁዳ ዋሳ ከላ ኦይኪ ኤፊኮ፤ «አይ ገዛሪኖ? አይ ገና?» ገዲ ሂርሳፍቴ።»

12 አይስ ገኮ ኢንቴ ሃሳያናስ ቤሲዛይሳ ጸሎ አያናይ ሃ ዋዴ ኢንቴና ታማርሳና» ገደስ።

ዳራ አዳዛ ኤያቴላ

13 ዳር አሳ ገደፊ ኢሳዴይ፤ «አስታማሬ! ታ ኢሻይ ኦ አዋ ላታ ሚሻፊ ታና ጋኪዛይሳ ታስ ኢማና ማላ ኢዛስ ኮታ» ገደስ።

14 ዩሱሲካ፤ «ሃይሶ! ታና ኢንቴ ቦላ ፐርዲዛ ዳና ኦላዲይ ኦኔ?» ገደስ።

15 ቃሴካ ኢስታስ፤ «አሳስ ዳር ሚሺ ዲኮካ ሸምፖይ ሃ ዳራቴላን ደንታ ገሻሽ ናጌቲቲ፤ ዩቁቴላፊ ኢንቴና ከሂ ናጌቲ» ገደስ።

16 ዛሬላዲካ ኢስታስ፤ «ሎኤላ ካላ ኢሚዛ ጋዴ ጎዳ ገዲዳ ኢሲ ዳራ ኢሲ ዴስ።»

17 ሃ አዳዚካ ባ ዋዚናን፤ «ታ ካላ ሸሻዳ ዋላዛይ ባይንዳ ገሻሽ አይ ኦላ?» ገ ቆፐዴስ።

18 «አዳዚካ፤ «ታስ ዲዛ ጎታራታ ላላዳ ሃራ አኪዛይሳ ከጸና፤ ሂስታዳ ታስ ዲዛ ካላኔ ታስ ዲዛዝ ኡባ ኢዛን ሸሻና።»

19 ታ ሸምፖዬ! ዳር ዋዴስ ገዲዛ ካላ ሸሻዳ ገሻሽ ሸምፓ ኡታዳ ማ፤ ኡያ፤ ኡፋዬታ» ጋና ገደስ።

20 «ገደ አቲን፤ «ጸሲ ሃይሶ ኤያዝ! ኔ ሸምፖዮ ሃቶ ኦማርስ ኔፔ ኤካና ኮዬቴስ፤ ሃሳ ገሻሽ ኔ ኔስ ሺሺዳይሲ ኦናስ ገዳኔ?» ገደስ።»

21 «ሃሳ ገሻሽ ጸሓ አቻን ዳራ ገደንታ ባስ ሚሼ ሺሺዛ አሳ ዉርሴላካ ሃሳ ማላ» ገ ለሚሶን ኮቴዴስ።

ጸሓን አማኔቴላ

(ማቶ 6:25-34)

22 ሃሳፊ ጉዬ ዩሱሲ ባና ካሊዛይታስ፤ «ኢንቴስ ታ ኮታይስ፤ ኢንቴ ዳሳስ፤ «አይ ማናኮ ዋይኮ ኢንቴ ቦላስ አይ ማይኦናኮ» ገዲ ጩጩፐፐ።»

23 አይስ ገኮ ሸምፖይ ካላፊ አሳቴላ ቃሴ ማይኦፊ አዴስ።

24 ቁርታ ጸሊቴ ዜሬቴና፤ ማጼቴና፤ ካላ ሺሺዛ ጎታራይ ኢስታስ ባ ሺን ጸሲ ኢስታ ሚዜስ። ሂስቲኮ ኢንቴ ኢስታፊ ከሂ አዴኬቲ?

25 ገደ አቲን ኢንቴፊ ዳርሲ ቆፐዲ ባ ላይላ ቦላ ኢሲ ጋላስ ጉጃና ዳንዳይዛይ ኦኔ?

26 ሂስቲኮ ጉላ ሚሻ ኦሶይ ኢንቴስ ዳንዳዮንታይሽ አይስ ሃራ ሚሻስ ከሂ ቆፐቴ?

27 «ጨሻቲ ዋኒዲ ዲጨዛኮ እኔ ጸሊቴ፤ ዋዬቴና፤ ሱቁቴና፤ ገደ አቲን ታ ኢንቴስ ኮታይስ፤ ሶሎሞኔይካ ገታ አሳ ሺን ኢስታፊ ኢሲኔይላ ማይኢቤና።»

28 ሂስቲኮ ጸሲ ሃቶ ቤቲዲ ዋንቶ ታማን ዋዳና ማታ ሃይሳላ ማይዚዛ ገዲኮ ኢንቴና አማናይ ፓጨዳይቶ! ኢንቴና ዋሰቲ አላ ማዩዜኔ?

29 «ሃሳ ገሻሽ፤ «አይ ሚና? አይ ማይኦና?» ገዲ ኢንቴ ዋዚናይ ዳርሲ ቆፐፐ።»

30 ቢታ ቦላን ዲዛ አሲ ዉሪ ሃይሳ ኮዬስ፤ ገደ አቲን ሃይሲ ዉሪ ኢንቴስ ኮሺዛይሳ ኢንቴ ሳሎ አዋይ ኤሬስ።»

31 ኡባፊካ ኮይርላዲ ጸሓ ካዋቴላ ኮዩቴ፤ ሃይሲ ዉሪ ኢንቴስ ጉጃቲ ኢሜታና።

ሳኢ ቦላ ሚሻ ሸሻናስ ቤሴና

(ማቶ 6:19-21)

32 «እንገናኝ ጉላ ወደ ማህ ማላ ገዲዳይቶ!
ካዎቼል እንገናኝ ኢማናሰ እንገናኝ አዎሰ ሎኦ ቆፋ ገዲዳ
ገሻሰ ባቦፍቱ።»

33 እንገናኝ ዲዛይሳ ባይዚዲ ማንቆታሰ አሚቱ፤
ካይሶይ ኤኮንታሶን፤ ቢላይ ሞንታሶን፤ ጨሞንታ
ኮርጆን ወርንታ ሚሽ ሳሎን ሺሺቱ።

34 እንገናኝ ዎዚናይ እንገናኝ ሚሺ ዲዛሶን ዳና» ገደሰ።

አሳንቻታ ሚኖቴሳ

35 «ቃንሳን ገዲዳ ገገቲቱ፤ እንገናኝ ፖኦይካ ፖኦ።»

36 ኢሰታ ጎዳይ ቡላቻ ዲጊሳፔ ሲሚዲ ያናሽ
ናገቲዛይታኔ ኢዚ ዩዲ ፔንጌ ቆጸሺን ኤሌ ዶያናሰ
ገገ ኡቲዳ አሳታ ሚሳቲቱ።

37 ኢሰታ ጎዳይ ዩዛ ዎዴ ጳሰኮንታ ናገ ኡቲዳ
አሸካራቲ ኢሰቲ አንጃቲዳይታ፤ ታ እንገናኝ ቱሙ
ገይሰ፤ ኢሰታ ጎዳይ ባሰ ቃንሳን ገዲ ኤቁዲ ኢሰታ
ማዳን ኡቲሲዲ ሚዛና።

38 አማርሰ ዎይኮ ሌላ ገደላን ዩዲ ኢሰቲ
ጳሰኮንታ ዲሺን ዳሚኮ ሄ አሸካራቲ አንጃቲዳይታ።

39 ካይሶይ ኣይ ዎዴ ያናኮ ኤሪዛ ገዲዳኮ ከላ
ጎዳይ ካይሶይ ቦኪሺን ጮኡ ገዲ ቤሶንታይሳ
ኤሪቲ።

40 አሳ ናይ እንገናኝ ቆፖንታ ዎዴን ያናይሳ ኤሪዲ
እንገናኝ ገገቲዲ ናገቲ» ገደሰ።

ኢታ ኦሳንቻታኔ ሎኦ ኦሳንቻታ ሌሚሶ

(ማቶ 24:45-51)

41 ጴጥሮስካ፡ «ጎደ! ሃይሳ ሌሚሶዛ ኔ የቲዛይ
ኩሰ ጸላዬ? ኡባ አሳሳራ?» ገደሰ።

42 ጎዳይካ፡ «ሂሰቲኮ ባሶ አሳሰ ኮሺዛ ዎዴን ቁማ
ኢማና ማላ ከላዳይ ከላ አሳ ቦላ ዎሊዛ አማኔቲዳ
ዎዚናማ አሲ ኦኔ?»

43 ጎዳይ ሲሚሺን ሃሳሉ ኦሊሽ ቤቲዛዳይ ኢዚ
አንጃቲዳዴ።

44 ታ እንገናኝ ቱሙ ገይሰ፤ ባሰ ዲዛ ሚሽ ኡባ
ቦላ ሃሳዴ ጎዳሳና።

45 ገደ አቲን፡ «ኢዛዳይ ታ ጎዳይ ኤሌ ዩና
ጋምአና) ገ ቆገዲ አዴ አሸካራታኔ ማጫ አሸካራታ
ቡኪኮ፡ ቃሴካ ኮዩዳ ማላ ሚዲኔ ኡዩዲ ማላቲኮ።»

46 ሃሳዴ ጎዳይ ኢዚ ቆፖንታ ጋላሳን ያና ገዲ
ኤዘንታ ሳቲን ያና፤ ሂሰቲዲ ኢዛ ቃንጾሬላ ዩገዲ
ኢዛ ኤጸ አማናንታይታሪ ኢሲፌ ኦሳና።

47 «ባ ጎዳ ቆፋ ኤሪዲ ገገቶንታይኔ ጎዳ ሸኔ
አሶንታ አሸካራይ ኢታ ሾች ሾጩታና።»

48 ገደ አቲን ኤርንታ ዲሽ ሾቻሰ ቤሲዛ ሞር
ኦሊዳ አሸካራይ ጉላሪ ሾጩታና፤ ዳር አሚቲዳ አሳ
ኡባፌ ዳርይ ኮዩቲሰ፤ ዳር ሃዳሪ ኤኪዳዴፌ ዳርይ
ኮዩቲሰ።

ኡባ አገዲ ዩሱሳ ካሎ

(ማቶ 10:34-36)

49 «ታኒ ዩዳይ ቢታ ቦላን ታማ ኤላናሳ፤ ሄ ታማይ
ሃኢ ኤጸ ከዚዳኮ ታና ዳር ኡፋይሳና።»

50 ገደ አቲን ታኒ ጸማቁታና ጸንቃታይ ደሰ፤ ሄ
ጸንቃታይ ፖሌታናሽ ታኒ ከሃ ሜቶቲታዲሰ።

51 እንገናኝ ታኒ ቢታ ቦላ ሳር ኤሃና ዩዳ ሚሳቲዜ?
ገደና፤ ታ እንገናኝ የታይሰ፤ ታኒ ዩዳይ ኢሳ ኢሳፌ
ሻካናሳ።

52 ሃይሳፌ ሲንላን ኢሲ ከላን ባ ገደን ሻኬቲዳ
ኢቻሹ አሳቲ ዳና። ናምአቲ ሃሻታ ቦላ ሃሻቲ ናምአታ
ቦላ ዴንዲዲ ባ ገደን ሻኬታና።

53 አዎይ ባ አቱማ ና ቦላ፡ አቱማ ናይካ ባ አዎ
ቦላ፡ አያ ባ ማጫ ናይ ቦላ፡ ማጫ ናያካ ባ አዩይ
ቦላ፡ ቦሎታ ባ ና ማቺ ቦላ፡ ና ማቻካ ባ ቦሎቲ ቦላ
ዴንዲዲ ባ ገደን ሻኬታና» ገደሰ።

ዎዴዛ ሃናታ ኤር

(ማቶ 16:2-3)

54 ቃሴካ ዴሬዛሰ፡ «እንገናኝ አርሼይ ሞኪዛ ባጋራ
ሻራይ ከዚሺን ቤኢዲ፡ «ኤሌራካ ኢራይ ያና ጌሰ
ጌታ፤ እንገናኝ ገዲ ማላካ ሃኔሰ።»

55 ዲጌሃ ባጋራ ፑዴሃ ጫርኪሺን፡ «ጋላሳይ ሆኦ
ገዳና) ጌታ፤ እንገናኝ ገዲ ማላካ ሃኔሰ።»

56 እንገናኝ ሎኦ ሚሳቲዛ ኢታቶ፤ ሳሎይሳኔ ሳኦ
ሜፉ ቤኢዲ ሃናናይሳ ኤሬታ ሺን ሃ ዎዴዛ ኤርይ
እንገናኝ ዎኒ ጸኒዜ?»

57 «ሂሰቲኮ እንገናኝ ኣይሰ ቱማ ፐርዴኬቲ?»

ሞርኬራ ሲጌቲሳ

(ማቶ 5:25-26)

58 «ኔ ሞርኬራ ዳና ሲንላን ኤቃና ቢሺን ቡር ኦጌ
ቦላን ዳሼ ኢዛራ ገጋና ኦጌ ኮያ፤ ኔ ሂሰቶንታ ኣገኮ
ኢዚ ኔና ጎቺዲ ዳና ሲንሳ ኤፋና፤ ዳናይካ ኔና አሊዲ
ሃላቃሰ አማና፤ ሃላቃይካ ኔና ዎይኔን ዩጋና።»

59 ታ ኔሰ የታይሰ፤ ዳናይ ፐርዲዳ ወርሴላ ሳንቲዮ
ቃንጸ ወርሳና ጋካናሰ ኔ ሄፔ ከዛካ» ገደሰ።

13

ናጋራፔ ሲሞንታይ ወሪ ጳያና

1 ሄ ዎዴ ኢሲ ኢሲ አሳቲ ዩሱሳኮ ዩዲ፡
«ጸላጸሲ ኢሰታ ሱላ ኢሰታ ያርሾራ ጋላ ዎላኪዳ
ጋላላ አሳታ» ገሼ ዩሱሳሰ የቲዳ።

2 ኢዚካ ዛሪዲ፡ «ሂሰቲን ሃሳ ማላ ሜቶይ ኢሰታ
ቦላ ጋኪዳ አሳቲ ሃንኮ ዎይይ ጋኮንታ አቲዳ ጋላላ
አሳ ኡባፌ አጳዳ ናጋራንቻ ገዲዳ ገሻሰ ገ ቆፔቲ?»

3 ገደና! ታ እንገናኝ የታይሰ፤ እንገናኝ ማሪቶንታ
ኢጸኮ እንገናኝ ወሪካ ሄ አሳታ ማላ ጳያና።

4 ዎይኮ ሴሊሆሚን ገምቤይ ኢሰታ ቦላ ኩንዲን
ሃይቁዳ ታማኔ ኦሰፑን አሳቲ ዩሩሳላሚን ዲዛ አሳ
ኡባፌ ናጋራንቻ ገዲዳ ገሻሰ ገዲ ቆፔቲ?»

5 ገደና! ታ እንገናኝ የታይሰ፤ እንገናኝ ማሪቶንታ
ኢጸኮ እንገናኝ ወሪካ ሄ አሳታ ማላ ጳያና» ገደሰ።

አይሬንታ ባላሴ ሚላይ ለሚሶ

6 ቃሴካ ኢሰታሰ፡ «ኢሲ ኢሲ ዎይኔ ቶኪዛሶሆን
ቶኪቲዳ ኢሲ ባላሴ ሚላ ዳወሰ፤ ሄ ባላሴ ሚላይኮ
አይፌ ኮያና ዩዲ ኢሲ አይፌካ ዳሚቤና።»

7 ዎይኔ አታኪልቲ ኦሊዛይሳሰ፡ «ሄኮ ታኒ አይፌ
ዳማና ጋዳ ሃቺራ ሃሹ ላይሳ ሃ ባላሴይኮ ሲሚሬታ
ያዳ ኢሲ አይፌካ ዳማቤኬ፤ ሃሳ ገሻሰ ኢዛ ቃንጸ
ዲጋ! አዛሰ ጮ ቢታ ጸንጸዜ?» ገዲ ለሚሶ
የቲዳሰ።

8 ኢዚካ ዛሪዲ፡ ሳይ! ታኒ ኢዚ ጸጸን ኦሻ ዩጋዳ ኦሴፋ ጸላና ማላ ሃ ላይላሰ ኦጋጋርኪ?

9 ዩዛ ላይላሰ ኢዛ ኣይፊኮ ሎኦ፤ ኣይፎንታ ኢዲኮ ቃንጸንዳሳ» ጊደሰ።

ዩሱሲ ሳምባታ ጋላስ ፓሊዳ ቁና ማጫሲዮ

10 ዩሱሲ ሳምባታ ጋላስ ኢሲ ኣይሁዳ ዋሳ ኬላን ታማርሲሺን።

11 ታማኔ ኦሰፑን ላይላ ኩሜላ ኢታ ኣያናይ ኣይኪዲ ኣሳቲላ ፓጪሲዳ ኢሲ ማጫሳያ ሂን ዳወሰ፤ ኢዛካ ዘኮይ ቁኒዳ ጊሻሰ ሙሌካ ቶቁ ጋሰሰ ዳንዳዩኩ።

12 ዩሱሲ ኢዛ ቤኢዳፕ ጉዬ ጸይጊዲ፡ «ሃኔ ማጫሳዬ! ኔኒ ኔና ሳኪዛ ሃርጌዛፕ ፓጸዳሳኮ!» ጊደሰ።

13 ዩሱሲ ባ ኩሹ ኢዚ ቦላ ዋሊን ኢዛ ሄራካ ሲቲ ጋዳ ኤቃዲሰ፤ ጸሳካ ጋላታዲሰ።

14 ኣይሁዳታ ዋሳ ኬላ ሃላቃዚካ ሳምባታ ጋላስ ፓሊዳይሳሰ ዩሱሳ ቦላ ሃንቁቲዲ ኢዛኮ ዩዛ ዳሬዛ፡ «ኦሶስ ቤሲዛ ኡሱፑን ጋላሳቲ ዲዛ ጊሻሰ ሄ ኦሶ ጋላሳታን ዩዲ ፓጸቲ ኣቲን ሳምባታ ጋላስ ዮፕቲ» ጊደሰ።

15 ጎዳይካ ዛሪዲ፡ «ኢንቴኖ ቆጶፕ ቆሞን ሃሳይዛይቶ! ኢንቴ ጊደፊ ኢሳይይ ባ ቦራ ዋይኮ ባ ሃሬ ሳምባታ ጋላስ ባሶን ቃሹቲዳሶፕ ቢርሺዲ ሃሌ ኡሻናሰ ኤፊ ኤሬኔ?»

16 ሂሰቲን ሃና ማጫሳያ ኣብራሃሜ ና ጊዳዳ ታማኔ ኦሰፑን ላይላ ኩሜላ ጸላኤይ ቃቺን ዲዛሶፕ ሳምባታ ጋላስ ቢርሺታናሰ ኢዚሰ ቤሴኔ?» ጊደሰ።

17 ዩሱሲ ሂዘጊ ኦይቺዳ ዋዴ ኢዛራ ኤቁቲዛይቲ ወሪካ ዩላቲዳ፤ ጊደ ኣቲን ዳሬይ ወሪካ ኢዚ ኦይቺዳ ማላሊሲዛ ኦይሻን ኡፋዬቲዳሰ።

ሳናፊጩ ጌቲቲዛ ሚላይ ዜሬላ ለሚሶ (ማቶ 13:31-33፤ ማር 4:30-32)

18 ቃሴካ ዩሱሲ ዛሪዲ፡ «ጸሳ ካዋቲላ ኣይ ሚሳቲዜ? ታ ኢዛ ኣዛራ ለሚሶ?»

19 ኢሲ ኣሲ ሳናፊጩ ጌቲቲዛ ሚላ ኣይፊ ባ ጋዴን ቶኪን ሞካ ዲጫዳ ጊታ ጊዲን ካፎቲ ኢዚ ሃጋ

* ጊደን ዲሳሶ ጊጊሳና ጋካናሰ ዲጪዳ ሳናፊጩ ሚላ ሚሳታወሰ» ጊደሰ።

ኢርሾ ለሚሶ (ማቶ 13:33)

20 ቃሴካ፡ «ጸሳ ካዋቲላ ኣዛራ ለሚሶ?»

21 ኢሲ ማጫሲ ሙኑቃ ጫሊሳናሰ ዳር ጳሌራ ዋላኪዳ ጉላ ኢርሾ ሚሳታወሰ» ጊደሰ።

ጸንፋ ፔንጌ

(ማቶ 7:13-14፤21-23)

22 ሃሳፊ ጉዬ ዩሱሲ ዩሩሳላሚ ቢሼ ካንላ ቢዛ ካታማኒኔ ጉታታን ኣሳ ታማርሲሺ ኣጲሺን።

23-24 ኢሳይይ ኢዛኮ ሸቁዲ፡ «ሳይ! ፐርዳፊ ጉላ ኣሳቲ ጸላ ኣታኔ?» ጊ ኦይቺዳሰ። ኢዚካ ዛሪዲ፡ «ጸንፋ ፔንጌይራ ጌላናሰ ባጸቲቲ፤ ዳርቲ ጌላናሰ ኮዬቲሰ ሺን ኢሰታሰ ሃኔና።

25 ኬላ ጎዳይ ዳንዲዲ ባ ካሬ ጎርዲ ጊዲን ኢንቴ ካሬን ኤቁዲ፡ ሳይ! ካሬ ደያርኪ!» ጊዲ ፔንጌ ቆጸና ሺን ኢዚ ዛሪዲ፡ «ኢንቴ ኦናኮኔ ኣዋፔ ዩዳኮ ታ ኢንቴና ኤሪኮ» ጋና ጊደሰ።

26 «ኢንቴካ ኢዛሰ ዛሪዲ፡ «ኮኒ ኔናራ ኢሲፊ ሚደሰኔ ኢሲፊ ኡዩደሰ፤ ኦ ዱቡሻን ኔ ኦና ታማርሳዳሳ» ጋና።

27 «ኢዚካ ዛሪዲ፡ «ኢንቴና ኢንቴ ኦናኮኔ ኢንቴ ኣዋፔ ዩዳኮ ታ ኢንቴና ኤሪኮ፤ ኢንቴ ማካላቲ ወሪካ ታፔ ሃኪቲ» ጋና ጊደሰ።

28 «ኢንቴ ኣብራሃሜ፡ ዩሳቃ፡ ያቆቤ ናቤታ ኡባታ ጸሳ ካዋቲላን ቤኢዛ ዋዴ ኢንቴ ካሬን ዩጌቲ ኣቲኮ ሄ ዋዴ ኢንቴሰ ዩሆኔ ኣቻ ጋርጩቶ ጊዳና።

29 ኣሳይ ኣርሺይ ሞኪዛ ባጋፊኔ ወሊዛ ባጋፊ ፑዴሃፔኔ ዲጌሃፔ ዩዲ ጸሳ ካዋቲላ ማዳን ኡታና።

30 ሃኮ ጉዬን ዲዛይታፔ ባጋይቲ ሲንሌ ኣቆና፡ ሲንላን ዲዛይታፔ ባጋይቲ ጉዬ ኣቆናይቲ ዳቲሰ» ጊደሰ።

ዩሱሲ ዩሩሳላሚ ዋላሲዳሰ

31 ሄ ዋዴ ፋርሳዊታፔ ኢሲ ኢሲ ኣሲ ዩዲ፡ «ሄርደሲ ኔና ዋቆናሰ ኮይዛ ጊሻሰ ሃይሳፊ ዳንዳ ኪቻ» ጊዳ።

32 ዩሱሲ ኢሰታሰ፡ «ታኒ ቡር፡ ሃቺኔ ዋንቶ ዳይዳንሳታ ኣሳፔ ኬሳና፤ ሃርጊዛይታካ ፓላና፤ ሃቭንሶ ጋላስ ታ ቆፋሶ ታ ጋላና» ጊደሰ ጊዲ ሄ ዋራካናሰ ዮቲቲ።

33 ጊደ ኣቲን ናቤይ ዩሩሳላሚፔ ሃራሶን ሃይቃናሰ ቤሶንታ ጊሻሰ ሃቺኔ ዋንቶ ዋንቶፔይንካ ታ ሲንሌ ቡሰ ጉጃና።

34 «ሃኒ ዩሩሳላሚ ናቤታ ዋጲዛሬ! ኔኮ ኪቲቲዳይታ ሹቻራ ጫዲዛሬ! ኩቶይ ባ ጪዬታ ባ ቁፊ ጋርሰ ሺሺዛ ማላ ኔ ናይታ ሺሻናሰ ኣፑን ዋዴ ኮያዲናሺን ኔ ጊዲኮ ኣካይ ጋዳሳ።

35 ሃኮ ኢንቴ ኬላይ ካይዚዳሰ፤ ታ ኢንቴሰ ዮታይሰ፡ ሳይ ሱንላን ዩዛዳይ ኣንጃቲዳሰ» ኢንቴ ጋና ዋዴይ ጋካናሺ ናሞኣንሶ ታና ቤዬኬታ» ጊደሰ።

14

ቃሴካ ዩሱሲ ኢሲ ሃርጋንቻ ሳምባታ ጋላስ ፓሊዳሰ

1 ኢሲ ጋላስ ዩሱሲ ቁማ ማናሰ ፋርሳዊታ ሃላቃታፔ ኢሳ ሶ ጌሊዳ ዋዴ ኣሳይ ወሪ ዩሱሲ ኣይ ኣሳኮ ጊዲ ኣይፊ ኢዛ ቦላ ቶኪ ጸሊደሰ።

2 ሃንካ ኢዛሰ ኣሳቲላይ ፑሪን ዋዬቲዛ ኢሲ ኣሲ ኢዛ ሲንላን ዳሰ።

3 ዩሱሲካ ሙሴ ዋጋ ኤሪዛይታኔ ፋርሳዊታ፡ «ሳኪቲዛዳ ሳምባታ ጋላስ ፓላናሰ ኮሺዜዬ? ኮሺኔ?» ጊዲ ኦይቺዳሰ።

4 ኢሰቲካ ጮኡ ጊዳ፤ ኢዚካ ኣዳዛ ቦቺዲ ፓሊ ዩዲዳሰ።

5 ቃሴካ፡ «ኢንቴፊ ኢሲ ኣሳሰ ሳምባታ ጋላስ ናይ ዋይኮ ቦራይ ኩንዲዲ ኦላን ጌሊኮ ኤሶን ሄራካ ኬሶንታዳይ ኦኔ?» ጊደሰ።

6 ኢሰቲካ ኦይሻሰ ኣይኮ ዛርካ ዳማናሰ ዳንዳይቤቲና።

13:14 ኬሳ 20:9-10፤ ዛሬ 5:13-14 * 13:19 ሃጋ፡ ሃጋ ጌቲቲዳሳ ኢሲ ኢሲ ባጋ ጋሞሶ ቃላን ሃንጌ ጌቲሰ። 13:27 ማዛ 6:8 13:28 ማቶ 22:13፤ 25:30 13:30 ማቶ 19:30፤ 20:16፤ ማር 10:31 13:35 ማዛ 118:26 14:5 ማቶ 12:11

ባና ዘቁ ሂስቲላኔ አማላ ሞኮ

7 ዳይጌቲዳ አሳቲ ኡታናስ ቦንቸሶ ኮዩሺን ዩሱሲ ቤኢዲ ለሚሶራ ኢስታስ።

8 «ኢሲ አሲ ኔና ሳርጌስ ዳይጌቲ ቦንቸሶን ኡቶፋ፤ ኔፔ ቦላራ ቦንቸቲዳይ ዳይጌቲኮ።

9 ኢንቴና ናምኦታካ ዳይጌዳይ ዩዲ፣ ሳ ኡቲዳሶሆዛ ሃይሳዳስ ዩዳ፣ ጋና፤ ኔኒካ ዩላታሽ ዚቃሶ ባንዳሳ።

10 ገደ ኦቲን ኔ ዳይጌቲዳ ዎዳ ዚቃሶ ዳላዳ ኡታ፤ ኔና ዳይጌዳይ ዩዲ፣ ታ ላጌዞ! ሃ ያ ቶቃሶሆን ኡታ። ጋንዳስ፤ ኔኒካ ሃ ዎዳ ኔናራ ማዳን ኡቲዳ አሳ ኡባ ሰንፋን ቦንቸታና።

11 ጋሶይካ ባና ቶቁ ሂስቲዳይ ወሪ ዘቁ ጋና፤ ባና ዘቁ ሂስቲዳይ ወሪ ቶቁ ጋና» ገደሰ።

12 ዩሱሲካ ዳይጌዳ አዳዛ፣ «ቁማ ዎይኮ ካዎ ሚዛናስ ዳይሲኮ ኔይሳላ ኔና ዳይሲዲ ሚዞንታ ማላ ኔ ላጌታ ዎይኮ ኔ አሻታ፣ ኔ ዳቦታ ዎይኮ ዱሬታ ዎይኮ ዱሬ ትታታ ዳይጎ።

13 ገደ ኦቲን አሳ ዳይሳዳ ሚዛና ኮይኮ ማንቆታ፣ ኩሼይ፣ ቶሆይ ባይንዳ ዎቤታኔ ቆቂታ ዳይሳ፤ ኔኒ አንጃታና።

14 ዳይጌቲዳይቲ ኩሼ ዛራናስ ዳንዳዮንታ ገሻሰ ጸሎታ ዳንላ ዎዳ ኔስ ኩሼይ ዛሬታና» ገደሰ።

ዎጋ ገቢራ ለሚሶ (ማቶ 22:1-10)

15 ማዳን ዩሱሳራ ኢሲፌ ኡቲዳይታፔ ኢሶይ ሃይሳ ሲዩዲ፣ «ጸሳ ካዎቲላን ሸቂዲ ማዳፌ ሚዛ አሲ አንጃቲዳይ» ገደሰ።

16 ዩሱሲካ፣ «ኢሲ አሲ ዎልቃማ ገቢራ ገግሲዲ ዳር አሰ ዳይጌዳስ።

17 «ገቢራ ማና ዎዳይካ ጋኪን ዳይጌቲዳ አማላታ፣ «ወሪካ ገገዳ ገሻሰ ሃ ዩቲ!» ገዲ ዳይጋና ማላ ባ አሸካራ ዩዲዳስ።

18 ገደ ኦቲን ወሪካ ባስ ሃራ ጋሶ ሺሺዲ ኢሶይ፣ «ሃኢ ጋዴ ሻማዲስ፤ ታ ባዳ ቤያናስ ቤሴስ፤ ሃቺሰ ታና ላንጮፋ» ገደሰ።

19 «ሃንኮይሲካ፣ ታኒ ኢቻሹ ዎጸ ቦራ ሻማዲስ፤ ኢስታ ፓጫ ጸላና ገሻሰ ሃቻ ታና ላንጮፋ» ገደሰ።

20 «ቃሴ ሃራ ኢሳይይካ፣ ታኒ ቡሮ ሚሺራቲላን ዳይሰ፤ ባናስ ዳንዳይኮ» ገደሰ።

21 «ኦሳንቻዚ ከቲቲዳሶፔ ሲሚዲ ሄዛቲ ገዳይሳ ባ ጎዳስ ዮቲዳስ፤ ሄ ዎዳካ ገቢራ ገግሲዳይሲ ሃንቁቲዲ ኦሳንቻዛ፣ ሳሌ ኦይዱ ኦኔ ከዛዳ ማንቆታ፣ ኩሼይኔ ቶሆይ ባይንዳ ዎቤታ፣ ቆማጸታኔ አይፌይ ባይንዳ ቆቂታ ሃ ጌልላ» ገደሰ።

22 «ኦሳንቻዚካ ዛሪዲ፣ ታ ጎደ! ኔ ታና አዛዚዳይሳ ኡባ ፖላዲስ፤ ሃኒካ ሃራ ኡቲላሶይ ዳስ» ገደሰ።

23 «ጎዳዚካ ኦሳንቻዛ፣ ጌዴ ኦይዱ ኦኔ ከዛዳ ት ከሌ ኩማና ማላ ፑዴኔ ዱጌ አዲዘይታ ዎልቃራ ሃ ጌልላ።

24 ታኒ ቱማ ጋይሰ፤ ገቢራ ማና ዳይጌቲዳይታፔ ኢሳይይካ ዳናን ጌልላና» ገደሰ።

ዩሱሳ ካሎይ ባና ያርሾ ኮዩሶ (ማቶ 10:37-38)

25 ዳር ዳሪይ ኢዛራ ኢሲፌ ቢዛይሳ ዩሱሲ ቤኢዲ ጉዩ ሲሚ።

26 «ታኮ ዩዛይ ወሪ ባ አዎ፣ ባ ማቹ ናይታ፣ ባ አሻታኔ ሚቹታ፣ ባ ሼምፖ ገዲን ኢጸንታ አገኮ ታና ካሊዛዴ ገዳናስ ዳንዳይና።

27 ባ ማሰቃሌ ቶኪዲ ታና ካሎንታይ ታና ካሊዛዴ ገዳናስ ዳንዳይና።

28 «ኢንቴፌ ኢሲ አሲ ከሌ ከጸናስ ኮይኮ ፖላናስ ዳንዳይናኮ ኔ ዳንዳዮንታኮ ኮይሮቲዲ ባስ ዲዛ ቢራ ቆፖንታይ ኦኔ?»

29 ከላ ከጸና ደሚዲ ወርሳናስ ሃናንታ ኢጸኮ ቤኢዳ አሲ ወሪ ኢዛ ቦላ ሚጫና።

30 ኢስቲካ፣ «ሃይሲ አዳዚ ከሌ ከጸ ኦይኪዳስ ሺን ፖሊቤና» ገደሰ።

31 «ዎይኮ ኢሲ ካዎይ ሃራ ካዎራ ኦላስ ገቲቲዲ ናምኡ ታሙ ሺ አስ ኤኪ ዩዛ ካዎ ዛራናስ ታሙ ሺ ኦላ አሳራ ዛራናኮ ኡቲዲ ቆፖንታይ ኦኔ?»

32 ኦላ ዛራናስ ዳንዳይቶንታ ሚሳቲዲ ቤቲኮ ቡር ሃሆን ዲሺን ማቃይናናስ ጋና ዩዳስ።

33 ሄሳላካ ኢንቴፌ ኦናካ ገዲን ባስ ዲዛይሳ አጎንታይ ታና ካሊዛዴ ገዳናስ ዳንዳይና።

ማልኦንታ ማጺኔ ለሚሶ (ማቶ 5:13፤ ማር 9:50)

34 «ማጺኔይ ሎኦሺን ባ ማጺኔቲላ ማልኦ ዩዲኮ ዛሪዲ ዎኒ ማልኦና ዳንዳይኮ?»

35 ጋዴን ዩገን ኦራዲሶንታ ገሻሰ ጮ ካሪ ዎራ ዩጌቲስ፤ ሲዩዛ ሃይሌ ዲዛ አሲ ሲዮ!» ገደሰ።

15

ጳይዲ ቤቲዳ ዶርሳ ለሚሶ (ማቶ 18:12-14)

1 ኢሲ ጋላስ ቃራጸ ሺሺዛይቲኔ ናጋራንቻቲ ወሪ ዩሱሳፔ ሲያናስ ኢዛ አቺ ሸቂዳ።

2 ፋርሳዌቲኔ ጸፊቲ፣ «ሃይሲ አዳዚ ናጋራንቻታ ኢጸና፤ ኢስታራካ ማስ» ገዲ ባ ገደን ዙዙሜቲዳ።

3 ዩሱሲካ ኢስታስ ለሚሶ ሃዘገ ዮቲዳስ፤

4 «ኢንቴ ገደፌ አሳዳስ ጾቱ ዶርሲ ዲኮ ሄ ጾቱ ዶርሳታፔ ኢሲና ጳይኮ አቲዳ ኡዲፋን ታማኔ ኡዲፋናታ ዳምባን ዩገዲ ጳይዳይሳ ዳማና ጋካናስ ኮያና ቦንታይ ኦኔ?»

5 ዳሚዲ ኡፋይሳራ ሃሺን ቶኪ ኤኪዲ፣

6 ባሶ ሲሚስ፤ ባ ላጌታኔ ጉታ አሳታ ኢሲ ቦላ ዳይጌዲ፣ «ጳይዳ ታ ዶርሳዮ ዳማዲስ፤ ታናራ ኢሲፌ ኡፋዬቲቲ» ጋና።

7 ታ ኢንቴስ ዮታይሰ፣ «ሃሳላካ ማሮቲላ ኮሻንታ ኡዲፋን ታማኔ ኡዲፋን ጸሎታፔ ማሪቲላን ጌሊዛ ኢሲ ናጋራንቻን ሳሎን ኡፋይሰ ገዳና።»

ጳይዲ ቤቲዳ ቦላ ሺሊንጌ ለሚሶ

8 «ዎይኮ ኢሲ ታሙ ቢራ ሳንቲይ ዲዛ ማጫሳያ ሄ ታማፌ ኢሲኔያ ጳይኮ ጸምፔ ኦይላዳ ዳማና ጋካናስ ከላ ጋርስ ፒታዳ ሎኤላ ኮዮንታ ማጫሲ ኦኔ?»

9 ኢዛካ ዳሚዳ ዎዳ ባ ላጌታኔ ባ ጉታታ ኢሲፌ ዳይጋዳ፣ «ታፔ ጳይዳ ቢራ ሳንቲዮ ዳሚዳ ገሻሰ ታናራ ኢሲፌ ኡፋዬቲቲ» ጋንዲሰ።

10 ታ ኢንቴስ የታይስ፤ ለሃሳብ ማርታን ጌሊዛ ኢሲ ናጋራንቻ አሳን ጸሳ ኪታንቻታ ኣቻን ኡፋይስ ገደና።

ጳይዲ ቤተዳ ናዛ ለሚሶ

11 «ኢሳዳስ ናምኡ ናይቲ ዳቲስ።

12 ኢስታፊካ ካሎ ናዚ ባ ኣዎ፣ ለሳ! ኔስ ዲዛ ሚሻፊ ታ ገሻ ታስ ኢማ፣ ገደስ። ኣዎይካ ባስ ዲዛ ሚሻ ባ ናይታስ ገሺደስ።

13 «ዳር ዎዳ ጋምኦንታ ዲሼ ካሎ ናዚ ባ ሚሻ ኡባ ሺሺ ኤኪዲ ሃሆ ቢታ ቢዳስ፤ ሃንካ ባስ ዲዛ ሚሻ ጎኣይ ባይንዳ ጮ ማላ ጳይሲዳስ።

14 ኢዚካ ባስ ዲዛይሳ ኡባ ጳይሲዳፔ ጉዬ ሃ ቢታን ኢታ ኮሻይ ዳንዲን ዳር ዎይቲዳስ።

15 ሃሳ ገሻስ ሃ ዳሬን ዲዛ ኣሳፔ ኢሳዳኮ ሸቁዳስ፤ ኢዛይይካ ባ ጉዳንላ ሃማና ማላ ጉዳንላ ሃሚዛሶሆ ዬዲዳስ።

16 ናዚካ ጉዳንሳቲ ሚዛ ሃርቆዛፔ ማናስ ኣዎቲዳስ ሺን ሃሳካ ኢሚዛይይ ቤተቤና።

17 «ገደ ኣቲን ኢዛ ዎዚናይ ሲሚዳ ዎዳ፣ ታ ኣዎ ኣሸካራታ ኣፑናታፔ ካላ ፓላሂዜ ሺን ታኒ ሃይሳን ጋፋን ሃይቃና ማታዲና?

18 ዳንዲዳ ታ ኣዎ ሶ ባዳ ኣሶ! ሳሎን ጸሳ፣ ሳኣን ታ ኔና ቆሃዲስ።

19 ሃይሳፊ ጉዬ፣ ታኒ ኔ ና ጌቲታዳ ዳይጌታናስ ታስ ቤሴና፤ ኔ ኣሸካራታፔ ኢሳ ማላ ታና ቆዳ) ገደስ።

20 ሃሳ ገሻስ ዳንዲዲ ባ ኣዎኮ ቢዳስ፤ ገደ ኣቲን ቡር ኢዚ ሃሆራ ዩሺን ኣዎይ ቤዩ ሚሹቲዲኔ ኢዛኮ ዎዲ ቢዲ ኢዲሚ ኦይኪዲ ዬሪዳስ።

21 «ናዚካ፣ ለሳ! ሳሎን ጸሳ፣ ሳኣን ታ ኔና ቆሃዲስ፤ ሃይሳፊ ጉዬ ታ ኔ ና ጌቲታዳ ዳይጌታናስ ታስ ቤሴና) ገደስ።

22 «ገደ ኣቲን ኣዎይ ኣሸካራታስ፣ ሌሶቲዲ ኡባፊ ደራቲዳ ማይኦ ኤሂዲ ማይዚቲ፤ ኢዛ ቢራዴን ሚገደ፣ ኢዛ ቶሆንካ ጫማ ኣሏ።

23 ዎጵ ሚርጎ ቦራ ኤሂዲ ሹኪቲ፤ ኣኔ ሚዲ ኡፋዬቶስ።

24 ሃይሲ ታ ናዚ ሃይቁዳስ ሺን ፓዲዳስ፤ ጳይዳስ ሺን ቤተዳስ) ገደስ፤ ሃሳፊ ጉዬ ኡፋዬቲላ ኦይኪዳ።

25 «ሃሲ ሃንዛ ዎዳ ባይራ ናዚ ጎሻሶን ዳስ፤ ሃፔካ ሲሚዲ ሶ ማቲዳ ዎዳ ዲሳ ዳሪስ ሲዩዳስ።

26 ኢዚካ ኣሸካራታፔ ኢሳ ዳይገዲ፣ ለሳ! ኣዜ?) ገ ኦይቲዳስ።

27 ኣሸካራዚካ፣ ለኔ ኣሻይ ዩዳስ፤ ኢዚ ሳርኒኔ ሎኦን ሲሚዳ ገሻስ ኔ ኣዎይ ዎጵ ሚርጎ ቦራ ሹኪዳስ) ገደስ።

28 «ባይራ ኢሻዚካ ሃንቁቲዲ ሶ ጌላናስካ ኮዩቤና። ኣዎይካ ካሬ ኬዚዲ ኢዚ ሶ ጌላና ማላ ዎሲዳስ።

29 ገደ ኣቲን ኢዚካ ዛሪዲ ኣዎስ፣ ለሃኮ ታኒ ሃይሳ ጋካናስ ኔስ ኣይሌ ማላ ኦላዲስ፤ ኔ ኣዛዘፔ ኢሲኖካ ፓጨሳቤኬ፤ ገደ ኣቲን ታኒ ታ ላጌታራ ኡፋዬታና ማላ ኔ ታስ ኢሲ ዳይሻ ላቃካ ኢማቤካ።

30 ገደ ኣቲን ሃይሲ ኔ ናዚ ኔስ ዲዛይሳ ኡባ ላይማቲዛይታራ ወርሲዲ ዩሺን ዎጵ ሚርጎ ቦራ ኢዛስ ሹካዳሳ) ገደስ።

31 «ኣዎይካ፣ ታ ናዘ ኔ ኡባ ዎዳ ታናራ ዳሳ፤ ታስ ገዲዲይ ወሪካ ኔሳ።

32 ሃይሲ ኔ ኢሻይ ሃይቁዳስ ሺን ፓዲዳስ፤ ጳይዳስ ሺን ቤተዳስ፤ ሃሳ ገሻስ ኦኒ ኡፋዬታናስ ቤሴስ) ገደስ።»

16

ጨንጫ ሃንጻንቻ ለሚሶ

1 ዬሱሲ ባና ካሊዛይታስ፣ «ኢሲ ዲሬ ኣዳ ዳይሳስ ኢዛ ኬላ ኣይሲዛ ኢሲ ኣሲ ዳስ፤ ኢዚ ሃ ዲሬ ኣዳዘ ሚሻ ኦጌይ ባይንዳ ላሊዛይሳ ዎሬይ ዲሬ ኣዳዘ ሃይላን ዎጵዳስ።

2 ዲሬ ኣዳዚ ሃ ኣዳዘ ዳይገዲ፣ ለሃይሶ ታ ሲዩዛይሲ ሃሲ ኣዜ? ሃይሳፊ ደማዳ ኔ ታ ኬላ ኣይሲዛዳ ገደናስ ዳንዲዮንታ ገሻስ ኔ ኣላፊቲላን ዲዛ ሚሻ ኦይኪዳ ማዘጋባ ታስ ዛራ) ገደስ።

3 «ኬላ ኣይሲዛ ኣዳዚ ባ ዎዚናራ፣ ታ ጎዳይ ታና ታ ኣላፊቲላፊ ጎዳና ጌስ፤ ጎሆ ማናስ ታስ ዎልቃይ ባ፤ ዎሳናስ ዬላታይስ፤ ሃሳ ገሻስ ኣይ ኦሎ?) ገዲ፣

4 ታኒ ኣላፊቲላፊ ኬዚኮ ኣሳይ ታና ዎኪ ኤካና ማላ ኦላና ኦጌ ታ ኤራይስ።

5 «ሃሳ ገሻስ ኢዛ ጎዳ ኣጮይ ኢስታ ቦላ ዲዛ ኣሳታ ኢሳ ኢሳ ዳይገዲ። ኮይሮ ዩዳይሳ፣ ለኔ ቦላ ጎዳ ኣጮይ ኣፑኔ?) ገደስ።

6 « ለኢሲ ዳቲ ጸር ኩሚላ ዛይቲይ ታ ቦላ ዳስ) ገደስ፤ ኣላፊዚ ዛሪዲ ካሴ ኔ ፋራሚዳ ዎራቃታ ሃይ ኤካ ኡታዳ ኤሌ ኢቻሹ ታሙ ጸር ጋዳ ጸፋ ገደስ።

7 «ካሊዲ ሃንኮይሳ፣ ለኔ? ኔ ቦላ ኣፑኒ ዲዜ?) ገደስ። ለጵቲ ኦጎር ገስቲይ ዳስ) ገደስ፤ ኣላፊዚ ዛሪዲ፣ ለካሴ ኔ ታልኣሹ ፋራሚዳ ዎራቃታ ሃይ ኦስፑን ታሙ ኦጎር ጋዳ ጸፋ) ገደስ።

8 «ጎዳዚካ ሹጮቲዛ ኣላፊዚ ኦሊዳ ጨንጫቲላ ገሻስ ኢዛ ናሺዳስ፤ ሃይሳ ሃ ኣላሚዛ ናይቲ ባና ሚሳቲዛይታራ ዲዛ ጋጎቲላን ፖኦ ናይታፔ ኣጵዳ ጨንጫታ።

ሚሹ ቤሲዛሶን ፔይሾ

9 «ሃሳ ገሻስ ታኒ ኢንቲና ገዛይ ሃ ቢታ ሚሻይ ወሪዳ ዎዳ ሜርና ኬላን ኢንቲ ኤኬታና ማላ ሃኢ ኢንቲስ ዲዛ ሚሻራ ኢንቲስ ላጌ ሜጵቲ ጋይስ።

10 ጉላ ሚሻን ኣማኔቲዛይይ ዳር ሚሻንካ ኣማኔታና፤ ጉላ ሚሻን ኣማኔቶንታይይ ዳር ሚሻንካ ኣማኔቲና።

11 ሂሰቲኮ ኢንቲ ሃ ቢታ ሚሻን ኣማኔቶንታ ኢዲኮ ቱማ ሚሻ ሃዳራ ኦይኪቲ ገዲ ኦኒ ኢንቲስ ኣማኔ?

12 ኣሳ ሚሻን ኢንቲ ኣማኔቶንታ ኢዲኮ ኢንቲስ ቡዞ ገደና ሚሽ ኦኒ ኣማኔ?

13 «ናምኡ ጎዳስ ኢሲቶ ኣዛዜታና ዳንዲዛይይ ኦኒካ ዳና፤ ዎይኮ ኢሳ ደሲዲ ኢሳ ኢዳስ ዎይኮ ኢሳኮ ሸቁዲ ሃንኮይሳ ሌቁስ፤ ጸሳሲኔ ሚሻስ ኢሲፊ ጋላ ሃራታናስ ዳንዲዬኬታ» ገደስ።

14 ሚሽ ዳርሲ ሲቁዛ ፋርሳዎቲ ሃሳ ኡባ ሲዩዲ ዬሱሳ ቁጵዳ።

15 ዬሱሲካ ኢስታስ፣ «ኢንቲ ኢንቲና ኣሳ ኣቻን ዲሊሴታ፤ ገደ ኣቲን ጸሲ ኢንቲ ዎዚና ኤሬስ፤ ኣሳ ኣቻን ቦንቹቲዳይይ ጸሳ ሲንላን ቱና» ገዲ ዮቲዳስ።

ሙሴ ዋጋኔ ኤኮ ጌሎ ገሻሰ (ማቶ 5:31-32፤ 11:12-13፤ ማር 10:11-12)

16 «ሙሴ ዋጋኔ ናቤቲ ዮሃንሲ ያና ጋካናሰ ዮቲሽ ጋሞኢዳ። ሄሳ ካሊዲ ቃሴ ጸሳ ካዎቲላ ሚሺራች ቃላይ ሳባኬቲዳሰ። አሲ ወሪካ ሄ ጌላናሰ ዋጄቲሰ።

17 ገደ ኣቲን ሙሴ ዋጋፔ ኢሲ ቄሪና ኩንዳ ኣታናይሳፊ ሳሎይኔ ሳኣይ ኣቆናይሲ ካወሽ ገደና።

18 «ባ ማቾ ኣንጂ ዩዲዲ ሃራ ማጫ ኤኪዛ አሲ ወሪካ ላይማቲሰ፤ ባ ኣዚናፔ ኣንጃታ ቢዳር ኤኪዳይሲካ ላይማቲሰ።

ዱሬ ኣዳዘኔ ማንቆ ኣላዛሬ

19 «ቃሴካ ዩሱሲ ኢሰታሰ። ለሎኦ ማይኦ ማይኢዲ ጋላሰ ጋላሰ ሎኦ ዱሳ ኡፋይሳን ዲዛ ኢሲ ዱሬ አሲ ዳሰ» ገደሰ።

20 ሄ ኣዳዘ ፔንጌን ኩሚላ ቦላይ ማዲንላ ጸላ ገዲዳ ኢሲ ኣላዛሬ ጌቲቲዛ ማንቆ ኣዳ ዲዛይሲ ኢቺ ዳሰ።

21 ኢዚካ ሄ ዱሬ ኣዳዘ ኬላን ኣሳይ ካላ ሚሺን ማዳፊ ጋይን ዋጂዛ ሱፓ ማጺ ማናሰ ኣሞቲሰ፤ ካናቲካ ኢዛ ማዲንላ ላጩቲሰ።

22 «ሄ ማንቆ ኣዳዘ ሃይቂን ሳሎ ኪታንቻቲ ኣብራሃሚ ኪኦ ኤኪ ቢዳ፤ ቃሴ ዱሬ ኣዳዘካ ሃይቂዲ ሞጌቲዳሰ።

23 ኢዚ ሲኦሌን ዋዩቲሽ ጾቁ ገዲ ሃሆን ኣብራሃሚ ጸሌዳሰ፤ ኣላዛሬካ ባ ኪኦን ኦይኪ ዲሺን ቤዩዳሰ።

24 «ዱሬ ኣዳዘ፣ ላዎ ኣብራሃሚ! ሃይሳን ዋዩቲዛ ታሰ ሚሽታርኪ! ገ ኣላዛሬይ ባ ቢራዴ ጸራ ኢርጸ ሃላን ቦቺዲ ታ ኢንጸርሰ ኢርጸሳና ማላ ሃ ዩዳርኪ!» ገ ዋሲዳሰ።

25 «ገደ ኣቲን ኣብራሃሚይ፣ ሓ ናዞ ኔኔ ቢታ ቦላ ዳሽ ሎኦ ዱሰ ዳኢዳይሳ ማላ ኣላዛሬይ ካሴ ዋዩ ቤኢዳይሳ ኔ ቆፓ፤ ገደ ኣቲን ሃኢ ኢዚ ኡፋይቲሺን ኔኔ ዋዩታሳ።

26 ሄሲ ወሪ ሃሊሺን ሃን ዲዛ አሲ ሃፔ ሄ ኢንቲኮ ኣጵንታ ማላ ቃሴካ ኢንቲኮን ዲዛይ ሃ ኑኮ ኣቆና ኮይዛይይ ሃ ኣጵንታ ማላ ኢንቲሴኔ ኑሰ ገደን ገታ ኣፎይ ጌቲዳሰ» ገደሰ።

27-28 «ዱሬ ኣዳዘ ቃሴ፣ ላዎ! ሄሲ ሄሳ ገዲኮ ኔኔ ኣላዛሬ ዱጌ ታ ኣዎ ሶ ዩዳና ማላ ታ ኔና ዋሳይሰ፤ ታሰ ኢቻሹ ኣሻቲ ዳቲሰ፤ ሃይቲ ሃ ዋዩሶ ዮንታ ማላ ቢዲ ኢሰታሰ ሎኤላ ዮታና ማላ ኣላዛሬ ዩዳርኪ!» ገደሰ።

29 «ኣብራሃሚይ ኢዛሰ ዛሪዲ፣ ሙሴይኔ ናቤቲ ሄን ኢሰታ ኣቻን ዲዛ ገሻሰ ኢሰታፊ ሲዩቶ» ገደሰ።

30 «ኢዚካ ዛሪዲ፣ ላዎ ኣብራሃሚ፣ ሄሳ ማላ ገደና፤ ሃይቂዳ ኣሳፔ ኢሳዳይ ሃይቆፔ ዳንዲ ቢኮ ኢሰቲ ጸሳ ማርቲላን ጌላና» ገደሰ።

31 «ኣብራሃሚይካ ዛሪዲ፣ ሙሴይኔ ናቤቲ ገዛይሳ ሲዮንታ ኢጸኮ ሃይቂዳ ኣሳፔ ኢሳዳይ ዳንዲዳኮካ ኢሰቲ ኣማኔቲና» ገደሰ።

17

ኣሳሰ ቆጶ ገደናፔ ናጌቲላ (ማቶ 18:6-7፣21-22፤ ማር 9:42)

1 ዩሱሲ ባና ካሊዛይታ፣ «ኣሳ ቆጶዲ ናጋራን ዩጊዛ ሚሺ ዮንታ ኣጌና፤ ገደ ኣቲን ያና ቆጶዳሰ ጋሶ ገዲዛዳሰ ኣዩ ኣና!

2 ሄ ኣዳዘ ሃ ጉሳታፔ ኢሳሰ ቆጶ ገደናፔ ዋጸ ሹቺ ኢዛ ቆጶን ቃሽቲን ኣባ ገደ ኢዚ ዩጌቲዛኮ ኢዛሰ ሎኦ ገደና።

3 ሄሳ ገሻሰ ኢንቲ ሁኤሰ ናጌቲቲ። ሩ ኢሻይ ኔና ቆሃኮ ሃንቁታ፤ ኢዚ ባ ሞር ኤሪዲ ሲሚኮ ማራ።

4 ኢሲ ጋላሳን ላፑንቶ ዛሪ ዛሪ ቆሃዲ ላፑንቶካ ዛሪ ዛሪ፣ (ማራ) ገኮ ማራ» ገደሰ።

5 ሃዋሪቲካ፣ «ጎደ! ኑሰ ኣማና ጉጃ» ገደ።

6 ጎደይካ፣ «ጋሽ ኣይፊ ላጌ ኣማናይ ኢንቲሰ ዲኮ ሃይሳ፣ ላኤ ጾቃሌታ ባዳ ኣባን ጌላ ቶኬታ» ኢንቲ ገኮ ኢዚ ኢንቲሰ ኣዛዜታና» ገደሰ።

7-8 ቃሴካ ዩሱሲ፣ «ኢንቲ ገደፊ ኢሲ ኣሳሰ ጎሻንቻይ ዋይኮ ዶርሰ ሃሚዛ ኣሸካራይ ዲኮ ኢዚ ጎሻሶፔ ሲሚሺን፣ ሓታሰ ማና ካዎ ገሊሳ፤ ታ ማዳ ኡያና ጋካናሰ ጌዳታዳ ታሰ ኦላ፤ ሄሳፊ ጉዩ ማንዳሳኔ ኡያንዳሳ» ጌሰ ኣቲን ሃኢ ቁማ ማና ሃ ኣቆ ጊዜ?

9 ሂሰቲኮ ሄ ኣሸካራ ጎዳይ ኢዚ ኢዛ ኣዛዞ ፖሊዳ ገሻሰ ኢዛ ጋላቲ ኤሪዜ?

10 ሄሳ ገሻሰ ኢንቲኒካ ኢንቲ ኣዛዜቲዳይሳ ወርሲ ፖሊዳ ዋዩ፣ ላኒ ጎኣይ ባይንዳ ኦሳንቻታ ኑሰ ኦላናሰ ቤሲዛይሳ ፖሊ ኦላደሰ» ገቲ» ገደሰ።

ዩሱሲ ኢንቺራቻ ሃርጌፊ ፓሊዳ ታሙ ኣሳታ

11 ሄሳፊ ጉዩ ዩሱሲ ዩሩሳላሚ ቢሽ ሳማሪያራኔ ጋሊላ ኣቻራ ኣጵዳሰ።

12 ኢሲ ጉታ ጌሊዳ ዋዩ ኢንቺራቻ ሃርጊዛ ታሙ ኣሳቲ ኢዛ ዳሚዳ። ኢሰቲካ ሃሆን ኤቁዲ

13 ባ ቃላ ጾቁ ሂሰቲዲ፣ «ዩሱሳ! ጎደ! ኑሰ ሚሽታርኪ!» ገደ።

14 ኢዚካ ኢሰታ ቤኢዲ፣ «ቢቲ! ኢንቲና ቁሴታሰ ቤሲቲ» ገደሰ፤ ኢሰቲካ ቡር ቢሽ ኦጌ ቦላ ፓጺዳ።

15 ኢሰታፊ ኢሶይ ባ ፓጺዳይሳ ቤኢዲ ባ ቃላ ጾቁ ሂሰቲዲ ጸሳ ቦንቺሽ ሲሚዳሰ።

16 ኢዛይይካ ዩሱሳ ቶሆ ቦላ ኩንዲዲ ጋላቲዳሰ፤ ኢዚካ ሳማሪያ ቢታ ኣሳ።

17 ዩሱሲካ ኣዳዛ፣ «ፓጺዳይቲ ታሙ ኣሰ ዳቲኔ? ሂሰቲን ኡዲፋናቲ ኣዎ ቢደ?

18 ሃይሳ ዱማ ዳሬ ኣዳዛፔ ኣቲን ጸሳ ጋላቲዛይ ባ ጉሴ?» ገዲ ኦይቺዳሰ።

19 ኣዳዛካ ዛሪዲ «ዳንዳዳ ባ! ኔና ኔ ኣማናይ ፓሊዳሰ» ገደሰ።

ጸሳ ካዎቲላ ዩሳ ገሻሰ (ማቶ 24:23-28፣37-41)

20 «ጸሳ ካዎቲላ ኣይዳ ያኔ?» ገዲ ፋርሳዌቲ ዩሱሳ ኦይቺዳ ዋዩ ዩሱሲ፣ «ጸሳ ካዎቲላ ቤቲዛ ማላታታን ዩኩ።

21 ኣሳይ ጸሳ ካዎቲላ ሃን ዳወሰ ዋይኮ ሃን ዳወሰ ጋናሰ ዳንዳዩቲና፤ ጸሳ ካዎቲላ ኢንቲ ገደን ዳወሰ» ገዲ ዛሪዳሰ።

22 ባና ካሊዛይታሰካ፣ «ኣሳ ና ጋላሳታፔ ኢሲ ጋላሳዮ ቤያናሰ ኢንቲ ኣሞታና ዋዩይ ያና፤ ገደ ኣቲን ኢንቲ ቤዩኬታ።

23 አሳይ አንቲስ፡ «ሃን ዳዉስ» ወይ፡ «ሃን ዳዉስ» ጋና ሺን አንቲ አስታ ካሊዲ ቦፒቴ።
 24 ጋሶይካ ዋልቃንሳ ዋልቃሚዲ ሃ ጋጸፔ ሃ ጋጸ ጋካናስ ፖኢሲዛ ማላ አሳ ናይ ዪዛ ጋላስ ኢዛ ማላ ሃናና።
 25 ገዶ አቲን ሃይሲ ወሪ ሃናናፔ ኮይር አሳ ናይ ዳር ሜቶ ኤካናሲኔ ሃይሳ ሃ ዩሌታን ካዴታናስ ቤሴስ።
 26 «ኖሄ ዋዴ ሃኒዲይሳ ማላ አሳ ና ዋዴንካ ሃሳሉ ሃናና።
 27 ኖሄይ ማርካቤን ጌላና ጋላስ ጋካናስ አሳይ ሚሺኒኔ ኡዩሺን፣ ኤኪሺኒኔ ጌሊሺን ጳይሲዛ ሃላ ዪዲ ወርሲካ ጳይሲዴስ።
 28 «ሎጾ ዋዴካ ኢዛ ማላ ሃኒዴስ፤ አሳይ ሚሲኔ ኡዩስ፤ ባይዜሴኔ ሻሚስ፤ ቶኪዛዝ ቶኬስ፤ ኬሊካ ኬጾስ።
 29 ገዶ አቲን ሎጾይ ሶዶሚፔ ኬዚዳ ጋላስ ሹቹኔ ሚሳ ቆርንታ ዲኔ ታማይ ሳሎፔ ቡኪዲ ኡባ ጳይሲዴስ።
 30 «አሳ ናይ ቆንጫዛ ጋላስ ሃሳሉ ሃናና።
 31 ሃ ዋዴ ባ ኬላ ቦላ ዲዛይይ ኦኒካ ኬላ ገዶን ዲዛ ሚሽ ኤካና ገዲ ዲጌ ዋዶ፤ ሃሳሉካ ጎሻ ሶን ዲዛ አሲ ጉዬ ሶ ሲሞፎ።
 32 ሎጾ ማቾ ቆፒቴ።
 33 ባ ዴኦ ጋምኢሳና ኮይዛይ ወሪ ጳይሳና፤ ባ ሸምፖ አላ ኢሚዛይይ ጋምኢሳና።
 34 ታ አንቲስ ገዛይ ሃ ዋዴ ኦማርስ ናምኡ አሲ አሲ ሂጸን ኢቻና፤ አሶይ ኤኬታና፤ አሶይ አታና።
 35 ናምኡ ማጫሳቲ አሲፊ ጋጫሺን አሲኔያ ኤኬታና፤ ሃንጉራ አታና።
 36 ናምኡ አሲ አሲፊ ጎሻሶን ዳና፤ አሶይ ኤኬታና፤ አሶይ አታና። *
 37 «አሲቲካ ዛሪዲ፣ ሳዶ! አሲቲ አዋ ኤኬታኔ?» ገዶ፤ ኢዚካ አሃይ ዲዛሶን አንኮቲ ሺቃና» ገዶስ።

18

አምኤዮኔ ማካላ ዳናዛ

1 ባና ካሊዛይቲ አዛሎንታ ኡባ ዋዴ ዋሳናስ ቤሲዛይሳ ኤሪሳናስ ዩሱሲ ሃ ለሚሶዛ አሲታስ ዮቲዴስ።
 2 «አሲ ካታማን ጸሳስ ያዮንታ አሲኔ ቦንቾንታ አሲ ዳናይ ዴስ።
 3 ሃ ካታማንካ አሲ አምኤያ ዳዉስ። ኢዛካ፣ ታ ባልጋራ ታስ ሞቶይ ዲዛ ገሻስ ፒርዳርኪ!» ጋሽ ኢዛኮ ሲሚሬታዲስ።
 4 «ዳናዚካ ዳር ዋዴ ጋካናስ ኢዚስ ፒርዲቤና፤ ገዶ አቲን ጉዬፔ ባ ዋዚናን፣ «ጸሳስ ያዮንታ አሲካ ቦንቾንታ አኒኮ።
 5 ሃና አምኤያ ታና ዋዩሲዛ ገሻስ ታ ኢዚስ ፒርዳና» ቆፒዴስ፤ ሃሳ ሂሶቶንታ አኒኮ ኡባ ዋዴ ሲሚሬታዲ ኢዛ ታና ዳቡርሳና» ገዶስ።
 6 ጎዳይካ፣ «ማካላንቻ ዳናይ ገዳይሳ ሲዩቲ፤

7 ጸሲ ቃማ፣ ጋላሲኔ ኦማርስ ኢዛኮ ዋሲዛ ደሪቲዳይታስ ፒርዴኔዬ? ታና አይ ሜቲዴ! ገዲ ባ ማዶ ጋምኢሳንዴ?
 8 ታ አንቲስ ገይስ፤ ኢዚ አሲታስ ኤሌ ፒርዳና፤ ገዶ አቲን አሳ ናይ ዪዛ ዋዴ ቢታ ቦላ አማኖ ዴማንዴሻ?» ገዶስ።

ኦቶራንቻ ፋርሳዌኔ አሸኬ ገዲዳ ቃራጸ ሺሺዛዴ ለሚሶ

9 ባና ጸሎ አሳ ማላ ቆዲዲ ጩቄቲዛይታሲኔ ሃራታ ለቆ አይፊን ጾሊዛይታስ ለሚሶራ።
 10 «ናምኡ አሳቲ ዋሳናስ ጸሳ ኬሌ ቤዳ፤ አሶይ ፋርሳዌ፣ ሃንኮይሲ ቃራጸ ሺሺዛዴ።
 11 ፋርሳዌዚካ ኤቄዲ ባ ገሻስ፣ «ጸሶ! ታኒ ሃራ አሳ ማላ ቦንቄዛዴ፣ ማካሊዛዴ፣ ላይማቲዛዴ ሃራፔካ ሃይሳ ቃራጸ ሺሺዛዴ ማላ ገዶንታ አኒዳ ገሻስ ታ ኔና ጋሳታይስ።
 12 ሳሚንታን ናምኡ ጸማይስ፤ ታስ ዲዛ ታማሬ አሳ ኢማይስ» ገዲ ዋሲዴስ።
 13 «ገዶ አቲን ቃራጸ ሺሺዛ አዴዚ ሃሆን ኤቄዲ ፑዴ ሳሎ ቆቁ ገ ጸላናስ ከዩቤና፤ ገዶ አቲን ባ ቲራ ኢጫሽ፣ «ጸሶ! ታና ናጋራንቻዛ ማራርኪ!» ገዶስ።
 14 «ታ አንቲስ ዮታይስ፤ ጸሳ ሲንሳን ፋርሳዌዚ ዲሎቴሳ ዴሚቤና፤ ሃይሲ ቃራጸዛይሲ ገዲኮ ዲሊዲ ባሶ ሲሚዴስ፤ ባና ቆቁሲዛይ ወሪ ዘቄ ጋና፤ ባና ዘቄሲዛይ ገዲኮ ቆቁ ጋና» ገዶስ።
 15 ዩሱሲ ቦሽሬላና ማላ አሳይ ጉላ ናይታ ኢዛኮ ኤሂዴስ። ኢዛ ካሊዛይቲካ ሃሳ ቤኢዲ ሃንቄቲዳ።
 16 ገዶ አቲን ዩሱሲ ጉላ ናይታ ባኮ ጾይገዲ፣ «ጉላ ናይቲ ታኮ ያናይሳ ዲጎፍቲ፤ ጸሳ ካዋቴላ ሃይታንታ ማላሳ።
 17 ታ አንቲስ ቱሙ ጋይስ፤ ጸሳ ካዋቴላ ጉላ ና ማላ ኤኮንታይ ወሪ ኢዚን ጌሌና» ገዶስ።

ሃ ቢታ ሃርኔ ሳሎ ካዋቴላ (ማቶ 19:16-30፤ ማር 10:17-31)

18 አይሁዳታ ሃላቃታፔ አሶይ፣ «ኪያ አስታማሬ! ሚርና ዴኦ ላታናስ ታ አይ ኦላ?» ገ ኦይቹዴስ።
 19 ዩሱሲካ፣ «አዛስ ታና ኪያ ጋይ? አሲ ጸሳፊ አቲን ኪያይ ሃራይ ዴና።
 20 «ላይማቶ፤ ዋዶ፤ ካይሶቶ፤ ዋርዶ ማርካቶ፤ ኔ አዋ ቦንቻ» ገዛ አዛዘታ ኔ ኤራሳ» ገ ዛሪዴስ።
 21 አዴዚካ፣ «ሃይታ ገዲኮ ጉላ ናቴቴላፊ ደማዳ ናጋዲስ» ገዶስ።
 22 ዩሱሲካ ሃሳ ሲዩዲ፣ «ሂሶቲኮ ኔስ አሲ ሚሺ ፓጩስ፤ ኔስ ዲዛዝ ወርሳ ባይዛዳ ማንቆታስ ኢማ፤ ሳሎ ማዘጋባን ዴማንዳሳ፤ ኢዛፔ ጉዬ ያዳ ታና ካላ» ገዶስ።
 23 ገዶ አቲን አዴዚ ሃሳ ሲዩዳ ዋዴ ዳር ሃርይ ኢዛስ ዲዛ ገሻስ ኬሂ ሚሽቲዴስ።
 24 ዩሱሲካ አዴዚ ጾሊዲ፣ «ዳር ሚሺ ዲዛ አሳቲ ጸሳ ካዋቴላ ጌላናይሲ አይ ማላ ሜቶ!
 25 ዲሬይ ጸሳ ካዋቴላ ጌላናይሳፊ ጋሚላይ ናርፔ ሉኮራ ኦቆናይሲ ማታና» ገዶስ።

17:26 ሜዴ 6:5-8 17:27 ሜዴ 7:6-24 17:31 ማቶ 24:17-18፤ ማር 13:15-16 17:32 ሜዴ 19:26 17:33 ማቶ 10:39፤ 16:25፤ ማር 8:35፤ ሉቃ 9:24፤ ዮሃ 12:25 * 17:36 አሲ አሲ ገሻ ማጸፋታን ታይሶ 36 ቦላ ዲዛ ቆፋ ጉጃቴስ፤ ቆፋዚካ ማቶ 24:40 ዲዛይሳ ሚሳቴስ። 18:14 ማቶ 23:12፤ ሉቃ 14:11 18:20 ኬሳ 20:12-16፤ ዛሬ 5:16-20

26 ሄሳ ሲዩዳ አሳይ፡ «ሂስቲን ኦኒ አታና ዳንዳይዜ?» ገደሰ።
 27 ዩሱሲካ፡ «አሳ አቻን ዳንዳዬቶንታይ ጸሳ አቻን ዳንዳዬቲሰ» ገደሰ።
 28 ጸጽሮሲካ፡ «ሄኮ ኦኒ ኦሰ ዲዛዝ ኡባ አገዲ ኔና ካሊደሰ» ገደሰ።
 29 ዩሱሲካ አሰታሰ፡ «ታ አንቲሰ ቱሙ ጋይሰ፤ ጸሳ ካዎቱላ ገሻሰ ገዲ ባ ኬሌ፡ ባ ማቸ፡ ባ አሻንታ ዎይኮ ባና ዩሊዳይታ ዎይኮ ባ ናይታ አገዳዳይ፡
 30 ሃኢ ዎዳ ዳር ዳኮ ኩሼ ኤኮንታይኔ ዩዛ ዎዳ ቃሴ ሜርና ዳኦ ኤኮንታይ ኦኒካ ዳና» ገደሰ።

ዩሱሲ ባ ሃይቆ ገሻሲኔ ዳንላ ገሻሰ ሄሻንላ ዮቲዳሰ (ማቶ 20:17-19፤ ማር 10:32-34)

31 ዩሱሲካ ባና ካሊዛ ታማኔ ናምኦታ ዲማ ኤፊዲ፡ «ሃኢ ኦኒ ዩሩሳላሜ ኬዛና ጎሰ፤ ናቤቲ አሳ ና ገሻሰ ጸፊዳይሲ ወሪ ፖሌታና።
 32 አይዛቤታሰ አላ አማና፤ አሰቲካ ኢዛ ቁጂ ካኣናኔ ዎዩሳና፤ ኢዛ ቦላ ጩታና።
 33 ጋራፋና፤ ሄሳፊካ ዛሪዲ ዎዳና፤ ኢዛካ ሄሻንላ ጋላሰ ሃይቆፔ ዳንዳና» ገደሰ።
 34 ኢዛ ካሊዛይቲ ገዲኮ ሄሳ ኡባፊ አሲኖካ ኤሪቤቲና፤ ኢዚ ገዛይሲካ አሰታሰ ጌሊቤና። ኢዚ አዛ ገሻሰ ሃሳይዳኮ ኤሪቤቲና።
 35 ዩሱሲ አያርኮ ጌቲቲዛሶ ማቲዳ ዎዳ ኢሲ ቆቄ አዳይ ኦጌ ዶናን ኡቲዲ ዎሴሰ።
 36 ሄ ቆቄ አዳዚካ ዳር አሳይ ኦጌሪ አጂዛይሳ ሲዩዲ፡ «ሂሲ አዜ?» ገ ኦይቸደሰ።
 37 አሰቲካ ኢዛሰ፡ «ናዚሬቲ ዩሱሲ ሃይሳራ አጂሰ» ገ ዮቲዳ።
 38 ኢዚካ፡ «ዳዊቲ ና ዩሱሳ ታሰ ቃዴታ!» ገ ዋሲደሰ።
 39 ዩሱሳ፤ ሲንላቲ ቢዛይቲ፡ «ጮኡ ጋ!» ገዲ ሃንቁቲዳ። ገደ ኦቲን ኢዚ፡ «ዳዊቲ ናወ! ታሰ ቃዴታ!» ገዲ ዳርሲ ዋሲደሰ።
 40 ዩሱሲካ ኤቁዲ አዳዚ ኢዛኮ ኤሃና ማላ አዛዚዳሰ፤ ኢዚካ ኢዛኮ ሸቁዳ ማላ፡
 41 «ታ ኔሰ አይ ኦላና ማላ ኮያይ?» ገዲ ኦይቸደሰ። ቆቄዚካ፡ «ጎዶ ጸላናሰ ኮያይሰ» ገደሰ።
 42 ዩሱሲካ፡ «ኔና ኔ አማኖይ ፓላደሰ ጸላ» ገደሰ።
 43 አዳዚ ሄሪካ ዳሊዳሰ፤ ጸሳካ ቦንቸሼ ዩሱሳ ካሊዳሰ፤ ሄሳ ቤኢዳ ዳሬይ ወሪ ጸሳ ጋላቲዳሰ።

19

ዩሱሳኔ ዜኪዮሳ

1 ዩሱሲ አያርኮ ጌቲቲዛሶራ አጂ ቢሺን፡
 2 ዜኪዮሳ ጌቲቲዛ ኢሲ አሲ ሄን ዩሱሲ ቢዛ ኦጌ ቦላ ዳሰ። ኢዚካ ቃራጸ ቃንጸሲዛይታሰ ሃላቃኔ ኬሂ ዲሬ አሳ።
 3 ኢዚ ዩሱሳ ጌቲቲዛይሲ አዎይሳኮ ቤያናሰ ኮዩሺን ቃንላ አሳ ገዲዳ ገሻሲኔ ዳር ዳሬይ ዩሱሳ ካሊዛ ገሻሰ ዩሱሳ ቤያናሰ ዳንዳይቤና።
 4 ዩሱሲ ሄ ኦጌሪ አጂሺን ሲንሴ አጂዲ ኦጌ ቦላ ዲዛ ኢሲ ኤላ ማላ ቦላ ኬዚዳሰ። *

5 ዩሱሲ ኤላ ጋርሰ ጋኪዲ ቶቁ ሂስቲ ዳሊዲ፡ «ዜኪዮሳ! ሃቶ ታ ኔ ኬላን ፔኣናሰ ቤሴሰ፤ ኤሌላ ዎዳ» ገደሰ።
 6 ኢዚካ ኤሌላ ዎዳዲ ኡፋይሳን ሞኪ ኤኪዳሰ።
 7 ሄ ዎዳ ሄን ኢዛራ ዲዛ አሳይ ሄሳ ቤኢዲ፡ «ናጋራንቻ ኬላን አማቶ ማና ጌሰ» ገዲ ወሪካ ባ ገደን ዙዙሚቲዳ።
 8 ገደ ኦቲን ዜኪዮሲ ኤቁዲ፡ «ጎዶ! ታኒ ታሰ ዲዛ ሚሼ ኡባፊ ባጋ ሻካዳ ማንቆታሰ አማና፤ ታኒ ኦናፔካ ዎርዶራ ቦንቃ ኤኪዳዚ ዲኮ ኦይዱ ኩሼ ጉጃዳ ኢዛዳሰ አማና» ገደሰ።
 9 ዩሱሲካ፡ «ሃ አዳዚ አሰራሃሜ ና ገዲዳ ገሻሰ ሃቶ ሃ ኬላሰ ፓጸቲላ ዩዳሰ» ገደሰ።
 10 ሃይሳሰ ጋሶይካ አሳ ናይ ሃ ዩዳይ ቆይዳይሳ ኮያናሲኔ አሻናሳ።
 11 አሳይ ሃይሳ ሲዩሺን ለሚሶራ ሃሳያ ኦይኪዳሰ፤ ጋሶይካ ኢዚ ዩሩሳላሜ ጋካናሰ ማቲዳ ገሻሲኔ አሳታሰ ጸሳ ካዎቲላ ቆንጫና ሃኒዛ ሚሳቲዳ ገሻሳ።
 12 ሄሳ ገሻሰ፡ «ኢሲ ካዎይ ባ ካዎቲላ ሹሜቲላ ኤኪ ያናሰ ሃሆ ቢታ ቢዳሰ።
 13 ባ አሽካራታ ገደፊ ታማታ ጸይገዲ ታሙ ሚናኔ † አሰታሰ አሚዲ፡ ታ ሲማዳ ያና ጋካናሰ ሃይሳ ሚሻን ዛልአቲ» ገደሰ።
 14 «ሄ ዳሬ አሳቲ ቃሴ ኢዛ ኢጸዳ ገሻሰ፡ «ሃይሲ አዳዚ ኦ ቦላ ካዎታና ማላ ኮዮኮ» ገዲ አሰ ኢዛ ጌዶራ ኪታ አላ ዩዲዳ።
 15 «ገደ ኦቲን ሃ ካዎ ናዚ ካዎ ገዲዲ ጉዬ ባ ዳሬ ሲሚዳሰ። ካሴ ቢሼ ታሙ ሚናኔ አሚዳ ታሙ አሽካራቲ ኢዚ አሚዳ ቢራን ዛልኢዲ አይ ኬና ቲርፊሲዳኮ ኤራናሰ ኢሰታ ጸይገዳሰ።
 16 «ኢሰታፊ ኮይርዚ ሸቁዲ፡ ጎዶ! ኔ ታሰ አሚዳ ታሙ ሚናኔይ ሃራ ታሙ ዩሊዳሰ» ገደሰ።
 17 «ጎዶዚካ ኢዛ፡ «ኔ አማኔቲዳ አሽካራ፤ ሎኦ ኦላዳሳ። ጉላ ሚሻን ኔ አማኔቲዳ ገሻሰ ታሙ ካታማታ ኔ ሃራና ማላ ኔሰ አሚዲሰ» ገደሰ።
 18 «ናምአንሳዚካ ኢዛኮ ሸቁዲ፡ ጎዶ! ኔ ታሰ አሚዳ ሚናኔ፤ ሃራ ኢቻሹ ሚናኔይ ዎዳዳሰ» ገደሰ።
 19 «ኢዛ ጎዶዚ ኢዛሰ ዛሪዲ፡ «ኔኒ አይሳና ማላ ታሙ ካታማቲ ኔሰ አሚቲዳ» ገደሰ።
 20-21 «ቃሴካ ሃንኮ ኦሳንቻይ ሸቁዲ፡ ጎዶ! ኔኒ ዎላንታሶፔ ኤኪዳዳ፤ ዜርንታሶፔ ማጸዳዳይኔ ማንጾ ኢታ አሰ ገዲዳ ገሻሰ ታ ኔሰ ባባዳ ጫርቃን ጸጸ ዎላዳ ኔ ሚናኔዮ ሄይ ኤካ» ገደሰ።
 22-23 «ኢዛ ጎዶዚ ዛሪዲ ኢዛሰ፡ «ሃይሶ ኢታ ኦሳንቻዘ! ታ ኔ ቃላን ኔና ዛራ ፐርዳይሰ። ታኒ ዎላንታሶፔ ኤኪዳዳ፤ ዜርንታሶፔ ማጸዳዳ ሚንጾ ኢታ አሰ ገዲዳይሳ ኤራሳሺን ታኒ ታ ሚሻ ዩሎራ ኤካና ማላ ሄ ሚሻን ኦላና አሳታሰ አዛሰ አማቤኪ?» ገደሰ።
 24 «ኢዛ ጎዶዚካ ሄን ኤቁዳ አሳታ፡ «ኢዛ ኩሼፔ ሚናኔዛ ኤኪዳኔ ታሙ ሚናኔይ ዲዛይሳሰ አሚቲ» ገደሰ።
 25 «ኢሰቲካ ዛሪዲ፡ ጎዶ! ኢዛሰ ታሙ ሚናኔይ ዳሰኮ» ገደሰ።

* 19:4 ኢሲ ኢሲ ባጋ ጋዎላ ቃላን ኤላ ሚላ ገዛይሳ ቦባ ጌቲሰ። 19:10 ማቶ 18:11 19:11 ማቶ 25:14-30 † 19:13 ሚናኔ፡ ሚናኔይ ሚሻቲ አይ ላጌ ዳዲዛኮ ኤራናሰ ማዲዛ ሚሻ፤ ቃሴካ ሚሻ ገዲዲ ዛልኤሰካ ማዳሰ፤ ኢሲ ሚናኔይ ሄ ዎዳ አሳዳሰ ሄሹ ጋላሳሰ ኦሶ ዳዎዛ ሊኬ ገዳና። 19:26-27 ማቶ 13:12፤ ማር 4:25፤ ሉቃ 8:18

26-27 «ኢዚካ፡ «ዲዛዳስ ኡባስ ሃራይ ጉጃታና፤ ባይንዳዳስ ካሴ ዲዛይሲ ኢዛፔ ኤኬቲቻና። ገደ ኦቲን ታኒ ኢስታ ቦላ ካዎቶንታ ማላ ኮዩዳይታ ሃይታ ታ ሞርኬታ ታኮ ሃ ኤሄዲ ታ ሲንፋን ሹኪቲ» ገደሰ።

28 ሄሳ ሃሳዩ ሲሚዲ ዩሱሲ ዩሩሳላሜ ኬዛናስ ኢስታፊ ሲንፋቲ ቢደሰ።

29-31 ዲብራዛይቲ ጌቲቲዛ ዙማ ቦላ ዲዛ ቤቴፋጌኔ ቢታኒያ ጌቲቲዛ ካታማታኮ ማቲዳ ዎዴ ባና ካሊዛይታፔ ናምኦታ፡ «ሄን ኢንቲ ሲንፋን ዲዛ ቁሪ ካታማኖ ቤቲ፤ ቢዲ ካታማኖ ኢንቲ ጌሊሺን ኦኒካ ቶጊ ኤርንታ ኢሲ ቃሹቲ ዲዛ ሃሪ ጉቲ ኢንቲ ዳማና፤ ኢዛ ቢርሺዲ ሃ ታስ ኤኪ ዩቲ፤ ኢንቲና ኦኒካ፡ «ኣዛስ ቢርሺቲ?» ገዲ ኦይቹኮ፡ «ሳዳስ ኮሼስ ገቲ» ገ ከቲደሰ።

32 ከቲቲዳይቲካ ቢዲ ኢዚ ኢስታስ ዮቲዳ ማላ ሃሪ ጉቲዛ ደሚዳ።

33 ኢስቲ ጉቲዛ ቢርሺን ጉቲዛ ጎዳቲ ቤኢዲ፡ «ኣዛስ ቢርሺቲ?» ገዲ ኦይቹዳ።

34 ኢስቲካ፡ «ጎዳስ ኮሼስ» ገዲ።

35 ሃሪ ጉቲዛ ዩሱሳኮ ኤሂዲ ባ ማይኦ ኡባ ጉቲዛ ቦላ ዩጊዲ ሃሪ ጉቲዛ ቦላ ዩሱሳ ቶጊሲዳ።

36 ኣሳይ ወሪካ ባ ኣፋላ ዩሱሲ ቢዛ ኦኔ ቦላ ሚጪደሰ።

37-38 ዲብራዛይቲ ዙማ ቦላራ ዲጌ ዎላዚ ኦጌዛኮ ማቲዳ ዎዴ ቆዳይ ባይንዳ ዳሪይ ባ ቤኢዳ ማላታ ገሻስ ወሪካ ኡፋይሳራ ባ ቃላ ቆቁ ሂስቲዲ፡ «ጎዳ ሱንፋን ዩዛ ካዎይ ኣንጃቲዳይሳ፤ ሳርይ ሳሎን፡ ቦንቾይ ሳሎፔ ቦላ ሳሎን ገደ» ገደሰ።

39 ዳራፔ ኢሲ ኢሲ ፋርሳዌቲ ዩሱሳ፡ «ኣስታማራ! ሃ ኔና ካሊዛ ኣሳይ ገዛይሳ ጎንታ ማላ ሃንቃ» ገደሰ።

40 ኢዚካ ኢስታስ ዛሪዲ፡ «ሃይቲ ጮኡ ገደኮ ሹቻቲካ ዋሳና» ገደሰ።

41-43 ዩሱሲ ዩሩሳላሜ ማቲሽ ካታማኖ ቤኢዲ ኢዚስ ዩኪደሰ። «ኔስ ሳር ገዲዛዝ ሃቶ ኔ ኤሪዳኮ ኣዜ ዲዛይ? ሃኢ ኔ ኣይፊፔ ቆቲቲዳ ገሻስ ኔ ሞርኬቲ ሄራ ሃራ ኔና ገደላዲ ኡንኤሳና ዎዴይ ያና።

44 ኔና ኔ ጌቤ ገደን ኔናራ ዲዛ ኔ ናይታ ኡባ ቢታ ኬሳና፤ ሹቻካ ሹቻ ቦላፊ ላሎንታ ኣጌቲና። ሄሲ ወሪካ ጸሲ ኔና ኮዩሺን ኔኒ ኤርንታ ኣጌዳ ገሻሳ» ገደሰ።

45 ሄሳፊ ካሊዲ ዩሱሲ ጸሳ ኬሌ ጌሊዲ ጸሳ ኬላ ገደን ዛልኢዛይታ ኬሲደሰ።

46 ቃሴካ፡ «ታ ኬላይ ዎሳ ኬላ ገደና ጌቲቲ ጸፊቲደሰ፤ ኢንቲ ገዲኮ ፓንጋይ ዲዛ ጎንጎሎ ሂስቲደታ» ገደሰ።

47 ዎንቲን ዎንቲን ጸሳ ኬላን ኢዚ ታማርሲሺን ጸፊቲኔ ዳሪ ሃላቃቲ ኢዛ ዎቆናስ ኮዩዳ።

48 ገደ ኣቲን ዳሪይ ወሪካ ኢዛራ ኦይኬቲዲ ኢዚ ታማርሲዛይሳ ካሊዛ ገሻስ ኦላናዚ ኢስታስ ከርቂ ገደሰ።

20

ዩሱሳ ዎልቃ ፓጫና ሸቂዳ ኦይሻ (ማቶ 21:23-27፤ ማር 11:27-33)

1 ኢሲ ጋላስ ዩሱሲ ኣሳ ጸሳ ኬላን ታማርሲሺኔ ሚሺራች ቃላ ሳባኪሺን ቁሴ ሃላቃቲ፡ ጸፊቲኔ ዳሪ ጨማቲ ሸቂቲዲ ኢዛኮ ዩዳ።

2 «ሃይሳ ኔ ኦሊዛይ ኦና ሼኔኔ? ኔስ ሼኔ ኢሚዳይ ኦኔ?» ገዲ ኢዛ ኦይቹዳ።

3 ኢዚካ ኢስታስ፡ «ታኒካ ኢንቲና ኢሲ ኦይሾ ኦይቻይሰ፤ ኣኔ ታስ ዛሪቲ።

4 ዮሃንሳ ጸንቃታይ ሳሎፔ? ኣሳፔ?» ገደሰ።

5 ኢስቲካ ባ ገደን ኢሶይ ኢሳራ፡ «ኦ፡ ዮሃንሳ ጸንቃታይ ሳሎፔ» ገኮ ኢዚ ኦና፡ «ሂስቲን ኣዛስ ኣማኒቤኬቲ?» ገና።

6 «ኣሳፔ» ገኮ ኣሳይ ወሪ ዮሃንሲ ናቤ ገዲዳይሳ ኣማኒዛ ገሻስ ኦና ሹቻራ ጫዳና» ገ ዛሪቲዳ።

7 ሄሳ ገሻስ፡ «ኢዚ ኣዎፔኮ ኦ ኤርኮ» ገዲ ዛሪዳ።

8 ዩሱሲካ ሂስቲኮ፡ «ታኒካ ኣዛ ዎልቃን ኦሊዛኮ ኢንቲስ ዮቲኬ» ገደሰ።

ዎይኔ ኣታኪልቲ ጎሻንቻታ ለሚሶ (ማቶ 21:33-46፤ ማር 12:1-12)

9 ቃሴካ ዩሱሲ ኣሳስ ለሚሶራ፡ «ኢሳይይ ዎይኔ ሚሶ ቶኪደሰ፤ ጋዴ ጎዩዛይታስ ከራ ኢሚዲ ሃራ ዳሪ ቢዲ ሄን ጋምኢደሰ።

10 ካጺዛ ቦኔ ዎዴ ካላፊ ኤኪ ያና ማላ ባ ኣሽካራታፔ ኢሳይ ጋዴዛ ጎዩዳ ኣሳታኮ ዩዲን ጋዴ ጎዩዛይቲ ከቲቲ ቢዳይሳ ቆጶዲ ሚሶ ኩሼ ዩዲዳ።

11 ካሌሊዲካ ሃራ ኣሽካራ ዩዲን ጎሻንቻቲ ሃኢካ ኦይኪ ቆጶዲኔ ካወሺዲ ሚሶ ዩዲዳ።

12 ሃኢካ ካሌሊዲ ሄቫንሶ ኣሽካራ ዩዲን ጎሻንቻቲ ኢዛካ ቆጶሬሊ ማዲንሊዲ ካሪ ኬሲ ዩጊዳ።

13 «ዎይኔ ሚሶ ጎዳይ፡ «ሃኢ ኣይ ኦሶ? ኦኔ ኤሪዛይ ታ ኬሃ ሲቁዛ ታ ናዛ ዩዲዳኮ ኢዛ ቦንቻንዴቶሻ?» ገደሰ።

14 «ገደ ኣቲን ቢታ ጎዩዛይቲ ናዛ ቤኢዳ ማላ ባ ገደን፡ «ሃይሲ ኢዛ ላታና ናዛ ገደኔ? ሃ ዩቲ፤ ኢዛ ዎቆዲ ቢታ ላቶስ» ገዲ ዛሪቲዳ።

15 ዎይኔ ሚሶ ቶኪዳሶፔ ካሪ ኬሲዲ ናዛ ዎቆዲ፡ ሂስቲኮ ሃኢ ዎይኔ ሚሶ ጎዳይ ሃ ኣሳታ ዎስታኔ?

16 ዩዲኔ ሄ ጎሻንቻታ ቆይሳና፤ ዎይኔ ሚሶ ቶኪዳሶፔዛ ሃራታስ ኢማና» ገደሰ፤ ዳሪይካ ሄሳ ኢዚ ገዲይሳ ሲዩዲ፡ «ሃይሳ ማላይ ሃና?» ገደሰ።

17 ዩሱሲካ፡ «ኢስታኮ ጶሊዲ፡ «ሂስቲን ሹቻን ኬሌ ኬሌዛ ኣሳቲ ለቂ ኣጌዳ ሹቻይ ኬላስ ዋና ሁኔ ገደና ጌቲቲዲ ጸፊቲዳ ለሚሶዛስ ቢርሺላይ ኣዜ?»

18 ሃ ሹቻ ቦላ ኩንዲዳይ ወሪ ሹቻን ቆጶታና፤ ሹቻይካ ኢዛ ቦላ ዎቆዳይ ወሪካ ሊቃና» ገደሰ።

ገራ ቃንጾ ገሻስ ሸቂዳ ኦይሻ

19 ጸፊቲኔ ቁሴታ ሃላቃቲ ሂሲ ለሚሶዚ ኢስታ ቦላ ሃሳዬቲዳይሳ ኤሪዲ ሃራካ ኢዛ ኦይካናስ ኮዩዳ ሺን ዳሪዛስ ባቢዳ።

20 ዩሱሳ ዎልቃራ ሃሪዛይታስ ኣሊ ኢማናስ ኢዛ ደናፔ ኬዚዛ ባላ ቃላ ደሚዲ ኦይካናስ ካሊ ካሊ ናገዲኔ ጸሎ ኣሳ ሚሳቲዲ ኢዛ ካሊ ኢዛ ደናፔ ዮኦ ናገዚ ኣሳታ ኢዛኮ ዩዲዳ።

21 ኢዛ ደናፕ ዮኦ ኮይዛ አሳቲ ዬሱሳ፡ «አስታማሪ! ኔኒ ቱማ ሃሳይዛይሳኔ ቱማ ታማርሲዛይሳኔ ቃሴካ ጸሳ ኦጌ ኔ ቱሙ ታማርሲዛይሳኔ ኦናካ ሻካ ማደንታይሳ ኦ ኤርሰ።

22 ጊዶ ኦቲን ቁሳሬሰ ጊራ ጊራናሰ ቤሲዜ? ቤሴኔ?» ጊዱ ኦይቸዳ።

23 ኢዚካ ኢስታሰ ዲዛ ጌኔ ቆፋ ኤሪዳ፡

24 «አኔ ኢሲ ዲናሬ ታና ቤሲቱ፣ ሃይሲ ኢዛ ቦላ ዲዛ ሜዳዚኔ ጸፊቶይሲ ኦናይሴ?» ጊዳሰ። ኢስቲካ፡ «ቁሳሬይሳ» ጊዳ።

25 ኢዚካ ዛሪዲ ኢስታሰ፡ «ቁሳሬይሳ ቁሳሬሰ፡ ጸሳይሳ ጸሳሰ ኢሚቱ» ጊዳሰ።

26 ሄሳ ጊሻሰ ኢዚ ሃሳይዳ ቃላፕ ኤኪዲ አሳ ሲንሳን ኢዛ ቃጸናሰ ዳንዳይቤቱና፤ ኢዚ ኢሚዳ ቃላን ማላሌቲዲ ጮኡ ጊዳ።

ሃይቁዳይታ ዳንላ ጊሻሰ
(ማቶ 22:23-33፤ ማር 12:18-27)

27 ሃይቁዳይታ ዳንላ ባ ጊዛ ሳዱቃዊታፕ ኢሲ ኢሲ አሳቲ ዬሱሳኮ ዩዲ ኦይቫ ሺሺዳ።

28 «ጎዶ! (ኢሳይይ ማቶ ኤኪዲ ና ዬሎንታ ሃይቁኮ ሄ ሃይቁዳይሳ ማቶ ኢዛ አሻይ ኤኪዲ ባ አሻ ላታና ና ኢዛሰ ዬሎ) ጊዲ ሙሴይ ኮሰ ጸፊዳሰ።

29 ሂሰቲን ላፑን አሻቲ ዳቲሰ ሺን ኢስታፊ ባይራዚ ማቶዲ ና ዬሎንታ ሃይቁዳሰ።

30 ኢዛ ካሎዚካ ኢዛሳ ሃይቁዳሰ፤

31 ሂቸንሳዚካ ኢዛ ኤኪዳሰ፤ ላፑናቲ ወሪካ ሄ ማጫሳዮ ኤኪዲ ወሪካ ና ዬሎንታ ሃይቁዳ።

32 ወርሴላን ማጫሳያ ሃይቃዳሰ።

33 ላፑናቲካ ሃ ማጫሳዮ ኤኪዳሺን ሃ ማጫሳያ ወርሴላን ሃይቁዳይቲ ዳንዲዛ ዋዴ ኢዛ አዋይሳ ማቶ ጊዳኔ?»

34 ዬሱሲ ኢስታሰ፡ «ሃ አላሜ ናይቲ ጌሌቲሴኔ ኤኬቲሰ።

35 ቡር ያና አላሜን ሃይቁዳይታ ዳንላ ዳማናሰ ቤሲዛይቲ ጊዲኮ ጌሌቲናኔ ኤኬቲና።

36 ኢስቲ ከታንቻታ ማላ ጊዳና ጊሻሰ ሄሳፊ ጉዬ ሃይቁቲናኔ ሃይቆፕ ዳንላ ናይታ ጊዲዳ ጊሻሰ ኢስቲ ጸሳ ናይታ።

37 ሙሴይ ቁሪ ዋራ ጊሻሰ ጸፊቲዳ ታሪኬዛን ጎዳ፡ «ኢብራሃሜ ጸሳ፡ ዩሳቃ ጸሳ ያቆቤ ጸሳ» ጉሳን ሃይቁዳይቲ ዳንዳናይሳ ቤሴሰ።

38 ወሪካ ኢዛሰ ዳኦይ ዲዛ ጊሻሰ ኢዚ ፓጸታ ጸሳፊ ኦቲን ሃይቁላታ ጸሰ ጊዳና» ጊዳሰ።

39 ኢሲ ኢሲ ጸፊቲ፡ «አስታማሪ! ሎኦ ጋዳሳ» ጊዳ።

40 ሄሳፊ ጉዬ አይ አሲካ ኢዛ ኦይቻናሰ ጸሊቤና።

ጸሳይ ቲይዳይሳ ጊሻሰ ሸቁዳ ኦይቫ
(ማቶ 22:41-46፤ ማር 12:35-37)

41 ሄሳፊ ጉዬ ዬሱሲ፡ «አሳይ ማሲሄ ዋኒዲ ኢዚ ዳዊቲ ና ጊዜ?»

42-43 ጋሶይካ ዳዊቲ ባ ጸፊዳ ዬላ ማጸፋታን፡ ታ ኔ ሞርኬታ ኔ ቶሆ ጋርሰ አላና ጋካናሰ ጎዳይ ታ ጎዳ፡ ኔ ታ ኡሻቻን ኡታ» ዋኒዲ ጊዳ?

44 ሂሰቲኮ ዳዊቲ ኢዛ፡ «ጎዳ» ጊ ደይጊሼ ዋኒ ኢዛሰ ና ጊዳኔ?» ጊዳሰ።

45 ዳሬይ ወሪ ሲዩሺን ባና ካሊዛይታሰ፡

46 «ጎሹቲዛ አዲሳ ቃሚሳ ማይኢዲ ዩሼ ደሲዛይታፕ ጊያይ ዲዛሰን ሳርኬቲላ ኮይዛይታፕ ኦይሁዳ ዋሳ ኬላን ቶቃ ኦይዴኔ ዲጊሳሰን ቦንቾሶ ኮይዛ ጸፊታፕ ናጌቲቱ።

47 ሃይታንቲ አምኤታ ኬላ ካሎሲዛይታ፤ አሲ ኢስታ ቤያና ማላ ዋሳ አዲሴቲሰ፤ ሄይታንታ ኢታ ፕርዳይ ናጌሰ» ጊዳሰ።

21

አምኤይ አምታ
(ማር 12:41-44)

1 ዬሱሲ ቶቁ ጊ ደይጊሼን ዳሬ አሳቲ ጸሳ ኬላን ሙጹዋታ ኢዛን ሺሺዛይሳ ጊዳን ሙጹዋታ ዩሺሺን ቤዩዳሰ።

2 ቃሴካ ኢሲ አምኦ ዲዛራ ናምኡ ሲኪና ጊዲዛ ናምኡ ጸርቁማላ ሄ ሙጹዋታ ኢዛን ሺሺዛይሳን ዩሺሺን ደሊዲ፡

3 «ታ ኢንቲሰ ቱሙ ጋይሰ፤ ሃና አምኤያ ኡባ አሳፕ ቦላራ አዴላ ኢማዲሰ።

4 ሃይቲ አሳቲ ኢሚዳይ ባሰ ዲዛ ቲርፓፊ ጊዲሺን ኢዛ ጊዲኮ ባሰ ባይንዳ ዋልቃፊ ባሰ ዲዛርኔ ባ ዲሳሰ ኮሺዛር ወርሳ ዩጋዲሰ» ጊዳሰ።

ጸሳ ኬላ ላሌታናይሳ ዬሱሲ ካሴቲ ዮቲዳ ቃላ
(ማቶ 24:1-2፤ ማር 13:1-2)

5-6 ኢዛ ካሊዛይታፕ ኢሲ ኢሲ አሳቲ ጸሳ ኬላይ ሎኦ ሹቻኒኔ አሳይ ኢሚዳ አምታን አይ ማላ ሎኦ ኬጾቲዳኮ ጊዲ ባ ጊዳን ሃሳይቲሺን ዬሱሲ ሲዩዲ፡ «ሃይሲ ኢንቲ ቤኢዛይሲ ወሪ ላሌቶንታ ሹቲ ሹቻ ቦላ ኬሌቲዳ ማላ አቶንታ ዋይይ ያና» ጊዳሰ።

7 ኢስቲካ ኢዛ፡ «አስታማሪ! ሃይሲ ወሪ አይዳ ሃና? ቃሴ ሃይሲ ሃናናይሳሰ ማላታይ አዜ?» ጊዲ ኦይቸዳ።

8 ኢዚካ ኢስታሰ፡ «ኢንቲ ባሌቶንታ ማላ ናጌቲቱ፤ ዳርቲ ባና፡ ታ ኪርሰቶሳኮ! ዋይይካ ማቲዳሰ» ጊሹ ታ ሱንሳራ ያና ሺን ኢንቲ ኢስታ ካሎፍቱ።

9 ኦላ ጊሻሲኔ ዳሬ ማካላቲላ ጊሻሰ ሲዩዛ ዋዴ ዳጋሞፍቱ። ሄሲ ወሪ ካሴቲዲ ሃናናሰ ቤሴሰ፤ ወርሴላ ጋኪዳሰ፤ ጊዶ ኦቲን ሄራካ ሃኔና» ጊዳሰ።

10 ቃሴ፡ «ዳሬይ ዳሬ ቦላ፡ ካዋይ ካዋ ቦላ ዳንዳና።

11 ቢታይ ዋልቃማ ቃላ ቃጸና፤ ኮሻይኔ ቦሻይ ዲማ ዲማሶን ሃናና፤ ዳር ባቢሲዛዚኔ ሳሎፕ ጊታ ማላታይ ቤታና።

12 «ሄሲ ወሪ ሃናናፕ ካሴቲዲ አሳይ ኢንቲና ኦይካናኔ ጎዳና፤ አይሁዳ ዋሳ ኬላኔ ቃሾ ኬላ ጌልላና፤ ካዋታ ሲንላኔ ዳናታ ሲንላ ሺሻና። ሄሲ ወሪ ታ ሱንሳ ጊሻሰ ኢንቲ ቦላ ጋካና።

13 ሄሲ ወሪካ ማርካታናሰ ሎኦ ቃዳ ጊዳና።

14 ሄሳ ጊሻሰ ኦና ኦይቸዛይታሰ ኦ አይ ዛሪና? ጊዲ ካሴቲዲ ሂርሳንታ ማላ ሃይሳ ዋዚናን ዋላቲ።

- 15 አንቲ ሞርኬታፔ ኦሪካ አንቲናራ ኤቁታናሲኔ ባሌፋናሲ ዳንዳዮንታ ቃላኔ ጨንጫቴል ታ አንቲስ አማና።
- 16 አንቲና ዩሊዳይቲኔ አንቲ አሻቲ፣ አንቲ ዳቦቲኔ አንቲ ላጌቲ ወሪ አንቲና አላ ኢማና፤ አንቲፊ ባጋታ ዋዳና።
- 17 ታ ሱንፋ ገሻሰ ኡባ አሳ አቻን አንቲ ኢጾታና።
- 18 ጊዶ አቲን አንቲ ሁኔ ቢናናታፔ ኢሲናካ ጳዩኩ።
- 19 አንቲ ሚኒ ኤቁኮ አንቲ ሼምፖ አሻና።

ዩሱሲ ዩሩሳላሚ ጳዮ ገሻሰ ካሴቲዲ ዮቲዳ ቃላ (ማቶ 24:15-21፤ ማር 13:14-19)

- 20 «ኦላ አሳይ ዩሩሳላሚ ጊዶሊሽን ቤዪኮ ኢዚሰ ጳይዘ ዋዳይ ማቲዳይሳ ኤሪቲ።
- 21 ሄ ዋዳ ዩሁዳን ዲዛይቲ ፑዳ ዙማ ቦላ ጋንጌቶ፤ ካታማን ዲዛይቲካ ካታማፔ ኬዚቲ፤ ዳሬ ጊዶን ዲዛይቲካ ሄ ካታማዮ ጌሎፔቶ።
- 22 ጳፊቲዳይሲ ወሪ ፖሌታናሰ ሃና ሃሎ ኬሲዛ ዋዳ።
- 23 ቢታ ቦላ ጊታ ሜቶይ ሃናና፤ ሃይሳ ዳሬዛ ቦላ ሃንቆይ ያና፤ ሄሳ ገሻሰ ሄ ዋዳ ቃንፋራ ዲዛ ማጫሳታሲኔ ጳንጊዛ አይታሰ አይ አና!
- 24 ባጋ አሳይ ማሻን ሃይቃና፤ ባ ዳሬፔ ሃራ ዳሬ ዲኤታና፤ ዩሩሳላሚይካ ጳሰ ኤሮንታ ዳሬታ ዋዳይ ፖሌታና ጋካናሰ፣ ጳሰ ኤሮንታ አሳታን ዩዴቲዳር ጊዳና።

አሳ ናሰ ናምአንሉ ዩሰ (ማቶ 24:29-31፤ ማር 13:24-27)

- 25 «አርሼ ቦላ፣ አገና ቦላኔ ጸሊንቲ ቦላ ማላታይ ቤታና፤ አባፊኔ አባ ዳምባላ ገሪሳፊ ዳንዲዳይሳን ቢታ ቦላ ዲዛ ዳሬይ ሂርጋናኔ ሜቶታና።
- 26 ሳሎ ዋልቃማቲ ቃጺዛ ገሻሰ አሳይ ቢታ ቦላ አዜ ሃናኔሻ ጉሳኒ ናን ጸላ ዳቡራና።
- 27 ሄ ዋዳ አሳ ናይ ዋልቃራ፣ ጊታ ቦንቾራኔ ሻራራ ዩሺን ቤያና።
- 28 አንቲካ ሃይቲ ሃ ታ ጊዳይቲ ፖሌቲል ኦይኪሽን አንቲስ አቲፋ ዋዳይ ማቲዳ ገሻሰ ሲቲ ጊ ኤቁቲ፤ አንቲ ኦይፊ ፑዳ ጳቁ ሂሰቲቲ» ጊዳሰ።

ኅዳ ዩሳ ማላቲዛ ባላሴ ሚላይ ለሚሶ

- 29-30 ካሌሊዲ፣ «ባላሴ ሚላይ ሃራ ሚላታ ኡባ ጴሊቲ፤ ሄ ሚላቲ ሃይል ኬሲሽን አንቲ ቤኢዛ ዋዳ ቦኔይ ማቲዳይሳ አንቲ ኤሪታ።
- 31 ሃሳፋካ ሃይታንቲ ጌቲቲዳይቲ ፖሌቲሽን አንቲ ቤኢዛ ዋዳ ጳሳ ካዋቲል አንቲኮ ማቲዳይሳ ኤሪቲ።
- 32 «ታ አንቲስ ቱሙ ጋይሰ፤ ሃይሲ ወሪ ፖሌታና ጋካናሰ ሃ ዩሌታይ አዴና።
- 33 ሳሎይኔ ሳኦይ አዳና ሽን ታ ቃላይ አዴና።
- 34 «ሂሰቲኮ ዋጋይ ባይንዳ ዱሳን፣ ዳር ኡሻኒኔ ዱሳሰ ሂርጋን አንቲ ዋዚናይ ዳቡሮፖ፤ ሃሳ አላንታ ኢዲኮ ሄ ጋላሳይ አንቲ ቆፖንታ ናርጸ ማላ አንቲ ቦላ ጋኮንታ ማላ ናጌቲቲ።
- 35 ሃይሲ ቢታ ቦላን ዲዛ አሳ ኡባ ቦላ ጋካና።
- 36 ሃሳ ገሻሰ ቡሮ ያናይሳፊ አንቲ ኬሲ ኤካና ማላኔ አሳ ና ሲንፋን ኤቃናሰ ዳንዳያና ማላ ኡባ ጋላሰ ሚኒዲ ዋሲቲ» ጊዳሰ።

- 37 ዩሱሲ ጋላሰ ጋላሰ ጳሳ ኬፋን ታማርሲ ታማርሲዲ ኦማርሰ ኦማርሰ ዳብራዛይቲ ጌቲቲዛ ዙማ ቦላ ኬዚ ኬዚ አቁሰ።
- 38 አሳይ ወሪካ ኢዛፔ ሲያናሰ ማላዶ ዋንታራ ዩሱሳኮ ጳሳ ኬፍ ዩሰ።

22

ዩሱሳ ቦላ ማቁቲል (ማቶ 26:1-5፤ 14:16፤ ማር 14:1-2፤ ዮሃ 11:45-53)

- 1 ሄ ዋዳ ፓዚጋ ጌቲቲዛ ኡኬላራ ቦንቼቲዛ ባኦሌይ ማቲ ኡቲዳሰ።
- 2 ቁሴታ ሃላቃቲኔ ጳፊቲ ሃንኮ ዳሬ አሳሰ ባቢዛ ገሻሰ ዩሱሳ ጳይሳና ኦጌ ኮዩዳ።

ዩሱሳ አላ ኢማናሰ ዩሁዳ ዞሪቲል (ማቶ 26:14-16፤ ማር 14:10-11)

- 3 ዩሱሳ ካሊዛ ታማኔ ናምአታፔ አሰቆርንቶ ዳሬ አሰ ዩሁዳ ጌቲቲዛይሳን ጳላኤይ ጌሊዳሰ።
- 4 ዩሁዳይካ ቁሴታ ሃላቃታኔ ጳሳ ኬፋ አላፊታኮ ቢዲ ኢሰታሰ ዩሱሳ ዋሰቲ አላ ኢማናኮ ኢሰታራ ዞሪቲዳሰ።
- 5 ኢሰቲካ ሃሳን ኡፋይቲዲ ሚሼ ኢማናሰ ኢዛራ ጊዳ።
- 6-7 ዩሁዳይካ ኢሰታ ቆፋ ደሲዳሰ፤ ዩሱሳ ኢሰታሰ አሲ ቤኦንታ አላ ኢማናሰ አንጄ ዋዳ ናገሽን ፓዚጋ ዶርሳ ሹኪዲ ኡኬላራ ቦንቼቲዛ ባኦሌ ጋላሲ ጋኪዳሰ።

ዩሱሲ ባና ካሊዛይታራ ፓዚጋ ካዋ ሙሰ (ማቶ 26:17-25፤ ማር 14:12-21፤ ዮሃ 13:21-30)

- 8 ዩሱሲካ ባና ካሊዛይታ፣ «ፓዚጋ ካዋ ማናሰ ቢዲ ኮሰ ገግሲቲ» ጊዲ ጴጽሮሳኔ ዮሃኒሳ ኪቲዳሰ።
- 9 ኢሰቲካ፣ «ኮ አዋን ገገሳና ማላ ኮያይ?» ጊዳ።
- 10 ኢዚካ ዛሪዲ፣ «አንቲ ጌዳ ዩሩሳላሚ ካታማ ጌሊሽን ሃሳ ኦቶ ቶኪዳ አሲ አንቲና ዳማና፤ አንቲካ ኢዚ ቢዲ ጌሊዛ ኬፍ ጋካናሰ ኢዛ ካሊቲ።
- 11 ኬፋዳሰ፣ «አሰታማሬይ ታና ካሊዛይታራ ፓዚጋ ካዋ ማናሰ ኢማላ ኬፍ አዋን ዲዜ?» ጌሰ ጌቲ።
- 12 ኢዚካ ኢማላሰ ገጌቲዳ አሆሶ አንቲና ቤሳና፤ ኢዚ ቤሰዛሰን ገግሲቲ» ጊዳሰ።
- 13 ኢሰቲካ ቢዲ ዩሱሲ ጊዳ ማላ ኬፋ ዳሚዲ ፓዚጋ ሄን ገግሲዳ።

ኅዳ ካዋ ኤኮ ዋጋ (ማቶ 26:26-30፤ ማር 14:22-26፤ 1ቆር 11:23-25)

- 14-15 ዋዳይ ጋኪዳ ማላ ዩሱሲ ሃዋሪታራ ቁማ ማዳን ኡቲዲ፣ «ታኒ ዋዬ ቤያናፔ ካሴታዳ ሃይሳ ፓዚጋ አንቲናራ ኢሲፊ ማናሰ ኬሃ አዋታዲሰ።
- 16 ታ አንቲስ ቱሙ ጋይሰ፤ ጳሳ ካዋቲላን ሃይሳ ቢርሼል ፖሌታና ጋካናሰ ሃይሳ ፓዚጋ ናምአንሉ ታ አንቲናራ ሚኬ» ጊዳሰ።
- 17 ዋይኔፔ ኦሴቲዳ ኡሻ ጴኦራ ኤኪዲ ጳሳ ጋላቲ ሲሚዲ፣ «ሃኢቲ፤ ወሪካ ኢዛፔ ኡዩቲ» ጊዲ ኢሰታሰ ኢሚዳሰ።
- 18 «ታ አንቲስ ቱሙ ጋይሰ፤ ሃይሳፊ ጌዬ ጳሳ ካዋቲል ያና ጋካናሰ ናምአንሉ ሃ ዋይኔ ኡሻፊ ኡዩኬ» ጊዳሰ።

19 ኡኩላ ኤኪዲ ጸላ ጋላተዳሰ፤ ኢዛፔ ኢስታሰ ማንላ ኢሚዲ፡ «ሃይሲ ኢንቴ ገሻሰ ኢሜታና ታ ኣሾ ለሚሶ ገዲዛ ገሻሰ ሃይሳ ኡባ ዋዴ ታና ቆፓናስ ኦሊቲ» ገደሰ።

20 ኢዛሶካ ካዎፔ ጉዬ ኡሻ ጸኣ ዳንሊዲ፡ «ሃይሲ ኡሻይ ኢንቴ ገሻሰ ታ ሱላን ሃናና ኦራላ ጫቆ ዋጋ።

21 «ገደ ኣቲን ታና ኣሊ ኢማናዴ ኩሼይ ታ ኩሼራ ኢሲፊ ማዳን ደሰ።

22 ኣሳ ሩይ ካሴቲዲ ኢዛ ገሻሰ ሃናናይሲ ወሪ ኡቲዳ ማላ ኢዚ ባና፤ ገደ ኣቲን ኢዛ ኣሊ ኢሚዛዳሰ ኣዬ ኣና!» ገደሰ።

23 ኢሰቲካ ሃሳ ኣላናይ ኦኔ? ገዲ ባ ገደን ኢሶይ ኢሳ ኦይሼሬሊዲ።

24 ቃሴካ፡ «ኦኔ ኣናፔ ኣጲዛኮ» ገዲ ባ ገደን ኢሶይ ኢሳራ ፓላማቲዲ።

25 ዩሱሲካ ኢሰታ፡ «ዴሬ ሃሪዛ ካዎቲ ባ ዴሬ ኣሳ ዋልቃራ ሃሪቴሰኔ ኢሰቲካ ሎኦ ካዎታ ጌቴቲዲ ዴይጌቴቲሰ።

26 ኢንቴ ገዲኮ ሃሳላ ሃናፒቲ፤ ኢንቴሬ ገታ ገዲዳዴይ ዋይኮ ታ ኦፔካ ኣጲይሰ ገዛ ኣሲ ኡባሬ ቄሪና ማላ ገደ፤ ሃሪዛዴይ ሃሪቴዛዴ ማላ ገደ።

27 ቁማ ኤቂዲ ሚዚዳዴሬኔ ኡቲዲ ሚዛዴሬ ኦኔ ኣጲዜ? ኡቲዲ ሚዛዴ ገደኔ? ታኒ ቃሴ ኢንቴ ገደን ኣሻካራ ማላ ዳይሰ።

28 «ኢንቴ ገዲኮ ታፔ ሻኬቶንታ ታ ዋዩሺን ታ ማታን ኤቂዳይታ።

29 ታ ኣዋይ ታና ካዎሊዳይሳ ማላ ታኒካ ታ ካዎቲላን ኢንቴና ካዎላና።

30 ሃሲካ ታ ካዎቲላን ታ ማዳሬ ኢንቴ ማና ማላኔ ኡያና ማላ፤ ቃሴካ ታ ካዎቲላ ኣልጋን ኡቲዲ ታማኔ ናምኡ ኢሰራኤሌ ናይታ ቦላ ፐርዳናሳ» ገደሰ።

ጴጥሮስ ኢዛ ካዳናይሳ ዩሱሲ ካሴቲዲ ዮቲዳሰ (ማቶ 26:31-35፤ ማር 14:27-31፤ ዮሃ 13:36-38)

31 ቃሴካ ዩሱሲ ሲሞና ዴይገዲ፡ «ሲሞና! ጸላኤይ ኢንቴና ገሰቲ ማላ ሱራጋናሰ ዋሲዳሰ።

32 ገደ ኣቲን ታኒ ኔፔ ኣማናይ ጳዮንታ ማላ ኔ ገሻሰ ጸላ ዋሳዲሰ፤ ኔካ ሲሚዳ ዋዴ ኔ ኢሻታ ሚንሌላ» ገደሰ።

33 ሲሞናካ ዛሪዲ፡ «ጎደ! ታ ኔናራ ቃሼታናሲኔ ሃይቃናሰ ገጋ ኡታዲሰ» ገደሰ።

34 ዩሱሲካ ዛሪዲ፡ «ጴጥሮስ! ሃኛ ኩቶይ ኢሲቶ ዋሳናሰ፡ «ታ ኢዛ ኤሪኬ» ጋዳ ሃሹቶ ኔ ታና ካዳና» ገደሰ።

35 ቃሴካ ዩሱሲ ኢሰታ፡ «ታ ኢንቴና ካሴ ጫማይ፡ ኮርጆይኔ ቃራጲቲይ ባይንዳ ከቲዳ ዋዴ ኢንቴሰ ኣዚ ፓጪዴ?» ገ ደይቲዳሰ። ኢሰቲካ፡ «ኣይኮይካ ፓጪቤና» ገደ።

36 ኢዚካ ዛሪዲ፡ «ሃኢ ገዲኮ ኮርጆይካ፡ ቃራጲቲይካ ዲዛዴይ ኦይኮ፤ ገላ ማሻይ ባይንዳዴይ ባ ማይኦ ባይዚዲ ሻሞ።

37 ታ ኢንቴሰ ቱማ ጋይሰ፤ «ማካላታራ ኢዚ ኢሲሬ ታይቤቲዳሰ» ጌቴቲ ካሴ ጸፊቲዳ ቃላይ ታ ቦላ ፖሌታና ቤሴሰ፤ ታ ገሻሰ ጸፊቲዳይሳሰ ፖሎይ ቱማፔ ጋኪዳሰ» ገደሰ።

38 ኢዛ ካሊዛይቲ ቃሴ፡ «ጎደ! ሃኮ ናምኡ ገላ ማሻቲ ሃይሳን ዴቲሰ» ገደ። ኢዚካ ኢዛ ገሻሰ፡ «ሃይሲ ገዳና» ገደሰ።

39 ካሴ ኢዛሰ ሎሴ ገዲዳ ማላ ፑዴ ዳብራዛይቲ ጌቴቲዛ ዙማ ቦላ ኬዚ ቢዳሰ። ኢዛ ካሊዛይቲካ ኢዛ ካሊ ቢዳ።

40 ሃ ጋኪዳ ማላ፡ «ኢንቴ ፓጪኩን ጌሎንታ ማላ ዋሲቲ» ገደሰ።

41 ዩሱሲ ባና ካሊዛይታፔ ኣሲ ሹኛ ኦሊዲ ጋላናሰ ማላ ሃኪ ቢዲ ጉልባቲ ዋሲዳሰ።

42 «ታ ኣዋወ! ኔ ሼኔ ገዲኮ ሃና ሚቶቶ ታፔ ዲጋ፤ ገደ ኣቲን ኔ ሼኔይ ሃናፔ ኣቲን ታ ሼኔይ ሃናፔ?» ገዲ ዋሲዳሰ።

43 ሳሎፔ ከታንታይ ቆንጪዲ ዩሱሳ ሚንሌሊዳሰ።

44 ኢዚካ ኬሃ ጸጌቲዲ ዋሲሺን ኢዛ ኣሳቴላሬ ጫዋይ ሱላ ማላ ጉኪዳሰ።

45 ዋሳፔ ዴንዲዲ ባና ካሊዛይታኮ ቢዳሰ። ኢሰቲካ ኢዛሰ ሚሹቲዲ ቆፐሺን ጲሰኮይ ኤፊዳሽ ዩሱሲ ኢሰታኮ ዩዲ።

46 «ኣይሰ ጲሰኮቲ? ኢንቴ ፓጪኩን ጌሎንታ ማላ ሃኢ ዴንዲዲ ዋሲቲ» ገደሰ።

ዩሱሲ ኣጲ ኢሚቴሊኔ ኦይኬቴላ (ማቶ 26:47-56፤ ማር 14:43-50፤ ዮሃ 18:3-11)

47 ኢዚ ቡር ሃሳያን ዲሺን ዩሱሳ ካሊዛይታፔ ኢሶይ ዩሁዳ ጌቴቲዛይሲ ባናራ ዳር ኣሳ ካሌሊ ኤኪ ዩዲ ዩሱሳ ዩራናሰ ኢዛኮ ሸቂዳሰ።

48 ገደ ኣቲን ዩሱሲ ኢዛ፡ «ዩሁዳ! ታና ኣሳ ና ዩርን ኣሳ ኢማይ?» ገደሰ።

49 ዩሱሳ ዩዩ ኣጲ ዲዛ ኣሳይ ሃናዛ ሎኤሊ ዴሊዲ፡ «ጎደ! ሃይታንታ ማሻራ ቡሊና?» ገደ።

50 ኢስታሬ ኢሶይ ቄሴታ ኣላሬ ኣሻካራዛ ኡሻቻ ሃይላ ማሻራ ቃንጸዳሰ።

51 ዩሱሲ ኢሰታ፡ «ኢንቴ ሃኢ ታሰ ኣጌቲ!» ገዲ ኣሻካራዛ ሃይላ ቦቲዲ ፓሊዳሰ።

52 ቃሴካ ኢዛ ኦይካና ዩዳ ቄሴታ ሃላቃታ ጸላ ኬላ ኣላሬታኔ ጪማታ፡ «ፓንጋ ኦይኪዛ ኣሳ ማላ ገላ ማሻኔ ዳርቃ ኤኪዲ ዩዴቲ?»

53 ጋላሰ ጋላሰ ታ ኢንቴናራ ጸላ ኬላን ዲሺን ታ ቦላ ኩሼ ዋሊቤኬታ፤ ሃይሲ ጲማይ ካዎቲዳ ኢንቴ ዋዴ» ገደሰ።

54 ሃሳሬ ጉዬ ዩሱሳ ኦይኪ ኤኪዲ ቄሴታ ሃላቃሶ ጌሊዲ፤ ጴጥሮስካ ዩሱሳ ሃሆራ ካሊዳሰ።

55 ኣሳይ ቄሴታ ሃላቃ ገቤ ገደን ታማ ኤሊዲ ሆኢሼ ኢሲ ቦላ ኡቲዳሽ ጴጥሮስካ ኢሰታራ ኢሲሬ ኡቲዳሰ።

56 ኢሲ ጋራዴያ ጴጥሮስ ታማ ሆኢዛይታራ ኡቲዳይሳ ቤያዳኔ ቲሺ ሂሰታ ዴላዳ፡ «ሃይሲ ኣዴዚካ ዩሱሳራ ዴሰ!» ጋዲሰ።

57 ጴጥሮስካ፡ «ሃኔ ማጫሳዬ! ታ ኢዛ ኤሪኬ» ገዲ ካዲዳሰ።

58 ጉላ ጋምኢሺን ሃራ ኢሳዴይ ኢዛ ቤኢዲ፡ «ኔካ ኢዛራ ዲዛይታፔ ኢሳ ገዲኪ?» ገደሰ። ጴጥሮስካ፡ «ሃይሶ ታኒ ኢሰታራ ዲኬ!» ገደሰ።

22:20 ኤር 31:31-34 22:21 ማዛ 41:9 22:24 ማቶ 18:1፤ ማር 9:34፤ ሉቃ 9:46 22:25 ማቶ 20:25-27፤ ማር 10:42-44
 22:26 ማቶ 23:11፤ ማር 9:35 22:27 ዮሃ 13:12-15 22:30 ማቶ 19:28 22:35 ማቶ 10:9-10፤ ማር 6:8-9፤ ሉቃ 9:3፤ 10:4
 22:37 ኢሳ 53:12

59 ኢሲ ሳቲ ማላ ጋሞኢሽን ሃራ ኣሲ ቃሴካ፡ «ጋሊላ ኣስ ገዲዛ ገሻሽ ሲዴይ ባይንዳ ሃይሲ ኢዛራ ዴስ» ገዴስ።
 60 ጳጳርሲካ ቃሴ፡ «ሃይሶ ኔ ገዛዳ ታ ኤሪኬ!» ገዴስ። ሂኖ ገ ኬሶንታ ዲሽን ኩቶይ ዋሲዴስ።
 61 ጎዳይካ ጳጳርሲካ ዩሼ ጳሊን ጳጳርሲ፡ «ሃኙ ኩቶይ ዋሳናስ ኔ ታና ሂቡቶ ካዳና» ገዲ ጎዳይ ካሴ ዮቶ ቃላይ ኢዛ ዋዚናን ካርፒ ገዴስ።
 62 ጳጳርሲካ ካሪ ኬዚዲ ሂቂሚ ዩኪዴስ።
 63 ዩሱሳ ቃቸዲ ናገዛ ኣሳቲካ ኢዛ ቦላ ቂዲ ቂዲ ካኢሼ ሾጮሬላዲ።
 64 ኢዛ ኣይፌ ጎዚዲ፡ «ኔ ናቤ ገዲኮ ኔና ሾጮዳይ ኦኮኮ ኣኔ ኤራ!» ገዲ ኦይቸዲ።
 65 ሃራ ዳር ጫሻ ቃላራ ካዉሺዲ።

ዩሱሳ ኣይሁዳታ ፐርዳ ዲላታ ሲንህ ኤፊዳ (ማቶ 26:59-66፤ ማር 14:55-64፤ ዮሃ 18:19-24)

66 ጋዴይ ዋንቲን ዴሬ ጪማቲ፡ ቁሴታ ሃላቃቲኔ ሙሴ ዋጋ ታማርሲዛይቲ ዲላታ ሸቂዲ ዩሱሳ ዲላታኮ ሸሺዲ።
 67 ኢስቲካ ዩሱሳ፡ «ኔ ኪርሰቶሳ? ኣኔ ኦስ ዮታ» ገዲ። ዩሱሳ፡ «ታ ኢንቴስ ዮቲዳኮካ ታና ኣማኔኬታ።»
 68 ታ ኢንቴና ኦይቸዳኮ ታስ ዛሪኬታ።
 69 ገዲ ኣቲን ሃኢፔ ደሚዲ ኣሳ ናይ ዋልቃማ ጸሳ ኡሻቻን ኡታና» ገዴስ።
 70 ሄ ዋዴ ዉሪካ፡ «ሂሰቲን ኔ ጸሳ ና?»* ገዲ ኦይቸዲ። ኢዚካ፡ «ታ ጸሳ ና ገዲዳይሳ ኢንቴካ ኔታ» ገዴስ።
 71 ኢስቲካ፡ «ሂኮ ኢዚ ባ ደናራ ማርካቲሽን ኦ ሃይሳራ ሲዩደስ፤ ሃይሳፌ ሃራ ማርካ ኣዛስ ኮሺዜ?» ገዲ።

23

ጲላጶሳ ሲንህ ዩሱሳ ሸቆ (ማቶ 27:1-2፤11-14፤ ማር 15:1-5፤ ዮሃ 18:28-38)

1 ሃን ሸቂዳ ኣሳይ ዉሪ ዴንዲዲ ዩሱሳ ጲላጶሳኮ ኤኪ ቢዴስ።
 2 «ሃይሲ ኣዴዚ ኦ ኣሳይ ቁሳሬስ ገራ ገርንታ ማላ ባሌሊሼኔ ባና፡ (ታኒ ኪርሰቶሲ ካዎ) ገዲ ባሌሊሽን ዴሚደስ» ገዲ ሞቲዲ።
 3 ጲላጶሳካ ዩሱሳ፡ «ኔኒ ኣይሁዳታ ካዎ?» ገዲ ኦይቸዴስ። ዩሱሳካ ዛሪዲ፡ «ኔ ገዲ ማላ» ገዴስ።
 4 ጲላጶሳካ ቁሴታ ሃላቃታሲኔ ሸቂዳ ኣሳሰ፡ «ሃይሳ ኣዴዛ ቦላ ኢዛ ሞቲሲዛ ኢታ ዮኦ ዴማቤኬ» ገዴስ።
 5 ኢስቲ ዛሪዲ፡ «ሃይሲ ኣዴዚ ጋሊላፔ ሃይሳ ጋካናስ ኩሜሳ ዩሁዳ ዋዩሶ ቦላ ዴስ» ገዲ ሚንላ ዮቲዲ።

ሃርዶሳ ሲንህ ዩሱሳ ሸቆ

6 ጲላጶሳ ኣሳይ ገዛይሳ ሲዩዲ፡ «ዩሱሲ ጋሊላ ኣሳኮኔ» ገዲ ሎኤላ ኤራናስ ኦይቸዴስ።

* 22:70 ጸሳ ና? ገዛ ኦይቸዴ ኢሲ ኢሲ ባጋ ጋሞላ ቃላን ጸሳ ናይ? ዲዛ ቆፋ ጉጃቲስ፤ ቆፋዚካ ማርቆሳን ሸምፖ 15:6 ዲዛይሳ ሚሳቲስ።

7 ዩሱሲ ሃርዶሳ ካዎቲላ ገደን ዲዛይሳ ሻኪ ኤሪዲ ሄ ዋዴ ሃርዶሲ ዩራሳላሜን ዲዛ ገሻሽ ኢዛኮ ዩሱሳ ዩዲዴስ።
 8 ሃርዶሲካ ካሴ ዩሱሳ ቤያናስ ዳር ኮዩሼ ዲዛ ገሻሽ ዩሱሳ ቤኢዲ ኬሂ ኡፋዩዴስ፤ ኢዛ ገሻሽ ካሴ ሲዩዲ ኢዚ ኦሊሽን ቤያናስ ኮዩዲ ኡፋዩቲዴስ።
 9 ዳር ኦይቸታካ ኢዛ ኦይሼሬላዴስ፤ ገዲ ኣቲን ዩሱሲ ኢዛ ኦይቸ ዛሪቤና።
 10 ቁሴ ሃላቃቲኔ ጸፊቲ ሃን ኢዛ ማታን ኤቂዲ ኬሂ ዋርዶ ሞቶ ሞቲዲ።
 11 ሃርዶሲካ ባ ዎታዳራታራ ኢሲፌ ኢዛ ካዲዳ፤ ካዎ ማይኦ ማይዚዲ ጲላጶሳኮ ዛሪ ዩዲዴስ።
 12 ሃርዶሲኔ ጲላጶሲ ካሴ ባ ገደን ኢሳይ ኢሳራ ኦሻ ሽን ሄ ጋላስ ገዲ።

ዩሱሳ ቦላ ፐርዳቲዳ ሃይቆ ፐርዳ (ማቶ 27:15-26፤ ማር 15:6-15፤ ዮሃ 18:39-40፤ 19:1-16)

13 ጲላጶሲ ቁሴታ ሃላቃታራ፡ ዴሬ ዳናታራኔ ዴሬ ኣሳ ሸሺዲ።
 14 «ሃይሲ ኣዴዚ ኣሳይ ዉሪ ማካላና ማላ ዴንሌሌስ ገዲ ኢንቴ ታኮ ኤሂን ታ ቆራዳ ኢዛ ኦይላዚ ኢሲ ኢታ ሚሽካ ዴማቤኬ።»
 15 ቃሴካ ሃርዶሲ ኢሲ ኢታ ሚሽካ ኢዛ ቦላ ዴሞንታ ኣገዲ ገሻሽ ሃ ኦኮ ዛሪ ዩዲዴስ። ሃኢ ኢንቴ ቤኢዛ ማላ ኢዛ ሃይቆስ ጋሊዛ ኢሲ ኢታ ሚሽካ ኦሊቤና።
 16 ሃሳ ገሻሽ ቃጶዶዳ ታ ኢዛ ዩዳና» ገዴስ።
 17 ኢዚ ሃሳ ገዳይ ኢስታ ባኣሌ ጋላስ ቃሹቲዳ ኣሳፔ ኢሳዴ ቢርሺዛ ዎጋይ ዲዛ ገሻሳ።*
 18 ዴሬይ ዉሪካ ኢሲ ቦላ፡ «ባርባኔ ቢርሻዳ ሃይሳ ኣዴዛ ዲጋ!» ገዲ ሞሲዴስ።
 19 ባርባኔይ ካታማ ገደን ኣሳ ማካላ ዮኦን ዴንሌሊዲ ኣስ ዎዲ ቃሹቲዳ ኣሳ።
 20 ጲላጶሲካ ዩሱሳ ቢርሻናስ ኮዩዳ ገሻሽ ቃሴካ ዛሪዲ ኦይቸዴስ።
 21 ኣሳይ ዛሪዲ ኢዛ፡ «ካቃ! ካቃ!» ገዲ ሞሲዴስ።
 22 ጲላጶሲ ሃቸንሎካ፡ «ኣዛስ ካቆ? ሃይሲ ኣዴዚ ኣይ ኢታ ኦሊዴ? ኢዛ ሃይቆስ ጋሊዛ ኢታ ኦሶ ታኒ ኢዛ ቦላ ቤያቤኬ፤ ሃሳ ገሻሽ ቃጶዶዳ ታ ኢዛ ቢርሻ ዩዳና» ገዴስ።
 23 ኣሳይካ ቃላ ቶቁ ሂሰቲዲ ዩሱሲ ካቂታና ማላ ጲላጶሳ ኬሂ ዋሲሼ ሞሲዴስ።
 24 ሃሳ ገሻሽ ጲላጶሲ ኢስታ ኦይቸይ ፖሌታና ማላ ኣዛዚዴስ።
 25 ኣሳ ማካሊሲዲ ሸምፖ ዎዲዳ ገሻሽ ቃሹቲዳይሳ ቢርሻና ማላ ኢስቲ ዎሲዳዴ ቢርሺዲ ቃሴካ ዩሱሳ ኢስቲ ደሲዳ ማላ ኦሌቶ ገዲ ዴራስ ኣላ ኢሚዴስ።

ዩሱሳ ካቂቲላ (ማቶ 27:31-44፤ ማር 15:21-32፤ ዮሃ 19:17-27)

26 ኢስቲካ ዩሱሳ ኦይኪ ኤኪ ቢሸን ቃሪና ጌቲቲዛ ካታማፔ ኢሲ ሲሞና ጌቲቲዛ ኣዴይ ሃሆፔ ዩዛይሳ

ጌቲቲ ኦይሸቲስ። * 23:17 ኢሲ ኢሲ ጌሻ ማጻፋቲ ታይቦ 17 ቦላ

ዳሚዳ፤ ዩሱሲ ካቋታና ማስቃሌ ኮጫ ኢዚ ቶኪዲ ዩሱሳ ካላና ማላ ዋልቃሊዳ።

27 ዳር ዳሬይኔ ባ ቲሪ ኢጩ ኢጩ ዩኪዛ ማጫሳቲ፤

28 ዩሱሳ፤ ጉዬራ ኢዛ ካሊዳ። ዩሱሲ ኢስታኮ ሲሚ ዳሊዳ፤ «እንቲ ዩሩሳላሚ ማጫሳይ እንቲሲኔ እንቲ ናይታሰ ዩኪቲ ኣቲን ታሰ ዩኮፍቲ።»

29 «ሲንሳፊ እንቲ ሃኮ ማይኔ ጊዲዳ ማጫሳቲ፤ ዩሎንታ ኡሎቲኔ ናይ ቆሞንታ ቆንሳቲ ኣንጃቲዳይታ!።» ጋና ዋዳይ ሲንሳራ ዩሰ።

30 ሃ ዋዳ ኣሳይ፤ «ዙማቶ! ኑ ቦላ ዋዲቲ፤ ዙምቡላቲካ ኑና ቆቲቲ!» ጋና።

31 ሂስቲን ቃዬ ሚላ ቦላ ሃይሳላ ኦሊዳይቲ ሚላ ሚላ ቦላ ዋስታኔሻ?» ጊዳሰ።

32 ኢዛራ ኢሲፊ ሃይቃና ማላ ሃራ ናምኡ ኢታ ኦሊዳ ኣሳታ ኢዛራ ኤፊዳ።

33 ቃራኒዮ ጌቲቲዛሶ ጋሊዲ ካቋዳ፤ ኢታ ኦሊዳይታ፤ ኢሳ ኡሻቻ ባጋራ፤ ኢሳ ሃዲርሳ ባጋራ ካቋዳ።

34 ዩሱሲካ፤ «ታ ኣዋዉ! ሃይቲ ባ ኦሊዳይሳ ኤሪዲ ኦሎንታ ጊሻሰ ኢስታሰ ኣቶ ጋ!» ጊዳሰ፤ ኢስቲካ ኢዛ ማይኦዛ ሳማ ዩጊዲ ባ ጊዳን ጊሼቲ ኤኪዳ።

35 ሃሲ ሃሊሽን ኣሳይ ዉሪ ኤቁ ዳሊዳሰ፤ ዳናቲካ፤ «ኢዚ ሃራ ኣሳ ኣሺዳሰ ሽን ዳሳፊ ዳሬቲዳ ኪርሰቶሲ ኢዛ ጊዲኮ ኣኔ ሃኢ ባና ኣሾ» ጊዲ ቁዲዳ።

36 ዋታዳራቲካ ሸቁዲ ዋይኔ፤ ኣጌቲዳ ጫላ ኡሹ ኡሹዲ ኢዛ ቁዲዳ።

37 «ኔኒ ኣይሁዳ ካዋ ጊዲኪ? ኣኔ ሃኢ ኔና ኣሻ» ጊዲ።

38 ኢዛ ሁኤ፤ ቦላ ባጋራ ማስቃሌ ኮጫ ቦላ፤ «ሃይሲ ኣይሁዳታ ካዋ» ጊዛ ቃላ ጳፊ ቃጲዳ።

ናምኡ ፓንጋታራ ዩሱሳ ካቋቲላ (ማቶ 27:38-44፤ ማር 15:27-32)

39 ኢታ ኦሊዳ ካቋቲዳ ኣሳታ፤ ኢሶይ ጫሻ ቃላ ዩሱሳ ቦላ ቆቆፊዳሰ። «ኔ ኪርሰቶሳ ጊዲኪ? ኣኔ ኔናካ ኑናካ ኣሻ» ጊዳሰ።

40 ኢታ ኦሊዳይታ፤ ኢሶይ፤ «ኔኒ ኔሰ ቤሲዛ ፐርዳ ኤካሼ ዳሳሰ ባቢኪ?»

41 ኔኒ ኑ ኦሊዳ ኢታ ኦሶሰ ቤሲዳይሳ ኤኮሰ፤ ሃይሲ ኣዳዚ ጊዲኮ ኢሲ ኢታካ ኦሊቤና» ጊዳሰ።

42 ዩሱሳ፤ «ኔኒ ኔ ካዋቲላራ ዩዛ ዋዳ ታና ቆፓ!» ጊዳሰ።

43 ዩሱሲካ ዛሪዳ፤ «ታ ኔሰ ቱሙ ጋይሰ፤ ሃቶ ኔ ታናራ ጋናቲን ዳና» ጊዳሰ።

ዩሱሳ ሃይቆ (ማቶ 27:45-56፤ ማር 15:33-41፤ ዮሃ 19:28-30)

44 ሃ ዋዳ ጋይይ ሴታ ጋላሰ ጊዲሽን ቢዲ ኡዲፋን ሳቲ ጋካናሰ ኩሚላ ቢታ ቦላ ቆሚዳ ጳሚዳሰ።

45 ኣርሼ ፖኦይ ዲጌቲዳሰ። ጳሳ ኬላ ማጋላሻይካ ዳኬቲዲ ናምኡ ኬዘዳሰ።

46 ዩሱሲካ ኬሂ ዋሲዲ፤ «ታ ኣዋዉ! ታኒ ታ ሽምፖ ኔ ኩሼን ኣማይሰ» ጊዲ ማላ ሽምፖ ኬዘዳሰ።

47 ማቶ ሃላቃይ ሃሳ ቤኢዲ፤ «ሃይሲ ኣዳዚ ቱማፕ ዲሎ ኣሳኮሽን» ጊዲ ጳሳ ጋላቲዳሰ።

48 ሃሳ ቤያናሰ ሃን ሸቁዲ ዳሬይ ዉሪ ሃ ሃሊዳይሳ ቤኢዲ ቲራ ኢጩ ኢጩዲ ሲሚዳሰ።

49 ጊዲ ኣቲን ዩሱሳ ካሴ ሎኤላ ኤሪዳይቲ ዉሪ ቃሴካ ጋሊላፕራ ኢዛ ካሊዛ ማጫሳቲ ሃሳ ዳሊሽ ሃኪ ኤቁዳ።

ዩሱሳ ሞጌቲላ (ማቶ 27:57-61፤ ማር 15:42-47፤ ዮሃ 19:38-42)

50 ኣይሁዳታ ዲላታ ኣሳ፤ ኢሶይ ኢዘካ ዮሴፊ ጌቲቲዳይሲ ዳር ኪያኔ ዲሎ ኣሳ።

51 ኢዘካ ካሴ ኣሳይ ዩሱሳ ቦላ ዲላቲሽን ሃ ዲላታን ዳና፤ ኢዘካ ኣርማቲያሴ ጌቲቲዛ ኣይሁዳታ ካታማ ኣሳ ሽን ጳሳ ካዋቲላ ያናይሳ ናጊሼ ጋምኢዳሰ።

52 ኢዘካ ጲላጳሳኮ ቢዲ ዩሱሳ ኣሃ ባሰ ኣማና ማላ ጲላጳሳ ዋሲዳሰ።

53 ጲላጳሲ ኢዛሰ ኤር ጊን ዮሴፊይ ኣሃ ማስቃሌ ኮጫ፤ ዋሊዳ ማላ ጳዲዲ ሹቻፊ ዋጮቲዳ ካሴ ሃራ ኣሲ ሞጌቶንታ ዲፎን ኤፊዲ ዋሊዳሰ።

54 ሃ ጋላሳይ ኣሳይ ሳምባታሰ ጊጌቲዛ ጋላሰ ጊዲዳ ጊሻሰ ሳምባታይ ጌላና ሃኔሰ።

55 ጋሊላፕ ዳንዲዲ ዩሱሳራ ዩዳ ማጫሳቲካ ዮሴፊ ካሊ ቢዲ ዲፎዛ ቤኢዳ። ዩሱሳ ኣሃ ዋሰቲ ዋሊዳኮ ቤኢዳ።

56 ሃፕ ሲሚዲ ሸቶኔ ቲዩዛ ሚሽ ጊግሲዳ። ዋጋይ ጊዛ ማላ ሳምባታ ጋላሰ ሽምፕዲ።

24

ሃይቆፕ ዩሱሳ ዳንሳ (ማቶ 28:1-10፤ ማር 16:1-8፤ ዮሃ 20:1-10)

1 ዋጋ ዋንታ ማላዳራ ማጫሳቲ ባ ጊግሲዳ ሸቶካ ኤኪዲ ዩሱሳ ዋሊዳ ዲፎዛኮ ቢዳ።

2 ሹቻይካ ዲፎዛ ዳና፤ ጌንዳራዲ ዲዳይሳ ቤኢዳ።

3 ጊዲ ኣቲን ጊዲ ጌሊዲ ዩሱሳ ኣሃ ዳምንታ ኣጊዳ ጊሻሰ።

4 ኢስታሰ ሃንዛዚ ቆዩን ኢስቲ ቶሎ ጊዳሼ ቆፖንታ ጳልቁቲዛ ማይኦ ማይኢዳ ናምኡ ኣሳቲ ኢስታ ኣቻን ኤቁዳ።

5 ማጫሳቲካ ኬሂ ባቢዲ ዲጌ ቢታ ዳሊሽን፤ «ሃ ኣሳቲ ፓዲዲ ዳንዲዳይሳ ሃይቆላታ ጊዳን ኣይሰ ኮዩቲ?»

6 ኢዚ ዳንዲዳሰ! ሃን ባ። ቃሴካ ኢዚ ጋሊላን ዲሼ እንቲሰ ካሴ ኣይ ጊዳኮ ኣኔ ቆፒቲ።

7 ኣሳ ናይ ናጋራንቻታ ኩሼን ኣቋ ኢሚታናሲኔ ካቋታናሰ፤ ሃይቆፕካ ሃቫንሶ ጋላሰ ዳንዳናሰ ቤሴሰ» ጊዲ ዮቲ ዋሊዳሰ።

8 ማጫሳቲካ ሃ ዋዳ ካሴ ኢዚ ጊዳ ቃላ ኣኬኪዳ።

9 ማጫሳቲ ዲፎሶፕ ሲሚዲ ሃሳ ኡባ ዩሱሳ ካሊዛ ታማኔ ኢሲኔታሲኔ ሃራታሰ ዮቲዳ።

10 ሃሳካ ሃዋሪታስ የተዳይ ማግዳሌ ገዛሶፔ ዪዳ ማራሞኔ የሃኖ ጌቲቲዛሪሪ ያቆቤ ማራሞኔ ኢስታራ ኢሲፌ ዲዛ ሃራ ማጫሳታ።

11 ገደ ኣቲን ኢስታሰ ማጫሳቲ የተዳይሲ ኣጉሞ ማሳቲን ኣማኒቤቲና።

12 ገደ ኣቲን ደጽሮሲ ዋላን ዩሱሳ ዱፎኮ ጋኪ ሆኪዲ ዱፎዛ ገደ ደሌሊን ኢዛ ኣሃዛ ጸጺዳ ማይኦይ ጸላ ዲዛይሳ ቤኢዲ ኬሂ ማላላቲሽ ባሶ ሲሚዳሰ።

ባና ካሊዛ ናምእታስ ዩሱሳ ቆንጩል (ማር 16:12-13)

13 ሄ ጋላስ ኢዛ ካሊዛይታፔ ናምእቲ ዩሩሳላሜፔ ታማኔ ኢሲ ኪሎ ሜቲሬ ሃኪዛ ኤማሆሴ ጌቲቲዛ ካታማ ቤቲሰ።

14 ቢሽ ኢሰቲ ሄ ዋዴ ሃኒዳ ዩሱሳ ሃይቆ ገሻሰ ባ ገደን ሃሳዩቲቲሰ።

15 ኢሰቲ ሃሳዩቲሽን ዩሱሲ ኢስታኮ ሸቁዲ ኢስታራ ኢሲፌ ቢሽን።

16 ኢሰቲ ኢዛ ኤሮንታ ማላ ኢስታ ኣይፌይ ኦይኬቲዳሰ።

17 ዩሱሲ ኢስታ፡ «ሃይሲ ኦጌ ሃሚቲሽ ኢንቲ ኢንቲ ገደን ሃሳዩቲዛይሲ ኣዜ?» ገደሰ። ኢሰቲካ ዳጋማራ ሞዴቲሽ ሲቲ ገ ኤቃ ገደ።

18 ኢስታ ገደፌ ኢሶይ ቃሊዮጸ ጌቲቲዛይሲ ዛሪዲ፡ «ሃ ማታ ጋላሳታን ዩሩሳላሜን ሃኒዳይሳ ኤሮንታ ኢማላ ኣሲ ኔና ጸላ?» ገደሰ።

19 ኢዚካ ኢስታሰ ዛሪዲ፡ «ኣዚ ሃኒዴ?» ገን ኢሰቲ ቃሴ ዛሪዲ፡ «ጸላ ሲንሳኒ ኣሳ ኡባ ሲንሳን ኦሶኒ ቃላን ሚኖ ናቤ ገዲዳ ናዚሬቲ ዩሱሳ ገሻሳ» ገደ።

20 ኢዛካ ቆሴታ ሃላቃቲኔ ዳናቲ ሃይቆ ፐርዳሰ ኣላ ኢሚዳኔ ካቁዳ።

21 ኮኒ ገዲኮ፡ « ሲሰራኤሌ ዋዛናይ ኢዛ) ገዲ ኡፋዩቲደሲሽን ሃራፔካ ሄሲ ሃኒን ቃሴ ሃቕ ሄሻንላ ጋላሳ።

22 ቃሴ ኦ ገደፌ ኢሲ ኢሲ ማጫሳቲ ኦና ኬሂ ማላሊሲዳ፤ ኢሰቲካ ማላዶ ዋንታራ ጌዴ ኢዛ ዱፎኮ ቢዲ።

23 ኢዛ ኣሃይ ቤቶንታ ኢጸን ዩዲ ኢዚ ፓጸ ዲዛይሳ ኢስታሰ የቲን ኪታንቻታ ቤኢዳይሳ ኦሰ የቲዳ።

24 ኦፔካ ኢሲ ኢሲ ኣሳቲ ኢዛ ዱፎኮ ቢዲ ማጫሳቲ ገደ ማላ ቤኢዳ ኣቲን ዩሱሳ ዳሚቤቲና» ገደ።

25 ኢዚካ ኢስታሰ፡ «ኢንቲኖ ዋዚናን ዋላንታይቶ! ኢንቲ ዋዚናይ ካሴ ናቤቲ የቲዳይሳ ኣማናናፔ ታኪዳይቶ!

26 ጸሳፌ ኪቲቲዳይሲ ሃ ሚቶዛ ኤካናሲኔ ጌዴ ባ ቦንቾሶ ጌላናሰ ቤሴኔ?» ገደሰ።

27 ሙሴፔኔ ናቤታፔ ደሚዲ ጌሻ ማጸፋታን ኢዛ ገሻሰ ጸፊቲዳይሳ ኢስታሰ ሎኤላ የቲዳሰ።

28 ኢሰቲ ባ ቢዛሶ ማቲዳ ዋዴ ዩሱሲ ኣጂ ቢዛ ማሳቲዳሰ።

29 ኢሰቲካ ቃሴ፡ «ጋዴይ ቃሚዛ ገሻሰ ኦናራ ኣቃ» ገዲ ኢዛ ኬሂ ዋሲን ኢስታራ ኣቃናሰ ጌሊዳሰ።

30 ኢስታራ ኢሲፌ ማዳን ኡቲዲ ኡኬል ባ ኩሽን ኦይኪዲ ኢስታሰ ሜንላ ሜንላ ኢሚዳሰ።

31 ሄ ዋዴ ኢስታ ኣይፌይ ደዩቲን ኢዛ ገዲዳይሳ ኤሪዳ፤ ኢዚካ ኢስታ ኣይፌፔ ጌሚዳሰ።

32 ኢሰቲካ፡ «ኦ ዩሽ ኦጌ ቦላ ዲሺን ኦና ሃሳይሲዲ ጌሻ ማጸፋታካ ቆንጩሲዲ ኦሰ ጌላናሽ የቲን ኦ ዋዚናይ ታማ ማላ ጸጌቲቤኔ?» ገዲ ኢሶይ ኢሳራ ሃሳዩቲዳ።

33 ሄራካ ዴንዲዲ ዩሩሳላሜ ሲሚ ቢዳ፤ ታማኔ ኢሰኔቲኔ ኢስታራ ኢሲፌ ዲዛይቲካ ኢሲ ቦላ ሸቁ ዲዛይታ ዳሚዳ።

34 ኢሰቲካ ባ ገደን ኢሶይ ኢሳሰ፡ «ጎዳይ ቱሙ ዳንዲዳሰ! ሲሞናሰካ ቤቲዳሰ» ገደ።

35 ኢዛ ካሊዛይታፔ ናምእቲ ኦጌ ቦላ ሃኒዳይሳኔ ዩሱሲ ኡኬል ሜንላ ሜንላ ኢሚዳ ዋዴ ኢሰቲ ዋሰቲ ኤሪዳኮ ኢስታሰ የቲዳ።

ዩሱሲ ባና ካሊዛይታስ ቆንጩል (ማቶ 28:16-20፤ ማር 16:14-18፤ የሃ 20:19-23፤ ሃዋ 1:6-8)

36 ሃሳ ገሻሰ ኢሰቲ ባ ገደን ሃሳዩቲሽን ዩሱሲ ኢሰታ ገደን ኤቁዲ፡ «ጎርይ ኢንቲሰ ገደ!» ገደሰ።

37 ገደ ኣቲን ኢሰቲ ሞይቲሌ ቤኢዳ ማሳቲን ኬሂ ዳጋሚዳ።

38 ኢዚካ ኢስታሰ፡ «ኣዛሰ ዳር ቆፔቲ? ኣዛሰ ኢንቲ ዋዚናራ ሲዴቲ?»

39 ታ ኩሽታኔ ታ ቶሆታ ሃ ደሊቲ፤ ታናኮ፤ ቃሴካ ታና ኦይኪ ቤኢቲ፤ ታና ኢንቲ ቤኢዛይሳ ማላ ሞይቲሌሰ ኣሾይኔ ሜቁላ ዳና» ገደሰ።

40 ሃሳ ገ ሲሚዲ ባ ቶሆታኔ ባ ኩሽታ ኢስታ ቤሲዳሰ።

41 ኢሰቲካ ኡፋይሳ ዳርፔኔ ማላላቲላፌ ዳንዲዳይሳን ቡር ኣማናንታ ዲሺን ዩሱሲ፡ «ሃሳን ኣይኮ ሚዛዚ ዲዜ?» ገዲ ኢስታ ኦይቸዳሰ።

42 ኢሰቲካ ሞሌ ጸጸ ኢሲ ባርሰ ኢዛሰ ኢሚዳ።

43 ኢዚካ ኤኪዲ ኢስታ ሲንሳን ሚዳሰ።

44 ኢዚካ፡ «ኢንቲናራ ታ ዲዛ ዋዴ፡ ሙሴ ዋጋን ናቤታኒኔ ዩላ ማጸፋታን ታ ገሻሰ ጸፊቲዳይሲ ዉሪካ ፖሌታናሰ ቤሴሰ) ጋዳ ታ ኢንቲሰ የቲዳ ታ ቃላይ ሃይሳኮ» ገደሰ።

45 ሄ ዋዴ ጌሻ ማጸፋታ ኢሰቲ ኤራና ማላ ዋዚና ኢስታሰ ደይዳሰ።

46 ኢስታሰካ፡ «ኪርሰቶሲ ዋዩ ቤያና፤ ሄሻንላ ጋላሰ ሃይቆፔ ዳንዳና ጌቲቲ ጸፊቲዳሰ።

47 ዩሩሳላሜፔ ደሚዲ ኡባ ዴሬሰ ናጋራፔ ሲሞይኔ ማርቲላ ኢዛ ሱንሳን የቲታና።

48 ኢንቲካ ሃይሳሰ ማርካታ።

49 ታኒካ ታ ኣዋይ ኢሚዳ ኡፋይሳ ኢንቲሰ ዩዳና፤ ኢንቲ ቃሴ ዋልቃ ሶላፌ ማይኣና ጋካናሰ ዩሩሳላሜ ካታማን ታኪቲ» ገደሰ።

ፑዴ ሳሎ ዩሱሳ ቡሰ (ማር 16:19-20፤ ሃዋ 1:9-11)

50 ሃሳፌ ጌዩ ኢስታ ኤኪዲ ቢታኒያ ጌቲቲዛሶ ኬዚዳሰ። ባ ኩሽታካ ዳንላዲ ኢስታ ኣንጂዳሰ።

51 ኢስታ ኣንጂሽ ኢስታፌ ሻኬቲዲ ፑዴ ሳሎ ቢዳሰ።

52 ኢሰቲካ ኢዛሰ ሆኪ ጎይኒዳ፤ ኬሂ ኡፋዩቲሽ ዩሩሳላሜ ሲሚዳ።

53 ኡባ ዋዴ ጸሳ ኬላን ጸሳ ጋላቲሽ ጋሞኢዳ።

ዮሀንሳ ጻፊዳ
ኑ ጎዳ ዩሱስ ኪርስቶስ ሚሺራቾ
ቃላ
ጊዳ ቆፋ

ዮሀንሳ ሚሺራቾ ቃላይ ዩሱስ አሾ ማይኢዲ አሳ ጊደን ቤተዳ ዳኦ ጸሳ ቃላ ጊዲዳይሳ ቆንጨሴስ። ሄሲካ አዋይ ጎዳ ጸሳ ጊዲዳ ማላ፣ ዩሱሲካ ጎዳ ጸሳ ጊዲዳይሳ ቤሴስ። ዮሃ 1:1፤ 8:58፤ 12:41፤ 20:28። ማጻፋዚ ሎኤሌ ቆንጨሴዛ ማላ ሃይሲ ሚሺራቾ ቃላይ ጻፊተዳይ ናባቢዛይቲ ዩሱሲ አሳ አሽዛዳ ጊዲዲ ያና ጌቲቲዳ ጸሳ ና ጊዲዳይሳ አማናና ማላኔ አሳይ ኢዛ አማኒዲ ማርና ዳኦይ ኢዛን ዲዛይሳ ኤራና ማላሳ። (20:31)

ሚሺራቾ ቃላዛሰ ኮይሮ ከፊሌይ ማርናሰ ዲዛ ጸሳ ቃላይኔ ዩሱሲ ኢሲኖ ጊዲዳይሳ ኮይሮ ሺሺዳፕ ጉዬ ዩሱሲ አሳ አሽዛዳ ጊዲዲ ያና ጌቲቲዳ ጸሳ ናይ ኢዛ ጊዲዳይሳ ቤሴዛ ዲማ ዲማ ማላታታካ ሺሺሴ። ሄሳፊ ቃሴ ሄ ማላታታፔ አይ አይፊይ ቤተዳኮ ቆንጨሴዛ ታሪኬቲ ካሌቲስ። ሃይሲ ሃ ከፊሌዚ ኢሲ ኢሲ አሳቲ ዩሱሳን አማኒዲ ኢዛ ካሊዛይታ ጊዲዳይሳኔ ሃራ አሳቲ ቃሴ ኢዛራ ዋኒ ኤቁቲዳኮኔ ኢዛን ኑ አማኖኮ ጊዛይሳ ዮቲቲስ። ሸምፖ 13-17 ጋካናሰ ዩሱሲ ኦይኬቲዳ ኦማርሰ ባና ካሊዛይታራ ኢዛሰ አይ ማላ ሚኖ ኢሲፊቴሌ ዲዛኮ ኢዛሰ ካቁቲሳ ዋይይ ማቲሺን ኢዚ ባና ካሊዛይታሰ ጊሻሲዛ ቃላኔ ሚንሌሌዛ ቃላ ኢዚ ኢሰታ ሲሲዳይሳ ቆንጨሴቲስ። ሃንኮ ኣቲዳ ወርሴሳ ሸምፖቲ ቃሴ ዩሱሲ ኦይኬቲዳይሳ፣ ፐርዳሰ ሸቁዳይሳ፣ ኢዛ ካቁቲሳ ጊሻሲኔ ሃይቆፔ ዳጎላ ጊሻሰ ሃሳላካ ኢዛ ዳጎላፊ ጉዬ ባና ካሊዛይታሰ ኢዚ ባና ቆንጨሴዳይሳ ዮቲቲስ።

ዮሀንሳ ዩሱስ ኪርስቶስ ባጋራ ቤቲዛ ማርና ዳኦ ሎኤሌ ቤሲዛይ፣ ጸሳ ኪያቲሌ ሃኢፔ ደሚዲ ዩሱሳ፣ ኦጌ፣ ቱማኔ ዳኦ ሂሰቲ አማኖን ኤኪዛይታሳ። ዮሀንሳ ሚሺራቾ ቃላ ሃራታፔ ዲማሲዛይ አያና ቱማቲሌ ኤሪሳናሰ ከሂ ኤራቲዳ አሲ ሃች ሃች ጎኤቲዛ ሚሻታ ሄይቲካ ሃላ፣ ቁማ፣ ፖኦ፣ ሄሚዛዳ፣ ደርሳታ፣ ዋይኔ ሚሊኔ ዋይኔ ሚላ አይፊ ሚሳቲዛይታ ለሚሶን ዮቲዛይሳ።

ሃ ማጻፋይ ኦይኪዳ ኩሜሳ ቆፋ

- ጌሎሶ 1:1-18
- ጸማቁዛ ዮሀንሳኔ ዩሱሳ ካሊዳ ኮይሮ ታማሬታ 1:19-51
- ዩሱሲ ጸሳ ኦሶ ደሚዳሰ 2:1—12:50
- ዩሩሳሌሜኔ ሄ ሄራን ዩሱሳሰ ወርሴሳ ኦሶ ጋላሳታ 13:1—19:42
- ሃይቆፔ ጎዳ ዳጎላኔ ኢዛ ቆንጨሴ 20:1-31
- ኩሻ ቆፋ 21:1-25

- 1 ቃላይ ካሴ ኮይሮ ዳሰ። ቃላይካ ጸሳ አቻን ዳሰ። ሄ ቃላይካ ጸሳ።
- 2 ኢዚ ኮይሮ ጸሳ አቻን ዳሰ።

3 ማዴቲሌ ወሪ ኢዛን ማዴቲዳሰ። ማዴቲዳዛን ኢዚ ባይንዳ ማዴቲዳይ ኢሲናካ ዲኩ።

4 ዳኦይ ኢዛን ዳወሰ፤ ሃና ዳኦይ አሳሰ ፖኦ።

5 ፖኦይ ዳማን ፖኢሴሰ፤ ዳማይ ፖኦ ሙሌካ ጸኔና።

6 ጸሳፊ ከቲቲዳ ዮሀንሳ ጌቲቲዛ ኢሳይይ ዳሰ።

7 ኢዛ ማርካቲሳን አሲ ወሪ አማናና ማላ ፖኦሰ ማርካ ጊዲ ዩዳሰ።

8 ኢዚ ፖኦ ጊሻሰ ማርካታና ዩዳሰ ኣቲን ኢዚ ባ ሁኤሰ ፖኦ ጊዳና።

9 አሰ ኡባሰ ፖኦ አሚዛ ቱሙ ፖኦይ ሃይሳ ሃ አላሚዛን ዩሳን ዳሰ።

10 ቃላይካ ካሴ አላሚን ዳሰ፤ አላሚይካ ማዴቲዳይ ኢዛና። ጊዳ ኣቲን አላሚይ ኢዛ ኤሪቤና።

11 ኢዚ ባ ባጋታኮ ዩን ኢዛ ባጋቲ ኢዛ ኤኪቤቲና።

12 ጊዳ ኣቲን ኢዛ ኤኪዳይቲ ኢዛ ሱንላን አማኒዳይቲ ኢሰቲ ጸሳ ናይታ ጊዳና ማላ ማታ ኢሰታሰ አሚዳሰ።

13 ኢሰቲካ ጸሳ ናይታ ጊዲዳይ ጸሳፊ ዩሌቲዳ ጊሻሰ ኣቲን አሳ ዜሬላፊ ሄሲካ አሳ ዋጋን ዋይኮ አሾ ሸኔን ጊዳና።

14 ቃላይካ አሰ ጊዲዳሰ፤ ጸሳ ኪያቲላኔ ቱማን ኩሚዲ ኦናን አቁዳሰ፤ ኢሲ ናሰ አዋ ማታን ዲዛ ቦንቾ ሚሳቲዛ ኢዛ ቦንቾ ኑ ቤኢዳሰ።

15 ዮሀንሳካ፣ «ታፔ ጉዬራ ዩዛይሲ ታፔ አዴሰ። ጋሶይካ ኢዚ ታፔ ካሴካ ዳሰ ጋዳ ታ ኢንቲሰ ዮቲዳይሲ ሄኮ ሃይሲ ኢዛኮ!» ጊ ማርካቲዳሰ።

16 ኢዛ ኩሜሳ ኪያቲላን ኑ ወሪ ኪያቲላ ቦላ ኪያቲላ ኤኪዳሰ።

17 ዋጋይ ሙሴ ባጋራ አሚቲዳሰ፤ ኪያቲላኔ ቱማይ ጊዳኮ ዩሱስ ኪርስቶስ ባጋራ ኦሶ ዩዳሰ።

18 ጸሰ ቤኢዳይ ኦኒካ ባ። ጊዳ ኣቲን ጸሳ አዋ ማታን ዲዛ ጸሳ ና ኢሶይ ጸላላ ኢዛ ቆንጨሴዳሰ።

ጸማቁዛ ዮሀንሳ ማርካቲሳ (ማቶ 3:1-12፤ ማር 1:1-8፤ ሉቃ 3:15-17)

19 አይሁዳታ ዳናቲ ዩሩሳሌሜፔ ቁሴታኔ ለዌ ናይታ ዮሀንሳኮ ከቲዳ፣ «ኔ ኦኔ?» ጊ ኦይቺሺን።

20 ዮሀንሳ፣ «ታኒ ኪርስቶስ ጊዲኬ» ጊዲ ጌሺ ማርካቲዳሰ ኣቲን ማርካታናሰ ኢጸቤና።

21 ኢሰቲካ፣ «ሂሰቲን ኔ ኦኔ? ኔ ኤላሳ?» ጊ ኦይቺዳ፤ ኢዚካ፣ «ጊዲኬ» ጊዲ ኢሰታሰ ዛሪዳሰ።

22 ኢሰቲካ፣ «ኢዚ ያና ጌቲቲዳ ናቤይ ኦኔ?» ጊዳ። ኢዚካ፣ «ኣካይ ታና ጊዲኬ» ጊዳሰ።

23 ኢሰቲ ቃሴ፣ «ሂሰቲን ኔ ኦኔ? ኦና ከቲዳ አሳሰ ኑ ዮታና ማላ ኔ ኦና ኦና ጋይ?» ጊዳ።

24 ኢዚካ፣ «ናቤ ኢሳያሲ ዮቲዳ ማላ ታኒ፣ ጸሳ ኦኔ ሱሪሴቲ» ጊሺ ባዘ ቢታን ዋሲዛዳ ቃላ ጊሪሳ» ጊዳሰ።

25 ፋርሳዌታፔ ከቲቲዳ ኢሲ ኢሲ አሳቲ፣ ሃሳ ጊሻሰ፣ «ኔ ጸሲ ከቲዳዳ ዋይኮ ቡሮ ያና ጌቲቲዳ ናቤይ ኦና ጊዳንታ ጊዲኮ ሂሰቲን ኣዛሰ ኦና ጸማቃይ?» ጊዲ ኢዛ ኦይቺዳ።

26 ዮሀንሳካ ኢሰታሰ፣ «ታ ሃላን ጸማቃይሰ፤ ጊዳ ኣቲን ኢንቲ ኤርንታዳይ ኢንቲ ጊዳን ኤቁዳሰ።

27 ታፔ ጉዬራ ያናይሲ ኢዛ፤ ታ ኢዛ ጫማ ቃሾ ቢርሻናሰ ቤሲዛዳ ጊዲኬ» ጊዳሰ።

28 ሃይሲ ወሪ ሃኒዳይ የሃኒሲ ጸማቁዛ ዮርዳኖስ ቫፋፔ ሄ ፒንጎን ዲዛ ቢታኒያ ጌቴቴዛ ካታማና።

ጸሓ ደርሰ

29 ዋንቴላ ጋላስ የሃኒሲ ዩሱሲ ባኮ ዩሺን ቤኢዲ፣ «ዴሪ ናጋሪ ቢታፊ ዲጋና ጸሓ ደርሰ ሄኮ ሃይሲች!

30 ሳፔ ጉዬራ ያናይሲ ኢዚ ታፔ ካሴካ ዲዛ ገሻሽ ታፔ አጭስ» ጋዳ ታ አንቴስ የተዛይ ሃይሲች!

31 ታኒካ ታ ባጋራ ኢዛ ኤራቤኬ፤ ገዲኮካ ኢዚ ኢሰራኤል ዴሬስ ቆንጫና ማላ ታ ሃላን ጸማቃሽ ያዲስ» ገዴስ።

32 ካሌላዲካ የሃኒሲ ሃዘገ ማርካቲዳስ፤ «ጸሎ አያናይ ሃራጾ ካፎ ሚሳቲዲ ሳሎፔ ዋጂሺኒኔ ኢዛ ቦላ ኡተሺን ቤያዲስ።

33 ታ ታ ባጋራ ኢዛ ኤሪኬ ሺን ታ ሃላን ጸማቃና ማላ ታና ከተዳዳይ፣ «ጸሎ አያናይ ኢዛ ቦላ ዋጂ ሸምፒሺን ኔ ቤያናይ ዲሎ አያናን ማጫናይ ኢዛ» ገዴ ታስ የተዳደስ።

34 ታኒካ ሃሳ ቤያዲስ። ሃሳ ገሻሽ ኢዚ ጸሓ ና ገዴዳይሳ ታ ማርካታይስ» ገዴስ።

ዩሱሲ ኮይር ካሊዳይታ

35 ዋንቴላ ጋላስ የሃኒሲ ባና ካሊዛ ናምአታራ ሄን ኤቂዳስ።

36 ዩሱሲ ኢዛ አቻራ አጂሺን የሃኒሲ ቤኢዲ፣ «ጸሓ ደርሰ ሄኮ ሃይሲች!» ገዴስ።

37 የሃኒሳ ካሊዛ ናምአቲ ሃሳ ሲዩዲ ዩሱሳ ካሊዲ።

38 ኢሰቲ ኢዛ ካሊሺን ዩሱሲ ጉዬ ዩዩ ዴሊዲ፣ «አይ ኮዬቲ?» ገዴስ። ኢሰቲካ፣ «አሰታማሬ! ኔ ዲሳሶይ አዋ?» ገዴ።

39 ኢዚካ ኢሰታ፣ «ሃ ዩዲ ቤአቲ» ገዴስ፤ ሃሳ ገሻሽ ቢዲ ኢዚ አዋን ዲዛኮ ቤኢዳኔ ሄ ጋላስ ኢዛራ ኢሲሬ ፔኢዳ፤ ዋይይካ ጌዴ ታሙ ሳቴሶ ቢዴስ።

40 የሃኒሲ የተዳ ቃላ ሲዩዲ ዩሱሳ ካሊዳ ናምአታፔ ኢሶይ ሲሞና ጴጽሮሳ አሻ አንዲራሳ።

41 አንዲራሲ ኮይር ባ አሻ ሲሞናኮ ቢዲ፣ «ጸሲ ከተዳ ከርሰቶሳ ኑ ዴሚዳስ!» ገዴስ።

42 ሃሳሬ ጉዬ አንዲራሲ ሲሞና ዩሱሳኮ ኤኪ ቢዴስ።

ዩሱሲካ ኢዛ ቲሺ ሂሰቲ ዴሊዲ፣ «ሃይሶ! ኔ ዮና ና ሲሞና፤ ሃይሳሬ ጉዬ ኔ ኬፋ ጌቲታና» ገዴስ። ኬፋ ጉሲ ጴጽሮሳ ጉሳ ዋይኮ ዛላ ሹች ጉሳ።

ዩሱሲ ፒሊጶሳኔ ናቲናኤሌ ጴይገዴስ

43 ዋንቴላ ጋላስ ዩሱሲ ጋሊላ ባናስ ኮዩዴስ። ፒሊጶሳካ ዴሚዲ፣ «ታና ካላ» ገዴስ።

44 ፒሊጶሳካ አንዲራሳ ማላኔ ጴጽሮሳ ማላ ቤቴሳይዳ ካታማ አሳ።

45 ፒሊጶሲ ናቲናኤሌ ዴሚዲ፣ «ሙሴይ ዋጋ ማጻፋን ቃሴ ናቤቲካ ቡሮፔ ሃናናይሳ የተዛ ባ ማጻፋታን ኢዛ ገሻሽ ጸፊዳ አዳዛ ኑ ዴሚዳስ። ኢዚካ ዮሴሬ ና ናዚሬቴ ዩሱሳኮ!» ገዴስ።

46 ናቲናኤሌይ ቃሴ፣ «ናዚሬቴፔ ሎኦ ሚሺ ቤቲ ኤሪዜ?» ገዴ አይቺን ፒሊጶሲ ኢዛ፣ «ሃ ያዳ ቤያ» ገዴስ።

47 ናቲናኤሌይ ዩሱሳ ቤያና ዩሺን ዩሱሲ ቤኢዲ ኢዛ፣ «ሄኮ! ጌኔይ ባይንዳ ቱሙ ኢሰራኤሌ አሳ!» ገዴ ኢዛ ገሻሽ የተዳደስ።

48 ናቲናኤሌይካ ዛሪዲ፣ «ታና ዋስታ ኤራዲ?» ገዴ አይቺን ዩሱሲካ፣ «ፒሊጶሲ ኔና ጴይጋናፔ ካሴ ባላሴ ሚላ ጋርሳን ኔ ዲሺን ታ ኔና ቤያዲስ» ገዴ ዛሪዴስ።

49 ናቲናኤሌይ፣ «አሰታማሬ! ኔ ጸሓ ና፤ ኔ ኢሰራኤሌ ካዋ» ገዴስ።

50 ዩሱሲካ ኢዛስ፣ «ኔ አማኒዳይ፣ ሳታ ኔና ባላሴ ሚላ ጋርሳን ቤያዲስ» ገዴ ገሼ? ኔ ቡሮ ሃሳሬ አጂዛ ዳሮ ሚሽ ቤያና።

51 ጉጂዲካ ታ አንቴስ ቱሙ ጋይስ፤ ቡሮ ሳሎይ ዶዬቲን ጸሓ ኪታንቻቲ አሳ ና ቦላ ዋጂሺኒኔ ኬዚሺን አንቴ ቤያና» ገዴስ።

2

ዩሱሲ ሃሌ ዋይኔ ኡሹ ኬሲዳስ

1 ሄቫንሶ ጋላስ ጋሊላ ገዴን ዲዛ ቃና ጌቴቴዛ ካታማን ሳርጌይ ዴስ፤ ዩሱሳ አዩያካ ሄን ደወሰ።

2 ዩሱሲኔ ኢዛ ካሊዛይቲካ ሳርጌዛሶ ጴይጌቲዳ።

3 ሳርጌዛሶን ዋይኔፔ አጌቲዳ ኡሻይ ወሪን ዩሱሳ አያ ዩሱሳ፣ «ዋይኔ ኡሻይ ወሪዴስ» ገዴስ።

4 ዩሱሲካ ኢዛ፣ «አዩ! ታስ ኔናራ አዚ ዲዜ? ታ ዋይይ ጋኪቤና» ገዴስ።

5 ሄ ዋይ ዩሱሳ አዩያ ማራማ ሄን ጋዴዛን ዲዛ ኦሳንቻታ፣ «ኢዚ አንቴና ገዛይሳ ኦላቲ» ገዴስ።

6 አይሁዳታስ ጌሾ ዋጋይ ዲዛ ገሻሽ ሹቻሬ ማጭቲዳ ኡሱቸን ባላቲ ሄን ዴቴስ፤ ኢሰቲካ ኢሶይ ኢሶይ ናምኡ ኦቶ ዋይኮ ሄቭ ኦቶ ሃሌ ኦይኬቴስ።

7 ዩሱሲ ኦሳንቻታ፣ «ባላታ ሃሌ ኩንላቲ» ገን ኢሰቲካ ባላታ ዶና ጋካናስ ሲልቲ ሂሰቲ ኩንላዲ።

8 ሃሳሬ ጉዬ ኦሳንቻታ፣ «አኔ ሃኢ ዲቂዲ ሳርጌዛ አላሬዛስ ኢዛፔ አሚቲ» ገዴስ። ኢሰቲካ ዲቂ ዲቂ አሚዲ።

9 አላሬዛካ ዋይኔ ኡሻን ላሚቲዳ ሃላ ጋንጺ ዴሊዲ ኢዚ አዋፔ ዩዳኮ ኤሪቤና። ሃላ ዲቂዳይቲ ገዴኮ ኤሪቴስ፤ ሃሳ ገሻሽ ሳርጌዛ አላሬይ ሚሺራዛ ጴይጌዲ፣

10 «አሲ ወሪ ሳርጌሶን ኮይር ሎኦ ኡሹ ሺሼስ፤ አሳይ ማሳቲዳፔ ጉዬ ኢታ ኤሄስ፤ ገዴ አቲን ኔ ገዴኮ ሎኦ ኡሹ ሃና ጋካናስ ዋላ ጋዳሳ» ገዴስ።

11 ዩሱሲ ሃሳ ማላሊሲዛ ማላታ ኡባሬ ኮይር ጋሊላ ጌቴቴዛ ዴሬን ቃና ካታማን ኦላዴስ፤ ባ ቦንቸካ ሃሳ ማላን ቆንጫሲዴስ፤ ኢዛ ካሊዛይቲካ ኢዛን አማኒዳ።

12 ሃሳሬ ጉዬ ዩሱሲ ባ አዩይራ ባ አሻታራኔ ባና ካሊዛይታራ ዲጌ ቂሬርናሆሜ ዋጂዲ ሄን ጉላ ዋይ ታኪዳ።

ጸሓ ኬላን ዛልአዛይታ ጎዴቴላ

(ማቶ 21:12-13፤ ማር 11:15-17፤ ሉቃ 19:45-46)

13 አይሁዳታ ፓዚጋ ባኣሌይ ማቲዳ ገሻሽ ዩሱሲ ዩሩሳላሜ ቢዴስ።

14 ጸሓ ኬላ ገቤ ገዴን ቦራታ፣ ዶርሳታኔ ሃራጶታ ባይዚዛይታ ቃሴካ ሚሹ ላሚዛይቲ ሚሹ ላሚሺን ዴሚዳስ።

15 ሃሳ ቤኢዲ ዋዶሮ ጸርቃፌ ዶቄ ኤኪዲ አሳኔ ቦራታካ ጸሳ ኩላ ገቤፌ ከሲዳሰ፤ ሚሽ ላሚዛይታ ሚሻካ ጳርጫዲ ኢሰታ ጸራጳዛታካ ሺሪ ሺሪ ዩጊዳሰ።

16 ሃራጴ ባይዚዛ አሳካ፡ «ሃይሳ ኡባ ጌዳ ዲጊቴ! ታ ኣዋ ኩላ ዛልኤ ኩላ ሂሰቶፍቴ» ጊዳሰ።

17 ሃ ዋዳ ኢዛ ካሊዛይቲ፡ «ኔ ኩላ ሚሻይ ታና ታማ ማላ ጸጌሰ» ጌቴቲ ጸፊቲዳ ቃላ ቆጋ።

18 ሃሳፌ ጉዬ ኣይሁዳ አሳ ሃላቃቲ ዩሱሳ፡ «ኔ ሃይሳ ወርሳ ኦላናሰ ሸኔይ ኔሰ ዲዛይሳ ቆንጫሳናሰ ኔ ኦና ኣይ ማላሊሲዛ ማላታ ቤሳኔ?» ጊ ኦይቺዳ።

19 ዩሱሲካ ኢሰታሰ፡ «ኣኔ ሃይሳ ጸሳ ኩላ ላሊቴ፤ ታ ኢዛ ሃሸ፡ ጋላሳራ ዛራ ኩጸና» ጊ ዛሪዳሰ።

20 ኢሰቲካ ኢዛ፡ «ሃይሳ ጸሳ ኩላ ኩጸናሰ ካሴ ኦይዱ ታማኔ ኡሱፑን ላይላ ኤኪዳሰ፤ ሂሰቲን ኔኔ ሃሸ፡ ጋላሳራ ኩጸ ኩንላኔ?» ጊ ኦይቺዳ።

21 ጊዳ ኣቲን ዩሱሲ፡ «ጸሳ ኩላ» ጊዳይ ባ አሳቲላ ጊሻሳ።

22 ሃሳ ጊሻሰ ዩሱሲ ሃይቄ ዳንዲን ኢዛ ካሊዛይቲ ሄ ዮኦዛ ዩሽ ቆፒዲ ኤሪዳኔ ሃይሳ ካሴ ማጸፋን ጸፊቲዳይሳ ዩሱሲ ኢሰታሰ ካሴቲ ዮቲዳ ቃላ አማኒዳ።

23 ፓዚጋ ባኣሌ ጋላሰ ዩሱሲ ዩሩሳላሚን ዲሼ ኦሊዳ ማላታታ ቤኢዲ ዳሮ አሳይ ኢዛ አማኒዳሰ።

24 ቃሴ ዩሱሲ አሳ ኡባ ኤሪዛ ጊሻሰ ኦናካ አማኒቤና።

25 ኢዚ አሳ ዋዚናን ዲዛ ኡባ ኤሪዛ ጊሻሰ ኦናካ ኢዛሰ አሳ ጊሻሰ ዮታናሰ ኮሺቤና።

3

ዩሱሳኔ ኒቆዲሞሳ

1 ፋርሳዌታ ባጋ አሰ ኣይሁዳታ ሃላቃታቴ ኢሲ ኒቆዲሞሳ ጌቴቲዛ አሲ ዳሰ።

2 ኢዚ ቃማራ ዩሱሳኮ ቢዲ፡ «ኣሰታማሬ! ጸሲ ኢዛራ ዲዛይ ጊዲኮፌ ኣቲን ሃይታ ኔ ኦሊዛ ማላሊሲዛ ማላታታ ኦላና ዳንዲይዛይ ዳና፤ ሃሳ ጊሻሰ ኔኔ ጸሳ ኣቻፌ ዩዳ ኣሰታማሬ ጊዲዳይሳ ኦ ኤርሰ» ጊዳሰ።

3 ዩሱሲካ ኢዛሰ ዛሪዳ፡ «ታ ኔሰ ቱሙ ጋይሰ፤ አሲ ናምኣንላ ዩሌቶንታ ኣጊኮ ጸሳ ካዋቲላ ቤያናሰ ዳንዲዩና» ጊዳሰ።

4 ኒቆዲሞሲካ ዛሪዳ፡ «ሂሰቲን አሲ ጨሚዳፕ ጉዬ ዋኒዲ ናምኣንላ ዩሌታና ዳንዲይዜ? ቃሴካ ባ ኣዩ ኡሎን ሰሚ ጌሊዲ ዩሌታኔ?» ጊዲ ኦይቺዳሰ።

5 ዩሱሲካ ኢዛሰ፡ «ታ ኔሰ ቱሙ ጋይሰ፤ አሲ ሃላፊኔ ጸሎ ኣያናፕ ዩሌቶንታ ዲሼ ጸሳ ካዋቲላ ጌላናሰ ዳንዲዩና።

6 አሳፕ ዩሌቲዳይ አሳ፤ ኣያናፕ ዩሌቲዳይ ኣያና።

7 ሃሳ ጊሻሰ፡ «ኣንቲ ናምኣንላ ዩሌታናሰ ኮሺሰ» ታ ኔና ጊዳ ጊሻሰ ማላሌቶፋ።

8 ጫርኮይ ባ ኮዩዳ ባጋ ጫርኮሰ፤ ኔኔ ጫርኮሰ ገሪሰ ሲያሳ ኣቲን ኢዚ ኣዋፕ ዩዛኮኔ ኣዋ ቢዛኮ ኤራካ። ኣያናፕ ዩሌቲዳይካ ሃሳ ማላ» ጊዳሰ።

9 ኒቆዲሞሲ፡ «ሃይሲ ዋኒ ሃናና ዳንዲይዜ?» ጊዲ ኦይቺዳሰ።

10 ዩሱሲካ ኢዛሰ፡ «ኣሰራኤሌ ኣሰታማሬ ጊዳ ኡታዳ ሃሳ ኔ ኤርኪ?»

11 ታ ኔሰ ቱሙ ጋይሰ፤ ኦኒ ኦ ኤሪዛይሳ ዮቶሰ። ኦ ቤኢዳይሳ ማርካቶሰ፤ ጊዳ ኣቲን ኣንቲ ኦ ማርካቲላ ኤኬኬታ።

12 ታ ኣንቲሰ ሃይሳ ሃ ቢታ ዮኦ ዮቲን ኣማኖንታ ኢዲኮ ሳሎ ሚሽ ዮቲኮ ዋሰቲ ኣንቲ ኣማናኔ?

13 ሳሎፕ ዲጌ ዋዲዳ አሳ ናፕ ኣቲን ፑዳ ሳሎ ኬዚዳይ ሃራይ ኦኒካ ዳና። *

14 «ባዘ ቢታን ሙሴይ ሸሽ ቶቄ ሂሰቲ ካቂዳይሳላ ሃሳላካ አሳ ናይ ቶቃሶሆን ካቂታናሰ ቤሴሰ።

15 ሃሲካ ኢዛን ኣማኒዛይ ወሪካ ሜርና ዳኦ ዳማናሳ።

16 ጸሳ ና ኣማኒዛይ ወሪ ሜርና ዳኦ ዳማናፕ ኣቲን ቆዮንታ ማላ ጸሲ ሃይሳ ኣላሜዛ ዳሮ ሲቂዳ ጊሻሰ ባ ሜዲ ኢሲ ናዛ ኢሚዳሰ።

17 ጸሲ ባ ናዛ ዲጌ ኣላሜ ከቲዳይ ኣላሜ አሳይ ኢዛን ኣማኒዲ ኣታና ማላሳ ኣቲን ኢዚ ኣላሜ አሳ ቦላ ፒርዳናሰ ጊዳና።

18 «ኢዛ ኣማኒዛይ ቦላ ፒርዳና። ኢዛ ኣማኖንታይ ጊዲኮ ጸሳ ና ኢሲኔዛን ኣማኖንታ ጊሻሰ ካሴካ ፒርዳቲ ኡቲዳሰ።

19 ፒርዳይካ ሃይሳ ማላ፡ ፖኦይ ሃ ኣላሜ ዩዳሰ ሺን ኣሳሰ ኦሶይ ኢታ ጊዲዳ ጊሻሰ ኣሳይ ፖኦፕ ኬሂ ቆማ ደሲዳሰ።

20 ኢታ ኦሊዛይ ወሪካ ፖኦ ደሴና። ኢዚ ኦሊዛ ኢታ ኦሶይ ቆንጫ ኬዘንታ ማላ ኢዚ ባ ሁኤሰ ፖኦይ ዲዛሶ ኬዜና።

21 ቱሙ ኦሊዛይ ጊዲኮ ፖኦይ ዲዛሶ ዩሰ። ኢዚ ፖኦይ ዲዛሶ ዩዛ ጋሶይካ ጸሳ ኣዛዞ ማላ ኢዚ ኦሊዳ ኦሶይ ቆንጫና ማላሳ» ጊዳሰ።

ዩሱሳኔ ጸማቂዛ ጥሃሲሳ

22 ሃሳፌ ጉዬ ዩሱሲ ባና ካሊዛይታራ ዩሁዳ ዳሬ ቢዳሰ፤ ሃንካ አሳ ጸማቂሼ ኢሰታራ ጉላ ዋዳ ጋምኢዳሰ።

23 ሃ ዋዳ ሳሊሜ ኣቻን ሃናኔ ጌቴቲዛሶን ዳሮ ሃላ ዲዛ ጊሻሰ ጥሃሲሲ አሳ ጸማቂሺን ኣሳይካ ኢዛኮ ቢዲ ጸማቂቲዳሰ።

24 ሃ ዋዳ ጥሃሲሲ ቡሮ ቃሾ ኬሌ ጌሊቤና።

25 ሃ ዋዳ ጥሃሲሳ ካሊዛይታ ጊዳኔኔ ኢሲ ኢሲ ኣይሁዳ አሳታ ጊዳን ኣይሁዳታ ጌሾ ዋጋ ጊሻሰ ጊታ ፓላማይ ዳንዲዳሰ።

26 ጥሃሲሳ ካሊዛይቲ ኢዛኮ ሸቂዳ፡ «ኣሰታማሬ! ኔናራ ዮርዳናሴ ሻፋ ፒንላን ኢሲፌ ዲሺን ኔ ኢዛ ጊሻሰ ማርካቶ ኣዳዚ ሃኮ ጸማቂሰ፤ ኣሳይካ ኢዛኮ ቤሰ» ጊዳ።

27 ጥሃሲሲካ ኢሰታሰ፡ «ኦናሰካ ጸሳፌ ኣሜቶንታ ዲሺን ኣይኮይካ ዳና ዳንዲዩና።

28 «ታኒ ኢዛፕ ሲንሳታ ከቲታዲሰ ኣቲን ያና ጊዳ ከርሰቶሲ ታና ጊዲኬ» ጋዳ ታ ኣንቲሰ ዮቶይሳሰ ኣንቲ ኣንቲ ሁኤራ ታ ማርካታ።

2:17 ማዛ 69:9 2:19 ማቶ 26:61፤ 27:40፤ ማር 14:58፤ 15:29 * 3:13 ሳሎፕ ዲጌ ዋዲዳ አሳ ናፕ ኣቲን ፑዳ ሳሎ ኬዚዳይ ሃራይ ኦኒካ ዳና ጊዛይሳ ኢሲ ኢሲ ጌሻ ማጸፋቲ ሳሎን ዲዛ አሳ ናፕ ኣቲን ጌቴሰ። 3:14 ታይ 21:9 3:24 ማቶ 14:3፤ ማር 6:17፤ ሉቃ 3:19-20 3:28 ጥሃ 1:20

29 ሳርጌ ዎዴ ኤካና ሚሺራይ ዲዛዳይ ኢዚካ ሚሺራ፤ ሚሺራ ላጌይ ገዲኮ ሚሺራዛ አቻን ኤቁዲ ሚሺራዚ ገዛዝ ሲዩስ፤ ሚሺራዛ ቃላ ሲዩዲ ኡፋዬቴስ፤ ሄሳ ገሻስ ታ ኡፋይሲ ሃኢ ፖሌቴዳስ።

30 ኢዚ ዶቁ ዶቁ ጋና ማላ ታኒካ ዘቁ ዘቁ ጋና ኮሼስ።

31 «ቦላፌ ዩዛዳይ ኡባፌ ቦላ፤ ጋርሳ ቢታፌ ዩዛዳይ ኢዚ ቢታፌ፤ ቢታዝ ዮቴስ፤ ሳሎፔ ዩዛዳይ ኢዚ ኡባፌ ቦላ።

32 ኢዚ ባ ቤኢዳዚኔ ባ ሲዩዳዝ ማርካቴስ፤ ገዶ አቴን ኢዛ ማርካቴስ ኤኪዛዳይ ዳና።

33 ኢዛ ማርካቴስ ኤኪዛዳይ ገዲኮ ጸሳ ቱማንቻ ገዲዳይሳ ቆንጨሴስ።

34 ጸሲ ከቲዳዳይ ጸሳ ቃላ ዮቴስ። ጸሲካ ኢዛዳስ ባ ኣያና ማኪ አሜና።

35 «አዎይ ባ ና ዶሴስ። ሃኒዛ ዮኦ ኡባ ኢዛ ኩሼን አሏ አሜስ።

36 ናዛን አማኒዛዳስ ሜርና ዳይይ ዳስ። ናዛን አማኖንታይ ገዲኮ ጸሳ ሃንቆይ ኢዛ ቦላ ዳና አቴን ዳኑ ዳሜና» ገዴስ።

4

1 ሄ ዎዴ ዩሱሲ የሃኒሳፔ ቦላራ ዳር ኣሳ ባና ካሊዛዳ ኦሊዛይሳኔ ጸማቁዛይሳ ፋርሳዌቲ ሲዩዳ።

2 ገዶ አቴን ጸማቁዛይቲ ኢዛ ካሊዛይታፔ አቴን ኢዚ ጸማቁቤና።

3 ኢዛ ገሻስ ሃሳዩቲዛይሳ ፋርሳዌቲ ሲዩዳይሳ ዩሱሲ ኤሪዲ ዩሁዳ ዳሬ ኣገዲ ጋሊላ ዳሬ ሲሚ ቢዳስ።

4 ኢዚ ሄ ቢሺን ሳማሪያራ ኣጂ ባናይሲ ኢዛስ ኣቶንታዝ ገዲዳስ።

5 ሄሳ ገሻስ ሲካሮ ጌቴቲዛሶ ሳማሪያ ካታማ ቢዳስ። ሲካራ ያቆቤይ ባ ና ዮሴፌስ አሚዳ ቢታ አቻን ዳወስ።

6 ሄንካ ያቆቤ ሃላ ኦላይ ዳስ። ዩሱሲ ኦጌ ሄሜቲ ዳቡርዳ ገሻስ ሄ ኦላይ አቻን ኡቴዳስ። ዎዴይካ ጋላሳፌ ኡሱፑን ሳቴ ማላ።

7 ሄ ዎዴ ኢሲ ሳማሪያ ዳሬ ማጫስ ዲዛራ ሃሌ ዲቃናስ * ሄ ሃላ ኦላኮ ያዲስ። ዩሱሲካ ኢዛ። «ታና ሃሌ ኡሻ» ገዴስ።

8 ሄሲ ሃኒሺን ዩሱሳ ካሊዛይቲ ቁማ ሻማና ካታማ ቢዳ።

9 ሄና ሳማሪያ ማጫሳያ ዩሱሳ። «ኔ ኣይሁዳ ኣስ ገዳ ኡታዳ ዋናዳ ታና ሳማሪያ ማጫስ። «ሃሌ ኡሻ» ጋ ኣይቻይ?» ገዴስ፤ ኢዛ ሄሳ ገዳይ ኣይሁዳ ኣሳሲኔ ሳማሪያ ኣሳስ ጋጎቴሌ ዶንታ ገሻሳ።

10 ዩሱሲካ ኢዚስ። «ጸሳ አሞታይኔ ኔና። «ታና ሃሌ ኡሻ» ገዛዳይ ኢዚ ኦናኮኔ ኔ ኤሪዛኮ ኔ ኢዛ ዎሳናስ ቤሴስ። ኢዚካ ኔስ ዳኦ ሃሌ አማናኮሺን» ገዴስ።

11 ኢዛካ ኢዛስ። «ጎዶ! ኔስ ሃሌ ዲቁዛ ሚሺ ዳና፤ ሃላ ኦላይካ ዳር ጨማ፤ ሂስቲን ኔ ዳኦ ሃላ አዋፔ ዳማኔ?»

12 ኔ ሃይሳ ሃላ ኦላዛ ኦስ አሚዳ ኦ አዋ ያቆቤፔ ኣጳይ? ኢዚኔ ኢዛ ናይቲ ኢዛ ሜሄቲካ ሃይሳ ሃ ኦላፌ ሃላ ኡዩዳ» ገዴስ።

3:35 ማቶ 11:27፤ ሉቃ 10:22 4:5 ሜዴ 33:19፤ ኢያ 24:32 ጌቴስ። 4:9 ሂዚ 4:1-5፤ ኢያ 4:1-2

13 ዩሱሲ ኢዚስ። «ሃይሳ ሃ ሃላፌ ኡዩዳይ ወሪ ናምኣንሎ ሳሜቲዲ ዛሪ ሃራ ኡያናሺን።

14 ታ አሚዛ ሃሌ ኡዩዳይ ገዲኮ ሜርናስ ሙሌካ ሳሜቲና፤ ጋሶይካ ታ አሚዛ ሃላ ኡዩዳይ ማርና ዳኦስ ፑልቲዛ ፑልቶ ሃሌ ገዴና» ገዴስ።

15 ማጫሳያካ። «ጎዶ! ሃይሳፌ ጉዬ ታና ሃሌ ሳሞንታ ማላኔ ቃሴካ ታ ሃሌ ዲቃና ሃ ዮንታ ማላ ሄሳ ኔ ገዛ ሃላ ማላ ሃሌ ታስ አሚርኪ?» ገዴስ።

16 ዩሱሲካ ኢዛ። «ባዳ ኔ ኣዚና ጳይጋ ኤካዳ ያ» ገዴስ።

17 ማጫሳያካ ዛራዳ። «ታስ ኣዚናይ ዳና» ገዴስ፤ ኢዛ ሂዝገን ዩሱሲ። « ኔ ታስ ኣዚናይ ዳና ጉሳይ ቱሙኮ።

18 ጋሶይካ ካሴ ኔስ ኢቻሹ ኣዚናቲ ዳቴስ፤ ቃሴ ሃኢ ኔናራ ዲዛይሲ ኔ ኣዚና ገዴና፤ ሄሳ ገሻስ ኔ ቱሙ ጋዳሳ» ገዴስ።

19 ማጫሳያ ኢዛስ። «ጎዶ! ኔኒ ናቤ ገዲዳይሳ ታ ሃኢ ኤራዲስ።

20 ካሴ ኦ አዋቲ ሃይሳ ዙማ ቦላ ጎይኒዳ፤ አንቲ ቃሴ። «ኣሳይ ጎይናናስ ቤሲዛሶይ ዩሩሳላሚንኮ!» ጌታ» ገዴስ።

21 ዩሱሲካ ኢዚስ። «ሃኔ ማጫሳዩ። ጸሳ አዋስ ሃይሳ ዙማ ቦላ ዎይኮ ዩሩሳላሚን አንቲ ጎይናንታ ዎዴይ ያናይሳ አማና።

22 አንቲ አንቲ ኤርንታ ጸሳስ ጎይኔታ፤ ኦ ገዲኮ ኣሳስ ኣቶቴሌ ኣይሁዳፔ ገዲዳ ገሻስ ኦኒ ኦ ኤሪዛ ጸሳስ ጎይናስ።

23 ገዶ አቴን ቱሙ ጎይኒዛይቲ ጸሳ አዋስ ኣያናኒኔ ቱማን ጎይኒዛ ዎዴይ ቡሮ ያና፤ ሃራይ ኣቶሺን ሃኢካ ዩዳስ። ጸሳይ አዋይካ ኮይዛይ ሄሳ ማላ ጎይኒዛይታ።

24 ጸሲ ባ ሁኤስ ኣያና፤ ኢዛ ጎይኒዛይቲ ኣያናኒኔ ቱማን ጎይናናስ ቤሴስ» ገዴስ።

25 ማጫሳያካ። «ከርስቶሲ ያናይሳ ታ ኤራይስ፤ ኢዚ ዩዲ ሃኒዛዝ ኡባ ኦስ ዮታና» ገዴስ።

26 ዩሱሲካ ኢዚስ። «ሃኢ ኔናራ ሃሳይዛይ ታ ኢዛ» ገዴስ።

27 ሃሲ ሃኒሺን ኢዛ ካሊዛይቲ ባ ቢዳሶፔ ሲሚዳ። ዩሱሲ ማጫሳራ ሃሳይዛይሳ ማላሌቲዳ፤ ገዶ አቴን። «ሃኔ ኣይ ኮያይ? ዎይኮ ሃኒራ ኣዛስ ሃሳያይ?» ገዲ ኦኒካ ኣይቹቤና።

28 ሃሳፌ ጉዬ ማጫሳያ ኦቶዛ ሄን ኣጋጋዳ ጌዴ ካታማ ባዳ ኣሳስ።

29 «ታ ኦሊዳዝ ወርሲ ታስ ዮቴዳዴ ሃ ዩዲ ቤኣቴ፤ ኦኔ ኤሪዛይ ጸሲ ቲይዳ ከርስቶሲ ኢዛኮኔ!» ገዴስ።

30 ኣሳይካ ካታማፔ ከዚዲ ዩሱሳኮ ቢዳስ።

31 ሄ ዎዴ ዩሱሳ ካሊዛይቲ ዩሱሳ። «ኣስታማሬ! ቁማ ማ» ገዲ ዎሲዳ።

32 ኢዚ ቃሴ። «አንቲ ኤርንታይ ታ ሚዛ ቁማይ ታስ ዳስ» ገዴስ።

33 ሄሳ ገሻስ ኢዛ ካሊዛይቲ። «ኣይኮ ሚዛ ካላ ኣሲ ኢዛስ ኤሂዳሻ?» ገዲ ባ ገደን ሃሳዩቲዳ

34 ዩሱሲካ ኢስታስ ዛራዲ። «ታ ቁማይ ታና ከቲዳ ታ አዋ ሼኔ ኦሶኔ ኢዛ ኦሶ ፖሎ።

35 አንቲ ቃሴ። «ካላ ማጻይ ጋካናስ ቡሮ ኦይዲ ኣገናይ ኣቴዳስ» ጌታ ገዴኮቲ? ቃሴ ታኒ ገዲኮ

* 4:7 ዲቃናስ። ዲቃናስ ገዛይሳ ኢሲ ኢሲ ባጋ ጋሞላ ቃላን ቲካናስ

አንቱና፣ «ቆቁ ገዲ ካላይ ማጸ ጋኪዳይሳ ጸሊቴ» ገይሰ።

36 ማጸዛዳይ ባ ዳሞዛ ኤካና፤ ማርናሰ ገዲዛ አይፌ ሸሻና፤ ሃሳ ገሻሰ ዜሪዛዳይ፤ ማጸዛዳይ ኢሲፌ ኡፋዩታና።

37 ሃሳ ገሻሰ አሳዳይ ዜሪና፤ ሃራ ኣሲ ማጸና ጌቲቲዛ ለሚሶይ ቱማ።

38 ታ አንቱና አንቲ ዳቡርንታይሳ ማጸና ማላ ዩዳዲሰ፤ ሃራቲ ኦሶን ዳቡርዳ፤ ገደ ኣቲን አንቲ ኢሰታ ዳቡርሳን ጎኤቲዳታ» ገደሰ።

39 ማጫሳያ፡ «ታ ኦሊዳዝ ኡባ ታሰ ኢዚ ዮቲዳሰ» ጋዳ ኣሳሰ ማርካቲዳ ማላ ካታማፔ ዳር ሳማሪያ ኣሳይ ኢዛን ኣማኒዳሰ።

40 ሃሳ ገሻሰ ሳማሪያ ኣሳይ ዩሱሳኮ ዩዲ ኢዚ ኢሰታኮን ጋምኣና ማላ ዋሲዳሰ፤ ኢዚካ ናምኡ ጋላሰ ሄን ጋምኢዳሰ።

41 ኢዛ ቃላ ሲዩዲ ዳር ኣሳይ ኢዛ ኣማኒዳሰ።

42 ማጫሳዮካ፡ «ሃኢ ኑ ኢዛ ኣማኒዳይ ኔ ዮቲዳ ቃላ ገሻሰ ጸላ ገደንታ ኑኒካ ኑ ባጋራ ኢዛ፤ ሲዩዲ ገሻሰኔ ቱማፔ ኢዚ ዳሬ ኣሽዛዳ ገዲዳይሳ ኤሪዳ ገሻሳ» ገደ።

ዩሱሲ ሹሜዛ ናዛ ፓሊዳሰ

43 ዩሱሲ ሳማሪያን ናምኡ ጋላሰ ጋምኢዳ፤ ጉዬ ጋሊላ ቢዳሰ።

44 ኢዚ ባ ባጋራ፡ «ናቤይ ባ ዳሬን ቦንቱቲና» ገ ዮቲዳሰ።

45 ገደ ኣቲን ኢዚ ጋሊላ ቢን ጋሊላ ኣሳይ ኢዛ ሎኤሊ ሞቢ ኤኪዳሰ፤ ጋሶይካ ፓዚጋ ባኣሌ ቦንቻና ዩራሳላሜ ቢዳሶን ሄን ዲሺን ኢዚ ኦሊዳይሳ ወርሲ ቤኢዳ ገሻሳ።

46 ሃሳፌ ጉዬ ዩሱሲ ሃሌ ዋይኔ ጫጃ ኦሊዳ ጋሊላ ዳሬ ገደን ዲዛ ቃና ጌቲቲዛ ካታማ ናምኣንሎ ቢዳሰ። ሄ ዋዩ ቁፊርናሆሜን ኢዛሰ ናይ ሳኬቲዳ ኢሲ ካዋ ሹሜይ ዳሰ።

47 ኢዚካ ዩሱሲ ዩሱዳ ዳሬ፤ ጉዬ ጋሊላ ዩዳይሳ ሲዩዲ ዩሱሳኮ ቢዳሰ። ዩሱሲ ዱጌ ቁፊርናሆሜ ዋዳና ማላኔ ዳር ሳኬቲዳ ሃይቃና ገዛ ናዛ ፓላና ማላ ዩሱሳ ዋሲዳሰ።

48 ዩሱሲካ ኢዛሰ፡ «አንቲ ገታ ማላታታኔ ማላሊሲዛዝ ቤኦንታ ኣይኮካ ኣማኔኬታ» ገደሰ።

49 ሹሜዛካ ዛሪዲ፡ «ጎደ! ታ ናዚ ሃይቆንታ ኤሌላ ዋዳርሲ!» ገደሰ።

50 ዩሱሲካ ኢዛ፡ «ኔኒ ኔሶ ባ! ናዚ ፓጺዳሰ» ገደሰ፤ ኣዳዚካ ዩሱሲ ኢዛሰ ዮቲዳ ቃላ ኣማኒዲ ሶ ሲሚ ቢዳሰ።

51 ኢዚ ሶ ቢሺን ኢዛ ኣሸካራቲ ኢዛራ ኦጌን ገገዲ፡ «ኔ ናዚ ፓጺዳሰ» ገዲ ኢዛሰ ዮቲዳ።

52 ሹሜዛካ ናዚ ኣይ ሳቲን ፓጺዳኮ ኢሰታ ዛሪ ኦይቹዳሰ። ኢሰቲካ ኢዛሰ፡ «ቃማ፣ ጋላሳፌ ላፑን ሳቲን ኢዛ ሚቹዛይሲ ኣገደሰ» ገደ።

53 ናዚ ኣዋይካ ዩሱሲ፡ «ኔ ናዚ ፓጺዳሰ» ገደይ ሄ ኢሰቲ ኢዛሰ ዮቲዛ ዋዩ ገዲዳይሳ ኤሪዳሰ። ሃሳ

ገሻሰ ሄ ጋላሳፌ ኦይኪዲ ኢዚኔ ኢዛሰ ኣሳይ ወሪ ዩሱሳ ኣማኒዳ።

54 ሃይሲ ማላታይ ዩሱሲ ዩሱዳ፤ ጋሊላ ዩዲ ኦሊዳ ናምኣንሎ ማላታ።

5

ዩሱሲ ፓሊዳ ቶሆ ሲላ ኣዳዘ

1 ሃሳፌ ካሊዲ ኣይሁዳታ ባኣሌይ ዲዛ ገሻሰ ዩሱሲ ዩራሳላሜ ቢዳሰ።

2 ዩራሳላሜን ደርሲ ጌሊዛ ፔንጌ ኣቻን ኢብራዌታ ቃላራ፡ «ቤቲሳይዳ»* ጌቲቲዛ ኢሲ ፑልቶፌ ሸቂዲ ኤሊዳ ሃሌ ዳሰ፤ ኢዛ፤ ጌሊ፤ ካማይ ዲዛ ኢቻሹ ኦጌቲ ዳቲሰ።

3 ዳር ሃርጋንቻቲ፡ ኣይፌ ቆቂቲ፡ ቶሆ ዋቤቲኔ ቶሆ ሲላቲ ኦጌ ቦላ ኢቹዲ ሃሌ ቃጾታና ጋካናሰ ናጌቲሰ።

4 ኢሲ ኢሲ ዋዩ ጎዳ ከታንቻይ ሃላን ዋዳዲ ሃላ ቃሌሰ፤ ሃላ ቃላፌ ካሊዲ ኮይርቲዲ ሃላን ጌሊዛ ሃርጋንቻይ ባና ሳኪዛ ኣይ ሃርጌፊካ ፓጺሰ። †

5 ሄን ሄቹ ታማኔ ኦሰፑን ላይሳ ኩሜሳ ሳኬቲዳ ኢሳዳይ ዳሰ።

6 ዩሱሲ ኣዳዘ ሄን ኢቹዳይሳ ቤኢዲኔ ኢዚ ዳር ላይሳ ሳኬቲዳይሳ ኤሪዳ፡ «ኔ ፓጸና ኮያይ?» ገደሰ።

7 ሃርጋንቻዚካ ዛሪዲ፡ «ጎደ! ሃላይ ቃጾቲዛ ዋዩ ታና ሃላን ጌልሊዛ ኣሲ ዳና፤ ታ ቡር ባና ገሺን ሃራይ ታፔ ካሴቲ ሃላን ጌሊሰ» ገደሰ።

8 ዩሱሲካ ኢዛ፡ «ዳንዳ! ኔ ኢቹዳ ኣልጋ ቶካዳ ባ!» ገደሰ።

9 ኣዳዘካ ሄራካ ፓጺዳሰ፤ ባ ኣልጋ ቶኪ ኤኪዲ ቢዳሰ። ሄሲ ሃኒዳይ ኣይሁዳታ ሳምባታ ጋላሳ።

10 ሃሳ ገሻሰ ኣይሁዳታ ሃላቃቲ ፓጺዳ ኣዳዘ፡ «ሃኙ ሳምባታራ ኔ ኣልጋ ቶካና ማላ ሙሴ ዋጋይ ኣዛዜና» ገደ።

11 ኢዚካ ኢሰታሰ፡ « ኔ ኢቹዳ ኣልጋ ቶካዳ ባ ገ ዮቲዳሰ» ገደሰ።

12 ኢሰቲካ፡ «ኔና ኣልጋ ቶካዳ ባ ገዳይ ኦኔ?» ገ ኦይቹዳ።

13 ዳሬይ ዳሪዳ ገሻሲኔ ዩሱሲ ሄፔ ሃኪ ቢዳ ገሻሰ ኢዛ ኦኒ ፓሊዳኮ ኣዳዘ ኤሪቤና።

14 ሃሳፌ ጉዬ ዩሱሲ ኣዳዘ ጸሳ ኬላን ዳሚዲ፡ «ሄኮ ሃኢ ኔ ፓጺዳሳ፤ ካሴይሳፌ ኣዳዘ ኢታ ሚሺ ኔ ቦላ ጋኮንታ ማላ ናጋራ ናምኣንሎ ኦሶፋ» ገደሰ።

15 ኣዳዘካ ቢዲኔ ኢዛ ፓሊዳይ ዩሱሳ ገዲዳይሳ ኣይሁዳታ ሃላቃታሰ ዮቲዳሰ።

16 ኣዳዘ ሳምባታ ጋላሰ ፓሊዳ ገሻሰ ኣይሁዳታ ዳናቲ ዩሱሳ ኦይካና ዩዳሊዳ።

17 ዩሱሲካ ኢሰታሰ፡ «ታ ኣዋይ ኡባ ዋዩ ኦሌሰ፤ ታኒካ ኦላና» ገደሰ።

18 ሃሳ ጋሶን ኣይሁዳታ ዳናቲ ዩሱሳ ዋዳና ማላ ካሴ፤ ኣሌ ዳንጫዳ። ቃሴ ኢዚ ሳምባታ ሞሪዳ ገሻሰ ጸላ ገደንታ፡ «ጸሲ ታ ኣዋ» ገደ ገሻሲኔ ባና ጸሳራ ገኒሲዳ ገሻሳ።

ጸሳ ና ጎዳቲላ

4:44 ማቶ 13:57፤ ማር 6:4፤ ሉቃ 4:24 4:45 የሃ 2:23 4:46 የሃ 2:1-11 † 4:52 ቃማ፡ ቃማ ገዛይሳ ኢሲ ኢሲ ባጋ ጋምሶ ቃላን ዘኔ ጌቲሰ። * 5:2 ቤቲሳይዳ፡ ቤቲሳይዳ ኢሲ ኢሲ ጌሻ ማጸፋቲ፡ «ቤቲዛታ» ገሺን ሃራቲ፡ «ቤቲሳይዳ» ጌቲሰ፤ ቢርሸላይካ፡ «ማርቲላ ኬላ» ጉሳ። † 5:4 ኢሲ ኢሲ ጌሻ ማጸፋቲ ታይሶ ሄቻሰ ወርሴላ ቦላፌ ቢዲ ኦይዳ ወርሴላ ጋካናሰ ዲዛ ቆፋ ጉጃቲና። 5:10 ናሃ 13:19፤ ኤር 17:21

19 ዩሱሲ ኢሰታስ፡ «ታ ኢንቴስ ቱሙ ጋይስ፤ አዋይ ኦሊቪን በኢዳይሳ ኦሪፕ ኣቲን ናዚ ባ ሼንን ኣይኮካ ኦሌና። አዋይ ኦሊዛይሳ ኢዛ ናይ ሃሳሶካ ኦሌስ።

20 ጋሶይካ አዋይ ናዛ ዶሴስ። ባ ኦሊዛይሳካ ወርሲ ኢዛ በሴስ፤ ኢንቴ ማላሌታና ማላ ሃይሳፊካ ኣጲዛ ኦሪ ቡሮ ቤሳና።

21 አዋይ ሃይቁዳይታ ዴንሊዛይሳሎኔ ዴኦ ኢሚዛይሳሎ ናዚካ ሃሳሶ ባ ኮዩዳዴስ ዴኦ ኢሚና።

22 አዋይ ኦና ቦላካ ፐርዴና፤ ጊዶ ኣቲን ፐርዳ ማታ ኡባ ባ ናዛስ ኢሚዴስ።

23 ኢዚ ሃሳሶ ኦሊዳይ ኣሳይ ወሪ አዋ ቦንቻና ማላኔ ቃሴካ ናዛካ ቦንቻና ማላሳ። ናዛ ቦንቻንታይ ናዛ ከቲዳ አዋካ ቦንቻና።

24 «ታ ኢንቴስ ቱማ ጋይስ፤ ታ ቃላ ሲዩዛዴሲኔ ታና ከቲዳዴን ኣማኒዛዴስ ሚርና ዴኦይ ዴስ። ኢዛዴይ ሃይቆፔ ጌዴ ዴኦን ፐሊዴስ ኣቲን ኢዛ ቦላ ፐርዴቲና።

25 ታ ኢንቴስ ቱማ ጋይስ፤ ካሴ ሃይቁዳ ኣሳቲ ጸሳ ና ቃላ ሲዩዛ ዋዴይ ያና፤ ሄ ዋዴያካ ሃና፤ ሲዩዛይቲ ወሪ ዴኦን ዳና።

26 ጋሶይካ አዋይ ባ ባጋራ ዴኦይ ዲዛ ማላ ናዚካ ባ ባጋራ ዴኦይ ዳና ማላ ኦሊዴስ።

27 ኢዚ ኣሳ ና ጊዲዳ ገሻስ ፐርዳና ማላ ጎዳቲላ ኢዛስ ኢሚዴስ።

28 ሃይሳን ኣይኮካ ማላሌቶፍቲ። ጋሶይካ ካሴ ሃይቁዲ ዲፎን ዲዛይቲ ወሪ ኢዛ ቃላ ገሪስ ሲዩዛ ዋዴይ ያና።

29 ሎኦ ኦሊዳይቲ ሃይቆፔ ዴንዲዲ ፓጸና። ጊዶ ኣቲን ኢታ ኦሊዳይቲ ሃይቆፔ ዴንዲዲ ፐርዴታና።

ዩሱሳስ ማርካቲዳ ኣሳታ

30 «ታኒ ታ ሼንን ኣይኮካ ኦላናስ ዳንዳይኬ፤ ጊዶ ኣቲን ታ አዋፔ ታ ሲዩዳ ማላ ፐርዳይስ። ታና ከቲዳይሳ ሼኔ ኣላይስ ኣቲን ታ ሼንን ታ ኦሎንታ ገሻስ ታ ፐርዳን ባላይ ባ።

31 ታኒ ታ ገሻስ ታርካ ማርካቲኮ ታ ማርካይ ቱሙ ጊዴና።

32 ጊዶ ኣቲን ታ ገሻስ ማርካቲዛዴይ ሃራይ ዴስ፤ ኢዚካ ታ ገሻስ ማርካቲዛዴ ማርካቲላይ ቱሙ ጊዲዳይሳ ታ ኤራይስ።

33 ኢንቴ የሃኒሳኮ ኣሴ ከቲዳታ ሺን ኢዚካ ቱሙ ማርካቲዴስ።

34 ታ ሃይሳ ገዛይ ኢንቴ ኣታና ማላ ኣቲን ታስ ሃራ ማርካቲላ ኮሺዳ ገሻስ ጊዴና።

35 የሃኒሲ ኤጲዲ ፖኢሲዛ ፖኦ ማላ። ኢንቴካ ጉላ ዋዴ ኢዛ ፖኦን ኡፋዴታና ኮዩዳታ።

36 ታስ ጊዲኮ የሃኒሳ ማርካቲላፊ ኣጲዛ ማርካይ ዴስ። ታ ማርካይካ ታ አዋይ ታስ ኢሚዳ ኦሪ። ሄሲካ ታ ኦሊዛ ኦሪይ ታ አዋይ ታና ከቲዳይሳ ታስ ማርካቲስ።

37 ታና ከቲዳ ታ አዋይካ ባ ሁኤራ ታስ ማርካቲዴስ። ኢንቴ ጊዲኮ ኢዛ ቃላ ገሪስ ሙሌካ ሲዩቤኬታ፤ ኢዛስ ሚቆካ ሙሌራ ቤዩቤኬታ።

38 ኢዚ ከቲዳዴን ኢንቴ ኣማኖንታ ገሻስ ኢዛ ቃላይ ኢንቴ ኣቻን ዳና።

39 ኢንቴስ ገሻ ማጸፋታፔ ሚርና ዴኦ ዴማናስ ሚሳቲን ማጸፋታ ፐሊጌታ፤ ማጸፋቲካ ታ ገሻስ ማርካቲቲስ።

40 ጊዶ ኣቲን ኢንቴ ዴኦ ዴማናስ ታኮ ሃ ያና ኮዩኬታ።

41 «ታኒ ኣሳፔ ቦንቻ ኮይኬ።

42 ታ ኢንቴና ኤራይስ፤ ጸሳ ሲቆይ ኢንቴናን ባይንዳይሳካ ኤራይስ።

43 ታኒ ታ አዋ ሱንላን ያዲስ ሺን ኢንቴ ታና ሞኪ ኤኪቤኬታ። ሃራ ኣሲ ቃሴ ባ ሱንላን ዩኮ ኢንቴ ኢዛ ሞኪ ኤኬታ።

44 ኢንቴ ኢንቴ ጊዶን ኢሶይ ኢሳፊ ቦንቻ ኮይዛይቶ! ኢሲ ጸሳፊ ቤቲዛ ቦንቻ ኮዮንታይቶ ኢንቴ ዋኒዲ ታና ኣማናና ዳንዳይቲ?

45 ታ አዋ ሲንላን ኢንቴና ሞታናይ ኢንቴስ ታና ሚሳቶፖ፤ ኢንቴና ሞታናይ ኢንቴ ኢዛ ሃዶታ ኦሊዛ ሙሴ።

46 ሙሴይ ታ ገሻስ ጸፊዳይሳ ኣማኒዳኮ ኢንቴ ታና ኣማናና።

47 ኢዚ ጸፊዳይሳ ኢንቴ ኣማኖንታ ኣገኮ ቃሴ ታ ቃላ ኢንቴ ዋኒ ኣማናኔ?» ጊዴስ።

6

ዩሱሲ ሚዚዳ ኢቻሹ ሺ ኣሳ (ማቶ 14:13-21፤ ማር 6:30-44፤ ሉቃ 9:10-17)

1 ሃሳፊ ጉዩ ዩሱሲ ጸቢራዶሴ ጌቲቲዛሶ ጋሊላ ኣባፊ ሄ ፐንላ ፐሊዴስ።

2 ዩሱሲ ሃርጋንቻታ ፓሊዳ ማላታ ቤኢዳ ገሻስ ዳር ኣሳይ ኢዛ ካሊዴስ።

3 ዩሱሲ ባና ካሊዛይታራ ፑዴ ዙማ ቦላ ኬዚ ኡቲዴስ።

4 ሄ ዋዴ ኣይሁዳታ ፓዚጋ ባኣሌይ ማቲ ኡቲዴስ።

5 ሄ ዋዴ ዳር ዴሬይ ኢዛኮ ዩዛይሳ ዩሱሲ ቶቁ ጊ ጴሊዲ ፐሊጸሳ፡ «ሃይሳ ዴራስ ጊዳና ቁማ አዋፔ ሻማና ዳንዳይዚ?» ጊዴስ።

6 ዩሱሲ ፐሊጸሳ ሃሳሶ ኣይቶዳይ ኢዛ ፓጫናስ ጊዲፔ ኣቲን ኢዚ ባ ኦላናይሳ ኤሬስ።

7 ፐሊጸሲካ ኢዛስ፡ «ኢሳዴስ ኢሳዴስ ኢሲ ባርስ ጊዲዛ ካላ ሻሚዛኮካ ናሞኡ ጴቱ ዲናሬን ሻሚዳ ካሊካ ሃይሳስ ጊዳና» ጊዴስ።

8 ዩሱሳ ካሊዛይታፔ ኢሶይ ሲሞና ጴጶርሳ ኣሻ ኢንዲራሲ።

9 «ኢቻሹ ባንጋ ኡኬላኔ ናሞኡ ሞሌ ኣይኪዳ ኢሲ ናይ ሃይሳን ዴስ። ጊዶ ኣቲን ሃና ሃይሳ ሃ ዴራዛስ ኣይ ጊዳኔ?» ጊዴስ።

10 ዩሱሲካ ዛሪዲ፡ «ኣሳ ኡባ ኡቲሲቲ» ጊዴስ፤ ሃን ዳር ማታይ ዲዛ ገሻስ ኣሳይ ኡቲዴስ፤ ኣሳ ቆዳይካ ኢቻሹ ሺ ጊዲዛዛ።

11 ሃሳፊ ጉዩ ዩሱሲ ኡኬላ ኤኪዲ ጋላታ ዋሳ ዋሲዲ ኡቲዳ ኣሳስ ገሺዴስ። ሞሌዛካ ሃሳሶካ ገሺቶዴስ። ኣሳይ ወሪካ ባስ ጊዲዛዝ ዴሚዴስ።

12 ኣሳይ ወሪካ ካሊ ሚን ዩሱሲ ባና ካሊዛይታ፡ «ማዳን ኣቲዳ ካላ ኢሲኖካ ኣሾንታ ሺሺቲ» ጊዴስ።

13 ኢሰቲካ ኣሳይ ሚሺን ኢቻሹ ኡኬላፊ ኣቲዳ ታማኔ ናሞኡ ለማቲ ኩሜላ ሺሺዳ።

14 ኣሳቲካ ዩሱሲ ኦሊዳ ማላታ ቤኢዲ፡ «ሃይሳዴይ ቱማፔ ሃ ኣላሜ ያና ናቤዛኮ!» ጊዴ።

15 አሳይ ቃሴ ዋልቃራ ዩሱሳ ካዋፋና ቆፒዳይሳ ዩሱሱ ኤሪዲ ቃሴካ ኢሰታፌ ሃኪ ቢዲ ዙማ ቦላ ኬዚዳሰ።

አባ ቦላራ ዩሱሳ ሄሜሳ (ማቶ 14:22-27፤ ማር 6:45-52)

16 ጋዴይ ቃሚሽን ዩሱሳ ካሊዛይቲ ዱጌ አባኮ ዋዲዳ።

17 ዋጎሎን ጌሊዲ ቁፊርናሆሜ ባና ኬዚዳ። ኢሰቲ ኬዚሽን ጋዴይ ቋሚዳሰ። ዩሱሱ ሄሳ ጋካናሰካ ኢሰታኮ ዩቤና።

18 ዋልቃማ ጫርኮይ ጫርኪዛ ገሻሰ አባይ ከሄ ቃዲዳሰ።

19 ኢዛ ካሊዛይቲ ባጋ ሳቲ ኦጌ ማላ ዋጎሎዛ ላገዳፔ ጉዬ ዩሱሱ አባ ቦላራ ቶሆራ ሄሜቲ ዋጎሎዛኮ ማቲሽን ዳሚዲ ባቢዳ።

20 ኢዚካ ኢሰታሰ። «ታናኮ! ባቦፍቲ!» ገዴሰ።

21 ኢሰቲካ ኢዛ ኡፋይሳራ ጌዴ ዋጎሎዛ ገዴ ኤካና ኮዩዳ። ሄራካ ዋጎሎዚካ ኢሰቲ ባናሶ ጋኪዳሰ።

ዩሱሱ አሳሰ ዴኦ ቁማ

22 አባፌ ሄ ፒንላን አቲዳ አሳይ ዋንቴላ ጋላሰ አባ ቦላ ኢሲ ዋጎሎይ ጸላ ዲዛር ቤዩዳሰ። ዩሱሳ ካሊዛይቲ ካሴ ባርካ ቢዳይሳኔ ዩሱሱ ኢሰታራ ዋጎሎን ጌሎንታይሳ ኤሪዳ።

23 ገዴ አቲን ሃንኮ ዋጎሎቲ ጸቢራደሴፔ ዳንዲዲ ዩሱሱ ጋላታ ዋሳ ዋሰን አሳይ ካሕ ሚዳሶ ዩዳ።

24 አሳቲካ ዩሱሱ ዋይኮ ኢዛ ካሊዛይቲ ሄን ባይንዳይሳ ቤኢዲ ሄ ዋጎሎታን ጌሊዲ ዩሱሳ ኮሽ ቁፊርናሆሜ ቢዳ።

25 አባፌ ሄ ፒንላን ኢዛ ዳሚዲ፣ «አሰታማሬ! ኔ አይዴ ሃይሳ ያዲ?» ገዴ።

26 ዩሱሱካ ኢሰታሰ። «ታ ኢንቴሰ ቱማ ጋይሰ፤ ኢንቴ ታና ኮይዛይ ካሕ ሚ ካሊዳ ገሻሰ አቲን ማላታ ቤኢዳ ገሻሰ ገዴና።

27 ጳያና ካላሰ አላፍቲ። ገዴ አቲን ሃሳፌ አሊዲ ጸሳይ አዋይ አማንሊዛ ማታሚ ኢዛ ቦላ ሾጪዳ ገሻሰ አሳ ናይ ኢንቴሰ አሚዛ ሜርና ዴኦሰ ገዴዛ ካላሰ አሊቲ» ገዴሰ።

28 ኢሰቲካ ኢዛሰ። «ሂሰቲን ጸሳ ኦሶ አላናሰ ኦ አይ አሊና?» ገዴ።

29 ዩሱሱካ። «ጸሳ ኦሶይ ጸሲ ኪቲዳ ኢዛ ናዛን አማና» ገዴ ኢሰታሰ ዛሬዳሰ።

30 ኢሰቲካ ኢዛሰ። «ኦ ቤኢዲ ኔና አማናና ማላ ኔ ኦና አይ ማላታ ቤሳኔ? ቃሴካ አይ አላኔ?»

31 ሲሰቲ ማና ማላ ኢሰታሰ ቁማ ሳሎፔ አሚዳሰ። ጌቲቲ ጸፊቲዳ ማላ ካሴ ኦ አዋቲ ባዞ ቢታን ማና ጌቲቲካ ካሕ ሚዳ» ገዴ።

32 ዩሱሱ ኢሰታሰ። «ታ ኢንቴሰ ቱሙ ጋይሰ፤ ሳሎፔ ዋዲዳ ቁማ ኢንቴሰ አሚዳይ ሙሴ ገዴና። ቱሙ ቁማ ሳሎፔ ኢንቴሰ አሚዳይ ታ አዋ።

33 ጋሶይካ ጸሳ ቁማይ ሳሎፔ ዋዲዳ አላሜሰ ዴኦ አሚዳይሳ» ገዴሰ።

34 ሄሳ ገሻሰ አሳይ። «ሳዶ፣ ሄሳ ማላ ቁማ ኦሰ ኡባ ዋዴ አማርኪ!» ገዴሰ።

35 ዩሱሱካ ኢሰታሰ። «ዴኦ ቁማይ ታና፤ ታኮ ዩዛ አሲ ሙሌካ ጋፊቲና፤ ታና አማኒዛይይ አይዳካ ሳሜቲና።

36 ካሴ ታ ኢንቴሰ ገዴ ማላ ኢንቴ ታና ቤዩዳታ ሽን አማኒቤኬታ።

37 ታ አዋይ ታሰ አሚዛይ ወሪካ ታኮ ያና፤ ታኮ ዩዛይ ታ ካሪ ሳዲኬ።

38 ጋሶይካ ታኒ ሳሎፔ ዋዲዳይ ታና ኪቲዳይሳ ሸኔ አላናሰ አቲን ታ ሸኔ አላናሰ ገዴና።

39 ታና ኪቲዳይሳ ሸኔይ ታሰ አሚዳይታፔ አሳዳካ ቋይሶንታ ወርሴላ ጋላሰ ታ ዳንላና።

40 ኤ ታ ሸኔይ ናዛ ቤኢዲ ኢዛ አማኒዛይይ ወሪ ሚርና ዴኦ ዳማናሳ። ታኒካ ወርሴላ ጋላሰ ኢዛ ሃይቆፔ ዳንላና» ገዴሰ።

41 ሄሳ ገሻሰ ዩሱሱ፣ «ሳሎፔ ዋዲዳ ቁማይ ታና» ገዴ ገሻሰ አይሁዳቲ ኢዛ ቦላ ዙዙሜቲዳ።

42 «ሃይሲ ዮሴፌ ና ዩሱሳ ገዴኔ? ኢዛ አዋኔ ኢዛ አዮ ኦ ኤርኮኒ? ሂሰቲን ሃኢ ኢዚ፣ ሳሎፔ ዋዲዳሰ» ዋኒ ገዜ?» ገዴ።

43 ዩሱሱካ ኢሰታሰ። «ኢንቴ ኢንቴ ገዴን ዙዙሜታ።

44 ታና ኪቲዳ ታ አዋይ ዴይገዳዴፌ አቲን ታኮ ያና ዳንዳይዛይይ ኦኒካ ዳና። ባርካ ታኮ ያና ዳንዳይዛይ ኦኒካ ዳና፤ ታኮ ዩዛዳካ ወርሴላ ጋላሰ ታ ኢዛ ሃይቆፔ ዳንላና።

45 ናቤታ ማጻፋታን አሳይ ወሪ ጸሳፌ ታማርዳዴ ገዴና ጌቲቲ ጸፊቲዳሰ። ሄሳ ገሻሰ አዋፔ ሲዩዲ ታማርዳ ኢሲ ወሪ ታኮ ያና።

46 ሄሳ ጉሰ አዋ ቤኢዳ አሲ ዳሰ ጉሰ ገዴና፤ አዋ ቤኢዳይ ጸሳ አቻፌ ዩዳይሳ ጸላ።

47 ታ ኢንቴሰ ቱማ ጋይሰ፤ ታናን አማኒዳ አሳሰ ሚርና ዴኦይ ዳሰ።

48 ታኒ ዴኦ ቁማ።

49 ካሴ ኢንቴ አዋቲ ባዞ ቢታን ማና ሚዳ፤ ገዴ አቲን ወሪካ ሃይቁዳ።

50 ሳሎፔ ዋዲዳ ቁማይ ሃይሳ፤ ሃይሳ ሚዛይይ ሙሌካ ሃይቁና።

51 ሳሎፔ ዋዲዳ ዴኦ ቁማይ ታና፤ ሃይሳ ሃ ቁማፔ ሚዛይይ ወሪካ ሚርናሰ ዳና። አላሜሰ ዴኦ ገዴና ማላ ታ አሚዛ ቁማይ ታ አሾዛ» ገዴሰ።

52 ሄ ዋዴ አይሁዳቲ፣ «ሃይሲ አዳዚ ኦ ኢዛ አሾ ማና ማላ ኢዚ ኦሰ ዋሰቲ አማኔ?» ገዴ ባ ገዴን ፓላሜቲዳ።

53 ሄሳ ገሻሰ ዩሱሱ ኢሰታ። «ታ ኢንቴሰ ቱሙ ጋይሰ፤ አሳ ና አሾ ኢንቴ ሞንታ አገኮ፣ ኢዛ ሱሊካ ኡዮንታ አገኮ ኢንቴሰ ዴኦይ ዳና።

54 ታ አሾ ሚዛይሰኔ ታ ሱሕ ኡዩዛዳሰ ኡባሰ ሚርና ዴኦይ ዳሰ፤ ታኒካ ኢዛዴ ወርሴላ ጋላሰ ሃይቆፔ ዳንላና።

55 ጋሶይካ ታ አሾይ ቱሙ ቁማ፤ ታ ሱሊካ ቱሙ ኡሻ።

56 ታ አሾ ሚዛይይ ታ ሱሕ ኡዩዛይ ወሪ ታናን ዳና፤ ታኒካ ኢዛዴን ዳና።

57 ዴኦ አዋይ ታና ኪቲዳ ማላኔ ታኒካ ኢዛን ዴኦን ዳዛ ማላ ሃሳላካ ታ አሾ ሚዛይይ ወሪ ታናን ዴኦን ዳና።

58 ሄሳ ገሻሰ ሳሎፔ ዋዲዳ ቁማይ ሃይሳ፤ ኢዛካ ካሴ ኢንቴ አዋቲ ሚዳይሳ ማላ ገዴና። ጋሶይካ ሄ ቁማ ሚዳይቲ ሃይቁዳ፤ ሃ ቁማ ሚዛይቲ ገዴኮ ሚርናሰ ዳና» ገዴሰ።

59 ዩሱሲ ሃይሳ ቁፊርናሆሜን አይሁዳታ ዋሳ ኬላን ታማርሲዛ ዋዴ ጥቲዳሰ።

ሚርና ዴኦ ቃላ

60 ኢዛ ካሊዛይታፕ ዳሪዛይቲ ሄሳ ሲዩዲ፣ «ሃይሲ ጥኦዚ ዴጸ፤ ሃይሳ ኦኒ ኤካና ዳንዳይዜ?» ጊዳ።

61 ዩሱሲካ ኢዛ ካሊዛይቲ ሄሳ ጥኦዚ ጊሻሰ ዙዙሜቲዳይሳ ሳ ዋዚናን ኤሪዲ፣ «ሃይሲ ኢንቴና ዴጸዜ?»

62 አሳ ናይ ከርሰቶሲ ሳ ዲዛሶ ሲሚ ኬዚሺን ቤይኮ ኢንቴ አይ ጋኔ?

63 አሳሰ ዴኦ ኢሚዛይ ጸሳ አያናኮ! አሳ ዋልቃይ ቃሴ አይኮካ ጎኤና፤ ታ ኢንቴሰ ጥቲዳ ቃላይ ዴኦ ኢሚዛ አያና።

64 ጊዳ ኣቲን ኢንቴ ጊዳን ኢሲ ኢሲ አማናንታ አሳቲ ዴቲሰ» ጊዳሰ። ዩሱሲ ኢሰታሰ ሄሳ ጊዳይ ኮይርፕ ደሚዲ ኢሰታ ጊዳን አማናንታይቲ ኦናንታኮ ቃሴ ኢዛ አላ ኢሚናይይካ ኦናኮ ኤሪዛ ጊሻሳ።

65 ካሊላዲካ ዩሱሲ፣ «አዋ ሸኔይ ባይንዳ ታኮ ሃ ያና ዳንዳይዛይይ ዴና ጋዳ ታ ኢንቴሰ ጥቲዳይ ሄሳሳ» ጊዳሰ።

66 ሄሳፊ ዴንዲዳይሳን ኢዛ ካሊዛይታፕ ዳርቲ ጉዬ ሲሚዳ። ሄ ጋላሳፊ ደሚዲ ዩሱሳ ካሎ አጊዳ።

67 ሄሳ ጊሻሰ ዩሱሲ ሳና ካሊዛ ታማኔ ናምአታ፣ «ኢንቴካ ሳና ኮዩቲ?» ጊዳሰ።

68 ሄ ዋዴ ሲሞና ጌቲቲዛ ጴጽርሲ፣ «ሳዶ፣ ኔሰ ማርና ዴኦ ቃላይ ዲሺን ኑ ኦናኮ ባኔ?»

69 ኔ ገሻ ጸሳ ና ጊዲዳይሳ ኤሪዲ ኦኒ አማኒደሰ» ጊዳሰ።

70 ዩሱሲካ ኢሰታሰ፣ «ታ ኢንቴና ታማኔ ናምአታ ደራቤኪና? ሂሰቲን ኢንቴፊ ኢሶይ ጸላኤ» ጊዳሰ።

71 ኢዚ ሄሳ ጊዳይ ሲሞና ና ኣሰቆርንቶ ዩሁዳ ጊሻሳ። አይሰ ገኮ ዩሁዳይ ታማኔ ናምአታፕ ኢሳ ጊዲኮካ ዩሱሳ አላ ኢሚናይ ኢዛ ጊዲዳ ጊሻሳ።

7

ዳሴ ባኣሌሰ ዩሩሳላሜ ዩሱሳ ቡሰ

1 ሄሳፊ ጉዬ ዩሱሲ ጋሊላ ጊዳን ዩዩቲዳሰ፤ ጊዳ ኣቲን ዩሁዳን ዩያናሰ ኮዩቤና። ጋሶይካ አይሁዳቲ ኢዛ ዋዳና ኮይዛ ጊሻሳ።

2 ሄ ዋዴ አይሁዳታ ዳሴ ባኣሌይ ማቲ ኡቲዳሰ።

3 ሄሳ ጊሻሰ ዩሱሳ አሻቲ ኢዛኮ ሸቂዲ፣ «ኔና ካሊዛይቲ ኔ ኦሊዛ ኦሶዛ ቤያና ማላ ኔ ሃይሳፊ ዴንዳዳ ዩሁዳ ዴሬ ባ።

4 ጋሶይካ ቆንጮን ኤሪታና ኮይዛይይ ባ ኦሶ ጌማን ኦሎና። ኔካ ሃይታንታ ዉርሳ ኦላሽ ኔና ኣላሜን ቆንጮሳና ኮሽሰ» ጊዳ።

5 ኢሰቲ ሄሳ ጊዳ ጋሶይካ ኢዛ አሻታካ ጊዳን ኢዛን አማናንታይታ ጊዲዳ ጊሻሳ።

6 ዩሱሲካ ኢሰታሰ፣ «ታ ዋዴይ ቡር ጋኪቤና፤ ኢንቴ ዋዴይ ጊዲኮ ኡባ ዋዴ ኢንቴሰ ጊጋኮ።

7 ዴሬይ ኢንቴና ኢጸና ዳንዳይና፤ ታና ጊዲኮ ኢዳሰ፤ ጋሶይካ ታኒ ኣላሜ ኦሶይ ኢታ ጊዲዳይሳ ኢዛሰ ማርካቲዛ ጊሻሳ።

8 ሃኢ ኢንቴ ባኣሌዛሶ ቢቲ፤ ታሰ ዋዴይ ጋኮንታ ጊሻሰ ሃይሳ ሃ ባኣሌዛሶ ታ ቢኬ» ጊዳሰ።

9 ሄሳ ጊዲ ዩሱሲ ጋሊላን ኣቲዳሰ።

ዳሴ ባኣሌሰን ዩሱሳ ቤቶ

10 ጊዳ ኣቲን ኢዛ አሻቲ ባኣሌዛሶ ቢዳፕ ጉዬ ዩሱሲ ቆንጮራ ጊዳንታ ቆታራ ባኣሌዛሶ ቢዳሰ።

11 አይሁዳቲ፣ «ኢዚ ኣዋን ዲዜ?» ጊሻ ባኣሌዛሶን ኮዩዳ።

12 ዴሬይካ ኢዛ ጊሻሰ ጋርሳራ ሳሱኪ ሃሳዩቲዳሰ። ኢሲ ኢሲ ኣሳቲ፣ «ኢዚ ሎኦ ኣሳ» ጊሻን ባጋይ ቃሴ።

«ሎኦ ጊዳና፤ ኢዚ ዴሬ ባሌሎ» ጊዳ።

13 ጊዳ ኣቲን አይሁዳታ ዳናታሰ ባቢዛ ጊሻሰ ኦኒካ ኢዛ ጊሻሰ ቆንጮን ሃሳይቤና።

14 ባኣሌዚ ዉራና ባጋ ጋኪሺን ዩሱሲ ጸሳ ኬሌ ቢዲ ታማርሶ ኦይኪዳሰ።

15 አይሁዳቲ፣ «ሃይሲ ኣዴዚ ታማርንታ ዲሻ ሃይሳ ዉርሲ ዋሰቲ ኤሪዳ?» ጊዲ ማላሌቲዳ።

16 ሄሳ ጊሻሰ ዩሱሲ፣ «ታ ታማርሲዛ ቲሚርቲይ ታና ከቲዳ ታ ኣዋፕ ታሰ ኢሜቲዳሰ ኣቲን ታፕ ጊዳና።

17 ታና ከቲዳይሳ ሸኔ ኦላና ኮይዛይይ ዲኮ ሃይሲ ሃ ቲሚርቲይ ጸሳፊ ቤቲዳይሳ ዋይኮ ታ ታፕ ሃሳይዳይሳ ጊዲኮካ ኤሪና።

18 ባፕ ሃሳይዳይይ ባ ቦንቾ ኮዩሰ። ከቲዳይ ቦንቾ ኮይዛይይ ጊዲኮ ኢዚ ቱማንቻ፤ ዋርዳይ ኢዛ ቦላ ዴና።

19 ሙሴይ ኢንቴሰ ዋጋ አሚዳሰ ጊዳይ? ጊዲኮካ ኢንቴ ጊዳን ዋጋ ናጊ ፖሊዳይይ ኦኒካ ዴና። ኢንቴ ኣዛሰ ታና ዋዳና ኮዩቲ?» ጊዳሰ።

20 ዴሬይካ ኢዛ፣ «ኔ ቦላ ዳይዳንላ* ዳሰ! ኔና ዋዳና ኮይዛይ ኦኔ?» ጊዳሰ።

21 ዩሱሲካ ኢሰታሰ፣ «ታ ኢሲ ኦሶ ኦላዲሰ፤ ኢንቴ ዉሪካ ሃና ሃ ኦሶይን ማላሌቲታ።

22 ሙሴይ ኢንቴሰ ቃጸራ ዋጋ አሚዳሰ፤ ሄ ዋጋይካ አሚቲዳይ ካሴ ኣዋታፕ ቤቲዳሰ ኣቲን ሙሴፕ ጊዳና። ሂሰቲን ሄኮ ኢንቴካ ሳምባታ ጋላሲካ ኣሰ ቃጸራታ።

23 ሂሰቲኮ ሙሴ ዋጋይ ሻሪቶንታ ማላ ኣሲ ሳምባታ ጋላሰ ቃጸራቲዛዝ ጊዲኮ ሂሰቲን ታ ሳምባታ ጋላሰ ኣሳሰ ኩሜሳ ኣሳቲላ ፓሊን ኣዛሰ ታ ቦላ ሃንቁቲቲ?

24 ሱራ ፐርዳ ፐርዲቲ ኣቲን ኣሳ ኣይፊሶ ጴሊዲ ማዶ ፐርዳ ፐርዶፍቲ» ጊ ዛሪዳሰ።

ከርሰቶሳ ጊሻሰ ዴንዲዳ ፓላማ

25 ዩሩሳላሜ ኣሳፕ ኢሲ ኢሲ ኣሳቲ፣ «ኢሰቲ ዋዳና ኮይዛ ኣዴዚ ሃይሳ ጊዳይ?»

26 ሄኮ ኢዚ ቆንጮን ሃሳዩሰ ሺን ኢሰቲ ኢዛ ኣይኮካ ጊቤቲና። ሃይሲ ጸሲ ከቲዳይ ጊዲዳይሳ ዳናቲ ቱሙ ኤሪዛሻ?

27 ሂሰቲን ሃይሲ ኣዴዚ ኣዋ ኣሳኮ ኑ ኤርሰ። ጸሲ ከቲዳይይ ዩሺን ቃሴ ኢዚ ኣዋፕኮ ኤሪዛይይ ኦኒካ ዴና» ጊዳ።

28 ሄሳ ጊሻሰ ዩሱሲ ጸሳ ኬላን ታማርሲሻ ባ ቃላ ጶቁ ሂሰቲዲ፣ «ኢንቴ ታና ቱሙ ኤሪታ፤ ታ ኣዋፕ ዩዳኮ ኢንቴ ኤሪታ። ቃሴ ታኒ ታ ሸኔን ያቤኮ፤ ታና ከቲዳይሲ ኢዚ ቱማንቻ፤ ጊዳ ኣቲን ኢንቴ ቃሴ ኢዛ ኤሪኬታ።

29 ታ ጊዲኮ ኢዛ ኣቻፊ ዩዳ ጊሻሲኔ ኢዚ ታና ከቲዳ ጊሻሰ ታ ኢዛ ኤሪዳሰ» ጊዳሰ።

* 7:20 ዳይዳንላ፡ ዳይዳንላ ጉሲ ጸላኤ ኦሳንቻታ ጉሳ። 7:22 ለዌ 12:3፤ ሜዴ 17:10 7:23 ጥሃ 5:9

30 ሃ ዎዴ ኢዛ ኦይካናሰ ኮዩዳ፤ ገደ ኣትን ቡር ዎዴይ ጋኪቤና ገሻሰ ኦኒካ ኢዛ ኦይኪቤና።

31 ገደኮካ ዳሪዛ፤ ዳርይ ኢዛን ኣማኒዳሰ፤ ኣሳይ፡ «ጸሲ ከተዳዳይ ዩዛ ዎዴ ሃይሲ ኣዳዚ ኦላ ማላታ፤ ቦላራ ሃራ ኦላ?» ገደሰ።

ዩሱሳ ኦይካና ዎታዳራታ ከቴቴላ

32 ኣሳይ ዩሱሳ ገሻሰ ጋርሳራ ሳሱኬቴ ሃሳዬተሺን ፋርሳዊቲ ሰዩዳ። ሃሳ ገሻሰ ቁሴታ ሃላቃቲኔ ፋርሳዊቲ ዩሱሳ ኦይካናሰ ጸሳ ኬላ ፔንጌ ናገዛይታ ዩዲዳ።

33 ሃ ዎዴ ዩሱሳ፡ «ታ ኣንቴናራ ጉላ ዎዴ ዳሻና፤ ሃሳፊ ጉዩ ታና ከተዳይሳኮ ታ ሲማ ባና።

34 ኣንቴ ታና ኮያና ሺን ዳሜኬታ፤ ኣንቴ ታ ዲዛሶ ያናሰ ዳንዳዬኬታ» ገደሰ።

35 ሃሳ ገሻሰ ኣይሁዳታ ዳናቲ ባ ገደን ኣሶይ ኣሳራ፡ «ሃይሲ ኣዳዚ ኦ ዳሞንታ ማላ ኣዋ ባኔሻ? ኦኔ ኤሪዛይ ገሪኬታ ገደን ላሌቲ ዲዛ ኣይሁዳታኮ ቢዲ ገሪኬታ ታማርሳኔሻ?

36 ኢዛ፡ «ኣንቴ ታና ኮያና ሺን ዳሜኬታ፤ ታ ዲዛሶ ኣንቴ ያናሰ ዳንዳዬኬታ» ገሺን ሃሲ ኣይ ጉሴ?» ገደ።

ዳኦ ሃላ

37 ገታ ባኣሌዛ ወርሴላ ጋላሰ ዩሱሳ ዳንዲ ኤቁዲ ባ ቃላ ቆቁ ሃሰተዲ፡ «ሃላ ሳሜቲዳዳይ ዲኮ ሃ ታኮ ዩዲ ኡዮ።

38 ገሻ ማጻፋይ ገደ ማላ ታና ኣማኒዛዳፊ ዳኦ ሃላ ፑልቶይ ፑልታና» ገደሰ።

39 ኢዛ ሃሳ ገደይ ኢዛን ኣማኒዛይቲ ቡርፔ ኤካና ጸሎ ኣያና ገሻሳ፤ ጋሶይካ ዩሱሳ ቦንቸቲዛ ዎዴይ ቡር ጋኮንታ ገሻሰ ጸሎ ኣያናይ ኣሜቲቤና።

ዳሪዛ ገደን ማዳቲዳ ሻኬቴላ

40 ሃሳ ገሻሰ ዳሪዛ፤ ኢሲ ኢሲ ኣሳቲ ሃ ቃላ ሲዩዲ፡ «ያና ገዛ ናቤይ ቱማፔ ሃይሳ» ገደ።

41 ሃራቲ፡ «ሃይሲ ጸሲ ከተዳዳይ» ገደ፤ ባጋይቲ ቃሴ፡ «ጸሲ ከተዳዳይ ጋላላፔ ዋኒ ያኔ?»

42 ጸሲ ከተዳዳይ ዳዋቲ ዜሪላፊ ዩሌታናይሳኔ ዳዋቲ ካታማ ቤቴሊሃሜፔ ያናይሲ ካሴ ገሻ ማጻፋን ጸፊቲቤኔ?» ገደ።

43 ሃሳ ገሻሰ ኢዛ ጋሶን ዳሪይ ባ ገደን ሻኬቲ ዎዲዳሰ።

44 ኢሰታፊ ኢሲ ኢሲ ኣሳቲ ኢዛ ኦይካና ኮዩዳ፤ ገደ ኣትን ኦኒካ ኢዛ ኦይኪቤና።

ኣይሁዳታ ዳናቲ ኣማኒቤቴና

45 ሃሳፊ ጉዩ ጸሳ ኬሌ ናገዛይቲ ቁሴታ ሃላቃታኮኔ ፋርሳዊታኮ ሲማ ቢዳ። ኢሰቲካ፡ «ኣዛሰ ኢዛ ኤኮንታ ዩዳቲ?» ገደ።

46 ዎታዳራቲካ ዛሪዲ፡ «ሃ ኣዳዚ ሃሳይዛይሳ ማላ ኣይ ኣሰካ ሃሳዩ ኤሪና» ገደ።

47 ፋርሳዊቲ ኢሰታ፡ «ኣንቴካ ባሌቲዳቲ?»

48 ዳናታፔ ዎይኮ ፋርሳዊታ፤ ኢዛ ኣማኒዳይቲ ዲዛሻ?

49 ሃይሲ ሙሴ ዎጋ ኤርንታ ዳሪይ ቱማፔ ቃንጌቲዳይሳ» ገደ።

50 ሃይሳፊ ካሴ ዩሱሳኮ ቢዳ ፋርሳዊታ፤ ኢሳ ገደዳ ኒቆዲሞሲ ኢሰታሰ።

51 «ኦ ዎጋን ኢሲ ሞቲቲዛይይ ባ ሞቶሰ ዛር ኢሚን ሲዮንታኔ ኢዚ ኣይ ኦላዳኮ ኤሪቶንታ ዲሺን ፐርዳይ ፐርዳቲ ኤሪኬ?» ገደሰ።

52 ኢሰቲካ፡ «ኔካ ጋላላ ኣሴ? ጋላላፔ ናቤይ ዳንደንታይሳ ፐልጋዳ ጋካ ኤራ» ገደ።

53 ሃሳፊ ጉዩ ኣሶይ ኣሶይ ባሶ ቢዳሰ። †

8

ላይማን ኦይኬቲዳ ማጫሳዮ

1 ሃሳፊ ጉዩ ዩሱሳ ዳብራዛይቲ ቢዳሰ።

2 ዎንቴላ ጋላሰ ማላዳ ዎንታራ ጸሳ ኬሌ ሲሚ ዩዳሰ። ዳሪይካ ወሪ ኢዛኮ ዩን ኢዚ ኡቲዲ ኢሰታ ታማርሶ ኦይኪዳሰ።

3 ሙሴ ዎጋ ታማርሲዛይቲኔ ፋርሳዊቲ ኢሲ ላይማታሼ ኦይኬቲዳ ማጫሰ ዲዛር ኤኪ ዩዲ ዳሪ ሲንላን ኤሲዳ።

4 ዩሱሳካ፡ «ኣሰታማራ! ሄኮ ሃና ማጫሳያ ላይማታሼ ኦይኬታዳሰ።

5 ሃኒ ማላ ማጫሲ ሹቻን ጫዳታ ሃይቃና ማላ ሙሴይ ኦ ዎጋን ኦና ኣዛዚዳሰ፤ ኔኒቶ ሃኒ ገሻሰ ኣይ ጋይ?» ገደ።

6 ኢሰቲ ኢዛ ሃሳ ገደይ ኢዛ ቦላ ሞቶሰ ገደዛ ጋሶ ዳማናሲኔ ኢዛ ፓጫና ኮዩዳ ገሻሳ። ገደ ኣትን ዩሱሳ ሆኪዲ ቢታ ቦላ ባ ቢራዴራ ጸፎ ኦይኪዳሰ።

7 ኢሰቲ ኢዛ ዛሪ ዛሪ ኦይቸን ቆቁ ገደ፡ «ኣንቴ ገደፊ ናጋራይ ባይንዳ ኣሲ ኮይር ሹቶ ኢዚ ቦላ ኦሎ» ገደሰ።

8 ሃሳፊ ቃሴካ ሆኪዲ ቢታ ቦላ ጸፊዳሰ።

9-10 ኢሰቲካ ሃሳ ሲዩዲ ጨማታፔ ደሚዲ ወሪካ ኢሶይ ኢሶይ ቢዳ፤ ሃሳ ገሻሰ ዩሱሳ ሃን ኤቁዳ ማጫሳይራ ጸላ ኣቲዳሰ። «ኔና ሞቲዛይቲ ኣዋን ዲዛ? ኔ ቦላ ፐርዲዳይ ኦኒካ ዳኔ?» ገደሰ።

11 ኢዛካ፡ «ጎደ ኦኒካ ባ» ጋደሰ። ዩሱሳካ፡ «ታኒካ ኔ ቦላ ፐርዲኬ፤ ባ! ናሞኣንሎ ናጋራ ኦላፋ» ገደሰ። *

ዩሱሳ ኣላሚሰ ፖኦ

12 ቃሴ ዩሱሳ፡ «ታኒ ኣላሚሰ ፖኦ። ታና ካሊዛይይ ወሪ ዳኦ ፖኦ ዳማና። ቆማን ሲሜራቴና» ገደ ኢሰታሰ ዮቲዳሰ።

13 ፋርሳዊቲ፡ «ኔኒ ኔ ገሻሰ ማርካታሳ፤ ኔ ማርካይ ቱሙ ገዳና» ገደ።

14 ዩሱሳካ ኢሰታሰ፡ «ታኒ ታ ገሻሰ ኣይ ማርካቲኮካ ታ ኣዋፔ ዩዳኮ ቃሴ ታኒ ኣዋ ባናኮ ታ ኤሪዛ ገሻሰ ታ ማርካቴሌ ቱማ። ኣንቴ ገደኮ ታ ኣዋፔ ዩዳኮኔ ቃሴ ኣዋ ባናኮ ኤሪኬታ።

15 ኣንቴ ኣሾ ቆፋ ማላ ፐርዳታ፤ ታኒ ገደኮ ኦና ቦላካ ፐርዲኬ።

7:37 ለዌ 23:36 7:38 ሂዚ 47:1፤ ዛካ 14:8 7:42 2ሳሜ 7:12፤ ሚኪ 5:2 7:50 ዮሃ 3:1-2 † 7:53 ሃሳፊ ጉዩ ኣሶይ ኣሶይ ባሶ ቢዳሰ ገዛይሳ ኢሲ ኢሲ ገሻ ማጻፋታን ጸፊቲቤና። 8:5 ለዌ 20:10፤ ዛሬ 22:22-24 * 8:11 ዳር ማጻፋቲኔ ቤኒ ዎዴ ገሻ ማጻፋታ ቢርሹላቲ ሸምፖ 7:53፤ ሸምፖ 8:11 ጋካናሰ ዲዛ ቆፋታ ጉጃቴና፤ ኢሶቲ ኢሶቲ የሃኒሳ ሚሺራች ማጻፋን ሸምፖ 21:34፤ ጉዩራ ገልሴቲሰ፤ ሃራቲ ቃሴ ሉቃሳ ሚሺራች ሸምፖ 21:38፤ ጉዩራ ገልሴቲሰ፤ ኢሲ ኢሲ ገሻ ማጻፋቲ ቃሴካ የሃኒሳ 7:36፤ ጉዩራ ገልሴቲሰ። 8:12 ማቶ 5:14፤ ዮሃ 9:5 8:13 ዮሃ 5:31

16 ታ ፐርዲኮካ ታ ፐርዲይ ቱሙ ፐርዲ። ጋሶይካ ታኒ ታርካ ፐርዲኬ፤ ታና ከቲዳ ታ አዋይካ ታናራ ደሰ።

17 ናምኡ አሳታ ማርካይ ቱሙ ጊዲዳይሲ አንቲ ዋጋን ጸፊቲዳሰ።

18 ሄሳ ገሻሰ ታኒ ታ ገሻሰ ማርካይታይሰ፤ ታና ከቲዳ ታ አዋይካ ታሰ ማርካይታይሰ» ጊ ዛሪዳሰ።

19 ኢሰቲካ፣ «ኔ አዋይ አዋን ዲዜ?» ጊዲ ኢዛ ኦይቸዳ። ዩሱሲካ ኢሰታሰ፣ «ታና ጊዲን ታ አዋካ ጊዲን አንቲ ኤሪኬታ፤ አንቲ ታና ኤሪዛኮ ታ አዋካ ኤሪናኮሽን» ጊዲ ኢሰታሰ ዛሪዳሰ።

20 ዩሱሲ ሄሳ ኢሰታሰ የቲዳይ ጸሓ ኬላ ጊቤን ሚሽ ዋሊዛ ሳጸኔ አቻን ታማርሲሽ የቲዳይ፤ ጊዲ አቲን ኢዛሰ ኦይኬቲዛ ዋይይ ጋኮንታ ገሻሰ ኦኒካ ኢዛ ኦይኪቤና።

21 ዩሱሲ ቃሴካ፣ «ታ ባናሽን አንቲ ታና ኮያናኔ አንቲ አንቲ ናጋራን ሃይቃና አቲን ታ ቢዛሶ ባና ዳንዳዬኬታ» ጊዳሰ።

22 አይሁዳቲካ ባ ጊዳን ኢሶይ አሳራ ኢዜ፣ « ታ ቢዛሶ አንቲ ባና ዳንዳዬኬታ» ጊዛይ ባርካ ባና ዋዳናሴሻ?» ጌቲቲዳ።

23 ኢዜ ቃሴ ኢሰታ፣ «አንቲ ጋርሳ አሳ፤ ታኒ ቦላ አሳ፤ አንቲ ሃይሳ አሳሜ አሳ፤ ታኒ ሃ አሳሜ፤ ጊዲኬ።

24 አንቲ ታ ኦናኮ ኤሪዲ አማኖንታ ኦኒኮ አንቲ አንቲ ናጋራን ሃይቃና ገሻሰ ታ አንቲ አንቲ ናጋራን ሃይቃና ጊዳይ ሄሳ ገሻሳ» ጊዳሰ።

25 ኢሰቲካ ኢዛ፣ «ኔ ኦኔ?» ጊዳ። ዩሱሲካ ኢሰታሰ፣ «ሃኢ ጋካናሰ ታ አንቲሰ ኢዛ ገሻሰ የቲዛይይ ታና።

26 ታ አንቲ ቦላ ሃሳያናይሲኔ ፐርዲዛ የኦይ ዳርይ ደሰ። ጊዳ አቲን ታና ከቲዳይይ አማኔቲዳይ፤ ታኒካ ኢዛ፤ ሲዩዳይሳ ሃ አሳሜዛሰ የታይሰ» ጊዳሰ።

27 ኢዜ ኢሰታሰ አዋ ገሻሰ የቲዛይሳ አኬኪቤቲና።

28 ሄሳ ገሻሰ ዩሱሲ፣ «አንቲ አሳ ና ቶቁ ሂሰቲዲ ካቁዳ ዋይ ታኒ ኢዛ ጊዲዳይሳ አንቲ ኤሪና፤ አዋይ ታና ታማርሲዳይሳ የታዲሰ አቲን ታኒ ታ ሼኔ ማላ አይኮካ ኦሶንታይሳ አንቲ አኬካና።

29 ታና ከቲዳይሲ ኢዜ ታናራ ደሰ። አይ ዋይካ ታ ኡፋይሲዛዝ ኦሊዛ ገሻሰ ኢዜ ታና ጸላላ ዩጊ ኦኒቤና» ጊዳሰ።

30 ኢዜ ሄሳ የቲዳ ማላ ዳር አሳይ ኢዛን አማኒዳሰ።

ፖኦ ናይታ

31 ዩሱሲ ባና አማኒዳ አይሁዳታ፣ «አንቲ ቱሙ ታ ቃላን ዲኮ አንቲ ቱማፔ ታና ካሊዛይታ ጊዳና።

32 ቱማይ አዛኮ አንቲ ኤሪናኔ ቱማይካ አንቲና ዋዛና» ጊዳሰ።

33 ኢሰቲካ ኢዛሰ ዛሪዳ፣ «ኑኒ አብራሃሜ ናይታኮ! ኑ ኦናሰካ አይሌቲ ኤርኮ፤ ሂሰቲን ኔ ኑና ዋናዳ አንቲ ዋዜታና ጋይ?» ጊዳ።

34 ዩሱሲካ ኢሰታሰ፣ «ታ አንቲሰ ቱሙ ጋይሰ፤ ናጋራ ኦሊዛይይ ዉሪ ናጋራሰ አይሌ፤

35 አይ ዋይካ አይሌይ ሶን ሉጺ ዳኤና። ዩሎይ ጊዲኮ አይዳካ ሶን ደሰ።

36 ሂሰቲኮ ናዚ አንቲና ዋዚኮ አንቲ ዋዜቲዳይታ ጊዳና።

37 አንቲ አብራሃሜ ናይታ ጊዲዳይሳ ታ ኤሪይሰ፤ ጊዳ አቲን ታ ቃላ አንቲ ኤር ጊ ኤኮንታ ገሻሰ ታና ዋዳናሰ ኮዬታ።

38 ታኒ ታ አዋ አቻን ቤኢዳይሳ አንቲሰ የታይሰ፤ አንቲ ቃሴ አንቲ አዋፔ ሲዩዳይሳ ኦሊታ» ጊዳሰ።

39 ኢሰቲካ ኢዛሰ፣ «ኑ አዋይ አብራሃሜ» ጊዲ ዛሪ የቲን ዩሱሲ ኢሰታሰ፣ «አንቲ አብራሃሜ ና ጊዲዳይኮ አብራሃሜላ ኦላና።

40 አንቲ ጊዲኮ ታኒ ጸሓፊ ሲዩዳ ቱማ አንቲሰ የቲን ታና ዋዳናሰ ጊዲ ዳንዲዳይታ። ጊዳ አቲን አብራሃሜይ ሄሳሶ ኦሊቤና።

41 አንቲ አንቲ አዋሶ ኦሊታ» ጊዳሰ። ኢሰቲካ ዛሪዳ፣ «ኑ ላይማን ዩሌቲዳ ና ጊዳኮ፤ ኑ አዋይ ኢሲ ጸሓ ጸላ» ጊዲ ኢዛሰ ዛሪዳ።

ጸላኤ ናይታ

42 ዩሱሲ ኢሰታሰ፣ «አንቲ አዋይ ጸሓ ጊዲዳይኮ ታኒካ ጸሓፊ ኬዛ ዩዳ ገሻሰ አንቲ ታና ደሳናኮሽን፤ ታና ኢዜ ከቲዳሰ አቲን ታ ታርካ ታ ሼኔን ያቤኬ።

43 ታ የቲዛይሳ አይሰ ዩሺ ቆፔኬቲ? ጋሶይካ አንቲ ታ ቃላ ሲያና ኮየንታ ገሻሳ።

44 አንቲ አንቲ አዋ ጸላኤ ናይታ፤ አንቲ አዋ አዋ ፖላና ኮዬታ፤ ኢዜ ካሴካ ሼማፖ ዋዳዳይ። ኢዛ አቻን ቱማይ ደንታ ገሻሰ ኢዜ ቱማን ኤቁቤና፤ ኢዜ ባ ሁኤሰ ዋርዳንቻኔ ዋርዳ አዋ ጊዲዳ ገሻሰ ኢዜ ዋርዳ ሃሳያ ባፔ ሜዳ ኤኪዲ ሃሳይሰ።

45 ታ ቃሴ ቱሙ ሃሳይዛ ገሻሰ አንቲ ታና አማኔኬታ።

46 አንቲ ጊዳፊ ታና፣ «ኔ ሃና ናጋራ ኦላዳሳ» ጊዲ ማርካራ ላላናሰ ሞታና ዳንዳይዛይይ ዲዜ? ታ ቱሙ ሃሳይዛይ ጊዲኮ ሂሰቲን አዛሰ ታና አማኔኬቲ?

47 ጸሓፊ ጊዲዳ ኦሲ ጸሲ ጊዛ ሲዩሰ፤ አንቲ ጊዲኮ ጸሓፊ ጊዳንታ ገሻሰ ጸሓ ቃላ ሲዩኬታ» ጊዳሰ።

ዩሱሲ ባ ገሻሰ ሃሳይዳሰ

48 አይሁዳቲካ ዛሪዳ፣ «ኑ ኔና ኔ፣ «ሳማሪያ አሳ፤ ኔ ቦላ ዳይዳንላ ደሰ» ጊዳይሲ ቱሙ ዳኔ?» ጊዳ።

49 ዩሱሲ ኢሰታሰ፣ «ታኒ ታ አዋ ቦንቻይሰ አቲን ዳይዳንላ ታ ቦላ ባ። አንቲ ጊዲኮ ታና ካዉሼታ።

50 ታኒ ታሰ ቦንቻ ኮይኬ። ታ ቦንቻታና ማላ ኮይዛይይ ቃሴ ደሰ። ኢዜካ ፐርዳ ፐርዳናይ።

51 ታ አንቲሰ ቱሙ ጋይሰ፤ ኦኒካ ታ ቃላ ናጊኮ ሃይቆ ሙሌካ ሃይቆና» ጊ ዛሪዳሰ።

52 አይሁዳቲካ ኢዛ፣ «ኔ ቦላ ዳይዳንላ ዲዛይሳ ሃኢ ኑኒ ኤሪዳሰ። አብራሃሜይ ሃይቁዳሰ፤ ናቤቲካ ኢዛሶ ሃይቁዳ። ኔ ቃሴ፣ «ኦኒካ ሙሌ ሃይቆ ቤዬና ጋ የታሳ።

53 ኔ ኑ አዋ አብራሃሜፔ አዳይ? ኢዜ ሃይቁዳሰ፤ ናቤቲካ ሃይቁዳ፤ ሂሰቲን ኔ ኔና ኦና ጋና ኮያዲ?» ጊዳ።

54 ዩሱሲካ ኢሰታሰ፣ «ታ ታርካ ታና ቦንቻኮ ታ ቦንቻይ ሃዳ። ታና ቦንቻዛይይ ጊዲኮ አንቲ፣ «ኢዜ ኑ ጸሓ» ጊዛይሲ ታ አዋ።

55 አንቲ ኢዛ ኤርንታ ኦኒኮካ ታ ኢዛ ኤሪይሰ። ታ ኢዛ ኤሪኬ ጊኮ ታኒካ አንቲ ማላ ዋርዳንቻ ጊዳይሰ፤ ታ ቃሴ ኢዛ ኤሪይሰ፤ ኢዛ ቃላካ ናጋይሰ።

56 እንቲ አዋ አብራሃሜይ ታ ጋላሰ ቤያናሰ አዋቲዲ ቤዪዳሲኔ ኡፋዬቲዳሰ» ጊዳሰ።
 57 አይሁዳቲ ቃሴ፡ «ኔሰ ቡር ኢቻሹ ታሙ ላይሳ ኩዋንታ ኔኒ አብራሃሜይ ቤያዲ?» ጊዳ።
 58 ዬሱሲካ፡ «ታ እንቲሰ ቱሙ ጋይሰ፤ አብራሃሜይ ዬሌታናፕ ካሴካ ታኒ ዳይሰ» ጊዳሰ።
 59 አይሁዳቲ ሄራካ ኢዛ ጫዳናሰ ወሪ ሹቶ ዳንሲዳ፤ ጊዳ ኣቲን ዬሱሲ ኢሰታ ማታፕ ቆቲቲዲ ጸሳ ኩላፊ ኬዚ ቢዳሰ።

9

ዬሱሲ ፓሊዳ ቆቄ አዳዛ

1 ዬሱሲ ኦጊራ ኣጲ ቢሼ ባ አዬይ ኡሎፕ ዬሌቶሶፊ አይፊ ቆቄዳዳ ቤዪዳሰ።
 2 ኢዛ ካሊዛይቲ ኢዛ፡ «አሰታማሪ! ሃይሲ አዳዚ ቆቄ ጊዲ ዬሌታና ማላ ናጋራ ኦሊዳይ ኦኔ? ኢዛ ዬሊዳይቲ ኦሊዳይ? ኢዚ ኦሊዳይ?» ጊዲ ዬሱሳ ኦይቸዳ።
 3 ዬሱሲካ ኢሰታሰ፡ «ኢዛ ጊዲንካ ኢዛ ዬሊዳይቲካ ናጋራ ኦሊቤቲና። ኢዚ ሄሳላ ሃኒዳይ ጸሳ ኦይ ኢዛ ቦላ ቆንጫናሳ።
 4 ጋላሳራ ታና ከቲዳዳ ኦሶ ኦላናሰ ታሰ ቤሴሰ። ቡር ኦኒካ ኦላናሰ ዳንዳዮንታ ቃማይ ያና።
 5 ሃ ቢታ ቦላ ዲዛ ዎዳ ሃ ቢታሰ ፖኦይ ታና» ጊዳሰ።
 6 ሄሳ ጊ ሲሚዲ ቢታ ቦላ ጩቶ ጩቲዲ ባ ጩቻን ኡርቃ ሹጊሲዲ አዳዛ አይፊዛ ሄ ኡርቃ ቲይዲ።
 7 «ባዳ ሴሊሆሜን አሳይ ጸማቁቲዛሶን ሜጩታ» ጊዳሰ። ሴሊሆሜ ጉሲ ከቲቲዳይሳ ጉሳ። አዳዚካ ቢዲ ሜጩቲዲ ዳሊሹ ሲሚ ዪዳሰ።
 8 ኢዛ ደላቲኔ ካሴ ኢዚ ሄን ዎሲሺን ቤኢዳ አሳይ፡ «ሃይሳይ ካሴ ኡቲዲ ዎሲዛ አዳዛ ዳይ?» ጊዳ።
 9 ኢሰታፊ ኢሲ ኢሲ አሳቲ፡ «ኤ ኢዛኮ» ጊዳ። ባጋይቲ፡ «ኢዛ ዳና» ጊዳ። ኢዚ ቃሴ፡ «ታ ኢዛኮ» ጊዳሰ።
 10 ኢሰቲካ፡ «ሂሰቲን ኔ አይፊይ ዋኒ ዳሊዳ?» ጊ ኦይቸዳ።
 11 ኢዚካ ዛሪዲ፡ «ዬሱሳ ጌቲቲዛ አሲ ቢታ ሙኑቁዲ ታ አይፊዛ ሄ ኡርቃ ቲይዲ ታና፡ «ባዳ ሴሊሆሜን ሜጩታ» ጊ ዮቲን ታ ባዳ ሜጩታዳ ዳላናሰ ዳንዳያዲሰ» ጊዳሰ።
 12 ኢሰቲካ፡ «ሂሰቲን ሄሳይይ ሃኢ አዋን ዲዜ?» ጊዳ፤ ኢዚካ፡ «ታ ኤሪኬ» ጊዳሰ።

ፋርሳዊቲ አዳዚ ዋኒ ፓሊዳኮ ቆር ኦይኪዳ
 13 ኢሰቲካ ሄ ካሴ አይፊ ቆቄ አዳዛ ፋርሳዊታኮ ኤፊዳ።
 14 ዬሱሲ ኡርቃ ሙኑቁዲ አዳዛ አይፊ ፓሊዳ ጋላሳይ አይሁዳታ ሳምባታ ጋላሳ።
 15 ሄሳ ጊሻሰ ፋርሳዊቲ አዳዛ ኢዚ ዎሰቲ ዳሊዳኮ ኢዛ ኦይቸዳ። አዳዚካ ዛሪዲ፡ «ኢዚ ታ አይፊን ኡርቃ ቲይዳሰ፤ ታኒካ ሜጩታዲሰ፤ ሄኮ ሃኢ ዳላዲሰ» ጊዳሰ።
 16 ፋርሳዊታፕ ኢሲ ኢሲ አሳቲ፡ «ሃይሲ አዳዚ ሳምባታ ቦንቶንታዳ ጊዲዳ ጊሻሰ ኢዚ ጸሳፊ ጊዳና» ጊዳ። ባጋይቲ ቃሴ፡ «ናጋራንቻይ ሃይሳ ማላ ማላታ

ዋኒ ኦላና ዳንዳይዜ?» ጊዳ። ሄሳ ጊሻሰ ኢሰታ ጊዲን ፓላማይ ሜጩቲዳሰ።
 17 ሂሰቲን ካሴ አይፊ ቆቄ አዳዛኮ ሲሚዲ፡ «ሃ ኔ አይፊ ፓሊዳ አዳዛ ጊሻሰ ኔ አይ ጋይ?» ጊዳ። አዳዚ ዛሪዲ፡ «ኢዚ ናቤኮ!» ጊዳሰ።
 18 አይሁዳቲ አዳዛ ዬሊዳ አዬይራኔ አዋራ ዳይጊሲ ኤሂሳና ጋካናሰ አዳዚ ካሴ ቆቄ ጊዲዳይሳ አማኒቤቲና።
 19 ኢሰቲካ ዬሊዳይታ፡ «እንቲ፡ ሩሰ ቆቄ ናይ ዬሌቲዳሰ» ጊዛ ናዚ ሃይሴ? ሂሰቲን ሃኢ ዋኒዲ ዳላና ዳንዳይዳ?» ጊዳ።
 20 ዬሊዳይቲካ ሂዘጊ ዛሪዳ፡ «ኢዚ ኦ ና ጊዲዳይሳኔ ቆቄ ጊዲ ዬሌቲዳይሳ ኤርሰ።
 21 ሃኢ ቃሴ ኢዚ ዋኒ ዳላና ዳንዳይዳኮኔ ኢዛ አይፊ ኦኒ ፖጊዳኮ ኦ ኤርኮ። ኢዚ ባና ዳንዳይዳይ ጊዲዳ ጊሻሰ ኢዚ ባ ጊሻሰ ዮታናሰ ዳንዳይሰ ኢዛ ኦይቸቲ» ጊዳ።
 22 ኢዛ ዬሊዳይቲ ሄሳላ ጊዳይ ኦኒካ ዬሱሳ ኢዚ ከርሰቶሳ ጊዲ ማርካቲዳይ ወሪ አይሁዳታ ዎሳ ኩላፊ ጎዳታና ማላ አይሁዳቲ ካሴ ሴራ ኦሊዳ ጊሻሰ አይሁዳታሰ ባቢዲ ጊዳ።
 23 ሄሳ ጊሻሰ፡ «ኢዛ ዬሊዳይቲ ኢዚ ባና ዳንዳይዳይ ጊዲዳ ጊሻሰ ኢዛ ኦይቸቲ» ጊዳ።
 24 ካሴ ቆቄ አዳዛ ቃሴካ ዳይጊዲ፡ «ሃይሶ ኔ ቱማዮ ዮታዳ ጸሳ ቦንቻ። ሃይሲ አዳዚ ናጋራንቻ ጊዲዳይሳ ኦ ኤርሰ» ጊዳ።
 25 ኢዚካ፡ «ኢዚ ናጋራንቻ ጊዲን ታ ኤሪኬ። ጊዳ ኣቲን ታ ካሴ ቆቄ ጊዲዳይሶኔ ቃሴ ሃኢ ታ ዳሊዛር ሃና ጸላ ኤራይሰ» ጊዳሰ።
 26 ኢሰቲ ቃሴ ኢዛ፡ «ኢዚ ኔሰ አይ ኦሊዳ? ኔ አይፊዛ ዎሰቲ ፖጊዳ?» ጊዲ ኦይቸዳ
 27 ኢዚካ፡ «ታ እንቲሰ ካሴ ዮቲን ዎዚናን ዎሊ ሲዪቤኬታ ሸን ሃኢ ቃሴ ኣዛሰ ዛሪላ ሲያና ኮዬቲ? እንቲካ ኢዛ ካሊዛይታ ጊዳና ኮዬቲ?» ጊዳሰ።
 28 ሄሳፊ ጉዬ ኢዛሰ፡ «ኦ ሙሴ ካሊዛዳንታ፤ ኔ ኢዛ ካሊዛዳ ጊዳ።
 29 ካሴ ጸሲ ሙሴራ ሃሳዬቲዳይሳ ኦ ኤርሰ፤ ሃይሲ አዳዚ አዋፕ ዪዳኮ ኦ ኤርኮ» ጊዳ።
 30 አዳዚካ ኢሰታሰ፡ «ኢዚ አዋፕኮን እንቲ ኤርንታይሲ ማላሊሴሰ፤ ጊዳ ኣቲን ታ አይፊ ዳሊሲዳይዳ ኢዛ።
 31 ጸሲ ባሰ ያዪዛዳሲኔ ኢዛ ሹኔ ኦሊዛዳሰ ኣቲን ናጋራንቻ ኣሰ ሲዮንታይሳ ኦ ኤርሰ።
 32 አይፊ ቆቄዲ ዬሌቲዳዳ አይፊይ ዳሊዳሰ ጊዛይሳ አላሜይ ሜጩቶሶፕ ኦኒካ ሲዪ ኤሪና።
 33 ሃይሳይይ ጸሳፊ ጊዳንታኮ ሃይሳ ኦላናሰ ዳንዳይና» ጊ ዛሪዳሰ።
 34 ኢሰቲካ ኢዛ፡ «ኔኒ ኔሰ ሙሉ አሳቲሳይ ናጋራን ሙኑቁቲን ዬሌቲዳይሲ ኦና ታማርሳና ዋና ጸላዲ?» ጊዲ ኢዛ ጎዲዳ።

አያና ዮኦይ ጳሚዳዳ
 35 አዳዛ ጎዲዳይሳ ዬሱሲ ሲዪዳሰ። ኢዛ ዳሚዲ፡ «ኔ አሳ ናን አማናይ?» ጊዳሰ።
 36 አዳዚካ፡ «ሳዳ! ታ ኢዛን አማናና ማላ ኢዚ ኦኔ?» ጊ ኦይቸዳሰ።
 37 ዬሱሲካ፡ «ኔ ኢዛ ቤያዳሳ፤ ሃኢ ኔናራ ሃሳይዛይ ኢዛኮ!» ጊዳሰ።

38 አዳዲስ: «ጎደ! ኢዛ አማናዲስ» ጊዲ ኢዛስ ሆኪ ጎይኒደስ።
 39 ዩሱሲካ: «ቆቂቲ ጸላና ማላኔ ጸሊዛይቲ ቆቃና ማላ ፐርዳናስ ታ ሃይሳ ሃ አላሜ ያዲስ» ጊደስ።
 40 ኢዛራ ዲዛ ፋርሳዌታፔ ኢሲ ኢሲ አሳቲ ሄሳ ሲዩዲ: «ሄሲ አይ ጉሴ? ሂሰቲን ኑኒካ ቆቂ?» ጊዲ።
 41 ዩሱሲካ ኢሰታ: «አንቲ ቆቂታ ጊዲዳኮ አንቲስ ናጋራ ጊደናሺን አንቲ ሃኢ: ሓ ጸሎስ» ጊዛ ጊሻስ አንቲ ናጋራንቻ ጊዲዳ ማላ ዳና» ጊደስ።

10

ሎኦ ሄንሳንቻ

1 ዩሱሲ: «ታ አንቲስ ቱሙ ጋይስ፤ ደርሳታ ዪሬን ፔንጌራፔ አቲን ሃራ ባጋራ ጉፐ ጌሊዛይ ካይሶኔ ቦንቁዛዴ።
 2 ፔንጌራ ጌሊዛይይ ኢዛ ደርሳታ ሃሚዛዴ።
 3 ፔንጌ ናጊዛይይ ኢዛስ ፔንጌዛ ደዩስ። ደርሳቲካ ኢዛ ቃላ ሲዩቴስ፤ ባ ደርሳታ ሱንላራ ሱንላራ ጸይጊ ኬሲስ።
 4 ባይታ ኡባ ኬሲዳፔ ጉዬ ኢሰታ ሲንላ አዲዲ ካሌሌስ፤ ደርሳቲካ ኢዛ ቃላ ኤሪዛ ጊሻስ ኢዛ ካሌቲስ።
 5 አማላ አሳ ቃላ ኤርንታ ጊሻስ ኢዛፔ ባቃቲቲስ አቲን ሙሊካ ኢዛ ካሌቲና» ጊደስ።
 6 ዩሱሲ ሄሳ ለሚሶዛ ኢሰታስ የቲዳስ ሺን ኢሰቲ ቃሴ ኢዛ ኢሰታስ የቲዳይሳ አይኮካ ኤሪቤቲና።
 7 ሄሳ ጊሻስ ዩሱሲ ቃሴካ ኢሰታስ: «ታ አንቲስ ቱሙ ጋይስ፤ ደርሳታ ፔንጌይ ታና።
 8 ታፔ ካሴ ዩዳይቲ ወሪ ካይሶኔ ቦንቁዛይታ። ደርሳቲ ጊዲኮ ኢሰቲ ጊዛ ሲዩቤቲና።
 9 ፔንጌይ ታና፤ ታ ባጋራ ጌሊዛይይ ወሪ አታና፤ ጌላና ከዛና፤ ሃሚቲዛሶካ ዴማና።
 10 ካይሶይ ካይሶታና፤ ዋጳናሲኔ ቃይሳናስ ጸላ ዩሱስ። ታኒ ጊዲኮ አንቲስ ዳይይ ዳና ማላኔ አንቲስ ኬሂ ዳራና ማላ ያዲስ።
 11 «ታኒ ሎኦ ሄንሳንቻ፤ ሎኦ ሄንሳንቻይ ባ ሺምፖ ባ ደርሳታ ጊሻስ አሉ አሚስ።
 12 ሚሺራ ቃጸሬቲዲ ሃሚዛይይ ጊዲኮ ደርሳቲ ኢዛስ ጊደንታ ጊሻስ ካና ሱይቲይ ዩዛ ዋይ ደርሳታ ዩጊዲ ባስ ባቃቲስ። ካና ሱይቲይካ ደርሳታ ዳፊ ዳፊ ሚሲኔ ላሌስ።
 13 ባቃቲዛይይ ሚሻን ቃጸሬቲዳዴ ጊዲዳ ጊሻሲኔ ደርሳታስ ሚሺቶንታ ጊሻሳ።
 14 «ሎኦ ሄንሳንቻይ ታና፤ ታኒ ታ ደርሳታ ኤራይስ፤ ኢሰቲካ ታና ኤራይስ።
 15 ሂሳካ አዋይ ታና ኤሪዛይሳ ማላ ታኒ ታ ሺምፖ ደርሳታ ጊሻስ አላ አሚና።
 16 ሃይሳ ሃ ደርሳ ዪሬን ጌሎንታይቲ ታስ ሃራ ደርሳቲ ዳቲስ፤ ታ ኢሰታካ ሃ ኤሃናስ ታስ ቤሴስ፤ ኢሰቲካ ታ ቃላ ሲያናኔ ኢሲ ሜሄ ጊዳና። ሃሚዛይሲካ አሳዴ ጊዳና።
 17 ታ ዛራዳ ዴንላናስ ታ ሺምፖ አላ አሚዛ ጊሻስ ታ አዋይ ታና ዳሴስ።
 18 ታኒ ታ ሺምፖ ታ ደሳራ አላ አሚዲስ አቲን አኒካ ታፔ ዋሉ ኤኮና፤ ታ አላ አሚናስ ጊዲን ዋይኮ

ዛራ ዴንላናስ ጊዲን ሸኔይ ታሳ፤ ሄሳ ሃ አዛዘዛ ታኒ ታ አዋፔ ኤካዲስ» ጊደስ።
 19 ሄሳ ሃ ቃላፔ ዴንዲዳይሳን አይሁዳታ ጊደን ቃሴካ ሻኬቴሉ ሜዴቲዳስ።
 20 ዳሮ አሳይ: «ኢዛ ቦላ ዳይዳንሉ ዲዛ ጊሻሲኔ ኢዛ ጎሽ ጊዲዳ ጊሻስ አንቲ ኢዛ ጊዛይሳ አይስ ሲዩቲ?» ጊዲ።
 21 ባጋይቲ ቃሴ: «ዳይዳንሉ ዲዛይይ ሃይሳ ማላ ዳና፤ ዳይዳንሉ ቆቂዳ አይፌ ፓሉ ኤሪዜ?» ጊዲ።

አይሁዳቲ አማኖንታ ኢዲዳ

22 ዩሩሳላሚን ጸሳ ኬላ ኦራሶ ባአሌ ቦንቾ ዋይይ ጋኪደስ፤ ሄ ዋይይካ ባልጎ።
 23 ዩሱሲ ጸሳ ኬላ ጊቤ ጊደን ሶሎሞኔ ሲሚራቲሳሶራ አዲሺን።
 24 አይሁዳቲ ኢዛ ጊደ አሉዲ: «ኔ አይይ ጋካናስ ኑ ዋዚና ሂርጋን ጋምኢሳኔ? ኔ ጸሲ ከቲዳዴ ጊዲኮ ኑስ ቆንጨሳ የታ» ጊዲ።
 25 ዩሱሲካ ኢሰታስ: «ታ አንቲስ የታዲስኮሺን አንቲ ጊዲኮ አሚኒቤኬታ። ታ አዋ ሱንላን ታ ኦሊዛ ማላታቲ ታ ጊሻስ የቲቲስ።
 26 አንቲ ቃሴ ታ ደርሳታ ጊደንታ ጊሻስ ታና አሚኔኬታ።
 27 ታ ደርሳቲ ታ ቃላ ሲዩቴስ። ታኒካ ኢሰታ ኤራይስ፤ ኢሰቲካ ታና ካሌቲስ።
 28 ታ ኢሰታስ ሜርና ዴኦ አሚና፤ ሙሊካ ኢሰቲ ቃይቴና፤ ኢሰታ ታ ኩሼፔ ዋሉ ኤካናስ ዳንዳያናይይ አኒካ ዳና።
 29 ታስ ኢሰታ አሚዳ ታ አዋይ ኡባፌ አዴስ፤ ታ አዋ ኩሼፔ ኢሰታ አኒካ ቦንቃናስ ዳንዳዬና።
 30 ታኒኔ ታ አዋይ ኑ ኢሲኖ» ጊደስ።
 31 አይሁዳቲ ኢዛ ጫዳናስ ቃሴካ ሹቾ ዴንሉዳ።
 32 ዩሱሲካ: «አዋፔ ጊዲዳ ዳሮ ጊታ ማላታታ ታ አንቲና ቤሳዲስ። ሂሰቲን ሃ ታ ቤሲዳይታፔ አዋሪ ጊሻስ ታና ሹቻራ ጫዴቲ?» ጊደስ።
 33 አይሁዳቲካ: «ኑ ኔና ሹቻራ ጫዲዛይ ኔ አስ ጊዳ ኡታዳ ኔና ኔርካ ጸሰ ኬሳዳ ጫሻ ቃላ ኔ ሃሳይዳ ጊሻሳፌ አቲን ኔ ሎኦ ኦሊዳይሳ ጊሻስ ዳና» ጊዲ ኢዛስ ዛሪዳ።
 34 ዩሱሲካ ኢሰታስ: «አንቲ ዋጋ ጊደን: ታ አንቲና ጸሳታ ጋዲስ» ጌቲቲ ጸፊቲቤኔ?
 35 ጸሳ ቃላይ ኢሰታስ ዩዳ አሳታ: «ጸሲ ጊኮ ማጸፋይ ሻሬታናስ ዳንዳዮንታ ጊዲኮ»
 36 ሂሰቲን: «ታ ጸሳ ና» ጊዳ ጊሻስ አዋይ ባ ሻኪ ዲማሲዳይሳኔ ሃ ዴጌ አላሜ ከቲዳይሳ አንቲ: «ኔ ጫያዳሳ» ጊዲ ታና ዋርዶራ አዛስ ሞቲቲ?
 37 ታ አዋይ ኦሊዛይሳ ታ ኦሎንታ አጊኮ ታናን አማኖፐቲ።
 38 ታ ኢዛሶ ኦሊዛ ጊዲኮ አንቲ ታና አማኖንታ አጊኮካ ታ አዋይ ታናን ዲዛይሳ ታኒካ ኢዛን ዲዛይሳ አንቲ ኤራና ማላኔ ዩሺ ቆፓና ማላ ኢዛ ኦሊዳ ማላታን አሚኒቲ» ጊደስ።
 39 ቃሴካ ኢሰቲ ኢዛ ኦይካናስ ኮዩዳ ሺን ኢዛ ኢሰታ ኩሼፔ ኬሲ ኤኪ ቢደስ።
 40 ሄሳፌ ጉዬ ዩሱሲ: ጥሃነሲ ካሴ ጸማቁዛሶ የርዳናሴፔ ሄ ፐንላ ሲሚዲ ሄን ጋምኢደስ።

41 ዳር አሳይ ኢዛኮ ዩዳስ፤ ኢስቲ ቃሴ፡ «ጥሃነሲ ኢሲ ማላታካ ኦሊቤና፤ ገደ ኣቲን ሃይሳ ኣዳዘ ገሻሽ ኢዚ ጥቲዳይሲ ዉሪካ ቱሙኮ» ገደ።

42 ሃንካ ዳር አሳይ ዩሱሳን ኣማኒዳስ።

11

አላዛሬ ሃይቆ

1 ቢታኒያ ጌቲቲዛሶን ማራማኔ ማርታይ ዲዛ ጉታን አላዛሬ ጌቲቲዛዳይ ሳኬቲዳስ።

2 ኢዚ ኢሻ አላዛሬይ ሳኬቲዳ ማራማ ካሴ ዩሱሳ ቶሆ ቦላ ሸቶ ጉሳዳ ዩሱሳ ቶሆ ባ ሁኤ ቢናናን ቁጩዳርኮ።

3 ሚቹቲካ፡ «ጎደ! ኔ ደሲዛይሲ ሳኬቲዳስ» ገደ ኣስ ዩሱሳኮ ከቲዳ።

4 ዩሱሲ ሃሳ ሲዩዲ፡ «ሃ ሳኮይ ጸሳ ናይ ኢዛን ቦንቹታና ማላኔ ጸሲ ቦንቹታናሳፊ ኣቲን ኢዛ ሃይቆስ ጋሊዛዝ ዳና» ገደሰ።

5 ዩሱሲ ማርታ ኢዚ ሚቹዮ ማራሞኔ አላዛሬ ሲቁስ።

6 ገደ ኣቲን አላዛሬይ ሳኬቲዳይሳ ሲዩዲ ሃን ባ ዲዛሶን ናሞኡ ጋላስ ጋሞኢዳስ።

7 ሃሳፊ ጉዬ ባና ካሊዛይታ፡ «ኣኔ ዩሁዳ ቢታ ሲሚ ቦስ» ገደሰ።

8 ኢስቲካ፡ «ኣስታማሬ! ጉላ ዎዴፔ ካሴ አሳይ ኔና ሹቻራ ጫዳና ኮዬቲስኮሺን፤ ኔ ቃሴ ሃኢ ሃ ሲማ ባኔ?» ገደ።

9 ዩሱሲ ኢስታስ፡ «ኢሲ ጋላሳን ታማኔ ናሞኡ ሳቲይ ዳስ ዳኔ? ጋላሳራ ሄማቲዛ ኣሲ ሃ ኣላማዛ ፖኦን ሲማሬቲዛ ገሻሽ ቆጵቲና።

10 ቆጵቲዛዳይ ገዲኮ ኢዚ ቃማራ ሄማቲዛዳ። ጋሶይካ ፖኦይ ባይንዳ ገሻሳ» ገደሰ።

11 ሃሳ ኢስታስ ጥቲዳፔ ጉዬ፡ «ኑ ላጌ አላዛሬይ ቆሰኪዳስ፤ ታኒካ ኢዛ ቆሰኮፊ ዳንፋና ባይሰ» ገደሰ።

12 ኢዛ ካሊዛይቲ ኢዛ፡ «ጎደ! ኢዚ ቆሰኪዳ ገዲኮ ዳንዳና» ገደ።

13 ዩሱሲ ኢስታስ ሃሳ ጥቲዳይ አላዛሬ ሃይቆ ገሻሳ፤ ገደ ኣቲን ኢዛ ካሊዛይታስ ቃሴ ቆሰኮ ገሻሽ ጥቲዳ ሚሳቲዳስ።

14 ሃሳ ገሻሽ ቆንጩራ ኢስታስ፡ «አላዛሬይ ሃይቆዳስ።

15 ኢንቲ ኣማናና ማላ ታ ሃን ደንታ ኣገዳይሲ ኢንቲ ገሻሽ ታና ኡፋይሴስ፤ ሃኢ ገዲኮ ኣኔ ጌዴ ኢዛኮ ቦስ» ገደሰ።

16 ቃሴ ዲዳሞሳ * ጌቲቲዛ ቶማሲ ሃንኮ ዩሱሳ ካሊዛይታ፡ «ኣኔ ኮኒካ ቢዲ ኢዛራ ኢሲፊ ሃይቆስ» ገደሰ።

ዩሱሲ አላዛሬ ሚቹታ ሚንጩዳስ

17 ዩሱሲ ቢ ጋኪሺን አላዛሬይ ሃይቆ ሞጌቲን ኦይዲ ጋላስ ገዲዳስ።

18 ቢታኒያይ ዩራሳላማፔ ባጋ ሳቲ ኦጌ ሃኬስ።

19 ኢስታ ኢሻይ ሃይቆዳ ገሻሽ ማራሞኔ ማርታ ሚንጩሳናስ ዳር ኣይሁዳ አሳይ ኢስታኮ ሸቁዳስ።

20 ዩሱሳ ዩሳ ማርታይ ሲያዳ ኢዛ ሞካ ኤካና ባዲሰ፤ ማራማ ገዲኮ ሶን ኡታዲሰ።

21 ማርታይ ዩሱሳ፡ «ጎደ! ኔ ሃን ዲዛኮ ታ ኢሻይ ሃይቆናኮሺን።

22 ሃኢካ ገዲኮ ኔ ዎሲዳ ኡባ ጸሲ ኔስ ኣማናይሳ ታ ኤራይስ» ገደሰ።

23 ዩሱሲካ ኢዚሰ፡ «ኔ ኢሻይ ዳንዳና» ገደሰ።

24 ማርታይ ቃሴ፡ «ዉርሴሳን ዳንፋ ዎዴ ኢዚ ዳንዳናይሳ ታኒካ ኤራይስ» ገደሰ።

25 ዩሱሲካ ኢዚሰ፡ «ዳንዳይኔ ዳኦይ ታና፤ ታና ኣማኒዛይይ ሃይቆኮካ ፓጸ ዳና።

26 ታናን ዲዛዳይኔ ታና ኣማኒዛይይ ሙሌካ ሃይቆና፤ ሃሳ ኔ ኣማናይ?» ገደሰ።

27 ኢዛካ ዛራዳ፡ «ኤ ጎደ! ኔኒ ዲጌ ሃ ኣላማዛ ከቲቲዳ ጸሳ ና ገዲዳይሳ ታ ኣማናይስ» ገደሰ።

28 ሃሳ ጋዳኔ ሲማ ባ ሚቹዮ ማራሞ ዲማ ጸይጋ ኬሳዳ፡ «ኣስታማሬ ኔና ኮዬስ» ገደሰ።

29 ማራማካ ሃሳ ሲዩዳ ማላ ኤሌላ ዳንዳዳ ኢዛኮ ባዲሰ።

30 ሃሳ ጋካናስ ዩሱሲ ማርታራ ጋገዳሶሆን ዳስ ኣቲን ጌዴ ጉታ ገደ ጌሊቤና

31 ማራሞ ሚንጩሲ ኢዚራ ሶን ዲዛ ኣይሁዳቲካ ማራማ ፑሱኩ ጋ ዳንዳ ኤቃዳ ኬዚዳይሳ ቤኢዲ ኢዛ አላዛሬ ዳፎ ኣቻን ዩካና ቢዛ ሚሳቲን ኢዛ ካሊዳ።

32 ማራማ ዩሱሲ ዲዛሶ ጋካ ኢዛ ዳሚዳ ማላ ኢዛ ቶሆ ቦላ ጉፋናዳ፡ «ጎደ! ኔ ሃን ዲዛኮ ታ ኢሻይ ሃይቆናኮሺን» ገደሰ።

33 ኢዛኔ ኢዛ ካሊ ዩዳ ኣይሁዳቲ ዩኪዛይሳ ዩሱሲ ቤዩ ዳር ሚሹቲዲ፡

34 «ኢዛ ኣሞን ሞጊዳቲ?» ገ ደይቹዳስ፤ ኢስቲካ፡ «ጎደ! ሃ ያዳ ቤያ» ገደ።

35 ዩሱሲካ ኣፋንጸዳስ።

36 ኣይሁዳቲካ፡ «ኢዚ ኢዛ ኣይ ማላ ሲቁዛኮ ቤኣቲ» ገደ።

37 ኢስታ ገደፊ ኢሲ ኢሲ ኣሳቲ፡ «ሃይሲ ቆቁ ኣዳዛ ኣይፊ ፖግዳይሲ ሃይሳዳይ ሃይቆንታ ማላ ኦላናስ ዳንዳይኔ?» ገደ።

ዩሱሲ አላዛሬ ሃይቆፔ ዳንጩዳስ

38 ዩሱሲ ኢዛ ዎዚናይ ሚሹቲን ጌዴ ዳፎዛኮ ቢዳስ፤ ዳፎዚካ ሹቻራ ጎርዳቲዳ ጎንጎሎ።

39 ኢዚካ ኢስታ፡ «ሹቻ ዳንጩቲ!» ገደሰ፤ ሃይቆዳይሳ ሚቹያ ማርታይ፡ «ጎደ! ኢዚ ሃይቆን ሃቕ ኦይዲ ጋላስ ገዲዳ ገሻሽ ጸንቃናኮ!» ገደሰ።

40 ዩሱሲካ፡ «ኔ ኣማኒዛ ገዲኮ ጸሳ ቦንቹ ቤያንዳሳ ጋዳ ኔስ ታ ጥታቤኪና?» ገደሰ።

41 ሃሳ ገሻሽ ሹቻ ዳንጩዳ፤ ዩሱሲካ ፑዴ ሳሎ ጸሊዲ፡ «ታ ኣሞዉ! ኔ ታ ገዛዝ ሲዩዳ ገሻሽ ታ ኔና ጋላታይስ።

42 ኔ ኡባ ጋላስ ታ ገዛዝ ሲዩዳይሳ ታ ኤራይስ፤ ገደ ኣቲን ታ ሃሳ ገዲይ ሃይሳን ኤቁዳ ኣሳቲ ኔ ታና ከቲዳይሳ ኣማናና ማላሳ» ገደሰ።

43 ዩሱሲ ሃሳ ገዳፔ ጉዬ ካሌሊዲ ቃላ ቆቁ ሂሰቲዲ፡ «አላዛሬ! ሃ ኬዛ!» ገዲ ጸይጊዳስ።

44 ሃይቆዳ አላዛሬይካ ኩሚሳ ኣሳቲሳይ ሞጎ ማይኦን ጸጸቲዳ ማላ ዳፎዛፔ ኬዚዳስ። ዩሱሲካ፡ «ቢርሺ ዩዲቲ ቦ!» ገደሰ።

* 11:16 ዲዳሞሳ፡ ዲዳሞሳ ጉሲ ሚንቲ ጉሳ።

አሳይ ዩሱፊ ዋዳናሰ ጌማን ዘሪቴሳ (ማቶ 26:1-5፤ ማር 14:1-2፤ ሉቃ 22:1-2)

45 ሃሳ ገሻሰ ማራሞ ሚንጤፋና ዩዳ አይሁዳታ፤ ደር አሳይ ዩሱፊ ኦሌዳይሳ ቤኢዲ ኢዛን አማኒዳሰ።

46 ኢስታፊ ባጋይቲ ቢዲ ዩሱፊ ኦሌዳይሳ ፋርሳዌታሰ ዮቲዳ።

47 ሃሳ ቄሴታ ሃላቃቲኔ ፋርሳዌቲ አይሁዳታ ዱላታ ሺቃና ማላ ጸይገዲ፤ «ሃ አዳዚ ዳር ዱማ ዱማ ማላታታ ኦሌዳይ ገዲዳ ገሻሰ ኑ አይ ኦሌኮ ሎኦ?»

48 ኑ ጮኡ ገኮ አሲ ወሪ ኢዛን አማናኔ ኦሮሜ አሲካ ዩዲ ሃይሳ ኑ ቢታኔ ኑ አሳ ኑፔ ኤካና» ገዳ።

49 ኢስታ ገደፊ አሳይሪ ሄ ላይሳ ቄሴታሰ ዋና ሃላቃ ቃያፋይ፤ «አንቲ አይኮካ ኤሬኬታ።

50 ዳሬይ ወሪ ጳያናፔ ዳሬ ገሻሰ ኢሲ አሲ ሃይቁኮ ሎኦ ገዳና ገሻሰ ዩሺ ቆፔኬቲ?» ገዳሰ።

51 ኢዚ ሃሳ ባፔ ገደንታ ሄ ላይሳ ኢዚ ቄሴታሰ ሃላቃ ገዲዳ ገሻሰ ዩሱፊ አይሁዳ ዳሬ ገሻሰ ሲንሳፊ ሃይቃናይሳ ዮቲዳሰ።

52 ኢዚ ሃይቃናይሪ ሄ ዳሬ አሳሰ ጸላ ገደንታ ካሴ ላሌቲዳ ጸላ ናይታካ ኢሲ ቦላ ሸሻናሳ።

53 ሄ ጋላሳፊ ሃ ሲሚን ኢዛ ዋዳናሰ ማቂቲዳ።

54 ሃሳ ገሻሰ ዩሱፊ ሄ ጋላሳፊ ሃ ሲሚን አይሁዳታ ገደን ቆንጮራ ሲሜሬቲቤና። ገደ አቲን ደጌ ባዞ ቢታ ማታን ዲዛ ኤፍሬሜ ጌቲቲዛ ካታማይ ዲዛሶ ቢዲ ባና ካሊዛይታራ ሄን ታኪዳሰ።

55 አይሁዳቲ ፓዚጋ ባኦሌይ ማቲዳ ማላ ባኦሌይ ጋካናፔ ካሴ ጌሾ ምጋ ኦላናሰ ዳር አሳይ ዱማ ዱማ ዳሬፔ ዩራሳላሜ ዩዳሰ።

56 አሳይ ዩሱፊ ኮዩሼ ጸላ ኬላን ኤቁዲ ባ ገደን ኢሶይ አሳራ፤ «አንቲሰ አይ ሚሳቲዜ? ባኦሌዛሰ ዩኔሻ?» ገዳሰ።

57 ቄሴታ ሃላቃቲኔ ፋርሳዌቲ ቃሴ ዩሱፊ ኦይካናሰ ኢዚ አዋን ዲዛኮ ኤሪዛይይ ኢስታሰ ማላታና ማላ ካሴ አዛዚ ዋሊዳ።

12

ዩሱፊ ሺቶ ቲይዳ ማጫሳዮ (ማቶ 26:6-13፤ ማር 14:3-9)

1 ፓዚጋ ባኦሌሰ ቡር ኡሱፑን ጋላሲ አቲሺን ዩሱፊ ሃይቆፔ ዳንሊዳ አላዛሬይ ዲዛሶ ቢታኒያ ቢዳሰ።

2 ሄን ዩሱፊሰ ካዋ ካሊዲ ማርታይ ኢዛ ካዋ ሚዚሺን ኢዛራ ኢሲፊ ማዳን ኡቲዳይታፔ ኢሶይ አላዛሬ።

3 ማራማ ዳር አልኦ ምጋራ ሻሜቲዳ ባጋ ሊቲር ገዲዛ ጌሻ ናርዶሴ ሺቶ ኤካ ያዳ ዩሱፊ ቶሆ ቦላ ጉሳዳ ቶሆዛ ባ ሁኤ ቢናናራ ቁጫዳሰ። ኬላካ ሺቶ ሳዎይ ኩሚዳሰ።

4 ዩሱፊ ካሊዛይታፔ ኢሶይ ዩሱፊ አላ ኢማና አሰቆርንቶ ዩሁዳይ፤

5 «ሃይሲ ሺቶዚ ሄሹ ጸቲ ዲናሪሰ ባይዜቲዲ ሚሻይ አዛሰ ማንቆታሰ አሜቲቤኔ?» ገዳሰ።

6 ኢዚ ሃሳ ገዳይ ሚሸ ሺሺዛ ካራጸቲ ኦይኪዛይይ ኢዛ ገዲዳ ገሻሰ ሸቁዛ ሚሻፊ ባሰ ሺሺዲ ጎኤቲዛይ ገዲዳ ገሻሳ አቲን ማንቆታሰ ሚሸቲዲ ገዳና።

7 ዩሱፊ ቃሴ፤ «ሃይሲ ሺቶዚ ታሰ ሞሳ ጋላሳሰ ቆሬቲዳዝ ገዲዳ ገሻሰ ሄ ዋዳ ጋካናሰ ኢዛ ባ አቻን ናጉ፤ ቦቾፍቲ።

8 ማንቆቲ አይ ዋዳካ አንቲናራ ዳቲሰ። ገደ አቲን አንቲ ታና ኡባ ዋዳ ዳሜኬታ» ገዳሰ።

9 ሄ ዋዳ ዳር አይሁዳ አሳቲ ዩሱፊ ሄን ዲዛይሳ ኤሪዲ ኢዛኮ ዩዳ፤ ዩዳይቲካ ዩሱፊ ጸላላ ኮሽ ገደንታ ዩሱፊ ሃይቆፔ ዳንሊዳ አላዛሬካ ቤያናሳ።

10 ሃሳ ገሻሰ ቄሴታ ሃላቃቲ ዩሱፊራ አላዛሬካ ጋሊ ዋዳናሰ ባ ገደን ዘሪቴዳ።

11 ሄሲካ አላዛሬ ጋሶን ዳር አይሁዳ አሳይ ዩሱፊኮ ቢ ቢዲ ኢዛ አማኒዛ ገሻሳ።

ዩሱፊ ቦንቾን ዩራሳላሜ ጌሊዳሰ (ማቶ 21:1-11፤ ማር 11:1-11፤ ሉቃ 19:28-40)

12 ምንቲላ ጋላሰ ባኦሌዛ ቦንቻና ዩዳ ዳሬይ ዩሱፊ ዩራሳላሜ ዩዛይሳ ሲዩዳሰ።

13 ዛምባ ሃይሳ ኤኪዲ ዩሱፊ ሞካና ኬዚዳሰ፤ ዳሬይ ቃላ ጶቁ ሂሰቲዲ፤ «ሆሳኢና! ጎዳ ሱንሳን ዩዛ ኢሰራኤሌ ካዎይ አንጃቲዳይሳ!» ገዳሰ።

14-15 ቤኒ፤ «ሄኒ!

ዲዮኔ ናዩ፤ ባቦፋ!

ሄኮ ኔ ካዎይ

ሃሪ ጉቲ ቶገዲ ዩሰ»

ጌቲቲ ጸፊቲዳ ማላ

ዩሱፊ ሃሪ ጉቲ

ዳሚዲ ቶገዳሰ።

16 ኢዛ ካሊዛይቲ ሃሳ ኡባ ኮይር ዋዚናን ዋሊቤቲና። ኢዛ ገሻሰ ጸፊቲዳይሳኔ ኢዛሰ ኦሴቲዳ ሃናካ ኡባ ዩሱፊ ሃይቆፔ ዳንዲዳፔ ጉዬ ኤሪዳ።

17 አላዛሬ ዲፎፔ ጸይገዲ ሃይቆፔ ዳንሊዳ ዋዳ ኢዛራ ኢሲፊ ዲዛ አሳይ ኢዛ ዳንሳ ገሻሰ ማርካቲዳ።

18 ዳር አሲካ ኢዚ ሃሳ ማላ ገታ ማላታ ኦሌዳይሳ ሲዩዲ ኢዛ ሞካና ኬዚዳሰ።

19 ሃሳ ገሻሰ ፋርሳዌቲ ባ ገደን ኢሶይ አሳ፤ «ሂሰቲን ኑኒ አይ ኦላና ዳንዳይዚ? ቤኢቲ! ኩሜላ ዳሬይ አቶንታ ኢዛ ካሌሰ» ገዳ።

ዩሱፊ ባ ሃይቃናይሳ ካሴቲ ዮቲዳሰ

20 ጎይናሰ ባኦሌዛሰ ሸቁዳ አሳ ገደን ገሪኬ ዳሬ አሳቲካ ዳቲሰ።

21 ኢስቲካ ጋሊላ ገደን ዲዛ ቤቲሳይዳ ጌቲቲዛ ዳሬ አሰ ፒሊጸሳ ጌቲቲዛይኮ ቢዲ፤ «ጎደ! ኑ ዩሱፊ ቤያና ኮዮሰ» ገዳ።

22 ፒሊጸሲካ አንዲራሳሰ ዮቲዳሰ። አንዲራሲኔ ፒሊጸሲ ቢዲ ዩሱፊሰ ዮቲዳ።

23 ዩሱፊካ ኢስታሰ፤ «ሄኮ አሳ ናይ ቦንቹቲዛ ሳቲይ ጋኪዳሰ።

24 ታ አንቲሰ ቱሙ ጋይሰ፤ ገሰቲ አይፊይ ቢታን ዋዳሃ ሃይቆንታ ጮኡ ጋ ኡቲኮ ባርካ አታዉሰ። ኢዛ ሃይቁዛ ገዲኮ ሃራ ዳር አይፋዉሰ።

25 ባ ሸምፖ ደሲዛይይ ጳይሴሰ። ሃይሳ ቢታ ቦላ ባ ሸምፖ ኢዲዛይይ ገዲኮ ሜርና ዳኑ ዳሜሰ።

26 ታሰ ኦላና ኮይዛይይ ታና ካሎ፤ ታሰ ኦሌዛይይ ታ ዲዛሶን ዳና፤ ታሰ ኦሌዛይይ ታ አዋይ ኢዛ ቦንቻና» ገዳሰ።

ቡርፔ ባና ጋካናይሳ ገሻሽ ዩሱስ የቲዳ ቃላ

27 ቃሴካ ዩሱሲ፡ «ሄኮ ታ ሽምፖፖ ማቶታዲሲ፤ ታ ኣቀወ! ሃ ሳቲይፔ ታና ኣሻ ጎሻ?» ታ ሂዘጎነታ ማላ ታ ዩዳይ ሃኖ ሃ ማቶ ሳቲይሳ።

28 «ታ ኣቀወ! ኔ ሱንሳ ቦንቻ» ገደሰ። ሄሳፌ ካሊዲ፡ «ታኒ ታ ሱንሳ ቦንቻዲሲ፤ ቃሴካ ጉጃ ቦንቻና» ገዛ ቃላይ ሳሎፔ ዩዳይ።

29 ሄን ኤቁዳ ኣሳይ ሄሳ ሲዩዲ፡ «ዳዳይ ዳዳቲሰ» ገዳ። ባጋይቲ ቃሴ፡ «ኪታንቻኮ ሃሳይዛይ» ገዳ።

30 ዩሱሲ፡ «ሃይሲ ገሪሳይ ዩዳይ ኢንቴ ገሻሻ ኣቲን ታ ገሻሽ ገደና።

31 ሃይሲ ኣላሚይ ፐርዳታና ዋዴይ ሃይሳ፤ ሃይሳ ዴሬዛ ሃሪዛ ጸላኤይ ሃኢ ጌዴ ካሬ ዩጌታና።

32 ታኒ ቶቁ ጋዳ ካቁቲዛ ዋዴ ኣሳ ወርሳ ታኮ ዛራና» ገደሰ።

33 ዩሱሲ ሄሳ የቲዳይ ኢዚ ኣይ ማላ ሃይቆ ሃይቃናኮ ኤሪሳናሳ።

34 ኣሳይ ቃሴ፡ «ኑ ዋጋን ጸፊቲዳይ፡ ጸሲ ከቲዳዴይ ማርናሰ ዳና ጌሰ፤ ሂሰቲን ኔ ቃሴ ዋናዳ፡ ሳሳ ናይ ቶቁ ገ ካቁታና ቤሴሰ» ጋይ? ኔ ገዛ ኣሳ ናይ ኣዋይሴ?» ገ ኦይቹዳ።

35 ዩሱሲ ኢሰታሰ፡ «ሃኢ ጉላ ዋዴሰ ኢንቴናራ ፖኑይ ዴሰ፤ ጋዴይ ቆሞንታ ፖኑራ ሄሚቲቴ፤ ቃሚራ ሄሚቲዛዴይ ኢዚ ኣቀ ቢዛኮ ኤሪና።

36 ኢንቴ ፖኑ ናይታ ገዳና ማላ ፖኑይ ዲሺን ፖኑን ኣማኒቲ» ገደሰ። ዩሱሲ ሄሳ ገዳፔ ጉዬ ቢዲ ኢሰታ ኣይፊፔ ጌሚዳሰ።

ኣይሁዳቲ ኣማና ፓጩ

37 ዩሱሲ ኢሰታሰ ሄሳ ማላ ማላታ ኢሰታ ሲንሳን ኦሊንካ ኣይሁዳቲ ኢዛን ኣማኒቤቴና።

38 ሄሲ ሃኒዳይ ናቤ ኢሳያሲ፡

«ጎዶ! ኑ ማርካቴላ ኣማኒዳይ ኦኔ? ጸሳ ቃላይ

ኦናሰ ቆንጨዳ?» ገዳ ማላ።

39 ሄሳ ገሻሽ ኣማናናሰ

ዳንዳይቤቴና፤ ጋሶይካ ናቤ ኢሳያሲ ካሴ፡

40 «ኢሰቲ ባ ኣይፊን ቤኢዲ፡

ባ ዋዚናን ዩሺ ቆፒዲ፡

ሲሞንታ ማላኔ

ኢዚ ኢሰታ ፓላንታ ማላ

ጸሲ ኢሰታ ኣይፊ ቆቂሲዳሰ፤

ኢሰታ ዋዚናካ ሙሚሲዳሰ»

ገ ጸፊዳ ገሻሳ።

41 ኢሳያሲ ሄሳ ገዳይ ጸሲ ከቲዳዴ ቦንቻ ቤኢዳ ገሻሻ፤ ሄሳ ገሻሽ ዩሱሲ የቲዳይ።

42 ገዲኮካ ኣይሁዳታ ሃላቃታፔ ዳሮ ኣሳይ ዩሱሳ ኣማኒዳሰ። ገዶ ኣቲን ኢሰታ ኣይሁዳታ ዋሳ ኬላፊ ጎዶንታ ማላ ፋርሳዊታሰ ባቢዲ ባ ኣማና ቆንጨናን ማርካቲቤቴና።

43 ኢሰቲ ሄሳላ ሃኒዳይ ኢሰታሰ ጸሳፊ ኣሚቲዛ ቦንቻፊ ኣላዲ ኣሳፔ ኣሚቲዛ ቦንቻ ደሲዳ ገሻሳ።

44 ዩሱሲ ባ ቃላ ቶቁ ሂሰቲዲ፡ «ታና ኣማኒዛዴይ ታናን ጸላላ ገደንታ ታና ከቲዳይሳንካ ኣማኒሰ።

45 ታና ቤኢዳዴይ ታና ከቲዳይሳካ ቤያና።

46 ታና ኣማኒዛይ ወሪ ቆማን ደንታ ማላ ታኒ ፖኑ ገዳዳ ሃይሳ ሃ ኣላሚዛ ያዲሰ።

47 ታ ቃላ ሲዩዲ ኦላንታዴ ቦላ ፐርዳናይ ታና ገዲኬ። ጋሶይካ ታ ዩዳይ ኣላሚ ኣሻናሰ ኣቲን ኣላሚ ቦላ ፐርዳናሰ ገደና።

48 ታና ኮዮንታዴይ ታ ቃላ ኤኮንታዴ ቦላ ፐርዳናዴይ ዳሰ፤ ታ ኢዛሰ የቲዳ ቃላይ ወርሴላ ጋላሰ ኢዛ ቦላ ፐርዳና።

49 ጋሶይካ ታኒ ጮ ታ ሺኔን የታቤኬ፤ ታ ገዛይሳኔ ታ የቲዛ ኣዛዘ ታሰ ኣሚዳይ ታና ከቲዳ ታ ኣቀ።

50 ኢዛ ኣዛዘይ ሚርና ዴኦ ገዲዳይሳ ታ ኤራይሰ፤ ሄሳ ገሻሽ ታ የቲዛይ ወሪ ኣዋይ ታሰ የቲዳይሳ» ገደሰ።

13

ዩሱሲ ባና ካሊዛይታ ቶሆ ሚጨዳሰ

1 ሄ ዋዴይካ ኣይሁዳታ ፓዚጋ ባኣሌፔ ካሴ ዩሱሲ ሃይሳ ኣላሚዛ ዩዲዲ ባ ኣዋኮ ባና ሳቲይ ጋኪዳይሳ ኤሪዳሰ፤ ሃይሳ ኣላሚዛን ዲዛ ባ ባጋታ ኡባ ሲቁዳሰ። ወርሴላ ጋካናሰካ ደሲዳሰ።

2 ዩሱሲ ኢዛ ካሊዛይቲ ኢሲፊ ካዋ ሚሺን ሲሞና ናይ ኣሰቆርንቶ የሁዳይ ዩሱሳ ኣላ ኣማና ማላ ጸላኤይ ኢዛ ዋዚናን ኢታ ቆፋ ጌልላዳሰ።

3 ዩሱሲ ኣዋይ ኢዛሰ ጎዳቲላ ወርሲ ኣሚዳይሳኔ ኢዚ ጸሳ ኣቻፊ ከዚዲ ዩዳይሳ፡ ቃሴ ሲሚዲ ጸሳኮ ባናይሳ ኤሪሰ።

4 ሄሳ ገሻሽ ማዳ ቦላፊ ዴንዲዲኔ ማይኦ ቃሪ

ዋላዲ ፖጸ ኤኪዲ ጸሳን * ገዲዳሰ።

5 ቶሆ ሚጨዛ ጎንጌን ሃሌ ጉጂዲ ባና ካሊዛይታ ቶሆ ሚቹ ኦይኪዳሰ፤ ባ ገዲዳ ፖጸንካ ሚጨዳ ቶሆዛ ቁጨዳሰ።

6 ዩሱሲ ሲሞና ጌቲቲዛ ጸጽሮሳኮ ሺቂን ሲሞና ጌቲቲዛ ጸጽሮሲ ኢዛ፡ «ጎዶ! ኔ ታ ቶሆ ሚጨኔ?» ገደሰ።

7 ዩሱሲካ፡ «ታኒ ኦላዛይሳ ኔ ሃኢ ኤራካ፤ ጉዬፔ ቃሴ ኔ ኤራንዳሳ» ገደሰ።

8 ጸጽሮሲካ፡ «ኔ ታ ቶሆ ሙሌካ ሚጨካ»

ገደሰ። ዩሱሲ ቃሴ፡ «ታ ኔ ቶሆ ሚጨንታ ኣኒኮ

ኔሲኔ ታሰ ኢሲፊቴላ ዳና» ገደሰ።

9 ሲሞና ጌቲቲዛ ጸጽሮሲካ ዛሪዲ፡ «ጎዶ፡ ሄሳ ገዲኮ ታሰ ቶሆ ጸላላ ገደንታ ኩሹራ ሁኤራ ወርሳ ሚጨ» ገደሰ።

10 ዩሱሲ ቃሴ፡ «ባ ኣሳቲላ ሚጨቲዳዳሰ ኩሚላ ቦላይ ጌሽ ገዲዳ ገሻሽ ኢዛሰ ቶሆ ሚቻፊ ኣቲን ሃራ ኮሹና። ኢንቴ ጌሽ ሺን ኡባታ ዴኬታ» ገደሰ።

11 ዩሱሲ፡ «ኢንቴ ኡባቲካ ጌሽ ዴኬታ» ገዳይ

ኢዛ ኣላ ኣማናዴይ ኦናኮ ኤሪዛ ገሻሳ።

12 ኢሰታ ቶሆ ሚጨዳፔ ጉዬ ባ ማይኦ ኤኪ ማይኢዲ ካሴ ባ ኡቲዳሲሆን ሲሚ ኡቲዳሰ። ቃሴ ኢሰታሰ፡ «ታ ኢንቴሰ ኣይ ኦላዳኮ ዋዚናን ዋላዳቲ?»

13 ኢንቴ ታና ኣሰታማሬኔ ጎዳ ጌታ፤ ታ ቃሴ ኣሰታማሬኔ ጎዳ ገዲዳ ገሻሽ ኢንቴ ጉሳይ ቱሙኮ።

12:34 ማዛ 110:4፤ ኣሳ 9:7፤ ሄዚ 37:25፤ ዳኔ 7:14 12:38 ኣሳ 53:1 12:40 ኣሳ 6:10 * 13:4 ጸሳ፡ ጸሳ ገዛይሳ ኢሲ ኢሲ ባጋ ጋሞላ ቃላን ዳባ ጌቲቲሰ። 13:12 ሉቃ 22:27

14 ሂሳብ ታ አንቴስ ጎዳኔ አስታማሪ ገዳሼ አንቴ ቶሆ ማጠቃለያ ገዳሱ አንቴካ አንቴ ገደን አሰይ አሳ ቶሆ ማጠቃለያ ቤሰሰ።

15 ታ አንቴስ አላዳይሳ ማላ አንቴካ አላና ማላ ታ አንቴስ ለሚሶ ቤሳዲሰ።

16 ታ አንቴስ ቱሙ ጋይሰ፤ አሸካሪይ ጎዳፔ አዴና፤ ከቴቲዳዴይ ከቴዳዴፊ አዴና።

17 አንቴ ሃይሳ ኤሪዲ ኦሶን ፔይሺኮ አንቴ አንጃቲዳይታ።

18 «ታ ሃይሳ ገዛይ አንቴ ኡባታ ገሻሰ ዳና፤ ታኒ ታ ዶሪዳይታ ወርሳ ኤሪይሰ፤ ገደ አቲን፤ ታ ካሳ ሚዳዴይ ታ ሞርኬ ገዲዲ ታ ቦላ ዳንዲዳሰ» ገዛ ማጻፋ ቃላይ ፖሊታናስ ኮሺሰ።

19 ታ ሃይሳ ሃኒራ አንቴስ የቴዛይ አዚ ፖሊቲዛ ዋዴ ታ ኦናኮ አንቴ አማናናሳ።

20 ታ አንቴስ ቱሙ ጋይሰ፤ ታ ከቴዳዴ ኤኪዛዴይ ታና ኤኪሰ፤ ታና ኤኪዛዴይ ታና ከቴዳዴ ኤኪሰ» ገዴሰ።

ዩሱሲ ባና አላ አማናዴይ ኦናኮ ካሴቲ የቴዴሰ (ማቶ 26:20-25፤ ማር 14:17-21፤ ሉቃ 22:21-23)

21 ዩሱሲ ሃሳ ገ ሲሚዲ ኬሂ ቆፋን ጌሊዲ፣ «ታ አንቴስ ቱሙ ጋይሰ፤ አንቴ ገደፊ አሳዴይ ታና አላ አማና» ገዲ ቆንጩን የቴዴሰ።

22 አዛ ካሊዛይቲ ሃሳ አዚ ኦና ገሻሰ ገዳኮ ኤርንታ ገሻሰ ባ ገደን አሰይ አሳራ ጸሌቲዳ።

23 አዛ ካሊዛይታ ገደፊ ዩሱሲ ሲቁዛ አሰይ ዩሱሳ አቻን ኡቴዴሰ።

24 ሲሞና ጌቲቲዛ ጳጳርሲ የሃኒሳ ሶሞኢ ቤሲዲ፣ «አዚ ኦና ገሻሰ ገዛኮ ኣኔ አዛ ኦይቻ» ገዴሰ።

25 ሃሳ ገሻሰ አዚ ባ ቆዴ ጌዴ ዩሱሳ ሃይላኮ ሺሺዲ፣ «ጎዶ! አዚ ኦኔ?» ገ ኦይቸዴሰ።

26 ዩሱሲካ ዛሪዲ፣ «አዚዴይ ታ ሃኒ ቡዴና ዋጾን ጳምአዳ ባርሲዛዴ» ገዴሰ፤ ሃሳ ገ ሲሚዲ ቡዴና ዋጾን ጳምኢ ኤኪዲ አስቆርንቶፊ ዩዳ ሲሞና ና የሁዳ ባርሲዴሰ።

27 የሁዳይ አዚ ባዲዳ ማላ ሃራካ ጸላኤይ አዛን ጌሊዴሰ። ዩሱሲካ የሁዳ፣ «ኔ አላናስ ቆፐዳይሳ ኤሌላ አላ» ገዴሰ።

28 ዩሱሲ ሃሳ አዛሰ ገዳኮ ማዳን ኡቴዳ አሳፔ የኦይ ጌሊዳዴይ ኦኒካ ዳና።

29 የሁዳይ ሚሽ ኦይኪዛዴ ገዲዲ ገሻሰ ዩሱሳ ካሊዛይታፔ ባጋይቲ ዩሱሲ የሁዳ፣ «ባኣሌዛሰ ኮሺዛይሳ ሻማ ዋይኮ ማንቆታሰ ሙጶሞታ አማ» ገዳ ሚሳቲዴሰ።

30 የሁዳይካ ቡዴና ባዲዳ ማላ ሃራካ ኬዚዲ ቢዴሰ፤ አዚ ቢሺን ጋይይ ቃማኮ።

አራሳ አዛዘ

31 የሁዳይ ኬዚ ቢዳፔ ጉዬ ዩሱሲ፣ «አሳ ናይ ሃኒ ቦንቸቲዴሰ፤ አዛ ጋሶን ጸሲካ ቦንቸቲዴሰ።

32 ጸሲ አዛ ጋሶን ቦንቸቲዛ ገዲኮ ጸሲካ አዛ ቦንቻና፤ ሃራካ ጋምኦንታ ቦንቻና።

33 ታ ናይቶ! ታ አንቴናራ ዳር ዋዴ ጋምኢኬ፤ አንቴ ታና ኮያና፤ ታ ካሴ አይሁዳታ ሃላቃታሰካ፣ ታ ቢዛሶ አንቴ ያና ዳንዳይኬታ» ጋዳ የቴዳ ማላ ሃኒካ አንቴሰካ ሃሳላ የጉይሰ።

34 አንቴ አንቴ ገደን አሰይ አሳራ ሲቁታና ማላ ታ አንቴስ አራሳ አዛዘ አማይሰ። ታ አንቴና ሲቁዳ ማላ አንቴ አንቴ ገደን አሰይ አሳራ ሲቁቲቴ።

35 አንቴ አንቴ ገደን ሲቁቲኮ አንቴ ታና ካሊዛይታ ገዲዳይሳ አሲ ወሪ ኤራና» ገዴሰ።

ጳጳርሲ አዛ ካዳናይሳ ዩሱሲ ካሴቲዲ የቴዴሰ (ማቶ 26:31-35፤ ማር 14:27-31፤ ሉቃ 22:31-34)

36 ሃሳፊ ጉዬ ሲሞና ጌቲቲዛ ጳጳርሲ ዩሱሳ፣ «ጎዶ! ኔ አዋ ባኔ?» ገ ኦይቸዴሰ። ዩሱሲ ቃሴ፣ «ታ ቢዛሶ ኔ ሃኒ ታና ካላና ዳንዳይካ ሺን ጉዬፔ ኔ ታና ካላና» ገዴሰ።

37 ጳጳርሲ፣ «ጎዶ! ታ ኔና ሃኒ ካላናሰ አይሰ ዳንዳይከና? ሃራይ አቶሺን ታኒ ታ ሺምፖካ ኔ ገሻሰ አላ አማና» ገዴሰ።

38 ዩሱሲካ ዛሪዲ፣ «ኔኒ ኔ ሺምፖ ታ ገሻሰ አላ አማኔ? ታ ኔሰ ቱሙ ጋይሰ፤ ሃቶ ኩቶይ ዋሳናፔ ካሴታዳ ኔ ታና ሃቶቶ ካዳና» ገዴሰ።

14

ዩሱሲ አዋኮ ጋሊዛ ኦጌ

1 ካሌሊዲካ ዩሱሲ፣ «አንቴ ዋዚናይ ሜቶቶፖ፤ ጸሰ አማኒቲ፤ ታናካ አማኒቲ።

2 ታ አዋ አቻን ዳር ዲሳሰይ ዴሰ፤ ሃሳ ገደንታኮ፣ «አንቴስ ዳናሶ ገሊሳናሰ ታ ባና» ጋና ሺን።

3 ባዳ ታ አንቴስ ሶ ገግሲዳፔ ጉዬ አንቴ ታ ዲዛሶን ዳና ማላ ታ ሲማ ያዳ አንቴና ኤካና።

4 ታ ቢዛ ኦጌ አንቴ ኤራታ» ገዴሰ።

5 ቶማሲ፣ «ጎዶ! ኔ አዋ ቢዛኮ ኦ ኤርኮን፤ ሂሰቲን ኦጌካ ኦ ዋሰቲ ኤራናሰ ዳንዳይዚን?» ገዴሰ።

6 ዩሱሲካ አዛሰ፣ «ኦጌይ፣ ቱማይ፣ ዴኦይካ ታና፤ ታ ባጋሪ ገዲኮፊ አቲን ኦኒካ አዋኮ ባና አሲ ዳና።

7 አንቴ ታና ኤሪዛኮ ታ አዋካ ኤራናኮሺን፤ ሃኒ ሃይሳፊ ጉዬ አንቴ አዛ ኤራና፤ አዛ ቤኦካ ቤዩዴታ» ገ ዛሪዴሰ።

8 ፒሊጶሲ፣ «ጎዶ! ኔ ኦና አዋ ቤሲኮ ኦሰ ገዳና» ገዴሰ።

9 ዩሱሲካ አዛሰ፣ «ፒሊጶሳ! ሃይሳ ጋካናሰ ታ አንቴናራ ዴአንካ ኔ ታና ኤርኪ? ታና ቤኢዳዴይ አዋካ ቤዩዴሰ፤ ሂሰቲን ኔኒ ዋናዳ፣ ኦና አዋ ቤሳ» ጋይ?

10 ታኒ ታ አዋን፣ ታ አዋይካ ታናን ዲዛይሳ አማኒኪ? ታ አንቴስ የቴዛ ቃላ የቴዛይ ታ ሺኔ ማላ ዳና፤ ገደ አቲን ኦሶዛ ኡባ ኦሊዛይ ታናን ዲዛ ታ አዋ።

11 ታኒ አዋን ዲዛ ማላ፣ አዋይካ ታናን ዲዛይሳ አንቴ አማኒቲ፤ አካይ ገኮ ታ ኦሊዛ ኦሶታ ገሻሲካ ታና አማኒቲ።

12 ታ አንቴስ ቱሙ ጋይሰ፤ ታና አማኒዛዴይ ታ ኦሊዛ ኦሶ ኦላና፤ ሃሳፊካ አላ ኦላና፤ ጋሶይካ ታኒ አዋኮ ባና።

13 አዋይ ናዛ ጋሶን ቦንቸታና ማላ አንቴ ታ ሱንላን ዋሲዳይሳ ታ አንቴስ ወርሳ አላና።

14 አንቴ አይ ሚሺካ ታ ሱንላን ዋሲዳይሳ ታ ኡባ አላና።

ዩሱሲ ጸሎ አያና ገሻሰ አሚዳ ሂደታ

15 «እንቲ ታና ደሲዛ ገዲኮ ታ ኣዛዘዮ ናገቲ።
 16 ታኒ ኣዎ ዎሳና፤ ኢዚካ እንቲናራ ሚርናሰ ዳና ማላ ሃራ እንቲና ሚንጭላናዳ እንቲሰ ኢማና።
 17 ሃይሲ ሚንጭላዛ ኣያናይ ዳሬ ኣሳይ ኢዛ ቤዪ ኤርንታ ገሻሰ ኣላሜይ ኤካናሰ ዳንዳዮንታ ቱሙ ኣያና፤ ገዶ ኣቲን እንቲ ኢዛ ኤሬታ፤ ጋሶይካ ኢዚ እንቲናራ ዲዛ ገሻሰኔ ኢዚ እንቲ ጋላን ዲዛ ገሻሳ።
 18 «አዎይኔ ኣያ ባይንዳ ናይታ ማላ ታ እንቲና ጸላ ኣገኪፎ፤ ታ ሲማዳ ሃ እንቲኮ ያና።
 19 ጉላ ዎዴፍ ጉዬ ዳሬ ኣሳይ ታና ቤዬና፤ እንቲ ገዲኮ ቤያንዳታ፤ ታኒ ዳኣን ዲዛ ገሻሰ እንቲካ ዳኣን ዳንዳታ።
 20 ታኒ ታ ኣዎን ዲዛ ማላ እንቲካ ታናን ዲዛይሳኔ ታኒካ እንቲናን ዲዛይሳ እንቲ ሄ ዎዴ ኤሬንዳታ።
 21 «ታ ኣዛዘ ኤኪዲ ኦላዚዳይ ታና ደሴሰ፤ ታና ደሴዛይካ ታ ኣዎይ ደሴሰ፤ ታኒካ ኢዛ ደሳና፤ ታናካ ኢዛይሰ ቆንጨሳና» ገደሰ።
 22 ኣሰቆርንቶ ዩሁዳ ገደንታ ሃንኮ ዩሁዳይ፣ «ጎዶ! ኔኒ ኣላሜ ኣሳሰ ገደንታ ኮሰ ዎሰታ ኔና ቆንጨሳኔ?» ገደሰ።
 23 ዬሱሲካ ኢዛሰ፣ «ታና ሲቁዛይይ ታ ቃላ ናጋና፤ ታ ኣዎይካ ኢዛ ደሳና፤ ኔኒ ኢዛኮ ያና፤ ዪዲካ ኢዛይራ ኢሲፊ ዳና።
 24 ታና ደሶንታይይ ታ ቃላ ናገና፤ ሃይሲ እንቲ ሲዪዛ ቃላይ ታና ከቲዳ ታ ኣዎ ቃላፍ ኣቲን ታ ቃላ ገደና።
 25 «ታኒ ሃኢ እንቲናራ ዳሼ ሃይሳ እንቲሰ ዮታዲሰ።
 26 ኣዎይ ታ ሱንላን ዬዳና ሚንጭላዛ ጸሎ ኣያናይ ቃሴ ሃኒዛ ኡባ እንቲና ታማርሳና፤ ታ እንቲሰ ዮቶይሳካ ኡባ እንቲና ዎዚናን ዎላና ማላ ማዳና።
 27 «ታ እንቲሰ ሳርቴላ ኣጋዳ ባይሰ፤ ታ ሳርቴላካ ታ እንቲሰ ኢማና፤ ታ እንቲሰ ኢማዛ ሳርቴላ ኣላሜይ ኢማዛ ሳርቴላ ማላ ዳና፤ እንቲና ዎዚናይ ሂርጎፎኔ ባቦ።
 28 « ታ ባና፤ ባዳካ እንቲኮ ሲማ ያና» ጋዳ ታ እንቲሰ ካሴ ዮቲዳይሳ ሲዪዳታ፤ እንቲ ታና ደሴዛኮ ታኒ ታ ኣዎኮ ቢዛይሲ እንቲና ኡፋይሳናኮሺን። ጋሶይካ ኣዎይ ታፍ ኣዴሰ።
 29 ሃይሲ ሃኒዛ ዎዴ እንቲና ኣማናና ማላ ሃይሳ ታ እንቲሰ ካሴታ ዮታዲሰ።
 30 ሃይሳ ኣላሜዛ ሃሪዛ ጸላኤይ ዪዛ ዎዴይ ጋኪዳ ገሻሰ ሃኢ ታ እንቲናራ ዳር ሃሳይኬ፤ ኢዚ ታ ቦላ ኣይኮካ ኣላናሰ ኢዛሰ ዎልቃይ ዳና።
 31 ገዶ ኣቲን ታኒ ኣዎ ደሴዛይሳ ኣላሜይ ኤራና ማላ ኣዎይ ታና ኣዛዚዳይሳ ታ ኡባ ፖላና። ኣኔ ሃይሳፊ ቦሰ፤ ዳንዳቲ» ገደሰ።

15

ዬሱሲ ቱሙ ዎይኔ ሚላሰ ኣኖ

1 ቃሴካ ዬሱሲ፣ «ቱሙ ዎይኔ ሚላ ኣኖይ ታና፤ ኣታኪልቴዛ ኦሳንቻይ ታ ኣዎ።
 2 ታ ቦላ ዲሼ ኣይፊ ኢሞንታ ሃጋ ኡባ ታ ኣዎይ ቃንጺ ዲጋና፤ ኣይፊዛ ሃጋ ጉጂ ኣይፋና ማላ ቁርጺ ገሻና።
 3 ታ እንቲሰ ዮቲዳ ቃላ ጋሶን እንቲ ሃኢ ገሻታ።
 4 ታናን ዲቲ፤ ታኒካ እንቲናን ዳና፤ ሃጋይ ዎይኔ ኣኖ ቦላ ደንታ ኣገኮ ባርካ ኣይፊ ኣይፋና ዳንዳዮንታይሳ

ማላ እንቲካ ታናን ደንታ ኣገኮ ኣይፊ ኣይፋናሰ ዳንዳዬኬታ።
 5 «ታኒ ዎይኔ ሚላሰ ኣኖ፤ እንቲ ቃሴ ሃጋታ፤ ዳር ኣይፊ ኣይፊዛይይ ታናን ዲዛይኔ ታኒካ ኢዛን ዲዛይ፤ ጋሶይካ ታ ባይንዳ እንቲ ኣይኮካ ኣላናሰ ዳንዳዬኬታ።
 6 ታናን ባይንዳይይ ቃንጺቲዲ ዎራ ዬጌቲዳ ሃጋ ማላ ካሬ ዬጌቲዳ ሃን ሚላና፤ ሃይታ ማላ ሃጋቲ ኢሲ ቦላ ሸቁዲ ታማን ዬጌታናኔ ኤጸና።
 7 እንቲ ታናን ዲኮ ታ ቃላይካ እንቲናን ዲኮ እንቲ ኮዪዳይሳ ኣይቸኮ ደማና።
 8 ዳር ኣይፊ እንቲ ኣይፊሸን ታ ኣዎይ ቦንቹቲሰ፤ እንቲ ታና ካሊዛይታ ገዲዳይሲ ሃሳን ኤሬታና።
 9 «ኣዎይ ታና ደሴዳይሳላ ታኒካ እንቲና ደሳዲሰ፤ ሃሳ ገሻሰ እንቲ ታ ሲቆን ዲቲ።
 10 ታኒ ታ ኣዎ ኣዛዘ ፖላዳ ኢዛ ሲቆን ዲዳ ማላ እንቲካ ታ ኣዛዘ ፖሊኮ ታ ሲቆን ዳና።
 11 ሃይሳ ታ እንቲሰ ዮቲዛይ ታ ኡፋይሲ እንቲናን ገደና ማላኔ እንቲ ኡፋይሲካ ኩማላ ገደናሳ።
 12 ታ እንቲሰ ኢማዛ ኣዛዘይ ታ እንቲና ሲቁዳ ማላ እንቲካ እንቲ ገደን ኢሶይ ኢሳራ ሲቁታናሳ።
 13 ኢሲ ባ ላጌሰ ባ ሸምፖ ኣሌ ኢሞፍ ኣዲዛ ሲቆይ ዳና።
 14 ታ እንቲና ኣዛዚዳይሳ ኡባ እንቲ ፖሊኮ እንቲ ታ ላጌታ።
 15 ኣሸካራይ ጎዳይ ኦላዚዳ ኤርንታ ገሻሰ ሃይሳፊ ጉዬ ታ እንቲና ኣሸካራታ ገኪ። ገዶ ኣቲን ታኒ ታ ኣዎፍ ሲዪዳይሳ ወርሳ እንቲሰ ቆንጨሲዳ ገሻሰ ታ እንቲና ታ ላጌታ ጋዲሰ።
 16 ታ እንቲና ደራዲሰ ኣቲን እንቲ ታና ደሪቤኬታ፤ እንቲ ቢዲ ዳር ኣይፊ ኣይፋና ማላ እንቲ ኣይፊይ ኤቁ ዳና ማላ ታ እንቲና ዎላዲሰ፤ ሃሳ ገሻሰ እንቲ ታ ሱንላን ዎሲዳይሳ ኡባ ታ ኣዎይ እንቲሰ ኢማና።
 17 ሃሳ ገሻሰ እንቲና እንቲ ገደን ኢሶይ ኢሳራ ሲቁታና ማላ ታ እንቲና ኣዛዚዳሰ።

ዬሱሲ ባና ካሊዛይታ ኣላሜይ ኢጸናይሳ ዮቲዳሰ

18 «ካሊዲዳካ ዬሱሲ እንቲና ኣላሜይ ኢጸኮ እንቲፊ ካሴ ታና ኢጸዳይሳ ኤሬቲ።
 19 እንቲ ኣማናንታ ኣላሜ ኣሳ ገዲኮ ኣላሜ ኣሳይ ባ ባጋ ገዲዳዳ ደሴሰ። ገዶ ኣቲን እንቲ ኣላሜ ባጋ ገደንታ ገሻሰ ታ እንቲና ኣላሜፍ ሻካዳ ደራዳ ገሻሰ ዳሬይ እንቲና ኢጸሰ።
 20 «ኣሸካራይ ጎዳፍ ኣዴና» ጋዳ ታ ካሴ እንቲሰ ዮቶይሳ ዩሼ ቆገቲ፤ ኢሰቲ ታና ጎዲዛይቲ እንቲናካ ጎዳና፤ ኢሰቲ ታ ቃላ ናገዛኮ እንቲ ቃላ ናጋና።
 21 ኢሰቲ ታና ከቲዳዳ ኤርንታ ገሻሰ ታ ጋሶን እንቲ ቦላ ሃሳ ወርሲ ኣላና።
 22 ታ ያዳ ኢሰታሰ ዮቶንታኮ ኢሰታሰ ናጋራ ገደና። ሃኢ ቃሴ ኢሰታ ናጋራሰ ሃኖ ገዛ ጋሶይካ ባ።
 23 ታና ኢጸዛይይ ታ ኣዎካ ኢጸሰ።
 24 ሃራ ኣሲ ኦላንታ ኦሶ ታ ኢሰታ ገደን ኦላንታኮ ኢሰታሰ ናጋራ ገደናሺን፤ ሃኢ ኢሰቲ ሃሳ ኡባ ቤኢዳፍ ጉዬ ታናካ ታ ኣዎካ ኢጸዳ።
 25 ሃሲካ ሃኒዳይ ካሴ፣ «ታና ጋሶይካ ባይንዳ ዲሺን ኢጸዳ» ጌቲቲዲ ኢሰታ ዎጋን ጸፊቲዳ ቃላይ ፖሊታናሳ።

26 «ጊደ ኣቲን ኣዋፔ ኬዚዲ ያናይሲ፡ ታኒካ ታ ኣዋ ኣቻፊ ኢንቴስ ዩዳናይሲ ሚንጮሊዛ ቱማ ኣያናይ ዩዲ ኢዚ ታ ገሻሰ ማርካታና።

27 ኢንቴ ኮይሮፔካ ታናራ ዲዛ ገሻሰ ታስ ኢንቴካ ማርካታንዳታ» ጊደስ።

16

1 ቃሴካ ዩሱሲ፡ «ሄኮ ሃይሳ ወርሳ ታ ኢንቴስ ኢንቴ ኣማኖይ ያርክ ያርኮፎ ጋዳ ዮታዲስ።

2 ኢሰቲ ኢንቴና ባ ኬላፊ ጎዳና፤ ሃራይ ኣቶሺን ኢንቴና ዋዲዛይ ወሪ ጸሳስ ኦሊዛይ ሚሳቲዛ ዋይይ ያና።

3 ኢሰቲ ሃሳላ ኦሊዛይ ታናካ፡ ታ ኣዋካ ኤርንታ ገሻሳ።

4 ታ ሃይሳ ኢንቴስ ዮቲዛ ዋይ ኢንቴ ታ ኢንቴስ ገዲይሳ ቆፓናሳ» ጊደስ። ካሌዲዲካ ዩሱሳ፡ «ሃይሳ ወርሳ ታ ኢንቴስ ዮቶንታ ኣገዲይ ታ ኢንቴናራ ኢሲፊ ዲዛ ገሻሳ።

ጺሎ ኣያና ኦሶ

5 «ሃኢ ቃሴ ታና ከቲዳይሳኮ ታ ባና ጋይሰ፤ ጊደ ኣቲን ኢንቴፊ ኦኒካ፡ ሩ ኣዋ ባኔ?» ጊደ ኦይቻናይ ባ።

6 ጊደ ኣቲን ሃይሳ ወርሳ ታ ኢንቴስ ዮቲዳ ገሻሰ ኢንቴ ዋዚናይ ሙዞቲስ።

7 ታ ቃሴ ኢንቴስ ቱሙ ጋይሰ፤ ታ ቡሲ ኢንቴስ ጎኣ ገዲና፤ ጋሶይካ ታ ቦንታ ኣገኮ ሚንጮሊዛ ኣያናይ ኢንቴኮ ዩና፤ ታ ቢዳፔ ጉዬ ኢዛ ኢንቴኮ ዩዳና።

8 ኢዚ ዩዲ ኣሳ ናጋራ ገሻሰኔ ጺሎቴላ ገሻሰ ቃሴካ ፐርዳ ገሻሰ ኤሪሳና።

9 ኣሳ ናጋራ ገሻሰ ኢዚ ኤሪሳናይ ኣሳይ ታና ኣማኖንታ ገሻሳ።

10 ጺሎቴላ ገሻሰ ኢዚ ኣሳ ኤሪሳናይ ታኒ ታ ኣዋኮ ቢዛ ገሻሰኔ ቃሴ ናምኣንጎ ኢንቴ ታና ቤኦንታ ገሻሳ።

11 ፐርዳ ገሻሰ ኢዚ ኤሪሳናይ ሃይሳ ኣላሚዛ ሃሪዛይሳ ቦላ ፐርዳቲዳ ገሻሳ።

12 «ታ ኢንቴስ ቡር ዮታና ዳር ዮኦይ ዴስ፤ ጊደ ኣቲን ሃኢ ኢንቴና ዴዳና።

13 ቱማ ኣያናይ ዩዲ ኢንቴና ቱማይ ዲዛሶ ካሌላና፤ ጋሶይካ ኢዚ ሰዩዳይሳ ዮታና ኣቲን ባፔ ገደንታ ገሻሰ ኢዚ ሰንሳፊ ሃናና ዮኦታ ኢንቴስ ዮታና።

14 ታስ ዲዛይሳፊ ኤኪዲ ኢዚ ኢንቴስ ዮቲዛ ገሻሰ ታና ቦንቻና።

15 ኣዋሰ ገዲዳይ ወሪካ ታይሳ፡ «ታስ ገዲዳይሳፊ ኤኪዲ ኢዚ ኢንቴስ ዮታና» ታ ገዲይ ሃሳሳ» ጊደስ።

ኢንቴ ሙዞቴላ ኡፋይሳን ላሚታና

16 ዩሱሲ ጉጂዲ፡ «ጉላ ዋይፔ ጉዬ ኢንቴ ታና ቤዬኬታ፤ ቃሴካ ጉላ ዋይፔ ጉዬ ኢንቴ ታና ቤያና» ጊደስ።

17 ኢዛ ካሊዛይታፔ ባጋቲ ባ ገደን፡ « ሃይሲ ኦስ ጉላ ዋይፔ ጉዬ ኢንቴ ታና ቤዬኬታ፤ ቃሴካ ጉላ ዋይፔ ጉዬ ኢንቴ ታና ቤያና፤ ቃሴ ታ ኣዋኮ ባና» ጉሲ ኣይ ጉሴ?» ጊደ።

18 «ሂሰቲን ሃይሲ፡ «ጉላ ዋይፔ ጉዬ» ገዛይሲ ኢዚ ኣዜ? ኢዚ ዮቲዛይሲ ኦስ ኤሬቴና» ጊዲ ባ ገደን ዛሪ ዛሪ ኦይሹቲዳ።

19 ኢሰቲ ኢዛ ኦይቻናይሳ ዩሱሲ ኤሪዲ ኢሰታስ፡ «ኢንቴ ኢንቴ ገደን ኢሶይ ኢሳራ ኦይሹቲዛይ ታ

ኢንቴስ፡ «ጉላ ዋይፔ ጉዬ ኢንቴ ታና ቤዬኬታ፤ ቃሴካ ጉላ ዋይፔ ጉዬ ኢንቴ ታና ቤያና» ጊደ ገሻሴ?

20 ታ ኢንቴስ ቱማ ጋይሰ፤ ኢንቴ ዋሳናኔ ዩካናሺን ኣላሚይ ገዲኮ ኡፋይታና። ኢንቴ ሙዞቴሺን ኢንቴ ሙዞይ ኡፋይሳን ላሚታና።

21 ማጫሲ ዩሎ ዋይይ ጋኪሺን ሚጸሰ ሂርጋወሰ፤ ገደ ኣቲን ና ዩላ ዩገዳፔ ጉዬ ቢታ ቦላ ናይ ዩሎቲዳ ገሻሰ ኡፋይሳፊ ዴንዲዳይሳን ካሴ ባ ዋይዳይሳ ዛራ ቆፑኩ።

22 ሃሳላ ኢንቴካ ሃኢ ሙዞቴታ፤ ቃሴ ታ ኢንቴና ቤያና ኢንቴ ዋዚናይካ ኡፋይታና፤ ኢንቴ ኡፋይሳ ዛሪ ኤካናይይ ዳና።

23 «ኢንቴ ሄ ዋይ ታፔ ኣይኮካ ዋሴኬታ፤ ታ ኢንቴስ ቱሙ ጋይሰ፤ ታ ሱንላን ታ ኣዋ ዋሲኮ ኢዚ ኢንቴስ ኡባካ ኢማና።

24 ሃና ጋካናሰ ኢንቴ ታ ሱንላን ኣይኮካ ዋሲ ኤሬኬታ፤ ዋሲቴ ኢንቴ ኤካና፤ ኢንቴ ኡፋይሳይካ ኩሚላ ገዲና።

25 «ሃኢ ጋካናሰ ታ ኢንቴስ ለሚሶራ ዮታዲስ፤ ሃይሳፊ ጉዬ ታ ለሚሶራ ዮቶንታ ዋይይ ያና። ጊደ ኣቲን ኣዋ ገሻሰ ታ ኢንቴስ ኡባ ቆንጨሳ ዮታና።

26 ሄ ዋይ ኢንቴ ታ ሱንላን ዋሳና፤ ታኒካ፡ «ኣዋ ኢንቴ ገሻሰ ዋሳና» ገኬ።

27 ጋሶይካ ኣዋይ ባ ባጋራ ኢንቴና ደሲዛ ገሻሳ፤ ኣዋይ ኢንቴና ደሲዛይ ኢንቴ ታና ደሲዛ ገሻሰኔ ታኒ ጸሳ ኣቻፊ ዩዳይሳ ኢንቴ ኣማኒዳ ገሻሳ።

28 ታኒ ኣዋ ኣቻፊ ኬዛዳ ሃይሳ ሃ ኣላሚ ያዲሲኔ ቃሴካ ሃ ኣላሚዛ ኣጋዳ ኣዋኮ ሰማ ባና» ጊደስ።

29 ኢዛ ካሊዛይቲ፡ «ሄኮ ኔ ሃኢ ለሚሶ ገደንታ ኦስ ቆንጨራ ዮታዳሳ።

30 ኔ ወርሳ ኤሪዛ ማላኔ ኦኒካ ኔና ኦይቻናሰ ኮሾንታይሳ ሃኢ ኦ ኤሪዳስ፤ ሃሳ ገሻሰ ኔ ጸሳ ኣቻፊ ኬዚዳይሳ ኦ ኣማናሰ» ጊደ።

31 ዩሱሲ ኢሰታስ፡ «ኢንቴ ሃኢ ኣማኒዳታ፤

32 ጊደ ኣቲን ኢንቴ ኢንቴ ባጋራ ባጋራ ላሌቲዲ ታና ጸላ ኣጋና ዋይይ ጋኪዴስ፤ ሄ ሳቲያካ ሃኢ ጋካዲስ። ጊደ ኣቲን ኣዋይ ታናራ ገዲዳ ገሻሰ ታ ታርካ ዲኬ።

33 ታ ሃይሳ ኢንቴስ ዮቲዛይ ኢንቴ ታናን ዴኢን ኢንቴስ ሳሮቴላ ዳና ማላ ጋዳ ዮታይሰ። ኢንቴ ሃ ኣላሚን ዲሺን ኢንቴስ ዋይይ ዴስ፤ ጊደ ኣቲን ኣይኮይ ባ፤ ታ ኣላሚ ጸናዲስ» ጊደስ።

17

ዩሱሳ ዋሳ

1 ዩሱሲ ሃሳ ገዲፔ ጉዬ ፑዴ ሳሎ ቶቁ ገ ጸሊዲ፡ «ታ ኣዋዉ! ሄኮ ሃኢ ሳቲይ ጋኪዴስ፤ ኔ ናይ ኔና ቦንቻና ማላ ኔኒ ኔ ናዛ ቦንቻ።

2 ኔ ቦንቻናይካ ኔ ኢዛሰ ኢሚዳይታስ ኢዚ ሚርና ዴኦ ኢማና ማላ ኔ ኢዛሰ ኣሳ ኡባ ቦላ ጎዳቴላ ኢሚዳ ገሻሳ።

3 ሚርና ዴኦይካ ኔ ጸላ ቱሙ ጸሳኔ ኔ ከቲዳ ዩሱስ ከርሰቶሳ ኤር ጉሳ።

4 ኔ ታስ ኢሚዳ ኦሶ ታኒ ወርሳዳ ሃ ቢታ ቦላ ኔና ቦንቻዲስ።

5 ታ ኣዋዉ! ኣላሚይ ሚዴታናፔ ካሴ ታስ ኔናራ ዲዛ ቦንቻን ሃኢካ ታና ኔ ኣቻን ቦንቻርኪ!

6 «ሃይሳ አላሜ አሳፔ ኔ ታሰ ዶራዳ አሚዳ አሳታሰ ኔ ኦናኮ ታ ኢሰታሰ ኔና ቆንጨሳዲሰ፤ ኢሰቲ ካሴካ ኔይታ ሺን ኔ ታሰ አሚዳሳ፤ ኢሰቲካ ኔ ቃላ ናጊዳ።
 7 ኔ ታሰ አሚዳይሰ ዉሪካ ኔፔ ጊዲዳይሳ ኢሰቲ ሃኢ ኤሪዳ።

8 ኔ ታሰ አሚዳ ቃላታካ ታ ኢሰታሰ አሚዳሰ፤ ኢሰቲካ ኤኪዳ፤ ታ ኔ እቻፊ ዩዳይሳ ኢሰቲ ቱማፔ ኤሪዳ፤ ኔ ታና ከቲዳይሳካ ኢሰቲ አማኒዳ።

9 «ታ ኢሰታሰ ዋሳይሰ፤ ሄይቲ ኔ ታሰ አሚዳይቲ ኢሰቲ ኔይታ ጊዲዳ ገሻሰ ታ ኢሰታሰ ዋሳይሰ፤ ጊዳ አቲን ሃንኮ አላሜ አሳሰ ዋሲኬ።

10 ታሰ ጊዲዳይ ዉሪካ ኔይሳ፤ ኔይሰ ዉሪካ ታይሳ፤ ታኒካ ኢሰታን ሰንቹታና።

11 ሃይሳፊ ጉዬ ታኒ ሃይሳ አላሜ ሰላ ዲኬ፤ ኢሰቲ ጊዲኮ ሃ አላሜዛ ሰላ ዳቴሰ፤ ሃኢ ታ ኔኮ ባይሰ፤ ታ አዋ ጌሻዘ! ሃይታ ኔ ታሰ አሚዳይታ ኢሰቲ ኔ ማላ ባ ጊደን ኢሲኖ ጊዳና ማላ ኔ ታሰ አሚዳ ኔ ሱንሳን ኢሰታ ናጋ። *

12 ታ ኢሰታሪ ኢሲፊ ዳሼ ኔ ታሰ አሚዳ ኔ ሱንሳን ታ ኢሰታ ናጋዲሰ፤ ሄሳ ገሻሰ ካሴ ጳፌቲዳ ጌሻ ማጻፋ ቃላይ ፖሌታና ማላ ኢዚ ካሴካ ጳዮሰ ዲዛ ናዛፔ አቲን ኢሰታፊ ኦኒካ ጳይሴና።

13 ታ ቃሴ ሃኢ ኔኮ ባይሰ፤ ታ ሃ አላሜዛ ሰላ ዳሼ ሃይሳ ዮቲዛይ ታ ኡፋይሰ ኢሰታን ፖሌታና ማላ ጋዳ ዮታይሰ።

14 ታኒ ኔ ቃላ ኢሰታሰ አሚዳሰ፤ ታኒ ሃይሳ አላሜዛ አሰ ጊደንታይሳ ማላ ኢሰቲካ ሃ አላሜ አሰ ጊዳቴና፤ ሄሳ ገሻሰ ሃ አላሜ አሳይ ኢሰታ ኢጲዳሰ።

15 ኔ ኢሰታ ኢታፔ ናጋና ማላ ታ ኔና ዋሳይሰ አቲን ኔ ኢሰታ ሃ አላሜፔ ዳንሳ ኤፋና ማላ ታ ኔና ዋሲኬ።

16 ታኒ አላሜ አሰ ጊደንታይሳ ማላ ኢሰቲካ ሃ አላሜ አሰ ጊዳቴና።

17 ኔ ኢሰታ ኔ ቱማን ኔሰ ሻካ፤ ኔ ቃላይካ ቱሙ ቃላ።

18 ኔ ታና ሃ አላሜ ከቶይሳሉ ታኒካ ኢሰታ አላሜ ሰላ ከታዲሰ።

19 ኢሰቲ ቱማፔ ኔሰ ዲማ አሰ ጊዲዳ ማላ ታኒካ ታና ኢሰታ ገሻሰ ዲማሳይሰ።

20 «ኢሰታ ቃላ ማርካቴላን ታና አማናይታ ገሻሳራ ታ ኔና ዋሳይሰ አቲን ታ ኔና ኢሰታ ገሻሰ ጸላ ዋሲኬ።

21 ታ ዋሲዛይ ኢሰቲ ዉሪካ ኢሲኖ ጊዳና ማላሳ። ታ አዋወ! ቃሴካ ኔ ታናን ዲዛ ማላ ኢሰቲካ ኦናን ጊዳና ማላ ኔ ታና ከቲዳይሳ ሃ አላሜይ አማናና ማላ ታ ኔና ዋሳይሰ።

22 ኦኒ ኦ ጊደን ኢሲኖ ጊዲዳ ማላ ኢሰቲካ ባ ጊደን ኢሲኖ ጊዳና ማላ ኔ ታሰ አሚዳ ሰንቹዛ ታኒካ ኢሰታሰ አሚዳሰ።

23 ታ ኔና ዋሲዛይ ታ ኢሰታን፤ ኔካ ታናን ጊዲዳ ማላ ኢሰቲካ ኩሜሰ ኢሲኖ ጊዳና ማላሳ። ቃሴካ ኔኒ ታና ከቲዳ ማላ ኔ ታና ኔ ሰቂዳ ማላ ኢሰታካ ኔ ሰቂዳይሳ አላሜ አሳይ ኤሪናሳ።

24 «ታ አዋወ! ኔ ታና ሃይሰ አላሜይ ሜጴታናፔ ካሴ ደሲዳ ገሻሰ ኔ ታሰ አሚዳ ታ ሰንቹዛ ኢሰቲ ሴያና ማላ ሃይቲ ኔ ታሰ አሚዳይቲካ ታ ዲዛሰን ታናራ ዳና ማላ ዳሳይሰ።

25 ጲሎ ጊዲዳ ታ አዋወ! ኔና አላሜይ ኤሪሴና፤ ታ ጊዲኮ ኔና ኤሪይሰ፤ ሃይቲካ ኔ ታና ከቲዳይሳ ኤሪዳ።

26 ኔ ታና ሰቂዳ ሰቆይ ኢሰታን ጊዳና ማላ ኔ ታኒካ ኢሰታን ጊዳና ማላ ኢሰቲካ ኔና ኤሪና ማላ ኦላዲሰ። ቃሴካ ኢሰቲ ኤሪና ማላ ታ ኦላና» ጊዳሰ።

18

ሞርኬታ ኩሼን አጴ ዩሱሳ አሜቴሰ (ማቶ 26:47-56፤ ማር 14:43-50፤ ሉቃ 22:47-53)

1 ሄሳ ኡባ ዮቲዳፔ ጉዬ ዩሱሲ ባና ካሊዛይታራ ቁዲሮ ኔ ጌቲቲዛ ሾባ * ፒኒዲ አታኪልቲ ጊዳ ጌሊዳሰ።

2 ዩሱሲ ኢዛ ካሊዛይቲ ካሴካ ሄ ጋዳዪን ዳር ዋዴ ኢሲፊ ሸቁዛ ገሻሰ ዩሱሳ አላ አሚዳ ዩሁዳይ ሄ ጋዳዮ ካሴካ ኤሪሰ።

3 ሄሳ ገሻሰ ዩሁዳይ ዋታዳራታ፡ ቁሴታ ሃላቃታ ኔ ፋርሳዋታፔ ከቲቲ ዩዳ አሸካራታ ዉርሲ ካሌሌ ኤኪዲ ሄ ኢሰቲ ሸቁዛሰ ዩዳሰ። ኢዛራ ዩዳ አሳይ ፓናሴ፡ ጸምፔ፡ ማሻኔ ቶራ ኦይኪዲ ዩዳሰ።

4 ዩሱሲ ባ ሰላ ጋካናይሳ ኡባ ኤሪዲ ዩዳ አሳኮ ቢዲ፡ «ኦና ኮዬቲ?» ጊዳሰ።

5 ኢሰቲ ቃሴ፡ «ናዚሪቴ ዩሱሳ ኮዮሰ» ጊዳ። ኢዚካ ኢሰታሰ፡ «ታኒ ኢዛኮ» ጊዳሰ። ኢሰታሰ አላ አሚዳ ዩሁዳይ ኢሰታራ ኢሲፊ ኤቁዳሰ።

6 ዩሱሲ፡ «ታኒ ኢዛኮ» ጊዳ ማላ አሳቲ ጉዬ ጋንዲጋርዲ ቢታ ሰላ ኩንዲዳ።

7 ዩሱሲ ሃኢካ፡ «ኦና ኮዬቲ?» ጊ ኦይቹን ኢሰቲ ዛሪዲ፡ «ናዚሪቴ ዩሱሳ ኮዮሰ» ጊዳ።

8 ኢዚካ ዛሪዲ፡ «ታኒ ኢዛኮ፤ ሂሰቲን ኢንቲ ኮይዛይ ታና ጊዲኮ ሃይቲ ቤቶ ሰቾፍቲ» ጊዳሰ።

9 ሄሲ ሃኒዳይ፡ «ታ አዋወ! ኔ ታሰ አሚዳይታፔ ኢሳዴካ ታ ጳይሳቤኬ» ጊዳ ቃላይ ፖሌታና ማላሳ።

10 ሲሞና ጌቲቲዛ ጴጽሮሲ ገላ ማሻ ኦይኪዳ ገሻሰ ማሻ ኮሆፔ † ሾዲዲ ኢሲ ቁሴታ ሃላቃ አሸካራ ዲዛይሳ ሃይላ ማሻራ ቃንጲ ዩጊዳሰ፤ ሄ አሸካራዛ ሱንላ፡ «ማልኮሳ» ጌቲቲሰ።

11 ዩሱሲ ቃሴ ጴጽሮሳ፡ «ኔ ማሻዛ ኮሆን ዛራ ጌልላ፡ አዋይ ታሰ አሚዳ ዋዬ ኡሻ ታ ኡዮንታ አጋና ሚሳቲዜ?» ጊዳሰ።

ቁሴታ ሃላቃ ሃና ሲንላ ዩሱሳ ሸቆ

12 ሃሳፊ ጉዬ ዋታዳራቲ፡ ኢሰታ አዛዚዛይሰ ኦይሁዳይታ አሸካራቲ ዩሱሳ ኦይኪዲ ቃቹዳ።

13 ኮይሮ ሄ ላይላን ቁሴታሰ ሃላቃ ቃያፋ ሰሎ ሃናኮ ኤፊዳ።

14 ቃያፋይ፡ «ዳሪ ገሻሰ ኢሳዴይ ሃይቁኮ ሎኦ» ጊዲ ኦይሁዳይታ ዳናታ ካሴ ዘሪዳዴ።

ጴጽሮሲ ዩሱሳ ካዲዳሰ (ማቶ 26:69-70፤ ማር 14:66-68፤ ሉቃ 22:55-57)

15 ሲሞና ጌቲቲዛ ጴጽሮሲ ኔ ዩሱሳ ካሊዛይታፔ ኢሳዴይ ዩሱሳ ካሊዳ፤ ሃሳዴይ ቁሴታ ሃላቃ አቻን

* 17:11 ኔ ታሰ አሚዳ ሱንሳን ኢሰታ ናጋ ገዛይሳ ኢሲ ኢሲ ጌሻ ማጻፋቲ ኔ ታሰ አሚዳ ኡባ ኔ ሱንሳን ናጋ ጌቲሰ። * 18:1 ሾባ፡ ሾባ ገዛይሳ ኢሲ ኢሲ ባጋ ጋሞላ ቃላን ዙሌ ጌቲሰ። † 18:10 ኮሆፔ፡ ኮሆፔ ገዛይሳ ኢሲ ኢሲ ባጋ ጋሞላ ቃላን ሾሆፔ ጌቲሰ። 18:11 ማቶ 26:39፤ ማር 14:36፤ ሉቃ 22:42 18:14 ዮሃ 11:49-50

ከሄ ኤሬቲዳዳ። ሃሳ ገሻሰ ዩሱሳራ ኢሲፌ ቄሴታ ሃላቃዛ ጊቤ ጌሊዳሰ።

16 ጳጳርሲ ገዲኮ ፔንጌፌ ካሬ ባጋራ ኤቁዳሰ፤ ቄሴታ ሃላቃ አቻን ከሄ ኤሬቲዳዳ ዩሱሳ ካሊዛይሲ ዩዲ ፔንጌን ዲዛ ጋራዳያ ጳጳርሳ ጊቤ ገደ ጌልፋና ማላ የቲዲ ጳጳርሳ ኤኪ ጌሊዳሰ።

17 ፔንጌ ናጊዛ ጋራዳያ ጳጳርሳ፣ «ኔካ ሃሳ አዳዛ ካሊዛ አሳታፔ አሳ ዲኪ?» ጋዲሰ፤ ኢዚ ቃሴ፣ «ታኒ ኢዛ ካሊዛዳ ገዲኬ» ገደሰ።

18 ዋዴይ ማጊዛ ዋዴ ገዲዳ ገሻሰ ኦሳንቻቲኔ አሸካራቲ ታማ ኤሊዲ ኤቁ ሆኤቲሰ። ጳጳርሲካ ኢሰታራ ኤቁዲ ሆኤሰ።

ቄሴታ ሃላቃዛ፤ ዩሱሳሰ ሸቁዳ አይሾ
(ማቶ 26:59-66፤ ማር 14:55-64፤ ሉቃ 22:66-71)

19 ሄ ዋዴ ቄሴታ ሃላቃይ ዩሱሳ ኢዛ ካሊዛይታ ገሻሰኔ ኢዚ ታማርሲዳ ቲማርቲ ገሻሰ አይቸዳሰ።

20 ዩሱሲካ ኢዛሰ፣ «ታ አሳ ኡባሰ ቆንጩን የታዲሰ፤ አይሁዳቲ ሸቁዛ ኢሰታ ዋሳ ኬላን ገዲንካ ጸሳ ኬላን ታማርሳዲሰ፤ ታ ቆታን ሃሳይዳዚ አይኮይካ ዳና።

21 ሂሰቲን ኔ ታና አይቸዛይ አዜ? ታ የቲሺን ሲዩዳይታ አይቻ፤ ታ የቲዳይሳ ኢሰቲ ኤሬቲሰ» ገደሰ።

22 ዩሱሲ ሃሳ ገዳ ማላ ሄን ኤቁዳ አሸካራታፔ ኢሰይ፣ «ቄሴታ ሃላቃሰ ሃይሳሶ ዋሰታ ዛራይ?» ገሼ ዩሱሳ ሻጋላን ባቃ ሻዩዳሰ።

23 ዩሱሲካ ዛራዲ፣ «ታ ኢታ ሃሳይዳ ገዲኮ አኔ ታ ጎይሳ ኔ ማርካታ፤ ታ የቲዳይ ሊኬ ገዲኮ ታና አዛሰ ባቃይ?» ገደሰ።

24 ሃሳፌ ጉዬ ሃናይ ዩሱሳ ቃቸዳ ማላ ቄሴታ ሃላቃ ቃያፋኮ ዩዲዳሰ።

ጳጳርሲ ዩሱሳ ዛራዲ ካዲዳሰ
(ማቶ 26:71-75፤ ማር 14:69-72፤ ሉቃ 22:58-62)

25 ሄ ዋዴ ሲሞና ጌቲቲዛ ጳጳርሲ ኤቁዲ ታማ ሆኢሺን ሃንኮ አሳይ ኢዛ፣ «ሃይሶ! ኔ ዩሱሳ ካሊዛይታኒ አሳ ዲኪ?» ገደ። ኢዚካ ዛራዲ፣ «ታ ኢዛ ካሊዛዳ ዲኬ» ገዲ ካዲዳሰ።

26 ካሴ ጳጳርሲ ኢዛ ሃይሳ ቃንጸዳይሳ ዳቦይ ቄሴታ ሃላቃ አሸካራታፔ ኢሰይ፣ «ዋና ታ ኔና አታኪልቲሶን ኢሰታራ ዲሺን ቤያቤኪና?» ገደሰ።

27 ጳጳርሲ ቃሴካ ካዲዳሰ፤ ሄራካ ኩቶይ ዋሲዳሰ።

ጳላጸሳ ሲንሐ ዩሱሳ ሸቆ
(ማቶ 27:1-2፤11-14፤ ማር 15:1-5፤ ሉቃ 23:1-5)

28 ሃሳፌ ጉዬ ዩሱሳ ቃያፋ ኬሳፌ ዴሬ አይሲዛ ካዋዛ ጊቤ ማላዶ ዋንታራ ኤኪ ቢዳ። አይሁዳ አሳሰ ፓዚጋ ፣ ባኣሌ ዶርሳ አሾ ማዛ ዋዴ ገዲዳ ገሻሰ ባና ቱሲሶንታ ማላ ገዲ ማላዶራ ዴሬ አይሲዛይሳ ጊቤ ገደ ጌሊቤቲና።

29 ሃሳ ገሻሰ ጳላጸሲ ኢሰታኮ ኬዚዲ፣ «ሃይሳ አዳዛ አንቲ አዛሰ ሞቲቲ?» ገዲ አይቸዳሰ።

30 ኢሰቲ ቃሴ፣ «ሃይሲ አዳዚ ኢታ ኦሎንታዳ ገዲዳኮ ኑ ኢዛ ኔሰ አሌ አሞኮሺን» ገደ።

31 ጳላጸሲካ፣ «አንቲ ኢዛ ኤኪ ቢዳ አንቲ ዋጋ ማላ ፒርዲቲ» ገደሰ። አይሁዳታ አይሲዛይቲ ቃሴ ዛራዲ፣ «ኑኒ አሰ ዋቆና ማላ ኑሰ ፒቃዴይ አሚቲቤና» ገደ።

32 ሄሲካ ሃኒዳይ ዩሱሲ ካሴ ኢሰታሰ ኢዚ ዋኒ ሃይቃናኮ የቲዳ ቃላይ ፖሌታና ገሻሳ።

33 ጳላጸሲ ቃሴካ ጉዬ ጊቤ ገደ ጌሊዲ ዩሱሳ ጳይጊሲዲ፣ «ኔ አይሁዳታ ካዋ?» ገዲ አይቸዳሰ።

34 ዩሱሲካ ዛራዲ፣ «ኔ ሃሳ ጊዛይ ኔፔዬ? ዋይኮ ሃራ አሳቲ ታ ገሻሰ ኔሰ የቲዳ?» ገደሰ።

35 ጳላጸሲካ፣ «ታ አይሁዳ አሴ? ኔና ታሰ አሌ አሚዳይቲ ኔ ባጋታኔ ቄሴታ ሃላቃታኮ፤ ኔ አይ ኦላዲ?» ገደሰ።

36 ዩሱሲካ፣ «ታ ካዋቲሌ ሃይሳ ሃ አላሜ ቦላ ገደና። ታ ካዋቲሌ ሃይሳ ሃ አላሜ ቦላ ገዲዳኮ አይሁዳታ ዳናታ ኩሼን ታ ኩንደንታ ማላ ታ አሸካራቲ ታ ገሻሰ ኦሌታናኮሺን ታ ካዋቲሌ ገዲኮ ሃ አላሜ ቦላ ገደና» ገደሰ።

37 ጳላጸሲካ፣ «ሂሰቲን ኔ ካዋ?» ገደሰ፤ ዩሱሲ ቃሴ፣ «ታኒ ኔ ገዳይሳ ማላ ኤ ካዋ፤ ታ ዩሌቲዳይኔ ሃ ቢታ ዩዳይ ቱማ ገሻሰ ማርካታናሳ፤ ቱማፔ ገዲዳይ ወሬ ታ ቃላ ሲዩሰ» ገደሰ።

38 ጳላጸሲካ፣ «ቱማይ አዜ?» ገደሰ፤ ሃሳፌ ጉዬ ጳላጸሲ ናሞኣንሎ አይሁዳታኮ ኬዚዲ፣ «ታ ኢዛ ቦላ አይኮ ባላካ ቤያቤኬ።

39 ገደ አቲን ካሴካ ታ ኢንቲሰ ፓዚጋ ባኣሌ ጋላሰ ኢሲ ቃሾ አሰ ቢርሺዛ ማላ ሃይሳ አይሁዳታ ካዋ ኢንቲሰ ቢርሻና ማላ ኮዩቲ?» ገደሰ።

40 ኢሰቲ ገዲኮ፣ «ኑሰ ባርባኔ ቢርሻ አቲን ሃይሳ ዳና!» ገዲ ዋሲዳ፤ ባርባኔይ ባ ሁኤሰ ፓንጋ።

19

ዩሱሳ ቦላ ዋታዳራታ ቁዴ
(ማቶ 27:27-32፤ ማር 15:15-21)

1 ሃሳፌ ጉዬ ጳላጸሲ ዩሱሳ ኤፊዲ ጋራፊሲዳሰ።

2 ዋታዳራቲካ አጉንሳ ዛወዴ ጸዲዲ ዩሱሳ ሁኤን ዋሊዳ፤ ዘኦ ካባካ ማይዚዳ።

3 ኢዘኮ ሸቁ ሸቁዲ፣ «አይሁዳ ካዋ ሳር! ሳር!» ገ ገዲ ኢዛ ሻጋላን ባቁዳ።

4 ጳላጸሲ ቃሴካ ካራ ኬሲዲ፣ «ሃኮ ታ ኢዛ ቦላ አይኮ ሞርካ ዴሞንታይሳ አንቲ ኤሬና ማላ ታ ኢዛ ኢንቲሰ ሃ ካሬ ኬሳና» ገደሰ።

5 ሃሳ ገሻሰ ዩሱሲ አጉንሳ ዛወዴ ሁኤን ዋሊ ኤኪዲ ዘኦ ካባ ማይኢዲ ካራ ኬዚዳሰ። ጳላጸሲካ ኢሰታሰ፣ «ሃኮ አዳዚ ሃይሲቸ!» ገደሰ።

6 ቄሴታ ሃላቃቲኔ ኢሰታ አሸካራቲ ዩሱሳ ቤኢዲ፣ «ኔ ኢዛ ካቃ! ካቃ!» ገሼ ዋሲዳ።

ጳላጸሲ ቃሴ፣ «ታኒ ታ ባጋራ ኢዛ ቦላ ኢሲ ሞርካ ዴሞንቲኬ፤ ኮይኮ አንቲ ኤሬዲ ካቁቲ» ገደሰ።

7 አይሁዳ አሳቲ ቃሴ፣ «ኑሰ ዋጋይ ዳሰ፤ ሃይሲ አዳዚ ባና ጸሳ ና ጊዛ ገሻሰ ኑ ዋጋ ማላ ኢዛሰ ሃይቆይ ቤሴሰ» ገደ።

8 ጳላጸሲ ሃሳ ኢሰቲ ገዛይሳ ሲዩዲ ዳር ባቢዳሰ።

፥ 18:28 ፓዚጋ፣ ፓዚጋ ገዛይሲ ጸሳ ከታንቻይ ኢሰራኤሌ አሳታ ዋቆንታ ኣሸን ጊብጼ አሳ ከታንቻይ ዋቆዳ ጋሶን ኢሰራኤሌ አሳይ ጸሳ ቦንቾ ገሻሰ ቦንቻዛ ባኣሌ። 18:32 የሃ 3:14፤ 12:32

9 ጌዳ ገቤ ጌሊዲ ዩሱሳ፡ «ኔ አዋፔ ያዲ?» ገ ኦይቸዳ። ዩሱሳ ቃሴ ኢዛሰ ኣይ ዛርካ ኢሚቤና።

10 ሃሳ ገሻሰ ጸላጸሲ፡ «ኔ ታሰ ዮቲኪ? ታ ኔና ካቃናሰ ዋይኮ ቢርሻ ዩዳናሰ ጎዳቴሉ ታሰ ዲዛይሳ ኤርኪ?» ገዳሰ።

11 ዩሱሳ ኢዛሰ ዛሪዲ፡ «ሼኔይ ኔሰ ጸሳፊ ኢሜቶንታኮ ኔሰ ታ ቦላ ኣይ ጎዳቴሉ ኣዳሽን፤ ገዳ ኣቲን ታና ኔሰ ኣሉ ኢሚዳዳ ቦላ ገታ ናጋሪይ ዳሰ» ገዳሰ።

ዩሱሳ ቦላ ፐርዳቲዳ ሃይቆ ፐርዳ
(ማቶ 27:15-31፤ ማር 15:6-20፤ ሉቃ 23:13-25)

12 ጸላጸሲ ሃሳ ዩሱሳ ሃሳያ ሲዩዳፔ ጉዬ ኢዛ ቢርሽ ዩዳና ኮዩዳሰ ሽን ኣይሁዳታሰ ባቢዳ ገሻሰ ኢሰቲ፡ «ኔ ሃይሳ ኣዳዛ ቢርሽኮ ኦርሜ ካዋ ቄሳሬ ባጋ ገዳካ፤ ጋሶይካ ባና ባርካ ካዋሉዛዳይ ወሪ ቄሳሬሰ ሞርኬ» ገሽ ወሪካ ዋሲዳ።

13 ጸላጸሲ ሃሳ ሲዩዳ ማላ ዩሱሳ ካሬ ኬሲዲ፡ «ሎቻ ሹቶ» ጌቲቲዛሶን ፐርዳ ዋምቦራን ኡቲዳሰ። ሄ ፐርዳሶይ ኣይሁዳታ ቃላሪ፡ «ጋባታ» ጌቲቲሰ።

14 ሄ ዋዴ ጋዴይ ኣሲ ፓዚጋ ባኣሌሰ ገቲቲዛ ጋላሳ፡ ዋዴይካ ጋላሳፊ ኡሱቸን ሳቲ ማላ ገዲዳሰ፤ ሄ ዋዴ ጸላጸሲ ኣይሁዳታ፡ «ሄኮ ኢንቴ ካዋይ ሃይሲቶ!» ገዳሰ።

15 ገዳ ኣቲን ኢሰቲ ቃሴ፡ «ጌዳ ዲጋ! ጌዳ ዲጋ! ካቃ!» ገሽ ዋሲዳ። ጸላጸሲካ፡ «ታ ኢንቴ ካዋ ካቆ?» ገዳሰ። ቄሴታ ሃላቃቲ ዛሪዲ፡ «ኑሰ ቄሳሬፔ ሃሪ ካዋይ ዳና» ገዳ።

16 ሃሳፊ ሲሚዲ ጸላጸሲ ዩሱሳ ካቃና ማላ ኢሰታሰ ኣሉ ኢሚዳሰ። ኢሰቲካ ዩሱሳ ኦይኪ ኤኪ ኤፊዳ።

ዩሱሳ ካቂቲሳ

17 ሃሳፊ ጉዬ ዩሱሳ ባ ካቂታና ማሰቃሌዛ ቶኪዲ፡ «ኣሳ ሁኤ ጉጌ» ጌቲቲዛሶ ኬዚዳሰ። ሄ ሶሆይ ኣይሁዳታ ቃላሪ፡ «ጎልጎታ» ጌቲቲሰ።

18 ኢዛ ሃን ካቂዳ፡ ዩሱሳ ገዳ ጌልሉዲ ሃሪ ናምኡ ኣሳታ ኢዛሳ ሃዲርሳራኔ ኡሻቻሪ ካቂዳ።

19 ጸላጸሲ፡ «ናዚሬቴ ዩሱሳ ኣይሁዳታ ካዋ» ገዛ ቃላ ጸፊዲ ኢዛ ማሰቃሌ ቦላ ኢዛሰ ሁኤሶሪ ቃጸዳሰ።

20 ዩሱሳ ካቂቲዳሶይ ካታማሰ ማታ ገዲዳ ገሻሰ ዳር ኣይሁዳ ኣሳይ ጸላጸሲ ጸፊዳይሳ ናባቢዳሰ፤ ጸፊቲዳይሲካ ኣይሁዳታ ቃላሪ፡ ላቲኔ ቃላሪኔ ገሪኬ ቃላሪ።

21 ኣይሁዳታ ቄሴታ ሃላቃቲ ጸላጸሳ፡ «ኔ ኢዛ ኣይሁዳታ ካዋ» ጋዳ ጸፊፓ። ገዳ ኣቲን፡ «ሃይሲ ኣዳዚ ባና ታ ኣይሁዳታ ካዋ» ገዳሰ ጋዳ ጸፋ» ገዳ።

22 ጸላጸሲ ቃሴ፡ «ታ ጸፊዳይሳ ጸፋዲሰ» ገዳሰ።

23 ዋታዳራቲ ዩሱሳ ካቂዳፔ ጉዬ ኢዛ ማይኦዛ ኤኪዲ ዋታዳራታ ኢሳ ኢሳ ጋካና ማላ ኦይዲ ኬሲ ሻኬሬሉዳ። ጋርሳሪ ማይኢዛ ማይኦዛካ ሃሳሶ ሻኬሬሉዳ። ገዳ ኣቲን ጋርሳሪ ማይኢዛ ማይኦዛ ሲኬቶንታ ፑዴፔ ዲጌ ጋካናሰ ጮ ዩዳ ዳሰ።

24 ሃሳ ገሻሰ ዋታዳራቲ ባ ገደን፡ «ገሻሰ ኦና ጋካናኮ ኤራና ማላ ኢዛ ቦላ ሳማ ዩጋና ኣቲን ዳኮኮ» ገዳ፤ ሃሲካ ሃኒዳይ ካሴ።

«ታ ማይኦ ኢሰቲ ገሽቲ ኤኪዳ፤ ታኒ ቦላሪ ማይኢዛ ማይኦዛ ቦላ ሳማ ዩገዳ» ጌቲቲዳ ጌሻ ማጸፋ ቃላይ ፖሌታና ማላሳ። ዋታዳራቲካ ሃሳ ኦሉዳ።

25 ዩሱሳ ማሰቃሌ ኣቻን ኢዛ ኣዩያኔ ኣዩይ ሚቸዳ ቃሊዮጳ ማቻ ማሪማኔ ማግዳሌ ጌቲቲዛሶፔ ዩዳ ማሪማ ሃን ኤቂዳ።

26 ዩሱሳ ባ ኣዩዮኔ ኢዚ ሲቂዛ ኢዛ ካሊዛይሲ ባ ኣቻን ኤቂዳይታ ቤኢዲ ባ ኣዩዮ፡ «ኣዩ! ኔ ናዛ ሃሳ ቤያ» ገዳሰ።

27 ሃሳፊ ካሌሉዲ ባና ካሊዛይሳ፡ «ኔ ኣዮ ሃኖ ቤያ» ገዳሰ። ሃኖ ሃ ሳቲይፔ ሲሚን ኢዛ ካሊዛይሲ ኣዩዮ ባሶ ኤፊዳሰ።

ዩሱሳ ሃይቆ
(ማቶ 27:45-56፤ ማር 15:33-41፤ ሉቃ 23:44-49)

28 ሃሳፊ ጉዬ ዩሱሳ ሃኢ ወሪካ ፖሌቲዳይሳ ኤሪዲ ጌሻ ማጸፋን ጸፊቲዳይሲ ፖሌታና ማላ፡ «ታና ሳሚሰ» ገዳሰ።

29 ሃን ጫላ ጸንቂዳ ኡሽ ኩሚ ኡቲዳ ኢሲ ጸር ማላይ ዳሰ። ሃሳ ገሻሰ ሃን ዲዛይቲ ሄ ጫላ ኡሻ ዛንቫ ሚሳቲዛ ሳፊኔጌ ጌቲቲዛይሳሪ ሂሶጼ ጌቲቲዛ ሚሳ ጸራን ቃጸዲ ኢዛ ዳናኮ ሺሺዳ።

30 ዩሱሳ ሄ ጫላ ኡሻ ጸንጺ ጸሊዲ፡ «ፖሌቲዳሰ!» ገዳሰ። ባ ሁኤ ዲጌ ዚቂሲዲ ሽምፖ ኬዚዳሰ።

31 ሃሳፊ ጉዬ ኣይሁዳታ ዳናቲ ካቂቲዳ ኣሳታ ሜቄሳ ዋዲራፔ ሜንሉዲ ኢሰቲ ኢዛ ማሰቃሌ ቦላፊ ዋላና ማላ ጸላጸሳ ዋሲዳ። ኢሰቲ ሃሳ ኦሉዳይ ኣይሁዳቲ ሳምባታሰ ገቲቲዛ ጋላሰ ገዲዳ ገሻሲኔ ሄ ሳምባታይካ ዳር ገታ ባኣሌ ገዲዳ ገሻሰ ሳምባታ ጋላሰ ኣሃይ ማሰቃሌ ቦላ ጋምኦንታ ማላ ኮዩዳ ገሻሳ።

32 ሃሳ ገሻሰ ዋታዳራቲ ቢዲ ዩሱሳሪ ካቂቲዳ ኣሳታ ሜቄሳ ዋዲራፔ ዋዲራፔ ሚንሉዳ።

33 ኢሰቲ ዩሱሳኮ ቢን ኢዚ ካሴቲ ሃይቂዳይሳ ቤኢዲ ኢዛ ዋዲራ ሜቄሳ ሚንሉቤቴና።

34 ገዳ ኣቲን ዋታዳራታ ገደፊ ኢሳዳይ ቶራራ ኢዛ ሚሌን ጫዲን ሃሪካ ሱሉኔ ሃሉ ጉኪዳሰ።

35 ሃሳ ቤኢዳይይ ኢንቴ ኢዛን ኣማናና ማላ ማርካቲዳሰ፤ ኢዛ ማርካቲሉካ ቱማ። ኢዚ ዮቲዛይካ ቱሙ ገዲዳይሳ ኢዚ ኤፊሰ።

36 ሃሲካ ሃኒዳይ፡ «ኢዛ ሜቄሳፊ ኢሲናካ ሜቄኮ» ጌቲቲዳ ጌሻ ማጸፋ ቃላይ ፖሌታናሳ።

37 ቃሴካ ጌሻ ማጸፋን ሃራሶን፡ «ኢሰቲ ባና ጫዲዳይ ቤያና» ጌሰ።

ዩሱሳ ሞጌቲሳ
(ማቶ 27:57-61፤ ማር 15:42-47፤ ሉቃ 23:50-56)

38 ኣይሁዳታ ዳናታ ባቢዲ ቆታን ዩሱሳ ካሊዛ ኣርማቲያሴ ጌቲቲዛሶፔ ዩዳ ዮሴፊይ ዩሱሳ ኣሃ ኤካናሰ ጸላጸሳ ዋሲን ጸላጸሲካ ኢዛሰ ኤር ገዳሰ። ሃሳ ገሻሰ ዮሴፊይ ቢዲ ዩሱሳ ኣሃ ኤኪዳሰ።

39 ካሴ ዩሱሳኮ ቃማራ ዩዳ ኒቆዲሞሲካ ባጋ ኪሎ ገዲዛ ካርቤኔ ጎዳሬ ኡላራ ዋላኬቲዳ ሺቶ ኤኪ ዩዳሰ።

40 ሃ ናምኡ አሳቲ ዩሱሳ አሃዛ ኤኪዲ አይሁዳቲ አሃ ጸጸዛ ማላ ሺቶ ፑኪዲ ሌኤ ማይኦራ ጸጸዳ።
 41 ዩሱሳ ካቁቲዳሶሆን ኢሲ አታኪልቴሶይ ደሰ። ሃ አታኪልቴዛሶን ኦኒካ ሞጌቶንታ ኦራሳ ዲፎይ ደሰ።
 42 አይሁዳታ ሳምባታሰ ጊጌቲዛ ጋላሰ ጊዲዳ ጊሻሲኔ ዲፎይካ ማታን ዲዛ ጊሻሰ ዩሱሳ አሃ ሃን ሞጊዳ።

20

ሃይቆፔ ዩሱሳ ዳንላ

(ማቶ 28:1-10፤ ማር 16:1-8፤ ሉቃ 24:1-12)

1 ዋጋ ጋላሰ ዋንታ ማላዶ ቡር ባዘይ ዘኢሺን ማግዳሌ ማራማ ዩሱሳ ዲፎኮ ባዲሰ። ኢዛ ሃ ጋኪሺን ካሴ ዩሱሳ ዲፎ ኢዛራ ጎርዲዳ ሹቻይ ዲፎዛ ዶናፔ ዳንዲዲ ጌንዴሪዳይሳ ቤያዲሰ።

2 ሃሳ ጊሻሰ ኢዛ ዩሱሳ ካሊዛይታፔ ሰሞና ጌቲቲዛ ጳጳርሳኮ ዩሱሳ ደሰዛ ሃንኮ ኢዛ ካሊዛይሳኮ ዋጸ ባዳ፤ «ጎዳ ዲፎፔ ኬሲ ኤኪዲ አዋን ዋሊዳኮ ኑ ኤርኮ» ጋዲሰ።

3 ሃራካ ጳጳርሲኔ ዩሱሳ ካሊዛይታፔ ኢሶይ ኬዚዲ ዲፎይ ዲዛሶ ቢዳ።

4 ናምአይካ ኢሲፌ ዋጸዲ፤ ጊዶ አቲን ዩሱሳ ካሊዛ ሃንኮይሲ ጳጳርሳፔ ፒላቲ ዋጸዲ ካሴቲ ዲፎይ ዲዛሶ ጋኪዳሰ።

5 ዲፎዛ ሆኪ ጳሊዲ አሃይ ኢዛን ጸጸቲዳ ማይኦይ ጸላ ዲዛይሳ ቤዩዳሰ፤ ጊዶ አቲን ጌዴ ዲፎዛ ጊዶ ጌሊቤና።

6 ሰሞና ጌቲቲዛ ጳጳርሲካ ኢዛ ካሊ ጋኪዲ ዲፎዛ ጊዶ ጌሊዳሰ፤ አሃይ ኢዛን ጸጸቲዳ ጫርቃይ ሃን ዲዛይሳ ቤዩዳሰ።

7 ዩሱሳ ሁኤይ ጸጸቲዳ ጫርቃይ ሃንኮ ጸላ ጫርቃታራ ጊዶንታ ዲማ ሃራሶን ጸጸቲ ዲዛይሳ ቤዩዳሰ።

8 ኮይሮቲ ጋኪዳ ዩሱሳ ካሊዛይሲካ ዲፎዛ ጊዶ ጌሊ ቤኢዲ አማኒዳሰ።

9 ጋሶይካ፤ «ኢዚ ሃይቆፔ ዳንዳና ቤሴሰ» ጊዛ ማጸፋ ቃላ ኢሰቲ ቡር ሃሳኢቤቴና።

10 ሃሳፌ ጉዬ ናምአቲካ ሰሚዲ ባሶ ባሶ ቢዳ።

ማግዳሌ ማራማ ዩሱሳ ቤያዲሰ

(ማር 16:9-11)

11 ማግዳሌ ማራማ ዩካሽ ዩሱሳ ዲፎፔ ካሬራ ኤቃዳ ሆካ ዲፎዛ ጊዶ ጸላዲሰ።

12 ዩሱሳ አሃይ ዲዛሶን ቦላ ማይኦ ማይኢዳ ናምኡ ኪታንቻታፔ ኢሶይ ሁኤሶን ኢሶይ ቶሆሶን ኡቲዳይታ ቤያዲሰ።

13 ኢሰቲካ ማራሞ፤ «ሃኔ ማጫሳዬ! አዛሰ ዩካይ?» ጊዳ። ኢዛካ፤ «ኢሰቲ ታ ጎዳ ኤፊዲ አዋን ዋሊዳኮ ታ ኤሪኬ» ጋዲሰ።

14 ኢዛ ሃኖ ጋዳ ጉዬ ዩዩሺን ዩሱሳ ኤቁዳይሳ ዳማዲሰ ሺን ኢዚ ዩሱሳ ጊዲዳይሳ ኤራቤኮ።

15 ዩሱሳ ኢዛ፤ «ሃኔ ማጫሳዬ! አዛሰ ዩካይ? ቃሴ ኦና ኮያይ?» ጊዳሰ፤ ኢዚካ ኢዚሰ አታኪልቴ ናጊዛይ ሚሳቲን፤ «ጎዳ! ኔ ኤኪዳ ጊዲኮ ኔ ዋሊዳሶ ታሰ ዮታርኪ! ታ ኢዛ ታሰ ኤካና» ጋዲሰ።

16 ዩሱሳ ኢዛ፤ «ማራሚ!» ጊዳሰ፤ ኢዛካ ጌዴ ኢዛኮ ሰማዳ አይሁዳታ ቃላራ፤ «ኤራቡኔ!» ጋዲሰ፤ ሃሳ ቢርሼላ፤ «አሰታማሬ!» ጉሳ።

17 ዩሱሳ ቃሴ፤ «ታ ቡር ፑዴ ታ አዋኮ ኬዛቤኬ፤ ታና ቦቾፋ፤ ጊዶ አቲን ኔ ሃኢ ታ ኢሻታኮ ባዳ፤ ታኒ ታ አዋኮኔ ኢንቴ አዋኮ፤ ታ ጸሳኮኔ ኢንቴ ጸሳኮ ኬዛና ጊዳሰ» ጋዳ ኢሰታሰ ዮታ» ጊዳሰ።

18 ሃሳ ጊሻሰ ማግዳሌ ማራማ ዩሱሳ ካሊዛይታኮ ባዳ ኢዛ ዩሱሳ ቤኢዳይሳኔ ኢዚ ኢዚሰ ዮቲዳይሳ ኢሰታሰ ዮታዲሰ።

ዩሱሳ ባና ካሊዛይታሰ ቤቲዳሰ

(ማቶ 28:16-20፤ ማር 16:14-18፤ ሉቃ 24:36-49)

19 ሃ ጋላሰ ዋጋ ኦማርሰ ዩሱሳ ካሊዛይቲ አይሁዳታ ዳናታሰ ባቢዲ ካሬ ባ ቦላ ጎርዲዲ ኬላ ጊዶን ሺቆን ዲሺን ካሬይ ዶዬቶንታ ዩሱሳ ኢዛ ካሊዛይቲ ሸቁ ዲዛ ኬላ ጌሊዳሰ፤ ኢሰታ ጊዶን ኤቁዲ፤ «ሳርይ ኢንቴሰ ጊዶ!» ጊዳሰ።

20 ሃሳ ጊ ሰሚዲ ባ ኩሼታኔ ባ ሚሌ ኢሰታ ቤሲዳሰ፤ ኢዛ ካሊዛይቲካ ጎዳ ቤኢዲ ኬሃ ኡፋዬቲዳ።

21 ሃሳፌ ጉዬ ቃሴካ ዩሱሳ ኢሰታ፤ «ኢንቴሰ ሳርይ ጊዶ! ታ አዋይ ታና ከቲዳ ማላ ታኒካ ኢንቴና ኪታይሰ» ጊዳሰ።

22 ሃሳ ጊ ሰሚዲ ኢሰታ ቦላ ኡፋ ጊዲ፤ «ኢንቴ ጸሎ አያና ኤኪቴ።»

23 ኢንቴ አሳ ናጋራ አቶ ጊኮ ኢሰታሰ አቶ ጌቲታና፤ ኢንቴ አሳ ናጋራ አቶ ጎንታ ኢጸኮ ቃሴ ኢሰታሰ አቶ ጌቲቴና» ጊዳሰ።

ዩሱሳኔ ቶማሳ

24 ዩሱሳ ባና ካሊዛይታኮ ዩዳ ዋዴ ታማኔ ናምአታፔ ኢሶይ ዲዲሞሳ ጌቲቲዛ ቶማሲ ኢሰታራ ዳና።

25 ሃሳ ጊሻሰ ሃንኮ ዩሱሳ ካሊዛይቲ ቶማሳሰ፤ «ኦኒ ጎዳ ቤኢደሰ» ጊዳ። ቶማሲ ቃሴ፤ «ሚሲማሬን ጫዴቲዳ ኢዛ ኩሼታ ታኒ ታ አይፊራ ቤኦንታ ዳሼ፤ ቃሴካ ታ ቢራዴ ሚሲማሬይ ጌሊዳሶን ጌልላ ጳሎንታ ዳሼኔ ታ ኩሼ ኢዛ ሚሌ ማዲንላን ጌልላ ጳሎንታ ዳሼ አማኒኬ» ጊዳሰ።

26 ኦሰፑን ጋላሳፌ ጉዬ ኢዛ ካሊዛይቲ ቃሴካ ኢሰቲ ሶን ዲሺን፤ ቶማሲካ ኢሰታራ ኢሲፌ ዲሺን፤ ካሬይካ ጎርዳን ዲሺን ዩሱሳ ዩዲ ኢሰታ ጊዶን ኤቁዲ፤ «ሳርይ ኢንቴሰ ጊዶ!» ጊዳሰ።

27 ሃሳፌ ጉዬ ቶማሳ፤ «ኔ ቢራዴ ሃ ኤሃዳ ታ ኩሼታ ቤያ። ኔ ኩሼ ሃ ኤሃዳ ታ ሚሌን ጌልላ አማና አቲን አማኖንታዳ ጊዶፓ» ጊዳሰ።

28 ቶማሲ፤ «ታ ጎዳ! ታ ጸሶ!» ጊዳሰ።

29 ዩሱሳካ ቶማሳ፤ «ኔኒ ታና ቤኢዳ ጊሻሰ አማናዳሳ፤ ታና ቤኦንታ አማኒዛይቲ ጊዲኮ ኢሰቲ አንጃቲዳይታ» ጊዳሰ።

30 ሃይሳ ማጸፋን ጸፊቶንታ ዳር ማላታታ ባና ካሊዛይታ ሲንላን ዩሱሳ ኦሊዳሰ።

31 ጊዶ አቲን ዩሱሳ ኢዚ ማሲሃ፤ ጸሳ ና ጊዲዳይሳ ኢንቴ ኤራና ማላኔ ኢንቴ ኢዛ ሱንላን አማኒዲ ዳኦ ዳማና ማላ ሃይሲ ጸፊቲዳሰ።

21

ባና ካሊዛይታፔ ላፑናታሰ ዩሱሳ ቤቶ

1 ሃሳፌ ጉዬ ዩሱሲ ጸብራዶሴ አባ አቻን ባና ካሊዛይታስ ቃሴካ ቤተደሰ።
 2 ሲሞና ጌቴቲዛ ጳጳርሲ፡ ዲዲሞሳ ጌቴቲዛ ቶማስ፡ ጋለላ ቃና አስ ናቴናኤሌይ፡ ዛብደሳ ናይቲካ ዩሱሳ ካሊዛይታ፤ ሃራ ናሞኣቲካ ወሪ ኢሲፌ ዲሺን
 3 ሲሞና ጌቴቲዛ ጳጳርሲ ኢስታስ፡ «ታኒ ሞሌ ኦይካ ባይሰ» ጌደሰ፤ ኢስቲካ ኢዛሰ፡ «ኮኒካ ኔናራ ባና» ጌደ። ኢዛራ ኬዚ ቢዲ ዋጎሎን ጌሊዳ ሺን ሄ ጋላሳ ኦማርስ ኢሲ ሞሌካ ኦይኪቤቴና።
 4 ጋይይ ዋንቲሺን ዩሱሲ አባ አቻን ኤቁደሰ፤ ኢዛ ካሊዛይቲ ቃሴ ኢዚ ዩሱሳ ጌዲዳይሳ ኤሪቤቴና።
 5 ዩሱሲ ኢስታ፡ «ናይቶ ሞሌይ ዲዜ?» ጌደሰ፤ ኢስቲካ፡ «ኣይኮይካ ባ» ጌደ።
 6 ኢዛካ፡ «ጌቴዛ ዋጎሎዛ፤ ኡሻቻ ባጋራ አባን ዩጌቴ፤ ኢንቴ ዳማና» ጌደ ገሻሰ ጌቴዛ አባ ጌደ ዩጌን ዳር ሞሌይ ኦይኮቲዳ ገሻሰ ጌቴዛ ሞሌዛራ ጎቻና ዳንዳይቤቴና።
 7 ሄ ዋይ ዩሱሳ ካሊዛይታ፤ ኢዚ ሲቁዛ ኢሶይ ጳጳርሳሰ፡ «ሄሲ ጎዳኮ!» ጌደሰ። ሲሞና ጌቴቲዛ ጳጳርሲ፡ «ሄሲ ጎዳኮ!» ጌዛ ቃላ ሲዩዳ ማላ ኦሶ ዲጎሮ ጌዲ ማይኦ ቃሪ ዋሊዲ ካሎ ዲዛ ገሻሰ ሄራካ ማይኦ ኤኪ ማይኢዲ አባዛ ጌደ ጉፒ ጌሊዳሰ።
 8 ዩሱሳ ካሊዛ ሃንኮይቲ ቃሴ ቢታፌ ጳጳ ሜቲሬ ማላ ሃኪ ዲዛ ገሻሰ ሞሌይ ኩሚ ዲዛ ጌቴዛ ጎቼ ኤኪዲ ዋጎሎራ ጋኪዳ።
 9 ኢስቲ ዋጎሎዛ፤ ዋላሺን ሞሌይ ኢዛ ቦላ ዲዛ ቦንቆ ታማኔ ኡኩላ ቤኢዳ።
 10 ዩሱሲ ኢስታ፡ «ሃኢ ኢንቴ ኦይኪዳ ሞሌዛ፤ ኣኔ ሃ ኤኪ ዩቴ» ጌደሰ።
 11 ሃሳ ገሻሰ ሲሞና ጌቴቲዛ ጳጳርሲ ዋጎሎዛ ጌደ ጌሊዲ 153 ዋጋ ጌታ ሞሌቲ ኩሚዳ ጌቴዛ አባፌ ጌዳ ጋይ ቦላ ጎቼደሰ፤ ሃሳ ማላ ዳር ሞሌራ ዲንካ ጌቴዚ ዳኬቴቤና።
 12 ሃሳፌ ጉዬ ዩሱሲ ኢስታ፡ «ሃ ዩዲ ሚቴ» ጌደሰ። ኢዚ ጎዳ ዩሱሳ ጌዲዳይሳ ወሪ ኤሪዳ ገሻሰ ኢዛ ካሊዛይታ፤ ኢሳይይካ፡ «ኔ ኦኔ?» ጌ ኦይቻናሰ ጸሊዳይይ ባ።
 13 ዩሱሲ ዩዲ ኡኩላን ሞሌዛ ኤኪዲ ኢስታስ ኢሚደሰ።
 14 ዩሱሲ ሃይቆ፤ ዳንዲን ኢዛ ካሊዛይቲ ኢዛ ቤዩሺን ሃይሲ ሃሻጎ።

ዩሱሲ ጳጳርሳ ኦይቺዳ ኦይሾ

15 ኢስቲ ሚ ገሻሰን ዩሱሲ ሲሞና ጳጳርሳ፡ «ዮና ና ሲሞና! ሃይታንታፌ ኔ ታና ኣላ ደሳይ?» ጌደሰ። ኢዛካ፡ «ኤ ታ ጎደ! ታ ኔና ደሲዛይሳ ኔካ ኤራሳ» ጌደሰ።
 16 ዩሱሲ ኢዛ፡ «ጳሚዛይታ ታይታ ሄማ» ጌደሰ፤ ናሞኣንሳካ፡ «ዮና ና ሲሞና! ኔ ታና ደሳይ?» ጌደሰ፤ ኢዛካ ዛሪዲ፡ «ኤ ጎደ! ታ ኔና ደሲዛይሳ ኔካ ኤራሳ» ጌደሰ፤ ዩሱሲ ቃሴካ፡ «ታ ላቃታ ናጋ» ጌደሰ።
 17 ሃሻጎ፡ «ዮና ና ሲሞና! ኔ ታና ደሳይ?» ጌደሰ። ኢዚ ሃሻጎ፡ «ኔ ታና ደሳይ?» ጌደ ገሻሰ ጳጳርሲ ሚሹቴዲ፡ «ጎደ! ኔ ኡባ ኤራሳ፤ ታ ኔና ደሲዛይሳካ ኔ ኤራሳ» ጌደሰ፤ ዩሱሲካ ቃሴካ፡ «ታ ደርሳታ ሄማ።»

18 ታ ኔሰ ቱሙ ጋይሰ፤ ኔ ናቴላን ዳሼ ኔ ጌሌ ኔርካ ጌዳዳ ኔ ኮዩዳሶ ባሳሺን ኔ ጨሚዛ ዋይ ጌዲኮ ኔኒ ኔ ኩሼታ ፒዲሲን ሃራ ኣሲ ኔና ጌዲሳና ኔ ኔ ደሶንታሶ ኔና ኤፋና» ጌደሰ።
 19 ዩሱሲ ኢዛ ሃሳሶ ጌዳይ ጳጳርሲ ኣይ ማላ ሃይቆን ጸሰ ቦንቻናኮ ኢዛሰ ኤሪሳናሳ፤ ሃሳፌ ጉዬ ጳጳርሳ፡ «ኔ ታና ካላ» ጌደሰ።
 20 ጳጳርሲ ዩሺ ጳሊዲ ዩሱሲ ደሲዛይሲ ኢዛ ካሊሺን ቤዩደሰ፤ ሃሳይይ ካሴ ኢስቲ ካዋ ሚሺን ዩሱሳ ሃይላኮ ሸቁዲ፡ «ጎደ! ኔና ኣሊ ኢማናይይ ኢዚ ኦኔ?» ጌ ኦይቺደሰ።
 21 ጳጳርሲ ኢዛ ቤኢዲ፡ «ጎደ! ሃይሳይይ ዋናንዳ?» ጌዲ ዩሱሳ ኦይቺደሰ።
 22 ዩሱሲካ ኢዛሰ፡ «ታ ሃ ሲማ ያና ጋካናወ ታ ኢዛ ፓጻ ዋሊኮ ኔና ኣዚ ጋሊዳ? ኔ ታና ካላ» ጌደሰ።
 23 ሃሳ ጋሶን ኢሻታ ጌደን፡ «ኢዚ ሃይቆ ሃይቆና» ጌዛ ዋሪይ ላሊቴደሰ። ጌደ ኣቲን ዩሱሲ፡ «ታ ያና ጋካናሰ ፓጻ ዳና ማላ ታ ኮይኮ ኔና ኣዜ ጋሊዳይ?» ጌደሰ ኣቲን፡ «ሃይቆካ» ጌቤና።
 24 ሄ ዮኦታ ገሻሰ ማርካቲዳይኔ ጳጳዳይ ሃ ዩሱሳ ካሊዛይሳ፤ ኢዛ ማርካቲላካ ቱሙ ጌዲዳይሳ ኮኒ ኤርሰ።
 25 ዩሱሲ ኦሊዳ ሃራ ዳርቲ ዳቴሰ፤ ታሰ ሚሳቲዛ ማላ ኢዚ ኦሊዳ ሚሻታ ኡባ ኢሲ ቦላ ጳጳዛኮ ጳጳቲዳ ማጻፋታ ሃይሲ ኣላሚይ ቶካና ዳንዳይና።

ሃዋርያት ኦሪ ጊደ ቆፋ

ሃዋርያት ኦሪ ማጻፋዚ ሉቃስ ሚሺራቾ ቃላፔ ካሊዛይሳ፤ ሃ ማጻፋዚስ ኣይፌ ቆፋይ ኮይሮ ዩሱሳ ካሊዛይቲ ጸሎ ኣያናይ ካሌሊን ኢዛ ገሻሰ ዮቲዛ ሚሺራቾ ቃላ፡ «ዩሩሳላሚን፡ ዩሱዳ ዳሬ ኡባን፡ ሳማሪያንኒ ቢታ ጋጸ ጋካናስ» 1:8 ሚሺራቾ ቃላ ኢስቲ ዋስቲ ኡባ ጋሊዳኮ ሄሳ ዮታናሳ፤ ማጻፋዚ ኣማኖይ ኣይሁዳታ ጋርሳን ደሚዲ ኩሜላ ኣላሚ ኣሳይ ኣማናና ጋካናስ ኢዚ ዋኒ ዋኒ ኣኪ ኣኪ ቢዳኮ ዮቲዛይሳ። ሃይሳ ማጻፋ ጳፊዳይሲ ኣማኒዛይቲ ኦርሚ ካዎራ ኤቁታናስ ጋርሳራ ዮኦ ቃቸዛይታ ጊደንታይሳኔ ኣማኒዛይታ ኣማኖይ ሃንኮ ኣይሁዳታ ኣማኖ ፖሎኮ ጋሊዛዝ ጊዲዳይሳ ኤሪሳናስ ዳር ባጾቲዳስ።

ሃዋርያት ኦሪ ማጻፋይ ዩሱሳ ገሻሰ ሚሺራቾ ቃላይ ጋኪዛሰይ ዋይን ዋይን ኣኪ ኣኪ ቢዛይሳኔ ዋሳ ኬፊይ ሚኒ ጳፊዳይሳ ቤሲዛ ሄቡ ጌታ ኪፊሌታን ሻኬታናስ ዳንዳይሰ።

1. ኣማኒዛይታ ኣማኖይ ዩሱሲ ዳንዲዲ ፑይ ሳሎ ቢዳፔ ጉዬ ዩሩሳላሚን ደሚዳስ።
2. ኢሰራኤሌ ዳሬ ኩሜላ ጋኪዳስ።
3. ኦርሚ ጉጂ ኤኪዲ ሚዲቴራኔ ኣባ ዩሾን ዲዛ ዳራ ጋካናስ ኦይኮይሳ ዮቲስ።

ሃዋርያት ኦሪ ማጻፋን ኬሂ ቆንጩ ቤቲዛይ ጸሎ ኣያና ኦሪ ጊዲሺን ጳንጾቆስቲ ባኣሌ ጋላስ ዩሩሳላሚን ኣማኒዛ ኣሳ ቦላ ዋልቃራ ዋጁይሳ፡ ሄሳሉካ ሄ ማጻፋዚን ዮቲቲዳ ዮኦታን ኡባን ቆንጩዳ ማላ ጸሎ ኣያናይ ዋሳ ኬሳኔ ዋሳ ኬሳ ካሌሊዛይታ ካሌሊዳይሳኔ ሚንጼሊዳይሳ ጉጂስ። ቤኒ ዋይ ዮቲቲዛ ኣማኖ ቃላይ ዲማ ዲማ ኦጌራ ሳባኬቲዳስ። ሃዋርያት ኦሪ ማጻፋን ፖሎቲዳ ኦሪቲካ ኪታዚ ኣማኒዛይታ ዳኦኔ ኢስታ ኢሲፊቲሳን ዲዛ ዋልቃይ ኣይ ማላ ሚኖኮኔ ኤሪሴቲስ።

ሃ ማጻፋይ ኦይኪዳ ኩሜላ ቆፋ

- ማርካቴሳስ ገጌቲሳ 1:1-26
- ዩሩሳላሚን ዮቲቲዳ ማርካቴሳ 2:1—8:3
- ዩሱዳንኒ ሳማሪያን ዮቲቲዳ ማርካቴሳ 8:4—12:25
- ጳውሎሳ ሃዋርያቲሳ ኦሪ 13:1—28:31
- ሚሺራቾ ቃላ ዮታናስ ጳውሎሳስ ኮይሮ ቡስ 13:1—14:28
- ዩሩሳላሚ ሸቆ 15:1-35
- ሚሺራቾ ቃላ ዮታናስ ጳውሎሳስ ናሞኣንሉ ቡስ 15:36—18:22
- ሚሺራቾ ቃላ ዮታናስ ጳውሎሳስ ሄቫንሉ ቡስ 18:23—21:16
- ዩሩሳላሚን፡ ቁሳሪያንኒ ኦርሚን ጳውሎሳ ቃሽቲሳ 21:17—28:31

ዩሱሲ ሳሎ ዳንዲ ቡስ
 1 ቶፊሎሳ! ዩሱሲ ኣሳናሲኔ ታማርሳናስ ኣይኪዳይሳ ወርሳ ታ ኔስ ኮይሮ ማጻፋን ጳፋዲሰ።

2 ሄሲካ ኢዚ ፑይ ዳንሳ ጋላስ ጋካናስ ባ ደሪ ኪቲዳይታስ ጸሎ ኣያና ባጋራ ኢዚ ኢስታስ ኣሚዳ ኣዛዘኮ።

3 ኢዚ ዳር ዋይ ቤኢዳፔ ጉዬ ኢስታኮ ሸቁዲ ሃይቆፔ ዳንዳናይሳ ኢስታስ ዳር ማርካራ ቆንጩሲሽ ኦይዲ ታሙ ጋላስ ጋካናስ ኢስታስ ጋላስ ጋላስ ቤቲሽ ጸሳ ካዎቲሳ ገሻሰ ዮቲዳስ።

4 ኢስታራ ኢሲፌ ማዳን ኦቲ ዲሺ ኢስታ፡ «ዩሩሳላሚፔ ኬዘፒቲ፤ ጊደ ኣቲን ታ ኢንቲስ ዮቲሺን ኢንቲ ሲዩዳይሳ ታ ኣዋይ ኣሚዳ ኡፋይሳ ናጊቲ።

5 ዮሃኒሲ ሃሳን ጳማቂዳስ፤ ኢንቲ ጊዲኮ ጉላ ዋይፔ ጉዬ ጸሎ ኣያናን ጳማቂታና» ጊዲ ዮቲዳስ።

6 ኢስቲካ ኢሲ ቦላ ሸቁቲ ዲሺ፡ «ሳዶ! ኔ ኢሰራኤሌታ ካዎቲሳ ዛራዳ ሃኢ ኤሳኔ?» ጊ ኦይቲዳ።

7 ኢዚካ ኢስታስ፡ «ኣዋይ ባ ሸኔን ዋሊዳ ዋይ ኤርይ ኢንቲስ ኣሚቲቤና።

8 ጊደ ኣቲን ጸሎ ኣያናይ ኢንቲ ቦላ ዋጁዳ ዋይ ኢንቲ ዋልቃ ኤካና። ዩሩሳላሚንካ፡ ዩሱዳንካ፡ ሳማሪያንካ ኡባሶን ቢታ ጋጸ ጋካናስ ኢንቲ ታስ ማርካታ ጊዳና» ጊዳስ።

9 ሄሳ ጊ ዮቲዳፔ ጉዬ ኢስቲ ጳሊሺን ፑይ ሳሎ ዳንዲዳስ፤ ሻራይካ ኢስታ ኣይፊፔ ኢዛ ጌንሊዳስ።

10 ኢዚ ቢሺን ኢስቲ ኢዛ ቲሺ ሂስቲ ፑይ ሳሎ ጳሊሺን ቦላ ማይኦ ማይኢዳ ናሞኡ ኣሳቲ ቆፖንታ ኢስታ ኣቻን ኤቁዲ።

11 «ኢንቲኖ ጋሊላ ኣሳቶ! ኢንቲ ፑይ ሳሎ ጳሊሽ ሃይሳን ኣዛስ ኤቁዳቲ? ሃይሲ ኢንቲ ማታፔ ፑይ ሳሎ ዳንዲሺን ኢንቲ ቤኢዛ ዩሱሲ ሳሎ ኬዚሺን ኢንቲ ቤኢዳ ማላ ሄሳሉካ ኢዚ ሃ ሲሚ ያና» ጊዳ።

ዩሱዳ ሶሆን ማቲያሳ ደሬቲሳ

12 ሄሳፌ ጉዬ ዳብራዛይቲ ጌቲቲዛ ዙማ ቦላፌ ዋጁዲ ዩሩሳላሚ ሰሚዳ። ሄ ዙማይካ ዩሩሳላሚፔ ኢሲ ኪሎ ሚቲሬ ማላ ሃኬስ።

13 ጌዳ ካታማዮ ጌሊዲ ካሴ ባ ዲዛ ኬላ ፖቁ ቦላ ኬዚዳ፤ ሃይቲካ ጳጵርሳ፡ ዮሃኒሳ፡ ያቆቤ፡ ኢንዲራሳ፡ ፒሊጶሳ፡ ቶማሳ፡ ባርቲሌሞሳ፡ ማቶሳ፡ ኢልፊዮሳ ና ያቆቤ፡ ባ ባጋስ ሚሹቲዛ ሲሞናኔ ያቆቤ ና ዩሱዳ።

14 ሃይቲ ወርካ ማጫሳታፔ ዩሱሳ ኣዮ ማራሚራ ሄሳሉካ ኢዛ ኢሻታራ ኢሲ ዋዚናን ኢሲ ቦላ ቃንጾንታ ሚኒ ዋሲዳ።

15 ሄ ጋላሳታን ጳጵርሲ ጳታኔ ናሞኡ ታሙ ኣማኒዛ ኣሳ ጊደን ኤቁዲ።

16 «ታ ኢሻቶ! ዩሱሳ ኣይኪዳ ኣሳታ ካሌሊ ኤሃዳ ዩሱዳ ገሻሰ ጸሎ ኣያናይ ካሴቲዲ ዳዊቲ ደናን ሃሳይዳ ጌሻ ማጻፋ ቃላይ ፖሎታና ኮሺስ።

17 ኢዚካ ኦፔ ኢሳዳ ማላ ታይቤቲዲ ሃይሳ ሃ ኦሪዛን ጌላናስ ቃዳ ዳሚዳስ» ጊዳስ።

18 ጊዲኮካ ሃይሳይይ ባ ኢታ ኦሪን ዳሚዳ ሚሻን ጋይ ሻሚዳስ፤ ሃንካ ባ ሊጶን ጉፋኒ ኩንዲን ኢዛ ኣሳቲሳይ ጊደፌ ጳልቁቲ ዋጁዳስ፤ ኢዛ ማራጩይ ቢታ ቦላ ዛዘቲዳስ።

19 ሄሲካ ዩሩሳሌምን ዲዛ አሳ ኡባስ ሲዩተደስ፤ ቢታይካ ኢስታ ቃላራ፡ «አኬልዳማ» ጌቴቴደስ፤ ሄሳስ ቢርሼላይካ ሱላ ቢታ ጉሳ።

20 ጉጂዲካ ጳጳርሲ፡ «ዩሳ ማጻፋን፡ «ኢዛ ጋዳይ ማላ አቶ፤ ኢዛን አይ አሲካ ዶፖ፤ ቃሴካ ኢዛ ዳናቴላ ሃራ አሲ ኤኮ» ጌቴቴ ጸፊቴደስ።

21 «ሃሳ ገሻስ ጎዳ ዩሱሲ ኑሩራ ዲዛ ዎዴ ኡባን ኑሩራ ኢሲፊ ዲዛይታ ገዶፊ ኑ አሳዴ ዶራናስ ኮሼስ።

22 ሄሲካ ዮሃንሳ ጸንቃታ፤ ሃ ሲሚን ዩሱሲ ኑፔ ሻኬቴ ዳንዲ ባና ጋካናስ ኑሩራ ዲዛይ ገዳናስ ቤሴስ፤ ጋሶይካ ሃ አሳታ፤ አሳዴይ ኑሩራ ዩሱሳ ዳንሳስ ማርካ ገዳና ኮሼስ» ገደስ።

23 ሄሳ ገሻስ ባርሳባሳ ዎይኮ ዮስጸሳ ጌቴቴዛ ዮሴፊኔ ማቲያሳ ናምኦታ ሺሺዲ፡

24 «ጎዶ! ኔኒ አሳ ኡባ ዎዚና ኤራሳ፤ ሃይታ ናምኦታ ገደፊ ኔ ኦና ዶሪዳኮ ኢዛይ ኑና ቤሳ።

25 ዩሁዳይ ዩሊ ቢዳሶን ሃ ኦሳ ኦላናዴኔ ሃዎሬ ገዳናዴ ኔ ዶራ» ገ ዎሲዲ።

26 ሄሳፊ ሳማ ዩጊን ሳማይ ማቲያሳስ ኬዚደስ፤ ኢዛካ ታማኔ ኢሲ ሃዎሬታራ ኢሲፊ ታይቤቴደስ።

13 ባጋ አሳይ፡ «ሃይቴ ዳር ዎይኔ ጫጃ ኡዩዳ» ገዲ ኢስታ ቁጂዳ።

14 ሄ ዎዴ ጳጳርሲ ታማኔ ኢሲኔታራ ኤቁዲ ባ ቃላ ጶቁ ሂስቲዲ ዳራስ፡ «አንቴኖ ዩሁዳ አሳቶ! ዩሩሳሌምን ዲዛይቶ! አንቴ ዉሪካ ሃይሳ ኢሲ ሚሽ ኤሪቴኔ ታ ገዛይሳ ሲዩቴ።

15 ሃኢ ጋዳይ ዎንቴን ቡር ሄቱ ሳቴ ገዲዳ ገሻስ አንቴ ቆፐዛ ማላ ሃይቴ አሳቴ ማላቲቤቴና።

16 ገደ አቴን ሃይሲ ካሴ ናቤ ኢዩኤሌን ሂዘገ ዮቴቴዳ ቃላይ ፖሌታናሳ፡

17 « ሳሲ ዉርሴላ ጋላስ ታ አያና አሾ ማይኢዳ ኡባ ቦላ ታኒ ጉሳና፤ አንቴ ማጫ ናይቴኔ አንቴ አቱማ ናይቴ ቲንቢቴ ሃሳያና፤ ዩላጋ ናይቴ አጂታ ቤያና፤ ጨማቲ አጉሞ አጉሜታና።

18 ሄ ዎዴ ታ ማጫ አሽካራታ ቦላኔ ታ አቱማ አሽካራታ ቦላ ታ አያና፤ ታ ጉሳና።

19 ቦላ ሳሎን ማላሊሲዛ ሃናታ ታ ቤሳና፤ ጋርሳ ሳኦን ማላታታ ታ ቤሳና፤ ሱላ፡ ታማይኔ ቱላላይ ሃናና።

20 ገታኔ ቦንቾ ገዲዳ ጎዳ ጋላሲ ያና፤ ካሴቴዲ አርሼይ ጳማና፤ አገናይካ ሱላ ሚሳታና።

21 ጎዳ ሱሳላ ጳይገዛይ ዉሪ አታና፤ ገደስ።

22 «ኢሰራኤል ናይቶ! ሃይሳ ቃላ ሲዩቴ፤ አንቴ አንቴ ባጋራ ኤሪዛይሳ ማላ አንቴ ገደን ማላታኔ አሲ ሲዩ ኤርንታ ሚሻታ ኢዛ ኩሼን ኦሌዲ ጸሲ ናዚሬቴ ዩሱሳስ ማርካቴደስ።

23 ጸሲ ካሴ ባ ቃቸዳይሳ ኢዛስ ቤኒ ኤራቴላ ማላ ሃይሳይ አንቴ ኩሼን አላ አሚደስ። አንቴካ ኢታ አሳታ ኩሼን ካቁቲ ሃይቃና ማላ ኦሌዳታ።

24 ገደ አቴን ጸሲ ኢዛ ቦላፊ ሃይቆ ዎልቃ ዲጊዲ ሃይቆ፤ ዳንዲይቤና።

25 ዳዊቲካ ኢዛ ገሻስ፡ « ታኒ ጎዳ ኡባ ዎዴ ታ ሲንላን ቤያይስ፤

26 ሃሳ ገሻስ ታ ዎዚናይ ኡፋይቴስ፤ ታ ዳናይካ ጋላቴስ፤ ታ አሾይ ኡፋይሳን ዳና።

27 ኔ ታ ሹምፖኖ ዲፎን አጋካ፤ ኔ ና ገሻዛ ዎቃና ማላ አጋጋካ።

28 ኔ ዴኦ ኦጌ

2

አማኒዛ አሳ ቦላ ጸሎ አያና ዎጂላ

1 ጳንጾቆስቴ ጌቴቴዛ ባኦሌ ጋላሲ ጋኪዳ ዎዴ አሳይ ዉሪካ ኢሲ ሶን ሸቁ ዲሺን፡

2 ቆፋይ ባይንዳ ዳር ሚኖ ጎቴ ጫርኮ ማላ ገሪሲ ዩደስ፤ አሳይ ዲዛ ኬላካ ኩሚደስ።

3 ታማ ላጮ ሚሳቲዛ ቃላይ አሳስ ቤቴዲ ሻኬቴ ሻኬቴ ኢሳ ኢሳ ቦላ ኡቴደስ።

4 አማኒዛይቲ ዉሪ ጸሎ አያና ኩሚዲ አያናይ ኢስታስ ሃሳያናስ አሚዳይሳ ኬና ሃራ ቃላራ ሃሳያ ኦይኪዳ።

5 ሄ ዎዴ ሳሎ ጉፋንሉን ዲዛ ዳሬፔ ዩዳ ጸሳስ ባቢዛ አይሁዳቴ ዩሩሳሌምን ዳቴስ።

6 ሄ ገሪሳ ሲዩዲ ዳሬይ ሸቁደስ፤ ኢሶይ ኢሶይ ባ ቃላራ ሃሳይዛይሳ ሲዩዲ ማላሌቴዳ።

7 ማላሌቴዲ ጋናዚ ጳዩን፡ «ሃይቴ ሃሳይዛይቴ ዉሪካ ጋሊላ አስ ዳቴኔ?»

8 ሂስቲን ኑኒ ኑ ዩሌቴዳ ኑ ዳሬ ቃላራ ኢስቲ ሃሳይሺን ዎስቴ ሲዩዚን?

9 ኑኒ ጳርታኔ አሳይ፡ ሜዴ አሳይ፡ ኤላሜ አሳይ፡ ሜስጳጳሚያን፡ ዩሁዳን፡ ቆጶዳቂያን፡ ጳንጳሳን፡ ኢሲያን፡

10 ፐርጊያን፡ ጳንጳሊያን፡ ገብጾን፡ ቃሪና አቻን ዲዛ ሊቢያቴኔ ኦርሚፔ ዩዳይቲ

11 አይሁዳቴኔ ጌዴ አይሁዳቴላን ጌሊዳ ቃርጾሴ አሳኔ አራቤ አሳታ ገዲሺን ዎልቃማ ኦሶ ጸሳይሳ ሃይቴ ኑ ቃላራ ሃሳይሺን ኑ ሲዮስ» ገዳ።

12 ዉሪካ ኬሂ ማላሌቴዲኔ ጋናዚ ጳዩን ባ ገደን፡ «ሃይሲ አዜሻ?» ጌቴቴዳ።

1:20 ማዛ 69:25፤ 109:8 1:22 ማቶ 3:16፤ ማር 1:9፤ 16:19፤ ሉቃ 3:21፤ 24:51 2:17 ኢዩ 2:28-32 2:23 ማቶ 27:35፤ ማር 15:24፤ ሉቃ 23:33፤ ዮሃ 19:18 2:24 ማቶ 28:5-6፤ ማር 16:6፤ ሉቃ 24:5

ታ ኤራና ማላ አላዳሳ።
ኔ ታናራ ዲዛ ገሻሰ
ታ ኡፋይሳይ ኩሜላ።»

29 «ታ አሻቶ! ቤኒ አዋታፔ ዳዊቲ ሃይቂ ሞገቲዳይሳኔ ኢዛ ዲፎይ ሃቶ ጋካናሰ ኑ አቻን ዲዛይሳ ባቦንታ ታ ኢንቴሰ የታና ዳንዳያይሰ።»

30 ኢዚ ናቤ ገዲዳ ገሻሰ ጸሲ ኢዛ ዜሬላፊ አሳዴ ኢዛ ካዎቴላ አልጋ ቦላ ዋላናይሳ ካሴ ጫቆ ቃላን የተዳይሳ ኤሪዳሰ።

31 ሃሳ ካሴቲዲ ኤሪዳ ገሻሰኔ ኢዛ አሾይ ዋቂ ዲፎን አቶንታ ደሬቲዳ ከርሰቶሳ ዳንላ ገሻሰ ሃሳይዳሰ።

32 ሃ ዩሱሳ ጸሲ ሃይቆፔ ዳንላዳሰ፤ ኑኒካ ወሪ ሃይሳሰ ማርካታ።

33 ሃሳ ገሻሰ ኢዚ ጸሳ ኡሻቻን ቶቁ ቶቁ ገዳፔ ጉዬ ጸሎ አያና ኡፋይሳ ባ አዋፔ ኤኪዲ ሃኢ ኢንቴ ቤኢዛይሳኔ ሲዩዛይሳ ዲጌ ጉሲዳሰ።

34-35 ዳዊቲ ፑዴ ሳሎ ኬዚቤና፤ ኢዚ ባ ደናን፡

«ሳዳይ ታ ጎዳሰ፡
ታ ኔ ሞርኬታ ኔ ቶሆ ጋርሳን
ዬዲሳና ጋካናሰ
ታ ኡሻቻን ኡታ» ገዳሰ።

36 «ሃሳ ገሻሰ ጸሲ ኢንቴ ካቂዳ ዩሱሳ ጎዳኔ ከርሰቶሳ ሂሰቲዳይሳ ኢሰራኤል አሳይ ወሪ ሎኤላ ኤር» ገዳሰ።

37 ዳሬይ ሃሳ ሲዩዳ ማላ ዋዚናይ ቦሼቲዳሰ፤ ጳጳርሳኔ ሃንኮ ዩሱሲ ከቲዳይታ፡ «ሂሰቲን ኑ አሻቶ! ኑ አይ ኦሊና?» ገዳ።

38 ጳጳርሳካ፡ «ማርቴላን ጌሊቲ፤ ኢንቴ ናጋራይ ማሪታና ማላ ኢንቴፊ ኢሲ ኢሲ አሲ ዩሱሰ ከርሰቶሳ ሱንሳን ጸማቂቲቲ፤ ኢዚ አሚዛ ጸሎ አያና ኢንቴ ኤካና።»

39 ኡፋይሳ ቃላይ ኢንቴሲኔ ኢንቴ ናይታሳ፤ ቃሴካ ጎዳ ጸሲ ባኮ ጳይጊዛ ሃሆን ዲዛይታሳራ ኡባሳ» ገዳሰ።

40 ሃራ ዳር ቃላራ ኢሰታሰ ማርካቲሼ፡ «ሃይሳ ጌላ ዩሌታፔ ኢንቴና አሸቲ» ገዲ ኢሰታ ቆፍሲዳሰ።

41 ሃ ጋላሰ ቃላ ኤኪዳይቲኔ ጸማቂቲዳይቲ ሃቸ ሺ ማላ አሳይ ካሴይታ ቦላ ጉጃቲዳሰ።

42 ኢሰቲካ ሃዋሪታ ቲሚርቲን፡ ኢሲፊ ቁማ ሙሳኒኔ ዋሳን ሚኒዳ።

43 ሃዋሪታ ኩሼን ዳር ማላታቲ ኦሴቲዳ ገሻሰ አሲ ኡባይ ኢሰታሰ ባቢዳሰ።

44 አማኒዳይቲ ወሪካ ኢሲፊ ዳኢዳ፤ ባሰ ዲዛዚካ ኡባ ኢሲ ቦላ ጎኤቲዳ።

45 ባሰ ዲዛ ሚሼኔ ሜሃ ባይዚ ባይዚ ባ ገደን ኮሺዳ ማላ ገሼቶዳ።

46 ጋላሰ ጋላሰ ጸሳ ኬላን ኢሲፊ ሸቂቲሰ፤ ባ ኬላንካ ቁማ ኢሲፊ ኡፋይሳኒኔ ሱሬ ዋዚናን ኢሲፊቲላን ሜቲሰ።

47 ኢሰቲ ጸሳ ጋላቲሼ ዳሬ ሲንላን ቦንቸቲዳ። ጎዳይካ ኢሰታ ቦላ ጋላሰ ጋላሰ ኦራላ አማኒዛይታ ጉጂዳሰ።

3

ጳጳርሳ ጋላዳ ቶሆ ሲላ አዳዛ

1 ኢሲ ዋዴ ጋላሳፊ ኡዲፋን ሳቲ ቦላ ጳጳርሳኔ የሃኒሲ ዋሳ ሳቲን ጸሳ ኬሌ ባና ኬዚዳ።

2 ኢሲ ዩሌቶሶፔ ደሚዲ ቶሆይ ሲሊዳዴ ጸሳ ኬሌ ጌሊዛ አሳፔ ሚሼ ዋሳና ማላ አሳይ ጋላሰ ጋላሰ ቶኪ ኤፊዲ ዋሊን፡ «ሎኦ» ጌቲቲዛ ጸሳ ኬላ ፔንጌን ዋሲዛይይ ዳሰ።

3 ኢዚካ ጳጳርሳኔ የሃኒሲ ጸሳ ኬሌ ጌሊሺን ቤኢዲ ኢሰታፊ ሚሼ ዋሲዳሰ።

4 ጳጳርሳኔ የሃኒሲ ኢዛ ቲሺ ሂሰቲ ዳሊዳ። ጳጳርሳካ ኢዛ፡ «አኔ ሃ ኑና ዳላ» ገዳሰ።

5 አዳዚካ ኢሰታፊ አይኮ ዳማና ገዲ ኢሰታ ቲሺ ሂሰቲ ዳሊዳሰ።

6 ገደ አቲን ጳጳርሳ ኢዛሰ ዛራዲ፡ «ታሰ ቢራይኔ ዋርቃይ ዳና፤ ገዲኮካ ታሰ ዲዛዝ ታ ኔሰ አማይሰ፤ ናዚሬቲ ዩሱሰ ከርሰቶሳ ሱንሳን ዳንዳዳ ኔ ቶሆራ ሃሚታ» ገዳሰ።

7 ኢዛሰ ኡሻቻ ኩሼ ኦይኪዲ ዳንላዳሰ። ሄራካ አዳዛ ቶሆይኔ ቶሆ ቂርጴይ ሚኒዳሰ።

8 ጉፒ ዳንዲ ኤቂዲ ሃሚላ ኦይኪዳሰ። ያኔ ሃ ሃሚቲሼኔ ጉፒሼ ጸሳካ ጋላቲሼ ኢሰታራ ኢሲፊ ጸሳ ኬላ ጌሊዳሰ።

9 ኢዚ ጸሳ ጋላቲሼ ያኔ ሃ ሲሜሬቲሺን አሳይ ቤዩዳሰ።

10 ሃይሳይ ሃይሳፊ ካሰ፡ «ሎኦ» ጌቲቲዛ ጸሳ ኬላ ፔንጌን ኡቲዲ ሚሼ ዋሲዛይ ኢዛ ገዲዳይሳ ኤሪዳሰ። ኢዛ ቦላ ሃኒዳይሳፊ ዳንዲዳይሳን አሳይ ኬሃ ማላሊቲዳሰ።

ጳጳርሳ ሃሳያ

11 ሃ ጋሊዳ ዋሳንቻይ ጳጳርሳኮኔ የሃኒሳኮ ሺጵ ገዲ ኢሰታራ ኦይኬቲ ዲሺን ዳሬይ ወሪ ማላሊቲዳ ኢሰታኮ፡ «ሶሎሞኔ ሲሜሬቲላሶ» ጌቲቲዛሶ ዋሳን ዩዳሰ።

12 ጳጳርሳ ሄ አሳ ቤኢዲ፡ «ኢንቴና ኢሰራኤል ዳሬቶ! ሃይሳን አዛሰ ማላሊቲቲ? ቃሴካ ሃይሳ አዳዛ ኑኒ ኑ ዋልቃን ዋይኮ ኑኒ ኑ ጸሎቴላን ጋሊዲ ሃሚቲሲዳ ማላ ቆዲዲ ኑና አዛሰ ቲሺ ሂሰቲ ዳሊቲ?»

13 ኑ አዋንታ አብራሃሚንታ፡ ዩሳቃንታ፡ ያቆቤንታ ጸሲ ባ ናዛ ዩሱሳ ቦንቸዳሰ። ኢንቴ ቃሴ ኢዛ ሃይቆሰ አላ አሚዳታ፤ ጳላጸሲ ኢዛ ቢርሻና ኮዩንካ ኢንቴ፡ «ኮዮኮ» ገዳታ።

14 ጌሻኔ ጸሎዛ ኢንቴ ካዲዲ ሼሞፖ ዋዲዛይሲ ቢርሼታና ማላ ዋሲዳታ።

15 ዳኦ አሚዛዴ ኢንቴ ዋዲዳታ፤ ገደ አቲን ጸሲ ኢዛ ሃይቆፔ ዳንላዳሰ፤ ሃሳሰ ኑኒ ማርካ።

16 ሃይሲ ኢንቴ ቤኢዛይሲኔ ኢንቴ ኤሪዛይሲ ሚኒ ኤቂዳይ ዩሱሳ ሱንሳን አማኒዳ ገሻሳ፤ ኢንቴ ወሪካ ቤኢዛ ማላ ኢዚ ኩሜላ ጋጸቲላ ደሚዳይ ዩሱሳ ሱንሳኒኔ ኢዛ ሱንሳን ቤቲዛ አማናና።

17 «ሃኢካ ታ አሻቶ! ኢንቴ ሃሳ ኦሊዳይ ኢንቴ ሃላቃታ ማላ ኤርንታ ገዲዳይሳ ታ ኤራይሰ።»

18 ገዲኮካ ከርሰቶሲ ዋዩ ኤካናይሳ ጸሲ ካሴ ናቤታ ደናን ሃሳይዳይሳ ፖሊዳሰ።

2:30 ማዛ 132:11፤ 2ሳሜ 7:12-13 2:34-35 ማዛ 110:1 ማር 15:6-14፤ ሉቃ 23:13-23፤ የሃ 19:12-15

2:44 ሃዋ 4:32-35 3:13 ኬሳ 3:15 3:14 ማቶ 27:15-23፤

19 ህጻን ገሻሽ አንቱ ናጋራይ ቁጩቴ ጳጳና ማላ ማርቴላን ገሊቴ፤ አንቱ ቢዛ ኦጊቴ ሲሚቴ፤ ጎዳ ማታቴ አንቱ ኦራጸና ዋዴይ አንቱስ ያና።

20 ቃሴካ ጸሲ ካሴ አንቱስ ደሪ ዋሊዳ ዩሱስ ከርሰቶሳ አዚ አንቱስ ዩዳና።

21 ጸሲ ካሴ ጌሻ ናቤታ ዶናን ሃሳይዳይሳ ማላ ሃሂዳይሳ ኡባ ኦራጸሳና ዋዴይ ጋካናስ አዚ ሳሎን ጋምኣናስ ኮሼስ።

22 ሙሴይካ፡ «አንቱ ጎዳ ጸሳይ አንቱ ገደፌ ታ ማላ ናቤ አንቱስ ዳንፋና። አዚ አንቱስ የተዛይሳ ሲዪቴ።

23 ሄ ናቤዛ ሲዮንታ አዲዳ ሽምፖይ ወሪ ዳሪ ገደፌ ሻኬቴ ጳዮ።»

24 «ቴማፔ ሳሚላፔ ሃ ሲሚን ዳንዲዳ ናቤቴ ወሪ ሃይታ ዋዴታ ገሻሽ ሃሳይዳ።

25 አንቱካ ናቤታ ናይታ፤ ቃሴካ ጸሲ ኣብራሃሜስ፡ «ኔ ዜሬላን ቢታ ቦላ ዲዛ ኣሲ ወሪ ኣንጃታና» ገዲ አዚ ጫቂዳ ጫቆዛ አንቱ ላታና።

26 ጸሲ ናዛ ዳንፊዳ ዋዴ አንቱና አሳ አሳ አንቱ አታቴሳፌ ዛሪዲ ኣንጃና ማላ ካሴቴዲ አንቱኮ ከቲዳስ» ገደሰ።

4

ጴጥሮስን ዮሀንስን አይሁዳ ዱላታሶ ሺቆ

1 ጴጥሮስን ዮሀንስን ኣሳስ ሃሳያን ዲሺን ቁሴታ * ሃላቃቲኔ ጸሳ ከላ ናገዛይታ ሃላቃይ ቃሴካ ሳዲቃዊቲ አሰታኮ ዪዳ።

2 ሂሳቲዲ ሃዋሪቲ ኣሳ ታማርሲዛይሳሲኔ ዩሱሳ ሳጋራ ቤተዳ ሃይቁዳይታ ዳንፋ ገሻሽ ሳባኪዛይሳስ ከሂ ሃንቁቲዳ።

3 ጴጥሮስን ዮሀንስን ጋዴይ ቃሚሺን ኦይኪዲ ዋንታና ጋካናስ ቃሾ ከላን ኣይሲዳ።

4 ገደ ኣቲን ቃላ ሲዪዳ ኣሳፔ ዳሪዛ ሳጋይ ኣማኒዳስ፤ ኣማኒዳ ኣቱማ ኣሳ ቆዳይ ጌዴ ኢቻሹ ሺ ጋካናስ ቆቁ ገደሰ።

5 ዋንቲላ ጋላስ አሰታ ሃላቃቲኔ ጨማቲ ቃሴካ ሙሴ ዋጋ ታማርሲዛይቲ ዩራሳላሚን ሸቂዳ።

6 አሰታ ቁሴታ ሃላቃ ሃናይኔ ቃያፋይ፡ ዮሀንስ፡ አሰከንዲርሲኔ ቁሴታ ሃላቃሶ ኣሳይ ወሪ ሄን ቤተዳ።

7 አሰቲካ ጴጥሮስን ዮሀንስን ሳ ገደን አሊ ኤሲዳ፡ «ሃይሳ አንቱ ኦሊዛይ ኣዛ ዋልቃኔ? ዋይኮ ኦና ሱንፋኔ?» ገዲ ኦይቺዳ።

8 ሄ ዋዴ ጴጥሮስ ጸሎ ኣያናን ኩሚዳ፡ «አንቱኖ ዳሪ ሃላቃቶ! ዳሪ ጨማቶ!

9 አንቱ ሃቶ ሃ ቶሆ ሲላ ኣዳዛስ ኦሴቲዳ ሎኦ ኦሶይ ዋኒ አዚ ፓጺዳኮ አንቱ ኦና ኦይቺዛ ገዲኮ።

10 አንቱ ካቂን ጸሲ ሃይቆፔ ዳንፊዳ ናዚሬቴ ዩሱስ ከርሰቶሳ ሱንፋን አዚ ፓጺዳይሳኔ አንቱ ሲንፋን አዚ ኤቁዳይሳ አንቱካ አሰራኤሌ ዳሪ ኣሳይ ወሪ ሃይሳ ኤሪቴ።

11 አዚካ አንቱ ከላ ሂላቲ ለቂ ኣገዳ ሹቻይ ገምቤ ከላስ ጉላ † ቦላ ቦላራ ዋሊዛ ሹቶ ገዲዳስ።

12 ኣቶቴሊ ሃራ ኦናንካ ባ፤ ሳሎፔ ጋርሳ ባጋራ ኑ ኣሳ ናይቲ ኣታና ማላ ኑስ ኢሜቲዳይ ሃይሳፌ ሃራ ሱንፊ ዳና» ገደሰ።

13 አይሁዳታ ዱላታ ኣሳይካ ጴጥሮስን ዮሀንስን ሃሳዳ ጸሊ ሃሳይዛይሳ ቤኢዲ አሰቲ ታማርንታ ኣስ ገዲዳይሳ ኤሪዲ ማላሌቲዳኔ አሰቲ ካሴ ዩሱሳራ ዲዛይታ ገዲዳይሳ ኣኬኪዳ።

14 ሄ ፓጺዳ ኣዳዚ አሰታራ ኤቁ ዲሺን ቤኢዳ ገሻሽ አሰታሶ ሃራ ኦላናስ ጋሶይካ ጳይዳስ።

15 ህጻን ገሻሽ አሰታ ዱላታፔ ከሳና ማላ ኣዛዚዳ። ህሳፌ ቃሴካ ሸቂቲዲ ባ ገደን ዘሪቲዳ።

16 ባ ገደን፡ «ሃይታ ኣሳታ ዋስቲና? ዩራሳላሚን ዲዛ ኣሳይ ወሪ አሰታ ኩሼን ሃሂዳ ገታ ማላታ ኤሪዳስ። ህጻን ገሻሽ ኑ ሃ የኦዛ ኣሳ ባሌላናስ ዳንዳየኮ።

17 ገደ ኣቲን ሃይሲ የኦዚ ዳሪ ገደን ከሂ ኣኮንታ ማላኔ ሃይቲ ኣሳቲ ናምኣንፊ ሃይሳ ሃ ሱንፋን ሃራ ኦናሰካ የቶንታ ማላ አሰታሶ ሎኤሊ የታና» ገደ።

18 አሰታ ጴይገዲኔ ሙሌካ ዩሱሳ ሱንፋን ሃሳዮንታ ማላኔ ታማርሶንታ ማላ ኣዛዚዳ።

19 ጴጥሮስን ዮሀንስን ቃሴ ዛሪዲ፡ «ኦኒ ጸሳፌ ቦላራ አንቱስ ኣዛዜታናስ ቤሲዛኮ ኣኔ አንቱ ጸሳ ሲንፋን ፕርዲቴ።

20 ኦኒ ኑ ቤኢዳይሳኔ ኑ ሲዪዳይሳ ሃሳያናፔ ጉዬ ጎኮ» ገደ።

21 ቃሴካ አሰታ ቦላ ማንዲዲ ዩዲዳ፤ ጋሶይካ ሃንኮ ዳሪይ ወሪ ሃሂዳ የኦዛ ጋሶን ወሪካ ጸሰ ጋላቲዛ ገሻሽ አሰታ ቃጸያናስ ዳንዳይቤቴና።

22 ሄ ገታ ማላታን ፓጺዳ ኣዳዛስ ላይሳይ ኦይዱ ታማፌ ቦላ።

23 ጴጥሮስን ዮሀንስን ቃሾፔ ቢርሸቲዲ ባ ኣሳታኮ ሲሚዲ ቁሴታ ሃላቃቲኔ ዳሪ ጨማቲ አሰታ ገዲይሳ ኡባካ የቲዳ።

24 አሰቲካ ህጻን ሲዪዳ ማላ ባ ቃላ ቆቁ ሂሳቲዲ አሲፌ ጸሳኮ፡ «ዋጋ ጎዳወ! ኦኒ ሳሎኔ ሳኣ፡ ኣባኔ ኣባ ገደን ዲዛይታ ወርሳ ሜቆዳሳ።

25 ኔ ኣሸካራ ኑ ኣዋ ዳዊቲ ዶናራ ጸሎ ኣያናን፡ « ካዋቲላይ ኣዛስ

ሃንቁቲ ዳንዲዳ?
ዳሪይ ኣዛስ ማላ ማቁቲዜ?»

26 ቢታ ካዋቲ አሲፌ ጋገዲ
ቢታ ሃሪዛይቲ
አሲ ቦላ ሸቂቲዲ
ጎዳ ቦላኔ ደሪቲ
ቲዩቲዳይሳ ቦላ ዱላቲዳ)
ገ ዋሲዳ።

27 «ቴማፔ ሂርዶሲኔ ጸንጾሳ ጸላጸሲ አሰራኤሌታራኔ ሃራ ዳሪ ኣሳራ ሃኖ ካታማይን ኔ ዶራ ቲይዳ ጌሻ ናዛ ዩሱሳ ቦላ የኦ ቃቻናስ ሸቂቲዳ።

28 ሃይሳንካ ኔ ዋልቃኒኔ ኔ ሼኔን ካሴ ኔ ቆፒዳይሳ አሰቲ ፖሊዳ።

29 ጎዳ! ሃኢካ አሰታ ማንዳዛ ኔ ቤያ፤ ኦኒ ኔ ኣይሌቲ ኔ ቃላ ባቦንታ ኩሚፋ ጸላቴላራ የታና ማላ ዳንዳይሳ።

3:22 ዛሬ 18:15፣18 3:25 ሜዴ 22:18 * 4:1 ቁሴታ: ቁሴታ አሲ አሲ ጌሻ ማጸፋቲ ቁሴታ ሃላቃ ጌቲስ። † 4:11 ጉላ: ጉላ ገዛይሳ አሲ አሲ ባጋ ጋምላ ቃላን ማጋላ ዋይኮ የቻ ሹቶ ጌቲስ። 4:11 ማዛ 118:22 4:24 ከሳ 20:11፤ ናሂ 9:6፤ ማዛ 146:6 4:27 ሉቃ 23:1፣7-11፤ ማቶ 27:1-2፤ ማር 15:1፤ የሃ 18:28-29

30 ፓላስና ኔ ኩሼ ሚጫ። ኔ ና ጌሻዛ ሱንላን ገታ ማላታ ኦላ» ገደ።

31 ኢስቲ ዋሲዳ፤ ጉዬ ኢስቲ ዲዛሶይ ቃጺዳ፤ ወሪካ ጸሎ ኣያናን ኩሚዲ ጸላ ቃላ ጸላቴላን ኮተዳ።

አማኒዛይታ ኢሲፊቴላ ዲሰ

32 አማኒዛይቲ ወሪካ ኢሲ ዋዚናኒኔ ኢሲ ቆፋን ገገ ዳቴሰ። ኢስታሰ ዲዛይ ወሪ ኢሲ ሶላ ዳሰ ኣቲን ባሰ ዲዛዝ። «ሃይሲ ታሰ ቡዞ ሚሻ» ገዛዳይ ዳና።

33 ሃዋሪቲካ ጎዳ ዩሱሳ ዳንላ ገታ ዋልቃን ማርካቴላ ኦይኪዳ፤ ኡባ ሶላ ገታ ጸላ ኪያቴላ ዳሰ።

34 ኢስታ ገደን ማቶታንቻይ ኢሳይይካ ዳና፤ ገሶይካ ገዳ ገደን፤ ኬሌ ገደን ባሰ ዲዛ ኡባ ባይዚ ባይዚ ሺሺዳ ሚሻ።

35 ሃዋሪታ ኩሼን ዋሊዲ ኢሳዳሰ ኢሳዳሰ ኢዛሰ ኩሼዛ ማላ ገሼቴሰ።

36 ቆጶሮሴ ጌቴተዛሶን ዲዛ ኮሴፊ ጌቴተዛዳይ ኢሲ ለዌ ባጋ ኣሲ ዳሰ፤ ኢዚካ ሃዋሪታን፤ «ባርናባሳ» ጌቴቲ ሱሚዳሰ። ሄሳሰ ቢርሼላይ፤ «ሚንሌሶ ና» ጉሳ።

37 ኢዚካ ባ ገዳ ባይዚዳ ሚሻ ኤሂዲ ሃዋሪታ ኩሼን ዋሊዳሰ።

5

ሃናኒያኔ ሳጵራ

1 ኢሲ ሃናኒያ ጌቴተዛ ኣሲ ሳጵራ ጌቴተዛ ባ ማቼይራ ባ ገዳ ባይዚዳሰ።

2 ማቼያ ሳጵራይ ሎኤላ ኤሪሺን ገዳዛ ባይዚዳ ሚሻፊ ባጋ ሻኪ ኣሺዲ ባጋ ኤሂዲ ሃዋሪታ ኩሼን ኢሚዳሰ።

3-4 ቃሴ ጳጳርሲ። «ሃይሶ ሃናኒያ! ኔኒ ጸሎ ኣያና ሶላ ዋርዶታናሲኔ ገዳዛ ሚሻፊ ኣሻና ማላ ጸላኤይ ኣይሰ ኔ ዋዚናን ጌሊዳ? ባይዛና፤ ካሴ ገዳዚ ኔይሳ ገዳይ? ኔ ባይዚዳ፤ ጉዬ ቃሴ ሚሻይ ኔ ኩሼን ዳይ? ሂስቲን ኔ ሃይሳ ማላ ዋስታ ኔ ዋዚናን ቆፓዲ? ኔኒ ጸላ ሶላ ዋርዶታዳሳ ኣቲን ኣሳ ሶላ ገዳና» ገዳሰ።

5 ሄሳ ሲዩዳ ማላ ሃናኒያይ ኩንዲ ሃይቁዳሰ፤ ሄሳ ሲዩዳ ኣሳይ ወሪ ዳር ባቢዳሰ።

6 ኣቲማሳይ ዳንዲዲ ኣሃ ጸጺዲ ሄራካ ኤፊዲ ሞገዳሰ።

7 ሄቩ ሳቴ፤ ጉዬ ማቼያ ኢዚ ዋኒዳኮ ኤርንታ ዳሼ ያዲሰ።

8 ጳጳርሲካ። «ኣኔ ታሰ ኮተ፤ ኢንቲ ገዳዛ ባይዚዳ ዋገይ ሃኖ ጸላ?» ገዳሰ። ኢዛካ። «ኤ ሃኖ ሃ ዋገይን ባይዚዳሰ» ገዳሰ።

9 ጳጳርሲካ። «ኢንቲ ጸላ ኣያና ፓጫናሰ ኣይሰ ኢሲ ደና ገዲዳቴ? ሄኮ ኔ ኣዚና ሞገዳ ኣሳቲ ሞገ ሰሚዲ ካሪን ፔንጌ ሶላ ዳቴሰ። ኢስቲ ኔናካ ኬሲ ኤኪ ኤፋና» ገዳሰ።

10 ኢዛ ሲዩዳ ማላ ሄራካ ኢዛ ቶሆ ሶላ ኩንዲዳ ሃይቃዲሰ። ኣቲማሳይካ ሶ ጌሊዳ ማላ ሃይቁዳር ቤኢዲ ኬሲ ኤፊዲ ኢዚ ኣዚና ኣቻን ኢዛ ሞገዳ።

11 ኩሚላ ዋሳ ኬላ ኣሳይኔ ሄሳ ሲዩዳ ኣሳይ ወሪ ዳር ባቢዳሰ።

ሃዋሪታ ኩሼን ፓጺዳ ዳር ኣሳ

12 ሃዋሪቲካ ዳሪ ገደን ዳር ማላታኔ ማላሊሲዛ ሚሻ ኦሊዳ፤ አማኒዛይቲ ወሪ። «ሶሎሞኔ ሲሜሪቴላሶ» ጌቴተዛ ፔንጌን ሸቁቴሰ።

13 ኢስታሰ ባቢዳ ገሻሰ ኦኒካ ኢስታራ ዋላኬታናሰ ኮዩቤና፤ ገደ ኣቲን ዳሪይ ኢስታ ኬሂ ሶንቼሰ።

14 ዳር ማጫሳቲኔ ኣዳቲ ዋዴ፤ ዋዴን ጎዳን ኣማኒ ኣማኒ ኢስታ ሶላ ጉጃቲዳ።

15 ሄሳ ገሶን ጳጳርሲ ኣጂሺን ሃራይ ኣቲን ኢዛ ኤሾይ ሃርጋንቻታ፤ ባጋ ሃርጋንቻታ ሶላ ዋጳና ማላ ሃርገዛይቲ ኢቺዛ ኣልጋ ሶላኔ ሃላ ሶላ ካሪን ኢሺሴቴሰ።

16 ዩራሳላሚ ዩሾን ዲዛ ካታማታ፤ ሃርገዛይታኔ ቱና ኣያናይ ዋዩሲዛይታ ኤሂን ወሪ ፓጺዳ።

ሃዋሪታ ሶላ ጋኪዳ ጎዳቴላኔ ዋዩ

17 ሄ ዋዳ ቁሴታ ሃላቃይኔ ኢዛራ ዲዛ ሳዲቃዌታ ባጋይቲ ወሪካ ቃናቴ ቃናቲዛይታ ጸላ ገዲዳ።

18 ሃዋሪታ ኦይኪዲ ቃሾ ኬሌ ጌልሊዳ።

19 ገደ ኣቲን ጎዳ ኪታንቻይ ቃማራ ቃሾ ኬላዛ ካሪ ደይዲ ኢስታ ኬሲዲ።

20 «ቢዲ ጸላ ኬላ ገቢ ገደን ኤቁዲ ሃይሳ ዳኦ ቃላ ኡባ ዳራሰ ኮተቴ» ገዳሰ።

21 ገዳይ ዋንቲዳ ማላ ኢስታሰ ኮተዳይሳ ጸላ ኬላ ገቢ ጌሊዲ ዳሪዛ ታማርሶ ኦይኪዳ፤ ቁሴታ ሃላቃይኔ ኢዛራ ዲዛይቲ ዩዲ ኣይሁዳታ ዲላታኔ ኢሰራኤሌ ዳሪ ጨማታ ኩሚላ ኢሲ ሶላ ሺሺዳ፤ ሃዋሪታ ቃሾ ኬላፊ ኤኪ ያና ማላ ኣሰ ዩዲዳ።

22 ከቲቲ ቢዳ ኣሳቲ ቢዲ ኢስታ ቃሾ ኬላን ዳሚቤቴና፤ ሲሚዲ።

23 «ቃሾ ኬላይ ሎኢ ቁልፔቴ ዳሰ፤ ናገዛይቲካ ፔንጌ ሶላ ኤቁ ዲሺን ኦ ቤኢዳሰ፤ ገደ ኣቲን ኦ ዶዩ ጌሊሺን ኬላን ኦኒካ ባ» ገዳ።

24 ጸላ ኬላ ናገዛይታ ሃላቃይኔ ቁሴታ ሃላቃቲካ ሄሳ ሲዩዳ ማላ ሃኖዛን ዳር ማላሊቲዳኔ ኢስታሰ ሃኖይ ወሪ ቲኪ ገዳሰ።

25 ሄራካ ኢሲ ኣሲ ዩዲ። «ሄኮ ኢንቲ ቃሾ ኬሌ ጌልሊዳ ኣሳቲ ጸላ ኬላ ገቢ ገደን ኤቁዲ ዳሪ ታማርሶን ዳቴሰ» ገዳሰ።

26 ጸላ ኬላ ናገዛይታ ሃላቃይ ባ ኦሳንቻታራ ቢዲ ኢስታ ኦይኪ ኤኪ ዩዳሰ፤ ኦይኪ ኤሂዳይቲ ኣሳይ ባና ሹቻራ ጫደንታ ማላ ባቢዲ ዋልቃሶንታ ሎዳራ ኤሂዳ።

27-28 ሃዋሪታ ኤሂዲ ኣይሁዳታ ዲላታ ሲንላን ኤሲዳ፤ ቁሴታ ሃላቃይካ ኢስታ። «ሃይሳ ሃ ሱንላን ኢንቲ ታማርሶንታ ማላ ኢንቲሰ ሎኤሊ ኮተዳሰኩሺን ኢንቲ ኢንቲ ቲሚርቴዛ ዩራሳላሚ ኡባን ኩንሌታ፤ ቃሴ ኦናካ ሃ ኣዳዛ ሱላሰ ኦይሸቴዛይታ ሂስታናሰ ገጺ ዳንዲዳታ» ገዳሰ።

29 ጳጳርሲኔ ሃንኮ ሃዋሪቲካ ዛሪዲ። «ኦኒ ኣሳፔ ኣሊዲ ጸላሰ ኣዛዜታናሰ ቤሴሰ።

30 «ኢንቲ ኢዛ ሚላ ሶላ ካቁ ዋጂዳ ዩሱሳ ኦ ኣዋንታ ጸላይ ኢዛ ሃይቆፔ ዳንሊዳሰ።

31 ኢዚካ ኢሰራኤሌ ናይታሰ ናጋራ፤ ሲሚዲ ማሪታና ማላ ጸሲ ኢዛ ኡባፊ ሶላኔ ኣሸዛዳ ሂስቲዲ ባ ኡሻቻን ቶቁ ቶቁ ሂስቲዳሰ።

32 ኑኒካ ሃይሳስ ማርካታ፤ ቃሴካ ጸሲ ባሰ አዛዜቲዛ ኦናሰካ አሚዳ ጸሎ አያናይካ ማርካ» ገዳ።

33 አሳቲ ሄሳ ሲዬዲ አታ ሃንቆ ሃንቁቲዳ፤ ዎቆናካ ኮዬዳ።

34 ገደ አቲን ዴሬ አቻን ከሂ ቦንቹቲዳ ኢሲ ዎጋ አሰታማሬ፤ ኢዚካ ጋማልያሌ ጌቲቲዛ ፋርሳዌታ ባጋይ ዴሬ ጨማታ ገደን ዴንዲ ኤቁዲ ሃዋሬቲ ጉላ ዎዴ ካሬን ጋምኦና ማላ አዛዚዴሰ።

35 ዴሬ ጨማታሰ፤ «ኢሰራኤሌ አሳቶ! አንቲ ሃይታ አሳታ ቦላ አሳናይሳ ዳሮ አኩካራ ኦላናሰ ቤሴሰ።

36 ሃይሳፌ ካሴ ኢሲ ቲዎዳሳ ጌቲቲዛዴይ ባና ገታ አሰ ሂሰቲ ቆዲ ዴንዲን ኦይዲ ጾቱ ዴሬይ ኢዛ ካሊዴሰ፤ ገደ አቲን ኢዚ አሳ ኩሼን ሃይቁዴሰ፤ ኢዛ ካሊዛይቲካ ጮ ላሌቲን ኢዛ ሃናይ ጮ ማላ አቲዴሰ።

37 ኢዛፔ ጉዬካ ዴሬይ ታይቤቲዛ ዎዴ ጋሊላ ዩሁዳይ ዴንዲዲ ዳሮ ዴሬ ባናራ ካሌሊዴሰ። ባና ካሊዛይታካ ዴሚዴሰ፤ ገደ አቲን ኢዚካ ቆይዴሰ፤ ኢዛ ካሊዛይቲካ ወሪ ቆይዴ።

38 «ሃሳ ገሻሰ ታ ሃኢ አንቲና ገዛይ ሃይታ አሳታ አገቲ፤ ቦቾፍቲ፤ ኢሰታ ቆፋይ ዎይኮ ኢሰታ ኦሶይ አሳፔ ገዲኮ ቆያና።

39 ጸሳፌ ገዲኮ ቃሴ አንቲ ኢሰታ ቲቃናሰ ዴንዳዬኮታ፤ ኦኔ ኤሪዛይ አንቲ ጸሳራ ኦዩቲሼ ቤታናኮ» ገዴሰ።

40 ኢሰቲካ ኢዛ ዞሬዛ ኤኪዲ ሃዋሬታ ዴይገዲ ጋራፊሲዳ፤ ናምኦንላ ዩሱሳ ሱንሳን ሃሳዮንታ ማላ አዛዚዲ ዩዲዳ።

41 ሃዋሬቲካ ኢዛ ሱንሳ ገሻሰ ካወያናሰ ቤሲዛ ገሻሰ ዳሮ ኡፋዬቲሼ ዴሬ ጨማታ አቻፌ ከዚ ቢዳ።

42 ጋላሰ ጋላሰ ጸሳ ከላኒኔ አሳ ኢሳ ከላን ዩሱሲ ኢዚ ጸሲ ዶሪዳዴ ገዲዳይሳ ታማርሶፌኔ ሳባኮፔ ሙሌካ ጉዬ ገቤቲና።

6

ላፑን ዳቆኔታ ዶሬቲላ

1 አማኒዛይታ ቆዳይ ዳሪ ዳሪ ቢዛ ዎዴ ገሪኬ ቢታፌ ዩዳ አይሁዳ አሳቲ ዩሁዳን ዲዛ አይሁዳ አሳ ጉዬራ ዘገሬቲዳ፤ ጋሶይካ ኡባ ዎዴ ሚዛ ካላ ገሻሼ አምኤታ ወዴቶንታ አገዳ ገሻሳ።

2 ሃሳ ገሻሰ ኑ ታማኔ ናምኤ ሃዋሬቲ አማኒዛ ሃሪታ ኢሲ ቦላ ሺሺዲ፤ «ኑኒ ካላ ገሻሶን ጌሊዲ ጸሳ ቃላ ታማርሶ አጋናሰ ቤሴና።

3 ሃሳ ገሻሰ ኑ አሻቶ! አንቲ ገደፌ ኤራንቻታ፤ ጸሎ አያናን ኩሚዳይታኔ ሎኦ ማርካቲላ ዲዛ ላፑን አሳታ ዶሪቲ፤ ሃይሳ አላፌቲላ ኑ ኢሰታሰ አማና።

4 ኑኒ ገዲኮ ዎሳኒኔ ቃላ ዮቶን ሚናና» ገዳ።

5 ኢሰቲ ገዳ ዮኦይ ሲዬዳይታ ኡፋይሲዴሰ፤ አማናኒኔ ጸሎ አያናን ኩሚዳይቲ ኢሰቲፋኖሴ፤ ፒሊጸሳ፤ ጸርሰቆርሳ፤ ኒቃርና፤ ጸሞና፤ ጸርሚናኔ ዩሁዳቲላን ጌሊዳ አንጸኪያ ዴሬ አሰ ኒቆሎሳ ዶሪዳ።

6 ሃይታ ኤሃዲ ሃዋሬታ ሲንላ ሺሺዲ፤ ኢሰቲካ ባ ኩሼ ኢሰታ ቦላ ዎሊዲ ኢሰታሰ ዎሲዳ።

7 ጸሳ ቃላይ አኪ አኪ ቢዴሰ፤ አማኒዛይታ ቆዳይ ዩሩሳላሚን ዳሪ ዳሪ ቢዴሰ፤ ቁሴታፔ ዳርቲ አማኒዳ።

ኢሰቲፋኖሴ ኦይኬቲላ

8 ሄ ዎዴ ኢሰቲፋኖሴ ጸሳ አምቲላኒኔ ዎልቃን ኩሚዲ ዴሬዛ ገደን ገታ ማላሊሲዛ ማላታታ ኦሊዴሰ።

9 «ዎዜቲ ከዚዳ» ጌቲቲ ዴይጌቲዛሶፔ አይሁዳታ ዎሳ ከላፌ ዩዳ አሰ ገዲዳ ቃሪናፔኔ ኢሰኪንዲሪያፔ፤ ቃሴካ ከላቁያፔኔ ኢሲያ አወራጃታፔ ዩዳ አሳቲካ ወሪ ኢሰቲፋኖሴራ ማርሼቲዳ።

10 ገደ አቲን ኤራቲላን ኢዚ ሃሳይዛ ሃሳያኔ ኢዛን ዲዛ አያና ኤቁታናሰ ዴንዳይቤቲና።

11 ሃሳ ገሻሰ፤ «ኢሰቲፋኖሴ ሙሴኔ ጸሰ ጫዩሺን ኑ ሲዩዶሰ» ገዛ አሳታ ጉዬራ ገገሲዳ።

12 ሄ ዎዴ ዴሬዛ፤ ዴሬ ጨማታኔ ዎጋ ታማርሲዛይታ፤ ዴንጼሊዲ ኢሰቲፋኖሴ ኦይሊዲ ዴሬ ዩላታኮ ሺሺዲ።

13 ኢዛ ቦላ «ሃይሲ አዴዚ ሃይሳ ጸሳ ከላ ቦላኔ ዎጋ ቦላ ጫሻ ቃላ ሃሳያ ሙሌካ አገቤና።

14 ጋሶይካ ሃይሲ አዴዚ፤ ሩዚሬቲ ዩሱሲ ሃይሳ ጸሳ ከላ ቆይሳና ገሺኒኔ ሩ ሙሴፔ ኤኪዳ ዎጋ ላማና ገ ሃሳይሺን ኑ ሲዩዶሰ» ገ ዎርዶራ ማርካቲዛ አሳታ ሺሺዲ ማርካሲዳ።

15 ዩላታ ኡቲዳ አሳይ ወሪ ኢሰቲፋኖሴ ቲሺ ሃሰቲ ዴሊሺን ኢዛ አይፊሶይ ኢሰታሰ ኪታንቻ አይፊሶ ሚሳቲ ቤቲዴሰ።

7

1 ቁሴታ ሃላቃይ ኢሰቲፋኖሴ፤ «ሃይሲ ኔ ቦላ ሺቁዳ ዮኦዚ ቲሜ?» ገ ኦይቹዴሰ።

2 ኢሰቲፋኖሲካ፤ «ታ አሻቶ! ታ አዎቶ! ታ ገዛይሳ ሲዩቲ! ኑ አዎ አብራሃሚይ ካራኔ ጌቲቲዛሶ ያናፔ ካሴ ቡሮ ሚሰጶጶሚያን ዲሺን ቦንቾ ጎዳይ ኢዛሰ ቆንጨዲ።

3 ኔ ዴሬፔኔ ኔ ዳቦፌ ሻኬታዳ ታ ኔና ቤሲዛሶ ባ ገዴሰ።

4 ኢዚካ ካላዳዌታ ቢታፌ ከዚዲ ካራኔ ጌቲቲዛ ቢታን ኡቲዴሰ። ኢዛ አዎይ ሃይቁዳፔ ጉዬ አንቲ ሃኢ ዲዛሶ ሃ ዴሬ ኢዛ ኤሃዴሰ።

5 ሃራይ አቶሺን ኢሲ ቶሆይ ኤቁዛ ጋይይ ኢዛሰ ሃይሳፌ አሚቲቤና፤ ገደ አቲን ሄ ዎዴ ኢዛሰ ኢሲ ናይካ ባይንዳ ዲሺን ኢዚኔ ኢዛፔ ጉዬን ኢዛ ዜሬላ ቢታዮ ላታና ማላ ጸሰ ኢዛሰ ጫቁዴሰ።

6 ቃሴካ ጸሲ ኢዛሰ፤ ኔ ዜሬላ አላጋ ቢታን ቤቲ አሰ ገዳና። ኦይዲ ጾቱ ላይላ አይሌቲላ ቃምባራ ገደን ዎዩታና።

7 ገደ አቲን ኢሰታ አይሌ ማላ ሃሪዛ ዴሬ ታ ቃጸያና፤ ሃሳፌ ጉዬ ኢሰቲ ሄ ቢታፌ ከዚዲ ሃና ሃ ሶሆዩን ታሰ ጎይናና ገዴሰ።

8 ሃሳፌ ጉዬ ቃጸራ ዎጋ ጫቆ ኢዛሰ አሚዴሰ፤ አብራሃሚይካ ዩሳቃ ዩሊዲ ኢዛ ኦሰፑንሳ ጋላሰ ቃጸሪዴሰ፤ ዩሳቃይካ ያቆቤ ዩሊዴሰ፤ ያቆቤይካ ታማኔ ናምኤ ቆሞታ ዩሊዴሰ።

9 «ሄ ቆሞታ አዎቲ ዮሴፌ ቦላ ቃናቲዲ ኢዛ አይሌቲላሰ ዴጌ ገብጶ ባይዚዳ፤ ገደ አቲን ጸሲ ኢዛራ ዴሰ።

7:4 ሜዴ 11:31፤ 12:4 7:5 ሜዴ 12:7፤ 13:15፤ 15:18፤ 17:8 7:6 ሜዴ 15:13-14 7:7 ከሳ 3:12 7:8 ሜዴ 17:10-14፤ 21:2-4፤ 25:26፤ 29:31—35:18 7:9 ሜዴ 37:11፤ 37:28፤ 39:2፤21

10 ማቶ ኡባፌ ኢዛ አሺዳስ፤ ገብጾ ካዎ ፓርኔ ሲንገላን ቦንቾ አሚዳስ፤ ፓርኔይ ኢዛ ገብጾ ቢታኒኔ ባ ኬፋ አሳ ኡባ ቦላ አላፊቴፋን ሹሚዳስ።

11 «ሃ ዎዴ ካናኒኒኔ ገብጾን ዳሮ ማቶ ኡሂዳ ገታ ኮሻይ ዳንዲዳስ። ኑ አዋታሰካ ሚዛ ካሌ ጳይዳስ።

12 ያቆቤይ ገብጾ ዳሬን ካሌ ዲዛይሳ ሲዱዲ ኑ አዋታ ኮይሮ ገብጾ ዩዲዳስ።

13 ኢስቲ ናምኣንፎ ቢዛ ዎዴ ዮሴፌይ ኢዚ ኦናኮ ባና ባ አሻታሰ ቆንጩሲዳስ። ፓርኔይካ ዮሴፌ አሻታ ኤሪዳስ።

14 ሃሳፌ ጉዬ ዮሴፌይ ከቲዲ ባ አዎ ያቆቤኔ ላፑን ታማኔ ኢቻሹ ገዲዛ ባ ዳቦታ ኩሜላ ኤሂሲዳስ።

15 ያቆቤይ ዲጌ ገብጾ ዎዲዳስ። ኢዚካ ኑ አዋቲካ ዉሪ ሄን ሃይቁዳ።

16 ኢስታ አሃይካ ሴኬሜ ጌቲቲዛሶ ኤፊን አብራሃሜይ ኤዎሪ ናይታፔ ባ ሚሻን ሻሚዳ ዲፎን ሞጌቲዳስ።

17 «ጸሲ አብራሃሜስ ጫቁዳ ቃላይ ፖሌቲዛ ዎዴይ ማቲሺን ገብጾን ዲዛ ኑ አሳ ቆዳይ ዳሪ ዳሪ ቢዳስ።

18 ሃሳፌ ጉዬ ገብጾ ቢታን ዮሴፌ ኤሮንታ ሃራ ካዎይ ካዎቲዳስ።

19 ኢዚካ ኑ አሳ ባ ጌኔ ኦሶን ማቶዲዳስ፤ ቡሮ ዩሌቲዳ ጉፋ ናይቲ ሃይቃና ማላኔ አሳይ ዩሌዳ ናይታ ካሬ ኬሲ ዎራ ዩጋና ማላ ዎልቃሊዳስ።

20 ሃ ዎዴ ሙሴይ ዩሌቲዳስ፤ ኢዚካ ጸሳ አቻን ደሴቲዳ ማላ ሎኦ ና ገዲዳስ፤ ባ አዎ ኬፋን ሄቡ አገና አልኢሶን ዲጩዳስ።

21 ኢዚ ዎራ ዩጌቲዳ ዎዴ ካዎ ፓርኔ ማጫ ናያ ዳማዳ ባሰ ኤካዲሰ፤ ባ ና ማላ ኦፋዳ ዲቻዲሰ።

22 ሙሴይካ ገብጾታ አቶ ኤራቴፋ ኡባ ታማርዳስ፤ ዮኦን ኤራ፤ ኦሶንካ ሚኖ ገዲዳስ።

23 «ሙሴ ላይፋይ ኦይዲ ታሙ ገዲዳ ዎዴ ባ አሻታ ኢሰራኤሌ ናይታ ቤያናሰ ባ ዎዚናን ቆፒዳስ።

24 ኢዚካ ኢሲ ገብጾ አሲ ሙሴ ባጋ አሳፔ አሳዳ ቦላ ቆሆ ጋሊሺን ቤኢዲ ባ ባጋ አዳዛ ማዲዳስ፤ ገብጾ አዳዛ ዎዲዲ ቆሃቲዳይሳ ሃሎ ኬሲዳስ።

25 ሙሴስ ጸሲ ኢዛ ኩሼን ኢስታ ዎዛናይሳ ኢዛ አሳይ አኬኪዛ ሚሳቲዳስ፤ ገደ አቲን ኢስቲ ሃሳ ዩሺ ቆፒቤቲና።

26 ዎንቴፋ ጋላሰ ቃሴካ ኢሰራኤሌ ናይታፔ ናምኣቲ ባ ገደን ኦዩቲሺን ጋኪዲ ኦዩቲዛይታ ገገሳናሰ ኮዩዲ፣ «ሃይቶ አሳቶ! ኢንቴ ኢንቴ ጋርሳን ኢሶይ ኢሳራ አሻንታ፤ ኢንቴ ዎኒዲ ኢሶይ አሳ ቆሃቲ?» ገደስ።

27-28 «ባ ላጌዛ ቦላ ቆሆ ጋሊዳይሲ ሙሴ ሱጊ ዩገዲ፣ «ኔና ኑ ቦላ ኑና ሃሪዛይኔ ኑ ቦላ ፒርዲዛይ ኦሊ ሹሚዳይ ኦኔ? ዎይኮ ቃማ ገብጾ አዳዛ ዎዲዳሳ ታናካ ዎዳና ከያይ?» ገደስ።

29 ሙሴይ ሃሳ ሲዱዳ ማላ ሚዲያሜ ቢታ ቤቲዲ ሃን ቤቲ አሰ ገዲ ዳኢዳስ፤ ያንካ ናምኡ አቲማ ናይታ ዩሊዳስ።

30 «ሃሳፌ ኦይዲ ታሙ ላይፋፌ ጉዬ ሲና ዙማ አቻን ዲዛ ባዙ ቢታን ቁሪ ዎራ ገደን ኤጲዛ ታማ ላጮን ኪታንቻይ ኢዛሰ ቤቲዳስ።

31-32 ሙሴይካ ኢዛ ቤኢዳ ማላ ማላሌቲዳስ፤ አዛኮ ሻኪ ኤራናሰ ኢዚ ሄ ኢዛኮ ሸቁሺን ጎዳ ቃላይ፣ «ታኒ ኔ አዎንታ ጸሳ፤ አብራሃሜ፣ ዩሳቃኔ ያቆቤ ጸሳ» ገሺን ሲዱዳስ። ሙሴይካ ዳሮ ዳጋሚዳስ፤ ጸላናሰካ ጸሊቤና።

33-34 «ጎዳይካ ኢዛሰ፣ «ሃይሲ ኔ ኤቁዳሶይ ገሻሶሆ ገዲዳ ገሻሰ ኔ ቶሆፔ ጫማ ሾዳ፤ ገብጾን ዲዛ ታ ዳሬታ ዎዬ ታ ቱማፔ ቤያዲሰ፤ ኢስቲ ዋሲዛ ዎዬ ዋሶዛ ታ ሲያዳ ኢስታ አሻናሰ ዎዲዳስ፤ ሃኢካ ኔ ሃ ያ፤ ታ ኔና ዲጌ ገብጾ ዛራዳ ኪታና» ገደስ።

35 «ሂሰቲን ሃይቲ፣ «ኑ ቦላ ኔና ሃሪዛይኔ ፒርዲዛይ ሂሰቲ ኦኒ ሹሚዳ?» ገዲ አሳይ ካሴ ካዲዳ ሙሴ ጸሲ ቁሪ ዎራ ገደን ኢዛሰ ቤቲዳ ኪታንቻዛ ባጋራ ኢስታ ሃሪዛይኔ አሸዛይ ሂሰቲዲ ኢስታኮ ዛሪ ዩዲዳስ።

36 ኢዚካ ኢስታ ካሌሊዲ ገብጾፔ ኬሲዳስ፤ ገብጾን፣ ዙኦ አባኒኔ ባዙ ቢታን ኦይዲ ታሙ ላይፋ ዳሮ ማላሊሲዛ ሚሻታኔ ገታ ማላታታ ኢስታሰ ኦሊዳስ።

37 «ኢሰራኤሌ ናይታሰ፣ «ታ ማላ ናቤ ጸሲ ኢንቴ ገደፌ ዳንፋና» ገዲይሲ ሃይሳ ሙሴኮ!

38 ኢዚካ ሲና ዙማ ቦላ ሃሳይዳ ኪታንቻራኔ ባዙ ቢታን ኑ አዎታራ ዳሪ ዲላታ ገደን ዳስ፤ ዳኦ ቃላካ ሃ ኑሰ አላናሰ ኤኪዳስ።

39 «ኑ አዎቲ ገዲኮ ኢዛራ ኤቁቲዳ አቲን ኢዛሰ አዛዜታናሰ ኮዮንታ ገሻሰ ባ ዎዚናራ ጉዬ ገብጾ ሲሚዳ።

40 አሮኔሰካ፣ «ኑ ሲንፋራ ቢዛ ኤቃ ኑሰ ገገሳ! ኑና ገብጾፔ ካሌሊ ኬሲዳ ሙሴይ ዎኒዳኮ ኑ ኤሮኮ» ገደ።

41 ሃ ዎዴ ማራ ሚሰሌ ሜዲዲ ኤቃሰ ያርሾ ሺሺዳ፤ ባርካ ሜዲዳ ባ ኩሼ ኦሶን ኡፋፎቲዲ ጉፒዳ።

42 «ገደ አቲን ጸሲ ኢስታሰ ዘኮ ዛሪዳስ፤ ኢስቲ ሳሎ ጸሊንቴታሰ ጎይናና ማላ አሊ አሚዳስ፤ ሄሲካ ናቤታ ማጸፋን፣

« ኢንቴኖ ኢሰራኤሌ ናይቶ!
 ኢንቴ ባዙ ቢታን ኦይዲ ታሙ ላይፋ ዲዛ ዎዴ
 ኢንቴፌ ያርሾኔ ሙጹዎታ ታሰ ሺሺ ኤራቲ?
 43 ሃራፔካ ኢንቴ ጎይናናሶሆ ኦሊዳ
 ኤቃ ሞሎኬ ዲንካናኔ
 ኢንቴ ኤቃ ኤራፋኔ ጌቲቲዛ
 ጸሊንቴ ሚሰሌዛ
 ቶቁ ቶቁ ሂሰቲ ኦይኪዳታ።
 ሃሳ ገሻሰ ታ ኢንቴና
 ኢንቴ ዲዛሰፔ ዳንፋዳ
 ባቢሎኔራ አሳ ዩዳና
 ጌቲቲዲ ጸፊቲዳስ።

7:10 ሜዲ 41:39-41 7:11 ሜዲ 42:1-2 7:13 ሜዲ 45:1፤ 45:16 7:14 ሜዲ 45:9-10፤17-18፤ 46:27 7:15 ሜዲ 46:1-7፤ 49:33 7:16 ሜዲ 23:3-16፤ 33:19፤ 50:7-13፤ ኢያ 24:32 7:19 ኬሳ 1:10-11፤ 1:22 7:20 ኬሳ 2:2 7:21 ኬሳ 2:3-10 7:23 ኬሳ 2:11-15 7:29 ኬሳ 18:3-4 7:36 ኬሳ 7:3፤ 14:21፤ ታይ 14:33 7:37 ዛሬ 18:15፤18 7:38 ኬሳ 19:1—20:17፤ ዛሬ 5:1-33 7:40 ኬሳ 32:1 7:41 ኬሳ 32:2-6 7:44 ኬሳ 25:9፤40

44 «ጸሲ ሙሴ በሴዳ ለሚሰዘ ማላኔ አዘዘዳይሳ ማላ ኦሴቲዳ ጸሲ አሳራ ጋጊዛ ዲንካኔያ ኑ አዋታራ ባዞ ቢታን ዳኣዲስ።

45 ኑ አዋቲ ዲንካኔያ ኤኪዳይሳፊ ጉዬ ጸሲ ኢያሶ ካሌሊን ካሴ ኢስታ ጎዲዳ ዳሬታ ሳቲዳ ዋዴ ዲንካኔያ ኤኪ ጌሊዳ፤ ዳዊቲ ዋዴ ጋካናሰ ዲንካኔያ ሄ ቢታን ዳኣዲስ።

46 ዳዊቲካ ጸሳ ሲንግን ቦንቾ ዳሚዲ ያቆቤ ጎዳሰ አቆሶ ገጊሳናሰ ዋሲዳስ።

47 ገዶ ኣቲን ሶሎሞኔይ ኢዛሰ አቆሶ ከጸደደ።

48-50 «ገዶ ኣቲን ዋጋ ጎዳይ ኣሳ ኩሹይ ከጸደዳ ከግን ዳና፤ ሄሲካ ናቤይ ካሴ ጌሻ ማጻፋን ጸፊዳ ማላ።

« ሳሎይ ታ ኡቲዛ ኣልጋ፤
ቢታይካ ታኒ ቶሆን ዬቋዛሶ፤
ሂሰቲን ኢንቲ ታሰ
ኣይ ማላ ከጸ ከጸገ።

ዋይኮ ታ ሹምፓናሶይ
አዋይሴ?
ሃይሳ ኡባ ታ ኩሹይ
ኦሊቤኔ?»

ጌሰ ጎዳ ጸሳይ።

51 «ኢንቲኖ ዋዚና ሙሜቶ! ሃይሳ ቱሌቶ! ኢንቲካ ኢንቲ አዋታ ማላ ኡባ ዋዴ ጸሎ ኣያናራ ኤቁቲታ።

52 ናቤታፔ ኢንቲ አዋቲ ጎደንታ ናቤይ ኦኔ?
ጸሎዞ የሃኒሳ ካሴቲ የቲዳ ናቤታካ ዋቋዳ፤ ኢንቲካ ሃኢ ኢዛ ኣላ አሚዳታኔ ዋቋዳ።

53 ከታንቻ ባጋራ ኢንቲሰ አሜቲዳ ዋጋ ኤኪዳታ ኣቲን ናጌቤኬታ» ገደሰ።

ሹቻን ጫዳቲ ኢስቲፋኖሴ ሃይቆ

54 ዲላታን ዲዛ አሳይ ሄሳ ሲዩዳ ማላ ዳሮ ሃንቁቲዲ ኢዛ ቦላ ባ ኣቺ ጋርጨዳስ።

55-56 ገዶ ኣቲን ኢስቲፋኖሴ ጸሎ ኣያናን ኩሚዲ ፑዴ ሳሎ ቲሺ ሂሰቲ ጸሎሺን ጸሳ ቦንቾን ዩሱሲ ጸሳ ኡሻቻን ኤቁዳይሳ ቤኢዲ። «ሂኮ ታ ሳሎይ ደዩቲዳይሳኔ ኣሳ ናይ ጸሳ ኡሻቻን ኤቁዳይሳ ቤያይሰ» ገደሰ።

57 ሄ ዋዴ አሳይ ቃላ ቶቁ ሂሰቲ ዋሲሹ ባ ሃይሳ ቱጨ ኦይኪዲ ኢዛኮ ኢሲፊ ዋጸደሰ።

58 ኢስቲፋኖሴ ኦይኪዲ ካታማፔ ካሬ ኦሊዳ፤ ሹቻን ጫቶ ኦይኪዳ፤ ሄሲ ወሪ ሃኒሺን ማርካቲካ ባ ማይኦ ሳኦሌ ጌቲቲዛ ፓንግዛ ኣቻን ዋላዳ።

59 ኢስቲ ሹቻራ ኢዛ ጫዲሺን ኢስቲፋኖሴ። «ታ ጎዳ ዩሱሳ! ታ ሹምፖኖ ኔኮ ኤካ» ገዲ ዋሲዳስ።

60 ቃሴካ ጉልባቲዲ ቶቃ ቃላን «ጎደ! ሃይታንታ ናጋራ ቆዶፓ» ገዲ ዋሲዳስ፤ ሄሳ ገዳፔ ጉዬ ሃይቁዳስ።

8

1 ሳኦሊካ ኢስቲፋኖሴ ሃይቆን ኢስታራ ቆፋን ጋጊዳስ፤ ሄ ዋዴ ዩሩሳላሚን ዲዛ አማኒዛይታ ቦላ ዋልቃማ ጎዴቲላ ዳንዲዳስ። ሃዋሪቲ ኣታፊ አማኒዛይቲ ወሪ የሁዳ ኣወራጃኒኔ ሳማሪያ ኣወራጃ ኡባን ሳሌቲዳ።

2 ኣያና ኦሶን ሚኒ ኤቁዳ ኣሳቲ ኢስቲፋኖሴ ዋጊዲ ኢዛሰ ዳሮ ዩኪዳ።

3 ሳኦሊ ቃሴ ዋሳ ከጸ ቆይሳናሰ ገጸ ዳንዲዳስ፤ አማኒዛ ኣሳ ኢሳ ኢሳ ከጸ ጌሊዲ ማጫሳታኔ ኣዳታ ጎቺ ጎቺ ከሲዲ ቃሾ ከጸ ጌልላዳስ።

ፒሊጶሲ ሳማሪያ ዳሬን ማርካቲዳ ሚሺራቾ ቃላ

4 ላሌቲዳይቲ ወሪ ባ ቢዳሶን ቢዳሶን ጸሳ ቃላ የቲዳ።

5 ፒሊጶሲካ ሳማሪያ ጌቲቲዛ ካታማ ዋቋዲ ኣሳሰ ኪርሰቶሳ ሳባኪዳስ።

6 ዳሮ ዳሬይ ፒሊጶሲ ኦሊዛ ማላታ ቤኢዲ ኢዚ የቲዛ ቃላ ዋዚናፔ ሎኤላ ሲዩዳስ።

7 ቱና ኣያናቲካ ዳሮ ኣሳፔ ዋሲ ዋሲ ከዚዳ፤ ዳሮ ቶሆ ሲላቲኔ ዋቤቲካ ፓጺዳ።

8 ሄሳ ገሻሰ ሄ ካታማ ኣሳይ ዳሮ ኡፋዬቲዳስ።

9 ገዶ ኣቲን ሄሳፊ ካሴ ሄ ካታማዩን ማር ማርቲዲ ሳማሪያ ኣሳ ዳሮ ማላሊሲዛዝ ኦሊዛ ኢሲ ሲሞና ጌቲቲዛ ማርይ ዳስ፤ ኢዚካ ባና ገታ ኣሳ ማላ ቆዲዛዳ።

10 ኣሳይ ወሪ ጉላታፔ ገታታ ጋካናሰ ወሪካ። «ሃይሲ ኣዳዚ ገታ ዋልቃማ ጌቲቲዛ ጸሳ ዋልቃ»

ገሹ ኢዚ ገዛይሳ ወርሲ ዋዚናፔ ሲዩሰ።

11 ዳሮ ዋዴ ባ ማርቲሳ ኦሶን ኣሳ ማላሊሲዳ ገሻሰ ኣሳይ ኢዛ ዋዚናፔ ካሊሹ ጋምኢዳስ።

12 ገዶ ኣቲን ፒሊጶሲ ጸሳ ካዋቲሳ ገሻሲኔ ዩሱሰ ኪርሰቶሳ ገሻሰ ሳባኪዳይሳ ሲዩዲ አማኒዳ ማጫሳይኔ ኣቱማሳይ ጸማቁቲዳስ።

13 ሲሞኒካ አማኒዲ ጸማቁቲዳስ፤ ፒሊጶሳካ ካሊ ቢዲ ሃኒዛ ገታ ማላታ ቤኢዲ ማላሊቲዳስ።

14 ዩሩሳላሚን ዲዛ ሃዋሪቲ ሳማሪያ ኣሳይ ጸሳ ቃላ ኤኪዲ አማኒዳይሳ ሲዩዲ ጶጵሮሳኔ የሃኒሳ ኢስታኮ ከቲዳ።

15 ኢስቲካ ሳማሪያ ጋኪዲ አማኒዳ ኣሳይ ጸሎ ኣያና ኤካና ማላ ኣሳሰ ዋሲዳ።

16 ጋሶይካ ሄ ዋዴ ኢስቲ ጮ ዩሱሳ ሱንግን ጸማቁቲዳ ኣቲን ቡሮ ጸሎ ኣያናይ ኢስታፊ ኢሳዴ ቦላካ ዋቋሴና።

17 ሄሳ ገሻሰ ጶጵሮሲኔ የሃኒሲ ባ ኩሹ ኣሳ ቦላ ዋሊን ኣሳይ ጸሎ ኣያና ኤኪዳስ።

18 ሲሞኒካ ሃዋሪቲ ኩሹ ዋላ ዋሲን ጸሎ ኣያናይ አሚቲዛይሳ ቤኢዲ ጶጵሮሳሲኔ የሃኒሳሰ ሚሹ ኤኪ ዩዲ።

19 «ታ ኢዛ ቦላ ታ ኩሹ ዋላዛዳይ ወሪ ጸሎ ኣያና ኤካና ማላ ሃይሳ ማላ ጎዳቲላ ታሰካ አሚቲ» ገን።

20 ጶጵሮሲ ኢዛሰ ዛሪዲ። «ጸሳ አምታ ኔ ሚሻን ሻማና ቆፒዳ ገሻሰ ኔኒ ኔ ሚሻራ ኢሲፊ ቆያ።

21 ኔ ዋዚናይ ጸሳ ሲንግን ሱሬ ገደንታ ገሻሰ ኔሰ ሃይሳ ሃ ኦሶዛን ገሻይ ዋይኮ ቃዳይ ዳና።

22 ሃይሳ ኔ ኢታቲላ ገሻሰ ሃኢ ኤሌ ማርቲሳን ጌላ፤ ኔ ዋዚና ቆፋ ኔሰ ኣቶ ጋናኮ ኔሰ ጎዳ ዋሳ።

23 ጋሶይካ ኔኒ ኢታቲላን ኩሚዳይሴኔ ማካላን ቃሹታ ኡቲዳይሴ ታሰ ቤቲሰ» ገደሰ።

24 ሲሞኒካ ዛሪዲ። «ኢንቲ ገዳ የኣታፔ ኣይኮይካ ታ ቦላ ጋኮንታ ማላ ታሰ ጎዳ ዋሲቲ» ገደሰ።

25 ጴጥሮስን የሃረሲ ጎዳ ቃላ ማርካቲዳይሳፊኔ ቆንጩሲ የተዳይሳፊ ጉዬ ዳር ሳማሪያ ጉታታን ማሸራሾ ቃላ ሳባኪሾ ዩሩሳላሜ ሲሚዳ።

ፒሊጶሲ ጸማቂዳ ቶጵያ ጉንዲላ አዳዛ

26 ጎዳ ከታንቻይ ፒሊጶሳ «ዳንዳ! ዩሩሳላሜ ጉዳ ላይ ገዳ ገዳ ገዳ ኤፊዛ ባዙ ኦጌራ ባ» ገዳሰ።

27 ኢዚካ ዳንዲ ቢዳሰ፤ ሂንዳኮ ጌቲቲዛ ቶጵያ ገዲዳ ካዎያ ባ ኬላኒኔ ባ ካዎቲላን ዲዛ ኡባ ማሻ ቦላ አላፊቲላን ዋሊዳ ኢሲ ቶጵያ ዳሬ ጉንዲላ አሲ ኢዛራ ጋገዳሰ፤ ሄ አዳዚ ጸሳሰ ጎይናና ዩሩሳላሜ ቢዳሰ።

28 ኢዚ ሄፔ ሲሚሾ ፓራ-ጋሬን ኡቲዲ ናቤ አሳያሳ ማጻፋ ናባቤሰ።

29 አያናይ ፒሊጶሳ፡ «ባ! ገዳ ፓራ-ጋሬዛኮ ሺቃ» ገዳሰ።

30 ፒሊጶሲካ ኤሶቲዲ ፓራ-ጋሬዛኮ ቢዲ አዳዚ ናቤ አሳያሳ ማጻፋ ናባቤሺን ሲዩዲ፡ «ሄሲ ኔ ናባቤዛይሲ ኔሰ ጌሊዜ?» ገዳሰ።

31 ጉንዲላ አዳዚካ፡ «ታና ኤሪሲዛ አሲ ባይንዳ ታ ዋሰታ ኤር?» ገዳሰ። ኢዚካ ገዳ ኢዛ ጋሬዛን ጌሊዲ ኢዛ አቻን ኡታና ማላ ዋሲዳሰ።

32 ኢዚ ናባቤዛ ማጻፋይ፡

«ኢዚ ዳርሳ ማላ
ሹኩታና ሳጌቲዳሰ፤
ዳርሳ ላቃይ ኢሰኬ ቃንጸዛይሳ
ሲንላን ጮኡ ገዛ ማላ
ሄሳሶካ ኢዚ ባ ዳና
ፖጊቤና።

33 ባና ካዉሺዲ ፐርዳይ ባይንዳይ ገዲዳሰ።
ኢዛ ሹምፖይ ቢታ ቦላፊ ዲጌቲዳሰ።

ኢዛ ዩሌታ ገሻሰ ሃሳያና ዳንዳይዛይ ኦኔ?» ጌሰ።

34 ጉንዲላ አዳዚካ ዛሪዲ ፒሊጶሳ፡ «ናቤዚ ሃይሳ ኦና ገሻሰ ገዜ? ባ ገሻሰ ገዜዬ? ዋይኮ ሃራ አሳ ገሻሰ ገዜ? ሃያና፡ ታሰ የታርኪ!» ገዳሰ።

35 ፒሊጶሲካ ባ ዳና ዳይዲ ሄ ማጻፋፔ ደሚዲ ዩሱሳ ማሸራሾ ቃላ ገሻሰ ማርካቲዳሰ።

36 ኢሰቲ ኢሲፊ ቢሾ ሃሊ ዲዛሰ ጋኪዳ፤ አዳዚካ፡ «ሄኮ ሃሊ ሃይሳን ዳሰ፤ ሂሰቲን ታ ጸማቂቶንታ ማላ ታና ዲጊዛይ አዜ?» ገዳሰ።

37 ፒሊጶሲካ፡ «ኔ ኩሚላ ዋዚናፔ አማኒኮ ጸማቂታና ዳንዳያሳ» ገዳሰ። አዳዚካ፡ «ዩሱሰ ከርሰቶሲ ጸሳ ና ገዲዳይሳ ታ አማናይሰ» ገዳሰ። *

38 አዳዚ ፓራ-ጋሬዚ ኤቃና ማላ አዛዚን ናምአይ ኢሲፊ ሃላን ዋዲን ፒሊጶሲ አዳዛ ጸማቂዳሰ።

39 ኢሰቲ ሃላፊ ኬዚሺን ጸሳ አያናይ ፒሊጶሳ ዳንሊ ኤፊዳሰ፤ አዳዚ ሃሳፊ ጉዬ ኢዛ ቤዩቤና፤ ገደ አቲን ኡፋይሳን ባ ኦጌ ቢዳሰ።

40 ሃሳፊ ጉዬ ፒሊጶሲ አዛጸኔ ጌቲቲዛሰን ቤቲዳሰ፤ ቁሳሪያ ጌቲቲዛሰ ጋካናሰ ኢዚ ቢዛ ኦጌ ቦላ ካታማ ኡባን ማሸራሾ ቃላ ሳባኪዳሰ።

9

ሳኦሌ አማኖ (ሃዋ 22:6-16፤ 26:12-18)

1 ሳኦሌ ጎዳ አማኒዛ አሳ ዋጻናሰ ጩቁቲሾ ቁሴታ ሃላቃኮ ቢዳሰ።

2 ጎዳ ኦጌ ካሊዛይታ ማጫሳታኔ አዳታ ዳሚ ቃቸዲ ዩሩሳላሜ ኤኪ ያናሰ ዳማሰቆ ጌቲቲዛሰን ዲዛ አይሁዳታ ዋሳ ኬላሰ ዳብዳቤ ጸፋና ማላ ቁሴታ ሃላቃ ዋሲዳሰ።

3 ዳማሰቆ ጋካና ማቲሺን ቆፖንታ ሳሎፔ ፖኦይ ኢዛ የሾን ፖላኡ ገዳሰ።

4 ኢዚካ ሄራካ ቢታ ቦላ ኩንዲዲ ሳሎፔ፡ «ሳኦሌ፡ ሳኦሌ፡ ታና አዛሰ ጎዳይ?» ገዛ ቃላ ሲዩዳሰ።

5 ሳኦሊካ፡ «ጎዳ! ኔ ኦኔ?» ገዳሰ። ኢዚካ ኢዛሰ፡ «ታኒ ኔ ጎዳዲዛ ዩሱሳኮ!» †

6 ኔ ሃኢ ዳንዳይ ገዳ ካታማ ጌላ፤ ኔ ኦላናሰ ቤሲዛዝ ኔሰ ታ የታና» ገዳሰ።

7 ሳኦሌራ ኢሲፊ ቢዛ አሳቲ ቃላ ገሪሰ ሲሳፊ አቲን ኦናካ ቤኦንታ ገሻሰ ባ ዳና ኦይኪ ኤቁዳ።

8 ሳኦሌ ባ ኩንዲዳሰሆፔ ዳንዲዲ አይፊ ደዩ ዳሊዛ ዋዳ አይኮካ ዳማናሰ ዳንዳይቤና፤ ሃሳ ገሻሰ ኢዛራ ዲዛ አሳቲ ኢዛ ኩሾ ኦይኪዲ ካሌሊ ኤኪዲ ዳማሰቆ ኤፊዳ።

9 ሄሹ ጋላሰ ጋካናሰ ቆቂዲ ካላ ሃላ ቤዩቤና።

10 ዳማሰቆን ኢሲ ሃናኒያ ጌቲቲዛ አማኒዛዳይ ዳሰ፤ ኢዛሰ ጎዳይ አጁታን፡ «ሃናኒያ» ገዲ ዳይገዳሰ፤ ኢዚካ፡ «ዩ ጎዳ!» ገዳሰ።

11 ጎዳይካ ኢዛ፡ «ዳንዳ! ሱሬ ጌቲቲዛ ኦጌይራ የሁዳ ጌቲቲዛሰ ባ። ሄን ሳኦሌ ጌቲቲዛ ኢሲ ጸርሴሴ አሲ ዋሲሾ ዳሰ፤ ኔ ኢዛ ኮያ ዳማ።

12 ጋሶይካ ሃናኒያ ጌቲቲዛይሲ ሳኦሌ ዲዛሰ ዩዲ ኢዚ ዳላና ማላ ኢዛ ቦላ ባ ኩሾ ዋሊሺን አጁታን ቤዩዳሰ።»

13 ሃናኒያይካ ዛሪዲ፡ «ጎዳ! ሃይሳዳይ ዩሩሳላሜን ዲዛ ጌሻታ ቦላ አይ ማላ ኢታ ማቶ ጋሊዳኮ ታ ዳር አሳፔ ሲያዲሰ።

14 ኢዚ ሃ ዩዳይ ኔ ሱንላ ዳይጊዛይታ ኡባ ቃቻናሰ ቁሴታ ሃላቃታፔ ጎዳቲላ ኤኪዲኮ» ገዳሰ።

15 ጎዳይካ ኢዛሰ፡ «ኔ ባ! ሃይሲ አዳዚ አይዛቤታ ሲንላኒኔ ካዎታ ሲንላን ሃሳሶካ ኢሰራኤሌ ዳሬ ሲንላን ታ ሱንላ ቶካና ማላ ኢዚ ታሰ ደሬቲዳይሳ።

16 ኢዚ ታ ሱንላ ገሻሰ አይ ማላ ዋዩ ቤያናኮ ታ ኢዛ ቤሳና» ገዳሰ።

17 ሃናኒያይ ቢዲ ኢዛሰ የቲቲዳሰ ጌሊዳሰ። ሳኦሌ ቦላ ባ ኩሾ ዋሊዲ፡ «ታ አሻ ሳኦሌ ኔ ሃ ዩሺን ኔሰ ኦጌ ቦላ ቆንጩዳ ጎዳ ዩሱሰ ኔ አይፊይ ዳላና ማላኔ ኔኒ ዲሎ አያናን ኩማና ማላ ታና ኔኮ ከቲዳሰ» ገዳሰ።

* 8:37 ኢሲ ኢሲ ጌሻ ማጻፋቲ ታይቦ 37 ቦላ ዲዛ ቆፋ ጉጃቲሰ፤ ኢሲ ኢሰቲ ቃሴካ ቆፋ አይኪቤቲና። * 9:5 ኢሲ ኢሲ ጌሻ ማጻፋታ ቢርሹላይ፡ «ቃራ ማሻ ቦላ ኔ ኤቁኮ ቆሃታና» ገሺን ሃራቲ ቃሴ፡ «ጫዲዛ ቢራታራ ኔ ኤቁቲኮ ኔሰ ሃ ዳራና» ጌሰ። † 9:5 ኢሲ ኢሲ ጌሻ ማጻፋ ቢርሹላቲ ሳኦሌ ኮኮራዲኔ ያሻቲላን ማላሌቲዲ፡ «ጎዳ! ታ ኔሰ አይ ኦላና ማላ ዳሳይ?» ገዳሰ ገዛ ቆፋ ጉጃቲሰ። ሄሲካ ሹምፖ 22:10ኔ 26:14 ቦላ ጸፊቲ ቤቲሰ።

18 ሄራካ ሳኦሌ አይፌፔ ፖቆ ማላይ ፖቁቲ ዋጂን ኢዚ ጸላና ዳንዳይዳሲኔ ዳንዳይዳ ጸማቁቲዳሰ።
 19 ካሌካ ሚዲ ሚኒዳሰ፤ ኦንዳና ዋዴ አማኒዳይታራ ዳማሰቆን ጋምኢዳሰ።

ሳኦሌ ዳማሰቆኒኔ ዩሩሳሌምን ታማርሲዳ ተሚርቲ

20 ሄራካ ዩሱሲ ጸሳ ና ጊዲዳይሳ አይሁዳታ ዋሳ ኬላታን ታማርሲ ኦይኪዳሰ።

21 ሲዩዳ አሳይ ዉሪ፡ «ሃይሲ ዩሩሳሌምን ሃ ሱንሳ ጸይገዳይታ ጳይሲዳ አዳዛ ጊዳኔ? ቃሴ ኢዚ ሃ ዩዳይ ሄ አሳታ ቃቺ ኤኪ ቁሴታ ሃላቃታኮ ኤፋናሰ ዳኔ?» ጊሼ ማላላቲዳ።

22 ሳኦሌ ካሴፔ ሚኒ ሚኒ ቢዳሰ፤ ዳማሰቆን ዲዛ አይሁዳታሰ ዩሱሲ ኢዚ ጸሲ ከቲዳዴ ጊዲዳይሳ አማንሊሼ አሳ ዶና ኦይሊዳሰ።

23 ዳር ጋላሳታፔ ጉዬ አይሁዳቲ ሳኦሌ ዋጳናሰ ዲላቲዳ።

24 ኢዚካ ኢሰታ ቆፋ ኤሪዳሰ፤ ኢሰቲካ ኢዛ ዋጳናሰ ካታማ ጌልሊዛ ኦፔን ጋላሲኔ ቃማ ናጊዳ።

25 አማኒዳይቲ ጊዲኮ ኢዛ ጊዳላ ካታማ ዩሼን ዲዛ ማሰኮቲዛራ ኬሼን ዲጌ ዋሊዳ።

26 ሳኦሌ ዩሩሳሌም ዩዲ አማኒዳይታራ ዋላኬታና ኮዩን ኢዚ ቱሙ አማኒዳይ ጊዲዳይሳ ኢሰቲ አማኔቶንታ ጊሻሰ ኢዛሰ ባቢዳ።

27 ጊዳ ኦቲን ባርናባሲ ኢዛ ሃዋርያታኮ ኤፊን ሳኦሌ ኢዚ ዳማሰቆ ኦጌ ቦላ ጎዳ ዋሰቲ ቤኢዳኮ፡ ጎዳይካ ኢዛሰ አይ ዮቲዳኮኔ ዳማሰቆን ዲሼ ኢዚ አይ ማላ ጸላቲላራ ዩሱሳ ሱንሳን ሳባኪዳኮ ኢሰታሰ ዮቲዳሰ።

28 ሄሳ ጊሻሰ ሳኦሌ ኢሰታራ ዲዳሰ፤ ዩሩሳሌምን ዩዩ ዩዩ አሳሰ ባቦንታ ጎዳ ሱንሳን ታማርሲዳሰ።

29 ጊሪኬ ዳሬፔ ዩዳ አይሁዳታራ ሃሳይሼ ፓላማቲዳሰ፤ ጊዳ ኦቲን አሳይካ ኢዛ ዋጳናሰ ኮዩዳሰ።

30 አማኒዳይቲ ሄሳ ኤሪዳ ዲጌ ቁሳሪያ ጌቲቲዛሰ ዋሊዳ ጸርሴሴ ዩዲዳ።

31 ሄ ዋዴ ዩሁዳኒኔ ጋሊላን፡ ሳማሪያንካ ዲዛ አማኒዳይቲ ሳርን ዲዲ ካሴፔ ሚኒዳ፤ ቃሴካ ጸሳ ያሻቲላን ሲሜሬቲሼ ጸሎ አያናን ሚኔቲዳኔ ካሴፔ ቆዳን ዳሪ ዳሪ ቢዳ።

ኤኒያኔ ዶርቃ

32 ጳጳርሲ ዳሬፔ ዳሬን ዩዩሼ ሊዳ ካታማን ዲዛ አማኒዳይታ ቤያናሰ ዲጌ ዋጂዳሰ።

33 ሄን ኤኒያ ጌቲቲዳይሳ ኦሰፑን ላይላ ሂዳን ቃሼቲ ኡቲዳ ኢሲ ጉንዳ አሰ ዳሚዳሰ።

34 ጳጳርሲካ፡ «ሃይሶ ኤኒያ! ዩሱሰ ከርሰቶሲ ኔና ፓላና፤ ዳንዳዳ ኔ ሂጸ ዳንላ!» ጊዳሰ፤ ኤኒያይ ሄራካ ፑሱኩ ጊ ዳንዲዳሰ።

35 ሊዳኒኔ ሳርናን ዲዛ አሳይ ዉሪ ኢዛ ቤኢዲ ጎዳን አማኒዳሰ።

36 ኢዮጶ ጌቲቲዛሰን ጸቢታ ጌቲቲዛ ኢሲ አማኒዳይ ዳዉሰ፤ ኢዚ ሱንሳ ቢርሼላ ጊሪኬ ቃላራ፡ «ዶርቃ» ጌቲቲሰ፤ ኢዛ ኡባ ዋዴ ሎኦ ኦሶ ሚና ኦላሼኔ ማንቆታ ማዳሼ ዳዉሰ። †

37 ሄ ዋዴ ኢዛ ሃርጋዳ ሃይቁን አሳይ አሃዛ ሜጪ ፑዳ ፖቁን ኬሲ ዋሊዳሰ።

38 ሊዳይ ኢዮጶ ማታ ጊዲዳ ጊሻሰ አማኒዳይቲ ጳጳርሲ ሊዳን ዲዳይሳ ሲዩዲ ናምኦ አሳታ ከቲዳ፡ «ኤሌ ሃ ያርኪ!» ጊ ዋሲዳ።

39 ጳጳርሲካ ዳንዲዳ ከቲቲዳ አሳታራ ጋኪዳ ዋዴ ኢዛ ፑዳ ፖቁ ቦላ ኬሲዳ፤ አምኤቲካ ዉሪ ኢዛ ዩዩ አጂ ኤቁዲ ዶርቃይ ፓጸ ዳሼ ኢሰታራ ኦሊዳ ቃሚሳታኔ ማይኦታ ቤሲሼ ዩኪዳ።

40 ጳጳርሲካ ኡባ አሳ ከፊሌዛፔ ኬሲዲ ጉልባቲ ዋሲዳሰ። አሃኮ ሰሚዳ፡ «ሃኔ ጸቢታ ዳንዳ!» ጊዳሰ። ኢዛካ ባ አይፌ ዳያዳ ጸላዲሰ፤ ጳጳርሳካ ቤያዳ ዳንዳ ኡታዲሰ።

41 ኢዚካ ኢዚ ኩሼ ኦይኪ ዳንሊዳሰ። አማኒዳይታኔ አምኤታ ጳይጊዲ ኢዛ ኢሰታሰ ፓላ ኢሚዳሰ።

42 ሄ ሃናይ ኩሜላ ኢዮጶን ኤሬቲዳሲኔ ዳር አሳይካ ጎዳ አማኒዳሰ።

43 ጳጳርሲካ ኢሲ ሲሞና ጌቲቲዛ ጋልባ ቃጪዛዳራ ኢዮጶን ዳር ዋዴ ዳኢዳሰ።

10

ቆርናሎሳኔ ጳጳርሳ

1 ቁሳሪያ ጌቲቲዛ ዳሬን፡ «ጸላኔ ዋታዳራታ» ጌቲቲዛ ኦላ አሳ ጋርሳን ማቶ ሃላቃ ቆርናሎሳ ጌቲቲዳይሲ ዳሰ።

2 ኢዚካ ባ ኬላ አሳ ኩሜላራ አያና ሃናን ሚሮኔ ጸሰ ባቢዳዳ፤ ማንቆታሰካ ዳር ሙጶዋታ ኢሚዳይኔ ዳር ዋዴ ጸሰ ዋሲዛ አሳ።

3 ኢሲ ጋላሰ ጋላሳፌ ኡዱፋን ሳቲ ቦላ ጸሳ ከታንቻይ ኢዛሰ አጂታን ቤቲዲ ኢዛኮ ዩዲ፡ «ቆርናሎሳ!» ጊ ጳይጊሼን ቆንጩን ቤዩዳሰ።

4 ቆርናሎሲካ ዳጋማራ ቲሼ ሂሰቲ ጳሊሼ፡ «ጎዶ ሃይሲ አዜ?» ጊዳሰ። ከታንቻይካ ዛሪዲ፡ «ኔ ዋሳይኔ ኔ ሙጶዋታይ ቆፊታናሰ ፑዴ ጸሳ ሲንላ ጋኪዳሰ።

5 ኔ ሃኢ አሰ ኢዮጶ ዩዳዳ ጳጳርሳ ጌቲቲዛ ሲሞና ዳይጊሳ።

6 ኢዚካ አባ ማታን ዲዛ ጋልባ ቃጪዛ ሲሞናሶን ኢማላቲላ ዳሰ» ጊዳሰ።

7 ቆርናሎሳ ሃሳይሲዳ ከታንቻይ ኢዛፔ ሻኬቲዲ ቢዳፔ ጉዬ ባ አሸካራታፔ ናምኦታ ቃሴ አያና ዮኦሰ ሚሮኔ ኢዛሰ ዳር አማኔቲዛ ዋታዳራታፔ ኢሳ ዳይጊሲዳ፤

8 ኢዚ ቤኢዳይሳ ኡባ ኢሰታሰ ዮቲዳ ኢዮጶ ከቲዳሰ።

ጳጳርሲ ቤኢዳ አጂታ

9 ከቲቲዳ አሳቲ ዋንቲላ ጋላሰ ጌዴ ካታማይኮ ማቲሼን ጳጳርሲ ኡሱፑን ሳቲ ቦላ ዋሳና ፑዴ ፖቁ ቦላ ኬዚዳሰ።

10-11 ሄ ዋዴ ኢዚ ጋፊዳ ጊሻሰ ቁማይ ቡር ካዲሼን ጂሰኮ ማላ ሊጲጲ ሂሰቲን አጂታራ ሳሎይ ዳይቲን ኢሲ ጊታ ጸጸቲዳ ማይኦ ማላይ ኦይዳ ባጋራ ኦይኬቲዲ ዲጌ ቢታን ዋጂሼን ቤዩዳሰ።

12 ሄ ማይኦካ ቦላ ኦይዳ ቶሆይ ዲዛ ዲማ ዲማ ዶኦቲ ቢታራ ጎሼቲዛ ሜዴቲላቲኔ ሳሎ ቦላ ፒራጂዛ ካፎቲ ዳቲሰ።

9:23 2ቆር 11:32-33 † 9:36 ዶርቃ ጉሲ ጊሪኬ ቃላራ፡ «ጌኔሳ ጉሳ»

13 ሃ ወዴ፣ «ጴጥሮስ ዳንዳ ሃይታ ሹካዳ ማ!»
ገዛ ቃላ ሲደዳስ።

14 ጴጥሮስ ቃሴ፣ «ጎዶ ሃይሲ ሃኔና! ጌሽ
ገደንታይሳ ዋይኮ ቱና ሚሽ ታ ሙሌራካ ማ ኤሪኬ»
ገደሰ።

15 ሃ ካሴ ቃላይ ቃሴካ ናምእንሉ ኢዛኮ ዩዲ፣
«ጸሲ ጌሽዳይሳ ኔ ቱና ማላ ቆዶፓ» ገደሰ።

16 ሂሲካ ሃቸቶ ሽሬቲ ሽሬቲ ኢዛኮ ዩዳ፤ ጉዬ
ማይኦ ሚሳቲዛይሲ ሂራካ ፑዳ ሳሎ ቢዳስ።

17 ጴጥሮስካ ባ ቤኢዳ ኣጁታዛ ቢርሼላ ኤራናሰ
ዳር ሚቶቲዲ ኬሂ ቆፋ ቦላ ዲሺን ቆርኖሎሲ ከቲዳ
ኣሳቲ ሰሞና ኬፍ ኮዩሼ ዳሚዲ ፔንጌን ኤቁዳ።

18 ቃላ ቶቁ ሂሳቲዲ፣ «ጴጥሮስ ጌቲቲዛ ሰሞኒ
ዲዛሶይ ሃይሳን ኣዋኔ?» ገ ኦይቲዳ።

19-20 ጴጥሮስ ባ ቤኢዳይሳ ኬሂ ቆፕሺን ጸሎ
ኣያናይ ኢዛ፣ «ሃኮ ሃቸ ኣሳቲ ኔና ኮዬቲስ፤ ዳንዳ!
ዲጌ ዋዳዳ ኢሰታ ዩዲዳይ ታና ገዲዳ ገሻሰ ሲዴይ
ባይንዳ ኢሰታራ ባ» ገደሰ።

21 ጴጥሮስካ ዲጌ ዋዳዳ፣ «ሃኮ ኢንቲ ኮይዛይይ
ታናኮ! ኢንቲ ዩዲይ ኣዛሰ?» ገደሰ።

22 ኢሰቲካ ኢዛሰ፣ «ኮኒ ማቶ ሃላቃ ቆርኖሎሳ
ማታፔ ዩዳሰ፤ ኢዛካ ጸሳሰ ባቢዛ ጸሎ ኣሳኔ
ኣይሁዳ ኣሳ ኡባ ማታን ዳር ቦንቲቲዳ ኣሳ፤ ኔካ ኢዛ
ሶ ባና ማላኔ ኔ ገዛይሳ ኢዚ ሲያና ማላ ጌሻ
ከታንታይ ኢዛሰ ኮቲዳስ» ገዳ።

23 ጴጥሮስካ ኣሳታ ባ ዲዛሶን ሞኪ ኤኪዲ
ኣይሲዳስ።

ቆርኖሎሳ ኬላን ጴጥሮስ

ጴጥሮስካ ዋንቲላ ጋላሰ ዳንዲዲ ኢሰታራ ቢዳስ፤
ኢዮጴጴ ዩዳ ኢሲ ኢሲ ኣማኒዛ ኣሳቲ ኢዛራ ኢሲፊ
ቢዳ።

24 ቆርኖሎሳካ ባ ዳቦታኔ ማታ ላጌታ ባ ሶን
ሺሺዲ ናጎ ቦላ ዲሺን ኢዚ ናምእንሉ ጋላሰ ቁሳሪያ
ጋኪዳስ።

25 ጴጥሮስካ ቆርኖሎሳ ኬፍ ጌሊን ቆርኖሎሲ ኢዛ
ሞኪ ኤኪዲ ኢዛ ቶሆ ቦላ ሆኪ ጎይኒዳስ።

26 ገደ ኣቲን ጴጥሮስ፣ «ታኒካ ኔ ማላ ኣሳኮ!
ዳንዳ» ገዲ ዳንሲዳስ።

27 ጴጥሮስካ ኢዛ ሃሳይሲሼ ኢዛራ ሶ ጌሊሺን
ዳር ዳሬይ ሸቁ ኡቲዳይሳ ቤዩዳስ።

28 ኢዛካ ኢሰታስ፣ «ኣይሁዳ ኣሲ ሃራ ዳሬ ኣሳራ
ጋጎንታ ማላ ዋይኮ ሃራ ዳሬ ኣሰ ገዲዳይታ ማታ
ሺቆንታ ማላ ኦ ዋጋይ ዲገዛይሳ ኢንቲ ኤሪታ፤ ገደ
ኣቲን ታ ኦናካ ቱና ዋይኮ ኢዚ ጌሽ ዳና ጎንታ ማላ
ጸሲ ታሰ ቆንጩሲዳስ።

29 ሃሳ ገሻሰ ታ ጳይጌቲዳ ዋዴ ሃኮ ሲዶንታ
ያዲሰ፤ ሂሰቲን ኢንቲ ታና ኣዛሰ ጳይጌዳኮ ኤራና
ኮያይሰ» ገደሰ።

30 ቆርኖሎሳካ፣ «ኣይዲ ጋላሳፊ ካሴ ሊኬ ሃኒ
ዋዴ ጋላሳፊ ኡዲፋን ሳቲን ታኒ ታሶን ዋሲሺን
ቆፖንታ ቦላ ማይኦ ማይኢዳ ኣሲ ዩዲ ታ ሲንላን
ኤቁዳ

31 ታና፣ «ቆርኖሎሳ! ኔ ዋሳይ ሲዬቲዳስ፤ ኔ
ማንቆታሰ ኢሚዛ ሙጵዋታይ ጸሳ ሲንሳ ጋኪዳስ።

32 ሃሳ ገሻሰ ኢዮጴ ካታማ ኣሰ ከታዳ ጴጥሮስ
ጌቲቲዛ ሰሞና ኤሂሳ፤ ኢዚ ኣባ ኣታን ጋልባ ቃጩዛ
ሰሞና ኬላን ኢማላቲላ ዳስ» ገደሰ።

33 ታኒካ ሃራካ ኔኮ ኣሰ ከታዲሰ፤ ኔ ዩሳይካ ሎኣ፤
ሂሰቲኮ ጎዳይ ኔና ኣዛዚዳይሳ ኔ ኦሰ ዮቲኮ ጸሲ
ዮቲዳይሳ ኔፔ ሲያናሰ ኦ ዉሪካ ሃይሳን ጸሳ ሲንላን
ዳስ» ገደሰ።

34 ጴጥሮስካ፣ «ጸሲ ኦናካ ሻኪ ማዶንታይሳ
ቱማፔ ታ ኤራዲሰ።

35 ገደ ኣቲን ጸሳሰ ባቢዛይታኔ ጸሎ ኦላዛይታ
ኡባ ኦና ባጋፊ ገዲንካ ኢዚ ኤኬሰ።

36 ጸሲ ኡባሰ ጎዳ ገዲዳ ዩሱሰ ከርሰቶሳ ባጋራ
ኢሰራኤሌ ኣሳሰ ከቲዳ ሳርቲላ ሚሺራቾ ከታይ
ሃይሳ።

37 ዮሃንሲ ጸንቃታ ገሻሰ ሳባኪዳፔ ጉዬ ጋለላፔ
ደሚዲ ኩሜላ ዩሁዳን ሃኒዳይሳ ኢንቲ ኤሪታ።

38 ጸሲ ናዚሬቲ ዩሱሳ ጸሎ ኣያናኒኔ ዋልቃን
ቲይዳስ፤ ኢዛካ ጸሲ ኢዛራ ዲዛ ገሻሰ ባ ጋኪዳሶን
ኡባን ሎኦ ኦላሼ ዳላኤ ጎዳቲላ ገደን ዲዛይታ ኡባ
ፓላዳስ።

39 «ኢዚ ኣይሁዳታ ዳሬኒኔ ዩራሳላሚ ካታማን
ኦላዳይሳ ኡባሰ ኦ ማርካ፤ ቃሴካ ኣሳይ ኢዛ ሚላ
ቦላ ካቁ ዋዳዳስ።

40 ገደ ኣቲን ጸሲ ኢዛ ሃቸንሉ ጋላሰ ሃይቆፔ
ዳንሲዳስ፤ ኣሲ ኢዛ ቤያና ማላ ኦላዳስ።

41 ኢዚ ቆንጩዳይ ኣሳ ኡባሰ ገደንታ ሃይቆፔ
ዳንዲን ኢዛራ ሚዳይታሲኔ ኢዛራ ኡዩዳይታሰ ጸሲ
ኮይር ዶሪዳ ኦሰ ኢዛ ማርካታሳ።

42 ኢዚ ኦ ዳሬዛሰ ሳባካና ማላኔ ሃይቁዳይታ ቦላኔ
ፓጻ ዲዛይታ ቦላ ፐርዳናሰ ጸሲ ሹሚዳይ ኢዛ
ገዲዳይሳ ኦ ማርካታና ማላ ኦና ኣዛዚዳስ።

43 ኢዛ ኣማኒዳዳይ ዉሪ ኢዛ ሱንላን ናጋራ
ማሬቲዲ ጌያናይሳ ናቤቲ ኢዛሰ ማርካቲቲስ» ገ ዮቶ
ደሚዳስ።

44 ጴጥሮስ ሃሳ ሃሳይሺን ቃላ ሲዩዛይታ ኡባ ቦላ
ጸሎ ኣያናይ ዋዳዳስ።

45 ቃጻሬቲዳይታ ባጋፊ ጴጥሮሳራ ዩዳ ኣማኒዛይቲ
ጸሎ ኣያና ኢሞቲላ ኣይዛቤታ ቦላ ዋዳሺን ቤኢዲ
ማላላቲዳ።

46 ሂሲካ ኢሰቲ ዳማ ቃላን ሃሳይሺኒኔ ጸሳ
ጋላቲሺን ሲዩዳ ገሻሳ። ሃ ወዴ ጴጥሮስ፣

47 «ሃይቲ ኣሳቲ ኦ ማላ ጸሎ ኣያና ኤኪዳ ገሻሰ
ኢሰቲ ሃሳን ጸማቁቶንታ ማላ ኢሰታ ዲጋናይ ኦኔ?»
ገደሰ።

48 ሃሳ ገሻሰ ዩሱሰ ከርሰቶሳ ሱንላን ጸማቁታና
ማላ ኣዛዚዳስ፤ ሃሳፊ ጉዬ ጴጥሮስ ጉላ ዋዴ
ኢሰታራ ዳና ማላ ዋሲዳ።

11

ጴጥሮስ ቦላ ሸቁዳ ዋላሳ ቃላ

1 ሃዋሪቲኔ ዩሁዳን ዲዛ ኣማኒዛይቲ ኣይዛቤቲ ጸሳ
ቃላ ኤኪዳይሳ ሲዩዳ።

2 ሃሳ ገሻሰ ጴጥሮስ ፑዳ ዩራሳላሚ ኬዚን
ቃጻሬቲዳ ኣይሁዳፔ ኣማኒዛይቲ ጴጥሮስ፣

3 «ኔ ቃጻሬቶንታ ኣሳታ ኬላ ጌላዳ ኢሰታራ ካል
ማዳሳ» ገዲ ዋላሲዳ።

4 ጴጥሮስ ቃሴ ኢስታስ ጌላና ማላ ማራራ ሂዘጊ የተደሰ።

5 «ታጊ ኢዮጴ ካታማን ዋሲሺን ጴሰኮ ማላ ታና ሊጸጸጸ ሂሰቲዲ እጁታን ጊታ ማይኦ ሚሳቲዛ ሚሺ ኦይዲ ባገራ ኦይኬቲዲ ሳሎፔ ታ ዲዛሶ ዋጁሺን ቤያዲሰ።

6 ታ ቲሺ ሂሰታ ጴሊሺን ኦይዲ ቶሆራ ዲዛ ማሃታ፣ ዋራ ዶኦታ፣ ቢታ ቦላ ጎሼቲዛ ማጴቴላታኔ ሳሎ ቦላ ፕራጲዛ ካፎታ ቤያዲሰ።

7 ሄራካ ታና፣ «ጴጥሮሳ ዴንዳ! ሃይሳ ሹካዳ ማ ጊዛ ቃላ ሲያዲሰ።

8 «ታጊካ፣ ሳዶ ሄሲ ሃኔና፤ ታጊ ቱና ዋይኮ ጌሽ ጊዶንታይሳ ሙሉካ ታ ዶናኮ ሸሻ ኤሪኬ» ጋዲሰ።

9 «ሄ ካሴ ቃላይ ቃሴካ፣ «ጸሲ ጌሺዳይሳ ኔ ቱኒሶፓ» ጊዲ ሳሎፔ ታሰ የተደሰ።

10 ሄሲካ ሃቸቶ ሸሬቲ ሸሬቲ የተቲዳፔ ጉዬ ወሪካ ሲሚዲ ፑዴ ሳሎ ቢደሰ።

11 «ቁሳሪያፔ ታኮ ከቲቲዳ ሃቸ አሳቲ ሄራካ ሄ ሳቲዩን ዩ ጋኪዲ ታ ዲዛ ከላ ካሬን ኤቁዳ።

12 ታ ኦይኔ ሲጶንታ ኢስታራ ባና ማላ ጸሎ ኣያናይ ታሰ የተደሰ። ሄ ኡሱፑን ኣሻቲ ታናራ ኢሲፌ ቢዲ ኣዳዛ ከሌ ጌሊደሰ።

13 ኢዚካ ጸሳ ከታንቻይ ኢዛ ከላን ኤቁዲ ኢዛሰ ቤቲዳይሳ፣ ሳሎጶ ጌቲቲዛሶ ኣሰ ዩዳዳ ጴጥሮሳ ጌቲቲዛ ሲሞና ጴይጊሳ።

14 ኢዚ ዩዲ ኔናኔ ኔሶ ኣሳ ኡባ ኣሻና ቃላ የታና ጊዳይሳ ኑሰ የተደሰ።

15 «ታጊካ ባዳ ቡሮ የቶ ኦይኪሺን ኮይሮ ጸሎ ኣያናይ ካሴ ኑ ቦላ ዋጁይሳሶ ኢስታ ቦላካ ዋጁደሰ።

16 ካሴ ጎዳይ ኑሰ የተሹ፣ «የሃኒሲ ሃላን ጸማቁደሰ፤ ኣንቲ ጊዲኮ ጸሎ ኣያናን ጸማቁታና» ጊዳ ቃላይ ሄራካ ታሰ ቆፊቲደሰ።

17 ሄሳ ጊሻሰ ኑኒ ጎዳ ዩሱሰ ኪርሰቶሳ ኣማኒሺን ኑሰ ኣሚዳ ጸሎ ኣያና ጸሲ ኢስታሰ ኣሚኮ ሂሰቲን ጸሳሮ ኤቁታናሰ ታኒ ኦኔ?» ጊደሰ።

18 ኢሰቲ ሄሳ ሲዩዳ ዋይ ኢስታሰ ጊዛዚ ጳዩን ጮኡ ጊ ሲሚዲ፣ «ሃይሳ ማላ ጊዲኮ ኣይዘበቲካ ሃ ኦራላ ዳኦኮ ያና ማላ ጸሲ ኣሳሰ ማርቲላ ኣሚደሰ ጉሳ» ጊዲ ጸሳ ጋላቲዳ።

ኣንጾኪያን ዲዛ ዋሳ ከላዮ

19 ኢስቲፋኖሴ ቦላ ዴንዲዳ ጎይቲላ ጋሶን ላሊቲዳ ኣማኒዛ ኣሳይ ቃላ ኣይሁዳታሰ ጸላላ የተሹ ፒንቁ፣ ቆጶሮሴኔ ኣንጾኪያ ጌቲቲዛሶ ጋካናሰ ካንሌ ቢዳ።

20 ቆጶሮሴፔኔ ቃሪናፔ ዩዳ ኢሲ ኢሲ ኣሳቲ ኣንጾኪያ ቢዲ ጊሪኬታሰካ ጎዳ ዩሱሳ ሚሺራቾ ቃላ የተደደ።

21 ጎዳ ማዶይካ ኢስታራ ደሰ፤ ቆዳን ከሄ ዳሮ ኣሳይ ኣማኒዲ ጎዳኮ ሲሚደሰ።

22 ሄሳ ዋሪይካ ዩሩሳላሚን ዲዛ ዋሳ ከላ ኣሳ ሃይላን ዋጁን ዋሳ ከላያ ባርናባሳ ኣንጾኪያ ዩዳዲሰ።

23 ኢዚካ ሄ ቢ ጋኪዲ ጸሲ ባ ኣጶ ኪያቲላ ዴራሰ ኣሚዳይሳ ቤኢዲ ኡፋዬቲደሰኔ ኣሳይ ወሪካ ኩሚላ ዋዚናፔ ጎዳ ኣማኖን ሚናና ማላ ዞሪደሰ።

24 ኢዚካ ጸሎ ኣያናኒኔ ኣማኖን ኩሚዳ ሎኦ ኣሳ። ዳሮ ዴሪይ ጎዳ ኣማኒዲ ጉጃቲደሰ።

25 ሄሳፌ ካሊዲ ባርናባሲ ሳኦሌ ኮያና ጸርሴሴ ቢደሰ።

26 ኢዛ ዴሚዲ ኣንጾኪያ ኤኪ ዩደሰ፤ ናምኣይካ ሃን ዲዛ ዋሳ ከላ ኣሳራ ጊዲዲ ላይላ ኩሚላ ዳሮ ዴሪ ታማርሲዳ። ሃን ኣንጾኪያን ኣማኒዛይቲ ኮይሮ፣ «ኪርሳኔ» ጌቲቲ ዴይጌቲዳ።

27 ሄ ዋይ ኢሲ ኢሲ ናቤቲ ዩሩሳላሚፔ ዳጌ ኣንጾኪያ ዋጁዳ።

28 ኢስታ ጊደፌ ኢሶይ ኣጋቦሳ ጌቲቲዛይሲ ዴንዲ ኤቁዲ ጸሎ ኣያናይ ኢዛ ቤሲን ኣላሚ ኡባን ጊታ ኮሻይ ዴንዳናይሳ የተደሰ። ሄሲካ ኦርሚ ካዋ ቃላዋዶሳ ቁሳሬ ጌቲቲዛይሳ ካዋቲላ ዋይ ፖሌቲደሰ።

29 ኣማኒዛይቲ ወሪ ኢሶይ ኢሶይ ባ ዋልቃ ከና ሚሽ ከሴቲዲ ዩሁዳን ዲዛ ኣማኒዛ ኣሻታ ማዳናሰ ቃቸዳ።

30 ማዶ ሚሽ ከሴቲዲ ባርናባሳኔ ሳኦሌ ኩሼን ጨማታሰ ጋላና ማላ ዩዲዳ።

12

ኣማኒዛይታ ቦላ ጋኪዳ ጊታ ሚቶኔ ጎይቲላ

1 ሄ ዋይ ካዋ ሄርዶሲ ኢሲ ኢሲ ኣማኒዛ ኣሳ ጎዲ ጎዲ ሚቶላደሰ።

2 የሃኒሳ ኢሻ ያቆቤ ማሻን ዋጁሲደሰ።

3 ኢዚ ሄሳ ኦሊዳይ ኣይሁዳታ ኡፋይሲዳይሳ ቤኢዲ ጴጥሮሳካ ኦይሊደሰ፤ ሄሲካ ሃኒዳይ ኣይሁዳታሰ ኡከላ ባኦሌ ጌቲቲዛ ባኦሌ ጋላሳ።

4 ጴጥሮሳካ ቃሾ ከላ ጌልሊዳፔ ጉዬ ኦይዲ ኦይዲ ዋታዳራቲ ታራን ታራን ናጋና ማላ ጊጌቲዳ ዋታዳራታሰ ኣሚደሰ። ኢዚ ሃሳሶ ኦሊዳይ ፓዚጋ ባኦሌይ ኣጁዳ ማላ ከሲዲ ዴሪይ ፐርዳና ማላ ሸሻናሳ።

5 ሄሳ ጊሻሰ ጴጥሮሳ ቃሾ ከላ ጌልሊዲ ናጌቲሰ፤ ጊዶ ኣቲን ዋሳ ከላ ኣሳይ ኢዛሰ ከሄ ሚና ዋሳ ዋሲደሰ።

6 ሄርዶሲ ጴጥሮሳ ዴሬዛ ሲንላ ሸሻና ቆፒ ኡቲ ዲሺን ሄ ቃማ ጊደላ ናምኡ ሳንሳላታን ቃሹቲዲ ናምኡ ዋታዳራታ ጊዶን ኣቸደሰ፤ ቃሾ ከላ ናጊዛይቲ ከላ ፔንጌ ቦላ ኤቁ ናጊሺን።

7 ጎዳ ከታንቻይ ኤዘጎንታ ቤቲደሰ፤ ኢስቲ ዲዛ ኪፊሌን ፖኦይ ፖኢደሰ፤ ከታንቻዚካ ጴጥሮሳ ሚሌ ቦቺ ቤጎሊዲ፣ «ኤሌ ዴንዳ!» ጊደሰ፤ ሄራካ ሳንሳላታይ ኢዛ ኩሼፔ ጋይን ዋጁደሰ።

8 ከታንቻዚ ኢዛ፣ «ኔ ማይኦ ማይኦ! ጫማካ ኣላ!» ጊን ጴጥሮሳካ ኣዛዜቲዳ ማላ ኦሊደሰ፤ ቃሴካ ከታንቻይ፣ «ኔ ጋቤ ማይኣዳ ታና ካላ» ጊደሰ።

9 ጴጥሮሳካ ቃሾ ከላፌ ኢዛ ካሊ ከዚደሰ፤ ጊዶ ኣቲን ኢዛሰ ኣጉሞ ቤኢዛ ሚሳቲደሰ ኣቲን ከታንቻዚ ኦሊዛይሲ ቱሙ ጊዲዳይሳ ኤሪቤና።

10 ኮይሮ ዘቤታፔኔ ናምኣንላ ዘቤታፔ ኣጁዲ ጌዬ ካታማ ከሲዛ ኦጌ ቦላ ዲዛ ቢራታ ፔንጋኮ ጋኪዳ፤ ፔንጌይካ ባርካ ዶዩቲ ዋጁደሰ፤ ኢስቲ ከዚ ቢዳ፤ ኢስቲ ቁሪ ኦጌ ዲዛሮ ኣጁዳ ማላ ከታንቻዚ ኢዛፔ ሻኩቲደሰ።

11 ጴጥሮሳሰ ካሃይ ሲሚሺን፣ «ጎዳይ ባ ከታንቻ ከቲዲ ታና ሄርዶሳ ኩሼፔኔ ኣይሁዳቲ ታ ቦላ ቆፒዳ ኡባፌ ከሲዳይሳ ታ ሃኢ ቱማፔ ኤራዲሰ» ጊደሰ።

12 ሄሳ አከኪ ኤሪዳፔ ጉዬ ዳር አሳይ አሲ ቦላ ሸቄቲዳ ዋሲዛ ማርቆስ ጌቲቲዛ የሃሲሳ አዮ ማራሚሶ ቢደሰ።

13 አዚ ሄ ቢዳ ካሪ ፔንጌ ቆጶን አሲ ኤርዳ ጌቲቲዛ ጋራዳያ ካሪ ኦኒ ቆጶዛኮ ኤሪሰስ ካሪ ማታ ባዲሰ።

14 ቃላይ ጳጳርሳይሳ ጊዲዳይሳ ኤሪዳ ኮሃ ኡፋዬቲዳ ገሻሰ ካሪዛ ደዮንታ ዋላን ጉዬ ሰማዳ፣ «ጳጳርሲ ካሪን ፔንጌ ቦላ ኤቆደሰ» ጋዲሰ።

15 አሳይካ አዚ፣ «ሃኔ ጎያይ!» ጊዳ፤ አዚ ቃሴ ዛራ ዛራ አሰታሰ የቲን፣ «ሂሰቲኮ ሄሲ አዚ ናጊዛ ኪታንቻ ጊደንታ አጌና» ጊዳ።

16 ጳጳርሲ ቃሴካ ፔንጌ ቆላ ጉጂደሰ፤ አሰቲካ ፔንጋ ደይዲ አዚ ቤኢዳ ማላ ማላሌቲዳ።

17 አዚካ አሰቲ ጮኡ ጋና ማላ ባ ኩሼን ማላቲ ቤሲዳ ጎዳይ አዚ ቃሾሶፔ ዋሰቲ ኬሲዳኮ ሎኤላ የቲደሰ። «ሃይሳ ወርሲ ያቆቤሲኔ ሃንኮ አማኒዛይታሰ የቲቲ» ጊደሰ። ሃሳፊካ ሃራሶ ቢደሰ።

18 ዋንቴላ ጋላሰ ዋንታራ ዋታዳራቲ፣ «ጳጳርሲ ዋኒዳ?» ጊሼ ባ ጊደን ቡልኦኬቲዳ።

19 ሄርደሲ አሰ ዬዲ ጳጳርሳ ኮዩሲዳ አዚ ቆይዳ ገሻሰ ናጊዛይታ ሎኤላ ኦይቺዳፔ ጉዬ አሰታ ዋላና ማላ አዛዚደሰ። ሃሳፊ ጉዬ ሄርደሲ የሁዳፔ ዲጌ ቁሳሪያ ዋዲዳ ሄን ኡቲደሰ።

ሄርደሳ ሃይቆ

20 ሄርደሲካ ጸርሴ አሳራኔ ሲደና አሳራ አሻ፤ ሄ ዳሪ አሳይ ካላ ዳሚዛይ ሄርደሳ ዳሪፔ ጊዲዳ ገሻሰ ሄ ዳሪ ካዋ ጳሊዛይ ቢላሰጸሳፔ ማዶ ቃላ ዳሚዳ ማላ አሲ ቦላ ጊዲዳ ሄርደሳራ ማቃዩንላናሰ ኦይቺዳ።

21 ጊጋና ባሪቲዳ ጋላሰ ሄርደሲ ካዋቴላ ማይኦ ማይኢዳ ካዋቴላ አልጋን ኡቲዳ ዳራሰ ሃሳይደሰ።

22 ዳሪዚካ፣ «ሃይሲ ጸሳ ቃላፔ አቲን አሳ ቃላ ዳና!» ጊ ዋሲደሰ።

23 ሄርደሲካ ጸሳሰ ቦንቾ አምንታ አጊዳ ገሻሰ ጎዳ ኪታንቻይ ሄራካ ሄርደሳ ሾጪ ዬጊን ጉጶኒ ሃይቁደሰ።

24 ጸሳ ቃላይ ጊዲኮ ዲጪዲ አኪ አኪ ቢደሰ።

25 ባርናባሲኔ ሳኦሊ ባ ኤኪ ቢዳ ኪታ ፖሊዲ ዬሩሳላሜ ሲሚዳ ማርቆስ ጌቲቲዛ የሃሲሳካ ባናራ ኤኪ ሲሚዳ።

13

ባርናባሲኔ ሳኦሊ ኪቲቲላ

1 አንጾኪያን ዲዛ ዋሳ ኬላን ናቤቲኔ አሰታማራቲ ዳቲሰ፤ ሄይቲካ ባርናባሲኔ ኔጌሪ ጌቲቲዛ ሲሞናራ፣ ቃሪና ዳሪ አሰ ሉቀዮሳራ፣ ሄርደሳራ አሲፊ ዲጪዳ ሚናሄራኔ ሳኦሊራ ወሪ አሲፊ ዳቲሰ። *

2 ሄይቲ ወሪ ጎዳሰ ጎይኒሼኔ ጸሚሼ ዲሺን ጸሎ አያናይ፣ «ባርናባሲኔ ሳኦሊ ታ አሰታ ጳይጊዳ ኦሶስ ታሰ ሻኪ ኬሲቲ» ጊደሰ።

3 አሰቲካ ጸሚ ዋሲዳ ባ ኩሼ አሰታ ቦላ ዋሊዳፔ ጉዬ ሞይዚዳ።

ባርናባሲኔ ሳኦሊ ቆጶርሴ ጌቲቲዛሶን

4 ባርናባሲኔ ሳኦሊ ጸሎ አያና ኪታን ዲጌ ሴላወቁያ ዋዲዳ፤ ሄፔካ ማርካቤን ጌሊዳ ቆጶርሴ ቢዳ።

5 ሳላሚሴ ጌቲቲዛሶ ጋኪዲ አይሁዳታ ዋሳ ኬላታን ጸሳ ቃላ ሳባኪዳ፤ ማርቆስ ጌቲቲዛ የሃሲሲካ አሰታራ ቢዳ አሰታ ማዲደሰ።

6 አባ ጊደን ዲዛ ቢታ ቆጶርሴ ጌቲቲዛ ዳሪዮ ሃ ጋጾፔ ሄ ጋጾ ጋካናሰ ካንላ ኬዚዳ ጳፋ ጌቲቲዛሶ ጋኪሺን አሲ አይሁዳ አሳ ሺን ማርኔ ዋርዶ ናቤ ባር-ዬሶሳ ጌቲቲዛ አሰ ዳሚዳ።

7 አዚካ አሲ ሳርጎሳ ጳወሎሳ ጌቲቲዛ ዋዚናማ ዳሪ አይሲዛይሳራ አሲፊ ደሰ፤ ሄሲ ዳሪ አይሲዛ አዳዚ ጸሳ ቃላ ሲያና ኮዩዲ ባርናባሲኔ ሳኦሊ ጳይጊሲደሰ።

8 ማርዚ ኤላማሲ ባ ሱንሳ ቢርሼላ ማላ ዳሪ አይሲዛይሲ አማኖንታ ማላ ቆጶርሴ ኮዩዲ አሰታራ ኤቁቲደሰ።

9 ጳወሎሳ ጌቲቲዳ ሳኦሊ ጸሎ አያናይ አዛን ኩሚን ማርዛ ቲሺ ሂሰቲ ዳሊዲ፣

10 «ኔኖ ጸሎቲላ ኡባሰ ሞርኬዘ! ጌኔይኔ አታቲላ ኔናን ኩሚዳይሶ ሃይሶ ዳቡሎሳ ናዉ! ጎዳ ሱሪ ኦኒ ጌላሴላፊ ሸምፐኪ?»

11 ሄኮ ሃኢ ጎዳ ኩሼይ ኔ ቦላ ደሰ፤ ኔ ቆቃና፤ ሃሲፊ ጉዬ አርሼ ፖኦ አሲኖካ ቤያካ» ጊደሰ።

12 ዳሪ አይሲዛይሲ ሃ ሃሲዳ የኦዛ ቤኢዳ ጎዳ ገሻሰ ሲዩዳ ቲሚርቲዛን ማላሌቲዳ አማኒደሰ።

ጲሲዲያ ጌቲቲዛ ዳሪን ባርናባሲኔ ሳኦሊ

13 ጳወሎሲኔ አዛራ ዲዛይቲ ጳፋፔ ዳንዲዳ ጸንፊሊያ ጌቲቲዛሶን ዲዛ ጳርጌኔ ጌቲቲዛሶ ማርካቤን ጌሊ ቢዳ፤ የሃሲሲ አሰታፊ ሻኬቲዳ ጉዬ ዩሩሳላሜ ሲሚደሰ።

14 አሰቲ ጊዲኮ ጳርጌኔፔ ዳንዲዳ ጲሲዲያ ጊደን ዲዛ አንጾኪያ ቢዳ፤ ሳምባታ ጋላሰ አይሁዳታ ዋሳ ኬላ ጌሊ ኡቲዳ።

15 ሙሴ ዋጋ ማጻፋቲኔ ናቤታ ማጻፋቲ ናባቤቲዳፔ ጉዬ አይሁዳታ ዋሳ ኬላ ሃላቃቲ፣ «ኦ አሻቶ! አንቲሰ ሃይሳ አሳ ዞራና ቃላይ ዲኮ ሃሳይቲ» ጊዲ አሰታኮ አሴ ዬዲዳ።

16 ጳወሎሲካ ዳንዲ ኤቁዲ ባ ኩሼራ ማላቲዳ፣ «አንቲኖ አሰራኤሌ አሳቶ! ቃሴካ አንቲኖ ጸሳሰ ያዩዛ አይዛቤቶ! ሲዩቲ።

17 ሃ አሰራኤሌ ዳሪ ጸሳይ ካሴ ኦ አዋታ ዶሪዳሰ፤ አሰቲ ጊብጾ ዳሪን ዲሺን አሰታ ቶቁ ቶቁ ሂሰቲደሰ፤ ባ ዋልቃማ ቁሴራ ሃፔ አሰታ ኬሲደሰ።

18 ኦይዲ ታሙ ላይላ ኩሜላ አሰታ ባዘ ቢታን ዳንዲደሰ። †

19 ካናኔ ቢታን ዲዛይታ ላፑን ካዋታ ቆይሲዳ አሰታ ቢታ ባ ዳሪታሰ ጋዴ ሂሰቲ ላቲሲደሰ።

20 ሄሲ ወሪ ፖሊቲዳይ ኦይዲ ጳታኔ አታቾ ታሙ ላይላታ ጊደና፤ ሃሳፊ ጉዬ ናቤ ሳሚላ ዋዴ ጋካናሰ አሰታ ቦላ ፐርዲዛ ዳናታ አሚደሰ።

21 «ሃሳፊ ጉዬ ዳሪይ ባ ቦላ ካዋ ካዋላና ማላ ሳሚላ ዋሲደሰ፤ ጸሳይካ ቢኒያሜ ባጋፊ ቁሴ ና

* 13:1 ኔጌሪይ ላቲኔ ቃላ ጊዲሺን ቢርሼላይ ካሪል ጉሳ። 13:17 ኬሳ 1:7፤ 12:51 † 13:18 ዳንዲደሰ፣ ዳንዲደሰ አሲ አሲ ገሻ ማጻፋቲ አሰታ ሎኤላ ኦይኪደሰ ጌቲሰ። 13:18 ታይ 14:34፤ ዛሪ 1:31 13:19 ዛሪ 7:1፤ አያ 14:1 13:20 ዳኔ 2:16፤ 1ሳሜ 3:20 13:21 1ሳሜ 8:5፤ 10:21

ሳኦሌ ኢስታስ አሚዳስ፤ ኢዚካ ኢስታ ኦይዱ ታሙ ላይህ ሃሪዳስ።

22 ሳኦሌ ሻሪዳፔ ጉዬ ዳዊቲ ካዎሊዳስ፤ ኢዛ ገሻስ፣ ታዎ ዋዚና ማላ ሃሪዳይሳኔ ታ ኮዩዳይሳ ኡባ ኦሊዛ ኢሴዬ ና ዳዊቲ ታ ዳማዲሰ፤ ገዲ ዳዊቲ ገሻስ ጸሲ ማርካቲዳስ።

23 ጸሲካ ባ ጫቆ ቃላላ ሃ ኦዳዛ ዜሬላፊ ኦስ ኦሻዚይሳ ዬሱሳ ኢስራኤሌስ ኦሃዳስ።

24 ዬሱሲ ያናፔ ካሴ ዮሃኒሲ ኢስራኤሌ ዳሪይ ወሪ ማርቲላን ጌሊዲ ጸማቄታና ማላ ሳባኪዳስ።

25 ዮሃኒሲ ባ ከቲቲዳይሳ ፖሎ ቦላ ዲሹ፣ ታ ኢንቴስ ኦና ሚሳታዚና? ታ ከቲቲዳይሳ ገዲኬ፤ ሃራይ ኦቶሺን ታ ኢዛስ ቶሆ ጫማ ኪሬ ቢርሻናስ ቤሶንታይሲ ታፔ ጉዬራ ያና፤ ገዳስ።

26 «ኢንቴሮ ኦብራሃሚ ዜሬላፊ ዬሌቲዳ ኦ ኢሻቶ! ቃሴካ ኢንቴ ገደንካ ጸሳስ ያዩዛይቲ ወሪ ሃይሲ ኦቶቲላ ኪታይ ከቲቲዳይ ኦስ ኡባታሳ!

27 ዬራሳላሚ ኦሳቲኔ ኢስታ ሃላቃቲ ዬሱሳ ኤሪቤቴና፤ ገደ ኦቲን ኢስቲ ኢዛ ቦላ ፐርዲዳ፤ ሃሳንካ ሳምባታን ሳምባታን ናባቤቲዛ ካሴ ናቤታ ቃላይ ኢዛ ቦላ ፖሊቲዳስ።

28 ኢዛ ሃይቆስ ገላዛ ኢሲ ገሶካ ኢስቲ ዳሞንታ ኦገኮካ ጸላጸሲ ኢዛ ቦላ ሃይቆ ፐርዳ ፐርዳና ማላ ዎሲዳ።

29 ኢዛ ገሻስ ጸፊቲዳይሳ ኢስቲ ኡባ ፖሊዳፔ ጉዬ ኢዛ ካቄቲዳ ሚላ ቦላፊ ጋዴን ዎሊዲ ዱፎን ሞገዳ።

30 ገደ ኦቲን ጸሲ ኢዛ ሃይቆፔ ዳንላዳስ።

31 ገላላፔ ዬራሳላሚ ጋካናስ ባናራ ዲዛይታስ ዳር ዎዴ ቤቲዳስ፤ ሄይቲካ ሃኢ ኢዛ ገሻስ ዳሬታስ ማርካታ።

32 «ኦኒካ ካሴ ጸሲ ኦ ኦዎታስ ጫቄዳ ሚሺራቾ ቃላ ኢንቴስ ሳባኮስ።

33 ዬሱሳ ከቲዲ ኢስታስ ጫቄዳ ቃላ ኦስ ኢስታ ናይታስ ፖሊዳስ፤ ሄሲካ ዬላ ማጸፋን ናምኦንላ ሸዎፖን፣ ሳ ታ ናዛ፤ ታ ኔና ሃቾ ዬላዲሰ፤ ጌቲቲ ጸፊቲዳስ።

34 ቃሴካ ኢዚ ዎቆንታይሳኔ ጸሲ ኢዛ ሃይቆፔ ዳንላዳይሳ ሻኪ ኤራና ማላ።

« ኦንጃቲዳይሳኔ ኦማኔቲዳ ዳዊቲ ኦንጃ ታ ኢንቴስ ኢማና፤ ገዳስ።

35 ሃሳ ገሻስ ሃራሶንካ፣ ሳ ጌሻይ ሃይቄ ዎቃና ማላ ኦ ኮያካ፤ ጌስ።

36 «ዳዊቲ ባ ዎዴን ጸሳ ሹኔ ማላ ኦሊዳፔ ጉዬ ሃይቄዳስ፤ ካሴ ባ ኦዎታራ ሞጌቲን ኢዛ ኦሻይ ዎቄዳስ።

37 ጸሲ ኢዛ ሃይቆፔ ዳንላዳይሲ ኢዚ ገዲኮ ዎቄቤና።

38 ሃሳ ገሻስ ታ ኢሻቶ! ናጋራስ ማርቲላ ቤቲዛይ ዬሱሳ ባጋራ ገዲዳይሲ ኢንቴስ ሳባኪቲዳይሳ ኤሪቲ።

39 ኢዛ ኦማኒዛይይ ወሪ ካሴ ሙሴ ዎጋ ባጋራ ዳሞንታ ጸሎቲህ ዳማና።

40-41 ሃሳ ገሻስ ካሴ ናቤቲ፣

« ኦኢንቴሮ ቁጵዛይቶ ጸሊቲ፣

ማላሊቲቲኔ ቆይቲ፣

ኢንቴስ ኦኒካ ዮቲን

ኦማናናስ

ኢንቴና ማቲዛ ሚሽ

ታ ኢንቴ ዎዴን

ኦላና፤ ገዳ ቃላይ

ኢንቴ ቦላ ጋኮንታ ማላ

ናጌቲቲ» ገዳስ።

42 ጸዉሎሲኔ ባርናባሲ ኦይሁዳታ ዎሳ ኬላፊ

ኬዚሺን ኦሳይ ኢስታ ሃሳ ኢስቲ ዮቲዳ ቃላ ካሊዛ ሳምባታ ገላስ ዛሪ ዮታና ማላ ዎሲዳስ።

43 ሸቆይ ላሊቲዳፔ ጉዬ ዳር ኦይሁዳቲኔ

ኦይሁዳታ ኦማኖን ጌሊዲ ጸሰ ጎይኒዛ ኦሳቲ

ጸዉሎሳኔ ባርናባሳ ካሊዳ። ጸዉሎሳንቲካ ኢስታ

ቆፍሲሹ ኢስቲ ጸሳ ኪያቲላን ሚኒ ዳና ማላ ዘሪዳ።

44 ካሊዛ ሳምባታ ገላስ ካታማ ኦሳፔ ጉላቲ ጸላላ

ኦቲን ዳሪዛ ባጋይ ወሪ ጎዳ ቃላ ሲያና ሸቆዳስ።

45 ኦይሁዳቲካ ዳር ዳሪ ቤኢዲ ቃናቲቲላን

ኩሚዳ፤ ጸዉሎሳ ሃሳያ ኤቄቲሹ ኢዛ ጫዩዳ።

46-47 ጸዉሎሲኔ ባርናባሲ ባቦንታ ጸላቲላን፣ «ጸሳ

ቃላይ ኮይር ኢንቴስ ዮቲታናስ ቤሴስ፤ ገደ ኦቲን

ኢንቴ ቃላ ለቄዳታ። ኢንቴስ ሜርና ዳኦይ ቤሶንታይሳ

ኢንቴርካ ኢንቴ ቦላ ፐርዲዳ ገሻስ ሃኢ ኦኒ ጌዴ

ኦይዛቤታኮ ባና ኮዮስ፤ ቃሴካ ጎዳይ ኦና፣ ኦሳስ

ኦቶቲላ ቃላ ቢታ ጋጸ ጋላና ማላ ታ ኔና ኦይዛቤታስ

ፖኦ ሃሰታ ኪታዲሰ፤ ገ ኦዛዚዳስ» ገዳ።

48 ኦይዛቤቲ ሃሳ ሲዩዲ ዳር ኡፋዬቲዳ፤ ጎዳ

ቃላሰካ ቦንቾ ኢሚዳ፤ ሜርና ዳኦስ ገጌቲዳ ዳሪይ

ወሪ ኦማኒዳስ።

49 ጎዳ ቃላይ ሃራን ዲዛ ዳሪ ኡባሶ ጋኪዳስ።

50 ኦይሁዳቲ ቃሴ ኦያና ሃኖን ካሴፔ ሚኒዛይታኔ

ዱሳን ቦንቾቲዳ ማጫሳታ ሃሳላካ ካታማን ዲዛ ጌታ

ኦሳታ ዳንሹሊዲ ጸዉሎሳ ቦላኔ ባርናባሳ ቦላ ጎዴቲላ

ዳንሹዲ ባ ዳሪፔ ኬሲ ጎዲዳ።

51 ጸዉሎሲኔ ባርናባሲ ኦሳይ ኢስታ ኢጸዳይሳ

ቤሳናስ ባ ቶሆ ቦላ ዲዛ ጉዲላ ፐቲዲ ኢቆኒዮኔ

ጌቲቲዛሶ ቢዳ።

52 ኦማኒዛይቲ ኡፋይሳኒኔ ጸሎ ኦያናን ኩሚዳ።

14

ኢቆኒዮኔን ጸዉሎሳኔ ባርናባሳ

1 ኢቆኒዮኔን ጸዉሎሲኔ ባርናባሲ ኢሲፊ ኦይሁዳታ

ዎሳ ኬላ ጌሊዳ፤ ሃንካ ኢስቲ ኦሳ ሎኤላ ታማርሲዳ

ገሻስ ገሪኬ ኦሳፔኔ ኦይሁዳ ኦሳፔ ዳርይ ኦማኒዳስ።

2 ሃንኮ ኦማኖንታ ኦይሁዳ ኦሳይ ኦይዛቤታ ኢስታ

ቦላ ዳንሹሊዲ ኦሳይ ኦማኒዛይታ ኢጸና ማላ

ኦሊዳስ።

3 ጸዉሎሲኔ ባርናባሲ ጎዳ ገሻስ ጸላቲላራ ኦሳስ

ዮቲሹ ሃን ዳር ዎዴ ጋሞኢዳ፤ ጎዳይካ ኢስቲ ዮቲዛ

13:22 1ሳሜ 13:14፤ 16:12፤ ማዛ 89:20 13:24 ማር 1:4፤ ሉቃ 3:3 13:25 ዮሃ 1:20፤ ማቶ 3:11፤ ማር 1:7፤ ሉቃ 3:16፤ ዮሃ 1:27
13:28 ማቶ 27:22-23፤ ማር 15:13-14፤ ሉቃ 23:21-23፤ ዮሃ 19:15 13:29 ማቶ 27:57-61፤ ማር 15:42-47፤ ሉቃ 23:50-56፤ ዮሃ
19:38-42 13:31 ሃዎ 1:3 13:33 ማዛ 2:7 13:34 ኢሳ 55:3 13:35 ማዛ 16:10 13:51 ማቶ 10:14፤ ማር 6:11፤ ሉቃ
9:5፤ 10:11

ቃላ ገታ ማላታራኔ ዋልቃማ ኦሪን ቆንጨሲ ማርካቲዳስ።

4 ካታማ አሳይ ባ ገደን ናምኡ ኬዚ ሻኬቲዲ ባጋይ አይሁዳታ ባጋ፣ ባጋይ ጳውሎሳንታ ባጋ ገዲዳስ።

5 ሄ ዋዴ አይሁዳቲኔ አይዛቤቲ ባና ካሌላዛይታራ ኢሲፌ ገዲዲ ኢስታ ዋዩሳናሲኔ ሹቻን ጫዳናስ ኮዩዳ።

6 ኢስቲካ ሄሳ ኤሪዳ ማላ ሊስቲራኔ ዳርቤኔ ጌቲቲዛሶ ሊቃኑኒያ ካታማታኔ ሄ ሄራን ዲዛ ዴሪ ባቃቲዳ።

7 ሄንካ ሚሺራቾ ቃላ ሳባኮ ደሚዳ።

ሊስቲራኔ ዳርቤኔን ጳውሎሳኔ ባርናባሳ

8 ሊስቲራኔን ዩሌቶሶፔ ባ ቶሆራ ሄሜቲ ኤርንታ ኢሲ ቶሆ ሲላ አዴይ ዳስ።

9-10 ሄሳዴይ ጳውሎሲ ሳባኪሺን ኡቲ ሲዩስ፤ ጳውሎሲካ ኢዛኮ ቲሺ ሂስቲ ጴሊዲ አዴዛ ፓላና አማኖይ ኢዛ ቦላ ዲዛይሳ ቤኢዲኔ ቃላ ቶቁ ሂስቲዳ፣ «ሲቲ ጋዳ ኔ ቶሆን ኤቃ!» ገዴስ። አዴዚ ሄራካ ጉፒ ዴንዲዲ ሄሜላ ኦይኪዳስ።

11 አሳይ ጳውሎሲ አላዳይሳ ቤኢዲ ሊቃኑኒያ ቃላራ፣ «ኤቃ ጳሳቲ አስ ሚሳቲዲ ሃ ኑኮ ዋዲዳ» ገዲ ዋሲዳስ።

12 ባርናባሳ፣ «ዲያ» ገዳ ጳውሎሳካ ሃሳይዛ ዋናይ ኢዛ ገዲዳ ገሻስ፣ «ሄርሜኔ» ገዳ።

13 ካታማፔ አሲ ባይንዳሶን ዲዛ ዲያ ጌቲቲዛ ኤቃ ኬላ ቁሴይ ኮርማታኔ ጳጳቲ ገገዲ ጨሽ ጌዴ ካታማ ጌሊዛ ኦፕ ቦላ ኤፊዲ ዴሪዛራ ኢሲፌ ገዲዲ ጳውሎሳሲኔ ባርናባሳስ ያርሻና ኮዩዳስ።

14 ሃዋሪቲ ባርናባሳኔ ጳውሎሲ ሄሳ ሲዩዳ ማላ ባ ማይኦ ዳኪዲ ጌዴ ዴሪዛ ገደ ዋዲዳ፤ ባ ቃላ ቶቁ ሂስቲዳ ሂዝገዳ፤

15 «ሃይቶ አሳቶ! ሃይሳ አዛስ ኦሌቲ? ኑኒካ ኢንቲ ማላ አሳኮ! ኢንቲካ ቃሴ ሃይሳ ሚላ ሃዳ ዮኦፔ ሃኪዲ ሳሎኔ ሳኦ፣ አባካ፣ አባታ ገደን ዲዛይታ ኡባ ሜዲዳ ዴኦ ጳሳኮ ኢንቲ ሲማና ማላ ኢንቲስ ሚሺራቾ ቃላ ሳባኮስ።

16 ኢዚ ካሴ አዲዳ ዩሌታይኔ ዴሪይ ወሪካ ባ ኮዩዳ ማላ ሃናናስ ዩዲ ቤሲዳስ።

17 ገደ አቲን ጸሲ ሳሎፔ ኢራኔ ሃሳባካ ካላ ካጸዛ ዋዴታ አሚዲ ኢንቲ ዋዚና ካላኒኔ ኡፋይሳን ኩንላዳስ፤ ኡፋይሳካ ኢንቲና ካልሲዲ ሎኦ ኦሪን ባና ማርካይ ባይንዳ አገቤና» ገዳ።

18 ሄሳ ኡባ ሃሳይዲ አሳይ ኢስታስ ያርሾንታ ማላ ዋይዲ ዲገዳ።

19 አይሁዳቲ ቃሴ አንጸኪያፔኔ ኢቆኒዮኔ ዩዳ አሳይ አሳ ዘሪዲ ጳውሎሳ ሹቻን ጫዳና ማላ አማንላዳ፤ ጳውሎሳካ ሹቻን ጫዲዲ ሃይቁዳስ ገ ሳቲዲ ካታማፔ ጌዴ ካሪ ኬሲዳ።

20 ገደ አቲን አማኒዛይቲ ኢዛ ዩዩ አዲ ናገሺን ጳውሎሲ ዴንዲዲ ጌዴ ካታማ ጌሊዳስ፤ ዋንቲላ ጋላስ ባርናባሳራ ኢሲፌ ዳርቤኔ ጌቲቲዛሶ ቢዳ።

ሶሪያን ዲዛ አንጸኪያ ጳውሎሳኔ ባርናባሳ ሲዋ

21 ጳውሎሲኔ ባርናባሲ ዳርቤኔን ሚሺራቾ ቃላ ሳባኪዲ ዳር አሳ አማንላዳፔ ጉዩ ጌዴ ሊስቲራ፣ ኢቆኒዮኔን አንጸኪያ ሲሚዳ።

22 አማኒዛይታ ዋዚና ሚንላሌሽ ኢስቲ አማኖን ሚኒ ዳና ማላ ዘሪሽ፣ «ኑ ጳሳ ካዋቲላ ጌላናስ ዳር ሜቶ ገደራ አቆናስ ኮሼስ» ገዳ።

23 ሄሳፌ ጉዩ ዲማ ዲማ ዋሳ ኬላታን ጨማታ ደሪዳፔ ጉዩ ጳማኒኔ ዋሳን አማኔቲዳ ጎዳስ ሃዳራ አላ ኢሚዳ።

24 ጲሲዲያራ አዲዲ ጲንፊሊያ ሲሚዳ።

25 ጴርጌኔን ቃላ ሳባኪዲ ዲጌ አጸሊያ ጌቲቲዛሶ ዋዲዳ።

26 አጸሊያፔካ ሃኢ ጋካናስ ኢስቲ አላዳ ኦሶዛ ሃዳራ ኢስታስ አሜቲዳ ካታማ ሶሪያን ዲዛ አንጸኪያ ማርካቤን ጌሊዲ ሲሚዳ።

27 ሄ ጋኪዳ ማላ ዋሳ ኬላ አሳ ኡባ ሺሺዲ ጸሲ ኢስታራ አላዳይሳ ቃሴካ አይዛቤታስ አማኖ ፔንጌይ ዋኒ ደዩቲዳኮ ወርሲ ዮቲዳ።

28 ሄን አማኒዛይታራ ዳር ዋዴ ጋምኢዳ።

15

ዩራሳላሜ ዲላታ

1 ኢሲ ኢሲ አሳቲ ዩሁዳፔ ዲጌ አንጸኪያ ዋዲዳ፣ «ኢንቲ ሙሴ ዋጋ ማላ ቃጸሬቶንታ አገኮ ኦኒካ አታናስ ዳንዳዩኬታ» ገዲ አማኒዛይታ ታማርሶ ደሚዳ።

2 ሄሲካ ጳውሎሳኔ ባርናባሳ ገታ ፓላማኒኔ ኦሻ ገደ ጌልላዳስ፤ ሄሳ ገሻስ ጳውሎሲኔ ባርናባሲ ሃራ ኢሲ ኢሲ አማኒዛ አሳታራ ዩራሳላሜ ኬዚዲ ሃ ዮኦዛ ገሻስ ጨማታኔ ሃዋሪታ ኦይቻና ማላ ጌቲቲዳስ።

3 ሄሳ ገሻስ ዋሳ ኬላያ ኢስታ ዩራሳላሜ ባና ማላ ኪቲን ኢስቲ ፒንቁራኔ ሳማሪያራ አዲ ቢሽ ሄን ዲዛ አይዛቤቲ አማኖን ሲሚዳይሳ ዮቲዳ፤ ሄ ዋዴ አማኒዛይቲ ሄሳ ሲዩዲ ኬሂ ኡፋዩቲዳ።

4 ኢስቲ ዩራሳላሜ ጋኪን ዋሳ ኬላ አሳይ ሃዋሪቲኔ ጨማቲ ኢስታ ሞኪ ኤኪዳ፤ ኪቲቲ ቢዳይቲካ ጸሲ ኢስታራ ገዲዲ አላዳይሳ ኡባ ኢስታስ ዮቲዳ።

5 ፋርሳዌታ ባጋ አሳታፔ አማኒዳ ኢሲ ኢሲ አሳቲ ዴንዲዳ፣ «አይዛቤቲ ቃጸሬታናሲኔ ሙሴ ዋጋ ናጋና ማላ ኢስታስ ዮታናስ ቤሴስ» ገዳ።

6 ሃዋሪቲኔ ጨማቲ ሄ ዮኦዛ ገደ ሎኤላ ጸላናስ ሺቁዳ።

7 ዳር ፓላማፔ ጉዩ ጴጽሮሲ ዴንዲ ኤቁዳ፣ «ታ ኢሻቶ! ጉላ ዋዴፔ ካሴ ጸሲ ታና ኢንቲ ገደፌ ደሪዳ አይዛቤቲ ታ ደናፔ ሚሺራቾ ቃላ ሲዩዲ አማናና ማላ አላዳይሳ ኢንቲ ኤሬታ።

8 አሳ ዋዚና ኤሪዛ ጸሲ ኑስ አሚዳይሳ ማላ ኢስታስካ ጸሎ አያና አሚዲ ኢስታ ባስ ኤኪዳይሳ ማርካቲዳስ።

9 ኢስታ ዋዚናካ አማኖን ጌሺዲ ኑ ገደኒኔ ኢስታ ገደን አይኮ ሻኮካ አላቤና።

10 ሄሳ ገሻስ ኑ አዋቲኔ ኦኒካ ቶካናስ ዳንዳዮንታ ቃምባራ አማኒዛይታ ቶሳናስ ኢንቲ አዛስ ጸስ ፓጩቲ?

11 ኑ አቲዳይ ሊኬ ኢስታላካ ጎዳ ዩሱሳ አቶ ኪያቲሳን ገዲዳይሳ አማኖስ» ገዴስ።

12 ሺቂዳ አሳይ ወሪካ ጮኦ ጊን ባርናባሴ
ጳውሎስ ጳሎስ አሰታ ባጋራ አይዘቡታ ጊደን ኦሊዳ
ጊታ ማላታታ ጊሻሰ ዮቲሺን ማላሌቲዳ ሎኤላ
ሲዩዳ።

13 አሰቲ ዮቲ ወርሲሺን ያቆቤይ ዳንዳ ኤቂዳ።
«ታ አሻቶ! ታ ጊዘይሳ ሲዩቲ፤

14 ጳሎስ አይዘቡታ፤ ባሰ ጊዳና ዳሬ ካሰቲዳ ኢዚ
ዋሰቲ ዳይጊ ዋሊዳኮ ሲሞኒ ኮሰ ሎኤላ ዮቲዳስ።

15 ካሴ ናቤታን ሂዘጊ ጳጳሳቲ ያላይ ሃይሳራ
ጋጌሰ።

16 « ሃይሳፊ ጉዬ ታ ሲማዳ
ላሌቲዳ ዳዋቲ
ኬሌ ኬጻና፤
ላሌቲዳይሳ ዛራ ኤሳና፤
ዛራዳካ ኬጻና።

17 ሄሲካ አቲዳ አሳይ
ጎዳ ኮያና ማላኔ
ታ ሱንሳን
ዳይጊቲዳ አይዘቡቲ
ታና ኮያና ማላ ጌሰ
ኡባ ኦሊዳ ጳሳይ።

18 ሃይሳ ኮይርፔካ ኤሪሲዳ ጳሲ
ታና ጌሰ።

19 «ሄሳ ጊሻሰ ሃ ጳሳኮ ሲሚዳ አይዘቡታ ኑ
ሜቶጸንታ ማላ ሃይሲ ታ ባጋራ ታሰ ቃሾ።

20 ጊደ አቲን ኤቃሰ ያርሾቲዳ ቲኒዳ ካላ ሞፒቲ፤
ላይማፔ ሃኪቲ፤ ባወቲ ሃይቂዳ ሜሄ አሾ ሞፒቲ፤
ሱላ ኡዮፒቲ ጊዳ ኑ አሰታሰ ጳፋና ቤሴሰ።

21 ሙሴ ዋጋይ ጊዳኮ ቤኒሶፊ ሳምባታ ሳምባታ
ጋላሰ አይሁዳታ ዋሳ ኬላን ናባቤቲሼኔ ካታማይ
ዲዛሶን ሳባኬቲሼ ዳሰ» ጊዳስ።

አማኒዛ አይዘቡታሰ ሃዋርያቲ ጳጳሳቲ ዳብዳቤ

22 ሄ ዋዴ ሃዋሪቲ፤ ጨማቲ ኩሜላ ዋሳ ኬላ አሳራ
ጊዳዲ ባ ጊደፊ ኢሲ ኢሲ አሳታ ዶሪዳ
ጳውሎሳራኔ ባርናባራ ጋሊ አንጾኪያ ዩዳናሰ ቃቺዳ።
አማኒዛ አሳ ጊደፊ ዋናቲዘይታ ባርሳባሳ ጌቲቲዛ
ዩሁዳኔ ሲላሴ ዶሪዳ።

23 አሰታ ኩሼን አሚ ዩዳዳ ዳብዳቤዚ፤ «አንቲ
አሻታ፤ ሃዋሪታ፤ ጨማታ፤ አይዘቡታ፤ አማኒዳ
አንጾኪያኒኔ ሶሪያን፤ ኪልቂያንካ ዲዛ አማኒዛይታሰ ኑ
ሳርካይ አንቲና ጋኮ።

24 «ኢሲ ኢሲ አሳቲ ኑ፤ ጊደንታ ባ ባጋራ ኑ
አቻፊ ቢዳ ባ ሃሳያን አንቲ ዋዚና ያኔ ሃ ቃሊዳይሳኔ
አንቲና ቡልአኪዳይሳ ኑ ሲዩዳስ።

25 ሃሳ ጊሻሰ ጉላ አሳታ ዶሪዳ ዶሴቲዳ
ባርናባራኔ ጳውሎሳራ አንቲኮ ዩዳናሰ ኑ ወሪካ ቃላ
ጋጊዳስ።

26 አሰቲ ጎዳ ዩሱሰ ኪርሰቶሳ ጊሻሰ ባ ሸምፖ
አሊ አሚዳይታ።

27 ሃሳ ጊሻሰ ኑ አንቲሰ ጳጳሳይሳ አሰቲ አንቲሰ ባ
ደናራ ሎኤላ ዮታና ማላ ዩሁዳኔ ሲላሴ አንቲኮ
ዩዳዳስ።

28 ሃይታ አንቲሰ ኮሺዛ ዮኦታ፤ ሃራ ዳጾ ቶሆ ኑ
አንቲ ቦላ ዋላንታ ማላ ኩሴኔ ጸሎ አያናሰ ሎኦ
ሚሳቲ ቤቲዳስ።

29 ሄሲካ ኤቃሰ ሹኬቲዳ አሾ፤ ሱላፊ፤ ባወቲ
ሃይቂዳ ሜሄ አሾ፤ ላይማፔ አንቲ ሃካና ማላሳ፤
አንቲ ሃይታ ሚሳቲዘይታ፤ ሃኪኮ አንቲሰ ሎኦ፤ ሳርን
ዲቲ» ጌሰ።

30 ኪቲቲዳ አሳቲ ሞይዘቲዳ ዲጌ አንጾኪያ
ዋዴዳ፤ ሃን አማኒዛይታ ወርሲ ሺሺዳ ኤሃዳ
ዳብዳቤዛ አሰታሰ አሚዳ።

31 ዳሬይካ ናባቤዳ ሚንሌሊዛ ቃላን ኡፋዬቲዳስ።

32 ዩሁዳይኔ ሲላሴ ናቤታ ጊዳዳ ጊሻሰ ዳር
ዘሪዳ አማኒዛይታ ሚንሌሊዳ።

33 ሄን ጉላ ዋዴ ጋምኢዳ አማኒዛ አሳይ ሞይዘን
ጉዬ ባና ኪቲዳይታኮ ሲሚዳ።

34 ሲላሴ ቃሴ ሄን አታናሰ ኮዩዳስ። *

35 ጳውሎሴኔ ባርናባሲ ሃራ ዳር አሳታራ ጊዳዳ
ጎዳ ቃላ ታማርሲሼኔ ሳባኪሼ አንጾኪያን ጋምኢዳ።

ጳውሎሳኔ ባርናባሳ ሻኬቲላ

36 ጳውሎሲ ጉላ ዋዴ ጋምኢዳ ባርናባሳ፤ «ኑ ካሴ
ጎዳ ቃላ ዮቲዳ ኡባ ካታማታ ቢዳ አማኒዛይቲ አይ
ማላ ዲዛኮ እኔ ዩዩ ቤዮሰ፤ ዳንዳ» ጊዳስ።

37 ባርናባሲካ ማርቆሳ ጌቲቲዛ ዮሃንሲ አሰታራ
ባና ማላ ኮዩዳስ።

38 ጳውሎሲ ቃሴ ኢዛ ኤኪ ባናሰ ኮዩቤና፤ ጋሶይካ
ካሴ ማርቆሲ አሰታፊ ሻኬቲዳ ጸንፊሊያ ጌቲቲዛሶን
ጉዬ አቲዳ አሰታራ ኦሶሰ ሲንላ ኬዘንታ አገዳ
ጊሻሳ።

39 ሂሰቲን ዳር ፓላማይ ኢሰታ ጊደን ሜዴቲዳ
ጊሻሰ ባ ጊደን ሻኬቲ ዋዴዳ፤ ሃሳ ጊሻሰ ባርናባሲ
ማርቆሳ ኤኪዳ ማርካቤን ጌሊዳ ቆጶሮሴ ቢዳስ።

40 ጳውሎሲ ቃሴ ሲላሴ ዶሪዳስ፤ አማኒዛይቲካ
ጎዳ አቶ ኪያቲሳሰ ጳውሎሳ ሃዳራ አሚዳ፤ ጉዬ ኢዚ
አሰታፊ ሻኬቲዳ ቢዳስ።

41 አማኒዛይታ ሚንሌሊሼ ሶሪያራኔ ኪልቂያራ አቂ
ቢዳስ።

16

ጸምቶሲ ጳውሎሳራኔ ሲላሴራ ኢሲፊ ጊዳላ

1 ጳውሎሲ ዳርቤኔ ጌቲቲዛሶኔ ሊሰቲራ ጋኪዳ
ኢዛ አዋይ ጊሪኬ አሰ፤ አዬያ ቃሴ አይሁዳ አሰ
ጊዳዳ ጸምቶሳ ጌቲቲዛ ኢሲ አማኒዛዴ ሄን
ዳሚዳስ።

2 ኢዚካ ሊሰቲራኒኔ ኢቆኒዮኔን አማኒዛ አሳ አቻን
ሎኦ ማርካቲላ ዲዛዴ።

3 ጳውሎሲካ ጸምቶሳ ባናራ ኤኪ ባናሰ ኮዩዳስ፤
ሃሳ ጊሻሰ ሄ ሄራን አይሁዳታ ጊሻሰ ጊዳ ጸምቶሳ
ቃጸሪዳስ፤ ጋሶይካ አይሁዳቲ ጸምቶሳ አዋይ ጊሪኬ
አሰ ጊዳዳይሳ ኤሪዛ ጊሻሳ።

4 አሰቲ ኢሲ ካታማ፤ ሃራ ካታማ አቂ አቂ ቢሼ
ሃዋሪቲ፤ ዩራሳላሜ ዋሳ ኬላ ጨማቲ ዩዳዳ ኪታ
አሳይ ኤኪዳ ናጋና ማላ አማኒዛ አሳሰ አሚ አሚ
አቂዳ።

5 ዋሳ ኬላ አሳይ አማኖን ሚኒ ሚኒ ቢዳስ፤ ቃሴ
አሳይካ ቆዳን ጋላሰ ጋላሰ ጉጃቲ ጉጃቲ ቢዳስ።

ጳውሎሲ ማቂዳኒያ ጊሻሰ ቤኢዳ አጁታ

15:20 ኬሳ 34:15-17፤ ለዌ 18:6-23 * 15:34 ኢሲ ኢሲ ጌሻ ማጻፋቲ ታይሶ 34 ቦላ ዲዛ ቆፋ ጉጃቲና። 15:38 ሃዋ 13:13

6 ጳውሎስን ኢዛራ ዲዛ ዛታቲ ቃላ ኢሲያን ሳባባንታ ማላ ጸሎ አያናይ ዲጊዳ ገሻሽ ፐርጊያራን ጋላቲያ ዳራራ አጂ ቢዳ።

7 ኢስቲ ሚሲያ ጌቲቲዛሶ ጋካና ማቲሼ ቢቲኒያ ጌቲቲዛሶ ጌላና ቆፒን ዩሱሳ አያናይ ኢስታ ዲጊዳ።

8 ሃሳ ገሻሽ ሚሲያራ አጂዲ ጸርኣዳ ጌቲቲዛሶ ዋጂዳ።

9 ኢሲ ማቂዲያ አሲ ኤቂዲ ጳውሎሳ ማቂዲያ ፐናዳ ኑና ማዳ ገሺን ጳውሎሲ ኦማርሰ አጂታን ቤዪዳ።

10 ኢዚካ ሄ አጂታ ቤዪን ኑኒ ሄራካ ማቂዲያ ባና ኮዪዳ፤ ጸሲ ኑኒ ኢስታሰ ሚሺራቾ ቃላ ዮታና ማላ ጸይጊዳ ገ ቆፒዳ ገሻሳ።

ሊዲያ አማር

11 ማርካቤራ ጸርኣዳ ጌቲቲዛሶፕ ዳንዲዲ ሲቲ ጊዲ ሳሞቲራቁ ጌቲቲዛሶ ቢዳ፤ ዋንቴላ ጋላሰ ናጸሌ ጌቲቲዛሶ ሲንሳ ሄሜላ ጉጂዳ።

12 ሄፔካ ኦርሜ አሳይ ቶራን ሃሪዳ ዳሪ ጊዲዳ ማቂዲያ ዳሪ ዋና ካታማ ጊዲዳ ፐሊጲሲዮሱ ጌቲቲዛሶ ጌሊዳ፤ ሄንካ ኦንዳና ዋዴ ኡቲዳ።

13 ሳሞባታ ጋላሰ ዋሳ ዋሲዛሶ ኮዪሼ ካታማ ጌሊዛሶ ፔንጌ ኬዚዲ ዲጌ ሻፋ ዋዶ፤ ኑ ሄን ኡቲዲ ሸቂ ዲዛ ማጫሳታሰ ቃላ ዮቲዳ።

14 ቃላ ሎኤላ ሲዪዛ ማጫሳታፔ ኢሲ ሊዲያ ጌቲቲዛራ ኢዛካ ጸሰ ጎይኒዛርን ቲያጸርን ካታማፔ ያዳ ዞኑ ሃሪ ማይኑ ዘልኢዛር ጳውሎሲ ዮቲዛ ቃላ ኢዛ ዋዚናን ዋሳ ሲያና ማላ ጎዳይ ኢዚ ዋዚና ደይዳ።

15 ኢዛኔ ኢዚሶ አሳይካ ጸማቂቲዳፔ ጉዬ፣ «ታኒ ጸሰ አማኒዳይሳ ኢንቴ ቱሙ ኤሪዳ ጊዲኮ ሃ ታሶ ዪዲ ጉላ ዋዴ ዲሺቴ» ጋዳ ኢስታ ሚንሳ ዋሳዳ።

ጳውሎስን ሲላሲ ቃሾ ኬላን

16 ኢሲ ጋላሰ ኑ ዋሳሶ ቢሺን ካዮ ካዮታ ማርቲዛ ኢሲ ጋራዴ ና ዲዛራ ኑና ዳማዲሰ፤ ኢዛካ ባ ማርቲላን ባና አይሲዛይታሰ ዳር ሚሽ ጌልላወሰ።

17 ሃና ጋራዴ ናያ ጳውሎሳን ኑና ካላ ካላ፣ «ሃይቲ አሳቲ ኢንቴስ ኢንቴ ኢታና ኦኔ ዮቲዛይቲ ዋጋ ጸሳ ኦሳንቻታ» ጋ ጋ ዋሳዳ።

18 ሃሳካ ዳር ጋላሰ ሺራ ሺራ ጋዳ፤ ጊዳ ኢቲን ጳውሎሲ ኢዚ ቃላን ዳር ሜቶቲዳ ገሻሽ ኢዚኮ ሲሚዲ ኢዚ ደናራ ሃሳይዛ ቱና አያናዛ፣ «ኔ ኢዚፔ ኬዛና ማላ ታ ኔና ጎዳ ዩሱሰ ከርሰቶሳ ሱንላን አዛዛይሰ» ጊዳ። ሄ አያናይ ሄራካ ዩጊ ኢዚፔ ኬዚዳ።

19 ኢዞ አይሲዛ አሳቲ ኢስታሰ ሚሼ ዳሚዛ ኦኔይ ዲዲን ኢስታ ሃዶታይ ቃንጾቲዳይሲ ኢስታሰ ጌሊን ጳውሎሳን ሲላሲ ኦይኪዲ ቢታራ ጎቲዲ ዋናቲ ዲዛሶ ጊያ ጊዳ ኤፊዳ።

20 ዳሪ አይሲዛ ዋናታኮ ሺሺዳ፣ «ሃይቲ አሳቲ ባሰ አይሁዳ ኢሰ ጊዲ ኡቲዲ ኑ ካታማ ቡልኦኬቴሰ፤

21 ቃሴ ኑ ኦርሜ አሳቲ ኤካናሰ ዋይኮ ኦላናሰ ኑሰ ቤሶንታ ዋጋ ኑ አሳ ጊዳን ላሌቴሰ» ጊዳ።

22 ዳሪይካ ኢሲ ቦላ ጊዲዲ ጳውሎሳ ቦላኔ ሲላሲ ቦላ ዳንዲዳ፤ ዳራ አይሲዛይቲ ጳውሎሳንታ ማይኑ ቃሪ ኤኪዲ ዳርቃራ ቆጸና ማላ አዛዚዳ።

23 ኢታ ቡካ ቡኪዲ ቃሾ ኬላን ዩጊዳ፤ ቃሾ ኬላ ናጊዛይሲካ ኢስታ ሎኤላ ናጋና ማላ አዛዚዳ።

24 ኢዚካ ሃሳ ማላ ሚኖ አዛዞ ኤኪዲ ቃሾ ኬላሰ ዋና ጊዳ ኪፊሌ ጌልሊዲ ኢስታ ቶሆ ጊታ ዲራማራ ሺሺ ቃቺዳ።

25 ጊዲ ጊዳላ ጊዲሺን ጳውሎስን ሲላሲ ዋሳኔ ዩላን ጸሳ ጋላቲሺን ቃሾ አሳይ ኢስታ ዩላኔ ጋላታ ኤዘጊ ሲዪዳ።

26 ሃሳኣይ ባይንዳ ዲንጋቲ ቃሾ ኬላ ጸጸፔ ቃላዛ ሚኖ ቢታ ቃላ ሃኒዳሰ፤ ሄራካ ቃሾ ኬላ ፔንጌቲ ደዬቲዳ፤ ቃሾቲዳ ኡባ አሳ ቃሾይ ቢርሾቲዳ።

27 ቃሾ ኬላ ናጊዛይሲ ጲሰቶፊ ቤጊዲ ቃሾ ኬላ ፔንጌቲ ደያ ዲዛይሳ ቤኢዲ ቃሾ አሳይ ወሪ ኬሲ ኤኪዳ ሚሳቲን ባና ዋዳና ማሻ ሾዲዳ።

28 ጳውሎሲ ቃሴ ባ ቃላ ቶቁ ሂሰቲዳ፣ «ኑ ወሪ ሃን ደሰ! ኔ ቦላ አይኔ ኢታ ኦላፋ» ጊ ዋሲዳ።

29 ቃሾ ኬላ ናጊዛይሲ ጸሞፔ ዋሲ ኤኪዲ ጊዳ ጉፒ ጌሊዳ፤ ኮኮሪሼ ጳውሎሳ ቶሆ ቦላኔ ሲላሲ ቶሆ ቦላ ኩንዲዳ።

30 ኢስታ ኤኪ ካሪ ኬዚዲ፣ «ሃ አሳቶ! ታ ኢታና ማላ አይ ኦላ?» ጊዳ።

31 ኢስቲካ ኢዛሰ፣ «ጎዳ ዩሱሳ አማና፤ ኔካ ኔሶ አሳይካ ኢንቴ ወሪ ኢታና» ጊዳ።

32 ሃሳፊ ጉዬ ኢዛሲን ኢዛሶን ዲዛ አሳሰ ኡባሰ ጎዳ ቃላ ዮቲዳ።

33 ቃሾ ኬላ ናጊዛይሲ ሄራካ ሄ ጋላሰ ቃማራ ኤፊዲ ኢስታ ማዲንሳ ሜጪዳ፤ ሄራካ ኢዚኔ ኢዛሶ አሳይ ወሪ ጸማቂቲዳ።

34 ቃሾ ኬላ ናጊዛይሲካ ኢስታ ባ ኬሌ ኤፊዲ ኢስታሰ ካላ አላዳ፤ ባሶ አሳ ኡባራ ጸሳ አማኒዳ ገሻሽ አዳዚ ዳር ኡፋዪዳ።

35 ጋዴይ ዋንቴሺን ዳሪ አይሲዛይቲ፣ «ሃይታ አሳታ ቢርሻ ዩዳ» ጊዲ ባ ሹሜታ ቃሾ ኬላ ናጊዛይሳኮ ዩዲዳ።

36 ቃሾ ኬላ ናጊዛይሲካ ኢስታሰ፣ «ዳሪ አይሲዛይቲ ኢንቴ ቢርሾታና ማላ አዛዚዳ፤ ሃሳ ገሻሰ ሃኢ ሳርን ኬዚ ቢቴ» ጊዲ ጳውሎሳሰ ዮቲዳ።

37 ጳውሎሲ ቃሴ፣ «ኑ ኦርሜ ዩሌቴላ ጊዲሺን ፐርዳይ ባይንዳ ዳሪ ሲንላን ዳርቃራ ቡኪዲ ቃሾ ኬላን ዩጊዳ፤ ሂሰቲን ሃኢ ቃሴ ኑና ቆታራ ኢሲ ኤርንታ ኬሳና ኮዪዞ? ሂሲ ሃኔና፤ ኢስቲ ዩዲ ባርካ ቢርሾቶ!» ጊዳ።

38 ሹሜቲ ሄ ኢዚ ጊዳ ቃላ ዳሪ አይሲዛይታሰ ዮቲዳ፤ ኢስቲካ ጳውሎስን ሲላሲ ኦርሜ ዩሌታ ጊዲዳይሳ ሲዪዲ ዳጋሚዳ።

39 ዩዲ ኢስታፊ ማሪቴላ ኦይቺዲ ዋይኔፔ ኬሲዳ፤ ኢስቲ ሄ ካታማዮ አጊዲ ሃራሶ ባና ማላ ኢስታ ዋሲዳ።

40 ጳውሎስን ሲላሲ ቃሾ ኬላፊ ኬዚዲ ሊዲያሶ ቢዳ፤ ሄንካ ዲዛ አማኒዛይቲ ኢስታ ኬሄ ሚንሌሊዲ ሄፔ ኬዚ ቢዳ።

17

ታሶሎንቄን ጳውሎሳን ሲላሲ

1 ጳውሎስን ሲላሲ አንፊጶላኔ አጶሎንያ ጌቲቲዛ ዳራራ አጂዲ ታሶሎንቄ ጌቲቲዛ ዳሪ ቢዳ፤ ሄንካ አይሁዳታ ዋሳ ኬላ ዳሰ።

2 ጳውሎስን አዛዥ ሎሴ ገዲዳ ማላ አይሁዳታ ዋሳ ኩል ገሊዳስ፤ ሄቶ ሳሚንታ ኩሚል ቃላፕ ኤኪ ኤኪ አስታራ ሃሳዬቲዳስ።

3 ከርስቶስ ዋዬ ኤካናሲኔ ሃይቂ ዳንዳናስ ቤሲዳሳ ቆንጨሲ አማንሳን፤ «ሃይሲ ታ ሳባኪዛ ዩሱሲ አዚ ከቲቲ ያና ገቲቲዳይሳት!» ገዳስ።

4 አይሁዳታ፤ አሲ አሲ አሳይ ባ ሲዩዳይሳ አማኒዳ ጳውሎሳራኔ ሲላሴራ አሲፊ ገዲዳስ፤ ቃሴካ ዳር ዳሪይ ጸሳስ ያዩዛ ገሪኬታ፤ ዳር ኤሪቲዳ ማጫሳቲ ባ ሲዩዳ ቃላን አማኒዳ አስታራ አሲኖ ገዲዳ።

5 አይሁዳቲ ቃሴ አስታ ቃናቲዳ ገያን ዲዛ ዋርዳ አሳታ ሺሺዳ ኩሚል ዳሪዛ አስታ ቦላ ዳንጃዳዲ ካታማን ሸር ሚዲዳ። ጳውሎሳኔ ሲላሴ ሺሺዳ ዳሪ ሲንሳን ኤሳናስ አሲ አያሶኔ ገቲቲዳይሳት ኮያናስ ኤሌሊ ቢዳ።

6 ገዳ አቲን አስታ አያሶኔ ኩላን ዳዋንታ አገዳ ገሻስ አያሶኔኔ ሃራ አማኒዛ አሳታ ካታማ ዳናታ ሲንሳራ ጎቺሼ፤ «ሃይቲ አሳቲ ዳሪ ወርሲ ቡልካኪሼ ጋምኢዳ ቃሴ ሃኢ ሃ ዩዳ።

7 አያሶኔይካ አስታ ባ ኩላን ዋላዳስ፤ ሃይቲ አሳቲ ወሪ፤ «ዩሱሳ ገቲቲዛ ሃራ ካዋይ ዳስ» ገዲ ቁሳሪ ዋጋ ኤኩቲና» ገሼ ዋሲዳ።

8 ዳሪይኔ ሄ ካታማ ዳናቲ ሃሳ ሲዩዳ ባ ገዳን ቡቁቲዳ።

9 አያሶኔኔ ሃራታካ ዋሴ ጸይገሲዳ ዩዳዳ።

ቤሪያን ጳውሎሳኔ ሲላሴ

10 አማኒዛይቲ ሃራካ ጳውሎሳኔ ሲላሴ ቃማራ ቤሪያ ዩዳዳ፤ አስቲካ ሄ ጋኪዳ ማላ አይሁዳታ ዋሳ ኩላ ገሊዳ።

11 ቤሪያ አሳይ ታሶሎንቄ አሳፔ አዲ አኩካራ ዲዛ አሳ። ጋሶይካ ሃይሲ ዮኦዚ ቱሚሻ? ገ ገዲ ገሻ ማጸፋታ ቃላ ዋንቲን ዋንቲን ፒልገ ጸሊዳ ኡፋይሳን ኤኪዳስ።

12 ሃሳ ገሻስ አስታፊ ዳር አሳይ አማኒዳስ፤ ቃሴካ አስታራ ቆዳን ዳርቲ ቦንቸቲዳ ገሪኬ ዳሪ ማጫሳቲኔ አዳቲካ አማኒዳ።

13 ታሶሎንቄን ዲዛ አይሁዳ አሳቲ ጳውሎሲ ጸሳ ቃላ ቤሪያንካ ሳባኪዛይሳ ኤሪዳ ማላ ዳሪዛ ዳንጃዳናስ ቃሴካ አስታኮ ቢዳ።

14 ሄ ዋዳ አማኒዛይቲ ጳውሎሳ ኤሌሲዳ ገዳ አባ አቺ ዩዳዳ፤ ሲላሴኔ ጸምቶሲ ሄን አቲዳ።

15 ጳውሎሳ ዋይዚዳ አሳቲ አዛ አቲና ጋላዳ፤ ቃሴካ ሲላሴኔ ጸምቶሲ አዛኮ ኤሌሊ ጋካና ማላ ገዛ ከታ ጳውሎሳፔ ኤኪዳ ሲሚዳ።

አቲናን ጳውሎሳ

16 ጳውሎሲ አቲናን አስታ ናገሺን አቲና ካታማን ኤቃቲ ኩሚዳይሳ ቤኢዳ ዳር ሸኔቲዳስ።

17 ሃሳ ገሻስ አይሁዳታ ዋሳ ኩላን አይሁዳታራኔ ጸሳስ ያዩዛ ገሪኬ አሳራ ቃሴካ ገያይ ዲዛሶን ጋላስ ጋላስ ባናራ ጋገዛ አሳራ ሃሳዬቲዳስ።

18 ኤፊቆርሴኔ አስቶይኮ ገቲቲዛ ኤራንቻታ ባጋ ገዲዳይቲ ጳውሎሳኮ ሸቂዳ አዛራ ሃሳዬቲዳ፤ አስታፊ አሲ አሲ አሳቲ፤ «ሃይሲ ሎምኤሎምኦይ ኦይ ጋና ኮይኮ?» ገዳ፤ ባጋይቲ ቃሴ ዩሱሳ ገሻሲኔ ሃይቆፔ አዛ ዳንሳ ሚሺራቾ አዚ ሳባኪሺን ሲዩዳ። «ሄሲ ሃራ ኦራሳ ኤቃታ ገሻስ ዮቲዛ ሚሳቲስ» ገዳ።

19 አዛ ኦይኪዳ አሪዮሰፋጎሴ ገቲቲዛ ዳሪ ዲላታ ሲንሳ ኤፊዳ፤ «ሃ ኔ ታማርሲዛ ኦራሳ ቲሚርቲይ አዛኮ ኦራና ማላ ኔ ኮያይ?» ገዳ።

20 ቃሴ ኔ ኦና ኔ ሃይላን ሲሲዛ ዮኦይ ኦ ኤርንታ ኦራሳ ገዲዳ ገሻስ አዚ አዛኮ ኦ ኤራና ኮዮስ።

21 አቲና አሳይ ኩሚል ቃሴካ ሃን ዲዛ ሃራ ዳሪ አሳይካ ባስ ዋዳ አላናስ ኦራሳ ዮኦ ሃሳያንኔ ሲሳን አቲን ሃራ ሚሻን ዋዳ አላቲና።

22 ሃሳ ገሻስ ጳውሎሲ አሪዮሰፋጎሴ ገቲቲዛ ዲላታን ሸቂዳ ዳሪዛ ሲንሳን ኤቂዳ፤ «ሃይቶ አቲና አሳቶ! አንቲ ቤቶ ሚሽ ኡባ አማኒዛይታ ገዲዳይሳ ታ ቤያይሰ።

23 ታ ያኔ ሃ ዩዩሺን አንቲ አስታስ ጎይኒዛ ሚሻታ ታ ጸሊሺን፤ «ኤፊቶንታ ጸሰ» ገቲቲ ጸፊቲዳይሳ አሲ ያርሾሆ ዳማዲስ፤ ሃሳ ገሻስ ሃሳ አንቲ ኤርንታ ጎይኒዛይሳ ታ አንቲና ኤሪሳና።

24 ሃይሳ አላሚዛኔ አዛ ገዳንካ ዲዛይሳ ኡባ ሚዲዳ ጸሲ አዚ ሳሎኔ ሳኦ ጎዳ፤ ሃሳ ገሻስ አዚ አሳ ኩሺን ኬጾቲዳ ኩላን ዳና።

25 አዚ አሰ ኡባስ ዳኔኔ ሸምፖ፤ ቃሴካ ሃራ ወርሲ አሚዛይሳ ገዲዳ ገሻስ አዛስ ፓጨዛዚ ባይንዳ ገሻስ አዚ አሳ ኩሼፔ ማዳ ኤኩና።

26 አሳ ዜራል ኡባ አሳዳፊ ሚዲዳ አሲ ቢታ ቦላ ዳና ማላ ኦላዳስ፤ አሳይ ዳና ዋዳኔ ወርሴላ ጳስ ዋላዳስ።

27 ሃሲካ አሲ ጸሰ ኮዩዲኔ ፒልገዲ ዳማናኮ ገዲ ዋላዳስ፤ ሃሲ ሃሳ ገዲኮካ አዚ ኦፔ አሲ አሳዳፊ ሃኪ ዲዛ ገሻስ ገዳና።

28 ኦ ዳኔ ዳሚዳይ፤ ዲዛይኔ ቃጾቲዛይ አዛና፤ አንቲ ዳሪን ማዛሙራ ኬሲዛ አሲ አሲ አሳቲ፤ «ኦኒካ አዛ ናይታ» ገዳ ማላ።

29 «ሂሰቲኮ ኦ ጸሳ ናይታ ገዲኮ ጸሲ አሰ ኤራቲላን ሚዲ ኬሲዳ ዋርቃ ዋይኮ ቢራ ዋይኮ ሹቾ ሚሳቲስ ገዲ ኦ ቆፓናስ ቤሴና።

30 ካሴቲዳ ጸሲ ሃይሳ ማላ ሃናታ አሳይ ኤርንታ ኦላዳይሳ ዳንዳያን አዲዳስ፤ ሃኢ ገዲኮ አሲ ወሪ ባ ዲዛሶን ዲዛሶን ማርቲላን ገላና ማላ አዛዘስ» ገዳስ።

31 አዚ ባ ደሲዳዳ ባጋራ ቢታ ቦላ ጸሊቲላን ፒርዳና ጋላስ ባሪ ዋላዳስ። አዛካ ሃይቆፔ ዳንጃዳ አሰ ኡባስ ሃይሳ ቲማቲላ ኤሪሲዳስ።

32 አሰቲካ ሃይቂዳይታ ዳንሳ ገሻስ ሲዩዳ ማላ አሲ አሲ አሳቲ አዛ ቂዲዳ፤ ባጋይቲ ቃሴ፤ «ሃይሳ ቃሴካ ኦ ኔፔ ሃራ ጋላስ ሲያና ኮዮስ» ገዳ።

33 ሃራካ ጳውሎሲ አስታ ገዳፊ ኬዚ ቢዳስ።

34 አሲ አሲ አሳቲ ቃሴ ጳውሎሳ ካሊዳኔ አማኒዳ፤ ሃይታፔካ ዲዮናሲዮሳ ገቲቲዛ አሪዮሰፋጎሴ ዲላታ ኩላ አባሌ ገዲዳ ዳማርሶ ገቲቲዛ ማጫሳያኔ ሃራቲካ አሲፊ ዳቲስ።

18

ቆርንቶሴን ጳውሎሳ

1 ሃሳፊ ጉዬ ጳውሎሲ አቲናፔ ዳንዲዳ ቆርንቶሴ ካታማ ቢዳስ።

2 ሄንካ ጸንጸሳን ዩሌቲዳ አቂላ ገቲቲዛ አይሁዳ አሰ ዳሚዳስ፤ አዚካ አይሁዳቲ ወሪ ኦርሚፔ ኬዛና ማላ ቃላዋዳሳ ገቲቲዛ ኦርሚ ካዋይ አዛዚዳ ማላ

ባ ማቸዮ ጲርቢቁላራ ማታ ዋዴ ኢጸሊያ ዳሬፔ ዩዳይሳ ቤያናሰ ጳውሎሲ ሄ ኢስታኮ ቢዳስ።

3 ኢዚካ ኢስታላ ዲንካኔ ሲከዛዴ ገዲዳ ገሻሰ ኢስታ ኣቻን ኡቲዲ ዲንካኔ ሲኮን ጌሊዳስ።

4 ሳምባታ ሳምባታ ጋላሰ ኣይሁዳታ ዋሳ ኩላን ኣይሁዳታራኔ ገሪኬ ኣሳታራ ሃሳዬቲሼ ኢስታ ኣማንላናሰ ባጻቲዳስ።

5 ስላሲኔ ጸምቶሲ ማቀደኒያፕ ዲጌ ኢዛኮ ዋዲን ጳውሎሲ ሳባኮን ማኒዲ ዩሱሲ ኢዚ ከርሰቶሳ ገዲዳይሳ ኣይሁዳታሰ ማርካቲዳስ።

6 ገደ ኣቲን ኢስቲ ኢዛራ ኤቁቲዲ ኢዛ ጫዩዳ ገሻሰ ጳውሎሲ ባ ማይኦ ቆቆፊዲ፣ «ታ ኢንቴፊ ደሎ፣ ኢንቴ ፐርዳታናይ ኢንቴ ሞሮን ገዲዳ ገሻሰ ታ ኢንቴ ሱላ ጎሜን ኦይቪቲኬ፤ ሄሳ ገሻሰ ታ ኣይዛቤታኮ ባይሰ» ገደሰ።

7 ሄፕ ኬዚዲ ተቶሳ ኢዮስጶሳ ጌቲቲዛ ጸሰ ዋሲዛይሳሰ ቢዳስ፤ ሄ ኣዳዛ ኬላይ ኣይሁዳታ ዋሳ ኬላ ኣቻን ዳስ።

8 ኣይሁዳታ ዋሳ ኬላ ሃላቃይ ቁሪሰጸሲ ባሶ ኣሳ ኡባራ ጎዳ ኣማኒዳስ፤ ጳውሎሲ ዮቲሺን ሲዩዳ ዳር ቆሮንቶሴ ካታማ ኣሳይ ኣማኒዲ ጸማቁቲዳስ።

9 ጎዳይ ቃማራ ኣጁታን ጳውሎሳ፣ «ባቦፋ፤ ዮታ፤ ጮኡ ጎፓ፤

10 ታ ኔናራ ዳይሰ፤ ኦኒካ ኔ ቦላ ዳንዲ ኔና ቆሃናሰ ዳንዳይሰ፤ ሃኖ ሃ ካታማይን ታሰ ዳር ኣሲ ዳስ» ገደሰ።

11 ሄሳ ገሻሰ ጳውሎሲ ጸሳ ቃላ ኣሳ ታማርሲሼ ኢሲ ላይሌኔ ባጋ ኢስታራ ኡቲዳስ።

12 ጋልዮሳ ጌቲቲዛ ዳሬ ኣይሲዛይሲ ኣካያን ዲዛ ዋዴ ኣይሁዳቲ ኢሲፊ ገዲዲ ጳውሎሳ ቦላ ዳንዲዳ፤ ፐርዳ ዋምቦራ ሲንሐ ሺሺዲ።

13 «ሃይሲ ኣዳዚ ዋጋፕ ካሬራ ኣሳይ ጸሳሰ ጎይናና ማላ ኣሳ ባሌሌሰ» ገደ።

14 ጳውሎሲ ሃሳያና ቡሮ ደና ደይሺን ጋልዮሲ ኣይሁዳታ፣ «ኢንቴኖ ኣይሁዳ ኣሳቶ! ኢንቴ ሺሺዲ ዮኦይ ዳሬ ዳንሌላ ዋይኮ ዳሬ ገታ ሜቶን ዩጊዛ ዮኦ ገዲዳኮ ታ ዋዚናፕ ሲያናሺን።

15 ገደ ኣቲን ኢንቴ ፓላማይ ኢሲ ኢሲ ቃላታ ገሻሰኔ ኢሲ ኢሲ ሱንሳታ ገሻሰ ቃሴካ ኢንቴ ዋጋ ገሻሰ ገዲዳ ገሻሰ ኢንቴ ሄን ኢንቴ ባጋራ ዉርሲቲ፤ ታ ሄሳ ማላ ዮኦ ፐርዳናሰ ኮይኬ» ገደሰ።

16 ሄሳ ገሻሰ ፐርዳ ዋምቦራ ሲንሐፊ ኢስታ ኬሲዳስ።

17 ሄ ዋዴ ዉሪካ ኣይሁዳ ዋሳ ኬላ ሃላቃ ሶስቲኔሴ ጌቲቲዛይሳ ኦይኪዲ ፐርዳ ኬላ ሲንሳን ቡኪዳ፤ ጋልዮሲ ገዲኮ ሄሳ ዉዳንካ ዩጊቤና።

ጲርቢቁላ፣ ኣቁላኔ ኣጲሎሳ

18 ሄሳፊ ጉዬ ጳውሎሲ ቆሮንቶሴ ካታማን ዳር ዋዴ ጋምኢዳስ፤ ሄፕካ ኣማኒዛ ኣሳይ ሞይዚን ጲርቢቁላራኔ ኣቁላራ ኢሲፊ ማርካቤን ጌሊዲ ሶሪያ ጌቲቲዛሶ ቢዳስ፤ ኣዲና * ጋላናሰ ከንኪራኦሴ ጌቲቲዛሶን ባ ሁኤ ሜዳቲዳስ።

19 ኤፊሶኔ ጋኪዳ ማላ ጲርቢቁላኔ ኣቁላ ሄን ኣጊዲ ጳውሎሲ ኣይሁዳታ ዋሳ ኬሌ ጌሊዲ ኣይሁዳታራ ሃሳዬቲዳስ።

20 ባናራ ጋምኣና ማላ ኢስቲ ኦይቲን ኢዚ፣ «ኣካይ» ገዲ ኢጲዳስ።

21 ገደ ኣቲን ኢዚ ኢስታፊ ሻኬቲሼ፣ «ጸሳ ሼኔ ገዲኮ ታ ሲማዳ ያና» ገደሰ፤ ኤፊሶኔ ዳንዲዲ ማርካቤን ጌሊዲ ቢዳስ።

22 ቁሳሪያ ጌቲቲዛሶ ጋኪዳፕ ጉዬ ኬዚዲ ኣማኒዛይታ ሳር ገዲ ሄፕ ኣንጸኪያ ዋዲዳስ።

23 ኣንጸኪያን ጉላ ዋዴ ታኪዳፕ ጉዬ ሄፕ ዳንዲዲ ጋላቲያ ባጋራኔ ፐርጊያ ጌቲቲዛ ዳሬታራ ዩዩ ኣጲዲ ኣማኒዛይታ ማንሌላዳስ።

24 ሄ ዋዴ ኢሲ ኢስኪንዲሪያ ካታማን ዩሌቲዳ ኣጲሎሳ ጌቲቲዛ ኢሲ ኣይሁዳ ኣሲ ኤፊሶኔ ዩዳስ፤ ኢዚካ ታማርዳዴኔ ጌሻ ማጻፋታ ሎኤላ ኤሪዛዳ።

25 ኢዚ ጎዳ ኦጌ ታማርዳዴኔ ዩሱሳ ገሻሰ ባላይ ባይንዳ ሃሳይዛዴኔ ደሎ ኣያናን ጸጌቲሼ ታማርሲዛዳ፤ ገደ ኣቲን ኢዚ ሎኤላ ኤሪዛይ ዮሃኒሳ ጸንቃታ ጸላላ።

26 ኢዚካ ኣይሁዳ ዋሳ ኬላን ባቦንታ ዮቶ ኦይኪዳስ፤ ጲርቢቁላይኔ ኣቁላይ ኢዚ ጊዛይሳ ሲዩዲ ኢዛ ባሶ ኤፊዲ ጸሳ ኦጌ ኢዛ ካሴፕ ሎኤላ ኤሪሲዳ።

27 ኣጲሎሲ ኣካያ ባናሰ ኮዩን ኣማኒዛይቲ ኢዛ ማንሌላዳ፤ ሄን ዲዛ ኣማኒዛ ኣሳይካ ኢዛ ሞኪ ኤካና ማላ ኢዛሰ ዳብዳቤ ጸፊዳ፤ ኢዚ ሄ ጋኪዳ ማላ ኢዛሰ ዲዛ ኣምታፕ ዳንዲዳይሳን ኣማኒዛይታ ዳር ማዲዛዳ ገዲዳስ።

28 ጌሻ ማጻፋታ ያይሳ ሃይሳራ ጋላ ማርካሲ ማርካሲ ዩሱሲ ኢዚ ከርሰቶሳ ገዲዳይሳ ኣይሁዳታራ ዳር ፓላማቲዲ ዳሬ ሲንሳን ኢስታ ላሊዳስ።

19

ኤፊሶኔን ጳውሎሳ

1 ኣጲሎሲ ቆሮንቶሴን ዲዛ ዋዴ ጳውሎሲ ፑዳሃ ባጋ ዳሬራ ካንሌዲ ኤፊሶኔ ዩዲ ሄን ዲዛ ኢሲ ኢሲ ኣማኒዛ ኣሳታ ዳሚዲ፣

2 «ኢንቴ ኣማኒዳ ዋዴ ደሎ ኣያና ኤኪዳቲ?» ገደሰ፤ ኢስቲካ «ኤኪቤኮ ሃራይ ኣቶሺን ደሎ ኣያናይ ዲዛኮ ኦ ሲዩቤኮ» ገደ።

3 ጳውሎሲካ ኢስታ፣ «ሃሰቲን ኢንቴ ኣዛን ጸማቁቲዳቲ?» ገደሰ፤ ኢስቲካ ኢዛሰ፣ «ዮሃኒሳ ጸንቃታን ጸማቁቲዳስ» ገደ።

4 ጳውሎሲካ ኢስታሰ፣ «ዮሃኒሳ ጸንቃታይ ገዲኮ ኣሳይ ማርቲላን ሲሚዳይሳ ቤሲዛ ጸንቃታኮ! ዮሃኒሲ ባ ባጋራ ኣሳይ ኢዛፕ ጉዬራ ዩዛ ዩሱሳ ኣማናና ማላ ዮቲዳስ» ገደሰ።

5 ኢስቲካ ሄሳ ሲዩዳፕ ጉዬ ጎዳ ዩሱሳ ሱንሳን ጸማቁቲዳ።

6 ጳውሎሲካ ኢስታ ቦላ ባ ኩሼ ዋሊዳ ማላ ደሎ ኣያናይ ኢስታ ቦላ ዋዲን ኢስቲ ዲማ ዳሬታ ቃላራ ሃሳይዳ፤ ቲንቢቲካ ዮቲዳ።

7 ሄ ኣሳቲ ዉሪካ ታማኔ ናምኡ ገዲዛይታ።

8 ጳውሎሲ ኣይሁዳታ ዋሳ ኬሌ ጌሊዲ ጸሳ ካዋቲላ ገሻሰ ሃሳዬቲሼኔ ኢስታ ኣማንሌሼ ሄቭ ኣጊና ኩሜላ ኦናሰካ ባቦንታ ኣሳሰ ቆንጩሲ ዮቲዳስ።

* 18:18 ኣዲና፣ ኣዲና ጊዛይሳ ኢሲ ኢሲ ባጋ ጋምላ ቃላን፣ «ታሳላ ዋይኮ ጋላታሰ ኣሜቲዛ ኣምታ» ጌቲሰ። 18:18 ታይ 6:18 19:4 ማቶ 3:11፤ ማር 1:4፣7፣8፤ ሉቃ 3:4፣16፤ ዮሃ 1:26-27

9 ኢሲ ኢሲ አሳይ ፓላማ ጸንኢ ገዲ አማናናስ ኮዩቤና፤ ጎዳ ኦጌ ቆንጮን ኢጲዳ፤ ሄሳ ገሻሰ ጳውሎስ ኢሰታ ኣገዲ ሃራሶ ቢዳስ፤ አማኒዛይታካ ዲማ ሻኪ ኬሲዲ ጸራኖሴ ቲሚርቲ ኬላን ጋላስ ጋላስ ኢሰታራ ሃሳዩቲዳስ።

10 ሄሳ ማላ ኦሪን ናምኡ ላይሳ ጋምኢዳ ገሻሰ ኢሲያ አውራጃን ዲዛ አይሁዳቲኔ ገሪኬ አሳይ ወሪ ጎዳ ቃላ ሲያና ዳንዳይዳስ።

11 ጸሲ ጳውሎሳ ባጋራ ዳር ማላሊሲዛ ማላታ ኦሊዳስ።

12 ማራቤ ወይኮ ኢዛ አሳቲሳ ቦቺዳ ጫርቃ ኤፊዲ ሃርጋንቻታ ቦቺኮ ሃርጌይ ዩዳስ፤ ቱና አያናቲካ ባ ኦይኪዳ አሳፕ ኬዜቲስ።

13 ዩዩ ዩዩ አሳፕ ዳይዳንሳ ኬሲዛ ኢሲ ኢሲ አይሁዳ አሳቲ። «ጳውሎስ ሳባኪዛ ዩሱሳ ሱንላን አንቲ ኬዛና ማላ አዛዛይስ» ገዲ ጎዳ ሱንሳ ቱና አያናቲ ኦይኪዳ አሳታ ቦላ ጸይጋና ፓጪዳ።

14 ኢሲ አይሁዳታፕ ገዲዳ ቄሴታ ሃላቃ አስቁዌስ አቲማ ና ላፑናቲ ሄሳላ ኦሊዳ።

15 ቱና አያናይካ። «ታ ዩሱሳካ ኤራይስ፤ ጳውሎሳካ ኤራይስ ሺን አንቲ ቃሴ አናንቲ?» ገዳስ።

16 ቃሴካ ቱና አያናይ ኢዛ ኦይኪዳይይ ፓፒዲ አሳታ ኦይኪዳስ፤ ኢሰታ ቦላ ዋልቃቲዲ ዳር ሚንን ማዲንጸዲ ኬላፊ ሜላ ካሎ ባቃቲዳ።

17 ሄሳካ ኤፊሶንን ዲዛ አይሁዳታ አቻኒኔ ገሪኬ አሳ ኡባ አቻን ኤሬቲን ወሪካ ባቢዳ፤ ሄሳንካ ጎዳ ዩሱሳ ሱንሳ ቦንቲዳስ።

18 አማኒዳ አሳፕ ዳርይ ሺቁዲ ባ ኢታ ኦሪ ቆንጮን ፓሲዳስ።

19 ማር ማርቲዛይታፕ ዳርቲ ባ ማርቲዛ ማጸፋ ሺሺዲ ዳሪ ስንላን ታማን ጸጊዳ፤ ማጸፋ ዋጋይ ሺሺ ቆዲን ኢቻሹ ታሙ ሺ ቢራ ማላ ገዲዳስ።

20 ሃይሳ ማላን ጎዳ ቃላይ ኬሂ ዲጪሺኔ ጸኒ ጸኒ ቢዳስ።

21 ሃይሲ ወሪ ሃንዳፕ ጉዬ ጳውሎስ ማቀደኒያራኔ አካያ ባጋራ አጲዲ ዩሩሳላሜ ባናስ ቆፋ ቃቺዳ። «ታ ሄ ጋኪዳፕ ጉዬ ታ ኦርሜ ቃሴካ ቤያና ኮሼስ» ገዳስ።

22 ባና ማዲዛይታፕ ናምኦታ ጸምቶሳኔ ኤሪስጸሳ ጌዳ ማቀደኒያ ጌቲቲዛሶ ከቲዲ ባስ ኢሲያ አውራጃን ጉላ ዋዳ ሄን ዳኢዳስ።

ኤፊሶንን ዳንዲዳ ሺር

23 ሄ ዋዳ ጎዳ ኦጌ ገሻሰ ዳር ሺርይ ሜዴቲዳስ።

24 ዲሜጸርሳ ጌቲቲዛ ኢሲ ቢራ ቆጸዳይሲ አርጾሚሴ ጌቲቲዛ ኤቃ ሚስሌ ቢራፕ ሴሪሲ ሜዲ ሜዲ ሂላንቻታስ ዋዴ ሚሼ ዳሚሴስ።

25 ኢዚካ ሄ ሂላንቻታን ሄሳ ማላ ኦሪን አቁዛ ሃራ አሳታ ኢሲ ቦላ ሺሺዲ። «ኦሪ! ሃይሲ ኦሪዚ ኦሪ ሚሽ ኬሲዛይሳ አንቲ ኤሬታ።

26 ሃይሲ ጳውሎሳ ጌቲቲዛይሲ ኤፊሶንን ጸላ ገደንታ ኩሜላ ኢሲያ አውራጃን ዲዛ ዳር ዳሪዛ አማንሳ አማንሳ ባሌሳዛይሳ አንቲ ወሪካ ቤአዛይሳ ማላኔ ሲዩዛይሳ ማላ። «አሳ ኩሼን ኦሪቲዳ ኤቃቲ ሙሊካ ጸሰ ገዳቲና» ገ ዮቲስ።

27 ሃይሳ ኦሪ ኦሪዛሰ ሎኦ ሱንሳ ሃራይሲዛይሳፊ ቦላራ ኩሜላ ኢሲያይኔ ኩሜላ አላሜይ ጎይኒዛ ዋጋ

አርጾሚሴ ኤቃ ኬላይካ ጎሳይ ባይንዳይሳ ገዳና፤ ቃሴካ ኬሂ ጶቁ ገዳ ኢዚ ቦንቻይካ ካወያና» ገዳስ።

28 አሳይ ሄሳ ሲዩዲ ኢታ ሃንቆ ሃንቁቲዳ፤ «ኤፊሶን አርጾሚሳ ዋጋ ገታ!» ገዲ ዋሶ ደሚዳስ።

29 ሃራካ ኩሜላ ካታማይ ሺርቲዳስ፤ ዳሪይካ ወሪ ኢሲ ቦላ ገዲዲ ማቀደኒያ አሳ ገዲዳይታኔ ጳውሎሳራ ኢሲፊ ዩዩዛ ኢዛ ላጌታ ጋዩዮሳኔ አሪስጸርኮሳ ኦይኪዳ ዳሪይ ካሴ ካኢዛሶ ዋላን ጌሊዳ።

30 ጳውሎሳካ ካሪ ኬዚዲ አሳ ሲንሳ ሺቃና ኮዩን አማኒዛይቲ ዳጊዳ።

31 ሄ አውራጃ ዳናታፕ ኢሲ ኢሲ ጳውሎሳ ላጌቲ ጳውሎስ አሳይ ካሴ ካኢዛሶ ጸሊዲ ጌሎንታ ማላ አስ ከቲዲ ዋሲዳ።

32 ሺቁዳ አሳይ ኡንኤቲዲ አሳይይ ኢሲ ሚሽ ሃሳይሺን ሃራይ ቃሴ ሃራ ሃሳይሴኔ አሳይ ወሪ ዋሴስ፤ ዳሪዛ ባጋ አሳይ አዛስ ሄን ሺቁዳኮ ኤሬና።

33 አይሁዳ አሳይ ኢስኪንዲርሳ ጌቲቲዛይሳ ዳራ ገደፊ ሱጌራሊ ሲንሳ ኬሲዳ ዋዳ ኢሲ ኢሲ አሳቲ ባ ገሻሰ ኢዚ ሃሳያና ማላ ዋሲዳ፤ ኢዚካ ኢሰታ ገሻሰ ፓላሚታና ኮዩዲ አሳይ ጮኡ ጋና ማላ ማላቲ ቤሲዳስ።

34 ገደ አቲን ኢዚ አይሁዳ አስ ገዲዳይሳ ኤሪዳ ዋዳ ወሪካ ኢሲ ቦላ። «ኤፊሶን አርጾሚሳ ዋጋ ገታ!» ገሺ ናምኡ ሳቲ ማላ አሳይ ዋሲዳስ።

35 ሄ ካታማስ ዋና ጳፊይ አሳ ጮኡ ሂስቲዳ፤ «አንቲኖ ኤፊሶን አሳቶ! ገታ አርጾሚሴ ኤቃ ኬላዮኔ ሳሎፕ ዋዲዳ ኢዚ ሚስሌ ናገዛይ ኤፊሶን ካታማ አስ ገዲዳይሳ ኤርንታይ ኦኔ?»

36 ሃሳ ገሻሰ ሃይሲ ሃ ቱማይ ካዳታና ዳንዳዩቶንታይሳ ማላ አንቲ ጉሳ ዩሼ ቆፓናሴኔ ሎዲ ጋናስ ቤሴስ።

37 ሃይታ አሳታ ጸሳ ኬላ ቦንቆንታ ወይኮ ኦ ጸሰ ገዲዳይሳ ቦላ ጫሻ ቃላ ዳንላንታ ዲሺን አንቲ ኦይኪዳ ሃ ጋላናስ ጮ ኤሂዳታ።

38 «ሄሳ ገሻሰ ዲሞጸርሴኔ ኢዛራ ዲዛ ቢራ ሴሪሲ ኦሊዛ ሂላንቻቲ ኦና ቦላካ ሞቲዛ ዮኦይ ዲኮ ፒርዳ ኬላይ ኢሰታስ ደያ ዳስ፤ ዳናቲካ ዳቲስ፤ ባ ኮዩዳዳ ሞታናስ ዳንዳዩስ።

39 ሃይሳፊ ሃራ ጋናስ አንቲ ኮይኮ ዋጋይ ዲዛ ሺቆሶን ቤዩቶ።

40 ሃሲ አቲኮ ሃኙ ሃኒዳ ሺርይ ኦና ሞቲሶንታ ማላ ሃርጊሴስ፤ ሞቶስ ጋሊዛ ጋሶይካ ባይንዳ ገሻሰ ሃ ሃኒዳ ሺርዛ ገሻሰ ኦ ኦይሼቲኮ ጋናዚ ኦሪ ዳና» ገዳስ።

41 ኢዚ ሃሳ ገዳፕ ጉዬ ሺቆይ ላሌቲዳስ።

20

ጳውሎስ ማቀደኒያኔ ገሪኬ ቡስ

1 አሳይ ጮኡ ገዳፕ ጉዬ ጳውሎስ አማኒዛይታ ኢሲ ቦላ ጸይጊዲ ኢሰታ ሚንሌላዛ ቃላራ ዙሪዳፕ ጉዬ ኢሰታ ሳርኪዲ ማቀደኒያ ባና ኬዚዳስ።

2 ኢዚ አጲ ቢዛ ዳሪን ዲዛ አማኒዛ አሳ ሎኤላ ዙሪን ሚንሌላሺ ገሪኬ ዳሪ ቢዳስ።

3 ገሪኬን ሄቸ አገና ታኪዳፕ ጉዬ ማርካቤራ ሶሪያ ጌቲቲዛ ዳሪ ባናስ ቆፒዳስ ሺን አይሁዳ አሳቲ ኢዛ

ቦላ ኢታ ሚሽ ኦፋና ዘሪቲዳይሳ ኤሪዳ ማቂዶኒያ ባጋሪ ባና ቆፋ ቃቹዳስ።

4 ቤሪያፕ ጳሪዮሳ ና ሶጳጸሮሲ፣ ታሶሎንቄሬ ኣሪሰጸሮኮሲኔ ሲኮንዶሲ፣ ዳርቤኔፕ ጋዩዮሲኔ ጸምቶሲ፣ ኢሲያፕ ጸረፊሞሲኔ ተቁቆሲ ጳውሎሳራ ኢሲፊ ቢዳ።

5 ሃይቲ ወሪ ኮፕ ካሴቲዳ ጸረኣዳን ኦና ናጊዳ።

6 ኦ ቃሴ ኡኬፋ ባኣሌፕ ጉዬ ፕሊጸሲዮሴፕ ማርካቤን ኢሰቲ ዲዛሶ ጸረኣዳ ጌቲቲዛሶ ኢቻሻንፋ ጋላሰ ጋኪዳ ሄን ላፑን ጋላሰ ጋምኢዶሲ።

ጳውሎሲ ወርሴፋን ጸረኣዳ ቡሰ

7 ሳሚንታሬ ኮይሮ ዋጋ ጋላሰ ኢሲፊ ካላ ማናሰ ኦ ሸቂ ዲሺን ጳውሎሲ ዋንቶ ባናሰ ኮሺዛ ገሻሰ ሸቂዳ ኣሳሰ ቃላ ዮቲሺን ኢዚ ዮኦዛ ሌላ ጊዶል ጋካናሰ ኣዲሲዳሰ። *

8 ቦላ ፎቄን ዳሮ ፖኦይ ዲዛሶን ኦ ሸቂዶሲ።

9 ኣወጸኪሴ ጌቲቲዛ ኢሲ ናቴፋ ናይ ማሰኮቴ ቦላ ኡቲ ዲሺን ጳውሎሲ ዮኦዛ ኣዲሲዳይሳፊ ዳንዲዳይሳን ኢዛ ጳሰኮይ ኤኪ ቢዳሰ፤ ዋልቃማ ጳሰኮን ጸኔቲዳ ቦላ ሄሻንፉ ፎቄፕ ዲጌ ኩንዲን ኣሳይ ዳንጸዛ ዋዳ ሃይቂ ቤቲዳሰ።

10 ጊዶ ኣቲን ጳውሎሲ ዲጌ ዋዳዲ ናዛ ቦላ ሆኪ ኢዲሚዳ፣ «ሃይቂቤና ፓጸ ዳሰ፣ ዳጋሞፍቲ!» ጊዳሰ።

11 ጳውሎሲ ሃሳፊ ፑዴ ፎቄ ኬዚዳ ኡኬፋ ማንጸዲ ኣማኒዛይታራ ሚዳሰ፤ ጋዴይ ዋንታና ጋካናሰ ኣሳታራ ሃሳዬቲሺ ጋምኢ ቢዳሰ።

12 ኣሳይካ ሃይቆፕ ፓጸዳ ናዛ ኢዛሶ ኤፊዳ ወሪካ ኡፋዬቲዳሰ።

ጳውሎሲ ጸረኣዳፊ ሚሊጸኔ ጌቲቲዛሶ ቡሰ

13 ኦኒ ጳውሎሳ ማርካቤን ጌልፋና ኮዩዳ ገሻሰ ካሴቲዳ ማርካቤን ኣሶሳ ጌቲቲዛሶ ቢዳሰ፤ ኦ ሄሳ ኦሊዳይ ጳውሎሲ ኣሶሳ ጋካናሰ ቶሆራ ባና ኮዩዳ ገሻሰኔ ኦ ሲንፋ ባና ማላ ኢዚ ኣዛዚዳ ገሻሳ።

14 ኦ ኢዛራ ኣሶሳን ጋጊዳ ኢዚ ማርካቤን ጌሊን ኢዛራ ኢሲፊ ሚጸሊኔ ቢዳሰ።

15 ዋንቲፋ ጋላሰ ሄፕ ዳንዲዳ ሲንፋራ ዲዛ ኪኦሴ ጌቲቲዛሶ ጋኪዶሲ፤ ቃሴ ዋንቲፋ ጋላሰ ሳሞሴ ጌቲቲዛሶ ፒኒዳ ሄፕ ዋንቲፋ ጋላሰ ሚሊጸ ጋኪዶሲ።

16 ጳንጾቆስቲ ጌቲቲዛ ኣይሁዲታ ፓዚጋ ባኣሌ ባሰ ዳንዳዬቲዳ ማላ ቦንቻና ዩራሳላሚን ቤታና ኮዩዳ ኢዚ ኢሲያን ዋዴይ ኣቶንታ ዲሺን ኤፊሶኔ ኣቆ ባናሰ ኮዩዳሰ። ኢዚ ሃሳፉ ኦፋና ኮዩዳይ ጳንጾቆስቲ ባኣሌሰ ዩራሳላሚን ቤታናሰ ኮዩዳ ገሻሳ።

ጳውሎሲ ኤፊሶኔ ዋሳ ኬፋ ጨማታራ ወርሴፋ ሞይዛ ሳሮካ ሳርኬቴላ

17 ጳውሎሲ ሚሊጸፕ ኤፊሶኔ ዋሳ ኬፋ ጨማታ ኣሴ ከቲዳ ጸይገሲዳሰ።

18 ኢሰቲካ ዩን ጳውሎሲ ኢሰታ፣ «ታ ኢሲያ ጌሊዳ ጋላሳፊ ሃ ሲሚን ኡባ ዋዴ ታ ኢንቴናራ ዋና ዳኢዳኮ ኢንቴ ኤፊታ።

19 ኣይሁዲቲ ታ ቦላ ኣሳ ዳንጸዲ ሂሊዳ ጋሶን ዳሮ ሜቶይ ታ ቦላ ጋኪኮካ ታኒ ኩሜፋ ኣሸኬቴፋራኔ ኣፋንፋራ ጎዳሰ ኦፋዲሰ።

20 ጮ ዳምባንካ፣ ኢንቴሶን ኢንቴሶን ታኒ ኢንቴና ታማርሳሺ ጎኢዛይሳ ወርሳ ኢንቴሰ ዮታዲሰ ኣቲን ኢንቴና ጎኢዛ ሚሻፊ ኣይኮካ ኣሻቤኬ።

21 ኣይሁዳ ኣሳታ ጊዳንካ ገሪኬ ኣሳ ጊዳንካ ማርቲፋን ጌሊዳ ጸሳኮ ሲማና ማላኔ ጎዳ ዩሶሳን ኣማናና ማላ ሎኤፋ ዮታዲሰ።

22 «ሃኢካ ታ ሄ ጋኪሺን ታ ቦላ ኣዚ ጋካናኮ ኤሪኬ ሺን ጸሎ ኣያናይ ታና ኣዛዚዳ ማላ ዩራሳላሚ ባይሰ።

23 ሄን ታና ዲማ ዲማ ቃሾይኔ ሜቶይ ናጊዛይሳ ጸሎ ኣያናይ ታሰ ዮቲዳሰ።

24 ጊዶ ኣቲን ጎዳ ዩሶሲ ታሰ ኢሚዳ ዋላ ዋጸ ወርሳና ጋካናሰኔ ኣሶዛ ታ ፖላና ጋካናሰ ታኒ ታ ሸምፖሰ ሚሽቲኬ፤ ታሰ ኢሜቲዳ ኣሶይካ ጸሳ ሚሺራቾ ቃላ ዮቶኮ።

25 «ሃኢ ጋካናሰ ታ ኢንቴ ጊዶን ሲሜሬታሺ ጸሳ ካዋቴላ ሳባካዲሰ፤ ሃይሳፊ ጉዬ ኢንቴፊ ኦኒካ ሙሌ ታ ኣይፊሶ ቤኦንታይሳ ታ ኤራይሰ።

26 ሃሳ ገሻሰ ኢንቴፊ ኢሳዴይካ ጳይኮ ታ ኦይሹቶንታይሳ ሃቾ ታ ኢንቴና ኤሪሳይሰ።

27 ኣይሰ ጊኮ ታ ጸሳ ቆፋ ወርሳ ኢንቴሰ ዮታዲሰ ኣቲን ኣይኮካ ታ ዮቶንታ ኣሸዳይ ዳና።

28 ጸሎ ኣያናይ ኢንቴና ጸሳ ዶርሳታ ሃማናሰ ሹሚዳሰ፤ ሃሳ ገሻሰ ኢንቴ ሁኤሲኔ ጸሳ ዶርሳታሰ ናጌቲቲ፤ ጎዳይ ባ ሱፋን ዋዚዳ ዋሳ ኬፋዮ ናጌቲ።

29 ታ ቢዳፕ ጉዬ ጸሳ ዶርሳታሰ ሚሹቶንታ ኢታ ኣሳቲ ኢንቴ ጋርሰ ጌላናይሳ ታ ኤራይሰ።

30 ሃሳፉካ ኢሲ ኢሲ ኣሳቲ ኢንቴ ጊዶፊ ዳንዲዳ ጌላ ዮኦ ኢንቴና ታማርሲዳ ኣማኒዛ ኣሳፕ ዳርታ ጌዴ ባኮ ዛራና።

31 ሃሳ ገሻሰ ኢንቴና ኢሳ ኢሳ ሄሹ ላይላ ቃማኔ ጋላሰ ኣፋንፋን ዘሪዳይሳ ዩሺ ቆፕቴኔ ናጌቲቲ።

32 «ሃኢካ ኢንቴና ጸሳሰ ሚንጸ ኤሳናሰኔ ኣማኒዛይታ ጊዶን ኢንቴሰ ላታሶ ኢማናሰ ዳንዳይዛ ኢዛ ኣቶ ኪያቴፋ ቃላሰ ታ ሃዳራ ኢማዲሰ።

33 ታ ኦና ቢራካ ዋርቃካ ዋይኮ ማይኦ ኣሞታቤኬ።

34 ታኒ ታ ኩሺን ኦፋ ኦፋዳ ታሰ ማዴታዳ ታናራ ዲዛይታካ ማዲዳይሳ ኢንቴካ ኤፊታ።

35 «ሃ ኤኪዛዴፊ ጌዴ ኢሚዛዴይ ኣንጄቲዳዴ» ጊዛ ጎዳ ዩሶሳ ቃላ ኦ ዩሺ ቆፕዲ ኦርካ ኦ ኩሺራ ኦ ኦሊ ዳሚዳ ሃራ ዳኩራንቻታ ጌዴ ማዳናሰ ኦሰ ቤሲዛይሳ ታ ኢንቴና ዳሮ ዲማ ዲማ ኦኔራ ቤሳዲሰ» ጊዳሰ።

36 ሃሳፊ ጉዬ ጳውሎሲ ኡባ ኣሳራ ጉልባቲዳ ዋሲዳሰ።

37 ኣሳይ ወሪ ዩኪሺ ጳውሎሳ ኢዲሚ ኦይኪዳ ዩሪዳሰ።

38 ሃራፕካ ኢሰቲ ዳሮ ሚሹቲዳይ ኢዚ፣ «ሃይሳፊ ጉዬ ኢንቴ ናሞኣንፉ ታና ቤዩኬታ» ጊዳ ገሻሳ፤ ሄፕካ ኢዛ ማርካቤኮ ጋካናሰ ሞይዚዳ።

21

ጳውሎሲ ዩራሳላሚ ቡሰ

1 ኦ ኢሰታፊ ሻኬቲዳኔ ማርካቤን ጌሊዳ ሲቲ ጊዳ ቆሴ ጌቲቲዛ ኣሳ ጊዶን ዲዛ ዳሬ ቢዳሰ፤ ዋንቲፋ ጋላሰ ሃራ ኤርዶሴ ጌቲቲዛ ኣሳ ጊዶን ዲዛ

* 20:7 «ሳሚንታሬ ኮይሮ ጋላሳን» ቄራ ኦማርሰ ዋጋይ ዋንታናዉ ጉሳ። 20:24 2ጸም 4:7

ዳሬ ጋኪዶስ፤ ሄፔካ ኢሲ ጳጳራ ጌቴቲዛ ካታማ ቢደስ።

2 ሄን ፒንቄ ጌቴቲዛሶ ቢዛ ማርካቤ ዲዛር ዳሚዲ ኢዚን ጌሊዲ ቢደስ።

3 አባ ጊደን ዲዛ ቆጶሮሴ ጌቴቲዛ ዳሬ ሃዲርሳ ባጋን ዩጊዲ ሶሪያ ጌቴቲዛ ዳሬ ቢዲ ጶሮሴ ጌቴቲዛ አባ አቻን ዲዛ ዳሬ ቢደስ፤ ሃሳስ ጋሶይካ ማርካቤያ ባ ጫኔቲዳ ጫና ሄን ዋላናስ ኮሺዛ ገሻሳ።

4 ሄን አማኒዛይታ ኮዩ ዳሚዲ ኢስታራ ላፑን ጋላስ ጋምኢዶስ፤ ኢስቲካ ጶሎ አያና ካሌላን ጳውሎሳ፡ «ዩሩሳሌም ቦፓ» ጊዲ ዮቲዳ።

5 ኑ ሄን ጋምኢና ዋዳይ ወሪን ኢስታፊ ሻኬቲዲ ኑ ኦጌ ቢደስ፤ ኢስቲ ወሪ ባ ማቼታራኔ ባ ናይታራ ኢሲፊ ካታማፔ ካሬ ኬዛና ጋካናስ ኑና ሞይዚዳ፤ አባ አቻን ኑ ወሪ ጉልባቲዲ ዋሲዳፔ ጉዬ ዳንዲዲ ኢሶይ አሳራ ሳርኬቲዲ ሻኬቲዶስ።

6 ሃሳፊ ጉዬ ኑ ማርካቤን ጌሊን ኢስቲ ባሶ ሲሚዳ።

7 ኑ ጶሮሴፔ ዳንዲዲ ጌዴ ጳጳላማይሴ ጌቴቲዛሶ ጋኪዶስ፤ ሄንካ አማኒዛ አሳራ ጋጊ ሳርኬቲዲ ሄን ኢስታ አቻን ኢሲ ጋላስ ጋምኢዶስ።

8 ዋንቴላ ጋላስ ሄፔ ኬዚዲ ቁሳሪያ ጌቴቲዛሶ ቢደስ፤ ቁሳሪያን ላፑን ዳቆኔታፔ አሳ ዋንጌላዋ ፒሊጳሳሶ ጌሊዲ ኢዛ አቻን ሸምፒደስ።

9 ኢዛስ ናቤ ጊዲዳ ኦይዲ ጌሎንታ ጌላኦቲ ዳቴስ።

10 ዳር ጋላስ ኑ ሄን ጋምኢን ኢሲ አጋቦሳ ጌቴቲዛ ናቤዚ ዩሁዳ ዳሬፔ ዩደስ።

11 ሄ ናቤይ ኦኮ ሸቂዲ ጳውሎሳ ዳንጮ ኤኪዲ ባ ቶሆኔ ባ ኩሼ ቃቺዲ፡ «ጶሎ አያናይ ሃይሳ ዳንጫ ጎዳ ዩሩሳሌምን ዲዛ አይሁዳ አሳቲ ሃይሳላ ቃቺዲ አይዛቤታስ አላ አማና ጌስ» ጊደስ።

12 ሃሳ ሲዩዲ ኦኒካ ኑናራ ዲዛ አሳይካ ጳውሎሲ ዩሩሳሌም ቦንታ ማላ ዋሲደስ።

13 ቃሴ ጳውሎሲ፡ «አንቲ አይስ ዩኪ ዩኪዲ ታ ዋዚና ማንጮቲ? ታኒ ጎዳ ዩሱሳ ሰንሳ ገሻሰ ዩሩሳሌምን ቃቺ ጳላላ ጊደንታ ሃይቃናሰካ ገጌታዲስ» ጊደስ።

14 ኢዚ ኑ ዞሬ ኤኮንታ ኢጲን፡ «ሂስቲኮ ጎዳ ሸኔይ ሃኖ» ጊዲ አጋጊደስ።

15 ኑ ሄን ጉላ ጋላሳታ ጋምኢዳፔ ጉዬ ኑ ሚሼ ኡባ ጊግሲ ኤኪዲ ዩሩሳሌም ቢደስ።

16 ቁሳሪያን ዲዛ ኢሲ ኢሲ አማኒዛይቲ ኑናራ ኢሲፊ ዩዳ፤ ኢስቲካ ኦኒ ሚናሶኔ ኬላን ዳና ማላ ኑና ኢዛሶ ካሌሊዳ፤ ሚናሶኒ ካሴቲዲ አማኒዳ ቆጶሮሴ ዳሬ አሳ።

ጳውሎሲ ዩሩሳሌምን ያቆቤ ቤዩደስ

17 ኑ ዩሩሳሌም ጋኪዳ ማላ አማኒዛይቲ ኑና ኡፋይሳን ሞኪ ኤኪዳ።

18 ዋንቴላ ጋላስ ጳውሎሲ ኑናራ ያቆቤኮ ቢደስ፤ ሄ ዋዴ ዋሳ ኬላ ጨማቲ ሄን ዳቴስ።

19 ጳውሎሲ አሳ ወርሲ ሳርኪዳፔ ጉዬ ጸሲ ኢዛ ባጋራ አይዛቤታ ጊደን ኦላዳይሳ ኡባ ኢሲኖ አሾንታ ዮቲዳስ።

20 ሃሳ ሲዩዲ አሳይ ወሪ ጸሰ ጋላቲደስ፤ ጳውሎሲካ፡ «ኑ አሻዘ ዳር ሸያን ቆዴቲዛ አማኒዛይቲ

አይሁዳታ ጊደን ዲዛይሳኔ ወሪካ ሙሴ ዋጋ ዋዚናፔ ናጊዛይታ ጊዲዳይሳ ኔካ ኤራሳ።

21 ኔኒ አይዛቤታ ጊደን ዲዛ አይሁዳታ፡ «አንቲ ናይታ ቃጶሮፔቲ ዋይኮ ዋጋታ አላፍቲ» ጋዳ ኔ ታማርሲዳ አሳይ ሙሴ ዋጋ ሻራና ማላ ኦላስ ጊዛ ዋሪ አሳይ ሲዩደስ።

22 ሂስቲን ሃኢ አዜ ሎኦይ? ሃኢ ኔ ዩሳ አሳይ ሲዮንታ አጌና።

23 ሃሳ ገሻሰ ኑ ኔና ጊዛይሳ ኦላ፤ ኑ አቻን ታሳላ ጋላና ዩዳ ኦይዲ አሳቲ ዳቴስ።

24 ኔ ኢስታ ኔናራ ኤካዳ ኢስታራ ጊዳዳ ኔና ጌሻ፤ አሳቲ ባ ሁኤ ሜዴታና ማላኔ ጸሳ ኬላን አማኒዛ ሙጶዋታ ሚሻ ኔ ኢስታስ ቃንጻ፤ ኔ ሃሳላ ኦላኮ ኔ ቦላ ዋሪቲዳይሲ ወሪ ጮ ሃዳ ጊዲዳይሳኔ ኔካ ሙሴ ዋጋ ፖላ ናጊዛዴ ጊዲዳይሳ አሳይ ወሪ ኤራና።

25 ሂንኮ አይዛቤታፔ አማኒዳይታ ገሻሰ ጊዲኮ፡ «ኤቃስ ሹኬቲዲ ቱኒዳይሳ ሞፐቲ፤ ሱላካ ኡዮፐቲ፤ ባወታ ሃይቂዳ ማሄ አሾ ሞፐቲ፤ ላይማፔ ሃኪቲ» ጊዲ ጨማቲ ቃቺዳ ቃላ ዳብዳቤ ጳፊዲ ኑ ኢስታስ ዩዲደስ።»

26 ሃሳፊ ጉዬ ጳውሎሲ ሄ ኦይዲ አሳታ ባናራ ኤኪዲ ዋንቴላ ጋላስ ኢስታራ ባና ጌሺደስ፤ ኢስቲ ጌይዛ ጋላሳቲ አፑን ጋላሲኮኔ አሳዴ አሳዴ ገሻሰ አማኒዛ ሚሽ አማኒዛ ዋዳይ አይዩኮ ኤሪሳናስ ጸሳ ኬላ ጌሊደስ።

ጸሳ ኬላን ጳውሎሳ ኦይኬቲላ

27 ላፑን ጋላስ ኩማና ማቲሺን ኢሲያ ዳሬፔ ዩዳ አይሁዳ አሳይ ጳውሎሳ ጸሳ ኬላን ቤኢዲ ዳራ ኢዛ ቦላ ዳንጮሊዲ ኢዛ ኦይኪዳ።

28 «ኢሰራኤል አሳቶ! ኑና ማዲቲ! ኑ አሳኔ ኑ ዋጋ ሃይሳ ኑ ዲዛሶዛ ጫዩሼኔ ዳሬይ ዲዛሶን ኡባን አሳ ታማርሲዛይሲ ሃይሲ ኢዛኮ! ሂሲካ ጊዴና ጊዲ አይዛቤታ ጸሳ ኬላ ጌላሊዲ ሃይሳ ጌሻሶዋዛ ቱኒሲደስ» ጊሼ ዋሲዳ።

29 ኢስቲ ሃሳ ጊዳ ጋሶይካ ሃይሳፊ ካሴ ኤፊሶኔ ዩሌታ ጸርፊሞሳ ኢዛራ ኢሲፊ ካታማ ጊደን ቤኢዳ ገሻሰ ኢዛ ጳውሎሲ ጸሳ ኬላ ኤኪ ጌሊዳ ሚሳቲዳ ገሻሳ።

30 ኩሚላ ካታማይ ባ ጊደን ሸርቲደስ፤ ዳሬይ ወሪ ኢሲፊ ዋጶ ኮዩዲ ጳውሎሳ ኦይኪ ኤኪ ጸሳ ኬላ ገቤፊ ጎሼቺ ኬሲደስ፤ ጸሳ ኬላ ፔንጌቲ ሄራካ ጎርዴቲዳ።

31 አሳይ ጳውሎሳ ዋቆና ኮዩሺን፡ «ዩሩሳሌምን ዲዛ ኩሚላ ዳሬይ ባ ጊደን ሸርቲደስ» ጊዛ ኪታይ ኦርሜ ዋታዳራታ አዛዚዛይሳኮ ጋኪደስ።

32 ሃሳ ገሻሰ ኢዚ ዋታዳራታኔ ማቶ ሃላቃታ ካሌሊዲ ኤሶን ዋጶሼ አሳይ ዲዛሶ ቢደስ፤ አሳይ ኦላንቻታ አዛዚዛይሳ ቤኢዲ ጳውሎሳ ቡካ አጊደስ።

33 ማቶ ሃላቃዚ ኢዛኮ ሸቂዲ ጳውሎሳ ኦይኪዲ ናምኡ ሳንሳላታን ቃሼታና ማላ አዛዚዲ ኢዚ ኦናኮኔ አይ ኦላዳኮ ኤራናስ ኢዛ ኦይቺደስ።

34 ዳሬይካ ባ ጊደን ባጋይ ሃሳ፡ ባጋይ ሃይሳ ጊደስ፤ ማቶ ሃላቃዚ ዳሬዛ ዋሶፔ ዳንዲዳይሳን ቱማይ አዋይሳኮኔ ኤራናስ ዳንዳዩቶንታ ኢጲን

ጳውሎስ ጌዳ ዋታዳራቲ ዲዛሶ ኤፋና ማላ አዛዚዳለ።

35 ጳውሎስ ጉዳ ጳቃሶ ጋኪሽን ዳሬይ ዳር ሃንቆን ኢዛ ቦላ ማቶ ጋላናስ ኮዩዳ ጊሻሰ ዋታዳራቲ ኢዛ ሃሽን ቶኪ ኤፊዳ።

36 ዳሬይካ፣ «ኢዚ ሃይቆ! ሃይቆ» ጊ ዋሲሽ ኢዛ ካሊዳለ።

ጳውሎስ ባና አሻና ማዲዛ ዮኦ ዮቲዳሰ

37 ዋታዳራቲ ጳውሎስ ባ ዲዛሶ ጌልላና ማቲሽን ጳውሎስ ዋታዳራታ አዛዚዳለ፣ «ታ ኔሰ ኢሲ ሚሽ ዮታና ማላ ዳሳይ?» ጊዳለ። ማቶ ሃላቃዚካ፣ «ኔ ጊሪኬ ቃላ ኤራይ?»

38 ሂሰቲን ሃኢ ማታ ዋዳ ዳሬ ጊዳን ማቶ ዳንጫዳ ሸምፖ ዋዲዳ ኦይዱ ሺ አሳ ኤካዳ ባዛ ባቃቲዳ ጊብጼ አዳዚ ኔና ዲኪ?» ጊዳለ።

39 ጳውሎስካ፣ «ታኒ ኪልቂያ ጊዳን ዳር ኤሬቲዳ ጸርሴሴ ካታማን ዩሌቲዳ አይሁዳ አሳ፤ ሃይሳ አሳስ ታና ዮቻርኪ!» ጊዳለ።

40 ኢዚ ሃሳያና ማላ ኤር ጊን ጳውሎስ ጳቃሶሆን ኤቂዳ አሳይ ጮኡ ጋና ማላ ባ ኩሼራ ማላቲዳሰ፤ አሳይ ጮኡ ጊን ኢሰራኤሌታ ቃላራ።

22

1 «ታ ኢሻቶ! ታ አዋቶ! ታ ቦላ ዋርዶ ዋሊዳይሳሰ ታ ኢንቴሰ አሚዛ ዛር ሲዩቲ!»

2 ኢዚ አይሁዳታ ቃላራ ሃሳይሽን ሲዩዲ ካሴፕ አሳይ ጮኡ ጊዳሰ፤ ጳውሎስካ ሃሳያ ጉጂዲ።

3 «ታኒ ኪልቂያ ጊዳን ዲዛ ጸርሴሴ ካታማን ዩሌቲዳ አይሁዳ አሳ፤ ታኒ ዲጪዳይ ጊዳኮ ሃኒን ዩራሳላሚና፤ ታ ኑ አዋታ ዋጋ ዉርሳ ጋማልያሌፕ ሎኤላ ታማራዲሴኔ ኢንቴ ሃቶ ኦሊዛይሳላ ጸሳሰ ሱሬ ዋዚናፕ ኦሳሽ ዳኢዳለ።

4 ሃይሳ ሃ ኦኔዛ ካሊዛ አሳታ ኡባ ዋዳና ጋካናስ ጎዳሊዛ አሳኮሽን፤ ማጫሳታኔ አዳታ ቃቻ ቃቻ ቃቻ ኬል ዩዲዛዳኮሽን።

5 ሃይሲ ዉሪ ቱሙ ጊዲዳይሳ ቄሴታ ሃላቃቲኔ ዳሬ ጨማቲካ ዉሪ ታሰ ማርካታና፤ ሃራይ አቶሽን ዳማሰቆን ዲዛ አማኒዛ አሳ ቃቻ ዩራሳላሚ ኤሃዳ ቃጸይሳናስ ዳማሰቆን ዲዛይታሰ ጸፊቲዳ ዳብዳቤ ቄሴታ ሃላቃታፕኔ ዳሬ ጨማታፕ ኤካዲሰ።

ጳውሎስ ኪርሰቶሳ ዋሰቲ አማኒዳኮ ዮቲዳሰ (ሃዋ 9:1-19፤ 26:12-18)

6 «ታኒ ዳማሰቆ ቢሸኒኔ ካታማ ጌላና ማቲሽን ሴታ ጋላሰ ታ ቆፖንታ ዲሸን ሳሎፕ ዋልቃማ ፖኦይ ታና ዩዩ አዲ ፖኢዳለ።

7 ሄ ዋዳ ታኒ ቢታ ቦላ ኩንዳዳ፣ «ሳኦሌ! ሳኦሌ! ኔ ታና አዛሰ ጎዳይ?» ጊዛ ቃላ ሲያዲሰ።

8 ታኒካ፣ «ሳዶ፣ ኔ ኦኔ?» ጋዲሰ፤ ኢዚካ፣ «ታ ኔኒ ጎዲዛ ናዚሬቲ ዩሱሳ» ጊዳለ።

9 ታናራ ኢሲፊ ዲዛ አሳቲ ፖኦዛ ቤኢዳ አቲን ኢዚ ታናራ ሃሳይሽን ቃላ ሲዩቤቴና።

10 ታኒካ፣ «ሳዶ፣ ታ አይ ኦሎ?» ጋዲሰ፤ ጎዳይካ፣ «ዳንዳዳ ዳማሰቆ ባ፤ ኔ ኦላናይሳ ኢሰቲ ኔሰ ሄን ዮታና» ጊዳለ።

11 ፖኦዛ ጸልቂቲዳ ዳርፕ ዳንዲዳይሳን ታ ጸላናስ ዳንዳያቤኬ፤ ታናራ ዲዛ አሳቲ ታ ኩሼ ኦይኪ ጎቺዲ ታና ዳማሰቆ ጋሊዳ።

12 «ሃናኒያ ጌቲቲዛ ኢሳይይ ሄን ዳሰ፤ ሃናኒያይ ዳማሰቆን ዲዛ አይሁዳታ አቻን ዳር ጋላቲቲዳይሳኔ ዋጋ ቦንቺዛ አሳ።

13 ኢዚ ታ አቶ ሸቂ ኤቂዲ፣ «ታ ኢሻ ሳኦሌ! ኔ አይፊይ ቃሴካ ጸሎ» ጊዳሰ፤ ሄራካ ታ አይፊይ ኢዛ ጸሊዳለ።

14 ኢዚካ ታና፣ «ኑ አዋንታ ጸሲ ኔ ኢዛ ሸኔ ኤራና ማላ፣ ኢዛ ጸሎዛ ኔ ቤያና ማላኔ ኢዚ ጊዛይሳ ኔ ሲያና ማላ ኔና ካሴቲ ደሪዳለ።

15 ኢዚ ሃሳ ኦሊዳይ ኔ ቤኢዳይሳኔ ሲዩዳይሳ አሳ ኡባ ሲንሳን ኢዛሰ ኔ ማርካታና።

16 ሂሰቲን ሃኢ አዛሰ ጋምአይ? ዳንዳዳ ኢዛ ሱንል ጸይጋዳ ጸማቂታ፤ ኔ ናጋራፕካ ማጫታ፤ ጊዳለ።

17 ሃሳፊ ጉዩ ታ ዩራሳላሚ ሲማዳ ጸሳ ኬላን ዋሲሽን አጁታይ ታሰ ቤቲዳለ።

18 ጎዳይካ ታሰ ቆንጪዲ፣ «ኑ ታ ጊሻሰ አማና ማርካቲል ኢሰቲ ኤኮንታ ጊሻሰ ኔ ጋምኦንታ ዳሽ ዩራሳላሚፕ ኤሌላ ኬዛ!» ጊዳለ።

19 ታኒካ ኢዛሰ፣ «ሳዶ! ታ አይሁዳታ ዋሳ ኬላቲ ዲዛሰ ባዳ ኔና አማኒዛይታ ኡባ ቃቻዳ ኢሰታ ቡኪዳይሳ ባ ባጋራ ኢሰቲካ ኤራቴሰ።

20 ኔ ጊሻሰ ማርካቲዛ ኢሰቲፋኖሴ አሳይ ዋዲዛ ዋዳ ታኒካ ሄ ዋዲዛ አሳታ አቻን ኤቃዳ ኢሰቲ ዋዲዛይሳ ታኒካ ዳሳዲሴኔ ዋዲዛይታ ማይኦካ ናጋዲሰ» ጊዳለ።

21 ጎዳይካ፣ «ሃሆን ዲዛ አይዛቤታኮ ታ ኔና ኪቲዛ ጊሻሰ ዳንዳዳ ባ!» » ጊዳለ።

ጳውሎስ ኦርሜ ዳሬ አሰ ጊዲዳይሳ ቆንጪሴል

22 አሳይ ሂና ጋካናስ ጳውሎስ ሃሳያ ዋዚናፕ ሎኤሊ ሲዩሽ አጊዲ ባ ቃላ ጳቂ ሂሰቲዲ፣ «ሃይሳ ማላ አሲ ኑ ቢታፊ ዳዮ፤ ሃይሳ ማላ አሲ ኑ ቢታን ሸምፖፕ ፓጻ ዳናሰ ቤሴና» ጊሽ ዋሲዳለ።

23 አሳይ ዋሲሽ ባ ማይኦ ቃሪ ቃሪ ዉዲሽኔ ቢታ ፕዳ ሳሎ ዳርጪዳለ።

24 ማቶ ሃላቃዚ ሃሳ ቤኢዲ ጳውሎስ ዋታዳራቲ ዲዛሰ ጌልላና ማላ አዛዚዳለ፤ ዳሬይካ ኢዛ ቦላ አዛሰ ሃሳ ማላ ዋሲዛኮ ኤራና ማላ ኢዛ ጋራፊዲ ፓጸሳና ማላ አዛዚዳለ።

25 ጊዶ አቲን ዳፎን ዋጺ ቃቺዲ ኢዛ ጋራፋና ጊጌቲሽን ጳውሎስ ባ አቻን ኤቂዳ ኢሲ ማቶ ሃላቃሰ፣ «ኦርሜ አሰ ፐርዳይ ባይንዳ ጋራፋናስ ኢንቴሰ ፐቃይይ ዲዜ?» ጊዳለ።

26 ማቶ ሃላቃይ ሃሳ ሲዩዳ ማላ ሃላቃታ አዛዚዳይሳኮ ቢዲ፣ «አይ ኦላና ጋይ? ሃይሲ አዳዚ ኦርሜ አሳኮ!» ጊዳለ።

27 ሃሳ ጊሻሰ ሃላቃታ አዛዚዳይሲ ጳውሎስኮ ሸቂዲ፣ «አኔ ታሰ ዮታ፣ ኔ ኦርሜ አሰ?» ጊዳለ፤ ኢዚካ፣ «ኤ ታ ኦርሜ አሳ» ጊዳለ።

28 አዛዚዳይሲካ፣ «ታ ኦርሜ አሰ ጊዳናስ ዳር ሚሽ ቃንጸዳ ሻማዲሰ» ጊን ጳውሎስ፣ «ታኒ ጊዲኮ ኦርሜን ዩሌታዲሰ» ጊዳለ።

29 ሄሳ ገሻሰ ኢዛ ፒልጊ ጸላናሰ ገጌቲዳ አሳቲ ሄራካ ኢዛ አቻፌ ሃኪዳ፤ አዛዚዛይሲካ ኢዚ ኦሮሜ አሰ ሳንሳላታን ቃቸዳይሳ ዩሺ ቆፒዲ ባቢዳሰ።

አይሁዳታ ዲላታ ሲንሐ ጳውሎሳ ሺቆ

30 ዋንቴሳ ጋላሰ አዛዚዛይሲ አይሁዳቲ ጳውሎሳ ሞቲዛ አይፌ ዮኦይ አዛኮ ኤራና ኮዩዳሰ፤ ቄሴታ ሃላቃቲኔ አይሁዳታ ሻንጎ ዲላታ አሳይ ወሪ አሳዳይካ አቶንታ ኩሚሕ ሺቃና ማላ አዛዚዳሰ፤ ጳውሎሳካ ቃሾፔ ቢርሺዲ ሺቁዳ አሳ ሲንሐ ሺሺ ኤሲዳሰ።

23

1 ጳውሎሲ ዲላታ አሳ ቲሺ ሂሰቲ ጸሊዲ፡ «ታ አሻቶ! ሃኛ ጋካናሰ ታ ጸሳ ሲንሳን ሎኦ ቆፋራ ዳይሰ» ገደሰ።

2 ቄሴታ ሃላቃ ሃናኒያይ ቃሴ ጳውሎሳ ዶናን ሾጫና ማላ ኢዛ አቻን ኤቁዳይታ አዛዚዳሰ።

3 ሄራካ ጳውሎሲ ሃናኒያ፡ «ሃይሶ አኖራ ቲዩቲዳ ኬላዘ! ኔናካ ጸሲ ሾጫና፤ ዋጋራ ፐርዳና ኡታዳ ዋጋይ ባይንዳ ታና ሾጫና ማላ አዛዛይ?» ገደሰ።

4 ሄ ዋዳ ሄን ዲዛ አሳይ ጳውሎሳ፡ «ጸሳ ቄሴታ ሃላቃ ጫያይ?» ገደሰ።

5 ጳውሎሲካ ኢሰታሰ፡ «ታ አሻቶ! ኢዚ ቄሴታ ሃላቃ ገዲዳይሳ ታ ኤራቤኬ፤ ጋሶይካ፡ ሳይ ዳሪ ሃላቃ ቦላ ኢታ ቃላ ጎፓ ገዛይሲ ጳፊቲዳሰ» ገደሰ።

6 ጳውሎሲ ሄን ዲዛ አሳፔ ባጋይ ሳዱቃዊታ፡ ባጋይ ፋርሳዊታ ገዲዳይሳ ኤሪዲ፡ «ታ አሻቶ! ታ ፋርሳዊፔ ዩሌታዲሰ፤ ታኒካ ፋርሳዊ፤ ሄኮ ሃኢ ታ ፐርዳታና ሺቁዳይ ሃይቁዳይቲ ዳንዳናይሳ ታ ኡፋይሰ ኦሊዛ ገሻሳ» ገዲ ባ ቃላ ቶቁ ሂሰቲዲ ዲላታ አሳ ሲንሳን የቲዳሰ።

7 ጳውሎሲ ሄሳ የቲዳ ማላ ፋርሳዊታ ገደኒኔ ሳዱቃዊታ ገደንካ ኦሺ ዳንዲን ዲላታይ ናሞኡ ኬዚ ሻኬቲ ዋዲዳሰ።

8 ጋሶይካ ሳዱቃዊታ፡ «ሃይቁዳይታሰ ዳንላ ዳና፤ ኪታንቻይካ ባ፤ አያናይካ ዳና ገዛይታ፤ ፋርሳዊታ ገዲኮ ሄይቲ ወሪካ ዳቴሰ» ገዲ አማኒዛይታ።

9 ሄ ዋዳ ዳር ሸርይ አሳ ገደን ሃኒዳሰ፤ ፋርሳዊታ ባጋታ ገዲዳ ኢሲ ኢሲ ሙሴ ዋጋ ታማርዛይቲ ዳንዲዲ፡ «ኑ ሃይሳ አዳዘ ቦላ አይኮካ ኢታ ሚሽ ዳሚቤኮ፤ አያናይ ዋይኮ ኪታንቻይ ኢዛሰ የቲዳ ገዳና፤ ኑ አይ ኤሪዘኒ?» ገዲ ፓላሚቲዳ።

10 ፓላሚይ ሚኒ ሚኒ ቢዳ ገሻሰ አሳይ ጳውሎሳ ታርሼሬላንታ ማላ ባቢዲ ሃላቃታ አዛዚዛይሲ፡ «ዱጌ ዋዲዳ ጳውሎሳ አሳ ገደፌ ሃ ኬሲ ኤኪ ዩዲ ዋታዳራቲ ዲዛሶ ኤፍቲ!» ገዲ ዋታዳራታ ሃላቃታ አዛዚዳሰ።

11 ዋንቴሳ ጋላሰ ሌላ ገደሐ ጎዳይ ጳውሎሳ አቻን ኤቁዳ፡ «አይኮይ ባ፤ ኔ ዩሩሳላሜን ታሰ ማርካቲዳይሳሉ ኦሮሜንካ ኔ ታሰ ማርካታናሰ ቤሴሰ» ገደሰ።

ጳውሎሳ ዋዳናሰ አሳ ማቁቲሕ

12 ጋዳይ ዋንቴን አይሁዳ አሳቲ ሺቁቲዲ፡ «ኑ ጳውሎሳ ዋዳንታ ዲሺ ካሐ ሞኮ፤ ሃሊካ ኡዮኮ» ገ ጫቁቲዳ።

13 ሄሳ ሄ ማቆዘን ኢሲፌ ገዲዳ አሳ ቆዳይ ኦይዲ ታማፌ ቦላራ ዳሰ።

14 ኢሰቲካ ቄሴታ ሃላቃታኮኔ ዳሪ ጨማታኮ ቢዲ ኢሰታሰ፡ «ኑ ጳውሎሳ ዋዳንታ ዲሺ ካሐ ሞንታ ማላ ሚንላ ጫቁዳሰ።

15 ሄሳ ገዲዳ ገሻሰ እንቲ ዳሪ ጨማታራ ዘራቲዲ ኢዛ ኬሂ ፒልጊ ጸሊዛ ሚሳቲዲ ኢሰቲ እንቲሰ ጳውሎሳ ኤሃና ማላ አዛዚዛይሳ ኦይቸቲ፤ ኑኒካ ኢዚ ሃ ሃኖ ጋካናፔ ካሴቲዲ ኢዛ ዋዳና ገጌቲዳሰ» ገደ።

16 ገደ አቲን ኢሲ ጳውሎሳሰ ሚቸ ናይ ሄሳ ኢሰታ ማቆዘ ሲዩዳ ገሻሰ ዋታዳራቲ ዲዛሶ ቢ ጌሊዲ ዮኦዛ ጳውሎሳሰ የቲዳሰ።

17 ጳውሎሲካ ማቶ ሃላቃታፔ ኢሳ ባኮ ጳይገዲ፡ «ሃይሲ ናዚ ዋታዳራታ አዛዚዛይሳሰ የቲዛ ዮኦይ ዲዛ ገሻሰ ኢዛኮ ኤፋ» ገደሰ።

18 ማቶ ሃላቃይ ናዘ ዋና አዛዚዛይሳኮ ኤኪ ጌሊዲ፡ «ቃሼቲዳ ጳውሎሲ ታና ባኮ ጳይገዲ ሃይሲ ናዚ ኔሰ የቲዛ ዮኦይ ዲዛ ገሻሰ ታ ኢዛ ኔኮ ሺሻና ማላ ታና ዋሲዳሰ» ገደሰ።

19 አዛዚዛይሲካ ናዘ ኩሺ ኦይኪ ኤኪዲ ሃራሶ ፖቁዲ፡ «ኔ ታሰ የታናይሲ አዜ?» ገዲ ኢዛ ዲማ ኦይቸዳሰ።

20 ናዘካ፡ «አይሁዳ አሳቲ ጳውሎሳ ዮኦዛ ሎኤላ ማራማሪዳይ ሚሳቲሲዲ ዋንቶ ኔ ኢዛ ኢሰታሰ ሺሻና ማላ ኦይቻናሰ ቃቸ ዋሊዳ።

21 ገደ አቲን ኔ ኢሰታሰ ኤር ጎፓ፤ ጋሶይካ፡ ሉ ኢዛ ዋዳንታ ዲሺ ካሐ ሞኮ፤ ሃሊካ ኡዮኮ» ገዲ ጫቁቲዳይቲ ኦይዲ ታማፌ ቦላ ገዲዛ አሲ ኢዛ ዋዳናሰ ኦጌ ቦላ ዙጌሰ፤ ሃኢ ኢሰቲ ናገዛይ ኔ ዛር ጸላላ» ገደሰ።

22 አዛዚዛይሲካ፡ «ኔ ሃይሳ ታሰ የቲዳይሳ ሃራ ኦናካ ኤሪሶፋ» ገዲ ናዘ ሞይዚዳሰ።

ዳሪ ሃሪዛ ፊልኪሴ ሲንሐ ጳውሎሳ ሺቆ

23 ሃሳፌ ጉዩ ዋታዳራታ አዛዚዛይሲ ማቶ ሃላቃታፔ ናሞኦታ ጳይገዲ፡ «ቃማፌ ሄቭ ሳቲ ገዲሺን ቁሳሪያ ጌቲቲዛሶ ባና ማላ ናሞኡ ጳቲ ዋታዳራታ፡ ላቸን ታሙ ቶጋንቻታኔ ናሞኡ ጳቲ ቶራንቻታ ገግሲቲ፤

24 ጳውሎሳሰካ ፓራ ገግሲዲ ዳሪ ሃሪዛ ፊልኪሴኮ ሎኦን ጋካና ማላ ኦሊቲ» ገደሰ።

25 ዳብዳቤ ሃዝጊ ጳፊዳሰ፤

26 «ዳሪ ሃሪዛ ቦንቾ ፊልኪሴሰ፡ ቃላዋዳሳ ሉሲዮሳፔ፡ ሳርይ ኔሰ ገደ።

27 ሃይሳ አዳዘ አይሁዳ አሳቲ ኦይኪ ዋዳና ገሺን ኢዚ ኦሮሜ አሰ ገዲዳይሳ ታ ጋካ ኤሪዳ ገሻሰ ዋታዳራታራ ጋካዳ አሻዲሰ።

28 ኢሰቲ ኢዛ አዛሰ ሞቲዛኮ ታ ኤራና ኮያዳ ዳሪ ዲላታኮ ሺሻዲሰ።

29 ኢሰቲ ኢዛ ቦላ ሺሺዳ ሞቶይ ባ ዋጋ ገሻሰ ገዲዳይሳ ኤራዲሰ፤ ገደ አቲን ኢዛ ሃይቆሰ ዋይኮ ቃሾሰ ጋሊዛ ሚሺ ዳና።

30 ሃይሳ አዳዘ ዋዳናሰ አሳይ ማቁቲዳይሳ ታ ሲዩዳ ማላ ሄራካ ኔኮ ዩዳዲሰ፤ ሞቲዛይቲካ ሄን ኔ ሲንሳን ባ ሞቶ ሺሻና ማላ ኢሰታሰ የታዲሰ» ገደሰ።

31 ሄሳ ጊሻስ ዋታዳራቲ ባ አዛዘቲዳ ማላ ጳውሎሳ ቃማራ ኤፊዲ አንተጳጸርሴ ጌቲቲዛሶ ጋሊዳ።
 32 ዋንቲላ ጋላስ ቶጋንቻቲ ጳውሎሳራ ባና ማላ ኦሊዲ ኢስቲ ቃሴ ጉዬ ሶ ሲሚዳ።
 33 ቶጋንቻቲ ቁሳሪያ ጋኪዲ ዳብዳቤዛ ዳሬ ሃሪዛይሳስ ኢሚዲ ጳውሎሳ ኢዛ ሲንሐ ሺሺዳ።
 34 ዳሬ ሃሪዛይሲ ዳብዳቤዛ ናባቢዲኔ ጳውሎሳ፣ «ኔ አዋ ዳሬፔ ያዲ?» ጊ ኦይቺዳስ። ኢዚ ኪልቁያ ዳሬ አስ ጊዲዳይሳ ኤሪዳ።
 35 «ኔና ሞቲዛይቲ ዩሺን ታ ኔ ዮኦ ሲያና» ጊዴስ፤ ሄርዳሳ ጊቤ ጋላን ኢዚ ናጌታና ማላ አዛዚዳስ።

24

አይሁዳ አሳይ ጳውሎሳ ሞቲዳስ

1 ኢቻሹ ጋላሳፊ ጉዬ ቁሴታ ሃላቃ ሃናኒያይ ኢሲ ኢሲ ጨማታራኔ ጳርጹሎሳ ጌቲቲዛ ጸባቃራ ቁሳሪያ ቢዴስ፤ ኢስቲካ ዳሬ አይሲዛ ፊልኪሴኮ ሺቁዲ ጳውሎሳ ሞቲዳ።
 2 ጳውሎሲ ጳይጌቲ ሺቁን ጳርጹሎሲ ኢዛ፣ «ቦንቾ ፊልኪሴ! ኩኒ ኔ ባጋራ ዳር ሳሮቲሐ ዳሚዳስ፤ ኔ ሎኦ አይሶንካ ኩ ዳሬሰ ሎኤቲላ ቤቲዳስ።
 3 «ሄሳ ኔ ሎኦ ኦሶዛ ኩ አዋን ጊዲን አይዳካ ጶቁ ጊዳ ቦንቾራኔ ጋላታራ ኤኮሶ።
 4 ታ ሃኢ ኔና ጋምኢሶንታኔ ዳቡርሶንታ ቃንሳራ ኔስ ዮቲዛይሳ ኪያቲላን ኩ ጊዛይሳ ኔ ሲያና ማላ ዋሶስ።
 5 «ሃይሲ አዳዚ ኮስ ኢታ ሃርጌ ጊዲዳስ፤ አላሜን ዲዛ አይሁዳታ ኡባ ባላ ሚቶ ሜዴስ፤ ናዚራዌ ጌቲቲዛ ዋርዶ አሳታ ካሌሊዛ ዋናይ ኢዛ።
 6 ኢዚ ጳሳ ኬሌ ቱኒሳና ጊሸን ኩ ኢዛ አይኪዳስ። [ኩ ዋጋ] ማላ ኩ ኢዛ ቦላ ፐርዳና ቆፒዳስ፤
 7 ጊዶ አቲን ዋታዳራታ ሃላቃታ አዛዘዛይሲ ሉሲዮሲ ጋኪዲ ኩ ኩሼፔ ኢዛ ዋልቃራ ዋላ ኤኪዳስ።
 8 ኢዛ ሞቲዛ አሳይካ ኔኮ ያና ማላ አዛዚዳስ።] ሃይሲ ኩ ኢዛ ቦላ ሺሺዳ ሞቶዚ ወሪ ቱሙ ጊዲዳይሳ ኔኒ ኔ ባጋራ ኢዛ ኦይቻ ጋካናስ ዳንዳያሳ» ጊ ሞቲዳስ።
 9 ሂንኮ አይሁዳ አሳቲካ፣ «ኤ ሃይሲ ዮኦዚ ወሪካ ቱሙኮ» ጊዲ አማኔቲዳ።

ጳውሎሲ ባና አሻና ኦጌ ሜዲዳስ

10 ዳሬ አይሲዛ ፊልኪሴይ ጳውሎሲ ሃሳያና ማላ ባ ኩሼራ ማላቲ ቤሲዳስ፤ ጳውሎሲካ፣ «ኔኒ ዳር ላይሐ ሃይሳ ዳሬዛ አይሲዛይ ጊዲዳይሳ ታ ኤሪዛ ጊሻስ ታ ቦላ ሺቁዳ ሞቶዛስ ታ ኔስ ኡፋይሳን ዛር ሺሻይሲ።
 11 ታ ጳሳስ ጎይናናስ ዩሩሳሌም ቢን ሃኙ ታማኔ ናምኤ ጋላሳፊ ዳርንታይሳ ኔኒ ኔ ባጋራ ኤራናስ ዳንዳያሳ።
 12 ጳሳ ኬላን ጊዲን አይሁዳታ ዋሳ ኬላን ዋይኮ ካታማ ጊዶን ታ ኦናራካ ፓላሜቲሺን ዋይኮ ዳሬ ጊዶን ሜቶ ሜዲሺን ታና ዳሚቤቲና።
 13 ሃኢ ታ ቦላ ኢስቲ ሺሺዳ ሞቶዛስ አይ ማርካካ ሺሻናስ ዳንዳይቲና።
 14 «ጊዶ አቲን ታ ኔስ ቆንጨሳና ኮይዛይ ኢስቲ ዋርዶ ጊዛ ጎዳ ኦጌራ ኩ አዋንታ ጳሳስ ጎይናይሲኔ

ሙሴ ዋጋኒኔ ናቤታ ማጻፋን ጳፊቲዳይሳካ ኡባ አማናይሲ።
 15 ኢስቲካ ኡፋይሲ ኦሊዛ ማላ ታኒካ ናጋራንቻቲኔ ጸሎቲ ሃይቆፔ ዳንዳይሳ ጳሳን አማኔታይሲ።
 16 ሄሳ ጊሻስ ጳሳ ሲንሳኒኔ አሳ ሲንሳን ሲዴይ ባይንዳ ሃናይ ታስ ዳና ማላ ኡባ ዋዴ ሚናይሲ።
 17 «ታ ዩሩሳሌም ስኪን ታስ ዳር ላይሐ ጊዲዳፔ ጉዬ ታ ዳሬ አሳስ ማዶ ሚሼኔ ጳሳስ አሜቲዛ ሚሼ ኤካ ያዲሲ።
 18 ታና ኢስቲ ጳሳ ኬላን ዳሚዳይ ታ ሃሳ ጋሊሺና፤ ሄ ዋዴ ታ ጌይዛ ዋጋ ፖሊሺን ታናራ ዳር አሲ ዳና፤ ኦሺኔ ሺርይካ ዳና።
 19 ጊዶ አቲን ኢሲያፔ ዩዳ ኢሲ ኢሲ አይሁዳ አሳቲ ዳቲስ፤ ኢስታሰካ ታና ሞቶስ ጋሊዛዚ ዲዛ ጊዲኮ ኔ ሲንሳን ታና ሞቲቶ።
 20 ሄሳፊ ጉዬ ታኒ ዲላታ ሲንሐ ሺቁኮ ታ ኦሊዳ ቆሆይ ዲኮ ሄ አሳቲ ዮቲቶ።
 21 ታና ሃይሳስ ጋሊዳ ጋሶይካ ታ ኢስታ ጊዶን ኤቃዳ፣ «ሃይቁዳይታስ ዳንላ ዳስ» ጋ ዮቲዳ ጊሻስ፣ «ሃኙ ፐርዳስ አንቲ ሲንሐ ሺቃዲሲ» ጋዶ ታ ቃላ ጶቁ ሂስታ ዮታዲሲ አቲን ሃራ ታኒ ኦሊዳ ሚሺ ዳና» ጊዴስ።
 22 ፊልኪሴይ ጎዳ ኦጌ ሎኤላ ኤሪዛ ጊሻስ፣ «ዋታዳራታ ሃላቃታ አዛዘዛይሲ ሉሲዮሲ ዩዛ ዋዴ ታ አንቲ ዮኦዚ ጊሻስ ቃሾ ጊዲዛ ዮኦ አማና» ጊዲ ኢስታ ዩዲዳስ።
 23 ጳውሎሳ ናጊዛ ማቶ ሃላቃይ፣ «ኢዛ ዳር ዋዩሶንታ ሎኤላ ናጋ፤ ኢዛ ላጌቲ ኢዛስ ኮሺዛ ሚሽ ኤኪ ዩኮ ዲጎፋ» ጊዴስ።

ፊልኪሴ ሲንሐኔ ዲሩሲላ ሲንሐ ጳውሎሳ ሺቆ

24 ጉላ ዋዴፔ ካሊዲ ፊልኪሴይ አይሁዳ አስ ጊዲዳ ባ ማቼዮ ዲሪሲላራ ዩዳስ፤ ጳውሎሳካ ጳይጊዲ ዩሶስ ኪርሰቶሳን አማኖ ጊሻስ ኢዚ ዮቲሺን ሲዩዳስ።
 25 ጳውሎሲ ጸሎቲላ ጊሻስ፣ አሲ ባርካ ባና ሃር ጊሻሲኔ ቡርፔ ያና ፐርዳ ጊሻስ ዮቲን ፊልኪሴይ ባቢዲ፣ «ሃኢ ኔ ባ፤ ሃራ ዋዴ ታስ ጊሺሺን ታ ኔና ጳይጋ ኤካና» ጊዴስ።
 26 ፊልኪሴይ ጳውሎሳፔ ጉቦ ኤካናስ ኡፋይሲ ኦሊ ናጊዳ ጊሻስ ዳር ዋዴ ጋካናስ ጳይጊ ጳይጊ ሃሳይሲዳስ።
 27 ናምኤ ላይሐፊ ጉዬ ጳርቁዮሳ ፊሰጸሲ ፊልኪሴ ሶሆን ሹሜቲዳስ፤ ፊልኪሴይ አይሁዳታ ኡፋይሳናስ ኮዩዲ ጳውሎሳ ቃሾሶን አጋጊዳስ።

25

ጳውሎሲ ባ ዮኦዚ ኦርሜ ካዎይ ቤያና ማላ ኦይቺዳስ

1 ፊሰጸሲ ባ አይሲዛ ዳሬ ቁሳሪያ ጌሊዲ ሄቩ ጋላስ አቁቲዲ ሄፔ ዩሩሳሌም ቢዴስ።
 2-3 ሄን ዲዛ ቁሴታ ሃላቃቲኔ ኢሲ ኢሲ አይሁዳታ ጊዶፊ ጌታ ጌታ አሳቲ ጳውሎሳ ቦላ ባ ሞቶ ሺሺዳ፤ «ጳውሎሳ ሃ ዩሩሳሌም ኤሂዲ፣ ናኮ ሎኦ ኦሶ ኦሳርኪ!» » ጊዲ ዋሲዳ፤ ኢስቲ ሄሳ ጊዳይ ጳውሎሳ ናጊዲ ኦጌ ቦላ ዋዳናስ ኮዩዳ ጊሻሳ።

4 ገደ ኣቲን ፊሰጸሲ፡ «ጳውሎስ ቁሳሪያን ቃሾ ኩላን ናጌቴሰ፤ ታኒካ ሃኢ ኤሌ ሲማዳ ሄ ኢዛኮ ባና።

5 ኢንቴ ገደፊ ዳናቴሌ ዲዛይቲ ታናራ ቁሳሪያ ቤቶ፤ ጳውሎስ ኦሊዳ ቆሆይ ዲዛ ገዲኮ ሄን ሞቴቶ» ገደሰ።

6 ፊሰጸሲ ኦሰፑን ወይኮ ታሙ ጋላሳፊ ዳርንታ ወዳ ኢሰታራ ጋሞኢዳ፤ ጉዬ ቁሳሪያ ቤዳሰ፤ ሄ ጋኪዳ ማላ ዋንቴላ ጋላሰ ፐርዳ ዋሞቦራ ቦላ ኡቴዲ ጳውሎሳ ባኮ ሸሻና ማላ ኣዛዚዳሰ።

7 ጳውሎስ ኢዛ ሲንሐ ሸቂን ዬሩሳላሜ፤ ዬዳ ኣይሁዳቲ ጳውሎሳ ገደሌዲ ማርካይ ባይንዳ ዳር ዳጾ ሞቶ ኢዛ ቦላ ሸሸዳ።

8 ጳውሎስካ፡ «ታኒ ኣይሁዳ ዋጋ ቦላ ገዲን ጸሳ ኬላ ቦላ ወይኮ ኦሮሜ ካዎ ቁሳሪ ቦላካ ጋሊዳ ቆሆይ ዳና» ገዲ ኢሰታ ሞቶዛ ሻሪዛ ዛር ኢሰታሰ ኢሚዳሰ።

9 ገደ ኣቲን ፊሰጸሲ ኣይሁዳታ ኡፋይሳናሰ ኮዬዲ ጳውሎሳ፡ «ኔኒ ዬሩሳላሜ ባዳ ሃይሳ ዮኦዛ ሄን ታ ሲንሐን ፐርዳታና ኮያይ?» ገደሰ።

10 ጳውሎስ ቃሴ ኢዛሰ፡ «ሄኮ ታ ፐርዳታናሰ ታሰ ቤሲዛ ቁሳሪ ፐርዳ ዋሞቦራ ሲንሐን ኤቃዲሰ፤ ኔካ ሎኤላ ኤሪዛ ማላ ታ ኣይሁዳታ ቦላ ኦሊዳ ኣይኮ ቆሆይካ ዳና።

11 ታ ቆሃዳ ገዲኮ ወይኮ ታና ሃይቆሰ ጋሊዛ ቆሆ ታ ኦሊዳ ገዲኮ ታ ሃይቆፔ ኣታና ገኬ፤ ገደ ኣቲን ኢሰቲ ሸሸዛ ሞቶይ ሃዳ ገዲኮ ኦኒካ ታና ኢሰታሰ ኣሌ ኢማናሰ ዳንዳዬና፤ ታኒካ ታ ዮኦይ ቁሳሪ ሲንሐ ሸቃና ማላ፡ «ዪገባይ» ገደሰ።

12 ሄ ወዳ ፊሰጸሲ ባና ዘሪዛይታራ ሃሳዬቴዲ፡ «ኔ ቁሳሪኮ፡ «ዪገባይ» ገደሰ።

ጳውሎስ ኣገርጳ ሲንሐይ ባርኒቄ ሲንሐ ሸቂዳሰ

13 ጉላ ጋላሳታ፤ ጉዬ ካዎ ኣገርጳይኔ ባርኒቄይ ፊሰጸሳ፡ «ሃሹ ሎኦን ያዳሳ» ገደ ሞካናሰ ቁሳሪያ ቤዳ።

14 ኢሰቲ ሄን ዳር ጋላሰ ኡቴዳ ገሻሰ ፊሰጸሲ ጳውሎሳ ዮኦዛ ካዎ ኣገርጳሰ፡ «ፊልኪሴይ ቃሾ ኬላን ዬገ ኣገዳ ኢሳይይ ሃን ዳሰ።

15 ታ ዬሩሳላሜን ዲዛ ወዳ ቄሴታ ሃላቃቲኔ ኣይሁዳታ ጨማቲ ሃ ኣዳዛ ዮኦ ታኮ ኤሃዲ ታ ኢዛ ቦላ ፐርዳና ማላ ኦይቸዳ።

16 ታ ቃሴ፡ «ሞቴቲዳዳይ ሞቴዛይታ ሲንሐን ኤቂዲ ባና ሞቴዛ ዮኦዛሰ ቤሲዛ ዛር ኢሞንታ ዲሺን ሞቴቲዳዳይ ኣሌ ኢሞይ ኦሮሜ ካዎቴላሰ ዋጋ ገደና» ገደ ዛራዲሰ።

17 «ሃሳ ገሻሰ ኢዛ ሞቴዛይቲ ሸቂቲዲ ዬዳ ማላ ሄራካ ዋንቴላ ጋላሰ ፐርዳ ዋሞቦራን ኡታዳ ጳውሎሳ ታ ሲንሐ ሸሻና ማላ ኣዛዛዲሰ።

18 ኢዛ ሞቴዛይቲ ኢዛ ኣቻን ኤቂዳ ወዳ ኢሰቲ ኢዛ ቦላ ሸሸዳ ሞቶይ ታ ባጋራ ኢዚ ኢታ ኦሶንታ ኣኒና ጋዳ ቆፐዳ ማላ ገዲቤና።

19 ገደ ኣቲን ኢሰቲ ኢዛራ ሞቴቲዛይ ባ ኣማኖ ገሻሰኔ ጳውሎስ ሃይቂዳይሳ፡ «ፓጸ ዳሰ» ገደ ዬሱሳ ገሻሰ ገዲዳሰ።

20 ታኒካ ሃሳ ማላ ዮኦ ቆራ ጴላናሰ ታና ሜቲዳ ገሻሰ ጳውሎሳ፡ «ኔ ዬሩሳላሜ ባዳ ሃሳ ዮኦዛ ሄን ፐርዳታና ኮያይ?» ገደሰ።

21 ሂሰቲን ኢዚ ዮኦዚ ኦሮሜ ካዎ ሲንሐን ቤዬታና ማላ ኮዬዲ፡ «ታ ዮኦይ ቁሳሪ ሲንሐ ሸቃና ማላ ኦይቸይሰ» ገደ ገሻሰ ኢዛ ዮኦ ቁሳሪኮ ታ ዬዳና ጋካናሰ ኢዚ ቃሾ ኬላን ጋሞኣና ማላ ኣዛዛዲሰ» ገደ ዮቴዳሰ።

22 ኣገርጳይ ፊሰጸሳ፡ «ታኒካ ኢዚ ገዛ ሲያና ኮያይሰ» ገደሰ። ፊሰጸሲካ፡ «ዋንቶ ሲያንዳሳ» ገደሰ።

23 ሃሳ ገሻሰ ዋንቴላ ጋላሰ ኣገርጳይኔ ባርኒቄይ ካዎቲ ማይኢዛ ማይኦ ማይኢዲኔ ዳር ቦንቸራ ዋታዳራታ ሃላቃታሪኔ ሄ ካታማን ዲዛ ገታ ኣሳታን ኣዛቤቲ ዬዲ ፐርዳ ኬላ ጌሊዳ፤ ሄሳፊ ጉዬ ፊሰጸሲ ጳውሎሳ ጴይገሲዳሰ።

24 ፊሰጸሲ፡ «ካዎ ኣገርጳ! ኦራራ ዲዛ ኣሳቶ! ኣይሁዳ ኣሳቲ ወሪ፡ «ሃይሲ ኣዳዚ ሃይሳፊ ጉዬ ፓጸ ዳና ቤሴና» ገዲ ዋሲሹ ዬሩሳላሜንካ ሃንካ ኢዛ ቦላ ፐርዳታና ማላ ኢሰቲ ታና ኦይቸዛይ ሃይሳ ኢንቴ ቤኢዛ ኣዳዛ ገሻሳ።

25 ታኒ ታ ባጋራ ኢዛ ሃይቆሰ ጋሊዛ ኢሲ ባላካ ኢዛ ቦላ ዳማቤኬ፤ ኢዚ፡ «ታ ዮኦይ ኦሮሜ ካዎ ሲንሐ ሸቂ ቤዬቶ» ገደ ገሻሰ ታ ኢዛ ሄ ዬዳናሰ ቃቻዲሰ።

26 «ገደ ኣቲን ኢዛ ገሻሰ ታኒ ታ ጎዳሰ ጸፋና ገዛ ኤሬቲዳ ዮኦይ ዳና፤ ሃሳ ገሻሰ ኢዛ ኢሲ ኢሲ ፓጬ ኦይቸታ ኦይቸኮ ታሰ ጸፋናይሲ ዳናኮኔ ጋዳ ኢንቴኮ፡ ሃራፔካ ካዎ ኣገርጳ ኔኮ ሸሻዲሰ።

27 ጋሶይካ ቃሾ ኣሲ ፑዳ ቦላቲዛ ቆቃ ዳናኮ ቢሺን ኢዚ ሞቴቲዛ ዮኦ ቆንጨሶንታ ኣጎይ ኣሳ ኤያ ኬሲዛይሲ ታሰ ቤቴዳሰ» ገደሰ።

26

ጳውሎስ ካዎ ኣገርጳ ሲንሐን ዮቴዳ ዮኦ

1 ኣገርጳይ ጳውሎሳ፡ «ኔኒ ኔ ገሻሰ ሃሳያናሰ ዳንዳያሳ» ገደሰ፤ ጳውሎስካ ባ ኩሹ ዳንሌዲ ዛር ኢሚዳሰ።

2 «ካዎ ኣገርጳ! ታና ኣይሁዳቲ ሞቴዛ ዮኦ ኡባሰ ሃቶ ታ ኔ ሲንሐን ታና ማዳና ዛር ኢሚዛ ገሻሰ ታና ዳር ኡፋይሴሰ።

3 ጋሶይካ ኔ ኣይሁዳታ ዋጋኔ ኢሰታ ፓላማ ኡባ ሎኤላ ኤራሳ፤ ሃሳ ገሻሰ ኔ ታ ገዛ ኡባ ዳንዳያዳ ሲያና ማላ ታ ኔና ዋሳይሰ።

4 «ታኒ ጉላ ናቴላ ወዳ፤ ደማዳ ዋና ዳኢዳኮ ኣይሁዳ ኣሳቲ ኤሬቲሰ፤ ኮይሮፔ ሃኢ ጋካናሰ ታኒ ታ ዳሪ ኣሳ ገደኒኔ ዬሩሳላሜን ታ ዳኢዳ ዳሰ ኣሳይ ኤሬሰ።

5 ቃሴካ ኢሰቲ ማርካታና ኮይኮ ኦ ኣማኖ ገሻሰ ታ ኬሃ ሚንሐ ዋጋ ናገዛ ፋርሳዌ ባጋ ገደዳ ጋሞኢዳይ ገዲዳይሳ ኢሰቲ ኮይሮፔ ዳንሌዲ ኤሬቲሰ።

6 ሃኢ ቃሴ ፐርዳሰ ታና ሃይሳን ኤሲዳይ ጸሲ ካሴ ኦ ኣዎታሰ ኢሚዳ ጫቆ ቃላ ኡፋይሳ ገሻሳ።

7 ሃ ኡፋይሳኮ ጋካናሰ ኦ ዛርኬቴ ታማኔ ናሞኣቲ ጋላሰኔ ቃማ ጸሰ ጎይኒሹ ናገዳ፤ ካዎ ኢንቴሰ ሆላ! ኣይሁዳቲ ታና ሞቴዛይ ሃ ዮኦዛ ገሻሳ።

8 ጸሲ ሃይቂዳይታ ዳንላናይሲ ዋኒዲ ኣይሁዳ ገዲዳ ኢንቴ ኣቻን ኣማኔቲቤኔ?

9 «ታኒካ ታ ባጋራ ናዚሬቴ ዬሱሳ ሱንጻሰ ኤቁታናሰ ቤሴስ ጋዳ ቆፓዲስ ሺን፤

10 ታኒ ዬሩሳሌምን ኦሊዳይካ ሃሳኮሺን፤ ቁሴታ ሃላቃታ፤ ታ ኤኪዳ ጎዳቴላራ ኣማኒዛይታ፤ ዳርታ ቃሾ ኬላን ዬጊሳዲስ፤ ኢስታ ዋጂሺን ዋጂዛይታራ ኢሲፌ ዳይስ።

11 ዳር ዋጂ ኣይሁዳታ ዋሳ ኬላቲ ዲዛሶን ኣዋንካ ኢስቲ ቃጸዬታና ማላኔ ባ ኣማኖ ካዳና ማላ ኦላዲስ፤ ኢስታ ቦላ ዳር ሃንቁታዳካ ኢስራኤሌ፤ ካሬን ዲዛ ሃራ ካታማታካ ባዳ ኣማኒዛይታ ጎዳዲስ።

ጳውሎሲ ኪርስቶስኮ ዋኒ ሲሚዳኮ ዮቲዳስ

12 «ሃይሳ ሃ ዮኦሳስ ቁሴታ ሃላቃታ፤ ኩሜላ ጎዳቴሌኔ ኣዛዘ ኤካዳ ዳማስቆ ጌቲቲዛሶ ታ ቢሺን፤

13 ካዋ ኣንቲስ ሆላ! ቡር ታ ኦጌን ዲሺን ጋዳይ ሴታ ጋላስ ጊዲሺን ኣርሾ ፖኦ፤ ኣጂዛ ፖኦ ቤያዲስ፤ ሄ ፖኦይ ታናኔ ታናራ ቢዛ ኣሳታ ዩዩ ኣጂዲ ሳሎ፤ ፖኦዲስ።

14 ኦ ወሪካ ቢታ ቦላ ኩንዲ ዲሺን ኣይሁዳታ ቃላራ፡ «ሳኦሌ! ሳኦሌ! ታና ኣዛስ ጎዳይ? ኔኒ ቃራ ማሻ ቦላ ኤቁኮ ኔርካ ኔና ቆሃሳ» ጊዛ ቃላ ሲያዲስ።

15 «ታኒካ፡ ሳዳ! ኔ ኦኔ?» ጋዲስ፤ ጎዳይካ፡ «ታኒ ኔ ጎዲዛ ዬሱሳኮ!

16 ሃኢ ዳንዳዳ ኔ ቶሆን ኤቃ፤ ታ ኔስ ቆንጨዳይ ኔ ታና ሃኢ ቤኢዳይሳኒኔ ሲንጻፌ ታ ኔና ቤሳናይሳን ኔ ታስ ማርካቲዛዳ ጊዳና ማላ ታ ኔና ሹማና ኮያዲስ።

17 ኢስራኤሌ ኣሳ ኩሾፔኔ ታ ኔና ኢስታኮ ኪቲዛ ኣይዛቤታ ኩሾፔካ ኣሻና።

18 ኔ ኢስታ ኣይፌ ዳያና ማላኔ ቆማ፤ ፖኦን ኬሳና ማላ ቃሴካ ጸላኤስ ሃራቲዛሶ፤ ጸሳኮ ኔ ዛራና ማላ ኦላና፤ ኢስቲካ ታና ኣማኒዳ ጊሻስ ባ ናጋራ፤ ማሬታና፤ ቃሴ ዳራቲዳይታ ጊዳን ኢስቲ ጸንጸ ዳማና፤ ጊዳስ።

ጳውሎሲ ባ ኣሶ ጊሻስ ዮቲዳስ

19 «ሃሳ ጊሻስ ካዋ ኣጊርጸ! ሳሎ፤ ታስ ኣሜቲዳ ኣጂታስ ታ ኣዛዜታዲስ።

20 ጊዳ ኣቲን ታ ካሴታዳ ዳማስቆን ዲዛ ኣሳ ካሌላዳ ዬሩሳሌምን፤ ዩሁዳ ዳራ ኡባን ዲዛይታ ቃሴካ ኣይዛቤቲካ ናጋራ ኦጌ፤ ጸሳኮ ሲሚዲ ማሬታና ማላ ኤሪሳዲስ፤ ኢስቲ ናጋራ፤ ሲሚዳይሳ ቤሲዛዝ ኦላና ማላ ታ ኢስታስ ዮታዲስ።

21 ሃሳ ጋሶን ኣይሁዳቲ ታኒ ጸሳ ኬላን ዲሺን ታና ኦይኪዲ ዋጳና ኮዩዳ።

22 ሃኙ ጋካናሰካ ታስ ጸሳፌ ማዳይ ፓጩ ኤሪና፤ ሃሳ ጊሻስ ጉላሰካ ጊታሰካ ማርካታሼ ሃይሳን ኤቃዲስ፤ ናቤቲኔ ሙሴይ ካሴቲዲ ሃይሳ ማላይ ሃናና ጊዳይሳ ዮቶ፤ ኣቲን ታ ሃራ ኣይኮካ ዮታቤኬ።

23 ኢስቲካ ዮቲዳይሴ፡ «ጸሲ ኪቲዳይይ ሜቶ ቤያና፤ ሃይቆ፤ ዳንዳን ኮይር ጊዲዲ ኣሲ ኣታና ፖኦይ ኢስራኤሌ ዳራሴኔ ኣይዛቤታስ ቆንጨና» ጊዳይሳ።

24 ጳውሎሲ ሃሳ ዮቲሺን ፊሰጸሲ፡ «ጳውሎሳ! ሃኢ ኔ ጎዮንታ ኣጋካ፤ ኔ ዳር ታማርዳይሴ ኔና ጎሺዳስ» ጊ ዋሲዳስ።

25 ጳውሎሲ ጊዲኮ ኢዛስ፡ «ቦንቾ ፊሰጸሳ! ታ ኔስ ቱማ ኤራዳ ዮታይስ ኣቲን ጎያቤኬ።

26 ታ ኢዛ ሲንጻን ቆንጨራ ዮቲዳ ካዋይ ሃይሳ ዮኦዛ ኤሪስ፤ ሃይሲካ ቆታራ ኦሴቶንታይሳ ጊዲዳ ጊሻስ ካዋይ ኤራናይሳ ታ ኣማኔታይስ።

27 ካዋ ኣጊርጸ! ናቤታ ኣማናሳ ጊዲኪ? ኔ ኣማኒዛይሳ ታ ኤራይስ» ጊ ዛሪዳስ።

28 ኣጊርጸይካ ጳውሎሳ፡ «ሃኮ ኔ ታና ሃና ጉላ ዋጂ ጊዳን ኣማንጻና ኮያሳ» ጊዳስ።

29 ጳውሎሲካ ኢዛስ ዛሪዳ፡ «ጉላ ዋጂን ጊዲንካ ዋይኮ ዳር ዋጂን ኔ ጸላ ጊዳንታ ዲሺን ሃኙ ታ ዮቲዳይሳ ሲዩዳይ ወሪ ሃና ታ ቃሹቲላያ ኣታ ወሪካ ታ ማላ ጊዳና ማላ ታኒ ጸሳ ዋሳይስ» ጊዳስ።

30 ሃሳፌ ጉዬ ካዋይ፡ ዳራ ኣይሲዛይሴ፡ ባርኒቁይኔ ኢስታራ ኡቲዳ ኣሳይካ ወሪ ዳንዲዳስ።

31 ኢስቲ ሃፔ ኬዚ ቢሾ ባ ጊዳን፡ «ሃይሴ ኣዳዚ ሃይቆስ ዋይኮ ቃሾስ ጋሊዛ ሚሾ ኣይኮካ ኦሊቤና» ጊዳ።

32 ኣጊርጸይካ ፊሰጸሳ፡ «ሃይሴ ኣዳዚ ዮኦዛ ቁሳራስ ሺቆ ጎንታኮ ኣይኮ ዋሶይ ባይንዳ ማላ ዬዳታናኮ ሺን» ጊዳስ።

27

ጳውሎሲ ኦርሜ ቢዳስ

1 ኦኒ ጸላኔ ዳራ ማርካቤን ባና ማላ ጌቲቲ ቃሹቲዳ ጊሻስ ጳውሎሳኔ ሃራ ቃሾ ኣሳታካ ካዋ ኣወጊስጸሳ ዋታዳራታ፤ ጊዲዳ ዩሊዮሳ ጌቲቲዛ ማቶ ሃላቃስ ኣሉ ኣሚዳ።

2 ኢሲያ ኣባ ኣቻን ዲዛ ዳራታ ቢዛ ማርካቤን ጌሊዲ ቢዳስ። ታሶሎንቁን ዲዛ ኢሲ ማቂዳኒያ ኣስ ኣሪስጸርኮሳ ጌቲቲዛይሴ ኦናራ ዳስ።

3 ዋንቲላ ጋላስ ሲዳና ጌቲቲዛሶ ጋኪዳስ፤ ዩሊዮሲ ጳውሎሳስ ሎኦ ጊዲዳ ጊሻስ ጳውሎሲ ባ ላጌታኮ ቢዲ ኣሳይ ኢዛስ ኮሺዛ ማዶ ኦላና ማላ ፒቃዳ ኣሚዳስ።

4 ሃፔ ዳንዲ ኦ ቢሺን ሲንጻ ባጋራ ጫርኮይ ኦ ቦላ ጫርኪዛ ጊሻስ ኣባ ጊዳን ዲዛ ቆጸርሴ ዳራን ጌሜቲዲ ሲንጻ ቢዳስ።

5 ኪልቁያ ጌቲቲዛሶኔ ጸንጻሊያ ጌቲቲዛ ዳራ ኣቻን ዲዛ ኣባ ፒኒዲ ሎቁያ ዳራን ዲዛ ሙራ ጌቲቲዛ ካታማ ጋኪዳስ።

6 ሄን ማቶ ሃላቃይ ጸላኔ ዳራ ቢዛ ኢስኪንዲሪያ ዳራ ማርካቤ ዳሚዲ ኦና ኢዛን ጌልሉዳስ።

7 ዳር ጋላስ ሎዲ ጊ ቢዲ ዳር ዋይቲዲ ቃንዶሴ ጌቲቲዛ ካታማ ኣኙ ጋኪዳስ፤ ጫርኮይካ ኦ ሲንጻ ቦንታ ማላ ዲጊን ሳልሞና ኣቻራ ኣጂዲ ቃርጾሴ ጌቲቲዛ ኣባ ጊዳን ዲዛ ዳራን ጌሜቲዲ ቢዳስ።

8 ዳር ዋይቲዲ ላንቁ ላንቁ * ኦይኪ ኦ ኣጂዳ፤ ጉዬ ላሲያ ጌቲቲዛ ካታማ ኣቻን ዲዛ፡ «ሎኦ» ጌቲቲዛ ማርካቤይ ኤቁዛሶ ጋኪዳስ።

9 ኦ ቢዛ ኦጌ ቦላ ዳር ዳቡራን ጸማ ዋዳይ ኣጂዳ ጊሻስ ሃኢ ኣባ ቦላራ ባናስ ዳር ሜቶ ጊዲዳ ጊሻስ ጳውሎሲ ባናራ ዲዛ ኣሳይ ናጌታና ማላ ሂዘጊዳስ፤

10 «ኣሶ! ሃይሳፌ ኦ ካሊዲ ባና ቡሳይ ዳር ሜቶራ ዲዛይሴ ታስ ቤቲስ፤ ማርካቤዛን ዲዛ ጫናዛ ቦላኔ ማርካቤዛ ቦላ ጸላላ ጊዳንታ ኣሳ ሺምፖ ቦላካ ጊታ ቆሆይ ጋካና።»

26:20 ሃዋ 9:20፣28-29 26:23 1ቆር 15:20፤ ኢሳ 42:6፤ 49:6

* 27:8 ላንቁ፡ ላንቁ ጊዛይሴ ኣባ ጊዳን ዲዛ ቃርጾሴ ጋጸ ቤሴስ።

11 ማቶ ሃላቃይ ቃሴ ጳውሎሳ ዘሬፔ ቦላራ ማርካቤዛ ለጊዛ ዋናዚኔ ማርካቤዛ ጎዳይ ጊዛይሳ ሲዩደሰ።

12 ሄ ማርካቤይ ኤቁዛሶይ ባልጎይ ኣቆና ጋካናሰ ማርካቤሰ ሎኦ ሽምፖሶ ጊደንታ ጊሻሰ ዳሪዛ ባጋ ኣሳይ፡ «ሄማሳ ሲንሳ ጉጃናሰ ዳንዳዬቲኮ ኣርሼይ ወሊዛሶፔ ዲጌሃ ባጋራ ነዳሃ ባጋራ ዲዛ ፒንቁ ጌቲቲዛሶ ቃርጹሴ ማርካቤ ሽምፖሶ ኑ ጋኪዲ ባልጎ ሄን ኣሉሰ» ጊዲ ባ ቆፋ ሺሺዳ።

ኣባ ቦላ ዳምባላ ዴንሳ

13 ዲጌሃ ባጋራ ጉላ ጫርኮይ ጫርኪሺን ቤኢዲ ኢሰቲ ቆፒዳ ማላ ሃናና ሚሳቲን ባና ኬዚዳ፤ ማርካቤይ ኤቁዛሶፔ ባና ዴንዲዲ ቃርጹሴ ኣቻራ ለንቁ ለንቁ ኣይኪዲ ኣጂ ቢዳ።

14 ጊደ ኣቲን ጉላ ዋዴፔ ጉዬ፡ «ኣርሼይ ሞኪዛሶፔ ፑዳሃፔ ዩዛ ጎቲ ጫርኮ» ጌቲቲዛ ኢታ ዋልቃማ ጫርኮይ ኣባ ጊደን ዲዛ ዴሪይፔ ዴንዲዲ ኢሰታኮ ኣባ ጊደ ዩደሰ።

15 ማርካቤዛ ጫርኮይ ሱጊን ጫርካራ ኤቁታናሰ ዳንዳዮንታ ኢጲን ኑ ጮኡ ጊዲ ጫርኮይ ኤፊዛሶ ቢደሰ።

16 ቁዳ ጌቲቲዛ ኣባ ጊደን ዲዛ ዴሪ ዲዛሪን ጌሚቲዲ ኑ ቢሺን ዳር ዋዬቲዲ ማርካቤዛ ቁሪ ዋጎሎዩን ኣይኪዲ ኤሳናሰ ዳንዳይደሰ።

17 ማርካቤዛ ለጊዛይቲ ቁሪ ዋጎሎዮ ማርካቤዛኮ ጎቻ ኬሲዲ ማርካቤዛ ዋደርራ ጸጺዳ፤ ማርካቤዛኪ ስርቲሴ ጌቲቲዛ ኣባ ኣጩይ ዳሪ ዲዛሶን ኩንደንታ ማላ ባቢዲ ኢዛ ቦላ ዲዛ ሻራ ዋሊዲ ጫርኮን ለጌቲ ቢዳ።

18 ጎቲ ጫርኮይ ሚኒ ቢዳ ጊሻሰ ዋንቲላ ጋላሰ ማርካቤዛን ጫኔቲዳ ሚሻታ ኢሳ ኢሳ ኣባ ጊደ ዩጌሳ ኣይኪዳ።

19 ሄሻንሉ ጋላሰ ማርካቤዛሰ ኮሺዛ ሚሻታካ ባ ኩሺራ ኬሲ ኬሲ ዩጊዳ።

20 ዳር ዋደ ጋካናሰ ኣርሼካ፡ ጸሊንቲካ ቤኣንታ ኣጊዳ ጊሻሲኔ ጫርኮይካ ካሴፔ ሚኒ ሚኒ ቢዛ ጊሻሰ ሃይሳፊ ጉዬ ኑ ኣታና ዳንዳዮኮ ጊዛ ቆፋን ኡፋይሰ ቃንጸደሰ።

21 ኣሳይ ካሳ ሞንታ ዳር ጋላሰ ኡቲደሰ፤ ሄሳ ጊሻሰ ጳውሎሲ ኣሳ ጊደን ኤቁዳ፡ «ሃ ኣሳቶ! ኢንቲ ታ ጊዛይሳ ሲዩዲ ቃርጹሴፔ ዴንደንታኮ ሃ ቆሆይኔ ቆዮይ ኢንቲ ቦላ ጋኬናኮሺን።

22 ሃኢካ ማርካቤዛ ጸላ ቆሄታና ኣቲን ኢንቲፊ ኢሳዴ ሽምፖይካ ቆዮና፤ ሄሳ ጊሻሰ ኣይኮይ ባ፤ ባቦፍቲ ጋዳ ታኒ ኢንቲና ዘራይሰ።

23 ቃማ ኦማርሰ ታ ኢዛሰ ጊዲዳ ታ ጎይኒዛ ጸሳይ ከቲዳ ከታንቻይ ታ ኣቻን ኤቁዳ፡

24 «ጳውሎሳ! ባቦፋ! ኔ ቁሳሬ ሲንሳን ኤቃና ቤሴሰ፤ ሄኮ ነናራ ኢሲፊ ቢዛይታ ወርሲ ጸሲ ኔ ጊሻሰ ሃይቆፔ ኣሻና ጊዲ ታሰ ዮቲደሰ።

25 ሄሳ ጊሻሰ ኢንቲና ሃ ኣሳቶ ኣይኮይ ባ፤ ጸሲ ታሰ ሃይሳ ዮቲደይሳ ፖላናይሳ ታ ኣማናይሰ።

26 ጊዲኮካ ሃይሲ ጎቲ ጫርኮዚ ጌዴ ኢሲ ኣባ ጊደን ዲዛ ዴሪ ኣቶ ኤፊዲ ኑና ዩጋና» ጊደሰ።

27 ታማኔ ኣይዳንሉ ቃማ ኣንዲርያ ኣባ ተ ጊደን ጫርኮይ ኑና ዋዩሲሺን ቢሺ ሌላ ጊደሳ ማርካቤዛ ለጊዛይታሰ ኣባፊ ቢታ ቦላ ጋኪዳ ሚሳቲደሰ።

28 ሄሳ ጊሻሰ ኣባ ጩማቲሳ ኤራናሰ ኣባን ዩጊ ጸሊዛ ዋደር ኢሰቲ ዩጊ ጸሊሺን ኣባ ጩማቲሳ ኣይዲ ታሙ ሚቲሬ ኬና ጊዲ ቤቲደሰ፤ ጋምኢሺ ሃኢካ ዩጊን ሄሹ ታሙ ሚቲሬ ኬና ጩማ ጊዲዳይሳ ዳሚዳ።

29 ኑ ዲዛ ማርካቤይ ኣባ ጋጸን ዲዛ ዛላ ሹቻራ ኢጩቶንታ ማላ ባቢዲ ማርካቤዛፔ ጉዬ ባጋራ ማርካቤዚ ቃጸንታ ማላ ናጊዛ ጂሽኬ ዴጌ ኣባ ጊደ ዩጊዳ፤ ሄሳፊ ጉዬ ኢሰታሰ ቃማይ ዋንታና ማላ ዋሳ ኣይኪዳ።

30 ማርካቤዛ ለጊዛይቲ ማርካቤዛፔ ኬዚዲ ባቃታና ኮዩዳ ጊሻሰ ማርካቤዛፔ ሲንሳ ባጋራ ማርካቤ ናጊዛ ጂሽኬ ዩጊዛ ሚሳቲዲ ማርካቤዛ ቦላ ዲዛ ቁሪ ዋጎሎዮ ዴጌ ኣባ ጊደ ዩጊዳ።

31 ሄ ዋደ ጳውሎሲ ማቶ ሃላቃኔ ዋታዳራታ፡ «ሃይቲ ማርካቤዛን ዲዛ ኣሳቲ ማርካቤዛ ቦላ ሽምፒዲ ኡቶንታ ኣጊኮ ኢንቲካ ኣታና ዳንዳዬኬታ» ጊደሰ።

32 ሄሳ ጊሻሰ ዋታዳራቲ ዋጎሎዮ ኣይኪዳ ዋደርዛ ቃንጸ ዩጊን ኢዛ ኣባ ቦላ ቶኬታና ማላ ዩዲ ኣጊዳ።

33 ጋይይ ዋንታና ጊሺን ወሪካ ካሳ ማና ማላ ጳውሎሲ ኢሰታ፡ «ኢንቲ ኣዚ ሃናኔሻ ጊዲ ሂርጋን ካሳ ሞንታ ኣጊን ሃቶ ታማኔ ኣይዳንሉ ጋላሳ።

34 ሄሳ ጊሻሰ ኢንቲ ካሳ ማና ማላ ታ ኢንቲና ዋሳይሰ፤ ኢንቲ ሚኮ ሚናና፤ ሙሌካ ኣይኮ ቆሆይካ ኢንቲ ቦላ ጋኬና» ጊ ዋሲደሰ።

35 ኢዚ ሄሳ ጊዳፔ ጉዬ ካሳ ኤኪዲ ጸሰ ጋላቲዲ ኡባ ኣሳ ሲንሳን ካሳ ሙሰ ኣይኪደሰ።

36 ሄ ዋደ ወሪካ ሚኔቲዲ ካሳ ሚዳ።

37 ማርካቤዛ ጊደን ዲዛ ኣሳይ ወሪ ናምኡ ጸታኔ ላፑን ታማኔ ኡሱፑና።

38 ወሪካ ሚ ካሊዳፔ ጉዬ ማርካባን ጫኔቲዳ ጊሰቲዛ ዴጌ ኣባ ጊደ ዩጊዲ ማርካቤዛ ዴጸ ካወሺዳ።

ማርካቤዛ ሚቆ

39 ጋይይ ዋንቲን ባ ዲዛሶ ኤሪቤቲና፤ ጊደ ኣቲን ኣጩይ ዲዛሶ ኣባ ኩርቁንሉ ዳሚዳ፤ ኢሰታሰ ዳንዳዬቲዛኮ ማርካቤዛ ሄ ሱጊ ሺሻና ቆፒዳ።

40 ማርካቤዛ ኣይኪዛ ጂሽኬ ቃንጸዲ ኣባ ጊደ ዩጊዳ፤ ሄ ዋደ ማርካቤ ለጌዛ ሚሻ ኣይኪዳ ዋደርታ ቢርሺዳ። ሃ ባጋራ ዲዛ ሻራ ጫርኮ ባጋ ቆቁ ሂሰቲዲ ኬዛና ኣባ ጋጸ ቢዳ።

41 ጊደ ኣቲን ማርካቤዚ ዳር ኣጩይ ኮሬቲ ኡቲዳይሳራ ኢጩቲዲ ዴጌ ጉፋኒደሰ፤ ሲንሳ ቦላ ዴጌ ጉፋኒ ጂሽኬቲዲ ቃጸንታይሳ ጊዲደሰ፤ ቃሴ ኣባ ዳምባላይ ዳርፔ ዴንዲዳይሳን ጉዬ ባጋራ ሚቁራቲሳ ኣይኪደሰ።

42 ቃሾ ኣሳፔ ኢሳይይካ ኣባን ዋዲዲ ኬሲ ኤኮንታ ማላ ዋታዳራቲ ዋሳና ቆፒዳ።

43 ማቶ ሃላቃይ ቃሴ ጳውሎሳ ኣሻናሰ ኮዩዳ ጊሻሰ ኢሰታ ቆፋ ኤካና ኮዩቤና፤ ጊደ ኣቲን ሃሌ ዋዲ ኤሪዛይቲ ማርካቤዛፔ ዴጌ ኣባን ጉፒ ጉፒ ዋዲዲ ቢታ ቦላ ኬዛና ማላ ኣዛዚደሰ።

† 27:27 ኣንዲርያ ኣባ፡ ኣንዲርያ ኣባ ሚዲቴራኔ ኣባፊ ኢሲ ባጋራ ዲዛ ኣባ።

44 ሃንኮ አቲዳይቲ ሳንቃታኒኔ ማርካቤ ማቆታን አባ ፒናና ማላ አዛዚዳሰ፤ ሃሳሉ ሃኒዲ ወሪካ ሳርን አባ ጊደፌ ቢታ ቦላ ጋኪዳ።

28

ሚላጺያ ቢታን ጳውሎስ

1 ኑ ቢታይ ዲዛሶ ሳርቲላን ጋኪዳ፤ ጉዬ ኑ ጋኪዳ አባ ጊደን ዲዛ ዳሬይ ሚላጺያ ጌቲቲዛ ዳሬ ጊዲዳር ኤሪደሰ።

2 ሄ ዳሬዪን ዲዛ አሳይ ዳር ማላሊሲዛ ኪያቲላ ኑስ አሊዳሰ፤ ሄ ዋይ ኢራይ ቡኪዳ ጊሻሲኔ ማኅ ጊዲዳ ጊሻሰ ታማ ኤሊዳ ኑና ሞኪ ኤኪዳ።

3 ጳውሎስ አፊራ * ጌቲቲዛ ሚላ ሺሺዲ ታማን ጉጂን ታማ ሴላፕ ዳንዲዳይሳን ሾሺ ኬዚዲ ኢዛ ኩሼ ቦላ ጸጾቲዳሰ።

4 ማልታ አሳይ ሾሺ ጳውሎስ ኩሼ ቦላ ጸጾቲዳይሳ ቤኢዳ፡ «ሃይሲ አዳዚ ሾምፖ ዋጂዳዳይ፤ ጋሶይካ አባ ዳምባላፕ ኢዚ አቲዳ ዩኮካ ፐርዲዛ ጸሳፌ ኬሲ ኤኪ ፓጸ ዳና ዳንዳይቤና» ጊዲ ባ ጊደን ሃሳዬቲዳ

5 ጳውሎስ ቃሴ ሾሻ ዳጌ ታማን ቆቆፊ ዩጊዲ አይኮካ ሃኒቤና።

6 አሳይካ፡ «አይዳፕ አይዳ ኢዛ አሳቲላይ ኪጸኔሻ፤ ዋይኮ ኢዚ ቆፖንታ ኩንዲዲ ሃይቃና» ጊዲ ናጊዳሰ፤ ጊደ አቲን ኢሰቲ ዳር ዋይ ናጊሺን ኢዛ ቦላ አይኮይካ ሃናንታይሳ ቤኢዳ ባ ቆፋ ላሚዳ፡ «ሃይሲ አዳዚ ጸሳ!» ጊዳሰ።

7 ሄ ኑ ዲዛሶ ማታን አባ ጊደን ዲዛ ዳሬዮ አይሲዛ ፑፑልዮሳ ጌቲቲዛዳሰ ጋይይ ዳሰ፤ ሄ አዳዚ ኑና ሞኪ ኤኪዳ ባሶን ሄቡ ጋላሰ ጋካናሰ ሎኤላ አማቲዳሰ።

8 ሄን ፑፑልዮሳ አዋ ሚሻይኔ ጉሶ ሃርጌይ ሳኪን ኢቺዲ ዳሰ፤ ጳውሎስ ኢዛኮ ጌሊዲ ኢዛሰ ዋሲዳሰኔ ኢዛ ቦላ ባ ኩሼ ዋሊዲ ፓሊዳሰ።

9 ሄሲ ሃሳሉ ሃንዳፕ ጉዬ ሄ ዳሬዪን ዲዛ ሃራ ሃርጋንቻቲ ዩዲ ፓጺዳ።

10 አሳይካ ኑስ ዳር ሚሻ ኤሂዲ ኑና ቦንቺዛይሳ ኑና ቤሲዳሰ፤ ኑኒ ማርካቤን ባና ዳንዲን ኑስ ኮሺዛይሳ ማርካቤን ኡባ ጫኒዳ።

ሚላጺያኔ ኦርሜ ጳውሎስ ቡስ

11 ኑ ሚላጺያኔን ሄቡ አገና ጋምኢዳፕ ጉዬ ባልጎይ አቆና ጋካናሰ አባ ጊደን ዲዛ ዳሬዪን ጋምኢዲ ኢሰኪንዲሪያፕ ዩዛ ማርካቤን ጌሊዲ ባና ዳንዲዳሰ፤ ሄ ማርካቤዛ ቦላ ዲዮሲቆርሳ ጌቲቲዛ ናምኡ ማንቲ ኤቃታ ሚሰሊይ ዳሰ።

12 ሲራኩሴ ጌቲቲዛ ካታማ ጋኪዳ ሄን ሄቡ ጋላሰ ጋምኢዳሰ።

13 ሄፕ አባ ቦላራ ቢዲ ኤሪጊዮሚ ጌቲቲዛ ካታማ ጋኪዳሰ፤ ሄን ኢሲ ጋላሰ አቅዲ ዳጌ ባጋራ ዩዛ ጫርኮይ ጫርኪዳ ጊሻሰ ናምኡንላ ጋላሰ ፑቲዮሎሴ ጌቲቲዛሶ ቢዳሰ።

14 ሄን አማኒዛይታ ዳሚዲ ኢሰታራ ኑ ላፑን ጋላሰ ጋካናሰ ኡታና ማላ ኑና ዋሲዳ፤ ሄፕ ቃሴ ኦርሜ ቢዳሰ።

15 ኦርሜን ዲዛ አማኒዛ አሳይ ኑ ጊሻሰ ሲዩዲ አፒዮሴ ጌቲቲዛ ጊያኔ «ሄቡ አቆሶታ» ጌቲቲዛሶ

ጋካናሰ ኑና ሞካና ዩዳ፤ ጳውሎስይካ ኢሰታ ቤኢዲ ጸሰ ጋላቲዳሰኔ ሚኔቲዳሰ።

ኦርሜን ጳውሎስ

16 ኑኒ ኦርሜ ጌሊዳ ዋይ ጳውሎስ ናጋናሰ ኢሲ ዋታዳራይ ኢዛሰ አሚቲን ጳውሎስ ባርካ ዳና ማላ ኢዛሰ ፕቃዳይ አሚቲዳሰ።

17 ሄቡ ጋላሳፌ ጉዬ ጳውሎስ ኦርሜን ዲዛ አይሁዳታፕ ጌታ አሳታ ባኮ ጸይጊሲዳሰ፤ ኢሰቲካ ኢዛኮ ሸቁን፡ «ታ አሻቶ! ታኒ ኢሰራኤሌ ዳሬ ቦላኔ ኑ አዋታ ዋጋ ቦላ አሊዳ ኢሲ ቆፓይካ ዳና፤ ጊደ አቲን ዩሩሳላሚን ታና ቃቺዲ ኦርሜ አሳታሰ አሊ አሚዳ።

18 ኦርሜ አሳቲ ታና ቆሪ ኦይቺዳፕ ጉዬ ታና ሃይቆሰ ጋሊዛ ሚሻ ዳምንታ አገዳ ጊሻሰ ቢርሺ ዩዳና ኮዩዳ።

19 ጊደ አቲን አይሁዳ አሳይ ታ ቦላ ኢሲ ዋሶይ ባይንዳ ዩዳቶንታ ማላ ኤቁቲን ታ ዮኦይ ቆሳሬ ሲንላ ሸቁዲ ቤቶ ጋናሰ ታሰ ጊዳ ጊዲዳሰ፤ ጊደ አቲን ታኒ ታ ዳሬታ ሞቲዛ ጋሶይካ ታሰ ዳና።

20 ታ ቃሴ ሃኒ ኢንቲና ጸይጊሲዳይ ኢንቲና ቤያናሲኔ ሃና ኢንቲሰ ዮታናሳ፤ ሃይሳ ሳንሳላታን ታኒ ቃሺቲዳይ ኢሰራኤሌ ናይታሰ አሚቲዳ ኡፋይሳ ጋሶና» ጊዳሰ።

21 ኢሰቲካ ኢዛሰ፡ «ኔ ጊሻሰ ዩሁዳ ዳሬፕ ጸፊቲዳ ዳብዳቤይ ኑና ጋኪቤና፤ ሃ ዩዳ አሳታፕ ኦኒካ ኔ ጊሻሰ ኢታ ሃሳይዳይ ባ።

22 ሃይሳ ኔ ካሊዛ አማናዛ ጊሻሰ አዋንካ አሳይ ኢታ ሃሳይዳይሳ ኑ ኤርሰ፤ ሃሳ ጊሻሰ ኔ ቆፋይ አዛኮ ኑ ሲያና ኮዮሰ» ጊ ዛሪዳ።

23 ባሬ ኢዛሰ አሚዲ ሃራ ጋላሰ ኩሼ ኩሚዲ ኢዚ ዲዛ ኬሌ ዩዳ፤ ኢዛካ ማላዳፕ ኦማርሰ ጋካናሰ ጸሳ ካዋቲላ ጊሻሰ ማርካቲላን ባ ቆፋ ኢሰታሰ ቆንጨሲዳሰ። ሙሴ ዋጋፕኔ ናቤታ ማጸፋታፕ ጸቃሲ ጸቃሲ ዩሱሳ ጊሻሰ ኢሰታሰ ቆንጨሲ ዮቲዳሰ።

24 ኢሰታፌ ኢሲ ኢሲ አሳቲ ኢዚ ዮቲዳ ቃላ አማኒዳ፤ ባጋይቲ ቃሴ አማኒቤቲና።

25 ኢሰቲካ ባ ጊደን ኢሲይ አሳራ ቆፋን ጋንጎታ ሻኬቲዳ፤ ጳውሎስ ወርሴላን ዮቲሹ፡ «ጸሎ አያናይ ናቤ አሳያሳ ባጋራ ካሴ ኢንቲ አዋታሰ ዮቲዳይሲ ቱማኮ!

26 ኢዚ ዮቲዳ ቃላይ፡

« ሃይሳ ዳራኮ ባዳ
ኢንቲ ሲሰ ሲያናሺን
ዩሺ ቆፕኬታ፡
አይፊራ ቤያናሺን
ዋዚናን ዋሌኬታ
ጋዳ ዮታ።

27 ጋሶይካ ሄ አሳታ
ዋዚናይ ሙሚዳሰ፤
ኢሰታ ሃይሳይካ ቱሊዳሰ፤
ኢሰታ አይፊይ ቆቂዳሰ።
ሃሳሉ ሃናንታኮ
ኢሰቲ ባ አይፊራ ቤኢዳ፡
ባ ሃይሳራ ሲዩዲ
ባ ዋዚናን ዩሺ ቆፕዲ፡
ታኮ ሃ ሲማናኔ

* 28:3 አፊራ ጌቲቲዛ ሚላ፡ ሃ ሚላይ ኢሲ ኢሲ ጋምላ ቃላን ቃይጸፊ፡ ሆንጾ ጌቲቲሰ።

ታኒካ ኢሰታ ፓላናሽን ገደሰ።

28 «ሂሰቲኮ ጸሲ አሰ አሽዛ ከታይ አይዛቤታሰካ ከቲቲዳይሳ አንቴ ኤሪቴ፤ ኢሰቲካ ኤሮ ገዲ ኤኬቴሰ» ገደሰ።

29 ጳውሎሲ ሃሳ ዮቲዳፔ ጉዬ አይሁዳ አሳቲ ባ ገደን ዳሮ ፓላሜቲሽ ኬዚ ቢዳ። †

30 ጳውሎሲ ከራቲዳ ኬላን ናምኤ ላይላ ኩሜላ ዳኢዳሰ፤ ባኮ ዪዛ አሰ ኡባ ሞኪ ኤኪዳሰ።

31 ጸሳ ካዎቴላ ሳባኮን ጎዳ ዬሱሰ ኪርሰቶሳ ገሻሰ ኦኒካ ኢዛ ዲጎንታ ጸላቴላራ አሳ ታማርሲዳሰ።

† 28:29 ኢሲ ኢሲ ገሻ ማጻፋታን ታይቦ 29 ቦላ ዲዛ ቆፋይ ጉጃቲቤና።

ወርሱላ ሳርካ 15:14—16:27

ጳውሎሲ ኦርሜ አሳስ ጳጳዳ ኪታ ጊዶ ቆፋ

ሃዋሬ ጳውሎሳ ኪታይ ኦርሜ አሳስ ጳጳዳይ ጳውሎሲ ኦርሜን ዲዛ ዋሳ ከላዮ ጋኪ ቤያናስ ቆጥዳ ገሻስ ኢስቲ ኢዛ ገጌቲ ናጋና ማላ ኤሪሳናሳ። ጳውሎሳስ ዲዛ ቆፋይ ኦርሜን ዲዛ አማኒዛ አሳራ ጉላ ዋዴ ኦሊዳፕ ጉዬ ኢስቲ ኢዛ ማዲኮ ኢዚ ኢስፔኔ ቢታ ባናሳ፤ ኢዚ ባስ ገሊዳ ማላ ኢስታሰካ አማኖይ ገሊን አማኒዛይቲ ባ ዲሳን አማኖ ቤሳና ማላ አማኖ ቲሚርቲ ሃኖ ኢስታስ ኡባ ቢርሺ ጳጳዳይ፤ ጳውሎሳ ኪታይ ኩሜላ ጊዳ ቤቲዳይ ሃይሳ ሃ ኪታዛና።

ጳውሎሲ ኦርሜን ዲዛ አማኒዛ አሳስ ባ ሳርካ ዬዲዳፔኔ ኢስታስ ኢዚ ዋሳና ቃላ ገሊዳፔ ጉዬ ባ ኪታስ ዋና አይፊ ዮኦ (1:17) «ጳሳፊ ቤቲዛ ጸሎቱላ አማኖኔ አማኖስ ጊዲዳ ማላ ሚሺራቾ ቃላን ቆንጨዳስ» ገዛ ቃላ ጊዲዳይሳ ቤሴስ።

ሃሳፊ ጉዬ ጳውሎሲ ሃይሳ ሃ ቆፋዛ ጉጂ አሲ ጳጳዳይ፤ አይሁዳታካ ጊዲን ዋይኮ ሃንኮ ዴሬ አሳ ጊዲን አሲ ወሪካ ናጋራስ ሃራቲዳ ገሻስ ጳሳራ ማቃይናስ ቤሴስ፤ አሳይ ጳሳራ ማቃይናና ዲንዳይዛይ ዬሱስ ኪርሰቶሳን አማኖና። ሃሲ አሳይ ጳሳራ ደሚዳ ኦራላ ኢሲፊፊቲላ አይፊኔ ኦራላ ዴኦ ጊዲዳይሳ ጳውሎሲ ሎኤላ ኤሪሴስ፤ አማኒዛይይ ጳሳራ ሳርካ ዴኤስ፤ ጳሳ አያና ባጋራ ሃሳይይ ናጋራፔኔ ሃይቆ ዋልቃፊ ዋዜቲስ፤ ሺምፖ 5-8 ጋካናስ ጳውሎሲ ጳሳ ዋጋ ገሻሲኔ አማኒዛይታ ዴኤን ኦሊዛ ጳሳ ጸሎ አያናስ ቆፋይ አዛኮ ቆንጨሴስ። ቃሴካ ጉጂዲ ጳውሎሲ፡ «አሳ ዜሬላ ገሻስ ጳሳስ ዲዛ ቆፋ ጊዶን አይሁዳይኔ አይዛቤይ ኢሲፊ ኦይኬታናስ ዲንዳይዜ?» ገዛ ኦይሾስ ዛር አማናስ ባጸቲስ።

ቃሴካ ጳውሎሲ ቆንጨሲዳ ማላ አይሁዳቲ ዬሱሳ አማኖንታ አቲዳይ ጳሳ ቆፋ ማላ፤ ሃሲካ ሃኒዳይ ዬሱስ ኪርሰቶሳ ባጋራ ጸሲ ቆንጨሲዳ ኢዛ አቶቲላ ኪያን ኩሜላ አሳ ዜሬላ ወሪካ ጋኪ ኤካና ጋላናሳ፤ ጊዶ አቲን አይሁዳ አሳይ ዬሱሳን አማናና ዋዴይ ያናይሳ ጳውሎሲ አማኒስ። ወርሱላን ጳውሎሲ አማኖን ዋኒ ዴኤናኮኔ ሃራፔካ አማኒዛይቲ ባ ጋርሳን ባስ ዲዛ ጋይቶቲላን ሲቆ ኦኔ ካላናስ ቤሲዛይሳ ኢስታ ኤሪሴስ። ጉጂዲካ ኢስታስ ጳሳ ኦሪ ገሻስ አማኒዛይቲ ባ ዴሬ ገሻስ፡ ባ ጋርሳን ኢሶይ አሳ ናጋናስ ቤሲዛ አላፊቲላ ገሻሲኔ ቆፋፔ ዴንዲዛ ኦይሻታ ኡባ ሁኤን ሁኤን ኤሪሴስ።

ሃ ማጻፋይ ኦይኪዳ ኩሜላ ቆፋ
ሃ ማጻፋዚ ኦይኪዳ አይፊ ቆፋታ 1:1-17
አሳ ናስ አቶቲላ ኮሺስ 1:18—3:20
ጸሲ አሳ ና አሺዛ ኦኔ 3:21—4:25
ኪርሰቶሳ ባጋራ ቤቲዛ ኦራላ ዴኦ 5:1—8:39
ኢስራኤሌ አሳይ ጳሳ ቆፋ ጋርሳን 9:1—11:36
አማኒዛ አሳ ሎኦ ኦሪ 12:1—15:13

1 ዬሱስ ኪርሰቶሳ አይሌኔ ሃዋሬ ጊዳናስ ጳይጌቲዳ ሚሺራቾ ቃላ ዮታናስ ጳውሎሳፔ ኪቲቲዳ ኪታ።

2 ሄ ሚሺራቾ ቃላ ገሻስ ካሴ ናቤታ ባጋራ ጌሻ ማጻፋታን ኡፋይሲ አሜቲዳስ።

3 ሚሺራቾ ቃላይካ ባ ናዛ ገሻስ ኢዚ አሾ ባጋራ ዳዋቲ ዜሬላፊ ጊዲዳይሳ ዮቲዛ ገሻሳ።

4 ሄሳላካ ኦ ጎዳ ዬሱስ ኪርሰቶሲ ባ ጌሻቲላ አያናን ሃይቆፔ ዴንዲዳይሲ ኢዚ ጳሳ ና ጊዲዳይሲ ገታ ዋልቃን ቆንጨዳስ።

5 ኪርሰቶሳ ሱንላ ገሻስ አማኖንታ ዴሬይ አማናና ማላኔ አዛዜታና ማላ ኢዛ ባጋራ ኦኔ ሃዋራቲላስ ጋላዚ ኪያፔላ ኤኪዳስ።

6 ኢንቲካ ዬሱስ ኪርሰቶሳይታ ጊዳና ማላ ጳይጌቲዳይታራ ዴታ።

7 ጳሳን ዶሴቲዳይታኔ ጌሻታ ጊዳናስ ጳይጌቲዳ ኦርሜ ቢታን ዲዛ ኡባስ ኦ አዋ ጳሳፊኔ ኦ ጎዳ ዬሱስ ኪርሰቶሳፔ ኪያፔላኔ ሳርቲላ ኢንቲስ ጊዶ።

ጳውሎሲ ኦርሜ ቤያና ላሞቲላ

8 ኢንቲ አማኖይ ኩሜላ አላሜን ሲዬቲዳ ገሻሲኔ ኢንቲ ገሻስ ታ ጎዳ ጳሳ ዬሱስ ኪርሰቶሳ ባጋራ ጋላታይስ።

9 ታ ኢንቲ ገሻስ ኡባ ዋዴ አይ ማላ ቆጥዛኮኔ ጳሳ ና ሚሺራቾ ሳባኮን ታ ኩሜላ ዋዚናፔ ኢዛስ ኦሊዛ ጳሳይ ታስ ማርካ።

10 ታኒ ታ ዋሳን ኡባ ዋዴ ኢንቲና ቆገይስ፤ ሃኢ ቃሴ ወርሱላን ጳሳ ሺኔ ጊዲኮ ታ ኢንቲኮ ባና ማላ ጳሲ ታስ ኦኔ ደያና ማላ ዋሳይስ።

11 ኢንቲ ሚናና ማላ ማዲዛ አያና አሞታ ታ ኢንቲ ገሻሲኔ ኢንቲና አይፊራ ቤያናስ ላሞታይስ።

12 ሃሲካ ኢንቲኔኔ ታኒ ኢሶይ ኢሳራ አማኖን ሚኔታናሳ።

13 ታ ኢሻቶ! ሃራሶን አማኖንታይታ ማታን ታስ ሃኒዳ ማላ ኢንቲ ማታንካ ታስ ኦሪ አይፊይ ቤታና ማላ ዳር ዋዴ ቆገዲስ ሺን ሃኖ ጋካናስ ታ ዲጌታዳ ዲዛይሳ ኢንቲ ኤራና ማላ ኮያይስ።

14 ታማርዳይታስ ጊዲን ታማርንታይታሰካ፡ ኤራታሲኔ ኤያታስ ኡባስ ታ ቦላ ታማርሳና አጮይ ዴስ።

15 ኢንቲስ ኦርሜን ዲዛይታሰካ ታኒ ሚሺራቾ ቃላ ዮታናስ ታ አሞቲዛይ ሃሳሳ።

16 አማኒዛይቲ ወሪ አታና ማላ ጳሳ ዋልቃ ጊዲዳ ገሻስ ታኒ ሚሺራቾ ቃላን ዬላቲኬ፤ ሃሲካ ኮይር አይሁዳታስ ካሊዲ አይዛቤታሳ።

17 «ጸሎይ ጳሳ አማኖን ዴስ» ጌቲቲዲ ካሴ ጳጳዳይ ማላ ጳሳ ጸሎቲላ ሚሺራቾ ቃላን ቆንጨና፤ ሄ ጸሎቲላይ ኮይርፔ ወርሱላ ጋካናስ አማኖን ሃናና።

አሳ ናይታ ኢታቲላ

18 ቱማ ባ ኢታቲላኒኔ ማካላን ቱጪ ኦይኪዛይታ ኢታቲላ ቦላኔ ኢስታ ማካላቲላ ኡባ ቦላ ጳሳ ሃንቆይ ሳሎፔ ቆንጮና።

19 ኢስቲ ኤራናስ ቤሲዛዛ ጳሳ ኡባ ኢስታስ ቆንጨሲዳ ገሻስ ኢስቲ ጳስ ኤራናስ ቆንጮ ጊዲዳስ።

20 አላሚያ ማዴቶሶፌ ሃ ሲሚን አሳ አይፊን ቤተ ኤርንታ ጸሳ ሃኖቴሌ ሄሲካ ኢዛሰ ዲዛ ማርና ዋለቃይኔ ጸሳቴላይ ኢዚ ማዴዳ ማዴቴላን ቆንጩን ቤቴሰ፤ ሄሳ ገሻሰ አሳይ ሺሻና ጋሶይካ ዳና።

21 ኢሰቲ ጸሰ ኤሪኮካ ኢዛ ጸሳቴላ ማላ ኢዛ ቦንቹቤቴናኔ ጋላቴቤቴና፤ ገዶ አቲን ኢሰታ ቆፋይ ማላ ጎአይ ባይንዳዝ ገዲዳሲኔ ዩቪ ቆፖንታ ማላ ኢሰታ ዋዚናይ ቆሚዳሰ።

22 ኢሰቲ ባና፣ «ኤራ» ገዛይታ ገዲኮካ ኤያታ ገዲዳ።

23 ማርና ጸሳ ቦንቹ ሃይቁዛ አሳኒኔ ካፎታን፤ ማህታኒኔ ቢታ ቦላ ጎሹቴዛ ማዴቴላታን ሚሳቲሲዲ ላሚዳ።

24 ሄሳ ገሻሰ ጸሲ ኢሰታ ባ ገደን ኢሶይ ኢሳራ ባርካ ባ አሳቴላን ቱና ኦሶ ኦላና ማላ ገሻቴሌ ባይንዳ ላይማቴላሰ አሌ አሚዳሰ።

25 ኢሰቲ ጸሳ ቱማቴሌ ዋርደን ላሚዳ፤ ማዴዳ ጸሳ አገዲ ማዴቴላሰ ጎይኒዳኔ ኢሰታሰ ኦሌዳ፤ ማዴዳ ጸሲ ኢዚ ማርናሰ ጋላቴቴዳይሳ። አሚን።

26 ሄሳ ጋሶን ጸሲ ኢሰታ ዩላቸዛ አሞቴላሰ አሌ አሚዳሰ፤ ኢሰታ ማጫሳቲ ካሴ ሎሴቴዳ ጋይቶቴላ ዋጋ ሎሴይ ባይንዳ ዋጋን ላሚዳ።

27 ሄሳሳካ አቲማ አሳይ ባሰ ቤሲዛ ማጫሳታራ ዚንአናይሳ አገዲ አዳይ አዳራ ዚንአናሰ አሞን ጸጉቴዲ ማጫሳታራ ዚንኢዛ ማላ አዳይ አዳራ ዚንኢዲ ጋላ ሚሽ ኦሌዳ፤ ሃይታንቲ ባርካ ባ ኦሌዳ ኢታ ኦሶዛሰ ቤሲዛ ቁጻቲ ባ ቦላ ኤሂዳ።

28 ቃሴካ ኢሰቲ ባ ቆፋራ ጸሰ ኤርይ ኑና ማዳና ገዳ ገሻሰ ኢሰቲ አላናሰ ቤሶንታይሳ አላና ማላ ጸሲ ኢሰታ ጎኦንታ ቆፋሰ አሌ አሚዳሰ።

29 ኡባ ባጋራ ማካላኔ ኢታቴሌ፣ ዩቁኔ ኢታ ኦሶን ጸላላ ኩሚዳ፤ ቃናቴቴላን፣ ሺሞፖ ዋዶን፣ ኦሻን፣ ባሌላኒኔ ጌኔን ኩሚዳይታ ቃሴካ ዚገርዛይታ ገዲዳ።

30 አሳ ሱንሌ ሞሪዛይታ፣ ጸሰ ኢዲዛይታ፣ አሰ ጫዩዛይታ፣ ኦቶራንቻታኔ ጩቁቴዛይታ ገዲዳ፣ ኡባ ዋዶ ኢታ ኦላናሰ ኦጌ ኮይዛይታ፣ ባና ዩሊዳይታሰ አዛዜቶንታይታ።

31 ዩቪ ቆፖንታይታ፣ ገዳ ቃላ ዛሪ ላሊዛይታ፣ አሳሰ ሚሽቶንታይታ፤ ማንጾ ኢታታ።

32 «ሄሳ ኦሌዛይቲ ወሪካ ሃይቃናሰ ቤሴሰ» ገዛ ጸሳ ዋጋ ኢሰቲ ኤሪሼ ሃይታንታ ባሰ ኦሶ ጸላላ ገደንታ ሄሳሳ ኦሌዛይታካ ሚንሌሌቴሰ።

2

ጸሳ ፐርዳ

1 ሄሳ ገሻሰ ነኖ ሃራ ቦላ ፐርዲዛይሶ ኔኒ ታ ሃኒ ጋሶን ኦላዲሰ ገዛ ጋሶይካ ኔሰ ዳና፤ ኔ ሃራ አሳ ቦላ ፐርዲዛይሳን ኔርካ ኔሰ ኩናኔ ኤካሳ፤ ጋሶይካ ሃራ አሳ ቦላ ኔ ፐርዲዛይሳ ኔካ ዛራዳ ኢዛ ኦሌዛ ገሻሳ።

2 ሃይታ ማላታ ኦሌዛ አሳታ ቦላ ጸሳ ፐርዳይ ሊኬ ገዲዳይሳ ኑ ኤርሰ።

3 ሄሳ ገሻሰ ኔ አሳ ቦላ ፐርዳሼ ሄ ኔ ፐርዲዛይሳ ዛራ ኦሌዛይ ገዲኮ ኔ ጸሳ ፐርዳፌ ኬሳ ኤካ አታና ኔሰ ሚሳቲዜ?

4 ዋይኮ ጸሳ ኪያቴሌ ኔና ማርቴላኮ ካሌሌዛይሳ ሻካ ኤርንታ ዳሼ ኢዛ ገታ ኪያቴላኔ ኢዛ ዳንዳያ ዲሬቴላ ኔ ሌቃይ?

5 ገደ አቲን ኔኒ ኔ ዋዚና ሙሙቴላኒኔ ማርቴሌ ኮዮንታ ኔ ዋዚና ጋሶን ጸሳ ቱማ ፐርዳይ ቆንጩዛ ዋዶ ጸሳ ሃንቆ ጋላሳሰ ኔ ቦላ ዳር ሃንቆ ሺሻሳ።

6 ጸሲ ኢሳሰ ኢሳሰ ኢዛ ኦሶ ማላ አሚና።

7 ሎኦ ኦሶ አጎንታ ኦሌዲ ቦንቹ ሳባኔ ማርና ዳኦ ኮይዛይታሰ ማርና ዳኦ አሚና።

8 ገደ አቲን ባርካ ባና ደሲዛይታሰኔ ቱማ አጋገዲ ኢታ ካሊዛይታ ቦላ ፐርዳይኔ ሃንቆይ ጋካና።

9 ኢታ ኦሌዛ አይ አሳ ቦላካ ኮይሮ አይሁዳ አሳ ቦላ፣ ካሊዲ አይዛቤታ ቦላ ዋዬይኔ ማቶይ ጋካና።

10 ገዲኮካ ሎኦ ኦሌዛዳሰ ኦናሰካ አይሁዳ አሳሰ ገዲን አይዛቤታሰ ሳባይ፣ ሳርቴሌኔ ቦንቹይ ገዳና።

11 ጸሲ ኦናካ ሻኪ ማዳና።

12 ካሴ ዋጋይ ኤቆንታ ዋዶ ናጋራ ኦሌዳ አሳይ ወሪካ ዋጋይ ባይንዳ ቆያና፤ ዋጋይ ኤቁ ሲሚን ናጋራ ኦሌዳይቲ ዋጋን ኦይኬቴዲ ፐርዳታና።

13 አይሰ ገኮ ጸሳ አቻን ጸሎ ጌቴቴዛይቲ ኤቁዳ ዋጋሰ አዛዜቴዛይታቴ አቲን ዋጋ ሲሰ ሲዩዛይታ ጸላ ገዳቴና።

14 ዋጋይ ባይንዳ አይዛቤቲ ዋጋይ ዮቴዛይሳ ጮ ማላ ሃኖቴላፌ ኤሪዲ ኦሌሺን ኢሰታሰ ዋጋይ ባይንዳ አገኮካ ኢሰታሰ ማዴቴላ ዋጋይ ዲዛ ገሻሰ ኢሰቲ ባ ኦላናይሳ ኤሪቴሰ።

15 ኢሰታ ዋዚናይ ኢሰታሰ ማርካቴዛ ገሻሰኔ ኢሰታ ቆፋይ ኢሰታ ሞቴዛ ገሻሰ ቃሴካ ኢሰታ ማዲዛ ገሻሰ ዋጋይ ዮቴዛይ ኢሰታ ዋዚናን ጸፊቴዳይሳ ኤሪቴሰ።

16 ሄሲካ ታ ሚሽራቾ ቃላን ታማርሲዛ ማላ ጸሲ አሳ ዋዚናን ቆቴቴዳይሳ ኪርሰቶሳ ባጋራ ፐርዲዛ ጋላሳን ቆንጩሳና።

አይሁዳታኔ ኢሰታ ዋጋ

17 ኔ ኔና አይሁዳ አሰ ገኮ ዋጋን አማኔታሳኔ ኔሰ ጸሳራ ዲዛ ኢሲፊቴላን ጩቁታሳ።

18 ዋጋ ካሊዛ ገሻሰ ጸሳ ሼኔ ኤራዳ ኩሚላ ገዲዛዝ ሻካ ኤሪዳ ገዲኮ።

19 ኔ ቆቁታ ካሌሌዛዳ፤ ቆማን ዲዛይታሰ ፖኦ ገዲዳይሳ ኔ አማኔቲዳዳ ገዲኮ

20 ዋጋፔ ኔ ዳሚዳ ኤራቴላኒኔ ቱማቴላን ሃንኮ ኤርንታይታ ዞሪዛዳ፣ ጉላ ናይታ ታማርሲዛይ ገዲኮ።

21 ኔኒ ሃራታ ታማርሶ አጋዳ ኔ ሁኤሰ አዛሰ ታማርኪ? ኔኒ ሃራ አሰ ካይሶቶፓ ጋ ሳባካሼ ኔሰ ካይሶታይ?

22 ኔኒ ሃራ አሲ ላይማቶንታ ማላ ዮታሼ ኔሰ ላይማታይ? ኔሰ ኤቃ ኢዳሳ ሺን ጸሳ ኬላ ሚሻ ቦንቃይ?

23 ኔኒ ዋጋን ጩቁታሳ ሺን ዋጋ ኔ ባጋራ ኦላንታ አጋዳ ጸሳ ካወሻይ?

24 ሄሲካ፣ «ኢንቲ ጋሶን ጸሳ ሱንሌ አይዛቤታ አቻን ጫዬቴሰ» ጌቴቴ ጸፊቴዳ ማላ ሃኒዳሰ።

25 ኔ ዋጋ ናጋ ፖሊዛዳ ገዲኮ ቃጸራሰ ጎአይ ዳሰ፤ ኔ ዋጋ ኦላንታዳ ገዲኮ ቃሴ ኔ ቃጸራይ ጮ ሃዳ።

26 ቃጸራቶንታ ዲሼ ዋጋይ ገዛይሳ ፖሊኮ ቃጸራቴዳዳራ ገና ቆዳቴኔ?

27 ኔስ ጸፊተዳ ዋጋይኔ ቃጸራይ ኔስ ዲኮ ዲዛ ዋጋ ኔ ናጎንታዳ ገዲኮ ሃንኮ ቃጸሬቶንታ ዲሼ ዋጋስ ኣዛዘቲዳይ ኔ ቦላ ፒርዳና።
 28 ኢሳዳይ ጮ ማላ ሱንሳስ ኣሳ ኣይፊን ታ ኣይሁዳ ኣስ ገዳና ገኮ ኢዚ ኣይሁዳ ኣስ ገዳና፤ ቱማፔ ቃጸሬቴሉ ጮ ካሬራ ኣሾ ኣይፊን ቤተዛ ቃጸራ ገዳና።
 29 ገዲኮካ ኢሲ ኣሲ ኣይሁዳ ኣስ ገዳናስ ዳንዳዳይ ኢዛስ ጋላ ባጋይ ኣይሁዳ ኣስ ገዲሸና። ቃጸራይካ ቃጸራ ገዲዛይ ጸፊተዳ ዋጋ ጸላላ ገደንታ ኣያናን ዋዚናፔ ገዲዳ ቃጸራ ገዲኮኮ! ሃሳ ማላ ኣሲ ጋላታ ኣሳፔ ገደንታ ጸሳፊ ዳሜስ።

3

1 ሂሰቲኮ ኣይሁዳ ኣስ ገዳላስ ኣዛ ጎኣይ ዲዜ? ቃጸራይ ኣይ ጎኣዜ?
 2 ኣዋራካ ገዲን ጎኣይ ዳር፤ ሃራፔ ኮይር ጸሳ ቃላይ ሃዳራ ኣይሁዳታስ ኢማቲዳስ።
 3 ኢስታፊ ኢስታስ ኢሶታስ ኣማኖይ ባይንዳ ኣገኮ ጸሳን ኣማኔቲላ ዲጊዜ?
 4 ሙሉካ ዲጊና! ኣሲ ወሪካ ዋርዳንቻ፡ «ኔኒ ኔ ቃላፔ ዳንዲዳይሳን ቱማንቻ፤ ኔ ሞርኬ ፒርዳንካ ጸናሳ» ጌቴቲ ጸፊተዳ ማላ ጸሲ ቃሴ ቱማንቻ።
 5 ኑ ማካላ ኦሶይ ጸሳ ጸሎቴላ ቆንጮን ቤሲዛይሳ ገዲኮ ሂሰቲን ኑ ኣይ ጋኔ? ጮ ኣሳ ዋጋ ማላ ፓላሜታናስ ጸሲ ባ ሃንቆ ኑ ቦላ ኤሃዛይሲ ኑስ ቤሴና ጋኔዬ? ሃሳካ ታ ገዛይ ኣሳሶ ቆፋና።
 6 ቱማፔ ሃሳሶ ሃኔና፤ ሃሳሶ ሃኒዛ ገዲኮ ጸሲ ኣላሚ ቦላ ዋስቲ ፒርዳንዳ?
 7 «ታ ዋርዳቴላ ጸሳ ቱማቴላ ቆንጮሲዛይሳን ኢዛ ቦንቻ ጌዴ ጉጂዛ ገዲኮ ሂሰቲን ሃኢ ጋካናስ ዋስቲ ታ ቦላ ናጋራንቻ ማላ ፒርዳቴዜ?» ገዲ ፓላሜታና ኣሲ ዳና ደንዳዬስ።
 8 ሃሳ ጉሲ፡ «ሎኦይ ያና ማላ ኣኔ ኢታ ኦሶስ» ጌቴሰ ገዲ ኢሲ ኢሲ ኣሳቲ ኑ ቦላ ዋሪሲዛይሳ ማላ። ሃይታ ኣሳታ ቦላ ጋኪዛ ፒርዳይ ቱሙ ፒርዳ።

ኣሲ ወሪ ናጋራንቻ

9 ሂሰቲን ኑ ኣይ ገና? ኑኒ ኢስታፊ ኣጂዚን? ሙሉካ ኣጵኮ። ኣይሁዳታ ገዲኮካ፡ ኣይዛቤታ ገዲኮካ ወሪካ ናጋራፔ ጋርሳ ባጋራ ዲዛ ገሻሰ ታ ወርሳካ ካሴታዳ ኢስታስ የታዲስ።
 10 «ጸሎይ ኦኒካ ዳና፤ ኢሳዳይካ ዳና።
 11 የሽ ቆፐዛዳይ ባ፤ ጸስ ኮይዛይ ኢሳዳይካ ባ።
 12 ወሪካ ባሌቲዳኔ ኢሲ ቦላ ጎኦንታይታ ገዲዳ። ሎኦ ኦላዛይ ኦኒካ ባ፤ ኢሳዳይካ ዳና።
 13 ኢስታ ደናይ ደያ ዲዛ ዳፎ ማላ፤ ኢስታ ደናይ ኡባ ዋዴ ባሌሶ ሃሳዬስ፤ ኢስታ ሜቴርሻይ

ሾሻ ማርዜራ ዳስ።
 14 ኢስታ ደናን ቃንጌሌኔ ጫሞ ሚሺ ኩሚዳስ።
 15 ኢስታ ቶሆይ ሱላ ጉሳናስ ኤሶቴስ።
 16 ኢስታ ኦጌን ቆሮይኔ ላፋቴላ ዳስ።
 17 ኢስቲ ሳርቴላ ኦጌ ኤሬቴና።
 18 ኢስታ ኣይፊሶን ጸሳስ ያሻቴላ ባ» ጌቴቲ ጸፊተዳ ማላ።
 19 ሃሳ ገሻሰ ደናይ ወሪካ ጎርዳታና ማላ ዳሬይ ኩሚላ ጸሳስ ዛር ኣማና ማላ ዋጋይ ገዛይ ወሪካ ዋጋፔ ገደራ ዲዛይታስ ገዲዳይሳ ኑ ኤሮስ።
 20 ሃሳ ገሻሰ ዋጋይ ናጋራይ ኣዛኮ ኤሪሴስ ኣቲን ዋጋ ናጎን ኦኒካ ኢዛ ኣቻን ጸሎ ጌቴታናስ ዳንዳዬና።

ኣማኖን ቤተዛ ጸሎቴላ

21 ሃኢ ቃሴ ካሴ ናቤቲ ኢዛስ ማርካቲዳይሲ ዋጋፔ ካሬራ ገዲዳ ጸሳ ጸሎቴላ ቆንጮዳስ።
 22 ሃሲ ጸሳ ጸሎቴላ ዬሱስ ኪርስቶሳ ኣማኖን ዲማቴላ ባይንዳ ቤተዛ ጸሎቴላ።
 23 ጋሶይካ ኣሲ ወሪካ ናጋራ ኦላዳስ፤ ጸሳ ቦንቻይካ ኣሳ ናስ ፓጠዳስ።
 24 ኣሳይ ዬሱስ ኪርስቶሲ ኣሳ ና ገሻሰ ኦላዳ ኪያቴላፊ ዳንዲዳይሳን ጮ ማላ ጸሊዳስ።
 25 ኢዛ ሱላን ገዲዳ ኣማኖን ናጋራፔ ማሬታና ያርሾ ሂሰቲዲ ጸሲ ዬሱሳ ሺሺዳስ፤ ኢዚ ሃሳ ኦላዳይ ካሴቲዲ ፖሌቲዳ ናጋራ ቃጸዮንታ ዳንዳያን ኣጂዳ ባ ጸሎቴላ ቤሳናሳ።
 26 ኢዚ ሃሳ ሃ ዋዳዛን ኦላዳይ ባ ጸሎቴላ፤ ሃሲካ ባ ባጋራ ጸሎ ገዲዳ ዬሱስ ኪርስቶሳን ኣማኒዛዴ ጸሊሲዛይሳ ቤሳናሳ።
 27 ሂሰቲን ኑኒ ኢዛን ጩቁቲዛ ሚሺ ኣዚ ዲዜ? ኣይኮ ሚሻንካ ጩቁቶኮ፤ ኑ ጩቁታና ጋሶይካ ኣዜ? ዋጋ ናገዛ ገሽ? ገዳና፤ ኣማኖና።
 28 ኣይ ኣሲካ ኣማኖን ኣቲን ዋጋ ናጎን ኣቶንታይሳ ኑ ጌሺ ዮቶስ።
 29 ጸሲ ኣይሁዳታስ ጸላ? ኣይዛቤታሰካ ጸስ ገዴኔ? ኤ ኣይዛቤታሰካ ኢዚ ጸሳ።
 30 ቃጸሬቴዳይሳ ኣማኖን ቃሴ ቃጸሬቶንታይሳካ ሃ ኣማኖንካ ጸሊሲዛይካ ኢዚ ኢሲ ጸሳ ጸላ።
 31 ሂሰቲን ሃሲ ሃሳ ገዲኮ ኣማኖ ጋሶን ዋጋ ጎኣይ ባይንዳ ሚሽ ኦላዳ? ሙሉካ ሃሳሶ ሃኔና፤ ዋጋ ኑ ሚንሳና ኣቲን።

4

ኣማኖን ኣብራሃሚ ጸሎቴላ

1 ሃሳ ገሻሰ ቃሴ ኑ ኣብራሃሚይ ሃይሳፊ ኣይ ጎኣ ዳሚዳስ ገና?
 2 ኣብራሃሚይ ባ ኦሶን ጸሊዳኮ ኢዚ ጩቁታናዚ ኢዛስ ዳሲኮሺን፤ ኢዚ ጸሳ ሲንሳን ጩቁታናስ ዳንዳዬና።
 3 ጌሻ ማጸፋይ፡ «ኣብራሃሚይ ጸስ ኣማኒዳሲኔ ኢዛ ኣማኖይ ኢዛስ ጸሎቴላን ቆዴቲዳስ» ጌሰ።
 4 ኢሳዳይ ኦሶ ኦላኮ ኢዚ ኤኪዛ ሚሻይ ኢዛስ ጮ ኪያቴላ ኢማቲዛዝ ገደንታ ኢዛዳስ ኦሶ ዋጋ ገዴስ።

2:29 ዛሬ 30:6 3:4 ማዛ 51:4 3:13 ማዛ 5:9፤ 140:3 3:14 ማዛ 10:7 3:18 ማዛ 36:1 3:22 ጋላ 2:16 3:30 ዛሬ 6:4፤ ጋላ 3:20 4:3 ሜዴ 15:6፤ ጋላ 3:6

5 ገደ አቲን ኦሶ ኦሶንታ ናጋራንቻ አሲ ዲሎ ኬሲዛ ጸሳን አማኒዛዴስ ኢዛ አማኖይ ኢዛስ ጸሎቴላን ታይቤቴስ።

6 ዳዊቲካ ጸሎቴላ ኢዛዴስ ቆዴቲዛይ ሎኦ ኦሶን ገደንታ አሳ ገሻስ።

7 «ኢስታስ ኢስታ ባላ ኦሶይ

አቶ ጌቲቲዳይቲኔ
ናጋራፔ ማሬቲዳይቲ
አንጃቲዳይቲ!

8 ኢዛ ናጋራ ጎዳይ

ሙሌካ ቆደንታዳይ
ኢዚ አንጃቲዳይሳ!» ገደስ።

9 ሃ አንጃዚ ቀጻሬቲዳይታስ ጸላላዬ? ዎይኮ ቀጻሬቶንታይታሳራ? «ካሴ ኮይሮ ኦ አዋ አብራሃሜ አማኖይ ኢዛስ ጸሎቴላን ቆዴቲዳይ» ገደስ።

10 ሂስቲን ዋኒ ኢዛስ ሄሳላ ቆዴቲዳይ? ኢዚ ቀጻሬቲዳይ ጉዬ? ዎይኮ ቀጻሬታናፔ ካሴ? ኢዛስ ጸሎቴላን ቆዴቲዳይ ኢዚ ቀጻሬታናፔ ሲንላና።

11 ኢዚ ካሴ ቀጻሬታናፔ ካሴ ዴሚዳ ጸሎቴላይ ቀጻራስ ማላታ ገደና ማላ ጸሎቴላስ ማታሚ ኤኪዴስ። ሄሳ ገሻስ ቀጻሬቶንታ አማኒዛይታስ ጸሎቴላን ቆዴታና ማላ ኡባታስ ኢዚ አዋ።

12 ኢዚ ቀጻሬቲዳይታስካ አዋ፤ ቀጻሬቲዳይታስ ጸላላ ገደንታ ኦ አዋ አብራሃሜ ካሴ ቀጻሬታናፔ ሲንላ ኢዛስ ዲዛ አማኖ ጌዶ ካሊዛይታስ ኡባሳ።

አማኒዛ እሳስ አሜቲዳ ኡፋይስ

13 ኢዚ አላሚ ላቲዛዴ ገደና ማላ አብራሃሜይ ኢዛ ዜሬላቲ ኡፋይሳ ቃላ ኤኪዳይ ዎጋ ባጋራ ገደንታ አማኖን ገደዳ ጸሎቴላና።

14 ዎጋ ናገዛይቲ ላቲዛይታ ገደኮ አማኖስ ጎኦይ ዳና፤ ሂደታይካ ጮ ሃዳ ገደናሺን፤

15 ዎጋይ ሃንቆ ካሌሌስ፤ ዎጋይ ባይንዳሶን ዎጋ ማንላይ ዴና።

16 ሄሳ ገሻስ ሂደታይ አማኖን ዩዴስ፤ ሄሲካ ኢዛ ሂደታይ ኢዛ ኪያቴላን ገደና ማላኔ አብራሃሜ ዜሬላ ኡባስ አማኒቲዛይሳ ገደና ማላ ሃኒዴስ፤ ሄሲካ ዎጋን ኢዛይታ ገደዳይታስ ጸላላ ገደንታ አማኖን አብራሃሜ ናይታ ገደዳይታስ ኡባታሳ፤ ኢዚካ ኦስ ኡባሲካ አዋ።

17 ሄሲካ፡ «ታ ኔና ዳሮ ዴሬ አዋ ኦላዲስ» ጌቲቲ ጸፊቲዳ ማላ ሃኒዴስ፤ ኢዚካ ሃይቁዳይታስ ዴኦ ኢሚዛዴን፡ ባይንዳይሳ ቃሴ ዲዛ ማላ ኦሌዛዴን አማኒዳ ጸሳ ሲንላን ኢዚ ኦስ አዋ።

18 ካሴ ኢዛስ፡ «ኔ ዜሬላ ሄሳላ ሃናና» ጌቲቲዳ ማላ ሂደታ ኦላናስ ዳንዳይቶንታ ሚሻን አብራሃሜይ ጸሲ ሃናና ገደይሳ አማኒዳ ዳሮ ዴሬ አዋ ገደዴስ።

19 አብራሃሜስ ዩሌቲን 100 ላይላ ገደሺን አብራሃሜይ ባ አሳቴላይ ሃይቁላ ማላ ገደዳይሳኔ ሳራስ ዩሎ ዎዴይ አጂ ቢዳይሳ ኤሪሽካ አማኖን ለፒቤና።

20 ጌዴ ጉጂዲ አማኖን ሚኒዲ ጸሳስ ቦንቾ ኢሚዴስ አቲን ጸሲ ገደ ቃላ ሲጂቤና።

21 ጸሲ ኢዛስ ኢሚዳ ሂደታይ ፖሌታናይሳ ኩሜላ ዎዚናፔ አማኒዴስ።

22 ሄሳ ገሻስ ኢዛስ ጸሎቴላን ቆዴቲዳይ።

23 «ኢዛስ ጸሎቴላን ቆዴቲዳይ» ገዛ ቃላይ ጸፊቲዳይ ኢዛስ ጸላላ ገደና።

24 ገደ አቲን ጸሲ ኦ ጸሎቴላ ኢዛ ባጋራ ታይቤዛ ኦ ጎዳ ዩሱሳ ሃይቆፔ ዴንላዳይሳን አማኒዛ ኦሳራኮ።

25 ኢዚ ኦ ናጋራ ገሻስ ሃይቃናስ አጂ አሜቲዳስ፤ ኢዚ ኦና ጸሊሳናስ ሃይቆፔ ዴንዲዴስ።

5

ሳርቴላኔ ኡፋይስ

1 ሂስቲኮ ኦኒ አማኖን ዲሊዳ ገሻስ ኦ ጎዳ ዩሱስ ኪርስቶሳ ባጋራ ኦስ ጸሳራ ሳርቴላ ዴስ።

2 ሃይሳን ሃ አማኖዛን ሚኒ ዲዛ ኪያቴላን ኦኒ ጌሊዳይ ኢዛ ባጋራ ገደዳ ገሻስ ኡፋይሳን ጸሳ ቦንቾ ገሽቲ ኤኪዛይታ ገደዳ ገሻስ ኦ ኡፋይቶስ።

3 ሃይሳን ጸላላ ገደንታ ኦና ጋኪዛ ዎዩንካ ኡፋይቶስ። ጋሶይካ ዎዩይ ዳንዳይን ጋላዛይሳ ኦ ኤሮስ።

4 ዳንዳይይ ፓጩን ሚኖቴላ አሜስ፤ ፓጩን ሚኖቴላ ሂደታ አሜስ።

5 ሄ ሂደታይ ቃሴ ኦና ዩላፔና። ጸሲ ኦስ አሚዳ ጸሎ አያናን ባ ሲቆ ኦ ዎዚናን ጉሲዳ ገሻስ ሄ ሂደታይ ኦና ዩላን ጋሌና።

6 ኦ ዳቡራንቻታ ገደዳ ዲሺን ጸሳ ዎዴይ ጋኪዳ ማላ ኪርስቶሲ ኦ ናጋራ ገሻስ ሃይቁዴስ።

7 ጸሎ አሳ ገሻስ ሃይቃና አሲ ቤታናይሲ ዳሮ ሜቲስ። ሎኦ አሳ ገሻስ ሃይቃናስ ጸላና አሲ ኦኔ ኤሪዛይ ቤታና ዳንዳይስ።

8 ገደ አቲን ኦ ቡሮ ናጋራንቻ ገደዳ ዲሺን ኪርስቶሲ ኦ ገሻስ ሃይቁዴስ፤ ሄሲካ ጸሲ ኦና ሲቁዛ ባ ሲቆ ሄሳን ቤሴስ።

9 ኦኒ ኢዛ ሱላን ጌዩዳይታ ገደኮ ሃራፔካ ኢዛ ባጋራ ጸሳ ሃንቆሬ አታና።

10 ኦ ጸሳስ ሞርኬታ ገደዳ ዲሺን ኢዛ ናዛ ሃይቆን ኢዛሮ ገሊዳይታ ገደኮ ኦ ኢዛሮ ገሊዳፔ ጉዬ ኢዛ ናዛ ዴኦ ባጋራ ኦኒ ፓጸዳይሲ ዎኒ ኬሂ ዳሬኔ!

11 ሄሳ ጸላላ ገደና፤ ቃሴካ ኦኒ ሃኒ ኢዛራ ገጋ ዴሚዳ ኦ ጎዳ ዩሱስ ኪርስቶሳ ባጋራ ጸሳንካ ኡፋይስ ኦላስ።

ሃይቆይ አዳሜ ባጋራ፡ ዴኦይ ኪርስቶሳ ባጋራ ዩዴስ

12 ሄሳ ገሻስ ናጋራይ አሳዴ ጋሶን ዲጌ ሃ አላሜዛ ዩዳ ማላ ሃይቆይካ ናጋራ ጋሶን ዩዴስ፤ ሃይቆይካ ሄሳ ባጋራ አሳ ኡባኮ ዩዴስ፤ ሄሳስ ጋሶይካ አሲ ዉሪካ ኢዛ ባጋራ ናጋራ ኦላዳ ገሻሳ።

13 ዎጋይ አሜታናፔ ካሴ ናጋራይ ቢታ ቦላ ዴስ ሺን ዎጋይ ባይንዳሶን ናጋራይ ናጋራ ገደና።

14 ገደ አቲን አዳሜፔ ሃ ሰሚን ሙሴ ዎዴ ጋካናስ ዲዛ ዎዴን አዳሜ ማላ ዎጋ ማንላዲ ናጋራ ኦሶንታይታ ቦላካ ሃይቆይ ካዎቲዴስ፤ አዳሜይ ቡሮ ያና ኪርስቶሳስ ለሚሶ።

15 ገደኮካ ኢዛ ኪያቴላ አዎታይ አሳ ቆሆ ማላ ገደና፤ አሳዴይ ሞሪዳይሳን ዳሮ አሳይ ሃይቁኮካ ጸሳ ኪያቴላኒ ኢሲ አስ ዩሱስ ኪርስቶሳ ኪያቴላን ዩዳ አዎታይ ዳሮታስ ኬሂ ዳሪ አሜቲዳስ።

16-17 ቃሴካ ጸሳ አዎታይ አሳዴ ባጋራ ዩዳ ናጋራፔ ቤቲዳ አይሬ ማላ ገደና፤ ጋሶይካ ኢዛ ፒርዳይ

አሳዴ ናጋራ ካሊዲ ፐርዳ ኤኪ ዩዴሰ፤ ኢዛ አሞታይ ቃሴ ዳሮ ቆሆ ጋሶን ጸሎቴላ ኤሂዴሰ። ሃይቆይ አሳዴ ባጋራ ካዎቲዳይሳ ገዲኮ ዳሮ ቲርፓ ገዲዳ ጸሳ ኪያቴላኔ ጸሎቴላ አሞታ ኤኪዳይቲ አሳዴ ባጋራ ሄሲካ ዩሱሰ ኪርሰቶሳ ባጋራ ጸኒዲ ዴኦን ዳና።

18 ሂሰቲኮ አሳዴ ቆሆ ጋሶን ፐርዳይ አሳ ኡባ ቦላ ጋኪዳ ማላ ሄሳቶካ አሳዴ ጸሎቴላ ኦሶን አሰ ኡባሰ ዴኦ አሚዛ ጸሎቴላ ቤቲዴሰ።

19 አሳዴይ አዛዜቶንታ ኢዲዳ ገሻሰ ዳሮ አሳይ ናጋራንቻ ገዲዳ ማላ አሳዴ አዛዜቱላን ቃሴ ዳሮቲ ጸላና።

20 ዎጋይ ዩን ሞሮይ ዳሪዴሰ፤ ገዶ አቲን ናጋራይ ዳሮይሳፊ ቦላራ ጸሳ ኪያቴላ ኬሂ ዳሪዴሰ።

21 ሄሲካ ሃኒዳይ ናጋራይ ሃይቆ ቦላ ካዎቲዳይሳ ማላ ዩሱሰ ኪርሰቶሳ ባጋራ ቃሴ ሜርና ዴኦይ ቤታና ማላ ኢዛ ኪያቴላ ጸሎቴላን ካዎታናሳ።

6

ናጋራፕ ሻኬቲዲ ኪርሰቶሳን ዲሰ

1 ሂሰቲን ኑ አይ ገና? ጸሳ ኪያቴላ ዳራና ማላ ናጋራ ጉጂ አሊና?

2 ሙሉካ ገዴና፤ ኑ ናጋራሰ ሃይቁደሰ፤ ሂሰቲን ሃይሳፊ ጉዬ ኑ ዋኒ ናጋራን ዳኔ?

3 ኑ ዩሱሰ ኪርሰቶሳራ ኢሲኖ ገዳና ማላ ጸማቁቲዳይቲ ኢዛ ሃይቆን ኑ ኢሲፊ ገዳናሰ ጸማቁቲዳይሳ ሃይሳ አንቲ ኤሬኬቲ?

4 ሃሳ ገሻሰ ኪርሰቶሲ ባ አዎ ቦንቸን ሃይቆፕ ዴንዲዳ ማላ ኑኪካ ሃሳሶ ኦራሳ ዴኦን ዳናሰ ጸንቃታን ሃይቁዲ ኢዛራ ሞገቲደሰ።

5 ኑኒ ሃሳ ማላ ሃይቆን ኢዛራ ኢሲኖ ገዲኮ ቃሴ ዴንሳንካ ኢዛራ ኢሲኖ ገደሰ።

6 ሃይሳፊ ጉዬ ኑኒ ናጋራሰ አይሌ ገደንታ ማላ ናጋራ አሳቴላይ ኪቻና ማላ ካሴ ኑ ጩጋ አሳቴላይ ኢዛራ ኢሲፊ ካቁቲዳይሳ ኑ ኤሮሰ።

7 ጋሶይካ ሃይቁዳ አሲ ናጋራፕ ሸምፐዴሰ።

8 ኑኒ ኪርሰቶሳራ ሃይቁዳይታ ገዲኮ ኑ ኢዛራ ኢሲፊ ዳናይሳ አማኖሰ።

9 ኪርሰቶሲ ሃይቆፕ ዴንዲዳ ገሻሰ ናምአንሶ ኢዚ ሃይቆንታይሳኔ ኢዛ ቦላ ሃይቆሰ ዎልቃይ ባይንዳይሳ ኑ ኤሮሰ።

10 ኢዚ ሃይቁዳ ዎዴ ኢሲቶ ኡባ ናጋራ ገሻሰ ሃይቁዴሰ፤ ገዶ አቲን ጸሳሰ ፓጻ ዲሰ ዴሰ።

11 ሃሳቶካ አንቲ ናጋራሰ ሃይቁዲ ጸሳሰ ዩሱሰ ኪርሰቶሳ ባጋራ ፓጻ ዲዛይሳ ኤሬቲ።

12 ሃሳ ገሻሰ ኢታ አላና ኮይዛ ኢታ አሾ ቆፋ ኮዩዲ ሃይቁዳ አንቲ አሳቴላ ቦላ ናጋራይ ካዎታና ማላ አላፍቲ።

13 አንቲ አሳቴላ ኢታ ኦሶ አሊዛ ሚሽ አሊ ናጋራሰ ሃሪሶፐቲ፤ ሃሳ ማላ አላናፕ ሃይቆፕ ጌዴ ዴኦን ፒኒዳ አሳታ ማላ አንቲና ጸሳሰ ሃሪሶቲ፤ አንቲ አሳቴላ ጸሎቴላ ሚሻ ማላ ጸሳሰ ሃሪሶቲ።

14 አንቲ ጸሳ ኪያቴላ ጋርሳን ዴታ አቲን ዎጋ ጋርሳን ዶንታ ገሻሰ አንቲና ናጋራይ ሃሪና።

ጸሎቴላ አሳንቻታ

15 ሂሰቲን አይ አሊና? ዎጋ ጋርሳን ገደንታ ኑኒ ጸሳ ኪያቴላ ጋርሳን ዲዛ ገሻሰ ናጋራ አሊና? ሙሉካ አላናሰ ቤሶና።

16 አንቲ አንቲና አይሌ ማላ ሸሺዛ ዎዴ አንቲ አዛዜቲዛዴሰ አይሌ ገዲዳይሳ ኤሬታ፤ ሃሳቶካ ጌዴ ሃይቆኮ ኤሬዛ ናጋራሰ ዎይኮ ጸሎቴላኮ ጋሊዛ አዛዜቲላሰ አንቲ አይሌ ገዲዳይሳ ኤሬኬቲ?

17 አንቲ ካሴ ናጋራሰ አይሌታ ገዲኮ አንቲሰ አሚቲዳ ተሚርቲዛሰ አንቲ ዎዚናፕ አዛዜቲዳ ገሻሰ ጸሲ ጋላቴቶ።

18 አንቲ ናጋራፕ ዎዜቲዲ ጸሎቴላሰ አይሌ ገዲዴታ።

19 ሃይሳ ታኒ አሳ ቃላን አንቲሰ ቆንጩን ዮቲዛይ አንቲ ዩሌቴላን ዳቡራንቻ ገዲዳ ገሻሳ። አንቲ ካሴ ዎዴ አንቲ አሳቴላ አይሌቴላሰኔ ካሴፕ አፂ ኢታና ማላ አሊ አሚዳ ማላ ሃኢ ቃሴ ጌሻቴላኮ ኤሬዛ ጸሎቴላሰ አይሌ ሂሰቲ ሃሪሶቲ።

20 አንቲ ካሴ ናጋራሰ አይሌቲዲ ዲዛ ዎዴ አንቲ ጸሎቴላፊ ማላ አቲዴታ ሸን፤

21 ሃኢ ቃሴ አንቲ ዩላቲዛ ሚሻታፕ ሄ ዎዴ አይ ጎአ ዴሚዴቲ? ሃሳ ሄ ሃኖዛሰ ጎአይ ሃይቆ።

22 ሃኢ ቃሴ አንቲ ናጋራፕ ዎዜቲዲ ጸሳ አይሌታ ገዲዴታ፤ ሄሲካ አንቲና ጌሻቴላኮ ካሌሌሰ፤ ወርሴሳይካ ሚርና ዴኦ።

23 ናጋራ ዎጋይ ሃይቆ፤ ገዶ አቲን ጸሳ አሞታይ ገዲኮ ጎዳ ዩሱሰ ኪርሰቶሳ ባጋራ ሜርና ዴኦ።

7

ኤኮኔ ጌሎ ለሚሶ

1 ታ አሻቶ! ታኒ ዎጋ ኤሬዛ አሳታሰ ዮታይሰ፤ ዎጋይ ሸምፖራ ፓጻ ዲዛ አሳ ጸላላ ሃሪዛይሳ አንቲ ኤሬኬቲ?

2 ኢሲ ማጫሲ አዚና ጌሊኮ ባ አዚናራ ኢዛ ዎጋን ቃሽቲዛይ አዚናይ ፓጻ ዲዛ ዎዴ ጋካናሳ፤ አዚናይ ሃይቁኮ ኢዛ ማሻ ገዲዛ ዎጋፕ አንጃታወሰ።

3 ገዶ አቲን አዚናይ ፓጻ ዲሸን ኢዛ ሃራ አዚና ጌሊኮ ላይማ ጌቲታወሰ፤ አዚናይ ሃይቁኮ ቃሴ ሃራ አሰ ጌሊኮ ካሴ አዚና ዎጋፕ አንጃታዲሰ አቲን፤ «ላይማ» ጌቲቲኩ።

4 ሃሳ ገሻሰ ታ አሻቶ! አንቲካ ዩሱሰ ኪርሰቶሳ አሳቴላ ባጋራ ዎጋሰ ሃይቁዴታ፤ አንቲ ሃይቆፕ ዴንዲዳ ኪርሰቶሳ ባጋ ገዲን ኑኒ ጸሳሰ አይፊ አይፋናሳ።

5 ናጋራንቻ ሚዴቴላ ሸኔን ኑ ዲዛ ዎዴ ሃይቆሰ ጋሊዛ አይፊ ኑ አይፋና ማላ ዎጋይ ዴንጮሊ ናጋራ አሞይ ኑ ቦላ አሊዴሰ።

6 ሃኢ ገዲኮ ካሴ ኑና ዎጻ ቃቸዳ ዎጋሰ ሃይቁዳ ገሻሰ ሄ ዎጋፕ ዎዜቲዳሰ፤ ሄሲካ ካሴ ጩጋ ዎጋን ጸፊቲዳይሳን ገደንታ ዲሾ ኦራሳ አያና ኦኔን ኑኒ አላናሳ።

ናጋራራ ባጾቴላ

7 ሂሰቲን ኑ አይ ገና? ባ ሁኤሰ ዎጋይ ናጋራ? ሙሉካ ገዴና። ዎጋ ባጋራ ገደንታኮ ናጋራይ አዛኮ ኑ ኤሮኮ ሸን፤ ዎጋይ «አሞቶፋ!» ጎንታኮ አሞይ አዛኮ ቲማፕ ታ ኤሬኬ።

8 ናጋራይ ቃሴ ዋጋፔ ከዚዳ አዛዞይ ቤሲዳ ኦጌን ጎኤተዲ ታ ጊደን ደማ ደማ ኢታ ኣሞ ዴንፊሊዳስ፤ ዋጋይ ያናፔ ካሴ ናጋራይ ሃይቁዳዳ።

9 ዋጋይ ባይንዳ ካሴ ታኒ ፓጾ ዳይሲሺን ዋጋይ ዪን ቃሴ ናጋራይ ፓጾ ጊዲዳስ፤ ታ ጊዲኮ ሃይቃዲሲ።

10 እስ አሻና ቆፊቲዳ አዛዞይካ ሃይቆ ኤኪ ዩዳይሳ ኤራዲሲ።

11 ናጋራይ ዋጋ ባጋራ ቤቲዳ ጋሶን ጎኤተዲ ታና ባሌሊዳሲኔ አዛዞን ዋጂዳስ።

12 ሄሳ ገሻሽ ዋጋይ ባ ባጋራ ገሻ፤ አዛዞይካ ገሻ፤ ጸሎኔ ሎኦ።

13 ጊደ አቲን ሎኦሰ ሃኒዳይሲ ታሰ ሃይቆሰ ጊዲዳ? ሙሉካ ጊዳና፤ ጊደ አቲን ናጋራይ ባ ናጋራቲላን ኤራታና ማላ ሎኦ ጊዲዳ ሃና ባጋራ ታ ቦላ ሃይቆ ኤሂዳሲ፤ ሄሲካ ናጋራይ አዛዞ ባጋራ ካሴፔ አሊ ናጋራ ዳርሲዳስ።

14 ዋጋይ እያና ዮኦ ጊዲዳይሳ ኦ ኤርሰ፤ ታ ቃሴ ናጋራሰ አይሌ ማላ ባይዘቲዳ አሳ።

15 ታኒ ታ አሊዛይሳ ኤሪኬ፤ ታ ኦላና ኮይዛይሳ ኦላ ኤሪኬ ሺን ታ ኢጸዛ ሚሽ ኦላይሰ።

16 ታ ኦላና ኮዮንታ ሚሽ አሊዛ ጊዲኮ ዋጋይ ሎኦ ጊዲዳይሳ ታ ማርካታይሰ።

17 ሄሳ አሊዛይ ታና ጊደንታ ታ ጋላን ዲዛ ናጋራይ ኦሌሰ።

18 ታናን ሄሲካ ናጋራንቻ ጊዲዳ ታ ሜጴቲላ ጊደን አይኮ ሎኦ ሚሽ ባይንዳይሳ ታ ኤራይሰ፤ ሎኦ ኦላናሰ ታሰ አሞቴሊ ዳሰ ሺን ፖላ ኦላ ኤሪኬ።

19 ታ አሊዛይ ኦላና ጋዳ ኮይዛ ሎኦ ኦሶ ጊዳና፤ ጊደ አቲን ታ ኦላና ኮዮንታ ኢታ ኦሶ አላይሰ።

20 ታኒ ኦላናሰ ኮዮንታይሳ አሊዛ ጊዲኮ ሄሳ አሊዛይ ታና ጊደንታ ታ ጊደን ዲዛ ናጋራ።

21 ሄሳ ገሻሽ ሃይሲ ዋጋይ ኦሶን ዲዛይሲ ታሰ ገሊዳሰ። ሄሲካ ታኒ ሎኦ ኦላና ኮያይሲሺን ኢታ አላይሰ።

22 ታኒ ታ ጋላራ ጸሳ ዋጋን ኡፋይታይሰ።

23 ጊደ አቲን ታ አሳቲላ ጊደን አሊዛ ናጋራ ዋጋይ ታና ቃቺ ኦይኪዲ ታ ቆፋ ዋጋራ ኦሌቲዛ ሃራ ዋጋይ ታ አሳቲላ ጊደን አሊሺን ቤያይሰ።

24 ታ አይ ማላ ላፋ አሴ! ሃይሳ ሃይቆሰ አሜቲዳ አሳቲላፊ ታና አሻናይ ኦኔ?

25 ኦ ጎዳ ዩሱሰ ከርሰቶሳ ባጋራ ጋላታይ ጸሳሰ ጊደ።

ሂሰቲኮ ታኒ ታ ባጋራ ታ ቆፋን ጸሳ ዋጋሰ አይሌ ጊዳሺ ታኒ ሜጴቲላ ዋጋን ናጋራ ዋጋሰ አይሌ።

8

ጸሎ እያናን ዲሳ ገሻሲኔ አሾን ዲሳ ገሻሰ

1 ሄሳ ገሻሰ ዩሱሰ ከርሰቶሳ አሚካይይታ ቦላ ፐርዳይ ዳና።

2 ጋሶይካ ዴኦ እያና ዋጋይ ዩሱሰ ከርሰቶሳ ባጋራ ናጋራፔ አሰታ ገሺዳ ገሻሳ።

3 ናጋራንቻ አሾፔ ዴንዲዳይሳን ዋጋይ ፖላናሰ ዳንዳዮንታይሳ ጸሲ ባ ናዛ ናጋራንቻ አሳ ለሚሶን ናጋራሰ ያርሺታና ማላ ዩዲዲ ፖሊዳሰ፤ ሂሰቲዲ ናጋራ ኢዛ አሾን ፐርዲዳሰ።

4 ሄሲካ ኦኒ አሾን ጊደንታ እያናን ሲሜሬቲዛ ኦፔ ዋጋይ ኮይዛ ጸሎቲላ ፖላናሳ።

5 አሾ ሼኔ ማላ ዳና ኮይዛ አሳታ ዋዚናይ አሾይ ኮይዛ ሚሻን ሼምፔሰ፤ እያና ሼኔ ማላ ዲዛይቲ ቃሴ ባ ዋዚና እያናይ ኮይዛ ሚሻ ቦላ ዋሌቲሰ።

6 አሾሰ ጸላ ቆፋይ ሃይቆ ጊዲሺን እያና ዮኦሰ ቆፋይ ጊዲኮ ዴኦኔ ሳርቲላ።

7 ናጋራሰ ሃራቲዛ ዋዚናይ ጸሳራ ኦሻ፤ ጋሶይካ ኢዚ ጸሳ ዋጋሰ ሃራቲናኔ ሃራታናሰ ዳንዳይና።

8 አሾ ሼኔ ማላ ዲዛ አሳቲካ ጸሰ ኡፋይሳናሰ ዳንዳይቲና።

9 አንቲ ቃሴ ጸሳ እያናይ አንቲናን ዲዛ ጊዲኮ አሾን ጊደንታ እያናን ዴታ፤ ከርሰቶሳ እያናይ ኢዛ ቦላ ባይንዳይይ ከርሰቶሳሰ ጊዳና።

10 ከርሰቶሲ አንቲ ጊደን ዲኮ ቃሴ አንቲ አሳቲላይ ናጋራ ጋሶን ሃይቁላ ጊዲኮካ አንቲ እያናይ ቃሴ ጸሎቲላ ጋሶን ዴኦኒ ዳሰ።

11 ዩሱሳ ሃይቆፔ ዴንፊዳ ኢዛ እያናይ አንቲ ቦላ ዲዛ ጊዲኮ ከርሰቶሳ ሃይቆፔ ዴንፊዳይሲ አንቲ ጊደን ዲዛ ኢዛ እያናይ ሃይቃናሰ ዲዛ አንቲ አሳቲላሰ ዴኦ ኢማና።

12 ሄሳ ገሻሰ ታ አሻቶ! ሄሲካ ሃናናይ ዳሳን ጊዳናሺን ኦኒ አሾ ሼኔ ማላ ዳናሰ አሾሰ ጊደኮ።

13 አሾ ሼኔ ማላ ዲዛ ጊዲኮ አንቲ ሃይቃና፤ አሾ ኦሶ ኢታዛ አንቲ እያናን ዋጂኮ አንቲ ዴኦኒ ዳና።

14 ጸሳ እያናን ካሊዛይቲ ኢሰቲ ጸሳ ናይታ።

15 አንቲ ኤኪዳ እያናይ ዛሪዲ አንቲና አይሌቲላን ሃሪዛ እያና ጊደንታ፡ «ኦ አሞ» ጊ ጴይጊሲዛ ናቲቲላ እያና ኤኪዳታ።

16 ኦኒ ጸሳ ናይታ ጊዲዳይሳ ሄ እያናይ ባ ባጋራ ኦ እያናራ ኢሲፊ ኦሶ ማርካቲሰ።

17 ኦኒ ጸሳ ናይታ ጊዲኮ ኢዛ ላቲዛይታ። ኦ ከርሰቶሳ ቦንቻዛ ላቲዛይታ ጊዳና ማላ አዳፊካ ኢዛራ ኢዛ ሜቶዛ ገሽቲዛይታ ጊዲኮ ኦ ጸሰ ላቲዛይታ፤ ከርሰቶሳራካ ኢሲፊ ላቲዛይታ።

ቡር ያና ቦንቻ

18 ሃኢ ኦ ኤኪዛ ዋይይ ቡር ኦሶ ሲንላን ገገ ኡቲዳ ቦንቻዛራ ጋሊ ጴሊሺን አይኮካ ጊዳና ጋይሰ።

19 ሜጴቲሊ ዉሪካ ጸሳ ናይቲ ቆንጫናይሳ ላሞቴላን ናጎን ዳሰ።

20 ሜጴቲሊ ዉሪካ ማላ ሃዳ ጊዳና ማላ ፐርዳቲዳሰ፤ ሄሲካ ባ ዶርን ጊደንታ ሲንላፊሰ ሃራታና ማላ ኢዚ ባ ሼኔ ማላ ሃሪሲዳ ገሻሳ።

21 ሄሲካ ሜጴቲሊ ዉሪካ ዳይሳ አይሌቲላፊ ዋዜቲዲ ጸሳ ናይታሰ ጊዲዳ ቦንቻቲዳ ሼኔ ማላ ዲዛሶ ጋካናሳ።

22 ሃኢ ጋካናሰ ሜጴቲሊ ዉሪካ ዳር ዋይን ሚጻቲሼ ዲዛይሳ ኦ ኤርሰ።

23 ኢዛ ጸላላ ጊደንታ ኮይር ጸሎ እያና አሞታ ዴሚዳ ኦኒካ ኦ አሳቲላይ አታና፤ ኦ ኢዛ ና ጊዳናይሳካ ላሞቴሼኔ ዋዜናራ ሚጻቲሼ ዳሰ።

24 ሃይሳ ሃ ሂዳታን ጸላ አቲዳሰ፤ ሂዳታይ አይፊን ቤቲዛ ሚሽ ጊዲኮ ቡርፔ ናጋና ኮሼና፤ ሃኢ ባ አይፊን ቤኢዛ ሚሽ ቡርፔሰ ናገዛይ ኦኔ?

25 ገደ አቲን ኮኒ ቡር ኮ አይፊን ቤኦንታ ሚሽ ሂደታን ናገዛዝ ገደኮ ሳሌታይ ባይንዳ ናገሰ።

26 ሄሳቱካ ቃሴ ኮ ዳቡርሺን አያናይ ኮና ማደሰ፤ ኮኒ ዋሳ ዋሰቲ ዋሳናኮ ኤርንታ ገሻሰ አያናይ ኮኒ ቃላን ቆንጫሳናሰ ዳንዳዬቶንታ ቃላራ ኮሰ ዋሴሰ።

27 ኮ ዋዚና ፓጫ ኤሪዛ አያናይ ኢዚ አያና ቆፋ ኤሬሰ፤ ጋሶይካ አያናይ ጸሳ ሹኔ ማላ አማኒዛ እሳስ ኮሰ ዋሴሰ።

28 ጸሲ ባና ደሲዛይታሲኔ ኢዛ ሹኔ ማላ ጸይገቲዳይታሰ ኡባሰ ኦሊዛ ሚሽ ኡባካ ሎኦስ ኦሊዛይሳ ኮ ኤርሰ።

29 ጸሲ ካሴፔ ባ ኤሪዛይታ ኢሰቲ ኢዛ ናዛ ሚሳታና ማላ ካሴካ ደሪ ዋሊዳሰ፤ ሄሲካ ዳር ባ ኢሻታ ገደፊ ኢዚ ባይራ ገዳናሳ።

30 ካሴ ኮይሮፔ ባ ደሪዳይታ ኢሰታ ጸይገዴሰ፤ ቃሴካ ጸይገዳይታ ጸሊሲዳሰ፤ ባ ጸሊሲዳይታካ ቦንቺዳሰ።

ጸሳ ሲቆ

31 ሂሰቲን ሄሳ ኮ አይ ገና? ጸሲ ኮናራ ገደኮ ኮናራ ኤቁታናሰ ዳንዳይዛይ ኦኔ?

32 ባ ናዛሰ ሚሹቶንታ ኮ ገሻሰ ኦሊ ኢሚዳይ ኢዛ፤ ሂሰቲን ኡባ ሚሽ ኮሰ ኢዛራ ኪያቲላን ወርሲ ኦዛሰ ኢሚኔ?

33 ጸሲ ደሪዳይታ ሞቲዛይ ኦኔ? ጸሊሲዛይ ጸሳ።

34 ሂሰቲን ፐርዲዛይ ኦኔ? ሃይቁዲ ሃይቆፔ ዳንዲዲ ጸሳ ኡሻቻን ኡቲዳ ዩሱሰ ከርሰቶሲ ኮ ገሻሰ ጋናቲሰ።

35 ኮና ከርሰቶሳ ሲቆፔ ሻካናይ ኦኔ? ሜቶዬ? ዋዬ? ዋይኮ ጎዳቴሌ? ዋይኮ ጋፋ? ዋይኮ ካሎቴሌ? ዋይኮ ቆፖንታ ጋኪዛ ሜቶዬ? ማሻ?

36 ሄሲካ ካሴ፡ «ኔ ገሻሰ ኮ ሹኩቲዛ ደርሳ ማላ ቆዳቲዳሰ፤ ጋሳሰ ኩሜላ ኔ ገሻሰ ኮኒ ሃይቆራ ባጸታና» ጌቲቲ ጸፊቲዳይሳ ማላ።

37 ኮና ኦዚካ ኢዛፔ ሻኩና፤ ሃይሳ ኡባን ኮና ሲቁዳይሳን ጸኒዛይታፔካ ኮ አዶሰ።

38 ሄሳ ገሻሰ ሃይቆ ገደን፡ ዳኦ ገደን፡ ኪታንቻታ ገደን፡ ዋይኮ ሃኢ ዲዛ ሚሽ ገደን፡ ቡር ያና ሚሽ ገደን፡ ዋይኮ አይ ዋልቃማ ገደን፡

39 ጶቃ ገደን ዋይኮ ዚቃ ገደን፡ ዋይኮ አይ ሜጴቴላ ገደን ጎዳ ዩሱሰ ከርሰቶሳ ባጋራ ኮሰ ዲዛ ጸሳ ሲቆፔ ኮና ሻካና ዳንዳይዛ ሚሹ ባይንዳይሳ ታ ሻካ ኤራዲሰ።

9

ጸሳ ደር

1 ታ ዩሱሳ ሱንላን ቱሙ ጋይሰ፤ ዋርዶቲኩ፤ ታ ዋዚናይካ ጸሎ አያና ባጋራ ታሰ ማርካቲሰ።

2 ታሰ ዋዚናፔ ኪቸንታ ጌታ ቆፋይኔ ሚሻይ ዳሰ።

3 ታ ዳቦታ ገሻሰ ታ ቃንጌታዳኔ ከርሰቶሳፔ ሻኩታ ዋራ ዋዲዳኮ ደሳይሰ።

4 ኢሰቲካ ኢሰራኤሌ ናይታ፤ ኢሰቲ ጸሳ ና ገደና ማላ ጸሳ ቦንቸይኔ ጫቆ ቃላይ፡ ዋጋይኔ ጸሳ ኬላ ዋጋ ሂደታይ ኢሰታሰ ኢሜቲዳሰ።

5 ካሴ አዋቲካ ኢሰታ ባጋ፤ ከርሰቶሲ ኢሰታ ዜሬላ ዛርኬን ቆዳቲሰ፤ ኢዚካ ኡባሬ ቦላ ገደዳ ሜርናሰ ጋላቲቲዳ ጸሳ። አሚን።

6 ገደ አቲን ሄሳ ጉሲ ጸሳ ቃላይ አቲዳሰ ጉሰ ገደና፤ ኢሰራኤሌፔ ዩሌቲዳይ ወሪ ኢሰራኤሌ ኦሰ ገደና።

7 አብራሃሜፔ ዩሌቲዳይቲ ኢዛፔ ዩሌቲዳ ገሻሰ ወሪካ ኢዛ ናይታ ገዳቲናሺን፡ «ኔ ዜሬላ ዩሳቃ ባጋራ ጸይገታና» ጌቲቲዳ ማላ ሃኒዳሰ።

8 ሄሳ ጉሲካ ጸሳ ና ጌቲቲዳይቲ ኢሰቲ አሾን ዩሊዳይታ ገዳቲና፤ ገደ አቲን ና ገዳናይቲ ሂደታ ቃላን ዮቲቲ ኡቲዳይታ።

9 «ዩዛ ላይሰ ሃኒ ዋዴ ታ ሃ ሲማና፤ ሳራይካ ኔሰ አቲማ ና ዩላና» ጌቲቲዳ ኢዛሰ ሂደታ ቃላይ ኢሜቲዳሰ።

10 ሄሳ ጸላላካ ገደና፤ ኢርቢቃ ናይቲ ኢሳዴ ናኮ! ኢዚካ ኮ አዋ ዩሳቃ።

11 ሚንቴቲ ዩሌቲዳ ቡር ኢታ ዋይኮ ሎኦ ኦሎንታ ዲሺን ጸሳ ቆፋይ ሚናና ማላ።

12 ኦሶን ገደንታ ጸይገዳይሳፊ ገደዳ ገሻሰ፤ «ባይራይ ካሎዛሰ ሃሬታና» ጌቲቲዳ ኢርቢቃሰ ዮቲቲዳሰ።

13 ሄሲካ፡ «ታ ያቆቤ ደሳዲሰ፤ ኤሳዋ ኢጸዲሰ» ጌቲቲ ካሴ ጸፊቲዳ ማላ ሃኒዳሰ።

14 ሂሰቲን ኮ ሃኢ አይ ገና? ጸሲ ቤሶንታ ኦጌራ ማዲ ኤሪዜ? ሙሌካ ማዲ ኤሪና።

15 ጸሲ ሙሴሰ፡ «ታ ማራና ኮዩዳዴ ማራና፤ ታ ሚሹታና ኮዩዳዴካ ሚሹታና» ጌሰ።

16 ሄሳ ገሻሰ ኦሲ ኮዩዳ ማላ ገደንታ ዋይኮ ኦሳ ዳቡራን ገደንታ ጸሲ ማሪዳ ማላ ሃኔሰ።

17 ጌሻ ማጸፋይ ፓርኔ፡ «ታ ዋልቃይ ኔ ቦላ ቤታና ማላ ኔ ት ሱንላ ቤታ ኡባ ቦላ ዮቲታና ማላ ታ ኔና ሃይሳሰ ዳንሳዲሰ» ጌሰ።

18 ሄሳ ገሻሰ ጸሲ ማራና ኮይዛዴ ማሪሰ፤ ኢዛ ዋዚና ሙሚሳና ኮይዛዴ ዋዚና ሙሚሴሰ።

19 ኢንቴፊ አሳዳይ፡ «ሂሰቲን ሃናይ ሄሳ ማላ ገደኮ ኮና ሃኖ ጋካናሰ ኦዛሰ ዋዩሲዜ? ጋሶይካ ኢዛ ሹኔ ዲጋና ዳንዳይዛይ ኦኔ?» ጋዳ ኔ ኦይቸንታ ኦጋካ።

20 ገደ አቲን ጸሳሰ ዛር አሞሰ ኔ ኦኔ? «ኦሴቲዳ ሚሽ ዛሪዲ ኦሊዳይሳ ኔ ታና ኦዛሰ ሃይሳሳ ኦላዲ?» ገ ኤሪዜ?

21 ኡርቃ ሜጲዛዴይ ሄ ኡርቃፊ ባጋ ቦንቸሰ፡ ባጋ ቃሴ ጮ ሃራይሶ ኦሶሰ ሜጻናሰ ኢዛ ሹኔ ገዴኔ?

22 ጸሲካ ባ ሃንቆ ቤሳናሲኔ ባ ዋልቃ ኤሪሳናሰ ኮዩዲ ኢዛ ሃንቆ ቆንጫሲዛይታ፡ ጻያናሰ ጌቲቲዳይታ ጻይሶንታ ኦገኮቺ!

23 ኮይር ቦንቸሰ ገግሲዳ ኢዛ ማርቴላ ቤሲዛይታሰ ኢዛ ቦንቸ ዱሬቴላ ኤሬታና ማላ ኢዚ ኦላናሳ።

24 ጸይገዳዴይ አይሁዳታ ባጋፊ ጸላላ ገደንታ አይዛቤታ ባጋፊ ገደዳ ኮናካ አሾንታ ጸይገዳሰ።

25 ሆሴኤ ማጸፋን፡ «ታ ዴሪ ገደንታይታ ታኒ፡ ታ ዴሪታ» ጋ ጸይጋና፤ ታኒ ኢሰታ ደሴቶንታይታ፡ «ደሴቲዳይታ» ጋ ጸይጋና።

26 ቃሴካ፡ «አንቲ ታ ዳሬ ዳኬታ»
 ጌቲቲ ዮቲቲዳሶን፡
 «ኢስቲ ዳኦ ጸሳ ናይታ»
 ጌቲቲ ዳይጌታና።»

27 ኢሳያሲካ ኢስራኤሌ ናይታ ገሻሰ፡
 «ኢስራኤሌ ናይታ ቆዳይ
 እባ እጩ ማላ ዳሪኮካ
 ጉላቲ ጸላላ ኣታና።»

28 ጎዳይ ባ ፒርዳ ቢታ ቦላ
 ኤሌ ፒርዳና» ጊ ዮቲዳሰ።

29 ሄሲካ፡ «ዎጋ ጎዳይ
 ኮስ ዜሬል ኣሸንታኮ
 ኮኒካ ሶዶሜ
 ካታማ ማላኔ
 ጋዎራ ካታማ ማላ ቆያናሺን»
 ጌቲቲዲ ካሴ ኢሳያሳ ዶናን ዮቲዳይሳ ማላ ሃኒዳሰ።

ኢስራኤሌ ናይታኔ ሚሺራቾ ቃላ

30 ሂሰቲን ኮ ኣይ ጊኖ? ኣማኖን ቤቲዳ ደሎቴል
 ዳማናስ ኣይዛቤይ ዳቡሮንታ ዳሚዳሰ።

31 ጊዶ ኣቲን ደሎቴል ዎጋ ካሊዛ ኢስራኤሌ
 ናይቲ ዳሚቤቴና።

32 ሄሲ ኣዛስ ሃሳሶ ሃኒዳ? ኢስቲ ኣማኖን ጊዶንታ
 ኦሶን ዳማና ካሊዳ ገሻሳ፤ ኢስቲካ ቆዳ ቩቻን
 ቆዳቲዳ።

33 ሄሲካ፡
 «ሄኮ ኣስ ቆዳዚ ቩቻ
 ኢስታ ኩንዲሲዛ ዛላ
 ዲዮኔ ቦላ
 ታ ዎላና፤
 ኢዛን ኣማኒዛዳይ ዩላቴና»
 ጌቲቲዲ ካሴ ጌሻ ማጻፋን ጸፊቲዳይሳ ማላ ሃኒዳሰ።

10

1 ታ ኢሻቶ! ኢስራኤሌ ናይታ ገሻሰ ታ ኣዎይኔ ታ
 ጸሰ ዎሲዛይ ኢስቲ ቆዮንታ ኣታናሳ።

2 ኢስቲ ጸሳ ዮኦስ ሚሺቲዛይታ ጊዲዳይሳ ታ
 ኢስታ ገሻሰ ማርካታና ዳንዳያይሰ፤ ኢስታ ሚሺቴል
 ጊዲኮ ኤራቴላን ጊዳና።

3 ጸሲ ኣስ ደሊሲዛ ኦጌ ኤሮንታ ኣጊዲ ባ
 ደሎቴል ኦጌ ካሊዳ ኣቲን ጸሳ ደሎቴል ኦጌ
 ካሊቤቴና።

4 ኣማኒዛ ኣሳ ኡባ ደሊሳናስ ኪርሰቶሲ ዎጋ ኡባ
 ፖሊዳሰ።

5 ሙሴይ ዎጋ ባጋራ ቤቲዛ ደሎቴል ገሻሰ
 ኤሪሲሽ፡ «ሃይታ ዎጋታ ፖሊ ኦሊዛዳይ ሃ ዎጋታን
 ዳና» ጊዛይሳ።

6 ኣማኖን ቤቲዛ ደሎቴል ቃሴ፡ «ኔ ዎዚናራ ፑዳ
 ሳሎ ኦኔ ኩዛናይ? ጎፓ፤» ሃሳሶ ጉሲ ኪርሰቶሳ
 ሳሎፕ ዲጌ ሃ ዎላና ጉሳ።

7 ዎይኮ፡ « «ዲጌ ጨማን ኦኔ ዎላናይ?» ጎፓ!»
 ሄሲካ ኪርሰቶሳ ሃይቆፔ ቡሮ ዳንላና ጉሳ።

8 ጊዶ ኣቲን ቃላይ ኣይ ጊዜ? «ቃላይ ኔ ኣቻን
 ዳሰ።» ኔ ዶናኒኔ ኔ ዎዚናን ዳሰ፡ ኦኒ ኣማኖ ገሻሰ
 ሳባኪዛ ቃላይ ሃይሳ።

9 ኔኒ ኔ ዶናራ፡ «ዩሱሲ ጎዳ» ጋዳ ማርካቲኮ ጸሲ
 ኢዛ ሃይቆፔ ዳንዲዳይሳ ኔ ዎዚናን ኔ ኣማኒኮ ኣታና።

10 ኔኒ ደላናይ ዎዚናን ኣማኒኮ፤ ኔ ኣታናይ ኔ
 ዶናራ ማርካቲና።

11 ጌሻ ማጻፋይ ጊዛ ማላ፡ «ኢዛን ኣማኒዛይ
 ዉሪካ ዩላቴና።»

12 ኣይሁዳታ ጊዶኒኔ ኣይዛቤታ ጊዶን ዳማቴል
 ዳና፤ ኢሲ ጎዳይ ኡባሲካ ጎዳ፤ ኢዛ ዎሲዛይታ ጉጂ
 ኣንጃሰ።

13 «ጎዳ ሱንል ዳይጊዛይቲ ዉሪካ ኣታና» ጌቲቲ
 ጌሻ ማጻፋን ጸፊቲዳሰ።

14 ሂሰቲን ኢዛ ኣማኖንታይቲ ኢዛ ዎዝጊ ዳይጋኔ?
 ቃሴ ኢዛ ገሻሰ ሲዮንታ ዲሺ ዎሰቲ ኣማናኔ?
 ሳባኪይ ባይንዳ ዲሺን ዎሰቲ ሲያኔ?

15 ከቲቶንታ ዎሰቲ ሳባካንዳቶ? ሄሲካ፡
 «ሚሺራቾ ቃላ ኤኪ ዩዛይታ ዩሲ ኣይ ማላ ሎኦ!»
 ጌቲቲ ጌሻ ማጻፋን ጸፊቲዳ ማላ ሃኒዳሰ።

16 ጊዶ ኣቲን ሲዩዳይቲ ዉሪካ ሚሺራቾ ቃላ
 ኤኪቤቴና፤ ኢሳያሲ፡ «ጎዳ! ኮ ዮቲዳይሳ ኦኒ
 ኣማኒዳ?» ጊዶ ማላ ሃኒዳሰ።

17 ሃሳ ገሻሰ ኣማኖይ ቤቲዛይ ዮቲዛ ቃላ ሲዩላና፤
 ዮቲቲዛ ቃላይካ ኪርሰቶሳ ገሻሰ ዮቲዛ ቃላፕ።

18 ጊዶ ኣቲን ኣሳይ ሲዩቤኔሻ? ጋዳ ታ ኦይቻይሰ፤
 ቲማፕ ኣሳይ ሲዩዳሰ፤ ጌሻ ማጻፋን ጸፊቲዳ ማላ፡
 «ኢስታ ቃላይ ቢታ ኡባኒኔ
 ኣላሚ ጋጸ ጋካናስ ሲዩቲዳሰ።»

19 ታ ቃሴካ ኦይቻይሰ፤ ኢስራኤሌ ናይቲ ቃላ
 ኤሪቤቴኔሻ? ኮይሮ ሙሴይ ኢስታሰ፡
 «ታ ዳሬ ጊዶንታይታን
 ታ ኢስታ ኣዎሳና፤
 ዩሺ ቆፖንታ ዳሬታን
 ታ ኢስታ ዩሎቻና» ጊዳሰ።

20 ኢሳያሲካ ጸላቴላን፡
 «ታና ኮዮንታይታሰ ታ ቤታዲሰ፤
 ታና ኦይቻንታይታሰ
 ታና ቆንጨሳዲሰ» ጊዳሰ።

21 ኢስራኤሌ ገሻሰ ቃሴ፡
 «ታሰ ኣዛዜቶንታ ዳሬኮኔ
 ታሰ ኤኖ ጎንታ ዳሬኮ
 ኩሚላ ጋላሰ
 ታ ኩሺ ሚጫዲሰ» ጌሰ።

11

ጸሲ ኢስራኤሌ ኣሳ ሙሉ ዩጊ ኣጊቤና

1 ሂሰቲን ጸሲ ባ ዳሬታ ዩጊ ኣጊዳ? ጋዳ ታ
 ኦይቻይሰ፤ ሙሉካ ኣጊቤና፤ ታኒካ ታ ባጋራ ቢኒያሚ
 ዛርኬ፡ ኣብራሃሚ ዜሬል ጊዲዳ ኢስራኤሌ ኣሳ።

2 ጸሲ ኮይሮፕ ባ ኤሪዳ ዳሬዛ ዩጊቤና፤ ኤላሲ
 ኢስራኤሌ ናይታ ቦላ ዎቶ ጸሳኮ ዎሰቲ ሺሺዳኮ ጌሻ
 ማጻፋይ ኢዛ ገሻሰ ኣይ ጊዛኮ ኣንቲ ኤሪኮቲ?

3 «ጎዳ! ኢስቲ ኔ ናቤታ ዎዲዳ፤ ኔሰ
 ያርሺዛሰሆታካ ላሊዳ፤ ቃሴ ታኒ ታርካ ኣታዲሰ፤
 ታናካ ዎላና ጌቲሰ» ጊዳሰ።

4 ጸሲ ኢዛሰ፡ «ባኣሌ ጌቴቴዛ ኤቃሰ ጎይኖንታይታ ላፑን ሺ ኣሰ ታኒ ታሰ ኣሻዲሰ» ጊ ዛሪዳሰ

5 ሃሳ ማላካ ሃኢ ሃ ዋዴዛንካ ጸሳ ኪያቴላን ኢሰራኤሌ ኣሳፔ ደሪቲ ኣቲዳ ጉላቲ ዳቴሰ።

6 ሂሰቲን ሃሲ ጸሳ ኪያቴላን ኣቲን ኣሳ ኦሶን ጊዳና፤ ኣሳ ኦሶን ጊዳዳኮ ጸሳ ኪያቴሌ ኪያቴሌ ጊዳና።

7 ሂሰቲን ኣይ ጋይ? ኢሰራኤሌ ናይቲ ሎኤሌ ኮዩዳይሳ ዳሚቤቴና፤ ጸሳን ደሪቲዳይቲ ጊዳኮ ዳሚዳ፤ ሃንኮ ኣቲዳይታ ዋዚናይ ሙሚዳሰ።

8 ካሴ፡ «ኢሰታ ኣይፌይ ጸሎንታ ማላ፡ ኢሰታ ሃይላይካ ሲዮንታ ማላ ጸሲ ሃኖ ጋካናሰ ኢሰታሰ ደጨሲዛ ኣያና ኢሚዳሰ» ጌቴቲ ጌሻ ማጻፋን ጸፊቲዳ ማላ።

9 ዳዊቲካ፡ «ኢሰታ ማዳይ ኢሰታ ኦይኪዛ ናርጸኔ ያርዳ፤ ኢሰታሰ ቆጶዚዚኔ ቁጻቴ ጊዳ።

10 ኢሰታ ኣይፌይ ጸሎፎ፤ ጎዜቶ፤ ኢሰታ ዘኮይ ሜርናሰ ኩኖ» ጊዳሰ።

ኣይዛቤታ ኣቴሌ

11 ኣኔ ቃሴ ታ ዛራ ኦይቻይሰ፤ ኢሰራኤሌ ኣሳይ ኩንዳላፊ ናሞኣንጎ ዳንዳይ? ዳንዳና። ሃራፔካ ኢሰራኤሌ ናይታ ቃናቲሳና ጊሻሰ ኢሰታ ሞሮ ጋሶን ኣቶቴሌ ኣይዛቤታሰ ጋኪዳሰ።

12 ጊዳ ኣቲን ቃሴ ኢሰታ ሞሮይ ኣይዛቤታሰ ኣንጅ ጊዳዳሰ። ኢሰታ ኩንዳሌካ ቃሴ ኣይዛቤታሰ ኣንጅ ጊዳኮ ኢሰቲ ሲሚ ኣቲዳኮ ኣይ ማላ ጊታ ኣንጅ ጊዳንዳሺን!

13 ኣይዛቤቶ! ታ ኢንቴሰ ዮታይሰ፤ ታ ኣይዛቤታሰ ኪቴቲዳዳ ጊዳዳ ጊሻሰ ታ ኦሶዛ ሚና ፖላና።

14 ሃሲካ ታ ባጋ ኣሳቲ ኣሞሳና ማላ ዳንጌላዳ ኢሰታፊ ጉላ ኣሳታ ኣሻናሰ ኡፋይሰ ኦላይሰ።

15 ጸሲ ኢሰታ ኣጊዳ ኣይዛቤቲ ጸሳራ ጊጊኮ ጸሲ ኢሰራኤሌ ናይታ ዛሪዳ ኤኪዛ ዋዴ ኢንቴሰ ኣዚ ሃናና ሚሳቲዜ? ሃሳ ጉሲ፡ «ሃይቆፔ ዳንዲዳሰ» ጉሳ ማላ።

16 ኮይሮ ቡኬሶይ ሎኦ ጊዳኮ ሃንኮ ኢዛፔ ኦሴቲዛይሲ ወሪካ ሎኦ ጊዳሰ፤ ሃሳሎካ ኢሲ ሚላ ጸጸይ ሎኦ ጊዳኮ ሃንኮ ኢዛ ቦላ ዲዛ ሃጋቲካ ሎኦ ጊዳቴሰ።

17 ኩላ ማታን ዲዛ ዋጋራ ሚላ ሃጋታ ማላቲ ኢንቴ ሜቁ ዋዲን ሃንኮ ዋራን ዲዛ ዋጋራ ሚላታ ሚሳቲዛ ኣይዛቤቲ ኢንቴ ኪቸሳን ጊዳዲ ኢንቴ ሃርኔ ኢንቴ ኣንጅ ሻኪ ኤኪዛዳንታ ጊዳኮ።

18 ሃይታ ሄ ሜቁ ዋዲዳ ሃጋታ ቦላ ኦቶራቶፋ፤ ኢንቴ ኢሰታ ቦላ ኦቶራቲኮ ቃሴ ሃኖ ዋዚናን ዋላቴ፤ ሄ ሚላ ቶኪዳይ ኔና ጊዳካ፤ ሚላይ ኔና ቶኪዳሰ ኣቲን።

19 ሃሰቲኮ፡ «ሄ ሃጋቲ ሜቁ ዋዲዳይ ኦኒ ኢሰቲ ኪቸሳን ጌላና ማላሳ» ጎንታ ኣጌኬታ።

20 ቱሙ ጊዳታሺን ኢሰቲ ሜቁዳይ ኣማኖ ፓጩፔ ዳንዲዳይሳና። ኢንቴ ቃሴ ኣማኖን ኤቁዳታ፤ ባቢቴ ኣቲን ኦቶራቶፍቴ።

21 ጸሲ ኮይሮፔ ዲዛ ሃጋታሰ ሚሻቶንታዳ ጊዳኮ ኢንቴሰካ ሚሻቴና።

22 ሃሳ ጊሻሰ ጸሳ ኪያቴሌ ኢዛ ሚንጾ ኢታቴላ ኣኔ ጸላ፤ ኢዛ ሚንጾ ኢታቴሌ ኩንዲዳይታ ቦላ፤ ኢዛ ኪያቴሌ ቃሴ ኢንቴ ኢዛ ቃዴቴላ ጋርሳን ዲዛ ዋዴ ጋካናሰ ጸላላ፤ ሃሲ ባይንዳ ኣጊኮ ኢንቴካ ቃንጾታና።

23 ኢሰቲ ኣማኖንታ ሚኒ ኤቁዳሶፔ ሲሚኮ ካሴ ባ ዲዛሶ ሲሚ ጌላና፤ ጸሲካ ኢሰታ ዛርሲ ጌላላና ዳንዳዩሰ።

24 ኢንቴ ባዘ ዋጋራ ሚላፊ ቃንጾቲ ካሴ ኢንቴ ሜቆቴላፊ ጊዳንታ ሎኦ ሚላን ኢንቴ ጌላና ዳንዳይኮ ኮይሮፔ ባ ሚቆቴላ ሃጋታ ጊዳዳይቲ ሃይቲ ካሴ ኢዛ ቦላ ዲዛ ዋጋራ ሚላን ሲሚ ጌሎይ ኢሰታሰ ዋኒ ሃኔኔ?

ኢሰራኤሌ ኣሳሰ ጸሳ ማሮቴሌ

25 ታ ኣሻቶ! ኢንቴ ጨንጫ ኣሰ ጊዳዳይሳ ኢንቴሰ ሚሳቶንታ ማላ ሃይሳ ጊዳ ጸራ ዮኦዛ ኢንቴ ኤርንታ ኣታና ማላ ታ ኮይኬ። ሃሲካ ኣይዛቤታፔ ጸይጌቲዳይቲ ወሪ ኣማናና ጋካናሰ ኢሰራኤሌ ናይታ ዋዚናይ ሙሚዳሰ።

26 ሃሳ ጊሻሰ ኢሰራኤሌ ናይቲ ወሪካ ኣታና፡ «ኣሺዛዳይ ጸዮኔፔ ያና፤ ያቆቤፔካ ኢታቴሌ ዲጋና።

27 ታኒ ኢሰታ ናጋራ ወርሳ ጳይሲዳፔ ጉዬ ታ ኢሰታራ ጫቆን ጌሊዛ ቃላይ ሃሳ» ጌቴቲዲ ካሴ ጌሻ ማጻፋን ጸፊቲዳ ማላ ሃኒዳሰ።

28 ኢንቴሰ ኣይዛቤታሰ ሚሻራቾ ቃላይ ጋካና ማላ ኢሰራኤሌ ናይቲ ጸሳን ኢጾቲዳ ኣሰ ጊዳዳ፤ ጊዳኮካ ካሴ ደርዛ ማላ ጊዳኮ ባ ኣዋታ ባጋራ ኢሰቲ ደሲቲዳይታ።

29 ጸሲ ደሪዳፔኔ ባ ኪያቴሌ ኢሚዳፔ ጉዬ ባ ኦላዳ ሚሻን ሲሚዲ ሞቆቴና።

30 ኢንቴካ ካሴ ኣዛዜቶንታይታኮ! ኢሰቲ ኣዛዜቶንታ ኢጸን ሃኢ ኢንቴና ማሪዳይሳላ፤

31 ጸሲ ኢንቴና ማሪዳ ጋሶን ኢሰቲካ ማሪታና ማላ ሃኢ ኣዛዜቶንታይታ ጊዳዳ።

32 ጸሲ ወርሲካ ማራናሰ ኣሲ ወሪካ ኣዛዜቶንታ ማላ ጎርዲዳሰ።

ጸሳሰ ሸቁዳ ሳባ

33 ጸሳ ዲራቴሌ፡ ኣቆ ኤራቴላይኔ ኢዛ ኤራቴላይ ኣይ ማላ ጨማ! ኢዛ ፒርዳይ ኣይ ማላኮ ፓጩቴና፤ ኢዚ ኣቆዳ ጌይይካ ኤራቴና።

34 «ጎዳ ዋዚና ኤሪዳይ ኦኔ? ኢዛሰ ዞሬ ኢሚዳይ ኦኔ?

35 ጸሲ ዛሪ ኣማና ማላ ኢዛሰ ታልኤ ኢሚዳይ ኦኔ?» ጌቴቲ ጸፊቲዳ ማላ።

36 ወሪካ ኢዛፔ፡ ኢዛን፡ ኢዛሳ፤ ኢዛሰ ቦንቾይ ሚርናፔ ሚርናሰ ጊዳ! ኣሚን።

12

ጸሳሰ ቤሲዛ ዴኦ ያርሾ

1 ሃሳ ጊሻሰ ታ ኣሻቶ! ኢንቴ ኣሳቴላ ጌሺኔ ጸሰ ኡፋይሲዛ ዴኦ ያርሾ ኦላዲ ኢንቴ ሸሻና ማላ ታ ኢንቴና ጸሳ ቃዴታን ዋሳይሰ፤ ሃሲካ ዋዚናማ ኣሳ ማላ ኢንቴ ጸሳሰ ኦላዛ ኦሶ።

2 ሎኦ፡ ኡፋይሲዛዚኔ ኩሚላ ጊዳዳ ጸሳ ሸኔይ ኣዛኮ ኢንቴ ፓጩ ኤራና ማላ ኢንቴ ቆፋን ኦራዲዲ ላሚቲቲ ኣቲን ሃይሳ ኣላሜ ኣሳ ሚሳቶፒቴ።

3 አንገቱስ ጸሲ አሚዳ አማኖ ማላ አንገቱርካ አንገቱና ፓጩ ጸሊቱ ኣቲን ሃኢ ዲዛይሳፊ ቦላራ አንገቱና ጹቁሲ ጸሎንታ ማላ ታነ ታሰ አሚቲዳ ጸሳ ኪያቴላን አንገቱና አሳ አሳ ዘራይሰ።

4 ኑፔ አሲ አሲ እሳስ አሲ አሳቴላ ቦላ ዳር ቢሊቲቲ ዲዛ ማላ ሄይቲካ ሄ ቢሊቲቲ አሲ ማላ ኦሶ ኦሎንታይሳ።

5 ሄሳሎካ ኑኒ ዳርታ ገዲ ኡቲዲ ኪርሰቶሳን አሲ አሾ፤ ኑኒ አሶይ አሳስ አሾ።

6 ኑሶ አሚቲዳ አሞታ ማላ ዲማ ዲማ አሞታይ ዳስ፤ አሳዳሰ ቡርፔ ሃናናዝ ዮቶ ገዲኮ አዛዳሰ አሚቲዳ አማኖ ማላ ዮቶ።

7 ኦሌ ማዲዛዳይ ኦሌ ማዳ፤ ታማርሲዛዳይካ ታማርሶ።

8 ዘሪዛዳይ ገዲኮ ዞር፤ ባይንዳይታስ አሚዛዳይ ጉጂ አሞ፤ አይሲዛዳይ ሚኒ አይሶ፤ ማሪዛዳይካ ኡፋይሳን ማር።

ሲቆ

9 አንገቱ ሲቆቴሌ ቆጴፔ ቆሞን ገደፖ፤ አታ ገዲዳይሳ ወርሲካ አጸቲ። ሎኦ ገዲዳይሳራ አሲፊ ኦይኩቲቲ።

10 አንገቱ አንገቱ ጋርሳን አሶይ አሳራ አሻታ ማላ ሎኦሌ ሲቆቴቲ፤ አሶይ አሳ ባፔ ኦሌ ቦንቺዛይታ ገዲቲ።

11 ጎዳስ ኦላና አያናን ጸጌቲዛይታ ገዲቲ ኣቲን ሄሳ ሄ ሚኖቴላፊ ጉዬ ጎፐ።

12 ሂደታን ኡፋዬቲዛይታ ገዲቲ፤ ሜቶ ዳንዳይቲ፤ ዋሳን ሚኒቲ።

13 አማኒሼ ዋዬቲዛይታስ አንገቱስ ዲዛይሳፊ ሻኪ አሚቲ፤ አማላ ሞኪቲ።

14 አንገቱና ቃንገዛይታ አንጂቲ ኣቲን ቃንጎፍቲ።

15 ኡፋዬቲዛይታራ ኡፋዬቲቲ፤ ሙዞቲዛይታራ ሙዞቲቲ።

16 አንገቱ አንገቱ ጋርሳን ደሴቴላን ዲቲ፤ ማንቆታራ አሲፊቴላን ዳናስ ኮዬቲ ኣቲን ኦቶፊፍቲኔ ጨቁቶፍቲ።

17 ኦናሰካ አታ ገሻሰ አታ ዛርፐቲ፤ አሰ ኡባ አቻን ሎኦ ሚሽ ኦላናሰ ሚኒቲ።

18 አንገቱስ ዳንዳዬቲኮ አንገቱ አንገቱ ባጋራ አሰ ኡባራ ሳርን ዲቲ።

19 ታ ሲቆቶ! አንገቱ ሃሎ ጸሲ ኬሶ ኣቲን አንገቱርካ ሃሎ ኬሶፍቲ። «ሃሎ ኬሳናይ ታና ጌሰ ጎዳይ» ጌቲቲ ጌሻ ማጸፋን ጸፊቲዳሰ።

20 ሃሎ ኬሳናፔ፤ «ኔኒ ኔ ሞርኬይ ጋፊኮ ሚዛ፤ አዚ ሳሚቲኮ ኡሻ፤ ኔ ሄሳሶ ኦሌኮ ታማ ቦንቆ አዛ ቦላ ኮራሳ» ጌቲቲዲ ጌሻ ማጸፋን ጸፊቲዳሰ።

21 አታ ሎኦ ኦሶን ጸና ኣቲን አታን ጸኔቶፋ።

13

ዳሬ አይሲዛይታስ ኣዛዜቲላ

1 አይ አሲካ ባና አይሲዛ ዳናታስ ሃሬታናስ ቤሴስ፤ ጸሳፊ አሚቶንታ ዲሺን ዳናቴሌ ዳና፤ ሃኢ ዲዛ ዳናቲ ጸሳፊ ዳናቲዳይታ።

2 ሄሳ ገሻሰ ዳና ቦላ ማካሊዳይ ጸሳ ዋጋ ቦላ ማካሌስ። ሄ ማካሊዛይቲካ ባ ቦላ ፐርዳ ኤሄቴስ።

12:14 ማቶ 5:44፤ ሉቃ 6:28 12:16 ለሚ 3:7 12:19 ዛሬ 32:35 12:20 ለሚ 25:21-22 13:9 ኬሳ 20:14-15፤ 20:13፤17፤ ዛሬ 5:17-19፤21፤ ሉቁ 19:18

3 ዳሬ አይሲዛይቲ አታ ኦሌዛይታ ባቢሴቴስ ኣቲን ሎኦ ኦሌዛይታ ባቢሴቴና። ኔኒ ዳሬ አይሲዛዳሰ ባቦንታ ኣጋና ኮያይ? ሂሰቲኮ ሎኦ ኦላ፤ አዚካ ኔና ጋላታና።

4 አዚ ኔሰ ሎኦ ኦላናሰ ጸሳ ኦሳንቻ፤ ገዶ ኣቲን ኔ አታ ኦሌዳ ገዲኮ አዛሰ ባባ፤ ጋሶይካ አዚ ማሻ ጮ ሚላ ገጸቤና፤ አዚ አታ ኦሌዛዳ ቃጸያናሰ ጸሳ ኦሳንቻ።

5 ሄሳ ገሻሰ አዛ ቁጸቴስ ባቦ ጸላላ ገዶንታ ኔ ቆፋንካ ዳናቲዛዳሰ ኣዛዜታናስ ቤሴስ።

6 አንገቱ ገራ አሚዛይ ሄሳሳ፤ አይሲዛይታ ሄ ኦሶዛ ቦላ ጸሲ ዋሌዳሰ።

7 አሰታፊ አሳሰ አሳሰ ቤሲዛይሳ አሚቲ፤ ገራ አማና ቤሲዛይታስ ገራ አሚቲ፤ ቃራጸ ቃንጸናሰ ቤሲዛይታስ ቃራጸ ቃንጸቲ፤ ባባናሰ ቤሲዛይታስ ባቢቲ፤ ቦንቻናሰ ቤሲዛይታ ቦንቺቲ።

አሶይ አሳራ ሲቆቴላ

8 አንገቱ ጋርሳን አሶይ አሳራ ሲቆቴላፊ ኣቲን ኦና ቦላካ ኣጮይ ደፖ፤ አሰ ሲቆዛ ኣሲ አዚ ዋጋ ፖሊዳሰ።

9 «ላይማቶፓ፤ ዋጶፓ፤ አሞቶፋ» ገዛይቲኔ ሃራ ኣዛዞቲ ዲኮካ፤ «አሰ ኡባካ ኔ ማላ ሲቃ» ገዛ ሃኖ አሲ ዋጋይን ወሪካ ኩዬቲዳሰ።

10 ሲቆይ ኣሳ ቦላ አታ ኦሌና፤ ሄሳ ገሻሰ ሲቆይ ዋጋ ኡባሰ ኩሻ።

11 ሃይሳ ዋዳዛ ጮዲ ጸሊዲ ሄሳ ኦሌቲ፤ ሃኢ ሃና አንገቱ ጸሰኮፊ ዳንዲዛ ዋዳ፤ ኑ ካሴ አማኖሶፊ ሃ ሲሚን ሃኢ ኑሰ ኣቲዛ ዋዳይ ማቲዳሰ።

12 ቃማይ ኣጲን ዋንታና ጌሰ፤ ሄሳ ገሻሰ ኣኔ ኑ ቆማ ኦሶ ዋራ ዩጊዲ ፖኦ ኦላ ሚሽ ማይኦሰ።

13 ፓላሳራ ሄሚቲዛ ማላ ኣኔ ዋጋራ ሄሚቶሰ፤ ማጉልሳኒኔ ማሉን ገደፖ፤ ላይማ አሞኒኔ ላይማን ገደፖ፤ ቃናቴላኒኔ ፓላማን ገደፖ።

14 ሄሳ ኣጊዲ ዬሱሰ ኪርሰቶሳ ማይኢቲ፤ አሾ አሞ ፖላናሰ ቆፖፍቲ።

14

ኣሳ ቦላ ፐርዳፋ

1 አንገቱ ጋርሳን አማኖን ቡር ሚኖንታዳ ሺሺ ኤኪቲ ኣቲን አዛ ቆፋ ቦላ ፐርዳፍቲ።

2 አሲ አሲ አሲ ቤቲዳይሳ ወርሲ ማናሰ አማኖይ ዳሰ፤ ቃሴ አማኖን ሚኖንታዳይ ኣታኪልቲ ጸላላ ሚስ።

3 ቤቲዳይሳ ኡባ ሚዛዳይ ወርሲ ሞንታዳ ካቶፓ፤ ሞንታዳይ ቃሴ ሚዛዳ ቦላ ፐርዳፎ፤ ጸሲ ኡባካ ኤኪዳሰ።

4 ሃንኮ ኦሌዛዳ ቦላ ፐርዲዛዳይ ኔ ኦኔ? አዛዳይ ኩንዲኮ ዋይኮ ኤቁኮካ ጎዳሳ፤ ጎዳይ አዛ ኤሳናሰ ዳንዳይዛ ገሻሰ አዚ ኤቃንዳሰ።

5 አሳዳይ፤ «ጋላሳፓፔ አሲ ጋላሰ ሃራ ጋላሳፊ ኣሌዲ ባሰ ዲማ ጋላሰ» ገ ቆፔሰ፤ ሃራ ኣሲ ቃሴ፤ «ጋላሳቲ ወሪካ አሲ ገና» ገ ቆፔሰ። አሲ አሲ ኣሲ ባ ዋዚናን አማኒዳ ማላ ኦላ።

6 አሲ ጋላሰ ሃራ ጋላሳፊ ዲማሲ ቆፐዛዳይ አዚ ሄሳ ኦሌዛይ ጎዳ ቦንቻሰ ገዲኮ ሚዛዳይካ ጎዳ ቦንቻሰ ገዲ ሚስ። ሂሰቲዲ ጸሰ ጋላቴሰ።

ሞንታዳይካ ጎዳ ቦንቸስ ጊዲ ሙስ ኣጌሴ ነጻ ጸሳስ ጋላታ ኢሚስ።

7 ኑፔ ኦኒካ ባስ ዲዛዳይኔ ባፔ ባስ ሃይቁዛዳይ ዳና።

8 ኑ ዲኮካ ጎዳስ ዳስ፤ ሃይቁኮካ ጎዳስ ሃይቆስ፤ ሃሳ ገሻስ ዲኮካ ዋይኮ ሃይቁኮ ኑጊ ጎዳሳ።

9 ሃሳ ገሻስ ሃይቁዳይታስጌ ፓጸ ዲዛይታስ ጎዳ ገዳናስ ከርስቶሲ ሃይቁዲ ሃይቆፔ ፓጸ ዳንዲዳስ።

10 ሂሰቲን ኔ ኣዛስ ኔ ኣሻ ቦላ ፐርዳይ? ኣዛስ ኔ ኣሻ ለቃይ? ኑ ወሪካ ጸሳ ፐርዳ ዋምቦራ ሲንላ ሺቃና ዳስ።

11 «ታ ፓጸ ዳይስ፤ ትልባቲይ ወሪካ ታስ ትልባታና። ኢንጻርሲ ወሪ ጸሳስ ማርካታና»

ጌቲቲ ካሴ ጌሻ ማጻፋን ጸፊቲዳስ።

12 ሃሳ ገሻስ ኑጊ ኢሲ ኢሲ ኣሲ ጸሳ ሲንላ ሸቁዲ ኑ ኦሶ ገሻስ ኢዛስ ዛር ኢማና።

13 ሃሳ ገሻስ ኑጊ ኑ ጋርሳን ኢሶይ ኢሳ ቦላ ፐርዳናፔ ኣኔ ናጌቶስ፤ ሃሳ ኣጊዲ ኑ ኢሻስ ቆጶ ገዲዛይሳ ዋይኮ ኢዛ ያይኪዛ ናርጸ ዋሶንታ ማላ ኣኔ ኑ ናጌቶስ።

14 ታኒ ጎዳ ዩሱሳን ኣማናዳ ሚዛ ካላን ቱናይ ባይንዳይሳ ኤራዲስ፤ ጊዳ ኣቲን ኢሳዳይ ኢሲ ሚሽ ቱና ጊ ቆፐኮ ሄ ሚሻይ ኢዛዳስ ቱና።

15 ኑጊ ኔ ኢሻስ ሚዛ ካላ ጋሶን ቆጶ ገዲኮ ሲቆን ሲሚሬታቤካ፤ ከርስቶሲ ኢዛ ገሻስ ሃይቁዳ ኔ ኢሻ ኔ ሚዛ ካላ ጋሶን ዋዶፓ።

16 ኢንቴ ሎኑ ጊዲ ቆፐዛ ሚሺ ኢታ ጌቲታና ማላ ኦሶፍቲ።

17 ጸሳ ካዋቲላ ዲሎ ኣያናን ቤቲዳ ዲሎቴላ፤ ሳርቲላ ኡፋይሳፊ ኣቲን ሙሳ ዮኦኔ ኡሻ ዮኦ ጊዳና።

18 ሃይሳላ ከርስቶሳስ ኦላዚዳይ ጸሰ ኡፋይሴሴ ኣሳ ኣቻንካ ጋላቲቲስ።

19 ሃሳ ገሻስ ሳርቲላ ቤቲዛ ኦጌኔ ኑጊ ኑ ጋርሳን ሎኣናስ ቤሲዛ ኦጌ ኣኔ ኮዮስ።

20 ኑጊ ሚዛ ካላ ጋሶን ጸሳ ኦሶ ኣኔ ሞርኮ፤ ካላ ወሪካ ጌሻ፤ ጊዳ ኣቲን ሃራ ኣሳስ ቆጶ ገዲዛ ካላ ሙሲ ባላ ኦሶ።

21 ኔ ኢሻስ ቆጶ ገዲዛዛ ገዲኮ ኣሾካ ማናፔኔ ዋይኔ ጫጃ ኡያናፔ ዋይኮ ኣይ ሚሺካ ኔ ኦሶንታ ኣጊኮ ሎኦ።

22 ሃሳ ገሻስ ሃይታንታ ሚሳቲዛ ሚሻታስ ኔስ ዲዛ ኣማናይ ኔ ገዳኒኔ ጸሳ ገዳን ዳኦ። «ሃይሲ ሊኬኮ» ገዲ ኣማናን ኤኪዳ ሚሻን ባርካ ባ ቦላ ፐርዳንታይ ኢዛዳይ ኣንጃቲዳዳ።

23 ጊዳ ኣቲን ዋዚናራ ሲጂሼ ሚኮ ኢዚ ኣማናን ሞንታ ገሻስ ኢዛ ቦላ ፐርዳቲዳስ፤ ኣማናን ኦሶንታዚ ወሪካ ናጋራ።

15

1 ኑጊ ኣማናን ሚኒዳይቲ ሃንኮ ኣማናን ሚናንታይታ ሚቶ ቶካናስ ቤሴስ ኣቲን ኑ ጸላ ኡፋይቲዛይታ ገዳናስ ቤሴና።

2 ኑጊ ወሪካ ሃራ ኣሲ ባ ኣማናን ሚናና ማላ ኢዛ ጎኢዛዚኔ ኡፋይሴዛ ሚሻ ኣኔ ኦሶ።

3 ከርስቶሲ ባና ኡፋይሴሴና፤ ሃራፔካ፣ «ኣሳይ ኔና ጫዩዳ ጫሻይ ታና ጋኪዳስ» ጌቲቲ ካሴ ጌሻ ማጻፋን ጸፊቲዳይሲ ፖሌቲዳስ።

4 ኑጊ ጌሻ ማጻፋታፔ ዳሚዛ ዳንዳያይኔ ሚናቴላ ኑስ ዳና ማላ ኮይሮፔ ጸፊቲዳይሲ ወሪካ ኑ ኢዛፔ ኑስ ቲሚርቲ ዳማና ማላ ጸፊቲዳስ።

5 ሚናቴላኔ ዳንዳያ ኣሚዛ ጸሲ ኢንቴ ዩሱስ ከርስቶሳ ካሊሺን ኢንቴስ ኢንቴ ገዳን ኣያና ኢሲፊቲላ ኢሞ።

6 ሄሲካ ኢንቴ ኢሲ ዋዚናኒኔ ኢሲ ዳና ገዲዲ ኑ ጎዳ ዩሱስ ከርስቶሳ ኣዋ ጸሳ ቦንቻናሳ።

ኣማናንታ ዳሬታስ ሳባኬቲዳ ሚሺራቾ ቃላ

7 ሃሳ ገሻስ ጸሲ ኢንቴና ጸሳ ቦንቻን ሞኪ ኤኪዳ ማላ ኢንቴካ ኢሶይ ኢሳ ኡፋይሳን ሞኪ ኤኪቲ።

8 ካሴ ኣዋታስ ኢሚቲዳ ሂደታ ቃላ ፖላናስ ጸሳ ቱማቲላ ኤሪታና ማላ ከርስቶሲ ኣይሁዳታስ ኦላዚዳ ገዲዳይሳ ታ ኢንቴስ ዮታይስ።

9 ሃሳላካ ኣይዛቤቲ ኢዛ ማርቲላ ገሻስ ጸሰ ጋላታና ማላ፤ ሄሲካ፣

«ታ ኔና ዳሬ ገዳን ጋላታና፤ ኔ ሱንጻሰካ ጋላታ ማዛሙራ ዩጻና»

ጌቲቲ ጌሻ ማጻፋን ጸፊቲዳ ማላ።

10 ቃሴካ፣ «ኣይዛቤቶ! ኢንቴካ ጸሳ ዳሬታራ ኡፋይቲቲ»

ጌቲቲ ጌሻ ማጻፋን ጸፊቲዳስ።

11 ናምኣንሳካ፣ «ኣይዛቤቲ ኢንቴ ወሪካ ጎዳ ጋላቲቲ፤ ዳሬይ ወሪ ኢዛ ሳቢቲ»

ጌቲቲ ጌሻ ማጻፋን ጸፊቲዳስ።

12 ሃሳላ ኢሳያሳን፣

«ባ ዳሬ ኣሳ ቦላ ካዋቲዛ ኢሴዬ ናይ ያና። ኣላሚ ኣሳ ኣይሲዛዳይ ዳንዳና፤ ኢስቲካ ኢዛን ኡፋይታና» ጌስ።

13 ኢንቴ ኢዛን ኣማኒዛ ገሻስ ሂደታ ጸሲ ኢንቴናን ኡፋይሴሴ ሳርቲላ ከንሳ፤ ሄሲካ ዲሎ ኣያና ዋልቃ ሂደታይ ኢንቴስ ዳራናሳ።

ኣይዛቤታ ኦሳንቻ ጳወሎሳ

14 ታ ኢሻቶ! ኢንቴ ሎኤቲላን፣ ኤራቴላ ኡባን ኩሚዳይታኔ ሃራታ ዞራናስ ኤራይ ዲዛይታ ገዲዳይሳ ታ ኣዳፊ ሻካ ኤራዲስ።

15 ታ ጸሳፊ ኤኪዳ ኢሞታ ገና ቃሴካ ኢንቴና ቆፍሳናስ ኢሲ ኢሲ ዮኦታ ጸላቲላን ኢንቴስ ጸፋዲስ።

16 ሃሳ ሄ ከያቴላ ኢሚቲዳይ ታኒ ጸሳ ሚሺራቾ ቃላ ሃንኮ ዳሬታስ ዮታና ማላሳ፤ ቃሴካ ቁሴ ማላ ገዲዳ ዩሱስ ከርስቶሳስ ኦሳናሳ፤ ሃሳ ገሻስ ሃንኮ ዳሬ ኣሳይ ዲሎ ኣያናን ዳማቲዲ ጸሰ ኡፋይሴዛ ያርሾ ገዲዲ ሺቃና ማላ ኦሳይስ።

17 ሃሳ ታኒ ጸሳስ ኦላዚ ገሻስ ዩሱስ ከርስቶሳን ጨቆታይስ።

18 ታ ዮቲዳይሳኒኔ ታ ኦላዲይሳን ሃንኮ ዳሬ ኣሳይ ጸሳስ ኣዛዜታና ማላ ከርስቶሲ ታናን ገዲዲ ኦላዲዛፔ ኣቲን ሃራ ሃሳያና ጸሊኩ።

19 ሄሲካ ሃሊዳይ ጸሎ አያና ዋልቃን ማላታታ ባጋራ ሃሊዳይ፤ ሃሳ ማላንካ ዩሩሳላሜ፤ ኢልዋቆሬ ጋካናሰ ታ ኪርሰቶሳ ሚሺራቾ ቃላ ሳባካዲሰ።

20 ሃራ አሲ ካሴ ኦሊዳሶን ታ ጌሎንታ ማላ ጋዳ ካሴ ኪርሰቶሳ ሱንላ ጸይጌቴ ኤርንታሶን ሚሺራቾ ቃላ ሳባካናይሲ ታሰ አሞ።

21 ሃራፔካ፡ «አዚ ገሻሰ ኢሰታሰ ዮቴቶንታይተ ኢዛ ቤያና፤ ሲዪ ኤርንታይተ አከካና» ጌቴቴ ካሴ ጌሻ ማጻፋን ጸፊቴዳ ማላ ሃሊዳይ።
22 ሃሳ ጋሶን ታ ኢንቴኮ ቦንታ ማላ ዳር ዋዴ ዲጌታዲሰ።

ኦሮሜ ቤያናሰ ጳውሎሳ ጊጌቴላ

23 ሃኢ ቃሴ ታሰ ሃን ኦሶይ ባይንዳ ጊሻሰ ዳር ላይላታ፤ ሃ ሲሚን ኢንቴና ቤያናሰ ታ ዳር ላሞታዲሰ።

24 ሃይሳ ታ ቆፋ ታኒ ኢሰቴኔ ቢዛ ዋዴ ፖላናሰ ቆፓይሰ፤ ሄራ አቆሼ ኢንቴና ቤያናሰኔ ኢንቴናራ ጉላ ዋዴ ጋሞአዳ ላሞታ አሊዳ ማላ ኢንቴ ታና ማዳና ጋዳ ሂዳታ ኦላይሰ።

25 ሃኢ ቃሴ አማኒዛይታሰ አሜቴዛ ማዶ ሚሽ ኤካዳ ዩሩሳላሜ ባይሰ።

26 ጋሶይካ ማቂደሲያኒኔ አካያን ዲዛ ማንቆታ ማዳና ጸሳ ዳሬይ ዳንዲዳሰ።

27 ሃይሳ ሃ ማዶዛ ኢሰቲ ባ ዳሳን አሚዳይ ኢሰቲ ኦላናሰ ቤሲዛ ጊሻሳ፤ አይዛቤቴ አይሁዳታራ ኢሲፌ አያና አንጆ ኤከዛይታ ጊዲኮ ኢሰቲካ ባሰ ዲዛ ቢታ አንጆን አይሁዳታ ማዳናሰ ቤሴሰ።

28 ሃሳ ጊሻሰ ሃይሳ ሸቂዳ ማዶ ሚሻ ዩሩሳላሜን አሚዳ፤ ጉዬ ኢንቴ አቻራ ታ ኢሰቴኔ ባና።

29 ታ ሄ ኢንቴኮ ባሼ ኢንቴሰ ኪርሰቶሳ አንጆ ኩንላ ኤካ ባናይሳ ታ ኤራይሰ።

30 ታ ኢሻቶ! ታኒ ጸሳ ዋሳን ባጾቴዛ ማላ ኢንቴካ ታናራ ባጾታና ማላ ታ ኢንቴና ጎዳ ዩሱሰ ኪርሰቶሳኒኔ ጸሎ አያና ሲቆን ዋሳይሰ።

31 ታኒ ዩሁዳን ዲዛ አማኖንታ አሳ ኩሼ፤ አታና ማላኔ ዩሩሳላሜን ዲዛ ታ ኦሶይካ ሃን አማኒዛይታ አቻን ኤኬታና ማላ ታሰ ዋሲቴ።

32 ሃሲካ ጸሳ ሼኔ ማላ ሄ ኢንቴኮ ታ ኡፋይሳራ ባና ማላኔ ኢንቴናራ ኢሲፌ ሼሞፓናሳ።

33 ሳርቴላ ጎዳይ ኢንቴናራ ኡባታራ ጊዶ። አሚን።

16

ሳርካ

1 ኪንኪራኦሴ ዋሳ ኬላን ኦሊዛ አማኔቴዳ ሚቼዮ ፔቤኖ ኢንቴሰ ሃዳራ ጋይሰ።

2 አማኒዛ አሳሰ ቤሲዛ ሞኮ ኢንቴ ኢዛ ጎዳ ሱንላን ሞኪ ኤካና ማላኔ ኢዛ ኢንቴፌ ኮይዛ አይ ሚሻንካ ኢንቴ ኢዛ ማዳና ማላ ታ ኢንቴና ቆፍሳይሰ።

3 ካሴ ታናራ ጎዳ ዩሱሰ ኪርሰቶሳ ኢሲፌ ኦሊዳ ጸርሲቁላሲኔ አቁላሰ ታ ሳርካ ጋሊቴ።

4 ኢሰቲ ታ ጊሻሰ ሃይቃና ጋካናሰ ባና አሊ አሚዳ፤ ታና ጸላላ ጊዶንታ አይዛቤታ፤ አማኒዳይቴካ ኢሰታ ጋላቴቴሰ።

5 ኢሰታ ኬላን ዲዛ አማኒዛ አሳካ ሳር ጊቴ፤ ኢሲያ፤ ኮይር ኪርሰቶሳን አማኒዳ ታ ሲቆዛ ኤጴኔጸሴ ሳር ጊቴ።

6 ኢንቴሰ ዳር ዳቡርዳር ማራሞ ሳር ጊቴ።

7 ታናራ ኢሲፌ ቃሼቴዳ አንዲራቆኔኔ ዩሲያሴ * ሳር ጊቴ፤ ሃይታንቲ ሃዋሬታ ጋርሳን ሎኦ ሱንላራ ዲዛይታኔ ኪርሰቶሳ ታ፤ ካሴ አማኒዳይታ።

8 ታኒ ጎዳ ባጋራ ዳር ሲቁዛ ጸልያጾኔ ሳር ጊቴ።

9 ኪርሰቶሳ ኦሶ ታናራ ኢሲፌ ኦሊዛ ኢርባኖኔኔ ታ ሲቁዛ ሴንጸኬካ ሳር ጊቴ።

10 ኪርሰቶሳን ኢዛ አማኖይ ፓጩቴዲ ጋላቴቴዳ ኤጴሴኔሴሰ ታ ሳርካ ጋሊቴ፤ አርሲጸባሎሶ አሳሲካ ታ ሳርካ ጋሊቴ።

11 ታ ዳቦ ሄርዲያና ሳር ጊቴ፤ ጎዳን ዲዛ ኒሪቃሶሶ አሳ ሳር ጊቴ።

12 ጎዳን ጊዲዲ ሚኖቴላን ኦሊዛ ማጫሳታ ቴርፊሞኖኔ ጸርፊሞኖ ሳር ጊቴ፤ ጎዳሰ ኦሶን ዳር ዳቡርዳሪሰ ኪርሰቶሳን ታኒ ኢዛ ሲቁዛ ጸርሲዲሰ ታ ሳርካ ጋሊቴ።

13 ጎዳን ዶሬቴዳ ኤሩፎኔሰ፤ ታሲኔ ኢዛሰ አዮ ጊዲዳሪሰ ታ ሳርካ ዮቴቴ።

14 አሰቁርኔሰ፤ አፊላሶኔሰ፤ ሄርሜኔሰ፤ ጸጸርባኔሰ፤ ሄርሜኔሰኔ ኢሰታራ ዲዛ ኢሻታ ኡባታሰ ታ ሳርካ ጋሊቴ።

15 ፊላጎኔሰ፤ ዩሊያሰ፤ ኔሪያሲኔ ኢዛ ሚቼይሰ ሃሳላካ አልጾኔሰ፤ ኢሰታራ ዲዛ አማኒዛይታሲካ ታ ሳርካ ጋሊቴ።

16 ኢሶይ አሳ ዩሪ ዩሪ ኤኪዲ ሳርኬቴቴ፤ ኪርሰቶሳን አማኒዛ ዋሳ ኬላ አሳይ ዉሪካ ኢንቴና ሳር ጊሰ።

17 ታ አሻቶ! አሳ ጋርሳን ሻኬቴላ ሜጲዛይታ፤ ኢንቴ ታሚርዳ ቴሚርታ ኤኮንታ ኢጾን ኢንቴሰ ጴጾ ጊዲዛ አሳታ፤ ኢንቴ ናጌቴቴ።

18 ሃይታንታ ማላ አሳቴ ዩሱሰ ኪርሰቶሳሰ ኦሊዛይታ ጊዶንታ ባ ቃንላ ካላ ጊሻሰ ኦሊዛይታ፤ ሹጎ ቃላራ ሃሳያኒኔ ዋዚና ኪያ አሳታ ባሌሌቴሰ።

19 ኢንቴ ሚሺራቾ ቃላሰ አዛዜቴዛይታ ጊዲዳይሳ አሲ ዉሪ ሲዩዴሰ፤ ሃሲካ ታና ዳር ኡፋይሲዴሰ፤ ጊዲኮካ ኢንቴ ሎኦ ሱንላ ጩንጫታ ቃሴ ኢታ ኦሶሰ ኤያታ ጊዳና ማላ ታ ኮያይሰ።

20 ሳርቴላ ጎዳይ ጸላኤ ኤሶን ኢንቴ ቶሆ ጋርሰ አሊ ዲንጩራፋና።

ጎዳ ዩሱሰ ኪርሰቶሳ ኪያቴሊ ኢንቴናራ ጊዶ።

21 ታናራ ኢሲፌ ኦሊዛ ጸሞቶሲ ቃሴካ ታ ዳቦ ሉቁዮሲ፤ ኢያሶኔይኔ ሱሲጾጸርሲ ኢንቴና ሳር ሳር ጊቴሰ።

22 ሃይሳ ኪታ ጸፊዳይ ታኒ ጾሪጲዮሲ ኢንቴና ጎዳ ሱንላን ሳር ጋይሰ።

23 ታኒኔ ሃይሳን ዲዛ ኩሜላ ዋሳ ኬላ አሳይ ሞኪ ኤከዛ ጋዩዮሲካ ኢንቴና ሳር ጊሰ፤ ካታማ ሚሻ ኦይኪዛ ኤሪሰጾሲኔ ኦ ኢሻ ቆአጸርሲ ኢንቴና ሳር ጊቴሰ።

15:21 እሳ 52:15 15:23 ኦር 1:13 15:26 1ቆር 16:1-4 15:27 1ቆር 9:11 16:3 ሃዋ 18:2 * 16:7 ዩሲያሴ፡ ዩሲያሴ ኢሲ ኢሲ ጌሻ ማጻፋቴ ዮሊያ ጌቴሰ። 16:13 ማር 15:21 16:21 ሃዋ 16:1 16:23 ሃዋ 19:29፤ 1ቆር 1:14፤ 2ጸም 4:20

24 ጎዳ ዩሱስ ከርሰቶሳ ከያቴሌ አንቴናራ ኡባታራ ገደ። አሚን።

25 ታኒ ዮቴዛ ሚሺራቾ ቃላይ ዩሱስ ከርሰቶሳ ገሻሰ ዮቴተዛ ከታይኔ ቤኒ ዎዴፔ ደሚዲ ቆታን ጋሞኢዲ ሃኢ ቃሴ ቆንጨዳ ቱማ ጹራ ባጋራ ኢዚ አንቴና አማናን ኤሳናሰ ዳንዳዩሰ።

26 ሃኢ ቃሴ ሃይሲ ቱማይ ቆንጨዳ፤ ሜርና ጸሳ አዛዞን ወሪካ አማኒዲ አዛዜታና ማላ ናቤታ ማጻፋ ባጋራ ዴሬቲ ወሪካ ኢዛ ኤራና ማላ ሃኒዴሰ።

27 ኢዚ ጸላላ ኤራ ገዲዳ ጎዳሰ ዩሱስ ከርሰቶሳ ባጋራ ሜርና ቦንቾይ ኢዛሰ ገደ! አሚን።

ጳውሎስ ቆርንቶስ አሳሰ ጳፊዳ ኮይሮ ኪታ ጊዳ ቆፋ

ጳውሎስ ቆርንቶስ አሳሰ ጳፊዳ ኮይሮ ኪታይ ጳፊትዳይ ኢዚ ካሴ ቆርንቶስን ኤሲዳ ዋሳ ኬፋ ጊዳን ዲዛ አማኖን ዲሳ ጊሻሲኔ አማኖ ጊሻሰ ዳንዲዳ ማቶታ ቢርሻናሰ ጊዲኮ። ሄ ዋዴ ቆርንቶስ ካታማያ ኩሜላ አላሜን ኤሬቲዳ ገሪኬ አሳ ካታማ ጊዳይሳፊካ ቦላራ አካያ ጌቲቲዛ እሮሜ ካዋይ ሃሪዛ ዋና ካታማ። ሃና ሄ ካታማያ ኢዚን ዳር ጌታ ዛልኤይ ዛልኤቲዛሰ፤ ሃንኮ ዳሬ ዋጋ ባጋራ ጊዲኮ ዳር ዲቻ ቦላ ዳወሲኔ ኢታ ሃናኒኔ ዲማ ዲማ ሚሼ አማኖን ዳር ኤሬቲዳር።

ሃዋሬይ ሃራፕካ ሎኤላ ደሊዳይ ዋሳ ኬፋይ ጊዳን ዲዛ ሻኬቲላ ጊሻሰ፤ ኢሰታ ኢታ ኦሶ ጊሻሰ፤ ላይማ ጊሻሲኔ ኤኮኔ ጌሎ ጊሻሰ፤ ዋሳ ኬፋ ጊሻሰ፤ ደሎ አያና አምታታ ጊሻሲኔ ሃይቆፔ ዳንላ ጊሻሳ፤ ሃሳሎካ ሃዋሬይ ሚሹራቾ ቃላዛ ሃይታ ሃ ኦይሻታ ቦላ ኢሰታሰ ሎኤላ ሚንላ ዛር አሜሰ።

«ሲቆይ» ጸሲ ባ አሳሰ አሚዳ አምታ ኡባሬ አዲሳ ጊዲዳይሳ ቆንጨሲዛይ ታማኔ ሃቭንሎ ሸምፖይ ሃይሳ ሃ ማጻፋ ጊዳን ዳር ኤሬቲዳ ኪፊሌ ጊዲ ቆፔቲስ።

ሃ ማጻፋይ ኦይኪዳ ኩሜላ ቆፋ

- ጌሎሶ 1:1-9
- አማኒዛይታ ጋርሳን ሜዴቲዳ ሻኬቲላ 1:10—4:21
- ኢታ ኦሶኔ ሶ አሳ ዲሰ 5:1—7:40
- አማኒዛይታኔ አማኖንታ አሳ 8:1—11:1
- አማኒዛይታ ዲሰኔ ጸሰ ጎይኖ ዋጋ 11:2—14:40
- ሃይቆፔ ኪርሰቶሳ ዳንላኔ አማኒዛይታ ዳንላ 15:1-58
- የሁዳን ዋዬ ቦላ ዲዛ አማኒዛይታ ማዳናሰ ኬሶ ሚሽ ሺሾ 16:1-4
- ኩሻ ቆፋ 16:5-24

- 1 ጸሳ ሼኔን ዩሱስ ኪርሰቶሳሰ ኪቲታናሰ ጸይጌቲዳ ጳውሎሳፔኔ ኦ ኢሻ ሶስቲኔሴፔ።
- 2 ቆርንቶስን ዲዛ ጸሳ ዋሳ ኬፋሰ፤ ጎዳ ዩሱስ ኪርሰቶሳሰ ዲማቲዳይታሲኔ ኢሰታሳራ ኦሳራ ጎዳ ጊዲዳ ጎዳ ዩሱስ ኪርሰቶሳ ሱንላ አዋንካ ጸይጊዛ አማኒዛይታራ ጊዳናሰ ጸይጌቲዳ አሳ ኡባሰ።
- 3 ኦ አዋ ጸሳፊኔ ጎዳ ዩሱስ ኪርሰቶሳፔ ኪያቲላኔ ሳርይ ኢንቲሰ ጊዳ።

ጸሳሰ ጋላታ

- 4 ጎዳ ዩሱስ ኪርሰቶሳ ባጋራ ኢንቲሰ አሜቲዳ ጸሳ ኪያቲላ ጊሻሰ ኡባ ዋዴ ኢንቲ ጊሻሲካ ታኒ ጸሳ ጋላታይሰ።
- 5 ጋሶይካ አይ ዮኦንካ፤ ሄሲካ ሃሳያን ጊዲን ኤራቲላ ኡባን ኢንቲ ዱሬቲዳታ።
- 6 ኪርሰቶሳ ጊሻሰ ኦ ኢንቲሰ ማርካቲዳይሲ ኢንቲ አቻን ሚኒዳሰ።

- 7 ሄሳ ጊሻሰ ኢንቲ ዩሱስ ኪርሰቶሲ ቆንጫና ጋላሰ ናገሺን አያና አምታታፔ አይኮይካ ኢንቲሰ ፓጩና።
- 8 ጎዳ ዩሱስ ኪርሰቶሲ ናምኦንሎ ያና ጋላሳን ኢንቲ ኢንቲ ቦላ ቦሬይ ባይንዳ ቤታና ማላ ወርሴላ ጋካናሰ ኢዚ ኢንቲና ሎኤላ ናጋና።
- 9 ኢዚ ባ ናዛ ኦ ጎዳ ዩሱስ ኪርሰቶሳ ኢሲፊቲላኮ ኢንቲና ጸይጊዳ ጸሲ ኢዚ አማኔቲዳ ጸሳ።

ዋሳ ኬፋን ሜዴቲዳ ሻኬቲላ

- 10 ታ አሻቶ! ኢንቲ ጋርሳን ሻኬቲላ ደንታ ማላ ኢንቲሰ ኢሲ ዋዚናይኔ ኢሲ ቆፋይ ዳና ማላኔ ኢንቲ ኢንቲ ጋርሳን ኢሲኖ ጊዳና ማላ ጎዳ ዩሱስ ኪርሰቶሳ ሱንላን ታ ኢንቲና ዋሳይሰ።
- 11 ታ አሻቶ! ኢንቲ ጋርሳን ፓላማይ ዲዛይሳ ታ ቃሎኤ ሶ አሳፔ ሲያዲሰ።
- 12 ዮኦዚካ ሃይሳ ማላ፤ ኢንቲ ጋርሳን ኢሲ ኢሲ አሳቲ፤ «ታ ጳውሎሳ ባጋ» ጌቲሰ፤ ባጋይ ቃሴ፤ «ታ አጲሎሳ ባጋ» ጌቲሰ፤ ባጋይ ቃሴ፤ «ታ ኬፋ ባጋ» ጊሻሰ ሃራይ ቃሴ፤ «ታ ኪርሰቶሳ ባጋ» ጌቲሰ። *
- 13 ሂሰቲኮ ኪርሰቶሲ ሻኬቲ ዋዲዳ? ኢንቲ ጊሻሰ ጳውሎስ ካቂቲዳ? ዋይኮ ጳውሎሳ ሱንላን ጸማቂቲዳቲ?

- 14 ኢንቲ ጊዳሬ ቁሪሰጸሳፔኔ ጋዩዮሳፔ ኣቲን ሃራ ኦናካ ታ ጸማቆንታ ጊሻሰ ጸሳ ጋላታይሰ።
- 15 ሄሳ ጊሻሰ ኦኒካ፤ «ታ ጳውሎሳ ሱንላን ጸማቂታዲሰ» ጋና ኢሲ ዳና።
- 16 ቱሙካ ኢሰቲፋናሴ ሶ አሳ ጸማቃዲሰ፤ ሃይታፔ ሃራ ታ ጸማቂዳኮ ታ ኤሪዛይይ ዳና።
- 17 ኪርሰቶሲ ታና ኪቲዳይ ሚሹራቾ ቃላ ዮታናሰ ኣቲን ጸማቃናሰ ጊዳና፤ ኪርሰቶሳ ማሰቃሌይ ሃዳ ጊዳንታ ማላ ታኒ አሳፔ ጊዲዳ ጨንጫቲላን ሳባኪኬ።

ጸሳ ዋልቃኔ ኤራቲላ ጊዲዳ ኪርሰቶሳ

- 18 ማሰቃሌዛ ኪታይ ጳያና ዲዛይታሰ ኤያቲላ፤ ጊዳ ኣቲን ኣታና ዲዛ ኦሰ ጊዲኮ ጸሳ ዋልቃ።
- 19 «ጨንጫታ ጨንጫቲላ ታ ኢሰታፊ ጳይሳና፤ ኤራቲታታ ኤራቲላ ታ ሃዳ ኦላና» ጌቲቲ ጌሻ ማጻፋን ጸፊቲዳሰ።
- 20 ጨንጫይ አዋን ዲዜ? ታማርዳ ኤራይ አዋን ዲዜ? ሃይሳ ዋዴዛ ፒልጊ ኤሪዛይ አዋን ዲዜ? ጸሲ ሃ አላሜዛ ኤራቲላ ኤያቲላ ኦሲኔ?
- 21 ጸሳ ኤራቲላፊ ዳንዲዳይሳን አላሜይ ባ ኤራቲላን ጸሰ ኤርይ ጸኒን ሳባኮ ኤያቲላን አማኒዛይታ አሻናሰ ጸሳ ሼኔ ጊዲዳሰ።
- 22 አይ ዋዴካ አይሁዳቲ ዲማ ማላታ ኮዬቲሰ፤ ጊሪኬ አሳቲ ቃሴ ኤራቲላ ኮዬቲሰ።
- 23 ኦኒ ጊዲኮ ካቂቲዳ ኪርሰቶሳ ሳባኮሰ፤ ሄሲካ አይሁዳታሰ ጳጳ፤ አይዛቤታሰ ቃሴ ኤያቲላ።
- 24 ጸሲ ጸይጊዳይታሰ ኢሰቲ አይሁዳታ ጊዳን ዋይኮ ጊሪኬ ዳሬ አሰ ጊዲኮካ ኪርሰቶሲ ጸሳ ዋልቃኔ ጸሳ ኤራቲላ።
- 25 ጋሶይካ አሳ ኤራፔ ጸሳ ኤያቲላ ኣዲዳ ኤራቲላ፤ አሳ ሚኖቲላፊ ጸሳ ላፋቲላ ኣዲሰ።
- 26 ታ አሻቶ! ካሴ ኢንቲ ጸይጌቲዛ ዋዴ ኢንቲ አይ ማላ አሳኮ ኣኔ ቆፒቲ፤ አሳ ቆፋ ማላ ጊዲኮ ኢንቲፊ

* 1:12 ኪፋ ጉሲ ጳጳርሳ ጉሳ። 1:12 ሃዋ 18:24 1:14 ሃዋ 18:8፤ 19:29፤ ኦር 16:23 1:16 1ቆር 16:15 1:19 ኢሳ 29:14 1:20 ኢዮ 12:17፤ ኢሳ 19:12፤ 33:18፤ 44:25

ዳሪዛይቲ ኤራታ ገዳኬታ። እንቴፌ ዳርቲ ዋልቃይ ባይንዳይታ፤ ዳርቲካ ገታ ኬላ ኣሳፔ ዩሉቲቤኬታ።
 27 ገደ ኣቲን ጸሲ ኤራታ ዩላቻናሰ ዳራፔ ኤያታ ደሪዳሰ፤ ጸሲ ሚናታ ዩላቻናሰ ኣላሚዛፔ ዳቡራንቻታ ደሪዳሰ።
 28 ጸሲ ሃንኮ ኣማናገታ ኣሳ ኣቻን ዳቴሰ ጌቲቲ ኤሬቲዛ ሚሻታ ባይንዳ ሚሻ ማላ ኦላና ሃይሳ ኣላሚዛን ለቁቲዳይታኔ ካዉዪዳይታ ላፋታ ደሪዳሰ።
 29 ሃሳካ ኢዚ ኦላዳይ ኦኒካ ኢዛ ሲንሳን ጨቁቶንታ ማላሳ።
 30 እንቴና ቃሴ ጸሲ ዩሱስ ኪርሰቶሳራ ኢሲፊቴላ ዳና ማላ ኦላዳሰ፤ ሃሳ ገሻሰ ጸሲ ዩሱስ ኪርሰቶሳ ኦ ኤራቴላ፣ ኦ ጸሎቴላ፣ ኦ ጌሻቴላ፤ ኦና ኣሺዛዳ ገዳና ማላ ኦላዳሰ።
 31 ሃሳ ገሻሰ ካሴ ጌሻ ማጻፋን ጸፊቲዳ ማላ። «ጨቁቲዛ ኣሲ ጎዳን ጨቁቶ።»

2

ካቁቲዳ ኪርሰቶሳ ገሻሰ ታማርሶ
 1 ታ ኣሻቶ! ታ ኣንቴኮ ጸሳ ጸራ ቆንጨሳና ቢዳይ ታሰ ደና ቃራቴላ ዋይኮ ኤራ ዳርይ ዲዛ ገሻሰ ገዳና።
 2 ታ ኣንቴ ገደን ዲዛ ዋዳ ካቁቲዳ ዩሱስ ኪርሰቶሳፔ ኣቲን ሃራ ኤርንታ ማላ ታ ባጋራ ሙርታዲሰ።
 3 ታ ኣንቴኮ ዳር ዳቡራን፣ ያሻቴላኒኔ ዳር ኮኮራሽ ባዲሰ።
 4 ታ ቃላይኔ ሳባኮይካ ኣያና ዋልቃ ቆንጨሴላንፔ ኣቲን ጨዋኒኔ ኤራ ዳርን ገዳና።
 5 ሃሲካ ኣንቴ ኣማናይ ጸሳ ዋልቃንፔ ኣቲን ኣሳ ጨንጫቴላ ቦላ ጸጸንታ ማላ ሃኒዳሰ።
ጸሎ ኣያናፔ ኣሚቲዳ ኤራቴላ
 6 ኦ ካሃ ኩንላዳ ኣሳታ ኣቻን ኤራ ሃሳያ ሃሳዮሰ፤ ገደ ኣቲን ሃይሳ ሃ ኣላሚዛ ኤራቴላ ገዳና፤ ዋይኮ ጳያና ዲዛ ሃ ኣላሚዛ ሃሪዛይታ ኤራቴላ ገዳና።
 7 ገደ ኣቲን ኦ ሃሳይዛይ ካሴ ቆቴቲ ዲዛ ጸሳ ጸራ ኤራቴላ፤ ሄ ኤራቴላይ ጸሲ ዳር ዋዳፔ ካሴ ኦና ቦንቸሰ ካሴቲዲ ገግሲ ዋላዳይሳ።
 8 ሃ ኣላሚዛ ሃሪዛይታፔ ኦኒካ ሃ ኤራቴላ ኤሪቤና፤ ኤራዳኮ ኢሰቲ ቦንቸ ጎዳ ካቁቴና።
 9 ገደ ኣቲን ጌሻ ማጻፋን፣
 «ኣሳ ኣይፌይ ቤኦንታዝ፣
 ኣሳ ሃይላ ሲዮንታዝ፣
 ኣሳ ዋዚናይካ ቆፖንታዝ
 ጸሲ ባ ደሲዛይታሰ
 ገግሲዳሰ» ጌሰ።
 10 ጸሲ ገዲኮ ሃሳ ባ ኣያና ባጋራ ኦሰ ቆንጨሲዳሰ፤ ኣያናይካ ጸሳሰ ዲዛ ጨማ ዮኦ ኣሾንታ ኡባ ፒልጊ ጸሌሰ።
 11 ኣሳ ጋርሳን ኢዛዳሰ ዲዛ ኣያናፔ ኣቲን ኢዛዳ ዋዚና ኤሪዛይ ኦኒ? ሃሳላካ ጸሳ ኣያናፔ ኣቲን ጸሳ ቆፋ ኤሪዛይ ኦኒካ ዳና።
 12 ጸሳፌ ኦሰ ኣሚቲዳይሳ ኦኒ ኤራና ማላ ጸሳ ኣያናይ ኦሰ ኣሚቲዳሰ ኣቲን ኦኒ ሃይሳ ሃ ኣላሚዛ ኣያና ኤኪቤኮ።

13 ኦ ዮቲዛይ ሃይሳ፤ ኦኒ ኣሳፔ ታማርዳ ቃላ ገደንታ ኣያናፔ ታማርዳ ቃላ ሃሳዮሰ፤ ኣያና ቴማቴላካ ኦ ቆንጨሲዛይ ኣያና ቃላና።
 14 ጸሳ ኣያናይ ኢዛን ባይንዳ ኣሲ ጸሳ ኣያናፔ ገዲዳዝ ኤካናሰ ዳንዳዬና፤ ጋሶይካ ሃሳ ማላ ዮኦይ ኢዛሰ ኤያቴላ፤ ኢዚ ባሰ ኣያናን ፓጨቴዛዳ ገዲዳ ገሻሰ ኢዚ ኤራናሰ ዳንዳዬና።
 15 ጸሳ ኣያናይ ኢዛን ዲዛዳይ ቃሴ ኡባካ ፓጨፎሰ ኣቲን ባሰ ኣናንካ ፓጨፎቴና።
 16 ሃሲካ፣
 «ጎዳ ቆፋ ኤራናሰ
 ዳንዳይዛይ ኦኒ?
 ኢዛ ዘራናሰ ዳንዳይዛይ ኦኒ?»
 ጌቲቲ ካሴ ጌሻ ማጻፋን ጸፊቲዳ ማላ፤ ኦሰ ገዲኮ ኪርሰቶሳ ዋዚናይ ዳሰ።

3

ዋሳ ኬላ ገደን ሚጴቲዳ ሻኬቴላ
 1 ታ ኣሻቶ! ታ ኣንቴና ኣንቴ ኪርሰቶሳን ቡር ጉላ ናይታ ማላኔ ቡር ኣማናይ ጌሎንታ ኣሳ ማላፔ ኣቲን ኣያናን ኩሚዳ ኣሳ ማላ ጋዳ ኣንቴሰ ሃሳያናሰ ዳንዳያቤኬ።
 2 ኣንቴ ቡር ሚናገታ ገሻሰ ታ ኣንቴና ማላ ፓሃዲሰ ኣቲን ቡር ሚና ካሳ ሚዛቤኬ፤ ሃኢካ ገዲኮ ኣንቴ ቡርኮ!
 3 ኣንቴ ሃኢካ ቡር ኣማናን ሚናንታይታ ገዲዳ ገሻሰ ኣንቴ ገደን ቃናቴቴላ፤ ፓላማይ ዳሰ፤ ሂሰቲን ኣንቴ ቡር ኣማናን ሚናንታ ኣሳ ማላ ገዳኬቴ? ኣንቴ ኦሶይ ጮ ማላ ኣሲ ኦላዛይሳ ማላ ገዳኔ?
 4 ጋሶይካ ኣንቴ ጋርሳፌ ኢሶይ፣ «ታ ጸዉሎሳሳ» ሃንኮይሲ ቃሴ፣ «ታ ኣጸሎሳሳ» ገኮ ኣንቴ ጮ ኣሻ ቆፋን ጸላላ ዲዛ ኣሳ ማላ ገዳኬቴ?
 5 ኤር! ገደ ኣቲን ኣጸሎሲ ኣዜ? ጸዉሎሲካ ኣዜ? ኢሰቲ ጎዳይ ኢሰታሰ ኢሳሰ ኢሳሰ ኣሚዳ ማላ ኦላዛ ኦሳንቻታ፤ ኣንቴካ ኢሰታ ባጋራ ኣማኒዳታ።
 6 ታ ቶካዲሰ፤ ኣጸሎሲ ሃላ ኡሺዳሰ፤ ዲቺዳይ ገዲኮ ጸሳ።
 7 ሃሳ ገሻሰ ዲቺዛይ ጸሰ ኣቲን ቶኪዛዳይካ፣ ሃላ ኡሺዛዳይካ ኣይኮካ ገዳቴና።
 8 ቶኪዛዳ ገዲን ዋይኮ ኡሺዛዳ ገዲን ኢሰቲ ኢሲና፤ ኢሰታፌ ኢሳዳይ ኢሳዳይ ባ ኦሶ ማላ ዋይቶ ኤካና።
 9 ጋሶይካ ኦ ጸሳራ ኢሲፌ ኦላዛይታ፤ ኣንቴካ ጸሳ ጎሻ ጋይኔ ጸሳ ኬላታ።
 10 ጸሳፌ ታሰ ኣሚቲዳ ኣሞቴላ ገና ኬላ ኬዲዛ ሃላ ማላ ኬላይ ኤቃናሰ ሎኤላ ገገሳዲሰ፤ ኢዛ ቦላ ሃራ ኣሲ ኬላ ኬዳና፤ ገደ ኣቲን ኬላ ኬዲዛዳይ ዋሰቲ ኬዳናኮ ናጌታናሰ ቤሴሰ።
 11 ጋሶይካ ኬላይ ኬዳቴላ ኦይኬቲዳፔ ጉዬ ሃራ ዋላ ቃሴ ኬዳና ዳንዳይዛዳይ ኦኒካ ባ፤ ሃሲካ ኬላሰ ዮቻይ ዩሱስ ኪርሰቶሳ።
 12 ኦኒካ ኬላይ ኮይር ኬዳቴዳይሳ ቦላ ዋርቃን ዋይኮ ቢራን ቦንቸቲዳ ሹቻን ዋይኮ ሚላኒኔ ማታን ዋይኮ ማቃን ኬዲኮ።

13 አሳዴ አሳዴ አሳዴ አይ ማላኮ ፐርዳ ጋላስ ቆንጫና፤ ጋሶይካ ሄ ጋላስ አሳዴ አሳዴ አሳዴ አይ ማላኮ ታማን ፓጩቲ ኤሬታና።

14 እነካ ከጸዱ ከሌ ሚኒ ኤቁዛ ገዲኮ ሃሳዴይ ባ ዋይቶ ኤካና።

15 ኢዛ አሳዴ ጸጌቲዳዴይ ገዲኮ ዋይቶይ ኢዛስ ዳናሽን ኢዛዴይ ባ ሁኤስ አታና፤ ገደ አቲን ኢዛዴ አቲሌ ታማፕ ኣሲ ዋይዲ አቲዛ አቲላ ማላ ገደና።

16 አንቲ አንቲ ሁኤስ ጸሳ ከሌ ገዲዳይሳኔ ጸሳ አያናይ አንቲ ገደን ዲዛይሳ ኤሬኮቲ?

17 እነካ ጸሳ ከሌ ላሊኮ ጸሲ ኢዛዴ ላላና፤ ጸሳ ከሌ ጌሻ፤ ሄሲካ አንቲናኮ!

18 እነካ ባርካ ባና ባሌላፎ፤ አንቲፊ እነካ ሃይሳ ሃ አላሚዛን ባና ኤራንቻ ማላ ቆፐኮ ኢዛዴይ ኤራንቻ ገደና ማላ ባና ባርካ ኤያ ማላ ቆዶ።

19 ሃይሳ ሃ ዳሬዛ ኤራቲሌ ጸሳ አቻን ኤያቴላ፤ ካሴ ጌሻ ማጻፋን፤ «ኢዚ ኤራንቻታ ኢሰታ ጌኔ ኦሶ ጋሶን ዛራዲ ኦይካና» ጌቲቲ ጸፊቲዳስ።

20 ቃሴካ ሃራሶን፤ «ኤራንቻታ ቆፋይ ሃዳ ገዲዳይሳ ጎዳይ ኤሬስ» ጌቲቲ ጸፊቲዳስ።

21 ሃሳ ገሻስ ወሪካ አንቲስ ገዲዳ ገሻስ እነካ አሳን ጩቁቶፎ።

22 ጸወሎሳ ገዲን፤ አጲሎሳ ገዲን፤ ዋይኮ ከፋ ገዲን፤ አላሚ ገዲን፤ ዳኦ ገዲን፤ ዋይኮ ሃይቆ ገዲን፤ ሃኢ ዲዛዛ ገዲን፤ ዋይኮ ቡር ያና ሚሽ ገዲን፤ ወሪካ አንቲሳ።

23 አንቲካ ከርሰቶሳይታ፤ ከርሰቶሲካ ጸሳይሳ።

4

ከርሰቶሳ ሃዋሬታ

1 ሃሳ ገዲዳ ገሻስ አሲ ወሪካ ኦና ከርሰቶሳ አሳንቻታ ማላኔ ጸሳ ጸራ ቆንጫሳናስ ሃዳራ ኤኪዳ አሳ ማላ ቆዳናስ ቤሴስ።

2 ሃዳራ ኤኪዳይቲካ አማኔቲዳይታ ገደናስ ቤሴስ።

3 ታ ቦላ አንቲ ፐርዲንካ ዋይኮ ዱላታ አሳይ ፐርዲንካ ታ ባጋራ ታሰ አይኮይ ባ፤ ሃራይ አቶሽን ታርካ ታ ቦላ ፐርዲኬ።

4 «ታ ኤሪዛ ማላ ታኒ ታ ዋዚናራ ሲጳዛ ሚሽ ባ፤ ገደ አቲን ሃሳ ጉሲ ታ ቦላ ሞርይ ባ» ጉስ ገደና። ቡር ታ ቦላ ፐርዳናይ ጎዳ።

5 ሃሳ ገሻስ ፐርዳና ዋይይ ጋኮንታ ሃራ አይ ዮኦካ ፐርዳፍቲ፤ ጎዳይ ያና ጋካናስ ናጌቲ፤ ኢዚ ቆማ ገደን ቆቲቲዳይሳ ቡር ቆንጫ ከሳና። አሳ ዋዚና ገደን ዲዛ ቆፋካ ቆንጫ ከሳና፤ ሄ ዋይ ኢሲ ኢሲ አሲ ባስ ቤሲዛ ጋላታ ጸሳ አቻፊ ኤካና።

6 ሃሳ ገሻስ ታ አሻቶ! ታ አንቲና ጎኣና ማላ ሃ ዮኦዛን ታናኔ አጲሎሳ አንቲስ ለሚሶ ሽሻዲሲ፤ ታ ሃይሳ ኦሌዳይ፤ «ጸፊቲዳይሳፊ አዶፋ» ገዛይሳ አንቲ ኑፔ ታማራና ማላሳ። ሃሳ ገሻስ አንቲ አሳዴ ሳቢዲ ሃራ አሰ ካጻናስ ቤሴና።

7 ኔኒ አዛን አቆይ? ኔኒ ሃራፔ ኤኮንታ አቲዳ ሚሽ አዜ? ሂሰቲን ኔ ወርሳካ ኤኪዳይ ሃራ አሳፔ ገዲኮ ሃራ አሳፔ ኤኮንታ አሳ ማላ አዛስ ጩቁታይ?

8 ሃኢ ገዲኮ አንቲስ ኮሺዛዛ አንቲ ኡባ ዳሚዳታኔ ዱሬቲዳታ፤ ኑፔካ ሻኬቲዲ ካዋቲዳታ፤

አንቲ ቱሙካ ካዋቲዳኮ ኑኒካ አንቲናራ ካዋታናኮ ሽን።

9 ጋሶይካ ጸሲ ኦና ሃዋሬታ ኑ ቦላ ሃይቆ ፐርዳይ ፐርዳቲዳ አሳታ ማላ አሳ ኡባፊ ወርሴላ ኦሌዳዝ ታስ ሚሳቲስ፤ ሃሳ ገሻስ አላሚስ፤ ከታንቻታሲኔ አሳ ኡባስ ካሳ ሚሽ ገዲዳስ።

10 ኑ ከርሰቶሳ ገሻስ ኤያታ ገዲዳስ፤ አንቲ ቃሴ ከርሰቶሳን ኤራንቻታ፤ ኑኒ ዳቡራንቻታ፤ አንቲ ገዲኮ ሚናታ፤ አንቲ ቦንቹቲዳይታ፤ ኑኒ ገዲኮ ካወሻታ።

11 ሃኖ ጋካናስ ኑ ጋሮሲ፤ ሳሚቶስ፤ ካሎቶስ፤ ቡኩቶስ፤ አቁዛሶይ ቆይን ዋይቶስ።

12 ኑ ኩሼራ ኦሌ ዳቡሪ አቆስ፤ ኦና ቃንገሺን ኑ ቃሴ አንጀስ፤ ኦና ጎዲሺን ኑ ዳንዳዮስ።

13 ኑ ሱንላ ኢሰቲ ሞሪሺን ኑ ቃሴ ሎኦ ዛርስ፤ ሃኖ ጋካናስ ኑኒ ቢታፊ ፐቲቲዳ ቡራ ገዲዳስ።

14 ታ ሃይሳ አንቲስ ጸፊዛይ አንቲና ታ ደሲዛ ታ ናይታ ማላ ዞራናስ ጋዳ አቲን አንቲና ዬላቻናስ ገደና።

15 አንቲና ከርሰቶሳን ዲቹዛ ዳር አሳቲ ዲኮካ አንቲስ ዳር አዋቲ ዳቴና፤ ታኒ ቃሴ ዬሴስ ከርሰቶሳ ሚሺራቾ ቃላን አንቲና ዬላዲስ።

16 ሃሳ ገሻስ አንቲ ታና ሚሳታና ማላ ታ አንቲና ዋሳይስ።

17 ጎዳን ዳር ደሴቲዳይሳኔ አማኔቲዳ ታ ና ጸምቶሳ ታ አንቲኮ ከቲዳይ ሃሳ ጋሶና። ኢዚካ ዱማ ዱማሶን ዲዛ ዋሳ ከላ አሳ ወርሲ ታ ታማርሲዳ ቲሚርቲዛራ ጋገዛይሳ ዬሴስ ከርሰቶሳን ዲዛ ዳኦ ኦጌ ገሻስ አንቲና ኢዚ ቆፍሳና።

18 አንቲፊ ኢሲ ኢሲ አሳቲ ታ ናምኦንሎ አንቲና ቤያናስ ቦንታዝ ኢሰታስ ሚሳቲን ኦቶሬቲዳ።

19 ገደ አቲን ጎዳ ሼኔ ገዲኮ ማታራ ታ አንቲኮ ባና፤ ሄ ባዳ ሄ ኦቶራንቻቲ ሃሳይዛዝ ጸላላ ገደንታ ኢሰታስ አዛ ዋልቃይ ዲዛኮ ቤያና ኮያይስ።

20 ጋሶይካ ጸሳ ካዋቲሌ ጮ ደና ጸላላ ገደንታ ደናፔ ቦላራ ጸሳ ዋልቃ።

21 ኤር! አንቲ ኮይዛይ አዋይስ? ዳርቃ ኤካ ቦዬ? ዋይኮ ሲቆራኔ አሽኬቲላ አያናራ ቦዬ?

5

ዋሳ ከላን ኦሴቲዳ ዬላቹዛ ናጋራ

1 አንቲ ጋርሳን ዬላቹዛ ላይማይ ዲዛይሲ ዋሬቲስ፤ ሃሳ ማላ ቱናቴሌ አማኖንታ ዳሬታ አቻንካ ዳና፤ ባ አዋ ማቾ ኤኪዳ አሲ አንቲኮን ዳስ።

2 ሂሰቲን ሃሳ ማላ ዬላቹዛ ሚሽ አንቲ ገደን ዲሺን አዛስ ኦቶሬቲቲ? ሃሳፊ ሄ ዮኦዛን አንቲ ሙዞታናስ አንቲስ ቤሴኔ? ሃሳ ማላ ኦሌዳዴ አንቲ ጋርሳፊ ዲጌቲ።

3 ታ አንቲናራ አሽን ኢሲፊ ደንታ አገኮካ አያናን ቃሴ አንቲናራ ዳይስ፤ ታ ሃኢ አንቲናራ ዲዛ ማላ ሃሳ ኦሌዳዴ ቦላ ፐርዳዲስ።

4-5 አንቲ ሸቁዛሶን ታ አንቲናራ ዲዛ ገሻስ ጎዳ ዬሴሳ ሱንጎላኒኔ አንቲ ገደን ዲዛ ኑ ጎዳ ዬሴሳ ዋልቃን ሄ ሞራንቻዛ አሽይ ቆይን ኢዛ ሽምፖይ ጎዳ ጋላሳን አታና ማላ ሃሳ ማላ አሲ ጸላኤስ አጲ አሚቶ።

6 እንገባ ጩቁቴዛይሲ ሎኦስ ገዳና፤ ጉላ ኢርሾይ ዳሮ ቡኬሶ ዳንጩሳዛ ኤሬኬቴ?

7 እንገባ ሃኢ ኢርሾይ ባይንዳ ኦራላ ቡኬሶ ገዳና ማላ ካሴ ጫላ ኢርሾዛ እንገባ ገደፊ ዲገቴ፤ ኮ ፓዚጋ ዶርስ ገዲዳ ከርስቶሲ ኮስ ያርሼቴዳስ። *

8 ሃሳ ገሻስ እኔ ኮኒ ፓዚጋ ባኣሌዛ ቆሆይኔ ኢታቴላ ኢዛን ኩሚዳ ካሴ ጫላ ኢርሾ ቦላ ገደንታ ኢርሾይ ባይንዳ ኦኩላን ሱሬቴላኒኔ ቱማን ቦንቸሰ።

9 እንገባ ላይማቴዛ አሳታራ ኢሲፊቴላ ዶንታ ማላ ታ እንገባ ካሴ ዳብዳቤ ጸፋዲስቶሺን።

10-11 እንገባ አማኖስ ገሼ ላይማቴዛ አሳራ ገደንታ ዋይኮ ጮ ጋጲጋጲዛይታራ፣ ካይሶቴዛይታራ፣ ኤቃስ ጎይነዛይታራ ጋጎፍቴ ጉስ ገደንታ ዲሺን ሃኢ ታ ጸፊዳይ አማኖስ ገሼ ላይማቴዛይታራ ዋይኮ ማላቴዛይታራ፣ ጋጲጋጲዛይታራ፣ ኤቃስ ጎይነዛይታራ፣ አሳ ሱንላ ዋሪዛይታራ ዋይኮ ጫዴዛይታራ፣ አሳ ሚሽ ቦንቁዛይታራ እንገባ ኢሲፊቴላ ዶፖ፤ ሄይታንታ ማላራ ሃራይ አቶሺን ካላካ ኢሲፊ ሞገቴ።

12 ሃንኮ አማኖንታ አሳ ቦላ ፐርዳናስ ታና ኣዚ ጋሊዜ? ዋሳ ኩላን ዲዛይታ ቦላ እንገባ ፐርዳኤቴ?

13 ዋሳ ኩላፊ ካሬራ ዲዛይታ ቦላ ገዲኮ ጸሲ ፐርዳና፣ «እንገባ እንገባ ገደፊ ኢታ አስ ዲገቴ» ጌቴቴ ጌሻ ማጸፋን ጸፊቴዳስ።

6

አማኒዛይታ ጋርሳን ዳንዲዳ ሞቶ

1 እንገባ ጋርሳፊ አሳዳስ ሃራ አማኒዛዳራ ዮኦይ ዲኮ ሄ ዮኦዛ አማኒዛይታ አኙ ሽሻናይሳ ዋስቴ አማኖንታ አሳ ሲንላን ፐርዳታና ሺሺዜ?

2 አማኒዛ አሳይ አማኖንታ አሳ ቦላ ፐርዳናይሳ እንገባ ኤሬኬቴ? እንገባ ቡሮ አላሜ ቦላ ፐርዳናይታ፤ ገዲኮካ ሃሳ ጉላ ዮኦ ቦላ ፐርዳናስ ዳንዳዬኬቴ?

3 ሃይሳ ቢታ ቦላ ዲዛ ፐርዳይ አቶሺን እንገባ ቡሮ ከታንቻታ ቦላ ፐርዳናይሳ ኤሬኬቴ?

4 እንገባ እንገባ ጋርሳን ኦዬቴኮ አማኒዛይታ ማባራጥ ካሬን ዲዛይታኒኔ ካዴቴዳ አሳታ ሲንላን ዋስቴ እንገባ ዮኦ ሺሺቴ?

5 ታ ሃሳ እንገባ ገዛይ እንገባ ዩላቻናሳ፤ እንገባ ጋርሳን አማኒዛይታ ገሺሳናስ ዳንዲይዛ ዋዚናማ አሲ ዴኔ?

6 ገደ ኣቴን አማኒዛይይ ሃራ አማኒዛዳ ሞታናስ አላሜ ፐርዳ ኬፍ ባናስ ቤሲዜ?

7 እንገባ ጋርሳን ኢሶይ ኢሳ ሞቶይ እንገባ ኩንዳሳስ ማላታ ቤሲስ። እንገባ ቆሃናፔ ቆሃቴኮ ሎኤኔ? ቃሴካ እንገባ አስ ባሌላናፔ እንገባ አሲ ባሌሊኮ ሎኤኔ?

8 እንገባ ሃ ቆሃታናፔ ጌዴ ቆሃታኔ ባሌላታ፤ ሃሲካ እንገባ አሻታ።

9 ማካላንቻቴ ጸሳ ካዋቴላ ጌሎንታይሳ ኤሬኬቴ? ሃሳ ማላ ዮኦን ባሌቶፍቴ። ላይማታና ቃቃቴዛይቴ፣ ኤቃ ኤቁዛይቴኔ አዳይ አዳራ ላይማቴዛይቴ።

10 ዋይኮ ካይሶቴ፣ ጋጲጋጲዛይቴ፣ ማላቴዛይቴ፣ አስ ጫዴዛይቴኔ ቦንቁዛይቴ ጸሳ ካዋቴላ ላቴቴና።

* 5:7 ፓዚጋ ቦንቁዛ ዋይ አሳይ ጫላ ኢርሾ ገዲዳ ሚሽ ካላን ዩጌና። 10:23 6:16 ሜዴ 2:24 6:19 1ቆር 3:16፤ 2ቆር 6:16

11 እንገባፊ ኢሲ ኢሲ አሳቴ ሃይታንታ ማላ ሺን ሃኢ ቃሴ ጎዳ ዩሱስ ኪርስቶሳ ሱንላኒኔ ኮ ጸሳ አያናን ሜጩቴዳታ፤ ዲማቴዳታኔ ጲሊዳታ።

ባ አሳቴላን ጸሳ ቦንቸ

12 ሃራይ ወሪካ ታስ አሜቴዳስ፤ ገደ ኣቴን ወሪካ ጎኢዛዝ ገዳና። ወሪካ ታስ አሜቴዳስ ገደ ኣቴን አይ ሚሺካ ታና ሃራና።

13 ቃሴ ካላ ኡሎሳ፤ ኡሎይካ ካላሳ፤ ገደ ኣቴን ጸሲ ናሞኣካ ቆይሳና፤ አሳቴላ ጎዳሳፊ ኣቴን ላይማስ ገዳና፤ ጎዳይካ አሳቴላሳ።

14 ጸሲ ጎዳ ሃይቆፔ ዳንሊዳ ማላ ኦናካ ቃሴ ኢዚ ባ ዋላቃን ሃይቆፔ ዳንላና።

15 እንገባ አሳቴላይ ኪርስቶሳ አሳቴላ ቢሊቴ ገዲዳይሳ እንገባ ኤሬኬቴ? ሂስቴን ታ ኪርስቶሳ አሳቴላፊ ኢሳ ላይማን አቁዛ አሳታራ ኢሲኖ ሂስቶ? ሙሊካ ቤሴና።

16 ዋይኮ ላይማቴዛሪራ አቁዛዳይ ኢዚራ ኢሲ አሾ ገዲዛይሳ እንገባ ኤሬኬቴ? «ናሞኣይ ኢሲ አሾ ገዳቴስ» ጌቴቴዳስ።

17 ገደ ኣቴን ጎዳራ ኢሲኖ ገዲዛዳይ ኢዛራ ኢሲ አያና ገዳስ።

18 ላይማቴ ሃኪቴ፤ አሲ ኦሊዛ ሃራ ናጋራይ ወሪ ኢዛዳ አሾፔ ካሬራ ሃኔስ፤ ላይማ ላይማቴዛይይ ገዲኮ ባርካ ባ አሳቴላ ቦላ ናጋራ ኦሌስ።

19 እንገባ አሳቴላይ እንገባ ጋላን ዲዛ ጲሎ አያናስ ዱሳሶ ገዲዳይሳ እንገባ ኤሬኬቴ? ሄ አያናይካ እንገባ ጸሳፊ ኤኪዳይሳ፤ እንገባ እንገባ ገዳኬታ።

20 እንገባ ሚሻን ሻሚቴዳታ፤ ሃሳ ገሻስ እንገባ እንገባ አሳቴላን ጸሰ ቦንቸቴ።

7

ኤኮ ገሻሲኔ ጌሎ ገሻሰ ሸቁዳ ኦይሾኔ ዛር

1-2 እንገባ ታስ ጸፊዳ ማላ አሲ ማጫሳኮ ጋኮንታ አገዛኮ ሎኦኮ! ገደ ኣቴን ላይማፔ ናጌታናስ አቴማሳስ አሳስ አሳስ ማቻ ዱ። ማጫሳሰካ ኢሲኔይስ ኢሲኔይስ አዚናይ ዶ።

3 አዚናይ ባ ማቻይስ ኮሺዛዝ ኡባ ኦሎ፤ ማቻካ ባ አዚናስ ኮሺዛዝ ወርሳ ኦሎ።

4 ማቻ አሳቴላ ኢዚሲ ጸላላ ገደንታ አዚናሳራ ኮላ፤ ሃሳሳካ አዚና አሳቴላ ኢዛስ ጸላላ ገደንታ ማቻይሳራ ኮላ።

5 ናሞኣይ ዶሳን ዋሳስ ገዲ ዞሬን ገደ ገዲ ቃቻዳ ጋላታፔ ኣቴን ሃራ ጋላስ ኢሶይ አሳስ አካይ ጎፔቶ፤ ሃሳ ጋሶን እንገባ እንገባ ሃርይ ጸኒን ጸላኤይ እንገባ ፓጮንታ ማላ ናሞኣይ ኢሲፊ አቁቴ።

6 ታ ሃሳ ገዛይ ጮ አዛዞ ማላ ገደንታ ዞሪ ዞራይስ።

7 አሲ ወሪ ታ ማላ ማቻ ኤኮንታ ዲዛኮ ታ ደሳይስ፤ ገደ ኣቴን ኢሲ ኢሲ አሳስ ጸሳፊ አሜቴዳ ዲማ ዲማ አሞታይ ዳስ፤ አሳስ ኢሲ ቆሞ አሞታይ ዳስ፤ ሃንኮይሳስ ቃሴ ሃራ ቆሞ አሞታይ ዳስ።

8 ቡሮ ኤኮንታይታኔ ጌሎንታይታ ገሻሰ ቃሴካ አዚናይ ሃይቁዳ ማጫሳታ ገሻሰ ታ ገዛይ ኢሰቴ ጌሎንታኔ ኤኮንታ ታ ማላ ዲዛኮ ኢሰታስ ሎኦ ጋይስ።

5:7 ኬሳ 12:5 5:8 ኬሳ 13:7፤ ዛሪ 16:3 6:12 1ቆር

9 ገደ ኣቲን ኢሰቲ ባና ናጋናሰ ዳንዳዮንታይታ ገዲኮ ጌሌቶኔ ኤኬቶ፤ ጮ ኣሞን ጸጌታናፕ ኤኮይኔ ጌሎይ ሎኦ።

10 ኤኪዳይታሰኔ ጌሊዳይታሰ ታ ኢሚዛ ኣዛዘይ ሃይሳ፤ ሄሰካ ጎዳ ኣዛዘፕ ኣቲን ታ ኣዛዘ ገደና፤ ኣዚና ጌሊዳ ማጫሳያ ባ ኣዚናፕ ሻኬቱ።

11 ሻኬቲዛ ገዲኮ ሃራ ኣዚና ጌሎንታ ኡቱ፤ ኣካይ ገኮ ባ ኣዚናራ ገኹ፤ ኣዚናይካ ባ ማቾ ኣንጂ ዬዶፎ።

12 ሃንኮ ኣሳሰ ቃሴ ታ ሂዘጋይሰ፤ ሄሳ ገዛይካ ታና ኣቲን ጎዳ ገደና፤ ኣማኖንታ ማቾ ዲዛ ኣማኒዛዳይ ማቾያ ኢዛራ ዳና ደሲኮ ኢዚ ኢዞ ኣንጂ ዬዳናሰ ቤሴና።

13 ኣማኖንታ ኣዚናይ ዲዛ ኣማኒዛ ማጫሳያ ሄ ኣማኖንታ ኣዚናይ ኢዚራ ዳናሰ ኮይኮ ኢዛ ኢዛፕ ኣንጂታ ባናሰ ቤሴና።

14 ጋሶይካ ኣማኖንታ ኣዚናይ ኣማኒዛ ባ ማቾዪን ኣንጂቲሰ፤ ኣማኖንታ ማጫሳያካ ኣማኒዛ ባ ኣዚናን ኣንጂታወሰ፤ ሄሳላ ሃኖንታ ኣገኮ ኢንቲ ዬሊዳ ናይቲ ቱናታ ገደናሺን ሃኢ ቃሴ ኣንጂቲዳይታ።

15 ገደ ኣቲን ናሞኣታፕ ኢሶይ ኣማኖንታይይ ሻኬታና ኮይኮ ሻኬቶ፤ ኣይ ገዲን ማጫ ገዲን ኣማኒዛዳይ ሄሳ ማላ ዋጋን ቃሼቲና፤ ጸሲ ኑና ሳርን ዳና ማላ ጸይገደሰ።

16 ሃኔ ኔኒ ኔ ኣዚና ኣሻናኮ ኣይ ኤራይ? ዋይኮ ሃይሶ ኔኒ ኔ ማቾ ኣሻናኮ ኣይ ኤራይ?

17 ጮ ኢሲ ኢሲ ኣሲ ጸሲ ጸይገዳ ማላኔ ጎዳይ ዋሲዳ ማላ ደኦ፤ ዋሳ ኬላታሰ ታ ዋሲዛ ዋጋይ ሄሳ።

18 ኢሳይይ ኣማናፕ ካሴ ቃጸሬቲዳ ገዲኮ ቃጸሬቶንታ ኣሳ ማላ ሃኖ። ቃሴ ቃጸሬቶንታ ዲሼ ኣማኒዳይይካ ቃጸሬቶ።

19 ቃጸሬቲን ቃጸሬቶንታ ኣገን ናሞኣንካ ጎኣይ ዳና፤ ዋና ኣይፌ ዮኦይ ጸሳ ኣዛዘ ፖሎ።

20 ኢሲ ኢሲ ኣሲ ባ ጸይገቲዳ ጸይገቲዳን ሚኒ ዴኦ።

21-22 ኣማኒዛ ዋይ ኔ ኣይሌ? ኔ ሄሳሰ ዳር ማቶቶፓ፤ ዋዜታና ዳንዳይኮ ዋዜታ፤ ጋሶይካ ኣይሌ ገዲ ዲሼ ጎዳ ኣማኒዳይይ ኢዚ ጎዳ ጎቃ፤ ሄሳላካ ኣማኒዛ ዋይ ጎቃ ገዲዳይይ ኢዚ ኪርሰቶሳሰ ኣይሌ።

23 ኢንቲ ሚሻን ሻማቲዳታ፤ ሄሳ ገሻሰ ኣሳ ኣይሌ ገደፕቲ።

24 ታ ኢሻቶ! ኢንቲፌ ኢሲ ኢሲ ኣሲ ባ ጸይገቲዳ ማላ ጸሳራ ሚኒ ዴኦ።

ጌላኦታ፡ ፓንላታኔ ኣሞኤታ ገሻሰ ሸቂዳ ኦይሾ

25 ጌላኦታኔ ፓንላታ ገሻሰ ታሰ ጎዳፕ ኢሚቲዳ ኣዛዘይ ዳና፤ ገደ ኣቲን ጎዳ ማርቲላፌ ዴንዲዳይሳን ታ ኢንቲሰ ኣማኒቲዳይ ገዲዳ ኢንቲና ዘራይሰ።

26 ሃይሳ ሃኢ ዋይ ማቶ ጋሶን ኢንቲ ሃኢ ዲዛ ማላ ዲዛኮ ታሰ ሎኦ ሚሳቲሰ።

27 ኔ ማቾ ኤኪዳይ ገዲኮ ኣንጂ ዬዳናሰ ኮኖፓ፤ ማቾ ኤኮንታይ ገዲኮ ማቾ ኤካናሰ ኮኖፓ።

28 ማቾ ኤኪኮካ ናጋራ ገደና። ጌላኦካ ጌሊኮ ናጋራ ገደና፤ ገደ ኣቲን ኤኪዛ ኣሳታኔ ጌሊዛይታ ቦላ ሃይሳ ኣላሚዛን ኢሰታ ዳር ማቶይ ጋካና፤ ታ ቃሴ ሄሲ ኢንቲ ቦላ ጋኮንታ ኣጋናይሳ ደሳይሰ።

29 ታ ኢሻቶ! ታ ቆፋይ ሃይሳ ማላ፤ ዋይዚ ቃንላ ገዲዳ ገሻሰ ማቾ ዲዛዳይ ማቾ ባይንዳይ ማላ ዴኦ።

30 ዬኪዛይቲ ዬኮንታ ኣሳ ማላ፡ ኡፋዬቲዛይቲ ኡፋዬቶንታ ኣሳ ማላ ገደቶ፤ ሚሼ ሻሚዳዴንቲ ሻማቲዳ ሚሻ ባሰ ገ ቆፖሬቶ።

31 ሃይሳ ኣላሚዛ ሚሻን ጎኤቲዛይቲ ኡባይ ጎኤቶንታ ኣሳ ማላ ገዲ ዴቶ። ጋሶይካ ሃይሳ ኣላሚዛ ሃኖይ ኣቆናሰ ዴሰ።

32 ኢንቲ ሂርጋይ ባይንዳ ዳና ማላ ታ ኮያይሰ፤ ማቾንታይይ ጎዳ ኡፋይሳናሰ ጎዳ ገሻሰ ቆፕሰ።

33 ማቾዳይይ ቃሴ ባ ማቾኖ ኡፋይሳናሰ ሃይሳ ኣላሚዛ ሚሻ ቆፕሰ።

34 ሃይሳን ኢዛ ቆፋይ ናሞኡ ኬዚ ሻኬቲሰ፤ ጌሎንታ ማጫሳያ ዋይኮ ጌላኦያ ጎዳዝ ጸላ ቆፓወሰ፤ ኢዚሰ ገታ ቆፋይካ ኣሻንካ፡ ኣያናንካ ጎዳሰ ዲማቲላ፤ ጌሊዳራ ገዲኮ ባ ኣዚና ኡፋይሳናሰ ሃይሳ ኣላሚዛ ሃኖ ጸላ ቆፓወሰ።

35 ታ ሄሳ ገዛይ ኢንቲሰ ሎኣናዝ ቆፓዳፕ ኣቲን ኢንቲና ዳር ቆፋን ዬጋናሰ ገደና፤ ታሰ ዲዛ ገታ ቆፋይ ኢንቲ ዋዚናይ ሻኬቲ ናሞኡ ኬዞንታ ኢንቲ ጎዳን ሚኒዲ ዋጋራ ዴኣናሳ።

36 ኢሳይይ ባ ኦይቾዳ ጌላኦኖ ዋጋራ ኦይኮንታ ኣገኮ ኢዚ ዋይይካ ጨሚ ጨሚ ቢኮ ኤካና ኮይኮ ባ ኮዬዳ ማላ ኤኮ፤ ኤኪኮኔ ጌሊኮ ሎኦ፤ ናጋራ ገደና።

37 ገደ ኣቲን ሃይሳ ሃ ዮኦዛን ኢዛ ዋዚናይ ቃጸንታ ባና ሃራዲ ጌላኦኖ ኤኪኬ ገዲ ሙርቲዳ ኣሲ ሎኦ ኦሲዴሰ።

38 ሃሳ ገሻሰ ጌላኦኖ ኤኪዳይይ ሎኦ ኦሲዴሰ፤ ኤኮንታይይካ ኣዴላ ሎኦ ኦሲዴሰ።

39 ኢሲ ማጫሲ ኣዚናይ ፓጻ ዲዛ ዋይ ኮሚላን ባ ኣዚናራ ቃሼታዲሰ፤ ኣዚናዚ ሃይቂኮ ባ ኮዬዳ ኣሰ ጌላና ዳንዳያወሰ፤ ኢዛ ጌላናይይ ኣማኒዛዳ ገደ ኣቲን ጌሎ።

40 ታ ቆፋ ማላ ገዲኮ ኢዛ ጌሎንታ ዲዛኮ ዳር ኡፋይሳን ዴኣንዲሰ፤ ታሰካ ታናን ጸሳ ኣያናይ ዲዛ ሚሳቲሰ።

8

ኤቃሰ ያርሼቲዳ ኣሾ ሙሳ ገሻሰ

1 ኤቃሰ ሹኬቲዳ ኣሾ ገሻሰ ኢንቲ ታሰ ጸፊዳይሳ ማላ ገዲኮ ቲሙካ ኑ ወሪካ ኤሪዛ ሚሼ ዴሰ፤ ኤርይ ኡቶሪሴሰ፤ ሲቆይ ገዲኮ ጎኤሰ።

2 ታ ኤራይሰ ገዛ ኣሲ ኤራናሰ ቤሲዛ ማላ ቡር ኤሪሴና።

3 ጸሰ ሲቂዛዳይ ገዲኮ ኢዚ ጸሳ ኣቻን ኤሪቲዳዴ።

4 ሄሳ ገሻሰ ኤቃሰ ያርሼቲዳ ኣሾ ሙሳ ገሻሰ ታ ኢንቲሰ ገዛይ ሃይሳ ኣላሚዛን ኤቃይ ሃዳ ገዲዳይሳኔ ኢሲ ጸሳፌ ኣቲን ሃራ ጸሲ ባይንዳይሳ ኑ ኤርሰ።

5-6 ኣይይካ ገዲኮ ዳር ኤቃቲኔ ዳር ጎዳቲ ዴቲሰ ሺን ሳሎን ገዲን ሳኣ ቦላ ጸሰ ጌቲቲዛ ዳር ኤቃቲ ዲኮካ ኑሰ ገዲኮ ሃኒዳይ ወሪካ ኢዛን ሃኒዴሰ። ኩኒካ ኢዛሰ ገዲዳ ኢሲ ጸሲ ኣዋይ ዴሰ፤ ቃሴካ ሃኒዳዚ ወሪካ ኢዛን ሃኒዳይ ኩኒካ ኢዛን ሃኒዳ ኢሲ ጎዳይ ዬሱሰ ኪርሰቶሲ ጸላላ ኑሰ ዴሰ።

7 ገደ ኣቲን ሄሳ ኣሲ ወሪ ኤሪና፤ ኢሲ ኢሲ ኣሳቲ ሃኖ ጋካናሰ ኤቃ ጎይኖ ደሲዳ ገሻሰ ሄሳ ማላ ኣሾ ሚሼ ኣዳካ ኤቃሰ ሹኬቲዳይሳ ቆፕቲሰ፤ ኢሰታሰ ቆፋይ ላፋ ገዲዳ ገሻሰ ኢሰቲ ቲኔቲሰ።

8 ጊደ ኣቲን ካሊ ኑና ጸሓ ኣቶ ጋሌና፤ ኑ ሞንታ ኣጊኮካ ኑስ ፓጪዛይ ዳና፤ ኑ ሚኮካ ኑስ ዎዴይ ዳና።
 9 ጊደ ኣቲን ኣንቴ ሜቶይ ባ ጉሳን ኦሊዛይሲ ኣማኖን ሚኖንታ ኣሳሰ ጳጳ ጊደንታ ማላ ናጌቲቲ።
 10 ኔስ ሃሳ ሚሳቲዛ ኤራቴሊ ዲዛ ገሻሰ ሂንኮ ኣማኖን ሚኖንታይይ ኤቃ ኩላን ኔ ሚዛይሳ ቤኢዲ ኤቃሰ ሹኩቲዳይሳ ማናሰ ጸሌኔ?
 11 ሃሳ ገሻሰ ኪርሰቶሲ ኢዛ ገሻሰ ሃይቁዳ ሄ ኣማኖን ሚኖንታ ኣሻይ ኔ ኤራቴላ ጋሶን ጳዩስ ጉሳ።
 12 ሃሳታካ ኣንቴ ኣንቴ ኣሻታ ቆሆኒኔ ኢስታ ላፋ ቆፋ ማዲንታን ኪርሰቶሳ ቆሄታ።
 13 ሃሳ ገሻሰ ታ ሚዛ ሚሺ ታ ኣሻ ጳጳዲዛዝ ጊዲኮ ታ ኣሻ ታ ጳጳዳንታ ማላ ሙሌካ ኣሻ ሚኬ።

9

ሃዋሬታስ ዲዛ ማታ

1 ታኒ ጎቃ ኣስ ጊዲኪና? ታ ሃዋሬ ጊዲኪና? ኑ ጎዳ ዩሱሳ ታኒ ታ ኣይፊራ ቤያቤኪና? ኣንቴካ ጎዳን ታ ኣሶን ቤቲዳ ኣይፊ ጊዴኬቲ?
 2 ሃራታስ ታ ሃዋሬ ጊደንታ ኣጊኮካ ታ ኣንቴሰ ቱማፔ ሃዋሬ፤ ጋሶይካ ጎዳን ታ ሃዋሬቴላ ቤሲዛ ማታሜይ ኣንቴና።
 3 ታና ፓጪዛይታስ ታ ኣሚዛ ዛርይ ሃሳ።
 4 ኤር! ማናሲኔ ኡያናሰ ኑስ ቤሴኔ?
 5 ሃራ ሃዋሬታ ማላ ጎዳ ኣሻታ ማላኔ ኬፋንታ ማላ ኦኒካ ኣማኒዛ ኑ ማቶታ ኤኪ ዩያና ዳንዳዮኮኒ?
 6 ዎይኮ ዎይቲ ዳቡርዲ ዳናሰ ቤሲዛይ ታናኔ ባርናባሳ ጸላ?
 7 ኤር! ባ ሚሻራ ዎታዳራቴላ ኦሊዛይ ኦኔ? ዎይኔ ሚላ ቶኪዲ ሄ ቶኪዳ ሚላ ኣይፊ ሞንታይ ኦኔ? ማሄ ሄሚሺ ባ ሄሚዛ ማሄዛ ማላ ኡዮንታይ ኦኔ?
 8 ታ ሃይሳ ጊዛይ ጮ ኣሳ ቆፋ ማላ ጸላ? ሙሴ ዎጋይ ሃሳሳ ጌኔ?
 9 ሙሴ ዎጋ ጋርሳን፥ «ካላ ቡኪዛ ማሄ ዶና ቃቾፋ» ጌቲቲ ጸፊቲዳሰ፤ ሂሰቲን ጸሰ ማቲዳይ ሄ ማሄዛ ቃንሌ?
 10 ኢዚ ሃሳ ጊዳይ ቱማፔ ኑ ገሻሰ ጊዴኔ? ሃሲ ጸፊቲዳይ ኣዳፊ ኑ ገሻሳ፤ ጎሻንቻይኔ ቃሴካ ቡኪዛይሲ ባ ኦሶ ኣይፊፊፔ ባና ጋኪዛይሳ ኤካናሰ ሂዶታ ኦሌሰ።
 11 ኑ ኣንቴ ጊደን ኣያና ዜሬላ ዜሪዳይቲ ኣሻሰ ጊዲዛዝ ማጺኮ ሃሲ ጊታ ሚሺ?
 12 ሃራ ኣሳቲ ኣንቴፊ ሃሳ ማላ ጎኣ ኤካናሰ ዳንዳይኮ ኑ ቃሴ ሃሳፊ ዳር ዳማናሰ ቤሴኔ? ጊደ ኣቲን ኦኒ ኑስ ቤሲዛ ማላ ጎኤቲቤኮ፤ ሃራፔካ ኑ ኪርሰቶሳ ሚሺራቾ ቃላሰ ጳጳ ጊደንታ ማላ ሃኒዛዝ ኡባካ ዳንዳዮሰ።
 13 ጸሳ ኩላን ኦሊዛይቲ ባ ማናይሳ ጸሳ ኩላፊ ኤኪዛይሳ ማላ ያርሾሶን ኦሊዛይቲካ ሄ ባ ያርሺዛይሳፊ ሚዛይሳ ኣንቴ ኤሬኬቲ?
 14 ሃሳታካ ሚሺራቾ ቃላ ሳባኪዛይቲ ባሰ ኮሺዛይሳ ሚሺራቾ ቃላ ኦሊዛሶፔ ኤካና ማላ ጎዳይ ዎጋ ዎሊዳሰ።

15 ታኒ ጊዲኮ ሃሳ ኡባፊካ ኣይኮካ ጎኤታቤኬ፤ ሃኢካ ታ ኣንቴሰ ሃይሳ ጸፊዛይ ሄይታንታ ማላ ሚሻ ታሰ ኦሌቶ ጋዳ ጊደና። ኣይሰ ጊኮ ኦኒካ ታኒ ታ ጎዳን ጨቁቲዛር ታፔ ዎሊ ኤካናፔ ታሰ ሃይቆይ ሎኦ።
 16 ሚሺራቾ ቃላ ሳባኪዳይሲ ታና ጨቁሴና፤ ታ ሳባኪዛይ ዶሳን ጊደንታ ዎልቃራ ታና ጋኪዳ ገሻሳ፤ ታ ሚሺራቾ ቃላ ሳባኮንታ ኣጊኮ ታሰ ኣዬ ኣና!
 17 ሚሺራቾ ቃላ ታኒ ታ ዶሳን ሳባኪኮ ታሰ ዎይቶይ ዳሰ፤ ታኒ ታ ዶሳን ጊደንታ ዎልቃራ ኦሊዛይሳ ጊዲኮ ሃዳራ ፖላና ማላ ኦሶ ጸላላ ጊደና።
 18 ሂሰቲን ታሰ ኣዛ ዎይቶይ ዲዜ? ታሰ ዎይቶይ ዳይ ሚሺራቾ ቃላ ሳባካሺ ታሰ ቤሲዛይታ ታ ጎኤቶንታ ኣጊኮኮ።
 19 ታ ጎቃፔ ኣቲን ኦናሰካ ኣይሌ ጊዲኬ፤ ጊደ ኣቲን ዳርታ ጎዳኮ ዛራና ገሻሰ ኣሳ ኡባሰ ኣይሌ ማላ ጊዲዲሰ።
 20 ኣይሁዳታ ኣሻናሰ ኣይሁዳታራ ኢስታ ሚሳታዲሰ፤ ታኒ ታ ባጋራ ሙሴ ዎጋፔ ጋርሳራ ጊደንታ ዳሺ ሙሴ ዎጋፔ ጋርሳራ ዲዛይታ ኣሻናሰ ኢስታ ሚሳታዲሰ።
 21 ታኒ ታ ባጋራ ጸሳ ዎጋይ ዲዛዴኔ ኪርሰቶሳ ዎጋሰ ሃሬቲዛይ ጊዲኮካ ዎጋይ ባይንዳይታ ኣሻናሰ ኢስታ ማላ ዎጋይ ባይንዳይ ጊዲዲሰ።
 22 ዳቡራንቻታ ኣሻናሰ ጋዳ ታኒካ ዳቡራንቻታራ ኢስታ ማላ ዳቡራንቻ ጊዲዲሰ፤ ታሰ ዳንዳይቲዳ ማላ ኡባን ኢሲ ኢሲ ኣሳታ ኣሻናሰ ኣሳ ኡባራ ኢስቲ ሃኒዛዝ ሃናዲሰ።
 23 ታ ሃይሳ ዉርሳ ኦሊዛይ ሚሺራቾ ቃላ ኣንጅ ኢስታራ ጊሺታናሰ ሚሺራቾ ቃላ ገሻሰ ኣሳዲሰ።
 24 ጋይ ዎላ ዎጺዛይቲ ዳር ሺን ጸኒዲ ዎይቶ ዳሚዛይ ኢሳዴ ጸላላ ጊዲዳይሳ ኣንቴ ኤሬኬቲ? ሃሳ ገሻሰ ዎይቶ ኤካናሰ ዎጺዛይ ማላ ኣንቴካ ዎጺቲ።
 25 ጋይን ዎጺ ኣቆናሰ ጊጌቲዛይይ ኦኒካ ሃና ኡባን ባርካ ባና ናጌሰ። ሄይታንቲ ኣቆናኔ ቆያና ኣኪሊሌ ኤካናሰ ዳቡራቴሰ ሺን ኑ ቃሴ ማርናሰ ቆዮንታ ኣኪሊሌ ዳማናሰ ዳቡርሰ።
 26 ሃሳ ገሻሰ ታ ቃሴ ፖሎይ ባይንዳ ጮ ሚላ ዎጺዛይ ማላ ዎጺኬ፤ ቃሴካ ጨርኮራ ባጼቲዛይ ማላ ጮ ሚላ ጋይን ባጼቲኬ።
 27 ታ ቃሴ ሃራታሰ ሳባካ ፔኣዳ ታሰ ኩንዳ ኣቶንታ ማላ ታ ኣሳቴላ ሺሻ ኣይካዳ ሃራይሰ።

10

ኢሰራኤሌ ናይታ ቦላ ጋኪዳይሲ ጋኮንታ ማላ ናጌቲላ

1 ታ ኣሻቶ! ካሴ ኑ ኣዎቲ ሻራይ ኢስታፊ ቦላራ ጊዲዲ ካሌሊዳይሳ ማላኔ ኢስቲ ዉሪካ ዞኦ ኣባ ፒኒዳይሳ ታ ኣንቴና ቆፍሳናሰ ኮያይሰ።
 2 ኢስቲ ሙሴራ ጊደናሰ ጊዲ ሻራኒኔ ኣባን ጸማቁቲዳ።
 3 ዉሪካ ኢሲ ኣያና ቁማ ሚዳ።
 4 ዉሪካ ኢሲ ኣያና ኡሹ ኡዩዳ፤ ኢስቲ ኡዩዳይካ ባና ካሊዛ ኣያና ዛላፊ ፑልቲዳይሳፊ፤ ሄ ዛላይካ ኪርሰቶሳ።

9:9 ዛሬ 25:4፤ 1ጸግ 5:18 9:11 ኦር 15:27 9:13 ዛሬ 18:1 9:14 ማቶ 10:10፤ ሉቃ 10:7 10:1 ኬሳ 13:21-22፤ 14:22-29 10:3 ኬሳ 16:35 10:4 ኬሳ 17:6 10:5 ታይ 14:29-30 10:6 ታይ 11:4

5 ጊደ አቲን ጸሲ ዳርታን ኡፋዬቲቤና፤ ሄሳ ገሻሰ ኢስታ ኣሃይ ባዘን ኩንዲ አቲዳስ።

6 ኢስቲ ኢታ ሚሽ አዎቲዳይሳሉ ኮኒካ አዎቶንታ ማላ ኢስታ ሃኖይ ኑ ናጌታና ማላ ኑስ ሌሚሶ ገዲዳስ።

7 «ዳሬይ ማናሲኔ ኡያናሰ ኡቲዳስ፤ ዩጻናሰካ ዳንዲዳስ» ጌቲቲ ካሴ ጌሻ ማጻፋን ጸፊቲዳ ማላ ኢስታ ጋርሳፌ ኢሲ ኢሲ አሳቲ ኦሎይሳሉ ኢንቴካ ኤቃ ጎይኒዛይታ ገደፕቲ።

8 ኢስታ ጋርሳፌ ኢሲ ኢሲ አሳቲ ላይማቲዲ ኢሲ ጋላስ 23,000 አሳይ ዲፒ ገ ወርይሳሉ ወርንታ ማላ ኮኒካ ኣኔ ላይማቶኮ።

9 ኢስታ ጋርሳፌ ኢሲ ኢሲ አሳቲ ጎዳ ፓጩዲ ሸሻን ዲኬቲ ሃይቁ ቆይዳይሳ ማላ ኮኒካ ኣኔ ጎዳ ፓጩኮ።

10 ኢስታ ጋርሳፌ ኢሲ ኢሲ አሳቲ ዙዙሚዲ ቆይሲዛ ቦሻ ከታንቻን ቆይዳይሳሉ ኢንቴካ ቆየንታ ማላ ዙዙሞፕቲ።

11 ሄሲ ወሪ ኑስ ሌሚሶ ገደና ማላ ኢስታ ቦላ ጋኪዳስ፤ ዋዴ ወርሴላን ዲዛ ኑስ ቲሚርቲ ገደና ማላ ኑስ ጸፊቲዳስ።

12 ሄሳ ገሻሰ ታ ሚና ኤቃ ዳይሰ ገዛዴይ ዲኮ ኩንደንታ ማላ ባስ ናጌቶ።

13 አሳ ቦላ ጋኪዳ ፓጩፕ ሃራ ኣቋዛ ፓጩይ ኢንቴ ቦላ ጋኪቤና፤ ጸሲ ኣማኔቲዛ ጸሰ ገዲዳ ገሻሰ ኢንቴ ዳንደየንታ ኢንቴ ዋልቃፌ ቦላራ ኢንቴ ፓጩፕቲ ማላ ኢዚ ኢንቴና ኣጋጌና፤ ገደ አቲን ኢንቴ ፓጩቲዛ ዋዴ ሄ ፓጩዛ ኢንቴ ዳንደያና ማላ ዋልቃ ኢሚዲ ፓጩፕ ኢንቴ ኬሲ ኤካና ኑኔ ኢዚ ኢንቴሰ ገሲሳና።

ኤቃራ ኢሲፊቴሉ ዳናሰ ቤሴና

14 ሄሳ ገሻሰ ታ ሲቆቶ! ኤቃሰ ጎይኖፍቲ፤ ኢዛፕ ሃኪቲ።

15 ታ ኢንቴሰ ሃይሳ ገዛይ ዋዚናማ ገዲዳ ገሻሳ፤ ሄሳ ገሻሰ ታ ዮቲዛይሳ ኣኔ ኢንቴ ኢንቴርካ ፕርዲቲ።

16 ኮኒ ጸሳ ጋላቲዲ ኤኪዛ ኡሻይ ኪርሰቶሳ ሱላራ ጋጎቴሉ ዲዛይሳ ገዴኔ? ሄሳላካ ኑ ባሌ ባሌ ገሼቲ ሚዛ ኡኬላይ ኪርሰቶሳ አሾራ ጋጎቴሉ ዲዛይሳ ገዴኔ?

17 ኡኬላይ ኢሲኖ ገዲዳ ማላ ኮኒካ ዳር ገዲ ኡቲዲ ወሪካ ኢሲ አሾ፤ ኑ ወሪካ ኢሲ ኡኬላዛ ገሼቲ ሞሰ።

18 ኣኔ ኢንቴ ኢሰራኤሌ ናይቲ ኦሊዳይሳ ቆፕቲ፤ ሸቁዛ ያርሾዛፕ ሚዛይታሰ ያርሾይ ሸቁዛሶራ ጋጎቴሉ ዴኔ?

19 ሂሰቲን ኤቃሰ ያርሾቲዳ ያርሾ ገዲን ዋይኮ ኤቃይ ባ ባጋራ ጎኣራ ዳሰ ጋዚና?

20 ገደና! ኣማኖንታ አሳይ ሸሺዛ ያርሾይ ጸሳሰ ገደንታ ጸላኤሳ፤ ኢንቴሰ ጸላኤራ ኢሲፊቴሉ ዳና ማላ ታ ኮይኬ።

21 ጸላኤ ኡሸኔ ጎዳ ኡሹ ኢንቴ ኢሲፊ ጋሌ ኡያና ደንዳይኬታ፤ ጎዳ ማዳፊኔ ጸላኤ ማዳፊ ጋሌ ማና ዳንዳይኬታ።

22 ኮኒ ጎዳ ሃንቁሉኖ? ኑ ኢዛፕ ሚኒዛኒ?

ኡባካ ጸሳ ቦንቸሰ ኦሶ

23 ወሪካ ታሰ ኢሜቲዳሰ ሺን ወሪካ ታና ጎኢዛዝ ገደና፤ ወሪካ ታሳ ሺን ወሪካ ታና ማደና።

24 ኢሲ ወሪካ ባ ላጌ ጎኣናዝ ጋሌ ጸሎ አቲን ባና ጎኣናዝ ጸላላ ኮኖፖ።

25 ገያን ባይዙቲዛ አሾ ኡባ ሲጴይ ባይንዳ ሚቲ።

26 ቢታይኔ ቢታ ቦላ ዲዛይ ወሪካ ጎዳይሳ።

27 ኣማኖንታ ኣሲ ኢንቴና ባሶ ጸይገዲ ሸሺዳ ካለ ወርሲ ኣይኮካ ሲቶንታ ሚቲ።

28 ገደ አቲን ኢሳዴይ፡ «ሃይሲ ኤቃሰ ያርሾቲዳ ካላ» ገኮ ሄ ካላ ሄ ኣዴዛ ቆፋ ገሻሲኔ ኢንቴና ሲቆሰኮ ሞፕቲ።

29 ታ ኢንቴሰ ሄሳ ገዛይ ሄ ዮቲዳዴ ቆፋ ገሻሰ ጋዲሰ አቲን ኢንቴ ቆፋ ገሻሰ ጋቤኬ፤ ታ ጸሎ ገዳ ዲሺን ኣዛሰ ሃራ አሳ ቆፋ ጋሶን ታ ቦላ ፕርዴቲዛ?

30 ታ ጸሰ ጋላታዳ ሚዛዴ ገደ ኡታዳ ኣዛሰ ሃራ አሳን ፕርዴቶ?

31 ሂሰቲኮ ኢንቴ ኣይ ሚኮካ፡ ኣይ ኡደኮካ ዋይኮ ኣይኮ ኦሊኮ ወርሲካ ጸሳ ቦንቸሰ ኦሊቲ።

32 ኣይሁዳ አሳሰ ገዲን ኣይዛቤታሰ ገዲን ዋይኮ ጸሳ ዋሳ ኬላሰ ኦናሰካ ቆጶ ገደፕቲ።

33 ታ ኣሰ ወርሳካ ኣይ ኦጌራካ ኡፋይሳና ኮይዛ ማላ ኢንቴካ ሄሳሉ ኦሊቲ፤ ዳርቲ አታና ማላ ታ ታና ጎኢዛዝ ገደንታ ኢስታ ጎኢዛዝ ኮያይሰ።

11

1 ታኒ ኪርሰቶሳ ሌሚሶ ካሊዛ ማላ ኢንቴካ ታ ሌሚሶ ካሊቲ።

ጸሳ ጎይኖ ዋጋ

2 ኢንቴ ታሰ ወርሲ ቆፕዛ ገሻሲኔ ታፔ ኤኪዳ ቲሚርቲዛ ሎኤሌ ኦይኪዳ ገሻሰ ታ ኢንቴና ጋላታይሰ።

3 ገደ አቲን ታ ኢንቴ ኤራና ማላ ኮይዛይ ኣቲማሳሰ ኡባሰ ሁኤይ ኪርሰቶሳ ገዲዳይሳ ማላ ኣቲማሳይ ማጫሰ ኡባሰ ሁኤ፤ ቃሴ ጸሲ ኪርሰቶሳሰ ሁኤ።

4 ባ ሁኤ ፑሉንቲዲ ጸሰ ዋሲዛይይ ዋይኮ ቃላ ዮቲዛዴይ ኦኒካ ባርካ ባና ካወሸሰ።

5 ባ ሁኤ ጎዘንታ ዋሲዛ ማጫሳያ ዋይኮ ቲንቢቲ ቃላ ዮቲዛ ኣይ ማጫሲካ ባርካ ባና ካወሻወሰ፤ ሄሲ ኢዛ ባ ሁኤ ቡሊሲዳዴራ ገና።

6 ማጫሲ ባ ሁኤ ጎዘንታ ኣገኮ ሜዴቲ ዋይኮ ቃንጺሱ፤ ኢዚሰ ሁኤ ሜዴቲሉ ዋይኮ ቃንጺሱሌ ዩላቸዛዝ ገዲኮ ጎዘ።

7 ኣዴይ ባ ሁኤ ፑሉንታናሰ ቤሴና፤ ኣቲማሲ ጸሳ ሌሚሶኔ ጸሳ ቦንቸ፤ ማጫሲ ገዲኮ ኣዴሰ ቦንቸ።

8 ጋሶይካ ማጫሲ ኣዴፊ ሜዴታዲሰ አቲን ኣቲማሲ ማጫሳፊ ሜዴቲቤና።

9 ቃሴካ ማጫሲ ኣዴሰ ሜዴታዲሰ አቲን ኣዴይ ማጫሳሰ ሜዴቲቤና።

10 ሄሳ ገሻሰ ከታንቻቲ ቤያናሰ ናገዛ ማጫሳሰ ኢሜቲዳ ማታ ቤሲዛ ጎሴ ባ ሁኤን ጎዘ።

11 ጎዳ ኣቻን ገዲኮ ማጫሲ ኣዴይ ባይንዳ፤ ኣዴይካ ማጫሲ ባይንዳ ዴኤቲና።

12 ማጫሲ ኣዴፊ ቤቲዳይሳሉ ኣዴይካ ማጫሳፊ ዩሌቲሰ፤ ገደ አቲን ናምኣይካ ጸሳፊ ቤቲዳ።

10:7 ኬሳ 32:6 10:8 ታይ 25:1-18 10:9 ታይ 21:5-6 10:10 ታይ 16:41-49 10:16 ማቶ 26:26-28፤ ማር 14:22-24፤ ሉቃ 22:19-20 10:18 ሉዌ 7:6 10:20 ዛሬ 32:17 10:22 ዛሬ 32:21 10:23 1ቆር 6:12 11:7 ሜዴ 1:26-27

13 ማጫሲ ባ ሁኔ ጎዘንታ ጸሰ ዋሳናሰ ቤሲዛኮ እኔ እንቲ ፐርዲቲ።
 14 እቲማሲ ባ ሁኔ እዲሲ ዲቺኮ ቦርሶ ገዲዲይሳ እንቲና ማጫቴላ ሃናቴላ ኤሪሱዋ?
 15 ማጫይ ገዲኮ ባ ሁኔ ቢናና ዲቺኮ ሄሲ ኢዚሰ ቦንቾ ገዳኔ? ኢዚሰ እዲሳ ሁኔ ቢናናይ እማቲዳይ ኢዚሰ ሴሎ ገዳናሳ።
 16 ሄሳ ገሻሰ ኦኒካ ሃይሳ ሃ ዮኦዛን ፓላማታና ኮይኮ ኑሰ ገዲንካ ጸሳ ዋሳ ኬላታሰ ሃይሳፊ ሃራ ዋጋይ ዳና።

ጎዳ ካዎ ኤኮ ዋጋ

17 እንቲ ኢሲ ሶ ሸቄቲዛ ዋዴ ቆሆሰ ኣቲን ጎኣሰ ገደንታ ገሻሰ ታ ሃይሳ ኣዛዛዛ እንቲሰ ኣሊዛይ እንቲና ጋላታሽ ገዳና።
 18 እንቲ ዋሳ ኬላን ሸቄዛ ዋዴ እንቲ ጋርሳን ሻኬቴላ ዲዛይሳ ታ ካሴታ ሲያዲሰ፤ ታ ሲዮይሳፊ ባጋይ ቱሙ ገዳናይሳ ታ ኣማናይሰ።
 19 እንቲ ገደፊ ቱማንቻቲ ሻኬቲ ኤሪታና ማላ ሄሳ ማላ ሻኮይ እንቲ ገደን ዳናይሲ ደሳ ገዳና።
 20 እንቲ ኢሲፊ ሸቄቲዲ ማዛይ ጎዳ ካዎ ገዳና።
 21 እንቲ ሸቄቲዲ ኢሶይ ኢሳ ናጎንታ ዲሼ ካላ ማታ፤ እንቲፊ ኢሳይይ ጋፋን ዲሺን ሃንኮይሲ ቃሴ ማላቴሰ።
 22 ሂሰቲን እንቲሰ ኡያናሶይኔ ማናሶይ ባዌ? ዋይኮ ጸሳ ኬላ ለቀዲ ኣይኮይካ ባይንዳይታ ዬላቺቲ? ሂሰቲን ታ እንቲና ኣይ ጎ? ሃይሳ ሃ ሃናዛሰ እንቲና ጋላቶ? ሙሊካ ጋላቲኬ።
 23-24 ታኒ ጎዳፕ ኤኪዲይሳ እንቲሰ ኣላዲሰ፤ ሄሲካ ጎዳ ዬሱሲ ኣጲ እማቲዳ ኣማርሰ ኡኬላ ዳንሊዲኔ ጸሰ ጋላቲ ባሊዲ፤ «ሄኢቲ! ማቲ! ሃይሲ እንቲሰ ገዲዛ ታ ኣሾ፤ ታና ቆፓናሰ እንቲ ሃይሳ ኣሊቲ» ገዳሰ።
 25 ሄሳላካ ካዎፕ ጉዬ ኡሻ ዳንሊዲ፤ «ሃይሲ ኡሻይ ታ ሱላን ሃንዛ ኦራላ ጫቆ፤ ሄሳ ገሻሰ ኡሻፊ እንቲ ኡዬዛ ዋዴ ሃይሳ ታና ቆፓና ማላ ኣሊቲ» ገዳሰ።
 26 ሃይሳ ኡኬላ እንቲ ማዛ ዋዴኔ ሃይሳ ኡሻካ ኡዬዛ ኡባ ዋዴ ጎዳይ ያና ጋካናሰ እንቲ ኢዛ ሃይቆ ዮታና።
 27 ሄሳ ገሻሰ ኦኒካ ቤሶንታ ዲሺን ሃይሳ ኡኬላ ማኮ ዋይኮ ጎዳ ኡሻ ኡዬኮ ኢዛይይ ጎዳ ኣሾኔ ኢዛ ሱላ ካወሺዳ ገሻሰ ኢዚ ኦይሹታና።
 28 ኦኒካ ሃይሳ ሃ ኡኬላ ማናፕኔ ኡሻፊ ኡያናፕ ካሴቲ ባርካ ባና ፓጮ።
 29 ጋሶይካ ኦኒካ ጎዳ ኣሾ ባሰ ጌሎንታ ዲሺን ማኮኔ ጎዳ ኡሻ ኡዬኮ ኢዛይይ ባርካ ባ ቦላ ፐርዳ ኤሂሰ።
 30 እንቲ ጋርሳን ዳር ኣሳይ ዳቡርዳይኔ ሳኬቲዳይ ቃሴካ ባጋይ ሃይቂዳይ ሄሳ ጋሶና።
 31 ኦኒ ኦርካ ኦ ቦላ ፐርዲዛኮ ኢዚ ኦ ቦላ ፐርዳና።
 32 ገደ ኣቲን ጎዳይ ፐርዲዛ ዋዴ ኦ ሃንኮ ኣማናንታ ኣሳራ ፐርዳቶንታ ማላ ኢዚ ኦና ካሴቲ ሙሬሰ።

33 ሄሳ ገሻሰ ታ ኢሻቶ! እንቲ ማና ሸቄዛ ዋዴ ኢሶይ ኢሳራ ናጌቲቲ።
 34 እንቲ ሸቄዛ ሸቆይ ፐርዳሰ ገደንታ ማላ እንቲፊ ኦኒካ ጋፊዳይይ ዲኮ ካሴቲዲ ባ ሶን ሞ፤ ሃንኮ ኣቲዳይሳ ታኒ ሃራ ዋዴ ሄ እንቲኮ ባዳ ዋጋ ዋላና።

12

ጲሎ ኣያና ኢሞታታ

1 ታ ኢሻቶ! ኣያናይ ኢሞዛ ኢሞታ ገሻሰ እንቲ ኢሲ ማሽ ኤራና ማላ ታ ኮያይሰ።
 2 እንቲ ኣማናናፕ ካሴ ጮ ማላ ያኔ ሃ ጉሳን እንቲ ኤርንታ ካሊዲ ዳና ዱዴ ገዲዳ ኤቃታኮ ቢዳይሳ እንቲካ ኤሪታ።
 3 ሄሳ ገሻሰ ኦኒካ ጸሳ ኣያናን ሃሳይሹ፤ «ዬሱሲ ቃንጌቲዳዴ» ጌና። ሄሳላካ ጲሎ ኣያናን ገዲዲ ኣቲን ኦኒካ፤ «ዬሱሲ ጎዳ» ጋና ኣሲ ደንታይሳ ታ እንቲሰ ዮታይሰ።
 4 ኣሳሰ ኢሞቴላ ዲማ ዲማ ገዲሺን ኣያናይ ገዲኮ ኢሲኖ።
 5 ኣሶይካ ዲማ ዲማ ገዲሺን ጎዳይ ገዲኮ ኢሲኖ።
 6 ዲማ ዲማ ኦሶ ኦኒቲ ዲኮካ ወርሲካ ኦሊዛይ ኢሲ ጸሳ።
 7 ገደ ኣቲን ጲሎ ኣያና ቆንጨሶ ኢሞታይ ኢሳዴሰ ኢሞቲዛይ ኢሲፊ ጎኤታናሳ።
 8 ኢሳዴሰ ሂላን ሃሳያና ኤራቴላ ኢሞቴሰ፤ ሃራ ኣሳሰ ቃሴ ሄ ኣያናንካ ኤራቴላ ቃላን ሃሳያና ቃላይ ኢሞቴሰ።
 9 ኢሳዴሰ ሄ ኣያናን ኣማኖይ ኢሞቴሰ፤ ሃራ ኣሳሰ ቃሴ ሄ ኣያናንካ ሃርጊዛይታ ፓሊዛ ኢሞታይ ኢሞቴሰ።
 10 ኢሳዴሰ ማላሊሲካ ኦሶ ኣሊዛ ኢሞታይ፤ ሃራ ኣሳሰ ቲንቢቲ ቃላ * ሃሳያ ኢሞታይ፤ ሃራ ኣሳሰ ቃሴካ ኣያናታ ሻኪ ኤርይ፤ ሃራ ኣሳሰ ዲማ ዲማ ቃላን ሃሳያይ፤ ቃሴካ ሃራ ኣሳሰ ሃራ ዲማ ዲማ ቃላን ሃሳይቲዳይሳ ቢርሻና ኢሞታይ ኢሞቴሰ።
 11 ሄይቲ ወሪካ ሄ ኢሲ ኣያናይ ኢሞዛ ኢሞታ ገዲሺን ኢሲ ኢሲ ኣሳሰ ባ ኮዩዳ ማላ ኢሞቴሰ።
 ኢሲ ኣሳቴላ ቦላ ዲማ ዲማ ቢሊቲታ
 12 ኢሲ ኣሳቴላ ቦላ ዳር ቢሊቲቲ ዲኮካ ኣሳቴላይ ኢሲኖ፤ ገደ ኣቲን ቢሊቲቲ ዳር ገዲኮካ ኣሳቴላይ ኢሲኖ ጸላ፤ ከርሰቶሲካ ሄሳ ማላ።
 13 ኣይሁዳ ኣሳታ ገዲንካ ገሪኬ ኣሳታ ገዲንካ፤ ኣይሌ ገዲንካ ዋይኮ ጎቃ ኣሳታ ገዲንካ ኦ ወሪካ ኢሲኖ ገዳናሰ ኢሲ ኣያናን ጸማቂቲዳሰ፤ ኦ ወሪካ ሃ ኢሲ ኣያናፕ ኡዬዳሰ።
 14 ኣሳቴላ ማጫቴዳይ ዳር ቢሊቲታፕ ኣቲን ኢሲ ቢሊቲፊ ጸላላ ገዳና።
 15 ቶሆይ፤ «ታኒ ኩሼ ገደንታ ገሻሰ ኣሳቴላ ገደን ዲኬ» ገኮ ኢዚ ሃዘገዳ ገሻሰ ኢዛሰ ኣሳቴላን ዲሲ ኣታኔ?
 16 ሃይላ፤ «ታ ኣይፊ ገደንታ ገሻሰ ኣሳቴላ ገደን ዲኬ» ገኮ ሃሳ ገሻሰ ኣሳቴላን ዲሲ ኢዛሰ ኣታኔ?
 17 ኣሳቴላ ወሪካ ኣይፊ ጸላ ገዲዳኮ ኣዛን ሲያኔ? ኣሳቴላ ወሪካ ሃይላ ጸላ ገዲዳኮ ኣዛን ሲንጋኔ?

11:25 ኬሳ 24:8፤ ኤር 31:31-34 * 12:10 ቲንቢቲ ቃላ፡ ቲንቢቲ ቃላ ጸሳ ቃላ ቢርሼላ ዋይኮ ቆንጨሲ ዮቶ። 12:12 ኦር 12:4-5

18 ጊደ ኣቲን ጸሲ ኢሳ ኢሳ ባ ኮዪዳ ማላ ኣሳቴላ ጊደን ዳናስ ቤሲዛሶን ዋሊዳስ።

19 ቢሊቴይ ወሪካ ኢሲኖ ጊዲዳኮ ኩሜላ ኣሳቴላ ኣዋፕ ቤታኔ?

20 ሃሳ ጊሻስ ቢሊቴቲ ዳር ሺን ኣሳቴላ ጊዲኮ ኢሲኖ ጸላ።

21 ኣይፌይ ኩሼ፣ «ኔና ታ ኮይኬ» ጋናስ ዳንዳዬና፤ ሁኔይ ቶሆ፣ «ኔና ታ ኮይኬ» ጋና ዳንዳዬና።

22 ሃራይ ኣቶሺን ኡባፌ ላፋ ሚሳቲዛ ቢሊቴቲ ዳር ኮሺዛይታ።

23 ኑኒ ላፋ ጊ ለቁዛ ቢሊቴታ ሃንኮይታፕ ኣሊ ቦንቸሰ፤ ቃሴካ ኑ ኢስታን ዬላቲዛ ቢሊቴታ ሃራፕ ኣሊ ናጎስ።

24 ኑ ኢስታን ዬላቶንታ ቢሊቴታስ ጊዲኮ ሃሳ ማላ ቦንቸ ኮሼና፤ ጸሲ ጊዲኮ ኣሳቴላ ቢሊቴታ ኢሲ ቦላ ኦይሴሊዲ ቦንቸይ ፓጪዛይታስ ኣጴላ ቦንቸ ኢሚዳስ።

25 ኢዚ ሃሳ ኦሊዳይ ኣሳቴላ ቢሊቴታ ጋርሳን ሻኬቴላ ደንታ ኢስቲ ባ ጋርሳን ኢሶይ ኢሳ ባናራ ጊና ጊ ቆፓናሳ።

26 ኢሲ ቢሊቴይ ሳኬቲኮ ሃንኮ ቢሊቴቲ ወሪካ ኢዛራ ኢሲፌ ሳኬቲቴስ፤ ኢሲ ቢሊቴይ ቦንቸቲኮ ቢሊቴቲ ወሪካ ኢሲፌ ኡፋዬቴቴስ።

27 ሂስቲኮ ኢንቴ ወሪካ ኪርሰቶሳ ኣሳቴላ፤ ኢንቴ ኢሶይ ኢሶይ ኢዛ ኣሳቴላ ቢሊቴታ።

28 ጸሲ ዋሳ ኬላ ጊደን ኮይሮ ሃዋራታ፣ ናምእንላ ቃሴ ናቤታ፣ ሃቫንላ ኣስታማራታ፣ ካሌሊዲ ማላታ ኦሊዛይታ፣ ፓሊዛ ኢሞቴላ ዲዛይታ፣ ሃራታካ ኣስ ማዲዛ ኢሞታይ ዲዛይታ፣ ዴሪ ኣይሶ ኤራቴላ ዲዛይታኔ ዲማ ዲማ ቃላ ሃሳያና ኢሞቴላ ዲዛ ኣሳታ ዋሊዳስ።

29 ወሪካ ሃዋራቴ? ወሪካ ናቤቴ? ወሪካ ኣስታማራቴ? ወሪካ ማላሊሲዛ ሚሻ ኦሊዛ?

30 ኡባሲካ ሃርጊዛይታ ፓሊዛ ኢሞታይ ዲዜ? ኣሲ ወሪካ ዲማ ቃላን ሃሳይዜ? ዲማ ቃላን ሃሳዬቶይሳ ኣሲ ወሪ ቢርሺዜ?

31 ጊደ ኣቲን ኢንቴ ወሪካ ኡባፌ ኣጲዛ ኢሞታ ሎኤላ ኮዪቴ።

ቃሴካ ሃራ ኡባፌ ኣጲዛ ኦጌ ታ ኢንቴና ቤሳና።

13

ቱሙ ሲቆ

1 ታ ኣሳ ቃላኒኔ ሳሎ ኪታንቻታ ቃላን ሃሳይኮካ ታስ ሲቆይ ባይንዳ ኣጊኮ ጮ ሚላ ቢራታ ጊሪሳ ማላ ዋይኮ ዳላ ጊሪሳ ማላ።

2 ቲንቢቴ ሃሳይዛ ኢሞታይ ታስ ዲኮካ፣ ዋይኮ ጹራ ዮኦታኔ ኤራቴላ ወርሳ ታ ኤሪኮካ፣ ዙማይ ኢዚ ዲዛሶፕ ቆቃላዳ ሃራሶ ዲጊዛ ኣማኖይ ታስ ዲኮካ ሃሳ ወርሳካ ሲቆይ ባይንዳ ታ ኦሊኮ ሂሲ ሃዳ።

3 ታስ ዲዛዝ ወርሳ ማንቆታስ ታ ኢሚኮካ፣ ታ ኣሳቴላ ታ ታማን ጸጊኮካ፣ * ሲቆይ ባይንዳ ኣጊኮ ታና ሂሲ ኣይኮካ ማዳና።

4 ሲቆይ ዳንዳያ፣ ቃሴካ ኪያ፤ ሲቆይ ሚቃይኔና፤ ጨቄቴና፤ ኦቶራቴና፤

5 ቤሶንታዝ ኦሌና፤ ባ ጎኣ ጸላ ጸሌና፤ ቆሆ ቆዳን ዬጌና።

6 ሲቆይ ቱማንፕ ኣቲን ማካላን ኡፋዬቴና።

7 ሲቆይ ኡባ ዋይ ዳንዳዬስ፤ ኡባ ዋይካ ኣማኔስ፤ ኡፋይስ ኦሌሲኔ ሚኒ ኤቄስ።

8 ሲቆይ ሙሌካ ኩንዳና፤ ቲንቢቴይ ጊዲኮ ኣታና፤ ሃራ ቃላን ሃሳያይካ ኣታና፤ ኤራቴላካ ሻሬታና።

9 ጋሶይካ ኑ ኤሪዛይ ኡባ ጊደንታ ሻኪ ኤርስ፤ ቲንቢቴ ሃሳያ ጊዲኮካ ባጋ ሃሳዮስ።

10 ጊደ ኣቲን ወርሴላ ጋኪዛ ዋይ ኩሜላ ጊደንታ ኢሞታይ ሄ ዋይ ሻሬታና።

11 ታ ጉላ ናቴቴላን ዳሼ ና ማላ ሃሳያይሲኔ ና ማላ ቆፓይስ፤ ና ማላካ ዩሻ ቆፓይስ፤ ካሃ ኩንሊዳፕ ጉዬ ካሴ ናቴላን ሃኒዛይሳ ወርሳካ ዬጋ ኣጋዲስ።

12 ኑኒ ሃኢ ቤኢዛይሲ ሃላን ጸሊዛ ማላ ጮ ቦዢ ቦዢስ ሺን ሄ ዋይ ጊዲኮ ኑ ኢዛ ኣይፌሶ ሎኤላ ቤያና፤ ታ ሃኢ ኩሜላ ጊደንታ ባጋ ጸላላ ኤራይስ፤ ሄ ዋይ ጊዲኮ ታኒ ታ ሁኤስ ኤራቴዳይሳ ማላ ኤራና።

13 ሃሳ ጊሻስ ኣማኖይ፣ ሂደታይኔ ሲቆይ ሃይቲ ሃቫቲ ኤቄ ዳና፤ ሃይታ ኡባፌ ኣጲዛይ ሲቆ።

14

ኢሞታታን ቤሲዛ ማላ ጎኤቴላ

1 ሲቆ ካሊቴ፤ ኣያና ኢሞታታ ሃራፕካ ቲንቢቴ ሃሳይዛ ኢሞታታ ሎኤላ ኮዪቴ።

2 ሃራ ቃላን ሃሳይዛይይ ጸሳስ ኣቲን ኣሳስ ሃሳዬና፤ ጹራ ጊዲዳ ዮኦ ኣያናን ሃሳይዛ ጊሻስ ኢዚ ጊዛይ ኣሳስ ጌሊና።

3 ቲንቢቴ ሃሳይዛይይ ኣስ ሚንሌላናስ፣ ዳንሌላናሲኔ ጎኣናስ ሃሳዬስ።

4 ሃራ ቃላን ሃሳይዛይይ ቃሴ ባርካ ባና ሚንሌላስ፤ ቲንቢቴ ሃሳይዛይይ ጊዲኮ ዋሳ ኬላ ጎኤስ።

5 ኢንቴ ወሪካ ሃራ ቃላን ሃሳይዛኮ ታ ደሳይስ ሺን ሃሳፊካ ቦላራ ኢንቴ ቲንቢቴ ቃላን ሃሳይዛኮ ታ ደሳይስ፤ ዋሳ ኬላይ ሚናና ማላ ሃራ ቃላራ ሃሳይዛይይ ባ ሃሳይዛይሳ ቢርሸንታ ኢዚ ሃራ ቃላራ ሃሳይዛይሳፌ ቲንቢቴ ሃሳይዛይይ ኣጴስ።

6 ሃሳ ጊሻስ ታ ኢሻቶ! ታ ኢንቴኮ ቢዛ ዋይ ታ ኢንቴስ ቆንጨሴላን ዋይኮ ኤራቴላን ዋይኮ ቲንቢቴን፣ ዋይኮ ቲሚርቴን ዮቶንታ ሃራ ቃላራ ዮቲኮ ሂሲ ኢንቴና ኣይ ጎኣኔ?

7 ሃሲ ጮ ሱሱልኤ ማላኔ ዲላ ማላ ሸምፖይ ባይንዳ ኢስታ ጊሪሳስ ዲማቴላ ሻኬቲ ኤራቶንታ ኣጊኮ ኢዛ ዋሰቲ ኤራኔ?

8 ቃሴካ ጸራምባይ ኣዛስ ፑኔቲዛኮ ዋይኮ ዛዬይ ኣዛስ ዛዬቲዛኮ ሻኪ ኤራቶንታ ኦጌራ ፑኔቲኮ ኦኒ ኦላስ ጊኔታኔ?

9 ኢንቴካ ሃሳ ማላ፤ ኢንቴ ደናፕ ኤራቴዛ ቃላይ ኬዘንታ ኣጊኮ ኢንቴ ጊዛይሳ ኦኒ ኤራኔ? ጮ ሚላ ጨርኮን ጳያና።

10 ኣላሚ ቦላ ዳር ዲማ ዲማ ቃላይ ዳስ ሺን ቢርሸላ ባይንዳ ቃላይ ባ።

11 ሃሳ ጊሻስ ኢሳይይ ሃሳይዛ ቃላ ቢርሸላ ታ ኤርንታ ኣጊኮ ሃሳይዛይስ ታኒ ኢሞላ ጊዳይስ፤ ኢዛይይካ ታስ ኢሞላ ጊዳይስ።

13:2 ማቶ 17:20፤ 21:21፤ ማር 11:23 * 13:3 ታማን ጸጊኮካ፣ ታማን ጸጊኮካ ጊዛይሳ ኢሲ ኢሲ ጌሻ ማጸፋቲ ኦቶራቴላስ ጌቲስ።

12 እንዲሁ ህግ ማላ አያናን አምቲታ ደማናሰ ኮይዛ ገሻሰ ዋሳ ኬላ ጎሊዛ አምታታ ደማናሰ ሎኤላ ኮዩቲ።

13 ህግ ገሻሰ ሃራ ቃላን ሃሳይዛ አሲ ባ ሃሳይዳይሳ ቢርሼል ኤራና ማላ ባሰ ዋሶ።

14 ታኒ ሃራ ቃላራ ዋሲዛ ዋዴ ታ አያናን ዋሳይሰ አቲን ታ ኢዛፔ አይኮካ ኤሪኬ።

15 ሂሰቲን ታ አይ አላና ማላ ታሰ ቤሲዜ? ታኒ ታ አያናንካ ዋሳና፤ ዋዚናን ዋላዳካ ዋሳና፤ ታ አያናንካ ዩዳና። ዋዚናራካ ዩዳና።

16 ህግላ ገደንታ አገኮ ኔ ጸሰ አያናን ጋላቲዛ ዋዴ ህግ ኤርንታ ኢሲ አማሳ አሲ ኔ ጋላታ ዋሳ ዋሰቲ። «አሚን» ጋናሰ ዳንዳይዜ?

17 ኔ ቤሲዛ ማላ ጋላታናሰ ዳንዳይሳ፤ ሃንኮይሲ ገደኮ ኢዛን ጎኤቲና።

18 ታኒ እንቲፊ ቦላራ ሃራ ቃላን ሃሳይዛ ገሻሰ ጸሰ ጋላታይሰ።

19 ገደ አቲን ዋሳ ኬላን ኤሬቶንታ ዳር ሺ ቃላታ ሃሳናፕ ሃራ አሳታ ታማርሳናሰ አሳይ ኤሪዛ ኢቻሽ ቃላን ሃሳናፕ ዳሳይሰ።

20 ታ አሻቶ! እንቲ እንቲ ቆፋን ጉላ ናይታ ማላ ገደፕቲ፤ ኢታ አሰሰ ገደኮ ጉላ ናይታ ማላ ገደቲ፤ ቆፋን ገደኮ ካሃ ኩንሲዳ አሳታ ገደቲ።

21 ካሴ ዋጋንካ፡ «ኢሰታ ቃላይ አምላ ገደዳ አላጋ አሳታ ቃላራ ታ ሃይሳ አሳሰ ዮታና። ህግላ ዮቲንካ ታ ገዛዝ ኢሰቲ ሲዬቲናን ጌሰ ጎዳይ»

ጌቲቲ ካሴ ጌሻ ማጻፋን ጸፊቲዳሰ።

22 ህግ ገሻሰ ሃራ ቃላን ሃሳይዛ አማናንታ አሳሰ ማላታ ገደሰ አቲን አማኒዛይታሰ ማላታ ገደና፤ ቲንቢቲይ ገደኮ አማኒዛይታሰ አቲን አማናንታይታሰ ገደና።

23 ሂሰቲኮ ዋሳ ኬላን አማኒዛ አሳይ ኢሲፊ ሸቁዳሶን ወሪካ ኤርንታ ሃራ ቃላን ሃሳይሺን ህግ ኤርንታ አሳቲ ዋይኮ አማናንታ አሳይ ሸቁዳ ሃሳይዛሶ ጌሊኮ፡ «ሃይቲ ጎዬቲሰ» ጌቲኔ?

24 ገደ አቲን አሳይ ወሪ ቲንቢቲ ቃላ ሃሳይቲሺን አምላ ዋይኮ አማናንታይደ ጌሊኮ ባ ሲዩዳይሳ ኡባ ኤራናኔ ህ ቃላን ፐርዴታና።

25 ኢዛዴይ ባ ዋዚናን ቆቲ ዋሊዳዚ ወሪ ቆንጫናኔ ኢዚካ ባ ባጋራ፡ «ቲማፕ ጸሲ እንቲናራ ዳሰ» ገደ ጉፋኒ ጸሳሰ ጎይናና።

26 ህግ ገሻሰ ታ አሻቶ! ሂሰቲን አይ ገና? እንቲ ኢሲፊ ሸቁዛ ዋዴ እንቲፊ ኢሲ ኢሲ አሳሰ ማዛሙራ ቃሴ ኢሲ ኢሲ አሳሰ ቲሚርቲይ ዳሰ፤ ኢሲ ኢሲ አሳሰ ቆንጫንታ ጸራ ሚሻታ ቆንጫሲዛ አምታይ ዳሰ፤ ሃራ አሳሰ ዳማ ቃላን ሃሳናፕ አምታይ ዳሰ፤ ሃራሰ ቃሴ ህ ቃላ ቢርሼዛ አምታይ ዳሰ፤ ሂሲ ህ አምታይ ወሪካ አማኒዛይታ ጎአናሰ ቤሴሰ።

27 ሃራ ቃላራ ሃሳይዛይ ደኮ ናምኡ አሰ ዋይኮ ዳር ዳሪኮ ሃቸ ገደዱ ታራን ታራን ዮቲቶ፤ ሃራ አሲ ቃሴ ቢርሹ።

28 ቢርሼዛዴይ ባይንዳ አገኮ ሸቁዳ አሳ ገደን ጮኡ ገደ ባሰ ጸላኔ ጸሳሰ ጸላ ዮቶ።

29 ቲንቢቲ ሃሳና አምታይ ደዛ ናቤቲ ናምአቲ ዋይኮ ሃቸቲ ቲንቢቲ ሃሳይቶ፤ ሃንኮ አሳይ ዮቲቲዳይሳ ሎኤላ ፓጮ።

30 ኡቲዳ አሳ ጋርሳፊ አሳዴይ ኢሲ ሚሺ ቆንጫኮ ኮይር ሃሳይዛይሰ ጮኡ ጎ።

31 እንቲ ጋርሳፊ ኢሲ ኢሲ አሲ ታማራና ማላኔ ሚኔታና ማላ እንቲ ወሪካ ታራን ታራን ቲንቢቲ ዮታናሰ ዳንዳይታ።

32-33 ናቤታ አያናይ ናቤታሰ አዛዜቲሰ፤ ጋሶይካ ጸሲ ሳርቲላ ጸሳፊ አቲን ዋጫማ ጸሰ ገደና፤ አማኒዛይታ ዋሳ ኬላ ኡባሶንካ ህግ ማላ።

34 አማኒዛ አሳይ ጎይናሰ ሸቁዛሶን ማጫሳቲ ጮኡ ጌቶ፤ ሙሴ ዋጋይ ካሴ ገደ ማላ ኢሰቲ አዛዜቲቶ አቲን ሸቆሶን ኢሰቲ ሃሳናፕ ማላ ኢሰታሰ አማቲቤና።

35 ማጫሳቲ ኤራናሰ ኮይዛ ኢሲ ኢሲ ዮኦቲ ደኮ ባ ኬላን ባ አዚናታ ኦይቼቶ፤ ጋሶይካ ማጫሲ ሸቆሶን ሃሳይደ ዩላቸዛዛ።

36 ጸሳ ቃላይ እንቲፊ ኬዚዴ? ዋይኮ እንቲኮ ጸላ ጋኪዴ?

37 ኦኒካ ባና፡ «ናቤ» ገኮ ዋይኮ፡ «ታሰ ጸሎ አያናፕ አምታይ ዳሰ» ገዛዴይ ደኮ ሃይሲ ታ እንቲሰ ጸፊዳይሲ ጎዳ አዛዘ ገደዳይሳ ኤር።

38 ሃይሳ ኤርንታ አሲ ደኮ ኢዚ ባ ሁኤሰ ኤሪቲና።

39 ህግ ገሻሰ ታ አሻቶ! ቡር ቲንቢቲ ሃሳናሰ ሎኤላ ኮዩቲ፤ ዳማ ዳማ ቃላን ሃሳናካ ዳጎፍቲ።

40 ገደኮካ ወሪካ ማራራኔ ዋጋራ ገደ።

15

ኪርሰቶሳ ዳንዶ

1 ሃኢካ ታ አሻቶ! ታ እንቲና ሳባኪን እንቲ ኤኪዳ ኢዛን ሚኒ ኤቁዳ ሚሺራቾ ቃላ ሃኢ ቆፍሳና ኮያይሰ።

2 ታ እንቲሰ ሳባኪዳ ቃላ እንቲ ሎኤላ ኦይኪኮ ህ ሚሺራቾ ቃላን እንቲ አታና፤ ህግ ማላ ገደንታ አገኮ እንቲ አማናይ ሃዳ።

3 ታኒ ታሰ ኤኪዳይሳኔ ኡባፊ አጂዛይሳ እንቲሰ አላ አማዲሰ፤ ጌሻ ማጻፋቲ ገዛይሳ ማላ ኪርሰቶሲ ኑ ናጋራ ገሻሰ ሃይቁዳሰ።

4 ሞጌቲዳሰ፤ ጌሻ ማጻፋታን ጸፊቲዳይሳ ማላ ሃቸንላ ጋላሰ ሃይቆፕ ዳንዲዳሰ።

5 ህግሳ ካሊዲ ጸጽርሳሰ ቤቲዳሰ፤ ቃሴካ ዩሱሳ ካሊዛ ታማኔ ናምአታሰ ቤቲዳሰ።

6 ህግሳ ጉዬ ኢቻሹ ጸቲፕ ቦላራ ደዛ አማኒዛይታሰ ኢሲቶ ቤቲዳሰ፤ ኢዛ ቤኢዳ አሳፕ ዳሪዛ ባጋይ ፓጻ ዳሰ፤ ባጋይ ቃሴ ሃይቁዳሰ።

7 ህግሳ ጉዬ ያቆቤሰ ቤቲዳሰ፤ ካሊዲካ ኩሚላ ሃዋሪታሰ ቤቲዳሰ።

8-9 ታኒ ሃዋሪታ ኡባፊ ላፋኔ ካሴ ጸሳ ዋሳ ኬላ ጎዳዳ ገሻሰ ሃዋሪ ጌቲታናሰ ቤሶንታይኮ ሺን አሰ ኡባፊ አወጫያ ሚሳቲዛ ታሰካ ቤቲዳሰ።

10 ገደ አቲን ጸሳ ኪያቲላን ሃኢ ታ ሃናይሳ ሃናዲሰ፤ ታሰካ አማቲዳ ጸሳ ኪያቲላ ሃዳ ገደቤና፤ ታኒ ኦናፕካ ቦላራ ዳር ሚና አላዲሰ። ገደ አቲን ህግ ኢላዳይ ታና ገደንታ ጸሳ አጾ ኪያቲላ።

14:21 አሳ 28:11-12 15:3 አሳ 53:5-12 15:4 ማዛ 16:8-10፤ ማቶ 12:40፤ ሃዋ 2:24-32 15:5 ሉቃ 24:34፤36፤ ማቶ 28:16-17፤ ማር 16:14፤ ዮሃ 20:19 15:8-9 ሃዋ 8:3፤ 9:3-6

11 ሄሳ ገሻስ ታና ገዲን ኢስታካ ገዲን ኑ ወሪካ ሳባኪዛይ ሄሳ፤ አንቴካ አማኒዳይ ሄሳ።

ሃይቁዳ አሳ ዳንል

12 ኪርሰቶሲ ሃይቆፔ ዳንዲዳይሳ ኑ ታማርሲኮ ሂሰቲን አንቴ ጋርሳፌ ኢሲ ኢሲ አሳቲ ዋኒዲ ሃይቆፔ ዳንዳይ ባ ገዘ?

13 ሃይቁዳ አሳስ ዳንል ደንታ ገዲኮ ኪርሰቶሲካ ዳንዲቤና ጉሳካ?

14 ኪርሰቶሲካ ሃይቆፔ ዳንደንታ ገዲኮ ኑ ሳባኮስ ጎኦይ ባ፤ አንቴ አማኖይካ ሃዳ።

15 ሄሳፊካ ቦላራ፡ «ጸሲ ኪርሰቶሳ ሃይቆፔ ዳንልዳስ» ገዲ ኑ ማርካቲዳ ማርካይካ ኑና ዋርዶ ጸሳ ማርካታ ኬሲዳስካ? ሃይቁዳ አሳይ ሃይቆፔ ዳንደንታ ገዲኮ ጸሲ ኪርሰቶሳካ ዳንልቤና ጉሳ።

16 ጋሶይካ ሃይቁዳይቲ ዳንደንታዝ ገዲኮ ኪርሰቶሲካ ሃይቆፔ ዳንዲቤና።

17 ኪርሰቶሲ ሃይቆፔ ዳንደንታ ገዲኮ አንቴ አማኖይ ሃዳ፤ አንቴካ ሃኖ ጋካናስ አንቴ አንቴ ናጋራራ ዳታ ጉሳ።

18 ሃኖይ ሄሳ ማላ ገዲኮ ኪርሰቶሳ አማኒዲ ሃይቁዳይቲ ወሪካ ጳይዳ ጉሳ።

19 ኑኒ ኪርሰቶሳን ኡፋይሰ ኦላዛይ ሃኖ ቢታይ ቦላ ዲሳስ ጸላ ገዲኮ ኑ አሳ ኡባፌ ላፋታ።

20 ገደ ኦቲን ኪርሰቶሲ ሃይቁዳይታስ ኡባስ ባይራ ገዲዲ ሃይቆፔ ቱሙ ዳንዲዳስ።

21 ሃይቆይ ኢሲ አስ አዳሜ ባጋራ ዪዳ ማላ ሃይቁዳይታ ዳንል ኪርሰቶሳ ባጋራኮ።

22 አሲ ወሪካ አዳሜ ባጋራ ሃይቁዳ ማላ ሄሳታካ አሲ ወሪካ ኪርሰቶሳ ባጋራ ሃይቆፔ ዳንዳና።

23 ገደ ኦቲን ወሪካ ባ ታራራ ታራራ ዳንዳና፤ ኮይር ባይራ ገዲዳ ኪርሰቶሲ ዳንዲዳስ፤ ኢዛፔ ካሊዲ ኢዚ ዪዛ ዋዴ ኪርሰቶሳስ ገዲዛይቲ ዳንዳና።

24 ሄሳፊ ጉዬ ሃራቲዛ ዳሬታ ጎዳቴሌኔ ዋልቃማታ ወርሲ ጳይሲዳፔ ጉዬ ካዎታ ጸሳ አዋስ አላ አሚዛ ዋዴ ሄ ዋዴ ወርሴል ገዳና።

25 ኢዚ ባ ሞርኬ ወርሲካ ባ ቶሆ ጋርስ አላና ጋካናስ ኢዚ ካዎታናስ ቤሴስ።

26 ቡር ወርሴላን ጸኔቲ ጳያና ሞርኬይ ሃይቆ።

27 «ጸሲ ወርሴላን ኢዛ ጎዳቴሌፌ ጋርሳን ዋሊዳስ» ገዘዚ ጌሻ ማጸፋን ጸፊቲዳስ፤ ገደ ኦቲን፡ «ወሪካ ኢዛ ጎዳቴላ ጋርሳን ገዲዳስ» ገሺን ወሪካ ኢዛ ጎዳቴላ ጋርሳን ኦላዳ ጸሳ አዋ ጉጃና።

28 ወሪካ ኢዛስ ሃራቲዳይሳፌ ጉዬ ጸሲ ኡባፌ ቦላ ገዳና ማላ ጸሳ ናይ ቃሴ ኡባ ባስ ሃራሲዳይሳስ ጸሳ አዋስ ሃራታና።

29 ሃይቆፔ ዳንል ደንታ ኦቲን ሂሰቲን ሃይቁዳ አሳ ገሻስ ገዲ ጸማቁቲዛ ኡባስ ጎኦይ አዜ? ሃይቁዳይቲ ሙሊካ ዳንደንታ ገዲኮ ሂሰቲን አሳይ ኢስታ ገሻስ አዛስ ጸማቁቲዜ?

30 ኑ ቃሴ ኡባ ዋዴ ኢታ ሜቶስ አጲ አሜቲዛይ አዛሴ?

31 ታ አሻቶ! ሃኙ ሃኙ ሃይቆይ ታናራ ጋጌስ፤ ሄሳካ ኑ ጎዳ ዩሱስ ኪርሰቶሳ ጋሶን አንቴ ቦላ ዲዛ አማኔቴል ታ አንቴስ ቆንጫሳይስ።

32 ታኒ ኤፌሶኒን ደኦ ሚሳቲዛ አሳታራ ባጸቲዳይሲ አሲ ቤያና ማላ ጸላላ ገዲኮ ታስ ኢዛን አዛ ዋዴይ ዲዜ? ሃይቁዳይታስ ዳንል ደንታ ኦቲን፡ «ኑ ዋንቶ

ሃይቃና ገሻስ አኔ ሞስ፤ አኔ ኡኖስ» ገዛይታ ማላ ኑኒካ ኢስታ ማላ ገደስ።

33 አንቴ ባሌቶፍቴ! ኢታ ላጌቴል ሎኦ አማሌራ ዲዛይታ ሞሪስ።

34 ዋዚናማ ገዲቴ፤ ናጋራ አላፍቴ፤ ጸሲ ኤርንታይቲ ኢሲ ኢሲ አሳቲ አንቴ ጋርሳን ዲዛ ገሻስ ታ ሄሳ አንቴና ዬላቻናስ ጋይስ።

ሃይቆፔ ዳንዳና አሳቴል

35 «ሃይቁዳይቲ ዋኒ ዳንዳኔ? አይ ማላ አሾራ ዳንዳኔ?» ገዘዳይ ዳና ዳንዳዬስ።

36 ኔኖ ኤያዘ! ኔ ዜሪዛ ዜሪላይ ሃይቆንታ ዲሺ ጨሬና።

37 ኔኒ ዜሪዛ ካላ ሞዴያ ገሰቲ ዋይኮ ሃራ ካላ አይፌ ገዲኮካ ጉዬፔ ኔ ኤካናራ ሃኒ ኔ ዜርር ገዲኮ።

38 ጸሲ ቃሴ ባ ኮዪዳ ማላ ሄ ዜሪላስ ኢዛ ማላ ሜዶ አሜስ፤ ዜሪላ ቆሞታስ ኢሳስ ኢሳስ ኢዛ ሚሳቲዛ አሳቴል አሜስ።

39 አሾይ ወሪካ ኢሲ ማላ ገደና፤ አሳ አሾይ አሳ ገዲሺን ሜሄ አሾይ ቃሴ ሃራ፤ ካፎ አሾይ ሃራ፤ ሞሌ አሾይካ ሃራ ቆሞ።

40 ሄሳ ማላካ ሳሎን ዲዛይታስካ ኢስታ ሚሳቲዛ ሜዶይ ዳስ፤ ቢታ ቦላ ዲዛይታስካ ኢስታ ሚሳቲዛ ሜዶይ ዳስ፤ ገደ ኦቲን ሳሎይታ ቦንቾይ ኢሲ ማላ፤ ቢታ ቦላ ዲዛይታ ሜዶ ቦንቾይካ ዲማ።

41 አርሼ ቦንቾይ ኢሲና፤ ገደ ኦቲን ኦጊና ቦንቾይ ቃሴ ዲማ፤ ጸሊንቲታ ቦንቾይካ ሃራ፤ ኢሲ ጸሊንቲ ቦንቾይ ሃራ ጸሊንቲ ቦንቾፌ ዲማቴስ።

42 ሃይቁዳ አሳ ዳንልካ ሄሳ ማላ፤ ዋቂዛ ሜዶይ ዜሪቲን ዋቆንታ ሜዶይ ዳንዳና።

43 ካወሻቴላን ዜሪታና ሺን ቦንቾን ዳንዳና፤ ዳቡርሳን ዜሪታና ሺን ዋልቃማ ገዲዲ ዳንዳና።

44 ሜዴቴላ አሳቴል ዜሪታና ሺን አያና አሳቴል ዳንዳና፤ ሜዴቴላ አሳቴል ዲኮ ቃሴካ አያና አሳቴልካ ዳስ።

45 ሄሳ ገሻስ፡ «ኮይር አስ አዳሜይ ዳኦይ ዲዛ ሜዴቴል ገዲዳስ» ጌቲቲ ጌሻ ማጸፋን ጸፊቲዳስ። ናምአንላ አዳሜ ገዲዳ ኪርሰቶሲ ገዲኮ አሳስ ዴኦ አሚዛ አያና።

46 ገደ ኦቲን ኮይር ዪዳይ አያናይሳ ገደንታ ሜዴቴላይሳ፤ አያናይሲ ቃሴ ጉዬፔ ዪዳይሳ።

47 ኮይር ዪዳ አዳሜይ ቢታፌ ሜዴቴላ ገሻስ ኢዚ ቢታፌ። ናምአንላ ዪዳይሲ ሳሎፔ።

48 ቢታፌ ገዲዳይቲ ኢስቲ ቢታፌ ሜዴቴላይሳ ማላ፡ ሳሎፔ ገዲዳይቲ ሳሎፔ ዪዳይሳ ማላ።

49 ኑኒ ቢታ አሳ ሜዳ ማይኦይሳላካ ሳሎይሳ ማዳካ ማይኦና።

50 ታ አሻቶ! ታ ሃይሳ አንቴስ የታይስ አሾይኔ ሱላ ጸሳ ካዎቴል ላቴና፤ ጳያናይሲ ጳየንታይሳ ላቴና።

51 አኔ ታ አንቴስ ኢሲ ጸራ የኦ የታይስ፤ ኑኒ ወሪካ ሃይቆኮ፤ ገደ ኦቲን ኑ ወሪካ ሳሜታና።

52 ሄሲካ ሃናናይ ኑ ቆፖንታ ዲሺን ወርሴላ ጸራምባይ ፑኔቲዛ ዋዴ ቂጶዳ አይፌይ ጸሊዛ ማላ ኢሲቶ ሃናና፤ ጸራምባይ ፑኔታና፤ ሃይቁዳ አሳይ ዋቆንታይታ ገዲዲ ዳንዳና፤ ኑኒካ ሳሜታና።

53 ጳይዛይሲ ጳዮንታይሳ ማይኣናስ፣ ሃይቁዛይ ሃይቆንታይሳ ማይኣናስ ቤሴስ።

54 ጳይዛይ ጳዮንታዝ፣ ሃይቁዛይ ሃይቆንታዝ ማይኢዛ ዋዳ፣ «ሃይቆይ ጸኔት ሚቲቲዳስ» ጌቲቲ ካሴ ጌሻ ማጻፋን ጸፊቲዳ ቃላይ ፖሊታና።

55 ሄሳዳካ፣
«ሃይቆ! ካሴ ኔ ጸናይ ኣዋን ዲዜ?
ሃይቆ! ኔ ኢዛራ ጫዲዛ ዩሻይ
ኣዋን ዲዜ?»

ጌቲቲ ጸፊቲዳስ።

56 ሃይቆይ ኢዛራ ዲኪዛ ዋልቃይ ናጋራ፤ ናጋራ ዋልቃይ ዋጋ።

57 ጊዶ ኣቲን ጎዳ ዬሱስ ኪርሰቶሳ ባጋራ ኑስ ጸኖ ኢሚዛ ጸሳስ ጋላታይ ጊዶ።

58 ሄሳ ጊሻስ ታ ሲቆ ኢሻቶ! ሚኒ ኤቁቲ፤ ኣይ ሚሻንካ ያርክ ያርኮፍቲ፤ ጎዳ ኦሶስ ኢንቲ ዳቡርዛ ዳቡርሳይ ሃዳ ጊደንታይሳ ኤሪዲ ኡባ ዋዳ ፓጩይ ባይንዳ ጎዳስ ኦፋናስ ሚኔቲቲ።

16

ዩሩሳሌምን ኣማኖ ጋሶን ዋዩቲዛይታስ ሚሻ ኬሶ

1 ሃኢ ቃሴ ኣማኒዛይታስ ሚሻ ኬሶ ጊሻስ ጋላቲያን ዲዛ ዋሳ ኬላታስ ታኒ ኢሚዳ ኣዛዞ ማላ ኢንቲካ ኦሳቲ።

2 ሚሻይ ኬዛናይ ቡሮ ታ ሄ ቢን ጊደንታ ማላ ኢንቲፊ ኢሲ ኢሲ ኣሲ ባስ ዲዛ ማላ ሳሚንታን ሳሚንታን ዋጋ ጋላስ ኬሲ ዋሶ።

3 ታ ሄ ቢዛ ዋዳ ኢንቲ ደሪዳ ኣሳታስ ታ ሞይዞ ዳብዳቤ ጸፋ ኢማዳ፣ ኢስቲ ኢንቲ ኢሚዳ ኢሞታ ዩሩሳሌም ጋላና ማላ ሃፔ ታ ኪታና።

4 ታ ኢስታራ ባናስ ኮሺዛዝ ጊዲኮ ታናራ ባንዴቲስ።

ኦጌ ባናስ ጳዉሎሳ ቆፋ

5 ታኒ ባሼ ማቂደኒያራ ኣቆ ቡሲ ታስ ኣቶንታ ጊሻስ ታ ማቂደኒያ ጋካዳ ሄራ ኢንቲኮ ባና።

6 ታ ኣዋካ ቢሺን ታና ኦጌይ ዋዩሶንታ ማላ ኢንቲ ታና ማደና ማላ ባሼ ታ ኢንቲ ኣቻን ጋሞኣንታ ኣጊኬ። ኦኔ ኤሪዛይ ባልጎይ ኣቆና ጋካናስ ታ ኢንቲ ኣቻን ባልጎዛ ኣሶንታ ዋያ ኣጋና።

7 ታ ኢንቲ ኣቻን ዳሮ ዋዳ ጋሞኣናስ ኮይዛ ጊሻስ ኢንቲና ጮ ኦጌራ ኣቆ ባሼ ቤያናስ ኮይኬ፤ ጎዳ ሸኔ ጊዲኮ ኢንቲ ኣቻን ኣዳሳ ዋዳ ጋሞኣናስ ኮያይስ።

8 ጊዶ ኣቲን ጳንጹቆስቲ ጌቲቲዛ ባኣሌ ጋላስ ጋካናስ ታ ኤፌሶኔን ጋሞኣና።

9 ታ ሄን ጋሞኣና ጋሶይካ ታስ ሄን ጊታ ኦሶ ፔንጌይ ደዩቲዳስ ሸን ታናራ ኤቁቲዛይቲ ዳሮቲ ዳቲስ።

10 ጸምቶሲ ኢንቲኮ ቢኮ ኢዚ ታ ማላ ጎዳ ኦሳንቻ ጊዲዳ ጊሻስ ኢዚ ባቦይ ባይንዳ ዳና ማላ ኢንቲ ኢዛ ማዲቲ።

11 ሄሳ ጊሻስ ኦኒካ ኢዛ ካዶፖ፤ ኢዚ ታኮ ሳሮን ሲማና ማላ ኢንቲ ኢዛ ማዲቲ፤ ኦኒካ ሃራ ኣማኒዛይታራ ኢዛ ዩሳ ናጎን ደስ።

12 ኑ ኢሻ ኣጲሎሲ ሃራ ኣማኒዛይታራ ኢንቲኮ ባና ማላ ኬሃ ዋሳዲስ ሸን ኢዚ ቃሴ ሃኢ ኢንቲኮ ባናስ

ኮዩቤና፤ ጊዶ ኣቲን ባና ኦጌይ ኢዛስ ጊሺን ኢዚ ኢንቲኮ ባና።

ወርሴላ ዞሬኔ ሳርካ

13 ቤጊቲ! ኣማኖን ሚኒ ኤቁቲ፤ ሚኒቲ፤ ጎቤቲ።

14 ኢንቲ ኦሳዛዝ ወርሴካ ሲቆን ኦሳቲ።

15 ታ ኢሻቶ! ኣካያ ቢታን ኮይሮ ኣማኒዳይ ኢስቲፋኖሴሶ ኣሳ ጊዲዳይሳኔ ኣማኒዛ ኣሳ ማደናስ ኢስቲ ባና ኣሌ ኢሚዳይሳ ኢንቲካ ኤሬታ።

16 ኢስታ ሚሳቲዛ ኣሳታሲኔ ኢስታራ ኢሲፊ ዳቡርዛ ኣሳታስ ኡባስ ኣዛዜታና ማላ ታ ኢንቲና ዋሳይስ።

17 ኢስቲፋኖሴ፣ ፊርደናጸሲኔ ኣካይቆሲ ዩዳ ጊሻስ ታ ዳሮ ኡፋይታይስ፤ ጋሶይካ ኢንቲ ሃን ታናራ ደንታ ጊሻስ ኢስቲ ታስ ፓጩዛዝ ወርሴ ኩንሉዳ።

18 ታ ዋዚናኔ ኢንቲ ዋዚና ወርሴ ሸምፕሲዳ፤ ሄሳ ጊሻስ ሄሳንታ ማላ ኣሳታ ሙሌ ባሎፕቲ።

19 ኢሲያ ቢታን ዲዛ ዋሳ ኬላቲ ኢንቲና ሳሮ ጌቲስ፤ ኣቁላይኔ ጸርሲቁላይካ ኢስታ ሶን ሸቁዛ ኣማኒዛ ኣሳይ ጎዳ ሱንጎን ቦንቾ ሳሮታ ኢንቲስ ሸሸቲስ።

20 ሃን ኣማኒዛይቲ ወሪካ ኢንቲና ሳሮ ጌቲስ፤ ኢንቲ ኢንቲ ጊዶን ኢሶይ ኢሳራ ሲቆ ዩሬቲሉ ዩሬቲቲ።

21 ሃይሳ ሳርካ ታ ኩሼራ ጸፊዳይ ታና ጳዉሎሳ።

22 ጎዳ ደሶንታይይ ዲኮ ኢዚ ቃንጌቲዳዳ ጊዶ! ጎዳ ሃ ያ!

23 ጎዳ ዬሱሳ ኪያቲሉ ኢንቲናራ ጊዶ።

24 ታ ሲቆይ ጎዳ ዬሱስ ኪርሰቶሳ ባጋራ ኢንቲስ ኡባስ ጊዶ! ኣሚን።

ጳውሎሲ ቆርንቶስ እሳስ ጳፊዳ ናምኣንሶ ኪታ ጊዶ ቆፋ

ጳውሎሲ ቆርንቶስ እሳስ ናምኣንሶ ኪታ ጳፊዳ ጋሶይካ ቆርንቶስን ዲዛ ዋሳ ኬላይራ ኢዛሰ ዲዛ ጋይቶቲላይ ዳሮ ሎኣንታ ገሻሳ። ኢሲ ኢሲ ኣማኒዛ ኣሳቲ ዳዲዛ ካጄ ቃላታ ኢዛ ቦላ ሺሺኮካ ጳውሎሲ ኢሰታራ ገጋናሰ ኬሂ ኮዩዳይሳ ቤሴሰ፤ ኢዚ ኢሰታራ ገገኮ ኢዛሰ ገታ ኡፋይሲ ሲዩታናይሳ ቆንጨሴሰ።

ባ ጳፊዳ ኮይሮ ኪታ ቦላ ጳውሎሲ ቆርንቶስን ዲዛ ዋሳ ኬላይራ ኢዛሰ ዲዛ ጋይቶቲላይ ቆንጨሴላን ሄ ዋሳ ኬላይን ዳንዲዳ ቦሮ ዮኣዛሰኔ ኢሰታ ኤቁቲላሰ ኣይሰ ኢዚ ሚኖ ዛሮ ኣሚዳኮ ኤሪሴሰ። ኢዚ ሄሳራ ኢሲ ቦላ ጋሌዲ ኢዛ ሃንቆዛን ኣሳይ ማርቲላሰኔ ማቃይሶን ጋሌዳ ገሻሰ ሄሲ ኢዛሰ ሲዩቲዳ ኡፋይሳ ቆንጨሴሰ። ቃሴካ ዩሁዳን ዲዛ ኣማኒዛ ኣሳ ማዳናሰ ኪያቲላ ማዶ ኢማና ማላ ኢሰታ ቆፍሴሰ፤ ወርሴላ ሸምፖታ ቦላ ጳውሎሲ ባ ሃዋሪቲላ ቦላ ዳንዲዳ ዋቶዛ ገሻሰ ባና ማዲዛ ማካልካያ ዛሮ ኢማሰ። ቆርንቶስ ዋሳ ኬላን ኢሲ ኢሲ ኣሳቲ ባርካ ባና ቱሙ ሃዋሪቲ ኦና ጉሳን ጳውሎሳ ዋርዶ ሃዋሪ ጊዲ ሞቲቲሰ።

ሃ ማጻፋይ ኦይኪዳ ኩሜላ ቆፋ

ጌሎሶ 1:1-11

ጳውሎሳኔ ቆርንቶስ ዋሳ ኬላ 1:12—7:16

ዩሁዳን ዲዛ ኣማኒዛ ኣሳ ማዳናሰ ሚሼ ኬሶ

8:1—9:15

ጳውሎሲ ባሰ ሃዋሪቲላ ገሻሰ ሺሺዳ ማካልካያ

ዛሮ 10:1—13:10

ኩሻ ቆፋ 13:11-14

1 ጳሳ ሸኔ ማላ ዩሱሰ ኪርሰቶሳሰ ኪቲቲዳ ጳውሎሳፔኔ ኦ ኢሻ ጸምቶሳፔ ቆርንቶስን ዲዛ ጳሳ ዋሳ ኬላይሰ ቃሴካ ኣካያ ቢታን ኣማኒዛ ኩሜላ ኣሳሰ።

2 ኦ ኣዋ ጳሳፊኔ ጎዳ ዩሱሰ ኪርሰቶሳፔ ኪያቲላኔ ሳሮይ ኢንቲሰ ጊዶ።

ጳውሎሲ ጳሳሰ ሺሺዳ ጋላታ

3 ማሪዛ ኣዋሰኔ ወርሴካ ሚንሌላዛ ኦ ጎዳ ዩሱሰ ኪርሰቶሳ ኣዋ ጳሳሰ ጋላታይ ጊዶ።

4 ኦኒካ ኦ ባጋራ ጳሳፊ ዳሚዳ ሚኖቲላን ማቶቲቲዛይታ ሚንሌላናሰ ዳንዲያና ማላ ኦ ማቶን ኢዚ ኦና ሚንሌላሰ።

5 ኪርሰቶሳ ዋዩይ ኦ ቦላ ዳሪዳይሳ ማላ ኦሰካ ኪርሰቶሳ ባጋራ ሚንሌላይ ዳሪሰ።

6 ኦ ማቶን ኢንቲ ኣቶቲላኔ ሚኖቲላ ዳሚታ፤ ኦኒ ማቶቲሺን ቃሴ ኢንቲካ ካሴ ኤኪዳ ማቶዛ ማላ ጌንጨ ኤኪዳ ሚኔታንዳታ።

7 ኦ ማቶ ኢንቲ ኦናራ ሻኪ ኤኪዳ ማላ ኦናራካ ኢንቲ ሚኔታናይሳ ኦኒ ኤሪዛ ገሻሰ ኦሰ ኢንቲ ቦላ ዲዛ ኡፋይሲ ገታ።

8 ታ ኢሻቶ! ኢሲያ ቢታን ኦ ቦላ ጋኪዳ ማቶዛ ገሻሰ ኢንቲ ኤሪና ማላ ኦ ኮዮሰ፤ ሄ ኦ ቦላ ጋኪዳ ማቶዛ ኦ ቶካናፔ ዳጾ ጊዲዳ ገሻሰ ሃይቆንታ ፓጻ ዳና ጊዲ ቆፒቤኮ።

9 ኣዳፊካ ኦ ቦላ ሃይቆ ፒርዳይ ፒርዳቲዳ ሚሳቲዳሰ፤ ሄሲ ወሪካ ኦ ቦላ ጋኪዳ ጋሶይካ ኦኒ ሃይቆዳይታ ዳንሌዛ ጳሳን ኣማኔታናሳፊ ኣቲን ኦ ዋልቃን ኣማኔቶንታ ማላ ሃኒዳሰ።

10 ኢዚ ኦና ሄሳ ማላ ቆፖንታ ሃይቆፔ ኣሺዳሰ፤ ሃኢካ ዋዳፔካ ኢዚ ኦና ኣሻናይሳ ኦ ኣማኔቶሰ።

11 ኢንቲካ ኢንቲ ዋሳን ኦና ማዲቲ፤ ዳሮ ኣሳ ዋሳን ኦሰ ኣማቲዳ ኣምታሴኔ ኦ ገሻሰ ዳሮቲ ጳሳ ጋላቲቲሰ።

ጳውሎሲ ቤያና ባና ጊዳ ቆፋ ላሚዳሰ

12 ሂሰቲኮ ኦ ጨቁቲላ ሃይሳ ማላ፤ ሃ ኣላሚዛን ሃራፔካ ኢንቲሳራ ኦሳራ ዲዛ ጋይቶቲላን ጳሳፊ ጊዲዳ ጌሻቲላኒኔ ሱሬቲላን ኦ ዳኢዳይሳ ኦ ዋዚናይ ኦሰ ማርካቲሰ፤ ሄሲካ ኣሳ ጨንጨቲላን ጊዶንታ ጳሳ ኪያቲላና።

13 ኢንቲ ናባቢዲ ኤሪናሰ ዳንዳዮንታ ሚሽ ኦ ኢንቲሰ ጳፎኮ፤ ኢንቲ ወርሴካ ናባቢዲ ኤሪናይሳ ኦ ኤሮሰ።

14 ኢንቲ ኦናን ጨቁቲላይሳ ማላ ኦኒካ ኢንቲናን ጨቁቲላይሳ ሃኢ ወርሴ ኤሮንታ ኣገኪካ ጎዳ ዩሱሲ ሲሚ ዩዛ ጋላሰ ወርሴካ ኤሪና።

15 ታኒ ሃይሳ ሻካ ኤሪዛ ገሻሰ ናምኡቶ ኢንቲ ጎኤታና ማላ ኮይሮ ኢንቲና ቤያና ቆፓዲሰ።

16 ሄሲካ ታ ካሴ ማቁዲያ ባሼ ኢንቲና ቤያዳ ማቁዲያፔካ ሲማሼ ኢንቲ ኣቻራ ኣቆዳ ታ ዩሁዳ ቢሺን ኢንቲ ታና ማዳና ማላ ቆፓዲሰኮሺን።

17 ሃይሲ ታ ቆፋይ ኢንቲሰ ታ ሎኤላ ቆፖንታ ቆፋ ሚሳቲዜ? ዋይኮ ኣይዛቤታሰ ሎሴ ጊዲዳይሳላ ታኒካ ኢሲቶ። «ኤሮ ኤሮ፣ ቃሴካ ኣካይ ኣካይ» ጊዛ ሚሳቲዜ?

18 ጳሰ ኣማኔቲዳ ጳሰ ጊዲዳ ማላ ኦ ኢንቲሰ ዮቲዛ ቃላይካ፣ «ኤ» ጊዲ «ኣካይ» ጊዛዝ ጊዳና።

19 ጋሶይካ ታና ጊዲን ዋይኮ ሲልዋኖሳኔ ጸምቶሳ ጊዲን ኦ ኢንቲሰ ሳባኪዳ ጳሳ ና ዩሱሰ ኪርሰቶሴ፣ «ኤኔ ኣካይ» ጊዳና፤ ጊዶ ኣቲን ኡባ ዋዳ ኢዛን፣ «ኤ» ጳላላይ ዳሰ።

20 ጳሳፊ ኣማቲዳ ሂደታቲ ወሪካ፣ «ኤ» ጊዲዳይ ኢዛና፤ ኦኒካ ኢዛ ባጋራ ጳሳ ቦንቻሰ፣ «ኣሚን» ጊዛይ ሃሳ ገሻሳ።

21 ሄሳ ገሻሰ ኢንቲካ ኦኒካ ኪርሰቶሳን ሚኒ ኤቃና ማላኔ ባ ኦሶሰ ደሪዳይ ጳሳ።

22 ኦ ኢዛይታ ጊዲዳይሳ ኤሪሳናሰ ባ ማታሚ ኦ ቦላ ሸጨዳይኔ ኦኒ ሲንሳፊ ዳማና ሚሻሰ ኣያና ዋሴቲላ ኦ ዋዚናን ዋላዳይ ኢዛ።

23 ታኒ ቆርንቶስ ሲማዳ ኢንቲኮ ቦንታ ኣገዳይ ኢንቲና ሚሺሲኬ ጋዳኮ፤ ቃሴ ሄሲ ቱሙ ጊዶንታ ዋርዶ ጊዲኮ ጳሰ ታ ቦላ ማርካቶ።

24 ኢንቲ ኣማኖን ኤቁዳ ገሻሰ ኢንቲና ኡፋይሳናሰ ኦ ኢንቲናራ ኦላና ኣቲን ኢንቲ ኣማኖ ቦላ ጎዳታናሰ ጊዳና።

2

1 ታ እንቴና ሚሺሳናስ ኮዮንታ ገሻሰ ቃሴካ እንቴኮ ቢኬ ጋዳ ቆፋ ቃቻዲሰ።
 2 ታ እንቴና ሚሺሲዳዝ ገዲኮካ ሚሹቲዳ እንቴፊ ኣጲ ኡፋይሲዛይ ታሰ ሃራይ ኦኒ ዲዜ?
 3 ታ ካሴ እንቴሰ ጸፊዳይ ታ እንቴኮ ቢዛ ዎዴ ታና ኡፋይሳናስ ቤሲዛ ኣሳቲ ታና ሚሺሶፔቶ ጋዳ ጸፋዲሰ፤ ጋሶይካ ታ ኡፋዬቲኮ እንቴሰ ኡባሲካ ኡፋይሰ ገዳናይሳ ታ ኣማናይሰ።
 4 ታ እንቴሰ ሃሳዎ ጸፊሺን ታ ዎዚናን ዳር ሚሻይኔ ዳር ቆፋይ ኩሚ ዲሺን ዳር ኣፋንጸሽ ጸፋዲሰ፤ ሃሳካ ታ ኦሊዳይ ታ እንቴና ዳር ሰቁዛይሳ እንቴ ኤራና ማላ ጋዳ ኣቲን እንቴና ሚሺሳናስ ገዳና።

ቆሃዲዳሰ ኣቶ ጉሰ

5 ኦኒካ ኣሴ ቆሃዳ ገዲኮ ጉጃቾ ገደንታ ማላ ቆሃዲዳይ ታና ጸላ ገደንታ ጉሳራ ገዲኮካ እንቴናካ ኡባ ቆሃዲዳሰ።
 6 ሃሳ ማላ ኣሳሰ ዳር ኣሳይ ኢዛ ቦላ ዎሊዳ ቁጻቲይ ኢዛዳሰ ገደና።
 7 ሃሳዳይ ኬሂ ሙዘቲዲ ሃደታ ቃንጸንታ ማላ እንቴ ሃሳዳሰ ኣቶ ገዲ ኢዛ ሚንጹላናስ ቤሴሰ።
 8 ሃሳዳካ እንቴ ኢዛ ሰቁዛይሳ ዛሬሊዲ ኢዛ ቤሳና ማላ ታ እንቴና ዎሳይሰ።
 9 ታ ሃይሳ እንቴሰ ጸፊዳይ እንቴ እንቴና ጋኪዛ ፓጩ ጸኒዲ ኡባን እንቴ ኣዛዘቲዛኮ ኤራናሳ።
 10 እንቴ ኣቶ ገዛዳሰ ታኒካ ኣቶ ጋይሰ፤ ቃሴ ታ ቱማፔ ኣቶ ጋናዚ ዲዛ ገዲኮ ኪርሰቶሳ ሲንላን ታ ኣቶ ገዛይ እንቴ ገሻሰ ጋዳኮ።
 11 ታ ሃሳዎ ኦሊዳይ ጸላኤይ ጌሊዛ ጸኤ ዳሞንታ ማላ ጋዳኮ! ኦኒ ኢዛ ጌኔ ቆፋ ባሎኮ።
 12 ታኒ ኪርሰቶሳ ሚሺራቾ ቃላ ዮታናስ ጸርኣዳ ቢዳ ዎዴ ጎዳይ ታሰ ኦሶ ኦኔ ደይዳሰ።
 13 ገደ ኣቲን ታኒ ታ ኢሻ ቲቶሳ ሃን ዳሞንታ ኣገዳ ገሻሰ፤ ታ ዎዚናይ ሸምፖንታ ኢጲዳ ገሻሰ ኢሰቲ ታና ሃፔ ዎይዚን ማቁደኒያ ዳሬ ባዲሰ።
 14 ገደ ኣቲን ኪርሰቶሳ ባጋራ ኡባ ዎዴ ኦና ጸኖ ኦኒን ካሌሊ ዩሺዛኔ ባ ሎኦ ኤራቴላ ኦ ባጋራ ኡባሶን ቆንጨሲዛ ጎዳሰ ጋላታይ ጋኮ።
 15 ጋሶይካ ኦኒ ጳያናይታሲኔ ኣታናይታሰ ገደን ኪርሰቶሳ ባጋራ ጸሳሰ ሸቁዳ ሳዎ ቱኑ ገዛ ኤጸኔ ማላ።
 16 ጳያናይታሰ ኦኒ ዎጲዛ ጸንቆ፤ ኣታናይታሰ ቃሴ ሃይቆፔ ዳኦሶ ኤፊዛ ዳኦ ሳዎ፤ ሂሰቲን ሃይሳሰ ቤሲዛዳይ ኦኒ?
 17 ኦኒ ዎጲ ዳማናስ ገዲ ጸሳ ቃላ ሻቃጩ ማላ ዎላኬሬሊዲ ባይዚዛ ዳር ኣሳታ ማላ ገደኮ፤ ገደ ኣቲን ጸሳፊ ኪቲቲዳ ሱሬ ኣሳ ማላ ገዲዲ ኪርሰቶሳን ጸሳ ሲንላን ሱሬ ዮቶሰ።

3

ኦራላ ጫቆ ኦሳንቻታ

1 ኦኒ ሃኢ ኦርካ ኦና ዛሬዲ ጋላቲኖ? ዎይኮ ሃራ ኣሳታ ማላ እንቴሰ ገዲን ዎይኮ እንቴፊ ሃ ኦሰ ጸፊቲዳ ጋላታ ዳብዳቤ ኮሺዜሻ?

2 እንቴ ቃሴ ኣሲ ዉሪ ኤሪዛይኔ ናባቤቲዛ ኦ ዎዚና ጋርሳን ጸፊቲዳ ዳብዳቤታ።
 3 እንቴ ቃላሚን ጸፊቲዳይታ ገደንታ ዳኦ ጸሳ ኣያናን ጸፊቲዳይታ፤ ቃሴካ ሹቻ ቦላ ዎጩቲ ጸፊቲዳይታ ገደንታ ኣሳ ዎዚናን ጸፊቲዳይታኔ እንቴ ኦናን ጎኤቲዳ ኪርሰቶሳሰ ቆንጩ ዳብዳቤታ።
 4 ኪርሰቶሳ ባጋራ ኦሰ ጸሳ ቦላ ዲዛ ኣማኖይ ሃሳ ሚሳቲሰ።
 5 ኦና ሃሳሰ ጋሊዳይ ጸሳፊ ኣቲን ኦኒ ኦ ዎላቃን ኦሊዳሰ ገዛ ሚሺ ኢሶይካ ዳና።
 6 ሃሲካ ፒዳሊን ጸፊቲዳ ዎጋን ገደንታ ኣያናን ጸፊዳ ኦራላ ጫቆ ቃላ ኦሳንቻታ ኦ ገደና ማላ ኦሊዳሰ፤ ጋሶይካ ፒዳሊን ጸፊቲዳ ዎጋይ ዎጲሰ፤ ኣያናይ ገዲኮ ዳኦ ኣሚሰ።
 7 ሃሳ ገሻሰ ኢሰራኤሌ ናይቲ ኢዛ ኣይፊሶን ዲዛ ቦንቾ ጋሶቴላን ሙሴ ኣይፊሶ ቲሺ ሂሰቲ ጸሎይ ኢሰታ ጸናና ጋካናስ ሃሲ ጉዬፔ ጳያናይሲኔ ሹቻ ቦላ ዎጩቲ ጸፊቲዳ ሃይቆ ገዲዳይሲ ቦንቾን ቆንጨዛይሳ ገዲኮ።
 8 ሂሰቲን ኣያና ኦሶሰ ዎኒዲ ሃሳፊ ኣጲዛ ቦንቾይ ዳኒ?
 9 ኣሲ ኢዛን ፒርዳቲዛ ኦሶይ ሃሳ ማላ ቦንቾቲዛይሳ ገዲኮ ኣሲ ኢዛን ጸሊዛ ኦሶይ ሃሳፊ ኬሂ ኣጲዛ ቦንቾይ ኢዛሰ ዎኒ ዳኒ?
 10 ሃይሳፊ ካሴ ቦንቾቲዳይሲ ሃራ ኢዛፔ ኣጲዛ ቦንቾይ ዲዛይሳራ ገገሲሺን ቦንቾይ ባይንዳይሳ ገዲደሰ።
 11 ጳሚ ጳሚ ቢዛይሳሰ ሃሳ ማላ ቦንቾይ ዲኮ ሚርናስ ሚኒ ኤቁ ዳናይሳሰ ሃሳፊ ኬሂ ኣጲዛ ቦንቾይ ዎኒ ዳኒ?
 12 ሃሳ ገሻሰ ሃሳ ማላ ሃደታይ ኦሰ ዲዛ ገሻሰ ኦኒ ጸላቴላን ሃሳዮሰ።
 13 ኢሰራኤሌ ናይቲ ሙሴ ኣይፊሶይ ጸልቁዛይሳ ኣገ ኣገ ቢሺን ኢሰቲ ዉርሴላ ቤኦንታ ማላ ኢዚ ባ ኣይፊሶ ጎዚዳ ሙሴ ማላ ገደኮ።
 14 ገደ ኣቲን ካሴ ጋልኣ ጫቆ ቃላይ ናባቤቲሺን ሃ ዎዴ ጎሳዚ ሃቾ ጋካናስ ኪቾንታ ገሻሰ ኢሰታ ዎዚናይ ደጩዳ ማላ ዳሰ፤ ሃ ጎሳይ ሃኢካ ኪቼቤና፤ ኢዚካ ኪቻናይ ኪርሰቶሳን ጸላ።
 15 ሃቾ ጋካናሰካ ሙሴ ማጸፋቲ ናባቤቲዛ ዎዴ ሃ ዎዴ ጎሳይ ሃኢካ ኢሰታ ዎዚና ጎዚ ኦይኬሰ።
 16 ገደ ኣቲን ኢሳዳይ ጎዳኮ ሲሚዛ ዎዴ ጎሳዚ ቃሬቲ ኪቼሰ።
 17 ጎዳይ ኣያና። ጎዳ ኣያናይ ዲዛሶን ኣይሌቴላ ዳና።
 18 ኦኒካ ጎዳ ቦንቾ ማሰቶቲ ማላ ጸልቁቲሺ ኢዛ ሚሳታናስ ሃ ቦንቾፊ ሃራ ቦንቾን ላሚታና፤ ሃሲካ ኣያና ገዲዲ ጎዳፔ።

4

ቱሙ ሃዎሬቴላ ኦሶ

1 ጸሳ ማርቴላ ዳርፔ ዳንዲዳይሳን ሃይሲ ሃ ኦሶዚ ኦሰ ዲዛ ገሻሰ ኦኒ ሃደታ ቃንጸኮ።

2 ጊደ አቲን ጌማራ ሃኒዛ ዩላሲዛ የኑታ ኑ ኣጊደሰ፤ እስ ባለሉኩ፤ ጸሓ ቃላ ዋርደራ ዋላኮኩ፤ ሄሳ ሂሰታና፤ ቱሙ የኑታ ቆንጨራ የተሽ እሲ ወሪካ ኑ ጊዛይሳ ኤካና ማላ ኑናቴላ ጸሓ ሲንላ ሺሾስ።

3 ኑ ሚሺራቾ ቃላይ ጎርዴተኮካ ኢዚ ጎርዴተዳይ ቆያናይታሳ።

4 ጸሓ ለሚሶ ጊዲዳ ከርሰቶሳ ቦንቾ ሚሺራቾ ቃላ ፖኑዛ ሃ ኣላሚ ጸሓ ለሚናጎታ ኣሳ ዋዚና ሙሚሲደስ።

5 ኑኒ ዩሱስ ከርሰቶሲ ጎዳ ጊዲዳይሳ ሳባኮስ አቲን ኑና ሳባኮኩ፤ ኑኒካ ኑ ባጋራ ዩሱሳ ጊሻስ ኢንቴስ ኦሊዛይንታ ጊዲደስ።

6 ከርሰቶሳ ሲንላን ጸሲ ባ ቦንቾ ኤራቴላ ፖኑ ኑስ ኢማናስ። «ፖኑይ ቆማን ፖኑ» ጊዳ ጸሲ ባ ፖኑ ኑ ዋዚናን ፖኢሲደስ።

7 ጊደ አቲን ሃይሲ ጊታ ዋልቃይ ኑስ ጸሓፌ ኢማቲዳስ አቲን ኑ፤ ጊደንታይሳ ቤሳና ማላ ሃይሲ ቦንቾ ሚሻይ ኑናን ኑቶ ሚሳቲዛይታ ጊደን ዳስ።

8 ኣዋ ባጋራካ ኑና ሱጊኮካ ኑኒ ቲንላ ጊ ሜቆኩ፤ ኑስ የኑይ ቲፕ ጊኮካ ሂደታ ቃንጸኮ።

9 ኑ ጎዴተኮካ ዋራ ዋዲ አቶኮ፤ ኢሰቲ ኑና ሾጪ ጌንዴሪሲኮካ ኑ ቆየኮ።

10 ዩሱሳ ዳኦይ ኑ ኣሳቴላን ቆንጨና ማላ ኑኒ ኢዛ ሃይቆ ኡባ ዋዴ ቶኪ ዩዮስ።

11 ዩሱሳ ዳኦይ ሃይቁዛ ኑ ኣሳቴላን ቆንጨና ማላ ፓጻ ዲዛ ኑኒ ኡባ ዋዴካ ዩሱሳ ጊሻስ ሃይቆስ ኣዲ ኢማቶስ።

12 ሄሳ ጊሻስ ኑ ሃይቆስ ኣዲ ኢማቲሺን ኢንቴ ቃሴ ዳኦን ጋኬታ።

13 ካሴ ጌሻ ማጻፋን ጸፊቲዳ ማላ። «ታ ኣማኒዳ ጊሻስ ሃሳያዲስ» ጌቲቲዳይሳ ኑኒካ ሃሳ ሄ ኣማኖ ኣያናን ኣማኒዛ ጊሻስ ሃሳዮስ።

14 ጋሶይካ ጎዳ ዩሱስ ከርሰቶሳ ሃይቆፕ ዳንላዲይሲ ኑናካ ኢዛራ ኢሲፌ ዳንላዲ ኢንቴናራ ባ ሲንላ ሺሻናይሳ ኑ ኤርስ።

15 ዳር ኣሳ ጋኪሼ ዲዛ ኪያቴላ ጸሓ ቦንቾስ ጋላታ ቦላ ጋላታ ጉጃና ማላ ሃይሲ ወሪካ ኢንቴና ጎኣናስ ሃኒደስ።

16 ሄሳ ጊሻስ ኑ ሂደታ ቃንጸኮ፤ ኑስ ካሬ ባጋ ኣሳቴላይ ቆዩ ቆዩ ቢኮካ ኑስ ጋላ ባጋ ኣሳቴላይ ጋላስ ጎራጺ ጎራጺ ቤስ።

17 ሄሳስ ሃኢ ጉላ ዋዴስ ኑና ጋኪዛ ዋዩይ ኢዛራ ጊጋናስ ዳንዳዮንታ ሚርናስ ጊዲዛ ቦንቾን ኑና ጋላና።

18 ሄሳ ጊሻስ ኑ ቲሺ ሂሰቲ ጸሊዛይ ሃኢ ኣይፌን ቤተዛ ሚሻ ቦላ ጊደንታ ሃኢ ኣይፌን ቤቶንታ ሚሻ ቦላ ዳስ፤ ሃኢ ቤተዛይሲ ኢዚ ሃኢስ ጸላ፤ ሃኢ ኣይፌን ቤቶንታይሲ ጊዲኮ ኢዚ ሚርናሳ።

5

ሚርናስ ዳናሶ

1 ኑኒ ኢዛን ቢታ ቦላ ዲዛ ዳንካኔይ ላሌተኮካ ኣሳ ኩሼን ጊደንታ ጸሓ ኩሼን ኦሴቲዳ ሚርና ኬላ ኑስ ሳሎን ዲዛይሳ ኑ ኤርስ።

2 ሄ ዋዴይ ጋካናስ ኑ ኬላ ሳሎይሳ ማይኣናስ ኑ ላሞቲ ናጎስ።

3 ቱማፕ ሄሳ ኑ ማይኢዳፕ ጉዬ ካሎቶኮ።

4 ኑኒ ሃይሳ ሃ ዳንካኔዛን ዲዛ ዋዴ ኡባን ኢዚ ዳዲዛ ጊሻስ ዳቡራ ፕዲ ጎስ፤ ሄሳስ ጋሶይካ ሃይቁዛይሲ ዳኦን ላሚታና ማላ ኑኒ ሳሎን ዳና ሶሆዛ ማይኣና አቲን ኑ፤ ቃራታና ማላ ኑ ኮየኮ።

5 ሄሳስ ኑና ጊግሲዳይ ጸሓ፤ ቡር ያናይሳስ ዋሴ ጊዳና ማላ ኑስ ባ ኣያና ኢማዳይ ኢዛ።

6 ኑኒ ኣሾን ዲዛ ዋዴ ጎዳፕ ሃኪ ዲዛይሳ ኤሪኮካ ኢዛን ኣማኔቲዳ ደስ።

7 ኑኒ ዲዛ ዳሳይ ጎዳን ኣማኒዳ አቲን ኣይፌን ቤኦን ጊዳና።

8 ኑኒ ኣሾፕ ሻኬቲዳ ጎዳራ ዳስ ደራናይሳ ታ ሲዶንታ የታይስ።

9 ሄሳ ጊሻስ ኑኒ ኣሾን ዲኮ ዋይኮ ኣሾፕ ሻኬቲኮካ ኑስ ዋና ቆፋይ ጎዳ ኡፋይሶ።

10 ኑኒ ወሪካ ከርሰቶሳ ፐርዳ ዋምቦራ ሲንላ ሺቃናይሲ አቲና፤ ኑ፤ ኢሶይ ኢሶይ ቢታ ቦላ ባ ኦሊዳይ ኢታ ጊዲን ዋይኮ ሎኦ ጊዲን ባ ኦሶ ማላ ቤሲዛ ዋጋ ባስ ኤካና።

ጸሓራ ኣስ ማቃዪንላ

11 ሄሳ ጊሻስ ጎዳስ ያሻ ጉሲ ኣይ ጉሳኮኔ ኑ ኤሪዛ ጊሻስ ኣሳይ ኑ የተዛይሳ ኤር ጊ ኤካና ማላ ኦላናስ ዳቡርስ፤ ኑኒ ኦናንታኮ ጸሓ ኣቻን ቆንጨ፤ ቃሴካ ኢንቴ ዋዚናንካ ቆንጨ ጊዲዳይሳ ታ ኣማናይስ።

12 ታ ሄሳ ጊዛይ ኑና ኢንቴ ሲንላን ጋላታናስ ጊደንታ ዲሺን ኢንቴ ኑናን ጨቁታና ማላ አቲን ዋዚና፤ ጊደንታ ኣይፌን ቤተዛ ሚሻን ጨቁተዛይታስ ኢንቴ ዛር ኢማናስ ዳንዳያና ማላ ጋዳ ጋይስ።

13 ኑ ጎሽ ጊዲኮ ጸሓ ጊሻስ ጊዲ ጎዴደስ፤ ኤራታ ጊዲኮካ ኢንቴስ ጊዲኮ!

14 ከርሰቶሲ ኡባስ ኢሲቶ ሃይቆይሳኔ ሃራይ ወሪካ ኢዛራ ኢሲፌ ሃይቁዳይሳ ኑ ኤሪዳ ጊሻስ ከርሰቶሳ ሲቆይ ኑና ዋልቃራ ኦሲሴስ።

15 ሺምፖራ ፓጻ ዲዛይቲ ወሪካ ሄ ሃይቁዳይሳሴ ሃይቆፕ ዳንዲዳይሳስ ዳና ማላ፤ አቲን ሃይሳፌ ጉዬ ኢሰቲ ባስ ደንታ ማላ ከርሰቶሲ ኡባስ ሃይቁዳስ።

16 ሄሳ ጊሻስ ሃይሳፌ ጉዬ ኑኒ ኣይ ኣሲካ ኣሾ ኣይፌን ጸሎኮ፤ ኑኒ ሃይሳፌ ካሴ ከርሰቶሳ ኣሾ ኣይፌን ጸሊዳ ጊዲኮካ ሃይሳፌ ጉዬ ሃሳላ ጸሎኮ።

17 ሄሳ ጊሻስ ኦኒካ ከርሰቶሳ ባጋ ጊዲኮ ኢዚ ኦራላ ሚዴቴላ፤ ካሴ ጨጋ ሚዴቴላ ኣዲደስ፤ ኢዚ ኪቾሳን ሃራ ኦራላ ሚዴቴላ ጌሊደስ።

18 ሄሲ ወሪ ሃኒዳይ ኢዚ ኑና ባናራ ከርሰቶሳ ባጋራ ማቃዪንላዲኔ ማቃዪንላ ኦሶ ኑስ ኢማዳ ጸሓና።

19 ሄሲካ ጸሲ ከርሰቶሳ ባጋራ ሃንኮ ኣላሚ ኣሳ ወርሲካ ባናራ ማቃዪንላዲደስ ጉሳ፤ ኢሰታ ቆሆዛካ ቆዲቤና፤ ኑኒ ኣስ ጎዳራ ማቃዪንላና ቃላ ኑስካ ኢማዳስ።

20 ጸሲ ኑ ባጋራ ኣስ ጸይጊዛ ጊሻስ ኑኒ ቃሴ ከርሰቶሳ ኦጋሳታ፤ ሄሳ ጊሻስ። «ኢንቴ ጸሓራ ማቃይኒቲ!» ጊዲ ኑ ኢንቴና ከርሰቶሳ ሱንላን ዋሶስ።

21 ኑኒ ከርሰቶሳ ባጋራ ጸሓ ጸሎቴላ ጊሹቲ ኤኪዛይታ ጊዳና ማላ ጸሲ ኢዛ ቦላ ናጋራይ ባይንዳ ከርሰቶሳ ኢዚ ኑ ናጋራ ቶካና ማላ ኦሊደስ።

6

1 ኑኒ ጸሳራ ኦሊዛይታ ጊዲዳ ማላ አንቴ ኤኪዳ ጸሳ ኪያቴላ ጮ ማላ አሾፍቲ ጊሼ ኑ አንቴና ዋሶስ።

2 ጸሰ። «ታኒ ታሰ ጊሊዳ ጋላስ ኔና ሲያዲስ! ኣቲዛ ጋላስ ታ ኔና ማዳዲስ!» ጊዛ ጊሻስ ሎኦ ዋዳይ ሄኮ ሃኢ! ኣቴላ ጋላሲካ ሃኢኮ!

3 ኑ ኦሶይ ለቄቶንታ ማላ ኣይ ዋዳካ ኦናሰካ ኑኒ ቆ.ጴ ጊደኮ።

4 ሃሳፌ አሊዲ ዋዴጌ ማቶ ኡንኦካ ዳንዳያን ጸሳስ ኦሊዛ ኣሳታ ማላ ኣይ ኦጌራካ ኑናቴላ ኣሊ ኢሞስ።

5 ኑኒ ጸሳስ ኦሊዛይታ ጊዲዳይሳ ቤሲዛይ ጋራፊቴላን፣ ቃሼቴላን፣ ሂርጋን፣ ዳቡሪ ኦሶን፣ ጲሰኮ ቆየኒኔ ጋፋና።

6 ሃሳሶካ ጊሻቴላን፣ ኤራቴላን፣ ዳንዳያን፣ ኪያቴላን፣ ጸሎ ኣያና ካሎኒኔ ቆጴፔ ቆሞን ጊደንታ ሲቆን።

7 ቱማ ቃላኒኔ ጸሳ ዋልቃና፤ ኑ ኢዛን ጌዴ ኦሊ ጸኒዛ ኦላ ማሸኒ ካሜቲ ኣቲዛ ጎንዳሌይ ጸሎቴላ።

8 ቦንቸሰ ጊዲን ዋይኮ ካዉሻስ፣ ቆጴታናስ ዋይኮ ጋላታናስ ኑኒ ጊጌቲዳይታ፤ ኑኒ ቱማንቻታ ሺን ኣሴ ባሌሊዛይታ ጌቴቲዶስ።

9 ኑኒ ኤሬቴዳይታ ሺን ኤሬቶንታይታ ጊዲዶስ፤ ኢሰቲ ሃይቁዳይታኮ ጊሺን ኑኒ ፓጻ ዶስ፤ ኣሳይ ኑና ቡኪ ቡኪንካ ኑ ሃይቁቤኮ።

10 ሙዛይ ኑና ጋኪኮካ ኡባ ዋዴ ኡፋዬቶስ፤ ኑኒ ማንቆኮ ሺን ዳር ማንቆታ ዲሬ ኬሶስ፤ ኑስ ኣይኮይካ ባይንዳይታ ሺን ዉሪካ ኑስ ዳስ።

11 አንቴና ቆርንቶሴን ዲዛይቶ! ታ ካሴ አንቴስ ቆንጨን የታዲስ፤ ኑኒ ኑ ዋዚና አንቴና ኡባ ቤሲዶስ።

12 አንቴ ቃሴ ኑና አንቴ ሲቆ ቤሳናስ ኡዜቴዳታ ኣቲን ኑ አንቴና ኑ ሲቆ ቤሳናስ ኡዜቴቤኮ።

13 ኣዋይ ባ ናስ የቲዛ ማላ ታኒካ አንቴስ ኣኔ የታይስ፤ ኑኒ ኑ ዋዚና ኬሂ ደይዲ ኑ ቆፋ አንቴስ ቆንጨሶይሳ አንቴካ ኑስ ሃሳሶ ቆንጨሲቴ።

ኣማኖንታይታራ ዙፔቴላ ኣጎ

14 ኣማኖንታ ኣሳራ ጊጋይ ባይንዳ ኢሲፊቴላን ኦይኩቶፍቲ፤ ጸሎቴላኔ ናጋራይ ዋኒ ኢሲፊታናስ ዳንዳይዜ? ፖኦይኔ ቆማይ ኢሲፊ ዋኒ ዳና ዳንዳይዜ?

15 ኪርሰቶሴኔ ዳቡሎሲ * ዋኒ ጋጋናስ ዳንዳይዜ? ኣማኒዛዳይ ኣማኖንታዳራ ኣዛን ላጌታናስ ዳንዳይዜ?

16 ጸሳ ዋሳ ኬላስ ኤቃታራ ኣዛ ጋጎይ ዲዜ? ጸሲካ።

- «ታኒ ታ ዲሳሶ
- ታ ዳሬዛ ጊደን ኦላና፤
- ታኒካ ኢሰታራ ዳና፤
- ኢሰታሰካ ጎዳ ጊዳና፤
- ኢሰቲካ ታ ዳሬታ ጊዳና» ጊዲ
- ካሴ የቲዳ ማላ
- ኑኒ ኢሶይ ኢሶይ
- ዳኦ ጸሳ ኬላታ።

17 ጎዳይ፣ «አንቴ ኢሰታ ጊደፊ ሻኬቲዲ ኬዜቴ!

ቲና ማሸ ቦቾፍቲ፤ ታኒካ አንቴና ኤካና።

18 ታ አንቴስ ኣዋ ጊዳና፤ አንቴካ ታስ ኣቱማ ናይታኔ ማጫ ናይታ ጊዳንዳታ» ጌስ ኡባ ዳንዳይዛ ጎዳይ።

7

1 ሃሳ ጊሻስ ታ ሲቆቶ! ሃይሲ ሂዶታይ ኑስ ኢማቲዳ ጊሻስ ኣሾኔ ኣያና ቱኒሲዛ ኣይ ማሻፊካ ኣኔ ኑና ጊሾስ፤ ጸሳስ ያሻን ኑ ጊሻቴላ ኣኔ ኩማላ ሂሰቶስ።

ጸዉሎሳ ኡፋይሰ

2 አንቴ ኑና ኡፋይሳን ሞኪ ኤኪቴ፤ ኑኒ ኣናካ ቆሂቤኮ፤ ኣናካ ቆሂቤኮ፤ ኣና ጎኣካ ኑስ ባሌሊ ኤኪቤኮ።

3 ታኒ ሃሳሶ ጊዛይ አንቴ ቦላ ፐርዳናስ ጊዳና፤ ሃይሳፊ ካሴ ታ አንቴስ የቲዳ ማላ አንቴ ኑ ዋዚናን ዳታ፤ ሃሳ ጊሻስ ሃይቆንካ ጊዲን ፓጻንካ ኡባ ዋዴ ኑ አንቴፊ ሻኬቶኮ።

4 ታስ አንቴ ቦላ ዲዛ ኣማኖይኔ ጨቁቴላ ዳር ጊታ፤ ታ አንቴናን ማኔታይስ፤ ኑና ጋኪዛ ማቶ ኡባን ታኒ ኬሃ ኡፋዬታይስ።

5 ኑኒ ማቁደኒያ ጋኪዳ ዋዳካ ዳማ ዳማ ባጋራ ማቶይ ኑና ጋኪዳስ ኣቲን ኑኒ ኣይኮካ ሺሞፖ ዳማቤኮ፤ ኑስ ሶራ ሂርጋይ፣ ካሬራ ቃሴ ኦሺ ዳስ።

6 ጊደ ኣቲን ሙዙቲዳይታ ማንጮሊዛ ጎዳይ ቲቶሳ ዩሳን ኑና ማንጮሊዳስ።

7 ኑኒ ማኔቲዳይ ኢዛ ዩሳን ጸላ ጊደንታ ዲሺን አንቴ ኢዛ ማንጮሊዳይሳ ኑ ጉጂ ሲዩዳ ጊሻሳ፤ አንቴ ታና ላሞቲዳይሳ ታስ ቃጴቲዛይሳ ቆፐዛይሳካ ኢዚ ኑስ የቲን ሲያዳ ታኒ ዳር ኡፋዬታዲስ።

8 ታኒ ሃይሳፊ ካሴ አንቴስ ጸፊዳ ኪታይ አንቴና ማሸሲዳ ጊዲኮካ ሄ ኪታ ጸፊዳ ጊሻስ ታኒ ሃሳሶ ኣዛስ ጸፋዲና ጋዳ ሞጴቲኬ፤ ሞጴቲኮካ ታ ሞጴታናይ ጉላ ዋዴስ አንቴ ታና ማሸሲዳ ጊሻሳ።

9 ሃኢ ጊዲኮ ታ ኡፋዬታይስ፤ ታኒ ኡፋዬቲዳ ጋሶይካ ታኒ አንቴና ማሸሲዳ ጊሻስ ጊደንታ አንቴ ሄ ማሻፕ ዳንዳይሳን ማርቴላን ጌሊዲ ላማቲዳ ጊሻሳ፤ ሃሳ ጊሻስ አንቴ ማሸቲኮካ ጸሳ ሺኔ ማላ ጊዲዳ ጊሻስ ኑኒ አንቴና ኣይኮካ ቆሂቤኮ ጉሳ።

10 ጸሳ ሺኔ ማላ ጊዲዳ ሙዙቴላ ጌዳ ማሬቲ ኣታናሶ ጋሌስ፤ ሃሳሰካ ሞጴቴላ ዳና፤ ዋዚናፔ ጊደንታ ሙዙቴላ ጊዲኮ ሃይቆን ጋሌስ።

11 ሃይሲ አንቴ ሙዙቴላ ጸሳ ሺኔ ማላ ጊዲዳ ጊሻስ ሃሲ ኣይ ማላ ማኖቴላን፣ ኣይ ማላ ኦይሻ ዛርን፣ ኣይ ማላ ኤሌ ሃንቁቴላን፣ ኣይ ማላ ያሻቴላን፣ ኣይ ማላ ላሞቴላን፣ ኣይ ማላ ሎኦ ኣሞን፣ ኣይ ማላ ሙራን አንቴና ጋሊዳኮ ኣኔ አንቴ ዋዚናን ዩሺ ቆፐፐ፤ አንቴ ቃሴ ሃኒዳ ኡባንካ ሄ ሃናዛፔ ጌሽ ጊዲዳይሳ ማርካሲዳታ።

12 ሃሳ ጊሻስ ታ አንቴስ ጸፊዳይሲ አንቴ ኑስ ኣይ ማላ ኣማኔቲዛይታኮ አንቴ አንቴና ጸሳ ሲንላን ቤያና

6:2 ኢሳ 49:8 6:5 ሃዋ 16:23 * 6:15 ዳቡሎሲ፣ ዳቡሎሲ ጊሪኬ ቃላራ፣ «ቤልያል» ዋይኮ «ቤልያር» ጌቴቲስ፤ ኢብራዊታ ቃላራ፣ «ቤልኦል» ጌቴቲስ። ቢርሽላይ ጎኣይ ባይንዳይሳ [ኣይፊይ ባይንዳይሳ] ዋይኮ ዋጋይ ባይንዳይሳ ጉሳ። 6:16 1ቆር 3:16፤ 6:19 6:17 ኢሳ 52:11 6:18 2ሳሜ 7:14፤ 1ታሪ 17:13፤ ኢሳ 43:6፤ ኤር 31:9 7:5 2ቆር 2:13

ማላፔ ኣቲን ቆሃዳዴ ገሻሲኔ ቆሃቲዳዴ ገሻሰ ጋዳ ገዴና።

13 ኮነ ሚኔተዳይሳፌ ቦላራ ቲቶሲ ደሚዳ ኡፋይሳን ዳር ኡፋዬተዳሰ፤ ኮነ ኡፋዬተዳይካ እንገጥ ወሪካ ቲቶሳ ሚንጤዳ ገሻሲኔ ኢዛ ዋዚና ሸምፕሲዳ ገሻሳ።

14 ታኒ እንገጥናን ጨቁተዳይሳ ካሴ ቲቶሳሰ ዮታ ዋላዲሰ፤ እንገጥና ታና ዩላሲቤኬታ፤ ኡባ ዋዴ ታ እንገጥና ቱማ ጸላላ ዮታሹ ዳይሰ፤ ሄሲካ ኮነ እንገጥና ገሻሰ ቲቶሳሰ ዮቲዳ ዮኦይ ቱሙ ገዲ ኣሚኔተዳሰ።

15 እንገጥና ወሪካ ኣዛዜተዳይታ ገዲዳይሳ፤ ያሻቴላኒ ኮሮሪሽ እንገጥና ኢዛ ሞኪ ኤኪዳይሳ ቲቶሲ ቆፒ ኤኪዳይ ኢዚ እንገጥና ሲቁዳይሳሰ ዛዋይ ባ።

16 ታኒካ ኡባ ባጋራ እንገጥናን ኣሚኔታናሰ ዳንዳይዳ ገሻሰ ዳር ኡፋይታዲሰ።

8

ማዶ እሞ

1 ታ እሻቶ! ጸሲ ማቁዲያን ዲዛ ኣሚኒዛ እሳሰ ኣሚዳ ኪያቴላ እንገጥና ኡራና ማላ ታ ኮያይሰ።

2 ኢሰቲ ዳር ሜቶቲ ዲሼ ዳር ኡፋዬተዳ፤ ኬሂ ማንቆታ ገዲኮካ ዳር ኪያቲዳ።

3 ኢሰቲ ባሰ ዳንዳይተዳይሳ ማላኔ ባሰ ዳንዳይተዳይሳፌካ ኣሉ ኣሚዳይሳ ታ ኢሰታ ገሻሰ ማርካታይሰ።

4 ዩሁዳን ዲዛ ኣሚኒዛይታሰ ማዶ ኣሚናሰ ዲጌቶንታ ማላ ኮና ኬሂ ዋሲዳ።

5 ኢሰቲ ኮነ ቆፒዳይሳፌ ቦላራ ኣሉ ኦሉዳ፤ ኢሰቲ ኮይር ባና ጎዳሰ ኣሚዳ፤ ዛሪዳካ ጸሳ ሼኔ ማላ ባናካ ኮሰ ኣሚዳ።

6 ሃይሳ ኦሶዛ ኮይር ቲቶሲ ደሚዳ ገሻሰ ሃእካ ሃይሳ ማዶ እሞዛ ኢዚ ፖላና ማላ ኮ ኢዛ ዋሲዳሰ።

7 እንገጥና ኣሚናን፣ ሃሳያን፣ ኤራቴላን፣ ሚና ኦሶን፣ እንገጥና ኮና ሲቁዛ ሲቆን፣ ኡባ ዮኦን ኣዴታ፤ ሃሳላካ ኪያቴላ ኦሶንካ ኣዲዳይታ ገዲቲ።

8 ታ ሃሳ ገዛይ እንገጥና ጮ ማላ ኣዛዛናሰ ገዴና፤ ገዴ ኣቲን ሃንኮ ሃራ ኣሳይ ሚኒ ኣሚዳይሳ እንገጥና ጋላ ቤዩሺን እንገጥና ሲቆይ ቱሙ ገዲዳይሳ ሻካ ኤራናሳ።

9 እንገጥና ኮ ጎዳ ዩሱሰ ኪርሰቶሳ ኪያቴላ ኤሬታ።

10 ሃይሳ ሃ ሃናዛን ታሰ ሎኦ ገዲ ቤቲዳ ዞሬ ታ እንገጥና ኣሚናሰ፤ ዚላይላ እንገጥና እሞ ጸላ ገዴንታ ዲሺን ኣሚናሰ ኮይርፕ ቆፒዳይ እንገጥና።

11 ሃሳ ገሻሰ እንገጥና ኣሚናሰ ኮይዳይሰ ፖሌታና ማላ እንገጥና ዲዛ ማላ ካሴ እንገጥና ቆፒዳይሳ ሃእ ኦሉቴ።

12 ኣሲ ኣሚናሰ ዋዚናፕ ኮይኮ ኣዛዳይ ኪያቴላን ኣሚዳይሰ ኤኬተዳይ ኣሲ ባሰ ዲዛሪ ማላ ኣሚኮ ኣቲን ባሰ ባይንዳይሳፌ ኣሚሺን ገዴና።

13 ታ ሃይሳላ ገዛይ እንገጥና ወሪካ ገና ገዴና ማላ ኣቲን እንገጥና እሞን ዋዬቲሺን ሃራቲ ሸምፓና ማላ ጋዳ ገዴና።

14 እንገጥና ዋዬቲሺን ኢሰታ ሚሻይ እንገጥና ሜቶ ኣሻና ማላ ሃእ ቃሴ እንገጥና ሚሻይ ኢሰታ ሜቶ ኣሻ፤ ሃሳ ማላን እንገጥና ገዴን ገናቴላ ዳና።

15 ሃሲካ፣ «ዳር ሺሺዳዴሰ ዋዲቤና፤ ጉላ ሺሺዳዴሰካ ፓጪቤና» ጌቲቲ ጌሻ ማጸፋን ጸፊቲዳ ማላ።

ቲቶሳኔ ኢዛ ላጌታ

16 ታኒ እንገጥና ቆፒዳይሳ ማላ ቲቶሳይካ እንገጥና ዋዚናፕ ቆፓና ማላ ኦሉዳ ጎዳይ ጋላቴቶ።

17 ቲቶሲ እንገጥና ቢዛይ ባርካ ባ ቆፋን ኡፋይሳንፕ ኣቲን ኮነ ኢዛ ዋሲዳ ገሻሰ ጸላ ገዴና።

18 ሚሺራቾ ቃላ ኦሶን ዋሳ ኬላታን ኡባን ደሴቲዳ ኢሻዛ ኮ ኢዛራ ጋላ ዩዳሰ።

19 ሃሳፌካ ቦላራ ሃይሲ ኮ ኢሻይ ኮነ ሃይሳ ሎኦ ኦሶዛ ጎዳ ቦንቾሰ ኦሉሺኒኔ ኮነ ኦላናሰ ኮይዳይሳ ኢዛሰ ቆንጨሲሺን ኢዚ ኮናራ ቢዳ ኦላናሰ ዋሳ ኬላቲ ደሪዳዴ።

20 ሃይሳ ኪያቴላ ኣሚናቲ ሚሻዛ ኮነ ኦይኪሺን ኮ ቦላ ኣይኮ ቦርይካ ጋኮንታ ማላ ኮነ ናጌቶሰ።

21 ጋሶይካ ኮሰ ዋና ቆፋይ ጎዳ ሲንላን ጸላ ገዴንታ ኣሳ ሲንላንካ ሎኦ ኦላናሳ።

22 ዳር ዋዴ ዳር ሚሻን ፓጮቲዳ ሚና ገዲዳ ኮ ኢሻ ቲቶሳራ ኮ ኢዛ ዩዳይይ ሃሳሳ፤ ኢዛሰ እንገጥና ቦላ ዲዛ ኣሚናይ ዳር ገታ ገዲዳ ገሻሰ ኢዚ ሃእ እንገጥና ማዳናሰ ካሴፕ ኣሉ ኮዬሰ።

23 እንገጥና ቲቶሳ ገሻሰ ኤራናሰ ኮይኮ ኢዚ እንገጥና ማዳናሰ ታናራ ኦሉዳዴ፤ ኢዛራ ኢሲፌ ቢዛ ሃንኮ ኢሻቲ ቃሴ ዋሳ ኬላቲ ባ ገሻሰ ዩዳይ ኪርሰቶሳ ቦንቾሰ ኤቁዳይታ።

24 ሃሳ ገሻሰ እንገጥና ኢሰታሰ እንገጥና ሲቆ ቤሲቴ፤ እንገጥና ሃሳላ ሂሰቲኮ እንገጥና ሲቆይኔ ኮ እንገጥናን ጨቁተዛ ጨቁቴላ ጮ ሃዳ ገዴንታይሳ እንገጥና ዋሳ ኬላታሰ ቤሳንዳታ።

9

ኣሚኒዛይታሰ ሚሽ ኬሶ

1 ዩሁዳን ዲዛ ኣሚኒዛይታሰ ኬሲዛ ሚሻ ገሻሰ ታ እንገጥና ጸፋናሰ ኮሼና።

2 እንገጥና ኣካያን ዲዛ ኣሳሰ ማዳና ሎኦ ቆፋይ ዲዛይሳ ታ ኤራዳ፣ «ኣካያ ኣሳይ ዚላይላፌ ኦይኪዳ ማዶሰ ገጌቲዳሰ» ጋዳ ማቁዲያ ኣሳሰ ዮታዲሰ። ሃራፔካ እንገጥና ማዳናሰ ኮይዳ ሱሬ ቆፋይ ዳርታ ሎኦ ኦሶሰ ዴንጤዳሰ።

3 ሃይሳ ሃ ሃናዛን ኮ እንገጥናን ጨቁተዳይሰ ጮ ሃዳ ገዴንታ ማላ ሃይታ ኮ ኢሻታ ታ ኪታዲሰ፤ እንገጥና ታ ካሴ እንገጥና ገዴ ማላ ናጌቲ ኡቲቴ።

4 ማቁዲያ ኣሳቲ ታናራ እንገጥና ቢሺን እንገጥና ገጌቶንታ ዲዛይሳ ቤኢኮ እንገጥናን ጨቁተዳይሳን ኮነ ዩላታና፤ እንገጥና ቃሴ ዳር ዩላታና።

5 ሃሳ ገሻሰ እንገጥና ካሴ ኣሚና ገዴይሳ ካሴቲዳ ገገሳና ማላ እንገጥና ቆፍሳይሰ፤ ኣይሰ ገኮ ሃይቲ ኢሻቲ ታፔ ካሴቲዳ እንገጥና ጋካና ማላ ኮሺዳይሰ ታሰ ቤቲዳሰ፤ ሃሳላካ ታኒ ቢዛ ዋዴ እንገጥና ኣሚናይሰ ገገ ኡቲዳዝ ገዴና፤ እንገጥና ኣሚናይሰ ዋልቃራ ገዴንታ ዳሳን ገዲዳይሳ ቤሳና።

6 «ጉላ ዜሪዳ ኣሲ ጉላ ሺሻና፤ ዳር ዜሪዳይይ ቃሴ ዳር ካላ ሺሻና» ገዛ ቃላ ዩሺ ቆፒቴ።

7 ጸሲ ደሲዳይ ባ ዳሳን ኣሚዳይ ገዲዳ ገሻሰ ኢሲ ኢሲ ኣሲ ኣሚናሰ ባ ዋዚናን ቆፒዳር ኡፋይሳን እሞ ኣቲን ሞዴቲሼ ጮ ዋልቃራ ኣሞ።

8 ኡባ ዎዴ ሃሊዛ ኡባን አንቴ አንቴስ ጊዲ ፓላሂዲ ሃራ ሎኦ ኦሶስ ጊዳና ማላ ጸሲ አንቴስ ባ አንጅ ጉጂ አማናስ ዳንዳዬስ።

9 ሃሲካ፣ «ማንቆታስ ኪያቴላን አሚዴስ፤ አዛ ጸሎቴላ ሚርናስ ዴያና» ጌቴቲ ጌሻ ማጸፋን ጸፊቴዳ ማላ።

10 ዜሪዛዴስ ዜሪላ፣ ማናስ ካላ አሚዛ ጎዳይ አንቴ ዜሪዛ ዜሪላ አዚ ኬሂ ዳርሲ አማና፤ አዚ አንቴ ኪያቴላ ኦሶዛ አይፊ አንቴስ ዳርሳና።

11 አንቴ ኪያቴላን አሞይሲ ኑ ባጋራ አስታ ጋኪዛ አሳቲ ጸሰ ጋላታና ማላ አንቴ ኡባ ዎዴ ኪያቴላ አማና ማላ ጸሲ አንቴና ኡባሶራ ዲሬሳና።

12 ሃይሲ አንቴ አሚዛ ኪያቴላ ኦሶይ አማኒዛይታ ማቶ ማዶፔ ቦላራ አሳይ ጸሳ ዳርሲ ጋላታና ማላ አላስ።

13 ሃይሲ አንቴ ኪያቴላ ኦሶዚ አንቴ ኪርሰቶሳ ሚሺራቾ ቃላን አማኒዲ አማኔቲዳይታ ጊዲዳይሳ፣ አስታሲኔ ሃራታሰካ አንቴ ኪያቴላ አሚዳይሳ ኤሪሲዛዝ ጊዲዳ ጊሻሰ አስቲ ወሪካ ጸሰ ጋላታና።

14 አስቲ ቃሴ ጸሲ አንቴስ አሚዳ ገታ ኪያቴላ ጋሶን አንቴና ሰቂዛ ጊሻሰ አንቴስ ዎሳና።

15 አሳ ቃላን ቆንጨሴላፊ ቦላ ጊዲዳ ጸሳ አሞቴላ ጊሻሰ ጸሲ ጋላቲቶ።

10

ጳውሎሲ ባ ኦሶ ጊሻሰ አሚዳ ቆፋ

1 ታኒ ጳውሎሲ አንቴናራ ዳሼ አሸኬ ጌቴታዲሲ ሺን ታ አንቴፊ ሻኬቲሺን ቃሴ አንቴ ቦላ ጸሊዳዴ ጌቴቲዳ ታኒ ጳውሎሲ ኪርሰቶሳ አሸኬቴላኒኔ አዛ ሎኤቴላን አንቴና ዎሳይሰ።

2 ታኒ አንቴና ዎሲዛይ ታ አንቴኮ ሄ ቢዛ ዎዴ አንቴ ታና ጸላቴላን ሃሳይሶንታ አጋና ማላሳ። ኑኒ አሾ ቆፋን ሲሜሬቲዛ ማላ ኑና ጸሊዛ አሲ አሲ አሳታ ሲንላን ታኒ ጸላቴላን ሃሳይሶስ ኮያይሰ።

3 ኑኒ ዲዛይ ሃይሳ አላሚዛ ቦላ ጊዲኮካ ኑ ኦሌቲዛይ ሃ አላሚዛ አሳ ኦላ ማላ ጊዴና።

4 ኑ ኦላ ሚሻይካ ኦላ ሚጸ ላላናስ ዳንዳይዛ ጸሳ ዎልቃይ ዲዛይሳ አቲን ሃይሳ አላሚዛ ኦላ ቶራ ጊዴና።

5 ጸሰ ኤርንታ ማላ ጳጳ ጊዲ ዳንዲዛ ፓላማኔ ኦቶሬቴላ ኑ ላሎስ፤ አሳ ቆፋ ኡባ ዲኢ ኤኪዲ ኪርሰቶሳስ አዛዜታና ማላ ኦሶስ።

6 አንቴ አዛዜቴላ ፖሌቲዛ ዎዴ አዛዜቶንታ አይ ሚሼካ ቃጻያናስ ኑኒ ጊጌቲ ኡቲዶስ።

7 አንቴ ጸሊዛይ ካሬ ባጋራ ቤቲዛዝ ጸላ፤ ኦኒካ ታኒ ኪርሰቶሳስ ጊ አማኔቲኮ ዛሬላ ቆፖ፤ ኑኒካ አዛ ማላካ ኪርሰቶሳይታ ጊዲዳይሳ አዛዴይ ዎዚናን ዎሶ።

8 ጎዳይ ኑስ አሚዳ ማታ ጊሻሰ ታኒ አዛን ጨቁኮካ ዬላቲኬ፤ ሄሲ ማታይ ታስ አሚቲዳይ ኑኒ አንቴና ሚንላናስ አቲን ላላናስ ጊዴና።

9 ታኒ ሃ ኪታን አንቴና ባቢሶስ ኦሊዛ ሚሳቶፖ።

10 ኦኔ ኤሪዛይ አሲ አሲ አሳቲ፣ «ጳውሎሳ ኪታቲ ዴጾኔ ዎልቃማ፤ ጊዶ አቲን ኑ አቻን ዲዛ ዎዴ አዚ ላፋ፤ አዛ ሃሳይካ ለቁቲዳይሳኮ!» ጊዛዝ ጊዳና።

11 ሃሳሶ ጊዛ አሳቲ ኑኒ ሃሆን ዲሼ ጳፊ ኪቲዳይሳሲኔ ቃሴ አንቴናራ ዲሼ ኑ ኦሊዛይሳ ጊዶን አይኮ ዲማቴላ ባይንዳይሳ ሻኪ ኤሬቶ።

12 ጊዲኮካ ባርካ ባና ናሺዛ አሲ አሲ አሳታራ ኑና ኑርካ ጋላ ጸላናስ ዎይኮ ኢስታራ ኑና ጊጊሳናስ ጸሎኮ፤ አስቲ ቃሴ ባርካ ባና ባናራ ጋላ ጸሊዛ ጊሻሰ አስቲ ዩሺ ቆፐዛይታ ጊዴቲና።

13 ኑ ቃሴ አንቴኮ ጋካናስ ጸሲ ኑስ አሚዳ ኦሶ ዛዎን ሲሜሬቶስ አቲን ዎጋፔ አላ ጨቁቲዛይታ ጊዶኮ።

14 አንቴ ቃሴ ኑ ኦሊዛሶን ዲዛ ጊሻሰ ኪርሰቶሳ ሚሺራቾ ቃላ ታማርሳናስ ኑ አንቴኮ ቢዳ ዎዴ ኑኒ ኑ ዛዎፔ አጂቤኮ።

15 ሃሳ ጊሻሰ ጸሲ ኑስ አሚዳ ዛዎፔ አጂዲ ሃራ አሳታ ኦሶን ጌሊዲ ዎጋፔ አጂ ጨቁቶኮ፤ ሃሳፊ ቦላራ አንቴ አማናይ ዲጫና ማላኒ ኑ ኦሶይካ ጸሲ ኑስ አሚዳ ዛዎን አንቴ ጊዶን አካናይሳ ናንን ዶስ።

16 ሃሳ ጊሻሰ ኑ ሃራ አሲ ኦሊዛ ዛዎ አጂዲ ካሴቲዲ ኦሴቲዳ ኦሶን ጨቁቶንታ ዲሼ አንቴፊ ሄኒን ዲዛ ዴሬታስ ሚሺራቾ ቃላ ዮታናስ ዳንዳዮስ።

17 ጊዶ አቲን ጸሳ ማጸፋይ፣ «ጨቁቲዛ አሲ ጎዳን ጨቁቶ» ጊዴስ።

18 አሲ ጋላቲታናስ ዳንዳይዛይ ጎዳይ ጋላቲኮ አቲን ባርካ ባና ጋላቲን ጊዴና።

11

ጳውሎሳኔ ዎርዶ ሃዎሬታ

1 ታ ጉላ ኤያቴላ አንቴ ዳንዳያና ማላ ታ ሂዶታ ኦሶይሳ ሃያና ዳንዳይቲ።

2 አሲ ጌሎንታ ጌሻ ጌላኦያ ባ ጌላኦቴላን አሲ አዚናስ ጊጊዛ ማላ ታኒካ አንቴና ኪርሰቶሳስ ጊጊሲዳ ጊሻሰ ታ አንቴ ጊሻሰ ሎኦ ቆፋ ቆፓይሰ።

3 ሸሻይ ባ ጌኔራ ሄዎና ባሌላዳይሳላ ኦኔ ኤሪዛይ አንቴ ቆፋይካ ሞሬቲን ኪርሰቶሳስ ዲዛ ሱሬኔ ጌሽ ጊዲዳ አማኔቴላ አንቴና አጋጋንዴቶ ጋዳ ታ ሂርጋይሰ።

4 አሲ አሲ አንቴኮ ዩዲ ኑ ካሴ አንቴስ ሳባኪዳይሳ ጊዶንታ ሃራ ዬሱሳ ሳባኪኮ ዎይኮ ካሴ አንቴ ኤኪዳ አያና ጊዶንታ ሃራ አያና ኤኪኮ ዎይኮ ካሴ አንቴ ኤኪዳ ሚሺራቾ ቃላ ጊዶንታ ሃራ ሚሺራቾ ቃላ ኤኪኮ ጮ ማላ አንቴ ጸኔቲዳታ ጉሳ።

5 ጊዲኮካ ታኒ ሃይታ ገታ ሃዎሬታፔ አይኮንካ ጉጺዛ ታስ ሚሳቲና።

6 ሃሳያን ጨንጫ ጊዶንታ አገኮካ ታስ ኤራይ ፓጨቤና፤ ሃሳ ኑኒ አንቴስ ዲማ ዲማ ኦጌራ ቆንጨን ኤሪሲዶስ።

7 ታኒ አንቴስ ጸሳ ሚሺራቾ ቃላ ዳዎዛይ ባይንዳ ሳባኪዳይኔ አንቴና ቶቁ ሂሰታናስ ታኒ ታና ካወሺዳይሲ ኦኔ ኤሪዛይ ታስ ናጋራ ጊዲ ቆዳቲዳሻ?

8 አንቴስ ኦላናስ ሃንኮ ዎሳ ኬላታፔ ታኒ ማዶ ኤኪዳይሲ አስታፊ ሺሻ ኤካዶኮ።

9 ታኒ አንቴናራ ዲሺን ታና ማቲን ማቂዲያፔ ዩዳ አሻቲ ታስ ኮሺዛዛን ታና ማዲዳ ጊሻሰ ኦናሰካ ቶሆ ጊዳቤኬ፤ ሃና ጋካናሰካ አይ ሚሻንካ አንቴስ ቶሆ ጊዳቤኬ፤ ሲንላፊካ ታ አንቴስ ቶሆ ጊዲኬ።

10 ኪርሰቶሳ ቱማቴሌ ታናን ዲዛ ገሻሰ ታኒ ጨቁቶንታ ማላ ታና ዲጊዛይ አካያ ዳሬን ኦኒካ ባ።
 11 ሃሳስ ጋሶይካ አዜ? ታኒ አንቴና ሲቆንታ ገሼ? ታ አንቴና ሲቆዛይሳ ጸሲ ኤሬሰ።
 12 ሃይቲ ዋርዶ ሃዋሬቲ፣ «ኦኒካ ኢስታሶ አሶስ» ገሼ ኢስቲ ጨቁቴዛይሳ ዲጋናሰ ታ ሃኢ ኦሌዛይሳላ ሲንሳፊካ አላና።
 13 ሃይታንታ ማላ አሳቲ ኪርሰቶሳ ሃዋሬታ ሚሳታናሰ ባርካ ባና ላሚዛ ዋርዶንታ ሃዋሬታኔ ባለሌዛ አሳንቻታ።
 14 ሃሲካ ዳር ማላሊሲዛዝ ገዴና፤ ጸላኤይካ ባና ፖኦ ኪታንታ ሚሳቲሲዲ ላሚቴሰ።
 15 ሃሳ ገሻሰ ሃይቲ ጸላኤ አሳንቻቲ ሃንኮ ጸሎ አሳንቻታ ሚሳታናሰ ባርካ ባናቴላ ላሚኮ አይኮካ ማላሊሲና፤ ጩሴላን ኢስቲ ባ አሶ ዋጋ ኤካና።

ጳውሎሲ ሃዋሬታላ ጋሶን ቤኢዳ ዋዬ

16 እናሰካ ታኒ ኤያ ገዲዳዝ ሚሳቶፖ ጋዳ ቃሴካ ዮታዲሰ፤ ታ ኢስታሰ ኤያ ሚሳቲኮካ ጉላ ዋዴሰ ታ ጨቁታና ማላ ታና አንቴ ኤያ ማላ ቆዲቲ።
 17 ታኒ ሃሳሶ ዳና ኩንላ ሃሳይዛይ ጎዳ ሼኔ ማላ ገደንታ ኤያ አሳ ማላ ገዲዳኮ።
 18 ዳርቲ ባ አሾ ቆፋን ጨቁቴዛይሳላ ታኒካ ጨቁታና።
 19 አንቴ ቃሴ ዩሺ ቆፒዛይታ ገዲዳ ማላ ሃንኮ ኤያታ ኡፋይሳናሰ ዳንዳይታ።
 20 ሃሳሶካ ኦኒካ አንቴና ባሰ አይሌሲኮኔ ኦኒካ አንቴና ቦንቁኮ፣ ኦኒካ አንቴናን ጎኤቲኮ፣ ኦኒካ አንቴና ሌቁኮ፣ ኦኒካ አንቴሰ ሻጋላን ባቁኮ አንቴ ዳንዳይታ።
 21 ኢዚ ታና ዩላሲዛዝ ገዲኮካ ሃይታ ሃ ሃናታ አላናሰ ኦኒ ሚኖ ገደንታይሳ ታኒ አንቴሰ ቆንጨሳይሰ። ገደ አቲን ኦኒካ ጨቁታናሰ ጸሊኮ ታኒካ ኢዛሶ ጸላዳ ጨቁታና፤ ታኒ ሃሳ ገዛይ ሃኢካ ኤያ ገዲዳኮ።
 22 ሃይታንቲ ኢስቲ ኢብራዌ አሳቴ? ታኒካ ኢብራዌኮ! ኢስቲ ኢብራኤሌ አሳቴ? ታኒካ ኢብራኤሌ አሳኮ! ኢስቲ ኢብራሃሜ ዜሬላቴ? ታኒካ ኢብራሃሜ ዜሬሊኮ!
 23 ሃይታንቲ ኪርሰቶሳ አሳንቻቲ? ታኒ ቃሴ ኢስታፊ ቦላራ ኪርሰቶሳሰ ኦሌዛይ፤ ታ ሃሳሶ ገዛይ ጎሻ ማላ ገዲዳኮ! ታኒ ኢስታፊ ዳር ዋዴ ኦሶን ዳቡራዲሰ፤ ዳር ዋዴ ቃሼታዲሰ፤ ዳር ዋዴ ጋራፊታዲሰ፤ ዳር ዋዴ ሃይቆሰ ጋካዲሰ።
 24 ኢቻሹቶ ሃሹ ታማኔ ኡዲፋን ጸርቃፊ አይሁዳታን ጋራፊታዲሰ።
 25 ሃሹቶ ዳርቃን ቡኩታዲሰ፤ ኢሲቶ ሹቻን ጫዳታዲሰ፤ ሃሹቶ ማርካቤ ገደን ታ ቦላ ሜቶይ ጋኪዴሰ፤ ኢሲ ኦማርሲኔ ኢሲ ጋላሰ አባ ገደን ጋሞአዲሰ።
 26 ታ ሃሚታ ዳር ጋሶን ሃላ ኪጸይኔ ዲኦይ፣ ፓንጋታፔ ሜቶይ ታና ጋኪዴሰ፤ ታ ቆሞ አይሁዳ አሳቴኔ አይዛቤታፔ ዋዬይ ሜቶይ ታና ጋኪዴሰ፤ ካታማንካ፣ ባዘንካ አባ ቦላንካ ታና ሜቶይ ጋኪዴሰ፤ ሃሳሶካ ዋርዶ አማኒዛይታፔ ሜቶይ ታና ጋኪዴሰ።
 27 ዳር አላ ዳቡራዲሰ፤ ዳር ዋዴ ጳሰካቤኬ፤ ጋፋኒኔ ሃላ ሳሞን ዋዬታዲሰ፤ ዳር ዋዴ ሚዛ ካሌ ታሰ ጳይዴሰ፤ ሚሳይኔ ካሎቴሌ ታና ጋኪዴሰ።

28 ታኒ ሃራ ሚሽ ቆፖንታ፣ ጋላሰ ጋላሰ ታና ቆፍሲዛይ ዋሳ ኬላታ ኡባ ገሻሰ ቆፒዛ ቆፋ።
 29 ኢሲ ኢሲ ዳቡርሺን ታኒ ኢዛራ ዳቡርንታ አይዴ አጋዲና? ኢሲ ኢሲ ናጋራን ኩንዲሺን ታ ቃሴ ኢዛ ሃንቁቶንታ አይዴ አቆ ኤራዚና?
 30 ጨቁታናሰ ኮሺዛዝ ገዲኮ ታ ጨቁታናይ ታ ዳቡራንቻ ገዲዳይሳ ታና ቤሲዛ ሚሻን ጨቁታይሰ።
 31 ሚርናሰ ጋላቴቲዳ ጎዳ ዩሱሰ ኪርሰቶሳ አዋ ጸሲ ታ ዋርዶቶንታይሳ ኤሬሰ።
 32 ታኒ ዳማሰቆ ካታማን ዲሺን ካዎ አርሲጸሲዮሳፔ ጋርሳራ ዴሬ አይሲዛይሰ ታና አይካናሰ ኮዩዲ ሃ ካታማ ፔንጌታ ዛቤታን ናገሲዴሰ።
 33 ገዲኮካ አሳይ ታና ኬሺን ዩገዲ ሄ ካታማ ገሞቤ ማሰኮቴራ ዲጌ ዋሌ ዩዲን ኬሳ ኤካ አታዲሰ።

12

ጳውሎሲ ቤኢዳ አጁታ

1 ጨቁቴላን አይኮ ጎአይ ባይንዳ አገኮካ ጨቁታናሰ ኮሺኮ ጎዳይ ታሰ ቆንጨሲ ኢሚዳይሳኒኔ ኢዚ ቤሲዳ አጁታን ታ ጨቁታና።
 2 ኪርሰቶሳሰ ገዲዳ ኢሳዴ ታ ኤራይሰ፤ ሄ አዳዚ ታማኔ ኦይዲ ላይላፊ ካሴ ሃሻንሶ ሳሎ ኤኬቲ ቢዴሰ። (ኢዚ ኤኬቲዳይ ባ አሾራ ገዲን ዋይኮ አሾራ ገደንታ አገን ታ ኤሪኬ ሺን ጸሲ ገዲኮ ኤሬሰ።)
 3 ገዲኮካ ኢዚ ባ አሾዛራ ቢን ዋይኮ ሜላ ቢን ታ ኤሪኬ፤ ጸሲ ገዲኮ ኤሬሰ።
 4 ኢዛይይካ ፑዴ ጋናቴ ኤኬቲዲ አሳ ቃላን ቆንጨሳናሲኔ ኢሲ ጋናሰ ዳንዳዮንታዝ ኢዚ ሲዩዴሰ።
 5 ታኒ ሃሳ ማላ አሳን ጨቁታይሰ፤ ታ ሁኤሰ ገዲኮ ታ ዳቡርሳፊ ሃራ ታ ኢዛን ጨቁታና ሚሺ ታሰ ዴና።
 6 ሂሰቲን ታኒ ቱማ ሃሳይዛ ገሻሰ ጨቁታናሰ ኮይኮካ ታ ኤያ ገዲኬ፤ ገደ አቲን ኦኒካ ታ ቦላ ባ ቤኢዛዛፔኔ ታፔ ሲዩዛይሳፊ ቦላራ ቆፖንታ ማላ ጋዳ ጨቁታናፔ ናጌታይሰ።
 7 ሃይታ ታሰ ቆንጨዳ ገታ ሃናታ ጋሶን ታኒ ኦቶራቶንታ ማላ ታ አሳቴሌ አጉንላ ማላ ጫዲዛ ሳኮይ ታሰ ኢሚቴዴሰ፤ ሃሲካ ጸላኤፔ ኪቴቲዲ ታና ጫቻን ዋዩሲዲ ታ ጨቁቶንታ ማላ ዲጌሰ።
 8 ሃይሲ ታና ዋዩሲዛይሲ ታፔ ኪቻና ማላ ታኒ ጎዳ ሃሹቶ ዋሳዲሰ።
 9 ገደ አቲን ጎዳይ፣ «ታ ዋልቃይ ኩሜሌ ገዲ ቆንጨናይ ኔ ዳቡርሳን ገዲዳ ገሻሰ ታ ኪያቴሌ ኔሰ ገዲና» ገዴሰ፤ ሃሳ ገሻሰ ኪርሰቶሳ ዋልቃይ ታ ቦላ ገዲና ማላ አይ ዋዴፔካ ቦላራ ታኒ ዳቡርሺን ሄ ዋዴ ኡፋይሳን ጨቁታናሰ ዳሳይሰ።
 10 ታኒ ዋልቃ ዴሚዛይ ዳቡርዛ ዋዴ ገዲዳ ገሻሰ ታ ኪርሰቶሳ ገሻሰ ዳቡርሺን፣ ጫዬቲሺን፣ ሜቶቲሺን፣ ጎዴቲሺን፣ ሙዞቲሺን ታና ኡፋይሴሰ።

12 ታኒ ቱሙ ሃዋሬ ገዲዲይሳ ኤሪሲዛ ሃኖቲ ታ አንቴናራ ዳሼ ዳንዳያን ፖሊዳ ኦሶታ፤ ሃይቲካ ማላታታ፡ ገታ ኦራፋ ሚሼታኔ ማላሊሲዛ ኦሶታ።

13 ታኒ አንቴሰ ቶሆ ገደንታ አጎሪፔ አቲን ሃንኮ ሃራ ዋሳ ከላታፔ አንቴና ኣዛን ፓጩሳዲና? ሄሲካ ዋሮ ገዲዲኮ አንቴ ታና ማሪቴ።

14 ታኒ ሄ አንቴኮ ባናሰ ገቢቲሺን ሃይሲ ሄቫንፎ፤ ታኒ አንቴሰ ቶሆ ገደናሰ ኮይኬ፤ ታኒ አንቴና ኮያይሰ አቲን አንቴ ሚሻ ኮይኬ፤ አዋቲ ናይታሰ ሚሽ ሺሼቴሰ አቲን ናይቲ አዋታሰ ሚሽ ሺሺ ኤሬቴና።

15 ታኒ አንቴ ገሻሰ ታናካ ታሰ ዲዛዝ ወርሳ አንቴሰ ኣላ ኢሚዳኮ ታና ዳሮ ኡፋይሴሰ፤ ሂሰቲን ታኒ አንቴና ሃይሳ ማላ ዳሮ ሲቁሺን አንቴ ቃሴ ታና ዋኒ ጉሳራ ሲቁቲ?

16 አይ ገዲዲኮካ ታ አንቴሰ ቶሆ ገደቤኬ ሺን አንቴሰ ታ አንቴና ጮ ጌኔን ባሌፋ ኦይኪዳዝ ሚሳቴሰ።

17 ታ አንቴኮ ከታ ዬዲዳ አሳታፔ ኢሳዴ ባጋራካ አንቴፌ ጎኤታዲና?

18 ቲቶሲ አንቴኮ ባና ማላ ታ ኢዛ ዋሳዲሰ፤ ሄሳ ኦ አሻዛካ ኢዛራ ጋላ ዬዲዲሰ፤ ሂሰቲን ቲቶሲ አንቴፌ ኣይኮ ጎኤቲዴ? ታኒኔ ኢዚ አንቴሰ ኦላዲይ ኢሲ ዋዚናን ገዴኔ? ካሴ ኦ ሃኖይ ኢሲ ማላ ገዴኔ?

19 አንቴ ወሪካ ሃኢ ጋካናሰ ቆፐዛይ ኦ አንቴ ሲንፋን ኦና አሻናሰ ሃኒዛ ሚሻ ማላ ጸሌቲ? ኦኒ ከርሰቶሳን ገዲዲ አንቴሰ ዮቲዛይሲ ጸሳ ሲንፋና። ታ ሲቆቶ! ኦ ሃይሳ ኡባ ዮቲዛይ አንቴና ጎኣናሰ ገዲዲኮ!

20 ታኒ ሄ ቢዛ ዋዴ ኦኔ ኤሪዛይ አንቴ ታ ኮዬዳ ማላ ሃኖንታ ኣገኮ ታኒካ አንቴ ኮይዛ ማላ ገደንታ ዳሼ ጋጌታኔሻ ጋዳ ሂርጋይሰ፤ ሄሳፎካ አንቴ ገደን ኦሽ፣ ቃናቴቴ፤ ሃንቆይ፣ ዙፔቴ፤ አሳ ሰንፋ ኢሲይ፣ ዘገርሲ፣ ኦቶሬቴ፤ ካቺ ዲሰ ኣጌና ጋዳ ሂርጋይሰ።

21 ታኒ ቃሴካ ሄ አንቴኮ ቢሺን ኦኔ ኤሪዛይ ታ ጎዳይ ታና አንቴ ሲንፋን ካወሻንዴ ጋዳ ሂርጋይሰ። ሃይሳፌ ካሴ ናጋራ ኦላዲዲ ሄ ኦላዲ ቱናቴፋን፣ ላይማኒኔ ጮ ማላ ዬዳ ዲሳሰ ማሮቴፋን ጌሎንታ አሳታ ጋሶን ታ ሙዙቴፋን ዋፋንዲና ጋዳ ሂርጋይሰ።

13

ወርሴፋ ዞሬኔ ሳርካ

1 ሂሰቲኮ ታኒ አንቴኮ ቢሺን ሃይሲ ታሰ ሄቫንፎ፤ ኣይዴካ ገዲን ዮኦይ ሚኒዛይ ናምኡ ማርካን ዋይኮ ሄቩ ማርካና።

2 አንቴና ቤያናሰ ታ ናምኣንፎ ቦይሳን ታ አንቴናራ ዳሼ አንቴ ናጌታና ማላ ታ አንቴሰ ሚንፋ ዮታዲሰኮሺን፤ ሃኢካ ቃሴ ሃሆን ዳዳ ሃይሳፌ ካሴ ናጋራ ኦላዲይታሲኔ ሃንኮይታሰ ሚንፋ ዮታይሰ፤ ሃኢ ታ አንቴኮ ሄ ሲማ ቢኮ ኢሰታፌ ኦናሰካ ሚሹቴኬ።

3 ሄሲካ ቃሴ ታናን ገዲዲ አንቴሰ ዮቲዛይ ከርሰቶሳ ገዲዲይሳ አንቴ ሻኪ ኤራናሰ ኮይዛይሳ ቤሴሰ፤ አንቴ ኣቻን ዲዛ ከርሰቶሲ ዋልቃማ አቲን ላፋ ገዴና።

4 ኢዚ ማሰቃሌ ቦላ ካቁቲዲ ዳቡራን ሃይቁኮካ ሃኢ ቃሴ ጸሳ ዋልቃን ፓጸ ዳሰ፤ ኦኒካ ኢዛራ ላፋታ ገዲዲካ አንቴ ገሻሰ ገዲ ጸሳ ዋልቃን ሚኒ ደሰ።

5 አንቴ ኣማኖን ሚኒ ዲዛኮኔ ኤራናሰ ኣኔ አንቴርካ አንቴና ፓጩ ጸሊቲ፤ ዬሱሰ ከርሰቶሲ አንቴናን ዲዛይሳ ሻኪ ኤሪቤኬቲ? ሃሳፎ ሃኖንታ ኣገኮ አንቴ ፓጩን ኩንዲዴታ ጉሳ።

6 ኦኒ ፓጩን ኩንዲንታይሳ አንቴ ሻኪ ኤራና ጋዳ ሂዳታ ኣሳይሰ።

7 አንቴ ኢታ ሚሽ ኦሎንታ ማላ ኦኒ ጸሰ ዋሶሰ፤ ኦኒ ዋሲዛይካ ኦ ኣይኮካ ዳንዳይዛይታ ገደንታ ኣገኮካ አንቴ ኡባ ዋዴ ሎኦ ኦሶ ኦሳናፔ አቲን ኦ ጎባቴሰ አንቴና ቤሳናሰ ገዴና።

8 ኦኒ ቱማቴሳሰ ኦሶሰ አቲን ቱማፔ ካሬራ ኣይኮካ ኦሳና ዳንዳዮኮ።

9 ኦኒ ዳቡራንቻታ ገዲን አንቴ ቃሴ ሚኖታ ገዲሺን ኦና ኡፋይሴሰ፤ ኦ ዋሳይ አንቴ ቦላ ዋሶይ ባይንዳይታ ገዴና ማላሳ።

10 ታኒ ሃይሳ አንቴሰ ዬዲዛ ከታዛ አንቴፌ ሃካ ዳሼ ጸፊዳይ ሃሳ ገሻሳ፤ ሃሳ ማላን ታ አንቴኮ ቢዛ ዋዴ ታሰ ጎዳይ ኢሚዳ አዋቴፋን ታ አንቴና ዋዴሲሴ፤ ጎዳይ ታሰ ኣዋቴሰ ኢሚዳይ አንቴና ሚንፋናሰ አቲን ሳላናሰ ገዴና።

11 ኣኔ ሃኢ ታ አሻቶ! ሳር ዲቲ፤ አንቴ ዲሳ ሎኤሊቲ፤ ታ አንቴና ዙርይሳ ካሊቲ፤ አሳይ ኢሲይ ኢሳራ ሲጌቲቴ፤ ሳርን ዲቲ፤ ሲቆኔ ሳር ጎዳይ አንቴናራ ገዴና።

12 ሲቆ ዬሬቴሰ ዬሬቲዲ ኢሲይ ኢሳራ ሳርኬቴቴ።

13 ኣማኒዛ አሳይ ወሪካ አንቴና ሳር ጌሰ።

14 ጎዳ ዬሱሰ ከርሰቶሳ ከያቴሊ፣ ጸሳ ሲቆይኔ ጸሎ ኣያና ኢሲፌቴሊ አንቴናራ ኡባታራ ገዴ።

ጳውሎስ ጋላቲያ አሳሰ ጳፊዳ ኪታ ጊዶ ቆፋ

ዩሱስ እሽዛዳ ጊዲዳይሳ የቲዛ ሚሽራቾ ቃላይ ኡባሶን አይዛቤታሰ ሳባኬቲን አሳይ አማኒ አማኒ ዳሪሽን፤ «አማኒዛዳ ጊዳናሰ ካሴ ሙሴ ዋጋ ፖሊ ናጋናሰ ኮሽዜዬ? ኮሽኔ?» ገዛ አይሻይ ዳንዲዳሰ፤ ቄሪ ኢሲያ ጌቲቲዛሶን ኦሮሜ ካዎይ ሃሪዛሶን ጋላቲያን ዲዛ አማኒዛ አሳ ጋርሳን፤ «አሲ ጸሳ አቻን ጸሎ ጊዳናሰ ዩሱሳን አማኖ ጸላ ጊዳንታ ሙሴ ባጋሪ ኢሜቲዳ ዋጋዛ ፖሎ ኮሽሰ» ጊዲ ጳውሎሳራ ኤቁቲዛይቲ ዳቲሰ።

ጳውሎስ ቃሴ ጋላቲያ ኪታ ጳፊዳይ ሃይሳ ሃ ቲሚርቲዛን ባሌቲዳ አሳቲ ቱሚርቲኮኔ ቱሚር አማኖኮ ዛራናሳ፤ ጳውሎስ ዩሱሰ ኪርሰቶሳ ሃዋሪ ጊዲዳይሳ ቆንጨሴላን ደሜሰ፤ ኢዛ ሃዋሪቲላሰ ጳይጊዳይ ጸሳ አቲን ኢዚ አሳ ጳይሳን ከቲቶንታይሳን ቃሴ ኢዚ ከቲቲዳይ አይሁዳ አሳኮ ጊዳንታ አይዛቤታሰ ጊዲዳይሳ ኡባ ቢርሺ የቲሰ። ወርሴላ ሸዎፖታ ጋርሳን አማኖ ዲሲ ዩሱሳ አማኖን ቤቲዛ ሲቆፔ ጊዲዳይሳ ሎኤላ የቲሰ።

ሃ ማጻፋይ ኦይኪዳ ኩሜሳ ቆፋ

ጌሎሶ 1:1-10

ጳውሎሳሰ ኢሜቲዳ ሃዋሪቲላ ማታ 1:11—2:21

ጸሳ ኪያቲላ ሚሽራቾ ቃላ 3:7—4:31

አማኒዛይታ ጎቃቲላኔ አማኖ 5:1—6:10

ኩሻ ቆፋ 6:11-18

1 አሲ ከቲዳዳ ጊዳንታ ዩሱሰ ኪርሰቶሳ ሃይቆፔ ዳንሲዳ ኢዛ አዎ ጸሳፌ ከቲቲዳ ጳውሎሳፔ፤

2 ታናራ ዲዛ ኢሻታ ኡባፌ ጋላቲያን ዲዛ ዋሳ ኬላታሰ፤

3 ኦ አዎ ጸሳፌ ጎዳ ዩሱሰ ኪርሰቶሳፔ ጸሳ ኪያቲላኔ ሳርይ ኢንቲሰ ጊዳ።

4 ኦ አዎ ጸሳ ሼኔ ጊዲን ኢታ አላሜዛፔ ኦና አሻናሰ ባና አላ ኢሚዳይሳሰ፤

5 ሜሪፔ ሜርና ጋካናሰ ኢዛሰ ቦንቾይ ጊዳ።

ሚሽራቾ ቃላይ ሜጺ ኢሲኖ

6 ኢንቲ ኪርሰቶሳ ኪያቲላን ጳይጊዳይሳ አጋጊዲ ሃራ ዲሚ ሻኮ ሚሽራቾ ቃላኮ ሲሚዳይሲ ታና ዳር ማላሊሴሰ።

7 ታ ሃሳ ጊዳ ጋሶይካ ኢንቲና ባሌላዛይቲኔ ኪርሰቶሳ ሚሽራቾ ቃላ ሚርቁዛ ኢሲ ኢሲ አሳቲ ዲዛ ጊሻሳ፤ ቱሚፔ ጊኮ ሚሽራቾ ቃላይ ኢሲኖ ጸላ።

8 ጊዳ አቲን ኦና ጊዲን ዋይኮ ሳሎ ኪታንቻ ጊዲንካ ኦ ኢንቲሰ ሳባኪዳ ሚሽራቾ ቃላፔ ሃራ ዲሚ ሚሽራቾ ቃላ ሳባኪኮ ሃሳዳይ ሜርናሰ ቃንጌቲዳዳ ጊዳ።

9 ታ ካሴ ጊዳ ማላካ ሃኢካ ዛራዳካ ካሴ ኢንቲ ኤኪዳ ሚሽራቾ ቃላፔ ሃራ ዲሚ ሚሽራቾ ቃላ ሳባኪኮ ኢዛዳይ ሜርናሰ ቃንጌቲዳዳ ጊዳ ጋይሰ።

10 ሃኢ ታኒ አሲ ታና ኤርሾ! ሃሹ ጋና ማላ ኮያዚናዬ? ጸሲ ሃሹ ጋና ማላ ኮያዚና? ዋይኮ አሰ ኡፋይሳና ኮያዚና? ታ አሰ ኡፋይሳና ኮይዛኮ ኪርሰቶሳ አሳንቻ ጊዲኬ።

ጸሳን ጳውሎሳ ጳይጌቲላ

11 ታ ኢሻቶ! ታ ኢንቲሰ ሳባኪዳ ሚሽራቾ ቃላይ አሳ ኦሶ ጊዳንታይሳ ኢንቲ ኤራና ማላ ኮያይሰ።

12 ሃይሳ ሃ ሚሽራቾ ቃላዛ ዩሱሰ ኪርሰቶሲ ታሰ ቆንጨሴሰ አቲን ታ ኦናፔካ ኤካቤኬ፤ ዋይኮ ኦኒካ ታና ታሚርሲቤና።

13 ታኒ ካሴ አይሁዳታ አማኖን ዋና ዲዛኮኔ ጸሳ ዋሳ ኬላ ታ አይ ማላ ጎዲዳኮ ቃሴ ሙሎራ ቆይሳናሰ ታ አይ ማላ ዳፊቲዳኮ ኢንቲ ሲዪዳታ።

14 ካሴ ታ ዲዛ ዋዳን ዲዛ ዳር አይሁዳ አሳታ ዳርታፔ አማኖን አቆይሰ፤ ካሴ ኦ አዎታ ዋጋ ናጋናሰ ዳር ዳፊታይሲሺን።

15 ጊዳ አቲን ካሴ ኮይር ታኒ ታ አዪ ኡሎን ዲሺን ባሰ ዳሪዲ ባ ኪያቲላን ታና ጳይጊዳ ጸሳይ፤

16 አይዛቤታ ጊዳን ኢዛ ናዛ ጊሻሰ ታ ሳባካና ማላ ባ ናዛ ታናን ቆንጨሳናሰ ደሲዳ ጊሻሰ ታኒ ኦናራካ ዞሪታቤኬ።

17 ታፔ ካሴ ሃዋሪ ጊዲዳይታኮ ዩራሳላሚ ባቤኬ ሽን አማኒዳ ማላ ሃራካ አራቤ ቢታ ባዲሰ፤ ሄፔካ ዳማሰቆ ሲማዲሰ።

18 ሄፔካ ሄቹ ላይላፌ ጉዬ ጳጵሮሳራ ጋጋናሰ ዩራሳላሚ ባዲሰ፤ ኢዛራ ጋጋዳ ታማኔ ኢቻሹ ጋላሰ ጋካናሰ ሄን ጋምአዲሰ።

19 ጊዳ አቲን ጎዳ ኢሻ ያቆቤፔ አቲን ሃዋሪታፔ ኦናካ ቤያቤኬ።

20 ሃይሳ ታ ኢንቲሰ ጳፊዛይሳን ታ ዋርዳ ሃሳኖንታይሳ ጸሳ ሲንላን የታይሰ።

21 ሃሳፌ ጉዬ ሶሪያኔ ኪልቁያ ጌቲቲዛ ዳሪ ባዲሰ።

22 ዩሁዳ ዳሪን ዲዛ ኪርሰቶሳን አማኒዛ አሳይ ታና ቤዪቤና።

23 ጊዳ አቲን፤ «ቤኒ ኦና አማኖ ጊሻሰ ጎዲ ቆይሳና ኮይዛ አዳዚ ሃኢ ሄ አማኖዛ ዛሪ ሳባኬሰ» ጊዛ ዋሪ ጸላ ሲዪዳ።

24 ሄ አሳይ ታ ጋሶን ጸሰ ጋላቲዳሰ።

2

ጳውሎሳ ሃዋሪቲ ዋኪ ኤኪዳ

1 ታማኔ ኦይዲ ላይላፌ ጉዬ ቃሴካ ዩራሳላሚ ባዲሰ፤ ሄ ዋዳ ባርናሳሳራ ዳይሰ፤ ቲቶሳካ ታናራ ኤካ ባዲሰ።

2 ታሰ ቆንጨዳ ጊሻሰ ሄ ባዲሰ፤ አይዛቤታ ጊዳን ታ ሳባኪዛ ሚሽራቾ ቃላካ ኢሰታሰ የታዲሰ፤ ጊዳ አቲን ታ ካሴ ሜላ ዋዲዳኮ ጋዳኔ ቃሴካ ሲንላፌ ጮ ሚላ ዋጸንታ ማላ ሂርጋዳ ዋናቲዛይታሰ ዲሚ ኤሪሳዲሰ።

3 ሃራይ አቶሺን ታናራ ዲዛ ቲቶሲ ኢዚ ጊሪኬ አሰ ሺን ኢዚ ቃጸሪታና ማላ ዋልቃሊቤቲና።

4 ሃይሲ ሃ የኦዚ ዳንዲዳይ ኢሲ ኢሲ ዋርዶ አማኒዛይቲ ኩይ ዩሱስ ኪርስቶስን ዳሚዳ ጌሻቴላ ዩዩ ዩዩ ፓጩ ቤያናሲኔ ኑና አይሌቴላን ዛሪ ጌልላናሰ ሎዳራ ኑኮ ሳሊ ጌሊዳ ገሻሳ።

5 ሄይታ ሄ አሳታስ ኩይ ኢሲቶካ ሃሪቴቤኮ፤ ሄሲካ ኢንቴ ሚሺራቾ ቃላ ቱማቴላን ኤቂ ዳና ማላ ገዲኮ።

6 ዋና ሚሳቲዛ አሳቲ ታስ አይኮካ ሚሳቲቴና፤ ጸሲ አሳ አይፊሶ ቤኢዲ ማዶ ኦሊ ኤሪና፤ ሄይቲ ሄ አሳቲ ታ ከቲዛ የኦታስ ታስ አይኮካ ጉጂቤቴና።

7 ገዶ አቲን ጴጽሮሲ ቃጸሬቲዳይታስ ሚሺራቾ ቃላ ሳባካናሰ ሃዳራ ኤኪዳይሳ ማላ ታኒካ ቃጸሬቶንታይታስ ሚሺራቾ ቃላ ሳባካናሰ ሃዳራ ኤኪዳይሳ ኢሰቲ ኤሪዳ።

8 ጴጽሮሲ አይሁዳታስ ሃዋሪ ገዲ ኦላና ማላ ኦሊዳ ጸሳይ ታኒካ አይዛቤታስ ሃዋሪ ገዲ ኦላና ማላ ታስ ኦሊዳ።

9 ዋናቲ ያቆቤይ፣ ጴጽሮሲኔ የሃኒሲካ ታስ አሜቲዳ ጸሳ አዎታ አኬኪዲ ታስኔ ባርናባሳሰ ባ ኡሻቻ ኩሼ አሚዳ፤ ሄሳፌ ጉዬ ኩይ አይዛቤታስ ኢሰቲ ቃሴ አይሁዳታስ ቃላ የታናሰ ቃላ ኤሮ ገ ኤኪዳ።

10 ኢሰቲ ኑስ ሃዳራ ገዳይ ማንቆታስ ቆፋ ኑ አጎንታ ማላ፤ ታ አዎይካ ሄሳ ኦላናሳ።

ጳውሎስ ጴጽሮሳ ቆጶስ

11 ጴጽሮሲ አንጸኪያ ዩዳ ዋዴ ኤሬቲዳ ባላ ኦሊዳ ገሻሰ ታ ኢዛ ቆንጩን ቆጶዲሲ።

12 ኢሲ ኢሲ አሳቲ ያቆቤ አቻፌ ያናፔ ካሴ ጴጽሮሲ አይዛቤታራ ኢሲፌ ካሐ ሚዛይሳ አገዲ አሳቲ ዩዳፔ ጉዬ ቃጸሬቲዳ አሳታስ ባቢዲ አይዛቤታፔ ሻኬቲ ጉዬ ጉዬ ጉሰ አይኪዳ።

13 ባርናባሳሰ ኢሰታሎ ቆጴፔ ቆሞን ሃናን ኤኬታና ጋካናሰ ሃራ አይሁዳ ባጋፌ አማኒዳ አሳይካ ኢዛራ ኢሲፊቲዳ።

14 ኢሰታ ኦሶይ ሚሺራቾ ቃላ ቱማን ገደንታይሳ ታ ኤራዳ ኩሜላ አሳ አቻን ጴጽሮሳ፣ «ኔ አይሁዳ እሰ ሺን አይዛቤታ ዋጋን አቲን አይሁዳታ ዋጋን ዳቤካ፤ ሂሰቲን አይዛቤቲ አይሁዳታ ዋጋ ካላና ማላ አዛሰ ዋልቃላይ?» ጋዲሲ።

15 «ኑኒ ኑ ዩሌቴላን አይሁዳታፔ አቲን አይዛቤታ ማላ ናጋራንቻ ገደኮ።

16 ኢሲ ዩሱስ ኪርስቶስን አማኖን ጸላና አቲን ዋጋ ናንን ጸሎንታይሳ ኑ ኤሮሲ፤ ሄሳ ገሻሰ ዋጋ ናንን ገደንታ ኪርስቶስን አማኖን ኑ ጸላና ማላ ኩኒካ ቃሴ ዩሱስ ኪርስቶስን አማኒዳ፤ ዋጋ ናንን ኦኒካ ጸሊና።

17 «ኑ ኪርስቶስን ጸላና ኮይኮ ኩይ ናጋራንቻታ ገዲዳይሲ ቆንጩ ኤሬቲዳ፤ ሂሰቲን ኪርስቶሲ ናጋራይ ዳሪ ዳሪ ባና ማላ ኮይኮ? ኮይና።

18 ታኒ ላሊዳይሳ ዛራዳ ታርካ ታ ኩሼራ ኬጸኮ ታኒካ ዋጋ ዋሪዳዴ ገዲዳይሳ አማኒታይሰ።

19 ታኒ ጸሳሰ ዳና ማላ ዋጋ ባጋራ ሄ ዋጋሰ ሃይቃዲሰ።

20 ታኒ ኪርስቶሳራ ካቂታዲሰ፤ ሃይሳፌ ጉዬ ታኒ ታስ ዲኬ፤ ገዶ አቲን ኪርስቶሲ ታ ገደን ዳሰ፤ ሃኢካ ታ አሻን ዲዛ ዳሳይ ታና ደሲዲ ባና ታ ገሻሰ አሊ አሚዳ ጸሳ ና ቦላ ዲዛ አማኖን ዲዛ ዳሳ።

21 ታኒ ጸሳ ኪያቴላ ካወሺኬ፤ ጸሎቴላ ዋጋ ናንን ቤቲዛ ሚሽ ገዲኮ ኪርስቶሲ ሃዳ ሃይቂዳሰ ጉሳካ!»

3

አማኖን ዲሰ ዋይኮ ዋጋ ናን

1 ኢንቴና ዩሺ ቆፖንታ ጋላቲያ አሳቶ! ኢንቴሰ ባሌቶንታ ማላ ኢዛ ካቂቴላ ታ ኢንቴ ሲንላን ሚሰሌ ማላ ገገሳ ቤሳዲሰኮ ሺን ኢንቴና ኦኔ ቢቲዳይ?

2 ኢንቴ ጸሎ አያና ኤኪዳይ ዋጋ ናንኔይ? ሳባኬቲዳ ቃላ አማኖን? ታ ሃኖ ኢሲኒዮ ኢንቴፌ ኤሪና ኮያይሰ።

3 ኢንቴ ሄሳ ማላ ቆፒ ኤሮንታ አሴ? ጸሳ አያናን ኦይኪዳይሳ ዛሪዲ አሾ ሃናን ፖላናሰ ዋይቴቲ?

4 ቱሙ ኢንቴ ሃኖ ጋካናሰ ዳቡርዳ ዳቡርሳይ ጮ ማላ? ጮ ማላ ገዲኮ ሃዳ ዳቡርዳታ።

5 ጸሲ ኢንቴሰ አያና አሚዳይ ኢንቴ አቻን ማላታ ኦሊዳይ ኢንቴ ዋጋ ናገዳ ገሻሰይ? ዋይኮ ኢንቴ ሲዩዳ ቃላን አማኒዳ ገሻሰይ?

6 ኦኔ ኢንቴ አብራሃሚ ገሻሰ ቆፒቴ፤ ጌሻ ማጻፋን፣ «ኢዚ ጸሰ አማኒን አማኖይ ኢዛሰ ጸሎቴላን ቆይቲዳሰ» ጌቲቲ ጸፊቲዳ።

7 ሄሳ ገሻሰ አማኒዛይቲ አብራሃሚ ናይታ ገዲዳይሳ ዋዚናን ዋሊቴ።

8 አይዛቤይ አማኖን አታናይሳ ኤሪዲ ጸሲ ካሴ ጌሻ ማጻፋን፣ «ዳሬይ ወሪ ኔ ባጋራ አንጃታና» ገዲ ሚሺራቾ ቃላ አብራሃሚሰ የቲ ዋሊዳ።

9 ሄሳ ገሻሰ አማኒዛይቲ ወሪ አማኒዛ አብራሃሚራ ኢሲፌ አንጃቲዳይታ።

10 «ዋጋ ናንን አማኒቲዛይቲ ወሪካ ቃንጌላ ጋርሳን ዳቲሰ፤ ዋጋ ማጻፋታን ጸፊቲዳይሳ ኡባ ኦሎንታይይ ኢዚ ቃንጌቲዳይ» ጌቲቲ ጸፊቲዳ።

11 «ጸሎ አሲ አማኖን ዳኤሰ» ገዛ ገሻሰ ኦኒካ ጸሳ ሲንላን ዋጋን አቶንታይሲ ጌሻ።

12 ዋጋይ አማኖን ጸጲቤና፤ ገዶ አቲን፣ «ዋጋታ ወርሲ ናገዛዳይ ኢዚ ናገዳይሳን ዳኤን ዳና» ጌቲቲዳ።

13 «ሚላ ቦላ ካቂቴዛ አሲ ቃንጌቲዳይ» ጌቲቲ ጸፊቲዳ ገሻሰ ኪርስቶሲ ኑ ገሻሰ ቃንጌቲዳይ ገዲዲ ኑና ዋጋ ቃንጌላፌ ዋዚዳ።

14 አብራሃሚሰ አሜቲዳ አንጃይ ዩሱስ ኪርስቶስን ባጋራ ዳሬሰ ጋካና ማላ ኑና ዋዚዳ፤ ሄሲካ ኩይ አማኖን ጸሎ አያና ኤካና ማላ ሃኒዳ።

ዋጋኔ ሃደታ ቃላ

15 ታ አሻቶ! ኦኔ ታ ኢንቴሰ አሲ ባ ዳሳን ሃኒዛ ሚሽ ለሚሶ አሚዳ፤ ሃራይ አቶሺን አሲ ኢሲቶ ጫቂዳ ቃላ ኢሲቶ ጫቂዳፔ ጉዬ ኦኒካ ሻራናሰ ዋይኮ ሃራ ኢዛ ቦላ ጉጃና ዳንዳዮንታይሳ ማላ ሃይሲካ ሄሳ ማላ።

16 ጸሲ አብራሃሚሰ የቲዳ ቃላይ አብራሃሚሰኔ ኢዛ ዜሬላሳ፤ ጌሻ ማጻፋይ ዳር አሳሰ የቲዛ ማላ፣ «ኢዛ ዜሬላታስ» ጌና፤ ገዶ አቲን ኢሲ አሳሰ የቲቲዛ ማላ፣ «ኔ ዜሬላሰ» ጌሰ፤ ሄሲካ ኪርስቶሳ።

17 ታ ጊዛይካ ሃይሳ፤ 430 ላይላፌ ጉዩን አሜቲዳ ዋጋይ ካሴቲዲ ጸሲ ሚንሉዳ ጫቆዛ ላሊዲ ቡር ሃናና ሂደታ ቃላ ሻሬና።

18 ላታይ ዋጋን ሃኒዛኮ ሂደታ ቃላን ጌላናሰ ኮሽናሽን፤ ጸሲ ባ ኪያቴላ ቃላን ኣብራሃሜስ አሚዴሰ።

19 ሂሰቲን ዋጋይ ኣዛሰ አሜቲዳ? ዋጋይ አሜቲዳይ ኣሳይ ዋጋ ዩዲ ኣዲዛ ገሻሰ ሄ ኡፋይሳይ ቤሲዛ ዜሬላይ ያና ጋካናሳ፤ ዋጋይ ዩዳይካ ኪታንቻታ ባጋራ ጋና ጊዲዛ አሳይ ባጋራ ዩዴሰ።

20 ጊዲኮካ ጋናዚ አሳ ባጋ ጸላ ጸሊዛይ ጊዴና፤ ጸሲ ጊዲኮ አሳ ጸላ።

21 ሂሰቲን ዋጋይ ሲንጻፌ ጸሲ ዋላና ቃላ ዲጊዛዜ? ሙሊካ ዲጊና፤ ዋጋይ አሜቲዳይ ኣሲ አዛን ዴኦ ዴማናሰ ጊዲዳኮ ቱሙካ ጸሎቴሌ ዋጋ ባጋራ ቤታናኮሽን።

22 ቃሴ ጌሻ ማጻፋይ ሃይሲ ኣላሜይ ወሪካ ናጋራን ቃሽቲዳይሳ ኣዋጅሰ፤ ሄሲካ ኣሲ ወሪካ ዩሱሰ ከርሰቶሳ አማኖን ቤቲዛ ሂደታይ ኣማኒዛይታሰ ኡባሰ አሜታናሳ።

23 ሃይሲ አማኖይ ያናፕ ካሴ ኑኒ ዋጋን ቃሽቲዲ ጎርዳን ደሰ።

24 ሄሳ ገሻሰ ኑ አማኖን ጸላና ማላ ዋጋይ ኑና ከርሰቶሳኮ ጋላናሰ ናጊዛይ ማላ ጊዲዲ ናጊዴሰ።

25 ሃኢ ቃሴ ሄ አማኖይ ዩዳ ገሻሰ ሃይሳፌ ጉዩ ኑኒ ዋጋ ጋርሳን ዶኮ።

ጸሳ ናይታ

26 አንቴ ወሪካ ዩሱሰ ከርሰቶሳ አማኖን ጸሳ ናይታ።

27 አንቴ ከርሰቶሳራ አሲኖ ገዳናሰ ጸማቄቲዳይቲ ወሪካ ከርሰቶሳ ማይኦ ማላ ማይኢዳታ።

28 አንቴ ወሪካ ዩሱሰ ከርሰቶሳን አሲኖ ኣቲን ኣይሁዳኔ ገሪኬ፣ ኣይሌኔ ጎቃ፣ ማጫኔ ኣዴ ጊዛ ዲማቴሌ ዴና፤ አንቴ ወሪካ ዩሱሰ ከርሰቶሳን አሲኖ።

29 አንቴ ከርሰቶሳይታ ጊዲኮ አንቴ ኣብራሃሜ ዜሬላታ፤ ካሴ አሜቲዳ ሂደታ ቃላ ማላ አንቴ ላታናይታ።

4

1 ታ ጊዛይ ዩሌቲዳ ናይ ላታይ አዛሰ ጊዲኮካ አዚ ቢዲ ላታና ጋካናሰ ኣይሌፌ ዲማ ጊዴና።

2 አዛ ኣዋይ ጊዳ ዋዴይ ጋካናሰ አዚ ባና ዲቸዛይታ፣ ታማርሲዛይታ ኮሽን ጋምኡሰ።

3 ኑኒካ ካሴ አያና ዮኦስ ጉላ ና ማላ ዲዛ ዋዴ ሃይሳ ሃ ኣላሜዛ ዋጋ ጋርሳን ሃሪቲ ዴኢደሰ።

4 ጊዶ ኣቲን ካሴ ባ ቆፒ ዋሉዳ ዋዴይ ጋከን ጸሳይ ማጫሳፌ ዩሌቲዳ ዋጋ ናጊዳ ባ ናዛ ኑሰ ዩዲዴሰ።

5 ሄሲካ ኑኒ አዛ ናይታ ጊዳና ማላኔ ዋጋ ጋርሳን ዲዛይታ ዋዛና ማላ ሃኒዴሰ።

6 አንቴ አዛ ናይታ ጊዲዳ ገሻሰ ጸሳ፣ «ኣቦ» ጊዲ ጸይጊዛ ባ ናዛ አያና ኑ ዋዚናን ዩዲዴሰ።

7 ሄሳ ገሻሰ ሃይሳፌ ጉዩ ኔ ናፕ ኣቲን ኣይሌ ጊዳካ፤ ኔኒ ና ጊዲዳ ገሻሰ ጸሲ ኔና ባይሳ ላቲዛይ ሂሰቲዴሰ።

ጋላቲያ አሳሰ ጳውሎሳ ቆፋ

8 አንቴ ጸሰ ኤራናፕ ካሴ ጸሰ ጊዳንታ ኤቃታሰ ኣይሌታ።

9 ሃኢ ጊዲኮ ጸሰ ኤሪዴታ፤ ቃሴካ ጸሳን ኤሬቲዳታ፤ ሂሰቲን ቃሴካ ጉዩ ሲሚዲ ጌዴ ጎኣይ ባይንዳ ጮ ዳቡርሲዛ ቲሚርቲኮ ዋኒ ሲሚዴቲ?

ሲሚዲ ቃሴካ ኣይሌቴላ ቃሞባራን ዋዴታና ኮዩቲ? ሲሚዲ ጋላሳታ፣ ኣጊናታ፣ ዋዴታኔ ላይላታ አንቴ ቦንቹታ።

11 ታ አንቴናራ ዳቡርዳይሲ ጮ ሚላ ጊዳንዴ ጋዳ ባባይሰ።

12 ታ አሻቶ! ታ አንቴና ሚሳቲዳ ማላ አንቴካ ታና ሚሳታና ማላ ታ አንቴና ዋሳይሰ፤ አንቴ ታና ኣይኮካ ቆሂቤኬታ።

13 አንቴ ኤሪዛ ማላ ታ አንቴሰ ኮይር ሚሺራቾ ቃላ ሳባኪዳይ ሳኮ ጋሶና።

14 ታ ሳኮይ አንቴሰ ሜቶ ጊዲንካ ታና ሳሌቲቤኬታ ዋይኮ ታና ሃራሴቲቤኬታ፤ ጊዶ ኣቲን አንቴ ታና ጸሳ ኪታንቻ ማላኔ ሄሳፌካ ቦላራ ዩሱሰ ከርሰቶሳ ማላ ሞኪ ኤኪዴታ።

15 ሂሰቲን ሃኢ ሄ አንቴ ኡፋይሳይ ኣዋ ቢዴ? አንቴሰ ሃኒዛዛ ጊዲዳኮ አንቴ አንቴ ኣይፌ ታሰ ኬሲ አማናሰ ጉዩ ጎንታይሳ ታ አንቴሰ ማርካታይሰ።

16 ታኒ ቱማ አንቴሰ ኬሳ ዮቲዳ ገሻሰ አንቴሰ ሞርኬ ጊዳዲናሻ?

17 ሃይቲ ኣሳቲ አንቴና ባኮ ኤካናሰ ዳቡሬቴሰ ኣቲን ሎኦስ ዳቡሬቴና፤ አሰቲ ኮይዛይ አንቴና ኑፕ ሻኪዲ ባ ኣሰ ሂሰታናሳ።

18 ሎኦስ ሚንዳቴሌ ሎኦ፤ ሄሲካ ሃናናሰ ቤሲዛይ ኡባ ዋዴ ጊዲኮፌ ኣቲን ታ አንቴናራ ዲዛ ዋዴ ጸላ ጊዴፖ።

19 ታ ናይቶ! ከርሰቶሲ አንቴ ዋዚናን ጸፊቲን ታ ቤያና ጋካናሰ አንቴ ገሻሰ ታ ሚጸታይሰ።

20 ታ አንቴ ገሻሰ ቆፋን ሚቶታዲሰ፤ ታ ዳንዳይዛኮ ሃኢ አንቴ ጊዳን ቤታዳ አንቴና ሎኦላ ታማርሲዛኮ ኣይ ማላ ደሳዚና!

ኣጋርኔ ሳራ

21 አንቴኖ ዋጋ ጋርሳን ኣቃና ኮይዛይቶ ኣኔ ታሰ ዮቲቴ፤ ዋጋይ ኣይ ጊዛኮ ሲዩቤኬቲ?

22 ኣብራሃሜስ አሰይ ኣይሌይፌ አሰይ ቃሴ ጎቃይፕ ዩሌቲዳ ናምኡ ናይቲ ዲዛይሲ ጌሻ ማጻፋን ጸፊቲዴሰ።

23 ኣይሌይፌ ዩሌቲዳ ናዚ ኣሾ ዋጋ ማላ ዩሌቲዴሰ፤ ሃንኮ ጎቃይፕ ዩሌቲዳይሲ ኡፋይሳ ቃላ ማላ ዩሌቲዴሰ።

24 ሃይቲ ናምኡ ማጫሳቲ ናምኡ ጫቆታ ቤሲዛይታ ጊዲዳ ገሻሰ ሃይሲ ለሚሶሰ አሜቲዴሰ፤ ኮይር ጫቆያ ሲና ዙማ ቦላ ጊዳሺ ኣይሌቴላሰ ጊዲዛ ናይታ ዩሊዛር፤ አዛካ ኣጋር።

25 ሄሳ ገሻሰ ኣጋራ ኣራቤ ቢታን ዲዛ ሲና ዙማ ገሻሰ ጊዳዳ ሃኢ ዲዛ ዩራሳላሜ ካታማዮ ሚሳታወሰ፤ አዛ ባ ናይታራ ኣይሌቴላን ደዉሰ።

26 ፑዴ ቦላ ሳሎን ዲዛ ዩራሳላሜይ ጊዲኮ ጎቃ ጊዳዳ ደዉሰ፤ አዛካ ኑ ኣዮ።

27 «ኔኒ ዩሎንታ ማይኔይዩ ኡፋይታ! ሃኒ ሚጸታ ኤርንታፊ! <ኢሊሊ> ጋ ዋሳ፤ ኣዚናይ ዲዛሪፕ

አዘናይ ባይንዳሪ ናይቲ ዳሪዳ» ጌቲቲ ጌሻ ማጻፋን ጸፊቲዳስ።

28 ሄሳ ገሻሰ ታ አሻቶ! ኢንቴካ ዩሳቃ ማላ ኡፋይሳ ቃላ ናይታኮ።

29 አሾ ሼኔ ማላ ዩሌቲዳይሲ አያና ዋልቃን ዩሌቲዳይሳ ጎዲዳስ፤ ሃኢካ ጎዳዳን ዳስ።

30 ገዶ ኣቲን ጌሻ ማጻፋይ ቃሴ ኣይ ጊዜ? «ኣይሌዮ ኢዚ ናዛራ ዲጋ፤ ኣይሌይ ናይ ጎቃይ ናራ ላቴና» ጌሰ።

31 ሄሳ ገሻሰ ታ አሻቶ! ኩ ጎቃይ ናይታ ኣቲን ኣይሌይ ናይታ ገደኮ።

5

1 ኑና ከርሰቶሲ ጌሺዳይ ኩ ጌሻቲላን ዳናሳ፤ ሄሳ ገሻሰ ሚኒ ኤቁቲ፤ ናምኣንሎ ኣይሌቲላ ቃምባራን ጌሎፒቲ።

2 ታ ኢንቴሰ ጊዛይሳ ዋዚናን ዋላቲ፤ ኢንቴ ቃጸሬታና ኮይኮ ከርሰቶሲ ኢንቴና ኣይኮካ ጎኤና ጋዶ ታ ጸወሎሲ ኢንቴሰ የታይሰ።

3 ቃጸሬታና ኮይዛይቲ ወሪ ዋጋ ኡባ ፖላናይሲ ዳሳ ገደንታይሳ ታ ኢንቴሰ ኢሳሰ ኢሳሰ ቆንጮን የታይሰ።

4 ኢንቴና ዋጋ ናጎን ጸላና ዋይቲዛይቶ! ኢንቴ ከርሰቶሳፒ ሻኬቲዳታ፤ ኢዛ ከያቲላፊካ ሃኪዳታ።

5 ኑ ቃሴ ኡፋይሳን ናጌቲዛ ጸሎቲላ ጸሳ አያና ባጋራ አማኖን ላሞቲላን ናጎን ደሰ።

6 ኢሲ ዩሱሰ ከርሰቶሳን ዲኮ ቃጸሬቲን ዋይኮ ቃጸሬቶንታ ኣጊን ኣይኮካ ጎኤና፤ ጎኣይ ዲዛይ ሲቆን ቆንጪዛ አማኖ ጸላ።

7 ካሴ ሎኦ ዋላ ዋጻታ ሺን፤ ሃኢ ኢንቴሰ ቆጶ ገዲዲ ተማሰ ኢንቴ ኣዛዜቶንታ ማላ ኢንቴና ዲጊዳይ ኦኔ?

8 ሄሳ ማላ ባሌላይ ኢንቴና ጶይጊዳ ጸሳፊ ጊዳና።

9 «ጉላ ኢርሾይ ሊጶ ኡባ ዳንፊሰ» ጌቲቲዛ ማላ።

10 ኢንቴሰ ሃራ ቆፋይ ዳና ጋዶ ታኒ ጎዳን አማኔታይሰ፤ ኢንቴሰ ቲኪ ጊዛዝ ኦላዛይ ኦና ገዲኮ ኢዚ ባ ፒርዳ ኤካና።

11 ታ አሻቶ! ሃኖ ጋካናሰ ታ ሳባኪዛይሲ ኢሲ ኣታናሰ ቃጸሬታና ቤሴሰ ጊዛዝ ገዲዳኮ ሂሰቲን ሃኖ ጋካናሰ ኣዛሰ ታና ጎዲዞ? ሄሳ ማላ ገዲዳኮ ከርሰቶሳ ማሰቃሌይ ኣሳሰ ቆጶ ገዳናኮሺን።

12 ኢንቴሰ ቲኪ ጊዛዝ ኦላዛ ኣሳቲ ጮ ዋጋራ ቃጸሬቲላ ኣጊዲ ሙሌራ ቃንጺ ዩጌቶ።

13 ታ አሻቶ! ኢንቴ ጌሻቲላሰ ጶይጌቲዳታ፤ ኢንቴ ኢንቴ ጌሻቲላ ዛሪዲ ኢንቴሰ አሾ አሞ ፖላናሰ ጎኤቶፍቲ፤ ሃሳፊ ኢንቴ ኢንቴ ጋርሳን ሲቆን ኢሶይ ኢሳ ማዲቲ።

14 ዋጋይ ወሪ ሺቁቲዲ ኢሲ ቃላን ቃሹቲሰ፤ ሄሲካ፡ «ኔኒ ኣሴ ኔ ማላ ደሳ!» ጊዛይሳ።

15 ገዶ ኣቲን ኢንቴ ኢሶይ ኢሳራ ሳጶቲዛይታ ገዲኮ ኢንቴ ኢንቴ ጋርሳን ወርንታ ማላ ናጌቲቲ።

አያናን ሲሜሬቲላ

16 ሄሳ ገሻሰ ታ ኢንቴና ኣያናን ሲሜሬቲቲ፤ ቃሴካ አሾ አሞካ ፖሎፒቲ ጋይሰ።

17 አሾይ ኣያናይ ኮዮንታዝ ኣሞቲሰ፤ ኣያናይካ አሾይ ኮዮንታዝ ኣሞቲሰ፤ ሃይቲ ኢሶይ ኢሳራ ባ ጋርሳን ኢጶቲዛ ገሻሰ ኢንቴ ኢንቴ ኮዩዳ ማላ ኦላኬታ።

18 ኢንቴ ኣያናን ዲዛይታ ገዲኮ ዋጋሰ ሃራቲዛይታ ገዴኬታ።

19 አሾ ኦሶይ ቆንጮን ኤሬቲሰ፤ ሄሲካ ላይማቲላ፤ ቲናቲላ፡ ላይማ ካሰ።

20 ኤቃሰ ጎይኖ፡ ቢታ፡ ኢጶቲላ፡ ኦሽ፡ ቃናቲቲላ፡ ሃንቆ፡ ባና ጸላ ደሶ፡ ሻኬቲላ፡ ዙፔቲላ፡

21 ሚቃይኔቲላ፡ ማላቲላ፡ ኣላሚ ማዛሙሬ ዩጶሌኔ ሄይታንታ ሚሳቲዛይታ። ታኒ ኢንቴሰ ካሴ ዮቲዳ ማላ ሃኢካ ኢንቴ ናጌታና ማላ ቆፍሳይሰ፤ ሄሳ ማላ ዲሰ ዲዛይቲ ወሪካ ጸሳ ካዋቲላ ላቴቲና።

22 አያና ኣይፊይ ገዲኮ ሲቆ፡ ኡፋይሰ፡ ሳርቲላ፡ ዳንዳያ፡ ኪያቲላ፡ ሎኤቲላ፡ ኣማኔቲላ፡

23 አሽኬቲላ፡ ባርካ ባና ሃር፤ ሃይታንታ ማላ ዲጊዛ ዋጋይ ባ።

24 ዩሱሰ ከርሰቶሳሰ ገዲዳይቲ አሾ ኢዛ ኢታ ቆፋራኔ ኢዛ ኢታ ኣሞቲላራ ኢሲፊ ካቂዳ።

25 ኑ አያናን ዳና ኮይኮ ኣኔ ኣያናን ሲሜሬቶሰ።

26 ኩ ኢሶይ ኢሳ ኢታሰ ዳንፊላሺኔ ቃናቲቲሼ ጮ ሚላ ጮቁቲዛይሳ ኣኔ ኣጎሰ።

6

ኣሰ ኡባሰ ሎኦ ኦሶ

1 ታ አሻቶ! ኢሲ ኣሲ ናጋራ ኦላ ቤቲኮ ኢንቴ ቃሴ ኣያናን ሎኦ ዲዛይቲ ኢዛ አሽኬቲላራ ዛራናሰ ቤሴሰ፤ ገዶ ኣቲን ኔካ ኢዛይ ማላ ፓጮቶንታ ማላ ኔ ሁኤሰ ናጌታ።

2 ኢንቴ ኢሶይ ኢሳ ዳጶ ቶሆ ቶኪቲ፤ ሄሳ ማላ ኦሶን ከርሰቶሳ ዋጋ ፖሎታ።

3 ኢሳዳይ ኣይኮካ ሃኖንታ ዲሼ ባና ገታሲዛ ሚሳቲኮ ሄሳዳይ ባርካ ባና ባሌሴሰ።

4 ኢሲ ኢሲ ኣሲ ባ ኦሶ ባርካ ፓጪ ጶሎ፤ ሃሳፊ ጉዬ ሃራ ኣሳራ ባና ገናሶንታ ዲሼ ኢዚ ባና ጮቁሲዛዝ ዳማና።

5 ኢሲ ኢሲ ኣሲ ባርካ ባ ቶሆ ቶካናሰ ቤሴሰ።

6 ቃላ ታማርዛይ ኦኒካ ባ ታማርዳ ሎኦ ሚሻ ባ ኣሰታማሬዛራ ገሼቶ።

7 ባሌቶፍቲ፤ ጸሲ ቁልጫ ኤሬና፤ ኣሲ ባ ዜሪዳር ኢዛ ዛሪ ማጻና።

8 ባ አሾ አሞ ኩንላናሰ ዜሪዳይይ አሾፕ ቆዮ ማጻና፤ አያና ኡፋይሳናሰ ዜሪዳይይ ገዲኮ ኣያናፕ ሚርና ዳኦ ማጻና።

9 ኣኔ ኑ ሎኦ ኦሶ ኦላናሰ ኣዛሎኮ፤ ኑ ኡፋይሰ ቃንጾንታ ኣጊኮ ዋይይ ጋኪሺን ጋኪዳ ካላ ኑ ማጻና።

10 ሄሳ ገሻሰ ኦሰ ዳንዳይቲኮ ኣሳ ኡባሰ ሃራፔካ ኣማኒዛ ኣሳሰ ኣኔ ሎኦ ኦሶ።

ወርሴላ ዘሬኔ ሳርካ

11 ታኒ ታ ኩሼራ ኢንቴሰ ኣይ ማላ ገታ ፒዳሌን ጸፊዳኮ ኣኔ ጶሊቲ።

12 ጮ ካሬ ባጋራ ቤታና ኮይዛ ኣሳቲ ኢንቴ ቃጸሬታና ማላ ዋልቃና ኮይቴሰ፤ ኢሰቲ ሄሳ ኦላዛይ ከርሰቶሳ ማሰቃሌ ገሻሰ ገዲ ጎዳቶንታ ማላሳ።

13 ኢስቲ እንቴ ቃጻሬታና ማላ ኮይዛይ እንቴ አሾን ጨቁታናስ ኮይዛ ገሻስ ኣቲን ቃጻሬቲዳይቲ ዎጋ ናገዛይታ ገዴቲና።

14 ቃሴ ኣላሜይ ታስ፣ ታኒካ ኣላሜስ ካቁቲዳ ጎዳ ዬሱስ ኪርሰቶሳ ማስቃሌንፕ ኣቲን ሃራን ጨቆይ ታፕ ሃኮ።

15 ቃጻሬቲን ዎይኮ ቃጻሬቶንታ ኣገን ኢዛስ ጎኣይ ባ፤ ጎኣይ ኦራሳ ሜዴቴል ገዴሳ።

16 ሃይሳ ሃ ኣዛዘዛ ካሊዛ ኡባታሲኔ ጸሳ ዴሬ ገዴዳ ኢስራኤሌ ኣሳታስ ሳሮቴልኔ ማሬቴል ገዴ።

17 ታኒ ዬሱሳ ማላታ ታ ኣሳቴሳን ቶካዲስ፤ ሄሳ ገሻስ ሃኢ ታና ኦኒካ ዎዩሴና።

18 ታ ኢሻቶ! ጎዳ ዬሱስ ኪርሰቶሳ ኣቶ ኪያቴል ኢንቴናራ ገዴ! ኣሚን።

**ጳውሎስ
ኤፌሶን አሳሰ
ጳጳሩ ኪታ
ጊዳ ቆፋ**

ጳውሎስ ኤፌሶን አሳሰ ጳጳሩ ኪታይ ሃራፕካ ካሰቲዲ ኢዚ ሎኤላ ዳሊዛይ፡ «ጳሳ ሼኔይ ፖሌታናይ ሳሎኒኔ ሳኒን ዲዛ ማጄቴላቲ ወሪካ ኢሲፊ ኢሲ ኪርሰቶሳ ጎዳቴላ ጋርሰ ኣጳዳዝ ዋይይ ጋኪሺና» (1:10) ጊዛ ቆፋ ቦላ፡፡ ቃሴካ ጎዳ ዩሱስ ኪርሰቶሳ ኢሲፊቴላን አሳ ዜሬላ ወሪካ ኢሲኖ ጊዳና ማላ ሃይሳ ጊታ ቆፋ ኦሶን ፔይሻና ማላ ጳሳ ዳሬዛ ቆፍሲዛዛ፡፡

ኤፌሶን ኪታን ኮይሮ ኪፊሌዛ ጳጳሩ ኢሲፊቴላ ጊሻሰ ደሚዲ አይሬ ዮኦዛ አሲዲ ጳሳ አዋይ ዳሬዛ ዋሰቲ ደሪዳኮ፡ ባ ናዛ ዩሱስ ኪርሰቶሳ ባጋራ ኢሰቲ ባ ናጋራፕ ማሮቴላ ደሚዲ ዋኒ አቲዳኮኔ ጳሳ ጊታ ሃይታ ቃላይ ጸሎ ኣያና ባጋራ ዋኒ ቆንጩዳኮ ኤሪሴሰ፤ ናምኣንሎ ኪፊሌዛን ቃሴ ጳጳሩ ናባቢዛይቲ ኢሲፊቴላ ዳኦን ኪርሰቶሳን ኢሰታሰ ዲዛ ኢሲፊቴላይ ቱሙ ጊዳና ማላ ኢሰቲ ዋኒ ዋኒ ዳናኮ ኢሰታ ቆፍሴሰ፡፡

አሳይ ኪርሰቶሳን ዲዛ ኢሲፊቴላን አይ ማላ ኢሲፊቴላ ኢሰታሰ ዲዛኮ ዲማ ዲማ ሃሳያ ቆምታን ቆንጩዳሰ፤ ዋሳ ኬላ ኪርሰቶሳ አሳቴላ ጊዲሺን ኪርሰቶሲ ቃሴ አሳቴላሰ ሁኔ ማላ፡፡ ዋሳ ኬላያ ገምቤ ኬላ ማላ ጊዲሺን ኪርሰቶሲ ቃሴ ኬላሰ ጉላን ኡተዛ ሹቻ ማላ፤ ዋሳ ኬላያ ማቺ ማላ ጊዲሺን ኪርሰቶሲ ቃሴ አዚና ማላ፤ ጳጳሩ ኪርሰቶሳ ባጋራ ቆንጩዳ ጳሳ ኪያቴላ ኬሂ ጶቂሲ ዮተዛ ዋይ ጨማቴላ ዲዛ ቃላን ዮቴሰ፡፡ ኡባ ሚሼካ ኢዚ ዳሊዛይ ኪርሰቶሳ ሲቆን፡ ኢዛ ያርሼቴላን፡ ኢዛ ማሮቴላን፡ ኢዛ ኪያቴላን ኢዛ ሳርቴላ ባጋራኮ!
ሃ ማጻፋይ ኦይኪዳ ኩሜላ ቆፋ

ጌሎሶ 1:1-2
ኪርሰቶሳኔ ዋሳ ኬላ 1:3—3:21
ኪርሰቶሳን ጊዲዳ ኦራላ ዳኦ 4:1—6:20
ኩሻ ቆፋ 6:21-24

1 ጳሳ ሼኔ ማላ ዩሱስ ኪርሰቶሳ ሃዋሪ ጊዲዳ ጳውሎሳፕ፡ ዩሱስ ኪርሰቶሳን ዲዛ ኣማኒቲዛይታሰ ኤፌሶንን ኣማኒዛ አሳሰ፡፡
2 ኦ አዋ ጳሳፊኔ ጎዳ ዩሱስ ኪርሰቶሳፕ ኪያቴላኔ ሳርቴላ ኢንቴሰ ጊዳ፡፡

ኪርሰቶሳፕ ቤተዛ ኣያና ኣንጆ

3 ኦ ጎዳ ዩሱስ ኪርሰቶሳ ባጋራ ሳሎን ኣያና ኣንጆ ኡባን ኦና ኣንጆዳ ጎዳ ዩሱስ ኪርሰቶሳ አዋይ ጸሲ ኣንጆቶ፡፡
4 ኦ ኢዛ ሲንላን ጌሺኔ ዋሶይ ባይንዳይታ ጊዳና ማላ ቡሮ ኣላሜይ ማጄታናፕ ካሴ ባ ሲቆን ኪርሰቶሳ ባጋራ ኦና ደሪዳሰ፡፡
5 ዩሱስ ኪርሰቶሳ ባጋራ ኦ ኢዛ ና ጊዳና ማላ ባ ሎኦ ቆፋን ኮይሮ ኡባ ዋላዳሰ፡፡

1:1 ሃዋ 18:19-21 1:7 ቆላ 1:14 1:19-20 ማዛ 110:1

6 ሄሲካ ባ ደሲዛይ ባጋራ ጮ ማላ ኦስ ኣሜቲዳ ቦንቾ ኪያቴላ ጋላቴታና ማላሳ፡፡
7 ጳሳ ኣጶ ኪያቴላ ዲሬቴላፊ ዳንደይሳን ዩሱሳ ሱላን ዋዜቲዲ ናጋራፕ ኦ ማራቴደሰ፡፡
8 ኢዚ ባ ኪያቴላ፡ ሂላቴላኒ ኤራቴላ ኡባን ኦ ቦላ ኬሂ ዳርሲዳሰ፡፡
9 ጸሲ ቆፕዳ ባ ጸራ ቆፋ ኪርሰቶሳ ባጋራ ባ ሎኦ ቆፋ ማላ ኦና ኤሪሲዳሰ፡፡
10 ቡሮፕ ዋይ ወርሴላን ሃናናሰ ዲዛ ኢዛ ቆፋይ ሳሎ ቦላኔ ቢታ ቦላ ዲዛይታሰ ኡባሰ ሁኔ ጊዲዳ ዩሱስ ኪርሰቶሳፕ ኡባ ጋርሰ ኣላናሳ፡፡
11 ወርሲካ ባ ሼኔ ማላ ኦሊዛ ኢዛ ሼኔን ኮይሮካ ኢዚ ቆፕ ዋላዳይቲ ኦኒ ኢዛን ደሪቴደሰ፡፡
12 ኦኒ ካሴቲዲ ኪርሰቶሳ ባጋራ ኤካና ጊዲ ኡፋይሳን ናጊዛይቲ ጳሳ ቦንቾ ጋላታን ቆንጩሳናሳ፡፡
13 ኢንቴካ ቃሴ ቱማ ቃላ ሄሲካ ኢንቴና ኣሺዛ ሚሺራቾ ቃላ ሲዱዲ ኪርሰቶሳን ኣማኒዳታ፤ ኢዛ ኣማኒዲ ካሴ ኣሜታና ጌቴቲዳ ጸሎ ኣያና ማታሚን አታሜቲዳታ፡፡
14 ሄ ኣያናዚካ ኢዛ ቦንቾ ጋላታን ቆንጩሳና ማላ ጸሲ ባሰ ጊዲዳይታ ኡባታ ዋዛና ጋካናሰ ኦ ላታሰ ኦይሶ፡፡

ጋላታኔ ዋሳ

15-16 ሄሳ ጊሻሰ ኢንቴ ጎዳ ዩሱሳ ኣማኒዳ ጊሻሲኔ ኣማኒዛ አሳ ኢንቴ ሲቁዛይሳ ታ ሲዮሶፕ ሃ ሲሚን ኢንቴና ቆፓ ቆፓ ኤካዳ ታኒ ታ ዋሳን ኢንቴ ጊሻሰ ጳሳሰ ጋላታ ሺሾ አጋቤኬ፡፡
17 ቦንቾ አዋ ጊዲዳ ኦ ጎዳ ዩሱስ ኪርሰቶሳ አዋ ጳሳ ኢንቴ ሎኤላ ኤራና ማላ ቆንጩሲዛ ኣያናይኔ ኤራቴላ ኣያናይ ኢንቴሰ ኣሜታና ማላ ታ ኢንቴሰ ፓጩይ ባይንዳ ዋሳይሰ፡፡
18 ሄሳላካ ኢንቴ ኢዛን ዳይጌቲዳ ኡፋይሳይ ሄሲካ ኣማኒዛይታ አቻን ዲዛ ኢዛ ዲሬቴላ ኣዛኮኔ ኢንቴ ኤራና ማላ ኢንቴ ዋዚና ኣይፊይ ፖኣና ማላ ዋሳይሰ፡፡
19-20 ኦስ ኣማኒዛይታሰ ኡባፊ ቦላ ጊዲዳ ኢዛ ዋልቃ ጶቃቴላ ኢንቴ ኤራና ማላ ታ ዋሳይሰ፤ ሄ ዋልቃይካ ኢዛ ጊታ ሚኖቴላ ኦሶን ቤሲዳይሲ ሃይቆፕ ኪርሰቶሳ ዳንላዲ ሳሎን ባ ኡሻቻን ኡቲሲዳ ኪርሰቶሳ ባጋራ፡፡
21 ኣይሲዛይታፕ፡ ጎዳቴላፊ፡ ዋልቃፊኔ ካዋቴላፊ ቃሴካ ሃኢ ጳሳ ጊደንታ ቡሮፕ ያና ዋይካ ጊዲን ሱንላ ኡባፊ ኢዚ ቦላ፡፡
22 ጸሲ ሃራ ወርሲ ኢዛ ቶሆፕ ጋርሳን ሃሪሲዳሰ፤ ዋሳ ኬላንካ ኡባ ቦላ ሁኔ ኦሊዳሰ፡፡
23 ዋሳ ኬላያ ኪርሰቶሳ አሳቴላ፤ ሄ ኢዛካ ኡባሶን ኡባ ሚሽ ኩንላዛ ሄ ኢዛ ኩሜላ፡፡

2

ኪርሰቶሳ ዳንላ

1 ኢንቴ ቆሂዳ ቆሆ ጊሻሲኔ ኢንቴ ናጋራ ጋሶን ኢንቴ ሃይቂዳታ ሺን፤
2 ሄሳ ኢንቴ ሃይሳ ኣላሜዛ ኢታ ኦኒ ካሊዳታ፤ ቦላ ጫርኮ ቦላ ዲዲ ሃሪዛ ዋልቃሚ ኣያናታሰ ሃኢካ ጳሳሰ ኣዛዜቶንታ አሳ ቦላ ኦሊዛ ኢታ ኣያናሰ ኢንቴ ኣዛዜቲሼ ጋምኢዳታ፡፡

1:22 ማዛ 8:6

3 ሃይሳፌ ካሴ ኮኒ ኑ አሾ አሞቴል ፖሊሼ አሾይ ኮይዛ ኦቬ ካሊሼ ኢሰታራ ዶስ፤ ኮኒካ ሃንኮ አሳ ማላ ኑ ማዴቴላፌ ዶሳ ሃንቆ ጋርሳን ደኦስ።

4-5 ጊዶ አቲን ጸሲ ኬሂ ሲቁዳ ገሻሰ ባ ማር ዳሮን ኮኒ ኑ ቆሆ ዳርቴላን ሃይቁዳይታ ጊዱ ዲሺን ኪርሰቶሳ ባጋራ ኑና አሺዴስ፤ ኢንቴ ፓዲዳይ ኢዛ ኪያቴላና።

6 ጸሲ ኑና ኪርሰቶሳራ ጋሊ ዴንላዴስ፤ ዩሱስ ኪርሰቶሳ ባጋራ ኑና ሳሎን ባናራ ኡቲሲዴስ።

7 ሄሲካ ሃይሳፌ ጉዩ ያና ዋዴዛን ዩሱስ ኪርሰቶሲ ኑስ ባ ኪያቴላን ቆንጪሲዳ ዛዋይ ባይንዳ ባ ኪያቴላ ዱሬቴላ ኑና ቤሳና።

8 ኢንቴ ጸሳ ኪያቴላን አማሮን አቲዴታ፤ ሄሲካ ጸሲ ኢንቴሰ ማላ ጮ አሚዳዛ፤ አቲን ኢንቴ ኦሶፕ ጊዳና።

9 ኦኒካ ጨቁቶንታ ማላ ኦሶፕ ጊዳና።

10 ሄሲካ ጸሲ ካሴ ኮይሮ ገገሲ ዋሊዳ ሎኦ ኦሶ ኮኒ ኦላና ማላ ዩሱስ ኪርሰቶሳ ባጋራ ኮኒ ናሞኦንሎ ማዴቴላይታኔ ዶሳ ማዴቴላታ።

ኪርሰቶሳን ቤተዛ ኢሲፊቴል

11 ሄሳ ገሻሰ ኢንቴ ካሴ ኢንቴ ዩሌቴላን አይዛቤቲ ኢንቴ አሳቴላ ቦላ አሳ ኩሼ ኦሶ ጋሶን። «ኮኒ ቃጸሬቲዶስ» ጊዛ አሳቲ ኢንቴና። «ቃጸሬቶንታይታ» ጊዛይቶ! ኢንቴ ሄሳ ኦኒ ዋዚናን ዋሊቴ።

12 ኢንቴ ሄ ዋዴ ኪርሰቶሳ፤ ሻኬቲዲ። ኢሰራኤሌ ናይታፕ ሃኪዲ። ጫቆ ቃላሰካ አላጋ ጊዱዲ። ሃይሳ አላሚዛ ቦላ ሂዳታይኔ ጸሲ ባይንዳ ካሴ ኢንቴ ዲዛ ዱሳ ዩሺ ቆፕቴ።

13 ሃኒ ቃሴ ኢንቴ ካሴ ሃሆን ዲዛይቲ ዩሱስ ኪርሰቶሳን ጊዱዲ ኢዛ ሱላ ባጋራ ሸቁይታ።

14 ናሞኦታ ኢሲ ቦላ ጋሊዱ ጊዶን ሻኪ ኦሺዛ ሚሻ ላሊዳ ኑ ሳርይ ኢዛ።

15 ዋጋ፣ ዋጋ አዛዘራ ጋሊ ኢሲፊ ባ አሾን ሻሪዴስ፤ ኢዚ ሄሳ ኦሊዳ ጋሶይካ ኢዛሰ ዋና ቆፋይ ናሞኦታፕ ኢሲ ኦራላ ኦሰ ባ ባጋራ ማዴዲ ሳርቴል ኤሃና።

16 ኢዚ ማሰቃሌ ቦላ ሃይቁዲ ሞርኬቴል ዲጊዴስ፤ ናሞኦታካ ኢሲ አሾ ሂሰቲዲ ጸሳራ ማቃዩንላዴስ።

17 ኢዚ ዩዲ ኢንቴሰ ሃኪ ዲዛይታሲኔ ማታን ዲዛይታሰ ጋሊ ሳርቴል ሳባኪዴስ።

18 ኑ ወሪካ ኢዛ ባጋራ ኢሲ አያናን አዋ አቾ ሺቃና።

19 ሄሳ ገሻሰ ኢንቴ አማኒዛይታራ ኢሲፊ ኢሲ ዴሪ አሳኔ ጸሳሰ ሶ አሳ አቲን ሃይሳፌ ጉዩ ቤቴታኔ አማላታ ጊዴኬታ።

20 ኢንቴ ሃዋሬታኔ ናቤታ ዮቻን ኬዴቴዴታ፤ ኬላሰ ወርሴላ ኩሻይ ዩሱስ ኪርሰቶሳ።

21 ኬላዚ ወሪካ ኢሲፊ ኦይኬቲዲ ጎዳሰ ዲማ ኬል ጊዳናሰ ዲጮሰ።

22 ኢንቴካ ጸሲ ባ አያናን ዳናሰ ኢዛሰ ዱሳሶ ጊዳና ማላ ኢሲፊ ኬዴቴሼ ዴታ።

3

አይዛቤታሰ ሃዋሪ ጊዱዳ ጳውሎሳ

1 ሄሳ ጋሶን ታ ጳውሎሲ ኢንቴሰ አማሮንታይታ ገሻሰ ዩሱስ ኪርሰቶሲ ቃቺዳዴ ጊዳዲሰ።

2 ታ ኢንቴና ጎኦና ማላ ጸሲ ኪያቴላን ታሰ ኦሶስ ኤጻ አሚዳይሳ ኢንቴ ቱማፕ ሲዩዴታ።

3 ሃይሳፌ ካሴ ታ ኢንቴሰ ቃንላራ ጳፊዳ ማላ ታሰ ቆንጪን ታ ኤራናሰ ዳንዳይዳ ጸራይ ሃይሳ።

4 ሄሳ ገሻሰ ኢንቴ ሄሳ ናባቢሼ ኪርሰቶሳ ጸራ ታ አይ ማላ ኤራዳኮ ኢንቴካ ኤራናሰ ዳንዳይታ።

5 ሄ ጸራይካ ሃኒ አማኒዛ ሃዋሬታሲኔ ናቤታሰ ቆንጪዳ ማላ ካሴ ቤኒ ኦዲዳ ዋዴ ዲዛ አሳታሰካ ቆንጪቤና።

6 ሄሲ ሄ ጸራይ አይዛቤቲ ሚሺራቾ ቃላ ባጋራ ኢሰራኤሌ ናይታራ ኢሲፊ ላቲዛይታ፤ ኢሲፊ አሳዴ አሳቴላ ማላ ጊዱዲ ዩሱስ ኪርሰቶሳ ባጋራ ቤቴዳ ሂዳታ ኢሲፊ ገሼቲ ላቲዛይታ ጊዳና።

7 ታኒካ ኢዛ ዋልቃ ኦሶ ማላ ታሰ አሚቴዳ ዶሳ ኪያቴላ አሞታ ማላ ሃይሳ ሚሺራቾ ቃላ ኦሳንቻ ጊዳዲሰ።

8 ታ ቃሴ ሃንኮ አማኒዛ አሳፕ ላፋ ጊዱኮካ ኦኒካ ዛዋይ ባይንዳ ኪርሰቶሳ ዱሬቴል አይዛቤታሰ ሳባካና ማላ ዶሳ ኪያቴላን ሃይሲ ታሰ አሚቴዴስ።

9 ሄሳላካ ኡባ ሚዳዳ ዶሳን ቤኒ ዋዴ ቆቴቲ ዲዛ ዶሳሰ ጸራ ቆፋይ አዛኮ ኡባሰ ታ ቆንጪሳና ማላ ታሰ ዶሳ ኪያቴላ አሚቴዴስ።

10 ኢዛ ቆፋይ ሃኒ ዋዴ ዋሳ ኬላ ባጋራ ዲማ ዲማ ሚዳይ ዲዛ ዶሳ ሂላቴል ሳሎን ዲዛ ሃላቃታሲኔ ጎዳታሰ ኤሬታና ማላ ሃኒዴስ።

11 ጸሲ ኑ ጎዳ ዩሱስ ኪርሰቶሳ ባጋራ ሃይሳ ፖሊዳይ ባ ሚርና ቆፋ ማላ።

12 ኮኒ ኢዛይታ ጊዱዳ ገሻሲኔ ኢዛን አማኒዳ ገሻሰ ጌሻቴላራኔ ሂርጋይ ባይንዳ ኮኒ ጸሳኮ ሺቃና ዳንዳዮስ።

13 ሄሳ ገሻሰ ኢንቴ ቦንቼታና ማላ ታኒ ኢንቴ ገሻሰ ታ ቦላ ጋኪዳ ዋዴዛን ኢንቴ ኡፋይሰ ቃንጸንታ ማላ ታ ኢንቴና ሃዳራ ጋይሰ።

ኤፌሶን አማኒዛ ኦሳሰ ዋሴቴዳ ዋሳ

14 ሄሳ ገሻሰ ታኒ ዶሳ ሲንላን ጉልባታይሰ።

15 ሳሎን ዲዛይኔ ቢታ ቦላ ዲዛ ኢዛሶ አሳይ ወሪካ ኢዚ ሱንላን ሱሚሰ።

16 ኢንቴ ጋርሳ ባጋራ ሚናና ማላ አያና ባጋራ ኢዛ ቦንቾ ዱሬቴል ኢንቴሰ አሚቴዳ ማላ ታ ዋሳይሰ።

17 ሄሲካ ኪርሰቶሲ ኢንቴ ዋዚናን አማሮን ዳና ማላኔ ቃሴካ ኢንቴ ኢዛን ጸጺዲ ሲቆን ሚናና ማላ ዋሳይሰ።

18 ኪርሰቶሳ ሲቆሰ አሆቴላይ፣ አዲሳቴላይ፣ ጶቃቴላይኔ ጨማቴል አይ ገናኮ ኢንቴ አማኒዛ ኡባ አሳራ ኢሲፊ ሻኪ ኤራና ማላ።

19 ኢንቴ ዶሳ ኩሚላራ ሻኪ ኤራዲ ኢዛን ኩሚል ጊዳና ማላ አሳ ኤራፕ ቦላ ጊዱዳ ኪርሰቶሳ ሲቆ ኢንቴ ኤራና ማላ ታ ዋሳይሰ።

20 ሄሳ ገሻሰ ኑ ጊዶን ኦሊዛ ባ ዋልቃ ገና ኑ ዋሲዛይሳፊኔ ዋይኮ ኑ ቆፕዛይሳፊ ኡባፊ ቦላራ ኬሂ ዳርሲ ኦላናሰ ዳንዳይዛ ዶሳሰ።

21 ዋሳ ኬላን ቃሴካ ዩሱስ ኪርሰቶሳ ባጋራ ዋዴ ኡባን ሚርና፤ ሚርና ጋካናሰ ኢዛሰ ቦንቾይ ጊዴ። አሚን።

4

ኪርሰቶሳ ባጋራ ቤቴዳ ኢሲፊቴል

1 ሃሳ ገሻሰ ጎዳ ሱንጎን ቃሹቲዳ ታኒ ኢንቴ ደይጌቲዳ ደይሳሰ በሲዛ ዲሰ ዳና ማላ ኢንቴና ምሳይሰ።

2 ሙሉካ አሸኪታኔ ሹጎታ ገዲቲ፤ ኢሶይ ኢሳራ ሲቆን ዲቲኔ ኢሶይ ኢሳ ዳንዳይቲ።

3 ሳርቴል አሚዛ እያና ኢሲፊቴል ናጋናሰ ሚኒቲ።

4 ኢንቴ ደይጌቲዳ ጋላሰ ኢሲ ሂዳታኮ ደይጌቲዳ ማላ ኢሲ ካሳቴልኔ ኢሲ እያናይ ዳሰ።

5 ኢሲ ጎዳይ፣ ኢሲ አማኖይኔ ኢሲ ዲንቃታይ ዳሰ።

6 ኡባሬ ቦላራ ገዲዳይ፣ ኡባ ቦላ ኦሊዛይ፣ ኡባሶን ዲዛይ፣ ኡባሰ አዋ ገዲዳ ኢሲ ዳሲ ዳሰ።

7 ገዲዳካ ኪርሰቶሲ አማና ገ ቃቺዳ ማላ ኩሰ ኢሳሰ ኢሳሰ ዳማ ዳማ አሞቴል አሚቲዳሰ።

8 ሃሳ ገሻሰ።
«ኢዚ ዩዳ ከዚዳ ዎዳ ዲኦ ዲኢዳሰ፤ ካሳሰ ኪያቴላ አሞታ አሚዳሰ»

ጌቲቲ ጌሻ ማጻፋን ጳጳሪዳሰ።

9 ሂሰቲን፣ «ኢዚ ዩዳ ከዚዳሰ» ጉሲ ቃሴካ ዲጌ ቢታ ጋርሰ ዎዳዳሰ ጉሰ ገደንታ ኣገኮ ሄሲ ኣይ ጉሴ?

10 ኢዚ ዲጌ ጋርሴ ዎዳዳይሲ ኩሚል ኣላሚ ሚዳቴል ኩሚና ማላ ሳሎፕካ ቦላ ከዚዳይ ኢዛ።

11 ኢሲ ኢሲ ኣሳቲ ሃዋሬታ፣ ባጋይቲ ናቤታ፣ ሃራቲ ሚሺራቾ ቃላ ሳባኬ፣ ባጋይቲ ቃሴ ሃሚዳይታኔ ታማርሲዳይታ ገዳና ማላ ኢዚ አሞታ አሚዳሰ።

12 ሂሲካ ኪርሰቶሳ ኣሳቴል ገዲዳ ምሳ ከሌያ ከዴታና ማላ አሚዳይታ አማና ኦሶሰ ገገሳናሳ።

13 ሂሲካ ሃናናይ ኑ ወሪካ ጸሳ ና አማኖይኔ ኢዛ ኤሮን ቤቲዛ ኢሲፊቴልኮ ጋኪዲ ኩሚል ኣሰ ገዳናሰ ኪርሰቶሳን ኩኒ ኪርሰቶሳሉ ኩሚልኔ ፖሎ ገዳና ማላሳ።

14 ሃሳ ገሻሰ ኣባ ቦላ ዳንዲዛ ጎቲ ጫርኮይ ያኔ ሃ ሸጮቹዛ ማላ ዳማ ዳማ ቲሚርቲ ጫርኮን ኣሳ ጌኔኒኔ ባሌሶን ኣኔ ኩኒ ያኔ ሃ ጸንቄቲሼ ቄሪ ጉላ ናይታ ማላ ሃናኮ።

15 ሃሳላ ሃና ኣገዲ ተማ ሲቆን ሃሳይሼ ሁኤ ገዲዳይሳኮ ሃኒዛዛን ኡባን ኣኔ ዲሎሰ፤ ሄ ሁኤዚካ ኪርሰቶሳ።

16 ኢዛ ጋሶን ኣሳቴል ወሪ ጸጸን ኦይኬቲዲ ኢሲ ኢሲ ኣሳቴል ባ ኦሶ ኦሊሼ ወሪካ ሲቆን ዲሎሰኔ ባናካ ሚንፊሰ።

ፖኦ ናይታ ማላ ዲሰ

17 ኣይዛቤታ ማላ ጮ ሚላ ቆፋን ሚላ ሲሜሬታናሰ ኢንቴሰ በሴና ጋዳ ታ ኢንቴና ዘራይሰ።

18 ኢሰታ ዎዚናይ ሙሚዳ ገሻሲኔ ዩሺ ቆፖንታ ገሻሰ ኢሰታ ዎዚና ኣይፊይ ቆቂዳሰ፤ ኢሰቲ ጸሳ ዳኦፕ ሻኬቲዳ።

19 ኢሰታፊ ዩላቴል ጳይዳ ገሻሰ ባ ኮዩዳ ማላ ባና ካልሶንታ አሞኒኔ ቱናቴላን ዳናሰ ዎጋይ ባይንዳ ኢታ ኦሶሰ ባና ኣሊ አሚዳ።

20 ኢንቴ ቃሴ ኪርሰቶሳ ሃሳ ማላን ኤሪቤኬታ።

21 ኤ ቱሙካ ኢንቴ ኢዛ ገሻሰ ሲዩዳታኔ ዩሶሳን ዲዛ ቱማ ኢዛፕ ታማርዳታ።

22 ኢንቴ ካሴ ዲዛ ዲሳይ ባሌዳዛ አሞን ቂታቲዳ ገሻሰ ካሴ ጮጋ ኣሳቴል ኢንቴፊ ቃሪ ዩጋና ማላ ታማርዳታ።

23 ቃሴካ ኢንቴ ቆፋይ ኣያናን ኦራጸ።

24 ቱሙ ዲሎቴላኒኔ ጌሻቴላን ጸሰ ሚሳታና ሚዳቴዳ ኦራሳ ኣሳቴል ማይኢቲ።

25 ኑ ወሪካ ኢሲ ኣሾ ገዲዳ ገሻሰ ዎርዶቴል ዲገዲ ኩኒ ኑ ጋርሳን ኢሶይ ኢሳራ ኣኔ ቱማ ሃሳኖሰ።

26 ሃንቄቲቲ ሺን ናጋራ ኦሎፍቲ፤ ኢንቴ ሃንቆን ዲሺን ኣርሼይ ወሎፎ።

27 ጸላኤሰ ሶሆ አሞፍቲ።

28 ካሴ ካይሶቲዛዳይ ሃይሳፊ ጉዬ ካይሶቶፓ፤ ገደ ኣቲን ሚቶቲቲዲ ኢዛ ዎሲዳይታሰ አሚዛ ሚሺ ኢዛ ኩሺን ዳና ማላ ሎኦ ሚሽ ባ ኩሼራ ኦሊ ዳማናሰ ዳቡሮ።

29 ኮሺዛ ማላ ሃንኮ ሲዩዳይታ ጎኢዛዚኔ ማዲዛ ቃላፕ ኣቲን ጎኣይ ባይንዳ ቃላይ ኢንቴ ዳናፕ ኬዘፖ።

30 ኢንቴ ኣታና ጋላሳሰ ኣታሚቲዳ ጸሳ ዲሎ ኣያና ሚሺሶፕቲ።

31 ጫሞ ዮኦ ኡባ ሃንቆ፣ ዩሎ፣ ኣሸ፣ ጫሼ፣ ቃሴካ ሃንኮ ሃራ ኢታቴል ኡባ ኢንቴፊ ዲጌቲ።

32 ኢንቴና ጸሲ ኪርሰቶሳ ባጋራ ኣቶ ገዳ ማላ ኢንቴካ ኢንቴ ጋርሳን ኣቶ ኣቶ ጌቲቲቴ፤ ኢሶይ ኢሳራ ኪያታኔ ኢሶይ ኢሳሰ ቃዳቴዛይታ ገዲቲ።

5

1 ሃሳ ገሻሰ ኢንቴ ዶሴቲዛ ናይታ ማላ ጸሰ ሚሳቲቲ።

2 ኪርሰቶሲ ኩና ሲቂዳ ማላ ቃሴካ ኑ ገሻሰ ባና ሳዋዛ ያርሾ ኦሊ ጸሳሰ አሚዳ ማላ ኢንቴካ ሲቆን ሲሚሬቲቲ።

3 ላይማይ ዎይኮ ቱናቴል ዎይኮ ኡዜቴል ሙሉካ ኢንቴ ገደን በቶይ ኣቲን ዘገርሲካ ሲዬቶፎ፤ ሃሳ ማላይ ጌሻ ጸሳ ኣሳሰ በሴና።

4 ኢንቴ ጋላታ ጋላቲዛይታ ገዲቲ ኣቲን ኣሴ ዩላቸዛ ላፋ ሃሳያይ፣ ጮ ኤያቴላ ዮኦይ ኢንቴሰ በሶንታ ገሻሰ ሃሳ ማላይ ኢንቴ ጋርሳን ደፖ።

5 ቃሴካ ኢንቴ ላይማቴዛይታሰ ዎይኮ ቱናታሰ ዎይኮ ኡዜቴዛይታሰኔ ኤቃሰ ጎይኒዛይታሰ ኪርሰቶሳ ካዎቴላኒኔ ጸሳ ካዎቴላን ኢሰታሰ ላታሶይ ባይንዳይሳ ኢንቴ ኤሪቲ።

6 ኢንቴና ኦኒካ ዎርዶ ሃሳያን ባሌላፎ፤ ጋሶይካ ጸሳ ሃንቆይ ኢዛሰ ኣዛዜቶንታ ናይታ ቦላ ያናይ ሃይታንታ ማላና።

7 ሃሳ ገሻሰ ሃሳንታ ማላራ ዙፕቶፕቲ።

8 ካሴ ኢንቴ ጳማ ሺን ጎዳን ሃኢ ኢንቴ ፖኦ፤ ኢንቴ ፖኦ ናይታ ማላ ዲቲ።

9 ፖኦሰ ኣይፊይ ሎኤቴላን፣ ዲሎቴላኒኔ ቱማቴላን ኡባን ዳሰ።

10 ሃሳላካ ጎዳ ኡፋይሲዛ ሚሽ ኮዩቲ።

11 ኣይፊይ ባይንዳ ጳማ ኦሶራ ኢንቴሰ ኣይኮ ጋጎቴል ደፖ፤ ሃሳፊ ኢታ ኦሶ ቆንጮ ኬሲቲ።

12 ጳማን ዲዛ ኣሳቲ ጌማን ኦሊዛ ሚሻ ገሻሰ ሃሳያይካ ዩላቸሰ።

13 ፖኦይ ፖኦዲዚ ወሪ ቆንጮን በቲሰ።

14 ጋሶይካ ኡባ በሲዛይ ፖኦ፤ ሃሳ ገሻሰ።

4:2 ቆላ 3:12-13 4:8 ማዛ 68:18 4:16 ቆላ 2:19 4:22 ቆላ 3:9 4:24 ቆላ 3:10 4:25 ዛካ 8:16 4:26 ማዛ 4:4
4:32 ቆላ 3:13 5:2 ኬሳ 29:18፤ ማዛ 40:6

«ኔኖ፣ ዲስኪዛይስ ቤጋ!
 ሃይቆፔ ዳንዳ!
 ከርስቶስ ኔስ ፖኢሳና» ጌቲቲዳስ።
 15 ሃሳ ገሻስ ኤሪቲላ ባይንዳይታ ማላ ገደንታ
 ኢንቴ ዋኒዲ ኤሪታ ማላ ዳናኮ ናጌቲቲ።
 16 ሃይሲ ዋዴዚ ኢታ ገዲዳ ገሻስ ሃሳ ሎኤላ
 ኤሪቲ።
 17 ሃሳ ገሻስ ኤያታ ገደፒቲ፤ ጎዳ ሼኔይ ኣዛኮ
 ዩሺ ቆፒቲ።
 18 ኣያናይ ኩሚዳይታ ገዲቲ ኣቲን ማላሲዛ ኡሻን
 ማላቶፍቲ፤ ሃሲ ጮ ማላ ሚሻ ላሌላ።
 19 ኣያና ዩላን ጋላታራ ጋላ ዩዲሼ ኢንቴ ገደን
 ኢሶይ ኢሳራ ሃሳዩቲቲ፤ ኢንቴ ሳባኒኔ ዩላን ኩሚላ
 ዋዚናፒ ጎዳ ጋላቲቲ።
 20 ሃሳን ጸሳ ኣዋ፣ ጎዳ ዩሱስ ከርስቶሳ ሱንላ ኡባ
 ሚሻስ ኡባ ዋዴ ጋላቲቲ።

ማሻኔ ኣዚና

21 ኢንቴ ከርስቶሳ ቦንቸሰ ገዲ ያሻራ ኢሶይ ኢሳስ
 ኣዛዜቲቲ።
 22 ማሻቶ ኢንቴ ጎዳስ ሃሬቲዛ ማላ ኢንቴ ኣዚናታስ
 ሃሬቲቲ።
 23 ከርስቶሲ ባ ኣሾ ገዲዳ ዋሳ ኩላይስ ሁኤ
 ገዲዳ ማላ ኣዚናይካ ባ ማሻይስ ሁኤ።
 24 ሃሳ ገሻስ ዋሳ ኩላያ ከርስቶሳስ ኣዛዜቲዛ
 ማላ ማሻቲካ ባ ኣዚናታስ ኣይ ሃኖንካ ኣዛዜታናስ
 ቤሴስ።
 25 ኣዚናቶ! ከርስቶሲ ዋሳ ኩላዮ ሲቁዳ ማላኔ
 ባና ኢዚ ገሻስ ኣላ ኢሚዳ ማላ ኢንቴካ ኢንቴ ማሻታ
 ሲቁቲ።
 26 ባ ቃላ ባጋራ ሃላን ሜጪ ጌሺ ዲማሲዳስ።
 27 ሃሳካ ቁታይ ዋይኮ ኣይፊሶ ጸርጸቲላ ዋይኮ
 ኢሲ ኢታይ ኢዚ ቦላ ቤቶንታ ጌሺኔ ባላይ ኢዚ ቦላ
 ባይንዳር ቦንቸ ዋሳ ኩላ ሃሰቲዲ ሺሻና።
 28 ኣዚናቲካ ሃሳላ ባ ማሻታ ባ ኣሾ ማላ ሲቃናስ
 ቤሴስ፤ ባ ማሻ ሲቁዳይ ባና ሲቁስ።
 29 ባርካ ባና ኢዲዳይ ኣኒካ ዳና፤ ባ ኣሾስ ሜሲኔ
 ባና ናጌስ፤ ከርስቶሲካ ዋሳ ኩላስ ሂኒላ ኦሊዳስ።
 30 ኮኒ ከርስቶሳ ኣሳቲላ።
 31 ሃሳ ገሻስ፡ «ኣሲ ኣዮኔ ኣዋ ኣገዲ ባ ማሻይራ
 ኢሲና ገዳስ፤ ናሞኣይካ ኢሲ ኣሾ ገዳቲስ» ጌቲቲ
 ጌሻ ማጸፋን ጸፊቲዳስ።
 32 ሃይሲ ዳር ጸራ ዮኦ፤ ታኒካ ሃይሳ ከርስቶሳ
 ገሻሲኔ ዋሳ ኩላ ገሻስ ዮታይስ።
 33 ገዲኮካ ኢንቴፊ ኢሲ ኢሳዳይ ባ ማሻ ባና
 ሲቁዛ ማላ ሲቆ፤ ማሻካ ባ ኣዚና ቦንቸ።

6

ዩሊዳይታኔ ናይታ

1 ናይቶ! ኢንቴ ኢንቴና ዩሊዳይታስ ጎዳን
 ኣዛዜቲቲ፤ ሃሲ ኢንቴስ ቤሴስ።
 2 «ኔ ኣዋኔ ኔ ኣዮ ቦንቻ» ገዛ ኣዛዞ ገደን ዲዛ
 ሂዳታይ ኮይር ኣዛዞ።

3 ኔ ሃሳላ ኦሊኮ ኔስ ሎኣናኔ ኔስ ላይላይ ቢታ ቦላ
 ኣዲቃና።
 4 ዩሊዳይቶ! ኢንቴካ ኢንቴ ናይታ ሃንቁላፍቲ፤
 ገደ ኣቲን ኢንቴ ናይታ ጎዳ ዞሬኒኔ ሴራን ዲቺቲ።

ኦሲሲዛይታኔ ኦሊዛይታ

5 ኣሳንቻቶ! ኢንቴ ከርስቶሳስ ኣዛዜቲዛ ማላ
 ቢታ ቦላ ኢንቴና ኦሲሲዛይታስ ያሻቲላኒኔ ቦንቸን
 ሱሬ ዋዚናፒ ኣዛዜቲቲ።
 6 ጮ ኣሳ ኣይፊን ቤታና ማላኔ ኦሲሲዛይታፔ ዳና
 ኣንጅ ኤካናስ ገደንታ ኢንቴ ከርስቶሳ ኣይሌታ ማላ
 ጸሳ ሼኔ ኩሚላ ዋዚናፒ ፖላና ማላ ዋዚናፒ
 ኣዛዜቲቲ።
 7 ኣሳስ ኦሊዛ ማላ ገደንታ ጎዳስ ኦሊዛ ማላ
 ኢንቴ ኩሚላ ዋዚናፒ ኦሊቲ።
 8 ጋሶይካ ኣይሌ ገዲን ዋይኮ ጎዳ ገዲን ባ ኦሊዛ
 ሎኦ ኦሶስ ኡባስ ዋይቶ ኤካናይሳ ኢንቴ ኤሬታ።
 9 ኢንቴኖ ጎዳቶ! ኢንቴካ ኢንቴ ኦሲሲዛይታስ ሃሳላ
 ኦሊቲ፤ ኢሰታሲኔ ኢንቴስ ጎዳ ገዲዳይ ቦላ ሳሎን
 ዲዛይሳ፤ ኢዚካ ኣይፊሶ ጸሊ ኣስ ማደንታይሳካ
 ኢንቴካ ኤሪዛ ገሻስ ኣሳንቻታ ባቢሶ ኣገዲ ሎኦ
 ኦሊቲ።

ጸሳፊ ቤቲዛ ኦላ ሚሽ

10 ሃራ ባጋራ ሚኖ ጎዳኒኔ ኢዛ ገታ ዋልቃን ሚኒቲ።
 11 ዳቡሎሳ ጌኔ ኦሶ ኢንቴ ኤቁታናስ ዳንዳያና ማላ
 ጸሳ ኦላ ማይኦታ ማይኦቲ።
 12 ጋሶይካ ኦ ኦሌታናይ ኣሾራኔ ሱላራ ገደንታ
 ሃይሳ ዲማ ኣላሚዛ ሃሪዛ ጎዳታራ፣ ዋልቃማታራኔ
 ሳሎ ቦላ ዲዛ ቲና ኣያና ኦላንቻታራ ኦሌቶስ።
 13 ኢታ ጋላሳይ ጋኪሺን ኢንቴ ዋርኬ ዋልቃራ
 ኤቁታናስ ዳንዳያና ማላ ጸሳ ኦላ ማይኦታ ኩሚላ
 ማይኦቲ፤ ኢንቴ ኡባካ ፖሊዳፔ ጉዬ ሚኒ ኤቃናስ
 ዳንዳይታ።
 14 ሃሳ ገሻስ ኢንቴ ጸሳን ቲማ ዚናሬ ማላ
 ዳንጩቲዲ ዲሎቲላ ጸራሬታ ማላ ቲራን ማይኢዲ፣
 *

15 ሳርቲላ ሚሺራቸ ቃላ ቶሆን ጫማ ማላ ኣሊዲ
 ጊጌቲ ኤቁቲ።
 16 ሃይታንታፊካ ቦላራ ታማ ማላ ፖፖልኦ ገዛ
 ኢታ ኣያና ዋንዳፊታ ኢንቴ ኡባ ቶይሳና ዳንዳያና ማላ
 ኣማኖ ጎንዳሌ ማላ ዳንጌቲ።
 17 ኣቶቲላ ቢራታ ቆቤ ማላ ሁኤን ዋሊቲ፤ ኣያና
 ገላ ማሻ ኦይኪቲ፤ ሃሲካ ጸሳ ቃላ።
 18 ዋሳን ኣይ ሃኖንካ ኣያናን ዋሲቲ፤ ሃሳ ቆፒዲ
 ቤጌቲ፤ ኣማኒዛይታ ኡባ ገሻስ ቃንጾንታ ዋሲቲ።
 19 ታኒ ሚሺራቸ ቃላ ጸራ ኣሳስ ቆንጪሳናስ ዳና
 ደይዛ ኡባ ዋዴ ያሺ ባይንዳ ታ ጸላቲላን ዮታናስ
 ቃላይ ታስ ኢሜታና ማላ ታስ ዋሲቲ።
 20 ታኒ ሚሺራቸ ቃላ ገሻስ ሳንሳላታን ቃሺታዳ
 ኪቲቲዳይ ገዲዳይ ሃሳሳ፤ ሃሳ ገሻስ ታ ዮታናስ
 ቤሲዛይሳ ባቦንታ ዮታና ማላ ታስ ዋሲቲ።

ወርሴላ ሳርካ

5:16 ቆላ 4:5 5:22 ቆላ 3:18፤ 1ጴጵ 3:1 5:25 ቆላ 3:19፤ 1ጴጵ 3:7 5:31 ሜዴ 2:24 6:1 ቆላ 3:20 6:4 ቆላ 3:21
 6:9 ቆላ 4:1፤ ዛሬ 10:17፤ ቆላ 3:25 * 6:14 ጸራሬ ጉሲ ቤኒ ዋዴ ኦላ ኣሳቲ ቲራን ማይኢዛ ኦላ ማይኦ። 6:14 ኣሳ 11:5፤ 59:17
 6:15 ኣሳ 52:7 6:17 ኣሳ 59:17 6:21 ሃዋ 20:4፤ 2ጸጌ 4:12

21 ታ ኣይ ማላ ዲዛኮን ኣይ ኦሊዛኮ ኣንቴ ኤራና ማላ ደሴቲዳ ታ ኣሻይ ጎዳሰ ኣማኔቲዳ ኦሳንቻይ ቲቂቆሲ ኣንቴሰ ሃኒዳይሳ ወርሲካ ኣንቴሰ ኮታና።

22 ኣንቴ ኑ ሃኖቴሳ ኤራና ማላን ኣንቴ ዎዚና ኢዚ ሚንሌላና ማላ ታ ኢዛ ኣንቴኮ ዩዳዲሰ።

23 ኣዎ ጸሳፊ፣ ጎዳ ዩሱሰ ኪርሰቶሳፕ ሳርቴሌኔ ሲቆይ ኣማኖራ ኣንቴሰ ታ ኣሻታሰ ጊድ።

24 ጎዳ ዩሱሰ ኪርሰቶሳ ፓጩይ ባይንዳ ሲቂዛ ኡባሰ ሳርቴሌ ጊድ። ኣሚን።

ጳውሎስ ፕሊጲስቶስ አሳሰ ጻፈዳ ኪታ ጊዶ ቆፋ

ጳውሎስ ሃ ኪታዛ ጻፈዳይ ማቀደኒያ ጌቴቲዛ ኦሮሜ ካዎይ ሃሪዛሶን ዲዛ ፕሊጲስቶስ ጌቴቲዛ ዳሬን ዲዛ ዎሳ ከላይሳ። ሂና ሄ ዎሳ ከላይ ጳውሎስ ኮይሮ ኦሞርፓን ኤሲዳ ዎሳ ከላይ፤ ፕሊጲስቶስ ካታማን ዲዛ አሳፔ ዳሪዛ ባጋይ ኦሮሜ ቢታፊ ዪዳ አሳ፤ ሄሳፊ ዳንዲዳይሳን ዳሮቲ ኦቶሬቴቲስ። (ሃዎ 16:21) ኢስታፊ ባጋይቲ ከርሰቶሳን አማኒዛይታ፤ ሄሳ ጊሻሰ ባ አሳታን ኢጾቲዳይታኔ ጎዴቲዛይታ ጊዲዳ፤ ሄሲካ ኢስቲ ሃ አላሜ ዲሳን ማንቆ ጊዳና ማላ ኦሊዳስ። (2ቆር 8:2) ጊዲኮካ ኢስቲ አማኖን ማኒ ኤቁዲ ሃንኮ አማኒሽ ዋይቲዛይታ ማዲዛይታ ጊዲዳ፤ ሄሳ ጋሶን ጳውሎስ ኢስታ አዳፊ ሲቁስ።

ሃ ኪታይ ጻፈቲዳይ ጳውሎስ ቃሾሶን ዲሺን ሃንኮ አማኒዛ አሳንቻታፔ ኤቁቴሌ ኢዛ ጋኪን ፕሊጲስቶስን ዲዛ ዎሳ ከሌይ ጋርሳን ዳንዲዳ ዎርዶ ቲሚርቲ ጋሶን ኢዛ ዎዚናይ ሜቁ ዲሺና። ጊዶ ኣቲን ሃ ኪታዛን ቆንጨ ቤቲዛይ ኡፋይሲኔ ኩሜላ አማኔቲል። ጳውሎስ ሄሳ ሄ ኪታዛ ጻፈዳ ጋሶይካ ኢዚ ሜቶቲ ዲሺን ፕሊጲስኔ አማኒዛ አሳይ ኢዛሰ ማዶ ዬዲዳ ጊሻሰ ኢስታ ጋላታናሰኮ! ኢዛ ቦላ ጊዲን ዎይኮ ኢስታ ቦላ ዲማ ዲማ ሜቶቲ ጋኪኮካ ኢስታስ ዳር ጻላቴሌ ኩሜላ ሚኖ አማኖይ ኢስታስ ዳና ማላ ኢዚ ኢስታ ሚንሌሌስ። ኦቶሬቴሌ ጩቁቴሌ ኣጊዲ ዬሱስ ከርሰቶሳ አሸኬቲላን ኩማና ማላ ኢዚ ኢስታ ሚንሌ ቆፍሴስ። ኢስቲ ዬሱስ ከርሰቶሳራ ኣያናን ኢሲኖ ጊዲዳ ዳሚዳ ዳኦዚ ጻሳ ኪያቴላፊ ቤቲዳይሳኔ ኢስቲ አማኖን ኤኪዳይሳፊ ኣቲን ዎጋ ናን ቤቲዳይሳ ጊዳና ጊዲ ኢዚ ኢስታ ቆፍሴስ። ዬሱስ ከርሰቶሳራ ኢሲፊቴላን ዲዛ ኡባታስ ጸሲ ኢስታስ ኢሚዛ ሳርቴላ ጊሻሲኔ ኡፋይሳ ጊሻሲካ ጻፊዳስ።

ሃይሲ ሃ ኪታዚ ኤሬቲዛይ ኡፋይሲ። አማኔቲል። ኢሲፊቴሌ ኣማኖን ዳኦን ሚኒ ኤቃና ማላ ቆንጨሲ ቤሲዛይሳና፤ ቃሴካ ሃዎሬ ጳውሎስ ፕሊጲስቶስ ዎሳ ከላይ ዳር ሲቁዛይሳ ቆንጨሴስ።

ሃ ማጻፋይ ኦይኪዳ ኩሜላ ቆፋ

- ጌሎሶ 1:1-11
- ጳውሎሳ ዲሳ ጊሻሰ 1:12-26
- አማኖን ዲሳሰ ለሚሶ 1:27—2:18
- ጸምቶሳኔ ኣፍርዲጾ ቆፋ 2:19-30
- አማኖ ኢጲዛይታፔ ናጌታና ማላ ዮቶ 3:1—4:9
- ጳውሎስ ፕሊጲስቶስን አማኒዛይታስ ሺሺዳ ጋላታኔ ዞሬ 4:10-20
- ኩሻ ቆፋ 4:21-23

1 ዬሱስ ከርሰቶሳ አሳንቻ ጊዲዳ ጳውሎሳፔኔ ጸምቶሳፔ ዎሳ ከላ ጨማታራኔ ዳቆኔታራ ኢሲፊ ፕሊጲስቶስ ዳሬን ዲዛ አማኒዛይታስ ዬሱስ ከርሰቶሳስ ዲማቲዳይታስ ኡባሰ።

2 ኑ አዎ ጸሳፊ፣ ጎዳ ዬሱስ ከርሰቶሳፔ ኪያቴሌኔ ሳርቴሌ ኢንቴስ ጊዶ።

ጋላታ ዎሳ

3 ኢንቴና ቆፒዛ ኡባ ጋላስ ታኒ ታ ጸሳ ጋላታይስ።

4 ኡባ ጋላስ ኢንቴ ጊሻሰ ታ ዎሲዛ ዎዳ ኡፋይሳን ዎሳይስ።

5 ኮይሮ ጋላሳፊ ሃ ሲሚን ሃኖ ጋካናስ ሚሺራቾ ቃላ ኦሶን ኢንቴ ታናራ ዳታ።

6 ኢንቴናን ሎኦ ኦሶ ዳሚዳይሲ ኢዚ ዬሱስ ከርሰቶሲ ማርሴላ ፐርዳስ ያና ጋካናስ ኢንቴና ዳንዳይሳናይሳ ታ አማናይስ።

7 ታ ሃኢ ቃሾ ከላን ዲሺኒኔ ታ ቃሾታናፔካ ካሴ ሚሺራቾ ቃላ ቱማ ናጋናሲኔ ሚንሌላናሰ ጸሲ ታስ ባ ኪያቴላን ኢሚዳ ማዶን ኢንቴ ማሪካ ታናራ ኢሲፊ ኦሊዳይታ ጊዲዳ ጊሻሰ ኢንቴ ኡባ ጋላስ ታ ዎዚናፔ ጳዬኬታ፤ ሄሳ ጊሻሰ ታኒ ኢንቴ ጊሻሰ ቆፓናሰ ቤሴስ።

8 ታ ኢንቴና ዬሱስ ከርሰቶሳ ሲቆን ዎስታ ላሞቲዛኮ ጸሲ ታስ ማርካ።

9 ኢንቴ ሲቆይ ኤራቴላኒኔ ኣኬካን ከሂ ዳራና ማላ ታ ዎሳይስ።

10 ሄሲካ ኢንቴ ኡባፊ ኣጲዛይሳ ሻኪ ኤራና ማላኔ ዬሱስ ከርሰቶሳ ዩሳ ጋላስ ጋካናስ ኢንቴ ጌሻታኔ ዎሶይ ባይንዳይታ ጊዳና ማላ ኮያይስ።

11 ጸሳ ቦንቹሲዛይሳኔ ጋላቲሲዛይሳ ኢንቴ ኦላና ማላ ዬሱስ ከርሰቶሳን ቤቲዛ ጌሻቴላ ኣይፊን ኢንቴ ዎዚናይ ኩሞ።

ጳውሎሳ ቃሾቴላን ሚሺራቾ ቃላ ዲቻ

12 ሃኢካ ታ አሻቶ! ታ ቦላ ጋኪዳ ሜቶይ ሚሺራቾ ቃላይ ካሴፔ ከሂ ኣካናስ ጊዲዳይሳ ኢንቴ ኤራና ማላ ታ ኮያይስ።

13 ሄሳ ጊሻሰ ታ ቃሾቴላይ ከርሰቶሳ ጊሻሰ ጊዲዳይሲ ካዎ ከላ ዛቤታሲኔ ሃራታሰካ ኤሬቲዳስ።

14 ታ ቃሾቴላይ ጋሶን አማኒዛይቲ ጸሳ ቃላ ባቦንታ ጸላቴላን አሳሰ ማርካታናሰ ሚኖቴሌ ዳሚዳ።

15 ኢሲ ኢሲ አሳቲ ጮ ኑ ኢዛፔ ዋኒዶን ጌላኒኔ ሆሎቴላን ሳባኬቴስ፤ ባጋይቲ ቃሴ ሎኦ ቆፋራ ከርሰቶሳ ጊሻሰ ሳባኬቴስ።

16 ባጋይቲ ታኒ ሚሺራቾ ቃላ ጊሻሰ ሞቲታና ሃን ዲዛይሳ ኤሪዛ ጊሻሰ ሲቆን ሳባኬቴስ።

17 ሃንኮይቲ ቃሴ ሎኦ ቆፋን ጊዶንታ ታና ጋኪዳ ቃሾካ ቦላ ሃራ ዎዬ ጋላናሲኔ ባ ኢታ ቆፋ ፖላናሰ ከርሰቶሳ ሳባኬቴስ።

18 ሄሳ ጊዲኮ ኣይ ሜቶ ዲዛይ! ዋና ኣይፊ ዮኦይ ሱሬቴላን ጊዲን ዎይኮ ሚሳቲሶን ጊዲንካ ኣዎራካ ከርሰቶሳ ሳባኪዛ ጊሻሰ ታ ኡፋይታይስ።

19 ታ ቦላ ጋኪዳ ሜቶፔ ታ ኣጳናይ ኢንቴ ዎሳኒኔ ዬሱስ ከርሰቶሳ ኣያና ማዶን ጊዲዳይሳ ታ ኤራይስ።

20 ታ ኣይ ኦጌራካ ዬላቶንታ ማላ ሚኖ ኡፋይሲኔ ላሞታይ ታስ ዳስ፤ ጊዶ ኣቲን ካሴካ ሃቺካ፣ ታ ሃይቁንካ ጋጸ ዲንካ ከርሰቶሲ ታ ኣሾን ቦንቹታናይሳ ታኒ ጸላቴላን ሃሳያይስ።

21 ታስ ዱሰ ጉሲ ከርሰቶሳ፤ ሃይቆይካ ታስ ጎኣ።

22 ጊዶ ኣቲን ታኒ ሃይሳ አሾ ዲሳን ጉጃ ዲዛኮ ኣይፊ ኢሚዛ ኦሶ ኦላይሰ ጉሳ፤ ታ ኣዎይሳ ደራናኮ ታስ ኤሬቴና።

23 ሃ ናምኡ ሃኖታን ማቶታዲሰ፤ ታ ባዳ ከርሰቶሳራ ዳናሰ ላሞታይሰ፤ ሄሲ ሃራ ኡባፌ ኬሂ ሎኦ።

24 ጊዶ ኣቲን ታሰ ኣሾን ዱሲ ኢንቴሰ ኬሂ ኮሼሰ።

25 ሄሳ ኣከካዳ ኢንቴ ኣማኖን ዲጫና ማላኔ ኡፋዬታና ማላ ኢንቴ ኡባታ ማታን ጋምኣናይሳኔ ዳናይሳ ታ ኡራይሰ።

26 ታ ሄ ባዳ ኢንቴ ኣቻን ዳኢኮ ታ ጋሶን ኢንቴሰ ከርሰቶሳን ዲዛ ጩቁቴላ ዳራና።

27 ከርሰቶሳ ሚሺራቾ ቃላሰ ቤሲዛ ማላ ዲቴ፤ ሄሳላ ሃንካ ታ ኢንቴና ባዳ ቤኢዳኮ ዎይኮ ሃሆን ዳዳ ኢንቴ ገሻሰ ታ ሲዩዛኮ ኢንቴ ሚሺራቾ ቃላ ኣማኖሰ ኢሲፌ ኦሌቴሼ ኢሲ ኣያናን ኢንቴ ሚኒ ኤቃናይሳ ታ ኡራይሰ።

28 ኣይ ኦጌራካ ኢንቴናራ ኤቁቴዛይታሰ ሂርጎፍቴ፤ ሄሲ ኢሰቲ ቆያናይሳሲኔ ኢንቴ ኣታናይሳሰ ጸሳፌ ኢሚቲዳ ማላታ።

29 ኢንቴ ከርሰቶሳ ኣማኒዛይታ ጸላ ጊዶንታ ኢዛ ገሻሰ ዎዬ ኤከዛይታ ጊዳና ማላ ሃይሲ ጸሳ ከያቴላ ኢንቴሰ ኢሚቲዳሰ።

30 ኢንቴ ካሴ ቤኢዳ ማላ ሃኢካ ታ ቦላ ዲዛይሳ ኢንቴ ሲዩዛይሳ ማላ ሄሳላ ኢንቴናካ ዎዩሶን ዴሰ።

2

ኣሽኬቴላ ከርሰቶሳጥ ታማር

1-2 ኢንቴሰ ከርሰቶሳ ባጋራ ቤቲዳ ኢሲፌቴላ ጋሶን ኢሶይ ኢሳ ሚንጫዛዛዛ ሲቆ ጊዲንካ ዎይኮ ኣያና ኢሲፌቴላ ዎይኮ ማርይኔ ኣሳሰ ሚሹቴላ ኢንቴ ጋርሳን ዲኮ ኢንቴ ኣሰ ሲቆን ኢሲ ኣያናኒኔ ኢሲ ቆፋን ጊዲዲ ታ ኡፋይሰ ፖሊቴ።

3 ኣሰ ኡባ ኢንቴፌ ቦላራ ጸሊቴ ኣቲን ኢንቴርካ ኢንቴና ደሶን ዎይኮ ጎኣይ ባይንዳ ጋላታ ኤካናሰ ኢሲ ሚሺካ ኦፍቴ።

4 ኢንቴፌ ኢሲ ኢሲ ኣሲ ሃራ ኣሰ ጎኢዛይሳ ጸሊቴ ኣቲን ኢንቴ ጎኣ ጸላ ጸሎፍቴ።

5 ዩሱሰ ከርሰቶሳሰ ዲዛ ኣሽኬቴላ ኢንቴ ኣቻንካ ዴ።

6 ኢዚ ጸሳኮሺን ባና ጸሳራ ገኒሳናሰ ኮዩቤና።

7 ጊዶ ኣቲን ኣይሌ ሜቆ ኤኪዲ ኣሰ ሚሳቲዲ ባርካ ባና ኤያ ኣሰ ኬሲዳሰ።

8 ኣሰ ጊዲ ቆንጨዲካ ባና ኣሳፔ ዚቁሲዳሰ፤ ሃይቃና ጋካናሰ ሄሲካ ማሰቃሌ ቦላ ካቁቴ ሃይቃና ጋካናሰ ኣዛዜቴዳሰ።

9 ሄሳ ገሻሰ ጸሲ ኢዛ ዳር ቆቁ ሂሰቲዳሰ፤ ሱንላ ኡባፌ ቆቁ ጊዳ ሱንላ ኢዛሰ ኢሚዳሰ።

10 ሄሲካ ሳሎኒኔ ሳኣን፣ ሳኣፔ ጋርሳንካ ዲዛ ሜዴቴላኔ ጉልባቴይ ወሪ ዩሱሳ ሱንላሰ ጉልባታና ማላሳ።

11 ኣሳ ኢንጸርሲ ወሪካ ጸሳ ኣዎ ቦንቾሰ ዩሱሰ ከርሰቶሲ ጎዳ ጊዲዳይሳ ማርካታናሳ።

ዴሬ ፖኦ

12 ሄሳ ገሻሰ ታ ኣሻቶ! ኢንቴ ካሴ ኡባ ዎዩ ኣዛዜቴዛይታ ጊዲዳ ማላ ሃኢካ ታኒ ማታን ደንታ ኢንቴፌ ሃሆን ዲኮካ ኢንቴ ኣቶቴላይ ኩሜላ ጊዳና ማላ ያሻቴላኒኔ ቦንቾን ፖሊቴ።

13 ጸሲ ኢንቴሰ ኣዛዜቴላ ኢሚሼ ባ ቆፋ ወርሴላ ጋካናሰ ኢንቴ ጊዶን ኦፍሰ።

14 ኣይ ሚሺካ ዙዙንጫኔ ፓላማይ ባይንዳ ኦፍቴ።

15 ሄሲካ ኢንቴ ኢታኔ ጌላ ኣሳ ጊዶን ጌሻታኔ ዎሶይ ባይንዳ ጸሳ ናይታ ጊዲዲ ኣላሜ ቦላ ኣርሼ ማላ ዴሬ ኡባሰ ፖኣናሳ።

16 ኢንቴ ኤኪዳ ዴኦ ቃላ ሎኤላ ኦይኪኮ ከርሰቶሲ ሃ ሲሚ ዩዛ ዎዩ ታ ሜላ ዳቡርንታይሳ ገሻሰ ታ ጩቁታናዚ ታሰ ዴሰ።

17 ቃሴካ ኢንቴሰ ጎዳን ዲዛ ኣማኖይ ኢንቴ ጸሳሰ ሺሺዳ ዲማ ያርሾ ማላ ታ ሺምፖይ ኢንቴ ያርሾራ ኢሲፌ ያርሾ ማላ ጉኪዛኮ ኢንቴናራ ታኒካ ኡፋዬታና።

18 ሄሳላካ ኢንቴ ኢንቴሰ ኡፋዬቲዲ ታናካ ኡፋይሳናሰ ቤሴሰ።

ጸምቶሳ ዎሳኔ ኣፍርዲጸ ዎሳ

19 ጎዳይ ማዲኮ ጸምቶሳ ኢንቴኮ ዩዳዳ ኢንቴ ሎኤቴላ ገሻሰ ሎኦ ዎሬታ ሲያናሰ ኮያይሰ።

20 ኢንቴ ሎኤቴላ ገሻሰ ቆፐዛ ኣሲ ሃራ ኢዛ ማላይ ኦኒካ ባ።

21 ሃራይ ወሪካ ዩሱሰ ከርሰቶሳይሳ ጊዶንታ ባ ጎኣሰ ዎጲዛዳ ጸላላ።

22 ጊዶ ኣቲን ኢንቴ ኤሪዛይሳ ማላ ጸምቶሲ ኢዚ ኣይ ማላ ኣሳኮ ባ ገሻሰ ማርካሲዳሰ። ናይ ባ ኣዎራ ኦፍዛ ማላ ታናራ ሚሺራቾ ቃላ ዮቴዳሰ።

23 ሄሳ ገሻሰ ሃይሳፌ ሲንላን ታ ዎናናኮ ሻካ ኤሪዳፔ ጉዩ ኢዛ ታ ኢንቴኮ ኪታና ቆፓይሰ።

24 ታኒካ ኢንቴኮ ማታ ዎዩ ባናይሳ ጎዳን ኣማኔታይሰ።

25 ሄሳላካ ኢንቴ ታና ኮሺዛ ሚሻን ኡባን ማዳና ማላኔ ሎኤላ ኦይካና ማላ ዩዲዳ ኣፍርዲጸ ታ ኢንቴኮ ዛራ ዩዳና ማላ ኮሺዛይሲ ታሰ ኤሬቴዳሰ።

26 ጋሶይካ ኢዚ ኢንቴና ኩሜላታ ቤያናሰ ላሞቲዳ ገሻሲኔ ቃሴካ ኢንቴ ኢዛ ሳኮዛ ሲዩዳይሳሰ ቆፐዳ ገሻሳ።

27 ቱማፔካ ኢዚ ሃርጊዲ ሃይቁሼ ኣቲዳሰ፤ ጊዶ ኣቲን ጸሲ ኢዛ ማሪዳሰ፤ ታ ካሴ ሙዙቲዛይሳ ቦላ ሃራ ሙዙይ ጉጃቶንታ ማላ ታናካ ማዲዳሰ።

28 ሄሳ ገሻሰ ኢንቴ ኢዛ ቤኢዲ ኡፋዬታና ማላኔ ታኒካ ሂርጋፌ ሺምፓና ማላ ኣሞታይሰ።

29 ኢንቴ ኢዛ ኬሂ ኡፋይሳን ሞኪ ኤኪቴ፤ ኢዛ ማላ ኣሳታካ ቦንቾቴ።

30 ኢንቴ ታና ማታን ዲዲ ኦፍ ማዳናሰ ዳንዳዮንታ ገሻሰ ኢዚ ባ ሺምፖሰ ሚሹቶንታ ታና ኦፍ ማዲዳ ከርሰቶሳ ኦሶ ጋሶን ሃይቁሼ ኣቲዳሰ።

3

ኣሾን ጩቁታናሰ ቤሴና

1 ታ ኣሻቶ! ሃይሳፌ ሃራ ታ ኢንቴና ገዛይ ጎዳን ኡፋዬቲቴ፤ ሃኢካ ዛራዳ ኢዞ ታ ኢንቴሰ ጸፊኮ ታና ሳሌፍና፤ ኢንቴናካ ጎኣና።

2 ሃይታ ካና ማላ ሁሰካቲዛይታ፤ ኢታ ኦፍዛይታ፤ ኣሳሰ ሜቁላ ሜንጫዛ ኣሳታፔ ናጌቴቴ።

3 ቱሙ ቃጸሬቴዳይቴ፣ ጸሰ ዎሲዛይቴ፣ ዩሱሰ ከርሰቶሳን ጩቁዛይቴ፣ ኣሾን ጩቁቶንታይቴ ኣሾንካ ኣማኔቶንታይቴ ኦና።

4

4 ታኒ ጨቃና ኮይኮ አሾ ባጋራ ጨቃና ሚሽ ታሰካ ዳሰ፤ እናሰካ አሾን ጨቁዛ ሚሽ ዲዛ ሚሳቲኮ ታ ኢዛፔ አቋይሰ።

5 ታኒ ዩሌቲዳ ኦሰፕንሳ ጋላሰ ቃጸሬታዲሰ፤ ታ ኢሰራኤሌ ዜሬሌኔ ቢኒያሜ ኮቻፌ ዩሌታዲሰ፤ ኢብራዌታ ጊደን ታኒካ አዳ ኢብራዌ፤ ዋጋ ባጋራ ኦይቸዛዳይ ዲኮ ታ ካሴ ፋርሳዌ።

6 ሙሴ ዋጋሰ ዚልኤቲዛይሳ ጊዲኮ ታኒ ካሴ ዋሳ ኬላ ጎዲዛዳ። ዋጋ ናጎን ቤቲዛ ጸሎቴላ ጊዲኮ ካሴ ታ ቦላ ኢሲ ዋሶይካ ዳና።

7 ጊደ ኣቲን ታሰ ጎኣ ጊዲዳይሳ ኡባ ኪርሰቶሳ ጊሻሰ ጋዳ ጎኣይ ባይንዳ ሚሻ ማላ ቆዳዲሰ።

8 ሃሳፊካ ታ ጎዳ ዩሱሰ ኪርሰቶሳ ኤርፔ አቋዛይ ሃራይ ኣይኮይካ ባይንዳይሳ ታ ኣማኒዛ ጊሻሰ ኡባካ ጎኣይ ባይንዳ ሚሻ ማላ ቆዳዲሰ፤ ታኒ ኢዛ ጊሻሰ ጋዳ ኡባካ ኣጋዲሰ፤ ታ ኪርሰቶሳ ዳማና ጋዳ ኡባ ሚሻካ ዋራ ዋቋዳ ኢታ ሚሻ ማላ ቆዳዲሰ።

9 ታኒ ሃሳላ ኦሲዛ ጋሶይካ ካሴ ሙሴ ዋጋን ታሰ ዲዛ ጸሎቴላ ኣጋዳ ኣማኖን ቤቲዛ ጸሳ ጸሎቴላ ኪርሰቶሳን ኣማናዳ ዳማናሲኔ ታ ኢዛራ ኢሲፌ ዳኣናሳ።

10 ኪርሰቶሳኔ ኢዚ ሃይቁ ዳንዲዳ ዳንላ ዋልቃ ታ ኤራና ማላ ኢዛ ዋይካ ታ ኢዛራ ጊሼታና ማላኔ ሃይቆንካ ታ ኢዛ ሚሳታና ማላ ኣዋታይሰ።

11 ሃሳላካ ታ ሃይቃ ዳንዲዳፔ ጉዬ ሜርናሰ ዳናሰ ኮያይሰ።

ወርሴላ ጋካናሰ ዋሌ

12 ታ ሃይሳ ወርሳ ዳማዲሰ ዋይኮ ሃይሳላ ሃናዲሰ ጉሰ ጊዳና፤ ጊደ ኣቲን ዩሱሰ ኪርሰቶሲ ታና ባሰ ሂሰቲዲ ታሰ ጊግሲዳ ዋይቶ ኤካናሰ ሚና ዋላ ቦላ ዳይሰ።

13 ታ ኢሻቶ! ታ ሃኢ ታ ኮይዛይሳካ ኦይኪዳ ማላ ቆዳኪ፤ ጊደ ኣቲን ታ ኢሲ ሚሽ ኦላና፤ ታፔ ጉዬራ ዲዛይሳ ኣጋ ኣጋዳ ታፔ ሲንላን ዲዛይሳ ኦይካናሰ ዛራቋይሰ።

14 ጸሲ ታና ዩሱሰ ኪርሰቶሳ ባጋራ ፑዴ ጸይጊዳ ጊሻሰ ዋይቶ ጋካ ኤካናሰ ኤሌላይሰ።

15 ሃሳ ጊሻሰ ኮኒ ኣማኖን ሚኒዳይቲ ወሪካ ሃኒዛ ዮኦ ኡባ ሃሳላ ጸላናሰ ቤሴሰ፤ ኢሲ ኢሲ ዲማ ቆፋይ ኢንቴሰ ዲኮ ሃሳካ ጸሲ ኢንቴሰ ቆንጨሳና።

16 ጊዲኮካ ኦ ሃኢ ጋኪ ኤሪዳዛን ኣኔ ሲሜሬቶሰ።

17 ታ ኢሻቶ! ኣኔ ኢንቴ ታ ሃኒዛ ማላ ታና ካለቲኔ ሃራታራካ ኢሲፌ ዳኢቲ፤ ኮኒ ኦና ኢንቴሰ ለሚሶ ሂሰቲ ቤሲዳ ማላ ዲዛ ኣሳታ ዋዚናን ዋሊቲ።

18 ጋሶይካ ሃይሳፌ ካሴ ታ ኢንቴሰ ዛራ ዛራ ዮቲዳ ማላ ሃኢካ ዛራዳ ኣፋንላራ ኢንቴሰ ዮታይሰ፤ ዳርቲ ኪርሰቶሳ ማሰቃሌሰ ሞርኬ ጊዲዲ ሲሜሬቲቲሰ።

19 ኢሰታ ወርሴላ ጳዮ፤ ኢሰታ ኡሎይ ኢሰታ ጸሳ፤ ኢሰታሰ ካወሻቲላይ ኢሰታሰ ቦንቸ፤ ኢሰታ ዋዚናይ ሼምፒዳይ ሃ ቢታ ዲሳና።

20 ኦ ዳሬይ ጊዲኮ ሳሎና፤ ሄፔ ቡር ያናይሳ ኦና ኣሺዳ ጎዳ ዩሱሰ ኪርሰቶሳ ዩሳ ላሞቴላን ናጎን ደሰ።

21 ኢዚካ ኡባ ባፔ ጋርሳን ሃሪሳና ዳንዳይዛ ባ ዋልቃን ዳቡራንቻ ጊዲዳ ኦ ኣሳቴላ ቦንቸቲዳ ባ ኣሳቴላ ሚሳቲሲዲ ላማና።

ወርሴላ ዞሪ

1 ታ ኢንቴና ደሲዛይቶ! ታ ኢንቴና ላሞቲዛይቶ! ታሰ ኡፋይሴኔ ኦሶ ዛወዴ ጊዲዳ ታ ኢሻቶ! ጎዳን ሚኒ ኤቁቲ።

2 ኢንቴ ቆፋይ ጎዳን ኢሲኖ ጊዳና ማላ ኤዋዲያኔ ሲንጾኬይ ባ ጋርሳን ሲቁታና ማላ ታ ኢሰታ ዋሳይሰ።

3 ኤር! ኔኖ! ታናራ ኢሲፌ ኣማኔቲዳ ኦሳንቻዞ! ሚሽራቸ ቃላ ዮቶሰ ታናራኔ ቃላሚንጸሳራ ቃሴካ ኢሰታ ሱንላይ ዳኦ ማጸፋን ጸፊቲዳ ሃንኮ ታናራ ኦሶ ላጌታራ ኢሲፌ ዋይቲዳ ማጫሳታ ኔ ማዳና ማላ ታ ኔና ዋሳይሰ።

4 ኣይ ዋዴካ ጎዳን ኡፋይቲቲ፤ ቃሴካ ታ ኢንቴና ኡፋይቲቲ ጋይሰ።

5 ኢንቴ ኪያቴላ ኣሰ ኡባ ኣቻን ኤሬቶ፤ ጎዳይ ያና ማቲዳሰ።

6 ሃኒዛ ዮኦን ኡባን ጋላታን፤ ዋሳኒኔ ጋናቴላን ጸሳ ሲንላ ሸቁቲ ኣቲን ኣይ ሚሻንካ ሂርጎፍቲ።

7 ኣሳ ቆፋፔ ቦላራ ዲዛ ጸሳ ሳርቲላ ኢንቴ ዋዚናኔ ኢንቴ ቆፋ ወርሴ ዩሱሰ ኪርሰቶሳን ናጌሰ።

8 ወርሴላ ቦላ ታ ኢሻቶ! ቲሙ ጊዲዳ ዮኦ ኡባ፤ ቦንቸ ጊዲዳ ዮኦ ኡባ፤ ኣዳ ጊዲዳ ዮኦ ኡባ፤ ጌሺ ጊዲዳ ዮኦ ኡባ፤ ደሴቲዳ ሚሽ ኡባ፤ ሎኦ ጊዲዳ ዮኦ ኡባ፤ ሎኤቴላ ጊዲንካ ጋላታካ ሃይታንታ ሚሳቲዛዝ ኡባ ቆፒቲ።

9 ኢንቴ ታፔ ታማርዳይሳ ዋይኮ ኤኪዳይሳኔ ሲዩዳይሳ ዋይኮ ቤኢዳይሳ ኣይ ጊዲኮካ ኡባ ኦሊቲ፤ ጎዳይ ኢንቴናራ ጊዳና።

ጳውሎሲ ማዲዳይታሰ ሺሺዳ ጋላታ

10 ዳር ዋዴፔ ጉዬ ኦራላ ቆፋራ ኢንቴ ታ ጊሻሰ ቆፎ ኦይኪዳታ፤ ሃሲካ ጎዳ ባጋራ ታና ኬሂ ኡፋይሴሰ፤ ቲሙካ ኢንቴ ታሰ ቆፎ ኣገቤኬታሺን ኢንቴ ቆፒዳ ማላ ኦላናሰ ኢንቴሰ ሃኖ ኢጲዳሰ።

11 ታኒ ሃሳ ጊዛይ ታና ሜቲዳ ጊሻሰ ጊዳና፤ ጋሶይካ ታ ኣይ ሃንኮካ፤ «ዲዛይሴ ታሰ ጊዳና» ጉሰ ታማራዲሰ።

12 ፓጩካ ታ ኤራይሰ፤ ዳማዳካ ኤራይሰ፤ ጋፋዳካ፤ ካላዳካ ኤራይሰ፤ ዲንካ ጳዩንካ ኤራይሰ፤ ኣይ ጊዲኮካ ታሰ ዲዛይ ጊዳና ጉሳ ጸራ ታ ሎኤላ ኤራይሰ።

13 ታሰ ዋልቃ ኢሚዛ ኪርሰቶሳን ታኒ ኡባ ሚሽ ኦላናሰ ዳንዳይሰ።

14 ጊዲኮካ ኢንቴ ታና ታ ዋይን ማዲዳ ጊሻሰ ሎኦ ኦሊዳታ።

15 ኢንቴ ፒሊዲሲዮስ ኣሳቲ ሃሳፌ ቦላራ ኢንቴ ኤሪዛይ ኮይር ሚሽራቸ ቃላ ኢንቴ ኤኪዳ ዋዴ ታኒ ማቁዲያፔ ዳንዳሼ ኢንቴፌ ኣቲን ጌዴ ኢሚዳካ ሃ ኤኪዳካ ማዴቲዲኔ ማዲዳ ጊዛ ዋሳ ኬላ ታሰ ዳና።

16 ሃራይ ኣቶሺን ታ ካሴ ታሶሎንቁን ዲዛ ዋዴካ ታኒ ሜቶቲን ኢንቴ ዛሪ ዛሪ ታሰ ማዶ ዩዲዳታ።

17 ታ ሃሳ ጊዛይ ኢሚዳ ጊሻሰ ኢንቴሰ ኣንጆይ ዳራና ማላ ጋዳ ኣቲን ታ ኢንቴፌ ማዶ ኤካናሰ ኣሞታዳ ጊዳና።

18 ታሰ ኮሺዛይሳኔ ታና ኮሺዛይሳፊካ ቦላራ ኤካዲሰ፤ ኢንቴ ታሰ ዩዲዳ ማዶ ሚሻ ኣፍሮዲጾ ኩሺፔ ኤከን ታ ፓጩይ ኩሚዳሰ፤ ሃይሲ ዳርፔ ጸሳ ኣቻን ኤኮቴዳ ዳር ሎኦ ሳዋዛ ያርሾ ማላ።

19 ጸሲ ባ ዲሬቴላ ጊና ኢንቴሰ ኮሺዛይሳ ጎዳ ዩሱሰ ኪርሰቶሳ ባጋራ ኩንፋና።

20 ኑ ኣዋሲኔ ኑ ጸሳሰ ሜርናፔ ሜርናሰ ቦንቾይ ጊዶ። ኣሚን።

ወርሴላ ሳርካ

21 ኣማኒዛ ኣሳ ኡባ ዩሱሰ ኪርሰቶሳ ሱንፋን ሳር ጊቴ፤ ታናራ ዲዛ ኢሻቴ ወሪካ ኢንቴና ሳር ጌቴሰ።

22 ኣማኒዛይቲ ወሪ ሃራፔካ ቁሳሬሶ ኣሳፔ ኣማኒዛይቲ ወሪካ ኢንቴና ሳር ጌቴሰ።

23 ጎዳ ዩሱሰ ኪርሰቶሳ ኣጼ ኪያቴሌ ኢንቴናራ ጊዶ። ኣሚን።

ጳውሎሲ ቆላሲያሴ ኣሳሰ ጳፊዳ ኪታ ጊዶ ቆፋ

ሃይሲ ኪታዚ ጳፊቲዳይ ቁሪ ኢሲያን ዲዛ ኤፌሶን ካታማፕ ኣርሼይ ሞኪዛ ባጋራ ዲዛ ቆላሲያሴ ካታማን ዲዛ ዋሳ ኬላሳ፤ ሂኖ ሄ ዋሳ ኬላዮ ኤሲዳይ ጳውሎሳ ጊዶንታ ኣገኪካ ኢዛ ኦሮሜ ካዋቴላ ጋርሳን ዲዛ ኢሲያን ዋና ካታማ ጊዳዳ ኤፌሶን፤ ሚሺራቾ ቃላ ዮቲዛይታ ሄ ዩዲዳ ጊሻሰ ቆላሲያሴሰካ ኣላፊቴላ ዳሰ፤ ቆላሲያሴ ዋሳ ኬላን፤ «ጳሳ ኤራናሲኔ ሙሌራ ኣቶቴላ ዳማናሰ ኢሲ ኢሲ ኣሲ ሁኤን ሁኤን ዋልቃማ ኣያናታሲኔ ጎዳታሰ ጎይናናሰ ኮሼሰ» ገዛ ዋርዶ ኣስታማሬቲ ዲዛይሳ ጳውሎሲ ሲዩዳሰ፤ ሄ ኣስታማሬቲ ታማርሲዛ ሃራ ዮቲ፤ «ኣሲ ዉሪካ ቃጸራ ዋጋሰ ሃራታናሰ ቤሴሰ፤ ካላ ሙሳ ዋጋን ሃራ ዋጋታካ ናጋናሰ ቤሴሰ» ጊዳ ታማርሴቲሰ።

ጳውሎሲ ሃ ኪታዛ ጳፊዳይ ቱሙ ጊዳዳ ኣማኖ ቲሚርቲ ታማርዲ ሄ ዋርዶ ኣስታማሬታ ቲሚርቲዛ ዲጋናሳ፤ ኢዛ ማልፊታፕ ዋናቲዛይ፤ «ዩሱሰ ኪርሰቶሲ ኩሚላ ኣቶቴላ ኢሚሰ፤ ሃንኮይቲ ኣማኒዛ ኣማኖይ ጊዳኮ ዩሱሳ፤ ሃሴቲሰ» ገዛይሳ። ጳሲ ሃይሳ ኣላሚዛ ኪርሰቶሳን ሜጲዳሰ፤ ቃሴካ ጳሲ ሃ ኣላሚዛ ኪርሰቶሳ ባጋራ ባኮ ዛሪ ኤሃና፤ ሃይሲ ኣላሚዚ ኣታናይ ኪርሰቶሳ ዋዚና፤ ኣማኖን ጳላ። ሄሳን ኤቁዲ ጳውሎሲ ሃይሲ ዋልቃማ ቲሚርቲይ ኣማኒዛይታ ዳኦን ዋኒ ዳናሰ ኮሺዛኮ ቤሴሰ።

ሃይሳ ሃ ኪታዛ ጳውሎሳ፤ ኤኪዲ ቆላሲያሴ ኣሳሰ ጋላናሰ ከቲቲዳ ቲቁቆሳራ ኢሲፊ ዲዛይ ኣናሰሞሳ ጊዳዳይሳ ኤርይ ማዳዛዛ። ጳውሎሲ ሄ ኣናሰሞሳ ጌቲቲዛ ኣይሌዛ ጊሻሰ ፒልሞናሰ ሃራ ኪታ ጳፊዳሰ። ቆላሲያሴ ኪታ ጊዶን ዲዛ ቆፋይ ኤፌሶን ኪታራ ኣዳፊ ጋይቲሰ፤ ናሞኣይካ ኢሲ ዋይን ጳፊቲዳ። ኢሲታ ጊዶን ዲዛ ጊታ ዲማቴላ ኤፌሶን ኪታን ጳውሎሲ ኪርሰቶሳ ዋሳ ኬላ ሁኤ ኦሊዲ ሺሼሰ፤ ቃሴ ቆላሲያሴ ኪታን ኪርሰቶሳ ሜጲቴላ ኡባሰ ሁኤ ኦሊዲ ሺሼሰ። ሃይሳ ኢዚ ኦሊዳይ ጳሲ ሜጲዳ ኪታንቻታሰ ጎይናይ ኤያቴላ ጊዳዳይሳ ቤሳናሳ።

ሃ ማጻፋይ ኦይኪዳ ኩሚላ ቆፋ

ጌሎሶ 1:1-8

ኪርሰቶሳ ሃኖኔ ኢዛ ኦሶ 1:9—2:19

ኪርሰቶሳን ዲዛ ኦራላ ዳኦ 2:20—4:6

ኩሻ ቆፋ 4:7-18

1 ጳሳ ሼኔን ዩሱሰ ኪርሰቶሳን ከቲቲዳ ጳውሎሳ፤ ኦሶ ኢሻ ጳምቶሳ፤

2 ቆላሲያሴን ዲዛ ኪርሰቶሳን ዲማቲዳይታሲኔ ኣማኔቲዳ ኢሻታሰ ኦ ኣዋ ጳሳፊ ሳርቴላኔ ኪያቴላ ኢንቴሰ ጊዶ።

ጋላታ ዋሳ

3 ኦ ኢንቴ ጊሻሰ ዋሲዛ ኡባ ጋላሰ ኦ ጎዳ ዩሱሰ ኪርሰቶሳ ኣዋ ጳሳ ጋላቶሰ።

4 ጋሶይካ ኢንቴሰ ዩሱሰ ኪርሰቶሳን ዲዛ ኣማኖኒኔ ኣማኒዛ ኣሳ ኢንቴ ኡባ ሲቁዛይሳ ኦ ሲዩዳ ጊሻሳ።

5 ሄሲ ዉሪካ ሃኒዳይ ሳሎን ኢንቴሰ ጊጌቲዳ ሃዶታፕ ዳንዲዳይሳና፤ ሄሳ ሄ ሃዶታ ጊሻሰ ሚሺራቾ ቃላ ኢንቴ ካሴቲዲ ሲዩዳታ።

6 ሄሲካ ሄ ኢንቴኮ ጋኪዳሰ፤ ሄሳ ሚሺራቾ ቃላ ኢንቴ ሲዮሶፔኔ ጳሳ ኪያቴላ ቱማቴላ ኢንቴ ኤር ጋላሳፊ ሃ ሲሚን ኣላሚ ዩሻን ኢዚ ኦሊሼ ዲዛይሳ ማላ ኢንቴ ኣቻን ኣይፊ ኣይፊሼኔ ዲጨሼ ዳሰ።

7 ሄሳካ ሃኢ ኦ ጊሻሰ * ጊዳዲ ኪርሰቶሳሰ ኣማኔቲዳ ኦሳንቻ ጊዳዳይሰኔ ኦናራ ኢሲፊ ኦሊዛኔ ሲቁዛ ኤጳፊራይ ኢንቴና ታማርሲዳሰ።

8 ቃሴካ ኢዚ ኢንቴናን ዲዛ ኣያና ሲቆቴላ ኦሰ ዮቲዳሰ።

9 ኦ ቃሴ ሃሳ ሲዮሶፔ ሃ ሲሚን ኢንቴ ጳሳ ሼኔ ኤራቴላኒኔ ኣኬካን ኢንቴና ኩንላና ማላ ኢንቴ ጊሻሰ ዋሳ ቃንጸቤኮ።

10 ሄሳካ ጎዳሰ ቤሲዛ ዳሰ ዳና ማላ ኢንቴ ኢዛ ፖሊ ኡፋይሳና ማላ ሎኦ ኦሶ ኡባን ኣይፊ ኣማኖ ማላኔ ጳሰ ኤርን ዲጨ ዲጨ ባና ማላ ኦ ኢንቴሰ ዋሶሰ።

11 ጎዳይ ባ ጊታ ዋልቃን ባ ሚኖቴላ ኡባ ኢንቴሰ ኢሞ፤ ዉርሲካ ኢንቴ ዳንዲያና ማላኔ ኡፋይሳን ጊጌቲዳይታ ጊዳና ማላ ኢንቴና ኢዚ ማዶ።

12 ኣማኒዛይቲ ላቲዛሶ ፖኦ ካዋቴላ ላቲዛይታ ኦ ጊዳና ማላ ኦና ጋሊዳ ኦ ኣዋ ኢንቴ ጋላታናሳ።

13 ኢዚ ኦና ጳማን ሃራቴላፊ ኣሺዲ ጌዴ ባ ዳሲዛ ናዛ ካዋቴላን ፒንሲዳሰ።

14 ኦ ኢዛን ዋዜቲዲ ናጋራፕ ማሬቲዳሰ።

ኪርሰቶሲ ኡባፊ ቦላ

15 ኪርሰቶሲ ኣይፊን ቤቶንታ ጳሳሰ ቱሙ ለሚሶ፤ ሜጲቴላ ኡባፊ ጊታኔ ባይራ።

16 ሜጲቴላ ዉሪ ኢዛን ሜጲቴዳሰ። ሳሎኒኔ ሳኣን ዲዛይቲ፤ ኣይፊን ቤቲዛይቲኔ ቤቶንታይቲ ጊዳንካ፤ ዋልቃማታ ጊዳንካ፤ ሃሪዛይቲ ጊዳንካ ዋይኮ ጎዳቴላ ዲዛይቲ ሃኒዳይ ዉሪካ ኢዛን ኢዛሰ ሜጲቴዳ።

17 ኢዚ ኡባፊ ካሴ ዳሰ፤ ዉሪካ ኢሲ ቦላ ኦይኬቲ ሚኒዳይ ኢዛና።

18 ኢዚ ባ ኣሳቴላ ጊዳዳ ዋሳ ኬላይሰ ሁኤ፤ ኡባሰ ቦላ ጊዳና ማላ ኢዚ ሃይቁዳ ኣሳ ኡባፊ ኮይር ዳንዲዳሰ።

19 ሄሲካ ሃኒዳይ ኩሚላ ጳሳቴላይ ኢዛ ናዛን ዳኣና ማላ ጳሳ ኣዋ ሼኔ ጊዳዳ ጊሻሳ።

20 ማሰቃሌ ቦላ ኢዛፕ ፑኪዳ ሱላን ሳርቴላ ሜጲዲ ሳኣ ቦላ ጊዳን ሳሎ ቦላ ዲዛይሳ ኡባ ኢዛ ባጋራ ባናራ ማቃዩንሲዳሰ።

21 ኢንቴ ኢታ ቆፋ ጋሶን ካሴ ኢንቴ ጳሳፊ ሻኬቲዲ ኢዛሰ ሞርኬታኮሺን።

22 ሃኢ ቃሴ ኢንቴ ቦላ ባላይኔ ዋሶይ ባይንዳ ጊሻታ ኦሊዲ ኢንቴና ባ ሲንላ ሺሻናሰ ኪርሰቶሳ ኣሾ ሃይቆ ባጋራ ጳሲ ኢንቴና ባናራ ማቃዩንሲዳሰ።

23 ሄሲካ ሃናናይ ኢንቴ ኣማኖን ጳጵዲኔ ጊጌቲ ኢንቴ ኢንቴ ኣማኖን ኤኪዲ ሚሺራቾ ቃላፕ ቃጸንታ ሚኒ ኤቁኮና፤ ኢንቴሲኔ ሳሎ ፑፋንሶን ዲዛ ሜጲቴላሰ

* 1:7 ኦ ጊሻሰ፡ ኦ ጊሻሰ ጊዛይሳ ኢሲ ኢሲ ጌሻ ማጻፋታን ኢንቴ ጊሻሰ ጌቲቲዳሰ። 1:7 ቆላ 4:12፤ ፒልሞ 23 1:14 ኤፊ 1:7 1:18 ኤፊ 1:22-23 1:20 ኤፊ 2:16

ሳባኬቲዳ ሚሺራቸ ቃላይ ሄሳ። ታ ጳውሎሲካ ሃይሳ ሃ ሚሺራቸ ቃላስ እሳንቻ ገዳዲስ።

ጳውሎሲ ዋሳ ኬላ ገሻስ ኤኪዳ ዋዬ

24 ታ ኢንቴ ገሻስ ዋዬ ቤኢዳይሲ ሃኢካ ታና ኡፋይሴስ፤ ከርስቶሲ ባ አሳቴላ ሄሲካ ዋሳ ኬላ ገሻስ ኢዚ ኤኪዳ ዋዬዛ፤ ኤኪሽን ፓጪዳይ ዲኮ ታኒ ታ አሾን ኩንላና።†

25 ጳላ ቃላ ታ ኢንቴስ ፓጪዬይ ባይንዳ ጋላና ማላ ታስ ጳላፊ ኢሚቲዳ ሃዳራ ማላ ታ ዋሳ ኬላ እሳንቻ ገዳዲስ።

26 ሃ ቃላይ ቤኒ ዋዴፔኔ ካሴ ዩሌታፔ ገሚዲ ጹራ ገዲ ጋምኢዳስ፤ ሃኢ ገዲኮ አማኒዛይታስ ኡባስ ቆንጪዳስ።

27 ጸሲ ባ አሳስ ቆንጪሳናስ ኮዬዳ ጸራይ ኢዛ ቦንቸ ዱሬቴላ ኣይዛቤ ገዲዳ ኢንቴ ገደን ኣይ ማላ ገታኮ ቤሳናሳ፤ ኢዚካ ኢዛ ቦንቸ ሂዳታ ገዲዳ ኢንቴ ገደን ዲዛ ከርስቶሳ።

28 ኦኒካ ኢሲ ኢሲ አስ ከርስቶሳስ ኩሜላ አስ ሂስቲ ሽሻናስ ዳንዳያና ማላ አስ ኡባ ሂላራ ዘሪሼኔ ታማርሲሼ ከርስቶሳ ገሻስ ሳባኮስ።

29 ጸሲ ባ ገታ ዋልቃን ታናን ኦላዛ ገሻስ ሄ ዋልቃን ባጾታሼ ሄ ቆፋ ፖላናስ ዳፊታይስ።

2

1 ኢንቴ ገሻሲኔ ሎዶቂያን ዲዛይታኔ ሄሳላካ ታና ባ ኣይፊራ ቤዬ ኤርንታ አሳ ኡባስ ታ ኣይ ማላ ባጾቲዛኮ ኢንቴ ኤራና ማላ ታ ኮያይስ።

2 ቃሴካ ኢስታ ዋዚናይ ሚናና ማላኔ ኢስቲ ሲቆቴላን ኢሶይ ኢሳራ ኦይኬታና ማላ ኩሜላ ገዲዳይሳ ዩሺ ቆፐ ኤርን ዱሬቴላ ዳሚዲ ጳሳ ጹራ ገዲዳ ከርስቶሳ ኢስቲ ኤራና ማላ ታ ዳፊታይስ።

3 ቆታን ዲዛ ጪንጫቴላኔ ኤራቴላ ሃርይ ዉሪካ ቤቲዛይ ከርስቶሳ ኣቻና።

4 ኦኒካ ኢንቴና ዶና ማልኤላን ባሌላንታ ማላ ታ ኢንቴስ ዮታይስ።

5 ታ ኢንቴፊ አሾ ኣይፊን ሃካ ዲኮካ ኣያናን ኢንቴናራ ኢሲፊ ዳይስ፤ ኢንቴ ዋጋራ ዲዛይሳኔ ኢንቴ ከርስቶሳ ሎኤላ አማኒዛይሳ ቤያዳ ታ ዳር ኡፋይታይስ።

ከርስቶሳን ቤቲዛ ኩሜላ ዳኦ

6 ሄሳ ገሻስ ኢንቴ ጎዳ ዩሴስ ከርስቶሳ አማኒዳ ማላ ኢዛን ዳኢቲ።

7 ኢንቴ ኢዛን ቶኬቲዲኔ ኬጾቲዲ ኢንቴ ታማርዳ ማላ አማኖን ሚኒዲ ዳር ቲርፓ ጋላታ ኢዛስ ሺሺሼ ዲቲ።

8 ከርስቶሳን ጳጵዳዝ ገደንታ አሳ ዋጋኒኔ ጎኣይ ባይንዳ ሃ ኣላሚዛ ላፋ ዋጋን ኤቂዳ አሳ ኤራቴላኒኔ ጮ ባሌላ ሃሳያን ኢንቴና ኦኒካ ዲኦንታ ማላ ናጌቲ።

9 ጋሪይካ ኩሜላ ጳሳቴላይ ኢዛ ኣሳቴላን ዳስ።

10 ኢንቴካ ሃሪዛይታሲኔ ጎዳታ ኡባስ ሁኤ ገዲዳ ከርስቶሳን ኩሜላ ገዲቲ።

† 1:24 ጳውሎሲ ሃይሳን፡ «ኢዚ ኤኪዳ ዋዬዛ፤ ኤኪሽን ፓጪዳይ ዲኮ ታኒ ታ አሾን ኩንላና» ጉሲ ናጋራ ማራና ዳንዳይዛ ከርስቶሲ ኦላዳ ኦሶፔ ኣቲዳይሲ ዳስ ጉስ ገዳና፤ ሃይሳን ጳውሎሲ ገዛይሲ ከርስቶሲ አሳ ናጋራ ገሻስ ማስቃሌ ቦላ ካቂቲዳይሳላ ጳይዳ ሃ ኣላሚይስ ሚሺራቸ ቃላ ዮቲሼ ኢዛ ዋዬዛ ሻኬቲዛይሳ ቤሴስ። 2:12 ኦር 6:4 2:13 ኤፌ 2:1-5 2:16 ኦር 14:1-6 2:19 ኤፌ 4:16 3:1 ማዛ 110:1

11 ኢንቴ ኢዛን ቃጸሬቲዳታ፤ ሄሲ ሄ ቃጸራዚካ ናጋራ ገዲዳ አሾ ቆፋ ዲጋናስ ከርስቶሳን ሃኒዳይሳ ኣቲን አሳ ኩሼን ሃኒቤና።

12 ጸንቃታን ኢዛራ ኢሲፊ ሞጌቲዳታ፤ ኢዛ ሃይቆፔ ዳንሲዳ ጳሳ ዋልቃን አማኒዲ ቃሴካ ኢዛራ ኢሲፊ ዳንዲዳታ።

13 ኢንቴ ካሴ ኢንቴ ሞርኒኔ ኢንቴ አሾ ናጋራ ሃናቴላ ኢንቴፊ ዲሳንታ ኣገዳ ገሻስ ሃይቂዳይታኮ ሺን ጸሲ ኢንቴና ከርስቶሳ ባጋራ ፓላዳስ፤ ኢንቴ ናጋራካ ኡባ አቶ ገዳስ።

14 ካሴ ኦና ሞቲሼኔ ኦናራ ኤቂቲሼ ዲዛ ሙሴ ዋጋን ኣጮ ሞቶስ ጳፊቲዳይሳ ቁጪ ዲገዳስ። ማስቃሌ ቦላ ቶርገዲ ኦ ቦላፊ ዲገዳስ።

15 ሃላቃታኔ ጎዳቲዛይታ ጎዳቴላ ኢስታፊ ዋላ ኤኪዳኔ ማስቃሌ ቦላ ሃይቂዳ ዳኒ ዳንዲዲ ዲኤቲዳይታ ቆንጪኡን ዩሺ ቤሲዳስ።

16 ሄሳ ገሻስ ሙሳን ዋይኮ ኡሻን፡ ኢሲፊ ቦንቸን ዋይኮ ኣገና ጳርኒኔ ሳምባታ ጋላስ ቦንቸ ገሻስ ኢንቴ ቦላ ኦኒካ ፐርዶፎ።

17 ሄይቲ ዉሪካ ቡር ያና ሃናታስ ኤሾታ ገዲሺን ዋና ኣሳቴላይ ገዲኮ ከርስቶሳ።

18 ቤሶንታ ኣሽኬቴላኔ ከታንቻታስ ጎይኖ ዶሲዛ አሲ ኦኒካ ኢንቴና ቆጲዲ ሚላ ኣሾንታ ማላ ናጌቲ፤ ሄሳ ማላ አሲ ባ ቤኢዳ ኣጉሞስ ዋጋይ ባይንዳ ባና ናሺሼ ሃዳ አሾ ቆፋን ኩሚዲ ኦቶሬቲስ።

19 ሄሳ ማላ አሳስ ሁኤ ገዲዳ ከርስቶሳራ ኣይኮ ጋይቶቴላካ ዳና፤ ኩሜላ ኣሳቴላ ሻያኒኔ ኮልሼን ኦይሴላ ዲቺዛ ሁኤይ ከርስቶሳ፤ ጸሲ ከርስቶሳ ኣሳቴላ ኩሜላ ዲቺዛይ ሄሳ ማላና።

ዋርዶ ቲሚርቴፊ ናጌቴላ

20 ሃይሳ ሃ ኣላሚዛ ዋጋስ ኢንቴ ከርስቶሳራ ሃይቂዳይታ ገዲኮ ሂስቲን ሃኢ ኣዛስ ሄ ዋጋስ ሃሪቴቲ?

21 ሄ ዋጋቲ ኦይኮፋ፡ ላጫ ቤዮፓ፤ ቦቾፋ ገዛይታ።

22 ሃይቲ ዉሪ አሳ ኣዛዘኒኔ አሳ ቲሚርቴን ዋጲዳ ዋጋታ ገዲዳ ገሻስ ኦሴቲዳፔ ጉዬ ጮ ጳያናስ ዳቴስ።

23 ሃ ኣዛዙቲ ባርካ ባፔ ሜጲ ኤኪዳ ጎይኖ ቆፋይ ጮ ቤሶንታ ኣሽኬቴላኔ ባ ኣሳቴላ ናቂ ኦይሳን ኢስታስ ቱሙ ኣጶ ኤራቴላ ዲዛይታ ሚሳቴቴስ፤ ገደ ኣቲን አሾ ኣሞቴላ ሺሺ ኦይኪዛ ዋልቃይ ኢስታስ ባ።

3

ገሻቴላ ዲሳስ ማዲዛ ዋጋ

1 ሂስቲኮ ኢንቴ ከርስቶሳራ ኢሲፊ ዳንዲዳይታ ገዲኮ ከርስቶሲ ጳሳ ኣቻን ኡቲዳሶሆን ፑዳን ዲዛ ሃናቴላ ኮዩቲ።

2 ኢንቴ ቆፋይ ፑዳ ቦላን ዲዛ ሚሻ ቦላ ገደ ኣቲን ሃ ቢታ ዮኦ ቦላ ገደፖ።

3 ጋሪይካ ኢንቴ ሃይቂዳታኔ ኢንቴ ዳኦይካ ከርስቶሳራ ጳሳ ኣቻን ቆቴቲዳስ።

4 ኢንቴስ ዳኦ ገዲዳ ኪርሰቶሲ ቆንጨዛ ጋላስ ኢንቴካ ሄ ዋዴ ኢዛራ ኢሲፌ ቦንቸራ ቆንጨና።
 5 ሄሳ ገሻሰ ኢንቴስ ቢታ ቦላ ዲዛ ኣሞቴል ዲጊቴ፤ ሄይቲካ ላይማ፣ ቱናቴል፣ ኣሾ ኣሞ፣ ኢታ ኣሞቴል፤ ኤቃሰ ጎይኖ ማላ ገዲዳ ጋጺጋጸ።
 6 ሄይታንታ ጋሶን ጸሳ ሃንቆይ ጸሳስ ኣዛዜቶንታይታ ቦላ ያና።
 7 ኢንቴካ ካሴ ዲዛ ዲሳን ሄ ሚሻታ ኦሊዳታ።
 8 ሃኢ ገዲኮ ሃንቆ፣ ዩሎ፣ ጫሼ፣ ዘጊርሲኔ ዩላሲዛ ሃሳያ ሄይታንታ ሚሳቲዛይታ ኡባ ዲጊቴ።
 9 ካሴ ጩጋ ኣሳቴል ኢዛ ኦሶራ ጋላ ኢንቴፌ ቃሪ ዩጊዳ ገሻሰ ኢንቴ ኢንቴ ጋርሳን ኢሶይ ኢሳራ ዋርዶ ሃሳዮፕቴ።
 10 ባና ሜዲዳይሳ ሚሳታና ማላ ኤራን ኦራዲዳ ኦራላ ኣሳቴል ማይኢዳታ።
 11 ሄን ገሪኬ ኣሰ ገዲን ዋይኮ ኣይሁዳ ኣሰ ዋይኮ ቃጸሬቲዳይታ ዋይኮ ቃጸሬቶንታይታ ዋይኮ ታማርዳይታ፤ ታማርንታይታ ዋይኮ ማሪቶንታይታ ዋይኮ ኣይሌ ዋይኮ ጎቃ ጌቴቲዛ ዲማቴል ዳና፤ ኪርሰቶሲ ሄይታንታ ኡባሳ፤ ቃሴ ኡባንካ ዳስ። *
 12 ሄሳ ገሻሰ ዲማ ገዲዲ ደሴቲዳይቶ! ኢንቴ ጸሳስ ደሬቲዳይታ ገዲዳ ማላ ሚሹቴል፤ ኪያቴል፣ ኣሽኬቴል፣ ቦንቸኔ ዳንዳያ ማይኢቴ።
 13 ኢንቴ ኢሶይ ኢሳ ዳንዳይቴ፤ ኢንቴፌ ኢሳይይ ኢሳይ ቦላ ሚሹቴኮ የኦይካ ኢዛ ቦላ ዲኮ ኢሶይ ኢሳስ ኣቶ ኣቶ ጌቴቲቴ፤ ጎዳይካ ኢንቴስ ኣቶ ገዲ ማላ ኢንቴካ ሃራ ኣሳሰ ኣቶ ጊቴ።
 14 ሄሳ ኡባ ቦላ ኩሜላ ኢሲፌቴላን ሺሺ ቃቺዛ ሲቆ ማይኢቴ።
 15 ኢንቴ ወሪካ ኢሲ ኣሾ ገዲዲ ሳርቴላስ ጸይጌቲዳ ኪርሰቶሳ ሳርቴል ኢንቴ ዋዚናን ካዋቶ፤ ኢንቴ ጋላቲዛይታ ገዲቴ።
 16 ኪርሰቶሳ ቃላይ ኢንቴናን ኩሜል ገደ፤ ኢንቴ ኢንቴ ጋርሳን ኣጼ ኤራቴላን ታማርቴኔ ዘሬቴቴ፤ ዩላኒኔ ሳባን ኣያና ዩላን ጋላታራ ጋላ ኢንቴ ዋዚናራ ጸሳስ ዩጸቴ።
 17 ኢዛ ባጋራ ጸሳ ኣዋሰ ጋላታ ሺሺሺ ቃላን ገዲን ዋይኮ ኦሶን ኢንቴ ኦሊዳይሳ ኡባ ጎዳ ዩሴሳ ሱንላን ኦሊቴ።
ኣማኒዛ ኣሳይ ባሶ ኣሳ ካሌሊዛ ዋጋ
 18 ማቼቶ! ጎዳ ኣቻን ኢንቴስ ቤሲዛ ሚሽ ገዲዳ ገሻሰ ኢንቴ ኣዚናታስ ኣዛዜቴ።
 19 ኣዚናቶ! ኢንቴ ኢንቴ ማቼታ ሲቁቴኔ ኢሰታስ ማንጾ ኢቶፕቴ።
 20 ናይቶ! ኢንቴ ጎዳ ኡፋይሳና ማላ ኢንቴ ኢንቴና ዩሊዳይታስ ኡባ ሚሻን ኣዛዜቴ።
 21 ኣዋቶ! ናይቲ ሂደታ ቃንጾንታ ማላ ኢንቴ ናይታ ሃንቁላፍቴ።
 22 ኣይሌቶ! ኣሰ ኡፋይሳናሲኔ ጮ ኣይፊሶን ቤታናስ ገዲንታ ሱሬ ዋዚናፕ ኢንቴ ጎዳስ ባቢቴ፤ ሃይሳ ሃ ቢታን ሃሪዛ ጎዳታሰካ ሃኖ ኡባን ኣዛዜቴ።

23 ኢንቴ ኦሊዛ ሚሽ ኡባ ኣሳሰ ገዲንታ ጎዳስ ኦሊዛ ማላ ታይቢዲ ኩሜላ ዋዚናፕ ኦሊቴ።
 24 ኢንቴ ጎዳ ኣቻፌ ኢንቴ ኦሶ ማላ ኤካናስ ላታይ ዲዛይሳ ኢንቴ ኤሬታ፤ ኢንቴ ኦሊዛይ ጎዳ ዩሴሰ ኪርሰቶሳ።
 25 ቆሆ ኦሊዳይይ ባ ኦሊዳሪ ኩሼ ኤካና፤ ኢዛ ኣቻን ዲማ ማይይ ዳና።

4

1 ጎዳቶ! ኢንቴስ ሳሎን ጎዳይ ዲዛይሳ ኢንቴ ኤሪዛ ገሻሰ ኢንቴስ ኦሊዛይታስ ቱማኒኔ ሱሬቴላን ኦሊቴ።

ጉጂ ዘሬ

2 ቤጊዲ ጋላታራ ጋላ ፓጩይ ባይንዳ ጸሳ ዋሲቴ።
 3 ታ ኢዛ ገሻሰ ቃሹቲዳ ኪርሰቶሳ ጸራ ኣዋጅናስ ዳንዳያና ማላ ጸሲ ኦስ ቃላ የታናስ ኦጌ ደያና ማላ ኦ ገሻሰካ ዋሲቴ።
 4 ቃሴካ ሃሳያናስ ቤሲዛ ቃላ ቆንጨን ታ ሃሳያና ማላ ታስ ዋሲቴ።
 5 ኣማርንታ ኣሳታራ ኢንቴስ ዲዛ ሃኖቴላን ኣጼ ኤራቴላን ሲሜሬቴቴ፤ ኢንቴስ ቤቴዳ ሎኦ ቃዳን ጎኤቴቴ።
 6 ኢሶይ ኢሳስ ኢንቴ ዛር ዋሰቲ ኢማናኮ ኢንቴ ኤራና ማላ ኢንቴ ሃሳያይ ማጺኔራ ካጺዳ ካላ ማላ ማልኦ ገደ።

ወርሴላ ሳርካ

7 ቲቁቆሲ ታ ዲሳ ገሻሰ ወርሴ ኢንቴስ የታና፤ ኢዚ ዳር ደሴቲዳ ኢሻኔ ጎዳስ ታናራ ኢሲፌ ኦሊዛ ኣማኔቲዳ ኦሳንቻ።
 8 ኦ ዲሳ ገሻሰ ኢንቴ ኤራና ማላኔ ኢንቴ ዋዚና ሚንላና ማላ ታኒ ኢዛ ኢንቴኮ ኪታዲስ።
 9 ኢዚ ኢንቴ ባጋ ገዲዲ ኣማኔቲዳይይ ደሴቲዳይ ገዲዳ ኦ ኢሻ ኣናሰሞሳራ ኢንቴኮ ያና፤ ኢሰቲካ ሃን ዲዛ ሃኖዛ ኡባ ኢንቴስ የታና።
 10 ባርናባሳ ኣዋ ሚቼይ ና ማርቆሲኔ ታናራ ኢሲፌ ቃሹቲዳ ኣርጺርኮሲ ኢንቴና ሳር ጌቴስ። ማርቆሳ ገሻሰ ኢንቴ ኣይ ኦላናኮ ካሴ ኢንቴና ታ ቆፍሳ ዋሊዳ ማላ ኢዚ ኢንቴኮ ጋኪሺን ኢዛ ሞኪ ኤኮቴ።
 11 ኢዮሰጸሳ ጌቴቲዛ ኢያሶይካ ኢንቴና ሳር ጌሰ፤ ኣይሁዳ ኣሳ ገደፌ ጸሳ ካዋቴላስ ታናራ ኦሊዛይቲ ሃይታንታ ጸላ፤ ኢሰቲ ታና ሚንሌላዳ።
 12 ኢንቴ ባጋፌ ገዲዳ ዩሴሰ ኪርሰቶሳ ኦሳንቻ ኤጳፊራይ ኢንቴና ሳር ጌሰ፤ ኢዚካ ኢንቴና ኣያና ዲሳን ሎኤል ሚኒዲ ሙሌራ ዋፑ ገዲ ጸሳ ሼኔን ሚኒ ኤቃና ማላ ኡባ ዋዴ ኢንቴ ገሻሰ ዋሳን ባጾቴስ።
 13 ቃሴካ ኢንቴ ገሻሰ ሃሳያካ ሎዶቁያኒኔ ኢያርገሊሴ ካታማን ዲዛይታስ ኢዚ ፓጩይ ባይንዳ ኦሊዛይሳ ታ ኢዛ ገሻሰ ማርካታይስ።
 14 ዳር ደሴቲዳ ኣኪሜ ሉቃሲኔ ዳማሲ ኢንቴና ሳር ጌቴስ።

3:9 ኤፌ 4:22 3:10 ኤፌ 4:24፤ ሜዴ 1:26 * 3:11 ታማርዳይታ፤ ታማርንታይታ ገዛይሲ ካሴ ኮይር ገሪኬ ቃላን ባርባሪያኔ ኣሲኩቴ ጉሲ ገዲሺን ኢዚካ ዋራ ገደፌ ዩዳ ኣሳታኔ ገሪኬ ቃላ ኤርንታይታ ቤሴስ 3:12 ኤፌ 4:2 3:13 ኤፌ 4:32 3:18 ኤፌ 5:22፤ 1ጴጵ 3:1 3:19 ኤፌ 5:25፤ 1ጴጵ 3:7 3:20 ኤፌ 6:1 3:21 ኤፌ 6:4 3:22 ኤፌ 6:5-8 3:25 ዛሬ 10:17፤ ኤፌ 6:9 4:1 ኤፌ 6:9 4:5 ኤፌ 5:16 4:7 ሃዋ 20:4፤ 2ጸሎ 4:12 4:9 ፒልሞ 10-12 4:10 ሃዋ 12:12፤25፤ 13:13፤ 15:37-39፤ 19:29፤ 27:2፤ ፒልሞ 24 4:12 ቆላ 1:7፤ ፒልሞ 23 4:14 2ጸሎ 4:10-11፤ ፒልሞ 24 * 4:15 ኒሞፑሲሲኔ ኢዚ ኬላን ዲዛሪስ ገዛይሳ ኢሲ ኢሲ ቢርሽላ ማጸፋቲ ኒሞፑሲሲኔ ኢዚ ኬላን ሸቁዛ ኣማኒዛ ኣሳታ ጌቴስ

15 ሎዶቂያን ዲዛ ኑ አሻታሰ፣ ኒምፑሲኔ ኢዚ ኬላን ሸቂዛ አማኒዛ አሳታሰ ታ ሳሮካ ዮቴቴ። *

16 ሃና ታ ኪታያ ኢንቴሰ ናባቤቴዳ ማላ ቃሴካ ሎዶቂያን ዲዛ ዋሳ ኬላይን ናባቤታና ማላ ኦሊቴ፤ ኢንቴካ ቃሴ ሎዶቂያቴ ኢንቴሰ ኪቴቴዳ ኪታ ናባቢቴ።

17 አሪኪጸሴሰ፣ «ኔኒ ጎዳቴ ኤኪዳ ኦሶዛ ወርሴሰ ጋላናሰ ማና» ጌቴ።

18 ሃይሳ ሳሮካ ታኒ ጳወሎሲ ታ ኩሼራ ጸፋዲሰ፤ ታ ቃሼታ ዲዛይሳ ዶጎፕቴ፤ ጸሳ ኪያቴላ ኢንቴናራ ጊዶ።

ጳውሎስ ታሶሎንቄ አሳሰ ጳፊዳ ኮይሮ ኪታ ጊዶ ቆፋ

ታሶሎንቄይ ማቅደኒያ ጌቲቲዛ ኦሮሜስ ዋና ካታማ። ጳውሎስ ታሶሎንቄ ዋሳ ከጻዮ ኤሲዲይ ፒሊጲሲዮሴ ዩጊ ቢዳፔ ጉዩና። ሄራካ ኢሲ አገና ኩዋንታ ዲሺን አይሁዳቲ ኢዚ ፒሊጲሲዮሴ ዩጊ ቢዳይሳ ሲዩዳ፤ ሄሳ ጊሻሰ ጳውሎስ ኢስታሰ ጳፊዳ ባ ኪታዛን ሚሺራቾ ቃላ ቃንጻራ ቆንጨሲዳ። (1:9-10) ኢስቲካ አይሁዳታ አማኖ ኤካናስ ማቲ ኡቲዳ አይዘቤቲ ጳውሎስ ዮቲዛ አማኖን ዋዚና ቦሽቲዳ። ሄሳ ጊሻሰ አይሁዳቲ ቃናቲቲጻን ጳውሎሳ ቦላ ፓላማ ዳንጼዳ፤ ሄሳ ጊሻሰ ጳውሎስ ታሶሎንቄ ዩጊዲ ጌዴ ቤሪያ ባናይሲ ኢዛስ ማኔ ጊዲዳ። ጉሳ ጋምኢሽ ቆሮንቶሴ ካታማ ቢ ጋኪዳ ማላ ጸምቶሲ ዋሳ ከጻይ ሃኒዛይሳ ወርሲካ ኢዛስ ዮቲዳ።

ጳውሎስ ኮይሮ ኪታ ታሶሎንቄ አሳሰ ጳፊዳይ አማኒዛይታ ዳንጼጻናሲኔ ሚንጼጻናሳ፤ ኢዚ ኢስታ ሎኦ አማኖ ጊሻሲኔ ኢስታ ሲቆቲላ ጊሻሰ ሎኦ ዋሬ ሲዩዳ ጸሰ ጋላቲዳ። ካሴ ጳውሎስ ኢስታራ ዲዛ ዋዴ ኢዚ ኢስታራ አይ ማላ ዲሰ ዳኢዳኮ ኢስታ ቆፍሴሰ፤ ሄሳፊካ ኪርሰቶሳስ ናምኣንጻ ዩሳ ጊሻሰ ዳንዲዳ አይሻታሰ ዘሮ አሚሰ።

ሄ አይሻታፔ ባጋይቲ፣ «ኪርሰቶሲ ሃ ሲሚ ያናፔ ካሴቲዲ ካሴ ሃይቆዳ አማኒዛ አሳይ ኪርሰቶሳ ዩሳን ቤቲዛ ማርና ዴኔ ዳማኔ?» ጊዛይታ። ጳውሎሲካ ሄሳ ጋሶ ሂሰቲዳ፣ «ኪርሰቶሳስ ናምኣንጻ ዩሳ ቲሚርቲዛ ሂደታን ናጊሼ ሄ ዋዴ ጋካናስ ጮኡ ጊዲ ኢንቲ ኦሶ ኦሊቲ» ጊዲ ኢስታ ዘሬሰ።

ሃ ማጻፋይ ኦይኪዳ ኩሜላ ቆፋ

- ጌሎሶ 1:1
- ጳውሎሳ ኡፋይሲኔ ኢዛ ጋላታ 1:2—3:13
- አማኒዛ አሳይ ካሳና ዋጋ 4:1-12
- ኪርሰቶሲ ናምኣንጻ ያና ዩሳ ጊሻሰ አሜቲዳ ቲሚርቲ 4:13—5:11
- ወርሴላ ዘሬ 5:12-22
- ኩሻ ቆፋ 5:23-28

1 ጳውሎሳፔ፣ ሲልዋኖሳፔኔ ጸምቶሳፔ፤ ጸሳ አዋሲኔ ጎዳ ዩሴሰ ኪርሰቶሳይታ ጊዲዳ ታሶሎንቄን ዲዛ አማኒዛ አሳሰ ኦ አዋ ጸሳፊኔ ጎዳ ዩሴሰ ኪርሰቶሳ ኪያቴሊኔ ሳርቴሊ ኢንቲሰ ጊዶ።

ታሶሎንቄን አማኒዛ አሳ አማኖ ጊሻሰ ሸቂዳ ጋላታ
2 ኦ ኢንቲና ኦ ዋሳን ቆፒሼ ኡባ ዋዴ ጸሳ ኢንቲ ጊሻሰ ጋላቶሰ።

3 አማኖኒኔ ሚኖ ሲቆቲጻን ኢንቲ ኦሊዳ ኦሶ ጊሻሰ ጎዳ ዩሴሰ ኪርሰቶሳ ቦላ ዲዛ ኢንቲ ሚኖ ሂደታን ቤቲዳ ኢንቲ ሚኖቴላ ጊሻሰ ኦ ጎዳ ጸሳ፣ ኦ አዋ ሲንጻን ኡባ ጋላሰ ኢንቲ ጊሻሰ ቆፖሰ።

4 ጸሳን ዶሴቲዳ ኦ ኢሻቶ! ኢዚ ኢንቲና ዶሪዳይሳ ኦ ኤርሰ።

5 ጋሶይካ ሚሺራቾ ቃላይ ኢንቲኮ ዩዳይ ዋልቃራ ጲሎ አያናኒኔ ሎኤሊ ሻኪ ኤሪን ኣቲን ጮ ቃላ ጸላን ጊዳና፤ ቃሴካ ኦ ኢንቲ ጊሻሰ ጊዲ ዋኒ ዳኢዳኮ ኢንቲ ኤሪታ።

6 ሃኢ ኢንቲ ኦናኔ ጎዳ ሚሳቲዳታ፤ ኢንቲ ቦላ አይ ማቶይ ጋኪዳ ጊዲኮካ ጲሎ አያና ኡፋይሳን ቃላ ኢንቲ ኤኪዳታ።

7 ሄሳፊ ዳንዲዳይሳን ኢንቲ ማቅደኒያኒኔ አካያን አማኒዛ አሳ ኡባሰ ሎኦ ለሚሶታ ጊዲዳታ።

8 ጎዳ ቃላይ ኢንቲፊ ኬዚዲ ማቅደኒያኒኔ አካያን ሲዩቴላ ጸላ ጊደንታ ኢንቲሰ ጸሳ ቦላ ዲዛ አማኖይ ኡባሰን ኤሬቲዳሰ፤ ሄሳ ጊሻሰ ኦ ኢንቲሰ ዮታናሰ አይኮካ ኮሺና።

9 ኢንቲ ኦና ዋሰቲ ሞኪ ኤኪዳኮኔ ዳኦን ዲዛ ቲሙ ጸሳሰ ኦላናሰ ኢንቲ ኤቃታፔ ጸሳኮ ዋኒ ሲሚዳኮ አሳይ ኢንቲ ጊሻሰ ሃሳዬሰ።

10 ቃሴካ ጸሲ ሃይቆፔ ዳንጼዳይሳ ቡሮ ያና ሃንቆፊ ኦና አሻና ሳሎፔ ያና ጸሳ ና ዩሴሳ ዩሳ ኢንቲ ዋሰቲ ናጊዛኮ አሳይ ሃሳዬሰ።

2

ታሶሎንቄን ጳውሎሳ ኦሶ

1 ኦ ኢሻቶ! ኦ ኢንቲኮን ጋምኢዳ ጋምኦይ ሃዳ ጊደንታይሳ ኢንቲካ ኤሬታ።

2 ኢንቲካ ኤሪዛይሳ ማላ ሃይሳፊ ካሴ ፒሊጲሲዮሴን ኦ ዋዬኔ ማቶ ቤኢዳሲኔ ጫዩቲዳሰ፤ ጊዶ ኣቲን አይኔ ሚኖ ዋዬይ ኦና ጋኪኮካ ጸሳ ሚሺራቾ ቃላ ኢንቲሰ ዮታናሰ ኦ ጎዳፔ ጸላቴላ ዳሚደሰ።

3 ኦ ኢንቲና ዘሪዳ ዘሬይ ኢታ ቆፋራ ዋይኮ ኢንቲና ባሌላናሰ ኮዩዲ ጊዳና።

4 ጊዶ ኣቲን ኦ ሚሺራቾ ቃላ ሃዳራ ኤካናሰ ዳንዳይዛ አሳታ ማላ ጸሲ ኦና ቆዲዳ ጊሻሰ ኦ ሃሳዮሰ፤ ሄሳካ ኦ ኦሊዛይ ኦ ዋዚና ፓጩ ኤሪዛ ጸሳ ኡፋይሳናሰ ኣቲን ኣሰ ኡፋይሳናሰ ጊዲ ጊዳና።

5 ኦ ሙሊካ ባሌላ ቃላ ዮቲቤኮ ዋይኮ ኦ ኡዜቴላ ካማናሰ ጊዲ ባሌላ ሃኖ ኦ ሃናንታይሳ ኢንቲ ኤሬታ፤ ሃይሳሰካ ኦ ማርካይ ጸሳ።

6 ኢንቲፊ ጊዲን ዋይኮ ሃራታፔ ኦናፔካ አሳፔ አሚቲዛ ቦንቾ ኦ ኮዩቤኮ።

7 ኦ ኪርሰቶሲ ከቲዳይታ ጊዲዳ ጊሻሰ ኢንቲሰ ቶሆ ጊዳናሰ ዳንዳዮሰ፤ ጊዶ ኣቲን አያ ባ ናይታ ዲቺዛ ማላ ኮኒካ ኢንቲ ጊደን አሸኬቴላን ሲሜሬቲደሰ።

8 ጸሳ ቃላ ጸላ ጊደንታ ዲሺን ኦ ሸምፖካ ኢንቲ ጊሻሰ ኡፋይሳን አማኖ ጋካናሰ ኢንቲና ሲቂደሰ፤ ጋሶይካ ኦ ኢንቲና ዳሮ ሲቂዳ ጊሻሳ።

9 ኦ ኢሻቶ! ኦ ዳፊቴላኔ ኦ ዳቡራ ኢንቲ ኤሬታ፤ ኦናሰካ ቶሆ ጊደንታ ማላ ቃማኔ ጋላሰ ኦሰ ኦሊሼ ሚሺራቾ ቃላ ኢንቲሰ ዮቲደሰ።

10 ኦ ኢንቲናራ አማኒዛይታራ ዲዛ ዋዴ ጲሎቴላኒኔ ጌሻቴላን ቃሴካ ዋሶይ ባይንዳ ኦ ዋኒ ዳኢዳኮ ኢንቲካ ጸሲካ ኦሰ ማርካ።

11 አዋይ ባ ናይታሰ ሃኒዛ ማላ ኮኒካ ኢንቲሰ ኢሳሰ ኢሳሰ አይ ሃኒዳኮ ኢንቲ ኤሬታ።

12 እንቲ እንቲና ባ ካዎቲላሰኔ ባ ቦንቸሰ ዴይጊዳ ጸሳሰ ቤሲዛ ማላ እንቲ ዳና ማላ ኑ እንቲና ማንሳደሰ፤ ሎኤላ ዘሪደሰኔ ሃዳራ ጊደሰ።

13 እንቲ ኑፔ ሰዪዳ ጸሳ ቃላ ኤኪዳ ዎዴ አማኒዛ እንቲ አቻን ቱሙ ኦላዚ ዳሳ ቃላ ማላ ኤኪዳታ ኣቲን ጮ ኣሳ ቃላ ማላ እንቲ ኤኮንታ ኣጊዳ ጊሻሰ ኑኒ ጸሳ ቃንጸይ ባይንዳ ጋላቶስ።

14 ኑ አሻቶ! የሁዳ ቢታን ዩሱሰ ኪርሰቶሳ አማኒዛ ጸሳ ዎሳ ኬላታ ማሳቲዳታ፤ ኢሰቲ አይሁዳታፔ ማቶኔ ዎዩ ኤኪዳ ማላ እንቲካ እንቲ ኣሳፔ ዎዩ ኤኪዳታ።

15 ኢሰቲ ጎዳ ዩሱሳኔ ካሴ ናቤታካ ዎዲዳ፤ ኑናካ ጎዲዳ፤ ጸሳካ ኡፋይሲቤቴና፤ ኣሰ ኡባራ ኤቁቲዛይታ ጊዲዳ።

16 ሄሲካ አይዛቤቲ ሰዪዲ ኣታና ቃላ ኑ ኢሰታሰ ዮቶንታ ማላ ዲጋናሳ፤ ሄሳ ማላ ኦሶን ባ ናጋራ ኡባ ዎዴ ባ ቦላ ወርሴላ ጋካናሰ ጉጂ ጉጂ ቤቴሰ፤ ጸሳ ሃንቆይካ ኢሰታ ቦላ ዎዲዳ።

ጳውሎሲ ታሰሎንቄ አሳ ቤያናሰ ላሞቴላ

17 ጊዲኮካ ኑ አሻቶ! ኑ ጉላ ዎዴሰ እንቲፊ ኣያናን ጊደንታ ኣሾን ሻኬቲኮካ እንቲ ላሞታይ ኑና ዎዲዛ ጊሻሰ እንቲ ኣይፊሶ ቤያናሰ ዳር ዳፊቴላን ደሰ።

18 ኑ እንቲኮ ባናሰ ዳር ላሞቲደሰ ሺን ሃራፔካ ታ ጳውሎሲ ዳር ዎዴ ዳፊታዲሰ ሺን ጸላኤይ ኑና ዲጊደሰ።

19 ጎዳ ዩሱሲ ሃ ዪዛ ዎዴ ኢዛ ሰንላን ኑ ሂደታይ ዎይኮ ኑ ኡፋይሲ ዎይኮ ኑ ዛወዴይ ኑሰ እንቲፊ ሃራይ ኦኔ?

20 ቱማፔካ ኑ ኡፋይሲኔ ኑ ቦንቸይ እንቲና።

3

1 ሄሳ ጊሻሰ ኑሰ ዳንዳዬቶንታ ኢጲን ሄ ዎዴ ኣቴናን ኑርካ ኑ ኣታናይሲ ኑሰ ሎኦ ጊዲ ቤቴደሰ።

2 እንቲና አማኖን ማንሳና ማላ ኑናራ ኣሳሰ ኪርሰቶሳ ማሻራቸ ቃላ ዮቲዛ ጸሳ ኣሽካራ ጊዲዳ ጸምቶሳ እንቲኮ ዩዲደሰ።

3 ሄሲካ ሃይሳ ፓጮዛን ኦኒካ አማኖፔ ቃንጸንታ ማላሳ፤ ኑኒካ ሃይሳሰ ደራቲዳይሳ እንቲካ ኤሪታ።

4 ኑ ቃሴ እንቲናራ ዲዛ ዎዴ ዎዩይ ኑ ቦላ ጋካናይሳ ካሴቲዲ እንቲሰ ዮቲደሰ፤ እንቲ ኤሪዛ ማላካ ሃኒደሰ።

5 ሄሳ ጊሻሰ ታ ኣይኮካ ገንጮጫን ታሰ ዳንዳዬቶንታ ኢጲዳ ጊሻሰ እንቲ አማኖ ጊሻሰ ኤራናሰ ጋዳ ጸምቶሳ ኪታዲሰ፤ ታ ሄሳ ኦላዳይ ኦኔ ኤሪዛይ ፓጪዛይይ ኢሰታ ፓጪን ሃኒ ዎዴ ኑ ዳቡራይ ወሪካ ሃዳ ጊደንታ ኣጌና ጋዳ ባቢዳ ጊሻሳ።

ጸምቶሲ ኤኪ ዪዳ ማንሳደሰ ቃላ

6 ሃኢ ቃሴ ጸምቶሲ እንቲ ኣቻፊ ኑኮ ዪዲ እንቲ አማኖ ጊሻሲኔ እንቲ ሰቆቴላ ጊሻሰ ሎኦ ዎሬ ኑና ሲሲደሰ። ቃሴካ እንቲ ኡባ ዎዴ ኑና ሎኤላ ቆፒዛይሳኔ ኑኒካ እንቲና ቤያናሰ ላሞቲዛ ማላ እንቲካ ኑና ቤያናሰ ላሞቲዛይሳ ኑሰ ዮቲደሰ።

7 ሄሳ ጊሻሰ ኑ አሻቶ! ኑ ዲዛይ ዎዩኒኔ ማቶ ጋርሳን ጊዲኮካ እንቲ አማኖ ጋሶን እንቲናን ሃኢ ኑ ማኔቶሰ።

8 እንቲ ጎዳን ማኒ ኤቁዳ ጊሻሰ ቱማፔ ሃኢ ኑ ፓጸ ዳና።

9 እንቲ ጋሶን ኑ ጸሳ ሲንላን ኑ ዳሚዳ ኡባ ኡፋይሳ ጊሻሰ ጸሳ ኣይ ማላ ጋላታናሰ ዳንዳይዚ?

10 ቃሴካ ኑ እንቲና ቤያናሲኔ እንቲ አማኖፔ ፓጪዳይሳ ኩንላናሰ ኦማርሲኔ ጋላሰ ኬሂ ዎሶሰ።

11 ሃኢካ ኑ እንቲኮ ባና ማላ ኑ ኣዎይ ጸሲ ጎዳ ዩሱሰ ኪርሰቶሲ ኦጌዛ ኢዚ ኑሰ ሱሪሶ።

12 ኑ እንቲና ሲቁዛ ማላ እንቲሰ እንቲ ጋርሳን ዲዛ ሲቆኔ እንቲ ሃራታ ሲቁዛ ሲቆዛ ጎዳይ ዳሪሶኔ ኬሂ ጉጂ።

13 ኑ ጎዳ ዩሱሰ ኪርሰቶሲ ጌሻታ ኡባታራ ዪዛ ዎዴ ኑ ኣዎ ጎዳ ጸሳ ሲንላን እንቲ ዎሶይ ባይንዳይታኔ ጌሻታ ጊዲዲ ቤታና ማላ እንቲ ዎዚና ኢዚ ማንሳ።

4

ጸሰ ኡፋይሲዛ ዲሰ

1 ሃኢ ወርሴላን ታ አሻቶ! እንቲ ጸሳ ኡፋይሳናሰ እንቲ ዎኒ ዎኒ ዳና ቤሲዛኮ ኑ እንቲና ታማርሲደሰ፤ ቱማፔካ ኑ ታማርሲዳ ማላ ዳታ፤ ሄሳ ጊሻሰ ጎዳ ዩሱሰ ኪርሰቶሳን ኑ እንቲና ዎሲዛይኔ ዘሪዛይ ሃይሳፊካ ኣዲዛ ሃናራ እንቲ ሲንሴ ጉጂና ማላሳ።

2 ጎዳ ዩሱሰ ኪርሰቶሳ ዎልቃን ኑ እንቲሰ ኣይ ኣዛዘ አሚዳኮ እንቲ ኤሪታ።

3 ጸሳ ሼኔይ እንቲ ላይማፔ ሃኪዲ ዲማታናሳ።

4 ቃሴ ኢሲ ኢሲ ኣሳይ ባ ማቸ ጌሻቴላኒኔ ቦንቸን ኣይሶ ቤሲዛይሳ ሻኪ ኤር።

5 ሄሲካ ጸሰ አማኖንታ ኣይዛቤታ ማላ ላይማ ቃቃቴላን ጊደፖ።

6 ሄሳ ማላን ኦኒካ ባሌቲዲ ባ አሻ ባሌላፎ፤ ጋሶይካ ሃይሳፊ ካሴ ኑ እንቲሰ ዮቲዳ ማላኔ ናጌታናሰ ኣኬኪሲዳ ማላ ጎዳይ ሄይታንታ ማላ ናጋራ ኦላዚ ኡባታ ቦላ ባ ሃንቆ ኤሃና።

7 ጸሲ ኑና ጌሻቴላሰ ዴይጊደሰ ኣቲን ቱናቴላሰ ዴይጊቤና።

8 ሄሳ ጊሻሰ ሃይሳ ሃ ዘሪዛ ካዲዲ ኤኮንታዴይ ጲሎ ኣያና ኢዛሰ አሚዳ ጸሳ ካዴሰ ኣቲን ኣሰ ካዲዛይ ጊደና።

9 አሻታ ሲቆቴላ ጊሻሰ እንቲሰ ኦኒካ ጸፋናሰ ኮሼና፤ ጋሶይካ እንቲ እንቲ ጊደን ሲቁታና ማላ እንቲ እንቲ ባጋራ ጸሳፊ ታማርዴታ።

10 ኩሚላ ማቁዲኒያን ዲዛ አማኒዛ ኣሳ እንቲ ኡባ ሲቁዛይሲ ኤሪቲዳይሳ፤ ጊደ ኣቲን ኑ አሻቶ! ሲንላ ባጋን እንቲ ሃይሳፊ ኣላ ሲቁታና ማላ ኑ እንቲና ዘርሰ።

11 ኑ ሃይሳፊ ካሴ እንቲና ኣዛዚዳ ማላ እንቲ እንቲ ኩሼራ ኦላቴ፤ ዎፑ ጊ ዲቴ፤ እንቲሰ ጊዲዛይሳ ሎኤላ ዴሊቴ።

12 ሄሲካ ጋላሰ ጋላሰ እንቲ ዳሳይ ሃንኮ አማኖንታ ኣሳ ኣቻን እንቲና ቦንቸሳና ማላኔ እንቲ ኣይ ኣሳሰካ ቶሆ ጊደንታ ማላሳ።

ጎዳሰ ናምኣንላ ዩሰ

13 ታ አሻቶ! እንቲ ኣሾን ሃይቁዳይታ ጊሻሰ ቱማ ኤራና ማላ ኑ ኮዮኮ፤ ቃሴካ ሂደታይ ባይንዳ ሃራ ኣሳታ ማላ እንቲ ካዮታና ማላ ኑ ኮዮኮ።

14 ዩሱሲ ሃይቂዲ ዳንዲዳይሳ ኑ አማኒዛ ጊዲኮ ዩሱሳ አማኒዳይታ ጸሲ ዩሱሳራ ሄሳላካ ዛሪ ሃ ዩዳና።
 15 ኑ ጎዳ ቃላን አንቴሰ ጊዛይ ሃይሳ፤ ኑኒ ሃይቆንታ ፓጻ ዲዛይቲኔ ጎዳይ ያና ጋካናሰ ጋምኣናይቲ ካሴ ሃይቂዳይታ፤ ሲንሳቶኮ።
 16 ጎዳይ ባ ሁኤራ ጊታ አዛዘን ኪታንቻታ ሃላቃ ጊሪሳራ ጸሳ ጸሩምባ ጊሪሳን ሳሎ፤ ዋቆና፤ ካሴ ኪርሰቶሳ አማኒዲ ሃይቂዳይቲ ኢሰቲ ካሴቲ ዳንዳና።
 17 ሄሳፌ ጉዬ ኑኒ ቃሴ ፓጻ ዲዛይቲ ጎዳ ጫርኮ ቦላ ጋጋናሰ ኢሰታራ ኢሲፌ ሻራራ ዳንዳና፤ ሄሳላካ ኑ ማርናሰ ጎዳራ ዳና።
 18 ሄሳ ጊሻሰ ሃ ቃላን ኢሶይ ኢሳራ ማኔቲቴ።

5

1 ታ አሻቶ! ሄሲ ሃናና ዋዴዛ ጊሻሰ ኑ አንቴሰ ጸፋናሰ ኮሼና።
 2 ካይሶይ ቃማን ዪዛ ማላ ጎዳ ጋላሲካ ሄሳ ማላ ያናይሳ አንቴ አንቴ ባጋራ ሎኤላ ኤሬታ።
 3 አሳይ፡ «ጋዴይ ሳርኔ ሎኦኮ» ጊሺን ማጻይ ቃንላራ ዲዛ ማጫሰ ኦይኪዛ ማላ ሄሳላካ እሰ ቆይሲዛይ ቆፖንታ ዲሺን አሳ ቦላ ጋካና፤ ኦኒካ ኬሲ ኤኬና።
 4 አንቴና አሻቶ! ሄ ጋላሳይ ካይሶ ማላ አንቴና ዲጋንላናሰ አንቴ ቆማን ዳኬታ።
 5 አንቴ ዉሪካ ፖኑ ናይታ፤ ኑኒ ቆማ ዋይኮ ቃማ ባጋታ ጊደኮ።
 6 ሂሰቲኮ ኦኔ ቤጎሰ፤ ኦኔ ኑርካ ኑና ሃርሰ ኦቲን ሃንኮ ቆሰኪዛ አሳ ማላ ኑኒካ ኦኔ ቆሰኮኮ።
 7 ቆሰኪዛይቲ ቃማራ ቆሰኬቴሰ፤ ማላቲዛይቲካ ቃማራ ማላቴቲሰ።
 8 ኑኒ ጊዲኮ ጋላሳ አሳታ ጊዲዳ ጊሻሰ አማኖኔ ሲቆ፡ ቲራን ማይኢዛ ጸሩሬ ማይኔ ማላ ማይኢዲ አቶቴላ ሂደታ ሁኤን ዋሊዛ ቢራታ ቆቤ ማላ ሁኤን ዋሊዲ ኦኔ ኑናቴላ ሃሪዲ ዳኦሰ።
 9 ጸሲ ኑ ጎዳ ዩሱሰ ኪርሰቶሳ ባጋራ አቶቴላ ዳማና ማላ ኦቲን ኑና ሃንቆሰ ጴይጊቤና።
 10 ኑ ሃይቂኮካ ዋይኮ ፓጻ ዲኮካ ኢዛራ ዳና ማላ ኢዚ ኑ ጊሻሰ ሃይቂዳሰ።
 11 ሄሳ ጊሻሰ ቱማፔ አንቴ ሃኢ ኦሊዛይሳ ማላካ ኢሶይ ኢሳራ ማኔቲቴኔ ማንሌላቴ።

ዉርሴላ ዘሬኔ ሳርካ

12 ሂሰቲኮ ታ አሻቶ! አንቴ ጊደን ማኒ ኦሊዛይታ ጎዳን አንቴፌ ቦላራ ዲዛ ሃላቃታኔ አንቴና ዘሪዛይታ አንቴ ቦንቻና ማላ ኑ አንቴና ዋሶሰ።
 13 ኢሰታ ኦሶ ጊሻሲካ ኢሰታ ሲቆራ ሎኤላ ቦንቹቴ፤ አንቴ አንቴ ጊደን ሳርካ ዲቴ።
 14 ታ አሻቶ! ኑ አንቴና፡ «ኦሶ ኦሶንታ አሳታ ሃንቁቲቴ፤ ባቢዛይታ ማንሌቴ፤ ዳቡራንቻታ ማዲቴ፤ አሰ ኡባ ዳንዳይቲ» ጊ ዘርሰ።
 15 ኦናሰካ ኢታ ጊሻሰ ኢታ ዘርንታ ማላ ናጌቲቴ፤ ጊደ ኦቲን አንቴ አንቴ ጊደን ጊዲን ሃራ አሳራ ጊዲን ኡባ ዋዴ ሎኦ ጊዲዛይሳ ኦላናሰ ባጴቲቴ።
 16 ኡባ ዋዴ ኡፋዬቲቴ።
 17 ቃንጸንታ ዋሰቴ።

18 አይ ሃናንካ ጋላቲቴ፤ ጸሳ ሼኔይ አንቴሰ ዩሱሰ ኪርሰቶሳ ባጋራ ሄሳ።
 19 ጸሎ ኣያና ታማ ቶይሶፍቴ።
 20 ቲንቢቲ ቃላ ካቶፒቴ።
 21 ዉርሴካ ፓጫ ጸሊቴ፤ ሎኦ ጊዲዳዝ ኦይኪቴ።
 22 ኢታ ጊዲዳ አይ ማሻፊካ ሃኪቴ።
 23 ሳርቴላ ጎዳይ ኢዚ ኡባ ማሻን አንቴና ዲማሶ፤ አንቴ ኣያናይ፡ አንቴ ሼምፖይኔ አንቴ አሻይ ጎዳ ዩሱሰ ኪርሰቶሰ ዪዛ ዋዴ ዋሶይ ባይንዳ ናጌቶ።
 24 አንቴና ጴይጊዳይሲ አማኔቲዳዴ ጊዲዳ ጊሻሰ ኢዚ ሄሳ ኦላና።
 25 ኑ አሻቶ! ኑ ጊሻሲካ ዋሰቴ።
 26 አማኒዛይታ ኡባ ጌሻ ዬሬቴላን ሳርኪቴ።
 27 ሃ ኪታይ አማኒዛይታሰ ኡባሰ ናባቤታና ማላ ጎዳ ሱንሳን ሃዳራ ጋይሰ።
 28 ኑ ጎዳ ዩሱሰ ኪርሰቶሳ ኦቶ ኪያቴላ አንቴናራ ጊደ።

**ጳውሎስ
ታሶሎንቄ አሳሰ
ጳፊዳ ናምኣንሉ ኪታ
ጊዶ ቆፋ**

ከርሰቶሲ ናምኣንሉ ያናይሳ ገሻሰ ኦይሻይኔ ኦሺ ደንዲዳ ገሻሰ ታሶሎንቄ ዋሳ ኬላ ጋርሳን ሜቶይ ዳሪ ዳሪ ቢዳስ። ጳውሎስ ታሶሎንቄ አሳሰ ጳፊዳ ናምኣንሉ ኪታይ፡ «ጎዳ ዩሳ ጋላሲ ማቲዳስ» ጊዛ አማኖ ቃላ ቆንጩሲ ዮተዳስ። ጳውሎስ ጳፊሽ ከርሰቶሲ ያናፕ ካሴቲዲ፡ «ማካላ አሰ» ጌቲቲዛይይ ከርሰቶሳራ ኤቁቲዛይይ ባሌሉን ሃይሳ አላሜዛ ቦላ ኢታቲሊኔ ማካላይ ዳሪ ዳሪ ባና ጉሳን ኢስታ አማኖ ጊሳናሰ ዳፊቲስ።

ናባቢዛይቲ ዋይይኔ ሜቶይ ኢስታ ቦላ ዳሪኮካ ኢስቲ ባ አማኖን ሚኒ ኤቃና ማላ ጳውሎስኔ ሃራቲ ኢዛራ ኢሲፊ ኦሊዛይቲ ኦሊዛ ማላ ኢስቲካ ባ ዲሳስ ኮሺዛይሳ ደማናሰ ሚኒ ኦላና ማላኔ ሎኦ ኦሶ ኦላናሰ አዛሎንታ ማላ ኢስታ ሎኤሊ ዘሬስ።

ሃ ማጻፋይ ኦይኪዳ ኩሜሳ ቆፋ

- ጌሎሶ 1:1-2
- ጋላታኔ ሃዳራ አም 1:3-12
- ከርሰቶሳ ናምኣንሉ ዩሳ ገሻሰ አሜቲዳ ቲሚርቲ 2:1-17
- አማኖን ዲሳ ገሻሰ አሜቲዳ ዘሬ 3:1-15
- ኩሻ ቆፋ 3:16-18

1 ጳውሎሳፕ፡ ሲልዋኖሳፕኔ ጸምቶሳፕ፤ ኦ አዋ ጸሳኒኔ ጎዳ ዩሱሰ ከርሰቶሳን ጊዲዳ ታሶሎንቄን አማኒዛ አሳሰ።
2 ጸሳ አዋፕኔ ጎዳ ዩሱሰ ከርሰቶሳፕ ኪያቲሊኔ ሳርቲሊ ኢንቲስ ጊዶ።

ጋላታኔ ዋሳ

3 ታ አሻቶ! ኢንቲ አማኖይ ዋይፕ ዋይን ዲጪ ዲጪ ቢዛ ገሻሰኔ ኢንቲ ሲቆይካ ካሴፕ ጉጃቲ ጉጃቲ ቢዛ ገሻሰ ኦ ኢንቲ ገሻሰ ጸሳ ሎኤሊ ጋላታናሰ ቤሴስ።
4 ሃሳ ገሻሰ ኢንቲ ቦላ ጋኪዳ ጎይቲላኒኔ ሜቶ ኡባን ኢንቲ ሚኒዳ ገሻሰ ኦኒ ኦ ባጋራ ኢንቲ ዳንዳያ ገሻሰኔ ኢንቲ አማኖ ገሻሰ አማኒዛ አሳ ኡባ አቻን ጩቁቶሰ።
5 ሃሲ ዉሪካ ጸሳ ፐርዳይ ሱሬ ጊዲዳይሳ ቤሴስ፤ ሃሳ ጋሶን ዋይ ቤኢዛ ኢንቲ ጸሳ ካዎቲላሰ ቤሲዛይታ ጊዲ ቤቲዳታ።
6 ጸሲ ጸሎ ጊዲዳ ገሻሰ ኢንቲና ዋይሲዛይታ ኢዚ ዋይሳና።
7 ዋይ ኤኪዳ ኢንቲሲኔ ኦስ ሽምፖ አማኖ፤ ሃሲካ ጎዳ ዩሱሰ ከርሰቶሲ ዋልቃማ ሳሎ ጸሳ ኪታንቻታራ ሳሎ ቦላ ቆንጩዛ ዋይ ሃናና።
8 ሃ ዋይ ጸሰ ኤርንታ አሳታኔ ጎዳ ዩሱሰ ከርሰቶሳ ሚሽራቾ ቃላሰ አዛዜቶንታ አሳታ ቦላ ኢዚ ባ ሃሎ ኬሳና።

9 ኢስቲካ ጎዳ ሲንላፊኔ ኢዛ ቦንቾ ዋልቃ አቻፊ ኪቸዲ ሜርናሰ ጳዮን ቃጸዬታና።
10 ኢስቲ ቃጸዬታናይ ኢዚ ጌሻታ አቻን ቦንቹታናሲኔ አማኒዛይቲ ዉሪ ኢዛን ማላሌታና ማላ ኢዚ ዬዛ ጋላሳን ሃናና፤ ኢንቲካ ሃ አማኒዛ አሳራ ዳና፤ ጋሶይካ ኦ ኢንቲሰ ማርካቲዳይሳ ኢንቲ አማኒዳ ገሻሳ።
11 ኦ ሃሳ ቆፐሽ ኦ ጸሲ ኢንቲና ባ ጸይሳሰ ጊዲዛይታ ሂስቲ ቆይና ማላ ኢንቲ ሎኦ ኦላናሰ አሞቲዛ አሞዛኔ አማኖን ኢንቲ ኦሊዳ ኦሶዛ ኡባ ኢዚ ኢንቲሰ ባ ዋልቃን ፖላና ማላ ኦ ኢንቲሰ ኡባ ዋይ ዋሶስ።
12 ቃሴካ ኦ ጎዳ ጸሳኔ ኦ ጎዳ ዩሱሰ ከርሰቶሳ ኪያቲላ ማላ ዩሱሰ ከርሰቶሳ ሱንሊ ኢንቲ አቻን ቦንቹታና ማላኔ ኢንቲካ ኢዛን ቦንቹታና ማላ ኦ ኢንቲሰ ዋሶስ።

2

ማካላ አሰ

1 ታ አሻቶ! ጎዳ ዩሱሰ ከርሰቶሳ ዩሳ ገሻሰኔ ኦ ኢዛኮ ባና ቡሳ ገሻሰ ኦ ኢንቲና ቆፊሶስ።
2 አያናይ ቆንጩሲዳሰ ዋይኮ ቃላይ ጌሰ ጊዲ ዋይኮ ኦፕ ኢንቲሰ ኪቲቲዳ ኪታ ማላ፡ «ጎዳ ዩሳ ጋላሲ ጋኪዳስ» ጊዲ ኢንቲ ቆፋን ያርክ ያርኮፍቲኔ ዳጋሞፍቲ።
3 ኦኒካ አይ ሃኖንካ ኢንቲና ባሌላፍ። ዳር አሳይ አማኖ ካዳናፕ ሲንሌ ጳያናሰ ቤሲዛ ኢሲ ማካላ አሰ ቆንጩንታ ዲሺን ሃ ጋላሳይ ጋኪና።
4 ኢዚካ ጸሰ ጌቲቲ ጎይኔቲዛ ኤቃ ጸሳታ ኡባፊ ቦላራ ባና ቶቁ ቶቁ ሂስቲዛይኔ ጸሳራ ኤቁቲዛይ፤ ኢዚካ ጸሳ ኬላን ኡቲዲ ባና፡ «ታኒ ጸሳ» ጊዲ አዋጃ አዋጃሳና።
5 ታ ኢንቲናራ ዲዛ ዋይ ሃይታ ሃ ዮኦታ ኢንቲሰ ታ ዮተዳይሲ ኢንቲሰ ቆፊቲዜሻ?
6 ኢዚ ባ ዋይን ቆንጩና ጋካናሰ ሃኢ ኢዚ ቆንጩንታ ማላ አዚ ዲጊዛኮ ኢንቲ ኤሬታ።
7 ማካላንቻ ጸራይ ሃራይ አቶሺን ሃኢካ ኦሶ ቦላ ዳስ፤ ጊዶ አቲን ሃይሲ ሃናናይ ኢዚ ሃኢ ኦላንታ ማላ ኢዛ ዲጊዛይይ ኢዛ ኦፕፕ ኪቻና ጋካናሰ ጸላ።
8 ሃሳፊካ ካሊዲ ጎዳ ዩሱሰ ባ ደና ፕናኒኔ ባ ቦንቾ ዩሳን ጳይሳና፤ ማካላንቻይ ቆንጩና።
9 ሃ ማካላንቻ ዩሲ ጸላኤ ዋልቃን ሃሲካ አሰ ባሌሊዛ ማላታታኒኔ ማላሊሲዛ ሚሻታን ሃናና።
10 ሃሳላካ ኤኪ አቶንታ ማላ ቱማ ኢዲዲ ጳይዛ አሳታ ባሌላናሰ ዲማ ዲማ ኢታ ኦሶይ ያና።
11 ሃሳ ጋሶን ኢስቲ ዋርዶ ዮኦ አማኖና ማላ ጸሲ ኢስታ ቦላ ባላ ኦሶ ኪታና።
12 ሃሲ ሃናናይ ቱማ አማኖንታ ኢዲዲ ዋርዶ ዮኦን ኡፋዬቲዛይቲ ዉሪ ፐርዳታናሳ።

ሚኒ ኤቁቲ

13 ጎዳን ደሴቲዳ ታ አሻቶ! ኦ ጊዲኮ ኡባ ዋይ ኢንቲ ገሻሰ ጸሰ ጋላታናሰ ኦስ ቤሴስ፤ ጋሶይካ ጸሲ ኢንቲና ኮይርፕ ኦይኪዳ ኢንቲ ጸሎ አያናን ዲማቲዳይታኔ ቱሙ አማኒዲ ኢንቲ አታና ማላ ኢንቲና ደሪዳሰ።

14 ኑ ጎዳ ዬሱስ ከርሰቶሲ ቦንቾ ገሼቴዛይታ ኢንቴ ገዳና ማላ ኑ ዮቲዳ ሚሺራቾ ቃላ ባጋራ ኢንቴና ጸይገደሰ።

15 ሄሳ ገሻሰ ታ ኢሻቶ! ኢንቴ ሚኒ ኤቁቴ፤ ኑኒ ኑ ደናን ገዲን ዋይኮ ኪታን ዋይኮ ኑ ኢንቴስ አላ ዬዲዳ ቲሚርቴዛ ሎኤላ ኑይኪቴ።

16 ኢዚ ኑ ጎዳ ዬሱስ ከርሰቶሲ ቃሴ ኑና ሲቁዳይኔ ባ ኪያቴላን ማርና ሚንጮሶኔ ሎኑ ሂደታ ኢዚ ኑስ ኢሚዳ ኑ አዋ ጸሳይ።

17 ኢዚ ኢንቴ ዋዚና ሎኑ ኑሶኒኔ ቃላን ሚንሉ።

17 ሃይሳ ሳርካ ታኒ ታ ኩሼራ ኢንቴስ ጸፊዳይ ታና ጸዉሎሳ። ታ ኪታስ ዲማ ማላታይ ሃይሳ፤ ኢዚካ ሃይሳ ታኒ ታ ኩሼን ጸፎይሳ።

18 ኑ ጎዳ ዬሱስ ከርሰቶሳ አጾ ኪያቴላ ኢንቴናራ ኡባራ ገደ።

3

ዋሳ ገሻሰ ሸቁዳ ኑይሾ

1 ዉርሴላን ታ ኢሻቶ! ቃሴካ ጎዳ ቃላይ ኢንቴ አቻን ሃናይሳሎካ ኤሌሊ ኡባሶ ጋካና ማላኔ ቦንቾታና ማላ ኑስ ዋሲቴ።

2 ቃሴካ አሲ ዉሪ አማኒዛይሳ ገደንታ ገሻሰ ማካላንቻታፔኔ ኢታ አሳታፔ ኑ አታና ማላ ኑስ ዋሲቴ።

3 ጎዳይ ገዲኮ አማኔቲዳይሳ፤ ኢዚካ ኢንቴና ሚንላና፤ ጸላኤፔካ ኢንቴና ናጋና።

4 ኑ ኢንቴና አዛዚዳይሳ ኢንቴ ሃኢ ኑላዳታ ሺን ሲንላፊካ ኢንቴ ኑላናይሳ ኑኒ ጎዳን አማኔቶሰ።

5 ጎዳይ ኢንቴ ዋዚና ጸሳ ሲቆኮኔ ከርሰቶሳ ዳንዳያኮ ካሌሉ።

ኦሶ አላና ማላ ኢሚቲዳ ዞሬ

6 ታ ኢሻቶ! ኦሶ ኦሶንታ አሳፔኔ ኢንቴ ኑፔ ኤኪዳ ቲሚርቴዛ ማላ ደንታ አማኒዛይታፔ ኢንቴ ሃካና ማላ ጎዳ ዬሱስ ከርሰቶሳ ሱንላን ኢንቴና ኑ አዛዘሰ።

7 ኢንቴ ኑ ለሚሶ ዋሰቲ ካላናኮ ኢንቴ ኢንቴ ባጋራ ኤሬታ፤ ኑ ኢንቴናራ ዲዛ ዋዳ ኦሶ ኦሶንታ ጮ ዳኢቤኮ።

8 ቃሴካ ኦና ሶፔካ ካሉ ጮ ማላ ሚቤኮ፤ ቃሴ ኢንቴፊ ኦናሰካ ኑ ቶሆ ገደንታ ማላ ቃማኔ ጋላሰ ዳቡራን ኦላ ሚደሰ።

9 ኑ ሄሳ ኦላዳይ ኢንቴ ኑና ካላና ማላ ኢንቴስ ሎኑ ለሚሶ ገደና ገዲፔ አቲን ኑስ ኮሺዛይሳ ኢንቴፊ ኤካናይሳ ኑና ዲጊዛ ዋጋይ ዲን ገደና።

10 ኑ ኢንቴናራ ዲዛ ዋዳ፣ «ኦሶ አላናሰ ደሶንታ አሲ ካሉ ሞፖ» ገዛ አዛዘ ኢንቴስ ኢሚደሰ።

11 ኢንቴ ገደን ኢሲ ኢሲ አሳቲ ኦሶ ኦሶንታይሳ ኑ ሲዬደሰ፤ ሃይታንቲ ኦሶ ኦሶንታ ማላ አሳ ዮኦን ጌሊዛ አሳታ።

12 ሃይታ ማላ አሳቲ ባ ኦሶ ጮኡ ገ አላና ማላኔ ባ ካሉ ማና ማላ ጎዳ ዬሱስ ከርሰቶሳ ሱንላን ኑ ኢሰታ አዛዘሰኔ ዞርሰ።

13 ኢንቴ ገዲኮ ታ ኢሻቶ! ሎኑ ኦሶ አላናፔ ሙሌካ አዛሎፍቴ።

14 ሃይሳ ኑ ኪቲዳ ቃላሰ አዛዜቶንታይ ኦኒካ ዲኮ ሄሳ ሚሳቲዛዳ ሎኤላ ካሊቴኔ ኢዚ ባ ኦሶን ዬላታና ማላ ኢዛራ ጋጎፍቴ።

15 ገደ አቲን ኢዛ ኢንቴ ኢሻ ማላ ሃንቁቴ አቲን ሞርኬ ማላ ጸሎፍቴ።

ዉርሴላ ሳርካ

16 ሳርቴላ ጎዳይ ኢዚ ባ ባጋራ ዮኑ ኡባን ኢንቴስ ሳርቴላ ኢሞ፤ ጎዳይ ኢንቴናራ ኡባራ ገደ።

ጳውሎሲ ጸምቶሳስ ጳፊዳ ኮይሮ ኪታ ጊዶ ቆፋ

ጸምቶሳ ጌቲቲዛ ኢሲ ናቴላ ናይ ኢዛሰካ ዬሌታ ዳሬይ ቁሪ ኢሲያ ጊዲሽን፣ ኢዛ ኣይያ ኣይሁዳ ኣሰ፤ ኣዋይ ቃሴ ገሪኬ ኣሰ። ኢዚ ሚሺራቾ ቃላ ኦሶን ጳውሎሳራ ኢሲፊ ኦሊዛ ማታ ላጌ። (ሃዋ 16:1-3) ጳውሎሲ ጸምቶሳስ ኮይሮ ጳፊዳ ኪታዚ ሄዡ ኣይፊ ዮኦታ ኦይኪዳስ።

ሄ ኪታዛን ኣይፊ ቆፋይ ሲንጥቲዲ ዋሳ ኬፋ ጋርሳን ዳንዲዳ ዋርዶ ቲሚርቲፊ ኣሳይ ናጌታና ማላሳ። ሃ ዋርዶ ቲሚርቲዚ ባጋይ ኣይሁዳታፔ ባጋይ ቃሴ ኣይዛቤታ ቆፋ ኦይኪዳዝ ጊዲሽን፣ «ሃይሲ ኣይፊን ቤቲዛ ኣላሚዚ ናጋሪን ሞሬቲዳ ጊሻሰ ኣሳሰ ፓጾቴሌ ቤታናይ ሃራ ዲማ ዲማ ጸራ ኤራቴላኒ ኢሲ ኢሲ ቁማታ ሞንታ ኣጎን፣ ኤኮንታኔ ጌሎንታ ኣጎንኮ» ጊዛ ቆፋ። ሃሳፊካ ቦላራ ኢዛ ኪታዚ ዋሳ ኬፋ ኣይሶ ጊሻሲኔ ጸሰ ጎይኖ ጊሻሰ ታማርሲዛ ዋጋይ ሃሳሶካ ዋሳ ኬፋ ጠማቲኔ ኢሰታ ማዲዛይታስ ዳኣናሰ ቤሲዛይ ኣዛኮ ዮቴሰ። ወርሴላን ጸምቶሲ ዬሱስ ኪርሰቶሳስ ሎኦ ኦሳንቻ ዋኒ ጊዳናሰ ቤሲዛኮ ኢዛሰ ዲማ ዲማ ኣማኒዛይታ ቦላ ዲዛ ኣላፊቴላ ጊሻሰ ጳውሎሲ ኢዛሰ ኣሚዳ ዘሬ ቤዮሰ።

ሃ ማጳፋይ ኦይኪዳ ኩሜላ ቆፋ

ጌሎሶ 1:1-2

ዋሳ ኬፋ ጊሻሲኔ ዋሳ ኬፋ ጋርሳን ኦሊዛይታ ጊሻሰ

1:3—3:16

ጸምቶሳስ ኢዛ ኦሶ ጊሻሰ ኣሚቲዳ ቲሚርቲ

4:1—6:21

1 ኦና ኣሺዳ ጸሳን፣ ኦሰ ሃዶታ ጊዲዳ ዬሱስ ኪርሰቶሳ ኣዛዘን ሃዋሪ ጊዲዳ ጳውሎሳፔ

2 ኣማኖን ታሰ ቱሙ ና ጊዲዳ ጸምቶሳስ ጸሳ ኦ ኣዋፔ ኦ ጎዳ ዬሱስ ኪርሰቶሳፔ ኪያቴሌ፣ ማርቴሌኔ ሳርይ ኔሰ ጊዶ።

ዋርዶ ኣሰታማሬታፔ ናጌታና ማላ ኣሚቲዳ ኣዛዘ

3 ታኒ ማቁደኒያ ባሼ ኔና ሃዳራ ጊዳ ማላ ሃይሳፊ ሲንጥን ኢሲ ኢሲ ኣሳቲ ዋርዶ ቲሚርቲ ታማርሲንታ ማላ ኔ ኣዛዘናሰ ኤፊሶኒን ዳሻ።

4 ቃሴካ ኣሳይ ዮቴን ወርንታ ቤኒ ዋዴ ሃይሲኤን ባ ዋዴ ወርሶንታ ማላ ኣዛዘ፤ ሃይታ ማላ ዮኦይ ፓላማ ዳንጼሌሰ ኣቲን ኣማኖን ኦሴቲዛ ጸሳ ኦሶስ ኣይኮካ ጎኤና።

5 ሃ ኣዛዘዛሰ ዋና ኣይፊ ዮኦይ ጊዲኮ ጌሻ ዋዚናፔ ሎኦ ቆፋራ ሃሳሶካ ቱሙ ኣማኖፔ ቤቲዛ ሲቆ።

6 ኢሲ ኢሲ ኣሳይ ሃይታፔ ፖቁ ኤቁዲ ጎኣይ ባይንዳ ዮኦታኮ ሰሚዳስ።

7 ዋጋ ታማርሲዛይታ ጊዳና ማላ ኮዬቴሰ፤ ጊዲኮካ ኢሰቲ ባ ዮቴዛይሳ ዋይኮ ኬሂ ሞቴቲዛ ዮኦዛ ሎኤሌ ኤሬቴና።

8 ጊዶ ኣቲን ኣሲ ማራን ጎኤቲዛኮ ዋጋይ ሎኦ ጊዲዳይሳ ኦ ኤርሰ።

9 ቃሴካ ዋጋይ ኣሚቲዳይ ጸሎ ኣሳሰ ጊዶንታ ዋጋ ዬጂ ኣጂዛይታሰ፣ ኣዛዘቶንታይታሰ፣ ጸሳሰ ባቦንታይታሰ፣ ናጋሪንቻታሰ፣ ጌሻቴሌ ባይንዳይታሰ፣ ጸሰ ሌቁዛይታሰ፣ ባ ኣዮኔ ባ ኣዋ ዋጂዛይታሰኔ ሸምፖ ዋጂዛይታሰ ጊዲዳይሳ ኦ ኤርሰ።

10 ሃሳሶካ ሳይማቲዛይታሰ፣ ኣዳራ ኣቁዛ ኣዳታሰ፣ ኣሰ ባይዚዛይታሰኔ ሻሚዛይታሰ፣ ዋርዳንቻታሰ፣ ኣሳሰ ዋርዶራ ጫቁዛይታሰ፣ ሎኦ ቲሚርቲራ ኤቁቲዛ ኡባታሳ።

11 ሄ ሎኦ ቲሚርቲይ ኣንጃቲዳ ጸሲ ታሰ ሃዳራ ኣሚዳ ቦንቾ ሚሺራቾ ቃላራ ጋጊዛይሳ።

ጳውሎሳስ ኣሚቲዳ ጸሳ ኣምታ

12 ታና ባ ኦሶስ ሹሚዲኔ ኣማኔቲዛዴ ሂሰቲ ኤኪዲኔ ታሰ ሚኖቴሌ ኣሚዳ ኦ ጎዳ ዬሱስ ኪርሰቶሳ ታ ጋላታይሰ።

13 ሃይሳፊ ካሴ ታ ኣይ ማላ ኣሰ ጫዩዛይኔ ጎዳሊዛይ፣ ቃሴ ማካላ ኣሰ ጊዲኮካ ሃሳ ታ ኤርንታኔ ኣማኖንታ ዳሼ ኦሊዳ ጊሻሰ ጸሲ ታና ማሪዳስ።

14 ዬሱስ ኪርሰቶሳፔ ጊዲዳ ኣማኖራኔ ሲቆራ ኦ ጎዳ ኪያቴሌ ታሰ ኬሂ ዳሪዳስ።

15 ዬሱስ ኪርሰቶሲ ናጋሪንቻታ ኣሻናሰ ዳጌ ሃይሳ ሃ ኣላሚ ዩዳስ ጊዛ ቃላይ ቱማኔ ኣሲ ወሪካ ኤካናሰ ቤሲዛይሳ። ናጋሪንቻታፔካ ኣጂዛ ናጋሪንቻይ ታና።

16 ጊዶ ኣቲን ታ ማሪቲዳይካ ዬሱስ ኪርሰቶሲ ዛዋይ ባይንዳ ባ ዳንዲዳ፣ ኡባፊ ኣጂዳ ናጋሪንቻ ጊዲዳ ታ ቦላ ቤሲዳይ ኢዛን ኣማኖናይታሰኔ ማርና ዴኦ ዳማናይታሰ ሌሚሶ ጊዳና ማላሳ።

17 ሃሳ ጊሻሰ ማርናሰ ሃይቁ ኤርንታ፣ ኣይፊን ቤቲ ኤርንታ ባርካ ጸላ ጸሰ ጊዲዳ ካዋሰ ማርናፔ ማርና ጋካናሰ ኢዛሰ ቦንቾይኔ ጋላታይ ጊዶ። ኣሚን።

18 ታ ና ጸምቶሳ! ኔ ጊሻሰ ካሴቲዲ ዮቴቲዳ ማላ ሃይሳ ኣዛዘዛ ታ ኔሰ ኣማዲሰ፤ ሄሲካ ኔ ሄ ቃላ ካላሼ ሎኦ ባጼ ባጼታናሳ።

19 ኣማኖይኔ ሎኦ ቆፋይ ኔሰ ዳኔ፤ ኢሲ ኢሲ ኣሳቲ ባ ሎኦ ቆፋ ዬጂ ኣጂዲ ኣባ ቦላ ሚቶይ ኢዛ ቦላ ጋኪን ዋዬቲዛ ማርካቤ ማላ ባ ኣማኖ ጳይሲዳ።

20 ኢሰታ ጊዶን ጸሳ ጫሽ ኣጊዲ ታማራና ማላ ታኒ ጸላኤሰ ኣሳ ኣሚዳይቲ ሃማኔዎሲኔ ኢሰኪንዲርሲ ዳቴሰ።

2

ጸሳሰ ጎይኖ ጊሻሰ ኣሚቲዳ ዋጋ

1 ሃሳ ጊሻሰ ኡባፊ ኮይሮ ሃራ ኣሳሰ ሾቤላ ዋሳ፣ ጋናቴላ ዋሳኔ ጋላታ ዋሳ ኣሳ ኡባሰ ካዋታሰኔ ዳሬ ኣይሲዛይታሰ ኡባሰ ዋሳና ማላ ታ ኔና ቆፍሳይሰ።

2 ሄሲካ ቱሙ ኣያና ዲሳኒኔ ጌሻቴሌ ኡባን ኦኒ ሳርቴላኒኔ ዋጋን ዳና ማላሳ።

3 ሃይሲ ኦና ኣሺዛ ጸሳ ኣቻን ሎኦኔ ኡፋይሲዛዘ።

4 ኢዚ ኣሲ ወሪ ኣታና ማላኔ ቱማ ኤራና ማላ ኮዬሰ።

5 ኢሲ ጸሲ ጸላ ዳሰ፤ ቃሴካ ጸሳሰኔ ኣሳሰ ጊዶን ኢሲ ጊገሲዛ ጋናይ ዳሰ፤ ኢዚካ ኣሰ ጊዲዳ ዬሱስ ኪርሰቶሳ።

6 ኢዚ ባና ኣሳ ኡባስ ኣሉ ኢሚዳስ፤ ሄሲካ ሄራካ ዎዳይ ኣቶንታ ኢዛስ ማርካቲዳስ።

7 ታኒካ ሃይሳስ ሚሺራቾ ቃላ ዮታናስ ከቲቲዳዳ፤ ቃሴካ ዳሬታስ ቱሙ ኣማኖ ኣስታማሬ ጊዳዳ ሹሚታዲስ፤ ሄሳካ ታ ዎርዶቶንታ ቱሙ ዮታናሳ።

8 ሄሳ ጊሻስ ኣቱማ ኣሳይ ኡባሶን ሃንቆይ ባይንዳኔ ፓላማይ ባይንዳ ባ ጌሻ ኩሼታ ፑዳ ዶቁ ሂሰቲዲ ዎሳና ማላ ታ ኮያይሰ።

9 ሄሳታካ ማጫሳቲ ቦንቾራ ባና ሺሺ ኤኪዲ ቤሲዛ ማይኦ ማይኤቶ ኣቲን ባ ሁኤ ዳዲ ኤኪዲ ዎይኮ ኣልኦ ማይኦ፣ ዎርቃኔ ኢንቁ ኣሉዲ ዎልቁ ዎልቁ ጎፔቶ።

10 ጊዶ ኣቲን ጸስ ዎሶስ ጊዛ ማጫሳቲ ኢስታስ ኦላና ቤሲዛ ሎኦ ኦሶን ሎኤቶ።

11 ማጫሲ ጮኤ ጋዳ ኩሚላራ ኣዛዜቲል ታማሩ።

12 ማጫሲ ጮኤ ጋናፔ ኣቲን ኢዛ ታማርሳና ማላ ዎይኮ ኣዳ ቦላ ጎዳታና ማላ ታ ኮይኤ።

13 ጋሶይካ ኮይሮ ኣዳሚይ ሜዴቲዳስ፤ ካላዳ ሄዎና ሚዴታዲስ።

14 ቃሴካ ኮይሮ ባሌቲዳይ ኣዳሚ ጊዳና፤ ባሌታዳ ጸሳ ዎጋፔ ኣዲዳይ ማጫሳኖ።

15 ጊዲኮካ ማጫሲ ኣማኖኒኔ ሲቆን ጌሻቴላን ባርካ ባና ሃሮን ሚኒኮ ና ዬሎን ኣታና።

3

ዎሳ ኬል ካሌላዛይታ

1 «ኦኒካ ዎሳ ኬል ጪማ ጊዳና ኮይኮ ሎኦ ኦሶ ኣሞቴስ» ጊዛ ቃላይ ቱማ።

2 ሄሳ ጊዲኮ ዎሳ ኬል ካሌላዛይታ ቦሬይ ባይንዳዳ፣ ኢሲ ማቻ ዲዛ ኣዳ፣ ጊናራ ዲዛዳ፣ ባና ሃሪዛዳ፣ ዎጋራ ኣቁዛዳ፣ ኢማል ሞኪዛዳ፣ ታማርሳናስ ዳንዳይዛዳ፣

3 ማላቶንታዳ፣ ኦሽ ኦዬቶንታዳ፣ ቃሴ ማራጌ ኣስ፣ ኣሳራ ፓላሚቶንታዳ፣ ሚሽ ጎዳንታዳ ጊዳናስ ቤሴስ።

4 ባ ናይታ ኣዛዜቲዛይታኔ ኣስ ቦንቾዛይታ ሂሰቲ ዲቹዲ ባ ኬል ኣሳ ዎጋራ ኣይሲዛዳ ጊዳናስ ቤሴስ።

5 ኢሳዳይ ባ ኬል ኣሳ ዎጋራ ኣይሶ ኤርንታ ኣጊኮ ጸሳ ዎሳ ኬል ዎስቲ ናጋና ዳንዳይዜ?

6 ኦቶሬቴላን ፑሪዲ ጸላኤይ ኩንዲዳ ፐርዳን ኢዚ ኩንዲንታ ማላ ኦራል ኣማኒዛዳ ጊዶ።

7 ቃሴካ ኢዛ ሱጎላን ቦራቶንታ ማላኔ ጸላኤ ናርጸን ኢዚ ጌሎንታ ማላ ኣማኖንታ ኣሳ ኣቻን ሎኦ ማርካቲል ዳናስ ኮሼስ።

8 ዳቆኔቲካ ሄሳላ ቦንቾቲዳይታኔ ባ ጊዳ ቃላ ላሚ ላሚ ዬጎንታይታ፣ ዳሮ ዎይኔ ኡሻስ ኣሞቶንታይታ፣ ኦጌይ ባይንዳ ጎኣ ጎዳንታይታ ጊዳናስ ቤሴስ።

9 ኣማኖ ጸራ፣ ሎኦ ቆፋራ ናጋናስ ቤሴስ።

10 ሃይታንቲካ ኮይሮቲ ፓጮቴቶ፤ ኢሲ ኢታይ ኢስታ ቦላ ቤቶንታ ኣጊኮ ሄሳፌ ጉዬ ዳቆኔቴላን ኦሌቶ።

11 ማጫ ዳቆኔቲካ ቦንቾቲዳይታ፣ ዘጊርንታይታ፣ ቃሴ ዎጋራ ዲዛይታ፣ ሃኖ ኡባን ኣማኔቲዳይታ ጊዳናስ ቤሴስ።

12 ዳቆኔቲ ኢሲ ማቹ ኣዚና ጊዳናስ ቤሴስ፤ ቃሴካ ባ ናይታኔ ባ ኬል ኣሳ ዎጋራ ኣይሲዛይታ ጊዳናስ ቤሴስ።

13 ዎጋራ ኦሊዳይቲ ባስ ጊታ ቦንቾኔ ዬሱስ ኪርስቶሳን ኢስታስ ዲዛ ኣማኖን ዳሮ ጸላቴል ዳማና።

14 ታ ኔኮ ኤሌ ባና ኮይኮካ ሃይታ ኣዛዘታ ኔስ ጸፋይሰ።

15 ታ ሃኖ ኔስ ጸፊዛይ ታ ጋሞኢዛ ጊዲኮካ ኣሳይ ጸሳ ኬልን ዎኒ ዳናኮ ኔ ኤራና ማላ ጋዳኮ! ኬላይ ዳኦ ጸሳ ዎሳ ኬል፤ ሄሲካ ቱሙ ቱሲኔ ጸጸ።

16 ቱሙ ኣያና ዲሳ ጸራይ ሲዴይ ባይንዳ ጊታ፤ ኢዚካ፣

«ኣሴ ጊዲዳስ፤
ኢዛ ጸሎቴል
ጸሎ ኣያናን ቆንጪዳስ፤
ኪታንቻታስ ቤቲዳስ፤
ዳሬ ኡባስ ሳባኬቲዳስ፤
ኣላሚን ዲዛይታን ኣማኔቲዳስ፤
ቦንቾራ ፑዳ ዳንዲ ቢዳስ» ጊዛይሳ።

4

ዎርዶ ታማርሲዛይታ

1 ዎዳ ዉርሴላ ቦላ ኢሲ ኢሲ ኣሳይ ኣማኖ ኣጊዲ ባሌላዛ ኣያናታኔ ኢታ ኣያና ቲሚርቲ ካላናይሳ ጸሎ ኣያናይ ቆንጮራ ዮቴስ።

2 ሄሳ ማላ ቲሚርቲይ ኢስታ ቆፋይ ቦንቆ ቢራታን ጸጌቲዳ ማላ ጌላቴላን ዶጪዳ ቆዴፔ ቆሞን ሃኒዛ ዎርዲንቻ ኣሳታፔ ያና።

3 ሄ ኣሳቲ ኣሳይ ኤኮንታ ማላኔ ጌሎንታ ማላ ዲጋና፤ ኣማኒዛይቲኔ ቱማ ሻኪ ኤሪዛ ኣሳይ ጸሲ ሚዲዳ ካል ጋላታራካ ኤኪዛይቲ ሞንታ ማላ ዲጋናኔ ኣዛዛና።

4 ጸሲ ሚዲዳይ ዉሪካ ሎኦ፤ ኣሲ ጋላታራ ኤኪኮ ዎራ ዎዲዛይ ኢሲናካ ዳና።

5 ዉሪካ ጸሳ ቃላኒኔ ዎሳን ጌያና።

ኪርስቶሳስ ሎኦ ኣሉዛ ኣሳንቻ

6 ሃይሳ ሃ ኣዛዘዛ ኣማኒዛ ኣሳ ኔ ቆፍሲኮ፣ ኣማኖ ቃላኒኔ ኔ ኤኪዳ ሎኦ ቲሚርቲዛን ሚናዳ ዬሱስ ኪርስቶሳስ ሎኦ ኣሳንቻ ጊዳንዳሳ።

7 ጸስ ቦንቾሶንታ ጎኣይ ባይንዳ ሃይሲኤፔኔ ጪማ ማጫሳታ ሃይሲኤፔ ሃካዳ ቱማ ኣያና ኦሶስ ኔ ኣሳቴል ጊሳ።

8 ኣሳቴላ ኣሾ ኦጌን ዶሲሶይ ጉላ ዎዳስ ጎኤስ ሺን ቱሙ ኣያና ዲሳስ ባና ታማርሶይ ጊዲኮ ሃይሳ ሃ ኣላሚዛሲኔ ቡሮ ያና ዲሳስ ሂዶታይ ዲዛ ጊሻስ ኡባስ ጎኤስ።

9 ሃይሲ ሃ ቃላይ ኣማኔቲዳይሳኔ ኡባይ ኤካናስ ቤሲዛ ቃላ።

10 ኦ ሃሳስ ጊዲ ዳፌቶሲኔ * ዳቡርስ፤ ሄሲካ ኣሳ ኡባስ ሃራፔካ ኣማኒዛይታስ ኣሺዛ ዳኦ ጸሳን ኦ ሂዶታ ኦሊዛ ጊሻሳ።

11 ሃይታ ዮኦታ ኣዛዘኔ ታማርሳ።

12 ኔ ዬላጋቴላ ኦኒካ ለቆፎ፤ ጊዶ ኣቲን ኔኒ ሃሳያን፣ ዲሳን፣ ሲቆን፣ ኣማኖኒኔ ጌሻቴላን ኣማኒዛይታስ ሎኦ ለሚሶ ጊዳ።

2:7 2ጸም 1:11 2:9 1ጸጵ 3:3 2:13 ሜዴ 2:7፣21-22 2:14 ሜዴ 3:1-6 * 4:10 ዳፌቶስ፣ ዳፌቶስ ጊዛይሳ ኢሲ ኢሲ ቢርሼላ ማጸፋቲ፣ «ባጶቶስ» ጊሺን ኢሲ ኢሲኔቲ፣ «ጫዬቶስ» ጊዲ ቢርሼዳ።

13 ታ ሄ ባና ጋካናስ ቃላ ናባባናስ፡ ዘራናሲኔ ታማርሳናስ ሚና።

14 ጨማቲ ኔ ቦላ ባ ኩሼ ዋላ ዋሲሺን፡ ኔስ አሜቲዳ ቲንቢቲ አሞቲላ ለፒ ሂስታ አጎፋ።

15 አሲ ዉሪ ኔ ዲቻ ቤያና ማላ ሃ ዮኦታ ሎኤላ ማንላዳ ዳንዳያን ፖላ።

16 ኔ ዱሳ ገሻሲኔ ኔ ታማርሲዛ ቲሚርቲዛስ ናጌታ፤ ሃይታን ሚና፤ ኔ ሄሳ ኦሊኮ ኔናኔ ኔ ገዛይሳ ሲዪዛይታ አሻና።

5

አምኤታ፡ ጨማታኔ አይሌታ ገሻሲ አሜቲዳ ዘሪ

1 ጨማ አሳ ኔ አዋ ማላ ቦንቾራ ዘራ ኣቲን ደምኦፋ፤ ናቲላ ኣቲማ ናይታ ኔ አሻታ ማላ ጸላ።

2 ሄሳሶካ ጨማ ማጫሳታ ኔ አዪ ማላ፡ ናቲላ ማጫሳታ ቃሴ ኔ ሚቹታ ማላ ሱሪ ዋዚናፔ ጸላ።

3 አዳፌ ማቶቲቲዳ አምኤታ ሎኤላ ናጋ።

4 አሲ አምኤይስ ናይ ዋይኮ ና ናይ ዲዛ ገዲኮ ሃ ናይቲ ባሶ አሳታ ማዳናሲኔ ባና ዩሊዳይታስ ካሴ አሰቲ ኦሊዳይሳ ኩሼ ዛርን ሃራፔ ካሴቲዲ ባ አማኖ ኦሶን ቤሳናሲኔ ታማራናስ ቤሴስ፤ ሄሲካ ጸስ ኡፋይሲዛይሳ።

5 ቃሴ ቲማፔ ማዶይ ባይንዳ ባርካ ዲዛ አምኤያ ጸስ ጸላ ጸላዉስ፤ ዋሳሲኔ ጸሳፌ ማዶ ዳማናስ ጋላሲኔ ቃማ ሚኔታዉስ።

6 ሃ ቢታ ሎኦ ዱስ ጸላ ኮይዛ አምኤያ ገዲኮ ኢዛ ፓጻ ዳሼ ሃይቁዳር።

7 ኦና ቦላካ ዋሶይ ደንታ ማላ ሃይሳ ኣዛዘዛ ኣሳስ ኣላ።

8 አሲ አሲ ባ ዳቦታ ሃራፔካ ባሶ አሳ ማዶንታይሳ ገዲኮ አዚ አማኖ ካዲዳዴኔ አማኖንታ ኣሳፔካ ኣጂ ኢታ ኣሳ።

9 አዚስ ላይላይ ኡሱፑን ታሙ ላይላፌ ጋርሳን ዲዛ አምኤይ ሱንሳ አምኤታ ማዘጋባን ጸፎፓ፤ ቃሴካ ኢዛ ካሴ አሳዳ ጸላ ጌሊዳር ገዳናስ ቤሴስ።

10 ናይታ ዲቻኒኔ አማላ ሞኮን፡ አማኒዛይታ ቶሆ ማቻን፡ ማቶቲዳይታ ማዶኒኔ ሎኦ ኦሶ ኡባን ባና ኣላ አማዳ ሎኦ ኦሶንካ ከሃ ኤሬቲዳር ገዳናስ ቤሴስ።

11 ናቲላ አምኤታ ገዲኮ ሄሳ ማላ ማዘጋባን ጸፎፓ፤ ጋሶይካ አሰታስ ዲዛ ኣዚናራ ዳና አሞይ አሰቲ ከርሰቶሳስ ኦላና ገ ጌሊዳ ቃላፔ ቦላራ ኣጂዛ ዋዳ ኣዳ ጌላና ኮዬቲስ።

12 አሰቲ ካሴ ጫቁዳ ቃላ ሚዛ ገሻሲ ሄ ዮኦዛን ባ ቦላ ፐርዳ ኤሄቲስ።

13 ሄሳፌካ ኦሶ ኣላናፔ ዩዩ ዩዩ ኣሳ ከሌ ጌላና ደሴቲስ፤ ኦሶ ኢጸ ጸላ ገደንታ ሃሳያናስ ቤሶንታይሳ ሃሳይሼ ዘገርዛይታኔ ኮሾንታ ኣሳ ዮኦ ገዶ ጮ ዋጺ ጌሊዛይታ ገዳቲስ።

14 ሄሳ ገሻሲ ኣዚናቲ ሃይቁዳ ናቲላ ማጫሳቲ ኣዳ ጌላና ማላ፡ ናይታ ዩላና ማላኔ ባሶ ኣስ ኣይሳና ማላ፡ ሞርኬይካ ኢስታ ቦላ ዋሊዛ ሚሼ ዳሞንታ ማላ ታ ዘራይሰ።

15 ኣዳካ ሃይሳፌ ካሴ አሲ አሲ ኣሳቲ ጸላኤ ካላና ጉዬ ሸርኢ ገዳ።

16 አማኒዛ ማጫሲ ኦኒካ ባሶ ኣሳ ገደን አምኤቲ ዲዛ ገዲኮ ዋሳ ከሌ ቲሙ አምኤታ ጸላ ማዳና

ማላ ኢዛካ ባ ባጋራ ባ አምኤታ ማዶ ኣቲን ዋሳ ከላስ ቶሆ ገዳና ማላ ኣጉፋ።

17 ዋሳ ከላ ሎኤላ ኣይሲዛይቲ ሃራፔካ ሳባኮኒኔ ታማርሶን ሚኒዛ ጨማቲ ገዲኮ ዳኮ ማዶ ማዳታናስ ቤሴስ።

18 ማጻፋን፡ «ካሳ ቡከዛ ቦራ ደና ቃቾፋ።» ቃሴካ፡ «ኦሶ ኦሊዳይ ዳሞዛ ኤካና ቤሴስ» ጌሰ።

19 ናሞኡ ማርካይ ዋይኮ ሄቩ ማርካይ ማርካቶንታ ዲሺን ጨማ ቦላ ሸቁዛ ሞቶ ኤኮፋ።

20 ሃራቲ ቤኢዲ ናጌታና ማላ ናጋራ ኦሊዳይታ ኣሳ ኡባ ሲንላን ሃንቃ።

21 ጸሳኒኔ ዩሱስ ከርሰቶሳን ደሬቲዳ ከታንቻታ ሲንላን ሃይታ ኣዛዘታ ኦናካ ማዶንታ ኔ ናጋና ማላኔ አሲ ሚሺካ ታ ጎሪፔ ዘቁ ቶቁ ሂሰቶንታ ማላ ታ ኔና ሃዳራ ጋይሰ።

22 ጸሳ ኦሶስ ደራናስ፡ ኦና ቦላካ ኔ ኩሼ ዋላ ዋሳናስ ኤሶቶፓ፤ ቃሴ ሃራታራ ናጋራ ኦላናስ ዙፔቶፓ፤ ናጋራፔ ኔና ጸሎቲላን ናጋ።

23 ኔና ቃንላን ሳኪዛይሳሲኔ ኡባ ዋዳ ሳኪዛ ሳኮዛ ገሻሲ ዋይኔ ጫጃፌ ጉሳ ጉጃዳ ኡያ ኣቲን ሃይሳፌ ጉዬ ሃሌ ጸላ ኡዮፓ።

24 አሲ አሲ ኣሳ ናጋራይ ፐርዳይ ያናፔ ካሴቲዲ ቆንጨቶስ፤ ባጋይታ ናጋራይ ገዲኮ ፐርዳፌ ጉዬ ቆንጨቶስ።

25 ሎኦ ኦሶይካ ሄሳ ማላ ቆንጨቶ፤ ቆንጨንታይ ዲኮካ ቆቴቲ ኣቲና።

6

1 ጸሳ ሱንሳኔ ኢዛ ቲሚርቲይ ጫዬቶንታ ማላ አይሌቲላ ቃምባራ ገደን ዲዛይቲ ዉሪ ባ ጎዳስ ኩሜላ ቦንቾይ ቤሲዛይሳ ኤሬቶ።

2 አማኒዛ ጎዳቲ ዲዛ አማኒዛ ኣሸካራቲ ጎዳቲ አሰታስ አሻታ ገዲዳ ገሻሲ ጎዳታስ ቤሲዛ ቦንቾ አሜቶ፤ ሃራፔካ አሰታ ኦሶን ማዳቲዛ አማኒዛ ጎዳቲ አሰታስ ደሴቲዳይታ ገዲዳ ገሻሲ ኔካ ሃይታንታ ማላ ዮኦታ ታማርሳናሲኔ ዘራናስ ቤሴስ።

ዋርዶ ቲሚርቲኔ ቲሙ ዱራቲላ

3 ኦኒካ ዋርዶ ቲሚርቲ ታማርሲኮ ጎዳ ዩሱስ ከርሰቶሳ ሎኦ ቃላኔ ኣያና ቲማቲላ ሚንሊዛ ቲሚርቲራ ጋጎንታይሳ ገዲኮ።

4 ሄሳዳይ ኦቶሬቲላን ኩሚዳሲኔ ኣይኮካ ዩሺ ቆፕና፤ አሲ አሲ ቃላታ ገሻሲ ፓላሚታናሲኔ ኦይታናስ ኢታ አሞይ ኢዛን ዳስ፤ ሃይቲካ ቃናቲቲላ፡ ኦሽ፡ ጫሽ፡ ኢታ ሲጄ ካሌሌቲስ።

5 ቲማይ አሰታፌ ኤኬቲ ገዲን ኣያና ኦሶን ዋጄ ደማና ሚሳቲዛ ኣሳታኔ ቆፋ ፓጨ ኣሳታ ገደን ጎሽቲዲ ዱጸንታ ኦሽ ኤሄቲስ።

6 ገደ ኣቲን ቲሙ ኣያና ኣስ ገዴላ ኦስ ዲዛይሳን ዋፑ ገዲ ዱሳራ ገታ ዋጄ።

7 ጋሶይካ ኦ ሃይሳ ሃ ኣላሚዛ ዩሼ ኣይኮካ ኤኪ ዩቤኮ፤ ቢሼካ ቃሴ ኣይኮካ ኤኪ ቦኮ።

8 ገደ ኣቲን ኦስ ማናይሴኔ ኦ ማይኣናይሲ ዲኮ ገዳና።

9 ዱሬ ገዳናስ ኮይዛይቲ ገዲኮ ጌዴ ፓጨኒኔ ናርጸን ጌሊዲ ኦይኬቲዛይሳ ማላ ዳር ሃዳኒኔ ኢታ አሞን ኡንኤቲቲስ።

10 ጋሶይካ ሚሻ ሲቆይ ኢታቴላ ኡባሰ ጸጸ፤ ኢሲ ኢሲ አሳቲ ዱሬ ገዳና ገዲ አሞቲዳ አሞፔ ዳንዲዳይሳን አማኖ ኦጌፔ ባሌቲዲ ሃራሶ ቢዳኔ ባርካ ባና ዳሮ ሜቶ ገደ ጌልላዳ።

ጳውሎሲ ጸምቶሳስ አሚዳ ሃዳራ ቃላ

11 ኔኖ ጸሳ አሶ! ኔ ሄሳ ኡባፌ ባቃታ፤ ጲሎቴላ፣ ቱሙ አያናን ዱሰ፣ አማኖ፣ ሲቆ፣ ዳንዲያኔ አሽኬቴላ ካላ።

12 አማኖ ባጼ ሎኤላ ባጼታ፤ ዳሮ ማርካታ ሲንላን ሎኦ አማኔቴላን ኔ ማርካቲዳይሳኔ ኔ ኢዛሰ ጸይጌቲዳ ሜርና ዳኦዛ ሎኤላ ኦይካ።

13 ኡባሲካ ዳኦ አሚዛ ጸሳ አቻን ሄሳላካ ጸንጸሳ ጲላጸሳ ሲንላን ቱማ ማርካቲዳ ዬሱሰ ኪርሰቶሳ ሲንላን ታ ኔና ሃዳራ ገዛይ።

14 ጎዳ ዬሱሰ ኪርሰቶሲ ቆንጫና ጋካናሰ ኔሰ አሚቲዳ ኦሶዛ ዋሶይ ባይንዳ ኔ ፖላና ማላ ቤሴሰ።

15 ሄ ቆንጩላ አንጃቲዳይሲ ባርካ ኡባ ሃሪዛይሴኔ ካዎታ ካዎይ፣ ጎዳታሰ ጎዳይ ኢዚ ባ ዋዳን ቤሳና።

16 ኢዚ ጸላ ሃይቆንታይሳ፤ ኦኒካ ሺቃናሰ ዳንዳዮንታ ፖኦ ገደን ዳሰ፤ ኢዛ ቤኢዳ አሲ ኦኒካ ባ፤ ቤያና ዳንዳይዛይይካ ዳና፤ ኢዛሰ ዋልቃይኔ ቦንቻይ ሜርናፔ ሜርናሰ ገደ። አሚን።

17 ሃይሳ ሃ አላሚዛን ዱሬቲዳይቲ ኦቶሬቶንታ ማላ አዛዛ፤ ኦ ኡፋዬታና ማላ ዉርሲካ ዳርሲ ቲርፊሲዲ ኦሰ አሚዛ ጸሳን ኦቲን አማንሶንታ ሚሻን አማኔቶንታ ማላ አሳሰ ዮታ።

18 ሎኦ ኦላና ማላኔ ሎኦ ኦሶን ዱሬታ ገዳና ማላ፣ ኪያታኔ ሻኪ አማናሰ ደሲዛይታ ገዳና ማላ አሳ አዛዛ።

19 ሄሳላካ ቱሙ ገዲዳ ዳኦ ዳማና ማላ ቡርፔ ያና ዋዳሰ አሳይ ሚኖ ጸጸ ገዲዛ ሃር ባሰ ሺሻና።

20 ጸምቶሳ! ኔ ሃዳራ ኤኪዳይሳ ዉርሳ ናጋ፤ ጸሳ ቦንቻሶንታ ሃዳ ደና ሎሞኡሎሞኦፊኔ ዋርደ ኤራቴላ ጌቲቲዛ አሲ ባፔ ሜጺ ኬሲዳ ቲሚርቴፌ ሃካ።

21 ኦሰ ሄሳ ማላ ኤራቴላ ዳሰ ገዛ ኢሲ ኢሲ አሳቲ ሄሳላ ኦሶን አማኖ ኦጌፔ ባሌቲዳ፤ ጸሳ ኪያቴላ አንቴናራ ገደ።

ጳውሎስ ጸምቶሳስ ጳፊዳ ናምኣንሶ ኪታ ጊዶ ቆፋ

ጳውሎስ ጸምቶሳስ ጳፊዳ ሃ ናምኣንሶ ኪታይ ጳውሎስ ባስ ዳር ማዶ ጊዳ ባና ማዲዛ ኦሶ ላጌ ጊዲዳ ናቴላ ና ጸምቶሳስ ዩዲዳ ዘሬ ቃላ ኦይኪዳስ፤ ጳውሎስ ጸምቶሳ ኢዚ ዳር ዳንዳያን ማናና ማላ ዘሬዳስ፤ ጸምቶሳ ጳውሎሳፕ ኤኪዳ ማኖ ዘሬ ቃላይ ዩሱስ ኪርሰቶሳ ጊሻስ ኣማኔቲዲ ማርካታና ማላ ሚሺራቾ ቃላ፡ ካሴ ጋልኣ ጫቆ ጋርሳን ዲዛ ቲሚርቴዛካ ሚንሊ ኦይካና ማላኔ ኢዛስ ኣይኮ ዋይይ ዳሪኮካ ታማርሶኔ ሚሺራቾ ቃላ ሳባኮ ኣጎንታ ማናና ማላሳ።

ጸምቶሳስ ኣሜቲዳ ማኖ ዮኦይ ጮ ማላ ኤያቴላን ኣሳይ ፓላማቲዛ ዮኦፕ ኢዚ ሃካና ማላሳ፤ ሄሳ ማላ ዮኦይ ሲዩዛይታ ዋሬስ ኣቴን ኢዚ ኣሚዛ ሃራ ጎኣይ ዳና።

ሃይሳ ኡባን ጸምቶሳ ዩሺ ቆፓናስ ቤሲዛይ ጳውሎስ ኣማኖን ዋኒ ዳኢዳኮ፡ ኢዚ ኣይ ማላ ፔንጨዳኮ ኢዛ ሲቆዛ፡ ኢዛ ሚኖቴላኔ ኢዛ ቦላ ጋኪዳ ዋይዛ ለሚሶ ኢዚ ካላና ማላሳ። ጳውሎስ ሃይሳ ሃ ኪታ ጳፊዳይ ባ ላይላ ወርሴላን ሃይቆ ፐርዳይ ኢዛ ቦላ ፐርዳቲ ኡቴን ኢዚ ሃይቆ ናጊዛ ዋይኮ። (2ጸም 4:6-8)

ሃ ማጻፋይ ኦይኪዳ ኩሜላ ቆፋ

ጌሎሶ 1:1-2

ጸምቶሳስ ኣሜቲዳ ዘሬ 1:3—2:13

ኣሳይ ካዲዛ ዋይ ሚኒ ኤቆ 2:14—4:5

ሄ ዋይ ዲዛ ሃናታኔ ሄይታ ጊሻስ ኣሜቲዳ ዘሬታ 4:6-18

ኩሻ ቆፋ 4:19-22

1 ዩሱስ ኪርሰቶሳራ ኢሲፊቴላን ዲዛ ዳኦ ሂዶታ ቃላ ጊሻስ ዮታና ማላ ጳሳ ሽኔን ዩሱስ ኪርሰቶሳ ሃዋሬ ጊዲዳ ጳውሎሳፕ፡

2 ደሴቲዳ ታ ና ጸምቶሳስ ኪያቴላ፡ ማርቴላኔ ሳርቴላ ጳሳ ኣዋፕ ጎዳ ዩሱስ ኪርሰቶሳፕ ኔስ ጊዶ።

ጸምቶሳስ ኣሜቲዳ ዘሬ

3 ፓጤይ ባይንዳ ጋላሲኔ ቃማ ኔ ጊሻስ ዋሳን ቆፍሳሽ ካሴ ኣዋቲ ኦሊዳ ማላ ጌሻ ዋዚናራ ታ ጎይኒዛ ጳሳ ታ ጋላታይስ።

4 ካሴ ኔ ኣፋንላ ቆፓ ኤካዳ ታ ኔና ቤያዳ ኡፋይታና ላሞታይስ።

5 ቆጴፕ ቆሞን ጊዶንታ ኔ ኣማናዛ ታ ቆፓይስ፤ ሄ ኣማናይካ ኮይር ኔ ኣዩይ ኣዩን ሎይዲኒኔ ቃሴካ ኔ ኣዩዩን ኤዋንቄን ዳስ፤ ሃኢ ቃሴ ኔ ቦላ ዲዛይሳካ ታ ኤራዲስ።

6 ሄሳ ጊሻስ ታኒ ታ ኩሹ ኔ ቦላ ዋሊን ኔ ኤኪዳይሳ ኔ ቦላ ዲዛ ጳሳ ኣሞታ ኔ ዳንፊላና ማላ ታ ኔና ቆፍሳይስ።

7 ጳሲ ኦስ ኦኒ ኦ ሁኤ ሃራናስ ጳሳ ዋልቃ ኤራናሲኔ ሲቄታና ኣያና ኣሚዳስ ኣቴን ባቦ ኣያና ኣሚቤና።

8 ሄሳ ጊሻስ ጎዳ ጊሻስ ማርካታናስ ዋይኮ ጎዳ ጊሻስ ቃሽቲዳ ታናን ዩላቶፓ፤ ጊዶ ኣቴን ጳሳ ዋልቃራ ሚሺራቾ ቃላ ጊሻስ ኔ ታናራ ሜቶ ኤካ።

9 ኦ ኣይኮካ ኦሊዳ ጊሻስ ጊዶንታ ዲሺን ባ ቆፋ ማላኔ ባ ኪያቴላ ማላ ኦና ኣሺዳሲኔ ኦና ባስ ዲማሲዲ ጳይጊዳስ። ሄ ኢዛ ኪያቴላ ሜርና ዋይፕ ካሴ ዩሱስ ኪርሰቶሳ ባጋራ ኦስ ኣሜቲዳስ።

10 ሃኢ ቃሴ ኢዚ ሃይቆ ኡባ ጳይሲዲ ሚሺራቾ ቃላ ባጋራ ኦና ፖኦን ኬሲዳ ኦ ጳሌ ዩሱስ ኪርሰቶሳ ዩሳን ቆንጨዳስ።

11 ታኒካ ሃይሳ ሃ ሚሺራቾ ቃላ ዮቴዛዳ፡ ኪቴቲዳዳኔ ኣስታማሬ ጊዳዳ ሹሜታዲስ።

12 ታኒ ሜቶ ቤኢዛይካ ሄሳ ጊሻሳ፤ ጊዲኮካ ታ ኦና ኣማኒዛኮ ታኒ ታ ኣማኒዛዳ ሻካ ኤሪዛ ጊሻስ ኢዛን ዩላቴኮ። ታ ኢዛስ ኣሚዳ ሃዳራ ሄ ጋላሲያ ጋካናስ ኢዚ ናጋናስ ዳንዳይዛይሳ ታ ሻካ ኤራዲስ።

13 ኔ ታፕ ሲዩዳ ቲሚርቴዛ ዩሱስ ኪርሰቶሳራ ኢሲፊቴላን ዲዛ ኣማናኒኔ ሲቆን ለሚሶ ሂስታ ኦይካ።

14 ኔስ ኣሜቲዳ ሎኦ ሃዳራ ኦናን ዲዛ ጸሎ ኣያናን ናጋ።

15 ኢሲያ ኣወራጃ ጊዶን ዲዛይቲ ወሪካ ታና ኣጊዳይሳ ኔ ኤራሳ፤ ፊልጎሲኔ ሄርሞጌኔሲ ታና ኣጊዳ ኣሳራ ዳቲስ።

16 ሄኔሲፎሬ ሶ ኣሳ ጎዳይ ማር፤ ኣይስ ጊኮ ኢዚ ታና ዳር ዋይ ሚንፊላዳሲኔ ታኒ ሳንሳላታን ቃሽታ ዲሺን ታና ቤኢዲ ዩላቴቤና።

17 ሃራፕካ ኢዚ ኦርሜ ዩዳ ዋይ ታና ኮዩ ኮዩዲ ዳሚዳስ።

18 ወርሴላ ፐርዳ ጋላስ ጎዳይ ኢዛ ፐርዳፊ ኣሾ፤ ኢዚ ታና ኤፊሶኔን ኣይ ማላ ማዲዳኮ ኔ ሎኤላ ኤራሳ።

2

1 ሄሳ ጊሻስ ታ ናዞ ኔኒ ጎዳ ዩሱስ ኪርሰቶሳ ኪያቴላን ማና።

2 ዳር ማርካታ ሲንላን ኔ ታፕ ሲዩዳይሳ ሃራታ ታማርሳናስ ዳንዳይዛይታሲኔ ኣማኔቲዳ ኣሳታስ ሃዳራ ኢማ።

3 ዩሱስ ኪርሰቶሳስ ኣማኔቲዳ ሎኦ ዋታዳራ ማላ ታናራ ሜቶ ኤካ።

4 ዋታዳራቴላን ኦሊዛይይ ባ ሃላቃ ኡፋይሳናስ ዳፊቴስ ኣቴን ሃራ ባና ቃጶሊዛ ኦሶን ጌሊ ኤሬና።

5 ሄሳላካ ጋይ ዋጲዛይይ ዋላ ዋጋ ናጎንታ ዋጲኮ ጸኖ ኣክሊሌ ኤኮና።

6 ጎባ ጎሻንቻይ ባ ጎዩ ኬሲዳ ካላ ጳራ ሚዛይ ጊዳናስ ቤሴስ።

7 ታ ኔስ ጊዛይሳ ኔ ዋዚናን ዋላ ሲዩኮ ጎዳይ ኔስ ዮኦ ኡባን ኣኮካ ኣማና።

8 ሃይቆፕ ዳንዲዳ ዳዊቲ ዘሬላ ጊዲዳ ዩሱስ ኪርሰቶሳ ቆፓ፤ ታ ዮቴዛ ሚሺራቾ ቃላይካ ሄሳ።

9 ሄሳ ጋሶን ኢታ ኦሊዳ ኣሳ ማላ ቃሽታና ጋካናስ ዋይ ቤያይስ፤ ጊዶ ኣቴን ጳሳ ቃላይ ቃሽቲና።

10 ሄሳ ጊሻስ ኪርሰቶሳ ባጋራ ዲዛ ኣቶቴላኔ ሚርና ቦንቾ ዳማና ዳሬቲዳይታ ጊሻስ ጋዳ ወርሳካ ዳንዳያዲስ።

11 «ኦ ኢዛራ ኢሲፊ ሃይቁኮ

ኑ ኢዛራ ዳኑን ዳና።
 12 ዳንዳያን ሚኒኮ
 ኑ ኢዛራ ካዎታና።
 ኑ ኢዛ ካዲኮ
 ኢዚካ ኑና ካዳና።
 13 ኑ ኢዛሰ አማኔቶንታይታ ጊዲኮ
 ኢዚ ሜርናሰ
 አማኔቲዳ ማላ ዳና።
 ኢዚ ባርካ ባና
 ካዳና ዳንዳዬና»
 ጌቲቲዳ ቃላይ አማኔቲዳይሳ።

ሚኖ ኦሳንቻ

14 ሃይታ ሃ ዮኦታ ገሻሰ አሳ ቆፊሶ አጎፋ፤ አሳይ ባ
 ጊደን ኢሰይ ኢሰራ ቃላ ጋሶን ፓላሜቶንታ ማላ ጸሳ
 ሱንላን ዙሪ፤ ሄሳ ማላ ዮኦይ ሲዪዛይታ ሞሬሰ።
 15 ቱሙ ጸሳ ቃላ ዮቲዛይ፣ ዬላቸንታ ኦሳንቻኔ
 አሲ ኔ ገሻሰ ሎኦ ማርካቲዛይ ጊዳዳ ኔናቴላ ዉርሳ
 ጸሳ ሲንሳ ሺሻናሰ ሚና።
 16 ጮ ሚላ ዳና ላላቤቴላፊ ሃካ፤ ሄሳ ማላ ዮኦን
 ዋጾቲዳ አሳቲ ጸሳፊ ሃኪ ሃኪ ቤቴሰ።
 17 ኢሰታ ቲሚርቴይ ሳኪዲ ፓጸንታ ጌዴ ጉጂ
 ጉጂ ዳኬቲ ቢዛ ማዲንላ ማላ፤ ሄሚኔዎሲኔ ቃሴ
 ፊልጸሳ ጌቲቲዛይቲ ሄሳ ማላ ቲሚርቴ ታማርዛይታ
 ጊደን ዳይሰ።
 18 ሄይቲ ቲማቴላፊ ሃኪዲ ጮ ሚላ ዋዬቴሰ፤
 ኢሰቲካ፣ «ሃይቆፔ ዳንሳ ሃይሳፊ ካሴ ሃኒ አጂዳሰ»
 ጊዲ ኢሲ ኢሲ አሳ አማኖ ሺሪ ዬጌቴሰ።
 19 ጊደ አቲን፣ «ጎዳይ ባሰ ጊዲዛይታ ኤሬሰ።»
 ቃሴካ፣ «ጎዳ ሱንሳ ጸይጊዛይ ዉሪ ኢታፔ ሃኮ» ጊዛ
 ማታሚይ ኢዛ ቦላ ዲዛ ላሜቶንታ ጸሳ ዮቻይ
 ላሜቲቤና።
 20 ኢሲ ጊታ ኬላን ዋርቃፊኔ ቢራፔ ጸላ ጊደንታ
 ሚላፊኔ ኡርቃፊ ኦሴቲዳይቲ ዲዛይሳላ ሄይታንታፊካ
 ባጋይቲ ቦንቸ ኦሶሰ፣ ባጋይቲ ቃሴ ሄራይሶ ኦሶሰ
 ኤኬቴቴሰ።
 21 ሄሳ ገሻሰ ኦኒካ ሃይታ ታ ጊዳ ኢታ ዮኦታፔ ባና
 ጌሺኮ፤ ሄሳዳይ ቦንቸ ኦሶሰ ጊዲዛይኔ አንጃቲዳይ፤
 ጎዳ ጎኢዛይኔ ሎኦ ኦሶሰ ጊጌቲዳዳ ጊዳና።
 22 ፓንላቴላ ኢታ አሞቴላፊ ባቃታ፤ ጌሻ ዋዚናራ
 ጎዳ ጸይጊዛ አሳታራ ጸሎቴላ፣ አማኖ፣ ሲቆኔ ሳርቴላ
 ካላ።
 23 ጎኦይኔ ሄይታይ ባይንዳ ኤያታ ፓላማፔ ሃካ፤
 ጋሶይካ ሄሳንታ ማላይ ኦሽ ካሌላዛይሳ ኔ ኤራሳ።
 24 ጎዳ ኦሳንቻይ አሳራ ኦዬታናሰ ቤሴና፤ ሄሳፊ
 ቦላራ አሳ ኡባ አቻን ኪያ፣ አሰ ታማርሳናሰ
 ዳንዳይዛይኔ ሚኖ አሰ ጊዳናሰ ቤሴሰ።
 25 ኢዚ ባናራ ኤቁቲዛ አሳታ አሽኬቴላራ ኦይኪዛይ
 ጊዳናሰ ቤሴሰ፤ ኦኔ ኤሪዛይ ኢሰቲ ቱማ ኤራና ማላ
 ጸሲ ኢሰታሰ ማሬታናሰ ዋጾ አማኖ ዳንዳዬሰ።
 26 ሄሰካ ኢሰቲ ዩሺ ቆፒ ሲሚዲ ኢዛ ሺኔ ኩንላና
 ማላ ኢሰታ ዲኢ ኤፊዳ ጸላኤ ናርጸፊ ኢሰቲ ኬሲ
 ኤካና።

3

ዉርሴላ ዋዴን ያና ሜቶታ

1 ጊደ አቲን ዋዴ ዉርሴላን አሰ ሜቲዛ ዋዴይ
 ያናይሳ ኔ ኤራ።
 2 አሳይ ባና ደሲዛይ ጊዳና፤ ሚሽ ሲቁዛይታ፣ ባናን
 ጨቁቲዛይታ፣ ኦቶራንቻታ፣ ጫሻንቻታ፣ ባና
 ዬሊዳይታሰ ኣዛዜቶንታይታ፣ ጋላቶንታይታኔ ጌሻቴላ
 ባይንዳይታ።
 3 ሲቆይ ባይንዳይታ፣ አቶ ጊ ማርንታይታ፣ አሳ
 ሱንሳ ሞሪዛይታ፣ ባርካ ባና ሃርንታይታ፣ ሜንጾ
 ኢታታ፣ ሎኦ ሚሽ ደሶንታይታ።
 4 ካዲዛይታ፣ ናጌቶንታይታ፣ ጮ ሚላ ኦቶራቴላን
 ኩሚዳይታ፣ ጸሳፊ ኣሊዲ ሎኦ ዳሰ ደሲዛይታ ጊዳና።
 5 አማኒዛ አሰ ሚሳታና ሺን አማኖሰ ዲዛ ዋልቃ
 ካዳና፤ ሄይታ ማላታፔ ኔ ሃካ።
 6 ሄይታንቲ ኢሲ ኢሲ ኬላ ካልጺ ጌሊዲ ዳር
 ዳጾ ናጋራኒኔ ዲማ ዲማ ኢታ አሞቴላ ጋርሰ ጌሊዲ
 ያኔ ሃ ቃጺዛ አማኖን ላፋ ማጫሳታ ቃጺ ኦይኬቴሰ።
 7 ሄይታ ማላ ማጫሳቲ ኡባ ዋዴ ታማራቴሰ ሺን
 ቱማ ኤሬቴና።
 8 ኢያኔሲኔ ኢያንባራሲ ሙሴ ቦላ ዳንዲዳ ማላ
 ሃይቲካ ኢሰታ ቆፋይ ሞራቲን ባሰ አማኖፔ ኩንዲዳ
 ገሻሰ ቱማቴላ ኢጾቴሰ።
 9 ጊደ አቲን ኢሰታ ቆፋይ ኩሚና፤ ጋሶይካ ኢያኔሳኔ
 ኢያንባራሲ ኤያቴላ አሳሰ ቆንጨዳ ማላካ ሃይታ
 ሃናይካ ኡባሰ ቆንጨና።

ጳውሎሲ ጸምቶሳስ አሚዳ ሃዳራ

10 ኔ ጊዲኮ ታ ቲሚርቴዛ፣ ታ ዳሳ፣ ታ ዋና ቆፋ፣
 ታ አማኖዛ፣ ታ ዳንዳያ፣ ታ ሲቆዛኔ ታ ሚኖቴላ ኡባ
 ኤራሳ።
 11 ታ ጎዴቴላኔ ታ ዋዬዛ አንጾኪያን፣ ኢቆኒዮኒኔ
 ሊሰቲራንካ ታ ቦላ ጋኪዳይሳ ኡባ ታኒ ዳንዳያን
 ኤኪዳይሳ ኔ ኤራሳ፤ ጊዲኮካ ጎዳይ ሄሳ ኡባፊ ታና
 አሺዳሰ።
 12 ቱማፔ ዬሱሰ ኪርሰቶሳ ጌሻ ዋዚናፔ አማኒ ዳና
 ጊዛይቲ ዉሪካ ጎዴቲዛይታ ጊዳና።
 13 ኢታ ጊዲዳ ባሌላዛ አሳቲ ባሰ ባለቲዲ አሳ
 ባሌላሺ ኢታቴላ ቦላ ኢታቴላ ጉጂ ጉጂ ባና።
 14 ኔ ጊዲኮ ካሴ ኔ ታማራዳ ኤራዳ ኦኔን ሚና፤
 ሄሳ ኦናፔ ታማርዳኮ ኔ ኤራሳ።
 15 ኔ ጉላ ናቴላፊ ሃኢ ጋካናሰ ዬሱሰ ኪርሰቶሳ
 አማኖን አቶቴላ ቤቲዛ ቲሚርቴ አሚዛ ጌሻ ማጸፋታ
 ሎኦላ ኤራዳሳ።
 16 ጌሻ ማጸፋቲ ዉሪካ ጸሳ አያናይ ካሌላን
 ጸፊቲዳይታ፤ ኢሰቲካ አሰ ታማርሳናሰ፣ ሃንቃናሰ፣
 ሱሪሳናሰ ቃሴካ ጸሎቴላ ኦኔን ካሌላናሰ ጎኤቴሰ።
 17 ሄሰካ ጸሳ አሲ ሎኦ ኦሶ ኡባሰ ቤሲዛይ ጊዳና
 ማላሳ።

4

1 ጸሳ ሲንላኒኔ ሄሳላካ ፓጸ ዲዛይታ ቦላኔ
 ሃይቁዳይታ ቦላ ፐርዳናሰ ዲዛ ዬሱሰ ኪርሰቶሳ
 ሲንላን ኢዛ ቆንጨቴላ ኢዛ ካዎቴላ ቆፋራ ሃይሳ ኔሰ
 ሃዳራ ጋይሰ።
 2 ቃላ ሳባካ፤ ኔሰ ጊጊን ዋይኮ ጊጎንታ ኣጊን ኔኒ ኔ
 ባጋራ ጊጌታ ኤታ፤ ዳር ዳንዳያራ ታማርሶን አሳ
 ሱሪሳ፤ ሃንቃኔ ዙሪ።
 3 ጋሶይካ አሳይ ዉሪ ሱሪ ጊዲዳ ቲሚርቴ ኤኮንታ
 ኢጸና ዋዴይ ያና፤ ሄሳፊ ቦላራ አሳይ ባ አሞራ

ገዢዎሳ ኢስታ ሃይሊ ሲያና ኮይዘይሳ ጸላ ኢስታስ
ዮታና ማላ ባና ታማርሳና ዳር ኢስታማሬታ ባ ኣቶ
ቪሻና።

4 ቱማ ሲያናፕ ባ ሃይላ ሃራሶ ዛሪዲ ሃይሲኤ ባጋ
ሲማና።

5 ኔኒ ገዲኮ ሃኒዛ ዮኦ ኡባን ሎዱ ጋ፤ ሜቶ
ዳንዳያ፤ ሚሺራቾ ቃላ ዮቶ ኔስ ኦሶ ሂስታ፤ ኔ
ኦሶዛካ ፖላ።

6 ታ ቃሴ ያርሼታናስ ማታ ኡታዲስ፤ ሃይሳ ሃ
ኣላሜዛፕ ሻኬታ ቡሳ ዋዴይ ታስ ጋኪዴስ።

7 ሎኦ ባጼ ታ ባጼታዲስ፤ ታ ዋጸና ዋሕ
ወርሳዲስ፤ ኣማኖካ ናጋዲስ።

8 ሲንጻፌ ታስ ኣኪሊሌይ ገጊ ኡቲዴስ፤ ሄሲካ
ጸሎቴላ፤ ሄሳካ ቱሙ ፒርዲዛ ጎዳይ ሄ ጋላስ ታስ
ኣማና፤ ሄሲካ ታስ ጸላ ገደንታ ኢዛ ዩሳ
ላሞቲዛይታስ ኡባሲካ ኣማና።

ጳውሎሲ ኣዛዚዳ ወርሴላ ኣዛዘ

9 ታኮ ኤሌላ ያናስ ኔስ ዳንዳዬቲዳ ማላ ኦላ።

10 ዴማሲ ሃይሳ ኣላሜዛ ሲቂዲ ታና ዩጊ ኣጊዲ
ታሶሎንቄ ቢዴስ። ቃርቂሲ ጋላቲያ ቢዴስ፤ ቲቶሲ
ጌዴ ዳልማጲያ ቢዴስ።

11 ሉቃሲ ጸላ ታናራ ዴስ፤ ማርቆሲ ታና ኦሶን
ማዲዛ ገሻስ ኢዛ ኔናራ ኤካ ያ።

12 ቲቂቆሳ ኤፌሶኔ ዩዳዲስ።

13 ኔ ሃ ያሼ ታ ጸርኣዳን ካርፑሴ ኣቻን ዋሊዳ ታ
ማቃኔ ማጻፋታ ሃራፕካ ጋልባን ጻፊቲዳ ማጻፋታ ታስ
ኤካ ያ።

14 ጸርቂማላ ቆጶዛ ኢስኪንዲርሲ ታ ቦላ ዳር
ቆሆ ጋሊዴስ ሺን ጎዳይ ኢዛስ ኢዛ ኦሶ ማላ ኣማና።

15 ኢዚ ኦ ዮቲዛ ቃላ ኬሂ ኢዲዴስ፤ ኔካ ኢዛፕ
ናጌታ።

16 ታና ሞቲዛ ዮኦዛስ ኮይር ታና ኣሻና ማርካ ታ
ቪሺን ኦኒካ ታና ማዳና ዩቤና፤ ገዶ ኣቲን ወሪካ ታና
ዩጊዲ ቢዳ። ሄሳካ ኢስታ ቦላ ጸሲ ቆሆ ሂስቲ
ቆዶ።

17 ገዶ ኣቲን ቃላ ኪታይ ታ ባጋራ ኩሜላ ዮቲታና
ማላኔ ዴሬ ኣሳይ ወሪ ሲያና ማላ ጎዳይ ታ ኣቻን
ኤቂዲ ታና ሚንሊዴስ፤ ጋሞ ዶናፕካ ታና ኣሺዴስ።

18 ጎዳይ ኢታ ዮኦ ኡባፌ ታና ኣሻና፤ ጌዴ ባ ሳሎ
ካዋቴላስ ታና ሳርራ ጋላና፤ ኢዛስ ሜርናፕ ሜርና
ጋካናስ ቦንቾይ ገዶ። ኣሚን።

ወርሴላ ሳርካ

19 ጸርሲቂላስ፣ ኣቂላስ፣ ሄኔሲፎሬ ሶ ኣሳሲካ ታ
ሳርካ ጋላ።

20 ኤሪስጸሲ ቆሮንቶሴን ኣቲዴስ፤ ጸርፎሞሲ
ሳኬቲዳ ገሻስ ኢዛ ታ ሚሊጶን ኣጋዲስ።

21 ባልጎይ ጋካናፕ ሲንጹታዳ ታኮ ሃ ጋካናስ ኔስ
ዳንዳዬቲዳ ማላ ኦላ። ኤወጉሎሲ፣ ጵዴሲ፣ ቃሴካ
ሊኖሲ፣ ቂላወዲያይኔ ኣማኒዛይቲ ወሪካ ኔና ሳር ሳር
ገዶ።

22 ጎዳይ ኔናራ ገዶ፤ ጎዳ ኪያቴላ ኢንቴናራ ገዶ።

4:10 ቆላ 4:14፤ ፒልሞ 24፤ 2ቆር 8:23፤ ጋላ 2:3፤ ቲቶ 1:4 4:11 ቆላ 4:14፤ ፒልሞ 24፤ ሃዋ 12:12፣25፤ 13:13፤ 15:37-39፤ ቆላ
4:10፤ ፒልሞ 24 4:12 ሃዋ 20:4፤ ኤፌ 6:21-22፤ ቆላ 4:7-8 4:13 ሃዋ 20:6 4:14 1ጸም 1:20፤ ማዛ 62:12፤ ኦር 2:6 4:19
ሃዋ 18:2፤ 2ጸም 1:16-17 4:20 ሃዋ 19:22፤ ኦር 16:23፤ ሃዋ 20:4፤ 21:29

ጳውሎስ ጥቅሳስ ጳፊዳ ኪታ ጊደ ቆፋ

ጥቅሱ እይዛቤቱላፊ ሲሚ አማኖን ጌሊዲ ጳውሎስ፣ ሚሺራቾ ቃላ ኦሶን ማታን ማዲዛ ኢዛሰ እዳ ኤሬቲዳ ላጌ። ጳውሎስ ሃይሳ ሃ ኪታዛ ጳፊዳይ ባፔ ላይሳን ዮጊዛኔ ኢዛራ ማቲዛ ባናራ ኢሲፊ ኦሊዛ ጥቅሳስ ጊዲሺን ጥቅሱ ሄ ዋዴ ዋሳ ኬላ ጸሊሼ ቃርጾሴ ጌቲቲዛሶን ዳሰ፤ ሃ ኪታይ ሎኤሊ ሚንሊዛይ ሄቸ አይፊ ዮኦታ ቦላ።

ኮይሮይ ዋሳ ኬላ ጨማቲ ሃራፔካ ቃርጾሴ አሳሰ ኢታ ኦሶ ጊሻሰ ኢሰታሰ አይ ማላ ሎኦ ኦሶይ ቤሲዛኮ ጥቅሱ ኢሰታ ታማርሳና ማላ ጥቅሳ ቆፍሴሰ። ናምእንሎዚ ዋሳ ኬላ ጊደን ዲዛ ዲማ ዲማ ቡቴን ሄሲካ ጨሚዳ ማጫሳታኔ አቱማ አሳ፤ ሄሳላካ ናቴላ ናይታኔ አሳሰ ኦሊ አቁዛይታ ኢዚ ታማርሳና ቤሲዛይሳ ታማርሳና ማላ ጥቅሳ ዘሬሰ። ወርሴላን ቃሴ አማኖን ዲሳ ጊሻሰ ሃራፔካ አሳይ ሳርኒኔ ሰቆቴላን ዳኣና ማላሳ፤ ሄሳላካ ዋሳ ኬላ ጊደፊ ኢሶይ ኢሳ ኢጾ፣ ኦሺኔ ባ ጋርሳን ሻኬቲላ አጋና ማላ ጥቅሳሰ ዘሬ አሚዲ ኦላና ኦጌ ቤሲዳሰ።

ሃ ማጻፋይ ኦይኪዳ ኩሜላ ቆፋ

- ጌሎሶ 1:1-4
- ዋሳ ኬላ ካሌሊዛይታ 1:5-16
- ዋሳ ኬላን ዲዛ ዲማ ዲማ አሳታሰ አሜቲዳ ኦሶ 2:1-15
- ዘሬኔ ናጌታና ማላ ቆፊሶ 3:1-11
- ኩሻ ቆፋ 3:12-15

ዋሳ ኬላ ካሌሊዛይታኔ ዋርደ አሰታማሬታ

- 1 ጸሳሰ ደሬቲዳይታ አማኖኒኔ ቱሙ አያናን ካሌሊዛ ቱማ ኤራቴላን ዲቻና ማላ ጸሳ አይሌኔ ዬሱሰ ኪርሰቶሳ ሃዋሬ ጊዲዳ ጳውሎሳፔ።
- 2 ኢዛ አማኖይኔ ኤራቴላይ ካሴፔ ኦይኪዳ ዋርደቶንታ ጎዳይ ዳር ዋዴፔ ካሴ ባ አሚዳ ሜርና ዴኦ ሂደታ ማላ።
- 3 ኢዚ ካሴ ጊዳ ዋዴይ ጋኪዳ ማላ ኦና አሺዳ ጸሳ አዛዘን ታሰ ሳባካናሰ አሜቲዳ ሃራ ባጋራ ጸሲ ባ ቃላ ቆንጨሲዳሰ።
- 4 ኦሶ ኮሌ ጊዲዳ አማኖ ኢሲፊቴላን፣ አማኖን ታሰ ቱሙ ና ጊዲዳ ጥቅሳሰ፣ «ጸሳ አዋፔኔ ኦና አሺዳ ዬሱሰ ኪርሰቶሳፔ ኪያቴሊኔ ሳርቴሊ ኔሰ ጊደ» ጊደሰ።

ቃርጾሴን ጥቅሳ ኦሶ

- 5 ታ ኔና ቃርጾሴን አገዳይ ቡርፔ ጊጋና ቤሲዛ ዳሮ ሚሺ ዲዛ ጊሻሰ ኔ ጊሊሳናሲኔ ታ ኔና አዛዚዳ ማላ ካታማይ ዲዛሶን ዋሳ ኬላ ጨማታ ኔ ዶራናሳ።
- 6 ጨማቲላን ደሬታናይቲ ኢሰታ ቦላ ዋሶይ ባይንዳይታ፣ ኢሲ ማቸ አዚናታ፣ ናይቲ አማኒዛይታኔ ዋዩሶንታይታ ዋይኮ አዛዜቲዛ ናይታ አዋታ ጊዳቶ።
- 7 ዋሳ ኬላ ጨማይ ጸሳሰ ኦላና ሃዳራ ኤኪዳዴ ጊዲዳ ማላ ኢዛ ቦላ ዋሶይ ባይንዳይ ጊዳናሰ

1:4 2ቆር 8:23፤ ጋላ 2:3፤ 2ጸዎ 4:10

ቤሴሰ፤ ሄሲካ ጨቁቲዛዳ፣ ጉላ ሚሻን ዩሎቲዛዳ፤ ማላቲዛዳ፣ ኡሻንቻኔ ኢዛሰ ቤሶንታ ኦጌራ ጎኣ ጊዲዳዝ ጎዲ ኤኪ ቢዛዳ ጊዳናሰ ቤሴና።

- 8 ሄሳፊ ቦላራ ኢዚ አማላ ሞኪዛዳ፣ ሎኦ ኦሶ ደሲዛዳ፣ ባርካ ባና ሃሪዛዳ፣ ሱሬ አሰ፣ ጸሎኔ ባሰ ናጌቲዛዳ ጊዳናሰ ቤሴሰ።
- 9 ሃራ አሳታ ሎኦ ቲሚርቴን ሚንሌሊዛዳ ኔ ሎኦ ቲሚርቴዛ ኢዲዛይታ ሃንቃናሰ ባ ታማርዳ ማላ ቃላን ሚኒዛዳ ጊዳናሰ ቤሴሰ።

- 10 ዋዩሲዛይቲኔ ዶናን ጸላ ባሌሊዛይቲ ዳርቲ ዳቴሰ፤ ሃራፔካ ሄይቲ ቃጸሬቲዳ አይሁዳ አሳታፔ አማኒዳ አሳታ ባጋታ።
- 11 ሄይታንታ ጮኤ ሂሰቴላ ቤሴሰ፤ ጋሶይካ ኢሰቲ ቤሶንታ ኦጌራ ባሰ ጎኣ ዳማናሰ ቤሶንታ ቲሚርቴ ታማርሶን ኬላ አሳ ወርሲ ሞሮን ዳቴሰ።

12 ኢሰታ ናቤታፔ ኢሳዳይ ኢሰታ ጊሻሰ ሃሳይሹ፣ «ቃርጾሴ አሳይ ኡባ ዋዴ ዋርደንቻታ፣ ኢታ ዶኦታ፣ ጋንጃማታኔ አዛላታ» ጊደሰ።

- 13 ሄ ማርካቴላይ ቱማ፤ ሃሳ ጊሻሰ ኔ ኢሰታ ሎኤላ ሃንቁታ፤ ጋሶይካ ኢሰታሰ ቱሙ አማኖይ ዳና ማላኔ።
- 14 አይሁዳታ ሃይሲኤ ዋይኮ ቱሙ ዮኦፔ ሃኪዳ አሳታ አዛዘ ኢሰቲ ሲዮንታ ማላሳ።

15 ጌሻታሰ ሚሺ ወሪካ ጌሻ ሺን ቱናታሲኔ አማኖንታይታሰ ጊዲኮ ወሪካ ቱና፤ ሃራፔካ ኢሰታ ቆፋይ ወሪካ ቲኒዳሰ።

16 ኢሰቲ ባና ኦኒ ጸሰ ኤርሰ ጌቲሰ ሺን ባ ሃኖቴላን ጊዲኮ ካዳቴሰ፤ ኢሰቲ ሃራሲዛይታ፣ አዛዜቶንታይታኔ ሎኦ ኦሶሰ ቤሶንታይታ።

2

ቱሙ ቲሚርቴ

- 1 ኔኒ ጊዲኮ አሳ ቱሙ ጊዲዳዝ ታማርሳ።
- 2 ጨማ አሳይ ዋዚናማ፣ ቦንቹቲዳይታ፣ ባና ባርካ ሃሪዛይታ፣ አማኖኒኔ ሲቆን፣ ዳንዳያንካ ሎኦ ጊዳና ማላ ኔ ኢሰታ ዘራ።
- 3 ሄሳላካ ጨማ ማጫሳቲ ባ ዲዛ ዲሳን ቦንቻራ ዲዛይታኔ ሎኦ ሃኖቴላ አሳ ታማርሲዛይታ ጊዳቶ አቲን አሳ ሱንላ ኢሲዛይታ ዋይኮ ዋይኔ ጫጃ ኡሻ ሱኬን ዋዴቲዳይታ ጊደንታ ማላ ኢሰታ ታማርሳ።
- 4 ሄሳላ ኦሊኮ ናቴላ ማጫሳቲ ባ አዚናታኔ ባ ናይታ ደሳና ማላ ታማርሳናሰ ዳንዳዩቴሰ።
- 5 ጸሳ ቃላይ ኦና አቻንካ ጫዬቶንታ ማላ ኢሰቲ ባርካ ባና ሃሪዛይታኔ ጌሻታ፣ ኬላ ጊደን ኢሰታ ኦሶይ ኦይኪዳይታኔ አሳሰ ኪያታ፣ ባ አዚናታሰ አዛዜቲዛይታ ጊዳና ማላ ጨማ ማጫሳቲ ኢሰታ ታማርሴቶ።
- 6 ሄሳላካ ዬላጋ አቱማሳይ ባርካ ባና ሃራና ማላ ኔ ኢሰታ ዘራ።
- 7 አይ ሃኖንካ ኔ አሳሰ ሎኦ ለሚሶ ጊዳ፤ ኔኒ አሳ ታማርሲዛ ቲሚርቴዛ ኔኒካ ዋዚናፔ ታማርሲዛዳኔ ናጊዛዳ ጊዳ።
- 8 ኦ ጊሻሰ ኢታ ሃሳይዛ አሳይ ሃሳናሰ ኢታ ዳሞንታ አገዲ ዬላታና ማላ ኔ ሃሳይዛ ሃሳያ ጊደን ቦርሶ ዮኦይ ደፖ።
- 9 አይሌቲ አዛንካ ባ ጎዳታሰ ሃራታና ማላኔ ኡፋይሳና ማላ፤ ቃሴካ አወቲ ዛርንታ ማላ ታማርሳ።

10 ሃኒዛዛን ኡባን ኑና አሺዳ ጸሳ ቲሚርቴይ ደሴታና ማላ ኢስቲ ሎኦ ማርካቴል ቤሳና ማላ ባ ጎዳታ ሚሽ ካይሶቶፕቶ።

11 አሳስ ኢዛፔ ማርይ ቤቲዛ ጸሳ ኪያቴል አሳ ኡባስ ቆንጨዳስ።

12 ሄ ኪያቴልካ ኑኒ ናጋራን ዱሲኔ ሃ አላሜ አሞቴላ ካዲዲ ሃይሳ ሃ ዋዴዛን ኑርካ ኑና ሃሪዲኔ ጸሎቴላን ቱሙ አያና ዱስ ዳናይሳ ኑና ታማርሴስ።

13 ሄሲካ ኑስ አንጃቲዳ ሂዳታ ገዲዳ ዋጋ ጸሳኔ ኑና አሺዳ ዬሱስ ኪርሰቶሳ ቦንቾይ ቆንጫናይሳ ናጋናሳ።

14 ኢዚካ ኑና ኢታቴላፌ ዋዛናሲኔ ሎኦ ኦላናስ ማኒዛ ባ ዳሬ ባስ ደራናስ ባና ኑስ አሉ ኢሚዳስ።

15 ሄሳ ገሻስ ኔ ታማርሳናይቲ ሄይታንታ፤ ሄሳካ ኔ ኩሜላ ጎዳቴላራ ዞራኔ ሃንቃ፤ ኔና ኑኒካ ሌቆፎ።

ማላ ኢስቲ ሎኦ ኦሶ ኦሉ ሚናና ማላ ታማራናስ ኮሺስ።

15 ታናራ ዲዛይቲ ኢንቴና ሳር ጌቴስ፤ አማኖ ጋሶን ኑና ሰቂዛይታ ኡባ ሳር ጌቴ፤ ጸሳ ኪያቴል ኢንቴናራ ጌዶ።

3

ሎኦ ኦሶ

1 አሳይ ዳሬ አይሲዛይታስ ሃሬታና ማላኔ ሎኦ ገዲዳ ሚሽ ወርሲ ኦላናስ ጌጋ ገዳና ማላ አሳ ቆፍሳ።

2 ቃሴካ ኑኒካ አሳ ቦላ ኢታ ሃሳዮንታ ማላኔ ሎኦ አሳ ገዳና ማላ አሳ ኡባስ ኩሜላ ዋዚናፔ ባ አሽኬቴል ቤሳና ማላ ኡባ ቆፍሳ።

3 ኑኒካ ካሴ ቆፋይ ባይንዳይታ፣ አዛዜቶንታይታ፣ ባሌቲዛይታ፣ ዲማ ዲማ አሞኒኔ ሎኦ ዱሳስ አይሌቴላን ሃሬቲዛይታ፤ አሳራኔ ኑርካ ኑ ጋርሳንካ ኦዬቲሽ ኢታቴላኒኔ ሚቃይኔቴላን ደስ።

4-5 ገዶ አቲን ኑና አሺዳ ጸሳ ኪያቴልኔ ኢዛ ሲቆይ ቆንጨዳ ዋዴ ኑ ኦሉዳ ጸሎቴላን ገደንታ ዲሺን ኢዛ ማርቴላ ዳርን አቲደስ፤ ኢዚ ኑና አሺዳይ ናሞአንሶ ዬሌቴል ገዲዳ ሜቻኒኔ ጸሎ አያናን ኦራዴቴላና።

6 ሄሳካ ጸሎ አያናይ ኑ ቦላ ኑ ጎዳ ጸሲ ኑና አሺዳ ዬሱስ ኪርሰቶሳ ባጋራ ዳርሲ ጉሲዳስ።

7 ሄሲካ ኑ ኢዛ ኪያቴላን ጸሊዲ ሜርና ዳኦ ሃደታ ኦይኪዲ ላቲዛይታ ገዳናሳ።

8 ሄሲካ አማኔቲዳ ቃላ፤ ጸሳ አማኒዛይቲ ሎኦ ኦሶስ ባና አሉ አማና ማላ ሃይሳ ወርሳ ኔ ሎኤላ ዮታና ማላ ታ ኮያይስ፤ ሄሲካ ሎኦኔ አይ አሲካ ኮይዛዛ።

9 ቃሴካ ሃዳ ፓላማፔኔ አሳይ ባ ቆሞ ቆዲዛዛፔ፣ ማርሼፌኔ ዋጋ ገሻስ ዳንዲዛ ኦሻፌ ኔ ሃካ፤ ሄይታንቲ ጎአይ ባይንዳ ፓሶንታ ዮኦ።

10 አሳ ገደን ሻኬቴል ሜዲዛ አሲ ኢሲቶ ናሞኡቶ ኔ ዞሪን ኤኮንታ ኢጲኮ ኢዛዴራ ኔስ ኢሲፌቴል ደፖ።

11 ሄሳ ማላ አሲ ባሌቲዳ ናጋራንቻ አሳ፤ ኢዛዴይ ባርካ ባ ቦላ ፐርዲዳይሳ ኔ ኤራ።

ወርሴላ ዞሪ

12 አርጸሞኔ ዋይኮ ቲቂቆሳ ታ ኔኮ ኪቲኮ ኔ ታኮ ኒቆጶሊዮኔ ያናስ ኔስ ዳንዳዬቲዛዛ ወርሳ ኦላ፤ ታኒ ሃ ላይላ ባልጎ ሄን አላና ጋዳ ቃቻዲስ።

13 ዋጋ ኤሪዛ ዘማሲኔ አጲሎሲ ቢሺን ኢስታስ ኮሺዛዝ ወርሳ ኩንላ ማዳ።

14 ኑ ባጋታስ ሃቺስ ሃቺስ ኢስታ ኮሺዛዝ ኢስቲ ዳማና ማላኔ ኢስታ ዳላይ ጎአይ ባይንዳዝ ገደንታ

2:14 ማዛ 130:8፤ ኪሳ 19:5፤ ዛሬ 4:20፤ 7:6፤ 14:2፤ 1ጴጵ 2:9 ሃዋ 18:24፤ 1ቆር 16:12

3:12 ሃዋ 20:4፤ ኤፌ 6:21-22፤ ቆላ 4:7-8፤ 2ጸግ 4:12 3:13

ጳውሎስ ፕልሞናስ ጳፊዳ ኪታ ጊዶ ቆፋ

ፕልሞናይ ዳር ኤሬቲዳ አማኒዛዳ፤ ኢዚ ቆላሲያሴ ዋሳ ኬላን አማኒዛ አሳ ጋርሳን ዲዛዳ ሚሳቲስ። ፕልሞናስ አናስሞሳ ጌቲቲዛ አይሌይ ዳስ፤ ሄሳዳይ ባ ጎዳ ሶፔ ቤቲ ቢዲ ቃሾ ኬላን ዲዛ ጳውሎሳር ጋጊዳስ፤ ኢዚ ጳውሎሳ ባጋራ አማኒዳስ። ጳውሎስ ፕልሞናስ ጳፊዳ ኪታይ ፕልሞናይ ሲሚዲ ኢዛኮ ቢዛ ሄ አሳንቻዛራ ማቃይናና ማላ ቆፍሴስ። ቃሴካ አናስሞሲ ሃኢ አማኒዳዳ ጊዲዳ ጊሻስ ሃይሳፊ ጉዬ ፕልሞናይ አማኖን ባስ አሻ ማላ ኤካናፔ አቲን አይሌሶ ቆደንታ ማላ ዮቲስ።

ሃ ማጻፋይ ኦክዲ ኩሜላ ቆፋ

ጌሎሶ 1-3

ፕልሞናስ ጳውሎስ ሺሺዳ ቃላታ 4-7

ጳውሎስ አናስሞሳ ጊሻስ ሺሺዳ ሚኖ ዋሳ 8-22 ኩሻ ቆፋ 23-25

1 ዬሱስ ኪርስቶሳ ጊሻስ ቃሾቲዳ ታፔ ጳውሎሳፔኔ ኑ አሻ ጸምቶሳፔ ኑ ሲቆ አሻ ጊዲዲ ኑናራ ኢሲፊ ኦሊዛ ፕልሞናስ።

2 ኔ ኬላን ሸቂዛ አማኒዛ አሳሲኔ ኑ ሚቹዮ አምፒብያስ ቃሴካ ኑናራ ኢሲፊ ኪርስቶሳ ዋታዳራ ጊዲዳ አርኪጳሴስ።

3 ኑ አዋ ጸሳፊ ኑ ጎዳ ዬሱስ ኪርስቶሳፔ ኪያቴሌኔ ሳርቴሌ አንቴስ ጊዶ።

ፕልሞና ሲቆኔ አማኖ

4 ታኒ ታ ዋሳን ኔና ቆፓሼ ኡባ ዋዴ ጸሳ ጋላታይስ።

5 ጋሶይካ ኔ ጸሳ አሳ ሰቂዛይሳኔ ጎዳ ዬሱስ ኪርስቶሳን ኔ አማኒዛይሳ ታ ሲያዲስ።

6 ኑኒ ኪርስቶሳስ ጊዲዳይሳኔ ኑስ ዲዛ ሎኦ ዮኦይ ወሪ ቆንጩን ኤሬታና ማላ ኔኒካ ኔ አማኖ ሃራ አሳስ ቤሳና ማላ ታ ኔስ ሚና ዋሳይስ።

7 ታ አሻዘ! ኔ ሃኖን ጸሳ አሳ ዋዚናይ ኦራዲዳ ጊሻስ ኔ ሲቆይ ታ ዋዚና ኬሂ ሚንሊዳስ።

አናስሞሲ ፕልሞናኮ ሲማና ማላ ጳውሎሳ ዋሳ

8 ሄሳ ጊሻስ ኔ ኦላናስ ቤሲዛይሳ ኦላና ማላ ኔና አዛዛናስ ታስ ኪርስቶሳን ጸላቴሌ ዳሲኮሺን።

9 ጊዲኮካ ታ ኔና አዛዛናፔ ሲቆራ ዋሳይስ፤ ጋሶይካ ታኒ ዬሱስ ኪርስቶሳ ጊሻስ ቃሾታዳ ቃሾ ኬላን ዲዛ ጳውሎሳ።

10 ታ ኔና ዋሲዛይ ታኒ ቃሾ ኬላን ዳሼ ዬሱስ ኪርስቶሳን ዬሊዳ ና አናስሞሳ ጊሻሳ።

11 አናስሞሲ ሃይሳፊ ካሴ ኔና ጎኢቤና ሺን ሃኢ ጊዲኮ ኢዚ ኔናካ ታናካ ጎኢዛዳ። *

12 ታ ሃኢ ኢዛ ኔኮ ዛራ ዬዳዲስ፤ ታኒ ኔኮ ዬዲዛይ ኢዛ ጊደንታ ታ ዋዚና ኔኮ ዛራ ዬዲዛ ማላ ቆዳይስ።

13 ሚሺራቾ ቃላ ጋሶን ታ ሃን ቃሾታ ዲሺን ኔ ታና ኦላ ማዳናይሳ ኢዚ ታናራ ዳኢዳኮ ታና ኡፋይሴስ።

14 ጊዶ አቲን ኔ ሎኦ ኦሶይ ኔ ደሳንፔ አቲን ዋልቃራ ጊደንታ ማላ ጋዳ ኔና ኦይቾንታ አይኮካ ኦላና ኮያቤኬ።

15 አናስሞሲ ሃኖ ጋካናስ ኔፔ ጉላ ዋዴ ሻኬቲኮካ ኦኔ ኤሪዛይ ሃይሳፊ ጉዬ ኡባ ዋዴ ኔናራ ዳና ዳንዳዬስ።

16 ሃይሳፊ ጉዬ ኢዚ ኔናራ ዳናይ አይሌ ማላ ጊደንታ አይሌፊ አጲ ኔስ አሾ አሻ ማላ ጊዳና፤ ኢዚ ታስ ደሴቲዳ አሻ፤ ጊዶ አቲን ኢዚ ኔና ኦሊ ጎኦና አስ ጊዲዳ ጊሻሲኔ ኢዚ ኔስ ኪርስቶሳ ባጋራ አሻ ጊዲዳ ጊሻስ ኔስ ኬሂ ደሴቲዳይ ጊዳና።

17 ኑስ ዲዛ ኢሲፊቴላ ጋሶን ኔ ታና ኔስ አሻ ማላ ቆዲዛ ጊዲኮ ታና ኔ ዋካ ኤኪዛ ማላ ኢዛካ ዋካ ኤካ።

18 ኢዚ ኔ ቦላ ጋሊዳ ቆሆይ ዲኮ ዋይኮ ኔ አጮይ ኢዛ ቦላ ዲኮ ኢዛ አጮዛ ታ ቦላ ቆዳ።

19 ሃኮ ታ ጳውሎስ፣ «ኢዛ አጮዛ ታ ኔስ ቃንጻና» ጋዳ ታ ኩሼራ ጸፋዲስ፤ ጊዲኮካ ኔ ኪርስቶሳ አማኒዳይ ታ ባጋራ ጊዲዳ ጊሻስ ሃራይ አቶሺን ኔካ ታስ ቃንጻና አጮይ ዲዛዳ ጊዲዳይሳ ታ ኔና ኤሪሳናስ ኮሼና።

20 ሂኦ ታ አሻዘ! ሃሳ ሎኦ ኦሶ ኔ ታስ ኦላና ማላ ጎዳ ሱንላን ኪርስቶሳ ጊሻስ ጋዳ ኔ ታ ዋዚና ሸምፒሳና ማላ ታ ኔና ዋሳይስ።

21 ታ ኔስ ሃይሳ ጳፊዳይ ኔ ታስ አዛዜታናይሳ አማናዳኮ! ታ ኔና ኦይቹዳይሳፊ ኔ ኦላ ኦላናይሳ ታ ኤራይስ።

22 ጸሲ አንቴ ዋሳ ሲዬዲ ታ አንቴኮ ባና ማላ ታስ ሂደታይ ዲዛ ጊሻስ ታ ባዳ አንቴኮን ሸምፓናሶ ሃያና ታስ ጊሳ።

ወርሴላ ሳሮካ

23 ዬሱስ ኪርስቶሳ ጋሶን ታናራ ቃሾቲዳ ኤጳፊራይ ኔና ሳሮ ጌስ።

24 ሄሳሶካ ታናራ ኦሊዛይቲ ማርቆሲ አርሲጸርኮሲ፣ ዳማሲኔ ሉቃሲ ኔና ሳሮ ጌቲስ።

25 ጎዳ ዬሱስ ኪርስቶሳ ኪያቴሌ አንቴናራ ጊዶ።

1:2 ቆላ 4:17 1:10 ቆላ 4:9 * 1:11 አናስሞሳ ጉሲ ጊሪኬ ቃላን ጎኢዛዳ ጉሳ። 1:23 ቆላ 1:7፤ 4:12 1:24 ሃዋ 12:12፣25፤ 13:13፤ 15:37-39፤ 19:29፤ 27:2፤ ቆላ 4:10፣14፤ 2ጸም 4:10-11

ጉላራ ጉላዳሳ።
 ቦንቾ ዛወዴኔ ጋላታ
 ኢዛ ሁኔን ዋላዳሳ።
 ኔኒ ኢዛ ኔ ኩሼ
 እሶታ ቦላ ሹማዳሳ።
 8 ኔ ወርሳካ ኢዛ ቶሆ
 ጋርሳን ሃሪሳዳሳ፤
 ጸሲ ኡባካ ኢዛ፤ ጋርሳራ
 ኢዛሰ ሃሪሲሺን
 አቲዳይ አይ ሚሺካ ዳና።
 ሃኢ ቃሴ
 ወሪካ ኢዛሰ ሃሪቲሺን
 ኑ ቤዪቤኮ» ገደሰ።

9 ገደ አቲን ጸሳ ኪያቴላን አሳ ኡባ ገሻሰ
 ሃይቃናሰ ኪታንቻታ፤ ጉላ ዋዴ ጉጺዳ ዬሱሲ ዋዴ
 ሃይቆ ሃይቂዲ ሃኢ ቦንቾኔ ጋላታ ዛወዴ ባ ሁኔን
 ዋላዳዳሳ ኑ ቤዮሰ።

10 ሃኒዛይ ወሪካ ኢዛ፤ ገደሰ ሜዴቲዳ ጸሲ ዳር
 ናይታ ቦንቾሰ ኤፋናሰ ኢሰታ ማሮቴላሰ ሁኔ ገዲዳ
 ዬሱሲ ዋዴን ፖላናሰ ኮሺዛዝ ገዲዳሰ።

11 አሰ ገሺዛይኔ ኢዛን ገይዛ አሳይ ሄይቲ ኢሲ
 ኬላ አሳታ። ሃሳ ገሻሰ ዬሱሲ ኢሰታ። «ታ አሻቶ» ገ
 ጸይጋናሰ ዬላቴና።

12 «ታኒ ኔ ሱንላን ታ አሻታሰ ዮታና ሸቂዳ ዳሬዛ
 ሲንላን ኔና ጋላቲዛ ማዘሙራ ታ ዬጸና።»

13 ሃሳላካ። «ታ ኢዛን አማኔታና» ቃሴካ። «ታኒኔ
 ታሰ ጸሲ አሚዳ ናይቲ ኑ ሃን ዶሰ» ገሰ ገሻ
 ማጸፋይ።

14 ናይታሰ አሸይኔ ሱላ ዲዛ ማላ ኢዚካ ኢሰታ
 ማላ አሳ፤ ሄሲካ ሃይቆ ቦላ ኢዛሰ ዋልቃይ ዲዛ
 ዳቡሎሳ ኢዚ ባ ሃይቆ ዋልቃን ዛራናሳ።

15 ሃሳላካ ባ ዲዛ ዋዴ ኡባን ሃይቆሰ ባቦን ሃራቲ
 ቃሹቲዳይታ ሃይቆ፤ ዋዛናሳ።

16 ኢዚ ሃ ዪዳይ ኪታንቻታ ማዳናሰ ገደንታ
 አብራሃሜ ዜሬላታ ማዳናሰ ዪዳሰ።

17 ሃሳ ገሻሰ ኡባ ባጋራ ኢዚ ባ አሻታ ሚሳታናሰ
 ቤሲዛዴ ገዲዳሰ፤ ኢዚ ሃሳ ኦላዳይ ማሪዛዴኔ
 አማኔቲዳ ዋና ቄሴ ሃላቃ ገዲዲ ጸሳሰ አላናሲኔ
 ዳሬዛ ናጋራ፤ ማራናሳ።

18 ኢዚ ባ ሁኔን ፓጩቲዲ ሜቶ ኤኪዳ ገሻሰ
 ፓጩቲዛይታ ማዳናሰ ዳንዳዬሰ።

3

ዬሱሲ ሙሴ፤ አዲሰ

1 ሃሳ ገሻሰ ሳሎ፤ ጸይሲ አንቴና ጋኪን አማኒዛ ኑ
 አሻቶ! ኑ አማኖሰ ሃዋራኔ ቄሴታ ሃላቃ ገዲዳ ዬሱሳ
 ቆፒቲ።

2 ሙሴይ ጸሳ ኬላ ኡባ ቦላ አማኔቲዳይ ገዲዳ
 ማላ ዬሱሲካ ባና ሹሚዳዳሰ አማኔቲዳይ።

3 ኬላ ኬጺዳዳሰ ኬላሬ ቦላራ ቦንቾይ ዲዛ ማላ
 ዬሱሳሰካ ሙሴ፤ አዲዛ ቦንቾይ ቤሲዛዴ ገዳናሰ
 ቤሴሰ።

4 ኬላ ኡባሲካ ኬጺዳዳይ ዳሰ፤ ገደ አቲን
 ወርሰካ ኦላዳይ ጸሳ።

5 ሙሴይ ቲንቢቲ ማርካቲሼ ጸሳ ኬላ ኡባ ቦላ
 ኢሲ አማኔቲዳ ኦሳንቻ ማላ ገዲ ዳኤዳሰ።

6 ኪርሰቶሲ ገዲኮ ጸሳ ኬላ ቦላ አማኔቲዳ ና
 ማላ። ኑኒካ ኢዛ ቦላ አማኔቲዛ ኡፋይሳይኔ ጩቄቲዛ
 ሂደታ ሎኤላ ኦይኪኮ ኑ ኢዛሰ ዲሳ ኬላ።

ጸሳ አሳሰ አሜቲዳ ቆሬሶ ቃላ

7 ሃሳ ገሻሰ ጸሎ አያናይ ገዛ ማላ።

«አንቴ ሃቾ ኢዛ ቃላ ሲዪኮ

8 ባዘ ቢታን አንቴ ታና
 ፓጩዳ ዋዴ ማካሊዳይሳላ
 አንቴ ዋዚና
 ሙሚሶፒቲ።

9 አንቴ አዋቲ ካሴ

ሃን ታና ፓጩዳኔ
 ታናራ ኤቄቲዳ።
 ታ ኦላዳይሳ ወርሲ
 ኦይዳ ታሙ ላይላ
 ጋካናሰ ቤኢዳ።

10 ሄ ዋዴ ዬሎታታ ቦላ

ታ ሃንቄቲን
 ኢሰታ ዋዚናይ ኡባ ዋዴ
 ባሌቲሰ፤
 ኢሰቲ ታ ኦጌ ኤሪቤቴና።

11 ቃሴ። «ታ ኢሰታሰ አሚዛ ሹምፖሶ

ኢሰቲ ሙሴካ ገሌቴና!»
 ጋዳ ታኒ ታ ሃንቆን ጫቃዲሰ» ገሰ።

12 ታ አሻቶ! አንቴሬ ኦኒካ ዳኦ ጸሳሬ ሃራሶ
 አንቴና ሃሲዛ ኢታኔ አማኖንታ ዋዚናይ ዶንታ ማላ
 ናጌቲ።

13 ሃራፔካ አንቴ ጋርሳሬ ኦኒካ ናጋራን ባሌቲዲ ባ
 ዋዚና ሙሚሶንታ ማላ። «ሃቾ» ጌቲቲሺን ሃቾ ሃቾ
 አንቴ አንቴ ጋርሳን ሚኔቲ።

14 ኑሰ ካሴ ኮይሮ፤ ዲዛ አማኖ ኑኒ ወርሴላ
 ጋካናሰ ሎኤላ ሚንላ ኦይኪኮ ኑኒ ኪርሰቶሳራ
 ኢሲሬ ላታና።

15 ሃሲካ። «አንቴ ሃቾ ኢዛ ቃላ ሲዪኮ ካሴ
 ማካሊዳይታይሳ ማላ ሃኢካ አንቴ ዋዚና አንቴ
 ሚንላንታ ማላ» ጌቲቲ ገሻ ማጸፋን ጸፊቲዳይሳላ
 ሃኒዳሰ።

16 ሲዪዲ ማካሊዳይቲ ኢሰቲ ኦናንቴ? ሙሴይ
 ገብጾ፤ ካሌላ ኬሲዳይታ ኡባታ ገዴቴኔ?

17 ጸሲ ኢሰታ ቦላ ኦይዳ ታሙ ላይላ
 ሃንቄቲዳይቲ ኢሰቲ ኦናንቴ? ናጋራ ኦላን ኢሰታ አሃይ
 ባዘ ቢታን ኩንዲ አቲዳይታ ገዴቴኔ?

18 ኢዛሰ አዛዜቶንታ ኢጺዳይታ፤ አቲን ኢዛ
 ሹምፖሶ ገሎንታ ማላ ኢዚ ጫቂ ዲገዳይ ሃራይ
 ኦናንቴ?

19 ሃሳ ገሻሰ ኢሰቲ ገሎንታ አቲዳይ አማኖይ
 ባይንዳ ገሻሰ ገዲዳይሳ ኑ ኤርሰ።

4

ጸሳ ዳሬሰ አሜቲዳ ሳምባታ ሹምፖ

1 ገዴ ሹምፖሶ ገላናሰ አሜቲዳ ሂደታይ ሃኢካ
 ናጌቲ ዲዛ ገሻሰ አንቴ ገደሬ ኦኒካ ሃሳሰ ቤሶንታዳ
 ገደንታ ማላ አኔ ናጌቶሰ።

2 ሃይታንታሰ ሳባኬቲዳ ማላ ኑሰካ ሚሺራቾ
 ቃላይ ሳባኬቲዳሰ፤ ገዲኮካ ሲዪዳ አሳታራ ሲዪዳ

ቃላይ ኢስታራ አማኖን ዋላኮቶንታ አገዳ ገሻሰ ኢስታ ጎኢቤና።

3 ኑ ቃሴ አማኒዛይቲ ሄ ሽምግሮዛ ጌላና። ጸሴ፡ «ሄሳ ገሻሰ ታኒ ታ ሃንቆን፡ ታ ኢስታሰ አማና ገዳ ሽምግሮዛ ኢስቲ ሙሉካ ጌሌቴና፡ ጋዳ ታ ጫቃዲሰ» ገዴሰ። ገዳ ኣቲን ሃይሲ ኣላሜይ ሜዴቶሶፔ ሃ ሲሚን ኢዛ ኦሶይ ፖሊቲዴሰ።

4 ኢሲ ሶሆን ላፑንላ ጋላሳ ገሻሰ፡ «ላፑንላ ጋላሲ ጸሴ ኦሶ ኡባፌ ሽምግሮዴሰ» ጌቲቲ ጌሻ ማጻፋን ጸፊቲዴሰ።

5 ቃሴካ ሄ ሶዛን፡ «ቲማፔ ኢስቲ ታ ሽምግሮ ሙሉካ ጌሌቴና» ጌሰ።

6 ኢዛ ሽምግሮ ቡሮ ጌላና ኢሲ ኢሲ ኣሳቲ ዴቲሰ፤ ካሴ ኢስታሰ ሚሺራቾ ቃላይ ሳባኬቲዳይቲ ኣዛዜቶንታ ኢዲዳ ገሻሰ ኢዛ ሽምግሮ ኢስቲ ጌሊቤቴና።

7 ሄሳ ገሻሰ ጸሴ፡ «ሃቾ» ገዲ ቃሴካ ሃራ ጋላሰ ዋሊዴሰ፤ ሄሲካ ዳሮ ላይሳታፔ ጉዬ ዳዊቲ ባጋራ፡ «ሃቾ እንቲ ኢዛ ቃላ ሲዪኮ

እንቲ ዋዚና ሙሚሶፒቲ» ጌቲቲ ካሴ ዮቲቲዳ ማላ ሃኒዴሰ።

8 ኢያሶይ ኢስታሰ ሽምግ ኢሚዳኮ ጸሴ ሃራ ጋላሰ ገዲ ዮቲናኮሺን።

9 ሄሳ ገሻሰ ሳምባታ ጋላሰ ሽምግይ ጸሳ ዴሬሰ ሃኢካ ዴሰ።

10 ጋሶይካ ጸሳ ሽምግሮ ጌሊዛይ ዉሪ ጸሴ ኦሊ ሽምግሮ ማላ ኢዛካ ባ ኦሶፔ ሽምግሮ።

11 ሄሳ ገሻሰ ኦኒካ ሄይታንታ ማላ ኣዛዜቶንታ ኢዲዳይሳ ለሚሶ ካሊዲ ኩንዶንታ ማላ ሄ ሽምግሮዮ ጌላናሰ ኣኔ ሚናሰ።

12 ጸሳ ቃላይ ፓጻ ዲዛይሳኔ ኦሊዛ ቃላ፤ ናምኡ ባጋ ቃራ ማሻፊካ ኣጂ ቃራ፤ ሽምግኔ ኣያና፡ ሻያኔ ኮልቩካ ሻካና ጋካናሰ ጫዴሰ፤ ዋዚና ቆፋኔ ኣሞቲላካ ፓጫ ጸሊሰ።

13 ጸሳ ኣይፊፔ ጌሜቲዳ ሜዴታይ ሙሉካ ዴና፤ ኑ ኢዛሰ ኑ ገሻሰ ዛሮ ኢማናሰ ቤሲዛ ኢዛ ሲንላን ሃናይ ዉሪካ ካሎ ቆንጩን ቤታና።

14 ሄሳ ገሻሰ ፑዴ ሳሎ ቢዳ ቁሴታ ሃላቃ ጸሳ ና ዩሱሲ ኑሰ ዲዛ ገሻሰ ኣኔ ኑኒ ኑ ኣማኖ ሚንላ ኦይኮሰ።

15 ኑ ዳቡርሺን ኑሰ ቃዴታና ዳንዳይዛ ቁሴታ ሃላቃይ ኑሰ ዴሰ፤ ኢዚ ኑ ማላ ኡባ ሚሻን ፓጩቲዴሰ፤ ገዲኮካ ኢዚ ኣይኮ ናጋራካ ኦሊቤና።

16 ሄሳ ገሻሰ ኑኒ ማሮቲላ ኤካናሰኔ ኑና ኮሺዛ ዋዴ ኑና ማዲዛ ኢዛ ኪያቲላ ኑ ዴማና ማላ ጌዴ ኢዛ ማሮቲላ ኣልጋኮ ኣኔ ኣማኖን ሺቆሰ።

5

1 ቁሴታ ሃላቃ ገዲ ሹሜቲዛይይ ዳሮ ኣሳ ገደፊ ዶሬቲሲኔ ኣሳ ገሻሰ ገዲዲ ኢሞታኔ ናጋራ ገሻሰ ያርሾ ሺሻናሰ ዶሬቲሰ።

2 ኢዚካ ባ ባጋራ ዳቡራንቻ ገዲዳ ገሻሰ ኤርንታ ኣሳታሲኔ ኦኒ ባሊዳይታሰ ቃዴታና ዳንዳይሰ።

3 ኢዚ ባ ናጋራ ገሻሲኔ ሃራ ኣሳታ ናጋራ ገሻሰ ያርሾ ሺሻናሰ ኢዛሰ ቤሲዛይ ሄሳ ገሻሳ።

4 ኣርኔይ ጸይጌቲዳይሳሶ ኢዚ ጸሴ ጸይጌዲዳ ገዴናሰ ቤሴሰ ኣቲን ሄሳ ሄ ቦንቾዛ ባርካ ባሰ ኤኪዛይይ ዴና።

5 ሄሳላካ ከርሰቶሲ ቁሴታ ሃላቃ ገዴና ቦንቾ ባርካ ባሰ ኤኪቤና፤ ገዴ ኣቲን፡ «ኔ ታ ናኮ፤

ታ ኔሰ ሃቾ ኣዋ ገዲዲሰ» ገዲ ጸሳፊ ኤኪዴሰ።

6 ሄሳላካ ሃራሶን «ማልኬዴዴቄ ሹሜታ ማላ ኔኒ ሜርናሰ

ቁሴታ ሃላቃ» ጌሰ።

7 ዩሱሲ ሃይሳ ቢታ ቦላ ዲዛ ዋዴ ኢዛ ሃይቆፔ ኣሻና ዳንዳይዛይሳኮ ኣፋንጸሺ ቃላ ቶቄ ሂሰቲ ዋሲዴሰ። ኣዳፊ ኣሽኬቴላራ ኢዚ ኣዛዜቲዳ ገሻሰ ኢዛ ዋሳካ ጸሴ ሲዪዴሰ።

8 ኢዚ ጸሳ ና ገዲኮካ ባ ኤኪዳ ዋዩዛ፤ ኣዛዜቲላ ታማርዴሰ።

9 ሄሳ ባጋራ ፓጩይ ባይንዳዴ ገዲ ቤቲዳይሳፊ ጉዬ ባሰ ኣዛዜቲዛይታሰ ኡባሰ ሜርና ኣቶቲላሰ ጋሶ ገዲዴሰ።

10 ማልኬዴዴቄ ሹሜቲላ ማላ ቁሴታ ሃላቃ ጌቲቲ ጸሳን ሹሜቲዴሰ።

ኣማኖን ሚናና ማላ ኢሜቲዳ ቆፊሶ

11 ሄሳ ገሻሰ ኑ ሃሳያና ሚሺ ቡሮ ዳሮይ ዴሰ፤ ገዴ ኣቲን እንቲ ዶታኣታ ገዲዳ ገሻሰ እንቲና ኤሪሶይ ሜቶ።

12 እንቲ ሃኒ ዋዴ ኣስታማሬ ገዴናሰ ቤሲሺን ጸሳ ቃላ ቡሮ ኮይሮፔ ዴንላዲ እንቲና ታማርሲዛ ኣሰ እንቲሰ ኮሺሰ። እንቲሰ ሚኖ ካላ ገዶንታ ማላ ኮሺሰ።

13 ማላ ፓሄቲዛይ ቂ ጉላ ና ገዲዛ ገሻሰ ሎኦኔ ኢታ ሻኪዛ ቲሚርቲ ሻኪ ኤራና።

14 ሚኖ ካላ ገዲኮ ሎኦኔ ኢታ ሻኪ ኤራናሰ ዳንዳይዛ ዋዚና ኩንላዲ ኣሳታሳ።

6

1 ሄሳ ገሻሰ ኮይሮፔ ከርሰቶሳ ገሻሰ ኢሜቲዳ ቲሚርቲዛ ኣገዲ ኣኔ ጌዴ ሚኖ ቲሚርቲኮ ቦሰ። ሃይቆዳ ኦሶፔ ማሮቲላን ጌሎ ገሻሲኔ ጸሳን ኣማኖ ገሻሰ ኣኔ ኢዛን ቡሮ ዋዴ ማዶኮ።

2 ሄሳላካ ጸንቃታ ገሻሲኔ ኩሺ ኣሳ ቦላ ዋላ ገሻሰ ቃሴካ ሃይቆዳይታ ዴንላ ገሻሲኔ ሜርና ፐርዳ ገሻሰ ቡሮ ዋላ ደሞኮ።

3 ጸሳ ሺኔ ገዲኮ ኑ ሃሳላ ኦላና።

4 ባ ኣማኖ ካዲዳ ኣሳታ ኢስታ ማሮቲላን ዋሰቲ ዙራኔ? ሄ ኣሳቲ ፖኦይ ኢስታሰ ኢሰቶ ፖኢዳይታ ሳሎ ኢሞቲላ ኤኪ ቤኢዳይታ፡ ጸሎ ኣያና ኤኪ ቤኢዳይታ፡

5 ጸሳ ሎኦ ቃላኔ ቡሮ ያና ኣላሜዛ ዋልቃ ኤኪ ቤኢዳይታ፡

6 ዛሪ ካዲዳይታ፡ ኢስታ ናምኣንሎ ዛሪ ማሮቲላን ኤኮይ ዳንዳይቲና፤ ጋሶይካ ኢስቲ ባ ሞርሰ ጸሳ ና ዛሪ ካቄቲሲኔ ካዉሺቲሰ።

7 ኡባ ዋዴ ኢራ ኡዩዛ ቢታያ ቃሴካ ኢዛ ጎዩዛዴስ ኣይፌ ኢሚዛ ቢታያ ጸሳ ኣቻን ኣንጃታዴስ።

8 ጊዶ ኣቲን ኣጉንፊኔ ኦዶሮይ ሞቢዛ ቢታያ ጎኣይ ባይንዳሮ ጊዳና፤ ሄ ቢታይስ ቃንጌቴላ ማታን ዴስ፤ ኢዚ ወርሴላ ታማን ጸጌቴላ ጊዳና።

9 ታ ኢሻቶ! ኑኒ ሄሳላ ሃሳይኮካ ኢንቴስ ኢንቴ ኣቶቴላራ ኦይኬቴዳ ሎኦ ሚሺ ዲዛይሳ ኑ ሲጶኮ።

10 ካሴ ጊዳን ዋይኮ ሃኢ ጊዳንካ ኢንቴ ኣሚኒዛይታ ማዲዳይሳኔ ኢዛ ሱንላ ጊሻስ ኢንቴ ቤሲዳ ሲቆቴላ ባላናስ ጸሲ ማካላንቻ ጊዳና።

11 ኢንቴስ ኢሚቴዳ ሂዶታይ ፖሌታና ጋካናስ ኢንቴፊ ኢሲ ኢሲ ኣሲ ሄሳ ማላ ኦሶ ወርሴላ ጋካናስ ጌንጨዲ ኦላና ማላ ኑ ኣሞቶስ።

12 ኣማኖኒኔ ዳንዳያን ኢንቴ ኢዛ ሂዶታ ቃላ ላቲዛይታ ሚሳታናፕ ኣቲን ዶታኣታ ጊዳናይሳ ኑ ኮኖኮ።

ጸሲ ኢሚዳ ሂዶታ ቃላ ቱማቴላ

13-14 ጸሲ ኣብራሃሚስ ሂዶታ ኢሚዳ ዋዴ ጫቂሽ ሃራ ኢዛፕ ኣጂዛዴይ ባይንዳ ጊሻስ ባርካ ባናን፣ «ታ ኔና ቱማፕ ኣንጃና፤ ታኒ ኔ ዜሬላ ዳርሳና» ጊ ጫቂዴስ።

15 ኣብራሃሚይካ ጌንጨ ናጊዳፕ ካሊዲ ኢዛስ ኢሚቴዳ ሂዶታ ዴሚዴስ።

16 ኣሳይ ጫቆ ጫቂሽ ባፕ ጶቃን ጫቂስ፤ ጫቆዚካ ጌቴቴዳይሲ ፖሌታና ማላ ሚንፊዛ ጊሻስ ጫቂዳይታ ጊዳን ፓላማይ ዴንዲኮ ካሴ ጫቆ ቃላይ ዲጌስ።

17 ጸሲ ላሚቶንታ ባ ቆፋ ሂዶታ ቃላ ላታናይታስ ቆንጨሳና ማላ ኮዩዳ ጊሻስ ጫቆ ቃላን ሚንፊዴስ።

18 ጸሲ ኣይ ዋዴካ ዋርዶታናስ ዳንዳዩና፤ ኢዚ ላሚቶንታ ናሞኡ ሚሻታን ኑ ሲንላን ዲዛ ሂዶታ ኦይካናስ ኢዛኮ ሸቂዳ ኑኒ ጌታ ሚኖቴላ ዴማና ማላ ኦላዴስ።

19 ኑኒካ ሸምፖ ቴቂ ጊዲዳ ሚኖኔ ኣማንፊዛ ሂዶታ ዴሚዴስ፤ ሄ ሂዶታይካ ማጋላሻዛፕ ጉዩ ባጋራ ዲዛ ጌዴ ጸሳ ኬላ ጊዶ ጌሌስ። *

20 ሄ ሶዚካ ኑ ጊሻስ ዩሱሲ ካሴቴ ጌሊዳሶ፤ ኢዚካ ማልኬዴቂ ሹሚቴላ ማላ ሚርናስ ቄሴታ ሃላቃ ጊዲዴስ።

7

ቄሴታ ሃላቃ ማልኬዴቂ

1 ሄሲ ማልኬዴቂይ ሳሌሜ ካዎኔ ጸሳ ቄሴ፤ ኢዚካ ኣብራሃሚይ ካዎታ ኦሊ ጸኒዲ ሲሚሺን ዴሚዲ ኣብራሃሚ ኣንጃዴስ።

2 ኣብራሃሚይካ ባስ ዲዛ ኡባፌ ታሙ ኩሼፕ ኢሲ ኩሼ ኢዛስ ኢሚዴስ። ኮይሮ ኢዛ ሱንላስ ቢርሼላ፣ «ጸሎ ካዎ» ጉሳ። ካሊዲ ቃሴ፣ «ሳሌሜ ካዎ» ጉሲ፣ «ሳርቴላ ካዎ» ጉሳ።

3 ጌዛስ ኣያካ፣ ኣዋይካ ዋይኮ ኢዛ ዩሌታስ ዛርኬይካ ባ፤ ኢዚ ኣይዴ ዩሌቴዲ ኣይዴ ሃይቂዳኮ ኤሬቴቤና፤ ኢዛስ ዶሚላኔ ወርሴላ ባ፤ ጊዶ ኣቲን ጸሳ ና ማላ ሚርናስ ኢዚ ቄሴ ጊዲዲ ዴስ።

4 ኣኔ ኢንቴ ኢዚ ኣይ ማላ ጌታኮ ቆፒቴ፣ ሃራይ ኣቶሺን ኣዎታስ ኡባስ ኮይሮይ ኣብራሃሚይ ባ ዲኢ ኤኪዳ ኡባፌ ታማፌ ኢሳ ኬሲ ኢሚዴስ።

5 ኢስታስ ቄሴቴላ ኢሚቴዳ ሌዌ ናይቴ ኢስታ ኢሻቴ ኣብራሃሚ ዜሬላታ ጊዲኮካ ዴራፕ ሄሲካ ባ ኢሻታፕ ታማፌ ኢሳ ኤካና ማላ ኢስታስ ዋጋን ኣዛዜቴዴስ።

6 ሃይሳ ሃ ኣዳዛ ዜሬላ ሌዌ ዜሬላ ጊዴና፤ ጊዶ ኣቲን ኢዚ ኣብራሃሚፕ ታማፌ ኢሳ ኤኪዴስ፤ ካሴ ኢዛስ ሂዶታ ቃላይ ኢሚቴዳ ኣብራሃሚ ኣንጃዴስ።

7 ባይራይ ካሎ ኣንጃዛይሲ ዋጋ።

8 ኢሲ ባጋራ ታማፌ ኢሳ ኤኪዛይቴ ሃይቂዛይታ፤ ሃራ ባጋራ ቃሴ ታማፌ ኢሳ ኤኪዛዴይ ሃይቆንታ ፓጸ ዲዛ ማላ ኢዛስ ማርካቴዳዴይ ማልኬዴቂ።

9 ሃራይ ኣቶሺን ሌዌይካ ኣብራሃሚ ባጋራ ታማፌ ኢሳ ኬሲዴስ ጋናስ ዳንዳዩቴስ።

10 ጋሶይካ ማልኬዴቂይ ኣብራሃሚራ ጋጊዛ ዋዴ ሌዌይ ቡሮ ባ ኣዎ ኣብራሃሚፕ ዩሌቴቤና።

ዩሱሲ ማልኬዴቂ ማላ

11 ፓጮይ ባይንዳ ፖሎይ ቤቴዳይኔ ዋጋይ ዴሬዛስ ኢሚቴዳይ ሌዌ ቄሴቴላ ማላ ጊዲዳኮ ኣርኔ ማላ ጊዶንታ ማልኬዴቂ ሹሚቴላ ማላይ ሃራ ቄሴይ ያናስ ኣዛስ ኮሺዴ?

12 ቄሴቴላ ዛርኬይ ላሚቴዛ ዋዴ ዋጋይካ ላሚታናይሲ ኣቶንታ ሚሻ።

13 ሄሲ ወሪካ ኢዛስ ዮቴቴዳ ቄሴይ ኢዚ ሃራ ዜሬላ፤ ኢዛ ዜሬላፌ ኦኒካ ያርሾሶን ኦላ ኤሪዛዴይ ባ።

14 ኑ ጎዳይ ዩሁዳ ባጋፌ ዩዲይሲ ቱማ፤ ሙሴይ ቄሴታ ጊሻስ ዮቴሼ ሃ ዜሬላ ጊሻስ ዮቴዳይሲ ኢሲ ሚሺካ ዴና።

15 ማልኬዴቂ ማላይ ሃራ ቄሴይ ዴንዲኮ ኑ ካሴ ዮቴዳ ዮኦይ ዳሮ ቆንጨ ጊዴና።

16 ኢዚ ቄሴ ጊዲዳይ ቆንጎንታ ዴኦ ዋልቃን ኣቲን ዜሬላፌ ዩዳ ዋጋፕ ጊዴና።

17 ኢዛስ፣ «ኔ ማልኬዴቂ ሹሚቴላ ማላ ሚርናስ ቄሴ» ጊ ማርካቴዴስ።

18 ካሴ ኣዛዘይ ላፋኔ ጎኦንታይሳ ጊዲዳ ጊሻስ ኣቲዴስ።

19 ዋጋይ ኦናካ ጌሻናስ ዳንዳዮንታ ጊሻስ ኑኒ ጸሳ ኣቶ ሸቃናስ ኢዛፕ ኣጂዛ ሃራ ሂዶታይ ኑስ ኢሚቴዴስ።

20 ሄሲካ ጫቆይ ባይንዳ ሃኒቤና፤ ሃንኮ ቄሴ ጊዲዳይቴ ጫቆይ ባይንዳይታ።

21 ኢዚ ጊዲኮ ቄሴቴላ ጫቆን ኤኪዴስ። ጋሶይካ ጸሲ ኢዛ ጊሻስ፣

«ጎዳይ ጫቂዴስ፤ ባ ቆፋ ኢዚ ላሚና፤

«ኔ ሚርናስ ቄሴ» » ጊዴስ።

22 ሄሳ ማላ ጫቆፕ ዴንዲዳይሳን ዩሱሲ ሃሳፌ ኣጂዛ ጫቆ ቃላስ ዋሴ ጊዲዴስ።

23 ካሴ ቄሴቴ ባ ኦሶን ሲንፊ ጉጃንታ ማላ ሃይቆይ ኢስታ ዲጊዳ ጊሻስ ቆዳይ ኢስታስ ዳሮ።

24 ዩሱሲ ጊዲኮ ሚርናስ ዲዛዴ ጊዲዳ ጊሻስ ኢዛ ቄሴቴላ ሻሬቶንታ ቄሴቴላ።

6:8 ሜዴ 3:17-18 6:13-14 ሜዴ 22:16-17 * 6:19 ማጋላሻ ጊዛይሳ ኢሲ ኢሲ ባጋ ጋሞላን ቃላን ማጋራጃ ጌቴስ። 6:19 ሌዌ 16:2 7:5 ታይ 18:21 7:17 ማዛ 110:4 7:21 ማዛ 110:4

25 ሄሳ ገሻሰ ኢዚ ኢስታ ገሊሳና ጋናቲሼ ኡባ ዎዴ ሃይቆንታ ፓጻ ኤቂ ዲዛ ገሻሰ ኢዛ ባጋራ ጸሳኮ ዪዛይታ ኡባ አሻናሰ ዳንዳዬሰ።

26 ሄሳ ገሻሰ ኩሰ ኮሺዛ ቄሴታ ሃላቃይ ሄሳ ማላ ጌሺኔ ዎሶይ ኢዛ ቦላ ባይንዳ ጸሎኔ ናጋራንቻታፔ ሻኬቲዲ ሳሎታፔ ቦላራ ቦንቹቲዳ ቄሴታ ሃላቃ።

27 ኢዚ ሃንኮ ቄሴታ ሃላቃታ ማላ ኮይሮ ባ ናጋራ ገሻሰ ቃሴካ ሃንኮ ዳሬዛ ናጋራ ገሻሰ ጋላሰ ጋላሰ ያርሾ ሺሻናሰ ኢዛ ኮሺና፤ ኢዚ ባና አሊ ኢሚዳ ዎዴ አሳ ናጋራ ገሻሰ ኢሲቶ ሲንሳ ባጋሳራ ያርሾ ወርሲ ፖሊደሰ።

28 ዎጋይ ዳቡራንቻ አሳታ ቄሴታሰ ዎና ሃላቃ ሂሰቲ ሹሚሰ። ዎጋፔ ካሊዲ ዪዳ ጫቆ ቃላይ ገዲኮ ሜርናሰ ኢዛ ቦላ ዎሶይ ባይንዳ ናዛ ሹሚደሰ።

8

ኦራላ ጫቆ ቄሴ ሃላቃ ዬሱሳ

1 ሄሳ ገሻሰ ኑ ሃኢ ኦላና ዎና ዮኦይ ሃይሳ፤ ሃይሳ ማላ ሳሎ ቦላ ጸሳ ቦንቻ አልጋ ኡሻቻን ኡቲዳ ቄሴታ ሃላቃይ ኩሰ ደሰ።

2 ኢዚ አሲ ቶኪዳ ዳንካኔ ገደን ኦሊዛዳ ገደንታ ጎዳ ጸሳይ ቶኪዳ ቱሙ ዳንካኔን ጌሻሶሆን ኦሊዛዳ።

3 ቄሴታ ሃላቃይ ሹሜቲዛይ አሳይ ጸሳሰ ኢሚዛይሳ ጸሳሰ ሺሻናሰኔ ያርሾ ያርሻናሳ፤ ሄሳ ገሻሰ ሃይሲ ሃ ቄሴታ ሃላቃይካ ጸሳሰ ሺሻናሰ ኢሲ ሺሺዛ ሚሽ ኢዛሰ ኮሺሰ።

4 ኢዚ ቢታ ቦላ ዲዛኮ ቄሴ ገደና፤ አዛሰ ገኮ ዎጋይ ገዛ ማላ ያርሾ ሺሺዛ ሃራ ቄሴቲ ዳቲሰ።

5 ኢሰቲ ካሴ ሳሎን ዲዛ ጸሳ ኬሳይሰ ለሚሶኔ ኤሾ፤ ሙሴይ ዳንካኔዛ ኦላና ገሺን፤ «ኔሰ ዙማ ቦላ ቆንጨዳይሳ ወርሳ ኦላናሰ ናጌታ» ገዛ አዛዘይ ሄሳ ገሻሰ ኢዛሰ ኢሚቲደሰ።

6 ገደ አቲን ዬሱሲ ገደ ጌሊ ጋናቲዛይ ጫቆ ቃላይ ካሴይሳፊ አጂዛይሳ ማላ ኢዚ ኤኪዳ ኦሶይካ ካሴይታ ኦሶፔ አጴሰ፤ ሄሲካ ካሴይሳፊ ሎኢዛ ሂዶታ ቃላና።

7 ካሴ ጫቆ ቃላን ፓጩይ ባይንዳኮ ናምኦንሶ ሃራ ጫቃናሰ ኮሺና።

8 ገደ አቲን ጸሲ ዳሬዛ ቦላ ፓጩይ ዲዛይሳ ዳሚዳ ገሻሰ፤ «ኢሰራኤል አሳራኔ ዩሁዳ አሳራ ታኒ ኦራላ ጫቆ ጫቂታና ዎዴይ ያና።

9 ሄሲካ ታ ኢስታ ገብጾፔ ኬሳናሰ ኢስታ ኩሺ ኦይካዳ ካሴ ኢስታ አዎታራ ጫቂቲዳ ቃላ ማላ ገደና፤ ጋሶይካ ኢስቲ ካሴ ታ ጫቆ ቃላን ኤቂቤቴና፤ ታኒካ ኢስታ ዬዳ ቤሳዲሰ።

10 «ሃሳፊ ጉዬ ኢሰራኤል አሳራ ታ ጫቂታና ቃላይ ሃይሳ ማላ ጌሰ ጎዳይ። ታኒ ታ ዎጋ ኢስታ ዎዚናን ዎላና፤ ኢስታ ዎዚና ቦላካ ጸፋና። ታ ኢስታ ጸሰ ገደና፤ ኢስቲካ ታ ዳሬ ገደና።

11 ሃይሳፊ ጉዬ አሲ ባ ጉታ አሳ ዎይኮ ባ አሻ፤ ሳኔ ጎዳ ኤራ» ገ ታማርሴና።

12 ኢስታ ቆሆዛ ታ ማራና። ሃይሳፊ ሲንሳን ታ አሳ ናጋራ ናምኦንሶ ዛራ ቆፒኬ» ጌሰ።

13 ሃይሳ ሃ ጫቆዛ ኢዚ፤ «ኦራላ ጫቆ» ገዲ ካሴ ጫቆዛ ጋልኦ ኬሲደሰ፤ ሄሳ ገሻሰ ጋልኢዲ ወሪዳይሲ ቆያና ዎዴይ ማቲደሰ።

9

ቢታ ቦላኔ ሳሎን ዲዛ ጎይኖ ዎጋ

1 ኮይሮ ጫቆ ቃላዛን ጸሳሰ ጎይኒዛ ዎጋይኔ ቢታ ቦላ ዲዛ ጸሳ ኬሊ ደሰ።

2 ካሴ ናምኦ ኪፊሌራ ዲዛ ዳንካኔይ ገጌቲ ዳሰ፤ ኮይሮ ኪፊሌዛን ጸምፔ ዎሊዛሶይኔ ጸራጾዛይ ቃሴ ኡኬሊ ደሰ፤ ሄሳ ሄ ኪፊሌዚ ዳማ ኪፊሌ ጌቲቲሰ።

3 ናምኦንሶ ኪፊሌዚ ናምኦንሶ ማጋላሻፔ ጉዬ ባጋራ ዲዛ ኪፊሌይ ኡባፊ ዳማ ጌቲቲሰ።

4 ሄሳ ገደን ዎርቃፊ ኦሴቲዳ ኤጸኔ ጩዋሲዛ ቂሪ ሹልኤ ማላይኔ ዎርቃን ሜሹቲዳ ጫቆ ቃላ ታቦታይ ዳሰ፤ ሄ ታቦታይካ ኢዛ ገደን ማናይ ዲዛ ዎርቃ ለማቲይ፤ ጨሊሊዳ አሮኔ ጉፊይኔ ጫቆ ቃላቲ ኢዛ ቦላ ጸፊቲዳ ማሴቲዳ ሹቻቲ ዳቲሰ።

5 ሄ ታቦታዛ ቦላ ዲዛ ናጋራፔ ማርቲላ ካማዛ ቦላ ባ ቂፊራ ካሚዛ ቦንቻ ኪሩቤቲ ዳቲሰ፤ ሃኢ ቃሴ ኑ ሄይታንታ ኢሳ ኢሳ ገሻሰ ሻኪ ሻኪ ሃሳያናሰ ዳንዳዮኮ።

6 ወሪካ ሄሳላ ገጌቲዳፔ ጉዬ ቄሴቲ ባ ኦሶ ፖላናሰ ዳንካናሰ ኮይሮ ኪፊሌ ጌሊቲሰ።

7 ገዲኮካ ኡባፊ ገደቲዛ ኪፊሌ ቄሴታ ሃላቃይ ጸላ ጌሊሰ፤ ሄሲካ ላይላን ኢሲቶ ጸላ ገዲሺን ኢዚ ባ ናጋራ ገሻሰኔ ዳሬይ ኤርንታ ኦሊዳ ናጋራ ገሻሰ ሺሺዛ ያርሾ ሱላ ኦይኮንታ ሙሉካ ጌሊና።

8 ኮይሮ ዳንካኔዚ ካሴ ዲዛ ዎዴ ጌዴ ኡባፊ ዳማ ጌቲቲዛሶ ኤፊዛ ኦጌይ ሄ ዎዴ ቆንጨፔ ገደንታይሳ ጸሎ አያናይ ቤሴሰ።

9 ሄሲካ ሃይሳ ሃ ዎዴዛሰ ለሚሶ ገዲሺን ካሴ ሺቂዛ ያርሾቲኔ ጮ ኢሜቲዛ ኢሞታቲ ኢሚዛይታ ዎዚና ሹምፕሳናሰኔ ሙሉ ጌሻናሰ ዳንዳይቤቴና።

10 ሄይታንቲ ወሪካ ኦራላ ዎጋይ ያና ጋካናሰ ጮ ሚላ ዶና ሃሳያ ማላ፤ ቃሴካ ኢስቲ ሙሳ ገሻሰኔ ኡሻ ገሻሰ ቃሴካ ዳማ ዳማ ጌሾ ዎጋታ ጸላ።

ኪርሰቶሳ ሱላ

11 ገዲኮካ ኪርሰቶሲ ቡሮፔ ያናሰ ዲዛ ሎኦ ሚሻታሰ ቄሴታ ሃላቃ ገዲዲ ቆንጨደሰ፤ ኢዚ ኢዛን ጌሊዳ ዳንካኔዚ ገታኔ ጌሻ፤ ሄ ዳንካኔዚ አሳ ኩሺን ኦሴቶንታይሳኔ ሃይሳ ሃ ሜዴቲላፊ ገደና።

12 ኢዚ ሃ ዲንካኔዛን ጌሊሼ ዳይሻታ ሱሉኔ ዋፋኖ ቦራታ ሱሉ ኤኪ ጌሊቤና፤ ጊዶ ኣቲን ኣሰ ኣሻናሰ ማርናሰ ባ ሱሉ ኤኪዲ ኡባፌ ዲማ ጌቲቲዛ ኪፊሌዛ ሃራ ዋዴ ናምኣንሉ ጌሎንታ ማላ ወርሴላ ጌሎ ጌሊዳሰ።

13 ኢሰታሰ ካሬ ባጋ ኣሳቲላይ ቱኒዳ ኣሳታ ቦላ ኣራጨዛ ዳይሻ ሱሉኔ ዋፋኖ ቦራታ ሱሉ ሃሳሉካ ያርሾሰ ጸጌቲዳ ኡሳ ቢዲንሉ ኢሰታ ጌሺዛይሳ ጊዲኮ።

14 ማርና ኣያናን ባና ዋሶይ ባይንዳ ያርሾ ኦላ ጸሳሰ ሺሺዳ ኪርሰቶሳ ሱሉ ኩኒ ዳኦ ጸሳሰ ጎይናሰ ሃይቁላ ኦሶፔ ኦና ኣይ ማላ ኣሉ ጌሻንዳ?

15 ሃሳ ጊሻሰ ዳይጌቲዳይቲ ኢሰታሰ ኣማና ጌቲቲዳ ማርና ላታ ኤካና ማላ ኪርሰቶሰ ኦራላ ጫቆሰ ጋናቲዛይ ጊዲዳሰ፤ ኮይሮ ጫቆዛ ጋርሳን ዲዛ ዋዴ ኢሰቲ ኦሉዳ ናጋራፔ ጌያና ማላ ኢሰታ ጊሻሰ ኢዚ ሃይቁዳሰ።

16 ባዛይ ባዜቲዛይሳ ጊዲኮ ባዚዳይ ሃይቆ ሻኪ ኤራናሰ ቤሴሰ።

17 ጋሶይካ ባዛይ ማሪዛይ ባዚዳይ ሃይቁና። ባዚዳይ ፓጻ ዲሺን ባዛይ ኣይኮካ ኣሉና።

18 ሃሳ ጊሻሰ ኮይሮ ጫቆ ቃላይ ሱሉ ባይንዳ ማሪቤና።

19 ሙሴይ ባ ኣዛዘ ዋጋ ዳራሰ ኮቲ ሲሚዲ ዳይሻታ ሱሉኔ ዋፋኖ ቦራታ ሱሉ ሃላራ ኤኪዲ ዘኦ ደርሳ ኢሰኮን ኤጨራ ወርጬ ማሳቲዛ ሃሶጼ ጌቲቲዛ ማላራ ኤኪዲ ባ ጸፊዳ ዋጋ ማጻፋ ቦላኒኔ ዳሬዛ ቦላ ወጺዳሰ።

20 «ኢንቲ ናጋና ማላ ኢንቲና ጸሲ ኣዛዚዳ ጫቆ ቃላ ሱላይ ሃይሳ» ጊዳሰ።

21 ሃሳሉካ ዲንካኔዛኔ ኢዛ ጊደን ዲዛ ኦሶ ማሻ ኡባ ቦላ ሱሉ ወጺዳሰ።

22 ኣዳፊካ ጉላ ማሻቲ ኣቲሺን ሃንኮ ዳር ማሻይ ሱሉን ጌያናሰ ቤሲዛይሳ ዋጋይ ኣዛዜሰ፤ ሱሉ ጉኮንታ ዲሺን ማርይ ባ።

23 ሃሳ ጊሻሰ ሳሎ ማሻታሰ ለሚሶ ጊዲዳይቲ ሃይታንታን ጌያናይሲ ኣቲና ሺን፤ ሳሎን ዲዛ ማሻቲ ጊዲኮ ሃይሳፊካ ኣጴዛ ያርሾን ጌያናሰ ቤሴሰ።

24 ኪርሰቶሰ ቱሙ ዲንካኔይሰ ለሚሶኔ ኣሳ ኩሽን ኦሴቲዳ ጸሳ ኬሌ ጌሊቤና፤ ጊዶ ኣቲን ሃኢ ኦ ጊሻሰ ጸሳ ሲንላን ቤታናሰ ፑዴ ሳሎ ጌሊዳሰ።

25 ቁሴታ ሃላቃይ ባ ሱሉ ጊደንታ ሱሉ ኤኪዲ ላይላን ላይላን ኡባፌ ዲማ ኪፊሌ ጌሊዛይሳሉ ኪርሰቶሰ ባና ያርሻናሰ ፑዴ ሳሎ ሺሬቲ ሺሬቲ ጌሊቤና።

26 ሃሳ ማላ ጊዲዛኮ ኪርሰቶሰ ኣላማይ ማዴቶሶፔ ሃ ሲሚን ዳር ዋዴ ማቶ ኤካናሰ ቤሴሰ፤ ሃኢ ቃሴ ዋዴ ወርሴላን ባና ያርሺዲ ናጋራ ዲጋናሰ ወርሴላሰ ኢሲቶ ቆንጨዳሰ።

27 ሃሳሉካ ኣሲ ኢሲቶ ሃይቁሰ፤ ሃሳፌ ካሊዲ ፒርዳ ሲንላን ኤቃናሰ ጊጊ ኡቲዳሰ።

28 ኪርሰቶሰ ዳር ኣሳ ናጋራ ዲጋናሰ ኢሲቶ ያርሺቲዳሰ፤ ናምኣንሉካ ኢዚ ቆንጨና፤ ሃሲ ኢዛ ናጊዛይታሰ ኣቶቲሉ ኤኪ ያናሰ ኣቲን ናምኣንሉ ዛሬ ናጋራ ቶካናሰ ጊዳና።

10

ኪርሰቶሰ ኢሲቶ ማርናሰ ሺሺዳ ያርሾ

1 ሙሴ ዋጋይ ቡሮ ሲንላራ ያና ሎኦ ሃናታሰ ኤሾፔ ኣቲን ቱሙ ኣዳ ማዳይ ኢዛሰ ዳና፤ ሃሳ ጊሻሰ ላይላን ላይላን ፓጨይ ባይንዳ ሺሪ ሺሪ ሺሺዛ ያርሾይ ጸሰ ጎይናሰ ሺቁዛ ኣሳ ጌሻናሰ ሙሌካ ዳንዳይቤና።

2 ኣሰ ሙሌራ ጌሻና ዳንዳይዛይሳ ጊዲዳኮ ኢሰቲ ያርሾ ያርሻናይሳ ኣጌቲኔ? ቃሴካ ጸሰ ጎይናሰ ሺቁዛ ኣሳይ ኢሲቶ ጌይዛኮ ባ ዋዚናራ ናጋራንቻ ጊዲዳይሳ ሲዳና።

3 ጊዶ ኣቲን ሃይቲ ያርሾቲ ላይላን ላይላን ናጋራ ዛሬ ዛሬ ቆፍሴቲሰ።

4 ጋሶይካ ዋፋናታኔ ዳይሻታ ሱሉ ኣሳፔ ናጋራ ዲጋናሰ ዳንዳይና።

5 ሃሳ ጊሻሰ ኪርሰቶሰ ሃይሳ ሃ ኣላማዛ ዪዲ፣ «ኔኒ ኢሞታኔ

ያርሾ ኮያቤካ ሺን ኔ ታሰ ኣሾ ጊጊሳዳሳ።

6 ታማን ጸጌቲዛ ያርሾኔ ናጋራ ጊሻሰ ሺቁዛ ያርሾን ኡፋይታቤካ» ጊዳሰ።

7 ሃ ዋዴ ታኒ፣ «ታ ጊሻሰ ጌሻ ማጻፋን ጸፊቲዳ ማላ፣ «ጸሶ፣ ሃኮ ታኒ ኔ ሺኔ ኦላናሰ ያዲሰ» » ጋዲሰ።

8 ሙሴ ዋጋይ ሃሲ ሃሳሉ ሃናና ማላ ኣዛዚኮካ ኢዚ ቃሴ ኮይሮ፣ «ያርሾ፣ ኢሞታ፣ ጸጌቲዛ ያርሾኔ ናጋራ ጊሻሰ ሺቁዛ ያርሾ ኔ ኮያቤካኔ ኢዛን ኡፋይታቤካ» ጌሰ።

9 ካሌሊዲካ፣ «ሃኮ ታ ኔ ሺኔ ኦላና ያዲሰ» ጊዳሰ። ናምኣንሉካ ኤሳናሰ ኮይሮይሳ ዲጊዳሰ።

10 ሃይሳን፣ «ኢዛ ሺኔ» ጊዛ ቃላ ማላ ሃራ ያርሾ ዛሬሉ ሺሻናሰ ኮሾንታ ማላ ዬሱሰ ኪርሰቶሳ ባጋራ ኢሲቶ ሺቁዳ ያርሾን ጌዪዳሰ።

11 ቁሴይ ሃቶ ሃቶ ኤቁዲ ባ ኦሶ ፖሌሰ፤ ኣሰ ናጋራፔ ጌሻናሰ ዳንዳይንታይታ ዋንቲን ዋንቲን ሺሺሰ።

12 ኪርሰቶሰ ጊዲኮ ያርሾ ኢሲቶ ማርናሰ ጊዳናይሳ ሺሺዲ ኣሞ ኡሻቻን ኡቲዳሰ።

13 ሃ ጋላሳፌ ሲሚን ኢዛ ሞርኬቲ ኢዛ ቶሆ ጋርሳን ዬዴታና ጋካናሰ ናጎን ዳሰ።

14 ጋሶይካ ኢሲቶ ሺሺዳ ያርሾን ጌያና ኣሳታ ማርናሰ ጌሺዳሰ።

15 ሃሳ ሃ ሃኖዛ ጊሻሰ ጸሎ ኣያናይካ ኦሰ ማርካቲሰ። ጎዳይ ኮይሮ፣

16 «ሃሳፌ ጉዬ ታ ኢሰታራ ጌላና ጫቆ ቃላይ ሃይሳ። ታ ዋጋ ታ ኢሰታ ዋዚናን ዋላና፤

ኢሰታ ዋዚናን ታ ጸፋና» ጌሰ።

17 ቃሴካ፣ «ታ ኢሰታ ናጋራኔ ማካላ ናምኣንሉ ቆፒኬ» ጌሰ ጎዳይ።

18 ሃይታንቲ ወሪካ እቶ ጌቲቲዳፔ ጉዬ ናምእንፉ ናጋራስ ሺቃና ሃራ ያርሾይ ዳና።

ወርሴል ጋካናስ ሚኒ ዳና ማላ ሺቁዳ ዳይስ

19 ሃሳ ገሻስ ታ ኢሻቶ! ኑኒ ዬሱስ ከርሰቶሳ ሱላ ባጋራ ጌዳ ኡባፌ ዳማ ጌሽ ጌቲቲዳሶዮ ጌላናስ ዳላቲል ዳሚዳስ።

20 ሂሰካ ማጋላሻ ባጋራ፤ ኢዚ ባ እሾ ባጋራ ኑስ ደይዳ ኑራሴኔ ዳኑ ገዲዳ ኑጌና።

21 ጸሳ ኩላ ቦላ ሹሜቲዳ ቄሴታ ሃላቃይ ኑስ ዲዛ ገሻስ።

22 ኑኒ ኑ ኢታ ቆፋፔ ጌያናስ ኑ ዋዚና ኣራጩቲዳ ኑ ኣሳቲላካ ጸሎ ሃላን ሚጩቲዳ ቱሙ ዋዚናፔኔ ኩሚላ ኣማናን ጸሳኩ ኣኔ ሺቆስ።

23 ኑስ ሂደታ ቃላ ኢሚዳይዳ ኣማኔቲዳ ገዲዳ ገሻስ ኑኒ ኣማኒዳ ኢዛ ገሻስ ማርካቲዳ ሂደታፔ ያኔ ሃ ጎንታ ኣኔ ሎኤላ ኦይኮስ።

24 ሲቆኒኔ ሎኑ ኦሶን ኑ ሚኒ ዳና ማላ ኣኔ ኢሶይ ኢሳ ቆፊሶስ።

25 ኣኔ ኑ ኡባ ጋላስ ኢሶይ ኢሳራ ጋኪ ጋኪ ኢሶይ ኢሳ ሚንጭሶስ ኣቲን ኢሲ ኢሲ ኣሳቲ ሺቆ ኣገዳ ማላ ኣኔ ኑኒ ሺቆዛ ኣጎኩ፤ ሃራፔካ ጎዳ ዬሱሲ ማታቲዳይሳ ቆፒሾ ካሴፔ ሚኒ ሺቁቲ።

26 ኑኒ ቱማ ሻኪ ኤሪዳ ኤኪዳይሳፌ ጉዬ ኤሪሾ ናጋራ ኦላኮ ሃይሳፌ ጉዬ ናጋራ ገሻስ ሺቃናስ ሃራ ያርሾይ ዳና።

27 ሃራይ ቡሮ ሃናና ዳሮ ባቢሲዛ ፐርዳይ ጸሳ ሞርኬታ ጸጋና ናገዛ ሚና ታማይ ጸላ ዳስ።

28 ሙሴ ዋጋ ካጂዳ ኣሲ ናምኡ ዋይኮ ሃብ ማርካቲ ማርካቲኮ ማርይ ባይንዳ ሃይቆን ቃጸዬቲስ።

29 ሂሰቲን ጸሳ ና ካጂዳ ኣሲ ኢዛን ጌዬዳ ጫቆ ሱላ ሃራይሶ ሚሻ ማላ ቆዲዳይሲኔ ኢዛ ኪያቲላ ኣያና ኢሴላዳዳስ ኣይ ማላ ሃሳፌ ኣጂዛ ፐርዳይ ኢዛና ቤሲዛ ኢንቲስ ሚሳቲዜ።

30 «ታኒ ኢዛስ ሃሎ ኩሳና፤ ኢዛዳ ኦሶ ማላ ኢዛዳስ ታ ዛራና» ገዲይሳ ኑ ኤርሰ። ቃሴካ፣ «ጎዳይ ባ ዳሬዛ ቦላ ፐርዳና» ጌስ ጎዳይ።

31 ዳኑ ጸሳ ኩሾን ኩንዳላ ዳሮ ባቢሴስ።

32 ኢንቲስ ኢሲቶ ፖኦይ ፖኢዳፔ ጉዬ ሜቶ ዋዳ ዳሮ ባጸን ኢንቲ ካሴ ሚኒ ኤቁዳ ቤኒ ዋዳዛ ዩሺ ቆፒቲ።

33 ኢሲ ኢሲ ዋዳ ኢንቲ ዳሬ ዳላታ ሲንላን ጫሻሲኔ ጎዳቲላስ ኣጂ ኢሚቲዳታ፤ ቃሴ ሃራ ዋዳካ ሃሳ ማላ ዋዬይ ኢሰታ ቦላ ጋኪዳ ኣሳታራ ኢንቲካ ኢሲፌ ዋዬ ቤዩዳታ።

34 ኢንቲ ኢንቲስ ሃራፔ ኣጂዛ ሜርናስ ዳና ሃርይ ዲዛይሳ ኤሪዛ ገሻስ ቃሹቲዳይታስ ሚሹቲዳታኔ ኢንቲ ሃርይ ቦንቁቲሺን ኡፋይሳን ዳንዳይዳታ።

35 ሃሳ ገሻስ ገታ ዋጋይ ዲዛ ካሴ ኢንቲ ኣማኔቲላ ኣጎፍቲ።

36 ኢንቲ ጸሳ ሺኔ ፖሊዳ ኢዚ ኢንቲስ ኢሚዳ ኡፋይሳ ቃላ ኤካናስ ሚኒ ኤቃናስ ኢንቲና ኩሾስ።

37 ጋሶይካ ጉላ ዋዳፔ ካሊዲ፣ «ያናይሲ ኢዚ ያና፤ ጋምኤና፤»

38 ጸሎ ኣሲ ገዲኮ ኣማናን ዳኑ ዳማና፤ ጉዬ ኡንዲዲዛይይ ዲኮ ታ ሹምፖያ ኢዛዳ ቦላ ኡፋዬቲኩ።

39 «ኑኒ ገዲኮ ኣማኒዳ ኣቲዳይታ ባጋ ኣቲን ጌዳ ጉዬ ኡንዲዲ ዳይዛይታ ባጋ ገደኮ» ገዳስ።

11

ኣማና

1 ኣማና ጌላ ኢሲ ሚሾ ሃናና ገዲ ኑ ሲዶንታ ዲሾ ቤኣንታ ሚሾካ ቤኢዳ ማላ ኤር ገ ኤኮ።

2 ካሴ ኣዋቲ ጋላቲቲዳይ ሃሳ ማላ ኣማና።

3 ሃይሲ ሃ ኣላሚይ ጸሳ ቃላን ሚዴቲዳይሳ ኑኒ ኣማናን ኤርሰ፤ ሃሳሳካ ኣይፊን ቤቲዛይሲ ሚዴቲዳይ ቤቲዛ ሚሻፌ ገደንታይሳ ኑኒ ኤርሰ።

4 ኣቤሊ ጸሳስ ቃዬሌ ያርሾፌ ኣጂዛ ያርሾ ኣማናን ሺሺዳስ፤ ጸሲ ኢዛ ያርሾዛ ገሻስ ሃሳይሾ ኢዚ ኣማናን ጌሽ ገዲዳይሳ ማርካቲዳስ፤ ኢዚ ሃይቁንካ ኢዛ ኣማናይ ሃኢ ጋካናስ ሃሳዬቲስ።

5 ሃናኬይ ሃይቆ ቤኣንታ ማላ ሃይሳ ኣላሚዛፔ ኣማናን ኤኬቲዳስ፤ ጸሲ ኢዛ ኤኪዳ ገሻስ ኢዚ ቤቲቤና፤ ኤኬታናፔ ካሴቲዳ ኢዚ ጸሳ ኡፋይሲዳይሲ ዮቲቲዳ ገሻስ ኢዚ ኤኬቲዳስ።

6 ቃሴካ ኣማናይ ባይንዳ ዲሺን ጸሳ ኡፋይሳናስ ሙሌካ ዳንዳይቲና፤ ጋሶይካ ጸሳኮ ሹቁዛይይ ወሪካ ጸሲ ገዛይሳኔ ዋዚናፔ ኢዛ ኮይዛይታስ ኢዚ ዋጋ ኢማናይሳ ኣማናናስ ቤሴስ።

7 ኖሂስ ጸሲ ቡሮ ኖሂይ ባ ኣይፊን ቤኣንታ ሚሻ ገሻስ ናጌታና ማላ ዮቲን ኖሂይ ጸሳስ ባቢዳ ባሶ ኣሳ ኣሻናስ ኣማናን ማርካቤ ኬዲዳ ኣላሚ ኣሳ ፐርዲሲዳስ፤ ኣማናን ቤቲዛ ጸሎቲል ላቲዛዳ ገዲዳስ።

8 ኣብራሃሚይ ባስ ላታ ቢታ ኤካናስ ጳይጌቲዳ ዋዳ ኣማናን ኣዛዜቲዳስ፤ ኣዋ ቢዛኮ ኤርንታ ኣኒኮካ ኤር ገዲ ቢዳስ።

9 ኣላጋ ቢታን ቤቲ ኣሳ ማላ ቡሮ ኔስ ኢሚታና ጌቲቲዳ ቢታን ኣማናን ኡቲዳስ፤ ኢዛስ ኢሚቲዳ ሂደታ ቃላ ኢዛራ ኢሲፌ ላታና ዩሳቃ ማላኔ ያቆቤ ማላ ዲንካኔን ዳኢዳስ።

10 ጋሶይካ ሚና ዲዛር ጸሲ ኢዞ ቆፒ ሚዳዳ ካታማዮ ኤካና ናገዳስ።

11 ኣብራሃሚስ ዋዳይ ጌዳ ቢዳዳ ገዲኮካ ሳራይካ ዬሎንታ ማይኔ ገዲኮካ ሂደታ ኢሰታስ ኢሚዳይይ ኣማኔቲዳዳ ሂሰቲ ጳሊዲ ኣማናን ና ኣዋ ገዲናስ ጋኪዳስ።

12 ሃሳ ገሻስ ሃይሳ ሃይቁዳ ኣሳ ማላ ቆዳቲዳ ኢሲ ኣብራሃሚፔ ሳሎ ጸላንቲ ማላኔ ኣባ ኣጩ ማላ ቆዳይ ባይንዳ ዳር ዜሪሳይ ቤቲዳስ።

13 ሃይቲ ወሪካ ኢሰታስ ኢሚቲዳ ሂደታ ቃላ ዳምንታ ባ ኣማናን ናገዳ ማላ ሃይቁዳ፤ ገዲኮካ ኢሰቲ ሃይሳ ቢታ ቦላ ኢማሌኔ ቤቲ ኣሰ ገዲዳይሳ ኤሪዳ ገሻስ ሃሆን ዲሾ ቤኢዳ ኩሾን ኣላዳ ማላ ኡፋይሳን ኤኪዳ።

10:22 ለዋ 8:30፤ ሂዘ 36:25 10:27 ኢሳ 26:11 10:28 ዛሬ 17:5-7፤ 19:15 10:29 ኬሳ 24:8 10:30 ዛሬ 32:35-36
11:3 ሜዴ 1:1፤ ማዛ 33:6-9፤ ዮሃ 1:3 11:4 ሜዴ 4:3-10 11:5 ሜዴ 5:21-24 11:7 ሜዴ 6:13-22 11:8 ሜዴ 12:1-5
11:9 ሜዴ 35:27 11:11 ሜዴ 18:11-14፤ 21:2 11:12 ሜዴ 15:5፤ 22:17፤ 32:12 11:13 ሜዴ 23:4፤ 1ታሪ 29:15፤ ማዛ 39:12

14 ሃሳ ማላ ገዛ አሳቲ ኢስታ ዳሬይ አዋኮኔ ባ ዳሬ ናገዛይሳ ቆንጮን ቤቤቲስ።

15 ኢስቲ ባ ዩጊ ከኪዳ ዳሬ ዛሬ ቆጥዛኮ ጉዩ ሲሚ ባና ዳንዳይቲስ።

16 ሃኢ ሃሳፌ አጂዛ ፑዴ ሳሎን ዲዛ ዳሬ ላሞቲቲስ፤ ሃሳ ገሻስ ጸሲ ኢስታስ ሳሎን ካታማ ገግሲዳ ገሻስ። «ኢስታ ጸሳ» ጌቲቲ ዳይጌታናስ ዩላቲቤና።

17 ጸሲ ኣብራሃሚይ ባ ናዛ ዩሳቃ ሹካና ማላ ፓጩን ኣብራሃሚይ ዩሳቃ ያርሻናስ ኣማኖን ሺሺዳስ፤ ጸሲ ኢዛስ ኣማና ገዳይሳ ኢዚካ ባ ና ኢሲኔዛ ሹካናስ ገጌቲዳስ።

18 ሃሲካ ጸሲ ኢዛስ «ኔ ዜሬሌ ዩሳቃ ባጋራ ዳይጌታና» ገዳይሳ ማላ።

19 ጸሲ ሃይቂዳዳ ዳንፋናስ ዳንዳይዛይሳ ኣብራሃሚይ ኣማኒዳ ገሻስ ዩሳቃካ ሃይቆፕ ዳንዲዳ አሳ ማላ ናምእንሱ ዳሚዳስ።

20 ዩሳቃይ ቡርፔ ሃናናይሳ ቆፕ ኤኪዳ ያቆቤኔ ኤሳቂ ኣማኖን ኣንጂዳስ።

21 ያቆቤይ ሃይቃና ገሻስ የሴፌ ናይታ ኢሳ ኢሳ ኣማኖን ኣንጂዳይኔ ባ ጉፌ ቦላ ዳርቲ ኤቂዳ ጎይኒዳይ ኣማኖና።

22 የሴፌይ ሃይቃና ገሻስ ኢሰራኤሌ አሳይ ገብጾፕ ከዛናይሳ ኢዚ የቲዳይኔ ባ ሜቁሳ ገሻስ ኢስቲ ኣይ ኦፋናኮ ኢስታ ኣዛዚዳይ ኣማኖና።

23 ሙሴይ ዩሌቲን ኢዛስ ማላይ ሎኦ ገዲዳይሳ ቤኢዳ ኢዛ ዩሌዳይቲ ኢዛ ሃዙ ኣገና ጋካናስ ካዎዛ ኣዛዘ ባቦንታ ቆቲዳይ ኣማኖና።

24 ሙሴይ ዲጩ ጋዚዳ፣ «ፓርኔስ ናይ ና» ጌቲታናይሳ ኣማኖን ኢዲዳስ።

25 ጉሳ ዎዴስ ናጋራን ቤቲዛ ኡፋይሳፌ ኣሌዳ ጸሳ አሳራ ሜቶ ቤያናስ ዶሪዳስ።

26 ገብጾ ዳሬን ዲዛ ሃርፔ ቦላራ ከርሰቶሳ ገሻስ ዎዩ ኤኮይ ዳር ኣጂዛ ሃር ገዲዳይሳ ዩሺ ቆፕዳስ፤ ጋሶይካ ኢዚ ሲንፋፌ ኤካናይሳ ቡር ሃሆን ቤኢዳ ገሻሳ።

27 ካዎዛ ሃንቆስ ባቦንታ ኣማኖን ገብጾ ዩጊ ከዚዳስ፤ ቡር ቤቶንታይሳ ቤኢዛ ማላ ቆፕዳ ሄ ቆፋን ሚኒ ኤቂዳስ።

28 ባይራታ ኡባ ዎጂዛይሲ ኢሰራኤሌታ ባይራ ናይታ ዎጂንታ ማላ ኣማኖን ፓዚጋኔ ሱላ ዉጾላ ዎጋ ዎላዳስ።

29 ኢሰራኤሌ አሳይ ሚላ ቢታ ቦላ ሃሚቲዛ ማላ ዞኦ ኣባ ገደራ ኣማኖን ፒኒዳስ፤ ገብጾ አሳይ ቃሴ ኢስታሉ ሃናና ገሺ ኣባን ሚቲቲዳስ።

30 ኢሰራኤሌ አሳይ ኢያርኮ ገምቤዛ ላፑን ቃማ ዩዩ ዩዩ ኣጂዳፕ ጉዩ ገምቤዛ ኣማኖን ላሊዳስ።

31 ላይማን ኣቂዛ ኤራኣባ ዳሬ ጸሞሳና ዩዳይታ ሳርን ሞካ ኤኪዳ ገሻስ ሃንኮ ኣዛዜቶንታ አሳራ ጳዮንታ ኣማኖን ኣታዲስ።

32 ሃይሳፌ ኣጂሳ ሃራ ኣይ ጋኔ? ጌዶኔ ገሻስ፣ ባራቁ ገሻስ፣ ሳምሶኔ ገሻስ፣ ዮፍታሄ ገሻስ፣ ዳዊቲ

ገሻስ፣ ሳሚላ ገሻስ ቃሴ ናቤታ ገሻስ ታ ዮቶንታ ማላ ታስ ዎዳይ ዳና።

33 ሃይታንቲ ኣማኖን ካዎታ ጸኒዳ፤ ሱሬ ፐርዳ ፐርዲዳ፤ ባስ ኢሚቲዳ ሂዶታ ቃላ ኤኪዳ፤ ጋሞታ ዳና ጎርዲዳ፤

34 ታማ ዎሊቃ ቶይሲዳ፤ ቃራ ማሻፌ ከሲ ኤኪ ኣቲዳ፤ ዳቡራፔ ሚኒዳ፤ ኦላሶን ጎባታ ገዲዳ፤ ኣላጋ አሳ ኦላ ጎዲዳ፤

35 ማጫሳታስ ሃይቂዳይቲ ፓጸዳ፤ ባጋይቲ ቃሴ ሃሳፌ ኣጂዛ ሃይቆፕ ዳንሱ ዳማናስ ገዲ ሃይቆፕ ኣቲሱ ሌቂዳ ሃይቆስ ባና ኣሌ ኢሚዳ፤ ዎዩፔ ኣታናስ ኮዩቤቲና።

36 ኢሲ ኢሲ አሳቲ አሳን ካኤቲዳ፤ ጋራፌቲዳ፤ ባጋይቲ ቃሴ ቃሾ ከሱ ጌሊዳ።

37 ሹቻን ጫዳቲዳ፤ ማጋዜንካ ናምኡ ከዚ ጳልቂቲዳ፤ ማሻን ሹኮቲ ሃይቂዳ፤ ጎዳቲሴኔ ዳቡርሼ ዶርሳ ኢቲኔ ዳይሻ ኢቲ ማይኢዳ ዎዩቲዳ።

38 ሃ ኣላሚይ ኢስታስ ቤሶንታይሳ ገዲዳ ገሻስ ባዛኒኔ ጌዜን ጎንጎሎኒኔ ኦላ ገደን ዎዩቲዳ።

39 ሃይታንታ ኡባታ ኣማኖ ገሻስ ማርካቲኮካ ኢስታፌ ኦኒካ ኢሚታና ጌቲቲዳ ሂዶታ ቃላ ጋዚ ኤኪዳይይ ዳና።

40 ጸሲ ኩሰ ሃሳፌ ኣጂዛዛ ገግሲዳ ገሻስ ኩ ባይንዳ ኢስቲ ጸላ ኩሚሳ ገዳና ዳንዳይቤቲና።

12

ጸሲ ባ ናይታ ሴሬስ

1 ሃሳ ገሻስ ሻራ ማላ ኑና ዩዩ ኣጂዳ ዳር ማርካቲ ኩሰ ዲሺን ኑና ዳጺዛ ቶሆኔ ቃሴ ኑና ቃቺ ኦይኪዛ ናጋራ ዉርሲ ኑፔ ዎራ ዩጊዳ ኑ ሲንፋን ዲዛ ዎላ ጌጌጫኒኔ ዳንዳይን ኣኔ ዎጸስ።

2 ኑ ኣማኒዛ ኣማኖዛስ ኮይርኔ ፖሎ ገዲዳ ዩሱሳ ኣኔ ዳሎስ፤ ኢዚ ባ ሲንፋን ዲዛ ኡፋይሳ ገሻስ ማስቃሌ ቦላ ሃይቆ ዳንዳይዳ ማስቃሌ ቦላ ባና ጋካና ካዉሻቲሳ ሌቂዳ ጸሳ ኣላጋስ ኡሻቻን ኡቲዳስ።

3 ሂሰቲኮ ኢንቲ ዳቡርዳ ሂዶታ ቃንጸንታ ማላ ሃሳሉካ ናጋራንታፕ ካሴ ኢዛ ቦላ ጋዚዳ ሃሳ ማላ ኤቂቲሱ ዳንዳይዳ ዩሱሳ ቆፕቲ።

4 ሱሌ ጉካና ጋካናስ ናጋራራ ኢንቲ ቡር ኤቂቲቤኬታ።

5 ኢንቲ ጸሳ ናይታ ገዲ ኡቲዳ ቃላይ ገዛይሳ ባሊዳታ፤ «ታ ናዞ ጸሳ ሴራ ካዉሻን ዳሎፋ፤ ኔና ኢዚ ሴሪዛ ዎዳ ሂዶታ ቃንጸፋ።

6 ጋሶይካ ጎዳይ ባ ደሲዛዳ ሃንቂስ፤ ኢዚ ባ ደሲዛዳ ሴሬስ፤ ኢዚ ባ ና ማላ ዳሊዛዳ ቃጸዩስ» ገዳስ።

7 ጸሲ ኢንቲና ባ ና ማላ ቆዲዛ ገሻስ ሃንቆ ዳንዳይቲ፤ ኣዎይ ሃንቆንታ ናይ ኦኔ?

8 ናይ ዉሪ ሴራን ዲጩዛ ማላ ኢንቲ ዲጩንታ ኣገኮ ኢንቲ ካሬን ዩሌቲዳ ና ኣቲን ሶ ና ገዴኬታ።

9 ሃሳ ኡባፌ ቦላራ ሃይሳ ቢታ ቦላ ኑና ሃንቂ ዲቺዳ ኣሾ ኣዎቲ ዳቲስ፤ ኮኒካ ኢስታ ቦንቾስ፤

11:17 ሜዴ 22:1-14 11:18 ሜዴ 21:12 11:21 ሜዴ 47:31፣ 48:1-20 11:22 ሜዴ 50:24፣25፣ ከሳ 13:19 11:23 ከሳ 2:2፣ 1:22 11:24 ከሳ 2:10-12 11:28 ከሳ 12:21-30 11:29 ከሳ 14:21-31 11:30 ኢያ 6:12-21 11:31 ኢያ 2:1-21፣ 6:21-25 11:32 ዳና 6:11—8:32፣ 4:6—5:31፣ 13:2—16:31፣ 11:1—12:7፣ 1ሳሜ 1:1፣ 1ካዎ 2:11 11:33 ዳኔ 6:1-27 11:34 ዳኔ 3:21-30 11:35 1ካዎ 17:17-24፣ 2ካዎ 4:25-37 11:36 1ካዎ 22:26-27፣ 2ታሪ 18:25-26፣ ኤር 20:2፣ 37:15-16፣ 38:6 11:37 2ታሪ 24:21

ሂሰቲን ዴኦን ዴያናስ ኑስ ኣያና ኣዋ ጊዲዲይሳስ ኣዛስ ሃሳፌ ኣሉ ኣዛዜቶኮኒ?

10 ኑ ኣዋቲ ኑና ባስ ሎኦ ሚሳቲ ቤቲዲ ማላ ጉላ ዋደስ ቃጻዬቲስ፤ ጸሲ ጊዲኮ ኑኒ ኢዛ ጌሻቴላ ኢዛፕ ዴማና ማላ ኑና ጎኣናስ ቃጻዬስ።

11 ቁጻቴይ ወሪካ ሃኢስ ኡፋይሶንታ ኢታ ሚሳቴስ ሺን ጉዬፕ ቃሴ ደሲ ኤኪዳ ኣሳታስ ሳርቴሉ ኢዛን ኩሚዳ ጸሎቴላ ኣይፊን ጋሉስ።

12 ሂሳ ጊሻስ ዳቡርዳ ኢንቴ ቁሴኔ ኢንቴ ጉልባቴ ሚንሉቴ።

13 ዋቤይ ፓጻና ማላ ኣቲን ካሴፕ ኣሉ ዋቦንታ ማላ ኢንቴ ቶሆስ ሎኦ ኦጌ ጊግሲቴ።

ጸሳስ ኣዛዜቶንታዴስ ኢሜቲዳ ኣዛዘ

14 ኣሲ ኡባራ ሳር ዳና ማላ ኢንቴስ ዳንዳዬቲዛይሳ ኡባ ኦሊቴ፤ ጌያና ማላ ኮዩቴ፤ ጌሻቴሉ ባይንዳ ጎዳ ቤያናስ ዳንዳዬቴና።

15 ኢንቴፊ ኢሳዴሰካ ጸሳ ኪያቴሉ ፓጮንታ ማላ ቃሴካ ጫዋ ኣይፊ ኣይፊዛ ሚሉ ዋኪዲ ሜቶ ሜቶንታ ማላ፤ ዳርታ ዋሮንታ ማላ ናጌቴቴ።

16 ኢሲቶ ማና ካሳስ ባ ባይራቴላ ባይዚዳ ኤሳዋ ማላ ኢንቴፊ ኦኒካ ሳይማቲዛዴ ዋይኮ ጸሰ ቦንቸንታዴ ጊዲ ቤቶንታ ማላ ናጌቴቴ።

17 ኤሳዋይ ጉዬፕ ካሴ ባ ኣንጆዛ ላታናስ ዛሪ ኮዩን ኢዛስ ኢሜቶንታ ዲጌቲዳይሳ ኢንቴ ኤሬታ፤ ኢዚ ባና ጋኪዛ ኣንጆዛሰካ ዳር ዬኪሼ ኮዩዲካ ዛሪ ዴማናስ ዳንዳይቤና። *

18 ኩሼን ቦቹኮ ቦሼቴዛ ታማይ ኢዛ ቦላ ኤጸዚ ሲና ዙማኮ። ሂ ጳማኮ። ሂ ቴላሳዛኮኒ ሂ ጎቴ ጫርኮዛኮ ኢንቴ ጋኪቤኮታ።

19 ኢንቴ ዛይ ጌሪሳኮ ዋይኮ ሃይላን ሲዬቴዛ ቃላ ጌሪሳኮ ጋኪቤኮታ፤ ሂሳ ሲዬዳ ኣሳቲካ ሃራ ቃላ ጉጅንታ ማላ ዋሲዳ።

20 ሂሳስ ጋሶይካ፡ «ሃራይ ኣቶሺን ሜሃይካ ዙማ ቦቹዛ ጊዲኮ ሹቸን ጫዴቲ ሃይቆ» ጊዛ ኣዛዘዛ ኣሳይ ናጋናስ ዳንዳይቤና።

21 ሂ ዋዴ ሂን ሃኒዛይሲ ወሪካ ዳር ባቢሲዛይሳ ጊዲዳ ጊሻስ ሙሴይካ፡ «ታ ባባዳ ኮኮራዲስ» ጊዴስ።

22 ኢንቴ ቃሴ ሃ ጸዮኒ ዙማ ቦላ፡ ፑዴ ሳሎ ዬሩሳላሜ፡ ዴኦ ጸሳ ካታማ ኡፋይሳን ሺቁዳ ቆዳይ ባይንዳ ኪታንቻታኮ ዩዴታ።

23 ኢስታ ሱንላ ሳሎን ጸፊቲዳ ባይራታ ማባራንኮ፤ ኡባስ ዳና ጊዲዳ ጸሳኮ ኢስታ ቦላ ዋሶይ ባይንዳ ጸሎ ኣሳታ ሸምፖይ ዲዛሶ ማቲዴታ።

24 ኦራላ ጫቆን ማቃዩንላዛይ ዬሱሳኮ፤ ሂሳላካ ኣቤሊ ሺሺዳ ሱላፊ ኣጂዛ ጫቆ ቃላ ዮቲዛ ኣራጩቴዳ ሱላኮ ጋኪዴታ።

25 ኢንቴስ ዮቲዛይሳ ኢንቴ ኣካይ ጎንታ ማላ ናጌቴቴ፤ ሃይታንቲ ጸሲ ቢታ ቦላ ዲዛ ኣሳ ባጋራ ኢስታስ ዮቲዛይሳ ኤኮንታ ኢዲዲ ኢዛፕ ኣታናስ ዳንዳዮንታ ኣጊኮ ኑኒ ሳሎፕ ዩዳይሲ ኑስ ዮቲሺን ኤኮንታ ኢዲኮ ኑ ኢዛፕ ዋኒ ኣታኔ?

12:12 እሳ 3:3 12:13 ለሚ 4:26 12:15 ዛሬ 29:18 ዳንዳይቤና ጊዛይሳ ማሬታናስ ኣይኮ ቃዳ ዴሚቤና ጋና ዳንዳዬቴስ። 4:10 12:25 ኩሳ 20:22 12:26 ሃጌ 2:6 12:29 ዛሬ 4:24 13:2 ማዳ 18:1-8፤ 19:1-3 13:5 ዛሬ 31:6:8፤ ኢያ 1:5 13:6 ማዳ 118:6 13:11 ለዌ 16:27

26 ሂ ዋዴ ቃላ ጌሪሳን ቢታ ቃሊዴስ፤ «ሃኢ ቃሴ ቢታ ጸላ ጊደንታ ታኒ ሳሎካ ቃሴካ ታ ዛራዳ ኢሲቶ ቃላና» ጊዛ ቃላ ዮቲ ዋሊዴስ።

27 ሃይሲ፡ «ቃሴካ ታ ዛራዳ ኢሲቶ» ጊዛ ቃላይ ኑና ቤሲዛይ ቃጸንታይቲ ሚኒ ዳና ማላ፤ ቃጸዛይቲ ሃይቲካ ሜዴቲዳይቲ ኪቻናይሳ ቤሴስ።

28 ሃሳ ጊሻስ ኑኒ ሙሉካ ቃጸንታ ካዎቴላ ላታና ጊሻስ ኣኔ ጸሰ ጋላቶስ፤ ቃሴካ ኢዛ ኡፋይሲዛ ኦጌራ ቦንቸሲኔ ያሻቴላን ኣኔ ኢዛስ ጎይናስ።

29 ኑ ጸሳይ ጸጊዛ ታማ ማላ።

13

ወርሴላ ዛሬ

1 ኢንቴ ኢንቴ ጊደን ኢሻታ ማላ ደሴቴቴ።

2 ኢማላ ዋኮ ባሎፕቴ፤ ኢሲ ኢሲ ኣሳቲ ሃሳሶ ኦሊሼ ኤርንታ ኪታንቻታ ኢማላቴላ ዋኪ ኤኪዳ።

3 ቃሾ ኬላን ዲዛይታራ ኢንቴካ ቃሾቴዳ ማላ ኢስታስ ቆፕቴ፤ ሃሳላካ ኣሳ ኩሼን ዋይቲዛይታራ ኢንቴካ ዋይቲዛ ማላ ኢስታስ ቆፕቴ።

4 ኤኮይ ጌሎይ ኡባ ኣሳ ኣቻን ቦንቹቶ፤ ኢንቴ ሃላ ጌሽ ጊደ፤ ጋሶይካ ሳይማ ኣሞይ ዲዛይታ ቦላ፤ ሳይማቲዛይታ ቦላ ጸሲ ፕርዳና።

5 ሚሻ ሲቆፕ ናጌቴቴ፤ ኢንቴስ ዲዛይሲ ጊዳና፤ ሃሳስ ጋሶይካ ጸሲ፡ «ታ ኢንቴና ሙሉካ ኣጊኬኔ ዩጊኬ» ጊዴስ።

6 ሃሳ ጊሻስ ኩሚላ ዋዚናፕ ኑኒ፡ «ጎዳይ ታስ ማዶ፤ ታ ባቢኬ፤ ታና ኣሲ ኣይ ኦላና ዳንዳይቤ?» ጎሰ።

7 ኢንቴስ ጸሳ ቃላ ኮይሮፕ ዮቲ ካሌላዛይታ ባሎፕቴ፤ ኢስታ ዲሳን ቤቲዛ ሎኦ ኣይፊፊ ዲዛይሳ ዩሺ ቆፕቴ፤ ኢንቴካ ኣማናን ኢስታ ሚሳቲቴ።

8 ዬሱስ ኪርሰቶሲ ሃቹካ ዋንቶካ ሜርናሰካ ኢዚ ኢዛኮ!

9 ዴማ ዴማ ኢማላ ቲሚርቲ ኤኮፍቴ፤ ኑ ዋዚናይ ሚኒ ኤቁዛይ ጸሳ ኪያቴላን ኣቲን ካላ ዋጋ ናጎን ጊዳና፤ ሂ ዋጋ ናጊዛይቲካ ኢዛን ጎኤቴቤቴና።

10 ኑስ ያርሾሶይ ዴስ፤ ጊዲኮካ ዴንካኔዛ ጊደን ኦሊዛ ቁሴቲ ሃ ያርሾሶዛ ቦላ ዲዛ ካላፊ ኤኪ ዋንታ ማላ ዲጌቴዳ።

11 ቁሴታ ሃላቃይ ናጋራ ቴቁዛ ሜሃ ሱላ ኤኪዲ ኡባፊ ዴማ ጌቴቲዛ ኪፊሌ ጌሌስ፤ ሜሃታ ኣሾይ ጊዲኮ ካታማፕ ካሬን ጸጌቴስ።

12 ሃሳላካ ዬሱሲ ባ ሱላ ባጋራ ኣሳ ጌሻናስ ካታማ ፕንጌፊ ካሬን ሜቶ ቤዩዴስ።

13 ሃሳ ጊሻስ ኑኒካ ኢዚ ቶኪዲ ካወሻቴላ ቶኪዲ ኑ ዲዛሶፕ ጌዴ ኢዛኮ ካሬ ኣኔ ኬዘስ።

14 ጋሶይካ ሃይሳን ኤቁ ዳና ካታማይ ኑስ ዴና፤ ጊደ ኣቲን ቡሮ ሲንላፊ ያና ካታማዮ ናጎስ።

15 ሃሳ ጊሻስ ኡባ ዋዴ ጋላታ ያርሾ ሃሲካ ኢዛ ሱንላስ ማርካቲዛ ኑ ዳናፕ ቤቲዛ ኣይፊ ጊዲዳክ ዬሱሳ ባጋራ ጸሳስ ኣኔ ሺሾስ።

16 ቃሴካ ሎኦ ኦሶኔ ኢንቴስ ዲዛይሳፊ ሃራታስ ኢሞ ባሎፕቴ፤ ጸሲ ሃይታንታ ማላ ያርሾን ኡፋይቴስ።

* 12:17 ዴማናስ ዳንዳይቤና፡ ዴማናስ 12:17 ሜዴ 27:30-40 12:20 ኩሳ 19:12-13 12:24 ሜዴ 13:2 ሜዴ 18:1-8፤ 19:1-3 13:5 ዛሬ 31:6:8፤ ኢያ 1:5

17 እንጅና ካሌሊዛይታሰ አዛዘቲቴኔ ሃሬቲቴ፤ ሄሳሰ ጋሶይካ እንጅ ገሻሰ ኢሰታ አላፊቴላን ዳሮ ኦይቸዛ ጉዳይ ዲዛ ገሻሰ እንጅ ሼምፖ ገሻሰ ዳሮ ባጾቴቴሰ፤ ሄሳ ገሻሰ ኢሰቲ ባ ኦሊዛ ኦሶዛ ላንጨቴጼ ገደንታ ኡፋይሳን ኦላና ማላ እንጅ ኢሰታሰ አዛዘቲቴ። እንጅ ሄሳሶ ሂሰቶንታ አገኮ እንጅሰ ሎኤና።

18 ኦሰካ ዋሲቴ፤ ኡባሶራካ ሎኦ ዲሰ ዳናሰ ላሞቲዛ ሎኦ ቆፋይ ኦሰ ዲዛይሳ ኦ ሲጶኮ።

19 ሃራፔካ ታ እንጅኮ ኤሌን ሲማ ባና ማላ ታሰ እንጅ ዋሳና ማላ ሃዳራ ጋይሰ።

20 ደርሳታ ሄንላንቻይ ዋጋ ጎዳ ዩሱሰ ኪርሰቶሳ ባ ሜርና ጫቆ ቃላ ሱላን ኢዛ ሃይቆፔ ዳንሊዳ ሳሮቴላ ጸሲ።

21 እንጅ ኢዛ ሹኔ ፖላና ማላ ሎኤቴላን እንጅና ገዲሶ፤ ጸሳ ኡፋይሰዛይሳ ዩሱሰ ኪርሰቶሳ ባጋራ ኦናን ኦሎ፤ ኢዛሰ ሜርናፔ ሜርናሰ ቦንቸይ ገደ። አሚን።

22 ታ አሻቶ! እንጅሰ ጸፊዳ ዘሬ ቃላይ ጉሐ ገዲዳ ገሻሰ እንጅ ሃንቁቶንታ ማላ ታ እንጅና ሃዳራ ጋይሰ።

23 ኦ አሻ ጸምቶሲ ቢርሼቴዳይሳ እንጅ ኤራና ማላ ታ ኮያይሰ፤ ኢዚ ኤሶን ታኮ ዩኮ ታ ኢዛራ ሄ ባዳ እንጅና ሄን ቤያና።

24 እንጅና ካሌሊዛይታ ኡባታሲኔ አማኒዛ አሳ ኡባሰ ታ ሳሮካ ዮቴቴ። ኢጸሊያን ዲዛ አማኒዛ አሳይካ እንጅና ሳሮ ጌሰ።

25 ጸሳ ኪያቴሊ እንጅናራ ገደ። አሚን።

ያቆቤ ጻፊዳ ከታ ጊደ ቆፋ

ሃይሲ ያቆቤ ከታዚ ኣሲ ሃኛ ሃኛ ዳና ዳና ገሻሰ የተዘዘ ገዲሺን ኢዚ ጻፊትዳይ ዳማ ዳማ ዳሬን ላለቲ ዲዛ ታማኔ ናምኡ ኢሰራኤል ዛርኬታሳ፤ ሄሳ ጻፊዳይይ ኮኒ ኑ ኤራቴላ ኦሶን ፔይሻና ኦጌ ገሻሰ ኣማኒዛ ኣሳ ሞኮ ገሻሲኔ ኣማሌ ሎኤፋና ኦጌ ቤሲዛ የኦታ ቆንጨሲዛ ሃሳያታ ለሚሶራ ቤሴሰ። ማንቆቴላ ገሻሰ፣ ፓጩ ገሻሰ፣ ሎኦ ኣማሌ ገሻሰ፣ ቃንጌቴላ ገሻሰ፣ ኣማኖ ገሻሲኔ ሎኦ ኦሶ ገሻሰ ኢንጻርሳ ኢታቴላ ገሻሲኔ ሎኤቴላ ገሻሰ፣ ኣቶ ኤራቴላ ገሻሰ ኢሶይ ኣሳራ ኦሻ ገሻሰ፣ ኦቶሬቴላ ገሻሲኔ ኣሽኬቴላ ገሻሰ፣ ሃራ ኣሳ ቦላ ፒርዳ ገሻሰ፣ ጨቁቴላ ገሻሰ፣ ዳንዳያ ገሻሲኔ ዋሳ ገሻሰ፣ ኣማኒዛይቲ ኦፋናሰ ቤሲዛ ሚሻታ ሁኤን ሁኤን ጻፊዳ።

ሃ ከታዚ ኣማኖይ ኣማኖ ዳሳን ኦሴታና ቤሲዛ ኦጌታ ሎኤላ ቆንጨሲሰ።

ሃ ማጻፋይ ኦይኪዳ ኩሜላ ቆፋ

- ጌሎሶ 1:1
- ኣማኖኔ ኣቶ ኤራቴላ 1:2-8
- ማንቆቴላኔ ዳሬቴላ 1:9-11
- ፓጩ 1:12-18
- ጸሓ ቃላ ሲዩዲ ኦሶን ፔይሾ 1:19-27
- ኦጌይ ባይንዳ ማዶ ማዶንታ ማላ ኢሜቲዳ ቆፊሶ 2:1-13
- ኣማኖኔ ኦሶ 2:14-26
- ኣማኒዛይይ ኢዛ ሃሳያ 3:1-18
- ኣማኒዛይይ ሃይሳ ሃ ኣላሚዛ 4:1—5:6
- ዳማ ዳማ ሃናታ ገሻሰ ኢሜቲዳ ዘሬ 5:7-20

1 ጸሓ ኦሳንቻኔ ዩሱሰ ከርሰቶሳ ኦሳንቻ ገዲዳ ያቆቤ፤ ቢታ ቦላ ላለቲዳ ታማኔ ናምኡ ኮቻታሰ ሳርቴላ ኢንቴሰ ጊደ።

ሜቶኔ ፓጩ

- 2 ታ ኢሻቶ! ኢንቴ ቦላ ዳማ ዳማ ዋይይ ጋኪኮ ሄሳ ወርሲ ኡፋይሳን ቆዲቴ።
- 3 ጋሶይካ ኢንቴ ኣማኖ ፓጩቴላ ኢንቴሰ ዳንዳያ ኢሚዛይሳ ኢንቴ ኤሬታ።
- 4 ኢንቴ ዳንዳያን ሚኒ ኤቃናይሲ ኢንቴሰ ኢሲ ሚሻካ ፓጩንታ ኩሜላ ኣሲኔ ዋሶይ ባይንዳይታ ገዳና ማላ ኦሶ።
- 5 ኢንቴ ጊደፊ ኦናሰካ ኤራቴላ ፓጩኮ ኦናካ ሌቆንታ ባ ኪያቴላራ ኡባሰ ኢሚዛ ጸሓ ዋሶ፤ ኢዛይሰካ ኢሜታና።
- 6 ጊደ ኣቲን ሲዴይ ባይንዳ ኣማኖን ዋሶ፤ ጋሶይካ ሲዴዛይይ ኣሳ ቃላዛ ዳምባላ ጫርኮ ማላ።
- 7 ሄሳይይ ጎዳፔ ኣይኮካ ዳማና ጊዲ ቆፖፎ።
- 8 ሄሳይይ ናምኡ ቆፋን ኦይኬቴዲ ባ ቢዛ ኦጌ ቦላ ያኔ ሃ ጊዛ ኣሳ ማላ።
- 9 ካሴ ዚቃ ዳሳን ዲዛይ ጸሲ ቶቁ ሂሰታና ገሻሰ ኡፋይቶ።

10 ኣሳ ዳሬቴላ ማታ ጨሻ ማላ ቆካና ገሻሰ ዳሳን ቶቁ ገዳይይ ጸሲ ኢዛ ዚቁ ሂሰቲኮ ኡፋይቶ።

11 ኣርሼይ ጸጊዲ ማታ ሹሊሴሰ፤ ማታ ጨሻይካ ሹሊሴሰ፤ ኢዛ ሎኤቴላካ ጳይሰ፤ ሄሳላካ ዳሬይ ሃኛ ሃኛ ዳቡርሳን ዲሺን ኢዛ ዳሬቴላ ጳይሰ።

12 ፓጩን ሚኒ ኤቁዳይይ ኢዚ ኣንጃቲዳይ፤ ጋሶይካ ኢዚ ፓጩራ ኤቁቲሺን ጸሲ ባና ደሲዛይታሰ ኢሚዳ ሂደታ ዳኦ ኣኪሊሌ ኢዚ ኤካና።

13 ኢንካ ፓጩቴዛ ገዲኮ ታና ጸሲ ፓጩሰ ጎፖ፤ ጋሶይካ ጸሲ ኣሴ ኢታን ፓጩና፤ ኢዚ ኦናካ ፓጩ ኤሬና።

14 ጊደ ኣቲን ኢሲ ኢሲ ኣሲ ፓጩቴዛይ ባርካ ባ ኢታ ኣሞ ካሊሼኔ ባሌቲሼ ፓጩቴሰ።

15 ኣሞይ ቃንጎቲዲ ናጋራ ዩሌሰ፤ ናጋራይካ ዲጨዳፔ ጉዬ ሃይቆ ዩሌሰ።

16 ታ ሲቆ ኢሻቶ! ኢንቴ ባሌቶፍቴ።

17 ሎኦ ኢሞቴላኔ ኩሜላ ኣንጃይ ወሪ ቦላ ሳሎ ፖኦታ ኣሞፔ ዋዴቴሰ፤ ኢዛ ኣቻን ያኔ ሃ ዩዩዛ ኤሾይካ ዳና።

18 ኑ ኢዛ ሜዴቴላሰ ኮይር ባይራታ ገዳና ማላ ባ ሼኔኔ ባ ቱማ ቃላን ኦና ዩሊዳሰ።

ሲዩዲዳ ኦሶ

19 ደሴቲዳ ታ ኢሻቶ! ሃይሳ ዩሺ ቆፒቴ፤ ኣሲ ወሪካ ሲያናሰ ኤሶቶ፤ ሃሳያሲኔ ሃንቆሰ ኤሶቶ።

20 ኣሳ ሃንቆይ ጸሓ ጸሎቴላ ኦሶና።

21 ሄሳ ገሻሰ ቱናቴላኔ ዳልጊዳ ኢታቴላ ኢንቴፊ ኬሲ ዩጊዲ ኢንቴ ሹምፖ ኣሻናሰ ዳንዳይዛ ኢንቴ ገደን ቶኬቴዳ ቃላ ኣሽኬቴላራ ኤኪቴ።

22 ቃላይ ገዛይሳ ኦሶቴ ኣቲን ማላ ሲሰ ጸላ ሲዩዛይንታ ገዲዲ ኢንቴርካ ኢንቴና ባሌላፍቴ።

23 ቃላ ሲዩሼ ሲዩዳ ቃላይ ገዛይሳ ኦሶንታይይ ባ ኣይፊሶ ማሰቶቴራ ጸሊዛ ኣሳ ማላ።

24 ባና ጸሊ ቤኢዲ ቤሰ፤ ኢዚ ኣይ ሚሳቲዛኮ ሄራካ ባሌቲቹሰ።

25 ጊደ ኣቲን ባና ጌሺዛ ሎኦ ዋጋ ጸሊ ቤኢዲ ኢዛን ሚኒዛይይ ባ ሲዩዲዳ ኦሶዛይይኔ ባሎንታይይ ኢዚ ባ ኦሶን ኣንጃቲዳይ ገዳና።

26 ባ ደና ናንንታ ባርካ ባ ዋዚና ባሌላሼ ታ ኣማኖይሰ ገዛይይ ባርካ ባና ባሌላሰ፤ ኢዛ ኣማኖይካ ሃዳ ኣማኖ።

27 ጸሓ ኣሞ ሲንጎን ኢታቴላ ባይንዳ ሎኦ ኣማኖይ ኣያኔ ኣሞይ ሃይቁዳ ናይታ፣ ኢሰታ ኣዚናቲ ሃይቁዳ ማጫሳታ ሜቶቴቲሺን ማዶኔ ሃይሳ ኣላሚዛ ቱናቴላፊ ባና ና።

2

ኦጌይ ባይንዳ ማዶ ኮሼና

1 ታ ኢሻቶ! ኢንቴ ቦንቹቲዳ ጎዳ ዩሱሰ ከርሰቶሳ ኣማኒዛይታ ገዲዳ ማላ ኣሴ ቤሶንታ ኦጌራ ማዶፍቴ።

2-3 ዋርቃ ዩኛ ቢራዴን ኣሉዲ ሎኦ ማይኦ ማይኢዳ ኣሲ ኢንቴ ሸቁዛሶ ዩኮ ሃሳላካ ቂታ ማይኦ ማይኢዳይይ ሃ ሸቁዛሶዛ ዩኮ ቃሴካ ሃራ ቂታ ማይኦ ማይኢዳ ማንቆ ኣሲ ጌሊኮ ሎኦ ማይኢዳይሳ ዳማ ቦንቹ ቦንቹዲ፣ «ኔሰ ቤሲዛ ሎኦ ኡቲዛሶ ሄሳ ቤያ»

1:1 ማቶ 13:55፤ ማር 6:3፤ ሃዋ 15:13፤ ጋላ 1:19

ገዲ ሃንኮ ማንቆዛ ቃሴ፡ «ኔ ሄን ሄሳን ኤቃ፤ ዋይኮ ሃ ያ፤ ታ ጋርሳን ወገን ኡታ» እንገጥ ገኩ፡

4 እንገጥ እንገጥ ገደን ቤሶንታ ማዶ ኦፊታ ገደከቴ? ቃሴካ እንገጥ ኢታ ቆፋን ኦይከቴዳ ኢታ ፕርዳ ፕርዱዛይታ ገደከቴ?

5 ታ ሲቆ አሻቶ! ኣኔ ሲዩቴ፤ ኢሰቴ ኣማኖን ዱሬታ ገደና ማላ ጸሲ ባና ደሲዛይታሰ ሂዶታ ኢሰታሰ ኢሚዳ ካዋቴላ ኢሰቴ ላታና ማላ ሃይሳ ሃ ኣላሜዛን ዲዛ ማንቆታ ደሪቤን?

6 እንገጥ ቃሴ ማንቆታ ካወሽታ፤ እንገጥና ዋዩሲዛይ ዱሬታ ገደቴን? እንገጥና ፕርዳሶ ጎቹዛይ ኢሰታ ገደቴን?

7 እንገጥናን ጸይጌቴዳ ቦንቾ ጸሳ ሱንላ ዘገርዛይቴ ኢሰታ ገደቴን?

8 ገሻ ማጸፋን፡ «ኔ ላጌ ኔ ሁኔ ማላ ሲቃ» ጌቴቴ ጸፊቴዳ ካዋ ዋጋ እንገጥ ፖሊኮ ሎኦ ኦፊታ፡፡

9 እንገጥ ቤሶንታ ማዶ ማዲኮ ናጋራ ኦፊታ፤ ዋጋ ሲንሳንካ እንገጥ ዋጋ ዩጲዳዳ ገዲ ቆዳታና፡፡

10 ጋሶይካ ዋጋ ኡባ ፖሊዛይይ ቃሴካ ዋጋፕፕ ኢሲኔይን ቆጵቴዛ ኣሲ ኡባካ ዋሪዳዳ ማላ ቆዳቴሰ፡፡

11 «ላይማቶፓ» ገዳዳይ ኢዚካ ዛሪዲ፡ «ዋጲፓ» ገደሰ፡፡ ኔ ላይማቶንታ ኣገኮካ ኔኒ ኣሰ ዋጲኮ ዋጋፕፕ ኣጲዳዳ ገዳሳ፡፡

12 እንገጥ ሃሳያ ሃሳይሾ ዋይኮ ኢሲ ሚሽ ኦፊሾ እንገጥና ጸሊሲዛ ኣሳ ማላ ገዲቴ፡፡

13 ጋሶይካ ማርንታይ ወሪካ ማርይ ባይንዳ ፕርዳታና፤ ማርይ ፕርዳ ጸኔሰ፡፡

ኣማኖ ኦሶ

14 ታ አሻቶ! ኢሲ ኣሲ ታሰ ኣማኖ ደሰ ገኮ ቃሴ ኦሶን ቤሶንታዳ ገዲኮ ኢዛ ኣይ ማዳኔ? ሃሳ ማላ ኣማኖ ኢዛ ኣሻኔ?

15-16 ኣኔ ቆፕቴ፤ ኢሲ አሻይ ዋይኮ ኢሲ ሚቺያ ማይኦይ ዋይኮ ሚዛይሲ ባይንዳ ኣገኮ እንገጥፊ አሳዳይ፡ «እንገጥ ሳርን ቢቴ! እንገጥና ማጎፎ! ካለቴ!» ገኮ ኢሰታ ኣሾሰ ኮሺዛይሳ ኢሞንታ ኣገኮ ኣይ ማዳኔ?

17 ሃሳሳካ ኦሶይ ባይንዳ ኣማኖይካ ባሰ ሃይቁዳይሳ፡፡

18 ገደ ኣቴን አሳዳይ፡ «ታሰ ኦሶይ ደሰ፤ ኔሰ ኣማኖ ደሰ፤ ኔኒ ኔ ኣማኖ ኦሶፕ ሻካዳ ታና ቤሳ፤ ታ ቃሴ ታ ኣማኖ ኦሶን ኔና ቤሳና» ገኮ

19 ኔ፡ «ኢሲ ጸሲ ዲዛይሳ ኣማኖሳ» ሄሲካ ሎኦ፤ ዳይዳንሳቴካ ሃሳ ማላ ኣማኔቴሲኔ ከሂ ኮሮቴሰ፡፡

20 ኔኖ ኤያዘ! ኦሶይ ባይንዳ ኣማኖሰ ጎኣይ ባይንዳይሳ ኤራናሰ ማርካ ኮያይ?

21 ኦ ኣዋ ኣብራሃሜይ ባ ና ዩሳቃ ያርሺዛሶዛ ቦላ ሺሺዳ ዋዳ ኦሶን ጸሊቤን?

22 ሃሳን ባ ኣማኖዛ ኦሶራ ጋሊ ኦፊዛይሳ ኔ ቤያሳ፤ ኣማኖይካ ኦሶን ፖሊቴዳሰ፡፡

23 «ኣብራሃሜይ ጸሰ ኣማኒዳሰ፤ ሄ ኣማኖይ ኢዛሰ ጸሊቴላን ቆዳቴዳሰ» ገዛ ማጸፋ ቃላይ ፖሊቴዳሰ፤ ኢዚካ ጸሲ ደሲዳዳ ጌቴቴዳሰ፡፡

24 ሃሳ ገሻሰ ኣሲ ኣማኖን ጸላ ገደንታ ኦሶንካ ጸሊዛይሳ እንገጥ ቤዬታ፡፡

25 ሃሳሳካ ላይማን ዲዛ ኤራኣባ ከቴቴ ቢዳ ኣሳታ ሞካ ኤካዳ ሃራ ኦጌራ ሞይዛ ዬዲዳ ገሻሰ ባ ኦሶን ጸሊቤከ?

26 ሼሞፖጌ ሻከቴዳ ኣሻይ ሃይቁላ ገዲዳ ማላ ኦሶፕካ ሻከቴዳ ኣማኖይ ሃይቁላ፡፡

3

ባ ደና ናጎ

1 ታ አሻቶ! እንገጥፊ ዳርቴ ኣሰታማሬታ ገደፕቶ፤ ጋሶይካ ኦ ኣሰታማሬ ገዲዳይቴ ኣጴላ ፕርዳ ኤካናይሳ እንገጥ ኤሬታ፡፡

2 ኦ ወሪካ ዳር ሚሻን ቆጵቶሰ፡፡ ሃሳያን ቆጵቶንታዳይ ዲኮ ኢዚ ባ ኣሳቴላ ሎኤሊ ናጋናሰ ዳንዳይዛ ኩሚሳ ኣሳ፡፡

3 ኦኒ ፓራታ ኣዛዛናሰ ቢጸላ ባርሲዲ ኦ ኮዩዳ ማላ ኢሰታ ኣዛዘሰ፡፡

4 ዋይኮ ኣኔ ማርካቤታ ጸሊቴ፤ ኢሰቴ ኣይ ጌታታኔ ጫርኮን ሱጌቴ ቢዛይታ ገዲኮካ ማርካቤ ላጊዛዳይ ቄሪ ላፋ ላጊዛ ሚሻራ ባ ኮይዛሶ ኤፊሰ፡፡

5 ሃሳሳካ ኣሳቴላ ጋርሳን ኢንጻርሲ ጉላ ገዳ ኡታዳ ጌታ ዋልቃማ ኦቶር ኦቶሬታወሰ፤ ቄሪ ታማይ ጌታ ዋራ ዋሰቴ ጸጊ ቆይሲዛኮ ኣኔ ዩሺ ቆፕቴ፡፡

6 ኢንጻርሲካ ባ ባጋራ ታማ ማላ፤ ቃሴ ኦ ኣሳቴላ ገደን ዲዛ ኢታ ኣላሜ፡፡ ኣሳቴላ ወርሳ ቱኒሳወሲኔ ኣሳቴላ ቦላ ታማ ጉጃወሰ፤ ባሰካ ጋናማ ታማን ጸጌታና፡፡

7 ሜሃ፡ ደኣ፡ ካፎታ፡ ቢታ ቦላ ጎሽቴዛይታኔ ኣባ ገደን ዲዛ ሚጴቴላታ ኡባ ኣሲ ሃራና ዳንዳይሰ፤ ኢሰቴካ ሃራቴዳ፡፡

8 ገደ ኣቴን ኢንጻርሰ ሃራናሰ ዳንዳይዳዳይ ኦኒካ ዳና፤ ዋጲዛ ማርኬይ ኢዚን ኩሚዳርኔ ኢዛ ሼሞፓ ኤኮንታ ኢታ ሚሻ፡፡

9 ኦኒ ኦ ኢንጻርሳይራ ጎዳኔ ኣዋ ኣንጀሰ፤ ኢዚንካ ጸሳ ሎሚሶን ሚጴቴዳ ኣሳ ናይታ ዛሪዲ ቃንጎሰ፡፡

10 ኣንጀይኔ ቃንጌላ ኢሲ ደናራ ኬዜሰ፡፡ ታ አሻቶ! ሃሲ ሃሳሳ ሃናናሰ ቤሴና፡፡

11 ኢሲ ፑልቶ ኦላፊ ማልኦ ሃሊኔ ጫሞ ሃሊ ፑልቴ ኤሪዜ?

12 ታ አሻቶ! ባላሴ ጌቴቴዛ ሚሊ ዋጋራ ኣይፊ ዋይኮ ዋይኔ ሚሊ ባላሴ ሚሳ ኣይፊ ኣይፋናሰ ዳንዳይዜ? ሃሳሳካ ጫሚዛ ሃላፊ ማልኢዛ ሃሊ ቤታና ዳንዳይና፡፡

ናሞኡ ቆሞ ኤራቴላ

13 እንገጥ ጋርሳፊ ኣከካራ ዲዛ ኤራ ኣሲ ኦኔ? ኤራይ ዲዛ ገዲኮ ኣኔ ባ ኦሶ ኣሽከቴላኒኔ ኣቶ ኤራቴላራ ባ ሎኦ ዲሳን ቤሶ፡፡

14 ቃሴ ጫሞኔ ቃናቴይ፡ እንገጥና ጸላ ደሲዛ ሃናይ እንገጥ ዋዚናን ዲዛ ገዲኮ ኦቶሬቴላ እንገጥሰ ሲዬቶፎ፤ ቱማካ ካደፍቴ፡፡

15 ሂኒ ማላ ኤራቴላያ ሳሎፕ ገዲኩ፤ ሂና ቃሴ ቢታፊ፡ ኣሾፕኔ ጸላኤፕኮ!

16 ቃናቴይኒ ባርካ ባና ሲቆይ ዲዛሶን ዋሶይኔ ኢታ ኦሶይ ወሪ ደሰ፡፡

17 ሳሎፕ ገዲዳ ኤራቴላያ ገዲኮ ኮይር ጌሻ፤ ጉዬፕካ ሳርቴላ ደሲዛር፡ ዳንዳይዛር፡ ኤር ገዛር፡

ማርቲላኔ ሎኦ አይፌይ ኩሚዳር፤ ቃሴ ዋርዶ ማደንታርኔ ኡሎን ጌኔይ ባይንዳር።

18 ሳርቲላ ደሲዛ አሳቲ ሳርቲላ ዜሪዲ ዲሎቴላ አይፌ ማጾቴሰ።

4

አንቴናቴላ ጸሳሰ ሃሪሲቴ

1 አንቴ ገደን ዲዛ ኦላይኔ ኦሽ አዋፔ ዩዴ? አንቴ ዋዚናን ዲዛ አዋቴላፌ ዳንዲዳ ኦላ ገዴን?

2 አንቴ አዋቴታ ሽን ዳሜኬታ፤ አንቴ አሰ ዋጴታኔ ኬሂ አዋቴታ ሽን ዳማና ዳንዳዬኬታ፤ አንቴ አንቴ ጋርሳን ኦዬተዛ ገሻሳኔ ኦሌተዛ ገሻሰ ቃሴ ዋሶንታ ገሻሰ አንቴሰ አሜቴና።

3 አንቴ አንቴ አሾ ኡፋይሳናሰ ኢታ ቆፋን ዋሲዛ ገሻሰ ዋሲዳይሳ አንቴ ኤኬኬታ።

4 አንቴኖ ላይማተዛይቶ! አላሜራ ሲቁቴላ ጸሳራ ዋርኬቴላ ገዲዳይሳ ኤሪኬቴ? ሃሳ ገሻሰ ሃይሳ አላሜዛራ ሲቁቴላ ኮይዛይ ወሪካ ጸሳሰ ዋርኬ።

5 ዋይኮ ገሻ ማጻፋ ገደን፡ «ኦናን ኢዚ አይሲዳ አያናይ ኦ ኢዛይታ ገዳና ማላ ዳር አዋቴሰ» ገዛይሲ አንቴሰ ጮ ማላ ገዳ ሚሳቲዜ?

6 ገደ አቲን ኢዚ ባ ኪያቴላ ኦሰ ጉጂ አሜሰ፤ ማጻፋይካ፡ «ጸሲ ኦቶሪንታታራ ኤቁቴሰ፤ አሽኬታሰ ገዲኮ ባ ኪያቴላ አሜሰ» ገዳይ ሃሳሳ።

7 ሃሳ ገሻሰ አንቴና ጸሳሰ ሃሪሲቴ፤ ዳቡሎሳራ ኤቁቴቴ፤ ኢዚ አንቴፌ ባቃታና።

8 ጸሳሶ ሸቁቴ፤ ኢዚካ አንቴኮ ሸቃና፤ አንቴኖ ናጋሪንታቶ! አንቴ አንቴ ኩሽ ጌሺቴ፤ አንቴኖ ናሞኡ ቆፋን ቃጸዛይቶ! አንቴ አንቴ ዋዚና ጌሺቴ።

9 ዳርሲ ቆፐቴ፤ ሙዞቴቴ፤ ዬኪቴ፤ አንቴ ሚታይ ዬሆን፡ ኡፋይሳይ ቃሴ ሙዞቴላን ሲሞ።

10 ጎዳ ሰንላን አንቴ አንቴና ካወሽቴ፤ ኢዚ አንቴና ጶቁ ጶቁ ሂሰታና።

11 ታ አሻቶ! አንቴ አንቴ ጋርሳን ኢሶይ አሳ ሞቶፐቴ፤ ባ አሻ ሞቲዛይይኔ ባ አሻ ቦላ ፐርዲዛይይ ዋጋ ቦላ ኢታ ሃሳዬሲኔ ዋጋ ቦላ ፐርደሰ፤ ሂሰቲኮ ኔሂ ዋጋ ቦላ ፐርዲዛይ አቲን ዋጋ ናገዛይ ገዳካ።

12 ዋጋ ዋላዳይይኔ ፐርዲዛይይ ኢሳዴ ጸላ፤ ኢዚካ ጳይሳናሲኔ አሻናሰ ዳንዳይዛይ፤ ገደ አቲን ኔ ላጌ ቦላ ፐርዲዛይይ ኔ ኦኔ?

ጨቁታናሰ ቤሴና

13 «አንቴ ሃቶ ዋይኮ ዋንቶ ሃኖ ሃ ካታማኖ ዋይኮ ሃኖ ሃ ካታማኖ ኦ ባና፤ ሂሰቲዲ ሃን ኢዚን ኢሲ ሳይላ ኡታናኔ ዛልኢ ዋጴሳና» ገዛይቶ! ኦኔ ሃ ሲዩቴ።

14 ዋንቶ ሃናናይሳ አንቴ ኤሪኬታ፤ አንቴ ሸሞፖይ ኢዛ ኦዜ? አንቴ ጉላ ዋዴ አይፌን ቤቴዲ ጳይዛ ሃላ ፔንታ ማላ።

15 ሃሳ ጋናፔ፡ «ጎዳ ሸኔ ገዲኮኔ ኦ ፓጸ ዲኮ ሃሳካ ሃይሳካ ኦላና» ጋናሰ አንቴሰ ቤሴሰ።

16 ሃኢ ገዲኮ አንቴ ኦቶሬቴላን ጨቁቴታ፤ ሃሳ ማላ ኦቶሬቴላ ወሪካ ኢታ።

17 ሃሳ ገሻሰ ሎኦ ገዲዛይሳ ኦላናሰ ቤሲዛይሳ ኤሪሽ ኦላንታዴሰ ናጋራ ገዳና።

5

ዱሪታሰ አሜቴዳ ዘሪ

1 ሂሰቲኮ አንቴኖ ዱሪ አሳቶ! ኦኔ ሲዩቴ። ቡር አንቴ ቦላ ጋካና ሜቶዛ ገሻሰ ዬኪቴ፤ «ዉ! ዉይ» ገ ዋሲቴ።

2 አንቴ ሃርይ ቡቁዴሰ፤ አንቴ ማይኦካ ቢላይ ሚዴሰ።

3 አንቴ ዋርቃይኔ አንቴ ቢራይ ሸይዴሰ፤ ሄ ሸይዴይሲካ አንቴ ቦላ ማርካቴሲኔ አንቴ አሾ ታማ ማላ ጸጌሰ፤ ዋዴ ዉርሴላሰ ሚሽ አንቴ ሸሺዴታ።

4 አንቴ አንቴ ዋዚናን ዋላቴ፤ አንቴ ካላ ማጸሺ ፔይዳይታሰ ኢሰታ ዋልቃ ዋጋ አንቴ ቃንጸንታ አገዳ ገሻሰ አንቴ ቦላ ዋሲሽ አንቴ አቻን ዴቴሰ። ካላ ማጸዛይታ ዋሶይ ኡሳ ዳንዳይዛ ጎዳ ሃይላን ጋኪዴሰ።

5 አንቴ ቢታ ቦላ አሻሎኒኔ አልኤቴላን ዴኢዴታ፤ አንቴ ዋዚና ሹካሰ ጳኪዳ ሚሄ ማላ ሞጴሲዴታ።

6 አንቴ አንቴና ኤቁቶንታ ዲሎ አሳታ ቦላ ዋርዶ ዋላዲ ዋጴዴታ።

ሚቶ ዳንዳኖ

7 ሃሳ ገሻሰ ታ አሻቶ! ጎዳይ ሃ ያና ጋካናሰ ዳንዳይቴ፤ ጎሼ ጎዩዛይይ ቢታይ ሎኦ ካላ ካጻና ጋካናሰ ዋሂ ዳንዳይዛኮ ኮይር ኢራኔ ዉርሴላ ኢራ ኢዚ ዋሰቲ ናገዛኮ ኦኔ ኦኬኪቴ።

8 አንቴካ ሃሳላ ዳንዳይቴ፤ አንቴ ዋዚና ሚንላቴ፤ ጋሶይካ ጎዳ ዩሳ ጋላሲ ማቴዴሰ።

9 ታ አሻቶ! አንቴ አንቴ ገደን ዘገሪፊፍቴ፤ አንቴ ዘገሪፊቴኮ አንቴ ቦላ ፐርዴታና፤ ፐርዳናይይ ሄኮ አንቴ ፔንጌ ቦላ ኤቁዴሰ።

10 ታ አሻቶ! ጎዳ ሱንላን አንቴሰ ዮቴዳ ናቤታ ዋይቴላኔ ኢሰታ ዳንዳይ አንቴሰ ለሚሶ ሂሰቲ ጸላቴ።

11 ዳንዳይን ጌንጪዳ አሳታ ኦ ኢሰታ፡ «ኢሰቲ አንጃቲዳይታ» ገ ቆዲዛይሳ አንቴ ኤሪታ። አኖቢ ዋሂ ዳንዳይዳኮ አንቴ ኢዛ ገሻሰ ሲዩዴታ። ጎዳይ ኢዛ ዉርሴላን ኦይ ኦላዳኮ አንቴ ቤዩዴታ፤ ጎዳይ አሳሰ ኬሂ ሚሽቴዛይኔ ማሪዛይ።

12 ሃራፔካ ታ አሻቶ! ሳሎን ገዲን ዋይኮ ሳካን ገዲን ዋይኮ ኦይ ሚሻንካ ጫቆፍቴ፤ «ኦ» ጋናሰ ቤሲዛ ሚሽ ገዲኮ፡ «ኦ» ገቴ። «ኦካይ» ጋናሰ ገዲኮ፡ «ኦካይ» ገቴ፤ ሃሳፌ ሃራ ገኮ አንቴ ቦላ ፐርዴታና።

አማኖ ዋሳ

13 አንቴ ጋርሳን ሚቶቴዛ ኦሲ ዲዜ? ዲዛ ገዲኮ ኢዚ ዋሶ። ኡፋይቴዛይይ ዲዜ? ዲዛ ገዲኮ ኡፋይሳ ማዘሙራ ዬጸ።

14 አንቴ ገደን ሳኬቴዛ ኦሲ ዲዜ? ዲኮ ዋሳ ኬላ ጨማታ ጴይጎ፤ ኢሰቲካ ጎዳ ሱንላን ዛይቴ ኢዛ ቦላ ቴይዲ ኢዛሰ ዋሴቶ።

15 አማኖን ዋሲዳ ዋሳይ ሃርገዳዴ ፓላና፤ ጎዳይካ ኢዛ ዴንላና፤ ኢዚ ናጋራ ኦላዳይ ገዲኮካ ጸሲ ኢዛ ማራና።

16 ሃሳ ገሻሰ አንቴካ አንቴ ጋርሳን ኢሶይ አሳራ አንቴ ናጋራ ፓጾቴቴ፤ ፓጻና ማላ ኢሶይ አሳሰ ዋሲቴ፤ ዲሎ አሳ ዋሳይ ዋልቃራ ዴሰ፤ ዋልቃማ ኦሶካ ኦላሰ።

17 ኤላሲ ኑ ማላካ አሳ፤ ኢዚ ኢራይ ቡኮንታ ማላ
ሚንሉ ዋሲን ቢታ ቦላ ሄቩ ላይሊኔ ባጋ ጋካናሰ
ኢራይ ቡኪቤና።

18 ቃሴካ ዛሪ ዋሲን ኢራይ ሳሎፔ ቢታ ቦላ
ቡኪዴሰ፤ ቢታይካ ካሉ ኢሚዴሰ።

19-20 ታ ኢሻቶ! ኢንቴፌ ኢሳዴይ ቱማፔ ባሌቲን
ሃራ አሲ ኢዛ ዛሪኮ ሄሳ ዋዚናን ዋሊቲ፤ ናጋራንቻ
ኢዚ ባሌቲዳ ኦጌፔ ዛሪዳዴይ ሄሳዴ ሸምፖ ሃይቆፔ
ኢሸሲኔ ኢዛዴ ናጋራ ዳርዛካ ካሜሰ።

ጴጽሮሳ ጳጳሳ ኮሮር ከታ ጊዳ ቆፋ

ሃዋሬ ጴጽሮሳ ጳጳሳ ኮሮር ከታዛ ጊዳን፡ «ጳሳሰ ደሬተዳ ዳሬ» ጌቲቲ ጳይጌቲዛይታሰኔ ፑይሃ ባጋራ ቄሪ ኢሲያ ዳሬን ላሌቲ ዲዛ አማኒዛይታሳ። ሄ ከታሰ ዋና ቆፋይ አማኖ ጋሶን ዳር ማቶይኔ ጎይቲሌ ኢሰታ ቦላ ጋኪዳይታ ሚንጤፋናሰኔ ዳንጤፋናሰኩ። ጳጳሳ ሄሳሶ ኦሌዳይ ዩሱሳ ሃይቆ ገሻሰ፡ ሃይቆፔ ዳንፋ ገሻሰኔ ኢዚ ናምኣንፉ ሃ ሲሚ ያና ዩሳ ሂዳታ ቆንጨሲዛ ዩሱሰ ከርሰቶሳ ሚሺራቾ ቃላ ናባቢዛይታ ቆፍሳናሳ። ዩሱሰ ከርሰቶሲ ካሴ ዳይዳ ዲሳ ሊሚሶ ማላ ጴሊዲ ኢሰቲካ ማቶ ጌንጤ አፋናሰ ቤሲዛይሳ ቆፍሱሰ። ሄይታራ ኡባ ጋሊዲ ማቶይ ኢሰታ አማኖ ሚኖቲሌ ፓጤዛይሳኔ ዩሱሰ ከርሰቶሲ ቆንጨዛ ጋላሰ ኢሰቲ ባሰ ቤሲዛ ዋጋ ኤካናይሳ ኢሰታ ቆፍሱሰ።

ጳጳሳ ኢሰቲ ማቶ ዳንዳያና ማላ ኢሰታ ሚንጤፋናሰኩ ቦላራ ሄሳ ናባቢዛይቲ ከርሰቶሳ ካሊዛይቲ ዳኣናሰ ቤሲዛ ዲሰ ዳና ማላ ቆፍሱሰ።
ሃ ማጻፋይ ኦይኪዳ ኩሜላ ቆፋ

ጌሎሶ 1:1-2
ጸሲ አሽዛዳ ጊዲዳይሳ ኤሪሶ 1:3-12
ጳሳሰ ዲማቲ ዳና ማላ ኢሜቲዳ ዞሬ 1:13—2:10
ሚቶ ዋዴ አማኒዛይታ አላፊቲሌ 2:11—4:19
አማኒዛይታ አሽኬቲሌ ኢሰታ ኦሶ 5:1-11
ኩሻ ቆፋ 5:12-14

1 ዩሱሰ ከርሰቶሳ ሃዋሬ ጊዲዳ ጴጽሮሳ፣ አሳ ቢታን ቤቲን ዲዛይታሰ ጳንጸሳን፣ ጋላቲያን፣ ቆጶዳቂያን፣ ኢሲያኒኔ ቢቲኒያ ቢታን ላሌቲ ዲዛ ኢንቴሰ።
2 አዋይ ጸሲ ካሴ ኢንቴና ኤሪዳ ማላ ደሬተዳይታሰ፡ ዩሱሰ ከርሰቶሳሰ አዛዜታናሰኔ ኢንቴ ኢዛ ሱሳን አራጩቲዲ ጌያና ማላ ጲሎ አያናን ዲማቲዳ ኢንቴሰ ከያቲሌኔ ሳርቲሌ ዳር።

ጊታ ሂዳታ

3 ዩሱሰ ከርሰቶሲ ሃይቆፔ ዳንዲዳ ገሻሰ ኮሰ ዴኦ ጊዲዳ ሂዳታ አሚዳይሲ ባ ጊታ ማርቲላን ኦና ባሰ ኦራፋ ናይታ ሂሰቲዳ ኦ ጎዳ ዩሱሰ ከርሰቶሳ አዋይ ጸሲ ጋላቲቶ።
4 ኢዚ ጳዮንታ፣ ሞሪቶንታኔ ጩጎንታ ላታሶ ኢንቴሰ ሳሎን ገግሲ ዋሊዳሰ።
5 ኢንቴካ ወርሴላ ጋላሳን ቡር ቆንጫና አቶቲላሰ አማኖ ጋሶን ጸሳ ዋልቃን ናጌቲዳታ።
6 ሃኢ ጉላ ዋዴሰ ዲማ ዲማ ፓጩቲ ኢንቴና ዋዴሲኮካ ኢንቴ ሃሳን ኡፋይቲቲ።
7 ሄሲ ሄ ፓጩዚ ኢንቴ ቦላ ጋኪዛይ ኢንቴ አማኖዚ ቱሙ ጊዲዳይሳ ቆንጨሳናሳ። ጳያና ዋርቃይካ ታማን ፓጩቲሰ፤ ዋርቃሬ አጲ ቦንቾ ጊዲዳ ኢንቴ አማኖይካ ሄሳሶ ፓጩታናሰ ቤሴሰ። ሄሲ ፓጩቲዳ ኢንቴ አማኖይ ዩሱሰ ከርሰቶሲ ቆንጨዛ ጋላሰ ጋላታሰ፡ ቦንቾሲኔ ሳባሰ ኢንቴና ጋላና።

8 ኢንቴ ዩሱሰ ከርሰቶሳ አይፌራ ቤኣንታ ኣጊኮካ ኢንቴ ኢዛ ደሴታ፤ ሃኢካ ኢንቴ ኢዛ ቤኣንታ ኣጊኮካ ኢዛ አማኒታ፤ ጮ ቃላን ቆንጨሳና ዳንዳዮንታ ጊታ ቦንቾ ኡፋይሰ ኢንቴ ኡፋይቲታ።

9 ኢንቴ ናጊዛ ኢንቴ ሼምፖይሰ አቶቲሌ ኢንቴ አማኖን ዳሚዳታ።

10 ሄ አቶቲላዛ ገሻሰ ኢንቴሰ አሚታና ከያቲላሰ ካሴ ናቤቲ ሎኤሌ ዋዚናፔ ፐልጊ ጴሊዳ።

11 ካሴ ኢሰታን ዲዛ ከርሰቶሳ አያናይ ጸሳፊ ቲዩቲዳይሳ ቦላ ጋካና ዋዩዛኔ ሄ ዋዩዛፔ ጉዬ ኢዚ ዳማና ቦንቾዛ ገሻሰ ካሴ ባሰ ዋሊዳሰ፤ ኢሰቲ ቃሴ ሄሲ ወሪካ አይዳ ዋኒ ሃናናኮ ዩሺ ቆፐዳ።

12 ሄ ካሴ ናቤቲ ኢንቴሰ ኦሌዳ ኣቲን ኢሰቲ ባሰ ኦሎንታይሲ ኢሰታሰ ቆንጨን ኤሪቲዳሰ። ኢሰቲ ኢንቴሰ ኦሌዳይ ቦላ ሳሎፔ ከቲቲዳ ጲሎ አያና ባጋራ ሃኢ ኢንቴሰ ሚሺራቾ ቃላ ዮቲዳ አሳቲ ኢንቴሰ ዮቲዳይሳ ቆንጨሳናሳ፤ ሄሳ ሄ ቃላ ከታንቻቲካ ቤያናሰ አሞቲዳ።

ጳሳሰ ዲማቲ ዲሰ

13 ሄሳ ገሻሰ ኢንቴ ኢንቴ ዋዚና ሱሪሲዲ ኦሶሰ ጊጌቲቲ፤ ፓጋራ ዳኢቲ። ዩሱሰ ከርሰቶሲ ቆንጨዛ ዋዴ ኢንቴ ኢዛ ከያቲላ ዳማናሰ ኢንቴሰ ኩሜላ ሂዳታይ ዳኦ።

14 ኢንቴ አዛዜቲዛ ናይታ ጊዲዳ ኤርንታ ዲሼ ኢንቴ ካሴ ኢዛን ዲዛ ኢታ ቆፋ ካሎፍቲ።

15 ኢንቴና ጴይጊዳ ጸሳይ ዲማ ጊዲዳ ማላ ኢንቴካ ኢንቴ ዲሳን ኡባን ዲማቲቲ።

16 ጋሶይካ፡ «ታኒ ጌሽ ጊዲዳ ገሻሰ ኢንቴካ ጌሽ ጊዲቲ» ጌቲቲ ጌሻ ማጻፋን ካሴ ጳጳሳይሰ።

17 ኦናካ ዲማ ሻኪ ማደንታ ኢሳሰ ኢሳሰ ኢዛዳ ኦሶ ማላ ፐርዲዛ ጸሳ፡ «ኢዚ ኦ አዋ» ጊዲ ኢንቴ ጴይጊኮ ሃይሳ አላሜዛን ኢንቴ አማጤኔ ቤቲ አሰ ጊዲዲ ዲዛ ዋዴ ኡባን ኢዛሰ ባቢቲ።

18 ኢንቴ ካሴ ኢንቴ አዋታፔ ላቲዳ ሃዳ ዲሳፊ ዋዜቲዳይ ጳይዛ ቢራን ዋይኮ ዋርቃን ጊደንታይሳ ኢንቴ ኤሪታ።

19 ጊደ ኣቲን ኢንቴ ዋዜቲዳይ ኢታይኔ ዋሶይ ኢዛ ቦላ ባይንዳ ጌሻ ደርሳ ማላ ጊዲዳ ከርሰቶሳ ቦንቾ ሱላንኮ።

20 ኢዚ ኤሪቲዳይ ሃይሲ አላሜዚ ሜጴታናፔ ካሴ ጊዲሺን ሃኢ ቃሴ ወርሴላ ዋዴን ኢንቴሰ ቆንጨዳሰ።

21 ኢንቴሰ አማኖይኔ ኢንቴ ሂዳታይ ጸሳን ጊዳና ማላ ዩሱሰ ከርሰቶሳ ባጋራ ኢዛ ሃይቆፔ ዳንጤዲ ኢዛሰ ቦንቾ ኢሚዳ ጸሳን ኢንቴ አማኒቲታ።

22 ኢንቴ አማኒዛይታ ሱሪ ዋዚናፔ * ሲቃና ማላ ቲማሰ አዛዜቲላን ኢንቴ ኢንቴ አሳቲሌ ጌሺዳታ፤ ሄሳ ገሻሰ ኢንቴ ኢንቴ ጊደን ኢሶይ ኢሳራ ሎኤሌ ሲቁቲቲ።

23 ኢንቴ ናምኣንፉ ዩሌቲዳይ ሜርናሰ ሚኒ ዲዛ ጳዮንታ ዳኦ ጸሳ ቃላን ጳዮንታ ዜራላፊ ኣቲን ጳይዛ ዜራላፊ ጊዳና።

24 ጌሻ ማጻፋይ ጊዛ ማላ፡
«አሾ ማይኢዳይ ወሪካ ማታ ማላ፤
ኢዛ ቦንቾይካ ወሪካ

1:16 ለዌ 11:44-45፤ 19:2 * 1:22 ሱሪ ዋዚናፔ፡ ሱሪ ዋዚናፔ ጊዛይሳ ኢሲ ኢሲ ጌሻ ማጻፋቲ ኩሜላ ዋዚናፔ ጌቲሰ።

ዎራ ጨሻ ማላ፤
 ማታይካ ማሌሰ፤
 ጨሻይካ ቆኬሰ።
 25 ጎዳ ቃላይ ገዲኮ
 ማርናሰ ኤቁ ዳሰ።»
 አንቴሰ ሳባኬቲዳ ሚሺራቾ ቃላይካ ሄሳ።

2

ዴኦ ሹቹኔ ገሻ ዳሬ

1 ሄሳ ገሻሰ አታቲል ወርሰ፣ ባሌል ወርሰ፣ ቆጴፕ ቆሞን ሃና፣ ቃናቲቲል ኣይኮ ቆሞ ዚገርሰ አንቴሬ ዲጊቲ።

2 ሃኢ ዩሌቲዳ ጉላ ናይቲ ማል ኣሞቲዛይሳ ማል አንቴካ አታናሰ፣ ኢዛን ዲጪ ዲጪ ባናሰ ገሻ ኣያ ቲሚርቲ ሳሞቲቲ።

3 አንቴ ላሞታናሰ ቤሲዛይ ጎዳይ ኪያ ገዲዳይሳ ሻኪ ኤሪኮ።

4 ሄሳ ገሻሰ ጌዴ ዴኦ ሹቾ ገዲዳ ዩሱሳኮ ሸቂቲ፤ ሄ ሹቻይ ኣሳይ ሌቁ ኣገዲይሳ ሺን ጸሳ አቻን ገዲኮ ዶሬቲዳይሳኔ ቦንቾ ዋጋይ ዲዛይሳ።

5 አንቴ ጎዳ ዩሱሳኮ ሸቃናይካ ዴኦ ሹቻ ማል ጸሎ ኣያና ዲሳሶ ገዲና ማል ኦሴቲታ፤ ሄሳሉካ አንቴ ዩሱሰ ኪርሰቶሳ ባጋራ ኡፋይሲዛ ኣያና ያርቾ ጸሳሰ ሺሻናሰ ገሻ ቁሴታ ገዲንዳይ።

6 ገሻ ማጸፋን፣ «ሄኮ ዶሬቲዳ ቦንቾ ገዲዳ ኬላሰ ጉላን ኡቲዛ ሹቾ ታኒ ጸዮኔን ዋላና፤ ኢዛን ኣማኒዛይይ ዩላቲና» ገዛ ቃላይ ጸፊቲ ኡቲዳሰ።

7 ሄሳ ገሻሰ አንቴሰ ኣማኒዛይታሰ ሄ ሹቻይ ቦንቾ ሹቹኮ፤ ሄንኮ ኢዛን ኣማኖንታይታሰ ገዲኮ፣ «ሹቻን ኬጸዛ ኬላ ሂላቲ ሌቁ ዎራ ዩገዲይሲ ኢዚ ኬላ ጉላሰ ሁኔ ገዲዳሰ»

8 ቃሴካ፣ «ሄኮ ኣሴ ቆጸዛ ሹቻይ ሃይሲቾ! ኣሳ ቆጸ ኩንዲሲዛ ዛላ ሹቻይ ሃይሳኮ» ገሰ፤ ኢሰቲ ቃላ ኣማኖንታ ኢዲዳ ገሻሰ ቆጵቲቲ፤ ካሴካ ኢሰቲ ሄሳሰ ዲዛይታ።

9 አንቴ ገዲኮ ቆማፕ ጌዴ ዳር ማላሊሲዛ ኢዛ ፖኦኮ ጴይገዳ ማላሊሲዛ ጸሳ ኦሶ ኣሞጃናሰ ዶሬቲዳ ዩሌታታ፣ ካዎ ቁሴታ፣ ጸሲ አንቴና ባሰ ሂሰቲዳ አንቴ ዲማ ዳሬታ።

10 አንቴ ካሴ ጸሳ ዳሬ ገዴኬታ፤ ሃኢ ገዲኮ አንቴ ጸሳ ዳሬታ፤ አንቴ ካሴ ጸሲ አንቴሰ ቃጴቶንታ ዳሬኮ ሺን ሃኢ ገዲኮ አንቴሰ ቃጴቲዳሰ።

ጸሳ ኣሳንቻታ

11 ታ ሲቆቶ! አንቴ ሃይሳ ኣላሚዛ ቦላ ኢማሌኔ ቤቲ ኣሰ ገዲዳ ገሻሰ ሹሞፖራ ኦሌቲዛ ኣቾ ኣሞቲላታፕ ሃካና ማል ታ አንቴና ሃዳራ ጋይሰ።

12 ኦኔ ኤሪዛይ፣ «አንቴና ኢሰቲ ኢታ ኦሌቲሰ» ገዲ ኣሳይ ዚገርኮካ ጸሲ ኦና ቤያናሰ ዪዛ ጋላሰ ኣይዛቤቲ አንቴ ኦሶይ ሎኦ ገዲዳይሳ ቤኢዲ ጸሰ ጋላታና ማል አንቴ ኢሰታራ ዲዛ ዎዴ አንቴ ኣማሌይ ሎኦ ገዲ።

13 አንቴ ጎዳ ዩሱሳ ገሻሰ ገዲ ዳሬ ኣይሲዛይታሰ ኣዛዜቲቲ። ካዎይ ቃሴ ኡባሬ ቦላራ ዲዛ ገሻሰ ካዎሲካ ኣዛዜቲቲ።

14 ዳሬ ኣይሲዛይታሰ ኣዛዜቲቲ፤ ኢሰቲ ኢታ ኦሌዛይታ ቃጸያናሲኔ ሎኦ ኦሌዛይታ ጋላታናሰ ካዎፕ ኪቲቲዛይታ።

15 አንቴ ሎኦ ኦሶን ሃንኮ ኤራይ ባይንዳ ኤያቴላን ሃሳይዛይታ ጮኤ ሂሰታና ማል ሄሲካ ጸሳ ሹኔ።

16 አንቴ ጸሳሰ ኦሌዛ ኣሳታ ማል ገዲዲ ሂርጋይ ባይንዳ ዳኢቲ ኣቲን አንቴ አንቴ ሹኔ ማል ዲዛ ዲሳ ኢታቲላ ካሚዛ ሚሻ ሂሰቶፍቲ።

17 ኣሰ ኡባካ ቦንቹቲ፤ ኣማኒዛይታ ሲቁቲ፤ ጸሳሰ ባቢቲ፤ ካዎ ቦንቹቲ።

ኪርሰቶሳ ዋዩቲላ ለሚሶ

18 አንቴና ኣሳሰ ኦሌ ኣቁዛይቶ! አንቴና ኦሲሲዛ ጎዳታሰ ቦንቾን ኣዛዜቲቲ፤ አንቴ ኣዛዜታናይ ሎኦታሲኔ ኣሸኬታሰ ጸሳ ገዲንታ ሃንኮ ኢታታሳራኮ!

19 ኣሲ ጋላቲቲዛይ ጮ ቆሃቲሹ፤ ሄሲካ ጸሳ ገሻሰ ገዲ ዲንዲያና።

20 አንቴ ኢታ ኦሌዳ ገሻሰ ቃጸዩቲሹ ዲንዲይኮ አንቴሰ ኣዛ ጋላታይ ዳኔ? አንቴ ሎኦ ኦሌዲ ዋዩ ኤኪሹ ዲንዲይኮ አንቴ ጸሳሬ ጋላታ ኤካንዳታ።

21 አንቴ ጴይጌቲዳይካ ሄሳሳ፤ አንቴ ኢዛ ለሚሶ ካላና ማል ኪርሰቶሲ አንቴ ገሻሰ ዋዩ ኤኪዲ አንቴሰ ለሚሶ ገዲዳሰ።

22 ኢዚ ኣይኮ ናጋራካ ኦሌቤና፤ ኢዛ ዶናን ጌኔይ ቤቲቤና።

23 ኣሳይ ኢዛ ጫዩሺን ኢዚ ዛሪ ጫዩቤና። ዋዩቲሹ ባና ቲሙ ፐርዲዛ ጎዳሰ ሃዳራ ኣሌ ኢሚዳሰ ኣቲን ሃሎ ኬሳና ማንዲቤና።

24 ኦኒ ናጋራፕ ሻኬቲዲ ዲሎቴላን ዳና ማል ኢዚ ባርካ ባ ኣቾን ኦ ናጋራ ማሰቃሌ ቦላ ቶኪዳሰ፤ አንቴ ኢዛ ማዲንላን ፓጺዳታ።

25 አንቴ ጳይዳ ዶርሳታ ማል ቶይላቲዳታ፤ ሃኢ ገዲኮ አንቴ ሹሞፖ ሄሚዛይሳኮኔ ናገዛይሳኮ ሲሚዳታ።

3

ኣዚና ገሻሰኔ ማቼ ገሻሰ

1 ሄሳሉካ ማቼቶ! አንቴ አንቴ ኣዚናታሰ ኣዛዜቲቲ። ሄሳሉ ኢሲ ኢሲ ኣዚናቲ ጸሳ ቃላ ኣማኖንታይታ ገዲኮካ ጮ ሚላ ባ ማቼታ ሎኦቴላን ጸሳ ሲሞንታ ኣጌቲና።

2 ኢሰቲ ሲማና ዲንዲይዛይ አንቴ ገሻቴላኔ አንቴ ኣሴ ቦንቹዛ ዲሰ ዲዛይሳ ቤኢዲኮ።

3 አንቴ ሎኦቴላ ጮ ሚላ ሁኔ ዳላኒኔ ዎርቃን ጌጼቴላን፣ ኣልኦ ማይኦ ማይኦን፣ ጮ ሚላ ኣይፊን ቤቲዛ ጌጼን ገደፖ።

4 አንቴ ሎኦቴላ ጸሳ ሲንላን ዋጋራ ዲዛ ኬሂ ቦንቹቲዳዚኔ ቆዮንታ ጌጼን፣ ኣሸኬቲላን፣ ኣዳቲላኒኔ ኣያናን ጌጼቲዳ ዎዚና ጋርሳን ቆቲቲ ዲዛ ገደ ዎዚና ሎኦቴላ ገደ።

2:3 ማዛ 34:8 2:6 ኣሳ 28:16 2:7 ማዛ 118:22 2:8 ኣሳ 8:14-15 2:9 ኬሳ 19:5-6፤ ኣሳ 43:20-21፤ ዛሬ 4:20፤ 7:6፤ 14:2፤ ቲቶ 2:14፤ ኣሳ 9:2 2:10 ሆሴ 2:23 2:22 ኣሳ 53:9 2:23 ኣሳ 53:7 2:24 ኣሳ 53:5 3:1 ኤፌ 5:22፤ ቆላ 3:18 3:3 1ጴጥ 2:9

5 በኒ ዋዴ ባ ሂዶታ ጸሳን ኦሊዳ ገሻ ማጫሳቲ ገጽተዳይ ሃይሳ ማላና፤ ኢስቲ ባ ኣዚናታሰ ኣዛዘቲዳ።

6 ኢስቲ ኣዛዘቲዳይካ ሳራይ ኣብራሃማ፡ «ታ ጎዶ!» ጋዳ ኣዛዘቲዳይሳ ማላ፤ ኢንቴካ ሎኦ ማሽ ኦሊኮኔ ኢሲ ኢታ ማሽ ኢንቴና ዳጋንጶንታ ኣገኮ ኢንቴ ሳራ ናይታ።

7 ኣዚናቶ! ኢንቴ ኢንቴ ማቼታራ ኣኮካን ኢሲፊ ዳኢቲ፤ ኢስቲ ኢንቴፊ ዳቡራንቻ ማዴቴላ ገዲዳ ገሻሲኔ ቃሴካ ጸሲ ጮ ኪያቴላን ኢሚዛ ዳኦ ኢስቲ ኢንቴናራ ኢሲፊ ላታናይሳ ገሻሰ ኢንቴ ኢስታ ቦንቸቲ፤ ኢንቴ ሃሳላ ኦሊኮ ኢንቴ ዋሳ ጴዲዛ ማሽ ዳና።

ሎኦ ኦሊዛ ገሻሰ ዋዴ በኦ

8 ሃሳፊ ኣሳ ባጋራ ቃሴ ኢንቴ ኢሶይ ኢሳራ ሲቆን ዳቲ፤ ሃራ ኣሳ ቦላ ጋኪዛ ማቶ ኢንቴ ማቶ ማላ ዳሊቲ፤ ኢንቴ ኢንቴ ጋርሳን ኢሻንታ ማላ ሲቁቲቲ፤ ኣሽኬታኔ ኪያታ ገዲቲ።

9 ኣንጃቲ ኣቲን ኢስታሰ ኢታ ጫሻሰ ጫሽ ዛርፒቲ፤ ኢንቴ ዳይጌቲዳይ ሃሳላ ኦሊዳ ኣንጃ ላታናሳ።

10 ገሻ ማጻፋይ ገዛ ማላ፡ «ዳኦን ዳና ኮይዛይኔ ሎኦ ጋላሳታ ቤያናሰ ኮይዛ ኣሲ ባ ዳናፔ ኢታ ሃሳዮንታ ማላኔ ባ ማቴርሻቲካ ጌኔ ሃሳዮንታ ማላ ናጌቶ።

11 ኢታ ዮኦፕ ሃኮ፡ ሎኦ ኦላ፤ ሳርቴላ ኮዮኔ ካሎ።

12 ጎዳ ኣይፊቲ ጸሎታ ባጋ ዳሊቲሰ፤ ኢዛ ሃይላቲካ ኢስታ ዋሳ ሲያናሰ ዳያ ዳቲሰ፤ ሂንኮ ኢታ ኦሊዛይታ ገዲኮ ጎዳይ ባ ሃንቆ ኣይፊሶ ቤሳና» ገዴሰ።

13 ኢንቴ ሎኦ ኦላናሰ ማኔቲኮ ኢንቴ ቦላ ኢታ ማሽ ጋላናይ ኦኔ?

14 ኢንቴ ሎኦ ኦሊዳ ገሻሰ ዋዴ በኢኮካ ኢንቴ ኣንጃ ኤካና፤ ኣሳይ ኢንቴ ቦላ ኢታ ኦላናሰ ማንዴቲዛይሳሰ ባቦፍቴኔ ዳር ቆፖፍቴ።

15 ጎዳ ከርሰቶሳ ኢንቴ ዋዚናን ቦንቸቲኔ ኢዛ ኢንቴ ዳኦሰ ጎዳ ሂሰቲቲ፤ ኢንቴሰ ዲዛ ሂዶታ ገሻሰ ኢንቴና ኦይቸዛይታሰ ኡባሰ ዛር ኢማናሰ ኡባ ዋዴ ገጌቲ ኡቲቲ።

16 ኢንቴ ኢስታሰ ኢማና ዛርይ ቃሴ ኣሽኬቲላኒኔ ቦንቸን ገደ፤ ኢንቴ ከርሰቶሳይታ ገዲዳ ገሻሰ ኢንቴሰ ዲዛ ሎኦ ኣማሌዛ ገሻሰ ኢታ ሃሳይዛ ኣሳይ ባ ኢታ ሃሳያን ዩላታና ማላ ኢንቴሰ ሎኦ ቆፋይ ዳኦ።

17 ጸሳ ሸኔ ገዲኮ ኢንቴ ኢታ ኦሶ ኦሊዳ ዋዴታናይሳፊ ሎኦ ኦሶ ኦሊዳ ዋዴቲኮ ሎኦ።

18 ከርሰቶሳካ ኦና ጸሳኮ ሸሻናሰ ኢዚ ባ ሁኤሰ ጸሎኮሽን ሃንኮ ጸሎ ገደንታ ኦ ናጋራ ገሻሰ ናምኣንጹቶንታ ማላ ኢሲቶ ዋዴቲዳ ሃይቁዴሰ። ኢዚ ኣሾን ሃይቁዴሰ፤ ኣያናን ገዲኮ ፓጺዴሰ።

19 ሃ ኣያናን ቃሾ ኬላን ዲዛ ሸምፖታኮ ቢዲ ኢስታሰ ማሽራቾ ቃላ ዮቲዴሰ።

20 ሃይቲ ሃን ዋይኔ ኬላን ዲዛ ሸምፖቲ ካሴ ናሃ ዋዴ ማርካቤዚ ኦሴቲ ገገሺን ኢስቲ ሰማና ማላ ጸሲ ዳንዳያን ናገሺን ኦኒ ኔሰ ኣዛዘቶኮ ገዲይታ። ሃ ማርካቤዛን ገሊን ሃላፊ ኣቲዳይታ ቆዳይ ኦሰፑን ገዲዳ ጉላ ኣሳታ ጸላ።

21 ሃሲ ሃ ሃላ ሃኢ ቃሴ ኢንቴ ኢዛን ኣቲዛ ጸንቃታ ለሚሶ፤ ሃይሲ ጸንቃታይ ቁታ ቦላ ገያናሰ ማጫቴላ ገደንታ ገሻ ቆፋ ኤካናሰ ጸሳኮ ሸሺዛ ዋሳ። ኢዚ ኢንቴና ኣሻናይካ ዩሱሰ ከርሰቶሳ ዳንሳ ባጋራ።

22 ኢዚ ፑዴ ሳሎ ቢዲ ሃኢ ጸሳ ኣቻን ዳሰ፤ ኪታንቻቲኔ ጎዳቴላ ኢስታሰ ዲዛ ዋልቃማቲካ ኢዛሰ ሃራቲዳ።

4

ገሻቴላን ዳሰ

1 ከርሰቶሲ ባ ኣሾን ዋዴ ኤኪዳ ገሻሰ ኢንቴካ ኦላ ኦሊቲዛ ማሽ ገዲዳ ኣሳ ማላ ሃይሳ ሃ ቆፋን ማኒዲ ገጌቲቲ፤ ባ ኣሾን ዋዴ በኢዳ ኣሲ ናጋራ ኦሶ ኣገዴሰ።

2 ሃሳፊ ጉዬ ባ ዲዛ ዋዴ ኡባን ኢዚ ዳናይ ኢታ ኣሾ ኣሞቴላ ኦሶን ገደንታ ዲሾ ጸሳ ሸኔ ፖሎና።

3 ሂንኮ ጸሰ ኤርንታ ኣሳይ ኦሊዛይሳ ማላ ኢንቴ ጮ ማላ ዩዳ ዳሳን ኣሾ ኣሞን፡ ማላን፡ ኦጌይ ባይንዳ ካሳን፡ ዋጋፔ ኣላ ኡዬዲ ዳራሳኒኔ ሃራሲዛ ኤቃ ጎይናን ካሴ ኢንቴ ኣላዳ ዋዴዚ ኢንቴሰ ገዳና።

4 ሃኢ ገዲኮ ኢንቴ ሃ ዮኦዛን ኢስታራ ዋጋይ ባይንዳ ቁጺ ቁጸንታ ገሻሰ ኢስቲ ማላሊቲቲሴ ኢንቴና ጫዬቲሰ።

5 ገደ ኣቲን ሃይቁዳይታ ቦላኔ ፓጺ ዲዛይታ ቦላ ፒርዳናሰ ገገ ኡቲዳይሳሰ ኢስቲ ዛር ኢማና።

6 ሃይቁዳይታሳራ ማሽራቾ ቃላይ ዮቲቲዳይ ሃሳ ገሻሳ፤ ሃሳላካ ኣይ ኣሳ ቦላካ ፒርዲዛ ማላ ኢስታ ኣሾ ቦላ ፒርዳና፤ ኢስታ ሸምፖይ ገዲኮ ጸሲ ዲዛ ማላ ዳኦን ዳያና።

ጸሳ ኣሞታታ ዋጋራ ጎኤቴላ

7 ሃሳ ገሻሰ ዋዴ ወርሴላ ማቲዴሰ፤ ኢንቴ ማኒ ዋሳናሰ ዳንዳያና ማላ ዋጋራ ዳቲኔ ዋፑ ገዳ ቆፋይ ኢንቴሰ ዳኦ።

8 ሲቆይ ዳር ናጋራ ካሚዛ ገሻሰ ሃራፔ ቦላራ ኢንቴ ኢንቴ ጋርሳን ሎኤላ ሲቁቲቲ።

9 ዙዙንጻ ባይንዳ ኢሶይ ኢሳ ኢማላቴላ ሞኪ ኤኪቲ።

10 ዲማ ዲማ ገዲዳ ጸሳ ኪያቴላ ኣሞታታ ኣማኔቴላን ኦይኪዲ ኢንቴፊ ኢሲ ኢሲ ኣሲ ባሰ ኢማቲዳ ጸሳ ኪያቴላ ኣሞታን ሃራ ኣሰ ማዶ።

11 ታማርሲዛይይ ጸሳ ቃላ ታማርሲዛ ማላ ታማርሶ፤ ሃጋዚዛይይ ጸሲ ኢዛሰ ኢሚዛ ዋልቃን ሃጋዘ፤ ሃሳ ማላን ጸሲ ዩሱሰ ከርሰቶሳ ባጋራ ሃኒዛ ኡባን ጋላቲታና፤ ቦንቸይኔ ጎዳቴላ ማርናፔ ማርና ጋካናሰ ኢዛሰ ገደ። ኣሚን!

ሜቶ ዳንዳዮ

12 ታ ሲቆቶ! ኢንቴ ታማ ማላ ፓጪዛ ሜቶ ገደን ገሊዛ ዋዴ ሃሳ ማላይ ካሴ ባይንዳ ኦራላ ማሽ ጋኪዳዛ ኢንቴሰ ማሳቲን ማላሌቶፍቴ።

13 ሃሳፊ ቦላራ ከርሰቶሳ ቦንቸይ ቆንጨዛ ዋዴ ኢንቴ ኬሂ ኡፋዬታና ማላ ኢንቴ ኢዛራ ኢዛ ዋዴዛ ኤኪዛይታ ገዲዳ ማላ ኡፋዬቲቲ።

14 ኢንቴ ከርሰቶሳ ሱንሳ ገሻሰ ጫዬቲኮ ቦንቸ ኣያናይ ሃሲካ ጸሳ ኣያናይ ኢንቴ ቦላ ሸምፒዛ ገሻሰ ኡፋዬቲቲ።

15 እንቴፌ ኦና ቦላካ ሜቶይ ጋኪኮ ሃሳዴይ ሸምፖ ዋዲዳ አሳ ማላ፡ ካይሶ ማላ፡ ኢታ ኦሊዳ አሳ ማላ፤ አሳ ዮኦ ገደ ጮ ዋጺ ገሊዳዴ ማላ ገደፖ።

16 ኢዚ አማኒዛዴ ገዲዳ ገሻሰ ኢዛ ቦላ ጋኪዛ ሜቶይ ዲኮ ቃሴ ከርሰቶሳ ሱንላን ኢዚ ጸሳ ጋላቶ ኣቲን ዩላቶ።

17 ፐርዳይ ደሜታናሰ ዋዴይ ማቲዳሰ፤ ሄ ፐርዳይ ደሜታናይ ኮይሮ ጸሳ አሳ ቦላኮ! ሂሰቲን ፐርዳይ ኦናን ደሚኮ ጸሳ ሚሺራቾ ቃላሰ አዛዜቶንታ ኢዲዳ አሳ ወርሴሊ ኣይ ገዳኔ?

18 ገሻ ማጻፋይ፡ «ጸሎይካ ዋይዲ ኣታናዝ ገዲኮ፡ ሃንኮ ጸሳሰ ጎይኖንታ ኣሳይኔ ናጋራንቻቲ ዋናንዴቶ?» ገዛ ማላ።

19 ሄሳ ገሻሰ ጸሳ ሼኔ ማላ ዋዬቲዛ አሳቲ ባናቴላ ኡባ አማኔቲዳ ባና ሜዲዳይሳሰ ሃዳራ ኢሚዲ ሎኦ ኦሶ ኦሶንታ ኣጎፊቶ።

12 ታኒ ኢዛን አማኔቲዳ ኢሻ ጋ ቆፐዛ ሲልዋኖሳ ባጋራ ሃይሳ ኪታዛ ቃንሳራ እንቴሰ ጻፋዲሰ፤ ታ ሄሳ ጻፊዳይ እንቴና ዞራናሲኔ ሃይሲ ቱሙ ጸሳ ኪያቴላ ገዲዳይሳ እንቴሰ ቆንጨሳናሰ ጋዳኮ፤ ሄሳ ገሻሰ እንቴ ሃይሳን ጸሳ ኪያቴላን ሚኒ ኤቁቴ።

13 እንቴ ማላ ደሬቲዳራ ባቢሎኔን ዲዛ ሚቾ ገዲዳ ዋሳ ኬላያ እንቴሰ ሳሮካ ሺሻወሰ። ታ ና ማርቆሲካ እንቴና ሳሮኬሰ።

14 አማኖ ሲቆቴላን እንቴ ኢሶይ ኢሳ ዬሪ ዬሪ ኤኪዲ ሳሮኬቲቴ። እንቴሰ ከርሰቶሳይታሰ ኡባሰ ሳሮይ ገደ።

5

ጸሳ አሳ አይሳናሰ ኢሜቲዳ ዋጋ

1 ሄሳ ገሻሰ ታኒካ ኢሰታራ ኢሲፌ ዋሳ ኬላሰ ጨማኔ ከርሰቶሳ ዋዬዛሰ ማርካ ገዲዳ ታኒ ቃሴካ ቡሮፔ ቆንጫና ቦንቾዛ ገሼታናሰ ዲዛ ታኒ እንቴናራ ዲዛ ዋሳ ኬላ ጨማታ ዞራይሰ።

2 እንቴሰ ሃዳራ ኢሜቲዳ ጸሳ ወዴ ናገቴ፤ ኢዛ ወዴዛ ዋልቃራ ገደንታ ጸሲ ኮይዛ ኦጌራ ደሳን ሃሚቴ፤ ሚሻሰ ዩቁቴላን ገደንታ ሃጋዛናሰ ዋዚናፔ ኮሻን ገደ።

3 ሃሳሶካ እንቴ አላፊቴላ ጋርሳን ዲዛይታ ዬዲ ሃሮን ገደንታ ወዴዛሰ ሎኦ ለሚሶ ቤሶን ገደ።

4 እንቴ ሄሳሶ ኦሊኮ ሃንኮ ዋና ሃሚዛይሲ ቆንጨዛ ዋዴ እንቴ ሞሪቶንታ ቦንቾ ኣኪሊሌ ኤካና።

5 ሃሳሶካ እንቴና ናቴላቶ! እንቴ ጨማታሰ አዛዜቲቴ፤ እንቴ ወሪካ ኣሽኬቴላ አፋላ ማላ ማይኢዲ ኢሶይ ኢሳሰ ኦሊቴ። «ጸሲ ኦቶሪዛይታ ኢዳሰ፤ ኣሽኬታሰ ቃሴ ባ ኪያቴላ ኢሜሰ» ጌቲቲ ካሴ ገሻ ማጻፋን ጻፊቲዳሰ።

6 ሄሳ ገሻሰ ጸሲ ባ ዋዴን ቶቁ ሂሰታና ማላ ሚኖ ጸሳ ኩሼፔ ጋርሳራ እንቴና ዘቁ ሂሰቲቴ።

7 ኢዚ እንቴሰ ቆፐዛ ገሻሰ እንቴና ሜቲዛ ቆፋ ወርሲ ኢዛ ቦላ ዩገቴ።

8 ዋጋራ ዳኢቴ! ቤገቴ! እንቴ ሞርኬ ዳቡሎሲ ባሰ ሚታና ሚሽ ኮዩሼ ጸገዛ ጋሞ ማላ እንቴ ዩሾን ሃርቡቁሰ።

9 አላሜ ኩሜላን ዲዛ እንቴ ኢሻቲ ሄሳ ማላ ሜቶ ኤካና ዲዛይሳ እንቴ ኤሪዲ አማኖን ሚኒ ኤቁዲ ኢዛራ ኤቁቴቴ።

10 እንቴ ጉላ ዋዴሰ ዋዬቲዳይሳፌ ጉዬ እንቴና ከርሰቶሳ ባጋራ ሜርና ቦንቾሰ ጸይገዲ ኪያቴላ ኡባሰ ጎዳይ ኢዚ ባርካ እንቴና ጋኪዳ ዋዬዛፔ ኣሻና፤ ማዳናኔ ሚንጮላና ቃሴካ ዳዘገሳና።

11 ቦንቾይኔ ዋልቃይ ሜርናፔ ሜርና ጋካናሰ ኢዛሰ ገደ። አሚን።

ወርሴላ ሳሮካ

4:18 ለሚ 11:31 5:2 ዮሃ 21:15-17 5:5 ለሚ 3:34 5:6 ማቶ 23:12፤ ሉቃ 14:11፤ 18:14 5:12 ሃዋ 15:22፥40 5:13 ሃዋ 12:12፥25፤ 13:13፤ 15:37-39፤ ቆላ 4:10፤ ፐልሞ 24

ጳጵርሲ ጳፊዳ ናምኣንሉ ኪታ ጊዶ ቆፋ

ሃዋሬ ጳጵርሲ ናምኣንሉ ኪታ ጳፊዳይ ዲማ ዲማሶን ዲዛ ቤኒ ኣማኒዛ ኣሳሳ፤ ህ ኢዛ ኪታሰ ኣይፌ ዮኦይ ዋርዶ ኣስታማሬታ ኢታ ኦሶኔ ኢሰታ ቲሚርቲ ጋሶን ዪዳ ባላ ዳኦ ኣሳይ ኣጋና ማላሳ። ህ ዋዴ ሜጴቲዳ ሜቶታ ቢርሻናሰ ዳንዳያናይ ዮሱሰ ኪርሰቶሳ ካሴ ባ ኣይፊሬ ቤኢዳይታኔ ኢዚ ታማርሲሺን ባ ሃይላን ሲዬዳ ኣሳቲ ኢሚዳ ቲሚርቲ ባጋራ ጳሳ ጊሻሲኔ ጎዳ ዮሱሰ ኪርሰቶሳ ጊሻሰ ቱሙ ኤራቲል ዳሞ። ጳፊዚ ሃራፔካ ሎኤል ናጌቲዳይ። «ኪርሰቶሲ ሃ ሲሚ ዮና» ጊዛ ዋርዶ ቲሚርቲ ጊሻሳ፤ ኢዚ ሃሳ ጊሻሰ ዮቲሹ። «ኪርሰቶሲ ኤሌሊ ሲሚ ዮንታ ማላ ኢዛ ዲጊዛይ ኣሲ ወሪካ ባ ናጋራፔ ሲሚዲ ኣታና ማላፔ ኣቲን ኦኒካ ጳያና ማላ ኮዮንታ ጊሻሳ» ጌሰ።

ሃ ማጻፋይ ኦይኪዳ ኩሜላ ቆፋ

- ጌሎሶ 1:1-2
- ኣማኒዛይታ ጳይጌቲል 1:3-21
- ዋርዶ ኣስታማሬታ 2:1-22
- ኪርሰቶሳሰ ናምኣንሉ ዩሳ 3:1-18

1 ዮሱሰ ኪርሰቶሳ ኣሳንቻኔ ኢዛን ሃዋሬ ጊዲዳ ሲሞና ጳጵርሳፔ፤ ኦ ጎዳፔኔ ኦ ጳሌ ዮሱሰ ኪርሰቶሳፔ ቤቲዳ ጸሎቲል ባጋራ ኦ ዳሚዳ ኣማና ማላ ቦንቸቲዳ ኣማና ዳሚዳይቶ!

2 ጳሳኔ ኦ ጎዳ ዮሱሳ ኤርን ኪያቲልኔ ሳርይ ኢንቲሰ ጊዶ።

ጳሳን ጳይጌቲ ኢዛን ዶራቲል

3 ባ ቦንቸኒኔ ባ ኪያቲልን ኦና ጳይጊዳይሳ ኦኒ ኢዛ ኤሪዳ ጊሻሰ ኢዛ ጳሳቲል ዋልቃይ ዳኦሲኔ ጳሰ ጎይናናሰ ኦሰ ኮሺዛዝ ኡባ ኢሚዳሰ።

4 ባ ቦንቸኒኔ ባ ኪያቲልን ቦንቸ ዋጋይ ዲዛይሳኔ ኬሂ ጊታ ጊዲዳ ኢዛ ሂደታ ኦኒ ዳሚዳሰ፤ ሃይታንታ ባጋራ ኢንቲ ኢታ ኣሞ ጋሶን ሃይሳ ሃ ኣላሜዛን ዲዛ ጳዮፔ ኬሲ ኤኪዲ ጳሳቲል ሃኖዛፔ ኢዛራ ጊሹቲዛይንታ ጊዲዳታ።

5 ሃሳ ጋሶን ሃይሳፊ ካሊዛ ሚሻቲ ኢንቲሰ ጉጃታና ማላ ኣኔ ሚኒቲ። ኣማና ቦላ ኪያቲል፤ ኪያቲል ቦላ ኤራቲል።

6 ኤራቲል ቦላ ባና ሃር፤ ባና ሃር ቦላ ዳንዳያን ሚኔቲል፤ ዳንዳያን ሚኔቲል ቦላ ጳሳሰ ጎይና።

7 ጳሳሰ ጎይና ቦላ ኢሻንታራ ዶሴቲል፤ ኢሻንታራ ዶሴቲል ቦላ ሲቆ ጉጃቲ።

8 ሃይቲ ኢንቲሰ ዳሪ ዲዛዝ ጊዲኮ ሃይቲ ኢንቲና ኢንቲ ጎዳ ዮሱሰ ኪርሰቶሳ ኤርን ጎኣይኔ ኣይፊይ ባይንዳይታ ጊደንታ ማላ ናጋና።

9 ሃይቲ ሃ ሚሻቲ ባይንዳ ኣሲ ጊዲኮ ሃሆን ዲዛ ሚሽ ዳሞንታ ቆቆ ኣሳ ማላ፤ ሃሳይይ ካሴ ኣጲዳ ባ ናጋራፔ ጌዬዳይሳካ ባሌቲዳሰ።

10 ታ ኢሻቶ! ሃሳ ጊሻሰ ኢንቲ ጳይጌቲዳይሳኔ ዶራቲዳይሳ ሻኪ ኤራናሰ ኬሂ ኣሞቲዛይታ ጊዲቲ፤ ኢንቲ ሃሳሉ ኦሊኮ ሙሌካ ጳጵቲኬታ።

11 ኢንቲ ሃሳሉ ሃንኮ ሜርናፔ ሚርናሰ ዲዛ ኦ ጎዳ ዮሱሰ ኪርሰቶሳ ካዋቲላን ጌላናሰ ኢንቲሰ ኩሜላ ማታይ ኢሜታና።

12 ኢንቲ ሃይታ ሃ ዮኦታ ኤሪዳኔ ኢንቲ ኤሪዳ ቱማን ሚኒ ዳኢኮካ ሃይታ ታኒ ኢንቲና ቆፍሳናፔ ጉዬ ጊኬ።

13 ታኒ ፓጻ ዲዛ ዋዴ ኡባን ኢንቲና ኡባ ዋዴ ዳንጹሳናይሲ ቤሲዛዝ ሚሳቲዲ ታሰ ቤቲሰ።

14 ኦ ጎዳ ዮሱሰ ኪርሰቶሲ ታሰ ቆንጨሲዳ ማላ ታኒ ሃይሳ ኣላሜዛፔ ኤሌላዳ ሃይቃናይሳ ታ ኤራይሰ።

15 ታኒ ሃኢ ሚኔቲዛይ ታ ሃይቃዳ ኢንቲፊ ሻኪቲዳፔ ጉዬ ኢንቲ ሃይታ ሃ ዮኦታ ኡባ ዋዴ ቆፓና ማላሳ።

ኪርሰቶሳ ቦንቸ ባ ኣይፊን ቤኢዳ ማርካታ

16 ጎዳ ዮሱሰ ኪርሰቶሳ ዋልቃፊ ኢዛሰ ዩሳ ጊሻሰ ኦ ኢንቲሰ ዮቲዳ ዋዴ ኦኒ ኦ ኣይፊሬ ኢዛ ቦንቸዛ ቤኢዲ ማርካቶሰ ኣቲን ኣሲ ጮ ሚላ ሚጲ ኤኪዲ ጌኔ ሃሳይዛ ሃይሲኤ ማላ ጊዳና።

17 «ታኒ ኢዛን ኡፋዬቲዛይ ታ ዶሲዛ ታ ናዚ ሃይሳ» ጊዛ ቃላ ጊሪሳይ ጊታ ቦንቸራ ኢዛሰ ዪዳ ዋዴ ኢዚ ጳሳ ኣዋፔ ቦንቸኔ ጊታቲል ኤኪዳሰ።

18 ኦኒ ኢዛራ ኣንጃቲዳ ዙማ ቦላ ዲሹ ሃይሳ ሳሎፔ ሃ ዪዳ ጊሪሳ ኦኒ ኦ ሃይላን ሲዬዳሰ።

19 ሃሲ ወሪካ ካሴ ናቤቲ ዮቲዳይሲ ቱሙ ጊዲዳይሳ ሎኤል ቆንጨሲሰ፤ ሃሳ ጊሻሰ ኢንቲ ጳጵማሶን ዲዛ ጳሞፔሰ ሎኤል ናጌቲዛይሳ ማላ ካሴ ናቤቲ ዮቲዳይሳ ሎኤል ናጌቲቲ። ኢንቲ ሃሳሉ ኦላናይ ጋዴይ ዋንታናሰ፤ ባዘይ ዘኣና ጋካናሲኔ ዋንቲ ማላ ጸለንቲዚ ኢንቲ ዋዚናን ፖኣና ጋካናሳ።

20 ኢንቲ ሃራፔ ኣል ቆፓናሰ ቤሲዛይ ጌሻ ማጻፋን ዲዛ ቲንቢቲ ቃላን ዮቲቲዳ ኣይ ሚሻካ ኦኒካ ባሰ ሚሳቲዳ ማላ ቢርሻናሰ ቤሴና።

21 ኣይ ቲንቢቲይካ ኣሳ ሹኔ ማላ ሙሌካ ዪቤና፤ ጊዶ ኣቲን ቲንቢቲይ ወሪካ ጸሎ ኣያናይ ካሌሊን ኢዛ ካሊዳ ኣሳቲ ጳሳፊ ኤኪዲ ዮቲዳዛ።

2

ዋርዶ ኣስታማሬታ

1 ጊዶ ኣቲን ቤኒ ዋዴ ዋርዶ ናቤቲ ዳሬ ጊዶን ዲዛይሳ ማላ ሃሳሉካ ሃኢ ኢንቲ ጊዶን ዋርዶ ኣስታማሬቲ ዳኣንዳቲሰ፤ ሃይታንቲ ኣሳ ጳይሲዛ ዋርዶ ቲሚርቲ ቆታራ ዲጫና ማላ ኦሌቲሰ፤ ባና ኣሺዳ ጎዳካ ካዲዲ ባና ኤሶን ጳይሲዛዝ ባ ቦላ ኤሃቲሰ።

2 ሃሳ ጋሶን ዳር ኣሳይ ዩላቲዛ ኢሰታ ኦኒዛ ካሌሰ፤ ሃ ኢሰታ ኦሶዛ ጋሶን ቱማ ኦኒይ ጫዬቲሰ።

3 ሃይቲ ዋርዶ ኣስታማሬቲ ሚሻሰ ጋጸጋጸዛ ጊሻሰ ባርካ ሜጲ ኤኪዳ ዮኦ ዮቲ ዮቲዲ ኢንቲሰ ዲዛዝ ባሰ ቦንቄ ኤኬቲሰ፤ ቤኒ ቤኒሶፔ ፐርዳይ ኢሰታሰ ጊጌቲ ኡቲዳሰ፤ ኣዳፊ ኢሰታ ጳዮይ ናጌሰ።

4 ሃራይ ኣቶሺን ናጋራ ኦሊዳ ኪታንቸታሰ ጳሲ ሚሹቶንታ ኢሰቲ ጨማ ጊዲዳ ጳማ ኦላ ጊዶን ዳኢዲ ፐርዳ ጋላሰ ጋካናሰ ናጌታና ማላ ጌዴ ጋናሚን ዩጊዳሰ።

5 ሃሳቡን ደሎቱን ገሻሽ ሳባኬ ገደዱ ሮሃ ሃንኮ ላፑን አሳታራ አሺዲ ጸሳሰ ጎይኖንታ አሳቲ ዲዛ አላሜዛ ቦላ ጳይሲዛ ሃፌ ኤሂሼ ቃዴቲዲ ካሴ ሄ ዋዴ አላሜዛ ማሪቤና።

6 ቃሴካ ጸሰ ጎይኖንታይታ ቃጸያናሰ ኡባሰ ለሚሶ ገደና ማላ ሰዶሚይኔ ጋሞራ ካታማቲ ቢዲንሳ ገደና ጋካናሴኔ ጸጌቲ ጳያና ጋካናሰ ኢሰታ ቦላ ፐርዲዴሰ።

7 ዋጋይ ባይንዳ ዩላቸዛ ኦሶ ኦሲዛ አሳታ ኦሶን ኡባ ዋዴ ሶኡ ገሼ ዲዛ ደሎ ሎጶ ገደኮ አሽ ኤኪዴሰ።

8 ሄ ደሎ አዳዚ ኢሰታ ገደን ዲሺን ጋላሰ ጋላሰ ኢዚ ቤኢዛይሳኒኔ ሲዩዛይሳን ሄ ዋጋይ ባይንዳ አሳታ ኦሶዛን ኢዛ ሽምፖያ ዋይታዲሰ።

9 ሂሰቲን ሄሲ ዉሪካ ሄሳ ማላ ገደኮ ጎዳይ ባሰ ጎይኒሼ ዲዛ አሳታ ጋጩፔ አሻናይሳኔ ናጋራንቻታካ ዋሰቲ ቃጸያናኮኔ ፐርዳ ጋላሳሰ ዋሰቲ ኢሰታ ናገዲ ጋላናኮ ሄሳ ኢዚ ኤሬሰ ፑሳ።

10 ሃራፔካ ሄይቲ ቱና ገደዲዳ ባ አሾ አሞ ካሊዛይታኔ ጸሳ ጎዳቲላ ካጲዛይታ ፐርዳ ጋላሳሰ ናገ ዋላዴሰ። ሄይቲ ዋርዶ አሰታማሬቲ ኢሰቲ ጸላታኔ ኦቶራንቻታ ገደዲዳ ገሻሽ ሳሎ ቦላ ኢሰታሰ ጎዳቲላ ዲዛይታ ጫዩሼ ባቤቲና።

11 ከታንቻቲ ኢሰታሬ ቦላራ ዋልቃይኔ ጎዳቲላ ዲዛይታ ገደኮካ ጎዳ ሲንላን ኢሰታ ቦላ ካጴ ቃላ ኬሲ ሞቲቲና።

12 ሄይቲ ዋርዶ አሰታማሬቲ ገደኮ ባሰ ኤሬቶንታ ኢዲዳ ሚሽ ኡባ ጫሽ ጫዩቲሰ፤ ሄይታንቲ ናርጸን ኦይኬታናሴኔ ሃይቃናሰ ዩሌቲዳ፤ ጮ ማላ ባ ሼኔን ዲዛይታኔ ቆፋይ ባይንዳ ዶኦታ ማላ፤ ዶኦቲ ጮ ማላ ጳይዛይሳላ ኢሰቲካ ሙሌራ ጳያና።

13 ቆሆ ኦሶ ኦሲዳ ገሻሽ ኢሰቲ ሙሌራ ባ ኦሶ ዋጋ ኤካና፤ ኢሰታ ኡፋይሲ ሴታ ጋላሰ ማላቲላኔ ዋጋይ ባይንዳ ቡራቆ፤ ኢሰቲ ሄሳ ማላ ዋጋይ ባይንዳ ፑፋን ኢንቲናራ ኢሲሬ ጸይጌቲዛ ዋዴ አሰ ባሌላዛ ባ አሾ ኦሶዛን ኢሰቲ ኢታኔ ዩላቸዛይታ።

14 ኢሰታሰ ናጋራ ኦሶፔ ናጌቶንታ አሞቲዛ አይሬይ ዳሰ፤ ኢሰታሰ ናጋራ ኦሶ ሲቁዛ አሞቲላ አይ ዋዴካ ስሚና። አማኖን ቡር ሚኒ ኤቆንታ አሳታ ባሌላቲሰ፤ ሚሻሰ ጋጲጋጴቲሰ፤ ኢሰቲ ቃንጌቲዳይታ።

15 ኢሰቲ ሱራ ኦጌዛ አገዲ ጳይዳ፤ ኢታ ኦሶ ኦሲዳ ዳሚዛ ሚሽ ሲቁዳ ቢኦራ ና ባላአሜ ኦጌ ቢዲ ባሌቲዳ።

16 ባላአሜይ ገደኮ ባ ኦሲዳ ናጋራ ገሻሰ ሴሬቲዳሰ ሺን ሃሳያ ኤርንታ ሃራያ አሳ ቃላን ኢዛሰ ሃሳያዳ ሄ ናቤዛ ባላፔ ሴራ ዛራዲሰ።

17 ሄይቲ ሄ አሳቲ ሃላ ባይንዳ ፑልቶታ፤ ጎቲ ጫርኮን ቢዛ ሻራ ማላ፤ ኢሰታ ሳካና ጳማይ ናጌሰ።

18 ካሴ ባላ ጋርሳን ዲዛ አሳታ ገደሬ ኬሲ ኤኪ ዩዲ ዳር ጋሞኦንታ አሳታ፤ ሃዳ ገደዲዳ ኦቶር ቃላ ሃሳያን፤ አሾ አሞኒኔ ላይማን ባሌላቲሰ።

19 «ኢንቲ ዋዘታና» ገሼ ኢንቲሰ ኡፋይሰ አሜቲሰ፤ ጸኔቲዳ አሲ ባና ጸኒዳዳሰ አይሌ ገደዲ ሃራቲዛይሳላ ኢሰቲካ ባሰ ናጋራሰ አይሌ።

20 ኦ ጎዳኔ ኦና አሺዲ ዩሱሰ ከርሰቶሳ ኤራዲ ሃ አላሜዛ ቱናቲላሬ ኬሲ ኤኪዳፔ ጉዩ ቃሴካ ጉዩ

ሲሚዲ ሄ ካሴ ቱናቲላን ጸኔቲዳ ጌሊኮ ኢሰታሰ ካሴይሳሬ ጉዩይሲ አጶ ኢታ ገደና።

21 ኢሰቲ ደሎቱላ ኦጌ ሻኪ ኤሪዳፔ ጉዩ ኢሰታሰ አሜቲዳ ጌሻ አዛዞዛፔ ጉዩ ሲማናፔ ኢሰቲ ካሴ ሄ ደሎቱላ ኦጌዛ ኤርንታ አገዳኮ ኢሰታሰ ሎኦኮሺን።

22 «ካናይ ባ ጮዩዳ ጮሻ ማናሰ ጉዩ ሲሚሰ።» ሃሳታካ፤ «ኦዲንላ ሚጩቲዲ ጉዩ ሲሚ ኡርቃን ጌንዴሬቲሰ» ጌቲቲዛ ቱሙ ለሚሶይ ኢሰታ ቦላ ጋኪዴሰ።

3

ጎዳ ዩሱሰ ከርሰቶሳ ናሞኦንታ ዩሰ

1 ታ ሲቆቶ! ታኒ ኢንቲሰ ጸሬሺን ሃይሲ ናሞኦንታ ከታ፤ ታኒ ኢንቲሰ ናሞኡ ከታታካ ጸሬዳይ ሃይታ ሃ ዮኦታ አኬኪ ኤኪዲ ኢንቲ ሱራ ቆፋ ቆጋና ማላ ኢንቲና ቤጎላናሳ።

2 ሃይሳሬ ካሴ ጌሻ ናቤቲ ዮቲዳ ቃላኔ ቃሴ ሃሞሬታ ባጋራ ኢንቲ ዳሚዳ ኦ ጎዳኔ ኦና አሺዲይሳ አዛዞ ኢንቲ ዩሺ ቆጋና ማላ ታ ኮያይሰ።

3 ሃራ ኡባሬ ካሴቲዲ ሃይሳ ዩሺ ቆጋፔ፤ ዉርሴላ ጋላሳታን ቁጲዛይቲኔ ባ ኢታ አሞ ካሊሼ አሰ ካጲዛይቲ ያና።

4 ኢሰቲ፤ «ጎዳ ዩሱሰ፤ (ያና) ገዛ ሂደታይ ዮቲቲቤኔ? ሂሰቲን ኢዚ አሞን ዲዜ? ቤኒ ኦ አሞቲ ሃይቆሶሬ ሃ ስሚን፤ ሃኒዛ ሚሽ ዉሪካ ሚጴቶሶፔ ሃ ስሚን ሄኮ ካሴ ባ ዲዛ ማላ ዳሰ» ጌቲሰ።

5 ሄይቲ ሄ አሳቲ ካሴ ዳር ዋዴ ካሴ ሳሎይ ጸሳ ቃላን ሚጴቶይሳኔ ቢታይካ ሃላሬኔ ሃላን ዲዛይሳ ኤሪሼ ካዴቲሰ።

6 ሄ ዋዴ ዲዛ አላሜዛ ሃላን ሚቲቲ ጳይዳሰ።

7 ሃሳታካ ሃኢ ዲዛ ሳሎይኔ ቢታይ ናጋራንቻቲ ጳያና ዲዛ ፐርዳ ጋላሰ ጋካናሰ ታማሰ ገሺ ኡቲዳ።

8 ታ ሲቆቶ! ኢንቲ ገደኮ ጎዳ አቻን ኢሲ ጋላሲ ሺ ላይላ ማላ፤ ቃሴካ ሺ ላይላ ኢሲ ጋላሳ ማላ ገደዲይሳ ሃሳ ሄ ሃናዛ ባሎፐቲ።

9 ኢሲ ኢሲ አሳታሰ ሚሳቲዛ ማላ ጎዳይ ባ ዮቲዳ ሂደታ ቃላ ፖላናሰ ጋሞኡኮሺን አሲ ዉሪካ ማሬታና ማላኔ አይ አሲካ ጳዮንታ ማላ ኮዩዲ ኢዚ ኢንቲ ገሻሰ ታኬሰ።

10 ጎዳ ጋላሳይ ቃሴ ካይሶ ዩላ ማላ ቆፖንታ ዲሺን ጋኪ ዋዳና፤ ሄ ጋላሰ ሳሎቲ ጌታ ገሪሳን አጳና፤ ሚጴቲላ ዉሪካ ታማን ጸጌቲ ጳያና፤ ቢታይኔ ኢዛ ቦላ ዲዛዚ ዉሪካ ጸጌታና።

11 ሃሳ ገሻሰ ሄይቲ ዉሪካ ሃሳላ ጳያናዝ ገደኮ ሂሰቲን ኢንቲ ጌሻቲላን ጸሳሰ ጎይኒሼ ዳናሰ ኢንቲሰ ዋኒ ቤሴኔ?

12 ሃሳ ገሻሰ ጸሳ ጋላሳይ ያናይሳ ኢንቲ ላሞቲዛይታኔ ኢዚ ኤሌሊ ያና ማላ ኦሲዛይታ ገደቲ። ሄ ጋላሰ ሳሎይ ታማን ጸጌቲ ጳያና፤ ሚጴቲላቲካ ታማ ሴላን ሴራና።

13 ገደ አቲን ኦኒ ኢዚ ኦሰ አሚዳ ሂደታ ማላ ደሎቱላ ኦሶይ ኦሴቲዛሶ ኦራላ ሳሎኔ ኦራላ ቢታ ናጎሰ።

2:6 ሜጲ 19:24 2:7 ሜጲ 19:1-16 2:22 ለሚ 26:11 3:3 ዩሁ 18 3:5 ሜጲ 1:6-9 3:6 ሜጲ 7:11 3:8 ማዛ 90:4 3:10 ማቶ 24:43፤ ሉቃ 12:39፤ 1ታሶ 5:2፤ አጁ 16:15 3:13 ኢሳ 65:17፤ 66:22፤ አጁ 21:1

14 ሄሳ ገሻሰ ታ ሲቆቶ! ሄሲ ወሪካ ሃናና ጋላስ
አንቴ ናገሼ ዲኮ ጎዳይ አንቴና አንቴ ቦላ ቦሬይ
ባይንዳ ዲሺን ሳሮቴላን ዳማና ማላ ሚኒ ዲቴ።

15 ኑ ጎዳ ዳንዳያይ አንቴና አሻናሰ ገዲዳይሳ
አንቴ ኤሪቴ፤ ኑ ሲቆ አሻ ጳወሎሲ ባሰ አሜቴዳ
ኤሪቴላ ማላ ኢዚ አንቴሰ ጳፊዳይሲ ሃይሳ።

16 ኢዚ ሃይሳ ሃ ሃናዛ ገሻሰ ባ ከታታን ኡባን
ሃይሳላካ ጳፊዳይሰ፤ ኢዛ ከታታ ገደን ኤሪናሰ
ዋዪሲዛ ኢሲ ኢሲ ሃናቴ ዳቴሰ፤ ኤሪቴላ ኢሰታሰ
ፓጪዳይቴኔ ናምኡ ቆፋን ዮቁ ገዛይቴ ሃራ ገሻ
ማጸፋታ ሚርቁዛይሳላካ ሃይታካ ኢሰቴ ሚርቃና፤
ኢሰቴ ሄሳሶ ኦላዛይ ባሰ ጳያናሳ።

17 ታ አሻቶ! አንቴ ቃሴ ሄሳ ካሴቴዲ ኤሪዳ
ገሻሰ ሃንኮ ማካላታ ባላ ጋሶን ጎሼቴ ቢዲ ካሴ
አንቴ ሚኒ ዲዛሶፔ ኩንደንታ ማላ ናገቴቴ።

18 ሄሳፌ ቦላራ ኑ ጎዳኔ ኑ ጳሌ ዩሱሰ ኪርሰቶሳ
ኪያቴላኒኔ ኢዛ ሻኪ ኤርን ፑዴ ዲጪቴ፤ ኢዛሰ
ሃኢካ ሚርናሰካ ቦንቾይ ገደ። አሚን።

ዮሀሳ ጻፊዳ ኮይር ኪታ ጊዶ ቆፋ

ዮሀሳ ኮይር ዩዲዳ ኪታዛን ናምኡ አይፊ ዮቲ ዳቲስ፤ ሄይቲካ ሄ ኪታዛ ናባቢዛይታስ ጸሳራኔ ጸሳ ና ዩሱስ ኪርሰቶሳራ ኢሲፊቴሉ ዳኣና ማላ ኢስታ ማንጮላናሲኔ ሄሳ ሄ ኢሲፊቴላ ዳይሲዛ ዋርዶ ቲሚርቴፊ ኢስቲ ናጌታና ማላሳ። ሃይሲ ኪታይ ጻፊቲዛ ዋዴ ሄ አላሜዛ ቦላ ኮሃ ኢታ ዋርዶ ቲሚርቴይ ዳስ፤ ሄ ቲሚርቴዚካ ኢሲ ኢሲ አማኒዛ አሳታ አማኖፕ ካሬ ኬሲዳስ፤ ሄ ዋርዶ አስታማሬቲ ታማርሲዛ ኢታ ቲሚርቴይ 1. «ጸሲ አያና አላሜ ጸላ ሜዲዳስ። 2. ሃይሳ ሃ አላሜዛን ዲዛ አይፊን ቤቲዛ ሚሽ ኡባኔ ኑ አሳቲላ ጸሲ ሜዲቤና፤ ሄሳ ገሻስ ሄ ሜዲቲላቲ ወሪካ ኢታ ጸላ። 3. ሃይሲ አይፊን ቤቲዛ አላሜዚኔ ኑ አሳቲላይ ኑ አያና ቆሃናሲኔ ቲኒሳናሰ ዳንዳዬና።» ሄሳ ጉሲ፣ «ኮይር ጸሳፊ ዩዲ ዩሱሳስ አሳ አሳቲላ ዳና፤ ቃሴካ ናምአንሎራ ኢሳዳይ ሃራ አሳ ቦላ ናጋራ ኦሊኮኔ ኢዚ ሃራ አሰ ኢጺኮ ሃሳዴ ኦሶዚ ኢዛ አያና ቆሃናሲኔ ቲኒሳናሰ ዳንዳዬና» ጉሳ። ሄይቲ ሄ አስታማሬቲ፣ «አቶቲላ ጉሲ ሃይሳ አላሜዛ ዲሳስ ቆፖንታ አጎ ኮሼስ» ጊ ታማርሴቲስ። ሃሳራካ ጋሲዲ፣ «ሎኦ ኦሶን ጊዲን ዋይኮ አሴ ሲቆይ ሙሌካ ኮሼና» ጊ ታማርሴቲስ።

ሃሳ ገሻስ ዮሀሳ ሳ ኪታን፣ «ሃሳላ ዋርዶ ቲሚርቴይ ቱሙ አማኖ ቲሚርቴፊ ካሬ ጊዲዳይሳ ታማርሴስ፤ ሃሳ ሄ ቲሚርቴዚ ኢጸን ዩሱስ ኪርሰቶሲ ኩሜላራ አሴኮ፤ ዩሱሳን አማኒዛይቲኔ ጸሰ ሲቁዛይቲ ወሪካ ሳ ጋርሳን ኢሶይ አሳራ ሲቁታናሰ ቤሴስ» ጊዲ ኤሪሲዳስ። ቃሴካ ዩሱሲ ቱማፕ አሳ አሾ ማይኢዳይሳኔ ዩሌቲዳይሳ ካዲዛይይ ጸሳፊ ዩሌቲቤና። (4:2-3) ጎዳ ጸሳፊ ዩሌቶንታይይ ቃሴ ጸሳፊ ጊዲዳይ ሲቃናሰ ዳንዳዬና፤ ጸሳፊ ዩሌቲዳይይ ኡባ ዋዴ ናጋራን ዳኣናሰ ዳንዳዬና። (3:10)

ሃ ማጻፋይ ኦይኪዳ ኩሜላ ቆፋ

- ጌሎሶ 1:1-4
- ፖኦኔ ቆማ 1:5—2:29
- ጸሳ ናይታኔ ጸላኤ ናይታ 3:1-24
- ቱማኔ ዋርዶ 4:1-6
- ቱሙ ሲቆ 4:7-21
- ጸኒዛ አማኖ 5:1-21

ዴኦ ቃላ

- 1 ዴኦ ቃላ ገሻስ ኮይርፕ ዲዛይሳ ኮኒ ኑ ሃይላን ሲዩዳይሳኔ ኑ አይፊራ ቤኢዳይሳ ሎኤሉ ዴሊዳይሳ፣ ኑ ኩሼራ ኦይኪ ቤኢዳይሳ ገሻስ ሃሳዮስ።
- 2 ዴኦይካ ቆንጩዳስ፤ ኮኒካ ኑ አይፊራ ቤኢዳ ማርካቶስ። ኢዛስ ኢዛ አዋ አቻን ዲዛይሳኔ ኑስካ ቆንጩዳ ሜርና ዴኦ ገሻስ ኑ ኢንቴስ ዮቶስ።
- 3 ኢንቴስካ ኑናራ ኢሲፊቴሉ ዳና ማላ ኮኒ ቤኢዳይሳኔ ሲዩዳይሳ ኢንቴስ ዮቶስ፤ ኑ ኢሲፊቴላይካ አዋራኔ ኢዛ ና ዩሱስ ኪርሰቶሳራ።

4 ኑ ኡፋይሳይ * ኩሜላ ጊዳና ማላ ኑ ሃይሳ ኢንቴስ ጸፎስ።

ፖኦኔ ሲሜሬቲላ

- 5 ኑ ኢዛፕ ሲዩዲ ኢንቴስ ዮቲዛ ኪታይ፣ «ጸሲ ፖኦኔ ኢዛ አቻን ሙሌካ ቆማይ ዳና» ጊዛይሳ።
- 6 «ኑ ቆማን ሲሜሬቲሼ ኢዛራ ኑስ ኢሲፊቴሉ ዳስ» ጊኮ ዋርዶቶስ አቲን ቱማን ዶኮ።
- 7 ጊዶ አቲን ኢዚ ፖኦኔ ዲዛ ማላ ኮኒካ ፖኦኔ ሲሜሬቲኮ ኑ ጋርሳን ኑስ ኢሲፊቴሉ ዳስ፤ ኢዛ ና ዩሱስ ኪርሰቶሳ ሱሉ ኑና ናጋራ ኡባሬ ጌሼስ።
- 8 ኮኒ ኑናን ናጋራይ ባ ጊኮ ኑርካ ኑና ባሌላስ፤ ቱማይካ ኑናን ዳና።
- 9 ኮኒ ኑ ናጋራ ፓጺኮ ኢዚ ኑ ናጋራ አቶ ጋናሲኔ ኑ ቆሆፕ ኑና ወርሲ ጌሻናሰ ኢዚ አማኒቲዳይኔ ጸሎ።
- 10 ኮኒ ናጋራ ኦሊቤኮ ጊኮ ኢዛ ኑ ዋርዳንቻ ኬሶሲኔ ኢዛ ቃላይካ ኑናን ዳና።

2

- 1 ታ ናይቶ! ታ ኢንቴስ ሃይሳ ጸፊዛይ ኢንቴ ናጋራ ኦሎንታ ማላሳ፤ ጊዶ አቲን ኢኒካ ናጋራ ኦሊኮ አዋ አቻን ኑስ ጸባቃይ ዳስ፤ ኢዚካ ጸሎዛ ዩሱስ ኪርሰቶሳ።
- 2 ኢዚ ኑ ናጋራይ አቶ ጌቲታና ማላ ኦጌ ጊገሲዛይ፤ ሃሲካ ኑና ጸላ ጊዶንታ ኩሜላ አላሜ አሳሳራ አቲን ኑስ ጸላ ጊዳና።
- 3 ኑ ኢዛ አዛዘታ ፖሊኮ ኑ ኢዛ ኤሪዳይሳ ሃሳን ኤርሰ።
- 4 «ታ ኢዛ ኤሪይስ» ጊሼ ኢዛ አዛዘ ፖሎንታይ ጊዲኮ ሃሳዳይ ዋርዶ አሳ አቲን ቱማይ ኢዛይን ዳና።
- 5 ቃሴ ኢኒካ ኢዛ ቃላ ናጊኮ ቱሙ ጸሳ ሲቆይ ኢዛይን ፖሌቲዳስ፤ ኮኒ ኢዛን ዲዛይሳ ኑ ኤሪዛይ ሃሳና።
- 6 ታ ኢዛን ዳይስ ጊዛ አሲ ኢኒካ ዩሱሲ ሲሜሬቲዳ ማላ ሲሜሬታናሰ ቤሴስ።

ኦራላ አዛዘ

- 7 ታ ሲቆቶ! ታ ኢንቴስ ጸፊዛይሲ ካሴ ኢንቴስ ዲዛር ኢንቴኮን ጋምኢዳ አዛዘዮ አቲን ሃራ ኦራላ አዛዘ ጊዳና፤ ጋምኢዳ አዛዘያ ካሴ ኢንቴ ሲዩዳ ቃላዮ።
- 8 ሃራ ባጋራ ታ ኢንቴስ ጸፊዛይ ኪርሰቶሳ አቻኒኔ ኢንቴ አቻን ቱሙ ጊዲዳ ኦራላ አዛዘ፤ ጋሶይካ ቆማይ አቲን ቱሙ ፖኦኔ ፖኢሲሼ ዳስ።
- 9 ፖኦኔ ዳይስ ጊሼ ባ ኢሻ ኢጺዛይይ ሃኒካ ቆማን ዳስ።
- 10 ባ ኢሻ ሲቁዛይይ ፖኦኔ ዳስ፤ ሃሳዳስ ቆጶ ጊዲዛ ሚሼ ዳና።
- 11 ጊዶ አቲን ባ ኢሻ ኢጺዛይይ ጊዲኮ ቆማ ጊዶን ዳስ፤ ቆማን ሲሜሬቲስ፤ ቆማይ ኢዛ ቆቂሲዳ ገሻስ ኢዚ አዋ ቢዛኮኔ ባ ቢዛሶ ኤሬና።
- 12 ታ ናይቶ! ኢንቴ ናጋራይ ዩሱስ ኪርሰቶሳፕ ዳንዲዳይሳን አቶ ጌቲቲዳ ገሻስ ታ ኢንቴስ ጸፋይስ።
- 13 አዋቶ! ካሴ ኮይርፕ ዲዛይሳ ኢንቴ ኤሪዛ ገሻስ ታ ኢንቴስ ጸፋይስ፤ ናቴላቶ! ኢንቴ ጸላኤ ጸኒዳ ገሻስ ታ ኢንቴስ ጸፋይስ።

1:1 ዮሃ 1:1 1:2 ዮሃ 1:14 * 1:4 ኑ ኡፋይሳይ፣ ኑ ኡፋይሳይ ጊዛይሲ ኢሲ ኢሲ ቢርሼላታን ኢንቴ ኡፋይሳይ ጌቲቲዳስ።

14 ናቴላ ናይቶ! እንቲ ኣዋ ኤሪዳ ገሻሰ ታ እንቲሰ ጸፋይሰ፤ ኣዋቶ! ኮይሮፕ ዲዛይሳ ኢዛ እንቲ ኤሪዳ ገሻሰ ታ እንቲሰ ጸፋይሰ። ናቴላቶ! እንቲ ሚኖታ ገዲዳ ገሻሰኔ ጸላ ቃላይ እንቲናን ዲዛ ገሻሰ እንቲ ጸላኤ ጸኒዳ ገሻሰ ታ እንቲሰ ጸፋይሰ።

ኣላሜ ደሶፒቲ

15 ሃይሳ ኣላሜዛ ወይኮ ሃ ኣላሜዛን ዲዛ ኣይ ሚሾካ ደሶፒቲ፤ ኦኒካ ሃ ኣላሜዛ ደሶኮ ኣዋ ሰቆይ ኢዛይ ኣቻን ዴና።

16 ኃሶይካ ሃ ኣላሜዛን ዲዛይ ወሪ ኣሾ ኣሞቴሉ፤ ኣይፌሰ ሎኦኔ ዲሳን ጨቁቴሉ፤ ሃይቲ ኣላሜፕ ኣቲን ጸላ ኣሞፕ ዪዛይታ ገዴቴና።

17 ኣላሜይኔ ኣላሜን ዲዛ ኣሞቴሉ ኣቆና፤ ጸላ ሹኔ ፖሊዛይቲ ገዲኮ ሜርናሰ ዳና።

ኪርሰቶሳራ ኤቁቲዛይታፕ ናጌቴላ

18 ናይቶ! ሃይሲ ወርሴላ ሳቲ፤ እንቲ ሲዪዳ ማላ ኪርሰቶሳራ ኤቁቲዛይይ ያና፤ ሃኢካ ኪርሰቶሳራ ኤቁቲዛ ዳርቲ ዪዳ። ሃይሲ ወርሴላ ሳቲ ገዲዳይሳ ኑ ሃይሳን ኤርሰ።

19 ኢሰቲ ኑ ገደፌ ኮዚዳ፤ ገደ ኣቲን ኢሰቲ ካሴካ ኑ ባጋ ገዴቴና፤ ኢሰቲ ኑ ባጋ ገዲዳኮ ኑናራ ሚኒ ኤቃና፤ ገደ ኣቲን ኢሰቲ ወሪ ኑ ባጋ ገደንታይሲ ኤሬታና ማላ ኑፕ ሻኬቲዳ።

20 እንቲና ቃሴ ኪርሰቶሲ ጸሎ ኣያናን ቲይዳሰ፤ ሃሳ ገሻሰ እንቲ ወሪካ ቱማ ኤሬታ።

21 ታ እንቲሰ ጸፊዛይ እንቲ ቱማ ኤርንታ ገሻሰ ገዴና፤ ገደ ኣቲን እንቲ ቱማ ኤሪዛ ገሻሰኔ ቱማ ጋርሳፌ ኣይኮ ዋርዶይካ ቤቶንታይሳ እንቲ ኤሪዛ ገሻሳ።

22 ዬሱሳ ኢዚ ኪርሰቶሳ ገዴና ገ ካዲዛይፌ ሃራ ዋርዳንቻይ ኦኔ? ሃሳይይ ኣዋኔ ናዛ ካዲዛይሲ ኪርሰቶሳራ ኤቁቲዛይ።

23 ናዛ ካዲዛይሰ ኦናሰካ ኣዋይ ዴና፤ ናዛ ኤኪዛይሰ ኡባሰ ኢዛሰ ኣዋይ ዴሰ።

24 እንቲ ኮይሮ ሲዪዳ ቃላያ እንቲናን ዳ፤ እንቲ ኮይሮ ሲዪዳራ እንቲናን ዲኮ እንቲካ ናዛኒኔ ኣዋን ዳና።

25 ሜርና ዴይይ ኢዚ ኑሰ ኢማና ገዳ ሃይታ ቃላ።

26 እንቲና ባሌላዛ ኣሳታ ገሻሰ ሃይሳ እንቲሰ ጸፋዲሰ።

27 እንቲ ቃሴ ኢዛፕ ኤኪዳ ጸሎ ኣያናይ እንቲናን ዲዛ ገሻሰ ሃራይ ኦኒካ እንቲና ታማርሳናሰ ቤሴና፤ ኢዚ እንቲና ታማርሳናይሲ ቱማ ኣቲን ዋርዶ ገዴና፤ ሃሳ ገሻሰ ጸሎ ኣያናይ እንቲና ታማርሲዳ ማላ ኪርሰቶሳን ዴኢቲ።

28 ሃኢ ታ ናይቶ! ኢዚ ቆንጨዛ ዋዴ ኑሰ ጸላቴሉ ዳና ማላ ኢዚ ዪዛ ዋዴካ ኑ ኢዛ ሲንላን ዬላቶንታ ማላ እንቲ ኢዛን ዴኢቲ።

29 ኢዚ ጸሎ ገዲዳይሳ እንቲ ኤሪዛ ገዲኮ ጸሎ ኦሊዛይ ወሪ ኢዛፕ ዬላቴዳይሳ እንቲ ኤሬታ።

3

ጸላ ናይታ

1 ኦኒ ጸላ ናይታ ጌቲታና ማላ ኣዋይ ዳርሲ ሰቁዳ ኢዛ ሰቆይ ኑሰ ኣይ ማላ ገታኮኔ ኣኔ ቤኢቲ!

ቱሙካ ኑ ኢዛ ናይታ፤ ኣላሜይ ኑና ኤርንታ ኣገዲይ ኢዛ ኤርንታ ኣገዲ ገሻሳ።

2 ታ ኣሻቶ! ኦኒ ሃኢ ጸላ ናይታ፤ ቡር ኑ ኣይ ሃናኮ ሃኢ ቆንጨቤና፤ ኪርሰቶሲ ቆንጨዛ ዋዴ ኑ ኢዛ ቤያናይሳኔ ኢዛካ ሚሳታናይሳ ኑ ኤርሰ።

3 ሃይሳ ኢዛን ሃይታ ኦሊዛይ ወሪ ኢዚ ጌሽ ገዲዳ ማላ ባና ጌሼሰ።

4 ናጋራ ኦሊዛይ ወሪካ ማካላ ኦሌሰ፤ ናጋራይካ ማካላ።

5 ኢዚ ናጋራ ቆይሳናሰ ቆንጨዳይሳ እንቲ ኤሬታ፤ ኢዛን ናጋራይ ባዋ።

6 ኢዛን ዲዛ ኣሲ ኦኒካ ናጋራ ኦሌና፤ ናጋራ ኦሊዛይይ ኦኒካ ገዲኮ ኢዛ ቤዪቤና ዋይኮ ኤሪቤና።

7 ታ ናይቶ! እንቲና ኦኒካ ባሌላንታ ማላ ናጌቴቲ፤ ኢዚ ጸሎ ገዲዳ ማላ ጸሎ ኦሊዛይይካ ጸሎ።

8 ናጋራ ኦሊዛይ ጸላኤፕ፤ ኃሶይካ ጸላኤይ ኮይሮፕካ ናጋራ ኦሊዛይ፤ ጸላ ናይ ቆንጨዳይካ ጸላኤ ኦሶ ላላናሳ።

9 ጸላፌ ዬላቴዳይ ወሪ ናጋራ ኦሌና፤ ጸላ ዜሬላ ኢዛን ዲዛ ገሻሰኔ ኢዚ ጸላፌ ዬላቴዳ ገሻሰ ናጋራ ኦላና ዳንዳይና።

10 ጸላ ናይቲኔ ጸላኤ ናይቲ ሻኬቲ ኤሬቲዛይ ሃሳና፤ ጸሎ ኦላንታይኔ ባ ኣሻ ሲቆንታይ ወሪ ጸላፌ ገዴና።

ኢሶይ ኢሳራ ሲቁቴላ

11 እንቲ ኮይሮ ሲዪዳራ፡ «ኦኒ ኑ ጋርሳን ሲቁታና ቤሴሰ» ጌቲቲዳ ኪታያ ሃና።

12 ኢታ ባጋ ገዲዲ ባ ኣሻ ዋዲዳ ቃዬሌ ማላ ገደፒቲ፤ ኢዚ ኣዛሰ ዋዲዳ? ኃሶይካ ኢዛ ኦሶይ ኢታ፤ ኣሻ ኦሶይ ሎኦ ገዲዳ ገሻሳ።

13 ታ ኣሻቶ! እንቲና ኣላሜ ኣሳይ ኢጸኮ ማላሌቶፍቴ።

14 ኦኒ ኑ ኣሻታ ደሲዛ ገሻሰ ሃይቆፕ ዴኦን ፒኒዳይሳ ኑ ኤርሰ፤ ሰቆይ ባይንዳይይ ወሪ ሃይቆ ገደን ዴሰ።

15 ባ ኣሻ ኢጸዛይይ ሹምፕ ዋዲዳ ኣሳ ማላ፤ ሹምፕ ዋዲዳዳሰ ሜርና ዴይይ ባይንዳይሳ እንቲ ኤሬታ።

16 ዬሱሰ ኪርሰቶሲ ባ ሹምፕ ኑ ገሻሰ ኣላ ኢሚዳ ገሻሰ ሰቆይ ኣዛኮ ኑ ሃሳን ኤርሰ፤ ኦኒካ ኑ ሹምፕ ኑ ኣሻታ ገሻሰ ኣላ ኢማናሰ ቤሴሰ።

17 ሚሹ ዲዛይይ ኦኒካ ባ ኣሻይ ዋይቲሺን ቤኢዲ ኢዛሰ ሚሹቶንታ ኣገኮ ጸላ ሰቆይ ኢዛን ዋኒ ዳኔ?

18 ታ ናይቶ! ቱሙ ኦሶንፕ ኣቲን ሮ ዴናኒኔ ቃላን ጸላ ሰቁቴላ ኣኔ ኣሳሰ።

19 ኦኒ ቱሙ ባጋ ገዲዳይሳ ሃይሳን ኤርሲኔ ኑ ዋዚናካ ኢዛ ሲንላን ሹምፒሶሰ።

20 ሃሲካ ኑ ዋዚናይ ኑ ቦላ ፐርዲዛ ሚሻን ኡባን ጸሲ ኑ ዋዚና ቆፋፕ ቦላራ ገዲዳ ገሻሰ ኢዚ ኡባ ኤሬሰ።

21 ታ ኣሻቶ! ኑ ዋዚናይ ኑ ቦላ ፐርዶንታ ኣገኮ ኑና ጸላ ሲንላን ያሹሳና ሚሹ ዴና።

22 ኦኒ ኣዛዞታ ናገዛ ገሻሰኔ ኢዛ ኡፋይሲዛዛ ኦሊዛ ገሻሰ ኑ ኢዛ ዋሲዛዝ ወርሲ ኑ ኢዛፕ ኤካና።

23 ኢዛ ኣዛዞይካ ኑ ኢዛ ናዛ ዬሱሰ ኪርሰቶሳ ኣማናናሲኔ ኢዚ ኑና ኣዛዚዳ ማላ ኦኒ ኑ ገደን ደሴታና ማላሳ።

24 እዚ አዛዘታ ናጊዛይቲ ወሪ እዛን ዳቲስ፤ እዚካ እስታን ዳስ፤ እዚ ኑናን ዲዛይሳ ኑ እዚ ኑስ እሚዳ እያናን ኤርስ።

4

አያና ፓጩ ዳሎ

1 ታ እሻቶ! አያና ወርሲ አማኖፕቲ፤ ጊዶ አቲን አያናቲ ዳሳፊኮኔ ፓጩ ዳሎቲ፤ ጋሶይካ ዳር ዋርዶ ናቤቲ ቢታ ቦላ ላሌቲዳ።

2 እንቲ ዳሳ አያና ኤራና ኑይይ፡ «ዩሱስ ኪርስቶሲ አሳ አሾ ማይኢዲ ዩዳስ» ጊዛ አያናይ ወሪ ዳሳፊኮ!።

3 «ዩሱስ ኪርስቶሲ አሳ አሾ ማይኢዲ ዩዳስ» ጎንታ አያናይ ዳሳፊ ጊዳና፤ ካሴ እዚ ያና ጊሺን እንቲ ሲዩዳ ኪርስቶሳራ ኤቁቲዛ አያናይ ሃሳ፤ ሃእካ እዚ አላሜ ቦላ ዳስ።

4 ታ ናይቶ! እንቲ ዳሳይታ፤ እንቲ እስታ ዳኒዳታ፤ ጋሶይካ እንቲናን ዲዛይ አላሜን ዲዛይሳፊ አዴስ።

5 እስቲ አላሜ ባጋኮ፤ ሃሳ ጊሻስ እስቲ ሃሳይዛይ ወሪ አላሜፕ ኬዚዛይሳ፤ አላሜ አሳይ እስቲ ጊዛይሳ ሲዩስ።

6 ኑኒ ጊዲኮ ዳሳ ባጋ፤ ዳስ ኤሪዛይ ኑ ጊዛይሳ ሲያናሺን ዳሳ ባጋ ጊዶንታይይ ጊዲኮ ኑ ጊዛይሳ ሲዩና። ቱሙ አያናኔ ዋርዶ አያና ኑ ሻኪ ኤሪዛይ ሃይሳና።

ዳሳ ሲቆ

7 ታ እሻቶ! ሲቆይ ዳሳፊ ጊዲዳ ጊሻስ ኑኒ እኔ ሲቁቶስ፤ አስ ሲቁዛ እሲ ወሪ ዳሳፊ ዩሌቲዳዴኔ ዳስ ኤሪዛይ።

8 አስ ሲቆንታ አሲ ዳስ ኤሪና፤ ጋሶይካ ዳሲ ሲቆ።

9 ዳሳይ ኑ ጊዶን ባ ሲቆ ቆንጩሲዳይ ኑ እዛ ባጋራ ዴኦ ዳማና ማላ ባ ና ኢሲኔዛ ሃ ዲጌ ሃ አላሜዛን ዩዲዳይሳና።

10 ኑኒ ዳስ ሲቁቤኮ ሺን እዚ ኑና ሲቁዳስ፤ ኑ ናጋራ ዳይሳና ማላ ባ ናዛ ዩዲዳይሳ፤ ሲቆ ጉሲካ ሃሳ።

11 ታ እሻቶ! ዳሲ ኑና ሃይሳላ ሲቁኮ ኑኒካ ኑ ጊዶን ሲቁታናስ ቤሴስ።

12 ዳስ ቤእዲ እሲ ኑኒካ ባ፤ ኑኒ ኑ ጊዶን ሲቁቲዛ ጊዲኮ ዳሲ ኑናን ዳና፤ እዚ ሲቆይካ ኑናን ፖሌታና።

13 እዚ ኑስ ባ አያና አሚዳ ጊሻስ ኑ እዛን ዲዛይሳኔ እዚካ ኑናን ዲዛይሳ ኑ ሃሳን ኤርስ።

14 አዋይ ባ ናዛ ሃይሳ ሃ አላሜ አሳ አሻናስ ዩዲዳይሳ ኑ ቤኢዶሲኔ እዛ ጊሻስ ማርካቶስ።

15 ዩሱሲ ዳሳ ና ጊዲዳይሳ አማኒዲ ማርካቲዛ ኡባን ዳሲ ዳሲኔ እዛይይካ ዳሳን ዳስ።

16 ሃሳ ጊሻስ ዳሲ ኑና ሲቁዛ ሲቆ ኑ ኤርስ፤ ኑ እዛ ሲቆን አማኑቶስ፤ ዳሲ ሲቆ፤ ሲቆን ዲዛይይ ዳሳን ዳስ፤ ዳሲካ ሃሳይን ዳስ።

17 ኑኒ ሃይሳ ቢታ ቦላ ዳኢዛይ ኪርስቶሲ ዳኢዳ ማላ ጊዲዳ ጊሻስ ኑስ ፐርዳ ጋላስ ባቦይ ዳና፤ ሃሳንካ ሲቆይ ኑናን ኩሜል ጊዳስ።

18 ሲቆ ጊዶን ባቦይ ባ፤ ቱሙ ሲቆይ ጊዲኮ ባቦ ኬሲ ዋራ ዩጌስ፤ ባቦይ ቁጻቲራ ኢሲፊ ኑይኮቲ ዳስ፤ ባቦዛዳ ሲቆይ ኩሜል ጊዳና።

19 እዚ ካሴቲዲ ኑና ሲቁዳ ጊሻስ ኑኒካ እዛ ሲቆስ።

20 ኑኒካ ዳስ ሲቃይስ ጊሼ ባ እሻ ኢዲኮ ሃሳይይ ዋርዳንቻ፤ ባ አይፊራ ቤኢዛ ባ እሻ ሲቆንታ አሲ ባ አይፊን ቤኦንታ ዳሳ ሲቃናስ ዳንዳዬና።

21 «ዳስ ሲቁዛ አሲ ወሪካ ባ እሻ ሲቃናስ ቤሴስ» ጊዛ ሃ አዛዘዛ እዚ ኑስ አሚዳስ።

5

ዳሳ ናን አማኖ

1 ዩሱሲ እዚ ኪርስቶሳ ጊዲዳይሳ አማኒዛይ ወሪ ዳሳፊ ዩሌቲዳስ። አዋ ዶሲዛይ ወሪ ናዛካ እዛላ ዶሲስ።

2 ኑኒ ዳስ ዶሲኮኔ እዛ አዛዘ ናጊኮ ኑኒ ዳሳ ናይታ ሲቁዛይሳ ሃሳን ኤርስ።

3 ዳሳ ዶሶ ጉሲ እዛ አዛዘ ናጎ፤ እዛ አዛዘቲ ዳጾ ጊዳቲና።

4 ጋሶይካ ዳሳፊ ዩሌቲዳይ ወሪ አላሜ ዳኔስ፤ አላሜ ዳኒዛይካ ኑ አማኖ።

5 ዩሱሲ ዳሳ ና ጊዲዳይሳ አማኒዛዴፊ አቲን አላሜ ዳኒዛይ ሃራይ እኔ?

6 ሃላኒኔ ሱላን ዩዳይ ሃይሳ ዩሱሲ ኪርስቶሳ፤ እዚ ሃላኒኔ ሱላን ዩዳይ አቲን ሃላን ዳላ ዩሴና፤ ሃሳካ እዛ ጊሻስ ማርካቲዛይ አያና፤ ሃ አያናይ ቱሙ አያና።

7 ሃሳ ጊሻስ እዛስ ሃሹ ማርካቲ ዳቲስ።

8 ሃይቲካ አያና፤ ሃሌኔ ሱላ፤ ሃሹታ ቃላይካ ኢሲኖ።

9 ኑ አሳ ማርካቲል አማኒኮ ዳሳ ማርካቲል ሃሳፊ አዴስ፤ ሃሲካ እዚ ባ ናዛ ጊሻስ አሚዳ ዳሳ ማርካቲላ።

10 ዳሳ ናን አማኒዛ ኡባ ዋዚናን እዛ ጊሻስ ማርካቲል ዳስ፤ ዳስ አማኖንታይ ወሪካ ዳሲ ባ ናዛ ጊሻስ አሚዳ ማርካቲላ አማኖንታ ጊሻስ እዛ ዋርዶሴስ።

11 እዛ ማርካቲልካ ዳሲ ሜርና ዴኦ ኑስ አሚዳስ፤ ሃ ዳኦይካ እዛ ናዛን ዳስ ጊዛይሳ።

12 ናዚ ዲዛዳስ ዴኦይ ዳስ፤ ዳሳ ናይ ባይንዳዳስ ዴኦይ ዳና።

ኩሻ ቆፋ

13 እንቲስ ዳሳ ናን አማኒዛይታስ ሜርና ዴኦይ ዲዛይሳ እንቲ ኤራና ማላ ታ ሃይሳ እንቲስ ዳፋይስ።

14 ኑ ዳሳ ሲንል ሺቃናስ ኑስ ዲዛ ዳላቲል ሃይሳ፤ ኑ አይ ሚሸካ እዛ ሺኔ ማላ ዋሲኮ እዚ ኑ ዋሳ ሲያና።

15 ኑ እዛ ዋሲዛ ሚሸ እዚ ኡባ ሲዩዛይሳ ኑ ኤሪዛ ጊዲኮ ኑ ዋሲዳ ሚሻ ኡባ ኤካናይሳ ኑ ኤርስ።

16 ኑኒካ ባ እሻይ ባና ሃይቆስ ጋሶንታ ናጋራ ኦልሺን ቤዩኮ እዛስ ዋሶ፤ ዳሲካ ሃይቆስ ጋሶንታ ናጋራ ኦልዳይታስ ዴኦ አማኖ፤ ሃይቆስ ጋልዛ ናጋራይካ ዳስ፤ ሃይቆስ ጋልዛ ናጋራ ጊሻስ ዋሶ ጊኬ።

17 ማካላይ ወሪካ ናጋራ፤ ሃይቆስ ጋሶንታ ናጋራይካ ዳስ።

18 ዳሳፊ ዩሌቲዳይ ወሪ ናጋራ ኦልና፤ ጋሶይካ ዳሳ ናይ እዛ ናጊዛይሳኔ ኢታይ እዛ ቦቾንታይሳ ኑ ኤርስ።

19 ኑኒ ዳሳፊ ጊዲዳይሳኔ አላሜይ ኩሜል ኢታ አሳ ኩሺን ዲዛይሳ ኑ ኤርስ።

20 ዳሳ ናይ ዩዲዳይሳኔ ኑኒ ቱማ ዳሳ ኤራና ማላ አኩካ እዚ ኑስ አሚዳይሳ ኑ ኤርስ፤ ኑኒካ ቱሙ ጊዲዳ እዛ ናዛ ዩሱሲ ኪርስቶሳን ዶስ፤ እዚካ ቱሙ ዳሳኔ ሜርና ዳኦ።

21 ናይቶ! ኢንቴናቴላ ኤቃታፔ ናጊቴ።

ዮሃንሳ ጻፊዳ ናሞኣንሱ ኪታ ጊደ ቆፋ

ናሞኣንሱ ኪታዚ ጻፊቲዳይ ጨማ ጊደዳ ሃዋሬ
ዮሃንሳን ጊደሺን ኪታዚ ጻፊቲዳይ ኢሲ ዶሬቲዳ
ጎዳቲይሲኔ ኢዚ ናይታሰ፤ እኔ ኤሪዛይ ኢሲ ዋሳ
ኬላን ዲዛ ኣማኒዛይታሰ ጻፊቶንታ ኣኼና። ሃይሲ ሃ
ቃንሳ ኪታዚ ጻፊቲዳይ ኣሳይ ባ ጋርሳን ኢሶይ ኢሳራ
ሲቋታና ማላ ቆፍሳናሲኔ ዋርዶ ኣሰታማሬታፕ ኢሰታ
ቲሚርቲሬካ ኣሳይ ናጌታና ማላኮ።

ሃ ማጻፋይ ኦይኪዳ ኩሜሳ ቆፋ

ጌሎሶ 1-3

ሲቆይ ኡባሬ ኣዲስ 4-6

ዋርዶ ቲሚርቲሬ ናጌታና ማላ ቆፊሶ 7-11

ኩሻ ቆፋ 12-13

1 ታፕ ጨማዛፕ፣ ቱማፕ ታ ዶሲዛ ዶሬቲዳ
ጎዳቲይሲኔ ኢዚ ናይታሰ። * ታና ጻላ ጊደንታ ቱማ
ኤሪዛይቲ ወሪ ዶሲዛሪሰ ከቲቲዳ ኪታ።

2 ጋሶይካ ሃይሲ ቱማይ ሃኢካ ኑ ጊደን ዲዛይሳኔ
ሲንሳፊካ ሚርናሰ ዳናይሳ።

3 ጸሳ ኣዋፕኔ ኢዛ ና ዬሱሰ ኪርሰቶሳፕ ኪያቴላ።
ማርቴላኔ ሳርይ ቱማኒኔ ሲቆን ኑናራ ጊደ።

4 ኔ ናይታፕ ባጋይቲ ኣዋፕ ኑሰ ኢሜቲዳ ኣዛዘዛ
ማላ ቱማን ሚኒ ዲዛይታ ታ ቤኢዳ ጊሻሰ ዳር
ኡፋይታዲሰ።

5 ሃኢካ ጎዳቲዬ! ካሴፕካ ዲዛር ኣቲን ታ ኔሰ ሃራ
ኦራሳ ኣዛዘ ጻፊኬ፤ ሃሲካ ኑኒ ኑ ጊደን ሲቋታናይሳ።

6 ሄ ሲቆይካ ኑ ኢዛ ኣዛዘዛ ማላ ዳናይሳ፤
ኣዛዘዘካ ኢንቲ ኮይር ሲዬዳ ማላ ሲቆን ዳናሳ።

7 ዬሱሰ ኪርሰቶሲ ኣሳ ኣሾ ማይኢዲ ዩቤና ጊዛ
ኣማኖንታ ዳር ባሌላዛይቲ ኣላሚ ቦላ ላሌቲዳ፤
ሄይታ ማላይ ኣይ ኣሲካ ኣሰ ባሌላዛይኔ ኪርሰቶሳራ
ኤቋቲዛዳ።

8 ኢንቲ ጊደኮ ኢንቲ ዳቡራ ዋጋፕ ማላ ኣቶንታ
ማላኔ ኩሜሳ ዋይቶ ኤካና ማላ ኢንቲ ሁኤሰ ናጌቲፕ።

9 ኪርሰቶሳ ቲሚርቲ ማላ ደንታ ኣሲኔ ኢዛ
ቲሚርቲሬ ባሌቲዲ ካሬ ኬዚዛ ኣሳን ኦናንካ ጸሲ
ዳና፤ ኪርሰቶሳ ቲሚርቲን ዲዛይይ ጊደኮ ኢዛሰ
ኣዋይኔ ኣዋ ናይ ዳቲሰ።

10 ኦኒካ ኢንቲኮ ዩሼ ሃሳ ሄ ቲሚርቲዛ ኤኪ ዮንታ
ኣሰ ሞኪ ኤኮፍቲኔ ሳርካ ጎፕፕ።

11 ሞኪ ኤኪዲ ባሶ ጌልላዛይይ ሃሳዳ ኦሶን
ኢዛራ ኢሲኖ ጊዳሰ።

ወርሴሳ ሳርካ

12 ታ ኢንቲሰ ጸፋናሰ ኮይዛ ዳር ሚሺ ዳሲሺን
ዋራቃታኒኔ ቃላሚን ጸፋና ማላ ኮይኬ፤ ጊደኮካ ኑ
ኡፋይሳይ ኩሜሳ ጊዳና ማላ ታ ኢንቲኮ ባዳ ኢንቲ
ሲንሳን ኢንቲናራ ሃሳያናሰ ሄይታ ኦሳይሰ።

13 ዶሬቲዳ ኔ ሚቹይ ናይቲ ኔና ሳር ጌቲሰ።

* 1:1 ጎዳቲይሲኔ ኢዚ ናይታሰ ጊዛይሲ ዋሳ ኬላን ዲዛ ኣባሌታ (ኣማኒዛ ኣሳ) ቤሲሰ። ታይሶ 4-5 ጸላ። 1:5 ዮሃ 13:34፤ 15:12፤17

የሃኒሳ ጳጳሳ ሄቫንሳ ኪታ ጊደ ቆፋ

ሄቫንሳ ኪታዚካ ጳጳሳዳይ፡ «ጨማ ጊደዳ ሃዋሪ የሃኒሳፕ» ጊደሺን ሄ ኪታዚ ኢሲ ዋሳ ኬላ ካሌላዛ ጋዪዮሳ ጌቴቴዛዳሳ፤ ጋዪዮሲ ሃንኮ አማኒዛይታ ማዲዳ ገሻሽ ጳጳሳዚ ኢዛ ጋላቴሰ። ሃራ ባጋራ ቃሴ ዲዮትራፌሴ ጌቴቴዛዳ ኢሲ ኢታ አሳፔ ናጌታና ማላ ቆፍሴሰ፤ ጋሶይካ ኢዚ ዋሳ ኬላ ቦላ ኦቶሬቴላፊ ዴንዲዳይሳን ዳና ጊዳና ኮይዛ ገሻሻ።

ሃ ማጻፋይ ኦይኪዳ ኩሜሳ ቆፋ

ጌሎሶ 1-4

ጋዪዮሳሰ አሜቴዳ ጋላታ 5-8

ዲዮጲሮሳሰ ሸቀዳ ዋላሴ 9-10

ዲሜጲሮሳሰ አሜቴዳ ቃላታ 11-12

ኩሻ ቆፋ 13-15

1 ታፔ ጨማዛ፤ ቱማፔ ታ ሲቁዛ ታ ሲቆ ላጌ ጋዪዮሳሰ።

2 ታ አሻዘ! ኔ ሸምፖይ ሎኦን ዲዛ ማላ ኔ አሳቴላይ ሎኦ ዳና ማላኔ ኔ ኦሌዛዚ ወሪካ ኔሰ ጊጋ ጊዳና ማላ ታ ኔሰ ዋሳይሰ።

3 ኔጌ ቱማሰ አማኔቴዳይ ጊደዳ ማላ ቃሴካ ኔ ሃኖይ ወሪ ቱሙ ጊደዳይሳ ኢሲ ኢሲ አማኒዛ አሳቴ ታኮ ዩዲ ኔ ገሻሽ ዮቴን ሲያዳ ታ ዳሮ ኡፋይታዲሰ።

4 ጋሶይካ ታ ናይቴ ሎኦኒኔ ቱማን ሲሜሬቴሺን ሲሳፊ አጂዛ ሃራ ኡፋይሲ ታሰ ዴና።

ጋዪዮሳሰ አሜቴዳ ሎኦ ማርካቴላ

5 ታ አሻዘ! ኢሰቴ ኔሰ አማላ ጊደዳኮካ ኔጌ ኔ አሻታሰ ኦሌዳ ሚሼ ኡባን አማኔታዳሳ።

6 ኔ ቦላ አይ ማላ ሲቆይ ዲዛኮ ኢሰቴ ኔ ገሻሽ ዋሳ ኬላ አሳ ሲንላን ማርካቴዳ፤ ኢሰቴ ቢዛ ኦጌን ጸሰ ኡፋይሲዛ ሃኖን ኔ ኢሰታ ማዲኮ ሎኦ ኦሳሳ።

7 አይሰ ጊኮ ኢሰቴ ጸሳ አማኖንታይታፔ አይኮካ ኤኮንታ ኪርሰቶሳ ሱንላ ገሻሽ ሜላ ኬዚዳ።

8 ሃሳ ገሻሽ ኦ ኢሲፊ ቱማሰ ኦላና ማላ ሃይታንታ ማላታ ሞኪ ኤካናሰ ቤሴሰ።

9 ታጌ ዋሳ ኬላሰ ሃይሳፊ ካሴ ጸፋዲሰ፤ ጊደ አቴን ካሌላዛዳ ጊዳና ኮይዛ ዲዮጲራጸሲ ኦጌ ጊዛዝ ኤኬና።

10 ሃሳ ገሻሽ ታ ሄ ቢኮ ኢዚ ባ ኢታ ቃላን ኦ ሱንላ ሞራናሰ ኦሌዳይሳ ታ አንቴሰ ቆንጨሳና፤ ሄሲካ ኢዛሰ ጊደንታ ኢጸን አማኒዛ አሳ ሞኪ ኤኬና፤ ሞኪ ኤካና ኮይዛይታካ ዲጌሲኔ ዋሳ ኬላፊ ኬሲ ጎዴሰ።

11 ታ አሻዘ! ሎኦታ ሚሳታ አቴን ኢታ አሳታ ሚሳቶፓ፤ ሎኦ ኦሌዳይ ወሪካ ጸሳ አሳ፤ ኢታ ኦሌዳይ ጊደዳ ጸሰ ቤዩቤና።

12 ዲሜጲሮሳሰ አሲ ወሪ ሎኦ ማርካቴሰ፤ ቱማይካ ኢዛሰ ማርካቴዳሰ፤ ኦጌካ ኢዛሰ ማርካቶሰ፤ አንቴካ ኦ ማርካይ ቱሙ ጊደዳይሳ ኤሬታ።

ወርሴላ ሳሮካ

13 ታ ኔሰ ጸፋና ቡሮ ዳሮ ዮኦይ ዴሰ ሺን ዋራቃታን ጸፋናሰ ኮይኬ።

14 ታ ኔና ማታ ዋዴ ቤያናሰ ሂደታ ኦላይሰ፤ ሄ ዋዴ ኦ ኢሲፊ ኡቴ ሃሳያና።

15 አኔ ሳሮን ዳ፤ ኔ ላጌቴ ኔና ሳሮ ሳሮ ጌቴሰ፤ ታ ላጌታ ሱንላን ሱንላን ጸይጋዳ ሳሮ ጋ።

የሁዳይ ጸፊዳ ኪታ ጊደ ቆፋ

የሁዳ ኪታይ ጸፊዳይ አማኒዛይታስ ጊደንታ አማኒዛ ኣስ ሚሳቲዲ ዋርዶ ቲሚርቲ ቢታ ጋሊዛ ኣሳታፔ አማኒዛይቲ ናጌታና ማላሳ። ናምኣንጎ ጸጽርሳ ኪታ ሚሳቲዛ ሃይሳ ሃ ቃንጎ ኪታዛን ጸፊዛ። «ጸሳይ ናምኣንጎንታ ማላ ባ ዴሬዛስ ኢሲቶ አሚዳ አማኖ ጊሻስ ኣሳይ ሚኒ ኦሌታና ማላ» ናባቢዛይታ ሎኤሌ ቆፍሴስ።

ሃ ማጸፋይ ኦይኪዳ ኩሜላ ቆፋ

ጌሎሶ 1-2

ዋርዶ ኣስታማሬታ ቲሚርቲ፣ ሃኖኔ ኩንዴላ 3-16 አማኒዛይቲ ባ አማኖ ናጋና ማላ አሚቲዳ ዞሬ

17-23

ወርሴላ ኣንጃ 24-25

1 ዬሱስ ከርሰቶሳስ ኦሊዛ ያቆቤ ኣሻ የሁዳ፣ ኢንቴስ ጸይጌቲዳይታስ፣ ጸሳይ ኣዋይ ሰቁዛይታስ፤ ዬሱስ ከርሰቶሴ ናጊዳይታስ ኡባታስ።

2 ማርቲላ፣ ሳርቲላኔ ሲቆይ ኢንቴስ ዳር።

ዋርዶ ኣስታማሬታ

3 ታ ሲቆቶ! ኑ ኢሲሬ ኣቲዳ ኣቶቴላ ጊሻስ ታ ኢንቴስ ጸፋናስ ዳር ኮያዲሲሺን ሃኢ ቃሴ ናምኣንጎንታ ኢሲቶ ጸሲ ኣሳስ አሚዳ አማኖ ጊሻስ ኢንቴ ዳር ባጾታና ማላ ታ ኢንቴና ዞራይስ። ታ ኢንቴስ ጸፋናስ ታስ ቶሆ ጊዲዳስ።

4 ኢስታ ቦላ ፐርዴታናይሲ ዳር ዋጭ ካሴ ኢስታ ጊሻስ ጸፊቲዳ ኣሳቲ ኢንቴኮ ካልጺ ጌሊዳ፤ ሄይታንቲ ጸስ ኤርንታይታ፤ ኑ ጎዳ ኪያቴላ ጮ ሚላ ላሚዛይታኔ ጸሳ ጎይኖንታይታ። ኢዚ ባርካ ኑና ሃሪዛይሳኔ ኑስ ጎዳ ጊዲዳ ዬሱስ ከርሰቶሳካ ካጭስ።

5 ኢንቴ ሄሳ ኡባካ ካሴቲ ኤሪኮካ ጎዳይ ባ ዴሬዛ ጊብጸፔ ኬሲዲ ኣሺዳይሳኔ ሃንኮ አማኖንታይታ ኑዬፔ ጳይሲዳይሳ ታ ኢንቴና ኣኬኪሳና ኮያይስ።

6 ሃሳላካ ባ ቦንቾ ናንንታ ኢጲዲ ባ ዲዛሶ ዬዲዳ ኪታንቻታ ኢንቴ ዩሺ ቆፐቲ፤ ጸሲ ኢስታ ጌታ ፐርዳ ጋላስ ጋካናስ ሜርና ቃሾስ ጊርዲ ጊዳ ቆማን ናጊ ዋሊዳስ።

7 ሃሳላካ ሶዶሜይኔ ጋሞራይ ቃሴካ ኢስታ ሄራን ዲዛ ካታማቲካ ላይማቲዳኔ ሳሎ ሜዴቴላታራ ላይማታናስ ኣሞቲዳ፤ ሄሳ ጊሻስ ኢስቲ ሜርና ታማን ጸጌታናይታስ ለሚሶ ጊዲዳ። *

8 ሃሳላካ ሄ ኣሳቲ ባርካ ባ ኣጉሞ ካሊዲ ባርካ ባ ኣሾ ቱኒሴቴስ፤ ባፔ ቦላራ ዲዛይታስ ኣዛዜቴቴና፤ ኢስቲ ሳሎን ቦንቾራ ዲዛይታካ ጫዬቴስ።

9 ሃራይ ኣቶሺን ሳሎ ኪታንቻታ ሃላቃይ ሚካሌይ ሙሴ ኣሾ ጊሻስ ኢዛራ ፓላሚቲሽ። «ኔና ጎዳይ ሃንቁቶ!» ጊዳስ ኣቲን ኢዛስ ጫሻ ቃላ ዛሪቤና።

10 ሃይቲ ኣሳቲ ጊዲኮ ኢስታስ ኤሬቶንታ ኢጲዳ ሚሽ ኡባ ጫሽ ጫዬቴስ፤ ኣይኮካ ኤርንታ ሜሃታ

ማላ ጮ ሚላ ቆፐ ኤኪዳ ሚሺ ኢስታስ ዲኮ ኢስቲ ሄሳን ጳያና።

11 ኢስቲ ቃዬሌ ኦጌን ቢዳ ጊሻስ ሚሻስ ጊዲ ባላኣሜ ማላ ባላን ኩንዲዳ፤ ቃሴ ቆሬይ ኤቁቲዳ ማላ ኢስቲካ ኤቁቲዲ ጳይዳ ጊሻስ ኢስታስ ኣዬ ኣና!

12 ሃይቲ ሃ ኣሳቲ ዬላይ ባይንዳ ላይማ ሃኖራ ኢሲ ቦላ ኢንቴ ዲጊሳሶን ቤቲዛ ዋጭ ኢንቴስ ቆጶ ጊዳቴስ፤ ኢስቲ ባስ ጸላ ቆፐቴስ፤ ኢስቲ ጫርኮን ቢዛ ኢራይ ባይንዳ ሻራ ማላ፤ ኣይሬይ ኣይሬዛ ዋጭን ኣይሬይ ባይንዳ ጸጶፔ ቶቃሌቲዲ ናምኡቶ ሚሊዳ ሚላ ማላ።

13 ኢስቲ ዬላቲካ ባ ኦሶዛ ዋልቃማ ኣባ ዳምባላ ማላ ጎፖንቶ ጮቶ ሂስቲዛይታ፤ ጊርዲ ጊዳ ቆማይ ኢስታ ሜርናስ ናጊዛይሳኔ ጮ ሚላ ዋዬቲዛ ጸላንቴታ ማላኮ!

14 ኣዳሚፔ ሃ ሲሚን ላፑንጎ ዬሌታ ጊዲዳ ሃኖኬይ፣ «ሄኮ ጸሲ ቆዳይ ባይንዳ ጌሻ ኪታንቻታራ ኣሳ ኡባ ቦላ ፐርዳናስ ያና።

15 ሃይቲ ጸሳስ ጎይኖንታ ኣሳቲ ኦሊዳ ኢታ ኦሶ ጋሶን ኢስታ ኢዚ ቃጸያና፤ ኣዳሬካ ጸሲ ሄይታ ባስ ጎይኖንታ ናጋራንቻታ ቦላ ኢስቲ ሃሳይዳ ኢታ ሚሻታ ጊሻስ ኢዚ ኢስታ ቦላ ፐርዳና» ጊዳስ።

16 ሃይቲ ሄ ኣሳቲ ኡባ ዋጭ ዙዙሚቲዛይታኔ ኣይ ሚሻንካ ኡፋዬቲ ኤርንታይታ፤ ኢስቲ ባ ኢታ ኣሞ ካሊዛይታ፤ ኢስታ ዶናን ኦቶሬቴላ ቃላይ ኩሚዳስ፤ ባስ ባ ጎኣ ኮዩሽ ኣስ ኣዳሼቴስ።

ኣኬኪሶ ዞሬ

17 ኢንቴኖ ታ ሲቆቶ! ኑ ጎዳ ዬሱስ ከርሰቶሳ ሃዋሬቲ ሃይሳሬ ካሴ ዮቲዳ ቃላ ኣኬኪቴ።

18 ኢስቲ፣ «ዋጭ ወርሴላን ጸሳ ሽኔፔ ሃኪዳይቲ ባርካ ባ ኢታ ኣሞ ካሊሽ ኣስ ቁጲዛይቲ ያና» ጊዲ ኢንቴስ ካሴ ዮቲ ዋሊዳ።

19 ሃይቲ ኣስ ኢሳ ኢሳሬ ሻኪዛይታ፤ ኣሾ ኣሞቴላ ካሊዛይታኔ ኢስታን ጸሎ ኣያናይ ባይንዳይታ።

20 ታ ኣሻቶ! ኢንቴ ጊዲኮ ኡባሬ ቦላራ ኢንቴ ጌሻ ኣማኖን ሚኒ ኤቁቲ፤ ጸሎ ኣያናካ ሚኒ ዋሲቴ።

21 ኑ ጎዳ ዬሱስ ከርሰቶሴ ባ ማርቲላን ኢንቴና ሜርና ዴኦን ጋላናይሳ ናጌቲሽ ኢንቴናቴላ ጸሳ ሲቆን ናጌቲ።

22 ሲቆሽ ዲዛ ኣሳታስ ሚሽቲቴ።

23 ኢሲ ኢሲ ኣሳታ ታማፔ ኬሲ ኤኪ ኣሺቴ፤ ሃራታስ ያሻቴላን ሚሽቲቴ ሺን ናጋራን ቱኒዳ ኢስታ ኣሳቴላ ቦቲዳ ማይኦካ ኡባ ኢጲቴ።

ጋላታ ዋሳ

24 ኢንቴና ኩንዴላሬ ኣሻናሲኔ ኢንቴና ዋሶይ ባይንዳይታ ሂስቲዲ ኡፋይሳን ባ ቦንቾ ሲንሳ ሺሻናስ ዳንዳይዛይሳስ።

25 ኢዚ ጸላ ኑስ ጸሳኔ ቆሌ ጊዲዳ ጎዳ ዬሱስ ከርሰቶሳ ባጋራ ቤኒፔ ዶሚዲ ሃኢ ጋካናሲኔ ሜርናሰካ ቦንቾይኔ ጌታቴላ፣ ዋልቃይኔ ጎዳቴላ ኢዛስ ጊዳ። ኣሚን።

1:1 ማቶ 13:55፤ ማር 6:3 1:5 ኬሳ 12:51፤ ታይ 14:29-30 * 1:7 ሶዶሜ ኣሳይ ሎጶኮ ዪዳ ኢማላታራ ላይማታና ኮዩዳይሳ ቤሲስ።
1:7 ሜዴ 19:1-24 1:9 ዳኔ 10:13፣21፤ 12:1፤ ኣጃ 12:7፤ ዛሬ 34:6፤ ዛካ 3:2 1:11 ሜዴ 4:3-8፤ ታይ 22:1-35፤ 16:1-35
1:14 ሜዴ 5:18፣21-24 1:18 2ጴጥ 3:3

የሃሊ ላይታ ጊዳ ቆፋ

የሃሊ ላይታይ ጸፊትዳይ አማኒዛይቲ ዩሱስ ኪርስቶስ ኢስታስ ጎዳ ጊዳዳይ ሎሪዳ አማኒዳ ጊሻስ ጎዳቲልኔ ዋይይ ኢስታ ቦላ ጋኪዳ ዋዳና። ጸፊዚ ማጻፋዛ ናባቢዛይቲ ባ ሂዳታ ቃንጸንታ ማላ ኢስታ ማንሱላናሲኔ ባና ጋኪዳ ጎዳቲልኔ ሜቶ ጋርሳን ኢስቲ ባ አማናን ማኒ ኤቃና ማላ ማንሱላናሳ።

ሃ ማጻፋን ዳሪዛ ባጋይ ዳር ዳማ ዳማ ኦይኬቲ ዲዛ አጃታታ ኢሲ ቦላ ጋላ ኦይኪዳስ፤ አጃታቲካ ሃ ዋዳ ዲዛ አማኒዛ አሳይ ኤሪናስ ዳንዳይዛዝ ጊዳሺን ሃንኮ አሳስ ቃሴ ጌሎንታ ጸራ ጊዳዲ ሸቂዳ ለሚሶ ማላን ሸቂዳ ዮኦኮ። ሸሪ ሸሪ ዩጸዛ ማላ ማጻፋዛስ ዋና ቆፋቲ ዳማ ዳማ አጃታታ ባጋሪ ዳማ ዳማ ሜቶን ዛሬቲ ዛሬቲ ሸቂዳ። ሃ ማጻፋዛ ቢርሽላ ዳማ ዳማ ጊዳኮካ ኢዛስ አይፌ ቆፋይ ቃሴ ቆንጮ። ሄሲካ ጸሲ ጎዳ ዩሱሳ ባጋሪ ናምኦንላይ ባይንዳ ኦጌራ ጸላኤራ ኢዛ ዋርኬታ ወርሲ ጸና፤ ሄ ጸናዚካ ወሪዳፔ ጉዬ ባስ አማኒቲዳ ባ ላጌታስ ኢዚ ኦራሳ ሳሎኔ ኦራሳ ቢታ አንጃ ላቲሳና ጊዛይሳ።

ሃ ማጻፋይ ኦይኪዳ ኩሜሳ ቆፋ

- ጌሎሶ 1:1-8
- ኮይር ቤቲዳ አጃታ 1:9-20
- ላፑን ዋሳ ኬላታስ ዩዳቲዳ ኪታታ 2:1—3:22
- ማጻፋዛኔ ላፑን ማታሜታ 4:1—8:1
- ላፑን ጸራምባታ 8:2—11:19
- ዳዌዛኔ ናምኦ ዶኦታ 12:1—13:18
- ዳማ ዳማ አጃታታ 14:1—15:8
- ጸሳ ሃንቆ ጸኦ ላፑናታ 16:1-21
- ባቢሎኔ ኩንዳፎ፣ ዶኦዛ፣ ዋርዶ ናቤታኔ ዳቡሎሳ ጸኔቲል 17:1—20:10
- ወርሴሳ ፐርዳ 20:11-15
- ኦራሳ ሳሎ፣ ኦራሳ ቢታኔ ኦራሳ ዩራሳላሚ 21:1—22:5
- ኩሻ ቆፋ 22:6-21

1 ሃይሲ አጃታዚ ማታ ዋዳ ቢታ ቦላ ሃናናይሳ ባስ ኦላዛይታ ቤሳና ማላ ጸሲ ዩሱስ ኪርስቶሳስ አሚዳይሳ። ዩሱስ ኪርስቶሳስካ ባ ኪታንቻ ኪቲዲ ባ ኦሳንቻዛ የሃሊሳስ ሃይሳ አጃታዛ ቆንጮሲዳስ።

2 የሃሊሲካ ጸሳ ቃላ ጊሻሲኔ ዩሱስ ኪርስቶሳስ ታማርሲዳ ቱማ ጊሻስ ቃሴካ ኢዚ ባ አይፊን ቤኢዳይሳካ ኡባ ማርካቲዳስ።

3 ሃይሲ ወሪካ ሃናናይ ማታ ዋዳን ጊዳዳ ጊሻስ ሃይሳ ቲንቢቲ ቃላ ናባቢዛ አሲ አንጃቲዳዳ። ሄሳላካ ቲንቢቲ ቃላ ሲዩዛይቲኔ ሃ ቲንቢቲ ቃላ ጸፊትዳይሳ ፖሊ ኦላዛይቲ ኢስቲ አንጃቲዳይታ።

ኢሲያን ዲዛ ላፑን ዋሳ ኬላታስ ኪቲቲዳ ሳርካ
4-5 ኢሲያን ዲዛ ላፑን ዋሳ ኬላታስ ካሴካ ዲዛይሳፊ፣ ሃኢካ ዲዛይሳፊኔ ቡርካ ያና ጸሳፊ ኢዛ አልጋ ሲንሳን ዲዛ ላፑን አያናታፔ ሄሳላካ ሃይቆፔ

1:4-5 ኬሳ 3:14፤ አጃ 4:5፤ ኢሳ 55:4፤ ማዛ 89:27 1:6 ኬሳ 19:6፤ አጃ 5:10 1:7 ዳኔ 7:13፤ ማቶ 24:30፤ ማር 13:26፤ ሉቃ 21:27፤ 1ታሶ 4:17፤ ዛካ 12:10፤ የሃ 19:34፤37 1:8 ኬሳ 3:14 1:13 ዳኔ 7:13፤ 10:5 1:14 ዳኔ 7:9፤ 10:6 1:15 ሄዚ 1:24፤ 43:2 1:17 ኢሳ 44:6፤ 48:12፤ አጃ 2:8፤ 22:13

ዳንላን ባይራ ጊዳዳይሳፊ፣ ሃ ቢታ ካዋታስ ካዋኔ አማኒቲዳ ማርካ ጊዳዳይሳፊ፣ ኦና ሲቁዛይሳፊኔ ባ ሱላን ኦና ኦ ናጋራፔ ጌሺዳ ዩሱስ ኪርስቶሳፔ ኪያቲልኔ ሳርቲል ኢንቲስ ጊዳ።

6 ኦኒ ዩሱስ ኪርስቶሳ አዋ ጸሳስ ኦላና ማላ ኦና ኢዚ ካዋታኔ ቁሴታ ኬሲዳ ዩሱስ ኪርስቶሳስ ቦንቾይኔ ዋልቃይ ሚርናፔ ሚርና ጋካናስ ኢዛስ ጊዳ! አሚን።

7 ሄኮ ኢዚ ሳሎፔ ሻራራ ጊታ ቦንቾራ ያና፤ ካሴ ኢዛ ጫዲ ዋቋዳይቲካ ኢሶይካ አቶንታ ወሪ ኢዛ ቤያና፤ ቢታ ቦላ ዲዛ ዳሪይካ ወሪ ኢዛ ጊሻስ ዩካና። ሃይሲ ሃ የኦዚ ቱሙኮ! አሚን።

8 ካሴካ፣ ሃኢካ ዲዛይሲ ቡርፔካ ያናይሲ ኡባ ዳንዳይዛ ጎዳ ጸሲ፣ «አልፋይኔ ኦሜጋይ፣ ኮይርይኔ ወርሴላ ታና» ጌሰ።

አጃታን ኪርስቶሳ ቆንጮፎል

9 ታኒ ዩሱሳ ዋይዛ ኢዛ ካዋቲሳ ቃሴካ ኢዛ ዳንዳይን ኢንቲናራ ኢሲፊ ጊዳዳ ታ ኢንቲ ኢሻይ የሃሊሲ ጸሳ ቃላኒኔ ዩሱሳስ ማርካቲዳ ጊሻስ ቃሹታዳ ፊጸም ጌቲቲዛ አባ ጊዳን ዲዛ ዳሪ ዳሪ ዳሪ።

10 ታኒ ጎዳ ጋላስ ጸሎ አያናን ጁሶኮ ማላ ጮ ሊጸጸ ጊሻን ዳንኬ ጊሪሳ ማላይ ጊታ ጊሪሲ ታፔ ጉዬራ፣

11 «ኦኒ ቤኢዛይሳ ዋራቃታን ጸፋዳ ላፑን ዋሳ ኬላታስ ሃይቲካ ኤፌሶኔስ፣ ሳሚርኔሴስ፣ ጸርጋምስ፣ ቲያጸርኔስ፣ ሳርዳሴስ፣ ፊላዳልፊያሲኔ ሎዶቂያስ ዩዳ» ጊሻን ሲያዲሲ።

12 ሄሳ ታስ ኦኒ የቲዳኮ ኤራና ጋዳ ታ ጉዬ ሲማ ጸሊዛ ዋዳ ጸምፔ ኢስታ ቦላ ዋሊዛ ዋርቃፊ ኦሴቲዳ ላፑን ባላታ ቤያዲሲ።

13 ሄ ኢስታ ቦላ ጸምፔ ዋሊዛ ላፑን ባላታ ጊዳን አሳ ና ሚሳቲዛዳ ዳማዲሲ። ኢዚካ ሂርኪ ቶሆ ቂርጶ ጋኪዛ አዲሳ ማይኦ ማይኢዳስ፤ ቲራ ቦላካ ዋርቃ ማይኦ ማይኢዳስ።

14 ኢዛ ሁኤይኔ ኢዛ ሁኤ ቢናናይ ቃሴ ቦላ ሻቾ ሚሳቲዛ ቦላ ሱፊ ጌቲቲዛ ካሳ ማላ፤ ኢዛ አይፊቲካ ታማ ላጮ ሚሳቲቲስ።

15 ኢዛ ቶሆቲ ታማ ቦንቆን ቆጶቲ ኬዚዳ ጸርቂማላ ሚሳቲቲስ፤ ኢዛ ቃላይካ ዋልቃማ ፒሳ ሃላ ጊሪሳ ማላ ጊሪሲ።

16 ኢዚ ባ ኡሻቻ ኩሼን ላፑን ጸሊንቲታ ኦይኪ ኡቲዳስ፤ ኢዛ ዶናፔ ናምኦ ባጋራ ቃራ ማሻይ ኬዜስ፤ ኢዛ አይፊሶይ ኦርሼ ማላ ጸልቁቲስ።

17 ታኒ ሄሳ ቤያዳ ሃይቂዳ አስ ሚሳታዳ ኢዛ ቶሆ ጋርሳን ኩንዳዲስ፤ ኢዚ ቃሴ ታ ቦላ ባ ኡሻቻ ኩሼ ዋሊዳ፣ «ኔ ባቦፋ! ኮይርይኔ ወርሴላ ታና።

18 ታኒ ፓጸ ዳይሲ። ካሴ ሃይቃዲሰኩሽን ሄኮ ታኒ ሃይሳፊ ሚርናስ ፓጸ ዳና፤ ሃይቆ ቦላኔ ሲኦሌ ቦላ ታኒ ጎዳ።

19 ሄሳ ጊሻስ ኦኒ ቤኢዳይሳ ሃኢ ዲዛይሳኔ ጉዬፔ ሃናናይሳ ጸፋ።

20 ኦኒ ታ ኡሻቻ ኩሼን ቤኢዳ ላፑን ጸሊንቲታኔ ጸምፔ ኢስታ ቦላ ዋሊዛ ዋርቃፊ ኦሴቲዳ ላፑን ባላታ ጸራይ ሄኮ ሃይሳ፤ ላፑን ጸሊንቲቲ ላፑን ዋሳ

1:4-5 ኬሳ 3:14፤ አጃ 4:5፤ ኢሳ 55:4፤ ማዛ 89:27 1:6 ኬሳ 19:6፤ አጃ 5:10 1:7 ዳኔ 7:13፤ ማቶ 24:30፤ ማር 13:26፤ ሉቃ 21:27፤ 1ታሶ 4:17፤ ዛካ 12:10፤ የሃ 19:34፤37 1:8 ኬሳ 3:14 1:13 ዳኔ 7:13፤ 10:5 1:14 ዳኔ 7:9፤ 10:6 1:15 ሄዚ 1:24፤ 43:2 1:17 ኢሳ 44:6፤ 48:12፤ አጃ 2:8፤ 22:13

ከላ ከታገቻታ፤ ጸምፔ ኢስታ ቦላ ዋሊዛ ላቸን ዋርቃ ባላቲ ላቸን ዋሳ ከላታ» ገደሰ።

2

ኤፌሶን ዋሳ ከላ

1 «ኤፌሶን ዋሳ ከላ ከታገቻታ፡ ላሃሲ ላቸን ጸለገቱታ ባ ኡሻቻ ኩሼን ኦይኪዳዴፌኔ ኢስታ ቦላ ጸምፔ ዋሊዛ ላቸን ዋርቃ ባላታ ገደን ሲሜራተዛዴፌ ዮቲቲዳሰ።

2 ታኒ ኔ ኦሶዛ፡ ዳፌቲላኔ ዳንዳያካ ኤራይሰ፤ ቃሴ ኔኒ ኢታታ ዩጋ ኣቆናሰ ዳንዳያንታይሳ ሃዋሬታ ገደንታ ዲሼ ባና ሃዋሬታ ገዛይታካ ሻካዳ ኢስቲ ዋርዳንቻታ ገደይሳ ኔ ጋካ ዳሚዳይሳ ታ ኤራይሰ።

3 ኔኒ ዳንዳያን ሚና ኤቁዳይሳኔ ታ ሱንላ ገሻሰ ሳሌቶንታ ኔ ዋዬ ቤኢዳይሳ ታ ኤራይሰ።

4 ገዲኮካ ታ ኔና ካጂዛ ኢሲ ሚሺ ዳሰ፤ ሄሲካ ኔኒ ካሴ ኔ ሲቆዛ ኣጋዳሳ።

5 ኔኒ ካሴ ኣይ ማላ ጳቃሶሆን ዳሼ ሃኢ ቃሴ ኔ ዋና ኩንዲዳኮ ኣኔ ዩሻ ቆጋዳ ማርቲላን ሲማ ገላ። ኔ ካሴ ኦሊዛ ቤኒ ኔ ኦሶዛ ዛራ ኦላ፤ ኔ ሄሳ ወርሳ ዛራ ኦሶንታ ኢጲኮ ታ ኔኮ ያና፤ ኔኒ ማርቲላን ገላጭንታ ኢጲኮ ኔኒ ጸምፔ ኢዛ ቦላ ዋሊዛ ባላ ኢዚ ዲዛሶፔ ታ ዳንላይቻና።

6 ገደ ኣቲን ታ ኔና ጋላቲዛ ኢሲ ሚሺ ዳሰ፤ ሄሲካ ታኒ ኢጲዛ ኒቆላ ባጋ ኣሳ ኦሶ ኔካ ኢጲዳሳ።

7 «ኣያናይ ዋሳ ከላታሰ ገዛይሳ ሃይሌ ዲዛይ ወሪካ ሲዮ! (ጸኒዳዴይ ጸሳ ጋናቲ ገደን ዲዛ ዳኦ ሚላ ኣይፌ ማና ማላ ታ ኦላና።)

ሳሚርኔሴ ዋሳ ከላ

8 «ሳሚርኔሴ ዋሳ ከላ ከታገቻታ፡ ሃይሲ ኮይርኔ ወርሴላ ገዲዳይሳፌ ካሴ ሃይቁዳይሳፌኔ ሃኢ ገዲኮ ፓጻ ዲዛይሳፌ ዮቲቲዳዳዳ።

9 ታኒ ኔ ዋዬዛኔ ኔ ማንቆቲላ ኤራይሰ፤ ገዲኮካ ኔኒ ዲራኮ። ኣይሁዳ ገደንታ ዲሼ ባና ኔኒ ኣይሁዳኮ ገዛ ጸላኤ ማባራ ገዲዳይቲ ሄይቲ ኔ ሱንላ ሞርይሳ ታ ኤራይሰ።

10 ቡር ሲንላፌ ኔ ቦላ ጋካና ሜቶሰ ባቦፋ፤ ኢንቲ ፓጩታና ማላ ኢንቲፌ ኢሲ ኢሲ ኣሳታ ዳቡሎሲ ቃሾ ከላ ገልላና። ታሙ ጋላሰ ጋካናሰ ኢንቲ ዋዬ ቤያናሽን ኔ ሃይቃና ጋካናሰ ኣማኔቲዳዳ ገዳ፤ ታኒ ኔሰ ሜርና ዳኦ ኣኪሊሌ ሂሰታ ኣማና።

11 «ኣያናይ ዋሳ ከላታሰ ገዛይሳ ሃይሌ ዲዛይ ሲዮ! ጸኒዳዴይ ናምኣንላ ሃይቆን ቆሄቲና» ጋዳ ጸፋ ገደሰ።

ጳርጋሞን ዋሳ ከላ

12 «ጳርጋሞን ዋሳ ከላ ከታገቻታ፡ ሃይሲ ናምኡ ባጋራ ቃራ ማሻ ኣይኪዳይሳፌ ዮቲቲዳይሳ።

13 ኔኒ ጸላኤ ኣልጋይ ዲዛሶን ዲዛይሳ ታኒ ኤራይሰ፤ ገደ ኣቲን ኔኒ ታ ሱንላ ሎኤላ ኦይካዳሳ፤ ኔ ታና ኣማኒዛይሳ ኣጋቤካ፤ ታሰ ኣማኔቲዳ ማርካ ገዲዳ ኣንቲጸሲ ጸላኤይ ዲዛ ኢንቲ ካታማን ኣሳ ኩሼን ሃይቁዳ ዋዳካ ኔ ታና ኣማኖ ኣጋቤካ።

14 ገዲኮካ ታ ኔና ካጂዛ ኢሲ ሚሺ ኔ ቦላ ዳሰ፤ ሄሲካ ባላኣሜ ቲሚርቲ ኦይኪዳ ኢሲ ኢሲ ኣሳቲ

ኢንቲ ገደን ዳቲሰ፤ ሄሲ ባላኣሜይ ኢሰራኤሌ ኣሳይ ኤቃሰ ያርሼቲዳ ካል ሚዲኔ ላይማ ላይማቲዲ ጳጴታና ማላ ባላቁ ዘሪዳዳ።

15 ሄሳላካ ኒቆላ ባጋ ኣሳታ ቲሚርቲ ኦይኪዳ ኣሳቲካ ኢንቲ ገደን ዳቲሰ።

16 ሄሳ ገሻሰ ማርቲላን ገላ፤ ኣካይ ገኮ ታኒ ኤሶን ኔኮ ባዳ ኔና ታ ደናፔ ከዚዛ ማሻ ሚሳቲዛ ቃላራ ኦላና።

17 «ኣያናይ ዋሳ ከላታሰ ገዛይሳ ሃይሌ ዲዛይይ ሲዮ! ጸኒዳዴሰ ታኒ ቆታን ዲዛ ማናፌ ኢዛ ኣማና፤ ኢዚ ታሰ ገዲዳይሳ ቤሳናሰ ኢዛ ቦላ ኦራላ ሱንላ ጸፊቲዳ ቦላ ሹቕ ኢዛሰ ታ ኣማና፤ ሄሳካ ኤኪዳዴፌ ኣቲን ሃራ ኣሲ ኦኒካ ኤሬና።

ቲያጺርኔ ዋሳ ከላ

18 «ቲያጺርኔ ዋሳ ከላ ከታገቻታ፡ ሃይሲ ታማ ላጮ ሚሳቲዛ ኣይፊቲ ዲዛዴፌኔ ቦንቁዳ ታማን ገሌ ቆጶቲ ከዚዳ ጸርቁማላ ሚሳቲዛ ቶሆቲ ዲዛዴፌ ጸሳ ናፔ ከቲቲዳይሳ።

19 ታኒ ኔ ኦሶኔ ኔ ሲቆ፡ ኔ ኣማኖ ኔ ሃጋዞ፡ ኔ ዳንዳያን ሚናይሳካ ኤራይሰ፤ ካሴ ኦሶዛፔ ጉዬይሲ ኣጂዛይሳካ ታ ኤራይሰ።

20 ገደ ኣቲን ታ ኔና ካጂዛ ኢሲ ሚሺ ዳሰ፤ ሄሲካ ባና፡ (ታኒ ናቤ) ገዛ ማጫሳዮ ኤልዛቤሎ ኔኒ ቤሳ ኣገዳ ገሻሰ ኢዛ ታሰ ኦሊዛይቲ ላይማ ላይማታና ማላኔ ኤቃሰ ያርሼቲዳ ካል ማና ማላ ኢዛ ታማርሳዳ ባሌላዲሰ።

21 ኢዛ ማርቲላን ገላና ማላ ታ ኢዚሰ ዋዳ ኢማዲሲሽን ኢዛ ገዲኮ ባ ላይማቴላፌ ሲማናሰ ኮያቤኩ።

22 ሄሳ ገሻሰ ታ ኢዛ ዋዬ ኣልጋ ቦላ ዩጋና፤ ኢዚራ ኦሊዳ ኣሳቲ ባ ኢታ ኦሶፔ ማርቲላን ሲሞንታ ኢጲኮ ኢዚራ ኢሲፌ ላይማቲዳ ኡባታ ቦላ ገታ ማቶ ታ ኤሃና።

23 ታኒ ኢዚ ናይታ ሃይቆን ቃጸያና፤ ኣሳ ቆፋኔ ኣሳ ኣሞ ሻካ ኤሪዛይ ታና ገዲዳይሳ ዋሳ ከላቲ ወሪ ኤራና፤ ታኒ ኢንቲሰ ኢሳሰ ኢሳሰ ኢዛዳ ኦሶ ማላ ኣማና።

24 «ቲያጺርኔን ዲዛይታሰ ኢንቲሴኔ ሃይሳ ኢታ ቲሚርቲዛ ታማርንታይታሰ ኡባሰ ሄሳላካ ኢሲ ኢሲ፡ (ጸላኤሰ ሃይሲ ጪማ ጹራ) ገቲቲዛይሳ ካሎንታይታ ኢንቲና ታኒ ሃራ ቶሆ ቶሲኬ።

25 ገዲኮካ ታ ሄ ባና ጋካናሰ ኢንቲሰ ዲዛዛ ወርሲ ሚንላ ኦይኪቲ።

26 ጸኒዳዴሰኔ ታ ኦሶን ወርሴላ ጋካናሰ ሚኒዛዳሰ ኣይዛቤታ ቦላ ታ ጎዳቲላ ኣማና።

27 ኢስታ ኢዚ ቢራታ ጉፊን ሃራና፤ ኡርቃፌ ሜጴቲዳ ሚሻ ማላ ኢዚ ኢስታ ቡኪ ሊቁሳና። ሄሲ ሄ ጎዳቲላካ ታኒ ታ ኣዋፔ ኤኪዳ ጎዳቲላ ማላ።

28 ታ ኢዛሰ ዋንታ ቦላ ከዚዛ ጸለገቲዛ ኣማና።

29 ኣያናይ ዋሳ ከላታሰ ገዛይሳ ሃይሌ ዲዛይ ወሪ ሲዮ!» ጋዳ ጸፋ ገደሰ።

3

ሳርዴሴ ዋሳ ከላ

2:8 ኢሳ 44:6፤ 48:12፤ እጁ 1:17፤ 22:13 2:11 እጁ 20:14፤ 21:8 2:14 ታይ 22:5፤7፤ 31:16፤ ዛሬ 23:4፤ ታይ 25:1-3 2:17 ከሳ 16:14-15፤ 16:33-34፤ የሃ 6:48-50፤ ኢሳ 62:2፤ 65:15 2:20 1ካዋ 16:31፤ 2ካዋ 9:22፤30

1 «ሳርዳሴ ዋሳ ከላ ከታንቻሰ፡ ሃይሲ ጸሳ አያና ላፕናታፔኔ ጸሊንቴታ ኦይኪዳዳፊ ዮቴቴዳይሳ፤ ታ ኔ ኦሶ ኤራይሰ፤ ኔኒ ሱንላን ፓጸ ዳሳ ሺን ሃይቃዳሳ።

2 ቤጋ! ሃይቃና ማቴዳርኔ ኔሰ ዉራሼ ጉላ ኣቲዳ ዋልቃዮ ዛራ ማንላ፤ ታኒ ታ ጎዳ ሲንላን ኔ ኦሶይ ኩሜላ ገዲን ቤያቤኬ።

3 ሃሳ ገሻሰ ኔኒ አይ ማላ ተሚርቴ ኤኪዳኮ ኔ ሲዮይሳ የሻ ቆፓኔ ናጋ። ማርቴላንካ ጌላ፤ ኔኒ ቤንጎታ ኣጊኮ ታ ካይሶ ማላ ኔ ቆፖንታ ፑቱ ጋና፤ ታ አይ ሳቴን ኔኮ ያናኮ ኔ ኤራካ።

4 ገደ ኣቲን ባ ማይኦ ቱሲሶንታይቲ ሳርዳሴን ጉላ ኣሳቲ ኔናራ ዳቴሰ፤ ሃይቲ ቦላ ማይኦ ማይኣናይሲ ኢሰታሰ ቤሲዛ ገሻሰ ኢሰቲ ቦላ ማይኦ ማይኢዲ ታናራ ባና።

5 ጸኒዳዳይ ኢሰታላካ ቦላ ማይኦ ማይኣና፤ ኢዛዳ ሱንላ ታኒ ታ ኣዋ ሲንላኒ ከታንቻታ ሲንላን ኤሪሳና። ዳኦን ዲዛይታ ሱንላ ጸፊቴዳ ዳኦ ማዘጋባፔ ቁጠኬ።

6 «አያናይ ዋሳ ከላታሰ ገዛይሳ ሃይላ ዲዛይ ዉሪ ሲዮ!

ፊላዳልፊያ ዋሳ ከላ

7 «ፊላዳልፊያ ዋሳ ከላ ከታንቻሰ፡ ሃይሲ ጌሺኔ ቱማንቻ ገዲዳይሳፊ ዳዋቱ ከላ ቁልፔ ኦይኪዳይሳፊ ዮቴቴዳይሳ፤ ኢዚ ደይዳይሳ ኦኒካ ጎርዳና፤ ኢዚ ጎርዲዳይሳ ኦኒካ ደዬና።

8 ታኒ ኔ ኦሶ ኤራይሰ፤ ሃኮ ኦኒካ ጎርዳናሰ ዳንዳዮንታ ደያ ፔንጌ ታ ኔ ሲንላን ዋላዲሰ፤ ኔ ዋልቃይ ጉላ ገዲዳይሳ ታ ኤራይሰ፤ ገዲኮካ ኔ ታ ቃላ ናጋዳሳ፤ ታ ሱንላካ ኔ ካዳቤካ።

9 ሃሳ ገሻሰ ባሰ ኣይሁዳ ገደንታ ዲሼ ባና ኣይሁዳ ገዛይቲ ሃይቲ ጸላኤ ማባራፔ ገዲዳ ዋርዶቲ ዩዲ ኔ ቶሆ ቦላ ኩንዳና ማላ ታ ኦላና፤ ታኒ ኔ ሲቁዳይሳ ኢሰቲ ኤራና ማላ ታ ኦላና።

10 ኔኒ ዳንዳይዛዳ ገዳ ጋዳ ታ ኔሰ ዮቶ ቃላ ኔ ናገዳ ገሻሰ ታካ ቡሮ ቢታ ቦላ ዲዛ ኣሳ ፓጫናሰ ኩሜላ ኣላሜ ቦላ ያና ዋዬ ጋላሳፊ ታ ኔና ናጋና።

11 ሃኮ ታ ኤሶን ያና፤ ኔ ኣኪሊሌ ኦኒካ ኤኮንታ ማላ ኔሰ ዲዛዝ ሎኤላ ኣይካ።

12 ጸኒዳዳ ታኒ ታ ጎዳ ጸሳ ከላን ቱሰ ኦላና፤ ኢዚ ሃፔ ሙሊካ ከዜና። ታ ጎዳ ሱንላኒ ታ ጎዳ ካታማዛ ሱንላካ ታ ኢዛ ቦላ ጸፋና። ሃና ካታማያ ሳሎፔ ታ ጎዳ ኣቻፊ ዋላና ኦራላ ዩራሳላሜ፤ ታኒካ ታ ኦራላ ሱንላ ኢዛዳ ቦላ ጸፋና።

13 «አያናይ ዋሳ ከላታሰ ዮቴዛይሳ ሃይላ ዲዛይ ዉሪ ሲዮ!

ሎዶቂያ ዋሳ ከላ

14 «ሎዶቂያ ዋሳ ከላ ከታንቻሰ፡ ሃይሲ፡ «አሚን» ገዲይሳፊ፡ ቱሙ ኣማኔቲዳ ማርካ ገዲዳዳፊ፡ ጸሳ ሜዴቴላ ዉሪ ኢዛፔ ቤቲዳዳፊ ዮቴቴዳይሳ።

15 ታኒ ኔ ኦሶ ኤራይሰ፤ ኔኒ ኢርጸ ዋይኮ ሚሻ ገዳካ፤ ኔኒ ኢርጸ ዋይኮ ሚሻ ገዲዳኮ ሎኦኮሺን።

16 ኢርጸ ዋይኮ ሚሻ ገደንታ ኔ ጮ ደንቦላ ገዲዳ ገሻሰ ታ ኔና ታ ደናፔ ከሳ ጩታና ጋይሰ።

17 «ታኒ ዲሬኮ፤ ታሰ ዳር ሃርይ ዳሰ፤ ታሰ ኣይኮይካ ፓጠቤና» ጋሳ ሺን ኔኒ ገልቃ፤ ኣይኮይ ባይንዳ ሂዬሳ፤ ማንቆ፤ ቆቄኔ ካሎ ዲዛይ ገዲዳይሳ ኔ ኤራቤካ።

18 ኔ ዴሬ ገዳና ኮይኮ ታፔ ታማን ፓጩቲዳ ዋርቃ ሻማና ማላ ኔኒ ኔ ካሎቴላ ዩላቴላ ካማናሰ ቦላ ማይኦ ማይኣና ማላኔ ጸላናሰካ ዳንዳያና ማላ ኣይፊ ዳሌ ሻማዳ ኔ ቲዬታና ማላ ታ ኔና ዛራይሰ።

19 ታኒ ታ ደሲዛይታ ዉርሳ ሃንቃይሲኔ ቃጸያይሰ፤ ሃሳ ገሻሰ ኔኒ ሚና፤ ማርቴላንካ ጌላ።

20 ሃኮ! ታኒ ፔንጌን ኤቃዳ ጸይጋይሰ፤ ኦኒካ ታ ቃላ ሲዩዲ ባ ፔንጌዛ ታሰ ደይኮ ታ ኢዛኮ ጌላዳ ኢዛዳራ ማና፤ ኢዛዳይካ ታናራ ማና።

21 ታኒ ጸናዳ ታ ኣዋራ ኢዛ ኣልጋን ኡቲዳይሳላ ጸኒዳዳይ ታናራ ኢሲፊ ታ ኣልጋን ኡታና ማላ ታ ኦላና።

22 «አያናይ ዋሳ ከላታሰ ገዛይሳ ሃይላ ዲዛይ ዉሪ ሲዮ!» ጋዳ ጸፋ ገደሰ።

4

ሳሎን ዲዛ ጎይና ዋጋ

1 ሃሳፊ ጉዬ ታኒ ሳሎን ደያ ዲዛ ፔንጌ ቤያዲሰ፤ ታኒ ኮይሮ ሲዩዳይ ዳንኬ ገሪሳ ማላ ገሪሰ፡ «ሃ ፑዴ ከዛ፤ ቡሮፔ ሃናና ሚሻታ ታ ኔና ቤሳና» ገደሰ።

2 ታኒ ሃራካ ኣያናን ሊጺጺ ጋዳ ሳሎን ዲዛ ኣልጋ ቤያዲሰ፤ ሄ ኣልጋዛ ቦላካ ኢሳይይ ኡቲዳሰ።

3 ሄ ኣልጋ ቦላ ኡቲዳይሳ ሜላይ ኢያሰጺዳኔ ሳርዲዮኔ ኢንቁ ሚሳቲዛ ኣልጋዛ ዩዩ ኣዲዲ ማርገዴ ጌቲቲዛ ኢንቁ ሚሳቲዛ ዙላይ ዳሰ።

4 ሃሳላካ ሄ ኣልጋዛ ዩዩ ኣዲዳ ናምኡ ታማኔ ኦይዱ ኣልጋቲ ዳቴሰ፤ ሄ ኣልጋታ ቦላ ቃሴ ቦላ ማይኦ ማይኢዲ ባ ሁኔ ቦላ ዋርቃ ኣኪሊሌ ዋሊዳ ናምኡ ታማኔ ኦይዱ ጠማቲ ኡቲዳ።

5 ሄ ኣልጋፊ ዋልቃንላኔ ዳዳ ገሪሲ ከዜሰ፤ ሄ ኣልጋ ሲንላን ፖኢዛ ላፑን ጸምፔቲ ዳቴሰ፤ ሃይቲካ ጸሳ ኣያና ላፑናታ።

6 ሄ ኣልጋ ሲንላን ጌሽ ሚሊጺ ገዳ ጸልቁዛ ማሰቶቲ ሚሳቲዛ ኣባይ ዳሰ፤ ኢዛ ገደን ኣልጋ ዩሾን ዳር ኣይፊራ ዲዛ ኦይዱ ደኣቲ ዳቴሰ።

7 ኮይሮ ደኣዚ ጋሞ ሚሳቲሰ፤ ናምኣንሎዚ ቦራ ሚሳቲሰ፤ ሃቫንሎዚ ኣይፊራ ኣሳ ኣይፊራ ሚሳቲሰ፤ ኦይዳንሎዚ ፒራዲዛ ጎሌ ካፎ ሚሳቲሰ።

8 ሄ ኦይዱ ደኣቲ ኢሶይ ኢሶይ ኡሱፑን ቁፊራ ዳቴሰ፤ ቁፊታ ዩሾንኔ ቁፊታ ገደን ኣይፊራ ኩሚዳሰ፤ ኢሰቲ ቃማኔ ጋላሰ።

«ጌሻዉ! ጌሻዉ!

ጌሻዉ!
ኡባ ዳንዳይዛ ጎደ!
ካሴካ ሃኢካ ዲዛይሶ!
ቡሮካ ያናይሶ

ጉሳፊ ሾምፕ ኤሬቴና።

9 «ሄ ደኣቲ ኣልጋ ቦላ ኡቲዳይሳሲኔ ሜርናፔ ሜርና ጋካናሰ ዲዛይሳሰ ገታቴላ፡ ቦንቾኔ ጋላታካ ሺሺዛ ዋዳ ኡባን።

3:3 ማቶ 24:43-44፤ ሉቃ 12:39-40፤ አጁ 16:15 3:5 ከሳ 32:32-33፤ ማዛ 69:28፤ አጁ 20:12፤ ማቶ 10:32፤ ሉቃ 12:8 3:7 ኢሳ 22:22፤ ኢዮ 12:14 3:12 አጁ 21:2፤ ኢሳ 62:2፤ 65:15 3:14 ሎሚ 8:22 3:19 ሎሚ 3:12፤ ኢሰ 12:6 4:5 ከሳ 19:16፤ አጁ 8:5፤ 11:19፤ 16:18፤ ሂዚ 1:13፤ አጁ 1:4፤ ዛካ 4:2 4:8 ሂዚ 1:18፤ 10:12፤ ኢሳ 6:2-3

10 ናምኡ ታማኔ ኦይዱ ጨማቲ ማርናፕ ማርና ጋካናሰ ዲዛ ባ ኣልጋ ቦላ ኡቲዳይሳ ሲንሳን ጉፋኒዲ ኢዛሰ ጎይኔቴሰ፤ ባ ኣኪሊሌታካ ሄ ኣልጋዛ ሲንሳን ዋሲዲ።

11 «ኑ ጎዳ ጸሶ!
ኔኒ ኡባ ማዲዳ ገሻሰ
ማዴቴላ ወሪካ
ማዴቴዳይኔ
ሼምፖራ ዲዛይ
ኔ ሼኔን ገዲዳ ገሻሰ
ገታቴላ፡ ቦንቾይኔ
ዋልቃይካ
ኔሰ ቤሴሰ» ገዲ።

5

ደርሳዛኔ ኢዛ ማጻፋ

1 ሄ ኣልጋ ቦላ ኡቲዳይሳ ኡሻቻ ኩሼ ቃኣ ጋርሳኒኔ ቦላ ባጋራ ጸፊቲ ኡቲዳ ላፑን ማታሜን ጎርዳቲዳ ኢሲ ጸጾቲ ኡቲዳ ማጻፋ ቤያዲሰ።

2 ኢሲ ሚኖ ከታንቻ ዳይሲ ገታ ቃላራ፡ «ሃይታ ማታሜታ ቢርሺዲ ሃ ጸላ ማጻፋ ደያናሰ ቤሲዛዳይ ኦኔ?» ገ ሃሳይሺን ታ ቤያዲሰ።

3 ገደ ኣቲን ሳሎንካ ገዲን ዋይኮ ሳኣ ቦላ ዋይኮ ቢታፊ ጋርሳ ባጋንካ ሄ ጸላ ማጻፋ ደይዲ ኢዛ ገደን ዲዛይሳ ጸላናሰ ዳንዳይዳ ኣሲ ኦኒካ ቤቴቤና።

4 ታኒካ ሄ ጸላ ማጻፋ ቢርሺዲ ኢዛ ገደ ጸላናሰ ቤሲዛዳይ ቤቶንታ ኣገዳ ገሻሰ ኬሃ ዩካዲሰ።

5 ሄ ዋዴ ጨማታፕ ኢሳዳይ ታሰ፡ «ኔ ዩኮፋ! ሄኮ ዩሁዳ ባጋ ገዲዳ ዳዋቲ ዛርኬፊ ዴንዲዳ ጋዋይ ኢዚ ካሴ ጸኒዴሰ፤ ኢዚ ጸላ ማጻፋዛኔ ላፑን ማታሜዛ ደያናሰ ዳንዳይሰ» ገደሰ።

6 ሃሳፊ ጉዬ ኣልጋ ቦላን ኦይዱ ደኣታ ገደን ጨማታ ገደንካ ሹኬቲዳ ደርሰ ሚሳቲዛይሲ ኤቁዳይሳ ታ ቤያዲሰ፤ ሄ ደርሳዛሰ ላፑን ካጩይኔ ላፑን ኣይፊይ ዴሰ፤ ሄ ኣይፊቲካ ኩሜላ ኣላሚ ከቲቲዳ ጸሳ ኣያና ላፑናታ።

7 ሄ ደርሳይ ዩዲ ኣልጋ ቦላ ኡቲዳይሳ፡ ኡሻቻ ኩሼን ዲዛ ጸላ ማጻፋ ኤኪዴሰ።

8 ጸላ ማጻፋዛ ኤኪዳ ማላ ኦይዱ ደኣቲኔ ናምኡ ታማኔ ኦይዱ ጨማቲ ሄ ደርሳ ሲንሳን ባ ሊጸን ጉፋኒዳ። ኢሰቲካ ኢሶይ ኢሶይ ባ ኩሼን ዲላ ሚሳቲዛ ሚሽ ኦይኪዳ፤ ሃሳላካ ጌሻታ ዋሳ ገዲዳ ኤጸኔይ ኢዛን ኩሚዳ ዋርቃ ጸር ባ ኩሼን ኦይኪ ዴቴሰ።

9 ኦራላ ማዛሙራ ሂዛገ ዩዲዳ፤

«ኔኒ ኣሰ ዲማ ዲማ ኮቻፊ፡
ዲማ ዲማ ቃላን
ሃሳይዛይታፕ፡
ዲማ ዲማ ቆዋፊኔ
ዲማ ዲማ ዴሬፕ
ጸሳሰ ዋዛናሰ
ሹኬቲዳ ገሻሰ
ሄ ጸላ ማጻፋዛ
ኤካናሲኔ
ማታሜታካ ደያናሰ

ቤሲዛዳ ገዲዳሳ።

10 ኔ ኢሰታ ኑ ጎዳ ጸሳሰ
ካዋታኔ ቁሴታ ሂሰታዳሳ፤
ኢሰቲካ ቢታ ቦላ ካዋታና።»

11 ታኒ ጌዴ ዛራ ጸላሼ ሄ ኣልጋዛ፡ ደኣታኔ ጨማታ ዩዩ ኣዲዳ ዳር ከታንቻታ ቃላ ገሪሰ ሲያዲሰ፤ ኢሰታሰ ጮራቴላይ ዳር ሺያኒኔ ዳር ሚሎኔን ቆዴቴሰ።

12 ኢሰቲ ዳር ገታ ቃላን፡ «ሃ ሹኬቲዳ ደርሳይ ዋልቃ፡ ዲሬቴላ፡ ኤራቴላ፡ ሚኖቴላ፡ ገታቴላ፡ ቦንቾኔ ጋላታ ኤካናሰ ቤሴሰ» ገዲ።

13 ሳሎንካ ሳኣ ቦላካ፡ ቢታፊ ጋርሳንካ፡ ኣባ ገደን ዲዛ ማዴቴላ ኡባን፡ «ኣልጋ ቦላ ኡቲዳይሳሲኔ ደርሳሰ ጋላታይኔ ቶቃቴላ፡ ቦንቾይኔ ዋልቃይ ማርናፕ ማርና ጋካናሰ ኢዛሰ ገደ!» ገሺን ታ ሲያዲሰ።

14 ኦይዱ ደኣቲካ፡ «ኣሚን» ገዲ። ጨማቲካ ባ ሊጸን ጉፋኒዲ ኢዛሰ ጎይኒዳ።

6

ላፑን ማታሜታ ደዬቴላ

1 ሃሳፊ ጉዬ ሄ ደርሳይ ላፑን ማታሜታፕ ኮይር ማታሜዛ ደይሺን ታ ቤያዲሰ፤ ሄ ኦይዱ ደኣታፕ ኢሶይ ዳዳ ጉጉንላ ማላ ቃላራ፡ «ሃ ያ!» ገሺን ሲያዲሰ።

2 ቃሴካ ቦላ ፓራ ቤያዲሰ፤ ሄ ፓራዛ ቦላ ባ ኩሼን ዋንዳፊ ኦይኪዳይ ዴሰ፤ ኢዛሰ ኣኪሊሌታካ ኢሜቲዴሰ፤ ኢዚካ ጸኒዛዳ ገዲዲ ጸኒ ጸኒ ባናሰ ኬዚዴሰ።

3 ሄ ደርሳይ ናምኣንላ ማታሜዛ ደይዳ ማላ ናምኣንላ ደኣዚ፡ «ሃ ያ!» ገሺን ታ ሲያዲሰ።

4 ቃሴካ ሃራ ጸቃ ዘኣ ፓራይ ኬዚዴሰ፤ ሄ ፓራ ቶገዲዳይ ቢታ ቦላፊ ሳርቴላ ቆይሳና ማላኔ ኣሳይ ባ ጋርሳን ኢሶይ ኢሳ ወርሳና ማላ ኦሲሳናሰ ኢዛሰ ጎዳቴላኔ ገታ ማሻይ ኢሜቲዴሰ።

5 ደርሳዚ ሃቫንላ ማታሜዛ ደይን ሃቫንላ ደኣዚ፡ «ሃ ያ!» ገሺን ታ ሲያዲሰ፤ ቃሴ ካራላ ፓራ ቤያዲሰ፤ ሄ ፓራ ቦላ ኡቲዳይሲ ባ ኩሼን ማካ ሚሽ ኦይኪዴሰ።

6 ኦይዱ ደኣታ ገደፊ ዩዳ ሚሳቲዛ ቃላ ሲያዲሰ፤ ሄ ገሪሳይካ፡ «ባጋ ከሎ ገዲዛ ገሰቲ ኢሳዴሰ ኢሲ ጋላሳ ዳዋዛ፡ ቃሴ ኢሲ ከሎ ኩማናሰ ሳይሶ ፓጩ ገዲዛ ባንጋይ ኢሲ ጋላሳ ዳዋዛ ገደ፤ ገደ ኣቲን ዛይቴኔ ዋይኔ ሚላ ቆሆፓ» ገሺን ታ ሲያዲሰ።

7 ሄ ደርሳይ ኦይዳንላ ማታሜዛ ደይን ኦይዳንላ ደኣዛ ቃላይ፡ «ሃ ያ!» ገሺን ታ ሲያዲሰ።

8 ቃሴካ ጮሎሎ ፓራ ቤያዲሰ፤ ፓራ ቶገዲዳይ ሱንላ ሃይቆ ጌቴቴሰ፤ ኢዛ ቃሴ ዲፎይ ካሌሰ፤ ሃይቆይኔ ዲፎይ ቢታፊ ሳይሶ ኦላን፡ ጋፋን፡ ቦሻኒኔ ባዛ ደኣን ዋቆና ማላ ጎዳቴላ ኢሰታሰ ኢሜቲዴሰ።

9 ኢቻሻንላ ማታሜዛ ኢዚ ደይን ጸሳ ቃላ ገሻሰኔ ባ ማርካቲዳ ማርካቴላ ገሻሰ ሃይቁዳይታ ሸምፖታ ያርሾ ያርሺዛሶዛ ጋርሳን ቤያዲሰ።

5:5 ሜጲ 49:9፤ ኢሳ 11:1፡10 5:6 ኢሳ 53:7፤ ዛካ 4:10 5:8 ማዛ 141:2 5:9 ማዛ 33:3፤ 98:1፤ ኢሳ 42:10 5:10 ኪሳ 19:6፤ እጅ 1:6 5:11 ዳኔ 7:10 6:2 ዛካ 1:7-8፤ 6:3፡6 5:8 ማዛ 141:2 5:9 ማዛ 33:3፤ 98:1፤ ኢሳ 42:10 5:10 ኪሳ 19:6፤ እጅ 1:6 5:11 ዳኔ 7:10 6:2 ዛካ 1:7-8፤ 6:3፡6 6:4 ዛካ 1:7-8፤ 6:2 6:5 ዛካ 6:2፡6 6:8 ሂዚ 14:21

10 ኢስቲ ዶቃ ቃላን፤ «ጌሻኔ ቱማንቻ ጎዳዉ! ኔኒ ቢታ ቦላ ዲዛ አሳ ቦላ ፒርዶንታይኔ ኑ ሱላ ገሻሰ ኔ ሃሎ ኬሶንታይ አዪዴ ጋካናሱ?» ገ ዋሲዳ።

11 ኢስታሰ ኢሳሰ ኢሳሰ ቦላ ማይኦይ ኢማቲዳሰ፤ ኢስታ ማላቲካ ቡር ሃይቃና፤ ኢስታ ማላ ኦሳንቻ ገዲዳ ኢስታ ላጌቲኔ ኢስታ አሻታ ቆዳይ ኩማና ጋካናሰ ኢስቲ ጉላ ዋዴሰ ሽምፒ ታካና ማላ ኢስታሰ ዮቲቲዳሰ።

12 ሄሳፌ ጉዬ ሄ ደርሳይ ኡሱፑንሉ ማታሚዛ ደዪን ታኒ ኢዛኮ ያላዲሰ፤ ሄኮ ቢታይ ዋልቃማ ቃሐ ቃዲዳሰ፤ አርሼይ አሲ ካኖስ ማይኢዛ ካሬላ ማይኦ ማላ ካሬዲዳሰ፤ አገናይካ ኩሜላራ ሱላ ማላ ዘአዲሰ።

13 ዋልቃማ አሱራ ጫርኮይ ጫርኪዲ ማላ አይፌ ቆቆፊዛ ማላ ሳሎፔ ጸሊንቴይ ቆቆፊቲዳሰ።

14 ሳሎይካ ዋራቃታ ማላ ጸጾቲ ኪቺዳሰ፤ ዙማቲኔ አባ ገደን ዲዛ ጋዴቲ ዉሪካ ባ ዲዛሶፔ ቆይዳ።

15 ቢታ ቦላ ዲዛ ካዋቲ ቢታ ሃሪዛይቲ፣ ኦላ ሃላቃቲ፣ ዲሬቲ፣ ዋልቃማቲ፣ አሽካራቲኔ ጎዳቲ ዉሪካ ጎንጎሎ ገደ፣ ዙማታ ጋርሳኒኔ ዛላታ ጋርሳን ቆቲቲዳ።

16 ዙማታኔ ዛላታካ፣ «ኑና ካሚቲ! አልጋ ቦላ ኡቲዳይሳ ሲንላፌ፣ ሄ ደርሳዛ ሃንቆፌ ኑና ቆቲቲ።

17 ዋልቃማ ሃንቆ ጋላሳይ ጋኪዳሰ፤ ኢዛ ኦኔ ዳንዳያናይ?» ገዳ።

7

ጾታኔ ኦይዱ ታማኔ ኦይዱ ሺ አሳ አታሜቲሐ

1 ሄሳፌ ጉዬ ኦይዱ ኪታንቻታ ቢታ ቦላ ኦይዱ ባጋራ ኡቁዳይታ ቤያዲሰ፤ ኢስቲካ ቢታ ቦላ ገዲን ዋይኮ አባ ቦላ ዋይኮ ማላ ቦላ አይ ጫርኮይካ ጫርኮንታ ማላ ኦይዱ ባጋራ ዪዛ ቦሻ ጫርኮ ዉርሲ ኦይኪዳ።

2 ዴኦ ጸሳ ማታሚ ኦይኪዳ ሃራ ኪታንቻይ አርሼይ ሞኪዛ ባጋራ ሃ ዪሺን ታ ቤያዲሰ፤ ቢታኔ አባ ቆሃናሰ ኢስታሰ ጎዳቲላ ኢማቲዳ ኦይዱ ኪታንቻቲ ባ ቃላ ቆቁ ሂስቲዲ።

3 «ኑኒ ኑ ጎዳ ኦሳንቻታ ሊጴ ቦላ ማታሚ ዋላና ጋካናሰ ቢታ ቦላ ገዲን ዋይኮ አባ ገደን ዲዛይታ ገዲን ዋይኮ ማላታ ገዲንካ ሄይታንታ ቆሆፒቲ» ገ ዋሲዳሰ።

4 ታኒካ ማታሚይ ኢስታ ቦላ ዋዲዳይታ ቆዳ ሲያዲሰ፤ ኢስራኤሌ አሳ ኮቻ ኡባፌ ማታሚይ ኢስታ ቦላ ሾጩቲዳይታ ቆዳይ ጾታኔ ኦይዱ ታማኔ ኦይዱ ሺ አሳ።

5 ዩሁዳ ቆሞፌ ታማኔ ናሞኡ ሺ፣ ኤርቤሌ ቆሞፌ

ታማኔ ናሞኡ ሺ፣ ጋዴ ቆሞፌ

ታማኔ ናሞኡ ሺ፣

6 አሴሬ ቆሞፌ ታማኔ ናሞኡ ሺ፣

ኒፍታሌሜ ቆሞፌ

ታማኔ ናሞኡ ሺ፣ ሚናሴ ቆሞፌ

ታማኔ ናሞኡ ሺ፣

7 ሲሞና ቆሞፌ ታማኔ ናሞኡ ሺ፣

ሌዌ ቆሞፌ ታማኔ ናሞኡ ሺ፣

8 ዪሳኮሬ ቆሞፌ ታማኔ ናሞኡ ሺ፣

9 ዪሴፌ ቆሞፌ ታማኔ ናሞኡ ሺ፣

ቢኒያሜ ቆሞፌ ታማኔ ናሞኡ ሺ።

ቦላ ማይኦ ማይኢዳ ደር ዳሬ

9 ሄሳፌ ጉዬ ታ ጸሊሺን ቆዳይ ባይንዳ ደር ዳሬይ ዲዛይሳ ቤያዲሰ፤ ሄይታንቲካ ዴሬፔ፣ ዲማ ዲማ ቆሞፌ፣ ዲማ ዲማ ዛርኬፌኔ ዲማ ዲማ ቃላ ሃሳይዛይታፔ ሽቆቲዳይታ። ሄይቲ ዉሪ ቦላ ማይኦ ማይኢዲ ዛሞባ ሃይሐ ባ ኩሺን ኦይኪዲ አልጋ ሲንላኒኔ ደርሳዛ ሲንላን ኤቁዳ።

10 ቃላ ቆቁ ሂስቲዲ፣ «አቶቴላ አልጋ ቦላ ኡቲዳ ኑ ጎዳፔኔ ደርሳዛፔኮ!» ገዳ።

11 ኢዛ ኪታንቻቲ ዉሪካ ኢዛ አልጋሰ፣ ጪማታኔ ኦይዱ ደአታ ዩዪ አቋ ኤቁዳ አልጋዛ ሲንላን ጉፋኒዲ ጸሳሰ ጎይኒዳ።

12 «አሚን! ሳባይ፣ ገታቲላ፣ ኤራቴላ፣ ጋላታይ፣ ቦንቾይ፣ ዋልቃይኔ ሚኖቴላ ኑ ጎዳሰ ጸሳሰ

ሚርናፔ ሚርናሰ ገደ። አሚን!» ገዳ።

13 ጪማታ ገደፌ አሳዳይ ታኮ ሲሚዲ ታና፣ «ሃይቲ ቦላ ማይኦ ማይኢዳይቲ ኦናንቲ? ኢስቲ አሞፔ ዪዳይቲ?» ገዳሰ።

14 ታኒካ፣ «ጎዳዉ! ኔ ኤራሳ» ገዳሰ። ኢዛካ ታሰ፣ «ሃይቲ ዋልቃማ ዋይካ ካንሲዲ ዪዳይታ፤ ኢስቲ ባ ማይኦካ ደርሳ ሱላን ሚጪ ጌሺዳ።

15 ሃሳ ገሻሰ ጸሳ አልጋ ሲንላን ዴኢዲ ቃማኔ ጋላሰ ኢዛ ኬላን ኢዛሰ ኦቁቴሰ፤ አልጋ ቦላ ኡቲዳይሲ ባ ቦንቾራ ቤቲዲ ኢስታሰ ኩሞሶ ገዳና።

16 ሃይሳፌ ጉዬ ኢስቲ ጋፌቴና፤ ሳሞቴቲና፤ አርሼ ሴላይካ ኢስታ ቦቼናኔ ሆሞቤይካ ኢስታ ሆሞቤና።

17 አልጋዛሰ ገደ አዳን ኡቲዳ ደርሳይ ኢስታ ሃሚዛይ ገዳና፤ ኢስታካ ጌዴ ዴኦ ሃላ ፑልቶይ ዲዛሶ ካሌላና፤ ጸሲ ኢስታ አይፌፔ አፋንላ ቁጫና» ገዳሰ።

8

ላፑንሉ ማታሚ ደይቲሐ

6:12 እጁ 11:13፤ 16:18፤ እሳ 13:10፤ ኢዩ 2:10፣31፤ 3:15፤ ማቶ 24:29፤ ማር 13:24-25፤ ሉቃ 21:25 6:13 እሳ 34:4 6:14 እጁ 16:20 6:15 እሳ 2:19፣21 6:16 ሆሴ 10:8፤ ሉቃ 23:30 6:17 ኢዩ 2:11፤ ሚሉ 3:2 7:1 ኤር 49:36፤ ዳኔ 7:2፤ ዛካ 6:5 7:3 ሂዚ 9:4-6 7:14 ዳኔ 12:1፤ ማቶ 24:21፤ ማር 13:19 7:16 እሳ 49:10 7:17 ማዛ 23:1፤ ሂዚ 34:23፤ ማዛ 23:2፤ እሳ 49:10፤ እሳ 25:8

1 ደርሳይ ላፑንሎ ማታሚዛ ደዩን ባጋ ሳቲ ጊዲዛይሳ ከና ሳሎይ ጮኦ ጊዳሰ።
 2 ጸሳ ሲንሳን ኤቁዛ ላፑን ኪታንቻታ ታኒ ቤያዲሰ፤ ሄ አሳታሰካ ላፑን ዲንኬይ ኢሜቲዳሰ።
 3 ኤጸኔ ኢዛን ጩዋሲዛ ዋርቃፌ ኦሴቲዳይሳ ኦይኪዳ ኪታንቻይ ዩዲ ያርሾ ኢዛን ያርሺዛሶዛ አቻን ኤቁዳሰ። አልጋ ሲንሳን ዲዛ ዋርቃፌ ኦሴቲዳ ያርሾ ኢዛ ሶላ ያርሺዛይሳ ሶላ ጌሻታ ዋሳራ ኢሲፌ ሺሺዛ ዳር ኤጸኔ ኢዛን ኢሜቲዳሰ።
 4 ሄ ኤጸኔዛ ጩዋይ ጸሳሰ ዲማቲዳ አሳታ ዋሳሰ ሄ ኪታንቻዛ ኩሺፔ ፑዳ ጸሳ ሲንሳ ኬዚዳሰ።
 5 ሃሳፌ ጉዬ ኪታንቻዚ ኤጸኔ ኢዛን ጩዋሲዛይሳ ኦይኪዳ ያርሾ ያርሺዛሶዛ፤ ታማ ኤኪ ኢዛን ኩንሳዲ ዲጌ ቢታ ሶላ ዩጊዳሰ፤ ዳዳይ ዳዳቲዳሰ፤ ጌሪሰ ጌሪዳሰ፤ ዋልቃንሳ ዋልቃሚዳሰ፤ ቢታይካ ቃጺዳሰ።

ዛዬ ፑኔቲሳ

6 ላፑን ዛዬ ኦይኪዳ ላፑን ኪታንቻቲ ባ ዛዬ ፑናናሰ ጊጌቲዳ።
 7 ኮይሮ ኪታንቻዚ ባ ዛዬዛ ፑኒዳሰ፤ ሻቹኔ ሱሉ ዋላኬቲዳ ታማይ ሜዴቲዲ ዲጌ ቢታ ሶላ ዩጌቲዳሰ፤ ቢታፌ ጩጎይ ጸጌቲዳሰ፤ ሚላፊካ ጩጎይ ጸጌቲዳሰ፤ ጩሊላ ማታይካ ዉሪ ጸጌቲዳሰ።
 8 ናምኣንሳ ኪታንቻይካ ባ ዛዬዛ ፑኒዳሰ፤ ኢሲ ጊታ ዙማ ሚሳቲዛ ሚሺ ኤጸጌ ዲጌ አባ ጊዳ ዩጌቲዳሰ፤ አባሰ ጩጎይ ሱሉ ጊዲዳሰ።
 9 አባ ጊዳን ሽምፖራ ዲዛ ሚዴቲላፌ ጩጎይ ዉሪ ሃይቁዳሰ፤ ማርካቤታፔካ ጩጎይ ኩሜሳ ዳይዳሰ።
 10 ሃቸንሳ ኪታንቻዚ ባ ዛዬዛ ፑኒዳሰ፤ ጸምፔ ማላ ኤጸዛ ኢሲ ጊታ ጸለንቲይ ሳሎፔ ዲጌ ኩንዲዳሰ፤ ኢዚ ኩንዲዳይ ሻፋታ ጩጎ ሶላኔ ሃላ ፑልቶታ ጩጎ ሶላ።
 11 ሄ ጸለንቲዛ ሱንሳይ ጫሞ ጌቲቲሰ፤ ሃሳሰ ጩጎይ ጫሞ ጊዲዳሰ፤ ሄ ጫሞ ሃላ ጋሶን ዳር ዳሬይ ሃይቁዳሰ።
 12 ኦይዳንሳ ኪታንቻይ ባ ዛዬዛ ፑኒዳሰ፤ ኣርሼሰ ጩጎይ፣ ኣገናሰ ጩጎይ፣ ጸለንቲታሰ ጩጎይ ሸጩቲዳሰ፤ ሄሳ ጊሻሰ ሄይታንታ ፖኦፔ ጩጎይ ቋሚዳሰ፤ ሄሳ ማላንካ ጋላሳፌ ጩጎይ ኦማርሰ ጊዲዳሰ፤ ሄሳሳካ ኦማርሳፌ ጩጎይ ፖኦይ ባይንዳ ቋማ ጊዲዳሰ።
 13 ታ ቃሴ ዛራ ጸሊሺን ኢሲ ጎሌይ ሳሎ ሶላ ፒራዲሽ ጊታ ቃላን፣ «ሃንኮ ኣቲዳ ሄቸ ኪታንቻቲ ባ ዲንኬታ ጌሪሰ ሲሲዛ ዋዳ ቢታ ሶላ ዲዛ አሳሰ ኣዬ ኣና! ኣዬ ኣና! ኣዬ ኣና!» ጊሺን ሲያዲሰ።

9

1 ኢቻሻንሳ ኪታንቻይ ባ ዛዬዛ ፑኒዳሰ፤ ታ ቃሴ ሳሎፔ ካሴ ዲጌ ቢታ ሶላ ኩንዲዳይ ጸለንቲዛ ቤያዲሰ፤ ኢዛሰ ቃሴ ጩማ ኦላ ደይዛ ቁልፔይ ኢሜቲዳሰ።

2 ኢዚካ ሄ ጩማ ኦላዛ ደይዳሰ፤ ሄ ጩማ ኦላፌ ዋልቃማ ታማ ጩዋ ማላ ጩዋይ ኬዚዳሰ፤ ሄ ኦላፌ ኬዚዳ ጩዋዛ ጋሶን ኣርሼይኔ ሳሎይ ቋሚዳሰ።
 3 ሄ ጩዋፔ ቢታ ሶላ ሶሌይ ኬዚዳሰ፤ ቢታ ሶላ ዲዛ ማሰማሶታሰ ዲዛ ዋልቃ ማላ ዋልቃይ ኢሰታሰ ኢሜቲዳሰ።
 4 ቢታ ሶላ ዲዛ ማታ ጊዲን ዋይኮ ኣይ ሚሺካ ሃራ ጩሊላ ሚሽ ሞንታ ማላ ዋይኮ ኣይ ሚሊካ ቆሆንታ ማላ ኢሰታሰ ዮቲቲዳሰ፤ ኢሰቲ ቆሃና ቤሲዛይ ቃሴ ሊጴ ሶላ ጸሳ ማታሚይ ባይንዳ አሳታ ጸላ ጊዳናሳ።
 5 ኢሰታካ ኢቻሹ ኣገና ጋካናሰ ዋዬ ጸላ ዋዩሳና ኣቲን ዋዶ ዋዳና ማላ ፒቃዳይ ኢሰታሰ ኢሜቲቤና፤ ሄ ሶሊቲ አሳ ሶላ ጋሊዛ ዋዬዚ ማሰማሶይ ኣሰ ዲኪኮ ኣሰ ሴሊዛ ሴላ ማላ።
 6 ሄ ጋላሳታን አሳይ ሃይቃና ኮያና ሺን ሃይቆ ዳሚቴና፤ ሃይቃናሰ ኣሞታና ሺን ሃይቆይ ኢሰታፌ ባቃታና።
 7 ሶሊቲ ቃሴ ኦላሰ ጊጌቲዳ ፓራታ ሚሳቲቲሰ፤ ኢሰታሰ ሁኤ ሶላ ዋርቃ ኣኪሊሌ ሚሳቲዛ ሚሺ ዳሰ፤ ኢሰታ ኣይፌሶይ አሳ ኣይፌሶ ሚሳቲሰ።
 8 ኢሰታ ሁኤ ኢሰኬይ ማጫሳ ሁኤ ኢሰኬ ሚሳቲሰ፤ ኢሰታ ኣቹይ ቃሴ ጋሞ ኣቶ ሚሳቲሰ።
 9 ቢራታፔ ኦሴቲዳ ጸሩሬ ጌቲቲዛ ማይኦ ማላ ቲራ ሶላ ማይኤዛ ማይኤይ ኢሰታሰ ዳሰ፤ ኢሰታ ቂፌይ ጊሪዛ ጊሪሳይ ኦላሰ ቶጌቲዛ ዳር ፓራኔ ፓራ-ጋሪታ ጊሪሳ ማላ ጊሪሰ።
 10 ኢሰታሰ ማሰማሶ ጎይና ማላይኔ ዲኪዛሶይ ዳሰ፤ ኢሰታሰ ጎይና ጊዳን ኢቻሹ ኣገና ጋካናሰ ኣሰ ቆሃዛ ዋልቃይ ዳሰ።
 11 ካዋይካ ኢሰታሰ ዳሰ፤ ሄ ኢዚካ ጩማ ኦላ ኪታንቻዛ፤ ኢዛ ሱንሳይካ ኢብራዊታ ቃላራ፣ «አባዳኔ» ጌቲቲሰ። ቃሴ ጊሪኬ ቃላራ፣ «አጲሊዮኔ» ጌቲቲሰ፤ ሄሳ ጉሲካ ፒቲ ዳይሲዛይሳ ጉሳ። *
 12 ኮይሮ ሂርጊሶ ዋሶይ ኣቋዳሰ፤ ሄሳፌ ቃሴ ሃራ ናምኦ ዋሶይ ቡሮ ያና።
 13 ኡሱፑንሳ ኪታንቻይካ ባ ዛዬዛ ፑኒዳሰ። ሄኮ! ጸሳ ሲንሳን ዲዛ ዋርቃፌ ኦሴቲዳ ያርሾ ያርሺዛሶዛን ዲዛ ካጩታ ጊዳፌ ጊሪሰ ሲያዲሰ።
 14 ሄ ጊሪሳይካ ዲንኬ ኦይኪዳ ኡሱፑንሳ ኪታንቻዛሉ፣ «ዋጋ ሻፋን ኤፊራዲሴን ቃሹቲ ዲዛ ኦይዲ ኪታንቻታ ቢርሻ ዩዳ» ጊዳሰ።
 15 ሃይሳ ሃ ሳቲዛሲኔ ሃ ጋላሳሰ፣ ሃ ኣገናሲኔ ሃ ላይላሰ ጊጌቲዳ ኦይዲ ኪታንቻቲ አሳ ዜራሳፌ ጩጎ ባጋ ዋዳና ማላ ቢርሹቲዳ።
 16 ሄ ፓራን ኦሊዛ አሳታ ጩራቲላይ ጸታታን ቆዳቲዛ ሚሎኔ ጊዲዳይሳ ታኒ ሲያዲሰ።
 17 ፓራቲኔ ሄ ፓራታ ቶጊዳ አሳታ ታኒ ኣጁታን ቤኢዳይቲ ሃይሳፌ ካሊዛይሳ ማላኮ! ኢሰታሰ ቲራ ሶላ ዲዛ ጸሩሬዚ ታማ ሶንቆ ማላ ዘኔ፤ ሳሎ ማላ ካራሊኔ ጋላላኦ ሚሳቲሰ። ፓራታ ሁኤይ ጋሞ ሁኤ ሚሳቲሰ፤ ኢሰታ ደናፔ ታማይኔ ጩዋይ ዲኔ ጌቲቲዛ ሚሺ ኬዜሰ።

8:3 አሞ 9:1፤ ኬሳ 30:1፣3 8:5 ለዋ 16:12፤ ሂዚ 10:2፤ ኪሳ 19:16፤ እጁ 11:19፤ 16:18 8:7 ኪሳ 9:23-25፤ ሂዚ 38:22
 8:10 ኣሳ 14:12 8:11 ኤር 9:15 8:12 ኣሳ 13:10፤ ሂዚ 32:7፤ ኢዩ 2:10፣31፤ 3:15 9:2 ሜዴ 19:28 9:3 ኬሳ 10:12-15
 9:4 ሂዚ 9:4 9:6 ኢዮ 3:21፤ ኤር 8:3 9:7 ኢዩ 2:4 9:8 ኢዩ 1:6 9:9 ኢዩ 2:5 * 9:11 ኣባዳኔ፣ ኣባዳኔይ ጊሪኬ ቃላራ፣
 «አጲሊዮኔ» ጌቲቲሰ፤ ቢርሹላይካ፣ «ፒቲ ዳይሳ» ጉሳ። 9:13 ኬሳ 30:1-3

18 ኢስቲ ባ ደናፔ ኬሲዳ ታማይ ጨዋይኔ ዲኔይ ሃ ሄቩ ቦሻታን አሳ ዜሬላፌ ጨገይ ሃይቁዳሰ።
 19 ሃ ፓራታ ዋልቃይ ኢስታሰ ደና ጊደኒኔ ጎይና ቦላ ዳሰ፤ ኢስታ ጎይናይ ሾሽ ሚሳቲሰ፤ ኢዛሰ ሾሻ ሁኔይካ ዳሰ፤ ኢስቲ አሴ ሄሳን ቆሃቲሰ።
 20 ሃይታ ሃ ቦሻታን ሃይቆፔ አቲዳ አሳ ዜሬላቲ ካሴ ባ አሊዳ ኢታ ኦሶፔ ሲሚዳ ማርቲላን ጌሊቤቴና። ዳይዳንሳሰ ዋርቃፌ፣ ቢራፔ፣ ጸርቆማላፔ፣ ሹቻፌ፣ ሚላፌ ኦሴቲዲ ጸላናሰ ዋይኮ ሃይላን ሲያናሰ ዋይኮ ሄማታናሰ ዳንዳዮንታ ኤቃታሰ ጎይና አገቤቴና።
 21 ሄሳላካ ሺምፖ ዋዶፔ፣ ቢታፔ፣ ላይማፔኔ ካይሶቴላፌ ሲሚዳ ማርቲላን ጌሊቤቴና።

10

ኪታንቻኔ ጸሳ ማጻፋ ጉላዮ

1 ሃሳፌ ጉዬ ሻራ ማይኢዳ ሃራ ሚና ኪታንቻይ ሳሎፔ ዳጌ ዋዲዛይሳ ቤያዲሰ፤ ዙላይ ኢዛ ሁኔ ዩዩ አዲዳሰ፤ ኢዛ አይፌሶይ አርሼ ሚሳቲሰ፤ ኢዛ ቶሆቲካ ታማ ቲሰ ሚሳቲቲሰ።
 2 ጸላፌ ቢርሼቲዳ ኢሲ ጉላ ማጻፋ ዲዛር ባ ኩሼን ኦይኪ ኡቲዳሰ፤ ኢዚ ባ ኡሻቻ ቶሆዛን አባ ሃዲርሳ ቶሆዛን ቃሴ ቢታ ዩዲ ኤቁዳሰ።
 3 ጋሞ ጸሳ ማላ ገታ ቃላራ ጸጊዳሰ፤ ኢዚ ጸጊዳ ማላ ላፑን ዳዳቲ ባ ገሪሳ ሲሲዳ።
 4 ላፑን ዳዳቲ ባ ገሪሳ ሲሲዳ ማላ ታ ጸፋና ጋዳ ቆፓዲሰ ሺን፣ «ሃ ላፑን ዳዳቲ ዮቶይሳ ቁምእ ዋላ አቲን ጸፎፓ!» ገዛ ቃላ ሳሎፔ ሲያዲሰ።
 5 ሃሳፌ ካሊዲ አባ ቦላኔ ቢታ ቦላ ኤቁ ዲሺን ታ ቤኢዳ ኪታንቻዚ ባ ኡሻቻ ኩሼ ፑዴ ሳሎ ዳንሊዲ።
 6 ሚርናፔ ሚርናሰ ዲዛይሳን፣ ሳሎኔ ሳሎን ዲዛይታ ቃሴካ ቢታኔ ቢታ ጋርሳን ዲዛይታ፣ አባኔ አባ ጊደን ዲዛይታ ማዲዳ ጸሳ ሱንሳ ጸይጊ ጨቁዲ፣ «ሃይሳፌ ጉዬ ኢዚ ጋምኤና!
 7 ጊደ አቲን ላፑንሳ ኪታንቻይ ባ ዛዬዛ ፑኒ ሲሲዛ ጋላሳታን ኢዚ ባ ኦሳንቻታሲኔ ናቤታሰ ኤሪሲዳ ማላ ጸሳ ጸራይ ፖሌታና» ጊዳሰ።
 8 ሃሳፌ ጉዬ ታኒ ሳሎፔ ሲዩዳ ቃላይ፣ «አባ ቦላኔ ቢታ ቦላ ኤቁዳ ኪታንቻዛ ኩሼን ደዬቲ ዲዛ ጸላ ማጻፋዛ ባዳ ኤካ!» ጊዲ ቃሴካ ታሰ ዮቲዳሰ።
 9 ታኒ ቃሴ ኪታንቻዛኮ ባዳ፣ «ሂና ቁሪ ጸላን ዲዛ ማጻፋዮ ታሰ አማ» ጋዲሰ። ኢዚካ፣ «ሂይ ኤካዳ ማ! ኢዛ ኔና ኔ ኡሎ ጊደን ጨማና፤ ጊደ አቲን ኔ ደናን ኤሳ ማላ ማልእና» ጊዳሰ።
 10 ታኒካ ሄ ቁሪ ጸላ ማጻፋዮ ኪታንቻዛ ኩሼፔ ኤካዳ ማዲሰ፤ ኢዛካ ታ ደናን ታና ኤሳ ማላ ማልእዳሰ፤ ጊደ አቲን ታ ማዳ አገን ጉዬፔ ታ ኡሎ ጊደን ታና ጨማዲሰ።
 11 ሃሳፌ ጉዬ፣ «ዳር ዲማ ዲማ ቆሞ አሳ ገሻሰ ዲማ ዲማ ቃላን ሃሳይዛ አሳታ ገሻሰኔ ካዎታ ገሻሰ ቃሴካ ቲንቢቲ ኔ ዮታና ማላ ኔሰ ቤሴሰ» ጌቲቲዳ ታሰ ዮቲቲዳሰ።

11

ናምኡ ማርካታ

1 ሃሳፌ ጉዬ ታ ኢዛራ ዋዳ ዋዳናሰ ጉፌ ሚሳቲዛ ሾምቆይ ታሰ ኢሜቲዳሰ። ታሰ፣ «ኔኒ ዳንዳዳ ጸሳ ኬላዛኔ ጊደ ኪፊሌታ ዋዳ! ሄን ጎይኒዛይታ ታይባ።
 2 ጸሳ ኬላፌ ካሬራ ጮ ዲዛሶዛ አጋጋ፤ ሄሲ አይዛቤታሰ ኢሜቲዳሶ ጊዲዳ ገሻሰ ኔ ኢዛ ዋዶፋ፤ አይዛቤቲ ጌሻ ካታማዮ ኦይዱ ታማኔ ናምኡ አገና ጋካናሰ ዩዲ ሃራና።
 3 ታ ማርካ ናምኡካ ካዮ ማይኦ ማይኢዲ 1,260 ጋላሰ ጋካናሰ ቲንቢቲ ዮታና ማላ ታ ኢስታሰ ዋልቃ ኢማና» ጌቲቲዳሰ።
 4 ሃይቲ ቢታ ጎዳ ሲንላን ኤቁዛ ናምኡ ዋጋራ ሚላታኔ ኢስታ ቦላ ጸምፔ ዋሊዛ ናምኡ ባላታ።
 5 ኦኒካ ኢስታ ቆሃናሰ ኮይኮ ኢስታ ደናፔ ታማይ ኬዚዲ ኢስታ ሞርኬታ ጸጋጋ፤ ኢስታ ቆሃና ኮይዛዳንቲ ወሪ ሃይቃናይ ሄሳ ማላንኩ።
 6 ኢስቲ ቲንቢቲ ዮቲዛ ሄ ጋላሳታን ኢራይ ቡኮንታ ማላ ሳሎ ጎርዳናሰ ማታይ ኢስታሰ ዳሰ። ሄሳላካ ሃላታ ሱላን ላማናሰ ኮይኮካ ሃራ አይ ማላ ቦሻንካ ቢታ ሾጫናሰ ዋልቃይ ኢስታሰ ዳሰ።
 7 ኢስቲ ባ ማርካቲላ ወርሲዳፔ ጉዬ ሂርኪ ጨማ ኦላዛፔ ኬዚዛ ደኣይ ኢስታራ ኦሎቲዲ ኢስታ ጸናናኔ ዋዳ።
 8 ኢስታ አሃይ ለሚሶራ ሶዶሜኔ ገብጾ ጌቲቲዛ ገታ ካታማይን ጮ ዳምባን ዚንኣና፤ ሂና ካታማያ ካሴ ኢስታ ጎዳይ ኢዚን ካቁቲዳሶዮ።
 9 ዲማ ዲማ ቆሞቲኔ ዲማ ዲማ ዛርኬቲ፣ ዲማ ዲማ ቃላን ሃሳይዛይቲኔ ዳሬቲ ሄቩ ጋላሲኔ ባጋ ጋካናሰ ኢስታ አሃ ጸላናኔ ኢስታ አሃይ ሞጌቶንታ ማላ ዲጋና።
 10 ሃይቲ ናምኡ ናቤቲ ካሴ ቢታ ቦላ ዲዛ አሳ ዋይሲዳ ገሻሰ ሃኢ ቃሴ ቢታ ቦላ ዲዛ አሳይ ሃ ናቤቲ ሃይቁዳ ገሻሰ ኡፋዬታና፤ ሄ ኡፋይሳሰ ባኣሌ ኦሊዲ ኢሶይ ኢሳሰ ዩሰ አማና።
 11 ጊደ አቲን ሄቩ ጋላሲኔ ባጋይ አዲዳፔ ጉዬ ኢስታሰ ሾምፖ አሚዛ ፔናይ ጸሳ አቻፌ ዩዲ ኢስታ አሃን ጌሊዳሰ፤ ኢስቲካ ባ ቶሆን ኤቁዳ፤ ኢስታ ቤኢዳ አሳይ ዳር ባቢዳሰ።
 12 ሃሳፌ ጉዬ ሄ ናምኡ ናቤቲ፣ «ሃ ፑዴ ኬዚቲ!» ገዛ ቃላ ሳሎፔ ሲዩዳ፤ ኢስታ ሞርኬቲ ኢስታ ጸሊሺን ኢስቲ ሻራራ ፑዴ ሳሎ ኬዚዳ።
 13 ሄ ሳቲዩንካ ዋልቃማ ቢታ ቃሊ ሃንዳሰ፤ ሄ ካታማሰ ታማፌ ኢሲ ኩሼይ ላሌቲዳሰ፤ ቢታ ቃላ ጋሶን ላፑን ሺ ዳሬይ ሃይቁዳሰ፤ ሃይቆንታ አቲዳ አሳይ ጊዲኮ ዳር ባቢዳሰኔ ሳሎ ጸሳካ ቦንቹዳሰ።
 14 አዬ አና! ገዛ ቃላ ናምኡንላዚ አዲን ሄቫንላዛ ዋሶይ ኤሶን ጋካና።

ላፑንሳ ዛዬ

15 ላፑንሳ ኪታንቻይካ ባ ዛዬዛ ፑኒዳሰ፤ ሳሎን፣ «አላሚ ካዎቲላ ኑ ጎዳ ጸሳሰኔ ኪርሰቶሳሰ ጊዲዳሰ፤ ኢዚካ ሚርናፔ ሚርና ጋካናሰ ካዎታና» ገዛ ገታ ቃላይ ሲዩቲዳሰ።

9:20 ማዛ 115:4-7፤ 135:15-17፤ ዳኔ 5:23 11:1 ሄዚ 40:3፤ ዛካ 2:1-2 11:2 ሉቃ 21:24 11:4 ዛካ 4:3፤11-14 11:6 2ካዎ 17:1፤ ኬሳ 7:17-19፤ 1ሳሜ 4:8 11:7 ዳኔ 7:7፤21፤ እጁ 13:5-7፤ 17:8 11:8 ኢሳ 1:9-10 11:11 ሄዚ 37:10 11:12 2ካዎ 2:11 11:13 እጁ 6:12፤ 16:18 11:15 ኬሳ 15:18፤ ዳኔ 2:44፤ 7:14፤27

16 ጸላ ሲንገላን ባ አልጋ አልጋ ቦላ ኡቲዳ ናምኡ ታማኔ ኦይዱ ጨማቲካ ባ ሊጸን ጉፋኒዱ ጸላሰ ጎይኒዳ።

17 ቃሴካ፡ «ካሴካ፡ ሃእካ ዲዛይሶ! ኡባካ ዳንዳይዛ ጎዳ ጸሶ! ኔኒ ኔ ጌታ ጎዳቲፋ ኔ ኩሼን ኦይኪዳ ገሻሲኔ ካዎቲዳ ገሻሰ ኦኒ ኔና ጋላቶሰ።»

18 አይዛቤይ ሃንቁቲዳሰ፤ ካሴ ሃይቁዳይቲ ፒርዳ ዳሚዛ ዎዳይ ጋኪዳሰ፤ ካሴ ኔ ኦሳንቻታ ናቤታሲኔ ጌሻታሰ ኔ ሱንጎካ ቦንቸዛይታሰ፡ ጉላታሲኔ ጌታታሰ፡ ኔኒ ኢሰታሰ ኢሰታ ዎጋ አሚዛ ዎዳይ ሃኢ ጋኪዳሰ። ቢታ ቋይሲዳይታ ኔ ቋይሳናሰ ዎዳይ ጋኪዳሰ» ጌዳ።

19 ሳሎን ዲዛ ጸላ ኩፋ ጌዶ ከፊሌይ ዶዬቲዳሰ፤ ኢዛ ጨቆ ታቦታዚካ ሂን ጸላ ኩፋሰ ጌዶ ከፊሌን ቤቲዳሰ፤ ዎልቃንሳ ዎልቃሚዳሰ፤ ጌሪሲ ጌሪዳሰ፤ ዳዳይ ዳዳቲዳሰ፤ ቢታ ቃሊኔ ዎልቃማ ሻቺ ቡኪዳሰ።

12

ማጫሳዮን ዳዌ ሸሻዛ

1 ሃሳፌ ጉዬ ጌታ ማላሊሲዛ ማላታይ ሳሎ ቦላ ቤቲዳሰ፤ ኢሲ ማጫሳዮ ኦርሼ ማይኦዳ፡ ኦጊና ባ ቶሆን ዬቋዳ ታማኔ ናምኡ ጸሊንቲታ ኦኪሊሌ ማላ ባ ሁኔን ዎላዳ ቤታዱሰ።

2 ኢዛካ ሻራራ ዳወሰ፤ ዬሎ ሚጻይ ኢዛ ኦይኪን ሚቶታዳ ዎሳዱሰ።

3 ሃሳቃካ ሃራ ማላታይ ሳሎ ቦላ ቤቲዳሰ፤ ኢዛሰ ላፑን ሁኔይኔ ታሙ ካጩቲ ዲዛ ኢሲ ጌታ ዳዌይ ቤቲዳሰ፤ ኢዛ ሁኔታ ቦላካ ላፑን ዛወዴቲ ዳቲሰ።

4 ኢዚ ባ ጎይናራ ሳሎ ጸሊንቲታ፤ ሄ ማጫሳዮ ዬሊሺን ኢዛ ዬሊዛ ናዛ ሚታናሰ ቆፒዳ ዳዌዚ ሄ ዬላናሰ ማቲዳ ማጫሳይሰ ሲንጎን ኤቁዳሰ።

5 ማጫሳዮካ ዳሬ ኡባ ቢራታ ጉፊራ ሃሪዛ ኦቲማ ና ዬላዱሰ፤ ናዚካ ፑዴ ጸላኮን ጸላ አልጋኮ ኤኬቲዳሰ።

6 ማጫሳዮካ ዲጌ ባዞ ቢታ ቤታዱሰ፤ ሄ ባዳ

1,260 ጋላሰ ጋካናሰ ቦንቸን ዳናሶ ጸሲ ካሴ ኢዚሰ ገገሲ ዎላዳሰ።

7 ሳሎ ቦላ ኦላይ ዳንዲዳሰ፤ ሚካሌይኔ ኢዛ ኪታንቻቲ ዳዌዛራ ኦሊቲዳ፡ ዳዌዚኔ ኢዛ ኪታንቻቲካ ዛሪዳ ሚካሌራኔ ኢዛ ኪታንቻታራ ኦሊቲዳ።

8 ጌዶ ኦቲን ዳዌዚኔ ኢዛ ኪታንቻቲ ጸኔቲዳ፤ ሃሳፌ ጉዬ ኢሰታሰ ሳሎን ዳናሶይ ቤቲቤና።

11:19 እጁ 8:5፤ 16:21 12:3 ዳኔ 7:7 12:4 ዳኔ 8:10 12:9 ሜዴ 3:1፤ ሉቃ 10:18 12:10 ኢዮ 1:9-11፤ ዛካ 3:1 12:5 ኢሳ 66:7፤ ማዛ 2:9 12:7 ዳኔ 10:13፤21፤ 12:1፤ የሁ 9 12:14 ዳኔ 7:25፤ 12:7 13:1 ዳኔ 7:3፤ እጁ 17:3፤7-12 13:2 ዳኔ 7:4-6

9 ሄ ጌታ ዳዌዚ ዲጌ ዬጌቲዳሰ፤ ኢዚካ ኩሚፋ ኦላሚዛ ባሌሊዛ ዳቡሎሳ ዎይኮ ጸላኤ ጌቲቲ ጸይጌቲዛ ቤኒ ዎዳ ሸሻዛ፤ ኢዚ ዲጌ ቢታ ቦላ ዬጌቲዳሰ፤ ኢዛ ኪታንቻቲካ ኢዛራ ኢሲፌ ዬጌቲዳ።

10 ሃሳፌ ጉዬ ኢሲ ጌታ ጌሪሲ ሳሎ፤ ሃዘገሺን ታ ሲያዲሰ፤ «ሄኮ ኦሴ ኦሻይ፡ ዎልቃይኔ ካዎቲሊካ ኦ ጎዳሰ ጌዲዳሰ፤ ማታይካ ኪርሰቶሳሰ ጌዲዳሰ። ኦ አሻታ ኦ ጎዳ ሲንጎን ጋላሲኔ ቃማ ሞቲዛ ኦ አሻታ ባልጋራይ ዲጌ ዬጌቲዳሰ።»

11 ኢሰቲ ዶርሳዛ ሱላኒኔ ባ ዮቲዳ ማርካቲፋ ቃላን ኢዛ ጸኒዳ፤ ኢሰቲ ባ ሼምፖሰ ሚሼቶንታ ዲሼ ባና ሃይቆሰ አላ አሚዳ።

12 ሃሳ ገሻሰ ሳሎቲኔ ኢሰታ ጌዶን ዲዛይቲ አንቲ ወሪካ ኡፋዬቲቲ፤ ኢዛሰ ጉላ ዎዳይ ኦቲዳይሳ ኤሪዳ ገሻሰ ዳቡሎሲ ጌታ ሃንቆራ ዲጌ አንቲኮ ዎቋዳ ገሻሰ ቢታሲኔ ኦባሰ ኦዬ ኦና! ኦዬ ኦና!»

13 ዳዌዚ ዲጌ ቢታ ቦላ ዬጌቲዳይሳ ቤኢዲ ኦቲማ ና ዬሊዳ ማጫሳዮ ጎዳሬሊዳሰ።

14 ማጫሳዮካ ባሰ ጌጌቲ ዲዛሶ ፒራቋዳ ዲጌ ባዞ ባና ማላ ኢዚሰ ጌታ ጎሌ ቁፌ ሚሳቲዛ ናምኡ ቁፌቲ አሚቲዳ፤ ኢዛ ሂን ዳዌዛ ሲንጎፌ ሃካዳ ሃሹ ላይሊኔ ባጋ ጋካናሰ ሎኦ ቦንቸን ናጌታዱሰ።

15 ሄ ማጫሳዮ ዲኦይ ኤኪ ባና ማላ ሸሻዚ ሻፋ ሃሌ ከና ሃሌ ባ ዶና፤ ጩቲዲ ኢዚ፤ ጉዬ ባጋራ ጉሲዳሰ።

16 ጌዶ ኦቲን ቢታያ ሄ ማጫሳዮ ማዳዱሰ፤ ባ ዶና ዶያዳኔ ሄ ዳዌዚ ጩቲዲ ጉሲዳ ሃላካ ጸንጸዱሰ።

17 ዳዌዚ ማጫሳይ ቦላ ሃንቁቲዳ ሃንኮ ኦቲዳ ኢዚ ዜሬላታራ ኦሊታናሰ ቢዳሰ፤ ኢሰቲካ ጸላ ኦዛዘታ ናገዛይታኔ ዬሱሳሰ ኦማኔቲዲ ማርካቲዛይታ።

18 ዳዌዚካ ኦባ ኦቻን ኦጩ ቦላ ኤቁዳሰ።

13

ናምኡ ዶኦታ

1 ሃሳፌ ጉዬ ኢሲ ዶኦይ ኦባፌ ኮዚሺን ቤያዲሰ፤ ኢዛሰ ታሙ ካጩይኔ ላፑን ሁኔይ ዳሰ፤ ካጩታ ቦላ ታሙ ዛወዴቲ ዳቲሰ፤ ሁኔታ ቦላ ጫሻ ሱንጎቲ ዳቲሰ።

2 ታ ቤኢዳ ዶኦዚ ማሄ ሚሳቲሰ፤ ኢዛ ቶሆይ ዶኦ ዛርቶ ቶሆ ሚሳቲሰ፤ ኢዛ ዶናይ ቃሴ ጋዎ ዶና ሚሳቲሰ፤ ዳዌዚ ባ ዎልቃ፡ ባ አልጋዛኔ ባ ጎዳቲፋካ ሄ ዶኦዛሰ አሚዳሰ።

3 ሄ ዶኦዛ ሁኔታ፤ ኢሳ ቦላ ዎቋዛ ማዳንላ ዲዛይሳ ታ ቤያዲሰ ሺን ኢዛ ሃይቆሰ ጋሊዛ ማዳንጎዛዚ ፓጺዳሰ፤ ኩሚፋ ኦላሚይ ማላሌቲዲ ሄ ዶኦዛ ካሊዳሰ።

4 ሄ ዶኦዛሰ ጎዳቲሊ አሚቲዳ ገሻሰ ኦሳይ ወሪካ ሄ ዳዌዛሰ ጎይኒዳሰ። «ሃይሳ ዶኦዛ ሚሳቲዛይ ኦኔ? ኢዛራ ኦሊታናሰ ዳንዳይዛይ ኦኔ?» ጌሼ ኢዛሰ ጎይኒዳሰ።

5 ኢዛሰ ኦቶራቲሊኔ ጫሻ ቃላ ሃሳይዛ ዶናይ አሚቲዳሰ፤ ኢዚ ኦይዱ ታማኔ ናምኡ ኦጊና ጋካናሰ ጎዳቲፋን ኦላና ማላ ኢዛሰ አሚቲዳሰ።

11:19 እጁ 8:5፤ 16:21 12:3 ዳኔ 7:7 12:4 ዳኔ 8:10 12:9 ሜዴ 3:1፤ ሉቃ 10:18 12:10 ኢዮ 1:9-11፤ ዛካ 3:1 12:5 ኢሳ 66:7፤ ማዛ 2:9 12:7 ዳኔ 10:13፤21፤ 12:1፤ የሁ 9 12:14 ዳኔ 7:25፤ 12:7 13:1 ዳኔ 7:3፤ እጁ 17:3፤7-12 13:2 ዳኔ 7:4-6

6 ጸላኔ ጸላ ሱንጠ፡ ኢዚ ዲዛሶዛኔ ሳሎን ዲዛይታ ጫሽ ኮይኪዳስ።

7 ኢዚ ጌሻታ ኦላና ማላኔ ጸናና ማላ ኢዛሰ ጎዳቲሉ ኢሜቲዳስ፤ ዲማ ዲማ ቆሞታኔ ዛርኬታ፡ ዲማ ዲማ ቃላን ሃሳይዛ ዳሬታ ኡባ ቦላ ኢዛሰ ጎዳቲሉ ኢሜቲዳስ።

8 አላሜይ ሜዴቶሶፕ ሃ ሲሚን ኢሰታ ሱንጠ ሹኩቲዳ ደርሳዛ ዳኦ ማጻፋን ጳጳሳንታ አላሜ ቦላ ዲዛ አሳይ ወሪካ ሄ ደአዛሰ ሆኪ ጎይናና።

9 ሃይሉ ዲዛይ ሲዮ!

10 «ዲኤታናሰ ዲዛዳይ ዲኤታና፤ ማሻን ሃይቃናሰ ዲዛዳይ ማሻን ሃይቃና፤» ሄሳ ጊዲዳ ጊሻሰ አማኒዛይታ ዳንዳያይኔ ኢሰታ አማኔቴሉ ኮሺዛይ ሃኒና።

11 ቃሴካ ሃራ ደአይ ቢታፌ ኬዚሺን ቤያዲሰ፤ ኢዛሰ ደርሳ ካጩ ማላ ናሞኡ ካጩይ ዳስ፤ ኢዚ ዳዌላ ሃሳዬሰ።

12 ኢዚ ካሴ ኮይሮ ደአዛ ኦላ ጌሊዲ ሄ ካሴይሳ ጎዳቲሉን ኦላሰ። ቢታያኔ ቢታይ ቦላ ዲዛይቲ ወሪካ ካሴ ኮይሮ ደአዛሰ ጎይናና ማላ ኦላዳስ፤ ሄ ደአዚ ቃሴ ካሴ ኢዛ ሃይቆሰ ጋላዛ ማዲንሳይ ፓጺዳ ኮይሮ ደአዛ።

13 ሄሲ ናሞአንላ ደአዚ ቃሴ አሳ ሲንጎን ታማ ሳሎፕ ዲጌ ዩጋና ጋካናሰ ጊታ ማላታታ ኦላዳስ።

14 ኢዚ ኮይሮ ደአዛ ሲንጎን ማላታ ኦላና ማላ ኢዛሰ ኢሜቲዳ ማላታ ጋሶን ቢታ ቦላ ዲዛ አሳ ኢዚ ባሌሉዳስ፤ ማሻን ማዲንጺዲ ፓጺዳ ደአዛ ቦንቸሰ ሚሰሌ ኦላና ማላ ቢታ ቦላ ዲዛ አሳ ወርሲ ኢዚ አዛዛና።

15 ናሞአንላ ደአዚ ኮይሮ ደአዛ ሚሰሌዛሰ ሹምፖ አማና ማላ ኢዛሰ ጎዳቲሉ ኢሜቲዳስ፤ ዳኦ ሹምፖ አማናሰ ኢዛሰ ጎዳቲሉ ኢሜቲዳ ሚሰሌዚ ሃሳያና ማላኔ ኢዛሰ ሆኪ ጎይናንታዳ ኢዚ ወርሲካ ዋጳና ማላሳ።

16 ናሞአንላ ደአዚ ጉላታ ጊዲን ዋይኮ ጊታታ ጊዲን፡ ዲሬታ ጊዲን ዋይኮ ማንቆታ ጊዲን፡ ጎዳታ ጊዲን፡ ዋይኮ አሽካራታ ጊዲን፡ ወሪካ ባ ኡሻቻ ኩሺን ዋይኮ ባ ሊጼ ቦላ ማላታ ዋልቃራ ዋላሳና።

17 ሄሳ ማላን ሄ ደአዛ ሱንጠ ኤሪሲዛ ዲማ ማላታይ ዋይኮ ኢዛ ሱንጠ ኢዛ ቦላ ጳጳሳንታ ቁጹሬይ ባይንዳዳይ ኦኒካ ጊያ ጌሊዲ ሻማናሲኔ ባይዛናሰ ዳንዳዬና።

18 ሄሳ ጊሻሰ አሲ ኤራ ጊዳናይ ሃኒና፤ ዋዚናራ ዲዛዳይ አኩኮ፤ ሄ ደአዛ ቁጹሬዚካ ሃይሳፌ ካሊ ዲዛይሳኮ፤ ሄሲካ ኡሱፑን ጳታኔ ኡሱፑን ታማኔ ኡሱፑና።

14

ደርሳዛኔ ጳታኔ ኦይዲ ታማኔ ኦይዲ ሺ አሰ

1 ሄሳፌ ጉዬ ሄኮ ሄ ደርሳዚ ጸዮኔ ዙማ ቦላ ኤቁዳይሳ ታ ቤያዲሰ፤ ኢዛ ሱንጠኔ ኢዛ አዋ ሱንጠ ኢሰታ ሊጼ ቦላ ጳጳሳንታ ጳታኔ ኦይዲ ታማኔ ኦይዲ ሺ አሳቲ ኢዛራ ኢሲፌ ዳቲሰ።

2 ሳሎፕ ዋልቃማ ፒሳ ሃሳ ጊሪሲኔ ዋልቃማ ዳዳ ጊሪሰ ሚሳቲዛ ጊሪሲካ ሲያዲሰ፤ ታኒ ሲዱዳ ጊሪሳይ

ዲሉ ሚሳቲዛ ባጋና ጌቲቲዛይሳ ዲጸን አሳይ ሲዱዛ ጊሪሳ ማላ ጊሪዛይሳ።

3 አልጋ ሲንጎንኔ ኦይዲ ደአታ ሲንጎን ጨማታ ሲንጎን ጳታኔ ኦይዲ ታማኔ ኦይዲ ሺ አሳይ ኦራላ ማዛሙራ ዩጺዳስ፤ ሄ ዩላዛካ ዳራ ጋርሳፌ ደሬቲዳ ጳታኔ ኦይዲ ታማኔ ኦይዲ ሺ አሳፕ አቲን ሃራይ ኦኒካ ኢዛ ታማራናሰ ዳንዳይቤና።

4 ሄይቲ ማሻንታይታ ጊዲዳ ጊሻሰ ኢሰቲ ማጫራ አቁዲ ቱንቤቴና፤ ኢሰቲ ደርሳይ ቢዛሶ ኢዛ ካሌቴሰ፤ ኢሰቲ ጳሳሲኔ ኢዛ ደርሳዛሰ አሳ ጋርሳፌ ጸራ ካላ ማላ ሸቁዳይታ።

5 ኢሰቲ ዋርዶ ሃሳያ ኤሬቴና፤ ዋሶይካ ኢሰታ ቦላ ባ።

ጸሳ ፒርዳ ኤሪሲዛ ሄቹ ኪታንቻታ

6 ሄሳፌ ጉዬ ቢታ ቦላ ዲዛ ዲማ ዲማ ቃላን ሃሳይዛ ዲማ ዲማ ዳሬታሰ፡ ዛርኬታሰ፡ ቆሞታሰ፡ ኡባሰ የታናሰ ሜርና ሚሺራቸ ቃላ ኦይኪዳ ሃራ ኢሲ ኪታንቻይ ሳሎ ቦላ ፒራዲሺን ታ ቤያዲሰ።

7 ኢዚካ ባ ቃላ ቶቁ ሂሰቲዲ፡ «ጳሳሰ ባቢቴኔ ኢዛ ቦንቸቴ፤ ኢዛ ፒርዳ ዋይይ ጋኪዳስ፤ ሳሎኔ ሳኦ፡ አባኔ ሃላ፡ ፑልቶታካ ሜዲዳ ጳሳሰ ጎይኒቴ» ጊዳሰ።

8 ሃራ ናሞአንላ ኪታንቻይ ቃሴ፡ «ዳሬዛ ወርሳ ማላሲዛ ላይማ ዋይኔ ጫጃ ኡሺዳ ማጫሳያ ሄናካ ዋጋ ጊታ ባቢሎና ኩንዳዲሰ! ኩንዳዲሰ!» ጊሼ ኮይሮ ኪታንቻዛ ካሊዳሰ።

9 ሃራይ ሄቻንላ ኪታንቻይ ቃሴ ጊታ ቶቃ ቃላን ሂዘጊሼ ኢሰታ ካሊዳሰ፤ «ሄ ደአዛሲኔ ኢዛ ሚሰሌዛሰ ጎይኒዛይቲኔ ባ ሊጼ ቦላ ዋይኮ ባ ኩሺ ቦላ ዋላዛይቲ ወሪካ።

10 ጳሳ ሃንቆ ዋይኔ ጫጃዛ ኡያና፤ ሄሲካ ሄ ዋይኔ ጫጃዚ ሃራራ ዋላኩቶንታ ኢዛ ሃንቆ ጸአፕ ዲቁቲዳይሳ፤ ሄሳዳካ ሃንኮ ጌሻ ኪታንቻታ ሲንጎንኔ ደርሳዛ ሲንጎን ታማኒኔ ዲኔ ታማን ጸጌታና።

11 ኢሰቲ ኢዛን ጸጌቲዛ ታማፕ ኬዚዛ ጨዋዚ ሜሪፕ ሜርናሰ ፑዳ ኬዚሹ ዳና፤ ሄ ደአዛሲኔ ኢዛ ሚሰሌዛሰ ጎይኒዛይቲ ዋይኮ ኢዛ ሱንጠ ማላታ ባ ቦላ ዋላዳይቲ ወሪካ ዋንታኒኔ ቃማን ኢሰታሰ ሹምፖይ ዳና።»

12 ጳሳ አዛዙ ናጊዛይታፕኔ ዩሱሳ ሚኒ አማኒዳ ጌሻታፕ ኮይቲዛ ዳንዳያይ ሃኒንኮ።

13 ታኒ ሳሎፕ ሂዘጊዛ ቃላ ሲያዲሰ፤ «ሃይሳፌ ጉዬ ጎዳ ዩሱሳይታ ጊዲዳ ሃይቃናይቲ ኢሰቲ አንጃቲዳይታ።» ጸሎ አያናይካ፡ «ኤ፡ ኢሰቲ ባ ዳቡርሳፌ ሹምፓና ማላ ኢሰታ ኦሶይ ኢሰታ ካላና» ጌሰ።

ቢታ ቦላ ጎዳ ሃንቆ

14 ሄሳፌ ጉዬ ታ ጸሊሺን ታሰ ቦላ ሻራይ ቤቲዳስ፤ ሄ ሻራ ቦላ አሳ ና ሚሳቲዛይ ኡቲዳስ፤ ኢዚ ባ ሁኤ ቦላ ዋርቃ አኪሊሌ ዋላዳሰ፤ ባ ኩሺንካ ቃራ ባጫ ኦይኪዳሰ።

15 ሃራ ኪታንቻይ ጳሳ ኬላፌ ኬዚዲ ሻራ ቦላ ኡቲዳይሳሰ ቶቃ ቃላራ፡ «ቢታ ቦላ ቦኔይ ጋኪዳሰ! ካላይ ጫኬቲዛ ሳቲይ ማቲዳሰ» ጊሼ ዋሲዳሰ።

13:7 ዳኔ 7:21 13:8 ማዛ 69:28 13:10 ኤር 15:2፤ 43:11 14:8 ኢሳ 21:9፤ ኤር 51:8፤ እጅ 18:2 14:10 ኢሳ 51:17፤ ሜዳ 19:24፤ ሄዚ 38:22 14:11 ኢሳ 34:10 14:14 ዳኔ 7:13 14:15 እዩ 3:13

16 ሃ ሻራ ቦላ ኡተዳይሲ ባጫዛ ዱጌ ቢታ ቦላ ዩዲዳሰ፤ ቢታይካ ጫኬተዳሰ።

17 ቃሴ ሃራ ከታንቻይ ቦላ ሳሎን ዲዛ ጸሳ ከጻፈ ከዚዳሰ፤ ኢዚካ ቃራ ባጫ ባ ኩሼን ኦይኪዳሰ።

18 ታማ ቦላ ኢዛሰ ጎዳቴሌ ዲዛ ሃራ ከታንቻይ ያርሾ ኢዛ ቦላ ሺሺዛሶዛ አቻፊ ከዚዲ ሄ ቃራ ባጫ ኦይኪዳ ከታንቻዛሰ። «ሚላ አይፊይ ካጺዳ ገሻሰ ኔኒ ሃኢ ኔ ቃራ ባጫዛ ዩዳዳ ዎይኔ ሚላ አይፊዛ ወርሳ ጫካዳ ቢታፊ ሺሻ» ገዲ ገታ ቃላን ዋሲዳሰ።

19 ከታንቻዚካ ባጫዛ ዱጌ ቢታ ቦላ ዩዲዳ ቢታን ዲዛ ዎይኔ ሚላ አይፊዛ ጫኪዲ ጸሳ ሃንቆይ ኢዛን ቆንጨዛ ዎይኔ አይፊ ኢዛን ጉምኢዛ ዎጋ ኦላን ዩገዳሰ።

20 ካታማፔ ካሬ ባጋራ ዲዛ ዎይኔ ሚላ አይፊ ጉምኢዛሶሆን ጉምኢተዳሰ፤ ሄ ጉምኢዛሶሆዛፔካ ቢታፊ ቶቃቴሌ ፓራ ቢዳላ ጋካናሲኔ ኢሲ ሺያኔ ኡሱፑን ጾት ከሎ ሜተሬ ገዲዛሶ ጋካናሰ ሱሌ ሻገዳሰ።

15

ወርሴላ ቦሻታ ኦይኪዳ ከታንቻታ

1 ታኒ ሃራ ዎልቃማ ማላታ ሳሎ ቦላ ቤያዲሰ፤ ጸሳ ሃንቆይ ኢሰታን ፖሌታናሰ ወርሴላ ገዲዳ ላፑን ቦሻታ ኦይኪዳ ላፑን ከታንቻታ ቤያዲሰ።

2 ሃሳፌ ጉዬ ታማራ ዋላኬተዳ ማሰቶቴ ኣባ ሚሳተዛ ሚሽ ቤያዲሰ፤ ሃሳላካ ሄ ዶኣዛኔ ኢዛ ሚሰሌዛ ኢዛ ሱንሳ ቁጵሬዛ ማላታ ጸኒዳይታ ቤያዲሰ፤ ጸሲ ኢሰታሰ ኢሚዳ ዲላ ማላ ባጋና ጌቴተዛይሳ ኦይኪዲ ማሰቶቴ ሚሳተዛ ኣባ ኣቻን ኤቁዳ።

3 ጸሳ ኦሳንቻ ሙሴ ዩሌኔ ዶርሳዛ ማዛሙሬ፡ «ኡባ ዳንዳይዛ ጎዳ ጸሶ!

ኔ ኦሶይ ገታኔ ማላሊሲዛዛ፤

ዳሬ ካዎዞ!*

ኔ ኦጌይ ሊኬኔ ቱማ።

4 ጎዳ፡ ኔሰ ባቦንታ ኣሲኔ

ኔ ሱንሳ ቦንቻንታ ኣሲ ኦኔ?

ኔኒ ኔርካ ጌሻ፤

ኔ ቱማ ፐርዳይ

ቆንጨዳ ገሻሰ

ዳሬተ ወሪ ዩዲ

ኔ ሰንሳን ኔሰ ጎይናና»

ገ ዩዲዳ።

5 ሃሳፌ ጉዬ ታ ዛራ ጸሊሺን ካሴ ማርካቴላ ዲንካኔ ገዲዳይሲ ጸሳ ከሌ ሳሎን ዶዬተዳሰ።

6 ላፑን ቦሻታ ኦይኪዳ ላፑን ከታንቻታ ጸሳ ከጻፈ ከዚዳ፤ ኢሰታ ጌሽ ገዲዲ ጸልቁዛ ቦላ ማይኦ ማይኢዳ፤ ዎርቃፊ ኦሴተዳ ዳንጮ ማላ ማይኦ ቲራ ቦላ ቃቸዳ።

7 ኦይዲ ዶኣታፔ ኢሶይ ላፑን ከታንቻታሰ ሜርናፔ ሜርናሰ ዲዛ ጸሳ ሃንቆይ ኢሰታን ኩሚ ኡተዳ ላፑን ዎርቃ ዶኣታ ኢሚዳሰ።

8 ጸሳ ከላይካ ጸሳ ቦንቻፊኔ ኢዛ ዎልቃፊ ዳንዲዳይሳን ጩዎይ ኢዛን ኩሚዳሰ፤ ላፑን ከታንቻታ ባ ኩሼን ኦይኪዳ ላፑን ቦሻታ ፖሌታና ጋካናሰ ኦኒካ ጸሳ ከላ ገላናሰ ዳንዳይቤና።

16

ጸሳ ሃንቆራ ዲዛ ጶኣታ

1 ሃሳፌ ጉዬ ላፑን ከታንቻታ፡ «ኢንቴ ቢዲ ጸሳ ሃንቆ ኦይኪዳ ላፑን ጶኣታ ዱጌ ቢታ ቦላ ጉሲቴ!» ገዛ ገታ ቃላይ ጸሳ ከጻፈ ከዚሺን ታ ሲያዲሰ።

2 ኮይሮ ከታንቻዚ ቢዲ ጶኣታ ቢታ ቦላ ጉሲዳሰ፤ ዶኣዛ ማላታይ ኢሰታ ቦላኔ ሄ ዶኣዛ ሚሰሌሰ ጎይኒዛይታ ቦላ ኢታ ዋዩሲዛ ማዲንላ ከዚዳሰ።

3 ናምኣንሎ ከታንቻዚ ጶኣታ ኣባ ቦላ ጉሲዳሰ፤ ኣባይካ ሃይቁዳ ኣሳ ሱላ ማላ ገዲዳሰ፤ ኣባ ገዲን ሽምፖራ ዲዛይተ ወሪካ ሃይቁዳ።

4 ሃሻንሎ ከታንቻይ ባ ጶኣታ ሻፋታ ቦላኔ ፑልቶ ሃላታ ቦላ ጉሲዳሰ፤ ኢሰታካ ሱላ ገዲዳ።

5 ሃላ ቦላ ኢዛሰ ጎዳቴሌ ዲዛ ከታንቻዚ፡ «ካሴካ ሃኢካ ዲዛ ጌሻ ጎዳ! ኔኒ ሃሳላ ፐርዲዳ ገሻሰ ኔኒ ቱማንቻ።

6 ኣሳይ ካሴ ኣማኒዛይታ ሱሌኔ ናቤታ ሱላ ጉሲዳ ገሻሰ ኔ ኢሰታ ሱላ ኡሻዳሳ፤ ሄሲካ ኢሰታሰ ቤሴሰ»

7 ያርሾ ያርሽዛሶዛፔ፡ «ኤ ወርሳ ዳንዳይዛ ጎዳ ጸሶ! ኔ ፐርዳተ ወሪካ ቱማኔ ሊኬ» ገዛ ቃላ ሲያዲሰ።

8 ኦይዳንሎ ከታንቻዚ ባ ጶኣታ ኣርሼ ቦላ ጉሲዳሰ፤ ኣርሼይካ ኣሳ ባ ሱላን ጶጋና ማላ ኣርሼሰ ዎልቃይ ኢሚተዳሰ።

9 ኣሳይካ ዎልቃማ ሱላን ጶጌተዳሰ፤ ሄ ቦሻታ ቦላ ሽኔይ ኢዛሰ ዲዛ ጸሳ ሱንሳ ኣሳይ ጫዩዳሰ ኣቲን ማርቴላን ጌሊቤናኔ ኢዛካ ቦንቻቤና።

10 ኢቻሻንሎ ከታንቻይ ባ ጶኣታ ዶኣዛ ኣልጋ ቦላ ጉሲዳሰ፤ ሄ ዶኣዛ ካዎቴሌ ቶሚዳሰ፤ ኣሳይ ዎዩዛፔ ዳንዲዳይሳን ባርካ ባ ኢንጸርሰ ጋርጨዳሰ።

11 ኢሰታ ገዲኮ ሄ ማዲንላ ሳኮዛፔ ዳንዲዳይሳን ሳሎ ጸሳ ቃንገዳ ኣቲን ማርቴላን ጌሊቤቴና።

12 ኡሱፑንሎ ከታንቻይ ቃሴ ባ ጶኣታ ዎጋ ኤፊራዲሴ ሻፋን ጉሲዳሰ፤ ኣርሼይ ሞኪዛ ባጋፊ ያና ካዎታሰ ኦጌ ገሊሳና ማላ ሻፋዚ ማሊዳሰ።

13 ሄ ዳዌዛ ዶናፔኔ ሄ ዶኣዛ ዶናፔ፡ ዎርዶ ናቤዛ ዶናፔ ኦቃርሰ ሚሳተዛ ሃሹ ቱና ኣያናቴ ከዚሺን ታ ቤያዲሰ።

14 ሃይተ ማላታታ ኦሊዛ ዳይዳንላ ኣያናታ። ሃይተ ኣያናቴ ኡባ ዳንዳይዛ ጎዳ ገታ ጋላሰ ሃናና ኦላሰ ኣሳ ሺሻናሰ ኣላሚ ካዎቲ ዲዛሰ ኡባ ባና።

15 «ሄኮ ታኒ ካይሶ ማላ ቆፖንታ ጋካ ዎሳና፤ ኢዚ ካሎተን ኣሳይ ኢዛ ካሎቴላ ቤኦንታ ማላ ቤገዲ ባ ማይኦ ናገዛ ኣሲ ጋላቴተዳዳ!»

16 ኣያናቴካ ካዎታ ኢብራዌ ኣሳ ቃላራ፡ «ኣርማጌዶኔ» ጌቴተዛሶ ሺሺዳ።

14:20 ኣሳ 63:3፤ ኤር ዚላ 1:15፤ እጅ 19:15 * 15:3 ዳሬ ካዎዞ፡ ዳሬ ካዎዞ ገዛይሳ ኢሲ ኢሲ ቢርሼላቴ ዎይታ ካዎዞ ጌቴሰ።
15:3 ከሳ 15:1 15:4 ኤር 10:7፤ ማዛ 86:9 15:5 ከሳ 38:21 15:8 ከሳ 40:34፤ 1ካዎ 8:10-11፤ 2ታሪ 5:11-14፤ ኣሳ 6:4
16:2 ከሳ 9:10 16:15 ማቶ 24:43-44፤ ሉቃ 12:39-40፤ እጅ 3:3 16:16 2ካዎ 23:29፤ ዛካ 12:11

17 ላፑንላ ከታንቻዚ ባ ጸ-አዛ ጫርኮ ቦላ ጉሲዳሰ፤ ጸሳ ከላ ገደን ዲዛ አልጋዛ፤ «ፖሊቲዳሰ» ገዛ ዋልቃማ ቃላይ ከዚዳሰ።

18 ዋልቃንላ፣ ዳዳ ገሪሰኔ ጉጉንላ፣ ገታ ቢታ ቃላ ሃኒዳሰ። እሲ ቢታ ቦላ ሜዴቶሶፕ ሃኖ ጋካናሰ ሄሳ ማላይ ቢታ ቦላ ሃኒ ኤሬና።

19 ዋጋ ካታማያ ሄቸ ከዛ ሻኬታ ዋዳዲሰ፤ አይዛቤታ ካታማቲ ላሌቲዳ ጸሲ ዋጋ ካታማኖ ባቢሎኔ ዛሪ ቆፒዳሰ፤ ሚኖ ሃንቆ ጸ-አን ኩሚ አቲዳ ዋይኔ ጫጃ ኡቩ ኡያና ማላ ኦሊዳሰ።

20 አባ ገደን ዲዛ ዳሬቲ ዉሪካ ባቃቲዳ፤ ዙማቲካ ቤቲቤቲና።

21 እሲ እሲ ሻቺ ኦይዳ ታማኔ ኢቻቩ ከሎ ገዲዛ ሻቺ ሳሎፕ ዱጌ አሳ ቦላ ዋዳዲሰ፤ ቦሻዚ ዳሮ ኢታ ገዲዳ ገሻሰ አሳይ ሄ ሻቻ ቦሻ ጋሶን ጸሳ ጫዬዳሰ።

17

ላይማን ኤሬቲዳ ማጫሳየን ደአዛ

1 ላፑን ጸ-አታ ባ ኩቩን ኦይኪዳ ላፑን ከታንቻታፕ ኢሶይ ሃ ታኮ ዩዲ ታሰ። «ሃ ያ፤ ዳሮ ሃላታ ቦላ ኡቲዳ ሄ ኢታ ላይማ ማጫሳይ ቦላ ጋኪዛ ፒርዳ ታ ኔና ቤሳና።

2 ቢታ ቦላ ዲዛ ካዋቲ ዉሪካ ኢዚራ ላይማቲዳ፤ ቢታ ቦላ ዲዛ አሳይካ ኢዚ ላይማቴላ ዋይኔ ጫጃን ማላቲዳሰ» ገዳሰ።

3 ሃሳፌ ጉዬ ከታንቻዚ ታና አያናን ዲጌ ባዘ ቢታ ኤሬዳሰ፤ ኢዛ አሳቴላዚ ኩሜል ጫሻ ሱንላን ጸፊቲዳ ላፑን ሁኤቲኔ ታሙ ካጩቲ ዲዛ ኢሲ ዘኦ ደአዛ ቦላ ኡቲዳ እሲ ማጫሳየን ቤያዲሰ።

4 ሄ ማጫሳያ ጋላልኦ ማላ ማይኦኔ ዘኦ ማይኦ ማይኦዳሰ፤ ዋርቃን፣ ቦንቾ ሹቻኒኔ እንቁ ጌቴቲዛ አልኦ ሚሽ ማይኦዳ ጸላዉሰ፤ ኢዛ ባ ኩቩን ቃሴ ኢታ ሹኒዛ ሚሽኒ ባ ቱና ላይማቴላ ኢዛን ኩሚዳ ዋርቃ ጸ-አ ኦይካ ኡታዲሰ።

5 እዚ ሊጴ ቦላ፣ «ጸ-ራ፣ ላይማቲዳይታሰኔ ቢታ ቦላ ቱና ኦሊዳይታሰ አኖ ዋጋ ባቢሎኔ» ጌቴቲዛ ሱንላ ጸፊቲ ኡቲዳሰ።

6 ሄና ሄ ማጫሳያ ጌሻታ ሱላኒኔ ዬሱሳ ሱንላን ሃይቁዳ አሳ ሱላን ማላቲዳሮ ታኒ ቤያዲሰ፤ ታ ኢዘ ቤያዳ ዳሮ ማላሌታዲሰ።

7 ገደ አቲን ከታንቻዚ ገዲኮ ታና፣ «ኔ አዛሰ ማላሌታይ? ሃ ማጫሳያ ጸ-ራ ዮኦኔ ኢዛ ኢሰታ ቦላ ኡቲዳ ላፑን ሁኤታኔ ታሙ ካጩቲ ኢዛሰ ዲዛ ደአዛ ጸ-ራ ታ ኔሰ ቆንጨሳና።

8 ኔ ቤኒዳ ደአዚ ካሴካ ዲዛይሳኮ ሺን ሃኢ ዳና። ኢዚ ጉዬፕ ጪማ ኦላ ገደፊ ከዛናኔ ጌዴ ጳኖሶ ባና፤ አላማይ ማዴቶሶፕ ኢሰታ ሱንላ ዴኦ ማጻፋን ጸፊቶንታ ቢታ ቦላ ዲዛ አሳይ ሄ ደአዚ ካሴካ ዲዛይሳ ሃኢ ቃሴ ደንታይሳ ጉዬፕ ያናይሳ ገዲዳይሳ ቤኒዳ ማላሌታና።

9 «ዩሺ ቆፒዛ ኤራ እሲ ኮዬቲዛይ ሃኒና፤ ላፑን ሁኤቲ ሄ ማጫሳያ ኢሰታ ቦላ ኡቲዳ ላፑን ዙማታ፤ ሄይቲካ ላፑን ካዋታኮ።

10 ሄ ላፑን ካዋታፕ ኢቻሻቲ ኩንዲዳ፤ ኢሶይ ሃኢ ዳሰ። ሃንኮይሲ ቡሮ ዩቤና፤ ኢዚ ዩዲ ጉላ ዋዴ ታካናሰ ቤሴሰ።

11 አሰፑንላ ካዋዚ ካሴ ዲዛዴ ሺን ሃኢ ገዲኮ ባይንዳ ደአኮ፤ ኢዚ ላፑናታፕ ኢሳ፤ ኢዚካ ጌዴ ጳኖሶ ባና።

12 «ኔ ቤኒዳ ታሙ ካጩቲ ቡሮ ካዋቶንታ ታሙ ካዋታ፤ ገዲኮካ ኢሰቲ ሄ ደአዛራ ኢሲፌ ኢሲ ሳቴሰ ደአዛራ ካዋታናሰ ካዋቴላ ዋልቃ ዳማና።

13 ሄ ታሙ ካዋታሰ ኢሲ ቆፋይ ዳኦና፤ ኢሰቲ ባ ዋልቃኔ ባ ጎዳቲላ ሄ ደአዛሰ አላ አማና።

14 ኢሰቲ ደርሳዛ ቦላ ኦላ ዳንላና ሺን ደርሳዚ ጎዳታሰ ጎዳኔ ካዋታሰ ካዋ ገዲዳ ገሻሰ ኢዚ ኢሰታ ጸናና፤ ኢዛራ ዲዛይቲ ዴይጌቲዳይታ፣ ደሬቲዳይታኔ አማኔቲዳይታ» ገዳሰ።

15 ሄ ከታንቻዚካ ታሰ፣ «ሃ ላይማ ማጫሳያ ኢሰታ ቦላ ኡታ ዲሺን ኔኒ ቤኒዳ ሃላታ፣ ዳሬታ፣ አሳታ፣ ዳማ ዳማ ቆሞታ ቃሴካ ዳማ ዳማ ቃላን ሃሳይዳይታ።

16 ሄ ደአዚኔ ኔ ቤኒዳ ታሙ ካጩቲ ሄ ላይማ ማጫሳየ ኢጴቴሰ፤ ኢሰቲ ኢዘ ጳኖሶ ጋላና፤ ካሎ ሜላ አሻና፤ ኢሰቲ ኢዚ አሾ ማናኔ ኢዘ ታማንካ ጸ-ጋና።

17 ባ ቆፋ ፖላናሰ ሃይሳላ ኦላና ማላ ሄሳ ሄ ቆፋ ኢሰታ ዋዚናን ዋላዳይ ጸሳ፤ ሄሳ ገሻሰ ጸሳ ቃላይ ፖሊታና ጋካናሰ ኢሰቲ ቆፋን ኢሲኖ ገዳና፤ ባ ካዋቴላ ጎዳቴላካ ሄ ደአዛሰ አላ አማና።

18 ኔ ቤኒዳ ማጫሳያ ቢታ ካዋታፕ ቦላራ ካዋታና ዲዛ ዋጋ ገታ ካታማኖ» ገዳሰ።

18

ባቢሎኔ ኩንዳል

1 ሃሳፌ ጉዬ ጎዳቴላ ኢዛሰ ዲዛ ሃራ ከታንቻይ ሳሎፕ ዱጌ ዋዳሺን ቤያዲሰ፤ ኢዛ ቦንቾ ፖኦፕ ዴንዲዳይሳን ቢታይካ ፖኢዳሰ።

2 ኢዚ ጶቃ ቃላን፣ «ገታ ባቢሎና ኩንዳዲሰ! ኩንዳዲሰ! ኩንዳዲሰ! ዳይዳንላ ዲሳሶ ገዲዳሰ! ቱና አያናታሰ አቆሶ ገዲዳሰ! ሃራሲዛ ኢታ ካፎታሰ ሽሞፖሶ፣ ኢታኔ ሃራሲዛ ደአታሰካ አቆሶ ገዲዳሰ።

3 ዴሬ አሳ ዉርሳ ማላሲዛ ባ ላይማቴላ ዋይኔ ጫጃዛ ኡሻዲሰ፤ ቢታ ቦላ ዲዛ ካዋቲ ኢዚራ ላይማቲዳ፤ ቢታ ቦላ ዲዛ ዛልአንቻቲ ኢዚሰ ዲዛ ኢሻሎ ዲሳፌ ዴንዲዳይሳን ዳሮ ዳሬቲዳ» ገ ዋሲዳሰ።

4 ቃሴካ ሃራ ቃላይ ሳሎፕ፣ «ታ ዳሬቶ! እንቲ ኢዚራ ኢዚ ናጋራን ዙፕቶንታ ማላኔ ኢዘ ጋኪዛ ቦሻ እንቲ ኢዚራ ገሼቲ ኤኮንታ ማላ ኢዚፕ ሻኬቲ ከዚቲ።

5 ኢዚ ናጋራይ ደሬቲዳ ፑዴ ሳሎ ጋኪዳሰ፤ ጸሲካ ኢዚ ሞሮዛ አኬኪዳሰ።

16:18 እጅ 8:5፤ 11:13፣19 16:19 እሳ 51:17 16:20 እጅ 6:14 16:21 ከሳ 9:23-24፤ እጅ 11:19 17:1 ኤር 51:13
17:2 እሳ 23:17፤ ኤር 51:7 17:3 እጅ 13:1 17:4 ኤር 51:7 17:8 ዳኔ 7:7፤ እጅ 11:7፤ ማዛ 69:28 17:12 ዳኔ 7:24
18:2 እሳ 21:9፤ ኤር 51:8፤ እጅ 14:8፤ እሳ 13:21፤ ኤር 50:39 18:3 እሳ 23:17፤ ኤር 51:7 18:4 እሳ 48:20፤ ኤር 50:8፤
51:6፣45 18:5 ሜዴ 18:20-21፤ ኤር 51:9 18:6 ማዛ 137:8፤ ኤር 50:29

6 ኢዛ አሚዳሪ ገና ኢዚሰ ኩሼ ዛሪቲ፤ ኢዚ ኦሶ ገሻሰ ኢዚሰ ናምኡ ኩሼ ጨገቲ፤ ኢዚሰ ናምኡ ኩሼ ኢዚይሳፌ ኣሊ ዋላኪቲ።

7 ኢዛ ባሰ፡ ባ ቦንቸሲኔ ባሰ ገጋና ማላ አሞይሳ ገና ዋይኔ ሙዙቴላ ኢዚሰ አሚቲ፤ ኢዛ ባ ዋዚናራ፡ ታኒ ካዎ ማቺ ማላ ኡታዲሰ አቲን አምኢ ማላ ገዲኪ፤ ታና ሙዙቴላ ሙሌካ ጋኬና፡ ጋዳ ጨቁታወሰ።

8 ሃሳ ገሻሰ ኢዚ ቦላ ቦሻይ ወሪካ ኢሲ ጋላሰ ጋካና፤ ሃይቆይ፡ ሙዙቴላኔ ጋፋይ ኢዞ ጋካና፤ ኢዛ ታማን ጸጌታና፤ ኢዚ ቦላ ፐርዲዛ ጎዳይ ጸሲ ኢዚ ሚኖ» ገሺን ታኒ ሲያዲሰ።

9 ኢዘራ ላይማቲሽ አሻሎ ዲሰ ዳዩዳ ሃ ቢታ ካዎቲ ኢዛ ጸጌቲሽን ጨዋቲዛ ጨዋ ቤኢዲ ኢዚ ገሻሰ ዋሲዲ ዩካና።

10 ኢዚ ዋዩዛሰ ባቢዳ ገሻሰ ሃሆን ኤቁዲ፡ «ሃኔ ገታ ካታማዩ! ሃኔ ሚኖ ካታማዩ ባቢሎን! ኔ ፐርዲይ ሜጺ ኢሲ ሳቲ ገደን ዩዳ ገሻሰ ኔሰ አዩ አና! አዩ አና!» ጋና።

11 ሃይሳፌ ጉዩ ኢሰታ ማርካቤን ጫኔቲዳይሳ ሻሚዛ አሲ ባይንዳ ገሻሰ ቢታ ቦላ ዲዛ ዛልኣንቻቲ ኢዚሰ ዩካናኔ ካዮታና።

12 ኢሰታ ማርካቤን ጫኔቲዳይ ዋርቃ፡ ቢራ፡ አልኦ ሹቶ፡ ኢንቁ፡ ሌኤ ማይኦ፡ ጋላልኦ ማላ ማይኦ፡ ሃሪ ጌቲቲዛ ማይኦ፡ ዘኦ ማይኦኔ ሎኦ ሳዎ ሳዋዛ ሚሳ ኡባ፡ ዳንጋርሳ ዛሊ፡ አልኦ ሚሳፌ፡ ጸርቁማላፐ ቢራታፔኔ ዋሊዎጆፌ ኦሴቲዳ ሚሽ ኡባ፡

13 ቃራፋ፡ ሳዎ፡ ሳዋዛ ሚሳ፡ ካርቤ፡ ኤጻኔ፡ ዋይኔ ጫጃ፡ ዋጋራ ዛይቲ፡ ጳሌ፡ ገሰቲ፡ ሚዝ፡ ደርሳታ፡ ፓራታ፡ ፓራ-ጋሪታ፡ አይሌታኔ ሃራ አሳታኮ።

14 ዛልኣንቻቲ፡ «ሃኔ ኔኒ አሞቲዳ ሎኦ ሚሻቲ ወሪካ ኔፔ ሃኪዲ፤ ኔ ሃርይኔ ኔ ጌጾይ ወሪካ ጳይዳሰ፤ ሃይሳፌ ጉዩ ኔኒ ሄይታንታ ሙሌካ ዛራ ዳማካ!» ጋና።

15 ሃይታንታ ወርሲ ሻሚ ሻሚዲ ዲሬቲዳ፤ ዛልኣንቻቲ ኢዚ ቦላ ጋኪዳ ዋዩዛሰ ባቢዲ ሃሆን ኤቃና፤ ዩኪሼኔ ሙዙቴሽ።

16 «ካሴ ሌኤ ማይኦኔ ጋላልኦ ማይኦ ቃሴካ ዘኦ ማይኦ ማይኢዛሪሰ፡ ዋርቃኒኔ ቦንቸ ሹቻን፡ ኢንቁንካ ጸሊዳ ገታ ካታማይሰ አዩ አና! አዩ አና!

17 ሃሳ ማላ ሃርይ ኢሲ ሳቲ ጋርሳን ጳይዳሰ» ጋና። ማርካቤ አዛዘዛይቲ ወሪ ማርካቤን ቢዛይቲ ወሪ ማርካቤ ገደን አሊዛይቲ ወሪካ አባ ገደን ዛልኣንቻቲ ወሪካ ሃሆን ኤቃና።

18 ኢዛ ጸጌቲሽን ጨዋቲዛ ጨዋዛ ቤኢዲ፡ «ሃኖ ሃ ገታ ካታማዮ ሚሳቲዛ ካታማይ ሃራይ አዋን ዳንዴ?» ገሺ ዋሲዲ።

19 ባ ሁኤን ጉዲላ ቆሊዲ ዩኪሼኔ ሙዙቴሽ፡ «አባ ቦላ ማርካቤይ ዲዛይቲ ወሪካ ኢዚ ሚሻን ዲሬቲዳይቲ፡ ሃና ገታ ካታማያ ኢሲ ሳቲ ገደን ሙሌራ ጳይዳ ገሻሰ ኢዚሰ አዩ አና! አዩ አና!» ገ ዋሲዲ።

20 ሳሎዞ! ኢዚ ጋሶን ኔ ኡፋይታ፤ ጸሲ ኢንቲ ገሻሰ ኢዚ ቦላ ፐርዲዳ ገሻሰ ኢንቲ ጌሻቲ፡ ሃዋሪቲኔ ናቤቲካ ኡፋይቲቲ።

21 ሃሳፌ ጉዩ ኢሲ ሚኖ ኪታንቻይ ዋልቃማ ዋጻ ሹቶ ሚሳቲዛ ኢሲ ሹቶ ዳንሊዲ፡ «ገታ ካታማያ ባቢሎና ሃሳጻካ ዋልቃራ ሱጌታዳ ኩንዳና፤ ሃይሳፌ ጉዩ ሙሌካ ቤቲኮ።

22 ዲሳ ሚሳቲዛ ባጋና ጌቲቲዛይሳ ሹጪዛይታኔ ማዛሙራ ዩጸዛይታ ዩላ ሱሱልኤ ሱሱልኤዛ አሳይኔ ዳንኬ ፑኒዛይታ ገሪሲ ናምኣንሎ ኔናን ሲዩቲና፤ ኩሼ ሂላቴሊ ዲዛ አይ አሲካ ሃይሳፌ ጉዩ ኔናን ቤቲና፤ ዋጻ ገሪሲ ሃይሳፌ ጉዩ ኔናን ሲዩቲና።

23 ታማ ፖኦይ ሃይሳፌ ጉዩ ኔናን ፖኤና፤ አዳይ ማጫ ሚሽራ ቃላይ ሃይሳፌ ጉዩ ኔናን ሴቲቲና፤ ኔ ዛልኣንቻቲ ካሴ አላሜን ኤሬቲዳይታ፤ ኔኒ ቃሴ አሳ ወርሳ ሙሬኖን ባሌላዳሳ።

24 «ኢዚ ገደን ናቤታ ሱንሊ፡ ጌሻታ ሱንሊኔ ቢታ ቦላ አሳ ኩሼን ሃይቁዳይታ ኡባታ ሱንሊ ቤቲዳሰ» ገሺ ዲጌ አባ ገደ ዩገዳሰ።

19

1 ሃሳፌ ጉዩ ዳር አሳ ቃላ ገሪሰ ሚሳቲዛ ገታ ቃላ ገሪሰ ሳሎፔ፡ «ሃሌ ሉያ! * አቶቴሊ፡ ቦንቸይ፡ ዋልቃይካ ኦ ጎዳሳ።

2 ኢዛ ፐርዲይ ቱማኔ አዳ፤ ኢዛ ቢታ ባ ላይማቲሳን ቲኒሲዳ ዋጋ ገታ ላይማኖ ኢዚ ባ ፐርዲን ቃጻይዳሰ፤ ኢዞ ቃጻይዲ ባ ኦሳንቻታ ሱላ ሃሎ ኬሲዳሰ» ገሺን ታ ሲያዲሰ።

3 ቃሴካ፡ «ሃሌ ሉያ፤ ኢዚፔ ኬዚዛ ጨዋይ ሜርናፔ ሜርና ጋካናሰ ፑዴ ጨዋቲሽ ዳኣና» ገሺ ዋሲዲ።

4 ናምኡ ታማኔ ኦይዲ ጨማቲኔ ኦይዲ ደኣቲ አልጋ ቦላ ኡቲዳ ጸሳሰ ጉፋኒዲ፡ «አሚን፡ ሃሌ ሉያ!» ገሺ ኢዛሰ ጎይኒዳ።

ደርሳዛ ሳርጌ ዲጊሳ

5 ሃሳፌ ጉዩ፡ «ኢዛሰ ያዩዛ ኢዛ ኦሳንቻቲ ወሪካ ጉላቲኔ ገታቲ ኦ ጎዳ ጋላቲቲ» ገዛ ቃላይ ኢዛ አልጋፌ ኬዚዳሰ።

6 ዳር አሳ ቃላ ገሪሰ ሚሳቲዛይ፡ ሻፋ ሃላ ገሪሰ ሚሳቲዛ ገሪሰ፡ ዋልቃማ ዳዳ ገሪሰ ሚሳቲዛ ገሪሰ፡ «ሃሌ ሉያ! ኡባ ዳንዳይዛ ጎዳይ ካዎቲሰ!

7 ደርሳዛ ሳርጌ ጋላሲ ጋኪዳ ገሻሲኔ ኢዛ ሚሽራያ ገጌታ ኡቲዳ ገሻሰ ሃ ዩቲ፤ አኔ ኡፋይሳን ኢዛ ቦንቸሰ።

8 ኢዛ ጸልቁቲዛ ጌሻ ሎኦ ማይኦ ማይኣና ማላ ኢዚሰ አሜቲዳሰ» ገሺን ሲያዲሰ፤ ሃ ሌኤ ማይኦዚ ጌሻታ ጸሎቴላ ኦሶ።

9 ሃሳፌ ኪታንቻዚ ታና፡ «ጌዴ ደርሳዛ ሳርጌሰ ጸይጌቲዳይቲ ኣንጃቲዳይታ ጋዳ ጸፋ» ገዳሰ፤ ካሌሊዲካ፡ «ሃይሲ ቱሙ ጸሳ ቃላ» ገዳሰ።

18:11 ሂዚ 27:31፡36 18:15 ሂዚ 27:31፡36 18:17 ኢሳ 23:14፤ ሂዚ 27:26-30 18:18 ሂዚ 27:32 18:19 ሂዚ 27:30-34
18:20 ዛሪ 32:43፤ ኤር 51:48 18:21 ኤር 51:63-64፤ ሂዚ 26:21 18:22 ኢሳ 24:8፤ ሂዚ 26:13 18:24 ኤር 51:49 * 19:1
ሃሌ ሉያ፡ ሃሌ ሉያ ቢርሽላይ ኢብራዊታ ቃላራ፡ «ጸሲ ጋላቲቶ» ጉሳ። 19:3 ኢሳ 34:10 19:5 ማዛ 115:13 19:6 ሂዚ 1:24፤ ማዛ
93:1፤ 97:1፤ 99:1 19:9 ማቶ 22:2-3

10 ታኒካ ሄ ኪታንቻዛስ ጎይናናስ ኢዛ ቶሆ ቦላ ጉፋናዲስ ሺን ኢዚ ታና። «እጋ! ሄሳሶ ኦሎፋ! ታኒካ ኔናራ ዩሱስ ኪርሰቶሳ ማርካቴላ ኦይኪዳ እሻታራ ኢሲፌ ኦሊዛዳ፤ ኔኒ ጸሳስ ጎይና! ዩሱሳ ማርካይ ቲንቢቲ ኣያና» ገደሰ።

ቦላ ፓራ ቶጊዳዴ

11 ሄሳፌ ጉዬ ሳሎይ ደዩቲዳይሳ ታ ቤያዲስ፤ ቃሴካ ቦላ ፓራካ ቤያዲስ፤ ሄ ፓራዛ ቶጊዳይሲ ኣማኔቲዳዴ ኩማንቻ ጌቴቲዛዳ፤ ኢዚ ቃሴ ቱማ ፐርዳሲ ኦሊቴሰ።

12 ኢዛ ኣይፌቲ ታማ ላጮ ሚሳቴቲስ፤ ኢዛ ሁኤ ቦላ ዳር ዛወዴቲ ዴቴስ፤ ኢዛፔ ኣቲን ሃራ ኣሲ ኦኒካ ኤርንታ ሱንላ ኢዛ ቦላ ጸፊቲ ኡቲዳስ።

13 ኢዚ ሱላን ማዴቲዳ ማይኦ ማይኤዳስ፤ ኢዛ ሱንላይ። «ጸሳ ቃላ» ጌቴቲስ።

14 ቦላ ፓራታ ቶጊዳ ቦሊኔ ጌሽ ጊዳዳ ሎኦ ማይኦ ማይኤዳ ሳሎ ኦላንቻቲ ኢዛ ካሊዳ።

15 ኣይዛቤታ ኢዛራ ቃንጸዛ ቃራ ማሻይ ኢዛ ደናፔ ኬኬስ፤ ኢዚ ኢስታ ቢራታ ጉፊራ ሃራና፤ ኢዚ ወርሲካ ዳንዳይዛ ጸሳ ሚዳ ሃንቆ ቆንጨሲዛ ዎይኔ ጫጃ ዩዲዛሶን ኢስታ ዩዳና።

16 ኢዛ ማይኦ ቦላኔ ኢዛ ዎዲራ ቦላ። «ኢዚ ካዎታስ ካዎ፣ ጎዳታስ ጎዳ» ገዛ ሱንላ ጸፊቲ ዳስ።

17 ሄሳፌ ጉዬ ኣርሼ ቦላ ኤቁዳ ኢሲ ኪታንቻ ቤያዲስ፤ ኢዚ ሳሎ ቦላ ፐራዲዛ ካፎታስ። «ዎጋ ጸሳ ዲጊሳ ማናስ ሃ ዩቴ! ሃ ሸቁቲ!

18 ካዎታ ኣሾ፣ ኦላንቻታ ኣዛዚዛይታ ኣሾ፣ ጎባ ኦላንቻታ ኣሾ፣ ፓራታ ኣሾኔ ፓራ ቶጊዛይታ ኣሾ፣ ጎዳታ ኣሾኔ ኢስታ ኣሸካራታ ኣሾ፣ ጉላ ናይታ ኣሾኔ ጨማ ኣሳታ ኣሾ ጊዳዳ ኣሳ ኡባ ኣሾ ሃ ዩዳ ሚቴ!» ጊሼ ገታ ቃላን ዋሲዳስ።

19 ሄሳሶካ ደኣዚኔ ቢታ ካዎቲ ኢስታ ኦላ ኣሳይካ ቦላ ፓራ ቶጊዳይሳራኔ ኢዛ ኦላ ኣሳራ ኦሊታናስ ሸቁዳይታ ቤያዲስ።

20 ጊደ ኣቲን ሄ ደኣዚ ኦይኬቲዳስ፤ ካሴ ኢዛራ ዳር ማላታ ኦሊዳ ዎርዶ ናቤዚካ ኢዛራ ኦይኬቲዳስ፤ ኢዚ ሄ ደኣዛ ማላታይ ኢስታ ቦላ ዲዛይታኔ ሄ ደኣዛ ሚሰሌዛስ ጎይኒዳይታኔ ገታ ማላታታ ኦሊ ኦሊዳ ኢስታ ባሌሊሽ ጋምኤዳስ፤ ሄይቲ ናምኣቲ ዲኔ ጌቴቲዛ ኤጸዛ ታማ ኣባን ሃይቆንታ ፓጸ ዲሽ ዩጌቲዳ።

21 ሃንኮ ኣቲዳይቲ ቃሴ ቦላ ፓራ ቶጊዳይሳ ደናፔ ኬዚዳ ማሻን ሃይቁዳ፤ ካፎቲካ ወሪ ኢስታ ኣሾዛ ሚ ካሊዳ።

20

ሺ ላይላ ካዎቲላ

1 ሄሳፌ ጉዬ ጨማ ኦላዛ ደይዛ ቁልፔኔ ገታ ሳንሳላታ ባ ኩሽን ኦይኪዳ ኪታንቻይ ሳሎፔ ዳጌ ዎዲሽን ታ ቤያዲስ።

2 ሄ ዳዌዛ ኦይኪዳ ሺ ላይላ ቃቺዳስ፤ ሄሲ ዳዌዚ ዳቡሎሳ ዎይኮ ጸላኤ ጌቴቲዛ ካሴ ቤኒ ሸሻዛ።

19:11 ሄዚ 1:1-3፤ ማዛ 96:13፤ ኢሳ 11:4 19:12 ዳኔ 10:6 19:15 ማዛ 2:9፤ ኢሳ 63:3፤ እዩ 3:13፤ ኣጁ 14:20 19:20 ኣጁ 13:1-18 20:2 ሜዴ 3:1 20:4 ዳኔ 7:9፤22 20:8 ሄዚ 38:2፤9፤15 20:11 ዳኔ 7:9-10 21:1 ኢሳ 65:17፤ 66:22፤ 2ጴጾ 3:13 21:2 ኢሳ 52:1፤ ኣጁ 3:12፤ ኢሳ 61:10

3 ሺ ላይላ ጋካናስ ኢዚ ካዎቲላታ ባሌላንታ ማላ ሄ ኪታንቻዚ ዳዌዛ ዳጌ ጨማ ኦላን ዩጊዳስ፤ ኢዛ ቦላ ጎርዲዲ ማታሜ ዎሊዳስ፤ ኢዚ ሄሳፌ ጉላ ዎዴስ ቢርሼታናስ ቤሴስ።

4 ሄሳፌ ጉዬ ታኒ ኣልጋታ ቤያዲስ፤ ሄ ኣልጋታ ቦላ ፐርዳ ፐርዳናስ ጎዳቴላ ኢስታስ ኣሜቲዳይቲ ኡቲዳይታ ቤያዲስ፤ ቃሴካ ዩሱሳ ጊሻሰ ኢስቲ ማርካቲዳ ጊሻሲኔ ጸሳ ቃላ ጊሻሰ ኢስታ ቆዴይ ቃንጸቲዳ ኣሳታ ሹምፖካ ቤያዲስ፤ ሄይታንታ ደኣዛሲኔ ኢዛ ሚሰሌዛስ ጎይኒቤቴና፤ ኢዛ ማላታካ ባ ሊጾ ቦላ ጊዳን ባ ኩሽ ቦላ ዎላንታይታ፤ ኢስቲ ሃይቆፔ ዳንዲዳ ኪርሰቶሳራ ኢሲፌ ሺ ላይላ ካዎቲዳ።

5 ሃንኮ ኣቲዳ ሃይቁላቲ ሺ ላይላይ ፖሌታና ጋካናስ ሃይቆፔ ዳንዲቤቴና፤ ሄሲካ ሃይቆፔ ኮይር ዳንላ።

6 ኮይር ዳንላን ዲዛይቲ ሄይቲ ኣንጃቲዳይታኔ ጌሻታ። ኢስታ ቦላ ናምኣንሎ ሃይቆስ ዎልቃይ ዳና፤ ኢስቲ ጸሳ ቁሴታኔ ኪርሰቶሳ ቁሴታ ጊዳና፤ ኢስቲ ኪርሰቶሳራ ሺ ላይላ ካዎታና።

ጸላኤ ጸኔቲላ

7 ሄ ሺ ላይላይ ፖሌቲዳ ማላ ጸላኤይ ባ ቃሼቲዳሶፔ ቢርሼታና።

8 ኣላሜ ቦላ ዲዛይቲ ሄይቲካ ጎጌኔ ማጎጌ ጌቴቲዛይታ ባሌላናሲኔ ኢስታ ኦላስ ኤኪ ባናስ ኬዛና፤ ሄይታንታ ቆዳይ ኣባ ኣቻን ዲዛ ኣጩ ማላ።

9 ኢስቲ ኩሜላ ቢታ ቦላ ላሌቲዲ ጌሻቲ ዲዛሶዮ ደሴቲዳ ካታማዮ ጊዳሊዳ ሺን ሳሎፔ ዎዲዳ ታማይ ኢስታ ዲፒ ሂሰቲ ጸጊዳስ።

10 ካሴ ኢስታ ባሌሊዳ ዳቡሎሲ ሄ ደኣዚኔ ዎርዶ ናቤዚ ዲዛሶይ ዲኔን ኤጸዛ ታማ ኣባ ጊዳን ዩጌቲዳ፤ ኢስቲ ሄን ቃማኔ ጋላስ ሜርናፔ ሜርና ጋካናስ ጸጌታና።

11 ሄሳፌ ጉዬ ኢሲ ገታ ቦላ ኣልጋኔ ሄ ኣልጋ ቦላ ኡቲዳይሳ ቤያዲስ፤ ቢታይኔ ሳሎይ ኢዛ ሲንሳፌ ባቃቲዳ ሺን ኢስቲ ቢዲ ጌላናሶይ ቤቲቤና።

12 ሄ ኣልጋዛ ሲንላን ሃይቁዳ ጨማታኔ ናቲላታ ቤያዲስ፤ ማጸፋቲካ ደዩቲዳ፤ ሃራ ዴኔ ማጸፋይካ ደዩቲዳስ፤ ሃይቁዳይቲካ ማጸፋታን ካሴ ጸፊቲ ዲዛ ባ ኦሶ ኦሶ ማላ ፐርዳ ኤኪዳ።

13 ኣባይካ ባ ጋርሳን ዲዛ ሃይቁላታ ኣሚዳስ፤ ሃይቆይኔ ዱፎይ ቃሴ ካሴ ሃይቁዳ ባ ጊዳን ዲዛይታ ኣሚዳ፤ ኢሲ ኢሲ ኣሲ ባ ኦሶ ኦሶ ማላ ፐርዳ ኤኪዳ።

14 ሃይቆይኔ ዱፎይ ታማ ኣባ ጊዳ ዩጌቲዳ፤ ሄ ታማ ኣባዚ ናምኣንሎ ሃይቆ።

15 ኢዛ ሱንላ ዴኔ ማጸፋን ጸፊቶንታይይ ወሪካ ታማ ኣባን ዩጌቲዳስ።

21

ኦራላ ሳሎኔ ኦራላ ሳኣ

1 ሄሳፌ ጉዬ ታኒ ኦራላ ሳሎኔ ኦራላ ሳኣ ቤያዲስ፤ ካሴ ሳሎይኔ ካሴ ሳኣይ ኣጂ ቢዳ፤ ሃይሳፌ ጉዬ ኣባይካ ዳና።

19:11 ሄዚ 1:1-3፤ ማዛ 96:13፤ ኢሳ 11:4 19:12 ዳኔ 10:6 19:15 ማዛ 2:9፤ ኢሳ 63:3፤ እዩ 3:13፤ ኣጁ 14:20 19:20 ኣጁ 13:1-18 20:2 ሜዴ 3:1 20:4 ዳኔ 7:9፤22 20:8 ሄዚ 38:2፤9፤15 20:11 ዳኔ 7:9-10 21:1 ኢሳ 65:17፤ 66:22፤ 2ጴጾ 3:13 21:2 ኢሳ 52:1፤ ኣጁ 3:12፤ ኢሳ 61:10

2 ገሻ ካታማያ ኦራላ ዩሩሳላሜይ ባ አዚናስ ገገቲዳ ሚሺራ ማላ ሎኦ ገገታዳ ሳሎ ጸሳ አቻፊ ዋዲሽን ታኒ ቤያዲስ።

3 አልጋዛ፣ «ሄኮ ጸሳ አቆሶይ አሳራ ዳስ፤ አዚ አስታራ ዳና፤ አስቲካ አዚ ዳሬታ ገዳና፤ ጸሲ ባ ቦንቸን አስታራ አሲፊ ገዳና፤ አዚ አስታ ጸሰ ገዳና።

4 አዚ አስታ አይፊፔ አፋንላ ኡባ ቁጫና፤ ካሴ ዋጋይ አዲዳ ገሻሰ ሃይቆይ ዋይኮ ሙዙቴላ ዋይኮ ዩሆይ ዋይኮ ዋይይ ሃይሳፊ ጉዬ ዳና» ገዛ ገታ ቃላይ ኬዚሽን ታኒ ሲያዲስ።

5 ሄ አልጋ ቦላ ኡቲዳይሲካ፣ «ሄኮ ታኒ ወርሳካ ኦራላ ኬሳና!» ገዳስ፤ ቃሴካ ታና፣ «ሃይሲ ቃላዚ አማኔቲዳ ቱሙ ገዳዱ ገሻሰ ኔ ሃይሳ ጸፋ!» ገዳስ።

6 ሃሳፊ ጉዬ ታስ፣ «ፖሌቲዳስ! አልፋይኔ አሜጋይ፤ ኮይሮይኔ ወርሴላ ታና፤ ሳሜቲዳዳስ ታኒ ዳኦ ፑልቶ ሃላ ሚሽ ቃንጸሊንታ አዛሰ ጮ ሚላ አማና።

7 ጸኒዳይይ ሃይሳ ላታና፤ ታኒካ አዛዳስ ጸሰ ገዳና፤ አዚካ ታስ ና ገዳና።

8 ገዳ ኣቲን ሃንኮ ባቦቲ፣ አስታሰ አማኔቶንታይቲ፣ ቱናቲ፣ አሳ ሸምፖ ዋዲዳይቲ፣ ላይማቲዳይቲ፣ ቢቲዳይቲ፣ ኤቃሰ ጎይኒዳይቲ፣ ዋርዶቲዳይቲ፣ ሄይታ ኡባታ ቃዳይ ዲኔን ኤጸዛ ታማ አባ ገደን ገዳና፤ ሄሲካ ናምኣንላ ሃይቆ» ገዳስ።

ኦራላ ዩሩሳላሜ

9 ወርሴላን ላቸን ቦሻቲ አስታን ኩሚዳ ላቸን ጸኦታ ኦይኪዳ ላቸን ኪታንቻታፔ አሶይ ታኮ ዪዲ ታና፣ «ሃ ያ! ታ ኔና ደርሳዛ ማቸዮ ሚሺራዮ ቤሳና» ገዳስ።

10 አዚ ታና አያናን አሲ ገታ ቶቃ ዙማ ቦላ ኬሲዲ ገሻ ካታማያ ኦራላ ዩሩሳላሜይ ጸሳ አቻፊ ሳሎፔ ዋዲዳር ቤሲዳስ።

11 አዛካ ጸሳ ቦንቸን ፖኢሳወሰ፤ አዚ ፖኦዛ ሎኤቴላ ቃሴ ኬሂ ቦንቸቲካ ሹቻ ማላኔ ቢሪሌ ማላ ገሻኔ አያሰጸዱ ገገቲካ አንቁ ማላ።

12 አዚሰ ታማኔ ናምኡ ፔንገታራ ዲዛ ገታ አዲሳ ገምቤይ ዳስ፤ ሄ ታማኔ ናምኡ ፔንገታን ታማኔ ናምኡ ኪታንቻቲ ኤቁዲ ናገቲስ፤ ሄ ፔንገታ ቦላ ታማኔ ናምኡ አሰራኤሌ ኮቻታ ሱንላ ጸፊቲ ዳስ።

13 አርሼይ ሞኪዛ ባጋራ ሄቸ ፔንገይ ዳስ፤ ፑዳሃ ባጋራ ሄቸ ፔንገይ ዳስ አርሼይ ወሊዛ ባጋራ ሄቸ ፔንገይ ዳስ።

14 ሄ ካታማይ ገምቤሰ ታማኔ ናምኡ ዋና ዮቻቲ ዳቲስ፤ ሄ ዮቻታ ቦላ ታማኔ ናምኡ ደርሳዛ ሃዋሬታ ሱንላ ጸፊቲ ኡቲዳስ።

15 ሃሳ ታሰ ዮቲዳ ኪታንቻዛሰ ሄ ካታማዮኔ አዚ ፔንገታ ቃሴካ ሄ ገምቤዛ አዛራ ዋዲዳ ዋርቃ ዛንገይ ዳስ።

16 ሄ ካታማይ አዲሳቴላኔ አሆቴላ ኦይዲ ባጋራካ አሲ ገና፤ ሄ ኪታንቻዚካ ካታማዮ ባ አዛራ ዋዲዳ ዋዲ ዛንገዛራ ዋዲን አዲሳቴላይ ታማኔ ናምኡ ሺ ኪሎ ሜቲሬ ማላ ገዲዳስ፤ አዚ ቶቃቴላኔ አሆቴላካ አዚ አዲሳቴላ ገና ገዲዳስ።

17 ኪታንቻዚ ገምቤዛ ዋዲዳስ፤ ሄ ኪታንቻዚ አዛራ ዋዲዳ ሚሻዚ ኤሬቲዳ ዋዲ ሚሻዚ ጸታኔ ኦይዲ ታማኔ ኦይዲ ሜቲሬ ማላ ገዲዳስ።

18 ሄ ገምቤዚ ገምቤቲዳይ አያሰጸዱ ገገቲካ ሹቻና፤ ሄ ካታማያካ ማሰቶቲ ማላ ገያ ኡቲዳ ገሻ ዋርቃፊ ኦሴታዲስ።

19 ሄ ካታማይሲ ዮቻ ሹቻይ ዲማ ዲማ አልኦ ሹቻን ሎኤ ገገዳስ፤ ኮይር ዮቻዚ አያሰጸዱ፣ ናምኣንላዚ ሲምፔሬ፣ ሄቸንላዚ ኬልቁዶኔ፣ ኦይዳንላዚ ማርገዳ።

20 አቻሻንላዚ ሳርዶንኪሴ፣ ኡሱፑንላዚ ሳርዲዮኔ፣ ላቸንላዚ ኪርሰቶሎቤ፣ ኦሰፑንላዚ ቢሪሌ፣ ኡዲፋንላዚ ቶጸዚዮኔ [ወራወሬ]፣ ታማንላዚ ኪሪሰጸራሲሴ፣ ታማኔ አሲንላዚ ያኪንቴ፣ ታማኔ ናምኣንላዚ አሜቲሰጸናሴ ገገቲካ ሹቻታ።

21 ሄ ታማኔ ናምኡ ፔንገቲካ ታማኔ ናምኡ አንቁታ፤ ፔንገቲ ወሪካ አሶይ አሶይ አሲ አንቁፊ ኦሴቲዳ ሄ ካታማይ ገደ ኦጌይ ማሰቶቲ ማላ ሃ ዛሪ ቤሲዛ ሙሩታ ዋርቃፊ ኦሴቲዳስ።

22 ኡባ ዳንዲይዛ ጎዳ ጸሲኔ ደርሳዚ አዚሰ ጸሳ ኬላ ገዲዳ ገሻሰ ሄ ካታማይ ገደን ሃራ ጸሳ ኬላ ቤያቤኬ።

23 ጸሳ ቦንቸይ አዚሰ ፖኢዛ ገሻሲኔ ደርሳዚ አዚ ፖኦ ገዲዳ ገሻሰ ሄ ካታማይሰ አርሼይ ዋይኮ ኣገረይ ፖኢሳናሰ ኮሼና።

24 ዳሬቲ አዚ ፖኦዛን ሲሜሬታና፤ ቢታ ካዋቲ ወሪካ ባ ቦንቸ አዚሰ ኤሃና።

25 ሄ ካታማይን ቃማይ ባይንዳ ገሻሰ አዚ ፔንገቲ አይ ዋዲካ ጎርዳቲቴና።

26 ሃራ ካዋታ ገታቴላኔ ቦንቸይ አዚሰ ያና።

27 ሃራሲዛ ሚሽ ሙሌካ ጌዳ አዚን ጌሌና፤ ቱናቴላ ኦላዚይቲኔ ዋርዶ ሃሳይዳይቲ ሙሌካ ሄ አዚኮ ጌሌቴና፤ ሄ አዚን ጌላናይታ ሱንላ ካሴ ሄ ደርሳዛ ዳኦ ማጸፋን ጸፊቲዳይታ ጸላ።

22

1 ሃሳፊ ጉዬ ሄ ኪታንቻዚ ጸሳ አልጋፊኔ ደርሳዛ አልጋፊ ኬዚዛ ማሰቶቲ ማላ ጸሎ ቂዢ ገዳ ዳኦ ሃላ ሻፋ ታና ቤሲዳስ።

2 ሄ ሻፋዚ ሄ ካታማይሰ ዋና ኦጌዛ ገደ አዳን ሻኪ ዩገዲ አዲ ቤሰ፤ ሄ ሻፋዛሰ ሃዲርሳ ባጋራኔ ኡሻቻ ባጋራ ኣገናን ኣገናን ፓጮይ ባይንዳ ላይላን ታማኔ ናምኡ ኣገና ኩሚላ ኣይፊዛ ዳኦ ሚላ ዳስ፤ ሄ ሚላ ሃይሳይ ዳሬ ፓላስ።

3 ሃሳፊ ጉዬ ቃንጌላ ሙሌካ ዳና፤ ጸሳ አልጋይኔ ደርሳዛ አልጋይ ሄ ካታማይን ዳና፤ አዚ ኦሳንቻቲ አዛሰ ጎይናና።

4 አሰቲ አዛ ኣይፊሶ ቤያና፤ አዚ ሱንላ አሰታ ሊጾ ቦላ ዳና።

5 ሃሳፊ ጉዬ ቃማይ ዳና፤ ጎዳ ጸሲ አሰታሰ ፖኢዛ ገሻሰ ታማ ፖኦይ ዋይኮ ኣርሼ ፖኦይ አሰታሰ ኮሼና፤ አሰቲ ማርናፔ ማርናሰ ካዋታና።

ዩሱሳሰ ናምኣንላ ዩሰ

21:3 ሄዚ 37:27፤ ለዌ 26:11-12 21:4 አሳ 25:8፤ 35:10፤ 65:19 21:6 አሳ 55:1 21:7 2ሳሜ 7:14፤ ማዛ 89:26-27
21:10 ሄዚ 40:1-2 21:15 ሄዚ 40:3 21:18 አሳ 54:11-12 21:23 አሳ 60:19-20 21:27 አሳ 52:1፤ ሄዚ 44:9

6 ሃሳፌ ጉዬ ከታንቻዚ ታሰ። «ሃይቲ ቃላት አማኔቲዳይታኔ ቱማታ፤ ናቤታ ሃሳይሰዛ ጎዳ ጸሲ ማታ ዋዴ ሃናናይሳ ባ ኦሳንቻታሰ ቆንጨሳናሰ ባ ከታንቻዛ ከቲዳሰ» ጊዳሰ።

7 ዬሱሲካ፣ «ሄኮ ታ ኤሶን ያና፤ ሃይሳ ማጻፋዛ ቲንቢቲ ቃላ ናጊዛዴይ ኢዚ አንጃቲዳዴ» ጊዳሰ።

8 ሃይታ ሃ የኦታ ሲዱዳይኔ ቤኢዳይ ታና የሃኒሳ፤ ታኒ ሃይታ ሃ የኦታ ሲዱዳ ዋዴኔ ቤኢዳ ዋዴ ሃይታ ሃ የኦታ ታና ቤሲዳ ከታንቻዛ ሲንፋን ኢዛሰ ጎይናሰ ሆካዳ ኢዛ ቶሆ ቦላ ኩንዳዲሰ።

9 ሄ ከታንቻዚ ቃሴ፣ «ሃይሶ አጋ! ሃይሳላ አሰፋ! ታኒካ ኔናራ ኔ አሻታራኔ ናቤታራ ቃሴካ ሃይሳ ማጻፋዛ ቃላ ፖሊዛ አሳታራ ኦሊዛዴ፤ ኔኒ ጸሳሰ ጸላ ጎይና» ጊዳሰ።

10 ቃሴካ፣ «ዋዴይ ማቲዳ ጊሻሰ ኔኒ ሃይሳ ማጻፋዛን ጸፊቲዳ ቲንቢቲ ቃላ ማታሜን ጎርዶፋ።

11 ሃይሳፌ ጉዬ ማካሊዛይ ጉጂ ማካሎ፣ ቱናይካ ቱኖ፣ ጸሎይካ ጸሊ ካሎ፣ ጌሻይካ ጌዮ» ጊዳሰ።

12 «ሄኮ! ታ ኤሶን ያና! ኢሳዴሰ ኢሳዴሰ ኢዛ አሶ ማላ ታ ኢዛሰ ኢዛሰ አማና ዋጋ ታኒ ታ ኩሼን ኦይካ ኡታዲሰ።

13 አልፋይኔ አሜጋይ፣ ሲንሉኔ ጉዬይ፣ ኮይርይኔ ወርሴላ ታና» ጊዳሰ።

14 ሄ ዴኦ ሚላ አይፌ ማናሲኔ ሄ ካታማዮ ኢዚ ፔንጌራ ጌላናሰ ቤሲዛይቲ ባ ማይኦ ሜጨዳይቲ

አንጃቲዳይታ።

15 ካና ማላ ጮ ሆሉ ሆሊዛይቲ፣ ቢታ ቢቲዛይቲ፣ ላይማቲዛይቲ፣ ሼምፖ ዋጂዛይቲ፣ ኤቃሰ ጎይኒዛይቲ፣ ዋርዶ ሲቁዛይቲኔ ዋርዶ ኦሊዛይቲ ወሪካ ሄ ካታማይፔ ካሬን አታና።

16 «ታኒ ዬሱሲ ሃይሳ አንቴሰ ማርካታና ማላ ታ ከታንቻዛ ዋሳ ኬሳታሰ ዬዳዲሰ፤ ታሰ ዬሌታ ዛርኬይኔ ቆሞይ ካሴ ዳዊቲኮ፤ ታኒ ፖኢሲዛ ዋንታ ጸሊንቲ።»

17 ጸሎ አያናይኔ ኢዛ ሚሺራያ፣ «ሃ ያ!» ጌቲሰ፤ ሄሳ ሲዱዛዴይካ፣ «ኔ ሃ ያ!» ጎ። ሳሜቲዳዴይካ ሃ ዮ፤ ኮዱዳዴይ ዴኦ ሃሌ አይኮ ዋጋካ ቃንጸንታ ጮ ሚላ ኡዮ።

18 ሄኮ ታኒ ሃይሳ ማጻፋዛን ጸፊቲዳ ቲንቢቲ ቃላ ሲዱዛይቲ ናጌታና ማላ የታይሰ። ኦኒካ ሃይሳ ሃ ቃላ ቦላ አይኮካ ጉጂኮ ሃይሳ ሃ ማጻፋዛን ጸፊቲዳ ቦሻታ ጸሲ ኢዛ ቦላ ጉጃና።

19 ኦኒካ ሃይሳ ቲንቢቲ ማጻፋን ጸፊቲዳ ቃላታፔ ኢሲኖካ ፓጨሲኮ ሃይሳ ሃ ማጻፋዛን የቲቲዳ ዴኦ ሚላ አይፌፔኔ ጌሻ ካታማይፔ ጸሲ ኢዛ ጊሻዛ ፓጨሳና።

20 ሃይታንታ ታ ማርካቲዛይሲ፣ «ታኒ አዳፌ ኤሶን ያና!» ጌሰ። አሚን! ጎዳ ዬሱሳ ሃ ያ።

21 ጎዳ ዬሱሳ ከያቴላ አንቴናራ ኡባታራ * ጊዶ። አሚን!

* 22:21 ኡባታራ፣ ኡባታራ ጊዛይሳ ኢሲ ኢሲ ጌሻ ማጻፋቲ «ኡባታራ» ጊሺን ሃራቲ ቃሴ «ጸሳ ዴሬታራ» ጌቲሰ። ቃሴካ «ጸሳ ዴሬ ኡባታራ» ጊዛይቲካ ዴቲሰ።